



Libri Doctoris Phisici
Francisci Simbolae
Laudoi

W. G. G.

Handwritten text in a cursive script, likely a signature or a short note, located in the upper right quadrant of the page. The text is written in dark ink and is somewhat faded and difficult to decipher due to the age and condition of the paper. It appears to be a signature, possibly reading "John D. [illegible]".

Collected by Michaelis
1789

Costaen los 3. tomos 6. reales) Vini solummodo quatuor
1789

Dr. Hieron. Saggan 1789 C.M.C.S.

**MICHAELIS
ETTMÜLLERI
OPERA OMNIA,
In tres Tomos divisa.**

Handwritten text at the top of the page, partially obscured by a dark smudge.

Handwritten text in the upper middle section, including the year 1797.

Handwritten signature or name in the middle section.

ETTMÜLLER
MICHAELIS
OPERA OMNIA

In tres Tomos divisa.

MICHAELIS
ET TMÜLLERI
PHILOS. ET MED. D.

Hujusque in Illust. Lipsiensi Accademia Profefs. Publ. & Practici,
dum viveret, longè felicissimi & celeberrimi,


OPERA OMNIA
MEDICO-PHYSICA, THEORETICA ET PRACTICA.

EDITIO POSTREMA,

Accuratissimè ad mentem Auctoris recognita, mendis omnibus castigata, ac prioribus Editioni-
bus duplo auctior, utpotè quæ omnes Auctoris Tractatus, Exercitationes, ac Collegia, ab
eodem tam publicè, quàm privatim habita, congruis in locis harmonicè connexa complecti-
tur, ut nihil amplius desiderari queat.

*Cum Indice locupletissimo ad calcem totius Operis.
in lib. Hieronymi Schlegelii M. D. Calandani*

TOMUS PRIMUS.



VENETIIS, MDCCXI.

Apud Michaellem Hertz.

SUPERIORUM PERMISSU, AC PRIVILEGIO.

MICHAELIS

RENTAL

PHILOS. ET MED. D.

Etiam vivet, longé felicium & celeberrim.
Hujusque in Illust. Lipsiens. Academia Prof. Publ. & Practici.

OPERA OMNIA

MEDICO-PHYSICA, THEORETICA ET PRACTICA.

[illegible]

La Libros H. Dr. plazzo Calaritarii medicorum collegii Socii. 1769.

nee non Prof. 1794

THE UNIVERSITY OF CHICAGO

T O M U S I R U M S

MEETINGS, MDCCLXXI.

Apollonius Molonibus lugA



SERIES MATERIARUM ET TRACTATUUM

In Primo hoc Tomo contentorum.

SYNOPSIS COLLEGII INSTITUTIONUM MEDICARUM IN THESES CONCINNATI

Ubi

1	P <i>Hyfiologia.</i>	Pag. 1
2	<i>Pathologia.</i>	13
3	<i>Hygiene & Therapensis.</i>	17

COLLEGII INSTITUTIONALIS DISCURSUS THEORETICO THERAPEUTICUS, ET PROLEGOMENA.

CAP. I.	D <i>E Medicina Ortu seu Natalitiis, Progressu, & Autoribus.</i>	Pag. 26
II.	<i>De Medicina Natura & Definitione.</i>	29
III.	<i>De Medicina Divisione.</i>	32

INSTITUTIONUM MEDICARUM

PRIMA PARS,

PHYSIOLOGIA,

CAP. I.	D <i>E Principiis Corporum Naturalium.</i>	32
II.	<i>De Corpore Humano, ejusque Principia vitali.</i>	49
III.	<i>De Nutritione & Auctione.</i>	60
IV.	<i>De Appetitu Animali, sive Fame & Siti.</i>	64
V.	<i>De Alimentorum Masticatione & Deglutatione.</i>	66
VI.	<i>De Chylificatione.</i>	69
VII.	<i>De Chyli in Intestinis alteratione, & fecum ex eo separatione.</i>	74
VIII.	<i>De Chyli secreti per intestina transcolatione, & ad alias partes distributione.</i>	76
IX.	<i>De Chyli in Sanguinem conversione, Sanguinisque Fermentatione.</i>	78
X.	<i>De Sanguinis ex corde ad quasvis partes corporis distributione, distributique usu.</i>	83
XI.	<i>De Pulmonum & Respirationis usu.</i>	86
XII.	<i>De usu Lienis.</i>	89
XIII.	<i>De Hepatis officio, & Bilis generatione.</i>	92
XIV.	<i>De Seri superflui, Salibus abundantibus impra- gnati, per Renes exclusione.</i>	94
XV.	<i>De motu Sanguinis ad Glandulas, earum usu, Lymphaeque ortu & natura.</i>	97
XVI.	<i>De motu Sanguinis ad corporis circumferentiam, factaque ibidem insensibili Transpiratione.</i>	100
XVII.	<i>De Sanguinis ad Cerebrum motu, Spirituumque Animalium generatione & officio.</i>	102

XVIII.	<i>De Sensibus Externis in genere.</i>	106
XIX.	<i>De Sensibus Externis in specie.</i>	108
	Membr. I. <i>De Visu.</i>	108
	Membr. II. <i>De Auditu.</i>	111
	Membr. III. <i>De Odoratu.</i>	113
	Membr. IV. <i>De Gustu.</i>	115
	Membr. V. <i>De Tactu.</i>	117
CAP. XX.	<i>De Sensibus Internis.</i>	118
XXI.	<i>De Motu Partium.</i>	121
XXII.	<i>De Sanguinis motu ad Testes, Seminisque ge- neratione.</i>	123
XXIII.	<i>De Conceptione, Foetusque formatione.</i>	131
XXIV.	<i>De Vita Foetus & Nutritione in Utero.</i>	124
XXV.	<i>De Partu.</i>	135

SECUNDA PARS.

PATHOLOGIA, CUM DIAGNOSI ET PROGNOSI.

CAP. I.	D <i>E Sanitate & Morbo, hujusque Subjecto.</i>	Pag. 137
II.	<i>De differentiis Morborum.</i>	139
III.	<i>De Causis Morborum & Symptomatum.</i>	161
IV.	<i>De Signis Morborum.</i>	175

TERTIA PARS,

HYGIENA.

CAP. UNIC.	D <i>E ratione conservandi Sanitatem.</i>	Pag. 193
------------	--	----------

QUARTA PARS.

THERAPEUTICA: CUI HARMONICE CONNEXUM COLLEGIUM THERAPEUTICUM.

CAP. I.	D <i>E Methodo medendi in genere.</i>	Pag. 196
II.	<i>De Remediis & Auxiliis Pharmaceuticis.</i>	202

HUMORUM CONTENTORUM VITIA.

SECT. I. DE HUMOROSARUM PARTIUM VITIIS CORRIGENDIS. Pag. 219

CAP. I. De quantitate Humorū imminuenda, & quidem de Plethora diminutione. 219

Class. I. De Sanguinis Evacuatione sensibili. 219

II. De Evacuatione Massæ Sanguineæ paulatinæ, 228

CAP. II. De Qualitatibus Humorū peccantibus in Quali, seu de Cacoehymia corrigenda. 233

Membr. I. De Alterantibus. 233

Class. I. De Alterantibus respectu vel Acidi, vel Alkali seu urinosi, vel Salsi. 234

II. De Alterantibus respectu effectus, Caloris scilicet, Frigoris, Humiditatis, & Siccitatis. 237

III. De Alterantibus respectu certarum Solidarum partium lassarum. 240

Membr. II. De Evacuantibus in genere. 255

Membr. III. De Evacuantibus in specie. 256

Art. I. De Vomitoriis. 256

II. De Catharticis seu Purgantibus propriè dictis per Alvum. 262

III. De diuresi seu Urinæ provocatione. 283

IV. De Sudoris evacuatione. 299

V. De Salivatione Universalis. 309

VI. De Evacuantibus Particularibus. 313

SECT. II. DE SPIRITUUM VITIIS CORRIGENDIS. 317

Class. I. Confortantia seu cordialia, item Analeptica. 318

II. De Corridentibus Spiritus. 320

III. De Spiritibus motu vitiatis corrigendis. 321

IV. De Curationibus Sympatheticis, Magneticis, & Transplantatoriis. 323

SECT. III. DE MORBIS PARTIUM SOLIDARUM CURANDIS. 339

SECT. IV. DE CAUSARUM MORBIFICARUM CURATIONE GENERALI. 339

SECT. V. DE SYMPTOMATUM URGENTIUM REMOTIONE GENERALI. 340

COLLEGIUM CHYMICUM.

PROOEMIUM. Pag. 341

SECT. I. DE REGNO MINERALI. 341

Lect. I. De Principiis Salinis Veterum. 341

II. De Principiis Salinis Modernorum. Ibid.

III. De Salibus Acidis. 342

IV. De Salibus Urinosi. Ibid.

V. De Sale Salso. 343

VI. De Sale Ammoniaco. Ibid.

VII. De Tartaro Vitriolato. 345

VIII. De Coagulatione. Ibid.

IX. De Congelatione sive crystallisatione. Ibid.

X. De Effervescentia. Ibid.

XI. De Fermentatione. 346

XII. De Simplicium quorundam Vegetabilium malignorum præparatione seu correctione Chymica. 347

XIII. De Salibus Mineralibus. 348

XIV. De Sale communi. 349

XV. De Sale Gemma. 350

XVI. De Nitro. Ibid.

XVII. De Solutionibus, Extractionibus, & ad has facientibus Menstruis. 352

XVIII. De Precipitatione. 354

XIX. De Calcinatione. 356

XX. De Vitriolo. Ibid.

XXI. De Acidulis naturalibus. 357

XXII. De Vitrioli præparatis. Ibid.

XXIII. De Alumine. 360

XXIV. De Sulphure. 361

XXV. De Sulphure communi Minerali. 362

XXVI. De Thermis. Ibid.

XXVII. De Sulphuris præparatis. 362

XXVIII. De Antimonio. 364

XXIX. De Tincturis. 372

XXX. De Mercurio. 373

XXXI. De Mercurio vulgari seu argento vivo. Ibid.

XXXII. De Cinnabari. 376

XXXIII. De Metallis in genere. 377

XXXIV. De Marte. 378

XXXV. De Venere. 390

XXXVI. De Saturno seu Plumbo. 391

XXXVII. De Jove seu Stanno. 393

XXXVIII. De Sole seu Auro. Ibid.

XXXIX. De Luna seu Argento. 396

XL. De Gemmis. 397

SECT. II. DE REGNO VEGETABILI.

Lect. I. De Vino & spiritu vini. 398

II. De Aceto Vini. 399

III. De Tartaro Vini. 400

IV. De Plantis earumque Virtutibus. 402

V. De Floribus. Ibid.

VI. De Lignis. 403

VII. De Seminibus. Ibid.

SECT. III. DE REGNO ANIMALI. Pag. 404

QUÆSTIONES de legitima Medicamentorum quorundam Præparatione. 406

De Non-entibus Chymicis. 407

EXERCITATIONES VARIE ACCADEMICÆ.

I. Collegium Privatum Pathologico-Disputatorium. Pag. 409.

II. Disputatio de Fermentatione. 417

III. Dissertatio de Chirurgia Transfusoria. 420

IV. Dissertationes Academica, Disputationis loco publice propositæ.

1 De Conjunctionibus Magnis. 442

2 Examen coralliorum Tincturæ. 447

3 De Morsu Vipera. 455

4 De Chirurgia Infusoria. 466

5 De Medicina Hippocratis Chymica. 486

6 Valetudinarium Infantile. 494

7 De Virtute Opii Diaphoretica. 513

8 De Precipitantium vero Usu & fero Abusu. 525

9 Idea præscribendarum Formularum. 552

V. Dissertationes Accademicæ à Dnn. Respondentibus elaboratæ, sub D. Ettmulleri præsidio publica Philiatricorum censura submissæ.

1 De Singularibus. Pag. 584

2 De dolore Hypochondriaco. 592

3 De Spermate Ceti. 600

4 De Medicis Balneis Artificialibus. 607

5 Respirationis Humanae Negotium. 614

6 De Malo Hypochondriaco. 646

7 De Epilepsia. 650

8 Parva Magnorum Morborum Initia. 657

9 De Temulentia. 669

10 De Corpulentia Nimia. 675

VI. Autoris Observationes binæ de Crinonibus & Sironibus. Pag. 687

VII. Eiusdem Programmata binæ Accademicæ. 688

PROLEGOMENA.

CASUS I. De Apepsia.	Pag. 694.
II. De Anorexia & cibi Fastidio.	695
III. De Pica à Scabie retropulsa.	697
IV. Chylosis laesa ex cruditate Nidiorosa cum soda.	699
V. Inflationis stomachi, cum levi Orthopnoea seu Asthmate, & cardialgia.	702
VI. De cardialgia, seu Spasmus orificii superioris Ventriculi à Fungis.	712
VII. De Alvi obstructione & imminente Ileum cum hemorrhoidibus apertis.	718
VIII. De diarrhoea Serosa ab errore externo.	720
IX. De diarrhoea Biliosa & serosa.	722
X. De cholerae specie aliqua.	728
XI. De dysenteria benigna.	730
XII. De dysenteria maligna.	736
XIII. De Hemorrhoidibus cecis dolentibus ex Mensium naturali emanatione.	741
XIV. De colica hypochondriaca humorosa cum dolore iliaco.	744
XV. De dolore hypochondriaco, cum Hernia Umbilicali.	750
XVI. De colica convulsiva habituali, cum Epilepsia conjuncta.	758
XVII. De Hernia Inguinali seu Bubonocoele, cum passione hysterica.	760
XVIII. De Catarrho suffocativo.	770
XIX. De Asthmate humido stomachali, cum Incubo.	778
XX. De Asthmate convulsivo.	782
XXI. De tussi stomachali ferina humida.	784
XXII. De Febre tertiana Intermittente scorbutica.	789
XXIII. De tertiana maligna.	794
XXIV. De quartana duplicata scorbutica.	798
XXV. De quartana splenetica.	800
XXVI. De quartana duplicata cum colica convulsiva.	804

CAS. XXVII. De Febri continua ardente benigna, ex iracundia.	805
XXVIII. De Febri continua periodica.	811
XXIX. De Febri catarrhali.	813
XXX. De Febribus & morbis catarrhalibus Epidemicis.	816
XXXI. De Febribus continuis lentis.	825
XXXII. De Febri continua lenta.	830
XXXIII. De Febri lenta Symptomatica, tandem Hectica.	831
XXXIV. De Febri maligna.	838
XXXV. De Febri maligna Petechiali.	839
XXXVI. De Variolis.	845
XXXVII. De phthisi pulmonali.	852
XXXVIII. De phthisi cum febre Hectica.	859
XXXIX. De cachexia scabiosa ad hydropem inclinante.	861
XL. De cachexia cum imminente hydropem.	868
XLI. De pleuritide vera.	870
XLII. De Hepatide seu inflammatione Hepatis, cum febre symptomatica.	875
XLIII. De Hemoptysi.	879
XLIV. De Nephritide.	885
XLV. De Stranguria, cum podagra.	891
XLVI. De Epilepsia habituali.	895
XLVII. De Epilepsia à contusione Capitis.	901
XLVIII. De Apoplexia gradu levissimo, seu insultu Apoplectico habituali.	902
XLIX. De Arthritide vaga Scorbutica.	907
L. De delirio melancholico hypochondriaco.	914
LI. De Gonorrhoea virulenta cum tumore testis Oedematoso.	918
LII. De Mensium difficultate.	925
LIII. De suffocatione hypochondriaco-splenetica, hysterica aliàs dicta.	925
LIV. De Hemorrhagia uteri.	927
LV. De Chlorosi incipiente, cum Vomitu inveterato matutino, & Tetano cervicis.	931
LVI. De Retentione Lochiorum, cum Urina suppressione, & doloribus post partum.	935
LVII. De Febre lactea.	940
LVIII. De Subluxatione vertebrarum dorsi.	943



NOI REFORMATORI DELLO STUDIO DI PADOVA.

HAvendo veduto per la fede di revisione, & approbatione del P. F. Raimondo Asperti Inquisitore nel Libro intitolato: Opera omnia Medica Theoretico-Practica MICHAELIS ET TMULLERI, non esservi cos'alcuna contro la Santa Fede Cattolica, & parimente per attestato del Segretario nostro niente contro Principi, & buoni costumi, concedemo licenza, che possi esser stampato, osservando gli ordini in materia di Stampe, & presentando le solite copie alle Pubbliche Librerie di Venetia, & di Padova.

Dat. 30. Luglio 1700.

(

(*Ferigo Marcello Procurator Refformator.*

(*Girolamo Venier Cavalier Procurator Refformator.*



Agostino Gadaldini Segretario.



B. C. D.

MICHAELIS ETTMÜLLERI,

PHILOSOPH. ET MEDICINÆ DOCTORIS,
Professoris Publici & Facultatis Medicæ
Lipsiensis Adsefforis.

SYNOPSIS COLLEGII INSTITUTIONUM MEDICARUM IN THESES CONCINNATI.

PHYSIOLOGIA.



§. I.

Medicina cum sit *Ars*, quæ corpus humanum vivens, quatenus sanabile est, seu quatenus ejus sanitas præsens conservanda, absens verò restituenda, tractat, erit ratione objecti, & ratione Finis omnium nobilissima.

§. II. Cui nihil detrahit, quod dicatur *Ars conjecturalis*; quas enim adhibet conjecturas, non sunt temerariæ seu sine fundamento, nec de rebus purè contingentibus; tales enim nil aliud essent, quàm puræ ignorantia & vanæ persuasiones.

§. III. Sed conjecturæ, quibus nititur Medicus, sunt circumspectæ, & fundatæ experiētiis, & hinc deductis conclusionibus rationalibus; siquidem & versantur circa res apparenter quidem, ob promiscuas intervenientes circumstantias, contingentes, in se tamen necessariam coherentiam causarum naturalium cum effectibus habentes, adeoque hæ ipsæ veræ scientiæ proximæ sunt.

§. IV. Est scilicet unicuique homini sua peculiaris *idiosyncrasia*, ob quam universales non æquè in omnibus formari possunt conclusiones, quin eæ, quæ ut plurimum veræ sunt, in individualibus locum necessariæ consequentiæ obtineant. Accedit & scientia naturalis adhuc in pluribus defectuosa, cui tamen revera subalternata est medicina: unde ratione fundamenti in naturalibus, & ratione objecti in individuis, hominis scilicet, conjecturis necessario in medicina utendum est.

§. V. Fundamentum conjecturarum debent esse non sola experimenta; hæc enim sunt temeraria, subinde etiam nociva, & *Empiricam sectam* constituunt: non solæ rationes; hæc enim sunt cæcæ, & admodum erroneæ, ac *sectam dogmaticam Galenicam* constituunt: neque etiam Analogismus, seu in plurimis morbis eadem ratio aut eadem communitates; hic enim pariter *Empiricam sectam* facit seu constituit.

§. VI. *Experientia* & *ratio* simul *fundamentum* sint conjecturarum Medicarum, dum memoria & iudicio instructus Medicus aliàs observata sua ægrotanti individuo, tam quoad theoriam quàm praxin, judiciosè applicat: unde hæc

Ettmulleri Tom. I.

duo, *experientia* & *ratio*, *fundamentum Medicinæ veræ constituunt*, quæ etiam, pro experimentis observandis, binis acutis oculis, *sinistro Pyrotechnia*, & *dextro Anatomia*, instructa est: unde & ratione pyrotechniæ *spagyrica secta* præ cæteris nobilissima est.

§. VII. Sunt autem Medicinæ pro reliquarum omnium partium natura tres *partes principales*: Prima Finem propositum considerans, ut *Pathologia*, quæ sanitatis & huic oppositorum morborum scrutatur naturam, ut in subjecto per *Physiologiam*, *Partem Medicinæ secundam*, probè cognito, eundem intentum obtineat, ita ut in *Parte tertia* doceat per legitima media eam vel integram conservare in *Hygiene*, vel labefactatam restituere in *Therapeutica*.

§. VIII. Semiotica est bipartita. Nam diagnostica ad Pathologiam, prognostica ad Theapeuticam pertinent; cum Medicus Practicus perspecta morborum ratione imprimis per signa eosdem, subinde abditos in ægro, cognoscere & perspicere debeat, & præterea sub curatione maturè præcognoscere, an curabilis, an verò incurabilis, & quomodo sit.

§. IX. Ministræ partes Hygienæ sunt *Ars culinaria*, & huic cognata *pistoria*; *Therapeutica* verò ministratur *Pharmaceutica* & *Chirurgia*: quarum illa omnium simplicium exactam cognitionem; hæc anatomes crebrius exercitium præsupponit.

§. X. Nondum autem perfecta est Medicina, quin potius à diebus Hippocratis ad nostrum usque sæculum steterit, & parum profecerit: id quod factum fuit (1) ob variam literarum ac Medicinæ sub Barbaris fortunam, cum sub regnorum mutationibus & hæc mutationem & detrimenta subinde passa sit. Accedit (2) quod superiorum sæculorum Medici unice in scriptorum Græcorum & Arabum versione, & iterata dilucidatione ac commentatione, occupati fuerint, de ulteriori progressu ne somniantes quidem: unde successivè succrevit infausta & quasi jurata Veterum veneratio.

§. XI. Hinc (3) factum, ut, neglecta Hippocratica methodo, per observationes ulterius progrediendi, præmaturè Medicina adhuc mutila in corpus systematicum,

A

instar

instar cuiusdam perfectæ disciplinæ redacta fuerit; Et (4.) simul ARISTOTELIS dogmata rationalia seu fundamentalia sine ulteriori examine in Medicinam introducta sint, neglecto contrario (5.) primario Philosophiæ & Medicinæ fundamento Pyrotechnia.

§. XII. Objectum Medicinæ est corpus humanum vivens quatenus sanabile. Illud *Material*, hoc activum seu *Formale* dicitur. *Hoc corpus ut rectè consideretur, attendendum est tam ad ipsam corporis structuram materiale, quam ad ejus actum vitalem formalem*: Illa, nempe structura corporis humani in se considerata se habet instar machinæ artificiosissimæ; hic se habet instar principii moventis spirituosum, & dictam machinam dirigentis.

§. XIII. Machinam dicimus corpus nostrum, non secus ac omnium brutorum, similem machinis artis hydraulicis. Nam anima corporea in brutis est nulla, in homine verò rationalis, in se quidem certa, cum corporis tamen actionibus nullum habet commercium.

§. XIV. In structura hujus machinæ materiali duplex partium differentia in primis consideranda est, nempe dum partes quædam sunt nervæ, seu, ut alias vocantur, spermaticæ, aliæ verò sunt sanguinæ. Istæ sunt nihil aliud, nisi mirabilis fibrarum textura, quæ prima partium stamina constituit, & primitus in ovo ex ejus colliquamento delineatur & effingitur: his fibris postmodum per coaguli modum sanguis hinc inde adhærescit, unde parenchymata sanguinea nascuntur; quæ duæ partes certo situ & nexu invicem coherentes materialem corporis structuram constituunt.

§. XV. Structura dicta corporis materialis non constat ex quatuor illis vulgaribus elementis, ex quibus omnia mixtorum concreta composita finguntur: nam hic quaternio à nemine adhuc, neque evidenti ulla ratione, neque ulla certa vel probabili saltem certa experientia, est comprobatus.

§. XVI. De aqua quidem non dubitandum, eam esse catholicum omnium materiale principium: nam omnia vegetabilia ex aqua fiunt, & omnia ex ea constare, resolutio probat. Tacemus alia exempla hoc probantia. Sic enim ex aqua pluviali fit terra levis & candida, quæ, quò sapius destillatur, eò magis crescere & augeri videtur, ita ut tres ejus partes in terram mutantur. vid. *BOTLE de Form. & Qualit.*, qui omnia corpora terrea, ut gemmas & lapides pretiosos ac perspicuos, aquæ fructus pronunciat in *Tr. de gemmis*.

§. XVII. Quamplurima autem dantur corpora, in quibus nullum horum elementorum potest demonstrari; v. gr. *Mercurius vivus, crystallus, & similia*, nullum vestigium elementorum horum quatuor habent.

§. XVIII. *Spagyrici* aliàs *quinque principia* assumunt, tria activa, *sal putra, sulphur, & Mercurium*, & duo passiva, *phlegma, & caput mortuum* seu *terram*: at & hæc principia non ritè explicari possunt. Nam omnes scriptores hujusmodi ita videntur confusi, ut res diversas uno sulphuris nomine explicent, cum tamen illud non unum, sed multiplex sit, aliud puta vegetabile, aliud minérale, aliud animale. Accedit huic, quod illi non attenderint, ex resolutione per ignem nova subindè emergere concreta, pro simplicibus tamen ab iisdem habita: sic enim e. g. *olea destillata* sunt corpora *mista* seu *composita*: & tamen ab illis pro principio *sulphureo assumpta*; deinde *composita putarunt esse componentia*; vid. *BOTLE in Chym. scept.* delens hanc activorum triplicitatem, it. *GUISSON in Epistola*.

§. XIX. Circa ea verò explicanda inter illos Autores non constat, ut confusos potius opinionum nodos, quam solidam sententiam, ex hac doctrina percipere liceat. Cum ergo nec hæc sufficerent, alia iniri via, & natura explicari secundum principia Mathematica, & rectè quidem, coepit. Inter eos autem primus fuit *CARTESIUS*, qui in generalioribus laude sua non fraudandus; at ubi ad specialiora pervenit, superficialium esse atque jejunum, merito suo pronunciamus, ejusque tria elementa sunt suavis speculatio, ingenii lusus, ab initio plausibilis quidem, sed qui in Medicina usum habet nullum: vid. *TATTINGHOFF. Clav. Philos. Cartesianæ*, novus, rarus ac perspicuus liber.

§. XX. Existentiam quidem aeris, aquæ & terræ, nemo negabit, cum hæc sint maxima portiones globum nostrum componentes, ac quasi receptacula ac quasi diversoria reliquorum variorum corporum. Sed an materialiter unà cum igne sic dicto elementari omnia mista componant, dubitatur meritò, utut de aqua separatim considerata res certissima

sit, eam frequentissimè mistorum reverà ingredi compositionem; ut taceam *THALETIS* ab *HELMONTIO* revocatam ab orco sententiam; *Omnia ex sola aqua materialiter constare* asserentium.

§. XXI. Ex aqua autem constare omnia, probant quidem singulari hoc experimento; dum levem pulveris igniti quantitatem proiciunt in aquam, & sic eandem in perfectam, & quidem durissimam atque pellucidam, gemmam transmutant: vid. *MORHOFF. in Epist. ad D.D. Majorem de scypho vitreo, per certum vocis humane sonitum disrupto*.

§. XXII. Ignis ipsius natura semper obscura & intricata fuit: modernorum tamen experimenta Vulcano Chymico adjuncta persuadent, *Ignem nostrum usualem* (nam de celesti in solari corpore concentrato, & inde in universam mundi machinam, & imprimis ipsos planetas, adeoque & tellurem, sub nomine radiorum & luminis evibrato, non est hujus loci tractare; utut multa persuadeant, eundem itidem ex sulphure resolutum constare) nil aliud esse, quàm *dissolutionem corporum dictorum sulphureorum*, i. e. in recessu pinguium acidorum, in sui particulas immediate minimas *factam*, imprimis *mediante aere*, cujus dissolutionis effectus duo inseparabiles sunt: *Calor, & Lumen*.

§. XXIII. Viget ignis imprimis *in flamma*, quæ est rarefactio & dissolutio fumi, *fumus* verò flamma inspissata constans particulis ulterius rarefactilibus, elevatis tamen per aeris, à calore rarefacti, motum: unde quod non æquè potest resolvi, sub cinerum forma remanet: hinc flamma quæcunque extincta vel suffocata abit in fumum, fumus condensatur in fuliginem, sicut fumus, v. g. candelæ, facile in flammam incenditur.

§. XXIV. Hinc unum idemque corpus in flammam, fumum, fuliginem, fuliginis oleum, acidum & pingue, & similia corpora, prout diversimodè tractatur & modificatur, est resolubile. Nam petroleum, oleum commune olivarum, pix, spiritus vini, &c. facillimè inflammantur, totaque transeunt in formam flammæ, ut parum vel nihil restit, quæ flamma, excluso aere, suppressa abit in fumum, qui fumus est ipsum istud corpus, quod in vase ab aere munito in forma olei destillati, cum majori licet fixioris substantiæ remanentia propter defectum aeris se manifestat: ita ut ipsum corpus pingue, oleum inde destillatum, fumus, flamma, &c. sint una eademque substantia.

§. XXV. Adeoque ut lignum, quod in aere libero seu aperto comburitur, & flamma, fumus, fuligo, fuliginisque spiritus & oleum & sal, atque idem lignum, quod in vase clauso, aeris ingressum omnem excludente, igni committitur, & ejus phlegma, oleum, spiritus, &c. per retortam prolucita, sint omnia una eademque substantia materialis, pro varietate suæ texturæ mediante motu inductæ, representans tot diversa schemata.

§. XXVI. *Nitri ipsius* corpus salinum dum integrum est, cum in crucibulo igni exposito fluit, dum carbonis igniti tantillo, incensi & adjecti maximam partem in flammam abit, dum eadem flamma in retorta coercita in fumum rutilantem cogitur, dum hic in spiritum acidum condensatur, dum hic spiritus in sale tartari regeneratur in perfectum nitrum, est una eademque materialis substantia, nunc ignis & flammæ, nunc aliam induens larvam, pro varia substantiæ ejusdem materialis, secundum minima corpuscula, per motum textura.

§. XXVII. Ignis igitur non est distinctum quid ab aliis corporibus, & deflagratio est actus dissolutionis corporum plus minus sulphureorum, quæ aere resoluta & rarefacta representant nobis tale ens, quod nos Ignem vocamus; ita ut in igne considerandum sit (1.) *subjectum ignitum*, quod sunt corpora plus minus sulphurea; & (2.) *medium ignitionis*, quod est aer. Caterum quod ignis consistat in solutione corporum mediante aere, probatur exemplo Veneris, cui si affundatur spiritus nitri, ex mutua actione & reactione calor orietur intensissimus, evolabit fumus rutilans, imò interdum ignem ac flammam concipiet.

§. XXVIII. Sic scintillulæ ex chalybe elicite nil aliud sunt nisi particule sulphureæ, per motum istum silicis violentum ab aere nitroso reclusæ, & accensæ, quod potest probari per microscopium, si illæ particule in charta exceptæ inspiciantur; vid. *HOCK. in Micrograph. Anglico idiomate conscripta*.

§. XXIX. Adeo omnia corpora constant ex una simplicissima materia, per superinductum motum in minutissimas particulas confracta, quæ cum diversissimarum figurarum

rarum sint, variantque etiam magnitudine, situ, ordine & motu; sit hinc, ut pro varia harum textura & coalitu tam diversa in universo mundo oriantur corpora.

§. XXX. Cum verò videamus, omnia corpora fieri seu generari, nutrir, & augmentari, ac corrumpi successivè & insensibiliter, adeoque per minimas materiæ constituentis particulas, ita ut ex minimarum harum particularum *syncrifi seu unione*, certa *diacrisi seu separatione*, & *metastasi seu transpositione* varia, fiant, intendant, & alterentur diversimodè corpora; potius igitur multivarias tales particulas seu principia corporum materialia ac elementa assumamus: quæ textura particularum in corpore, & inde natæ variæ, respectu nostri concipiendi modi, proprietates reverà sunt id, quod vulgò *substantialis forma* dicitur.

§. XXXI. Particulas illas minutissimas Veteres vocarunt *Aromas*, quasi non diffecabiles; ubi tamen distinguendum est inter *divisionem realem seu physicam*, & *mentalem seu mathematicam*: sunt quidem indivisibiles physicè & realiter, mathematicè verò minimè. Ex his ergo materialibus cum reverà corpora constent, consequenter verissimum est: *Omnia constare materia*; quia verò hæc materia iners est, & omnia, quæ fieri debent, fiant per motum, cujus vis consistit in feminibus, ex his procedit *generatio*, & sic substantia materiæ dividitur in minuta frustula, quæ habebunt suam certam figuram & magnitudinem, & propterea quoque respectivè ad se invicem certum ordinem & situm. Hæ particulae per unionem componunt omnia corpora, per resolutionem & separationem destruunt, per metastasin seu transpositionem immutant eadem & alterant.

§. XXXII. Probant hoc ipsum exempla: Vitrum est productum artificiale multiplicis affectionis; sit ex particulis minutis cinerum & falis alcali fixi, quæ igne coeunt in vitrum, tanquam productum tertium. Vel sumatur cinnabaris, & consideretur ejus genesis, ex sulphure & Mercurio vivo commistis & sublimatis dependens, quæ dant novum corpus, proprietates planè alias ab istis duobus habens. Sic minio, quod nihil aliud est, quàm plumbum calcinatum, si affundatur acetum destillatum, aut alius liquor acidus, emergit liquor dulcis, saccharo dulcior; quod si porro phlegma seu acetum destillatum evaporet, habentur in fundo & lateribus crystalli dulces, candidi, ponderosi, perspicui, planè differentes à minio & aceto destillato.

§. XXXIII. Insuper, ne saltem in arte factis hæreamus, sistam ex nativis vinum: scilicet illius liquor primogenius qui vere defluit ex palmitibus, si destillatur, tantillum acidus existens nil dabit, nisi phlegma & pauxillum falis acidum. Interim ex hoc liquore fiunt folia, postea bacca, in quibus succus austero-acidus contentus est: porro succus iste dat mustum, mustum dat vinum, vinum tartarum, facces, & acetum, & hæc tandem phlegma & spiritum, quæ toto cælo invicem differunt. Hæc mille producta secundum ordinem fiunt ex aqua simplici, constante ex minutissimis particulis in motu constitutis, quæ diversimodè intertextæ & transpositæ dant tam variâ novâ concreta.

§. XXXIV. Similiter vinum in phiala hermetice clausa, itaut nequeat substantiæ separatio contingere, b'ando calori expositum in acetum degenerat, per nudam particularum minutissimarum transpositionem. Porro accipiat sal tartari fixum, affundatur illi liquor nitri acidus, ex ambobus effervescentibus novum nitrum regenerabitur, ac ita per syncrifi novum corpus prodibit. Quod si ergò particulae homogeneæ concurrant, constituunt corpus simplex; si heterogeneæ, compositum: sic enim verb. gr. aqua est corpus simplex, quod constat ex particulis minutis ejusdem essentiae, parvis, oblongis, rotundis, utraque ex parte non-nihil acutis, quæ invicem unitæ constituunt aquam. Ex hac aquæ structura omnes illius proprietates demonstrantur: si enim istæ particulae in continuo sunt, motu, dant aquam limpidam; si verò mutuo sibi intertextæ impediuntur in motu, constituunt corpus durum seu glaciem; sicut, si sine intermissione terræ transeat, vocatur ea insipida: tandem si particulae illæ celerius ac in sublime moveantur, vocatur Vapor.

§. XXXV. Cum verò omnes hæ particulae sint materiales, adeoque quantæ, necessariò proprietates suas quantitativas & mechanicas, h. e. determinatam figuram ac magnitudinem, certum ad se invicem ordinem & situm habebunt; unde pro varia particularum talium, mediante motu, unione, & textura, diversa necessariò fient corpora, horumque multiplices affectiones.

Et mulleri Tom. I.

§. XXXVI. Textura ista particularum constituens corpora, prout diversa ratione afficere valet organa nostra sensoria, erit fundamentum tot conceptuum diversorum in nostra mente, ratione quorum à nobis corporibus istis tot diversa *Attributa* sub *Qualitatum* nomine adscribuntur, tanquam tot accidentium realium, cum reverà nil aliud sint, quàm materiæ modi ex particularum minimarum diversa textura oriundi, non realiter ab ipsa materia ita contexta differentes, sed nostro saltem concipiendi modo. Qualitates ergò vulgò dictæ non-entia reapte sunt. Res claret exemplo.

§. XXXVII. Quando nempe spiritus sulphuris perspicuus acidus, aqueus, rodit Venerem, ex utriusque unione fit vitriolum Veneris, constans solum ex particulis acidis, certo modo particulis Veneris intertextis, ex qua nova textura fit corpus cæruleum rhombiforme, opacum, adstringens gustu & nauseosum, frigidum, inodorum, purum, glabrum, &c. quæ omnia attributa seu qualitates à corpore distinctæ æstimantur, cum nihil aliud sint, quàm diversi corporis concreti modi, ex particularum textura nova oriundi, sola ratione in conceptu, non re ipsa à corpore, cui attribuuntur, distincti.

§. XXXVIII. Sed illæ ipsæ contextæ particulae, prout per texturam novam novo motu linguam ferunt, ac œsophagum irritant, dicuntur *adstringere* & *nauseam movere*; prout lumen incidens certo modo ad oculum reflectunt, dicuntur efficere *corpus cæruleum*; prout certo situ se uniunt seu coeunt in corpus, repræsentant *rhombos*; prout digitis minus calidæ sentiuntur, quàm ipsi (digiti) sunt, *frigida* dicuntur; prout digitorum pulpæ non cedunt, *corpus durum* constituunt; propter æqualem tamen unionem quoad superficiem corpus *glabrum* redditur, & ita consequenter, nostris sensoris tot diversas impressiones faciunt, quæ seu tot qualitates novæ vulgò æstimantur.

§. XXXIX. Particulae tales per mutuam texturam constituunt mediante motu corpora mista, qui tamen motus non vagus, sed determinatus est, tam in materiæ compositione, quàm ejus varia conformatione: adeò, ut non nisi vi seminum determinata ex istis particulis, fermentativo motu per semina alteratis, varia efformentur corpora.

§. XL. Sic v. g. ferri frustum pro varia sui configuratione dat modò clavum, modò clavem, modò ferram, &c. quæ configurationes tamen non differunt realiter à suo ferro, sed sunt unum idemque ferrum: Si porro consideramus ferrum, quatenus illud est corpus frigidum, durum, ponderosum, acutum, &c. varios inde nobis formamus conceptus, & diversas in ipso statuimus qualitates, quæ tamen non sunt, cum illud sit una substantia, & quatenus premit manum, dicitur ponderosum, & hæc ponderositas dependet à particularum unione, & arcta compressione.

§. XLI. Ita calor non nisi à motu descendit. Accipiat ergò spir. nitri, qui frigida naturæ putatur, infundatur ei limatura martis pariter frigida, misceanturque hæc; ita enim concipient calorem, qui tam diu durat, quàm diu motus durat: aut sumatur cera, quæ est corpus durum, & igni exponatur; ita enim particulae cereæ incipient moveri, eaque fit mollis; ut adeò mollities in corporis solutione, durities in compactione consistat; sicut porro frigus in particularum quiete, asperitas in inæquali situ, glabrities contra in æquali pondere.

§. XLII. Particulae tales, quæ immediate corpora componunt, & in quæ etiam eadem immediate resolvuntur, *numero ternario* pro explicandis corporum phænomenis commodè comprehenduntur; nempe sunt *salino-acida*, *aqueæ* & *terrea*: quæ quidem sunt proxima corporum principia materialia, non tamen ultima principia, sed hujus respectu potius principia, ex aliis particulis simplicioribus, per varias texture vicissitudines prius constructa, unde & sub resolutione in alias successivè facessunt particulas simpliciores, ut plurimum aqueas & terreas.

§. XLIII. Ita ut quamplurima, quæ maximè videntur composita, primò ex aqua, per multiplicem particularum aquearum mutationem mechanicam, in alias particulas modò dictas, vi seminali factam oriri, & tandem in has ipsas sub resolutionibus, destructa seminum potestate, ultimo redire videantur.

§. XLIV. Ternarius autem hic numerus ob id assumitur, quod sufficiat optimè pro explicandis phænomenis corporum, à materia seu concreto dependentibus, & earum aut omnium aut aliquarum præsentia, variata tantum proportionem, deprehenditur in iisdem.

§. XLV. Particulas has inter primatum ducunt, & magis ferè præ cæteris activæ sunt salinæ, acutæ, rigide, &c. & cum aqueis particulis facillè unibiles, generali differentia *acida & alkalina*, & mutua facta unione ortæ exinde *salsa seu enixa*. Hæ ipsæ instrumentaliter præcipuarum in rerum natura operationum, nempe coagulationum & dissolutionum, fermentationum & effervescentiarum, solutionum & præcipitationum, & quamplurimarum in corporibus insignium mutationum, sunt primarii Autores.

§. XLVI. Salia autem sunt vel fixa vel volatilia: fixa in igne durant, volatilia verò avolant. Sic sal ammoniacum est sal compositum, urinosum & acidum continens in se. Quod si cum hisce duobus salibus unitis aliæ partes terreae sunt extrusæ, vocatur illa actio Præcipitatio; e. gr. vitriolum commune nihil aliud est, quàm Venus, & minera Martis, à spiritu sulphuris soluta.

§. XLVII. Sub generali autem acidi & alcali nomine innumerabilis salium, tanquam particularum magis activarum, diversitas comprehenditur, cum tam urinosa quàm acida mille modis pro varietate concretorum, in quibus existunt, secundum proprietates mechanicas inter se differant; unde & tam variis modis inter se & cum aliis mutuo uniri ac combinari diversi saporis, ac diversissima salia salsa seu enixa exinde componi possunt: ex quorum omnium varietate speciales quamplurimæ operationes naturales derivandæ sunt in corporibus.

§. XLVIII. Imprimis *fermentationes & effervescentiæ* dependent à salium activitate, quæ sunt media transmutationum & digestionum in corpore animali: est sc. *fermentatio motus intestinus particularum minutarum, corpus mistum constituentium, ortus à mutua salium, alcali & acidi, in unoquoque misto existentium, sed resolutorum, in se invicem actione*, qua omnes reliquæ mistum componentes particulae inter se variè commiscuntur & agitantur, donec ipsa sequatur aut ultima misti talis resolutio, aut nova ejusdem alteratio, à salium istorum nova unione, aut saltem contemperatione, dependens.

§. XLIX. Bina illa salia, acidum & alcali, reperiuntur in omnibus tribus regnis, maxime in minerali, & speciatim in sulphureis mineralium: nam numquam in tota natura reperitur sulphureum, cui non ex parte adjunctum sit *acidum suum*. Metalla etiam turgent talibus sulphureis, salibusque sulphureis acidis. In vegetabili regno imprimis ligna acidum eructant spiritum volatilem; unde quod in combustionem oculos mordicat, est acidum in illis latens. In animali regno parcissime habentur acida manifesta, quia semper sub oleis solent latitare.

§. L. Sali acido oppositum est *Urinosum*, aliàs *Alcali & Lixiviosum dictum*. Sunt urinosa salia duplicia; vel *volatilia*, (*nativa dicta*) quia non in igne persistunt, ut sunt sal cornu cervi, viperarum, &c. vel *fixa* (artificialia dicta.) Sic in spiritu urinæ humanæ & aliorum animalium luxuriat ac latitat tale sal volatile. In regno vegetabili etiam habentur talia salia urinosa, modò aciora, ut in plantis sapore caustico constantibus, e. g. armoracia, sinapi, cochlearia, &c. modò temperatiora, & blandiora, quali præditæ sunt plantæ aromaticæ, mentha, absinthium, anisum &c. in quorum blando oleo subsistunt alcalia volatilia. Denique occultata etiam volatilia alcalia inveniuntur in plantis vulnerariis.

§. LI. Quod verò attinet *urinosa artificialia* seu *fixa salia* ea non præexistunt in ipso concreto ante calcinationem, sed potius fiunt per artificium ignis, nempe per colliquefactionem sulphuris acidi & salis volatilis, quæ duo invicem se arripiunt, coeuntque in *sal salsum*. Talia alcalia fixa seu artificialia reperiuntur in vegetabili & minerali regno, minus in animali. Ulterius quando acidum & urinosum conjunguntur mediante subjecto liquido, coeunt in sal mistum, novum compositum, ex utrisque constans. Tale est, quando sal tartari & spir. vitrioli conjunguntur; tunc enim sal tertium seu enixum ferè emergit, insipidum ferè vel salsum, quod *tartarus vitriolatus est*. Sic etiam spiritus salis cum quocunque sale volatili urinoso junctus constituit sal ammoniacum.

§. LII. Tandem observandum, quod præter urinosa dentur etiam subjecta terrea, quasi alcalia, &c. acidis etiam effervescentiam excitantia. Sic verb. gr. si affundatur spir. salis limaturæ Martis, fit effervescentia. Idem fit, si spir. salis cretæ aut terræ ligillatæ, aut si acetum destillatum coralliis affundatur; sunt enim hæc concreta partim corpora porosa instar alcalium fixorum, partim in se habent

alcalia volatilia occultata, sub solutionis actu emergentia. Cæterum, uti alcalia dixi esse duplicia, volatilia & fixa; ita ex his *salsa seu enixa* emergentia, etiam erunt duplicia, *volatilia scilicet*, quæ in igne avolant, & *fixa*, quæ permanent. Aliàs etiam Autores interdum ludunt in vocabulo salis, & malè in communi falsum opponitur acido, quod observandum in lectione ZvvELFFERI, qui salsa vocat salia volatilia, cum tamen falsum propriè innuat sal compositum ex alcali & acido.

§. LIII. Ratio, cur alcalia & acida coeant invicem, est, quia Alcalia sunt corpora porosa & quasi majora; acida è contra rigida, minora & scindentia, adeoque hæc promptissimè uniuntur per motum spatii alcalinarum. Mustum fermentando extrudit particulas heterogeneas & non unibiles, quæ fundum petentes dicuntur feces. Sic vinum fermentans mutatur in acetum, hoc verò ulterius fermentando abit in situm, post situm, fatiscit in aquam.

§. LIV. Proxima fermentationi est *effervescentia*; dum utraq; à salium activitate mutua oriantur, saltem diversus est eorundem status: si enim sunt aliis permixta particulis, impedita quasi blandius agunt & saltem fermentationem cient; sin verò puriora & minus permixta sint, adeoque aciora existant, impetuosius in se mutuo agunt, & fortiori invicem colliduntur motu, adeoque majorem effervescentiam cient, donec brevi facta debita unione omnis pugna, adeoque & effervescentia cesset.

§. LV. Ex talibus particulis minutis, in specie salinis & sulphureis, etiam *sanguis & lac* seu *chylus*, succi corporis nostri primogenii mediata (i.e. postquam in alia parva abierunt composita) constant, unde & consequenter totum corpus materialiter ex iisdem erit compositum; id quod confirmat resolutio ejus mechanico-chymica.

§. LVI. Quod si plures tales particulae coeant in unam massam, constituunt *partes similes*, ex quarum coagmentatione *dissimiles* exoriuntur: sicut hæ ipsæ fibræ & vasis appensæ & connexæ, ac inde debitam naturæ conformationem super basin fibrarum, *organicas partes*, certis functionibus mechanicè exequendis destinatas, efformant.

§. LVII. Textura ista particularum minutarum componens partes similes, constituit reverà eandem *Temperamentum elementale* dictum; sicut eadem particularum textura liquida *sanguinem* compingens, *crasin* hujus seminalem constituit, unde *Temperamentum vitale*, quod aliàs in calido & humido consistere dicitur, pro varia sanguinis materiali miscela in totum corpus derivatum.

§. LVIII. Quod vulgò de *quatuor Temperamentis, elementis quatuor innixis*, dicitur, est falsum. Interim eatenus ea concedi possunt, quatenus statuitur, quod quorum sanguis abundat sale volatili acri oleoso, ii putentur *Cholerici*; sicut qui sal fixius cum particulis occultè acidis imprægnatum habent, *Melancholici*; *Sanguinei*, quorum sanguis ex debita particularum mistura constat; *Phlegmatici*, quorum lymphæ obruit salia sanguinis fermentativa.

§. LIX. Ita quidem se habet structura machinæ corporis materialis. Quod attinet ejusdem *actum vitalem*, notum est, quod machina hæc animalis, dum in motu est diversimodè, dicatur *vivere*; ita ut vita hominis aliorumque animalium formaliter in hujus machinæ corporeæ motu seu actuacione consistat: quod si omnes isti motus penitus cessent, ita ut irrevocabiles sint, mortua sit ista: quod si rectè & debitè omnes istos motus peragat, ad quos per se apta nata est, sana est; nam *sanitas est vitæ integritas*: sin verò perversè & vitiosè, ac quidem erroneè moventur, dicitur ægrotare; nam *morbus est vitæ labefactio*.

§. LX. Cum autem machina nostra corporea in motu consistat, queritur: quodnam sit hoc, quod machinam primario moveat, seu quod vitam impertiat? Resp. Principium istud internum, quod principaliter actuat & movet machinam hanc animale, *vitalè* ab effectu appellatur, quod aliàs etiam speciali nomine *anima* dicitur. Non autem est aliqua substantia immaterialis, quia (1) est in quibusdam divisibilis, (2) quia aliàs esset indestructibilis, (3) quia in non-rationalibus esset planè inconceptibilis seu etiam inintelligibilis.

§. LXI. Reverà ergò *principium* hoc *vitalè* erit *materiale*, toti viventi coextensum, & propter actionum varietatem omnibus partibus ac organis intimè præsens, simulque ob eorundem celeritatem, vehementiam ac diuturnitatem summè activum ac mobile.

§. LXII. Hæc & similia attributa non conveniunt, præterquam subtilissimæ cuidam & volatilissimæ ac mobilissimæ mate-

materiæ, ob id à Medicis, analogicè licet tantum, spiritus appellatæ.

§. LXIII. Intelligitur nempe hoc ipso nil aliud, quàm sanguis, aut succus huic analogus in aliis animalibus seu brutis, in subtilissimam substantiam resolutus, & exactissime volatilifatus in præcordiis, tam per continuam sui fermentationem, quàm non intermissam aeris inspirationem: unde pro actuazione totius machinæ corporeæ unà cum sanguine ulterius ex corde quaquaversum distribuitur.

§. LXIV. Spiritus materialiter ex sanguine, formaliter perejus motum fermentativum & aeris inspirationem, generantur.

§. LXV. Resolutio talis sanguinis & in substantiam spirituosam volatilifatio vix fieri potest, quin propter crasin ejus salinam volatilem oleosam & quasi nitro-sulphuream cum insigni ejus incalescentia & æstuatione contingat, & fiat quasi quadam ejus accensio.

§. LXVI. Sanguinis ita attenuati ac resoluti & quodammodo accensi subtilissimæ portiones ac quasi flammæ sunt isti spiritus, unde ob id non immeritò à quibusdam luminosi dicuntur seu lucidi, cum in sua natura omnes lucis proprietates reverà possideant: quidum in M. S. micant & gliscunt, spiritus vitales dicuntur; dum verò in cerebro & nervis liberiori lumine radiant, animales appellantur; sicuti iidem, quatenus ova fœcundant, sub fœcundo congressu à munere genitales dici solent: & hoc est, quod alii animæ vitalis seu brutalis substantiam bipartitam faciant, igneam nempe seu flammeam, & luminosam.

§. LXVII. Lux non est qualitas, sed subtilis materia in continuo motu constituta: vid. DIGBY de Immortal. Anima. Spiritibus hisce alii adducunt naturalem, seu facultatem naturalem, sed malè: nam hæc facultas malè fundata est in officio hepatis sanguificatorio; quod cum falsum sit, etiam spiritus spontè cadit. Cæterum spiritus genitalis nil aliud est, quàm spiritus animalis, qui ipse in actu generationis genitalis nomine venit, cum operationes genitales etiam ad animales pertineant.

§. LXVIII. Præterea cum subtilissimæ ita sint substantiæ ac summæ activitatis spiritus, rectè ob id à quibusdam de natura Gas esse dicuntur; pro natura tamen sanguinis, seu materiæ ex qua, Gas hoc spirituosum reverà naturæ volatilis, salino-oleosæ seu salino-sulphureæ esse dicitur, quod per fermentationem & aeris resolutionem in sanguine volatilifatum, & celerrima agitatione velut accensum, instar subtilis & occultæ flammæ corruscet, totum corpus calefaciat, & à putredinis corruptione præservet. Patet ergò, quod spiritus materialiter ex sanguine, formaliter per motum ejus fermentativum, & aeris inspirationem generentur.

§. LXIX. Spirituum horum subtilissima ac quasi radiofa textura lucida necessariò mutuam adhesionem requirit, qua abrupta, aut in quodam loco intercepta, non sine periculo omnes operationes cessant: hinc in suspensis discontinuatio lucis hujus spirituosæ in causa est, ut in momento omnis facultas princeps cerebri pereat, non alia ratione ac syncopizantibus repente corpus pallidum & frigidum, & quasi mortuum, jacet.

§. LXX. Cum verò vitæ sint radices, etiam corpus, quamdiu vivit, ab omni putredine præservabunt virtute salino-sulphureo-balsamica, non secus ac Gas sulphuris vina aut alios liquores facillè corruptibiles à corruptione præservat.

§. LXXI. Denique horum spirituum, accensione quasi quadam genitorum, calor per totam machinam se diffundit, pro operationum quarumcunque facilitatione. Non ergò vita animalium præcisè consistet in calido seu calore, cum animalia quam plurima sint frigida; imò ipsa animalia calida suas habeant vicissitudines secundum magis & minus, ut in senibus gelidis, cachecticis, leucophlegmaticis, & similibus notissimum est: estque potius calor consequens quoddam necessarium vitæ in animalibus calidis.

§. LXXII. Nam animalium duplex est observanda distinctio: alia sunt calida, alia frigida. Fundamentum diversitatis consistit in sanguine, aut huic analogo succo nutritivo. Hic succus, in quibus sulphureus est ac pinguior, simulque salsior, in his resolutus & volatilifatus, ac ab aere excitatus, intensam quasi accensionem patitur, unde caloris sensibilis per totam machinam distributio & perceptio.

§. LXXIII. In animalibus verò frigidis, ut in aquatili-

Entmulleri Tom. I.

bus frigidis, insectis, ranis, piscibus ferè omnibus, serpentibus, &c. minus sulphureis, sed potius salinis nitrosi temperatis, aut quasi salinis Mercurialibus, sanguinis ac succi nutritii fit resolutio, & volatilifatio ac illuminatio, sine ulla tali aut saltem non sensibili accensione.

§. LXXIV. Unde etiam illorum calidorum vis vitalis longè facilius destructibilis ac dissipabilis est, & promptè quasi extinguiibilis; secus ac frigidorum, quorum spiritus luminosi minus ferventes ac subtiles existunt, simulque subjecto seu materia nonnihil viscidiori irretiti, adeo facite dissipabiles existunt, quin post corpora etiam discissa portiones divise motum & sensum, vitamque adhuc retinent.

§. LXXV. Hujusmodi ergò spiritus volatiles reverà istud sunt, quod alii per animam, alii per spiritus insitos & influos, alii per calidum innatum, alii ignem animale, alii flammulam vitalem, alii per aliud nomen, pro hypothesium varietate explicare voluerunt.

§. LXXVI. Cæterum hic observanda est ista differentia inter corpora violenter & constantibus viribus vitalibus intercepta, & inter corpora naturaliter ultimo senio, vel diuturno morbo sensim emortua. In his enim universum spirituum systema successivè evanescit & extinguitur, deficiente sensim supplemento; unde & animales primò, tandem & vitales pereunt facultates: in illis verò, subito suppresso spirituum impetu, & sufflaminato eorundem motu ac radio luminoso, aliquantæ substantiæ eorum portio, instar subtilis fumii aut halitus, à subjectis eorum crassioribus ac viscidioribus irretita, partibus adhuc naturaliter remanet, utut formali activitate vitali omninò destituta sint; unde & operationes vel effectus diversi à corporibus diversimodè mortuis suam originem habent.

§. LXXVII. Hinc deducendæ sunt actiones magneticæ omnes, qualis est, quando curaturi abundantiam lactis, jubemus illud emulgere supra carbones vivos. Sic notum est, quod usnea, ex cranio hominis violenter occisi procrescens, stupendas habeat virtutes contra hæmorrhagias, quod alius muscus, qui in cæmeteriis provenit, non præstat. Similiter si admoveatur manus verrucis aut aliis excrescentiis obfessa corpori successivè mortuo, hoc putrescente evanescit illæ.

§. LXXVIII. Quin & spirituum horum portiones quadam, quocunque medio, vel cum partibus solidis, vel per sanguinem, lac & effluvia, vel alia excreta, à toto decise, fundamentum existere videntur omnium actionum sympatheticarum, quatenus adhuc essentialem cum suo concreto habent convenientiam, adeoque separate, sed ante sui dissipationem plus minus alteratæ, similem in toto vel parte, in distans licet, alterationem inducent.

§. LXXIX. Fundamentum ergò vitæ consistit in sanguine vel succo huic analogo (in aliis brutis non sanguineis) utpote ex cuius penu continua spirituum & concatenata est reparatio vel regeneratio. Hujus ergò legitima crasis & inde oriunda debita fermentatio, spirituscentia & incandescencia, ac spirituum inde dependens hypostasis plus vel minus dissipabilis, radix est vitæ sanæ vel ægræ, longæ vel brevæ, &c.

§. LXXX. Quæritur: an vita possit prolongari? Resp. naturalem terminum vitæ, quem omnia corpora secundum naturæ leges habent, fundatum esse in sanguine & spiritibus; adeoque Adamum etiam ante lapsum naturaliter mortalem fuisse, utut immortalitatem per vitæ arborem sibi procreare potuerit. Cæterum diæta conservat quidem vitam sanam, non autem prolongat, adeoque ridendus est THEODATUS, conservationem sanitatis ad 120. annos à diæta sibi somnians: quin potius prolongatio vitæ fit per sublimiora remedia, qualia in regno vegetabili HELMONT. invenit in cedro, naturæ incorruptibilis existente. Ast cum arbor hæc sit rara, & exin ejusmodi medicamenti præparatio ob defectum alcahest sit impossibilis, loco ejus TACKIUS juniperum, & STARCK. in Pyrotechn. terebinthinam sumit.

§. LXXXI. Hæc ipsa omnia homo cum brutis habet communia, ipsi soli propria est anima rationalis, substantia reverà spirituosæ, immortalis, & inalterabilis, cum corpore hominis animali nihil habens commercii, & ab œconomia animali ejusque functionibus planè exclusa, solas intellectu & voluntatis operationes immateriales seu inorganicas, sibi que proprias, peragens.

§. LXXXII. Ex unione tamen ejus cum corpore animali sensuum præsupponit ministeria & exercitia in intelligendo ut occasione certarum spirituum animalium motionum sub sensatione sibi formet conceptus & phantasmata, unde intelligendo, per horum exorbitantias subinde & ipsa aberrat: sicut contra pro voluntatis imperio certum spiritibus istis animalibus motum, pro voluntario motu, interim tribuere & imperare valet.

§. LXXXIII. In machina ergo nostra corporea, quæ hydraulico-pneumatica, sanguis & spiritus principii moventis seu activi locum obtinent, partes solida verò sunt subjectum passivum, quæ ab istis in motum concitantur: nam eæ ab illis in Esse, Fieri & Operari reverà dependent.

§. LXXXIV. Operationes omnes hujus machinæ respiciunt vel conservationem ejus in individuo, vel in specie: illæ aut respiciunt esse vitale simpliciter, aut esse animale; unde ad tria generalia capita omnes corporis operationes seu functiones rediguntur, nempe ad vitales; animales, & generitales.

§. LXXXV. Vitales actiones eò sunt directæ, ut corpus & conservetur & roboretur in suo vigore vitali, omnesque partes solida, pro obeundis melius & promptius actionibus organicis, debitam magnitudinem consequantur.

§. LXXXVI. Cum enim principia corporis activa sint in perpetuo motu, adeoque continuam patiantur, partim alterationem, partim jacturam, necesse est, ut horum redintegratione etiam totius vitæ vigor vitalis & restauretur, & quantum possibile exaltetur.

§. LXXXVII. Nam spiritus continuò sub actionum exercitio subtilitate sua magnam partem evanescent & dissipantur, per poros aliavè loca frequenter exhalantes, in quorum supplementum impenditur sanguis, cujus massa præterea quoque in partibus solidis nunc in earum substantiam perfectè convertitur; nunc verò alterata nonnihil saltem in iis per earum poros tota successivè insensibiliter transmittitur, tam naturaliter post accretionis annos, quam p. n. per exercitia, aut vehementiores corporis motus, aut alias similes causas.

§. LXXXVIII. Ut taceam partes massæ hujus effatas, per crebriores circulationes, & in præcordiis susceptas fermentationes, resolutas copiosè itidem per cutim exhalantes; & denique unà cum his partibus solidis, imprimis carnosis, humorem roscidum & mucilaginosum, seu proprium earum nutrimentum, ex massa sanguinea elaboratum, sensim sensimque per poros dissipabilem; ita ut massa sanguinea sit in continuo restorationis & perditionis motu, & pluribus juxta SANCTORII Staticam Medicinam, unica die naturali per insensibilem expirationem tantum evacuetur, quantum per alvum 15. dierum cursu.

§. LXXXIX. Perditio verò hæc nullo modo fit à solo calore, cum hujus actio, præsertim si viva flamma non fuerit accensius, universim omnia humida mista siccet in topium ac carbonem, & copiosam remanentiam relinquunt, secus atque in corpore nostro evenire solet, cum nullibi tale sanguinis caput mortuum naturaliter obvium sit.

§. XC. Quin potius fermentorum in corpore & aeris inspirati adjumento in tantum resolvitur & volatilifatur massa sanguinea, & exinde separandus nutritivus succus, ut vel sponte vel leni accedente calore totus à sero absorptus successivè exhalet.

§. XCI. Ut ergo insignes hi defectus refarciantur, simul quoque corpus materiæ appositione ad legitimam perveniat magnitudinem, alimentorum assumendorum & hinc elaborandi nutrimenti imminet necessitas, quibus restaurentur partim partes absumptæ, nutrimenti appositione & assimilatione, in quo consistit nutritio, partim augeantur membra omnia perfectiore ejus agglutinatione pro aptitudine ad functiones faciliore, in quibus consistit augmentatio & accretio.

§. XCII. Ita ut nutritio & auctio saltem majoris & minoris ratione differant, quòd nempe nutritio sit inchoata auctio, & auctio perfecta nutritio: quarum illa, sc. nutritio, per totum vitæ cursum, hæc seu auctio saltem ad certos annos, tam ob partium augendarum ad majorem extensionem resistantiam, quam ob nutrimenti pro perfecta assimilatione & agglutinatione ineptitudinem, perdurare naturaliter solet.

§. XCIII. Tribus ergò actionibus, appositione, assimilatione, & agglutinatione absolvitur nutritio & accretio. Appositio

simplici mechanica per poros partium transcolatione & quasi filtratione peragitur: assimilatio verò, & per coagulationis modum si minor agglutinatio, non sine motu transmutationis fermentativo, ab occulto partium volatili acido fieri, hincque omnis musculus suum habere stomachum, i. e. digestionem, videtur.

§. XCIV. Fiunt nempe succorum alterationes istæ, quæ dicuntur concoctiones, in corpore nostro omnes per fermenta & fermentationes; sicut separationes unius ab altero per transcolationes & filtrationes mechanicas, eorum verò retentiones & variæ motiones per solas propulsiones, beneficio partium fibrosarum structura & textura, sine ulla attractione.

§. XCV. Præter dictas necessitates assumendorum alimentorum externorum ad conservandum esse vitale corporis nostri, ulteriùs sensilem stimulum ventriculo pro iisdem implantavit natura in fame & siti: quarum illa in molestia cujusdam sensu circa orificium ventriculi superius seu sinistrum, ab acido fermentativo salso volatili succo excitato, in fundo ventriculi & tunica ejus crustosa hærente, oritur unde ab ista sensibili perceptione & vellicatione excitatur desiderium solidorum alimentorum, quod Fames dicitur.

§. XCVI. Prout autem variat hic succus esurius, tam in singulis speciebus animalium, quam in singulis individuis hominum, tam naturali à causa, quam ex p. n. vitio alteratus, etiam determinata fames oritur, secundum quam succo tali appropriata saltem appeti solent.

§. XCVII. Nec procedit fames à venarum suctione, quia sequeretur, quòd in omni hæmorrhagia largiori necessario excitaretur fames, cum tamen contrarium præbeat experientia; neque à calore, quia in febribus ardentibus, & fervente licet stomacho, minimè tamen appetimus. Fames potius radicaliter consistit in orificio ventriculi sinistro formaliter in appetitu seu desiderio alimentorum.

§. XCVIII. Sicut è contra determinata quorundam alimentorum aversio oritur; vel à vi imaginationis, ut plurimum matris gravidæ, stomacho infantis certum quasi characterem imprimens; vel à quadam læsione, ab assumpto quodam stomacho inducta, & hujus læsionis quasi ibidem infixa memoria.

§. XCIX. Sicut quod atinet, consistit hæc in vellicatione, aut insigniori molestia cujusdam circa fauces, seu in expansione pharynge, difficili sensu, oriundo ab acrioribus salibus salis, aut acrioribus alcalinis, membranas faucium vellicantibus & pungentibus, concurrente subinde saliva nonnihil diluentis dicta saliva acris, nec fauces sufficienter abstergentis, defectu, sitim ita exasperante.

§. C. Defectus hic saliva est causa sitis priuativa; sicut è contra acrimonia ejus falsa tanquam causa positiua est, à qua dependet sitis hydropicorum.

§. CI. Hujus sitis molestia stimulamur ad assumenda liquida aquea, quòd simpliciora, eò meliora, cum saltem, ut pro vehiculo solidorum alimentorum inferuiant, à natura postulentur.

§. CII. Solida ergò alimenta assumpta, antequam stomacho transmittuntur, prius per masticationem in ore, ad meliorem sui transmutationem, præparantur, beneficio comminutionis & contritionis à dentibus, imprimis maxillaribus ut & beneficio eorum cum saliva permissionis & subtractionis.

§. CIII. Saliva est lympa sui generis in glandulis conglomerationis maxillaribus, (ubi & parotides subintelliguntur) & maticis copiosis, tam palatinis quam sublingualibus, (quibus etiam tonsillæ addi possunt) è sanguine arterioso instar spongiæ emulsa, & in os propriis ductibus effusa; constans primario copiosa parte aquea seu serosa, quæ subtili & occulto acido volatili oleoso, & spiritu animali oleoso per nervos advecto, est imprægnata, unde cibus conjuncta facillimè attenuatiam, incisiam, & fermentatiam obtinet virtutem.

§. CIV. Glandulæ in & circa os sitæ generali nomine stomatice vocantur, & habent hæc nervos ideò, ut beneficio fibrarum obscurum motum habeant. Vim fermentatiam, inesse saliva, patet ex eo, quia mediante illa morbi contagiosi solent propagari; sicut etiam scorbutus, lues venerea, & alii morbi, possunt cum ea communicari.

§. CV. Propter quos fines etiam alimentis sub masticatione intimè permiscetur, ut ejus medio ad meliorem & fermentationem in stomacho, & faciliorem fermenti stomachici ingressum, præparentur; cum saliva hæc cum fer-

fermento dicto magnam analogiam & convenientiam, adeoque homogeneam quodammodo naturam, habere videatur.

§. CVI. Præter quem *usum primarium salivæ*, dum nempe parte aquosa alimenta attenuando & resolvendo, salina acidula eadem incidendo & penetrando, spiritu volatili subtilizando, adeoque instar fermenti farinaceæ massæ additi, fermentationem in stomacho faciliat, ita ut saliva præstet alimentis digestionis inchoamentum, succus verò ventriculi tandem ejus complementum: *secundario* etiam confert saliva (1.) fermentum stomachale ex parte restituendo promovere saporum perceptiones (2.) fauces & gulam pro faciliiori deglutitione lubricando (3.) linguam & os pro faciliiori illius motione & loquela humectando (4.) sitim, alias perpetuò molestant, facium ablutione restinguendo.

§. CVII. Tanta nempe hujus præparationis in ore est necessitas, ut comminutionem non sufficientem quam plurimam animalia, imprimis cornigera, quæ ut plurimum superiore dentium ordine carent, & ob id masticare convenienter non possunt, ruminando refarciant; saliva verò deficientis permissionem aves in ingluvie absolvunt. Observantur etiam homines ruminantes, quorum sc. ventriculus musculosus existit.

§. CVIII. Promota ita masticata alimenta ad stomachum transmutantur ibidem in *liquorem pancreaticum*, secundum veteres cremori ptisanæ similem, Chylus appellatum, idque beneficio fermentationis planè singularis, quam calor stomachi & ambientium viscerum non leviter promovet.

§. CIX. Fermentatio hæc qua transmutantur alimenta in chylum, dependet imprimis à succo subtili acido-salino stomachi, qui partim instar menstrui dissolvit cibos, partim volatili aciditate cum alimentorum particulis dissolutis, in specie salinis alcalibus, fermentationem efficit, & ita utraque actione successivè eadem in aliam substantiam transformat.

§. CX. Autores multi in stomacho voluerunt *facultatem quandam χυλοποιητικήν*, quæ juxta calorem primarium esset digestionis organum. Sed posito, quod ea detur, nescimus tamen quid sit, nec potest explicari, quomodo concurrat, & unde dependeat? Imprimis tamen hanc facultatem refellunt curiosiores operationes Chymicæ, artis beneficio chylum artificialem in vitro representantes. Sic Tachenius in Hipp. Chym. suo asserit, se beneficio liquoris cujusdam novi volatilis quæcunque alimenta, concurrente simul calore, in chylum mutare posse.

§. CXI. Hinc ea omnia, quæ vel sunt *duriora*, adeoque difficulter solubilia, vel *quæ sunt sale volatili multum depauperata*, ut *alimenta vel exsiccata*, vel *sale condita*, vel *fumo indurata*, solent esse *difficilis digestionis*.

§. CXII. Maximi momenti negotium est hæc alimentorum fermentativa digestio, cum hac ipsa eadem disponantur, & ad heterogeneorum maturam in intestinis separationem, & ad promptiorem in præcordiis spirituscentiam & volatilisationem: id quod sine exacta fermentatione fieri nequit. Hinc in iis, in quibus aut imminuta, aut cruditate acida depravata est hæc fermentatio stomachi, ut in cachecticis; in his debita sanguinis maturitas & spirituscentia, adeoque debitus corpori deficit vigor.

§. CXIII. Præsentiam hujus fermenti acido-salini esurini in stomacho testantur *ructus acidi* in sanis, & quorum optimus est stomachus, naturaliter subinde præsentis, qui ipsi & in aperiis, lienteris & dysenteris supervenientes, ejusdem restituti sunt indices: hinc *illa acida volatilia*, speciatim *panis*, tam grata & amica sunt stomacho quatenus suo modofunt homogenea, & à Martialium usu frequentes nidorosi sulphurei ructus erumpere solent, similes iis, qui odoratu sensibilibiter percipiuntur quando Martis limaturæ spiritus acidus, nempe salis, affunditur undè & pinguis, quæ acrimoniam fermenti hujus obtundunt, uti appetitum prosternunt, ita & digestionem in stomacho turbare & impedire in stomacho solent.

§. CXIV. *Origo fermenti* hujus primario ex *tunica stomachi glandulosa* interna, ex qua talis lympa fermentativa quasi transsudat, quæ in rugis ejus obvias habet reliquias quasdam alimentorum prius digestorum, morà diuturniori non leviter acescentes, & à saliva continuò deglutita insigniter subactas, & ad fermenti aliqualis naturam exaltatas: quæ omnia mutua unione liquorem hunc fermentativum constituere, probalissimè videntur.

Extmulleri Tom. I.

§. CXV. Helmontius, Arabum insistent vestigiis, originem fermenti stomachi ex liene derivat, dum inter hunc & stomachum singularem intercedere duumviratum statuit sed refutant hanc sententiam sufficienter canes, post exsectum lienem strenuè votantes imò pigrescentes.

§. CXVI. Et ita fermentantur alimenta, ut ea, quæ prius in stomacho acescerent, non leviter successiva fermentatione transmutentur ita, ut aut planè, aut maximam partem, deposito acore isto, abeant in massam nunc falso inspidam, nunc nonnihil in falso-acidam, semper tamen naturaliter volatilem, varia licet sub temporis mora, dum in uno citius, in altero, ob varias circumstantias negotium hoc absolvatur.

§. CXVII. Chylus hic digestus ita delabatur successivè per pylorum in intestina, apparenter quidem homogeneus, cui tamen non paucae partes heterogeneæ, œconomiae animalis conservandæ ineptæ, subsunt, quæ in intestinis, antequam aliorum pergant, probè separandæ.

§. CXVIII. Separatio hæc fit mediantibus duobus istis succis, *bilioso & pancreatico*, in fine duodeni & principio jejuni in intestina effusis, ibidem chylum diluentibus, blandam in & cum eodem effervescentiam excitantibus, & ita crassiores, viscidiores, & quasi caseosiores ejus partes præcipitando, separatibus, uti in fluxu alvi icteritico, item caliacco, sufficienter patet.

§. CXIX. *Bilis* quidem excrementorum catalogo male olim fuit adscripta, cum in se reverà utilissimus balsamicus sit liquor, & condimentum quasi balsamicum chylo, ipse & totius massæ sanguineæ conservatione ab omni corruptione putredinali, instar myrrhæ cujusdam aloesve additum; unde & vermium facilem ex chylo generationem quantum possibile prohibet, rectè HELMONTIO dicente: Ubi deficit bilis fermentum, ibi umbricorum patria.

§. CXX. Præterea quoque bilis volatili oleoso suo sale, ceti essentiali ejus constitutivo, si quid manifesti & p. n. acoris toti corpori hostilis, adhuc in chylo superest vel inest, hoc destruit, & in salum tertium volatile transmutat, simulque chylum totum optimè diluit, & fluxiorem ac liquidiorem reddit, fecumque excretionem sic per accidens optimè promovet.

§. CXXI. Nec improbabile est alii quod asserunt, bilem oleositate sua sulphurea occulta quasi tingere chylum, adeoque primam pro faciliiori in sanguinem transmutatione dispositionem addere, ut hujus tincturæ sulphuræ medio exaltari facilius, ac in rubrum sanguinem converti possit: cujus defectu cachexia & leucophlegmatia, anasarca & quidam, hydropes ex parte oriri videntur.

§. CXXII. Concurrit cum bile eodem in loco *succus pancreaticus*, subinde acidus, plus minus tamen, in animalibus repertus, qui chyli, dicto modo à bile alterati, crassiores & quasi caseosas partes leniter coagulando præcipitat, & blanda quadam cum bile fermentatione, in statu p. n. verò effervescentia, dictarum fecum separationem insigniter adjuvat.

§. CXXIII. Chylus ita in intestinis tenuibus alteratus & perfectus, & à scybalis recrementosis depuratus, per intestina leni pressu ulteriùs distribuitur mediante motu illorum peristaltico, sub quo successivè succus subtilior & tenuior nutritivus oscula vasorum lacteorum meseraicorum in intestina hiantium intrat.

§. CXXIV. Ex his continuato motu fertur in *commune* lumborum *receptaculum* seu cystemam chyli in homine pariter ac brutis membranofam, unde ulteriùs per ductum thoracicum in venam axillarem sinistram infertur, ubi cum sanguine redeunte mistus in dextrum influit cordis ventriculum.

§. CXXV. Nam repetitis vasis lymphaticis ductæ sunt hepatis, quoad sanguificationis negotium, exequiæ, cum nulla vasa lactea ad ejus deriventur viscus, & quod venæ sanguiferæ meseraicæ aliquam ejus portionem invehant cum sanguine, adhuc experimentis Anatomicis probandum venit.

§. CXXVI. Nullæ quoque hæcenus detectæ sunt viæ, quibus immediatè chylus pro materia lactis genituræ, nutriti fœtus in utero, &c. ad hæc loca distribuatur, quin potius mediate chylum ex arteriis nondum sanguini assimilatum in dictis & aliis locis emulgeri probabilissimum videtur.

§. CXXVII. Urina tamen materia, an omnis ex sanguine in renibus transcoletur, & nulla exprimis viis à chylo

immediatè separata ad loca urinaria, quæcunque etiam sint, viis licet hæcenus in locis abdominis adeo impeditis, nondumque detectis, deferatur, vix probabile videbitur consideranti diabeticos eodem colore, sapore & odore vinum rubellum v. g. loco urinæ excernentes, semina anisi & coriandri integra excreta, citum acidularum transitum, violaceum brevi post assumptam terebinthinam odorem, &c. adeo ut ob id alii inter urinam potus & urinam sanguinis distinguere moneant.

§. CXXVIII. Ubi ergo cum sanguine chylus in vena axillari permixtus ad dextrum cordis ventriculum pervenerit, ex eo ulterius derivatur per arteriam pulmonalem seu venam arteriosam in pulmones, ex his verò per venam pulmonalem seu arteriam venosam infunditur in sinistrum cordis ventriculum, ex quo impellitur in arteriam magnam seu aortam, per quam derivatur in universam corporis machinam, ubique tamen resorbetur per venarum furculos, qui omnes tandem in venam cavam desinunt, ex qua omnis liquor dextro cordis ventriculo denuò infunditur.

§. CXXIX. HARVÆUS & CONRIGIUS vulgò habentur primi Inventores circulationis sanguinis; sed reverà non sunt, & notitiam hujus demum acceperunt à PAULO SARPA, Veneto Monacho Ordinis Servitæ, qui reverà primus & verus inventor est hujus circulationis.

§. CXXX. Confusus ita cum sanguine chylus in venis axillaribus sensim sensimque subigitur, & successive alteratur, ac in sanguinem mutatur, quæ actio speciatim in aut circa cor absolvi videtur: in quo sanguificationis negotio tamen cor, ipsique annexa vasa, se habent saltem passivè, locum saltem his liquoribus pro motu & transitu meliori concedentibus; ita ut saltem antliæ munere in machina hæc hydraulica cor fungatur.

§. CXXXI. Nam *Sanguificatio non est actio organica, sed saltem purè similis*, adeoque propriè loquendo nullum corporis viscus organorum sanguificationis nomen merebitur, sed cor saltem vas erit, per quod sanguis, pro insigniori hac mutatione in præcordiis, movetur.

§. CXXXII. Reverà enim nihil aliud est cor, quam musculus compositus, & musculorum in modum movetur, ita quidem, ut sinister ventriculus propriè cor appellandus sit, cujus tantum appendix est dexter ventriculus, propter pulmones solummodò fabricatus, ut ex hoc melius & commodius in pulmones fiat sanguinis propulsio, pro subeunda maxime necessaria ad vitam alteratione ab aere, & per hos ad sinistram sinum seu cor primarium promotio.

§. CXXXIII. Chyli in sanguinem transmutatio vix aliter, præterquam per fermentationis motum fieri videtur, quem ab aere inspirato, chylum sanguini assimilante, & sanguinem in spiritus volatilante, non pauci probabiliter deducunt.

§. CXXXIV. Probabilior tamen adhuc eorum videtur assertum, qui *sanguinem ipsum*, prout in se principiis fermentativis, in specie salinis & oleosis volatilibus turgescit, *chylum permixtum transmutare*, & successive sibi assimilare mediante motu suo fermentativo, chylum subigente & alterante, & in similem sibi naturam pedetentim convertente, asserunt.

§. CXXXV. Promovetur insigniter hæc sanguinis fermentatio, & consequenter chyli assimilatio ab aere in pulmones inspirato, cujus medio & attenuatur & volatilatur & spirituaescit insigniter, & propter salino-sulphuream mixturam incalescit eadem, & vitali quasi calore incenditur.

§. CXXXVI. His positis facillè patebit, successivis & repetitis per cor & pulmones circuitibus perfici chyli sanguificationem: ob id enim non rarò *semilacteus* adhuc etiam in sanissimis sanguis vena secta apparuit, aut saltem supernatans cruori coagulato serum levè igne inspissatum *gelatinam lacteam* relinquet, quæ phænomena à chylo nondum sanguini assimilato oriuntur.

§. CXXXVII. Undè & tot prostant observationes *sanguinis albi instar lactis* ex vena secta emissi, etiam in sanis hominibus, ob chylum sc. nondum ritè assimilatum: imò ipsæ sanguinis fibræ rubicundæ apparentes reverà albicant, & chyli videntur proles.

§. CXXXVIII. Ita ut vitalis ista massa, quæ per arterias & venas circulatur, *duplici constet substantia, chylosa & sanguinea, cum utriusque communi vehiculo, sero: non quatuor istis humoribus, quatuor elementis & temperamentis analogis.*

§. CXXXIX. Nam quæ in vena sectione emissio cruore post hujus congrumationem, & ca. laverificationem reperitur sanguinis, in superficie floridi & in fundo nigricantis differentia, partim ab aere superficiem refrigerante & attenuante, partim à cruoris in fundo tepore ipsum magis putrescente, dependet.

§. CXL. Propellitur sanguis & chylus ex corde per arterias in universum corpus, & hinc per venas ad idem punctum, nempe cor, redit, unde in circulum recurrens *circularis motus* dicitur, qui à corde, sui parenchymatis musculosi contractione, & ita cavitatum propriarum angustatione, & hinc contentorum impetuosa expulsione, primariò dependet.

§. CXLI. *Proprius itaque cordis motus est ejus contractio seu systole, improprius verò est dilatatio seu diastole*: ibi enim agit & sanguinem exprimit, sicque à sanguinis in arterias ejaculatione harum dilatationem & pulsus efficit; hic verò patitur, dum à sanguine irruente ex venis ejus parietes distenduntur, & ita molestia quadam sensibili afficiuntur.

§. CXLII. Cor à sanguine ex auriculis in ejus ventriculos, imprimis dextrum, illapso & turgescite, expanditur, quæ expansione fibræ, cordis parenchyma constituentes, extensæ irritantur, h. e. nimio distensionis & læsionis sensu afficiuntur, inde confertim per nervos spirituum animalium fit irruptio, adeoque fibrarum & consequenter totius cordis contractio: Pro ratione enim aliorum musculorum, etiam cor à spiritibus animalibus per nervos influentibus in motum cietur.

§. CXLIII. Continuato tali sanguinis impulsu per totum corpus mediantibus arteriis propellitur, eodemque mediante in venas & per has in cor denuò impellitur; ita ut toto hoc circulari motu sola *propulsio*, nulla verò *contractio* contingat.

§. CXLIV. Redit autem toties per orbem ad cor sanguis, ut ibidem imprimis in pulmonibus novo vitali vigore imprægnetur, h. e. de novo volatilifetur, spirituescat, & fermentetur & incalescat.

§. CXLV. Exinde verò per omnes corporis partes in genere pro earum nutritione distribuitur, ita quidem, ut partes sanguineæ rubicundæ *sanguinis nomine propriè veniant*, partes verò spermaticæ seu nerveæ albicantes chylo cum massa sanguinea distributo nutriantur & conserventur.

§. CXLVI. Ex prima enim fetus in ovo formatione innotescit, partes ex duplici materia, nempe partim seminali seu chyloso colliquamento, partim sanguinea formari & componi, unde & pro nutritione & augmentatione talium partium duplex nutrimenti genus, chylosum seu lacteum & sanguineum, requiritur.

§. CXLVII. Media autem inter utrumque cordis ventriculum via intercedit pulmonum viscus, per cujus spongiosum seu potius vesiculosum, h. e. ex copiosissimis parvis vesiculis angularibus, simplici membrana constantibus, invicem connexis compositum parenchyma transvasatur sanguis, dum chylus, huic permixtus in vena axillari sinistra, pergit in truncum venæ cavæ descendentes, & ita in dextrum cordis sinum, ex quo per arteriam pulmonalem seu venam arteriosam in pulmones derivatur, ex pulmonibus verò per venam pulmonalem seu arteriam venosam transfertur in sinistram cordis sinum.

§. CXLVIII. Sensilis est pulmonis infantis vivi & in utero mortui differentia; siquidem frustulum pulmonis infantis nondum editi, aquæ immixtum fundum petit, vivi verò supernatat eidem: & ex hac *doxina* collectio fit infantis occisi. Cum enim pulmo embryonis sit crassior, nec satis porosus, hinc respiratione semel facta spongiosus fit, & sic supernatat.

§. CXLIX. Fieri hoc nequit, nisi pulmones dilatentur & expandantur, adeoque sanguini transeunti patefiat aditus: id quod fit, quatenus diaphragmatis figura mutatur in planam, unde & cavitatem in ima thoracis parte, & viscerum abdominis depressionem, & illorum majorem protuberantiam, efficit.

§. CL. Concurrit simul costarum deorsum versus incurvatarum per musculos serratos & subclavios sublatio, & ita cavitatis thoracis major ampliatio, unde ab abdomine foras *protuberante*, & thoracem extrorsum dilatato, necessario simul aeris ambientis sequitur *protrusio*.

§. CLI. Qui eodem momento partim ita protrusus, partim propria gravitate ac vi laterali facto impetu ruit in pulmones, eosque per se immobiles instar utris inflat & distendit, quod *Inspiratio* dicitur: sicut diaphragmate denuò

denuò relaxato, & costis deorsum demissis, pulmonum compressio & aeris inspiratio accedit.

§. CLII. *Necessaria admodum aeris est inspiratio*, cum hac deficiente omnia intereant animalia; non tamen refrigerium cordis & sanguinis aut huius à nitroso aeris sale condensatio, primarius ejus est finis; cum talia in calore viventium naturaliter constituto, aut in senibus vel cachecticis tepescere, nullum locum obtineant.

§. CLIII. Sed potius usum vitæ nostræ simpliciter necessarium aer inspiratos sanguini præstat, unde & hic omnis prius per pulmones, quam per cor, circulatur, ita ut ad eam sanguinis vitalem restaurationem, quam in præcordiis acquirit, imprimis faciat, ut *suprà* §. 144. dictum: idque beneficio salis sui volatilis universalis, ratione cujus occultum vitæ cibum aeri inesse, Hermetici rectè asserunt.

§. CLIV. Ubi in arteriam magnam impulsus est sanguis, ex parte deorsum per arteriæ aortæ truncum fertur, & inter varios illius ramos arteriam splenicam, atque hoc mediante lienem ingreditur, exinde per venam splenicam ad truncum venæ portæ ac hepar distribuitur: ita ut hæc communicatio insignium horum viscerum, lienis & hepatis, dum omnis sanguis ex liene immediate ad hepar defertur, singulare quid in recessu habeat, ulteriori scrutinio indagandum, utpote, sine quo officium eorum vix debite explicari poterit.

§. CLV. Lienis viscus constans membranarum congerie, in cellulas & multiplices concamerationes efformatarum, per quas glandularum minimarum copiosi racemi uvæ botrum amulantes dispersi sunt.

§. CLVI. Non autem est simpliciter ad Esse vitale animalium necessarium, cum canibus & suis sine ulla sensibili functionum læsione excindi queat.

§. CLVII. Sed tantum ad bene Esse confert, ita ut ad majorem saltem sanguinis perfectionem, sed accidentalem tantum, facere videatur quatenus in lienis glandulis, percurrentibus spiritibus animalibus, tale fortè fermentum elaboratur quod sanguini inspiratum vel ad faciliorem chyli transmutationem faciat, vel potius partium sanguinis heterogenearum nec rite miscibilium separationem ita promoveat, ut commodè per convenientia loca, in specie renes &c. evacuari possint.

§. CLVIII. Hepar ingreditur omnis iste sanguis, qui partim ex splene, partim ex intestinis per venam portæ, vehitur, cujus parenchyma ex glandularum globulis, copioso sanguine suffusus & irrigatus compositum, hætenus soli bilis transcolationi, denegato omni sanguificationis officio, fuit destinatum.

§. CLIX. Equidem bilem istam omnem, quæ per ductum hepaticum ad intestina amandatur, ex hepate derivari certum est: sed bilis, quæ in felleo reperitur folliculo, in hoc ipso potius generatur ex sanguine, per arterias cysticas eo allato; ita ut maxima etiam ejus pars per cysticum ductum ad intestina demandatur: dum interea etiam aliqualis ejus portio per exiles ductus, ex ejus fundo in hepar dispersos, in hoc derivetur, probabiliter ad promovendam bilis ex sanguine in hepate faciliorem separationem.

§. CLX. Sanguis ulterius per arterias emulgentes distribuitur ad renes, ex quibus per venas emulgentes redit, ut ibidem serui salibus partim superfluis, partim recrementosis aliisq; sanguinis impuritatibus imprægnatū, transcolatur, & separetur.

§. CLXI. Est scilicet, in sanguine latex aquosus, aliis serum, commune, tam succorum nutritivorum quam excrementarum, vehiculum, cujus medio illi per universum distribuuntur corpus; hi verò in certis colatoriis separantur & amandantur: quod si fiat per renes, Urina appellatur; sin verò per cutis poros, Sudoris nomine venit.

§. CLXII. Renum corpus, quoad extimas partes, constat fibris quamplurimis subtilibus, perforatis tamen, in corpus papillare tortuosum, medium eorum corpus constituens, definitibus, de quibus vid. LAURENT. BELLINUS, Italus. Illas ergo fibras serum sanguinis ingreditur, indeque ad corpus papillare pergit, per cujus minutos & innumerabiles poros transudat ad membranam interiùs expansam, unde per ureteres ad vesicam descendit, sanguine ipso à venis emulgentibus interea resorpto.

§. CLXIII. Urina hæc sanguinis est propriè loquendo lixivium quoddam volatile, seu aqua sale salso-sulphureo, ideoque primario alcali, secundario acido, ambobus volatilibus pinguedine sufficienti temperatis, composito, sed superfluo, imprægnata: quibus subinde, sed præternaturaliter, & talia massa sanguinea recrementa varia se sociant, & una elimi-

nantur. Porus quod attinet urinam, de hac *suprà* §. 127. actum §. CLXIV. Post renes excurrit sanguis ulterius per arterias ubique ad glandulas per universum corpus disseminatas, easque tam conglomeratas, quam conglobatas: quarum illæ magis compositæ liquorem emulctum in certas cavitates pro peculiaribus usibus effundunt; hæ magis simplices cum per lymphatica vasa, quorum truncus communis est ductus thoracicus, in venam axillarem sinistram sanguini denuò infundunt.

§. CLXV. Conglomeratarum liquor, prout eadem sunt vel laxioris vel firmioris textura, variat: Illæ serum lacteum emulgent, ut sunt mammariæ, tonsillæ; hæ serum aquosius subtilius, sale volatili vel salso vel acidulo imprægnatum, separant, ut pancreas, parotides, lachrymales glandulæ &c.

§. CLXVI. Conglobatæ verò glandulæ lympham efficiunt, eamque omnem ab inferioribus infra cor partibus per ductum thoracicum sanguini per venam axillarem sinistram infundunt, sicut eodem loco omnis in superiori regione confecta lymphæ per similes lymphæ ductus, vasa lymphatica dicta, ibidem infunditur.

§. CLXVII. Lympha hujus materia primaria probabiliter statuitur nutrimentum partium roridum ministerio glandularum collecta, in quod condensantur spiritus animales, in partes quasunque per nervos allati: dum enim non penitus dissipantur exercitio aut laboribus, cum latice seroso alimenti, omnium partium vehiculo, se jungunt, & ita subtilitatem spirituosam amittunt, ac denuò in halituosam, tenuem & aqueam condensantur substantiam, adjuvante non parum artium frigidioris præ aliis partibus constitutione.

§. CLXVIII. Limpida talis spirituosa aquea materia à glandulis conglobatis imbibita, imprægnatur in his ex sanguine arterioso subtili acido-salfo sale; quæ junctim sumpta lymphæ liquorem aquosum spirituosum constituunt nonnihil acidulum, qui *suprà* dictis locis sanguini permiscetur.

§. CLXIX. Finis, propter quem sanguini in vicinia cordis & pulmonum, ubi de novo magis animanda est, lymphæ hæc venæ axillari sinistræ infunditur, est non tantum ut diluat & fluidiorem reddat sanguinem, sed in specie chylo imprægnata, ut instar materiæ sanguinis in præcordiis renovationem, & restaurationem vitalem adjuvet, & insigniter promoveat.

§. CLXX. Pertingit sanguinea massa ulterius ad totam corporis peripheriam extimam, ejusque integumentum cutis, quæ est reticulare corpus ex fibris nerveis copiosis, & capillaribus arteriarum & venarum vasis seu fibris sanguineis contextum, ob id naturæ mixtæ, sanguineæ & spermaticæ seu nerveæ, imprimis tamen tendinosæ, esse dicitur.

§. CLXXI. Interstitia hujus texture occupant glandulæ copiosæ minutæ, ex conglomeratarum genere, miliares dictæ, vase suo excretorio foras hiantes, & cutis poros constituentes, instructæ, quæ veri fontes sunt sensibilis Transudationis, & insensibilis Transpirationis.

§. CLXXII. Serosus nempe sanguinis latex, uti absorbet superflua & recrementosa sanguinis salia naturaliter, aliasque ejus sordes præternaturales; ita, salina hac vi, instar saponis abstergit & abluit suo transitu solidarum partium sordes ex nutritione superfluas, aut ipsum nutrimentum non perfecte agglutinatum, sed diuturniore mora effectum redditum: quæ omnia jam antea sufficienter attenuata & volatilifata ex capillaribus vasis per dictas glandulas emulgentur, & accedente blando calore plus minus copiosè sine capitis mortui remanentia notabiliter emittuntur.

§. CLXXIII. Sanguinem vitale nectar ubertim etiam derivatur ad cerebrum & cerebellum, imprimis per arterias carotides & vertebrales, quarum exiles & capillares quasi surculi ubique superficiem ejus dense obducunt, & tandem in sinus duræ matris sanguinem infundunt, qui venis jugularibus continui in has proximè, & inde in venam cavam, se exonerant.

§. CLXXIV. Observabilis est in cerebro & cerebello duplex substantiæ diversitas, corticalis nempe subcineritia, & medullaris eleganter candida. Illa ex copiosissimis glandulis minutulis ovalis figuræ constat, in quas se insinuant dicta vasa sanguifera: hæc ex filamentis & ductibus nerveis delicatissimis, invicem certo ordine convolutis, & tandem in nervos abeuntibus, est constructa.

§. CLXXV. Substantiæ talis diversitas diversum itidem usum innuit: cortice enim mediante spiritus volatiles sanguinis, vitales dicti, separantur à sanguine, & per subtilissimæ filtrationis modum agiler penetrando transeunt in cerebri medullam, sanguine ipso, seu crassiori corpore, ob pororum

rum angustiam, vehiculo ejusaque ob pinguiorem & oleosam quasi cerebri substantiam, exclusis.

§. CLXXVI. In ipsa verò *medullari substantia*, seu regio palatio, spiritus dicti volatiles luminosi, *animales* nunc appellandi, debitis motionibus & expansionibus, & inde per nervos in omnes partes radios excursionibus operationes animalibus proprias, *sensus* in specie *internos* & *motus* perficiunt.

§. CLXXVII. Constituunt enim hi primariò *animam sensitivam*, tam brutorum quàm hominum, cum sint primi Autores actionum animalibus propriarum, tam in operationibus modò dictis, quàm in genitalibus etiam.

§. CLXXVIII. Quæ utut sint varæ & distinctæ, determinatur tamen spiritus animalis specie & essentia unus, adeoque ad varias actiones indifferens, pro varia partium organica dispositione & proprietate. Nam is ipse, qui movet pedem vel muscolum, conferret etiam suo modo ad visum, si esset in oculo, & sic consequenter in aliis.

§. CLXXIX. Quod si dicti spiritus in debita quantitate & subtilitate blando & moderato, eoque ordinato motu agitentur, indeque cerebrum implendo proprio motu quodammodo expandant, & ita ex eodem secundum filamentorum cerebri medullarem substantiam constituentium ductum continuato quasi rivulo aut radio in corpus, omnesque ejus partes influant, actionum animalium omnium sequitur exercitium adeoque Vigiliæ.

§. CLXXX. Sin verò quacunque ex causa perturbati inordinato, vago, & subinde impetuoso cieantur motu, in cerebro exinde deliria varia, speciatim phrenetica; in partibus verò reliquis spasmi & motus convulsivi, interdum mirabiles, excitantur.

§. CLXXXI. Officia, quibus præsumunt *animales spiritus*, sunt *sensus* & *motus*, utriusque *interni* & *externi*. *Externos* quod attinet *sensus*, cum hi reverà consistant in passione seu motione organi, inducta ab objecto externo sensili, per certam ab hoc factam impressionem seu motum, adeoque saltem in motione filamentorum nerveorum organi, in iis *spiritus animales* hoc saltem præstare videntur, ut suo influxu filamenta nervea organa sensus proximè constituentia in debito tono & tensione conservent, quo facilius ab objectis externis moveri, & ita sensatio externa fieri possit.

§. CLXXXII. Expedita scilicet est corporea nostra machina quorumque corporum *ambientium* activitati & insultui. Hæc ergò ambientia, dum in partem quandam agunt, motionem certam inducunt in ejus nervis, quæ motio seu ab objecto externo facta impressio continuato nervi ductu, ad cerebrum usque, seu ad nervi originem, continuatur.

§. CLXXXIII. Quem ibid. insequitur determinatus spirituum animalium, in vicina cerebri medulla motus ab isto excitatus, qui constituere videtur *sensum internum*, occasione cujus anima rationalis in nobis format conceptum seu ideam, representantem exactè rationem externæ impressionis, fitque tunc formalis cognitio, seu sensuum externorum in mediantibus internis perceptio: id quod *dolor imaginarius* eorum, quorum partes fuere abscissæ, illustrare videtur.

§. CLXXXIV. *Vires* istæ objectorum, quæ vulgò *qualitates sensiles* dicuntur, quibus ambientia corpora agunt in certas corporis partes, *organa sensoria* dictas, consistunt saltem in certa talium corporum, quoad minimas sui particulas, textura vel conformatione, quæ, prout diverso modo nunc in hanc, nunc in aliam corporis partem agit, & certum motum inducit, vel mediata vel immediate, tam varias qualitates sensiles, seu in organa sensus agendi facultates habere dicitur.

§. CLXXXV. *Constam* autem *sensuum organa* variis & distinctis partibus, ita tamen subordinatis, ut una sit *primaria*, & cujus per objectum externum motione fit sensatio externa, seu certa in parte passio, & hæc semper nervus esse solet, cujus filamenta nunc in membranam fortiter tensam expansa, v.g. in auditu & visu; nunc in capitula papillaria sunt conglobata, v.g. in gustu & tactu, reliquis partibus saltem certum usum, eumque varium, habentibus.

§. CLXXXVI. Quinariò numero omnes sensus externi rectè dicuntur comprehendi, quos inter eminent *visus*, cujus *objectum* externum est *lux*, primariò Solis & ignis, & inde diffusum in orbe *lumen*, quod est materia quædam subtilissima, nil aliud nempe, nisi ignis quidam maximè rarefactus. *Lumen* tale vel immediate in recta linea, vel mediata, mediante nempe, in corporis opaci superficie, reflexione certa transit per *tunicam oculi corneam* & *humorem crystallinum*, donec impingat in *tunicam retinam* seu *expansionem*

filamentorum nervi optici, & exinde undique spiritus animalis perfusam, ubi hæc quasi percussa similiter movens spiritus præsentis, talem facit motionem & impressionem, quæ ad cerebrum usque continuata, eo modo, ut §. 181. & 182. explicatum, à nobis dicitur *visio*.

§. CLXXXVII. Est sc. *oculus* reverà *camera obscura* opti-
corum, in qua humor crystallinus est vitrum lenticulare, in quo ut plurimum fieri solet decussatio radiorum luminosorum, donec impingant in tunicam retinam, seu primarium *visus organon*, ubi objectum externum exactissimè, inverso licet sit representatur, ut ita reverà per duplicem conum, unum rectum ab objecto ad punctum intersectionis in crystallino, & alterum inversum ab hoc puncto usque ad tunicam retinam, omnis fiat *visio*.

§. CLXXXVIII. Et prout hi intersectionis anguli sunt vel majores vel minores, etiam res visa major vel minor in tunica repentina depingitur, & consequenter ita judicatur.

§. CLXXXIX. Quod si radii isti luminosi sub sua in orbem diffusionem impingant in corpora opaca, resiliunt propter denegatum transitum plus minus exacte ad eos angulos, ad quos inciderant, ita ut incidentiæ & reflexionis anguli perpetuò sint æquales: id quod in speculis est manifestissimum.

§. CXC. Corpus opacum, à quo reflectuntur radii, est vel politum, vel ex particularum in superficie inæquali situ asperum. Illud radios, eodem ferè modo atque incidunt, ad visum reflectit, unde tale corpus, quasi secundariò luminosum splendere dicitur: hoc verò radios intra istas inæqualitatis superficie, diversos porulos, & varias eminentias & cavitates plus minus, partim abscondit, & ita cum umbris miscet, partim verò certa ratione, plus minus tamen, à primitiva figura mutatos ad oculos reflectit, unde taliter modificatum lumen *color* dicitur.

§. CXCI. Nempe quorum superficiales particula minutæ, seu copiosa polita specula, lumen incidens maximam partem reflectunt, & ita splendentibus proximæ sunt, *albedinem* representant; quorum verò particularum textura copiosis porulis & meatibus est interstincta, ut in his lumen maximam partem abscondatur, & quasi umbris tenebricosis obfuscetur, *nigredinem* exhibet.

§. CXCII. Visum excipit *Auditus*. Hujus *objectum movens* externum nil aliud est, quàm *ather* seu *aer subtilissimus* diversimodè, impetuosè tamen & violenter nonnihil vel percussione vel flatu commotus, qui undique undulatorio motu in orbem diffusus per anfractus auris externæ ad aurem internam, & in specie ad nervum auditorium seu acusticum in cochleæ extremitate in membranam expansam impingit, camque quasi percutit, unde motus ibidem percussioni analogus, & ad cerebrum continuatus à nobis *sonus*, ejusdem verò judicatio seu perceptio *Auditus* dicitur.

§. CXCIII. Motiones ejusmodi aeris ad aurim continuatæ, prout sibi invicem certa, secundum Arithmeticæ leges, positione in majori vel minori gradu, & intensione aut remissione, respondent, gratum vel ingratum seu harmonicum vel non harmonicum efficiunt sonum; & prout istis motionibus respondentes in cerebro spirituum animalium se habent motus, in impetu majori vel minori, ordine vel confusione, &c. varii effectus Musicæ in nobis confurgunt.

§. CXCIV. Motus talis aeris, prout vel vehementior vel debilior, fortior vel debiliorem seu remissiorem nobis representat sonum; prout fortior & celerior, acutiorem; prout remissiior & tardior, graviorem: sicut impingens aer in corpus densum, repercutitur diversimodè ad angulos incidentiæ æquales, indeque repetitum sonum seu *Eccho* constituit, quod in cavitate instrumentorum Musicorum *resonantia* dici solet.

§. CXCV. Ad hujusmodi aeris motiones flatu factas tanquam per instrumentum pneumaticum, pertinet motus ejus in animalibus per tracheam seu asperam arteriam factus, *Vox* dictus; quæ vox simplici per laryngem, imprimis epiglottidis adjumento, elisione *Vocales*: per linguam verò, dentes & labia, certa modificatione *Consonantes* efficit, quæ litteræ in hominibus pro impositionis & conformationis ratione mille modis combinatæ, & certa arte articulatæ, *sermones* constituunt: unde ex sola motus organorum sermonis observatione, surdus, & mutus ab ortu per oculos seu visum exactè quasi audiens, & ita perfectè loquens, reddi potest.

§. CXCVI. Mulieres habent vocem acutam, cum aspera earum arteria sit minor: contra, qui habent eam majorem, illi

illi habent sonum gravem, uti hoc observamus in urfis, quibus aspera arteria adeo est ampla, ut integra complicata manus eidem intrudi queat.

§. CXC VII. Post Auditum tertio loco est *tactus*, ubique ferè in corpore reperibilis, ubicunque nempe filamenta reperiuntur nervea, quæ ab externis objectis mille modis horum approximatione affici, & imprimis variè moveri possunt. Filamenta talia, uti in contexenda cutanea massa locum primum obtinent, ita ubique hinc inde in *capitula papillaria conglobata* ex cute nonnihil prominent, & sub cuticula genuinum & naturale *organum tactus* externum constituunt.

§. CXC VIII. Corpora externa, quæ sui approximatione dicta filamenta, & eorum extremitates papillares, afficiunt, hoc faciunt sola particularum minutarum in superficie, textura, earumque certa vel motione vel quiete; exinde enim fiunt *qualitates istæ*, quæ à nobis dicuntur *tactiles*. Si enim quoddam corpus, cui e. g. manus admouetur, cedat defectu firmæ minimorum unionis, dicitur exinde *molle*; si uerò non cedat, sed resistat ex forti earum combinatione, dicitur *durum*. Si quædam particula mobiles inuicem cohereant, simulque organo adhæreant, dicitur *viscidum*; si aliqua particula à toto separata mobiles organo tactus adhæreant, dicitur *humidum*; si non, uocatur *siccum* seu *aridum*. Si fiat celerrimus & repetitus in organo ab objecti externi minimis motis motus, dicitur *calor*; si nullus, dicitur *frigus*; & sic de reliquis in infinitum.

§. CXC IX. *Gustus* nil aliud est, quàm tactus linguæ specialis & singularis, dum itidem fit per nervos, in delicata filamenta diuisos, quæ ad superficiem linguæ, sub membranam ejus delata, conglobantur in similes papillas nerveas, tanquam in capitula fungorum seu cornua extrema limacum. Hæc ergo ratione suæ peculiaris texture ita sunt constituta, ut præter communia tactus objecta, ut durum, molle, asperum, &c. specialem à particulis salinis similibusue ciborum recipiant impressionem.

§. CC. Sunt nempe *salina particula* minutissimæ genuinum *Gustus objectum*, quæ ratione texture rigidæ acuminatæ, hilpidæ, & diuersimodè figuratæ, uehiculo aqueo imprimis dilutæ, se insinuant in linguam, ejusque modò dicta filamenta, & speciatim eorum papillas variè mouendo, pungendo, lancinando, &c. talem in iis motum efficiunt, qui à nobis *Gustus* dicitur.

§. CC. Hinc prout dictæ particulae plus minus mutantur, & alterantur uel obruuntur, variant sapore: hinc enim acida & urinosa mutua unione mutando texturem fiunt salia; acida aceti particulae, cum minio seu saturno calcinato junctæ, murata textura dulcem saporem representant.

§. CC II. Gustui proximus est *odoratus*, cum ut plurimum maximum inter se consensum habeant; ita quidem, ut intense sapida simul odoratum fortiter afficiant, & contra, ut in oleis destillatis & salibus volatilibus apparet, adeo ut tactus, gustus, & odoratus non nisi pura graduatione majoris uel minoris materiæ immersionis distinguatur, & saltem tactus diuersimodè modificatus sint.

§. CC III. *Organon* hujus *odoratus* minus probabile statuuntur *processus mammillares*, sed potius hoc esse uidetur *membrana ista tenera summitati narium*, iuxta confinia ossis *cribriformis intus obtensa* uti eleganter hoc demonstrat *Schneid. Tr. de osse Cribriformi*: quin & ex analogia cum tactus & gustus organo de præsentia certarum papillari, ex filamentis nerveis contextarum, uix dubitandum uidetur. Quibus narium hæc membrana sensilior est, faciliè sternutant, & ii, quibus insensibilior, difficilior.

§. CC IV. Dum ergo cum aere per inspirationem attracto varia simul & innumerabilia subintrent nares effluvia & miasmata, ex omnibus quibuscunque corporibus, insensibiliter licet, emanentia, (adeo ut omnia corpora certam quasi suam & determinatam atmospheram circa se habere videantur;) quædam eorum ratione suæ determinatæ texture & conformationis insinuant se dictæ narium membranæ, eamque vellicando, pungendo, titillando, &c. talem in filamentis ejus motionem efficiunt, quæ *odor* à nobis dicitur.

§. CC V. *Particula* talem quæ habent texturem & conformationem mechanicam, ut speciatim hanc membranam ejusque filamenta nervea movere possint, *sunt ea, quæ communi nomine sulphurea dicuntur, & sulphurea seu pinguis esse natura*: nam vix odorem habemus, qui non ex sulphu-

reo tali oriatur principio. Unde & prout particulae tales pingues seu sulphureæ ex coalitu cum aliis, speciatim salinis particulis, mutant texturem, & vel volatilifantur vel figuntur, aut alia ratione immutantur, *odorum est varietas*. Hinc v. g. moschus, odoris expers, si in latrinam suspenditur, sulphureæ particulae se iterum insinuant in moschum. Odor olei terebinthinæ suaveolentis longè diversus est ab odore balsami sulphuris, cum hoc ipso licet oleo parati.

§. CC VI. Ita quidem se habent sensus externi: sed *internos* quod attinet, illi rectè dicuntur triplices: *sensus communis, phantasia, & memoria*. Negotium est obscurius, propter insignem, quæ hic observatur, confusionem operationum animarum & rationalium.

§. CC VII. Cum enim nostra *cognitio intellectualis, & omnis ratiocinatio, præsupponat spirituum animalium exercitium, occasione quorum diuersimodè motorum anima rationalis spiritualis diuersos sibi formet conceptus seu phantasmatæ* (cum nihil sit in intellectu, quin prius fuerit in sensu) adeoque sensus animales interni, & intellectio, in nobis semper sint conjuncti, evenit inde, ut nesciamus, quomodo sensus interni, separatim considerati, se habeant.

§. CC VIII. Unde factum, ut similitudo, quoad actiones externas, intercedat non levis inter homines & quasdam bestias, quibus cognitio sensualis quidem competit, non verò intellectualis; quorum & *brutorum docilitas* pertinet, ut etiam brutis cognitio propriè sic dicta tributa fuerit, & consequenter ad minimum semirationalia reddita fuerint, h. e. nobis propria, ipsis similiter tributa seu adjudicata sint.

§. CC IX. Exactius si volumus scrutari negotium, necesse est, ut exactè abstrahamus & separemus res animæ rationali proprias, h. e. quas cognitione reflexa in nobis ipsis percipimus, ab iis, quæ spiritibus & cerebro sunt propriæ, & consideremus, qua ratione hæc posteriores fiant, cum in his sensuum internorum ratio consistat.

§. CC X. Quo facto manifestum evadet, *sensus internos in sola spirituum animalium varia & multiplici in cerebro & cerebello motione & agitatione consistere*: unde & brutis omnis perfecta & propriè sic deneganda est cognitio; & non alio modo se habebunt bruta, quàm teneri infantes, utpote inter quos & bruta nulla est, quoad quasunque actiones, differentia, dum rationalis anima nondum actu secundo operatur, unde & conformatio cerebri organica læsa impediendo spirituum motum, sensus internos lædit.

§. CC XI. Adeo ut *sensus internus* in genere considerati ita se habeant, quod nempe nervorum filamenta, in organis sensuum externorum commota, suum motum continent in cerebrum usque ad radices dictorum nervorum; unde motus similes in corporibus striatis, & consequenter in spiritibus animalibus excitati, sint id, quod *sensus communis* dicitur; quæ motiones impressæ exinde reperiuntur in corpus callosum usque, ubi spiritus animales ubertim scaturientes occasione fibrarum motorum agitantur, in quo consistit id, quod *vocatur Phantasia*, & inde reflectuntur suo motu ad spinalem medullam usque, *ibique impern facto vario, nunc in cerebelli, nunc cerebri nervos motores derivantur*: *Illic in cerebello pro motu partium internarum, nempe diaphragmatis, &c. & excitatione affectuum*: *hic pro motu membrorum externorum*, ita ut varii hi motus nunc *sensus communis*, nunc *phantasia* nomine veniant: sicut iidem sapius eodem modo evenientes, & in membris externis similes actiones exercentes, *Memoria* appellari solent.

§. CC XII. Motum quod attinet partium animalem, nempe quarumcunque, siue internarum siue externarum, ejus organon proximum sunt fibræ nerveæ, quæ nunc artius sunt conjunctæ in unum systema, quod vocatur *musculus*, nunc à se invicem sunt separatæ, & circulari ut plurimum ductu partem ambiunt, quæ v. g. in stomacho, intestinis, &c. propria appellatione carent.

§. CC XIII. Fibræ hæc in motu dependent à spiritibus animalibus, per nervos in partes distributis, hinc denegato eorum influxu pars & sensu & motu privatur. *Fibræ* quidem *partium circulares*, non musculosæ, quæ motum partium internarum peristalticum seu compressivum perficiunt, *obtinere nervos ex cerebello distributos, & sine ulla prægressa cognitione sensuali motum cient*, adeoque nec talis motus prohiberi nec cohiberi potest, unde vulgò *motus naturalis* simpliciter dicitur.

§. CC XIV. Musculosum verò fibrarum systema nervos ex cerebro distributos obtinet, & eos gubernat motus, qui prægressam cognitionem sensualem vel intellectualem sequun-

quantur, adeoque à nobis pro libitu vel impediri vel promoveri possunt: & hic motus per musculos *ingenere motus animalis*, in specie verò in hominibus *voluntarius*, in brutis *spontaneus*, appellatur.

§. CCXV. *Musculi structura* ex copiosis constat fibris, in medio sui coagulo sanguineo seu carneo vestitis, quarum plures sibi invicem inaequaliter quidem, aequali tamen ordine, superimpositae ita situantur, ut utrinque, tam in principio, quam fine, fibrae circa intermediae carnis substantiam incurvatae, figuram & corpus thomboideum eleganter constituent super angulos obtusos, donec in rectos mutentur, mobile.

§. CCXVI. Moveretur musculus & omnis fibra motrix, quando eadem abbreviatur, & quasi in se contrahitur, ita ut *musculi unica* sit *actio* seu *contractio*, quam sequitur partis annexae motus, ejusque mutata figura & situatio: quod si ita contractus persistat musculus, dicitur *motus tonicus* seu *tensivus*; si relaxatur denuò, ita ut nullo musculorum agente membrum sit in figura & situ naturalibus, in *figura media* positum esse dicitur.

§. CCXVII. Motus hic fibrarum seu *contractio* à tribus dependet causis. *Prima est ipsa fibrarum extensarum & partibus annexarum spontanea ad sui contractionem inclinatio*, instar chordarum extensarum spontè se contrahentium.

§. CCXVIII. *Secundo accedit impetus radiosus spirituum animalium per nervos diffusus*, qui in fibrae substantia distributus, eam replet, & quasi inflat, & ita breviorē reddit, quod imprimis in musculorum ventre observabile est.

§. CCXIX. In quibus *tertio copiosior sanguinis arteriosi* in musculum *influxus* supervenit, qui in ventre ejus dilatato, minorem inveniēdo resistantiam, uberius infunditur, unde & turgescētia musculi & contractionis vigor maxime resultat.

§. CCXX. Ita quidem se habet corpus humanum in individuo consideratum: ut verò conservetur in specie, ordinatum est à Summo rerum seu naturae Autore generationis negotium, in quo mas & foemina, seu causae sociae, conferendo mutuò sua symbola, se in specie multiplicant, & novum individuum vitale producant, quod *Generari* dicitur.

§. CCXXI. Mas quod confert est ejus *genitura*, vulgò, sed malè, *semen* appellata, quae in testium glandulosa substantia ex copiosis minutis ductibus & vasculis constructa, elaboratur ex chylo puriore, una cum sanguine arterioso per arterias spermaticas seu preparantes ad testes allato, transcolato, & vi specifici fermenti testium elaboratur.

§. CCXXII. Genitura haec chylosa seu lactea, nonnihil mucilaginosa, sub coitus ardore spiritibus, in specie animalibus, largiter imprægnatur, unde turgescens & vesiculas seminales distendens, harum & partium vicinarum musculorum contractione, accedente proprio spumoso impetu, valide è membro virili ejaculatur & evibratur.

§. CCXXIII. Conjungitur pro facilitando motu, instar vehiculi, lympham glandularum prostaticarum, ad collum vesicae sitarum, quae una effusa, faciliat ejectionem geniturae insigniter. Talis lympa etiam adhuc in eunuchis gignitur, & ab ipsis voluptuose, licet infructuose, coeundo effunditur.

§. CCXXIV. Foeminas quod attinet, omnium etiam animalium, pro generationis negotio conferunt ova, ita ut omnes etiam *mulieres* sint *oviparae*; hac tamen differentia, quod quaedam ova à spiritu genitali marium, cum genitura excreto, foecundata in utero tamdiu foveantur, donec vitalis & perfectus exinde foetus formatus sit, eumque demum excludant *Viviparae* dictae: quaedam verò ova foecundata, sed rudiora, & nondum in foetum perfecte formata, praemature excludunt & postmodum corporis incubatu, mediante blando calore fovendo, ad perfectionem omnimodam perducant, *Oviparae* dictae: vid. praeter Graeff. *Horn. in Prodr. de Gener. Mulier.*

§. CCXXV. Valet hoc ipsum etiam in mulieribus, quarum testes sunt ovaria, in quibus ovula ad summum pisorum magnitudine producuntur, quae per tubam uterinam (cornubus uteri in brutis analogam) sub coitus ardore ad testem contortam, expanso ejus orificio excepta, deferuntur ad uterum; ut ibidem à genitura maris foecundata, in foetum vivum successive formentur. Quod si verò in tuba uterina foecundatum tale ovulum persistat, *Conceptio* fit *tubaria praeternaturalis*, matrique lethalis.

§. CCXXVI. Consistit sc. conceptus mulierum in tali ovulo, à spiritu genitali maris foecundato, ita ut spiritus genitales utriusque parentis in dicto ovulo, seu in recepta-

culo appropriato, sociati, & tanquam debito fomite mutuo incensi, seu principia activa, agitationem & motionem determinatam in subjecta materia inchoent, eamque in foetus successivam formationem terminent.

§. CCXXVII. In ovulo itaque foecundato mox inchoatur *foetus formatio*, primitus in saliente punctulo se movente & magis subsiliente, cum filamentis circumcirca rubicundis; ita ut *cordis palpitantis* rudimentum inter partes solidas, & sanguinis *vitalis liquor* inter partes liquidas, partes primogenae videantur.

§. CCXXVIII. Emergunt brevi post *bullulae quatuor*, *cerebri*, *cerebelli*, & *binorum oculorum* manifesta primordia cum substantia simili instar carinae, circa punctum saliens reflexa, primum medulla spinalis inchoamentum; unde consequenter reliquae partes nervae ex fibris diversimodè coagmentatis contexuntur, ac nascentibus ipsis successive ex sanguinis coagulo partibus ceteris sanguineis.

§. CCXXIX. Ita ut adhuc verissima sit *distinctio* partium in *spermaticas* seu *nervaeas*, & *sanguineas* seu *carneas*: Illis ex materia chylosa seu lactea ovi uterini pronatis; his ex sanguine circum istas concreto pedetentim exstructis.

§. CCXXX. Ut verò in viviparis sub formatione nutriatur & augmentetur simul embryo, *nutrimento* opus, quod per uteri substantiam ad eum derivatur. Adhaeret ob id utero foetus membranarum suis, eum ambientibus, nunc immediate, nunc mediate, intercedente certa substantia; unde animalia vivipara sunt vel *placentifera*, vel *glandifera*, vel *coryledonifera*.

§. CCXXXI. Mulier etiam est inter placentiferas, seu foetus humani membranarum extrinsecus adnascitur moles carnea, hepatis aemula, in recessu glandulosa, quae utero connectitur, & in quam foetus vasa umbilicalia divaricantur. Per hanc nutrimentum chylosum ex matre allatum transcolatur in venam umbilicalem, unde ad venam cavam foetus derivatur, tandemque perfectum in sanguinem mutatur.

§. CCXXXII. Quicquid nutrimenti non transit hanc placentam, transudat, tanquam per filtra, in cavitatem chorion & amnii, ut in eodem revera *nascitur embryo*, qui etiam paulò grandior factus, revera *sugendo per os* istud attrahit, & ita in stomacho conveniente chylicatione sibi appropriat; ita ut partim per os, partim per umbilicum, nutriatur.

§. CCXXXIII. Membranae tales, quae foetum cingunt, & quarum circumferentiae adnascitur *placenta*, in homine sunt tres: *Chorion*, *Amnion*, & *Allantoides*; quarum illae nutrimenti chylosi seu lactei foetus sunt & colatoria & receptacula; *hac verò* urinam per urachum, ex vesica foetus cum umbilicalibus vasis ad eam protensum, excretam recipit, & ad tempus partus usque conservat.

§. CCXXXIV. *Partus nil aliud est, quam foetus maturi & perfecte formati debito tempore legitima facta exclusio*. Contingit hac conatu simultaneo foetus & matris; hujus quidem uteri & partium vicinarum membranosarum motibus convulsivis & contracturis spasmodicis summe dolorosis vexatae, per halitus seu aeris retentionem, & diaphragmatis deorsum versus detractionem, & adeò abdominis totius, accedentibus musculis ambientibus valide contractis, compressio-nem, & inferiora versus protrusionem.

§. CCXXXV. Illius verò anxietate praecordiorum, ex respirationis jam magis necessariae defectu, stimulat, valida motione, calcitatione, & hinc inde agitatione, adeoque totius corporis inferiora versus depressione; unde, ruptis tali modo membranarum liquores contenti effluunt, partes, per quas transeunt, membranaceas laxant, ut patulo foetui egres-suro pateat via.

§. CCXXXVI. Fit hoc ordinariò circa mensis gestationis noni finem, aut decimi principium. Patitur tamen hic terminus insignem latitudinem, cum & *septimestres* & *octimestres*, *undecimestres* & *duodecimestres* observati sint vitales, modo rectum gravida duxerint calculum. *Octimestres* quidem habentur communiter pro non-vitalibus, cum sint reverà abortus foetuum nono mense nascendorum; unde minus maturi, minusque vitales existunt: cum tamen & septimestres vitales observati fuerint, nullum dubium est, interdum & octimestres reverà vitales esse.

PATHOLOGIA.

§. I.

Machina nostra corporea pro ratione partium, ad structuram ejus requisitam, si omnes debitas operationes exercere valet integras, dicitur *sana*; sin verò vitio partium defectuosa sit plus minus quaedam operatio, dicitur tunc *morbofa*.

§. II. Partes machinæ sunt vel *activæ moventes, contentæ, & impetum facientes*; seu *humores & spiritus influi*: vel sunt *instrumentaria, motæ, partes nempe solidæ seu continentes*.

§. III. Omnes istæ cum defectus suos patiantur morbosos, ob id tres *essentiales* erunt *morborum differentia*: (1) *sanguinis & cæterorum humorum*, (2) *ex his natorum spirituum* ac (3) *per has actuatarum partium solidarum*.

§. IV. Cum namque *sanguis & spiritus primum sint vivens in puncto saliente, & ultimum moriens*, quin & his affectis, reliquæ omnes partes, licet sint *salvæ*, tota machina corporea morbofa jaceat, ac alterationes insigniores, quas sub annorum serie, ætatiq; discrimine patitur homo, ab his variè alteratis oriantur, insignesque mutationes totius sub pubertatis annis, mediantibus istis à fermento testium inspirato immutatis, contingant, sanè erunt *primarium*, quamvis partes solidæ *secundarium* saltem, *morborum subjectum*.

§. V. Sanguis per vasa continuò circulator omnes partes cæteras nutrit & alit, calore vitali fovet, & spiritu vitali salino balsamico à corruptione tuetur.

§. V. Vim hanc obtinet sanguis à sua determinata crasi seminali, seu particularum materialium, ejus liquorem componentium, textura & unione, in semine primitus inchoata, & per particulas salinas acidas & alcalinas volatiles fermentativo motu cum aliis totam massam agitanter, continuata.

§. VII. Depravata ergò, & corrupta sanguinis crasi, ex alteratis primariò salibus morbi *sanguinis* oriuntur *fermentativi, seu sanguis* in acutam effervescentiam ex dictorum salium acriorum concursu *turgescat* sub febribus, v.g. acutis, *seu deficiat* nonnihil à vitali ista fermentatione ob dictorum principiorum inertiam, dum cruditatibus recrementosis obruta minus in se agere possunt, ut v.g. in *cachexiis, &c. seu fermentatio* hac variis modis alteretur ac depravetur, ac insignes anomalias, & varias sub isto motu intestino inæqualitates patiatur ex vitiata proportionem dictorum salium ad se invicem, in specie ex *depravatione acidæ* instar Prothæi variformis inquinantis sanguinem, ut in *scorbuticis* confirmatis ac *hypocondriacis* est obvium.

§. VIII. *Impetum facientium spirituum influorum* morbos quod attinet, peccabunt hi vel (1) *in substantia dum, aut vitiose* ex M. S. corrupta & alterata *generantur*, aut ab heterogeneis admistis, in specie causis malignis, inficiuntur; vel (2) *in quantitate deficientes*; vel (3) *in motu*, quatenus cientur in motum, vel nimis rapidum aut inordinatum, sub convulsionibus v.g. aut phrenitide vel quatenus deficient à debitis expansionibus, ut in affectibus soporosis contingit.

§. IX. Quod si HELMONTII terere velimus vestigia, in *spiritu partium insito seu Archeo, Archæales* considerandi essent morbi, ab ideis peregrinis, Archæum ad p. n. actionum exorbitationes determinantibus, oriundi: adeo ut sicut à seminalibus in machinæ corporeæ structura & gubernatione dirigatur naturaliter, ita à morbofis ad p. n. actionum læsiones disponatur.

§. X. Sive ab extra harum idearum fiat impressio, v.g. ab assumptis vel admotis, ut in morfu viperæ, canis rabidi, punctura tarantulæ, in esu cicutæ vel esu carnis felis rabidæ; sive ab intra occasionali quacunque causa materiali excitatus Archæus diversas passionum exorbitationes, *indignationis, furoris, terroris, pavoris, &c.* concipiat, quarum passionum ideæ morbofæ, pari ratione postmodum & vitiosæ, actiones ejus dirigant: vid. KIRCHER. de Peste & HELMONT.

§. XI. Nam contumacissimorum morborum, v.g. *podagra, paralyseos, quartanarum diuturnarum, & similium affectuum*, omnem consuetæ medicinæ eludentium opem, citra materiæ peccantis supposito excretionem quamcumque, aut per quendam animi affectum, ut podagræ per inopinatam aut violentam apprehensionem pedis dolorifici, aut rei intensius appetitæ assumptionem, subito evanescentium subsequens curatio hanc ejus hypotesin illustrat: ut taceam ima-

ginationis effectus, cujus ope ubertim corpus purgabatur in hera, cujus ancilla ipsi præscriptas devorabat pilulas: vid. SALMUTH Obs. 8. & 14. C. 3.

§. XII. In partibus solidis observanda est *materia*, ex qua earum corpus coaluerit, & *forma super inducitur organica*, materiam ad certum opus perficiendum determinans: Istius lesionis morbi *intemperiei*; hujus morbi *conformationis* dicuntur.

§. XIII. Tota autem *morborum intemperiei series* partim ruinoso quatuor elementorum, horum qualitatum, & inde natorum temperamentorum, nititur fundamento, partim super hypotesin dubiam & obscurissimam, de calido nativo & humido primogenio fundatam.

§. XIV. *Intemperiei* enim dicti morbi sunt vel *ratione temperaturæ elementalis*, vel *ratione temperaturæ vitalis*. Ratione prioris *intemperiei* morbi sunt, quando materialis particularum minutissimarum, ex quibus coaluerunt, textura mutatur & plus minus alteratur, unde & novæ proprietates sensiles inde emergunt, v.g. mollities, durities, ficitas, humiditas, &c. Origo talis mutatae texturæ est *vitiosa nutritio*, sive nutrimenti tam chylosi quam sanguinei culpa eveniat, sive ipsius partis nutriendæ peregrino fermentato inquinata, aut quacunque causa subinde externa læsa, vitio contingat.

§. XV. Ratione verò *posterioris, intemperiei nempe vitalis* morbi dependent à *sanguine*, cujus prout erit materialis textura, motusve fermentativus & inde resultantes proprietates variæ, imprimis quoad caliditatem & frigiditatem, etiam erit temperatura totius corporis vitalis; & prout mutatur sanguis naturaliter sub ætatum vicissitudine, etiam mutatur temperamentum totius corporis; & prout mutatur idem p. n. in morbis, etiam temperies totius variant: eodem fervescere in causo, corpus intensius calet, eodem tepescere sub cachexiis, corpus frigidum apparet, &c.

§. XVI. Cadit ergò omnis *inaqualis viscerum intemperies*, seu *contrarietas*, seu *antipraxis* eorundem, in specie *stomachi frigida & hepatis calida*: nam sanguis debito circulo distributus proportionaliter calefaciet & stomachum & hepar, adeoque debitam obtinebunt temperaturam.

§. XVII. Ut taceam ipsum calorem non esse principium, primarium effectivum actionum, sed tantum dispositivè concurrere, cum fermenta digestionum sint *Autores*: unde in ista *inaquali intemperie vitium* erit omne ex *cruditate stomachi acida*.

§. XVIII. In *conformationis morbis* attendendum (1) ad organorum partem seu substantiam fundamentalem, uti sunt fibræ; (2) ad ipsas conformationes mechanicas ipsis superinductas. *Fibrarum legitima tensio, tonum partium constituens*, si lædatur, robur partis læditur sive perit, & oritur exinde *atonía*, frequens satis vitium; sive nimia fibrarum *extensio*, sive nimia per lymphæ serique humectationem *relaxatio*, sive denique *spirituum animalium deficiens influxus & expansio* malum inferant.

§. XIX. *Conformationem mechanicam* ipsam quod attinet, optimè secundum tres dimensiones qualitatis dividuntur secundum *longitudinem, latitudinem & profunditatem*, & hanc vel solidam vel porosam: quibus communis est legitima partium unio in connexionem & situ.

§. XX. *Obstructiones morbofæ* vulgò incusantur ceu fundamentum tantum non omnium morborum chronicorum, v.g. obstructions mesenterii, hepatis, lienis, pancreatis, &c. ceu Autores scorbuti mali hypocondriaci, cachexiæ, febrium, &c. sed reverà subinde ignorantia sunt *asyla*; cum revera vitio digestionis primæ omnes oriantur.

§. XXI. Non possunt sanè obstructions esse in vasis vel *sanguifluis vel lymphaticis*, vel *visceribus*, per quæ continuus humorum est trajectus citra *stagnationem sequentemque tumorem* partium infallibilem, aut humoris impediti in motu naturali per *aliena loca extravasationem & excretionem*.

§. XXII. Aut necesse erit, ut integer quidam ramus ex materia, in & circa eum in scirrhomam duritiem sensim coagulata, totali transmissioni humoris fiat ineptus, ita ut per vicinos ejus defectus tandem compleatur.

§. XXIII. Non universaliter equidem neganda sunt *obstructiones*, idque imprimis in meatibus quibusdam particularibus; v.g. in coeliaca passione nunc ductus pancreaticus & choledochus, nunc orificia vasorum lacteorum, sunt obstructa; nunc quandoque ureteres à calculis obsidentur, &c. Sed istæ obstructions, quas in abdomine morborum chro-

chronicorum fingunt Autores, sunt aut nugæ, aut si reperiuntur interim, v. g. in quartana diuturna scirrhus & obstructio lienis, erunt *productum morbosum*.

§. XXIV. Acidum est, idque vitioso sapore varium admodum, quod in talibus affectibus peccat, ac in materia viscida radicum, quod errore digestionis in stomacho depravata oritur.

§. XXV. Unde & martialibus, per se semper & solum adstringentibus, sed optimè acida absorbentibus, & salinis volatilibus aut fixis, nunc acrioribus, ut antiscorbuticis, nunc temperatioribus, ut aromaticis & stomachicis remediis, viscida incidentibus & bilem acutibus, curantur.

§. XXVI. Ad *fermentativos* morbos *contagiosi* quoque & *epidemici* pertinent, cum seminum morbosum ex agro exhalans, vel miasma in aere volitans, vi fermentativa patiens corpus immutet: adeoque ut miasmata hæc non incommode ex salina natura deriventur; siue *volatilius* & *acrius* sit dictum *fermentum*, ut in febribus malignis acutioribus & pestilentialibus, siue *salso-acidum* sit, ut in lue Venerea, scabie, &c.

§. XXVII. Per consensum *pars affecta* dicitur, dum una p. n. affecta, & peregrini quid sentiente, alia, ipsi quacunque ratione connexa, simile quid patitur & sentit. Est igitur *consensus* propriè dictus saltem inter partes nerveas, quas inter, ut consentire queant, certa connexio requiritur; siue *connectantur ita, ut sint omnino continuæ, siue ut sint contiguae, siue ut tandem media mediantibus funiculis nerveis certa ratione iunctæ sint*.

§. XXVIII. *Tempora*, aut rectius *morborum gradus*, prout iidem exasperantur sensim, sensimque remittunt (in acutis imprimis observandi morbis, *dependent à gradibus fermentationis in sanguine*: nam & hanc sequuntur symptomata, vel mediata, vel immediata, & imprimis *omnis coctionis ratio* pro legitimo remediorum usu specialius observanda, huic ipsi fundamento innititur.

§. XXIX. *Causarum* jam attingendum est *scrutinium*, quæ vel *externæ* sunt vel *internæ*; & ille nunc *fortuita*, nunc *necessariæ*. Inter causas *externas fortuitas* & non necessarias sunt imprimis eæ, quæ *unitatem partium mutuamque cohesionem tollunt*, adeoque *vel contundunt vel vulnerant, vel erodunt, vel adurunt* &c.

§. XXX. Omnia hæc, etiam ipsa vulnera, spontaneo naturæ motu restituuntur, modo *impedimenta* removeantur, quæ *sunt alimenti partis roridi & sanguinis effusi* ex spiritus vitalis dissipatione superinductæ in parte læsa *alterationes & successivæ corruptiones*, imprimis in vulneribus ab aere ambiente obortæ, quas inseparabiliter comitatur *acor vitiosus*, ex ista putredine natus.

§. XXXI. Hic vitiosus acor, instar fermenti peregrini, partis affectæ alimentum proximum multivariè alterat, istudque in pus, saniem, & ichores transmutat; unde tandem vulnera & ulcera depascentia emergunt, fermento hoc acido in vulneris, vel inde nati ulceris, continuo ulterius se multiplicante & serpente.

§. XXXII. Modo igitur vel præcaveatur vel jam inducta subito corrigatur vitiosa ista aciditas, per media vel balsamica dicta seu vulneraria, alcali temperato & oleoso constantia, vel metallica, omne vitiosum acidum successivè delentia, quæcunque læsiones, quæcunque vulnera, &c. citra supurationem omnem, inflammationem & tumorem; facile coeunt, & vulnera omnia ac abscessus istis optimè mundificata, nova carne facile implentur.

§. XXXIII. Hinc enim succus nicotianæ aut plantaginis, vel terebinthina, vel balsamus Peruvianus, vel oleum momordicæ, vel, qui reliquis præfertur balsamus de capibe, vel opobalsamum, recentia vulnera omnia subito ad consolidationem perducit. Hinc colcothar vitrioli absorbendo acidum, omnem vulnerum & ulcerum corruptionem tollit; hinc plumbum ulcera, eorumque dolores ac inflammationes curat, acidum omne suo tactu dulcificans, & aluminosam adstrictionem inde acquires: hinc ceparum succus, & cum eo dilutus sapo Venetus, aut cancrorum fluvialium succus, item calx viva cum oleo lini subacta, ambustionibus resistunt virtute alcalina, acidi, collique facientis partes solidas & nutritium succum, destructiva.

§. XXXIV. His succedunt *sex res n. n.* ita dictæ, ex eo, quod nec principia, nec causa corporis nostri ejusque partium, constitutiva sint, sed neutro modo, legitimo usu, corpus sanum conservent, perverso verò abusu illud ægrum reddant; adeoque primario quidem ad sanam, non ad lon-

gam, vitam faciant, nedum ut eam cum Deodato ad 120. annos propagare valeant.

§. XXXV. *Aeris summa* sc. ad vitam *necessitas* pro volatilisatione ac resolutione sanguinis, tam ad continuandam spirituum productionem; quam ad promovendam excrementorum insensilem evacuationem; idque beneficio sui salis volatilis quasi nitrosi, instar veri salis hermetici, omnia coagulata dissolventis, & omnia fixa volatilifantis, mediante inspiratione nobis communicatur.

§. XXXVI. Prout igitur sal hoc plus minus aerem impregnat, aut copiosiori effluviis aqueorum miscela plus minus hebetatur, variat subinde *aeris efficacia*: quibus & multivaria effluvia fermentativa, ex omnibus corporibus continuo exspirantia, conjuncta, morborum epidemicorum & non-epidemicorum familiares Autores, vim aeris nostri corporis alterativam insigniter variant.

§. XXXVII. *Alimenta assumenda, ratione quantitatum & qualitatum*, solus præscribit *appetitus*, ita ut sanis sint omnia sana, modo sobrie & probè masticata assumantur; cum ea, quæ dictante appetitu ingeruntur, fermentum digestivum promptè subigat & transmutet: nam ex re intensius appetita subinde corpori remedium paratur à stomacho, & quæ insolita & apparenter nociva ingerunt *picantes*, etiam venenosa, sunt innocua: sicut optima, si abhorreantur, quia tunc non ritè digeruntur, morborum suggerunt occasiones.

§. XXXVIII. Per fermentationem resolvuntur alimenta in chylum, qua mediante gummosa & viscida, temperata tamen, vegetabilium nutrientium, in specie cerealium seminum, fructuumque substantia, duo salia, acidum & alcali, in recessu habens, resolvitur in alimentitium succum, & disponitur ad promptiorem assimilationem.

§. XXXIX. Hæc ipsa ut promoveatur in stomacho fermentatio, antè prius fermentantur in panificio, in cujus medio tamen cursu impediuntur per tostionem, unde non perfectè spiritus volatilis inflammabilis, sed tantum spiritus intermedius in iis generatur.

§. XL. Ratione hujus spiritus acidi volatilis homogenei quodammodo ac amici fermento stomachali, nunquam panis, licet continuo comesti, nos capit fastidium: quin potius odor ejus debiliores recreat, ac nauseam medicamentorum ingratorum cohibet; cum & *liquefcent panis in stomacho in cremorem cibos quibuscum masticatus, & assumptus est, simul facilius colliquescere cogit*, ut ita panis sit quasi adjunctum quoddam alimentis fermentum, quorum & Theriaca quibusdam audit.

§. XLI. Idem usu venit in *cerevisiarum coctura*, in quibus absoluta fermentatione post cocturam liquor, spiritu perfectè inflammabili præditus, remanet, resoluta nutritiva feminum gummea substantia in liquorem, in quo, pro acidi exaltatione impedienda, aromatico lupuli condimento, sale volatili oleoso imprægnato, præservatio instituitur.

§. XLII. Præmittitur his inchoata germinatio, ut ea resoluta & viscidæ substantiæ compedibus extricata salia post cocturam promptius fermentare queant: quia, citra hanc germinaturam, per cocturam passa saltem tenax, facile mucescens seu situm contrahens (h. e. in plantulas & flosculos progerminans) non verò liquor dulcis fermentescibilis, eliceretur.

§. XLIII. Ut verò potus ex cerealibus seminibus sunt *cerevisiæ*, ita ex succis fructuum, si parentur, dicuntur *vina*: quo etiam saccharum & mel pertinent, quæ fermentationis medio itidem vina suppeditant. His in potibus vinosis per spirituum volatilium fermentationem producta aciditas, plus minus manifesta, imprimis attendenda est: nam & vina dulcia acido suo non sunt spoliata, utut propter copiosum sociatum alcali volatile olesum aut pingue minus sensibilis sit iste acor.

§. XLIV. Aciditas ista vinosa, nisi probè sub digestionem correctæ & alterata, aut à bilis volatili sale in duodeno in falsum volatile transmutata fuerit, id quod fit vitio nimis copiosæ & inordinatæ ingestionis, quod vinum subcrudum adhuc per intestina distribuitur, mille malis ex acore vitioso pronatis, v. g. torminibus, lithiasi, podagra, paresi, catarrhis, apoplexia, subinde etiam epilepsia, sui amatores mulctat.

§. XLV. Ut igitur alimenta massæ sanguineæ restaurationi & corporis nutritioni conducunt, ita & motus moderatus ejus assimilationi & purificationi, circulationem sc. ac vitalem ejusdem sanguinis fermentationem promovendo, inservit: hoc ipso etiam simul alimentorum assimilationem,

tionem, per universum corpus distributionem, & heterogeneorum per fermentationem, præcipitationis modo, separationem adjuvat.

§. XLVI. Qualia heterogenea à laticè aquoso sanguinis absorpta nunc mediante urina, sub nubeculæ vel levis sedimenti forma, nunc per insensibilem transpirationem, foras eliminantur; adeo ut legitimum *sanitatis conservativum* & *morborum præservativum* sit motus, vicarius nempe omnis venæ sectionis, purgationis, alteriusque similis sanguinis correctionis; quod mechanicorum & rusticorum turba palam testantur.

§. XLVII. Quoad somnum, quaeritur, an meridianus salubris sit, nec ne? Resp. in assuetis, & iis, qui noctu parum dormiunt, senibus item & lucubrantibus studiosis concedendus est; si nempe fiat sedendo, non jacendo: non enim adeo conveniens sit digestio modo posteriori.

§. XLVIII. Hæ ipsæ *occasionales causæ*, & quasi *remotæ*, alterando & immutando sanguinem & chylum, & inde oriundos reliquos corporis machinam gubernantes succos, *proximos* inferunt, & ita res p. n. dictas producant; dum chylus, & inde successivè genitus sanguis hinc mutatus, peccat nunc, idque rariùs, in *quanto*, seu dum nimia copia abundant, unde *Plethora*; nunc, idque frequentius, in *quali*, dum deficiunt à debita seminali seu naturali crasi: unde *cacochymia*.

§. XLIX. *Plethora ad vires* est contradictoria & impossibilis; cum ipse corporis vitalis vigor in sanguine & spiritibus fundatus sit: unde, nisi ipsas vires viribus vitalibus graviores esse, dicere velimus, etiam plethoram quoad vires asserere non poterimus.

§. L. *Athleticus veterum luctatorum* habitus eufarcus & musculosus, adeoque robore artuum insigni notabilis, ortum duxit ex uberiori spirituosi sanguinis copia in vasis, indeque ab uberiori sanguineo nutrimento; sicut obesorum superabundans pinguedo nutrimenti chylosi circa membranas uberius collecti, & blando acido coagulati, congestionem sequitur: nam *athletici* sanguine, *obesi* chylo butyroso, magis *abundant*: Malè hinc homines crassiores pro plethoricis habentur; cum reperiantur homines crassissimi, carnosi, exilia tamen sanguinis vasa habentes.

§. LI. Videretur equidem *plethora ad vasa* absurda, chyli distributi à copiosis alvi fecibus separati, paucitatem, cum necessaria continuataque uberrima insensibili transpiratione, consideranti; quia sc. exstatica Sanctorii singulis diebus naturalibus, seu 24. horis tantum insensibiliter ferè diffamur, quantum 15. dierum cursu per alvum egerimus.

§. LII. Sed *intemperantia otiosa*, Medicorum nutrix, cum stomacho robusto ex alimentis copiosis & *εὐπείτοις* largiorem laudabilemque chylum, indeque oriundum sanguinem supeditans, cum vita desidiosa minus insensibiliter diffante, necessariò sanguinis abundantiae, vasis propriis circa ejus evacuationem vel stagnationem vix coercibili, formitem continuum subministrat.

§. LIII. Cui accedit non rara sanguinis *fermentativa* p. n. *turgescentia*, præter febrilem orgasmum, imprimis in foeminarum menstrua purgatione notabilis, qui sanguis apparenter abundans non nisi facta vel artificiali per venæ sectionem, vel naturali per quæcunque vasa epigastrica, evacuatione depletus, debito circulo per corpus distribui nequit.

§. LIV. Qualis *plethora ad vires apparens* in iis, qui solenni vel venæsectioni, vel scarificationi, similivè sanguinis subtractioni, adsueta sunt, eo tempore, quo istæ solitæ depletiones aliàs institutæ fuere, etiam se manifestare solet, ut citra sanitatis nocumentum easdem, nulla licet alià necessitate urgente, omittere nequeant.

§. LV. Distribuitur per universum microcosmum sanguis mediante *laticè aquoso*, vehiculo nempe tam nutrimenti sanguinei pariter ac chylosi, in vasis sanguiferis & lymphaticis, quàm vehiculo excrementi sub urinae, sudoris, aliavè forma eliminandi: unde sive deficiat, sive nimis abundet, morbi oriuntur, Imprimis autem læditur corpus *acrimonia ejus* vitiosa, tam *salsa*, quàm, quod pejus simulque frequentius est, *acida*; exinde enim quamplurimi affectus urinarii, & ex inquinata nimisque acida lymphæ quarumcunque glandularum, affectus catarrhales, febres lentæ, &c. originem ducunt: *non omnes morbi*, quos ex *serosa colluvie oriri voluerunt* vel PISO vel SCHNEIDERUS, *optimè ex vitiosa lymphæ lasisque glandulis deduci possunt*.

§. LVI. Cæterum ex continuata secundum res n. n. alteratione (1) in massa sanguinea, hujus varia exurgit indoles, ac insignis non raro depravatio; fomes ac mater futurorum morborum; simulque vitio vel (2) interno digestionis primæ in stomacho, vel separationis fecum ex chylo in intestinis mediante bile, vel assimilationis chyli cum sanguine, vel depurationis per renes ac poros corporum; vel vitio (3) alieno, aut sub prima generationis origine, aut ex accessu fermenti cujusdam exotici & peregrini, sanguis à debita & naturali crasi sensim deficit, adeoque cacochymus evadit.

§. LVII. Crasis hæc cum consistat in massæ sanguineæ textura materiali, dependente imprimis a particulis ejus salinis, ob id hujus texture, imprimis particularum salinarum, multiplex mutatio & alteratio, plus minus cacochymicum & qualitibus vitiosum reddit sanguinem.

§. LVIII. Multiplicem hanc *cacochymiam* ejusque causas graphicè nobis delineat *Autor libri de prisca Medicina*, inter scripta Hippocratea, determinans eam per *acidum, amarum, dulce, salsum, insipidum & sexcenta vel infinita* alia, sub saporum notione representata.

§. LIX. Quæ ipsa infinita: sub infinita speciali causarum morbosarum differentia, se unicuique offerunt, dum in singulo morbo ac singula morbi causa specialis peccat sapor, nonnisi per remedium, huic vitioso saporis in specie adversum, eumque corrigens, ob id *specificum* dictum emendandum est.

§. LX. Hoc ipsum instanter urget HELMONTIUS, qui in simplicibus specificum saporem æstimandum suadet: sic enim saturnina in specie conveniunt ad delendum acidum vulnorum; myrrha ad affectus mensium ex acido ortos, & variolas; allium in calculo; cochelearia ad acidum scorbuticum.

§. LXI. Hæc ipsa autem *sexcenta* non ad definiendam saltem causarum morbosarum rationem, sed ad alimentorum pariter ac medicamentorum explicandas facultates applicat dictus *Autor*.

§. LXII. *Infinita* hæc cacochymiae differentia ad tria capita generalia non incommode reduci valet, ad *acidum, amarum, & dulce* seu *insipidum*: habito respectu ad duo quasi *catholica, instrumentalia tamen principia salina, acidum & urinosum*, eademque temperantem & diluentem in corpore chylum vel dulcem, vel quodammodo insipidum.

§. LXIII. *Acidum* peccabit vel in *quanto*, dum abundat aut nimis acre est; vel in *quali*, dum p. n. habet saporem *austrium, ponticum, &c.*; exinde enim sanguinis coagulationes, ut in pleuritide, fames canina, & quædam picæ, tormina colica, dolores arthritici fixi & vagi, concretiones calculosæ, affectus nephritici & catarrhales, scorbutus, passionibus hypochondriacæ: ad quas etiam pertinent suffocationes dictæ hystericae, aliisque in nerveis partibus convellentes spasmi, item febres acutæ cum inflammationibus erysipelaceis conjunctæ, originem ducunt.

§. LXIV. *Corrigunt hoc acidum in genere* (1.) omnia *salia urinosa* seu alcalia, tam *fixa*, ut sal absinthii, centaurei minoris, cardui benedicti, &c. quàm *volatilia*, ut spiritus salis ammoniaci, spiritus & sal cornu cervi, sanguinis humani, nasturtii, menthæ, cochleariæ, &c. (2.) omnia *concreta quasi terrea & metallica fixa*, istud absorbentia, aut potius invertentia, v. g. Mars & omnia Martialia, it. Saturnina, saccharum Saturni, item antimonium diaphoreticum, C. C. ultum & sine igne præparatum, lapilli Cancrorum, corallia, & omnia dura marina, ac animalium ossa: (3.) *oleosa & pingua*, quæ obtundunt & inviscant quasi aculeos acidi, sive sint expressa, sive, quod melius, destillata, ut spir. vini, oleum destillatum caryophyllorum, macis, &c. quod & succinata, camphorata, castoreina, &c. pertinent.

§. LXV. *Amarum*, seu *acidum volatile oleosum*, alcali volatili plus minus saturatum (unde oritur bilis, corporis balsamum) peccabit vel in *quanto*, dum abundat, aut nimis acre volatile & oleosum existit; vel in *quali*, dum oleositate ejus vitiosa, imprimis dum hæc est minus volatilis, se potius aquea, adeoque iners reddit adjunctum sibi sal urinosum: unde à priori effervescentiæ sanguinis aut, indeque ardores totius corporis plus minus continui, oriuntur; vel si in intestinis fiant, phlogoses vagæ, item diarrhææ colliquativæ, cholera, &c. oriuntur: à posteriori verò decolorationes variæ corporis, sub cachexiæ & icteri

& icteri generali nomine notæ, dependent; fomes itidem hac ratione existit, sustentans omnes morbos chronicos, minus sc. corrigendo acidum viscidum.

§. LXVI. *Corrigunt hoc amarum*, & quidem in specie prius ejus peccatum (1.) omnia acida, alcali ejus præcipitantia, ut acetum, succus citri & berberum, spir. minerales acidi, simplices & compositi; (2.) *sulphurea* mineralia cum nitro fixata, figentia volatilem orgasmum, & hebetantia pinguedine sua, sub qua occultatum est acidum, ejus acrimoniam, ut sunt Sulphur commune, omnia antimonialia fixa, v. g. antimonium diaphoreticum, bezoardicum minerale, item sulphura alia metallica dicta; & (3.) *nitrum*, & omnia cum & ex nitro parata remedia, ex acido sulphurea. *Posterius verò* ejus vitium corrigunt omnia acra, plus minus oleosa, augendo acrimoniam salinam, & volatilizando oleum, ut salia volatilia oleosa, item omnia aromata & aromatica, febrifuga, & similia, ut absinthium, gentiana, mentha, &c. qua ratione absinthium hydropes, chelidonium majus icterum, &c. curare solent.

§. LXVII. *Inspidum* denique aut dulce ac chylosum peccat vel in quanto, si copiosius, quam par est, coacervetur; vel in quali; dum est nimis viscidum, & quod frequentius, conjungitur ipsi vitiosum acidum: hinc enim imprimis ex viscido acido quamplurimi morbi chronici, febriles, cachectici, viscerum infarctus ac tumores, & ductuum obstructiones, originem ducunt.

§. LXVIII. Corrigunt hoc ipsum præter evacuantia superfluum vel per os vel per alvum (1.) *attenuantia & resolventia salina temperata*, qualia sunt remedia tartarea ex tartaro vini parata, ut tartarus vitriolatus, nitrum vitriolatum sal ammoniacum, salia alcalia fixa, & volatilia ex animalibus acriora, sal tartari, tinctura tartari, spiritus tartari, sal volatile tartari, item spiritus carminativus, &c. (2.) *resolventia gummosa*, ut sagapenum, mastix, myrrha, primario gummi ammoniacum; (3.) *aromatica seu salina volatilia plus minus oleosa*, vulgò aperientia, item hepatica, &c. appellata, ut absinthium, centaurium minus, fœniculum, rosamarinus, mentha, angelica, galanga, &c.

§. LXIX. *Hæc ipsa* mutatis mutandis facile applicari possunt tria in scholis Medicis doctrina de cacochymia pituitosa, melancholica & biliosa; intelligendo per pituitam inspidum seu dulce chylosum, per melancholicam acidum: nam & ab Hippocrate sub nomine acidi venit, & apud Galenicis & Hippocraticos subinde aceto comparatur, cujus acidi summus gradus maxime corrosivus volatilis atra bilis appellatur per bilem denique amarum seu sal volatile oleosum, aut acidum volatile oleosum.

§. LXX. Nam vulgata doctrinâ de quaternione humorum naturalium sanguinis, & inde derivatis excrementis biliosis, pituitosis, & melancholicis, tam naturalibus, ut vocant, quam præternaturalibus, falsis præconceptis nititur hypothese-sibus.

§. LXXI. Nempe quaternioni elementorum superstruitur: unde consequenter & quadruplex partium diversitas, indeque totiplex pro iis sustentandis nutrimenti differentia, & exinde quatuor humorum in sanguine distinctio, hinc & exinde nati cæteri humores p.n., per multiplicem caloris nativi gradum continuata serie derivantur.

§. LXXII. *Sanguis simplex* saltem & *homogeneus* est liquor salinus volatilis oleosus; nutrimentum verò partium saltem duplex: chylosum pro spermaticis, sanguineum pro sanguineis. Bilis folliculi fellei tantum abest, ut excrementum sit, ut potius saluberrimum corporis totius sit balsamum. Humor verò melancholicus naturaliter est nullus (de hoc eleganter differit CONRINGIUS,) ut nec p.n.: imò lienis officium circa eum saltem ex arbitrio assumptum.

§. LXXIII. *Qua verò in sanguine, venæ sectione emisso, apparet humorum discrepantia*, nata est (1.) ex sanguinis extravasati necessaria corruptela & cadaverisatione; (2.) ex superficie ejus ab aere ambiente plus minus inducta alteratione, unde superficies coccineo nitore splendet, fundus verò inferior coagulatus obscure nigricat.

§. LXXIV. *Excrementorum* per alvum & os quod atinet diversitatem, ea sub tali forma in corpore antea non extiterunt, sed fiunt saltem per mutuam diversorum succorum in primis viis miscelam, unde secundum effervescentiæ & præcipitationis rationes, aliasvè similes alterationes, tam discrepantes emergunt excrementorum differentia.

§. LXXV. Speciatim fiunt vel (1.) ex varia chyli corruptione in stomacho & intestinis, qua ratione infan-

tes copiosissima flava subinde rejiciunt, quæ tamen non sunt biliosa, & ceu dulcia devorantur avidè à canibus, sed sunt lac sub digestionem, aut per intestina distributionem, corruptum, in tale flavescens liquamen degenerans.

§. LXXVI. Vel fiunt (2.) ex bilis & succi pancreatici, nunc seorsim nunc simul alteratorum, miscela, unde & ipsorum unitorum & chyli permisti & facum alvinarum variæ larvæ præternaturales, v. gr. porracea & æruginosa dicta bilis: Ex succo scilicet pancreatico nimis acido, cum bile vitiosè effervescente, unito, & ita bilis colorem per præcipitationem alterante, oritur; unde & manifestè acidum spirant talia rejecta, & verb. grat. in infantibus, excitantur semper tormina, ex acido corrupto oborta, & per acidum destruentia, corallia, crystallum, lapillos concolorum, & similia, curantur.

§. LXXVII. Vel originem ducunt (3.) ex ipsis medicamentis, succos corporis variè alterantibus & immutantibus, in specie purgantibus. Nam martialia ritè operantia semper excreta nigricantia reddunt: rhabarbarum & aloe tingunt eadem intensa flavedine, unde ea bilem evacuare vulgò æstimantur: colocynthidis crassa & viscida emitti facit, qui non solum sunt pituita præternaturalis, sed reverà succus nutritius à malignitate laxantis simul corruptus: optintia majoris succus urinam rubram reddi facit, cui terebinthina, juniperus, nux moschiata, &c. odorem violaceum tribuit: foetorem è contra impertiunt, alium, asparagus, &c. Denique mercurialia sub forma salivæ viscidioris nutrimentum partium spermaticarum liquefactum evacuant.

§. LXXVIII. Morbofis his causis conjuncta est quadam conditio, ut nunc benigna, nunc ratione symptomatum extra ordinem periculorum maligna dicatur. *Natura malignitatis admodum intricata est*: sive enim singularem putredinem, sive sanguinis coagulationem, sive sanguinis nimiam dissolutionem, sive verminosam putredinem & corruptionem, asserere velimus, nunquam tamen universalem malignitatis rationem exauriemus.

§. LXXIX. Reverà autem malignitatis ratio generalis in hoc consistit, ut summum vitæ inferat periculum, qua ratione idem ferè erit cum venenoso: sive sanguinem ejusque spiritum vitalem solum, sive spiritum animale nervorumque systema solum, sive utrumque simul, afficiat; specialis verò ratio in singulis morborum malignis causis & ipsa distincta est.

§. LXXX. Alia enim ratio est dysenteria maligna, alia variolarum, alia pestis, alia purpura puerperarum, alia in catarrhis epidemicis, alia morsus canis rabidi, &c.: unde & symptomatum diversitas ubique emergit, ex quibus diversis malignitatis ratio distincta facile postmodum conjecturari potest.

§. LXXXI. Productum morbosum variè affligens, multarum tamen molestiarum rigo, in specie in abdomine, sunt flatus; merito ab HELMONTIO ad gas sylvestria seu spiritus incoercibiles relati. Generantur neque à calore, neque à frigore per se, sed tantum ab acido præternaturali, mediante vitiosa fermentatione ex materia quacunque, ut plurimum tamen aliquid visciditatis aut glutinositatis oleosæ in recessu habente; unde & hypochondriacis, similibusque, vitio fermenti ventriculi vel succi pancreatici vitiosè acidorum, ex quibuscunque assumptis copiosissimus flatuum est proventus.

§. LXXXII. Ordinatio quidem flatuum cum exhalationibus & vaporibus confunduntur, sed falsò: nam vapores sunt effluvia humida, beneficio caloris soluta, frigoreque condensabilia, unde condensati flores & fuligo vocantur: contra cum his nullum habent commercium flatus: quippe qui non possunt coerceri seu reduci in corpus visibile & palpabile: unde frustra sunt, qui spiritus ex musto exhalantes, applicato alembico, volunt capere.

§. LXXXIII. Cæterum flatus sunt vel naturales, vel præternaturales. Naturales semper in omnibus subjectis reperiuntur, idè, ut parietes intestinorum distentos servant, ne invicem collabi queant, ac gignuntur ex muco acido naturaliter in intestinis contento, concurrente bile; ita enim enascuntur flatus sulphurei, foetidi, & inflammabiles.

§. LXXXIV. Hinc aromatica flatuum sunt medicamina, corrigendo acidum, & resolvendo viscidum. Ipse spiritus nitri, acidus licet, reliquis tamen præfertur, imprimis spiritu vini dulcificatus & temperatus, nobisque sic magis appro-

appropriatus redditus, figendo spiritus erumpentes flatuosos, & impediendo fermentationis impetum.

§. LXXXV. *Calculorum concrementum salinum* est, per coagulationis modum genitum, dum vitiosum acidum ex primis viis, in specie ob stomachi errorem elapsum, ubique invenerit alcali purius, cum eodem se unit, & quicquid conveniens aptumque unioni simul invenerit, una in firmam compaginem coagulat, & calculorum varietatem sic constituit.

§. LXXXVI. Hinc vix, præterquam in renibus & folliculo felleo frequentiores sunt calculi, propter alcali ibidem copiosius hærens, quod v. gr. ex urina falsa per aliqualem putredinem resolutum purius emergens, cum acido facile coit, nunc in arenulas minores, ex quarum coagmentatione majores resultant calculi, nunc mox in majora concrevit saxea monstra.

§. LXXXVII. Hæ ipsæ autem causæ, cum subinde non minus, quam morbi partium afflictarum, in obscuro latent, & sensibus directe non pateant, ob id per *certa media, signa diagnostica dicta*, hæc tria à Medico perscrutanda sunt.

§. LXXXVIII. *Signa hæc ex tribus* primario universilibus emergunt *fontibus*: nempe (1.) ex *antecedentibus*, seu *causis* tam *internis* quam *externis*, tam *communibus* quam *propriis*; ad quod posterius subjecti quoque constitutio pertinet, quatenus exinde inclinatur ad hunc vel istum affectum, tam nativæ, ratione idiosyncrasie naturalis, proprietatum hereditariarum, sexus, &c. quam adventitiæ, ratione ætatis, victus, & vitæ generis, (2.) *consequentibus* seu *effectis*, quod, præter symptomata quæcunque, juvantia & nocentia referenda sunt; & (3.) *essentialiter inhaerentibus* seu *objectis* cognoscendo proprie attributis; quod omnia, quæ quacunque ratione cognitionem Medici dirigunt, facile referri possunt: quorum plurimorum concurrentium signorum *syndrome talis*, quæ omni, soli, & semper tali objecto convenit, *pathognomonicum signum* appellari solet.

§. LXXXIX. *Fundamentum significandi seu signorum* consistit in eius coherencia certa, eaque vel necessaria, vel contingente cum signato; ita ut tanquam causa & effectus coherant, vel per accidens subinde se mutuo consequantur, vel quocunque alio modo mutuo inter se connexa sint.

§. XC. Signa inter hæc, tam quæ in diagnosi, quam etiam prognosi, locum habent, primatum obtinent ea, quæ ex urina & pulsibus desumuntur, cum hæc virtutis vitalis rationem in sanguine fundatam immediatè designent.

§. XCI. Uti enim *urina potus* monstrat alimenti in primis viis alterati, & digestionis ibidem peractæ, conditiones; ita urina sanguinis monstrat hujus constitutionem, ex particularum ejus liquorem componentium, imprimis salinarum, fermentatione oriundam, & pro ratione vel puritatis vel impuritatis cacochemicæ subinde variat.

§. XCII. *Pulsus* autem ipsius turgescentiæ in præcordiis vitalis insinuat statum, distributionisque sanguinis ex corde in omnes partes rationem: ita tamen, ut diversarum circumstantiarum concursus non raro fallax, minusque certum reddat indicium.

§. XCIII. Necessè est, ut Medicus pulsus in utroque carpo simul exploret, quia deprehenditur insignis inter illos differentia nonnunquam: sic enim ob tumorem circa axillas contentum pulsus in uno carpo optimus, in altero deficiens, observatus est à SCHENCKIO & RHODIO. Porro Medicus pulsus tangens non contentus sit una vice eum tetigisse, sed laborem repetat bis vel ter, quia ratione affectuum omnes pulsus mutantur. Tandem fallit pulsus in morbis malignis, & dehinc in scorbuticis & hypochondriacis.

§. XCIV. In pulsu 4. requisita sunt observanda: (1.) *cor movens*; hinc pulsus est vel *vehemens*, vel *debilis*. (2.) *sanguis promotus turgescens*; unde pulsus est vel *magnus*, vel *parvus*. (3.) *instrumentum*, per quod fit motus, nempe arteria; unde pulsus est vel *mollis*, vel *durus*. (4.) *tempus*, quod mensurat motus durationem, observabile vel saltem in una pulsatione; unde pulsus est vel *celer*, vel *tardus*: vel in pluribus pulsationibus; unde pulsus vel *frequens*, vel *rarus*: quæ ipsa temporis ratio ut plurimum à N. diversa sanguinis sub fermentatione conditione dependet.

§. XCV. Simples hæc invicem collatæ compositas dant pulsus differentias, quæ, habito mutuo inter eas respectu, vel æquales sunt vel inæquales; sicut diastole arte-

Etmulleri Tom. I.

riæ collatæ cum ejus systole pulsus dat vel *δύσπνοον* vel *ἀππύσνοον*.

§. XCVI. Omnes hæ differentię, quod plus recedunt vel à statu naturali, vel conditione ægri, vel ratione morbi & causæ morbificæ, eò sunt peiores; quod minus, eò meliores: in specie *debiles*, *frequentes*, *parvi*, &c. simul sunt *omnium pessimi*.

§. XCVII. Urinæ judicio utut vulgus multum tribuat, tamen præter ea, quæ supra fuere insinuata, nil aliud, quam partium urinæ secretioni & exclusioni dicatarum conditionem significat.

§. XCVIII. Considerandum in ejus inspectione (1.) ipse liquor *lixivialis* continens: (2.) *contenta varia* in eo natantia. *Liquor exhibet consistentiam* vel crassam vel tenuem, imbibitorum salium oleosorum cum liquore probe unitorum, majorem vel minorem copiam consequens. Deinde etiam exhibet tincturam vel naturalem citrinam, vel præternaturalem, tam deficientem albam & plus minus pallidam, quam excedentem flammeam, croceam, rubram, viridem, nigram, &c. Deficientes ferme tincturæ ut plurimum cruditates digestionis primæ consequuntur; excedentes aut fortem admodum lixivii per copiosa salia saturationem, aut p. n. in sanguine fermentationem, dissolventem & subigentem exactius salia sulphurea, eaque fortius quasi liquor incoquentem, præsupponunt.

§. XCIX. Tincturæ in urina affectio est, quando urina interdum *pellucida* seu *clara*, interdum opaca seu turbida conspicitur. Illud dependet ab exacta unionem particularum salinarum cum poris liquoris aquei, unde radii luminosi æquali ferè tractu maxima ex parte permeant: Hoc verò (nempe *opacitas*) dependet ab earum separatione & quasi præcipitatione, vel ab aere externo frigidiusculo poros liquoris constringente, & ita particulas imbibitas extrudente, vel ab interna recrementorum cacochemicorum ex massa sanguinea mediante fermentatione præcipitatione, & instar sæcum separatione, unde radii luminosi hinc inde impingentes in transitu prohibentur, & ita liquorem minus perspicuum exhibent. In genere omnis turbida urina latens acidum continere videtur.

§. C. *Contenta* in liquore lixiviali ratione situs triplici modo distincta in sanitatis latitudine cruditates chylosas, vitio digestionis primæ coacervatas, sanguinique non assimilabiles, latice urinario absorptas, exhibent: in statu verò præternaturali pro circumstantiarum ratione mille modis variant.

§. CI. Quoad odorem, si excessivè sit foetidus, nec proveniat ab assumptis, innuit sæpè malignum morbum, liquescentiam nempe massæ sanguineæ, & putredinem pestilentialem, quod Italicorum est *τ. χυμώσιον*.

§. CII. *Iam verò in morbis* acutis febrilibus, quod magis præcipitatis sæculentiis ex sanguine repletur urina, unde diversas recipit affectiones, adeoque coctionis, ut vocant, causæ morbificæ signa exhibet, eò melior est; contrariò si habeat *modo*, eò peior.

§. CIII. In chronicis simili ratione, quod magis heterogeneis sanguinis particulis, seu copiosis contentis, prius onerata, postmodum successivè in naturalem statum remeat, & ita digestionis primæ redintegrationem, & massæ sanguineæ depurationem, & naturalis fermentationis restorationem, ostendit, eò melior esse solet: contrarium fit, si alio modo se habeat.

§. CIV. Nubecula in urina in morbis, tam chronicis quam acutis, est signum redeuntis in stomachum fermenti, & recuperatæ plus minus digestionis.

HYGIENE ET THERAPEUSIS

§. I.

Primaria artis Medica pars est ea, quæ media tractat, quibus aut firma conservari, aut labefacta tamen restitui valet sanitas: illud Hygiene, hoc Therapeusis dicitur.

§. II. Hygiene quidem respicit legitimum regimen rerum sex non-naturalium pro statu salubri conservando, & infirmitate præservanda, tam in genere pro quibus cun-

B que

que hominibus, quàm in specie pro unaquaque determinata ætate, sexu, vitæ genere, &c. id quod vulgò *diætæ* nomine venire solet.

§. III. Fundamentum legitimæ diætæ pro sanitate conservanda, seu legitimum regimen rerum 6. non-naturalium, subministrat *CELSVS* l. i. de re Med. cap. i. inquit: „*Sanus homo, qui & bene valet, & sua spontis est, nullis se obligare legibus debet, ac neque Medico, neque laicali aegere; Id est, nullis strictis diætæ legibus se alliget, sed sua libertate utatur: alias Medicæ vivere, esset pessimè vivere.*”

§. IV. Sed cum ex *HIPPOCRATE* consuetudinis maxima sit vis, & in aliam transmutandi naturam efficacia, ejus dictamen in rerum non-naturalium usu imprimis est observandum.

§. V. Sanitatis verò conservandæ medium docet *HIPPOCRATES* l. 6. de morb. popular. Sect. 4. dum inquit: „*Sanitatis studium est, non satiari cibis, & impigrum esse ad labores.*” Morbos verò præcavendi rationem idem subministrat, dum inquit: „*Quiete & abstinentia multi magni morbi curantur.*” Hinc enim rectè *sobrietas* totius diætæ cardo ab *HELMONTIO* appellatur.

§. VI. In specie pro ætatum diversitate, & inde dependentibus aliis circumstantiis ad conservandam sanitatem, diætæ ita ordinanda, ut vigor vitalis per legitimum usum rerum non-naturalium conservetur, morbi verò congrui, seu qui unicuique ætati magis familiares sunt, maturè avertantur.

§. VII. *Infantes* quidem qui familiariter affligunt affectus, ut plurimum non, nisi ex vitia lactis coagulo, indeque oriundo muco impensè acido & pontico originem ducunt; id quod excreta inde per alvum viridia, seu porracea & æruginea, sufficienter declarant; hæc enim ut plurimum acidum spirant, vel alio peregrino caractere insignita.

§. VIII. Hinc præter remedia anisata, lac corrigentia, & terrea alcalina acidum absorbentia, ut lapilli cancrorum, corallia, cornu cervi, sperma ceti, antimonium diaphoreticum, &c. imprimis laudo salia volatilia, tenellis inigniter conducentia, in rimis blandè aromatisata seu oleosa. Hæc inter excellent præceteris liquor C. C. succinatus, it. spiritus salis ammoniaci anisatus, &c.

§. IX. *Ætas* dividitur in crescentem, consistentem, & declinantem: cuius divisionis fundamentum consistit in sanguine, qui in infantibus est instar musti, in juvenibus & viris instar vini generosi, in senibus instar vini acescentis. Alias circumscribuntur ætates per septenarios, in quibusjam mutationes fiunt; ac originem hæc sententia habet ab *Ægyptiis* atque *PYTHAGORA*, qui multum tribuerunt numero septenario & quinario: hinc dependet etiam ratio crismum, quæ per 7. circumscribuntur dies, ita ut septimo, decimo quarto, & vigesimo primo fiant eadem perfectæ. Similiter hinc nata est supputatio annorum climactericorum, per numerum septenarium & quinarium, ita, ut illi sint habendi primarii, hi secundarii.

§. X. In ætate consistente, dum massa sanguinea in suo constituta est vigore & spirituscentia instar vini generosi, observandum cautè, ne vel nimias concipiat effervescentias ebullitionesque, periculorum morborum acutorum Auctores; vel citò nimis in suo vigore deficiat ad præmaturam senilem debilitatem, imprimis per intensiores & crebriores circa studia meditationes.

§. XI. Ibi ergò caveantur nimis generosa alimenta, nimius motus, primariò animi, secundariò corporis, & tandem nimia venus: sed per consuetum, simul tamen moderatum, illorum usum æquabilis sanguinis conservetur motus & fermentatio; cujus ferocior impetus fixioribus, imprimis nitratis, refræmandus, spirituumque efferus motus opiatissimendus; hic verò spirituosus volatilibus & aromaticis spirituum vigor conservandus, & moderato cautoque ambratorum usu sustentandus.

§. XII. Seniles affectus ex remittente sanguinis fervore, & stomachi deficiente digestionem dependentes, per generosius vinum & moderatum gaudium cum aromaticorum volatilium temperatorum usu arceantur.

Synopsis diætæ bene valentium videbitis in *BONETTI Phar. Med. pag. 46.*

§. XIII. Et ita quidem sanitatem conservandi, & morbos præcavendi, rationem docet Hygiene; legitimam verò curandi morbos rationem docet *Therapeutics*, quæ legitima ægendorum notitia, pro salubri succursu ægrorum, instruit Medicum. Notitia hæc curandi vulgò *Medendi Methodus*

vocari solet, & revera in *judicio Medici practico* consistit, fundato in *judicio ejus theoretico*.

§. XIV. Quod *judicium rationale*, memoriæ contradistinctum, in œconomia particulari animali proximè, & in universæ naturæ notitia universali remotè, fundatum, est quod reuerà sagacem & prudentem constituit Medicum, artemque ejus conjecturalem, non superficiale aut temerariam, sed fundamentalem & accuratam, constituit.

§. XV. Unde & propter casuum in Praxi varietatem, & circumstantiarum inexplicabiles nodos, morborumque novorum subinde, ex accrescente hominum luxuria, & contagiorum vario connexu, prouentum *indiciosus* magis, quàm *memoria prædictus*, consulendus est Medicus; quatenus hic non nisi visa aut audita, ille planè nova mentis acie, penetrare valet.

§. XVI. Est equidem naturæ, morborum medicatricis, minister Medicus, h. e. non agere potest aut debet, nisi quatenus nexus & ordo causarum, corporis œconomiam constituentium & conservantium, permittit, & fundatus est imprimis in vitali sanguinis fermentatione, præsupponente debitam in stomacho & primis viis fermentativam digestionem, nisi in quantum *Adeptus maioribus medendi arcanis instructus*, etiam iacentem naturam erigere, & tanquam *Patronus & rector gubernare valet*.

§. XVII. Quo ipso in negotio & citò & tuto & incundo naturæ succurrere debet, i. e. citra moram, citra recidivæ aut majoris periculi metum, ac cum minima, quantum fieri potest, molestia; quod faciet imitando legitimam functionum omnium rationem naturalem, temperatis imprimis remediis insistendo.

§. XVIII. Præcognoscat ergò, quantum fieri potest, morbum sensuum beneficio, in specie visu observando ægrum, & auditu percipiendo ejus responsa ad quæsitæ, secundum *HIPPOCRATEM* instituenda: *Quæ patiarur, & ex qua causa, & quot iam diebus, & an venter secedat, & quo victu utatur?*

§. XIX. Hinc præcognito morbo invenit & legitimè applicat remedia Medicus, h. e. non solum, quid ipsi agendum sit pro cura, sed etiam legitimum administrandi modum, in circumstantiis externis fundatum: hoc simul subinde observando: *interdum optimam esse medicinam, nulla uti medicina.*

§. XX. *Media*, quibus invenit remedia, sunt tria: nempe (1.) *ratio*, in œconomia animali & historia naturali fundata; (2.) *Experientia*, in pluribus æqualibus exemplis observata; (3.) *Analogismus*, ex similitudine affectus ignoti cum alio cognito hauriendus.

§. XXI. Ex his *Experientia primarum* obinet, illustrata imprimis per rationem: Nam omnis ratio, in rebus naturalibus sensuum necessariò præsupponit observationem, adeoque experientiam. Hinc omnis specificorum remediorum efficacia, quæ *HELMONTIO* dicuntur appropriata, casu ut plurimum observata, per experientiam confirmata, & hinc per rationis scrutinium illustrata fuit.

§. XXII. Equidem experimenta specifica in omnibus subjectis eundem effectum semper habere nullo modo possunt; quin interdum & ipsa sunt frustranea, idque propter idiosyncrasiam uniuscujusque individui specialem, nunc feminalem, nunc adventitiam; propter quam necessariò habitudo seu respectus, quem habet remedium, tanquam agens, ad corpus ægrum tanquam patiens, variat. Hinc ver. gr. pulvis jalappæ ad \mathcal{D} j. quamplurimos copiosè, hunc vel illum interdum planè non purgat; exinde tamen hujusmodi experimenta specifica statim tanquam nulla rejicere, planè insulsum est. Nam in rebus contingentibus talibus ea, quæ ut plurimum ita sunt, necessarij effectus locum obtinent.

§. XXIII. Contraria contrariis curari vulgò asserunt, & rectè quidem; quicquid etiam contra disputet *HELMONTIUS Tract. Natura Contrar. Nescia*; & in specie §. 16. & *Tract. Ignota Act. regim.* saltem est logomachia. Nam non intelliguntur formaliter contraria, qualia saltem sunt in animalium genere per affectuum exorbitantias sibi invicem hostiliter repugnantia, sed intelliguntur effectivè talia, h. e. quæ simul in uno subjecto consistere nequeunt, sed unum alterum tollit, aut ejus activitatem saltem impedit, quale contrarium est v. gr. inter acidum & alcali, se mutuò destruentia & corrigentia.

§. XXIV. Dum ratione recta invenit remedium, *Indicatio*

dicatio dicitur, in qua ex *Indicante* colligit *Indicatum*, propter naturalem ad se invicem connexum. *Indicans* est ipsa natura, morborum medicatrix, quæ & sui conservationem naturalem per similia sibi in *Indicatione vitali* seu *conservatoria* innuit, & præternaturalium ablationem per horum destructiva seu contraria in *Indicatione ablatoria* postulat; sive causam, sive morbum, sive symptoma ob vitæ periculum cupiat ablatum.

§. XXV. *Remedia* talia triplici ex fonte haurit Medicus: nempe *Pharmaceutico*, *Chirurgico*, & *Dietetico*. *Pharmaceuticus* fons tribus quasi rivis in tria regna, *animale*, *vegetabile*, & *minerale*, distribuitur.

§. XXVI. Usurpantur talia vel internè, sive saltem in primis viis suas operationes exerant, v.g. vomitoria, martialia, fixa terrea, &c. sive ulteriùs dissoluta ad vias urinarias, aut per integram massam sanguineam distribuuntur, v.g. terebinthinata, salia volatilia, &c. vel externè horum particulæ poris proximè sese insinuando, tam immediatè partem subjectam alterando, quàm mediatè sanguinem etiam simul afficiendo, operationes suas peragunt, qualia sunt illita olea destillata, inunctiones mercuriales, &c.

§. XXVII. *Contactu corporali* ad partes corporis, & *materiali sui cum succis* ejus *miscela*, ut plurimum operari videntur medicamenta, in specie ea, quæ potentias morbosas Hippocraticas corrigere, & alterare debent; hæc enim per texturam suæ substantiæ *materiali*, in specie *salinam*, hoc ipsum præstant.

§. XXVIII. HELMONTIUS equidem ab *ideis peregrinis* in *Archæo pictis* morbos imprimis oriri vult, unde hîc etiam *idealiter* operantia opponit *remedia*, asserendo, reverà medicamentorum efficaciam *operationem consistere* in quadam *vi irradiativa archæi*, *citra ullum contactum vel miscelam corporalem*, ut exinde *delata idea morbo*sa archæus novam ideam rerum agendarum sibi fingat, pro sanitate demò consequenda; pro quo scopo imprimis sulphura metallorum fixa, in specie sulphur Veneris seu sulphur cupri ex ejus vitriolo, commendari solent: vid. *Tract. in Herb. Verb. & Lapid.*

§. XXIX. Sed cum jam dicta *remedia* partim immediatè, *spiritus animales efficiendo*, partim mediatè & per accidens, *succos* in primis viis alterando, effectus suos edant, nec vitrum antimonii & mercurius vivus ab alteratione immunes sint, quin acor vini vel aceti à vitro vel regulo antimonii subtilissima ramenta abradat, & horum poris se insinuando horum defectum suppleat, omninò hæc pro materiali suo concursu, corrigendo fixiores radices morborum chronicorum, operabuntur, ut ideò ad *vim radiativam*, nondum satis cognitam, confugere non opus sit.

§. XXX. Certum enim est, pati omnia medicamenta aliquam, plus minus tamen, alterationem in stomacho, ratione fermenti digestivi; & in primis viis, ratione confluentis bilis & succi pancreatici: unde etiam plus minus infringuntur, adeò, ut exinde diversa subinde ejusdem remedii in eodem etiam subjecto sit operatio, tanto magis in distinctis, prout istorum succorum in primis viis major minorve est alterandi potentia. Hinc enim v.g. suprà dicta jalappa hunc fortiter purgat, illum ferè nihil; hunc colocynthis fortiter purgat & torquet, illum parum admodum afficit: unde & *venis canum infusa purgantia*, *narcotica*, &c. operantur *promptè & efficaciter*, quæ iis *interius propinata*, ob sui *alterationem*, nullum edebant effectum.

§. XXXI. Non tamen omnem Medicam virtutem semper exuunt, sed de crasi concreti sub digestionem aliquid, plus minus tamen, retinentes adhuc operantur; unde non tantum alimenta quædam sunt medicamentosa, ut armoracia, nasturtium, sinapi, &c. sed etiam lac nutriticis ex assumpto purgante vim purgantem retinet, ac absinthii usus febribus intermittentibus conducit, & terebinthina, abstergendo & confortando vias urinarias, violaceo odore urinam fragrantem reddit.

§. XXXII. Ex eo tamen, quod misceantur cum succis in primis viis, & stomacho, & ita non leviter subinde alterentur, certum videtur, quædam medicamenta in dictis locis demum ex dicta miscela & alteratione certam vim medicamentosam novam acquirere, quam formaliter antea non habebant.

§. XXXIII. Sicut enim in operibus chymicis ex combinatione quorundam corporum, nova subinde fiunt producta & concreta, v.g. terra sigillata, creta, &c. imbibitio

ne spiritus nitri aut sulphuris, texturam, indeque attributa omninò aluminosa, potenter adstrictoria acquirunt; ita talia assumpta attactu succorum fortiter acidorum in stomacho vel intestinis vim adstrictoriam longè potentiorē, quàm in se antea habebant, necessariò acquirunt. Sic salia alcalina, aut è contrà assumpta acida, subinde alterari, & alterata vim aliam acquirere, quam ex se non habebant, & dictis evidentissimum est.

§. XXXIV. *Adhibentur autem rariùs nativa sub forma medicamenta*, sed ut plurimum arte priùs præparata: (1.) Ut faciliùs vel assumi, vel aliàs corpori meliùs adaptari queant: (2.) Ut vis eorum specifica & medicamentosa, vel nimis occultata, vel aliorum nativa concretione obruta, foras eliciatur meliùs: (3.) Ut si adsit aliquid virulentæ, & heterogenæ aut nocivæ potentæ, hoc vel omninò castretur, vel corrigatur.

§. XXXV. Sed sub his præparationibus, in specie, quæ à Chymico fiunt, observandum, quòd subinde vires nativæ destruantur, aliæquæ novæ ipsis concilientur; idque vel per syncretismum, vel per diacrisim, vel per metastasin particularum minutissimarum: ad quas & fixorum volatilifatio, & volatiliū fixatio referenda.

§. XXXVI. Notum enim est, quòd pro varia præparatione antimonium sit vel vomitorium, vel catharticum, vel sudoriferum, vel sanguinis depurativum, vel confortativum; quòd arsenicum venenosum per nitrum cicuretur pro desperatis ulceribus, imprimis etiam cancris; quòd asarum sola in aqua coctione amittat vim vomitoriam, evadatque diureticum, & morborum chronicorum tardarumque febrium remedium.

§. XXXVII. Et sicut ex coalitu nitri, sulphuris & carbonum, ut fulminans pulvis pyrius, non secus ac omnia metalla hac ratione fiunt fulminantia; quæ vis oritur ex sola dictorum compositione, cum neutrum simplicium ingredientium vim talem priùs possideat; ita etiam per pluriū compositionem subinde vis nova Medica emergit, quæ antea non erat: Sic enim Mercurius vivus, innocuus pro usu interno, additione salis communis in Mercurio sublimato, fit venenum acre & corrosivum; quod sociatum novo Mercurio vivo, dat Mercurium dulcem, optimum purgans Venereorum, scabiosorum, epilepticorum, &c.

§. XXXVIII. Hinc meliùs & tutius est uti simplicibus, quàm compositis, in quibus facultates multiformes, tam cognitæ quàm incognitæ, confusæ citra aut mutuam destructionem, aut novæ virtutis productionem, aut stomachi primarumque viarum turbationem, simul consistere nequeunt.

§. XXXIX. Quod ergò in specie attinet remotionem causarum morbosarum, Plethoram veram attollimus, vel confortim, tam per vasorum, sive sint vena sive arteria, apertionem & sanguinis emissionem, quàm per cucurbitularum cum scarificationibus applicationem, aut per hirudines applicatas, vel pedetentim per inediam, labores, exercitia, sudores repetitos & fontanellas.

§. XL. Fontanella enim nil aliud est, quàm ulcusculum artificiale, quod sub forma transmutati puris vel saniei continuo plorat alimentum partis proximum, ex massa sanguinea eò derivatum, adeoque simul & sanguinem & quoscunque vitiosos succos, eidem fortè permixtos, unà evacuat, ne coacti aliis in locis dent turbas; ita ut fonticulus sit saltem remedium palliativum, quod à posteriori, evacuando productum morbosum, ne nimis noceat, non à priori removendo causam radicalem, opem fert.

§. XLI. Plethora apparens non per effrenes cruoris vitalis depletiones in venæ sectionibus, sed potius per repetitum præcipitantium, simulque blandè diaphoreticorum, usum est corrigenda, ut ita cesset sanguinis ferociùs ebullientis impetus.

§. XLII. Per se ergò soli sanguinis evacuationis scopo satisfacit venæsectio, nullo modo refrigerans, nisi ad veterum imitationem ad animi usque deliquium evacuare velimus: per accidens tamen interdum etiam aliis subinde usibus conducit, ver. gr. urinæ suppressioni, partui difficili, casui ab alto, &c. quatenus imminuto sanguinis quanto liberior ejus per vasa fit circuitus seu ventilatio, adeoque impedimenta, ex ejus aliquali stagnatione oriunda, removeantur.

§. XLIII. Et hac sola etiam ratione, nempe quòd immunito sanguinis quanto promoveatur liberior ejus circulatio,

Impediatur eius in quadam parte stagnatio, juvant ex sanguinis detractiones, quæ vulgò pro scopo revulsionis aversionis & derivationis instituuntur: nam veterum de hisce hypobtheses, stante sanguinis circulari motu, consistere nequeunt.

§. XLIV. Interceptiones denique & repulsiones sanguinis aliorumque humorum planè sunt impossibiles, ob inviolabilem circulationis legem, aut admodum nocivæ ob impediri sanguinis motum. Nam si per arterias intercipere velimus sanguinis motum, pars gangrenata morietur; si per venas velimus repellere, & ut solent, adstringentia aut refrigerantia aut acida usurpemus, magis coagulabimus, & ita immobilius reddemus, quod in naturalem motum restituendum est.

§. XLV. Potius resolvendo sanguinem stagnantem, aliosque humores imptos, per blanda sudorifera sanguinem dissolvantia, & motui aptiorem reddentia, qualia sunt v. g. salia volatilia, spiritus salis ammoniaci, item antimonium diaphoreticum, corallia, lapilli cancrorum cum aceto assumpti, & removendo quæcunque impedimenta externa, curabimus facile per diaphoresin, quod per interceptiones & repulsiones frustra, sæpe periculose, tentamus.

§. XLVI. Quod si non tam quantitate peccet sanguis, sed potius ex vitiosa crasi seu qualitate vitiosus existat, adeoque tam ipse, quam cæteri inde derivati, corporis œconomiam sustentantes succi cacochymi fiant, corrigi debent vel per alterantia, vel per evacuantia.

§. XLVII. Alterantia sunt, quæ partes ejus vitiosas corrigunt, & emendant & temperant, deficientes restituunt, abundantes aliarum additione ad debitam proportionem reducunt, & ita sanguinis æquabilem fermentationem, & omnem succorum debitam ad se invicem proportionem restituunt.

§. XLVIII. Unde dum vitiosum acidum aut sals-acidum peccat in malo hypochondriaco aut scorbutico, istud alteratur nunc per Marialia, istud absorbendo; nunc per cochleariam, aut nasturtium, aut armoraciam, alcali suo volatili istud corrigendo, & additione salis talis volatilis huius defectum augmentando; nunc per lac omnem acrimoniam, in specie salsam, temperando.

§. XLIX. Primatum ergò inter alterantia obtinent acida & alcalina remedia, nunc acriora, nunc oleosis temperata: sed sicut non acidum aut urinosum peccat simpliciter in morbis, sed ex principiorum minorum coalitu specificus cuique adjunctus est sapor; etiam non solum ad contraria simpliciter, sed specifica & appropriata, singulartè speciali causa peccantis vitio opposita, respiciendum.

§. L. Absorbentia, Precipitantia vulgò dicta, sunt, quæ in genere fermentantes aut vitiose effervescentes humores sui miscela compescunt, & ut plurimum acidum destruendo, motum omnem fermentativum supprimunt.

§. LI. Sicque vitiosarum & heterogenearum partium exclusionem, & à reliquis separationem, & quoque facum in fundum secessionem, promovent; ut hæ sero involutæ vel per urinam, tunc coctam dictam, vel per sudorem, &c. eliminari queant.

§. LII. Sic namque *Fesribuga*, in specie fixa, tam terrea, quam salialixivialia, præcipitando febriles paroxysmos tollere dicuntur.

§. LIII. Evacuantes denique sunt, quæ id, quod p. n. in sanguine & reliquis corporis partibus reperibile & inalterabile, adeoque œconomia animali vel in quanto vel in quali inimicum, per convenientia loca & cribra evacuari faciunt.

§. LIV. Evacuationes hæ seu purgationes, uti fiunt per varia loca, aliàs à natura per motus suos criticos demonstrata, ita nunc totius massæ sanguineæ universalis, adeoque totius quoque corporis, nunc certæ cuiusdam partis particularitè purificationi prospiciunt.

§. LV. Universaliter purgant vomitus, secessus, sudor, urina & salivatio; particulariter clysmata, apophlegmatismi & errhina.

§. LVI. Vomitus fit, docente hoc in cane vivo. dissecto **RUDBECCIO** in *Obs. Anatom. Obs. 20. in Messe Aur. HEMSTERHUSII* pag. 332. quando primò pylorus se contrahit, inde mox systole totius ab orificio inferiori ad superius sequitur, ac tandem œsophagi materiam effundentis.

§. LVII. Ita ut omnis vomitus fiat per spasmum seu motum convulsivum stomachi, oriundum ex læsione seu irritatione

pylori, tanquam in stomacho Rectoris, facta à medicamento assumpto.

§. LVIII. Cum hoc stomachi convulsivo motu in vehementiori conatu simul convellitur pyloro continuum jejunum, adeoque suos contentos liquores sursum regurgitare facit: convelluntur simul thoracem stringentes musculi, ex connexionione nervorum stomachalium cum intercostalibus.

§. LIX. Unde omnia tam stomacho, quam intestino duodeno & jejunum, ac vicinis locis, ac pectori, pertinaciùs etiam in hærentia, per vehementem istam contractionem, quasi per vim, expelluntur: unde chronicis morbis, imprimis ex stomachi vitio ortis, hinc & pectoris affectibus, & tandem malignis ex contagio contractis, sed tantum in principio, succurrit vomitus.

§. LX. Vomitoria omnium optima ac tucissima subministrat antimonium, in forma tam liquida quam sicca præscribenda. In liquida quidem vel sub forma sapæ, paratæ ex infusione vitri antimonii pulverisati in s. q. musti recentis, vel succi cydoniorum; hinc filtratione & ad consistentiam Rob liquidioris inspissatæ, dosi gr. x. xv. &c. vel sub forma syrupi & vini emetici, e. g.

2℥. Croci metall. vel Mercurii vitæ, vel vitri antimonii q. v. (gr. iv. v. ad vi.)

Infund. in Vino Rhenano, stent in loco tepido per noctem: manè probe filtretur.

dos. 3j. ad 3jss. aut 3ij. in robustissimis,

D. S.

Vinum Emeticum.

In forma sicca:

2℥. Tartari emet. Myns. gr. ij. iij. ad iv.

Sacch. albiss. q. pl.

M. D. S.

Pulvis Emeticus.

§. LXI. Quod si per artem varia recrementosa per alvum rejiciuntur, Purgationis nomine in specie appellatur: nam & natura sua sponte diarrhæas, nunc in statu sano ex mutato victu vel aere præservatorias, nunc in statu morbofo criticas aut symptomáticas instituere solet, non absque felici eventu. Imitetur ergò eam Medicus.

§. LXII. Cæterum cum purgationibus, in specie vehementioribus, omnia ferè in corpore turbari soleant, adeoque periculosa subinde sequantur symptomata, ob id exactè consideret Medicus legitimam purgandi rationem, tam in acutis, quam chronicis.

§. LXIII. In morbis acutis purgandi methodum optimam præscribit HIPPOCR. S. I. Aphor. 21. 22. 23. 24. & 25. in quibus cocta medicari docet, non cruda, nisi materia turgeat.

§. LXIV. Quæ medicationis vox non præcisè ad purgationem restringenda est, sed etiam in genere omnem notabilem per secessum, aut urinam, aut sudores, evacuationem innuit, in quibus omnibus cum salutari ægri successu instituendis necessariò coctio prius expectanda est; aliàs enim aut nihil evacuatur, ut totum corpus perturbetur, aut citra euphoriam ægri, potius cum nocumento accidit.

§. LXV. Scilicet sicut novella cerevisia aut mustum turbidum, & heterogeneis feculentis particulis respectu vini permixtum, per quæcunque coletur instrumenta, eodem modo integrum transit absque feculentiarum remanentia aut sequestratione; quod fermentando depuratum ex excrementitiarum aut heterogenearum facum separatione & quasi præcipitatione clarum transit per colatoria, & feculentias omnes relinquit & seponit.

§. LXVI. Ita quamdiu fæces recrementosæ massæ sanguineæ per fermentationis motum separatæ, aut alio modo præcipitatæ non fuerint, tamdiu nihil vitiosi separatim excerni, aut per quæcunque cribra seungi potest; cum invicem & homogenea & heterogenea permixta sint.

§. LVII. Non igitur in omni morbo purgandum esse, dicit HIPPOCRATES; sed per rerum non-naturalium usum respiciendum, ut in statu isto proportionata conserventur. Dum verò ab iis secretis & per se existentibus nos lædi affirmat, h. e. ab iis intemperatis, & unum alterum præponderantibus, quid aliud faciendum monstrat, quam ut potentiam istam excedentem corrigamus & imminuamus, vel quæ deficit, additione similis, augeamus, casque denuò harmonicas & proportionales.

tionatas reddamus, h. e. morbosas eas naturas ac potentias non abusive phlebotomandas aut nocive purgandas, sed contemperandas & concoquendas; adeoque per sapes vel potentias specificè oppositas corrigendas esse: Conf. *Discursus BECCHERI in Phys. Subterr. lib. 1. Sect. 5. cap. 1. pag. 366.*

§. LXXVIII. Est scilicet humorum evacuandorum *cruditas*, i. e. particularum heterogenearum sanguinis, talis status, quo sanguini intime permixta, imperfectè tamen unita, naturalem ejus fermentationem turbant, & in effervescentias febriles humores concitant; id quod imprimis fit ab acido vitioso, intime talia concretante, & simul heterogenea invicem sociante.

§. LXXIX. *Coctio* è contra est acidi hujus per alcali saturatio, & particularum heterogenearum separatio, atque à reliquis particulis per fermentativum motum præcipitatio, ut ita recrementa & heterogenea salia, celi effata, instar cujusdam capitis mortui à fero, tanquam alimenti pariter ac excrementi communi vehiculo, imbibita per certa viscerum cribra & quasi filtra secerni, & hinc per naturæ consuetas vias evacuari possint.

§. LXX. Propterea etiam critica morborum judicationes, siue per acrisin, siue per metastasin fiant, non nisi in statu morbi, concocta jam & separata & præcipitata omni excrementorum turba, per certa loca, celi appropriata cribra & filtra, accidunt; nunquam in principio: unde non nisi simili in statu ad ejus prudentem imitationem, quasque instituiamus eradicativas, quas vocant, evacuationes.

§. LXXI. Exinde enim & *urinarum indicium* desumendum quæ in acutorum principio, non secus ac frequenter in chronicis sunt clara & pellucida tenuis, plus minus tinctæ; quæ procedente morbo in incremento sunt turbida, crassa, & in statu omnino copiosis sedimentis, celi facibus, fundum matula petentibus, saturata; unde illæ priores crude, hæ posteriores coctæ dicuntur.

§. LXXII. Hinc sicut pulsus manifestat statum sanguinis fermentativum ejusque motum; ita urina monstrat statum sanguinis ex dicta fermentatione resultantem, secundum puritatem imprimis & impuritatem.

§. LXXIII. In malignis verò & acutis affectibus non æquè hoc observari potest, quin potentibus & appropriatis sudoriferis mox in principio insistendum, ut eliminetur in tempore fermentum malignum, ne una cum spiritibus jam inquinatis totus sanguis tandem simul corrumpatur; habita simul ratione majoris vel minoris effervescentiæ febrilis in sanguine.

§. LXXIV. In chronicis verò morbis, ex ventriculi errato imprimis supervenientibus, purgatio successiva imprimis & per epicrasin mitioribus remediis, blandis aloeticis, instituenda, ferè saltem locum habet, interpositis subinde alterantibus & specificis, & præmissis debitis vomitoriis.

§. LXXV. Quod si verò aliquando fortius purgandum, aut si etiam ad præservationem morborum certo tempore, verno vel autumnali, idem agendum sit, ad præcavenda symptomata graviora, tormina imprimis & abdominis pathemata, præmittenda prius sunt digestiva, seu excrementa præparantia; horum nempe acrimoniam, in specie acidam, temperantia, & visciditatem incidentia, ut ita facilior & minus molesta fiat purgatio.

§. LXXVI. Hunc in finem conveniunt falsa temperata, ut sunt tartarus vitriolatus, sal ammoniacum, sal digestivum hypochondriacum, sal absinthii, &c. quibus subinde aut lapilli cancrorum, aut corallia præparata, aut simile quid, ad infringendum magis acidum subinde addendum est: sicut ad hoc ipsum dulcificandum in hypochondriacis, Melancolicis & Quartanariis Martialia & Saturnina specialius conducunt.

§. LXXVII. Locus expurgationis sunt intestina, in quibus cum non præexistant ea, quæ excernuntur (vix enim capiendis sufficerentis, quæ interdum una purgatione validiore prodeunt) eò feruntur ex massa sanguinea per ductum cholodocum & pancreaticum, quibus natura tunc temporis quasi abutitur; unde & quæ excernuntur, frequentissime flavedine tincta conspiciuntur.

§. LXXVIII. Probabilis tamen admodum simul PECHLINI videtur sententia *Tr. de Purg. cap. 36.* non his solum viis eructari excernenda in intestina, sed simul etiam per parvos tubulos, intima intestinorum membrana affixos, glandulasque miliares, post intimam intestinorum mem-

branam sitas, in dictos tubulos se exonerantes, recrementa varia ex sanguine secreta in intestina deponi.

§. LXXIX. Non autem strictè ad intestina determinata est purgantium operatio: nam dum sanguinis circulo per corpus rapitur vis medicamentosa purgantis, hoc ipso pro adjuncta sibi facultate simul vel nonnihil diaphoretica, vel diuretica, &c. ut & pro certa sordium expurgandarum à medicamentofacta colliquatione, & alteratione, ac ipsorum viscerum constitutione varia, nunc per urinam, nunc per sudores, nunc per salivationem, sequitur cathartici operatio; unde & acriora purgantia in viris Venerem stimulant, in mulieribus menses proritant.

§. LXXX. Equidem optandum esset, darentur vera purgantia, h. e. quæ sordes saltem excrementitias, aut heterogenea quacunque præternaturalia, ex corpore eliminarent, citra utilium nutritivorumque succorum corruptionem simultaneam, & depravationem.

§. LXXXI. Verum, quæ vulgò purgantium nomine veniunt, non sunt talia, sed sub blandiente nomine virulentiam nocivam, plus minus validam, gerunt absconditam; unde (1.) sanos ac ægros ut plurimum æqualiter vexant, & (2.) tot sordes stercorum forma ad 30, 40, imò 70. sedes evacuant, quas, citra præsens vitæ periculum in corpore subsistere, impossibile esset.

§. LXXXII. Unde & (3.) ægri, qui ex legitima purgatione deberent secundum Hippocratem levari, insigniter sæpius debilitantur; (4.) morbis nihilominus sub antiqua contumacia persistentibus, cum nullis purgantibus simpliciter curari queant.

§. LXXXIII. Tetra quæ (5.) inferunt symptomata, tormina abdominis spasmodica, subinde in manifestas convulsiones terminantia; ac (6.) perniciofa hypercatharsis non obscure malignitatis nocivæ & virulentia ea arguunt; unde & (7.) additis correctivis tam studiosè corrigenda sunt.

§. LXXXIV. Sanè promiscua virulentia & fermentativa colliquatione promiscuè tam recrementosos quam alimentitios corporis succos resolvunt & colliquant, & quas non inveniebant sordes, corrumpendo nempe succos, efficiunt; nisi eorum virulentiam robustior paulo stomachus, ratione succi fermentativi acidi, plus minus correxerit.

§. LXXXV. Simili scilicet ratione atque Mercurius, vel inunctus vel assumptus, etiam sanissimos, non secus ac lue Venerea infectos, vexat, resolvendo nutrimentum corporis chylosum seu spermaticum, & colliquefaciendo hoc ipsum, in formam mucii salivalis (cum quo tamen & sordes quacunque, v. g. in scabie, in specie Venereo contagio alterata, una evacuantur) copiosissimi transmutat; ita & purgantia simili ratione in sordes transmutant stercoreas, quicquid ipsis obtigerit.

§. LXXXVI. Utut enim variis modis corpori applicari soleant purgantia, externè pariter & internè (nam odoretenus hausta simili ratione ac venis infusa purgant) tamen duplici modo imprimis operantur, vel irritando, & acrimonia sua pertinaciter vellicando intestina.

§. XXXVII. Unde non tantum horum spasmi & violentæ contractiones, tormina intestinorum, indeque propulsiones excrementorum sequuntur, sed simul etiam hiantia in ea orificia pororum, cholodochi, & pancreatici, item glandularum miliarium, simul vibrati, & irritati & vellicati, eructant uberius sua contenta.

§. LXXXVIII. Nam hac ratione resinas cautè propinandas suadent Præctici, ne adherendo visciditate aliquali intestinis hypercatharsin inferant, continuis acerbis punctio-

§. LXXXIX. Vel secundà ratione operantur, sanguinem & ipsi inherentes partes, aut inde derivatos succos certo modo fundendo, & fermentando, ac simul colliquefactione in corruptelam resolvendo; unde sordes tam variæ, etiam non præexistentes, post purgans assumptum in corpore generantur, & excernuntur.

§. XC. Sub hoc tamen motu quicquid heterogeneum est in sanguine, & à vitalitate proscriptum, facilius alteratur, & consequenter eiicitur, quam quod magis vitale ac utile erit.

§. XCI. Nam hac ratione sub parva miasmatis fermentativi mole, odoribus per nares hausta purgantia æquè operantur, non secus ac quorum resinosa essentia venis

infusa, immediate sanguini permixta fuerint.

§. XCII. Omnia sc. purgantia acrimoniā habent volatiliem insignem, utut faucibus non semper æque perceptibilem, quæ in vegetabilibus fundata videtur in sale volatili oleoso urinoso acris; unde ratione adjuncti olei fere omnia exacte amarificant, indeque visciditatem insignem adjunctam habent, propriè dicta laxativa: In mineralibus vero vis laxativa in textura sulphurea vitriolica, aut sulphure acris volatili quasi arsenicali, radicata est.

§. XCIII. Hinc enim omnia acida destruunt vegetabilia purgantia varia omnino, item salia fixa, v. gr. sal tartari corrigit purgantia, quatenus corrigit eorum oleum, & inde natam visciditatem, colliquefaciendo texturam resinofam purgantis, tollit: sicuti etiam fermentatio purgantium eadem mitigat, ferociamque nonnihil domat. In mineralibus vero ea, quæ figunt sulphur volatile, quæ inter eminet nitrum, tollit eorum, v. gr. purgantem antimonii malignitatem, eamque saluberrimè diaphoreticam reddit.

§. XCIV. Confirmatur purgantiam operandi ratio per ea, quæ hypercatbarsin sistunt, qualia sunt non præcisè adstringentia, sed imprimis diaphoretica fixa & opiata: Ista corrigendo fermentationem vitiosam inductam, & sudorum forma ejiciendo tam fermentum purgans, quam alteratas ab eo partes; quod faciunt v. gr. antimonium diaphoreticum, spiritus theriacalis camphoratus, C. C. sine igne, terra sigillata, &c. Hæc vero, opiata scilicet, solum irritationis in intestinis aliisque locis tollunt, & spirituum animalium impetum, prætereaque quascunque humorum motiones sistunt, unde pacata semper quies.

§. XCV. Promiscuè ergo agunt purgantia in corporis nostri partes liquidas, tam utiles quam vitiosas; Et exinde ruit sponte sua divisio purgantium in Cholagoga, Phlegmagoga, Hydragoga, & Melanagoga, cum unum alterumve purgans loco omnium sufficiat; utut pro circumstantiarum variarum ratione nunc hoc nunc istud, nunc debilius nunc fortius, purgans eligendum sit, experientia imprimis magistra.

§. XCVI. Pro morborum quoque varietate solet interdum aliqualis selectus purgantium institui, quatenus sub virulentia laxativa in quibusdam vis specifica causa morbose alterativa est recondita, qua ratione helleborus niger præter virulentiam laxativam etiam specialem habet vim contra affectus Melancholicos, Rhabarbarum ad affectum renales, Mercurius dulcis contra virus Gallicum, &c.

§. XCVII. Prout autem plus vel minus erunt efficacia seu virulenta, etiam magis vel minus sanguinem, & mediante eo forsan etiam corporis continentes ac solidas partes afficiunt: unde triplex corporis regio, à veteribus in purgationis negotio asserta, postquam cum sanguinis circulo non bene conveniat, saltem quoad majorem vel minorem purgantium efficaciam intelligenda venit.

§. XCVIII. Scilicet res ita se habere videtur, si varia facultentia in intestinis stabularent, aut uberior bilis vel succi pancreatici adsit proventus: hæc commode lenioribus purgantibus circa corporis commotionem exturbari & quasi abstergi possunt.

§. XCIX. Quod si crasseos sanguinis læsio ex heterogenearum particularum miscela, harum evacuationem postulet, modo aptæ redditæ sint, ut eliminari queant, idque mediante coctione seu separatione & præcipitatione, eo deductæ sint, quod natura vergit, i. e. sanguis & spiritus, & corporis ratio & consuetudo, & sordium ipsarum conditio, postulant.

§. C. Quod si purgare velimus, turbanda quidem erit nonnihil massa sanguinea per medicamentum, sed non nimium perturbanda, ut saltem id, quod magis nocivum est, citra succi nutritivi insigniorem corruptelam detrahatur; adeo, ut aliquot saltem sedes, non verò quæ per decades numerari queant, sufficiant.

§. CI. Alias proprias sanguinis & totius corporei systematis purgantia sunt urina & sudor. Per secessum quæ fiunt evacuationes, saltem stomacho & intestinis evacuandis, & ex digestionem prima necessariis facibus emittendis à natura propriè dicata sunt.

§. CII. Sanè unicus sudor moderatus plus purificat & rotam massam sanguineam, ac universum corporis habitum, quam forsan 10. purgationes; & in chronicorum curatione per urinam quæ fit evacuatio, ut plurimum convenientissima esse solet.

§. CIII. Cui ergo moderatum, sed sufficiens purgans sub pulveris forma placet præscribere:

24. Crem. tartari ʒi.

Pulv. jalapp. gr. xij. ad xv.

Olei destil. amfigut. ij.

M. pro pulvere, D. S.

Pulvis purgans.

Quod si pilulæ præscribendæ sint.

24. Extr. panchym. Cr. gr. xv.

Gum. ammoniaci in aceto sol. ʒss.

Scamm. sulphurat.

Extr. troch. alband. anagr. j. ad ij.

c. f. q. Elix. prop. vel tinct. tart. f. Pilulæ.

D. S.

Pilulæ cathartice.

Quod si gratæ Potiunculæ aut Emulsionis forma placeat:

24. Ref. scamm. ʒss. ad gr. xv.

Sacch. alb. ʒiij.

Misc. exactè, affundendo sensim

Succ. citri ʒj.

M. D. S.

Iulapium purgans.

Vel

24. Ref. jalapp. gr. viij. x. ad xiv.

c. f. q. sem. melon. & aque appropr. f. Emulsio edulcoretur

cum f. q. ros. manus Christi simpl. D. S.

Emulsio purgans.

NR. Resinæ optimè cum vitelli ovi pauxillo solvi, ac addita dein aqua appropriata, in Emulsionem redigi possunt.

§. CIV. Assumenda autem sunt talia purgantia jejuno stomacho, ne cum cibo, aut paulò ante, vel post eum propinata, chylum corrumpant & inficiant, huncque ita scoriarum forma eliminant; sequatur lenis motus pro facili distributione & operatione, sed non nimius, ne sudorem ciendo exclusa purgationum miasmata citra effectum transeant.

§. CV. Naturalissima post eam, quæ per alvum fit evacuatio, est per urinam, qua latex totius corporis aquosus superfluis, qui antea pro vehiculo alimenti inserviebat, nunc ceu vehiculum excrementi rejicitur, & lixivii salis volatilis forma sordes salinas præternaturales ex massa sanguinea, aliaque huic permixta recrementa, v. gr. pus pleuriticorum, vel suppuratorum pulmonum pus, evacuat; aut ex abscessibus aut ulceribus artuum purulentam materiam, simulque ex primis viis salia vitiosa sub urina potus excernit.

§. CVI. Utut autem variis succurrat affectibus diuresis, optimaque & blandissima sit purificandi corporis contenta ratio, tamen specialius chronicis, seu, ut alias vocantur, tartareis morbis, conducit, v. gr. in malo hypochondriaco, scorbuto, cognatisque affectibus, item ictero nigro aut flavo, arthritide, hydrope, ascite & anasarca.

§. CVII. Nam & acidula, chronicorum & contumacium affectuum debellatores, præter substantiam mineræ martis, qua acidus & vitiosus sapor in primis viis destruunt, specialiter diuretica virtute, qua potenter pollent, sunt salutare.

§. CVIII. Exerunt autem virtutem suam diuretica; in specie vi salina, eaque salsa, qua ad nitri naturam accedunt: nam & bufones ac lumbrici ex regno animali porissima diuretica, ex falsedine ad nitrosam naturam inclinant, & diuretica vegetabilia legitime calcinata sal diureticum salum relinquunt, & mineralium aciditates diuretica in primis viis in falsum saporem correctæ, vim diureticam exerunt.

§. CIX. Equidem non levis est varietas inter diuretica, quæ imprimis recenset HELMONT. Tr. de Lithias. cap. 5. §. 17. Primatum tamen obtinent ex animali regno lumbrici per putrefactionem præparati; ex vegetabili vero terebinthinata & iuniperina, in specie Malvaricum iuniperinum; ex minerali verò nitrosa: quò pertinet imprimis spiritus urinosus, Clyffus dictus, volatilis, ex tartaro & nitro per retortam tubularem destillatus.

§. CX. Cum verò continuò & copiosè transpiret corpus, & ex pectore exhalet insensibiliter, nil mirum est, si tanta ejus sit necessitas, ut ex impedita eadem oriantur morbi, & ex eadem aucta iidem curentur: id quod sudorem vocant.

§. CXI. Fit sudor, quando sanguis ex quacunque causa,

v. gr. à calore ambientis intenso resolutus & quasi liquefactus, crebrius per cor transit, & rapidiori circulo per totum corpus pellitur; unde successive magis magisque in præcordiis rarefcit, & ab acre attenuatus incalcfcit, magisque effervcfcit; & fic *pulfus magnus, celer & frequens*, alias *undofus dictus*, fupervenit.

§. CXII. *Artenuatur fimul aquofus ejus latex*, fanguinem naturaliter diluens, & ita facilius & copiofius diffolvit & imbibit falia, fermentativo motu ex fanguine feparata, unà cum aliis præternaturalibus recrementofis particulis.

§. CXIII. Dum itaque falinus magis cum fanguine circulat per partes folidas, falfo ifto lixiviali fapore mundificat, eas abftergendo ab omnibus fordibus, fub nutritione privata præternaturali interdum coacervatis.

§. CXIV. Interea, quicquid fub circulari fanguinis, ejufque ferofi laticis, motu defertur fimul in vafa capillaria, unà cum fibris nerveis & intertextis glandulis, miliaribus à modernis dictis, cutim conflituentibus, penetrat in dictas glandulas, tunc propter fibrarum nervearum relaxationem ex calore ambientis patentes & fpongiofiores redditas, donec ita fucceffive guttularum forma, licet minutiffimarum, tandem planè extra corpus efficiatur. *De glandul. miliaribus STENO & MALPIGH. videantur.*

§. CXV. Nam propter ambientis calorem, indeque refolutas fibras nerveas, & ita patentes redditos meatus & poros, tam vaforum capillarium, quam glandularum iftarum, fuccedit imprimis fudor, qui alias occlufis poris haud efflueret, fed potiùs loco ejus per urinam fieret fecretio & evacuatio.

§. CXVI. Adeò, ut ex dictis *universale fanguinis purificativum & partium folidarum*, imprimis *mollium*, *abfterfivum*, & *cutis corporisque peripheria mundificativum fit fudor*.

§. CXVII. Prætereaque omnes fanguinis grumefcentia aliaque coagulationes, omnes humorum ftagnationes, tolluntur, & quicquid exotici fermenti fanguini permiftum fuerit, hujus beneficio evacuat.

§. CXVIII. Sed quoad *legitimam fudores adminiftrandi rationem*, imitanda provida natura, non nifi in fine v. gr. paroxylmorum febrilium intermittentium, aut in fine ftatus in continuis, ubi quodammodo jam deferbuerit maffa fanguinea, fudores pellens, nifi malignitas aliud fua-deat.

§. CXIX. Sudorifera ergo remedia interna erunt, quæ, præter ambientem calorem, fanguinem refolventem, aut præter validum motum, eundem in rapidiorem circulum cogentem, eum refolvere, attenuare & liquefacere magis poterunt.

§. CXX. Cum verò confiftentia fanguinis effectivè ab acido ejus occulto dependeat, ob id *sudorifera erunt vel alcalia, imprimis volatilia*, hinc de fixa, pofitivè fudorem prolicientia; vel *terrea, acidum abforbentia*, & ita privativè ad fudorem difponentia.

§. CXXI. Si ergò præfcribendum fit fudoriferum in forma liquida, fufficienter fudor movebitur fequenti formula.

℞. Aqua card. bened. ℥ j. ℞.
Spiritus falis ammoniaci ℥ j.
vel loco hujus falis ejus vol. ℥ j.
Ol. de ftillat. caryophyll. gut. j. vel ij.
Syr. fœnic. vel cortic. aurant. ℥ ℞.
M. D. S.

Aqua diaphoretica.

Vel fi pulveris forma magis placeat.

℞. Antimonii diaph.
C. C. f. igne,
Sals card. ben. an. gr. xij.

M. f. pulvis.

Hauriatur jejuno ftomacho in vehiculo calido.

§. CXXII. Præter dictas evacuandi rationes, etiam per copiofi fputi falivalis rejectionem, evacuat causa morbigica per variam Mercurii ufurpationem, qui vel apparenter mortificatus in Mercurio dulci, aut Mercurio præcipitato quocunque, intus repetitis vicibus affumpto, poft aliquot vomitus aut feceffus falivæ copiofæ vifcidæ & foetidæ effluxum caufatur.

§. CXXIII. Vel idem vivus adhuc extrinfecus admove-tur corpori, nunc in unguentis ex eodem cum duplo vel tri-

plo pinguedinis porcine in mortario lapideo probe per-mifto paratis, vel articulationibus majoribus manuum & pedum, vel ipfi fpinæ dorfus illitis, nunc in fuffitibus ex cinabari vulgari cum benzoe, ftyrace, & fimilibus in trochifcorum forma carbonibus ignitis iniiciendis paratis; præ-miffo femper aliquot dierum balneo aquæ dulcis tepido, pro meliori fuccorum evacuandorum refolutione & liquefactione.

§. CXXIV. Cafus, ut multa alias, ita & hic remedium fubminiftravit, dum ulceribus cacoetheis & malignis, in fpecie Venereis, applicatus cum emplaftris & unguentis Mercurialibus, copiofam falivationem & hac mediante affectus curationem procuravit.

§. CXXV. Unde primitus quidem foli lui Veneræ dictus fuit hic ptyalifmus. Cum verò huic juncti & alii affectus fimul levarentur, etiam ad plures chronicos & contumaciores morbos, quorum causa morbigica in acido vitiofo, imprimis in materia vifcidiorè, videbatur abfcondita, idem fuit ufurpatus, fpecialiter ad fcabies ferinas, ad arthritides graviores, ad epilepfias adultorum confirmatas, &c.

§. CXXVI. Equidem promifcùè fub liquaminis falivalis forma evacuat Mercurius, ut fupra §. 85. monitum; fimul tamen hoc ipfo vitium peccans corrigitur & tollitur: fcilicet *amalgama hoc liquidum*, ut probabiliter effe affertur a BECCHERO in *Phyf. fubterranea, habet fecum fuphur volatile & fubtile, acerrimum tamen in fuo recessu*, ut fufficienter demonftrat Tachenius in *Hipp. Chymico*.

§. CXXVII. Ratione hujus partibus folidis, nerveis in fpecie, infectus eft mercurius, refolvitque horum nutrimentum proximum chylofum in liquamen aqueum fubvifcidum, quod frequentiffimè per cribra glandularum, imprimis maxillarum, tam fuperiorum quam inferiorum, ac tonfillarum, ceu quarum meatus optimè valent transmittere talem fuccum, tranfcolatur in os; rariùs verò per glandulas pancreaticas eructatur in inteflina, quo cafu per diarrhæam torminofam, interdum nonnihil cruentam, loco falivationis evacuat.

§. CXXVIII. Cautus tamen merito apud nos hujus Mercurialis falivationis eft ufus, non tantum quòd fpiffiores fint minufque fluxiles & tenues fucci, œconomiam noftri corporis gubernantes, quam Gallorum aut Italarum.

§. CXXIX. Sed in fpecie propter fcorbutum in his oris feptentrionalibus nimis familiarem, qui per ufum Mercurii magis exafperatur; & fpecialim fymptomata linguæ & oris, exulcerationes, & vacillationes dentium, gingivarum putredines, &c. vel ex folo incauto Mercurii ufu fupervenientia, funt longè crudeliora.

§. CXXX. Et hæc fuere univerfales corporis evacuationes. *Particulariter falivalem lympham evacuant* ex glandulis hujus excretioni deftinatis, uti & ex tonfillis & membrana pituitaria pofteriore, ac confequenter ex ipfis locis vicinis, ac tandem fucceffivè ex ipfo capite, à quo *Apoplegmatizantia* dicta feu *Maficatoria*, ut & gargarifando eorum Decoctum feliciter ufurpari queat: horum tamen evacuata materia tandem non nifi ex fanguine derivanda.

§. CXXXI. *Conveniuntque imprimis in catarrhalibus capitis affectibus, ex lymphæ vitio oriundis*, dum acrimonia fua volatili v. gr. radix pyrethri aut zingiber, aut zedoaria, aut nicotiana, aut finapi femen, *vellicant & pungunt membranas oris, & orificia vafculorum excretoriorum*, fimulque ulterius per ea penetrando refolvunt, quos ibidem inveniunt vifcidos fuccos; unde ex iis uberrima deftillat faliva in os.

§. CXXXII. Eadem omninò eft ratio, quando eadem nicotiana, aut radix hellebori nigri, aut pulvis radices & florum liliorum convallium, vel majoranæ folia, &c. vellicant membranam narium fenfibiliffimam, & membranam pituitariam anteriorem prope os vomeris vicinaque loca. Ex his enim etiam fpiffior paulo lymphæ quæcunque uberius fic elicitur, five *sine fternutatione hoc faciant Errhina, five cum fternutatione hoc faciant Ptarmica*.

§. CXXXIII. Equidem utraque nafo faltem, non verò oculo emulgendo, & coryzæ fuccurrendo, & lympham copiofam aut vitiofam eliminando primariò conducunt. Sed cum *fternutatione non nifi ex diaphragmatis ac reliquorum thoracis mufculorum convulfiva contractione expiratoria fiat*, ob irritationem fenfibiliffimæ na-

rium membranæ, ex connexione nervorum diaphragmatis & intercostalis cum dictæ membranæ nervo sensorio; ob id & ad excitandos apoplecticos, lethargicos, &c. non inutilis est sternutatio.

§. CXXXIV. Quin & cum impetuosè admodum tunc elidatur spiritus, & simul abdominis muscoli violenter se stringant, ob id & ea, quæ firmitus aut naribus, aut faucibus, ac asperæ arteriæ impacta sunt, simul eici facit, & ad foetus ac secundinarum exclusionem promptiorem non parum confert.

§. CXXXV. Quæ denique particulares corporis cavitates vel naturales, intestina, uterum, vesicam, &c. vel præternaturales, sinus & fistulas, eluunt & expurgant arte prius Injecta Clysmatum generali nomine veniunt, utut ad alvum eluendam frequentissimus illorum sit usus.

§. CXXXVI. *Intestinalium clysmatum*, utut substantia eorum materialis ultra coli valvulam naturaliter adscendere nequeat, latè tamen diffusus est usus, adeò ut non tantum non omnibus abdominis & intestinorum pathematis, hinc & vicinis locis, renibus, utero, &c. tam in adultis, quàm etiam frequenter in infantibus, conducat.

§. CXXXVII. Altiùs tamen in corpus penetrant subtiliora & volatilia eorum miasmata, unde non tantum ex vino cum aromaribus pro clysmate injecto ebriosum delirium observat RHOD. Obs. 38. C. L. sed & à 3 j. opii c. clysmate injecti coma obortum, notat SALMUTH. C. 3. Obs. 57. per clyisma aliud ex vino Malvatico curatum: Sic, quibus aquæ benedictæ pro fortiori stimulo adduntur, interdum vomitus movent: Vis tamen nutritiva eorum planè est nulla.

§. CXXXVIII. Euporiston ergò clyisma foret:

2℥. Flor. chamomill.

Samb. an. M. j.

Bacc. junip. 3 ℥.

Sem. 4. carmin. an. 3 j.

Coq. in 5℥. aquæ simpl. Colat. 3 ℥ ix. add.

Elect. bened. lax. 3 j.

Vitelli ovi num. j.

M. pro Clysmate.

Utut pro particularium affectuum ratione delectus subinde habendus sit: qua ratione in dolore intestinorum scorbutico ex lacte clysmata, in dysenteris ex cancerorum jure parata, &c. soleant commendari.

§. CXXXIX. Quod si symptomata graviora peculiarem sui urgeant medelam, quæ etiam per unicuique appropriata remedia optime perficitur, tamen omnibus iis in genere commode succurrit opium; quod quatenus quoscunque spirituum motus, & humorum vitiosas effervescentias, & præternaturales excretiones sistit, ita & inde subinde oriundis symptomatis periculosioribus resistit.

§. CXL. Mirandus hic opii & similium, Narcotica dictorum est effectus, qui tamen ex eo, quod spirituum motum impetumque sufflammet plus minus, eorum volatilitatem & subtilitatem, indeque facillimam expansionem & mobilitatem figendo quasi aut condensando, explicari potest; unde consequenter tam continentium quàm contentorum reliquæ motiones omnes naturales & præternaturales cessant.

§. CXLI. Hæc figendi potentia opiatorum consistere videtur in principio eorum sulphureo, sali volatili acri juncto, adeoque secundum communia asserta potius in calore, quàm frigore; cum & alia narcotica vi prædita, ut spir. vini, carbonem incensum, Gas liquorum effervescentium (quod est de natura quodammodo sulphurea volatili) ex dicto principio sulphureo efficaciam suam mutuentur.

§. CXLII. Unde & sulphura mineralia fixa vi anodyna archæi sedativa insigniter excellere dicuntur.

§. CXLIII. Sed cum benedicta in opio sit medicina, ut rectè adhibeatur, tria sunt consideranda: (1.) ut rite correctum, vel per digestionem cum alcalibus, vel per fermentationem, (quæ præfertur à nobis, utpote minori tempore & felicius procedens,) citra castrationem per acida usurpetur.

§. CXLIV. Hinc (2.) ut constantibus adhuc nonnihil viribus legitimo tempore adhibeatur, in acutorum nempe saltem incremento, ut symptomatum atrocitas mitigetur maturè, non in statu, ne critici motus impediatur: in chronicorum verò paroxysmis, saltem nimis exacerbatis, pro tollenda eorum ferocia.

§. CXLV. Et denique (3.) nunquam solum, sed debitis sociatum specificis, affectuique simul appropriatis remediis, ne

solo opio palliando saltem morbos, vel recidiva, vel contumacia nimia, inducatur.

§. CXLVI. Hactenus ea, quæ ex remediorum genere materiali sui contactu & miscela operari solent, adeoque magis cognita sunt: sed parvi hæc facit HELMONTIUS, qui saltem idealiter, & per radii quasi diffusionem, citra materialem contactum spiritum insitum illuminando; in specie in stomacho operantia remedia, ceu insigniora & magis potentia urget, eaque ex metallis sub forma sulphurum fixorum, in specie ex vitriolo Veneris, præparanda jubet ac postulat.

§. CXLVII. Sed idealis hæcce ejus hypothesis, sola imaginatione constans humana, & in subjectis non rationalibus planè inconceptibilis, & ideis archæi seu spiritus insiti superstructa, partim subtilitate sua nimia, partim ex §. 29. adductis & probatis, planè evanescit.

§. CXLVIII. Huc tamen revocari possunt quodammodo curæ morborum sympathicæ seu magneticæ & transplantatorie: Illæ quidem, dum citra remedii cum parte laborante contactum, in distans fit cura, quasi per certum consensum cum parte affecta; hæc verò quando ægritudines transferuntur vel in animale, vel in vegetabile subjectum, ut exinde sanetur corpus humanum.

§. CXLIX. Sic sympathicè nasus corrumpitur Bruxellis in Nobili, ob mortem bajuli Bononiensis: pulvis vitrioli Veneris in Sole calcinati curat hæmorrhagias, vulnera & ulcera cruenta in distans, modò sanguinem ex parte læsa oriundum contingat; vocatur ob id pulvis sympathicus: & perficaria per aquam frigidam tracta, vel contusionibus gravioribus vel ulceribus imposita, donec nonnihil intepuerit, & inde, ut putrescat citius, in loco commodo sepulta, dictos defectus curat: gladio, quo vulnus fuit inflictum, si ve cruento si ve non cruento, applicatum unguentum, quod vocant Magneticum seu Armarium, curatur vulnus: lac in prunas emulctum, ut vaccæ ubera inflammant, ita mulieris ubera sterilescent facit: vel dum contactu lardi aut pomi per medium dissecti curantur verrucæ, mediante dictorum putrefactione. Eadem ratio est cum clavis pedum.

§. CL. Sic quando in phrasi similibusque affectibus recipitur raphanus recens, excavatur, inque illum urina immititur, adaptato ei operculo suo, hinc sub stillicidio in terram collocatur; pereunte urina, cessat affectus.

§. CLI. Transplantatoriè v. g. curatur panaritium intrusione digiti in felis aurem, RIVER. C. 4. Obs. 19. & 63. aut dum placentulæ, ex urina icterici cum farina factæ, à cane esitæ, icterum sanant: vel dum podagra tollitur cum sanguine & urina agri in salices tenellos, vel arboris radicem, transplantatis: vid. TIM. l. 5. Epist. 8.

§. CLII. In omnibus his curis mediata certa portio spiritus vitalis, ex corpore agri decisa, si ve cum igne, si ve cum urina, seu cum sudore, seu cum insensibili transpiratione, separatur à toto, & in aliud subjectum transfertur. Hæc enim omnia aliquid de spiritu vitali demunt, inestque iis participatio quædam totius extra concretum naturale, ut loquitur Helmontius.

§. CLIII. Unde prout hic alteratur diversimodè, sequitur similis in corpore toto alteratio, plus minus tamen, prout vel citius, vel tardius ad omnimodam sui dissolutionem, ac interitum ad evanescentiam disponitur, ac ita vel brevius vel diutius cum toto consensum sustinet.

§. CLIV. *Mumia spiritualis nomine venire solet his in casibus dicta spiritus vitalis portio, quæ à toto separata fundamentum dictarum curationum constituit.* Utut enim propriè spiritui insito tribui soleant hæc differentia, ratione cujus est etiam differentia inter corpora violenta & naturali morte obeuntia; tamen hoc in casu promiscuè sumi solent.

§. CLV. Mumia hæc, si ve sub forma effluviū subtilioris ex habitu corporis extrahi debeat, id mediante corpore tertio, *Magnete dicta*, fieri solet; si ve ex stercore humano cum TENZELIO hunc magnetem parare, in ejus *Medicina diastatica*; si ve cum aliis ex stercore & sanguine hominis sani, aut ex carne hominis violenter interempti desumere velimus.

§. CLVI. Pertinent huc *Philtrea vera ad certam personam determinata*; quorum vis in tali mumiali confirmatione consistit, ut ad certum objectum trahatur dilectio; ut rectè loquitur HELMONTIUS Tr. Magnet. Vind. Cur. §. 27. & 28. h. e. in unione certa & archa spiritus vitalis mumialis unius subjecti cum altero, ut ita hujus spiritus transmutetur & omnino subigatur ab ista mumia; unde sequatur propensio

sio naturalis & quasi raptus in illam personam. Sed hæc pro excitanda saltem curiositate in his abstrusioribus sufficiant.

§. CLVII. In omnibus curis non raro plus arte Medica valet gravius malum; unde subinde necesse est, ut mature artificiosa conjectura cognoscat Medicus: an & quomodo curabilis sit affectus? adeoque & eventum morbi, & tempus eventus & modus eventus, artificiosa prognosieruat.

§. CLVIII. Neminem autem Prognostico relinquat, quia nunquam omnia adeo manifesta esse possunt circa ægros, ob specialem uniuscujusque individui idiosyncrasiam: quin interdum hujus ratione miracula in medicina fieri videntur, & ii, qui conclamati putantur, præter spem convalescant.

§. CLIX. Fundamentum legitime prognoseos cujuscunque est circumspecta consideratio roboris naturæ & violentiæ morbi, & utriusque collatio mutua. Horum quod prævaliturum judicatur, & quomodo? eo vergit omnis Prognosis.


§. CLX. Fontes, ex quibus sub utriusque collatione prognostica oriuntur signa, sunt tria; scil. Antecedentia & propria, tam objecti ægri, quam ipsius morbi; Atributa, seu, ut aliàs dicunt, essentialia Inherentia; & deinde Consequen-

tia, atque ipsa vel *juvantia* vel *Nocentia*: quorum & in morbis acutis coctionis & cruditatis signa pertinent.

§. CLXI. Nempe Processus quasi judicialis in Prognosi instituitur: *Reus est æger, actor est morbus, Testes sunt signa*, in specie, quæ à consequentibus desumuntur; nempe ex parte egri functiones, quæ adhuc sūt salvæ, ex parte morbi symptomata: *Advocatus est natura*; *Judicis* vicem obtinet *Medicus*, vel condemnans alteram partem, vel judicium in re dubia & periculosa suspendendo ad supremum judicium. Divinum auxilium, interdum partes ablegans.

§. CLXII. Quod ipsum sub crisi imprimis evidens est, sub qua subitanea fit mutatio, eaque vel in manifesto melius, vel in pejor; utut rarius apud nos contingat, cum corpora nostra solidiora, victu crassiori utentia, frequentius labe scorbutica infecta, sanguine minus turgescere prædita, in climate minus fervido, ineptiora sint, ut criticas subeant alterationes; unde sæpius evenit, ut subinde negligatur crisis, partim quia bonus Medicus nititur prævenire, partim quia ipsi dies minus certi existunt, cum & extra septenarios crises subinde laudabiles eveniant.

FINIS SYNOPS. INSTITUT. MEDIC.



MICHAELIS ETTMÜLLERI,

PHILOSOPH. ET MEDICINÆ DOCTORIS,
Professoris Publici & Facultatis Medicæ
Lipsiensis Adsefforis.

COLLEGII INSTITUTIONALIS DISCURSUS THEORETICO - THERAPEUTICUS: PROLEGOMENA.

CAPUT I.

*De Medicina ortu seu Natalitiis, Progressu,
& Autoribus.*



Um in quavis disciplina tractanda plurimi *Prolegomena* quædam, naturam artis vel scientiæ determinantia, i.e. definitionem & divisionem illius spectantia, præmittant, illud & mihi, qui jam Institutiones Medicas vobis tradere, ipsamque Medicinam, omnium artium nobilissimam, delineare contendo, pariter observare convenit; adeoque procemii loco hujus considerabimus Ortum, Progressum, Definitionem, atque Divisionem.

Medicinæ autem origo est vel universalis, vel particularis. Universalis est ipse Deus testante SCRIPTURA SACRA, in specie Genes. 1. & Syrac. cap. 38. Particularis sunt homines; & quidem olim exculta fuit à regibus: vid. MOEBII Fundam. Physiol. cap. 1. Imprimis apud Ægyptios & Græcos Medicina coli cœpit, qui suas Observationes in aditis templorum repositas ægrotis communicabant.

Observationum harum primordia sunt ab Experientia, quam ipsam introduxit Necessitas, tam in morbis internis, quam externis: Vid. HEURN. in Instit. p. 2. Illa est causa proxima; hæc verò remota seu impulsiva.

Manifestavit se necessitas duobus in casibus.

1. In *negotiiis æconomicis*, dum homines notarunt, diversis alimentis quosdam lædi, quosdam juvari, & à morbis reconvalescere, necessitate coacti, invenerunt medicamenta diætetica.
2. In *statu publico*, imprimis in bello, ubi hostili gladio aut à bestiis, multi cruentati, lethaliter vulnerati, &c. duro necessitatis telo coacti, ut læsi, & vulnerati curarentur, inventa sunt remedia Chirurgica.

Unde ex duobus his fontibus, Diætetico & Chirurgico, surrexit Medicina; & quidem ab Experientia nata primitus fuerunt Præcepta diætetica, à necessitate verò chirurgica.

Medicina autem olim, ajente SENECA, fuit notitia paucarum herbarum, quæ tunc temporis fuit sufficiens, ut si steretur dolor, & vulnus coiret; industria verò humana factum fuit, quod crescentibus morbis ad experimenta varia animum applicarint, atque sic in collectione, experimentorum Medicorum tota tunc temporis constitit Medicina.

Modus experimentandi varius fuit. Ab Ægyptiis, referente STRABONE Geograph. l. 3. & 16. POLYDORO VIRGIL. de Invent. Reipubl. l. 1. cap. 20. & HERODOTO l. 1. & 2. ægri primitus in compita ac vias publicas expositi fuerunt, ut à prætereuntibus, morbi idea explorata experimenta quædam pro morbo curando colligerentur, & sic sparsa & confusa norma ægrorum curandorum Medicina

crevit. Postmodum etiam apud Græcos in adita templorum, Deorum Medicorumque, fuerunt sepositi, ut vel per insomnia, vel per sacerdotum oracula, ut plurimum simulata, nempe per experientias collectas remedia & sanationes discerent; quæ postquam legitimè, ut Græcorum sacerdotes veluti oraculo monuerant, applicata & salutifera experta sunt, eadem collegerunt, magnumque cumularunt numerum.

Cum igitur per insomnia, vel per oracula, quibus sacerdotes edocti, ægrotis pharmaca communicarunt, & sanati fuissent, in tabulas conscripta, & in templis Deorum, imprimis Æsculapii in Pergamo, itemque Diana in Epheso, referente Strabone de situ Orbis, curationes peractæ postmodum suspensæ, & diu asservatæ fuerunt.

Primum quod attinet Inventorem Medicinæ, magna scriptorum varietas, & adhuc sub iudice lis est: haud injuria forsan diceretur, ubi vis terrarum illam aliqua ex parte fuisse, & incrementa cepisse, nusquam verò integram. Nimis autem rudis fuit & inculta, sola nitens experientia, oblita ratione: hinc factum, pro varietate gentium, ut variis Autoribus inventionem Medicinæ tribuerint. Et quamvis etiam inter multas adhuc dum quæri soleat, quis primus Inventor Medicinæ fuerit? ille tamen non constat; & adhuc sub iudice lis est, an fuerit Orpheus Thracius? qui paucis Medicinam complectens præceptis ac annotationibus & observationibus stabilivit; an verò Æsculapius? de quo multa habentur, quæ videre licet in Diff. Argentorati habita de Æsculapio. Præ cæteris apud Ægyptios floruit, hinc ad Græcos transit. Prometheus ab Æschilo & aliis Antiquissimis primus inventor medicinæ habetur, cujus nomine Noachus ab aliis intelligitur. Ægypti Hermetem Trismegistum, (qui fuit natus ex Chamis filio Canaan, Noachique nepote,) inventorem Medicinæ autumant. Verum in controversiam vocatur, quis propriè Hermetes Trismegistus fuerit? & quando vixerit? Vid. SENNERT. l. de Conf. & Diff. Chymicorum cum Aristotel. & Galen. pag. 21. Alii Mizram, ejusque nepotibus, Græci Apollini, Medelarum Deo, propter notitiam simulque experientiam, inventionem medicinæ tribuerunt, cujus notitia saltem herbaria & admodum rudis fuit: quæ tandem per filium Æsculapium, ex Græcorum oppido Epidaurum ortum, crevit, qui imprimis celebris, & à posteris pro Deo habitus & veneratus fuit: unde Ars medica dicta fuit Æsculapidea: idem ipse quia vocatus fuit Epidaurius, Ars ejus dicta fuit Epidaurica. Hujus inventoris in honorem templa & statuæ, multis, stipata insignibus, erecta fuerunt, quibus miras easque debitas, Medicorum virtutes instaurare posteris præsci voluerunt. Etenim pinxerunt eum ut senem barbaram, pileatum, baculo nodoso, serpente, noctua, cane & gallo stipatum. Pictus fuit (1.) senex barbatus, quod medico conveniat ætas; unde experientia, quæ multorum annorum decursu acquiritur: (2.) pileatus, quo gravis Autoritas medicorum indicaretur; Græci enim pileum ma-

Græci enim pileum magni æstimabant: (3.) *Baculo nodoso stipatus*, propter difficultatem medicinæ, & quod is, qui velit fieri medicus, duos habeat frangendi nodos, non tantum ratione Præceos, cuius nonnullas molestias HIPPOCRATES de *Flat. Text.* 1. recenset, & alias quemvis docebit dies, sed Theoriæ præprimis respectu, ita ut ipse HIPPOCRATES, qui tamen parem sibi nondum invenit, in *Epist. quadam ad Democr.* de se ipso scribere non sit veritus: Ego ad finem medicinæ nondum perveni, licet jam senex sim, neque ipsius inventor Æsculapius, qui & ipse in multis à se ipso dissentit; Et HELMONTIUS in *Promiss.* ait: Est ergo medicandi scientia omnium postrema, maximeque occulta, adeo nec mirum, hodie etiamnum ex typis ejus desiderari initia; quibus TACHENII Hippocrates Chymicus adstipulatur; Imò hujus difficultatis rationes HIPPOCRATES de *loc. in Hom. Text.* 50. & BOYLE *Tentam. Physiol.* pag. 86. & 88. exhibent. Porro (4.) Æsculapius pingebatur cum cane, quo sagacitatem conjecturandi Medico maxime necessariam, & stochasum in scrutinio morborum, tam in prognosi quam diagnosi, indicarent. (5.) Gallum insuper addiderunt denotantes per eum, tanquam per animal vigilans, debitam medici vigilantiam; unde etiam Græci inter sacrificia Æsculapio postmodum semper Gallum immolabant. (6.) Serpentem, vel, ut alii volunt, Draconem addiderunt, quo prudentiam medico necessariam indigitarunt: in templo enim Æsculapii daemon in forma serpentis se manifestavit, cujus sub imaginē Æsculapium, in numerum Deorum relatum, apparuisse crediderunt. Tandem (7.) noctua, tanquam diligentia medicum imprimis decentis symbolum, fuit addita, noctua enim Minerva, diligentia & studiorum Dea, sacra erat.

Illi ÆSCULAPIO duo filii fuerunt, quorum alter Machaon, qui finito bello Trojano genuit Nicomachum Medicum, Proavum scilicet Aristotelis; alter Podalirius, qui celebrem habuit scholam medicam in Caria urbe, Asia Provincia Syron, ubi exercere & docere medicinam solitus est. Ex hujus schola tres potissimum scholæ medicæ exortæ sunt: Rhodia, Cnidia, & Coa; ex qua, tanquam omnium optima, egressus est HIPPOCRATES. Vixere hi fratres tempore belli Trojani, profectique sunt cum Agamemnone, ut curarent agros in acie sauciatos, nec mediocrem opem commilitonibus tulerunt: asserit enim HOMERUS *Iliad.* 2. & 4. OVID. *l. 2. de Arte Amandi*, & *l. 5. Trist. Eleg.* 6. illos in nullo morborum genere aliquid auxilii tulisse, sed vulneribus tantum ferro & medicamentis mederi solitos fuisse: unde PLATO etiam testatur, veterem Medicinam totam Chirurgicam fuisse.

Ante Hippocratem floruit Empedocles Agrigentinus, cum quo fuit coætaneus Acron Agrigentinus, qui dicitur Autor sectæ Empiricæ: hic etiam à plurimis habetur Autor istius libri elegantis de Veteri Medicina, qui exstat inter libros Hippocratis, in quo medicina nostra hodierna graphice descripta habetur.

Post Acronem famosus fuit Melampus Archivus, sic vocatus, quod regis Archivorum quatuor filias maniacas beneficio hellebori nigri, in sero lactis infusi, restituerit: & laudabile est hoc medicamenti genus in hoc morbo, ut & in scorbuto, obstructionibus, &c. quod etiam adhuc apud nos floret; hinc etiam helleborus dictus fuit melampodium.

Factis ita per experimenta vagis fundamentis medicina, rationes sensim investigari cœperunt in tribus istis scholis, quarum tamen semper celeberrima fuit Coa, in qua etiam claruit medicus, Hippocrates Primus. Plures enim Hippocrates fuerunt; unus Hippocrates primus, alter Hippocrates Magnus, seu Cous, cujus scripta adhuc sunt famosa; quem sequuntur adhuc quinque alii: Nimirum Hippocrates primus, avus Hippocratis Magni, genuit Heraclidem, Patrem Hippocratis Magni, nati anno mundi 3500. ante Christum, 450. Maxime inter hos, Hippocrates Magnus floruit, qui genuit duos filios Thessalum, & Draconem, è quibus reliqui prognati sunt Hippocrates. Noster Hippocrates continuata serie ab Æsculapii linea, à quo fuit decimus octavus, ortum habuit, cum medicina jam mille fere per annos penes gentem Æsculapideam stetit, cujus universam Genealogiam habet JOHANN-ANTON. vander LINDEN in *Edit. Operum Hippocr. Græco-Latina*, Tom. 2. p. 956. usque ad 960.

Suam autem scientiam Medicam habuit, partim à suis avis & abavis, partim ex tabulis agrorum votivis, ex incendio templi Æsculapii surreptis, & in unum volumen digestis, quæ omnia propriis observationibus confirmavit. Cum enim antiquitus mos vigeret, ut morbis liberati in templis Deorum votivas tabulas, morborum ideam & remedia, quibus alii convalescerant, continentes suspenderent, quo in posterum similibus morbis correpti ad easdem tabulas, tanquam ad Hygeæ Delubra, confugerent, eorundemque medicamentorum ope similiter restitui possent, referente STRABONE de *Situ Orbis*; Divinus hic vir, peregrinando superveniens, primus omnium hac remedia in Diana Ephesina, itemque Æsculapii templo in Pergamo, Insula Coa Patria sua, ubi ejusmodi tabularum copia erat maxima, collegisse, exque iisdem, quamvis plebeis, artem medicam excerptisse, tandemque cremato templo illo publicis typis in ordinem redactam consignasse, traditur: Vid. *Epistola*, tum temporis ab Artaxerxe ad Hippocratem scripta, una cum superbis ejus Responsis. Claruit tempore belli Peloponnesiaci, sub Dario Longimanno, Esthrasilio: propter deletam pestem suo tempore præsertim celebris fuit. Exstant adhuc literæ Darii, in quibus, ut exercitui suo peste infecto medeatur, petit. *Morbos in subtili spiritibus consistere*, docuit, referente Cornelio Celso. Hinc recte HELMONT. in *Tum. Pestis, Tit. Pestis Infans*, asserit; post Hippocratem verum pestem curandi modum interivisse; fuisse Hippocratem rarissimi doni virum, adeptorum participem, qui sua experimenta sine fūco ediderit: vid. HELMONT. *Promiss. Aut. §. 2. pag. 7.* Mortuus est Larissa in Thessalia, cum esset annorum 109. Coætaneum habuit Democritum Abderitanum, summum Philosophum, qui fuit Præceptor Hippocratis, adeoque Hippocratis Medicina Democritea est, non Aristotelica, cum Aristoteles 100. annis junior illo fuerit: Scripta reliquit multa; sed quæ hodie nomine Hippocratis, cum Galeni aliorumque Commentationibus, circumferuntur, non sunt omnia genuina, nec unius Autoris: sicut & Galeni ætate jam tum, de nonnullis multum dubitatum fuit: imò pleraque esse quisquiliis adulterata, HELMONT. *c. l. §. 3.* scribit Ergo iis solis, tanquam Evangelio, fidendum non erit: nam & Acronem & Polybium nonnullorum Hippocraticorum scriptorum Autores ferunt. Quæ autem sint genuina, quæ supposititia, videbitis in HIERON. MERCURIALIS *Cens. & Disposit. Operum HIPPOCRATIS*.

Post Hippocratem ejus gener, Polymeus, scholam medicam instituit: hunc secutus est Diocles Caristius, & permansit medicina apud posteros Hippocratis, hæreditaria, quasi possessione, ad annos penes 200. duravitque doctrina ejus usque ad tempora Pompeii Magni, quo tempore floruit Asclepiades Brussiensis, qui ab Hippocratis doctrina deflectere cœpit ad sectam methodicam; unde debitus Medicinæ splendor usque ad Galeni tempora fere evanuit.

Interea Alexandri magni tempore Græcorum Monarchia incepit, ubi floruit Aristoteles, cui συγχοπος fuit Theophrastus Eresius, ex Insula Lesbo oriundus, propter suavem sermonem ab Aristotele Theophrastus dictus: fuit optimus scriptor rei Botanicæ Medicæ; primus enim Botanicam excoluit, deque viribus simplicium vegetabilium scripsit. Cum eo vixit simul Erasistratus, Medicus SELEUCI Macedonum Regis, notus ex cura Antiochi, filii Selenci, Huic coætaneus, vel paulò inferior, fuit Herophilus Chalcædonicus, qui artem secandi, teste ipso GALENO *Comment. 2. in Hippocrat. de Nat. Humana*, plurimum auxit: hinc Vesalius eum in hac scientia Galeno antepone non dubitat; FALLOPIUS etiam dicere solitus: *Contradicere Herophilo in Anatomicis est contradicere Evangelio*. Hic tanto studio Anatomiam profecutus est, ut Autore CELSO, homines à regibus à carcere acceptos vivos incidere, & quamdiu spirarent, viscera examinaverit. Fertur, eum 700. humana subjecta, tam viva quam mortua, secuisse, ut constitutionem naturalem membrorum in homine experiretur.

Post Aristotelis tempora multis in locis, imprimis in Ægypto & Alexandria, Philosophia & Medicina magis cœpit efflorescere; in specie Alexandria studio Ptolomæi Philadelphi, Regis Ægyptiorum, Academia fuit fundata usque adeo celebris, ut etiam suffecerit illic studuisse. Hinc tempore Pompeii Magni Asclepiades Prusianus, ex

Bubnia oriundus, insolens & maxime superbus homo, vixit, qui omnia *Hippocratis* dogmata reiecit, & Methodicam sectam instituit, primusque vini usum in morborum cura introduxit: *Pompejo* fuit familiaris. Hujus discipulus primarius fuit *Themison Laodiceus*, in propaganda secta Methodica, quam indultu *Pompeii Magni* introduxit, celebris sub *Antonio Duumviro*, donec postmodum tempore *Neronis Imperatoris Thessalus Trallianus* hujus Methodicae sectae fere Princeps existeret: vid. *Moeb. Fundam. Physiol.* pag. 12. *Pedacius Dioscorides* familiaris fuit *Cleopatrae*, & vixit sub *Vespasiano*, fuit miles, qui conquisivit sparsim vires simplicium, in quem commentatus est *Matthiolus*, ex quo libro omnia *Galenus* verbotenus exscripsit. Non ergo in omnia *Dioscoridis* verba juremus, quia fuit *Rapso-* dus: ideo sumus cauti in lectione *Dioscoridis*, & ejus Commentatoris *Matthioli*. Tempore *Augusti* floruerunt *Antonius Musa*, propter sanatum *Augustum* maxime astimatus: scripsit libellum de *Betonica*, cujus libelli Compend. videbitis in *SIMON. PAULI Quadrip. Botanic. Clas. 3. pag. 219. & seqq.*

Hoc tempore, nempe circa annos Imperatoris *Augusti*, vixit *Cornelius Celsus*, Jure-Consultus, sed simul Medicus, vir curiosus, ob elegantem styli in quibusdam *Latinus Hippocrates* vel *Medicorum Cicero* dictus. Varia ex aliis corrasit, quae scripsit, sed sine legitimo judicio: Secta fere Methodica plus quam alii adhaesit; unde & *Heurnius* pluris ejus *laxitatem*, quam *Medicinam* facit. Cum illo vixit *Emilius Macer*, Poeta & Medicus, qui scripsit poeticè de viribus simplicium, in cujus scriptum commentatus est *Paracelsus*.

Post hunc vixit *Andromachus senior*, *Cretensis*, *Neronis* Archiater, cui primam Theriacae compositionem debemus; *Andromachus* verò junior vixit sub *Cajo Vespasiano*. Eodem etiam tempore vixit *Thessalus Trallianus*, primarium sectae Methodicae caput, qui artem Medicam 6. mensium spatium addisci posse, nugabatur: fuit insuper etiam alius, qui vocatus fuit *Alexander Trallianus*. Sub *Vespasiano* etiam floruit *Cajus Plinius secundus*, *Novocomensis*, Autor *Historiae Mundi*, quem nonnulli Medici adorare solent. Hoc tempore propter sectam Methodicam, & conflagrationem bibliothecarum, *Alexandrinae*, & *Pergamenae*, doctrina *Hippocratis* diu prostrata jacuit.

Interea libri *Hippocratis* fortunam variam passi, imprimis propter incendia crebra bibliothecarum, unde sub *Hadriano Imperatore ab Arthemidoro Capitone*, & ejus cognato *Dioscoride*, *Alexandrinis*, collecti & digesti sunt: quibus supervenit *Galenus*, qui quantum potuit, sub *Antoninis Imperatoribus* Hippocraticam Medicinam restaurare annis fuit. Natus est *Galenus* anno Christi 136. ultra 586. annos post *Hippocratem*. Patria fuit *Pergamum*, *Asiae opidum*: Romae studuit: Imperatori *Antonino* admodum gratus; hinc valetudini filii ejus, *Aurelii Commodi*, praefectus fuit. Postmodum Imperator *Severus*, eum in aulam reductum in summo habuit honore: mortuus tandem anno aetatis 70. Multa scripsit & commentatus est in *Hippocratem*; sed in quamplurimis Medicinam *Periphrasibus* desiderii defecavit: verbosus insuper fuit. *LINDANUS* dixit: se nullum tempus *pejus consumpsisse*, quam in lectione *Galenii*. Post *Galenum* natus est *Aerius Amydenus*: vixit sub *Constantino Magno*, natione *Anriochenus*: primò pauper, 2. Aurifaber, 3. Philosophus & Medicus factus. Sub *Juliano Apostata* vixit *Oribasius Sarbianus*, multiplici fortuna subjectus; paulò post *Paulus Aegineta*, qui omnia corrasit ex scriptis *Galenii*, & hinc *Galenii simia* vocatur.

Ceterum post devastatas *Athenas*, *Alexandriam* & *Tharsum*, post seculum VI. & tempora *Justiniani*, uti omnes bonae litterae, ita in specie omnis Medicina, in Oriente & Occidente concidit: quinimò post frequentes *Barbarorum* in ista loca excursions, tandem ad *Saracenos* & *Arabes* studium Litterarum & Medicinae pervenit: siquidem a seculo IX. usque ad XIII. per 400. annos Medicina saltem apud *Saracenos* & *Arabes* in *Asia*, *Africa*, & *Hispania* floruit. Nam cum *Saraceni* occuparent Orientem, factum est ope *Calipharum* in *Aegypto*, ut schola *Alexandrina* instaurata fuerit: fractis enim bello *Gracis* hanc gloriam litterariam *Arabes* abripere conati sunt; & ex eo tempore ad *Arabes* Medicina rediit, qui in *Marocco*, *Tunetani* regni oppido, insignem Academiam Philosophico-Medicam instituebant. Et quoniam

Reges Arabum, *Almansor* & *Mahomet*, in *Marocco* bibliothecas egregias introduxerunt, & *Gymnasia* extruere coeperunt, propositis praemiis ad bonas artes suos inflammaverunt; felici etiam quodam multorum annorum successu praclarissimi Viri ibi effulserunt: unde & *Mauri* post, postquam ex *Hispania* *Gothos* & *Vandalos* eiecissent, istud regnum occuparunt, & *Corduba* ac *Hispani* Academias extruxerunt.

Sed cum *Barbari Gracarum litterarum* non equè essent gnari, non mirum etiam, pueros *Gracorum* ver. gr. *Hippocratis*, fontes impuris *Arabum* & *Barbarorum* lacunis fuisse inquinatos. Hos inter seculo X. à Christo nato floruit *Rhases*, famosus ille *Arabs*: scripsit opus ingens, quod *Continens* dicitur, in quo omnium fere Antecessorum, *Gracorum* & *Arabum*, Commentaria invicem coegit: in ZACUTO LUSITANO frequens illius mentio fit: Ad medium seculi XI. floruit *Johannes*, filius *Senapionis*, Autor plurimorum librorum, praecipuis illius de *Simplicium Facultatibus*, in quem *MESUE*, *AVERRHOES* & *AVICENNA* commentati sunt. *Serapion* hic fuit radix errorum in schola Medica tunc temporis ortorum. Coetaneus illi fuit *Haly Abbas*. Hoc ipso seculo fere, anno 1249. natus est *Avicenna*, patria *Cornasenus*, ex civitate *Corraso*, adeoque *Persa* fuit. Aulae quidem fuit admotus: sed ei non placuit, potius studia amavit, & *Alexandria* ac *Corduba* iisdem operam dedit, primusque rem *Gracis* ipsis intentatam aggressus, & integram artem Medicam sparsim traditam in unum systema redigere conatus est. Ejus volumina sunt notissima; proponebantur etiam *Lipsiae* antiquitus adhuc consueto more *Licentiandis* in examine. Hujus pater fuit *Haly*, genitum nomen *Avicenna al-Hafen*, etiam *Avensina*, hinc corruptè dictus *Avicenna ab avo*. Coevus ipsi fere fuit *Avenzoar*, *Arabs* Medicus, sed *Hispanus*: item hoc ipso seculo XII. floruit *AVERRHOES*, *Cordubensis* *Mauritanus* patria, *κατ' ἐξοχὴν* Commentator dictus, quod in *ARISTOTELEM* commentatus sit. Fuit Monachus, Medicus, & Philosophus Theoreticus, non Practicus, totus Aristotelicus; superbus, disputax, ambitiosus, aliorum reprehensus; speculationibus enim indulgendo, & contra alios scribendo, gloriam quaesivit: magis Logicus fuit quam Physicus: vixit tempore *Frederici Barbarossa*. Declinante seculo XII. vixit inter *Arabes* etiam *Johannes Mesue*, *Damascenus*, qui vulgò *Evangelista Pharmacopaeorum* dicitur; quia in componendis simplicibus maxime occupatus fuit: scripsit *Pharmacopaeiam*. *Arabes* hi Medici *Gracorum* Medicinae nihil addiderunt, praeter simplicium evolutiones & compositiones medicamentorum; potius suis explicationibus in *Hippocratem* eum frequenter conspurcarunt, unde tot lites inter *Arabes* & *Persas* propter litterarum *Gracarum* explicationem fuere.

Sub *Barbaris* ita & *Saracenis* abscondita fuit Medicina, donec currente seculo XIII. *Itali* imprimis linguarum puritatem, & hinc studia, denique revocare coeperunt. Hoc seculo scilicet *Schola Salernitana*, potius *Saalbaderiana*, originem coepit. Vixit etiam fere sub idem tempus *Albertus Magnus*, *Episcopus Ratisbonensis*; cui propter sublimiores litteras & Chymiam laus quaedam tribuitur. In eodem saeculo etiam *Wilhelmus Durandus* floruit, *Speculator* dictus, item *Drusianus Italus*, plus quam Commentator dictus, quoniam in *Aristotelis* Commentatorem, *Averrhoen*, ipse commentatus est: sicut in fine hujus & initio sequentis seculi vixit *Petrus de Apono*, *Patavinus*, *Conciliator* dictus, eò, quod *Hippocratis* & *Galenii* scripta conciliare voluerit: fuit acutus Philosophus. Ab hisce temporibus postmodum ad nostra usque tempora innumeralis fere Medicorum turba subsecuta fuit, in specie seculo XIV. dum ubique fundarentur Academiae in *Germania*, in quibus omnibus Doctores Medicinae praecipue occupati fuerunt in explicatione *Scriptorum Gracorum* & *Latinorum*: unde floruerunt *Hieronymus Capivaccius*, *Mercatus*, *Mercurialis*, *Gesnerus*, *Fuchsius*, *Cordus*, *Langius*, &c. vid. *MOEBII Fundam. Physiol.* pag. 11. Hi omnes *Galenii* & *Hippocratis* scripta exposuerunt: quidam, ut *Galli*, *Hippocratem* exposuerunt, sed ex *Galeno* & *Avicenna*, fundamentis rerum naturalium ex *ARISTOTELE* saltem; haustis, *Galli* quidem ex *Galeno*, *Hispani* ex *Avicenna* & *Arabibus* *Itali* ex utrisque *Hippocratem* explicant, vel potius lacerant.

Plura qui legere desiderat, adeat JOHANNEM NEANDRUM, *Medicum Bremensem*, qui de *Seclis, Ortu & Progressu Medicinæ* egregium scripsit librum: item CONRINGIUM in *Tr. Introduct. ad Medicinam*: quod etiam merito referenda est Chronologia omnium Illustrum Medicorum VVOLFFGANGI JUSTI compendiosa methodo conscripta, facile ad nostra usque tempora continuanda.

Ex modò dictis, pariter & Experientia clarum est, quod dicit HELMONT. in *Præfat. de Febribus*: à temporibus Hippocratis Medicinam stetisse, non profecisse, usque ad præsens seculum XVII. in quo per Anatomem & Chymiam; ac in specie per Philosophiam experimentalem, denuò medicina incepit.

Cur autem medicina à tempore Hippocratis usque ad nostra tempora steterit sine incremento, rationes possunt dari quinque.

1. Crebrior litterarum sub Barbarorum incursionibus & regnorum mutationibus, ac ita & medicinæ mutatio, fortuna &c. unde moras & detrimenta subinde passa est, & vix ad perfectionem majorem pervenire potuit. Accedit.
2. quod superiorum seculorum Medici potissimi unice occupati fuerint in *Scriptorum Græcorum & Arabum* versione, & iterata & inani dilucidatione ac commentatione, de ulteriori medicinæ progressu & augmento ne cogitando quidem: unde successive succrevit infau- sta ista, & quasi jurata, & nociva veterum veneratio atque credulitas. Hinc
3. factum fuit, quod neglecta Hippocratica methodo, nempe per observationes ulterius progrediendi, præmaturè medicina adhuc satis mutila & imperfecta in corpus systematicum, instar cujusdam perfectæ disciplinæ, redacta fuerit; in quo præcipue peccarunt Arabes. Con- scripsit namque Hippocrates experimenta, & exempla & observationes proprias candidè, & ad has reflexio- nes suas habuit. Et
4. quod simul Aristotelis Physica, seu fundamentum scientiæ naturalis, à Galeno, maxime ab Averrhoë & Avicenna, sine ulteriori examine in scholas Medico- rum pessimo consilio introducta fuerit, quæ tamen maxime nocet medicinæ.
5. Quod Pyrotechnia & Chymia, primum scilicet Philosophiæ & Medicinæ experimentalis medium, ne- glecta aut planè ignorata fuerint, quæ tamen veræ Philo- sophiæ illustratio & claves medicinæ sunt.

Revera ergò Philosophiæ naturali, & Medicinæ nihil ac- cessit, nisi seculo demum superiori crevisset Chymia, & quidem præca illa, quæ propter sublimitatem suam diuturno neglectu sepulta latuit. Majorum enim nostrorum Chymia tantum in scrutinio transmutandorum metallorum, & in- quisiitione medicinæ universalis, adeoque in mysterio lapi- dis Philosophorum unice, pro sanandis universis morborum generibus fuit occupata: ob id quàm maxime occultata fuit semper habita. Primi *Ægyptii*, hinc *Arabes*, eam coluerunt, sed semper sub silentii sigillo fuit occultata: sacerdotibus tantum concedebatur, & jure hæreditario ad nepotes fereba- tur.

Duplex adhuc hodie Chymicorum est differentia, dum quidam sublimiores in Medicina universali, tam pro homi- nibus curandis, quàm metallis imperfectis transmutandis, inveniendi & perficiendi occupati sunt; cujus possessores alii *Adepti* dicuntur. Totum horum negotium in hoc consistit, ut Sulphur fixum metallicum naturæ solaris obtineatur, cu- jus medio imperfectorum metallorum mercurius & sulphur ita perficiatur & exaltetur, ut exinde aurum verum emer- gat. Alii Chymici ad tantum arcanum non adspirant, sed sufficit iis, ut mediante igne aliisque mediis omnium trium regnorum individua examinent, & pro usu Medico Practi- co accomodent.

Ex his tamen, qui ultimis his sæculis Medicinam à fordi- bus non nihil repurgare, & grassantes in re medica errores per Chymiam & Pyrotechniam eliminare, aggressi sunt, pri- mus fere fuit *Basilus Valentinus*, *Monachus Germanus Be- nedictinus*, currente seculo XV. fere vivens. Post *Basilium Valentinum* floruit *Rogerius Bachon*, Chymicus & Medicus plane excellens; uti patet ex ejus *Epist. de secret. Operi- bus artis & naturæ*, & de nullitate *Magiæ*. *Basilium* impri- mis postero seculo secutus est *Theophrastus Paracelsus*, egregius Chymicus, qui sui temporis medicos acerrime

strinxit, quique partim propter stupendas curationes, par- tim etiam propter inventionem egregiorum medicamento- rum Chymicorum, ingentem nominis celebritatem con- secutus est. Vitam, scripta, & alia circa *Paracelsum* no- tabilia, videbitis in *Editione Operum Paracelsi in folio*, à *Bitis Kio facta*, in *Præfationibus cujus Tomo præmissis*: sicut hoc ipso seculo ulterius veterum excutere studuit Jo- hannes Baptista van Helmont, Nobilis Belga, Flandrus scilicet, qui glaciem à Paracelso fractam concussit, scholasque Galeni evertere & acriter oppugnare coactus fuit.

De Ortu & Progressu Chymicæ videatur HERMAN- NUS CONRINGIUS de *Herm. Medicina*, & contra hunc OLAI BORRICHII *Dissert. de Ortu & Progres- su Chymicæ*, qui elegans Tractatus est: item ejusdem *Hermetis Ægyptior. & Chymicor. Sapientia contra Apolog. Conringii vindicata*. Plura Medicorum Scripta videb. in JOHANNES ANTONIDE vander LINDEN de *Scriptis Medicis*, item LIPENII *Bibliotheca Medica Regali*. De Vitis Medicorum videatur ADAMUS ADA- NICUS: it. PETRI CASTELLI *Vita illustrium Medicorum*.

CAPUT II.

De Medicina Natura & Definitione.

Definitio Medicinæ cum sit aut nominalis, aut realis, prioris respectu Etymologia potissimum erit con- sideranda; quoniam, quæ de homonymia & synony- mia ejus communiter præferuntur, parvi aut nullius mo- menti sunt.

Medicinæ ergò vox, sicut & apud Græcos (quibus *ιατρὴς* & *ιατρικὴ τέχνη*) ἀπὸ *ἰάουαι*, ita apud Latinos à Mederi seu Medendo, id est, agris auxiliando, nomen accepit, quod LINDAN. *Med. Physiol. l. 1. cap. 21.* à Græcorum vo- cabulo *μεδέω*, h. e. curam gero, depromit. Sunt, qui Medicinam à modo seu medio derivant, quos HOF- FMANN. *Instit. Medic. l. 1.* non planè absurdos esse pu- tat, eò quod definitionem HIPPOCRATIS *l. 2. de Flat.* traditam reciperent: scilicet *Medicinam esse ablationem eorum, quæ excedunt, & appositionem illorum, quæ de- ficiunt.*

Realis definitio, cujus varias varii Institutionistæ asse- runt formulas, vix tamen re, sed notionibus saltem di- stinctas, hæc esse potest: *Medicina est Ars, quæ corpus hu- manum vivens, quatenus sanabile est, seu quatenus ejus sa- nitas præsens certis remediis conservanda, absens verò resti- tuenda, tractat.*

Generis locum in hac Definitione obtinet Ars, non ob- stantibus argumentis illorum, qui medicinam pro scientia venditare satagunt; quorum farraginem, cum eorum ex- plicationibus atque responsionibus SENNER T. *Instit. l. 1. cap. 1.* LAUREMBERG. in *Porticu Æsculap. c. 2.* & 3. MOEB. *Fundam. Physiolog. c. 2.* HORST. *Institut. Med. Disp. 1. quæst. 2.* & 3. suppeditant; qui tamen Autores om- nes pro arte pugnant: sicut præterea ARGENTER. quo- que in *artem Medicam Galeni Comm. 1. cap. 2.* LINDAN- NUS *l. 4. c. 3.* & PLEMP. *Fund. Medic. l. 2.* Cujus asserti ratio potissimum in hoc consistit, quod medicinæ objectum res quædam non necessaria, sed contingens saltem sit, cum medicinæ finis non cognitio tantum, quæ scientiæ propria, sed *voluntas* seu effectio, h. e. operatio, opus post se relinquens, existat.

Altera definitionis pars per differentiam absolvitur, quæ tria cujuslibet artis requisita, subjectum nempe, Finem, & Media, complectitur; ratione quorum etiam ex omni- bus artibus nostra est nobilissima omnium, quia nobilissi- mum in mundo ens pro subjecto habet; non tamen reliquis artibus mechanicis comparanda, quia proxime ad Pruden- tiam accedit: unde prudens magis quàm artificiosus sit me- dicus, necesse est.

Qui tamen Medicinam artem conjecturalem dicunt, il- lius dignitati nihil detrahunt; sciendum enim prius, Con- jecturas, quibus utitur medicus, esse medium inter perfe- ctam scientiam & ignorantiam: unde plurimi homines lu- dibrio eam habuerunt, tanquam incertam, dubiam, lu- bricam & fallacem, solaque conjectura consistentem, æstimantes. Verum enim verò, nesciunt isti calumniatores, Conjecturam esse duplicem, & temerariam & circumspectam.

Teme-

Temeraria sunt, quæ sine ullo fundamento hoc vel illud hauriuntur, & nihil aliud, quam pure ignorantia, & vanæ vetularum persuasiones forent: *circumspecta* autem sunt, quæ habent certum fundamentum, ratione cujus conjecturans nititur aliquid concludere ex certis experimentis, hincque deductis ratiociniis. Fiunt verò conjecturæ vel circa res pure contingentes, ut sunt Astrologorum prædictiones, vel circa res apparenter contingentes, quæ artis circumstantias variant, utut necessariam coherentiam cum causis naturalibus & fundamentum habeant cum affectu; adeoque hæ ipse veræ scientiæ proximæ sunt. Medicorum conjectura talis est, in recessu habens necessitatē materialem cum causis & effectibus; adeoque scientificus ferè hic σοχασμός Medicus est, & à quibusdam signum demonstrativum rectè appellatur, quali Politicus, Dux belli, &c. utuntur: vid. JOHANNES MATTH. Cent. Dist. Med. Quæst. I. PLEMP l. c. l. 1. cap. 2. HOFFMANN. Instit. l. I. cap. I. SANCTOR. in Aphor. Hippoc. S. I. Quæst. 9. & MOEB. Fundam. Physiol. cap. 2. pag. 25.

Media, quibus conjecturas perficit medicus, sunt Judicium & Memoria. Illud in inquirendis seu scrutandis certis hypothesibus naturæque mysteriis consistit; hæc, scilicet Memoria, in retentione atque observationibus rerum sæpius occurrentium consistit: magis tamen medicus sit prudens indagator, quam tenax memorator, judicioque excellentiori, quam longiori polleat memoria. *Incerta ergo est in fundamento Medicina nostra*, circa quod variè conjecturari solet iudicium nostrum, & quidem ob duplicem rationem:

1. Propter Physicam, nondum omnibus partibus in fundamento, absolutam, cui tamen Medicina reverà subalternata est: nam ubi definit Physicus, ibi incipit Medicus.
2. Secunda ratio est in objecto seu corpore humano, quod variat in unoquoque homine, & à priori non cognoscibile.

Est scilicet unicuique homini sua peculiaris idiosyncrasia, ob quam universales non æquè omnibus subjectis adaptari possunt conclusiones, quoniam, quæ ut plurimum seu in plerisque vera sunt, non necessariò in omnibus individuis eodem modo se habeant: quibus & externæ quædam accedunt circumstantiæ, à MATTHÆO l. c. annotata. Unde ratione fundamenti in naturalibus, & ratione objecti in individuis humanis, conjecturis necessariò in medicina utendum est.

Idiosyncrasia sunt cuiusque subjecti proprietates peculiæres, & vel connatæ vel adscititiæ. Connatæ sunt, dum v. g. multi odorem rosæ, multi caseum abhorrent, quo mater gravis valde appetito potiri nequiverit, & sic foetui impresserit in utero adhuc qualitatem illam. Adscititiæ in illis reperire licet; quæ virgines ambrae & moschi odore delectabantur, foeminae factæ summo fastidio fragrantiam fugere, & non nisi summo cum sanitatis & virium quandoque detrimento perferre solent. Inde conjectura non est temeraria, sed certo fundamento substructa: quod fundamentum, quia variat, ideo & variæ hypotheser, & exinde variæ sectæ ortæ sunt, quæ suo quoque fundamento nituntur. Alia secta pro fundamento habuit Experientiam, ut Empirica; alia Rationem, ut Dogmatica, alia Analogismum, i. e. convenientiam in morbis, suo quoque nitens fundamento: & hæ sunt sectæ celeberrimæ.

Hinc fundamentum conjecturarum non debet esse *sola Experientia*; sola enim hæc subinde temeraria aut nociva est, & Empiricorum sectam constituit. Hæc secta est omnium antiquissima, longè ante Hippocratis tempora jam clara, ita dicta ab usu & experientia, in pluribus subjectis eodem modo se habentibus observata, qua una cum signis, citra causas minus obvias & evidentes contenti erant. Hinc sectæ addicti a posteriori seu ab eventu remedium nacti, quod, aliis ex usu fuerat, aliis feliciter applicabant. Potissimum apud Egyptios floruit, apud quos, testante HERODOTO, singuli morbi singulos ferè medicos habebant. Rationes autem non planè rejecit secta hæc; veruntamen in suspensio habuit causas, quas à priori perscrutari non potuit: interim evidentes amplexa est, & per experimenta confirmavit, unum experimentum plus valere centum rationibus censens. Non enim Empirici tam rudes erant, ut hodiè nostri vulgo dicti Empirici, qui

nulla solida scientia imbuti, sæpeque experimenta per mortes faciunt; sed præcipuum in medicina posuerunt fundamentum Experientiam, aliquali ratione stipatam. Fecerunt enim experimenta, attenderunt juvantia & nocentia: quibus cognitis facillè fuit aliqualem formam arti conciliare; v. gr. quando vomitus adfuit, concluderunt, dandum esse medicamentum stomachicum; quando vertigo, cephalicum. Non autem sufficit cognoscere res facti, sed etiam constet modus & ratio fiendi.

Hujus sectæ primi Cultores fuere *Acron Agrigentinus* seu *Plinius primus*, aut *Cous* aliis dictus, & *Marcellus* sub Imperatore Gratiano & Theodosio: quibus accessere *Philinus*, *Philistion Locrensis*, cujus GELL. l. 17. cap. 11. meminit, *Crito*, *Theffalus*, *Menodotus*, *Sextus*, *Serapion Alexandrinus*, *Appollonius Antiochenus*, *Glauceas*, qui bonus Anatomicus fuit, *Heracrides*, *Tarentinus*: vid. PLINIUS & COEL. l. 16. cap. 29. hique omnes *Græci*: Latini verò *Plinius secundus*, *Cornelius Celsus*, alique *Græci* hanc sectam τηρίαν, vel τηρητικήν, item μνημοσύνην, vel μνημονικήν, item μιμητικήν τέχνην, observatricem vel memoratricem, aut imitatricem artem, dixerunt.

Dum autem experimentis rationes addiderunt, successivè crevit alia secta, quæ pro fundamento habuit rationes, & dicta fuit *Dogmatica* seu *Rationalis*, quæ celebris fuit olim, ac in simul apud Hippocratem & Galenum, cujus affectu præsupposuerunt experimenta, quæ confirmarunt illustraruntque rationibus: Non solum per experimenta hætenus facta, verum & ulteriore indagatione, cadaverum sectione, causarum scrutatione sollicita, &c. omnia firmius stabiliabant, & in certas regulas artificiosè redigebant morbos, atque remediorum farraginem in certa genera & classes, addita medendi methodo rationali, an & quare? ac quomodo agant? fiantque singula? solliciti, ut Medicina exerceri, & profitendo doceri possit: Hippocrates enim omnia remedia in *Æsculapii* templo, in *Insula Coo*, ubi tabularum votivarum copia erat maxima, collegit, & ex iisdem, quamvis plebeiis, artem Medicam excerpit, & medicamentis rationem adiecit. Hac de causa corporis humani cognitionem exactius rimatus est, cadavera multa secuit, elementorumque, tum etiam morborum causarumque, quibus corpus mutari posset, necessariam indagationem existimavit; imprimis in morborum cognitione, iudicio ac prognosi, fuit versatissimus, nec non multa alia memoriæ reliquit digna. Hæc Galenus perficere adhuc magis studebat: an autem in omnibus æquè benè vel malè, vobis facillè apparebit.

Cum autem scientia Physica obscura admodum satis & mystica fuerit multis, nec uniuscujusque rei ratio dari licuerit, pro vitandis ambagibus successit secta illa, *Analogismus*, i. e. in pluribus morbis easdem communitates loco fulcimenti tradens, quæ pariter empiricam sectam facit.

Alia quoque exorta est secta, succinctam habens methodum, paucis axiomatibus comprehensam, & dicta fuit *Methodica*. Modus exercendi medicinam fuit comprehensus in *stricto* & *laxo*, seu in *coagulato* & *resoluto*, in quo omnem morbum consistere dicebant; scilicet strictum laxandum, & laxum stringendum esse, dixerunt: ver. gr. quando fluores naturales fuerunt suppressi, uti sunt mensium emissio, alvi adstrictio, & obstructions aliæ, dixerunt, adesse adstrictionem, ergò esse laxandum; vel quando adfuerunt diarrhææ, vomitus, hæmorrhagiæ, &c. dixerunt, ejusmodi morbos consistere in laxo, ergò esse adstringendum; vel cum inflammatus fuerit oculus cum effusione seu effluxu lachrymarum, dixerunt, in mixto illi occurrendum, quod magis urgeret. De aliis non fuerunt solliciti; sufficere enim putabant, adstrictos morbos omnes laxantibus, fluidos cohibentibus, esse curandos. Præterea dietam exactissimam in omnibus morbis observarunt, quam διατριβήν dicebant. Quæ illius dogmata fuerint, de his minimum habemus cognitum: habent insuper dogmata in dieta aliàs probabilia.

Primus hujus sectæ conditor fuit *Asclepiades*, qui rejecit elementa, loco quorum atomos habuit, & ad partes corporis nostri applicavit: vid. VVEDEL. Physiol. cap. 4. S. I. pag. 9. Post *Asclepiadem* hanc sectam excoluit ejus discipulus, *Themison Laodiceus*, *Syrus*, valde illustris in hac secta, cujus placita multi excipiebant, *Soranus Ephesus*, *Museus Antipater*, &c. Tandem successit *Theffalus* & *Alexander Trallianus*, vivēs *Neronis* tempore *Rome*, impudens

prudens illud os, quid dixit: *Sex mensium spatio addisci posse Medicinam*: contra illud HIPPOCRATIS: *Vita brevis, Ars longa, Occasio princeps, Experientia fallax, Judicium verò difficile, &c.* Vid. HIPPOCR. *Aphor. i. Sect. i.* Horum affines fuere *Agaricus Magnus, & Archigenes*, qui ut refert DIO CASSIUS, *Imperator Adriano* lethalem sub sinistra mamma locum indicans, in causa fuit, ut ipse se *seruo in extremo hydropis modo necandum dederit*. Verum est, intra 6. septimanas comparari posse Medicinam, si consideramus, quemadmodum apud plurimos tota scientia Medica in porrectione sudoriferorum, & propinatione purgantium & diureticorum, consistat. Hac autem via qui procedunt, quid aliud faciunt, quam quod inveteratam hanc sectam methodicam renovent.

Caterum, cum rationes à priori variant, bipartita nata est secta, *dogmatico-Galenica & Spagyrica*. Illa petit rationes ex fonte Physico *Aristotelis*, sine dubio falsas, quas stringit HELMONTIUS. Hac dogmata sua à priori, i.e. per rationes, demonstrat, quas ex analysi corporum artificiali depromit, quod non, nisi per ignem, præstari potest, & quod ex Chymia demonstrari non potest, ceu falsum reiciens.

Hujus asseclæ pro fundamento habent sic dicta principia tria Chymica, Sal, Sulphur & Mercurium. Moderni Chymici ad duo illa instrumenta naturæ progrediuntur, acidum nempe & alcali; imprimis TACHENIUS & SVVALBE integros Tractatus de his scripserunt, quos in *Praxi* secutus SYLVIVS, de quibus infra, ubi de Doctrina salium.

Ex his ambabus, nempe secta *dogmatico-Galenica & Spagyrica*, alii mistam malunt constituere sectam, *Galenico-spagyricam*. Verum dari eam, planè impossibile est. Etenim nec Galenicorum nec Chymicorum effata possunt concordare cum *Phylosophia Aristotelis*; quia Chymia, quò magis illustratur, eò magis dogmata *Galenii* obscurantur.

Mista etiam adhuc hodiè datur secta, quæ ex omnibus quod verissimum est, colligit. Verum non est eadem, de qua dictum in præcedentibus. Hanc sectam GALENUS olim vocabat quartam, ab *Agatino Lacademonio* inventam. Communiter à scriptoribus præteritur, nec inter reliquas numerari consuevit: *attamen omnino optima reliquarum est, & hodiè num necessarium hanc sequi, & ab omnibus mutari id solum, quod bonum, utile, stabiliendæ & exercendæ arti accommodum.*

Duo hodiè fundamenta sunt, quibus Medicina innititur, *Experientia & Ratio*, quæ conjunctim fundamentum solidum sunt conjecturarum medicarum; dum memoria & iudicio instructus medicus, vel à se vel ab aliis observata suo ægrotanti individuo, tam quoad Theoriam, quam Praxin, prudenter & judiciosè applicat. Unde hæc duo, *Experientia & Ratio*, fundamentum medicinæ veræ constituunt, quæ etiam, pro experimentis observandis, binis acutis oculis, sinistro *Pyrotechnia*, quæ pandit thesaurum totius naturæ, & dextro *Anatomia*, quæ ad interiores partes, & structuram mirabilem totius corporis humani, spectantes nos deducit, instructa est: unde & ratione *Pyrotechniæ spagyricæ dogmaticæ hodierna secta præcæteris nobilissima est*. Ratio enim sola sine experientia cæca & erronea admodum est, & pudore suffunditur medicus, qui aliquid citra experientiam facit: similiter sola *Experientia* sine ratione est fallax, imò temeraria, quia rem docet, modum verò tacet. Ratio ergò fundetur super *Experientiam*, & Rationes illustrent *Experimenta*.

Obiciat quis, quod ratio difficilis sit propter *Physicam* nondum illustratam; *Experientia* fallax & lubrica, quia totam eam unica circumstantia potest reddere vel falsam vel ambiguam. Respondeo: Ideo duæ hæ sunt jungendæ, quæ, si ambæ conspirent, indubium Medicum reddunt; si tamen *adversa fronte pugnare videantur, semper Experientia præferenda est Rationi*. Illa suggerit rerum notitiam; hæc scrutatur earum fiendi modum: illa suggerit effectus; hæc scrutatur causas. Cum igitur nihil sit in intellectu seu ratione, quod non prius fuerit in sensu, seu per experientiam, cognitum, sequitur: *Experientiam in casibus dubiis rationi præferendam esse*; Experimentum enim unum præstat centum rationibus.

De Sectis Medicorum videatur in specie MOEB. in *Fundam. Physiol. Medic.* Male sentiunt, qui dicunt cum MOE-

BIO, Astrologiam esse oculum alterum Medicinæ; sive enim Astrologiam judicariam spectemus, falsa est & incerta; sive Calendariographiam consideremus, ubique decipiemur ridiculis ineptiis; neutraque hic locum & usum obtinet.

Omne ergo in Medicina Theoriæ fundamentum desumendum est ex *Physica & Mechanica*. Illa per *Pyrotechniam* illustratur, quæ etiam corpori humano applicanda, pro ratione ejusdem elementorum seu principiorum partes constituentium; *Mechanica* verò per anatomiam corpori applicatur; siquidem per hanc structura corporis mechanica, quæ quasi automaton, repræsentatur, illustratur, & functionum & actionum ejus ratio ex mechanicis principiis optime explicatur. Ex *Physica & Pyrotechnia* materialem partium corporis texturam, & inde dependentes proprietates & qualitates varias addiscimus ex *Mechanica* verò formalis partium structura & conformatio, indeque observationum varietas, cognoscitur.

Objectum seu *subjectum*, quæ hoc loco pari passu ambulant, Medicina est corpus humanum vivens, quatenus sanabile est, i.e. quatenus in statu sanitatis conservandum, vel à statu sanitatis recedens in integrum restituendum; & prout qualibet Ars non uno modo circa eandem rem versatur, adeoque *subjectum* quodlibet duo, *Materiale* scilicet & *Formale*, involvit; ita Medicina *Objectum* est vel formale, vel materiale. *Objectum materiale* est corpus humanum vivens; formale verò est, quatenus sanabile.

Nonnulli omne corpus sanabile *subjectum* Medicinæ pronunciant, v.g. PLEMP. *Fundam. Medic. l. i. cap. 3.* quod tamen nimis universale videtur; non quòd à Medicina excludere velim reliqua præter hominem animalia, & vel nullam in ipsis, vel omnino formaliter distinctam ab humana sanitatis & morbi receptionis aptitudinem agnoscere, sed quòd non minus turpe nobili Medico videatur, tam ignobilis, v.g. canis, &c. curæ vacare, ac vile est Principi, plebi, & subditis familiarem se nimis præbere; cui accedunt diversæ circumstantiæ, propter quas in brutis, aliisque viventibus, morborum curam non commodè aggredi ac perficere licet. Itaque reiicio *Medicinam Veterinariam*, quæ & canes & alia bruta pro objecto suo habet: reiicio & eos, qui non solum corpora brutorum, sed & alia, viventia, vegetabilia, &c. pro objecto Medicinæ habuerunt.

Homini ergò soli Ars Medica ministratur, qui cum ex anima rationali, spiritu vitali, & corpore organico constet; anima verò illa morbis *Physicis*, sive Medici opem expetentibus, non obnoxia, atque sic immutabilis existat, in corpore ejus organico, spiritibus animalibus instructo, tanquam *subjecto* ut acquiescamus, ratio suadet.

Finis Medicina est sanitas; ubi tamen rectè distinguendum inter *Finem externum & internum*, seu inter *Finem intentum & obtentum*: Ille, scilicet *externus* seu *intentus*, semper est Sanitas conservanda aut restauranda: propter hanc enim ægri se Medicis subiiciunt; *Hic*, scilicet *internus* seu *obtentus*, quem alii munus seu officium Medici dicunt, est facere ea, quæ ad intenti *Finis* assecutionem apta & necessaria sunt; hoc est *curatio*, quæ est effectus Medicinæ, item morborum insanabilium prævisio & prædictio. Quæ si Medicus egerit, officio suo satisfecisse dicendus est, utut non semper sequatur *Finis* externus seu Sanitas, utpote quem simpliciter in arbitrio suo, instar eorum artificum, qui *subjectum* merè passivum agnoscunt, positum non sit. Sicut enim nec ex ovo excluditur pullus, nisi à spiritu genitali galli fecundetur, visque genitalis in ovo latens beneficio incubatus & blandi caloris exsuscitetur; ita si natura non peragat partes suas, (sicut natura morborum *Mediatrix* ab HIPPOCR. 6. *Epidem. Sect. 5. Text. i.* dicitur,) si adstantes officium suum negligant, si denique res non-naturales, vel quæcunque causa externæ, Medici intentionem turbent, uti idem HIPPOCRAT. *Sect. i. Aphor. i.* annotat, remedia frustra adhibentur; Medicus tamen ab omni ignorantie & imprudentie culpa liber erit. Præterea à Medicis illi quoque tractantur, & à Practicis describuntur morbi, qui per se insanabiles sunt, non quòd contra hujus ambitum hi sint, v.g. vulnera cordis ventriculos penetrantia, apoplexia vehementior, cancer exulceratus, sphaceus, &c. sed ut constet, eos insanabiles esse, utpo-

utpote quod prospicere, & ab illorum cura abstinere, prudentia pariter opus est.

Mediæ restant ad finem perducentia, i. e. causa efficiens, à cuius influxu Sanitas, ut effectus, oritur, quæ duplex: *principalis & instrumentalis*. Principalis, seu à qua, Medicus est; instrumentalis verò, seu per quam, sunt ipsa auxilia & remedia, quæ ex triplici fonte, diætetico nempe, pharmaceutico & chirurgico, petuntur, de quibus suis locis pluribus agetur.

Ex quibus omnibus ritè ponderatis constat, rectè Medicinam ab Hippocr. passim artium omnium præstantissimam vocari: & id quidem (1.) ratione Subjecti, corporis nempe humani organici (2.) ratione Finis seu sanitatis per se expectandæ, & bonis temporalibus quibusvis anteponendæ, ita ut ab HELMONTIO *Medicus Mediator inter vitæ principium*, h. e. spiritum vitalem, & mortem, non inepte dictus fuerit; imò; (3.) ratione Efficientis quoque, quippe non solum viros divini sæpè ingenii, sed etiam magnates quoque plures, Medicinam coluisse, & exercuisse, historia Medica docet, de quo vid. GALEN. l. 6. *M. M. cap. ultimo*, VVILHELM. PLANT. in *vita Fernelii*, JOHANN. BAPTISTA SYLVAT. *Obs. 94. & 95.* HORAT. AUGEN. *Epist. & Consultat. l. 8. pag. 594.* LAUREMBERG. *Portic. Esculap. cap. 9. & MOEB. Fundam. Physiol. cap. i.* Quibus (4.) accedit, quod CELSUS animadvertit, *modendi artem nusquam non esse*, h. e. ipsius usum ubique terrarum existere: siquidem etiam imperitissimæ gentium herbas aliaque in auxilium vulnerum morborumque norunt, quod præprimis BONTIUS de *Medic. Indorum*, & CAROLUS PISO de *rebus Brasiliensibus* confirmant.

Ex his manuducimur ad divisionem Medicinæ.

C A P U T III.

De Medicinæ Divisione.

Absolutis nunc illis, quæ essentiam Medicinæ concernebant, h. e. data & explicata ejus definitione, Partes hujus systematis sequuntur, quas methodica divisio non difficulter exhibebit, talis scilicet quæ singulas non tantum suo loco ponit, sed idoneis quoque transitionibus connectit.

Sunt nempe *Medicina* pro reliquarum omnium artium natura tres partes principales, ut φυσιολογική, παθολογική, & θεραπευτική cum ὅλῳ.

Prima pars, *Anthropologia* seu *Physiologia* dicta, considerat materiale, h. e. subjectum seu objectum suum, nempe corpus humanum, ejusque partium constitutionem, usum, & actiones, & animæ sic dictas Facultates. Huc pertinet tota Physica; ubi enim desinit Physicus, ibi incipit Medicus: & tota Anatomia.

Secunda pars considerat Formale & Finem propositum, quem in objecto suo, vel subjecto per Physiologiam probè cognito, nititur obtinere, & hæc est *Pathologia*, quæ sanitatis, & huic oppositorum morborum,

scrutatur naturam, & facit, ut Medicus notitiam capiat sanitatis conservandæ, peritusque fiat morbis tollendis: & quidem versatur vel circa horum quiditatem, causas & differentias & effectus, vel circa signa, quæ alterutrius in corpore præsentiam, similiaque huc facientia indicat, & Semiotice vocatur.

Tertia pars tractat de mediis legitimis, quibus Medicus Finem potest obtinere; & pro varietate horum medicorum, subdividitur in *Hygienicam & Therapeuticam*. Illa est, quæ contemplatur sanitatem præsentem, ut conservandam; Hæc contemplatur sanitatem labefactatam vel amissam restaurandam.

Semiotica est bifida, seu bipartita: nam *diagnostica* reverà ad *Pathologiam*, *Prognostica* ad *Therapeuticam* pertinet; cum Medicus Practicus perspecta morborum ratione ex Pathologia, imprimis per signa eosdem, subinde etiam abditos, in agrò cognoscere & perspicere possit, & præterea sub curatione therapeutica simul maturè præcognoscere, an curabilis, an verò incurabilis, & quomodo? morbus sit.

Ministra partes Medicina, quæ ad Finem desideratum commodius consequendum nos ducunt, sive, ut GALEN. l. 1. *Acut. Text. 3.* ait, propter curationem commodius exercendam adhibentur, aut Hygienæ inserviunt, aut Therapeuticæ. *Hygienæ* quidem *Diætetica*, quæ cum regimine rerum non-naturalium curat; cui subordinata est Ars culinaria, & huic cognata, Pistoria, Cerevisiaria, &c. *Therapeuticæ* verò ministratur Ars *Pharmaceutica & Chirurgica*; quarum illa omnium simplicium ex tribus regnis exactam compositionem, hæc Anatomia crebrius præsupponit exercitium; adeoque octonario partium numero tota Medicina generalis comprehenditur.

Non sunt distinctæ artes, sed partes, *Pharmacia & Chirurgia*, à *Medicina*, & non distincta entia, *Pharmacopola & Chirurgus* à *Medico*. Per neglectum vel malitiam horum factum est, quod à Medicis ad alios homines transferint nobilissimæ hæ partes *Medicine*. Equidem primi Græcorum Medici propriis manibus parabant medicamenta, applicabantque malagmata: postea vero Medicorum famuli fugitivi facti successivè emerferunt Pharmacopœi, & sic sua spontè ceperunt parare & dispensare Pharmaca, à quibus profecti Pharmacopœi, & facti postmodum Medicorum socii. Eadem fortuna fuit cum Chirurgia, ubi alii ausi sunt applicare Chirurgica, & multa, quæ proficua esse usu experti, alios docere inceperunt; & sic diversæ ortæ artes, & separatim propagatæ sunt. De Medicorum multitudine vid. STURM. *Tr. de Medicis non Medicis*; item BEGUIN. in *Prefat. Tyrocin. Chymici*.

Ridiculi autem sunt quidam Medici, qui simul Medicinæ & Chirurgiæ Doctores vocari malunt, quasi Chirurgia esset Ars distincta, nescientes: utrumque competere Medico, ac debere, hunc esse simul peritissimum Chirurgum, (Chirurgia enim est nobilissima Therapeutices pars,) quia subordinatæ partes sunt.

Quid sint Archiatri, item de Officio Medici, item an Jure-Consultus præferendus Medico, vid. *Commentar. JOHANNIS FRIDERICI MEIBOMII in Magni Aurelii Cassiodori formulam Comitum Archiattrorum*.

INSTITUTIONUM MEDICARUM

P A R S I.

PHYSIOLOGIA.

C A P U T I.

De Principiis Corporum naturalium.

Prinicipia naturalia sunt vel

I. Agens. *Motus*, qui consideratur vel

1. Formaliter.

(1.) Impulsivus

(2.) Gravativus

(3.) Elasticus.

2. Materialiter, in suo subjecto, nempe materia, quæ vel

(1.) Simpliciter patiens, unde motus vel progressivus vel intestinus.

(2.) Simul determinans per sui

(a) Impenetrabilitatem.

(β) Figurationem seu conformationem.

(3.) Efficienter. Movens est vel

(1.) In genere Impellens, gravans, tendens.

(2.) In specie.

(a) Primum.

(β) Secundum.

1. Universale.

2. Particulare secundum certas leges, quæ

1. vel

1. vel generales seu universales

2. vel speciales seu particulares.

II. Patiens. *Materia*, quæ consideranda vel

1. In genere quoad

(1.) Essentiam

(2.) Attributa seu affectiones vel

2. In specie quoad

(1.) Corpora Mundi systematica.

(2.) Globum Terræ-aqueo-aereum vel

(α) simplex

(β) composita seu mixta

1. absolutas & primarias.

2. Respectivas ac secundarias.

Imperfectè.

Perfectè.

1. Homogeneè.

2. Heterogeneè.

Quoad *Materiam compositam* seu Mistorum, considerantur.

1. Elementa Constitutionis, & Resolutionis, seu Principia prima & ultima.

2. Elementa Constitutionis, seu principiata illorum, proxima tamen elementa mixti.

3. Elementorum istorum existendi modus, vel

1. Materialis in se consideratus.

2. Formalis respectu alterationum quas subeunt; qui oritur quoad

(1.) Principium efficiens ab agente seu Principio seminali.

(2.) Fiendi modum per syncrisin, Metastasin, & Diacrisin.

III. Ex Agente, *Motu* & patiente *Materia* oritur *Forma* seu determinans aut specificans.*Dua* in universum *Corporum naturalium* sunt *causa* seu *Principia efficiendi*:1. Efficiens seu Agens *Motus*.2. Patiens, *Materia*.

Forma enim nihil differt à *materia* & *Efficiente*, sed potius ex mutua horum relatione & respectu resultat, ceu aliquod tertium: Aut enim est ipsum corporis efficiens internum, intimè illud constituens, indeque constitutum conservans, adeoque proprietatum ac operationum radix existit; aut saltem immediatè forma resultat in materia, ex huius per efficiens modificatione. Illo conceptu nil aliud est, quàm inter plures *materia*, idem concretum constituentes, partes mutuò sibi subordinatas, primaria, & motu, cæteras dirigente instructa; Hoc verò conceptu nil aliud est, quàm multiplex *materia* concreti ex minimis, diversimodè modificatis, textura, secundum proprietates illarum Mathematico-Mechanicas seu quantitativas.

Circa *Materiam* consideratur.1. *Materia ipsius essentia* in genere, & generales ejus affectiones, tam absolutæ, quàm respectivæ.2. *Materia in specie*, prout corpora sic dicta mixta in nostro globo Terræ-aqueo constituit.

Materia nomine nil aliud intelligitur, quàm *substantia in longum, latum, & profundum extensa*, eaque solida & impenetrabilis, & hæc est *Essentia materiae*. Non ergò extensio, quàm Mathematici considerant, & quæ non, nisi in subjecto extenso, concipi potest, sed ipsum ens per se subsistens, & extensum & impenetrabile, licet summè divisibile, *materiae* rationem formalem, unde cætera attributa derivantur, constituit. Differunt ergò in hoc corpus Mathematicum & Physicum, & non dantur in natura minima, seu ultra quorum divisionem progredi nescit natura.

Nempe in hoc *Gassendi* (seu renovata *Epicuri Philosophia*,) sententia differt à sententia *Cartesii*, quod *Gassendus* materiam præter extensionem, etiam impenetrabilem statuat, adeoque non in infinitum divisibilem, quin tandem ad particulas minutissimas seu atomos deveniatur; *Cartesius* verò *materiae* naturam simpliciter in extensione positam statuit, adeoque in infinitum divisibilem. Sed hoc ipso corpus Physicum cum Mathematico confundit; imò spatii vacui à materia nulla differentiam reddere potest: vid. hic omnium optimè *LAMI Tract. de Princip. rerum*, qui omnium optimè hypotheses Physicas Peripateticas & Cartesianas refutavit, *Gassendi* verò *Physicam Epicuream* restauravit.

Materia hæc sub generali hoc conceptu, uti primò sub creationis tempore producta, ita ex eadem omnia corpora, mundum hunc sensibilem & cognoscibilem constituentia, enata fuerunt. Commune etiam adhuc subjectum existit

Etmulleri Oper. Tom. I.

cujusvis generationis, corruptionis & alterationis corporum; quo sensu non incommode *Aristotelis materia prima*, vitando scholasticorum inania deliria, *vocari possit*.

Materia hæc cum sit unica, ipsa ex se tam insigni & multiplici corporum varietati non sufficiet, quin potius per motum disponatur ad corpora distincta constituenda. Prima enim, quam in materia à motu factam concipere possumus, affectio & mutatio, est ejus divisio in multas distinctas particulas, quæ omnes ex *materiae* natura magnitudinem, & hinc figuram propriam, obtinebunt; si autem certam figuram habent, necessariò habent magnitudinem: Unde hæc tria accidentia particularum, *motus* (prout subjective in mobili consideratur,) *vel quies*, *magnitudo* & *figura*, *primarii modi aut affectiones materiae, & hinc corporum, erunt*. Quod si particula hæc, nunc majores, nunc minores, ceu ad invicem collectæ, considerantur, sequitur exinde, quod habeant omnes certum situm, respectu quasi eorum horizontis, & simul certum ad se invicem ordinem, secundum quem sunt locatæ. Quod si plures tales particula unitæ in certam naturam, corpus dictam, tunc ab illarum magnitudine, figura, situ, ordine, motu vel quiete, certa ac determinata corporis oritur plus minus porosa vel solida textura; & sunt affectiones, seu modi naturæ ejusque particularum seu corpusculorum absolutæ.

Nam & cæteræ omnes respectivæ corporum ac *materiae* affectiones seu modi, quas unum corpus in relatione ad aliud corpus obtinet, ab istis absolutis primam originem ducunt. Omnes enim tam *prima*, quàm *secunda* aut *tertia*, vel *occulta qualitates dictæ*, materialiter & fundamentaliter ab illis absolutis affectionibus particularum, & hinc nata specifica concretorum textura, nascuntur: v. g. quatenus organa corporis humani ita sunt constructa, ut aliis corporibus certas impressiones à nobis, earumque perceptio variis nominibus appellatur, Calor, Odor, Glabrities, &c. & vulgò ex nostro concipiendi modo tanquam realia entia & qualitates distinctæ in corporibus concipiuntur, cum tamen sint saltem effectus, & consequentia texturæ, & primariorum istarum corpusculorum affectionum. Unde & rectius hæc secundariæ seu respectivæ corporum affectiones seu modi vocantur.

Ex particulis talibus, quas quotidiana multiplex experientia ostendit, esse minimas, adeoque suo modo veterum esse atomos, quælibet corpora coalescere solent, tam simplicia sic dicta, quàm composita, & hæc tam homogenea, quàm heterogenea, adeo ut ex minimis ejusdem *materiae* particulis, totius hujus universi consent corpora.

Saltem dubium est, an probabilior in triplicem particularum differentiam, nempe *materia subtilis, globulorum, & crassiorum ramentorum*, ista divisio facta fuerit secundum *Cartesium*; an verò in particulas admodum multiplices in omnem, tam ordinarum quàm inordinatarum figurarum, differentiam eadem divisa fuerit, quæ veterum, *Democriti* & *Epicuri*, & suo modo modernorum Anglorum, est hypothesis: vid. *BOYLE de Orig. Formarum*, item *Introduct. ad Qualitat. Particularum, & Gassend. in Philos. Epicurea*.

Mens *Cartesii* exemplo sequente non incommode explicatur: Corpus aliquod cujuscunque formæ, vel cylindricæ, vel pyramidalis, vobis imagnate; huic per motum in minima divisio contingit: Particulæ, dum solvuntur, conatu, quo possunt, maximo invicem sese volvunt; hinc quibus nonnulli apices subtilissimi fuerunt, eos amittunt, unde tanquam pulvis minutissimus detriti hi apices decidunt: (crassius hæc propono, ut intellectui magis perspicua fiant,) id, quod hac ratione decidit, *Cartesio materia subtilis* audit: Particulæ, quibus hæc *materia subtilis* est abrafa, fiunt *globuli*: Tertium quod nec rotundum, nec tam minutum est, ut *materiae* subtili assimilari possit, illud est, quod *Cartesio ramenta*.

Ex materia ita divisa in multas, vel indefinitè vel definitè particulas, totus mundus hic, seu ordinatum istud systema majorum istorum globosorum corporum cum expansæ æthereæ mole, in qua natant quasi, productus est; adeo ut stellæ in genere etiam à nostro globo-terræ-aqueo aereo materiam distinctam proximam non habere videantur, utut quædam plus de materia ignea, v. gr. Sol aut stellæ primæ magnitudinis, alia plus de materia, aquea, v. gr. Luna, idque diversimodè, participare videantur: id quod ferè manifestum evadit, si analogiam Lunæ cum nostro globo, Solis cum igneis corporibus, conferamus.

Jam speciatim in globo nostro Terr-aque-aero duplex materia se offert textura, ex qua corpora, quæ in hoc loco continentur, constant: *vel enim simplex & uniformis per totum in minimis*, & constituit corpora simplicia, indeque in se ingenerabilia, & incorruptibilia, adeoque non transmutabilia, sed quæ saltem matrices sunt maximam partem, magnæque receptacula cæterorum corporum compositorum, estque v. g. aer, ignis, aqua & terra, abstrahendo, an & aer & terra ex aqua primitus producta sint.

Vel eadem materia est composita, seu quæ ex diversis, secundum quantitativas rationes in minimis particulis immediate est contexta, unde & corpora emergunt composita; hinc ratione difformitatis minimorum mutabilia, indeque generabilia, corruptibilia, & alterabilia: alio nomine etiam *mista*, *sive perfecte sive imperfecte* talia, fuerint appellata, abstrahendo, an immediate ex primis materiae divisæ particulis enata fuerint, adeoque primò mista sint, an verò mediatè ex particulis jam dudum mistis, adeoque secundò mista sint. Et illa perfecte mista vel in toto pariter, ac in omnibus suis, quoad sensum, partibus, eodem penitus modo secundum omnia attributa se habent, vocanturque *homogenea*; vel difformiter se habent, dicunturque *heterogenea*. De mistis primò & secundò talibus conf. MAGNEN, *Democrit. Revivisc.* p. 285. &c.

Triplex corporum naturalium status respectu principiorum nostrorum naturalium seu elementorum est considerandus:

- 1 Compositionis, seu dum fiunt.
- 2 Constitutionis, seu dum facta & infecta sunt.
- 3 Resolutionis, seu dum iterum intereunt ac corrumpuntur.

Tres hi status à variis mutationibus particularum elementarium misti, & multiplici textura, quas ab afficiente motu recipiunt, oriuntur, ita ut, quæ naturaliter sunt eadem, formaliter tamen diversimodè differant: v. g. farina & fermentum & aqua idem sunt materialiter cum pane inde confecto; formaliter & hic ab istis multum differt propter mutationes texturæ particularum, quas sub fermentatione in panificio susceperunt.

Materia autem illa compositorum omnium corporum sub triplici regno comprehensorum, cum immediate constet & componatur ex differentibus minimis particulis, aliàs materialia principia, item elementa dictis, queritur.

1. Quenam sint illa mistorum principia minima, seu elementa compositionis prima, è quibus non dentur priora, & ex quibus qualibet corpora composita sublunaria, nunc mediatè, idque crebrius, nunc immediate, idque rarius, coalescunt; & quæ sint ista ultima, in quæ tandem resolvuntur, cum, quod primum in compositione, ultimum sit in resolutione: & quotnam sint, an unum, v. gr. aqua, an verò plura. Et si hoc, an numero definita, v. gr. quatuor elementa Peripateticorum, an verò numero indefinita, v. gr. atomi Epicureorum, aut particulae tertii elementi *Cartesii*.

Queritur 2. quot, & quanam sint illa elementa constitutionis, ex quibus proximè constat & coalescit ipsum mistum; siquidem rarè ex particulis elementaribus corpus quoddam concrescit, sed mediantibus pluribus mutationibus plurimorum elementorum & molecularum, inde genitarum, mista concrescunt.

Queritur 3. an, quæ sub compositione & resolutione concreti se offerunt principia materialia, semper præexistant ita formaliter? adeò ut sint prima & ultima, h. e. ut ex iis vel mediatè componantur composita ista, & in ista ceu ultimum terminum denuò resolvantur, qualiter v. gr. sal alcali & arena præexistunt, ex quibus vitrum componit artifex; vel calx viva, aqua & lateres, ex quibus perficit murum: an verò non ita, sed saltem materialiter præexistant? i. e. an sub corporum constructione ab efficiente ex alia formaliter materia mutata elaborentur? qualiter v. g. ignis corporum materiam concremando immutat, dum salia fixa, item olea, ex iis format, aut qualiter caseus, panis, cerevisia, caro, &c. sunt materia corporis humani ex qua sub nutritione partes constituuntur.

Quoad primum quæsitum, nempe *quoad principia compositionis prima, & resolutionis ultima*, notum est assertum veterum Peripateticorum, Galenicorum & Aristotelicorum, 4. elementa vulgò nota, ut ignem, aerem, aquam & terram, pro principiis corporum materialibus supponentium, ita,

ut ex illis ita præexistentibus concrecant atque componantur omnia corpora mixta, & hinc conditiones materiales obtineant, & etiam in illa tandem resolvantur: cujus tamen hypotheseos vanitatem sufficienter & BOYLE *Chym. scept.* & BECK. in *Tract. Experim. & Meditat. circa Principia rerum naturalium*, & HELMONT. hinc inde in suis scriptis, speciatim in *Tract. de Complex. & Mist. Element. Fimento*, refutarunt. Nam

1. Nulla evidens adest ratio probationis, quin planè dubius est, ne dicam fallax, quaternio elementorum, quamvis doctus sit à tot seculis.
2. Nulla certa probabili saltem experientia, nec ratione evidenti & firma, confirmatus vel probatus est, omnesque, quot proferuntur rationes, pro firmando quaternario hoc elementorum, petunt principium: unde necessariò quoque doctrina illa vulgaris de Temperamento, vel quatenus omnibus mixtis, vel quatenus homini tantum applicatur, rejicienda erit.

Si quidem de *Peripateticorum* elementis illud adhuc queritur:

1. An illa reverà adeò simplicia, ut elementi nomen jure ipsis competat, an non potius decomposita & elementata sint?
2. An hæc omnia à se invicem reverà distincta existant corpora?

Intelligimus enim hic per elementa substantias materiales, ex quibus constat, & in quas resolvitur omne corpus: unde Peripatetici hypotheseos suam de 4. illis elementis probant, supponendo, in quod aliquod corpus resolvitur, idem componi, h. e. nihil à concreto quodam separari posse, quod in illo non existerit; hinc lignum, dum deflagrat, protinus in partes elementares scedere, docent, ita, ut ignis per flammam & hujus lucem perspicuus fiat; fumus in aerem, fluminis à mari absorpti instar, evanescat; aqua adurentis ligni extremitates cum sibilo egrediatur, remanentibus demum cineribus, pondere, fixitate, ariditate sua, terram exhibentibus.

Sed fallax fatis, minusque Philosophicum hoc experimentum esse, patet:

1. Quod non universalis regula sit; ex his aliquid actur constare, in quod resolvitur, quando v. g. ex mixtis putrescentibus vermes prodeunt, quos nemo affirmabit eorum subingredi constitutionem.
2. Quamvis & axioma hoc concederetur, nondum tamen constat, qualisnam analyseos species sit, per quam corpora naturalia in partes simplices & reverà componentes dissolvuntur; cum præter ignem actuale hoc forsari præstare possit putredo, aut menstrua solventia diversi generis, præprimis cum igni in specie ejusmodi analyseos universalis munus & potentia concedi nequeat, ob rationes seqq.

Scilicet pro diverso ignem applicandi modo, diversa planè è compositis producuntur, ita quidem, v. g. sulphur in vasis sublimatoriis igni ita commissum, ut in flammam non abripiatur, in minima saltem subdividitur, & in flores sublimatur, neutiquam tamen in partes heterogeneas, si paucissimæ faeces excipiantur, resolvitur; igni verò luculentiori commissum ac accensum, præter paucissimos flores, spiritum acidum tantum edit: quale quid etiam de ligno observandum, quod pro vario hoc tractandi, & ignem ipsi applicandi modo, varia quoque sistit producta. Unde incertum est, quisnam illorum modorum concretis in elementa sua solvendis aptior sit? Nec (2.) de gradu ignis huic necessariò proportionato, certi sumus, qui, prout ipse variat, ita & illa quæ exhibet phænomena, discrepant. Hinc vegetabilia certo, & satis intenso ignis gradu calcinata, cineres & salia fixa exhibent, intensiori verò magis in vitrum colliquantur; & mineralia plurima, v. gr. vitriolum, antimonium, &c. pro diverso ignis moderamine in colchotar (colcothar vitrioli, à quo partes aqueæ vel spirituosæ secesserunt,) & calcem (omne minerale, quod igne tractatur, in pulverem abit,) rediguntur, exhalantibus scilicet nonnullis particulis, nunc in massam homogeneam liquecunt. (3.) Vis ignis in concretis etiam modificatur, si his aliud corpus addatur aut detrahatur: imò illa vis heterogenea interdum non tam disjungit, quam in unum cogit & componit: quod v. gr. sal ammoniacum, ex urina & sale communi, docet, quod solum igni commissum, totum sublimatur in eandem, qualis antea fuit, massam; additis verò alcalibus, spiritum & sal urinofum prodit, altera scilicet ejus seu acida parte in

te in alcali concentrata: quale quid in Mercurio vivo pariter observamus, qui per se destillatus in corpus sibi simile & idem coagulatur; cum salibus verò acidis in crystallinum & solidius corpus igne mediante coit: quod alcali commixtū, & igni denuò expositum, currentem de se iterum linquit Mercurium. (4.) Quamplurima etiam sunt corpora, in quibus nullum horum elementorum demonstrari potest, v.g. aurum, & reliqua metalla, item lapides, adamas, crystallus, Mercurius vivus, &c. nullum horum elementorum ostendunt, quocunque ignis gradu urgeantur: ut taceam, quod salia, utut sint omnium corporum particula, ad nullum istorum elementorum referri possint, tanquam primaria omnium corporum. Referunt quidem ista corpora ad terram, sed falso; cum toto cœlo ab illis differant: ad aerem etiam non possunt referri; sicut sulphurea & oleosa referunt ad aerem, quod sint humida & calida: falsum tamen est. Quæ enim est ratio? Aer humidus & calidus est; oleum etiam humidum & calidum est; ergo ad aerem referendum: oleorum enim singularis materia est, & particulis merè sulphureis, cum sale volatili conjunctis, constant. Aut ergo plura sunt elementa, quam 4. ut phlegma, sal urinosum, spiritus acidus, & oleum, quia non in omnibus reperiuntur, aut pauciora: (5.) Tandem præcedens quoque concretorum, ignis examini subjiaciendorum, præparatio, huius activitatem diversimodè dirigit, ut v.g. uvæ exsiccata phlegma, oleum, spiritum, à communi spiritu vini alienum, sal dest. & terram largiantur; uvarum verò recentium succus non fermentatus alia exhibeat, quàm fermentatus.

Præterea, ut hæc manifestius constent, notandum has, quæ per ignem separantur, heterogeneitates, elementari aut priorum simplicitate non gaudere, sed adhuc principiata, imò de composita existere; v.g. fuligo & cineres ex ligno producti & vitrum ex cineribus per colliquationem paratum.

Falsum igitur est de combustionem ligni, quod cineres sint terra, quàm post se relinquit; etenim & cineres beneficio resolutionis Chymicæ in aquam mutari possunt: ut nihil dicam de vegetabilibus, quæ ex sola aqua constant materialiter, quorum flores, radices, folia, cortices &c. nil nisi unica & pura aqua sunt, cui principio constituenti principium fecundans jungitur, quod est spiritus salis ex aere, potens formare corpora vegetabilium. Vegetabilia aromatica etiam sumantur, ver. gr. melissa, mentha, pulegium, ocymum, &c. si furculus viridis horum aquæ imponatur simplici, radices agit, crescit, floret largiter, non secus ac in terrâ live etiam sumatur purissima destillata aqua; vid. BOYLE *Chym. scep.* p. 85. de Pepone Indico, ac de *Qual. & Form.* pag. 124. qui rationes sufficientes & elegantissimas habet contra quaternionem elementorum, & experientia propria confirmat, ex sola aqua constare vegetabilia; cum quo conf. HELM. in *Tr. Compl. & Mist. Elemental.* Figm. §. 30. ubi habet exemplum salicis, ex unica puraq; aqua insigniter luxuriantis per plures annos: (*Helmontius* primò legenti non placet, secunda vice parum, tertia vice maximè placebit:) sicut & pisces ex sola aqua nutriuntur & fiunt, docente eodem *Helmontio*: ut taceam liquorem universalem seu Alcahest, cujus beneficio omnia concreta, v.g. salia, carbones, &c. in aquam ultimatò resolvi possunt elementarem, æquiponderantem suo concreto; talem quidem, quæ in aliam simpliciorum aut puriorem substantiam ulterius redigi potest: vid. HELMONT. *l.c.* §. 12. Unde quaternio aut nullus, aut major erit elementorum numerus.

Alterum super Peripateticorum elementa dubium hoc est: an illa a se invicem reverà distincta existant corpora? Concedo quidem libenter, aerem, aquam & terram constituisse portiones maximas, globum nostrum terræ-aqueo-aereum componentes, & ita quidem, ut in his generentur, vivant & intereant alia corpora mista, sintque horum quasi receptacula ac diversoria: sed an sint elementa, vel substantiæ à reliquis distinctæ? aut an concurrant materialiter, unà cum igne sic dicto elementari ad constitutionem seu genesin corporum? hoc est quod quaeritur, & meritò dubitatur; utut de aqua separatim considerata res certissima sit, eam frequentissimè mistorum reverà ingredi compositionem; Ut taceam *Thaletis* ab *Helmontio* revocata ab orco sententiam; *Omnia ex sola aqua materialiter constare*, asserentis: vid. HELMONT. hinc inde in *suis scriptis*, speciatim *Complex. & Mist. Elemental.* Figmentum; qui hanc hypothesin jam optime confirmavit & illustravit. Quæ ipsa magis illustravit DAVID von der BECK. *Tr. Ettmulleri Oper. Tom. I.*

Medicat. & Experim. circa rerum natural. Principia, aliæque recentiores.

Sed illa ipsa Peripateticorum Elementa ex modò dictis materiæ particulis constant, sed homogeneis, si nempe in sua simplicitate considerentur, v.g. *Aqua est corpus simplex in sua essentia, quia constat ex particulis simplicibus, oblongis, rotundis, cylindricis, plicabilibus, subtilibus, instar exilium anguillarum unitis*, quæ sibi invicem unitæ constituunt aquam; & superimpositæ & agitatae poros parvos relinquunt, ut lumen possit transire, constituunt *aquam limpida* translucidam. Eadem particula *mutato situ quietim inextensa, impeditoque motu, corpus durum seu glaciem* constituunt: eadem particula, si absque incisione & penetratione linguam transierint, insipida vocantur: eadem particula variato motu recto in circularem ab igne, *Vapores*; si à frigore sint unitæ, *guttas in pluvia* constituunt.

Nullum dubium est, quin aqua sit catholicum & unicum constitutum omnium corporum principium, ex qua materialiter omnia fiunt; de terra verò disceptatur, an ingrediat tanquam pars constituens corpora in Fieri materialiter? annon potius sit productum ex ipsa aqua? Rationes pro firmanda assertione possunt dari, quia omnia vegetabilia constant ex sola aqua, sustentantur etiam per aquam; quæ combusta dant etiam cineres, & terram copiosam. Ex quo autem omnia constant, ex illo conservantur omnia. Omnia materialiter sunt aqua post resolutionem; taceo experimenta singularia, quibus hoc nostrum assertum potest probari; v.g. ex aqua pluviali fit terra levis, candida, &c. quo enim sæpius aqua destilletur, terra magis candida & spissa fit, ita ut tertiam partem in terram degeneret; consulatur tamen laudatus BOYLE de *Orig. Formar. & Qualit. & de Gemmis*: Item corpora terrea, gemma, alique lapides perspicui & pretiosi, si non solius, certè maximam partem, aquæ sunt fructus. Quidam singulare experimentum habent, lapidem levem projicientes in aquam, ex qua perfectam produciunt gemmam: vid. *Epist. MORHOFFII ad Daniel. Major. de schypho vitreo*, certo vocis sonu fracto Amstelodami; & *Boyle de Gemmis*; & per consequens arenula illa minutissima, quas terram virginiam & simplicissimam dicunt, nihil aliud, quàm lapilli minimi ex aqua producti, hinc elementati videntur.

Aeris presentiam nemo adhuc demonstravit tanquam elementum componens, vel quod sit corpus in misto cohabitans elementaliter, etsi quidem in corporibus, tanquam replens quoddam poros, & spaciola, inveniatur, & per poros se insinuet. Corpus autem mistum & satis compositum existere, h.e. æthereum, cui particula aqueæ & terrestres insint, vix amplius dubitari potest: vid. CARTES. *Meteor. c. 1. §. 3. Princip. Philosoph.* p. 4. §. 46. HOCK *Micrograph.* p. 13. 96. & 97. DIGBY de *Pulv. sympathet.* p. 49. & 50. Quæ ergo heterogeneitates, si ab æthere separentur, hic non tam componet atque constituet, quàm penetrabit & permeabit omnia corpora, adeoque eorum elementum dici non poterit.

Particulis videtur constare minutissimis, agilibus, maximè plicabilibus, adeò ut vel sponte, vel motu caloris adjunctæ, se explicent & dilatent proprio elatere, vel frigore se constringant, aut vi etiam externa facile cogantur in se & complicantur. Ex his emanat vis aeris elastica: vid. BOYLE de *vi aeris elastica*. Concipi potest, tanquam acervus lanæ, quæ jam extenditur, & denuò coit.

Ignis nil minus est, quàm tale corpus, quale vulgò fingitur. Constat autem particulis minutissimis ex sulphure confatis, quæ ex corporibus resolutis in aere accensæ agitataq; dicuntur lamma, Moderni Angli excusserunt quid sit? Nam quod ejus naturam attinet, ea semper valde occulta & intricata fuit, & nemo eam rectè explicavit, præterquam scriptor quidam Anglus, adeò ut magnus ille per ignem Philosophus, *Helmont.* in huius quidditate describenda se explicare non potuerit. Aliqui ignem faciunt ens medium inter substantiam & accidens, & formam materialem. Ut ergo cognoscamus, quid sit ignis? distinctione progrediamur, si consideremus *flammam & fumum*, quæ non differunt materialiter, sed sunt una eademque substantia, ut mox probabitur. Modernorum enim experimenta Ulcano Chymico adornata persuadent, quod *ignis noster usualis* (nam de cœlesti in solari corpore concentrato, & inde in universam mundi machinam, & imprimis ipsos planetas, adeoque tellurem, sub nomine radiorum & luminis vibrato, non est huius loci tractare; utut multa persuadeant, eundem itidem ex sulphure resolutum constare.)

fit tantum actus dissolutionis corporum dictorum sulphureorum, id est in recessu pinguium, in sui particulas immediate minima factæ imprimis ab aere, tanquam per menstruum dissolutorum, & velocissime agitatorum atque calefactorum, non fecus ac aqua fortis aliaque menstrua acia operantur super corpora dissolubilia, v. gr. ferrum, Venerem, Jovem &c. adeo ut sulphurearum particularum substantia non nisi motu ab aere videatur differre. In illo ergo dissolutionis actu erumpentes & evolantes particule antea concretæ ignis appellantur, cuius dissolutionis effectus duo inseparabiles Calor & Lumen sunt: quibus positus ignis ponitur, remotis verò tollitur. Uno nomine Ignis consistit in motu concitatissimo particularum pinguium seu sulphurearum, sicuti hoc sufficienter explicavit BECK. Tractatu supra citato.

Quoad Calorem & Lucem, ille ab acido concitatissimo effervescentiæ motu cum terreo collidente oritur; Hæc verò quid sit? & in quo consistat? res adhuc intricata est. Sunt, qui subtilissimum sui generis materiam Lucem esse, non ineptè judicant, quæ in suo coalitu sub pinguis schemate ferè delitescat, quo verò resoluta, illa sui juris facta motum lucis undique diffundat; & hanc materiam quidem ignem purissimum, sed improprie appellant. Utraque substantia simul in motum concitata, dat ignem: nam lignum putridum lucet; quia tamen deficit calor, non potest dici ignem. Oleum vitrioli; item calix viva, in aqua communi impensè æstuant, quia tamen deficit lux, nullus ibidem adesse dici potest ignis; in carbone verò & flamma est utrumque, adeoque formalis ignis.

Viger ignis imprimis in flamma, ubi calor cum lumine se simul exerit, quæ flamma est fumus rarefactus, dissolutus, & incensus; fumus verò est flamma condensata seu extincta, constans particulis antea rarefactis, h. e. incensis, sed defectu aeris rarefacientis condensatis: unde, quod non aequè potest resolvi, sub cinerum forma remanet; hinc fumus & flamma manifestè sunt res eadem. Flamma enim quæcunque extincta vel suffocata abit in fumum, & fumus condensatur in fuliginem, sicut idem fumus facile in flammam incenditur, adeo, ut flamma & fumus differant saltem in eadem materiæ modificatione; hinc unum idemque corpus in flammam & fumum est facile mutabile. Hoc comprobari potest oculari experimento duarum candelarum, quarum altera si extinguatur, flamma abibit in merum fumum: si porrigatur candela ardenti, ut fumus ejusdem obtingat flammam, fumus hic resolutus denuò abit in flammam, accendeturque candela extincta fumans.

Aerem autem ordinarium particularum harum motorem, earumque quasi modificatorem existere, ut ignem constituent, inde præprimis concludi potest, quod una sæpè eademque materia ab actuali igne commota, rarefacta, & in minima resoluta, pro diverso aeris accessu vel exclusionem nunc in flammam, nunc, si minus resoluta, & quasi crassius implicata, in fumum, nunc in neutrum horum, sed tertium quoddam, fuliginem, spiritum acidum, oleum, phlegma, &c. prout diversimodè tractatur & modificatur, immutabilis sit, quæ alias in aere libero flammam representant. Ita ver. gr. candela accensa si super imponatur vitrum, ea ratione, ut nullus vel paucus aer hanc contingere possit, hujus flamma mox extinguetur & suffocabitur, abibitque in merum fumum; unde fumus hic, qui nihil aliud est, quam particule illæ sulphureo-salinæ ex candela aut aliis corporibus accensis exhalantes, levique apparatu in substantiam solidiorem & spissiore condensabiles, sunt homogeneæ naturæ cum igne ipso. Sic quando dolia innovantur pice à vietore, pix dum accenditur, dolium integrum flamma repletur, quod si verò operculo quodam opertum fuerit dolium, evanescit flamma, & in fumum abibit, quæ flammæ catastrophe non nisi in condensatione ignis consistit: scilicet condensata flamma oritur fumus, & resoluta per aerem fumo, nascitur flamma. Lignum, si in aere libero accenditur, tradet flammam ingentem, fumum & fuliginem, maximamque partem in cineres abibit; quod si verò in vas clausum, ver. gr. in retortam, immittatur, flammam minimè concipit, gliscet saltem, ac loco flammæ apparet nebula, & non nisi carbonem relinquit. Interim tamen, quod ibi in flamma evanuit, hic in vase clauso cessat in aquam, spiritum acidum, & oleum crassum; in flamma enim absumuntur corpora, & in cineres abeunt; in vase verò clauso non abeunt in cineres propter aeris absentiam, sed tantummodò candescunt; e. g. *carbones in aere libero*

accensi facile absumuntur, & in cineres abeunt; si verò retortæ indantur, mille annos candescunt, & nunquam in cineres abeunt, propter absentiam aeris. Quò magis itaque aer accendit carbones, eò magis etiam accenduntur. Similiter accipiat ipsum nitrum, quod dum integrum, corpus salinum est: huic in crucibulo seu triquetro igni exposito & fluenti, si successive injiciatur pulveris carbonum tantillum, incendetur, & flamma copiosa exin eructabit, tresque partes nitri sub flamma deflagrabit: quod si verò eadem mixtura retortæ tubulata, aut solum nitrum retortæ simplici immittatur, & igni exponatur, tunc eadem flamma propter insufficientem aeris aditum coercita, in fumum rutilantem abit, & in vase recipiente in liquorem acidum, spiritum nitri dictum, condensatur ita, ut una eademque substantia, quæ antea in aere libero erat flamma, in vase clauso sit fumus & spiritus acidus.

Objiciat quis, quod hic spiritus non sit inflammabilis? Resp. verum est. Si verò addetur alcali fixum, e. g. sal tartari, huic spiritui, & absoluta effervescencia, hincque saturatione, ac heterogenei præcipitatione, habebitur perfectum nitrum regeneratum, iterum inflammabile; estque una eademque materialis substantia, nunc ignis & flammæ, nunc aliam induens larvam, pro varia substantiæ ejusdem materialis, secundum minima corpuscula per motum textura, quam ab aeris motu nunc tardiore, nunc rapidiore, nunc plane cessante, acquirit.

Ignis ergo non est distinctum quid ab aliis corporibus, sed est nihil aliud, quam actus dissolutionis corporum plus minus sulphureorum. Destillatio itaque per ignem est actus solutionis, qua corpora densa rarefiunt, & quod flamma vocatur, abit in spiritum acidum. Combustio est etiam actus dissolutionis corporum plus minus sulphureorum, quæ aere resoluta & rarefacta representant nobis tale ens, quod nos ignem vocamus. Unde in omni igne duo sunt consideranda: nempe

1. Materia mota seu subjectum ignitum, quod sunt particule pingues seu oleosæ.
2. Efficiens movens seu medium ignitionis, quod sunt particule aeris nitrosæ: Quibus
3. accedit in flamma ipsa largior aeris miscela; quia in aere est hoc nitrum, dissolvens sulphura concretorum. Quæ dissoluta, volatilata, & erumpentia in flammam, ignem representant; ita ut rectè dicere possimus: *Ignem esse sulphur in minimo resolutum; sulphur verò esse ignem quasi condensatum, aut concentratum.*

Quod autem ignis ordinariò consistat in motu & resolutione & quasi modificatione corporum sulphureorum per nitrum consiliens in aere, potest probari exemplo Veneris, metalli sulphurei, e. g. si recipiatur Venus, affundaturque spiritus nitri, ex mutua horum actione & reactione exiit fervor intensissimus; evolabit fumus rutilans, & interdum ignis evomitur. Ita simili ratione ex actione salis aeris nitrosi in corpore sulphureo, oritur talis rarefactio.

Non locum habet hocce, si objiciat aliquis; quando percussione chalybis cum silice, aut duorum silicium sulphure maxime scatentium, ignis excutitur. Respondeo: imo hic locum habet. Probo: Chalybs est metallum sulphureum, cujus particula sulphureæ mutuo attritu violento atteruntur, trita ab aere nitroso resolvuntur, resoluta & accensa sunt id, quod vocamus ignem, & ista, quæ dicuntur scintillæ, particule chalybis sulphureæ liquefactæ, instar vitri, in charta per microscopium examinata, apparent; vid. HOOCK in *Micrograph. Anglicò idiomate conscripta*.

Probatum porrò, quod ignis sit solutio corporum sulphureorum, facta beneficio aeris nitrosi: e. g. oleum commune olivarum, aliavè quævis, pix, spiritus vini, &c. item terebinthina, facillimè & levi scintilla inflammantur, totaque ferè deflagrant in forma flammæ, ut parum vel nihil restiter; quæ tamen omnia excluso aere, flamma suppressa in vase igni exposito abeunt in fumum, qui fumus est ipsum istud corpus, quod in vase ab aere munito in forma olei destillati aut spiritus, cū majore licet fixioris substantiæ remanentia, propter defectum aeris se manifestat, ita ut ipsū corpus pingue, oleum inde destillatum, flamma & fumus materialiter non differant, sed sint una eademque substantia. Sic oleum petreæ est calidissimum & sulphur rapacissimum; admota una scintilla accendetur oleum petreæ, totumque in aere libero constitutum, sub forma flammæ in auras transibit; si verò destillatur in vase clauso, dabit oleum, quod

quod antea erat, & remanebit caput mortuum instar terebinthinæ spissæ; & non accendetur in vase clauso, ex defectu aeris: adeo & lignum durum, quod in aëre libero seu aperto comburitur, & flamma, ejus fumus, fuligo, fuliginisque spiritus, & oleum & sal; atque idem lignum, quod in vase clauso, aeris ingressum prohibente, igni committitur, sub destillatione nempe, & ejus phlegma, oleum, spiritus oleoso-acidus, &c. ita per retortam prolita, sunt una eademque substantia materialis, pro varietate suæ texturæ, mediante motu inductæ, tot diversa schemmata repræsentans: scilicet prout unum corpus diversimodè tractatur, & ignis diversimodè ipsi applicatur, diversas potest inducere formas. Ideoque nullus datur ignis specialis elementaris, sed eadem particula minutæ corporum sulphureorum, beneficio aeris nitrosi resolutæ, vocantur ignis; quæ prout habent vel plus vel minus, vel minimum aeris nitrosi, audiunt vel flamma, vel fumus, vel fuligo, &c. Plura de igne videbitis in BECKII *Tract. supra citato*: item in MAYOVV *de sal-nitro, & spiritu nitro areo*. Sed dum ignis in motu substantia pinguis consistit, simul cetera corporis commoventur particula, & cum istis pinguibus evolvant; unde per accidens Ignis & Flamma falsa vel acida redduntur. Labilis itaque est numerus elementorum quaternarius.

Calor vero non est qualitas, sed qualiscunque consistit solummodo in agili, vehementi ac celerrima particularum minutissimarum, imprimis pinguium seu sulphurearum motione; & quamdiu durat motus, tandiu & persistat calor; cessante motu, transit calor: e. gr. sumatur terebra, eaque terebrentur ligna: quò magis durum est lignum, quoque magis ab homine agente terebræ motus continuabitur, eò magis incalescit terebra & lignum. Calor hic utique non nisi à motu fit: scilicet sulphureæ agitata particula in ferro terebræ nil aliud sunt, quàm calor. Aliud ponam exemplum: recipiatur spiritus nitri, qui frigida naturæ est, affundaturque limaturæ Martis frigida, & intensus calor æstuans producet propter celerrimum motum particularum; & quamdiu durabit motus, tamdiu durabit & calor, & quò vehementior motus, eò magis incalescunt. Pariter spiritus seu oleum vitrioli plurimas in se continens particulas sulphureas, si hæ quiescant, nullum calorem præferre videtur; si verò oleum tartari per deliquium, vel simile sal per incinerationem paratum, aut alcali quodvis, liquori huic adfundatur, in illo motus & effervescentia insignis cum tanto æstu excitatur, ut vas vix manibus teneri possit. Calor hic radicaliter in motu particularum, formaliter in subtili frictione materiæ, consistit. Quid aliàs de qualitatibus sentiendum, infra docebitur.

Notum ulterius est, Chymicorum quale fuerit effatum. Postquam enim Peripateticis oculatiores facti Medici, rem quidem multò altius indagare cogitarunt, eidem tamen innixi sunt axiomati: *In qua aliquod corpus resolvitur, ex eis etiam componitur*; adeoque cum viderent, per diversas operationes Chymicas varia ex variis concretis produci, nata est secta spagyrica, quâ in tria principia seu Elementa corporum activa, ut sal, sulphur, & Mercurium, & 2. passiva, Terram & Aquam, seu phlegma & Caput mortuum corpora mixta quælibet resolvi posse statuerunt, ex quibus omnia corpora componi, horumque diversitatem ex diversa eorum mixtione promanare, docuerunt. Sed hæc principia pro omnium phænomenorum naturalium ætiologiis explicandis valde imbecillia sunt, nec ritè possunt explicari. Nam quædam sunt corpora, quæ principia hæc tria non continent, multò minus s. sed uno vel duobus tantum contenta existunt, ita ut ab his, v. g. auro, Mercurio, talco, &c. nullo artificio vel sal, vel sulphur, vel aqua, &c. separari possint; quædam etiam dantur concreta, quibus plures, quàm tres, imò s. distinctissimæ substantiæ, inesse videntur. Accedit & hoc, quod inter ipsa hæc corpora, Principia Chymica credita, magna detur differentia, quæ numerum Principiorum horum valde augeat: dum e. g. spiritus cochleariæ odore & sapore à spiritu rosarum; sal fraxini ratione virtutis causticæ à sale quercus, & oleum cinnamomi, caryophyllorum, ligni assafras, &c. ratione gravitatis ab oleo anisi, citri, &c. differunt: imò ex quibusdam concretis oleum duplex, quod in sanguine humano & cervino. BOYLE *Chym. Scept. pag. 39.* annotavit, ex aliis triplex, destillari potest: unde plures Mercurii, vel spiritus, plura sulphura, & plura salia, emergent; ut taceam, malè à modernis post Paracelsi (in *Theoria naturæ minus, quàm in Praxi Medica Empirica, & ad hanc requisitis sublimioribus arcanis, versati*;) ætatem, ex illius instinctu illa tria quibusvis corporibus natu-

ralibus mistis tribui, & confusè res diversas uno nomine, Sulphur vel sal, nominari, quæ prudentiores veteres Philosophi Chymici saltem metallis adscripserunt, quorum nullitatem sufficienter BOYLE in diversis Tractatibus, in specie *Chymist. Scept. item de Qualit. & Formis, de Nitro Redintegr. & de Imperfect. Doctrina Chymica*, uti & HELMONT. in *Tractatu, Tria Chymica Principia non esse de Morbi Essentia*; item *Causæ & Inir. Rerum Natural. §. 13. & §. 22. Imag. Ferm. §. 7.* & alibi, uti & PETR. GUISSON. in *Scripto contra 3. Princip. Chym.*, ostenderunt; cum non unum, sed multiplex sulphur sit, utpote aliud minerale, aliud vegetabile, aliud animale; sicut etiam hæc, tria Principia Chymica sub multiplici nomine Autoribus veniunt, Maris, Fæminæ, & Matricis, eademque BECCHER. in *Phys. subterr. S. I. c. 1. seqq.* in regno minerali præsertim, sub triplici terræ nomine, nempe *terra seu lapidis fusilis loco salis*; *terra pinguis loco sulphuris*; & *terra volatilis seu alcalina loco Mercurii*, clariùs & distinctiùs docuit & demonstravit.

Postmodum maximè Spagyrici errarunt, quod non attenderunt:

1. Fieri nova corporum mista per resolutionem.
2. Ab igne emergere nova concreta corporum, de quibus supra: sicut etiam ignis, dum partes concretorum in ipso secretionis opere diversimodè agitatur, eas simul in minorâ discerpit, & per consequens illarum figuram atque faciem immutat, ita ut illa corpuscula sub alia specie secreta nobis appareant; id quod à posteriori hoc confirmare videtur, quòd plurium corporum particula per Chymiam separata, licet denuò commisceantur, & omni artificio combinentur, compositum tamen exinde emergens priori mixto simile non appareat: unde HELMONT. *Imag. Ferm. §. 7.* non absurdè concludit: *Principia Chymicorum tria nec actualiter corporibus inesse, nec separari, nisi prius per ignem commutando, sive per liquationis reductionem, fiant veluti natura.*
3. Quòd composita pro simplicibus acceperunt, e. gr. olea destillata sunt corpora mixta seu composita, & ab aliis habita pro principio sulphureo, sicut spiritus sulphurei per fermentationem parati, quos ex oleo, sale & aqua, fermentando invicem combinatis, constare, Chymia docet. Tandem
4. etiam ex Chymicorum lectione fatis superque constat, in laxo valde, indefinito & arbitrario ferè sensu eos terminis his uti, nec unquam certam definitionem iis decrevisse: imò ejusmodi scriptores non solum ab aliis, sed à se ipsis quoque, ac non rarò in uno eodemque Tract. dissentire, in dispari sæpe sensu illis uti constat: vid. BOYLE loco allegato, qui sit instar omnium, unâ fideiâ delens hypotheses Aristotelicorum & Spagyricorum, scil. *de Triplic. Activorum*, item GUISSON. *Epist. ad Amic. de Existent. trium Principior. Chymicorum*. Nazione est Gallus, quem reperietis in *Operib. POTERII*, in ultima Editione *Frankfurtensi*.

Quoad secundum Quæsitum equidem innumerabilis est minutarum particularum, ex quibus coalescunt corpora, differentia; unde & tam singularis ac multiplex in textura corporum; hinc proprietatibus & operationibus differentia emergit, sive ex ipsarum minutarum distinctis mechanicis proprietatibus illæ oriantur, sive ex aliquot minutarum firmissimo coalitu, & inde novis ex textura mutua acquisitis modificationibus eadem dependant, quæ denuò mutuâ associatione aliam corporum varietatem constituere possunt; quam innumerabilem diversitatem & olim Democritus sub atomorum infinitate, & hodiè Cartesius in multiplicibus suis ramentis majoribus, sufficienter insinuarunt: scilicet Principia proxima materialia & constitutiva mistorum sunt variæ moleculæ minimæ, & successivis mutationibus ex aliis prioribus coalescentes, & vi Principii seminalis, sub generatione corporum per motum varium coagmentata.

Hypostaticis enim Peripateticorum & Chymicorum elementis non sufficientibus, mechanicam magis hypothesein, nullâ habitâ elementorum ratione, sibi formarunt, & naturam examinarunt beneficio Principiorum Mathematicorum, & rectè; sed experimentis ipsis corrumpere: imprimis Cartesius venit, & nunc Boyle, examinantes Physicam geometrizantem, eamque ad Principia Mathematica applicarunt.

Verum utut hæc Mechanicis fundamentis superinstru-

Et Philosophia laudes suas mereatur, & naturæ phænomena perspicua satis reddat, adeoque hypothesibus aliis facile præferri possit; quia tamen itidem suas adhuc patitur difficultates, aut ad minimum obscuritates, sine ulteriori declaratione, quasi omnibus numeris absoluta & perfectissima esset, admitti nequit; præprimis cum ipse *Cartesius* suam doctrinam non ut certam & veram, sed ut probabilem tantum, exposuerit. Theoriam generalem tantum habet, in specialioribus verò superficialis fuit, quia ipsi defecerunt experimenta. Eiusdem tria elementa sunt suavis speculatio, plausibilia & applicabilia multis; sed si exactius considerantur, non sufficiunt: sunt tantum ingenii ejus lusus & fructus, nil facientia pro Medicinæ fundamentis: vid. *Cartesii scripta*. Compendium horum videbitis apud *TATTINGHOFF in ve Philos. Natural. ad Cartesianam Philosophiam*. Fuit hic Belga, Vvittembergæ studuit: liber est accuratus & perspicuus. Adhæsit primò Principiis Vvittembergicis, postmodum ad *Cartesium* se convertit. Paucis quoque ab hinc annis Gallus quidam Parisiensis, *JACOBUS ROHAULT* elegantissimam *Physicam Gallicè primitus scriptam*, & ad ductum Philosophiæ Cartesianæ edidit, quæ nunc operâ *BONETI* Latine prostat. Hisce societur *ANTON. le GRAND Histor. Natura*, ubi per specialia experimenta *Physicam* secundum mentem *Cartesii* explicat.

Ut ergo rem ex principiis his evolamus; attendendum est imprimis, omnia corpora constare, fieri seu generari, nutriri & augmentari, ac interire successivè & insensibiliter, & transmutari per particulas materiales minutissimas, semperque animadvertendum, omnium corporum animalium nutritionem, augmentationem & interitum insensibiliter fieri, interire & alterari diversimodè per minutissimarum harum particularum syncrisin seu unionem certam, seu insensibilem appositionem, diacrisin seu separationem, & metastasin seu transpositionem variam, quod propter exilitatem sensibus percipi nequit, in majori autem congerie sensibile fit; e. g. nutritio fit per appositionem materiæ insensibilem; combustio fit per separationem in particulas minutissimas. Potius ergo multas tales particulas seu principia corporum materialia ac elementa assumamus: vid. *BOYLE* in omnibus ab eo editis Tractatibus, præprimis verò in *Chym. Sceptico*, de *nitri Redintegrat.* de *Orig. Formar. & Qualitatum*, de *Excellent. & Fundam. hypothes. mechan. in Experim. & Not. Orig. Mechan. divers. partic. qualit.* & *VERULAM. In Tr. Impet. Philosoph. de Affect. Corpor.* quarum particularum in corpore coalitus, & inde natæ variæ texturæ respectu nostri concipiendi modi revera sunt id, quod vulgò *substantialis Forma* dicitur.

Reverà enim constant omnia corpora naturalia ex una simplicissima materia, per superinductum motum in particulas minutissimas, quas Veteres *Atomos* vocarunt, contracta, quæ cum diversissimarum figurarum sint, variant etiam magnitudine, situ, ordine & motu, fit, ut pro varia harum textura & coalitu, tam diversa in universo mundo orientur corpora. Particulæ hæ minutissimæ *Atomæ* vocatæ fuerunt, quia non sunt dissecabiles, vel propter sui tenuitatem non possunt in minores partes divelli. Distinguitur tamen inter divisionem *Physicam* & *Mathematicam*, seu inter realem & mentalem: hæ enim particulæ minutæ sunt indivisibiles realiter & *Physicè*, utut divisibiles *Mathematicè* seu conceptu; cum nunquam in mente concipi possint tam exiguæ, quin habeant aliquam figuram quantitate suâ gaudentem, quæ iterum conceptu potest in minora dividi: sed hæc est divisio *Mathematica*. Ex his particulis constant omnia, reverà sunt materiales, & consequenter verissimum est: *Omnia corpora constare materia*. Verum materia, qua talis, est iners, indeque si quid fieri debet, per motum fiat, necesse est. Hinc duo habemus universalia Principia: alterum ex quo, ut materia, alterum per quod, ut motus: scilicet omnia fiunt ex materia per motum; & hæc sunt generalissima Principia totius naturæ constituentia.

Cum verò omnes hæ particulæ sint materiales, adeoque quantæ, necessariò proprietates suas quantitativas & mechanicas, h. e. determinatam figuram ac magnitudinem, certum ad se invicem ordinem & situm, habebunt, unde per variarum particularum talium mediante motu unionem & texturam diversa necessariò fient corpora, multiplicèque horum affectiones. Particulæ tales per mutuam texturam & unionem constituunt mediante motu omnia corpora

mista, qui tamen motus non vagus, sed determinatus est tam in materiæ compositione, quàm ejus varia conformatione, adeò, ut non nisi vi seminum determinata ex istis particulis, fermentativo motu per semina alteratis, varia generentur & efformentur corpora, & sic substantia materiæ per motum dividitur in minuta frustula, quæ habebunt suam certam figuram & magnitudinem, & propterea quoque respectivè ad se invicem certum ordinem & situm.

Nihilominus tamen, si non inconcinnâ analogiâ per artificem, ignem, confirmati, rem hanc aliquo modo illustrare volumus, certè quaternario numero minutiarum istarum, seu principiorum constitutionis materialium, corpora hujus globi composita seu mista contextentium, & in quas etiam eadem immediatè resolvuntur, tanquam hypothesis probabilissima, generalis varietas, pro explicandis eorum phænomenis, a materia seu concreto dependentibus, in genere commodè circumscribi posse, videtur. Nempe observamus, reperiri in compositis particulas 1. salinas, nempe acidas & alcalinas seu urinosas, & ex his duobus enixas seu salvas; 2. pingues seu sulphureas; 3. particulas aqueas seu phlegmaticas; 4. particulas crassiores, spissiores seu terreas; utut propriè loquendo ferè saltem tres sint: Aqua, Terra & Acidum: Et hoc acidum, seu particulæ dictæ salinæ, qua tales, non simplices seu principium, sed potiùs principiatum, ex sale naturæ universalinātæ, sub acido ferè aut alio salino sapore, in concretis, sub sui cum aliis particulis coalitu, se exhibent. Harum sanè varietas, secundum proprietates mechanicas (utpote à quibus omnis earum vis & potentia dependet,) ac variatam sapissimè proportionem, quin & numerum, dum non in omni corpore omnia præcisè inesse necessarium videatur, mediante motu omnem istum corporum quocunque modo mistorum secundum tria regna exercitum insignem materialiter constituit: quibus, certo tamen respectu, nec plures nec pauciores possunt inveniri.

Ex his diversimodè intertextis, mediante motu per seminale principium determinato, oriuntur Generationes, Alterationes & Corruptiones omnium corporum, è quibus pro eorundem certa determinata magnitudine, figura, & ad se invicem ordine vel situ, hincque unionè & mixtura aut tendentia, omnes affectiones & proprietates oriuntur. Hæc *Philosophia corpuscularis* originem traxit ex schola *Democritea*, summi Philosophi, qui duo statuit Principia, *Atomos* & *Vacuum*; ita ut per *Atomorum* concursum fiant omnia corpora.

Ex hac schola *Democritea* venit *Epicurus*, incomparabilis ille Philosophus, nulli æquiparandus, tam in Philosophia morali, quam naturali. In Philosophia morali, summum bonum in mentis voluptate posuit, quod tamen malè à nostris Theologis interpretatur, quia non intelligunt ejus sensum; in Philosophia naturali *Democriti* pressit vestigia. Vid. de his *EPICURI* Principiis, & super hæc constructa *Philosophia naturali*, in *Comment. ad scripta Epicuri*: quæ *Epicuri* doctrina non fuit levis momenti, prout à nonnullis imperitis habetur. Prioribus annis crasso modo *SPERLINGIUS* eum reformavit: postmodum autem *CARTESIUS*, & jam Angli, corpuscularem Philosophiam receperunt. Conf. *THOMAS CORNEL. CONSENTIN. in Progymnasm. Phys. de Initiis Naturalium*, *Progymn. 2.* qui liber accuratus est, & qui tanquam in nucleo hoc negotium exponit, *L'AMI in Tr. supra allegato*.

Quoad tertium quæsitum, sanè modernorum non pauci ostendere nituntur. (1.) nulla elementa pura & per se præexistere vel præexistisse nunquam, formaliter ante mistorum constitutionem, nisi indigestum Chaos illud ita vocare placeat, ex quo, tanquam materia universali, omnia producta fuerunt; cum nuspiam legamus, Deum primò corpora simpliciora, & ex his demum mixta vel composita fecisse. (2.) Nulla elementa pura per quamcunque etiam concretorum resolutionem expectari posse, quamdiu terminus certus ejusmodi resolutionum nos latet. Imò (3.) quamdiu Creatoris modus nos fugit (fugiet autem, quamdiu in hac mortalitate erimus;) tamdiu quoque in penitiorem principiorum naturalium cognitionem nos non perventuros; cum qui hanc possideat, & modum eadem, pro diversitate miscendorum, combinandi noverit, sine dubio ad producenda corpora naturalia aptus existat, quod Omnipotentia Divinæ derogare videtur. Ergo nec prima nec ultima sunt illa corporum Principia seu elementa, sed sunt saltem Principiata, ex aliis particulis simplicioribus, per varias texturæ vicissitudines, prius constru-

structa, unde & sub resolutione in alias successivè facessant particulas simpliciores, quæ nempe nunc immediatè, idque rariùs, nunc mediatè, idque frequentius, ex aqua oriuntur, & in hanc & terram ut plurimum ultimò resolvuntur, dum quamplurima, quæ maximè videntur composita, v.g. Vegetabilia & Animalia quæ immediatè ex aqua nascuntur & nutriuntur, per multiplicem particularum aquearum in alias particulas modò dictas mutationem mechanicam vi seminali factam, oriri, & ita animalia quoque ex aqua mediatè, sicut ipsa quoque vegetabilia, eorumque immediatè producta materialia, sub resolutionibus: destructa feminum potestate, tandem in aquam ultimò redire videantur, hac in aliud prius vel posterius immutabili: quam antiquissimam *Thaletis* opinionem refricavit, hoc seculo HELMONT. hinc inde in suis scriptis item David von der BECHE *Experim. & meditat. circa naturalium rerum Principia*: suo modo lucem affundit BOYLE in *Chym. sceptico*, item TACHEN. in *Hypocr. Chymico*, ex quo & *Helmontio* BECKIUS omnia sua confarcinavit,

Eo ipso, quod nullibi præterquam in mistis seu compositis deprehenduntur particulae hæ ipsæ, manifestum est, eas non præexistere extra corporum compositionem, sed fieri demum à vi seminali sub corporum generatione, dum simplici actu aqua v. gr. & in particulas tales mutatur, & simul ex his compositum constituitur. Porro eo ipso, quod tales particulae mistorum, ex quibus immediatè constant, non sunt Principia primogenea, sed Principiata secundogenea, suspicio oritur, annon etiam sint transmutabilia invicem? Equidem mediata transmutatio extra dubium est, dum particulae vi feminis destitutæ per corruptionem concreti in aquam redeunt, quæ in alio corpore in alias mutatur particulas. Sed de immediata etiam quæritur, annon immediatè v. gr. pingue in alcali, aut acidum in alcali, vel acidum in pingue, pingue in terram &c. mutari possit? quod ipsum non penitus impossibile esse, experimenta Chymicorum confirmare videntur: in specie, an alcalia, tam fixa quàm volatilia, formaliter in misto præexistant, prout postmodum per ignem eliciuntur, dubium est, dum potius subtile oleosum in misto alcali vices sustinere videtur; ita ut alcalia reverà ex oleoso principio vi artis oriri videantur. Nam, ubicunque fixa vel volatilia deprehenduntur aut præparantur alcalia, ibi semper oleosi seu sulphurei resolutio & alteratio præcessit, hinc non nisi vel igne, quo liquefcit pingue, vel putredine, in quo alteratur pingue, alcalia tam fixa quàm volatilia separari solent.

Certè dum particulae salinæ, forsan & terræ, non reperiuntur, præterquam in corporibus compositis, per sua semina productis, non autem in simplicibus, nisi quantum de illis plus minus resolutis participant, sequi videtur non tam primigenias esse particulas illas, quàm secundogeneas, per semina sub materiæ proximæ in corpus speciale transmutatione productas, adeoque non tam sunt corporum principia materialia, quàm principiata, ex materia proximè, quæ feminis actioni subest, pronata; unde non tam materia componens, quàm constituens corporum, illæ particulae dicendæ erunt, & non tam in corporibus constituendis, quàm constitutis, observabiles sunt.

Et hanc subsistentiam corporum ex aqua per motum, confirmat presertim analysis, seu ultimata corporum in aquam, etiam quæ aquæ maximè reluctantur, reductio; ver. gr. pinguedo animalium, & olea vegetabilium: Attributa quidem habent toto genere aquæ contraria, & tamen maximam partem, si non tota, tandem per alcali crebriorem aeri expositionem, in aquam transeunt. Si ergò substantia aquæ summè contraria in aquam denuò abit, & ita ex aqua ultimò constat, quidni de aliis facilius longè subsumptio erit?

Pertinet huc syncripsis, quæ mediante ex aqua fit terra, secundum experientiam BOYLE *Tr. de Orig. Formarum*; si adeoque substantia maximè aliena, ut terra ex aqua formata, quidni etiam aliæ minus ab illa abludentes? Adeò ut ab *Efficiente corporum compositorum*, h. e. à principio seminandi, vel immediatè ex aqua, vel mediatè ex illa, jam in aliam larvam cujusdam concreti mutata sub corporum compositorum generatione illa minima quatuor materialia oriantur, quæ ipsa tamen materialiter per syncripsis seu sui conjunctionem & mutuam texturam, per *diacrisin* seu sui separationem, & per *metacrisin* seu *metastasin* aut transpositionem materialiter corpora sub generatione componant, eadem sub corruptione fatiscere faciant, vel etiam sub alteratione diver-

Ettmulleri Tom. I.

simodè immutent: *Quin & ratione texture sue sub mutuo coalitu, & specialis motus ac quietis in minimis, omnium qualitatum, tam manifestarum, primarum, secundarum & tertiæ, quàm occultarum, origines & formales causæ existant*; ac tandem ob mutui nexus & texture seminalis fatiscentiam, post plures alterationes in aquam tandem redeant elementarem. Vel, ut brevius dicam, per syncripsis fiunt, per diacrisin intereunt, per metastasin immutantur & alterantur omnia corpora, idque mediante motu. Sumamus e. g. vitrum, quod est productum artificiale, & corpus multiplicis affectionis, fit ex particulis minutis terreis, arena, particulis cinerum aut salis alcalini fixi, quæ mediante motu liquefactæ abeunt facillimè beneficio ignis in vitrum, tanquam corpus tertium singulare. Hæ particulae in igne coeunt in concretum unum novum exemplo manifesto, quod motu emergat tale corpus novum. Item sumamus cinnabarin, cujus genesis consideremus, quæ est, si sulphur & mercurius vivus miscentur, factaque in igne sublimatione ipsorum fit conjunctio, eritque cinnabaris planè corpus novum, differens à sulphure & Mercurio, peculiare proprietates habens ab istis duobus ingredientibus. Sumamus minium, quod est plumbum calcinatum, cujus corpus est rubrum, insipidum & ponderosum: Huic infundatur acetum destillatum, hæc mista dant liquorem dulcem, saccharo dulciorem: quod si evaporet phlegma seu acetum destillatum, habentur in fundo nova corpora, crystalli scil. dulces, candidi, perspicui, ponderosi, planè differentes à minio & ab aceto destillato. Et ne hæreamus in artefactis, in naturalia inquirere lubet. Consideremus vinum; aut liquorem aquosum ex vitibus incisis incunte vere destillantem, *das Vveiremben Vvasser*, qui habet salis minimum, & acidulus est tantillum; quacunque ratione tractetur, nil tamen habetur, quàm phlegma. Hic idem liquor simul est materia simplex & homogenea proxima radicis, foliorum, baccarum, corticis & pellicularum, in quibus est succus austero-acidus: succus iste dat mustum, mustum dat vinum, vinum dat tartarum, facies & acetum, acetum destillatum dat phlegma, spiritum & alcali, & plura alia. Hæc mille producta secundum ordinem variantia ex una eademque simplici provenerunt aqua vitis, quæ constat ex particulis minimis in motu constitutis, per nudam transpositionem alteratis, diversimodè intertextis, transpositis, & vario modo ordinatis, tam varia corporum induit schemata, & nova dat concreta. Amplius contemplamini vinum & acetum: Illud si includatur phiolæ hermetice figillatæ, ut nequeat substantiæ fieri separatio, exponatur calori blando, & vinum degenerabit in acetum per nudam metastasin particularum minutissimarum, & nudam in textura mutationem. Pergamus ad Diacrisin demonstrandam. Recipiatur nitrum, destilletur lege artis, & acquiritur nubes seu vapor rutilans, qui condensatus abit in liquorem seu spiritum acidissimum volatilem; sic facta est per diacrisin nitri destructio per separationem volatilis à fixo corpore. Syncrificeos exemplum sit hoc: Recipiatur sal tartari fixum; huic affundatur spiritus nitri acidus, & facta effervescentiâ novum regenerabitur nitrum scil. per inversam texturam & unionem mutuam particularum minutissimarum alcali cum acido componitur novum corpus. Ergò omnia corpora constant ex particulis minutissimis, & pro varietate earum variat corporis textura.

Has verò inter particulas minutas primatum reverà obtinent, & magis ferè præ cæteris activæ sunt, *salina*, aqueis particulis facile unibiles, unde Doctrina salium probè consideranda venit pro constitutione corporum & phænomenorum, eorumque ventilatione ritè cognoscenda. Salia enim in tota natura tantum non primarium sunt instrumentale principium, sed & in salibus est vis seminalis, fermentativa, præcipitativa, & coagulativa. Constant particulis rigidis, acutis, penetrantibus, indeque quasi scindentibus & pungentibus, adeoque linguam, cujus respectu sapidæ sunt, notabiliter afficientibus, promptèque in aqua solubilibus, & ipsi satis facile unibilibus. Sunt in generali differentia, vel *acida*, vel *urino-sa*, aut *alkalina*, quæ duo sibi invicem, tanquam duo extrema opposita, mutuo concursu ac permissione se uniunt, & in sal, nempe sal tertium *salsum seu enixum*, ex utrisque istis compositum, abeunt, sub quibus proluxa satis salium diversitas comprehenditur.

Hæ ipse particula cū pingui sulphureo constituunt simul radicem virtutis & efficacie seminalis, ita quidem, ut primario hæc resideat in pingui seu oleo, cui instrumentaliter inserviunt acidum & alcali in generatione corporum: ut taceam, eadem

præcipuarum in rerum natura operationum, coagulationum & dissolutionum, fermentationum & effervesceniarum, putredinum, solutionum & præcipitationum; uno verbo; innumerarum ferè in corporibus insignium mutationum, esse instrumenta.

Sub generali autem acidi & alcali nomine innumerabilis salium; tanquam particularum magis activarum, *diversitas comprehenditur*, cum tam urinosa, quam acida mille modis pro varietate concretorum, in quibus existunt, secundum proprietates mechanicas inter se differant; unde & tam variis modis inter se & cum alterius generis moleculis combinari, mutuo uniri, ac diversi saporis diversissima falsa salia exinde componi possunt; ex quorum omnium varietate speciales quamplurimæ & supra nominata operationes & mutationes naturales derivandæ sunt. Plurimi quidem nostri temporis Chymici ex male forsan intellecto Helmontio Acidum & Alcali ad bina elementa corporum naturalium restringunt, quorum concursus diversi generationum, dissolutionum, coagulationum, denique omnium naturalium phenomenorum immediatæ, veræ ac unicæ causæ existerent; de quâ hypothesis, qui cupit exactè legere, adeat TACHEN in *Hippoc. Chymico*, & *Clav. Med. Hippocraticæ*, qui primò glaciem fregit: item ZVVELFFER in *Append. ad Animadvers. in Pharm. Augustanamp. 67.* Cum his confer. BERNHARDUS SVVALBE, *Belga Prifus, de duobus Pugilibus*, acido nempe & alcali; utut pauca habeat de proprio, sed ex aliis corraferit; satis tamen concinnus est in describendis salibus, & instar omnium, propterea meretur, ut legatur; ad illam tamen Autoritatem, ut omnem dubitandi occasionem sustulerit, nondum pertigisse videtur, cum plures phenomenorum naturalium, & præternaturalium Theoriæ per hanc explicari non possint, sed saltem potius detorqueantur. BECKIUS in *Barnero Castigato* laudem meretur, sicut & JOHANNES BAPTISTA TRAVAGINI, qui scripsit *synopsin medicamentarum suorum*; in fine addidit *Append. Fundamentorum Philosophiæ Experimentalis*; Omnia fundata sunt in acido & alcali, qui liber est accuratus, & in Chymia singularis. SYLVIVS quoque *Praxin suam, & Dissert. Physiologicas*, salibus superstruxit; cum quibus moderni alii conferantur.

Verum, quæ de Elementis Peripateticorum & Principiis Chymicis supra dicta sunt, & hic observanda veniunt: unde patebit, quod acidum & alcali non sint principia concretorum materialia, sed tantum principia. Quod enim non sint ex elementis primis seu ultimis, adeoque simplicissimis, ex eo constat, quod non, nisi in concretis jam constitutis & genitis, reperiantur; extra eadem autem nusquam acidi aut alcali vestigium deprehendatur, adeoque ante corpora constituta & genita non existant; unde patet, eadem vi seminali ex materia aliquâ per transmutationem generari, & ita in concretum cum aliis coalescere. Imò dantur corpora, in quibus præter acidum & alcali non tantum particula terrestres & aquosæ, sed aliæ quoque, ver. gr. inflammabiles, insunt, uti ex sulphure & oleo communi, item spiritu vini, videre est: sicut & plurima in corporibus naturalibus phenomena observantur, quæ ab his duobus principiis nullo modo deduci possunt, quando v. g. aqua fluidissima agitatione vehementiori in spumam firmiorem redigitur, & corallia rubra pellucida & rubicunda per solam contusionem & cribrationem in pulverem album & opacum degenerant: vid. BOYLE de *Acido & Alcali*. Accedit & hoc, quod interdum acidum & alcali invicem transmutabilia sint, quod patet ex tinctura Nephritica Ammelungii, & spiritu carminativo Michaelis, ex tartaro & nitro, &c. in quorum destillatione prodit spiritus urinosus, remanente capite mortuo pure alcalifato; ab oleo autem tartari una deflagante nitrum in alcali figitur. Sic formicæ, quæ acidum intense spirant, per putrefactionem suggerunt spiritum urinosum, cum paucò oleo; sub qua ex mutata particularum reliquarum cum acido textura concretum novum urinosum emergit; quod etiam de aliis rebus putrescentibus observandum, quæ sub putredine copiosum sal volatile suggerunt; ut taceam, quod alcalia in concretis non formaliter, sed materialiter, præexistant, de quo infra.

Erunt ergo Principia salina, Acidum & Alcali, non Principia naturæ formalia, sed hujus tantum instrumenta. Nam utut in artis operibus, tam Chymicis quam etiam Mechanicis, utramque faciant paginam, prout nempe artifex illa aptè dirigere noverit, & hoc quidem in subjectis jam constitutis seu genitis, nec de naturalibus dubium sit, quin etiam

hic acidi activitas in alcali plurium motuum intestinorum & alterationum sit Autor; de principio tamen movente quaritur; in se ipsis enim, seu particula materiales, motus principio carent. *Materia subtilis Cartesiana, Movens universale*, equidem multum lucis contribuet; sed de particulari movente est quæstio, sub cujus directione adeo determinatos motus in concretis, generationi & corruptioni obnoxii, obeant. Equidem ignis cœlestis scintilla in quovis semine latitans, seu spiritus insitus, ex universali in semine concentratus, est operationum principium; sed hanc esse præcisè acidam, adhuc clariùs deducendum: quin ex activitate hujus principii seminalis, quod occultum, demum fit manifestum, ab eodem augetur & propagatur; utut verum sit, dum spiritus iste seminalis sub oleoso tegmine reconditus lateat, proxime acido adhæret, ita, ut alterum absque altero moveri nequeat, non secus ac in luce candelæ, lux acido juncta, alterum sine altero vix operatur; est tamen in seminalibus lux ista, seu spiritus seu ignis cœlestis, principale; acidum junctum instrumentale est medium, quod concreti vi seminali fatiscente, proprio nutu in varios impetus erumpere solet in fermentatione, putrefactione, &c.

Ipsa autem Principia salina, Acidum & Alcali, quod attinet, acidi conceptum lingua sola suppeditat, hujusque ampla satis familia in omnibus regnis reperitur, præsertim verò in regno minerali, juncti ut plurimum cum pinguedine, unde larvam sulphuris verè ludit; hinc eminet præsertim sulphuris communis acidum, ex quo sal commune, gemmæ, nitrum, vitriolum, alumen & similia, suam aciditatem obtinent: quin etiam omnia metalla, eorumque sulphura, ut & mineralia, e. g. antimonium, aliæque subjecta sulphurea, aciditatem plus minus intensam junctam habent. In tota enim natura non reperitur sulphur seu pinguedo, cui non pro parte adjunctum sit sal acidum manifestum, quod sub forma quoque salis ab eodem per mechanicam separare licet. Sic Mars copioso turget acido, quod adveniente aqua solvitur, ut in corpus suum agere possit, hinc rubigo, Auri acidum facile manifestatur; si enim colliquato auro immittatur Mars, statim rubigine plenus extrahitur, id quod fit ab acido Martem rodente. In vegetabili regno rarius etiam reperitur acidum, aut certè temperatius; naturaliter in fructibus, eosque constituentibus succis, in quibus progressus, ut succo citri, berberum, limonum, &c. esse solet ab aciditate austera ad aciditatem blandam aut omnimodam dulcedinem, prout plus vel minus acidum temperatur ab occurrente alcali pingui, quæ dulcedo in succis expressis per fermentationem denuo introversa, manifestam aceti aciescentiam prodit.

Quod pingue acidum temperet & occultet, videre est in tartaro: ille enim acidi saporis destillatus oleum dat copiosissimum, quo mediante aciditas amplius nulla apparet. Præter hæc acida vegetabilium sapore ipso promptè se manifestantia, etiam occulta acida lignorum compagem imprægnant, quæ in vasis destillatoriiis igni aperto concreta emittunt spiritum acidum volatilem; unde fumus, in combustionem lignorum corrodens oculos nostros, nihil est aliud, quam sal acidum, combustionem avolans.

Sunt porro acida ut plurimum volatilia, plus minus tamen, nunquam tamen aut raro ad alcalium volatilitatem accedunt, sed ferè post phlegma seu aquam in igne eleuantur. Paucissima observantur fixa, quale est acidum, quod in auro & argento deprehenditur, it. suo modo sal vitrioli fixum emeticum.

Est in regno animali paucissima sunt manifesta acida secundum naturam, & si quid acidi inest, semper sub tegmine pinguedinis & corporis oleosi seu sulphurei latitat, ita quidem, ut Helmont. hoc extra stomachum omnibus partibus hostile pronunciet. De Acido stomachi non est ut multa dicam. De ulcerum acido corrosivo, ossa quoque subinde corrodente, cum sit præternaturale, jam taceo; quod etiam pertinet acidum stomachi præternaturale per vomitum ejectum, sæpè pelvium ænearum substantiam corrodens. Imò quedam animalia potens satis acidum fovere, formicæ testantur, utpote quarum (1.) cumulis immerfi flores borraginis, cichorii, &c. eorum color cœruleus in rubrum immutatur; (2.) eadem animalia liquorem fundunt, qui sine dubio illius pruriginis dolorificæ, quam animalculorum horum contactus affricare solet, quemque acidum esse, Mechanica docet; quale quid de apibus HOOCK in *Micrographia* suspicatur. Ad acidum animale tandem refero, quod BOYLE in *Chym. scept.* notavit

ex urina, præter alcali, sal quoddam sali ammoniaco simile, adeoque de acido participans, prolici posse. Pariter sunt, qui communem urinæ & sanguinis spiritum ammoniacalis quoque naturæ esse docent: vid. TACHEN. *Hippocr. Chym.* c. 12. p. 73. & 74.

Huic sali acido opponitur *sal urinosum*, ita vocatum à sapore & odore, quos similes habet cum urina humana. Aliàs termino usitatissimo nominatur *alcali*, ab herba *Kali*, apud Ægyptios frequenter crescente juxta salsum flumen Nilum, sapore nitroso, quæ à veteribus Ægyptiis concremata, & ex eadem copiosissimum elicatum fuit sal urinosum fixum, quod Ægyptii dixerunt *Kali*, & præposito Arabum articulo al, ortum est *alcali*, quasi das *Kali*. Hæc herba hodiernum reperitur apud Seeburgum, & est specie sedii. Hoc nomen latius fuit extensum ad omnia salia vegetabilium; sed cum observatum esset, quod tam salia volatilia, quàm alcalia fixa, contraria essent acidis, factum est, ut adhuc latiori sensu omnia salia urinosa, tam volatilia quàm fixa, dicta sint *Alcalica*: unde vocabulo *Alcali* impofterum semper utemur pro *omni sale urinoso*. Notandum tamen, quod in lectione *Zwvelfferi* semper occurrat *sal falsum*, quod ille, sed falsò, pro sale urinoso usurpat, unde caute legenda sunt ejus scripta. Illa enim salia vocantur *falsa*, in quibus acidum cum alcali ad punctum saturationis pervenit: id quod in alcalicis non factum est, etiamsi aliquid acidi in iis condatur. Vocatur etiam hoc *Alcali* seu *Urinosum Sal lixiviosum*, propterea, quod maxime per aquam sub forma lixivii è cineribus vegetabilium eliciatur; hinc vulgò pro Synonymis habetur sal urinosum, lixiviosum, & alcali, *ut propriè & accuratius loquendo sal urinosum atque lixiviosum verum inter se, ratione volatilitatis & fixitatis, differant*, h. e. omne sal urinosum fit volatile, omne verò lixiviosum sit fixum; alcali autem forsan se indifferenter ad utrumque habeat, licet *ZVVELFFER in Apolog. contra Tachen.* p. 27. 110. & 140. hoc in dubium vocet.

In duplici etiam sunt differentia alcalia.

1. *Volatilia* seu urinosa, dicta nativa, quæ aut spontè exhalant, aut leni igne in auras elevata volant & non persistunt, ut spiritus C. C., salis ammoniaci, urinæ, sanguinis, viperarum, &c.
2. *Fixa* seu lixivialia aut alcalifata, Artificialia dicta, quia arte à salibus volatilibus productuntur & figuntur, ver. g. sal tartari, cardui benedicti, &c. quæ in igne persistunt, non avolant, & tandem cum arena mista in vitra abeunt.

De animalibus nullum dubium est, quin turgeant copiosissimo sale volatili urinoso, quia ex iis horumque partibus, v. gr. ossibus, carnibus, sanguine, urina, &c. salia volatilia & penetrantissima, acidum mortificantia, eliciuntur, quæ semper conjuncta sunt cum blando oleo.

In vegetabilibus etiam triplicia reperiuntur salia volatilia:

Aut

1. *Acriora*, sensuique manifestiora, ut in plantis sapore acri & ferè caustico constantibus, v. gr. armoracia, nasturtio, sinapi, cochlearia, raphano, &c.

Deinde

2. Salia volatilia à sulphure magis *temperata*, eaque in plantis aromaticis seu salino-oleosis, v. g. salvia, majorana, fœniculo, aniso, roremarino, mentha, absinthio & similibus; quia dicta salia volatilia semper cum blando oleo conjuncta sunt. Imò hæc salia volatilia vegetabilium per artificialem putrefactionem manifestari, & sub forma sicca ex vegetabilibus omnibus elici possunt, contradicente quamvis *ZVVELFFERO Pharm. Reg. pag. 216.* & *MOEBIO Fund. Med. c. 10. p. 190.*; cuius laboris modum *D. KOCKS in Transact. Philosoph. Anglicanis, & VVEDEL in Tr. de sale volat. plantarum*, suggerunt: conf. etiam *SCHROECK in Animadvers. contra Zwvelff. p. 525. & 526.* & *Dn. D. BOHN Exerc. Physiol. 7. de Sanguif. in Corollario*, qui affirmat, quod ex frumentis sal volatile copiosissimum proliciatur, & ex pipere ipso sal volatile penetrantissimum acceperit, quod Febrifugum egregium non sine causa constituere suspicatur.

Denique

3. Salia volatilia *occultata*, minusque sensui manifesta, in plantis vulnerariis reperiuntur, in quibus occultum urinosum (cujus ratione & beneficio mirasolent operari,) demonstrat Helmont. ex Mechanica, dum illorum succus, v. g. plantaginis, cherefolii, hyperici, &c. promptè resuscitat Mercurium

sublimatum, acidum ejus imbibendo. Participant etiam nonnihil de subtili acido, hinc sunt quasi naturæ falsæ & quodammodo nitrosæ.

In mineralibus autem hujusmodi salia, tam volatilia quàm fixa, vix observantur, multò minus hæc ex illis educi possunt, nisi ex nitro, ex quo singulari encheirisi spiritus urinosus elici potest: Quò etiam referatur argilla, item spiritus & sal volatile terræ sigillatæ Danicæ, cuius mentionem facit *BARTHOLINUS in Act. Hassnienfib. T. I. c. 11. & BOYLE de Gemm. p. 181.* item sal in lapide calcario latitans, & per calcinationem manifestius redditum.

Hæc fuerunt volatilia urinosa salia, eaque nativa. Juxta hæc sunt etiam salia vegetabilium urinosa fixa, eaque tantummodo artificialia, seu per artis opem mediante ignis concrematione producta, qualia sunt ista, quæ in cineribus vegetabilium post combustionem horum remanent, & per elixivationem eliciuntur, quamvis ex uno majorem, ex altero minorem, v. g. helleboro, ligno guajaco, &c. horum quantitatem acquiramus, de quo phænomeno vid. *ZVVELFFERUS Pharm. August. pag. 453. & Phar. Reg. pag. 34. & 231.*

Quæritur ergò à recentioribus non immeritò: utrum salia vegetabilium, antequàm iisdem extrahuntur, insint actu & formaliter? an verò saltem potentia & materialiter? Respondeo: sciendum pro diverso salium conceptu salia vegetabilibus etiamnum mistis, tam actu & formaliter, quàm potentia materialiter, inesse & non inesse, rectè affirmari posse. Nimirum, si per salia intelligantur particule salinæ, plantis nondum elicitæ, sed hinc inde adhuc dispersæ, partibus tamen reliquis aereis, sulphureis ac terrestribus contradistinctæ, nemo simplicis veritatis amans negaverit, salia vegetabilibus, etiamnum mistis, hoc sensu quoque actu & formaliter inesse; si verò per salia intelligantur salia fixa per incinerationem parata, ante calcinationem non actu & formaliter, sed potentia ac materialiter saltem vegetabilibus insint adhuc. Formaliter plantis inesse post *Paracelsum, TACK de Resurrect. Rerum, & VVILLIS de Ferment. c. 2.* affirmare videntur; dum sal hoc in cineribus reperiri scribunt, non quia per ignem noviter erat genitus, sed quia per illius mixtum adhuc integrum dispersæ atomi, aliis sibi interjectis particulis per incinerationem propulsis, magis coirent, atque per concentrationem sui in cineribus sub salis corporalis specie remanerent. Verum quod salia hæc sub tali fixitatis modo plantis non inexistant, sed potius per ignem fiant, probatur inde.

1. Quod planta ante calcinationem prius decocta dimidiam postea partem salis saltem exhibeat.
2. Ex plantis putrefactis nullum sal fixum elicitur, unum diu satis cumentur; quia omne sal sub volatilitatis statu propellitur.
3. Pro diversa incinerationis ratione quantitas alcali fixi quoque variat; quod non fieret, si hoc sub tali fixitate, & non potius volatilitate, in concreto præexisteret.
4. Fuligo ipsa, quæ ratione volatilitatis suæ summa petit, aliquam, eamque satis notabilem, si quibusdam circumstantiis adhibitis calcinatur, quantitatem salis alcalifati largitur, quam citra calcinationem in eadem præexistisse, non probabile est.
5. Sicut salia volatilia & acida vegetabilibus inexistencia sapore suo se mox produunt, ita, si alcalibus quoque fixis ante incinerationem in his concederetur locus, & quidem in tanta, quanta sapius educuntur, quantitate necessariò per qualitates quasdam sensibiles se manifestarent.
6. Si salia alcalifata vegetabilibus inessent, animalia quoque, quorum nutrimentum potissimum hæc sunt de iis participarent.
7. Vegetabilia multa, si succulenta adhuc & igne leniori comburuntur, sal falsum ab alcali longè differens, exsiccata verò sal magis alcalifatum suggerunt: vid. *HELMONTIUS Blas Human. §. 39.* *TACHEN. Hippocr. Chym. c. 3. p. 13.* *BECK Experim. & Medic. circa rer. natu. Princip. p. 91.* & *NEHEM. GREVV. de Mixt. p. 48. & 49.*

Fiant enim salia fixa tantummodo beneficio ignis, per colligationem salis planta volatilis urinosi, cum sulphure concreti in recessu acido: hæc enim duo colligescunt sub ignis tortura mutuò, seque invicem arripiunt, sed sub concursu suo terram quandam fixam secum uniunt, & ita in sal urinosum

nosum fixum abeunt, quod speciatim lixiviale, item sal alcalisatum appellari solet, utut promiscue hæc nomina urinosi seu alcalibus salibus soleant tribui; quando verò colligantis sulphuris amplexus aufugit, abit in auras, & constituit fuliginem; hinc fit, ut vegetabilia oleosa dent salia fixa copiosa. Hinc talia salia fixa ex subjectis regni vegetabilis copiosius eliciuntur, qualia sunt v.g. sal absinthii, sal tartari, sal ciner. clavellatorum, &c. *parcius verò & non nisi ex partibus contentis in regno animali*, e.g. in capite mortuo sanguinis humani remanet sal fixum, non item ex carne, ossibus, &c.

Dicta bina salia, Acidum & Urinosum, etsi sint contraria invicem, attamen, ubi mediante subjecto humido aut liquido conjunguntur, in quo nempe promptior & expeditior est motus, motu effervescentiæ & fermentationis se uniunt, invicem coeunt, & constituunt novum compositum, scilicet *sal falsum tertium*, ex utriusque miscela quidem constans, neutrum tamen eorum absolute, sed potius tertium singulare immediate ex eorum unitate resultans v.g. sal falsum, juxta *Zwelfferum* acido-falsum, & quidem nunc per naturam, v.g. nitrum, sal commune, &c., nunc per artem, v.g. sal ammoniacum, tartarus vitriolatus, &c. Antequam verò coeunt in unum, invicem pugnant, unde dicuntur Pugilia Naturæ Instrumenta; quorum pugna, quando cessat, dicitur mixtura saturata; e.g. sal tartari & spiritus vitrioli conjunguntur, unde ex evaporatione liquoris fit sal falsum tertium & ferè insipidum, tartarus scilicet vitriolatus, ubi acidissimus spiritus vitrioli coit in corpus ferè insipidum; pari ratione, qui conficitur ex solutione vitrioli Martis, ac per affusionem ol. tartari per deliquium præcipitatur, *Tachenii* tartarus vitriolatus dictus, ex inspissatione liquoris paratus; Præcipitatum verò est reverà crocus Martis adstringens, ex minera Martis antea à spiritu acido corrosus, & jam per contrarium præcipitatus. Item falsum est, quando spiritus salis acidus cum quocunque sale volatili urinoso junctus, constituit sal ammoniacum.

Cæterum, sicut alcalia sunt duplicia, fixa & volatilia, ita etiam salia hæc falsa propriè enixa dantur triplicia, pro natura nempe salium simplicium, composita constituentium, v.g. sunt vel fixa, vel volatilia, vel mediæ consistentiæ. Fixa sunt, quando utraque salia, præsertim alcalia, fixiora erunt; v.g. tartarus vitriolatus, sal hypochondriacum, quod ex capite mortuo spiritus salis ammoniaci cum cineribus clavellatis parati producitur, salia enixa Glauberi, item sal commune; quod est falsum fixum ex alcali fixo, ab acido saturato; Volatilia verò, quando ex volatilibus: e.g. sal quod emergit ex aceto destillato & spiritu urinæ. Mediæ consistentiæ sunt ea, quæ nec fixa sunt, nec tamen adeò volatilia, v.g. sal ammoniacum, quod in igne avolat; constat enim ex alcali volatili: item salia essentialia vegetabilium ex eorundem succis parata, qualia sunt v.g. tartarus, sal essentialis melissæ, &c. Ne fiat confusio salium cum vocabulo falsi, notetur, *Zwelfferum* cum alcali falsum confundere, & omnia salia volatilia falsa vocare, ut ex ejus scriptis patet, sed minus rectè. Nam propriè loquendo falsum ordinariò innuit compositum quoddam novum, ex alcali & acido ritè combinatis: quare autem *Zwelfferus* salia volatilia dicat falsa, ratio hæc est, quod vix alcali, præsertim volatile, reperiatur purum in tota rerum natura, cui non adhæreat tantillum acidi, licet minimum illud sit. Audeo dicere, me nunquam vidisse alcali purum, nisi in spiritu salis ammoniaci cum calce viva parato, qui est purus spiritus alcalicus.

Quod autem ex miscela horum duorum salium novum tertium fiat, ratio hæc est, quod alcalia sint corpora magis porosa ac quasi majora, seu quasi subtilibus cavernulis prædita seu vacua; Acida autem sunt corpuscula acuta & rigida, minora, scindentia, quæ in cavitates seu spatiosa particularum alcalinarum se insinuant, hinc se exactissime uniunt, sicut cuneus intruditur foramini; ratione cujus unionis fit nova textura, quæ accipit novas qualitates & novum ens, scil. sal falsum constituitur. Dum autem ita se uniunt, fit pugna seu motus, ut se mutuo possint capere. Motus hic fit mediante liquido quodam, quo non solum diluuntur & resolvuntur salia, sed & motor simul, de quo supra, in actum secundum excitatur: salia enim, nisi resoluta, non agunt.

Resolutis ergò mediante liquido, acidum agit in alcali, & alcali vicissim in acidum, donec mutuo & amicabili congressu se uniant;

Unio hæc salium in sal tertium enixum non sine concitato motu & agitatione contingit, propter diversitatem figurarum & conformationis istarum particularum, seu corpusculorum salinorum in minimis propter quam causam, dum in se invicem impingitur, seque mutuo feriunt, fit talis motus & agitatio, idque tamdiu, donec in situ proportionato concurrant, ut se mutuo unire queant. Motus hic, de quo dictum, dicitur vel *Effervescentia*, vel *Fermentatio*, qui celebres motus à salium activitate dependent.

Hæcce falsa, quoniam de utroque false participant, & ex iis composita fiunt, hinc misceri possunt cum acido & alcali sine ullo motu, strepitu & vehementia, activa & reactiva, quia sponte se utrique sociant & uniunt, fitque blanda ipsorum unio.

Observandum tamen porro, quod præter urinosam fixam & alia dentur subjecta terrea, quasi alcalina, quæ juncta cum acidis effervescentiam insignem excitant; v.g. spiritus nitri, si affundatur limaturæ Martis, fit effervescentia: idem facit spiritus salis, si creta affunditur vel terræ sigillata: item acetum, vel simplex vel destillatum, si perlis, coralliis, lapillis cancerorum, vel aliis animalium partibus duris superfunditur, fit insignis effervescentia, partim quia subjecta hæc habent in se alcalia volatilia occulta, ut in animalibus, quæ sub solutionis actu emergunt, coeunt & effervescent cum acido; partim quia hæc ipsa subjecta terrea fixa sunt corpora porosa, instar alcalium fixorum, unde, antequam iis se insinuet acidum, tanta fit actio & reactio, quæ dicitur *Effervescentia*.

Et hæc sufficiant de differentiis salium, quibus tanquam fundamento tota nostra hodierna Medicina & Theoretica & Practica, superstruitur: non dubito, si hæc ritè perceperitis, quod clavem non obscuram habeatis & viam ad Medicinam egregie stratam. Feliciter enim illi procedunt, qui in corpora mixtorumque natura scrutanda Chymiam cum Philosophia Cartesiana conjungunt; hinc non tantum in ultimis seu primis principiis, quam principiis concretorum, immediatis sive secundis, & inde compositis, quorum supra tria recensui, acquiesco.

Pingues seu sulphureas corporum particulas quod attinet, dicuntur hæc quibusdam ignis mixti concretis, item substantia inflammabilis, ratione cujus inflammabilitatis cum reliquis corporum elementis non tantum differunt, sed concreta, quibus insunt, inflammabilia reddunt. Vocantur quoque olea propter unctuositatem, licet olea non semper merè sulphurea & inflammabilia existant. Inflammabilem ejusmodi substantiam non minus mineralibus, v.g. sulphuri communi, nitro, antimonio, &c. quam vegetabilibus, v.g. horum resinis & oleis expressis atque destillatis, ac animalibus, v.g. horum pinguedini, inesse experientia testatur.

Per aqueas seu phlegmaticas partes Autores unanimiter intelligunt liquidiorum, insipidam, & ad solvenda salia substantiam aptam, qualem mineralia vix exhibent; sed hæc, quæ salium nomine communiter veniunt, aut de his participant, v.g. sulphur: in vegetabilibus autem atque animalibus particularum harum proventus uberius deprehenditur, v.g. in illorum succis, horum sanguine, urina, &c.

Qui inter activa & passiva magis Principia distinguunt, jam explicata duo pro activis, particulas aqueas & terreas pro passivis habentes, aqueam substantiam, ut elementum inutile, reliquorum quasi excrementum vocant; sed malè, cum æquè concurrere videatur ad existentiam & conservationem corporum compositorum, horum mutationes, ac aliud ex jam dictis elementis, v.g. ad fermentationem, crystallisationem, dissolutionem, &c.

Ultimum corporum principium particulas terreas dixi, quas alias caput mortuum vocant, h.e. particulas concretorum siccissimas, non inflammabiles, & ignis & aquæ potentia resistentes, quæ in corporibus solidioribus idem præstant, quod aqueæ in liquidis, h.e. spatiosa inania cæteris principiis interjecta replent, hæcque discontinuant, & volatiliores particulas sibi implicitas retinent, imò his & toti concreto firmitatem conciliant.

Porro ipsa Corpora composita vel homogenea vel heterogenea sunt. Si concurrunt particulae homogeneæ, fit corpus simplex. Heterogenea ex pluribus corporibus distinctis, certo nexu & artificioso coalitu, miro tamen ordine, invicem subordinatis, plus minus composita observantur, ita, ut machinæ cuidam polydædalæ faciem perquam

perquam concinnè repræsentent, quæ etiam, prout ita constructa est, secundum mechanicas conditiones & proprietates moveri solet, unde & tam variæ illius operationes inde resultant, quales vegetabilia & speciatim animalia, exhibere solent: v. g. *Corpora animalium sunt machinæ hydraulico-pneumaticæ, quæ per sanguinis & spirituum contentorum motum varias actiones edunt*, & per corporum externorum in organa sensuum actiones, ratione horum determinatæ structuræ certas passiones & motiones suscipiunt, quas sensus vocamus.

In his ergo corporibus heterogeneis tria considerantur.

1. Materia, ex qua partes machinæ materialiter coaluerunt, tam remota quam propinqua, tam similis quam dissimilis.
2. Ipsæ partes, earundem structura Mechanica, formalis compositio, nexus, usus, & respectu totius machinæ distinctum Officium.
3. Motus Machinæ & Principium movens illius machinæ, ratione cujus speciatim Vivere dicitur.

M O T U S.

Præsupposita natura & Essentia Motus, tam interni seu spontanei, aut naturalis, quam extrinsecus communicati seu nonnaturalis, in ejus applicatione ad materiam, seu Agentis ad Patiens, tria sunt consideranda.

1. Qualis motus in natura locum obtineat?
2. Quodnam sit mobile?
3. Principium movens, & unde motus tam in genere, quam specie dependeat?

Motus omnis in natura est duplex, vel localis, vel intestinus. Localis est; quando v. gr. huc vel illuc me confero: Intestinus, quando omnes particulae minimæ, in mortuo etiam, movetur.

Motus localis iterum observatur duplex, *Gravitatis & impulsus*: sed his reverà addendus etiam tertius, nempe *Motus Restitutionis* seu *Elasticus*, qua corpus in pristinam figuram sponte sua se componit, aut restituere plus minus nititur. Fit equidem, ut sub conatu isto seu nixu elastico corpora vicina plus minus impellantur; tamen ipse elater à superveniente vicinorum impulsu probè distinguendus venit. Imò impulsus præ aliis omnibus & universalior & prior ferè esse videtur, cum in materiæ contiguitate quemlibet partium ejus motum necessariò aliarum impulsus in spatio seu loco insequi debeat. Levitas positiva seu propriè dicta est nulla, nec Attractio, nisi Mechanica ferè ab arte inducta, & tamen hæc vix sine impulsu videtur fieri. Universalior autem longè est Motus Impulsus, quam gravitatis: quia hic saltem una linea deorsum ad centrum fertur; ille verò ad qualvis positionum differentias sese extendit: Quin etiam Impulsus ad totius mundi systema, gravitas verò ad globulorum illius systematis particularia corpora saltem se extendit.

Fiunt hæc tam in naturalibus quam artificialibus, adeoque universaliter, tam in simplicibus quam mixtis, & his tam perfectè quam imperfectè talibus: hinc quilibet Motus dilationis & constrictionis, Motus quilibet elastici, item fermentationes, putrefactiones, &c. motu saltem locali, eoque ut plurimum pulsu, peragi videntur.

Ipsa corporum per semina formatio per Motum localem fieri videtur; cum enim formatio nil, nisi positionem partis extra partem, certamque materiæ secundum tres dimensiones situationem insinuet, hoc ipso *omnis corporum formatio non nisi motu locali fieri potest*, eoque impulsus beneficio.

Duplex Motus in synchris corporum est: vel determinatus, & dicitur seminalis, quæ vis determinandi consistit in salibus; vel vagus, qui dat Alterationes seminales: vid. BOYLE in *Chym. septico*, item de *Form. & Qualit. Origine*, ubi hæc omnia egregiè demonstrat; & BACON de VERULAM in *Tr. Imperis Philos.* qui est egregius: item du HAMEL omnes Affectiones Proprietatesque describit.

Materiæ per semina in corpora alia transmutatio, aquæ in plantam, hujus in lac & carnem, etiam saltem motu locali fieri videtur, & ex eo probabile redditur, quod corporis resolutio ultima pariter & intermedia, qua transmutatio & nexus seu crasis seminalis tollitur, itidem per motum localem saltem accadat, sicut hoc in putrefactionibus, combustionibus, solutionibus, &c. manifestum est: ut taceam motum in minimis alium haud conceptibilem esse.

Operationes vegetabiles in nutritione: accretione & seminificatione, non nisi pulsu materiæ certo, hincque dependente coalitu cum aliis, adeoque quiete, fieri videtur, cum & geniti & nutriti concreti dissolutio non nisi motu locali, eoque primario pulsione, peragi videatur.

Operationes animalium, sive sensum sive motum respiciant, locali pulsione impetu peraguntur. Externi sensus in motu ab objecto externo impresso, adeoque pulsu, consistunt, seu, ut aliàs dicunt, Tactu; interni verò non nisi in spirituum animalium vario, utut determinato, motu consistant, qui undecunque derivetur; vix nisi pulsione aut elasticitatis, aut simili modo peragi videtur. Localis animalium motus impetu spirituum, hinc fibrarum motu unico peragitur.

Mobile seu subjectum, quod movetur, est simpliciter materia, quæ purè passivè se habet ad motum, utut per accidens propriæ extensionis ac impenetrabilitatis ratione, motum ipsum subinde plus minus determinet; unde & hujus in omni motu habenda est ratio, scilicet conditiones hujus & proprietates, tam generales quam speciales, simul subinde determinant Motum: unde non tantum errores interdum in operationibus naturæ per accidens emergunt, sed etiam aliis modis subinde diversimodè effectus variant.

Fundamentum determinationis Motus à materia facta est ejus.

1. Soliditas seu Impenetrabilitas.
2. Extensio seu quantitas, & hinc nata figuræ in corpore specialis ratio. Illud quidem primariò, hoc secundariò: scilicet, verissimum est illud: *Deus & Natura semper geometrizarant, & Deus omnia mensura, numero & pondere fecit*; Leges scilicet quantitativas in materia fundavit, & fundatas conservat, & hinc subinde Motus determinatur & modificatur.

Motus localis iste: quo materia, & ex hac concreta feruntur corpora, est vel generalis, magnorum mundi corporum, vel specialis, unius alteriusque saltem particularis corporis: seu motus localis, quo feruntur corpora, vel respectu totius mundi systematis ejusque globulorum consideratur, vel respectu saltem corporum in nostro globo terr-aque-aereo.

Ille, Universi qui fit respectu, est circularis, & fundatur primariò in Sole saltem, & simpliciter circa centrum mobile; dependent inde reliquorum corporum globosorum Universi motus in circulum, dum illius gyro cetera circumrapiuntur corpora, & hoc sibi adjuncta alia in circulum unà movent.

Speciatim in nostro globo terr-aque-aereo motus annuus, diurnus, & hujus motu Lunæ tam menstruus, quam trepidationis, ab isto Solis motu non inconcinnè derivantur, dum illius rapidissimus igneus motus circularis, sive undique in orbem abiens fluidum coelum, sive expansum æthereum in motum simul concitat, hoc in eo natantes globos agit, qui similiter circumrapiuntur, &c.

Respectu verò corporum nostrorum particularium omnis *Motus est vel totius cujusdam corporeæ molis junctim, vel minutarum particularum seorsim*, cujusdam corporis, sive plures, sive pauciores, sive omnes particulae corpus illud ingredientibus, motu isto moveantur. Ille externus seu progressivus, hic internus seu intestinus, dicitur: verb. gr. glacies omnes aquæ particulas habet in quiete; hæc, si moveatur ex uno loco in alterum, est motus totius molis, minimis immotis persistentibus; sin verò glacies vitro inclusa in loco tepido liquecat in aquam fluidam, sit istud saltem per motum minimorum, intestinum ob id dictum: & à tali minimorum intestino motu omnes operationes eorum, potentiores & manifestiores, quales sunt fluiditates, ebullitiones, liquefactiones, putrefactiones, fermentationes, &c. quibus ad mixtum constituendum, immutandum & dissolvendum concurrunt, oriuntur; speciatim, si corporibus heterogeneis, seu ex multiplici particularum coalitu natis, accadat talis motus, speciali nomine Fermentatio, Putrefactio, Præcipitatio, Fluiditas, Liquefactio, &c. dicitur.

Inter motus intestinos primatum ducunt *Fermentationes & Putrefactiones*, quæ uti in genere fiunt à movente extrinsecus impellente, nempe vel *materia subtili, vel aere*, ita in specie motum hunc instrumentaliter perficiunt particulae *acidæ & urinosæ*, quæ & naturæ mechanica sunt instrumenta, mediantibus quibus omnes istæ mutationes, quæ sub fermentatione & putrefactione contingunt, perficiuntur;

tur; utut putrefactionem paulò aliter modificari atque determinari, ex quibusdam circumstantiis, præprimis effectibus, quibus à Fermentatione Putrefactio differt, colligi potest. Scilicet (1.) Fermentatio plus humidum, quam Putrefactio, postulat. (2.) Utraque quidem horum corporum dissolutionem molitur; Fermentatio tamen fit à mutua activitate salium, sed ita, ut ferè dominetur acidum, quod in novam texturam cum *urinosis* & *sulphureis*, aliisque particulis, spiritum nempe salino-sulphureum, coalescit. Unde (3.) in omni Fermentatione nova textura mutatio accidit; in Putrefactione verò parilis quidem est actio, saltem in ea enervatur acidum, fatiscit pingue, & emergit *urinolum* seu *alcalinum*: hoc enim sub motu intestino dissolvit pingue sulphureum, unde fœtor; enervat acidum; hinc tandem iponte evolans, soluta penitus mistione particularum, textura concreti successivè penitus aboletur. (4.) Per Fermentationem salia non totaliter à reliquis mixti particulis feceruntur; Putrefactio autem illa, magis exagitat, & caput mortuum paucum, salibus planè destitutum, relinquit. Hinc (5.) omnia fermentantia ad aciditatem plus minus sensilem inclinant; & tandem repetitis vicibus rectè acescunt; è contrà verò res putrescentes copiosum *sal volatile urinosum* suggerunt, utut ante putrefactionem paucum vel nullum, ejus fuerit vestigium. Hinc (6.) ea, quæ acidi motum cohibent, fermentationes etiam sistunt; è contrà salia alcalia, quæ istud enervant atque infringunt, ad rei putrescentiam disponunt.

Ad Fermentationes etiam pertinent *Effervescentia*, quæ à salium activitate instrumentaliter dependet. Differunt quoad magis vel minus: Scilicet *Effervescentia*, Fermentationi proxima, est motus instantaneus, longè vehementior, rigidior, rapidior & impetuosior, ex concursu atque actione & reactione salium, alcali lixiviosi & acidi, mutua, sine aliarum particularum heterogenearum, mediantibus quibus eorum motus impediri possit, interpolatione; hinc parum differt à Fermentatione, nisi quod in *Effervescentia* puriora, adeoque acriora, existant, salia, unde etiam fortiori invicem colliduntur motu. Fermentatio verò est motus magis blandus & moderatus, unde *Effervescentia* citius, Fermentatio tardius, perficitur. Ratio est status diversus salium: Quando enim salia sunt pura, & sine miscela aliarum particularum, adeoque acriora existunt, & fortiori invicem colliduntur motu, adeoque mediante liquido *effervescunt*, impetuosiusque in se mutuò agunt, dicitur *Effervescentia*, donec brevi facta debita unione in unum tertium, quod falsum, enixum, &c. vocant, omnis pugna, adeoque & *effervescentia*, cesset; in Fermentatione autem salia non possunt statim coire, quia non sunt pura, sed per aliarum particularum interpolationem intermixta, unde impeditis quasi salibus, eorum obtunditur impetus, ut non tam impetuosè, sed blandius & tardius agant, quæ actio proinde dicitur Fermentatio.

Cum autem Fermentatio & Fermenta sint media transformationum & digestionum in corpore animali, hoc loco, in quo consistat Fermentatio considerandum. Definitiones hujus, & *Effervescentiæ*, possunt dari sequentes: Est scilicet *Effervescentia concursus, ac mutua & instantanea* subitanea actio & reactio acidi & urinosi in falsum tertium, sine tamen interpolatione tertii; *Fermentatio autem est motus intestinus particularum minutarum corpus mistum constituentium, à mutua salium, Acidi & Urinosi, in unoquoque misto existentium, excitatus, quæ duo ab humiditate aquea dissoluta incipiunt in se invicem successivè agere & reagere, omnesque reliquas particulas mistum componentes, materialiter præsentis ac constituentes, præprimis sulphureas, variè inter se permiscere & agitant, simulque in motum se concitant, unde totius misti fit confusio aut resolutio, usque dum ista sequatur, aut ultima hujus resolutio, aut nova ejusdem alteratio, à salium istorum nova unione, aut saltem contemperazione, dependens.*

Nempe quamdiu salia concretis inexistentia reliquis particulis ita obnubilata & involuta existunt, ita ut ab humiditate, vel propria vel aliena, dissolvi non possint, aut pura existentia, humiditate dissolvente destituantur, non saliant, i. e. non moventur, sed quiescunt; ab aquea verò humiditate dissoluta, dum in se invicem agunt h. e. corpuscula acidi acuta & rigidiora poris seu spatiosis alcalium se insinuare conantur, nec non motu calorem rebus fermentescentibus inducunt. Qui salium congressus, an amicus, an hostilis, sit vocandus, Chymici plures dubitant; amicus tamen

unio est probabilissima quam etiam defendit BERLICH *Observat. & Paradox. Chymicis*.

Tam in Fermentatione, quam *Effervescentia*, salia hæc duo, Acidum & Alkali, se mirè gestiunt, & sub ista unione particulas quasdam materiales alias, ex proportionem figurarum, magnitudinis & texturæ, facile ipsis unibiles, simul sibi conjungunt, & ita novum subinde compositum contextunt; nunc verò alias non benè cum ipsis unibiles extrudunt & separant, quæ si sint leviores, supernant sub forma spumæ; sin verò graviore, ad fundum secedunt, & fecum nomine appellantur. Separatio hæc particularum non benè unibilium dicitur *Præcipitatio*, quæ ipsa interdum etiam citra manifestam *effervescentiam* aut fermentationem fieri solet; dum v. g. partes caseosæ insperione aceti præcipitantur ex lacte, aut essentia, v. g. jalappæ præcipitatur per affusionem aquæ, uti pluribus infra suo loco docebo.

Sub alcali autem & sub Acidi nomine innumerabilem salium diversitatem comprehendere, supra jam dictum est; indeque etiam falsum, ex Acidi Alkali concursu obortum, multis modis variat, de quibus vid. TACHENIUS in *Hipp. Chymico*, ut & in hujus *Clave*.

Effectus Fermentationis est duplex; vel essentialis, vel accidentalis. Essentialis est vel frequentior & intermedius, vel rarior & ultimus. Intermedius est misti, propter salium novam inter se & cum aliis particulis mistionem & unionem, nova & insignis *Alteratio*. Ultimus est, quando propter repetitas Fermentationes vis principiorum activorum fatiscit, & tandem Mistum in suas particulas componentes dissolvitur, & ultimè planè destruitur.

Alteratio Misti, quæ verè Fermentationis est ordinarius effectus, contingit tum ob novam salium, tam inter se, quam cum aliis particulis Mistum componentibus, unionem ac contemperacionem, tum ob partium heterogenearum & non-unibilium separationem & extrusionem, quod dicitur *Præcipitatio*. Dissolutio & Destructio à salium per motum, continuatum exhalatione, aut mobilium à fixis suppressione, dependet: *Effervescentiæ* verò effectus semper unicus est, scilicet ut salia pura coeant heterogeneitates eidem confusæ secedant, vel præcipitentur.

In Putrefactione tandem Mixti destructio, hujusque particularum elementalium discontinuatio observatur, ut jam annotavi; dum quæ vegetabilia fermentescentia sal & oleum in spiritu ardente conjungunt, putredini subjecta hæc, separatim, scilicet spiritum urinosum & oleum crassum, exhibeant.

Ad particularum salinarum in mixtis operationem pertinet etiam *Coagulatio*, qua mediante corpora fluida soliditatem vel spissitudinem saltem aliquam acquirunt. Causa hujus frequentior acidum est, v. g. acetum, lac coagulans: Quod etiam spectant, quæ particulas solventes & fluiditatis Autores subtrahunt; quippe si sinceræ aqueæ hæc fuerint, earum exhalatio sufficiens est, v. gr. in salium crystallisatione, Extractorum inspissatione, &c.; si salinæ & sulphureæ simul, Evaporatio & *Præcipitatio* appropriata videtur, v. gr. dum solutio Mercurii per menstrui abstractionem in *Præcipitatum* cogitur, & camphora per aquam fortem, & resina per spiritum vini soluta, aquæ simplicis affusione ad pristinam firmitatem reducitur.

Coagulationi solutio opponitur, qua corpora solidiora in substantiam fluidam rediguntur; quatenus harum particularum minimæ menstruis jam dictis combinantur. Hæc particule, quia variant, acidæ æquæ ac alcalicæ aquea menstrua solvunt, ita quidem, ut aqueas metallicas aliasque heterogeneitates, quas salia sibi combinarunt, simul quoque imbibant; sulphureas alcalia atque oleosa solvunt, v. g. in tincturæ sulphuris præparatione; utut & hæc sulphureorum menstrua non purum saltem sulphur, sed particulis salinis aliisque heterogeneitatibus adulteratum imbibant, v. g. dum tinctura sulphuris cum oleo terebinthinæ & spiritu vini parata, & aliquantum evaporata, in crystallos salinas cogitur.

Restat *Præcipitatio*, qua particule cum menstruo antea solutæ, & cum eo quasi unitæ, separantur, ita ut particule solutæ à menstruo, cujus amplexu detinebantur, fundum petunt. Est vel *spontanea*, vel *violenta*. *Præcipitatio violenta* est, quando additione cujusdam tertii fit *Præcipitatio*. *Violenta* hæc *Præcipitatio* duplici modo contingit.

1. Quatenus corporis soluti particulis à præcipitante aliquid

quid accedit, ut pondere & molæ auctæ à menstruo amplius sustineri & agitari nequeant, e.g. in auri fulminantis & tartari vitriolati confectione; Vel.

2. Quatenus menstruum solvens afficitur à præcipitante, huiusque pori diversimodè immutantur.

Et quidem nimis laxantur, vel præter modum arctantur. Arctantur solventes pori, vel quatenus à præcipitante replentur, vel quatenus ab eodem constringuntur. Replentur, dum ver. gr. solutio aluminis præcipitatur ab injecta urina, vel quando in solutione vitrioli ex additione alcali fit præcipitatio partis metallicæ: constringuntur v. gr. dum urina ab aere frigido præcipitatur. Laxant verò poros, quæcunque atomos principiorum activorum discontinuant, ut viribus illorum laxatis solutum diutius ferre aut sustinere non possint, e.g. quando mercurius vitæ ex butyro antimonii, & resina ex spiritu vini, per aquæ simplicis affusionem præcipitantur: sic spiritus salis & vitrioli solutionem Lunæ & Veneris in aqua forti præcipitant; item spiritus vitrioli & sulphuris præcipitat solutionem coralliorum cum aceto; item spiritus nitri & aqua fontis præcipitant solutionem saturni cum aceto in offam; solutio coralliorum cum spiritu viridis æris per spiritum vini præcipitatur; solutio vitrioli in aqua simplici præcipitatur ex parte à spiritu vini; solutio Lunæ in aqua forti per saturnum, in aceto destillato solutum, præcipitatur; solutio aluminis in aqua communi, & solutio saturni in aceto, se mutuò præcipitant; solutiones cum spiritu vini factæ simplices præcipitantur ab aqua simplici; sed diversimodè: ver. gr. solutio benzoës cum spiritu vini, item solutio olei cinnamomi vel citri cum spiritu vini tartarifato, infusa aqua frigida præcipitantur & lactescunt, sed infusa calida præcipitantur, & gummi vel oleum supernatat; luna, saturnus, mercurius, & marcasita, in aqua forti vel spiritu nitri soluta, per alcali fixum præcipitata, in igne sunt fixa ad reductionem in pristinum metallum, cum sale communi verò præcipitata in igne sunt volatilia, & admixtarum rerum substantiam secum volatilisant: vid. VILLIS. de Fermentat. pag. 85. item TACHEN. Hippocr. Chym. cap. 15. & 19. & BECCHER. Phys. Subterr. l. I. pag. 154. HELVET. in Microscop. Physiognom. Med. pag. 170. 171. seqq.

Hæc omnia prolixius diducta videbitis in Dissert. mea de Præcipitantium Usu & Abusu. p. 16. 17. seqq.

Præcipitatio spontanea consistit in particularum non miscibilium & separandarum pondere, aut, quod frequentius, figura, quatenus vel pori constringuntur, e.g. quando urina ab aere frigido turbatur & præcipitatur, vel quatenus ob salium antea separatorum successivam unionem particule heterogeneæ, & cum misto non unibiles, separantur, unde leviores avolant, graviores verò ad fundum præcipitantur, & dicuntur faces; atque hæc præcipitatio est accidens quoddam, fermentationem necessario consequens, non verò primarius ac essentialis ejus effectus. Efficiens hujus Præcipitationis sunt salia, novum concretum componentia; Fundamentum unio acidii & alcali, particulas non unibiles ad fundum dimittentium.

Redeo ad Motum.

Movens omne est vel gravitationis, vel tendens seu elastica vi restituens. Ab his duobus dependet tertium, nempe impellens visibiliter: qui enim motori primo, vel simpliciter tali, vel respectivè ita dicto, tribuitur impulsus, seu motuum primus, insensibilis a priori ac indivisibilis existit. De origine & natura gravitationis nulla jam consideratio: nondum scilicet adeò planè constat, an principium ejus in corpore gravi, an verò in ambiente, an verò in centro, ad quod tendit, quærendum sit? non secus ac vis elastica seu extensio perquam obscura, an impetui materiæ subtilis externo, an verò particularum conformationi ac texturæ internæ adscribenda sit?

Omne movens impellens est externum, cum materia, qualis, nullum tale internum motus habeat principium, i. e. omnis motus (saltem originaliter & excitativè) fit ab alio, gravitante & tendente, dubium est adhuc, an reverà originaliter ab externo saltem principio dependeat? Nempe omnium motuum prima origo seu excitatio videtur esse species à movente externo, ut moveatur principium movens internum, utut determinatio motus specialis, ejusque variatio, & diversi inde effectus, sint à vi motiva interna. Sic v. gr. ballistarum & arcuum tensorum motus insignis excitativè est ab externo, quod vim elasticam vel exercet, vel primitus mover, insequens verò impetus & distincta motus ratio

ab interna speciali materiali arcus structura & conformatione est: sic in feminibus vis motus prima est à seminum excitatore externo, calore ambiente, &c., utut specialis motus ab internis feminis principiis materialibus & legibus particularibus dependeat & dirigatur.

Materia ergò ex se, cum sit pure passiva, motum aliunde acquirat, necesse est. Motor ergò seu movens est vel *primum* vel *secundum*: Illud est simpliciter Movens & Agens, sine ulla passione; Hoc movens & mobile simul. *Primus Motor materiæ est Deus T. O. M., qui & primitus omnipotenti Fiat materiæ, ejusque particulas minutas, movit, illi in universum certam motus mensuram concessit, sed etiam motum ipsi semel impressum adhuc conservat*, quæ conservatio fit per certas motuum rationes, quasi leges fixas, ultra aut citra quas natura agere nescit.

Cæterum uti materia omnis primitus à Deo creata est, quam augmentare ex nihilo, seu ex non-materia, aut imminuere ex materia in nihilum, sit ultra naturæ & artis vires, soli Omnipotentiae Divinæ concessum; ita quæstio est, unde efficiens materiæ seu motus? an hic omnis à Deo primitus impressus? & omnis adhuc eodem vigore perduret? an verò motui semel materiæ introducto nunc addatur quippiam, nunc verò detrahatur? Sanè non inconcinna videtur Cartesii sententia: *Omne motum in principio & progressu creationis semel fuisse materiæ impressum, eumque adhuc durare, & eodem tenore, mutatis saltem subinde subjectis ad finem usque duraturum*. Quod si non præcisè de gravitationis (quamvis & de hoc verum videatur assertum,) saltem de impulsu motu asserendum videtur, utut & de gravitatione non difficile sit idem asserere, cum absolute leve corpus non detur. Major vel minor autem corporum gravitas ex materiæ suo modo gravis majori vel minori compressione & condensatione, adeoque gravis materiæ coacervatione oriri videtur, unde etiam augmentum gravitatis.

Certè par omnino materiæ ac motus est ratio, nec ulla diversitatis apparentia, quare materiæ, non verò motui, sui limites præscripti sunt. Dein universæ naturæ immutabilis ordo, indeque perennis ejus conservatio, in hoc fundata videtur, quod nempe agens motus cum patiente materia, æquali semper & correspondente proportionem subsistant: nam sic rerum circulus & orbis ipsius conservatio peragitur.

Saltem dubium est, cum motus per se nullam habeat extra materiale subjectum propriam subsistentiam, cui materiæ portioni, cum motus & quies se mutuò excipiant, motum primario indiderit? hoc est, *quisnam secundum Movens existat?* Hic res ferè coincidere videtur, an cum Cartesio materiæ subtili; seu motori universali, motum primario impressum dicamus? An verò cum Chymicis spiritui universi, sive salii hermetico mundi vim motivam universalem dicamus? nisi quod materiæ subtili hypothesis universalior, magisque ad opera naturæ artificum mechanicè explicanda, spiritus mundi verò ad rerum generabilium & corruptibilium vicissitudines explicandas, accommodatior videatur.

De Spiritu mundi ex Chymicorum hypothese notandum, quod ab astris undique sparsus, præsertim à Sole per universum mundi systema diffusus, *Influs* hinc dictus, qui in corporibus quibusvis primi efficientis & formæ rationem obtinens, *Influs* dicatur; hic ab illo dependet in fieri, ille ab hoc in determinari. Spiritus influs omnibus corporibus communis specificatur in unoquoque corpore à spiritu infuso, in qua specificatione vis rerum seminalis consistit, & per ideas Helmontii perficitur: conf. CRAMER. Diss. de Transmut. Metallor. cap. 2. & KALKHOFF Dissert. de Font. Soteris c. 4. BECKIUS in Experim. & Mediat. circa rerum natural. Principia, & TACHENIUS in Clave super Hippocrat. Chymicum, à quibus Acidum igneum appellatur; ROCHAS de Aquis Mineral. cap. 1. de Aquis sulphureis, Langelott in Epist. de Tritu, TACK in Chrysgon, & NUYSSEMENT in Sale Philosoph.

Præ cæteris Sol, radix omnis motus, tam in universo quam particularibus corporibus, esse videtur: nam & hujus vi materiæ subtilis continuatus impetus, vel spiritus universi continuata ubivis diffusio & regeneratio, & in antiquum Chaos retrocessio, ex illo Solis motu perenni radicitus oriri videtur.

Adeoque Movens secundum sunt certa Materiæ portiones à DEO motu primus, & in quibus tam universales quam particulares motuum leges seu rationes fundata ab ipso sunt, & à quibus etiam adhuc dum exercentur; eritque hoc Mo-

vens secundum *vel universale*, respectu tam universi mundi systematis, quam respectu globi nostri terr-aquei speciatim, aut Sol, aut ab eo mota materia subtilis, aut derivatus inde mundi spiritus; *vel particulare semen* speciatim dictum, idque praesertim pro corporibus generationi ac corruptioni obnoxiiis, in natura continuo conservandis.

Nempe sicut universum mundi systema per ordinatos globorum in specie & genere motus, in principio universi creati à *DEO* statumatos, conservatur adhuc, & speciatim per Solis motum, seu universalem Motorem, dirigitur, unde & ceterorum globorum particulares motus, vel mediante materia subtili, vel mediante spiritu universi perficiuntur, & speciatim in nostro telluris globo, praeter diurnum & annuum motum, temporum, anni &c. vicissitudines exsurgunt, unde certis legibus quasi corporum in universo non generabilium nec corruptibilium perennitas conservatur; ita ultra has universales motuum leges etiam particulares motuum leges *DEUS T. O. M.* sancivit corporibus generalibus & corruptibilibus, quibus mediantibus sub generatione fiunt generata, mediantibus illis ordinatis ac regulatis motibus subsistunt seu perdurant, quibuscunque deficientibus etiam denuò corrumpuntur; & hæc determinata motuum leges illis materiae portiunculis infixæ sunt, quæ semina vulgò appellari solent.

Leges hæc motuum particulares, in quibus vis rerum generabilium & corruptibilium seminalis consistit, à priori sunt inexplicabiles, utpote quæ immediate à *DEO* sub creatione emanarunt. Ideas has vocat *Helmont.* idque itidem à posteriori, quatenus simili modo se habent, atque idea in gravida per imaginationem concepta, quæ in generatione foetus tantum valet, atque itidem præstat, quod illa seminalis idea; & tamen hæc ipsa imaginativa gravidæ idea non nisi per certum motum localem, spirituum beneficio productum, operari, concipi aut statui potest. A priori etiam leges illæ vocari possunt ideæ, quia sunt characteres, & quasi imagines idearum divinarum sub rerum creatione, ad quarum normam, ut per motum prius creata sunt corpora qualibet, etiam generabilia & corruptibilia, ita illorum motuum impressa certa vestigia quibusdam materiae particulis, ideas feminales, & hinc semina constituunt. *Semen ergo, seu particularium moventium, vis saltem in determinato sub rerum creatione sancitis motu consistit*, tam quoad materiae transmutationem, quam ejus conformationem, & corporis geniti conservationem.

Scilicet in semine seu Movente particulari duo actus singulariter attendendi sunt:

1. Materiae in tale corpus mutatio, v. g. aquæ in gramen, absinthium, triticum, &c.
2. Materiae transmutatae mechanica conformatio, dum aliam figuram & structuram seu formam externam habet absinthium, &c. Huc etiam similitudo foetuum cum parentibus pertinet.

Prius illud à fermento; hoc posterius ab idea perficitur: Utrumque à principio seminali, cui seu subjecto primario inhaerent, hoc est, à spiritu insito, seu sale naturæ universali aut spiritu universali influo, in particulari quodam corpore specialiter determinato, quod vi fermentativa transmutat & alterat materiam vi ideali, eandem figurat simili modo, atque v. g. artifex, qui campanas fabricat.

Leges hæc motuum particulares vel speciales, nulli sensui à priori patent; ob id etiam penitus imperscrutabiles sunt. Cum autem omnis motus hæreat in certa quadam materia, per quam illa sese exferat, cum ex se nullam habeat subsistentiam, etiam in corporis illius, quod semen vulgò dicitur, nucleo intimo, sensibus ob exilitatem ferè imperscrutabili, residet, adeoque in minima corporis seminalis particula, quam *Helmont.* fermentum vocare afolet, ob idque verum semen 2800. pars sui corporis merito dicitur. Verè tamen observetur in principio sulphureo seu oleoso, materialiter has leges primario delitescere; sic vis seminalis metallorum, à sulphure plus minus excocto, perfectius vel imperfectius, nobiliorem vel ignobiliorem cogens Mercurium, latet abscondita. In vegetabilibus sulphuris tantillum est, seu ignis scintillula, ut vocant, in qua vis seminalis residet. In animalibus gas sulphureum resolutum, seu spiritus influus ex sanguine oleoso salino genitus, est nucleus feminum, in quo determinata ista seminalium motuum leges sunt fundatae.

Sed quomodo speciatim sub rerum generatione vel materia transmutetur, v. g. aqua in vegetabilibus in plan-

tam, florem, &c., vel transmutata couformetur, v. gr. filius in similitudinem patris, &c. determinari nullo modo potest.

Cæterum, ut sub corporum corruptione plures successivè observantur motus ad plenariam usque rei destructionem, ita etiam in corporum generatione plures successivè motus fieri, planum est. Principales ergo motus primarii, ut instinctu & potestate seminali peraguntur, ita cæteri & quasi secundarii, etiam per alia instrumenta naturæ magis generalia, v. g. per motus acidi & alcali, & inde natas coagulationes, præcipitationes, &c. quin fiat, & ab his tam in generatione, quam constitutione aut corruptione, peragantur, nullum est dubium. Propterea & ipsa dicuntur instrumenta naturæ mechanica, quæ utut in fieri & operari à principio seminali primario dependent, ita interdum his ipsis instrumentis pro explicandis naturæ phaenomenis subinde utimur, quando principii seminalis operandi rationem non aequè penetrare possumus.

Nam ut nutritio est continuata generatio, & tamen in hac ipsa alia naturæ instrumenta simul multum præstant ita pariter in ipsa generatione omnino probabile est.

Et ut ad seminum foecundorum productionem præfata, tam generalia quam specialia, naturæ instrumenta multum conferre solent, id est, tam generales motus & materiae leges, quam speciatim acidi & alcali effectus, uti etiam ad seminum productorem in statu foecundo conservationem illa ipsa multum tribuunt, sicut ad eorum destructionem etiam conferre possunt, & ipsam ex seminibus productionem seu generationem multum promovent, tam quoad forum, quam nutritum; ita illa ipsa per semina jam producta sui ipsius & proprii motus ratione plures operationes multum promoveret, etiam eas plus minus impedire posse, nullum est dubium.

Praeter tamen istas Motus, quæ talis leges, tam universales quam particulares, ulterius leges istæ motus determinatrices, de quibus *supra pag. 43.* quæ ratione materiae observandæ sunt, & in omni motu, praesertim particulari, semper præsupponendæ, eaque etiam vel universales sunt quibusvis corporibus, quatenus materialia sunt, communes, vel particulares, mistis corporibus secundum certas particulas propriæ: v. g. universales simpliciter in materiae impenetrabilitate & determinata figura fundantur, locumque habent in mechanicis pariter ac artificialibus: hæc verò particulares, speciatim ratione hujus vel illius figuræ aut texturæ, harum & illarum particularum in hoc vel illo corpore considerantur, universali ex regula, v. g. pila, aut radius luminis, corpori solido aut opaco allisa, resiliunt ad determinatos angulos & determinatam distantiam; particulari verò ex regula acidum agit in alcali, utrumque obtundit, & quasi inviscat pingue, &c. quæ ipsæ conditiones determinantes generales, semper in quibusvis specialibus motibus probè attendendæ & præsupponendæ sunt. Nam hæc illas non possunt mutare, benè autem has illæ.

Adeoque feminalia corpora, eorumque motus, hujusque directrices leges seu ideæ, particulares sunt, ita minus particularibus & magis universalibus motus legibus, & ipsis universalibus motus per materiam determinationibus, nil derogant: sed has potius præsupponunt, adeo ut ab his generalioribus specialiores seminum motus simul promoveantur, interdum plus minus variantur: hinc enim non raro istæ aberrationes sub generationibus, item augmentationibus corporum.

FORMA ET QUALITAS.

Resultare *suprà* dixi Formas ex Motu, & Materia, adeoque Forma non est aliquid reale à Materia distinctum, sed est ipsa Materia essentia quantitativa, prout concipitur, ut terminata certo modo, adeoque diversimodè modificata. *Forma ergo saltem est materia à motu modificatio multiplex.*

Pro varietate autem formarum melius dignoscenda, distinguenda sunt corpora secundum suas differentias: nempe corpora sunt vel simplicia, vel composita seu mista, & hæc vel homogenea, vel heterogenea.

1. In corporibus simplicibus Forma est saltem concursus modorum, seu affectionum absolutarum vel primariarum materia, speciatim materia simplex figuratio, h. e. quantitatis materiae certa specificatio seu determinatio,

tio, à quibus junctim sumptis tale corpus emergit, v. g. in aqua.

2. In corporibus compositis *homogeneis* Forma est materia secundum minima mutuò coeuntia textura specialis, ex minimorum, secundum absolutas materiae affectiones variantium, certa unione & sociatione vel cohesione, dependens; unde nunc propria, nunc communia attributa emergunt. Cum verò in his compositis plures particulae invicem coeant, quae inter, quoad determinatam figurationem & texturam, non levis est subordinatio, fit, ut istud, à quo textura reliquorum fere dependet, quodque adeò primarii agentis, à quo corporis textura specialis, adeoque Esse, Distingui & Operari ejus, dependet, vices obtinet, etiam specialiter formae nomine subinde veniat, ut ut simul materialiter cum reliquis concretum constituat; v. g. sulphur figens in auro, acidum nitri vel salis communis, quod cum alcali fixo dat nitrum vel sal, ratione cujus scilicet acidum informat alcali.

In compositis heterogeneis, quia haec sunt saltem certa machinae, consistit horum Forma in partium heterogenearum, tam fluidarum quam solidarum, mutua cohesione, proportionem & proportionata adaptationem, ac ad se invicem certo respectu, ratione cujus certis motibus obeundis, indeque distinctis attributis fundendis; apta sunt nata: talia sunt plantae & animalia. Constituit sane haec corpora simpliciter unio & cohesio, indeque motus varii in circulo ad mutuam conservationem conspirantes. Sed quoniam in talibus machinis particulae dantur liquidae, à quibus integræ machinae motus & integritas primario dependet, ut ut ipsae etiam vicissim ex machinae vigore conserventur; item quoniam haec ipsae certo modo concentrata vim habent novam machinam componendi, & eam specialiter movendi, adeoque toti & Esse, & Distingui, & Operari tribuant: ob id haec particulae specialiter pro Forma regente habentur, qualis in vegetabilibus est pingue seminale, cum succo nutritio hinc inde diffusum; in animalibus vero idem pingue seminale in spiritum resolutum.

Materiae itaque haec modificatio specialis dat Esse speciale corpori, eademque speciali illa modificatione distinguitur ab aliis corporibus non ita modificatis. Illa ipsa materiae modificatio & textura particularum constituens corpora, si ve sit simplex in certa magnitudine figuratio, si ve sit composita textura, si ve sit partium plurium multiplex adaptatio, prout diversa ratione afficere valet organa nostra sensoria, tamen est fundamentum actionum & operationum omnium totque conceptuum diversorum in nostra mente, tam quas habet corpus, si materia modificata in se ipsa, quam quas ipsa habet, in alia respectivè corpora.

Operationum istarum diversarum, ratione quarum à nobis corporibus istis tot diversa attributa adferuntur, fundamentum seu prima origo aut causa, vulgò dicuntur qualitates, seu per qualitates, tanquam tot accidentia realia, corpora operari dicuntur. Sunt autem haec qualitates, quas Peripatetici referunt, non-entia, eo modo, ut calidum, frigidum, humidum, siccum, sint reverà nihil aliud, quam modificatio eadem materiae, prout illa respectu nostri & organorum nostrorum diversimodè affectorum, vel respectu ad alia corpora, considerantur, adeoque natura eorum relativa saltem dicenda erit. Veterum quidem opinionibus persuasi, putavimus esse entia realia, quae in corporibus separatim existerent, cum tamen potius ipsum corpus ita eo diversis particulis contextum nostros sensus diversimodè afficiat: unde quot sic operationes diversae observantur, tot diversae denominationes oriuntur, hinc in nostro saltem conceptu vario diversa entia mox finguntur, quae tamen non realia, sed modalia saltem existunt, hoc est, respectivi sunt unius materiae ad aliam materiam collati modi, si ve non sunt aliquid à corporum textura & modificatione distinctum, sed illa ipsa, prout in respectu ad alia corpora tam in hac agere, quam ab his pati potest: e. g. spiritus sulphuris aut vitrioli perspicuus, acidus, aqueus limpidus, &c. dum corrodit Venerem, aut Lunam à Venere non adeò accuratè depuratam, ex utriusque huius unione fit vitriolum Veneris aut Lunae, constans solum ex particulis acidis, certo modo particulis Cupreis vel Lunae intertextis, ex qua nova textura fit corpus solidum, coeruleum, rhombiforme, subdiaphanum saltem & fere opacum, adstringens gustu & nauseosum, frigidum, inodorum, durum, glabrum, purgans atque vomitorium: quae omnia quidem attributa, ceu qualitates à corporis huius ma-

teria huiusque modificatione distinctae aestimantur, tum tamen nihil aliud sint, quam diversi corporis concreti modi, ex particularum utriusque corporis textura nova oriundi, hinc sola ratione & conceptu, non re ipsa à corpore, cui attribuantur, distincti.

Pariter quae superius de igne monita fuerunt, huc revocanda, nempe Calor, quem ab igne non ut accidens differre, sed ejusdem cum illo naturae esse suppono, non peculiariter & realiter à materia distinctam qualitatem esse, ex hac ipsa Luna aut Veneris & spiritus sulphuris aut vitrioli aut nitri combinatione constabit. Scilicet utrumque horum separatim existens frigidum observatur, mixta tamen cum ebullitione & celerrima ac vehementissima partium suarum collisione aestum sensibilem satis creant, qui ex iisdem arctius sibi intertextis, & per mutuos amplexus concretis cessat, & manifestum in hoc vitriolum frigus relinquit. Ergò sola illarum particularum agitatio & motus qualitatem hanc producebat, quam ob organon tactus afficiendi rationem Calorem appellamus. Sic illa ipsa contexta particulae, prout per texturam novam novo motu linguam ferunt, ac oesophagum irritant, dicuntur adstringere seu nauseam ciere; prout lumen incidens certo modo ad oculum reflectunt, dicuntur efficere corpus coeruleum; prout certo situ se uniunt seu coeunt in corpus, representant rhombos; prout digitis minus calida sentiuntur, quam ipsi digiti sunt, frigida dicuntur; prout digitorum pulpa non cedunt, corpus durum constituunt; propter aequalem tamen unionem, quoad superficiem, corpus glabrum redditur, & ita consequenter nostris sensoriis tot diversas impressiones faciunt, quae ceu tot qualitates novae vulgò aestimantur.

Sic quoque unum idemque ferrum, pro configuratione alia dat clavem, alia clavum, alia ferram, alia gladium, alia terebram, & pro conformatione hac diversimoda diversum quoque usum habet, quae configurationes tamen externae, v. g. vis, seu facultas, seu qualitas seu activitas referendi ferram in clavem, non differunt realiter ab ejus materia seu corpore, vel à suo ferro, sed sunt unum ferrum & ferro variae saltem dispositiones & figurationes; quae, prout in se consideratae, sunt Forma, qua ferrum, est clavis: ita considerata eadem respectivè, nempe in relatione ad hanc vel istam ferram, est qualitas activa aperiendi. Si consideramus porro physicè ferrum, illud est grave, acutum, durum, frigidum, &c.: varios hic pro varietate attributorum in mente nos conceptus formamus, quia variae sensus nostros afficiunt, atque exinde in uno eodemque ferro quasi sint diversae qualitates, primae & secundae, statimimus, quod tamen non inest, sed est una eademque substantia, ens unum simplex. Ferrum, quatenus impositum manum premit, dicitur ponderosum seu grave, quae gravitas à particularum unione dependet; quatenus particulae in minori quantitate junctae fuerint, ita ut cuspidem efficiant, dicitur ferrum acutum, idem ferrum, quatenus ipsius particulae compactiores sunt, non cedentes tactui digitorum, dicitur durum; idem ferrum, si à motu cessaverint ejus particulae sulphureae, vocatur frigidum. Porro color non est proprietas singularis, prout inest, sed certa corporis affectio; siquidem sulphur & mercurius variantem dant colorem à se, scilicet rubrum, item ex minio & aceto destillato oritur sapor dulcis: quae duae affectiones non nisi ex motu, & mutua unione, complexu seu syncriasi minutissimarum particularum proveniunt. Similiter & Mollities & Durities demonstrari possunt: Cera est corpus durum; cum verò igni exponitur, particulae cereae incipiunt moveri, & quò magis moventur, eò magis incalescunt fitque corpus, quòd antea erat durum, nunc molle; & sic videmus, quòd mollities in corporum resolutione motu facta consistat, & durities in compactione corporum, orta à quiete; & quò minus corpus movetur, eò minus incalescat: frigus enim consistit in corporum quiete diuturna. Asperitas est, quando particulae minutissimae in superficie sunt in inaequali situ: Glabrities est, quando in aequali situ particulae minutissimae sunt constitutae. Qualitates itaque omnes nihil aliud sunt, quam modificationes universae seu modi materiae, oriundi ex diversa particularum minimarum structura & textura: vid. DIGBY Philosoph. de immortalit. animae humanae, & videbitis nullitatem qualitatum realium, ubi demonstrat, ea esse non-entia.

Obiciat quis, reverà qualitates esse distinctas à corporibus, v. g. albedinem in pariete: Respondeo: Distinguendum est inter accidens praedicabile & praedicamentale. Illud est ens distinctum, & potest abesse vel adesse sine subjecti interitu:

teritu: Hoc est nihil aliud, quàm conceptus, & res erit clara. Propterea ne multiplicentur conceptus & entia, *loco qualitatibus* proprietates tales rerum *attributa* potius appellari solent.

Hinc materiae modificatio cum sit fundamentum & Formarum & qualitatum, fit ut Forma subinde dicatur vel interna (substantialis) & externa (accidentalis.) Forma *substantialis* est ipsa rei propria textura, unde omnia ista attributa, quæ à nobis qualitates dicuntur, originem ducunt; *Accidentalis* verò forma est simpliciter attributorum complexus. Attributa illa sunt vel magis essentialia concreto, seu propria in quarto modo, alia verò sunt attributa magis accidentalia, concreto non propria, sed cum aliis corporibus etiam communia. Illa immediate ex textura rei speciali fluunt: Hæc mediata ex generali textura corporis cum aliis corporibus similiter contextis convenientia; adeoque *materiae textura specialis dat formam* corporis, ex hac verò textura resultantes affectiones & attributa, tam absoluta quàm respectiva, sunt qualitates.

Unde ulterius attributa essentialia generationem & corruptionem, accidentalia verò alterationem saltem texture immediate sequuntur: v.g. fixitas, ponderositas summa cum summa ductilitate sunt propria auri in quarto modo, adeoque ejus sunt affectiones essentialia, quibus in corpore quodam positus, ponitur aurum, remotis verò ex corpore illis, removetur aurum. Ast flavedo, liquefactilitas, ponderositas, metallica candescencia, fluor in igne, consistencia in frigido, sunt accidentalia saltem attributa: Illa ex textura auri speciali ab illius igne, adeoque à forma substantiali immediate fluunt; Hæc verò ex textura auri, quatenus in multis generaliter cum aliis metallis convenit; adeoque ex essentiali illa modificatione respectu aliorum corporum emergentes proprietates sunt fundamentum attributorum & qualitatum in nostro saltem conceptu, non in re ipsa à corpore distinctarum.

Nempe quoad originem qualitatum, sciendum, quod materia & motus cum ludant universam mundi scenam, & ex materia per motum omnia corpora oriantur, etiam ex his duobus omnes corporum affectiones explicandæ erunt, tam generales pluribus corporibus communes, quàm speciales quibusdam saltem propriæ. Nempe omnes globi nostri constituentium corporum qualitates, sunt nil aliud, quàm materiae ejusque minimarum particularum modificationes per motum factæ, quatenus materiae minimæ particulae tam simpliciter determinatam figuram, magnitudinem, situm, ordinem, motum vel quietem habent, quàm mutuo coalitu certam corporis texturem secundum illas modificationes primitivas constituunt: hinc enim omnes tam absolutæ, quàm respectivæ corporum qualitates, dependent, nempe formaliter in modificatione naturæ, fundamentaliter & subjective in materia modificata, & efficienter in motu modificante. In quantum ergò modificatio & textura materiae in pluribus corporibus communis, qualitates primæ, secundæ & tertiæ oriuntur; in quantum verò in specialibus corporibus specialis eorum à seminali principio variat textura, etiam speciales seu propriæ quorundam corporum, tam absolutæ quàm respectivæ, oriuntur affectiones seu qualitates seu attributa.

Adeoque modificatio materiae, prout in se absolute consideratur, formam corporis certi constituit; prout verò consideratur respectivè in ordine vel ad alia corpora, vel specialim ad organa sensus nostri, vel ad utrumque simul, varia attributa & conceptus, ac denominationes exinde emergunt, quæ à nobis pro qualitatibus distinctis realibus variè habentur; v.g. particularum minutissimarum specifica textura constituit formaliter corpus auri speciale. Textura hæc prout respectu ignis aurum fixum admodum fusile; respectu duri corporis malleabile, summe ductile; respectu aquæ regie solubile, respectu aquæ fortis non solubile; respectu

Mercurii amalgamabile, &c. reddit, eatenus auro fixitas, ductilitas, fluiditas, solubilitas, &c. tribuitur: cum reverà aurum in se sit ens seu corpus unum & saltem particula variè minutim contexta, quæ textura facit, ut aurum, respectu ad alia corpora habito, tot varios conceptus nobis listat, quæ attributa ejus à nobis, seu tot entitates distinctæ, sumuntur, ac qualitates dicuntur, cum tamen reverà idem sint cum materiae auri modificatione secundum minima, seu horum in certa figura, situ, ordine, magnitudine, &c. per motum, mirabilis coalescentia & textura, quæ textura & corpus constituit speciale & tam multiplicium qualitatum origo est, quæ non absoluta, sed respectiva sunt entia, non re ipsa, sed conceptu à corpore auri distincta; immediate ex auri textura essentiali, mediata ex minimorum figura, magnitudine, situ, ordine, quiete, &c. pro tali corpore determinatis ac specificatis, originem ducunt.

Omnis tamen modificationis fundamentum est quantitas seu extensio materialis, & ejusdem impenetrabilitas, ex quibus per motum omnis ista tam immediate, quàm mediata, modificatio resultat.

Tandem pro dictorum meliori dilucidatione observetur, quod semina & ova sint automata, quæ sine motu sunt instar horologiorum non sonantium. Externum movens, illud, quod horologia movet, est calor, elaterem, spiritum impetum facientem, excitans, & ad motum provocans. Hinc vita viventium consistere dicitur in unione animæ & corporis hoc est, in adaptatione concinna & ordinata elateris seu spiræ cum reliquis partibus automatis; sequitur inde in automate motus, & in corpore vivente actio vitalis. Est adeoque corporum viventium, seu heterogeneorum, forma nexus concinnus partium liquidarum, cum solidis, agentium seu moventium cum organis; unde sequuntur motus & operationes vitales & animales. Consistit ergò vita formaliter in unione animæ seu spiritus, seu elateris, cum materia plus minus organica, unde immediate sequuntur operationes vitales & animales. Sed & res fluxa cum sit vita, fundamentaliter consistet in sanguine, unde quotidie vis movens elateris restituitur & redintegratur, seu spiritus, hoc est anima vegetativa & integra conservatur.

Ars nihil potest supra naturam; nam quicquid est in arte, est à natura. In arte saltem est motus & materia: utrumque habet à natura. Leges motus naturæ immutabiles non mutare, vix nisi per alios naturæ motus variare potest ars. Materiam, ejusque attributa quantitativa & ipsa immutabilia nullo modo alterare potest. Ubique habet corpora à natura constructa quorum texturem accidentaliter secundum proprietates materiae per motum variare, vel essentialiter per certos naturæ motus, materiae texture contrarios, destruere valet. Natura semina producit, & sola ex iis corpora format: hos motus ars non nihil adjuvare per motus naturæ acceleratos, vel variare, formaliter autem perficere nequit; adeoque nil nisi agentia naturæ motum patienti materiae applicat Ars. Unde omnes operationes artis fundamentaliter sunt naturæ, formaliter saltem, quatenus ab artifice externo applicatio multiplex contingit, vocatur operatio artificialis.

Ex hætenus dictis patet subordinatio scientiarum Physicæ & Matheseos, cum eorum Practica artificiali & Mechanica, siquidem *DEUS* & Natura ubique geometrizarant. Scilicet Physica materiam, corpus, &c. Mathesis formam illius, nempe determinationem & modificationem quantitativam, suggerit; Mechanica verò Efficiens seu motum declarat, per quem in materia Forma est operativa. Hæc ad corpus humanum si applicemus, Anatome Mechanicam corporis, ejusque partium structuram organicam, & inde motus determinationem; Chymia formalem molecularum materiae configurationem considerat; adeoque fluidas & similes solidas, Anatome organicas nobis declarat.

COMPENDIOSA RECENSIO,

ET TANQUAM

CLAVIS EORUM,

QUÆ HOC IN CAP. I. FUSIUS PROPOSITA FUERUNT,

L I P S I A

DN. D. MICHAELE ETTMULLERO,

P.P. ET FACULTATIS MEDICÆ LIPSIENSIS ADSESSORE,

ad

DN. D. JOHANNEM ACOLUTHUM,

PHYSICUM URATISLAVIENSEM ET PRACTICUM CELEBERRIMUM, TRANSMISSA.

PAUCA & PARCA IN NATURALIBUS SCIENTIA APODICTICA, NISI QUAM EX MATHESE HAURIRE LICET: RELIQUUM OMNE, QUOD SCIMUS, EXPERIMENTIS, PHÆNOMENIS & OBSERVATIONIBUS EFFECTUUM NATURALIUM INNITUR, QUORUM FIENDI CAUSARUMQUE RATIO CUM UT PLURIMUM DELITEFCA, HYPOTHESES VARIAS ORIUNTUR; EX QUIBUS ILLÆ SUNT OPTIMÆ, QUÆ PLURIUM PHÆNOMENORUM NATURALIUM EXPLICATIONEM THEORICAM CONCEPTIBILIOREM, & APPLICATIONEM PRACTICAM FACILIOREM, REDDUNT. OMNIA EX AQUA (MATERIALITER) & SEMINIBUS (FORMALITER) PER MOTUM (INSTRUMENTALITER) FIUNT; HUIUS ENIM MEDIO, AUT SEMINIS VI FERMENTATIVA, MUTATUR AQUA IN MILLEFORMES PARTICULAS MINUTAS, EX QUARUM TEXTURA IMMEDIATE COALESCUNT CONCRETA, QUÆ VI SEMINIS IDEALIS DIVERSIMODE FORMANTUR.

Particulae tales sub generali conceptu salinarum, acidarum nempe & urinosarum, oleosarum, terrearum & aquearum comprehendendi posse videntur; adeo ut motus istius intestini in corporibus, (mediante quo per syncrism, diacrisim & metastasin minimorum generantur, corrumpuntur & alterantur corpora,) instrumenta primaria magis mechanica (sub seminis tamen directione) sint acidum, & hinc urinosum, ex quibus coalescit salsum, quæ ipsa moderatur pingue, diluit aqua, figit terra. Acidum magis activum est (delitefcit tamen ferè sub pinguis seu sulphurei gmine) quod ceu debitum compar, ubique informat alcali, & hoc ad sui ductum dirigit. Fixius illud est copiosius in metallis & mineralibus, unde & concretis infirmior compages acido sulphureo Mercuriale alcali cum terreo fixo plus minus pareo, cogente: volatile econtra acidum & parcum & oleosum, & inde à priori insensibile (adeoque à priori non cognoscibile,) in animalibus, sufficiens tamen pro copioso cogendo alcali volatili. Mediæ naturæ est illud vegetabilium, unde cum fermentando volatile hoc fieri queat, animalium corporibus assimilabile existit, mineralium acido nullo modo nobis applicabili, ita ut constitutiva nostra ingrediatur. Ab Acido hoc volatili (materialiter) per motum celerrimum, (formaliter) agente in compar alcali, sub temperatura pinguis oritur calor, vitæ comes in animalibus calidis, tanquam (analogicè ad vegetabilia,) resinosisioribus (resina enim est sal volatile oleosum sub acido concentratum,) cujus nulla sensibilia saltem vestigia in frigidioribus, præsertim marinis pariori acido ditatis, adeoque respectivè mucilaginosioribus (mucilago enim vegetabilium tanquam gelatina quædam, alcali vol. temperato turget:) Ab acido tali volatili oleoso, præsertim sub subtiliori spirituosâ facie, temperatura spiritui vini quasi analogo (à priori enim inexplicabile est,) omnes in nobis digestionis seu fermentationes, hinc assumptorum in partibus assimilationes, adeoque totius œconomiae animalis conservatio dependet, ac temperamentorum diversitas ex illi, s. cum socio alcali proportionem oritur: aequali scilicet ac naturali sub temperatura ubi contenta corporis imprægnant, sanguineum; ab acido oleoso volatili ac acriori, biliosum seu cholicum; ab eodem fixiori, ac ferè macro, Melancholicum; ab eodem parciore, copiosiore alcali volatili sociato, phlegmaticum: quin & in acidi huius volatilis vitalis cum Alkali saturationis puncto sanitas & morborum limites sunt constituti. Urinosum autem sive alcali passivè ferè se ha-

bente Acidum in censu causarum morbosarum primatum obtinebit, adeo, ut ex eodem in quanto vel in quali peccante, idque imprimis ex digestionis primæ errore, aut contagii extrinsecus hausti vitio, omnis quarumvis partium morbus derivandus veniat: Ab eodem enim volatili oleoso acido abundante & vitioso acuti ferè morbi, imprimis febres continuæ, oriuntur, & similes, quas ex bile aliàs derivare voluerunt: ab eodem volatili macro ferè partium solidarum affectus varii, speciatim dolorosi & arthritici: ab eodem fixiore, nec constitutivis partibus nostris assimilabili, præsertim specifico sub sapore, quamplurimi alii morbi, imprimis chronici, vel humori Melancholico, vel pituitæ acidæ vulgò adscripti, nascuntur, ut cachexia, malum hypochondriacum, lues Venerea, febres intermittentes, &c. Unde & in Praxi Acidum quæ corrigunt, tam in Pharmacia quàm Chirurgia, primatum ducunt; sive illud in genere absorbeant, ut terrea, mineralia & metallica, Bezoardicum minerale; antimonium diaphoreticum, Mercurius præcipitatus, &c. sive fixius volatilifcent, ut aromatica & similia, sale volatili oleoso plus minus acri imprægnata. Unde in affectus ratione, quæ ex copia aut motu acidi huius intensioris natum calorem cicurant, vel saturantia, volatilia urinosa, vel absorbescencia fixa, sunt; & è contrariò, quæ ex defectu acidi deficientem calorem acuunt, aromatica & resinosa plus minus acria esse solent, sale volatili, sed ab Acido oleoso concentrato, imprægnata: Illa refrigerantia; hæc calefacientia dicuntur: Illa nimiam acidi vim ac motum infringunt; hæc acidum volatile oleosum acuunt & augent.

Appendicis loco notetur:

1. Alkali verum, prout ab arte suggeritur, cum dubiæ sit existentiae formalis in concretis, loco ejus terra volatili coalitu plus minus firmo sal urinosum, vel volatile vel fixum, emergit.
2. Pingue & ipsum non nisi aqua certo modo ab acido, cum terra subtili juncto, concentrata esse videtur.
3. Terra ipsa an sit primigenia saltem in istis, dubium est, & annon ipsa ex aqua fiat?
4. Adeoque non nisi aqua & acidum (loco cujus alii sal naturæ universale asserere malunt,) rerum principia prima videntur.

CAPUT II.

DE

Corpore humano, ejusque principio vitali.

SUPRÀ DIXI, *Subjectum seu Objectum Medicina* esse vel materiale, seu *Corpus humanum vivens*, vel Formale seu *quatenus sanabile*. Materiale autem tractatur in Physiologia, Formale in Pathologia. Hic ergo considerandum nobis erit Materiale, i. e. corpus humanum vivens, cujus structura in se considerata, non secus ac omnium reliquorum animalium, est machina quædam naturalis hydraulico-pneumatica, ex variis organis, pro multiplicibus actionibus artificiosissimè fabricata, in hoc differens à machinis

nis artificialibus, quod hæc externum habeant motorem, à quo partim extruantur, partim etiam moveantur; Illa autem à principio interno spirituofo dependeat, à quo dicta machina non fabricatur tantum, sed etiam fabricata ad varias actiones, motus & operationes, pro organorum diversitate, determinatur.

Duo hic sunt attendenda:

1. Est ipsa structura corporis humani materialis.
2. Eiusdem operationum principium, seu Corporis humani Vivacitas vel Activitas vitalis, secundum quam Corpus Vivere dicitur.

Hæc duo sunt fundamenta totius Physiologiæ, & Medicinæ primordia.

Quod ergo structuram hominis attinet, tria consideranda sunt:

1. Materia, ex qua constat.
2. Materiæ hujus varia textura, ut emergat tale Corpus seu Partes;
3. Materiæ contextæ diversa modificatio, quæ aliàs etiam nomine Qualitatum venit, ac nihil aliud, quam Proprietates vocari debent, de quibus Capite præcedenti actum.

Dum inquirimus in *Materiam*, ex qua constructum est Corpus humanum, docetur in scholis Galenicis, illa vulgaria elementa, quæ 4. qualitates habeant, esse Materiam, ex qua omnia consent corpora naturalia; quæ etiam, cum sibi invicem miscerentur in productione Corporis humani, simul quoque miscerentur qualitates illæ, Temperamentum constituentes, unde qualitates, dictæ secundæ & tertiæ, oriuntur.

Verum qualitates has pura esse non entia, supra demonstratum est. *Materia* autem omnium corporis partium, ex qua eadem omnes constant, sunt supra dictæ minutie corpusculorum, inter quæ eminent salinæ, quæ mutua sua textura & partem ipsam, & Temperamentum etiam ejus elementale, constituunt. Ex his particulis diversimodè contextis, etiam constant lac, sanguis, & chylus, humores corporis nostri homogenei: & sicut in vegetabilibus succus, ex quo tota illorum structura est composita, ex miscella particularum minutissimarum constat; ita chylus seu lac & sanguis succi sunt, ex quibus tota nostra structura seu compages corporis est composita & conflata.

Ex particulis salinis & sulphureis sanguis & chylus, succi corporis nostri primogenii, constant, unde & consequenter totum corpus materialiter erit compositum: id quod confirmat resolutio ejus mechanico-Chymica. Nostrium corpus conflatum est ex particulis, ejusque primaria pars imprimis massa sanguinea; cujus particulæ mediantribus corpusculis salinis in continuo fermentationis sustentatæ motu, & ab aere inspirato rarefactæ & resolutæ, seu, ut vocant, volatilifate, Calorem concipiunt per totum corpus sensibilem, vulgò vitalem dictum. Observandum jam erit, quod tales particulæ minutæ, ubi densius agglomeratæ & firmius contextæ ac unitæ sunt, fiant partes solide & duræ, ut ossa, viscera, &c. sicuti eadem particulæ median-teliquido dissolutæ, & in continuo motu constitutæ & solutæ, partes constituunt fluidas seu humores; ex quibus particulis summæ volatilibus Spiritus, machine nostre corporeæ Rectores oriuntur.

Sunt autem *Partes omnes* machinæ in triplici differentia; nempe sunt vel secundum HIPPOCRATEM l. 6. Epidem. S. 8. t. 19. Continentes, seu partes solidæ & instrumentariæ motæ, vel Contentæ, & Impetum facientes aut activæ moventes, ut sanguis & spiritus; vel secundum alios solidæ, liquidæ & spirituosæ: quam divisionem ad *duxoropiar* LIN. DANUS *Fundam. Medic.* l. 2. revocat, dum partes divisit in has, quæ principium sui motus in se, & in eas, quæ aliunde id habent, ita ut Continentes & Contentæ ab alia moveantur, impetum verò facientes se ipsas & reliquas partes moveant. Verum ex hæcenus suppositis nobis potius dicendum erit, fluidas & spirituosas activæ se habere & machinam agitare, solidas verò passivæ, & ab illis informari atque moveri.

Inter *Contentas* eminet imprimis *Chylus* seu lac, & sanguis, liquores corporis primarii & primogenii, ex quibus ceu animalium nutritivo succo, omnes partes solidæ seu continentales conflantur, quæ hujus materiæ proximæ ratione itidem in *sanguineas* & *spermaricas* seu *nerveas*, immediate nempe ex chylis oriundas, subdividuntur: ratione cujus spermatice dicuntur, quæ ex semine originem du-

cunt, alba, firma, ac frigida sunt, ac deperdita non regenerantur, v. g. membranæ, glandulæ, ossa, &c. sanguineæ verò, quæ ex sanguine materno generantur, rubræ, molles, & calidæ existunt, quæquæ deperdita restituntur, v. g. caro masculosa, &c.

Verum distinctio hæc sub tali partium suarum descriptione est falsa: Quia

1. *Omnis pars generatur ex materia seminali*, ex ovi uterini colliquamento, nulla ex sanguine: Ergo omnes partes sunt spermaticæ; & quidem nihil aliud, nisi mirabilis fibrarum textura, quæ prima partium stamina constituit, & primitus in ovo, ex ejus colliquamento, delineatur & effingitur: quibus postmodum per coaguli modum sanguis hinc inde adhærescit, unde *parenchymata sanguinea* nascuntur; quæ duæ partes, certo situ & nexu invicem coherentes, naturalem corporis structuram constituunt.

1. Albedo non semper & necessariò materiam spermaticam indicat; pinguedo siquidem albicat, quæ tamen ex consensu omnium pars sanguinea est.

3. Firmitas & mollietates hanc partium diversitatem non probant, cum cerebrum, utpote pars mollissima, spermatica sit, substantia verò cordis satis compacta & firma, sanguinea.

4. Falsum est, nullam partem spermaticam regenerari: nam coalescit per primam intentionem, & regeneratur tunica oculorum adnata & cornea post suffusionis depositionem.

Quoad *Partes humidas & spirituosas*, hæc sunt activæ, seu habent se instar principiorum activorum; partes solidæ verò fundamentum & firmamentum nostri corporis prestant.

Textura ista particularum minutissimarum, ratione triplicis aut quadruplicis materiæ absolutarum seu primariorum, uti formaliter partes constituit quaslibet; ita eadem radix est, unde tam multi modi respectivi & secundarii, seu qualitates, & proprietates istæ, tam primæ quam secundæ & tertiæ, emergunt; quarum qualitatum debita proportio, & parti conveniens symmetria, Temperamentum dicitur, idque elementale, seu forma partis subordinata, forma specifica, &c. quatenus scilicet pro texture illius ratione partes humide vel sicce, duræ vel molles, glabræ vel asperæ, albæ vel nigre, fluidæ vel solide, subtiles vel crasse, sapide vel insipide, &c. aliisque quamplurimis modis sensibus nostris apparent. Sic caro suam essentiam habet à forma sua sic dicta carnifica, unde proprietates ejus durities, &c. hic os coagmentatum est ex particulis minutissimis salinis cepiosis oleagiosis, quod pro textura particularum minutissimarum respectu ossis dicitur Forma partialis, quæ post mortem etiam supermanet; econtrà eadem ratione particularum unitarum, dicitur Temperamentum, quatenus est aliud novum tertium, ortum ex quamplurimis particulis certa ratione coherentibus. Ex his particulis certa ratione coherentibus vocatur Temperamentum; ratione verò partis constituta dicitur Forma.

Porro partes ipsa solidæ considerationem ulteriùs subeunt, vel ratione Materiæ proximæ, ex qua constant, vel ratione conformationis organice, qua mediante certis usibus inserviunt. Ratione Materiæ ex qua, omnes partes continentales seu solidæ sunt vel similes, seu ejusdem materiæ, ex qua constant, & sunt ejusdem nature & essentie, ut fibræ, &c.; vel dissimiles, quarum partes integrales sunt distincte nature & essentie, ita ut plures partes similes concurrentes constituant partem dissimilem, ut caro, aut musculus. Sic hepar constat ex membranis, venis & glandulis; vid. GLYSSONIUS in *Anatom. Hepatis Prolegomenis*.

Similarium plures communiter recensentur, ac reverà sunt, quippe rem accuratius pensantibus; præter fibras & circa illas affusam substantiam, nulla apparebit, adeoque reliquas omnes partes solidas ex fibris saltem esse contextas, constat: vid. BARTHOLINUS de *Structura Diaphragm.* cap. 1. & dissimilarium partium nomen merentur. Hoc tamen negari nequit; dissimilarium alias magis, alias minus compositas esse, & similarium constitutioni propinquiores sunt, v. g. os, ligamentum, cartilago, membrana, &c. quam vasa sanguifera, musculi, manus, oculi, &c.

Membranae sunt partes fibrosae, tenues, longae, & latae, ex fibrarum plurium crueiatim contextarum in longum expansione ortae, alias partes instar lintheaminum vestientes, imò harum maximam partem constituentes, adeoque ad organorum plurium tunicas formandas, hae vel sibi invicem, vel cum partibus ambientibus connectenda, vasaque fulcienda, comparatae.

Ejusdem cum membrana substantiae est *Ligamentum*, & nihil aliud, quam fibrarum tendinearum plurium in artum collectio, partes distinctas invicem colligans.

Cartilago Ruffo Effesio recte substantia inter ligamentosam & osseam, vel secundum alios inter membranaceam & osseam media, censetur; ita quidem, ut in osteologia foetus non tantum, juxta LAUR. *Anatom. l. 2. de Ossib. Capitis*, syncipitis ossa in principio membranosa, hinc cartilaginosa, tandemque ossea, evadant, sed tale etiam in toto corpore à *Kerkringio*, aliisque Anatomicis, observatum fuerit, hujus nempe partes cartilagineas plurimas in generationis exordio membranasas existere, ac paulatim demum cartilaginis firmitatem induere, antequam ad duritiem osseam perveniant: id quod vel in toto cranio, quod tribus primis septimanis nil nisi membrana vento vel liquore quodam distenta, deprehenditur, vel in fontanella, quae aliquot menses in nato etiam puero mollissimae & membranosa substantiae prominet, vel in junctura maxillae inferioris ad mentum, quae primo membranae evidenter satis apparet. Existunt nihilominus quaedam cartilagineae, quae non tam facile aut nunquam in ossa degenerant, v. g. ciliorum nasi, auricularum, epiglottidis, asperae arteriae, &c. unde rarum est quod FONTANUS in *Notis ad Vesal. Epit. ex Cardano* refert, in fure quodam asperae arteriae cartilagineas adeo osseas factas esse, ut laqueo constringi non potuerint. Quaedam interim cartilagineae ossium extremitatibus adherent, ut in osse femoris, hujus acetabulo, nasi extremitate, &c. Quaedam partes integras formant, verb. gr. asperam arteriam, ita ut illarum aliae ad motum faciliorem ossium invicem faciant, vel sui ipsius, & partis, cui fulcimentum praebent, vel ad ossa convertenda.

Ossa nihil aliud, quam fibrarum arctior collectio, harumque intimior coaptatio sunt, donec firmitatem atque duritiem adequant; ita ut membrana, ligamentum, cartilago & os unam agnoscant materiam, ratione diversae saltem texturae nomen mutantes; adeoque male statuunt, fixiorem magis substantiam esse ossibus propriam praepriis cum ex Chymia notum, plurimum salis volatilis, aequae ac alias corporis partes, hae per distillationem suppeditare. *Exsanguia* à *Ruffo* dicuntur, quod rationi tamen atque experientiae pariter repugnat; quia in foetu & recens natis rubent, vasaque in ossibus cujusunque aetatis, in adultis quoque, sanguinem fundunt; sicut & callus ossibus fractis induendus sanguineum quasi sudorem stillat, quod à *PARÆO l. 14. c. 76.* primum observatum fuit; & dum rubedine sua fascias tingit, de illius concretione testatur, quod etiam modernorum Chirurgorum experientia confirmat.

Fundamentum autem partium similarium & dissimilariarum sunt istae particulae minutissimae, in unam massam & substantiam concurrentes, quae si copiose agglomeratae sunt, componunt partem solidam seu continentem, ita ut plures particulae, sulphureae & salinae volatiles, coeant & concurrant pro una massa sanguinea constituenda. Quando particulae chyli pinguiore cum acido coagulantur, abeunt in pinguedinem; particulae alcalinae cum condensantur circa fibras, faciunt carnem; quando ipse chylus condensantur ac successivè inspissatur in consistentiam corporis durioris, abit in ossa. Ergo partes similes & dissimiles habent suum Esse ex confluxu particularum minutissimarum, quae textura conficit id, quod alias Temperamentum vocatur.

Ratione Formae accidentalis, seu superinductae *Conformationis mechanicae*, secundum triplicem quantitatis dimensionem partes corporis sunt vel *Organicae* vel *Inorganicae*.

Organicae partes sunt, quae certam, secundum longum, latum & profundum, habent figurationem & conformationem externam, mediante qua ceu instrumenta certis quibusdam usibus inserviunt, in quibus organis fibrae, harumque mechanica textura, fundamentum constituunt, de qua distinctione partium in Dissimiles & Organicas vid. *GLYSSONIUS Anatom. Hepatis in Praelegomenis*.

Etmulleri Oper. Tom. I.

Nempe particulae viscidiores constituunt systema fibrarum membranarum, &c. Istis vasis & fibris secundum longitudinem protensis appenduntur ac connectuntur variae particulae, unde pro varia structura fibrarum varia erit congeries & adhesio istarum minutissimarum particularum, unde etiam varia figura & conformatio partis organicae, quae certis functionibus mechanicè exequendis destinatae sunt: e. g. Manus est pars organica ad apprehensionem destinata; oculus ad visionem; stomachus & intestina recipiendis, conservandis, & emittendis ingestis alimentis, &c. respectu quorum usum partes quaedam *principales*, quaedam *ministra*, dici solent. Omnes partes Organicae sunt activae per motum, & in nostro corpore quivis motus fit beneficio spirituum animalium, qui operantur median- tibus fibris; hinc *fibrae sunt motus causa*, à quibus omnis structura organica dependet.

Non-Organicae partes dicuntur, quae nullam certam habent conformationem certo usui destinatae, seu non sunt natae ad effectus praestandos. Tales verò partes in corpore nostro non dantur, sed omnes sunt organicae; nulla enim pars, etiam minutissima, determinata figura destituitur, licet haec sensus nostros non incurrat, aut frustra est condita, ut non habeat certum usum.

Distinguunt equidem inter actionem & usum: hunc omnibus, actionem verò partibus organicis saltem concedentes. Sed ut alia, quae distinctionis hujus infirmitatem declarare possent, nunc taceam, ipsa fibra, quae pars simplicissima similis & minus organica ab omnibus habetur, actionem tamen praestantissimam, nempe motum exercet, ita ut omnes reliquae corporis partes ratione fibrarum, ex quibus contexta sunt, ad motum aptae deprehendantur.

Partes haec ergo omnes, imprimis solide, invicem unite & fundamentaliter organicae, constituunt suam unionem *machinam hydraulico-pneumaticam* corporis humani, & sic se habent omnium animalium corpora. Machinam dico corpus nostrum, non secus ac omnium brutorum, similem machinis hydraulicis. Jam verò machine omnes sunt propter certum motum; ergo etiam machina nostra in usum certorum motuum erit constructa, & recte; quae machina animalis pro ratione partium machinae hujus, organorum diversimodè habentium, omnes operationes exercet, & exinde est vel *sana* vel *defectuosa* plus minus, aut certa quaedam aberratio, unde tunc dicitur *morbosa*. Dum enim machina nostra in motu est diversimodè, & operationes suas perficit, *Vivere* dicitur; ita ut *vita* animalium & hominis *formaliter in machina corporea motu seu actuacione consistat*: Quod si omnes motus isti & actiones penitus cessent, ita quidem ut irrevocabiles sint, adeoque functiones animales pereant, *Mortua* dicitur. Porro, si rectè & debite omnes istos motus peragit, ad quos per se apta nata est, *sana* dicitur; nam *sanitas est vita integritas*: sin verò non ritè, sed perversè aut vitiosè, ac quasi erroneè, moveatur, ita ut quaedam ejus actiones fiant erronee, sive motoris interni live organorum vitio, dicitur *agrotare*; nam *morbosus est vita labefactatio*.

Cum ergo haec Machina in motu consistat, queritur; quidnam hoc *Principium movens* sit? quid machinam *primario moveat*, seu quid primò vitam impertiatur? Respondeo: Motus seu id, quod principaliter movet machinam, est principium vitale. Antequam autem decidatur, & ut, quid sit principium vitale, intelligere possimus, maxime observemus generales operationum & actionum differentias. Omnes autem hae operationes, quae respiciunt conservationem individui vel speciei, hanc conservant vel in Esse vitali, vel in animali, unde operationes vitales & animales. Operatio ea, quae conservat individuum in Esse vitali, facit, ut simpliciter maneat corporis structura, & consistit in nutritione & augmentatione: Operatio verò ea, quae conservat individuum in Esse animali, consistit in sensu & motu, ad quam etiam refertur actio genitalis, consistens in geniture elaboratione, & corporis novi productione. Hisce addunt etiam quidam Facultatem naturalem, sed male, quia Facultas naturalis fundata est in officio hepatis sanguificatorio, quod cum falsum sit, ipsa etiam Facultas naturalis sponte cadit.

Duae nempe imprimis Facultates totum corpus gubernant, nempe *vitalis* & *animalis*: quarum illa, *vitalis*, in sanguine & spiritu vitali, & inde derivatis succis, & visceri-

bus sanguinis alterationi dicatis, consistit; animalis vero in spiritu animali, cerebro & cerebello, & iude nato systemate nervoso, & parentibus nerveis, radicata est.

Principium autem illud *internum*, quod principaliter actuat & movet universam hanc machinam animale, & ipsi operationes vitales largitur, quid & quale sit? difficillima est disquisitio. *Vitale ab effectu appellatur*, quod vulgò etiam speciali nomine *Anima* dicitur, eaque pro viventium triplici genere vel vegetativa in plantis, vel sensitiva in brutis, vel rationalis in homine, vocatur. Sed quando queritur, quid & unde sit anima? nemo hactenus Medicorum & Philosophorum potuit definire, & ubique hæret aqua; modo definierunt per Formam, modo per substantiam immaterialem, modo per Facultatem, & sic semper nomina pro rebus subministrant. Dicunt vulgò, quod omne corpus constet principio passivo, scilicet Materia, & activo, scilicet Forma, quæ vocetur anima vivens, & Autor sit omnium operationum, det Esse rei, det Distingui & Operari diversimodè, talemque animam etiam homini tribuunt; unde juxta canonem vulgarem, licet falsissimum: *Nullam nempe substantiam esse immediatam suarum actionum principium*; fit, quod huic animæ, seu substantiæ simplici, varias adjungant Facultates operatrices, dum scilicet dividunt animam in spiritum seu Facultatem Vitalem, Naturalem, & Animalem, seu Nutritivam, *πλαστική* seu Formativam, & Locomotivam; hincque in facultatem expultricem, concoctricem, retentricem, assimilatricem, chylicatricem, &c. & dicunt, istas Facultates emanare ab anima, quarum ope operationes spiritibus mediantibus perficiat.

Sed Doctrina hæc hactenus in scholis Medicis & Physicis recepta, quamvis si notissima, nil in recessu habet, nil fundamenti monstrat, quomodo Facultates operentur? potius ingentes patitur difficultates, quoad essentiam, divisibilitatem, habitudinem hujus animæ ad corpus, ut nemo adhuc iisdem se extricare potuerit; imprimis cum per scholasticorum inania Facultatum figmenta, ac nomina qualitatum nil significantia, obscuris & cæcis ratiociniis, non consultis apertis naturæ experimentis, insistentium, multò magis implicata, & quamplurimis non entibus repleta fuerit, ut occultæ qualitates Philosophorum, & Facultates animæ Medicorum, pari passu in causarum naturalium disquisitione ambulent, & tutissima ignorantie asyla existant. Uno verbo: totum negotium de Formis nil valet, in recessu est falsissimum.

Ob id acutus *Cartesius*, eumque sequentes potissimum Mathematici, omnem omnino Formam substantialem, omnemque per consequens animam, sola anima rationali excepta, rejecerunt, & per principia Mathematico-Mechanica in se ipsis infallibilia, materiæ applicata, id est, per particularum minutarum, omnia corpora componentium, diversas figuras, magnitudines, compositiones, situs, texturas & motus, naturalium corporum, & sic etiam animalium viventium, operationes & affectiones dilucidare, & à priori demonstrare aggressi sunt, quas antiqua *Peripaterico-Galenica schola* per nuda nomina formarum substantialium, qualitatum primarum & occultarum, ac Facultatem, obscurè & minus scientificè explicavit; & hæc *Cartesianorum* Philosophia Naturalis non est nova, sed ex antiquissima *Democriti & Epicuri* schola, de atomis hausta, sed accuratius & perspicuis explicata.

Arripiunt hæc fundamenta *Angli*, & strenuè pergunt in tali scrutinio, experimentorum insistentes certitudini; præcipuè *Dn. Boyle*, *Nobilis Anglus*, insignes admodum facit progressus, uti ex ejus scriptis, in specie in *Chymista Sceptico*, & *Tract. de Orig. formarum & Qualitatibus*, videre est; vocatque hunc explicandi naturæ phenomena modum Philosophiam Corpuscularem: cui sanè in multis adjumento venit Chymia, quæ istas hypothesas quotidie oculari, & manuali experientia confirmat. Huc accedunt Fermentationes, & fermentorum mirabiles effectus, qui tam in macrocosmo, quam microcosmo, sunt conspicui, qui omnes optimè per ejusmodi philosophandi modum explicantur, cum fermentatio in talium particularum diverso ac vario motu, à salium diversitate dependente, consistat, quæ salium varietates, & miranda in natura exinde producta phenomena, supra explicavi, & apud *TACHENIUM* in *Hippocrat. Chymico*, ejusque *Clavi*, videri possunt: non enim, nisi per ejusmodi materialia principia commode possunt dilucidari.

Hæ hypothesas materiales tamen vix videntur universales, quoniam informatione corporum organicorum qualia sunt præcipuè animalia, & in operationibus animalium internis quoad sensum & motum, vix applicari posse videntur.

Nulla ergò datur Forma substantialis seu Anima, præter Animam humanam rationalem, in se quidem certam, quæ tamen *ἐπ' αὐτῆς*, & ad hominis vitam, & corpus gubernandum, nullum jus & commercium habet, sed solum præest intellectui & voluntati: utpote cujus actio immaterialis planè ab immateriali principio dependet; conf. *Scriptores supra cit. de Philosoph. Corpusculari*. Anima enim illa, quam homo cum brutis communem habet, seu Forma corporis humani, nihil aliud est, quam textura corporum in Viventibus, & succus quidam subtilis, vivificans totum corpus: in non-viventibus est nil aliud, quam textura corporum.

Queritur ergò, quid sit Principium corporis humani vitale seu movens? ubi observandum, quod non sit aliqua substantia immaterialis; Quia

1. In quàm plurimis animalibus est in plures vitales alias partes divisibile, & consequenter materialis substantiæ, quæ nempe habet Materiam, ex qua constat.
2. Quia aliàs esset indestructibile.
3. Quia in non-rationalibus est planè inconceptibile, seu etiam si intelligibile.

Conf. in specie *VILLIS. Tract. de Anima Brutorum*, item *VELTHUSIUS de Genera. pag. 81. seqq.*

Quod autem sit divisibile, patet id in insectis, ranis corde evulso, capite abscisso, &c. imprimis in lumbrico per medium dissecto, qui est ubique vivus & ubique sentit, utut sit dissectus, & sic anima ejus divisa. Discindatur vipera vivens per medium, utraque tamen pars diu se movebit: vid. *PEYERUS in Parerg. suis num. 7. & BACON VERULAM. Histor. Vita & Mortis*, quod etiam de eorum capitibus à reliquo corpore abscissis testatur *BORELUS Cent. 1. Histor. 43.*, & *RHODIUS Cent. 3. Observ. 89.* Accipiat rana, & huic evellatur cor, & rana usque ad horam ac ultra adhuc saltabit, & crocietur, modò pulmones non lædantur: sumatur cor canis, felis, &c. exsectum cum pulmonibus, imponatur carbonibus ardentibus, vel aere insuffletur folle, & dabit 50. aut plures pulsus: vid. *Act. Hafnienf. Volu. 2. Observat. 46.* & *VVALÆUS in Epist. de motu Chyli*. Cor etiam anguillæ, quorundam piscium, aliorumque animalium exemptum, & in frustula dissectum pulsare, vid. *HARVÆUS de motu cordis cap. 4.*; sicut & caput scarabæi cornuti abscissum sextiduo post vixisse, *HELMONT. Tract. Ignota Actio Regiminis §. 35.* refert. Necessario ergò anima erit divisa.

Reverà ergo Principium hoc vitale erit divisibile, & per consequens erit materiale, toti viventi coextensum, & propter actionum varietatem omnibus partibus ac organis intimè præsens, simulque ob earundem celeritatem, vehementiam & diuturnitatem, summè activum ac mobile.

Queritur autem, qualis sit ejus materia? Certe actionum vigor, summa operationum in viventibus promptitudo, activitas, vehementia, celeritas, &c. indicant, materiam ejus non esse crassam, fixam, aut difficulter mobilem, sed esse potius subtilissimam, summè activam, mobilissimam & volatissimam; verb. gr. quando in syncope omnes actiones deficiunt, materia hæc facillè destructibilis facillè est revocabilis, & mox denuò vim suam exerit.

Vita ergò non est in partibus solidis, quoniam hæc saltem ab alio vitales dicuntur, & quælibet earum operationes ab alio principio movente enascuntur, unde in partibus fluidis seu contentis vitale principium investigandum erit.

Sicut itaque in vegetabilibus Principium vitale consistit in succo eorum aqueo seu humoroso plus minus resinoso, qui constituit eorum sanguinem; ita in animalibus etiam in sanguine Principium vitale esse solet. Quoniam vero sanguis ipse pro operationibus quibuslibet non sufficit, sed propter operationes sensus & motus volatilior substantia requirit, ob id sanguinis in spiritum resolutus seu volatilisatus vita Principium existit. Hinc fundamentus hujus vitalitatis constabit in volatilitate activa instar luminis, quod citò accenditur, & citò iterum deletur; quod, quamdiu radios suos, sine interposita nebula aut alia substantia opaca projicit, è longinquo etiam illuminat; ita Principium hoc vitale, nullis impedimentis sufflaminatum, totum corpus actuat.

æstuat : Quæ, & alia similia attributa, non conveniunt, præterquam subtilissimæ cuidam ac volatilibus ac mobilissimæ materiæ nulloque sensu preceptibili : ob id à Medicis, analogice licet, Spiritus appellatur, quasi immaterialis & corpori contradistincta substantia existeret, quod tamen non ita se habere, jam dictum : poterit tamen Spiritus vocabulum hoc etiam in loco retineri, si pro materia subtili & maximè activa, spiritui simili, sumatur ; hoc ipso enim nihil aliud intelligitur, quàm subtilissima & volatilibus sanguinis, & succi huic analogi in aliis brutis seu animalibus, pars impetum faciens, substantia corporis spirituosæ ac quasi flammea, & principium, quo corporis machina actuatur. Spiritus hi vitales materialiter generantur ex sanguine, formaliter verò & effectivè per motum sanguinis fermentativum, mediante quo omnia mista sulphureo-salina spiritum urinosum produunt, producta. Ex hac Analogia etiam subtilissima vini pars vocatur spiritus vini, quia, si est rectificatissimus, nulla hujus gutta terram contingit, etiamsi cochlear plenum in terram ab alto effundatur, sed propter summam subtilitatem & volatilitatem avolat ac dissipatur in aere. Huic sanguinis continuæ fermentationi accedit & aer continuè inspiratus, qui sanguinem in præcordiis, corde scilicet & pulmonibus, stagnantem rarefacit, attenuat, dissolvit, perfectè volatilifiat, & tunc pro actuazione seu motu totius corporeæ machinæ ulterius cum sanguine quaquaversum transmittitur ; aer enim quid possit facere pro sanguificatione, patet ex eo, quod nullum animal possit eo carere, cum per inspirationem continuus spirituum proventus conservetur ; hinc denegato aere, spiritus suffocantur, & animalia intereunt, propter privationem sanguinis volatilisationis, quam aer alias promovere debuisset. Conf. PLEMPPIUS *Fundament. Medic. pag. 77.*, SPIGELIUS *de Corporis humani Fabrica pag. 283.* & DIE EMERBROK *Anatom. pag. 487.*

In his autem Principiis moventibus, sanguine & spiritibus, considerandus duplex motus :

1. Intestinalis fluidorum, quæ talium, proprius.
2. Radiativus seu localis, ad quem imprimis pertinet motus spirituum elasticus, sicuti huc etiam facit motus sanguinis circularis.

Ex his patet, vitam animalis fundamentaliter consistere in sanguine, unde spiritus in Fieri, Esse & suo modo Operari, dependent : vid. SCHNEIDERUS *l. 3. de Catharrhis cap. 1. formaliter verò in spiritu isto volatili*, ejus intima corporeæ machinæ penetratione ; hujusque vario inde excitato motu ; a quo posteriori dependent præsertim gradus vitæ, dum hæc est vel perfecta vel imperfecta ; item vel occulta vel manifesta : vid. PECHLINUS *Tract. de Aeris & Alim. defectu.*

Vitæ radicem, & operationum vitalium principium, hunc spiritum esse, docent ova animalium, quæ spiritu hoc ab utroque parente instructa, prolifica sunt, & spiritu hoc à calore externo excitato, in corpora animata efformantur ; è contra, in quibus hic spiritus patris deficit, infœcunda sunt, & subventanea aliàs dicuntur, nec ullo motu in motus vitales animantur, sed potius corrumpuntur. Dein vim vitalem in hoc spiritu consistere, ex ejus quasi subtilissima, radiosa ac lucida textura apparet, dum ejus motu, aut in corpus influxu, quocunque modo abrupto, aut in quodam loco intercepto, non sine periculo quælibet actiones, vitales & animales, evanescunt : hinc in syncopizantibus in momento universum corpus pallidum & frigidum, mortuique instar, jacet & languet ; unde & in suspensis, constrictis carotidibus, in momento omnis facultas princeps cerebri perit : vid. BACO de VERULAMIO *in Histor. Vitæ & Mortis.*

Spiritus hi inter alias proprietates, præter vim elasticam & summè expansivam, etiam non incommode hanc obtinent, quod lucidi seu luminosi à quibusdam dicuntur, cum in sua natura omnes lucis proprietates reverà possideant ; non autem instar lucis cujusdam igneæ & ardentis, sed luci isti, quæ in cicindelis observatur, similes sint. Sunt essentia saltem unus, nomine tamen distincti in vitales & animales ; siquidem, dum in massa sanguinea per fermentationem micant & gliscunt, in totum corpus continuo arteriarum tractu diffunduntur, tumque ita singulas partes, quas in transitu alluunt, fovant, naturale co-

rum balsamum, i. e. spiritum insitum, confortant, & ita vitalitate perfundunt, ab officio spiritus vitales dicuntur : dum verò ex præcordiis per carotides arterias trajiciuntur in cerebrum, & in eo ibique à massa sanguinea separantur, ubique & in nervis liberiori radio luminoso se expandunt pro ministerio principum operationum, sensuum nempe tam externorum quàm internorum, ab isto munere spiritus animales appellantur ; & proinde re ipsa non sunt diversi à vitalibus. Hi enim isti sunt omnium istarum proprietatum capaces, sine nativæ suæ essentia permutazione, utrobique scilicet particularem organorum characterem suscipientes, & proprietatem inducentes ; sicuti idem spiritus animalis, dum in generationis actu spumescens reddit genituram, ovaque fœcundat, & miræ corporis structuræ Autor est artificiosus, à munere Genitalis dici solet : Confer. MOEBIUS *in Fundament. Medic. cap. 6. pag. 59.*, & ejus *Institut. cap. 5. l. 1. pag. 25.* : quia operationes genitales ad actiones animales pertinent. Nam quod fœcundat semina, est nihil aliud, quàm spiritus animalis, hinc à nimia Venere sensus & motus hebescent : & hoc est, quod alii animæ vitalis seu brutalis substantiam bipartitam faciant, igneam nempe seu flammeam (spiritus vitales,) & luminosam (animales :) de hoc duplici animæ systemate, flammea & lucida, VVILLISIUS peculiarem scripsit *Tractatum de Anima Brutorum* : vid. etiam HELMONTIUS *in Tractatu*, quem vocat *Blas humanum*, & *Tract. Tabernaculum Solis*, item *Archæus vitæ* ; ANTONIUS von der LINDEN *de Anima hominis vitalis*, KOLHANS *de Spiritu Animalis*, BARTHOLINUS *in eleganti Tractatu de Luce Animalium*, HOLSTIUS *de Flammula cordis*, & SCHUYL *in Prefat. super Cartes. de Homine.*

Spiritus naturalis Galenicorum in corpore humano non amplius reperitur, utpote qui nunquam in rerum natura fuit, de quo etiam jam Sennertus, Plempius, Kyperus & alii, imò ipse GALENUS *l. 2. M. M. cap. 1.* dubitant, sicuti & Sennertus tandem concludit : *Facultatem naturalem insito & vitali tantum spiritu ad suas actiones uti.*

Spiritum vitalem veteres distinctam quandam à sanguine substantiam statuerunt : partim ex parte hujus subtiliore, partim ex aere per inspirationem attracto, intra cordis ventriculum sinistram genitum, & per arterias ad qualvis corporis partes distributum. Sed diversam ab ipso sanguine spiritum hunc substantiam esse, præprimis juxta Fernellii similiumque explicationem, satis refutavit HARVÆUS *de Circulat. Sanguinis pag. 225.*, & *de Generat. Animal. Exercit. 71.* dum inquit : *Spiritum & sanguinem idem significare, nec diversas substantias esse, &c.* adeoque nihil aliud est, quàm subtilissima seu salino sulphurea sanguinis pars per fermentationem hujus continuatam separata, eique denuò commixta, aut juxta Helmontium confermentata, qui cum eodem sanguine per arterias in universum corpus perpetuò distributus, omnium partium, & ipsius sanguinis, quasi sal & condimentum : unde HARVÆUS *l. a.* spiritum in sanguine spiritui vini à reliquis vini partibus separabili, comparat, adeoque sanguinem spiritu vitali destitutum vinum sine spiritu, vappam nempe, esse, rectè dicit.

Spiritum animale omnes quidem in cerebro ex vitali elaborari, hinc per nervos motus & sensus gratia ad totum corpus deferri, statuerunt ; in hoc tamen dissentiunt, dum quidam eorum statuerunt, spiritus vitales in animales per immutationem quandam abire, adeoque hos à vitalibus formaliter differre ; alii verò spiritus animales nihil aliud, quàm spiritus vitales aliter modificatos, adeoque magis volatilifatos & depuratos esse, de quibus suo loco ; sicuti in hoc etiam errarunt, quod spiritus hos motus saltem & sensus gratia generari dixerunt, nutritionis autem officium plane excluderunt.

Superest adhuc genitalis, cujus existentia, & à spiritibus reliquis differentia à Physiologis probatur : quod nempe animalia castrata, in quibus nimirum non amplius producit, longè vegetiora, & magis agilia sint ; non castrata è contra torpida fiant, horumque carnes graveolentes, & non raro nauseabundi saporis sint :

cervis castratis cornua non amplius crescant ; non-castratis autem singulis annis crescant : quod diversae mutationes puberibus . e. g. in barbæ eruptione , vocis mutatione , mensium eruptione &c. accidant : peculiare morbi , spiritibus genitalibus male affectis attributi , oriuntur ; & tandem , quod spiritus hic genitalis in animalium testiculis recenter dissectis fracedine peculiari & penetranti se prodat , quod præprimis de testiculis castoris & vervecinis patet.

Hæc & similia plura spiritum genitalem à reliquis non parum distinguere videntur : quibus & hoc accedit , quod spiritus genitalis vis non à primo vitæ exordio ad ultimum ejusdem terminum duret , sed certorum annorum limitibus circumscripta sit . Verum utut annis pubertatis magnæ mutationes in corporibus nostris , & singularis fracedo in testibus observetur , hæcque omnia certis annorum periodis inclusa sint , *idem tamen spiritus genitalis nihil aliud est* , quam *spiritus vitalis testiculis cum sanguine* , & *animalis per nervos* , adductus , qui in coitu præsertim genituram copiose imprægnat , ova foecundat , & ita vim seminalem formalem perficiunt . Sicut enim anima vegetativa in plantis ab ipsorum vi seminali non differt , sed illa ab hac inchoatur , & in eandem quoque terminatur ; ita animalium spiritus animalis idem est cum spiritu genitali seu multiplicativo , cum *ab animali genitalis principium* suum habeat , & in eundem denuò abeat ; & sicuti eadem vegetabilia non omni tempore ad semen producendum simileque producendum apta sunt ; ita quoque spiritus animalis primis annis generationi inservire non potest , sed decursu demum annorum vim genitalem acquirit & exercet.

Quibus suppositis clarum est , Principium nostrum vitale , spiritum animale dictum , à principio universali seu virtute plastica emanans , & successive in partibus diversis alteratum atque depuratum , diversarum operationum organon evadere ; vel , uti VVURDID in *Medic. Spirit.* rem explicat , sicut ex uno mari rivuli multi promanant , qui in idem denuò refluunt ; ita ex spiritu seminali post conceptionem reliqui dicti spiritus emergentes continuatione sua unum denuò spiritum formarent : de quo vid. CARTESIUS de *Homine* pag. 17. & de *Passion. Anim.* P. I. Artic. 10. , MOLINETT. *Dissertat. Anatomico Pathol.* l. 10. cap. 15. & 10. , ENTIUS pro *Circular. Sanguinis* pagina 110. & 111. BETTUS de *Ortu & Natura sanguinis* pag. 98. , & BRUNO *Dogm. Medic. General.* pag. 68. aliique plures.

Suprà dictum , spiritus esse luminosos , & subtilissimam sanguinis portionem ; Queritur ergò quid sit *Lux* ? Non est qualitas , sed subtilissima materia in continuo motu constituta : vid. DIGBY de *Immortal. Anima* , FRANCISCUS MARIA GRIMALDI de *Lum. Animalium* , BARTHOLINUS in *Tractatu de Luce Animalium* . Quod autem Animalia lucem quandam possideant , probatur , quod noctu quædam possint melius videre , quam de die , quod sit ex lumine ab oculo per spiritus ad objectum allato . Sic quædam sunt bruta , e. gr. canes & feles , quæ in tenebricoso loco emittunt scintillas flammeas sulphureas , si ipsis pili retrahuntur , quæ nihil aliud videntur , quam portiones spirituum per insensibilem transpirationem transmissæ , i. e. exhalationes sulphureæ : unde requiritur in nostris spiritibus talis necessaria cohesio luminis , nisi debeat fieri subitanea actionum suspensio , ad imitationem omnium subsectorum luminosorum , quæ etiam requirunt continuum tractum . Reverà ergò Principium vitale consistit in sanguinis subtilissimis portionibus accensis , & ita in substantiam volatilissimam exaltatis.

Cum autem tam subtilis sit materia spirituum , ut hi summe sint activi , & luminis instar se ferè habeant , difficile erit præcisè determinare , cujus sit naturæ , cum spiritus sint materiales ; videntur tamen esse naturæ salino sulphureæ , unde etiam ob suam spirituositatem & activitatem , de natura Gas esse dicuntur HELMONTIO *Tract. de Natura Gas* , & *Complex. elemental. Fiment.* §. 42. & *segg.* , per quod intellexit substantiam subtilissimam , nulla ratione condensabilem : vid. VVILLISIUS . Pro natura enim sanguinis , seu materiæ ex qua , *Gas hoc spirituosum revera naturæ salino-volat.*

oleose , seu salino sulphureæ volatills , esse videtur , quod tam per intestinam fermentationem , quam aeris per inspirationem attracti resolutionem , in sanguine volatilifatum , & celerrima particularum salino-sulphurearum agitatione , velut accensum , instar subtilis & occultæ flammæ coruscat , totum corpus penetrat , ac istud ita animat , notabilius calefacit & exæstuat . Uno nomine : habet se instar subtilissimi & rectificatissimi spiritus vini , fortis insigniter & quodammodo accensi.

Spiritus ergò materialiter fiunt ex sanguine , formaliter per motum sanguinis fermentativum , & per aeris inspirationem , *Sanguis humanus constat sale copioso volatili & pinguedine sulphurea* ; Quando autem sanguis ita fermentatur , & hic liquor salino-sulphureus rarefcit ab aere , non potest non insigniter incalescere , & quasi accendi , propter suam naturam salino-sulphuream , unde hæ particule incensæ erunt isti spiritus , qui actuant totum corpus.

Audivistis hæcenus , quid sit fundamentum Medicinæ ? quid sit anima ? an dentur animæ facultates ? quid sit principium vitale ? & quid sint spiritus corpus nostrum actuant ? Jam quæritur ; *an spiritus præservent corpus à corruptione* ? Respondeo : Omnino . Quamdiu enim vivimus , tunc omnia a corruptione vindicantur , & à principio vitali conservantur . Si quærat , quæ ratione ? Respondeo : Res est facilis , modò consideremus principium vitale , seu naturam spirituum , quam salino-sulphuream hæcenus dixi . Notum autem est , quod Gas sulphuris , seu fumus sulphuris incensi , præservet vina ab alteratione ; nec solum vinum , sed & succi vegetabilium ab eo præservantur , ne putredo eos corrumpat , sicut & singulare quid in sulphure contra pestem latet ; & in specie fumus sulphuris accensi egregium curativum in ædificiis peste inquinatis est . Jam igitur , quia spiritus nostri vitæ sunt radices , & naturæ salino-sulphureæ balsamicæ , habebunt etiam vim talem balsamicam corpus , quamdiu vivit , præservandi ab omni putredine , non secus ac Gas sulphuris vina & alios liquores facile corruptibiles à corruptione præservat . Sanguis nempe circulatus continuò per vasa omnes partes cæteras nutrit & alit , calore vitali fovet , & spiritu salino-balsamico à corruptione tuetur . Vim hanc obtinet à sua determinata crasi seminali , particularum materialium ejus liquorem componentium textura & unione , & semine primitus inchoato , & per particulas salinas , acidas & alcalinas volatiles , fermentativo motu totam massam agitantes , continuata.

Spiritus hi corpus nostrum vivificantes & conservantes reverà sunt idem cum eo , quod alii per animam , alii per spiritus insitos & influos , alii per Calidum innatum , alii ignem animale , alii flammulam vitalem , alii per aliam denominationem , pro hypothesium varietate , explicare voluerunt . Ratione existentiae , seu modi in corporis partibus subsistendi , vulgò dividuntur in *spiritum insitum & influum* . *Spiritus insitum* vocant , qui mox cum semine incipit , & in principio generationis est præsens , & Autor structuræ corporis , atque sub nutritione solidis partibus unitur , iisque in timè associatur . Hunc multi cum Calido innato seu Igne animali , humidum depascente , confundunt . Qui verò ex sanguine , & succo nutritivo elaboratur , & tam cum sanguinis vehiculo per arterias in totum corpus distribuitur , quam ex cerebro per nervos undique dispergitur , ac in motu continuo consistit , *spiritum influum* vocant.

Dari hunc spiritum insitum , præter influum , tam ex generatione , quam ex nutritione & conservatione , HELMONTIUS confirmat : nam dum spiritus sub generationis negotio materiam in ossa , in carnes , &c. coagulat , simul ex parte in coaguli consortium rapitur , & ita insitum dictum constituit.

Confirmat hoc nutritio , seu continuata generatio.

Nam in omni parte solida respiciatur.

1. Ad ipsam conformationem Mechanicam , usui organico inservientem.
2. Ad ipsam materiam partis , ejusque texturam in minimis materialem.

Sed præter hæc consideranda venit in partibus quædam vis seu facultas , à qua nutrimentum , per impulsum sub

sub sanguinis circulo appositum, assimilatur præcisè in talem substantiam, & agglutinatur; quæ vis nec ex conformatione, nec ex textura partis potest determinari; sed potius, sicut prima partium constitutio à motu & vi feminali spiritus perficitur, ita quoque ab eodem in parte præsentem ista nutritio adhuc peragitur. Nempe sub nutritione, dum spiritus influus nutrimentum, tam chylosum quàm sanguineum, in partis substantiam coagulat, sub hoc coagulationis actu non omnis, sed ex parte, in concretum materialiter abit, seu in eo concentratur, adeoque spiritum insitum, seu balsamum partium, seu Calidum innatum, seu mumiam partis, constituit.

Ex his patet, insitum hunc spiritum, seu Archæum in operari dependere à spiritu influo, qui est subtilissima & volatilissima sanguinis pars, resoluta in præcordiis in auram salinam & illuminatam vitaliter. Est enim hic spiritus influus salinus volatilis, & ob id rectè dicitur balsamicus, sui que subjecti conservativus, & illuminatus lumine vitali, ut rectè statuit hinc inde HELMONT. in suis scriptis, imprimis in suo *Tractat. Spiritus Vita, & Blas Humanum*; quod confirmat etiam BARTHOLINUS l. a., item BARTHOLUS in *Exam. Dogmatum in Medicina Receptorum*. Ita constitutus spiritus influus fovet, vegetat & sustinet spiritum insitum, continuato per totum corpus lumine: ista continuitas enim istius luminis causa est, ut in momento suspensis pereat omnis facultas cerebri princeps, quod in momento syncopizantes pallidi & frigidi instar mortuorum jaceant, &c. luminis defectus est, ut in mortuis oculi appareant cornei & tenebricosi, qui in viventibus aliàs existunt fulgidi.

Est ergo essentia unus idemque spiritus insitus & influus, nempe idem, qui in parentibus est influus, & in generatione semen fecundat, est in filiis insitus maximam partem, cum non reperiatur spiritus alius, partibus à nativitate insitus aut congenitus, nisi qui sub nutritione ad omnes partes devehitur. Idem enim, qui nunc in sanguine fluctuat, & per nervos undique radiat, sui, sub nutritione partis, coagulatione illi inferitur, & sic sub diversa ratione nunc influus, nunc insitus dicitur: hinc cessante influo, cessat vita: & insito spiritu fatisciente vel deficiente, textura partis vitalis solvitur, gangræna in viventibus, in mortuis putredo, supervenit. Unde, quia hic spiritus partis est conservativus, rectè balsamum partium, ipse verò naturæ balsamicæ, dicitur; cui negotio aptissima est constitutio ejus salina volatilis oleosa. Sustentatur hic insitus volatili cum sua substantia, aliàs partim resolvable, partim alterabilis, partim à causis externis corruptibilis, à spiritu influo, mediante hujus materiali præsentia & continuo supplemento; unde etiam insiti ratione influi vim & operationes vitales optimè recipiunt partes solidæ seu continentis.

Præter primam partium generationem, & hinc subsequenter nutritionem, & balsamicam conservationem, spiritus insiti in partibus præsentiam ulterius comprobant non tantum morbi quilibet hereditarii, à parentibus certæ cuidam parti implantati, dum pater podagricus aut phthisicus generat filium ad idem malum dispositum; sed etiam particulares quædam à parentibus communicate idiosyncrasia, dum ver. gr. mulieris cruri sinistro ex matris appetitu impressus fuit piscis, hinc quoties edit pisces, acutissimos illo in loco dolores percepit; aut dum morus, parti cuidam adnatus, omnes mori vicissitudines per anni periodum subit: vid. GAFFARELLI in *Curiositat. inaudit.* pag. 101. Nempe specialis talium determinata cuidam parti implantatio, eaque à principio vitali primitus facta, & postmodum per integrum vitæ cursum adeò fixè impressa, omnino persuadet, illud vitale principium quodammodo parti infixum esse.

Occasione hujus, spiritus insiti nempe, etiam ventilanda venit quæstio: An in mortuis aliquid vitale remaneat? quæ quæstio ex miraculis mortuorum nata est: vid. KIRCHMANNUS & GARMANNUS, HELMONTIUS, & MARCUS MARCI in *Philosoph. Veterum restituta*. Observanda autem hic est ista differentia corporum naturaliter, vel ultimo senio vel longo morbo, sensim extinctorum, ab iis corporibus, quæ violenter & constantibus viribus vitalibus interimuntur. In naturaliter mortuis omnis vita & universum spirituum systema successivè absumitur, hinc in talibus animalibus spiritus vitales & animales fatiscunt, unde actiones animales primò, tandem & vitales successivè cessant. Violenter dicuntur

mortui, qui casu quodam, vel casum, vel punctum, vel lapsu, vel alio modo, intereunt: in his subito spirituum vitalium accensorum universum systema evanescit & extinguitur quidem, ita tamen, ut sufflaminato eorundem motu ac radio luminoso, aliquantæ substantiæ eorum portio instar subtilis fumi aut halitus cujusdam vitalis, à subjecti eorum crassioribus ac viscidioribus partibus irretita, ceu iis optimè confermentata, sed omni formali vitæ activitate destituta, materialiter adhuc remaneat; à quo tamen plura mortuorum mirabilia dependent. Ex hoc fundamento operationes vel effectus diversi, à corporibus diversimodè mortuis, oriuntur: quod verb. gr. manus longa tabe interempti cadaveris tollat excrescentias corporis, sarcomata & maculas foetus, ita ut frigus corporis successivè mortui, non autem ejus, quod violenter interemptum, penetret verrucas aut excrescentias; sicuti hoc, præter *Helmontium*, confirmant *Acta Philosoph. Angelica Par. 1. pag. 150.* Unde, quando putrescit corpus mortuum, putrescit etiam verruca aut excrescentia successivè: hæ enim cadaveri admotæ horrore percutiuntur, & quasi simul aliquid spirituum corporis viventis cadaveri implantatur; hinc putrescens, verrucæ etiam intereunt. Notum est, quod usnea ex cranio hominis violenter occisi, vel patibulo suspensi, vel rotâ fracti, crescens tam singulares habeat virtutes sistendi sanguinem, ac epilepsiam curandi; quia remanentia quædam materialis spirituum se insinuat in eam, & simul pavor ille, quem moribundus concipit ob mortem præsentem, se insinuat in spiritum, & mediantibus his etiam in plantam, unde quoque sympathetica ejus vis sistendi sanguinem; propterea etiam basin Unguenti armarii seu magnetici constituit: vid. HELMONTIUS *Tract. Magner. Vulnerum Cura* §. 51. Nullus autem muscus communis, qui aliàs in cœmiterio calvariis accrescit, id præstare potest. Volunt etiam quidam usneâ hominis violenter occisi corpora ab armis impenetrabilia facere, sed irritò penitus successu. Quod corpus violenter interemptum ad præsentiam occisoris (non tamen semper, sed tantum certis in casibus) sanguinem stillet, de hoc vid. MARCUS MARCI *Philosoph. Veterum restit.* p. 401.

Hæc ipsa manu quasi nos ducunt ad actiones sympatheticas & curationes Magneticas, quarum omnium fundamentum est simpliciter spiritus hic vitalis, nunc insitus, quacunque ratione cum solidis partibus earumvè effluviis à toto separatus; nunc influus, per sanguinem, lac & effluvia, vel alia excreta à toto sejunctus, quatenus spiritus hic vitalis, separatus quidem, sed ante sui dissipationem plus minus alteratus, participationem totius, mutuumque cum toto consensum, extra concretum naturale, similemque in toto vel in parte, in distans licet, alterationem habet: conf. MAXWELLUS de *Medic. Magner.* pag. 1. seqq. & pag. 167. seqq. Insiti quidem ratione, dum v. gr. cutis corporis pilosa, vulnere casim. facto ablata & cistæ inclusa, nunc pilos affert canescentes, nunc decedentes, easdemque mutationes subit, quas reliqua cutis pilosa in capite relicta: vid. BARTHOLINUS in *Centur. 1. Hist. Anatom.* 41. quod nasus insititius ad mortem bajuli, ex cujus brachio desumptus erat, nec obstante locorum intercapedine, subito frigeat & putrescat; de quo vid. DIGBY in *Tractatu de Sympathia*, item HELMONTIUS *Tractatu de Magner. Vulnerum Cura* §. 23. de cujus historiæ quidem fide oritur dubium GARMANNO de *Mirac. Mortuor. l. 1. Tit. 2. §. 8.* quod lardum sui affricu curret verrucas, teste BACONO de *VERULAMIO in Sylva Sylvarum Cent. 10. Exper.* 997. p. 605. Ratione influi verò; quod sanguis linteo exceptus, pulvere sympathetico ex vitriolo Veneris adpersus, faret absens vulnus; quod lac à matre in prunas aut ferrum candens emulctum, lac in uberibus insensibiliter deficere faciat: quod linteam, sanguine menstruo nimis fluente irrigatum, in ignem coniectum, sanguinem sistat, Autore PANAROLLO in *Fascic. Arcanorum*: Semper enim aliquid spirituum vitalium exit, qui se eodem modo habent cum spiritibus vitalibus adhuc in concreto vigentibus: vid. MARCUS MARCI a CRONLAND l. a. P. 5. uti & TENZEL in sua *Medic. diastatica*. Ad hoc fundamentum pertinent omnes per transplantationem factæ morborum curationes, sive beneficio urinæ aut sanguinis aliove modo contingant, sive in aliud animal, sive in plantam fiat

transplantatio. Pertinent etiam huc Philtra naturalia, quando v. g. per contactum manus, in qua planta certa prius bene intepuerit, conciliatur alterius amor, de quibus actionibus sympatheticis videatur, præter allegatos Autores, BORELLUS in *Append. ad Centur. 3. Observat. De Transplantatione* verò videatur BARTHOLINUS in *Centur. 3. Histor. Anatom. 66. & in Centur. 6. Histor. 53.* item BURGGRAVIUS in *Tract. de Biolychnio*.

Suprà dixi, sanguinem tam per proprium fermentationis motum, quam per continuatam aëris inspirationem, attenuationem, ac hinc voatilisationem in præcordiis, originem constituere spirituum nostrorum vitalium. Jam verò propter crasin ejus salinam volatilem oleosam & quasi nitro-sulphuream fieri vix potest, quin attenuatio ac resolutio ista sanguinis ab aëre, & in substantiam spirituofam volatilificatio, cum insigni ejus incallescencia & æstuatione contingat, & quasi quædam ejus accensio fiat, unde postmodum necessario Calor per totam corporis machinam se diffundat, pro operationum quarumcunque facilitatione: vid. VVILLISIUS in *Respons. Epist. ad Highmorum de Affect. hyster & hypochondriacis*: item HELMONTIUS *Tractatu, In Sole Tabernac., Tractatu Blas Human., item Tr. Spiritus Vita.* Præsupponendum autem hic est, me per accensionem intelligere congeriem subtilissimarum particularum nitro-sulphurearum, unde hæ particule instar flammulæ accensæ erunt isti spiritus, qui actuant & calefaciunt totum corpus.

Calor hic per totum corpus diffusus, cum vita ut incipit, ita cum ejus interitu desinit, qui non formaliter operando, sed excitando motum spirituum, & quasi vim elasticam promovendo, qualvis operationes promptiores reddit: hinc calore deficiente, in ovo v. gr. formatio, in semine vegetatio, &c. plus minus deficiunt; eodem cessante, torpent sensus motusque organicus, ut in animalibus quibusdam hyemali tempore patet, non secus ac in plantis.

Excitatur primitus in sanguine Calor, de quo notetur illud HIPPOCRATIS de *Corde T. 10. sanguinem nempe natura sua calidum non esse, sed calefcere*; ejusdem tamen in universum corpus distributio à spiritibus & sanguine simul pendet. Excitatur hæ incallescencia in sanguine ratione ejus texturæ sulphureo-oleosæ, mediante ejus motu & agitatione, præprimis tamen ab intestina seu fermentativa, hinc dependente attenuatione, & in volatiles spiritus resolutione; unde HELMONTIUS ait: *Vitam sanguinis confermentatam esse*: sed excitati ex eo spiritus hoc ipso non tantum ipsi simul calent, sed etiam motu suo ex parte sanguinis motum, & incalescenciam conservant, & subinde intendunt. Ad utrumque ergo, spiritum nempe & sanguinem, in Calore animalium respiciendum: Ad sanguinem quidem, ut subjectum primarium; spiritum autem, ut secundarium. Sed ut in pluribus naturæ operationibus est circulus, ita etiam hic talis observandus, adeoque mutuò spirituum impetus sanguinis calorem, & sanguinis calor spirituum calorem, conservant & excitant; qui Calor mediantibus illis spiritibus & humoribus ad totius corporis partes solidas derivatur. Quantum spiritus valeant in promovendo corporis calore, ostendunt hysterica, syncopizantes, &c. mox toti frigidi, dum spirituum volatilificatio sufflamatur; sicuti resuscitato eorum lumine totum corpus iterum calet, ac sanguinis fervorem ipse contactus ejus, & febrilis non raro exæstuat, commonstrant? Adeo Calor vitalis, seu vitæ necessarium in animalibus calidis consequens, formaliter à motu celerrimo collisivo & quasi effervescente, acidi volatilis, cum urinoso seu terreo volatili materialiter, à spiritu vitali verò motum istum continuò conservante, & interdum plus minus, ut in febribus, augmentante, efficienter dependent. Hinc enim spirituum motu cessante, ut in syncope, corpus friget, quibus penitus deficientibus, sanguinis motus intestinus cessat, grumescit ac friget; his ex objecto irritante intensioribus factis, vel ipsos spiritus alterante, Calor intenditur, ut in iracundis, febricitantibus, &c.

Inest Calor inhæsi vè in sanguine seu primo subjecto, participative verò in aliis partibus. Deperdere autem Calorem efficienter à spirituum impetu, probatur:

1. Quod opiata Calorem non tam naturalem, quam febrilem, soleant infringere, quatenus figendo spirituum impetum refranant.
2. Patet ex syncope,

3. In pudore rubet & æstuat facies; in terrore pallet, & frigent extrema; in ira incallescimus, &c. Omnia ex modificatione motus in spiritu, & hinc in sanguine.

4. Genituræ excessiva præprimis profusio Calorem naturalem multum infringit, ob spiritus copiosos simul excretos

Subjectum verò Caloris esse sanguinem, cujus particule acidæ cum aliis *urinosis ac terreis* vehementius collisæ æstus sensum fibrillis partium solidarum imprimant, probatur.

(α) Quia Caloris gradus est intensior, quam quod spiritibus solis ob raritatem substantiæ commodè attribui queat.

(β) Sub motu corporis intensius incallescimus propter motum sanguinis localem auctum, & consequenter intestinum celeriore, adeoque & acidi occulti vehementiorem motum.

(γ) Dum ad sudorem spontaneum componimur, intensior Calor in nobis percipitur, ob sanguinis motum intestinum & progressivum auctum.

(δ) Sanguis ipse est fons omnis Caloris in corpore, quia sanguis ex aëre inspirato in præcordiis intensiori fermentativo motu agitur, adeoque etiam intensius incalescit.

(ε) Uti spiritus generantur vitales, ita sanguis insigniter attenuatus & calefactus cum spumoso impetu in arterias ruit, accensumque calorem continuato fermentationis motu fomentat, per arterias in omnes partes diffundit, & ita corpus calefacit, cum in finem, ut excitativè & dispositivè actiones corporis adjuvet & promoveat, impetum quendam tribuendo spiritibus, & calorem magis volatilem, unde actionum alacritas; tum etiam materiam nutritivam ad faciliorem impressionum à fermentis receptionem, indeque ortas digestionem subeundas, disponendo.

De sanguificatione, sanguinis spiritualescentia, & spirituum ac sanguinis incallescencia, controversæ sunt connexæ, ratione nempe causæ, & fiendi modi. Nam quoad causam efficientem in genere, Autores vel cordi vel sanguini ipsi primatum tribuunt; quoad fiendi verò modum, vel per veram incensionem, vel per intensam exæstuationem, calefcere illum, statuunt.

Qui cordi, vel *singulare fermentum*, istarum alterationum effectivum, in corde statuunt, ut *Helmontius & Backius*; vel *ignem seu flammulam quandam vitalem* jugiter in sinistro cordis ventriculo, tamquam in primario foco, gliscentem & ardentem præsupponunt, quæ sanguine, seu pabulo, sustentetur, à qua sanguis continuò incalescat, hinc per arterias cum sanguine undique diffusa omnes corporis partes foveat atque vivificet, simul tamen etiam oleosas particulas massæ sanguineæ absumat, uti etiam fluidiores & dissipabiliore reliquarum partium solidarum simul deprædetur, dissipet & dispergat. Quamdiu ergo vegeta maneat hæc flammula seu ignis animalis aut Calidum nativum, tamdiu in vita florente subsistant animalia; simul verò atque eadem extinguatur, moriantur. Contingere autem istam extinctionem, quando vel suo debito alimento destituatur, vel aëris commodæ inspiratione privetur, de quibus vide, quæ differit CHARLETON in *Oeconom. Anim. Exercitat. 1. §. 3. 4. & 5.* item HOLSTIUS in *suo Tractat. de Flammula Cordis*; item MOEBIUS in *Fundament. Medicinae pag. 59.* item CONRINGIUS de *Igni Animalium*.

Ex hoc fundamento parare nonnulli volunt *Biolychnium seu lampadem vitæ artificialem*, analogon huic Biolychnio naturali, ex sanguine hominis viventis, cujus flammula tamdiu ardeat, quamdiu vivit homo, subito verò atque hic moritur, illa etiam extinguatur, quæque insuper pro varietate caloris, splendoris, motus, &c. certissimus sit sanitatis vel morbi index. Quod, an verum sit, penes experientiam fides esto. Videatur interea BURGGRAVIUS de *Lampade vitæ pag. m. 84.* item BEGUINUS *Tyrocinio Chym. cap. 1. pag. 445.* Interim contra hoc Biolychnium pluribus disputat NEEDHAM de *Format. fetus cap. 6.*

Qui verò Cor seu musculum saltem considerant, sanguinis primas deferunt, & hi ipsi vel sanguineum sulphur

phur ab inspirato aere nitroso incensum incallescere & spiritus asserunt, uti VVILLISIUS de *An. Brutorum* cap. 2. vel ipsum sanguinem particulis fermentescibilibus turgidum, ab inspirato aere nitroso attenuatum & resolutum, ex particularum sulphureo-salinarum sanguinis, & nitrosarum aeris inspirati, motu & fermentativa turgescencia incallescencia istam concipere, qualis est hypothesis MAYOVVII. de *Nitro* cap. 8.

Sed qualiscunque harum opinionum eligatur, sive ab alio incendi, sive effervescendo plus minus sanguinem incallescere, velimus, semper Calorem ipsum in Acido volatili celerissime moto consistere, manifestum evadit.

1. Quod hic omnis Caloris spontanei origo in genere sit per experientiam.
2. Quod omnis, qui in igne est calor, ab acido oriatur, uti hoc effectus, ut pondus, item fomenta ignis, quæ quò magis de acido participant, eò intensiorem calorem inducant, confirmant.
3. Quod, quæ effervescendo aut fermentando spontè incallescunt, habent ab acido. Calx viva æstuat ab acido, cum alcali igneo congregiente: fœnum congestum incallescere ex acido fit manifestum ex eo, quod & flammam interdum concipiat, & quod superveniente putrefactione, sub qua fatiscit acidum, omnis calor pereat.

Non ergò præcisè animalium vita consistit in Calido seu Calore, cum quamplurima sint frigida, & ipsa animalia calida suas habeant vicissitudines secundum magis & minus, ut in senibus gelidis, cachecticis, leucophlegmaticis, & similibus notissimum est. Calor enim gradibus in nobis distinctus est pro varietate ætatum, vitæ generis, diætæ, & pro ratione status sani vel ægri: hinc pueri sunt temperatissimi; juvenum corpora maximè calida; senes tepescunt, & quodammodò frigent; alimentis spirituosius atque copiosis fruenter fervidiores; frugaliori & tenuiori victu utentes languidi, cachectici, subfrigidi, &c. ut plurimum observantur: in statu cachectico corpus licet sit vitale, in calore tamen admodum deficit, & subfrigidum est; quod etiam verum est in hysteris, quæ in paroxysmo semper frigus percipiunt.

Est ergo Calor hic, cum à fermentatione vitali dependeat, nequiquam amplius radix & principium, sed saltem consequens quoddam necessarium & effectus vitæ in animalibus calidis, gressilibus & avibus excitativè & dispositivè actiones corporis adjuvans & promovens; nunc excitando torpentes & oblitos à materiæ crassioris tegmine spiritus; nunc disponendo ad faciliorem impressionum receptionem; & ita extrinsecè tantum se habet Calor ad operationes vitales, ipso spiritu vitali eas intrinsecè perficiente.

Ex his præsuppositis spontè patet, quid de Flammula illa vitali seu Calido veterum innato, & horum Humido radicali primigenio sit habendum, ita, ut radix activa vitæ sit Calidum innatum, & passiva radix vitæ Humidum primigenium, pingue & oleosum; eum illud hoc tamquam pabulo uteretur, & ab huius jugi scaturigine instar flammæ ab oleo sustentaretur? Scilicet supponunt Calidum innatum quid esse ex Humido primigenio, spiritu insito, & calore, quod toti corpori huiusve partibus solidis conatum, proportionaliter coextensum ac colligatum credunt; sed minus rectè. Qui enim subjectum vitæ Calidum innatum dicunt, ii hanc sententiam derivant ex schola Aristotelica & Galenica, quæ autem falsa est: quippe calor nullus, hincque nec Calidum aliquod observatur, nisi à sanguine & spiritibus, quia in spiritibus influis consistit vita. (2.) Humidum aliquod primigenium, præter sanguinem, ens rationis est: nam in infantibus vocatur primigenium, quod in parentibus est nutritivum, iisdem enim nutrimur, ex quibus constamus, & contra. Ergò reverà est unum idemque Humidum, quo nascimur, & adulti constamus: vid. CONRINGIUS, Professor. Helmstadiensis; de *Ignem animalis*, HELMONTIUS in *Tract. Humidum Radicale*, & HARVÆUS de *Generat. Animal. Exercit.* 71. & 72. qui omnes opiniones veterum cum recentiorum opinionibus confert, ubi hi sanguinem cum spiritibus illud quod veteres Calidum innatum vocarunt.

Hinc crasis seminalis sanguinis & spirituum, hincque oriunda sanguinis fermentatio vitalis, est Calidum illud innatum, seu huius potius causa efficiens, eò quod nullus

in quacunque corporis parte calor deprehendatur, quàm qui cum spiritibus & sanguine per arterias influit, atque horum fluxu impedito, prout de syncope dixi, extrema mox frigeant: imò & ipsum cor, quod sedem regiam & primariam Calidi huius innati volunt, quicquid caloris vitalis habet, id omne à spiritibus & sanguine, partim in præcordiis turgente, partim per arterias coronarias substantiam illius subeunte, mutuatur, & per consequens omne Calidum vitale partium solidarum mobile & evanesibile, seu minime fixum, h. e. influens, nullum verò ipsis annexum & alligatum erit.

Negotium hoc ut pateat melius, distinguendum est inter animalia. Nam animalium magna admodum, & quidem duplex, observanda est varietas: Alia sunt calida, ut homo, avis, & quadrupedum quam plurima, in quibus talis quidem deprehenditur Calor, qui vitalis vocari potest ex eo, quod mox in primordiis eorum in ovo, vel utero inchoet, per vitam duret, & in morte extinguatur; alia sunt frigida, ut pisces fere omnes, & omnia Aquatilia, serpentes quoque & insecta, &c. in quibus vix locum invenire videtur hæc hypothesis, nec ullus calor, neque per tactum neque per thermometra, seu instrumenta calorem & frigidiora dimetientia, nili ex præconcepta opinione, inveniri potest. Confer. PECHLINUS *Tract. de Aeris & Alim. defectu* pag. 53. & VVILLISIUS de *Animalia Brutor.* pag. 13. 22. & 26. Frigida quoque sunt v. gr. echinus: item Anguis: vid. *Acta Medica Hassniens.* Volum. 2. §. 10. pag. 15. testudo in *Actis Socier. Regia Volum.* 1. pag. 404. & 690. adeò, ut etiam sanguis eorum admodum frigidus sit, non secus ac piscium, ranarum, cancrorum, &c. qui tamen sub frigore aquarum etiam borealium perdurare possunt, & tamen sunt vivacissimi fecundissimi, & divisibiles citra momentaneam vitæ iacturam; hinc stultum erit suppositum, Calorem quendam innatum, causam & principium vitale existere: vid. quæ contra Calorem nativum & Humidum Radicale disputat HELMONTIUS loco allegato. Ergò non universalis doctrina est, omnia animalia esse calida; sed potius pro diversâ ratione animalia quædam sunt frigida, quædam calida.

Fundamentum diversitatis consistit in sanguine, aut huic in aliis animalibus non sanguineis analogo succo nutritio, qui est distinctæ cræcos; hinc animalia perfectiora terrestria, in quibus sanguis seu succus nutritivus salino-sulphureus ac pinguior est, in talibus sulphur ejus attenuatum, ab aere resolutum & volatilifatum, mediante motu fermentativo intensiore, non possunt non intensam quasi accensionem & calorem concipere, unde caloris sensibilis per totam corporis machinam distributio, & perceptio; in animalibus verò frigidis, ut in aquatilibus frigidis, insectis, ranis, piscibus, fere omnibus serpentibus, &c. quorum sanguis seu succus nutritivus minus sulphureus & oleosus, sed potius mere salinus, nitrosus, urinosus, aut temperatus, aut quasi salinus Mercurialis est, in his sanguinis vel succi nutritivi fit resolutio & volatilifatio, ac illuminatio, sine ulla tali, aut saltem minime sensibili, incallescencia, & talia corpora sunt frigida.

Unde etiam illorum calidorum animalium vis vitalis longè facilius destructibilis ac dissipabilis est, & promptè quasi extinguibilis, quia spiritus eorum ipsi calidiores ac elastici, summè dissipabiles existunt; secus ac frigidorum, v. g. ranæ, viperæ, piscium, &c. quorum spiritus luminosi minus ferventes, volatiles, ac subtiles, simulque subjecto seu materia nonnihil viscidiorè & tenaciore irreti, non adeò facile dissipabiles existunt: hinc vita eorum tam citò non est destructibilis, quin post corpora etiam discissa portiones divisæ motum ac sensum vitamque subinde adhuc retineant; e. gr. in rana vitæ radix adeò est fixa, ut etiam illa post exemptum cor per horam integram saltitet & coaxet, modò pulmones non sint læsi; quod etiam experientia comprobatur in pisce lucio, carpine, & speciatim vipera, cujus sanguis & cor actu deprehensa fuere frigida, quæ vipera post detractionem pellem, omniaque exempta viscera, suspensa per biduum vixit, cujus caput abscissum, interque quisquilias per biduum absconditum, morsum tamen adhuc intulit lethiferum: ut lumbricos & alia insecta, etiam in aliquot frustula divisa, omnique calore destituta, pertinaciter nihilominus viventia, taceam. Elegans exemplum etiam anguilla suppeditat, dum ejus cordi in frustula discisso & mortuo candela admovetur, cujus fori se iterum motitare inci-

incipit. Hinc & calidiorum animalium vis vitalis spirituosior magis in sanguine & firmiter raditur, cum frigidiorum est contra principium vitale maximam partem in cerebro ac nervoso genere hæreat & subsistat; unde & operationibus sic dictis vitalibus, licet suppressis, vis animalis adhuc vegeta est, secus ac fit in calidis: hic rana exempto corde ac interaneis ad tempus adhuc vivit, saltat & natat; animal vero calidum, avis, &c. exempto corde mox moritur.

Atque nunc ex his patet, Principium illud vitale, & machinam corporis nostri movens, materialiter in sanguine, formaliter in spiritu, consistere; adeoque fundamentum vitæ, vel sanæ vel ægræ, brevis vel longioris, in spiritum, & sanguinis, seu succi in aliis animalibus ex sanguibus sanguini analogi (utpote ex cuius penu continua spirituum & concatenata est reparatio vel regeneratio,) diversa crasi & motu erit radicum. Nam pro varietate spirituum vita variat: unde quorum sanguis habet debitam crasin & probam texturam, maximè salinam oleosam, indeque oriundam debitam fermentationem, spiritusascensionem, & incandescensionem, ac spirituum inde dependentem hypostasim plus vel minus dissipabilem, eorum vita vegeta vel ægra, longa vel brevis, &c. est.

Hæc ipsa, quæ de calidis & frigidis animalibus dicta sunt, manu nos ducunt ad contemplationem *Temperamentorum*. Sicut enim illi, qui inter Calidum *ἔμφυτον* & *σύμφυτον* distinguunt, *οὐ σύμφυτον* mixtis, *ἔμφυτον* verò viventibus assignantes, non planè ineptè agere videntur; ita nec hi, qui duplicem in corpore humano seu animali temperiem præsupponunt, unam ut corporis mixti, alteram ut viventis, illam elementarem, hanc vitalem dicentes. Illa cum non sit huius loci, de vitali saltem, quæ per ætatem, morbos aliasque circumstantias mutatur, & mortis intervntu dissolvitur, sermo erit. Hanc neutiquam dependere à 4. illis humoribus, quos ad constituendam massam sanguineam concurrere Galenici supponunt, utpote quorum existentiam & in massa sanguinea concursum satis dubium esse, in Pathologia suo loco docebitur: sed cum sit qualitas illa, secundum quam moderatè & sufficienter calemus, & fumus humidiusculi, illa, quæ hæcenus de Anima & Calido vitali dixi, huc referenda erunt.

Nempe fundata est hæc vitalis Temperies (de qua vulgò dicitur, consistere in Calido innato & Humido radicali,) fundamentaliter in massæ sanguineæ motu intestino vario, & spiritibus influentibus, tanquam causa immediata & proxima: unde non à realibus illis humorum aut partium solidarum sic dictis qualitatibus, horumque contemperatura, sed à particularum massam sanguineam constituentium, salinarum, acidarum, oleosarum, &c. diversa proportionem & texturam dependet.

Nempe optimè hoc definire videtur MARCUS MARCI in *Philosoph. Veterum Restit. P. 2. Sect. 4. p. 133.* dum inquit: *Per Temperamentum non primas qualitates, aut harum symmetriam intelligi; verum constitutionem cuiusque radicalem, ex qua, veluti effectus, procedunt dictæ qualitates, cuius potissima vis in sanguine, qui est proximum subiectum anime, ac primum vivens, cuius gratia universum corpus videtur factum, vitamque ex eo participare: Humidum verò radicale aut sanguis est, ut vult Harvey, aut certe in eo raditur: & corpus sanguine destitutum confestim friget, nihilque in eo manet de Temperamento. Sed & sanguis ex se calidus extra venas mox refrigeratur, unaque cum vita, quam ex alio principio habet, suum Temperamentum exuit.* Prout enim massa sanguinea incalcescit, eatenus calemus, prout frigescit, frigemus: Variatio namque hæc Temperamentorum fit ex variatione sanguinis, prout plus minus est salinus: prout enim sanguinis erit textura materialis, & inde resultantes aliæ proprietates, imprimis quoad caliditatem & humiditatem, etiam erit Temperatura totius corporis vitalis: vid. MOEBIUS in *Fund. Physol. & Inst. Medicus*, qui salis accuratus est.

Temperamentum hoc vitale, prout elementali contradistinguatur, formaliter in certa calidi & frigidi, seu vitæ consequentium, temperatura, seu in acidi vitalis cum alcali nutriente certa proportionem & harmonia; unde caliditatis ab illo, humiditatis ab hoc, seu nutrimento, illiusque debito subiecto, certa proportio seu temperatura per vitam durabilis. Formaliter ergò in calidi & humidi moderamine, fundamentaliter in humorum & spirituum constitutione seminali seu radicali, instrumentaliter in acidi volatilis & alcali volatilis mutua temperatura, *Temperamentum vitale con-*

sistit, quod Galenici vocant Calidum innatum & Humidum radicale.

Scilicet sanguis, dum motu fermentativo in corpore agitur, & adjumento aeris simul volatilifatur & spirituaescit, varias sub his alterationibus acquirit proprietates novas, ipsi non adeò genuinas, ratione nempe caloris plus minus intensi, ratione item majoris vel minoris sub nutritione humectationis, &c. à quibus proprietatibus seu qualitatibus Temperamentum totius corporis vitale dictum (*quia cum vita perfecta saltem præsens esse solet*,) dependet. Fundamentum huius Temperamenti vitalis est constitutio sanguinis radicalis seu primigenia, à semine orta, unde ceteræ ejus proprietates successivè emergunt: hinc rectè TACHENIUS in *Clave Hippocratis Chymici: Calidum nationum in acido, Humidum verò radicale in alcali consistere*, dicit. Præsupponit autem hoc Temperamentum vitale ipsum elementale materialiter in sanguine; prout enim elementalis crasis radicalis ex semine nata variat, etiam alterationes vitales & proprietates supervenientes variant; qualis enim sanguis, talis spiritus, quales hi, talis constitutio vitalis & proprietates ceteræ totius corporis.

Innumerabilis equidem Temperamentorum est varietas, non tantum ratione individuorum, sed etiam climatum, vitæ generis, diætæ, ætatis, &c. variantium: prout enim sanguis mutatur naturaliter sub ætatum vicissitudine, etiam mutatur totius corporis Temperamentum; & prout idem mutatur p. n. in morbis, etiam Temperies totius variat: eodem fervescente in causo, corpus intensius calet; eodem tepescente sub cachexiis, corpus etiam frigidius apparet; prout massa sanguinea plus vel minus chylosa temperata est, hoc ipso corpus est vel humidius vel succulentius, & traducitur ex hoc puncto omnis diversitas, Temperamentorum; prout variat sanguis in sene, variat etiam Temperamentum: adeò ut falsissimus sit quaternio Temperamentorum, ab antiquis fundamento 4. elementorum sic dictorum, quorum numerus etiam falsus, & inanium qualitatum, superstructus. Interim tamen, cum generalis hic considerandi modus non penitus omni usu in Theoria & Praxi medica destitutus sit, ob id quaternio iste Temperamentorum sano sensu ita quodammodo defendi potest, quatenus nempe Temperamenta eorumque differentia considerantur & ratione primorum duorum corporis contentorum, chilis & sanguinis, & ratione duorum principalium naturæ instrumentorum, acidi & alcali. Horum ratione Cholericum & Melancholicum; illorum verò sanguineum & phlegmaticum Temperamentum, originem habet: sed cum alcali propriè passivum magis quam activum sit respectu acidi, potius acidum, vel volatile sulphureum, vel fixum terreum, Temperamenti CholERICI & MelanchOLICI fundamentum erit. Temperamenta enim particularum sanguinis, non primarum qualitatum elementarium, admitti possunt.

Nempe quorum massa sanguinea ex debita particularum salinarum & sulphurearum mistione magis temperata & dulcificata est, ita ut harum nulla pars excedat vel deficiat, mediocriter illa fermentat, in illis emergit textura bona sanguinis, & *Temperamentum sanguineum*, quod omnium optimum est: hi enim speciatim sanguinei, calidi, humidi, corpulenti seu carnosi, & ratione spirituum jucundi, hilares, ingeniosi, &c. existere solent; quia in his spiritus celerius & agilius paulò moventur.

Quorum autem sanguis, & consequenter reliqui succi, plus de salibus volatilibus acrioribus & oleosis, potius acido volatili sulphureo, participant, & ad uberioris fellis incrementum magis dispositus est, tales *CholERICI, Biliosi*, ab habitu corporis inde emergente Calidi, Sicci, Macri, &c. ratione verò spirituum ex tali sanguine genitorum Activi, Agiles; Inconstantes, Iracundi, &c. dicuntur: quia spiritus ejusmodi volatiliores facile disperguntur, unde superficialia saltem idearum impressio, & propter hanc actionum facilis Immutatio.

Quorum sanguis, & consequenter succi reliqui, minus respectivè de hac substantia participant, sed potius, in quibus asper, densior, spissior, minusque resolubilis existit, qui effectus sunt à particulis salino-acidis fixioribus, non pinguibus, acrioribus & rigidioribus,

bus, & quasi terreis, utut occultis magis, unde & tam in succis primarum viarum, quàm lymphæ aliisque, majora acidi vestigia deprehenduntur, hinc *Melancholici*, frigidi, sicci, duri, & ratione spirituum ex tali sanguine natorum, tardi, meditantur, graves, &c. esse solent: Spiritus enim ex sanguine hoc generati paulò fixiores, Impressiones tardius quidem, fortius tamen, recipiunt; unde constanter vel rident, vel tristantur, &c.

Quorum verò sanguis ab uberiore chylo dulci, & probè digesto pinguiori, seu lacte, magis temperatus existit, tales humidi, frigidi, obesi, tardi, & ratione spirituum minus volatiliū nonnihil ingenii obtusi, tardioris, in actionibus torpidi, &c. deprehenduntur, & *Pituitosi aut Phlegmatici dicuntur*, qui paucos gignunt spiritus: quod eò magis obtinet, si chylus aquosior fuerit, unde uberior lymphæ emergit copia, indeque major phlegmatis abundantia, quo obruuntur sanguinis salia fermentativa, unde citissimè succumbentes somniantur.

Sicut autem horum Temperamentorum radicalis crasis & fundamentum in seminis parentum textura quærenda est, ita post ortum eadem à variis rebus, iisque tam naturalibus quàm nonnaturalibus, item præternaturalibus, immutatur.

Quoad naturales, *Temperamentum vitale potest immutari vel à stomacho, vel à testibus*. A stomacho ratione digestionis primæ, i. e. chylicationis, cujus diversa conditio sanguinis crasin variè immutat: nam qualis chylus, cæteris tamen paribus, talis sanguis quoque expectandus venit, quia vitium digestionis primæ in secunda & tertia non corrigitur. A testibus, ratione motus fermentativi in sanguine: nam quò major vel minor testium vigor est, etiam massa sanguinea in motu fermentativo est magis vel minus activa, corpusque calidius, agile, generosum, languidum & torpidum magis reddit; unde *necessario vim quandam fermentativam, & temperamenta totius moderantem, sanguini à genitalibus inspirari, præsupponendum est*: Quippe

1. Cum facultas genitalis, & ad hanc aptitudo, certis annorum limitibus circumscripta sit, variæ eque notabiles in corpore circa pubertatis annos mutationes annotantur, ver. gr. barbæ proventus, mensium fluxus, &c. ut taceam, aliam quasi naturam homines induere, subsidente & extincto per senectutem orgasmo Venereo.
2. Corpora animalium castratorum, in quibus fermentum hoc non amplius producit, longè aliam Temperiem arguunt, ac non castratorum, h. e. hæc vegetiora & agilia, illa verò torpidiora evadunt, horum carnes graveolentiâ quadam & nauseabundo sapore imbuuntur, quæ in castratorum carnibus non observantur: sicut & cervus castratus nulla amplius cornua alit: imò eunuchi minus agiles, sed vecordes sunt, minusque generosi; è contrà qui validis sunt testibus, ii sunt alacriores, agiliores & calidiores.
3. Fermentum hoc quacunque ratione præternaturaliter se habens, plurimos morbos comites habet, sanguinis crasin evertentes, quales interim fœminis v. g. est Chlorosis.

Sex res non naturales corporis totius crasin conservare, immutare, imò evertere, vulgi quoque experientia comprobatur, & in Pathologia uberius docebitur. Morbos autem, symptomata levissima quoque, interdum Temperiem naturalem alterare & corrumpere, vix dubitabit quispiam; si hoc præstent massam sanguineam immediatè, si mediante viscerum mala dispositione, afficiendo: imò ideò fit, ut morbo invalescente Temperamentum, quod in principio morbus saltem alteraverat, tandem planè destruat, & mortem inducat.

Omnia hæc hæctenus considerata homo cum brutis habet communia, *ipsi soli propria est Anima rationalis*, substantia reverà spirituosæ, immortalis, immaterialis & inalterabilis, cum corpore hominis animali nihil habens commercii, & ab œconomia animali ejusque functionibus planè exclusa, solas intellectus & voluntatis operationes immateriales seu inorganicas, sibi que proprias, peragens: adeoque anima in homine duplex est: rationalis ipsi propria; & sensitiva, ipsi cum brutis communis: vid. DAVID van der BECKE de Princip. rerum natural. pag. 223. & VVILLISIUS de Anima Brutorum pag. 30. Unio tamen

animæ rationalis cum corpore animali spirituum animalium & sensuum præsupponit ministeria, & exercitia in sentiendo & intelligendo; adeò ut occasione certarum motionum in spiritibus animalibus sibi formet conceptus & phantasmata, unde in intelligendo pro horum exorbitantiis interdum & ipsa aberret; sicut è contrà pro voluntatis imperio certum spiritibus istis animalibus motum interdum tribuere, & quasi imperare valeat.

Hæc animæ cum careant bruta, etiam nullam propriè dictam habebunt cognitionem, idest, non cognoscunt bruta, quod & quid sentiant; nisi & eadem ipsa rationalia reddere velimus: de quo speciatim vid. SCHUYL in Prefat. super Cartes. de Homine.

Posito jam Principio quodam vitali, siue sit anima, siue archæus, siue aliud quid, à quo componitur machina corporis organica, & quæ postmodum ab eo movetur, atque in hominibus actionibus dirigitur, quæstio oritur ardua: *Quomodo & talis compositio, & per consequens partium actuatio contingat?* & quæ regula sit, quæ determinet agens, & dirigat, ut hoc vel illo modo tam ordinate, tam distinctè, & tam artificiosè agat? Nemo hæctenus satisfacere potuit huic quæsitio. Cognitionem naturalem, uti etiam Prudentiam naturalem in brutis, defendit sufficienter SPERLINGIUS in Instit. Physic. l. 1. cap. 6. quæst. 2. & 3. sed modum non determinat. Modernorum ergo probabilior est opinio, quæ hæc omnia per ideas determinari asserit: quod ut pateat, ex eorum sententia rem declarabo.

Idea hæc dicuntur vel naturaliter spiritui connata, seminales ob id dictæ, vel postea ipsi adjunctæ à sensuum impressionibus, vel affectuum perturbationibus, Adventitiæ ob id dictæ. Seminales v. gr. dicuntur eæ secundum quas formatur corpus; item eæ, quæ dirigunt bruta in suis actionibus naturalibus, ut araneam, dum textit telam, ut & bombycem; item hirundinem, dum format nidum: Adventitiæ verò sunt, dum v. gr. idea, per imaginationem à matre concepta, turbat formationem fœtus; item dum Melancholicus alium generat Melancholicum; item idea transplantata in Rabie canina, in tantissimo per morsum; item idea bufonum an ipestiferæ & anodynæ.

Hæc ideas, à prima hominis origine spiritibus impressæ, successivâ propagatione continuò in seros propagantur nepotes: latent autem obscuratæ & obfuscatæ in spiritibus, evolvuntur verò postmodum & clarescunt, dum spirituum in phantasia per evolutionem fit exfuscitatio & illuminatio, ubi se explicant, spiritusque ad distinctos fines dirigunt. Adventitiæ his postmodum per sensuum organa superveniunt, sequè in iis depingunt, & ad operationes certas similiter eosdem determinant. De evolutione idearum in Corde vid. MARCUS MARCI in Philos. Veterum Restituta Par. 4. Sect. 1. p. 388.

Gravida per imaginationem signat fœtum, videns v. gr. caput suillum per medium fissum, paritque fœtum ex imaginatione capite similiter per medium fillo, quia conceptus maternus, seu idea in mente matris, tanquam exemplar nudâ sui representatione direxit Architectum corporis, ut eo modo formet fœtum: similiter atque fit cum artifice, v. gr. figulo, qui fabricaturus statuam ex argilla operatur secundum conceptum suæ mentis, qui conceptus seu idea tanquam exemplar dirigit ejus potentias locomotivas, ut operentur secundum istam ideam, conceptam in mente, ut statua ipsi fiat similis. Simili modo necesse est, ut Architecto nostri corporis vitali insit aliquid, à quo is ex se indifferens dirigatur, ut faciat hic cor, illic cerebrum, ut faciat nasum similem patri, oculos verò & os matri. Tale directivum esse ideas, confirmat imaginatio materna, quæ eandem in vitiosè operando dirigit: quidni idea quadam ipsi connata eam dirigat in animali legitime formando?

Archæus ergò, seu quodcunque aliud vitale principium cum semine fœcundo in uterum à parentibus derivatum, habet in se Chaos ideale, ex prædecessoris ideis defluens, in quo ideas corporis fabricativæ latent involutæ & confusæ, sed per incubatum sensum sensumque evolvuntur, tum una alteram connexam trahit, evolutæque successivè corporis Architectum dirigunt in operando. Cum enim hæc ideas sint exemplaria rerum producendarum, habebunt se eodem modo ad agens naturale, quo ars seu conceptus mentis ad opus artificiatum, licet non verè sit, scientia naturalis tamen dicitur, in qua objectum producibile representatur. Cum verò per nativitatem à primò ortu Archæo seu spiritui

tui vitali insint, & cum feminibus communicatæ, ob id *feminales* dicuntur, ad differentiam idearum *imaginativarum*, per sensuum opera postmodum impressarum; habent tamen feminiles cum imaginativis non levem analogiam & convenientiam ex eo, quod se mutuò transplantent. Sicut enim imaginatio materna per suam ideam signat fœtum, & sicuti in memoria est tale Chaos ideale, cujus evolutione nobis representantur res olim conceptæ in phantasia, eo ordine, quo defixæ sunt in memoria firma, dum species seu ideæ evolutæ alias ideæ trahunt connexas, & evolutionem procurant propter cognationem, quam una habet ad alteram; simile Chaos feminale dum evolvitur, una idea alteram connexam successivè protrahit, & corporis fabrum determinat in fabricandi modo, unde etiam successivè una pars post aliam tantum generatur.

Ut autem evolutio idearum, tam feminalium, quam memorativarum, ex suo chaos, rectius intelligatur, concipiendus est visionis modus, qua ratione scilicet omnes species, ab objecto visivo emanantes, in humore crystallino in uno intersectionis puncto confundantur, & nihominus tamen ordinate adeò in tunica retina denuò evolutæ represententur, ut objectum visivum perfectè depictum appareat.

Jam verò his ideis feminalibus, ad membrorum fabricam determinantibus, aliæ simul connexæ sunt, ad eorum usum organicum dirigendum destinatæ: Quod ut pateat, pro exemplo inserviat *bombyx* in sua transmutatione, qui primò est *eruca*, hinc sibi sericeum sepulchrum construit, in quo se transformat in *papilionem*; hinc ut variè conformatum est corpus, etiam variæ hinc sunt actiones, nec ante cruce volatum exercere conatur, quam enatis pennis mutetur in *papilionem*. Sic fuit ante paucos annos Amstelodami puella, reliquo corpore satis elegans, capite verò suillo & satis horrido, incessu & conversatione mulierem rationalem & benè moratam, in cibo verò sumendo suam imitabatur, rostrum fœdè immergendo: hæc quia capitis suilli exemplar fuit ejusdem fabricæ determinativum, eadem quoque, ratione annexarum specierum, pro usu partis, ad actionem porcinam in capite inclinabat.

Ita quidem constitutum principium corporis vitale operatur naturali modo: Non verò à peregrinis ideis, ab extra aduenientibus, sequè ideis feminalibus permiscens, hoc sperandum; nam hic insignis actionum diversitas contingit. Sic ver. gr. qui à tarantulis morfi sunt, omnes tarantularum actiones in saltu, telarum textura, &c. imitantur, uti etiam rabidi à morfu rabiosi canis in canes transmutatos se putant, omnes imitando eorum actiones, idque propter ideas cum morfu communicatas, quod, inuitus licet, fatetur KIRCHERUS in *Mundo subterraneo*. Tom. 2. lib. 9. sect. 4. pag. 133. quæ rabies tamen facillè curatur immersione repentinâ ægrorum in aquam frigidam: nam per terrorem & pavorem mortis superuenientes novæ ideæ firmiter impressæ delent priores rabidas ideas, unde sanitas: simili ratione etiam furoris & amentię ideæ in Maniacis curantur immersione in aquas, ob terrorem & pavorem mortis. Ex harum idearum transplantatione sanguis animalium, v.g. felinus, haustus hominem transformat in mores felinos, ut in angulis latitet & mures infectetur, teste VVEINRICHIO in *Tractat. de Monstris*. Nec ab extra tantum, sed ab intra quoque in imaginatione fortiter sigillatæ ideæ seu species non parvam in alterando corpore obtinent potentiam, ut quando ver. gr. ex imaginatione rei horridæ sequitur vomitus, aut ex visione pilularum, ab altero deglutitarum, sequitur purgatio: imò passionum seu animi affectuum species vel ideæ, ver. gr. iræ, furoris, metus, &c. præter hoc, quod in peni memoriæ signentur, etiam in parte corporis, quam species connexa signat, insculpuntur; hinc propter talem furoris ideam morfus hominis valde irati est venenatus; rasura cornu tauri in coitu abrafa insigniter stimulat Venerem; felis verberibus in furorem redactæ comedentes reddit rabidos, ut felium instar unguibus & digitis in se involent, & se mutuò lacerent. Huc pertinent omnes morbi à veteribus *Occultarum qualitarum* dicti quos moderni ab ideis morbofis oriri volunt, unde non rarò per contrarias his ideis curantur. Sed ex modernorum mente hæc innuisse sufficiat. Plura de Evolutione Idearum qui cupit, videat MARCUM MARCI in *Tractat. de Ideis Operatricibus*, item in *Philos. Veter. Restit. Par. 4. Sect. 1. pag. 388.* videatur etiam HELMONTIUS hinc inde, præsertim in *Tract.*

Potest. Medic. §. 29. item Tract. Natura Contrarior. Nescia §. 49.

Hæc de vita dicta sunt: quæ, cum à spirituum vigore horumque potestate vitali dependeat, sanè vi oppositorum patet, potestatum earum diminutionem senium, extinctionem verò mortis intestinas adferre calamitates: Quæ potestates in vigore & luminositate spirituum, horumque subtilissima, radiosa ac lucida textura consistentes, prout fortiores, eò longæviores, prout verò debiliores, eò sunt vitæ brevioris homines; ita ut hac ratione omni viventi fatalis destinatus sit terminus, contingatque mors naturalis.

Cæterum potestates istæ vitales sæpissimè non expectato isto vitali termino extinguuntur, unde mors, violenta dicta, infertur. Modi hujus sunt innumerabiles, ut plurimum tamen hoc contingit, vel quatenus sanguinis vitalis aufertur fermentatio, dum ea aut imminuitur, aut effervescente augetur, aut depravatur: hinc namque & spirituum cessat vigor, quando si obliterantur aut obfuscantur; vel quatenus peregrinis ideis nimis perturbantur, & in regimine œconomiae animalis sic omnino impediuntur.

Quæritur: *An vita prolongari possit naturaliter?* Præmoneo, naturalem vitæ terminum esse istum, quem omnia corpora habent secundum leges naturæ, fundatum in sanguine & spiritibus. Fundamentum imprimis consistit in genitura, Præsupponitur, *Adamum* fuisse naturaliter mortalem etiam ante lapsum, & potuisse mori ex constitutione corporis naturali, facillè alterabili: Hoc ne factum fuisset, propter hunc scopum condita est arbor vitæ, ut mortalitas ejus sit medicabilis, & fieret immortalis; post transgressum autem mandatum, à DEO datum, *Adamus* ex *Paradiso* fuit ejectus, ne usu dictæ arboris viveret in perpetuum. Jam ut *Adamus* potuisset conservari per pomum arboris vitæ, ita & vitam nostram prolongare possumus. Non faciunt autem id præcepta diætetica, quæ vitam sanam quidem conservant usque ad vitæ terminum, non tamen prolongant ultra eundem. Ridiculus est CLAUDIUS DEODATUS in *suo Panth. Hygiastico*, ubi promittit conservationem sanitatis usque ad annum 120. observata scilicet diætâ, quæ tamen vitam tantum sanam conservant. Prolongatio autem vitæ consistit in sublimioribus remediis, quæ scilicet, quantum possibile, conservant naturalem sanguinis & spirituum crâtin in eo vigore, quem acquisivit in generatione. Inquisiverunt diu Autores in ista remedia: vid. HELMONTIUS in *Tract. de vita longa, & de Arb. vitæ*; qui ista quæsit remedia, & pervenit ad regnum vegetabile, invenit *Cedrum*, cujus naturam cum incorruptibilem invenerit judicaveritque, ex eo tam sublime medicamentum posse parari putavit; undedixit: *Hoc lignum conferre pro prolonganda vita nostra.* Quia autem hæc arbor est rara & pretiosa, & ex ejusmodi medicamenti præparatio insimul curiosa & arcanâ, scilicet cum liquore alcahest, loco hujus *Juniperum Tackius* substituit, & *Terebinthum* STARCKEY in *Pyrotechn. Anglicè edita*.

Plura ad hoc caput pertinentia peti possunt ex variis Autoribus: vid. HELMONTIUS, BOYLE *Chymist. scept.* TACHENIUS *Hippocrate Chymico, ejusque Clave*, BORELLI *Observation.* CHARLETONIS *Œconomia animalis*, SYLVII *Dissert. Medica*, DEUSINGIUS *de Nutrim. in corp. Elaboratione*, BLASIUS, HARVÆUS, RALLIUS *de Generat. Animalium*, VVALÆI *M. M. & HORSTIUS Manuductione ad Medicinam*.

C A P U T III.

De Nutritione & Aëctione.

IN machina nostra corporea quasi hydraulico-pneumatica originaliter & efficienter *Spiritus & Sanguis Principii moventis* seu activi locum obtinent; Partes solidæ & organica verò sunt subjectum passivum, quæ ab istis in motum concitantur, ac ab illis in Esse, Fieri & Operari reverà dependent.

Operationes omnes hujus machinæ respiciunt vel conservationem ejus in individuo, vel in specie. Illæ autem directæ sunt ad Esse vitale simpliciter, vel ad Esse animale: unde ad tria generalia capita omnes corporis operationes seu functiones rediguntur, nempe ad *Vitales, Animales & Genitales*.

Vitales actiones eò sunt directæ, ut corpus & conservetur

vetur & roboretur in suo vigore vitali, & id, quod à corpore defluit, reparatur; omnesque partes solidæ, pro obeundis promptius vel melius operationibus organicis, debitam assequantur magnitudinem & extensionem. Considerabimus ergo harum (1.) *Necessitatem*, (2.) *Finem*, (3.) *Materiam*, (4.) *Formam*, (5.) *Subjectum*, (6.) *Modum seu actum*, (7.) *Efficientem*, (8.) *Functiones ministras*, (9.) *Gradus*, & (10.) *Durationem*.

Necessitas Nutritionis duo involvit, nempe principii ipsius vitalis perpetuationem & partium solidarum conservationem, atque augmentationem. Cum enim principia corporis activa, nempe humores & spiritus, sint in perpetuo motu, tam intestino, quam locali, adeoque continuam patiantur partim alterationem, partim iacturam, necesse est, ut horum redintegratione, totius vitæ vigor vitalis & restauretur, & quantum possibile, exaltetur, in quo Nutritionis *Finis* consistit; quæ Nutritionis in sensu medico est *absumptarum partium redintegratio*: quamdiu enim nutri-mur, tamdiu vivimus.

Nam spiritus vitales continuo sub actionum, imprimis animalium, exercitio subtilitate sua magnam partem evanescent & dissipantur, per poros aliavè loca frequenter exhalantes; in quorum supplementum sanguis ex parte ingreditur; cuius massa præterea quoque in partibus solidis nunc in earum substantiam perfectè convertitur, nunc verò ros nutritivus, ex ejus massa in partes solidas dispersus, postquam irrorationis & humectationis nutritivæ defunctus est officio, successive alteratus, nonnihil in iis, per poros corporis totius successive & copiose insensibiliter transmittitur, tam naturaliter post accretionis annos, quam præternaturaliter per exercitia, aut vehementiores corporis motus, aut alias similes causas: ut taceam ipsas partes massæ sanguineæ effugas per crebriores circulationes & continuam in præcordiis susceptam fermentationem, attenuatas & resolutas copiose itidem, tam sub expiratione, quam sub transpiratione, per cutim exhalantes; & denique unà cum his ex partibus solidis, imprimis carnosis, humorem roscidum & mucilaginosum, subdulcem & subpinguem, seu proximum earum nutrimentum, ex massa sanguinea elaboratum, sensim sensimque per poros dissipabilem; tandemque sanguinem omnino fatiscientem, & fermentationem ejus vitam definientem; hinc post longiorem abstinentiam principium vitale sensim fatiscit, & virium mox aliqualis observatur defectus, ac ad actiones qualvis segnities. Simul ac enim post peractam chylicationem chylus vasa sanguifera subintrat, vires deficientes insigniter refocillantur, calor augetur, pulsus cordis intenditur, & robur manifestissimum toti corpori accrescit; probabiliter satis idè, quod massa sanguinea per chylis recentis & turgescitis affusionem restauretur, sine qua aliàs facile torpesceret hæc, torpesceret & totum corpus: adeoque, uti totum corpus in continuo est fluxus, idque quoad omnes partes sui, ita etiam indies chylo totum corpus nutriendum erit.

Iacturæ hæc non leves sunt: nam *perspiratio* insensibilis sola solet esse longè plenior, quam omnes sensibiles simul unitæ; & sola exspiratio per os facta unica die ad 15 s. circiter ascendere solet. Si eibus & potus unius diei sit ponderis 15 viii., transpiratio insensibilis ascendere solet ad 15 v. circiter imò pluribus unica die per insensibilem transpirationem tantum evacuatur, quantum per alvum 15. dierum spatio; sicut hæc & alia curiosa in statera dimensus est SANCTORIUS SANCTORII, *Patavin. Italus, in Med. Statica §. 1. Aphorismo 60.* quæ impensa omnes ex massa sanguinea, seu primo fonte, emanant. Prudenter autem subnectit, *illud pondus certa ratione variari*. Probari hæc transpiratio potest in speculo; si enim speculum politum cum digito attingimus, transpiratio per digitum fit in forma nubeculæ conspicua: Probatur quoque in ense polito: si quis attingit politum vas argenteum, mox obfuscatur nebula, præcipue cum sit frigidum; nam calidum vas dissipat nebulam exeuntem. Maxima ergo est copia ejus, quod insensibiliter exhalat. Nil dicturus sum de eo, quod per fauces exhalat quod maxime in hyeme frigido sub forma nebulae conspicitur. Plura de *insensibili Transpiratione* tradam *infra cap. 16.*

Sanguinea ergo massa nutritionis respectu in continuo uti restorationis, sic perditionis est motu, adeo, ut si quilibet nostrum 6. vel octo uncias sanguinis præter propter sibi quotidie fabricet, necesse sit, ut saltem in ætate consistente tantum ferè in dies sanguinis deperdat, quantum sibi ex alimentis quotidie conficiat, aliàs paucò tempore immensum

corpora tumerent. Fit aut hæc absumptio & perspiratio ita, ut nulla faeces nullumvè caput mortuum residuum sit: quoties enim aliquid cruoris, aut exinde derivati succi nutritii, in extremo corporis ineptum sit, aut non sensim disponitur, ut totum fiat volatile & transpirabile, eo ipso tumores, apostemata, scirrhi, affectus cutanei, scabies, &c. in promptu sunt; sicut in partibus internis si hoc eveniat, earum inflammationes, hinc febres, nervorum varia pathemata, &c. originem ducunt.

Communiter statuitur quidam Calor, qui instar flammæ depascit oleum. Omnimoda autem talis sine capitis mortui remanentia, transpiratio & absumptio non est solius caloris, tanquam causæ primariæ, opus: quoniam calor, præsertim si viva flamma non fuerit accensus, universim omnia humida mista exsiccat in tophum & carbonem, adeoque nec absque residui seu capitis mortui copiosi remanentia; unde, etiam, ubi res liquida clauso vase ab igne absumuntur, semper copiosum caput mortuum relinquitur; præsertim sanguis à vivo detractus, tam leni calore quam forti igne tractatus in vase, parte aquosiore & volatiliore exhalata, crassamentum vel etiam cineres relinquit satis copiosos, unde periculum esset, ne similiter calor corporis absumens relinquat copiosas reliquias, secus atque in corpore nostro evenire solet, cum nullibi tale sanguinis caput mortuum seu materia fixa naturaliter obvia sit: ut taceam, sanguinem ipsum ex se ineptum esse, ut flammulam igneam nutriat. Accedit, quod calor corporis non oriatur ab igne seu flamma libera, sed reverà clausa. Jam verò hoc notum est, quod ignis nihil possit in totum consumere, si res comburenda sit in loco clauso: sic v. gr. carbones in vase clauso etiam fortissimo igni expositi nec in cinerem abibunt, sed igniti quidem candebunt, & post plures etiam menses integri & in forma antiqua, ab igne remoti, eximantur. Præterea oleum commune, quod vase aperto à flammula elychinii totum absumitur, si in vase clauso vel retorta igni exponatur, crassescit potius, & instar colophonis & terebinthinæ evadit. Videantur etiam hic ea, quæ de generatione alcalium fixorum per concretionem ignis ex volatilibus cum sulphure differit HELMONTIUS in *Tr. Blas Humanum*.

Placet ergo præcipue hypothetis HELMONTII, quam proposuit *Tract. Imago Fermenti imprægnat Massam semine*: item *Tr. Blas Humanum*; quæ ita se habet: *Scilicet disponitur sanguinea massa ad omnimodam sui diaphoresin, tam immediatam, dum ejus partes sensim effusa reddita, neque spiritusascensæ, neque irrorationi nutritivæ amplius sufficiunt, quam mediam, dum ex ipsa undique distributus ros nutritivus partium solidarum totius, postquam humectationis nutritivæ munere defunctus, tandem, partim per continuatum fermentationis motum, partim per aeris in pulmones continuo inspirati adjumentum, ita diffilatur.*

Fermentationis enim medio cruor in vasis, & ros ejus nutritivus in solidis partibus, à fermentis particularibus seu spiritu insito, ita pedetentim attenuatur ac resolvitur, ut tandem, fatiscente ejus textura, à sero absorptus, & facie tandem capitis mortui, totus exhalet; quod negotium per mechanicam cerevisiæ illustrat HELMONTIUS *Tract. citato, §. 2.*

Accedit simul aer, qui, uti corpora multa volatilifacit, quæ aliàs igne tractata fixa evaderent; ita continuo inspiratus, rursus exspiratus & transpiratus, universa animalia corpora permeat volatilisationis illius ac resolutionis totalis massa sanguineæ & succi causæ instrumentalis existit, simulque vi elastica ipsum resolutionis ac transpirationis motum admodum promovet. Aeris enim hujus ratione sub maximis frigoribus aereque durissimo fumus edaciores, sudamus tamen minus cum pauculo ac duriore secessu: vid. HELMONTIUS *Tract. Blas Humanum*; quod non immerito pro confirmatione urget §. 36. *quod navigans in mari sanus duplo plus edat, minusque excrementi laxet, se ipso in terra degente. Itaque si fortius edimus, minusque deliciamus, sequitur necessario plus diffilari seu evanescere ex corpore; quod est dicere, aerem puriorem borea & marinum facere ad diaphoresin corporis, seu disponere cruorem ad totalem sui perspirationem insensibilem; quia fluctuatio aerem nobis continuo renovatà quo fermentationi sanguinis calcar additur: sic salia fixa in aere resolvuntur in aquam elementalem, & candelæ materia sub inflammatione ab aere in aquam resolvitur.*

Hicce seu adjuvans quoddam necessarium, Calor æstusque

quæ corporis internus, accedit, qui motu suo continuo uberiori & promptiori simul istam transpirationem nonnihil reddit.

Cæterum pro varietate sexus, ætatis & vitæ generis, varia est quantitas istius absorptionis nutrimenti: nam v.gr. viri plus mulieribus, adolescentes infantibus, laboriosi desidiosis perspirant de sanguine & rore nutritio; unde non raro, qui sub laboribus erant macilenti, dum ab his cessant, fiunt succulenti & pingues. Fundamentum hujus diversitatis in crassi sanguinis, ejusque fermentatione aucta vel diminuta consistit; in illa enim sanguis est acrior vel asperior, minus aptus pro nutritione, volatior, hinc subtilior & calidior, & aptior inde transpirationi; cuius contrarium in hoc evenit. In quibus ergo sanguinis motus fermentativus est vehementior & rapidior, continua aeris inspiratione sanguinis volatilifatio est magis prompta & copiosior, & ex his ipsis sanguinis accensio intensior, in talibus copiosior fit absorptio. Unde in quibus major est absorptio, requirunt majus alimentum & viceversa: hinc ursi, histrices, mures montani similiaque animalia per totam hyemem in suis latibulis dormientia, supersunt sine ullo alimento, & tamen persistunt in vita; imò quodammodo pinguescunt; cuius ratio est, quoniam eorum sanguis ex voracitate prægressæ ætatis abundat alimento seu copioso chylo paulum crudiore, nondum ipsi assimilato, unde dum somni tempore hic chylus semisanguineus uberior sensimque mutatur in sanguinem semichylosum, parum de eo, ob defectum volatilitatis debitæ, exspirat & absumitur, sed potius ceu roscidus & spermaticus liquor, copiosius in partibus solidis congeritur, accedente imprimis quiete diuturna, qua parva fit spirituum absorptio, & sanguis tardius movetur, temperatius fermentatur, & minus volatilifatur, hinc minus respirationem urget, indeque calor blandior existit, quæ causæ istius phænomeni originem explicant. Cum itaque tam parum fiat jacturæ, & adsit ubertas alimenti, possunt per longum tempus sine nutrimento vivere. Hæc quoque est causa, quod homines quidam passi sint tam longam & stupendam inedia, qui ipsi, ferè ob similes rationes parum transpirando, ad aliquot annos sine ullo victu persistere potuerunt; id quod patet imprimis in puella Confolentanea, per longum tempus ab omni alimento abstinenti, in qua nec vesicæ nec alvi excrementa prodierunt; quin nec aures nec nares suas sordes excreverunt, sed tota corporis superficies tangentibus frigida-ficca, & arida apparuit, de qua vid. HORSTIUS l. 11. *Histor.* 1. ubi plura exempla, SCHOTTUS in *Phys. Curios.* pag. 463. SCHENCKIUS l. 3. *Observationum* pag. 321. & seqq. BORELLUS c. 2. *Observat.* 68. C. 3. *Observatione* 35. Cent. 4. *Obs.* 11. PANAROLLUS *Pentec.* 5. *Observat.* 20. RHODIUS Cent. 2. *Observat.* 54. SALMUTH. Cent. 2. *Observat.* 100. SMETIUS *Misc.* pag. 531. & 395. Inter alios omnes MARCELLUS DONATUS in recensendis historiis pluribus prolixus satis est l. 2. *Histor. Mirabil. Medicar.* c. 12. pag. 130. & triplicem abstinentiæ hujus insolitæ tradit causam ex aliorum mente; nempe.

1. *Homines istos pinguia insipida plurima, i. e. chylo crudiore & viscidior, refertos esse, quæ sensim in alimentum corporis abeat.*
2. *Corpora indissolubilia & parum exhalabilia esse, quæ humore nativo tenaci, neque caloris nativi digestionem facile cedenti, consent, quæ materia tota sensim à calore debili consumatur, & cum satis tenax & pura sit, nullis penè excrementis conciliatis, tota in alimentum sensim abeat.*
3. *Aere etiam spiritus marini posse, prolixè satis defendit.*

Quædam exempla quidem miraculosa sunt, quædam dubiæ fidei, cum impostura malitiosorum hominum imperferutabilis sit, ut vel simplici plebi imponatur, vel religio & devotio aliqua extraordinaria fingatur, vel lucrum quoddam exinde fiat. Dari tamen abstinentiæ diuturnioris exempla aliquot, ex jam dictis patet: SENNERTUS quoque in l. 3. *Præleos P. I. Sect. 2. cap. 2.* multa rei hujus habet, simul & plurimorum quasi in compendio opiniones refert.

Defectus ergo hi insignes, quos patitur corpus, ut refarciantur, indeque vigor vitalis restauretur, simul quoque corpus materiæ appositione ad legitimam perveniat magnitudinem (in quorum priori *Finis Nutritionis*, in posteriori verò *Finis Augmentationis* consistit,) alimentorum assumendorum, & hinc elaborandi nutrimenti, sanguini, per successivas alterationes assimilandi, imminet necessitas, sti-

mulante ad hæc appetitu, Farnes & Sitis dicto: quibus restaurantur partim partes ablumptæ, nutrimenti appositione & assimilatione, in quo consistit *Nutritio*, partim augmententur partes solidæ omnes perfectione ejus agglutinatione, pro aptitudine ad functiones promptiori, in quo consistit *Augmentatio* seu *Accretio*, ac in statu naturali *Conservatio*.

Subjectum, quod nutritur, est totum corpus animale secundum triplicem suarum partium differentiam, cum hæc omnes conservandæ per nutrimentum veniant.

Materia seu *Objectum*, quod partes nutrit & augmentat, est vel proxima vel remota. *Remota* sunt alimenta assumpta, quæ cibi potusque nomine in genere veniunt. *Proxima* verò duplex: quoddam enim nutrimentum est *sanguineum*, quoddam *lacteum* seu *chylosum*, id est *chylus* & *sanguis*, in quæ, digestionum beneficio, mutata fuerunt alimenta. Utrumque necessarium est, quia in nobis reperimus duplicem constitutionem partium; quædam enim sunt *sanguinea*, quædam *nerveæ*. Nempe chylo nutritur sanguis, & sanguine restauratur & conservatur spiritus vitalis, seu *sanguine* & *chylo nutriuntur partes solidæ*: illo quidem *sanguinea*, hoc verò *spermatica* seu *nerveæ* dictæ. Ratio diversitatis dependet ex prima formatione corporis; partes enim spermaticæ formantur ex colliquamento lacteo: Ergo nutrimur lacte: sicuti partes sanguineæ nutriuntur sanguine.

Forma Nutritionis consistit in unionem, seu, ut alias vocant, perfectam assimilationem alimentorum cum partibus corporis alendis quibusvis, ut harum restaurentur jacturæ.

Jam verò in specie triplex unionis hujus cum partibus solidis, ratione Nutritionis est differentia: aut enim plus assimilatur corpori, quàm eidem decedit, adeoque corpus non saltem nutritur, sed & augetur & crescit simul; aut æquale nutrimentum cum eo, quod absumitur, refarcitur, ut in ætate consistente, sicque corpus in eodem statu & vigore permanet; vel minus nutrimenti accedit, quàm absumitur, ut in morbis acutis & in senio, ubi corpus emaciatur, & fit exsuccum. Ergo patet, *Nutritionem & Accretionem* seu *Augmentationem non differre essentia, sed quod magis & minus*. Nempe, si præcisè tantum, vel minus etiam, apponitur quantum absumitur, corpus nutritur; sin plus alimenti in partium substantiam convertatur, quàm absumptum fuit, simul augmentatur. Media illa species propriè dicta *Nutritio* est; prima verò ista & juncta cum auctione & tertia seu ultima improprie dicitur *Nutritio*.

Diversitas autem, quoad hanc Nutritionis formam seu modum intercedit, quatenus partes contentæ seu liquidæ, spirituosæ & humorosæ, perfectæ plus minus alimenti unionem & assimilationem per totam vitam gaudent; partes verò continentes seu solidæ saltem determinatos annos accretionis. Nempe ex partibus solidis, quæ talibus, nihil absumitur, sed quoad solidam sui substantiam eadem semper manent.

Alimenta ergo assumpta feruntur in sanguinem pro refarciendis ejusdem damnis, cujus partim materia per fermentationem volatilifatur in spiritus salino-volatiles, partim verò ex hac sub forma humoris roridi & mucilaginosi solidis partibus pro nutritione per vasa undique distribuitur & apponitur, & pro augmento per coagulationis modum perfecte ipsis assimilatur & agglutinatur: non potest enim non agglutinatus & assimilatus humor per materiæ uberiorem appositionem augmentare partis molem secundum omnes dimensiones, ita ut Auctio & Nutritio saltem non nisi majoris & minoris ratione differant, quod nempe in solidis partibus Nutritio sit inchoata Auctio, & Auctio tandem perfecta Nutritio, ut rectè defendit BARTHOLETUS in *Encyclop. Physic. de Facult. Augment.* quarum illa per totum vitæ cursum naturaliter durat, hæc verò tantum per ætatem crescentem, tam ob partium augendarum ad majorem extensionem resistantiam, quàm ob nutrimenti pro perfecta assimilatione & agglutinatione ineptitudinem. Fit nempe assimilatio & fortis nutrimenti Agglutinatio tantum sub accretione adolescentiæ, non autem deinceps amplius: quorum namque ossi assimilaretur nutrimentum, in robore, duritie, siccitate perfecte constituto, cum tamen ossa amplius incrementum non capiant? Idem de cæteris partibus esto judicium. Cessante verò accretione consequenter etiam cessat perfecta assimilatio, aut saltem agglutinatio, quin potius ex massa sanguinea ros mucilaginosus seu alimentum in singula membra distribuitur,

tur, ut partium absumptarum defectum refarciat, membra similiter obliniat & humectet, & ita motui aliisq; functionibus aptiora reddat, atque catenus à siccitate senii, quantum potest, tueatur, & in hoc Nutritio solidarum partium consistit. Tandem verò ros hic nutritius insensibiliter per poros cutis transvolat, nisi per accretionis coagulum sistatur, nec per se quicquam solidi recrementi remittit; hinc non tantum nutritivæ instaurationis continua oritur necessitas, sed etiam defectu istius succi nutritivi tandem *rugæ seniles*, ex evacuatis subcutaneis spatiosis, indeq; fibrarum cutanearum contractiones, dum non sufficiens amplius nutritiva fit irroratio, sed uberior fit absumptio, superveniunt.

Attenuatur quidem corpus, etiam crassissimum, sub februm ardentium ardore, omnisque pinguedo seu succus, à quo aliàs fit pinguedo, evanescere videtur, quæ pinguedo ab acrioribus succis attenuatur, & adjuncto calore intensiore liquescit; *Non verò instar sevi à flammula ellychnii depascitur, sed liquefacta à nimio calore, & in humorem resoluta, à vasis cum sanguine resorbetur, & per varia loca foras excernitur instar cuiusdam humoris; hinc in talibus febricitantibus ista pinguedo liquefacta nunc sub forma urina oleaginosa, cui olei aliquantulum subinde in summitate supernatat, aut diarrhæa colliquativa, aut sudoris copiosi, aut alio modo subtilisata, cum sanguine foras sensim amandatur.* Posset hic dubitari, quæ ratione pinguedo absumatur, cum sit è numero partium solidarum. Sed respondeo; Pinguedo seu adeps neque est pars solida, neque fluida; quin potius mediæ naturæ, nata per accidens ex superabundantia succi nutritii chylosi nimis pinguis vel oleosi: quippe si pinguedo butyrosa lactis substantiæ respondet, pinguiora etiam animalia multum butyri in lacte suo foveant, lac verò nihil aliud quam chylus, nec pinguedo aliud quid erit, quam oleosa pars chyli; præsertim cum sapor dulcis pinguedini, cum chylo & lacte communis sit. Oleosa hæc substantia in chylo abundans nec per sanguinis fermentationem intestinam & circulationem discontinuata, sed à succo nutritio separata, condensatur tandem in pinguedinem, quæ post augmentationis annos membranarum adherere, & sensim affixa coagulari, pro earum vel humectatione, vel partium subjacentium blando fotu, videtur: unde nec propriam seu circumscriptam continet figuram, nec certam conformationem organicam, & nunc augetur, nunc diminuitur, adeoque medium inter partes fluidas & solidas obtinet. De hoc vid. SEBIZIUS in l. de Aliment. Facult. l. 5. qu. 13. pag. 1219. CÆCIL. FOLIUS *Italus de pinguedine, & Boyle in Histor. Firmitat. & Fluidit. pag. 117. item in Tentamin. pag. 128.* Receptacula huic certa, & sacculos fere ovals, decernit MALPIGH. in Tract. de Omento, Pinguedine & Adipos. ductibus; quod maxime probant striæ & sacculi oleosi a MALPIGHIO & OLLIGIR. JACOBÆO in Anotom. rana observari.

Quoad hanc autem partium solidarum perfectam Nutritionem seu Augmentationem & Accretionem queritur: *Quomodo humor nutritius ex sanguine fiat, & partes nutriat?* Respondeo: Tres actus considerandi sunt; nempe

1. Nutrimenti appositio.
 2. Appositi in substantiam partis conversio, seu assimilatio, &
 3. Nutrimenti ita assimilati firma cum parte unio seu agglutinatio.
- Primus actus, *Appositio*, fit per pulsum, mediante sanguinis circulo, qui ubique relinquit particulas nutrimenti, quæ simpliciter per secretionem mechanicam, juxta *Cartesii* in proportionem porulorum & meatuum partis nutriendæ cum figuris particularum substantiæ nutrientis fundatam, ita quidem, ut massa sanguinea, dum quasvis partes permeat, certæ ejus particule insinuant se in illas partes seu membra, quorum pori ac meatus, eorumque magnitudines, ita figuratæ sunt, ut transcolatione & quasi filtratione certas sanguinis particulas in se recipiant, quæ infixæ manentes se uniant, & ita secundum fibrarum, pororum ac meatuum ductum, partes nutrant, simulque augeant, reliquis particulis ejusdem massæ præterfluentibus, ita ut unaquæque pars non nisi suis similis & proportionatis alatur ac augeatur, v. g. nervæ chylosi seu lacteis, sanguinæ sanguineis, &c.

Posteriores actus, *Assimilatio* nempe & *Agglutinatio*, si ne quidem distincti, tempore verò simul sunt & consistunt in nutrimenti roridi salino-volatilis oleosi à spiritu animali influo blanda coagulatione & condensatione, qui sub hac coagulatione, fermenti instar ipsum nutrimentum impræ-

gnat, alterat, assimilat & successivè ceteræ partis nutrimentæ substantiæ, ratione texturæ certo modo mutatæ, adhærere facit, sub quo actu ipsemet nutrimento se insinuat, cum hoc coagulatur, & ita insitum spiritum constituit. Nempe, sicut spiritus vini sanguinem, serum sanguinis, albumen & vitellum ovi coagulat, & in aliam consistentiam crassiorem & glutinosiorem permutat, ita simili ratione animalis spiritus sub Nutritione se habere videtur. Particulæ enim nutritivæ ita insinuatæ & appositæ, ut partibus nutriendis fiant similes, necesse est, ut aliquid ab his patiantur, v. g. quando inseritur prunus malo, ibi prunus fert pruna, surculus pomi mala; hinc etiam succus nutritius, antequam agglutientur, necesse est, ut alteretur. An verò hoc fiat ratione occulti cujusdam partium volatilis acidi, nutrimentum alcalino oleosum coagulantis, quod probabile videtur; in medio tamen relinquo: determinatur potius ipse spiritus influus, in se aliàs pro nutriendis quibusvis partibus indifferens, à spiritu insito jam antea inexistente, ad cujus normam hic os, alibi membranam, alibi parenchyma carnosum, efficit.

Efficiens hoc spiritum esse animale influum, ex eo manifestum est, quod in paralyti membrorum membrum affectum ex illorum denegato influxu marcescat: quod facit & id, quod habet CHARLETON in Exercit. 10. §. 3. pag. 201. Conferatur etiam Observ. HILDANI C. 1. Observat. 4. de Atrophia brachii ex globulo auri intruso, propter consensum nervorum eveniente, adeo, ut omnia ea, quæ eruditè VVILLISIUS Tract. Ana. om. Cerebri cap. 20. de succo nervorum nutritio, *Efficientis rationem in Nutritione obtinente*, disserit, *meliori jure spiritui animali applicanda sint.* Nempe spiritus animalis in Nutritione parili se fere habet ratione, ac spiritus genitalis maris, foecundantis & actuantis materiam ovæ muliebris. Omnes enim partes uti format spiritus in principio, ita formatas postmodum eodem modo nutrit & auget ad debitam usq; magnitudinem, sequens hoc in negotio potestatum seminalium ductum; hinc ita tandem disponuntur pori partium, ut alimenti impediatur superflua receptio, & retentio cessetq; tandem Assimilatio & Auctio.

Renitentibus enim ossium duritie, ligamentorum robore, fibrarum tenacitate, seu membranarum densitate, & pororum angustia, extensioni dilatationive ulteriori; & ita alimenti uberiori receptioni retentionique ineptis (quod eò citius contingit, quò minus succulentum est corpus,) cessat tandem augmentatio ordinario naturæ cursu; unde cum non possint admittere nutrimentum, pars ulterius non potest extendi, cartilaginibus non omnino in augmento deficientibus, unde & costæ thoracis ampliacione longiores fiunt, donec & quasi tandem arefactæ, accretioni ulteriori fiant ineptæ. Hinc in hominibus temperamenti phlegmatici, i. e. chylosi & succulenti, ossa tardius durefcunt, membranæ & fibræ magis teneræ manent, pori magis patuli, unde, hi magis excrefcunt: contra Cholericis, ubi ossa durefcunt, &c. manent macri. Observatur autem, quod accretio non planè aboletur, sed cesset tantummodo: præternaturaliter verò contingit nonnunquam, ut vel distentis membranarum, aut laceratis fibris, aut dilatatis poris, &c. copiosius recipiatur alimentum, retineatur, & tandem assimiletur in præternaturales excrefcencias, quales sunt v. g. calli ossium ex fracturis, nodi tendinum, cicatrices vulnorum, sarcomata, hernia carnosæ, item lienes magni, quale exemplum habet HELMONTIUS Tractat. Ignor. Hydrops §. 48. quæ augmenta præternaturalia, cum sint species accretionis, etiam sub incerta & varia figura pro causarum antecedentium fortuito insultu, & partium, in quibus nascuntur, diversa conditione & lésione, conspiciuntur, & in adulta ætate superveniunt. Causa occasionalis est, quando à quacunque causa externa vel nimis extenduntur membrane, vel relaxantur fibræ, vel distenduntur pori: Ex his fit, ut pars subinde fiat aptior uberiori nutrimento accipiendo, unde talis excrefcencia. Quod ergo alii dicunt de Facultate nutritiva, augmentativa, &c. nihil est, partim cum nihil explicet, partim cum non necessarium sit.

Naturale hoc est Nutritionis schema, dum massa sanguinea existente temperata & plena partibus mucilaginis & roscidis, i. e. chylosi, corpus turgidulum, crassiusculum, molle, & succi plenum, representatur. Nutritio ergo præternaturalis, & augmentatio deficiens, consistit partim in apta materia, partim in subjecto, seu partibus corporis augmentandis.

Quoad materiam, fit quando alimentum corporis nutriens vel deficit, aut ob sui asperitatem & salsedinem, tam naturalem quam præternaturalem, ubi deficiente ejusdem materia rorida & humectante distribui, ut v. g. in scorbuto; vel ob partis debilitatem aut vitium, v. g. in hecticis, assimilari & agglutinari non potest, quia tota absorbitur; unde atrophiam in promptu est. Quando verò nutritiæ partes massæ sanguineæ aut sunt depravatæ, ut non possint partes legitime nutrire, habitus exterioris universi mala, v. g. cachexia, icteri, leucophlegmatia, &c. proveniunt; aut ex partis nutriendæ vitio, præternaturali fermento inquinato, eoque sæpius per contagium extrinsecus hausto, vitiose alterato, ut, præter talia vitia etiam non perfecte possit exspirare, tunc vitia cutanea, v. g. scabies, pruritus, variolæ, petechiæ, in facie gutta rosacea, vari, &c. originem ducunt, in quibus alimentum nutriendum à vitioso acido subcutaneo depravatur, ut ex præternaturali sua acredine, in specie acido-salsa, in pruriginosas pustulas & varias maculas abeat; unde & medicamenta cosmetica, cutaneis morbis dicata, talia esse solent, quæ acidum istud absorbendo & destruendo corrigere possunt, v. g. sperma ranarum, aqua pomorum putridorum, sal & oleum tartari per deliquium, sulphur, benzoe, cerussa & saccharum saturni.

Nutritioni & Auctioni, seu principibus (quas spirituum animalium beneficio peragi hæcenus dixi,) multi a. ministras Facultates adhuc adjungunt, *Attrahentem, Retentricem, Concoctricem, & Expultricem*. Sed cum ipsi Autores non possint explicare, quid per has facultates intelligant, aut quomodo operentur, non necesse puto, entia præter necessitatem multiplicare. Nam reverà Attractioni, Retentioni & Expulsioni optime satisfacit structura partium secundum fibras mechanica: videmus nempe nullam esse in partibus attractionem, sed succorum retentiones, & varium motum fieri per solam pulsionem, & præcipue in nostro corpore. Omnes enim partes certam habent structuram, secundum quam in suis cavitatibus retinent sufficienter res retinendas; cui sufficiunt fibræ partium circulares, quæ à spiritu animali contractæ, angustando spatium continens, rem contentam ulterius protrudunt, quod ipsum etiam de quacunque expulsionem certum est. De *Platonis Circumpulsione* videatur CORNELIUS CONSENTINUS.

Retentrici satisfacit *tonus partium*, h. e. legitima, secundum fibras earum nerveas, cæteris particulis viscus componentibus intertextas, structura, harumque à spiritu animali facta tensio, quæ est constitutio media inter nimiam ejus constrictionem & nimiam relaxationem, à qua legitima tensione robur partis, & inde contentorum fluidorum varium motus ac distributio dependet. Fibræ enim nervæ debite extensæ & efformatæ in membranas, cavitatem efformando sufficienter res retinendas continent, contractæ verò cavitatem arctando expellunt, & laxatæ cavitatem nimis: augendo plus, quam par est, recipiunt, diutiusque retinent: v. g. stomachus secundum texturam fibrarum, quatenus hæ in membranis efformant cavitatem, est aptus natus, ut retineat, quod ingeritur; e contra hæ ipsæ fibræ, dum irritatæ spirituum animalium impetu se contrahunt, reddunt cavitatem angustam, unde istud in cavitatem existens extruditur, quod alias vocatur *Facultas expultrix*; si ulterius propellentur contenta, & in partes distribuuntur, vocatur *Attrahens*. Concoctrici tandem sufficiunt fermenta & fermentationes, in omni coctione, digestionem, & alterationem, imprimis chyli & sanguinis, obviæ, quæ alimenta assumpta & distributa alterant, & pro miranda sui vi omnino immutant, pro varia sui constitutione, nunc naturali modo alimenta perficiendo, nunc verò præternaturali eadem vitando. Sed de his Facultatibus videatur *Charleton* in sua *Oeconom. Anim. Exercit. 7. §. 7. & seqq.*

Sunt alii adhuc, qui pro certorum humorum à massa sanguinea separatione, v. gr. salivæ, urinæ, &c. adhuc aliam in partibus facultatem somniant, *secretionem* scilicet: sed structura partium secernentium mechanica secundum poros huic negotio inserviens, pulchre satisfacit. Nam in renibus v. g. non est facultas secretiva, sed sufficit structura pororum, secundum quam particula liquidæ possunt transmitti; quædam transcolantur, quædam non, sed præterfluunt. Sunt namque ratione texture suorum pororum meatuumque in magnitudine, figura, &c. ita conformatæ, ut instar cribrorum, vel filtrorum, aut instar spongiarum, id, quod ex præterfluente liquore ipsis porulis congruum est, imbibant,

& per certa vasa aliò transmittant; id verò, quod non congruum est, præterlabi sinant. Quod si præternaturaliter ex vitiatis digestionibus massa sanguinea excrementis heterogeneis inficiatur, hæc ipsa beneficio fermentationis à reliquis particulis instar facum separantur, & humiditati serosæ involuta nunc per urinas, nunc per sudores, excluduntur, uti in febribus v. g. evenire solet. Hinc in desperata etiam febre urina turbata optimum signum est.

Aliud namque est secretio in humoribus partium heterogenearum spontanea & immediata, aliud verò est earundem secretio mediata per quoddam organon, seu cribrum & filtrum. Prior ista fit per modum præcipitationis, qua ratione faeces separantur ex vino, posterior fit per modum transcolationis, qua ratione per filtrum separantur particula heterogeneæ ex liquore.

C A P U T IV.

De Appetitu Animalis.

S E U

Fame & Siti.

PRæter dictas necessitates assumendorum alimentorum ut nutriamur & crescamus, ulterius sensilem stimulum ad hoc ventriculo pro istdem implantavit natura per *appetitum animale*, qui est *desiderium alimentorum* seu *ciborum potusque, animalibus proprium*: & appetitus quidem solidorum seu cibi *Fames*; appetitus verò liquidorum seu potus *Sitis*, communiter dicitur.

Quod attinet *Famem*, de ea omnes conveniunt, illius fundamentum in stomacho, executionem verò in nervis & spiritibus animalibus, esse. Non autem oritur ex suctione venarum inanitarum in stomacho, quæ sugendo ulterius volunt impleri, ut dixerunt veteres, quia hoc assertum falsum est; partim quia hoc circulatio sanguinis funditus delet, partim inconceptibile est, cum non possimus percipere, quomodo fiat talis suctio in partibus phantasia & appetitu destitutis, & ad suctionem ineptis? Si enim hoc assertum verum esset, sequeretur, quod in omni hemorrhagia largiori, venesectione & evacuationibus aliis necessariò excitaretur Fames, propter inanita vasa, & consequenter suctionem. Sed contrarium potius testatur experientia, cum partes solida, aut harum vasa vix adeò vacua reddantur, nili in illis, qui diutius & per aliquot dies & noctes ab alimentis abstinerunt, nec in famelicis vasorum extremitates sanguine distentæ reperiantur.

Hanc hypothesin de suctione venarum discussit MOEBIUS in *Fundam. Medic. pag. 101.* ubi de appetitu. Cum ergo Autores viderunt, venarum suctionem non succedere, ad Calorem pervenerunt, & dixerunt: *Calorem esse causam Famis*. Probant hoc in senibus, quorum stomachus, quia frigidior est, parum appetit. Sed nec hoc assertum de Calore ventriculi veritate nititur, cum v. g. in febribus ardentissimis, ubi maxime fervet stomachus, appetitum extreme esse prostratum, constet: ad hæc tempore estivo, quod magis calemus, minus appetimus. Tandem, dum calor in stomacho non sufficeret pro excitanda Fame, ad aliam sententiam pervenerunt, dum scilicet percipimus in stomacho, in specie circa orificium ventriculi superius, seu sinistrum, sensationem quandam ac molestiam, & talem quidem cum rosione vel morsione conjunctam, simulque notum est, quod ii, qui solent eructare acida, maxime voraces sint, & appetitum maximum habeant, (quod etiam verum est de melancholicis, qui acido gaudent,) ulteriusque observatum sit, quod acida, in specie acetum, Famem excitent; his manu ductoriis experimentis pervenerunt ad hanc hypothesin: Famem scilicet oriri radicaliter ex quodam sensu rosionis in orificio ventriculi superiori, quæ rosio excitatur imprimis ab acrimonia acida, ita ut istud, quod causa proxima vellicationis in stomacho fit, sit humor quidam subtilis, acidulus vel falso-acidus, qui in rugis stomachi hærens morsicet halituosis particulis orificium superius, ex qua sensibili perceptione & vellicatione oriatur sensus istius molestiæ in stomacho, qui sensus vocatur appetitus seu Fames, quæ radicaliter consistat in orificio ventriculi sinistro, formaliter autem in appetitu seu desiderio alimentorum.

Oritur ergo Fames ab humore quodam salino-acido seu subtili spirituofo acido volatili fermentativo excitato, in fundo ventriculi, præsertim tunica ejus crustosa: hinc omnia, quæ acidum hoc volatile destruant, seu ejus vim obtundunt, v.g. alcalia, martialia, conchyilia, corpora fixa salina, pinguis & oleosa, &c. Famem etiam imminuunt; aucto verò vel intensius reddito illo acido, major subinde appetitus emergit, sicuti aliquali analogia acida assumpta, ut succus citri, berberum, acetum, spiritus volatiles acidi, spiritus omnes mineralium, &c. subinde appetitum stimulare assolent. Pluribus de appetitus natura vid. MOEBIUS l. 2. c. 8. p. 100.

Acidum hoc volatile in ventriculo vacuo contracto à calore magis volatilifatum, halitu & odore suo acido blandè styptico seu adstringente latera ventriculi, specialiter verò orificium ejus sinistrum, seu proximum Famis subjectum, rodit, pungit & vellicat, unde oritur quædam molestia seu lationis sensatio, qua ex innato instinctu concitatur appetitus animalis ad desiderium alimentorum. Distinguitur communiter Fames in naturalem & animaleam seu sensitivam: naturalis enim est punctio & rosio ista orificii ventriculi sinistri à spiritu acido-volatili facta, Animalis verò est perceptio seu sensatio istius molestia, & inde natus affectus desiderii alimentorum, accedente simul sensuum internorum concursu, qui per objectum hoc sub specie aut boni aut mali Appetitum stimulant, partesque tandem assumptioni alimentorum dicatas in motus spontaneos trahunt: unde omnia narcotica anodyna propter immutationem sensus etiam imminuunt appetitum, v.g. opium, theriaca, nicotianæ fumus, &c. tollendo sensum orificii in stomacho.

Pro varietate autem hujus succi esurini, Famem excitantis, ejusque alia atque alia dispositione, dum certam vellicationem & certum sensum stomacho infert, unde unus hunc appetit cibum, alius alium, v.g. caseum, lac, alter acida. Ex hujus succi diversitate diversus animalium fit Appetitus, dum quædam solum vegetabilibus, quædam tantum carnibus vescuntur, dum felis esitat mures, canis ossa, ciconia ranas, homines carnes siccas vel alio modo præparatas. Ab hoc succo digestivo diversimodè, tam naturali à causa, quam ex præternaturali vitio, alterato, v.g. per imprægnationem, aut mensium suppressionem, &c. depravatus, & præternaturalis subinde mulieribus gravidis surgit appetitus, Pica dictus; Sic quidam aliquos cibos omnino abhorrent, iisque per insidias ingestis in lipothymias incidunt; alii verò e.g. cretam, carbonem, capillos, haleces, calcem vivam, &c. plus quam naturaliter appetunt, ut mulierculæ. Sed quomodo fiat hujus fermenti digestivi alteratio, & quomodo propriè se habeat, à priori determinare arduum est. Sunt, qui à certo stomachi temperamento; sunt, qui à certo constitutionis seu missionis modo istius succi esurini; sunt, qui à certis ideis, spiritui stomachi impressis, deducunt: sed tamen ubique rem difficultatis plenam relinquunt. Hoc certum est, respiciendum semper esse ad constitutionem istius acidi, quæ cum sit varia, tam in singulis animalium speciebus, quam in singulis specierum individuis, variè appetitum determinat, adeò, ut appetantur tantummodò ea, quæ ipsi sunt appropriata & grata, i.e. in quæ, tanquam convenientia objecta suæ activitatis, promptissimè solvendo potest operari. Sic enim v.g. cretæ, vel calcis, vel cinerum, appetitus & esus aliàs per se non est naturalis, unde etiam assumpta talia solent nocere; in virginibus tamen vel gravidis pica laborantibus, ex vitio isto ventriculi fermento, avidè appetuntur, & sine incommodo digeruntur, nisi in maxima copia assumantur: & cum fermenti hujus crasis seu constitutio ab assumptorum alimentorum in stomacho reliquiis subinde mutari soleat, exinde consuetudo ejusque insignis potentia originem ducit, unde etiam consueta, licet deteriora, crebrius appetere faciliusque digerere solemus, quam alia insueta, quæ abhorremus, licet meliora.

Cæterum, quoad certorum ciborum vel apparentiæ vel averfationis singularis causam, tam vi imaginationis, ut plurimum maternæ, stomacho infantis ejusque spiritibus, in specie ejus orificio sinistro, à veteribus ob sui dignitatem *xapôla* appellato, certum quasi characterem, interdum hæreditarium, imprimens, quam cujusdam lationis ab assumpto quodam certo, vel alimento nimio, stomacho inductæ, & hujus lationis in spiritibus certus character, seu quasi infixæ memoria, ob quam hoc vel illud non potest ferre, sed evomit, vel deliquium

Ermulleri Tom. I.

animi patitur, magna quoque hinc imprimis consideranda est ratio. Hæc partim hærent in spiritibus animalibus & systemate nervoso in orificio stomachi. Vim imaginationis quod attinet, eam confirmat natus puer, per totam vitam abhorrens à pane, ob matris tedium, ex denegato ipsi pane nimis desiderato, obortum, teste SCHOTT in *Phys. Curios. l. 3. cap. 27. pag. 533.* mater enim hujus pueri gravida, cum aliquando in cujusdam mulieris vicinæ domum venisset, & vidisset panem albicantem & bonum, placuit illi illico, ut appetitu illo vescendi teneretur, sed ex pudore non voluit postulare: postulatione ergo hac panis neglecta, & tedio, quod non posset accipere, peperit puerum, qui nullo pane vesci potuit. Ista imaginatio mediantibus spiritibus animalibus propagata est in fœtu, ut nunquam, sine tedio panem ferre potuerit: non minus quam infans per totam vitam à fele abhorruit, ob terrorem, matri gravidæ ex subito felis in eam insultu obortum; (postquam felis ex improvviso ipsam aggressa est) unde & hæreditario jure in integras familias talis antipathia non raro propagatur, cujus antipathia, hincque interdum obortæ syncopes, primus insultus, scilicet dolores circa præcordia, circa orificium stomachi, percipitur: ut nihil de imaginatione beneficio idearum seu conceptuum appetitum determinante, dum v.g. mulier exenterans lucium, inque ventriculo ejus ranam inveniens, ex tedio ranæ omnem post lucium nauseat.

Quoad vim lationis, caseum imprimis non pauci averfantur ex eo, quod matres vel nutrices adhuc lactantes denuò gravidæ factæ mammas præbeant infanti, unde lactis à graviditate iterata insignis alteratio, indeque ejus in stomacho infantis prompta coagulatio & quasi caseatio, hinc noxa stomacho, & ita ab hujus idea impressa per totam vitam huic averfatio casei, Autoribus SchooKio in *peculiari Tract. de Averf. Casei*, & incomparabili DIGBY de *Immortal. Anima humana Tr. I. de Natura Corporum pag. 38.* GRAAF de *Organis Virorum Generat. inservientibus*, item KERCKRINGIO in *spicileg. Anatom. p. 50.* Sic observavi virginem assumentem purgans, vehementius cinnamomi oleo larvatum, ad longum tempus postmodum à cinnamomo penitus abhorruisse.

Hæc de Fame: nunc ad alteram speciem appetitus *Sitim*. Hanc quod attinet, alia & distincta hujus omnino est ratio à Fame: utut enim in puncto sensationis conveniant, in causâ tamen sensationis differunt. Alimenta solida assumpta in stomacho à dicto fermento spirituofo avidè excipiuntur & comminuntur, quæ ut eò melius ab eo subigantur, cum salia haud melius agant quam dissoluta, humore aquoso dilui necessum habent, quo fine natura sitim excitat, quæ humidi aquei Appetitus est, quam cibus cum acido stomachali uniti, & in falsum paulatim degenerantes, inducunt: hinc nempe esuriens stomachus nec sitiet, nec sitiens esuriet, & homo à cibo sumpto semper naturaliter bibere gestit.

Finis sitis primarius est, ut assumantur alimenta potulenta ab animalibus, ut seu vehiculum inserviant tam chylicationi commodiori, & chylo intra corpus distribuendo, quam excrementis extra corpus ejiciendis: quibus peractis, & ipsa per diversa corporis emunctoria iterum excernuntur.

Oritur enim sitis à vellicatione & morficatione insigniori & molesta membranæ, fauces in summitate, ubi œsophagus dilatatur in pharyngem, succingentis; qui vellicationis sensus in illa membrana susceptus excitat desiderium aquosorum, quod dicitur Sitis. Iste fauces sunt *primarium sitis subjectum*: hinc per multam loquelam sitimus, & per gargarismata tollere possumus sitim. Cum verò membrana fauces succingens etiam gulam investiat & asperam arteriam, non improbabile est, etiam in siti nimis aucta has partes, gulam nempe & asperam arteriam, vellicari, & sitim ita multum augeri: vid. SVVALBE in *Tract. Querela & Opprob. Ventric. pag. 154.* est succinctus Tractatus. Revertè ergo fauces expansæ, membrana œsophagi & interna stomachi, quæ communis est cum aspera arteria, & cum toto œsophago, hinc etiam in graviore siti etiam membranæ asperæ arteriæ sunt affectæ.

Causa hujus Vellicationis seu quæ infert faucibus sitim, est *acrimonia irritans salsa*, tam propriè dicta talis, quam salsa plus minus urinosa seu biliosa, quæ salia acria pungunt & vellicant peculiari impressione, & rodunt faucium mem-

E

bra-

branam, unde pro eorum dilutione & abstersione urgetur liquidum simplex aqueum, qua facta cessat etiam sitis: unde prout acriora vel temperatiora, prout magis vel minus oleosa, & quasi biliosa, adeoque plus minus viscida fuerint ista salia, etiam magis vel minus intenditur sitis.

Habet ergo sitis causam positivam, non minus quam famem; nec enim solum defectus salivæ, aut faucium ariditas, vel gulæ aut asperæ arteriæ siccitas, sed & lymphæ cujuscunque, præsertim salivalis, in dictis locis defectus, aut dictarum partium nimia exastuatio juncta, multum ad sitim intensiorem reddendam concurrit, quatenus propter absentiam dictæ lymphæ nec debite diluuntur salia acria continuata illius deglutitione, nec fauces debite humectantur & abluuntur, quarum siccitas, ob membranæ illarum cum stomachi interiore tunica continuitatem, sitis pathema sensilius omnino & gravius reddit. Interim deficiens saliva, per se & sola nunquam eandem infert: & sicut acidum, vellicans ventriculum, urget illius molestia, tanquam medela, sicca & solida, in qua agere possit; ita acria hæc & salia, vellicantia fauces, postulant humidum aquosum, quò simplicius eò melius, ut non saltem eas abstergere & diluere, sed etiam pro vehiculo solidorum alimentorum inservire possit.

Quod verò sitis sit affectus faucium, & oriatur ab acrimonia salsa, confirmant hæc omnia ea, quæ sitim concitant, ut sunt omnia salsa assumpta, item acria salina vel urinosa, volatilia aromatica, sale volatili oleoso plus minus acri imprægnata, sal commune, hinc alimenta nimis salita, haleces, item piperata, zingiberata, sinapi, omniaque fauces irritantia, ordinariè sitim magis intensam reddunt; non secus ac vegetabilia acriora sale volatili acerrimo semicaustico imprægnata, ut sunt scammoniata, esulina, &c. ordinariò sitim insignem successivè solent inducere, irritando fauces. In affectibus catarrhalibus ægri propter falsedinem lymphæ & salivæ, fauces irritantis, sitiunt: saliva item vitiose vel nimis salia, tam fauces vellicando, quam deglutita stomachum afficiendo, sitim intensam excitat, ut hydropicis, cachecticis, diabeticis, quibusdam scorbuticis, &c. obvium est; tum & defectus partium spirituosarum vel aquosarum vel acidularum in saliva, quæ acrimoniam salinam antea attemperant, sitim inferunt. Tandem halitus ex præcordiis per fermentationem excitantur, qui salibus volatilibus acris insigniter imprægnati sunt, unde caliditate partem aquosam & spirituosam dispergunt, salina verò sua acrimonia fauces pungunt & vellicant, unde in paroxysmis febrilibus, item post nimium motum sitis adeo intenditur; non secus ac cruditas nidorosa in stomacho defectu aciditatis nata, sitim excitare solet: hinc in febribus, præsertim ardentibus, dum deficit fermentum digestivum, & quælibet assumpta in nidorem corrumpuntur, sitis continua, subinde clamorosa, suboriri solet, ne aqueis quidem restinguibilis, quia talia causam proximam non sufficienter corrigunt, cum in tali stomacho alcalisata quasi materia febrilis, ut loquitur HELMONTIUS. Et sanè, quò magis activum est stomachi fermentum, eò minus urgere potest sitis; quò minus verò potens hoc exiterit, eò intensior torquere solet siticulositas.

Ea, quæ sitim sedant, idem testantur; quod faciunt aquosa & potulenta, salia hæc acria, fauces irritantia, imbibendo, diluendo, fauces abstergendo & abluendo, sitim levant; item ablutio oris & gargarisatio tantum sitim sæpe tollit, post esum acrium & salforum imprimis si sit concitata. Præ cæteris omnibus acida potentissima, assumpta cum potulentis, maxima sitientium sunt solamina; hinc *unicus vini haustus plus sitim sistere solet, quam dimidia cerevisia mensura*: præ cæteris in febribus hoc obtinet, in quibus nil magis sitim tollit, quam acidum; hinc julepia acida usurpantur, quatenus hæc salia acria lixivialia, & nidorosa acria & quasi alcalisata, in stomacho corrigunt, præcipitant, & in aliud esse transmutant. In febrium siti Practici feliciter utuntur mucilagine chydiorum, succo citri & aliis acidis in ore contentis, ut scilicet destruant alcalia acria: spiritus vini in siti post labores optimus, quia parte sua volatili oleosa temperat & tollit acrimoniam salium, ex defectu spirituum in laboribus disperforum ortam. Sic scorbuticorum sitim acerrimam ab acrimonia salivæ salsa, aut sero nimis salso aut acri, nil melius tollit quam potus lactis, ratione pinguedinis butyroasæ & oleosæ, demulcentis & obtundentis acrioris salis impetum, labiisque seri potus, acrimoniam diluentis, & temperantis. Equidem in leviori malo oris abluitiones ac gargarisationes ejus, sive cum

aqua tepida, sive cerevisia secundaria, ejus sitim quidem subinde fallunt, non autem reverà tollunt. Hæc acrimonia salsa, præter externa assumpta, oritur ex præcordiis, sive sanguine effervescente in pulmonibus. In empyematicis sitis oritur ex pulmonibus, ex sanguine ibi effervescente, continuo exhalante halitus salios, qui irritant fauces. Naturaliter appetimus liquida simplicissima: vid. SVVALBE l. a. Potus saluberrimus est aqua: industria autem humana facit, ut assumamus potum hordeaceum seu medicatum, qui est secundarius potus nonnihil analepticus seu nutritivus.

C A P U T V.

D E

Alimentorum Masticatione,

E T

Deglutitione.

Compulsi famis stimulis assumimur Alimenta, quæ antequam stomacho transmittantur, in ore primam subeunt alterationem, & ad meliorem sui digestionem in stomacho, necessariam præparationem; idque masticationis beneficio.

Quod attinet os, dividitur hoc rectè in externum, labiorum limbis circumscriptum, & internum seu totam illam cavitatem sub labiis ad fauces usque pertingentem, palatum nempe cum suis contentis.

Exterius ergo os constituunt duo labia, quorum alterum superius, alterum inferius, dicitur: horum substantia caro fungosa & mollis est, quam cutis tenuissima, & interiori membranæ communi continua, tegit, ita tamen ut hujus fibræ ipsi carni fungosæ copiosius immisceantur. Pro labiorum autem mobilitate maximè necessaria, non tantum pro Alimentis assumendis & retinendis, sed imprimis etiam ad varias motuum, pro literarum atque syllabarum diversitate exercendorum differentias, natura musculos implantavit, non quidem adeo multos, quorum tamen fibræ, in labiorum extremitate rubicunda, ita invicem commiscantur, ut à se discerni non possint.

Dividuntur Musculi hi in *communes* & *proprius*, quorum prior, Galeno *πλάτισμα μυώδης* dictus, quadratus est, & reverà pars quadam panniculi carnosus est, adeoque à Veteribus cum cute mox separatus fuit, idè, quod sine ullo pinguedinis interventu eidem adhæreat. Oritur à vertebra cervicis, nec non spinæ, claviculæ & pectoris ossibus, unde per colli latera ad anteriora fibris obliquis faciem conscendit, & totam maxillam inferiorem involvens, circa utriusque labii confinium terminatur. Alter, Buccinator dictus, non quod in buccinatoribus buccas distendat, sed quod in iisdem potius distendatur, hinc in eorum buccis, quas constituit, maximè conspicuus sit, cute immediatè succingitur, & in homine orbicularem ferè, in brutis verò oblongam magis figuram habet: à gingivarum siquidem inferiorum radicibus emergens, superiorum basi inseritur.

Musculi labiorum proprii aut labio superiori aut inferiori destinantur, aut utrique communes. Sic *par partium* superius illud est, quod ex orbitarum oculi, & narium confinio perpendiculatim descendit, & in labium superius terminatur: *alterum* gracile, teres, à cavitate illa genarum, quæ orbitæ oculi subjicitur, emergit, & hinc, multa pinguedine involutum, pariter recta deorsum protensum labio superiori immergitur. *Inferioris* autem labii *propriorum* par unicum latiori principio à menti medio exoritur, & fibris rectis ad inferioris labii medium descendit. Utriusque labii communium primum par *zigomaticum* est, quia à maxillæ superioris illa protuberantia, quæ ad processum jugalem constituendam abit, principio latiore exoritur, & hinc per genas obliquè in labii utriusque confinium desinit. *Commune alterum* è lateribus menti lato principio emergit, quod mox & sensim decrescit, & graciliori termino in labii utriusque convenientiam implantatur. *Tertius* communium simplex & unicus musculus est, ab usu *Sphincter* seu *Constrictor* dictus, qui ex carne magis fungosa constat, & limbum labiorum constituit, adeoque totum os exterius in orbem cingit.

Quoad os interius, constat hoc partibus plurimis, tā continen-

inentibus quàm contentis; & quidem inter partes continentes primo sunt *bucca*, quas, præter muscolum buccinatorem suprà dictum, constituit expansio quædam glandulosa, quæ totam buccarum planitiem, utrinque gingivis interjectam, succingit, & inter jam dictum muscolum & oris anteriorem seu communem membranam delitescit. *Glandula conglomerata*, ex quibus hæc expansio coagmentatur, parte sui inferiore crassiores sunt, hinc tenuiores redditæ valis sanguiferis & nervis, per superficiem sui exteriorem & interiorem, aditum liberum concedunt; præter quæ vasa etiã innumera salivalia conspiciuntur, quæ ex plusculis radicibus assurgunt, & oris membranam inæquali linea, secundum totum maxillæ inferioris tractum depositis osculis, protrudunt, ita tamen ut infra hæc minora & breviora adhuc copiosè satis formata observentur, quæ tamen vix magis, quàm per humoris salivalis expressionem, se manifestant; vid. *STE-NO de Gland. Oris* p. 17. & 18.

Deinde tanquam continentes partim, partim contentæ, ad os constituendum concurrunt *maxilla* cum suis dentibus. Illarum duæ sunt, superior & inferior: quarum illa totam compagem osseam, quæ sedem oculorum inferiorem & latera ad medietatem usque ossis zygomatici, malas ac palatum, constituit, dentium superiorum seriem includit; cranio verò per futurarum symphyin & harmoniam conjungitur: inferior autem pars illa ossea mobilis est, quæ ossibus temporum per arthrodiam cohæret, & dentium inferiorum sedem, pro *Alimentorum Masticatione*, exhibet.

Masticatio autem est ciborum solidorum plus minus duriorum inter dentes, imprimis maxillares, beneficio motus *maxilla inferioris*, adjuvantibus tum lingua propter motum, tum labiis *agitatio*, qua subtiliter comminuuntur & conteruntur, ut & beneficio dentium cum saliva intimiùs permiscantur & subiguntur, & ita ad digestionem subeundam præparantur: vid. *MOEBIUS in fundam. Physiologicis*.

Quod masticat, est maxilla inferior, cujus motus dependet à 5. paribus musculorum, primariò autem à *musculo crotaphite*, seu *temporali*, qui principio ferè circulari ab osse frontis, syncipitis & temporum sursum carnosior factus, collectis denuò fibris, sub osse jugali oblique descendit, ac tendine brevi & validissimo processui maxillæ inferioris acuto implantatur, hancque sursum trahit, unde sub Masticatione tempora intumescunt. Secundum par, prioris Antagonista, *Biventer* vocatur, quod principio tendineo & paulò latiore à processu mammiformis parte posteriore emergit, mox carnosius & teres factum in medio sui ventrem carnosum deponit, & in tendinem exilem satis gracilescit, usque dum, pristina carnositate assumpta, parti menti mediæ & interiori inferatur, pro maxilla retrorsum movenda, simulque deprimenda. *Tertium Masseterium* seu *manforium* est, quod duplici principio, altero nempe tendinoso à commissura primi & quarti ossis maxillæ superioris, altero carnosio ab osse jugali, emergit, ita quidem ut utriusque fibræ, decussatim se intersecantes, partem maxillæ inferioris, eamque exterioris, carnosam insertionem tegant, adeoque maxillam sursum, simul tamen etiam ad latera, trahunt. *Quartum par alare* seu *pterygoideis* internum, carnosum valde, à processibus cuneiformis externis prodit, cum posteriori & interiori maxillæ dictæ planitie infigitur, quam etiam oblique retrorsum simulque ad latera interiora movet. *Quintum tandem alare* est, ratione exortus externum dictum, quod aliàs ratione situs cum præcedenti subalternatur. Internum vocatur, quia præcedenti angustius, satis tamen carneum, ab externa processuum ala emergit, & maxillæ inferiori prope confinium utriusque illius processus inseritur, & cum priore pari similem habet usum.

Patet itaque, quod sola maxilla inferior inferat motum, & per consequens *Masticationem*; nil enim hic facit maxilla superior. Equidem commune effatum est, Crocodilum simul movere in Masticatione Maxillam superiorem: sed negatur rectè; quoniam maxilla superior, uti in vipera, plittaco & omnibus animalibus, ita etiam in crocodilo, est immobilis, prout per *avro-lav* contra communem sententiam *VESLINGIUS Observat. 4. & 5.* ac *BARTHOLINUS Centur. 3. Histor. 86.* testantur: quia Crocodilus est animal primum ventre incumbens, & dum masticat, in masticatione caput attollit, & cum eo maxillam superiorem. Conteruntur ergò alimenta beneficio motus maxillæ inferioris, suorum dentium seriem cum superiorem serie collidentis.

Etmulleri Tom. I.

Maxilla superior constat ex 11. ossibus per harmoniam & futuras cohærentibus, quæ omnium optimè recenset & describit *van HORNE Microc. §. 11.* utpote, quod ab aliis omissum, à Columbo verò additum, tanquam undecimum, reliquis adnectit.

Maxilla inferior adultis os unicum est, in pueris verò ex duobus, in medio menti per synchondrosin junctis, constat, quorum cartilago interjecta ante annum septimum annihilatur, aut naturam osseam induit, ita ut in adultioribus interna facie lineæ saltem protuberantis vestigium relinquat. Desinit utrinque in duos processus, ac foramina quoque utrinque bina habet, de quibus, præter *HORNE loco citato*, vid. *BARTHOLINI Anatom. Reformata*.

Utraque maxilla *locellis*, seu *alveolis* prædita est, pro excipiendis dentibus; qui dentes, *an inter ossa numerandi?* à plurimis controvertitur. Probabile autem est, quod ossa sint sui generis, eò quod ad nullum partium similarium genus magis commodè ac ad ossa referri possint; ita ut illi, qui dentes ab ossibus distinguant, à *Fontano in Epir. Vesalii* sophistæ cum *Galeno* rectè dicantur, utut negari non possit, dentes nihilominus à reliquorum ossium natura in multis differre; dum

1. Non ut ossa reliqua intercedente cartilagine, sed per conversionem immediatam mucoris, intra maxillarum alveolos latitantis, fiunt, & quidem ut mutatio hæc oriatur ab apicibus extremis seu ambitu, ita ut rudimentum dentium mucosum substantia ossea incrustatum videatur.
2. Horum substantia per continuam masticationem attrita toto vitæ curriculo reparatur, cum tamen, quod ab ossibus reliquis deperditum, non restituatur.
3. Dentes primo septennio excidunt, aliique erumpunt, reliqua verò ossa toto vitæ tempore individualiter persistunt, & sublata non restituuntur.
4. Ossa perioestio communiter involvuntur, quo dentes carent.
5. Dentes ossibus reliquis longè solidiores & duriores existunt, ut ex brutorum quorundam dentibus ignis, uti ex filice, excuti queat.

Dentes generantur intra uterum, tamen in alveolis suis imperfectiores latent usque ad octavum aut nonum gestationis mensem, quo tempore in maxillis tumores quidam assurgunt, qui pro alveolis dentium habendi. Prodeunt verò extra dictos alveolos ordinariè in infantibus demum, & vix ante septimum à nativitate mensem, utut interdum infantes dentati nascantur, sicut de *Marco Curio & Cneio Papyrio, Caubone, &c.* *Historia Romana* refert; sicut & in hodierno *Galiorum Rege*, *LUDOVICO XIV.* idem observatum fuit, & *KERCKRINGIUS in Spicileg. Anatom. Observat. 24.* aliis exemplis comprobatur.

Sicut autem eruptio dentium sine febre, diarrhæa, vomitu, similibusque, ab Hippocrate *Secl. 3. Aphorism. 25.* recensitis, rariùs contingit; ita hæc dentitionis quidam effectus creduntur, quos dolor exquisitissimus, à dentibus gingivam perforantibus, moverit. Verum, quamvis dolor & inflammatio gingivarum febrim excitare aut hanc intendere soleat; orgasmum tamen spirituum & fermentationem humorum inde oriundam, quæ ratio formalis & fluxus alvi, vomitus & convulsionum causa existit, eruptionis dentium gratia excitari, & per hæc, ut motum criticum terminari, non planè improbabile est; quia dentes ut partes solidæ & per se immobiles, ab alio moveri necesse habent; Omnis autem partium solidarum motus à sanguine & spiritibus cum horum orgasmo oritur. Septimo & decimo quarto circiter anno in utraque maxilla nonnulli dentes, potissimum incisores, exidere, horumque loco alii succrescere solent, cujus phænomeni causam falsò alveolorum in crescendo amplitudini, hincque vacillationi dentium, aut nutrimento duriori & inepto, adeoque tabi illorum descendenti adscribunt, sed potius latentes videntur conspicuos protrudere & expellere: quod si enim non excidant, aut priores extrahantur, posteriores novas vias sibi parant, & oblique (superiores ut plurimum ad exteriora, inferiores ad interiora) prodeunt; cum non probabile sit, posteriores intra maxillas de novo formari, sed illorum primordia in his jamdum latitare,

ta ut à tergo priorum stent, prout EUSTACHIUS de dentibus, & RIOLANUS in *Anthropograph.* primi annotarunt.

Numerus dentium omnibus idem non contingit, frequentior tamen in qualibet maxilla est quatuordecenarius aut sedenarius, prout ex Bartholino aliisque Anatomicis videri potest. Imò figura quoque & officio eos inter se differre, quàm notissimum est; undè eorum 8. anteriores latiores sunt incisorii, alii canini, alii molares; undè rarum est, quod FONTANUS in *Epit. Vesalii* refert, omnes dentes molarium figuram obtinuisse. Molarium interim duo posteriores genuini, sapientiæ dentes dicti, ante annum vigesimum, quando homines sapere incipiunt, vix prorumpunt; hinc Spigelius vocatus ad adolescentem, qui doloribus ab horum eruptione ortis torquebatur, ubi hic doloris locum monstraret, quæsit, quot annorum esset? eoque respondente, 15. inquit: *Ne plora, sapere incipies.*

Firmantur, uti suprà dictum, dentes cum maxillis per γόμφωσι, cui tamen semper accedit σαρξάρωσι, quando gingivis cinguntur, ita quidem, ut his laxatis aut erosis dentes vacillent, & facilius perdantur.

De usu denique dentium primario nemo est, qui dubitat, illum in comminutione ciborum consistere, dum incisorii dentes molliora incidunt, canini duriora frangunt, molares autem incisa & confracta atterendo & quassando in minima redigunt, adjuti præprimis à musculo buccinatore, labiis ambientibus, & lingua inclusa, utpote quæ partes dum se se contrahunt & movent, dentibus molaribus masticanda subjiunt, extra horum cancellos delapsa iterum iterumque reponunt, donec in subtiliorem magis pulvem redigantur. De secundariis autem dentium usibus, reliquisque huc spectantibus, vid. MOEBIUS in *Fundam. Physiol.* alique Autores.

Finis Masticationis est præparatio ciborum, tam ad sapores melius percipiendos ac dijudicandos, quàm facilitandam deglutionem, tandemque suscipiendam faciliorem in stomacho digestionem. Præparationem autem hanc alimenta acquirunt, partim cum comminuuntur, partim dum cum saliva intimius permiscuntur. Comminuuntur alimenta, quia certum est, quod quò melius in ore alterantur, eò facilius in stomacho fermentantur & digeruntur; hinc est, quod inter alias rationes senes edentuli difficiliorem habeant digestionem, quia alimenta non satis masticant: conf. HELMONTIUS loco allegato: & certum est, quod bolus unus non masticatus majus facesset negotium, quàm aliàs decem boli masticati. Patet hoc ex fundamento fermentationis, cujus requisita sunt, ut res fermentandæ dividantur minutim: vid. KERGERUS de *Fermentatione*.

Saliva intima cum Alimentis sub Masticatione commistio summè etiam necessaria est, quia hic liquor aqueo-salinus parte sua aquosa ea attenuat & resolvit, salia varia in Alimentis recondita liquefacit; salina verò acidula & quasi ammoniacali eadem incidit & penetrat, spiritu suo volatili subtilizat, adeoque pro meliori saporum perceptione laborat, & vi sua fermentativa ad futuram in stomacho fermentationem meliorem disponit; quatenus scilicet faciliat hoc modo fermenti ventriculi ingressum in alimenta, quatenus suo modo non leviter alterat fermenti crasin, ita ut saliva præstet alimentis digestionis inchoamentum, ventriculi verò fermento tandem ejus complementum: saliva enim hæc cum fermento dicto magnam analogiam & convenientiam, adeoque homogeneam quodammodo naturam, habere, illiusque rudimentum esse, videtur.

Ut clariùs dicta pateant, circa hoc negotium consideranda est *compositio saliva materialis*. Componitur namque ea primario ex copiosa aqua seu sero, imprægnata subtili & occulto acido volatili, temperato ab admixto spiritu animali salino volatili oleoso, per nervos advecto, uti videre est in *Dissertat. I. SYLVII* pag. 7. item STENONE de *Gland. Oris* p. 27.

Quanta etiam hujus præparationis Alimentorum in ore sit necessitas, exemplo nobis sint bruta ruminantia quamplurima, quæ comminutionem non sufficientem per repetitas masticationes refarciunt; saliva verò deficientis permissionem aves in ingluvie absolvunt: ex eadem enim causa duos quasi habent ventriculos, *Ingluvie* & *Ventriculum propriè sic dictum* membrano carnosum. *Ingluvies* compressa humiditatem quasi salivalem suggerit, aut si ei intrudatur digitus, prodit copiosa aqua instar lymphæ, mediante

qua, quicquid solidum est in ingluvie, prius emollitur & maceratur: hinc quando ingluvie extrahitur, videmus grana quædam turgida, quæ vel denuò pullis pro alimento evomuntur, vel ad ventriculum pro perfecta digestionem transmittuntur, & beneficio systematis musculosi concoquantur: vid. MARCUS SEVERINUS *Medic. Hipp.* pag. 303. BARTHOLINUS *Cent. 4. Epistol.* pag. 235. & 342. item PEYER. de *Glandul. intestinorum*, ubi simul Anatome ventriculi galli gallinæ legitur.

Quoad ruminationem, faciunt hoc imprimis cornigera animalia, qualia sunt cervus, hircus, &c., quæ ut plurimum superiori dentium ordine carent, & ob id convenienter masticare non possunt. Ut autem eò melius alimenta comminuantur, natura his quadruplici prospexit ventriculo, ut *ventriculo primo seu innominato, reticulo, omaso, & abomaso*: vid. *Observat. Anatom. Amstelodamenses Colleg. Privati*; ubi quadruplex ventriculus ære delineatus conspicitur. In his ergò ex primo ventriculo cibus maceratus quasi, & mollior redditus, per validarum fibrarum constrictionem sursum in os repellitur, ibique denuò molitur, quod *Ruminatio* dicitur; molitus ad omasum pellitur, & in abomaso tandem perficitur. Observantur etiam homines ruminantes, quorum mentionem faciunt HORSTIUS lib. 4. *Observ. 9. & sequent.* BARTHOLINUS *Centur. 5. Histor.* 16. de Hominibus ruminantibus: item RHODIUS in *Cent. 2. Histor.* 59. SEBIZIUS de *Aliment. Facultat. lib. 5. pag.* 1208. De his ruminantibus notandum, quod habuerint parva cornua & ventriculum musculosum. FABRICIUS ab AQUAPENDENTE talè observationem habet de talibus hominibus, in quibus cornua crassiora instar digiti minoris, & post mortem stomachus quasi musculosus observatas fuerunt; hinc factum est, ut per musculos potuerint regerere blandè alimenta in os, & ita ruminare. RIOLANUS dicit: *Ruminantem Melitensem œsophagum musculosum habuisse ad ventriculum usque protensum, fibris rectis conspersum*; sicuti Franciscus Plazzonus, referente BARTHOLINO l.c. in Monacho ruminante, qui in fronte habuit corniculum, deprehendit œsophagum undique musculi instar carnosum.

Salivæ, primi illius ciborum fermenti, vim penetrativam & aliqualem fermentativam confirmat.

1. Panis bis coctus probe masticatus, & ita largiter cum saliva imprægnatus, qui cum farinacea massa mixtus eandem instar communis fermenti fermentat.
2. Quod si sola salivæ dispersio, & spiritus seu halitus oris farinacæ massæ inspiratus & conclusus, eam fermentare faciat; multò magis spiritus hic & saliva cibis simul permixta, fermentationem ciborum simul inchoabunt.
3. In fructuum succulentorum, e. gr. cerasorum, &c. conditura, conseruarum, & syruporum præparatione, mulierculæ arcent infantes, ne lambendo cochlearia aliquid salivæ ejusmodi saccharatis permisceatur, quæ aliàs facillimè fermentarent & acescerent: quod idem cerevisiæ coctores quoque studiosè observant, qui nempe cauent, ne saliva aut mica panis immisceatur cerevisiæ novæ, quia aliàs ea acesceret.
4. Per salivam, mediante ejus vi fermentativa, nunc per communia pocula, nunc per oscula, sapius morbi contagiosi communicantur & propagantur, quod & de scorbuto, lue Venerea aliisque similibus inueteratis observatur.
5. Facit huc, quod saliva sanorum saliva sua vi non inelegans sit Cosmeticum, ac plurimis morbis externis egregiè conducatur, v. gr. hordeolo, impetiginibus, aliisque maculis faciei, vulneribus recentibus, &c. unde & canes lambendo sua vulnera sanant.

Innuunt hæc vim aliæ singularem alteratiæ, & per consequens fermentatiæ, &c. In saliva enim aliquid salinum ammoniacale est, cujus beneficio in cibos agere potest. Si ergò miscetur cum cibo masticato in ore, illum in salum volatile mutat, & digestionem prospicit. Addatur, quod saliva jejuna subigat Mercurium vivum cum saccharo; profliget serpentes & venenata animalia; item per morsum communicata à rabidis animantibus, maxime etiam operetur: de quibus saliva facultatibus videatur DEVSINGIUS in *Exercit. de Nutrim. Animal. Elabor.* pag. 8. item in *Append. huius Exercit.* pag. 303. item TACKIUS in *Chrysogon. Anim. & Miner.* pag. 13.

Origofaliva, cœneiusdem generis lymphæ, est à glandulis salivalibus, iisque admodum copiosis, in & circa os compositis, in genere stomaticis dictis, quæ tamen omnes ad tria genera, ad *maxillares* nempe, & ubi & *parotides* intelliguntur, ac *palatinas*, & *sublinguales* utrinque ad latera linguae sitæ, rediguntur: quibus etiam tonsillæ ipsæ suo modo addi possunt.

Hæ glandulæ ex arteriis, per minutissimos ramulos in iis dispersis, instar spongiolarum emulgent copiosum liquorem limpidum serosum, salinum, & ut quibusdam placet, occultè acidulum, & oleosum: quibus ex nervis insignibus accedere videtur spiritus animalis volatilis, qui liquor per singularia vasa excretoria tandem in os derivatus, salivam constituit, cœu hoc facile possumus videre in vitulis: vid. SYLVIVS & STENO *Observat. Anatom. de variis oris, oculor. &c. vasis*, VVARTHONUS in *Adenogr. pag. 21.* & DEUSINGIUS in *Exercit. de Nutrimenti Anim. Elaborat. pag. 8. item in Append. huius Exercit. pag. 803.* TACKIUS in *Chrysogon. Animal. & Miner. pag. 13.*

Glandulæ hæ sunt ex genere glandularum conglomeratarum sui generis, quæ lympham transfundunt in locum certis usibus destinatum: habent etiam nervos, ideò, ut beneficio fibrarum obscurum motum tribuant glandulis pro faciliore excretionem salivæ.

Præter has sunt & *ductus aurium Fallopii*, *ductus cartilagineus*, *ductus lachrymalis*, & glandulæ, atque alia vasa naribus propria, quæ non immediatè, sed aliis ductibus intervenientibus, partem salivæ ori adducunt. De tonsillis equidem hoc negat VVARTHONUS *Adenogr. cap. 22.* eò quod in sinibus harum liquor crassior, viscidior, albicans, & secundum naturam dulcis, deprehendatur, & ab his rejiciatur; saliva verò tenuis, aquosa & limpida, imò planè insipida sit. Sed negatur, quod ille supponit, liquorem ex ductu illius maxillari promanantem salivæ tantum ratione dignum esse, cum in ore nostro saliva collecta *non simplex*, & ex fonte unico sed per vasa plura adductus liquor sit, ita ut nequiquam hoc, quod ex glandulis, v. gr. sublingualibus, palatinis, &c. solum, sed quod ex omnibus confluit, saliva propriè dicenda sit. Ex eodem enim fundamento, quo Vvarthonus tonsillarum mucum propter crassitiem & visciditatem excludit, eodem etiam lymphæ glandularum maxillarium rejici posset, cum saliva tenuior & aquosior sit: Imò crassus ille liquor, qui in cadaverum tonsillis reperitur, non naturalis est, & similis etiam in *ductibus maxillaribus* vel *Stenonianibus* mortuorum reperitur. Sicut enim genitura maris non ille tantum liquor est, qualis in testibus elaboratur, nec ille serosior proflatarum, sed uterque simul conflatur; ita & salivam ex diversa glandularum lymphæ compositam esse, non improbable est.

Vsus saliva in genere est.

1. Ut continuo deglutita abstergat stomachum, ejusdem nimias eluat sordes; quibus remotis potentior erit acidi fermentativi stimulus & effectus.
2. Cibus permixta disponit eos ad faciliorem fermentationem & digestionem.

Præter quem usum primarium, secundarii etiam sunt usus, quorum

1. Est: fermentum stomachale ex parte restituere, dum deglutita reliquias ciborum in fermentum mutat.
2. Humectare continuo linguam & os pro celeriori illius motione & loquela.
3. Lubricare fauces & gulam pro faciliore deglutione; hinc in febribus difficilis est deglutitio, quoniam deficit axungia, oblinens gulam.
4. Sitim aliàs perpetuo molestantem remove & præcavere faucium abluitione.
5. Appetitum & saporum perceptiones atque dignotiones promovere particularum salinarum dissolutione: nam particula minutissimæ salinæ in saliva ab agitato vehiculo facile possunt in papillas nerveas linguae transire.

Cibus in ore ita præparatus ulterius distribuitur ad ventriculum, quæ actio *deglutitio* dicitur, fitque, dum linguae beneficio ad gulæ partem superiorem, *Pharynx* dictam, cibus comminutus protrusus à 7. musculis istius partis, imprimis à sphinctere se angustante promovetur, & occlusa laryngis rimula deorsum in œsophagum pellitur, *quæ pulso per fibras nerveas musculosas, œsophagi tunicas cruciatim investientes, motuque peristaltico se successivè contrahentes, continuatur*, donec cibus in ventriculum ingeratur; ita ut actio hæc fibra-

Etmulleri Oper. Tom. I.

rum musculosarum & spirituum animalium beneficio peracta, in principio spontanea seu animalis, in progressu verò involuntaria seu naturalis, dicenda sit; unde semideglutita facile remove possumus. *Oesophagus* enim membranaceis fibris transversis constat, à quibus dependet motus peristalticus seu lumbricalis: *Motus naturales* fiunt citra prægressum quendam sensationis modum, ita ut ab animali vel homine nec impediri vel promoveri possint: *Motus animalis* est, qui *sequitur prægressam quandam sensationem*, & ita, in specie in homine, potest vel promoveri vel impediri.

Quæritur autem, unde talis diversitas? Resp. Reverà est unus motus ratione causæ efficientis: uterque fit per fibras, mediantibus spiritibus animalibus, ita ut reverà omnis motus animalis sit naturalis. Iste motus, qui conjunctus est cum sensatione, fit per nervos ex cerebro natos in systemate fibrarum musculosarum, mediantibus spiritibus. Motus naturalis fit per spiritus animales, allatos ex cerebello, oriundos per fibras dispersas seu circulares. *Deglutitio* ergo est *actio mixta*, animalis in principio, ubi fit cum sensu, & potest promoveri vel retardari; ubi autem in œsophago continuatur sine sensu, tunc actio naturalis est. Fibrarum musculosarum, ipsiusque œsophagi accuratam Anatomiam videbitis in VVILLISII *Pharmac. Ration. Par. 1. cap. 2. Sect. 1. p. 7.*

Fit sæpius in morbis, ut *liquida optimè possint deglutiri, non autem solida*; id quod ob vitium gulæ, in specie ob ejus angustiam, vel tumorem, per quem duriora in vase angustato non possunt ulterius meare, quale exemplum refert SCHENCKIUS in *Observ. pag. 365.* & similem casum habet PLATERUS in *l. 2. Observationum pag. 277.* aut quaecunque simile vitium. Contrarium accidit nonnunquam, ut solida deglutiri possint, non verò liquida, quæ hausta subito cum suffocationis metu per os & nares redeunt, quale exemplum idem SCHENCKIUS habet p. 366. item LAURENTIUS in *Consil. 3. Vitium* hic est in larynge, ob epiglottidem vel operculum, non perfectè laryngis rimulam claudens, & convulsione seu paralyfi laborantem, quæ à solidis quidem deprimitur, liquida verò, dum in laryngem penetrare inchoant, ex suffocationis aut doloris sensu cum impetu regurgitant, & qua data porta per os & nares profluant; qualem casum etiam ex duritie ossis epiglottidis non ritè claudentis laryngem accidere asserit BARBETTE in *Anatom. Practic. c. 4. Par. 3. pag. 259.* Conf. SENNERT. *l. 3. Præxeos P. 1. Sect. 1. cap. 3. quæst.* In deglutione enim simul attendendum est ad motum epiglottidis in larynge, quæ vi aeris inspirati & expirati superius movetur per musculos suos, & in specie continuo hiat. Inter deglutiendum verò dictum operculum clauditur, hinc est, ut, si sub loquela deglutiamus, per operculum clausum aliquid cibi aut potus transeat, hinc tussis & suffocatio imminet. Huc etiam facit Pharyngis paralyfis, unde deglutitio solidorum deficiens, liquidorum verò integra: vid. M. A. N. C. *Ann. 4. & 5. p. 206.*

Interdum etiam non possunt deglutire propter paralyfin gulæ. Interdum observatur deglutitio læsa ex contractura gulæ spasmodica, quod hypocondriacis & scorbuticis est familiare: vid. SENNERTUS *l. 3. Præx. pag. 7.* qui vapores stypticos & vitriolaceos accusat.

Interdum res alienæ illapsæ efficiunt læsam deglutitionem: vid. de his SENNERTUS *loco cit. pag. 15.* ubi cura instituitur per frumenti Saracenici pultem; sed huius loco convenit puls ex oryza, milio & avena (*habergrusze*) crassiusculè cocta. Tale pulmentum comestum aciculas seu frustula vitri ita obvolvunt, ut citra læsionem ex stomacho exeant: sed observetur, quod post esum talis pulmenti nullus potus assumendus sit.

C A P U T VI.

De Chylificatione.

SEquitur nunc ipsa *Chylificatio*, seu *alimentorum in chilum transmutatio*. Alimenta nempe assumpta, masticata & deglutita, in ventriculum ingeruntur, ingesta ibidem in liquorem pultaceum, ptisanæ cremori similem, (qui cremor Chylus appellatur) transmutantur; quæ actio ob id Chylificatio dicitur: ratione modi quidem à *Veteribus Coctio*, & in specie *Elixatio*; à modernis verò *Fermentatio* nominatur.

Coctio aliàs in corpore nostro est triplex: duæ publicæ,

E 3

& uni-

& unica privata. Publicæ sunt Chylificatio & Sanguificatio; privata consistit in assimilatione nutrimenti proximi in substantiam partis nutriendæ.

Organon chylificans est ventriculus, cuius situm, magnitudinem & figuram, præter Anatomicos omnes, Autopsia docet. Communiter in fundum & orificia dividitur, ita, ut tota illa inter duo orificia cavitas Fundus dicatur; alterum verò orificiorum superius, alterum inferius, vocetur, utrumque in ventriculi parte superiore diametraliter ferè sibi sit oppositum; usus tamen respectu, cum illud alimenta primò admittat & recipiat, hoc verò chylum elaboratum emittat: unde commodius à nonnullis sinistrum & dextrum vocatur.

Orificium sinistrum seu superius in medio circiter ventriculi amplum satis est, nihilominus fibris carneis circularibus instructum, quarum ope se constringere potest. Notabiles sunt circa hoc plexus nervorum vagi, ex hujus extremitatibus contexti, quorum nervorum per thoracem descensum VVILLISIUS *Anatom. Cerebri cap. 23.* describit.

Dextrum verò, *Pylorus* dictum, à dextro stomachi latere, cum cavitate capaci & longa sensim angustata, in foramen parvum definit: prodit tamen æquè à parte ventriculi superiore, imò ab hoc emanans ad superiorem nonnihil adhuc reflectitur, ne pondere proprio alimenta ventriculum præterfugerent, sed hujus contractione ad intestina potius urgerentur. Interim, quia tunica ventriculi nervosa & rugosa in ipso foramine pylori angustiore in molem oblongam instar epistomii attollitur, hoc valvulam constituere videtur, quæ chyli egressum è duodeno impediret, hinc à RIOLANO in *Enchirid. Anatom. coli* valvulæ comparata fuit; underationi congruum videtur, quod *Platerus* de fœtore anhelitus dixit, illum scilicet non rarè à nimia pylori laxitate, hinc fœtidis vaporibus ex intestinis elevatis, contingere.

Substantia ventriculi ex tribus tunicis propriis contexta est, quibus communis supertenditur. Illarum prior ex fibris carneis, altera nerveis, & tertia interior glandulis, contexta est, ex quarum interiore transudat succus seu lymphæ quædam certa, quæ cum spiritibus animalibus imprægnata fermentum ventriculi constituit; à quo in ventriculo fit Chylificatio alimentorum, beneficio suscitata fermentationis planè singularis, quàm calor stomachi & ambientium viscerum non leviter promovet, quæ illa in liquorem pultaceum, quoad sensum homogeneum, transmutantur.

Chylum autem comparant cremori prisanæ, quia hic est species alimentorum apud Veteres. Quid prisanæ cremor sit, declarat GORRÆUS in *Definit. Medicis*. A pinsere dicitur, & nihil aliud est, quàm hordeum pinsendo diminutum, ita ut ejusdem cortex extimus fuerit separatus; hordeum istud in aquam injecerunt & decoxerunt, quod Decoctum quamprisanaceam vocarunt; qualia similia avenacea juscula apud nos adhuc prostant.

Modum Chylificationis quod attinet, hunc non expresse-runt Veteres. Dixerunt Chylificationem esse Coctionem, in specie Elixationem à calore in stomacho. Verum primum efficiens hujus actionis non esse solum calorem, ex HIPPOCRATE patet, qui passim, expressis tamen verbis libro de Veteri Medic. Text. 27. dicit: *Non calidum est, quod magnam vim agendi habet, sed ipsum acerbum & fluidum, & alia, quæ à me relata sunt, tum in homine, tum extra hominem, &c.* In præcedentibus enim, scilicet Textu 24. locutus erat de Amaro, dulci, salso & acido, &c.

In sufficientiam autem caloris pro Chylificatione probant frequentia: quod

1. Pisces frigidi sine calore sensili & activo satis voraces sint, satisque feliciter digerant, quorum unus sæpè alterum devorat, in chylum convertit, alimenta que assumpta in nutrimentum chylosum sibi appropriatū transmutare valeant.

2. Res quædam ab animalibus nonnullis digeruntur, quæ à calore nunquam possunt alterari, e.g. canes ossa absumunt, & gallinæ vitri frustula acuta, teste HELMONTIO *Tract. Pylorus Rector. §. 28. pag. 232.* 5. cujusmodi frustula reperta fuerunt in figura anguli in obtusum desinentis, quod factum vel mutua contusione, vel humore acri corrodebat illa, quod calori impossibile est. Nullo enim igne ossa transmutari possunt in istiusmodi succum lacteum; ut nihil dicam de avibus, qui subinde lapillos & arenulas devorant: vid. KERGERVS de *Fermentat. pag. 187.*

3. Caloris actio, qua talis, est univoca, & hinc sequitur, digestionem in omnibus brutis esse unam eandemque, quod tamen contrariatur experientiæ; quia chylus & excrementa pro varietate animalium toto differunt genere, licet uno eodemque alantur nutrimento: & quædam ab uno animali digeruntur, quod non fit ab altero, v.g. dum turtur helleborum optimè digerit, & canis vitrum antimonii sine ullo vomitu: vid. MAJOR in *Chirug. Infusor.*, dum interea alius est chylus in cane, alius in homine, eodem licet pane nutriti sint, hinc & alia excrementa, quod solius caloris opus non est.

4. Si Chylificatio à calore esset, quò hic intensior, eò & hæc facilior foret; ejus tamen contrarium febres testantur, in quibus, uti calor multum est auctus, & tamen appetitus prostratus est, ita & coctio aut abolita omnino, aut multum depravata.

5. Assumpta calefacientia potentiora, v.g. spiritus vini, &c. Chylificationem non semper promovent, sed sæpius lædunt.

6. Qui appetentia canina laborant, insigniter vorant & promptè digerunt, qui tamen tunc temporis deprehenduntur non calidi, sed subfrigidi. Hypochondriaci & Melancholici, quorum ventriculus dicitur frigidus, strenuè vorant, & citò digerunt, nec tamen sunt calidiores reliquis; sed in culpa est acidum abundans.

7. Omnia acida dicuntur frigida, appetitum tamen excitant, & digestionem promovent.

Calor ergo non est primus digestionis Autor. Interim non negandum, adjuvare calorem insigniter in nobis Chylificationem, quod docet experientia, sed saltem ut causa promovens meliorem digestionem, non verò ut primaria efficiens. In nostro enim corpore calor est quasi calcar additum omnibus operationibus; non secus ut calor ambiens quascunque digestionem & fermentationes promovet artificiales, ita & naturales excitat tam in plantis quàm animalibus: qui calor tam est ipsius ventriculi ceu ollæ, quàm partium vicinarum, quàm ipsorum alimentorum etiam, plus minus calidè assumptorum; hinc alimenta frigida insigniter impediunt digestionem: vid. MOEBIUS in *Fundament. Medic. pag. 168.* HELMONTIUS hinc inde in suis Scriptis, in specie *Tract. Calor efficienter non digerit*. Et in *Tractatu, Sextuplex digestio*; quod etiam assertum jam tum ante *Helmontianam Scholarum reformationem* impugnavit PETRUS CASTELLUS, *Schola Messanensis Medicus*, in *Epist. ad Severinum scripta*, his verbis: *Non solius caloris opus cibi coctionem dicimus, alioquin & in olla talis fieri potest, sed fermentatione opus est, qua cibi in ventriculo sublevantur, bullescant & permeabiles, spongiæ instar, reddantur, ut sic melius à calore vincantur, disponantur, & permisceantur.*

Nec hic dilabendum ad *Facultatem* quandam Chimæricam Chylificam seu *χυλοποιητικήν*, cum hujus nulla sit necessitas, nulla que explicatio conveniens, quomodo ad hoc opus concurrat, cum & in hoc, sicut & in reliquis omnibus, fermentorum potestas sit suprema. Adhæc eò jam processit laboriosa Chomicorum industria, ut & ipsi per menstrua subacida volatilia, moderati caloris beneficio, chylum quendam artificialem, naturali, quantum suspicari licet, quodammodo analogum, in vitro producerint, de quo vid. TACHENIUS in *Hippocr. Chymico cap. 13. pag. 88.* Accedit huic BOYLE in *Vitæ Philosoph. Experim. P. 2. p. 20.* qui dicit: *Beneficio menstrui cujusdam acidi, ex vitriolo artificiosè parati, carnes pullorum transmutari, accedente blando calore, in liquorem instar cujusdam chyli, qui liquor affusione menstrui alius mediante digestionem transmutatur in liquorem rubicundissimum instar sanguinis.*

Remanet ergo, ut fermentationi inhaereamus, dicendo: *Alimenta in chylum transmutari per quandam fermentationem.* Quando enim fermentantur alimenta, omnia minutissime confunduntur & permiscantur, & quæ facilioris sunt digestionis, prius, difficillioris verò ultimo digeruntur.

Fermentatio hæc non saltem est modernorum inventum, sed jam HIPPOCRATI cognita fuit, ut patet ex *Secl. 20. l. de Veteri Medicina*, ubi ita asserit: *Et sanè putatis qui cibum sumere consueverunt, quod non expectaverunt tempus iustum, donec ipsorum venter pridie ingestos cibos perfectè consumpsisset & exsuperasset, evacuatusque esset, & quievisset, sed in ferventem adhuc & fermentatum novos ingesserunt, &c.*

Statuo ergò, inesse ventriculo fermentum quoddam, quod instar fermenti pistorii alimenta ingesta excitat, eaque beneficio fermentationis transmutat. Hoc fermentum est acido-salinum, spirituosum seu volatile, vel salino-ammoniacale, in ordine scilicet naturali constitutum, quod uti acore suo excitat famem, ita quoque cibum masticatum, & salivali menstruo probe subactum, potuque plus minus dilutum, promptè incidit, penetrat, & dissolvit, dissolutum attenuat & liquefacit, & in liquefacto virtutes ejus salinas excitat, & talem in assumptis alimentis motum intestinum, seu genuinam fermentationem excitat, mediante qua, & volatilifantur eadem, & simul fermenti istius specifica & appropriata tali subjecto vitali textura & qualitate, seu, ut vocant specifico vitali caractere, insigniuntur, quo mediante huic, & non aliis subjectis, chylus conveniens emergit, & quo caractere deficiente nec assimilatio cum sanguine, nec commoda nutritio, fieri potest, sed morborum ubique sparguntur semina. Fermento huic acido-salino volatili occurrunt in alimentis similiter salia, partim acidula, partim verò & quidem primario copiosa salia volatilia de urinosorum natura, quibus omnia edulia, tam vegetabilia, quam animalia, insigniter sunt imprægnata, quorum ope fermentationis opus eò melius & convenientius absolvitur, donec exactè alimenta subacta in succum, nunc subacidum, nunc verò falsum volatilem, tali subjecto appropriatum, transmutentur, inque perfectum sic abeunt chylum; de qua fermentatione in stomacho vid. SYLVIVS in *Dissertat. 1. DE USINGIUS in Exercit. de Nutrim. Animal. Elaboratione*, item CARLETON in *Oeconom. Animal. Exercit. 2.* item THOMAS CORNELIVS CONSENTINUS in *Progymnasm. Medicis*, & quidem *Progymnasm. 6.* MOEBIVS in *Fundament. Medicina*, cujus dubia de motu fermentationis resolvit KERGERUS *Sect. 3.* ubi de Fermentatione ventriculi, DIEMERBROECK *pag. 29. & seqq. Anatomia*, TACKIVS *l. a.*, & denique HELMONTIVS *Tractatu, Sextuplex digestio*.

Fermentum ergò illud acidum volatile seu acido-falsum duplici munere circa digestionis negotium fungitur in stomacho:

1. Instar menstrui cujusdam penetrat, ac intimè pervadit & dissolvit alimenta, quæ exinde acescunt, sicque particulas alimentorum à se invicem, & salia abscondita in apertum producit.
2. Volatili aciditate cum particulis alimentorum dissolutis, præsertim salinis alcalibus, fermentationem inchoat, & feliciter absolvit, eaque volatilifacit, & ita utraque actione successivè eadem in specialem naturam transmutat, quia transeunt in liquorem instar pultis cujusdam spissioris, prout plus minus liquida fuerunt assumpta, instar lactis falsioris & minus pinguis; hinc non incommodè suo modo menstruum fermentativum appellari potest.

Duo ergò distincti actus concurrunt in Chylificatione. In dissolutione nempe præparantur alimenta ad Chylificationem; in fermentatione verò alterantur in chylum. Iste enim succus fermentativus, qui alimenta dissolvit, eadem simul fermentat, & fermentando transmutat, qui motus fermentativus est apertus propter salia volatilia & acidum, quia nostra alimenta turgent salibus volatilibus alcalinis, unde dum à menstruo acido solvuntur, cum iis pro salium natura incipiunt & continuant motum istum fermentativum. Hinc ea omnia quæ vel sunt dura, adeoque difficulter solubilia, aut quæ volatili sale sunt maxima ex parte orbata, ut sunt alimenta vel exsiccata, vel fumo indurata, vel sale condita, difficulter concoquuntur; quia dura difficiliùs dissolvuntur, cætera verò ob salis volatilis defectum, fermentationem promoventis, difficillimè fermentantur; unde in subsidium pro prioribus assumimus acida, ut acetum, spiritum salis dulcem, &c. pro posterioribus verò volatilia, ut spiritum vini, item cinnamomum, &c. cum ambobus optimè sinapi aceto subactum, h. e. acidum volatile, fermento ventriculi quodammodò symbolizans.

Sed quæritur hic: *annon eadem sit ratio medicamentorum & alimentorum?* Respondeo: Reverà ita se habet. Medicamenta enim vulgaria ut plurimum alterantur in stomacho: nam in hoc fundamento residet distinctio ista, quod medicamenta diversimodè in uno plus, in altero minus operentur. Ratio est in vi stomachi digestiva, qui acore suo vo-

latili plus minus potens alterat assumpta etiam medicamenta, & digerit, quantum valet: prout enim medicamenta magis vel minus alterantur, eò magis vel minus operantur.

Concurrere autem talem circa cibos fermentationem, præter enumeratas circumstantias, ulteriùs evincunt:

1. Insignis alteratio & permutatio, quam cibi vel alimenta in ventriculo subeunt, ita ut planè novam induant naturam: vix verò alios transmutationum modos vel Autores habemus, in tota rerum natura, quam fermentationes vel fermenta.
2. Spiritus ex alimentis sunt elaborandi, quod sine fermentatione, qua concreta attenuantur, & ad volatilisationem plus minus disponuntur, est impossibile: licet illi demum in præcordiis perficiantur, debitam tamen præsupponunt fermentationem in stomacho, cum chylus, dum non ritè fermentando spirituaſcit in ventriculo, nec debitè in spiritus abeat in præcordiis, ut in cachecticis, scorbuticis, hypochondriacis, aliisve, stomacho cruditate acida depravato, aut alio modo malè habente, constat, in quibus etiam massa sanguinea minus fermentat & spirituaſcit, adeoque debitus corpori deficit vigor; Unde canon Medicorum: *Fundamentum vite in sanguine, sanitatis in stomacho consistit*.
3. Alimenta assumpta non sunt pura & nobis assimilabilia, i. e. insunt iis partes nobis utiles & inutiles. Illæ ergò, ceu homogeneæ, conjungendæ; hæ verò ceu heterogeneæ, separandæ; quod melius fieri nequit, nisi per fermentationem, in qua mistum ita recludi solet, ut faeces per maturam in intestinis separationem secedant, vel saltem faciliè separabiles fiant.
4. Ex præsentia omnium ad fermentationem requisitorum in Chylificatione, non ineptè pro hac sententia concludunt SYLVIVS in *disputat. Medica 1.* & KERGERUS *loco supra citato Sect. 3. cap. 2. pag. 190. seqq.*
5. Alimenta fermentescibilia, quò magis talia, eò magis, dum Chylificationem subeunt, corpus inflant, ructus & flatus emittunt, quod omninò motum fermentativum ostendit, unde etiam turgescencia quædam plus minus intensà à pastu circa stomachi regionem ordinariò sentitur.
6. Post aliquot horas à pastu, dissectis corporibus, massa reperta in ventriculis talem præfert speciem, ut instar farinæ subactæ & jam in fermentatione constitutæ appareat.

Ab his ergò & similibus non possumus non concludere, esse similem turgescencie modum, qualis in musto, qui modus fermentativus motus est.

Neceſſe autem est, ut ulteriùs hanc de acido-salino stomachi fermento esaurino, illius transmutationis Autore, quod scilicet sit, stabiliamus sententiam. Ostendit

1. Hoc verè, quod lac à sano & jejune assumptum, intra horulæ spatium præter propter, aut etiam citius, vomitu rejectum, insigniter acidulum, & in grumos caseosos alteratum, quasi aceto esset inspersum, deprehendatur; hinc dicit HELMONTIVS: *Quod omnia assumpta, etiam dulcia, ut saccharum & mel, mox in stomacho acescant*. Quæ post pastum non adeò copiosum post horam evomuntur, ut plurimum acida reperiuntur, quod probat, omnia alimenta in stomacho acescere. Ad hæc
2. Martialia remedia, quæ extra corpus acido quodam non sunt saturata, assumpta, frequentes ructus nidorosos sulphureos inducunt, sicuti similem nidorem aut odorem nitro sulphureum exhalat ferrum, cui extra corpus spiritus acidus, nempe salis vel nitri affunditur, quod signum manifestum est acidi, in nobis digerentis alimenta.
3. Acido volatili liquore artificiali producimus chylum, de quo TACHENIVS *loco supra citato*.
4. Hinc pariter omnia ea, quæ acidum hoc fermentativum aut falsum solutivum infringere valent, & appetitum dejiciunt, & coctionem aut impediunt, aut tollunt, aut etiam difficiliorem reddunt, uti sunt omnia corpora terrea & alcalia, ut lapilli cancerorum, creta, cornu cervi, item omnia pingua, oleosa & similia, ut oleum commune, olea destillata, spiritus vini, &c. quæ acrimoniam fer-

menti hujus obtundendo stomachum lædunt, & appetitum prosterunt, unde digestio in stomacho turbatur & impeditur, atque pituita viscida colligitur.

5. In morbis, in specie in febribus, ubi appetitus est prostratus & jacet, aut imminuta est digestio, usurpamus blanda acida pro revocando appetitu, v. gr. spiritum salis dulcem, acetum aromaticum, spiritum mastiches, succos vegetabilium acidos, citri, cydoniorum, omphacium, &c., qui simul disponunt ad aliquam digestionem, eamque, quantum possibile, restaurant; esurina hinc audiunt: nam similia similibus conservantur; unde similis est vel causa digestionis, vel digestio ipsa, quæ à simili restauratur. Hinc

6. In aperiis, lienteris & dysenteris, item diarrhoeis, in quibus penitus & deficit appetitus, & planè ventriculi digestio cessat, si superveniat *ructus acidus*, bonus judicatur ab HIPPOCRATE l. 6. Aphor. 1. Innuit enim fermenti stomachalis acidi restorationem, continerique iterum alimenta in ventriculo, ac debito modo fermentari, sicque non deesse spem recuperandi vires, sanitatemque pristinam: Confer. HIPPOCRATES l. 2. Epidem. 49. RIVERIUS *Præcox* l. 9. cap. 5. sicuti hi ructus in sanis, & quorum optimus est stomachus, naturaliter subinde præsentis, præsentiam hujus fermenti acido-salini in stomacho quoque restantur.

7. Panis cibus est, cujus nunquam nos capit fastidium; hunc omnibus cibis permiscemus; hujus appetitum quoque egrotantes, & quidem ultimò, amittimus & primum denuò recuperamus: inest nempe panis spiritus acidus volatilis, fermento stomachali nostro amicus.

8. In animalibus etiam illis, in quibus acidum exsuperat, assumpta quoque veluti ab acido corrosa deprehenduntur; hinc struthio-camelum frustra ferri nondum totaliter digesta ano rejecisse, quæ in vitriolum arrosa apparuerit, testis est *Kircherus*. Acidum hoc in avibus potens est adeò sapè, ut argillas, cretam, lapillos, &c. devorare pro illius saturatione cogantur; terras enim illas imbibere acidum, notum est.

9. Eo insuper tempore, quo cibos conficiunt, si secetur ventriculi animantium istorum, summè acutos penetrantes acidulos eructare spiritus deprehendimus, qui oculos naresque vehementer feriunt, uti hoc illustrat THOMAS CORNELIUS CONSENTINUS in *Progymnasmo* 6. pag. 227. de *Nutritione*. Sæpius crassa ventriculi mucosa deprehenditur acida, nunc gustu, nunc affusione spiritus urinosi volatilis, cum quo fit effervescencia.

Sed ad præternaturales causas confugiunt *acidi fermentativi olores*, & acida in stomacho reperibilia, aut vomitu rejecta, alimenta corrupta fuisse statuunt: sed, ut præteream ea, quæ in stomacho verè corrumpuntur, unde quæso lac assumptum intra horam corrumpetur, & in nidorem? degeneraret hac enim ratione cibi omnes non digerentur, sed corrumperebantur, cum in stomacho ordinariò omnes acefiant. Dein cum volucres (quorum tam potens est acidum stomachi) Gas illud acre eructant, committi hic fallaciam non causæ ut causæ, asserunt; dum verò ulterius urgent, non esse aperiendos ventriculos animalium, dum cibos conficiunt, quia acidus liquor tunc reperibilis ex assumptis sit, sciant, in vacuo ventriculo vix reperiri adeò sensilia acidi vestigia, quia tunc inspiratio fermenti ferè cessat, quod in specie occasione alimentorum ingestorum copiosius eò derivatur: adeoque eo tempore, quo cibaria conficiuntur, aperiendos esse ventriculos, ut acidi olores naribus percipiantur, supra ex *Consentino* monui.

Observandum autem hic imprimis, maximam esse fermenti hujus digestivi in animalibus varietatem: qualibet scilicet animalium species specifica sua habet fermenta, in acido tamen plus minus symbolizantia; unde coquit una species hoc, quod alia absque læsione ferre nequit, e. gr. coturnix sine læsione digerit cicutam, turtur helleborum, canis ossa: imò in singulis animalium individuis pro circumstantiarum varietate insignis ejus est diversitas: sic ver. gr. in homine ratione ætatis, sexus, alimentorum, status sani vel ægri, maxima in sapore, acrimonia, volatilitate, aliisque ejus proprietatibus est fermenti diversitas, quod nulli videri poterit absurdum, qui mirabilem salium varietatem

ex alia atque alia, tam inter se quàm cum aliis particulis commistione oriundam, indeque multiformes resultantes proprietates, & agendi varietates, consideraverit: unde fermentum hoc nunc erit magis acidum, nunc acido salsum, nunc acre, nunc insipidum, nunc singulari acrimonia præditum, nunc alio quodam singulari sapore insignitum; de quo vid. KERGERUS, MOEBIUS & CONSENTINUS *locis supra citatis*.

Fermentum hoc in copiosa fluidi corporis seu succi menstrualis subsistentia in stomacho non existit, sed inspirari saltem illud eidem, sub alimentorum imprimis digestionem, adeoque parva & à priori insensibili mole ibidem, præsertim circa parietes rugosos, inesse, *rectè statuitur ab Helmontio*. Nempe, ut simili aliquo negotium hoc intelligibilius reddatur, res parilis ferè atque in cado aceti evenit, aquam etiam simplicem aut pluvialem solo suo odore fermentativo imprægnante, & ita in acetum transmutante: in cado nimirum illo, ejusque asseribus, non nisi fracedo quadam, vel acor, quomodocunque vocitetur, fuit imbibitus, qui similem mutationem effectivè & realiter inducit, sola saltem odoris quasi sui inspiratione: atque hac de causa fermenta hæc vitalia *Helmontius* sub nomine odoris, vel cujusdam qualitatibus, fracedinis, explicare solet. Nec proin etiam similem effervescenciam, motumque fermentationis, fermentum hoc excitat, prout illa in panis vel vini confectione ordinariò solent; vis tamen illa seu odor aut fracedo, cum sese corporeorum ad instar fermentorum, multò magis adhuc in minima transmutati, qualitate sua se explicet, fermenti nomen accepit ab *Helmontio*, retinetque: unde in vitulis non coagulum in ventriculo, sed ipse ventriculus exsiccatus & depuratus pro separatione casei à lacte sumi solet: videantur. *Acta Hassniens. loco supra citato*.

Est autem hoc fermentum salinum in suo genere omninò singulare seu specificum, stomacho appropriatum & vitale, quod certum vitalitatis characterem imprimere alimentis probabiliter statuitur.

Quoad *originem fermenti* hujus digestivi, fert quorundam opinio, innatum hoc esse substantiæ stomachi, in eoque subinde restaurari & renovari; quod tamen minus placeat, cum digestio & appetitus quandoque abeant & redeant, v. gr. in febribus; unde non ipsius stomachi fermentum illud proprium esse, patet. Primus Autor succi fermentativi *Helmontius* videtur: attamen apud HIPPOCRATEM in *libro eleganti de Veteri Medic.* hujus mentio fit. *Helmontius* autem recoxit sententiam *Arabum*, qui ex splene derivant fermentum ventriculi, qui dicunt: lienem esse receptaculum succi Melancholici, quem per vasa breviora eructaret in stomachum, ut sit pro faciliore digestionem; quos tamen autopsia anatomica refutat. Nihil enim per hæc vasa breviora à liene, sed per arteriam ex arteria splenica ad ventriculi substantiam & membranas (non cavitatem) & ex eodem ventriculo & hujus substantia per venam ad venæ portæ rami splenicum aliquid sanguinis fluit. *Helmontius* partem ventriculi fermenti maximam à liene pari ratione, ac intestino duodeno à folliculo fellis inspirari asserit; sed origo fermenti non ex splene, ut autumat *Helmontius*. Aura siquidem hæc fermentalis inspirata, si limitibus determinatis, canalibus & meatibus, non circumscribitur, cur non tam ad pancreas, ad hepar, per vias manifestiores, arteriam scilicet splenicam, quàm ad stomachum, tenderet? quod insuper in *Tractatu, Color Efficienter non digerit* §. 20. pro paradoxo hoc stabiliendo assert: ideo nempe lienem stomacho accumbere, momenti est nullius; adjacet enim idem lien intestino colo & reni sinistro, quibus tamen fermentum ejusmodi chylicans non communicat. De cætero canes aliaque bruta hoc everunt, quæ longius à ventriculo remoto, imò planè exsecto, splene adhuc sunt egregiè voracia, & laudabiliter alimenta digerunt, imò interdum pinguescunt. Sed potius videtur fermentum illud ventriculi digestivum oriri primariò ex *lymphæ certa subtili acida*, salivæ non absimili, & ad fermentationem multum faciente per *tunicam intimam glandulosam ventriculi*, ex copiosissimis minutis glandulis contextam, *pedetentim transudante*; de qua *tunica ventriculi interna glandulosa*, uti & carnosissima atque nervea, vid. VVILLISIIUS in *Pharmac. Ration. Par. 1. cap. 2. pag. 12.* & THOMAS CORNELIUS CONSENTINUS in *Progymnasmo* 6. pag. 322. quam in specie confirmat stomachus porcinus, qui, si ista,

Si ista glandulae comprimantur, profert istum succum lymphaticum, quo alimenta macerantur: vid. *Observat. Anatom. Amstelodam. pag. 25*. Huic, seu vehiculo appropriato, se jungit spiritus animalis volatilis, ex nervis insignioribus & copiosis, non pro solo motu ac sensu, ad stomachum derivatus, & per parvos meatus in stomachi cavum exclusus: quæ sententia præsertim est JOHANNIS MAYOVV *Tractatu de Motu Muscular. cap. 5. pag. 55*. ita ut primario fermentum oriatur ex spiritibus animalibus, per nervorum ductus in membranas ventriculi depositis, & ibidem specialiter lymphæ membranæ glandulosæ sociatis, à quibus utrisque per vasa excretoria glandularum in ventriculi cavitatem ingestis inspiratis, liquor ejus fermentativus componitur. Hinc acidum fermenti ex lymphæ ista originem ducit, vis autem specialis fermentativa, & vitalis ista chyli alteratio à spiritu isto animali primario dependet: hinc est, quod accepto tristi nuncio subito omnis pereat appetitus, antea saluus, & quod ab assumptis mox gravetur stomachus, ac à gravi terrore & iracundia mox comedere, sanitati maxime aversetur; ex imaginatione cibus mox fit horridus & nauseosus, & hinc difficillime digestio redditur: quibus conferuntur argumenta à MAYOVV adducta, nempe si quis post pastum mox studiis incumbat, ita ut spiritus animales in cerebro detineantur, digestionis munus, ob spirituum animalium defectum, non rite perficitur. Sub ingestione ergo alimentorum irritato stomacho spirantur copiosiores spiritus animales qui excipiuntur uberiori lymphæ per glandulas simul excreta, à quibus junctis penetrantur alimenta, & ita ad fermentationem chylificatoriam perducuntur.

Hæc duo primaria ingredientia se jungunt cum reliquiis alimentorum prius digestorum, in ventriculi rugis hærentibus; quæ à saliva continuo deglutita insigniter subactæ, & non leviter acedentes, & ad fermenti aliqualis naturam exaltatæ, fermento ex massa chylosæ portione relicto, & addito sale parato, similes sunt; quæ omnia mutua unione liquorem hunc fermentativum constituere, probabilissime videntur. Unde saliva pro quarto componente fermenti, ejusque insigni restaurativo, merito habetur: vid. STENO *de Musculis & glandulis pag. 46*. & SYLVIVS *Disput. Physiol. 1*. Ex his, lymphæ scilicet acido-salva per arteriæ celiacæ ramos, & spiritu volatili per nervos, in ventriculum sepositis, alimentorum portionibus, & saliva, hæc omnia diluente & conjungente, fermentum jugiter renovatur, unde etiam pro horum varia constitutione, & varia invicem combinatione, adeo ingens fermentorum varietas resultat.

Sunt non pauci, qui solas reliquias alimentorum acidas, in rugis stomachi contracti resistentes, pro fermento agnoscunt & hac ratione eas fermento in panificio comparare assolent; sed minus concinna hæc ipsa videtur hypothesis. Nam alimenta, eorumque reliquæ, aut à seipsis, aut ab alio, acorem fermentativum contrahunt; si ab alio, de hoc credit quæstio, quid & quale hoc sit? & sic ad peculiare acidum fermentum tandem abeundum: si vero à seipsis, quæritur, unde & quomodo acor hic emergat? unde enim est, quod in febribus, appetitu deficiente & digestionem cessante, alimenta ingesta acorem non contrahant, quin in his nidorem acori contrarium concipiant: unde est, quod absente acido in stomacho quælibet ingesta corrumpantur & putrilagine inquinantur, seu in calido ac humido loco, & non acedunt; è contra præfente fermento acido, cujus indicium vel ructus acidæ spirituosæ, vel appetitus naturaliter stimulans, citra talis corruptionis aut nidoris præsentiam, alimenta digerantur, à quo ita ingesta alimenta eorumque reliquæ, si sponte sua acorem contrahere debeant, ante illam sui acedentiam à putredine præservantur & defenduntur.

Præter has reliquias saliva etiam vel pro principio, vel pro componente saltem, fermenti digestivi habetur. Sed hæc parum ad fermenti constitutionem conferre videtur; cum simplici huic liquori lymphatico vis talis alterativa singularis solum minime convenire queat: siquidem, dum mutantur cibi in chylum, non nuda saltem alteratio, aut permutatio est, sed chylus novo ac vitali, & tali individuo specifico, caractere insignitur. Potius ergo menstrui loco saliva alimentis sub masticatione permisceri, & sub digestionem continuo deglutiiri solet, ut macerata ita alimenta eo commodius digerantur.

Fermentatione ergo alimenta chylificantur: unum inter cetera citius quàm alterum, ob varias circumstantias, in chylum transmutatur, illo, quod jam in chylum abiit, ad intestina per pylorum descendente, parte cruda in ventriculo

remanente pro ulteriori digestionem: simul enim ac deglutita sunt alimenta, stomachi utrumque os exactissime claudi ut per fibras nerveas circulares, à quibus sphincteris instar officia arctantur; unde per orificium sinistrum, superius amplum, inferius arctum, facile quidem aliquid desuper admittatur, nihil verò, ne halitus quidem, nisi cum impetu, emittitur, ut in ructibus patet. Tales enim halitus impetuosius ructus constituunt, quod fit propter exactam clausuram orificii superioris. Vanum ergo est, quod ex ventriculo adscendant vapores ad caput. Pylorus, Rector stomachi, ita dictus, quia præest regimini retentionis & expulsionis, etiam exacte clauditur; hinc irritato pyloro eodemque convulso sequitur vomitus; stringit enim se, quia ejus orificium est fibrosum & nerveum, ita ut sine ejus voluntate nihil possit exsudare. Ridendi igitur sunt illi, qui statunt sub digestionem flatus sursum elevari ad caput. Reliquæ corpus ventriculi constituentes fibræ & membranæ stomachum moderate ita stringunt, ut cibus ubique comprehendatur, non autem nimis comprimatur, nec tamen proprio pondere in fundo fluctuet, sed spatium conveniens habeat pro fermentationis & turgescentiæ motu, donec pars digesta reliquis supernatans pylorum laxet, & ad sui emissionem stimulet, è cujus apertura, reliquis ventriculi fibris se modice stringentibus, chylus ad intestina dilabitur: vid. VVALÆUS *Epist. 1*. quæ appensa est *Anatomia Bartholiniana*.

Omnia interim per fermentationem inter se agitantur & confunduntur: non ergo scrupulose adeo certus ciborum assumendorum observandus est ordo, juxta nonnullos; qui dicunt; quod difficilioris concoctionis alimenta, licet ultimo digerantur, posterius assumenda sint; cum non eo, quo ingesta fuere ordine, situentur, sed à potu etiam invicem permisceantur, nisi interdum in voracioribus, cibos solidos parum manducantibus, aut parvo nullove potu utentibus, situm istum ad tempus servant. Accedit & hoc, quod cibi posterius ingesti propiores sint ad exitum, utpote cum utrumque orificium ejusdem sit altitudinis, fundo in medio desidente. Saltem ergo ordo observetur, ne ex nimia voracitate grandiores boli deglutiantur sine potu: id quod confirmant sectiones canum vivorum in anatomia; in his enim post horas aliquot post pastum omnia mista sunt, nisi grandiores bolos degluterint, vel non superbiberint.

Dum verò fermentantur alimenta, ea, quæ prius in stomacho acedunt, tota substantia successiva fermentatione in chylum mutantur, & aliam naturam ac proprietates acquirunt, unde color, præter saporem, erit mutatus, ut ingesta aut planè, aut maximam partem, deposito isto acore abeant in massam nunc salso inspidam, nunc nonnihil in salso-acidam, semper tamen naturaliter volatilem, & alba fiant. Chylus enim ita confectus nihil aliud est, quàm particula alimentorum nutritiva, à fermento ventriculi dissoluta, & huic combinata: ut plurimum est moderate albicans & fere lacteus, præsertim in genere humano, quem colorem ipsi subacida fermenti digestivi vis conciliavit, præcipitando quasi pinguedinem alimentorum sulphuream, unde talis calor emergit, nec secus ac acidum quodlibet, solutionibus pinguium vel sulphureorum per alcalia factis, affusum, lacteum liquorem emergere facit. Quod enim sub digestionem prima pingues & sulphureæ particule exaltentur & emergant, videtur manifestum ex quadrupedibus, quæ etiam ex gramine, feno, &c. lac, butyrum, adeoque pinguedine turgida, eliciunt, ratione cujus olei seu pinguedinis sulphureæ ab acido alteratæ, nec perfecte cum vehiculo aqueo unitæ, color talis albidus lactis & chyli emergere solet. Dixi ut plurimum, præsertim in homine; in brutis enim graminiferis chylus adhuc subviridis est; quando autem per intestina transcolatur, albecit.

Color quidem hic à PLEMPPIO *Fundament. Medic. in controversiam vocatur*, quasi scilicet ille pro assumptorum diversitate variaret; sed DIEMERBROECK ad hæc respondet *Anat. pag. 2. C. 56*. & MOEBIVS *Fundament. Physiol. pag. 193*. Quod autem albedinem hanc chylus semper habeat, ejus rationem VVILLISIUS *de Fermentat. cap. 8*. reddit. De ejusdem sapore maxime etiam controvertitur: in ventriculo siquidem acidum eum esse, ac demum in intestinis à bilis alcali falsum fieri, Helmontius passim docet; cui tamen experientia repugnat, nullamque aciditatem in chylo unquam degustavi, sed aut subsalsum, aut iubacidum, imò subdulcem; hinc M O E B I U S loco

loco allegato aciditatem hanc dubiam pariter reddidit.

Cum denique dixerim, fermentum digestivum acido salinum dissolvere & fermentare varia, cum varia in nobis ingerantur, & sic revera vis in solvendo sit varia; Quæritur: *annon fermentum hoc in certis casibus possit solvere duriora?* Respondeo? Non solum solvuntur Martialia medicamenta, ita ut post fæces tingat colore nigro, sed & antimonium assumptum in forma ramentorum vomitus cicat, & in stomacho vertatur in naturam vitriolaceam: saccharum saturni facile in scorbuticis digeritur. De metallis nobilioribus, e.g. auro & argento quæstio difficilior est, an in stomacho fermententur? Verum est, eadem solvi in nobis. Observatum enim.

1. Est, quod moneta argentea deglutita per inferius guttur excreta ita fuerit arrofa, ut externæ imagines non amplius fuerint cognoscibiles. Observatum.

2. Fuit in Melancholicis hypochondriacis, quod globulus ex auro propinatus per repetitas vices pondere semper fuerit minutus, donec plane absumptus.

Interim habent suam latitudinem, dum vis digestiva, pro diversa assumptorum conditione, diversum requirit tempus.

Tempus, quo negotium hoc absolvitur, est ob varias circumstantias varium, quæ varietas dependet.

1. A cibus, qui nunc sunt vel facilioris vel difficilioris digestionis, nunc appetiti, nunc inappetiti, nunc consueti, vel insueti.

Facilioris digestionis sunt ea, quæ sunt molliora & alcalina: nam ea facile fermentantur; indurata verò fumo & salita difficilius digeruntur: Sic alimenta, quod magis assueta, eò facilius digeruntur: Ratio est, quia assueta assumpta habent quasi symbolum cum fermento stomachi, quorum adhuc reliquæ in stomacho hærent; hinc alimenta appetita facilius, quàm horrida, digeruntur; appetitus enim fertur in ea, quæ sunt ei grata. Sanis omnia sunt sana, modò cum appetitu assumpta fuerint, nec quantitate excedant; in stomacho autem cruditatibus repleto non facile digeruntur,

2. A fermento; quod nunc fortius vel debilius, nunc fixius vel spirituosius, nunc cibus magis appropriatum, vel minus tale; pro diversitate enim fermenti diversum est digestionis tempus. Huc & ætatis ratio pertinet.

3. A ventriculo, qui nunc strictus vel laxus, & pituita vel alienis humoribus & cruditatibus vacuus vel plenus, sensibilis vel insensibilis, legitimo vel illegitimo situ, &c.

4. A vitæ genere: sedentarii alimenta tardius & debilius digerunt, propter defectum motus; laboriosi autem citius: nam motus fermentationem adjuvat, & motus corporis humores reddit acriores.

5. A tempore, quod nunc diurnum vel nocturnum; hinc corpus vel movetur, vel quiescit, vel sedet vel jacet.

6. Ab animi affectibus, qui coctionem vel promovent, vel augent, vel imminuunt aut turbant.

In genere tamen probabile videtur, *Coctionem absolvi in nobis intra 4. vel 5. usque ad 6. horas diurno tempore, & intra 7. vel 8. horas nocturno*; ita ut interdiu citius, sed noctu perfectius, contingat Chylificatio.

De usu chyli adhuc in genere notandum, *illum omnium humorum laudabilium & minus laudabilium materiam primam existere.*

C A P U T VII.

D E

Chyli in Intestinis Alteratione.

&

Fæcum ex co separatione.

Chylificationem excipit, quæ in intestinis celebratur, *Chyli Alteratio, & à facibus separatio & depuratio*, quàm duplici ratione, scilicet per *precipitationem & transcolationem* contingere, cum *Helmontio, Sylvio, &c.* præsuppono,

Chylus nempe hic ex alimenti productus & digestus ita delabitur successive per pylorum in intestina: intestina enim à ventriculi orificio dextro progrediuntur longitudine notabili, quæ *sexies* vel *septies* subjecti longitudinem superant, satis tamen complicata & circumvoluta; ita quidem, ut tenuiora in medio collocata, crassiora verò his circumjecta deprehendantur.

Divisio hæc intestinorum in *tenuia* & *crassa* non fit tam ratione substantiæ seu membranarum crassitie, nec ratione capacitatis, quàm contentorum præprimis, quæ in tenuibus fluidiora, & in crassis spissiora deprehenduntur. *Tenuium terminus valvula coli* est; crassa vel in podice se finiunt, & sic utraque nomen mutant, ita ut prioris generis *duodenum, jejunum & ileum*, posterioris *cæcum, colon & rectum*, sint.

Intestina tenuia chylus successive intrat, qui naturaliter observatur *subsalsus*, vel *subacidus*, aut etiam interdum subdulcis, & quasi insipidus, nonnihil viscidus, ut plurimum albicans, raro alterius coloris, pro assumptorum nempe varietate, fermentique constitutione; est, uno verbo, Chylus instar pultis dilutioris, vel instar lactis paulò crassioris in quo, licet quoad sensum, homogeneo, insident tamen adhuc non pauca partes heterogenæ, excrementitiæ, & quasi fæculentiæ caseosæ, œconomix animali conservandæ ineptæ, in intestinis, antequam aliorum pergant, separandæ, quo à purioribus corporis œconomia conservetur, nec ab impurioribus lædatur: quin etiam ipse chylus, ut pro ulterioribus usibus, tam in sanguinis redintegratione quàm corporis nutritione, eò melius sufficiat, debitam acultimam sui perfectionem in intestino duodeno acquirit.

Quod ergò ulteriorem chyli in intestinis perfectionem attinet, dependet hæc ipsa à balsamo bilis per modum condituræ, nontantum per modum transcolationis, sed etiam præcipitationis.

In fine ergò intestini duodeni & principio jejuni, haud longe à pyloro, chylo obvia fit *bilis*, per vasa cholodocha excreta, & *lymphapancræatica*, ipsique exactè permiscuntur. Quod attinet bilem, falsissimum de eo dogma est, esse excrementum, quorum catalogo malè olim fuit adscripta; potius est in se *Balsamum vitale*, sine quo corpus saluum esse non potest, ut dicit *Helmontius*, dum chylum & totam massam sanguineam ab omni corruptione putredinali conservat. Quod autem non sit excrementum, ex eo patet, quia in locum adeò conspicuum inseritur. Illa vero, quoad sui compositionem materialem in folliculo felleo, cum constet *sale volatili temperato copioso oleo*, cum aquæ sufficienti quantitate permixtis & dilutis invicem, ratione naturæ suæ volatilis oleosæ Chylum hæc intimè penetrat, ejus crassitiem insigniter attenuat, eumque sic levem, mobiliorem, & fluidiorem reddit: sin hic simul nonnihil sit acidus, *acorem ejus sui conjunctione* beneficio salis alcalini corrigit, & in falsum tertium volatile simul transmutat, & in his secunda *Helmontii* digestio consistit. Cum enim (juxta canonem universalem *Helmontii*,) quodcumque acidum manifestum (nam de occultis alia ratio) seu excessivum corpori extra stomachum sit inimicum, ideò ut chylus interdum acidus temperetur, mox tali chylo occurrit bilis in duodeno, quæ *sale suo oleoso & salso-urinoso acidum* hoc egregie temperat, eumque Chylum simul fluidiorem ac liquidorem reddit, & fermentativo motu alterat, facumque excretionem sic per accidens optime promover: vid. *HELMONTIUS Tract. Sextuplex digestio*, *MAYOVV de motu muscular.* pag. 57. & *SYLVIVS Disputat. Medica* 7. Hinc si talis aciditas vitiosa non correctæ pervenit in aliam corporis regionem, varios dolores introducit: ut ergò omnis acor corrigatur, permiscetur bilis cum chylo in intestinis.

Primus hic fuit usus, ob quem chylo permiscetur bilis. Secundus, isque admodum probabilis, est *communicare chylo pro faciliari sanguificatione primam dispositionem*, ratione salis volatilis & olei seu sulphuris sui occulti quasi tingentis, quod in se rubini instar nitet, in bile autem flavescit instar rubicundæ solaris tincturæ, sub corpore flavescens absconditæ, ut hujus tincturæ sulphureæ medio exaltari facilius, ac in rubrum sanguinem converti possit. Quando enim bilis destillatur, prodit oleum instar sanguinis rutilantis: & nil novi, quod subjecta sulphurea attactu alcalium rubescere soleant, sicut sulphur commune attactu salis tartari colorem rubrum acquirit: Unde, quando

quando pictores colores lucidiores volunt reddere, addunt fel seu bi em, cum omnis color ruber ex sale volatili cum oleo volatili digestis, sicut & ex sale volatili cornu cervi & spiritu vini tinctura rubicunda, oriatur. In chylo inchoata hæc pro sanguificatione tinctura est invisibilis, cum tam ab ipso chylo acido falsove, quam admisto pancreatis succo, obtundatur; & non rarum fit in Chymia, liquores sanguine rubicundiores affusione acidi albescere & lactescere, ut in lacte sulphuris notissimum. Vitiato ergo bilis sulphure morbi ex deficiente hæmatosi orti, hepatis frigiditati olim adscripti, verb. gr. icteri, hydropes, cachexiæ, leucophlegmatia, anasarca, & fœdi virginum colores, &c. in promptu sunt: in his enim subesse solet vitium bilis inertioris, cujus salia volatilia per oleum non sunt in sufficienti copia digesta, de quo vid. TACKIUS in *Chrysogon. Anim. & Miner. pag. 19. & 26.* Unde ex bilis defectu morbi consequuntur tales, qui malam sanguinis crasin, & deficientem hæmatosin, arguunt: vid. MOEBIUS in *Fundam. Medic. Physiol. pag. 368. & 369.* sicut in bile planè deficiente purpura oriri solet.

Tertius, quem bilis Chylo præstat, usus est, qui cum vi sua balsamica, ratione sulphureæ seu oleosæ cum salinis particulis concentratæ naturæ, à corruptione, & putredinis quacunque labe, hinc & verminatione, præservet; quam facile enim corpus, ejusque humores, in putredinem dilabuntur, notissimum est, & in specie Chylus ob varia assumpta, tam animalia quam vegetabilia, facile putrescentia & verminantia, vermibus admodum est obnoxius. Necessè est ergo, ut ipsi, & eo mediante, reliquo corpori ejusque partibus aliquod remedium præservativum admisceatur. Jam verò bilis, tam interno quam externo usu, vermibus, per putredinis inseparabilibus comitibus, est inimicissima; unde etiam, *quandiu in intestina dilabitur naturaliter constituta, nulli unquam generantur lumbrici, cum è contrà ex obstructo ejus meatu subito iidem propullulent*: quò acrior bilis, eo minus solent vermes generari; unde HELMONTIUS dicit: *Ubi deficit bilis, ibi lumbricorum patria*. Notum etiam est, quælibet pinguis sulphurea, cum sale volatili plus minus concentrata, indeque acria penetrantia plus minus amaricantia, Balsamica dici, ob vim putredinem corporum animalium arcendi, cujus naturæ & texturæ etiam bilis observatur; adeoque in viventibus bilis est id, quod in mortuis à putredine præservandis est aloe, myrrhæ, quamlibet nempe, etiam ulcerum, arcens corruptelam, internè & externè; unde etiam hujusmodi simplicia amaricantia, absinthium, centaurium minus, rhabarbarum, &c. vermes in quocunque loco enecant, & sanguinis ex deficiente vel vitiata bile defectibus medentur, cum bile scilicet in sua natura symbolizantia.

Particulæ quidem bilis salinæ cum oleosis intimè non sunt unitæ, firmiter tamen connexæ; intima enim hujusmodi unio prærequiritur olei seu sulphuris colliquationem ab igne perfectam; & dum hac ratione in minima est resolutum, sociant sese particulæ conjunctione intima, resultante exinde sapore & odore empyreumaticis.

Præter dictam perfectionem, quam Chylus in intestinis à bile recipit, ulterius separationem patitur facultiarum à nutritivo chymo, quæ fit mediante quadam præcipitatione, quasi caseosæ partis, seu inutilis, à nutritivo cremore. Jam verò nihil se ipsum separare valet; unde aliquid adfit necesse est, quod separationem instituat. Sicut ergo Chymici ex liquore, solutione ab aliis rebus imprægnato, ex infusione liquoris cujusdam tertii facile separant præcipitando contenta; & sicut, quando cerevisia acescit, creta immittitur, ut sic salia acida absorbeantur, aut quando lacti acetum vel alius liquor acidulus instillatur, & substantia caseosa separatur; ita & natura solers per similem præcipitationem in intestinis facultias crassiores separat à chylo nutritivo.

Præcipitatio hæc & separatio recrementorum facultentorum crassorum in intestinis fit beneficio duorum istorum succorum multum diversorum, bilis nempe & succi pancreatici simul, quæ sub fine duodeni & principio jejuni confunduntur cum chylo: quibus ita disponitur Chylus, ut & partes caseosæ seu recrementa facultenta ex eo recedant, & tenuior & subtilior laudabiliorque ejus pars per intestina in vascula lactea commodius transcolari possit.

Fit autem non omnimoda secretio contenti à continente, ut in Chymicis fit separationibus, sed crassiores tantum, &

viscidiores separantur faces, reliquis chymi partibus cum liquoris præcipitantis maxima portione se jungentibus, & ita amice coeuntibus, quæ per membranam intestinorum, interiorum, vasculorum lacteorum hiatibus instructam, transcolantur: siquidem dum oscula hæc tenuior saltem chyli portio subit, remaneant necesse est scybala crassiora intra intestinorum cavitatem; quoniam in Chymicis nudæ tantum & superficiales sunt solutiones, in quibus omne corpus dissolutum secernitur, & solummodo coeunt menstruum solvens & liquor præcipitans, aut idem præcipitans soli corpori præcipitando combinatur: in chymo verò est cum alimentorum solutione conjuncta fermentatio, & hujus medio simul firmior quædam cum menstruo solvente, fermentali scilicet ventriculi humore, & succis præcipitantibus unio, tertique cujusdam productio; sicut alias etiam de solutionibus Chymicis notum est, quæ pro radicalibus & veris tantum habentur, quando à liquore heterogeneo affuso non præcipitantur.

Modus separationis sic consistit in eo, quod nempe cum bile, dum diluit, penetrat & temperat chylum, in homine simul, paulò inferius verò infra insertionem ductus choledochi per ternos digitos transversos in equo, ove, aliisque quibusdam animalibus, permisceatur succus pancreaticus, per ductum peculiarem, ab Inventore *Virsungianum* dictum, ad intestina delatus, qui sæpius repertus est plus minus acidulus, interdum falsus, raro insipidus alteriusve saporis; hinc *acidum illud existere* SYLVIVS, GRAEFF, SVVALBE & SCHUYL docent; alii verò *dulcem & lacteum*, v.g. BETTUS; alii *insipidum*, v.g. NEEDHAM & LOVVERUS; alii *falsum* v.g. PECHLINUS, eum dixerunt: quam ultimam sententiam experientia confirmat, quæ succum pancreaticum leviter falsum, saporis tamen quodammodo styptici vel austeri, esse docet; ut plurimum enim aliquid acoris in se continet, qui tamen temperatus est parte quadam spiritus volatilis cum eo permixti, de quo videtur GRAEFF in *Tr. de succo Pancreatico*, & in BLASII *Commentar. in Anatom. Veslingii*; qui Commentarius BLASII instar omnium Anatomicorum est; item SYLVIVS *disput. Physiol. 2.*

Pancreas quod attinet, viscus glandulosum est, quod lienem & hepar, seu potius duodenum, secundum venæ splenicæ ductum interjacet, & sub posteriori ventriculi fundi parte collocatur; licet in canibus similibusque brutis cum intestino duodeno oblique descendat. Substantia ejus glandulosa est ex genere glandularum conglomeratarum, quæ per canalem ut plurimum simplicem; rarius duplicem, ductum nempe pancreaticum aut Virsungianum ad intestini duodeni terminum & cavitatem se exonerant.

Hujus ergo succus dilutum & fluidiorem à bile factum, & in falsum volatile transmutatum chylum, etiam subintrat, & falsedine sua quodammodo styptica, vel aliquali austeritate, fermentationem quandam seu naturalem, in statu præternaturali verò effervescentiam, cum sale bilis urinoso excitando, crassiores & quasi caseosas chyli partes separat, easque quasi blandè simul coagulando, spontè secedere facit, cum iisque ex parte bilis falsiore sese partim permiscet, partim verò cum chymo laudabili, cui colorem album conciliavit, & bilis parte volatiliore, in unum corpus abit, ad massam sanguineam ablegandam, de quo vid. SYLVIVS in *Diff. Med. 2.*

Hanc ab his duobus succis fæcum separationem confirmant ii, qui coeliaco laborant affectu, item icteri quadam specie, in quibus ex horum ductuum obstructione, impedito liquorum transitu ad intestina, faces chylosæ excernuntur.

Duplici autem modo usus bilis genuinus inhibetur:

1. Dum materia viscida venarum lactearum orificia obducit, Chylus felle imprægnatus ab introitu excluditur, & consequenter corpus commodis ex bile resultantibus privatur.
2. Dum vel lapilli ductum cysticum obstruunt, vel ductus hepaticus occluditur, bilis ad intestinum meare non potest: quodcunque horum fiat, faces albicantes excernuntur.

Prout ergo naturaliter vel præternaturaliter constituti sunt hi ipsi succi, ex ductu suo ad duodenum delati, nempe bilis in vesicula biliaria, & succus pancreaticus, bona vel mala etiam fit chyli alteratio, & excrementorum separatio: quibus subinde accedit etiam suo modo mucus iste seu pituita viscida, quæ parietes intestinorum naturaliter oblinat. Unde ex vitio horum succorum quamplurima tantum non omnia in intestinis obvia symptomata, in specie morbi

Chronici, oriuntur; adeo ut ex stomacho, digestionem vitia-
ta, & ex vitiosa constitutione horum duorum succorum,
quamplurimorum morborum Chronicorum ordinario pri-
mæ exsurgant origines.

In his tamen, & in specie præcipitatione illa, quoad excre-
mentorum alvorum productionem, acquiescere non vult
HELMONTIUS *Tract. Sextuplex digestio, item de Flatib.*
& alibi passim, sed fermentum quoddam stercoreum seu cor-
ruptivum in intestino cæco statuit; beneficio cuius omnium
alimentorum reliquæ in intestinis easdem qualitates, sub
specifica animalium differentia, contrahant. Sed fictum est
fermentum hoc in intestino cæco stercoreum, cum jam in
ileo foetor quidam appareat, utut propter admixtas adhuc
particulas chylosas adeo cadaverosus non sit. Bili ergo po-
tius & succo pancreatico officium hoc tribuo, præprimis
cum natura nunquam corruptionem aliquam intendat, sed
hæc per accidens, particularum nempe componentium alte-
ratione & destructione fiat; adeoque fermento quodam cor-
ruptivo opus non habeat.

Ex Chylo ergo, si ritè se habuerit, fæces caseosæ præcipi-
tantur, quarum talis emergit consistentia, ut sub debita flui-
ditate in tenuibus, & sub moderata liquida crassitie in cras-
sis intestinis, in quibus debitam illam consistentiam conse-
quuntur, successive ad rectum usque perveniunt, & per ejus-
dem os excluduntur. Fit itaque hæc excretio fæcum non præ-
cisè ob stimulum à bile inditum: nam quicquid hæc tribuit,
saltem majorem fæcibus fluiditatem conciliando præstat, quæ
aliàs ab acido, tam stomachi quam pancreatis, sub spissiori
consistentia quasi condensatæ, difficulter per intestina move-
rentur, ut in hypochondriacis v. g. & scorbuticis, patet, in
quibus acidum acre austerum dominatur, bilis autem vel vi-
tiosa vel defectuosa est; in quibus enim abundat acidum au-
sterum, in his excrementa alvi sunt duriora.

Obiiciunt quidam quod omnia amara stimulent alvum,
ut in Rhabarbaro videre est: Verum hoc conceditur de ama-
rore extraordinario intestinis non consueto. Non autem sti-
mulari intestina à bile, fæces aliquomodo inficiente, ex eo
evadit manifestum, quod fæces alvi non sint acres stimulan-
tes & amaræ juxta HELMONTIUM in *Tr. Sextupl. dige-
stio*, sed vel insipidæ, vel subdulces, aquosæ; quoniam bilis, si
aliquis subsit amaror, partim ab acido chyli, partim ab aci-
do pancreatico, plus minus manifestis, vel occultis, tempe-
ratur, ita, ut omnia ista invicem mista & temperata in fal-
sum moderatum, vel subdulce insipidum, abeant. Nempe
& clysteres emollientes sine ulla acrimonia, solummodo sua
fluiditate, intestino recto incumbentes idem stimulant pro
fæcum exclusionem; sicut etiam urina solummodo nimia copia
vesicam distendendo sine acrimonia excretionem urget, &
per consensum vicinitatis alvum subinde stimulat; si enim
acrimonia excretionem urgeret, sæpè stranguria laborare-
mus. Aliàs etiam qualibet assumpta, quo magis fluidas red-
dunt fæces, eò magis stimulant, & alvum referatam servant
sine ulla acrimonia; unde & bilis naturaliter diluendo fæces,
earum excretionem promovet; sicut in nimia abundantia
fluidas nimis eas excernere facit.

Hi duo liquores, bilis & succus pancreaticus, præter dictos
usus etiam motu suo per intestina *pituitam seu mucum, inter-
nis intestinorum parietibus adhaerentem*, ne in nimiam copiã
exsurgat, sensumque intestinorum hebetet, colligunt, atte-
nuant, & incidunt, & sic cum eo partim per ordinarios ductus
sanguini infunduntur, partim verò per alvum exonerantur.
Est autem *mucus ille intestinorum nihil aliud, quam crassior
paulò chyli secreti pars*, dum ejus tenuiores portiones per in-
testinorum foraminula transcolantur, relicta verò, oblinen-
do intestina, ab illorum succorum præterfluentium acrimo-
nia eadem à læsione defendit, & lubricando eadem, chyli fæ-
cumque motum faciliorem reddit.

C A P U T VIII.

*De Chyli Secreti per Intestina Transcolatione, & ad
alias partes Distributione.*

Separatus ita in duas partes Chylus, subtilior ejus & te-
nuior ac fluidior pars per porulos intestinorum ita figu-
ratos ac conformatos, ut cremorem hunc nutritivum lacteum
solummodo admittant, crassiores verò partes vel excremen-
ta, istis poris non proportionata, imò etiam aerem exclu-
dant; chylus hic à fæcibus secretus in vasa lactea influit, leni-
terque ab iisdem absorbetur restitante ejus parte paulo visci-
diore sub specie mucipars verò fæculenta & crassa excremen-

tia sensim sensimque ad intestina, crassa dicta, motu inte-
stinorum peristaltico ablegatur, ubi sub forma stercorum
excluditur, dum in recto intestino constituta molestia ali-
quali & fluido pondere itidem ad sui excretionem stimulat;
quæ tantò est major, quò fæces sunt fluidiores, aut magis fla-
tulentæ; tantò minor, quò eadem crassiores.

Motus hic intestinorum peristalticus, seu lumbricalis ita
dictus, quod in annulos ita moveatur, Latine motus compres-
sivus, fit à fibris spirales, mediam tunicam intestinorum
vellicantibus, beneficio cuius motus fit Chyli ad vasa lactea
promotio & excrementorum per alvum excretio. vid. SYL-
VIUS *Dissertat. 2.* Motus peristaltici seu lumbricalis visibile
exemplum videbitis in HELMONTII *Tract. de Flatib. S.*
48. Ridicula igitur est colicæ cura Veterum, qui pro curanda
eadem, orta ex excrementis alvi induratis, applicarunt po-
dici sollem, quo mediante intestina inflata fuere: cuius curæ
admodum ridiculæ vestigia exstant in *Amato Lusitano*. Utut
enim intestina maxime distenduntur, per porulos tamen in-
testinorum nil exit, quia insertiones vasorum lacteorum,
per quas subtilior pars chyli eadem influit, non sunt rectæ,
sed inter membranas intestinorum obliquæ, de quo vid. LO-
VVERUS *Tr. de Corde p. 212.*, sicut etiam exacta Intestino-
rum Anatome in VVILLISII *Pharm. Ration. P. 1. Sect. 1. c. 2.*

Chylus autem, seu proxima sanguinis materia, quomodo
& per quæ vasa ex intestinis ad reliquas partes deferatur,
semper admodum controversum fuit, unde etiam tanta du-
bia de organo sanguificationis & nutrimento partium ob-
orta fuerunt.

Harveus & Bilsius veteresque *Galen* sectatores ex intesti-
nis attrahi à venis mesaraicis rubris chylum statuerunt, &
ad hepar transvehi, in cruorem & spiritum naturalem ela-
borandum, inde & facultatem naturalem in hepate collo-
carunt, & simul contrarium Chyli & sanguinis motum in
mesaraicis finxerunt.

*Inventis ergo postmodum Anno 1626. die 23. Julii à Casparo
Asellio, Ticinensi*, casu magis quam consilio, sicut ipse in libel-
lo de his edito fatetur, *vasis lacteis*, à colore & proprietatibus
contenti liquoris sic dictis, per has ad hepar motum Chyli
omnis promoveri, ut ibi mutetur in sanguinem, creditum
fuit, de quo vid. VALÆUS in *Epist. de Chyli & Sangu. motu*,
Anatom. Bartholiniana connexa, & tract. ASELLII de *venis
lacteis*, qui peculiariter typis exscriptus rarior est, quam ut
semper acquiri possit: addidit tamen eundem BLASIUS
Veslingii Anatomia, cum illius Editorem ageret.

Eodem ferè tempore Johannes Pecquetus Diepæus casu
invenit receptaculum commune, seu cisternam chyli, in ho-
mine pariter ac brutis membranofam, in regione ferè lumbari,
una cum ductu chyliifero thoracico, ex eo ad venas axilla-
res usque protenso. Scilicet occasio fuit hæc, ut ipse mihi
retulit: Ille aliquando fuit occupatus in scrutinio motus cor-
dis, unde in cane cor subito abscidit ab omnibus vasis suis,
unde prodiit ex vena axillari sinistra liquor instar lactis. Ille
attonitus, sedulus fuit in origine hujus lactis scrutanda, &
cujus naturæ ille liquor sit? venam hanc diligenti inquisitio-
ne est profecutus, & tandem invenit vas quoddam candidum,
vehens liquorem lacteum, quod vas exsurgit à regione lum-
bari hepate sursum super vertebra dorsii, & in regione sini-
stra inseritur venæ axillari sinistrae, unde appellavit *Dorsu-
lum membranaceum, Cisternam Chyliferam*; ductum verò
vocavit *Ductum Chyliferum thoracicum*, uti in quampluri-
mis brutis, imprimis in canibus reperiri potest. Scilicet hic
vesicula notabilis & membranosa est, ex tunica simplici &
tenuissima constructa, ita ut ad levissimum digitorum aut
instrumentorum contactum laceretur. Hæret cisterna hæc sub
mesenterii centro circa lumborum vertebra, inter muscoli
Psoas sinistri principium, & processum diaphragmatis ejus-
dem lateris, ubi arteria magna emulgentem emittit; adeoque
à prima lumborum vertebra ad tertiam communiter usque
descendere dicitur, utut ad ossis sacri principium, seu ad divar-
icationem usque Aortæ & venæ cavæ illum prodiisse, in cani-
bus mihi videre contigerit; ita quidem, ut arteriam magnam
amplitude æquaret, & cum hac in duos ramos Iliacis con-
formes abierit; vid. HEMSTERHUS. *Mess. Aur. Anatom.*
HORNIUS, & PECQUETI *Exper. nova Anat.* ubi figu-
ram ejus, aut ovalem potius, equidem depingit, sed ut pluri-
mum intersectione aut coarctatione aliqua ad formam vesicæ
natatoriae in piscibus: imò duplici interdum constat tunica,
ita ut parte illa, qua thoracem respicit, sensim magis magis-
que angustetur, & in ductum thoracicum abeat.

Cum ergo Pecquetus Anno 1651. trium annorum obser-
vatione confirmatus, hoc suum noviter, licet casu inventum
divul-

divulgasset, & Bartholinus loco illius brutorum receptaculi glandulas suas lumbares in homine demonstrasset, (licet nonnulli de his, an verum sint Chyli receptaculum, dubitent) creditum omnino fuit, duplicem esse Chyli motum; partem nempe Chyli crassiorem, ad hepar per lacteas vehi, circa venam portę sursum tendentes; partem verò tenuiorem ad Chyli receptaculum commune seu cisternam per reliquas lacteas deferri, ex quo ulterius per ductum thoracicum in ramum axillarem sinistram infundatur, ut cū sanguine per venas redeunte mistus, ad dextrum cordis ventriculum mittatur: & sic negotium sanguificationis fuit bipartitum; nepe pars una fuit assignata cordi, reliqua verò pars hepatis, ut primum fundamentum sanguificationis ita accipiat: vid. *BARTHOLINUS de Lact. thoracis*. Imò in mulieribus lacteas quasdam mesenterii ad uterum deferri, Chyli partem pro nutrimento foetus, & per ramulos quosdam, licet nondum visos, à lacteo thoracico ad mammas, lactis chylosam materiam deferri, probabiliter statutum fuit; & ex iis etiam serosam materiam ad renes transferri: sub urinae forma post pastum excrendam: Vid. *PECQUETUS in Tract. de Receptat. Communi*, item *Bartholinus Tractatu de Lacteis thoracis*.

Sedulitas Anatomicorum tandem usque eò processit, ut à *BARTHOLINO, Dano, OLAO Ruydbecchio, Sueco, & JOULIVIO, Anglo*, fere eodem tempore, licet diversis in locis, circa annos 1651. & 1652. vasa lymphatica inventa fuerint, quæ Bartholinus vocavit ductus serosos; unde litigium istud ortum, quod citati Autores inter se propter inventionem agunt, utut de lana caprina. Vasa hæc autem, ab aliis Autoribus postmodum confirmata, sunt subtiliter ductus perspicui, vehentes aquam limpidissimam & purissimam, sed ita, ut reperiantur oriri ex glandulis, & habere commercium cum glandulis, ita ut *lymphæ motus omnis sit à circumferentia ad centrum*, à partibus externis usque ad cor; ita ut omnia viscera, quæ infra cor sita sunt, effundunt omnem suam lympham per vasa lymphatica ex testibus, liene, pulmonibus &c. in receptaculum commune; viscera verò supra cor sita infundunt eam juxta venam axillarem sinistram, ubi inseritur ductus chyliferus. Mediantibus his simul observatum fuit, vasa ex mesenterio ad hepar protensa non esse lactea, sed esse lymphatica, serosam materiam ex hepate educientia (licet omnia reliqua lymphatica per viscera ad artus dispersa, ex circumferentia corporis ad truncum thoracicum, & tandem ad cor, seu commune centrum, liquorem contentum revehunt) unde nihil amplius chyli ad hepar & lienem convehi, sed omnem receptaculo communi, & tandem cordi, infundi assertum; indeque cor sanguificationis organum unicum proclamatum fuit, hepatis exequiis in sanguificationis negotio à Bartholino publicè celebratis: vid. *BARTHOLINUS de Lact. thoracis. pag. 253.*; quæ opinio communi Medicorum applausu, paucissimis, imò fere nullis apertè renuentibus, recepta fuit: An verò venæ sanguiferæ meseraicæ aliquam chyli portionem invehant cum sanguine? adhuc experimentis Anatomicis probandum venit. Res erat satis clara in brutis; dubia autem erat, an etiam talia in homine dentur? Nihilominus in homine reperta fuerunt.

Quoad receptaculum commune, Bartholinus in homine loco ejus invenit binas glandulas, & ternas circa lumbos sitas. Dixit ergo, *Receptaculum commune in homine ex talibus lumbaribus glandulis constare, sed in hoc erravit*. Nam in homine est receptaculum genuinum membranaceum, instar istius, quod in brutis reperitur, sed minus amplum, & instar canalis dilatati magis se habet, ut hoc exhibet *RUYDBECK in Tab. Anatom. 10. ubi de Vasis Glandular. serosis non tantum Vuarthon. in Adenographia*, itemque *Bartholinum* refutat. Sed hæc tabula *Anat.* sunt raræ, in *Hemsterbusii Messe aurea Anatomica* reperiuntur: vid. etiam *DIEMERBROEK in sua nova Anatom. pag. 87.* & *VVARTHONUS in Adenographia*. In brutis circa centrum mesenterii est glandula rotunda ingens, quæ vocatur *Pancreas Aselii*, in quo omnia vasa lactea mesenterii se exonerant; in corpore autem humano talis ingens glandula deficit, loco cuius sunt tres vel quatuor glandulæ minores, lumbares dicendæ, quas inventor primus & descriptor *BARTHOLINUS de Lacteis Thoracis* substituit in locum receptaculi; cū tamen glandulis mesenterii majoribus tantum, quibus corpora humana carent, substitui videantur: vid. *DEVSINGIUS*, qui acerrimi iudicii vir, & *VVARTHONUS Adenog. cap. 7. pag. 29. sequ.*

Ad tendines autem diaphragmatis vel sub his, & dum diaphragma perforat, attenuatur succus hic chylosus, ac

in canalem, calamum scriptorium amplitudine æmulantem, in homine, & brutis majoribus ab it, qui à situ *Ductus Thoracicus*, ab usu *Chyliferus*, item *Bilfis Roriferus*, appellatur. Hic in canibus ad *latus spinæ sinistram* propè arteriam magnam, in homine in latere dextro intra eandem aortam & venam *azygos* sursum repetit, donec ad tertiam thoracis vertebram sinistroforum deflectat, adeoque in homine æquè ac in brutis in venam subclaviam sinistram simplici, duplici, & triplici interdum, ramo se exonerat.

Lugebat hepar suam cladem, dum novæ ex insperato ipsi feruntur suppetiæ à *Ludovico Bilfo, Nobili Flandro*, qui à tenera adolescentiæ ætate, decimo tertio scilicet anno; usque ad senectutem ingruentem Anatomiam operam dando, præter artificiosam cadaverum condituram, & incruentam eorum sectionem, anno 1660. se invenisse divulgavit, quod alimenta Chylum transmutata, præter separationem in utilia ab utili in intestinis, ratione vasorum lacteorum & mesaraicorum, dividantur, ita, ut in communiter sic dicta lactea pars subtilis tenuiorque instar roris per angustos meatus transfudet, & ad receptaculum commune transferatur, unde per vasa (communiter sic dicta lymphatica, ab ipso verò ob liquorem contentum vasa rorifera appellata) sursum partim in cor, & reliquas partes, in specie ad glandulas, partim verò deorsum, uno verbo, in omnia membra deferatur; crassior verò ejus succi in intestinis pars propriè Chylus dicta, in vasa mesaraica sanguiflua ex intestinis per mucum vitiosum (sic vocavit eum mucum intestinis inhaerentem) ad hepar amandanda, pro suscipiendo ibidem sanguinis rudimento, quod absolvatur tandem in corde, ita ut *Bilfus* non tantum hepar antea sepultum de novo resuscitaverit, & venarum mesaraicarum munus devehendo Chylo denuò restaurarit, sed etiam rorem suum, ab aliis lympham appellatum, in vasis roriferis ex centro, h. e. receptaculo lumbari, ad circumferentiam corporis quaquaversus moveri asseruerit, quod omnibus, qui de lymphaticis mentionem fecerunt, omnino contrariatur. Commentatores ejus pro materia lactis, seminis, lachrymarum, salivæ, urinae, sinoviae, & nutrimenti partium fetus, rorem eundem sic distributum venditant, & alii recentiores etiam pro nutrimento partium spermaticarum assument; uti videre in *DEVSINGII Epistola ad Bartholinum de hepatis resurrectione*, item in *Append. Exercit. de Nutrim. Corporis Elaboratione: ZASIUS etiam, Medicus Amstelodamensis*, hæc *Bilfi* asserta peculiari scripto Belgico de aqua animalium, sextuplici Helmontii digestionis accommodavit: Hujus *Tractatus Compendium* videbitis in *DEVSINGIO in Tract. de Nutrim. Partium Corporis*. Centrum autem hujus motus *Bilfis* intestina constituent, & ab his derivata lactea, quæ aquatica ille vocat, mediantibus quibus partim ad hepar partim ad receptaculum lumbare, hinc ad omnes corporis partes liquor dictus derivaretur. Optandum autem esset, ut vera esset *Bilfi* experientia: Arcana sua tantum 20000. Florenis *Hollandicis* vendere voluit; sed quia nemo fuit, qui tantum pretium solvere voluisset, Arcana sua, quibus suam Anatomiam superstruxit, moriente illo interierunt, & cum eo sepulta sunt; adeoque hujus rei veritas ex ipso hoc modo non potuit acquiri. Sed hæc *Bilfi* opinio sufficienter fuit rejecta, partim per ligaturas, quæ vasis lymphaticis injectæ liquoris contenti stagnationem inter hanc & corporis extremitates, non inter ligaturas & dictum centrum, evincunt: partim per valvulas vasorum lacteorum; refutatam quoque videbitis præter alios Anatomicos, ab incomparabili Anatomico *ACOBO HEINRICO PAULI in Anatom. Anatomia Bilfiana*, & à *Ruyssch in Tractatu de Valvulis vasorum lymphaticorum*.

Ex his, quid magis verum sit, hariolari potius quàm statuere, res omnino difficilis videtur; probabilior tamen videtur sententia, chylum omnem ex intestinis in vasa lactea exprimi, id quod *avro. fia* evincit, qua notū, quarta vel quinta post pastum hora à vasis lacteis turgidis & albicantibus hunc per mesenterii glandulas successivè ad receptaculum lumbare (quod in homine non constituunt glandulæ lumbares Bartholinianæ) devehit, ibique cum lymphæ, ex inferioribus ramis adscendente, & in dictum receptaculum confluente, permisceri, dilui, & sic ulterius, continuato pulsionis motu, per ductum thoracicum in venam axillarem sinistram infundi, ibique cum lymphæ ex superioribus ramis descendente, denuò permisceri, tandemque in cordis dextrum ventriculum cum sanguine una influere.

Omnia hæc vasa valvulis copiosissimis instructa sunt, quæ concavitate sua glandulas prædictas respiciunt, adeoque nihil ab his ad intestina reflueri permittunt.

An verò præterea Chyli aliqua portio ad hepar quoque perveniat? nondum sufficienter probatum est; & an hic per ramulos quosdam lacteos eo dilatos, an verò per Veterum venas mesaricas fiat? valde adhuc dubium est. Veritatem hujus *DEUSINGIUS*, *HORNIUS*, & *SCHIVVAMMERDAMIUS*, persuadere Auditoribus conati sunt, defendere autem non potuerunt: Nam Chyli aliquid per venas mesaricas moveri nullo modo nullaque arte probari potest. Rationes omnes, quibus Chyli per venas mesaricas motum probare conantur, nullius sunt ponderis; falsum enim est, quod pennata juxta *HARVÆUM* valis lacteis careant: nec *HARVÆI* rationes de motu humoris nutritii per venam umbilicalem in foetu alicujus consequentia sunt; cum aliud sit, venas ex parte solida hujusque poris, e.g. secundina, aliquid chyli cum sanguine excipere, aliud ex intestinorum cavo sine sanguine; reliquæ verò rationes ab aliis prolatae ejusdem farinae sunt, cum hujus motus aliquam saltem possibilitatem, non autem motum ipsum, probent, nec experimenta hujus ulla allegari possint. *Liquor Bilis griseus*, vitro fuso similis, in venis mesaricis, nemini, licet experientia sæpius facta fuerit, nili sibi ipsi solum apparuit. Dicit namque *Bilsius*, quod debeat fieri mesaricarum arteriarum in lignis ligatura in animali vivo, post animal debeat confui, cibari & dimitti, sic necessario fieri, ut propter eam ligaturam impediatur sanguinis motus, & sic ipsum esse absorptum in intestinis, unde post binas horas inveniri in venis mesaricis loco sanguinis liquorem griseum dulcem, qui spissescat, & calorem instar vitri fusi representet. Vidi bis tentatum *PARISIIS* in hospitio meo, & hic *LIPSIE*, sed vano successu. Hoc igitur est aut falsum, aut requiritur quædam encheirisis peculiaris, nemini præter *Bilsum* nota.

Ipsam *mesenterium* quod attinet, hoc in medio intestinorum collocatum & absconditum quasi est, quo velut vinculo illa non solum invicem colligantur, sed à spina quoque lumborum suspenduntur. Est autem *mesenterium expansio membranaea, vasis notabilibus, & copiosioribus glandulis, & pinguedine, intertexta, angustiore sua parte aut centro, quo vasorum truncos majores admittit, & emittit, vertebri lumborum alligata, circumferentia autem latiore & fere circulari intestinis omnibus continua atque affixa.*

Maxima ejus substantiæ pars membranacea est, & ex duabus quasi laminis combinata deprehenditur, quibus præter pinguedinem & vasa, glandulae interjectæ sunt, quæ ex globularum genere in homine & nonnullis aliis animalibus exiles satis sunt, & divaricationi vasorum numero incerto appositæ; in canibus autem similibusque brutis majores, præprimis circa mesenterii centrum, observantur, earumque maxima *Pancreas Aselii* appellatur:

Sunt, qui colorem & odorem croci, à brutis copiosius assumpti, in liquore post pastum hausto in venis mesaricis sentiri asserunt. Dicunt quidem, sed non sufficienter probant per experimenta, quod scilicet crocus tingat foetum colore croceo; sicut & in *Amato Lusitano* est exemplum tale, quod cuidam cani gravidæ datus fuerit crocus cum lacte, unde in sectione canis inventi fuerint foetus canini crocei: sed hoc nil probat; nam omnes foetus habent colorem flavum instar butyri flavi; Sunt, qui ex purgantibus propinatis liquorem ex venis mesaricis haustum brevi post pastum purgare dicunt, sed neutrum sufficienter constat. Moderni verò nonnulli, resuscitationi hepatis faventes, experimenta quædam de motu chyli ad hepar promovere promiserunt, quæ ipsa & adhuc expectamus. Sin ergo & quædam Chyli portio eo deferatur, probabile est, eandem cum sanguine permixtam alterari, & rudimentum quoddam pro sanguine simul accipere, adjuvante non parum bilis subtiliore & volatiliore portione ex vesicula in hepar expressa, qua chylus, hoc sulphure rubicundo imprægnatus, facilius in sanguinem abeat.

Cæterum aquosiores assumptorum partes in primis quoque viis ex chylo secerni, & antequam hic cum sanguine permisceatur, immediate separari, potulentorum in bibonibus, ferè ut assumpta sunt, sub urinæ specie excretio persuadet, ut & diabetes, quo eodem colore, sapore & odore, vinum rubellum e.g. loco urinæ excernitur, citus acidularum transitus; assumptorum v.g. feminum anisi & coriandri integrorum cum urinæ cita excretio; color croceus ex comesto croco, sanguineus ex succo opuntia, sico nempe Indica, color luteus ex assumpto rhaharbaro, &c. sed per quas vias cita hæc excretio pertingat, obscurum est. Probabile videtur, chylum co-

piosum, per vasa lactea in mesenterio ad glandulas delatum, ibi pati secretionem quandam utilis ab inutili aquosa materie & quod hæc postea ceu feru chyli per vasa sui generis ad partes urinarias amadetur; hinc recte urget *HELMONTIUS* dicendo: *Discite urinam potus ab urina cruoris secernere*: quasi nempe illa in mesenterio à chylo, hæc in renibus à sanguine, separaretur; de qua urina potus & chyli vid. *DEUSINGIUS* in *Differat. in Alim. Depurat.* p. 149. & in *Append. harum dissertat.* p. 331. & 334. Conferatur simul, quoad mirabilia urinæ excreta *BARTHOLINUS* Cent. 1. *Histor. Anatom.* 68. item *M.A.N.C. Ann. 2. Observ. 3. p. 4.* de nova via feri ad renes *Obs. 157. pag. 248. Observ. 168. p. 266. 392.* & experim. ligaturæ ureter pag. 401.

Lac non generari ex sanguine, sed ex succo paulò viliori & mitiori, scilicet chylo, vel materia chylosa, probatum videbitis in DEUSINGIO Differat. de lacte, item in CHARLETON in Oeconom. Anim. Exercit. 3. de Galax. p. 25. item in THOMAS CORNELIO CONSENTINO Progym. nasim. 6., item in SHNEIDEROL. 3. de Catarrhis cap. 3. &c. & fetum per os, item per placentam uterinam nutrir succo hujusmodi chyloso, ex quo primitus similiter ovum uterinum, conceptus materia, concrevit, videbitis in Exercit. HARVÆI de Generat. Animalium, item in DEUSINGIO de Genesi Microcosmi, item in CLAUDII de la Courvee Tractatu de Nutru. Foetus in utero. An autem hæc chyli portiones pro hujusmodi liquoribus per vasa lactea, vel alia his similia, nondum tamen cognita, ad has partes deferantur? an verò ex chylo cum sanguine permixto nondum subacto, sed adhuc crudo, & copioso sero diluto, ad has partes delato, in iis separentur à reliqua massa, quæ modernorum plurimorum est sententia, adhuc disputatur. Prior sententia faciliior quidem, sed ob incognitas adhuc vias minus certa: Posterior est difficilior, sed tamen probabilior videtur; reverà enim chylus cum sanguine, ut undique per universum corpus rapitur, ita ante ejus assimilationem, quæ tardiùs subinde evenit, & lactis, & nutrimenti foetus, ac partium solidarum spermaticarum, & genituræ seu seminis masculini materia existit, & mediantibus partibus glandulosis ex chylo separatus, lac, genituram, &c. constituit. Lac ergo est chylus, sed sanguine permixtus; hinc facile conceditur, chylum mediante sanguine moveri.

C A P U T IX.

De Chyli in Sanguinem Conversione, Sanguinisque Fermentatione.

Suprà insinuavi, ductas fuisse exequias hepatis in sanguificatione, & quod planè sit dejectum ab officio sanguinis parandi. Nam chylus lymphæ permixtus in axillarem venam sinistram per ductum chyloferum thoracicum infunditur, ibique cum sanguine permiscetur, ab eo resolvitur, & subigitur, ejusque motu in cordis auriculam dexteram, dextrumque cordis ventriculum, illabatur, ex quo ulterius derivatur per arteriam pulmonalem seu venam arteriosam in pulmones, ex his verò per venam pulmonalem seu arteriam venosam in cordis ventriculum sinistram infunditur, ex hoc per arteriam magnam seu aortam per totum corpus, tam sursum quam deorsum, ulterius movetur, ubique tamen resorbetur per venarum furculos, qui omnes tandem in venam cavam desinunt, ex qua omnis liquor dextro cordis ventriculo denuò infunditur.

Dum ita movetur Chylus cum sanguine confusus, in venis axillaribus sensim sensimque subigitur, successivè permiscetur, notabiliter mutatur, quæ mutatio speciatim in aut circa cor absolvi videtur, & *sanguificatio* dicitur. In hoc negotio sanguificationis cor, ipsique annexa vasa, se habent tantum purè passivè, non activè, & nihil quàm locum aut spatium his liquoribus pro motu & transitu meliori concedunt: est enim cor officina, in qua peragitur ista transmutatio; est olla vel vas, in quo fit coctio; est instrumentum quasi chymicum certo modo fabricatum, in quo fit ista digestio, & insignior mutatio. Est nempe *sanguificatio actio non organica, sed tantum purè similis, consistens in assimilatione chyli cum sanguine*, hoc est, *sanguificatio fit motu intestino seu fermentativo particularum*, in quo consistit actio similis; non verò fit motu locali sensili, ad quem organisatio partium requiritur, in quo consistit actio organica, qualis est colatio feri per renes, Actio autem similis

millaris fit sine tali conformatione mechanica, & fit per simplicem rei alicujus actionem in genere, in specie fit per motum fermentativum. Cor enim, cum sit musculus, non est radix vite: nam ipsum cor suum esse habet à sanguine cordiali, & remedia cordialia sunt figmenta anicularum, cum ea sint simplicia volatilia aromatica, quæ spirituum vigorem possunt conservare & confortare. Ergo nec cor nec hepar sanguinem facit, quia sunt organum primario effectivum, adeoque propriè nullum viscus organorum sanguificationis nomen meretur: vid. HARVÆUS de Generat. Animal. Exercit. 50. & 55. GLYSSONIUS Anatom. Hepatis pag. 375. CHARLETON Oeconom. Animal. Exercit. 4. CORNELIUS CONSENTINUS Progymnasm. Physic. pag. 273. & VVEPFFERUS de Apoplex. pag. 75. Hinc & ipsum cor, non fecus ac reliquæ partes ac muscoli, suam vitalitatem, calorem, motum & activitatem, debet tantum spiritibus & sanguini, per ejus ventriculos circulato, & per vasa coronaria, & sanguiferis & nervis, in ejus substantiam distributis: quibus deficientibus, & ipsum languet, & deficit; adeo, ut nec syncope sit cordis affectus, sed tantum spirituum & massæ sanguineæ, de quo vid. CHARLETON l. a. p. 51. item speciatim GLYSSONIUS l. a. p. 13.

Cor ergo non est parenchyma singulare distinctum ab aliis mollioribus partibus, uti Veteres statuerunt; sed nil aliud est quam musculus compositus, & musculorum in modum movetur, constans fibris cochleatim contextis, & tanquam motus sanguinis localis instrumentum in corporis nostri machina hydraulica antiæ vicem gerit, inque eum finem formatum est, ut sanguinem venis exceptum in arterias, & inde in totum corpus, vibrante motu, transmittat, ita ut ejus actio simpliciter sit sanguinis ex venis in arterias transfusio, quod sufficienter per evolutionem Anatomicam demonstrant LOVVERUS Tract. elegant. de Corde c. 1. §. 3. & quæ ibi demonstravit, optimè possunt demonstrari in corde ovillo, quod magnum est: item SCHNEIDERUS de Cataractis & NICOLAUS STENO in Observat. Anatom. de Musculis & Glandulis p. 29. & 30. item Myolog. Specimin. pag. 751. qui glaciem fregit; quanquam hæc sententia, cor esse musculum, sit antiquissima, & reperitur in HIPPOCRATIS Scripto de Carnibus T. 4.

Duplici gaudet involucrio, latiore seu externo, & interno seu illo, qui cordis substantiam artius connectit, & pinguedinem sibi intertextam habet. Illud pericardium vocatur, atque in eo humiditas quædam ut plurimum deprehenditur, in cuius usu determinando Autores admodum variant; vix tamen opus videtur hac controversia, cum aqua illa circulationis sanguinis turbata saltem effectus sit, vel à morbis antecedentibus, vel à mortis anxietatibus, dependens.

Ipsi cordi vasa inserviunt, arteria, vena, nervi, & vasa lymphatica; quorum hæc posteriora tam à cordis substantia carnea, quam à glandula inter auriculas quoque sita prodeunt & cum ductu thoracico, vel immediate vel mediantibus ejusdem generis vasis aliis communicant. Arteriarum ab aortæ principio, & antequam hæc pericardio elabatur, promanantes duæ sunt, & truncis suis cordis basin cingentes, à quibus multi ramuli quasi perpendiculariter descendunt, & ejus corpus ad mucronem usque transeunt. His jungitur vena ut plurimum simplex, rarius duplex, quæ radicibus capillaribus ex tota cordis compage emergens, in ramulos perpendiculares pariter abit, ac à cono basin cordis conscendens ibi truncum majorem facit, hanc quoque circulariter ambit, unde coronaria cum arteriis nomen gerit, & termino venæ cavæ implantatur, valvulis, regressum sanguinis, impediens, munita. Nervos tandem accipit cor à sexto, vel potius octavo seu vago pare, simulque ramos subsidiarios ab intercostali: quorum alii membranas vasorum cordis majorum obducunt & subligant, hinc sanguinis motum per hæc diversimodè moderantur; hi verò cordis substantiam circa basin subeunt, ac huic vim sentiendi & movendi largiuntur.

Fibræ cordis carnea, ductu potissimum spirali conglomerata, cavitates duas seu ventriculos relinquunt, mediante quorum sinistro jam dicta sanguinis transfusio contingit. Ille enim sinister propriè cor appellandus est; cujus appendix saltem est dexter ventriculus, ut structura eorum cordisque fabrica demonstrant, adeoque dexter ventriculus propter pulmones saltem fabricatus est (ut hoc patet ex sectionibus, si abscindatur scilicet conus cordis seu infimus ejus apex transversim, ut pateant cavitates externæ) quo eodem rectius & commodius ab hoc in pulmones (pro subeunda maxime necessaria ad vitam alteratione ab aere, & ad sanguificationem

perfectam dispositione) fiat sanguinis propulsio, & per hos ad sinistrum ventriculum, seu cor primarium, promotio; unde pisces & reliqua animalia, quibus pulmones desunt, aut quæ per hos non respirant, dextro cordis sinu carent, unamque tantum cavitatem in corde habent; e contra quæ pulmones obtinent, duplici etiam cordis ventriculo seu sinu gaudent; utut in testudine unicus tantum sit cordis sinus, etiam si pulmones habeat, vid. Acta Societ. Regiæ Anglic. pag. 323. & 380. hinc etiam dexter ventriculus carne flaccidiore & parietibus mollioribus constat, sinister carne crassiore & parietibus spissioribus; eò quod hic toti corpori, & per consequens membris etiam remotioribus, prospiciat; ab illo verò tantum ad & per proximam & laxiorem pulmonum substantiam magis traiciatur, hinc tali partium robore non opus habeat.

Intra hos ventriculos columna carnea observantur, quas lacertulas alii vocant, quæque teretes è lateribus illorum prognatæ, oblique sursum porriguntur, ita ut ex earum apicibus summis fibræ quædam tendinosæ, valvulis tricuspidalibus continuæ, protendantur; In utroque siquidem ventriculo duplex pellicularum, quas valvas vocant, genus conspicitur, quarum aliud triangulare venis præfixum, alterum semilunare, in arteriarum gratiam factum videtur, uti inferius pluribus patebit. Valvularum ergo tricuspidalium gratia columnas illas erigi, inde probari potest, quod in animalibus, quæ valvulis istis destituuntur, v.g. canibus, serpentibus, &c. hæc quoque deficient, & pro numero illarum pellicularum diverso, horum quoque numerus variet, ita ut etiam earum in dextro ventriculo plures, ac in sinistro, deprehendantur. Scilicet, dum in cordis systole hujus mucro basi adducitur, columna illa simul elevata fibras suas tendinosas, velut lora laxata, remittunt; unde valvula, quarum extremitatibus hæc colliguntur, laxius pendentes à sanguine commoto, quasi vela vento impleta, simul sursum propelluntur, adeoque ostia venosa occluduntur; in diastole verò cordis, quia conus hic à basi recedit, monticuli illi simul deprimuntur, unde fit, ut valvulis, mediantibus illarum fibris tendinosis, retractis eadem orificia venosa recudantur.

Transmutationem chyli in sanguinem fieri per elixationem à calore cordis innato, Veterum fuit hypothesis; cum qua modernorum quorundam congruit sententia, sanguinem repetito cursu ad cor delatum à flammula vitali, seu biolychnio, in ejus sinistro sinu flagrante, rarefieri, incallescere & quasi accendi, & ita chylum permixtum simul attenuari, resolvi, subigi & alterari, & ita in sanguinem mutari. Sed cum actio univoca caloris insufficiens sit tantæ mutationi (movere enim, attenuare, &c. non sunt univoca, quæ non quadrant actioni singulari in corpore) hæcque sententia fundata sit in doctrina calidi innati, & flammula cordis vitali, quod utrumque falsum, & ex supra dictis de Principio vitali per se corruat; illorum videtur probabilior sententia, qui eandem per fermentationem fieri tradiderunt, de qua etiam ferè non amplius dubitatur: vid. KERGERUS Tract. de Fermentation. pag. 206. & seq. VVILLISIUS de Febribus cap. 1. & 2. item DEVSINGIUS Disquisit. de Nutrim. Animal. Elabor. c. de Sanguificatione. Alii vasis, & in specie venis, vim sanguificandi inesse credunt, quibus pariter satisfacit GLYSSONIUS Anatom. hepatis pag. 389. & CHARLETON Oeconom. Animal. p. 49.

Cæterum dubium occurrit an sanguis solus in se habeat vim fermentando assimilandi chylum, quatenus spiritu vitali imprægnatus est, & fermentativis particulis, in specie salinis & oleosis volatilibus, copiosè turget, cum quibus chylus, beneficio continui motus & agitationis massæ sanguineæ per vasa & viscera delatus, per minima misceatur, subigatur & uniatur, donec perfectè transmutetur & successivè assimiletur, ea ratione, atque mustum fermentans aut uino confusum fermentando in spiritum vini abit, aut spiritus vini in aceto acescit; cujus opinionis sunt CHARLETON in Oeconom. Anim. Exercit. 4. p. 53. item GLYSSONIUS in Anat. hepatis c. 35. NEEDHAM de formato fœtu c. 13. de Biolychnio, LOVVERUS de Corde, & ENTIVS de Circulat. sanguinis. An vero in sinistro cordis sinu aliquod sit principium hujus transmutationis primario effectivum, hoc est, certum quoddam fermentum spirituosum, à quo sanguis per venas effluens de novo quasi vivificetur, & chylus simul alteretur, donec successivè in sanguinem abeat, & hic in spiritu volatilisetur, alibi videbimus. Hujus sententiæ Patroni sunt BACKIVS Tractat. de Corde, HELMONTIVS subinde in suis scriptis, speciatim in Tractat. spiritus vitalis, Blas Humanum,

manum, item Sextuplex Digestio, & VVILLISIUS Tractatu de Fermentat. & Febris; quo etiam facit sententia CHARLETONIS, item GLYSSONII *locis supra citatis*.

Cum priori opinione congruit ferè SYLVII sententia in *Dissertat. 3. de Sanguificatione*; super quam totam suam Praxin superstruxit, qui ex lymphâ acidulâ, cum sanguine per venas axillares descendente, & ex bile cum sanguine ex hepate per truncum venæ cavæ ascendente, talem, ob contrarietatem acidi ex lymphâ cum sale urinoso ex bile, in cordis sinibus effervescantiam oriri vult, quâ sanguis non tantummodo incalescat, accendatur & spirituescat, sed Chylus etiam simul in sanguinem transmutetur. Hæc autem hypothesi plurimis premitur difficultatibus. Nam

1. Iste bilis motus per hepar cum sanguine sursum omnino est incertus & dubius: taceo experimenta MALPIGHII, quæ hanc sententiam destruunt.
2. Lymphâ non est adeo insigniter acida, nec sanguis ascendens adeo biliosus, ut exinde tam vehemens tamquæ celer fieri possit effervescantia; sunt enim bilis & lymphâ, non secus ac reliqui naturales succi, in corpore nostro naturaliter constituto temperata & blandæ. Ad talem autem effervescantiam insignis acrimonia requiritur; imprimis si bilis & lymphâ
4. Cum copioso sanguine misceantur, qui liquor omnino est mitis, & istorum succorum suppositam acrimoniam non leviter mitigabit.

Potius igitur Recentiores quidam sanguinis Fermentationem, & per eam Chyli Transmutationem, a principio quodam fermentativo, in sinistro cordis sinu stabulante, originaliter deducere malunt, quod probare conantur à prima sanguinis in foetu origine, quod ex puncto saliente, id est, sinistri cordis ventriculi inchoamento, primitus productum, tanquam ex suo fonte scaturiens, & per orbem istunc repetens, sua purpura demum conspiciendum præbeat: quod fermentum, sub generationis primordiis in puncto saliente enatum, postmodum in corde à sanguine jugiter influente & spiritali conservetur & restauretur, donec effectum & sensum deficiens ab opere desistat, & sanguificationis, simulque vitalitatis, circulum terminet; hocque esse naturæ salino-volatilis à quo sanguis fermentativo contactu exaltetur in spiritum vitalem volatilem HELMONTIUS statuit.

Verum fermentum peculiare non esse in corde, ex eo probabile fit; quia

1. Nudè & simpliciter tantum asseritur, nulla verò vel probabili ratione adstruitur.
2. Alterationes istæ, quas sanguis in præcordiis videtur pati ex aeris inspirati activitate & permissione, perspicue magis explicari poterunt; id quod & experimento LOVVERI patet. Vid. LOVVERUS *Tractatu de Cordis in vindic. contra Meuram* p. 174. & c. dum sanguis in vena pulmonali idem cum sanguine, ex sinistro cordis ventriculo in arteriam magnam transeunte, observatur: Et sanè ista de peculiari sanguinem alterante fermento, hypothesi enata videtur primitus ex eo, quod non satis ad vim aeris inspirati, & inde sanguini inductam alterationem, respexerint.
3. Brevis ista mora sanguinis in corde non videtur congrua alterationi à fermento inducendæ.
4. Origo, natura, & operandi modus istius fermenti penitus incognita sunt; unde perinde esse videtur, sive nescire nos sanguificationis efficiens & modum dicamus, sive à fermento peculiari eum fieri, differamus.

Interim dum asseritur, fermentum hoc nihil aliud esse, quam spiritum vitalem in prima seminali materia hospitantem, & incubationis calore excitatum, imò in puncto saliente se manifestantem; à quo, ut primitus sanguis elaboratur pro succo totum corpus conservaturo, ita ab eodem postmodum per totum vitæ cursum idem opus continuari, & c. hoc sensu CHARLETON & GLYSSONIUS *loc. sup. citat.* spiritum vitalem in sanguine principium huius effectivum constituentes, conciliari possunt.

Probabilius ergò videtur, sanguinem ipsum, vitali spiritu imprægnatum Chylum in sanguinem mutare per motum fermentationis; in qua spiritus vitalis, ratione virtutis imprimis elasticæ, fere primarii agentis obinet vices, qui & ipse non solum primitus in conceptione sanguinem ex apta materia per similem motum emergere facit, sed etiam fluiditatem sanguinis continuam conservat. Aer inspiratus est quasi fermentum, aut saltem adjuvans necessarium externum, &

dictum motum fermentativum, sanguinem attenuando & imprimis pingues ejus particulas dissolvendo, continuo restaurans & ita conservans. *Lustramenta*, mediamentis quibus fermentativus motus imprimis continuatur, sunt *Acidum & Urinosum volatilia*, à pingui temperata: Nam

1. Dum in continuo motu fermentativo existit, & præsertim ab aere inspirato, novo impetu ad fermentationem instruitur, materiam sibi in radice similem facillimè fermentativam sub actione assimilabit, sive in sui materiam transmutabit, instar vini infusum successivè mustum assimilantis.
2. Chylus ipse fermentativus, & adhuc quasi mustaceus est, partim à fermentatione ex acido stomachi suscepta, partim à bile permixta, inde facillè fermentando alterabitur ulterius, & à bile prædispositus in rubedinem exaltabitur; adeo, ut qualibet succorum in corpore fermentationes sint saltem continuationes fermentationis stomacho inchoatæ.
3. Chylus pedetentim sub crebrioribus circulationibus, & ita per continuatam cum sanguine subactionem, tandem facillimè in sanguinem abit; id quod persuadet, successivè eum à sanguine subigi & alterari.

Pro meliori declaratione consideranda *prima sanguinis generatio in foetu*, quæ absolvitur ab aura seminali, seu spiritu genitali maris cum spiritu genitali femine in ovo juncto, qui uti primitus totum conceptum seu ovum fecundat, & in eodem generationem & formationem partium quarumcunque absolvit per motum, quem rudimento foetus communicat, ita ab hoc ipso spiritu, calore & fotu incubantis gallinæ excitato & adjuvato, etiam huius medio sanguinem primò suo modo produci, possibile est: ita ut hic spiritus, dum in puncto saliente primò se manifestat, particulas minimas liquoris seminalis seu colliquamenti in & circa præfactum punctum saliens agit & in circulum movet, eandem successivo motu, accedente ambiente calore, attenuat, aliqualem fermentationem excitat, & ita alterat, ut repetitis circuitibus ex propriæ texture materialis ratione & aptitudine sponte quasi in talem liquorem rubicundum abeant, qui in tenui membranula, totum colliquamentum ambiente, primò apparens, qui sanguinem primogæneum constituit, qui postmodum novæ materiæ prædispositæ appulsu, & repetito per cor aut ejus rudimentum transitu, & continuata agitatione minimorum fermentativa ab isto spiritu vitali ex dicta materia continuo se multiplicante, ulterius augmentetur ad perfecti usque foetus exclusionem; qua facta ultimum sui complementum & debitam perfectionem, accedente imprimis aere in pulmones inspirato, demum consequitur, cujus medio & attenuatur & volatilifatur, insigniterque spiritualescit Chylus, propter salino-sulphuream mixturam massa sanguinea incalescit, & vitali quasi calore incenditur. Conferatur CHARLETON in *Oeconom. Animal. Dissertat. 3. de sanguific.* & GLYSSONIUS in *Anat. Hepatis*, scilicet à spiritu seminali galli albumen ovi, quod Chyli loco est, incipit fermentari: ob id namq; toties per cor transit omnis sanguis, ut

1. Languidus & effœtus, spiritibusque depauperatus, denuò exsuscitetur.
2. Ob id Chylus tam longo tramite ex intestinis per longitudinem dorsi per ductum thoraceum ad claviculas usque ascendit, sanguini permiscendus; ut eò propiori via per cordis dextrum ventriculū ad pulmones deferatur, ubi leviter antea cum sanguine ex vena subclavia ad dextrum cordis ventriculū fuerit permixtus, subactus, & ita quodammodo præparatus.

Transmutatio ergò Chyli in sanguinem, & sanguinis renovata fermentatio, fiunt hoc modo: Chylus sanguini permixtus in vena subclavia seu axillari sinistra, ibique cum copioso ad cavæ truncum properante sanguine, blandè adhuc fermentante, confunditur, ab eo attenuatur, solvitur & subigitur, & cum eo copiosè ex utroque cavæ trunco ad cordis defertur ventriculū dextrum, in quo ex inferioribus & superioribus vasis concurrens, nil præterea alteratus in pulmones expellitur: In his tota massa sanguinea ex aere inspirato, huius sale seu spiritu nitro aereo (de quo vid. MAIOVV *de sale nitri & spiritu nitro-aereo*) penetralia ejus subeunte, & mixti texturem salino-oleosam seu sulphuream dissolvente, acita compagem sanguinis laxante, insigniter ex illius vi elastica rarefcit; novoq; quasi fermento inspirato, tota ejus in pulmonibus præfens materia turgescit, inflatur, & intensiorem concipit fermentationem, quatenus particula

ticulæ ejus massam constituentes, imprimis acidæ, & urinosæ, motu intestino insigniter aucto, agitantur mutuo & cōmoventur: imprimis particulis sulphureis seu oleosis (sub quorum tegmine non tantum occultæ latent acidæ, sed etiam temperantur alcalinæ particulæ) ab aeris sale dissolutis & rarefactis, acidæ & urinosæ particulæ sui juris factæ in se invicem concitatiùs agere, mutuisque concursibus se subigere, & isto cōcitatori motu cum particulis oleosis unà permistis, adjuvante spiritu nitri-aereo, insignem incallescenciam toti massæ conciliare solent, & propter salium volatiliū cum sulphureis particulis certam texturam rubescere incipiunt: Hastamen intermixtæ partes aquosæ temperant & coercent, ut æquabili nec nimis impetuosa effervescencia agitentur & incalescant. Sanguinem esse salum, adeoque de acido & urinoso volatilibus, seu instrumentis naturæ fermentativis, instructum esse, vid. TACHENIUS *Hippocr. Chymico*. Hæ ipsæ sanguinis in pulmonibus inchoatæ alterationes cōtinuantur, dum sanguis in sinistram cordis promovetur ventriculū, exq; eo per arteriam magnam in universum corpus derivatur; quamdiu nempe ab aere suscepta alteratio persistit in eodem, unde & sanguinis perfectio & redintegratio, & cōsequenter hominis vita dependet. Chylus autem portiones unà cum sanguine permixtæ sub isto fermentationis motu ulteriùs attenuantur, subiguntur, intimè particulis sanguineis homogeneis, pingues pinguibus, salinæ salinis, &c. permiscuntur, & simul in textura sua ita alterantur, ut & ipse tandem, sed successivè, sanguini perfectè assimilentur.

Hæc dum ita fiunt, sanguinis venosi color obscurus & ferè nigricans exaltatur, & in Tincturam eleganter coccineā intenditur ab aere inspirato, rarefaciente & attenuante sanguinem, ut experimento *Louvieriano* patet, præsertim ab ejus sale nitri-aereo: siquidem & aliàs constat, quod nitri solutio sanguini recenter permixta elegantissimam Tincturam coccineam ipsi conciliet: *Rubedo sanguinis* ipsa materialiter ex salium volatiliū cum sulphureis seu oleosis particulis intima penetratione & exacta subactione originem trahit: qua ratione salia volatilia, & spiritus animalium urinosi, etiam limpidissima, tractu temporis tamen rubicundum colorem acquirunt, idque eò magis, si cum spiritibus sulphureis, v.g. spiritu vini, rectificata & digesta fuerint, non secus ac alcalia tam fixa quam volatilia, dum in sulphura mineralia agunt, rubedinem exhibent: vid. DAVID von der RECHE *Exper. circa rer. natural. principia*. Nam salia volatilia cum oleis destillatis dant colorem rubrum: vid. VVEDELIUS *de sale volat. plantarum* p. 1. c. 3. Ipse autem Chylus jam de sulphure seu oleo bilis participat, adeoque prædispositus jam est, ut subactus cum sanguine ex particularum salinarum cum his sulphureis concursu & nexu eò promptiùs ruborem induat; nam bilis ratione Chylus faciliùs sanguini unitur, promptiùsq; ab eodem subigitur: siquidem ejusdem transmutatio in sanguine multum facilitatur: vid. MOEB. in *Instit. c. 11. p. 53.* item in *Fundam. c. 12. p. 253.* VVILLIS. *de Febr. c. 1.* HELMONT. *c. 3. de Lith. t. 5.* SENNERT. *de consensu & dissensu Chymicor. c. Aristot. p. 166.* BOYLE in *Tentam. Physiol. p. 88.* GLYSSON. in *Anatom. Hepatis* p. 365. & CHARLET. in *Oecon. anim. differ. 3. de sanguif. p. 62.* Ex harū ergo partium certa, facile tamen dissolubili miscela, exsurgit tandem hicce liquor salinus volatilis oleosus, quem sanguinem appellamus, qui ex corde, hujus contractione promotus, in arterias abit; ebullit, indeq; per totū corpus distribuitur, tandem ad pulmones rediens, simili modo noviter imprægnandus & distribuendus.

Hoc modo continuatur quidem in sanguine vite scena, semel in formatione corporis incepta; dum enim hæc fiunt cum sanguine, partes ejus tenuiores & subtiliores salino-volatiles oleosæ, seu quinta quædam essentia, à crassiorum liberatæ compedibus se extricant, magisq; adjumento sulphuris volatilifantur & attenuantur, ac vitaliter illuminantur, & ita in veros abeunt spiritus vitales, cum sanguine, seu nobilior ejus pars, in universum corpus distribuendos. Est enim spiritus vitalis salinus, ideoque balsamicus, & custos à corruptione, estque sanguis à fermento cordis (rectiùs ab aere inspirato) resolutus in auram salinam & illuminatam: vid. HELMONT. *Tr. Spiritus vite, it. Aura vitalis*.

Cæterum hæc tam sanguinis fermentatio, quam chyli transmutatio, ut ritè perficiatur, à debita ipsius sanguinis & chyli crasi & constitutione plurimum dependet; hac enim vitiosa & vitatur sanguinis fermentatio, & Chyli legitima assimilatio. Craseos hujus nomine nihil aliud, quam textura mutua particularum, imprimis salinarum cum oleosis, massam sanguineam componentium, intelligitur, qua-

rum naturalis unio & cohesio talem liquorem determinatum constituit, ita quidem ut sulphur seu sal, seu vinculum mitionis, salia verò seu agentia primaria consideranda veniant; sicuti particula variæ, quæ vini constituunt liquorem, tali textura sunt unitæ, ut exinde liquor pro craseos constitutione oriatur. Nam quod Veteres dixerunt *Temperamentum* seu *qualitatem*, quæ resulter ex qualitatibus elementorum mista componentium, hoc moderni *texturam particularum* in compositione corporum, indeque resultantes diversas proprietates, *craseos seu constitutioni* nomine appellant.

Sanguinis quod attinet crasin, ex semine primitus natam, si ejus liquor si ritè coctus & volatilifatus, & instar vini generosi ad maturitatem evectus, tunc debito modo fermentescit, & spiritusascit in præcordiis, & æquabilem blandumque calorem per totum corpus diffundit; sin verò ex vitiosa ejus crasi vitiosè fermentet, varii morbi, speciatim quodvis februm genus mox corpus affligunt. *Dependet hæc sanguinis crasis & constitutio* imprimis à duplici illo sale, urinoso & acido, volatilibus, quæ legitimè proportionata, & aliis particulis intermixta, & oleosis temperata, æquabilem & blandam conservant fermentationem; sin verò vel unum excedat activitatem alteriùs, vel unum aut ambo sint vitiosè depravata, læditur periculosè sanguinis fermentatio, unde multi morbi: Urinoso enim sale excedente massa sanguinea dissolvitur & fatiscit, hinc defectu spiritusascencie vires resolvuntur; Acido verò excedente, quod sæpiùs fit, eadem coagulatur & grumescit, & non ritè spiritusascit, & tardè fermentatur & circulatur; Sin depraventur, quod innumbris potest fieri modis, ut peregrinos acquirant saporos, depravatur etiam vitalis illa fermentatio; unde scorbutus, cachexia virginum & masculorum, Anasarce, lues Venerea, malum hypochondriacum, &c.

Præsentia autem salium horum in sanguine confirmatur non saltem per sanguinis excreta, v.g. urinam, sudorem, insensibilem transpirationem, &c. quæ omnia falso, adeoque ex acido & urinoso composito sapore, prædita sunt, sed etiam Chymia demonstrabit, illi multum inesse salis volatilis, quantitatem notabilem sulphuris seu olei, multum phlegmatis, & tantillum terræ. Salis volatilis præsentiam copiosissimam testatur ipsa sanguinis, addito sale fixo, instar salis ammoniaci, & alio modo instituta destillatio, in qua illud partim sub forma salis vasis recipientis parietibus adhærescit, partim sub forma liquoris salini, quem spiritum vocant, in fundo illius colligitur: Conferatur TACHENIUS in *Hippocr. Chymico cap. 12.* Nec aliter fieri potest, quin ex acido stomachi manifestissimo cum alimentis assumptis: multum alcali volatile possidentibus, emergat chylus plus minus salis, & consequenter sanguis ipse exinde falsus generetur, h. e. ex acido & urinoso compositus, sufficienti oleo temperatus. Quoad sulphur, hoc ex eodem sanguine post salis volatilis educationem igne intensiore propellitur, & sub oleo nigricante latet; Terra verò in capite mortuo delitescit.

Crasis sanguinis est vel primigenia, vel adventitia: illa à principiis seminalibus depēdet, quæ per adventitiam ratione usus variis, tam rerum naturalium quam nonnaturalium, diversimodè subinde alteratur, utut de prima seminali crasi sæper plus minus retineat: sic v.g. sanguis, qui est juvenis & senis, in eodem subjecto multum variant propter 6. renes nonnaturales, &c. tamen mores juvenum suo modo adhuc observantur in iisdem senibus, quod mores sequantur sanguinis crasin, & inde natam corporis temperiē. Illustrari potest per mutationes, quæ in vino Rhenano & Hispanico, item Gallico invicē collatis observabiles sunt, in quibus de essentiali crasi seu seminali semper plus minus superest, utut per adventitias alterationes in crasi adventitia multum variare soleant.

Hæc verò sanguinis dispositio, præter 6. res non-naturales, dependet imprimis à chylo, prout hic à primis viis ipsi transmittitur, qui naturaliter salinus volatilis debita bilis pro sanguificatione Tinctura imprægnatus esse debet; sanguinem enim alterat aut conservat, partim ratione suæ texture materialis, partim ratione impetus fermentativi in chylo plus minus adhuc superstitis. Quod si sit non ritè digestus, sed vel crudus, acidus & viscidus, non ritè fermentabitur cum sanguine, sed in liquamen crudum & viscidum abit, indeque sanguinis ista corruptio, quæ acido abundante aut vitioso oritur, unde morbi chronici ut plurimum emergunt: vel si crudus & nidorosus sit, dū corrūpitur à ventriculo, in quoddam liquamē flavū ex dulci amaricans & nauseosū abit, &c. unde

corrupta massa sanguinea depravata ista exsurgunt fermentationes, quæ vulgò à bile, propriè à sale volatili oleoso viatiato, originem ducunt; id quod tamen minus verò consonum videtur: quò febres acutæ etiam spectant. Viscera equidem reliqua, lien, hepar, testes, in utroque sexu tribuunt suam quoque partem pro sanguinis statu, aut naturali aut præternaturali; sed horum succi ut plurimum à sanguine vel chylo corrupto primitus sunt depravati, unde in praxi ad istos duos liquores in corporis regimine principales potissimum respiciendum est.

Cæterum chylus unico per pulmones, cor & reliquum corpus circuitu, in sanguinem abire nequit, propter brevem, quam ibi necit, moram; cum vix sufficiens sit ad tantam transmutationem, quæ non est momentanea & repentina; sed necesse est, ut successivis & repetitis per cor & pulmones circuitibus id fiat, donec chylus successivè abeat in sanguinem. Sanguis verò sæpius deprehenditur chylosus, & ex quamplurimis subjectis, etiam sanissimis, vena secta extrahitur sanguis albicans; hinc evenit, quod si cani saginato post tres, quatuor vel quinque horas à pastu sanguis detrahatur, hic refrigeratus chyli lactescentis ingentem copiam, coagulato cruori supernatantem, exhibeat: sin verò jejunum animal, aut plures horas impastum, simili modo tractaretur, nihil chyli in cruore apparet, sed serum nudum aquosum supernabit, quod tamen levi igne coagulatum dare solet gelatinam lacteam, nunc copiosiore, nunc minus copiosam, prout plus vel minus chyli in partium nutritione & sanguinis assimilatione fuerit absumptum, de quo vid. BARBATUS de Sero & Sanguine, LOVVERUS in Tr. Vindic. Villif. p. 44. item in Tr. de Corde p. 227. & 229. Pertinet huc gelatina ista albicans, quæ venæ sectione emissio sanguini humano non rarò supernatat, & vulgò pituita vocari solet, revera tamen chylus est, nondum perfectè assimilatus, ut statuit Dn. van Horne, teste PLEMPIO in Fundam. Medic. 2. Sect. 5. c. 1. videatur etiam HARVÆUS de Gener. Animal. Exercit. 52. unde & tot prosunt observationes sanguinis albi instar lactis ex vena secta emissi, etiam in sanis hominibus, ob chylum scilicet nondum ritè transmutatum: vid. RHODIUS in Cent. 1. Observ. 36. item Cent. 3. Observ. 32. SCHENCKIUS in Observ. 1. 3. p. 418. BARTHO-LINUS Cent. 1. Hist. Anatom. & in Hist. Lactear. Thoracic. c. 3. BORELLUS in Cent. 1. Observ. 25. GRAEFF. de Organ. Virorum Generat. inservient. p. 84. MAJOR in Dissert. de lacte Argent. c. 10. §. 12. SCHNEIDERUS l. 3. de Catarhis p. 101. in specie hoc urget; MOLLENBROCK de Arthrit. vaga c. 8. p. 50. VVILLISIUS de Febr. c. 1. OLDENBURGIUS in Act. Anglican. Tom. 1. n. 6. §. 4. & 10. p. 110. & 117. & n. 8. §. 8. p. 129. M. A. N. C. Ann. 1. Observ. 28. p. 96. & Obs. 132. p. 294. & Ann. 2. Obs. 218. Ann. 3. Obs. 123. ANDREAS LAURENT. l. 1. Anat. Quest. 10. Ephemer. Gallie. Tom. 3. PETRUS à CASTRO in Obs. Manusc. §. 6. similem casum narrat. Puerulo, inquit, cui sanguis ex salvatella extractus, per duplicem tertianam continuam cum copia pituitæ & rudimento cachexiæ, exivit ita glutinosum phlegma, ut aquam calidam in catino figulino cogeret, quæ nec ex inclinata effunderetur, nullo sanguinis apparente, nec alterius, præter pituitosi succi, coacti instar cerebri vervecum. Lac pridie haustum per venæ sectionem in cubito cum sanguine effluxisse in puella notat BARTHOLINUS in Cent. 1. Hist. Anatomic. 17. id quod in viro plethorico observatum refert SCHENCKIUS in Observ. citato loco. Imò ipsæ sanguinis fibræ, rubicundæ apparentes, reverà albicant, & chyli videntur proles: sanguini enim fibras inexistere, a quibus consistentia ejus & vis coagulationis dependeat, ita, ut iis deficientibus aut demptis, hic difficulter aut planè non coaguletur, præter Veteres, plurimi Neotericorum crediderunt; talesque fibras se videre putarunt, dum à lanionibus à sanguine porci aliorumque animalium mactatorum agitato vasa quædam reticulata, instar lanæ carptæ, vasis fundo & lateribus adhærescentia, separantur. Sed ficta sunt hæ sanguinis fibræ, utpote quæ in massa sanguinea formaliter nunquam deprehenduntur, & nihil aliud sunt, quam portiones sanguini reliquo nondum assimilata, & beneficio caloris externi, v. gr. ab agitatione, aut ab aqua calida separata. Conf. CNOFFELIUS in M. M. Februm Epidem. p. 55. Pro vario ergò usu & habitudine 6. rerum non-naturalium, pro ut hæ ipsæ sanguinis fermentationem vel intensiorem vel remissionem reddunt, ita etiam chyli sanguini assimilatio nunc celerior, nunc tardior, erit.

Sicut ergo naturæ imitatrix Chymia sæpius repetitis

digestionibus & circulationibus suum opus tandem perficit; ita & natura per crebriores circulationes chylum tandem sanguificat. Variatio tamen hic observanda non minor, quam in chylicatione:

1. Ratione ætatis.
2. Ratione ipsius in sanguine fermentationis; quæ nunc vehementior, ut in juvenibus & naturaliter constitutis; nunc debilior, ut in senibus, vel morbo diuturno laborantibus.
3. Ratione generis vitæ: qui laborant, citius; qui sedent, tardius sanguificant.
4. Ratione temporis anni: Vere & æstate celerior; Autumno & hyeme tardior est sanguificatio.
5. Ratione ipsius chyli; qui prout laudabilius vel minus erit constitutus, v. g. nunc magis salus volatilis, nunc minus, & vel viscidus vel acidus, vel non ritè volatilifatus &c. etiam celerius vel tardius in sanguinem abit.
6. Accedunt animi affectus seu pathemata, quæ variè ut agitant massam sanguineam, ita & fermentationem ejus, hic chyli transmutationem vel tardant, vel accelerant.

Massa ergo sanguinea pro vegetatione corporis, & sustentatione partium sanguinearum, & spermaticarum, per vasa rapta tam chylo constat, quam sanguine propriè sic dicto, qui ex illo, nempe chylo, restauratur & conservatur pro continua spirituum generatione, &c. Quorum commune vehiculum est latex aquosus, ita ut plus vel minus participet de chylo. Ex chylo ergo in se homogeneo & univoco, univoca fermentationis actione, quid aliud, quam homogenus liquor, sanguis dictus, generabitur? Falsum ergo est, ex 4. humoribus omninò inter se differentibus, sanguine propriè sic dicto, pituita, bile, & melancholia, quibus alii serum, tanquam commune vehiculum, addiderunt, 4. Elementis, & his superstructis 4. qualitatibus primis, & 4. temperamentis analogis, constare sanguinem, ut Galenici dicunt; & horum existentiam actualem in corpore ratione & experientia comprobare conantur, dum liquorem flavescentem pro bile, obscurum verò & tenebricosum in fundo, pro Melancholia habent: vid. SPIGELLUS Disquis. Corporis Humani l. 5. c. 10. & MEARA contra Villif. cap. 6. Nam & differentes istæ partes, in quas separatur massa sanguinea, venæ sectione emissæ, post sui coagulationem & cadaverisationem non actu insunt sanguini, sed partim ab alteratione per aerem inducte fiunt, unde sanguinis floridus color in superficie, quousque scilicet aer penetrare valet, partim ex sanguinis emissi oriuntur corruptione, unde reliqua massa nigricans & obscura: quæ luculento experimento confirmantur à nominato SPIGELLIO l. c. 1. SENNERTO Instit. l. 1. c. 9. LOVVERO contra Mearam, & Tract. de Corde p. 175. & 178. item ab HELMONTIO in Tract. Latex Humor. Neglect. §. 4. 5. & Scholarum Humorist. Passiva Deceptio c. 1. §. 46. & 47. item à FRACASSATO in Epist. de Cerebro p. 377. & 378. aliisque recentioribus: dum scilicet sanguis emittitur, & excipitur in vasculum planum & amplum, item alterum longum & angustum: in vasculo plano post refrigerationem erit floridus; in longo in summitate tantum: quousque videlicet aer eum pertingit, rubicundus apparet, in medio autem ubi aer eum non tangit, nigricans conspicitur. Vana ergo sunt omnes speciales ex sanguine emissio prædictiones; vanaque in hunc finem instituta judicia: multum tamen utilitatis tonforibus & Medicamentis afferunt hæc talia: vid. BRUNONIS Nota super Jessenii Judicium de Sanguine venæ sectæ emissio.

Sanguis autem, licet in se homogeneus, & per totum similis in unoquoque tamen homine peculiarem & singularem suam habeat crasin, de qua vid. HELMONTIUS Tr. c. p. 50. ex radicali seu seminali ejus constitutione, & sub generationis primordiis facta mistione oriundam, à qua omnis temperamentorum, ut vocant, diversitas & idiosyncrasia quam plurimæ dependent; quæ sanguinis constitutio, & inde nata attributa in colore & consistentia, &c. unicuique propria, cum à nemine à priori cognosci possint; ita nec de sanguine venæ sectione emissio, an multum vel parum à statu naturali declinet, judicari potest: imprimis cum brevi post ob corruptionem & putredinis notam extravasatus, ei, qui in vasis adhuc fluctuat, omninò fiat dissimilis. Imò cruor optime coloratus & elegans, maligni & lethalis morbi signum non rarò exhibet; sicuti pessimus apparenter sanguis ex sano sæpius elicitur, teste Simone Pauli in Digress. de Febris malignis p. 14. & 15.

Chylus naturaliter & legitime constitutus totus abire in sanguinem aptus natus est in sanis. Quod si verò hoc non contingat, sed vel proprio, vel sanguinis vitio depravetur, partes ejus excrementitiæ per fermentationem separantur a partibus reliquis & quasi præcipitantur; seroque imbibitæ, & ab eo absorptæ, partim per poros cutis mediante sudore, partim verò per urinarias vias excernuntur, quæ in sanorum urinis clari, & optimè aliàs coloratis, circa fundum subidere solent, quales urinæ in sanis, præsertim mediæ ætatis, vel non, vel rarò (dum nempe crapulis indulgent) conspiciuntur; in senibus verò & morbofis sæpius tales observantur, unde etiam coctionis dicta signa, futurique morbi eventus prognosticum ex iis petitur.

CAPUT X.

D E

Sanguinis ex Corde ad quasvis Partes Corporis Distributione, Distributique Usu.

Sanguis & Chylus in pulmonibus fermentatus & rarefactus, Cor in specie sic dictum, hoc est, sinistrum ejus ventriculum, distendit, qui se contrahit, liquorem contentum impetuosè extra se propellit, qui ex corde in arteriam magnam irrumpit, & per hujus ramos adscendentes & descendentes, tanquam canales, in totum corpus, vel nutriendum vel vivificandum, distribuitur usque in minutas arteriolas, seu capillaria vasa, per partium solidarum substantiam dispersa, idque sola quidem cordis vibratione; ita ut omnis, quem Medicus in carpo pulsum deprehendit, a sanguine per cordis systolen huc derivato, ac arteriæ latera feriente & distendente, fiat: ex arteriis iisdem sanguis, qui vel à nutritione vel ab aliorum humorum præparatione & depuratione restitat, intrat capillaria venarum, partim immediate per minutas anastomoses seu inosculationes, partim mediatè per substantiam seu poros partium, per quæ ad majores truncos, hincque per venam cavam, in cor refunditur; qui motus, cum fiat in circulum, Autoribus *Harvæo Anglo & Conringio Germano* inventus, dicitur *Circularis*, cujus centrum est cor, peripheriam verò constituunt extimæ corporis partes, lineas ex centro ad peripheriam constituunt arteriæ & venæ, arteriæ quidem ex corde exportant, & in membra devehunt, venæ verò ex membris exportant, & in cor revehunt; hinc etiam ubique arteriis respondent venæ; & contrà, cerebri cortice & hepate tantum exceptis: nam arteriis copiosissimis cerebri respondent sinus in dura matre exsculpti, & venis jugularibus continui; venis verò hepatis ex vena cava respondet vena portæ, arteriarum vicem in importando sustinens. Confer. de hoc circulari motu *VVALÆUS in Epist. ad Bartholin. de Chyli & Sanguinis motu*, qui cum aliis *Aristoteli & pluribus Antiquioribus* cognitum fuisse, p. 773. scribit; item *CHARLETON in Oeconom. Animal. Exercit. 6.* item *HARVÆUS*, qui tanquam alter Columbus sectionibus & experimentis microcosmum pererrans, hujus circulationem nostro seculo primitus propalavit, *Exercit. de Motu sanguinis*, item *Conring. de Generat. & Motu sanguinis*, qui etiam per exactum scrutinium invenit motum circularem. Reveratamen primus hujus inventi Autor fuit *Paulus Servius*, Religiosus *Venetus*; vid. *BARTHOLINUS in Epist. Cent. 1. Epist. 26.* *HIGHMOR. Disquisit. Anatom. de Arteriis Cerebri*: quidam etiam attribuunt *COLUMBO CÆSALPINO*, utpote qui circulum sanguinis ex dextro cordis ventriculo per pulmones in sinistrum describit l. 5. *Quæst. Peripat. 5. pag. 126.* Alii, quos inter etiam *VVALÆUS l. a. HIPPOCRATI* sanguinis circulationem jam dum notam voluerunt l. de Venis t. 17. de Natura humana, in verbis: *Crassa vena sibi mutuo alimentum subministrant, interna externis, vicissimque externa internis, & de Aliment. t. 20. in verbis: Omnium quæ nutriunt, unum est principium, unusque omnium finis, idemque finis & principium, &c. Alimentum in pilos, in ungues, & in extimam superficiem ab internis partibus pervenit; ab externis partibus alimentum, ab externa superficie ad intima pervenit: confluxio una, conspiratio una, consentientia omnia.* Alii eam ex *Ecclesiast. cap. 12. probant.* Mirandum præterea à tot retro seculis *Sinensibus* hanc circulationem fuisse notam: sic enim ex *Cleyero* refert *SIMON PAULI l. a. p. 11. Circulationem sanguinis apud Sinenses non nuperum, sed per vetus* *Etmulleri Tom. I.*

esse inventum, imò ante Christum natum (quod admirandum) quasi incanuisse; hinc Cleyeri verba ipsa ipsa allegat: Unicam saltem rem magna molis; quam vix mente complecti possum, nedum facultate consequi, mirari licet, Medicis Sinensibus tot retro seculis (ultra 4000. annorum) usum circulationis sanguinis innotuisse præ Europæis, & quod caput rei est, omnium omnium infallibilem ex pulsuum tactu, eorumque diversis ictibus, exercere, morbi statum ac declinationem, exinde discutientes, &c.

Motus hic circularis omnes veri motus habet conditiones, absolvitur Circulo magno, à corde per corpus ad cor, & Circulo minori à capite ad brachia, à brachiis ad cor.

1. Movens est cor.
2. Mobile est sanguis.
3. Instrumentum sunt arteriæ ac venæ.
4. Terminus à quo, in arteriis quidem est cor, in venis verò partes corporis solidæ.
5. Terminus ad quem, in arteriis sunt partes corporis solidæ, in venis est cor.
6. Adest etiam certum tempus, in quo fit pulsus, dum sanguis ex corde in arterias, & hic in venas impellitur.

Duplici constat motu hic Pulsus cordis & arteriarum.

1. Primus est verus & propriè dictus motus, qui est contractio seu systole, ubi sanguis expellitur per contractionem.
2. Secundus improprie sic dictus, qui est cordis Dilatio seu Diastole, ubi sanguis intra ventriculos recipitur.

In illo agunt hæ partes & sanguinem exprimunt, dum se contrahunt, sicque à sanguinis in arterias ejaculatione harum dilatatio & pulsus efficitur; in hoc verò patiuntur, dum dilatantur: Cor quidem à sanguinis irruentis ex venis expansione, parietumque distensione, qua ita molestia quadam sensibili afficitur; arteriæ verò ex sanguinis impetuosa irruptione pulsant. Inter utrumque motum interest etiam quies necessaria, licet non adeo sensilis, *Perisystole* dicta. Confer. *PECHLINUS de Cordis §. 12.* ubi eleganter demonstrat, cor in diastole se non purè passivè habere, sed simplici restitutione musculi eam fieri nec à sanguine irruente solum, sed reverà in diastole etiam nixum quendam actuum cordis subesse, mediante quo dilatatio simul fiat.

Cor est primum mobile in nostra & omnium animantium machina, quem motum non frustraneum, sed magni usus esse, inde constat, quod cum eo animal vivere incipiat, & eodem cessante moriatur.

Quæritur de hoc motu, quomodo fiat? & unde hac vis movendi oriatur? Ratione prioris notum, quod cordi annexæ sint duæ auriculæ, & quidem ventriculorum hujus gratia formata, ita ut in piscibus, qui uno tantum in corde ventriculo præditi sunt, una saltem quasi vesicula auriculæ loco observetur. Ab iisdem auriculis cordis motus incipit, ita ut duo circa cor motus, tempore distinctos, fieri, animalium vivorum sectiones testentur. Alterum, quod circa cordis motum investigandum est, unde hoc ipsius robur dependeat, ut per totum vitæ tempus motu tam forti vibrante, & continuo, agitur? Ubi multi, v.g. *Cartesius, Hogelandus, &c.* cor se ipsum non movere, sed ei peculiarem vim pulificam aut fermentum inesse scribunt, quatenus sanguis à cordis fermento nitro-sulphureo accensus & turgescens suo potiùs impetu arterias profiliret, insimul tamen cordis ventriculos debilitaret; quod tamen fermentum in corde, aut vise ejus pulificans, est commentum & subterfugium, sicut nec talis in corde sanguinis ebullitio & rarefactio concipi potest: vid. *NEEDHAM de Formato Fœtu p. 132. & 133. & LOVVERUS de Corde pag. 62.* imò ebullitio illa, si quæ in corde fieret, ad motum hujus nihil conferret, sed illi potius noceret, uti ex *LOVVERO l. a. p. 64. & CORNELIO CONSENTINO Progym. p. 294.* constat. Cor ergò, cum sit merus musculus necessariò movetur à fibris, spiritibus animalibus repletis, unde spirituum animalium influxu intercepto motus cordis illico deficit, sicuti *Piso de Morb. ex Colluv. serosa, Obser. 47. & 48.* ex ruptis & obstructis nervis cardiacis tale quid contigisse refert: Quod pertinent experimenta *LOVVERI pag. 86. & VVILLISII Anatom. Cerebric. 24.* uti & sequens; extractum nempe ex corpore animalis viventis cor tamdiu relinquitur, donec à motu planè cesset, & omnis vitæ expers appareat; hinc cuspide cultri, aut similis instrumenti illud

aliquoties tangatur velliceturque, & contrahet se illud ad quemlibet ictum, manifesto indicio, subesse adhuc reliquias quasdam spirituum animalium, tanquam sensationis instrumenta, & molestiarum illius jam illatarum non tantum iudices, quam vindices quoque. Nervi quidem cordis exiles sunt, sed tamen copiosi: movetur igitur motu animali.

Cor ergo à sanguine per auriculas in ejus ventriculum, imprimis dextrum, illapso, & turgescere expanditur, qua expansione fibræ, ejus parenchyma constituentes, extensæ irritantur, hoc est lesionis quodam seu nimie distensionis sensu afficiuntur, qua occasione fortior per nervos spirituum animalium fit impetus, quo ipso istæ fibræ musculosæ inflantur, inflatæ contrahuntur, qua contractione conus ad basin cordis motu aliquomodo quasi turbinis contorto, unde parenchymate crassescere angustantur ventriculi, & ita exinde sanguis impetuosè in arterias evibratur, donec, expulsiōe ista facta spiritus ab isto motu cessant, unde cor flaccidum redditum denuò subsidet, & illabentem sanguinem ex auriculis recipit. Est enim cor reverà musculus, & aliorum musculorum in modum à spiritibus animalibus, per nervos influentibus, movetur, ut jam olim statuit Hippocrates, & noviter id confirmant STENO in *Observ. de Glandulis & Musculis* item LOVVERUS in *Tr. de Corde & HIGMORUS in Disquis. Corporis Anatomica*.

Motus hujus in corde centrum immobile est, septum scilicet intermedium: Omne enim quod movetur, super re quadam quiescente seu firma moveatur, necesse est. Faciem cordis dilatati & contracti optimè videbitis in BARTHOLINI *Epit. Anat. Reformar.*

Cor, dum sese secundum tractum fibrarum suarum instar muscoli contrahit, cum impetu sanguis rarefactus exprimitur in arterias, quarum tunica crassa & nervea impellente isto sanguine violenter & cum impetu dilatatur, simulque, qui in ea est, sanguis ulterius pellitur, ex qua pulsione sanguinis pulsus dilatationis omnium arteriarum in toto corpore contingit; quæ etiam isto impulsu dilatatae arteriæ fibris suis circularibus nerveis iterum se contrahunt, sanguinem eas dilatantem in venas propellunt, donec novo sanguinis impulsu denuò per universum corpus dilatentur.

Dependent ergo arteriarum motus dilatationis à solo cordis impulsu, & hinc facta sanguinis irruptione; dilatantur enim, quia implentur: id quod modernorum transfusio sanguinis ulterius confirmat; ita ut toto hoc circulari motu sola propulsio, nulla verò contractio contingat: quippe vena ligata, infra ligaturam etiam & partis extremitatem, sanguinem continet; quod non fieret, si cor hunc attraheret, sed ille protruditur ad venas à sanguinis arteriosi continuo impulsu, ita ut toties vena cava circa cordis confinia sanguine repleatur, quoties arteria magna pulsat. Motus verò constrictorius arteriarum dependet ab ipsis earum fibris nerveis. Motus hic arteriarum & cordis sibi invicem contrariantur: nam quando cor se contrahit, arteriæ dilatantur, & quando cor flaccescit, arteriæ contrahuntur. Quoad arteriarum motum vid. HARVÆUS de *Motu Cordis & Sanguinis*, item PLEMPIUS in *Fundament. Med.* p. 130. & 173. Anatomæ Arteriarum exacta, & inde dependentis motus ratio, vid. VVILLISII *Pharmac. Ration. P. 1. Sect. 6. c. 3. p. 280. & seq.* item p. 265. & seq.

Non pullant autem venæ, quia

1. Sanguis cum tanto impetu in eas non irruit: nam vasa capillaria & pori partium angustissimi ejus impetum refranant.
2. Quia earum tunicae sunt flaccidiore mollioresque, & facile cedunt impetui sanguinis, secus ac in arteriis.
3. Quia movetur sanguis in venis ex vasis minoribus ad majora; unde cum habeat semper amplius spatium, tam impetuosam tunicarum distensio sensim remittit, quod in arteriis contrarium est.
4. Quia sanguis ipse non est adeo spirituosus, tenuis, subtilis, nec turgescens & astuans in venis, ut in arteriis, unde blandius movetur.

Vena cava tamen, ultimum moriens secundum nonnullos, circa insertionem prope cor ut plurimum solet pulsare, quod observavit VVALÆUS in *Epist. de Motu sanguinis*; idque ob fibras quasdam, quas specialiter obtinet, nerveas; & quidem eum in finem, ut non interruptus sanguinis ad cor conservetur motus.

Venæ aliàs tribus tunicis constant, arteriarum tamen tenuioribus, quarum extrema flaccidior fibras nerveas longitudinales habet; cui vasculo glandulosa, & tandem intima muscularis, ex fibrarum annularium simpliciore serie contexta & substrata est, ratione cujus sanguinis à partibus refluxum multum promoveret.

Ex Requisitis jam ad motum istum, nempe movente, mobili, tempore, & lustramento, emergunt istæ 5. pulsuum differentia, simplices & generales; nempe dum

1. Dicitur magnus & parvus ratione mobilis seu sanguinis, ejusque turgescentiæ fermentativæ.
2. Observabilis est pulsus celer & tardus, ratione temporis in una saltem pulsatione.
3. Observabilis est pulsus frequens & rarus, & hi ratione temporis & spatii inter plures pulsationes.
4. Vehemens & debilis, ratione moventis.
5. Mollis & durus ratione instrumenti, nempe arteriarum; aliæ enim arteriæ sunt magis flaccidæ, & manuum pulpæ cedunt; de quibus vid. SYLVIVS in *Dissertat. Med.* 3. pag. 17. ubi de Sanguinis-generatione & motu.

His aliqui addunt differentiam sextam, nempe pulsum plenum & vacuum, qui tamen ad magnum & parvum referendus videtur; & ex his simplicibus pulsuum differentiis omnes reliquæ quæcunque pulsuum differentia compositæ, æqualitates, & inæqualitates, dependent & cognoscuntur; & prout cor à sanguine, intensius aut remissius turgescere, magis vel minus irritatur, etiam frequentiores aut rariores, celeriores aut tardiores, hujus fiunt contractiones, ac consequenter pulsationes.

Unus idemque sanguis est, qui per arterias & venas circulatur, accidentales tantummodò quasdam differentias habens. Nam

1. Sanguis arteriosus est serosior venoso propter urinam lympham, & insensibilem transpirationem, quæ serositatem sanguinis arteriosi innuunt: Vid. BARTHOLINUS *Histor. Anatom. Centur. 3. Histor. 29.*
2. Ex hac ratione, ut & propter copiosos spiritus, arteriosus sanguis est longe tenuior, subtilior & calidior, valde mobilis, nitidus, &c. venosum verò est crassior, tepidior, spissior, efficitur magis & minus mobilis; hinc & imprimis ob spiritum arteriosus propriè dictus est sanguis, venosus verò cruor, ab HELMONTIO.
3. Arteriosus est rubicundior & floridior, venosus est obscurior & nigrior: ejus causa est in aere, cujus inspiratu in pulmonibus attenuatus sanguis arteriosus floridior apparet venoso: vid. LOVVERUS in *Vendicac. Pyresol. Voillif. p. 50. & Tract. de Corde p. 174.* item VVILLISIUS contra *Higmorum p. 9.*

Quod si verò emittatur ex utriusque vasis, & aliquo modo aeris sit expositus, non apparet quædam differentia, ob corruptionem arterioso pariter ac venoso sanguini æqualiter inductam.

Finis tandem circulationis respectu ipsius sanguinis, seu repetiti ejusdem per cor & pulmones transitus, est, ut sanguis novo vitali vigore in pulmonibus imprægnetur, quæ antea longo ejusdem per corpus motu sensim infractus erat. Consistit autem hic ipse novus vigor in renovata sanguinis æquabili fermentatione & volatilisatione, indeque nova caloris vitalis exsuscitatione, & spirituum vitalium regeneratione.

Fuit hic finis sanguinis circulationis per cor, seu repetiti ad cor reditus: considerandus jam est finis, propter quem sanguis continuo adeo motu à corde in universas partes distribuatur, qui est:

1. Ut ab eodem omnes corporis partes in genere nutrantur & augeantur.
2. Ut sit materia spirituum vitalium, quibus partes animantur.
3. Calore debito afficiantur.

Veteres unanimi consensu omnes partes sanguine nutrirî & augeri asseruerunt, & cum sanguis 4. distinctis constet humoribus, etiam universale esse corporis nutrimentum, unamquamque partem convenientem sibi portionem ex sanguine allicere crediderunt; non observantes interim, res varias uno liquido posse nutrirî, sicut v.g. decem diversi surculi uni arbori inserti unico succo, à radice transmissio, diversimodè nutriuntur & augentur.

Sed cum acuratori scrupulo observatum fuisset, sanguinem

nem esse liquorem in se homogeneous, eumque solum ; ob diversitatem partium nutriendarum corpus nostrum nutrire non posse ; conf. HARUÆUS de *Generat. Animal. Exercit.* 50. 51. 52. ENTIUS pro *circulat. sanguinis* pag. 69. & 70. BARBATUS de *sero & sanguine* pag. 12. & 13. EVERHARDUS de *Hominis Bruti que Exortu* pag. 7. & 8. CORNELIUS CONSENTINUS *Progymnasm. Physicor.* pag. 670. hinc Angli succum quendam albicantem, roridum ex nervis allatum, pro nutriendis partibus spermaticis, commenti sunt, de qua opinione vid. GLYSSONIUS in *Anatom. Hepatis* c. 45. CHARLETON in *Oeconom. Anim. Exercit. de sanguinis usu, & succo nervorum nutritio*, VVILLISIUS *Anatom. Nervorum & Cerebri* cap. 20. item ENTIUS in *Apolog. pro Circulat. sanguinis contra Parrisanum* ; Sed hanc opinionem refutarunt & sufficienter rejecerunt BARTHOLINUS in *Speil. ad Vasa lymphat.* 1. cap. 3. item STENO de *Gland. Oris* §. 32. & seq. item DEUSINGIUS, qui mirè refutavit, *Exercit. de Sanguinis Usu, & Commento succi nutrit. per nervos influentis* ; BARBATUS verò in *Dissertat. de sanguine & ejus sero*, CORNELIUS CONSENTINUS *Progymnasm. Phys.* 6. & Recentiores plerique, uti ex Veteribus LUDOVICUS MERCATUS, præter sanguinem, etiam sero (quod HIPPOCRATES de *Glandulis sanguinem album*, vulgo, *aquam sanguinis*, vocat) partes nutrire, asserunt ; BILSIUS verò Rorem suum substituit, eumque nervosas partes nutrire, vel saltem ad nutritionem partes has disponere, statuit.

Horum autem quod probabilius videtur, ut edisseramus, considerandus venit sanguinis status: hunc ex chylo infuso continuo resarciri notum est ; non autem chylum unico per cor transitu in sanguinem abire, sed sensim sensimque, idque pro subjectorum varietate, nunc citius nunc tardius, supra ostensum fuit. Probabile ergò videtur, *Nutritionem fieri sanguine & chylo*; nempe sanguinem (dum consideratur pro materia ista, quæ per vasa circulatoria) ad omnes corporis partes distribui, ut eas per spiritum vitalem vitali vigore animet, simul tamen etiam eas naturaliter nutriat & augeat, sed pro diversitate partium diversimodè; partes nempe spermaticas dictas, seu nerveas albicantes, parte sui chylosa nondum in sanguinem transmutata, parte verò sanguinea perfecta, partes sanguineas rubicundas: cui sententiæ ad stipulantem videbitis BARTHOLINUM *Centur. 2. Epist.* 65. p. 612. item *Centur. 3. Epist.* 38. pag. 141. SCHNEIDERUM de *Catarrhis* l. 2. pag. 85. & l. 3. pag. 95. FRANCISC. BAYLE *Dissert. 3. de Usu lactis*. Conferatur etiam *Dissert. nostra de Corpulent. nimia* c. 1. *Artic. 2. §. 5.* quo spectat etiam gelatina ista feri lactea BARBATI, in *eiusdem Tr. de sanguine & sero & BARTHOLINO Cent. 2. Epist.* 33. Faciet etiam huc coagulatio feri à spiritu nitri incrassamentum quasi caseosum, quod nihil aliud est, quam chylus sub feri tegmine occultatus, tam pro nutrimento partium nervearum & his consignatarum, quam pro aliis usibus per universum corpus distributus. Imò quicquid contra sanguinis asperitatem pro succi nervei benignitate in puncto nutritionis Angli tantopere urgent, quamdiu intra materiæ nutritivæ limites subsistunt, optime chylo, sanguini nondum assimilato, diuturno tamen cum eodem circulo certo modo alterato, applicari potest; quæ ipsa non parum illustrat experimentum, quo anserum probe faginorum mactatorum sanguinem, ubi refrixit, albißimo lacte supernatante cooperiri constat; secus ac in iisdem non æquè faginatæ fieri observatur: vid. BORRICHII *Hermetis Egypt. & Chemicor. Sapien.* pag. 262.

Rationes, quæ hoc nutrimentum duplex persuadere videntur, præter experimenta, quæ chyli in sero copiosam præsentiam innuunt, & supra allegata fuerunt, sunt:

1. Ab omnibus recepta est sententia: quibus constamus, iis etiam nutrimur & augemur. Constamus autem succo chyloso lacteo, & succo sanguineo, ut ex prima foetus in ovo formatione innotescit; hinc partes nutriendæ & augendæ sunt duplices, spermaticæ & sanguineæ. Illæ ex rorido, albumini ovorum simili liquore in ovo uterino immediate generantur, quibus ceu staminibus postmodum per sanguinis adhæSIONEM sanguinea parenchymata, hoc est, substantiæ viscerum peculiare agglutinantur: vid. HARUÆUS hinc inde in *Exercit. de Generat. Animalium*, & in specie Claudius de *Etmulleri Tom. I.*

la Courvee *Tr. de Nutrit. foetus in utero* p. 2. cap. 6. 7. & 8. Duplex ergò alimentum requiritur etiam illis assimilandum, chylosum nempe pro spermaticis seu nerveis, & sanguineum pro sanguineis partibus.

2. Serum, dum à sanguine separatum est, si in vasculo vel cochleari quodam leni calore exhalet, concrevit in gelatinam albam, albumini ovorum & spermaticis partibus admodum similem, quam frustraneam esse aut inutilem nemo dicet. Nutrimentum verò hoc esse spermaticarum partium, ex proprietatum convenientia verosimile est, atque hac ratione facilis cum Barbatò est conciliatio, quatenus nempe pars chylosa à sero imbibita, gelatinam istam constituens, spermaticas partes nutrit; ita ut Barbatum integrum serum continens pro contento, nos verò in sero contentum saltem chylum, consideremus; quia nempe serum commune chyli pariter ac sanguinis vehiculum est. Hinc si una vel altera post pastum hora, ubi chylus elaboratus massæ sanguineæ affusus, venæ sectio instituitur, lacteus magis feri color, ejusque consistentia crassior, apparet; propter chyli scilicet recentis & crudioris affusionem; imò serum hoc plus gelatinæ continet, quam si ex inedia passis extrahatur: unde quò copiosiora alimenta assumuntur, eò lacteum magis calore & consistentia sanguinis serum conspicitur, & partes solidæ eò notabilius augentur; quò frugaliori verò genio animal aliquod fruitur & utitur, eò aquosius serum cum totius contabescencia exhibet. Observatur etiam, sanguinem animalium juniorum quantitatem majorem feri & gelatinæ hujus nutritiæ in se continere, quam vetustorum, utpote quæ extravasatorum sanguini non solum copiosius supernatat, sed ex eorundem etiam carnibus per coctionem magis exsudat; ita ut pro corporis mole & vigore conservando summa perpetuæ chyli generationis necessitas sit, cum sanguis & serum mox à nutritione definant, licet copiosius adhuc in vasis reperiantur, si modò chylus ipsis deficiat, ut unius etiam vel alterius diei inedia faciem mox collapsam & minus floridam reddat. Hac ratione facilis etiam est cum Anglis conciliatio, dum illi nervorum succum nutritium defendunt, cuius loco commodius chylus in sanguine fluctuans & verius simul substituitur.

3. Quò crassiores sunt homines & pinguiore, & quò magis nutriuntur & augentur, eò videtur sanguinis fermentatio remissior, eoque chyli in sanguinem transmutatio tardior, indeque alimenti chylosi major abundantia: Hinc phlegmatici & sanguinei, h. e. quorum sanguis magis temperatus & dulcis est, uti sunt ut plurimum habitiores, ita etiam crassiores & corpulentiores ferè existunt, illi tamen magis quam hi; Cholerici verò, hoc est; quorum sanguis acrior & falsior existit; Melancholici item, hoc est, quorum sanguis macrior & respectivè acidior est, sunt macri, & interdum parvi. Corpora etiam crassa emaciantur exercitio, quæ pinguescunt denuò quiete: nam sub exercitio, item in Cholericis, citatior & intensior est sanguinis fermentatio; in vita verò sedentaria, item sanguineis & phlegmaticis, lenta & blanda est eadem: unde ibi nutrimenti chylosi paucitas ob citam ejus in sanguinem conversionem; hic verò uberior chyli abundantia propter tardam assimilationem, hinc etiam uberior nutritio. Ex eodem fundamento infantes etiam & juniores citius augentur, uberiorque nutriuntur, quam seniores; namque in illis recens natis & junioribus pluribus in locis lacteus reperitur liquor.

4. In vulneribus articularum & partium nervosarum destiliat aqua quadam tenuis limpi da, sinovia, (glied waasser) dicta, post cujus nimium fluxum membrana exarescunt, ex subtracto nutrimento. Illa ergò aqua videtur esse nutrimentum proximum illarum partium, licet ob alterationem à vulnere corruptum: Sic in ossium fracturis adnascitur callus, similis ossium substantiæ, qui oritur ex nutrimento ossis in motu suo propter fracturam impedito, hinc coacervato, & tandem assimilato & agglutinato; qui callus tamen nullo modo sanguini aut partibus sanguineis, bene autem chyloso liquori similis videtur.

5. Impossibile est explicare, quomodo sanguis iste rubicundus, tanquam liquor falsus, ex chylo candido genitus, possit denuò in liquorem lacteum seu albicantem pro nutriendis spermaticis partibus converti: præcipitant equidem acida, multa rubicundissima in albam substantiam, e.g. Sulphur cum alcali solutum intense rubescit, quod addito acido præcipitatur; sed hoc fieri nequit in sanguine, qui ab acidis magis magisque nigrescit & spissescit.

6. Per diuretica, hinc per sudorifera, non secus atque per exercitia, crassa corpora valde emaciantur: nam qui ex vita sedetaria laboriosam subito incipiunt, successive emaciantur. Præ cæteris per diuretica quosdam omnem suam corpulentiam exuisse, crebra experientia confirmat: exempla videbitis in HELMONTIO *Tract. Latex Humor. Neglectus* §. 44. *Jus Duumvirat.* §. 59. item SCHENCKIUS l. 3. *Observ.* 11. p. 456. ubi de Diabete, crassos crebra urinæ emissionem subito extenuatos refert; Diabete enim correpti mirum quantum breviter emaciari solent: Item masticatione foliorum tabaci per copiosam salivationem ingens corporis crassities curata refertur à BORELLO in *Centur.* 2. *Observat.* 11. quod vix alia ratione, quam per crebriorem ptyalismum, contigisse videtur, quo & Borellus inclinatur, cum foliis lauri, qui multas aquas educunt item per terebinthinam inductam extenuationem observatum à FORESTO in l. 31. *Observ.* 10. Tartari usus crebrior corpora emaciat; nam urinam provocat: Ratio alia nulla subest, quam quod separatum copiosius serum per urinam simul partem nutrimenti chylosam liquefactam & resolutam per diuretica evacuet: Vid. *Dissert. nostra de Corpulent. nimia cap. 2. Artic. 2. §. 4.*

C A P U T XI.

De Pulmonum & Respirationis Usu.

Media autem inter utrumque cordis ventriculum via intercedit pulmonum viscus, per cuius spongiosum, seu potius vesiculosum, parenchyma, transvasatur sanguis, dum chylus huic permixtus in vena axillari sinistra pergit in truncum venæ cavæ descendentes, & ita in dextrum cordis ventriculum, ex quo magis subactus per arteriam pulmonalem, seu venam arteriosam Veteribus dictam, in pulmones expellitur, ibique ex hoc vase in venam pulmonalem seu arteriam venosam transcolatus in sinistram cordis ventriculum, qui falsò fuit habitus origo omnium venarum, devehitur, quod primò observatum à COLUMBO, *Anatomico Romano*: vid. ejus *Histor. Anatomica*.

Arteria pulmonalis Anatomicis modernis ita dicitur, quod textura & usu arteriæ gaudeat, dum mediante pulsu sanguinenti è trunco & ramis majoribus, hinc ad pulmonum substantiam desert, cujus exortui valvulae sunt appositae, semilunares & sursum spectantes, quæ sanguini egredienti facile quidem cedunt, regressum tamen huius ad eundem ventriculum inhibent; truncus verò à corde egressus aortæ suffulcitur, ac sinistrorsum inclinans pulmones duplici ramo subit.

Venæ pulmonalis, Anatomicis Neotericis dicta, ex duobus pariter ramis à pulmonibus descendentes coalescit, & orificio rotundo atque amplo satis in ventriculum dictum terminatur. Præfixas sibi itidem valvulas binas *tricuspidales* gerit, quæ, quia junctura sua mitram referunt, *mitrales* vocantur, quæ venæ pulmonalis hiatum ita claudunt, ne sanguis hanc impulsus à systole cordis ad illum repellatur.

Mediantibus itaque pulmonibus, & quidem per hos sanguis transversatur beneficio duorum vasorum jam dictorum: quod ut fieri possit, dilatari & expandi debent pulmones, quo arteria pulmonalis sanguine infarcta mediante illorum dilatatione possit transmittere sanguinem in venam pulmonalem, quæ transmissio vel circulatio sine tali pulmonum dilatatione impossibilis est, uti passim demonstrat SCHVAMMERDAMMIUS in *Tract. de Respiratione*, in specie c. 3. pag. 81.

Pulmo sub dilatatione se purè habet passivè, sub coarctatione verò aliquid activè confert. Pulmonum hæc dilatatio cum non fiat in fœtu, utpotè qui nullatenus dicta

ratione respirat, propterea tota fere sanguinis massa transit partim ex vena cava per foramen ovale in venam pulmonalem, & ita in sinistram cordis ventriculum, partim vero ex cordis dextro ventriculo & arteria pulmonali per canaliculū arteriosum in arteriam magnam, ita, ut sanguis non ambos cordis ventriculos permeet in fœtus circulatione, simul & semel, sed alterutrum tantum: Vid. HIGHMORUS in *Disquisit. Anatomica*. Nam in fœtu inosculationis vasorum, per quæ sanguinis fit transitus sine pulmonum actione, sunt foramen ovale & canalis arteriosus, ideò, quod sanguis in fœtu non edito non circuletur per pulmones, ut in adultis; unde frustulum pulmonis infantis, qui aerem nondum inspiravit, si in aquam immittitur, fundum petit, editi autem in aquam injectum supernatat: Ex Hoc fit *Scrupula infantum occisorum*: Ratio est, quod pulmo per quem semel respiratio facta; sit spongiosa substantiæ, unde supernatat; infantum autem nondum editorum & qui aerem nondum inspirarunt, sit crassior, & non satis porosus. De occlusionis foraminis ovalis per valvulam pellucidam, vid. CONRINGIUS in *Spicileg. Anatom. Observ.* 94.

In omni Respiratione modus inspirationis & expirationis observetur: *Inspiratio* quando aer ingreditur pulmones; *Expiratio*, quando egreditur.

Quæritur: Unde fiat pulmonum motus? Respondeo: Dilatatio illa pulmonum non fit propria eorum vi, vel facultate singulari, neque per nervos ad eos distributos, ut Moderni quidam, imprimis VVILLISIUS in *sua Anat. Cerebri*, statuunt: est enim pulmonum substantia tam ex se, quam ob defectum fibrarum musculosarum sui contractione dilatantium, omnino inepta pro tali motione; sed sequuntur potissimum motum thoracis, qui dilatatus per asperam arteriam patulam recipit aerem; contractus eundem denuò expellit: unde dilatato thorace, & pulmones dilatantur, contracto verò constriunguntur. Patet hoc, si in vivo cane pertunditur una medietas thoracis scalpello, ut aer possit egredi, apparebit, quod in hac medietate pertusa pulmonum motus cesset, altera verò pars moveatur. Facit huic experimentum *Anglorum* de abscissione costarum & revivificatione per flatum foliis, inventum à *Ba Kio*, si nempe cani vivo aperitur thorax; & auferatur sternum, pulmonum & cordis motus cessat si verò applicatur follis in asperam arteriam, aere inspirato vivus fit, sanguis circulatur, & resuscitatur, quia apparenter mortuus erat. His patet, pulmones ex se esse immobiles: Vid. NEUCRANZII *Disputatio de Respiratione* sub meo præsidio habita, MOEBIUS in *Fundament. Physiol. cap. de Pulmonibus*, item Bartholinus in *Anatom. Reformata*, & denique CHARLETON in *Exercit.* 8. §. 10.

Motus autem pulmonum & thoracis iste est quidem mixtus, propriè tamen animalis, dependens scilicet à musculis, primariò à diaphragmate, secundariò à reliquis musculis thoracis, nempe triangulari, subclavio, & intercostalibus, per quos concurrunt simul costarum deorsum versus incurvarum sublatio, & ita cavitatis thoracis major ampliatio, unde ab abdomine foras protuberante, & thorace extrorsum dilatato, necessariò simul aeris ambientis protrusio. *Dilatatio ista pulmonum sub inspiratione fit à musculis dorsi serratis* posticis superioribus & inferioribus, levatoribus costarum Stenonis, & cervicalibus descendentes Diem merbrocci: quibus accedit diaphragma, partim à thorace ductum, partim propria contractione ex convexo planius factum, unde & cavitatem in imathoracis parte, & viscerum abdominis depressionem, & majorem protuberantiam efficit. Conferatur *Nova Diaphragm. Anatomie*, quod sit musculus compositus, in *Actis Medicis Hassniens.* Vol. 4. p. 141. de cuius motu vid. HIGHMORUS c. l. item BARTHOLINUS. *Expiratio* autem evenit partim à partibus motis, spontaneo impetu gravitatis, deorsum nitentibus & denuò subsidentibus, partim à musculis intercostalibus, tam externis quam internis; quibus abdominis musculi recti & obliqui, uti & dorsi sacrolumbus, maximum adiumentum afferunt, utpote à quibus costæ, partis abdominis contenta, sursum in diaphragmatis convexum pelluntur. Adeoque diaphragma in dilatatione pectoris nil agit, sed purè passivè se habet; hoc tamen intelligendum de ejus ambitu, qui costis annectitur, à quibus reverà extrorsum sub inspiratione trahitur; nam reverà etiam movetur activè in inspiratione, & quoad musculus inferiorem, sub inspiratione à cruribus ejus motum incipere, quæ in tumorem abdomen spectantem attolluntur, superna verò

verò planities expanditur, eaque tensa redditur; in expiratione verò laxius reddi, observavit *Voeppferus de Cicuta* pag. 219. & 254.

Pulmones ergo post motum thoracis & ipsi moventur, atque ab aere repelentur, cui repletioni, acrisque introfpectioni, favet imprimis substantia eorum singularis, quæ ex veteribus & plurimis modernis parenchymatica seu carnosa, levior tamen & spumosa atque spongiosa, quæ ab aere distendi & aquis innatare posset, dicta. A MALPIGHIO in *Pulmonum Scrutinio* vesiculosa deprehensa fuit, id est, quod scilicet ea sit contexta à copiosissimis parvis vesiculis angularibus diversæ figuræ & capacitatis, favis apum similibus, tenuissima & levissima membrana constantibus, & sibi invicem connexis, quas inter disperguntur rami asperæ arteriæ, ut ex hac in ipsas, mox ex una in alteram, patens sit aditus, cum annexis copiosis lobulis, de quibus videatur VVILLISIUS *Pharmac. Ration. p. 2. cap. 1.* Hinc inde etiam fibris motricibus pro earum contractione saltem dotatis, quæ vesiculæ & lobuli per se immobiles ab aere, per arteriam asperam allato, propria gravitate ac vi elastica facto impetu, instar utrisque inflantur & dilatantur, quod Inspiratio dicitur: à contracto verò thorace diaphragmate relaxato & costis deorsum demissis, denuò compressæ aerem conceptum iterum emittunt, & aeris Exspiratio accidit: Vid. MALPIGHIO *loco allegato*, & BARTHOLINUS *Tract. de Pulmonum Substant. & Motu*.

Ipsa pulmonum compages formatur à bronchiis pulmonum in extremitate ramificatis, quatenus horum ramusculi infiniti & minores substantiam cartilagineam tandem planè deponunt, & in vesiculas seu alveolos merè membranaceos & latiores denuò explicantur, usque dum in membranam pulmonis extimam terminentur, quæ ex duabus laminis contexta videtur; nempe ut exterior filamentorum nerveorum subtilissima saltem textura deprehendatur, altera verò interior atque crassior fibris carneis gaudeat, & reticulum quasi musculosum repræsentet, prout MALPIGHIO in *Epist. quadam ad Oldenburgium* conscripta de *Ranarum, Laceratarum & Ovium pulmonibus* perhibet.

Reverà ergò pulmo est membrana vesiculosa: si enim pulmo canis calamo inflatur, in magnam latitudinem attollitur, & ita inflatus apparet, quod sit cohors vesicularum multarum. Huius verò aeris ita in pulmones introcepti portio quædam ipsum sinistram cordis ventriculum & vasa unà ingredi in viventibus, & cum sanguine misceri, inter alios testatur SCHVAMMERDAMMIUS *Tr. de Respir.*, qui observat in cane vivo secto, cui per follem si inflatur in asperam arteriam, quod non tantum appareat, sensibilis intumescencia vasorum pulmonum, sed & tumor cordis, qui non aliter oriatur, quam ex aere beneficio follis inflati: vid. quoque CHARLETON, & BARTHOLINUS *Centur. 4. Epist. 76. p. 448.*: quod notandum contra HIGHMORUM *Tr. sep. cit.*, qui variis experimentis promotus hoc negat; sed in mortuorum canum pulmonibus hoc tantum tentavit, in quibus ob porulorum & meatuum post mortem constrictionem, aer consueto modo penetrare nequit, secus in pulmonibus adhuc viventium: quod enim aer inspiratus sanguinem materialiter ingrediatur, confirmatur ad oculum per notabilem sanguinis alterationem, præsertim in colore & consistentia.

Dicti pulmones antè per mediastinum quoque sternum adhærescunt, posterius & mediante aspera arteria cum spina & faucibus; imò non rarè per fibrosos nexus cum pleura & costis, quam connexionem ultimam, spirandi difficultatem parere, nonnulli asserunt; utut assertum hoc suspectum reddat illud, quod in ejusmodi quoque subjectis, quæ viva nullam dyspnasiam patiebantur, hæc cohesio sapientius observata sit, ut testatur PLEMPPIUS *Fundam. Medic. p. 233.*, TULPIUS *l. 2. Observ. 17.*, KERKRINGIUS *Spicileg. Observ. 72.* & BARTHOLINUS in *Epist.*: adeoque distinguendum erit inter cohesionem pulmonum cum pleura strictiorem, & quæ illis ubique, aut maximam partem, contingit, quam *Riolanus* arctam, item amplam, vocat; & inter hanc, quæ huic saltem aut illi costæ & quidem laxè adhuc satis, agglutinantur pulmones; quarum illam etiam aliis corporibus molestam respirationem causari, cum *Riolano Tulpio* per experientiam confirmat; hanc autem nullam spiritus difficultatem asserre exemplo evidenti idem Tulpius demonstrat.

Sicut autem pulmonem in partem dextram & sinistram, & quasi in duos pulmones opè mediastini dividi, quàm notissimum

Etmulleri Tom. I.

mum; ita horum uterque è regione quartæ thoracis vertebræ linea transversa, obliqua tamen simul, in duas adhuc portiones subdividitur, superiorem & inferiorem, quas lobos fibrasque seu apices pulmonum appellant: hæ membranæ ita sibi coalescunt, ut earum limites vix appareant, illis tamen remotis facile in conspectum veniant: Imò MALPIGHIO *de Pulmonib. Epist. 1.* ostendit, totam molem pulmonum ex lobulis penè infinitis, propterea membrana circumscriptis, quique communibus vasis donati propaginibus asperæ arteriæ adnascuntur, constari; quorum texturam, præter eundem Malpighium, VVILLISIUS *Pharmac. p. 2.* delineat.

Cæterum, an dilatato thorace dilatentur pulmones, & dilatatos subintret aer, quia non datur vacuum, hoc est, an impleantur, quia dilatantur, an verò dilatationem thoracis sequatur aeris ambientis propulsio, propulsi per nares in pulmones irruptione, & sic horum dilatio, cum non detur vacuum, sed omnia plena, & fiat necessariò ubique motus circularis, hoc est, an dilatentur, quia impleantur; controvertitur à Philosophis & Medicis. Prius cum Peripateticis defensum videbitis à SYLVIO *Dissert. 7.* & à DEUSINGIO in *Exerc. de Respiratione*; posterius verò cum Cartesianis acriter defendit SCHVAMMERDAMMIUS *loco citato*, item CHARLETON *loc. cit. in Exerc. 8. §. 5.* in specie LAMSVORDE *contra Schvammerdam. Tract. Respirationis Schvammerdamiana Exspiratio. Neutra harum opinionum satisfacere videtur*, cum fundentur in ista Quæstione, An detur vacuum? Peripatetici dicunt, Naturam abhorreere vacuum, ideò aer per pulmones attrahatur: sed ista attractio est inconceptibilis, cum in tota rerum natura non detur attractio, nisi in animalibus, motu arbitrario gaudentibus, omnisque naturæ motus fiat per impulsionem; sicut etiam Magnetis motus fit per quandam pullionem, non attractionem. Res est clara: nam non potest concipi, quisnam sit naturæ vel pulmonum appetitus, quo abhorreat vacuum? cum revera incommodum, quod à vacuo metuendum, non percipiant aut adjudicare possint; & si dicendum veniat, naturam à vacuo abhorreere, istud non agit primariò, sed secundariò saltem, & ex accidente, ratione nempe confluitatis particularum, ex quibus aer, aqua, similiaque fluida, constant. Omnes enim hi motus, qui dicuntur fieri per motum vacui, fiunt potius per pullionem; è contrà, quando nos thoracem comprimimus, aerem exprimimus, & fit motus circularis: comprimat quis os & nares, post exspiret, percipiet, se non posse transpirare, quia aer non invenit locum, in quem possit secedere. Potius aer in pulmones, per thoracis dilatationem explicabiles factos, partim pondere atmospheræ impellitur, partim elasticarum particularum turgescencia, seu proprio nixu elastico, semper in eos irruere nititur; ratione prioris, cum atmospheræ propter aeris superincumbentis pondus non tantum in quælibet spatia vacua irruit, sed etiam res, sibi quasque proximas fortiter premit, quod *Experiment. Boyleana* plurima docent: Unde thorace tantillum, qui pulmonum dilatationi resistebat, à musculis pectus dilatantibus dilatato, mox ab aere, ex dictis causis per asperam arteriam irruente, dilatantur pulmones, quousque thoracis expansio permittit, à quo ipso etiam contracto comprimuntur, & in se complicantur denuò pulmones, adeoque aer receptus denuò expellitur; de qua hypothese vid. MAYOVVIUS *de Respirat. p. 270.* & NEUCARANZII *Disp. de Respirat. sub meo præsidio habita, cap. 7. §. 4.*

Tria ergo in aere hic consideranda:

1. Motus circularis ex thorace moto, qui fit propter contiguitatem corporum, quæ inter vacuum dispersum intercipitur.
2. Pondus aeris, quod patet ex barometro.
3. Vis elastica aeris, quæ patet in thermometro, & à Boyle & Mayovvio defenditur.

Hæc tria junctim aeris irruptionem, & hinc pulmonum dilatationem efficiunt; ex quibus patet, omninò dari vacuum, sed dispersum, non continuum: Vid. GUERICKE *Tract. de Vacuo*; item CONSENTINUS in *Progymnas. de Circumpuls. Platonica*. Non dari motum, nisi præsupponatur aliquod vacuum, vid. NULAND. in *Experiment. contra Cartesium*. Accuratam aliàs de Vacuo doctrinam videbitis in GASSENDI *Philosoph. Epicurea*.

Hæc de modo Respirationis: Necessaria autem admodum est eadem, cum hac deficiente omnia intereant animalia: meritò interim miratur HARUÆUS *Tract. de Generat. Animal. Exercit. de Partu. pag. 501.* cur homo, qui in utero per 9. menses non respirat, dum in lucem editus est,

simul atque inchoaverit semel respirare, sine respiratione postmodum vivere non valeat, ita ut *vitam spirando inchoemus, exspirando finiamus*? Queritur igitur, quisnam sit usus Respirationis primarius, id est, iterati huius aeris in pulmones ingressus & egressus, propter quem cessantem vita cessat? Certè cum consideramus

1. Pulmonis viciniam circa cor, sanguificationis aut sanguinis renovationis quasi officinam, hoc est, ubi chylus maximam pro transmutatione in sanguinem subit alterationem.
2. Sanguinem, dum de novo quasi vivificatur, & pro totius animatione per cordis ventriculos in totum corpus distribuitur, & medio tempore, antequam ex dextro ventriculo cordis ad sinistrum perveniat, per intermedios pulmones circulatur, ut ab aere inspirato alteretur, & de novo quasi vivificetur.
3. Ut *terrestria animalia habent pulmones*, ita possident *Aquatilia branchias*, quæ pulmonum sunt vicariæ.
4. *Singulare pulmonum parenchyma*, per quod sanguinis fit traectio, qualis aliàs traectio à natura nunquam fit frustranea.
5. Quod *aere denegato*, nec continuò reciprocatò *nulum animal vivere possit*, ut experimenta *Boylei & Mayovv* testantur.

Omnia hæc, si probè considerentur, necessarium planè circa sanguinem vitamque nostram usum Respirationis subesse, promittunt.

Inspirationis gratia primariò institutum est Respirationis negotium, pro pulmonum dilatatione, Expirationis verò tantum per accidens; huius tamen usum esse, ut aer fuliginibus impletus ex sanguine denudò excernatur, nemo facile negabit; licet vix alius, præter MOEBIUM in *Fundament. Physiol. pag. 311.* hanc fuliginum expulsionem esse primarium totius respirationis usum, affirmavit; quia totius corporis peripheria habet sua spiracula, per quæ, ceu per insensibilem transpirationem fieri potest exhalatio, instar fuliginum, ut non opus sit singularem, aut specialiter fabricatam partem ob id efformare. Dein quod in montibus Peruvianis aer ob nimiam suam subtilitatem sit Respirationi ineptus, vid. MOEBIUS *o. l. p. 310.* non minus quam is, qui in magno vitreo receptaculo per Antliam pneumaticam exhaustus & nimis rarefactus est, animalia suffocat: vid. BOYLE in *Tr. de Vi Aeris elastica*, qui tamen fuliginum receptioni aptissimus existeret. Conferantur etiam ea, quæ contra hunc, ceu primum usum, urget MAUROCORDATUS in *Tr. de Usu Pulmonum c. 1. p. 17.* etiam SCHOTTUS, DEUSINGIUS de *Vacuo*: Multò minus propter vocem Respirationem omnem fieri, cum LAMBSVERDE statuendum est, cum nullum insectum Respiratione, vocis tamen suæ usu, careat, non secus ac nos dormientes; licet enim vocè tunc temporis non utamur, Respirationem tamen intermittere non possumus.

Veterum unanimis ferè fuit sententia, *inservire Respirationem ad refrigerandum cor & sanguinem in eo accensum*, idque per aeris frigus, vel per effluvia frigida & aquea, quæ in se contineantur in corde enim esse locum ignis nativi & flammam vitalem; hinc ne nimis caleat aut rarefiat sanguis ab utroque, & vinculum sui, nempe humidum radicale, nimis deprædetur, quo disrupto ille avolaret, & frigidum corpus relinqueret, idè medium esse aerem. Hanc sententiam Moderni suæ hypothese applicando non nihil renovatam proponunt, mutatis tantummodò terminis, & dicunt; Inspirationis hunc esse usum, ut *sanguis in præcordiis rarefiat, nimia ejus effervescencia contemperetur*, ea blandè condensetur per effluvia salina nitrosa, quæ aer in se contineat, & ita nimius æstus aliquomodo reprimatur, ut accensionem novam & rarefactionem ferre possit: Vid. HELMONTIUS, MAUROCORDATUS *Constantinopolitanus de Motu & Usu Pulmonum c. 1. item p. 26. & 43.* MARCUS AURELIUS SEVERINUS de *Respirat. Piscium*, MALPIGHIIUS de *Bombyce*, SYLVIUS *Differ. 7. & SCHVAMMERDAM l. c. p. 12. & 10.* Quæ tamen utraque sententia minus vera videtur. Nam

1. Cur fieret caloris refrigeratio, vel effervesceniarum contemperatio post sanguinis ex dextro cordis ventriculo egressum? & quare non potius, dum è sinistro egreditur, cum in eo, omnibus fatentibus, calor sit major, & effervescencia impetuosior, quàm in dextro?
2. Ad hæc sanguis ad cor & pulmones pervenit, de

novo incalescat, vel de novo fermentetur, seu effervescat. Quid opus ergo esset, ut in medio isto labore hoc intentum per Respirationem inturbetur? his enim scopis contrariatur sanguinis refrigeratio, quia refrigerare ac condensare, & spiritualcere, sibi contrariantur.

3. In senibus, ubi totum corpus friget, vel in cachexia, leucophlegmatia & chlorosi, sanguinis calor tepescens & fermentatio, huiusque incrassatio præternaturalis, haud indiget tali refrigerio; cuius tamen contrarium patescit ex angustis, quas homines ejusmodi ex turbata aut difficili Respiratione patiuntur.
4. In sanis, dum cordis & sanguinis calor & motus fermentativus sunt naturaliter constituti, non erunt præternaturales & excessivi; aliàs sequeretur, quod in corde semper sanguinem præternaturalem haberemus.
5. Vipera, Pisces, &c. respirant, quorum tamen sanguis est actu frigidus.

Verum ergo est, quod aeris inspiratio non refrigerationis causa instituitur: Vid. MOEBIUS in *Fundam. Physiol. pag. 310.* CHARLETON in *Exerc. 8. & VVILLISIUS in Respons. Apol. contra Highmorum*, ubi eleganter aliam sententiam declarat, quæ sententia, si non planè vera, tamen probabilis est; Hinc alii Moderni contrariam planè viam ingressi sunt, & inspirationis usum sanguinis incalescentiam, & restauratam fermentationem esse, asseruerunt: Vid. VVILLISIUS de *Accens. Sanguin. & de Anima Brutorum*, qui duo Tractatus se invicem explicant, MAYOVVIUS *Tract. de Nitro pag. 147.* item GUILIELMUS CLARCK, *Anglus, de Nitro pag. 37.*

Nec primarius respirationis finis erit, ut *sanguinis per pulmones promoveatur circulatio*; nam idem aer, nisi continuò restauretur, Respirationi non satisfacit. Dein, quia etiam sine pulmonibus potest fieri sanguinis circulatio, ut patet in foetu, in quo eadem fit sanguinis circulatio, sine tamen Respirationis usu; sicque pulmo frustra esset fabricatus, cum tamen dexter cordis ventriculus saltem propter pulmones confectus sit; quinimò sequeretur pulmonem corpori potius inutilem existere. Tandem etiam homo vel animalia sub aquis respirare possent: nam etiam sic sub dilatatione thoracis aqua ab aere pressa irruere, & pulmones dilatare posset, strictura verò thoracis iterum exprimi.

Ad verum ergo Respirationis usum ut propius accedamus, consideremus, quantum aer valeat in alterandis rebus & mox apparebit, eum multum conducere ad omnes motus intestinos, & resolvendos & volatilifandos, etiam quandoque fixa concreta (id quod primus innuit HELMONTIUS in *Tract. Blas Humanum*, in specie §. 45.) & imprimis ad dissolvenda & attenuanda salino-sulphurea, quorum resolutio non potest fieri sine copiosa miscela aeris; hinc enim nihil, nisi in aere libero penitus ab igne deflagrabile existit. Certè adest in aere sal aliquod universale, quod vicem gerit menstrui universalis ad corpora sulphurea comburenda, resolvenda, &c.: quod Hermeticum sal videtur Autor omnis resolutionis naturalium corporum, etiam fixorum: ita etiam quotidie experimur, quod cineres, seu potius eorum salia fixa campos reddant fertiliores, dum aeris beneficio volatilifantur salia ista fixa, & abeunt in nutrimentum plantarum volatile oleosum optimum: quem processum imitaturi Chymici, beneficio aeris, sed perperam, & nitrum & sal tartari fixum volatilifare volunt: vid. ZVVELFFERUS in *Pharmacop. Regiap. 244. & 247.* rectè enim judicat *Bec Kius*, quod hac ratione salia fixa fatiscant in aquam elementarem. Hinc & caput mortuum vitrioli & nitri, exposita aeri, de novo imprægnantur, & volatile postmodum præbent spiritum; & antimonialia fixata sudorifera non ritè edulcorata aeri commissa demum volatili aura imprægnantur, unde denuò vomitus & secessus movent. Hoc ipsum in aere est, quod beneficio Respirationis vitam nostram conservat: Vid. DREBBELII *Experimenta Londini*, qui habuit C. C. Aeris, cujus beneficio multis hominibus angustiae inclusis continuò novam respirationem concitabat, ita ut hoc mediante homines sub aqua potuerint vivere: Vid. BOYLE de *Vi aeris elastica*, ubi eleganter facit digressionem de Usu Respirationis, & *Drebbelii* experimentum explicat. Si jam consideremus corpus nostrum, apparebit facile, aerem pro sui status varietate, & præprimis pro sua subtilitate

litate ac crassitie multum alterare corpus nostrum; hinc namque imprimis varietas nationum, temperamentorum, & ingeniorum, ex varietate climatum & hinc victuum, dependet. Aerem qui inhabitant subtilem tenuem & spirituosiorum, sunt ingeniosiores, prudentiores & alacriores, ac prompti, & expediti in omnibus actionibus; qui spirituum & sanguinis innuit subtilitatem & volatilitatem: qui verò in aere sunt crasso, humido & faculento, in quo sal universale est hebetatum, solent esse stupidiores & stolidiores, ob spirituum & sanguinis fixitatem. Tempore verno, dum aer de novo quasi animatur subtilior ac tenuior evadit, ut & æstivo, & nos sumus alacriores & vegetiores, ob spiritus & massam sanguineam volatiliores; in autumno autem & hyeme torpescimus, aere existente crasso & fixo. Aeris vitia nos quoque contaminant; hinc enim in maritimis locis scorbutus est familiaris, ex aere, salinis acrioribus marinis effluviis imprægnato. Qui aerem montanum inhabitant, sani sunt.

Has ipsas aeris facultates dum consideramus, patebit facile, unde tanta & utilitas & ad vitam necessitas sit Respirationis? Dicimus nempe, dependere à Respiratione ultimam sanguinis in pulmonibus perfectionem vitalem, quatenus primarius Inspirationis usus sit, ut aer inspiratus sanguinem in pulmonibus ad vitalem renovatam fermentationem & debitam volatilisationem, tam pro spiritali ascensione debita, quam pro insensibili transpiratione disponat, sicut supra cap. 9. pag. 80. 81. insinuat fuit, quo & aptior fiat pro omnimoda sui, sine ulla capitis mortui residentia, per poros cutis tandem diffusione: Vid. Tackius de Chrysogon. & in Tract. de Consanguin. Auri, Sacchari, &c. ubi de concordantia aeris cum sanguine, ROCHUS de Aquis Mineral. cap. 1. de Aquis sulphureis, BOYLE de Vi aeris elastica Facit hoc aer dum ratione salis sui universalis ratione cuius occultum vita cibum aeri inesse, Hermetici rectè asserunt, texturam sanguinis salino sulphuream dissolvit, eamque dissolutam ita rarefacit, ut salium actione repetitus fermentativus impetus emergat, mediante quo & sanguis promptè in spiritus volatiles vitales sulphureo-salinos abeat, & simul ratione dissoluti & cum salibus volatilibus agitati sulphuris insignem istam in sanguine incalcescentiam excitet, adeoque, ut rectè asserit VVillisius, aer inspiratus ad sanguinis incensionem faciat, cum Respiratione & ignis æqualiter vim quandam aeris exhauriant, & par aeris tam ad animalium vitam conservandam, quam ad ignem sustinendum, esse soleat necessitas, uti MAYOVV Tract. de Nitro p. 188. THOMAS CORNELIUS CONSENTINUS in Progym. Phys. p. 313. Helmontius loc. supra citat. VVillisius in Respons. ad Highmoreum, in Dissertat. de Accens. Sanguinis, & NEEDHAM de Formato Foetu in cap. de Biolych. contra VVillisius, item HOCK in Micrographia ubi de Carbonibus, pluribus deducunt; confirmatur non tantummodo ab iis quæ supra c. 9. p. 81. dicta sunt, imprimis quod sanguis omnis prius per pulmones circuletur, antequam ad sinistram cordis ventriculum perveniat, sed apertissimo etiam experimento LOVERI de Corde, dum sanguis in pulmonibus ab occurrente aere subito in floridum elegantissimumque colorem mutatur. Quantum aer in solutione corporum sulphureorum valet, patet ex præparatione liquoris Martis Solaris. Uti namque aer nimis tenuis, ut in montibus Peruvianus, est ineptus respirationi, id quod & in æstate interdum contingit (hinc illi spongiam aqua vel aceto destillato madidam naribus applicant; hi verò in loca subterranea vel cellas se abscondunt, ubi aer crassus & nitroso sale imprægnatus; hæc enim sanguinem nimis volatilifatum & dissolutum denuò condensant, ut ad debitam redeat consistentiam) ita aer nimis crassus, ut in cryptis subterraneis, ineptus est Respirationi. Ad hæc, si aer imprægnatus est Gas quodam sylvestri narcotico, e. g. in cellulis, ubi potulenta fermentant, in mineris, in crypta, puteo, vel in camino, &c. ibi suffocata intereunt animalia, ob fixitatem nempe nimiam à narcotico vapore spiritibus & sanguini loco volatilisationis debita, inductam. Sanguinis quod attinet diffusionem, notum est, eum transpirare per poros, totumque absumi, nisi propter accretionis coagulum sistatur, ut supra c. 3. dictum. Hoc non potest facere calor ejus, vel ignis ipsi inhærens, quia hic crassiores ejus partes potius incinerem vel carbonem verteret, ut merito hoc urget Helmontius loco citato: unde huic ad diffusionem præparationi occultæ aer subtilis inspiratus, tanquam adjumentum & quasi vehiculum adjungitur. Ex his facile patet, quid sentiendum de Veterum quorundam Medicorum sententia,

qui aerem pro alimento vel materia spirituum vitalium attrahi existimant; item dum Chymici nonnulli dixerunt, in aere occultum esse vitæ cibum, &c. quæ ipsa effata Medicatio Drebelliana aeris absumpti non inconcinne illustrat: Vid. BOYLE de Vi aeris elastica, Digress. de Respiratione, p. 86.

Primario Respirationis fini & abii secundarii, tam Inspirationis, quam Expirationis, accedunt; nempe.

1. Promota sanguinis circulatio per pulmones: Vid. p. 110. Hinc omnia ea, quæ effervescent & incallescere faciunt sanguinem intensius, & ita ejus motum rapidiorem reddunt, etiam crebriorem & altam respirationem procurant.
2. Fuliginum ex præcordiis sub Expiratione exclusio.
3. Fæcum alvinarum, urinæ, ut & foetus ex utero, excretio inspirando; vel pituitæ & aliorum excrementorum ex pulmonibus per tussim excretio expirando adjuvatur.
4. Sternutatio.
5. Vocum prolatio beneficio laryngis, quæ instar fistulæ musicæ seu pneumaticæ per expirationem vocem efformat.

Hæc opinio est nova, propinqua HELMONTII in Blas Humano, & VVILLISII.

Foetum non respirare superius assertum fuit: Dubium ergo est, qua ratione foetus vitam incolumen agere possit, destitutus tam necessariis pro sustinenda vita aeris usibus? Sed hunc omni penitus aere carere, minus probabile videtur; quin potius cum MAYOVVIO Tract. de Respiratione Foetus, & BOYLE de Vi aeris elast. p. 144. asseram, in Viviparis recipere foetum à matre nutritum succum, particulis aeris copiose refertum, quas sanguis ipsius, per arterias umbilicales ad placentam uterinam distributus, cum succo nutritio recepto ad foetum per venam umbilicalem advehat, adeo ut placenta uterina non amplius secur, sed Pulmo uterinus dicendus sit: In Oviparis verò liquores ovi primogenii substantia aerea, à gallina v. g. hausta, plenos esse, quæ per vasa umbilicalia pari ratione, ut modò dictum, ad pullum deferatur.

C A P U T XII.

De Ufu Lienis.

Suprà dixi, quod sanguis in totum corpus distribuatur ex corde, ut illud nutriet, beneficio spiritus vitalis in Esse vitali conservet. Verum præter hunc usum etiam in singulis partibus & visceribus internis idem sanguis aliquid patitur, non tantummodo, quatenus in quibusdam determinatam patitur alterationem; sed è contra quatenus fit separatio quædam singularis cujusdam liquoris ab eodem, utpotè cum videamus, in hepate & folliculo fellis bilem separari, in renibus urinam, in glandulis partem materiæ lymphæ, &c.

Speciatim pro varietate partium distinctim distribuitur, & quidem ubi sanguis ex sinistro cordis ventriculo in arteriam magnam impulsus est, ejus pars altera deorsum per arteriæ aortæ truncum defertur, quæ Aorta duplici ramo gaudet; spargit enim ramum celiacum, qui in varios surculos dividitur, quorum sinister lieni infertur, qui per omenti alam posteriorem protensus, & in medio itinere ut plurimum bifurcatus superiorem, & inferiorem lienis partem subit, & in cellulas & glandulas ipsius terminatur. Inter varios autem aortæ ramos per ramum arteriosum splenicum, aliàs dictum celiacum, ex arteria celiaca oriundum, lieni ante omnia sanguinis insignis portio infertur, quæ omnis exinde per venam splenicam denuò absorpta ad hepar, per truncum venæ portæ, dilabatur, ut testatur inspectio Anatomica: quæ singularis conspiratio insignium horum viscerum, lienis cum hepate, qua omnis sanguis ex liene immediate in hepar abit, ostendit peculiarem in officio consensum; ita ut probabile sit, disponi in liene sanguinem, ut eò facilius in hepate alterari, & bilis ex eodem confici ac transcolari queat; quod tamen ulteriori scrutinio indagandum, utpote sine quo officium eorum vix debite explicari poterit. Sunt etiam præter dicta vasa, ingentes etiam & copiosi admodum nervi, ex pari nervorum vago, & quædam vasa lymphatica, non tamen adeo copiosa, in liene repe-

reperibilia, quæ ex hoc ad receptaculum commune pergunt; quæ utut ab aliis negata, ad oculum tamen demonstrata sunt à RUYSCHIO de *Valvulis Vasorum lymphatic. cap. 3.* BLASIO & RUDEECKIO de *Ductibus Serosis*. Jam quid in transitu isto per lienem agat & patiatur sanguis, Quæstio est ardua, quia obscurum lienis est officium. His tandem vasis omnibus MALPIGHIUS de *Structura Lienis capsulam quandam communem* superaddit, à nemine hactenus descriptam; quæ à tunica lienis interiore, sub vasorum ingressum reflexa, emanat & circumvolutione sua vasorum reliquorum ductus involvit.

Corpus seu *structura Lienis*, utut inter parenchymata, ex sanguine certo modo saltem concreto, & vasis eorum circumfuso conflata, à Veteribus olim relatum fuerit; reverà tamen tota ejus moles est *substantia* potius *nervæa*, quam propriè sanguinea, nempe corpus *compositum membranaceum* seu *congeries membranosarum vesicularum*, in parvas plicas pluresque cellulas, & multiplices concamerationes, apum alveorum instar; figuratum seu distinctum, quorum parietes membranosi continuatione acta & intima, cum propriis lineis membrana, fibris inde elongatis, coheret; ipsæ verò hæ concamerationes fibrosæ ab extenso & dilatato venoso ductu, pari ferè ratione ac ab aspera arteria gracilescente pulmonum sinus, efformari videntur, per quas cavernulas glandularum minimarum racemi vel globuli copiosissimi, uvæ botrum æmulantes, ex fibris & extremitatibus arteriarum & nervorum ejusdem corporis pendentes, dispersi sunt, qui in homine difficilius, in bove verò & ove sola lienis laceratione se manifestant, uti & hæ ipsa per autopsiam in splene, flatu diducto, primùm observavit & eleganter demonstravit MALPIGHIUS, *Messalensis Professor, Tract. Scrutin. Viscerum, ubi de Liene*: Hic vir cordatissimus, inter varia experimenta confirmat, lienis corpus nil aliud esse, quam congeriem vesicularum membranosarum: cui tamen reverà copiosæ fibræ nervææ sunt intertextæ, quæ conservant tonum & figuram splenis, uti post *Hippocratem Vesalius & Highmorus*, imò totum ferè ex fibris contextum, *Wepfferus & Malpighius* annotarunt. Splen canis vel suillum si inflatur, aer distendit lienem, & dictas cellulas visui obfert.

Situm quod attinet, sub hypochondrio sinistro latet, connexus est gibbea sui parte diaphragmati; simul interveniente arteria ac vena splenica, omnibus membris, quibus vasa hæc inserviunt, ventriculo scilicet; hepatis, pancreati, &c. inferiore autem reni sinistro, mediantibus membranulis gracilibus.

Figuram ejus qui per linguam bovinam exprimunt, non tam hominis, quam brutorum viscera inspexisse videntur; cum in homine longè aliter se habeat, pro ut *avro. J. l. a* vos melius quam quævis delineatio docebit.

Binis vestitur membranis, sicut post *Highmorum Malpighius* annotavit, in quarum interiore, utut tenuissima, mirum fibrarum contextum deprædicat MALPIGHIUS de *Structur. Lienis c. 1.* & cum fibris per transversum lienem dispersis continuum c. 2. autumat imò in *Epist. quadam* superioribus annis ad *Oldenburgium, Societatis Angliæ Secretarium* conscripta, involutum hoc carneum & musculosum pronunciat, quod cum fibris splenis internis peculiare musculi genus format, lienis cellulas comprimens, & sanguinem per venam splenicam ad hepar, instar cordis auriculæ urgens.

Fibræ hæ lienis internæ, quæ tunica propriæ fibris continuæ, & per transversum hujus corporis transcurrunt, nec à vasis sanguiferis juxta veteres prodeunt, quia nulla arte cavitas quædam in iis monstrari potest; nec ex mente *Glissonis*, propter cavitatem jam denegatam, peculiare sunt vasis genus, sed à tunica lienis interiore potius enasci videntur, ac in oppositam huic partem, capsulam scilicet vasorum communem, feruntur, ut verosimile sit, filamenta hæc (cum musculosa, pariter ac tunica, ex qua promanant, observentur) constrictioni præprimis cellularum & vasorum splenicorum inservire, quo sanguis per laxas visceris hujus cellulas diffusus, ad venam portæ commodius urgeatur.

Quoad *lienis usum*, nullum est viscus, cujus magis obscurus usus, quam lienis, de quo tot ferè sunt sententiæ, quam Medicorum capita. Pro melius cognoscendo ergo *lienis usu*, observentur sequentia Præsupposita.

1. Non omnia animalia lienem habent, præsertim plura avium genera eo carent; sicut & canes, item

porci sine splene post excissionem vivunt; & omnes, quæ vitales, quæ animales, quæ genitales, actiones obire certum est, quia per experientiam confirmatum. Tentavi in canibus; & isti canes modò facti sunt graciles, modò pinguior. DEUSINGIUS in *Dissert. de Aliment.* refert, se cani suo excidisse lienem, & egregiè fuisse pinguefactum, quod & ego expertus in cane quodam, qui per 6. annos post excissionem vixit. Confer. BARTHOLINUS *Centur. 3. Epist. 50. & 64. Centur. 4. Epist. 14. & 92. pag. 537.* Homini deficere posse, hactenus fabulosum habitum fuit: ipsi eundem excindere, si non impossibile, certè valdè est periculosum, propter hæmorrhagiam & propter herniam; unde experimenta in homine non tentanda: Vid. BARTHOLINUS *Cent. 3. Epist. 73. p. 307.* Exempla tamen excissi lienis in homine citra vitæ noxam, videbitis in *M.A.N.C. Ann. 1. Observ. 29. p. 101. & Anno 4. & 5. Obs. 165. p. 209.* & BARTHOLIN. in *Histor. Anatom. Centur. 4. Histor. 51.* qui ex *Fioravanta* notant excissionem lienis humani. Vulgò etiam accuratissimi Medici, referunt lienem hunc pependisse 15 xxxij. veriùs autem 3 xxxij. fuerunt, quod in *historia* ipse *Fioravanta* recenset. Sed experientia una est nulla: Vid. MAJOR in *Chirurg. Infusoria*; & nemo hactenus exemplum hoc temerè imitatus fuit. Traditio insuper vulgi à PLINII usque temporibus inolevit, cujus verba videbitis *l. 11. cap. 37.* Exemplum fide dignum extirpati lienis per unctionem confirmat MOEBIUS in *Fund. Medic. p. 405.* De brutis verò res notissima est, excisionem hanc facta ligatura decenti, citra læsionem omenti, ventriculi & intestinorum, in canibus præsertim & felibus, institutum fuisse citra ullum notabile sanitatis dispendium. DECKERUS in *Barbette* putat, vel auferri vel imminui vim genitalem cum canes, quibus exciderit lien, tantum foemellas pepererint: sed contrarium observatum est in *Anglia*, testante OLDENBORGIO.

2. Iis, quibus est lien bene constitutus, eorum corpus floret; quorum lien verò vitiosè augetur, eorum corpus imminuitur: quibus verò lien excissus est, eorum hepar mole auctius observatur; adeò, ut certa quædam usus utriusque visceris dependentia exinde suspicienda sit, cum imprimis omnis sanguis ad lienem delatus ex eo immediatè ad hepar transeat.

3. Lien, quoad aspectum repertus fuit sapièssimè salvus & sanus, in mortuis ex melancholicis sic dictis affectibus, v.g. Quartana, scorbuto, ictero nigro, hypochondriacis affectibus, &c. id quod Anatome patefecit; SYLVIUS enim dixit, *se ultra 100. affectu melancholico mortuos secasse, in quibus tamen lien salvus fuerit.* Interim tamen deliris melancholicis, semper per consensum hypochondriorum evenientibus, splenis vitia subesse, utut non æquè per Anatomen sensibilia, omnino arbitror; hinc enim meritò urget Helmôtius *Tr. 7. us Duum. vivat.* illud HIPPOCRATIS: *Quibus Vena fortiter in hypochondrio pulsatur, iis mens agrotat;* unde etiam agri tales in imminente paroxysmo præcedentes certos motus in isto loco deprehenderunt.

4. Omnes Splenitici reverà tales, hoc est, in quibus lien tener, malè affectus & tumidus, scirrosus, infarctus, aliove modo vitiatus deprehenditur, hi omnes sunt salivatores, teste Hippocrate: Omnes enim copiosam salivam aqueam & tenuem solent expuere; & hi agri optimè per medicamenta salina, urinam provocantia; v.g. sal tartari per tartarum vitriolatum, nitrum, arcanum duplicatum Mynsichti, sal armoniacum, digestivum hypochondriacum, &c. curantur, teste LAURENTIO in *Controvers. Anatomicis*: Id quod sanè experientia confirmat, dum urinæ, quæ antea sub ipso morbo profluxerunt claræ & albicantes ac crudæ, restituto sic aliquantisper per medicamenta salina liene, prodire solent turbidæ, cum copioso sedimento coctæ, interdum atræ & obscuræ, tandem sensim clarescunt, & ad naturalem statum & colorem citrinum redeunt: In cachexia subinde reperitur tumor splenis:

nis: sed cavete, ne putetis, quod ex splenis vitio oriatur cachexia vel quartana, quia superveniunt, & ita sunt effectus ex morbo oriundi, in quibus splen secundario afficitur.

5. Lien omni cavo sensili destitutus nec recipiendo, nec digerendo cuidam humori singulari aut excremento erit destinatus; nullum enim habet vas excretorium, per quod excrementa possit excernere; quia non totus sanguis lienem pertransit, sed tantummodò aliquantula ejus pars ad illum distribuitur, dum tota reliqua massa partim ad superiora, partim ad inferiora renes, reliquasque partes & viscera abit, & consequenter nulla fit secretio in splene: ergo non excrementi cuiusdam, vel recipiendi vel digerendi gratia, est fabricatus. Hoc observandum contra Veteres. asserentes: *Splenem esse receptaculum humaris Melancholici, quod reiciatur per vas breve in stomachum*.

6. Omnis, qui per arteriam splenicam in lienem intrat sanguis, à splene per venam splenicam refluit, ad venam portæ immediate abit, & per hepar trajetum in venam cavam, & sic ad cor, nil aliorum, devehitur: ut adeò singularis quædam hæc duo inter viscera conspiratio, eaque non frustranea circa sanguificationem, utut nondum sufficienter cognita, intercedere videatur; hinc enim non solum à *Malpighio*, sed etiam ab aliis observatum fuit hepar mole grandius, post exsectum lienem.

7. Magnitudo & color, aliæque proprietates uti singulari animalibus in liene est proprius, ita & homini; in quo sano magnitudo ejus multum variat. Color verò, qui in foetu est ruber, in adultis semper deprehenditur obscurior, & plus minus nigricans: imò, proportionem partium instituta, grandior in foetu, quam in adulto, lien observatur.

8. Lien animalium vel assatus, vel coctus, aliove modo preparatus, gustatus, deprehensus fuit austeri, pontici, plus minus acerbis & acidi saporis, teste *VVALÆO* in *Epist. de Motu Sanguinis*, item *HIGMORO* in *Disquis. Anatomica*, ubi de Liene.

9. Hoc insuper notabile est, quod splena animalium, v. g. cervi, bovis, &c. preparata, vel decocta, aut in essentias redacta, affectibus spleneticis mulierum chronicis, & imprimis cachexiæ virginum ex mensibus suppressis, specificè conducunt, quod prodiit ex schola *Paracelsi*.

10. Denique & hoc attenta observatione in praxi colligere licet, non adeò frequentes esse splenis propriè dictos affectus, quin potius plurima, quæ lienem imputantur mala, aut saltem ex eo oriri putantur, ferè ex nerveis lienaribus, eorumque plexu affectis, dependent; unde per consensum & aliarum partium affectiones & hinc plura pathemata superveniunt: de quibus nervis vid. *VVILLISII Anatomia cerebri* pag. 222. & 264. Tab. XI.

Hæc omnia necesse est, probè perpendantur, antequam de Ufu Lienis certi quid pronuncietur.

Lien ergò quoad suum usum, ad vitam animalium non est simpliciter necessarius, cum ex canibus & suis, aliisque brutis, sine ulla sensibili functionum læsione excindi queat, sed tantum ad bene esse confert, ita ut majorem saltem sanguinis perfectionem, sed accidentalem tantum facere videatur.

Frustrà revera Lien juxta *Erassistratam* & *Rissum Ephesum* non erit conditus, cum ad sanguinis laudabilem & naturalem statum, pro universi corporis œconomiae salute, ut conservandum, ita & restituendum, multum conferre, & structura ejus, & connexio potius demonstrant. Sed quid hoc sit, quod lien conferat? quæritur. Multi namque morbi tribuuntur spleni, in specie malum hypochondriacum, scorbutus, quartana, delirium, &c. quasi sedes horum morborum esset in liene, sed falso; cum in his lien sit insons: & si successu temporis afficitur, non est affectus tantquam causa mali, sed potius, quod ceu effectus ab altius radicato malo in sanguine læso dependet. *Veteres Practici*, quando non possunt pergere in scrutinio morborum, dicunt: *Lien est affectus, obstructus*, &c. in specie *Italorum* & *Gal-*

lorum Practica hæc est; cum tamen morbi chronici partim in stomacho & læsa chylicatione, partim læsa separatione fecum à chylo, vitio duorum succorum, bilioli, & pancreatici, consistant. Vulgò putant punctiones & ro- liones, in hypochondrio sinistro occurrentes, esse ex splene; quod tamen falsum est, cum splenis substantia ferè insensilis inepta sit tali dolori inferendo, adeò ut nullus dolor, nisi tensivus ex ejus inflatione, aut gravativus ex ejus pondere ab infarctu, splenem infestare possit; cui dolori tensivo spiritus carminativus & similia carminantia, dolori verò gravativo spiritus salis ammoniaci penetrans & consequenter aperiens, it. Aperiitiva ita dicta *Martialia*, conducunt.

Acuti ergò isti dolores, qui crebrius hypochondriacos infestant, item Rosiones & morbus Hypochondrii sinistri non sunt in splene: sed sunt reverà in intestino colo, quod sub hypochondrio sinistro nonnihil angustatum, aut deorsum versus contortum, aut flatuum transitum impedit, aut stercora indurata sistit, aut denique visciditates acidas ibidem colligit: unde ibidem tam pertinaces dolores reperiuntur: quos nunc clysteres carminantes & emollientes, imprimis cum sale gemmæ injecti, sedant; aut sacculi & fomenta, in aqua & vino cocta, calida compescunt; aut carminantia, spiritus anticolicus & carminativus, sistunt; aut opiata nunc cum resolventibus, nunc per inferiora laxantibus mista, sedant.

Ut tamen id, quod de usu lienis probatissimum videtur, edisseram, arbitror: Preparari in liene, tanquam parenchymate membranoso-nerveo, ratione lymphæ per copiosas glandulas ex sanguine arterioso allatæ, uti & ratione copiosorum spirituum animalium, per multiplices nervos ad lienem distributos, & sensui ac motui minime inservientes, eo allatorum, certum quoddam fermentum subacidum, insigniter tamen volatile, quod sanguinem musteum, ipsi infusum, imprægnat, vi sua fermentativa alteret, & disponat ad faciliorem partium ejus crassarum à chylo nondum perfectè assimilato residuarum volatilisationem, indeque promptiorem ab aere in pulmonibus resolutionem & uberiorem spirituum generationem; simulque hoc ipso partes heterogeneas nec ritè miscibiles ita à reliqua massa quasi separet, ut commodius per convenientia cribra, in speciem renes commodè evacuari possint. Quibus positis & rectè se habentibus, corpus floret, & merito saturnina dicuntur flores regna; iis verò læsis, sanguis spissescit, torpescit, tardè fermentatur, spiritusque sensim deficere incipiunt, partim propter vitiosam assimilationem, partim verò propter excrementorum retentionem, ut in morbis, qui spleni vel competunt, vel eum simul afficiunt, patet: Vid. *VVELTHUSIUS de Ufu Lienis* c. 3. ubi similis ferè reperitur sententia; quæ tamen assertio non adeò adhuc est plana, quin etiam aut per Anatomem, aut ulteriorem experientiam, confirmationem desideret.

HELMONTIUS quæ de usu lienis statuit, deque ejus cum ventriculo duumviratu disserit, item de fermenti in stomachum inspiratione à liene, de timorum conceptuum formatione, somni & vigiliarum sede, virtute generativa ex splene, in *Tract. Sedes Anima*, item in *Tract. fus Duumviratus*, ea sunt falsissima, & minus veritati congrua, singulaque canis & corpus sine splene facillimè refellunt.

Veterum quod attinet sententiam, Lienem accipere succum Melancholicum, hoc est, partem sanguinis crassiorem, terrestrem, & faculentam, eoque partim ali, partim eundem eructare per vas breve in ventriculum pro adjumento digestionis, Anatome & circulatio sanguinis sufficienter refellunt, cum nulla conspiratio nullus consensus inter lienem & stomachum observabilis sit; nullumque habeat lien vas excretorium, unde etiam nil colatur per eundem. Conf. *CONRINGIUS de Generat. & Ufu Sanguinis* c. 12. 14. & 19. Horum sententiam & multi sequuntur, & modernorum quamplurimi nonnihil emendant & castigant, ad experimenta nova Anatomica eam applicando, dum nunc sanguinem acidum crassum seu melancholicum in eo coqui & magis fermentari, ut corpori fiat utilis, nunc chylum acidum vel crudum in eo alterari, ut abire queat in sanguinem, nunc excrementa crassa & tartarea in eo fermentari & disponi, ut per convenientia loca, imprimis urinaria, possint excerni, asserunt. Omnes hæc opiniones profluxerunt ex prima ista Veterum sententia, quæ politæ tamen paulisper & aliter nonnihil explicata sunt: nam quod Modernis est acidus succus, Veteribus dicebatur Melancholia; id quod de

De morbis ab his causis oriundis similiter verum est. Plures atque ferè admodum discrepantes sententias, de Ufu lienis collectas videbitis à MOEBIO in *suis fundament. Physiol. pag. 381.* His addatur STRAUSSIIUS & VVELTHUSIUS *Belga, de Ufu Lienis*, item SYLVIVS *Dissert. 5. de Lienis Ufu.*

CAPUT XIII.

D E

Hepatis Officio & Bilis Generatione.

Alterum Viscus, cui occurrit sanguis, est *Hepar* cum annexo folliculo felleo, quæ conspirant circa bilis generationem. Arteria cæliaca, ultra ramum ingentem splenicum, adhuc in alios duos minores se findit, quorum unus ad pancreas abit, qui eò sanguinem defert, ex quo lymphæ ejus specialis elaboratur, quæcum spiritibus animalibus nervorum juncta succum pancreaticum constituit, & per proprium ductum in intestina excernitur, pro fecum alvinarum à nutritio chymo separatione, de quo superius actum, & etiam videri potest GRAEFF *Tract. de Succo Pancreatico.*

Alter ramus, qui bipartitus ad hepar abit, ut partim in ejus capsula communi ramos portæ comitetur, & unà cum vasis cholodochis, & nervis hepaticis paucis, ibidem coerceatur; partim verò ad vesicam felleam distribuatur, & vocatur arteria cystica.

Præter hunc sanguinem, vena portæ omnem ab intestinis, liene & pancreate, reliquisque infimi ventris visceribus, præter renes, refluxum sanguinem in hepar exoncrat, ac ita arteriæ suo modo officio fungitur: accedente præpripriis, quod

1. Pulsat, utut pulsu non adeo exacto & vibrante.
2. Instar aliarum arteriarum sanguinem suum à trunco majore ad ramos minores, ac tandem ad surculos capillares deuehat; & sic iste sanguis qui ex splene fluit, per venam splenicam beneficio trunci venæ portæ exterioris, hepar ingrediatur.

Hic postquam hepar ad pollicis longitudinem circiter penetravit, in sinum amplum explicatur, qui in 3. iterum ramos facit, quibus cum surculis inde emanantibus gibbæ pariter & concavæ hepatis parti prospicit, unde viscus ejus dictum fuit parenchyma, quod sit effusio seu coagulatio sanguinis, & congruatio circa vasis; qui sanguis venæ cavæ tandem infertur, cujus ex trunco vascula capillaria infinita ab omnibus hepatis partibus oriuntur, hinc in ramos majores, ac tandem tres maximos coeuntia, mediantibus his extra hepatis substantiam delatis in venam cavam, ad latus & super spinam dorsi ascendentem, se exoncrant.

Hepar parenchyma esse, experientia sua firmare videtur *Harveus*; docens in ceruorum generationis primordiis hepar rude & propemodum informe existere, viderique rubicundam & sanguinolentam affusionem, cui *Glissonius* aliquid bilis ex continua & actuali hujus transcolatione admixtum esse, ex colore ejus rubeo simul viridiusculo suspicatur.

Ordinariò in hypochondrio dextro collocatur, ita tamen ut in homine sano & erecto ultra costas nothas moles ejus satis altè descendat, in fœtu ad hypochondrium usque sinistrum exporrigitur, non propter molem ejus in hoc majorem, ut communis fert sententia, sed quia in hujusmodi corpusculis ab alimentis solidioribus ventriculus nondum adeò distenditur, hinc non tam profundè & ad regionem lumbarem hepar deprimit, sed naturalem magis hunc situm illi concedit: cum in adultioribus ventriculus frequentius refertus & distentus, spatium idem ab hepate occupari, non patiatur.

Ligamentis hepaticis duobus vulgò notis *Glissonius* tertium addidit; ita ut primum sit hoc, quo mediante diaphragmati hepar alligatur, quod suspensorium dicitur; alterum uena umbilicalis in ligamentum mutata; tertium processus quidam membranofus, quo cartilagini ensiformi hepar adhærescit.

Jam Quæstio est, quisnam sit hepatis usus? & unde generetur bilis, quæ nusquam in toto corpore, quàm in vasis cholodochis circa hepar reperitur? Antequam hanc decidamus Quæstionem, hepatis *structura & materialis compositio*, ut prius sit cognita, necesse est, quam optimè explicatam da-

bit MALPIGHIUS *Tract. de Scrutin. Viscerum*, ubi de hepate præsertim cap. 23. dum rationibus diversis ostendit, hepar esse parenchyma ex glandularum conglomeratarum genere, ita ut compingatur ejus moles ex plurimis globulis glandulosis, propria circumambiente membrana vestitis & continuatis, per transversum membranosis nexibus firmatis, sexagona ferè figura in homine donatis, ita ut his glandulis suffusus sanguis eas irriget & rubicundas reddat.

Probatur hoc

1. Generatione fœtus in ovo, ubi hepar primò non rubet, sed flavescit, donec transitione sanguinis rubrum colorem acquirat.
2. Quod in homine, si sanguis probè eluatur, albicet.
3. Maximè probatur per Anatomiam in damis, cervis, cochleis, lacertis, piscium diversorum generibus, mure, marte, sciuro, &c. quorum hepar reperitur constare ex glandulis copiosis.
4. In piscibus album deprehenditur.
5. Præter vasa communia habet etiam excretoria, scilicet biliaria.
6. Quod à morbis, glandulis aliàs propriis, afficiatur.

Quæ sanè argumenta hepar si verum corpus glandulosum esse non probent, certè tamen concludere jubent, Analogum istud glandulis existere.

Globuli hi ex glandulosis acinis peculiari circumscriptione ut plurimum hexagona donatis, componuntur, & singulis valorum propaginibus, licet etiam exilibus, appenduntur, & ita communi, à peritonæo oriunda, membrana obducti hepatis corpus componunt; adeoque non putandum, uti communiter dicunt, factum hoc esse viscus propter vasa fulcienda, sed vasa potius illius gratia fabrefacta existunt, utpote quod primariam visceris hujus partem esse, infra, ubi de Ufu constabit, docebo.

Cum ergò hepar sit corpus glandulosum, hoc ipsum innuit esse *Colatorium*, id quod etiam receptum est. Cum enim hepatis in sanguificationis negotio ductæ essent exequiæ, omnes statim, Hepar esse colatorium bilis, denegato ejus sanguificationis officio, asseruerunt: cum verò de bilis natura plures adhuc urgeant controversiæ, pro illis melius intelligendis consideranda sunt.

1. Bilis Phænomena.
2. Materia ejus, tam constitutionis quàm generationis.
3. Efficiens ejus ac generandi Modus.
4. Ejusdem Motus; &
5. Usus.

Phænomena circa bilem naturaliter constitutam observabilia sunt plura:

1. Primaria sunt: notabilem esse differentiam inter bilem, quæ reperitur in & circa hepar, nempe *cysticam & hepaticam*: *Cystica* enim amarior, acrior & penetrantior est magis tincta & crassior, in folliculo felleo elaboratur, & per ductum cysticum ad intestina derivatur; *Hepatica* verò diluti magis coloris, consistentiæ fluidioris, & saporis minus amaricantis, observatur, & in hepate separatur. Equidem cystica sub primo gustu etiam dulcedinem notabilem, sed quæ mox in amarorem penetrantem vergit, repræsentat, cum bilis hepatica ferossioris consistentiæ subinde plus ferè dulcedinis aut minus certè amaroris, præ se ferat.
2. Bilis destillata, v.g. bubula, per se blando igne non nisi phlegma suggerit, resina tenaci sed inflammabili, in fundo remanente. Illa ipsa tamen copiosior, & rigorosiori igne examinata, præter phlegma, liquorem instar urinae recentis destillatæ volatillem acriorem, & copiosum oleum, suggerit, sale fixo non adeò copioso, & magis ad acrimoniam falem instar salis communis, quàm perfectam alcalinam naturam vergente, ex capite mortuo fortius calcinato, superstitit. Eadem bilis recens cum additione alcali fixi destillata, liquorem volatillem seu spirituosum urinosum suggerit, qui pro volatiliu natura syrupum violarum viridifcente colore tingit, solutionem verò Mercurii sublimati lacteam reddit; non secus ac eadem bilis cum aqua simplici affusa ad putrescendum seposita, destillando liquorem volatiliorem & urinosiorem adhuc suggerit, modò dictos effectus manifestius exercentem. Porro bilis in vitro hermeticè sigillato, in fimo equino per

per aliquot septimanas ad putrescendum seposita, ex flavo rubra & perspicua, cum sedimento quodam apparet. Bili huic admista aqua, Spiritu sulphuris imprægnata, lacteum præcipitatio exhibuit colorem, præcipitato simul resinoso subamaro succo, qui in prunis absque capite mortuo exhalavit.

3. Bilis permista cum liquoribus variis, varia exhibet phænomena, eaque multipliciter variantia, pro liquorum ex iisdem, licet simplicibus, præparatorum quantitate, qualitate, tempore, aliarumque circumstantiarum licet minutissimarum differentia, adeo ut levissimo ex accidente variet phænomenon ut plurimum tamen ab acidis intensioribus, qualia sunt imprimis mineralium, ut Spiritus sulphuris, vitrioli, salis, nitri, &c. turbati interdum, nonnihil effervesce, hinc plus minus intensè viridescere, & sedimentum ex albo nonnihil viridescens, plus minus spissum seponere observatur, cum amaritiei plus minus remissione. Acetum destillatum vel simplex, item succus citri, turbant pariter nonnihil bilem & aliquale, sed parcius, sedimentum subpallidum deponunt, & flavedo mediocris emergit, quæ aliàs naturaliter ex luteo fusci est coloris. Alcalia verò volatilia, ut Spiritus Salis ammoniaci, sal volatile fuliginis, Spiritus Cornu Cervi essentialicatus, &c. alterationem in bile facere observantur; hinc consistentiam bilis tenuiorem & claram cum colore citrino plus minus, interdum verò aureo, acquirit cum aliquali sedimento viscido in fundo. Aqua communi denique, sal commune, nitrum, urina, sal armoniacum, &c. alterationem nullam, aut exiguam, faciunt, excepto aliquo sedimento mucilaginoso. Cum oleo tartari varia in diversis tentaminibus exhibet phænomena, nunc in massam fœtidam coagulari ab eodem, nunc verò eadem clarescere, & subcitrini coloris reddi, cum sedimento, quale ab Acidis præcipitatur. Ab Amico relatum habeo, quod observavit ex oleo tartari per deliquium, bili suillæ instillato, quasi effervescentiam fieri, id quod innotescat ex bullis, & particularum mutua agitatione.

Adeo in huiusmodi tentaminibus experimentalibus, quæ artem magis quam naturam sapiant, ad quaslibet circumstantias probe attendendum, & idem experimentum sæpius, diverso licet tempore, reiterandum, antequam pro usu Theoretico aut Practico certi quid exinde concludi queat.

Materiam bilis quod attinet, & quidem eam, quæ est *Constitutionis*, copiosum oleum eidem inesse, ex inspissata bilis relicto corpore resiniformi, ut & ex facili ejus incensione & deflagratione manifestum est. Salina ejus particula sub olei tegmine delitescens patet ex phlegmatis seu aquæ in bile præsentia, ut & facillima ejus cum aqua communi miscela; oleum enim aut oleosum corpus sine salinarum particularum interventu, consortium aquæ haud patitur; atque adeo *saponarius liquor* suo jure vocari potest *bilis*, qui ex analogia cum aliis concretis similibus & præsertim ceteris animalium partibus, ex copioso oleo, occulto acido, debito tamen alcali volatili saturato, constat: id quod imprimis ista cum alcali fixo destillato illustrat, cum per se destillata spiritum & sal volatile urinosum non suggerat, quia hoc detinetur ab Acido oleoso, quod ab Alcali fixo absorptum, volatile alcali promptè dimittit, non secus ac in sanguine, bilis matre, hoc ipsum accidere observamus. Nam ceteræ mechanicæ superius allegatæ ad texturam bilis nimis alteratam, & intercedentes putrefactiones, & hinc cum fortiori igne destillationes, quibus mediantibus formæ non tam educuntur, quam novæ producuntur, minus huc quadrant; Atque adeo *saponarius seu oleosus, salsus, vel secundum alios non ineptè, nitrosus, sapore dulcamarus, effectus calidus, usu balsamicus liquor erit bilis* *Materia Generationis* est Sanguis propriè dictus, chylo nempe & sero contra distinctus, quem non saltem arteria hepatica confert, quæ BACKII de Corde p. 133. & SYLVII Disp. Medic. 6. §. 52. & 53. sententia est, quamquæ MALPIGHIUS quoque de Struct. Lienis c. 6. probabilem suspicatur, sed illius maxima portio potissimum poro hepatico destinata per ramos venæ portæ advehitur, quod idem MALPIGHIUS loco citato, & de Hepatis Struct. c. 7. comprobatur, pinguioribus scilicet, subtilioribus particulæ sanguinis cum salinis certo modo unitæ, quæ tanquam cremor seu flos sanguinis per hepatis officium in bilem abeunt.

Modus quo ex sanguine separatur bilis in hepate, ut per ductus hepaticos ad intestina amandetur, fit per transcolationem mechanicam, mediantibus acinis istis glandulosis hepatis propriis, ex quibus parenchyma ejus coaluit; sicuti v.g. olea destillata ab adjuncto phlegmate & spiritu per chartam emporeticam oleo imprægnatam separari solent: videatur CHARLETON in Oecon. Anim. Exercit. 11. §. 14. & seq. item GLYSSONIUS in Anat. Hepatis c. 41. 42. & 43. siquidem & vasorum choledochorum radices terminantur in acinis glandulosis, quo etiam pertingunt venæ portæ ramificationes. Dubitare quis interim posset, an ita formaliter bilis in sanguine existat, ut nuda transcolatione exinde separabilis fiat? an verò saltem materialiter, ita ut per modum vel præcipitationis, vel fermentativæ cujusdam alterationis, sanguis ex parte talem immutationem, sub sui per hepatis glandulas transitu, suscipiat, quæ formaliter in bilem abeat, quæ texturæ suæ specialis ratione non nisi orificiola pororum choledochorum ingredi valeat? idque ex eo.

1. Quod bilis liquor videatur non leviter à sanguine discrepans, & cujus nulla, ne minima quidem, in sanguine vestigia observentur.
2. Parenchyma hepatis singulare apparenter majori usui, quam simplici transcolationi, destinatum videtur.
3. Si urinæ in renibus secretio non absque fermento alterante fieri potest, ut plures asserunt, idem potiori longè jure bilis transcolationi convenire videtur.

Motum bilis quod attinet, immediatè etiam intrat poros biliarios in hepate, utpote qui undique per ejus parenchyma, speciatim in parte sima seu cava, sunt dispersi; unde partim immediatè per ductus cholodochos in intestinum duodenum, partim verò mediatè, nempe in folliculum fellei prius collecta, exinde etiam ad intestina per ramum cysticum abit. Ac sanè negari nequit, eam bilem, quæ per porum biliarium hepaticum ad intestina excernitur, ex hepate oriri, in eoque elaborari ex sanguine per venam portæ advecto: id quod experimenta MALPIGHII & FRACASSATI confirmant, quatenus ligatis omnibus hepaticis arteriis, & abscissa penitus vesicula fellea, nihilominus tamen copiosum bilis per ductus cholodochos ex hepate proventum adhuc in cane vivo observarunt: vid. MALPIGHIUS l. alleg. HELMONTIUS quidem dicit, *Vulnera folliculi esse lethalia*; sed non tam propter folliculum, quam propter hepatis copiosa vasa, unde sanguinis effusio maxima. Adhuc ductuum hepaticorum conformatio mechanica, & insertio ductus cystici obliqua, ex mechanicis motum contenti in eis deorsum, non verò sursum versus, demonstrant, ut & intumescencia versus hepar, si supra insertionem ductus cystici ligentur, id quod contra SYLVII Hypothesin observandum qui in Dissert. de Hepatis usu vult bilem per hepar derivari partim ad intestina, partim misceri cum sanguine, & ad cor pervenire, quod falsum videtur etiam in Praxi sententiam suam mutasse.

Ut autem certum sit, omnem bilem, quæ ex ductibus hepaticis oritur, reverà elici vel elaborari in hepate ex massa sanguinea; dubium tamen superest de bile, quæ in folliculo felleo continetur. Hanc non elici ex hepate; sed generari in folliculo ipso ex sanguine, per arteriam propriam cysticam in eum transmissa, & ibidem transudante, cum arteria dicta in folliculi cavum hiet, & ita suum sanguinem eò affundat, ut vult SYLVIIUS in Dissert. Medica 6. §. 53. item SVVAMMERDAMM de Respir. Sect. 3. c. 1. p. 86. & PECHLINUS de Purgant. p. 496. ita ut sanguis in folliculo per fermentationem à bile jam præsentem in similem bilem mutetur, ubi liquor copiosus minorem in sui similem transformet, instar vini aceto infusi, vel à glandulis tunice folliculi internæ & pori biliarii ita alteretur: vid. PECHLINUS l. c. & SYLVIIUS l. c. §. 36. & 37.

Obstat verò hic experimentum MALPIGHII de Hepat. Struct. c. 7. p. 40. qui ligata arteria hepatica & sic pariter furculo ejus, cystica, nihilominus continuum bilis proventum ex sanguine venæ portæ observat. Fracassatus quidem observavit, quod vesiculæ felleæ injectum atramentum denigret hepatis parenchyma, unde potius ingressum bilis ex vesicula in hepar, quam ex hepate in illam, concludit. Ast sciendum, quod ductui hepatico nullæ inexistant valvulæ, hinc atramentum vel alius liquor violenter injectus facillè hepatis parenchyma ingredi potuit: Accedit & hoc, quod ductus hepaticus ligatus non intra ligaturam & folliculum, sed intra ligaturam & hepar, intumescat. Imò, multa animalia folli-

folliculum felleum non habent, ut dama, cervus, capreola, delphinus, equus & glis; sed latent in hepate eo maiora vasa cholodocha; & quare duplex officina bilis, alia in hepate, alia in folliculo, fingenda foret? quin potius concludendum videatur, hepatis officium versari simpliciter circa bilis elaborationem; secretam nempe in hepatis glandulis materiam ex sanguine, ibique certo modo alteratam & mutatam in bilem, partim immediate per porum cholodochum hepaticum ad intestina derivari, partim mediate in cystim prius collectam, per ductum huius cysticum ad intestina pariter ablegari.

Collectio hæc singularis bilis in folliculo felleo fit median-
tibus certis parvis ductibus biliariis ex hepate in folliculum felleum, tanquam alveum, derivatis, de quibus videatur **HIGMORUS** in *Anatom.* l. 1. c. 2. p. 3. item **BARTHOLINVS** in *Anatomia*, **VVEPFERVS** de *Cicuta* p. 176. **SCHRADERVS** in *Observ.* p. 186. in quo eadem digestionis quasi Chymicæ beneficio exactius elaborata, & acrior & spissior pedetentim evadit, & ceu œconomia animali necessarius thesaurus observatur successive, præsertim sub chyli distributione uberius effundenda.

Quoad ipsam vesiculam felleam, hæc hepatis cavo immersa, & fundo globoso in cervicem oblongatur, ejusque substantia partim membranosa, partim glandulosa, deprehenditur; præter communem enim tunicam, cui aliquid pinguedinis subjacet, altera crassior & fibrosa magis conspicitur, cui tandem adnascitur glandulosa expansio seu membrana glandulis miliaribus innumeris referta, sicut in cruda æquæ ac cocta vesicula experiri licet. Cervix ejus fundo rigidior ad instar orificii ventriculi dextri sursum incurvatur, donec angustior reddita ductum cysticum formet. Valvulas, quas nonnulli in eodem concipiunt cum *Spigelio*, *Glyssonius* recte negat; concedit tamen, annulum fibrosum in extremitate cervicis conspicuum, sphincteris munere fungi, qui eandem arctando omnem bilis spontaneum effluxum cohibeat, itaut hæc non nisi compresso aut constricto fundo promanare possit: imò *Riolanus* & *Higmore* ratione oleositatis, qua cervicis meatus exasperatur, bilis effluxum valde moderari & sufflaminari suspicatur. Præter arterias & venas cysticas, item lymphatica vasa, ex hepatis substantia folliculus felleus exilissimos adhuc meatus biliarios recipit; qui ut plurimum, in truncum simplicem coeunt, & vesiculæ prope cervicem implantantur, quem ductum non adeo absurdè porum hepaticum minorem liceret appellare.

Ufus autem, quem bilis obtinet in intestinis, *suprac.* 7. fuit explicatus; qui tantus est, ut sine bile ventris perturbationes, totius corporis languor & marasmus, aut cachexia, succedat; quorum exempla prostant hinc inde, quæ videbitis apud **HELMONTIUM** de *Sextupl. Digest.* item *Scholarum Passiva Deceptione*, in **MOEBIO** in *Fundam. Physiol.* pag. 368. item in **DEVISINGIO** *Exercit. de Alim. Depurat.* §. 69. item in **GLYSSONIO** in *Anat. Hepatis* c. 39. Exemplum Cachexiæ præprimis confirmat observatio **FONTANI**, quam *Commentar. suo in Vesal. Epitome*, ubi de bile agit, addidit, quod vesiculam felleam sine bile deprehenderit in corpore hydropico & summè cachectico: simile quid in quodam decollato superioribus annis observavi, qui omnino cachecticus jam ad anasarcam inclinabat, in quo tamen nihil reperiiebatur præternaturale, nisi quod bilis vesicula felle esset vacua. Adeoque illa vitia morbosa, quæ à Veteribus hepatis frigido, & hepatis intemperiei frigida, & hinc deficienti sanguificationi, adscripta fuerunt, illa potiori jure bilis vel defectui vel inertia, vel præternaturali alterationi adscribenda erunt; exinde enim evenit, quod talibus in affectibus amara, ut absinthium, centaur. minus, Rosmarinus, Rhabbarbarum, &c. imprimis in usu sint; quæ omnia bilem vel deficientem augent, vel vitiatam ejus naturalem crasin restitunt. Adeoque non calor defectus in sanguine est causa defectus bilis, sed potius absentia bilis est Autor tepescentiæ sanguinis; non enim ceu excrementum in hepate secernitur, quod Veteres plurimi statuerunt, quia aliàs inconveniēs elset ut denuò cū chylo in intestinis permisceretur, sed ceu liquor balsamicus ad suos usus destinatus pro totius incolunitate.

Ipsæ **HIPPOCRATES** passim, & in specie de *Natura Hominis*, ad Neotericorum Hypothesin inclinare videtur, quando *T. 5. ait: Corpus hominis in se habet sanguinem, serum pituitam & bilem, atque hæc sunt ipsius corporis natura, & per ea aegrat homo, & sanus est.* Præterea idem probat:

1. Huius cum chylo in intestinis commistio, & cum hoc per intimam unio, & ad massam sanguineam transitio.

2. Necessitas ejus magna ad corporis conservationem ita ut nullum bile careat.

CAPUT XIV.

DE

Seri Superflui, salibus abundantibus imprægnati, per *Renes Exclusionem*.

Tertium Viscus, cui occurrit massa sanguinea, sunt *Renes bini*, in quibus secernitur lixivium volatile, seu latex aquosus, sale volatili salso oleoso imprægnatus. Arteria enim magna à descendente trunco emittit in singulo latere ramum, arterias nempe emulgentes, quæ recta transeunt ad renes in plures furculos insignes distributæ, cum pelvis tubulis, & inter horum tunicam cum venis Renum gibbum conscendunt, ubi in arcum quasi curvantur, hincque partim ad interiora reflectuntur, partim ad exteriora tendunt, omnes tamen vel glandulis, vel canalibus urinariis implantantur. Necesse ergo erit, ut renes, eorumque usum, consideremus. Nempe omnis sanguis, qui per arterias emulgentes transit in renes, ex iis revehitur per venas emulgentes mox sub diaphragma in cavæ truncum adscendentem, utpote quarum radices papillares ex omnibus renum tubulis emergentes pariter capsulam pelvis communem subeunt, ubi in caudices majores coalescentes quoque arcum formant, à quo ad cavum renum reflexæ simplici, interdum duplici trunco, ad venam cavam tendunt, qua sanguis redit ad cor & arteriam magnam. Sanguinis pars tenuis & aquosa, seu latex aquosus, commune vehiculum tam nutrimenti quam excrementi in corpore, ut fluidam reddit integram massam, ita etiam ejusdem tam superflua, sed effœta & inertia, quam, si forte digestionum errore genita sint, excrementitia fœcia, aut etiam alias quascunque sanguinis impuritates ac sordes, digestionis secundæ errore prognatas, imbibit, easque ex massa sanguinea per renum colatorium expurgat, serumque sanguinis, quando turget salibus superfluis, communiter dicitur, **HELMONTIO** verò *Latex aquosus*, cujus medio succi nutritivi per universum corpus distribuuntur; si verò mediante hoc excrementa in certis colatoriis separantur & amandantur, & quidem in hisce secretoriis locis *Urina* nomen accipit; sicut per poros cutis, si confertim excernatur, sudoris. Est namque una eademque urinae & sudoris materia, locorum secretoriorum diversitate distincta, licet renes sint naturalia magis, pori verò cutis quodammodo præternaturalia excretoria vasa; hinc multum sudantes, parum mingunt; præsertim æstatis tempore, per insensibilem transpirationem multa abeunt; è contra in hyeme multum mingimus, sed parum sudamus. Est ergò latex urinosus excrementitius liquor particulis salinis imprægnatus, & vehiculum, quo excernuntur excrementa. Aliàs de sero sanguinis, ejusque usu, videri potest **PISO** de *Colluv. serosa*, **BARBATUS**, **SCHENCKIUS** in *singulari Dissert. de Sero & Sanguine*, & **HELMONTIUS** in *Tr. Latex. Humor. Neglectus*.

Sanguis ergò ad Renes per arterias emulgentes delatus, patitur ibidem seri salibus turgidi separationem, huiusque simul certam alterationem. Medium & Organum secretionis urinae mechanicum sunt Renes, quorum substantia firma, parenchymatica satis, hæcenus pariter dicta & credita fuit; structuram autem horum mechanicam non inelegantem, transcolationi speciali accommodatissimam, **LAVRENTIUS BELLINVS**, *Italus*, in *Tr. de Struct. & Usu Renum*, superioribus annis ad oculum demonstravit; nempe Renum compagem fibrosam nihil aliud, quam canaliculorum infinitorum & capillarium meatuum, per quos urina ad pelvim deponatur, congeriem esse; quam sententiam *Higmore* quoque indiguisse videtur, dum duplicem hanc Renum substantiam supponit, internamque saltem fibrosam & villosam, externam verò parenchymaticam, & fibris destitutam, dicit. Sed accuratiorem structuram suppeditat **MALPIGHIVS** *Tract. de Struct. Visc. c. de Renibus*, ubi præter vasa emulgentia, arterias & venas insignes, præterque ureteris in pelvim expansiones, & hinc pro papillis renalibus recipiendis, posteriores in tubulis distributiones, observat, Renes præsertim circa gibbam sui partem constare ex glandulis innumeris minutissimis, apparenter, ut piscium ova, rotundis, & hinc simul fibris fistulosis, seu potius canaliculis penè innumeris, non carneis, sed membranaceis subtilibus, propriis scilicet Renum excretoriis

cretoriis vasculis, extimam regionem fibrosam seu solidiorem substantiam sua aggerie præcipue componentibus. Glandulæ istæ connectuntur arteriarum ramis, & in multiplices surculos propagatis; iisdem adnascuntur & appenduntur, ex quibus etiam serum, urinæ materiam, acquirunt, eandemque ex sanguine eò delato emulgent & separant. Si ren scinditur per medium & premitur, exsudat urina per innumeros poros, & apparet differentia inter fibras & corpus papillate. Si Ren ex cane vivo exemptus ebulliat in aqua fervida, medietas extima est fibrosa, intima carnosa instar spongiæ: vid. BELLINUS *loco allegato*.

Modus autem, quo à sanguine arterioso in renibus urina separatur, alii per certam porulorum in renalibus glandulis magnitudinem & configurationem statuerunt, quæ serum saltem urinosum, non verò laudabile, aut sanguinem, admittant; alii præcipationem quandam supponunt: quæ tamen hypotheses plurimis difficultatibus involutæ sunt. Ipsa Renum structura monstrat viam, qua urina possit colari per Renes: nempe arteriæ emulgentes per Renes dispersæ feruntur cum suis ramusculis usque ad extimam Renum superficiem, ubi fibræ occurrunt quamplurimæ tenues & perforatæ, & ibidem sub membrana densa sit sanguinis arteriosi effusio, & in surculo venarum emulgentium transvasatio, dum ita liquidior sanguinis pars seu serum, urina, transit in Renes, & perfluit ceu filtrum fibras dictas renales, unde subito se insinuat serum sanguinis superfluum, reliqua sanguinis pars crassior, & ad colandum inepta, præterfluit, & in venas remeat, denuòque cavæ infunditur. Substantia ergò falsa & aquea colatur, & transit per Renum filamenta illa tenuia vel fibras membranaceas excavatas copiosissimas, quæ à gibbo renis recta versus centrum seu cavitatem renum tendunt, & velut in fasciculum relectæ in productos tubulos, ex pelvi protuberantes, desinunt, per quarum minutos & innumerabiles porulos in expansam interiùs ureteris membranam seu renis pelvim urina exoneratur; & quidem non per modum attractionis, quæ in natura non datur, sed pulsus, quem Bellinus diaphragmati per inspirationem depresso, & renes comprimentis, attribuit. Verùm expressionem hanc urinæ refellit ipse renum situs & substantia, utpote quos diaphragma vix sufficienter contingere, nec illos, tanquam corpora compactiora contactu suo leviori comprimere potest. Probabilius hinc videtur, quod sicuti sanguinis ex renibus per venas emulgentes refluxum sanguinis arteriosi appulsus continuus præstat, ita motum seri urinarii ad pelvim ab eodem maxime dependere, quatenus renum glandulæ & tubuli ab arteriis, pulsu cordis dilatatis reciproce compressis, illud ad cavitatem revomant, aut serum recens appulsus hoc, quod jam illis inhæret, ulterius urget. Ergo secernendæ urinæ instrumentum sunt glandulæ; secretæ ad pelvim distribuendæ instrumentum sunt excavatæ fibræ.

Seri sunt Renes sub hepate & liene, & musculorum psoas principio, ac diaphragmati potissimum annexi; membrana constant duplici, externa scil. & latiore, adiposa, item Fascia dicta, & intenciore atque arctiore, cum vasis ad interiora Renis reflexa. Nervos duplices recipiunt, alios à stomachico, alios ab abdominis nexu primo aut secundo. Verùm illi in membranam renum propriam absumuntur; hi vasa emulgentia variè stringunt & complectuntur, & cum iisdem interiora renis subeunt.

Urina ex renibus in pelvim exonerata successivè per continuatum ureterum ductum in vesicam Vrinariam, in spatio hipogastrii inferiore, quod *pelvim vocant*, sitam destillat, in qua, tanquam matula publica, coacervatur, & tandem iusto tempore per *urethram* excernitur.

Vesica hæc ratione figuræ pyriformis in fundum & cervicem dividitur; ita quidem, ut per fundum peritonæo, præprimis tamen umbilico, ligamento interveniente, in quod *urethra* degenerat, connectatur; ratione colli autem in foeminis uteri collo, in viris intestino recto, in utroque simul sexu ossibus coxarum vicinis adhærescat. Constat tribus tunicis, quarum exterior membranacea est, & communis appellatur; media fibrosa; & intima musculoſa, quæ naturaliter obducta est aliquo mucosum nonnihil viscido. Hujus vesicæ continuatio est canalis, qui in musculos usque ad pœnem pergit. In vesicam implantati sunt ureteres, qui extenduntur ad renes, in quibus dilatati pelvim constituunt, qui rotundis foraminibus præditus particulas corporis dictas admittit, imò interdum in tubu-

los quasi abit. Pelvis hic angustior redditur, ex renis utriusque sima parte sub forma canalis prodiens, qui super musculos psoas obliquo & inflexo ductu descendit, usque dum vesicæ urinariæ in posteriori cervicis parte inferatur.

Si ergo ureteres ita perveniunt ad vesicam, inferuntur oblique, & ubi perforatur vesica, ibi & ultima tunica vesicæ clauduntur & ureteres, quæ tunica est quasi valvula. Tunica enim duplici ureteres, præter communem à peritonæo, investuntur, quarum exterior fibras carneas plurimas sibi intertextas habet, interior nervea magis deprehenditur, ita ut, ratione tunica prioris carnosæ & musculosæ, urina per hos canales, non tam ratione ponderis proprii, quam ureterum motu peristaltico, devehatur. Nil dico de carunculis renalibus Veterum, quæ non entia, sed corpus papillare sunt.

Urina colata per Renes in vesicam destillat, quæ moderate plena nil sentit incommodi; si verò urina sit nimis copiosa, ita ut vesicæ nimia & dolorifica fiat distensio, vel urina sit nimis acris, falsa aut acida, ut fiat ejus arrosio aut vellicatio, v.g. in stranguria, tunc excretionem urget vesica: urina enim naturaliter acris, id est, constans ex sale volatili falso, seu composito ex acido & alcali volatilibus, nunquam vesicam irritat, quia ejus substantia est defensa mucosum viscido. Quod si verò in statu præternaturali fiat, ut acidum vitiosum & excrementitium, in specie vitio digestionis primæ genitum, cum Urina potus deferatur ad loca urinaria, ibi urinam inquinat & suo acore inficit; v.g. in stranguria continuus urinæ stimulus est, quia in ea urina præternaturaliter est acida, & talis urina continuo vesicam stimulat, unde urinam non possumus copiosè cumulare sine rosione: vid. HELMONTIUS in *Tr. Pleura Furens*. Aciditas hæc est manifesta, hinc potus non ritè fermentati, sed facile adhuc fermentescibiles; indeque acedentes, ut mustum fermentans, & cerevisia recens, & similia, subinde stranguriam inferunt; quæ ipsa stranguria curatur per talia, quæ Acidum præcipitaræ & absorbere, ejusque in primis viis vitium inhibere solent: qualia sunt lapilli cancerorum, testæ ovorum, corallia, nux moschata, cortices aurantiorum, horumque oleum destillatum, quia temperant acidum. Conducit itidem inunctio umbilici cum sevo hircino, additis aliquot guttis olei macis: item internè etiam conducunt creta, sal tartari, &c. Vesicam, ejus sphincter, qui aliàs est constrictus, relaxat, non secus ac sphincter ani seu pylori, & ita urina contenta per sphincterem resolutum, ceu liquidum, spontè effluit, adjuvantibus fibris circularibus musculosis membranæ vesicæ mediæ, quarum contractione angustatur vesica, atque urina expellitur. In subsidium veniunt huic membranæ vesicæ fibrosæ etiam interdum musculi abdominis recti, vel horum appendices pyramidales, qui immediate subjacent vesicæ, unde se contrahendo subjacentem vesicam ita premunt, & ita urinam simul expellunt. Putant quidam Vesicam urinam emittere, sed falso: nam si vesica nimis distenditur, ut fibræ quasi lacerentur, tunc non potest urina emitti; quia vesica se non potest comprimere & restringere.

Patet ex dictis, serum à sanguine *percolatione* quadam in renibus secerni, quæ tamen sola hand videtur omnino sufficiens, quin probabilius est, certam in renibus sanguinis *fusionem* evenire, mediante qua attenuetur sanguis, & disponatur ita, ut serosus latex facilius ab eo secedat: vid. DIEMMERBROCCIUS *Anatom. p. 171*. Imò ipsum serum etiam sub ista sui separatione, & per renes transitu, certam alterationem fermentativam subire, qua ipsa urinæ materia peculiarem colorem, odorem, & quodammodo saporem, aliaque attributa & proprietates, distinctas admodum à latice sanguinis seroso, sudore, & in nullo alio corporis succo reperibiles, acquirat, simulque tamen consistentiam recipiat, mediante qua & ipsum & ejus simul contenta promptius ac facilius per renes transcolari possint: ita ut materialiter quidem urina in sanguine præexistat, formaliter verò in renibus demum fiat. Probabile est urinam in renibus alterari, & renes esse dispositos ad hanc alterationem: medium verò alterationis, à quo sanguis sui transitu per renes disponitur, ut uberius dimittat serum, & à quo simul serum determinatam pro urina proprietatem acquirit, non incongruè fermento cuidam salino fracido, renibus proprio, in papillari eorum corpore contento, naturæ salinæ volatilis lixivialis seu urinosæ adscribit VVILLISIUS *Tr. Pharm. Rational. p. 1. Sect. 4. c. 1. p. 138. 139. & seqq. de Diuresi*; item HELMONTIUS *Tr. de Lithiasi*, imprimis c. 4. §. 30. & TACHENIUS in *Clave Hippoc. Chymici*, c. 9. qui

qui HELMONTIUS istud ab effectu & proprietatibus fermentum stercorem, & lotii putrefactivum, appellat, in quo contineatur dispositio ista ad calculos generandos; sicuti etiam in renibus coctis odor fracidus urinosus deprehenditur, à relicto fermento urinario, à quo & sanguinis fusio, & ita copiosior feri separatio, promovetur. Quæ enim olim credita est urinæ per transcolationem in renibus facta secretio, jam insufficiens, imò minus subtilis videtur, nisi lixiviale accedat fermentum.

Est autem urina duplex, ut rectè distinguitur ab HELMONTIO, *Urina potus* & *Urina sanguinis*. *Urina sanguinis* est, quantum sensuum fide constat, propriè loquendo nihil aliud, quàm lixivium quoddam, serum nempe, sale falso seu enixo, partim volatili partim fixo quasi Ammoniacali, potissimum imprægnatum. Sicut enim lixivium artificiale constat aqua, quæ affusa super Cineres imbibit sal fixum; ita urina est lixivium volatile, seu constat sale volatili massæ sanguineæ, ejusque particulis superfluis & excrementitiis, quæ cum sale volatili junctæ eo ipso urinam constituunt, & sic emergit lixivium partim fixum.

Copiosum phlegma, seu aquosus latex, quod paulò ante nutrimenti vehiculum extiterat, mutata nunc scena recrementi evadit vehiculum: inutiles ac recrementosas, perque continuatum intestinum motum quasi attritas ac arctius invicem sociatas, indeque effetas factas, salino-oleosas massæ sanguineæ particulas imbibit, easque unà cum intermixtis plus minus copiosis particulis chylosis, sanguini minus commodè assimilabilibus, evehit.

Sal hoc volatile falsum, ex alcali nimirum primariò, & secundariò Acido, constat, quæ ipsa tamen, pro reliquorum in corpore humorum ratione, temperata sunt intertextis partibus sulphureis seu oleosis non paucis: quod patet ex urinæ destillatione, ubi post sal volatile simul prodit copiosum oleum empyreumaticum, ejusdem naturæ cum oleo massæ sanguineæ; unde spiritus urinæ se colorat, quia semper habet contagium sulphureum; Spiritus salis ammoniaci autem est purus: atque hisce modo dictis ferè volatiles hujus misti partes absolvuntur. Nam quem vinosum spiritum, utut paucum, quidam elicere satagunt, artis potiùs effectus esse videtur. Salia hæc diluta ab aqua constituunt urinam, uti hoc ipsum demonstrat exactior Anatome urinæ spagyrica, de qua vid. HELMONTIUS de *Lith. c. 3.* VVILLISIUS in *Tract. de Urinis*, & MOEBIUS in *Institutionibus*, qui ex VVILLISIO aliisque sua fideliter descripsit. Miscetur nempe urina cum omnibus salibus sine effervescentia, quod signum est salis compositi quod de utroque participet, adeoque sale quodam ammoniacali imprægnata est, ut loquitur Mayovvius de spiritu nitri aer. pag. 160. Per se destillata, dat phlegma, & remanet magma flavum.

Compositio autem tam urinæ, quàm dicti magmatis, quoad salia, divisibilis est mediante alcali fixo aut etiam calce viva additis, à quibus absorbetur & separatur acidum, & dimittitur solum spiritus urinosus volatilis; qui purissimus accipitur, si urina à calce viva abstrahitur; Acidum verò concentratur in alcali vel calce viva: hinc MOEBIUS dicit Urinam constare sale falso, acido nempe & urinoso.

Fixæ particulæ, præter terram mortuam, duplex sal exhibent; esculentum unum cum alimentis assumptum, & cum liquore urinæ ad vias urinarias raptum; alterum fixum sui generis falsum quid est, sed magis ad alcalifatorum naturam accedens, quale & ex sanguine, utut in pauca quantitate, parabile existit.

Constituunt hæc Urinam sanguinis; præter quam datur etiam *Urina potus*, ex primis viis mox sub labore primæ digestionis, de qua *suprà, ubi de Motu Chyli, cap. 8.* Hæc urina, utut pallida, similiter est falsa, & ejusdem cum illa sanguinis urinæ conditionis, diluta saltem magis est, minusque contentis salibus oleosis saturata.

Paracelsus triplicem fecit urinam: Cibi & potus, sanguinis, & mistam. Urinam sanguinis vocavit istud serum falsum, quod ex massa sanguinea in renibus colando separatur; Potus urinam; quæ ex primis viis fertur ad vias urinarias; Mistam verò, quæ unà ex sanguine & aliis mistis constat.

Quod urina igitur potus detur, qui in primis viis, antequam chylus cum sanguine miscetur, separatur, testantur potulenta, quæ uti assumpta fuerunt, per urinam rejiciuntur. In *Observationibus* BARTHOLINI est exemplum cujusdam, bibentis vinum rubrum

& idem etiam eodem colore, sapore & odore per urinam rejicientis. In HORSTII *Observationibus* aliquis emulsionem amygdalarum excrevit, ut illam assumpserat. Quamplurima sunt exempla urinæ lacteæ, seu Urinæ, cum qua chylus permixtus, qualia in *Timæo*, *Platero*, &c. inveniuntur: Vid. etiam *M. A. N. C.* ubi sunt exempla bibentium Acidulas, quas eodem colore & sapore cum Urina iterum excreverunt. Prostant etiam exempla eorum, qui pro robore stomachi coriandri, anisi &c. semina comesta per urinam iterum tota excreverunt. HORSTIUS in *Observat.* habet, quod petroselini radicum frustula antea adsumpta per urinam excreta fuerint: grana ficuum etiam cum urina fuisse excreta, ipse novi. Non ergò potest fieri, ut possint transire per renum vasa angusta, & emulgentia naturalia, quin propiori via ex primis viis excerni, necesse est. Rhabbarum assumptum facit mingere urinam colore citrino; esu croci ejus odor sentitur in urina; Asparagus foetido odore reddit urinam; opuntia seu ficus Indica interior cortex ruber, si comeditur, aut ejus folii succus, facit urinam rubicundam, acetum potantes claram reddunt urinam; nimis acidus potus facit strangurias. Quæ exempla persuadent ex primis viis partem magnam separari urinam, & excerni. Mox post partum est pallida, hinc bibones sæpius surgunt, & bibita emingunt; longiore enim tempore opus esset, quàm hoc, ut copiosior potus assumptus ad renes pervenire queat; hinc pro ebrietate devitanda assumitur oleum amygdalarum amararum, quod est diureticum: vid. DEUSINGIUS, & HORSTIUS in *Manuduct. ad Medicinam*.

Urina post partum est Mediocriter falsa, quæ falsedo partim volatilis est, tum ex assumptis in falsum mutatis, tum ex bile & succo pancreatico in falsum volatile abeuntibus, partim verò & quidem maxima ex parte hæc falsedo est fixa: duplex enim sal fixum, sed paucum, in capite mortuo post urinæ destillationem interdum deprehenditur: vid. HELMONTIUS de *Lith. §. 21.* Unum quidem est sal esculentum seu marinum, non ita pridem cum alimentis assumptum, & per urinam potus immutatum ferè denuò excretum: non autem est sal lixiviosum; potest enim destillari in spiritum acidum, qui similis est spiritui salis communis. Sal esculentum propter firmiorem texturam non alteratur in stomacho, sed rejicitur totum cum excrementis alvi, & cum urina excernitur foras; hinc nitrum paratum in locis, ubi excrementa animalium deiciuntur, participat de sale communi, *der-Schalch* dicto, qui in artificiosis officinis Salis nitri forsitan non invenitur: vid. *Schmuck's Scabthz-Kastlein*. Alterum verò, ipsi lotio peculiare, ex alimentis non æquè in primis viis sub digestionem, ex sui nempe ineptitudine non volatilifatum, oritur, quale etiam in ipso sanguine interdum reperiri solet. Hæc ipsa ordinaria quasi & naturalia urinæ sunt ingredientia.

Queritur, quomodo & per quas vias potus ex primis viis ad vias urinarias derivetur? Fatendum in obscuro adhuc modum pariter ac vias latere: Monstrare quidem volunt BILSIUS & BARTHOLINUS in *Observ.* canales seu vasa lactea ex glandulis lumbaribus ad renes aut vesicam mandata; sed hæc fuerunt lymphatica, & à renibus sursum tendunt. Probabilis magis est filtratio *Vvillisi* per tunicas ventriculi spongiosas, quod mediantibus istis coletur per vias incognitas, & mandetur ad vias urinarias; cum enim urinandi desiderium frequentius comessantes fatiget, quam alvi exoneratio, ideoque brevior quoque bibentibus erit ex ventriculo ad renes aut vesicam via, quàm ex intestinis. Adhuc probabilius videtur, glandulas mesenterii, quando chylus transcolatur, partes aquosas ad vias urinarias, alteram verò chyli partem ad Receptaculum commune mittere.

In omni autem Urina, speciatim in urina sani hominis à Medico observanda, tres conditiones probe sunt attendendæ; nempe

1. *Urina Color.*
2. *Ejusdem Consistentia.*
3. *Ejusdem varia Contenta.*

Omnes has proprietates habet urina ratione particularum in ejusdem latice aquoso dissolutarum, instar nempe lixivii communis, à salibus imbibitis diversimodè affecti: nam salia semper de oleo adhuc aliquid habent.

Quod si contenta salia oleosa porulis laticis continentis probe unita fuerint, ut radii luminosi æqualiter maximè ex par-

ex parte transeant, fit ut a clara seu perspicua: Sin verò particulae contentae liquoris porulis non sint aequè unitae, ut impediatur radiorum progressus, urina fit turbida: Quod si radii luminosi transeuntes ex parte quadam sui refringantur, & ita modificentur, urina fit colorata plus minus intensè, prout magis minusve a salibus copiosioribus vel paucioribus talis radiorum refractione contingit: Quod si contenta ista in vehiculo aquoso sint pauca, urina quoad consistentiam est tenuis: Quod si eadem sint copiosa, eadem est crassa.

Quoad contenta varia, haec sunt vel naturalia, vel praeter naturalia. Naturalia contenta sunt nulla: siquidem ubi ritè fiunt digestionis, in specie prima, absque contentis urina excerni solet: Quod si verò errore vel primae digestionis, imprimis propter errorem externum lese, non ritè coquatur totus chylus, & ita consequenter in secunda digestionis non ritè assimilatur, pars haec crudior à parte aquosa imbibita, una cum Urina excernitur, & sedimentum istud in sanorum urinis constituit. Praeternaturalia verò contenta sunt recrementa salino-sulphurea, aliaque vitio chyloso & hematoseo successivè in massa sanguinea congesta, quae ubi ad saturitatem ferè sanguinem impleverint, per fermentativum motum separata, & instar faecum praecipitata, à latice aquoso imbibita, cum urina una excernuntur. Fit enim saepe, ut cum tali urina rejiciatur materia crassior, viscida; albicans, etiam saepe in sanis, quae separata fundum petit; & haec nihil aliud est, quam chylus non ritè digestus, vel non sanguificatus, vel rectè assimilatus: Unde, qui non rectè digerunt, ut senes, bulimi, &c. hi solent tale sedimentum habere: Unde in scorbuto, splene affecto, &c. diuretica sunt optima.

Prout ergo se habent chyli & sanguinis digestionis, ita etiam se habent in suis Attributis urinae. Hinc si salia, reliquaque hos liquores constituentes partes per fermentationem bene subactae, & à latice aquoso ritè imbibitae fuerint, urina est clara & perspicua; sin verò haec sub fermentatione non ritè sint inter se unita, urina fit turbida. Simile evenit cum omnibus liquoribus fermentantibus; qui legitime fermentati, vel fermentantes, ex unione partium, tam continentium quam contentarum, reciproca sunt clari; vitiose verò fermentati, sunt turbidi, propter particulas à se invicem secedentes, & alias non commiscibiles ex porulis liquoris continentis excludentes. Hinc & urinae in naturali statu, dum nullis contentis sunt saturatae, sunt clarae, sed albicantes; vel dum contenta habent ritè fermentata, & probè inter se ac cum liquore continente unita, sunt clarae & perspicuae: si verò fermentatio sanguinis vitatur; & partes ejus salinae depravatae factae, nec convenienter inter se nec cum reliquis ritè uniantur, nec subigantur, ac fermententur, ex quacunque etiam fiat causa, quae tamen ordinariò est salium, tum inter se, tum cum aliis particulis intermixtis, vitiosa proportio & ἀμείκτα, chyli & primae digestionis vitio praecipue orta, urinae fiunt opacae & turbidae, donec fermentatione se mutuo subigant, sanguinem constituentes partes salinas & heterogeneas, nec ritè miscibiles portiones excludant, & quasi praecipitent, quo facto; aequabilis reddit sanguinis fermentatio, & tales urinae copiosum tandem sedimentum, tanquam separatas faeces seponendo, denuò clarescunt; & naturali colore & consistentia se conspiciendas denuò offerunt.

Porro pro quantitate contentorum urina fit nunc crassa, nunc tenuis; & prout ipsae contentae particulae salinae, lixivium hoc constituentes, particulis pinguibibus & oleosis combinatae diverso modo sese habent, ex ratione scilicet fermentationis, & hinc mutuo inter se magis vel minus cohaesionis, & cum sero legitimae permissionis, unde diversa lucis incidentis fit ad oculum refractione & reflexio, emergitque diversitas colorum in urina: hinc quò minus radii luminosi ad oculum reflectuntur, eatenus urina magis est obscura.

Colores enim urinae valde variant, & vel naturali sunt propiores colori, vel ab eo remotiores, idque nunc in excessu, nunc in defectu: illi rutilant, hi pallent: scilicet copiosiora vel acriora salia eum oleo plus minus copioso arctius seu intimius juncta, intensiorem colorem representant; si verò non, urina fit turbida; lucem ut nobis subministrant solutiones chymicae, v. g. lapillorum cancrorum, vel Saturni cum aceto destillato: Haec probè unita apparent clarae, & filtra omnia transeunt; sin verò infusione tertii fiat quaedam praecipitatio, i. e. ut particulae contentae non firmitus cohaereant in poris liquoris continentis: id quod fit, si aliquod alcali liquidum temperatum instilletur, fiunt turbidae & opacae.

Errmulleri Oper. Tom. I.

Speciatim in morbis, coctionis & cruditatis materiae, ut vocant; morbosae signa aestimanda sunt, indeque praedicienda signa vel vitae vel mortis. Nam urina, quae excernitur tenuis aut pallida aut intense tincta, sed clara, cruda dicitur, in qua nempe nulla salium heterogeneorum jam facta est separatio in sanguine: e contra urina crassa, turbida, copiosum sedimentum deponentes, aut multiplicibus contentis saturatae, coctionis signa exhibent, seu recrementa vitiosa & salia heterogenea copiose ex sanguine extrudi, & instar faecum praecipitari, ostendunt. Confer hic SYLVIUS l. 1. *Praxeos* cap. 55. Nubecula in urina in morbis, tam chronicis quam acutis, est signum redeuntis in stomacho fermenti, & recuperatae plus minus digestionis; & omnis turbida urina latens plus minus Acidum continet, uti audietis in *Colleg. Practico*, ubi de *Febris* in genere.

CAPUT XV.

D E

Motu Sanguinis ad Glandulas, earum Usu, Lymphaeque Ortu & Natura.

DE Glandulis reperitur in HIPPOCRATE *Tractatus de Glandulis*, quae & vocantur Adenes. JOANNES ACONUS *Anglus*, scripsit *Adenographiam*, qui liber est elegans & curiosus. Ut ut quidam Veteres Glandulas norunt, usum tamen earum nesciverunt, & eas substantiam parenchymaticam, circa vasa sanguifera coagulata, & diversa fulcimenta vasorum esse dixerunt, dum scilicet vasa variè distribuuntur, ne tam facile laedi possint, ipsis additas esse glandulas. Alii dixerunt, Glandulas esse organa emunctoria, per quae excrementa possint secerni variis in locis, praesertim in pube, ubi sudor excernitur. Haec sententia à Modernis approbatur, & in specie inclaruit post vasa lymphatica inventa, quae parem usum cum his praestare videntur.

Scilicet post renes excurrit sanguis ulterius per arterias ubique ad glandulas, quae copiose per universum corpus sunt hinc inde disseminatae, de quibus videatur concinne agens, STENO *Tract. de Glandulis & Musculis*, sicuti easdem specialiter quoad structuram describit WARTHONUS in *Adenographia*, ut in iisdem peculiaris quidam humor separatur, qui ad constituendam lympham requiritur. Sunt autem duplices, *conglomeratae* & *conglobatae*. Illae habent variam figuram, & apparent quasi ex pluribus minutis glandulis, seu totidem lobulis, tanquam acinis exactè sibi contiguus, cum aliquali superficiei inaequalitate conglomeratis seu conglutinis, compositae, & in unum corpus sint, adeoque communi earum membrana soluta, in hos facile secedunt. Haec verò simplicem & uniformem habent figuram, & ex una continua materia (nisi quod in medio sui, annotante Stenone, & Graeff de succo pancreatico, cavitatem aliqualem habeant) planaue superficiei, nunc simpliciter tali, nunc oblonga; constant, quaeque, dilacerata licet earum membrana communi, non adeò facile in lobos secedunt. Si consideramus fructum mori, is quatenus videtur compositus ex pluribus baccis, similis est glandulis conglomeratis: conglobatae autem se habent instar unius baccae.

Utraque haec glandulae versantur in elaborando peculiari quodam humore, *Lympha* generali nomine à *Bartholino* appellato, qui etiam pro varietate glandularum distribuitur diversimodè; & quidem omnis lympa infra cor per ductum thoracicum infunditur in venam axillarem sinistram. *Glandula conglomerata liquorem* intra se *emulctum* per peculiare ductus in *certas* quasdam corporis *cavitates*, pro *peculiaribus usibus* exequendis *effundunt*, qui demum sanguini jungitur. Inter has glandulas est pancreas, quod succum effundit in intestina; quales etiam sunt glandulae salivares, parotides, &c. quae succum in os transmittunt, & lachrymales, hepatis substantia, renum peripheria, crusta ventriculi, intestinorum, vesiculae felleae, & vasorum biliariorum interior facies, & forsan adhuc aliae partes. Unde succus è dictis glandulis effusus peculiaris obtinet nomina & officia, ut sunt saliva, succus pancreaticus, lachrymae, &c. Glandulae verò *conglobatae* tam regionis inferioris quam superioris, praeparabunt succum non adeò inter se differentem, uti faciunt conglomeratae, sed elaborabunt succum simplicem & homogeneum, qui succus elaboratus non infunditur in certam cavitatem, sed *illum ipsum per peculiaris vasa, lymphatica*, Veteribus incongnita, & ante 30. de-

num, & quod excurrit annos inventa, vel ad aliam glandulam deponit, vel in ductum thoracicum, vel in *venam axillarem sinistram sanguini de novo infundunt* & commiscunt, v. g. inguinum, colli maxillares, mesenterii, lumbares, & flexurarum cubiti atque genuum; ita quidem, ut omnis liquor, quem glandulae conglobatae conficiunt, & speciatim lymphadicitur, ab inferioribus infra cor partibus, ut pedibus, per ductum chyloferum thoracicum, tanquam communem truncum, sanguini in vena axillari sinistra infundatur; sicuti in eodem loco omnis in glandulis regionis supra cor superioris, ut capitis & brachiorum, confecta lympham ibidem infundatur, cum & hæc ante insertionem dictam in alveum communem coire, HEINRICUS PAULI *Anatom. Bilf. c. 6.* demonstravit.

Dicuntur hæc etiam aliis serosa, crystallina, & *Bilfo* ro-rifera, quorum substantia tenuissima & simplicissima est: quibus etsi situs ac numerus certus & determinatus nondum assignari potuerit, certum tamen est, in partibus corporis pluribus eadem reperiri, ut probabiliter satis inferri liceat, nullam earum, quæ sanguine arterioso fruitur, iis destitui; Ubi enim sunt glandulae conglobatae, necessario oriuntur lymphatica vasa. Maxima namque vasorum lymphaticorum pars oritur à glandulis, omnique inseritur nervus, pauca verò ab artubus & visceribus internis, quæ glandulis non sint connexa. STENO fanè affirmat in *Observat. de Glandulis & Musculis* pag. 40. & 44. quod quælibet lymphatica vasa cum glandulis suum habeant commercium, quodque omnis glandula suos habeat binos ductus lymphaticos, advehentes & devehentes, cui etiam MALPIGHIIUS de *Structura Hepatis* ad stipulatur, omnia quarumcunque partium lymphatica vasa ex glandulis conglobatis oriri. Sed probabile saltem videtur, nondum autem evidenter compertum est; quia ex pulmonibus e. g. ubi tamen nulla adhuc substantia glandulosa ab Anatomico ullo demonstrata fuit, eorum copia maxima emergit.

Ductus thoracicus chyloferus, uti indifferenter chylum & lympham vehit, ita hic quasi truncus communis est omnium vasorum lymphaticorum infra cor sitorum, in quem secedunt omnia vasa lymphatica partium inferiorum.

Vasis his lymphaticis *Bilfus* duplicem tunicam tribuit, quas postquam vasorum horum valvulae, motum lymphæ a centro ad peripheriam impediunt (contra quas hæcenus acriter satis pugnat) ipsi à *Ruyfchio* demonstratae fuerant, per schedulam in publicum emisit: cum verò illæ nulla encheirisi Anatomica inveniri hæcenus potuerint, in medio relinquo. Plura de vasis lymphaticis videbitis in specie in SYLVII *Differat. 5. & 8.* item BARTHOLOINO de *Vasis lymphaticis*, RUDBECCIO *Traët. de Vasis Hepat. & Glandul. Serosis*.

Præterea ratione usus specialioris, cui inserviunt glandulae, à *Warthonio* dividitur in has, quæ individui conservationi, & in illas, quæ speciei propagationi, inserviunt. Illæ reperiuntur in capite, scilicet glandulae pinealis, coronaria, glandulae choroides, putuitariae, lachrymales, parotides, narium, buccarum sublinguales & maxillares; aut circa collum, tonsillæ, jugulares aut thyroidæ; aut in thorace, thymus & œsophagæ; aut in abdomine, glandulae mesenterii, omenti, lumbares, pancreas, renes succenturiati, hepatis substantia, renum superficies exterior, ventriculi, intestinorum, ac vasorum biliarium interior facies, aut circa artus, sub axillis, inguinibus, circa flexuram cubiti & genu. Hæc vel maribus propriae observantur, scilicet testes & prostates, vel foeminis competunt, ut uteri substantiæ ac placenta uterinae intertextæ glandulae, harum corpora glandulosa collo matricis apposita, & mammae.

Structuram quod attinet glandularum, hanc in omni glandularum genere nil præter vasa (& horum contentos liquores) varie contexta constituunt, adeoque nil aliud, quam vasculorum nerveorum maxime exilium, canalibus suis excretoriis continuatorum, congeries sunt, ita ut nihil singulari cuidam substantiæ, vel carni, vel parenchymati simile in illis occurrat, nec alia intermedia substantia in illis adsit, sed vasa circularibus plicis, instar parvorum intestinulorum existentia, inveniantur, quæ ipsa aliis vasis rubicundis, arterioliis nempe & venulis, ornata sunt; prout talis structura in testibus præcipue, omnium consensu pro glandulis conglobatis habitis, item in renibus, quorum substantia parenchymatica dicta fuit, per quam manifestum est: vid. KING in *Actis Societ. Regia Anglican. p. 869. seqq.*

Quæritur ergo an inter glandulas Testes connumerandi?

Resp. quod omnes Glandulae similes sint testibus, ea nempe, quæ conglomeratae. Jam experimento Anatomico *Graeffii* sufficienter monstratur, testes nil aliud esse quam congeriem minutissimorum vasorum, quæ certo modo convoluta constituunt corpus testium. Cum igitur omnes glandulae conglomeratae habeant similem figuram, & convenient cum testibus, probabile est, omnes totius corporis glandulas esse congeriem minutissimorum vasculorum sanguifluorum, quæ certo modo invicem contexta constituunt corpus, ex quo provenit succus semilacteus seu chylosus.

Glandulae autem omnes, cum habeant cum vasis lymphaticis commercium, ita ut nunquam reperiatur vas lymphaticum, quod non ex glandulis ducat originem, patet; *Glandularum hunc esse usum*, ut præparent lympham, eamque præparatam per ductus certos aliorum derivent, & quidem per ductus lymphaticos ex glandulis conglobatis in venam axillarem sinistram; per ductus verò peculiare excretorios ex glandulis conglobatis in certam quandam cavitatem.

Glandularum similis structura similem in genere humorem ab iis emulgeri demonstrat, ita quidem, ut lympham omnium glandularum in genere in hoc conveniat, quod sit liquor aquosus spirituosus, ut plurimum acidulus; non tamè in omnibus idem emulgetur. Nempe glandulae præparent liquorem aqueum subtilem plus minus chylosum & spirituosum, adeoque sanguini, ut sic penitus contradistinctum; pro speciali tamen glandularum, præsertim conglomeratarum, varietate etiam diversum, non essentialem, sed accidentalem, indeque diversis usibus destinatum; unde etiam in uno loco pro eodem communi usu omnis infunditur. Sic essentialiter quidè convenit lympham quæcumque cum saliva v. g. & succo pancreatico: accidentaliter tamen pro diversitate glandularum in textura, in quibus elaborantur, differunt: unde etiam diversas functiones administrari apti nati sunt. v. g. dum alius usus est salivæ, alius lachrymarum, alius succi pancreatici, & sic porro, prout variant nonnihil dicti liquores ex distinctis glandulis oriundi. Conglobatarum verò lympham unica videtur & eadem, unde etiam in uno loco pro eodem communi usu omnis infunditur.

Conglomeratarum ergò glandularum liquor, prout eadem sunt vel laxioris & magis spongiosæ, vel firmioris & durioris texture, variat, ut ut omnis ex arterioso sanguinem immediate præparetur & secernatur. Illæ quidem quæ laxioris sunt structurae, maximam partem ex massa sanguinea, per arterias allata; serum magis lacteum seu lympham aut aquam imprægnatam chylo copioso spongiarum instar emulgent, quam suis canalibus evacuant in certam cavitatem, uti sunt glandulae mammae, quæ in sexu sequiori emulgent ex massa sanguinea lac, quod per suos ductus excretorios in papillam emittunt, ut pressu vel succu infantis eliciatur: & testes viriles, quibus emulgetur liquor semilacteus spiritibus animalibus turgidius pro materia genitura, qui sub coitus fervore à spiritibus ejaculatur & animatur. Ad has quoque pertinet *Tonsilla*, in summitate faucium consistens, *die Mandeln*: Nam hæc etiam emulgent & separant ex massa sanguinea lympham semilacteam, seu laticem aquosum chylo imprægnatum, ut ab ipso, concurrente saliva, lubricetur œsophagus pro usu deglutitionis, &c. Hæc verò, quæ firmioris sunt compagis, & poros habent angustiores: ex sanguine serosum saltem & subtilem laticem, eumque simul subtili sale volatili, vel falso, vel acidulo, plus minus manifeste, imprægnatum, conficiunt & separant, qui effunditur per vas suum excretorium, quales sunt parotides, glandulae lachrymales, &c. quæ emulgent ex sanguine lympham salisam pro continia oculorum humectatione, & vocantur *lachrymae*, uti oculi humectati promptiores sint pro motu in omnes situs differentias, & à tali lympham purificatur tunica cornea, ut eò magis sit perspicua ad instar chartæ bibulæ, sine aqua obscuræ, quæ si humectatur oleo, pellucida est: cornea autem non humectata non est perspicua. Ad has etiam pertinent glandulae salivales, pancreas, glandula copiosa in & circa laryngem posita, quales inter cartilaginem asperæ arteriæ annuli-formem consistunt, & lympham eructant in summitatem asperæ arteriæ, ut continuo aspera arteria humectetur propter formandam vocem, & illationem ab aere externo: Hinc si talis lympham est copiosa nimia oritur raucedo: contrarium est in febribus, ubi lympham pauca, vox nimis acuta & glauca. Hæc lympham, si est nimis falsa vel acida, asperam arteriam pungit, tussisque oritur sicca, & vox sonora. Pertinent huc etiam glandulae extra binas membranas pituitarias,

rias. superiorem scilicet post narium summitatem, & inferiorem post fauces sitas, de quibus membranis pituitariis videatur SCHNEIDERUS in *Tract. de Catarrhibus* l. 1. & vocatur Catarrhi; catarrhi enim oriuntur a lymphâ vitiosa acri.

Hæ sunt glandulæ conglomeratæ laxiores & firmiores, quarum lymphæ materia est ex sanguine; quibus ita in dictis glandulis secretis & præparatis liquoribus, à spiritibus animalibus per copiosiores vel insigniores nervos affluentibus, ad glandulas istas distributis, certa quædam alteratio, vel in operando efficacia simul accedere videtur; id quod latius ex animi pathematis facta alteratio illustrare videtur.

Hic fuit *Ufus glandularum*, de quo ex Neotericorum scriptis adhuc notetur, horum nonnullos, præsertim Anglos, v.g. *Glyssonium*, *Warthonium*, & *Charletonem* nervis glandulas inservire, suspicari, ita quidem, ut earum aliæ succum nutritium nervis ministrant, scilicet mesenterii, & lumborum; aliæ recrementa eorum excipiant, & ad venas reducant; v.g. renales, jugulares &c., aliæ excrementa illa e corpore planè proscribant, v.g. salivales, &c. circa quam tamen hypothesein notetur.

1. Nervis glandulas non omnes, nec primario, inservire, cum non omnes plexus nervorum adeo notabiles habeant, aut cum his notabiliter valde communicent, v.g. pancreas, glandulæ oculorum, &c.
2. A plurimis, imò ipsis Anglis, succi nervorum nutritii existentia in dubium vocata fuit. Imò
3. Dubitandum, an aliquid à nervis, seu de horum succo in glandulis fecernatur, ob rationes à COLE de *Secret. Animal.* p. 41. allatas.
4. Multò difficilius est, tantam sibi imaginari humiditatis excrementitiæ quantitatem per nervos advehi, quanta succus pancreaticus, saliva, &c. rejicitur.

Materia autem, ex qua componitur lymphâ, seu liquor glandularum, est idem latex aquosus limpidissimus, sed nutrimento rorido partium spermaticarum seu nervearum imprægnatus, ministerio glandularum ex sanguine collectus, & inde per vasa lymphatica ulterius in sanguinem derivatus. Huic ipsi liquori limido spirituofo in glandulis his conglobatis simul accedere videtur ex sanguine arterioso ad illos derivato subtilis, volatilis, acido salsus succus vel liquor. Aciditatem quidem lymphæ asserit SYLVIVS *Differat. 8. de Lympha*, BARTHOLINUS in *Cent. 2. Epist. 55. & 69.* item in *Centur. 3. Epistol. 87. 88.* Sed contradicit HIPPOCRATES de *Veteri Medic. t. 24. & de Natura Humana t. 6.*, qui quidem ejusmodi potentias salinas, adeoque aciditatem pariter corpori nostro, & præprimis hujus partibus fluidis inesse concedit; ita tamen eas in sanis mistas & temperatas esse asserit, ut secundum naturam sensiles non sint: imò si tales fiant, & à se invicem secedant, maximè lædant, quod de humore acido reliquos præcellente præprimis observatur, ut idem HIPPOCRATES *l. a. t. 42.* annotavit; sicut etiam gustus lymphæ acidus raro observatus fuit, & potius pro præternaturali habendus. Cæterum an hic latex solus constituat materiam lymphæ, non videtur probabile, sed puto, in hac lymphâ, per vasa lymphatica mota, simul condensari spiritus animales per nervos continuo allatos, quos omnes sub laboribus & exercitationibus absumi non convenit: licet sub vaporum forma multum evaporent, tamen non planè dissipantur, unde & excrementa de spiritibus his condensatis participant, quod probant curationes magneticæ & sympatheticæ, uti supra indigitatum Conf. SEGERUS in *Dissertat. de Quid sit & Materialymphe*, qui lymphæ maximam partem spiritus animales condensatos, & in aqueam naturam quasi redactos, constituit: in quâ sententiam etiam inclinât BARTHOLINUS *l. c.* Probabilius autem videtur, spiritus animales cum lymphâ, alimento partium aquosiore, se jungi & quasi condensari, simili ferè modo ac spiritus Chymici, e.g. Clyssi, spiritus nitri, &c. sub vaporis & fumi forma impetuosè erumpentes, admoto phlegmate seu aqua condensantur. Comprobat hoc ulterius analogia glandularum conglomeratarum cum glandulis conglomeratis, quæ & per nervos copiosiores recipiunt spiritus animales, & ex arteriis emulgent laticem aquosum, cumque eo simul aliquem succum subacidum; quæ tria simul conglomeratarum glandularum liquorem, v.g. pancreatis, maxillarum, &c. constituunt.

Sanguinis enim circulo correspondet circulus spirituum animalium, qui per nervos exportantur ex cerebro, & per

Ernmulleri Tom. I.

lymphatica vasa importantur sanguini, & de novo volatiliantur. Continuus sanè spiritibus animalibus est influxus, etiam in dormientibus, uno tempore tamen copiosius, altero parcius. Non autem providentiæ naturæ conveniret, ut omnes exhalent sine necessitate: ergò restitabunt in parte, vel potius cum alimento roscido tenuipre juncti & condensati per vasa lymphatica redibunt; unde diuturnior lymphæ quàm sanguinis motus existit, ita ut aliquot post mortem horis vasa lymphatica filo cōstricto adhuc intumescant. Ex quo patet, quod lymphæ hujus scaturigo non solum ab arteriis, sed nervis quoque petenda sit.

Quoad motum lymphæ, illa movetur vel cum sanguine, & sic per arterias à corde, tanquam centro, ad partes, ut peripheriam; vel à sanguine separata movetur vel à glandulis conglomeratis per ductus peculiare ad cavitates notabiles, v.g. ad os, ventriculum, &c. vel conglobatis aliisque forsan tertiæ regionis partibus per vasa lymphatica ad cor tanquâ centrum. Sicut ergò sanguinis motu, ob vasa obstructa, &c. impedito ejus fit stagnatio, hinc extravasatio, unde inflammatio; ita vasis lymphaticis obstructis lymphæ fiet stagnatio, hinc extravasatio, & serosa partis intumescencia, serosi tumores, hydropes particulares, v.g. abdominis, pectoris, hydrocephalus, &c.

Quod si glandulis in specie conglomeratis, p. n. affectis, lymphæ vitiosa fiat generatio, & nimia in partes effusio, oriuntur imprimis affectus catarrhales, existente tunc ut plurimum lymphâ nimis acida aut etiam nimis salsa, aut alio peregrino sapore depravata. Non enim membranæ sunt, per quas transsudat serum pro materia Catarrhi, uti vult SCHNEIDERUS in *Volumin. de Catarrhibus*; sed potius juxta membranas situatæ copiosè glandulæ, quarum excretoria vasa copiosè excreta catarrhū constituit, sunt origo catarrhorū, uti demonstrat STEPHANO in *Observat. de Glandulis & Musculis*. Neque etiam vapores ex stomacho exhalantes, & in capite, tanquam alembico, collecti, indeque depluentes causam catarrhorum constituunt: Sufficiens namque hanc opinionem SCHNEIDERUS in *loc. supra citato*, & HELMONTIUS, rejecerunt.

Hoc interim certum est, quod in affectibus catarrhalibus contumacioribus, aut sæpius recurrentibus, fomes mali aut quasi causa remota hæreat in stomacho, in ejusdem scilicet digestionem vitiatam; quando nempe alimenta in liquamen nimis aquosum & vitiosè acidum, aut vitiosè salsum, mutantur. Sic namque postmodum distributus talis chylus in corpus & copiosè & vitiosè nimis, nempe acide, lymphæ materiam subministrat.

Catarrhi vero lenitores, & ex tempestatis varietate subinde oriundi, ut plurimum externam agnoscunt causam, vitium nempe glandularum quarundam particularum, ibique elaboratæ lymphæ, ab aeris externi inclementia inductum, qua ratione tempore autumnali & hyberno Catarrhi frequentiores esse soleant. Prout ergò lymphâ variè vitiatâ varias infestat partes, variæ etiam Catarrhorum oriuntur differentie. Nam nares, ipsique vicinas partes infestans, dicitur *Gravedo*; infestans verò asperam arteriam, eamque nimis humectans, *Raucedinem* infert; si verò acrimonia sua nimia membranam ejus continuo irritat & pungit, quasque titillat, *Tussis* exinde catarrhalis oritur, & ea ut plurimum tempore vespertino; si artus infestat lymphâ vitiatâ communiter dicitur *ein Kalter Fluss*. Catarrhus externus, quo ipso citra sensibilem partis mutationem dolor acerbus eandem excruciat, aut etiam sensus ac motus partis hebescit, aut omnino tollitur, aut etiam sensus quidam formicationis percipitur, quæ symptomata ex tali lymphâ acri nimis, sæpiissime nimis acida, originem ducunt. Pertinent huc etiam affectus arthritici, nempe podagra, chiragra, malum ischiadicum, &c. quorum tormentans acidum, primò quidem in stomacho genitum, vehiculo lymphæ vitiatæ imprimis has partes occupat, quoties scilicet paroxysmi recurrunt, contento simul in istis partibus caractere morbofo singulari non raro per hæreditatem transplantato.

Ufus lymphæ in glandulis conglomeratis est, ut excreta per ductus excretorios in determinatas cavitates, vel loca, certis functionibus & alterationibus præsit. Sed quis sit *usus certus lymphæ*, in glandulis conglobatis elaboratæ, & sanguini in vena subclavia & axillari sinistra permixtæ, adhuc controvertitur. Ex Veterum sententia nullus aut exiguus est, cum illis excrementitiis creditus fuerit hicce humor: in genere tamen ejus propè cor cum sanguine undique refluxo commistio, & inde in & proximè cordi infusio, & inde in pulmones atque sinistram cordis ventriculum distributio,

certum quendam pro sanguificatione, sanguinisque revocatione & restauratione vitali in præcordiis usum arguit; quod lymphæ ascendenti ab inferioribus cum chylo in ductum thoracicum miscela, ulterius confirmat. Accedit & hoc, quod chylus lymphæ, tanquam ejus vehiculo, dilutus in ductu thoracico, facilius cum sanguine permisceatur, & cum eodem subigatur, & assimiletur; & quare aliàs à tam remotis locis tanto itinere omnis lymphæ, ex quibusvis glandulis conglobatis eò adscenderet, & sanguini speciatim isto in loco, infunderetur? Unde dicit SYLVIVS *Exercit. 8.* lympham, quatenus est succus subtilis spirituosus volatilis, disponere sanguinem certo modo ad eam fermentationem & spiritus ascensionem, quam in suo transitu per cor & pulmones patitur; simulque statuit, propter subtilem acorem effervescentem cum bile, sed falso. Potius dicendum, lympham spirituosam, acido-salfo imprægnatam, infundi cum chylo sanguini, diluere illum & fluxiliorem reddere, & simul materiam novam pro sanguificatione & sanguinis renovatione vitali suppeditare, eumque restauratæ fermentationi in præcordiis mediante aere aptiorem reddere, adeoque simul facilem ejus coagulationem impedire, dum præfatum sanguinem à capite descendente, spiritibus orbatum, ascendente verò sero aquoso spoliatum, tenuiorem & liquidiorum reddit, ut non ineptè CHARLETON *Exercit. 9. de Lympha Ductibus §. 8.* statuit.

C A P U T XVI. D E

Motu Sanguinis ad Corporis Circumferentiam, factaque ibidem insensibili Transpiratione.

Pertingit massa sanguinea ulterius ad totam corporis peripheriam extimam, ejusque integumentum cutim. Corpus autem nostrum in continuo est fluxu & affluxu, amittit jugiter copiosissimas particulas insensibiliter per cutim, (ut nihil dicam de iis, quæ sub expiratione pulmonali exhalant) id quod *insensibilis Transpiratio* appellatur, cujus incredibilem quantitatem, simulque pro varietate circumstantiarum varietatem, & consequenter insignem necessitatem, videbitis in *Medic. Statica* SANCTORII, & *suprà c. 3.* Circa hanc ergo consideranda venit:

1. Hujus *Transpirationis materia.*
2. *Vehiculum.*
3. *Organum,* &
4. *Modus quò fiat.*

*Vehiculum & materia insensibilis hujus Transpirationis à natura ordinate, est la: ex aquosus sanguinis, partibus ejus salinis volatilibus oleosis inutilibus, id est, tam superfluis & recrementosis aliisque sordibus præternaturalibus, quam diuturniori cum sanguine circuitu & fermentatione effectis, & quasi attritis, sufficienter tamen pro omnimoda Transpiratione mediante & repetita ista sanguinis fermentatione, & aeris inspirati resolutione, attenuatis & volatilifatis imprægnatus, sicuti saporem ejus salum pinguem, adeoque ex acido & alcali compositum, ex indusiis lixivio maceratis, Mechanica Chymica demonstrat TACHENIVS in *Hippocr. Chymica c. 12.* Lixivium enim absorbet acidum insensibiliter transpirans, & sal volatile liberatur. vid. *suprà c. 9.**

Maxima scilicet hujus pars crassior, minusque subtilis, uti cum urina sanguinis ablegatur: ita residua portio in sanguine, à sero ejus dissoluta, dum cum eo circulator per partes continentes, i. e. solidas, sapore suo salfo saponis instar abluit & abstergit nutrimentum harum roridum, non perfectè post accretionem cessantem assimilatum & coagulatum: (Vid. *cap. 3. de Nutritione*) quod irrorationis debita ubi defunctum est munere, successivè attenuatum & in salum conversum, à latice præterfluente simul abstersum, & jam diuturniore mora inutile, & quodammodo excrementitium redditum, hoc ipsum vel successivè per transpirationem insensibilem, vel confertim sudoris forma per poros cutis emittitur: adeoque uti digestionis primæ emunctorium sunt alvus & intestina, secundæ verò renes & vesica urinaria, ita digestionis terciæ primariò dicata est insensibilis Transpiratio, ut, ne aliquid sordium à nutritione remaneat, heterogeneum secundario insensibiliter simul per peripheriam corporis exhalet.

Nonnulli *insensibili Transpiratione carent*, ut indusia per tres septimanas pura permaneant Vid. *Acta Anglic. pag. 103.*

ubi talis modi deficiens Transpiratio insensibilis refertur, unde Anasarca, & indusium per 5. & 6. septimanas tritum puritate non cesserit indusium unum diem trito.

Organon insensibilis hujus Transpirationis est cutis, quam Lindanus & Horne duplicem statuunt, exteriorem scilicet nerveam atque porosam, & interiorem carneam quasi glandulis refertam; quam utramque etiam observasse videtur Massa, dum cutis laminam internam molliorem, externam duriorum, esse docet; ita ut ratione illius vulnus cutaneum celerius, hujus verò difficulter, & non nisi interveniente cicatrice, consolidetur.

Consistit autem cutis triplici lamina, quarum prima juxta *Malpighium* est *cuticula*, pellucida scilicet exterior tenuis ac densa, ex sanguis tamen, utpote vasis destituta, quæ cutis subjacentis substantiæ adhærescit, & ubi perforata, per poros suos sudoris vasculorum orificia ostendit. Hac sublata, apparet *Nassa seu Rete quoddam* tendinosum, ejusdem ferè formæ & crassitiei, ac juxta *Malpighium* media tunica linguæ, intra cujus foramina crebriora vascula sudoris & papillulæ nerveæ, cum illis a subjecta cutis lamina assurgentes, continentur, quæ in cuticulam, tanquam ultimum terminum, abeunt, ac Tactus organum constituunt.

Sub hac demum expansione *cutis substantia* propria ex triplici minutissimorum vasculorum capillarium, seu fibrarum genere, tanquam tot filamentis artificiosè constructa, ex capillaribus nempe vasculis (quæ ob exilitatem fibræ vocari possunt) venarum, arteriarum, primariò filamentis nervorum atque tendinum, utpote quorum fibræ præ cæteris copiosiores sunt, quorum respectu etiam cutis naturæ mixtæ, sanguineæ & spermaticæ seu nerveæ, imprimis tamen à quibusdam inter corpora tendinosa refertur, quæ inter se contexta rete quoddam, totum corpus investiens, constituunt: e. g. sicut linea contexta sunt ex duobus filis cruciatim contextis; sic ex fibrarum genere tegumentum hoc reticulare cutis, in qua præparata fibræ transversim apparent. Sub hac textura reticulari copiosè constitutæ sunt glandulæ parvæ ex conglomeratarum genere, ob exilitatem *miliares* dictæ, suis excretoriis vasis lymphaticis, exteriora versus ad cuticulam spectantibus, constructis, quorum orificiola insigniter cutis poros videntur constituere, per quos continuo emittitur secreta materia, ita ut poris singulis glandulas suas subjacere STENO observaverit, qui vid. in *Tract. Myolog. Specim. Geomet. ubi de P. scis Anatome*, item *Observat. de Musculis & Glandulis p. 46.*, MALPIGHIVS in *Tr. de Externo Tactus organo pag. 32. & 39.*, item BARTHOLOINVS *Cent. 3. Epist. 63. 67. & 68.*, PECHLINVS tandem *Tractat. elegant. & curioso de Purgantibus*. Nam hæ ipsæ glandulæ excretoriæ feri copiosioris transpirationis saltem, ac potiùs Transudationis, videntur fontes; quibus alias binas pororum exilissimorum & copiosissimorum differentias merito adnumerat PECHLINVS *de Habitu & Colore Aethiop. p. 87.*, per quos Transpiratio insensibilis imprimis contingit: nempe præter istos tubulos cutaneos ex singulis glandulis enascentes sunt aliæ *quedam via*, minus quidem conspicuæ, sed ad cutis pressionem, cuticulæque reduvias, lympham copiosè stillantes, quæ sunt oscula arteriolarum capillarium, unde ad aeris medicamenti, seu erosionem seu laxationem, humor in vesica colligi solet. Aliæ viæ sunt minima & indivisibilia corporis perspirabilia puncta, per quæ effluvia tantum minutim divisa nec solito coercenda, penetrant. Dictæ glandulæ miliares vix in sanis observantur; sub axillis tamen & inguinibus, præcipuè in iis, qui laborant anasarca, hydrope &c. conspicuæ sunt.

Quoad *modum insensibilis hujus Transpirationis*, hæ ipsæ cutis glandulæ & miliares ex sanguine, per capillaria vascula ablato, emulgent & separant copiosè partem ejus aquosam, particulis ejus effictis, & superfluis salibus oleosis acido-salvis, aliisque inutilibus, tum primariò massæ sanguineæ, tum etiam partium continentium, imprægnatam, quæ sub halituum per se invisibilium formam per vascula eorum excretoria excernuntur, dum simul similis materiæ per alios exilissimos poros cutis simili ratione & insensibiliter transpirat, adjuvante non parum tam calore ipsius corporis expirantis, quam etiam corporis ambientis. Quin etiam aer inspiratus, & fluidis corporibus permixtus, ut fermentativum motum intestinum, & hinc successivam absq; spissiori capite mortuo attenuationem eorum multum promovet, ita & Transpirationem insigniter adjuvat; simili scilicet modo, ac ex pulmonibus expir

expiratus, idem sub æstivo tempore multum effluviorum insensibilium rapere solet; ita idem fluidis corporibus permittus in cutis peripheria, quæ data porta, proruit, & ita transpirandæ materiæ motum ad extra faciliat. Exinde Respirationem ac Transpirationem certam ad se invicem proportionem habere rectè annotat PECHLINUS *Tract. de Alim. & Aeris Defectibus* p. 114. Nempe animalia calidiora ut respirationem habent vehementiorem, sic & Transpirationem copiosior. *Efficiens* ergo *Transpirationis* est vel *principale*, idque vel *remotum*, motus scilicet massæ sanguineæ circulatorius, mediante quo materia transpiranda tam ad cutim, quam per cutim, expellitur; vel *proximum*, fibræ istæ nervæ cutis, rete unâ contextentes: harum enim blanda constrictura, tam ex glandulis quam interceptis porulis & meatulis, materia successivè expellitur: Vel est *instrumentale* Transpirationis efficiens, idque vel *primarium* aer inspiratus, vel *secundarium*, calor; calor enim solus non sufficit, sed & aer, qui volatilifacit, & ad motum promovet. Sicut autem aer omnes humores resolvit, ita calor resolutos ad excretionem promovet; unde quò magis excrementa apta sunt ad resolutionem, eò magis resolvuntur ab aere, & quò magis corpus calet, eò magis transpiratur; è contrà in frigido minus solet exhalare insensibiliter: Contrarium videtur in cachecticis, ubi massa sanguinea volatilisationi apta non est. Transpiratio dicitur insensibilis, quia sine sensibilitate & insensibiliter fit; sensibilis autem Transpiratio dicitur sudor.

Quod si ergo massa sanguinea à quacunque causa resoluta velocius per universum corpus promoveatur, ideoque insigniùs quali turgescat, & intensius incalcescat, & ita simul attenuetur nimium, uti vel in exercitiis corporis, aut nimio ambientis calore; aut sub stragulis, aut post assumpta volatilia salina aut sulphurea contingit; *Sudor oboritur*, sub quo motu simul attenuatur latex ejus aquosus seu vehiculum sanguinis, qui copiosius dissolvit & imbibit salia heterogenea aliasque particulas recrementosas, per sanguinis fermentativum motum separatas, simulque dum per partes solidas circulatur, falsa ista acquisita lixiviali virtute mundificat eas, sordesque sub nutritione relictas abstergit: quidquid interea sub ista fusione & circulari hoc sanguinis, ejusque serosi laticis, motu defertur in vasa capillaria peripheriæ corporis, penetrat in glandulas miliares intercutaneas, per quas latex hic imbibitus confertim sub guttularum minutissimarum forma tandem extra corpus erumpit, quæ unitæ rivulorum specie demanant, quin etiam exterior cutis habitus ab imbibitione ista uberiore humectatus quodammodo turgere & intumescere videatur.

Requiritur ergo pro sudore fluidior & laxior massæ sanguineæ compages, unde in statu naturali, & ubi illa secundum naturam & mediocriter se habet, diaphoresis non guttatim fit, sed sub sensibilis Transpirationis titulo peragitur. Sudor hic si est nimius, nutrimentum roridum dum in sanguine adhuc fluctuat, & non ritè appositum carni, sed liquefactum, magis transpiratur: pituitosi è contrà difficilius sudant; sicut & frigus externum sudorem inhibet, non solum quatenus poros cutis stringit, sed & præprimis, quatenus seri consistentiam immutat, & hoc coagulat. In febrium principio & incremento, ubi humores adhuc crudi & minus secernibiles sunt, ejus planè nihil observatur: in declinatione verò morbi, tam universali quam particulari, ægri sudore quasi diffiunt, ob solutam nempe magis dictam massæ sanguineæ compagem.

Cum hac sanguinis dispositione sub Transudatione simul etiam habenda est ratio fibrarum nervearum seu tendinosarum cutis; harum enim relaxatio aut contractio multum, tam in promovendo quam impediendo transpiratu ac sudore, præstare solet. Quo magis enim hæ ipsæ tensæ ac contractæ sunt, indeque pori, tanquam meatus excretorii, contracti & angustati, eò parcius Transpiratio, paucus vel nullus sudor, elici potest; quò verò resoluta non nihil hæ ipsæ fuerint, & inde patentiores pori, contrarium expectandum.

Stringuntur autem frigore aut alia causa externa, ubi cutis irritatur, vel hujus pori sordibus obstruuntur; è contrà in moribundis relaxantur defectu spirituum, unde magis hiant pori & sudor sponte effluit.

Porro in cute considerandus ortus fibrarum nervearum. Ortus harum est juxta spinam dorsi ex copiosis membranis & substantiis nerveis, & antrorsum versus exporriguntur, à dorso usque ad partes anteriores. Linea reperitur,

Estmulleri Oper. Tom. I.

in cute media quæ è media progreditur frontè usque ad perinæum, quæ est quasi junctura cutis; hinc apud quosdam reperibile est vestigium in medio nasi, in quibusdam membrum bipartitum, ob commissuram maxillæ inferioris: patet hoc etiam in linea alba in abdomine. Cum igitur fibræ ex regione dorsi antrorsum versus porriguntur, sequitur quod *pori corporis habeant figuram obliquam*, quasi à dorso antrorsum porrectam; unde pro ratione figurationis dictorum pororum fit, ut pili talem figuram imitentur: in equis, canibus, &c. pili obliquè pergunt ex spina dorsi si antrorsum, & obliquo ductu feruntur.

Sicut autem modum sudoris secretorium à sola sanguinis circulatione, ut à causa interna, depromere convenit, cum pro celeritate & violentia hujus diversa, sudor modò copiosior, modò pareior, sequatur; ita ejusdem excretionem moles saltem propria intra glandulas coacervata præstat, quæ sero novo cedens per vasa excretoria prorumpit, utut probabile sit, eundem sanguinis impetum arteriolas pororum lateribus adstantes distendentem, sudoris excretionem aliquomodo juvare.

Anxiè autem inter Autores controversum fuit, an sudor naturalis generis excrementum sit? Quidam enim omnibus in corpore ritè dispositis, probeque digesto cibo, & si nihil externi vel violenti v. g. motus corporis, balnea, &c. accedat, nihil per cutem, quòd sensu percipiatur, excerni volunt. SENNER TUS in *Institut.* pag. 77. distinguit inter causam efficientem, seu expellentem virtutem, & ipsam materiam sudoris, adeoque illius respectu multos sudores præternaturales esse: hujus vero neutiquam, suspicatur: cui opinioni quoque SYLVIVS inniti videtur *Præf. l. i. c. 58.* dum, sicut vomitum, ita & sudorem, tanquam excretionem naturalem negat, sed aut nonnaturalem, aut præternaturalem, aut medicam, hancque vel artificialem vel criticam esse. Quæ omnia, utut experientiæ & rationi satis conformia sint, illa tamen infringere videtur neotericorum observatio de glandulis cuti intertextis, de quibus supra dictum, quæ tanquam organa naturalia serum superfluum secernunt, illudque sub forma sudoris è corpore eliminant; & per consequens excrementum naturale, tam materiæ quam organorum, secernentium & excernentium, respectu dici meretur, utut non semper sub sudoris, sed vaporis forma, nobis appareat. Sudor artificialis ad naturalem referri posse non videtur, quia medicamenti peragitur, quæ sunt res non-naturales; sicut criticus ad præternaturalem, sive laudabilis sit, sive minus.

Materia sensilis hujus *Transudationis* in statu naturali ex parte est eadem, quæ insensibilis Transpirationis, nempe salina volatilis oleosa; de qua vid. TACHENIVS in *Hippocr. Chymico c. 12. pag. 77.* saltem quòd copia majori excedat. Sed præterea, si sæpius contingat sudatio, tum ex massa sanguinea, sub sudoris motu nimis attenuata & resoluta, tum ex partibus solidis copiosæ partes utiles, uti etiam ipsum nutrimentum partium solidarum roscidum à colore absumptum, h. e. attenuatum & liquefactum ac dispersum, simul à sero falso absorbentur, & simul foras educuntur. Ut nihil dicam de partibus spirituosissimis animalibus & vitalibus in omni sudore per poros corporis apertos spontaneo motu præsertim erumpentibus, contra tamen naturæ vel voluntatem vel providentiam, quorum defectu non tantum vires tandem deficiunt, sed etiam materiæ illius unâ excretæ ratione crebrior sudor, ut in laboriosis, debilitat, simulque corpus emaciat, & exsuccum reddit, pinguesque eò valde attenuantur. Vid. *suprà c. 3. de Nutritione.*

De naturali autem statu tantummodò hæc intelligenda: Ast in statu præternaturali non tantum excrementa ista salina, aliæque sanguinis, uti & partium continentium heterogeneitates, auspiciatissimè cum sudore ita sensibiliter excernuntur; sed omnes heterogeneitates, quæ sanguinem obsident, sic foras emittuntur, quando scilicet eadem prius per fermentationem ex sanguinis arctiori miscela separatæ, & quasi præcipitatæ sunt: tunc enim ab aquosis partibus imbibitæ, vel spontaneo naturæ motu in declinatione morbi, aut criticè, aut non criticè, excernuntur, quòd etiam in fine paroxysmorum febrilium intermittentibus spontè contingit, vel medicamento diaphoretico, attenuata & liquefacta massa sanguinea, easdem excludit. Sic in scabie provocatur sudor, ut per hunc mundificetur massa sanguinea, dum per volatilia sudorifera rarefit sanguis, ut legitime provocetur sudor. Hinc in principio morborum acutorum atque febrium intermittentium,

dum nondum est facta excrenendorum istorum separatio, uti urinæ tunc apparent claræ & crudæ, ita tunc sæpius frustra, raro sine noxa propinantur sola sudorifera, magnamque excitant massæ sanguinæ fermentationem, eamque impetuosius agitant. Quod si verò præmittantur præcipitantia, vel addantur sudoriferis, sæpius speratus evenit successus.

Vti ergo *Insensibilis Transpirationis usus primarius* est, ut purificetur massa sanguinea, singulæque partes à particulis effœtis, & eatenus ab excrementitiis salinis oleosis, aliisque, ex necessitate materiæ in sanguificatione & nutritione pronatis, (quibus aliàs retentis, ex turbata massa sanguinea morbi universales, præsertim febres, immediate oriuntur; ex vitiata verò partis cujusdam solidæ nutritione morbi particulares, præsertim abscessus vel apostemata oriuntur,) puræ serventur, ita etiam *sudor primario est evacuativus & purificativus totius massæ sanguinæ*, & simul *absorptivus partium solidarum & continentium*, *secundario* verò est *accelerativus sanguinis motus circularis*, sanguinisque attenuativus & ventilativus, quo massa sanguinea prohibetur à coagulatione & stagnatione, & potius per transudationem valdoperè promovetur in suo motu per vasa capillaria; sicuti per accidens, si sit nimis est *colligefactivus* nutrimenti, & sic emaciativus, ob spirituum verò exhaustionem debilitativus. Hinc ij, qui crebrius sudant, non pinguescunt, & pinguis sudantes emaciantur, quia sudor nutrimentum corporis roridum copiosè evacuat.

An autem præcisè ex sanguine, an non quoque ex assumptis, ex primis viis, præcordiis, vel interioribus visceribus sudor etiam immediate prorumpat, ut acutè hoc urget *DEVSINGIVS* in *Exercit. de Depurat. Alim.* pag. 187. & in *Append. ejus* pag. 343, item in *Dissertat. de Lacte Sect. 2.* §. 63., id sanè non improbabile est, & ex eo concludendum quod quilibet probè calefactus, & haustum frigidum bibens valdè sudet, licet ob modi, quo id fiat, & viarum, per quas id contingat, ignorantiam res adhuc sit obscurissima. Fieri tamen potest aliqualis condensatio ex haustu frigido; in calore enim sanguis dissolvitur; si frigus advenit, serum quasi coagulatur & condensatur, & eò magis serum etiam separatur propter condensationem. Observavit etiam *Sal-muth* de quodam cerevisiam ingurgitante, quam propter saltandi exercitium præternaturale iterum transudavit: post jussula calida sudor est in tergo, post potum etiam frigidum sudor in toto corpore. Confirmat etiam *BARTHO-LINVS* *Centur. 4. Histor. Anatom. 66.* de quodam vinum rubrum bibente, & post crapulam manè exsudante.

Pergimus ad Facultates Animales.

C A P U T XVII.

D E

*Sanguinis ad Cerebrum Motu, Spirituum-
que Animalium Generatione
& Officio.*

Sanguinis ex sinistro cordis ventriculo in arteriam propulsa altera pars per arteriæ ramum adscendentem sursum fertur, & ex ramis axillaribus per duo insignia arteriarum paria, carotidum nempe & vertebraliū, ubertim cerebrum & cerebellum adscendit, in cuius medullam hæ arteriæ ramos quosdam hinc inde spargunt, maxima verò pars in minima capillaria divisa vasculæ ubique superficiem ejus densè irrorat, ita quidem ut extimam cerebri & cerebelli superficiem cineream, *Cortex cerebri* appellatam, & medullæ oblongatæ faciem externam sub tenui meninge, à qua omnes ejus anfractus arcuè investiuntur, ubique copiosissimæ arteriolæ subintrent, & per ipsam quoque cerebri concamerationem sub plexus choroidei nomine ferantur; à quibus etiam motu suo pulsativo cerebri cortici certus motus tribuitur, ut ex inflatione carotidum, qua nunc attollitur, nunc deprimitur cerebrum, patet: Vnde motus hic depressorius & subsultorius cerebro non est proprius, sed saltem ab arteriarum motu communicatus. Vid. *SPERLINGII Antropologia*: quæ omnes tamen ita sibi invicem inosculantur, ut sanguis ex carotidibus ad cervicales, & vice versa, item ex carotide ad cervicalem unius lateris ad alterius lateris ramum facile meare possit.

Arteriæ hæ paucis venulis, & per cerebri basin dispersis, implicantur, per quas sanguis denuò reportatur, & in sinus

4. duræ matris derivatur; qui, cum continui sint venis jugularibus (his enim inflatis inflantur) & sinus tandem per has in venam cavam omnem sanguinem refundunt: de quibus vasis Vid. *SYLVIVS in Dissertat. 4. Willisius in Anat. Cerebri cap. 1. & 3. & HIGHMORVS*

Cerebrum cum cerebello generali vocabulo *Cerebrum*, *ἐγκεφαλον*, vocari solet, cujus figura primo intuitu globosa videtur, ita ut quibusdam caput, medulla oblongata appelletur, eò quod cranii convexitati se accommodet, levi tamen encheirisi ita evolvi potest, ut in planitiem variis tantum protuberantiis ornatam abeat. Deprehenditur enim hac ratione cerebrum, *κατ' ἐξοχὴν* sic dictum, medullari sua substantia à duabus medullæ dictæ radicibus utrinque exsurgere, moxque per *corpus callosum* coalescere, à quo, ad verticem tendens, iterum in duo Hemisphæria dirimitur, quibus *processus dura matris faliciformis* sepimenti loco est. Hæc quaquaversum explicata, præprimis retrorsum, & ad occiput reflectuntur, ubi in limbos tenuiores delinunt, qui contracti & coarctati denuò medullæ oblongatæ truncum amplectuntur, imò cerebellum aliquo modo contingunt, non tamen nisi piæ matris hujusque vasorum beneficio illis connectuntur; ita quidem, ut ab anteriore corporis callosi parte processus quidam medullaris, *Fornix* seu *Testudo* dictus, emergat, qui sub septo pellucido (quod nihil aliud quàm dicti processus inferior & attenuata magis substantia est instar cujusdam subtense) ad eisdem cerebri limbos posteriores pertingit, cui duobus veluti brachiis expansis, quæ aliàs pedes *Hippocampi* vocantur, unitur, simulquæ medullæ oblongatæ truncum aliquomodo involvit.

Ex Veterum cerebri Anatomia, qua hujus globum transversim & in taleolos saltem dissecuerunt, ventriculi tres anteriores prodibant, quos pro veris cerebri cavitatibus, in ipsa medullari hujus substantia ex intentione primaria materiæ adornatis, habebant; cum nihilominus Neotericorum secandi methodo adhibita, ventriculorum duorum superiorum & lateralium conformatio, ex cerebri saltem limborum ad radices suas reflexione, & circa has convolutione, de qua jam dixi, dependeat; tertius verò fornici subtenus nihil aliud, quam priorum seu superiorum portio seu concursus sit.

Superficies cerebri exterior anfractuosa est, & convolutiones gyrosque varios habet, quò nimirum multum substantiæ medullosæ, multumque corticalis recipere, hinc spiritus copiosiores excipere posset, pari ratione ac pro longioribus intestinis mesenterio angustiori annectendis, hujus peristroma plicas plurimas sortitur, itaut secundarius saltem gyrorum illorum usus videatur, dum vasorum sanguiferorum distributioni tutiori inservire dicuntur.

Observabilis autem est in ipso cerebro ac cerebello duplex substantiæ diversitas:

1. *Corticalis*, exterior nempe subcineritia & mollis; &
2. *Medullaris* interior seu fibrosa, eleganter candida & solidior.

Corticem istum, qui ex sanguine, per copiosas arterias eò allato, loco coloris albicantis subcineritius est, ex copiosissimis glandulis minutulis, ovalis figuræ invicem contextis, constare, in quas insinuent se ista sanguifera, & ex quibus singulares ductus nervei delicatissimi candicantes oriantur, qui certo ordine invicem convoluti universam cerebri medullarem molem albidam componant, tandemque in nervos innumeros abeant, per quos, tanquam canales, spiritus in corpus distribuuntur; quæ ipsa postmodum à se invicem separata ac divisa, duplici tamen adhuc meningum membrana, quas *duram & piam matrem* seu *meningem* vocant, investita, spinalem medullam & nervos hinc inde distributos constituent, primus *MALPIGHIVS* asserit & ostendit in *Tr. de Structura Viscerum*, cap. de *Cortice Cerebri*. 1. & 2, item in *Epist. ejus ad Fracas-sar. de Cerebro*, & *WILLISIVS* de *Anat. Cerebri* cap. 10. atque de *Anima Brutorum* c. 4.

Adeoque corticalis cerebri & cerebelli substantia est glandulosa, imò ipsam glandulosam vocavit *HIPPOCRATES* de *Glandulis*; medullaris verò fibrosa seu striata est, quæ fibræ cum sui protractione in filamenta quasi tenuiora tandem in nervos abeant, continuata cerebri nervorumque adeoque eadem erit substantia.

Nervi hi, mox post sui à medulla oblongata emanationem, à piæ matris productione investiuntur, simili verò secun-

secundum *Willisium* ratione, ac à massa argentea inaurata omnia fila producta inaurataque prodeunt: adeoque quilibet nervus, præter substantiam medullarem, membranaceam quoque involvit, ex qua diversa substantia cum dura matre distincta quoque oculorum tunica tres derivantur.

Dura mater, quæ crassior & exterior, non solum totam cerebri ac cerebelli molem involvit, sed eandem quoque, ratione suorum processuum, in partem superiorem & inferiorem, item in laterales limbos, dirimit: quod dum facit, per unum latus sese insinuat, & ex altero denuò emergens, intra duplicaturam suam cavitates 4. notabiles relinquit, *ventriculos* cerebri seu duræ matris communiter dictas, quibus *Sylvius* tres minores, primo, secundo & tertio respondentes, addidit.

Hi sinus, cum cerebri receptacula venosa existant, ita dispositi sunt, ut sanguinem à qualibet illius regione fluentem excipiant; ideoque duos eorum illa duræ matris portio format, quæ cerebrum à cerebello juxta tractum futuræ lambdoideæ distinguit: quorum dexter primus, sinister secundus audit: tertius insculptus est processui fal-ciformi, cerebri partes laterales dissepienti, qui, quoniam sub sagittali per processum dictum ad eos ethmoides pertingit, longitudinalis appellatur: quartus verò è ramis binis venosis circa glandulam pinealem coalescit, unde ductu simplici & brevissimo termino falcis latiori, ubi *torcular Hierophilianum* supponitur, implantatur. Atque hi sinus 4. illos minores, si adsunt, excipientes invicem communicant; modò, ut juxta *Sylvium*, tertius in lateralem dextrum, & quartus ad sinistram hiet; intermedio tandem canali laterales ambo junguntur, in venas illas jugulares internas abeuntes: modò ut omnes 4. extremitatibus suis in puncto uno coeant, & concursu suo *torcular Hierophilianum* formant, quod tamen per laterales ad venas jugulares pariter se exonerat, ita ut singuli nihil aliud, quàm venarum harum continuationes sint.

Altera cerebri & cerebelli membrana, *pia mater*, hujus molli arctius adhæret, ita ut non sine magno labore, & vix sine laceratione, ab ejusdem substantia avelli queat; imò in omnes anfractus se insinuat, horum intima succingit, & summitates colligat; intertextos sibi gerit plures arteriarum plexus, eum in finem, quo vasis his per anfractus cerebri dictos dispersis, ad omnes corticales cerebri & cerebelli partes aditus liberior & sufficiens concederetur.

Diductis leviter cerebri hemispheriis substantia albicans mox apparet, *corpus callosum* dictum, in qua utraque illius medietas convenit & quasi fundatur, quæque faciem cerebri totam internam obducens totius substantiæ medullaris hujusque propaginū nervosarū collectio, per quam cerebrum à binis medullæ radicibus utrinque assurgens coalescere supra dictum, videtur: unde etiam fit, ut durior, quam quævis alia cerebri portio existat, ac nomen corporis callosi receperit. Hoc parte sui inferiore, qua ventriculo tertio opponitur, attenuatur, & *septum pellucidum* format, qua parte sui superiore, ex prima *Sylvii* observatione, hiatu gaudet, hoc, licet tenuissimum, interdum in laminas duas dirimente.

A medullæ verò oblongatæ parte postica, & cerebello, separatis & reclinatis cerebri limbis, corporis callosi interior superficies cum medullæ dictæ radicibus, hujus protuberantiis diversis, conspicitur, ventriculi verò cerebri tres superius annotati in unum inane spatium degenerant. Radicibus medullæ oppositæ sunt *prominentia lenticulares*, corpori calloso immediate affixæ, & *corpora striata* dictæ, eò quod si per longum secentur, substantia earum interior per totum striata appareat, h. e. striæ medullares & albicantes plurimæ à corpore calloso ad medullam oblongatam descendere, & canales spirituum animalium exhibere, horumque surculi minores in ramos majores abire videntur, quamvis & reliquæ cerebri & medullæ oblongatæ partes, corpus scilicet callosum, thalami nervorum opticorum, nates & testes, illis gaudeant, modò manu circumspecta satis substantia earum exterior abradatur.

Ipsa autem medullæ oblongatæ crura spatium aliquantum divisa ad posteriora tendunt, usque dum pone infundibulū in unum truncum conflentur: quod antequam fiat, in protuberantias inæquales assurgunt, ex quarum parte infima *Nervi optici* oriuntur, unde etiam thalami nervorum opticorum dicuntur, & ubi aliæ 4. eminentiæ, *nates* & *testes* dictæ, trunci inferioris superficies medullaris, accrescunt, quæ parte quidem sui superiore sibi contiguæ, imò forsan continuæ sunt, reliquæ verò cavitatem quandam relinquunt, quam

alii ventriculum quartum dixerunt, *Sylvius* accuratius transitum ad ventriculum quartum pronuntiavit. Communiter protuberantiæ hæ pro cerebri & cerebelli binis, utrinque & ad se invicem reflexis, cruribus habentur, quæ medullam oblongatam constituunt; quia autem cerebrum longè ante hæ corpora medullæ oblongatæ affigitur, neque inter hæc & illud communicatio aliqua immediata intercedit, sententia hæc admitti nequit, & partes hæ peculiarem quoque quandam regionem formare videntur.

Interim prominentiæ posteriores anteriorum Epiphyfes sunt, à quibus processus quidem medullares cerebellū utrinque cōscendunt, ita hos interfecantes rectà à cerebello descēdunt, trunco tamen medullari non implantantur, sed hunc circulariter ambientes protuberantiam orbicularem dictam producant, in homine majorem, quàm in nullo animali:

Super prominentias explicatas, quæ casu quasi formatur cavitas, duo foramina recipit, quorū unum anterior illa fissura est, quæ prope fornicis radicem exsculpta, deorsum ad infundibulum idem deducit; alterum posterius membrana vestitur, quod sub natibus & testibus ad idem infundibulum tendit; quibus tertium quoddam addi potest, quod à confinis cerebelli pariter ad infundibulum serositates admittit.

Super eminentias easdem, & super rimam anteriorem, *Glandula pinealis* collocatur, quæ per fibras exiles, nunc per duas radices notabiles medullares, illis affigitur, capsula tenuissima, à pia matre oriunda, vestita, supra quam *plexus Choroides*, tanquam tabulam, suspendi videtur. Est autem plexus hic nihil aliud, quàm vasorum sanguiferorum congestio quædam, glandulis interfecta, cujus arteriæ à coalitu carotidum & vertebraliū ramorum propullulantes versùs glandulam pinealem evehuntur, ubi è sinu quarto super eandem glandulam demisso, propagines venosæ iisdem obviæ fiunt, & intervenientibus pluribus anastomosis plexus admirandos formant; qui velut alis duabus expansis utrinque super medullæ oblongatæ crura usque ad corpora striata protenduntur, ita tamen, ut his non implantentur, sed superficiem tenus saltem insternantur.

Denique in eadem cerebri basi, propè nervorum opticorum coalitionem è tertio ventriculo inter medullæ oblongatæ crura dehiscencia, receptaculum quoddam tubulatum, parte superiore latius, inferiore angustius, ob id *Infundibulum* dictum, descendit, membrana tenui, à pia matre exorta, obductum, & intus substantia medullari succinctum; hujus tubus angustior perpendiculariter demissus glandulæ pituitariæ implantatur, quippe tertio ad inferiorem canalis hujus terminum ossis cuneiformis medio, quod *selham Turcicam* vocant, in homine *glandula* duæ (in brutis unica saltem) apparent, *pituitaria* dictæ quod à cerebri ventriculis serum defluens excipiant, & aliorum, scilicet ad massam sanguineam, ducant. Tandem infundibulum & crura medullæ oblongatæ coalescunt, & parte trunci sui posteriori cerebellum adnatum excipiunt, quatenus processus ab hoc dimissi aut illum circumdant, aut eidem inseruntur.

Connectitur siquidem cerebellum medullæ oblongatæ, cui insistit lateribus per duos quasi pedunculos, inter quos, cerebellum, & truncum medullarem cavitas formatur, quæ *ventriculum quartum* communiter vocant, à quo alveus quidam *Sylvio* dictus, ac membrana tenui tectus, ad infundibulum tendit. In utroque autem pedunculo minuto, *Willisio* observante, tres distincti processus medullares observantur, quorum duos priores supra explicavi, tertius verò è posteriore cerebelli regione descendens medullæ oblongatæ oblique inseritur & hujus chordæ additionalis evadit.

Cerebelli verò ipsius structuram quod attinet, hoc non nihil globosum, aliquantulum tamen depressum est, ita quidem ut ejus anfractus non modo tortuoso & incerto, prout in cerebro, se habeant, sed serie quadam ordinata magis disponantur, & ipsius compages exterior ex lamellis seu circellis complicatis & parallelis constare videatur, quibus vasa sanguifera & processus piæ matris interjecti sunt, qui horum summitates æquè ac anfractus cerebri tortuosos colligant. Tota ejus moles in *processum vermiformem* duplicem terminatur, pariter ex tessulis seu orbiculis plurimis conflatum, & in cavitate cerebellum & medullarem truncum habet absconditum: insimul ut tamen circa posteriorem medullæ oblongatæ partem, ex eodem cerebello protuberantiæ aliæ globosæ, & quasi tubera circellis minoribus prædita, in utroque latere binæ, raro trinæ, assurgant, quas *pontem cerebelli Varolius* appellavit. Aliàs *cerebelli substantia duplex* pariter ac cerebri de-

prehenditur, scilicet *Corticalis* ac *Medullaris*, quarum hæc interior ad exteriorem frondes quasi spargit, seu per hanc instar arboris ramificatur. Tandem quemadmodum cerebrum intra anfractus suos miras sanguiferorum vasorum reticulationes admittit, ita cerebellum quoque iisdem præprimis ab arteriis vertebralibus, & sinubus lateralibus contextis, gaudet.

Substantiæ talis cerebri diversitas diversum etiam usum innuit; qui tamen in hoc conspirat, quod nempe earum usus sit, spiritum animale suum modo conficere.

Dari autem quendam spiritum, ab officio *Animalem* dictum, hoc est, sensus & motus animalis primum Autorem, in cerebro primitus scaturientem, & hinc mediantibus nervis, juxta filamentorum & pororum seriem undique distributum, hic præsupponimus, cum videamus v.g. nervo dissecto sufflammini influxum seu irradiationem spirituum animalium, & perire membri infra sectionem sensum pariter ac motum. Objectiones autem contra spiritum animale discussas videbitis in *ROLF INC II Exercit. Anatomicis*, quæ optimum ejus scriptum sunt. Constituant hi ipsi primario Animam animalium tam brutorum quam hominum sensitivam, (excipiendo tamen *Animam rationalem*, quæ in homine adhuc superior est, cui tamen cum œconomia corporis vitali ac animali, quatenus tali, nullum est commercium) suntque primi Autores actionum animalibus propriarum, tam in operationibus modo dictis, quam in genitalibus etiam; quæ utut sint variæ & distinctæ, determinatur tamen modo dictus spiritus animalis specie & essentia unus, adeoque in se consideratus ad varias adeo actiones obeundas indifferens, pro varia partium organicæ dispositione & proprietate, ratione cuius nunc in hac parte hanc functionem, in alia aliam, perficit. Nam ipse, qui v.g. movet musculum, & pedem per musculum, aut qui in lingua dicitur gustare, is conferret suo modo ad visum: si esset in oculo; aut deglutitionem promoveret, si esset in œsophagi musculis, & sic consequenter in aliis: sicuti unus aer diversos sonos pro varietate & formatione fistularum efficit, ac ab una aqua variæ machinæ moventur, ita & unus spiritus pro organi varietate diversas edit functiones. In operationibus quidem externis, quas per motum exercet, nempe in instrumentis sensuum, magis passivè se habet, quatenus fibras in tensione conservat; in instrumentis enim sensuum, recipiendo, objectorum sensuum per organa mota impressiones, sensus instrumentum est; sed quoad operationes internas, & inde dependentem motum animale magis activè se exhibere solet.

Generari hunc spiritum in cerebro ex sanguine, & cerebello, & quidè parte hujus corticali, indubium est, cum nulla adsit materia alia pro constituendo eodem; & quidem sanguinis partem subtilissimam volatilem; quæ spiritus vitalis dicitur aliàs, esse id, quod in cerebro transeat in animale spiritum, asseritur, non per modum novæ cujusdam elaborationis, fermentationis, aut transmutationis in cerebro perficiendæ, sed ex mente Cartesii per nudam ac simplicem separationem, & subtilissimam quasi filtrationem quandam, dum spiritus salino sulphureus volatilis, forsân & lucidus, sanguinis fermentatione intestina à sanguine in cerebri cortice separatur, & ita solus ac purus, indeque vegetus existens, & cerebri medullam undique replet & permeat, simul etiam membra cætera influxu suo actuat, eaque ad sensum & motum disponit, hosque varios, prout ubique particularem organorum characterem suscipit, & proprietatem induit.

Speciatim verò cortice glanduloso mediante spiritus volatiles sanguinis, Vitales dicti, separantur à sanguine: per harum enim glandularum poros subtiles nil transit, quam hæc substantia: Latex autem sanguinis aquosus à glandulis absorptus aliorum fertur, & sic lucida sanguinis substantia penetrat per corticalem in medullam. Istius separationis modum optimè quidem expressisse videtur *SYLVIVS in Dissertat. 4. de Cerebro §. 29. VVILLISIUS in elegantissima Anat. Cerebri c. 9. p. 68. & Tractat. de Fermentat. c. 5. pag. 10. & 19.* per modum nempe subtilissimæ agillimæque filtrationis, & quasi accuratæ per serpentinos ductus destillationis, qua partes sanguinis spirituosæ activæ & mobiles ex carotidibus cerebro, ex vertebralibus verò in cerebello; per eorum corticem glandulosum agiliter penetrando, transeant in cerebri medullam, sanguine ipso, seu crassiore corpore; ob pororum angustiam, cum vehiculo ejus aqueo, ob pinguiorem & oleosam quasi cerebri substantiam, exclusis, quæ partim in venas, partim in glandulas abeunt: hinc quidam cum *VVillisio*

non inconcinne comparant cum destillatione spiritus vini per spongiam oleo impregnata, qua tantum subtilissima pars per olei poros transit, & sic quoque sola substantia sulphurea lucida transeat in cerebrum. Vnde necesse est, emergat substantia spirituosæ, subtilis, volatilis, facillimè mobilis, & ut *VVillisius* asserit, lucida, in statu naturali scilicet si sit constituta. Spontaneum tamen ascensum sanguinis subtilioris ad superiores partes atque caput refellit circulatio sanguinis.

Separatur ita in cortice cerebri glanduloso spiritus, & agillimè penetrans in ipsam substantiam medullarem, in hac ipsa, seu regio palatio, spiritus dicti volatiles luminosi, *Animales sunt appellandi*, debitibus motionibus, expansionibus & agitationibus, & inde per nervos in omnes partes radios, emanationibus, & operationes animalibus proprias, sensus nempe, in specie internos, & motus, perficiunt.

Est adeoque hic *Spiritus animalis præsens omnium functionum animalium in sensu & motu constitutarum*; qui sensus, uti duplices sunt, *externi & interni*, ita etiam duplex motus eos insequitur: *Internus* qui pathemata seu affectus constituit; & *Externus*, qui localem solidarum partium motum perficit. Præter quos usus, quia etiam nutritioni, generationi, & variæ humorum corporis in crasi alterationi simul conferant, ex supra dictis hinc inde notum erit. Quia verò omnes hæc functiones cum spirituum horum motu ita coincidunt, ut his quiescentibus, vel quacunque de causa non motis, haud contingant, manifestum est, formalem eorum activitatem in motu continuo, & ut vocant aliàs, non interrupto influxu, seu potius in continuo nixu ad motum, adeoque insigni vi elastica consistere, qui qualis sit nixus, & unde dependeat, merito inquirendum est.

Et quidem, cum spirituum horum exercitus Animæ sensitivæ rationem proximè constituat, hujus verò hypostasis per totum corpus æqualiter expansa sit, cum omnes partes hac ipsa plus minus gaudeant, etiam spiritus animales, seu illam constituentes partes, continuata quadam, non interrupta serie undique diffusi & sibi invicem coherentes erunt, ita ut non opus sit spiritus numero eisdem ab una nervi extremitate ad alteram demum profilire: Vnde accidit, ut spiritus animales eodem momento moveantur in nervis, organo cuilibet sensibili vel musculo implantatis, quo moventur iidem in cerebro circa primum nervorum principium, pari ferè ratione atque Solis aliisque luminis radii in instanti quasi transvehuntur ad oculum, propter continuam materiæ luminosæ seriem inter oculum videntis, & corpus luminosum, per modum lineæ rectæ dispositum, ut moto uno extremo moveatur & alterum: propter quam Analogiam Veteribus spirituum animalium motus *Irradiatio* quædam, aut *ἐκτινω-βολισμός* appellatus fuit, quodque irradiando ex cerebro per nervos influant. Cum enim nervus à suo principio ad finem usque continuus sit, & spiritus animales ut supra monitum, continuata serie in iisdem hospiti tentur, fieri aliter haud potest, quin moto spiritu, qui residet in nervo circa cerebrum, necessario etiam spiritus in nervo circa sensorium quoddam vel musculum incola, simul moveatur; & contra, moto spiritu in sensorio, simplici & recti lineæ percussione, spiritus in nervi istius principio itidem moveatur. Quod autem parva mutatio in ipso principio facta multiplices & magnas in extremo faciat differentias, non est obscurum, ut temone paulum translato magna prorsus sit transpositio: Vid. *CHARLETON in Oeconom. Anim. Exercit. II.*, & *SANCTORIVS in Commentar. in Avicenn.* contra eos, qui nuda quadam irradiatione à cerebro partes ita disponi asserunt, ut aptæ fiant ad percipiendas sensuum objectorum impressiones, & ex sequendos debitos motus. Vno nomine: huius est de lana caprina, oritur ex non rectè percepta natura spirituum animalium. Spiritus animales se habent instar subtilis luminis. Per lumen autem intelligo substantiam materiale subtilem, ubique diffusam: ergo spiritus animales materialiter irradiant corpus, & materiali suo influxu vigorem huncce partibus tribuunt.

Primum radiativi hujus motus in cerebro & cerebello principium, præter vim ipsorum spirituum elasticam, qua continuo se expandere & undiq; dilatare nituntur (qua ipsa etiam fibras partium indebito tono sen continua tensione ad sensum & motum per quam necessaria conservant) plus minus tamen pro ipsorum spirituum materiali constitutione varia, à calore corporis animalis simul aucta, querendum est in arteriarum, omnes cerebri anfractus subeuntium, & speciatim corticem copiosissimè investientium, pulsu, & indice cerebri ipsius motu pulsatili, ejusque reciproca dilatatio-

ne aliquali & hinc spontanea subsidentia, ita quidem, ut sanguis, ex quo secernuntur spiritus, impetu, & cerebri dicti motu, spirituum anteriores à subsequenter continuata quadam serie, & successione protrudantur, quibus mediis & ipsi spiritus volatiles in cerebro scaturientes non saltem in continuo ibidem persistant motu, sed etiam successivè ad nervorum principium propelluntur, & inde in universam corporis machinam derivantur.

Ab hoc autem spiritu animali & sentiendi habemus potestatem & movendi activitatem, cum ratiocinationis sublimiore actione, in qua ut spiritus animalis verè & soli animæ, nempe rationali, tanquam principali agenti, instrumentaliter inservit, ita pro ejus spiritus varia constitutione non tantum in latitudine sanitatis diversitas operationum animalium in singulis individuis observatur multiplex, sed etiam in constitutione morbosa variæ in sensu & motu, quin & intellectus operationibus, læsiones oriuntur.

Sed quoad sensus internos, non sine idearum compositione explicabiles, aut ruditer saltem cognoscibiles, ipsique consequentes affectus, quomodo hoc spiritu vel obeantur vel adjuventur, res adhuc intricatissima est.

Naturalis autem spirituum animalium diversitas ex varia crasi & mistura massæ sanguineæ, & hinc diversa constitutione cerebri dependet: prout enim diversa est massa sanguinea, diversi etiam emergunt spiritus, tam vitales quam animales. Quoad cerebrum, variat hujus constitutio, tam secundum compositionem seu texturam materialem, quam conformationem mechanicam: Quoad compositionem materialem, præter constitutionem seminalem sub generationis primordiis natam, multum varietas ejus dependet à sanguine & spiritu influo; variata enim hic ejus nutritione & naturali textura, plures aliæ proprietates, qualitates dictæ, & inde emergens temperatura in caliditate & humiditate, siccitate & mollietate, &c. variant: sicuti in ipsa conformatione mechanica ratione pororum, meatuum & ductuum diversitas deprehenditur, quæ omnia spiritum animale, & ejusdem constitutionem, generationem, distributionem & motum, variant: hinc ista in actionibus animalibus insignis differentia Cholericorum, Melancholicorum, &c. ex quibus ingeniorum diversitas deducenda. Ergo spiritus infiti, animales plus minus vitiose geniti, & præternaturaliter alterati, unâ cum organorum coporeorum tam cerebri, quam aliorum varia constitutione, quasvis læsiones in sensu & motu inducunt.

Affectio communis animalium, ratione spirituum animalium motus, ipsis conveniens est, *Vigilia & somnus*: nempe si dicti spiritus animales indebita quantitate & subtilitate, blando & moderato, eoque ordinato motu naturaliter agitentur, seu undique radiant, indeque cerebrum implendo quodammodo expandant, & ita ex eodem secundum filamentorum, cerebri medullarem substantiam constituentium, ductum, continuato quasi rivulo aut radio in corpus & omnia membra scaturiant, ordinatum omnium actionum animalium, nempe sensus & motus, sequitur exercitium, i. e. *Vigilia*; *Vigilia enim sunt exercitium sensus & motus*. Occasione hujusmodi expansionis in cerebro, in anima rationali formantur certæ ideæ, ratione quarum fit intelligentia. Sin verò spiritus ab aliis quibuscumque objectis, venenis narcoticis, &c. vel perturbati, aut irritati, vel à nimio calore agitati, ut in febribus, inordinato, vago, & subinde impetuoso in cerebro motu feruntur, exinde *mentis perturbatio & deliria* varia, non tamen diuturna, oriuntur, ut in paraphrenitide, item inebriis, apparet: in partibus verò cæteris & musculis perverso & præternaturali inordinato motu variæ gesticulationes, spasmi, aut varii convulsivi motus, subinde mirabiles producuntur, ut in punctura nervi contingit: hinc in animali violenter necato ultimo impetu convulsiones, uti videre licet in gallina. Dixi deliria fieri in hominibus ex perverso ac inordinato spirituum animalium motu: nam functiones ratiocinationis dependent suo modo à spirituum animalium motu, quatenus nempe hujus occasione Anima rationalis diversos conceptus, & ideæ, sibi fingit. Prout ergo fit iste spirituum motus vel ordinatus, vel inordinatus, etiam ipsæ mentis ideæ seu conceptus vel ordinati erunt, vel confusi & vagi; unde ibi legitima ratiocinatio, hic confusa mentis perturbatio, h. e. delirium, superveniet: Unde bruta non delirant: *Delirium est læsio ratiocinationis*. Et quidem ex horum spirituum animalium, & hinc à cerebri constitutione varia, tum quoad conformationem, non tam externam sensilem, tum

quoad materialem texturam, aliàs Temperiem dictam, derivanda venit diversitas ingeniorum: Hinc etiam his circumstantiis, plus minus ætate vel morbo mutatis, plus minus etiam in eodem subiecto variat ingenii habitudo. Hinc quorum spiritus animales sunt lucidi, clari, paulò subtiliores, volatiliores, celerius & agilius moventur, in his est *subtilitas* seu *acumen ingenii* (quatenus nempe hoc in corpore humano à spirituum animalium motu, & sensibus internis, dependet) & alacritas singularis in corporis actionibus & promptitudo; sed tales ob nimiam spirituum volatilitatem & subtilitatem, indeque insignem in varios non raro inordinatos motus aptitudinem, simul tamen etiam facilem eorum absumptionem, & dissipationem, *Inconstantes* partim, partim etiam *Impatientes*, sunt, quia varia phantasmata sibi fingunt; horum enim spiritus sunt ignei, ad actiones prompti, sed inconstantes & versatiles, hinc *versatilia* oriuntur *ingenia*. Quibus si constitutio cerebri mollior vel durior, indeque vel flexilior vel rigidior accesserit, ibi *inconstantiam*, hic verò majorem *perinaciam* efficiet, uti v. g. in Gallorum, & sic dictorum Cholericorum ingenii patet. E contra quorum spiritus sunt puri quidem & lucidi, non tamen adeo subtiles ac agiles, indeque blandius & tardius, ordinatè tamen & legitime, moventur, sunt *ingenii acuti & accurati*, sed *tardiusculi*, cum quadam pertinacia, simulque in judicio & omnibus actionibus autoritas quadam & maturitas, constantia & patientia, nec non gravitas in moribus est conspicua: tales sunt Hispani & Itali, item ii, qui dicuntur esse naturæ aliquantulum melancholicæ naturalis. Quorum verò spiritus animales non sunt lucidi, sed nebulosi & obfuscati; hinc torpescunt nimis, minus sunt agiles, &c. hi sunt *tardi, somnolenti, lenti* in progressu, ordinarius *stupor & hebetudo* ingenii cum actionum reliquarum torpore obvia est, ut in phlegmaticis sic dictis, item in rusticorum gente, & nimis melancholicis manifestum est: In tali casu spiritus excitandi sunt; unde choreæ, facetæ conversationes, jucunda mulierum consuetudo, &c. Melancholicos alacres reddit, agitando nempe & subtilizando spiritus. Et in hoc puncto consistit fundamentum diversitatis ingeniorum. Ingenium quasi ingenitum, i. e. Ratio judicandi de rebus est dependet primo à puritate spirituum, & deinde cerebri conformatione externa & interna. De ingenii humani varietate vid. BAROLAJUS, OTTO NEUHUSIUS, *Belga, in Theatro Ingeniorum*, JANUS HUARDUS *Hispanus, in Tract. Scrutin. Ingeniorum* & ÆSCHATIUS MAJOR, *Transalpinus*. Hi scripserunt de hac materia: *Barclajus* tractat historica & experimenta styli: *Neuhusius* prolixè, præter historica, varietatem ingeniorum considerat secundum varietatem climatum annorum, quas describit in *Phys. Histor.* 3. est *Tractatus Physico-Medicus* elegans & jucundus; in hoc autem labitur, quod ubique insistat fundamentis Aristotelicis & Galenicis, secundum cerebri temperamenta.

Quod si animalium spirituum vigor naturalis non nihil torpeat vel ob deficientem quantitatem, vel ob deficientem subtilitatem & agilitatem, indeque remissiùs & quasi tardius moveantur & influant, sensus quiescunt, & alta quies occupat membra, h. e. somnus obrepit, supervenit cessatio sensibilis sensuum externorum & motionum, non deficiens in totum, sed in tantum; non enim *planè defraudate sunt partes corporis spiritibus animalibus in somno, sed hi remissiùs tantum influunt*, & pro operationibus non sufficienti; si dormientes pungit culex, pedem movent, & sic spiritus dormientibus sunt præsentis, sed non illi ipsi sufficientes, & quia non adeo agiles & subtiles, non adeo facile objectorum sensilium recipiunt impressiones.

Causa ergo somni est

1. Quando spiritus deficiunt, exhausti nempe ob evacuationes nimias quasvis, & animæ atque corporis labores, spiritus absumentes, hinc eorum agilitatem turbantes; ut ut hæc in subiectis illis potius agant, quæ jam dum ex quacunque causa, v. gr. à senectute, scorbuto, &c. spirituum defectum aut torporem patiuntur.
2. Quando sunt torpidi, & difficulter tardeque mobiles, quod fit ferè duplici ex ratione; *vel* (1) *ob cerebri aliqualem humectationem* sub ejusdem nutritione: dupliciter enim cerebrum humectatur, à succo nempe nutritio, & deinde à sero, aut ex continuo spirituum, ex sanguine in cerebro, in vigiliis generatione, cum quibus sensum aliquid aquosi simul destillat in cerebrum, unde spiritus similiter non

tan-

tantum humidi & aquosi sunt, indeque impuri-
res, sed etiam ex infarctis poris iidem à solitis ex-
pansionum tractibus & orbitis pro isto tempore im-
pediuntur: Vid. WILLISIUS in *Anat. Cerebri* p. 84.
vel (β) ob eorum præternaturalem fixationem seu
condensationem ex assumptis, vel applicatis medica-
mentis narcoticis seu opiatís, aut ob attractionem
exhalationum seu Gas narcoticorum, v. g. in cellis
vinariis, item in ædificiis recens dealbatis, quibus
spirituum motus insigniter impediri solet. Sic spi-
ritus vini est narcoticus, à cuius sulphure spiritus
animales figuntur.

Quam diu ergò una vel altera aut plures causæ, spiritibus
torpores inducentes adsunt, tamdiu somnus durat; cessat
verò idem, & vigiliæ redeunt, quatenus mobilitatem pri-
stinam illi recuperant, à causis contrariis: nempe vel spon-
te evigilamus, quando spiritus refecti & alacriores denuò
editi fuerint; vel laceßiti per sensibilia violentiora, sive ex-
terna sint, v. gr. lumen aut strepitus ingens, sive in corpo-
re lateant, v. gr. calculi dolor: quò etiam spectant curæ ni-
miæ, spiritibus inducias nullas concedentes.

C A P U T XVIII.

D E

Sensibus Externis in Genere.

Officia, quibus præstunt animales spiritus, sunt Sensus
& Motus, utrique interni & externi. Externos quod
attinet sensus, cum hi reverà consistant in passione seu mo-
tione organi, inducta ab objecto externo sensili, per cer-
tum ab hoc factum motum seu impressionem, adeoque sal-
tem in motione filamentorum nerveorum organi, spiri-
tus animales in his hoc saltem præstare videntur, ut suo
influxu filamenta nervea, organum sensus proximè con-
stituentia, in debito tono & tensione conservent, quo faci-
lius ab externis objectis moveri, & ita sentatio externa fieri
possit.

Quæcunque scilicet ambientia corpora externa conti-
nuò in nos agunt, (e. g. ferrum agit duritie in tactu) &
externas partes spiritibus animalibus perfusas afficiunt,
i. e. motionem certam inducunt in earum nervis, quæ
Actio, seu ab objectis externis in corporis membra facta
Impressio vocatur *Sensus externus*, & illa corpora, à qui-
bus ista fit impressio, dicuntur *Objecta sensibilia*, sicuti pars
ista, quæ ita disposita et fabricata, ut talem et talem im-
pressionem, seu externorum insultum immediatè recipiat,
sensus organon vocatur. Sic dum lingua percipit impressio-
nes particularum salinarum, dicitur organon Gustus: dum
auris impressiones undulantis aeris recipit, dicitur esse or-
ganon Auditus.

Spiritus ergò in se uniformis diversificatur pro structura
in organis recipientibus seu sentientibus, in quæ agunt ob-
jecta per motum, qui ex varietate agentium et recipien-
tium variat. Varietas ista motus, ex varietate figuræ parti-
cularum minutarum motarum, et pororum, istarum parti-
cularum figuris respondentium oritur: sic v. gr. figura par-
ticularum salinarum, & huic respondentes poruli, in pa-
pillis linguæ has particulas motas recipientium, facit, ut
lingua tantum gustet; qui pori, cum non sint in or-
gano odoratus, gustabilia, ut talia, odoratum non affi-
ciunt.

In omni ergò sensu in genere duo sunt consideranda:

1. Receptio impressionis seu actionis, factæ in or-
gano sensus, ab objecto sensili externo.
2. Perceptio istius impressionis seu mutationis in or-
gano factæ.

Ista autem actio seu impressio, quando consideratur,
uti recipitur in organo, dicitur sensus externus, scilicet
Visus: *sentire enim est quoddam pati*; quam passionem in-
ducunt in organa nostra objecta externa; quando verò hæc
impressio in organo externo recepta percipitur à nobis,
ita ut formaliter cognoscamus, nos sentire, dicitur in-
ternus: e. gr. *Albedo* afficit oculum, sen certam impressio-
nem in oculum facit, qui sensus externus Visus dicitur:
perceptio verò huius coloris vocatur sensus internus: aut
quando cæcum pungit apis, vel cæco si in linguam, im-
mittitur pulvis piperis, dicit: sentio in lingua, vel pi-
per rodit linguam; quæ rosio et passio per cæcum explica-

tur: ego sentio. Si cuidam ad nares admoveo castoreum,
sentio aliquid in naribus, dicit, h. e. substantia castorei in
naribus facit impressionem in organon tactus. Hic auris
interna recipit vim irruentis soni, cuius insultus perce-
ptio in cerebro est formalis *Auditus*. Prout ergò externo-
rum insultus variat, hisque respondens corporis partium
structura, quæ huius, non illius objecti activam impressionem
recipere apta nata est, etiam variant sensus externi, qui ad
quinquenarium vulgò, satis aptè, revocantur numerum.

In omni autem sensu externo tria sunt consideranda:

1. *Agens*, seu *Objectum sensile*, quod in partes corpo-
ris certam impressionem seu actionem exercet, et
à sensibus percipitur.
2. *Patiens*, seu Partes certæ corporis, quæ impressio-
nes istas suscipiunt, & quæ exinde organa sensoria
dicuntur.
3. *Impressio* seu actio objecti in organa ipsa, seu modus
quo objectum in organa operatur.

In Objecto movente, seu agente seu imprimente, duo
sunt observanda: Materiale unum seu ipsa corporis textu-
ra, prout ex particulis variis materialiter coalescit; alte-
rum Formale, seu Ratio ipsa, sub qua in organon sensus
operatur. In organo verò observetur ejus multiplex com-
positio dissimularis, ratione cuius quædam pars in eodem
est primaria seu principalis, altera minus principalis. Il-
la est, quæ objecti impressionem immediatè recipit; hæc ve-
rò sunt cætera partes, quæ ad meliorem illius actionis su-
sceptionem faciunt. In impressione denique seu Actione
ipsa objecti in organon, consideretur modus agendi, vel ge-
neralis, qui consistit in motu, ratione cuius omnis sensus
externus in tactu consistere dicitur; vel specialis, qui est
determinatus quidam motus à speciali objecti in organon
determinatum actione resultans.

Communis in scholis Philosophorum & hinc Medico-
rum de sentiendi modo recepta opinio in hoc consistit, quod
nempe objecta sensilia habeant in se qualitates reales, quæ
ex se diffundant alias qualitates intentionales, species sensi-
les dictas, quæ species ita afficiant organon sensus, ut facul-
tas sensitiva ibidem residens istas qualitates mediantebus
spiritibus recipiat, easque ad facultatem, Sensem commu-
nem dictam, transmittat, à qua fiat istius qualitatis perce-
ptio et dijudicatio, atque ita vera sentatio. Sic v. g. color pa-
rietis albus sit talis qualitas, quæ ex se dimittat speciem suam
in oculum, à qua specie ita afficiatur facultas visiva, ut ex-
inde in sensu communi tandem eliciatur istius coloris albi
perceptio, et ejus visio. Sed quis non videt, hisce nudis ter-
minis nominalibus sine nucleo rerum rem hanc alias ob-
scuram multò magis obscurari? Explicandum siquidem re-
stat, quid sit ista facultas sentiens, in quo consistant istæ
qualitates sensiles, earumque species intentionales; item
quomodo eadem afficiant organa, et quomodo ab his ad ce-
rebrum fiat transitus pro formali sentatione.

Moderni ergò, relictis cæcis rationibus et terminis nil si-
gnificantibus, et experimenta naturæ consulentes, aliter
longè rem explicant: inveniunt scilicet omnes istas, quæ
corporibus attribuuntur, qualitates non esse entia rea ia à
corpore, sed saltem modos entis, nempe materiæ, adeoque
eas rebus in se unis affingi ex diverso nostro concipiendi
modo, qui multiplices, eosque distinctos de una reformans
conceptus, prout diversimodè res ista afficit sensus, statim
tot entia quasi reverà distincta in ipsis concipiat. Conferatur
de hoc *Digbii Tract. de Natura Corporum* l. 1. cap. 1. pag.
13. cuius verba, ut aliquo mutata, mea faciam. Suppono,
me corticis aurantium frustulum in manu tenere: frus-
tulum hoc realiter in se tantum est ens unicum, ex pluri-
mis minutissimis materialibus particulis in unum corpus
coalitum, et tamen diversos in meis sensibus effectus pro-
ducit: oculus in eo colorem aureum, nasus suavem odorem,
lingua saporem amaricantem acutum, extrema denique
cutis frigus, lævitatem cum aliqua scabritie, mollitiem,
&c. observat. Sensus itaque diversimodè affecti seu moti
nuntios, ratione continuati ductus nervei, ad phantasiam
mittunt, tanquam certiores facturi, quid quisque illo in
frustulo deprehenderit, ita ut ratio nostra postmodum
flavedinem, suaveolentiam, amaritiem, frigus, scabri-
tiem, &c. separatim consideret, unde diversæ notiones in-
mente quasi tot diversorum entium reperiuntur, quæ tamen
reverà in illo frustulo nullatenus distinguuntur re ipsa, nec al-
liud sunt, quàm ipsa illius substantia materialis, pro varia se-
suum & organorum dispositione diversimodè nos afficiens.

Sunt

Sunt ergo vires istæ objectorum externorum, organa sensoria afficientes, quas vulgò *Qualitates sensiles* vocant, v. gr. sapor, odor qualitates tactiles, &c. non entitates quædam reales & absolute ab alia entitate ipsoque corpore, cui inherere dicuntur, distinctæ, sed duntaxat corpus ipsum, prout ex certa particularum minutissimarum materialium, ex quibus constat compositum, coalitu, juxta harum figuram, magnitudinem, situm, ordinem, motum & quietem, & ex his resultantem texturam, vel conformationem, &c. aptum natum est, variè sensuum organa distincta sua compositione, secundum modò dictam corporum texturam: ceu diversa patientia diversimodè agentibus respondentia, afficere, quod (corpus variè contextum) prout hoc modo nunc in hanc, nunc alio modo in aliam corporis partem agit & certum motum inducit, vel mediata vel immediate, tam varias qualitates sensiles, seu in organa sensus agendi potestates habere dicitur, cujus affectionis seu impressionis in organo effectus, sensationes vocamus: Videatur *Digbyl. a.* Sic v. g. eadem particulæ frustulum corticis aurantium contextentes, quatenus peculiari modo situatæ lucem reflectunt, coloratæ nobis apparent; quatenus certo modo figuratæ papillas linguæ vel membranam narium afficiunt, sapidæ & odoratæ sunt; quatenus denique inæqualiter contextæ multæ eminent, multæ depressæ sunt, scabritiem quandam seu superficiem inæqualitatem Tactui repræsentant. Frustulum glaciei sumatur: hoc oculo repræsentat albedinem tactui frigus, glabritiem, duritiem, &c. Hic habemus distincta entia, albedinem, frigus, duritiem, &c. quæ sunt juxta communem sententiam *Qualitates distinctæ* in uno corpore, non tamen sunt entia realia, sed pro diverso concipiendi modo tales apparent: Substantia enim glaciei nihil aliud est, quàm minutissima particulæ per motum intertextæ, in corpus solidum unitæ & compactæ: hæc sic unitæ, si non cedunt tactui, dicuntur duræ; prout sunt inæquali situ, glabræ, &c. Omnia hæc attributa non sunt distinctæ qualitates, sed nil aliud, quàm textura corporis, prout constitutum ex minutissimis particulis. Ista ergo attributa in objectis sensuum non sunt entia realia, sed est nuda textura corporis ratione particularum minutissimarum: v. g. si nullus daretur in mundo oculus, nullus color daretur; nam color est alteratio in oculo: si non esset lingua, nullus sapor daretur; non quod deessent corpora sapida ex talibus particulis contexta, sed quod non possent linguam afficere, & in mente concipi. Porro ferrum dicitur esse corpus nigrum, acutum, durum insipidum, inodorum, &c. quæ attributa non sunt entia distincta ferri, sed ista minutissima corpora, quæ ferrum constituunt & componunt. Hæc prout in sua conformatione lucem abscondunt, corpus nigrum constituunt; prout eadem conformata, ut in una parte pauciora, in altera majora sint, dicuntur acuta, firma, dura &c.; prout nullam faciunt alterationem in lingua, dicuntur insipida; sicut istæ particulæ incallescens calidæ: atque ita, quoad materiale, se habent *Qualitates* sic dictæ sensiles.

His positis, quod objecta sensuum seu entia sensilia non sunt qualitates distinctæ à corporibus, sed nudum corpus prout particulis intertextum, ratione quarum possunt efficere varia, quæritur: *Quot sensus externi?* Respondeo: Tot sunt sensus externi, quot objecta externa nostrum corpus afficiunt, nempe sunt quinque, vel afficiunt oculos, vel nares, vel aures, vel linguam, vel cutim, &c. Interim non denegandum, dari plures sensus. Dabo exemplum: In articulo vulneratus & sanatus, quoties mutatur aeris tempestas toties in loco vulnerato alteratur; si aer est frigidior, dolorem in capite percipit, hic in pede, quam læsionem alius non sentit: hic sensus peculiaris est, distinctus ab aliis sensibus; ideo non percipitur ab omnibus, aut sensus erit peculiaris, aut sensus tactus certa ratione modificatus. Bruta percipiunt mutationem aeris, ut galli, quorum prognos certas ut & pavones, quando acutè vociferant, sicut & urfi sentiunt mutationem aeris, quam nos non sentimus. Quinquenarius ergo numerus sensuum non ita est adstrictus, ut non plures possent constitui.

Quoad *Formale* verò, & propriam afficiendi rationem sensiles hæc dictæ *Qualitates*, non nisi effectus quidam sunt, in sensoriis nostris a materia textura introducti, adeoque ab istis materiæ modis, & inde facta textura non differunt magis, quàm congruitas clavis ad ferram, seu illius aptitudo hanc referendi ab illius magnitudine, figura & conformatione: adeoque rectè *Qualitates sensiles* in objecto esse, &

non inesse, diverso respectu dici possunt. De his & similibus Philosophantes vid. DIGBY de *Natura Corporum* Tr. 1. c. 27. & seqq., item CARTESIUS in *suis Script. imprimis de Homine*, GASSENDVS in *sua Philosoph. Epicurea*, REGIVS in *Physic.*, BOYLE in *Chymista Sceptico*, & imprimis in *Tract. de Orig. Formarum & Qualitatum*.

Modus ergo, quo Objectum sensile afficit organum sensationis proximum, seu in quo consistit, ut e. g. in aceto sit vis, quæ possit alterare linguam, non fit per talem qualitatis ex objecto emanantis in organo receptionem, ut facultas sentiens hujus qualitatis quasi intuitu sentiat, sed fit impressio, e. gr. particularum acetosarum, & hujus impressionis continuatio ad cerebrum, per certum & continuatum motum, in quem instrumentum sensus proximum ciatur, eunque varium pro diversa objecti materiali textura, & hinc alia atque alia ad organon movendum habitudine, & in hac organi motione formaliter sensus externus seu impressio ab objecto in organo facta consistit. Constant autem organa sensuum variis & distinctis partibus, inter quas tamen est subordinatio certa, ita ut una pars sit primum & immediatum sensus instrumentum, in quam objectum sensile immediate irruit vel impellitur seu impressionem & certam passionem facit, reliquæ secundariæ: e. g. in oculo, sunt tunica & humores, &c. tunica retina est pars primaria, reliquæ verò secundariæ, quæ visum per se non efficiunt, oculum tamen constituunt, & hæc pars in genere semper est nervus. Constat autem nervus ex pluribus, teneribus filamentis, cujus filamenta in organo sensili sunt primaria pars; & quidem nervus in duplici ratione constituit organon sensus, dum hujus filamenta vel in membranam tenacem fortiter tensam expanduntur, v. g. in Auditui & Visu: nam ita filamenta nervea expansa in tunicam retinam, sunt organon primum Visus; filamenta nervi auditorii expansa in cochleam, organum Auditus: vel filamenta nervea separatim in capitulum papillare rotundum deflunt & conglobantur, v. g. in Gustu & Tactu: in hanc nervi extremitatem irruens objectum sensile illam vel percutit; vel in vibrationes movet, vel pungit, vel titillat, vel alio modo (vocetur ut lubet, modò intelligatur) in motum ciatur, & in hac organi motione formaliter sensus externi seu impressionis ab objectis receptio consistit. Hic motus in organo factus ad cerebrum continuatur, ibique quasi judicatur, & ita in sensu sic dicto communi formaliter in homine sentitur.

Formalis ergo sensatio externa in motu certo & singulari, ab objecto externo in fibris nerveis organi sensilis facto seu concitato, consistit, unde rectè sensatio talis quædam Passio, & Sentire quoddam Pati dicitur. Ulterius verò jam considerandum venit, quomodo ad cerebrum usque motus talis sensorius, in quo sensus externus consistit, continetur pro formali sensatione interna, seu sensus externi perceptione: id quod officium est sensus communis. Res est ardua: Cartesius existimat, filamenta nervea in extremitate nervi ab objecto externo icta seu percussa, secundum sui continuitatem ad cerebrum usque simili motu concuti, cui similis ictus infligatur, quo ictu, peculiari motu afficiente cerebrum, Anima, rerum ostia, sensuum pulsantium notitiam hoc pacto acquirat; sicuti alias videmus chordas musicas tensas, in una extremitate motas, quacunque ratione motum istum per totum instrumentum ad alterum usque extremum ictu oculi citius continuare, sic & comparatum esse cum sensationis modo.

Minus placet hæc opinio DYGBEO, qui *Tract. de Immortal. Anima Humana* pag. 32. pluribus eam excussit. Potius ergo asserendum videtur, in spirituum animalium recessione, seu simplici percussione, externam ad cerebrum continuari & quasi deferri sensationem: nempe dum nervorum spiritibus animalibus, præsertim circa eorum extremitates sensiles, ubertim quasi scaturientibus, filamenta in debito tono constituta, ab externo objecto pulsata in debito tono constituta, ab externo objecto pulsata quodam moventur, non possunt non simul spiritus ibidem præsentem, & in universo nervi dictu elastica vi turgentem, simul parili penitus ratione commoveri; unde fit, ut per nervi continuitatem iste spirituum motus percussione quadam in momento ad cerebrum usque, seu, ad nervi originem, cōtinuetur, dum spiritus & nervus in organo ab externa causa motus sibi vicinum seu cōnexum & continuatum pariter movet, & sic successivè ad principium usque nervorum, seu circa eorum radicem, ubi alii intra cerebri medullas substantiam undulantes commoventur, & sic quasi per modum undulationis insequitur determinatus spirituum

ruum animalium in vicina cerebri medulla motus ita, ut horum motu altera, & activa magis seu formalis sensationis pars superveniat, externi nempe sensus perceptio, *quam sensum commune* appellamus, occasione cuius talis determinati motus spirituum animalium in cerebro, Anima rationalis deinde in nobis format conceptum seu ideam, representantem exactè rationem externæ impressionis, fitque tum formalis cognitio, seu sensuum externorum mediantibus internis perceptio id quod dolor imaginarius eorum, quorum membra jam abscissa sunt, illustrare videtur.

Fit enim sæpè in gangrana, ut in manu, aut pede infra genu abscisso, ægri uno alterove die post abscissionem percipiant dolorem in pollice abscisse manus vel pedis, simulque sensum, ac si dolor esset in pollice manus ac pedis, cum tamen jam tum tota manus aut pes abscissus sit. Alii progressum hunc explicant per trabem longam continuam, cuius una extremitate prolata vox vel impressus motus percipitur in altera: vel per imaginem chartæ cuidam impressam, quæ ulterius substratis foliis continuetur; vel per lateres, secundum lineas vel spirales vel alias, continuo ordine impositos, quorum primò impressus impetus ad ultimum usque perveniat.

C A P V T XIX.

D E

Sensibus Externis in Specie.

M E M B R V M I.

D E

V I S V.

OMnes sensus externi quinario numero vulgò comprehenduntur, quos inter eminent Visus, qui nihil aliud est, quàm radiorum ab objecto visibili eminentium intra oculum refractione & receptio, qua illius aliqua pictura intra hunc formatur; vi scilicet motuum, quibus tunicam retinam, hinc nervum opticum, afficiunt.

Objectum visus est **LUMEN**; Organon verò oculi fabrica, In omni enim sensu externo tria sunt consideranda;

1. Organum, & quidem huius pars primaria.
2. Objectum.
3. Modus, i. e. qua ratione Objectum & Organon visu afficiantur.

Quoad *Organum*, notum est ex Anatomia oculi, quod hunc primariò constituent tres humores, & tres tunicæ. Inter humores *primus* est *Aqueus*, qui in parte anteriore instar aquæ fluxilis totum spatium oculi anterioris, quod inter tunicam corneam & uvæam ac humorem crystallinum est, replet: *Alter Virens*, humore aqueo minus fluidus, sed mollior crystallino, & vitro fuso similis, qui in parte posteriori inter humorem crystallinum & tunicam retinam latet, adeoque posteriori sui parte rotundus, anteriori magis planus, aliquomodo tamen pro crystallino excipiendo sinuosus & excavatus est: *Tertius* est *Crystallinus*, mole omnium minimus, qui figuram lenticularem habet, & à prioribus stipatur, imò propter hunc illi producti videntur.

Tres *tunicæ* sunt *Sclerotis*, quæ à nervi optici membrana oriunda totum oculi globum involvit, ita tamen ut in anteriore & pupillæ opposita parte nomen mutet, & cornea propter diaphaneitatem dicatur. Huic subjicitur altera, scilicet *Choroides*, à pia matre ortum ducens, quæ propter vasa sanguinea plurima ipsi intertexta opaca satis redditur, globum tamen oculi totum non, prout sclerotis involvit, sed parte sui anteriore foramen relinquit, quod *pupilla* vocatur, per quod radii objectorum externorum subintrant: atque hæc parte sui anteriore, qua sub cornea conspicitur, *Uvæa* à colore vocatur, ubi cum hac firmiter satis coalescit, ita tamen, ut ab huius coalitus loco processus quidam membranaceus & circularis ad humorem crystallinum reflectatur, quem *ligamentum* seu *interstitium ciliare*, vel *noxum stramineum*, vocant; eò quod exiles inde ortæ fibræ seu stramina, lineolas nigras referentia, pilos palpebrarum æmulentur. Nigrum seu obscurum colorem habet hæc tunica, ut radios ab oculi fundo

reflexos obumbret, ac à visione superfluos vel ab objectis literalibus emanantes absorbeat; limbus verò ejus circularis itidem format è lamina membranacea triplici compositam, eamque nunc cœruleam, nunc castam, nunc nigram, Tertia tunica est *Retina*, è fibris medullaribus contexta.

His præsuppositis, dico: *Partem* in oculo *primariam* esse tunicam *retinam*, in qua nempe fit *representatio objectorum externorum*; pars *secundaria* est humor *crystallinus* formæ lenticularis. Tunica retina est nil aliud, quàm nervus opticus ad oculum derivatus, ita ut ab extremitate huius nervi, tanquam flos caulis apice, h. e. ex medullio ipsius, derivetur, & ibidem in membranam fortiter extendatur, quæ tunica *primarium* est visus organum, *secundarium* humor *crystallinus* convexus, in quo fit decussatio specierum, similis ac in camera obscura optico-um, ubi per chartam omnia representantur, quamvis in verso situ, quia radii visivi, dum ad foramen uvæ veniunt, decussantur.

Objecto Visus, quod oculum afficit, est *Lux* primariò solis & ignis & inde *Lumen*, ex luce corporis lucidi per radios undique in ambientem spheram diffusum. *Lux* in motu certo elastico vel effervescente particularum subtilissimarum, probabiliter pinguium, rapidissimo consistit, mediante quo aliæ congeneres subtilissimæ & mobilissimæ particule, in atmosphæra copiosissimè existentes, undique secundum lineam rectam impelluntur, quæ tali impulsuradios constituunt, qui impulsus radiolus talis materiæ per corpora fluida & solida, sed inæquabiliter porosa, continuatur, donec in corpus, quod nullum transitum concedit, impingat, ibique & secundum ejus superficiem extendatur in lumen, & hinc valido motu repercutiatur, donec motus iste, à corpore lucido semel impressus, tandem languescat, indeque lumen omne evanescat; adeo, ut ratione subjecti *lux* in corpore lucente, *radius* in atmosphæra media, *lumen* in objecto, corpore opaco, hæere videantur; ipsum verò *lumen* materialiter in corpore fluidissimo, formaliter in rectilineo concitatissimo motu consistat.

Pro talium illustratione exempli loco consideretur lux ignis & ligni putridi: ex illo enim lumen calidum, ex hoc frigidum, spargitur. In igne viget actus dissolutionis sulphuris, seu substantiæ pinguis acidæ; sub putredine verò sal volatile materialiter latet reconditum. Ex harum particularum lucta, & cum particulis nitro-aereis sub solutione incensis collisione, quasi effervescente, emergunt primaria ignis phænomena; ex acido nempe concitatus agitatus, calor; ex pingui verò velocius cum illo concurrente, *Lux*: & dum pingue cum alcali vehementius quasi exploditur seu eliditur ab acido, particulas sibi continguas in aere undique in rectam lineam hoc ipso impellit & ita radios & lumen etiam in instanti ferè spargit. Ligna putrida verò sunt lucida ex motu dissolutionis concreti, in quo ex putredinis, fermentationi scilicet oppositæ, natura alcali emergens agit in acidum, & pingue huic sociatum dissolvendo, in motum supra dicto similem concitat, à cuius dissoluti impetu similiter in atmosphæra ambiente commoventur particule aliæ minutæ, unde radiatio luminosa.

Adeoque non est putandum; lucis substantiam ex subjecto lucido subtilissime attenuatam, undique vibrari; hoc enim conceptu impossibile: Quomodo namque candelæ exilis flammula ad tantam distantiam subinde possit conspici, idque in orbem, & quidem ferè in momento? Adhuc substantia luminosa, à luce diffusa, luce extincta vel superest, vel annihilatur: posterius hoc asseri nequit, adeoque supererit adhuc materialiter, utut formali illuminandi ratione destituta: Hoc scilicet in motu concitatissimo rectilineo in orbem consistit, quo cessante, illuminatio etiam cessat, eo verò restituto, etiam ab alia quacunque luce, à qua substantia ista denuò in parilem motum concitatur, lumen denuò se oculis sistit. Accedit & *Experimentum Boyleianum*, quo constat, aere ex recipiente exsucto, ut ignis confestim & omne ejus lumen extinguatur, ita etiam lignorum putridorum lumen, exhausto aere ex recipiente, evanescere penitus; aere verò denuò intromisso, illud iterum ex splendescere. Conferantur *Acta Philosoph. Societ. Regia Volum. 1. pag. 474.*

Esse autem lumen & radios luminosos corpus materiale, vel ex hoc est manifestum, quod eas materiæ conditiones qualitativas, & inde resultantes proprietates refractionis & reflexionis obtineat, quas sine concessa ejus materialitate decla-

declarare, vel concipere impossibile est: ut taceam speciem intentionalem seu immaterialem lucis esse rem penitus inconceptibilem. Sed instar omnium de hoc puncto vid. *Pater FRANCISCUS MARIA GRIMALDI in Tract. Physico-Mathematico de Lumine, Colore, & Iride Tract. I.* Est igitur Lumen materia quædam subtilissima. Qualis autem sit materia, quæ motu isto à luce impresso lumen constituit, an sit ignis quidam maximè rarefactus? uti vult DIGBY *de Immortal. Anima p. I. cap. 6. & seq.*, an verò globuli materiæ cœlestis? ut non inconcinne ex sua hypothese asserit *Cartesius*, an verò sint particula nitro aeræ per aerem disseminatæ? ut vult MAYOWIVS *De Spiritu Nitro-aereo cap. 12. pag. 198.* an verò ipsa materia fluida, expansi aeris corpus constituens? in medio relinquo, donec uberior experientia negotium hoc clarius reddat. Probabilissimum tamen videtur, esse nihil aliud, quàm ignem quendam maximè rarefactum. Quod radii solares sint corpus igneum, probatur ex concentratione in speculo concavo: Vid. DIGBY *de Natura Corporum cap. 7. §. 8.*

Lumen istud undiq; radians à corpore lucido, afficit oculum vel mediata vel immediata. Immediata in recta linea sub corpore lucido, v.g. dum solem vel ignem adspicimus; mediata vero, intercedente nempe corpore quodam opaco, lumen istud radians diversimodè modificante; quæ modificationes sunt duplices, nempe *Refractio & Reflexio*. *Refractio luminis* fit, dum per *divisa*, hoc est, diversæ consistentiæ, transit media. *Reflexio* fit, dum lumen ab objecto opaco, plus minus solido, quod transitum ipsi denegat, & propterea quasi repercutit, instar muri pilam repercutientis, reflectitur ad eum angulum exactè, ad quem inciderat. Immediata pervenit lumen ad oculum per corpus pellucidum, & repercutitur beneficio corporis opaci. Corpus pellucidum est, quod transmittit corpuscula & radios luminosos, e.g. aer, aqua, &c., quæ plus minus transmittunt radios lucidos, quia interstitia particularum, quæ talia componunt, sunt in æquali situ, & æquali tramite remeant. *Opacum corpus* sunt particula materialiter ita contextæ, ut ob pororum raritatem radii luminis repercutiantur, quia non transeunt corpus opacum, impeditque hoc transmissionem radiorum luminosorum. Si enim hi sub sua in orbem diffusionem impingunt in corpora opaca, resiliunt propter denegatum transitum plus minus exactè ad eos angulos ad quos inciderant, ita ut incidentiæ & reflexionis anguli perpetuo sint æquales: id quod in omnibus speculis concavis manifestissimum est, quod ex radiorum reflexorum in uno puncto concursu, vis caustica emergit.

Ratione texturæ superficialis corpus opacum est vel æquale vel inæquale, vel politum vel ex particularum in superficie inæquali situ asperum. Quod si corpus, à quo reflectitur, sit politum, plus minus tamen (nam perfectè politum nullum est corpus sublunare, siquidem & ipsum aurum, licet sit politissimum, respectu subtilitatis materiæ luminosæ suas habet inæqualitates, i.e. eminentias & poros, instar casei à vermibus erosi, ut patet per microscopium,) lumen maximè ex parte eodem ferè modo, prout incidit, ad visum reflectitur, taleque corpus, secundariò quasi luminosum, dicitur *splendere*: *Splendor* enim, qui oritur in corpore polito, nihil aliud est, quàm *repercussio radiorum luminosorum, eodem modo, quo incidebant*.

Sin verò corpus non sit politum, sed variformes habeat eminentias, diversimodè figuratos poros, & variè conformatos meatus, & quasi recessus, &c. lumen in istis diversimodè modificatur, turbatur, partim intra istas inæqualitates superficiali plus minus absconditur, & ita cum membris miscetur, & multipliciter tunc refringitur, & varie reflectitur, ita ut lumen ad oculum perveniens non nativo suo fulgore appareat, sed alio plane modo; unde taliter modificatum tunc *Color* appellatur, & Objectum, à quo ita modificatum reflectitur, exinde *coloratum*.

Est namque Color non Qualitas, sed nihil aliud, quàm lumen in corpore opaco, in quod incidit, diversimodè modificatum, hoc est, mediante reflexione & refractione in motu suo mutatum, & hinc ad oculos directum; eatenus enim color mutatur, quatenus modificatur lumen, quæ modificationis varietas ex eminentiis, poris & meatibus, & particularum corporum superficiem componentium diversa magnitudine, figura, textura, &c. resultans omnem colorem tam apparentium quàm realium differen-

tiam depromit; seu, aliàs non ineptè dicitur, *Omnis color oritur ex luce & umbra*, in porulis corporis opaci incidente, prout secundum umbras lumen plus reflectitur.

Color nigerrimus in tali particularum textura consistit, secundum quam lumen incidens ferè totum inter poros absconditur, ut is tenebris sit proximus; hinc corpora, quò magis sint porosa, eò magis lumen, abscondunt, è contrà quò magis reflectitur lumen, eò magis album videtur. Nempe eorum superficiales particula minua, ceu copiosa polita specula, lumen incidens maximam partem reflectunt, & ita splendidibus proximæ sunt, albedinem repræsentant; quorum verò particularium textura copiosis porulis & meatibus est interstincta, ut in his lumen maximam partem abscondatur, & quasi umbris renebricosis obfuscetur, nigredinem exhibet, &c. E.g. Vitrum est corpus pellucidum, si à tergo steterit corpus opacum, fit speculum. Accipiat vitrum, pulverisetur minutissimè, & habetur pulvis albus, & sic, quod antea crystalli instar erat perspicuum, jam fit imperispicum: particula enim hæc pulverisatæ sunt nil aliud, quàm particula vitri, quæ transpositæ ita sunt aliæ; sicut crystallus pulverisatæ albescit magis, quia pori non transmittunt lumen, sed reflectunt. Cerevisia est obscura, hæc si effunditur, ut spumescat, spuma candida fit, & apparent tot specula, specula spumosa reflectunt lumen ad oculum. *Medius color est ruber*, per quem particula partim sunt absconditæ partim reflexæ. Exinde scilicet omnis colorum in extremos & intermedios differentia oritur tum *Albedo & Nigredo*, ceu *extremi* ex radiorum luminosorum simplici reflexione posita vel negata; *intermedii* verò *flavido & caruleo* ex radiorum illorum, reflexione & refractione simul, & inde modificato luminis motu oriuntur; à quibus quatuor coloribus omnis reliqua colorum differentia per miscelam originem ducit; ex cœruleo & flavo enim viridis, ex flavo concentratoruber, ex albo & nigro griseus, ex rubro & albo flavus, ex flavo & nigro cœruleus, ex rubro & cœruleo purpureus, &c. Vid. BOYLE *Tract. de Coloribus*, TACHENIUS *in Hiptocr. Chymico*.

Adeoquæ in omni colore duo sunt consideranda:

1. *Materiale*, quod est certa corporum opacorum textura, secundum superficiem plus minus æqualis vel inæqualis, qua lumen plus minus refringitur, & diversimodè modificatur.
2. *Formale*, quod est luminis incidentis ab istis particulis superficialibus facta certa modificatio, quod modificatum lumen oculum, imprimis tunicam retinam, diversimodè afficiens, diversorum colorum apparentias nobis exhibet.

Hinc, ratione *Materialis* colorum, cæcus omnes corporum colores discernere valet, solo tactu exquisito; Ratione verò *Formalis* vitrum triangulare pro vario ad lucem posito diversos istos colores instar iridis producit, pro luminis incidentis varia refractione. Hinc prout textura particularum concreti mutatur, imprimis per solutiones & præcipitationes, immutantur etiam colores: dum v.g. Vitrioli viridis in aqua solutio limpida & perspicua, injectione decocti gallarum, etiam clari & perspicui, & tantillum flavescentis, vel alius cuiusdam alcali, mox nigrescit, & fit attramentum, quatenus facta acidi & alcali unione partes metallicæ vitrioli ab acido nonnihil dimittuntur, quæ poros liquoris replendo lumini transitum liberum non permittunt, unde Opacitas: quia verò radii luminosi variè refracti penitus in liquore quasi absconduntur, & aliorum, non verò ad oculum, diversimodè reflectuntur, nigredo apparet. Hic C. C. in retorta clausa facta destillatione usum, nigerrimum est; & licet hæc frustra in retorta per integrum mensem exurantur, color tamen non alteratur: Verum de novo in crucibulo vel vase aperto calcinatum, omnis nigredo dispareret, & intensè albescit; per repetitam enim in vase aperto calcinationem fit mutatio texturæ, quoad particulas minutissimas corporis contextas, quæ mutatio fit ab igne, qui particulas agit, & aere, qui particulas rarefactas foras educit. Sic auripigmentum & Indicum, quorum prius est flavissimum, alterum cœruleum, per minimam pulverisationem misturam viridem exhibent, quod profecto fit per solam mutationem texturæ particularum. In hac mistura viridi, per miscelam auripigmenti & coloris Indici orta, si inspiciatur per microscopium, distinctæ particula, flavæ & virides apparebunt. Sic syrupus violarum ele-

eleganter purpureus instillato spiritu vitrioli intensè rubescit instillato verò oleo tartari per deliquium, vel calce viva viridescit. Flores cyani, calcatrippæ aut cichorii, si tingantur cum aceto, spiritu vitrioli vel sulphuris, tunc color cœruleus mutatur in intensissimam rubedinem. Sed hac non tantum Chymia quotidie ad oculos ponit, sed præterea sufficienter sunt declarata à Domino BOYLE in eleganti *Tract. de coloribus*, item à DYGBY loco citato: Addatur his du HAMEL de *Affection. Corporum* p. 278., quibus annectatur FRANCISCUS MARIA GRIMALDI loc. cit., cujus Excerpta habentur in *Ephemer. Erudit. Tract. 2. Ephem.* 35.

His suppositis sponte sua quasi difficultas illa solvitur, an lumen, quo objectum illuminatur, sit externum, an internum seu connatum? Nullum enim, præter Objectum externum, & oculos nostros irradians, concipere possumus, cum lumen proprium seu innatum visionem aliàs magis turbaret, quàm juvaret, ut in Cameris obscuris, si aliquid lucis, præter illud quod per vitrum lenticulare has subintrat, in iis linquatur, observamus. Quibus ita se habentibus corrumpit etiam assertum Platoniorum de Emissionem radiorum ad objectum visibile.

Lumen ergò vel simplex vel reflexum & modificatum juxta Aristotelem illabitur in oculum per tunicam oculi corneam, per pupillam seu foramen tunice uveæ, ceu in Camera obscuram; & humorem cristallinum, donec impingat in tunicam retinam seu expansionem filamentorum nervi optici, ubi talem facit motionem seu impressionem, quæ ad cerebrum usque continuata, eo modo ut *cap. 18. pag. 104. explicatum*, à nobis dicitur Visus. Nam reverà oculus noster est talis *Camera obscura*: totus oculus est cæcus seu obscurus, præter pupillam, quæ perforata est tanquam foramen in camera obscura, per quæ omnia objecta intrant: humor cristallinus lenticularis repræsentat vitrum lenticulare in camera obscura, quo ut plurimum fit repercussio specierum, uti vocant, visibilium, hoc est, ipsius luminis, à variis punctis objecti vel lucidi. vel colorati, oculum intrantis, donec hæ in tunicam retinam, ceu primarium visus organum, impingant, & sic objectum externum exactissimè, inverso licet situ, depingant. Si in oculo bovis omnes tunice cavæ separantur, & lucerna ante tunicam retinam ponitur, lucerna in ea apparet inversa: Vid. Schorus in *Magia Natur. P. 1. Retina tunica ista est nihil aliud, quàm expansio nervi optici, & exinde ubique perfusa spiritu animali: ab illabente ergò lumine, vel simplici vel modificato seu colorato, objectum visibile repræsentante, & impingente in tunicam istam, hæc quasi percussa similiter movebit spiritus præsentis, qui continuata serie per nervos cerebro & ibi scaturientibus spiritibus similem motionem imprimant, & ita visionem, seu objecti in oculo repræsentati perceptionem, in sensu communi promovebunt, *Prout ergo variè modificatum lumen variè percutit tunicam retinam, ejusque fibrillas, variè dicuntur Objecta colorata*: Qualitates enim sensiles non sunt in objecto, sed sunt in sentiente: Vid. Acta Societ. Anglic. pag. 469. Sic calor, ejusque causa, non in igne, sed in organo seu manu erit. Quod si similes motus in oculo produci contingat ab ulla alia causa, etiam interna, in qua partes lucis nullæ sunt, putabit quis eandem lucem vel colorem se videre: hinc enim est, quod oculi percussi in tenebris lucem videre putent: item quod ante paroxysmum epilepticum aut vertiginis non raro variis colores apparere soleant: Vid. BOYLE c. 1. de *Coloribus* p. 10.*

Fit ergò Visio reverà per conum duplicem, rectum unum, ab objecto ad punctum intersectionis in cristallino, & inversum alterum ab hoc puncto usque ad tunicam retinam, & prout angulus iste intersectionis est, vel major vel minor, etiam objectum majus vel minus in tunica retina apparebit, & ob id res propinquior major, remotior minor, videtur: unde etiam objecta quadam in æquali distantia, inæqualiter interdum distare videntur, & res inæqualis magnitudinis tamen æquales cernuntur, pro vario nempe oculi positu; & si medium, per quod radii luminosi ad oculum transeunt, inter objectum & oculum est unum ratione crassitie, in loco eodem objectum apparebit, in quo est; sin verò objectum sit in medio crassiore vel tenuiore; quàm est medium circa oculum, etiam in alio loco quàm reverà est, constitutum apparebit; idque ob refractionis varietatem pro medii diversitate: nam radius luminosus incidens ex medio rariore in crassius, ex aere in aquam, infringitur ad perpendicularem puncti incidentiam; incidens verò radius ex medio crassiori in tenuius,

ex aqua in aerem, refringitur à perpendiculari puncti incidentia: Vid. HORSTIUS in *Operib. Medicis Tom. 1. in Differat. 3. Coron. 1. Exercit. 18.* unde nummus in pelvi positus non apparet, infusa aqua in pelvim mox apparebit, & baculus rectus, cujus medietas aquæ sit immersa, fractus apparet. Oculi ergò fabrica ex tot humoribus diversæ subsistentiæ est composita, ut per refractiones eò exactior fiat objecti repræsentatio; & ex fundamento hoc omnis microscopiorum, perspicillorum, speculorum ustiorum, &c. varietas dependet. *Caterum oculus licet sit duplex, non tamen una res visa duplex apparet, quia axes pyramidum visualium coincidunt in unum punctum*, unde visio duplex in utroque oculo est simillima; sin verò contortis oculis axis ista variet, inde etiam una res duplex apparet. Recta quoque apparent omnia objecta, licet inversa depingantur in oculo, quia per visionem res ibi apparet, quo linea visualis ex oculo tendit: sed hæc linea ex inferiori puncto retinæ sursum, ex superiori verò deorsum tendit: ergò & hoc modo objectum nobis apparet. Objecta etiam in speculis, quò propiora sunt speculo, eò propiora post speculum esse videntur; & quò magis à speculo remota sunt, eò profundius post speculum sita videntur, quia nempe objectum videtur tantum ibi, ubi perpendicularis linea puncti radiantis concurrat cum linea reflexionis. Sed hæc perfectam pro exactiori cognitione Opticæ præsumunt notitiam. Plura quoad visum curiosa qui vult, vid. SCHOTTHUM loco supra citato, item COMÆUM in *Cursu Philos. c. de Visu, Tract. de Homine*, & JOANNEM MARCUM MARCI in *Thaumantia seu Arca Cælesti*.

Diverso oculorum motui inserviunt sex musculi, qui ablata tunica adnata, mox apparent: quibus *Molinetus septimum* addit, scilicet *Trochlearem*, qui cartilagini illi, quæ in angulo oculi interno deprehenditur, inferitur, hancque, dum ipse contrahitur, nonihil ad orbitæ fundum suspendit. *Primus* horum musculorum *Attolens* est, qui per partem oculi superiorem decurrit; *Alius Deprimens* situm & actionem illi oppositam habet; *Tertius* in angulo majori harena *Adducens* vocatur, quod oculum ad nares convertat; *Quartus* in parvo seu exteriori angulo constitutus illum abducit, unde *Abducens* dicitur; *Quintus* per oculi superiora ad canthum internum oblique fertur, ubi trochlea munitur, hinc per angulum rectum oculo inferitur, quem oblique ad interiora, h. e. simul sursum torquet. Sicut autem hi 5. musculi idem principium habent, utpote quod acutum satis ab orbitæ forminis (per quod nervus opticus oculum ingreditur) margine emanat; ita *Sextus* brevior est, ac à peculiari ossis hujus foramine exoritur, hinc secundum musculum superans, per canthum externum juxta abducentis terminum implantatur, oculumque ad angulum externum, deorsum tamen, simul volvit.

Partes, quæ oculum secundario constituunt, sunt

1. *Palpebra* hunc anteriùs tegentes, ex cute, membrana carnosa, musculis, tarsis, & tunica adnata lamina altera conflata. Ratione musculorum observetur, horum binos, *Elevatorem* scilicet & *Clausorem* reperiri; *Tarsi* sunt limbi seu extremitates palpebrarum duræ & cartilagineæ, *Cilia* aliàs dictæ, licet hoc nomine quoque veniant pili illis implantati: in utriusque palpebræ limbi facie interiore *foramina* plura cōspiciuntur, quorum alia vasorum abducentium initia, alia adducentium termini sunt. Illa tamen tantum prope canthum oculi internum existunt, nomine *punctorum lachrymalium* notata, quæ licet bina appareant, in unum tamen canalem, ubi os contingunt, coeunt, qui narium cavitatem subintrat; & portionem serosæ oculorum humiditatis his communicat; hæc verò in utraque palpebra deprehenduntur, & meliori forsan jure lachrymalia vocari possent, quod lachrymarum humiditatem à duplici glandula conglomerata adducant.

Est enim

2. Glandularum harum altera in parte orbitæ superiore sita, ad angulum exteriorem magis inclinans; altera in medio anguli interni, nomine *Caruncula lacrymalis* reconditur: Illa major & limbo exteriori ferè semicircularis, simul tamen in lobulos quasi divisa est, per quorum interstitia vasa lymphatica excretoria plurima prodeunt; quæ tunicam palpebrarum interiorem

obli-

osculis exiguis prope cilia perferant; Hæc minor, duo tantum vasa excretiora habet, quæ ad cartilaginis, in quam terminatur, latera adscendentia, inter oculum & cartilaginis dictæ extremitatem osculis manifestissimis se aperiant.

3. Huc spectant *vasa*, & quidem *sanguifera*, tam externa, quam interna, ab arteriis carotidibus ac venis jugularibus externis & internis oriundæ; quibus *nervi* jungendi, & quidem *motorii* à tertio, quarto, quinto & sexto pari; sensorii verò optidorum *xar' èxoxiv* dictorum extremitates sunt.

De *Affectibus oculorum* noto in genere, quod ex *duplici* *orientur causa*; vel ex *lymphæ lachrymalis nimis acidæ & acris*, unde oriuntur ferè omnes affectus oculorum externi: nam omnis lymphæ sub se continet subtilem quandam aco-rem abstergentem, & detergentem; hinc fit, ut in naturali statu oculi à tali lymphæ lachrymalis humectati, sint facile mobiles, & ab omnibus sordibus purificati; simul verò atque hæc lymphæ lachrymalis fit nimis acidæ, tunc varia oriuntur oculorum mala, imprimis externa, v. gr. oculorum *rubedines*, *corrosiones*, *lippitudines*, *ulcera*, *fistulæ lachrymales*, *pruritus*, &c. quin & si lymphæ hæc nimis acris & corrodens lædat carnem in angulis oculorum firam, exinde emergunt *Excrescentiæ* variæ in specie ungues seu panniculi, oculos tandem obtegentes.

Alteræ causa affectuum oculorum sita est imprimis in *humoribus oculi bulbum replentibus*, in specie in *humore aqueo*: si enim humores dum nimis crassescunt, & exinde minus perspicui fiunt, tunc visum impediunt, & specialiter aqueus humor pro varietate crassitiei varios acquirit colores, nunc glaucum, nunc alium; ita ut tales tanquam per nebulas omnia se videre existiment; imò si aqueo humori permisceantur nonnulla excrementa, hæc ipsa tandem arctius compacta concretionem membranaceam afficiunt, & ita *Suffusionem* seu *Cataractam* inferunt.

MEMBRUM II.

D E

A U D I T U.

Post Visum sequitur *Auditus*, *Alterum* nempe *Obiectum* movens, quod maximè nos afficit, *Sonus* dicitur, qui propriè loquendo non est, talis qualitas corpori inlita, nec tale accidens, à quo corpora sonora dicuntur, sed *nil aliud est, quàm motus aeris subtilissimi fortior, continuatus usque ad aurem intimam, & vehemens*; nam lenis & blandus sonus non afficit aurem, sed conjunctus sit cum impetu necesse est, ut sic motus transire possit per aurem.

Motus hic est nunc tardior, nunc celerior, a quocunque corpore movente, vel percussione vel flatu, excitatus, ita ut quilibet aeris vehementior impulsus sonum edat, cujus utut infiniti ferè sint modi, ad binas tamen efficiendi rationes commodè deduci possunt; quod

1. Vel corpus solidum percussum, adeoque vibratione affectum, aerem compellat, ictuque celerrimo repetito concitatissimè undulare faciat; vel quod
2. Aer in spatium angustum compulsus, dum à compressione impetuosius erumpit, vicinum undique aerè simili motu afficiat, & ita sonitum fieri faciat.

Prioris exemplum sunt qualibet organa Musica fidibus instructa, etiam Aurigæ scutica; posterioris verò sunt qualibet fistulæ, quæ inflatione aeris moventur, sicut tibiæ & organa; adeò, ut *materiale soni* sit aer subtilis & tenuis; *formale* sit certus, isque vehemens, plus minus tamen, motus quocunque modo excitatus, ad aurem usque undulatoria vibratione continuatus.

Observandi autem sunt gradus huius motus, & inde dependentis soni: nam, prout præfatus motus aeris est vehementior, vel debilior, sonus est major seu intensior, vel minor seu remissior; & prout iste motus est fortior & simul concitator, vel remissior & tardior, eò etiam sonus nunc est acutus, nunc verò gravis, vel obtusior seu debilior; quò est major, eò fortius afficitur auris, item si motus aeris sit subtilior seu minor, si parvus & celerior, facit acutum sonum, Totum negotium aptè declarant chordæ in instrumentis musicis, quæ prout minores & magis tensæ, eò acutiorem, si moveantur, efficient,

sonum, ob subtilem vibrationem & celerrimam ac vehementiorem motionem aeris; quò verò grandiores, aut minus tensæ, eo gravior est sonus, ex ratione contraria; quod si quietæ persistant, nullus est onus; quod si earum motus digiti appulsu inhibeatur, sonus etiam omnino tollitur. Si quis movet ungue chordam expansam, efficit motum vel percussum vel refractum. Sonus ergo huiusmodi, seu motus aeris, promotus ad aliquod corpus solidum, repercutitur exactè an angulos tales, ad quales inciderat, ita ut incidentiæ vel potius impulsioni angulus exactè sit æqualis angulo repercussionis, & dicitur *Echo*, quale echo est omnis iste sonus, qui in originis Musicis dicitur *Resonantia*, quæ est sonus in testudinis v. gr. cavitate pluries repercussus. Si proijciuntur in lacus stagnantes lapilli, fit circularum talium ex centro percussorum continuatio, & aer ita repulsus continuo motu lapillorum impingit in corpus solidum opacum, tunc ob negationem motus repercutitur, & sic vocatur *Echo*. Ex hoc fundamento oritur, quando interdum struuntur ædificia concameteris aeris cameris, quod in his, quicquid cum alio loquitur, omne percipi possit; Vid. SCHOTTUS in *Magia Naturali*. Sonus factus ex sclopeto oritur per echo per talem refractionem. Si in montibus celsis exploditur sclopetum, vulgò pistola, percipitur non major sonus, quàm in baculo contracto, quod expertus sum in montibus *Sa baudia*: si in convalli explodatur, horrendus sequitur sonus ob multos echones. Cavitas triangulosa, quò magis concava, eò magis est resonora. Hæc resonantia imprimis in instrumentis metallicis reperitur, quæ ob firmam suam, in signibus tamen minutis poris refertam compagem percussa, in libero aere uti acutum excitant sonum, ita & ipsa eundem sonum diu in se conservant, ob aerem in eorum poris minutis & copiosis cellerimè tremescentem seu motum, & ambientem aerem, in similes motus concitantem, unde & v. gr. campanæ, tintinnabula, mortaria, &c. percussa maxime sonant & resonant: quod si sub sonitu digito tangantur (qui digitus tunc aliquam in iis percipit quasi fornicationem subtilem, celeremque titillationem) mox ab omni sonitu cessant ob digitum, motum aeris in eorum porulis non recipientem, sed potius impediendem. Furcillæ chalybeatæ sonant, quia angustiores habent poros, quàm ferreæ. Plura de sono in genere videbitis apud SCHOTTUM in *Magia Naturali* p. 2. & DIGBY loco supra citato cap. 28. item KIRCHERO *Phonurg. Musica*.

Organa Musica pneumatica seu fistulæ, quæ ab aere irrumpente moventur, similiter sonum undulatorium edunt, quatenus aerem copiosius & impetuosius intrusum, hinc in eorum angustis inclusum, impetuosè non nihil explodunt, qui cum impetu prorumpens talem concipit, & undique diffundit motum, qui sonus dicitur; adeò, ut *omnis fistularum sonus sit aeris compressi, mox statim dilatati reciproci motus*. Quando in nobis elevatur ructus, qui cum impetu ex stomacho oritur, movet aerem, & talem sonum facit, Pertinet huc aspera arteria cum larynge, quæ si exactè attenditur, non aliter se habet, quàm fistula oblonga membrano-cartilaginea, à faucium imò incipiens, gulæque parti anticæ incumbens, hinc ad pulmones descendens, ac per totam horum compagem ramificatione multiplici dispersa, cujus caput seu pars superior, *Larynx* dicta, superius angusta est ut pro ratione impositæ epiglottidis laxari, adstringi vel aperiri possit, unde in fistula hac aer illius pro varia modulatione vel nimis firma elisione, facit sonum. Sonus huiusmodi seu motus aeris flatu factus per fistulam trachææ seu asperæ arteriæ, tanquam instrumentum pneumaticum, in animalibus productus, dicitur *Vox*, quæ sit ex motu certo, aeri in larynge beneficio epiglottidis impresso, quæ aerem vel stringit exeuntem, unde subtilis & acuta vox, ut in infantibus & mulieribus, cum in his aspera arteria sit minor, & ab epiglottide exactè claudatur; vel eum liberè exire permittit, unde *Vox gravis & sonora*; vel alio etiam modo eam sonare facit; pro varietate enim motionis in aspera arteria sit soni animalium varietas, adiuvante non parum ad hoc asperæ arteriæ conditione, quæ quò siccior, eò clariorem, quò humidior, eò magis raucam vocem efficit Instrumentum musicum, pro ratione fabricationis vel è ligno sicco, vel vel humido, alia reparatum veriat sonum; siquidem quò aridius est lignum, eò subtiliorem & clariorem efficit sonum; quò humidius lignum, vel aeris constitutio, efficit graviolem & obtusorem sonum. Hinc ubi aspera arteria infarcta est copiosa lymphæ,

pha, in his est vox rauca, gravis, & obtusa, in his vox est clangosa acuta, sonora, &c. item quod est major seu amplior, eò graviolem efficit sonum, instar magnarum fistularum in organis; hinc ursi ob magnitudinem & amplitudinem tracheæ, ut integra manus complicata in eam possit inferri, ut in Anatomia ursi Parisiis vidi, adeò murmurantem edunt vocem. In Avibus est varietas sonitus: lusciniæ vocem edunt tenuem & canoram propter tracheæ angustiam, cuius larynx cartilaginibus facile & diversimodè mobilibus constructa, hinc cum epiglottide facile & diversimodè mobilis, ingentem istam in sonitu variationem, & harmonias multiplices efficit: de quo vid. KIRCHERUS in *Musurg. magna*, ubi habetur etiam *Anatome lusciniæ*, cuius vocis modulatio varia ex Anatomia declaratur, l. 1. cap. 15. §. 3. pag. 49. seqq.

Vox hæc per se inarticulata articulatur tamen in animalibus, speciatim in homine, primariò per linguæ motum, secundariò dentes & labiorum conformationem, quibus Vocales epiglottidis motu prolatae, h. e. ipse voces certo modo modificantur & figurantur, quæ ab his partibus facta modificatio Consonantes constituit. Commune hoc est negotium brutis & hominibus, dum bruta, quæ diversas voces edunt, vocales certis consonantibus modificant, quæ in hominibus pro impositionis & consuetudinis ratione mille modis combinatae, & artificiosè articulatæ, Sermones constituunt. Aliud autem est Vox articulata, & aliud modificata; unde brutorum vox propriè loquendo non est articulata, sed modificatur naturaliter solo spirituum per nervos certa ratione distributos in laryngem impetu, unicuique speciei singulariter formatum, licet modò intensior, modò remissior, vel alia ratione variata interdum sit, unde & affectus interiores vel passiones hoc modo produnt animalia bruta, ut patet in felibus, canibus, gallinis &c. pullos ad vocantibus. Homines solis præterea articulant artificialiter secundum rationem, & sic certo consilio: ex quo consilio humano secundum variam intentionem, hoc est, ex impositione libera, formata sunt verba; & ex hoc fundamento per solam linguæ, dentium & laborum motus accuratorem observationem surdus natura & motus solo visu & omnium voces intelligens, & artificiosè loquens effici potest; ut hoc in HISPANO per experientiam confirmat DIGBY l. 5. c. 28. pag. 324. & liber *Anglico idiomate de tali artificio per experimenta conscriptus*, Philocophus appellatus item *des tanben und stummen Nannes freud*, id est, gaudium hominis surdi & muti, qui tamen maximam partem in DIGBY invenitur. Conferatur simul WILLISII, OXONIENSIS PROFESSORIS, Epistola quoad hanc materiam, quæ habetur in M. A. N. C. in Append. ad Annum 1. ubi Nobilem mutum semiloquentem fecit.

Pro laryngis cartilaginibus à se invicem nunc d'ducendis, nunc constringendis, musculi 13, 4. scilicet communes, & 9. proprii, adaptantur; quorum communium primum *pa sterno-thyroideum*, alterum *hyothyroideum*; propriorum autem primum *crycothyroideum*, secundum *crycoarytheroideum posticum*, tertium *crycoarytheroideum laterale*, & quartum *crycoarytheroideum*, nonus item musculus *arytheroideus* dicatur.

Inferior asperæ arteriæ pars Bronchus dicitur, qui quamdiu simplex adhuc existit, cartilaginibusque gaudet ejusdem prorsus finuræ atque confirmationis; scilicet singulæ circum, utut non absolutum, referunt, & per membranas interjectas sibi feriatim connectuntur, ita ut facie aspera arteria posteriore merè membranacea, & ab omni substantia cartilaginea libera, deprehendatur. Quando verò idem bronchus super vertebra thoracis quartam in duos ramos, partibus pulmonis duabus respondentes, dividitur, illique intra has in furculos minores abeunt, diversæ nonnihil conformationis, cartilaginibus scilicet annularibus, quadratis & triangularibus, instruuntur.

Aer ergo ab imo pectore emissus ad rimulam epiglottidis plus minus sub eruptione compressus, vocē efficit cuius modificatores sunt lingua, dentes & labia; moderator verò vocis *Voula* seu *gurgulio*, in tonsillarum medio velut è tholo suspensa, quæ ejusdem cum illis substantiæ harumque expansionis processus est, & quasi *plectrum* certum sonum formans: hinc ii, in quibus *voula* quacunque occasione motu tremulo ferit aerem vocalem, isto loquela virio laborant, quod Germani daschn arren, id est, canis iram imitari appellant.

Quod attinet *Auditus Organon*, notum est, esse cavitationem certam in capite, quæ *Auris* dicitur, in qua fit impressio per aerem, quæ vocatur Sonus. *Auris* dividitur in *externam*

& *internam*. *Externa* est structura auris extima, sinuosa & concamerata, quæ in capite prominet.

Habet hæc, præter partes cum toto communes, musculos, glandulas, cartilaginem, & vasa. Ejus *musculorum primus* & communis *processus* quidam *musculi quadrati* est, qui auris radici sub lobo inferiore implantatur: alter ex propriis anterior atque superior, a termino *musculi frontis superiorem* descendit, & paulatim angustior factus parti auris supremæ inseritur: tertius paulo supra ossis *temporum mammillarem processum* ab occipite ejusque *musculis* emergit, & in tres quasi tendines desinens radicem cartilaginis ingreditur: quartus ab ipso *processu mammillari triplici* pariter *insertione* ad auris posteriora fertur.

Glandulæ aurium *Parotides* dictæ, diversæ sunt, non tantum prope aures, sed etiam sub iisdem, & in anteriore parte sitæ, quarum anticæ duæ notabiliores sunt, quæ sibi invicem ferè superincumbunt, altera quædam conglobata, altera conglomerata; ita tamen ut hæc per vas salivare, quod per bucas ad os fiat, satis celebris sit.

Cartilago superiorem & ampliorem auris externæ partem constituens, hanc expansam patulamque sustinet, & ossi petroso per ligamentum validum adnascitur.

Vasa quod attinet *arterias* & *venas* habet à carotidum & jugularium ramo externo; *nervos* verò à secundo cervicali & nervi auditorii processu duriore.

Interna auris consistit in cavitate ossis petrosi, & huic obtemperans membrana: principium suum habet, ubi ossis excavatio incipit, & in 4. cavitates, *Antrum* seu *Meatum auditorium*, *Tympanum*, *Labyrinthum*, & *Cochleam*, distinguitur. Harum prior *antrum* seu *meatus auditorius* vocatur eo, quod sonum irruentem primum excipiat; ipsique limites ponit *membrana tympani* pellucida & tenuissima, quæ *septum* aliàs vocatur, & quam à nervi auditorii mollioris substantia prodire, probabile est.

Alteram, quæ membranæ huic subest, cavitas ab aliis *Concha*, ab aliis *Tympanum* vocatur, & hoc quidem non tam forma, quàm usus ratione; in qua consideranda Nervulus, Ossicula, Musculi & Foramina. Nervulus à septimæ conjugationis ramo duriore progreditur, quem Chordam plurimi vocant, vel propter formam, vel propter situm, quatenus membrana tympani eadem fere ratione subtenditur, ac membrana tympani militaris fundum claudendi chorda subtendi solet. Ossicula tria observantur, quorum nomina notissima: quibus SYLVIVS quartum addit, scilicet *orbiculare*, quod stapedi, quæ incudi committitur, per ligamentum tenue annectitur. Quoad musculos, horum duo observantur, *externus* & *internus*; quorum ille in superiore meatus auditorii regione constitutus non ex communi opinione ad malleum excurrit, cum tympani membrana intercedat, sed membranæ dictæ saltem centrum, h. e. in illam ejus partem externam, cui malleus intus adhærescit, terminatur: internus inferiori ossis petrosi parti, h. e. quæ os *sphænoides* respicit, altius immergitur, unde per peculiarem canalem ad tympani centrum adscendit, ac tendine suo tenuissimo mallei processui minori inseritur. *Foraminum tympani* primum est, quod *Fenestram ovalem* vocant, & per quod ad primum labyrinthi anulum via patet, alterum *rotundum* magis, unde etiam nomen habet prope cavum labyrinthi, quo in cochleam tendit, excavatur: tertium etiam dicitur foramen tympani κατ' ἐξοχὴν & ab inferiore illius parte per os sphænoidis juxta latera processuum pterygoideorum in palatum aperitur, ac cartilagine succinctum *Fallopiani aquæ ductum* constituit, per quem feri aliqua portio ab auribus ad fauces deferitur.

Labyrinthus ex annulis tribus ossibus, quæ cavitationem communem habent, constat, in quos per foramen tympani primum sonus exterior irruit. *Cochlea* quoque ex spiris tribus, ad modum testæ cochleæ, formatur, ubi sono adaucto & concentrato aeris motus nervum auditorium mollem per foramen tympani secundum percellit.

Et hæc sunt, quæ faciunt ad Auditum simpliciter.

Quæ faciunt ad faciliorem Auditum, sunt *Auris externa* & *extima* auris substantia cartilaginea, cuius cavitas externa, ejusque ambages excipiunt sonum, seu motum aerem, qui ex hac derivatur ad *Aurem intimam*; *Aure* enim externa abscessa minus commodè auditur, sed vox fluctuans percipitur; unde ii admovent volam manus incurvatam, ut ita refarciant defectum *Auris externæ*. Ut taceam illius instrumenti acustici conformationem, quam auris externæ vices gerere, aut ejus usum juvare, notum est; sicuti in conclavibus concameratis, aut fornicibus ellipticis, exa-

exactius longe quicunque soni percipiuntur , imò conclavia maxima concameratim & artificiosè ad hoc construi possunt , ut in uno solo angulo omnia ea audiri possint , quæ omnes in toto conclavi , etiam alter alteri in aurem susurrando loquitur , utut omnes alii in conclavi hinc inde ambulantes , nihil horum percipiant . Membrana tympani nimis impetuofum aeris motum ex parte refrænât , & eum interno aeri imprimit , qui in cavitate conchæ eundem nempe motum recipit , & per labyrinthum ad cochleam , quæ cum expansione nervi auditorii primarium Auditus organum est , deducit .

Consideremus ergò *modum* , quò fiat *formalis sensatio Auditus externa* : motus nempe aeris aliquantisper impetuofus vel violentus per motum continuum circula rem & spiralem (instar aquæ , per varios circulos undulando , semel impressum motum longe producentis) quaquaversum se diffundit , & ad aures nostras pervenit , ubi ab aure externa anfractuosa receptus , ad internam pergit , per cujus meatum flexuosum , in osse petroso exsculptum , ad membranam usque tympani pertingit , quam pulsando movet , & hujus medio suum motum aeri in tympano seu concha contento imprimit , à quo motus iste promovetur usque ad labyrinthum & cochleam , in cujus intimo gyro nervi auditorii major ramus expansus in membranulam , ab aere isto moto verberatur , seu aer iste motus , in eam illidit & impingit , eamque percutit , & ita id , quod nos sonum vocamus , constituit ; cujus percussione per spiritum animale m simili ratione motum , ad cerebrum usque continuatio , ibique ejusdem dijudicatio seu perceptio , dicitur *Auditus* .

Motus ergò nunc plures successivi aeris , ad expansionem istam allidentes , si spiritum præsentem ita movent , ut secundus ejus motus in quodam tertio respondeat primo , & tertius secundo , & quartus tertio , &c. oritur *sonus harmonicus* admodum *gratus* , ex proportionem aerearum motionum , ad se invicem certa , secundum Arithmeticæ leges resultans ; sin verò nullo modo inter se respondeant , nullamvè habeant convenientiam inter motum primum secundum vel tertium , &c. oritur *sonus non-harmonicus seu molestus* , propter communitatem nervorum sape linguam & dentes unda afficiens : & prout , per motus istos aereos in cerebro , spiritus animales variè moventur & agitantur in impetu majori vel minori , ordine vel confusione , &c. omnes isti affectus animi , quos Musica producit , originem ducunt ; tardior scilicet seu remissior sonus tardiores in nobis motus excitat , quales sunt tristitia , languor , somnolentia , metus &c. , intensior verò sonus celeriores motus , & hinc impetuosiores affectus concitat , v. gr. lætitiā , animositatem , amorem , &c. vid. KIRCHERUS in *Musurg. Magna* l. 4. P. 1. *Quæst. 6. pag. 135. seqq.* item in *Arte Magnet. l. 3. cap. 8.* & SCHOTTUS loco supra citato .

M E M B R U M I I I.

D E

O D O R A T U .

Tertium , quod valdoperè in nos agit , Objectum dicitur ODOR , qui cum aere , quem respirationis gratia ducimus , vel invitis nobis subintrat : ut plurimum maximum cum gustu consensum habet , ita quidem , ut intensè sapida simul Odoratum fortiter afficiant , & contra , uti in oleis destillatis , salibus volatilibus , &c. apparet , adeo ut Tactus , Gustus & Odoratus non nisi puragraduatione , & majoris vel minoris materia immersionis distinguantur , & saltem Tactus diversimodè modificatus sint , sicut & Veteres Odoratum Tactum quendam dixerunt .

Ex omnibus nempe corporibus mistis insensibiliter exhalant copiosæ particulae , seu varia & innumerabilia effluvia & miasmata in aere hinc inde agitata (ratione quorum canes agnoscunt fæcillimè heros , & tenelli agni in tota grege suas matres , adeo ut omnia corpora certam suam & determinatam atmosphæram seu nubeculam invisibilem circa se habere videantur) quæ , si talia sint , ut cum aere inspirato narium subeundo latibula in membranam admodum sensilem , earum cavitatem intimam & supremam succingentem , certo modo impingant , simulque poris ejus quodammodo se insinuent , ac ejus fibras quasi pungant , & levi motu vellicent , filamenta nervea irritent , & titillent , tunc talis motus in filamentis membranæ narium

excitatus , & per spiritus animales cerebro communicatus , ibique perceptus , dicitur ODORATUS ; sicut particulae eum concitantes dicuntur *Odorifera* .

Omnia enim corpora atmosphæram effluviorum habent , ut magnes habet effluvia , item succinum , quod probat attractio palearum . Res ergò odoratae etiam talem atmosphæram habent . In odore igitur *Formale constituit motus* certus in membrana narium intima , protensa & extensa concitatus ; *Materiale* verò constituit particulae volatiles peculiari sua textura ita conformatae , ut suo contactu specialiter istam membranam movere queant . Volatiles sunt particulae quæ odoris impressionem faciunt , eaque subtilissima ; non enim integræ corporum partes , sed harum saltem subtilissima effluvia , Odoratum excitare valent . Hinc *camphora* propter summam volatilitatem , quæ continuo evaporat , sapida est & summè odorifera ; quæ in spiritu nitri aut vitrioli aut aqua forti soluta , omnem mox odorem exuit , quatenus figitur ab istis acidis volatiles ejus particulae ; quod si dictæ solutioni aqua simplex infundatur , mox camphora antea invisibilis quasi regeneratur , & cum consistentia & colore antiquam vim odoriferam denuò exhibet . Subtilissima esse effluvia odorifera , patet ex tantillo *castorei* , vel *moschi* , vel *zibethi* , quæ omnia , magnam vestimentorum quantitatem , quibus adjacent , odore suo imprægnant , sine notabili sui immutatione . Notum est , quod satis fortiter feriat odoratum *spiritus urinae* . Sic olea destillata , uti gustum afficiunt fortiter , ita fortius adhuc afficiunt Odoratum ; mirabiliter odorem enim diffundunt : sicut guttae duæ olei destillati anisi cum vitello ovi dissolutæ plures aquæ mensuras odore intensè anisato imprægnant .

Quæritur , quales sint ista particula , quæ talem habeant conformationem mechanicam , & vim specialem vellicandi hanc membranam , ejusque filamenta nervea ? Respondeo : Dicunt Chymici , substantiam odoriferam esse sulphuream seu pinguem : nam vix odor erit , qui non ex sulphureo tali oriatur principio . Particulae autem tales odoriferae minus solent esse simplices sulphureæ , sed compositæ ex pluribus minutis particularum ; præcipue tamen constant ex particulis *salino-sulphureis* , ita tamen conformatis , & in textura materiali constitutis , ut certum motum in narium membranam inducere valeant . Has inter particulas hæc ferè habetur subordinatio , ut particulae sulphureæ per salia motæ , & certo modo alteratae , odorem constituent , dum ratione particularum salinarum volatiliū penetrantiam in narium membrana obtineant , ratione verò adjunctæ substantiæ sulphureæ seu pinguis formalem odoris alterationem inducant . Unde & prout particulae tales pingues sulphureæ ex coalitu cum aliis , speciatim salinis particulis , mutant texturam , & vel volatilifantur vel figuntur , aliaversione immutantur , *Odorum exsurgit varietas* ; & certum est , sulphura omnia , quod volatiliora , eò magis odorifera , ut in castoreo ; quod sulphur autem magis fixum aut terra temperatum , eò minus odorum quid esse .

Dixi sulphureas seu oleosas particulas , per salia quasi excitatas , esse primum odorabile , ita quidem , ut nunc urinosa , nunc acida salia , agendo in sulphurea , odores latentes excitent , vel eos remissos intensiores reddant : ut taceam salium variam combinationem multum conducere ad odores , ut in lixivio scoriarum antimonii post factum regulum apparet , si illi tantum paucillum acidi instilletur : hi duo liquores in odori subito horrendum fœtorem ex sola mistura emittent , ob solam texturæ particularum ex liquorum istorum confusione mutationem . Sic sulphur commune languidum obtinet odorem , quod cum alcali quodam fixo liquefactum , dum per deliquium fluere incipit , intensissimum fœtorem spirat . Sic antimonium & Mercurius sublimatus in odora sunt , quæ junctim destillata butyrum antimonii suggerunt , quod odorem sulphureum penetrantissimum & vix tolerabilem spirat : huic si infundatur aqua simplex , statim cessat odor ; & hoc neque antimonium crudum , nec ex butyro præcipitatus Mercurius vitæ , nec residuus liquor acidus , solitarii , sicut uniti , præstant .

Imprimis in animali & vegetabili regno sal volatile agens in sulphura , & ratione latentis sub hoc acidi , certum motum ipsi , & mutationem texturæ tribuens , *Odores constituit* ; unde præ cæteris sunt odorifera vegetabilia resinosa , quæ exinde destillando olea suggerunt : hæc olea blando igne sunt suaveolentia , forti verò sunt empyreumatica & graveolentia . Olea suaveolentia per

vesicam vel balneum Mariæ destillata, quatenus sunt salia volatilia à pingui acido concentrata, maxime esse solent odorifera; magis adhuc empyreumatica, in quibus nempe arctior salis volatilium cum pingui, per intensiorem ignis aperti torturam, est colliquatio, intensius inde, & etiam gravius, olere solent. Exemplum manifestum est in ligno *Sassafras*, cujus rasura per vesicam destillata dat oleum admodum suaveolens, suum concretum representans ob sulphur volatile; per Retortam vero igne aperto tractatum, oleum foetidum fortiter empyreumaticum suggerit, cujus differentia ratio saltem in texture mutatione, & in plus minus arcta particularum concentratione, consistit. Terebinthina dat oleum suavis odoris; si vero cum hoc rite solvantur flores sulphuris, fit balsamum sulphuris foetidi odoris, propter mutationem texture. *Moschi* & *Zibethi* ac *Cassioei* fortissimus odor, à copioso sale volatili oleoso originem habet, quod *Moschus* nempe & *Zibethum*, si odorem omnem suum amiserint, suspensi in lattrina de novo suavi odore imprægnantur ab istis excrementis, quatenus recuperant ex lattrina salia volatilia sulphurea acris urinæ & stercoreis, quibus per copiosam exhalationem frustrata fuerunt; nam hæc salia volatilia in radice congenera aliquali fermentatione agunt in eorum oleum, istudque solvendo coeunt cum eodem in particulas novas summe odoriferas, unde odoris antea amissi restauratio: quod fit etiam, si per fermentationem pristinam mutant figuram, ex varia separatione à se invicem, & nova à particulis aliis facta combinatione: imò hæc ipsa excrementa per fermentationem & digestionem etiam in similem suavem odorem transmutari possunt. Fundamentum est tantum mutatio figurarum & texturarum in particulis stercorea componentibus. *Eugaces* odores sunt, quos *Jasminum*, *Lilia convallium*, *Rosæ* &c. exhalant, subtiliori magis sale volatili explicato, quam sulphure illud concentrante, constantia. Spiritus ex partibus animalium & salia volatilia vix ulla arte à foetore liberari possunt, quia oleosum contagium, intimè illis concentratum, pertinacissimè adhæret; cujus ratione halitus latrinarum interdum observatus fuit inflammabilis: sed si per spiritum salis acidum redigantur in sal ammoniacum, in qua præparatione oleum, quod superest, separatur: & ex sale ammoniaco denuò, si rectificetur, salia volatilia hæc ipsa, deposito foetore omni, saltem penetrantiam suam volatilem, qua non nares solum, sed oculos pariter ac linguam afficiunt, retinent. In regno minerali promiscuè magis nunc acida, nunc alcalia, operando in subjecta sulphurea, odores excitare solent: sic enim sulphur cum alcali fixo tractatum intense foetet: butyrum antimonii verò ex acido constans penetrantissimum odorem sulphureum spargit. Ferrum inodorum cum sale ammoniaco, item cum spiritu salis ammoniaci urinosi saporis & odoris tractatum, croci vel saltem florum calendulæ simillimum representat odorem. *Fætores ipsi rerum putrescentium per duplicatum quasi motum oriuntur*, dum ex acido agente in solutiones sulphureas, per alcali factas, ferè produci solent. Sic lixivium scoriarum reguli antimonii ab infuso acido, v. gr. spiritu vitrioli, subito horrendum foetorem emittere solet; par ratio est sulphuris communis cum sale tartari liquefacti massa per deliquium soluta foetet, sed si acidum instilletur, longè intensior foetor emergit. Hinc rerum putrescentium foetor à sale volatili exaltato, agente penetrantiùs in sulphur seu oleum, concurrente simul occultato huius acido, & solutionem factam quasi præcipitante, emergere solet.

Ex his dictis apparet, quod reverà *Odor nil aliud sit, quam effluvia cujusdam corporis subtilissima & admodum volatilia exhalantia, quæ secundum suam texturem ita sunt figurata, ut membranam narium possint blandè & certa ratione pungerè & vellicare*, unde & bruta odorem habent, quo possunt percipere alimenta convenientia: & quod si enim huiusmodi vellicatio sit nimia, talis impetuosis spirituum exsuscitatur motus per musculos respirationi dicatos, qui *Sternutatio* dicitur; de qua vid. SCHNEIDERUS *Tract. de Osse Cribiformi*, item SCHOOCKIUS de *Sternutatione*; fortiores enim odores excitant sternutationes. *Præmarium membrum sternutans est diaphragma* per consensum nervi intercostalis: hinc quibus hæc membrana sensilior, hi facile sternutant.

Quod attinet *Nasum*, hic, sicut auris, est aut externus, aut internus. *Nasum interiore* constituunt ossis spongiosi tubuli, processu duræ matris sensibili admodum vestiti, ac fibris nerveis plurimis donati; præprimis tamen in eundem terminantur, aut hanc succingunt,

processum cerebri mamillarium fibræ medullares.

Nasum externum constituunt, præter integumenta communia, ossa, cartilagines, musculi, membrana & vasa.

Ossibus parte inferiori adhærescit substantia cartilaginea, *pinna* & *columnam* narium formans. *Septum* hoc nasum in cavitates duas dividit, quas *nares* vocant. Quælibet autem harum circa nasi medium iterum in cavernas duas dividitur, quarum una sursum ad os spongiosum tendit, altera supra palatum ad fauces declinat: imò ex singularium narium parte anteriore *Steno* meatum ad palati anteriora monstravit, qui propè dentes incisivos superiores tuberculo quodam se prodiit; qui si comprimatur, ad ejus latera utrinque prodiens guttula viam hanc manifestabit.

Masculorum 4. paria apparent, duo dilatantium, & totidem confringentium. *Dilatantium* cum labiis commune carnosum ab osse malarum, juxta labiorum musculum tertium oritur, ac labio superiori partim, partim in penne exteriori parti inseritur. *Alterum* par triangulare ab ossis frontis & narium concursu super nasi pinnam descendit, & huiusalis implantatur. *Tertium seu primum confringentium* circa pinnarum exterius circulariter fertur. *Quartum* verò ab ossium nasi extremitate oriundum in pinnas cartilagineas terminatur.

Membrana naris succingens à dura matre emanat, & his cum faucibus, gula & larynge, communis existit, per quam ejusque poros notabiles pituita aliquam portionem transudare *Schneiderus* putat, hinc pituitariam anteriorem illam vocavit; sed glandulas ipsi subjacentes serum hoc suppeditare, probabilius est.

Membrana ista tenera seu delicata, suis nervis instructa, & summitatem narium juxta confinia ossis cribiformis intimam succingens, *præmarium* seu *immediatum Odoratus* est organum, demonstrat hoc sufficienter SCHNEIDERUS *loc. cit.* cuius assertum etiam *Coryza* confirmant, quæ qui laborant, ob nimiam membrana dicta à lymphâ copiosiore humiditatem, odorati spoliuntur, quia redditur mollis, immobilis & minus sensibilis. Contrarium equidem statuit WILLISIUS in sua *Anatom. Cerebri*, qui, cum Veteribus, processibus mamillaribus in cerebri anteriore parte sitis adhuc istum usum tribuit, & mordicus defendit; cui tamen obstat, quod quilibet meatus cribiformis penitus, & membrana dura admodum pertinaciter oclusus sit, ita, ut ne tantillum odoris per nares ad illos processus penetrare valeat. Stetit hæc sententia usque ad tempora nostra, donec SCHNEIDERUS eam funditus delere conatus est in *Tractatu allegato*, ubi accuratè docet, falsum esse, hos processus mamillares esse organon Odoratus. Interim an hæc membrana, quæ membrana odorem percipiat, annon potius etiam extra hanc adsint papillæ nerveæ, similes istis papillaribus organis, quæ annotamus circa Gustum & Tactum, adhuc incertum est. *Fortè sub hac membrana latent* & huic ipsi insertæ sunt quædam papillæ nerveæ, ex nervorum extremis fibris in membranam narium desinentibus abortæ, non nisi per microscopium inveniendæ; quæ papillæ in lingua Gustus, in cute Tactus, organon constituunt; cum Gustus, Odoratus, Tactus, &c. non nisi pura graduatione majoris vel minoris objecti immersionis distinguantur, omnesque solo Tactu fiant; Vid. *Acta Hassniens. Volum. 5. pag. 133. & 134.* Unde & ex Analogia cum Tactus & Gustus organo de præsentia certarum papillarum vix dubitandum videtur, de quibus tamen per Anatomicum, simulque per armatos microscopio oculos ulterior instituenda est inquisitio.

Prout ergo particularum istarum variat conformatio in figura, textura, &c. indeque ad movendam membranam narium sint proportionatæ, ejusque porulis & fibris movendis respondeant, vel non respondeant, etiam variat Odor, qui nunc est gratus, nunc ingratus. Si enim blanda & moderata in membrana ista fiat vellicatio aut titillatio, ut spiritu blando & jucundo cieantur in fibris motu, Odor erit gratus; si verò motus spirituum minus proportionatus in fibris istis excitetur, aut ipsum etiam organum propter objecti vehementiam lædatur, Odor ingratus emergit. Quot ergo modi sunt in conformatione particularum odoriferarum, tota æquata ab iis fiunt impressiones, & quanta varietas in membrana narium structura, tanta est varietas in impressionis illius receptione, & inde tot Odorum & Odoratus exsurgunt differentia, dum vario modo movetur ista membrana; hinc enim est, quod v. gr. bruta quædam, in specie canes, adeò acutum habeant odoratum, vel quod quidam homines alios de longè venientes nondum visos solo olfa-

olfactu agnoscant, cujus exempla videbitis in DIGBY loco *sapius citato cap. 27. item in BORELLO C. 3. Observat. 68.* Hæc motus in membrana varietas variè etiam afficit spiritus, unde odores tam varias inducunt alterationes, dum unus odor hunc recreat, illum in syncopen deiecit, in mulieribus odor fortis passionem hystericam producit, à spiritu nempe animali variè affecto, & ad tales motus à tali vel tali pressione disposito; unde stercoreis odor hominis nares lædit, qui oblectat porcum; moschus contra, hominem recreat: unde videmus, quod aliæ abhorreant moschum, ambram, aliæ sulphure, & aliæ castoreo delectentur; particulis enim volatilibus halituosis se sociant spiritus animales ob volatilem homogeneam naturam, hinc motionem in præcordiis mulieres sentiunt, & conqueruntur, Cor ipsis calefieri & angere.

Restant *Narium vasa externa*, quæ, præter arterias & carotidibus, & venas à jugularibus externis, sunt nervi à paris quinti, ad oculorum globum tendentis, propagine emergentes, & per foramen lachrymale ad nares abeuntes. His accedunt *canales peculiare*s à *Stenone* observati duplices, nempe cum oculis communes, & naribus proprii de quorum ortu supra, ubi de palpebris, dixi: Terminantur autem propè narium extremitates foramine manifesto. Qui naribus proprii sunt, h. e. intra hos oriuntur, & terminos habent, itidem duorum generum sunt, breviores scilicet, & vix nisi per guttulas expressas conspicui, qui illum humorem effundunt, quem in membrana pituitaria anteriore jam allegata observavit *Schneiderus*; cui quidem consentire non possum, dum membranz, ut tali, hunc usum adscribit, nullâ glandularum factâ mentione, cum nihilominus sub eadem vasorum extremis adhærescant corpuscula glandulosa in parte narium posteriori majora, anteriori minora. Alterius generis seu longiorum utrinque ductus unus in brutis deprehenditur, quem tamen in homine nondum observare licuit, qui ex glandulis narium superioribus, ac supra dentium molarium regionem sitis, radicibus plurimis exsurgit, hinc cum canali ad oculos derivato dorsum nasi conscendit, inter illum atque hoc progreditur, donec circa extrema ferè narium in sinum conspicuum se exoneret.

M E M B R U M IV.

D E

G U S T U.

Naso proximum est os, in quod ingesta quæcunque salivâ diluta, præter communem tactum, quem excitant, specialem, & singularem quandam linguæ alterationem inducunt, quam *Gustum* appellamus, qui est nihil aliud quam *Tactus linguæ*, & ea, quæ eum excitant, saporis vel *Objecta sapida dicuntur*. Alias Gustus & Odoratus idem materiale Objectum habere videntur; quod percipitur ab Odoratu, quatenus particula illa minutissima corporum effluunt, & in aëre volitant; à Gustu verò, quatenus solæ, vel cum saliva sub forma liquoris lentè moventur, & in papillas nerveas linguæ incidunt: unde in eundem etiam finem, alimentorum nempe selectum à natura institutum, conspirant. Sapor autem iste reverà non est quædam qualitas realis, sed tantum particularum quarundam in assumptis talis conformatio & textura, ut eæ linguam pungant & vellicent, & ita singulariter moveant, quæ *motus linguæ impressa*, percepta à nobis in cerebro, dicitur *Gustus*. Salinis particulis minutissimis hæc vis imprimis à Chymicis tribuitur, & sunt fundamentum omnium saporum, quia hæc habent conformationem rigidam, acuminatam & diversimodè figuratam, secundum quam se insinuando in dictas linguæ papillas nerveas, istam in iis inducunt vellicationem & puncturam, quæ sapor appellatur; quæ punctura taliter movet spiritus animales in papillis nerveis linguæ residentes, ut exinde Gustare, id est, saporem seu vellicationem istam percipere dicatur. Et sicut innumerabilis salium est diversitas, ex variatum inter se, tum cum alijs, præsertim oleosis & terreis particulis commixtione, qua ipsæ vado perè in figura, textura, &c. atterantur, etiam ex varietate talis texture impressio certa in linguæ papillis, & hinc innumerabilis saporum emergit differentia, in omnibus subiectis diversa, sive sint ex propria conformatione, sive ex nova continuatione; prout enim dictæ particulae plus

vel minus sunt separatae & dilutæ, eatenus fortiores & debiliores fiunt saporis; prout plus vel minus etiam concentratae, vel retusæ, eatenus etiam plus minus corpus sapidum est. Hinc sapor acidus videtur in ea consistere, quod particula oblonga, & utroque latere acuta, penetrant, & utring: quasi incisionem quandam subtilem faciant. Sapor dulcis consistit in certa miscela utriusque salis, acidi & urinosi, quæ temperata sunt mediante pinguedine, unde emergunt particulae quasi quadratae aut cubicae, quæ blandè & æqualiter in linguam impingunt ipsique inhaerent, & papillas movent. Aqua insipida, quia ejus particulae nimis delicatae, molles, flexiles, rotundæ, &c. non ita aptè formatae sunt, ut penetrare queant, aut fortiorem motum exprimere, sed desuper serpant tantum, & leniter membranam saltem linguæ sensilem tangant. Obstant quidam, salia sola non facere saporis, cum olea destillata eisdem etiam excitent, quæ sapidissima, & tamen non salina sint; quod penitus negandum, quia Olea destillata sunt salia volatilia concentrata seu fortificata. Corpus, si particulis salinis est destitutum, est insipidum: quod magis extraversum est sal, eò magis est sapidum; è contrà quod magis immersum alijs particulis, eò magis insipidum.

Dixi, Saporess consistere in particularum quarundam, propriis salinarum, speciali ac singulari textura; id quod ulterius varia saporum exempla illustrent. Hinc nempe evenit, quod propter solam figuræ & texture particularum sapidarum mutationem duo liquores, fortem saporem obtinentes, ex eorum mutua miscela tertium omnino insipidum, aut saltem novi penitus saporis, producere possint, quatenus mutua conjunctione sapida salinae particulae ita fiunt vel magnæ, vel obtusæ, vel alio modo figuratae, ut sine impressione in linguam insipida appareant. Notum est, quod tartarus sit acidulus, qui examini ignis subiectus & destillatus nullum dat spiritum acidum, sed phlegma urinosum, & oleum acre, remanet alcali fixum urinosum, & terra insipida. Hæc producta non oriuntur, nisi ex sola mutata textura particularum beneficio motus ignis, hinc novus sapor. Hinc enim spiritus vitrioli acidissimus, & lixivium seu oleum tartari per deliquium, acre urinosum, conjunctim ac mutuo, ob mutatam texturem, abeunt per evaporationem simplicem aquæ insipida, diluentis salia, in sal novum, nempe in tartarum vitriolatum genuinum, saporis vel leniter salis, vel ferè insipidi, acidum enim ab alcali urinoso destruitur, & asperitas urinosa ab acido corrigitur, unde emergit corpus sine acumine, & consequenter sine sensibili sapore, Notum est, quod acetum in se habeat particulas rigidas, utrinque acutas, & suo modo papillas quasi scindentes, quæ scissio est talis alteratio, quæ sapor dicitur: Idem acetum attactu minii vel plumbi calcinati in novam abit texturem saporis dulcis, ex qua saccharum saturni dictum emergit.

Queritur hic: Unde ex Insipido & Acido oriatur sapor dulcis? Nil intercedit, nisi nova textura particularum acidarum & saturninarum, unde novam in lingua facit impressionem, & ex mutata figura, ex acutis quasi quadrata aut octoëdrica, & ita quodammodo aluminosa fiunt, indeque dulcedo oritur.

Porro, spiritus sulphuris vel vitrioli cum terra sigillata texturem & saporem instar aluminis acquirit. Spiritus acidus, in sulphure insipidus, in Marte sub vitrioli Martis præparatione saporem vitriolaceum subdulcem contrahit: e.g. sumatur ferrum insipidum, huic affundatur spiritus sulphuris acidus, emergit vitriolum Martis, quod partim est austerum, partim in fine dulce: Nihil est hic factum, nisi quod ex mutata particularum texture factum sit novus sapor. Sumatur spiritus acidus salis communis, & affundatur conchyliis nostratibus; spiritus iste attactu harum testarum mutabitur in saporem urinosissimum. Hæc solutio plus habet in recessu: sapor acidus non est destructus, sed adest, propter mutatam tamen texturem tantum occultatus: scilicet si instillatur novum sal fixum, tartari vel cinerum clavellatorum, tunc præcipitabitur pulvis albus in fundum. Idem spiritus salis acidus attactu cujusdam salis volatilis urinosi, ex mutata utriusque texture, constituit sal saporis salis. Vinum, item acetum, cui lapilli cancrorum infusi sunt, sub horum solutione, & hinc texture mutatione, saporem lixiviale, aut intense sal-

sum; adsciscit. Vino ex quo spiritus blando igne separatur, magna saporis mutatio accedit, etiam eodem spiritu reaffuso, nullo modo in antiquam gratiam restaurabilis, propter semel mutatam texturam vini in tantum nempe texturam particularum mutata mutant sapores. Revera ergo sapor consistit in particularum salinarum conformatione certa, secundum quam afficitur lingua.

Ista ergo pars, quam particula ista hoc modo figurata primario afficiunt, & pungunt, est *primarium Gustus organon*: & hoc non sunt membrana faucium & oesophagi, ut *Warthonus* vult, nec spongiosa lingua caro, nec huius nervi, nec expansio glandulosa, quam lingua cum tonsillis communem habet, & basin præprimis linguæ involvit; quæ omnia *BELLINUS de Gustus Organo*, & *MALPIGHIIUS de Lingua*, refutarunt; sed parva potius corpuscula nervea, rotunda, sub membrana linguam investientem proxime sita, à figura *Papilla*, ab origine *Nervea*, dictæ, quas Autores nominati cum *FRACASSATO de Lingua* primi viderunt. Nervi enim ad linguam ablegati in quamplurimos dirimuntur ramos, qui in parvas abeunt fibras, quæ ad superficiem linguæ sub membrana ejus delatæ in substantias ejusmodi terminantur rotundas, tamquam in capitula fungorum, vel parvula cornua extrema limacum, de quibus paulo post.

Hæ ergo *papilla nervea*, ratione suæ peculiaris texturæ, ita sunt constitutæ, ut, præter communia Tactus Objecta, qualia sunt durum, molle, asperum, &c. à particulis minutissimis salinis, similibusque ciborum, per salivam dilutis, & masticando attritis, pungantur, scindantur & moveantur, vel ab iis in earum poros & meatus sese insinuantibus, unde talis earum fibrosarum papillarum oritur vibratio & motus, qui per spiritus animales cerebro communicatus Gustus, & ejus perceptio Gustatio, à nobis dicitur. Saliva autem indigent vehiculo, quod est aqua, & in homine saliva v. gr. grana piperis grossa vel grosse contusa deglutita, nullius ferè sunt saporis; si verò pulverisata per salivam papillis insinuantur, fortissimum habent saporem. Hinc particulis sapidis ante imprægnatæ papillæ nerveæ alios sapores non percipiunt. Unde lingua nimis humectata, ut fit in coryza graviore, papillæ dictæ catarrhali limosoque liquore nimis imbutæ resolvuntur, ut flaccescant, & sic non possunt faciliè moveri, & ineptæ fiunt ad percipiendas sapidas impressiones. Quod si verò in saliva hospitentur vitiosa excrementa salina, ut scorbuticis, quæ cum assumptis se insinuant in linguam, omnia assumpta vitiosum, & tamen eundem obtinebunt saporem, ut in ictero apparet, in quo omnia amaricant & salsa sunt. Gustus gratus est, qui fit à blando motu dictarum papillarum; ingratus è contra est, qui fit cum violentia & quasi vehementia ledendo dicta, linguæ filamenta nervea. Reliqua lingua substantia non est parenchymatica, nec glandulosa, sed præter has papillas musculo-fa: Vid. *VESALIUS*, *MASSA*, *SPIGELIUS*, *WARTHONUS in Adenographia*, *STENO de Musculis & Glandulis*, *BELLINUS de Gustus Organo*, *MALPIGHIIUS & FRACASSATUS de lingua*; & quidem non sine ratione; composita enim ex variis fibris carnosis, ad varios motus ita conformata pro vocum formatione seu loquela, ut musculis ab extra implantatis solis vis hæc movendi attribui non possit.

Fibrarum harum ordinem triplicem ab apice ad basin usque supponit STENO de Musculis & Glandulis pag. 14., nempe *exteriores seu superiores*, & longitudinales: quibus subjacent *intermedia* duplicis iterum generis, *descendentes* scilicet, & à medio linguæ ad latera tendentes seu *transversales*; quæ duo fibrarum genera ita disposita cernuntur, ut series descendendum, transversalium seriem alternatim excipiat. Quibus tamen *Malpighius* addit, in anteriore quidem linguæ parte hæc ita se habere, in posteriori verò *duplex obliquarum* adhuc genus, præter rectas, à musculis ab extra implantatis observari, imò has in tabulis æneis delineat & exhibet; quod idem autopsia quoque confirmat. Basi suâ latiori ossi hyoidis, laryngi, & faucibus, partim membranarum, partim musculorum interventu, cohaeret, insimul tamen parte sui mediâ & inferiori ligamento valido membranoso constat, ex concursu tendinum musculorum forsan oriundo, ejus extremitas anterior laxior *Frænulum* vocatur; quod si strictius & laxius iusto in infantibus existat, iis lactis suctionem ac postmodum loquelam turbat.

Vasa sanguifera sunt arteriæ à corotidum trunco & ramo interno, venæ autem ad latera frænuli valde conspicuæ in jugulares externas se exonerant. Duplici vestitur membrana, quarum anteriorem cum videret *Malpighius* per coctionem in duas laminas facessere, duplicem hanc pronuntiavit, ideoque tria linguæ involucria attribuit, ut hoc impugnet *BELLINUS Tract. de Gustus Organo cap. 13*. *Exterior tunica* valde porosa, & in hominibus mediocriter levis, in quadrupedibus verò plerisque valde aspera est, habetque hanc cum reliquis oris partibus communem linguam, cui etiam membrana substrata firmiter satis connectitur, ita tamen ut poris simul infinitis gaudeat; quorum alii majores, conis illis, de quibus mox dicam, viam concedunt; alii minores, papillis ex involucrio inferiore asurgentibus destinantur, quorum intuitu involucrium hoc porosum seu cribrosum recte dicitur. Latet sub hac alterum *linguæ involucrium*, à *Malpighio corpus nerveum & papillare* dictum, quod musculis linguæ immediate & ratione nervosarum propaginum per horum fibras erumpentium valide satis adhærescit. Superficies ejus exterior inæqualis & crusta ventriculi interiori per quàm similis est; figunt enim in illo radices, non saltem explicandæ papillulæ capitatæ, sed idem involucrium eminentias quoque obtusiores innumeras, ac totidem conis acuminatis respondentes ad horum radices emittit; ita ut his evulsis illæ remaneant, & papillas quasi infinitas forment.

In linguæ siquidem exteriori facie corpuscula seu eminentia duplicis generis observantur, *acuminata*, & *obrusa seu capitata*; quarum illæ innumera, fibrosæ & tantum non cartilagineæ, *instar cornuum ex basi latiore in apicem satis acutum abeunt*, & extremitate suâ ad fauces instar uncorum inflectuntur, majores in anteriore linguæ parte, minores in medio & lateribus, in basi & superficie inferiore planè nullæ, quamvis in basi earum loco membranosa quædam corpuscula locentur, nunc conum, nunc papillam obtusorem æmulantia. Vestit has exterior linguæ membrana, ita quidem, ut cum hac exteriori quasi corporum horum involucrium tollatur, cohaerescunt tamen insimul cum jam explicato interiori seu nerveo integumento, ita quidem ut in eorum basin perforatam hujus tot eminentiæ se insinuent, & illorum quasi medulla evadant.

Alterum in superficiem linguæ conspicuum eminentiarum genus *capitatum & fungis seu clavis claustrorum figura perquam simile est*, quarum copia tamen non tanta, ac præcedentium, earumque plures in apice linguæ hujus lateribus, per planitiem ipsius reliquam rariore, & in basi plenè nullæ, sed harum loco insignia quædam oscula pituita viscidâ repleta observantur. Totâ eadem linguæ inferiori superficie, uti à cornubus præcedentibus, ita à capitatis quoque his eminentiis immunis cernitur. Hæ illis nihilominus profundius radicanter, & in ipsa linguæ crusta nervea, ita & nervorum ad hanc derivatorum propaginibus extremis continuæ observantur, hinc ad ablationem membranae exterioris avelluntur.

Cæterum de Linguae structura, ejusque papillis & organo Gustus, vid. *Epist. MALPIGHII & FRACASSATI de lingua*, item *LAURENTII BELLINI Tractatus de Organo Gustus*, ubi plurimis methodo analyticâ dictas papillas nerveas, tanquam Gustus Organon, definit & defendit.

Lingua substernitur os quoddam, *basilare* ab usu, à figura, *Ipsiloides*, item *Hyoides* dictum, de quo vid. *BARTHOLINUS*, aliique Autores Anatomici.

Occasione linguæ de hujus *Musculis* aliquid adhuc addam, de quibus notandum, duplicis esse generis, quorum alii in dicto osse basilari terminantur, & linguam mediatae satis movent, vocanturque musculi linguæ *communes*, alii in ipsum linguæ corpus inferuntur, & quia hanc immediate magis agitant, proprii dicuntur; quorum utrumque genus denominationes suas à principio seu insertione accipit.

Posterioribus insternuntur priorum 5. paria generum:

1. *Sternohyoides* à summa sterni parte ad latera sternothyroideorum laryngem conscendit, donec in baseos ossis partem inferiorem implantetur, hoc deorsum & simul basin linguæ ad fauces trahens.
2. *A processu scapulae coracoideo carnosio principio procedens* sub musculo capitis mastoideo carnositatem suam ad instar dygastrici exiit, hoc verò surato,

perato, eandem reassumit, atque ossis hyoidei lateribus seu carnibus jungitur, hincque *Coracohyoidem* audit, utpote qui os hyoides deprimit, ad latera quidem, si alteruter tantum hujus paria agat.

3. *Stilohyoidem* seu *stiloceratohyoidem*, quod ab epiphyssi ossis temporum, stiloide, gracillimo, & principio tendinoso exortum, mox carnosius redditum, & à dygastrico maxillæ nonnunquam perforatum, ossi basilari circa commissuram ejus baseos cum cornubus inseritur, ita ut hoc cum lingua suspendere, & retrahere videatur.

4. *Geniohyoidem externum*, quia mox sub dygastrico à genarum facie interna latiore & carnosâ, principio exoritur, & triangulari termino basi ossis hyoidis affigitur, hocque antèrius movet.

5. *Geniohyoidem internum* est, quod à quibusdam negligitur, & pro Genio-glossò communiter habetur: hoc præcedente minus & quadrangulare sub illo anteriore & interna menti parte prodiens supra musculos basiloglossos ossis basi implantatur, & cum externo ejusdem usus est.

His remotis, 5. paria linguæ musculorum propriorum conspiciuntur. Scilicet

1. *Stiloglossum*, quod gracile & oblongum satis à processu stiloideo emanans cum sequenti pari circa medium linguæ hujus lateribus infigitur, quam attollendo retrahit.

2. *Ceratoglossum* ab hyoidis cornubus enatum, in radicis linguæ latera terminatur, ita tamen ut ejus quædam fibræ in apicem illius quoque progrediantur, hinc contractione alternata tremulam in oris latere linguæ conversionem præstent.

3. *Myloglossum*, quod tamen frequentius deficit: hoc à maxilla inferiori & hujus dentium molarium radicibus exortum, in linguæ latera absumitur, cujus basin ad palatum elevat.

4. *Basiloglossum*, vel *Ypsiloglossum*, quod musculus simplex & unicus potius videtur; à basi ossis hyoidis emergit ac sub lingua, secundum tractum hujus maximum, productum, fibras undique in hujus latera spargit, adeoque eam leviter deprimendo ad fauces trahit.

5. Tandem *Genioglossum* seu *Mesoglossum*, quod à media & interna menti superficie principio tendinoso exoritur, hinc sub linguæ corpore protenditur, usque dum termino carnosio ultra medietatem hujus inseritur, hinc sua actione eam extra dentes protrahit.

M E M B R U M V.

D E

T A C T U S

Gustui ultimo loco proximus est *Tactus*, ubique ferè in corpore reperibilis, ubicunque nempe filamenta reperiuntur nervea, quæ ab objectis externis mille modis horum approximatione affici, & variè moveri possunt, cum & Gustus certus quidam Tactus sit; unde & ratione organi, in quo Autorum sententiæ variant, haud adeò discrepabunt. Organon scilicet *Tactus* genuinum & *primarium non sunt membrana, sed papillæ nerveæ pyramidales, ex cute erumpentes, & sub cuticula sitæ*, uti hoc pluribus defendit, & primum ostendit MALPIGHIIUS *Tract. de externo Tactus Organo*, quod microscopio examinavit. Copiosæ nempe nervorum fibræ, quæ cum capillariibus vasis arteriarum & venarum constituunt cutis integumentum hinc, inde erumpentes ex cute, desinunt in parva ejusmodi capitula seu papillas, & nervorum apices, ac inter sudoris oscula constitutæ per corpus reticulare in cuticulam desinunt; quatenus singulæ in plures velut fibrillas dividi videntur; ac eò grandiores & frequentiores reperiuntur, quò exquisitior est Tactus, ut in manibus; minores verò & rariores, ubi non adeò exquisitus est Tactus, ut in pinguedine, & corporis peripheria.

Sensus enim communissimus est Tactus, per totum corpus diffusus: nam omnes reliqui sensus externi fiunt simpliciter per Tactum, quæ sensationes externæ consistunt in impressionibus, factis in organis sensuum, quæ impressiones consistunt in motu. Requiritur ergo pro recta sensa-

Extmulleri Oper. Tom. I.

tionem, ut fibræ nerveæ sint in legitima tensione, beneficio sui toni, qui dependet ab influxu spirituum animalium, unde in hepate ipso nullus est sensus, quia est corpus glandulosum absque nervis.

Objecta ergò externa cuticulæ admota pro varietate circumstantiarum, quoad situationem nempe & conformationem particularum minutarum in superficie, item quoad certum vel motum vel quietem earundem, diversimode suo affricu & attritione afficiunt per cuticulam dictas fibræ, & earum extremitates, papillas nerveas, spiritibus animalibus turgentes, qua occasione & ipsi spiritus plus vel minus moti, eorumque motio & agitatio in cerebro à mente percepta, Tactus appellatur; Objectum verò movens Tangibile, & modus Objecti, quo papillæ afficiantur, Qualitas tactilis dicitur. Sed hæc qualitas tantum in structura filamentorum consistit; v. gr. dum superficies rei cujusdam inæqualis, ex diverso particularum in superficie situ ita afficit papillas, ut in continua serie positarum, à particulis corporis quædam inæqualiter afficiantur, quædam verò non, exinde interruptus & inæqualis in dictis papillis & spiritibus fit motus, cujus occasione nos dicimus sentire *Asperitatem*; sin verò omnes papillæ simul afficiantur æqualiter à tali corpore duro, corpus dicitur *Leve* seu *Glabrum*: sin prementibus papillis, v. gr. in digitis, Objectum externum cedat defectu firmæ minimorum cohesionis, dicitur exinde *Molle*: sin verò non cedat, sed resistat ex forti earum combinatione, dicitur *Durum*: sin particulæ quædam mobiles objecti papillis admoti invicem cohæreant, simulque ipsis adhæreant, dicitur *Viscidum*: si aliquæ particulæ à toto separatæ mobiles dictis papillis adhæreant, dicitur *Humidum*: sin verò nihil adhæreat, dicitur *Siccum* seu *Aridum*: sin percipiatur celerrimus, vehemens & repetitus motus in papillis, ab Objecti externi minimis motis factus, hoc dicitur *Calidum*: quod si nullus talis fiat motus, objectum dicitur *Frigidum*: simili modo ac terebra ferrea agens in lignum, quando est in quiete, est frigida; si verò in motu, dicitur *Calida*. Aqua per se nec frigida nec calida est: membrum frigefactum in nive sentitur Calidum nonnihil: aqua calida per se frigescit, quia remoto movente, externo igne, cessat calefacere. Fibræ nerveæ in celerrimo motu constitutæ, *dolorificæ* fiunt; quando verò deficit motus spirituum in fibris, ibi est *stupiditas*, v. gr. quando frigemus, ubi fibræ sunt factæ rigide. Quod si una vel duo tantum afficiantur papillæ punctim, Objectum dicitur *Acutum*; sin verò aliquod leniter moveatur Objectum, dicitur *Obtusum*, sicque in ceteris objectis tangibilibus fere in infinitum. Ut enim alio se modo habent Objecta ad istas papillas, ita etiam varius excitatur spiritus animalis motus, qui motus tunc dicitur sensus Tactus; vid. BOYLE *Tract. Origo Qualit. & Formarum, & Tract. de Fluiditate*. *Extremitates fibrarum nervearum per cutem erumpentes esse dictas papillas, supra insinuatum est*, unde hæ papillæ sunt quidem *primarium & naturale Tactus organon*, sed non adæquatum; hoc enim sunt illæ ipsæ *fibræ nerveæ*. Non igitur quemquam confundat, quod in vulneribus vel ulceribus, ubi vel nervi, vel nerveæ fibræ tanguntur, & ubi nullæ tales sunt papillæ, sensus tamen percipiatur acutissimus, & insigniter dolorificus: nam fibræ nervosæ sentiunt, i. e. promptè moventur; siue sint nude vel solitariae, præsertim in partibus internis distributæ, siue in extremitate corporis in papillas istiusmodi conglobatæ, siue etiam in membranam substantiam unitæ. Fibræ enim dictæ ubique super corpus, & partes ejus fori tensione expansæ, & spiritu animali turgidæ, à quo in debito expansionis tono conservantur, verum Tactus sunt Organon, quatenus eadem ab objecto externo pullæ, tremula quadam vibratione concutuntur; & ita tali concussione vel motione Tactus sensus peragitur, uti in dolore vulnerum, item in dolore partium internarum manifestum evadit; quam opinionem eleganter explicatâ videbitis in GUILIELMI CROON *Tr. de Rat. Motus Musculorum, annexo Anat. Cerebri Vullisiane*. Hæc tamen intercedit differentia, quod in papillis nerveis naturalis & blandus fiat motus & sensus. Tactus scilicet simpliciter sic dictus; in fibris verò nerveis, ex violento & nimio earum motu, Tactus dolorificus & quasi præternaturalis: quod item locum habet in membrana, siue sit puncta, siue distenta, siue rupta; eadem enim ratio hic militat, atque in fibris nerveis solitariis. Unde hæ præternaturales affectiones naturali & ordinario Tactus Organo nil derogare valent. Quæcunque

etiam membrana totius corporis, continuata & connexa sunt membranis, cerebrum involventibus, unde facile pars una alteram per consensum afficit.

Similis interin motus seu Tactus ab Objectis in extremitate fibrarum nervearum in fibris partis, sanè post abscissionem membri sphacelo correpti, sæpius producit, dum ignorantes ægri existimant, se in digito manus, ante aliquot dies licet abscisso, dolorem percipere; qualia exempla habentur in *CARTESIO in Princip. Philosoph. pag. 4. §. 196. Paraol. II. cap. 17. BINNINGERO in Observat. HILDANO Cent. 3. Observat. 14. & 15. item in SCULTETO in ejus Armamentario pag. 67. & HELMONTIO*; idque ob continuatas tales nerveas fibras ex parte sana ad partem usque antea abscissam, ob quam continuitatem naturalem, dum similis fit motus fibræ circa ejus medietatem post abscissionem, qualis antea fiebat in fibræ extremitate ante hujus cum parte separationem; hinc fit, ut ex identitate motus etiam in sensu interno & imaginatione idem feratur judicium, & æstimetur pars jam abscissa adhuc sentire, quasi toto adhuc cohæreat.

Ita quidem se habent *Sensus externi*, qui reverà nil aliud sunt, quàm passiones seu impressiones organi ab Objecto; unde varius spirituum succedit motus; qui motus dum in cerebro judicatur & percipitur, *Sensus oboriuntur dicti Interni*, qui activè se habent: unde & Veteres sensum in agentem & patientem distinxerunt, quorum hic est partium corporis, ille verò est cerebri.

Considerandi nunc sunt hi sensus Interni, seu Sensus externorum Perceptio; unde

C A P U T XX.

D E

Sensibus Internis.

Sensus internos quod attinet, illi dicuntur triplices: *Sensus communis, Phantasia, & Memoria*. Negotium est obscurius, propter insignem, quæ hic observatur, confusionem operationum animalium & rationalium. Dum enim ab externis sensualibus ad internorum sensuum scrutinium accedimus, ex clara luce solis in cæcas tenebras incidere videmur, in tantum ista Interiora obscura videntur, & ferè latent: cujus obscuritatis ratio est hæc, quod homines rationali anima præditi quamlibet sensationem rationis seu mentis beneficio percipiant, quo fit, ut suam sensualem & intellectualem cognitionem bene in se norint, sequè actu reflexo cognoscere sciant; adeoque cum sensus animales interni & intellectio in nobis semper sint conjuncti, evenit inde, ut, in quo sensus interni dicti, separatim considerati, consistant, & quid hi ipsi ad cognitionem genuinam tribuant, parum vel nihil cognoscant; unde tanto minus de brutis certi quid determinare valent, quin potius propter aliqualem illarum actionum cum nostris Analogiam, in iis nempe actionibus, quæ sensus externos insequuntur, nos ipsis etiam cognitionem quandam tribuamus, & consequenter quali semirationalia reddamus; quæ an verè competant, præsupponimus potius, quàm scimus.

Scilicet in omni nostra cognitione intellectuali, & omni Ratiocinatione, semper spirituum animalium præsupponitur motus, tam pro sensuum externorum quàm internorum exercitio, occasione quorum spirituum diversimodè motorum Anima rationalis spiritualis diversos sibi format conceptus seu phantasmata; nihil enim in intellectu est quod non prius fuerit in sensu.

Ex actius si volumus scrutari negotium, necesse est, ut accuratè abstrahamus & separemus res animæ rationali proprias, h. e. quas cognitione reflexa in nobis ipsis percipimus, ab iis, quæ spiritibus & cerebro sunt propriae, & consideremus, qua ratione hæc posteriores fiant, cum in his sensuum internorum ratio consistat. Dum enim Objecta sensuum externorum, horum organa quocunque modo moverint, mox tali speciali motu fit passio, & spirituum animalium tractus, qui spiritus, per nervorum filamenta, in organis sensuum externorum commota, ad organum istud devehuntur, percussione modo commoventur, ita ut similis exactè motus, atque in externo organo fuerat concitatus, & spiritibus impressus, ad cerebrum usque, ejusq; compagem fibrosam, eo in loco, ubi nervorum ad partes qualvis alligatorum est principium seu origo, continuetur;

ubi Anima rationalis specialis talis motus occasione, & quasi intuitu, specialem sibi format ideam seu conceptum, representantem exactè objecti externi factam impressionem: & talis spirituum ex omnibus organis sensuum motus, & impetus percussione, ubi terminatur in cerebro tali motu, *SENSUS COMMUNIS* seu agens dicitur, in quo ab Anima externorum fit perceptio; in Anima verò primam ejus operationem, seu simplicium Apprehensionem, constituit.

Quod si verò spirituum animalium iste motus continuetur diversimodè in cerebro, intra fibrosam ejus substantiam certos itus & reditus faciant, & mutuò coeant, vel secedant, talium motuum occasione vel intuitu Anima conceptas ideas simplices multipliciter componit & dividit, unde ratione dictarum spirituum motionum, dum ad corpus callosum usque *repercutiuntur* & agitantur, *PHANTASIA* seu *Imaginatio*, in Anima verò secunda operatio, nempe *simplicium compositio & multiplex divisio*, exsurgit.

Quibus judicium mentis tandem absolutum supervenit, & intellectuali phantasmatum seu prædictarum idearum conceptarum, conjunctarum vel separatarum speculatione tertia mentis Operatio, *Ratiocinatio*.

Judicamus nempe objecta ista ita cognita vel Theoreticè vera aut falsa, vel Practicè bona vel mala; cujus posterioris ratione ab Anima concitantur certi affectus, hoc est, superveniunt certæ animæ motiones, quæ sunt id, quod dicitur *Appetitus*, quibus occasione fibrarum motorum agitantur diversimodè spiritus animales, & nunc plus, nunc minus, nunc ordinate, nunc inordinate, moventur & concitantur ad spinalem medullam usque, quin cerebelli nervos motores, ad partes extra cerebrum sitas, magis tamen tali impetu tam ad istas, ad quas continuato radio trajiciuntur, quales sunt cor, partes respirationi inservientes, stomachus & intestina, quàm ad alias; propterea, quod ex continuato & nunquam interrupto, propter vitæ necessitatem, ad dictas partes impetu, patentiores sunt undiq; nervorum istorum circa sui principium pori, & facilius per ista continuo trita vestigia motus, quàm per alia, unde & circa cor & interna abdominis viscera primaria ab omnibus affectibus percipitur alteratio. Sed præter hos spirituum ad dicta loca radios sub primo affectuum impetu etiam per cerebri nervos motores successivè ad alias partes exteriores pro acquirendo bono, aut fugiendo malo, iidem concitati radicati varias membrorum motiones, & hinc locales motus, excitant, qui varii motus nunc sensus communis, nunc Phantasiæ nomine, veniunt: sicut iidem sæpius eodem modo recurrentes, & species antè productas seu ideas retentas denuo representantes, atque in membris externis similes actiones exercentes, *Recordatio seu Memoria* appellari solent. Videbitis hæc pluribus deducta in *Scriptis VVILLISII*, speciatim *Tract. Anima Brutorum*.

Quod attinet *Memoriam*, Animæ saltem immateriali conpetit. Representatio ista specierum fit per spiritus, qui ideam istam denuo recipiunt; Asservatio verò sive custodia istarum specierum, quomodo & ubi fiat, obscurum est: nam rei hujusvè immaterialis in corticem cerebri materialem quomodo fiat impressio, uti vult *VVILLISIIUS in Anat. Cerebri*, & quomodo adeò incredibilis numerus sine confusione hæreat & representetur? explicari nequit. *Habent hanc Memoriam bruta pariter ac homo*; hæc tamen intercedit differentia, quod homo semel obscuratas ideas per discursum denuo possit quodammodo exsuscitare, producendo nempe similem in spiritibus motum, atque erat, quando primò idee impressæ fiebat representatio, tunc eodem motu facilius denuò idæ olim receptæ fit representatio (quæ actio vocatur *Reminiscencia*); quod ipsum tamen brutis videtur denegatum, cum ex spirituum animalium dictamine representando hoc vel illud, modo de hoc, modo de illo objecto, meditari possit homo.

Hoc interim verum est, quod dispositio cerebri, & inde orta spirituum vel subtilitas & ad motum promptitudo, vel facilis per poros ejus eorum meatus & remeatus, multum faciat ad memoriam. Nam subtiles spiritus in cerebro moderatè sicco, & ubi ex pororum apertura facilis est motus, felicem dant memoriam, spiritus verò crassi vel in cerebro nimis humido & difficulter recipiunt ideas, & difficulter retinent.

Memoria in brutis est saltem quadam similitudo moventium spirituum animalium; ita ut si in brutis fiant similes operationes, tunc dicimus, *Bruta memorare*. Objectum per sensus cognitum si suaviter moveat spiritus, & cum aliis concurrente ideis, seu aliquod conveniens ab ani-

ab animali consideretur & cognoscatur per Phantasiam, dicitur *bonum*; si contrarium contingat, est *malum*, sive actu ipso tali modo sensus ac spiritus afficiat, sive per memoriam bonitas vel malitia objecti representetur: e.g. canis viso baculo, quo aliquando fuit verberatus, aufugit. Hic concurrunt primò visio baculi, secundò sensus Tactus, quem excitat baculus, & tertio fuga canis, videntis baculum; modo enim duplicato per filamenta nervea ex oculo & cute in principio spinalis medullæ faciunt spirituum motionem, quæ per corpus callosum & artus derivatur, unde localis motio, dum baculum dolentem tanquam malum cognoscit. Primario ergo consistit in eo, quod propter similem motum per nervos visorios & tactorios fiat similis retorsio in nervos cerebri, unde similis motus nervorum. Quousque igitur se extendit vis spirituum animalium, eousque se extendit operatio in brutis.

In genere Objectum si est bonum, spiritus exteriora versus feruntur, moventurque membra ad idem assequendum; unde dicitur *Appetitus concupiscibilis*, affectusque seu motiones in sanguine & spiritibus animalibus sunt tales, ut ad nimios motus eos disponant: contrarium fit in malo fugiendo, ubi in *Appetitu*, dicto *irascibili*, in spiritu & sanguine tales affectus seu motiones contingunt, ut hi obruantur & reprimantur potius. *Ira* uti est affectus compositus ex fuga mali, & cupidine vindictæ, seu boni ablati, malos etiam & varios ciet motus in sanguine, unde etiam variæ ex ea læsiones suboriuntur. Prout autem Phantasia seu *Æstimatoria* se in brutis habet vario modo, unde diversimodè judicatur Objectum, ita etiam in homine, præter simplicem bonitatem vel malitiam, ab Anima rationali honesti & turpis seu moralitatis normæ fit consideratio, unde etiam secundum hanc considerationem *Appetitus* seu voluntas boni & mali nunc promovetur, nunc impeditur.

Multa sane in recessu habent ista motionum spirituum vestigia ad promptiorem, ad unum vel alterum nervum, vel partem eorundem, radiosum influxum: nam à simili causa *Memoria sensitiva* unice dependere videtur, nempe à vestigiis in cerebro post aliquam motionem sensualem manentibus: quæ vestigia nihil aliud sunt, quam *tramites quidam*, quos spirituum animalium cursus inter cerebri fibras reliquit, per quos prima & iterata vice trajecerunt, cujus repetiti & quidem cujusdam motus intuitu eadem ideæ Objecti absentis menti sui animæ, tanquam præsentis, occurrunt, quæ spontanea vi unam ex altera elicit, & ita *Rationalem Memoriam* constituit; quæ idearum retentio si sit firma & representatio sit prompta, *felix est Memoria*; contrarium si fiat, est *infelix*.

Rem ita se habere, nempe omnem nostram cognitionem intellectualem à vario & multiplici spirituum animalium in certa ratione conformato cerebro & cerebello, motu & agitatione dependere, ex eo manifestum videtur, quia omnia ea, quæ organicam cerebri conformationem secundum poros & meatus, adeoque spirituum animalium motiones, & filamentorum nerveorum varias applicationes lædunt, impediunt & tollunt etiam sensus internos: sicut quæ spiritus animales turbant, & in varias motionum anomalias cogunt, pervertunt sensus internos; quando, e.g. contusio capitis gravior, aut concussio cerebri, à casu ab alto, sensus omnes ac motus, & omnem Ratiocinationem, tollit, ut fiant quasi Apoplectici, ubi saltem est pororum compressio & depravatio, unde spirituum in motu impedimentum; quod etiam in deliriis manifestum evadit; Anima enim rationalis, seu ens spirituale, ab objectis quibuscunque materialibus est immutabilis. Hinc non tantum per morbum, sed & per senectutem, & judicium hebescit, & etiam memoria imminuitur; imò tam morbi vi, quam casu externo, v.g. regulæ lapsu, Memoria & Judicium penitus aboleri solet, quæ causæ in homine non Animam rationalem, quæ non potest alterari, sed sensus, id e. Cerebrum saltem & spiritus animales afficere solent. Idem fit in brutis; cum enim à sola cerebri conformatione lædatur sensus & motus, in distinctis tamen animalium speciebus distinctus sit spiritus, & distincta cerebri fabrica, sequitur etiam in brutis à spiritibus animalibus dependere sensum & motum, & quidem distinctum & peculiarem unde etiam distincta in omnibus animalibus est phantasia, quæ tunc *Æstimatoria* appellatur in brutis, in homine verò *Judicium*, quatenus scilicet anima rationalis secundum species istas vel ideas variè combinatas rem judicat & æstimat.

Eadem ratione spiritus animales se habent in teneris infantibus, utpote inter quos & bruta nulla est, quoad quas-

cunque actiones, differentia, infantiumque operationes sensuum & motuum præ adultis variant, non propter animæ rationalis vitium, sed organi, vel ob ejus defectum vel ineptitudinem. Quando infans recens nascendus nititur exire ex utero, non facit ex cognitione rationali seu intellectu; est enim purum quasi brutum, inest ei anima rationalis sine actu secundo ab exercitio sensuum; sed actio ea, qua infans nititur exire, est animalis, quali brutum claustris exire gestit. Senes, pueri & adulti, idea differunt in operationibus rationalibus. Hinc per experientiam ferè observatum est, cerebrum moderatè humidum memoriam firmam, sed hebes Judicium; Cerebrum moderatè siccum Judicium acre, sed debilem Memoriam; Cerebrum verò calidum activam imaginationem, conciliare. Pro spirituum ergo animalium varia dispositione ingenia multum variant. Alterationes corporis in affectibus, imprimis circa præcordia, unde? nisi à vario spirituum in musculo cordis, aliisque abdominis visceribus, motu, & hinc sanguinis in circulatione, fermentatione, &c. diversa mutatione. Ebriorum varia, ut sic dicam, symptomata in sensu & motu ad oculum quasi confirmant, quod mores sequantur Temperamentum corporis, dum unus ex eodem vino est hilaris, alius tristis, alius rixosus, alius amorosus, &c. Unde? nisi à spirituum perversa agitatione. Vinum enim nullam vim habet in Animam rationalem, sed quicquid operatur, mediantibus humoribus & spiritibus animalibus agit; & videmus hic, quod in sensibus externis fiant alterationes, idque per vim materialem Vini: hæ Operationes in nobis non fiunt ab anima rationali, sed à spiritibus, & communes sunt cum brutis. Hinc, unde ex punctura nervi convulsio brachii, nisi ex momentaneo spirituum per nervum punctum impetu.

De *Habitu Anima & Corporis* magnum est negotium. Habitus omnes, tam animi sic dicti, v. gr. scientia discurrendi, quam corporis, v. gr. Ars saltandi in homine & cane, eatenus dependent à crebrioribus de eodem Objecto meditationibus seu judiciis, h. e. consuetudine, quatenus iisdem spirituum iste motus multum facilitatur & perficitur, dum promptior exinde & celerior fit, ideæque semel impressæ longè fixius illis inhaerent; sapius enim eodem modo moti & agitati spiritus poros, meatus, & omnes interjectas semitas, adeo patulas & permeabiles reddunt, ut facillimè levi motu spiritus isti, tanquam per viam apertam, transire, & actionem eandem ita perficere valeant. Unde omnis *præconceptarum opinionum vis* dependet, dum ob facilitatem & promptum motum spirituum; & similium semper idearum impressionem, iis tenaciter adheremus; recentes verò opiniones, ob mutandum spirituum motum, novæque ideas iis insculpendas, difficiles quasi & incredibiles apparent, ob ista in spiritu obstacula, quibus remotis per consuetudinem ex crebra novæ opinionis consideratione, & cum aliis ideis antiquis connexionem, sensim ea nobis probabilior apparet; quæ facilitas & difficultas judicandi, ex istis spirituum conditionibus dependens, *Habitus vulgo mentis* dicitur; *Habitus enim est promptior tantum mentis operatio*. Jam verò magis & minus non differunt in specie, nec dant novam entitatem, unde etiam Habitus non erunt tertium quid superadditum spiritui vel menti. Ea ergo bruta, quorum cerebrum dispositum est ita, ut celerem & promptum ordinatumque spiritibus debite volatilifatis concedat motum, cum idearum hinc ordinata & prompta representatione, ea sunt præ cæteris docilia, & consuetudine, seu repetito spirituum motu, informari possunt. Homine verò ea videtur competere libertas, ut sicut potest agere & non agere, agere hoc & agere illud; ita etiam imperium quoddam habeat in spiritu animali, ut scilicet ex ejus dictamine representando hoc vel illud, modò de hoc, modò de illo meditari possit Objecto, idque in statu naturali; in præternaturali enim ex vitioso motu spirituum vel etiam peregrina idea nimis fortiter impressa, sepe inane est ejus imperium. Sed hæc & similia, cum ad Philosophum potius naturalem, quam Medicum pertineant, missa faciamus.

Et ex his fundamentis ingeniorum multiplex petenda est varietas. *Ingenium quodvis ferè hæc tria constituunt, Imaginatio, Judicium, & Memoria*; quæ sive solitarie sive junctim considerentur, omnem istam in ingeniis innumerabilem diversitatem formaliter constituunt. Fundamentum varietatis talis in dictis mentis operationibus est quærendum, & in spirituum animalium constitutione, & in fibrarum cerebri dispositione; ut nihil hic dicam de totius

cerebri secundum cranii figurationem interna conformatione, quæ vel acuta vel rotunda, vel depressa, vel alio modo variata existit: nam hæc differentiæ ad priorem illam nempe spirituum considerationem, faciliè reducibiles sunt, quatenus horum motus, secundum cerebri conformationem suo modo determinatur.

Spiritus quidem ad *Ingeniorum varietatem* disponunt ratione majoris vel minoris puritatis, & hinc ratione majoris vel minoris subtilitatis, seu volatilitatis, quæ proprietates illorum tam à sanguine, unde generantur, quam ex cerebro, unde elaborantur, originem habent. *Fibræ* verò, quæ cerebri medullam, in qua motiones istæ spirituum intrinsecæ fiunt, componunt, ad *Ingeniorum varietatem faciunt*, quatenus vel subtiliores, vel crassiores, vel quatenus flexibiliores vel rigidiores, vel quatenus ordinatè aut confusè sunt invicem convolutæ; ad quas condiciones, præter primam sub earum generatione structuram, subsequens nutritio ex chylosa massa sanguinea multum admodum conferre solet. Hoc modo secundum Theoriam corrigenda sunt ea, quæ aliàs eruditè tractat *ÆSCHATIUS MAJOR Dobraboranus*, nec non *JANUS HUARTUS, in Scrutin. Ingenior.*: Nam non temperatura cerebri, sed fibrarum ejus habitudo, & secundum hos spirituum diversimodè constitutorum motus, ingenia diversa admodum faciunt. Hinc ubi spirituum celer & concitatus est motus, *præceps* est *Judicium*; ubi verò tardè moventur, *lenti* quoque *ingenii* seu *tardi* erit homo; quod si ordinato & naturali motu ciantur, *judicium elegans & sapiens*, unum ex altero per legitimam consequentiam adducens, nascitur; sin verò impetuosè moveatur spiritus, *deliria oriuntur*, ob confusam nempe & ridiculam specierum non tam unionem quam confusionem, & modo hujus, modo illius sine ordine representationem; unde Phreneticorum & Melancholicorum deliria, ut & insomnia, dum inordinatè moti spiritus in somno varias & minus coherentes repræsentant ideas.

Ex eo itaque, quod in nobis sensuum internorum dictorum operationes ab operationibus intellectualibus Animæ rationalis inseparabiles sint, fit, ut utrasque discernere exactè nequeamus, nec quomodo in brutis fiant, probè cognoscere, quin ex utrarumque confusione tot opiniones de sensibus in ternis, & cognitione brutorum, ortæ sint. In genere tamen tres palmarie, quoad internarum in animalibus actionum principium & modum, sunt sententiæ.

Prima ex Aristotelica Schola profuxit, quæ uti omnibus rebus suas attribuit formas substantiales, materiæ contradicti nctas; & hominibus animas immateriales; ita etiam brutis animam tribuit sensualem in genere, quam vocant materialem, & non spiritualem, quæ tamen pro varietate specierum specificas suas obtineat differentias & proprietates. Beneficio hujus Animæ, ejusque facultatum, reverà dicunt cognoscere bruta sensuum externorum impressiones, easque cognitæ simpliciter & dijudicatas à sensu communi, per phantasiam tantum componere & dividere, seu diversimodè mutuo complicare, unde mirandæ brutorum actiones, eorum docilitas, proveniunt; cujus respectu alii vim æstimatoriam his ipsis facultatibus in brutis superaddunt, secundum quam specie distincta sint, & dicunt: aliam esse in cane, aliam in fele, &c. quæ cognoscunt Objecta sibi utilia ac inutilia; cognitionesque hæc asservari in memoria eorum, & subinde repetitas per phantasiam denuò cognosci, volunt. Quod si per sensus cognitum sit Objectum conveniens seu utile, ut bonum, excitari in iis facultatem appetentem, & quidem partem ejus concupiscibilem, quæ simul bruta excitet ad desiderium illius Objecti; sin verò Objectum inutile sit cognitum ut malum, excitari partem appetitus irascibilis & aversivam, quæ stimulet ad fugam; & ab hac Appetitus diversitate passiones seu affectus, nempe iram, gaudium, terrorem, &c. deducunt. Ab hoc appetitu ulterius excitetur Facultas loco-motiva, ad movendos artus destinata, quæ ex dictamine Appetitus variè & diversimodè movet membra, vel ad prosequendum bonum, vel ad fugiendum malum. Omnibus hisce Facultatibus operatrici bus adjungunt spiritus animales, seu instrumenta proxima, quibus peragantur istæ internæ operationes; in homine desuper adstruunt Animam rationalem, quæ tanquam superior omnes istas similiter obtineat facultates; præter eas tamen, seu sibi peculiaribus, Intellectu & Voluntate gaudeat, quibus, seu superioribus, istæ cæteræ inferiores obedire cogantur. Sed si scrutamur fundamentum hujus sententiæ, reverà est erroneum:

1. In anima brutorum.
2. Quod finxerint ens medium inter corpus seu materiam, & formam seu spiritum; quod tamen non datur: hinc destructa brutorum forma Facultates cadunt.

Secunda Sententia, huic exactè opposita, ex antiquissima *Democritea & Epicurea derivata est Schola*, quam reverà non tantummodo excitavit *Gassendus*, sed etiam *Cartesius*, certo tamen modo arripuit, & immutavit, & ex qua Anglorum corpuscularis Philosophia similiter prodiit, & adhuc ab iisdem politur. Hæc non novit alia entia, quam materiam seu substantiam extensam, & spiritus. His duobus totum negotium rerum naturalium & divinarum est superstructum, cum solus Deus, Angeli, & Anima rationalis, sint immortales. Nempe, uti in hac hypothese omnes substantiales formæ negantur, ita omnia naturæ phænomena ex materiæ variis quantitativis conditionibus per motum seu universalem artificem, explicantur; bruta etiam animata esse, eo sensu, quo Peripatetici volunt, negatur; sed, si quæ in brutis habenda est substantia pro Anima, eam ex corpusculis subtilissimis corpoream & divisibilem, corpori animato coextensam, quæ pro ratione motus feratur & operetur, statuitur. Unde hæc hypothesis ex conditionibus materialibus, per varios diversosque spirituum motus, reliquas animalibus proprias operationes explicat, & iisdem veram & propriè sic dictam cognitionem, seu impressionum in organo sensuum perceptionem, omnino denegat: sed quicquid Sensus communis, Phantasia, Memoria, Appetitus, &c. vulgò appellatur, pro vario spirituum in cerebro & cerebello diversimodè in diversis brutis conformato motu, hinc inde impulsu, agitatione & gyratione, indeque varia cordis & dilatatione, & constrictione, pro affectibus subtiliter explicat. In homine verò, omnia hæc cum brutis communia habente, Animæ rationalis, seu substantiæ spiritualis, præsentia, sublimioris eum sit conditionis, rerum cognoscendi & intelligendi modum obtineat, & propria libertate agendi & operandi, quid & quomodo ipsi placuerit, eum istis operationibus, cæteris brutis communibus, nullo modo confundenda venit, quin continuo cogitando & discurrendo, & occasione variorum spirituum motuum in cerebro, diversos conceptus seu ideas in se ipsa formando, sensuum Objecta verè cognoscit, simplici comprehensione cognita combinat, & ex iis combinatis certas & determinatas conclusiones elicit, in quo vera ratiocinandi facultas consistit: cujus cum umbræ quasi in brutis nobis appareant, factum est, ut nos falsò eadem verè, quoad cognitionem, ipsis attribuamus, quæ nobis tantum propriè conveniunt: Vid. *DIGBY de Immortal. Anima Humana cap. 33. Tract. 1. & 2. & de Natura Corporum*, in hoc tamen puncto paululum obscurus; *Scripta CARTEsii*, imprimis *Tractatu de Homine*, & *FLORENTINUS SCHUYL in sua Prefat. super librum hunc*: in Cartesii Philosophia mirè versatus est, fuit *Professor Lugdunensis* nuper defunctus, & 8. Argumentis destruit rationalitatem brutorum. Cum hoc conf. *ANTONIUS MOLINETTUS*, egregius vir, *Italus* inspecie *ANTONIUS le GRAND. de Carentia Sensus & Cognitionis in Bruto*, item *WILLISIUS in Anat. Cerebri cap. 11. 16. & 19.*

In bivio hic hæremus difficillimo. Prima sententia, ut ut vetus, parum tamen exculta fuit; posterior recentior renovata, nondum sufficienter exculta est: prior rem obscuram per modum sola imaginatione intelligibilem, & fide absoluta credibilem declarat; posterior eandem nimis clarè & perspicuè proponere satagit: prior negotium difficile verè difficilius reddit; posterior istud nimis facile sibi proponit: prior multa verba, paucum sensum, suggerit, & ita disertum Physiologum, non verò sapientem efficit; posterior modum rei scrutatur, & per exempla quotidiana & obvia perspicuum & quasi visibilem eum reddere gestit: prior corticem verborum seu appellationem sectatur, & speculationibus nudis nititur; posterior rem aggreditur, & experientiam, quantum possibile, consulit: prior entia sine necessitate multiplicat; posterior eadem arctè nimis contrahit: prior bruta nimis rationalia, id est, nobis propria ipsis similiter tribuit seu adjudicat; posterior eadè nimis stupida reddere videtur. Falsum est bruta cognoscere, scilicet, tãquam bonum, tanquam malum; quia nulla datur cognitio, nisi reflexa, quæ homini propria est.

Priorem equidem sententiam illustrare videntur non mediocriter Ideas, seu Objectorum aut rerum extrinsecus occurrentium ab Anima rationali factæ imagines; de quibus

imprimis consulenda venit MARCI MARCI *Philosoph. Veterum Restituta*, item ejus *Tractatus de Imaginatione*, item *Tractatus de Ideis Operatricibus*; quæ enim HELMONTIUS *Tractatu de Ideis habet*, vel sunt confusa vel obscura. Afferit scilicet MARCI, intrinsecus ab anima produci speciem seu ideam, repræsentantem exactè objectum sensibus oblatum, tanquam imago suum exemplar, à quibus ideis non solum dependeat vera cognitio, sed has ipsas etiam confusas asservari in memoria involutas, tanquam in Chao quodam, quæ postmodum tamen evolutæ denuò eo modo & ordine, quo fuerunt convolutæ, una trahendo alteram sibi vicinam seu connexam, de novo imaginationem, vel etiam intellectum determinent, ut ex ista repræsentatione necessariò sequatur actus imaginationis vel intellectus. Has imagines seu ideas imaginativas similes seu analogas dicit ideis seminalibus, sub generatione propagatis, seu iis, quæ in feminibus dirigant corporum formationes, & quarum evolutione Architectus corporis determinetur, ut certo modo & ordine corpus fabricet & formet.

Difficillimæ huic de ideis hypothesei sanè aliquid singulare subesse videtur. Produci namque in cerebro talem ideam, seu simulacrum, seu imaginem repræsentativam Objecti, quatenus talem vel talem organum induxit impressionem, patet exinde, quod vi talis ideæ etiam objecta absentia, alias acutè percepta seu sensata, denuò in sensibus istis internis judicentur. Nempe unusquisque, quando per memoriam rem quandam, v.g. Ludo scenicum antea visum, Musicam suavem antea auditam, saccharum antea gustatum, &c. repetit, eo ipso totam rem quasi præsentem habere videtur, cum omnibus connexis circumstantiis; quod aliter fieri nequit, nisi per imaginis, vel ideæ rei antè cognitæ repræsentationem; cujus ideæ vel imaginis ductu in gravidis transformantur fœtus diversimodè, prout Architectus corporis ab eadem variè determinatur. Delirantes varias res sibi imaginantes obstinatè solummodò talium idearum firmiter conceptarum ductu hoc facere videntur: & dum concipio vel Polyphemum monoculum, vel Argum centoculum, vel montem aureum, res nunquam per sensus haustas, quid aliud quàm aliarum rerum imagines ad aliarum his cognatarum imaginem, in mente expressas, concipio? Quid dicendum de morfu vel esu animalium rabidorum, canis, felis, &c. quæ ita vulneratum, nihil tale cogitantem, etiam post longam annorum seriem afficiunt, ut se omnino in canem v.g. transmutatum æstimet latrando, ringendo, mordendo, &c. A tarantula demorsus gestus tarantularum, saltum ejus proprium, coloris determinati amorem, telæ texturam, &c. perfectè imitatur, idque per aliquot annos periodicè. Cicutam comedentes Monachi lacus stagna petunt, dum in anates vel anseres se transformatos putant, teste KIRCHERO in *Scrutin. Pestis* pag. 203. Vix certè intelligibiliter declarari, & multa alia in statu tam naturali, quàm præternaturali obvia phænomena possunt, nisi tales ideæ imaginatione conceptæ considerentur.

Hæc in homine non tantam habere difficultatem videntur, atque in brutis, cum illius anima spiritualis in se ipsa tales imagines, ductu tamen sensuum vel immediatè vel mediatè (nam nihil est in intellectu, quin prius quacunque ratione fuerit in sensu) concipere, & fideliter exprimere valeat: De brutis verò cum nullum horum dici possit, res hæere videtur. Non rarò tamen, præter has per sensuum opem acquisitas ideas, etiam videmus tam brutis quàm homini innatas quasdam ideas cum semine, *Seminales* ob id dictas, quæ ea in operationibus dirigunt, animalibus quidem, sine tamen sensuum ministerio, edoctis: v.g. aranea à nullo docta artificiosè fabricat telam; bombyx à nullo instructus pretiosum sibi construit sepulchrum; hirundo absque magistro mirabiliter sibi construit nidos quo etiam pertinet limacum, ostrearum, &c. architectura; naturale artificium felis in capiendis muribus; apis in extruendis favis, &c. Similes actiones in hominibus fieri secundum ductum conceptæ antea in intellectu ideæ, extra dubium est: qua ratione ergò fiant in brutis, & an non hinc ideæ tales operatrices ideis seminalibus connexæ, agnoscendæ sunt? Nam quod seminales attinet, has mira animalium in ovo vel utero structura confirmare videtur; item quod pavones vericolores in cœlavibus albis asservati eo tempore, quo coeundo luxuriant, pavones albos postmodum pariant; quod *ovus Jacobi* intuitu baculorum ex parte deglubitorum, & ita varicolorum, *varicolores pepere-rim agnos*, annon & hic ideale quid inesse videtur? Nihil dicam de docilitate brutorum, quæ quodammodo sine ideis

per motum varium spirituum animalium & memoriam explicari possunt, in quo se operosum exhibet DIGBY in locis supra citatis.

Tertia igitur, & media quasi has inter, aliorum est sententia GASSENDI, nempe & WILLISII de *Anim. Brutorum*, qui & ipsi quidem animam materialem esse defendunt, adeoque revera corporis, quam informare dicitur, primariam partem; nihilominus tamen brutis, præter externorum sensuum motum, veram etiam & genuinam sensationem, seu perceptionem sensuum externorum, concedunt, & quidem talem, quæ nec corpori, nec animæ materiali, solitarie competat, sed quæ ex utriusque certa & artificiosa sub talis machinæ structura, unione resultet, ita, ut ex anima & corpore simul commissis, talis facultatum seu operandi potentiarum concursus resultent, quibus unicuique animali in fines & usus destinatos opus fuerit, aded, ut sicut in artificialibus subinde materiam superet opus, ita & hoc in talium machinarum naturalium operationibus fieri perquam probabile sit. Conf. VVILLISIUS de *Anima Brutorum*. Inclino in hanc sententiam, quæ quidem non satis exulta, & a posteriori vix fieri poterit, interim tamen est probabilissima: spiritibus nempe animalibus à natura impressas & connatas esse ideas, seminales dictas, quæ bruta in operationibus dirigunt; in homine autem, præter connatas, occasione spirituum animalium in cerebro Animam rationalem sibi formare imagines rerum, per varium spirituum motum repræsentatas; hinc quando in Melancholicis perversa fit motio spirituum animalium, fit diversa intellectio.

Sequitur

C A P U T XXI.

D E

Motu Partium.

Hic considerandum

1. *Organon.*
2. *Efficiens.*
3. *Ratio*, quomodo Efficiens moveat Organon.

Organon quod attinet, nulla pars, five interna five externa, se ipsam aut aliam movere potest, ut Fallopius adeò frequenter & rectè inculcat: in quibus verò percipitur vel apparet aliquis motus, ex instructæ sunt fibræ suis nerveis, quibus motis, i.e. contractis, sequitur partium motus; iis verò relaxatis motus cessat, vel per transversum dissectis, omnino idem aboletur. Unde *fibræ nerveæ erit genuinum omnis motus organum*, quæ ob id *Fibræ Motrix* dicitur; primum tamen musculus existit. Per fibras autem intelliguntur filamenta illa alba teretia & tenacia in corpore obvia, ad partium solidarum firmitudinem & motum destinata, ita ut nervus, membrana, ligamentum, &c. sint una substantia; plures siquidem fibræ coacervatæ constituunt nervum, per crucem contextæ membranas.

Fibræ autem istæ, quæ proximè motum exequuntur vel arctius sunt conjunctæ, vel laxius sunt separatæ. Fibræ densius conjunctæ istud fibrarum systema exhibent, quod vocatur *Musculus*, in quem nervi à cerebro derivati eos gubernant motus, qui prægressam sequuntur cognitionem sensualem, ex quæ affectu quodam excitantur, cui in homine etiam adjungitur cognitio intellectualis, ita ut exinde pro nostro nutu eundem vel perficere, vel omittere, accelerare vel diversimodè modificare & variare queamus; & hic motus per musculos factus in genere *Motus Animalis*; in specie verò *in brutis spontaneus*, & interdum *in hominibus Voluntarius*, appellatur.

Fibræ laxius à se invicem separatæ, & proprio nomine ita vocatæ, nunc sunt dispersæ, in circulum tamen ut plurimum dispositæ, quæ circulari ambitu imprimis partes movendas ambiunt, nunc, licet rarius, in musculum unitæ, v. gr. in corde, diaphragmate &c., quos musculos movent spiritus per nervos ex cerebro tantum allati, ut videri potest in VVILLISII *Anatom. Cerebri & Nervorum* cap. 16. & 17. *Motus*, qui excitatur per fibras dispersas, dicitur *peristalticus* seu *compressivus*, ver. gr. motus stomachi, aut motus intestinorum; de quibus vid. CHARLETON *Exercit. 17. de Depurat. Alim.* §. 21. & seqq. ex Harvæo: e. g. quando moveo digitum, motio fit per musculum, quo dirigitur per nervos ex cerebro,

cerebro, & est motus animalis; si verò stomachus contractus expellit chylum, fit iste non per musculos, sed per fibras circulares dispersas, quæ diriguntur à nervis ex cerebello derivatis, pari nempe nervorum quinto, sexto, septimo & octavo, ut hoc sufficienter ostendit VVILLISIUS loco allegato; qualem motum per fibras circulares etiam arteriis tribuit Sylvius, quo post dilatationem ab impellente sanguine denuò se contrahant: Conf. VVILLISIUS Pharmac. Ration. pag. 260. & 280. Ab his motus contingit sine ulla prægressa cognitione sensuali, adeoque nec à nobis vel impediri, vel promoveri potest, & ob id vulgò *naturalis motus simpliciter & involuntarius* dicitur: unde & cordis & diaphragmatis musculi similibus nervis, præter aliorum musculorum rationem, moti sine nostro consilio operantur; hinc & Respiratio, cum per musculos exerceatur, & tamen nobis non cogitantibus & etiam in somno fiat, interim tamen pro lubitu à nobis vel promoveri, vel impediri possit, indeque nervis partim ex cerebro, partim ex cerebello, natis perficiatur; ob id *motus mixtus, ex naturali seu involuntaria ratione diaphragmatis, & animali seu spontaneo*, ratione musculorum thoracis, appellatur.

Conveniunt ergò hi duo motus, jam allegati in genere, hoc modo:

1. Quatenus fiunt per fibras circulares.
2. Quatenus fibræ hæc diriguntur à spiritibus animalibus, per nervos in partes distributis.

Differunt verò in specie ratione

1. *Organi*, quod est systema fibrarum densius in musculum unitarum, vel fibra circularis, in specie motum animale constituens.
2. *Nervi*. In motu enim animali musculi per nervos à cerebro, in naturali ceteræ fibræ per nervos à cerebello natos, motum suscipiunt.
3. *Causa remota*. In motu enim musculi, sive spontaneo vel voluntario, i.e. animali, præcessit cognitio vel sensuali vel intellectualis; in motu verò fibrarum peristaltico naturali seu involuntario nulla præcedens cognitio locum habet, nisi in quantum per affectus, qui sensationem sequuntur, modificatur. Hujus enim occasionis antecedentis ratione prior motus, in specie animalis, vel spontaneus, interdum Voluntarius, appellatur; posterior verò Naturalis vel Involuntarius dicitur: ut in genere omnis hic motus animalis dici queat, quatenus per spiritum animale mediante organo corporis animalis, nempe fibris, perficiuntur.

Notandum est, quamvis omnes nervi ex medulla spinali oriantur, firmiter tamen radicanter in cerebro & cerebello. Sed à motu animali excipitur cor, quod licet sit musculus, movetur tamen per nervos ex cerebello oriundos motu naturali, quia non potest pro lubitu vel retardari vel promoveri: Interim, quatenus nervi ipsius ex cerebello habent originem, motu continuo peragitur. Anatomia prius cerebri & nervorum sit perspecta: vid. VVILLISIUS, qui in Anat. Cereb. & Nervor. est accuratissimus.

Motum ergò quod attinet animale in specie sic dictum seu spontaneum, ejus *primarium organum esse musculum*, confirmat CHARLETON in Exerc. II. Non dubitandum musculos constare ex copiosis fibris. Duplex eorum est structura, nunc denudata, nunc coagulo sanguineo vestita, & hoc vocatur *Caro*. Priori modo dicuntur *Tendines*, quos à fibris aut membranis substantia non differre, inde patet, quod sicut ossa ex membranis fiunt, ita tendines osseam quoque naturam ut in avium pedibus, interdum induant: vid. STENO de Musculis & Glandulis p. 20. Omnis musculus habet duos tendines, raro tres, & unum parèchyma. Situs fibrarum est varius & curiosus: fibræ situate sunt per modum rhombi. Aliud est rhombus, aliud figura rhomboidea. *Fabricam seu structuram musculi rhomboideam* eleganter explicatam videbitis in STENONE Obs. de Musculis & Glandulis, item Tract. Myolog. Element. Specimen, seu Musculi Descript. Geometrica, ubi demonstrat, fibræ motricem in medio sui coagulo sanguineo seu carne vestitam, circa hujus carnis extremitates incurvari ad æquales angulos; & quod plures hujusmodi fibræ juxta se invicem positæ, & sibi invicem inæqualiter quidem, æquali tamen ordine, super impostæ musculum constituent, qui vulgò *caput & cauda* dicatur; intermediæ verò partes carne vestitæ, & fibrillis ex membrana integente productis distinctæ, ipsum *musculi corpus* representent. Fibræ

autem ita situantur, ut utrinque, tam in principio quam fine, hæc circa carnis intermediæ substantiam incurvatæ, figuram & corpus rhomboideum eleganter constituent super angulos obtusos, donec in rectos mutantur, mobile. Hoc modo fabricati musculi nunc sunt *simplices*, nunc verò ex pluribus paribus invicem unitis, *compositi* esse solent: vid. Schottus in Magia. Ab organo motus autem merito excluduntur ossa. Musculos animalis motus organon esse, dubitat STETTERUS in Tract. Censura Argument. Galeni; ubi omni conatu vult defendere, ossa esse motus organon, quod tamen falsum: Certum enim est, quod musculi sint primarium organon motus, ossa verò fulcrum quasi constituent.

Motus Musculorum consistit in fibrarum musculosarum contractione seu abbreviatione. Musculus ergò, & omnis fibra motrix, dum abbreviatur, seu, ut aliàs vocatur, quasi in se contrahitur, quoad partem sui carnosam, partem vel membrum, cui adhæret, simul trahit, sicque & partes movet, variè situat. Male dividitur musculi actio in Contractionem, Extensionem, & Motum tonicum; unica enim actio est musculi, ut & omnium reliquarum fibrarum, nempe in se ipsa facta Abbreviatio, quam sive contractionem sive corrugationem vocare velimus, perinde erit; unde sequitur membri motus & situs mutatus: quod si musculi ita contracti, aut fibræ ejus rigidæ & contractæ maneant, membrum quiescit, & in eadè figura, & situ reverà permanet, quod abusuè dicitur motus, sed cum adjectione, motus tonicus, seu tensivus, quod pars mota in eo tono persistat: dicitur Tonus à tonando; quæ actio tamen non est distinctus motus, sed continuata contractio. Extensio musculi, quæ fit, quando contrarius seu oppositus operatur musculus, qui Antagonista alterius dicitur, v.g. flexore cubiti agente, seu Antagonista extensoris, extensor hic violenter expanditur, non est motus seu actio musculi, sed potius passio.

Dixi motum fibrarum consistere in cōtractione. Si enim nullo musculo agente omnes fibræ sint laxæ, membrum in naturali quiete persistit, & in *media figura* positum esse dicitur. Medium nempe aliquod est inter ejus extensionem & contractionem; ut e.g. si extendo brachium, & idem iterum flecto, inter hæc est situatio media, ubi nullus musculus agit, nec Antagonista. Usus habet in Chirurgia hæc media figura. Dicitur *Figura indolens*, quia omnes musculi feriantur. Figura hæc media consistit in angulo recto; in angulo autem recto nullus fit motus. Musculi omnes sunt in figura rhomboidea; quando autem perveniunt ad angulum rectum, non amplius possunt moveri. Motus progressionis fit per musculos, in quo ratio habeatur centri gravitatis, quod est in medio baseos nisi enim hoc observetur, nec stare, nec procedere, nec erecti incedere possumus, nisi in aliud latus inclinare velimus. Huic Mechanicæ innituntur artes Gymnasticæ.

Movent autem seu contrahunt fibræ partes, quatenus ab extensione fiunt breviores, quod magis fibræ abbreviantur, eò magis condensabitur corpus. Fibræ abbreviatæ & contractæ non possunt non simul secum trahere, aut alio modo movere partem, cui annexæ sunt. *Causa hujus Abbreviationis seu Contractionis fibrarum*, quæ conjunctim motu efficiunt, *triplex esse potest*; vid. CROON, annexus VVillisi Anat. Cerebri. *Prima* est ipsa fibrarum cōtextarum ad se contrahendum, à forti partium, quibus annexæ sunt, tensione *spontanea inclinatio*, quæ instar chordarum vel membranarum extensarum quocunque modo laxatæ subito se contrahunt. Sic v.g. dissectus musculus per medium, versus utramque extremitatem contrahitur, & quasi conglobatur, magnamque in medio relinquit rimam, & ita in tono suo abbreviatur, quia fibræ sponte sui contractionem urgent: & intestina flatu aut liquore distenta, facta per transversum apertione, sponte & subito se contrahunt. Spontanea hæc ad sui contractionem vel corrugationem fibrarum inclinatio videtur probabiliter dependere ab earum structura Mechanica, quæ illæ chordarum instar contortæ & tensæ in continuo se contrahendi aut corrugandi nixu sunt positæ. Sed hæc spontanea fibrarum contractio non sufficit ad motum, imprimis in musculis, ob Antagonistas oppositos, quare æquale oppositum robur istam contractionem & hinc factum motum impedit, donec alia accedente causa movente æqualitas ista tollatur, & alter musculorum, quasi allatis supetis, victo Antagonista se contrahat.

Accedit ergò *secunda* causa motus fibrarum inchoativa, Antagonistarum robur præponderans, quæ est *accessio spirituum animalium*, qui per nervos, continuato radio impetuoso (propter velocitatem sic nominato) in unam vel alteram fibræ majori copia, tam in somno quam vigiliis, illo quidem

quidem tempore parcius, hoc copiosius, irruunt, eam replent, ac quasi inflant, maxime attollunt, & ita breviorē reddunt, quod imprimis in musculorum ventre observabile est, & sic Antagonista vincitur. Fit tamen, ut copiosius interdum influant in unam partem, vel quoniam in quadam parte est aliqua fibrarum vel membranarum irritatio, (hoc est, molestia cujusdam perceptio, cujus molestia ratione spiritus fortius moti in illa parte, similem motum ceteris spiritibus in cerebro imprimunt, & sic copiosius ad partem eam alliciuntur, verb. gr. ubi in parte quadam est dolor, unde & in profundo somno ex acicula punctura evigilamus ob irritationem spiritus, vel quando antimonialia stomachum irritando vomitum excitant.) vel quando moveri debent ex proæresi, unde copiosius influunt spiritus, & transmittuntur à cerebro ad exequendum motum animale pro consequendo bono aut fugiendo malo, antea cognito aut appetito.

Spiritus tamen hi non sufficiunt, unde tertio Motum complet *Influxus sanguinis spirituosus* per arterias, qui una irrumpens in vigore ultimum complementum addit, nec equus continuo die forti passu ambulat, ut solis spiritibus regatur. A nervis autem ut sensum, sic & motum, ratione spirituum animalium dependere, & ex eo manifestum est, quod dissecto nervo & sensus motus partis pereat, eo vero punctim laeso, aut alio modo irritato, pars violenter convellatur: de quibus videantur CHARLETON in *Exercit. II.* Accedere præterea efficienter ad promovendum motum musculorum sanguinem arteriosum, præter ea, quæ disserit WILLISIUS in *sua Anat. & Patholog. Cereb.* probatur ex eo, si quando arteria aut angustentur aut comprimantur, & hinc cesset motus, & oriatur stupor momentaneus, qui affectus potius videtur ex vitio arteriarum, quam nervorum oriri. Nam quando nimium comprimitur pars, etiam arteria comprimuntur, unde prohibetur influxio sanguinis, & quando sanguis antea impeditus pleniori radio irruit, *formicatio* percipitur: quod etiam patet ex *experimento Stenoniano*, qui acu curva circa spinam dorsi per abdomen canis trajecta, ejus arteriam magnam supra vertebrae sine corporis apertione filo annexo fortiter ligat, qua ligata, canis inferioris corporis artus movere amplius nequit, propter impeditum per arterias sanguinis motum; laxato autem vinculo non amplius claudus fuit. Solus enim spiritus animalis non sufficit movendis musculis, sicut sufficienter movet fibras in motibus naturalibus, v. gr. in intestinis, idque musculorum magnitudinem & actionis robur in movendis membris, & cum iisdem attollendis sæpius magnis ponderibus, unde ex massa sanguinea ipsi feruntur suppetiæ.

Hæ ipsæ autem suppetiæ, an, præter nudam sanguinis, uberiori suo influxu musculi ventrem replentis, præsentiam consistant ulterius in *capula* quadam particularum sulphurearum *elastica*, mediante qua cum spiritibus animalibus contingat singularis quadam effervescentia, & hinc impetus explosivus, & ita insignis dilatatio? ut statuunt WILLISIUS de *Morb. Convuls. c. 19. p. 150.* item MAYOWIUS de *Mot. Muscul. de Nitro aerea*, ceu nondum sufficienter probatum in medio relinquo.

Musculi ergo copiosis nervis instructi istis spiritibus animalibus quasi turgent, ita, ut hi inter singulas eorum fibras, & inter has singula relictæ spatiola, in specie circa medium ventrem carnosum ordinatè dispositi, ex levi accedente in nervo ad musculum protenso impulsu, & ex isto impulsu, uberiori spirituum affluxu, per totum musculum ferantur, & ibidem conclusi, dum secundum longitudinem, ob occurrentem in fine tendinem angustiorē, tam repente excurrere nequeant, in se ipsos reflectuntur, & imprimis in ventre ejus carnosum, ubi pori sunt ampliores & latiores, coærcervati, agitati, & propria vi elastica expansi colliguntur, & inde musculi incipit circa ventrem intumescencia; incipiente hac intumescencia, dum arteria in musculum sanguinem affundens, ex dilatato ventre minorem patitur resistantiam, copiosius solito sanguinem in ventrem musculi carnosum expansum infundit, ut vena socialis evehendo sanguini fiat impar; præsertim cum funiculi nervei in musculis variè cingere & implicare hinc inde vasa sanguifera, eaque sic nunc stringere, nunc relaxare soleant, & hoc ipso sanguinis in musculum, & ex eo motum diversimodè determinare & modificare, qua ratione propter sanguinem simul musculi tumor non leviter augmentatur: vid. CROON de *Rat. Mot. Musc. l. a. annexus.*

Ab his duobus ergo spiritibus impetum facientibus, & sanguine irrumpente, in motu suo plus minus coærcito, in-

tumescencia & motus musculi ita augentur, ut victa resistantia Antagonistæ musculus promptè & potenter contrahatur, ac ita motus perficiatur, eademque ratione atque videmus sequi spasmus seu convulsionem alterius faciei partis cynicæ, ex spontanea musculorum partis faciei sanæ contractione, ob deficiens robur Antagonistarum, paralytici affectorum. Hæc quæ de musculo, ceu fibris invicem unitis, dicta sunt, facile fibris dissipatis applicari possunt, ad quarum tamen motum sanguis parum vel nihil conferre videtur, cum hæ ferè, ut nimis distinctæ, se contrahant ad naturalem tonum, vel ultra hunc arctius contrahantur, & quasi crispentur, ad quos actus spirituum animalium influxus sufficiens videtur.

Supereft adhuc, ut cōsideremus, unde *Musculus specialis moveatur, quiescentibus reliquis*, imò nobis non cogitantibus, & tandem determinatus in partibus fiat motus, ut v. g. cum extēdatur manus, nunc elevetur brachium; vel flectatur genu, vel circumgyretur pes? Difficillima est Quæstio. Animæ hoc opus vulgò tribuitur, cui insit facultas loco-motiva seu potestas movendi sanguinem & spiritus; sed sunt verba sine sensu. Quomodo autem hoc fiat, & unde anima sciat, hunc vel istum esse movendum musculum, imperferutabile hætenus videtur, præsertim in brutis. Aptius ergo rem declarare nituntur, qui mechanico modo negotium hoc explicare tentant, imprimis cum videamus, non rarò ex abrupto, nihil tale cogitantibus, v. g. ex imminente percussione capitis sustolli brachium, citra ullam prægressam animæ cognitionem, & motus convulsivi invitis nobis nos torquentes sine animæ nutu eveniant. Ex motu ergo vel impulsu fibrillarum istarum, præcisè ex quibus nervus conflatur, qui in talem musculum derivatur, moventur spiritus in eum musculum determinatè, & non in alium; qui fibrillarum motus si fiat in cerebro, moveantur funiculi nervei, ut per eos vibratos vel agitados celeriter influentes spiritus musculum istum determinatè ad motum disponant.

Hoc interim evidens, quod ex quocunque sensuali in quadam parte motu, præsertim si intensior paulò sit talis impressio, istius partis fibrarum motricum sequatur motus seu contractio, quatenus fortius motis illius loci funiculis nerveis, ab Objecto sensilitatis motus ad originem eorum in cerebro vel cerebello continuati occasione, feratur versus nervos motos, specialius spirituum impetus, indeque fibrarum istius partis sequatur motus: sic enim ex puncto nervo brachii sequitur partis contractio vel convulsio; item ex irritatione pylori ab emetico antimoniali fit contractio stomachi, unde vomitus; quia irritato pyloro nervei ejus commoti funiculi copiosiores spiritus cō radiare faciunt, unde motus; non secus ferè atque nervus punctus brachium movet. Sic quando in vulnerato cranio cerebri membrana simul pungitur, epilepsia in toto corpore, quia commercium habet cum membranis totius corporis: item ex quacunque dolorosa impressione in parte dolente spasmus seu convulsiva quadam fibrarum contractura supervenit; hinc enim ex spina digito infixa mox ratione doloris pulsus durus cum tensione fibrarum & musculorum superveniunt; & dolente dente mox totum illius lateris in capite hemisphærium tendi & quasi contrahi, h. est, spasmo quodam fibrarum leviori affici solet. Si ergo à causa externa filamenta nervea moventur, sequitur quod à causa interna sequatur determinatus spirituum animalium influxus: sic in sinu cerebri per sensum cognitum prægressum moventur filamenta nervea, transeunt spiritus ad brachium, & brachium attollunt: vid. CARTESII Scripta, qui primus fuit in hoc puncto.

CAPUT XXII.

DE

Sanguinis Motu ad Testes, Seminisque Generatione.

Ita quidem se habet corpus humanum in Individuo consideratum. Ut verò animal, quod in Individuo caducum est, perpetuetur in specie, Generationis mirandum opus ordinavit divinus Architectus, in quo mas & femina, ceu causa sociæ, conferendo mutuo sua symbola, se in specie multiplicant, & novum Individuum vitale producant, quod Generari dicitur, & mediante Genitura, communiter, sed abusivè Semen dicta, de qua THOMAS CORNELIUS CONSENTI-

NUS in *Progymnasm. Phys.* 5. pag. 172. perficitur; five utriusque sexus certo modo circa uterum concurrant Genitura, quarum coalitu fit verum semen seu ovum fecundum ut in viviparis; five maris genitura tantum irrigetur & sic fecundetur foemina jam factus conceptus, ut in Oviparis; five demum genitura ovi specie etiam cum stercore (in multis infectis) excretum calore perficiatur, aut fermentatione putredinali producat in vitam etiam: Vid. **KIRCHERUS** in *Mundo Subterr. de Insectorum* seu animantium vermiculorum ex putredine, papilionis, ranarum, &c. productione.

Genituram hanc abusivè semen dici, supra dixi; & est istud, quod uterque sexus confert; semen autem est utriusque geniturae miscela. Nempè primò observatum fuit in Vegetabilibus, quod certum materiale sui simile generet, quæ materia Semen, sed male, vocatur: Cum enim notum, quod nempè fit proprium vegetabilibus & causa solitaria, fecus ac in animalibus, pro quorum propagatione in actu generationis requiritur causa, socia, nempe maris & foeminae conjunctio; hinc etiam Veteres cautè evitarunt vocabulum Semen, & vocarunt Genituram maris & foeminae, ex quibus conjunctis oritur semen prolificum. Semen enim animalium propriè dictum, stirpium semini analogum, & quod vim sibi simile generandi possidet, est, quod ex mari & foemina mixtum conceptum fecundum constituit.

Generationem per se quod attinet, ejus.

1. Considerandum *Organon*, in quo Genitura elaboratur.
2. *Genitura Materiale*, &
3. *Formale* seu fecundativa vis.

Quoad *Organon*, in quo elaboratur *Genitura maris*, notum est quod sint *Testes*, una cum vasis preparantibus, deferentibus & asservantibus, quarum partium situs necessario petendus ex Anatomia: vid. **MOEBIUS** in *Fundam.* c. 19.

Vasa quidem preparantia Geniturae preparationi non inferviunt, uti cum **Galeno**, **Spigelius**, **Barbinius**, &c. præsupponunt, cum repugnet Ratio & Experientia, unde etiam eo sensu talia dici non possunt; nec ardeo commodè ab **Hornio** vasa fecernentia vocantur, cum id est sanguis in his, ac in aliis vasis, observetur, imò ad peritonæum aliasque partes vicinas vasa hæc ramulos spargant, quas tamen sanguine nobiliore nutriripotus est. Potiori ergo jure vocari possunt *Vasa testiculorum*, utpote quibus potissimum in sexu virili ministrat.

Testes ordinario bini sunt: observantur tamen interdum quoque eorundem tres, interdum unus saltem. Integumenta, quibus muniuntur, vel utrumque testiculum simul complectuntur, qualia sunt scroti duæ membranæ, *cutis* scilicet & *panniculi carnosus processus*, Dartus dictus, vel singulum testiculum involvunt, ut *elythroides* seu *vaginalis*, & *nervæa* seu *albuginea*: quibus nonnulli *erythroidem* addunt; quæ tamen nihil aliud est; quam musculi cremasteris fibrarum per membranam vaginalem explicatio. Contingit siquidem *Cremaster* seu *Suspensorius* testiculo singulo unus, ab osse pubis & musculi abdominis transversi termino descendens, & testiculorum molem sustinens.

Numerantur *Testes* inter *glandulas conglomeratas*; nec ineptè. Si enim consideramus eorum superficiem & structuram, deprehensum fuit, quod nihil aliud sint, quam *congeries atque conglomeratio minutissimorum funiculorum seu vasculorum* arctè satis contextorum, in quibus *Materia Geniturae* perficitur, uti hoc experimentum **FRACASSATUS Bononia** primum in testibus equinis & cervinis clarè demonstravit, & postmodum etiam in **Belgio** **GRAEFF** invenit *Tract. de Organo Generat. in serv. Virorum*: Vid. etiam in *Philosoph. Anglican.* pag. 700. & p. 564. sicut etiam jam tum annotasse videntur **RIOLANUS** *Metrop.* l. 2. cap. 30. & **PLATERUS** *de Partibus Genital.* l. 1. cap. 9. Quorum vasculorum quadam ex teste erumpentia variis suis flexibus corpus illud constituunt, quod testium dorso incumbit, & *epididymis* appellatur, quod ipsum hinc dilatatum constituit vas deferens, tandem in *vesiculas seminales* abit: unde Genitura elaborata in testibus, perfecta in epididymidibus, per canalem deferentem in vesiculas seminales deponitur, suo tempore vel sponte in pollutione nocturna, vel concurrente partium genitalium motu in coitu excernenda, aut potius ex affluente sanguine calefacta, & spiritibus copiosis confertim influentibus turgida, cum impetu spumoso ejaculanda.

Substantia harum *vesicularum seminalium membranacea* est, nullasque glandulas, ut **WARTHONUS** vult,

intertextas habet. Figura externa avium intestinula minora aliquomodo complicata exhibent, unde interior etiam illarum cavitas diversimodè dilatata & coarctata, hinc ex plurimis quasi vesiculis invicem communicantibus formata conspicitur. **WARTHONUS** quidem putat Genituram in vesiculis his contentam in iis generari; sed errat: quia substantia earum est merè membranacea Generationi huic inepta; & canes, qui iis destituntur, perfectam nihilominus Genituram habent.

Huic Geniturae maris, dum ejicitur; simul accedit & admiscetur adhuc alius liquor quidam serosus & blandus, uno nomine, *lymphæ* sui generis in corpore *prostatarum* glanduloso & spongioso elaboratus, qui per copiosos exiles ductus in urethram, cui annectitur corpus hoc glandulosum, effusus, Genituram maris obvolvit, ipsique pro vehiculo servit, ut eò melius & promptius per penem ejaculari queat. Præter glandulas enim cavernas seu spatiosa & receptacula plurima, membranulis succincta, complectitur, quæ humorem intra glandularum substantiam separatam colligunt; adeoque nihil aliud sunt, quam meatu illi, à quorum radicibus, per substantiam corporis hujus glandulosi dispersis, exceptus liquor per oscula distinctissima, in homine ad nimium 10. ad urethram deponitur; qui liquor etiam in castratis generatur, unde & hi coire, & aliquam voluptatem, licet infructuose, percipere possunt. *Prostata* hæc in iis, qui sæpius Venerere utuntur, majores sunt, ut in canibus; & situm circa radicem penis habent. Non ergo est triplex semen masculinum, ut vult **WARTHONUS** in *Adenogr.* c. 30. sed unicum tantum in testibus elaboratum, quod cum sit crassius & spumofum, spiritibus animalibus imprægnatum, tali vehiculo, nempè liquore seroso seu lymphæ prostatarum dilutum, in coitu facile effunditur ex pene; lymphæ enim hæc est vehiculum totius massæ genitalis fecundæ.

Penis constat duobus corporibus nervosis, septo, glande, musculis & vasis.

Corpora nervosa duæ capsulæ oblongæ sunt, quæ crassiore membrana vestitæ, ab inferiore osse pubis sede oriuntur, & quidem principio duplici, & à se distincto, à quo secundum urethræ ductum ad glandem usque elongantur. *Intrinseca* horum substantia ex fibris innumeris mirabiliter sibi intertextis constant, ad modum ferè eundem, quo **MALPIGHIIUS** pulmonem describit; quæ fibræ pro penis duritie formanda factæ videntur; cavernæ autem ex complicatione fibrarum illarum emergentes sanguine semper refertæ sunt: unde dum corporum horum substantia nigro purpurea observatur, color ille ipsis non essentialis, sed à sanguine saltem affuso & impacto erit.

Septum, ubi ossa pubis corpora hæc nervosa derelinquunt, intervntu septi cujusdam intermedii superius connectuntur, quod quò glandi propius accedit, eò magis attenuatur, ut antequam ad penis medium perveniat; ab urethra subjacente instar pectinis deorsum versus adscendat. Dum verò ulterius excurrit, fibræ ejus sensim ita attenuantur, ut prope glandem septum hoc penè evanescat.

Huic, & corporibus nervosis, subjicitur *meatus urinaris*, cujus substantia membranacea partim, partim cavernosa, observatur, ita ut ejusdem naturæ substantia illius cum corporibus nervosis videatur, hæc saltem differentia, ut propter fibras breviores & plures, pori illius minores sint, atque in parte posteriori substantia hæc satis crassa deprehenditur dum quò glandi propior, eò magis gracilescit, & tandem oblitteratur: imò communicat hæc manifestè cum corporum nervosorum cavernis, ita ut flatu aut liquore his immisso illa pariter intumescat, & quidem pro promptiore & æquali penis erectione: *Internam ejus superficiem* succingit membrana tunica vesicæ urinariæ continua, quæ tandem in cuticulam degenerare, & glandem egere videtur.

Est siquidem *glans penis* caput rubens, subrotundum & turbinatum, quod corporibus nervosis & urethræ jam descriptis apponitur, ita quidem ut horum magnitudinem excedat, illa instar circuli & coronæ cingat. Substantiam habet molliorem & sensibiliorem, quam reliqua penis compages cavernosa; & extra Veneris æstum involucre, si non totum, maximam tamen partem, tegitur, quod *preputium* appellant, ac nihil aliud est, quam cutis duplicatura, quæ extremitate sua corporum nervosorum fini adheret, ac glandis inferiori parti per vinculum tenuissimum, *Frenulum* dictum, annectitur.

Musculorum penis duo paria hæcenus fuerunt observata; quorum primum *Erigentes* constituunt, a **SPIGELIO** ratione

ratione situs laterales dicti, alterum dilatantes formant. Illi ab Appendice ossis coxendicis infra principium corporum nervosorum enascuntur, in quorum etiam membrana crassissima terminantur eorumque fibræ obliterantur & absumuntur; hi verò RIOLANO acceleratores, LINDANO proferendi dicti, prodeunt à sphinctere ani, secundum penis longitudinem & subtus illum incedentes ad latera urethræ circa medium huius inferuntur. Veteres penis erectionem & dilatationem ipsis tribuerunt, utut actio talis ab eorum contractione immediatè provenire non possit, uti MOLINETTUS *Anatom. Patholog. l. 6. cap. 9.* & GRAEFF *de Organis Virorum pag. 144.* annotarunt.

Vasorum tandem supra dorsum penis ac corporum nervosorum membranam crassiorem decurrentium duo sunt, arteria una, vena, & duo nervi (foras etiam vasa lymphatica) ita ut vasa sanguifera cum hypogastricis communicent, nervi ab osse sacro progrediantur. Simplex autem dicitur adesse vena, utpote, quæ unà à glande usque ad radicem penis excurrit, ubi demum valvulis plurimis instructa bifurcatur; ratione sanè peculiari ac in toto corpore observatur & deprehenditur, ubi extremitas minor venæ nunquam in truncum duplicem abit.

Usus penis quod spectat, is primariò in Genituræ ejaculatione, secundariò saltem in urinæ excretionem, consistit. Genitura autem cum sine erectione ejaculari non possit, hanc ipsi partim sanguis præstat, partim spiritus animales, utut non illo modo, quem GRAEFF suspicatur: Musculi si quidem penis, quibus ille sanguinis è corporibus nervosis refluxum impedire putat, venam non comprimunt; cum illi in parte penis inferiori constituti sint; hæc verò per dorsum ejus excurrat; sed penis ab ipsis corporibus nervosis, horumque fibris cum spiritibus animalibus copiosius advectis tensis, distendi & erigi videtur, hinc ratione cavernosæ suæ conformationis refluxum sanguinis per venas retardantibus.

Materia Genituræ virilis non est lymphæ vel ros, per duplicaturam vasorum lymphaticorum ad testes delabens, ut vult BILSIUS, nec est succus per renes advectus, ut volunt ANGLI, in specie CHARLETON de succo nutritio, nempe in *Exercit. 10.* & WARTHONVS in *Adenogr. cap. 27.*, quo etiam inclinatur VELTHUSIUS *de Generat. cap. 6.*, multò minùs sanguis, utut adferatur per arterias spermaticas; sed est pars sanguinis pinguior seu chylosa, nondum in perfectum sanguinem transmutata, quæ parte aquosâ diluta cum sanguine per arterias spermaticas, præparantes dictas, ad testes advehitur, ubi per arteriolas istas, quæ vascula seminalia amplexu suo firmissimè detinent, in cavitatem istorum vasculorum deponitur, & quasi transfundat, crassiore reliquo sanguine per venas remeante, parte verò aquosâ chylosâ superflua à vasis lymphaticis absorptâ, & ibidem formali alteratione in Genituram mutatur. Conf. GRAEFF *de Organis Virilib. pag. 81. & 82.*

Constare hanc Genituram ex chylo defæciore, clarè persuadent proprium gluten & candor; hinc uberior extravasata, ut in Gonorrhœa, corpus emaciatur, non propter particulas sanguineas, sed propter pinguedinem & quoad chylum, quo inclinatur BARBATVS *Tractatu de sero sanguinis*, item CORNELIUS CONSENTINVS in *Pro-gymnasm. 5. p. 176. seqq.*, qui uti lactis, ita Genituræ materiam statuunt chylum puriorem.

HIPPOCRATES quidem *l. Genitura*, aliisque locis, semen ab omnibus corporis totius partibus decidi statuit, cui etiam multi Neotericorum adstipulantur. Rationes eorum potissimæ sunt, quod in coitu totum corpus amicâ quadam titillatione ac voluptate perfundatur, & parentes morborum suos in liberos transplantant morbos, ita ut pater v. g. phthicus, podagricus, nephriticus, &c. liberos iisdem morbis obnoxios generet; unde BENEDICTUS *Theatra Tabidor.* dicit, quod semel sit sanguinis concentratio seu systema, in cuius substantia totum potestativum latet, & BURRHUS *Epist. 2. de Cerebro* ait, semini impressa esse à virtute immortali diversa & innumera membra, quorum differentia nihil aliud, quàm veræ essentia quintæ corporis animalis, quæ in foetu augerentur, & conservarunt ingenium vitale & motum viscerum, è quibus deprompte, eodem ferè modo, quo genera diversa salium aquâ communi resoluta, sigillatim solent redire ad pristinum pondus & ens, post levem aqueæ humiditatis evaporationem. Sed hoc vix eo modo, quo vulgò explicari solet, se ita habere, Anatomia testatur, quæ nulla peculiaris vasa ex

singulis membris ad testes, mediantibus quibus deciduum illud his adducatur. Præterea, quoad prius, respondet LAV-RENTIVS *Anatom. l. 8. Quest. 4.*: cui & hoc accedit, quod & aliæ titillationes, v. gr. frictio extremorum blanda, ciborum delicatiorum assumptio, corpus integrum afficiant, licet aliæ partes pro harum sensatione nihil conferant. Posterioris verò rationis consequentia nulla est, cum generatio morborum hæreditariorum in certa spirituum animalium ideâ seminali insignitorum, dispositione consistat, utpote qui non solum ad Genituram, sed etiam ad formationem proprii corporis, ejusdemque nutritionem & augmentationem, formaliter concurrant.

Cæterum, quaritur de Formali, seu quâ ratione alteretur chylus in testibus, ut proprie dicta Genitura seu semen evadat, an per simplicem in testibus Translocationem, an simul Alterationem? Posterius verius videtur. Quod enim peculiare in vasculis istis seminariis testium lateat fermentum, huius singularis transmutationis Autor, vix dubitare potest ille, qui mutationes istas insignes à geniture generatione in corpore observat; dum ab illis planè singularis & ingens vigor virilis inspiratur; sicuti etiam carnes brutorum non castratorum peculiarem odorem & saporem præ se ferunt; Eunuchi verò huius fermenti defectu adeo effœminati manent, nec iis unquam barba crescit; dum barba erumpit; dum Veneris brutorum orgasmus certo tempore evigilans exinde procedit, non secus ac singularis hircorum odor; hinc sub eo tempore epilepsia, secundum Hippocratem, cura; de quibus mutationibus videbitis GRAEFF *de Organis Virorum p. 25.*, & MOEBIVM in *institut. pag. 33.* item *Fundament. Medicis pag. 461.* Sic cervis junioribus cornua excrescunt; si verò ante eorum excretionem castrantur, nunquam eadem germinabunt, quæ tamen vegetabile quid sunt; sicut si cornutis excindantur testiculi, cornua retinebunt, non mutabunt. Notum est, si testibus epithemata alterantia applicentur, totum subito corpus alterari; v. g. inebrietate pellenda & hæmorrhagia narium experimentum est, si testibus applicetur epithema ex succo semperviivi majoris, aceto & nitro mixtis. Sic observatum est, quod Maniaci aliàs desperati post castrationem mites redditi & curati fuerint; vid. RIVERRIVS. Detestandum quidem, sed verum est auxilium.

Quæ mutationes persuadent, testes non solum esse colectorium chyli pro genituræ materia, sed subesse iis potius certum sui generis fermentum, quod chylum transfundendo allatum certâ ratione alteret, & semini complementum addat, cujus fermenti contagium sub pubertatis annis sanguinem affluentem, tam in hominibus quàm brutis, alterat & spirituosiores reddit, similemque fermentativam vim tum ipsi tum lymphæ ex testibus refluenti imprimit; unde tota alterata & fermentata ejus massa totius corporis habitum similiter alterat, unde impetus vegetior est obvisus: sic certo tempore brutis tale fermentum exaltatur: hinc ad Venerem procliviores fiunt, amore ardent, & non raro in furorem aguntur, quod, ut in mulieribus taceam, in cervis præprimis patet, qui statotempore, postquam diutius à coitu abstinerunt, furore quodam in Venerem ruunt, ut, qui antea timidissimi fuerunt, nunc audaciores facti, canes, homines magno impetu adoriantur. Furorem uterinum si consideremus, quantum non raro mulieres quadam ex sæcundo congressu in toto alterentur corpore, non adeò absona videbitur Stenonis sententia, quam recenset CASPAR BARTHOLINUS in *Exercit. Miscell.* quod semen virile in uterum injectum (non aliter ac medicamenta aut alimenta assumpta vires subtiliores statim ad sanguinem & spiritus animales amandare videamus) sanguini & nervoso generi communicetur, & ita universum mulieris corpus suo modo alteret: hinc quadam mulieres mox à conceptu vomere omni mane & breviter picâ corripit solent, &c.; hinc etiam in nutricibus lac brevi à conceptione nova alterari, & infantibus hostile fieri incipit, antequam retentus sanguis menstruus istas alterationes inferre possit. Sic purgans quis assumpsit, postmodum ancillam comprimens, illam vehementer purgavit medicamentum illud: vid. MOEBIVS loco allegato pag. 401. JOHANNES DANIEL HORSTIVS simile exemplum habet in *Observat. Anatom. 10.* de nobilissimo amico, qui Aureliæ in Gallia scorto, post horam à purgante medicamento assumpto, iuseculum ferenti, inter meretricios amplexus coitu purgantem efficaciam insinuavit, ut *ἀνὰ γὰρ καὶ τὸ* decies vehementer purgaretur.

Posito, materiam genituræ virilis esse chylum puriorem, à fermento testium alteratum, quæritur: Unde dependeat ejus vis generativa? (Moveo ideo, quia notum est, omnem maris genituram effluere ex utero, & nil materialiter concurrere in formatione fœtus, sed sui contagium relinquere, à quo fœcundetur fœmina.) Respondeo: Materia hæc chylola seu lactea, nonnihil mucilaginosa, quacunque ratione in testibus alterata, non est propriè genitura, sed potius vehiculum spirituum animalium, seu virtutis genitalis maris, ita ut vis ista consiliat in spiritibus animalibus, qui genituræ permiscetur, & præsertim sub coitus ardore copiosè eam imprægnant; unde spiritibus turgescens, & vesiculas seminales distendens, harum & partium vicinarum musculosarum contractione, accedente proprio spumoso impetu, valide è membro virili ejaculatur & evibratur.

Spumescencia hæc oritur ab ubertim affluentibus spiritibus, genituram imprægnantibus. Genitura enim per se est inanis; si verò imprægnetur spiritibus animalibus, vim generativam efficit; hinc, quod in coitu fœcundat genituram, sunt spiritus animales, qui huic ultimam perfectionem seu vim feminalem formalem addunt, à quibus Generationis opus primariò perficitur, & qui constituunt contagium istud spirituosum, quod fœcundat ova muliebria. Hi sunt quasi nucleus, cui Genitura siliquæ instar inservit. Clarum idem est in viviparis & oviparis, quia

1. Genitura galli non intrant uterum, & tamen unico galli coitu per exiguam admodum genituræ excretæ quantitatem omnia ova fœcundantur, ut fiant apta ad generationem.
 2. Omnia ova ovarii involucra sua habent, quæ substantia genituræ gallinacæ penetrare nequit. Ergo spiritus animales sunt, qui imprægnant & fœcundant genituram maris, cujus subtilis spiritiosa materia exit in uterum; præprimis cum
 3. In iisdem gallinis oviductus seu canalis, per quem ad ovarium genitura galli adscendere debet, satis longus & tortuosus, adeoque paucillæ illi genituræ transvehendæ minus proportionatus est; quod etiam
 4. Non ingrediatur genitura, patet, cum genitalia galli sint brevissima, ut ea non possit insinuare, sed tantum potest affricare & quasi tantum osculari.
 5. Annotarunt FABRICIUS ab AQUAPENDENTE de Operat. Chirurg. & RIOLANUS Anthropogr. l. cap. 34. fœminas quasdam concepisse, sine penis virilis intra vaginam uteri immissione, qualia exempla etiam habet BORRELLUS Centur. 4. Observat. 36. non tantummodò de puella, quæ citra perfectam penis immisionem fuit imprægnata, sed in specie de equa, cui fibulis & annulis ferreis vulva fuit occlusa, quæ nihilominus tamen concepit. Curiosa etiam est Observatio de puella imperforata, & cui tantummodò esset foramen exiguum magnitudine pisi, quæ tamen ex sola amalli externa fricatione, & genituræ facta excretionem concepit, ita ut imminente partu membrana, foramen obvelans, rescindenda & vulva aperienda fuerit, ne periculum in partu incurreret; vid. Observat. 13. Bartholino Communic. à Mœnichen. quæ annexa est Cultro Anatom. Lyseri.
 6. Trajectus vaginæ uteri in avibus tortuosus & à rugis valde constipatus, apparet, ut stylum aut flatum vix admittat; hinc
 7. Ovo fœcundato nihil additum reperitur, quod subventaneo pondum inexistat, tandemque.
- Graeff talem cervicis uteri conformationem in quibusdam brutis deprehendit, quæ ad genituram virilem potius excludendam, quam admittendam, apta videtur.

De hac Genituræ formali ratione, ejusque fœcunditate, vid. HARVÆUS de Generat. Animalium, RALLIUS de Generat. Animal. Sect. 5. & EUERHARD. de Generat. hominum. Loquitur hoc etiam detrimentum Facultatis animalis, quod post nimiam Venerem solet evenire, quod fit cum sensus & motus imminutione, ubi tot spiritus deperduntur. Nimis sæpè Genituram emittentes, cæci & amentes redduntur: in pollutionibus nocturnis non percipitur quidem, sed quando ordinarius Generationis Actus committitur. Hæc est Genitura pro-

priè dicta Maris: nunc sequitur Genitura fœminæ.

Mulieres, an et ea semen, ac mares, generent necessarium ad Generationem, multi dubitant, supponentes nimirum, præter receptaculum sanguinemque menstruum, fœminas planè nihil ad conceptum conferre, quorum rationes videbitis in HORSTII Institut. Disputat. 3. Coron. 1. Quæst. 3. GRAEFF de Organis Mulier. cap. 13. Verùm mulieres quoque Genituram in se prolificam elaborare, & ad Generationem suppeditare, GRAEFF l. c., WARTHONUS Adenogr. cap. 37. & HORSTIUS pariter loc. cit. LAURENTIUS Anatom. l. 8. Quæst. 5. & EUERHARDUS de hom. brut. exortu p. 26. et 27. ita probant, ut nullum hac de re dubium remaneat, accedentibus præprimis illis, quæ suprâ de Ovario seu Testiculis fœmineis dicta fuerunt. Facienda enim est distinctio inter animalia vivipara & ovipara. Ovipara ova generant, è quibus blando incubatu pullos excludunt; Vivipara autem fœtum perfectum excludunt. De Oviparis certum est, quod habeant Ovarium, quod patet in avibus & insectis, ranis, crocodilo, &c. In his ova inveniuntur constare duplici, interdum una substantia; per se autem omnia sunt effata, & infœcunda; afflatu tamen unico per spiritum maris fiunt fœcunda. Fœminas ergo omnium animalium quod attinet, pro generationis negotio conferunt ova, ita ut omnes etiam mulieres sint ovipara.

Hæc tamen est differentia, quod ovipara animalia in ovario vitellum generent, in utero succo lacteo sub forma albuminis investiendum, quod ovum tam in suo rudimento, quam jam perfectum, nondum tamen in fœtum perfectè formatum, mas fœcundat suæ genituræ, vel potius spiritus animalis cum genitura excreti, attactu vel conspersione, ut exinde ovum fœcundum præmaturè emittatur, & postmodum corporis incubatu mediante blando calore fovendo, ad perfectionem omnimodam perducatur, reliquis ovibus infœcundis, communiter subventaneis dictis; unde etiam unus galli coitus ad aliquot menses fœcundam reddit gallinam, ita ut omnia ova tunc excludat successivè fœcunda, quamdiu illa vis à gallo communicata perdurat: vid. HARVÆUS Exercit. 39. & 40. de Generat. Animalium. Idem fit in piscibus oviparis, v.g. in carpione, ubi quod Germanis der Ragen, sive Rogen dicitur, nihil aliud est, quam ovulorum vel vitellorum congeries: hæc ergo in coitu illorum, qui fit tantum per partium posteriorum quandam affricum, à fœmella excluduntur, & à lacte vel genitura maris tantum asperguntur, aut quasi irrorantur. Quotquot igitur contacta sunt ova ista maris genitura, sunt fœcunda, & ex iis fiunt pisciculi; quæ verò non irrorantur, ea fatiscunt, & ceu infœcunda intereunt. Idem potest observari in papilionum genere, in specie bombyce: hujus fœmella copiosissima generat ova, postmodum in coitu fœmella ova hæc excludit, quæ à tenui subrubundo aut nonnihil flavescente liquore seu Genitura maris resperguntur, & quæ ita respersa sunt, sunt fœcunda, & dant novas erucas, hinc papiliones; quæ non adsparguntur, manent infœcunda. Differentia autem hæc Ovifarorum & Vivifarorum non est essentialis. Conf. Observatio 6. communicata Bartholino à Lysero, quas Cultro ejus Anatomico adjunxit, ubi gallina loco ovorum vivos pullos num. 6. exclusit una vice, utut hoc ipsum cum morte gallinæ matris fuerit conjunctum. Dantur etiam pisces vivipari, ut balæna, &c.

Viviparas verò quod attinet fœminas, & has inter speciatim mulieres, modernorum circa illarum genitalia STENONIS, HORNII, & præprimis GRÆFFII & KERKRINGII Observationes testantur, & has reverà ova generare, quæ genituram earum constituent, seu semen earum sint; ita quidem, ut Veterum testes muliebres, aliorumque Vivifarorum, sint reverà ovaria, in quibus generantur ovula, ita ut unumquodque in sua capsula lateat reconditum, quorum singula singulis fœtibus producendis sufficiunt. Putatum quidem hætenus fuit, fœminarum testes, vasa præparantia, similemque apparatus circa genitales partes, nulli alii usui destinatum esse, quam Generationi seminis sui generis, quod in mitione cum semine virili in utero semen fœcundum faceret (cadavera equidem testium testes muliebres vocat HOFFMANNUS l. 2. Institut. cap. 44.; sed hunc refutat, WARTHONUS in Adenographia) quod quidem aquosius sit, quam virorum, cum ex defectu epididymidum ultimam perfectionem non accipiat, esse tamen

men perfectum in suo genere. Verum hæc falsissima sunt, sicut & de hujus seminis in uterum excretionē, per quas vias id contingat, & an necessariò cum semine virili in coitu fecundo sit permiscendum, ipsis Veteribus semper obscura fuit controversia. Certum est, quod Testes viviparorum sint ovaria, quæ ova generant, fovēt, & ad maturitatem justam promovēt. Omnia siquidem sunt ex ovo, etiam vegetabilium semina analogicè dicuntur Ova. Experimentum, quod Testes sunt Ovaria, data occasione ex Anatomia videbimus.

Perquam notum est, *Testium muliebrium substantiam*, tam in homine quam in brutis, esse crassam ac firmam membranaceam & fibrosam, cum intercapedinibus seu alveolis quibusdam inde formatis, in quibus reperiuntur quamplurimæ vesiculæ, quarum quælibet peculiarem suam habeat tunicam membranaceam admodum tenuem, neque cum alia cohæreat, repletaque sit humore albicante lacteo, ita quidem, ut in talibus vesiculis, in aquam ferventem immerfis, dictus humor mox coaguletur in formam albuminis vel vitelli ovi indurati; ut ita dictæ vesiculæ sint reverà tot ovula, generationi destinata, quæ sui proventus & augmentationis ratione nunc minora & imperfecta, nunc majora & perfecta, in specie humana, pisi quantitate, præsertim mediæ magnitudinis, nonnulla etiam instar granorum milii, inveniantur; utut & moles illa in genere quoque variet, vel ratione ætatis, vel ratione coitus mox præcedentis: de quibus vid. GRAEFF de *Organis Mulier. cap. 12. Vesiculas* has VESALIUS de *humani corporis Fabrica l. 5. c. 15. FALLOPIUS Observat. Anatom. pag. 421. VOLTERUS COITER in Tab. internar. humani corporis partium, LAURENTIUS l. 7. cap. 10. RIOLANUS Anthropol. l. 2. cap. 34. WARTHONUS Adenogr. cap. 33. multique alii, jam dum olim observarunt; donec ex Recentioribus STENO, HORNE, GRAEFF & KERKINGIUS Ovariorum seu testiculorum muliebrium structuram investigantes, horum vesiculas clariùs explicantes, propter analogiam insignem, quam cum ovis avium habent, Ovula vocarunt.*

Numerus harum vesicularum spermaticarum incertus est, pro diversitate tam specierum animalium, quam individuorum, & in homine earum ultra 12. imò 20. & 30. in uno sæpiùs testiculo muliebri reperiuntur, quia etiam unus testiculus earum plures quàm alter habet: vid. *Acta Hassniensia Tom. 2. pag. 213. Sunt aliquot ab hinc anni, ubi penitus considerans muliebri ovarium, plus quam 30. ovula in isto ovario reperi, quæ erant magnitudine pisi majoris.*

Ova hæc generantur in Ovario, & ratione simili perficiuntur, ac vitella in avium ovaris solent, scilicet materia eorum ab arteriis feminalibus ante coitum quoque præexistit, pariratione ac in juvenum testiculis Genitura generatur, & in horum vesiculis feminalibus asservatur; sicut gallinæ, licet gallum non admiserint, Ovario præditæ sunt. Sola enim figura externa hæc differre videntur, quæ in avium ovario similis est botro, cum testiculi muliebres membrana communi & continua botrum hunc occultent, utut in quibusdam etiam Viviparis, v. gr. lacerta, chamæleonte, &c. testiculi figuram racemi quasi referant: vid. SCHWAMMERDAMMIUS *Mirac. Mund. p. 19.*

Ovaria hæc seu Testes muliebres à masculinis *situ differunt*; in abdominis enim cavo latent, ubi fundi uterini lateribus ligamento illo valido alligantur, quod pro vase deferente communiter habent; altera tamen sui parte vasis spermaticis intervenientibus cum peritonæo circa ossium illorum regionem quoque coherent.

Vasa, spermatica aliàs dicta, sunt cum adducentibus arteriæ, quæ ab arteriæ magno trunco ut plurimum sub emulgentibus propullulant; utut H A R V Æ U S de *Generat. Animal. cap. 66.* à ramo crurali seu hypogastrico eas derivet, quem tamen Anastomoses fefellisse videntur, quæ arteriam hypogastricam & spermaticam intercedunt. *AVirilibus nihilominus differunt.*

1. Derivationis modo; utpote quæ ductu recto ad testes descendunt; in fœminis verò per circulos varios & serpentino satis ductu progrediuntur.
2. Longitudine; ita quidem, ut fœminæ, valdè licet contortæ, si explicentur nunquam tamen virorum arterias æquent.
3. Distributione & Insertione; quippe in mulie-

ribus tardius, imò nunquam, divaricantur, adeò ut arteriolæ ovariorum earum surculi potiùs, quam derivationes, videantur; in viris verò longè suprà testiculos in ramos abeant.

Pariter &

4. Major earum portio in viris testi, minor epididymi, implantatur, cum in mulieribus ramus non ad ovarium, sed ad uterum potiùs, deferatur:

Circa *Venas spermaticas*, ut & de *Vasis lymphaticis*, & *nervis* nihil peculiare monendum, præter illa, quæ de arteriis præparantibus ratione distributionis jam dixi.

Involucra etiam bina Testes muliebres habent, quorum aliud à peritonæo totum ovarium involvit, alterum singulis hujus cellulis proprium.

Quæritur autem, per quæ vasa ova muliebria deferantur in uterum? & quomodo fecundentur? Notum est bruta habere cornua, quorum extremitati adsunt Testes; in mulieribus deficiunt talia cornua, loco quorum habent ductus binos nerveos seu membranaceos rotundos, *Tuba uterina* vocatos, qui ex fundo uteri, hujusque parte superiore & laterali oriuntur, & ultra medietatem suam aliquantum dilatati, & diversimodè incurvati, in laceram ac valdè attritam extremitatem terminantur, quæ ad abdominis cavitatem liberè propendet, nisi quod ratione ligamentorum laterum cum testibus aliquomodo cohæreant. Extremitates enim latiores utut cavitatē ampliorem habeant, nihilominus in finē illic cōnectuntur, neutiquam tamen planè occluduntur; id quod per flatum aut liquoris immissionem demonstrari potest. Atque hæc quidem Tuba spiritum genitalem viri ovario afferre, ab iisdem verè ovulum muliebri ad uterum deferri probat:

1. Quod magna tubas & oviductum pennatorum, ratione conformationis, intercedat Analogia.
2. Earum extremitates post coitum fecundum ovaria arctissimè amplecti observentur.
3. Quod in cuniculis, similiumque brutorum tubis, tertio, quarto, &c. post coitum die ovula tubas has pertranseant.
4. Fœtus quoque humanus intra easdem frequentius fuerit deprehensus; sicuti
5. RIOLANUS *Antropogr. l. 2. cap. 35.* & VASALIUS, *Chirurgus Parisiensis*, de duplici utero, seu totius conceptu tubario annotarunt.

Bruta in cornubus habent fœtus, cum in hæc ex testibus seu ovaris ova veniant.

Clarum hæc quidem est in brutis, in specie in cuniculis. Dubium autem de homine, quomodo ova ad uterum perveniant, cum tuba longius absit à testibus? Respondeo: Ovula hæc perfecta sub coitus ardore à corpusculo fibroso (ovo ad exitum destinato, circa ambitum ac à postica parte accrescente) expressa, suscipiuntur à Tuba uterina, cornubus uteri in brutis analoga, *ad testem usque sub ipso fervore crispata & contorta*, & exactè respondente tubæ & foramini ovi, & hac mediante ad uterum deferuntur: id quod imprimis confirmat *Observatio R U YSCHII Anatomici Amstelodamensis*, qui observavit in muliere recens imprægnata, à militibus interfecta, quam servit,

1. In utero ovulum minutissimum, embryonem paucorum dierum.
2. In teste autem dextro foramen excavatum; &
3. Tubam illius lateris incurvatam, & proboscidis instar reflexam ad testem.

Prout hæc publicè demonstravit die 15. Aprilis Anno 1673. perque Tabulam specialem explicat. Alii equidem vasa deferentia creduntur duo ductus exiles & breves, testes & uterum intercedentes, illosque huic affigentes. Sed in conceptu nihil per hæc ad uteri fundum deponi potest, quia nullum habent meatum, nec ad uteri cavum pertinent, sed extimæ saltem hujus membranæ annectuntur; nec in omnibus brutis, e. g. vaccis, ovibus & cuniculis (quorum testiculi intervenientibus saltem membranæ utero adhærescunt) reperiuntur.

Ovulorum horum nunc unum, nunc duo, prout vel simplex vel multiplex generatur fœtus, à spiritu genitali maris, sui tactu & quasi afflatu, fecundum redditur, instar spiritus genitalis galli fecundantis ova gallinæ, sive hoc ipsi in tuba adhuc existenti eveniat, sive jam in uterum excreto, ut in fœtum vivum successivè formetur.

Quæritur ergo, qua ratione genitura maris & ovum fœminæ constituent *Semen perfectum*? Respondeo: In Viviparis sub coitu fecundo in ardore Venereo, uti genitura maris cum

cum impetu irruens spiritibus animalibus turgēt, ita in mulieribus spiritus animales, affluendo ad testes, membranas eorum pungunt, & quoque liquori in istis contento se immiscunt, unde spumescunt, & cum magna voluptate foras prorumpunt; sub qua actione ovulum genitura maris fecundatur: Ovulum ergo, à spiritu genitali maris imprægnatum, verum dat conceptum. *Quod si fiat, ut ovum ita fecundatum in tuba uterina persistat, præternaturalis ista hominis conceptio tubaria, id est talis conceptus, quos in tubis feminae habuerunt, qualis ante duos annos Parisiis observatus fuit, accidit matrique lethalis, quæ in brutis naturalis & ordinaria esse solet.* Videatur STENO, GRAEFF *de Organis Mulierum Generat. inservientibus*, HORNIUS *in Prodro-mo Observ. circa partes Genitales*, ite Fabula RVYSCHII, ELSHOLZIVS *Tract. de Generat. Hominis in Tuba uteri*.

Ex his Ovulis *superfætationis* obscura aliàs doctrina clava est; si enim unum ovulum uno alterovè coitu deferatur in uterum, fit conceptio simplex; si verò post aliquot septimanas vel menses ex repetito denuò coitu contingat, ut unum ovulorum talium post alterum fecundetur, *superfætatio* fieri solet, unde partum primum aliquot septimanarum, vel mensium spatium alius partus supervenit. Quod si duo simul fecundentur talia ovula, fiunt *Gemelli*; quando tria fecundantur ovula, fit trimellus; sin plura, plures oriuntur foetus, pro numero scilicet ovulorum, in uno aut pluribus se invicem subsequenter congressibus à spiritu maris genitali, tanquam à gallo, fecundatorum, & in utero retentorum. Quod si verò bina talia ova arctius propriis tunicis sibi fuerint connexa, ita ut integra & absque laceratione ab invicem divelli nequeant, quin præter æqualem molem & æqualitatem, & imprimis talem conglutinationem; ovarii carceribus simul extrusa suscipiantur, & hinc fecundentur, Gemellorum etiam conceptionem fieri probabiliter asserit SCHRADERUS *in Pref. ad Observat. Harvæanas de Generat. Animalium*, de muliere quæ mense sexto ex abortu gemellorum liberavit, observatis vestigiis seu foraminibus duorum ovorum juxta se invicem conditorum. Confer. KERKINGIUS *de Geneanthrop. Harvæus* etiam observavit ova, quæ constant duplici aut triplici vitello. An sit universale? nondum determinatum est. Quod tamen etiam ex uno simplici ovo gemelli nasci possint, probabiliter reddidit monstrum illud biceps, de quo BRUNNERUS *peculiari dissertat.* agit, quod reverà in ovo simplici genitum omnino videtur. Probabile ergo est, oriri gemellos partim ex ovis duplici vitello constantibus, partim binis inter se connexis; hinc & gemelli nunc simplici, nunc duplici, involvi secundina observantur: Vid. M. A. N. C. *Ann. Obs.* 39. p. 118. & *Ann.* 9. & 10. *Obs.* 162.

Ita ut Ovipara & Vivipara animalia in hoc saltem differant, quod in Oviparis ovulo, in ovario sub forma copiosi vitelli genito, in utero copiosum affundatur albumen, a quibus vitello nempe, & albumine, sufficiens succus pro nutritione & auctione pulli in novo formadi suppeditetur, & qui sufficiat ad perfecti illius exclusionem; in Viviparis verò, simplici ovulo in utero, vel ejus tubis, affundatur transudatione quasi succus nutritius, à quo sustentetur fetus ad sui exclusionem usque.

Sed præter hæc ovula, propriam nempe feminae Genituram, observatur ulterius etiam in iis liquor, seu *lymphæ quedam seminalis*, cujus excretionem non tantum ipsæ mulieres percipiunt in coitu, utpote in qua primaria earum voluptas consistit; sed cujus præternaturali effusione ipsæ etiam Gonorrhææ obnoxie sunt: ut nihil dicam de furore uterino, nimiam lymphæ hujus seminalis retentionem insequente, item de symptomatibus Gonorrhæam nimiam, Fluorem album dictam, insequentibus, similibusque mulierum affectibus. Analoga est hæc genitalis lymphæ isti, quam mares in prostaticis conficiunt, cum & in feminis in similibus glandulosis corporibus, collum vesicæ ambientibus, generetur & excernatur: Vid. GRAFF *de Organis Mulier. c.* 6. Quinimò ipsius uteri, & vaginæ ejus membranosa & nervea substantia, corporibus nervosis penis admodum analoga, cujus texture ratione ad constrictionem & dilatationem quam aptissima est, cum ad naturam glandularum proximè accedere videatur, ut non ineptè Moderni asserunt, etiam sui generis lympham non absque voluptatis sensu effundere videtur, cum non tantum ipsa vagina perpetuo liquore moderatè madeat, sed interdum adeo copiosè à quibusdam in congressu soleat effundi, ut ex istis prostaticis circa vesicam minimè omnis derivari queat. Hæc materia non est genuina fe-

minarum genitura, deberet enim sic intra uterum retineri; sed earum genitura consistit in ovo, quod in ovario suggerunt. Genitura autem hæc mulierum in ovulo non simpliciter passiva est; vis activa enim in generatione est bipartita, maris & feminae, quæ conjunctim constituunt generationem effectivè: sicut & similitudo cum matre sæpè major quam pater est; v.g. nullus sic generaretur mulus, sed vel equus vel asinus, quia mulus sæpè similis est asinæ, quam equo. Ovum est subjectum, quod ab utroque fecundatur.

Uteri sinus in hypogastrio, & hujus illa parte est, quæ *Pelvis* vocatur: unde etiam in foeminis ilium ossa magis reclinata, hinc pelvis amplior est: & quidem inter intestinum rectum & vesicam urinariam, adeoque in medio, licet in gravidis interdum in alterutrum latus inclinet, non ratione foetus contenti & hujus diversifexus, sed potius per accidens saltem & propter viscera adjacentia; quæ si non omnia æqualiter ad superiora reponantur, uterum ad hanc vel illam partem cogunt.

Uterus ratione vaginæ connectitur præprimis cum intestino recto & vesicatione fundi verò ab omni connexionē liber est; nam quæ de ligamentis latis communiter dicuntur, quasi cum ossibus ileis cohereant, falsum est, cum expansiones illæ membranaceæ, quibus vinculi officium decernitur, liberè super ilium ossa fluctuent. Sed alterum *ligamentorum par rotundum* seu *teres* dictum, à fundi uteri lateribus circa insertionem tubarum Fallopiarum prodit, & per duplicationem peritonæi ad inguina hinc extra abdomen derivatur, ubi super ossa pubis versus pinguedinem illius loci excurret, & sub has in fibras plurimas evanescit. Substantia horum ligamentorum membranacea est, omnis generis vasis intertexta, horumque longitudo spithamæ circiter, hinc minimè ad genua, uti vulgus credit, descendant, videnturque uterum definire, præprimis in gravidis.

Magnitudo uteri ordinaria notissima est, in prægnantibus tamen variat, ita quidem, ut paucis etiam à conceptione diebus duplo crassiores non imprægnato seu non gravido testatur RVYSCH *in Tab. circa Partium conform. & Usus* delineata. *Vasa uteri* sunt arteria, vena, nervi, vasa lymphatica & tuba; quibus nonnulli addunt vasa lactea, foetus nutrimentum advehentia, v.g. *Deusignus* & *Everhardus*; sed de illis merito dubitatur, quin potius pro lymphaticis habentur, cum ea utero nihil adducere, sed potius ab eodem aliquid revehere, eorum ligatura testetur.

Arteria & Vena duplicis originis sunt, nempe partim à spermaticis, partim ab hypogastricis; quarum illæ fundum uteri saltem subire communiter dicuntur, hæc vaginam simul intrare: cui tamen opinioni utriusque generis vasorum Anastomoses seu inosculationes obstant, quatenus arteriæ & venæ à præparantibus emanantes, cum illis, quæ ab hypogastricis oriuntur, ita combinantur, ut utriusque terminum determinare vix liceat, sed unum idemque vas videantur; imò vasa hæc lateralia in anteriorem & posteriorem uteri sedem ductu tortuoso & serpentino ramulos projiciunt, & lateralis oppositi vasis pariter per anastomoses junguntur, ita, ut uno vase inflato reliqua unius generis utriusque lateris ut plurimum simul intumescant. *Nervi* uteri partim à plexu abdominis inferiore, partim à ramis vertebralibus ossis sacri proficiuntur. *Vasa demum lymphatica*, ex tota uteri compagine in ramos majores sensim coeuntia, in receptaculum lumbare se tandem exonerant.

Communiter, satis commode tamen, dividitur uterus in *Vaginam* & *Uterum* ipsam: ita ut *Vagina* dicatur totus hic *canalis*, qui à pudendo exteriori usque ad orificium uteri internum protenditur, & penem virilem excipit; *Uterus* verò κατ' ἔσω omne id dicatur, quod ab osculo interno ad abdominis cavitatem prominet. Vagina sita est in hypogastrio sub ossibus pubis; cujus extremitas inferior: pudendum muliebre constituit: tota autem vagina intestino recto, & vesicæ urinariæ cervici, tam arctè connectitur, ut tunicam unam communem cum illis videatur habere.

In pudendis verò apparent intra labia *Clitoris*, *Nympha*, *Orificium* uteri exterius seu vaginæ, & *meatus urinarius*, de quibus Anatomia consulenda. Ratione meatus urinarii saltem notetur, illum digito transverso mox supra vaginæ orificiū inter nymphas hiare cū aliquali prominentia, quam vulgò, utut malè, carunculam, orificium urethræ claudentem, dixerunt. Exteriorem meatus hujus superficiē ambit sphincter, qui fibras transversas habet, faciem autē interiorem succingit membrana tunica vesicæ interiori communis, quæ circa orificium illius in ramina duo lateralia exhibet, per quæ

que humor serofus interdum copiose satis deponitur. Sphincter hic ex substantia glandulosa prodit, quæ secundum totum urethræ ductum infra hujus fibras carneas & membranam interiorem collocata, ac digiti transversæ crassitie polleis reperitur eumque mulierum *prostatas* seu *corpus glandulosum* appellare liceret. Sub hunc duo ductus notabiles seu lacunæ excurrunt, radices suas quaquaversum ad substantiam suam glandulosam exporrigentes, & ad urethræ extremum per orificia modò dicta se exonerantes.

Vagina autem uterina figuram oblongam habet, ita tamen ut extra orgasmum venereum & mensium fluxum parietes ejus laxiores concidant; imò ordinariò, nisi in illis, quæ sæpius pepererunt, orificium ejus canali angustius sit, ejusque uteri terminus continuus pariter coarctatur, ut figuram quodammodo navicularem exhibeat. Interna ejus superficies rugosa satis est, eumque in finem, ut quia plicæ hæ membranæ interioris longiores quædam prominentiæ sunt, hæc in coitu commodius distendi possit; unde in virginibus illæ evidentiores sunt, in feminis vero frequenter parturientibus sensim oblitterantur, atque per hanc membranam ad totius vaginæ ductum plurimi reperiuntur poruli, & quidem copiosiores & majores in inferiore atque meatui urinario vicina parte, qui pressi humorem pituitosum evomunt, eundemque in coitu præprimis cum voluntate excernunt, ob quam ratione pro femine vero mulierum, utut malè habitus fuit olim; ex glandulis autem, partim tunicæ vaginæ nervosæ intertextis, partim ex glandulosa urethræ corpore, scaturire videtur. Externæ autem ejusdem vaginæ superficiiei inferius expansio quædam musculosa, trium digitorum transversorum latitudinem æquans, & sphincteris munus secundum *Graeff.* gerens incumbit: sub hac in parte eadem vaginæ anteriori corpora duo reperiuntur, quæ idem *Graeff.* Plexum retiformem vocat; non immeritò tamen penis corporibus nervosis, ratione substantiæ & usus assimilari possunt: ab interiori siquidem vaginæ extremitatis parte prope labia vulvæ utrinque ad substantiam membranosa, qua Clitoris partibus vicinis connectitur, adscendunt in eaque terminantur; faciem horum exteriorem membrana tenuissima constituit; interior verò substantia cavernosa est, adeoque decessa à sanguinis extravasati collectione nigricat, qui etiam à sphincteris constitutione cohibitus, ita ut per venas adeò liberè refruere nequeat antequam in his corporibus intumescantiam excitare, hinc vulvæ constrictionem juvare videtur.

Vasa sanguinea recipit vagina uteri ab hypogastricis partim, partim hæmorrhoidalibus; de quibus notetur, ea parti vaginæ inferiori saltem implantari, illis per latera vaginæ adscendentibus, & spermaticis obviam factis.

Uterum ipsum, & cuius gratia vagina facta est, quod attinet, hic denuò dividitur in collum seu cervicem, & fundum. Cervix oblonga & in extremitate magis quam in medio, coarctata conspicitur, ita ut orificium ejus exterius, Os uteri internum dictum, in virginibus stylum tenuiorem vix admittat, & ad vaginæ capacitatem sub forma glandis virilis, ac tinea piscis oris, promineat. Ejus verò cavitas interior toto sui tractu rugosa, ac multis exiguis porulis perforata est, ex quibus compressis similis ac per vaginæ tunicam materia pituitosa excernitur.

Ipsa tandem fundi uteri moles globosa ferè est, nec cornua habet; interior autem illius capacitas nec in cellulas, nec in parte dextram ac sinistram, septo intermedio aut linea aliqua dividitur, sed unica & simplex illa observatur, vix tamen in non gravidis tanta est, ut fabam majusculam capiat, per quam hujus superficiem interiorem porosam pariter humor serofus exsudare videtur.

Vt autem virilis fluxus, simul ac genitura in eodem sit generatio, singulares suas paritur alterationes; ita & mulier simul atque genituram generare incipiat, & ad generationem apta fiat, circa annum circiter decimum quartum, inter ceteras mutationes corporis, quas cum viro habet communes, non minorem incurrit alterationem. Nam præterquam, quod puberes fiant mulieres, h. e. quod lanugo in monte Veneris efflorescere incipiat, pollutiones patiantur, quæ quidem res non semper, nec in omnibus subjectis contingit; etiam mammae turgescere incipiunt, vox gravior fit, & in specie propriam habent unam, *menstruam nempe purgationem*, quæ imprimis suam meretur considerationem, & à periodo, quæ ordinate repetere solet, Fluxus mensui, vel menses nomine Latinis, Germanis *die Vuelbliche geit* appellatur, licet aliquot præstent exempla, à ZACUTO LVSTANO l. 2. *Præxeos Admir. Observ.* 102. BARTHOLINO *Centur.* 5. *Hist.* *Ettmuller. Oper.* Tom. I.

32 FEHR. *Tract. de Absint.* pag. 1. 8. & D. MICHAELIS observata, etiam viris quibusdam periodo menstruali similem sanguinem per penem effluxisse, non secus ac in quibusdam aliis hæmorrhoidum fluxus periodicus & menstruus contingit quæmulatur quasi menstruationes mulierum, cum & in succulentioribus & habitioribus mulieribus, desinentibus mensibus post annum ætatis 49. succedat interdum ordinatus menstruus hæmorrhoidum fluxus, quin & interdum tam loco menstruorum suppressorum, quam mensibus fluentibus, intermedio temporis spatio, hæmorrhoidalibus fluxus contingat. Prioris exemplum videri potest in HORSTII *Observat. & Problematis*, sicut è contra SCHENCKIUS in *Observat.* alique Autores exempla recensent mulierum nūquam menstruatarum, licet fœcundarum, quæ Viragines, seu virilis habitus mulieres vocantur. Sic PANAROLLUS *Centur.* 1. *Observat.* 15. refert mulierem quinta vice prægnantem, nunquam tamen menstruatam.

Repetere dixi hunc fluxum singulis mensibus, utut in quibusdam anticipet unum vel duos dies, in quibusdam verò per tot dies etiam postponat; unde illæ priores 13. hæ tantummodo 11. vicibus, in anno purgantur. Rarum namquæ est exemplum, quod PANAROLLUS *Pentec.* 2. *Observ.* 41. refert de muliere, singulis mensibus bis menstruata, sine sanitatis noxa; & SENNERTVS l. 3. *Præxeos* pag. 418. in muliere cum menstruorum ordinario fluxu similem ordinarium hæmorrhoidum fluxum, decimo quarto die post menses supervenientem, observavit, nonnullis tamen singulis tribus septimanis, nonnullis tardius, menses fluere Prætorum Observationes innumere testantur.

Incipit, ut dixi, hic fluxus menstruus tempore pubertatis, dum habiles fiunt ad Generationem; id quod fit ordinario circa decimum quartum ætatis annum. Incipit nempe quasi motu natura critico in secundo septenario, & desinit similiter in septimo septenario, nempe anno 49., quo tempore simul vis genitalis prolifica cessat; utut interdum circa duodecimum annum quædam mulieres & puberes & menstruatae fiant, & rarum sit, quod citius inchoent, & diutius fluant, quorum exempla prostant. Propria hoc in passu idiosyncrasia subiecti probe considerata est; nunc enim juniores, alacriores, spirituosæ, vegetiores, dieta lauta utentes & salaciores citius patiuntur hunc fluxum, quæ verò se habent contrario modo, jisdem tardius erumpunt. Rara ergò sunt, & quæ ob id ordinario naturæ cursui nil derogant, quando refert SCHENCKIUS in *Observat.* de puella novenni menstruata; sicuti è contra nil derogat, quando jisdem menses ulterius producuntur, quæ ratione HILDANVS in *Centur.* 4. *Observat.* 63. refert, menses cuidam fluxisse ultra 70. annos. Fluunt quidem continuò, nisi quod ordinariò soleant suppressi gestationis tempore, in quibusdam etiam tempore lactationis. Rarum est quando imprægnatis etiam primis gestationis mensibus jidem adhuc fluant. Aliàs curiosum est, quod mulieri ante matrimonium legitime menses fluxerint, qui post matrimonium pariter suppressi fuerunt, citra ullum tamen sanitatis incommodum, ut refert PLATERVS l. 1. *Observat.* Non minus observatu dignum est, quod idem PLATERVS in *Observat.* refert, quod in alia muliere menses suppressi fuerint, quoties pueros lactaret; sin verò puellas, hi liberè & ordinaria periodo fluxerint.

Circa hanc purgationem menstruaalem, præter materiam excretam, speciatim causa formalis, efficiens, & finalis hujus per uterum excretionis considerata veniunt. *Formalis* consistit in excretionis sanguinis periodica. *Materia* excreta est sanguis, isque talis, qualis in vasis suis promiscuè fluctuat, & per arterias hypogastricas ad uterum, ejusque præsertim vaginam, deferitur, per venas verò hypogastricas refertur; nec est hic sanguis excrementitius, aut distinctus, aut malignus ab alio sanguine, uti Veteres statuerunt, quorum rationes recenset *GRAEFF de Organis Mulier.* p. 134; quibus HELMONTIVS alias ab experientia desumptas adjungit. Verum menses sanguinem laudabilem, & quantitate saltem peccantem esse, ex Veteribus SENNERTVS, & Neotericis modò citatus *GRAEFF* p. 136. meritò defendunt; experimenta enim pro virulentia eorum allegata, partim falsa & ridicula, partim de mensibus per stagnationem corruptis, intelligenda tantum sunt.

Quod si impura sit massa sanguinea, simul excretionem ista excrementa sub turgescencia sanguinis motu nonnihil separata & præcipitata cum isto sanguine foras excluduntur: exclusus autem & extra vasa effusus sanguis, ac circa uterum depositus, consortio vitali spirituum privatus, ad

corruptionem sui tendit, & ita demum cadaveris naturam assumit. (vid. HELMONTIUS *Tract. Lunare Tributum* p. 732.) & sic non vitalis est cum reliquo sanguine. Quæ præterea de mensium fluxu controversæ moventur, ex satis examinatæ vid. apud CHARLETON *Patholog. pag. 142.*, & GRAEFF *l. a.*

Vulgo *Causam efficientem* menstrui dicunt esse sanguinem sua copia peccantem: quod non est: si enim sola quantitate efficiente proflueret, quotidie tantum derivandum esset, quantum excederet; vel si cumlaretur toto mensis tempore, ultimis diebus prægravarentur ejusmodi onere, & fluxus in principio esset maximus. *Potius observabilis est in sanguine sub qualibet menstrua excretionem singularis quadam fermentatione aucta, turgescencia & ebullitio extraordinaria* seu præternaturalis, quæ rapidius concitatus in suis vasis detineri non potest, sed per vasa hypogastrica circa uterum distendendo & dilatando eorum orificiola, ex vasis vaginæ, non utri ipsius, per Anastomosis sic effunditur. Confirmant hoc Adjuncta & Juvantia. Inesse autem *orgasum* quendam, *singularem*, & fermentationem in massa sanguinea, probatur ex *adjunctis* circa menstruationem obviis. Hinc enim est, quod impedita ista, quacunque ex causa, circa uterum excretionem sanguis turgescens per alia varia loca, per mammas, oculorum canthos, per nares, per pulmones, per aures, per vomitum, &c. exitum periodicè moliri soleat. Hinc subinde lassitudo artuum tensiva & gravativa, præsertim dolor lancinans & distendens circa lumbos, item pulsationes arteriarum in lumbis & circa os sacrum, uterum, arteriam aortam & venam cavam eo loci præcipuè, hypocondriorum durities, phlogoses quædam, aliæque mala, excretionem præcedere solet; unde levi motu propter turgescenciam sanguinis in pulmonibus, de gravi anhelitu conqueruntur: vid. KERGERUS *de Fermentat. sect. 3. cap. 2. pag. 214.*; non secus ac in aliis fluxus alvi crebrior, in aliis febris menstrua, per aliquot (2. vel 3.) dies durans, hoc est, quæ toties per aliquot dies afflixit, quoties menstruus instaret fluxus, quod observavit LINDANUS; in aliis alia symptomata, ex sanguinis & reliquorum corporis contentorum commotione & turgescencia, tunc temporis aucta, nata præcedere vel comitari goleant, donec ista sanguinis turgescencia, apertis tandem vasis lymphaticis in vaginam uteri infertis, sanguis erumpat, quo denique sufficienter evacuato, & ejus turgescencia ac fermentatio omnino cessat, & vasa denuò subsident ac connivent, donec novo orgasmo sanguinis denuò aperiantur.

Juvantia seu menses moventia hoc etiam confirmant, qualia sunt omnia Acria & Salina volatilia, & ut plurimum insigniter amaricantia, ut cinnamomum, Zedoaria, caryophylli, castoreum, myrrha, matricaria, melissa, artemisia, sabina, aloëtica, hinc elixyr proprietatis, & omnia aromata, in specie crocus, cuminum, &c. quæ fermentationem sanguinis augere solent; unde & splen bovis seu cervi menses stimulare dicitur, ratione virtutis fermentativæ sanguinis in splene residentis; unde KERGERUS *loco allegato fermenti pistorii urget frequentem odorem*, quod soleat augere mensium fluxum, quod uberius hoc facere dicitur, si ejus frustulum ad quantitatem castaneæ cum pulvere nucis moschatae intus sumatur, Ratio est, quod hujus fermentum per aliqualem imperum fermentativum fluxum etiam moveat. Unde & notabile est, quod conservæ, si recipiant halitum menstruatæ, de subito acescant: uti etiam halitus earum vinum & cerevisiam acescere facit, ob vim talem fermentativam, quæ earum halitui inest; hinc etiam est, quod Chirurghi in vulnere cura & delegatione nullam admittant foeminam metu menstruationis, quia earundem effluviis vulnera depravantur. Hinc quorum sanguis ineptus est plus minus fermentationi, etiam mensium obstructionibus sunt obnoxia. Hinc habitus cachecticus aut melancholicus ad mensium defectum disponunt, non secus ac omnia acida & viscida etiam remoram huic evacuationi imponere solent; quæ hoc ipsum faciunt, quatenus imprimis istam sanguinis turgescenciam fermentativam supprimunt & impediunt, aut subito sistunt, destruendo Salia volatilia, & coagulando blandè massam sanguineam, sicut & terror, tristitia, mœror, metus, &c. fermentationem sanguinis impediunt, & menses imminuunt, cum gaudium è contra, amor, iracundia, motus corporis intensior, vini generosi potus, &c. ad hanc excretionem disponant.

Turgescens ita sanguis, & rapidius per vasa circulatus, uteri vaginæ vasa, horumque oscula, præcipuè aperit, & per hæc effunditur, quia ad hæc loca uberius & concitatus

movetur; id quod fit, quia irritatio quædam certa & sensilis, sed voluptuosa vellicatio, in dictis locis accidere solet, cujus occasione & spiritus animales concitatus eo ferri, & his mediantibus ratione fibrarum aliqualis contractura, sanguis copiosius ibidem colligi solet, donec apertis vasorum osculis pedetentim effundatur. Similis est hæc Turgescencia orgasmo Venereo aliquatenus: nempe ratione hujus vellicationis tam ante quam post menstruationem præ alijs temporibus salatiores esse solent mulieres; unde sicut resinæ purgantes, vellicando hæmorrhoidalía vasa, faciem cruoris per hæc in consuetis effluxum concitant; vel sicut acria purgantia, intestina fortius vellicantia, dejectiones subinde cruentas efficere solent; ita occasione singularis circa genitalia acrioris vellicationis turgescens jam sanguis ibidem effunditur: sicut aliàs pro stimulantibus mensibus, præter purgantia, imprimit ex colocynthide, vel hujus acrior suffitus, vel hellebori nigri pessus, vel similia acria genitalibus extrinsecus applicari solent à Practicis.

Turget autem sanguis quavis menstrua periodo intensius, & simul vellicantur & *questitillantur singulariter genitalia, propter vim peculiarem fermentativam, ab uteri glandulis, beneficio sanguinis & lymphæ refluente, nec non ipsius lymphæ genitalis glandulorum corporum, collum vesicæ ambientium, universæ massæ sanguineæ communicatæ, & etiam ipsi lymphæ seminali, uteri & prostaticæ, concessam*; à qua, uti aciores hæ factæ puritum Venereum insolitum ferè excitant, & istam fermentationem sanguini inducunt, quæ singulis tamen mensibus redit, quia tanto temporis spatio sanguis ad sufficientem turgescenciam disponitur & excitatur; ita ratione illius in sanguine alterationis singulares istæ mulierum sub pubertatis annis mutationes eveniunt. Patet hoc, quia mulieres nunquam sunt salaciores, quam instante mensium fluxu & cessante; unde & menstruus fluxus non nisi evigilante vi generativa in mulieribus inchoatur, & hac sopita ille etiam cessat; in quibusdam tamen citius, in quibusdam tardius emergit, prout vis genitalis uno vel alio tempore magis vel minus excitatur. Confer. WELTHUSIUS *de Generat. cap. 5. pag. 125.* KERGERUS *de Fermentat. loco allegato*, SCHOOCKIUS *de Fermentat. cap. 27. p. 491.* Scilicet, uti ex parili ratione brutorum stato tempore Venereus appetitus concitatur, unde & ferè eorum Genitalia tunc acrius ferum stillare solent; ita, ex parili fundamento, naturali in statu excretio menstrua accidere solet, præternaturali verò impetu Furor uterinus mulierum accidit. Hæc enim miraculosa turgescencia menstrui periodica habet cognationem cum partibus genitalibus, cum imprægnatis cessent menses. Unde probabile est, prout in maribus ex testibus egregia alteratio totius corporis emanat, ita ex mulierum lymphæ genitali toti massæ sanguineæ egregia fermentatio & turgescencia inducatur, adeo ut turgescens fermentando & ebulliendo egrediatur.

A Luna circumvolutionibus menses moveri plurimi statuerunt, quod tamen HELMONTIUS, præprimis in *Tract. Lunare Tributum*, refutat. Nempe si mensium fluxus à Luna dependeret, omnes mulieres ad minimum sub eodè climate, eodè die, simul vel saltem juvenulae omnes cum novilunio menstruatæ essent; quod tamen falsum: siquidem citius aut tardius pro idiosyncrasia varietate hoc ipsis contingit.

Quo ad *Causam finalem* menstrui fluxus, vulgè dicunt, hoc fieri propter negotium Generationis & Nutritionis in utero, ideo neque sanguinem in majori quantitate generari, ne foetus in utero nutrimentum deficiat, e contra in non gravidis sanguinem abundantem egredi. Hoc autem negotium dubium redditur, quia bruta multipara non patiuntur mensium fluxum, fetus tamen eorum feliciter nutriantur. Quomodo ergo tot catulis sufficiet? Obijciat quis, quod isti catuli sint parvi: Nego. Observetur modò proportio inter catulos & inter infantes, erit par ratio in genere humano & brutino; adeoque hæc ratio non sufficit: nec primo gestationis tempore tantum decedit de massa sanguinea, ut exinde cessare debeat omnis evacuatio. Vid. HELMONTIUS *Tract. Lunare Tributum*, item WELTHUSIUS *cit. loc.* Carere autem bruta tali fluxu, constat per experientiam, licet eundem similiter tribuere videtur illis WELTHUSIUS *citato loco pag. 125.*; sed errat, confundendo menses mulierum cum earum fluore albo. Materia enim ista ex brutis, Venereo orgasmo turgere incipientibus, emanans est tantum sperma aquosius effervescent, & deinde erumpens. Accedit & hoc, quod mulieres quædam scarificationibus assuetæ, utut his imminuatur sanguis, ordina-

dinarium tamen fluxum habeant. Sanguinis enim abundantia seu Plethora non est causa stimulansexcretionē uterinam menstruam: Nam laboriosa, item graciles mulieres, praesertim scorbuticae quae sanguinem acriorem habent, uberiorem fluxum subinde patiuntur. Quare ergo ex omnibus ferè animalibus sola mulier, & fortè limia, menstrua patiantur, cum alia sine hoc fluxu fecundiora sint longè, & felicius educant fetus, res est obscura.

CAPUT XXIII.

DE

Conceptione, Fœtusque Formatione.

Aliàs per se nota est Veterum ab Hippocratis ætatis ad nos derivata sententia, per miscelam nēpe genituræ utriusque sexus, quam vulgò Semen vocant, in utero retentam, formatam & exsuscitatam, fieri naturalem conceptionem. Hanc opinionem in omnibus Autoribus Practicis & defensam & ipsi superstructos Casus Practicos, ubertim invenietis. Ex Modernorum autem Experimentis Anatomico-Physiologicis notum est, quod, dum legitimè copulantur mas & femina, iste emittat suam genituram, sub seminis nomine cognitam, hæc verò ex testibus excludat ova. Illius ergo genitalis spiritus amico afflatu in ovario se insinuat ovulo muliebri, in eoque, ceu receptaculo appropriato, spiritui genitali concentrato feminæ se sociat, ita ut ex utriusque copula & unione mutua fiat conceptio; hoc est, utriusque sexus seminalis virtutis in spiritu genitali fundatæ, in ovulo facta associatio, ad fœtificationem requiritur: vid. VELTUSIUS de Generat. cap. 7. & 4., item RALLIUS de Generat. Animalium pag. 168. Vel conceptio est ovuli uterini cuiusdam à spiritibus genitalis masculini in testibus afflatu facta fœcundatio, parili ratione atque in gallinis spiritus genitalis galli uno congressu omnia ova in ovario fœcundare solet; simili enim ratione mulierum testes, Ovaria superius dicta sunt, in quibus ovula pisorum magnitudine producuntur, quæ per tubam uterinā, cornubus uteri in brutis analogam, sub coitus ardore ad testem contortam, expanso huius orificio excepta, deferuntur ad uterum quatenus juxta GRÆFFIUM inter tunicas ovulorum communes & proprias, post biduum, triduum, &c. materia quædam glandulosa excreta, totum ovulum involvens, & undique comprimens, tunicam testiculi communem rumpit, & per foramen factum illud expellit, usque dum per tubam Fallopianam ad uterum hoc devolvatur. Id enim, quod est Ovarium in Oviparis, hoc sunt Testes in Viviparis mulieribus, utpote quarum testes perfecta parva ovula in se continent, humore limido scatentia & propriis pelliculis circumdata, quæ ovula aquæ ferventi immissa coagulantur in formam albuminis ovi, in aqua fervente cocti: vid. STENO, HARVÆVS, HORNIUS, GRÆFF, MALPIGHIVS, &c. Si ovulum tale fœcundatum est utero, naturalis est conceptus; sin hæreat adhuc in Tuba uterina, fit conceptus tubarius præternaturalis, matriquæ lethalis; de quod vid. parvus, sed non inelegans Tractatus ELSHOLZII de Conceptu Tubario, observato PARISIIS, item ROLLANVS. Extraordinariè quidem fit conceptio tubaria in genere humano, ordinariè tamen fit in brutis, nempe in eorū cornubus uterinis; tubæ enim seu cornua in brutis sunt verus locus generationis. Nihil dicam de eo, quod refert SALMUTH, in stomacho nempe mulieris ex nefando congressu factam conceptionem, fetusque digitalis postmodum per os exclusionem.

Dixi, quod spiritus genitalis maris fœcundet ova: Vnde rejicio omnem Generationem æquivocam, impossibilem in natura (cochlea omnes sunt Hermaphroditæ.) Nam tota Generationis ratio dependet à spiritu isto genitali, à mare quidem sub crassiori materia involucre una excreta, & feminæ ova fœcundante, ista materia genituræ crassa nullo modo vel in utero subsistente, vel ceu materia fœtum constituente, ut demonstrat HARVÆVS de Generat. Animal. Exercit. 6. 39. 49. 67. 68. &c. item DEVSINGIVS Exercit. de Genesi Microcosmi Section. 2. pag. 25. & alii; sed unā cum feminæ liquore sic dicto seminali denuò ex vagina effluente; à femina verò in ovario constituta, & in quo spiritus talis concentratus delitescit, suppeditato: qui ipsi soli spiritus genitalis in ovulo uniti conceptum perfectum, seu semen animale fœcundum constituunt, ita ut vis genitalis maris sua genitura communicata, contagii

Ermulleri Oper. Tom. I.

instar ovum muliebri penetrans, fœcundum reddens & in motum concitans, mulieremque ita imprægnans efficientis saltem, non verò materia, rationem habeat, mulieris ovulo utrumque exhibente; unde omnia ex ovo esse seu generari verè ab HARVÆO dicitur.

Conceptio ergo non in utero, sed in testiculo contingit, ita ut antequam ovulum ad uterum descendat, membranas fœtum involventes, imò ipsa prima fœtus stamina contineat, & secū afferat. Ratione siquidem membranarum à vero fœtu docet, ovuli medio aliud, & quasi ovulum minus innatare, & materiam feminalem cortice duplici, in testibus jamdum producto, innatare; simili ratione ac ova pennatorum non utero sed ovario sui & pulli involucra debent: sicut & vegetabilium semina non minus rectè olim ab EMPEDOCLE, hodie à MALPIGHIO in Anat. Plantarum, aliisque, Ova rectè dicuntur, istis Oviparorum ovis similia ferè, in quibus tota plantæ compages in compendio quasi existit, & quæ huius grana plantarum jamdum conformata non obtinuerunt; infœcunda prorsus sunt, de quo vid. GRÆFF & MALPIGHIVS loco allegato, & JOSEPHUS de AROMATARIIS in Epist. de Gen. Plantarum ex semine; hinc etiam MARCVS MARCI in Tractatu de Ideis Operatr. inquit. subtilius rem pensando, videbitur non minus plantarum quàm animalium genus ex ovo nasci, cum non minus in plantarum semine distinguere liceat partes albuminis & vitelli, aut etiam grandini analogas: siquidem nemque in omnium animalium ovis inest differentia Albi & Lutei: Vnde rectè à RALLIO Sect. 5. pag. 75. semina plantarum sui generis ova dicuntur, de quibus etiam videatur FABRICIVS ab AQVAPENDENTE, & GREW, Anglus de Veget. Gen. seu Anatome de parte ad partem. Hinc patet, quomodo in animalium genere requirantur causa sociæ; licet fœmina generet, ut gallinæ Ova subventanea.

Cum ergo aliàs Analogia magnā inter semina Viviparorum Oviparorum & Vegetabilium observetur, concludere etiam probabiliter satis licebit, partes embryonis tenellas per ovuli muliebris colliquamen ante coitum dispersas, à spiritus genitalis virilis contactu intra ovarium fœmineum evolvi, & in continuum & perfectum corpusculum elaborari, ita ut fœtus in utero augmentum saltem & perfectionem ultimam acquirat.

Dubium verò illud, quod contra hanc hypothesein à quibusdam movetur, Ovula nempe Viviparorum Oviparorum Ovulis longè minora esse, & ab his in magnitudine multoties superari, facile decidi potest, considerando, quod Oviparorum ova, præter materiam pro primis pulli staminibus, ante incubationem constituendis, nutrimentum quoque huius omne, non saltem sub incubatione, sed post exclusionem quoque huic applicandum contineant; Viviparorum autem ovis tantum duntaxat materiæ inexistat, quantum embryoni constituendo sufficit: imò cicatricula, & ipsius pulli primum receptaculum, tantæ exilitatis est, ut forsitan vix millesimam quidem reliquorum ovi contentorum partem æquet.

Primus, qui Veterum opinionem concussit, & ejus fundamentum nempe ingressum & misturam genituræ utriusque sexus funditus diruit, fuit jam allegatus HARVÆVS, cujus Observationes experimentales merito magni sunt estimandæ, dum in Oviparis ova, sive tota, sive saltem eorundem vitella à spiritu genitali maris, galli seu cujuscunque Ovipari, tanquam contagio quodam spirituoso afflari & fœcundari asserit: in Viviparis verò uterum hoc ipso, vel eodem contagio spirituoso infici, & ita fœminam à mare impregnari seu concipere asserit, unde successivè ex materia albuginea in uterum destillante, virtute istius contagii spirituosi generetur tandem fœtus perfectus.

Sed maximè hoc videtur obscurum, qua ratione simplex talis spiritus, uterum saltem fœcundans, sit causa conceptionis? Hisce ergo dubiis occurrunt modernorum supra allegatorum inventa Anatomica de Ovulis Testium viviparorum. Sententiam hanc, omnem Genituram maris materialiter effluere, & solum contagium spirituosum relinquere, contra HARVÆVM & DEVSINGIVM oppugnavit ANONYMVS quidam, JANVS ORCHAMVS, & RALLIO iterum refutatus, Satis probabile est cum genitura galli, à cujus unico coitu gallina per integrum annum fœcunda observatur.

Res obscura simili quodam declarari potest. In tali nempe generationis actu sub conceptione ovum feminæ se habet instar fomitis, Vnde Zunder, qui in proxima potentia est, ut incendatur, modò tantilla scintilla spiritus

genitalis masculini accedat. Sic similiter ovum muliebrem fecundum est actu primo; sed excitatur hæc ejus fecunditas in motum & turgescitiam à scintillula activa & spirituosam maris. Spiritus hic genitalis maris habet se instar fermenti addendi ovo, seu massæ fermentandæ, quæ ritè fermentetur & alteretur, crassa materia pro vehiculo tantum & custodia spiritus inservit. Mas confert principium activum, femina verò principium passivum, quod Veteres dixerunt menstruum. Unde patet, verum esse, quod etiam Virgo concipere possit, cui penis non adeò profunde intrudatur, & sui claustra, quæ vocantur Virginalia, minus in tali casu aperiuntur, modo tam artificiosè ejaculetur genitalis maris, ne ab æris externi ingressu vitari, aut spiritus genitalis dissipari possit, quin potius hic ipse promptè se in uterum insinuet, & ita Virginem impregnet; sicut exempla citra perfectam penis immisionem impregnatarum. cap. 22 allegata hoc confirmantur sufficit ergò ad conceptionem saltem spiritus genitalis maris, modo extra aerem externum possit venire in vaginam uteri.

Ex hac etiam declarari possunt *Rationes Sterilitatis*: Si enim fomes humidus aut pinguis, tunc facile non inflammatur. Sic ova uterina, si nimis humida, nec spirituosam sunt, minus possunt concipere, nec incendi à spiritu genitalis sicut scintillula quadam, quæ promptè nimis extinguitur, fomitè non accendit. Hinc si spiritus genitalis maris minus spirituosus aut volatilis, dissipatur, & sic non sufficit, ut possit ovum rectè excitare & fecundare. Et exinde sunt cæteræ differentiæ, quæ inter ovum fecundum & subventaneum, intercedunt, dum in ovo fecundo jam foetus generandi primordia & prima stamina observanda sunt, ita, ut non primum foetus ortum, sed saltem emergentem successivè partium ejus manifestationem in ovo considerare queamus, ut primus observavit MALPIGHIUS *Tract. de Format. Pulli ex Ovo*, item *de Ovo incubato*; cum è contra in subventaneo ovo nil tale observari possit: adeò ut in secundo ovo pulli stamina præexistant, haud dispari ritu, ac in plantarum ovis seu seminibus plantulæ foetus jam existere solet. Ulteriùs ova fecunda usque ad decimum quartum diem subincubatu non putrescunt vel corrumpuntur, sed cocta eundem saporem habent cum recentibus, sterilia verò de facili putrescunt, & hinc horridum fetorem contrahunt.

Spiritus iste genitalis, uti ovalum in fecundum semen seu conceptum alterat, ita quadam ejus substantia simul uterum muliebrem certo modò alterare, & ad conceptum retinendum, fovendum, & nutrimentum ipsi transmittendum, aptum reddere probabile fit, non tantum juxta ea, quæ hunc in finem differit DEUSINGIUS in *Genes. Microc. p. 42. & seq.* sed etiam ex uteri illis post factam conceptionem alterationibus, quas observat HARVEVS *Observat. 68.* Vid. quoque, quæ de totius corporis post fecundum congressum *supra cap. 22. pag. 412. & 413.* allegavi. Vnde etiam vis generationis maris determinata, semel mulieri impressa, etiam ad plures successivas generationes certo modo se extendens observatum fuit: Vid. BECCHERVS *Physica Subterranean. l. 1. Sect. 4. c. 4. p. 241.*

Post factam ita conceptionem, Ovum seu Conceptum fecundum, si naturaliter procedat, negotium vel mox vel brevi post in utero apparere, omnino probabile est, & confirmant Observationes à KERKRINGIO in *sua Anthropogenia* notatæ. Nec obstat, quod contrariù asserat HARVEVS *Exerc. 68.* qui primo mense in utero nihil ferè apparere asserit, in quantum ipsi ex sectione brutorum viviparorum innotuit, ignarus nempe adhuc modernorum in ovis experimentorum; labente tamen primo mense conceptum rejectum sæpiùs vidit, similem ei, quem ex tibia excussum Hippocrates meminit, quique fuit instar ovi excorticati. Ex prima ergò ovi fecundati origine per successiva incrementa pedetentim profectus enascitur & crescit fetus: facto nempe congressu secundo carnosior, crassior & lævior evadit uterus, & successivè liquor limpidus non nihil lentus, & aliquomodo viscidus (reverà chylosus, transcolatione ista ita alteratus) in uterum destillat, à quo conceptus vitalis nutritio ac accretio successiva materialiter dependet.

Jam, ut naturæ methodus in formando animali ex fecundato, seu à spiritu genitali maris in motum concitato ovo manifesta evadat, imprimis ovorum gallinaceorum sub incubatu instituat inspectio. Fecit hoc, post Hieronymum Fabricium ab Aquapendente, imprimis HARVEVS in *Exerc. de Generat. Animalium*, (quæ posteri correxerunt in multis, v. g. MALPIGHIUS, qui egregius est, item WEL-

THUSIUS de *Generatione* DEUSINGIUS *Exercit. de Genesi Microcosmi*, CLAUDIUS de la COURVEE *Tract. de Nutrit. Fœtus in utero*, fuit Archiater Regina Polonia: ex quibus constat, in ovulo incubato, in confinibus albuminis & vitelli tunica, maculam singularem albam, perexiguam, lenticulæ ferè magnitudine, reperiri, quam ob similitudinè Cicatriculam appellant, quæ nudo oculo rudis videtur, microscopio autem inspecta repræsentat pullum. Macula etiam hæc reperitur in ovis subventaneis, sed non distincta in incubato autem ovo rudimenta pulli conspiciuntur, *Vide ein Vuurmchen*. In hac cicatricula per incubatum primo die dilatata, & in circulos quosdam expensa, mox prima & secunda die observatur liquor clarissimè refulgens, quovis crystalino humore purior, *Colliquamentum* ob id appellatus ab HARVEO *l. a. Exercit. 16. & 69.* item COURVEE *l. a. cap. 2. l. 3.* In hoc ipso colliquamento tertio & quarto die linea sanguinea purpurascens circumcirca, instar fili serici, quod in gyrum se circumagat, & punctum minutum, seu vesicula, in medio colliquamenti, à parvo motu saliens dicta, primum nempe sanguinis cum corde ejusque valis; præcipuè ventriculi sinistri, rudimentum manifestatur. Hinc circa punctum saliens crassius & albidius quid, instar nebulae & globuli rotundi, apparet in duas partes divisum: quarum major pars capitis rudimentum præbet, 4. vesiculis constans, quæ cerebrum, cerebellum, & oculos binos repræsentant, minor verò pars oblongata inferiùs instar carinæ protensa *Vide ein Schiffcoden*, spinæ rudimentum est, ex qua brachia & pedes sensim protuberant, donec ex fibris diversimodè coagmentatis reliquæ partes nervæ contexantur, ac valis sanguifluis viscera successivè quoque adnata, fetum perfectum constituent: cujus formationis exactam historiam videbitis in *Exerc. HARVEI & hujus Epitomatore SCHARDERO & DEUSINGIO cit. loc.* & ex his in MOEBII *Fundament. pag. 559.* item in VELTHUSIO de *Generat. cap. 9.*, item in NEEDHAM *Tract. de Formato Fœtu*, qui quam plurimum animalium, in utero adhuc existentium, varietatem explicant.

Ex quibus *Harvaei*, aliorumque nudo oculo factis ovorum inspectionibus verè concluditur, sanguinem inter partes liquidas, & Cor inter partes solidas, sub forma puncti salientis esse partes primogenias. Sed obstant hic accuratiores, & microscopii acie institutæ ovorum inspectiones, MALPIGHII *Tract. de Format. Pulli in Ovo*, item *Tract. de Formato Fœtu*, VELTHUSII loco allegato, DEUSINGII de *Genesi Microc. p. 2. Sect. 2.*, & de la COURVEE *l. a. p. 2. cap. 4.*, quibus ostendunt, jam in cicatricula illa ante incubatum fetum, cum omnibus partibus simul delineatum, inclusum esse, ita ut in sacculo, in Cicatricula colliquamento, natantem velut in amnio fetum, ejusque caput cum appensa carina staminibus, manifestè conspicuum sit, altiorisque originè habeat, ex qua successivè aucta pedetentim quasi evoluantur partes; ita ut suspicari liceat, in ista cicatricula aut gemmula jam stamina omnium partium figurata præexistere, quæ postmodum per extensionem sub nutritione & auctione pedetentim magis magisque fiant conspicuæ: quæ assertio non videtur incongrua, licet ista delineatio nudis oculis sit invisibilis. Par nempe ratio hic esse videtur, atque in plantarum seminibus, seu potius ovulis. Sicut enim in his tantum est gemmula quadam, ex qua planta nascitur, & in qua tota planta jam delineata conspicitur, qua læsa vel corrupta perit omnis vis & spes generationis, estque nihil aliud, quam delicatissima plantulæ delineatio, & inchoata conformatio, unde dicitur, quod formicæ arrodant semina in gemulis; ita similiter in ovo est macula seu cicatricula seu gemmula, in qua partes pulli omnes potentia insunt, & ex qua ordine explicantur, & in qua fecunda est spiritus utriusque sexus seminalis, cui CREATOR ALTISSIMUS potestatem concessit foetum elaborandi. Unde cum Malpighio concludendum videtur, in ovo ante uberiorem colliquamenti collectionem, ejusque motum, & in sanguinem conversionem, carinam cum capitis, cerebri, spinalis medullæ & alarum inchoamenti evidenter patere, & in ovo subesse pullum, cum partium ferè omnium conterminis sacculis colliquamento innatantem, hujusque naturam nutritivis & fementativis succis commixtis integrari, ex quorum suscitata mutua actione sanguis successivè progignitur partesque olim delineatæ erumpant, & successivè adulescant.

Partes hæc videntur constare ex copiosissimis fibris, quæ secundum longitudinem protensa, mucilagineque spermatica conglutinata, cartilagine constituant, quæ tandem in ossa indurantur, quorum capita seu extremitates rotundæ ex ista-

istarum fibrarum in se ipsis convolutione oriri videntur. Harum fibrarum quaedam ab aliis separatae, & extrorsum in alias fibras protensa & implantatae, partim ligamenta, partim tendines, constituunt. Fibrillae similes secundum longitudinem & latitudinem sibi intertextae in membranas uniuntur. Hisce nervosis partibus per sanguinis adglutinationem adnascuntur partes sanguineae, v. g. fibrillarum interstitiis ex ossibus protensarum sanguis se infundat, iisque adheret, sicque musculorum corpora constituit, vasorum vero surculis adnascuntur similiter interiora viscera, instar fungorum arboribus.

Quoad materiam, ex qua formatur foetus & pullus, hic observanda est distinctio ovorum in Oviparis & Viviparis. In Oviparorum propriè dictorum ovo albumen cum vitello simul insunt pro nutrimento & augmento foetus in cicatricula geniti, dum nempe vascula sanguifera in cicatricula genita, & in funiculos umbilicales protensa, tam ad vitellum quam albumen distribuuntur, exque illo materiam pro partibus sanguinei, ex hoc pro partibus nutriendis absorbet. In Viviparis vero, quae saltem ovulum generant absque nutritii succi consortio, succus lento limpidissimus, plus minus albidus, post factam conceptionem per uteri glandulosam substantiam in ejus cavum destillat, ut supra monitum, qui per membranas fetum ambientes, secundinas nempe & placentam, ad vasa foetum derivatur, & nunc immediate pro partibus nerveis, Veteribus olim ob id spermaticis dictis, nutriendis, cum sanguine distribuitur, nunc mediate mediante sui in sanguinem conversione pro sanguineis partibus & visceribus augmentandis, hinc inde diffunditur, ita ut adhuc verissima sit distinctio partium in spermaticas seu nerveas, & sanguineas seu carneas, dum omnes partes nervae constant ex ista materia limpida, in subtilissima filamentis ducta, quibus filamentis postmodum agglutinatur quasi sanguis, qui interstitia hinc inde replet, unde viscera & partes sanguineae pedetentim exstruuntur. Membranae ovulorum sunt illae, quae postmodum fiunt secundinae. Vid. KERKRINGII *Anthropogonia*.

Liquor hic nutritius primis gestationis mensibus spiritu nitri coagulatur in caseosam substantiam, ultimis vero diebus gestationis non coagulatur, quia materia chylosa jam assumpta est.

Hoc quoque observandum ulterius, quod tertio elapso gestationis mense, circa quarti principium contingat foetus palpitatio & motus satis sensibilis, ipso jam, quoad principales partes, ferè absoluto, reliquis vilioribus adhuc perficiendis: unde *tempus Gestationis à conceptu usque ad motum foetus, Tempus formationis à motu usque ad partum, Tempus exornationis appellatur*. Pervulgata aliàs fert opinio, marium formationem perfectionemque citius, foemellarum vero uno mense tardius fieri, cui tamen non suffragatur experientia, cum constet, imprimis in brutis, saepe plures in utero gestari foetus, qui licet sexus distincti sint, eodem tamen tempore & perficiantur & excludantur, ut foetus ex ovis oriundos taceam, qui cujusque etiam sexus fuerint, nec serius nec tardius perfici, vel edi solent, nisi forsitan alia causa obstitit; de quo confer. HARVEUS *Exercit.* 10.

Efficiens miranda huius fabrica est Spiritus Genitalis utriusque sexus, matris quidem in ovulo concentratus, & patris mediante genitura in congressu ejaculata promanans, qui licet originaliter sit duplex, in ovo tamen mutua coitione unitus, ex materia lenta & limpida in ovo coercita, machinam corporis format; quod quomodo fiat, res est obscurissima & à priori indemonstrabilis. *Cartesiani*, & hos sequentes alii, ex solo motu particularum, per calorem excitato, fieri Formationem volunt, determinante hoc plus minus spiritu ipso genitali, mediante quo seminis particulae agitatae ob suas figuras, magnitudines, distinctas texturas, aliasque proprietates necessario in germen animalis abeunt eo modo, quo ex oblongis salium particulis in aqua vi caloris agitatae & inter se conjunctis, variae determinatae salium spirituumque, exque distinctae figurae & corpora efformantur, ut commentatur REGIUS in *Fundam. Physic. cap.* 10. Confirmat hoc, quod ova fecunda, si concutiantur vel nimis agitentur, pereant, sicut à tonitruo perduntur pulli in ovis, propter nimium motum, Ab aliis casuale nimis, & quasi fortuitum stupendum, formationis corporis negotium hoc modo explicatum videtur, quod mirabilis structura in tot mille animalibus eodem modo eveniens, & speciales parentum texturas simul exhibens, determinatum & specialem formatorem exigit, unde tales per ideas feminales, indeque factae conformationis

similitudinem, negotium hoc explicant, ut ideae, quae antea in spiritu confusae, sed successive & ordinata serie evolutae, formatorem corporis, spiritum, dirigant & determinent, ut tale vel tale corpus, & foetus parentibus similem, formet; de quo vid. FERNELIUS *Medic. Physiol. P.* 7. cap. 12., GREGORIUS HORSTIUS in *Dissertat. de Causis Similit. & Dissimil. foetus respectu parentum, Operum Medicor. T.* 1. *Dissertat.* 4. in fine p. 454. & speciatim MARCVS MARCI de *Ideis Operatricibus*, & ex hoc BACKIUS in *suis Principiis*. Hoc confirmare videtur idea matris imaginando concepta, formationem corporis foetus diversimodè modicans. Si enim idea est extraordinaria, dat foetum extraordinarium, ut caput suillum, fissum, &c. Probabile ergo est, ideam ordinariam feminalem, foetum dare naturalem; omnes enim homines essentia sunt similes, sed differunt accidentalibus lineamentis.

Sed re hac exactè considerata, major videtur difficultas, quomodo scilicet generentur corpora? cum ex superioribus constet, in ovo ante incubationem jam inexistere foetus rudimenta, sicut in plantarum ovis seu seminibus integra plantula in gemmula jam conspici solet. Posito enim, fieri per motum beneficio spiritus genitalis, quod verum est, posito etiam spiritum genitalem esse in fructum suis ideis, instar sigilli impressis, nec tamen potest demonstrari à priori, quomodo ordinario formentur omnes partes.

Non tamen diffidendum, ex hac Modernorum doctrina spinosas quamplurimas controversias de conceptione & generatione prolium numerosa, & superfœtatione facilius posse expediri, dum nempe saepius gemelli, interdum trimelli, imò 4. etiam 8. foetus sani & vegeti una vice à muliere excluduntur, teste BORELLO *Centur.* 2. *Observat.* 44. de quo jam supra cap. 22. sufficienter actum.

Cæterum triplex foetus formandi cum parentibus observanda similitudo; ratione scilicet.

1. Speciei, quod scilicet, homo generet hominem, gallina gallinas, quod fit ex identitate causarum; unde duplex genitura, duplicesque spiritus genitales duplici modo formatum dant foetum, v. gr. in mulo, in satyro, &c.

2. Ratione sexus; dum foetus nunc est mas, nunc foemina, nunc utrumque seu hermaphroditus.

(Quidam testiculum dextrum maribus, sinistrum femellis generandis inservire putant; quod tamen refellit, ut rationes taceam, experientiae de qua vid. TIMÆUS l. 3. *Casu* 45. GRAEFF. de *Organis Virorum* pag. 14. 15. & DIEMERBROECK *Anatom. l.* 1. cap. 21.) Hoc fieri ait VELTHUSIUS p. 65. quatenus vis seminalis à mare aut foemina predominans alterius vim cogit in sui obsequium, secumque rapit, unde & ipsa augetur quae major vis alterius geniturae in majori vel minori activitate & prædominio spiritus genitalis maris vel foeminae, alteri praevalentis, consistere videtur. Ubi ergo in maribus spiritus genitalis præponderat, ibi mas generatur; contra spiritum genitalem maris existente non rite volatili nec subtili, facile ejus vis formativa à spiritu genitali foeminino subtiliori & puriori obliterabitur.

3. Ratione individui; dum foetus nunc patri, nunc matri, vel in toto, vel in parte, e gr. naso, similis existit: quod ex amplexu mutuo spirituum genitalium utriusque parentis oritur; unde virtutes formativae confusae, successive tamen denuò evolute, ita determinatè formationem dirigunt.

Quidam necessario materialem geniturae maris commistionem concurrere urgent; sed falsa penitus ac erronea est opinio. Nam gallinae non minus referunt patrem gallum, quam alia animalia vivipara, & nihilominus tamen ex *Observationibus Harveyanis* certum est, quod de genitura galli nihil ingrediatur & ovum & ovarium gallinae. (2.) Imaginatio materna, vel appetitus gravior in Viviparis sub tempore toto gestationis, signat foetum, ut nunc fraga, nunc mora, nunc mures, in certis corporis locis depicta aut congenita reperiantur; dum v. gr. mater non sine intentione adspiciens caput suillum, per medium à lanione fissum, generat foetum, cujus caput similiter fissum est, ex impressione scilicet seu idea subnata per ictum aspectum, quae spiritum genitalem in ovulo seu concepto foetu eò direxit, ut simili modo foetum formaverit. Imaginatio hæc se habet dupliciter, partim in foetu, dum partes in ovo delineatae jam erumpunt & perficiuntur, partim in partium perfectarum compositione & resolutione, quae ultima vis altioris indaginis est. Huius exempla refert

Helmontius, ubi femina videns militi manum abscindi, domum rediens, peperit filium carentem manu, quæ adhuc sanguinolenta fuit. Imaginatio hæc quacunque ratione hoc faciat, citra commisionem materialem hic operatur, ita ut nihil materiæ pro talibus aberrationibus communicetur fætui. Omnino spiritus animales totum hoc negotium penetrant, qui ad uterum delati, alterant fætum; unde etiam fætus potest esse similis patri, utut nihil de genitura eiusdem ad constitutionem illius concurrat.

Sed de his similitudinibus fætum cum parentibus vid. GREGORIUS HORSTIUS *Dissertat. de Causis Similitud. Fætus cum Parentib. in fine Tom. I. Operum Dissertat. 4.* item MARCVS MARCI loco citato.

C A P U T XXIV.

D E

Vita Fætus & Nutritione in Utero.

VT verò in Viviparis sub formatione nutriatur & augmentetur simul embryo, nutrimento opus est, quod per uteri substantiam ad eum derivatur. Differentia enim, quoad nutritionem fætus, est inter Vivipara & Ovipara, quod nempe Ovipara simul cum materia, ex qua formantur, habeant materiam pro nutritione, hinc in ovo est albumen & vitellum; in Viparis verò in utero perficiendis ovum uterinum simplici humore constet, in quo primitus consistunt formationis rudimenta. *Ovum* hoc uterinum simplici constat tunica, fætum cingente & ambiente, interna tenuiore, *Amnion* appellata, in qua formatur fætus & residet; externa validiore, quæ totum conceptum ambit, *Chorion* dicta & *Allantoides*. In Chorion & amnio, tanquam colatoriis & Receptaculis, liquores limpidi, plus minus albicantes seu lactei vel chylosi continentur, qui nullo modo cum Veteribus pro urina vel sudore habendi, sed nutritius succus ipsius fætus, dulcis & admodum suavis existunt. Adhæc similis humor reperitur in Embryonis dissecti ore & ventriculo. Certum ergo est, quod non sit humor excrementitius, sed utilis, certis ulibus destinatus, id est nutrimentum fætus, quod per os haurit. Nam *urina continenda* inseruit tertia membrana, *Allantoides* dicta, homini olim à HARVÆO aliisque Autoribus denegata, nunc verò ab NEEDHAM *Tractatu de Formato Fæt. c. 3.* & THEODORO ALDES in *Epist. contra Harvæum*, denuò detecta; instar cinguli inter Chorion & Amnion continetur, quæ ex vesica fætus per urachum, cum umbilicalibus vasis ad eum protensum, excretam urinam recipit, & ad tempus partus usque conservat. Dicitur etiam *Farcinialis*. Variat quoque hic membranarum numerus pro varietate brutorum: in ovo gallinæ sunt sex, in suis tres. Cæterum quæ harum membranarum & Allantoidis structuram spectant, satis explicat HIGHMORUS *Disquisit. Anato. P. 3.* NEEDHAM *l. c. p. 54. 58.*, & GRAEFF *de Organis Mulier. pag. 264.*

Chorio adnascitur in homine, postquam fætus jam ferè formatus est carneæ moles, hepatis æmula, idèd *Hepar* vel *Placenta uterina* dicta, mediante qua nutrimentum chylosum derivatur ex matre in fætum. Oritur hæc uterina placenta ex sanguine per vasa fætus umbilicalia, usque ad chorii extremitatem protensa; effuso & coagulato, in quam venæ & arteriæ umbilicales implantantur; sicut etiam vena umbilicalis copiosos ramos per Chorion & Amnion spargit, in eorum cavitate, humore limido plenam, hiantes. Mediante hac mole carneæ fætus utero demum adhæret & annectitur, cuius naturam descriptam videbitis in WARTONI *Adenogr. cap. 35.* itè HOBOKEN in *Anatom. Secun. Humana*. Videtur quidem substantia sanguineo carneæ; intima autè ejus structura ex glandulis constat, & ubique sanguine grumoso circumfusa est, mediante qua transit succus nutritius per vasa umbilicalia ad fætum. Variant verò, quoad hanc partem, insigniter animalia, dum alia *Placentifera*, inter quæ est mulier, alia *glandulifera*, pauca *cotyledonifera*, de qua varie ate, ut & quid propriè sint cotyledones seu Acetabula Veterum, videbitis in NEEDHAM *c. l.* Placenta ergo hæc cum membranis post fætum exclusa, & quasi secundo partu edita, *Secundina* appellatur; sicut liquores isti, dum in partu paulò ante fætum erumpunt, ex ruptione membranarum, ob conatum fætus, *Aquæ appellantur*, quæ humectando & laxando partes genitales Partum facilitare solent.

Quod ergo jam nutritionem fætus formati attinet, partim

per os nutriri, fætum, partim per umbilicum, nunc constat. *Per os quidem nutritur*, deglutendo humorem limpidum, & albugineum in Amnio contèrum, ex utero per membranas, Chorion & Amnion; in hujus cavitate transudantem, & ita percolatum, qui chylicatur in ventriculo, unde etiam excrementa ista in intestinis, *Meconium* dicta, oriuntur, quia sūt instar succi Meconii inspissati, quæ nō nisi ex stomacho oriri possunt. Conf. HARVÆVS in *Fundament. Physiol. pag. 562.*, CLAUDIUS de la COURVEE in *toto Tract. de Nutrit. Fætus in Utero*, imprimis p. 2. c. 11. & 13. itè NEEDHAM *l. c. pag. 56. cap. 3. pag. 67.* Edis. Londinensis, qui transcolationem istam negat contra Courvee et Everardum; item SEGERUS in *Dissertat. de Hippocrat. Ortodoxia, et Democriti Heterodoxia*, quoad doctrinā de Nutrit. Fætus in utero per os, c. 8. Præterea, cum grandior sit fætus, per umbilicum simul advehitur nutrimentum, tantum scilicet, quantum, præter ejus per os nutritionem, adhuc necessariū est. Multi sunt, qui cum *Arabibus* sanguinem esse mēstruum maternum, in placenta ex vasis uteri delatum, cum sanguine fætus, per arterias umbilicales ad placenta transcolato, mistum, & cum vena umbilicali per canalem venosum & hepar ad venā cavam transmissum, asserunt, dum interim etiam humor quidam albicans simul ex placenta in chorium deponitur, qui per Amnion transcolatus fætus nutrimentum per os constituit, sanguine materno per umbilicalem venam adducto, alteram nutrimenti partem præsentante; de qua antiqua *Hippocrateas* sententia vid. *Dissertat. citata* SEGERI.

Cæterum elegantior & probabilior DEVSINGII est sententia, qui P. 3. Sect. 1. *Geneseos. Microcosm. pag. 131.* item in *Dissertat. de lacte*, in eo est totus, ut monstret, fætum tam in utero, quàm extra uterum, nutriri solo chylo vel lacte ad uterum delato, seu materia tali limpida & albuginea, qualis in Amnio continetur, & in qua fætus natare deprehenditur; utpote quæ non merè excrementitia est, sed multum laudabilis & nutritiæ substantiæ continet. Hæc materia albuginea, uti in uterum destillat pro augendo ovo seu cōceptu, in quo formatur primitus fætus, ita etiam postmodum per Chorion & Amnion transcolata fætum per os nutrit, simulque partim defertur in placenta, ex qua in Chorion (foran per singulares ductus, de quibus vid. SEGERI *Dissertat. cap. 7. §. 4. & 5*) abit, partim verò à vena umbilicali absorpta, & mista cum sanguine, per arterias umbilicales fætus eò allato, inde in venam cavam fætus abit, tandemque perfectum in sanguine mutatur. *Sanguinem* siquidem *maternum nutrimentum fætus non esse, inde constat*, quod nec primis à conceptione diebus quibus fætus omnis in utero liber existit, nec ultimis, ubi placenta in duas laminas divisa, neguttulam sanguinis fundit, illum à matre recipere possit. Hinc lacti potius analogum esse illius nutrimentum cum HIPPOCRATE *de Carnibus Textu 8.* & *de Natura Pueri Textu 21.* concludo.

Materia hujus limpida & nutritiva quod attinet ortum, eam ex abdomine, in specie ex mesenterio, per singularem vasa, forsan lactea, ad uterum deferri vult EVERHARDVS, DEUSINGIUS loco citat. & SEGERUS loco citato. WARTHONUS in *Adenogr. cap. 35.* succum istū lacteum partim per nervos adferri, partim verò per arterias eò deduci asserit, ex quibus chylus nondum in sanguinem perfectum elaboratus separatur, eodem modo atque mammae similem chylū pro lacte separant. Sed cum vasa ista lactea, ad uterum tendentia, incognita sint, meritò iis ad stipulor; qui arteriis cū sanguine nutrimenti chylosi vehendi officium tribuunt, ita ut per arterias *chylus limpidus sanguini permixtus, ad uterum delatus*, in eodem probabiliter, mediante textura glanduloso membranacea, transcoletur, transcolatus nunc penetrando in Amnion, per os immediate fætum nutrit, nunc abeundo in placenta, per vasa umbilicalia mediatè cum sanguine fætum sustentet: vid. NEEDHAM *de formato Fæt. c. 1.*

Plura, quæ talem nutritionem confirmant, videri possunt in DEUSINGIO loco cit. & COURVEO in *toto Tractatu de Nutrit. Fætus in Utero*: Quibus addatur, quod nemo adhuc viderit veram connexionem placenta, ejusque vasorum cum vasis uteri sanguifluis, sed omnes ex præconcepta opinione hæc asserant. Placenta è contrà, & caruncula in brutis, quibus connectuntur glandula, refertæ sunt succo isto albugineo & limido, & compressæ dant succum ovi albumini similem, non verò sanguineum, & Practicorum testantur Observationes, post partum puerperis materiam ejusmodi lacteam ex utero effluere; ut taceam, pullum in ovo sine tali materno sanguine perfectè nutriri & augeri. Illustrant hæc non tantum crocus tingens fætum in utero, de

de quo vid. IOANNES FERDINANDVS *Heertodt in Crocolog. pag. 278.* aliaque à matre ovo longè assumpta, cum foetu simul in partu edita; Videantur M. A. N. C. *Ann. 3. p. 483.* de muliere, magna delectatione excitata erga fraga, quibus potita, peperit infantem cum fragis, quæ habuit in dorso & alibi. Hoc probatur, nutrimentum non tam sanguinis, quàm chylosum, pro nutrimento sufficiens esse.

*Officium ergo placenta uterina dicitur, ut ista mediante succus iste nutritius cum sanguine, per arterias fetus umbilicales allato misceatur, & ita quasi subigatur, ut facilius postmodum cum sanguine fetus, per umbilicalem venam refluat, ipsi distributus conjungi & facilius in sanguinem perfectum mutari posset, sicut in adulto hepar chylum, per venas mesaraicas allatum, subigat: id quod iis imprimis placet, qui hepatis aliquali resuscitationi favent. Cum enim in fetu omnis liquor, per venam umbilicalem allatus, mediante canali venoso statim ex vena portæ citra hepatis contactum, in venam cavam abeat; ob id placentam istam hepar uterinum appellant, & ita hepatis vice in fetu fungi volunt. Sed cum hic non nisi secundarius placenta uterina & vasorum umbilicalium sit usus, nec hepar amplius sanguificet, magis necessarius videtur iste, quem non ineleganter explicat MAYOW *Tractatu de Respiratione. Fetus in Utero: nempe placenta uterinam non secum, sed reverà Pulmonem Uterinum, esse, in quo sanguis fetus per arterias umbilicales eò delatus particulis nitro acris, quibus succus albugineus per uterum in placenta transfundens probabiliter imprægnatus sit, imbuatur, quarum medio Respirationis necessitas in fetu suppleatur.**

Fetus autem non solum per venam umbilicalem, sed ore quoque, simul ac organa chylicantia perfectè formata sunt, nutriri, HIPPOCRATES *de Carnibus Textu 8.* argumentis variis comprobavit: quibus & hoc accedit, quod intra ventriculos pullorum gallinaceorum 15. 16. &c. die chylus, & in Viviparorum ventriculis amni liquor odore, sapore, &c. similis observetur.

Ex dictis facile concludi potest, qualem vitam fetus in utero agat, & quod non vivat vita matris, hauriendo ab eadem spiritus vitales, sanguinemque; sed quod propriam degat vitam, elaborando ex solo humore albugineo, seu succo suo nutritio, intra conceptum concluso, sanguinem, & spiritus pro sui sustentatione; simili nempe ratione atque pullus in ovo propriam vitam eodem modo instituit, nec alio opus habet gallinæ adjumento, quàm blando ejusdem fotu & incubatu, ut caloris beneficio exsuscitetur vis genitalis in ovo latens: Idem præstat mater foetui, dum etiam uterum fovet sinu suo, & foetum hoc modo servat & tuetur; *Vitam autem plantæ vivere tantum dicitur fetus primis mensibus, quatenus solummodo nutritur & augetur; sequentibus vero etiam vitam animalis vivit, quatenus se movet; qui motus non nisi perceptionem quandam sensualem sequitur, utut dormiat potius fetus in utero, quàm vigilet. Fetus tandem adspirat ad auram, ut insequatur Partus, qui est nihil aliud, quàm maturi & perfecti fetus debito tempore legitima facta exclusio.*

CAPUT XXV.

De Partu.

QUO grandior sit fetus in utero, eò plus quoque uterus, cui vas continens, in omnem dimensionem extenditur, ab qua extensione valde opere crassescit & spissescit uter, ita ut ultimis mensibus duos digitos crassa fiat ejus substantia, testibus GRAEFF, BARTHOLINO *in Anat. Reform. & Tract. de insolis partus viis*, aliisque: id quod contingit ex imbibitione tum succi lactei nutritii, tum etiam sanguinis in hiantibus & multum distentis uteri poris, coacervati & lentè circulati, unde vasa sanguiflua sensim sensimque etiam majora & ampliora fiunt, ut hæc tandem circa partum digiti minoris amplitudinem æquare dicantur.

Fetus ergo valde opere auctus & grandior factus, angustis quibusdam propter defectum respirationis, jam magis necessariæ, agitur, proprio motu vel conatu exitum querit, convolvendo sese & invertendo capite deorsum versus, unde & capite primò egreditur, qui motus partui est naturalis. Hoc motu membrane jam diuturniore mora tenuiores factæ, facile & tantum non spontè dehiscunt, & rumpuntur; humorumque, qui in iis continebantur, fit effluxus, qui effluxus aquarum duplex est, propter duplicem scilicet membranam. Quando nempe cum impetu aquæ in partu effluunt, *Estmüller. Oper Tom. I.*

est naturalis fluxus; si verò diu effluunt ante partum, talis fetus moritur. Observatum tamen fuit, per aliquot septimanas ante partum aquas effluxisse, sed fuit saltem exterior aqua, non autem verus liquor intimus. *Hic fetus conatus accedit simul matris labor, & conatus voluntarius: qui consistit in forti pressione, & expirationis retentione, pro quo adjuvando sæpe vomitoria & sternutatoria usurpantur: mater enim tam inspirando, & diaphragma deorsum versus movendo, quam musculos abdominis validè contrahendo, uterum comprimit, qui simul quoque nimia distensione irritatus, modico sensu & stimulo, contractis suis fibris, fetum excludit. Unde dolores parturientium sunt motus convulsivi & contracturæ spasmodicæ partium membranarum uteri, quæ contractæ & crispatæ se contrahunt, convellunt, & ita fetum excludunt. Dolores hi, si quando ad pedes & brachia tendunt, mali sunt.*

Queritur autem, dum per angusta loca insignis fetus debeat progredi, an ossa pubis vel ilei divellantur. Respondeo: Distinguendum inter partum naturalem & facilem, ac præternaturalem & difficilem. In partu naturali & facili non opus est, quia partes membranaceæ cedunt, & sic fetus via sternitur & conceditur; in difficili verò observatum fuit, quod ossa post talem laxata fuerint, quæ sibi invicem non coaluerint, materque impedita in progressionem. Alias enim, si ossa pubis semper divellerentur in partu, nulla mulier progredi posset post partum, quod tamen, præsertim in meretricibus, aliter se habet: & deinde post divulsionem necessariò iterum concreverent interveniente callo; adeoque impossibile esset, feminam ultra quartam vicem parere posse, quod tamen non est. Plura quæ huc pertinent, & imprimis osium pubis separationem, & ilei laxationem, videbitis in DEUSINGII *Genesi Microcosmi p. 3. Sect. 2.* item in HARUÆO *Dissertat. de Partu*, item in COVRVEE *p. 3. c. 12. de Nutrit. Fetus in Utero.*

De doloribus & difficultate periendi notandum, quod in primiparis non raro partus sit difficilis; nec ibi etiam solum talem esse sperandum: Nam ex Observationibus constat, quod femina, quæ partum primum facile absolvit, de partu in partum difficilius abeat, & sæpe vel in partu, vel in puerperio, moriantur. Quò verò laboriosius pariunt primiparæ, eò melius habent de partu in partum. Deinde difficillimus partus esse solet Virginibus adultioribus, quæ tricesimo vel quadragesimo anno nubunt; & quanto propiores sunt quadragesimo, eò periculosiores partus se habent: sæpe & hæc solent mori in partu vel puerperio, Autore LINDA NO *Colleg. privato supra Praxin Chymiatr. Harmann. c. 229.*

Tempus partus contingit mense post conceptionem ut plurimum nona, nempe circa hujus finem, vel in principio decimi, circiter quadragesimam septimanam ordinariè, interdum, sed rariùs mense septimo, idque ferè saltem in primo partu in tenerioribus aut juvenculis, qui septimestris partus sæpe habet imperfectionis quasdam notas, in naso, auriculis, ore, pedibus aut digitis, quia hæc partes ultimo omnium perficiuntur, de quo conf. M. A. N. C. *Ann. 8. Observat. 69. pag. 117.* BORELLUS *Cent. 1. Observat. 71.* Accedit tamen interdum, ut vel mater vetula, vel imbecillis; ultra decimum & undecimum mensem partum differant, sicut interdum anticipant; & mense octavo pariunt, quos non vitales esse fetus, falsum est; cum plurimi hoc mense nati reverà vixerint, teste SCHENCKIO *in Observat.* Ingentes turbas de Octimestri Partu fecit HIPPOCRATES, quod non sit vitalis; sed non est verum; Nam vitales non raro sunt fetus, qui septimo menses excluduntur. Si ergo septimestres sunt vitales, quare non Partus Octimestris? Quod si verò moriantur Octimestres, sit hoc, quoniam ex irritatione uteri, vel fetus, vel ex alia causa non-naturali, fetus quasi per abortum octavo mense excludatur, qui nono mense nasci debuisset; unde minus maturus, minusque vitalis existit. Abortum autem non esse vitalem, certum est; quod tamen non est Universale, cum & interdum, rarissimè quidem, vitalis sit, de quo vid. DRELINCURTIVS *Dissertat. de Partu Octimestri*, item PAVLVS ZACCHIAS *in Quaest. Medic. legalibus*. Raræ aliàs, ex quæ non pauca, præstant Observationes fetuum, quinto, sexto, septimo, decimo, item duodecimo & decimo quinto mense natorum, quales videbitis in SCHENCKII *Observationibus*; utut fallacia conceptionis signa non raro matres ipsas fallant, ut propterea erronè ducant calculum, dum primum Conceptionis tempus non adeò exactè observare solent aut possunt. In iracundia matrem progreditur infans: quæ diætetice vivunt, ordinarium tempus fetus expectant. Interim modò attenda sint mulieres, possunt

possunt certum terminum exclusionis fetus habere, si nimirum attendunt primam, post imprægnationem, menstruationem (sive, quod interdum accidit, contingat eadem adhuc, sive eam non amplius experiatur, sufficit illius, quo ordinariè apparere debebat, annotasse tempus) usque ad eundem, cui per naturæ consuetudinem decima menstruatio imminet, & sic verum tempus Partus exinde habere possunt; quia hoc, vel certè proximè sequente mense, parient, nisi forsitan aut causæ externæ, aut morbifica matris vel foetus constitutio, tempus partus consuetum anticipent, adeoque foetum immaturiorem excludant. Cæterum de legitimo partus tempore vid. SENNERTUS *Præxeos* l. 4. Sect. 6. P. 2. cap. 1. pag. 386. item HEINRICUS ARNISÆUS *Disquisit. de Partu humano*, item SYLVATICUS *Centur.* 4. *Consil.* 64. ubi etiam quædam de Partu Quinquemestri.

Ridiculi sunt, qui partum septimestrem & octimestrem per ocularem inspectionem à nonimestri distinguere volunt, cum non solum nonimestris septimestri macilentior, & septimestris nonimestri carnosior & pinguior esse possit, sed & partes quædam fetus ab adultorum partibus magnitudine, & quidem vel aucta vel minuta, differant, dum e. g. caput cæteris partibus longè majus est, cuius rei rationem HELMONTIUS, *Tract. Vita Brevis*, dat; cui accedit, quod cranii ossa à se invicem adhuc dehiscant, quæ postmodum per futurarum contractiones conjungenda. Huc spectat intestinum cæcum, thymus, auriculæ cordis ac renes succenturiati; quæ partes omnes propter usum majorem in fetu majores sunt; minores verò apparent reliquæ omnes, præprimis tamen omentum, ita ut à quibusdam Anatomicis hoc fetui planè deesse dicatur, quod tamen experientiæ repugnat.

Causa impulsiva vel stimulus, qui fetum impellit & irritat, ut moliatur sui egressum, a variis profertur variis. Optima videtur sententia HIPPOCRATIS, FABRICII ab AQUAPENDENTE, DEVSINGII de *Genesi Microcosmi*, & RALLII de *Generat. Animal.* Sect. 7. fetum conari egredi propter defectum Respirationis, cum in utero aquis immersus respirare nequeat, sanguis verò motu suo circulari sensim sensimque quodammodo circa præcordia hæreat, majorem volatilitatem & perfectionem urgendo, & ita anxietatem quandam circa præcordia fetui inducat, unde etiam, quamprimum egreditur foetus, respirat, de qua foetus Respiratione videatur SCHWAMMERDAM *Tract. de Respiratione*. Hinc proba potest institui, an fetus natus sit vivus, an verò natus sit mortuus; idque per pulmones, qui per respirationem expanduntur, & ita leviores ac spongiosiores fiunt; pulmo verò spongiosus rarior aquis supernatat. Foetum tamen aliquid aeris habere in utero, ut in ovo pulli, non nego, ita ut in ovo uterino sit spatium seu vacuum pro aere; sed hic aer non sufficit respirationi, nisi continetur. Quod verò de fetuum vagitu circumfertur, & cuius non vulgaria prostant exempla, ea, uti sunt rara, ita ut plurimum sunt prodigiosa; cum non vagisse tantum, sed etiam articulatas voces emisisse infantes adhuc in utero inclusos, testentur Observationes: vid. SCHENCKIUS in *Observationibus*, SPERLINGIUS de *Format. Fetus* c. 7. *Quæst.* 2. & SENNERTUS l. 4. *Præx.* p. 2. Sect. 5. cap. 81. p. 374.

Cum ergo non respiret foetus, nec dilatentur pulmones, sine horum verò dilatatione nulla sanguinis ordinaria circulatio ex dextro cordis ventriculo fieri possit in sinistrum, propterea sanguis non simul per utrosque ventriculos transit, sed per alterutrum etiam; & propterea factæ sunt singulares vasorum Anastomoses circa cor in fetu, quæ post partum non solum obliterantur, sed tandem plane evanescent; dum una sanguinis pars per venam cavam ascendentem, transit per foramen ovale in venam pulmonalem, & exinde in sinistrum cordis ventriculum, ex quo per Aortam in totum corpus; altera verò pars ingreditur cordis

dextrum ventriculum, ex hoc subit arteriam pulmonalem, ex hac per canalem arteriosum in arteriam magnam, ita ut saltem sanguis unum cordis ventriculum permeet simul & semel, sed alterutrum tantum. Dum verò excluditur foetus & respirat, subito per pulmones rapitur sanguis, & foramen ovale propria sui ipsius valvula clauditur, & ita exactè obturatur, tandemque coalescit, observante hoc KERKRINGIO in *spicileg. Observat. Anatom. Observat.* 94. pag. 179. Videatur etiam *Anatom.* BARTHOLINI cap. de *Fetu*, item COURVEE P. 3. c. 4. Et propterea contingit, quod pulmones in fetu mortuo aquæ injecti fundum petant; in vivente verò & post exclusionem mortuo supernatent; quia nempe in hoc jam rarefacti fuerint ex aere per respirationem attracto: & ex hoc fundamento proba desumitur, an scilicet fetus mortuus, an vivus, natus sit, sed postea vi interfectus: vid. TRUSTON de *Respirat.* p. 102. & seqq.

Fœtu ergo egresso sequuntur etiam membranæ cum placenta, cum hæc per funiculum umbilicalem adhæreant foetui, & secundinæ propterea vocantur. Hæ ipsæ quantocius post foetum exclusum sunt extrahendæ, nisi sponte sequantur, ne coarctato denuò uteri interno orificio, earum egressus omnino impediatur, & ipsæ postmodum relictæ putredinem matri lethalem concilient. Opera etiam danda, ut omnes sive totæ sequantur, ne aliquantula placenta pars relictæ irritando uterum, contumacem & interdum lethalem ejus hæmorrhagiam inducat.

Sed, dum enormiter extensa uteri cucurbita denuò fibrarum suarum beneficio se contrahit, poros angustat, sicque, spongiæ instar compressæ, liquores partim ingestos, & gestationis tempore imbibitos, partim in & post partum uberius affluentes, hic exprimit, unde purgamenta uteri post partum, seu lochiorum fluxus, item Puerperia, succedant mulieribus, non secus ac menstruus fluxus proprius; ex quorum colore & consistentia Hippocrates de mulierum constitutione naturali & præternaturali judicare contendit. Effluit autem post partum sanguis duplex, primò cruentus humor seu sanguis purus, quod patet ex consistentia & colore vivido atque rubicundo, quem primis statim diebus exhibet; uti & lochiis suppressis per alia nonnunquam loca, v. gr. nares, mammas, &c. effluentibus: hinc prodit sanguis dilutus copioso nempe aquoso & lacteo sero; tandem materia alba mucosa, quam esse reliquias succi nutritii foetus in utero, cum Deusingio arbitror; hancque materiam ex utero solo effluere, certum est; unde in hujus retentione abdomen tumidum manet. Observavit Laurentius, quod aliquot post partum diebus genuinus chylus ex utero effluxerit. An verò sanguis ex utero solo tunc effluat, & an non etiam ex vasis hypogastricis, collo uteri insertis, imprimis tunc elaboratur, ut admodum probabiliter nonnulli statuunt, nondum adeò explantur. Sanguinis hic fluxus contingit ex partus conatu, quo sanguis ad istas partes propulsus per distenta aperta que vasa effluit: forsitan & sub primo lochiorum fluxu fermentatio talis in sanguine contingit qualis in menstruatione ordinaria evenit, ut multa tunc evenientia, & fluxum suppressum sequentia, persuadent symptomata: vid. DEUSINGIUS in *Genesi Microcosmi* pag. 219. *Quantitas hujus purgationis & Tempus* quamdiu hic fluxus durat, varium est, pro varietate scilicet constitutionis ipsius puerperæ. Ut plurimum octo dierum spatium absolvitur, nonnulla ad quindecim dies purgantur, aliæ citius aliæ tardius, interdum post mensem de mense purgatio hæc cessat; unde etiam in aliis copiosius, in aliis parcius & lentius, succedit hæc purgatio: vid. SENNERTUS l. 4. *Præxeos* Sect. 7. par. 2. pag. 453. item DEUSINGIUS c. 1.

Facta hac purgatione uterus, in pyri formam contractus, exsiccatur, itaque ad novam imprægnationem denuò disponantur, & ficcum vitæ nostræ primordio Oeconomiam animale finio.

INSTITUTIONUM MEDICARUM

PARS II.

PATHOLOGIA cum DIAGNOSI, & PROGNOSI.

CAPUT I.

DE

*Sanitate & Morbo, hujusque
Subjectio.*

Pergimus ad Partem Medicinæ primariam, *Pathologiam* scilicet, quæ absolvitur 4. capitibus.

Primum de Natura & Subjecto Sanitatis; Morborum & Symptomatum, agit.

Secundum *differentias* dictorum Morborum considerat.

Tertium considerat *Morborum & symptomatum* corpori humano contingentium *Causas*.

Quartum evolvit *rationem cognoscendi Affectus & Causas*, eorumque eventum, per *signa dicta diagnostica & prognostica*.

Affectus duplicem habet significationem: Accipitur effectivè vel formaliter, quo sensu intelligitur Alteratio corporis, quæ est in Fieri; sicut *Passio* accipitur, quando denotat Passionem introductam. In Pathologia uterque sumitur sensu secundo. Hujusmodi affectus sunt vel secundum naturam. Illi sunt sanitas, & consequenter omnium partium Vigor: Hi sunt Morbi, & con comitantia symptomata.

Corpus nostrum, dum, ceu artificiosa Machina, à sanguine & imprimis spiritu vitali, tam insito quàm influo, ceu impetum illo faciente *HIPPOCRATIS*, actuatur, movetur, & in esse suo sustentatur, *Vivere dicitur*. *Consistit enim Vita formaliter* seu effectivè in illa corporis actione, secundum quam omnes operationes debitas vel exercet vel exercere potest; cujus privatio, quando omnis cessat Operatio & Motus, *MORS dicitur*: vid. *suprà in Physiol. cap. 2. p. 51*. Unde, dum est in motu, vitæ tali integritas est sanitas, sicuti ejus plus minus labefactatio vitio partium in motu vitali & actione, *Morbus & Symptoma* dici solet. Ut igitur Vita, ita & Integritas ejus ista seu Sanitas, consistit in legitima dispositione seu naturali constitutione partium quarumvis, machinam corporis componentium, per quam agere & operari secundum leges à natura præscriptas aptæ natæ sunt; effectivè verò in omnium operationum, & inde dependentium vigore & perfectione. Contrarium fit in labefactione seu Morbis; Morbus enim in hujus machinæ labefactione seu præternaturali Alteratione, ubi vitiantur motus ejusdem & actiones, consistit: Labefactatio autem consistit formaliter in tali partium constitutione perversa, & à naturali mensura degenerante, ut effectivè actionum sequatur defectus, aut plus minus Alteratio.

Ridicula est Quæstio, an morbus sit substantia, an verò Qualitas prædicamentalis? Respondeo: Est privatio Sanitatis, non Qualitas. Transeat. Sanitas autem & morbus suam patiuntur latitudinem, cum videamus à posteriori esse differentiam ætatum, dum senes respectu juvenum videntur morbofi: hinc *status neuter*, medius inter sanum & ægrum, introductus est; de quo *queritur an detur*. Respondeo, distinguendo inter Theoriam & Praxin. In rigore Theoretico vix admitendus videtur, si ex amussi consideramus machinam corpoream secundum leges naturales: in latitudine autem Practica necessario obviat. Senes enim sunt sani, respectivè tantum & in suo genere, atque infantes, debitum autem vigorem sanitatis non habent: unde distinguendum est inter statum neutralitatis *decidentis & convalescentis*. Ille est, cum homo sanus

percepit quosdam defectus in operationibus, ob constitutionem læsam partis cujusdam, utut tamen sit apparenter sanus, adeo ut ambigua sanitas declinet in perfectum morbum: e contra qui rectè convalescunt, & ex morbis jam restituti sunt, ita tamen, ut adhuc sit Imbecillitas seu Labefactatio quædam, dicuntur esse in statu Neutralitatis Reconvalescentiæ.

Non ergo in ipsa vita morbi consistunt, nec tamen corpori, nisi viventi, competunt; morbi enim nec sani nec ægri dici possunt. Sunt media vel prodromi mortis, adeoque vitam insequuntur, & ex ejus radice suo modo succrescunt. Hinc istæ etiam læsiones, quæ corpori mortuo insunt, v. g. vulnera, fracturæ, obstructions, &c. quatenus tales, propriè vix morbi videntur, nisi in quantum vitale principium corporis viventis suo modo afficiunt, actionibus debitis impediunt, adeoque tandem corporis primum Movens labefactant.

Quoniam enim corporis saltem viventis affectio est Sanitas & Morbus, semper ad Principium vitale omnino respiciendum erit: siquidem ab eodem & omnes actiones, tam naturales in sanis, quàm præternaturales in morbofis, procedunt: hinc rectè dicitur, idem esse Principium, à quo fiant Actiones laudabiliter in sanis, vitiose in ægris; v. gr. ab eodem principio, à quo præternaturaliter in febribus æstuamus, naturaliter calemus: item idem Principium est, quod naturaliter movet manus, præternaturaliter verò in epilepsia easdem convellit.

Pertinet huc doctrina de Orthostasi, quam dicunt esse; quamdiu homo adhuc versatur, non tamen rectissimè valet. Verum potius dicatur Orthostatica Rectitudo Valetudinis. Dixi, Affectus corporis esse secundum naturam & præternaturam. Secundum naturam gubernatur corpus præceptis diæteticiis, Hygiene; præternaturaliter gubernatur Therapia, per medicamenta. Utrumque consistit in judicio Medici, quod fundatur in cognitione ægri & universæ naturæ, quibus collatis, tanquam secundum normam, statum naturalem & præternaturalem novit & trutinat.

Quoad Subjectum Sanitatis & Morborum, totum sanè corpus, uti sanum est, ita etiam idem ægrotare solet, adeoque & singulæ ejus partes Sanitatis & Morborum subjecta erunt, utut pro partium varietate, diversimodè. Hic secessum facimus à Veteribus, distinguentibus inter partes activas moventes, contentas nempe & impetum facientes, seu humores & spiritus influos; & instrumentarias motas, partes nempe solidas seu continentes; ubi Veteres rectè quidem dixerunt. Partes liquidas esse causam morborum, subjectum verò esse partes solidas. Fundamentum hujus discessus est hoc, quod Veteres tribuerint parum liquidis, multum verò solidis. Contraria autem ratio est apud nos, ubi secundum Inventam Anatomicam minus solidis tribuitur, multum verò fluidis, ita ut hæc babeantur partium *primarium principia activa*, solida verò quæ moventur *passiva*: unde dico, *subjectum primarium* esse partes contentas seu liquidas, spiritus & sanguinem, quatenus hæc ipsa propius vitæ radicem attingunt; *secundarium* verò sunt partes solidæ seu continentes. Ut enim vita & sanitas in spiritu & sanguine radicaliter & fundamentaliter consistunt & dependent, in paribus verò solidis seu continentibus non nisi relativè & per denominationem, quod scilicet sint viventes, quatenus sanguine & spiritu vitali irrorantur; ita etiam primarii morbi istis inhærebunt, & principale adeo morborum subjectum erunt, pro quorum ratione corpora nunc sana sunt, nunc ægrotant; in his non nisi secundarii, quæ ob id minus principale Subjectum constituunt. Nam spiritibus & sanguine naturaliter se habentibus seu dispositis, & partibus solidis, ceu instrumentis, legitimè eorum vim recipientibus, corpus est sanum: præternaturaliter iis affectis, hoc est, morbose, corpus est ægrum, ejusque vitiantur actio-

actiones; pars liquida verò alterata & vitata, mortem infert. In genere omnes alterationes, imò febres omnes, in salibus alteratis & vitiosis consistunt.

Cum ergo spiritus & massa sanguinea principales sint actionum vitalium Autores, à quibus eæ effectivè dependent; partes verò solide sint tantum instrumenta, sequè habeant (1) in actionibus purè passivè; (2) nec propriam ad actiones habeant activitatem; sed (3) per suas organicas conformationes istis primariis agentibus inserviant tantum ad Actiones; unde & (4) in vivente & mortuo quævis organa, quatenus taliter conformati, eodem se habeant modo, non secus sanè ac malleus se habet ad fabrum in fabricatione ferri; & (5) eorum læsiones v. gr. ossium fracturæ, vulnera & ulcera, non minus in cadavere, quàm vivente sint subjecta; (6) iisque licet optimè se habentibus, Intemperie & Conformatione tamen Actiones lædantur; & ut (7) taceam varios lusus naturæ in harum partium formatione, sine subsequente morbofo statu: propterea spiritus; & massa sanguinea erunt *primarium & proprium subjectum Morborum*, cum his vitiatis, seu primariis agentibus, necessariò lædantur actiones, h. e. corpus ægrotet; partes verò solidæ seu organice tantum secundarium & improprium, cum non tam lædant per se actiones, quàm quod vitio conformationis suæ organice eas, seu læsa instrumenta, tantum impedian, unde nec ægrotare propriè dici possunt.

Certè, sicut omnibus patet, insigniores & successivas istas corporis mutationes, quæ per ætatum vicissitudines contingunt, ita ut ultima senectus tandem ipsa morbus evadat, tantum ratione massæ sanguineæ mutatae, & spirituum, imprimis influentium, diversimodè dispositorum evenire, sensiles à testibus sub pubertatis annis corporis inductas operationes ratione eadem corpus immutare, partibus solidis organicis sub omnibus istis mutationibus in eodem statu persistentibus, nisi in quantum ex sanguinis varia alteratione in nutritione forsan patiuntur; ita repentinæ corporis sub morbis læsiones, & in ejus actionibus mutationes, nonnisi è disposita diversimodè & præternaturaliter alterata massa sanguinea, à spiritibus vitiatis oboriuntur, adeò, ut istis morbose affectis tota machina non ritè, nec secundum constitutas naturæ leges, gubernata in præternaturales actionum & operationum læsiones exorbitet.

Omnes ergo in genere & specie corporis partes, tam spirituosæ quàm solidæ, subjectum sunt morborum, utut non raro

hic observabilis sit circulus, ita ut unius partis vicium affricetur alteri, & hujus hinc nata læsio illud prius erratum deterius reddat. Observandum ulterius in *Morbis internis*, quasi sponte natura enatis, & in quibus causa materialis seu humorosa peccat, *duplicem subjecti esse rationem*: nempe dum distinguendum est inter *subjectum Denominati onis & Inhæ sionis*. Illud est tota machina corporea, quæ, quocunque laboret affectu, ægrotat est; hoc est determinata quædam pars hominis, ratione cujus totum corpus ægrotare dicitur. Sic cui crus fractum, dicitur ægrotare pede, quatenus is est subjectum inhæ sionis seu particulare. Subjectum hoc inhæ sionis est vel *subjectum Radicationis*, vel *Affecti onis seu Passi onis*. Illud alio nomine vocatur *fomes seu focus morbi*, & hoc subjectum nil aliud est, quàm *subjecti inhæ sionis causa*, in quo latet causa morbofa; adeoque respectu vel causæ efficientis vel materialis. *Illius efficacia*, ubi speciatim & particulariter se exerit motu & effectu præternaturali, ibi morbi subjectum dicitur; *Hujus verò sedes*, ubi prima est, aut ratione originis aut ratione distributionis, est subjectum causæ seu fomitis morbofi. V. gr. consideretur *epilepsia vitio splenis enata*: in hoc morbo causa efficiens proxima est spirituum impetus, spasmodorum epilepticorum primus Autor; hinc partes fibrosæ, motu isto spirituum præternaturali affectæ, subjectum morbi sunt inhæ sionis; materiæ verò istius acidæ, in splene hærentis, ratione, quæ materialem causam constituit, & hostili vellicatione spirituum impetum provocat, hic fomes seu subjectum fomitis seu radicationis existit. Hinc stomacho à crapula malè affecto vertigine caput rotatur: stomachus hic subjectum radicationis seu fomitis; caput verò, & in eo contenti spiritus, subjectum inhæ sionis existunt. Quod si causa materialis eandem occupet partem, quæ morbo speciatim affligitur, *Morbus per essentiam* appellatur; si verò in alio loco hæreat, *Morbus per consensum* enascitur.

Res omnes præternaturales in Morbum & Causam morbificam rectè dividuntur: Morbus verò in partis affectæ læsam constitutionem, & exinde natam vitiatam actionem seu functionem subdividitur, quæ læsæ functiones primaria symptomata constituunt, à quibus cætera symptomata in excretis & qualitatibus mutatis dependent. Morbus nempe præsupponit causam, & post se trahit effectum seu symptomata; quæ sunt vel primaria, & immediata, ut symptomata in actionibus læsis; vel secundaria & mediata, ut symptomata in Qualitatibus mutatis, & denique symptomata in excretis & retentis.



CAPUT II.

DE
DIFFERENTIIS MORBORUM.

Differentiæ, essentielles Morborum desumuntur à Subiectis eorum proximis, quæ vel sunt

- I. Spiritus, tam insitus, quam influus; quorum uterque morbosus, vel in
 1. Quanto, seu defectu.
 2. Quali, seu substantia.
 3. Motu, aut excessivo, aut diminuto, aut depravato.
- II. Humores, seu Contenta Morbosa, sunt vel
 1. In Quanto, dum
 - (1) deficiunt
 - (2) excedunt seu abundant: quod Vitium in sanguine Plethora dicitur, quæ

(α) Vires	}	(α) Vera
(β) Vasa		(β) Apparens
 2. In Quali, seu Substantia
 1. Primario in vitiata crasi, seu Cacochymia. Hæc consideratur vel ex sensu.
 - (α) Hippocratico secundum sapes, potentias, & facultates.
 - (β) Galenico, unde Cacochymia vel biliosa, vel pituitosa, vel melancolica.
 2. Secundario in læsa Fermentatione, aut

(α) Excedente	}	sive considerentur	}	Absolute
(β) Deficiente				
(γ) Depravata				
- III. Partes continentis, vel ratione
 1. Materię: Morbi Intemperiei vel
 - (1) Secundario elementaris.
 - (2) Primario vitalis.
 - (α) Universalis.
 - (β) Particularis.
 2. Extensionis seu Quantitatis, & hujus determinationis secundum
 - (α) Longum: Morbi Figuræ.
 - (β) Latum: Morbi Quantitatis.
 - (γ) Profundum: Obstructionis morbi.
 3. Unionis mutatæ seu nexus partium continuatarum.
 - (α) Morbi Compositionis.
 - (β) Solutæ Unitatis morbi.

A duplici fundamento morborum differentiæ desumi solent.

1. A subiecti morborum varietate.
 2. A multiplici circumstantiarum concursu.
- Priores constituunt differentias essentielles, posteriores vero accidentales. Cumque superius totum corpus ægrotare, adeoque morborum & sanitatis subiectum esse, dictum fuerit, hoc ipsum verò compositione sui mechanica ex triplici partium differentia coaluerit, etiam essentielles morborum differentię triplices erunt:

1. Morbi spirituum, seu impetum facientium:
2. Morbi sanguinis & cæterorum contentorum humorum, vel partium liquidarum; &
3. Morbi partium continentium solidarum.

Accidentales verò Differentię pro circumstantiarum circa causas, subiectum, symptomata, Tempus, Motum, Quietem, &c. observabilium varietate, erunt tantum non innumeræ.

Cum namque sanguis & spiritus primum sint Vivens in puncto saliente & ultimum Moriens, quin & his affectis reliquæ omnes partes, licet salvæ, afficiantur, totaque machina corporea morbosa jaceat, ac alterationes insigniores, quas sub annorum serie ætatumque nominie patitur homo, ab his variè alteratis oriantur, insignesque mutationes totius sub pubertatis annis, mediantibus istis à fermento testium inspirato immutatis, contingant, sanè erunt primum, quamvis solidæ secundarium saltem morborum subiectum.

Spiritus morbosus sunt, quando deflectunt à naturali & requisita constitutione, quæ ad corporis regimen in iis requiritur, sive Insitus fuerit sive Influis. Eorum natura consistit in eo, quod sit volatilis substantia, seu Gas fermentando ex sanguine volatilifatum, per modum lucis radians.

Constituti autem sunt morbosè & præternatur aliter Spiritus Influis & Insitus:

1. Ratione Quantitatis, quando non gignuntur in debita Quantitate, vel nimis absumentur, vel cito dissipantur.

Si non gignuntur in debita quantitate, aut deficiunt à de-

bita copia, ad corporis ac ejus partium regimen requisita, fit ex defectu spiritualitatis, qua ratione spiritus influi deficiunt in inedia aut impuritatibus massæ sanguineæ, aut diuturnos post labores: tunc ex defectu spirituum influorum oritur primæ digestionis vitium, & universum corpus languet. Nimis absumentur in quibuscunque exercitiis, spirituum dispendio conjunctis, qualia nimis motus, studia, Venus, &c. quæ spirituum dispendium in se continent, & post hypercathartes, aut nimias sanguinis profusiones summa virium, & quarum vis operationum vitalium deficientia supervenit. Subito dissipantur in gravioribus animi affectibus, in gaudio, ira, mœrore, &c. in quibus radiosa spirituum textura avolat quasi. In subitaneo mœrore obruantur spiritus; eorum enim vehiculum, sanguis, obrutum eos non potest explicare, hinc tanquam suffocati moriuntur ægri. His spirituum defectibus facile occurrimus, attendendo sanguinis motum fermentativum, & augendo spiritus per homogenea qualia aromatica cum salibus volatilibus. Spiritus Insitus deficit, dum vulnere, vel ulcere, vel frigore, vel paralyti læso membro, debilitatur, & successive imminuitur, & attenuatus absimitur; hinc enim membrum unum alterumve debilius postmodum observatur, quod vocatur ab HELMONTIO Robur partis inæquale; & quoniam pars ita debilitata præ alia robusta magis ab alteratione aeris afficitur, membra talia Ephemerides Ægrorum dicuntur.

2. Ratione Qualitatis seu substantiæ spiritus Influis & Insitus mutantur, dum vel vitiosè, & à naturali constitutione deflectentes, generantur, vel geniti aliunde, à re peregrina, in specie causis malignis, commista viciantur.

Maximè hoc fit in depravata hæmatosi, & deficiente, legitima scilicet, spiritualitatis, ut fit in specie in morbis Chronicis, in quibus sanguis corruptus & alteratus non rectè fermentans in spiritum luminosum non potest volatilifari; v. g. Influi vitiosè generantur in Cachecticis, scorbuto vel malo hypochondriaco, Melancholia confirmata, ut in Cachecticis minus volatiles sint, in hypochondria-

driacis seu scorbuticis minus lucidi, sed obscuro. Hinc fit, ut ex peccante Qualitate seu substantia spirituum, Operationes animales pervertantur: id quod Cholicorum, Melancholicorum, Phlegmaticorum, &c. in actionibus differentia, vel naturali sub statu, sufficienter confirmat. Coincidunt spirituum hæc ratione qualitatis seu substantiæ vitia morbosa, cum mutata Quantitate; habent se enim ut effectus & causa immediata: siquidem omnes quantitates ex substantiæ materialis textura formali oriuntur. Ergo vitia spirituum in substantia necessario eorum mutatas quantitates post se trahunt, & vitia spirituum in qualitatibus mutatam eorum substantiam præsupponunt; adeoque sive substantiam, sive qualitatem, mutati dicamus, res eò recidit. Hæc vitia intro occurrentia sunt leviora: magis incumbit negotium, si ab extrinseca materia, ver. gr. in peste à miasmate maligno, item à narcoticis & opiatibus assumptis, vitiantur seu alterantur. Pertinent huc subitanæ mutationes & periculose suffocationes, evenientes iis, qui versantur in conclavibus: in quibus carbonem incensi, ac in cellis cerevisiaris. Pertinet huc affectus, qui occurrit iis, qui in metallifodinis occupati sunt; hi enim insensibili aut afflati intereunt. Quoad spiritum insitum, vitatur hic in quali, ver. gratia in ulcere: ibi enim ex contracto vitio nutritionem pervertit, & nutrimentum loco assimilationis in pus vel saniem corrumpit, item alterationes vulneribus supervenientes similes in qualitate mutarum insinuant spiritum; hinc deficiente spiritu, ver. gratia in moribundis, vulnus sine materia videtur, & observatur aridum, sicut & in gangræna penitus ad destructionem ejus vitatur Insitus.

Queritur, undenam spiritus influi volatiles tunc afficiantur primario, ut volatiles & luminosi extinguantur?

Dico, spiritibus volatilibus nihil posse commisceri seu hos inficere, nisi quod sit homogeneæ naturæ cum iis, quæ non sunt de Natura Gas spirituosæ; Talia autem sunt dicti halitus ex liquoribus fermentantibus. Talia etiam sunt halitus, qui expirant ex carbonibus incensis, & in metalli fodinis; cum in dictis locis reperta sylvestria sulphura, spiritus se immisceant, & eosdem extinguant. In talibus locis nunquam candela perdurat. Nil dicam de antro canino Neapolitano in Italia, in quo non solum candelæ extinguuntur ita, ut ne scintilla supermaneat, sed & canes, simulac eò deveniunt, licet in limine quasi adhuc constituti hæreant, in momento suffocantur, ut hominibus nihil incommodi exinde adveniat. Et omnia hæc loca, quæ non ferunt candelas vel lumen, v. gr. cellæ vinariæ & cerevisiaræ, in momento suffocant homines, propter spiritus homogeneos exhalantes, quibus spiritus afficiunt nostros, eosque extinguunt, & sic mortem inferunt; parili ratione atque dicti spirituosæ halitus sulphurei extinguunt quancunque accensionem, sic & spiritus obruti necessario delentur. Similis ratio est in opiatibus, quæ turgent simili halituoso sulphure, similis isti, ubi in dictis locis liquores fermentantes inclusi exhalant: nempe simile sulphur ex omnibus assumptis opiatibus spiritus influentes vel figit vel opprimit. Hinc qui læsi ab halitu inspirato, sive per fermentescentes cerevisiæ, sive Gas carbonum, optime curantur aceto, infuso paribus. In omnibus affectibus, quæ spiritus protinus afficiunt, adhibentur insigniter odorata, quæ maximum auxilium inferunt: merito urget HELMONTIUS & taxat, quod odorifera neglecta sint, cum odoris maxima efficacia sit in omnibus subitanis affectibus, ubi odorifera salino-sulphurea utramque faciunt paginam. Passionem hysterica sistunt Odorifera fetida.

3. Ratione motus; spiritui influi speciatim convenientis, qui est vel elasticus, vel irradiativus.

De spiritibus enim animalibus in specie res clara est, quod per debitum influxum vel motum imprimis animales administrent functiones secundum ideas in eorum lumine pictas; hinc contingit nunc torpidos nimis eos esse, minusque moveri, quando ipsi minus subtiles, aut minus volatiles & mobiles existunt, & à debitis excursionibus cessant, sive ab internis causis, ver. gratia lethargo & catalepsi, tales fiant, & omnibus affectibus soporosis, ubi spiritus tardius moventur ex causa cerebri, nimia lymphæ impleti, unde tanquam per nebulam nunc radiosæ spirituum textura trajicitur, & minus fortiter radiare possunt, unde depravate moventur; sive ab externis Opiatis aut Narcoticis similibus, vel assumptis vel applicatis tales fiant:

Nunc vero iidem nimis mobiles & nimis agiles existunt, adeo, ut à quacunque irritati & agitati causa, in impetuosos & inordinatos aut exorbitantes erumpant motus, tam in cerebro, qualis verb. gratia in deliriis Febricitantium, aut Phreneticis; tam in membris, ut in convulsionibus epilepticis, aut similibus convulsivis paroxysmis, item Paraphreneticorum deliriis, evidens est. Posterius hoc vitium non in ipsis spiritibus, sed sæpius aut in cerebro, artubus aut membris querendum est: à causa occasionali materiali, mole licet minima, fibras quasdam sensiles vellicante, & intensiorem impressionem faciente, adeoque, ut vocant, irritante, originem habere solet; verb. gratia dum spicula Antimonii minima spirituum impetum ad vomitus violentiam in stomacho provocant; dum molesta calculi in renibus præsentia, fibras nerveas vellicando, spirituum supernaturalem impetum ad colicam, alvi occlusionem, nauseam, interdum etiam vomitus, provocat. Occurritur facile. Lethargici enim affectus curantur per blanda sudorifera cum volatilibus spirituosæ urinosis, sic discussa lymphæ stimulant in membris externis ablationem tolluntur. Immediate occurrimus iis per Opiata & Narcotica dextrè parata, quæ sulphure suo supprimunt spiritus exorbitantes. Spiritu hoc elastico immixto, etiam radiativus ab illo suo modo procedens, imminuitur; hic vero radiativus vitatur, verb. gratia in contusionibus. Vitatur tamen etiam in motu, nempe elastico, & cum influo blandè collisivo, Spiritus insitus: Nunc enim augetur, quando ex irritatione sensilior & hinc potentiori influentis radio concitior, utriusque fermentativus & collisivus fit motus, inde enim Rubor, Calor, Tumor, & similia, & omnia ea pathemata, quæ ex Archæi furoris & exandescencia derivat Helmontius: nunc imminuitur verb. gratia in torpore aut nimio frigore, in moribundis, senibus, &c. item in terrore & pavore dum spiritus influi sufflaminato plus minus radio, & insiti motus plus minus cessat, hinc Algor & Tremor, & tandem Stupor ex Tremore: nunc depravatur sub nutritionis vitiis, læsionem ejus in crasi seri substantiæ præsupponentibus, de quibus supra.

Ad morbos hos spirituum etiam Archæales morbi, ab Ideis vitiatis Helmontio & Marco Marci dicti, pertinent: Helmontius enim statuit spiritus duplices, Insitos & Influos. De Influis cum nobis consentit: Spiritum insitum, dicit, esse fabricatorem primum corporis, quem vocat Archæum Fabrum; & quidem hunc Archæum vim suam formativam obtinere dicit ab Ideis, seu imaginibus in eodem representatis. Dum ergo, sicuti per ideas seminales, tanquam tot Imagines Archæo impressas, successive evolvendo diriguntur spiritus in machinæ corporeæ operationibus, naturalibus, tam in partium formatione, quam formatarum usu, ita parili modo ab Ideis peregrinis seu adventitiis, & eatenus morboris, tam quas aliunde suscepit spiritus, quam quas proprio motu, occasione quacunque excitatus, sibi formavit, perficiuntur actionum depravationes præternaturales: ita ut morbus consistat materialiter in parte quadam spiritus vel Insiti vel Influi, formaliter in Idea vitiosa, spiritum ad præternaturales Actiones determinante. Hoc ipsum fuse illustrat per Imaginationem maternam, dum ver. gratia mater sibi fortiter imaginans imaginem Elephantis, parit fetum elephantinum. Nam sicuti Idea matris per imaginationem concepta & antea representata determinat Archæum spiritum, ut alio modo formet partum, quam ipsius seminalis Idea determinavit; ita etiam si postmodum formatis partibus, Archæo aliæ superinducantur Ideæ peregrinæ morbosæ, potentiores Ideis seminalibus ad usum partium destinatis, turbabitur ac perturbabitur ab iisdem Archæus seu spiritus vitalis, & ad præternaturales actionum læsiones determinabitur, sive tales Ideæ morbosæ ab extra adveniant & communicentur, vel per assumpta, ver. gratia Venena, Narcotica, &c. vel per morsum animalium venenatorum, ut viperæ, canis rabidi, puncturam tarantulæ, esum cicutæ; vel esum carnis felis rabidæ; sive ab intra occasionali quacunque causa materiali irritatus Archæus diversas passionum exorbitantias, indignationis, furoris, terroris, pavoris, &c. concipiat, quarum passionum Ideæ morbosæ, postmodum & vitiosæ actiones ejus dirigat. Ex hoc puncto morbum nil aliud esse, dicit Helmontius, nisi partem Archæi insiti, per Ideam peregrinam morbosam vitiari, à quo Archæus dirigatur morbosus, ita ut omnis morbus sit substantia, constans materia & spiritibus insitis, vitiatis ab Idea peregrina: Unde dicit, remedia efficacia constare

stere in Idea tali, quæ expugnet morbosam Ideam, ut, hac deleta, pervertatur morbus. Ut per exempla res fiat clarior: *Canis rabidi morsus* vel saliva hominem similiter reddit rabidum, ut non tantum in canem se mutatum existimet, unde omnes eorum actiones imitatur, sed præterea in urina talium ægrotum, catulorum simulacra appareant, propter Ideas scilicet canis rabidi seminales in saliva ejus sigillatas, & per morsum in corpus humanum traductas, & Archæo communicatas, quæ Ideæ confusæ in corpore, suo tempore evolutæ Archæum seu spiritum insitum adeo determinent, ut homines tantum non in canes mutati videantur, prætereaque canum corpuscula secundum Ideas istas in torio formentur. Has ergo peregrinas Ideas delere, & per consequens morbum curandi modum, docuit Experientia, si scilicet tales Rabidi & Hydrophobi ex improvise aliquoties submergantur in aquis, ibique aliquam diu detineantur; sic enim terrore, & pavore mortis, & inde concepta fortiori Idea, omnes istæ peregrinæ delentur, & quasi absteruntur, ut imposterum Archæum determinare nequeant. Pergit & illustrat *erysipelate*: dicit hoc oriri, si Archæus in quadam parte in furorem excitatur, unde impetuosè sanguinem effundit. Curatur inquit, per remedium contrarium, quod debet curare delendo furorem Archæi per contrarias Ideas, pavorem scilicet. In lepore autem reperitur hoc medicamentum. Pariter in dysenteria intestina dolent, crispantur, & proprium eorum nutrimentum sub immani cruciatu profunditur, idque omne ex furore spiritus insiti, concepto ab hostili acido dysenterico. Curatur hic affectus per sanguinem pavidi animalis, leporis scilicet, sub pavore mortis à canibus persecuti & interfecti: Idea nempe ingentis pavoris in lepore moribundo spiritum sanguinis ejus signat, ut hujus pavidæ Ideæ intuitu Archæus intestinorum furens, omnem furorem subito exuat, & quasi perterritus ab omni impetu quiescat, dysenteriaque ita cesset. Sic non tantum urget, quod *Quartana* subitaneo terrore interdum curetur, quod etiam valet in Hæmorrhagiis & mensium nimio fluxu; sed etiam Maniaci & Furibundi, si subito submergantur sub aqua, quasi essent suffocandi, extrahuntur sanati; sicut sanguinis e naribus fluxus sæpe insperata aquæ adspersione sistitur. **PANAROLLUS** in *Observat.* habet exempla ejusmodi multa, qui per terrorem, seu perturbationem animi curati sunt. Confirmare hoc quoque videtur *Podagricorum* historia, quibus Acidum vitiosum ex stomacho effusum, Archæum infestans, istum dolorem & tumorem efficit; hinc cura vulgaris est frustranea, quia non deletur simul Idea in podagra introducta. Sic notum est, quod refert **HILDANUS** in *Observat.* quosdam Podagricos beneficio continuæ torturæ dolorosæ fuisse curatos. *Salmuth* applicavit pedi dolenti cataplasma ex appropriatis, venit sus, appropriata olfaciens, cum misere vexavit, cataplasma vi detrahendo & devorando, ita ut podagram perdiderit. Scio Cauponem, ad quem venit jocosus, & pedem dolentem misere pulsavit in scamno, dicendo: o pes malitiose, quàm male facis viro tam honorato; tunc paroxysmus & podraga desinit. Excrecentiæ magnæ, scrophulæ & verrucæ, curantur, si manu cadaveris tabe vel alio diuturno morbo vexati & penitus extincti, tangerentur, fit ut frigus cadaveris penetret easdem, hinc fit ut dictus Tumor deleatur. Factum hujus rei est experimentum in *Transact. Philosoph. Anglicanis*, ubi **BOYLE** de servo refert, cujus manus verrucis undique obsita ex attractu domini mortui, præcipue manus, sanatus est: quod fit, quatenus Archæus vitalis in excrecentia, dum sentit corpus externum, diuturno morbo vexatum, horret. Sic maculæ maternæ ex puelli primogeniti enati attractu, & qui dem sæpius admisso, dicuntur perire & disparere. bufo etiam ad mortem flagellatus, & externè appensus, contra ejusmodi morbos ex furibunda Archæi turbatione, & præcipue contra sanguinis fluxum, conducit. Serpentes etiam ita extincti laudantur: de quibus, & ad quid profint, videbitis in *Disputat. mea de Morsu Viperarum*. Similiter dens dolet ex furore spiritus insiti, concepto ob acidum vitiosum, dentis radicem vellicans: curatur hic admotione ossiculi bufonis ex humero, ab homine mense Junio vel Julio violenter interfecti, de quo ita **HELMONTIUS**: *Fricantur eo gingivæ*: Idea namque ingentis pavoris in bufone moriente etiam ossium Archæum signat, cujus pavidæ ideæ seu contrariæ intuitu, Archæus furens dentis omnem subito exuit furorem, & quasi perterritus ab omni impetu quiescit, & ita dolor cessat. *Marcus Marci* cum sale marino & oleo composuit liquorem, cui immisit bufones, & eo compescere voluit dolores quosvis. In Epilepsia, ex

idea ejusmodi malè impressa, ossiculum brachii bufonis appensum, & pulsibus impositum conducere dicitur: internè & pulverisatum, cum lacte propinatam, in *Silesia* profuisse, mihi relatum fuit.

Sed de his Archæalibus morbis, ex Ideis morbosis, omnium maxime videndus **HELMONTIUS** in *suis Scriptis*; item **MARCUS MARCI** in *Philosoph. Veterum Restituta*; qui omnia venena, item vulgò vocatos morbos Occultarum Qualitatum, item actiones Sympatheticas, & Curationes per Magnetismum & Transplantationem ex talibus Ideis derivant, quæ tamen eo fine adjecta volo, non quasi ea vobis obrudam, sed ut occasionem subministrem, in ea ulterius inquirendi. Quidquid sit de hac hypothese non parum plausibili, sanè Imaginationis matris effectus, morbi patris hæreditarii, item Imaginationis effectus in curandis morbis, & variis corporis alterationibus, & cujus ope ubertim corpus purgabatur in hera, cujus ancilla ipsi præscriptas devorabat pilulas; item contumacissimorum morborum, vergratia podagræ, paralytis, quartanæ diuturnæ, &c. omnem consuetæ medicinæ eludentium opem, citra materiæ suppositæ peccantis quamcunque excretionem, subito per quendam animi affectum, aut rei intensius appetitæ assumptionem, evanescentium, hypothese hanc ejus vel maxime illustrare videntur.

Altera Classis est Morborum in humoribus contentis, primario quidem sanguinis, hinc & chyli, lymphæ, bilis, &c. *Morbosi hi sunt*, & à constitutione naturali pro conservatione corporis requisita degenerant *primò* in quanto, dum deficiunt. Commune hoc est vitium quibusvis in corpore humoribus, primario tamen massæ sanguinæ, seu primario corporis contento, & cui radix vitæ inhæret. Hic enim, uti circulatione per vasa partes nutrit & auget, easque calore vitali fovet; ita & spiritu vitali salino balsamico turgidus spiritum insitum conservat, omnesque partes à corruptione & putredine tuetur, unde, denegato ejus influxu, partes gangrenatæ moriuntur. Considerari solet *secundò* in Quali seu substantia, dum deficiunt a *xpæi* debita, unde & motus intestinus fermentativus illorum consequenter vitiatur: quibusdam etiam humores *motu locali*, adeoque & *loca peccare* dicuntur, dum nempe contenta ista corporis fluida, tam naturaliter quàm præternaturaliter constituta, naturalis motus leges vel excessu vel defectu transgrediuntur, & inde aliena ad loca moventur, in quibus vel subsistunt, vel per quæ penitus extra corpus effunduntur. Sed, si rectè rem hanc consideremus, non tam vitia morbosæ, quàm producta morbosæ hæc contentorum in motu & loco errata erunt, cum semper vel spiritus moventis præternaturaliter excedentem aut deficientem impetum, vel viarum, per quas moveri debent, impedimenta vitia, vel propriam ad motum ineptitudinem à vitata *xpæi* textura materiali dependentem, & ita semper præcedentes defectus morbosos insequi solent: v. gr. Odontalgiam insequitur tumor maxillæ ob stagnationem sanguinis, aut lymphæ propterea pororum angustiam, a fibrarum contractura, occasione doloris facta. Moventur vitiosè contenta in diarrheis & dysenteris; sed præcedente tam ipsorum contentorum alteratione præternaturali, quàm intestinorum & spirituum vellicatione à causa morbosæ. Hæmorrhagiæ fiunt nimis, vel spiritus nimis moventis, vel vasorum nunc relaxatorum, nunc exulceratorum vitio; habent se enim humores quicunque in motu locali saltem passivè, alienaque vi agitantur, unde etiam non nisi alieno ex vitio, vel propriæ morbosæ constitutionis prævia occasione, motu aut loco peccare possunt.

In Quanto deficiunt seu peccant, quando qualiscunque corporis humor contentus, seu chylus, seu sanguis, bilis, lymphæ, serum, &c. abundaverint vel defecerint. In specie sanguis spiritu vitali turgidus actuat & vivificat corpus, idque æqualis & perpetua sui circulatione, quæ sub debita sanguinis quantitate debito peragitur modo: Quando verò, prout per vasa rapitur, copiosior fuerit, *Plethora* dicitur, atque dividitur, quod sit duplex, vel *ad vasa*, vel *ad vires*, *Plethora ad vasa* innuit sanguinis laudabilis uberimam copiam, qua vasis & receptaculis ejus nimis distentis, & repletis, remora & impedimentum injicitur ejus motui, dum in majoribus vasis promotus sanguis, in minoribus vasculis & capillaribus poris ac meatibus, eorum angustia impeditus, difficilius transit, sicque habitui corporis quandam turgescientiam infert, & futuræ cujusdam sanguinis, vel particularis vel etiam universalis stagnationis, aut insignioris vasorum ruptionis, periculum præmonstrat.

Plethora ad Viros, ubi plus sanguinis adest, quàm regimen

men totius corporis potest ferre, est impossibilis, cum omnes vires corporis radicatae sint, in spirituum & sanguinis laudabili statu; unde, nisi ipsas vires viribus vitalibus graviores esse dicere velimus, etiam Plethoram quoad vires asserere non poterimus: Nam quod copiosior est sanguis laudabilis, eo copiosiores, & vegetiores etiam vires erunt. Probo exinde, quod nihil possit ultra suam sphaeram agere. Sanguis enim conficitur à vitali virtute: Ergo virtus vitalis non plus faciet sanguinis, quam regere potest; est enim contradictio in adjecto. Nam alia longè ratio est habitus *Athletici* Veterum Luctatorum, qui saltem *ισοαπυος* & musculosus, adeoque robore artuum insigni notabilis fuit, non nisi uberiori sanguinis spirituosi copia in vasis, indeque ab uberiori sanguineo nutrimento sustentatus; sicut obesorum abundans pinguedo nutrimenti chylosi, circa membranas uberius congesti, & blando acido coagulati, congeriem sequitur. Nam ejusmodi *Athletici* se olim cibo & potu onerarunt, & deinde corpus variis luctationibus exercuerunt, unde sanguinis abundantia & ruptio non raro vasorum, secuta; *Obesi* vero chylo butyroso magis abundant, qui copiose coagulatur circa fibras, & abit in carnem. Non ergo quivis *ισοαπυος* est Plethoricus, quod probe notandum: reperiuntur enim homines crassi, carnosi, corpora habentes crassa, vasa exilia sanguinis, & non adeo copioso sanguine detenta: reperiuntur et contra homines graciles, ubi vasa sanguine intense repleta sunt.

Videtur equidem etiam Plethora ad vasa, aut tanta sanguinis copia, ut vix in vasis coerceri possit, absurda, si velimus considerare chyli distributi, respectu copiosarum alvi secum paucitatem, item copiam urinæ ex sanguinæ extractam, cum necessaria continuataque uberrima insensibili transpiratione, quam SANCTORIUS in *Medic. Statica* adeo copiosam observavit, quod singulis diebus naturalibus, seu 24. horis tantum insensibiliter ferè diffilamus, quantum 15. dierum cursu per alvum egerimus. Hanc ipsam ad vasa Plethoram, injustè tamen, negat HELMONTIUS: & verum est, quod positum his, vix probabilis videtur. Sed sola intemperantia otiosa, cum stomacho robusto & fermento activo ex alimentis copiosis & *ισοαπυος* largiorem laudabilemque chylum, indeque oriundum sanguinem suppeditat, paucio vel nullo accedente motu, cum vita delitiosa minus sensibiliter diffilante, aut pauca sanguinis per labores absorptionem vel dissipationem, necessariò sanguinis abundantia intra vasa, citra ejus vel stagnationem vel evacuationem vix coercibilis; fomitem continuum subministrat. *In legitima autem dieta, sobrietate, debito motu, &c. impossibilis est Plethora ad vasa.*

Plethoram hanc comitatur

1. Insignis artuum lassitudo, Asthma & corporis totius ad motum impotentia.
 2. Impedita sanguinis circulatio, quam innuit pulsus languidus ob vasa turgida.
 3. Periculum vel sanguinis stagnationis; aut universalis, hinc suffocatio; aut particularis, hic inflammatio: vel effusionis, hinc metus est, ne vasa turgida ac sanguine distenta rumpantur, & hæmorrhagia oriatur.
 4. Quod sæpe gravidis imminet abortus, fetu necato.
 5. Excrementorum insensibiliter dispergendorum retentio.
- Unde & hæc Plethora, præter lenta inedia, laboris, vel exercitii frequentioris aut fortioris auxilia, subitanam venæ sectionis opem innuit, quæ sola huic soli scopo repente & sufficienter satisfacit. Sed ob id non adeo frequenter est repetenda, cum raro adsit talis plethora, quæ non commodè aliis mediis possit inhiberi cum minori vitæ viriumque dispendio.

Hujusmodi sanguinis Plethora ad vasa est vel vera, quando sanguis copiosus est congestus in vasis, vel apparens. De illa jam dictum fuit: Hæc est, quando non raro sanguis præternaturali aut febrili effervescencia, vel alio simili modo turgescens, instar vini generosi fortiter turgescens, ebullit, ut vase vix contineri possit, vel idem, nisi detur porta, id in partes diffilire faciat, arterias & venas distendit, & frequenti, celeri ac magno pulsu rapidè moventur, unde non raro aut inflammationes ex ejus stagnatione, aut hæmorrhagiæ ex vasorum ab ejus impetu apertione, cum *εὐπορία* succedunt. Revocanda huc venit Plethora illa apparens in mulieribus, menstrua nempe mulierum turgescencia & fermentatio sanguinis, qua aliàs sanæ mulieres partem istius, seu Lunare quoddam tributum, solvendo, expurgantur per genitalia: quod si non contingat, debito circulo sanguis per corpus distribui nequit, sed sæpe per alia loca; per

nares, mammas, vomitum, oculorum canthos, hæmorrhoides, &c. ejus fit eruptio, nisi artificialiter per venæ sectionem evacuetur: sub hac enim turgescencia patiuntur lassitudinem & dolorem artuum, dorso, pulsum celerem, distensionem in lumbis, &c. Huic responderet sæpe in viris excretio hæmorrhoidum, quæ sæpe periodica. In ista sanguinis turgescencia febrili, aliavè simili, non imitanda statim illa effrænis Gallorum & Italarum licentia, copiosissime & frequentissime sanguinem venæ sectione detrahendo, sed potius effervescencias compescentibus, fermenta vitiosa corrigentibus; nunc acidis moderatis, uti sunt verb. gratia Julebi aciduli, Tinctura florum bellidis, cyani, calcatrippæ, rosarum, violarum; item succi vegetabilium acidi, citri, ribium, &c. spiritus mineralium, vitrioli, nitri, sulphuris, salis, &c. nunc verò fixis volatilibus temperatis (pro causæ occasionalis diversitate) & debitis diaphoreticis massam sanguineam ventiliantibus, e.g. Antimonio diaphoretico, C. C. sine igne, lapillis cancerorum, dente hippopotami, nitro antimoniato, vel nitro probe depurato in potu ordinario dissolvendo, in febribus insistendum.

Plethora ad vires vera supra fuit rejecta. interdum tamen etiam in Praxi Medica Plethora ad vires apparens adesse videtur; quando nempe venæ sectionibus & cucurbitulis scarificatis, vel aliis sanguinis detractionibus, adsueta sunt, tempore eo, quo istæ solitæ celebrantur depletiones, tantam vasorum distensionem, lassitudinem membrorum, pulsus mutationem, titillationes in loco scarificato, percipiunt, &c. cum succedentibus interdum partium tumoribus, vel hæmorrhagiis, vel aliis diversis symptomatibus. BARTHOLINUS, refert exemplum viri talis in *Histor. Anatomicis*. Novi virum scarificationi adsueta, quas omni dimidio anno repetit; si obliviscitur, ordinariò in dorso dolorem pungentem percipit. In his certè per se non sæpe adest Plethora, sed consuetudine externa natura fuit immutata, & illa in hujus successu locum: hinc videmus, quod mulieres quoque annuæ venæ sectioni præter debitas menstruationes adsueta, illis rectè licet fluentibus, statuto tamen tempore, nulla alia necessitate urgente, venæ sectionem admittere cogantur, ut præcaveant aliud malum ex ejus omissione futurum. Determinatò namque sanguinis quanto per repetitas venæ sectiones, natura adsueta, aliàs per se indeterminata, seu noxium omne, quod superfluum est respuit. Novi mulieres, quæ consuetæ sunt scarificationibus, quas si omiserint, patiuntur affectus catarrhales sic dictos artuum; si autem repetunt, mala cessant. In his casibus loco venæ sectionum periodicarum aperiuntur interdum Fonticuli, sensim absorbentes ex sanguine sub specie liquaminis ichorosi ejus redundantem partem, aliàs confertim per venæ sectionem exhaustam: cui tamen usui vel inedia aut parciore victus & sobrietas, vel exercitium aut frequentius aut vehementius, vel sudor largior arte provocatus, abunde satisfacere potest.

Per se enim totum cauterii, & exinde factæ Fontanelle, auxilium tantum in cruoris minutula, sed continua diminutione consistit, adeoque propriè tantum Plethoræ convenit: Vid. HELMONTIUS *Tractat. Cauterium*. Per accidens verò & à posteriori ac palliative etiam confert iis affectibus, qui à sordibus quibusdam, vel vitio læsæ in sanguine fermentationis, vel depravatæ cujusdam partis functionis, enascuntur, ita ut labes illæ à priori ob subjecti ineptitudinem, ver. gratia vel ob senium, vel ob menses deficientes, &c. non sint corrigibiles; sic enim unà cum sanguine laudabili evacuat simul id, quod est nocivum: & quia excrementitium in sanguine sua natura, est proscriptum ab æconomia vitali, ut facile sit alterabile & separabile, eo facilius & promptius per fontanelam sic evacuat. Simile fit interdum ab ipsa natura, dum hinc inde erumpunt ulcera, quæ sanata per artem corpori non leves dant turbas; sin verò denuò aperiuntur, corpus est quietum: Vid. SCULTETUS *Obser.* 55. & 57. Id quod similiter interdum in fonticulis observatum, unde aut vulnerati insigniter, aut ulceribus laborantes, raro mensibus vel hæmorrhoidibus evacuantur consuetis, quia tanquam per fonticulum sanguis per vulnus sub puris vel saniei specie erumpit, unde tempore consuetæ illius excretionis vulnera & ulcera in deteriorem delabuntur statum, qui postea vel sponte melioratur.

In Quali peccant Contenta liquida, quando in genere qualiscunque humor corporis à debita crasi defecerit, indeque proprietates acquirat functioni debitæ, ad corporis conservationem requisitæ, ineptas. Ex continuata enim, secundum res non naturales, alteratione in massa sanguinea, hujus varia exsur-

exsurgit indoles , ac insignis non raro depravatio , fomes ac mater futurorum morborum . Consideremus ergo alimenta vitiose sumpta in *Quanto* (2.) Eadem licet optima , vitiose tamen in ventriculo ab ejus depravato fermento digesta : (3.) optimè licet digesta , malè tamen in intestinis , vitio vel bilis , vel succi pancreatici , vel utriusque à facibus separata , & insigniter depravata : (4.) Chylum etiam optimè segregatum , malè tamen ex læsa , quacunque de causa , sanguinis crasi sanguini assimilatum : (5.) Sanguinem ipsum male per renes ac poros cutis depuratum : (6.) Eundem sanguinem per viscera licet circulatum , diversè tamen , aut sub prima generationis origine , aut ex superventu fermenti cujusdam exotici & peregrini , alteratum : & (7.) eundem sanguinem contagiis externis inquinatum . Omnes hæc causæ , quas vitare vix possumus , necessariò chylum ac sanguinem , indeque cæteros corporis succos mirò alterant & mutant , unde alterati , & à debita & naturali seu seminali crasi deficiunt , adeoque *Cacochymici* plus minus evadunt , & talis corporis status vocatur *Cacochymia* , quasi inquinatus esset pravis succis : non quod sanguis actu ex quaternione humorum sit compositus , quorum degeneratione oriantur præternaturales & excrementarii isti humores ; hoc enim erroneum ; sed cum talis crasis consistat in massæ sanguineæ textura materiali , dependente imprimis à particulis salinis , ob id hujus texture , imprimis particularum salinarum , ejus liquorem componentium , multiplex mutatio & alteratio ; unde ex vitiata hac harmonia & proportionem læsa fermentatio sanguinis vitalis exinde vitiatur & depravatur , ut v. g. loco vini spirituosius degeneret vel in vappam vel in acetum , vel aliud quoddam vitium . Nam quales succi talis sanguis , qualis sanguis talis nutritio ; qualis circulus datur in Oeconomia animali . Nec prius feliciter cessat hæc depravata fermentatio , nisi hæterogeneis seu non unibilibus & vitiosis particulis separatis , & præcipitatis , æqualis & ordinata sanguinis redeat fermentatio . Si ergo massa sanguinea , bilis , serum vel lymphæ deficiunt à debita crasi & sunt vitiosa , oritur hujusmodi *Cacochymia* , quæ est mater *Cacochymia* , cujus filia *Cacochymia* .

Inest sanè cuivis homini peculiaris , tam in sanguine , quam cæteris contentis , sua determinata crasis , seu mitionis particularum ejus liquorem componentium ; imprimis salium , harmonia & proportio , ex generationis primordiis exsurgens , unde & consistentia , color , cæteræque ejus qualitates , tam sensibiles seu manifestæ , quam non sensibiles seu occultæ , in unoquoque individuo variant , omnibus licet existentibus sanis . Quamdiù ergo talem harmoniam in suis principiis , ac debitam crasin retinent sanguis aliaque corporis fluida , tamdiu viget valetque corpus totum ; simulatque verò deficit & degenerat , adeoque vitiata fuerint , *Cacochymia* , exsurgit , seu contentorum fluidorum in substantia aut qualitatibus vitium , unde sparguntur morborum semina , perniciosos fructus tandem germinatura .

Hanc *Cacochymiam* contentorum sequitur immediate vitiatus motus intestinalis seu fermentativus : adeoque productum morbosum , *Cacochymiam* insequens , sunt vitia læsarum fermentationum in humoribus ; sicque *Morbi Contentorum in Quali peccantium erunt vel in vitiata crasi , vel in fermentatione vitiata* , sive hæc fermentatio consideretur absolute , prout in ipso humore simpliciter consideratur , vel respectivè , prout eadem ex quorundam commixtione exsurgit , ut fermentatio chyli à bile & succo pancreatico .

Crasis naturalis seu seminalis formaliter in debita uniuscujusque humoris temperatura , materialiter in minutissimarum particularum concinna mixtura & textura consistit ; cujus texture nucleum constituunt *Acidum* & *Alcali* cum intertexto pingui , à quibus dependet crasis salina volatilis oleosa . Hæc constituunt crasin naturalem , à qua temperamentum corporis vitale dependet , ita ut in iis , in quibus hæc duo salia æquali symmetria coeunt , temperatum dent sanguinem & sunt sanguinei : Ubi verò *Acidum* prædominatur , vocatur *Melancholia* ; *Melancholici* enim se habent instar vini acescentis .

Cacochymia quidem pro varietate hypothesium diversimodè explicatur : Aliter determinatur à Peripateticis & Galenicis , aliter à Paracelsistis , aliter à Modernis . Secundum modernos *Cacochymia* in genere consistit in vitiosa crasi seu textura seminali contentorum præternaturaliter vitiata , consequenter respectivè istæ proprietates , quæ

Qualitates dicuntur . Sicut enim in genere ex minimorum *synerisi* , *diacrisi* , & *metastasi* omnes corporis nostri partes materialiter immediate coalescunt & etiam immutantur , vi effectiva seminalis spiritus ; ita etiam in specie contenta corporis secundum minimorum istam texturam , rationes *syneriseos* , *diacriseos* , ac *metastaseos* , diversas mutationes subeunt , quæ à rebus vel naturalibus , vel nonnaturalibus , vel præternaturalibus , in specie digestionibus vitiatis , dependent . Jam verò , ut minima inter ista ingredientia , *Acidum* & *urinosum* verè primatum ducunt ; ita & eadem hic loci attendenda sunt ; uti verò ubique acidum informat alcali , illudque agentis , hoc patientis , rationem obtinet ; ita in quibuscumque ferè morbis , tam generandis , quam corrigendis , ad acidum imprimis respiciendum venit . Naturaliter omnia in corpore sunt temperata seu falsa oleosa ex concinna & proportionata minimorum miscela , qua læsa intemperaturæ emergunt , indices vitiatæ craseos seu *cacochymia* contentorum .

Observanda verò imprimis *Acidi* in corpore nostro plus minus morbosæ differentia , dum est vel fixum (simulque ferè terreis particulis plus minus saturatum , adeoque *macrum*) vel volatile (particulis alcali subtili turgidis plus minus saturatum , adeoque *oleosum* :) verb. gratia acidum fixum peccat in malo hypochondriaco , volatile in Febre ardente acuta ; in intermittente febre tertiana etiam peccat acidum fixum : nam in paroxysmo hujus progressus est acidi à statu fixitatis ad statum volatilitatis : quod acidum è contra in febribus acutis simpliciter volatile est , unde febres intermittentes ac continuæ subinde permutabiles existunt , ita ut continua degeneret in intermittentem , & tertiana intermittens è contra in continuam . Differentiæ hujus ratio in *Acidi* statu vel fixiori vel volatiliori consistit . Pariter ac *Tristitia* , *Mœror* , *Curæ* , &c. *Acidum* fixum in corpore nostro intendunt & augent ; ita è contra , *Gaudium* , *Lætitia* , &c. *Acidum* volatile intendunt & acuunt . Uno nomine , quæ vulgò de bile & biliosis febribus hinc inde dicuntur , quod nempe alcali volatili oleoso plus minus acri consent , hæc omnia existimo , si rite considerentur phænomena in Praxi occurrentia , pariter ac suo modo in Theoria accommodentur , intelligenda esse de *Acido* volatili , sub olei tegmine sale suo compari sufficienter saturato : unde etiam , si *Acidum* istud volatile intendatur , bilis quoque nimia exsurgit acrimonia , eademque intenditur , & hinc morbi biliosi fiunt , atque ex intemperatura bilis ratione excedentis *Acidi* volatilis omnia pathemata , tam externa quam interna , bili vulgò attributa , explicanda veniunt .

Crasis hæc vitiata porro considerari potest , vel absolute , prout in se ipsa est (qua ratione hactenus eam consideravimus ,) vel respectivè , prout ad sensus nostros se habet , per quos à posteriori , ex effectibus scilicet , & inductis alterationibus , crasis vitiata seu *Cacochymia* humorum cognoscenda venit ; & sub hoc respectu per sapores , tanquam nobis notiores , multiplicem hanc *Cacochymiam* , ejusque causas , graphicè nobis depingit Divinus senex HIPPOCRATES l. de *Natura Humana Textu* 31. item in *integro Scripto de Prisca seu Veteri Medicina* : Vid. SENNERTUS de *Consensu & Dissensu Chymicorum cum Aristoc.* pag. 139. (licet sint , qui dubitent de genuitate hujus libri , quia dicunt , ut *Conringius* , *Acronium Agrigentinum* vel alium hunc composuisse : verissimus tamen Autor est HIPPOCRATES) dum inquit : *Non Calidum , non Frigidum , Humidum aut Siccum est , quod magnam agendi vim habet : Verum Amarum , & Salum , & Dulce , & Acidum , & Insipidum , & Acerbum , & sexcenta sunt infinita alia , quæ præ copia & viribus varias facultates ac potentias habent . Et hæc quidem mixtione & mutua inter se contemperazione neque cernuntur , neque molestia hominem afficiunt . At ubi quidpiam horum secretum fuerit , & per se exstiterit , tunc & conspicuum fit , & hominem molestia afficit .*

Quibus verbis HIPPOCRATES duo simul innuit , tam *Causas morbosas* , earumque potentias , & agendi facultates , quam inductas partibus corporis , præsertim fluidis , *Alterationes cacochymicas* . Nempe fermenta morbosæ à priori imperscrutabilia vix nisi saporum sub notione cognosci explicarique possunt ; dein à fermentis morbosis inductæ humoribus alterationes causarum naturæ respondent , & commodè per sapores & notione explicantur . HIPPOCRATES ergo his verbis delineat *primariè* causarum morbosarum potentias , *secundariè* ab iisdem inductas humoribus alterationes præternaturales *cacochymicas* : Nam hæc ipsa infinita , sub infinita speciali causarum

larum morbosarum differentia, se unicuique offerunt, dum in singulo morbo, morbiq; causa, specialis peccat sapor, qui non nisi per remedium, huic vitioso saporis in specie adversum, eumque corrigens, ob id *Specificum* dictum, emendandus est.

Non ergo ex Qualitatibus Veterum primis definienda sunt Humorum vitia (Calidum enim & Frigidum effectus potius & producta symptomata, non Causæ, sunt:) cum non adeo magnam habeant agendi vim, nec adeo eminentes sint, ut simpliciter corpus nostrum ita alterare possint; unde & *Rerolle* à *Paracelso* & *Helmontio* ficto vocabolo vocantur, seu tales, quæ non procedant ex fermentis & seminibus rerum, indeque omni efficaci operandi virtute destitutæ sint. Si quidem & fundamentum talis doctrinæ, nempe inane de 4. Elementis figmentum, & hinc ipsius superstructa Mistionis, Temperamentorum, Qualitatum primarum, Morborum Intemperiei, & Humorum ex Qualitatibus primis descriptorum doctrina, ab *HELMONTIO Tract. Mist. & Complex. Element. Figmentum*, ut & ab acutissimo *BOYLE Chymista Sceptico*, jam diu sufficienter destructa est.

Quæ *HIPPOCRATIS* elegans doctrina non de morbosorum humorum vitiis solummodo intelligenda, sed de alimentis & medicamentis pariter, dum l.c. scribit: *Non calidum est, quod vim magnam habet; verum Acerbum & Insipidum, cæteraque de quibus dixi, tum in homine, tum extra hominem; in iis, quæ eduntur aut bibuntur, vel foras illinuntur, vel quacunque forma corpori admoventur*. Adeoque & Alimentorum & Medicamentorum vires ex istis dimetientur sunt Hippocraticis potentiis, ut patet, salinis: non secus ac ipsa simul legitima Diætetices & Therapeutices Methodus ab *HIPPOCRATE* in istis Textibus insinuat, dum ab aliis potentiis temperatis, hoc est, debita proportionem & *συμμετρία* inter se agentibus, nos neque lædi, neque molestia affici, asserit; adeoque per rerum nonnaturalium usum eò respiciendum esse, ut in statu isto proportionato conserventur. Dum verò ab iis seceretis & per se existentibus nos lædi affirmat, hoc est, ab iis intemperatis, & unum alterum præponderantibus, quid aliud faciendum monstrat? quam ut potentiam istam, quæ excedit, corrigamus & imminuamus, vel quæ deficit, additione similis augeamus, easque denuò jungamus, & harmonicas ac proportionatas reddamus: hoc est, morbosas has causas, & potentias non abusive phlebotomandas, aut nocivè purgandas; sed contemperandas & concoquendas, adeoque per apores vel potentias specificè oppositas esse corrigendas. Conferatur *Discurus BECHERI in Physica Subterr. l. 1. §. 5. cap. 1. p. 366.* & *SENERTUS de Consensu & Dissensu Chymicor. cum Gallic. & Aristot. pag. 139.*

Hippocraticarum harum potentiarum, seu saporem horum vitiosorum seu fermentorum morbosorum varietas, Caco-chymiam constituens, uti omnino est innumerabilis, oriunda ex particularum minutissimarum, præsertim salinarum, varia tum inter se, tum cum aliis concretis jam corpusculis, combinatione, simil ratione ac unus idemque liquor nunc acetum, nunc aquam, nunc mustum, &c. repræsentat per texturæ mutationem; ita etiam varietatem ingentem sanguinis, chyli, lymphæ, aliorumque succorum à statu naturali degenerantium constituit, non tantum ex multitudine individuorum multivariam, sed eodem individuo pro diversitate sexus, ætatis, temporum, anni, vitæ generis, &c. admodum, & quasi in horas mutabilem. Quot namque assumptorum diversi sapes, tot diversæ potentie seu salia, quæ ex varia cum succis corporis nostri in primis viis, cum sanguine unione, non vulgarem denuò inducunt diversitatem, eò majorem, vel minorem, vel prout magis vel minus sunt alimentosa seu temperata, aut medicamentosa, seu sapore quodam excedentia, vel prout magis vel minus à fermento stomachi subiguntur & alterantur: In genere tamen sub supremo Urinosi & Acidi conceptu in Microcosmo, sicut in Macrocosmo considerantur.

Et ex hoc fonte, nempe ex corruptelis & miscelis succorum, de quibus capite sequenti de Morborum Causis non tantum quorundam Individuorum certæ Idiosyncrasie ex parte promanant, dum ab hoc vel illo Assumpto læduntur vel juvantur, vel plus minus alterantur; sed etiam Causæ morborum speciales, & ut *HIPPOCRATES* dicit, infinita seu sexcenta, nec non specificæ virtutes simplicium, morbo huic vel illi appropriatorum, ex hoc fonte derivandæ sunt, dum in quovis morbo particulari specialis

sapor, seu potentia Hippocratica, seu speciale concretum salinum, seu singulare fermentum, vel alia peculiaris causa, peccet: hinc verb. gratia pro varietate causarum aliud est Acidum in colica, aliud in podagra, aliud Acidum austrium in mulieribus hystericis, aliud Acidum rancidum in scorbuto, quod ostendit *WILLISIUS in Pathologia Cerebri*; aliud viscidum in hypochondriacis, aliud viscidum pituitosum in lue Venerea; aliud falsum in scabie, aliud sal in affectibus catarrhalibus falsis, aliud in diarrhæa, aliud in febre ardente. Sexcentæ hæ specialissimæ differentie inferunt etiam distinctos morbos; unde speciales ejusmodi sapes postulant etiam specialia medicamenta, & remedia specifica appropriata & Euporista, ut vocantur, quæ per experientiam deprehensa sunt, quod præ aliis remediis huic vel isti causæ morbosæ in specie debellandæ profint, qualem effectum alia apparenter similia remedia præstare non possunt; quæ specifica vis consistit in eo, quod habeant vim talem causæ morbosæ saporem excedentem delendi, absorbendi, vel mutandi, vel corrigendi: verb. gratia *Mars* specificum est & aptus ad delendum morborum chronicorum & hypochondriacorum Acidum, ineptus pro delendo Acido nephritico & podagrico; *Saturnus* seu plumbum in specie convenit ad delendum Acidum vulnere ulcerumque, non autem stannum, minus è contra confert ad Acidum Venereum; sic *Lapilli Cancrorum* Acido in vulneratis & contusis speciatim corrigendo apti sunt; *Alium* in specie confert destruendo causam calculi, non autem convenit ad destruendam causam scorbuti & podagræ; *Fumaria* convenit affectibus sic dictis Melancholicis; *Acria Amari-cantia*, ut *Carduus benedictus*, *Centaureum minus*, *absinthium*, &c. speciatim conveniunt in curanda causa febrium intermittentium, minus autem conveniunt in affectibus hypochondriacis fugandis; *Chelidonium majus* *Ictericum flavum* specificè curat; *China China*, vel *Gentiana Quartana*, *Viscum coryli epilepsiam*; *Mercurius lumen Venereum* speciatim curat, quatenus ista simplicia saporem, vel fermentum morbosum in tali affectu delent. Sic *Salia volatilia acria* vegetabilium, ut *Cochlearia*, *Nasturtium*, &c. specificè saporem scorbuticum tollunt, minus autem conveniunt in affectibus ulcerosis vel vulnerum; *Doronicum* & *stercus pavonis* præ aliis vertiginem delent; *Papaver rhæas*, & *Bellis minor* saporem pleuriticum tollunt, *priapus ceti* & *cervi* ad corrigendum Acidum vitiosum in pleuritide & dysenteria conducunt, minus autem in Colicia vel Cholera conveniunt; è contra *Crysalus montana* in specie convenit in cholericis morbis & bile porracea, in quibus filices præparati aut alia concreta lapidea minus conducunt; *Sambuci flores* vel *succus erysipelatis*, cujus juli & cortex purgant, qui cortex etiam ad ambusta specificus est; sicuti, *Cepa*, *scrophularia* & *chelidonium minus* specificè in hæmorrhoidibus dolentibus Acidum corrigunt; *Myrrha* in specie Acidum in mensibus retentis delet, & morbillorum ac variolarum causam, ac alia balsamica, temperat; item *Sclarea* confert speciatim ad delendam causam passionis hystericæ, ad alios affectus minus usurpabilis est. Et hoc est, quod urget *Helmontius*, quod *specificus sapor simplicium magni æstimandus sit, cujus beneficio determinati sapes morbos alterantur, corriguntur & præcipitantur, & sic causæ morbosæ pessundantur*. Observandum ergo sunt speciales sapes causarum morbosarum pro applicandis specificis remediis, qui tamen sub generali conceptu *Dulcis*, *Amari*, *Acidi* & *Viscidi* concipi possunt, ex quibus reliqui derivantur, qui in specialibus affectibus variant. Omnia enim hæc operari videntur, quatenus certam & singularem proportionem obtinent ad hoc vel istud materiale, salinum alterationem & constitutionem, morbosum saporem, fermentum, &c. alterandum, & in ista textura specifica corrigendum: quibus correctis; h. e. temperatis factis, non amplius nocere possunt. Hæc tamen non confundenda sunt cum iis, quæ tota substantia agere dicuntur, seu occultis Qualitatibus: Hæc enim ferè spirituum, Archæum vitalem, respiciunt, ejusque ideis conceptis occurrunt, ut secundum earum ductum actiones pervertere desinat.

Hippocraticæ hæ potentie seu facultates (quarum in nobis quidem præsentiam omnia assumpta, pariter excreta, & omnes corporis componentes partes, si in tribunali Chymico per torturam Vulcani examinentur, manifestò testantur: imò & sapor vel bilis, vel succi pancreatici, vel salivæ, vel lymphæ, valdoperè ex salinum miscela varia varians, eandem abundè testatur) pro aliarum qualita-

tum ratione fundatæ sunt saltem in materiæ peccantis, secundum minima, materiali textura varia, in qua constituenda, ut aliis in concretis, ita & his particulæ, salinæ, seu, ut generali nomine vocantur, Acidum & Urinosum, ceu maximè activæ primatum obtinent, ratione quarum non tantum chyli & sanguinis intestinus fermentativus motus plus minus à naturali motu deviat, sed etiam quilibet corporis humores mutua sui, determinatis in locis, miscela in diversas & subinde anomalas fermentationes & effervescentias erumpunt, dum nempe sal alcali seu Urinosum cum sale acido, ambo volatilia, blando motu concurrunt, temperata pinguedine quadam sulphurea, laxè ea invicem uniente; unde à motu istorum salium reliquæ quoque in sanguine existentes particulæ unà cum succo pancreatico, vel chylo nutritio ex abdomine recenter advecto, similiter agitantur, permiscuntur & fermentantur, pro cuius fermentationis varietate ex rerum non-naturalium diverso insultu, adeoque in debito vel naturali Acidi & Urinosi volatiliū saturationis, & à pingui temperationi puncto, sanitatis omne momentum consistere videatur, spiritibus ipsis diversimodè exinde affectis, & in varios furores ac exorbitantes agitationes, ob irritationem attractis & commotis.

Infinita ergo hæc Cacochymia differentia ad tria capita generalia non commodè reduci valet, ad Acidum, Amarum & Dulce seu Insipidum, habito respectu ad duo quasi catholica principia effectiva salina jam dicta, Acidum & Urinosum, eademque temperantem & diluentem in corpore chylum, vel dulcem, vel quodammodo insipidum. Atque ex his hæcenus positis Fundamentis facillè emendanda venit, & accuratius paulò explicanda Galenicorum de triplici Cacochymia, biliosa, pituitosa, & melancholica, sententia: quibus moderni rectè addunt serosam. Fundamentum hypotheseos Galenicæ fundatum est in Quaternione Elementorum: Uti enim ex 4. Elementis quadruplicem partium diversitatem, indeque totuplicem pro iis sustentandis nutrimenti differentiam, & exinde 4. humorum in massa sanguinea distinctionem, derivant; ita etiam ex his natos inde cæteros humores præternaturales, per multiplicem Caloris nativi gradum continuata series, deducere conabuntur. Quia autem fundamenta ista bina, nempe Quaternio Elementorum, & humorum naturalium sanguinis, sunt ruinosa, etiam hic Quaternarius Cacochymia cadit. Sanguis simplex saltem & homogeneus est liquor salinus volatilis oleosus; Nutrimentum vero partium saltem duplex: chylosum pro spermaticis, sanguineum pro sanguineis.

Observeatur autem cuiuscunque hominis sanguinem variari, & peculiarem crasin habere, originaliter ex vario semine, consecutivè vario usu 6. rerum non-naturalium, ratione cuius Quaternio humorum nullo modo potest concedi, quod potest etiam per fibras in sanguine. Illæ enim in sanguine reperibiles pro pituita habite, in sanguine non sunt primò, dum circulatur per vasa, sed fiunt in sanguine extravasato & cadaverisato. Bilis ita dicta in sanguine propriè nō reperitur, potius sal volatile oleosum, analogon bilis, quod certo sensu vocatur Bilis. Bilis autem in folliculo felleo non est excrementum, sed potius saluberrimus balsamus corporis totius humani. Humor melancholicus vulgari modo explicatus, seu naturalis, est non-Ens uti nec præternaturalis, ac lienis officium circa eum saltem ex arbitrio assumptum, nisi in sensu Hippocratico explicetur, quo per melancholiam, Acidum corrosivum, ponticum, &c. intelligitur. Hoc ipsum, utut Peripateticus, eleganter agnovit CONRINGIUS in eleganti scripto de generat. & motu sanguinis, ubi dirigit humorem melancholicum, & eum ceu nullum convincit. In bilis atræ descriptione variant autores: si dicerent, corrosivum esse liquorem instar aquæ fortis, concederem. Quæ verò in sanguine venæ sectione emissio apparet humorem discrepantia, nata est.

1. Ex sanguinis extravasati necessaria corruptela & cadaverisatione.
2. Ex superficiæ eius ab aere ambiente plus minus inducta alteratione, unde superficies coccineo nitore splendet, fundus verò inferior coagulatus obscure nigricat.

Genesis itaque horum succorum est varia. Cognitiones Veteribus per calorem factæ sunt nobis Fermentationes; Calor enim natus effectus vitalitatis est. Palmaria huius hy-

Estmull. Oper. Tom. I.

potheseos ratio sunt varia excreta, quæ ex corpore excernuntur, ut viridia, nigra, rubra, &c.: sed omnes hæc excretorum varietates non sunt causæ morbosæ, sed Alterationes succorum, ortæ ex aliis causis. Quod pertinet, quando pro tutela 4. humorum Purgantia producant, e. g. quod Rhabarbarum, quia cholagogum, producat excreta flava, carthamus excreta mucilaginosæ, martialia ritè operantia excreta nigerrima. Sed Respondeo, quod humores, quos Purgantia educunt, non habeant colorem nativum & proprium, sed vellex medicamentis ipsis tributum, vel ex colliquatione per medicamentum purgans in ipsis enatum, ut sufficienter demonstrat HELMONTIUS l. de Febris cap. 5. & Tract. Scabies & Ulcera Scholarum, CNOEFFELIUS de Febris Epidem. pag. 66., WALÆUS in Methodo Medendi pag. 25. Purgantium enim malignitas succos evacuandos alterat, & novos colores ipsis varios imprimit, ita ut isti succi ante excretionem in corpore antea non extiterint, ut sub excretionem apparent; hinc & fortiora purgantia in diversè licet constitutionis hominibus eadem stercora ratione coloris, aliarumque proprietatum, educunt. Melanagogorum nigredo est à ferro, quod assumptum & in corpore solutum Atramentum constituit, & necessariò facies tingit nigras. Nunquam in corpore succus niger reperitur, qui ita per alvum excerni potest, sed fit in intestinis ex miscela Acidi excessivi cum bile: Nam Acidum bilem præcipitat in colorem nigrum: vid. GRAEFF de succo Pancreatico Cacochymiam biliosam subdividunt in vitellinam, porraceam & viridem, æruginosam, obscure viridem, ex viridi pallenscentem. Pituitosam etiam dividunt in 4. sortes, in pituitam acidam, salinam, vitream seu viscidam, & insipidam. Melancholiam dividunt simpliciter sic dictam, & atrabiliariam. Hæc videmus in omnibus Institutionibus, & nisi alia ratione explicentur, quamdiu superstructa sunt 4. Elementorum & humorum fundamento, & Calido innato, stare non possunt.

Consideranda ergo veniunt in corpore duo Primaria contenta fluida, sanguis & chylus, & in his particulæ istæ activæ, Acidum & Alkali, ceu duo instrumenta naturæ Mechanica, cum communi omnium vehiculo, sero seu latice aquoso, Insipidi nomine ab HIPPOCRATE insinuato, Sic enim, uti ex sanguine Plethora derivatur, ita ex chylo Pituita, & ex chylo vitiatum Cacochymia pituitosa. Ex Acido volatili oleoso, suo compari alcali volatili plus minus saturato, Bilis, ex hoc plus minus vitiatum Cacochymia biliosa; Ex Acido fixo, seu terreis particulis plus minus sociato, Melancholia, & ex hoc vitiatum Cacochymia Melancholica, explicanda venit. Sic enim Veterum experimentis, & quoad rem facti veris Assertis, utut in explicandi modo erroneis, sua constabit veritas, & etiam Chymicorum, præsertim modernorum, cum Galenicis concinnior poterit institui conciliatio, & Practicæ demum Observationes & Experimenta utriusque sectæ probabilibus Rationibus, & firmiori Theoria Illustrari: Siquidem Humores Galenicorum quibusdam non ineptè audiunt Vehicula Chymicorum Principiorum.

Lubens vestigiis his Hippocraticis infisto, quia

1. Ex his speciales Morborum Causæ possunt deduci:
2. Quia hæc sententia facillè reliquis est conciliabilis.

Per Amarum enim, Galenicorum Bilem seu Acidum volatile oleosum; per Acidum Cacochymiam Melancholicam; per Insipidum seu dulce Pituitam chylosam, intelligo. Cum Helmontio consentio, qui Acidum inculcat: consentio cum schola Paracelsica, quæ per tartarum intelligit Acidum vel Melancholiam, per sulphur Amarum seu Alkali, per Mercurium Gas sylvestre: consentio cum bile, succo pancreatico, & lymphæ.

His loco fundamenti præsuppositis, pergo ad species. Nempe Cacochymia biliosa Galenicorum, seu Amarum Hippocraticis intemperatum, seu Acidum volatile oleosum Alkali volatili plus minus saturarum secundum nostram hypothesein (nunquam enim Alkali sine Acido in corpore reperitur) vitiat in massam sanguineam, & reliquos succos; reperitur copiosè in massa sanguinea, ex qua ubertim elicitur; dein manifestè in bile naturali in folliculo felleo, quæ natales habet ex

K massa

massa sanguinea: Nam nucleus seu crasis bilis, seu corporis balsami, consistit in sale volatili oleoso insigniter amaro. Item *Amarum peccabit vel in Quanto*, dum abundat & turgit Acido & Alkali volatili oleoso, aut deficit; *vel in Quali*, quando vitiosum saporem & præternaturalem Amarorem acquirit, dum aut nimis acre aut minus acre, vel nimis oleosum existit, vel aliam singularem ac anomaalam & anonymam habet Qualitatem. *Nimis acre* redditur particulis salinis, præsertim Acidis volatilibus abundantibus, aut magis turgescen-ribus, oleosis volatilibus junctis; hinc enim subtilior, adeoque etiam mobilior, redditur bilis, ad instar nempe oleorum destillatorum aromaticorum ex Vegetabilibus, *Minus acre* redditur ex particularum salinarum volatiliū defectu & oleositate minus volatili, sed quasi aquosiore abundante; unde inertior etiam & minus activa bilis generabitur ad instar oleorum expressorum, aut infusorum ex Vegetabilibus.

Cacochymia hæc amara seu Acidum volatile oleosum, varia infert pathemata in massa sanguinea, eandem nimis agit, fluidiorem reddit, & debitam consistentiam deperdet: unde propter læsam cum Acido proportionem, vel in Quanto vel in Quali, fermentatio in sanguine nunc cessat, & summa virium prostratio oritur. In specie, quando massa sanguinea corrupta est, quamplurimos fovet morbos chronicos: Nam in talibus sustentantur vitiosa, scilicet volatilia, præprimis ubi subest simul vitium hæmatoseos; unde decolorationes varias corporis, sub cachexiæ & icteri generali nomine notas, hydropem, leucophlegmatiam, icterum flavum & nigrum, lumbricos, &c. infert, sicut **HAUPTMANNUS** in *Dissertatione de Bile* egregium habet exemplum de Ictérico, Colica laborante, ubi lumbrici simul in secto cadavere reperti fuerunt; in ictero enim peccat sal volatile, oleosum, quatenus est corruptum. Raro icterus oritur ab obstructione folliculi fellei, potius à bile minus oleosa seu inerte. Nunc bilis, aut Acidum ejus volatile, augetur cum ebullitione & vitiosa sanguinis effervescencia, indeque insigni incalescentia, unde febres ardentes, acutæ & malignæ, plus minus continuæ, sudores colliquativi, virium nimis prostrationes, &c. Nunc vitiatum & depravatum, unde simul phlogoses vagæ, diarrhœæ colliquativæ, cholera, & subitanea symptomata oriuntur, ex quibus millæ mala in scorbuticis & hypochondriacis obvia sunt. Certum est, quod dogmaticorum Principia sint Chymicorum vehiculum; quia, quod *Veteres de bile*, Hippocrates per *Amarum*, & Nos per *Acidum volatile Alkali volatili saturatum*, explicamus. Sobrii tamen simus in hoc puncto, quia Veteres plurimos affectus primario ex bile derivarunt, qui tamen ejus secundo tantum compe-runt, quatenus Acidum potentius cum bile effervescit, ver. gr. erysipelas, inflammationes, excreta viridia, &c.

Genuina hujus salis proles est Bilis ista, quæ, ut jam dixi, seu singularis thesaurus seu corporis balsamum in hepate secernitur, & partim mediatè in folliculo fellei asservata, partim immediatè ad intestina amandatur, ut sæparet fæces ab utili chymo, & tunc simul sulphure quodam singulari tingat pro futura sanguinis rubicunda tinctura; constat enim hæc ipsa imprimis copioso sale volatili acri, oleo (In se rubro instar sanguinis) temperato, copiosa aqua diluto, quæ primaria liquoris hujus balsamici sunt Constitutiva. His ergo principiis vitiatis, non levis tum in intestinis tum in sanguinea massa, accidunt mutationes.

Causæ Cacochymia amara, quæ vel augent, vel alterant hunc saporem, & inde productam bilem, sunt imprimis Aer calidus, subtilis, tenuis, salibus volatilibus sæpius imprægnatus, item alimenta acra, aromatica, amara, pingua, animalium partes nutritivæ, potus vini generosi, spirituosæ, corporis exercitium crebrius, ira, amor, vigiliæ, ætas juvenilis vel virilis, tempus æstivum vel vernum, &c. Omnia enim hæc aut copiosorem, aut acriorem, aut volatiliorem bilem amaram, & sal volatile oleosum, in corpore reddunt & movent, simulque in corpore Acidum imminuunt, plus minus destruunt; sicuti, quæ contrario modo se habent, sal urinosum sanguinis; & bilem corporis imminuere, heberare, & plus minus inertem reddere solent. Hinc medicamenta, quæ cor-

rigunt hoc Amarum, seu biliosam Cacochymiam, & quidem primum ejus Vitium, Acidi nempe volatilis oleosi exorbitantiam:

1. *Omnia manifesta Acida*, nunc volatilia nunc fixa, salis biliosi excessum, simul & acrimoniam volatilem, infringentia & præcipitantia; qualia manifestantur ex Regno vegetabili, ut sunt acetum, succus citri, berberum, cydoniorum, &c. ex Regno minerali spiritus mineralium acidi simplices & compositi, spiritus vitrioli, salis, nitri, cremor & crystalli tartari, Hepaticum rubeum, &c. Interdum & Volatilia usurpanda, vel sola, vel Acidis mista, ut corrigant ejus depravationem, seu in statum naturalem reducant, imprimis si vel nimis oleosum vel alio modo vitiatum existat.
2. *Quæ figunt & temperant Acidum volatile oleosum*: e. g. in febribus ardentibus malignis, reliquis omnibus præfero *nitrum* probè depuratum, & omnia cum & ex nitro parata remedia, in specie *spiritum nitri per spiritum vini dulcificatum*, qui mirè convenit in Cacochymia biliosa duplici ex causa; *partim quod destruat acrimoniam salinam*; *partim quod figat ejus mobilitatem volatilem*, quò minus in effervescencias præternaturales erumpere possit.
3. *Sulphurea mineralia & metallica* cum nitro fixata, figentia volatilem orgasmum, & hebetando cum pinguedine sua, unà cum recondito occulto Acido, ejus acrimoniam volatilem, ut sunt sulphur commune, omnia remedia antimonialia fixa, ver. gr. Antimonium diaphoreticum, Bezoardicum minerale, item sulphura alia mineralia fixiora.
4. Denique *Opiata* non sunt negligenda, quæ obortas hinc nimias effervescencias & phlogoses, palliativè quidem, potenter domant & refrænant, simulque conjunctos sæpius feroces spiritus, impetus facientes, compescunt.

Posterius verò ejus Vitium, defectum nempe vel interitum salis volatilis oleosi corrigunt & restaurant omnia, Acra plus minus oleosa, augendo acrimoniam salinam, & volatilizando oleum; ut salia volatilia oleosa, item omnia Aromata & Aromatica acriora & amara, Febrifuga & similia, ut Absinthium, centaurium minus, chelidonium majus, mentha, gentiana, zingiber, piper, salia volatilia animalium, qualia in ictero & febribus intermittentibus usitata, ut acrius reddant sal volatile oleosum; qua ratione Absinthium hydropes, chelidonium majus icterum, &c. curare solent.

Acidum Hippocraticum, Cacochymia Melancholica Veterum Galenicorum, seu, ex nostra hypothese, *Acidum fixius* in sanguine occultatum, in nostris succis satis manifestum est. Occultatur sub tegmine olei seu sulphuris; nunquam enim reperitur pinguedo in triplici Regno, quæ non habeat occultum Acidum. Hoc Acidum peccat interdum vel in Quanto, nimia copia, aut nimia Aciditate; vel in Quali, sapore peregrino, vel acore quodam alieno, verbi gr. Vitriolico, vel aluminoso austero, instar aque fortis corrosivo, pontico, rancido vel alio quodam sapore singulari, non semper à priori commodè explicabili; dum aliud Acidum peccat in scorbuto, quod non ineptè vino pendulo vel rancescenti comparat **VILLISIUS** in *Patholog. Cerebri*; aliud in lue Venerea, aliud in dysenteria, &c. & à quo Acido plures morbi in nobis emergunt. Ab Acido enim in sanguine peccante fiunt coagulationes & congruescentiæ, hinc erysipelas, pleuritides, Anginæ, febres acutæ, inflammationes partium internarum & externarum. Hoc excedente plus minus, Syncope, & Lipothymia, Epilepsia, Apoplexia, & suffocatio ex sanguinis stagnatione, oritur; fermentationes sanguinis, nunc imminutæ nunc depravatæ, unde morbi Chronici. Ab eodem lympham, quæ subacida naturaliter esse à nonnullis putatur, inquinante, dolores partium modo fixi, modo vagi, scorbutus, affectus catarrhales, contracturæ, concretiones calculosæ, affectus nephritici, aliiq; in nervis partibus convellentes spasmi, item exulcerationes partium, coagulationes, succorum in vasis

sis capillaribus in scirrhus, qui ex effervescentia facile abeunt in caneros exulceratos, in glandulis scrupulæ. Ab huiusmodi Acido & saliva acor volatilis alimentum incidit, & instar fermenti eadem ad fermentationem futuram in stomacho disponit; Acido tamen præternaturali inquinata, imprimis in scorbuto, erodit dentes, linguam, gingivas, &c. Ab eodem Acido corroduntur ossa in cariem. Succus pancreatici naturalis acor præcipationem efficit sæcum alvinarum, ex utili chymo, per blandam cum bile, chylum diluente, effervescentiam; qui ab Acido præternaturali in intestinis inquinatus tormina intestinum varia, colicas passiones, pareses, suffocationes hypochondriacas viris, & mulieribus passiones hystericas, item excoriationes, dysenterias, tenesmos, obstructions alvi periculosas coagulando feces, excrementa nigricantia, &c. causatur. Ab eodem in stomacho fames canina, pica, asitia, digestionis vitiosæ, in specie cruditas acida, & morbi Chronici, quorum fomes est ex vitioso stomachi Acido; hinc affectus hypochondriaci, &c. proficisci solent. Pro ut ergo peccant hi succi, læduntur etiam eorum functiones, fiuntque contumaces morborum Autores, & in genere omnia ea, quæ de Melancholia naturali, & huius summo gradu, Atra bile, asseruerunt Veteres, mutatis mutandis hic optimè applicari possunt, cum ipsa Melancholia à Veteribus, speciatim ab Hippocrate, Acidus succus appellari soleat, & Galenici subinde Melancholiam comparent cum aceto: in specie cancer, scirrhi, Elephantiasis, quos Galenici ex succo Melancholico derivarunt, oriuntur ab Acido; & quod Paracelsus sub Tartari, sive sub forma fluida, sive coagulatus sit, nomine dicunt, hoc nobis sub Acidi nomine venit. Omnia mala, quæ alijs oriri ex Intemperie frigida dicuntur oriuntur ex Acido, sive Acidum excedat, sive sit nimis volatile. Ab Acido etiam Sinovia in acetabulo coagulatur, unde Malum ischiadicum; si nimium augetur, oritur luxatio ossis coccygis, cujus repositio periculosa.

Causæ, quæ augent vel excitant hoc Acidum in universo corpore, & ex glandulis productos succos, sunt aer frigidus & hybernus, quem acido sale esse imprægnatum in specie nitroso, fissuræ labiorum, faciei, manuum aliarumque partium, persuadent unde loca, quæ sale nitroso abundant, tempore æstatis frigida sunt. Ipsa glacies oritur ab eiusmodi nitrosa materia, ut in æstate apparet, quando nitrum congelat aquam; hinc in hyeme glacies in fenestris strias nitriformes æmulatur. Acidum quoque augent quæcunque assumpta copiosiora, vel manifestè vel etiam occultè acida, qualia occultè Acida sunt mel, saccharum, carnes fumo exsiccatæ & muria conditæ, uti & omnia Assumpta in stomacho cruditate acida affecto, aut ante digestionem absolutam è stomacho dilapsa, & ideo nimis adhuc aciescentia, hinc acidus chylus in primis viis non temperatus à bile, nec separatus, nec in falsum tertium mutatus: item exercitium, uti aliàs alcali volatile promovet, ita hoc deficiente Acidum prædominatur; quod etiam promovent pavor, moror & curæ, ætas ingravescent, somnus, &c. Adeoque corrigunt in genere Acidum hoc

1. Omnia salia urinosa seu alcalia, quæ Acidi attractu effervescunt, Acidum absorbent & invertunt, & in falsum transmutant; & sic activitate sua sponte abstergeant, tam fixa, ut sal savia, cardui benedicti, idem absinthii, centaurii minoris, spiritum fabarum, Arcanum duplicatum seu panacea Holfatica, quàm volatilia, præsertim ex regno animali, spiritus & sal volatile cornu cervi, cranii hominis, spiritus urinæ vel salis ammoniaci, sanguinis humani, cervi, &c.; & acria seu manifesta in antiscorbuticis, cochleariæ, nasturtii, item salia volatilia aromatica Vegetabilium, ut spiritus menthæ, &c. & temperata seu occulta in Vulnerariis, acidum quoque absorbentia, Sed cum hæc non raro dent nimias effervescentias, unde tormina, rugitus, cordis palitationes, vertigines, perturbationes mentis &c. in scorbuticis & hypochondriacis interdum eveniunt post talia;

Conveniunt loco horum, 2. Omnia concreta quasi terrea & metallica fixiora Acidum absorbentia, aut potius invertentia, ut

Estimuli. Oper. Tom. I.

Mars, crocus & tinctura Martis, & omnia Martialia, hæmatites, terra sigillata, item saturnina, saccharum saturni, antimonium diaphoreticum, &c. Saturnina Acidum temperant in Mania, affectibus uterinis, Melancholia hypochondriaca, & quidem magis quam medicamenta Jovialia: sicut etiam partes animalium duræ, osseæ, item marina, Acidum peccans pariter corrigentia & concentrantia, ut Corallia, C. C. ustum, lapilli Cancrorum, ebur, os sepiæ, ossa humana, margaritæ, conchæ, & omnia, quæ Acidum temperant in se & dulcificant, quod apparet in oleo sulphuris additis lapillis cancrorum.

3. Oleosa & Pingua, quæ obtundunt & quasi inviscant aculeos Acidi sive sint expressa, sive, quod est melius, destillata, ut omnes spiritus Vegetabilium inflammabiles, spiritus vini oleum destillatum caryophyllorum, Macis, &c.: quod & succinata, castorina & camphorata pertinent; item vegetabilia oleosa seu mucilaginosa, quæ temperant & obtundunt Acidum, v.g. Emulsiones ex amygdalis dulcibus, pineis, pistaciis, seminibus carduibenedicti, 4. frigidis majoribus &c.

In hac Cacochymia ritè gubernanda etiam vitetur usus positivè dulcium, ver. gr. saccharorum, mellitorum, &c. Hæc omnia, utut prima fronte dulcia & Acidis quasi contraria videantur, in recessu tamen habent Acidum egregium, spiritum nempe insigniter acidum & corrosivum; quod per destillationem ex Retorta vel per fermentationem facile excitatur. Excipiuntur ab his Passulata.

Pituitosa denique Cacochymia Galenicorum, seu immediata chyli errata, Inspidum vel Dulce Hippocraticorum, est chylus nutritivus, pro sanguineis & partium nutrimento continuò sanguini infusus; qui chylus, si viciatur, mutat nomen, & tartarus mucilaginofus & Pituita nominari solet. Nam alimentum in ventriculo digestum, inque falsum volatile mutatum, atque in intestinis à scorpiis inutilibus separatum, transcolatur & quasi filtratur per intestinum poros in vasa mesenterii, adhærescente eorum parietibus crassiore ejus parte, quæ Mucus, vel Pituita naturalis intestinum appellatur; qua oblinuntur intestina & lubrica fiunt, & ut facilius contentorum sit motus, & simul quoque defendantur ab acrimonia vel bilis vel succi pancreatici; qui humores, in specie bilis, nè increseat illius copia, eam quoque sensim solvunt, & quasi abradunt, & vel cum fecibus foras educunt, vel sanguini quoque infundunt.

Cæterum chylus sanguini permixtus non adeo celeriter ipsi assimilatur, quin potius post repetitos sæpius ejus circuitus in uno citius, in altero tardius, sanguificetur, Hinc est, quod sæpius per venæ sectionem emissio sanguini serum albicans vel lacteum supernatante observatum fuerit à RHODIO Centur. I. Observat. 36. BORELLO Centur. I. Observat. 25. GRAEFF in Tract. de Partibus Genital.; & quod ferè semper secum limpidum licet appareat, levi tamen igne in Gelatinam quandam lacteam coagulari, vel hæc etiam ex eo præcipitari queat, quam nutrimentum esse partium spermaticarum asserit BARBATUS de sero sanguinis: hinc etiam CNOEFFELIUS de Febribus Malignis pag. 55. tradit, quod fibræ sanguinis videantur esse partes imperfectæ chyli, quia, si in aqua calida aliquandiu agitentur, albicent. Hæc ipsa ergo chyli pars nondum assimilata temperat salium sanguinis acrimoniam, & fermentationis æquabilitati conservandæ multum conducit.

Chylus hic crassus & indigestus, aut alio modo vitatus, facit Cacochymiam pituitosam aut chylosam, vel in Quanto, vel in Quali. In Quanto, si copiosius quam par est, coacervetur; aliàs rarius peccat, modo naturaliter se habeat. In Quali peccat, vel nimia visciditate, & quod frequentius, nimia aciditate conjuncta, rarius nimia salsedine. Consistit tam in massa sanguinea, ubi est plerumque subjectum quamplurimorum morborum Chronicorum, febrilium, cachecticorum, viscerum infarctuum ac tumorum, & ductuum obstructionum; quam in primis viis, in specie in fermenti stomachalis vitio, vel debilitati, vel acidi ni-

mis fixi, non rite alimenta digerentis, unde in liquamen vel pastam plus minus viscidam, crassam ac tenacem, sæpe ex debita volatilisationis defectu acidam, abeunt; & sic non tantummodò cumulat exinde præternaturalis crusta intestinorum & stomachi pituitosa, sed etiam id, quod sanguini infunditur, ineptum est, ut fermentetur, & ipsi debite assimiletur, aut partes solidas nutriat, unde obruuntur quasi principia massæ sanguineæ activa, hæcque crassescit, spissescit, & diminutè fermentatur, tardeque circulatur, quin & viscidior iste chylus intestinis figitur. Et dum in poris partium circa vasa capillaria subsistit, partim horum motum inhibet, partim verò viscera instar spongiarum imprægnat, & proprio Acido coagulatus in tumores, & consequenter scirrhus abit: quæ mala eò sunt pejora, quò acidior magis simul massa ista chylola existit; unde contumaces & chronici quamplurimi, in specie Cachexiæ, Leucophlegmatia, & similes oriuntur affectus. Idem chylus viscidus in intestinis Tormina colica Dolores hypochondriacos: & obstruendo vasa lactea, ac ductum cholodochum; vel pancreaticum, fluxus alvi cœliacos, si regurgitare cogitur bilis; infert; in mesenteri glandulis oriuntur scrophulæ; hinc Tabes Anglica, de quibus videatur Riolanus; ab Obstructionibus renum & vesicæ. Ischuriæ. In genere, quicquid Veteres de Pituita præternaturali excrementitia, & inde derivata Cacochymia pituitosa dixerunt, nos concinne per hanc Cacochymiam dulcem derivare possumus.

Causæ, quæ ad hanc labem disponunt, sunt.

1. Stomachi fermentum debilitatum, vel nimis acidum fixum, non rite incidens nec fermentans alimenta.
2. Cibi similes, vel copiosiores ingesti, imprimis crassi, viscidi, glutinosi, duri, uti sunt in specie omnes pisces, exceptis fortè lucio, & fundulo, pedes & cerebrum animalium, carnes tumo indurate, panis non rectè fermentatus, Germanis *schliffig Brodt* dictus, alique cibi non facile digestibiles, item copiosius & inordinate ingesti: quod pingua faciunt, chylum nimis glutinosum reddentia.
3. Deficiens bilis in folliculo felleo, aut huius acrimonia debita, minus incidens, & minus segregans mucum in primis viis.
4. Quies, & somnus nimis, exercitii defectus, vitæque sedentaria, cura, moeror, &c.

Corrigunt, etiam facile Pituitam hanc, præter Evacuantiâ, vel per os vel per alvum, omnia ea, quæ salia vitata in naturalem statum reducant, & crudas & heterogeneas particulas separare faciunt: ut

1. *Attenuantia, Incidentia, Resolventia & Liquefacientia*, salina temperata, qualia sunt remedia tartarea, ex tartaro vini parata, Tinctura Vitrioli Martis ZV Velfferi cum terra foliata tartari, cremor, tartarus vitriolatus, nitrum, & nitrum vitriolatum, sal ammoniacum, salia alcalia fixa & volatilia ex animalibus actiora, sal tartari, spiritus urine, spiritus C. C. sanguinis humani & cervi, tinctura tartari, spiritus tartari, sal volatile tartari, succini, item spiritus carminativus de tribus, sal ammoniaci, & similia, quæ resolvunt Obstructiones à viscido, unde conveniunt ad Chronicos morbos, tumores & scirrhus. Bartholetto spiritus nitri dulcis commendatur.
2. *Resolventia grumosa* insigniter *Amaricantia*, aceto soluta, ut sagapenum, mastix, myrrha, asa foetida & dulcis, terebinthina, &c. in specie gummi Ammoniacum, quod potenter resolvit & attenuat humores pituitosos viscidos, & basin pilularum anticachecticarum Riverii, Hartmanni, & Quercetani construit; hinc Spir. Gummi Ammoniaci cum Viridi eris destillatus, seu spiritus asthmaticus, optimè Viscida & Mucilaginosa resolvit & liquefacit in specie si spiritu anisi, vel aqua asthmatica, & similibus temperetur: Doctor Michaelis & Langelott. addiderunt sulphur: difficilis est preparatio; quia facile rumpuntur vasa in destillatione. Huc
3. Faciunt medicamenta *Aromatica*, seu *salina volatile* plus minus oleosa, vulgò Incidentia, Ape-

rientia, Resolventia, item Heparica dicta, & quæ ut plurimum sale volatili subtili & penetranti sunt imprægnata; v. gr. feniculum, Angelica, Absinthium, centaurium minus, epithymus, carduus benedictus, mentha, salvia, Rosmarinus, & reliquæ nervinæ dictæ plantæ, cinnamomum, Zedoaria, galanga, piper, radix eryngii petroselini, polypodii, rusci, levistici, gentianæ, graminis, quod Rustici observant, & bobus in ductu cholodochi obstruendo cum fructu porrigunt; Antiscorbutica, ut radix raphani Vulcani, cochlearia, nasturtium, beccabunga, persicaria, semen sinapi & erucæ, quæ contra Apoplexiam seminum profunt; balsamica, ut crocus, aloë, quæ stomachi Anima dicitur, pilulæ de Aloë cum gr. ii. vel iii. trochiscorum alhandal, quia incidunt: unde *Hellmontius* colocynthidem in lue Venerea, ubi Acidum viscidum & crassum, multis medicamentis præfert. Passulæ etiam minores & majores in morbis Chronicis conducunt, uti & uina passulata pro potu ordinario, quæ sunt per fermentationem adjecta aqua. Cavendum ab Asparago, quia foetidam reddit urinam, & ob visciditatem putrescere facit: imò *Hellmontio* teste calculum excitat.

4. Motus temperatus multum valet, & exercitium, uti & ira, gaudium &c.

Addunt his Modernorum quidam etiam *Cacochymiam, ferofam*. Nempe commune excrementi & alimenti vehiculum est latex aquosus, mediante quo omnia alimenta, sanguis pariter ac chylus, in vasis sanguiferis distribuuntur, & mediante quo per urinam & sudorem aliamve formam excernuntur excrementa, & sordes partium solidarum absteruntur. Diluitur enim & fluxilis fit sanguis ab ejus parte aquosa seu latice seroso, qui præter hoc officium, & sanguinis superflua. Salia & heterogeneas partes imbibit, atque etiam ex omnibus partium culinibus abluat & abstergit ibidem enatas sordes, adeoque urinæ ac sudori materialiter substratus est, tumque feri nomen vulgò recipit; sicuti lymphæ appellatur, quando cum spiritibus animalibus per nervos influentibus junctus, à glandulis imbibitus, & succo acido volatili imprægnatus, ac denuò separatur, & vel ex conglomeratis per peculiare ductus in singulares deponitur cavitates, ut in succo pancreatico, saliva, lachrymis, &c. apparet, vel ex conglomeratis per vasa lymphatica massæ sanguineæ denuò circa venam axillarem sinistram infunditur.

Serum hoc seu *Latex aquosus* peccat vel in *Quanto* sive deficiat sive nimis abundet, vel in *Quali*. Quando deficit, vitatur cæterorum fluidorum consistentia, unde massa sanguinea nimis spissescit & crassescit, adeoque Coagulationi apta, Circulationi verò & Fermentationi inepta, redditur: unde copiosi sudores laticem exhaurientes non sunt boni. Hic enim non satis diluit partes ejus roscidas nutritivas, ratione quarum vocatur aliàs vehiculum nutrimenti; Illi è contra occasionem subministrant nutritioni læsæ, & Atrophiam procurant, uti in laboriosis sudantibus: Deficit autem latex aquosus vel propter defectum Assumptorum liquidorum, vel propter eorum nimiam excretionem, specialiter per urinam & sudores. Quando verò nimis abundant, quod fit vel propter potum crudiorum & aquosiorum ingurgitatum, defectum urinæ & sudoris, ut in vita sedentaria, & fermentatione stomachi læsa, massæ sanguineæ fermentatio impeditur, nimis tenuis & aquosa redditur, & consistentiam debitam perdit; hinc varii affectus inde oriuntur, imprimis autem pertinaces hemorrhagiæ uteri & narium, quæ à nimia serositate sanguinis sæpe oritur, & imperfecta fit Nutritio, quodam modo cachectica, & torpor in actionibus animalibus. In *Quali* latex peccat vitio vel sanguinis, vel ipsarum glandularum conglomeratarum, imprimis Aëris vitio irritatarum vel læsarum, seu cribrorum, quando vitioso sapore inquinatur, vel nimis viscidus, vel glutinosus aut insipidus vel aliis modis depravatus existit: Naturaliter enim dulcem, insipidum, & moderatè salsum obtinet saporem, simulque limpidam & perspicuam habet consistentiam: Sin ergò nimis acidus, aut salus, aut viscidus est, fit morbosus. Fit autem nimis acidus & salus ex perverso usu 6. rerum nonnaturalium: imprimis maximum negotium consistit in digestionem primam, quæ uti præses est omnium digestionum, ita etiam confert ad false-

falsedinem feri. Si ergo lymphæ acrimonia vel falsa, vel, quod pejus simulque frequentius est, acida imprægnetur, exinde quamplurimi affectus urinarii, ut stranguria, dysuria, &c. oriuntur, disponit ad calculum; in ventriculo excitat nauseam & Appetitum prostratum; uno verbo; Veterum Intemperiem Ventriculi frigidam; in locis intercutaneis morbos intercutaneos, pruritus, scabiem, ulcera, pustulas, &c. Si copiosius ex glandulis cephalicis effundatur, & simul præternaturalis falsa vel acida, & inquinata sit lymphæ, quarumcumque glandularum, Affectus catarrhales, febres lentæ; in naribus Ozæna & Coryza; in oculis lippitudo, rubedo; & inflammationes; in larynge & pulmonibus Tussis; in capite cephalalgia; in musculis horrores & rigores subitanei, unde ægri de subitaneis mutationibus conqueruntur, dicendo, modò calore, modò frigore corripit; in artubus dolores catarrhales, & horum juncturis lassitudines, originem ducunt. Sæpius simul ex parte spissescit & coagulatur, varialesque muci larvas mentitur, unde Cacochymia pituitosa oriri potest, de qua jam dixi. Nam omnes morbi, quos ex serosa colluvie oriri voluerunt CAROLUS PISO, cujus liber est elegans, & SCHNEIDERUS, optimè ex læsis glandulis, ibique vitiata lymphæ, sive acida sive falsa, deduci possunt: Quid enim Veteres vocarunt serum, & inde ortos Morbos serosos, ex Modernorum sententia lymphæ, ejusque vitiis, adscribitur. Quoad serum viscidum, fit ex chylo viscido, unde in ore & naribus oriuntur Catarrhi dicti crassi, Gustum & Olfactum impediunt, quatenus serum viscidum impedit, ne sensuum horum Objecta fibrillas nerveas attingere possint; in ventriculo vitiosæ alimentorum digestionis, unde Anorexia, lienteria; & officia vasorum lacteorum obstruendo, passio cæliaca; in pulmonibus Asthmata humida & Catarrhos suffocativos; in visceribus successivè oriuntur Tumores: dum enim serum percolatur, relinquit mucum spissorem, unde Tumores tales successivè nascuntur: in cerebro verò pro visciditatis diversitate Lethargus, Coma vigil & somnolentum, & tandem Apoplexia. Serum in motu peccans, sive quod in motu per glandulas vel sua vasa impeditur, fit vel in partibus subcutaneis stagnatio, unde Cachexias, Leucophlegmatias & Anasarcas, & in pedibus Tumores œdematosos; vel ruptis vasis, fractaque ejus effusione, Tumores aquosos, nempe Hydropes, infert, quos Veteres hepatis attribuerunt. SCHENCKIUS autem, RHODIUS, BARTHOLINUS, & TULPIUS in Observat. nullam labem in hepate, aut alia olim accusata parte receperunt, sed solis lymphaticis vasis ruptis. Si lymphæ effusa particulariter stagnat, oriuntur Hydropes particulares; ver. gr. in capite, pectore, scroto, abdomine, &c. fit Hydrocephalus, Hydrops pectoris, scroti, & Ascites.

Hæc Cacochymia serosa curatur, & quidem ubi est defectus feri, assumendo potulenta aquosa. Abundantia autem per Diuretica, Sudorifera, & Hydragoga communiter dicta, ut Elaterium, & hujus Essentia secundum Morellum de Formulæ Remediorum; quam etiam D. MICHAELIS maximè utilem expertus est: Item jalapium, gummi guttæ, &c. Si acrimonia falsa temperatur Oleosis sulphureis, adjunctis, opiatis, exem. gr. laudano opiato, vel pilulis de cynoglossa. Acrimonia acida in Catarrhis curatur per salia volatilia, lympham corrigentia, specialiter per sulphur, Benzoen, succinata, ut sal volatile succini, liquorem cornu cervi succinatum, oleum succini destillatum, lassastrata, jupiperina; item spiritum sanguinis humani, cum essentia opii mistum. Conducunt etiam in Catarrhis partim Diaphoretica, partim Diuretica. Seri visciditas curatur Attenuantibus & incidentibus penetrantibus volatilibus: sic etiam curantur Hydropes, ubi imprimis possunt Diuretica.

Alteræ Classis Morborum secundaria quoad Contenta, ex Cacochymia ista natorum, sunt vitia Fermentationis læsæ, præsertim in massa sanguinea, unde variæ Caloris, Frigoris, &c. vicissitudines ferè dependent. Considerari autem possunt Fermentationes humorum vel absolute, quando v. g. ipse chylus,

aut sanguis, &c. præternaturali motu intestino agitantur; vel respective, dum duo vel plures humores misti præternaturalem impetum fermentativum concipiunt, ver. gr. quando in intestinis chylus, bilis, & succus pancreaticus, vitiosè effervescent, aut quando lymphæ sanguini infusa præternaturalem fermentationem ciunt, & sic porro. Depravata autem sanguinis Fermentatione, uti non ritè assimilatur Chylus, ita magis magisque à naturali deficit crasi, & tandem omnino inepta fit pro sustinenda ulterius Animalis Vita: Omnes enim Transmutationes à Fermentatione in corpore fiunt. Ergo morbi sanguinis consistunt in vitiata ejus Fermentatione, ob læsa duo salia, Acidum & Urinosum seu Alkali, unde Febres, imprimis malignæ, Pleuritides, Cachexiæ, Icteri, Scorbutus, &c.

In specie massæ sanguineæ variis modis læditur Crasis & Fermentatio, nunc cum quodam excessu, & periculosa quadam effervescencia, ob salium acriorum concursum, cujus signum sunt pulsus magnus, celer, frequens, &c. cum insigni ut plurimum corporis incallescencia, unde quamplurimi & ferè acuti morbi oriuntur; nunc cum quadam imminutione, ob dictorum principiorum inertiam, dum cruditatibus recrementosis obruta, minus in se agere possunt, unde pulsus parvus, tardus, rarus, & ut plurimum debitus corpori deficit Calor, omnesque actiones torpent, adestque respirandi difficultas, ut in Cachexiis, aliisque Chronicis morbis præ ceteris apparet; nunc aboletur omnino, unde virium omnimodè prostrationes; nunc aliis modis eadem alteratur ac depravatur, quod diversimodè fieri potest, unde pulsuum insignes inequalitates & multæ varietates dependent, ex vitiata proportionem dictorum salium ad se invicem, in specie ex depravatione Acidum, instar Prothei variformis inquinatis sanguinem, corpusque ipsum, quoad alia Accidentia diversimodè afficientis, quod nunc calet, nunc friget, facies, nunc rubet, nunc pallet, &c. ut tam in Acutis, quàm in Chronicis morbis, scorbuticis confirmatis ac hypocondriacis, est obvium.

Omnes hæc Fermentationis læsiones materialiter, & hinc occasionaliter ex vitiata crasi & proportionem ac harmonia particularum minimarum dependent, imprimis salinarum, (efficienter enim & formaliter à spiritu vitali, motus istius intestini primario Autore,) sive à rebus non naturalibus, imprimis Assumptis, sive à vitio hereditario sit, (qua ratione senes generant imbecilles & morbosos fœtus,) sive ab extrinsecus inspirato aliquo peregrino fermento, aut hausto aliunde contagio fermentativo eadem oriatur. Si enim particule saline massæ sanguineæ ab aliis non ritè contemperentur, exinde aciores redditæ violentius inter se concurrunt, & quasi effervescent, ut in febribus ardentibus benignis & malignis, catarrhalibus, pleuritide & similibus; sin verò minus eedem contemperentur, & quasi obruantur, nec debite exaltatæ sunt, nec debitam acridinem obtinent, quod ver. gr. fit à chylo crudo, nec ritè volatilifato salino, qui tunc ut plurimum ferè acidulus esse solet, tunc etiam imminuitur Fermentatio, ut in morbis Chronicis, Cachexiis tam virorum quàm mulierum, febre alba, Hungarica, hectica, &c. obvium est. Si ista salia à debita constitutione naturali declinent, ita ut alterum alteri nimis præponderet, Fermentatio ferè in totum aboletur: Nam ab Acido coagulatur massa sanguinea, ab urinoso verò eadem dissolvitur, ut experimenta Infusoria probant. Si autem aliis modis, tum inter se, tum cum aliis particulis se commiscendo, depraventur, ut debitum saporem perdant, & quasi peregrino sapore infecta sint, depravatur inde Fermentatio; & scorbutus, Malum hypocondriacum, dysenteria, Lues Venerea, Icterus, &c., in promptu sunt; item in febribus quibusdam continuis, malignis & pestilentialibus, ictero & similibus, in quibus Urinosum volatile depravatur, vel denique alterum alteri nimis præponderat, unde Fermentatio ferè in totum aboletur; sive nunc Acidum præpolleat, unde sanguis coagulatur, sive Alkali volatile, unde idem planè dissolvitur. Consideranda hic simul viscerum, imprimis ventriculi, fermenta vitiata (quasi alterata, quatenus ea vel

materiam pro sanguine præparant, vel sanguinem diversimodè alterant) eorumque producta fluida, ver. gr. bilis, aut lymphæ pancreatica, corrupta; quæ huiusmodi dispositiones in sanguine aut inchoant, aut inchoatas fovant. De sanguinis Fermentatione videat. **WILLISIUS** de *Febribus*, qui tamen aliquantisper confusus, item **KERGERUS** de *Fermentat. Sect. 3. cap. 3. pag. 238. & seq.* **SYLVIVS** in *Dissertationibus*, & in *specie in sua praxi*, quàm ferè totam super salium concursum, & varias viciatas effervescentias fundat.

Crisis, & **Fermentatio** hæc sanguinis, cum dependeat primariò à salibus, ob id etiam morbi, ex horum læsione dependentes, per remedia virtute salina operantia curantur. Sic namque febres ardentes benignæ ex aciori nimis sale volatili bilioso per Julebos blandè acidos curantur, qui acidum volatile figunt & corrigunt; item per interposita fixa antimonia, ut antimonium diaphoreticum, Antihecticum Poterii, C. C. sine igne, Bezoarticum Saturninum, & similia, quæ precipitando nonnihil, & ad diaphoresin corpus disponendo, auctam effervescentiam corrigunt: Nitrum item præparatum, seu depuratum, & nitrum antimoniatum, quæ optima sunt remedia in febribus continuis ardentibus, quatenus Acidum volatile bilis domant, coeſcent ac figunt.

Febres continuæ lentæ catarrhales, ex lymphæ vitio oriundæ, si fuerit lymphæ acidæ, per succinum, ejusque sal volatile, myrrham, Antihecticum Poterii & similia curantur, promovendo sudorem: si fuerit lymphæ nimis falsa, ea, quæ edulcorant, usurpanda, verb. gr. ex glycyrrhizæ, ficubus, jujubis, hordeo, &c. item Emulsiones papaverinæ, ipsum etiam Opium, & cum eodem paratæ pilulæ de styraçe.

Febres intermittentes, in quibus primariò læditur sanguinis crasis ab acido & viscido, vel alio modo viciato, errore digestionis stomachi pronato, curantur præmissis Vomitoris, aut, ubi opus fuerit, purgantibus, imprimis per Salia tam fixa, verb. gr. absinthii, centaurii minoris cardui benedicti, &c. & his cognatas terrestres concreciones, ut lapillos cancerorum, conchas margaritiferas, & similia; quàm volatilia, ut spiritum salis ammoniaci, & alia.

Morbi Chronici, ver. gr. scorbutus, Malum hypochondriacum, & similia, corriguntur per Vegetabilia Amara, acia & similia, quorum sapor singularis, à sale volatili oriundus, corrigit istam viciatam sanguinis crasin: item tolluntur tales effectus per temperata, ver. gr. per usum lactis, per passulas & similia, quæ viciatos sapores obtundunt, & ita morbos corrigunt.

Tertia Classis complectitur Morbos partium solidarum. Has non esse proprium morborum subjectum, supra monitum; sed earum defectus esse impedimenta tantum actionum, non verò morbosas læsiones. In his, prout ab eisdem læditur corporis constitutio sana, duo sunt consideranda.

1. *Materia earum*, ex qua immediate coaluerunt partes solidæ, ejusque textura, mediante qua partes tales constituuntur, & hinc consequenter proprietates plures respectivæ (ad nostrorum nempe sensuum organa) quæ ex materiæ textura ortæ, à nobis alias Qualitates dicuntur, quarum complexio, sed sano sensu, Temperamentum vocatur.
2. *Superinducta earundem certæ functioni aut usui destinata Conformatio*, quoad fundamentum Mechanicæ, quoad Usum Organicæ, ratione cujus certum usum instrumentorum in machina nostra corporea obtinent, & præstare valent.

Quoad 1. Materiam earum, seu quod attinet Morbos, qui partibus his solidis ratione Materiæ ex Qua, & inde natæ texture, consideratis vulgò tribuuntur, dicuntur alias *Morbi Intemperiei elementalis*, & *Occultarum Qualitatum*, de quibus videantur *Authorum Institutiones*. *Intemperiei* quod attinet *Morbos*, à posteriori seu effectu sensibiliore ita denominantur. Nam, uti sub partium prima generatione à spiritu insito particulæ materiales secundum minima specifico modo contextuntur, ex qua diversi sensibiles modi in mollitie, duritie, tenacitate, colore, consistentia, crassitie, &c. oriuntur, in quibus Temperamentum Elementale

consistit; quibus à sanguine & spiritu, tam influo quam insito, Temperamentum Vitale dictum, seu certus Caloris vitalis gradus, superinducitur, quæ ipsæ per nutritionem, tanquam continuatum generationis Actum conservantur jugiter: ita quando per viciatam postmodum nutritionem textura ista materialis partis plus minus vitiatur, etiam Qualitates istas sensibiles plus minus mutari necesse est, & sic pars morbosa reddita cognoscitur, atque à posteriori Morbi Intemperiei dicuntur, qui potius *Morbi Materiæ partis*; ex læsa ejus *nutritione nati*, dicendi forent; & quidem primariò *Morbi Intemperiei Vitalis* attendendi sunt, cum hac viciata necessariò etiam *Morbi Intemperiei Elemental*is adfuerint.

In scholis Intemperiei vulgò traditur, quod in Intemperie duplex sit Qualitas: Manifesta & Occulta: Manifestam subdividunt in Morbum simplicem, compositum; &c. Jactis autem fundamentis Physiologicis mihi incumbit explicare hos morbos, quos Intemperiei vocant. Quomodo vulgò explicantur, videbitis in **SENERTO**, **MOEBIO**, &c. Præsupponunt Temperamentum partium dividi in Elementale & Vitale. Elementale ex 4. Elementorum in misto concursu, & ex horum Qualitatum quatuor primarum orta temperie omnium corporum & corporis partium, derivant, Vitale ex Calido innato & Humido primigenito: hinc si binæ Qualitates præponderent, Temperamentum compositum fieri. Jam huiusmodi Intemperies foveatur vel à materia, vel sine materia: e. gr. quando caput nimis incalescit à sole vocatur Intemperies sine materia. Sed cum horum natura à priori incognoscibilis sit, etiam Intemperies inde nata erit intricata. Notum enim est ex Physiologicis.

1. Dogma de 4. Elementis, si non penitus falsum, & valdè tamen esse dubium, & à nemine adhuc probatum; unde omnia superstructa corruunt.
2. Qualitates horum non esse Entia absoluta, sed esse modificationes materiæ, oriundas ex particulis minutissimis motis, &c. unde sic Temperamenta & morbi Intemperiei corruunt.

Fundamentum autem Vitalitatis sunt sanguis & spiritus. Ergo in his investiganda etiam erit causa morborum Intemperiei vel occultarum qualitatum. Omnes partes solidæ constant ex particulis minutissimis mutuo contextis, inter quas principia salina prædominantur, & primariò constituunt partem, secundariò dictas Qualitates seu Temperamenta. Omnia autem, quæ Qualitatum nomine veniunt, immediate adscribuntur Temperamentis; unde, si quacunque ex causa immutatur partium continentium textura, consequenter etiam mutantur proprietates in Calore & Frigore, & sic oritur morbus vulgò dictus Intemperiei Elemental: ita ut morbi hi sint nil aliud, quàm morbi ex mutata & plus minus alterata particularum, ex quibus coaluerunt, textura, unde & novæ proprietates sensibiles, ver. gr. mollietates, durities, siccitas, humiditas, &c. inde oriuntur. Ver. gr. reperta fuerunt ossa mollicata, ut flecti potuerint, quod vitium consistit in mutata textura ossium, ubi particulæ duræ mutatæ. Refert **FERNELIUS**, quod in lue Gallica ossa valida fiant frangibilia, ut levi ex causa confringantur instar ligni aridi: Ratio est mutatio texture particularum minutissimarum, ubi Acidum ita corosum, ut fiat friabile, & est ille morbus, qui vocatur Intemperiei frigida & sicca. In iis, ubi reperti sunt pulmones arefacti & corrugati in corporibus demortuorum, dicuntur laborare Intemperie calida & sicca, sed male.

Quæritur autem, unde oriatur ejusmodi mutata textura in partibus continentibus, ut orientur tales morbi? Respondetur facile, modò consideremus partes solidas, prout generantur ex semine, & diu sustentantur per nutrimentum; unde viciata Nutritio erit origo talium morborum, qui dicuntur Morbi Intemperiei Elemental. Vitium investigandum est in nutrimento partis chyloso seu spermatico; prout enim diversè nutriuntur partes, diversa erit structura partis: Originaliter spiritus seminalis horum morborum fundamentum est, & vocatur morbus Intemperiei hæreditarius.

Dixi, istos morbos fieri ex viciata nutritione: *Quæritur*,

ritur, quomodo? Respondeo: Nutritio dupliciter vitatur, vel *vitio Obiecti*, scilicet materiæ nutritivæ, tam chylosæ seu spermaticæ, quam sanguinæ, vel *vitio Subiecti*, scilicet ipsius partis nutriendæ. Vitio Obiecti, si hæc inepta est, ut possit commodè assimilari partibus nutriendis: sic verbi gr. Scorbutici laborant Atrophia, & eorum partes solidæ dicuntur corruptæ vitio nutritionis; & fit, quando ex nutrimento deficiente partes arefcunt: sic in Cachexia partium solidarum structura est mollis, humida frigida, &c. cuius fundamentum est in sanguine crudo, qui perversè nutrit has partes. Nutritio vitata ratione Subiecti seu partis nutriendæ fit, quando in ipsa parte nutrienda inhæret vitium, spiritum insitum lædens, unde non æquè commodè assimilari potest succus nutritivus. Talia sunt sæpè fermenta exotica, aut quæcunque causæ externæ; quale fermentum sæpè est Acidum vitiosum, lædens aut debilitans spiritum insitum, & diversè corrumpens nutrimentum ad partem influens: exemp. gr. qui semel in crure laborant erysipelate semper ex levi causa iterum circa illum locum affectantur, & quò sæpius recurrit, disponitur ad Tumorem. Vulgò dicunt, esse Intemperiem habitualement vix corrigibilem.

Quæritur, qualis Morbus sit Intemperies habitualis? Respondeo: In erysipelate peccat Acidum peregrinum, unde corrumpens nutrimentum partis, pars talis humida impletur succo crudo ex mutata textura & deficit nutritio. In Odontalgia sæpè recurrit affectus in parte sæpius affecta, exin oritur dispositio talis, ut recurrat Odontalgia; ubi etiam peccat Acidum, corrumpens nutrimentum, oritur Caries. Hinc omnes Morbi Intemperiei explicantur, quod sint affectus, qui superveniunt ex mutata textura partium solidarum, quæ uti constituit Temperamentum Elementale, ita textura mutata constituit Morbos Intemperiei.

Pro dictorum confirmatione præsupponendum ex Physiologicis.

1. Spiritum parentum genitalem in foetu constituendo habere rationem Efficientis ad texturam partium solidarum, per debitam materiæ Alterationem.
2. Eundem spiritum non esse Agens aliquod externum, sed internum. adeoque partibus à se constitutis intimè implantatum: id quod, præter affectus hæreditarios, in specie partium solidarum continuata Nutritio, & balsamica à corruptione præservatio, confirmant. Hæc enim duo, Nutritio scilicet & tanquam continua generatio, & spirituum influxus, non à principio externo seu spiritu influo, sed reverà à spiritu insito, seu principio partis interno, dependent. influens est per se indeterminatus ad os, cartilaginem, membranam, carnem, glandulam, &c. quæ omnia successivo influxu nutrit & conservat. Determinatur autem ab insito, ut hanc vel istam partem in specie nutrire & conservare sufficiat, ita, ut ipse spiritus influus sub partium nutritione, quatenus cum parte confermentando sociatur, in Insitum abeat. Atque sic spiritus *Insitus* & *Influus* non differunt essentialiter, sed saltem accidentaliter, respectu varii status; ut qui nunc vitalis vel animalis influit, mox sub conformatione insitus dicatur; sicut etiam spiritus influus insitum conservat, & hic in operando ab influo dependeat.
3. Eo ipso, quo à spiritu sub generatione, & nutritione constituuntur partes materiales, is ipse spiritus omnium proprietatum respectivarum vel qualitatum radix & fundamentum erit; cum texturam earum afficiendo simul emanantium inde modificatarum proprietatum fundamentum & origo ut sit, necesse est.

Unde etiam à spiritu insito similiter proximum Caloris, Frigoris, Humidi, Sicci &c. in parte, fundamentum erit deducendum.

Deinde considerandum est ulterius:

1. Quamdiu hic spiritus insitus in debito vigore vitali per influxum conservatur, etiam ipsa pars solida continuo vegetabitur, & debitas proprietates seu dictam temperationem obtinebit: sicut læso hoc

ipso spiritu, ejus vegetationem, & nutritionem & constitutionem, tam essentialem quam accidentalem seu qualitativam, plus minus variari continget; ita ut à tali spiritu planè extincto Gangræna, ab eodem depravato nutritionis nocumenta oriantur; unde consequenter dicti Morbi Intemperiei originem ducere videntur.

2. Intemperies partium solidarum vel est Universalis, vel Particularis. Illa dependet à spiritu & sanguine influo, unde æqualiter omnes partes afficiuntur, uti patet ver. gr. in Intemperie universali, quam Febricitantes, Senes, Cachectici, Hectici, &c. patiuntur; cui contradistinctur Particularis, quæ à spiritu insito plus minus vitio dependet, unde nutritio, hinc Temperatura partis læsa, ver. gr. dum corpore reliquo sano pars quædam erysipelate corripitur, caput intensius æstuat, alia pars languidior & frigidior apparet, &c.

Cum verò nulla materia sit sine extensione seu quantitate, cuius varia secundum triplicem dimensionem modificatio necessariam partis conformationem & figuram constituit, quæ *Organica* dicitur, quatenus ab hac figura seu materiæ conformatione habet, ut instar instrumenti seu organi alteri usui certo inservire possit, ex læsione conformationis talis plus minus, secunda Classis Morborum partium solidarum, nempe *Morbi Organici seu Conformationis*, de quibus infra, oriuntur. Removeo vitia naturæ, non tamen effectus morbosos, sed quæ ipsa natura promovet: e. gr. quando quis tres testiculos habet, 6. digitos in manibus, &c. qui non sunt effectus morbosos, sed potius luxuria naturæ, quia actiones illas potius adjuvant, quàm destruunt.

In specie quoad læsionem partium Organicam (cum Conformatio nihil sit aliud, quàm modificatio Quantitatis certa in quadam parte) ex hac duo Morbi Conformationis oriuntur, vel respectu ipsarum partium, vel respectu in relatione unius ad alterum, & dicuntur *Morbi Compositionis*, seu, potius *Connexionis*, dicti. Hi sunt duplices, vel in Connexione, dum partes non rectè connectuntur, vel in Situ, si pars non debitam habet situationem.

Quod attinet Morbos Compositionis, observandum, quod Conformatio consistat in determinata Quantitate: Ratione Quantitatis in partibus simplicibus oriuntur Morbi Magnitudinis, vel excessive vel defectivæ. In Conformatione, ratione modificatæ quantitatis, pars *Organica* triplici modo morbosa redditur, secundum tres nempe dimensionum differentias: aut enim *vitatur* partis conformatæ *longitudo* secundum lineam aut rectam aut curvam; unde ratione lineæ rectæ pars vel longior, vel brevior; vel ratione lineæ curvæ pars vitiosè figurata, redditur: Aut *vitatur latitudo*; unde pars vel crassior, vel tenuior: Aut *vitatur profunditas*, quæ vel solida, vel plus minus porosa, vel profundè expleta; unde cavitatum & meatum dicti morbi, ad quos imprimis Obstructiones pertinent. Partes quocunque modo conformatæ necessariae ad se invicem nexum seu unionem & cohesionem etiam requirunt, unde etiam debitum ad se invicem situm ex connexionione ista acquirunt. Quod si vitietur iste nexus, oriuntur morbi vitiatæ Connexionis. Quando verò cohesio mutua, & consequenter debitum partium ad se invicem situm tollitur, dicuntur hi Morbi vel in vitio situ, vel in vitio unionis, qui ipsi aliàs *Morbi solutæ Unitatis* audiunt, & operationes machinæ corporeæ non leviter lædunt; sive sint Vulnèra, sive Ulcera, sive Luxationes, sive Fracturæ, &c. ut ita tres sint Morborum partium solidarum differentie, nempe *Morbi Intemperiei*, *Morbi Conformationis*, & *Morbi Compositionis*. Sed de his videantur *Institutiones Anatomicæ*.

Intemperiei Vitalis Morbos quod attinet, Temperiem Vitalem primariò, elementalem secundariò, læsam consideramus, cum elementalæ temperatura sine vitali immutari aut vitari nequeat, quia textura partium materialis, & inde nata Temperies Elementalæ, à spiritu insito sub Generatione & Nutritione, illam constituyente, & vi balsamica partem conservante, dependet; unde nec lædi illa, nisi læso prius plus minus spiritu influo, poterit, cuius læsi occasione Nutritio vitatur; unde variæ Qualitates mutatae in temperatura

exsurgunt; sicut extincto illo spiritu partis Gangræna, & per putredinem omnimoda dissolutio præsto est. *Intemperiei ergo Vitalis Morbi sunt, vel Universales, vel Particulares.* Illi à sanguine & spiritu influo, in temperatura vitiat, originem ducunt, & ad morbos humorum pertinent: Particulares verò à spiritus insiti vitio, hinc & partis nutritione vitata, originem ducunt. Illius exemplum suggerunt imprimis febres; huius verò v. g. brachii debilitas, atrophia, frigus, & ad qualvis aeris mutationes sensibilis alteratio, à vulnere olim graviore accepto.

Nucleus huius Temperiei aut Intemperiei partium corporis materialiter in varia atque distincta crassi massæ sanguineæ seminali, salino-sulphurea & oleosa, formaliter in continuo motu sanguinis fermentativo, & indereferantibus proprietatibus variis, imprimis, quoad caliditatem, frigiditatem, &c. consistit: & quidem quod à sanguine, & inde natis spiritibus dependeat Temperies vitalis, patet, præter HARVÆUM, MARCUM MARCI &c., manifestò ex mutationibus ætatum, infantis, viri, &c. Omnes enim hæc mutationes saltem contingunt ratione massæ sanguineæ, ejusque crasseos mutatæ: e. gr. sanguis prout plus vel minus calet, eatenus etiam calor corporis vitalis est vel intensior, vel remissior; denegato autem sanguinis & spirituum vitalium influxu, cessat calor, & oritur sphacelus, cui supervenit mors, seu omnimoda vitæ extinctio. Plura de Temperamento Vitali, quid per hoc reverà intelligendum sit, *suprà P. 1. cap. 2. pag. 58.* ex MARCO MARCI sufficienter explicavi.

Ostendunt hæc, quid de *Inæquali Viscerum Intemperie*, seu *Contrarietate* seu *Antipræxia* eorundem, habendum, sit, dum nempe *Intemperies stomachi frigida, & hepatis calida*, in scholis quamplurimorum morborum Chronicorum focus & origo habetur. In specie Itali & Galli in superiori ævo in morbis chronicis habent duplex fundamentum, sed ruinosum; vel enim incusant Antipræxiam viscerum, vel obstructionem venarum mesaraicarum, lienis, hepatis, &c. Dicunt, Antipræxiam consistere in viscerum inæquali Intemperie, quod stomachus nimis frigidus, vel hepar nimis calidum sit, ex qua contrarietate oriuntur Morbi Chronici, diversis symptomatis stipati; unde affectus podagricos derivant, Ructuum & flatuum generationes, & passionem hypochondriacam. Modum generationis quod attinet, dicunt, stomachum, propter intensum frigus non digerere recte, hinc chylum crudum hepati transmittere; hepar autem nimis fervens, dictum chylum sanguini non recte assimilare, unde sanguis nimis coctus, & hinc isti morbi chronici, evadant. Probant ex eo, quod talia subiecta conqueruntur de stomacho frigido, & confirmant, quod post pastum percipiant Ructus, dejectam Appetentiam, &c.: De hepate clarum esse, quod ejus fervor sit igneus; quod ægri magna siti affligantur; quod ab assumptis alimentis calidis, spirituosius, &c. lædantur. Verum, ratione *Universalis Intemperiei*, est talis inæqualis Intemperies, seu *Antipræxia Viscerum*, reverà non-ens, & asylum ignorantie, quia calor stomachi chylicans hodiè non amplius admittitur, & hepatis sanguificatio etiam jam dudum explosa est. Si rectè examinamus istos affectus, qui dicuntur oriri ex tali Antipræxia viscerum, hepar in iis est insons, cum viscerum Temperies æqualis omnino dependeat à sanguine, & spiritu vitali influo, qui æqualiter per sua vasa iustitia distributiva vel proportionem Geometrica in partes effusus & debitè circulatus, proportionatè calefacit partes & ipsi debitam largitur temperiem, ac non minus hoc, quam illud membrum calefaciet. Unde prout mutatur idem præternaturaliter in morbis, etiam Temperies totius variat: eodem ex aucta effervescencia impensius ætuate in Causo, & totum corpus, omniaque viscera simul, intensius ardent: eodem verò tepescente in senibus & cachexiis, ex imminuta fermentatione, totum corpus similiter tepet & frigidum apparet; unde & pisces ad tactum frigent, dum sanguis eorum & cor actu in iis viventibus frigent, non minus quam in ranis: Ut taceam ipsum etiam calorem non esse principium primarium effectivum actionum, sed tantum dispositivè concurrere, cum fermenta & fermentationes digestionum & transmutationem sint Autores,

Ratione verò *particularis Intemperiei* equidem pars quæ-

dam intensius calet & æstuat; è contrà alias magis tepet & debilior est altera, propter spiritum insitum, quatenus calor in sanguine & spiritu influo undique distributus, in parte ista haud æquè recipitur, cuius ratione consequenter pars solida minus calida est; unde etiam functionum defectus, subinde etiam earundem aberrationes contingunt: vid. *Med. Hippocrat. Chimica capit. 1. §. 9. pag. 26. seq. Robur partium inæquale* vocant HELMONTIUS, quando v. gr. vel in partibus binariis, e. g. pedibus & manibus, & ipina digito infixa, erysipelate mammarum, &c. pars una præ alia parte compari intensius æstuarè observatur, ex citiori spiritus insiti & influi motu, ratione doloris & læsionis concitato: ex opposito verò pars altera si deprehenditur debilis, sit, ut ex spiritus insiti defectu fibræ ejus minus firmæ, sed tenuiores & fractæ fiant, unde non saltem ab Objecto simplici externo facile irritantur, sed etiam minus injuriis externis resistere possunt; unde consequenter facillimè tempestatum mutationes in iisdem perferunt ægri, quæ hoc in casu dicuntur Ephemerides ægrorum. Ponam e. g. manum in carpo gravius fauciatam & vulneratam, licet hæc exactè consolidata sit, nihilominus tamen postmodum ad Atrophiam ferè defleat, minus calida minusque firma & activa, sed potius magis flaccida, & debilior in resistendo injuriis externis, aut læsionibus internis, præ altera manus observatur: item sensibilis erit ad mutationes qualvis aeris, ob spiritus insiti defectum aut contractam debilitatem. Adsunt hic inæquales similia partium Intemperies, non tamen propriè dicta Contrarietas vel Atonia subest. In specie, quando de Robore partium inæquali loquitur HELMONTIUS non intelligendum est Robur mechanicum & organicum, quod per Atoniam vitatur, sed Robur vitale seu vegetativum, dum spiritu partis insito læso Vegetatio seu Nutritio, & in statu sano conservatio partis plus minus imminuitur, unde respectu alterius partis nutrimentum minus promptè assimilatur, excrementa genita minus excluduntur, & pars etiam minus calere observatur, sed facilius per tempestatum mutationes alterari assolet.

Non enim est in sanguine, nec in spiritu influo, vitali seu animali, cum post vulnus ritè consolidatum comatus & remeatus spiritus & sanguinis sit illibatus: igitur in ipsa parte vitium erit. Nempe sub consolidationis tempore interceptum fuit spiritus influi cum insito commercium, unde hic debilitatus minus postea restaurari potest; hinc enim symptomata ista, fibrarum mollieties, Robur deficiens, facillima ab externis injuriis irritatio, &c. superveniunt, quod itidem in Praxi frequenter obvenit, ut partes ita affectæ characteres recipiant tota vita durabiles, & secundum tempestatum ac Lunæ mutationes plus minus molestos. Similis Intemperies observatur in membris paralyticis, luxatis, &c. quibus, etsi restitutis, nihilominus, si graviores fuerint læsiones, diu post infirma & perquam irritabilia ea existunt propter spirituum influum plus minus interceptum, & ita nutrimento destitutum, successivè cum alimento roscido exhalantem, unde pars debilitata, & plus minus frigida existit.

Inæqualis autem ista putata Intemperies, stomachi nempe frigida, & hepatis calida, reverà nihil aliud est, quam depravatio fermenti stomachici, quæ istud nimis acidum, nec satis volatile existit, sæpius cum muco, vel copiosa materia viscida in stomacho & intestinis stabulante iunctum. Hic alimenta non ritè digeruntur, & omnia symptomata concomitantia ab Acido vitioso per motum fermentativum oriuntur. Chylus enim ex vitio diætæ & depravata digestionem prima seu chylosi, vitiosè acidus, sanguini infusus, ejusdem crasin naturalem pervertit, fermentationem ejusdem depravat, corporis nutritionem inquinat, & reliquos corporis succos, tam lympham, in specie pancreatis, quam bilem, vitiosis qualitatibus & saporibus tingit, unde & consequens vitiosa sæcum alvinarum à chylo separatio, & chyli in primis viis ab istis succis vitiosis inquinatio contingit, ut inde postmodum tot ac tanta symptomata oriantur; adeoque vitiosa ista succorum constitutio, per salia definienda, hincque dependentia vitia morbosa, quæ à veteribus Antipræxiæ seu Contrarietati viscerum nempe stomacho frigido, & hepatis Intemperiei calidæ, & hinc deficienti sanguificationi, adscripta fuerunt, illa Moderni potius per facultates salinas, à statu natu-

naturali degenerantes, Indeque depravatus succorum crases explicant, & sic potiori jure stomachi Cruditati acida, & bilis vel defectui vel inertiae, vel præternaturali Alterationi, adscribenda erunt. Tales namque ægri conquerruntur imprimis (1) de Rustibus acidis & flatibus, qui hypochondriacis frequentes sunt ob cruditatem; habent enim stomachum debiliorem, faciem rubicundam, ubi laborat stomachus, hepar autem insons est; Unde (2) laborant apepsia, seu digestionis defectu (3) Acida eos lædunt: (4) quæ evomunt cum levamine, vel per artem, vel per naturam, sunt acida, aquosa & viscida: (5) tormina intestinorum à pituita acida, eorum parietibus agglutinata, cum flatibus conjuncta, hi sunt frequentia. (6) Medicamenta, quæ hæc mala curant, sunt præter Vomitoria vel (a) quæ Acidum vitiosum primarum viarum, & alios sapores vitiosos, absorbent, ut materialia, Saturnina, Terrea, & Animalium partes ossæ, e. g. Lapilli cancerum, ebur &c., vel quæ idem corrigunt & immutant, ut Vegetabilia acra & amara, v. g. Absinthium, cochlearia, centaurium minus, Rhabarbarum, & similia, vulgò Febrifuga aut Aperientia appellata, nunc parando ex his nodulos Vino infundendos, nunc decocta, nunc Essentias, quæ omnia virtute salina, imprimis de Alkali volatili participante, bilem vel deficientem augent, vel vitiatam crasin massæ sanguineæ, & hinc bilis & reliquorum succorum, corrigunt, ut stomachi tonus, & fermentum emendetur, & ita æger restituatur: quibus non incommodè adjungenda salia, tam fixa quàm volatilia, ut sal absinthii, artemisiæ, digestivum hypochondriacum, Arcanum duplicatum, spiritus salis ammoniaci, spiritus tartari volatilis, carminativus, &c.: (β) Quæ Viscidum incidunt, ut gummata, Acida blanda, quæ mucum viscidum ex cruditate acida relictum incidunt, attenuant & resolvunt: (γ) conveniunt Aromatica Acidum stomachi volatililantia, qualia sunt suavia odorata, gustu amaricantia, cinnamomum, galanga, piperata, mentha, fœniculum, salvia, Rosmarinus, &c. quæ vi aromatica volatililatem obriunt. Nam licet dicantur, talia vim habere calefaciendi stomachum, hoc tamen falsum est nam operantur tantum per falsum volatile & acre, quod nec calidum nec frigidum est in se, sed tantum per appropriationem in nostris partibus ab ijs exsuscitatur: propriè ergò loquendo vitiosorum humorum crases corrigunt, & vitiosos eorundem sapores salinosemendant. Nam sanguis æqualiter circulatus per sua vasa & viscera, omnino partibus debitam sic dictam largitur Temperiem; distribuitur ergò tam in stomachum, quàm hepar, & non impeditur eodem modo: proportionaliter tamen calefaciet tam ventriculum quàm hepar, unde viscera hæc in proportionata consistent Temperie. Stante enim sanguinis circulo hæc Inæqualitas Viscerum non potest consistere.

Præter Intemperies dictas, membra interdum etiam sub texturæ suæ materialis mutatione corripuntur *Intemperie*, ut vocant, *humida*, cujus fundamentum est simpliciter spiritus insitus: quatenus.

1. Deficiens, nutrimentum partis dispensatum, ex vasis sanguineis, totum assimilare debite nequit; unde pars infarcta potius, & subtumida, quàm debite nutrita, observatur. Si spiritus simul alteratur; & sapore vitioso fermentativo imprægnatur, v. g. in ulceribus, vulneribus, &c. tunc læsiones partium copiosissimum ichorem & saniem plorare solent, spiritu deficiente & alterato nutrimentum non ritè assimilante, sed potius quoque alterante & corrumpente.
2. Quando spiritus insitus in suo vigore deficiens debitum fibrarum tonum debilem reddit, qui aliàs per continuam nutritionem conservatur, ut partes enervatæ, nec debite nutritæ, à spiritu animali influo ad debitam tensionem ineptæ fiant; undæ læso earum tono facile fluida corporis contenta in tali parte subsistere, & tumores nunc serofos, nunc œdematolos, sed indolentes, inferre solent.

Dico, ex hac Atonia supervenire Tumores indolentes, qui non confundendi sunt cum *similibus* Tumoribus plus minus dolentibus, v. g. quando dentium aut articulorum doloribus Tumores serofi aut œdematosi dolentes superveniunt. Indolentes enim non oriuntur ex strictura fibrarum, & impedito influentis Fluidi refluxu, quod stagnans Tumorem facit; sicut dolentes non ex relaxatione fibra-

rum, & facili Contentorum receptione, sed difficili expulsi-
one, oriuntur.

Spestat huc istud Vitium Chirurgis decantatum, quando dicunt: homo iste cutem habet insanabilem; quod nihil aliud est, quàm juxta Veteres Intemperies humida. Nempe spiritus insitus deficiens, aut plus minus alteratus nutrimentum partis non assimilatur, sed plus minus corrumpendo pathemata illa inducit; sive spiritus insitus deficiat in munere vegetativo & nutritivo ex vitio proprio, sive nutrimenti distributivi errore male se habeat.

Superest *Intemperies* partium solidarum *sicca*, quæ immediate nutritionem deficientem sequitur, & spiritus insiti vel defectum, vel acrimoniam, indicat. Deficit ille ob v. g. ætatem senilem, dum partes naturaliter exsuccæ & rugosæ fiunt. Quod si in vegeta ætate pars quædam incipiat arescere, oritur hæc ordinariò ex deficiente aut corrupto spiritu insito, unde paralytes, læsiones partium insigniores, & disponunt tandem ad Atrophiam, & Intemperiem siccam, In talibus casibus, quia spiritus insiti cum influo commercium intercipitur, & ille radio influi destituitur, fatiscit, & simul cum nutrimento transpirat, atque absumitur, unde Intemperies sicca particularis, dum pars arida & exsucca redditur. Quoad Acrimoniam, ea ad Intemperiem siccam disponit, quod apparet in biliosis & cholericis dictis, in quibus propter spirituum acriorem constitutionem minor nutritio observari solet. Notandum tamen, quod hæc ipsa Intemperies rarò aut nunquam sit particularis, sed ferè semper Universalis; & quod ea non tam ab insiti, quàm ab influi spiritus defectu ac vitio dependeat, sive vitium illud fuerit nativum, sive adventitium, ut post febres diuturnas male curatas, post exulcerationes partium, ut in Hecticis, &c. Nam in talibus etiam spiritus influi, & nutrimenti distributi, Vitium occurrunt.

His similes sunt aliæ Intemperies, ex texturæ materialis læsione natæ, propter spiritus insiti vel defectum, vel acrimoniam, quando pars mollior fit durior, aspera, glabra, & quæ ad unum omnes ad Morbos Intemperiei dictos pertinent.

II. *Altera Morborum partium solidarum Classis* in vitia earum *Conformatione Mechanica* consistere suprà dixi, ratione cujus usui corporis certo instrumentaliter inferviunt. Ad hæc requiritur.

1. Debita & naturalis Conformatio secundum omnes tres dimensiones, longitudinem, latitudinem & profunditatem.
2. Debitus partis cum parte nexus, quo partes invicem sociantur.

Unde duplex nascitur Morborum differentia, Conformationis scilicet, & Compositionis seu Connexionis.

Quoad Conformationis Organicæ lesiones seu Morbos attendendum est ad duo, quæ aliàs sæpius confundunt; nempe quoad defectus morbosos, distinguendum.

1. Inter organi operativi partem, seu substantiam partium fundamentalem; &
2. Huic Conformationem certam mechanicam superinductam.

Substantia partium fundamentalis sunt fibræ, quibus tam simplicibus, tam certo modo formatis, fiunt partes continentes, quæ triplici modo læduntur secundum triam dimensionem, in longitudine, latitudine, & profunditate. Inter harum autem partium affectus ratione substantiæ fundamentalis unus est maximè frequens, & non rarò periculosus, nempe *Atonia*, h. e. deficiens fibrarum tensio & robur, commune malum quibusvis partibus Organicis; de quo tamen apud Autores altum est silentium. Cum enim omnes ferè partes, in specie nerveæ, consistant fibrillis nerveis, earum substantiæ diversi modè intertextis, quarum tensione & Retentiones & Propulsiones humorum fiant, quas Galenici aliàs Facultatibus, Attractrici, Retentrici & Expultrici adscribunt, & ipsæ partes certum robur & firmitudinem obtinent, quæ Tonus partium vulgò dicitur. *Tonus enim est Tensio, in quo consistit Robur partium Organicarum*: Ita si fibræ istæ à Tensione remittant, pars Atonia laborat, ejusque Robur perditum est, eaque pars flaccida & mollis, ad quamcunque motionem obeundam inepta existit: ut v. g. tono ventriculi, h. e. fibrarum ejus, laxato seu læso ingesta cum sonitu, tanquam in vacuum lagenam decidunt, eaque non rarò leviter aut nullo modo immutata non tantum expellunt.

pelluntur per intestina, quam sponte in eadem dilabuntur, imprimis si liquida sint, ut patet in Lienteria. Talis Atonia est partium urinarum in Diabete, ubi Renes laborant, quando vinum eodem colore, quo fuit bibitum, mox cum Urina redditur. In partibus musculosis & tendinosi speciali nomine Paralysis vocatur: Sic Tonus musculorum brachii, seu fibrarum eorum, laxato, aut læso, mole, pendulum, aut ad motum ineptum observatur brachium.

Atonia hæc diversas habere potest causas, præ cæteris etiam est triplex:

1. *Nimis violenta Partis Organicæ extensio, qua fibræ nimis extensæ, & quali nonnihil laceratæ, in naturalem tonum redire nequeunt, unde pars flaccida & laxa remaneat:* qualis Atonia fit in vesica, si v. g. ex nimia coacervatione & diuturniore urinæ Retentione interdum læditur ejus excretio, quia fibræ vesicæ nimis extensæ se contrahere nequeunt.
2. *Dein secunda causa Atoniæ est spirituum Animalium deficiens influxus & expansio, à quorum copia & expansione, seu vi elastica, & spatiola fibrilis interjecta aliàs repleta & expansa, in continua Tensione fibras conservant, eorum verò defectus facit, ut fibræ nimis relaxentur:* Quando discinduntur per transversum, pars est flaccida, mollis, pendula, &c. id quod fit in vulneribus tendinum, & fibrarum transversis.
3. *Vel tandem tertiò est nimia fibrillarum partium organicarum à sero sanguinis seu superflua lymphæ catarthali, aliòve tenui humore, humectatio seu irroratio, qua fibrillæ flaccidæ & laxæ fiunt, minusque contrahibiles & tensiles. Quod si talis lymphæ, quæ nimis humectando resolvit, præternaturaliter sit acida, motum aufert, & simul stuporem sensus & tactus infert frequentem in partibus musculosis.*

Quoad Morbos Conformationis Mechanicæ secundum triam dimensionem, Longitudo & Latitudo peccat vel in excessu vel defectu: Profunditas autem est plus minus cava vel porosa. Hæc nunc angustatur, nunc præternaturaliter ampliatur. Angustatur, dum vel à contentis variis repletur, ut in obstructionibus, vel à continente constringitur, ut in affectibus spasmodicis, de quibus supra.

Inter Conformationis Organicæ læsiones præ cæteris frequentes admodum vulgò numerantur *Obstructiones* & *Oppilationes* morbosæ, tam in schola Galenica quam Chymico-Paracelsica: illa accusante pituitam crassam aut humorem Melancholicum; Hac verò Tartarum diversimodè coagulatum: ex quo fundamento deducunt omnes Morbos Chronicos, quibus ipsis etiam postmodum per medicamenta Aperientia dicta mederi volunt. Sed si rectè rem pensitemus, tales fictitiæ Obstructiones Viscerum Abdominis, mesenterii, hepatis, lienis, pancreatis, &c. & inde ortæ humorum in vasis stagnationes & putredines, non sunt adeò frequentes, & ut plurimum reverà nugæ, imò sæpissime ignorantiaæ asyla. Nunquam enim morbi hi oriuntur ab Obstructionibus; sed si reperiuntur, subinde non sunt causæ talium morborum, ut vulgò æstimari solent, sed erant aut Productum morbosum aut Accidens, quod morbum quasi aggravat, occasionem tamen & fomitem morbo non suggerit. Nempe usus communis Practicorum ferè obtinuit, ut quovis penè morbos Chronicos ex dictarum partium Obstructionibus, & inde quavis febris, tam continuas lentas, quam intermittentes Chronicas, imò scorbutum, malum hypochondriacum, icterum & cachexias quavis, atque tantum non omnium morborum chronicorum exercitum, derivent, cum à nemine unquam demonstratæ sint tales Obstructiones, nec explicatum, quomodo tales morbi exinde oriantur? Rationes verò Assertarum Obstructionum sunt.

1. Quod observati sint Tumores Viscerum in morbis chronicis, Quartana, &c. quibus Obstructiones primam occasionem dederint.
2. Secunda Occasio fuit, quod in morbis Chronicis ordinariò gravissima symptomata in abdomine adsint, ut dolores vagi, appetitus dejectus, affectus Chole-rici, &c.
3. Tertia Occasio fuit, quod errores non potuerint detegi per Anatomiam; quoniam viscerum obstru-

ctiones nunquam fuerunt inquisitæ, & licet in corporibus mortuorum inventæ, facile tamen excusari potuerint.

Unde etiam non pauci Practici dubitant valdè, *an reverà dentur Viscerum*, imprimis mesenterii, *Obstructiones*? de quo vid. HOEFERUS in *Hercule Medico* pag. 139., item HORSTIUS *Parens*, *Observat. lib. 4* pag. 239. & 240. utut Galenici sint; Aut si repetiantur nonnunquam, an eadem tamen adeò sint frequentes? In his certè vasis & visceribus, quæ continuus humorum transitus aluit, v. g. venis & arteriis, vasis lymphaticis, item & lacteis, hepate, & liene, &c. obstructio talis fieri nequit sine liquoris contenti stagnatione & collectione, indeque partis tumore, vel laceratis vasis liquoris contenti extravasatione & excretionem; quæ duo, *Tumor & Extravasatio*, Obstructiones veras necessariò insequuntur. Obstructis sic sanguifluis vasis, indeque sanguinis ad partes sanguineas impedito motu stagnant, & stagnando plus minus Tumor & Inflammatio partis accidit; impedito autem à tali Obstructione lymphæ motu in partibus solidis, dicti Tumores serosi seu aquosi, v. g. Tumor pedum; in parte verò cava Hydrops particularis, Hydrocephalus, Hydrocele, &c. sunt in promptu. Aut necesse erit, ut integer quidam Ramus ex materia, in & circa eum in scirrhosam duritiem sensim coagulata, totali transmissioni humoris fiat ineptus, ita ut per vicinos ejus defectus tandem compleatur. Si adest obstructio in vasis excretoriis, necessariò patet per mutationem in excretis, si obstructa est vesica, mox in urinæ excretionem fit sensibilis Alteratio. In Cachexia, Quartana, aliisque febribus, scorbuto, hypochondriaco malo, &c. in principio morbi nullo modo tales Tumores adsunt, sed superveniunt, & erunt Affectus morbosus, aut potius producta morbosa.

Interim tamen non negandæ simpliciter seu universali-ter Obstructiones, & intumescentiæ hepatis & lienis; siquidem non rarò etiam deprehenduntur scirrhi in his visceribus; sed abusus tantum rejiciendus; & his falsò superstructis morbis, v. g. Quartanæ diuturnæ, &c. aliud investigandum fundamentum, ratione cujus repertæ interdum Obstructiones, & tumores non tam radix sunt talis morbi, quam potius ejusdem Productum morbosum.

Si ergò Obstructiones jam adsint, erunt vel à *contento viscido glutinoso*, vel *Contento duro*. *Viscidum glutinosum* ordinariò *Trituitæ* nomine venit, à qua plus minus condensata Obstructiones subinde oriri solent; ver. gr. quando meatus quidam particulares, ut ductus cholodochus non minus quam pancreaticus ex Viscido glutinoso sæpius reperiuntur infarcti, æquè ac ureteres & tubuli renum itidem à simili muco subinde sunt oppleti, & lacteorum oscula, ubi hiant in intestina, obstructa, atque cæliacum dant morbum: Quò pertinet etiam sanguis grumulosus, canales venosos aut arteriosos infarciens, & motum sanguinis impediens. *Durum Contentum* sunt calculi in cystide fellea, vel locis urinariis. Sic Mesenterii Obstructionum exempla recenset HORSTIUS loco citato pag. 240. & scirrhi per se enati, itidem scrophulæ, quæ eandem agnoscunt originem, cum scilicet in porulis viscerum aut partium circa capillaria vasa humores quidam crudi, viscosi, glutinosi seu pituitosi stagnant, hinc viscera sensim intumescunt, & instar spongiarum inflantur, qui viscosi humores successivè indurati, in specie ex accedente Acore vitioso, eos ut plurimum imprægnante & coagulante, tumores tales duros & tactui renitentes constituunt, qui in sanguineis partibus *Scirrhi*, in spermaticis *Nodi & Tophi*, in glandulis verò peculiari nomine *Strumæ* seu *Scrophulæ* appellantur.

Quid igitur de Morbis ex Obstructionibus vulgò derivatis habendum sit, malo verbis LINDANI in *Colleg. Privatiss. Manuscripto super Hartmani Praxin.* p. 166. §. 2. & 3. declarare, qui ita inquit: *Credite hoc mihi (faciet vos Praxis videre) illi morbi & vitia, quæ possim attribui Obstructionibus mesenterii, hepatis, lienis, &c. sunt reverà effecta ventriculi imbecillis, & non bene habentis, laborantis cruditate vel corruptione, imprimis sæpius in hoc casu acida. Revocato hoc ad animum, qui Praxin aggredimini. Utinam hoc Medici discerent, ut postquam tot purgationibus nihil profecerunt, cogitarent, non esse Obstructiones Mesenterii. Dein, potestne aliquid magis insanum esse, quam velle tollere Obstructiones Purgantibus? quomodo enim intrare aut removere possunt per vias obstructas? Preterea in cadaveribus nunquam reperietis mesenterii Obstructiones, nisi simul scirrhum, & corpus*

pus longitudine morbi emaciatur; ubi totus sanguis mirè corruptus scirrbum mesenterii & obstructionem generat, quid igitur Purgantia poterunt? Corrigit, roborat ventriculum. & corrigit omnem putatam Obstructionem, tollit omne malum. Natura cautè satis providet, ne vasa mesaraica possint obstrui: scilicet accuratissime filtrando chylum per fila bombycina, unde videmus chylum per venas lacteas instar limpide aquæ & aeræ materiæ transire, adeo ut potius spiritus lactens transeat, si ita loqui liceat, quam aliquod corpus. At verò, quomodo ibi fieri poterit obstructio, præsertim cum pateat, minores ramos desinere in ampliores: Atqui obstructio metuenda, ubi ex maiori in minus vas deferatur: Ego tales obstructions, Affectiones Melancholicas, hypochondriacas, &c. curo curato ventriculo. Hactenus LINDANUS.

Rem sanè ita se habere, quotidiana confirmat experientia. Reverà primarium vitium morborum Chronicorum, qui ab obstructione mesenterii, lienis & hepatis derivantur, hæret in stomacho, & ejus læsione digestiva, quæ læsa nascitur vitium acidum, diversi tamen saporis, (qui distinctus in quolibet morbo à priori nondum sufficienter explicabilis est,) tandemque læditur massæ sanguineæ fermentatio. Quod si verò propter diuturnitatem morbi ex circulo causarum ipsum fermentum digestivum plus minus vitiatum fuerit, eo morbus sæpe pertinacior, & sic vitium ferè incurabile fit: ut plurimum tamen ab Acido fixo dependens, fovetur aut vitio bilis, aut simpliciter deficientis, autem saltem inertis, nec debita textura oleosa præditæ, hoc est, in qua Acidum volatile parcius cum ipso etiam Urinoso pariori saturatur quidem, sed oleoso copiosiori nimis obtunditur; Ab his enim bilis vitiis ferè semper sustentantur quasi & foventur Morbi Chronici. Omnia pathemata tunc obvia, quæ derivari possunt ex Acido plus vel minus viscido, in scholis Galenicis derivantur ex Pituita viscida, in scholis Paracelsi ex Tartaro resolutio plus minus mucilaginosa. Ex hoc Acido, eoque vitioso sapore admodum vario, in materia viscida & glutinosa radicato, oritur digestio in stomacho depravata, indeque cruditas acida, impeditur sanguinis fermentatio, unde in Cachecticis Pulsus est tardus, depravatur & alteratur succus pancreaticus in nimium acorem, sæpeque præternaturalem austeritatem. Hinc ex perversa chyli assimilatione cum sanguine, omnes isti morbi oriuntur; hinc dum peccat talis mucus acidus, viscidus, faciliè in partibus stagnatio coacervatur, & in tumores duros ab Acido coagulante abire potest, cuius ratione suo modo difficilius curabiles dicti morbi existunt, nimisque pertinaces sunt. Quando autem continui hi morbi sunt, fermenti digestivi singulare adest vitium, à quo continuo fovetur morbus.

Probatur hoc ex Juvantibus & Nocentibus. Nocent (1) Acida, quæ possunt coacervare mucum vel visciditatem: Juvant, præmissis Vomitoriis, imprimis Martialia & Saturnina. Per se quidem, ratione terreæ substantiæ, Mars, debellator morborum Chronicorum, semper & solum adstringit; in his morbis autem, humorem acidum absorbendo, illum nunc dulcem nunc insipidum reddit, & optimè curat. (2) Juvant in tali affectu medicamenta omnia Salina, alcalina & aromatica, tam fixa quam volatilia, Acido vitioso tam stomachi quam primarum viarum contraria; ut Spiritus Salis armoniaci, urinæ, viperarum, succini, Sal cineritium absinthii, cardui benedicti, centaurei minoris, roris-marini, &c. quæ juvant, quatenus contrariantur Acido. Nam alcalia destruunt Acida, & mutant in Salsa diuretica. Spiritus salis ammoniaci est vexus domitor Quartanæ, & omnium februm intermittentium: salia volatilia oleosa commendo in morbis Chronicis, quod destruunt Acida: plantæ aperientes vulgò dictæ sunt plus minus dotatae Sale volatili oleoso aromatico, quales sunt Apitum, petroselinum; carduus benedictus, Rosmarinus, levisticum, filix, scolopendrium, Rhabarbarum, polypodium, cortex fraxini, cochlearia, nasturtium, &c. quæ in scholis Chymicis dicuntur constare Sale volatili de natura Alkali. Conveniunt ergo duplici ratione, partim quod temperent Acidum, partim quatenus augent Sal volatile oleosum massæ sanguineæ & bilis. His possunt adnumerari stomachico-Aromatica, incidentia ratione Viscidi, interna & externa.

Sequantur Morbi Compositionis seu potius Connexionis, qui sunt vel primarii, vel secundarii. Primarii, quando partium nexus & cohesio mutua tollitur, quæ in parte organica ad constituendam machinam imprimis necessaria est: Pertinent igitur huc Morbi solutæ Unitatis. Secundarii sunt, quando ex soluto nexu hæ ipsæ partes subinde ex uno loco in alium prolabantur, & sic notabiliter in situ mutantur,

v. g. in luxationibus, prolapsu intestinorum, uteri, &c. de quibus in Praxi speciali.

De morbis autem Connexionis primariis, seu solutæ Unitatis, monendum, quod omnes hujusmodi affectus, præsertim in partibus mollioribus, oriuntur à particulis agentibus, rigidis, acutis, & ita conformatis, ut fibrillas tenuissimas discindere, intra particulas componentes penetrare, & ita eas separare queant, sive hoc faciant acutæ particulæ objectorum ignitorum, sive liquorum corrodentium, sive particulæ rigide gladiorum modo pungentium aut scindentium.

Post Morbos Intemperiei aliàs in scholis Galenicis tractantur Morbi occultarum Qualitatum, utut ipsi eorum defensores adhuc nesciant quid sint Morbi Occultarum Qualitatum; unde ab occultis, id est incognitis, Causis deducuntur: qui tamen ab aliis per fermenta exotica & venena, quæ saltem turbant & afficiunt immediatè massam sanguineam, & spirituum vitalium substantiam, hinc omnia contagia scorbutica, luis Venereæ, variolarum, &c. sanguinem immediatè inquinantia, nunc spirituum crasin afficiunt, ab occulta Qualitate deducuntur; ab aliis verò tanquam morbi Archeales per ideas peregrinas explicantur.

Fuerunt hæ Essentiales Morborum differentia, consideranda etiam Accidentales, à circumstantiis variis desumptæ. Differentias has accidentales fuscè KUPERUS in Institut. Medicis tractavit succinctè: nostrum est primarias differentias evolvere. Maxime autem ratione afficiendi modi dividuntur Morbi in sporadicos & communes. Sporadici sunt, si varii & distincti morbi etiam diversa subiecta afficiunt, dum e. g. huic pleuritis, alium catarrhus, affligit Communes sunt, quando unus idemque morbus simul plures homines invadit, quales etiam sunt Pestilentia. Morbi hi communes ratione causæ subdividuntur in Endemios & Epidemios. Morbi Endemii sunt Morbi communes, quorum causa in loco, ubi incolæ affliguntur, est quasi domestica; qualis morbus v. g. est scorbutus incolis maris Balthici & Angliis. In Anglia etiam Endemius Morbus est Contagium Anglicum, ortum ex continuo suffitu carbonum ignitorum, quibus utuntur. Morbi Epidemici sunt, qui communiter plures invadunt simul, ita ut causa eorum non sit vernacula, sed ex præternaturali ordine oriatur & cesset; qualis est, si in loco dysenteria grassatur, orta ex certa fructuum corruptione, quales etiam sunt febres catarrhales epidemicæ, ortæ, ex vitio tempestatis hybernæ humidæ. Sic interdum solet fieri, ut grassentur variolæ, morbilli, &c. quæ demum sua sponte cessant.

Ad Morbos communes etiam referuntur Morbi Contagiosi dicti, & Epidemici, qui solent valde grassari, & ratione afficiendi modi dividuntur in Contagiosos & Non Contagiosos. Morbi Contagiosi sunt, qui effluviis certo quasi seminio, miasmate seu inquinamento ex ægro exhalante se multiplicant, & alia corpora sana afficiunt. Non Contagiosi sunt, qui sine sui multiplicatione saltem corpus ægrum afficiunt, ut Febris quartana, & similes. Observatur autem inter hos Morbos Contagiosos & Communes non levis convenientia, ita ut interdum Morbi communes Epidemici sint simul Contagiosi, qui ab effluviis fermentativis cum massa sanguinea, aliisque contentis, vel immediatè spiritibus, permixtis, suamque ibi tragœdiam ludentibus, proficiscuntur, v. g. dysenteria epidemica, morbilli, febres petechiales, &c. Interdum sunt disjuncti, i. e. dantur morbi contagiosi, qui nunquam grassantur epidemicè, sed per contactum, coitum, salivam ex potu absorptam, vel per pus corpori illitum, contrahuntur & affligunt, quales sunt Lues Venerea, scabies, &c. qui morbi pertinent ad motus massæ sanguineæ fermentativos. Contagiosi quidam hi morbi sunt, si ab alio ægro procedat, istud fermentum, similem fermentando inducens ægritudinem: Epidemici verò dicuntur, si ista effluvia in aere sparsa, vel cum hoc inspirata, vel cum alimentis ingesta, fermentationes vitiosas inducant. Conferatur SENNERTUS l. 4. de Febris c. 3. ubi de Contagio, & l. 5. Præcos P. 3. c. 3. pag. 107. sequ., item in Institut. l. 2. P. 2. cap. 12. Et hi differunt certo modo à Contagiosis: qua ratione febris epidemica maligna est Pestis, quæ non per contactum, sed per aerem vel alimenta contrahitur. Sic ex epidemica Lue in Castris magna sæpe strages oritur, v. g. dysenteria, quæ ex excrementis, eorumque exhalationibus, contrahitur. Similiter variolæ sunt partim contagiosæ, partim epidemicæ.

De Contagio, & consequenter in effluvio morbofo, tria sunt considerata:

1. Corpus ægrum.

2. *Corpus sanum.*3. *Medium causale, intercedens corpus sanum & egrum.*

Medium hoc, quo corpus sanum inficitur, vocatur *Contagium*, unde consequenter illi morbi sunt contagiosi; e.g. scabies est affectus contagiosus, alios affectu isto etiam afficiens: sic lues Venerea est contagiosus morbus. *Contagium* hoc ex agro exalans *revera nihil aliud esse videtur, quàm spiritus vitæ, vel insitus, vel influus, morbosè vitatus & alteratus*, à quo in alio simili subjecto similes etiam Alterationes inducuntur, unde pernicioſa deliria & convulsiones sequuntur, quæ interdum in quibusdam pestis speciebus sunt nota, cum tamen pulsus & urina naturales fuerint. *Contagium* hoc, insensibiliter spiritus & massam sanguineam afficiens, habet se instar particulæ fermenti in panificio, quod à fermentante farinacea massa desumptum, alteri farinaceæ massæ additum, eam pariter fermentat; sicut pauculæ guttulæ salivæ humanæ admixtæ cerevisiæ non fermentanti faciunt eam fermentare citissime: quod etiam facit, si syrupo cuidam, vel Conditio cerasorum, ribium, aliorumvè, addatur. Et quo gravius affligit *Contagium*, eo vehementior est febris. *Miasma* verò Epidemicum in aere volitans se habet instar effluviolorum florentis vitis in agro, à quo vinum in cellis contentum turbatur & fermentatur. Sic quando hordeum floret, cerevisia tegenda, vel cavendum, ne aceſcat: quando ſecale floret, panis ſecalinus facile muceſcit vel ſitum contrahit.

Est enim *Contagium* sub minima mole summè activum, & tamen saltem similis speciei subjecta, eaque imprimis consanguinitate conjuncta, afficit, omnium fugit ſensus, & ex effectus atrocitate ſaltem se manifestat. Non ergo crassiori materiæ moli, sed subtilissimo subjecto, adeoque spirituosæ materiæ, vis contagiosa adscribenda; & cum tam insigniter in similis tantum speciei subjecta operetur, intimæ simul admisionis, & propter certam cognationem, facillimæ simul cum vitalibus, talium subjectorum unionis existit, adeoque in radice cum iis conveniens. Rarum est, quod observatus fuerit odor *fracidus* seu *fracedo putrida*, seu *contagio* nares stimulans, quæ contagii vicem gerit. Ergo in omni morbo contagioso, præter fermentum seu seminum morbosum, in specie *spiritus vitalis*, vel influus vel insitus, seu illius subjectum proximum, *considerandus*. Nam ratione hujus saltem non solum contagiosus est morbus, sed etiam exinde est, quod tale *contagium* tantum ejusdem speciei animalia afficiat, non autem alia; v. g. Pestis inter homines grassans, dysenteria Castrensis seu Militaris, homines saltem, non canes, non equos, nec alia animalia, affligit: in peste belluina brutorum certa species perit, hominibus nihil tale sentientibus; v. g. observantur pestes ovium, vaccarum, &c. quæ innoxie hominibus; morbi epidemici felium &c. Pestes hæ seu strages animalium communiter oriuntur ab *ærugine plantarum*, quæ nihil aliud est, quàm quod Gangræna in hominibus, quando nempe ſalia sylvestria ex pruina aliisve malignis halitibus affixa ejusmodi æruginem, & spirituum vitalium destructionem, causantur. Quasi si fermentum malignum spiritui vitali insito in hæſerit, cujus effluvia (beneficio quorum in statu naturali ex corpore heri expirantium canes inter mille homines herum suum agnoscunt: Qui abhorrent cancris, licet hi clam ponantur sub orbes, anguntur tamen angustis præcordiorum ex insensibili cancrorum effluvio) ex determinata parte, vel immediate sub insensibili transpiratione, vel mediate cum excrementis quibusdam emanant, adeoque ad hanc potius ratione spiritus insiti affecti, quàm ad aliam partem, determinata sunt, fit ut etiam *contagium* tale non promiscue qualvis, sed saltem certam quandam partem specialem, affligant. Sic v. g. *Contagium* saltem intestina in dysenteria, fauces in Angina contagiosa, & cutem in scabie, non alias partes, afficit; secus, si spiritui insito societur seminum morbosum, in genere etiam à *contagio* vel spiritus influus, vel massa sanguinea inquinatur, & sic non particularem, sed universalem morbum, infert, ut in variolis, febribus petechialibus, atque similibus magis affectibus est evidens. Omnia corpora, in specie animata, habent circa se certam quandam atmosphæram, quæ sunt illi circuitus aeris circa terram; quod patet in ratione contactus magnetis & ferri in distans. Ut fiat res clarior, in dysenteria contagiosa

contagium malignum in se Acidum volatile acerrimum, spiritui vitali insito intestinorum, cujus portiones quædam cum excrementis excluduntur; sociatum, in alio corpore humano ob symbolismum essentialem facillimè sibi simili intestinorum spiritui associabit, & etiam dysenteriam infert, itaque morbum contagiosum particularem constituet. In Variolis verò à fermento contagioso afficitur spiritus influus, hinc morbus totus corporis universalis exurgit, & tam internæ quàm externæ partes conspurcari solent; cum ex opposito in scabie, quia saltem spiritus insitus cutis afficitur, morbus particularis enascitur, in quo tantum cutis, & nullæ aliæ partes, afficiuntur.

Miasmata hæc morbosa, ut varii sunt generis, *desalium tamen natura multum participare*, eaque esse texturæ salinæ, multa persuadent, adeo, ut ob id etiam ad ſalia volatilia eadem reducat SIMON PAULI *Digress. de Febribus Malignis*. Non tamen omnia ejusdem erunt naturæ, seu conditionis; quin potius quædam de Alkali volatili acriori, ut in peste, febribus malignis acutis, petechialibus, & pestilentialibus, post magnas clades ex cadaverum putredine exhalantia, unde Acida profunt: vid. Sylvius in *Prælect. publicis de Peste*, quædam de Sale volatili acido specifico, v. g. in dysenteria epidemica, quæ oritur ex esu acidorum, fructuum horæorum, &c. in lue Venerea, scabie exulcerante, scorbuto, in quo Acidum spueri videntur, unde vacillationes & aliæ corruptiones dentium fiunt, participare videntur: vid. SYLVIVS in *Dissertationibus*. Verum est, quod nulli morbi sibi verosimilius videantur, quàm lues Venerea & scorbutus. In phthiſi est Acidum volatile, quod exulcerat pulmones. In Variolis & Morbillis effluvia contagiosa esse naturæ salino-acidæ, credo: ambo possunt derivari à lacte nutritis, ita ut remanentiæ lactis corrupti, ex acore vitioso inquinati, sint eæ, quæ à contagio simili ex lacte, suo tempore effervescendo, inferant Variolas vel Morbillos. Achores & favi oriuntur ex vitio lactis nutritis, ex quo etiam oriuntur Contagia. Contagia hæc salina fermentativa non sunt ejusdem potestatis, quin unum citius & potentius, v. g. in affectibus acutis & malignis; alterum tardius & debilius, quando lentore viscido plus minus obrutum est, v. g. in febribus, Lue Venerea, scorbuto & scabie, se exerit; unde diutius durant hi morbi, quàm malignæ & acutæ febres.

Hi lenti morbi ex acida causa viscida lenta lentè quidem proſerpunt, sed turpiter hominem deformant. Viscida illa contagiosa sunt, & facile in vestibis continentur, unde alteri communicari possunt; quin etiam æqualiter omnes afficiunt, sed hunc magis, illum minus. Diversitatis ratio inter alia, non est ultima, Convenientia Subjectorum, quoad crasin in massa sanguinea, & symbolizatio mumiarum; hinc enim est, quod inter consanguineos similitudo craseos seu constitutionis seminalis aptiores eos reddat, ut facilius unus eorum, quàm peregrinus, suscipiat alterius effluviolum. Singulare hic quid obtinet *Rabies Canina*, cujus *contagium* non solum ad aliquot annos sæpè in corpore, post morsum sepultum latet, sed etiam quod hoc ipsum adjuncta quadam idea contagiosa Archeum in mores caninos transformare videatur. Pertinet huc etiam *Tarantismus*, cujus morbosa semina toto anni tempore latentia tantummodo eo tempore, quo æger à tarantula primò demorſus fuit, evigilant, & se exerunt.

Modus afficiendi est duplex: nunc 1. per contactum corporalem seu realem, nunc 2. virtualem. Realis est, si corpus sanum admoveatur agro, ut contactu ex corpore ægri suscipiatur in corpus sanum: virtualis, si sine contactu remotum corpus ægri afficit corpus sanum, quod fit mediante vehiculo aereo per inspirationem. Hinc pars affecta variat. Si enim fit per contactum virtualem, bina loca afficit, stomachum nempe, & sanguinem per pulmones trajectum; Unde si aliquis afficitur à contagio in distans, semper immediate Alterationem in præcordis æger percipit, nempe in orificio sinistro stomachi; hinc si in statu pestilentiali incipiunt ſani sine manifesta causa nauseare, & vomere, certum est signum suscepti contagii, utut citò vel tardè se explicet: in principio morbi sunt anxietates, afficitur stomachus mediante saliva; dum *contagium* in aere attra-

attractitur, in ore inquinat salivam, & hæc deglutita sanguinem.

Facile hæc nos ducunt ad curam & præservationem, scilicet ut femina fermentativa morbosa sub insultu expellantur e stomacho, quod fit per Vomitoria. Hinc ubi jam massa sanguinea infecta, ibi remedia sudorifera & præcipitantia profunt; quæ pro contagiorum varietate variant. *Ubi peccat sal alcali volatile*, conveniunt remedia terrea fixiora, Mineralia, & omnia ex antimonio fixo, v. g. antimonium diaphoreticum, cinnabaris antimonii, &c. quæ figunt, concentrant & imbibunt istud sal alcalinum, & concentratum per sudorem evocant. Pertinet huc oleum camphoræ, quod admiscetur omnibus sudoriferis ob specialem vim; Camphoram enim omnes Authores pro egregio præservativo, uti & ZIEGLERUS *Tract. de Morbis Contag.* pro pestis præservatione commendat. Si Contagia sint de natura salina acida, ut in scabie, ibi imprimis sudorifera, contraria Acidis, profunt, nempe de natura alcalina, nunc fixa, nunc volatilia, ut decocta lignorum, imprægnata fuligine ejusque sale. In scabie internæ pro sudore optimè profunt salia uriposa volatilia; externæ verò pro unguentis lixivialia fixa ex calce viva & sale tartari. In phthisi & scorbuto terebinthina, mixta cum saccharo saturni, sub forma boli, vel aliis modis magnam habet utilitatem. Altera enim Chirurgiæ columina dicuntur medicamenta saturnina; in terebinthina autem est balsamica vix ex oleo salino-volatili, qua purificat, & abstergit, atque vi dretica per urinam expurgat: sicut abies & pinus sunt benedictissimæ arbores pro scorbuto, quibus arbor congener est latrix, quo in Gallia multi in phthisi, & contra miasmata & contagiosos halitus phthysicorum utuntur; unde etiam in scorbuto, lue Venerea & Gonorrhœa potus ex terebinthina factus egregium est præservativum & curativum. Præservationis punctum Morborum contagiosorum in eo consistit, ut tollatur convenientia mumialis fermentativa, ut crasis seminalis massæ sanguineæ certo balsamo condiatur, ratione cujus fit alius naturæ, qualia sunt sulphurea, succinata, myrrhata, Acida blanda, ut Acido-sulphurea, spiritus sulphuris. &c. quæ in corpore sano plus minus ejus crasin alterant & præservant, in specie sulphurea mira faciunt, ut fumus sulphuris, & potissimum camphora, quæ in peste, aliisque morbis malignis & contagiosis non tantum ut præservativum, verum etiam ut remedium restitutivum, adhibenda censetur. In morbis Epidemicis studendum est purificationi aeris, pro quo scopo elegans medicamentum in sulphure latet; fumus enim incensi sulphuris in ædibus epidemicis prodest maximè: de sulphure vid. HELMONTIUS in *Tumulo Pestis*, & KIRCHERUS. Commendatur etiam pro hoc scopo nitrum, quo in caltris, quando pestis vel alia contagia grassantur, sub forma pulveris pyrii uruntur.

Quod attinet ipsam Curationem Morborum contagiosorum & epidemicorum, consistit imprimis in ablatione Contagii fermentativi, & sedatione obortæ inde in sanguine fermentationis. Faciunt hoc optimè (1.) sudorifera volatilia; (2.) Acida. Scilicet per sudorifera ventilamus massam sanguineam, impediendo vitiosam spirituum generationem. Sub initio autem, præprimis in peste, sub nausea optimus est Vomitus ex Antimonialibus, croco metallorum, floribus antimonii, &c. ex quibus, vomitu excitato, si non liberati, tamen levati multum existunt. Pro scopo sudorifero conducunt in specie sulphurea seu salia volatilia oleosa, quæ spirituum puritati conducunt: His tamen, quantum fieri potest, semper admiscenda sunt specifica, fermento morbozo contraria; Sic enim in lue Venerea talia sudorifera sunt imprimis ex lignis: in peste talia sudorifera sunt ex sulphuribus mineralium, in specie antimonii cum salibus volatilibus & camphora mistis: in dysenteria epidemica sudorifera sunt opiata cum cornu cervi, vel antimonio diaphoretico mista, aut loco horum Theriaca cum pulvere ossium humanorum & hepatis viperarum: in febre Hungarica camphora vel spiritus theriacalis camphoratus cum spiritu vitrioli vel alio acido pro quadam præcipitatione seu fixatione, conducit; unde loco Theriacæ, Fracastorii electuarium diascordii, propter Absorbentia, potius eligunt. Quod si à fermento maligno jam inducta sit Alteratio morbosa in massa sanguinea, & huic appropriatis postmodum erit occurrendum. Posteriori modo in dictis spirituum inquinamentis tollendis usitatissima sunt acetum destillatum, item rubi idæi, acetum sambuci, & bezoardicum, factum ex citro, radice scorzonæ, petalidis, ex floribus calendulæ, rosis, zedoaria, zin-

gibere, radice bistortæ, &c. cum camphora; spiritus nitri, interdum sulphuris, vitrioli, succus limonum, berberum, cydoniorum, & omnia Acida in Julebo quodam propinata, quæ pesti quoque resistent egregie. Rulandus in febre Ungarica Zedoariam, & acetum hujus contra luem Ungaricam comendat, uti & profunt in peste medicamenta ex hac: Contra fumos metallicos etiam Operariis Metallicis conducit: Ratio potest esse, quia metallica miasmata sunt acida, quæ debilitantur volatilitate Zedoariæ.

Ratione partis affectæ vel per essentiam vel per Consensum Morbi oriri & afficere dicuntur. Si partes est affecta, in quam immediate agit Causa Morbosa, dicitur *Morbus per Essentiam*. Per Consensum, una pars ab altera affici, seu morbosa reddi, dicitur, quando una parte præternaturale & peregrinum quid sentiente, alia ipsi quacunque ratione connexa etiam sentit, atque idem aut diversum quid patitur & sentit; e. g. vulneribus capitis supervenit Vomitus, quod per Consensum fit, unde Symphatia etiam dici consuevit. *Fundamentum hujus Consensus consistit in structura & connexionione certa partium nervolarum; & quidem triplex est partium Consensus:*

1. *Quando partes sunt omnino continuæ*, unde una affecta etiam altera afficitur; qua ratione in imminente Vomitu tremor labii inferioris contingit, quia intima membrana in stomacho, gulæ & oris cavo, ipsique labiis, continua est. Sic, qui laborant calculo, percipiunt dolorem gravem in extremitate penis, ob continuitatem intimæ membranæ vesicæ cum urethra; sic Consensus est umbilici & vesicæ urinarie in stranguria; si umbilico iniungitur sebum hircinum, levamen percipiunt.
2. *Quando partes sunt contiguæ*; qua ratione, qui stranguria laborant, sepius etiam ad tenesum & continuo alvum exonerandum stimulantur, quia immediate connectitur collum vesicæ cum intestino recto, unde irritato collo vesicæ etiam irritatur anus & vagina uterina. Sic per consensum afficitur, irritato ano per clyisma, subinde uterus, & disponitur ad præmaturum abortum: Sic in singultu, qui est affectus diaphragmatis, afficitur simul orificium stomachi superius, ratione Continguitatis: item hepatis inflammatio infert tussim instar pleuritidis ob Consensum hepatis cum diaphragmate, quia sibi invicem incumbunt.
3. *Quando partes, licet remotæ, per nervorum tamen intermedios funiculos certa ratione conjunctæ sunt*. Ita renes cum stomacho & intestinis consentiunt; qua ratione in dolore renum & calculo comitantur tormina ventris, vomitus, dysuriæ, &c. ob nervulos ex plexu nervorum mesenterii communi ad renes & omnes has partes derivatos: isto ergo renali nervo, plexu viciniore ex dolore in convulsivas crispationes irritatio, reliqui ex eodem plexu similes convulsiones patiuntur. *Sunt enim nervosæ & membranosæ partes, quæ propriè consentire dicuntur*; quoniam earum structura est talis, ut instar chordarum vel membranarum fortiter tensarum, spiritibus animalibus imbutarum, hinc inde sint contextæ aut connexæ: unde tali chorda & membrana; in altera extremitate fortiter compulsa, vel illisa, tam ex continuitate tensionis & hinc vibrationis, quam ex rapidissima spiritus animalis in parte impulsæ agitatione & motione, secundum partis talis nervosæ continuitatem, aut contiguitatem omnis iste connexus & contextus in altera parte similiter moveatur: Vid. WILLISIUS in *Annat. & Patholog. Cerebri*, SENNERTUS *Paralipomenis*, SANCTORIUS *Tract. Method. Vitandi Errores in Medicina*. Hinc punctis cerebri membranæ subinde totum corpus paroxysmo epileptico convellitur, teste SCHNEIDERO de *Catarrhis*; & irritata intima narium membrana thorax, vel potius diaphragma, & musculi thoracis, convelluntur, unde Sternutatio, ob nervorum ad membranam hanc tendentium cum nervis intercostalibus ortam connexionem, de qua Videatur WILLISIUS. In ulceribus tibiarum dolorificis, si asperius tractantur, tremor totius corporis supervenit; quia membranæ juxta tibias mutuo invicem sunt connexæ, ut mutuam sensibilitatem sibi communicent per nervos. In horrore febrili totum corpus riget; oleo autem caryophyllorum in regione stomachi inuncto cessat omnis horror, quia mem-

membranæ inter se invicem sunt connexæ.

Sunt hi veri Partium Consensus. Quod si verò fiat, ut per sanguinis circulationem excrementa vitiosa, ex una parte in aliam transferantur, & ita posterior afficiatur, non potest propriè Consensus appellari, sed est tantum *metastasis materiæ morbificæ*, & morbus per *δευτεροπαθειαν* per *συμπάθειαν*. Sic corbutus quando in parte quadam inducit paraly sin, dicitur morbus per *δευτεροπαθειαν*, quia morbus per Consensum ita est confirmatus, ut possit per se subsistere.

Quædam aliæ Alterationes huc etiam pertinent in corpore obviæ, ac Consensus vulgò vocatæ, cum vel ex alterata tota massa sanguinea, vel ex imaginatione, indeque vario spirituum motu, vel alia ratione, dependeant. Pertinet huc v. g. Consensus sic vocatus testium cum pulmone & aspera arteria: nam *ἡ τῆς τῶν πνεύμονων ἐν τῷ ὄντι τῶν πνεύμωνων* non raro mutatur, & ex testium virilitate inspirata sub pueritatis annis alteratur arteria tracheæ, dum vocem graviolem & magis sonoram reddit: vid. LAURENTIUS in *Controvers. Anatom.* 1. qui prolixius de his agit. Si cessant penitus menstrua, supervenit mammis cancer: testes immixti cum scroto in certum oleum ex radicibus Juglandis parandum, capillos canos denigrare denuò refert SCHENCKIUS lib. 1. *Observat. pag. 4. Epithema ex succo semper vivi majoris cum aceto & nitro testibus applicatum, fortissimam etiam ebrietatem citò dissipat* vid. HEINRICUS ab HEER in *Observat.* 1. RIVERIUS in *Observat. communic.* habet, quod alibi etiam ab Autoribus traditur, quod Phrenetici & Furibundi nimis, castrati si fuerint, notanter mitiores fuerint exinde. *Simile Epithema hepatis ad motum hæmorrhagiam narium sistit.* Sic consentiunt oculi cum testibus, quatenus nimio coitu hebetantur: Causa est depravatio humoris limpidi pro oculis, & spirituum animalium, qui ad oculos pro actu Visionis deferri debent. Pedum plantæ refrigeratæ ambulando super lapideum pavementum, aut alvum laxant, aut ventris tormina inferunt: quibusdam caput dolere faciunt. BRASAVOLA dicit, quod quis, alvi obstructione diuturna laborans, ubi nudis pedibus in pavimento obambulaverit, sedes in eodem promotæ sint. Mammarum cum utero consensus in omnibus decantatus, cum istis contrectatis puellarum uterus pruriat. Si mammæ gravidæ mulieris non crescunt, signum est, non benè habere se foetum. Mulieribus frequentes sunt in occipite dolores frigidi, quasi glacies ibidem jaceret, qui à Practicis utero male habenti adscribitur, & hoc curato dolor evanescit.

Inter accidentales Morbos ratione subiecti denominationis Morbus alius est vel *Congruus*, vel *Non Congruus*. *Congruus est*, qui convenit nempe ætati, sexui, vitæ generi, & similibus. *Non Congruus est*, qui non convenit ætati, vitæ generi, sexui, &c. Sic epilepsia est morbus Congruus infantibus: Passio hysterica dicitur morbus Congruus Mulierum: Colica, Gonorrhœa, &c. dicitur Morbus congruus Viris: item Malum hypocondriacum est morbus congruus literatis: Febris intermittens est morbus congruus juvenibus & viris. Fundamentum hujus rei consistit in massa sanguinea, cujus crasis seminalis, prout annorum series plus minus alteratur, infert sensiles alterationes in corpore. Alteratio ista fit secundum diversum usum rerum 6. non-naturalium, quibus homo per vitam expositus est. *Ætas*, & certum vitæ nostræ spatium, in quo corpus nostrum singulari & peculiari movetur modo, dividitur in *Accrescentem consistentem & Declinantem*. Fundamentum est in sanguine, qui in infantibus est instar musti, in Viris & juvenibus instar vini generosi, in senibus instar Vini acrescentis. *Ætates* hæ circumferuntur per numerum septenarium. Origo, unde facta hæc mutatio annorum, ab Ægyptiis ex Pythagorica scola pervenit ad nos; illi enim multum numeris 7. & 9. attribuerunt. Imprimis confirmavit numerum septenarium, quod corpus ut plurimum septenario incipiat, & finiat septimo septenario. Deficit vis genitalis septuagenariis in Viris, & octavo deflorescit. Observatum est, quod crises & mutationes morborum criticorum per septem contigerint, ut die septimo, decimo quarto, & vigesimo primo, fiant Crises perfectæ; hinc nata fuit supputatio annorum climaticorum, ut omnes 7. & 9. putati fuerint climacterici; 7. primarii, & 9. secundarii. Raro senibus sine insigni mutatione corporis contingit annus septimus & nonus. De his videatur CLAUDIUS S. ALMASIUS *Tractatu de Climactericis*: Scriptum est rarum & curiosum ubi eleganter scrutatur originem hujus sententiæ, ubi determinat, variam esse hanc mutationem.

Ratione primæ originis morbi sunt vel connati, vel Adventitii. *Connati* mox ab ortu nobis insunt, vel radicaliter vel formaliter: *Adventitii* sunt, qui post Generationem superveniunt Subjecto: *Connati* sunt iterum vel *Hæreditarii*, vel *non-hæreditarii*. Primatum obtinent *Hæreditarii* sic dicti, sive à parentibus morboris in liberos transplantati morbi. Non autem omnes, sed tantum isti hæreditarii sunt, qui fixas habent in parentibus radices, Chronicique sunt, & difficulter curabiles, v. g. Lithiasis, arthritidis, melancholia, mania; lues Venerea, &c. non ita, qui à causa spiritiosa & volatili magis dependent, ut febres malignæ, aut acuti morbi, qui una vel altera vice affecerunt parentes. *Non hæreditarii* sunt, qui mox foetui accidunt post partum, parentibus nunquam vel raro tali conflictatis morbo. Sic observati sunt infantes nati icterici cum variolis, catarrhis in naribus, &c. licet parentes fuerint sani: sicut SCHENCKIUS narrat de puerpera, quæ morbillis laborans peperit infantem iisdem pariter affectum; quin pariter podagricus generat filium suo tempore eodem morbo correptum.

Quod horum causam attinet, ea non minus in obscuro adhuc posita est, quam ipsa generationis ratio. Majores nostri facile se potuerunt explicare, quia statuerunt miscellam utriusque seminis in generatione, ex qua miscela causas morbosas statuerunt. Sed cum nos insistamus Anatomicis Experimentis, in quibus statuimus, Omnia fieri ex ovo fecundato, difficilius est, ut explicemus Generationem morborum hæreditariorum. Videndum itaque, an aliquid sit materiale, quod transplantatur in infantem, vel inducit morbum hæreditarium? an verò sine mixtione materiæ morboscæ fiat? Materiale quoddam fermentum, aut quidam, secundum Paracelsitas, Morbosus Tartarus, sal fixum acidum, aliudve in semine sanguineque residens materiale, horum morborum causa esse nequit, quod nihil materiale post coitum in utero remanere soleat; aut si quid remaneat, directore tamen opus habebit, mediante quo ad adeò determinatam partem dirigatur, ut lithiasis seminarium renibus, podagræ articulis, infigatur. Alii dicunt, Fermentum quoddam instar contagii adhærere spiritui genitali, ratione cujus Transpositio fiat. Verum si tale aliquod esset fermentum materiale, dubium tamen est, quomodo fiat determinata in partem specialem implantatio, ut fermentum podagricum circa articulos propagetur, ita ut fermentum phthisicum pulmones, non verò alias partes afficiat? & cur non pater v. g. nodosus ex podagra similiter generat filium, in cujus articulis jam coagulati essent similes nodi?

Hic ergo HELMONTIUS, uti in aliis morbis, ad ideas suas dilabitur. Mense ejus hæc est: Cum Morbi parentum chronici, v. g. podagra, graviter afficiant eorum spiritus, hinc ex dolore, vel alia ratione in his producit character idealis istius affectus, quæ morbi idea in spiritu characterisata in generationis actu una cum ideis naturalibus traducta, Causa sit morbi, hinc tandem subnascentis hæreditarii. Statuit enim HELMONTIUS, latere morbum à parentibus traductum characteraliter in Archæo seminali, cujus sigillum in semine parentum antea depictum sub sua dierum maturitate erumpat: sicut etiam nonnulli morbi liberis in tertio gradu sæpè evigilant. Sigillatus hic in spiritu seminali character tam diu dormit, & sui maturitatem expectat, donec à causa occasionali quadam experegiat, suasque jam olim conceptarum imaginum explicet ideas: vid. HELMONTIUS *Tractatu Invent. Tartari* §. 21. pag. 242. *Morbi Archæal.* §. 15. pag. 551. & *Volupe Vivent.* §. 7. 8. &c. pag. 389. qui characteres citius vel tardius evoluti, & clarè explicantes suas ideas, citius vel tardius, vehementiorem vel debiliorem inducunt morbum. Cum per conceptam libidinis imaginationem natura ingenti fermentatione concitatur, fit, ut Anima desiderio generandi veluti turgida Archæo, quasi generationis executori, demandet cum vitali radio totius homini imaginem, quæ ipsa dum quandam totius generationis omniumque ejus partium ideam, potentiali quadam ac chaotica confusa veluti spiritualitate in se contineat, quandam etiam veluti characterem morborum in generantibus præsentium, ex præternaturali Generantis infirmitate conceptum, necessario cum semine communicabit, per cursum formationis explicandum. Hoc igitur characterismo insignitus Archæus seminalis, à quo utero contagii forma attractus, quem alias vim plasticam nominare consueverunt, tamque Generationis seu formationis executor & rector se ipsum tandem vestit corporali materiæ in ovo uterino amictu, statimque veluti perambulat ovi istius uterini latebras omnes,

nes, incipit materiam transformare juxta imaginis suæ potentiam: hic cor locat, ibi cerebrum designat, omniaque membra pro concepte ideæ scientia fingit ac depingit optimus domicilii sui Architectus: quin & ipse jam meticulo-
sas, nunc audaces, foetui communicat impressiones. Quod si itaque phthifica exulceratione debilitatus sit pulmo, conceptam etiam hanc insimul debilitatis similitudinem in pulmonum fabrica molitur. Sic mutos, sic surdos, &c. ob defectum quasi & abolutum totaliter horum organorum robur fabricat: sicut etiam Arthriticas ob debilitatem articulorum quasi simul generantium introducit dispositiones. Debilitate enim si infirmientur corporis humani partes facillime digestionum errorem concipiunt, & ipsa fabricantur cruditatum excrementa, jamque quasi assuetæ hisce ærumnis facilius longè in paroxysmos morborum recipiendos prolabantur. Translationis hujus morborum idealium modum clariùs explicat iisdem ex hypothesibus NETTELBACH *Dissertat. Epileps. c. 4. §. 4.*

Cui idealis hæc hypothesis paulò obscurior videtur, hoc modo hereditarios explicet morbos, quod nempe morbi hereditarii consistant in spiritu influo patris, ab insito cuiusdam partis diutius morbose alterato, & in crasi sua facile degenerabili facto, qui per generationem à parentibus communicatus, & ex parte sub formatione foetus partibus implantatus, tandem successivè mutationibus in præternaturali ista alteratione olim concepta, magis magisque intenditur & exaltatur, donec similem ac in parentibus morbum inducat. Conferatur HIGHMORUS, qui defendit, quod semen ratione spirituum ab omnibus partibus corporis dependeat, & LAURENTIUS *Histor. Anatom. lib. 8. cap. 2. pag. 379.*

Revera ergò nihil materiale fermenti vel seminis morbose transplantatur in foetum, sed Generatio morborum hæreditariorum consistit in certa dispositione præternaturali spirituum ad hunc vel illum morbum, quæ sub formatione tribuitur partibus, ratione cuius successivè generantur isti morbi, quales fuerunt in parentibus.

Hoc negotium potest explicari per Morbos Conformationis, qui fiat, ut pater luscus generet filium luscum? Quæ vitia fiunt sine materia; sed similiter spiritus genitalis à morbo parentibus ratione texturæ partium materialium facit, quod in partibus materialibus oriatur dispositio vel salubris vel viciata, unde successivè efflorescunt tales morbi. Nam sicut pars quædam morbo aliquo læsa disponitur exinde, ut facile in similem relabatur morbum, & uti imbecilles parentes, vel in toto ex senio, vel in aliqua determinata parte, generant foetum, vel ex toto vel ex parte imbecillem; ita & similis idea morifica talem particularem in Conformatione ducit dispositionem, seu se ipsam in parte cum spiritu imprimit, ut exinde illa disponatur ad exortum talis affectus, qualis est iste, qui parentem in ista parte affligere solet; sicuti imaginatio matris sine accessu materiæ alicujus efficit, ut excrescat tuberculum. Vitio etiam Nutritionis per lac nutricum facile infunduntur hi morbi hæreditarii; quale exemplum de Lithiasi, à nutrice in infantem translata, videbitis in HELMONTIO *pag. 623. Tract. Infantis Nutrit. ad Vitam longam.* Per usum autem sex rerum non naturalium possumus impedire, ut morbus hæreditarius minus efflorescat.

In genere in Morbis hæreditariis, e.g. Podagra hæreditaria profunt opiata, internæ & externæ adhibita, spiritus lumbricorum volatilis: externæ aqua spermatis ranarum, spiritus vini camphoratus, oleum saponis Veneti, spiritus lumbricorum cum spiritu vini abstractus, &c. In Arthritide hæreditaria lumbrici mundati in concurbita munita in locum calidiorem mediocrem imponantur, qui fermentati & resoluti in liquorem abeunt, qui in Arthritide vaga & verà internæ & externæ commendantur. In Epilepsia hæreditaria valet maximè spiritus secundinæ humanæ, de quo scribit GNOEFFELIUS, se *Poloniæ Regem* ab epilepsia inveterata curasse. Præparatio ejus fit per fermentationem: debet esse secundina imprimis filii & primiparæ. Valet etiam in hoc morbo hæreditario liquor cornu cervi succinatus D. MICHAELIS, qui præservat, & insultu epilepticos minuit: in D. SCHERZERI filia laudabili cum successu propinabatur. In Mania & Melancholia hæreditaria prodest etiam spiritus secundinæ humanæ; item sanguis asini post aures productus, qui etiam convenit in Philtro cum mania.

Ratione Conditionis certæ Causæ Morbosæ Morbus vel Malignus vel Benignus dicitur. Morbi Benigni sunt, qui sunt secundum ordinem naturæ & habent ordinaria symptoma-

ta. Malignum in sensu Medico id dicitur, quod apparenter quidem & quoad externa signa, aut externam formam, non adeò malum videtur, ut in se sit pessimum, & quod propter graviora & insolentiora symptomata summum vitæ periculum minatur, qua ratione idem ferè cum *Venenoso* erit: e.g. Febris tertiana per se est benigna; si autem *lipothymia, convulsiones, deliria, &c.* apparent, dicitur *Tertiana maligna*. Maligni nomen sortiuntur hi Morbi per metaphoram: nam apparenter sunt morbi ordinarii, & tamen gravissima symptomata inferunt. Vitæ periculum minatur malignum, vel repentina symptomatum truculentia, vel subitanea virium sine causa manifesta prostratione; & quidem inter symptomata insolentiora, quæ ordinariò in malignis reperiuntur, primum est virium prostratio sine manifesta causa. Certè in febribus malignis continuis, ubi patiens non videtur mutatus, ingruit malignitas cum subitanea virium prostratione, cum tamen urina & pulsus sint boni. Hæ, quas prosterint, vires sunt vel animales, vel vitales, vel utraque simul; Adeoque causa maligna vel sanguinem ejusque spiritum vitalem simul, vel spiritum animale nervorumque systema simul, vel utrumque afficit. Differentia hæc est Universalis, & tam febribus, quam ferè omnibus reliquis morbis, convenit: nam dantur etiam diarrhææ, dysenteriae & cholerae benignæ vel malignæ. Non autem una eademque malignitatis in quibusvis morbis aut febribus malignis vel venenosis est universalis Ratio aut conditio, tam subjecti patientis, quam symptomatum hinc enatorum varietate, propter diversos effectus & morbos, quos inferunt; sed specialis ratio in singulis morborum malignorum causis distincta est, quod in Praxi non minus locum habere suspicor. Alia enim ratio est dysenteriae malignæ, alia variolarum, alia pestis, alia purpuræ puerperarum, alia in catarrhis epidemicis, alia morsus canis rabidi, &c. Alii morbi maligni sunt acuti, ut febres ardentes; alii chronici, ut lues Venerea: Unde pro affectuum varietate & symptomatum ubique diversitas emergit, ex quibus diversæ malignitatis ratio distincta facile postmodum conjecturari potest.

Fundamentum autem Malignitatis consistit in Causa morbosa, quæ si præter ordinariam nocendi vim violentius agit, ut quasi veneni naturam acquirat, tunc infert morbum malignum, gravioribus symptomatibus stipatum.

Speciatim *Febrium malignarum*, & quod ferè semper ipsis conjunctum est, *Contagiosarum*, cæteris morbis malignis & contagiosis frequentiorum, quod attinet rationem, earum natura admodum adhuc est intricata: sive enim singularem humorum putredinem, quo ipso tamen nihil explicant; sive sanguinis coagulationem præternaturalem, ut WILLIS de Febribus; sive ejus nimiam dissolutionem ab Alcali volatili acerrimo factam, ut vult SYLVIUS in Praxi, ubi de Febribus malignis, item de Peste, & PAULI in sua Digress. de Febribus Malignis; sive verminosam putredinem & corruptionem, aut tale vitium humorum, ut progenies copiosissimorum minutissimorum vermiculorum progerminet, velimus asserere, ut KIRCHERUS *Scrutin. Pestis*, HAUPTMANNUS in *specie de Viva Mortis Imagine*, & L. ANGIUS in suo *Colleg. Patholog. in Fabrum*, item MARCUS MARCI in *Philosoph. Veterum Restituta*, qui examinat hanc sententiam; eamque rejicit; nunquam tamen universalem rationem exactè istarum explicare poterimus, adeò obstrusa adhuc earundem nocendi ratio est.

Quæritur ergò, in quo causa morbosa Malignitatis consistat? Respond. Præsuppono, omnia symptomata esse duplicia; quædam Facultatis Animalis, quædam Facultatis Vitalis. In genere in febribus malignis maximè ferè laborare videntur spiritus; nunc quidem magis Vitales cum massa sanguinea, unde cum subitanea virium prostratione pulsus frequens, celer, parvus, ut in febribus petechialibus, observari solet corpore adhuc ad sudorem disposito; nunc verò spiritus animalis nervosumque systema à malignitate afficiuntur, unde Agrypnæ, deliria, convulsiones, &c. cum omnimodo ferè sudoris defectu affligere solent; ita ut Causa *Febrium Malignarum in destructione spirituum influorum consistere videatur*. Ut plurimum sunt Contagiosæ; unde ea, quæ superius dixi de contagio, huc commodè applicari poterunt: spargunt nempe de se miasmata maligna, vel ab Acido vel ab Urinoso participantia, quæ nullo modo sunt unibilia cum corporis nostri succis & spiritibus, sed instar fermenti pistorii massam sanguineam & spiritus insigniter inquinant & transmutant, adeoque in alio subjecto suscepta similem priori ludunt tragediam.

Febres hæc Malignæ similesque Morbi Maligni, ut morbilli,

billi, variolæ, in principio optimè curantur per sudorifera appropriata, cum absorbentibus mixta; hæc ipsa enim optimè malignitatem expellunt, & massam sanguineam purificant: in specie conducunt Alexipharmaca volatilia ex Animalibus desumpta, conjungenda cum Antimonialibus fixis: quibus semper camphorata & salia volatilia, sal volatile C.C. & Viperarum addenda, tanquam optima Alexipharmaca. His quando ægri sunt inquieti, & anxietates habent nimias, laudani opiatum granum unum alterumve addi potest; quod & HORSTIUS in incremento Morborum Malignorum suadet. Observandum tamen, ne hoc fiat in statu tempore criseos; nam opiatum criticas motiones impediunt: vid. BALLONIUS in *Confil.* & LINDANUS in *Scriptis Medicis*: Et quidem Sudorifera sæpius repetenda sunt, idque eò frequentius, quò magis maligna est Febris, ita ut 24. horarum spatio ter propinetur. *Sivitis nitri cum terra sigillata in febribus malignis tanquam Aurum potabile est.*

Post sudores provocatos, ne ægri nimis debilitentur, dandi sunt Julebi & Potiones acidulæ, imprimis cum & ex citro paratæ, quæ massam sanguineam sub sudatione nimis dissolutam denuò ad consistentiam debitam redigant. Plura habebitis in Collegio Practico.

Præservationem in Febribus malignis & epidemicis optimè præstant *Acida blanda*, ut acetum, in specie acetum destillatum, Bezoardica & Alexipharmaca Infusione simplicium parata: item citrus ejusque succus, cydonia & similia: item haustus largior vini. De his quotidie manè ante egressum è domo haustulus sumptus egregiè præservat, in specie; si cum tantillo camphoræ fuerit junctus. Plura in Collegio Practico.

Ratione durationis seu Motus. Morbus dividitur in *brevem vel longum*. *Longus* seu *Chronicus* Morbus est, qui diu durat, tardèque movetur; *Brevis* est, qui citò ad finem & terminum per venit. Hic si conjunctus est cum aliquali vehementia & symptomatibus gravioribus, dicitur *Morbus Acutus*, qui semper Febrim conjunctam habet. *Requisita Morbi Acuti sunt*, ut primò *celeriter*; secundò *periculose*; & tertio *cum febre*, conjunctus sit: hinc syncope, passio hysterica, &c. ad Acutum Morbum non refertur. Distinguendum autem inter Morbum *subitaneum* & *paulatinum*. *Paulatini* sunt, qui successive inchoant; v.g. Scorbutus; *Subitanei* sunt, qui citò afficiunt, ut apoplexia. Passio hysterica, &c. Subdividuntur Acuti Morbi ratione majoris vel brevioris Durationis, ut sint *peracuti*, vel *Acuti simpliciter*, vel *Acuti ex metamorphosis*. *Peracuti* sunt, qui intra 7. dies noctesque finiuntur; & iterum exactè *Acuti* sunt qui quarto die finiuntur. *Simpliciter Acuti* sunt, qui in 14. aut 21. diebus terminantur. Isti sunt, qui à tricesimo ad quadragessimum diem terminantur. *Propriissime* tamen isti Morbi *peracuti* sunt exactè *peracuti*. *Fundamentum morborum acutorum consistit in vi & efficacia causæ morbosæ*, quæ vel potentius in corpore operatur; vel tardius operationem inchoat.

Morbi porro dividuntur in *Periodicos* & *Non Periodicos*. *Periodici Morbi* plurimi dantur, & sunt, qui per certa temporum intervalla redeunt, ut febres intermittentes, tertiana, & quartana, menstruatio mulierum, quæ certum suum observat tempus; quod etiam interdum observatur in hæmorrhoidibus virorum periodicis.

ZACUTUS LUSITANUS & BENIVENIUS habent *Observationes*, quod peculiare Evacuationes periodicas, easque sanguineas, per loca peculiaria passi fuerint homines. Cum scorbuto Arthritis vaga, dolor dentium scorbuticus, scorbutus ipse, Asthmatici & Catarrhales Affectus, solent secundum certam periodum, præcipue circa vespèram & noctem redire & exacerbari. Sic epilepsia, aliique capitis affectus, suos insultus certo tempore, præprimis circa Lunæ mutationes, repetere solent. Cephalalgias periodicas videbitis in SCHENCKII *Observationibus*, ubi dolores Sole persistente super Horizontem ægrotas afflixere; sicut & crismus sunt certæ periodi, In novilunio & plenilunio vulnera, præcipue capitis, sunt periculosa.

Causæ quidem latent, sed effectus satis patent.

Morbi Non-Periodici sunt, qui incerto tempore affligunt, ut febres intermittentes erraticæ, &c. in quibus sæpe occurrat scorbutus, cujus ratio in Cura habenda est, quia sæpius redeunt, & recidivæ fiunt: septies observavit Recidivam febris scorbuticæ D. Michaelis, ideoque Scorbuticis Martialia addenda. Aliàs convenit v.g. in febribus intermittenti bus extractum gentianæ, spiritus salis armoniaci, aliæque remedia, diligenti cohobatione cum spiritu cochleariæ & cochleariatis miscenda.

Generalis Morborum Affectio nempe *Tempora*, seu potius *Gradus Morborum*, in febribus, & quidem præsertim

acutis, specialius observandi, prout nempe iidem exasperantur sensim, sensimque remittunt: scilicet apud omnes ferè Medicos usitatum est, ut mutationes morbosæ, primariò in acutis, certis spatiis circumscribantur, quæ numerantur 4. nempe

1. *Principium Morbi*,
2. *Incrementum*,
3. *Status*, &
4. *Declinatio Morbi*.

Gradus hi, sed improprie. Morbi Tempora vocantur, ob usum, quod monstrant occasionem medendi debitam, & subdividuntur in Universalia & Particularia. *Universalia* sunt, quibus totus morbus circumscribitur: v.g. Febris. *Tempus Particulare* est saltem certa morbi exasperatio, si e.g. febris paroxysmo terminatur. Consideremus Febrim continuam tertianam: hæc febris integra 4. habet Tempora, quia tertia die exacerbatur; Exacerbatio hæc habet Tempora particularia, ita ut in speciali paroxysmo 4. hæc Tempora attendenda sint. Hæc Tempora Morborum dependent à gradibus fermentationis & effervescentiæ in sanguine, quam & sequuntur omnia urgentia symptomata, vel immediate vel mediate, & unde Coctionis signa materiæ morbificæ, seu præcipitatio fecum morborum in morbis salutaribus, cruditatis verò in lethalibus, se manifestant. Conf. KERGERUS de *Fermentat. Sect. 2. cap. 5.* & *Sect. 3. c. 3.* Est enim *Coctio excrementorum morbificorum per fermentationem in sanguine facta separatio*, vel *præcipitatio* instar fecum vini per fermentationem ex eo separatarum & præcipitarum: Quorum excrementorum separatorum pars à latice aquoso absorpta, & per urinam excreta, in fundo matule sedimentum exhibet, Coctionis factæ signum.

Jam *Principium Morbi* dicitur illud, ubi primò iaciunt affligere quædam symptomata, ita ut materia adhuc sit cruda. *Incrementum Morbi* dicitur, ubi symptomata graviora fiunt ob acutam effervescentiam sanguinis. *Status Morbi* est, si effervescentia sanguinis morbosa est in summo gradu, adeoque tunc urgent gravissima symptomata, ut morbi salubris perfecta signa Coctionis eveniant, non-salubris Cruditates nascentur. Cautè observet Medicus, ut

1. In tempore obveniat urgentibus symptomatis, &
2. Ratione horum Temporum morbosorum agnoscat occasionem & methodum applicandi medicamenta, & adjuvet naturam, si materia cocta ut per convenientes vias evacuetur. Quamdiu enim materia cruda est, morbus est in principio: (Conf. *Dissertat. de Præcipit. Usu & Abusu cap. 1. §. 1.*) & moveri non debet; Quia huic fundamento innititur crisis, quæ fit saltem in statu morbi. Nunquam eam turbare, sed potius adjuvare debet Medicus.

Res similiter se habet in morbo acuto Criticè finiendo, atque in paroxysmo febris intermittens: Quamdiu in hoc Rigor, horror, livor & pallor in unguibus urget, est in Principio paroxysmus; dum Calor gravius urget, est Incrementum; ubi totum corpus ardet, caput acerbius dolet, somnus parvus est vocatur status morbi; posthæc quando remittit, supervenit sudor, aliæque Evacuationes, quæ terminant paroxysmum, ubi etiam sedimentum urinæ copiosius apparet, nisi præcesserint Evacuationes aliæ. Sic & in Acuto morbo comparatum est. In febribus autem intermittenti bus nonnunquam post statim nulla coctio apparet in urina: ratio, quia jam per sudorem, qui fortè præcessit, Evacuatio facta est.

Hæc Morborum Tempora Regulam & Occasionem monstrant legitimæ Praxeos, ne turbemus naturam: *Aphorismus enim 22. HIPPOCRATIS Sect. 1. Cocta medicari oportet, non cruda*, &c. non tantum de purgantibus, sed quacunque Evacuatione sensili, etiam per urinas aut sudores, est intelligendus. Uti enim natura in statu demum, per Coctionem & Præcipationem materiæ morbosæ factam, Criticas suas Evacuationes instituit; ita & Medicus circa principium & incrementum præcipitantibus imprimis, circa statum verò & finem sudoriferis, aliisve Evacuantibus, insistere, sicque crisin negligere debet, aut potius prævenire. Hinc etiam fit, ut sæpe in principio, incremento & statu morbi, generosiora remedia, vel sudorifera vel purgantia, frustra, interdum non sine damno, adhibeantur, dum nondum separata & præcipitata seu cocta, sed omnia cruda sunt excrementa; quinimò in ipsis febribus malignis sudorifera in principio sola sæpe sunt nociva, nisi præcipitantibus sint temperata; v.g. Theriaca vel spiritus theriacalis camphoratus, est periculosus; spiritu verò vitrioli & tartari temperatus, fit egre-

egregium sepeficum in Peracutis Paracelsi, seu Mistura simplex, hinc tinctura bezoardica. Sic si in statu propinamus opiata, non fit sine periculo egri: Quod etiam in principio Morbi observandum.

Inter res præternaturales supersunt adhuc *Symptomata*, quo nomine nihil aliud intelligitur, nisi *Accidentia morboſa*, quæ juxta GALENUM læsam partium constitutionem ex morbo, tanquam umbra suum Corpus, insequuntur: vel sunt Mutationes in corpore, quæ in & ex morbis oriuntur, adeoque à morbis saltem vel immediate, vel mediate, dependent. In specie autem *mutationes*, quæ sub morborum cursu sequuntur sunt vel *primariæ* vel *secundariæ*; hinc & *symptomata* sunt vel *primaria* vel *secundaria*. Sunt in triplici differentia, & quidem *primaria* sunt:

1. *Symptomata actionum læsarum*.

Ad *secundaria* autem pertinet.

2. *Symptomatum Classis*, nempe *symptomata in Excretis & Retentis*; ut &

3. *Classis symptomatum in Qualitatibus mutatis*.

Non enim nisi ex læsis Actionibus, speciatim digestionibus,

& hinc vitiatis distributionibus, vitia in excretis, aut mutata corporis Qualitates, oriri possunt. Exemplis illustrabo: *Symptomata Actionis læsæ* sunt Fames Canina, item nimius alvi Fluxus. Quando sudor prodit, item Hæmorrhagia narium, est symptoma in Excretis. *Symptomata in Retentis* sunt suppressa menstrua, &c. *Symptomata Qualitatis mutata* sunt, quando rejiciuntur Viridia per alvum, flavus Ictericorum Color, foetor alarum, &c. *Symptomata Actionum læsarum*, Ratione modorum, quibus lædi possunt, sunt in quadruplici differentia:

1. In *Actionibus abolitis*.

2. In *Actionibus imminutis*.

3. In *Actionibus auctis*.

4. In *Actionibus depravatis*.

V. g. ut maneam in terminis, symptoma Actionis abolitæ est digestio stomachi plane deficiens; Actionis imminutæ est digestio stomachi læsa; Digestio nimis confestim & repente facta est symptoma Actionis auctæ; Eadem digestio vitiata in cruditate acida & nidorosa est symptoma Actionis depravatæ.

C A P U T I I I.

DE CAUSIS MORBORUM & SYMPTOMATUM.

Causa Morbi efficiens pag. 161. est vel

I. *Formalis* pag. 161. *Spiritus Impetum faciens*, si non semper, certè ut plurimum attendendus.

1. Inſitus in Morbo particulari.

2. Inſitus in Universali.

3. Uterque ratione mutui Consensus seu Conſpirationis.

II. *Materialis* seu *Occasionalis* p. 161. quatenus sunt Res Corpus afficientes.

1. Fortuita p. 162. Externa innuentia.

2. Necessaria p. 162. eaque res vel

(1) Naturales, speciatim Naturalis seu Seminalis Contentorum Crasis & partium solidarum varia Constitutio, hinc Temperatura, Ætas, Sexus, Vitæ Genus, & in specie Idiſyncraſiæ p. 162.

(2) Non-naturales 6. vulgò notæ: Aer, Cibus & Potus, Motus & Quies, Somnus & Vigiliæ, Excreta & Retenta, & Animi Pathemata. p. 163. 170.

(3) Præternaturales, speciatim Humorū Vitia. p. 170.

1. *Retenta Helmontii*, seu Digestionum varia Errata, speciatim primæ digestionis, & inde nata Morboſa p. 170. quæ digestionum Errata fiunt vitio vel

(1) Materiæ digerendæ plus minus vitioſæ p. 171.

(2) Fermenti digestivi in digestionē p. 171. tam

(α) publica, quam

(β) privata.

(3) Excretionis, excrementivæ

(α) relictæ in Digestionis culina.

(β) transmutati

(γ) aliorum transmissi.

2. *Recepta Helmontii*, inspirata vitioſa, Contagia assumpta, Characteres hereditarii.

Causæ naturales remotæ
sunt vel

Causa Morboſarum, quæ morboſum reddunt corpus, sive internæ, sive externæ, iam attingendum est scrutinium. Circa harum considerationem *Differentiæ* earum probè considerandæ sunt.

1. *Ratione Cohæſionis* cum effectu, *Causa Morbi* est vel *immediata* seu proxima, vel *mediata* seu remota.

2. *Ratione Coeſiſtentia* cum corpore patiente est vel *externa* vel *interna*; & utraque in ordine Cohæſionis Causarum cum effectu est

3. Vel *Fortuita* seu *Causalis*, vel *Necessaria* seu *Naturalis*.

4. *Necessariæ* hæ sunt vel *Res Naturales*, vel *Non-Naturales*, vel *Præternaturales*. Res Naturales sunt Sanitas, Sanitatis Causa, & Functiones seu Facultates Naturales. Res Non-Naturales sunt notæ. Præternaturales sunt Morbus, Causa Morbi, & Symptomata, quæ inter eminent præſertim Contentorum seu humorum vitia. *Proxima Causa* interna dividitur porro

4. In *Efficientem formalem*, & *materialem*. *Efficiens formalis* est *Spiritus* impetum faciens, actionum ut sanarum, ita & morboſarum Autor, adeoque Causa proxima. *Efficiens materialis* est materia quædam vitioſa quocunque modo peccans, spiritum Impetum facientem irritans, & ad morbos provocans: *ſtylo Helmontiano* Causa Occasionalis dicitur: V. gr. in dolore dentis Causa efficiens omnium symptomatum est *Spiritus* Impetum faciens, & cujus ratione pars sentit ac dolorem percipit; *Materialis* verò seu *Occasionalis* est Acidum, in radice dentis hærens, cujus

Ettmuli. Oper. Tom. I.

ſcilicet occasione dolor excitatur.

6. *Materialis* hujus Causæ respectu est Causa porro vel Remota vel Proxima, Positiva vel Privativa; quæ dividuntur in *Continentem* seu *Conjunctam*, vel *Antecedentem*, vel *Procatarteticam*, prout nempe plures mutua conſecutione tandem unam Causam materialem constituunt: vid. *MOEBII Inſtit. pag. 90. 91.* *Continens* est, quæ immediate infert morbum, & proximè Morbo cohæret. *Antecedens* est, quæ corpus plus minus disponit ad hunc vel illum morbum: interdum prima fronte latet. *Occasionalis* est, quæ movet Causam antecedentem, ut exinde Causa Continens emergat. Pono e. g. juvenem vini bibacem, qui ratione crebri haustus post nimium motum incidit in pleuritidem: hic in *pleuritide* Causa Continens est sanguis coagulatus, in pulmonibus & circa pleuram herens: Causa antecedens est Acidum vinosum, successive sanguinem disponens ad facilem sui coagulationem: Causa Occasionalis est haustus frigidus post nimium motum vel ætium, quæ movent Causam antecedentem, & infert pleuritidem. Consideremus porro passionem nephriticam: Causa antecedens est orta in Renibus dispositio, ratione cujus renes dispositi sunt, ut facile urinam mutent: occasionalis est usus Rerum nimis acidarum.

In specie jam Rerum illarum, quæ sub censum Causarum morboſarum veniunt, nocendi Rationes considerabimus. Hæ inter primò se offerunt, quæ vel secundum immutabiles naturæ leges necessario nobis obveniunt, ut easdè nequeamus effugere, quin semper tales cōcurrentes cau-

L se ex

se ex naturalium corporum actione & passione corpus nostrum ita afficiant & alterent; vel fortuitæ & non-necessariæ, eæque omnes externæ, fortuito casu & per violentiam nobis occurrentes. Necessariò nobis obvenientes sunt 6. Res Non-Naturales. Fortuitæ verò, & quæ non necessariò nobis occurrunt, sunt varia, quæ inter imprimis sunt ea, quæ unitatem partium mutuamq; cohesionem tollunt, adeoq; vel contundunt, vel vulnerant, vel erodunt, vel adurunt, &c.

Res hæc fortuitò ingruentes, & causæ, quæ violenter corpus ledunt, vi saltem externa possunt lædere partes corporis nostri continentes & contentas. Jam hi Affectus ab his Causis fortuitis sunt parvi ponderis in se licet occasionem dent symptomatis gravioribus: Morbus autem per contusionem subjicitur Chirurgiæ Manuali, quæ opponitur Chirurgiæ Medicæ. Ab his lésionibus infertur in genere talis morbus scilicet læso sanguine & nutrimento proximo sequitur Acor præternaturalis, qui infert omnia symptomata his lésionibus supervenientia, unde tota Chirurgia Medica consistit in destructione talis Acoris, in parte læsa nati.

Quæ contundunt, ea occasione faciunt dislocationem pororum & meatuum in parte contusa, & conterunt vasa capillaria loci contusi, hinc non potest non ob poros distortos impediri sanguinis motus, & consequitur suffusio sanguinis & ejus extravasatio, unde livor; sanguis extravasatus subito moritur seu vita privatur, hinc in cadaverisato sanguine mox emergit Acor peregrinus, qui sanguinem in grumos coagulat:

Omnes Contusiones & Vulnere spontaneo naturæ motu restituuntur & consolidantur, modò impedimenta removeantur, quæ sunt alimenti partis roridi & sanguinis effusi, ex spiritus vitalis dissipatione superinductæ in parte læsa alterationes, & successive corruptiones & putredines, præsertim ab aere ambiente obortæ, quas inseparabiliter comitatur Acor vitiosus, ex ista corruptione natus.

Hic vitiosus Acor subito omnem ludit Tragœdiam, infert nempe dolorem, rodendo partes fibrosas nerveas, tumorem erysipelaceum, totusque spiritui vitali balsamico partisque conservatio prorsus hostilis, instar fermenti peregrini partem affectam, ejusque alimentum proximum, multifariè alterat, illudque in Pus falsum de natura alcalina, saniem & ichorem transmutat; Unde tandem, nisi Acor maturè temperetur, facile ulcera depascentia emergunt, fermento hoc corruptivo acido in vulneris, & inde nati ulceris labiis alimentum proximum & sanguinem inficiente, & in liquamen sordidum seu ichorem transmutante, continuo ulterius se multiplicante & serpente, cum copiosissimo vermiculorum proventu in omni pure obvio, & non nili per microscopium cognoscendo. Quò magis fermentum hoc est excessivum, eò magis fit ulcus depascentes. Sic puerpera hujus loci mammam ulcere affectam habuit, ubi admissio microscopio Chirurgus vermes observavit, quo in casu bufonum pulverem, & oleum arsenici adhibuit, quod oleum fit per triplum nitri & liquationem in cella. In gangrena, ex lue Venerea proveniente, HARTMANNUS vermes (ut illi, qui in caseis reperiuntur) innumeros, observavit.

Modo ergo vel præcaveatur, vel jam inducta subito corrigatur, vitiosa ista aciditas per remedia, vel Balsamica dicta seu Vulneraria, Alkali temperato & oleoso constantia, (quod ipsum confirmat HELMONTIUS, & post eum TACHENIUS in Hippocr. Chymico, quod horum succus revivificet Mercurium) vel Metallica fixa, partim omne vitiosum Acidum successive delentia, & sordes inde natas saponaria virtute blandè abstergentia, partim spiritus nostros corroborantia; quascunque recentes læsiones ac vulnera, citra suppurationem omnem, inflammationem & tumorem, facile & tuto coire faciunt: siquidem & vulnera & ulcera omnia ac abscessus istis optimè mundificata, nova carne facile replentur.

Inter Res fortuitas externas accurrit etiam Ambustio. In omni igne est Acidum, quod confirmat experientia; vid. TACHENIUS: nam ignis est actus dissolutionis corporum sulphureorum; omne autem corpus sulphureum habet occultum Acidum. Hoc præsupposito, ab omni subiecto igneo, præter motum celerrimum, quem ignis infert, Acidum in igne se insinuat in partem, & subito liquefacit nutrimentum partium roridum, unde emergunt pustule albæ, quæ nihil aliud sunt, quam nutrimentum partium roridum, ab Acido ignis subtili, mediante celerrimo motu, liquefactum: (ab Urinosis enim colliquefactum nutrimentum exhibet pustulas nigras;) hinc modò removeatur hoc Acidum, & Ambustio facile curatur.

Huc quoque pertinent Veneficia, quæ à demone oriuntur per incantationem, quæ sunt duplicia, vel realia, vel præstigatoria. V. g. Incantatio realis est ligatura maritorum sub sacerdotali copula; item si quibusdam partibus introducuntur ulcera, contracturæ, atrophia, &c. Hæc sunt realia. Effectus præstigatorii sunt varii, qui putantur, sed revera non sunt; e. g. quando indurantur panes, ut nulla re possint discindi: Quò etiam pertinet, adversarii arma fascinare. De Præstigiis nihil dicam, sed effectus reales evolvam. Dico autem, quod Satanas non possit præter naturam agere; soli enim Deo id competit: nec contra naturam, aliàs hic destrueret ordinem à Deo institutum; mutabilitatem enim rerum naturalium Deus sibi reservavit. Quidquid igitur Satanas agit in incantationibus, fit per media naturalia, secundum naturam.

Quæritur (1) quomodo operetur secundum naturam? & (2) an talismodi à Satana producta possint per media naturalia dissolvi? Resp. Satan satis perspicax est in Operibus naturæ; imprimis utitur beneficio sagarum vel talium, quæ decrepitæ, vel constitutionis Melancholicæ sunt, adeoque maximam habeant imaginationem; hinc utitur Mediis naturalibus, sed abutitur imaginatione talium sagarum, mediante qua, tanquam directrice. Media naturalia dirigit ad subiectum lædendum: vid. HELMONTIUS de Magnet. Curat. Vulnerum, MARCUS MARCI Philosoph. Veterum Restit. Part. ultima Scripta PARACELSI de Philosoph. sagaci, &c. Phantasia enim agit in distans, in mediis scilicet naturalibus. Communiter quidem dicunt, Phantasiam non agere in distans, quod tamen falsum est.

Sequuntur has res fortuitas Res magis necessariæ, & quidem primò Res naturales dictæ, quæ disponunt corpora nostra ad morbos; quales sunt Etas, ratione cujus v. g. juvenis magis dispositus est ad morbos acutos, quam senex decrepitus; infantia prona in epilepsiam, unde juxta HIPPOCRATEM Sect. 2. Aph. 45. A comitiali morbo juvenes potissimum mutatione ætatis in regionum & victuum liberationem accipiunt. Sexus, dum sexus femineus ratione mensium deficientium proclivis est ad cachexias. Temperamentum, primariò idiosyncrasia uniuscujusque hominis, sive hæc connata sive adventitia fuerit. Ad illam pertinent ista omnia, quæ ratione constitutionis seminalis parentum hæreditario jure quibusdam eveniunt, quando e. g. varia abhorrent: Ad hanc verò pertinent, tam quæ ex consuetudine diuturna, & hinc successiva facta quarundam partium alteratione, eidem singularem dispositionem inducunt. Prioris ratione sunt aliqui, qui abhorrent varia. AMATUS LUSITANUS in Italia familiam dicit vivere, è qua nemo malum comedere potuerit qualia exempla etiam SCHENCKIUS habet, ubi filii à caseo abhorruerunt, uti pater; filia verò comederint, uti mater. Si constat, Gravidas, si nimium aliquo cibo usæ fuerint, dehinc quoque infantes natos ab ejusmodi cibis abhorruisse. SCHOTTUS in Physica Cur. narrat de Gravidâ quadam, quæ genuit infantem, à pane abhorrentem, quia ex pudore non postulavit panem mater, quem in nuptiale convivium deportare viderat. Posterioris ratione, ex successiva spirituum & succorum alteratione, uxoribus quibusdam Ambre & moschi Odore hysterica pathemata excitantur, quæ tamen Virgines optimè ferre poterant. Exemplum ridiculum refert SALMUTH de carnificis Wittenbergensis fervo, qui Pharmacopolium ingrediens, & fragrantiam simplicium diversorum & compositorum nariibus percipiens, lipothymiam incurrit: cum autem ministri Pharmacopœi accurrentes Odoriferis suavissimis eum reficere volunt, horum applicatione lipothymie intenduntur, donec casu accedens ipse carnifex illum ad cloacam deducit, sicque per odorem consuetum reficit. Sic non pauci ex terrore subitaneo epileptici redduntur, ita ut levi accidente terroris occasione paroxysmi redeunt. Idiosyncrasia hæc ratione subiecti variant, & nunc in sanguine, vel alio quodam contento naturali, nunc in solida quadam parte (id quod ferè ratione spiritus insiti accidit) radicaliter hærent.

Succedunt his sex res non-Naturales, quibus necessariò corpus nostrum est expositum, ita dictæ ex eo, quod nec principia, nec causæ corporis nostri, ejusque partium, constitutive sint, nec tamen sint contra naturam, sed mediæ inter id, quod est præter naturam & secundum naturam, pro vario earum statu & usu, & neutro modo se habeant; legitimo scilicet usu corpus nostrum conservent sanum, perverso verò abusu illud egrum reddunt. Dicuntur autem potius Res evidentes, seu Causæ privativæ & externæ. Regimen harum Rerum dicitur diæta; adeoque primariò quidem ad sanam vel egram, non verò ad longam, vitam faciunt,

minimè omnium autem vitam ad Annos 120. prorogant, sicuti *Claudio Theodato in Pantheo Hygiæ*. hoc placuit.

Nempe non immediatè nos eæ lædunt, sed mediantibus digestionibus corporis nostri vitiatis: unde prout hæ plus minus vitiatur, etiam Res nonnaturales Causæ morborum plus minus fiunt, sive à rebus non-naturalibus digestio publica, sive nonnullarum partium digestio privata, lædatur. Hinc observant Chirurghi etiam, uno loco facilius longè curari Vulnèra, quàm alio: Ratio est in Atmosphæra, quatenus digestionem partis alicujus præ altera magis lædit, & ita consolidationem faciliorem vel difficiliorem reddit: v. gr. quando radii solares vel lunares vulneribus & ulceribus excepti, ea notabiliter in deterius alterant, vitiando scilicet digestionem partis privatam.

Inter Res non-naturales eminet Aer, quem non tantum continuo inspiratu attrahimus, unde sanguini in pulmonibus permixtus necessariò ejus statum insigniter alterat, & simul salivæ aut alimentis permixtum ventriculo ingerimus; sed etiam, quia præter hanc substantiæ suæ nobiscum communicationem, ulteriùs, quatenus nos ambit, varia sua temperie corpus nostrum insigniter afficit, dum aere frigido irritantur fibræ cutaneæ nervæ, & spasmò quasi constringuntur; quibus contractis pori firmiter constringuntur; & sicut *Sicut cutis asserina*, unde insensibilis Transpiratio impeditur. Aer quidem ex se est corpus subtile admodum acrarum, receptaculum aliorum corporum; per poros tamen intra corpus penetrare non potest, quia obstant intus in cute papillulæ. Summa autem hujus ad vitam est necessitas, ut in naturali statu nec ad quadrantem horæ eo carere possimus; ab inspiratione enim incipit Vita, & expirando fit Finis. Necessarius scilicet est pro volatilisatione ac resolutione sanguinis in pulmonibus, tam ad continuandam spirituum productionem, quàm ad promovendam excrementorum insensibilem evacuationem, idque beneficio sui salis volatilis quasi nitrosi, instar veri salis universalis Hermetici, omnia coagulata dissolventis, & omnia fixa volatilifantis, mediante inspiratione nobis communicati. Sal enim hoc occultus vitæ cibus est, imò unicus secundator seminum & plantarum, vocaturque spiritus mundi, sal Hermeticum, *Avicula Hermetis*, sal Philosophorum, *Mercurius Philosophorum*, qui sulphuri metallico fixo combinatus dat mysterium Philosophorum. De hoc intelligatur *Tabula Hermetis*. Præsentia hujus salis comprobata videatur à *ROCHAS Galloin scrutin. Aquarum metallicarum in Theatro Chymico T. 6.* qui meretur legi, *NOYSEMENT de Sale Philosoph.* Dicitur sal universale, quia in se est indeterminatum ratione matricum, cum omnibus corporibus assimilabile, & maximam cognationem habet cum Acido vitrioli & nitro, in quo est sal universale concentratum, à seminio quodam nonnihil alteratum. Inquinatur ab effluviis sulphureis, hinc laboriosi sunt Chymici, ut sal hoc possint capere, aut pro medicamento universali, aut huic proximo, variis nempe constituendis magnetibus pro concentratione magnetismi sulphurei alcalini, quia sal istud acidulæ naturæ videtur. Vocatur & Principium salinum universale. Prout ergo sal hoc plus minus aerem imprægnat, aut copiosiori effluviis aëreorum miscela hebetatur, ut tempore pluvioso, hyberno, &c. variat subinde aeris efficacia, & sanguinis perfectio, ac spirituum crasis.

Accedunt bis multivariæ exhalationes seu effluvia plus minus fermentativa, ex omnibus corporibus continuo exspirantia, & aerem largiter imprægnantia: hæc ipsa enim & inde mutatus Aer, Morborum epidemicorum & non-epidemicorum familiares Autores existunt; quamvis corpora nostra sæpe insensibiliter afficiant; uti ille, qui à præsentia felium abhorret, felis sibi ignotæ effluvia persentiscit, à quibus natura alteratur, & lipothymia inde sæpe oriuntur. De ejusmodi miasmatis seu effluviis noxiis, unde sæpe pestes aliique epidemici morbi oriuntur, vid. *KIRCHERUS in Tractatu de Peste*, ubi 6. potissimum specie recenset. Sic qui sub juglandis fruticibus vel taxi umbra acquiescunt, per ejusmodi effluvia afficiuntur narcosi ejusmodi, & sæpe lethalibus affectibus afficiuntur, Binis modis nos afficiunt; vel immediatè, quatenus inspirata sanguinem in fermentatione & crasi plus minus afficiunt; vel mediatè, quatenus prius alterant sal universale aeris, quod ipsum plus minus alteratum hebetatumque alterat sanguinis crasin. *Temporibus præprimis Cardinalibus*, Solstitiis ac Æquinoctiis, & imprimis Æquinoctio verno, hæc manifestum est, unde etiam hoc tempor. aer milleformibus fermentantibus vegetabilium germinantiis & astrorum effluviis infectus, massæ

Ettmulleri Oper. Tom. I.

sanguineæ fermentum quasi novum indit, eandemque turgescere, & vehementius fermentare facit: unde quicquid heterogeni & excrementitii in eadem reperitur, separatim foras, quæ data porta, amandatur. Hinc etiam sæpe febres intermittentes, morbi que cutanei, & similes affectus eo tempore frequentiores, & sæpius loco Medicinæ sunt: vid. *SCHÖCKIUS Tractatu de Fermentatione*, ubi tradit; Fermentationem illam animalibus indere, ut coeant, &c. *Omnia enim varietas aeris duplici ex fonte, tam in substantia quàm temperatura, aut ex corporibus inferioribus, terreis, & ibi contentis, aut ex superioribus, astris &c. emanat. Aer matutinus Mense Majo maximè est salubris*, si tempore matutino in loco aperto largiter inspiretur; hoc ipso enim vis singularis pro vita inspiratur, ob sal universale tunc efficacissimum: unde *DIGBÆUS de Vegetat. Plantarum*, in Rore Majali sal nitrosum asserit, quod vires habeat fecundandi omnia Vegetabilia. Ex hujus Roris Majalis sedimento terreo varia animalcula, muscæ, papiliones, aliæque, uti & plantæ varieg, succrescunt. Hyberno tempore possunt vegetari plantæ ex Martiali Rore & verna pluvia, si terra hoc Rore vel pluvia imbibita fuerit: hinc phthisicis suadent multi ejusmodi deambulationes intra mensem Martium & Majum circa Æquinoctium, ut balsamicum illum spiritum in aere existentem attrahant, & sic sibi auxilium concilient. Tempore canicularium dierum facile putrescunt carnes, licet non adeo magnus æstus solis sit: hinc dissuadentur purgationes altiores & fortiores. Autumnus dicitur Mortifer, ob varietatem nimiam aeris; hinc sæpe morbi chronici, scorbutus, quartana, malum hypochondriacum, aliæque mala, exasperantur.

Quoad Astra, notum est, in quantum aerem alterare, & solitaria alia afficere soleant; hinc enim & Temporum ac Climates & Regionum, & hinc Nationum, ista diversitas. Apparet hoc in Ostreis, canceris, aliisque, etiam radicibus, quæ pleniores sunt plenilunio vel crescente luna, quàm illa decrecente. Multum verò in maniiis, epilepsiis & apoplexiis videmus ejusmodi affectus alterari, & modò imminui, modò augeri. In eclipsibus modò deteriores, modò mitiores redduntur morbi. *An Astra saltem per motum, & hujus variâ modificationem mediante lumine, an verò etiam per effluvia corporea, quæ ex se diffundant, Aerem, & alia corpora sublunaria alterent? Res adhuc intricata est.* Posterius nonnulli affirmant, cum Radii Astrorum sint materiales, & solis radii nil aliud sint, quàm ignis subtilissimus; quod confirmari potest ab iis, qui radios solares in pulverem subtilissimum fuscum vel rubrum per speculum ustorium, aut certa instrumenta, concentrare sciunt; de quo *DIGBY* videatur *Tr. de Immortal. Animæ*, ubi de Luce, pag. 62. item *MORHOFF de Transmutat. Metallorum* pag. 56. item *MEYSONERIUS de pulvere sympathet. Thesi 3.* aut radio lunæ plenæ per speculum quoddam in materiam maximè viscidam lactescentem, facta frigidam, in spongia unire volunt, ut Gallus quidam, *GUIDO de la Brusse*, refert *Tractatu de Vegetat. Plantarum*.

De radiis lunaribus quæritur; An sint calidi, an frigidi? Sunt qui asserunt, omnes esse frigidos: vid. *WEPFERUS de Apoplex. Subjecto p. 260.* Ego autem puto, radios lunares esse calidos in infimo gradu. Quis enim jure dubitet, quod aliud quid sint, quàm radii solis reflexi? Per experientiam autem constat, radios solis esse calidos: ergo & lunares erunt calidi, sed in minutissimo gradu, ut fervor eorum successivè remiserit. Confirmat hoc *SANCTOR. SANCTORIUS in Commentar. in librum 1. Fen. Avic. Quest. 11. pag. 108. & 486.* quod per speculum radios lunares concentratos direxerit in Thermometrum, Germanicè, in ein Wetter-glas, unde successivè liquor in Thermometro contentus deorsum fuerit versus, quod Germanicè redditur: *da sey der liquor des Wetter-glasses deorsum descenderet*; quod experimentum est dilatati aeris per calorem.

Aliàs quæritur, an ventres hyeme an æstate, calidiores sint. Lis est de lana caprina. Sensus enim testantur, quod æstate calidiores simus extra; quod pulsus etiam magnus, frequens & celer, ex fermentatione magis aucta probat; hyeme verò intra & extra magis frigeamus; quod etiam sitis approbat, quæ in æstate major; vid. *PLEMPIUS Fundament. Medicinæ*, qui de hoc prolixius. Quod enim in hyeme magis edamus quàm æstate, fit ab Acido, tam corporis quàm stomachi, quod tempore hyberno acrius est: nam tempore æstivo luxuriat magis sal urinosum in massa sanguinea.

Quod attinet globum terra-queum, hic semper effluvia mittit in aerem; hinc diversæ sunt plage, dum effluvia hæc ratione regionis, vel marinæ vel montanæ, insigniter variant

aerem & hominum dispositiones. Minus ingeniosiores sunt homines v.g. *Muscovitæ*, ob lacuum effluvia, aerisque crassitiam: *Chinenses, Japonenses, Hispani*, &c. ingeniosiores sunt & alacriores: Nos in Germania mediocri tenemur in statu, ob aeris constitutionem temperatam, In specie marina loca, uti *Dania*, &c. ubi aquæ, itagna, aliaque oriuntur effluvia, nutriunt morbos endemios, chronicos, scorbuticos, hypochondriacos, & ingenia eorum sunt torpidiora. In Montanis, ubi copiosæ sunt minerae, ibi aeris maxima est varietas. Instar omnium sit Aeris varietas post aquæ motus, post quos sæpius pestem grassatam fuisse, observatum est. Ubi minerae sunt, non omnes homines durare possunt: sulphurea effluvia noxia (ubi quoque ejusmodi montium incendia reperiuntur) obvia sunt. Loci enim comparatio multum facit ad constitutionem hominis, sicut etiam *OLEARIUS* in *Itinerario Persico* hominum exterorum morbos observavit pro variatione illorum locorum morbidorum. Videatur etiam *MANDELSLOH* in *Itinerario*. Optima loca sunt nonnihil montana mediterranea, quæ Orientem spectant. Obiter notetur, quod istiusmodi aer vitiosus corrigatur per sulphur & nitrum, & pulverem pyrium, quæ sufficiunt pro medicatione aeris pestilentialis & epidemici. Aer ergo inspiratus nos non alterare non potest. Consuetudinis tamen ratio simul habenda: Aer enim turbidus, aut alio modo vitiosus, sui incolæ propter consuetudinem minus lædit, peregrinos autem facile afficit. Exemplum habet *SOLENER* de Stabulario febricitante, qui in conclave mundum & aeris purioris translatus pejor se habuit; in stabulum autem reportatus convaleuit.

De Alimentis nunc agendum.

Quoad secundam Classem Rerum Non-Naturalium, *Cibum & Potum* seu *Alimenta*, de his verum est, quod hæc per abulum plures jugulent, quam ensis. *Sanis omnia sunt sana*, modò sobrie & probè multiplicata assumantur, stomachus famelicus simul appetat, & non abhorreat, quia fermentum digestivum potenter quælibet, quæ dictante appetitu ingeruntur, in suam ditionem trahit & coarctat. In specie tria consideranda veniunt circa victus rationem, & legitimum alimentorum assumendorum usum.

1. *Debita ciborum quantitas.*

2. *Debita eorum qualitas, &*

3. *Legitima utendi ratio.*

Hic autem peccatur excessu & defectu, de quibus videatur *MOEBIUS*. Quantitatem & Qualitatem, sicut & assumendi modum in alimentis, solus præscribit appetitus, tam in sanis quam in ægris, cum appetita facile postmodum perficiantur & digerantur à stomachi fermento, sive aperantur ad usum suum, live insueti: Nam Appetitus est forma rerum assumendarum, quarum Qualitates determinat, nec fertur, nisi in ea, quæ stomacho sunt convenientia & grata; hinc quod sapit, nutrit: Quæ autem non appetit, illa etiam non facile digerit, sed indigesta relinquit. Unde ægris non facile est imprimendus cibus, quia, ubi appetitus abest, vel ex fermento vitiato, vel absentia, tunc cibi potius cadaverisantur & putrescunt in ventriculo. Contingit quidem, ut interdum homines sine appetitu accedentes mensam, de quo appetitum accipiant; sed hujusmodi homines plerumque laborant scorbuto vel malo hypochondriaco. Hinc sicut ab *Assuetis*, sicet *deterioribus*, non facile recedendum, dictante *Hippocrate*, ita insueti, si appetantur intensius, non facile deneganda, utpote cum id dictante natura contingat, ut ex alimento insueti appetito sæpius non solum nullam noxam habeat, sed exinde non raro corpori remedium paret, cibique antea minus appetiti consuetudine fieri nobis possunt amabiliore.

Quantum in alimentis cujuscunque loci & regionis consuetudo valeat, notissimum est, ita ut, qui cibis solidioribus ordinariò fruuntur, delicatiorum & molliorum usum ferre non possint; Vino autem vel spiritui vini adfueti, si potulenta hæc existenter nimis denegentur, morbos facile incurrunt. Quod etiam pertinet, quæ de immoderato, innoxio tamen, opii usu *WIERUS* lib. 3. cap. 18. & *HOLLERIUS* de *Morborum internorum* Curat. lib. 1. cap. 6. in *Scholio*, habent; Consuetudo enim, sæpe alteram naturam constituit, adeo ut medicamenta & venena sæpe in nutrimentum convertat: Unde carbonēs & cineres, ac atramentum, aliaque apparenter nociva, etiam venenosa, non affligunt mulieres pica laborantes: & quanquam mulieres gravidæ carnes crudas & solidas appetant, non tamen læduntur; Ratio, quia appropriatæ sunt fermento ventriculi, cujus acorem temperant: vid. *HELMON-*

TIUS Tract. Victus Ratio. Hunc brevibus his complectitur *HORNIUS* in *Arca Moysi* pag. 131. Dietam seu Regimen legitimum alimentorum in duobus consistere; Sobrietate & proba Masticatione. *Quantitas non Qualitas*, Ciborum nocet, unde *HIPPOCRATES* inquit; *Sanitatis esse studium, non satiari cibis*, id est, superesse debet famis aliqua portio; hinc Germani dicunt: *Vuann es am besten schmecket*, solle man auffhoren: i. e. à nimio cibo, cum maximè appetitum afficit, abstinendum est. Et melius est, in ciborum defectu quàm excessu peccare, quia mala inde pejora. Alii tamen aliis sunt salubriores, alterant nos saltem ratione digestionis primæ: adeo ut, quodcunque rectè digeritur, corpus sanum conservet, quod malè, corpus morbosum reddat.

Omnia ergo in cibo vel potu concedantur sanis & ægris, quæcunque vehementer appetunt; nec potus in siti est prohibendus; subiguntur enim à fermentis, nec nocent. Unde quando nos urget fames & sitis, edamus & bibamus, & quidem tantum, quantum suffecerit ferè appetitui: hinc non adeo rigorosi sint Medici in dieta præscribenda. Sic in vulnere capitis, si appetunt ægri vinum, temperari potest lapillis cancrorum aliisque; sicuti contra vel caseus vel butyrum in iis, qui hæc abhorrent; non sine noxa sunt, & non raras cardialgias vel lipothymias inducunt: & jusculum carnis optimum, aut delicatus cibus, in stomacho febricitantis, qui illud abhorret, cadaverisatur & corrumpitur; hæc verò assumptus, quia appetitus, non nocet, sed interdum ex insperato febrem contumacem & intermittentem, aut alium morbum, sanat: sic 1400. hæcæces mulier gravis comedit, qui non nocuerunt: vid. *TULPIUS* in *Observationibus*. Unde sæpe connivere potest Medicus ad Appetitum mulierum gravidarum. Hinc est, quod Rusticis consueta, duriora alimenta sine noxa sint, quæ delicates morbosos reddunt, & contra: Ratio consistit in fermento ventriculi, & inde oriundo Appetitu, & sic omne litigium de *Qualitatibus Alimentorum* est inane. Subsalum & subdulce est fermentum seu menstruum illud ventriculi fermentativum: si nimius ingurgitatur potus, acor ille pro fermentatione debilitatur: hinc si fermentum illud sale volatili non satis imprægnatum est, cibi etiam non ritè fermentantur, hinc crudus chylus ad sanguinem devehitur, unde sæpe coagulationes sanguinis, cruda urina, stranguria, &c.

Pertinet etiam ad Qualitatem ciborum nimia Varietas. Circa hanc varietatem hoc observandum, quod nempe sæpius in medicamentis & alimentis simplicibus major virtus reperitur, quàm in compositis; quod etiam de cibis intelligendum; *Alimenta enim quò simpliciora, ed utiliora*; uti illi Medici optimi sunt, qui simplicioribus medicamentis curare norunt morbos. Varietas autem ciborum simul ingestorum ingentes introducit noxas, depravationes fermentationis, alterationes, &c. Quò major copia varietatis, eò noxior existit.

Ordo etiam Ciborum assumendorum nullus est, quia per fermentationem in stomacho omnia confunduntur, ut ima supremis & vice versa misceantur, & quæ prius digeruntur, prius etiam elabuntur è ventriculo: vid. *WALÆUS* de *Motu Sanguinis*, & *CHARLETON Exercit. 2.* qui de Cibo in ventriculo agunt, an chylus, antequam omninò perfectus factus, ventriculo elabatur?

An potus prius, an solida ingerenda prius? queritur. Multi potum, præcipuè in *Anglia* præmittunt, quod verò consuetudini adscribendum. Melius videtur, si solida præmittantur, ut magis diluantur; è contra si liquida præmittantur, fermentum diluitur, quod in cibos deinde agere non potest. Si verò præsupponatur, mucum ex cibis oblinire fermentum, quod in malo hypochondriaco vel scorbuto sæpe observatur, hoc in casu satius est in his morbis pro ablutione præmittere liquida. Legitima Utendi ratio consistit in Ciborum faciliore digestionem, de qua *suprà* P. 1. c. 5. sufficienter egi.

Quoad Corruptionem Alimentorum, ea duplex est, vel Rancor, vel Putredo; quod etiam Situs pertinet. Rancor Vegetabilibus convenit, imprimis rebus sulphureo pinguibus oleosis, quando occultatum eorum Acidum per dissolutionem misti sub putredine fit manifestius, unde talia Aciora percipiuntur; ubi simul in his copiosissima Putredo animata, per Rancorem subnata, observatur, unde in corpore nostro si oriuntur vermes, mirari non debemus. Sic in aceto sæpe reperiuntur vermiculi, præcipuè ubi corrumpi incipit. Situm quod attinet, consistit in aliqua Vegetatione, quia nihil aliud est, quàm herbula in re efflorescens & germinans, quod confirmat *HOCK* in *Micrographia*. Hæc in Genere.

In specie quorundam Alimentorum natura evolvenda est. Alimenta autem, quæ assumimus, sunt vel *solida*, vel *liquida* aut aquea. Liquida sunt aqua, secundum naturæ dictamen: assumitur tamen à nobis aqua medicata. Quod attinet *Alimenta solida*, desumuntur ex Vegetabilibus & Animalibus. Inter Vegetabilia eminent semina, Cerealia dicta, ut secale, hordeum, Oryza, milium, &c. quæ maxime nutritiva sunt, quia scatent pulpa lactea, & quasi chylifera, unde ob talem oleositatem adeo nutritiva alimenta sunt, & omnia temperata. Medicamentosa sunt, quæ intemperata, & nos alterant: Hæc sunt vel acra, vel amara, vel fixa, vel volatilia; e.g. Aromatica, Absinthium, ruta, lavendula, majorana, origanum, serpillum, &c. Venena sunt intemperatissima. Purgantia sunt medium inter alimenta, & medicamenta.

Alimenta per fermentationem resolvuntur in chylum, quæ mediante gummola & viscida, temperata tamen, Vegetabilium nutrientium substantia, in specie cerealium, duo salia, Acidum & Alkali, (ratione quorum obtinent vim germinativam, & certo modo tractata fermentativam) in recessu habens, & cujus substantiæ gummosæ ratione ista nos nutriunt, in stomacho resolvitur in alimentitium succum, & per fermentationem disponitur ad promptiorem in sanguine volatilisationem, & ei assimilationem subeundam. Nempe quamplurima, si non omnia, Vegetabilia, imprimis semina cerealium, in se habent gummolam & viscidam substantiam, quæ in Vegetabilibus est Objectum, in quod operatur stomachi fermentum, & ex quo parat chylum nutritivum, tanquam quoddam Extractum. Apparet in omnibus decoctis Extractisque seminum & herbarum, itidem in succis fructuum, per humiditatis aquosæ exhalationem inspissatis; relinquunt enim massam crassam, viscidam & gummolam, plus minus copiosam. Substantia hæc Vegetabilium gummola & mucilaginosa nutritiva, si addito quodam fermento, aut alio modo fermentando volatilifetur, mutatur in spiritum vinosum, formaliter distinctum ab eo, quod erat antea, & ita non est amplius Objectum fermenti stomachalis, in quod operari debeat; & ob id non est amplius nutritiva ut alimentum, sed est refocillativa spirituum, quatenus spirituosæ. Sic v.g. secale, triticum, pomum, &c. sunt Vegetabilia nutritioni destinata; si verò per fermentationem legitimam volatilifentur, ut fit in cerevisiis, item vinis ex Vegetabilium succis paratis, potui inserviunt, non adeo diu in stomacho eorum vis maturatur, quin spirituosæ eorum partes raptæ in arterias in consortium spirituum assumuntur, & ita *Potentia citius nos recreant Esculentis*. Sic ex succo uvarum per fermentationem obtinetur spiritus, insigniter nos restaurans, sed parum nutrit; æst uvarum passæ citra succi expressionem exsiccatae, & comestæ, egregie nos nutriunt.

Substantiæ hujus nutritiæ fermentatio ut promoveatur in stomacho, arte prius extra corpus fermentantur, ut in panificio & cerevisiæ confectio. In Panificio quidem tota consistit ars in eo, ut semina cerealium excitentur in motum fermentativum, ut in stomacho facilius digerent; & promptè in chylum mutari possint. Farinæ additur fermentum & aqua ad promovendum statum fermentativum, unde Acidum seminum occultatum dissolutum emergit, fermentando resolvi, & in spiritum volatilem volatilifari incipit: sed in ulteriori progressu fermentatio nondum planè absoluta; exsiccatione & tostione in clibano solet impediri, ita ut non perfectus spiritus vinosus generetur, sed tantum spiritus acidus volatilis (in recessu tamen duplicatur) in pane concentratur; facili igne per Retortam ex pane destillabilis: hinc omnis panis saporem plus minus acidulum habet, & spiritus acidus volatilis invenitur in eo, qui habet singularem vim dissolvendi reliqua assumpta alimenta, & instar menstrui alicujus Chymici corpora etiam fortia solvit. *Panis ergo* assumptus liquefcens in cremorem propter fermentum susceptum, herbas & cibos alios, quibus cum masticatur, simul facilius colliquescere cogit, & ita quasi quoddam fermentum est aliis cibis in adjumentum additum, salivæ beneficio in masticationem exsuscitandum: ob id *Panis rectè Theriaca Alimentorum* audit. Ratione etiam spiritus acidi volatilis, homogenei aliquomodo adeoque amici stomacho, ejusque fermento, nunquam Panis, continuè licet comesti, imprimis secalini, nos capit fastidium, quin potius masticatus, aut naribus applicatus, odor ejus susceptus debiliores valde recreat, ac quibuldam vomitum imminuentem, & nauseam à medicamentis ingratis obortam, cohibet ob spiritum acidum, qui egregium etiam est stomachicum: & sicut ægrotantes ejus

ultimò nostædet, ita reconvalescentes primò ejus recuperamus Appetitum. Reliqua substantia panis est pars temperata, resoluta non nihil à nimia gummositate per fermentationem; quæ facilius in chylum abit. Ut ergo ex pane ritè fermentato tot habemus comoda, ita ex eodem vel planè, vel non sufficienter fermentato mille imminet incommoda, quia instar pastæ tenacissimæ maximum laborem facit fermento stomachi, tam in dissolutione, quam in fermentatione.

Denique substantia horum seminum cerealium præparatur ad faciliorem chylicationem per fermentationem etiam in Liquidis, e.g. in Cerevisiarum Coctura. *Cerevisia* enim est *Potus satis nutritivus*, qui paratur ex hordeo & lupulo, ubi duo consideranda:

1. Præparatio seminum.
2. Conditura per lupulum.

Præparatio consistit in Germinatione, Coctione & Fermentatione. Semina ut germinent, rigantur aqua, quibus aqua se insinuat, gummolam substantiam dissolvit, hinc salia bina occultata in motum excitantur, unde Germinatio. Semina hæc germinantia, hoc est, occultè fermentantia, tostione ab ulteriore progressu inhibentur, ne salia planè avolent, nec suam activitatem perdant. Propterea torrentur, & postmodum aqua coquantur, sub qua coctione eorum intima substantia dissolvitur, quo, post cocturam cerevisiæ peractam, principia fermentativa non penitus exhausta novam fermentationem efficere queant, & ita in perfectam cerevisiam abeant: qua facta liquor, perfectè inflammabili spiritu præditus remanet, unà cum substantia gummola nutritiva facillimè resolvable & fermentescibili, in qua ipsa, pro Acidi præmatura exaltatione impedienda, aromatico quasi Condimento, lupulo v.g. sale volatili oleoso impregnato, à corruptione præservatur: si enim cerevisia sine lupulo esset, per fermentationem promptè acresceret. Id autem ne fiat, impeditur per lupulum, qui beneficio salis aromatici volatilis activitatem Acidi nonnihil refrænât & temperat: unde quò magis pinguis est lupulus & amaricatus, eò longius cerevisia conservatur.

Præmittitur autem his inchoata germinatio, ut ea resolvantur viscidæ substantiæ compedes, & ita explicata salia post cocturam melius fermentare queant, quia citra hanc germinaturam per cocturam pasta saltem tenax, facillè mucescens (hoc est in *plantulas* & *flocculos progerminans*: vid. *HOCK Micrographia*) non verò liquor dulcis fermentescens, eliceretur. Cerevisia enim non ritè fermentata adeo est nociva, partim quia non ritè est defecata, vel quia fermentatio ista demum absolvenda in stomacho, quæ quia fit cum erustatione Gas, maximæ turbulentia fiunt, & Potus tales in stomacho acescunt, mediante quo vitioso acre multa symptomata in stomacho excitantur.

Nunc considerandi veniunt *Fructus succulenti*, ut poma, pyra, cerasa, &c. quæ turgent succo maturo quidem, sed facillè fermentescibili, unde quidem suggerunt alimenta, sed minus copiosa; & propter impetum fermentativum in stomacho debili facillè possunt reluctari naturali digestionem, unde diarrhœæ, cholera, febres intermittentes, &c. causantur; hinc non recentes, sed potiùs arefacti, usurpantur. Quia autem sunt succulenti, exinde fiunt Potentia liquida, sub nomine Vinorum: quando e.g. succus uvarum, pomorum, pyrorum, cerasorum, rubi idæi, &c. fermentando rediguntur in *Potum vinosum*. Ut enim Potus ex cerealibus seminibus sunt Cerevisiæ, ita iidem ex succis fructuum per simplicem fermentationem parati sunt Vina: quò etiam saccharum cum passulis, & mel adjecto Zingibere, vel caryophyllis pertinent, fermentationis medio, ab affusa aqua, Vina suppeditantia, ita ut per simplicem fermentationem ex fructibus succulentis fiant Potus vinosi.

His in Potibus vinosis duo sunt consideranda:

1. Substantia alcalica sulphurea, seu spiritus sulphureus volatilis inflammabilis.
2. Substantia acida.

Spiritus sulphureus est oleum succi uvarum fermentando volatilifatum: constat enim spiritus vini ex occulto acido, subpingui tamen & sulphureo, quibus adhæret tantillum alcali; quæ omnia copiosa aqua sunt soluta. Hoc occultum Acidum in spiritu vini quidam probare conantur, quod cum sale volatili urinæ, ritè per fermentationem parato, coaguletur in consistentiam crassam; putant enim, bina salia cum occulto Acido spiritus vini se mutuò amplecti & coagulari, & inde corpus quasi liquidum opacum constitui: Verum errant; quia nulla hic fit coagulatio propriè dicta sed saltem

Pinguedo ex spiritu vini præcipitatur, & phlegma spiritus vini cum spiritu urinæ se statim conjungit. Spiritus vini hic ratione substantiæ salino-sulphureæ, seu salis volatilis oleosi, vim narcoticam & nonnihil stupefactivam, acquirit, quia illi, uti & floribus multis, in est sulphur narcoticum, ratione cujus ex Vini fermentatione homines narcosi in cellis obruuntur, ut temulenti concidant: Unde opium solutum in spiritu vini nobiliorem vim habet narcoticam, quam simpliciter adhibitum. Moderato autem usu spiritus vini confortat, qui a præcedente facili alteratione spiritibus nostris vitalibus est assimilabilis; illegitimo verò & nimio usu lethi ferum evadit venenum, spiritus animales turbat, & sulphur non assimilabili eisdem varios in motus confusos & inordinatos excitat, & instar opii aliorumque narcoticorum figit, unde stupor mentis oritur; cum seducat ad lethargos lethales, apoplexias, & epilepsias; partibus quoque nervosis immoderato usu maxime noxius est, cum reddat spiritus torpidos, & ad actiones debitas imbecilles & inertes.

Præter hunc spiritum in vino volatilem, ope fermentationis productum, spiritus animales ipsi quasi symbolizantes pro vario usu diversimodè afficientem, Aciditas vini plus minus manifesta est attendenda: nam & Vina dulcia Acido suo non sunt spoliata, utut propter sociatum copiosum alcali pingue minus sensibilis iste sit Acor. Quod ergo attinet substantiam vini acidulam, est illa quasi nucleus vini, quæ mox in lachryma vitis sub occulto Acido se manifestat, & per totum ejus cursum per acetum, tartarum, &c. semper ubique se manifestat, constituit Animam vitis & vini. Hoc acidum variaz est naturæ pro vinorum varietate, nunc volatilius in Vinis generosis, nunc fixius tartareum in vinis minus generosis, ut vina nostratia sunt: in Vino Rhénano est volatilius, volatissimum in Vino Hispanico, cujus Acidi ratione oritur ejus usus pro vita salubri & non salubri. Scilicet Vinum reverà est humanum nectar, & lac fenum, in legitimo usu; dum spiritus ejus volatiles cum spiritibus nostris vitalibus symbolizantes, in eorum confortium recipiuntur, & Aciditas ejus volatilis stomacho est grata, ut post Acidum spirituosum panis simile non detur, unde vim stomachicam habet. Acidum istud vinosum, nisi probe sub digestionem in primis viis corrigatur & alteretur, aut à bile in duodeno in salum volatile transmutetur (id quod fit in nimis copiosa & inordinata ingestione, qua sub crudum adhuc per intestina ad reliquas partes distribuitur) mille malis sui Amatores multat. Aciditate enim volatili, extra stomachum toti corpori hostili, in intestinis Torminatolica, & exinde, si est volatilior, in Artubus Pareses, producit; in vesica Strangurias, quod apparet, si vinum in vesicam immittatur, unde punctiones illæ oriuntur, quæ in Stranguria, &c. in renibus sal urinæ volatile aliquali putredine resolutum in Calculum coagulat; in artubus synoviam in Tophos cogit, & partibus nervosis & membranosis Torturas Arthriticas; aliis in locis musculosis & fibrosis, corrugando fibras, partium contracturas & Paralytes contumaces, item Catarrhos, Apoplexiam, subinde etiam Epilepsiam, inducit, cum nihil æquè hostile sit nervis ac frigus, & manifestum Acidum. Istud autem Acidum corrigere ac destruere possunt contraria marina, cancrina, coralliata, C. C. ustum, ps sepia, &c. quæ tactu vini & aceti saporem alcalinum diureticum acquirunt, & per urinam educunt: Specialiter ad vini noxas abigendas conveniunt spiritus volatiles urinosi, sal tartari alcalisatum, spiritus tartari, & sal tartari volatile, quatenus Acidum vini nimium corrigunt, in salum transmutant, & sub forma copiosæ urinæ aut sudoris blandi evacuant: Tartarus enim & vinum ex uno loco originem ducunt, unde habebunt quasi symbolisationem radicalem, ut amicissime se uniant, ob quam unionem fit, ut mala inducta corrigantur. Quæ dixi de Vino, etiam de cerevisiis, & reliquis Potulentis vinosis, quæ acescere possunt, intelligendum & applicandum vid. BECHERI *Physica Subterranea* cap. de Fermentatione.

Sicut in Vegetabilibus gummosa est substantia, quæ nutritionis nostræ subjectum seu materia est; ita in Animalibus esculentis eorum gelatina est, quæ nos nutrit & sustentat. In specie quod attinet carnes, aliasque ex animalibus desumptas partes, quod juniora & saniora sunt animalia eò & earum usus salubrior: id quod & in lacte imprimis observandum, cujus bonitas ex bestiarum sanitate & pastura, quæ salubribus herbis nutritur, judicanda. Animalia enim, quæ pascuntur herbis salubribus, salubriorem habent carnem reliquis. Lac est depuratus quidam chylus, cujus alimentum non in sapore & odore consistit, sed in salubritate & vita longa; hæc enim lacti characterem imprimunt: unde

lac asinum ob tempus longævum inter quadrupedantia solet commendari Phthisicis emaciat. In genere vim habet nutriendi, & ratione partis butyrosæ, quæ HELMONTIO plantarum Magisterium dicitur, quamcunque corporis nostri acrimoniam, temperandi; unde contra scorbutum Svecorum est quasi panacea: contra spiritus vini nimium usum in Moscovia lactis haustus adhibetur. In sero lactis est egregium nitrum volatile, & refrigerium in febribus malignis, effervescentiam sanguinis compescit, & in scorbuto, atque ab hoc oriunda Cephalalgia, decantatissimum est. Alias lac facile fermentat, facillimè acescit & corrumpitur, vermiculos generat, & iisdem scatet; miasmata etiam varia facile recipit tempore pestis: quando in ventriculo coagulatur, summè noxium est; cephalalgias enim, choleras, anxietatem, & alia mala inducit: vid. HEINRICUS ab HEER, & AMATUS LUSITANUS. Mediæ ætatis animalia, succo nutritio adhuc abundantia, & quò hic uberior, eò magis nutriunt: Variat enim hic succus pro varietate animalium, cum alia ratio sit animalium domesticorum, alia sylvestrium. Domestica succo gaudent magis temperato, magis pingui & chyloso; ergò hæc plus nutriunt: Sylvestria verò magis salino gaudent succo, & non adeò facile sunt concetibilia; domesticorum enim caro melior & delicatior est sylvestrium carne. Inter ipsa animalia domestica est differentia, & variant vel ratione ætatis; dum juniorum animalium, e. g. caro vitulina, est temperatior respectu bovinæ & adultorum; vel ratione sexus: castrata præcæteris conveniunt, quia fermentum testium inspiratum vehementiorem sanguinis fermentationem reddit, ita ut nutrimentum salum & minus temperatum reddat, secus ac in castratis fit. Volatili copioso urinoso sale omnes animalium partes largiter abundant, temperato tamen eodem aliis particulis subacidis oleosis seu pinguibus, unde copiosum nutritivum succum largiuntur: Indurata verò fumo, aut condita copioso sale, & difficilis digestionis; & pauci nutrimenti & imtemperati, copiosique excrementi, esse solent. Nam ratione macerationis cum muria sal volatile carniū ab Acido salis communis imbibitur, & primaria sua substantia privatur, hinc duriora sunt & difficilioris digestionis; illæ verò jacturam patiuntur partium alcalium salinarum ac sulphurearum, magis salubres sunt, & certam vim medicamentosam à fumo obtinent, cujus sal volatile acidofallum imbibunt, quod ex parte resarcit jacturam salis volatilii proprii. Crebrior usus carniū salitarum & fumo-sarum ad affectus chronicos disponit, unde si his velimus uti, necesse est, addamus Acidum temperantia juscula, vel embammata, scilicet ex nasturtio, ex cochlearia, raphano, sinapi, &c. cum aceto vel vino, & saccharo; hinc melius fermentantur. Caro venatica non est facilis digestionis, adeoque ad putrescendum aeri exponitur, ut eò facilius possit digeri, alias crebrior usus plerumque disponit ad Affectus Melancholicos. Inter omnes optima est caro cervina; tum quia totus cervus est alexipharicus, tum propter faciliorem digestionis qualitatem in ea delitescentem, sanitatemque optimè conservantem: si quidem cervus sale volatili copioso abundat, & est longævus ob optimum temperamentum.

Quod attinet Motum, hic est summum Vigiliarum exercitium, & reverà, tanquam res Medica multum valet: Et quidem Motus Naturalis debitus promovet

1. Motum omnium corporis contentorum, tam intestinum, quam fermentativum, & sanguinem tenuiorem ac fluidiorem reddit.
2. Promovet robur partium continentium; unde cum corpus nostrum sit machina hydraulico pneumatica, multum valet.

Nam moderato motu artuum muscoli fiunt firmiores, dum crebrior spirituum & humorum sit distributio, & magis nutriuntur; hinc quoque ad fibrarum tenacitatem moderatus Motus facit, Præterea, ut Alimentum massæ sanguineæ restorationi & corporis nutritioni, ita moderatus motus intestinus ejusdem Assimilationi & Purificationi inserviunt; adeoque dum circulationem, & inde vitalem ejus fermentationem, adjuvat & auget, etiam simul alimentorum ipsi assimilationem, per universum corpus distributionem, & partium heterogenearum per fermentationem separationem ac præcipationem promovet, & per consequens succorum alterationem; quæ à seroso latice absorptæ, nunc per urinam sub nubeculæ seu levis sedimenti forma, nunc per poros cutis insensibiliter transpirando, excernuntur: unde sequitur, quod Motus corporis quascunque fermentationes mirè promoveat; chylicatio enim, sanguificatio, & depu-

depuratio sanguinis, ut & assimilatio, per motum fiunt. Notum enim est, quod motu corporis semper fiat rapidior sanguinis motus, hic autem promoveat omnes excernendorum, fecum, &c. excretiones, & id fieri aliter non potest. Dein promovet motum sanguinis localem in loci distributionem: motu enim corporis muscoli nunc laxantur, nunc stringuntur, nunc deprimuntur, nunc attolluntur, hinc excretio fecum fit. Ex his infero, *Motum corporis esse succedaneum omnis Medicinæ*, ita ut, qui debito gaudeant motu, æteris paribus sint sani, & in specie fit *Medicus omnium morborum chronicorum præservando curandoque, vicarius nempe omnis venæsectionis purgationis, alteriusque sanguinis correctionis*; quod rusticorum & mechanicorum gens palam testatur, & mulier ista cachectica, cujus PANAROLLUS mentionem facit in *Observat. Pentec. 1. Observat. 30.* confirmat. Cum enim fundamentum omnium morborum consistat in digestionem primam plus minus læsa, his motu possumus succurrere: nam cum ex mala digestionem & excernendis p. n. retentis Chronici morbi fiant, sequitur per impeditum Motum hos impediri etiam: Multum etiam Veteres tribuerunt Motui, hinc artes gymnasticas instituerunt, de quibus scripsit MERCURIALIS elegantem *Tractatum*. Hæc tamen de motu moderato intelligenda veniunt, cujus moderamen consistit in eo, ut tunc sufficiat motus quando membra æqualiter calent, & aliquantulum madent, turgere, & aliquomodo rubescere incipiunt. Distinguendum autem inter vitæ genus plus minus laboriosum, & habebimus consuetudinis rationem, ex qua diversi effectus deprehenduntur; ita quidem, ut rustici & durioribus laboribus aliis dediti, à vita sedentaria paucorum etiam dierum mox quasdam molestias & morbos incurrant, Herculeos autem labores optime ferant: otiosi è contrà ex levissima corporis agitatione, & lassitudine summa, mox graventur, & de dolore ferè osteocopo conquerantur. Motus hic convenit dimidia hora ante pastum, seu post peractam digestionem, ut distributio chyli faciliatur & adjuvetur, & massa sanguinea purificetur per insensibilem transpirationem: à pastis statim non conducit, quia impeditur digestio prima, & cruditates causantur: simul quoque ad tempus anni attendendum, an hyems adsit? ubi sudor difficilius erumpit. Motus verò non sit nimius, quia hæc ratione aliis etiam sanguis nimis agitur, spiritus dissipantur & excernuntur una cum sudore & excrementis; hinc post nimium motum sensuum debilitas, artuum languor, & virium defectus, oriuntur. In æstate igitur pro condensatione aliqua sanguinis conveniunt Acida moderata, pulvis hepaticus ruber ex spiritu vitrioli vel nitri, aliisque Acidis, unde spiritus non dissipentur.

Quod attinet Quietem, moderata illa confert ad punctum nutritionis & assimilationis, refocillat corpus, rore nutritivo illud perfundendo; hinc ex quiete & sedentaria vita oritur corpulentia & pinguedo insolita. Videre licet hoc in Rusticis & Mechanicis, qui laboribus defatigati somno recreantur. Summus enim *Quietis gradus est somnus*, in quo consuetudo multum valet: nam qui certis quibusdam horis dormire aduiscunt, circa idem tempus spiritus animales quieti mox indulgent, quo elapso, dormire non possunt; sicut è contrà certis quoque horis expergiscimur. Somnus aliis & Vigiliæ, si modum excefferint, mala sunt.

Quæritur de *Somno Meridiano, an salubris sit, nec ne?* Lis est de lana caprina: consuetudo potius, quam rigorosæ Medicorum leges, in consilium vocanda. In aduetsis enim, vel iis, qui parum noctu dormiunt, vel in senibus, vel corpus studiis macerantibus, saluberrimus est, modò fiat sedendo, non jacendo, ut eò melior fiat digestio: si enim jacent, non adeò convenienter fit digestio. In locis calidioribus etiam somnus ille Meridianus absque noxa peragitur, v. g. in Persia, Romæ, &c. *Cubitus abeuntes potius & melius in latus sinistrum inclinare possunt*, quia chylus crudus non ita facile elabi potest ex ventriculo; præcipue ubi potus nimis ingurgitatus: vid. SCHENCKIUS in *Exercit. Anatomicis*. Nimis tamen somnus fugiendus est, quia nimio somno impeditur legitima alimentorum fermentatio, unde chylus non ritè elaboratur, corpus minus purificatur, & cruditates coacervantur, actionumque corporis lassitudo sequitur, & sic quiete nimia morbi chronici oriuntur. Longiori somno possunt indulgere Cholerici & Sanguinei dicti, ut spiritus eò melius recolligi possint, qui nimirum illis vigilantibus dissipantur; Phlegmatici è contrà parcius somnum celebrent.

Vigiliæ sunt omnium sensuum exercitium: nimis sequuntur immoderatos spirituum motus & agitationes, v. g. à vulnere, ubi spiritus afficiuntur, quos somnifera seu opiata figunt & ipsorum motum cohibent: Unde testudo & Musica so-

mnium inducunt, quatenus spiritus & sensus avocantur à motu inordinato seu intentioni; & sic somnum inducunt. Vigiliis nimias sequitur corporis debilitas & labefactio virium, ubi plantis pedum applicantur folia rutæ cum sale, raphano, fermento & aceto acerrimo in Cataplasma redacta. Ex nimia autem narcosi spirituum, oritur *somnus nimis*, præsertim ex nimio opii usu. In diarrhœa, cholera, dysenteria, aliisque morbis acutis, præprimis malignis, hæmorrhagiis, hypercatharsibus, &c. si inducatur somnus, magnum est commodum; hoc enim illæ excretiones sedantur. In singulis igitur opiata bona sunt, si modò recto tempore adhibeantur: in morbis acutis & malignis valde profunt, modò vires adhuc constant. Opportunè itaque suadet BALLONIUS in *Consiliis* & dicit; *nec in principio nec in statu conducere, sed in incremento*. Nam ubi instante crisi opiata applicare aliquis conatur, naturæ negotium impedit, unde morbi sæpè chronici, pedum gravamina aliaque mala: sicut & in deliriis, melancholiis, phrenitide & maniiis, somni spontanei conducunt; per opiata autem inducti magis nocent quàm profunt, & sæpè in lethargos nocivos abeunt. In diarrhœis cum Theriaca laudanum opiatum est miscendum; in cholera datur laudanum opiatum cum Bezoardico Joviali & Anrimonio diaphoretico. Observandum tamen, ne somnus nimis iis, qui cerebrum habent frigidum; inducatur,

Quoad *Excreta & Retenta*, talia excernenda sunt quadruplicia: nempe

1. *Excrementa*, quæ reiciuntur per alvum, remanentia ex digestionem prima.
2. Quæ reiciuntur per *vesicam*.
3. Quæ *transpirant* per corpus sensibiliter & insensibiliter.
4. Quæ foras reiciuntur per *Genitalia*: Quod etiam pertinent *Menses*.

Hæc inter primum locum tenent excrementa alvi, ubi ex chylo: post fermentationem blandam in duodeno, à bile & succo pancreatico sequitur separatio & præcipitatio partium crassiorum seu excrementorum. Sicut ergò inutilium rejectione corpus salubre redditur, utilium verò rejectione semper debilitatur; ita quando excrementa retinentur, corpus impurum reddunt, cephalalgias, aliaque vertiginosa mala & incommoditates pariunt, simulque functiones animales turbant: hinc alvus necessariò quotidie aperta sit, ut scoriarum digestionis primæ legitimè excernantur. Hæc excrementa si diutius persistant circa colon; indurantur & atra redduntur, hinc oritur passio iliaca seu Miserere Mei, & tandem excrementorum vomitiones, quo in malo Mercurius crudus ad ℥ss vel ℥ss. propinatur. Alias indurata excrementa per clysteres ex oleo rutæ cum tantillo nitri, vel ex oleo lini, interdum oleo amygdalarum dulcium, cum sale gemmæ educuntur, Consuetudo tamen, uti in omnibus rebus non naturalibus, ita & hic observanda: qui enim horis matutinis, postquam è lecto exsurrexerunt, per aliquot saltem dies alvum successivè deponere solent, eodem ferè postmodum momento stimulum fecum perferunt; quo verò neglecto, per totum diem excrementa retinent: sicut quoque quidam per consuetudinem alvi obstructioni diuturnæ & innoxie obnoxii sunt, quorum exempla videbitis apud AGRICOLAM in *Chirurg. parva pag. 21.* & SALMUT C. 6. *Observat. 65.*

Hæc res sordidæ sulphureo salinæ multum in recessu habent; ob *luxurians enim sulphur cum alcali volatili fecerit talis exoritur*: unde pro usu Medico multum valent PARRACELSIUS vocat Zibetum Occidentale, quo nomine alii circa testes hærentem pinguedinem insigniunt; item sulphur Occidentale, quia corpus sulphuri maximè simile per spagyriam inde elicitur. Imprimis, *excrementa humana quibuscunque inflammationibus applicata* profunt, vim anodynæ & maturativæ ad apostemata, abscessus, bubones pestilentiales, carbunculos, &c. obtinent. Habent etiam vim alexipharmacam: vid. ZACUTUS LUSITANUS l. 3. *Observat. 89.* POPPIUS *Tractatu de Peste*, & RIVERIUS *Observat. 38.* à *Fomio communic.* commendant stercus humanum cum urina propria dilutum & haustum, unde vomitus, hinc salus, secuta. In India Occidentali serpentum est genus, *Garit* nominatum, quorum morsus necessariò lethali solo stercore ægri imposito curatur: vid. SAAR in *Off-indischen Kriegs Diensten*. In angina pulvis stercoreis proprii laudatur. PETRÆUS laudat in angina & pleuritide propter nitrum, quod illi inest qui videri potest; plura enim de ejusmodi stercoreibus habet: Contra Incantationes singulare est; subinde enim vi incantatrice dolores maximi excitantur, ut ex tumorum apertione vitra &c. exeant: contra has stercus humanum calidè

impositum est mirabile in cura; vid. *RULANDUS in Pharmac. Stercoraria*. Primum infantis excrementum sumptum & pulverisatum, & pueris successivè exhibitum, præservat ab epilepsia. Fæces hæ destillatæ dant aquam subtilem contra albugines & ungues oculorum. Valde aliàs commendantur stercorea reliquorum animalium ob sal suum volatile & nitrosum; hinc in Colica; uti & pleuritide maligna succus seu pulvis stercoreis equini cum succo aut aqua papaveris erratici, & à JOELE in passione hysterica, valde commendatur; item stercorea gallinarum, cum oleo chamomillæ externè impositum, est admirabile. In Variolis puerorum, præcipuè ubi internæ exulcerationes oriuntur, *stercoreis equini succus* in potu aliquo propinatur: vid. HARTMANNUS, RIVERIUS, & PANAROLUS *Centur. 3. Observat. 37.* In Colica stercorea *lupinum* in Clysteribus commendant, quod internè ad 3j. sumitur; uti & cattorum stercorea conducere dicunt: Epilepsia laborantibus mirificè opitulatur: vid. BORELLUS *Centur. 3. Observat. 15.*; contra vertiginem infunditur in vino albo, digeritur & exprimitur. *Album Græcum* in Angina, Colica & Dysenteria valet, quod SENNERTUS & MICHAELIS tanquam summum vulnerarium in vulneribus intestinorum, & exulcerationibus eorundem, commendant. *Ex stercore anserum* juniorum Maximilianus Imperator destillavit aquam egregiam ophthalmicam: prodest quoque stercore hoc in istero flavo, & nigro.

Quod attinet *Excreta per vesicam*, ex hac urina provenit, quæ ritè excreta ad sanitatem multum confert: est enim instar lixivii, purificantis massam sanguineam in primis viis à sordibus. Ex ejus retentione, vel obstructione à calculo, aliaque causa, oriuntur lethargi, aliaque mala: retenta ultra 1. dies lethale ferè est, quod etiam testantur *Observationes*; ultra 15. diès noctesque sine periculo mortis, non potest retineri, raro ultra 17. vel 18., quia turbatur motus sanguinis fermentativus; Urina enim retenta reliquos succos turbat, & saporem lixivialeis iis infert. *Observavi* tamen urinam 17. diès noctesque suppressam, quæ die decima octava venit cum epilepsia levi. Plura quoque exempla Ischuriarum ultra 17. & plures diès noctesque non lethaliū videbitis in *M. A. N. C. Ann. 2. Obser. 30. & 176. Ann. 3. Obser. 39. ex Schenk Kid, Ann. 6. & 7. Obser. 112. Ann. 9. & 10. Obser. 78. pag. 209.* Ipsa etiam urina pro usu Medico multum valet. In Peste urina propria pota conducit: in morfu viperæ haustum urinæ ZACUTUS LUSITANUS commendat: in partu difficili urina patris hausta, & bis continuata conducere dicitur, uti etiam HARTMANNUS id annotavit.

Insensibilis Transpiratio & sensibilis Transsudatio multum etiam valet; differunt ut majus & minus. Nunquam sponte profluit sudor, si corpus rectè se habet. Est verò pars sanguinis serosa, quæ imbibit salia volatilia, totam massam sanguineam purificat, & partes solidas; omnesque cutis sordes vi sua abstersiva instar saponis abluit & abstergit, hinc præservat ab affectibus cutaneis; suppressa infert cephalalgias & febres: notum enim est, quod in genere inter causas universas febrium referatur pororum cutis constipatio, unde effluvia retenta turbant sanguinem: hinc ad febrem artificialem faciendam, commendatur litus ex pinguedinibus poros occludens; & nulla febris perfecte curari potest, nisi subsequatur sudor. Nil usitatus est, quàm quòd, si homo ex loco calido frigidum accedat, & sic sudor retineatur, ut sequantur pleuritides, peripneumonix & febres intermittentes, sanguinem coagulando; ad cujus solutionem faciunt bellis, sanguis hirci, dens apri, equi marini, vel lucii. Sub cute verò retentus, si putrescit, in tumores aut pustulas elevatur, sicut etiam per indusia sudore maculata, ac putrefactioni exposita, producere possunt pediculos copiosissimos. Nimis autem aucta Transpiratio & Transsudatio cum spirituum animalium & vitalium dispendio conjuncta est, & emaciat. Aliàs materia sudoris & urinæ est una eademque; unde quò apertiores pori, eò minus mingimus, quod in ætate imprimis apparet, & contrà; & isti Affectus, qui curantur per sudores, omnes ferè curari possunt per urinam & contrà: quando bibimus potum frigidum, eò copiosiores sudores habemus. Eiusdem naturæ est halitus oris, qui ex fermentatione sanguinis in præcordiis oritur: Hic retentus, anxietates Melancholicas circa præcordia parit. Est duplex, vel halitus perse, vel vapor. Halitus oculis profuit pro deterfione, quia sunt salis aliquomodo; unde mulieres semen fœniculi manducant pro depuratione oculorum infantium, & sic adspirant leniter infantum oculis, morbose affectis. Propter

halitum, interdum nimis acidum, Chirugi in vulnerum medela non admittunt mulieres menstruatas: nam inde deteriora fiunt. Scorbutici etiam, ubi communis, ut in Angliæ & Sveciæ, per halitum & oscula transferri solet. Huc refero *excrementa narium*, quæ etiam, cum sint lymphæ spissior & crassior, legitimè debent excerni; Unde symptomata ab ejus obstructione, his excretis brevi tempore levantur, & odor melius percipitur: è contrà retenta aggravant, ulcera interdum inducunt narium, in catarrhis præsertim, & lue Venerea propter nimiam aciditatem in lymphæ latitantem.

Sequitur *Veneris Usus*, qui immoderatus mirè debilitat, functiones animales valde lædit ob spirituum animalium excretionem, & corpus emaciat ob absumptum rorem nutritivum. Retenta autem nimis turbat corpus, mulieres ad furorem uterinum & picam disponit, viros reddit segnes minus promptos. Moderata meritò commendatur Melancholicis, ut spirituum vigor excitetur: unde Poetæ, quia sunt profundioris ingenii, ac propterea Melancholici, Veneris usu modico magis excitantur, & meliora carmina fingunt. Huc & mulierum *Menstrua* pertinent, quæ sunt hos virginum, & legitima excretionem corpus sanum conservant; retenta verò contrà: sicuti etiam mulieres ex eorum retentione dolores gravativos circa lumbos & femora, aliaque hinc emergentia mala, sentiunt.

Ut ergo excrementorum excretio aut retentio varia non infimum locum, inter morborum causas retinet; ita & locus in specie, ubi sit excernendorum ejectio, non semper negligendus est, quin aliàs corpus valde læditur, in quo demonstrando operosus fuit BOULTON, D. *Anglus in sua Medicina Magico-Physica*, dum asserit; Omnia nostri corporis excrementa participare nonnihil de spiritu ejus vitali, & hoc mediante mutuam inter se retinere sympathiam, adeò ut per foricas publicas super tetram, & matulas communes, morbi contagiosi communicentur, propter putridam, & contagiosam fermentationem. Contrà, si in campis supra herbas fortè salubres, vulnerarias, &c. urina aliaque excrementa excernantur, sanitatem per occultam sympathiam firmari; in specie, si urina excernatur super cineres fraxini, stranguriam tolli: si verò noxias in herbas & venenosas, purgantes, aut exulcerandi vi præditas, &c. emittatur, parilem corporis noxam & vesicæ exulcerationem præsto esse, & vix curabilem, prius quam hærbæ prorsus putredine fuerint consumptæ. Notum magis est, quod, si quis in latrinas dysentericorum, aliove morbo correptorum, sua, dum ista adhuc calent, exoneravit excrementa, ab effluviis adhuc calentibus simili paulò post morbo inficiatur. Eodem quoque modo comparatum esse cum urinæ effusione in matulas eorum, qui latentem fovent morbum, seu nephriticum sive alium, quem pariter contrahi inde posse, metuendum esse. Addit & hoc, quod pueri in prunas sæpius mingentes. Nephritici evaserint, alii verò exulcerationibus molestari cœperint lotio in venenosas herbas excreto; sicuti dolor & ardor ani inducitur, si cineres calidi, aliæve res acres exulcerantes, in ejus excrementa calida iniiciantur. Vid. DIGBY in *Tractatu de Pulvere sympathetico*; qui ejusmodi plura habet, quæ circa excrementa notari possunt, ubi scilicet ex combustionem excrementorum exulcerationes ani; aliæque ex aliis cum stercore operationes secutæ sunt. Qui sudant in lecto immundo, vel jacent in eo, facile affectibus cutaneis, ulceribus, lue Venerea, &c. afficiuntur; etiam interdum ii, qui modò in tali lectulo jacent, quamvis non sudant, facilius tamen ii corripuntur, qui sudant. Quæ ipsa autem non esse penitus abscondita in natura obvia confirmant exempla: ut nihil jam dicam de pulvere sympathetico sanguinem, cujus guttas excepit, sistente. Notum tamen est, quod mammæ mulierum, ex quibus in prunas candentes lac excretum, sterilecant, quòd linteum sanguine ex utero effluente tinctum, sub cineribus calidis sepultum sanguinem sistat. Porro si emittatur stercore super caput mortuum vitrioli, contumax intestinorum fit contractio; dysentericorum verò, & omnia sanguinolenta & purulenta corporis excreta, super vitrioli caput mortuum rejecta, hinc curantur: quod etiam de Mictu cruento valet; item in ulcere vesicæ, si urina excernatur supra hunc pulverem. Alii coquunt urinam ægri cum carne suilla, vel alia, aliquoties, & tradunt cani ad devorandum, sic convalescit cito æger, cane ut plurimum moriente. De Transplantatione morborum per excreta infra plura dicam.

Animi denique motus seu Affectus considerentur, qui nobis communes sunt cum brutis, valdopere nos alterant, morborumque sæpè atrocium fiunt Autores, quatenus diversimodè sub iisdem spiritibus & humoribus agitantur & commoveantur.

Formaliter autem consistunt in subitaneo & inordinato spirituum animalium impetu & influxu in cerebro & cerebello, & exin ad partes corporis intimas, ad hepat, intestina, &c. unde in talibus animi affectibus semper pulsus variat, quatenus motus cordis à spiritibus irrudentibus variat & mutatur. Ab hoc spirituum impetu & partium internarum motione omnes isti affectus oriuntur. Hinc est, quod affectus graviores repentini, Ira nempe & gaudium, &c. quoscunque motus spirituum & humorum insigniter exasperent, eorumque excretiones promoveant, hinc sæpissimè sequi solent febres periculosæ, (vid. ZACUTUS LUSITANUS l. 4. Histor. 5.) balbuties linguæ, graves & noxiæ hæmorrhagiæ, diarrhœæ & dysenterix, dolor Colicus, Morbus Iliacus, convulsiones & mors: vid. PLATER. in Observat. 35., TULPIUS, & LINDANUS Centur. 1. Epist. 1. Oriuntur quoque extra affectus podagrici, hinc dicitur; quod pater sit Bacchus, Venus mater, Ira obstetrix podagræ. Epilepsiæ etiam obnoxios reddit homines: vid. GABELCHOVERUS Centur. 4. Curat. 59 Et notum est, quàm faciliè graviores animi passionibus gravidarum abortum inducant: vid. TULPIUS l. 2. Observationum; vel vitioso charactere infantes notent; non secus ac ex ira vel terrore nutricum infantes epilepsia faciliè afficiuntur: Nutriens si terretur, & mammam catello præbet, catellus brevi post epilepsia gravissima corripitur, quæ curatur per Theriacam. Nil magis in pueris Epilepsiam excitat, quàm Terror. Mortem ex animi commotione observavit BARTHOLINUS Histor. Anatom. Centur. 3. Observat. 79. Venena animalium ex perturbationibus spirituum oriri, Ira nempe, Terrore, Furor, &c. passim inculcant moderni, speciatim HELMONTIUS in suis scriptis, in specie Tractatu Potestas Medicam. §. 29. pag. 382, MARCUS MARCI, ZWELFFERUS in Animadversionibus; adeo ut etiam hominis irati morsus non minus malignus & subinde lethalis sit, quàm viperæ, teste ZACUTO LUSITANO l. 3. Præceos Admir. Observat. 84. & PANAROLLO Pentec. 2. Observat. 42: id quod de aliis animalibus verum est, cum Autore CELSO omnis Fera morsus habeat quoddam virus: idque ex affectu vehementiore, quo tunc percita est bestia, Rapidiores enim affectus sal volatile oleosum bilis excitant; tardiores autem, v. g. Terror, Tremor & Pavor, spirituum & humorum motus supprimunt, excretionesque qualvis sistunt, & sic per diuturnos hos affectus Acidum augetur. Ex nimio gaudio quosdam mortuos esse, vulgatum est: vid. HORSTIUS de tuenda Sanitate; & LOTICHIUS pag. 244. ex nimia lætitia deliria annotat. Tristitia nimia abbreviat vitam, mortemque accelerat, aut sopitos Melancholiæ deliriorumque paroxysmos denuò exsuscitat; nimius autem motus desubito quosdam canos reddit; nimius verò Terror subinde calvos, teste SCHENCKIO Observat. 1. Ex Terrore canitiem secutam ipse in Anglia observavi; Podagram ex Terrore in quodam, qui alias parum affectus hac fuit, observavit LOTICHIUS p. 489. ex inducto Terrore mulieribus menses supprimuntur, sicuti hæmorrhagiæ narium sæpè cessare solent, quæ deinde sæpè exasperari solent: GABELCHOVERUS habet exemplum prolapsi in aquam frigidam, indeque febre correpti: memoriæ læsio à Terrore habetur in SCHENCKIO l. 1. Observationum, aliosque morbos recenset BARTHOLINUS in Histor. Anatom. Centur. 3. Observat. 41. Mensium fluxum ex Terrore exasperatum, unde mors secuta, observavit SALMUTH Centur. 3. Histor. 49. Ex Mœrore paralyfin observavit SCHENCKIUS l. a. l. 19. & l. 2. sputum sanguinis: Animi deliquium AMATUS LUSITANUS; talem ZACUTUS LUSITANUS in Mæstitia enim & Timore massa sanguinea tardè admodum circulatur, pulsus fit tardus, & spiritus non in debita quantitate ac qualitate generantur. Sed de his mirandis Animi affectuum effectibus vid. MARCELLUS DONATUS: in Histor. Medic. Mirabil. l. 3. cap. 13 p. 289. Unde contra Alterationem ab Ira adhibenda sunt ea, quæ nimium spirituum motum & sanguinis orgasmum compescunt, adeoque conveniunt acida volatilia, pro condensandis quidem spiritibus opiata cum absorbentibus, ut cornu cervi, ebore sine igne, antimonio diaphoretico, &c. In gaudiis opiata non profunt. In Terrore salia volatilia subtilia commendantur; item aquæ contra Terrorem, die Schreck Wasser in Officinis Pharmaceuticis, ex volatilibus, & quidem aromaticis, constantes, spiritu liliorum convallium. &c. unde coagulatio dissipari potest. Opiata etiam admisceri possunt.

Sed hi ipsi affectus non minoris quoque ad sanitatem sunt efficacix, gaudium siquidem solum ex usu esse salubri, refert

FERNELIUS: id quod verissimum, præcipuè autem senibus, studiosis, & iis, qui vitam sedentariam agunt, propter exaltationem spirituum imprimis convenit, modò sit moderatum: commendatur mulieribus in defectu mensium, ut & Cachecticis & Melancholicis. Nihilominus tamen nec aliorum negligenda est ratio: Ira aliquot vicibus repetita, sed moderata, convenit iis, qui cachecticis & chronicis obnoxii sunt affectibus, item mulieribus, quibus non adeo commodè fluunt menses; promovet enim sanguinis motum fermentativum, & disponit ad spiritus ascensionem sanguinis. Ex gaudio item vehementi & subitanea excandescencia cyratam podagram, paralyfin & similia; videbitis in VALERIO LA l. 2. Observat. 4, item in HORSTIO T. 2. l. 3. Observ. 15. Cum enim paralyfin solvat, inperveniens febris, teste HIPPOCRATE, sanè, ira ceu febris quedam artificialis & subitanea, non erit adeo incongrua: nunquam aliàs est proficua ira. Terrore inducto sæpè hæmorrhagias periculosas & menses mulierum sisti, notum est; sicut & quartanas contumaces, aliasque febres, interdum tollit; & similis terror ex projectione in aquam rabidos & maniacos restituit, teste HELMONTIO. Consuetudo tamen in affectibus animi, horumque vi in corpora multum quoque facere solet; dum v. g. ira hominem aliàs placidum commovens huic maligna sit, quam Xantippe rixosa pro deliciis habet.

Sequuntur in ordine causarum res præternaturales, circa quas (ut taceam inspirata vitiosa, tam endemica, quàm epidemica, ut & assumpta plus minus medicamentosa aut venenosa, quin etiam contagia aliunde hausta, præter hæreditaria morborum semina; quæ omnia generalis Receptorum nomine complectitur HELMONTIUS Tract. Morborum Phalanx & Diviso) notandum, in hac classe primario eminere digestionum quarumvis, tam publicarum quàm privatarum, errores, & inde multiplicia enata reliqua fermenta vitiosa, hincque productas sordes recrementosas, easque nunc relictas, nec ritè excretas, nunc successivè diversimodè transmutatas, & vel per se, vel aliorum fluidorum associatione variè alteratas, nunc ad alias partes & digestionum officinas transmissas, ubique naturalem corporis œconomiam hostili sua præsentia & molesta impressione turbantes, quæ omnia generali, pariter Retentorum titulo comprehendit HELMONTIUS loco citato. His enim ex occasionibus, & frequentiores & graviores omnino morbos continuo succrescere, quotidiana loquitur experientia. Siquidem uti his ritè se habentibus per nutritionem suplentur continui naturales defectus Corporis, tam spirituum & humorum, quàm partium solidarum, ita his viciatis & vitiari illa omnino necesse est.

Pertinet huc PARACELSI Tartarus, qui sub commoda explicatione (nam quæ PARACELsus de Tartaro asserit, funditus diruit HELMONTIUS Tract. Alimenta Tartari Infantia, item tartarus non in Potu) nihil aliud est, quàm Acidum vitiosum vel faciliè coagulabile, vel coagulatum. vitiisque digestionis primæ, h. e. ventriculi fermentationis, & fæcum vitiosæ separationis, genitum, à quo omnia coagula, Venereorum tophos ac gummata, scirrhus, calculos, podagricorum nodos, à tartaro seu succo acido vel coagulabili, vel coagulato, esse dicere possumus; Qui, si minora & angustiora obsideat, vala eaque oppillet, Obstructionum Autor erit. Appellationis ratio Metaphorica est desumpta à coagulo isto in vino, & in ambitu circa dolium concrecente, Tartarus communiter appellato. In specie ad resolvendum & curandum Tartarum morbosum conducunt remedia tartarea ex tartaro vini parata, ver. gr. sal tartari, tinctura tartari, &c. Sal volatile, item spiritus carminativus, & sequi. Qui plura desiderat de Tartaro, POTERIUM adeat de Febribus c. 33. de Generat. & Operat. Tartari, PARACELSUM prolixiori Tractatu de Morbis Tartareis, item JOANNEM HAYNE de morbis astralibus & tartareis.

Imprimis tamen hoc in negotio ratio vel maximè habenda est digestionis primæ in stomacho, & hinc ejusdem in intestino tenui perfectionis, quarum ratione ventriculus rectè sanitatis morborumque author dicitur; siquidem quævis succorum in corpore fermentationes, sunt saltem continuationes fermentationis in ventriculo inchoatæ. Est scilicet Cacoehyia fecundissima mater Cacoehymix, & hæc cujusvis Cachexiæ. Ponuntur nempe prima fundamenta sani & ægri corporis in ventriculi digestionem, & ex huius errore tam chronicorum quam acutorum morborum sparguntur semina. Cruditas ejus seu alimentorum chylicandorum cor-

corruptio, & depravatio innumerabilis est acidæ & nidoræ cruditatis nomine generaliter comprehensa, ibi scilicet in acidum degenerari, hic in idem deficiens, & hinc ex subnascente inchoata putredine ad emergens urinosum, utrinque vitiosè se habentia, respectu habito; *aded ut vix occurrat morbus, etiam in remotissimo loco, in cuius cura stomachi non simul tam præservativè habenda sit ratio*: Unde in Cacoehymia constituenda primatum ducunt sub chylosi commissa errata. Conferatur hic de acido stomachi exorbitante multorum morborum causa, HELMONTIUS *Tractatu à sede animæ ad morbos, item TACHENIUS in Clave cap. 9.*

Errores verò sub digestionibus committuntur, vel materiæ ex qua, vel efficientis fermenti, vel excretionis vitio. Materiæ quidem ratione, quando hæc vel copiosior, vel vitiosa fuit, adeoque fermenti digestivi vim alterutro, vel utroque modo superavit, ut ab eodem minus alterabilis existat. Fermenta digestiva tam digestionis publicæ in ventriculo & hinc vasis sanguiferis, quam privatæ in singulis partibus, vel naturaliter deficiunt, unde senectus tandem ingruit, vel præternaturaliter variis occasionibus vitiantur, aut in operando impediuntur. Equidem vitia fermentorum à priori sunt inexplicabilia, adeoque tantum à posteriori ex affectibus sensui notioribus, & secundum HIPPOCRATIS ductum ex saporibus, horumque mille potentiis explicanda & determinanda veniunt, quatenus fermenta vitiosa vitiosis suis saporibus vel potentiis Hippocraticis nos alterant, & simul contenta corporis, vitiatistalibus saporibus, inquinant, unde horum cacoehymia supervenit. HIPPOCRATES scilicet saporibus istis, & potentiis primario fermenta morbosa humorum corruptiva circumscribit, secundario verò & ipsorum contentorum vitiatam crassam seu cacoehymiam, per alterationem, ab istis fermentis inductam, delineat. Excretionis denique vitia jam supra sub Retentis HELMONTII fuerunt exposita.

Dixi, fermentorum vitia præternaturalia à priori esse inexplicabilia; nam & eorum constitutio naturalis simili modo est imperscrutabilis, adeoque non nisi ab effectu patent, quem exferunt mediante certo motu intestino, in materia conveniente concitato, cuius communia instrumenta sunt *acidum & alcali. Spiritus insitus* scilicet, quatenus nutrimenti assimilatione & agglutinatione nutritionem partium privatam perficit, fermentum digestionis tertiæ dicitur, sicut *insitus* in ventriculo digestionis primæ, & in venoso genere est fermentum digestionis secundæ. Seminalis est hæc potentia, qua ut primitus sanguinem & partes ex materia aliena fabricant & constituunt, ita eadem vi easdem constitutas per nutritionem & huic inservientes digestionem conservant. Vis verò ista (ut & omnium aliarum rerum) seminalis, sub creatione primitus nata, immediate ex mente Divina fluxit, adeoque penetrari à nobis, & formalitas ejus explicari nequit. Sin itaque fermentum tale digestivum quodcumque aliqua sui parte quacunque ex occasione vitietur, ita ut aberret in digerendo, in præternaturale degenerat fermentum, unde præternaturales digestionem, vitiosæ assimilationes, præternaturales humorum fermentationes, partium solidarum irritationes, &c. sequuntur, non prius cessantes, quam ipsum vitiatum fermentum, ejusque vitiatum sapor alteratus & correctus, & hinc nata producta pariter emendata & excreta fuerint.

Sic enim ab externo contagio Chirothecæ scabiosæ, vel nutrimenti vitio interno spiritus insitus cutis alteratur, ut nutrimentum in sanem seu ichorem acido-salsum convertat, unde scabies. Sic vitiatum ver. gr. per iracundiam in passu digestio prima, ut spiritus fermentativus alteratus, & præternaturalem saporem acidum volatilem contrahens, in massam sanguineam cum chylo delatus, præternaturalem fermentationem acutam febrilem inducat, adeoque fermentum febrile formaliter constituat. Dum itaque fermenta vel naturalia vel præternaturalia in Pathologia sub causarum morbosarum censum referuntur, intelligendum venit *Fermenti nomine in genere agens mole minimum, adeoque subtile & penetrativum, hinc summe mobile, adeoque volatile & spirituosum, & potenter activum*, seu mediante determinati motus impressione spirituum & hinc humorum alterativum, sicque simul sui multiplicativum; unde odorum subtilissimorum instar, summe tamen penetrativum, ferè se

habere videtur; hinc & HELMONTIUS Odorem seu qualitatem alicujus fracedinis, TACHENIUS Auram vocat: vid. HELMONTIUS passim, præprimis de *Caus. & Init. Immaterial. §. 24. 25.* item *Imago Ferm.*: totque etiam ab HELMONTIO in corpore humano concipiuntur fermenta, quot sunt in eadem digestionem. Uno verbo, id quod naturali in statu fermentum naturale constituit, hoc degenerans ex parte fermentum præternaturale existit; ab hoc enim associatione sui cum fermentis naturalibus facili, propter radicalem convenientiam, dum turbatur in opere suo, & impeditur plus minus spiritus fermentativus naturalis, actionum læsio, & hinc plurium morborum origo subnascentur, donec, correcto præternaturali & secreto, naturalis actionum ordo, & causarum secundum leges seminum debito modo agentium serie, seu naturæ super morbum victoria, superveniat.

Ex quibus sponte sequitur, non in magna materiæ mole causam morbosam proximam esse quærendam, nec in humorum varia colluvie eandem inquirendam, sed minima ut plurimum maximorum morborum esse initia, & causas materiales seu occasionales non ex mole corporis, sed potestate operationis, esse æstimandas, sive humores contentos fermentando, sive partes solidas nerveas sensilius vellicando, operentur. Sicut enim tantillum est materiale, quod vel apicis spiculo, vel scorpius caudæ ad unco extremo, vel vipera dentis foramine infundit in partem læsam, inde tamen atrocitas nihilominus adeo nocumenta: sicut tantillus saltem est odor ex moscho, qui foeminam hysterica tantum non exanimat: sicut tantillus est halitus quem scabiosæ manus chirotecha suo contactu communicat, aut quem scrotum Lue Venerea inquinatum, sui congressu alteri insinuat: sicut tantillum est, quod felis expirat, & tamen ob idiosyncrasiam quosdam in periculossima symptomata conjicit: sicut tantillum est de antimonio, quod sui in Vino infusione totum abdomen, & tantum non universum conturbat corpus: sicut tantillum est acidi, quod odontalgiam intolerabilem cum insigni hemi-crania, & febrilibus non raro symptomatibus excitat; Ita simili ratione tantillum est, quod frequentissimus atrocissimorum etiam affectuum Autor existit, adeoque ob sui potentiam in tantillo corpore merito fermentum appellandum. Hinc rectè & notanter TACHENIUS in *Clave pag. 237. & 242.* Acidum stomachale in corpore peccans non instar torrentis, sed instar auræ seu odoris operari asserit: vid. *Dissertat. de Usu & abusu Præcipit. cap. 2. §. 12.*

Negotium hoc clariùs patescit, si consideremus spinam etiam tantillam digito infixam, adeo ab Helmontio hinc inde inculcatam; hanc mox dolor, ardor, tumor insignis, suppuratio, & subinde gangrænæ periculum supervenit, &c.; non sanguis hic est in inflammatione gangrænata, aut pars solida, quæ peccant, sed spina, cujus hostili præsentia omnia ista gravia occasionaliter concitantur pathemata. Hinc frequentissimè tantillula est, spina, cujus tamen dolorosa aliavè inimica impressione mille mala concitantur, & in cujus spinæ perspectione & genuina evulsionem, hæc fermenti morborum aut saporis peccantis specialis cognitione ac debita correctione totius praxeos negotium unice occupatum esse debet: ver. gr. in odontalgia vel arthritide dolor, tumor, ardor, contractura, impetus febrilis locus, &c. plura ista mala producta saltem sunt morbosa, ab acido seu spina circa articulos, qua evulsa seu correctæ omnia ista sponte evanescent symptomata.

Unde ulterius probè observanda est *Distinctio inter morbum ipsum, Causam Morbificam, & inter Productum morbosum*, in corpore vel vi morbi per degenerationem materiæ, vel occasione causæ materialis, vel spiritus impetum facientis, pronatum; exem. gr. Calculus ipse in se non est morbus; sed certa ista Ametria salium, qua eadem faciliè semutuo coagulant, est morbus, qui *Lithiasis* dicitur, *cujus Productum est Calculus. In Catharro*, ubi subinde effluit copiosa lymphæ acris è naribus, hæc non est morbus, nec causa, sed est productum morbosum: *Pars affecta seu læsa est membrana pituitaria superior*, ab inclementia aeris hyberni; simili modo ac solutum Vitriolum naribus attractum ingentem Coryzæ excitat, propter acrimoniam. Sic Cachecticorum *tumidi pedes & leucophlegmatia* non sunt morbi Intemperiei humidæ, sed sunt saltem *producta morbosa cachexia*, vitio sanguificationis enata. Sæpius tam in quartana, aliisque febribus chronicis, quam scorbuto aut malo hypochondriaco, hepar & lien tumidi, imò non raro scirrholi, &c. deprehenduntur, unde vulgò ejusmodi mala

mala ex isto Tumore derivantur, quod falsum, cum potius talis splenis vel hepatis affectus sit Productum morbosum, talibus affectibus inveteratis digestionum vitio superveniens, quam radicales eorum causæ. Sic quando larynx læditur ab aere aspero hyemali, oritur Tussis: hæc putatur, mucum ipsum esse causam morbosam, tamen non est, potius est productus effectus, qui supervenit ex larynge læsa, propter quam læsam fit nutritio læsa laryngis. Talia producta morbosa merito etiam censentur *Incalescentia*, & *Refrigeratio*, tam universi corporis in febribus, quam particulares cujusdam loci incalescentiæ & phlogoses in erysipelate, &c. Sic Tumor, Ardor; Inflammatio, lachrymarum fluxus, &c. non sunt morbus ophthalmiæ, sed verò morbosa producta, occasione illapsi pulvisculi acrioris illata.

Ad talia Producta morbosa pertinet etiam Theoria *Calculorum & Flaturum*. Generatur Calculus in omnibus partibus corporis, tam in solidis, ut renibus, lingua & cerebro, quam liquidis, ut in folliculi fellis liquore, & in massa sanguinea, ubi observatum, quod in venæ sectione calculus cum sanguine profilierit: vid. SENNERTUS in *Instit.* & SCHENCKIUS in *observationibus*. Frequenter & ordinariò generantur in renibus, vesica urinaria, ultimò in folliculo fellis, propter alcali ibidem copiosius hærens: si enim paucillum Acidi instillatur in vesiculam fellis; fit Coagulatio.

Quæritur, qua ratione generentur? Veteres à frigiditate, uti glacies, aut à calore, uti lapides costiles, fieri dicunt: sed unde illi gradus eminentiores? Moderni calculorum ortum probabili magis modo à salibus ostendunt. Ut autem hoc melius intelligamus, consideremus calculum genitum, ex quibus constet; quod facile docebit ejus resolutio spagyrica. Quando enim destillatur (quod fecit TACHENIUS in *Hippocr. Chymicop.* 92. & 93. ubi habet encheirises huic operationi debitas) prodit spiritus urinosus instar spiritus urinæ, cum sale volatili acri, oleo scetido & empyreumatico remanet caput mortuum, corpus instar calcis vivæ; cui si affundatur dictus spiritus proprius destillatus urinosus, oritur effervescencia, & caput mortuum molle friabile iterum abire in Calculum durum idem TACHENIUS perhibet, ejus tamen Asserti fides sit penes Autorem.

Ex hoc ergo patet; adesse

1. Sal volatile oleosum urinosum,
2. Simul subesse Acidum propter effervescenciam infusione salis alcali.

Ex hoc habemus binos coagulatores, duo scilicet salia, Acidum & Alcali, quæ duo invicem coeundo se ununt, & quicquid simultaneæ coagulationi aptum, arripiunt, coagulant in consortium lapidis. Experimentum etiam habemus elegans, vinum in tophos & calculum coagulari: Recipiatur nempe nitrum per carbones probè fixatum, misceatur cum parte silicum, fundantur igne forti, coeunt in vitrum: hoc effusum in laminam aurichalceam, citò pulverifetur, cui affundatur spiritus vini, & brevi post tingetur colore rubro hyacinthino, defundatur & spiritus novus affundatur: tandem menstruo abstracto fit oleum rubicundissimum, cujus olei rubri si aliquot guttulæ instillantur in vitrum vini, mox emergit coagulum gypseum, simile calculo seu topho in articulis podagricorum: Ratio est, quia Alcali nitri urinosum cum spiritu vini exaltatum arripit Acidum vini, quod coagulat in calculum seu substantiam tophaceam, unde *Vini sulphurei potatores nephritide seu calculo laborare solent*.

His præmissis dico, Calculorum concrementum esse salinum, & generari per modum coagulationis duorum salinum præternaturalium, Acidi præternaturalis, & Alcali volatilis urinosi, dum Acidum vitiosum in primis viis, imprimis ob stomachi errorem, dilapsum, reliquis partibus communicatur, in quibus inveniens sal urinosum purius, cum eodem se conjungit, unde necessariò in unam massam ita coeunt, & se invicem firmiter coagulant, & quicquid conveniens ac aptum unioni simul apprehendunt; idem cum urina potus ad vias urinarias delatum, uti innumerabilium aliàs morborum causam, ita cum his duobus salibus unà coagulum suscipit, & calculorum varietatem constituit: Si enim mucus quidam adest, fiunt Calculi albi; si guttulæ aliquot sanguinis ex vena erosa decedentes simul coagulantur, oriuntur rubri aut flavescetes: hinc Podagrici simul ut plurimum Nephritici sunt.

Dixi, transferri Acidum ad vias urinarias; quia verò

Acidum pro se solum non sufficit (alias in omni stranguaria ex Acido præternaturali ex urina calculus generaretur) concurrat alcali volatile urinosum; cumque in renibus imprimis, hinc in vesicula fellea, abundantia, repariatur salis istiusmodi urinosi, propterea nullæ partes magis renibus, & inde fellea vesicula, obnoxia sint Calculis. Et quidem, quia urina naturaliter est salia, sine ingenti alteratione cum Acidis commiscibilis, ideò, ut ex Alcali urinæ, ab Acido saturato, Calculus generetur ab Acido præternaturali ex primis viis delapso, necesse est, ut urina salia prius per aliqualem putredinis notam resolvatur, & ita falsus urinæ sapor dividatur, ut sal ejus urinosum volatile sic purius & manifestius fiat, quo cum acido congregi & coagulari possit, nunc in granula seu arenulas minutissimas, ex quarum coagmentatione majores resultant Calculi, nunc verò mox in majora & durissima concrevit laxea monstra & tophos: sicuti enim urina extra corpus paulò diutius in matula servata per putredinem copiosa colligit excrementa; ita etiam in corpore nostro aliquanti putredine dissoluta urina dividit propria hæc duo salia, & sic mutuo iterum congressu materiam illam terrestrem combinat: unde patet, quod à præternaturali acido coaguletur calculus. Confirmat hoc historia HELMONTII *Tract. de Lithiasi*, quando refert, Jure Consultum ex esu nimii Asparagi redditum fuisse calculosum: & notum est, Asparagum reddere urinam scetidam & putridam, unde ex putredine urinæ, vitiatò sale alcali oleoso separatoque, cum Acido præternaturali coire posse in unum concretum, calculum. Distinguitur tamen inter sabulum vel arenam, quæ generatur in matulis Nephriticorum, minimè friabilem; & inter eam arenam, quæ generatur in urinis scorbuticorum friabilem, & in pulverem reducibilem.

Quæritur autem, quomodo urina in renibus possit putrefieri? Respondeo: Est fermentum singulare urinarium in renibus, quod alteratur plus minus, & vitiosum redditur, ita ut beneficio hujus urina alterata incipiat corrumpi, & corruptione ejus sal volatile oleosum separari, quod cum Acido præternaturali concurrando ad generationem calculi confert. Fiunt hæc eò facilius in renibus, quod facilius stomachi errores iis communicari possunt per urinam potus, ibique hanc peregrinorum coagulorum producere sobolem: vid. TACHENIUS loco allegato: id quod similiter de Podagricorum nodis seu tophis intelligendum est, quatenus Acidum podagricorum traducitur in artuum juncturas, atque inibi manifestum ita coagulant synoviam artuum; tophi enim hi sunt quasi Calculi in articulis.

Certum autem est; dispositionem, quandam certam inesse renibus ad generandum calculum; v. g. centum homines uno alimento & potu utentes calculum non generabunt, nisi dispositi sint ad illum: ex his soli bini calculosi omnia in calculum vertent. Consistit autem dispositio hæc in nulla alia re, nisi fermento dicto singulari renum præternaturali alterato & vitiatò. Confirmant hoc ea, quæ à calculo præservant, in specie balsamica terebinthina, renibus amicissima, quæ nempe impediunt fermenti renalis corruptionem, & sic in specie in aliis partibus. Frequentissimi sunt calculi renales, quia non tam citò credendum, in vesica generari. Vix continetur calculus primariò in vesica, potius è renibus dilabuntur per ureteres ad vesicam urinariam. Generantur primò sub forma minutissimorum granulorum, quæ per ureteres ad vesicam descendunt, parietes vesicæ continuò affricu atterunt & ledunt, ex qua lesione transudat humor spermaticus seu nutrimentum vesicæ, quod visciditate aliquanti gaudens successivè adhæret dictis granulis calculosis, & simul cum iis in vesicæ calculum coagulatur. Hinc si diffinguntur Calculi vesicæ, apparet ex pelliculis pluribus superimpositis, instar ceparum vel lapidis Bezoar (una cutis superiacet alteri) in medio reperitur nucleus ex renibus per ureteres eò delapsus, per succum nutritium & alia ad calculi seu tophi apta accidentia successivè auctus & coagulatus. Salia enim dum coeunt, minutissima granula constituunt, quæ facile sunt solubila; quando verò læduntur membranæ pelvis, & superveniat transudatio succi nutritii aut sanguinis, cum salibus coagulantur, oriunturque Calculi planè duri & silicei.

Ipse Calculus, uti toto genere præternaturalis & nobis maximè nocuum est; ita è contrariò virium quoque ratione, sudorem promovendo & vi alexipharmaca egregium est nobis medicamentum. Talem vim ad Dj. in aqua appropriata experti sunt plurimi Medici. In peste conducit, BONTIO testante in *Medicina Isidorum*, quod Angli etiam

etiam experti sunt; qualem vim non habebit Bezoar. Contra philtro post præmissum vomitum tanquam egregium specificum à Dj. ad ʒj. commendatur ab HENRICO ab HER in *Observationibus*.

Aliud Productum morbosum, multarum tamen molestarum Autor, variè affligens, in specie in abdomine & intestinis, sunt *Flatus*, qui cum neque ad Vapores, neque ad Exhalationes, referri possint, ad tertiam quandam Classem hujusmodi Entium, nempe ad *Gas sylvestria*, seu spiritus incoercibiles merito revocantur ab HELMONTIO. Reperiuntur etiam Flatus in aliis locis, non tantum in tympanitide & tumoribus flatulentis, sed & observatum est, quod in venæsectione non levis Flatus proruperit. *Natura eorum obscurissima est*, & ordinariò solent confundi cum Exhalationibus & Vaporibus, qui tamen toto cœlo differunt.

Quod attinet Vapores, ii sunt Effluvia humida beneficio Caloris resoluta, & frigore tenui in guttas condensabilia, quod demonstrat Destillationis negotium. Quod attinet *halitus* seu Exhalationes, sunt *æ Effluvia* sicca, calore elevata, & frigore denuo condensabilia; unde *Halitus condensati, Flores, Fuligo*, &c. dicuntur; cum quibus nullum commercium habent Flatus? si quidem Vapores & Halitus calore solvuntur & frigore constringuntur, neutrum autem horum Flatus patiuntur.

Generatio ergo eorum *Flatuum* neque est à Calore, neque à Frigore per se, sed tantum ab *Acido præternaturali*, per vitiosam fermentationem ex materia quacunque, ut plurimum tamen aliquid visciditatis aut glutinositatis oleosæ in recessu habente: Hinc in mulieribus hystericis, hypochondriacis, cachecticis, similibusque vitio fermenti ventriculi aut succi pancreatici, vitiosæ acidorum, ordinariò copiosissimi generantur Flatus, etiam quibuscunque ex cibis; ita ut non rursus solum, sed & crepitus ventris edant creberrimos.

De natura eorum videatur KERGERUS *Tract. de Fermentat. Sect. 3. capit. 3. pag. 223* Remotis his, pressius examinabimus Flatuum horum naturam, & consideremus Flatus artificiales qui in notitiam eorum nos ducunt. Equidem, quod obiter insinuo, nonnulli dicunt: Quod est ventus in Macrocosmo, Flatus est in Microcosmo, sicuti PARACELSUS P. 4. Cardines mundi distinguit per Flatus. Sed nihil hoc refert: *Ventus enim est motus aeris, vi elastica elatus*, Formaliter autem rebus assumptis non insunt flatus, sed fiunt tantum de novo, nunc per vitiosam fermentationem in stomacho & intestinis, nunc per effervescentiam; i. e. materialiter existunt, non formaliter; scilicet materia Flatuum adest: e. g. spiritus nitri metallico corpori dissolubili, imprimis Marti vel Veneri affusus excitat strepitum, effervescentiã, copiosas bullas, & flatus emergunt copiosissimi, & quidem adeo fortes, ut possint etiam fortiora vala diffringere: vid. BECCHERUS in *Physica subterran. cap. de Liquefactione*. Si destillatur tartarus, formalem effervescentiam sub destillatione concipiet, ita ut nisi patulæ sint quædam rimulæ, Flatus sub effervescentia tam violenti surgant, qui minimè coerceri valent, sed omnia, propter Flatus copiosissimos, diffringuntur. Item si acetum destillatum aut succus citri superfundatur, corallis, ostrearum testis, lapillis cancerorum, &c. Flatuum tantus strepitus & bullarum proventus oritur, ut, nisi detur porta, vitrum diffingat. Sic etiam farina omnis quocunque modotractata, sive cocta sive macerata, non parit Flatus; si verò fermentetur, sponte Flatus insignes eructat. Similiter ac fructus horæi, eorumque succi, in specie Mustum, quacunque ratione vexatum, destillando, evaporando, &c. sine Flatuum erit proventus; quod, ubi fermentationem conceperit, non sine impetu eosdem copiosos exhalat, & nisi detur spatium, fortissima dolia diffringit: vid. HELMONTIUS de *Flatibus* & KERGERUS loco allegato. Sic si accipiatur butyrum antimonii, & afundatur spiritus nitri, intensa fit effervescencia, & tantus Flatuum impetus, ut nisi vas sit apertum, coerceri nequeant.

Ex his ergo patet, Flatus, qui ex stomacho sub ructuum nomine erumpunt, non existere in rebus formaliter, sed materialiter fieri ex Mistis, nunc per motum effervescentiæ, nunc per motum fermentationis, ut patet in panificio, cerevisia & musto. Unum adhuc urgebo; Poma matura quacunque ratione tractentur, nil flatuum emittunt; quando autem calore fermentationem concipiunt, & fortiter agitantur, disrumpitur cortex propter flatuum proventus qui pomis antea non inexistebant, sed de novo per fermentationem generati sunt. Porro una adhuc observanda

est proprietas Flatuum, quod scilicet nullo modo possint in corpus aut visibile aut palpabile reduci aut coerceri, secus ac in Vaporibus; inde frustra & in cassum laborant, qui magno alembico volunt capere Flatus, seu spiritum fermentantis vini, quia impossibile est, ut coerceantur in aliquod corpus. Jam verò si quæretur, qualia entia sint Flatus? ex dictis patet, esse producta corporum nova, cum aliis nullo modo conferenda; unde ab HELMONTIO tanquam nova entia novo nomine appellantur *Gas*, quod *Gas ipsi est substantia subtilis, ac spiritiosa*, in corpus visibile incoercibilis, nec immediatè reducibilis, genita ex mistis corporibus per motum fermentationis aut effervescentiæ. Sunt autem varia Gas sylvestria, pingua, & aerea sicca. Sylvestria sunt, quos vocant communi nomine Flatus. Hæc si applicare volumus ad corpus nostrum, deprehendimus; in nobis fieri *Flatus per vitiosam fermentationem ita ut acidum sit causa efficiens*, Materia verò Viscidum pingue.

Et licet quidam obiciant, differentiam esse faciendam inter alimenta quædam, aptiora præ aliis producendis Flatibus, Flatulenta ob id appellata, qualia sunt cepæ, raphanus, armoracia, uvæ recentes, poma cruda, castaneæ, alique fructus horæi, cerevisia novella & intæcata, mustum, caseus & similia; & inter alimenta non flatulenta: non insunt tamen his Flatus, sed hi gignuntur tantum ex illis, non quidem in omni stomacho (nam robustus hæc, ut & maximè flatulenta, sine flatulentia, digerit) sed tantum in defectuoso, aut qui aliis simul cibis copiosius se nimis ingurgitavit; in hoc ex alimentis etiam optimis & non flatulentis per vitiosam fermentationem pariter copiosissimi exsuscitantur flatus.

Certum interim est, alimenta quibusdam magis esse apta, ut exinde facillimè plaborentur flatus, quam in aliis, e. g. præter jam dicta, eadem alimenta, quæ constant sale volatili acri, interim in stomacho sano nil obesse possunt. Modus est; dum Alkali volatile acre in flatulentis dissolvit Viscidum pingue stomachi, & postmodum cum Acido stomachi concurrit, generantur copiosissimæ bullæ, in quibus bullis salia tandem coeunt, & pedetentim resolvuntur, & tandem in ejusmodi spiritus flatulentos & incoercibiles abeunt; simili ratione spiritus nitri progenerat flatus, affusus Marti vel Veneri, ubi corrodendo & dissolvendo simul attenuatur in substantiam spirituosam, nullo modo coagulabilem.

Distincti tamen sunt flatus in nobis, *Naturales & Præternaturales*. *Naturales* sunt, qui semper & in omnibus subjectis reperiuntur, imprimis in intestino jejuno (quod patet in dissectis animalibus, ubi Jejunum reperitur totum flatibus repletum) hunc in finem ordinati, ut conservent parietes intestinorum distentos, ne invicem adlabantur, & consequenter pori continuo in intestinis maneant patuli. Hi gignuntur in nobis ex muco naturali intestinorum acido, concurrente simul sale volatili oleoso seu bile pingui, & fiunt flatus inde sulphurei foetidi; quod exinde patet, quia, si admoveatur flamma vel candela accensa, sunt inflammabiles. Quare autem foeteant flatus, ratio petenda ex artificiis Chymicis, ubi deprehendimus, subjecta sulphurea & pingua, si solvantur ab Alcalibus, & præcipitentur ab Acidis, foetorem dare insigniter nares ferientem. Sic si cum Antimonio, tartaro & nitro, crocus metallorum vel regulus antimonii paratur, scorix istæ antimonii nil aliud sunt, quam sulphur antimonii dissolutum ab Alkali: quæ si solvantur simplici aqua, nullum spargunt odorem; si verò hæc solutio præcipitatur ab Acidis, instillando acetum destillatum, spiritum vitrioli, nitri, &c. immensus emergit foetor. Simili etiam modo Flatus in nobis foetent, quatenus oriuntur una cum concurrente bile, cujus sal volatile & proprium oleum resolutum præcipitatur ab Acido, & dat flatus foetidos; & notissimum est; quod magis pingua sunt salia, eo magis foetent flatus; quod minus pingua salia, eo minus foetent. *Præternaturales* Flatus sunt, qui sub digestionem primam, secundam & tertiam, per materiam viscidam pinguem, ab effectore Acido generantur.

Ex supra jam tactis fundamentis facillè erit causas morborum speciales, & multiplicem excrementorum per os, alvum sudorem, aliavè loca, varietatem exactius indagare, eorumque fiendi ac nocendi modum explicare, ut habeamus occasionem meditandi de proficuis remediis; cum non formaliter sub tali textura in corpore præextiterint, sed materialiter tantum oriri eadem, adeoque ut plurimum producta morbosa sint.

Cum enim non tantum variae alimentorum in primis viis sint corruptiones, sed etiam succorum, tam bilis quam pan-

pancreatici, non tantum in Quanto, sed etiam in quali, variationes & alterationes, saepeque depravationes, & a naturali statu degenerationes, a varia horum combinatione, imprimis secundum principia salina, varietas excretorum dependet. Non ergo variae pituitae species statuendae, ex alio atque alio caloris secundum gradus defectu, nec varia bilis aut melancholicae determinatae sordes ex alio atque alio Caloris augmento; nec solo colore excreta aestimanda; ut omnia flava sint bilis, omnia alba sint serum, & omnia nigra melancholica; sed variorum succorum concursu dat varia ista excreta, & quoad colorem, & saporem, & consistentiam aliaque proprietates innumerabiliter discrepantia, ut expertae Chymicorum manus, succos ob varietatem salium aliarumque particularum diversos miscentes ad oculum demonstrant, pro varietate secretionis, resolutionis, praecipitationis, &c. qualitates ejusdem liquoris innumerabiliter variando.

Cacochymia ergo universalis speciales habet differentias, modo consideremus oriri humorum vitia in Excretis 4. ex causis, in quarum cognitionem sapore, odore & colore deducimus.

1. *Ex multiplici contentorum*, etiam naturaliter se habentium, undecunque facta *alteratione* vel *corruptione* multiplici; sic enim sanguis in pus, lac mammae in grumum caseosum, synovia articularum in calcem vel cretam podagricam, nutrimentum chylosum intestinorum in variformem mucum sub dysenteria, urina in calculum, lachrymalis lympham in sordes varias, &c. abeunt; quae omnes mutationes contentorum naturaliter se habentium ex aliunde undecunque etiam facta immutatione oriuntur.
2. *Ex multiplici Assumptorum* in stomacho & primis viis *alteratione* & *degeneratione*; qua ratione saepe rejiciuntur flavissima, quae tamen habent saporem insipidum, sedum & nauseosum, qualia excreta sunt post ova friza aliaque assumpta pingua, quae in ventriculo facile in cruditatem nidorofam abeunt. Dicunt quidem Veteres, omnia flava esse a bile; si ejiciuntur alba viscida, esse a pituita: Unde Calorem debilem tribuunt pituitae, intensiorem bili, &c. quae tamen non quadrant ad nostram Medicinam. Faeces enim alvi, licet flavae, non tamen habent colorem a bile, nec sunt saporis bilioli; contra vero albicantia vel limpida rejecta insigniter amarescunt, teste FRANCISCO de le Boe SYLVIO. Sic lac assumptum in caseum abit. Infantes copiosissima flava subinde ejiciunt, quae tamen non sunt biliosa, & amara, cum ceu dulcia devorentur a canibus, qui alias Amara abhorrent. Et unde in illis tantus bilis proventus? Interdum infantes rejiciunt *porracea* & *aeruginosa*, quae tamen non sunt ex bile; nam manifeste Acidum spirant: potius sunt lac, sub digestionem in ventriculo, aut distributionem per intestina corruptum, & successive aut in flavescens, aut in porraceum & aeruginosum liquamen mutatum, unde & tormina inscruunt, quae ab acidum absorbentibus, ver. gr. lapillis cancerorum, curantur. Fructus horae fermentando in primis viis, quam varia recrementa suggerunt? In diarrheis ex fructibus horaeis, vel mutatione aeris & victus, quae rejiciuntur licet flava, non tamen ex bile sunt, sed partes sanguinis heterogeneae, fermentatione separatae. *Pituita vitrea dicta ex acido & pingui fere originem ducit*.
3. *Ex multiplici liquorum corporis diversorum*, quorum vel alteruter vel uterque corruptus est, *miscela* & *confusione*, nunc in Quanto, nunc in Quali, unde secundum effervescentiae & praecipitationis rationes discrepantes novi emergunt liquores, nempe bilis & succus pancreaticus varie alterati, nunc seorsim, nunc cum bile permisti, nova textura & novae affectiones oriuntur, unde excreti per os & alvum varias larvas constituunt. Sic v. gr. rejecta alvi excrementa flavent, non quod colorem habeant a bile, aut sola bile constent, quia non sunt amara, sed admistio succi pancreatici saporem fere insipidum & aquosum subdulcem ipsis conciliat, unde & sale falso & ammoniacali volatili scatent. *Porracea & aeruginosa dicta bilis*, horridi & nauseosi saporis acidi, ex *Acido nimio stomachi vel pancreatis cum bile naturali vitiosa effe-*

vescentia unito, & ita bilis colorem per praecipitationem alterante, oriuntur; quod manifestum est, si juxta experimentum GRAFFII de succo Pancreat. pag. 65. §. 147. spiritus quidam pellucidus acidus, e. gr. vitrioli, bili flavae ex folliculo felleo extractae commisceatur, exinde statim viridis talis liquor, aut ex atro virescens, emergit; unde & manifeste acidum spirant talia rejecta, & pelvi aeneae aliisque vasis metallicis infusa, ista quasi in aeruginem erodunt, quod faciunt etiam albicantia serosa rejecta, uti imprimis vel post potum vel saepe etiam in scorbuticis fit. In illo acidum praeponderat, quia odore & sapore aciditatem manifestam in lingua producit: imò & dentibus stuporem instar fructuum immaturorum austerorum inducunt, & infantes saepe viridia rejicientes semper tormina ex Acido juncto habent; hinc etiam Acidum corrigentibus, crystallo, corallis, lapillis cancerorum & similibus, temperantur. Unde & fructus horaei recentes, omnibus consentientibus, maxime disponunt ad bilem porraceam & aeruginosam, quia ista ob facile fermentationem facile corrumpuntur & acescunt, cujus acoris ratione bilem praecipitantis talis error emergit, adeoque ratione hujus acoris *crystallus bilis porracea, sicut & dysenteriae Antidotus* praedicatur a LANGIO in Epistolis, & experimento comprobatur ab HEE R in ejusdem Observationibus de Cholera. Sub Bilis atrae, ut vulgo dicunt, adeo horridae, vel Melancholicae, nomine *nihil aliud intelligendum venit, quam Acidum excessivum*, in specie succus pancreaticus nimis acidus volatilis corrosivus, vel interdum lympham nimis acidam volatilis, subtilis & penetrans, adeoque potenter corrosiva, quae levi de causa cum quodam subjecto alcalisato, aut cum bile, aut ejus sale volatili oleoso, potest excitare effervescentiam maximam & periculolam, unde Cancer, hinc *dysenteria a bile atra dicitur lethalis propter Corrosivum acidissimum*, valde erodens intestina. In malo hypochondriaco & scorbutico saliva utut limpida, acidam tamen est, quae linthea & stragula, & gingivae, uti etiam dentes, corrumpuntur. *Pituita acida intestinorum nil aliud est, quam viscidior chylus & mucus intestinorum, cum succo pancreatico acicore impraegnatus*. Quod attinet Pituitam inspidam, haec nil aliud est, quam *chylus viscidior salsus, ex miscela salsi & urinosi vitiosi oritur*. *Pituita vitrea dicta nil aliud est, quam chylus viscidus tenacior acido pinguis fere*, vitio imprimis Assumptorum, vel stomachi vel digestionis genitus. Sic varii Colores urinae oriuntur ex variis contentis salino sulphuris, ex diversa praecipitatione salium, ut in artificialibus quotidie videmus; dum ex. gr. solutio vitrioli limpida, ceu acidum pancreatis, infusione aut decocto gallarum, instar bilis, nigrescit per praecipitationem, & Atramentum dat. Hoc infusione salis tartari per deliquium albescit, & dein viridescit: sicut & spiritus sanguinis humani rubicundissimus cum vitrioli spiritu cephalico, seu ex capite mortuo vitrioli in aere denuo impraegnato, cum affusione spiritus cephalici vegetabilis parato, dat liquorem viridem; Oleum tartari per deliquium cum conservis violarum vel rosarum mistum colorem earum mutat in viridem; & spiritus vitrioli rubicundam tincturam ex violis, & cyani vel calcatrippae caeruleis floribus elicit. Hinc in urina prout salia vitiosa vel non, & quatenus variae sordes praecipitantur ex sanguine, eatenus varii colores plus minus variati emergunt: nam propter contenta varia varie mista fit varietas urinarum. Ictericorum multiplices colores ex succorum in primis viis corruptorum miscela, & hinc facta praecipitatione multiplici, producuntur, &c.

4. *Ex multiplici ab ipsis medicamentis*, contentis corporis inducta alteratione & immutatione, in specie purgantibus; hinc enim metallica, ut martialia, solaria, &c. rite operantia semper excreta reddunt nigra: sic aurum fulminans reddit feces, nigras, quod fit per praecipitationem auri: Mars solutus in stomacho, & in intestinis praecipitatus, nigredinem infert: Rhabarbarum & Aloe tingit excrementa intensa flavedine; unde bilem ab illis eva-

evacuari vulgò æstimant, quæ tamen excrementa antea in corpore flava non fuerunt: Colocynthis albicantia, crassa & viscida emitti facit, quæ non solum sunt pituita præternaturalis, sed reverà succus nutritius, à malignitate laxantis simul corruptus; in sanis enim & ægris post assumpta talia medicamenta, similia excernuntur excrementa: ab assumpto scammonio excreta non à bile veniunt, sed succi corporis à scammonio corrumpuntur. Notum est insuper, quod asparagus urinam fetidam reddat; crocus urinam flavo colore; opuntia majoris seu ficus Indica succus eam rubram reddit, quam violaceo odore imprægnat terebinthina: sudor luteus a Rhabarbari usu observatus fuit: denique Mercurialia sub forma salivæ viscidioris nutrimentum partium spermaticarum evacuant.

Ex his & similibus circumstantiis patet, ex colore, sapore & odore conjunctim desumendum esse iudicium de Excretis præternaturalibus, & derivandum ex miscela salium.

Cæterum; quævis hætenus enarrata causæ efficientes materiales, quocunque ex rerum genere desumptæ, fere non nisi occasionales erant, proximum efficientem formalem, spiritum, influum & hinc subinde insitum, præsupponentes. Hoc nempe impetum faciens HIPPOCRATIS, ut primò fecundat ovum, & in corporis structura maximè activum est, ita & postmodum in corpore vivente actionum tam naturalium quàm præternaturalium unicus & primarius Autor est. Neque enim in cadavere morbus est, utut causa ejus occasionalis superfit, adeoque ab hoc principio, prout omnis motus, vita ac sanitas, ita morbus quoque ac mors ipsa dependet: & sicut omnis morbus de vita plus minus deprædatur, ita in iis vel subjectum vel efficiens erit hic spiritus. Idem nempe efficiens est actionum tam naturalium quàm præternaturalium, unde & omnia symptoma actionum læsarum & ab his dependentia reliqua in excretis & qualitatibus mutatis, non nisi ab hoc spiritu, ceu primario agente, originem suam nanciscuntur. Conferatur HELMONTIUS hinc inde in suis scriptis.

Hoc, uti quoad morbos ab internis causis enatos, satis manifestum est, ita etiam de istis, quæ ab externis fiunt, non minus evidens. Siquidem vulnus & fractura, quæ in cadavere æquè ac vivente corpore observari solent, non in illo, sed in hoc saltem morbus dici solet, non nisi spiritus hujus ratione, qui sive insitus læsus, sive influus præternaturalis irritatus, symptomatum quorumvis, vulnere vel fracturæ supervenientium Autor existit, & hujus ratione corpus formaliter ægrotans, læsionis verò externæ respectu, non nisi occasionaliter tale dici potest. Aded, ut universalis & formalis morborum efficiens causa rectè ab HELMONTIO, secundum HIPPOCRATEM totò impetum faciens, seu spiritus vitalis, tam influus, quàm subinde insitus, hinc inde asseratur, cujus ob id tam præcognitione, quàm curatione morborum, ratio exacta semper & omnino habenda est.

Confirmant universale hoc morborum efficiens ulterius morbi hæreditarii à patre, v. g. phthisico, podagrico, nephritico, malancholico, &c. communicati, qui non nisi spiritus genitalis ratione à patre in filium transvehuntur, qui suo tempore à patre conceptam alterationem, sive materialis sive idealis fuerit, explicans, similem morbum in filio producit. Par ratio est in Imaginationis Operationibus, non tantum in prima corporis efformatione; sed etiam morbosa ejus alteratione, hujusque curatione: nempe imaginationis vi tam supra quàm infra potenter purgantur: Vid. BARTHOLINUS Centur. 5. Histor. 64. M.A.N.C. Ann. 3. Observ. 152. Ann. 6. Observat. 238. & Ann. 9. Observat. 194. Hujus vi subinde morimur, teste HENRICO ab HEER Observat. 71. item KERKRINGIO Spicileg. pag. 92. Hujus vi orta fiducia in Medicum; vel remedium, ut graviores etiam affectus curentur: Vid. SALMUTH C. 3. Observ. 81. Multos absque odore ullo percepto, viro tantum Pharmaco, aut mentione saltem ejusdem facta, sufficienter evacuatos fuisse, HOFFMANNUS in Methodo Medendi l. 1. cap. 8. testatur; atque id, qua ratione fieri queat, omnium optimè edocuit PEIERUS Dissertat. 1. de Glandulis Intestin. P. 2. cap. 7. Plures historias quorundam, quibus solo odore Purgantium alvus fuerit mota, videbitis in BOYLE de Naturæ determ. effluvi. capit. 5. & cap. 6. de Insigni Efficac. eorumdem, SCHNEIDERO de Osse Cribriformi, BINNINGERO Centur. 2. Observat. 86. HOCHSTETTERO De-

cur. 4. Observat. Casu 8. in scholio, SALMUTH Centur. 3. Observ. 8. Quicquid autem hæc præstat, spiritus impetum facientis vi & potentia saltem & immediatè efficere valet: ut taceam opium, maximè ad catholicas panaceas accedens auxilium, saltem omnium fere symptomatum remedium, quod non nisi spiritus impetum in morbis & symptomatis cohibendo, operatur. Nec alia ratione vel transplantatione inducti, aut sympatheticè levati, aut simili ratione curati morbi, quàm spiritus hujus, morbi & sanitatis primi Autoris, virtute, orti & curati fuerant.

Merito igitur & rectè Helmontius Principium hoc vitale in omni urget morbo, illud, ceu primum sanitatis & morborum Autorem, considerans, à quo etiam omnia symptomata, tam immediatè, uti sunt symptomata actionum læsarum, quàm mediatè, uti symptomata in excretis & qualitatibus mutatis, originem ducunt. Sed hæc ipsa non intelligenda sunt exclusivè, quasi contenti succi & partes corporis continentes organicæ simpliciter se passivè habeant, sed potius inclusivè, ita, ut dictus spiritus, ceu elater in automato nostri corporis unà cum reliquis rotulis, & partibus organicis seu instrumentis, & partibus liquidis, ceu succis fundamentalibus, operationes suas exerat. Hinc dictus spiritus sanguinem circulariter moveri cogit, sed mediante organica cordis & vasorum structura. Idem spiritus spasmos varios excitat, sed mediante fibrarum certa mechanica textura, & mediante irritatione partis cujusdam sensibilis. Idem spiritus hæmorrhagias excitat, sed mediante vel anastomosi, vel diæresi valorum: hinc scorbuticis, hæmorrhagiis admodum obnoxii, non tam spiritus moventis vitio, quàm sanguinis serosi acrioris culpa.

Superest adhuc, ut methodo ab Autoribus in Fundamentiis mediis recepta pergamus ad Symptomatum Causas. Quod attinet Causas symptomatum, dixi, quod symptomata sequantur morbos, tanquam umbra sunt corpus: Dixi etiam, quod sint mutationes in & extra corpus: Ergo omnia symptomata oriuntur à Morbis, & Causa eorum erunt ipsi Morbi. Ratione verò Causæ symptomata in genere dividuntur in symptomata Morbi, symptomata Causæ Morbificæ, & symptomata symptomatis: Sed divisio hæc minus adæquata est. Presens jam ostendenda est Causa symptomatum ex Morbis, nempe primum in Actionibus læsis, quod immediatè sequitur morbos, nil aliud est, quàm Actionum læsiones, sicut actiones sanæ, sanitatis signa; ita ut partium constitutione læsa, earum functiones necessariò læsantur. Jam verò omnes Actiones in corpore fiunt per motum; motus verò omnis, qui huc facit, est vel Partium liquidarum vel solidarum. Liquidarum partium Motus est intestinalis, fermentativus dictus; Partium solidarum Motus est instrumentalis externus seu mechanicus, per organa certa peractus. Si ergo læduntur Actiones, quæ fiunt per motum fermentativum, succorum fit depravatio & alteratio, hinc superveniunt excretionum alterationes, & inde varia in Excretis & Retentis symptomata: & propter fermentationem succorum læsam læditur Nutritionis negotium, oriuntur Qualitates in corpore mutatae, & consequenter motus organici viciantur. Patet ex his, quod symptomata primaria sint in Actionibus læsis, secundaria in Qualitatibus mutatis, & in Excretis & Retentis. Distinctio hic facienda est: Aliud enim est vitium Excretionis & Retentionis, & aliud in Excretis & Retentis. Illud v. g. est mucus, alvi fluxus, nimius vomitus, &c. quæ sunt symptomata Actionis læsæ in Excretionem & Retentionem; e contra si flava, viridia, &c. per alvum excernantur, sunt symptomata in Excretis, & sic in reliquis. Hæc est generalis sciagraphia symptomatum.

Uterius monendum, ne confundantur symptomata Actionis læsæ cum operibus naturæ & erroribus externis; v. g. si quis nimium edit, quàm stomachus ferre potest, & sic vitiatur digestio, tunc non est symptoma morbosum, sed læsio ab errore externo. Dicitur enim Actio læsa, quando positus omnibus ad agendum requisitis, Appropriatis præsentibus, & sic objecto ritè se habente, tamen non ritè fit Actio; cum verò Objectum peccat in Quanto, non est vitium in Actione, sed est quasi neutrum inter naturale & præternaturale. De operibus naturæ major difficultas est. Ut tamen dilucidem, observandum, omnes actiones auctas & depravatas fieri naturæ vi & impetu; v. g. vomitus, cordis palpitatio, singultus, convulsiones & similia, fiunt & vi & impetu naturæ. Aucta enim & depravata

vata Actio est saltem modificatio Actionis præternaturalis & omnia hæc symptomata sunt Opera naturæ, fiuntque vi & impetu naturæ.

Quæritur, quare referantur ad symptomata & præternaturales Actiones? Respondeo distinguendo. Hujusmodi Actiones fiunt vel vi morbi vel causæ morbificæ, ita lædentis partes, ut consequenter tandem usus & actiones partium cessent; scilicet talis præternaturalis & impetiosa actio est, ut quasi natura coacta vi morbi instituat tales depravationes, & sic dicitur symptoma; Quando autem blanda fit irritatio, secundum quam natura sponte sua in surgit; ut removeat rem præternaturalem cum euphoria ægri, Actio est naturalis: V. g. si vomitus, qui est conatus naturæ per stomachum, vi & malignitate causæ morbificæ, quæ cogit & impetu stomachi incitat naturam, ut tandem planè fatiscat robur stomachi, & natura prosternatur, Vomitus est symptomaticus; sin verò tales superveniant vomitus in morbis, ubi à natura spontè insurgente excernitur causa morbosa, idque cum euphoria ægri, tunc opus est naturæ ritè removeantis. Hinc distinguendum est inter mutationes symptomaticas & criticas, quæ, quoad circumstantias proximas, sunt unum & idem, differunt tamen aliquo modo, ratione fundamenti: v. gr. si quis sudat die septimo in acutis, & alius die primo, secundo & tertio, est una eademque actio, & ubique sudor copiosus: differt tamen totocælo: Ille fit cum levamine morbi & ægri valetudine; hic fit vi morbi, tenditque in perniciem ægri: Ille

est criticus & salutaris; hic est symptoma periculosum. Differunt in eo, quod ille sit opus naturæ à spontaneo ejus conatu expellentis causam morbosam, hic symptoma sit naturæ coactæ, à vi & malitia causæ morbificæ proveniens, indeque præternaturalis & symptomatica, & recte dicitur mutatio. Sic ver. gr. ponam mulierem, cui mictus cruentus supervenit ex suppressione mensium; item ponam aliam mulierem, cui variolis laboranti etiam supervenit mictus cruentus: hic in variolis signum est pessimum, ille ex mictus suppressione optimum: hic enim est opus naturæ nonnihil aberrantis in naturali cursu; hic fit ex malitia morbi & malignitate causæ, vasa erodentis, unde gangræna, & consequenter mors. Hæc in genere.

In specie quod attinet symptomata, dividuntur in symptomata actionum læsarum secundum actiones animales, quæ respiciunt vel individuum vel speciem. In excretis & retentis dividuntur secundum digestionem, ita ut sint proximæ, secundæ & tertiæ. In mutatis qualitatibus secundum 5. sensus externos dividuntur. Res est facilis, nullius ponderis. Jam à quibusdam tractari solent ea in specie in Institutionibus, sed malè; horum enim specialis Tractatio pertinet ad praxin specialem. Et sane, si Institutionistæ symptomata tractant, fit vel accurate, quod tamen fieri nequit, quia cura & praxis subnectenda esset, vel superficialiter, & tunc fit cum dispendio temporis, & sine perfectione Lectoris. Ergo supersedeo hic, & forsitan alio tempore dabitur occasio, specialius ea explicandi.

CAPUT IV.

DE

SIGNIS MORBORUM:

Signum est aliquod Notum, aliud Ignotum manifestans. Hoc autem Ignotum consideratur vel ratione

I. Objecti, quod vel sanum, vel ægrum, vel neutrum; unde Signa vel

1. Salubria.

2. Insalubria.

3. Neutra.

} quæ indicant vel

1. Sanitatem, vel Causam vel effectum

2. Morbum, vel Causam vel effectum

3. Statum in omnibus neutrum.

} est omnibus hisce commune subiectum.

II. Temporis, quod vel præsens vel præteritum, vel futurum; unde Signum ratione

1. Præteritorum anamnesticum.

2. Præsentium diagnosticum, quod consideratur vel ratione

(α) Objecti manifestandi, ratione morborum: sunt vel

a. Essentialiter Inhærentia, & signa sunt manifestantia seu δυνάμικα

b. Adiuncta, & conditionem ostendunt, sunt, quæ Concurrentia, συν-
πρόσυντα.

c. Mutatione, & sunt ἐπιγεγόμενα.

(β) Modi Manifestationis, sunt vel

a. Communia

b. Propria, & hæc vel

1. Inseparabilia tantum, quæ semper huic vel illi morbo competunt.

2. Propria tantum, quæ soli, sed non semper.

3. Propria & Inseparabilia simul, παθογνωμονικά, quæ soli & semper.

3. Futurorum Prognosticum: quod prædicat vel

(α) Eventum, unde vel

1. lethale.

2. non lethale.

(β) Tempus Eventus, Coctionis & Cruditatis.

(γ) Modum Eventus, unde sunt signa

} Critica.

} Non-Critica.

vid. KIPERUS l. 3. cap. 2. & 3.

Dixi superius, considerandas esse tres Partes Pathologiæ, Morbum, Causas & Symptomata. Restant Signa diagnostica & prognostica. Quoad diagnostica, ostendunt hæc morborum causas, quibus cognitis facile pervenire licet in cognitionem morborum, & eorum Causas. Præmonenda autem quædam hic sunt de Signis in genere. Cum non sufficiat Medico morborum naturam, & eorum fiendi modum perspectum habere, nisi etiam easdem ritè cognoscere queat, propterea necessariò eorum Diagnoses subjungenda erit. Nam cum ipsæ Causæ morborum subinde non minus quàm morbi, partesque affectæ, in obscuro lateant, ob id per media certa, signa diagnostica dicta, hæc tria perscrutanda sunt à Medico.

Signum est aliquid notum sensibus, alterum quod occultum

seu Ignotum, scitu tamen ad curationem necessarium, patefaciens. Notum hoc est aliquid in sensus incurrens, vim obtinens rationi sex intellectui per rationes aliquid sistendi, quod sensus effugit, quatenus eundem determinat, ut per ratiocinationem ex noto sibi ignotum patefaciat: e. gr. quando conspiciamus fumum, concludimus subesse ignem, qui fumus sensibus aliquid notum est, ignis vero ignotum; ex fumo tamen intelligimus & concludimus subesse ignem. Vis autem hæc & fundamentum, quo intellectui ex signis noto aliud ignotum patefit, fundatur in noti cum ignoto, vel signi cum signato, cohærentia certa; quæ si necessaria, signa exinde emergunt necessaria, qualia sunt paucissima, & aliàs etiam Pathognomonica vocantur; sin verò ista cohærentia est tantum probabilis & contingens, signa exinde

inde sunt probabilia seu non-necessaria. Vid. GOR-
RÆUS pag. 326. SEIDELIUS de Urinis pag. 7. KYPE-
RUS in Institut. p. 3 cap. 2. §. 6.

Ea quæ hoc modo coherent, sunt tanquam Causa & Effectus, & contra: item talia, quæ se invicem, sive necessario per se, ut nempe unum succedat altero sive sit naturale, sive præternaturale, aut per accidens subinde se invicem consequuntur; item, quæcunque alio modo inter se connexa sunt.

Signa dividuntur vel ratione Objecti manifestantis, vel ratione temporis, cujus Objectum est manifestatum. Ratione Objecti manifestantis, quod est vel sanum, vel ægrum, vel neutrum, signa porro distinguuntur vel in salubria, quæ sanitatem ostendunt; vel non-salubria, quæ statum ægri ostendunt, ut sunt appendix ad Partem Pathologicam vel neutra, quæ ostendunt statum neutrum, pertinentque ad Theoriam de rebus non-naturalibus. Hæc autem divisio nullius est ponderis.

Potius dividuntur in ea, quæ ratione temporis manifestant vel rem præteritam, & dicuntur *Anamnestica*, quæ tamen nullius sunt ponderis; vel præsentem, ut *Diagnostica*; vel futuram, quæ dicuntur *Prognostica*. Signa præsentia, diagnostica, subdividuntur vel ratione Objecti manifestantis, scilicet morbi, vel ratione modi manifestandi. *Signa diagnostica, ratione Objecti, sunt triplicia*: Nempe vel

1. Monstrant naturam morbi, ejus essentialiter Inherentia, & vocantur signa dilotica; vel
2. Monstrant conditionem & Adjuncta morbi; & quidem vel malignum vel benignum, & dicuntur Syndrevonta; vel
3. Mutationem morbi in pejus vel melius, & dicuntur Epigenomena.

Signa diagnostica ratione modi manifestandi, sunt vel Communia pluribus morbis, vel Propria certis quibusdam Affectibus. Communia sunt, quæ pluribus adfunt morbis: e. gr. Imbecillitas virium, Tussis, vertigo oculorum, alvus adstricta, &c. quæ parum certi demonstrant. Propria sunt triplicia: vel

- (1.) Inseparabilia tantum; vel
- (2.) Propria tantum; vel
- (3.) Inseparabilia & Propria simul, & dicuntur Pathognomonica.

Inseparabilia sunt, quæ omni tali affectui, sed non soli competunt: e. gr. sputum cruentum proprie in omni pleuritide, sed non soli, convenit; siquidem & in aliis affectibus observatur. *Propria* sunt, quæ soli alicui affectui, sed non omni, competunt, ut e. gr. Carbunculi & Bubones maligni sunt signa, quæ conveniunt febrì petilentiali soli, sed non in omnibus adfunt; nam dantur febres petilenciales cum petechiis atque carbunculis. *Inseparabilia & propria simul*, sunt quamplurimorum concurrentium signorum syndrome talis, quæ omni, soli & semper competit alicui affectui, eumque in specie manifestat, unde signa hæc dicuntur Pathognomonica, ita ut posito affectu ponatur signum, & posito signo, necessario adsit vel sequatur affectus. Signum tale in febribus est pulsus frequens à causa interna præternaturali: sic calor aliquot horis à pastu exasperatus verum & pathognomicum febris hecticæ signum est. *Pauca dantur talia signa pathognomonica*, unum alterumve vix habetur solum, sed plura signa simul observata & invicem collata, naturam pathognomonicorum inducunt. Sic v. gr. Tussis cruenta, Febris, acutus dolor lateris, & Respiratio difficilis, seorsim nil significant; conjunctim verò constituunt signum pathognomicum pleuritidis: his 4. positis, ponitur Pleuritis, seunctis verò tollitur. Sic porro gravia Tormina abdominis cum copiosis excretis, vel saniosis vel sanguinolentis, seorsim considerata nihil innuunt; conjunctim verò omni & soli dysentericæ competunt, hujus signum pathognomicum constituunt. Et hæc de Signis diagnosticis.

Quod attinet signa prognostica, quæ futura monstrant, sunt triplicia:

1. Eventus.
2. Tempus Eventus.
3. Modus Eventus.

Ratione Eventus sunt vel lethalia, vel non-lethalia seu sana, quæ prænunciant aut ægrum moriturum aut convalescentem. Ratione Temporis Eventus sunt signa Cœtionis & Cruditatis, monstrantia longitudinem vel brevitatem morbi, an longus vel brevis existat, seu an patiens brevi aut tardè reconvalescat. Ratione modi Eventus signa sunt vel

critica vel non critica. Critica sunt, quæ præmonstrant ægrum per subitanam mutationem solutum iri: Non-Critica sunt, quæ sine subitanea mutatione ægrum reconvalescentem monstrant. Missis his, per signa diagnostica præsentia cognoscenda necessaria Medico, quando Pathologum agit; cognoscat nempe

1. Morbum.
2. Partem affectam.
3. Causas.

Fontes Universales, unde signa pro his tribus cognoscendis Medicus hauriat, etiam sunt tres: Nempe desumuntur.

1. Ab Antecedentibus, seu Causis, tam internis quàm externis, tam communibus quàm propriis. Ad hunc fontem pertinet etiam subiecti patientis constitutio, quatenus exinde disponitur ad hunc vel istum affectum, tam nativa ratione Idiosyncrasie naturalis, Proprietatum hereditariarum, Sexus, &c. quàm adventitia ratione Ætatis, Viæ, Vite Generis, &c.
2. Ex Consequentibus seu Effectis: quo omnia tria symptomatum genera pertinent; uti etiam Pulsus & Urina, nec non Juvantia & Nocentia. Et
3. Ab Essentialiter Inherentibus, seu Objecto cognoscendo proprie attributis, quæ morbo vel cause necessario insunt, & locum affectum necessario comitantur, i. e. ab ipso affectu præternaturali sensibus ipsis interdum satis manifesto. Quod omnia, quæ quacunque ratione cognitionem Medici dirigunt, facile referri possunt.

Primaria sunt hæc Signa.

In genere, quæ à Medico sub primo ad ægrum ingressu pernosceda sunt, aptè explicat HIPPOCRATES lib. de Affectibus Textu 36. ubi terminos Questionum prescribendo sequentia Medico agenda monet, inquiens: Cum ad ægrum deveneris, interrogare oportet, quæ patiat, ex qua causa, quot iam diebus, an venter secedat, quo victu utatur: Medicus nempe interroget:

1. Quæ patiat? Ut morborum rectè indagare possit.
2. Ex qua causa? Unde derivetur? quod fundatur in scrutinio 6. rerum non-naturalium.
3. Quot jam diebus? ut cognoscat Tempus morbi, an in principio sit, in incremento, in statu? ut instituat Critica supputatio.
4. An venter secedat? clausa enim alvo totum corpus debilitatur.
5. Quo Victu utatur? hunc in finem ut cognoscat digestionis & stomachi statum: item, qua ratione se habeat in Appetitu ad ea, quæ offeruntur?

Hæc in genere monet HIPPOCRATES pro institutionis: quorum uberiores explicationem videbitis in Instit. KIPERII. 3. cap. 4.

In specie tria observanda Generalia dixi; Morbum, Partem, & Causam morbi. Variant hæc speciatim secundum dictos tres universales signorum Fontes. Et ne vos hac in parte, cum aliis res sit facilis, detineam, paucis me absolvam.

1. Locus affectus cognoscitur ex Antecedentibus seu causis prægressis, quæ hanc vel illam partem potuerunt lædere: v. gr. si Aurifaber conqueratur de difficili Respiratione, mox à causa antecedente prægressa, nempe a fumo venenoso metallico, pulmones esse læsos, concluditur: si sanguinis ejectio cum tussi adfuerit, lætio in vasis pulmonum colligitur: si sine tussi effluat sanguis, cognoscimus læsionem esse solum in faucibus.

2. Ab essentialiter Inherentibus, à proprio partis situ petendis: e. gr. quando quis conqueritur de dolore hypochondrii sinistri, colligitur affectum esse Colicum, & morbum esse Colicum: si dolor infra umbilicum, vel in dextro hypochondrio, colligitur affectum esse intestina tenuia; si de paralyti pedum conqueratur patiens, sine manifesta causa, nervos esse affectos, signum est.

An verò pars per consensum, an verò per essentialiam affecta sit, monstrant.

1. Jam dicta Antecedentia, si quacunque læsione pars est affecta ex læsione partis alterius, cujus læsio præcessit, affectus fit per consensum.
2. Cognoscitur per effectus & consequentia, quando læsio

læsa actio unius partis sequitur actionem læsam alterius partis.

3. Per essentialiter Inhærentia, si nempe propter situm & connexionem afficiuntur partes; e. gr. quando quis percutitur in os sacrum, & pes stupefcit.

Morbos & conditio ejus cognoscuntur:

- (1) Ex Causis antecedentibus, in specie in rebus non-naturalibus antè prægressis: ex gr. si grassantur morbi epidemici, vel æger fuerit versatus in loco contagioso suspecto, conijcere possumus, quod talem lethalem contraxerit morbum.
- (2) Ex consequentibus actionibus læsis; nempe per symptomatum syndromen cognoscitur ipse morbus.
- (3) Per essentialiter Inhærentia, aut Proprietates ipsis morbis proprias: v. g. quando mulieres syncoptricæ conqueruntur de strangulatione faucium, conjicimus eas esse affectas passione hysterica.

In specie morbi, an sint benigni, an maligni? ex iisdem tribus fontibus cognoscitur: verbi gratia Antecedentia sunt Morbi Communes: Consequentia sunt symptomata graviora, insolentiora, periculosiora &c. quæ insinuant malignitatem. Inter talia periculosiora primatum obtinet virium prostratio gravis sine Causa externa. Essentialiter autem Inhærentia innuunt Morbum esse vel malignum vel benignum. Sic Lues Venerea, febris petechialis, dysenteria epidemica &c. eæ sui natura innuunt mali esse moris, & malignas.

Actum hætenus est de loco affecto & morbo cognoscendo: Pergimus consideraturi nunc; qua ratione Causæ morbosæ cognoscendæ? ubi tres fontes suprâ recensiti observandi, nempe Antecedentia, Consequentia, & essentialiter Inhærentia. Ad Antecedentia spectat considerandus usus rerum non-naturalium, è quibus una & altera causa Morborum generatur; hinc est, quod tempore æstivo magis inclinent homines in morbos acutos, propter sal volatile oleosum massæ sanguineæ, tunc nimis exaltatum; tempore hyberno facilis conjectura est morborum chronicorum, facileque patet Causa oriunda ex præternaturali Acido vel Viscido. Quod pertinet conversatio cum ægris in locis suspectis & contagiosis, ejusque dispositio. Quod concernit Consequentia, ea ostendunt symptomata. Hic Causa primario peccans, in specie in excretis, est observabilis, examinando saporem, colorem & odorem simul, ut his collatis perveniamus ad perfectam causæ & morbi cognitionem. Item ad hæc pertinent Iuvantia & Nocentia dicta, hoc est remedia, quæ juvant restaurando Vires ægri, & nocent intendendo Morbum, & consequenter vel Causæ morbosæ resistunt, vel eandem promoveant. Helmontius à Iuvantibus & Nocentibus hic desumptam cognitionem pudibundum signum vocat, & non expectandum à Medico effectum medicamentorum esse, urget: si enim certus in arte sua est Medicus, non opus habet expectare successus medicamentorum, quæ expectatio interdum cum prostratione virium, ipsiusque ægri interitu, fieri solet. In calibus autem intricatis, in specie in rebus, ubi per Analogismum agere necesse est, in Iuvantibus & Nocentibus non ultima cognitio causæ morbosæ latet. Denique dixi, desumi cognitionem Causæ morbosæ à subjecto essentialiter inhærentibus. Desumuntur autem hæc à constitutione ægri: quod pertinent signa, quæ habentur pro signis Temperamentorum, quæ partium Temperiem insinuare perhibentur; Ita multi de Intemperie cordis, cerebri, pulmonum, &c. multa referunt. Res est nota & inanis. Nam Temperamentum partium vitale ratione caloris est in sanguine; prout variat textura sanguinis, omnes reliquæ partes sanguineæ variabunt. Constitutio ægri monstrat statum sanguinis, prout scilicet sanguis vel acidior vel alcalinus.

Sed an absens, & per longa locorum intervalla diffusi, status sanitatis cognosci possit per media Magica naturalia, ab aliis dicta Sympathetica vel Magnetica? negotium est altioris indaginis, & uti non omnino rejiciendum, ita nil temerè asserendum, aut blasphemè effectus naturales diabolo tribuendi. Notum siquidem est, Nobili Bruxellensi in patria, friguisse & putuisse subito nasum eò tempore, quo bajulus, ex cujus brachio excisus fuerat, Bononiæ mortuus est: Vid. HELMONTIUS de Magnet. Vulnerum Curat. 6. 27. Et Mater lactans, absens infantis novit ejulatum lac poscentis; ex compressione & quasi vellicatione mammarum; Dum ursus hyeme pinguescit in specu somno sepultus; adeps vel pinguedo ursina in pyxide asservata, Ettmuller. Oper. Tom. I.

intumescit & quasi augetur; Gallina ovis incubans, si in iisdem ædibus ovum assetur ex iis, intereant pulli exclusioni vicini, &c. De canibus constat, quod si quis frustum panis recipiat, & sub axillis applicet, ut insensibili transpiratione & sudore benè imprægnetur, & ei postmodum propinetur, tunc canis talem hominem vix unquam deserat. Hic nota est sympathia inter Confluenteos, dum e. gr. fratres Germani vel gemelli, multis milliaribus sæpè diffusi, iisdem tamen conflantur morbis, in specie variolis, licet hæc in altero loco omnino sint tunc temporis inusitata. Referenda huc sunt singularia exempla similis sympathiæ à BORELLO Centur. 2. Observat. 47., & BARTHOLINO Centur. 5. Histor. 79. memorata. Propter hæc & similia experimenta nil in consideratè judicandum; dum refertur, quod spiritus sanguinis alicujus viventis, vitro Hæmetice clauso impositus, monstret sanitatem & morbos ejus, cujus est sanguis, licet longè absens, mutationes coloris & consistentiæ in clarum, rubrum, turbidum, lividum &c. in febribus, ictero, melancholia, &c.: vel dum JOHANNES ERNESTUS BURGGRAVIUS incendit vel præparat biolychnium seu lampadem vitæ ex sanguine viventis, cujus flammula pro varietatè coloris, splendoris, motus, &c. certissimus sit sanitatis vel morbi index; sicut sui extinctione mortem insinuet ejus, ex cujus paratum sit sanguine: vid. Auto. in specul. Tractatu; & BEGUINUS in Tyrocin. chymicol. 3. cap. 1. pag. 445. Id quod etiam SCHMUCK Thesauro Medico, Secreto Physico 18., per herbam Telephium dictam in verso modo suspensam perficere tentat, quæ suo virore, flacciditate vel ariditate sanitatem, & morbum vel mortem peregre profecti hæredibus domicilii monstrare debet. Alii eundem effectum expectant per imaginem pictam cujusdam absens: quod tamen valdoperè Magiam nonnaturalem sapit.

Signa inter hæc, tam quæ in diagnosi, quam etiam Prognosi, locum habent, primatum obtinent ea, quæ virtutis vitalis rationem in sanguine fundatam immediate designant, & ex urina & pulsibus desumuntur. Sunt quidem deceptorium vulgi; veris autem Medici inserviunt pro exacto scrutinio Causæ Morbosæ, Duplex autem est urina, alia Potus, qui ex primis viis ad vias urinarias seu ad vesicam defertur, alia Urina sanguinis, quæ transcolatur per renes; & colando beneficio fermenti urinarii separatur & defertur per ureteres ad vesicam.

Nam uti Urina potus monstrat alimenti in primis viis alterati, & digestionis primæ & secundæ, mediante fermentativo motu ibidem peractæ, conditiones; ita urina sanguinis monstrat hujus constitutionem, ex particularum ejus liquorem componentium, imprimis salinarum, fermentatione oriundam, & prout ratione vel puritatis vel impuritatis cacochemicæ, coctionis & cruditis subinde variat. Pulsus autem ipsius turgescentiæ & fermentationis vitalis in præcordiis insinuat statum, distributionisque sanguinis ex eo in omnes corporis partes rationem. Iam cum à dicta turgescencia in pulmonibus, adeoque spiritaliscentia, dependeat vis vitalis totius corporis, consequenter rationes virium vitalium per pulsus cognoscimus, & capimus Prognosin morbi & ægri; ita tamen, ut diversarum circumstantiarum concursus non raro fallax, minusque certum reddat judicium.

Urinae judicio utut vulgus multum tribuat, tamen ex earum inspectione nihil aliud potest colligi, quam

1. Ratio Chylificationis, seu quomodo fiat digestio prima in stomacho, ejusque inde perfectio in intestinis.
2. Status sanguinis, prout ex ejus fermentatione resultat secundum puritatem & impuritatem, indeque recrementa vel naturalia salina, vel præternaturalia multivaria separat & præcipitat.
3. Status viarum urinariorum, per quas transit urina, cognosci potest, utpote vesicæ urinarie, renum, & ureterum.

Alias ex urina nil potest cognosci. Vana sunt, quando multi asserunt, posse ex urina dijudicari, an mulier sit gravida. An patiens sit mas vel femina? An laboret catarrhis, phthisi, cephalalgia, obstructione lienis, &c. quæ sunt nugæ, & simplicis plebis deceptiones. Nil, quam recensitæ partes, uti dixi, cognosci possunt; scilicet Digestio & Affectus stomachi, morbi massæ sanguineæ & viarum urinariorum, morbi chronici, & febres.

In urinae inspectione sunt consideranda sequentes cautelæ,

M

1. Uri-

1. Urina inspicienda colligatur perfecta iam digestionem primis horis matutinis & excreta urina potus, ut habeatur urina sanguinis.
2. Urina inspicienda una vice colligatur; ne urinæ confusæ se invicem, & iudicium Medici, turbent.
3. Urina una alterave hora post excretionem inspiciatur, ne diuturna mora mutetur, exindeque turbetur, & putrescenda corrumpatur & dissolvatur, quod imprimis tempore æstivo observandum est.
4. Inspiciens urinam nunc luci nunc umbræ obvertat: si luci, melius color; si umbræ, melius contenta perspiciuntur.
5. Inspiciatur urina eminus (ab alto intus) circumposito urinario vasi nigro vestimento, ut minutissima deprehendatur nubecula, quæ alias raro conspicitur.

Alias cautelas in examine urinæ ab aliis notatas, Destillationes, Gustus, Inspissationes, cum alumine Præcipitationes, &c. negligimus, quia nihil cognoscitur, præter quantitatem contentorū salium. Ad hæc ejusmodi urinæ examina suspecta sunt, eò quod his mutationis urina in texture sua insigniter mutetur, dum aliam consistentiam, colores alios, & alias qualitates accipit, quæ magis fallere, quàm iudicium Medici promovere possunt.

De dicendis circa urinæ considerationem, observandum est, signa ejus certis in casibus sæpe fallacia esse:

1. In febribus & morbis malignis. Nam hi, quò magis tales, eò minus alterant & afficiunt urinam, ita ut febribus malignis ægrotantium urinæ sanorum urinis simillimæ deprehendantur.
2. Urina insigniter variat pro ratione assumptorū alimentorum vel medicamentorum. Indaget ergo Medicus assumpta, ne in iudicio fallatur: quædam enim urinam tingunt colore rubicundo, quædam reddunt suaveolentem.
3. Imprimis fallit iudicium Medici, quando non rite attendit causas variationis urinæ naturales. Nam in latitudine sanitatis, vite generis, ætatis, diætæ, &c. naturaliter variat: e.g. *Urina adultorum sanorum est citrina, senum pallida, puerorum pallida & crassa; qui vitam sedentariam agunt, urinam copioso sedimento saturatam: ætuosam qui vitam agunt, tenuem cum paucis vel nullis contentis repletam emittunt.*
4. *Qui delicato & generosiori victu utuntur, magis tinctas emingunt urinæ; contra, qui vulgaribus vescuntur, minus tinctas.*

In specie in urina consideretur:

1. Ipse liquor lixivialis seu substantia continens.
2. Eiusdem contenta varia ipsi innatantia.

Liquor lixivialis exhibet:

1. Consistentiam.
2. Tincturam seu Colorem, ad quem refertur etiam ejus perspicuitas & opacitas.
3. Odorem.

Quoad Consistentiam, urina dicitur vel *crassa* vel *tenuis*. *Tenuis* est, quæ tenuiorem habet consistentiam; *Crassa* oritur à copiosis salibus oleosis, quibus liquor urinæ probe imprægnatus est. *Tenuis* autem paucitatem particularum salinarum manifestat; eaque ut plurimum cruditatem tam digestionis primæ quàm secundæ innuit; minus enim dissolvi & subigi salia sulphurea, & minus uniri cum liquore ferroso, indicat. *Consistentia* hæc urinæ naturalis media esse debet inter oleum & aquam, de cuius natura & origine sint sequentia Experimenta:

1. *Aliquando ætuosissimo tempore accepi urinæ crassæ Zii. Zv.: his instillavi lixivii acris tartari & nitri inuicem detonatorum Ziii, & mox sub instillatione sedimentum candidum copiosum se præcipitabat, urina clara supernatante. Post trium horarum moram instillavi spiritus vitrioli Philosophici Ziii. ad Zss. circiter ad perfectam saturationem usque, & hinc successive non solum intendebatur urinæ color, altero mane inspecta urina nihil sedimenti exhibebat; nam omne resorptum erat saltem nubecula levis apparebat, & arenule ruffæ plures fundum occupabant. Instillavi denuò lixivium præfatum ultra saturationem, & denuò copiosum sedimentum grumosum præcipitabatur.*
2. *Accepi urinam naturaliter constitutam cum copioso sedimento albo, claro, levi, pyramidalis, laudabili, &c. Parti primæ turbide instillavi lixivium præfatum, & subito sedimentum candidum se præcipitavit, simile illi, quod sponte se præcipitaverat: secundæ parti claræ*

instillavi spiritum vitrioli Philosophicum, nulla turbatio, aut sedimenti extrusio, saltem coloris intensio sequebatur illius. Viceversa urinæ ab alcali turbatæ instillavi spiritum vitrioli Philosophicum, & omnia evanuerunt, ac urina denuò clarescere cepit: Ex opposito urinæ, per spiritum vitrioli Philosophicum medicatæ, parti secundæ instillavi lixivium istud, & subito turbata urina, ac sedimentum candidum seponere incipit. Urinæ verò illi, in qua posturbationem parti primæ instillavi lixivium præfatum, sedimentum permanebat, imò augeri videbatur; sed ex opposito spiritus vitrioli Philosophicus omne sedimentum absorbebat, & urina in naturalem faciem clarescere incepit.

3. *Urinæ sanæ Ziiß. instillavi lixivii cinerum clavellatorum Zij. unde mox seponebatur sedimentum, hinc instillavi Zss spiritus nitri, unde levi prævia effervescentia resorbatur denuò omne sedimentum. Eiusdem urinæ Ziiß. instillavi spiritum salis ammoniaci, hinc eadem Præcipitatio: Instillavi post 8. horas spiritus vitrioli Zss. resorbatur sedimentum maximam partem, sed non omne, unde adhuc bina vice Zss. spiritus ejusdem instillare cogebar.*

Ex hisce Experimentis tales elici possunt conclusiones:

- (1.) In omni urina, præter liquorem lixiviale, naturaliter etiam alia contenta quasi chylosa observantur, eaque, vel ipsi unita, vel ab ipsa sponte separata.
- (2.) Alcalia, Contenta ista naturalia separant & præcipitant, sive fixa sive volatilia fuerint.
- (3.) Acida, Contenta urinarum naturalia retinent, nunquam eadem præcipitant, nec urinam turbant, quin potius ab alcalibus præcipitata sedimenta denuò solvunt, & quasi resorbent.
- (4.) Acida, quò magis retinent urinæ contenta naturalia, eò claram & perspicuam magis eam reddunt; Alcalia verò, quò magis eandem separant & præcipitant, eò turbidam & opacam magis urinam reddunt.
- (5.) Alcalia dum præcipitant urinæ Contenta naturalia, tenuiorem eam simul reddunt; quæ dum resorbent, & liquori reddunt acida, crassiorem urinam constituunt.

Patet ex his, Acidum urinæ falsum occultum esse, quod illius contenta cum menstruo detinet, unde crassities & perspicuitas dependent. Sanè eò ipso, quo cæteras concretum urinæ constituentes particulas invicem concentrando tincturæ varietatem efficienter efformat, etiam simili ex ratione plura contenta, intimius cum liquore aquoso ceu menstruo uniendo, crassam & suo modo spissiore urinam facit, Quin & ex unione ista intimiore particularum menstrui salii solventis seu continentis, & corporis soluti seu contenti, talis illarum continuatus ordo ac series, interceptorum verò porulorum æqualis adeò situs emergit, ut hinc ex modificato lumine perspicuum & coloratum fluidum exinde oriatur.

Tinctura verò seu color urinæ est ab oleo seu sulphure, cum sale volatili probe subactis & unitis, mediante Acido olei occulto: hinc est, quod Acida urinæ permixta colorem intensiorem, alcalia verò remissiorem, concilient. Naturalis urinæ tinctura in homine sano citrina est, seu aurea, habita tamen ratione ætatis; in juvenibus minus est tincta, in viris magis, quàm in feminis; quæ præternaturalem colorem, tam deficientem, album, & plus minus pallidum seu spicuum, bleichfarb, quàm excedentem, fulvum, flammeum, croceum, viridem, rubrum, lividum, nigrum &c. tanquam norma determinat: Nam quicquid in defectu vel excessu peccaverit, præternaturale est. In genere color naturalis uti innuit digestionem naturalem, & debitam fermentationem chyli & massæ sanguinæ, & omnia salia ritè defæcata & à liquore separata; ita urinæ deficientes tincturæ ut plurimum cruditatem digestionis primæ, ejusque deficientem à bile perfectionem, consequuntur; excedentes verò tincturæ aut fortem admodum lixivii per copiosa salia oleosa saturationem, aut præternaturalem in sanguine fermentationem, qua dissolvuntur & subiguntur exactius salia cum sulphure, & intimius liquori contenti quasi incoquantur seu uniuntur.

Unde oriantur varietates colorum, docebunt Experimenta sequentia:

1. *Urina naturaliter constituta in tres partes dividebatur.*

Pars

Pars prima sibi relinquebatur: Parti secundæ instillavi spiritum nitri, unde color sanguineus intensè rutilans successivè emersit, urina clara & absque sedimenti vestigio permanente: Parti tertiæ instillavi solutionem salis tartari acrem, & breviter urina turbida evadebat, colore multum remissione.

2. *Tempore Lunæ æstivissimo accepi urinam naturaliter constitutam, sed paulò intensius tinctam ab ægro transmissam, cujus etiam una pars per se asservata 24. horas citra alterationem persistebat. Secunda pars cum spiritu nitri fuit imprægnata, & hæc successivè intensiorem colorem, ad sanguineum accedentem, sibi acquisivit, sed sine sedimenti vestigio, Tertiæ & quartæ parti, alteri lixivium cinerum clavellatorum forte, alteri spiritum salis ammoniaci fortem instillavi, effectus utrobique fuit idem: nam sub ipsa liberaliori instillatione turbabantur, & candidum ac leve contentum extrudere ceperunt, quod in sedimentum abibat; aded utrobique similis erat alteratio;*

3. *Accepi urinam pueri 6. annorum sanam & laudabiliter constitutam. Parti primæ instillavi phlegma vitrioli acidum, unde successivè intensè color ad sanguineum gradum rubescere cœpit, & ita permansit. Parti secundæ instillavi partim spiritum vitrioli, alii nempe parti oleum vitrioli, unde pedetentim color intendi ad insignem rubedinem, non tamen tantam, quantum phlegma vitrioli induxerat. Tertiæ parti instillavi lixivium tartari & nitri invicem detonatorum, unde liquor turbabatur, & hinc successivè sedimentum candidum satis copiosum præcipitabatur. Liquor supernatans aureo colore erat conspicuus, equalis ad minimum pristino liquori.*

4. *Urinam febre tertiana laborantis crudam, sanguineo colore tinctam, claram, & quæ diu ita permanebat accepi. Parti primæ instillavi prædicti lixivii partem, & per plures horas absque alteratione stetit tandem post 8. vel 10. horas sedimentum candidum, crassum, inæquale, &c. seposuerat, urina aurei colores supernatante, adeoque tinctura erat notabiliter remissiori, utut sedimentum aded copiosum esset; tamen insignis crusta alba quasi glacialis vitæ undique, quousque pertingebat urina, affixa erat. Parti secundæ instillavi spiritum vitrioli Philosophicum, hinc tincturæ seu coloris insignis intensio, & ad summam rubedinem exaltatio. Hinc accepi urinam illam cum spiritu vitrioli Philosophico alteratam, & instillavi præfatum lixivium ad effervescentiæ usque saturationem, huic altero die considerata mistura copiosum sedimentum candidum seposuerat, & urinae color in aureum mutatus fuit.*

Ex quibus ferè sequentes Conclusiones elici possunt,

- (1) *Acida colorem urinæ semper intendunt.*
- (2) *Alcalina tincturam urinæ tunc remissione reddunt, nunc eandem minus sensibiliter immutant.*
- (3) *Alcalibus Acida superaddita tincturam urinæ intendunt, sed rard ad eum gradum adscendunt, quem Acida sola attingunt: Alcalia verò Acidis superaddita interdum, sed ferè rarius, colorem imminuere solent.*

Color urinæ consideratur vel materialiter vel formaliter. Materialiter oritur urinæ color à salibus falsis oleosis superfluis & effatis, primariò quidem volatilibus, secundariò etiam nonnihil fixis; quibus per accidens sal esculentum se associat, de quo nulla urinæ notabilis mutatio infertur. Salia ista soluta latice aquoso, chyli certam portionem secum vehunt, quam nunc retinent, nunc ex parte remittunt, unde contenta urinarum in sanis dependent. Formaliter Color urinæ dependet ex speciali ista particularum salino-oleosarum liquorum urinæ imprægnantium cum aliis textura; unde per refractionem radiorum lucidorum & lucis mortificationem color, quæ specialis textura à nobis inexplicabilis, quia adhuc imperscrutabilis. Textura tamen hæc specialis materiæ illius in urina tingentis, seu Coloris urinæ fundamentum, videtur dependere efficienter & proximè ab Acido, quoad sensuum quidem immediatum iudicium, occulto, utpote ab associato oleoso & urinoso temperato, effectu tamen satis potente, utpote præcipuorum urinæ phænomenorum primario Autore. Neminem terreat Acidum occultum in urina, adeò falso urinosa; nam læpius Acidum quoddam aliudve acre inest rebus acerrimum, gustui licet incognitum.

Ettmull. Oper. Tom. I.

tum. Crystalli Lunares amarissimæ sunt, concentrato tamen intensissimo nitri Acido turgent, cujus ratione & ex parte sunt: Crystalli saturni dulces, sive spiritu nitri sive aceto parati, sub dulcedine ista Acidum concentratum habent, unde etiam per alcalia præcipitabile est. Sub falso salis ammoniaci sapore acidissimus salis communis spiritus latet reconditus. Modus ergò, quo Acida, tam Acidum urinæ insitum, quam superadditum colorem, intendere queant, videtur mihi consistere in texturæ particularum à seroso urinæ latice dissolutarum arctiore unione, adeoque texturæ illius quasi concentratione, aut condensatione, ratione cujus copiosiores partim refringuntur, partim reflectuntur, radii luminosi; pauciores verò tramite recto rejiciunt; unde quò longius à perspicuo abest, eò propius ad opacum accedit, & quò plus nigredinis aut saltem tenebrarum tali texturæ inest, eò in suo genere intendere colorem solet. Certè pro rarefactionis & condensationis, solutionis item & præcipitationis legibus, sine materiæ materialiter tingentis additione, urina diversimodè in tinctura mutari poterit. Hinc citrinus seu flavus color quilibet facile concentratione texturæ ad rubedinem plus minus intensam assurgit: e. g. Aqua communis sine colore est; si verò in ea dissolvantur salia fixa, aureū vel citreum acquirit colorem, prout plus vel minus imprægnata, est à salibus. Confirmat hæc Mechanica, si destilletur urina ad consistentiam mellis; mel hoc relictum aque communis molem, aliquoties urinæ quantitatem superantem, tinctura ista, urinæ tinctura longè intensiore, imprægnabit.

Acidum hoc urinæ insitum originaliter, & quoad primam sui featuriginem, est ex primis viis, speciatim ventriculo: in hoc enim assumpta alimenta solent plus minus sensibiliter acescere, siquidem & ipsa Acido simili, vel manifestiore vel occultiore, copiosiore vel parciore, diversimodè imprægnata sunt; sub chylicantis verò fermentationis motu aciditas ista undecunque nata, à vitali agente, mediante certo motu, ita modificatur & alteratur, ut nostris Constitutivis exactè assimilabilis reddatur.

Quoad Colores in specie, & quidem in defectu, oritur Urina alba, quæ est vel tenuis vel crassa. Tenuis fit ex summa Cruditæ stomachi, & Fermentatione sanguinis non ritè defæcata. Alba crassa innuit eandem Cruditatem unà cum copiosis recrementis chylosis, cum urina ejectis, unde chylola & lactea vocatur, quæ semper præsupponit digestionem primam læsam. Confirmat hoc observatio HORSTII, qui observavit urinam emulsioni amygdalarum similem, quam ante aliquot horas sumperat eger. Talia mixtio lactea sine incommodo diu durans observata fuit à PLATERO l. 3. observat. p. 836. Frequens est infantibus propter voracitatem. Urinam lacteam in Cachexia observavit SYLVATICUS Centur. 3. Consil. 29.

Quod attinet Colores in excessu, datur

1. *Urina flammea seu rutilans, hoc-rotb, ad instar spiritus nitri sub destillatione.*

Urina hæc observatur (a) in febribus ardentibus, & innuit insigniter auctum motum fermentativum sanguinis, & insignem salium cum particulis oleosis dissolutionem & subactionem, & fortem cum sero unionem. (β) Extra febres urina flammea observatur in Scorbuticis & Hypochondriacis, propter copiosa salia urinam uberius imprægnantia, ita ut tales urinæ igneæ sine effervescencia febrili sint. (γ) Urina adeò intensè tincta observatur quoque in Hydropicis, quia uberrimè salibus sunt imprægnatæ, quales etiam simul non nihil turbide excernuntur. (δ) In phthisi aliquoties observavi urinā admodum intensè tinctam & tenuem, hoc-rotb, aber dunn, alitè rutilantem, sed tenuem, quo signo cū rursi chronica de phthisi aliquis certus esse potest.

2. *Occurrit urina intensè crocea, obscure rubicunda, quæ semper innuit Icterus. Facile hoc patet, quando immittitur linteam, quod colore croceo obscure rubicundo tingitur, quod nulla alia facit urina. Non autem hoc fiet propter bilem sanguini admistam, sed propter corruptam massam sanguineam.*

3. *Uterius observatur interdum Urina rubicunda instar sanguinis, qui color interdum oritur à sanguine, interdum verò non: in casu ab alto interdum sine sanguinis miscela tinctura sanguinea apparet, partim ob intensissimam fermentationem, partim ob uberrimam imprægnationem & dissolutionem salis & sulphuris. Urina flammea excernitur interdum opaca & rubicunda sub cursu februm, & innuit præcipitationem salium*

vitiosorum copiosorum ex massa sanguinea, quæ tantoperè tingunt Urinam.

4. *Urina nigra, livida, viridis*, &c. *observatur* vel in morbis acutis, vel in chronicis. In acutis semper malum signum est. Si tenuis, ferè lethale est omen, & signum mortificati sanguinis: si autem crassa, minus est mala, propter præcipationem. Urina viridis in pueris spasmus, aut venenum potum innuit, cujus exemplum videbitis in FORESTO l. 18. *Observat.* 28. *Urina nigra in malignis signum lethale est*: innuit enim certam putrefactionem massæ sanguineæ. In morbis chronicis incipientibus signum est, naturam degenerare in hydropem. Non autem semper malum signum est, quia sub progressu. Curæ in morbis Chronicis & scorbuticis, imprimis ex Acido oriundis, post usum remedium antiscorbuticorum superveniens, urina nigra & crassa bonum signum est; indicationem optimam & excrementorum præcipationem ex massa sanguinea denotat. Observatum etiam fuit in *ictero nigro* ex usu lapidis Bezoar Urinas redditas fuisse nigras instar atramenti, quod habet HOFERUS in *Hercule Medico* p. 140.: & hoc imprimis usu venire solet in morbis ex splene ortis, vel cum ejus affecta conjunctis. Sic SCHENCKIUS l. 3. *Obfer. de Liene* refert, quendam lienis tumore laborantem per 15. annos, annuatim bis vel ter per urinæ profluvium instar atramenti, convaluisse. Rarum interim est, quod habet BARTHOLINUS *Centur.* 5. *Hist.* 90. urinam nigram ex usu nimio pvarum obortam fuisse.

Ad urinæ Colores pertinet etiam Corona, de qua multa dicunt; imprimis BARTHOLINUS *Centur.* 4. *Hist.* 26. eam inter capitis affecti signa refert, unde & ea urina spumosa in circulum abiens, signum catarrhi perhibetur ab HOFERO in *Hercule Medico* pag. 30.: Sed est nullius momenti. Intelligunt per Coronam illud, quod margini urinalis, seu lateribus matulæ madefactæ, adhæret, quod tamen omnia humida faciunt: si enim matula est sicca, nil apparet. Plura de Coloribus Urinæ videbitis in WILLISIO de urinis.

Pertinet quoque ad Consistentiam urinæ *urina oleaginosa*, quæ dicitur sic vel ratione Consistentiæ, vel ratione innantis substantiæ. *Urina Oleaginosa ratione consistentiæ est crassa & pinguis* instar Olei. Plerique dubitant, an detur? Affirmo, & confirmo artificio saponario. Simili enim modo, atque sal alcali fixum, imbibens pinguedinem animalium in muria, abit in saponem; ita sal urinæ urinosum nimis acre, colliquesfaciens corporis pinguedinem, imbibit illam instar lixivii saponarii. Rarè tamen observatur, nisi in morbis, & in specie in febribus colliquesfactivis, & fit propter dissolutionem pinguedinis.

Quod attinet *Urinam oleaginosam ratione substantiæ supernatantis*, est hæc, quando in urinæ superficie videtur quasi pinguedo, interdum vera, interdum apparens seu crusta salina, quæ facillè dignoscuntur. Quando enim ad latus adspicitur, si vera pinguedo, nullos habet colores; si verò ad lucem adipecta, *gegen dem licht*, varios repræsentat colores instar iridis aut caudæ pavonis, talis crusta non est pinguedo, sed copia salium in pissinatorum & concretorum. Quando enim vera pinguedo adest, oritur plerumque ex renibus, & signum est febris chronicæ, ad Hæcticam inclinantis, a quibus à calore lento successive liquefit pinguedo renum; colorata verò non est. Quando autem sunt salia concreta, colorem repræsentant, & sæpius eveniunt in scorbuto & malo hypocondriaco, & est infallibile horum morborum signum.

Quoad *Contenta*, ea sunt nihil aliud, quam partes chyli sanguini non assimilabiles, ex necessitate materiæ genitæ, ab urina imbibitæ, quæ vel sunt solutæ, & tunc nulla similia Contenta in urina, vel sunt separatæ, & tunc triplicia urinæ contenta emergunt. Ex respectiva liquoris cum contentis textura oriuntur tot *urinarum* qualitates seu proprietates, ut in colore, opacitate vel pelluciditate.

Contentorum enim *ratione turbida* seu *opaca* interdum, interdum *pellucida* seu *clara*, conspiciuntur urina. Hoc dependet ab exacta unione & solutione particularum salino-oleosarum cum poris liquoris aquei, unde radii luminosi æquali tractu ferè maxima ex parte permeant sine infi-

gniori ejus turbatione. *Illud* verò (nempe Opacitas) dependet ab earum vitiosarum ex massa sanguinea separatione; & quasi præcipatione: quæ duabus de causis, vel ab aere externo frigidiusculo, poros liquoris constringente, & ita particulas imbibitas extrudente; vel ab interna causa, recrementorum nempe caco-chymicorum ex massa sanguinea, mediante fermentatione, præcipatione, & instar sæcum separatione, ut iis continendis & imbibendis non sufficiat latex aquosus, unde radii luminosi hinc inde impingentes in transitu prohibentur & obscurantur in humido corpore, liquorque fit minus perspicuus.

Urina clara innuit laudabilem digestionem primam & secundam cæteris paribus; hinc tales urinæ, quæ successivis excretionibus perturbantur, per se sunt semper in morbis optimum signum, quia in acutis febribus, quo magis præcipationis sæculentiis ex sanguine replentur urinæ, diversas recipiunt affectiones, adeoque signum inchoatæ & continuatæ coctionis, ut vocant, materiæ morbificæ exhibent, eò melior est; contrario si se habeat modo, eò pejor. Nam si *clarescunt*, & *materia copiosa secedit*, signum est perfectæ præcipationis particularum ex massa sanguinea. Id quod in morbis Chronicis similiter obtinet, in quibus urinæ claræ & splendentes quando turbidæ fiunt, in ictero nigro, hydropse Ascite seu abdominis, malo hypocondriaco, &c. signum bonum sunt futuræ morbi solutionis, ob renovatam naturalem in sanguine fermentationem, indeque heterogenearum & non-unibilium particularum extrusionem, & hoc signum in scorbuto indicat, quod medicamenta antiscorbutica probe suo fungantur munere, si urina antea clara, turbida crassa ab eorum usu reddatur. In generæ observandum, quod in *omni Urina turbida lateat absconditum Acidum plus minus excedens*; unde tales urinæ in morbis acutis interdum fermenti stomachalis & digestionis primæ redintegrationem, massæ sanguineæ depurationem, & naturalis fermentationis restaurationem innuunt: Contrarium fit, si alio modo se habeant. In morbis acutis rarè deprehenduntur turbidæ, cum Acidum occultum vitiosum partes salinas non præcipitet, ex qua præcipatione aliàs turbatio urinæ accidit.

Quoad *Odorem Urinæ*, hic naturalis omnibus est notus: Notetur Odor urinæ præternaturalis. Hujus varietatem ex assumptis sæpius esse, videbitis in HORSTII *Manuduct. ad Medicin.* pag. 187. *Urina fetida*, si non est ex Assumptis, innuit sæpè morbum malignum, colliquescentiam massæ sanguineæ, & putredinem pestilentialem, quod *exopisphum*, est Italorum. Curiosum est, quod refert HORSTIUS loco a legato de Medico cæco, qui solo odore urinas dijudicavit. Urinæ violacei odoris, ex terebinthina adsumpta, causam in sale volatile urinæ à terebinthine sale volat. oleoso balsamico impregnatum, rectè refert BORELLUS *Cent.* 2. *Observat.* 33. *Sine manifesta autem causa Urina suaveolens in moribundo* à BARTHOLINO observata *Centur.* 4. *Hist.* 78. inter ea, quæ rarè contingunt, referenda.

Contenta in liquore lixiviali, ratione situs triplici modo distincta, in *Nubeculam*, quæ locum summum occupat, in *Encorema* seu *sublimamentum*; quod locum medium, & in *Hypostasim* seu *Sedimentum*, quod locum infimum occupat, in sanorum Urinis rarè occurrunt. Differunt ratione majoris ac minoris levitatis & tenuitatis: nam levia supernant, & in sanis cruditis chylosæ, vitio digestionis primæ coacervatæ, & consequenter sanguini non assimilabilis, sed à latice urinario absorptæ, indicium exhibent: Hinc juvenes & laboriosi tales urinas non habent, sed eorum urinæ sunt sine Contentis; è contrà infantes voraces, senes, Cachectici, &c. tales excernunt urinas, propter defectum debitæ fermentationis. Si sæpè largius edimus, manè ordinariò excernitur urina crudior suis contentis turgida, quæ sunt nihil aliud, quam remanentiæ chyli vitiosi. Suspensum seu *πνευμῶν* annulare, & in medio perforatum, observavit BARTHOLINUS in *Centur.* 3. *Hist.* 74.

Materia Contenti hujus naturalis est portio chyli, sub digestionem secundam seu hæmatosi tanquam ejus excrementum separata, & fermentativo motu præcipitata, hinc cum urina excreta. Non est autem chylus nutritivus seu laudabiliter constitutus: nam nunquam in exactè sanis sponte sua tale contentum subsidere observatur, sed saltem in defectuosis; sive ex præternaturali subjecti vitio, sive nonnaturalis objecti errato defectus talis oriatur. Præterea lac seu chylus genuinus ab Acido, in specie spiritu nitri, promptè coagulatur, quod ab Alcalibus dissolvitur;

& serum, sanguini grumoso supernatans, à spiritu nitri coagulatur in substantiam caseo-grumosam; est enim chylus sero dilutus nondum sanguini assimilatus: ab alcalibus è contrà dissolvitur: Contraria verò observantur in Contentis urinæ. Vitiosa ergò chyli portio, quæ nempe inepta est nutritioni seu assimilationi cum sanguine ac partibus solidis, materiam Contenti hujus naturalem constituit. Jam verò si proprietates ejus consideramus, manifestum erit, cum pingua coagulentur ab Acidis, terrea verò ac urinosa ab iisdem dissolvantur, ferè sequi videtur, quod chyli, ceu Concreti salis oleosi volatilis, partes minus mites, minusquè oleosæ temperatæ, minusquè subtiles ac volatiles, adeoque quasi asperiores ac rigidiores, uno nomine crudiores, sint istæ, quæ sanguini, utpote salino oleoso volatili liquori, minus uniri poterunt, adeoque secedunt, & tale in urina contentum constituunt. Uno nomine, chyli, qui cœpit sanguificari, pars crudior quasi caseosa est sanguificationi aliisque usibus inepta, quæ ceu excrementum, necessarium digestionis secundæ contenta hæc naturalia in urina constituit. Cruditas hæc naturaliter solum est ex materiæ vitio, minus aptæ ad perfectam resolutionem & volatilisationem.

Quantum sensuum fide hætenus constat, Urina est nil aliud, quàm immediatum excrementum lixiviale digestionis secundæ, constans latice aquoso superfluo, sale salso, nunc, & quidem maximam partem, volatili, nunc fixo, & quasi ammoniacali, particulisque oleosis seu sulphureis uberrimè tincta, quæ omnia ex massa sanguinea secedunt. Copiosum phlegma seu aquosus latex, qui paulò antè nutrimenti vehiculum evadit, inutiles, adeoque recrementosas, perque continuatum intestinum motum quasi attritas, ac arctius invicem sociatas salino-oleosas massæ sanguinæ particulas imbibit, easque unà cum intermixtis plus minus copiosis particulis chylois, sanguini minus comòdè assimilabilibus, evehit. Quod si per ignem ejus instituiamus Anatomen, saturatus deprehenditur copioso sale volatili urinoso, adeoque composito ex Acido volatili, effectu in urinæ concreto potentiori, & Urinoso volatili copia uberiori; adeoque sale quodam ammoniacali imprægnatus est, ut loquitur MAYOVV de spiritu nitri Aer. pag. 160. Quæ ipsa omnium reliquorum in corpore fluidorum ratione temperata sunt, intertextis pinguibus seu oleosis particulis: atque hisce modò dictis volatiles hujus concreti partes variè absolventur: Nam quem vinosum spiritum; utut paucum, quidam ex eodem elicere satagunt, artis potius, aut naturæ quandoque aberrantis, effectus esse videtur. Fixæ partes, præter terram mortuam, duplex sal exhibent; esculentum unum cum alimentis assumptum, & cum urinæ liquore ad vias urinarias raptum; alterum fixum sui generis, salsum quidem etiam, sed magis ad alcalifactorum naturam accedens, quale ut ex sanguine animalium, ipsius quoque hominis, utut in pauca quantitate, parabile existit.

Esse in Urina Acidum occultum, probat

1. Salsus ejus sapor, quem ex conjugio Acidi & Urinosi genitum esse, comprobatur Chymia.
2. Spiritus urinæ præparatio cum Alcalisati subiecti, si non simpliciter, saltem ad majorem ejus copiam acquirendam, & celeriolem distillationem, necessaria additione, ut liberentur ab Acidi ligantis particulis spirituosæ urinosæ, ut loquitur VVEDELIUS in Pharmacop. pag. 23. dum alcalisatum scil. imbibit Acidum; ob quam rationem cum calce viva destillata urina mox spiritum volatilem reddit.
3. Quod per putrefactionem spiritus urinæ adeò volatilis acquiratur, ut mox primo loco ante phlegma assurgere incipiat, quatenus in quavis putrefactione plus minus perfecta Acidi sit inversio & exaltatio; cujus loco Alkali volatilis emergit & exaltatio; quod quotidiana rerum putrescentium confirmat Observatio.
4. Doceridem MAYOVV de spiritu nitri aereo pag. 160. quod solutio sulphuris in lixivio facta ab urinæ affusione, non secus ac à quovis liquore acido, præcipitetur.

Cum itaque salsus sit liquor urinæ, & naturæ instrumenta mechanica soleant esse salia, Acidum & Urinosum, commodissimum videtur etiam salium beneficio Uroscopiam medicam instituere, pro signis tam diagnosticis quàm prognosticis in Praxi Medica firmioribus: Id quod Ertmuller. Oper. Tom. I.

per Experimenta omnium optimè innotescit. Sit ergò

Experimentum 1. *Urinæ sanæ, etiam laudabiliter constitutæ, in duas partes divisæ, infudi parti primæ solutionem salis armoniaci filtratam limpidam, hinc cum per aliquot dies noctesque steterit, nulla alteratio aut immutatio observari potuit: Parti secundæ instillavi solutionem salis communis filtratam, & cum hæc etiam per aliquot dies noctesque steterit, etiam nec minima Alteratio observari potuit.*

2. *Urinæ Febricitantis, copioso sedimento cocto refertæ, instillavi parti ejus solutionem salis communis in aqua, & nulla mutatio in urina observare licuit, etiam si ultra 18. horas steterit, cum aliæ ejus urinæ partes, Acido & urinoso tractatæ, turbarentur.*

3. *Urinæ crassæ intensè tinctæ, in duas partes divisæ, priori nitri quantum sufficit, posteriori salis communis quantitatem sufficientem addidi: steterunt ita utraque per triduum citra ullam alterationem eadem facie, nec ab urina sibi relicta, nec à se minimum invicem differenter. Die quinta verò urina cum sale turbata, situm contrahere in superficie, & scætere nonnihil incepit, illa cum nitro adhuc clara, & citra alterationem apparens, saltem quod in superficie quodam loco situm contrahere inciperet; adeoque nitrum magis urinam condit, & diutius conservat, quam sal commune.*

Ex his talem elicere Conclusionem licet: *Salsa Urinas non mutant, nec quoad Colorem, nec quoad Contenta. Ipsa nempe urina salsum est concretum, & si naturaliter constituta, utroque, Acido & Urinoso, saturatum, adeoque ex universali Oeconomiz animalis lege temperatum, unde & sine præcipitationis metu salis miscibile existit.*

Contenta hæc fuerunt urinæ naturalia: Ad præternaturalia nobis pergendum, quæ 1000. modis variant. In genere tamen in statu ægritudinis seu præternaturali sunt vel Universalia, ex massa sanguinea immediatè decidua, adeoque totius corporis statum magis respiciunt; vel Particularia, quæ certæ cujusdam partis ex vitio communicantur, ut pus sub empyemate pulmonum, ex vitio renum, &c. Ex triplici fonte ferè originem habent: nempe vel ex primis viis, vel ex massa sanguinea, vel ex viis Urinariis. Ex primis viis sunt urinæ contenta v. gr. in diabeticis, quando assumptæ eum urina inalteratæ exeunt, vel quando primarum viarum cruditates chylosæ cum urina excernuntur. Ex sanguine verò v. g. in scorbuticis, ictericis, febrientibus, &c. Ex viis urinariis v. g. mictus cruentus vitio renum, urina purulenta vitio velicæ, &c. Contenta Universalia divideri placet in duas Classes, Præcipitata & coagulata. Præcipitata sunt illa, quæ urinas turbidas reddunt, & in iis plus minus secedendo pariter Nubeculæ, Sublimamenti & Sedimenti nomine venire solent: sunt nil aliud, quàm excrementa heterogenea, massam sanguineam cacochymicam & cachecticam constituentia, quæ in morbis per fermentationem præcipitantur, & talia contenta in urina constituunt. Talia contenta exhibent signa Coctionis, i. e. subactionis materiæ morbificæ, quando natura se regat materiam morbosam ex sanguine, & præcipitationem recrementorum præternaturalium ex sanguine, à latice aquoso absorptorum: sicut v. gr. Vinum fermentando deponit suas fæces; sic massa sanguinea in morbis. In principio urina est tenuis sine sedimento, in incremento crassior & turbida, in statu copiosa deponit sedimenta, quod est signum perfectæ præcipitationis fæcum ex massa sanguinea. De hoc sedimento notetur in genere, quod, si habeat bonitatis notas, quod album & moderatè crassum in fundo hæreat, & in pyramidalem formam adscendat sit optimum; ab his autem degenerans, minus bonum. Coagulata sunt, quæ Arenularum, pelliculæ ac crustæ facie in ambitu urinæ se exhibere solent. Præcipitata in febribus, similibusque morbis acutis, vel imminentibus vel præsentibus vel declinantibus, Coctionis & Cruditis pathologicæ signa, indeque vel morbi victoriam, adeoque prognoseos palmaria fundamenta, suppeditare; Coagulata verò in chronicis morbis, ut plurimum diathesi hypochondriaca plus minus scorbutica complicatis, causæ materialis peccantis, & inde natæ fluidorum corporum alterationis præternaturalis, non levia indicia reddere solent. Sit itaque

Experimentum 1. *Offerebatur Urina rustici intensè tincta, obscura rubra flavedine crassa: alteri parti instillavi lixivium cinerum clavellatorum, unde tenuior, clavo*

1. *perspicua reddita fuit urina, obscuro colore in intensam rutilantem tincturam abeunte, quæ tamen in inferiori gradu videbatur, respectu prioris intensioris Tincturæ: Alteri parti spiritum salis instillavi, unde prior obscurus color idem permansit, si non obscurior redditus fuerit, consistentia crassa & turbida eadem fuit.*
2. *Urinae mulieris gravidae, febre continua non admodum acuta laborantis, cum copioso sedimento lateritio, instillavi lixivium cinerum clavellatorum, & copiosius sedimentum album seu candidum reddebatur, ita ut copiam mirarer; ob id alteram medietatem recepi, & urinam claram cautè & exactè decantavi, relicto omni sedimento in fundo, & cum urinae hujus claræ parti similiter lixivii illius sufficientem quantitatem instillassem, subito quoque copiosum sedimentum candidum crassum præcipitabatur; ita ut alcalisata, præter Contentum præternaturale jam sponte sua præcipitatum, ulterius Contentum naturale etiam præcipitet. Id quod patet ex simili Experimento, dum urinam post febrim tertianam excretam, cum sedimento perfectè cocto, liquore claro supernatante, filtratam, adeoque claram, recepi, & solutionem cinerum clavellatorum instillavi unde nihilominus urina turbata, & hinc se diuturnum candidum naturale, præter illud relictum præternaturale, seposuit.*
3. *Offerebatur Urina Rusticæ crassa, turbida, &c. hæc per aliquot horas asservata lentè sedimentum deponere incipiebat, unde agitatam probè urinam in duas partes divisi. Parti primæ lixivium cinerum clavellatorum instillavi, unde urina turbida subito clarescere, & crassa attenuari incipiebat, & color aureus moderatè rutilans emergere: sedimentum seposuerat nulum aliud, quàm quale urinae naturales ex alcalibus additis solent seponere, nempe paucum, leve, candidum. Secundæ medietati instillavi phlegma vitrioli acidum, unde urina in antiquo crasso & turbido statu permansit, & successivè sedimentum seponebat: tertia abhinc die considerata, turbida, obscurè tincta, cum sedimento arctè in fundo in grumulos molles coagulato, apparebat. Admodum subindè in statu præternaturali alcalia clarificant & constituunt urinas; Acida però potius turbidas conservant, contra atque in statu naturali fieri solet.*
4. *Urina Nobilis nonnihil hypochondriaci, pleuritide notha correpti, erat crassa, turbida, copiosissimis contentis præternaturalibus imprægnata, cujus pars prima sibi relicta successivè clarescebat, & urinam naturaliter ferè constitutam, sed nonnihil intensius tinctam, exhibebat cum sedimento copioso, molli, levi, quasi lateritio. Parti secundæ instillavi solutionem cinerum clavellatorum & sal tartari: hæc brevi post clarescebat, & urinam optimè constitutam, sed intensius, aurantio scilicet colore, tinctam exhibebat. Sanè in hac urina alcalisata ne vestigium quidem opacitatis aut contentorum præcipitatorum apparebat. De cætero tota urinalis circumferentia salibus crystallisatis quasi congelatis erat obducta, & quidem candidis, glaciei instar. Parti tertiæ instillavi spiritum nitri probè rectificatum, hinc urina, seponendo copiosum sedimentum, clarescere incipiebat, & sanguineo colore tingi: ipsum sedimentum viscidius, tenacius & magis invicem concentratum, obscurioris etiam coloris erat, quàm illud in urina sibi relicta: undique etiam Urinalis parietibus copiosa salia crystallisata, ruffa, istis scorbuticorum similia, se affixerant, quorum plura infundo secesserant. Loco horum salium, in urina sibi relicta, alba substantia, quasi tenuis viscida crusta, Urinale obduerat. Accepi porro urinam hanc per Alcali restitutam & clarificatam, & instillavi spiritum nitri, & sine ulla effervescencia nota, mox turbabatur urina, & exactissimè eandem repræsentabat faciem, quam habebat urina primitus allata.*
5. *Accepi urinam juvenis, qui conflictabatur febricula continua lenta lymphatica, cum virium prostratione, faucium inflammatoria excretionem, alvi fluxu, &c. hæc manè collecta, intensè sanguineo colore tincta, perspicua, crassa, cum nubecula per totam urinam dispersa, à meridie reddita fuerat turbida, cum copioso divulso sedimento, coloris flavi, &c. Huic vesperi hora quinta in duas partes divisa, primæ instillavi lixivium ex detonato tartaro & nitro paratum: & subito sub ipsa instillatione urina turbida, crassa, reddita clara, & in pristinam consistentiam, perspicuitatem & colorem rutilantem, fuit restituta: sed post cœnam considerata sedimentum candidum grumosum seposuit, urina clara supernatante. Addidi secundæ medietati spiritum vitrioli Philosophicum, & urina eadem mansit crassa, turbida, cum deterrimo sedimento, etiam post cœnam denudè considerata.*
6. *Vir quidam tertiana intermittente graviter afficiebatur, cujus urina emissa mox copiosum dimittebat sedimentum. Hujus parti primæ instillavi spiritum nitri, unde concentrabatur, & magis circa fundum uniebatur sedimentum; Parti secundæ lixivium cinerum clavellatorum, unde mox evanescebat sedimentum, clarescebat urina eleganter, & aurei intesè coloris erat. Sed brevi post, non secus ac antea sedimenta, idem (copiosius tantum forsan) sedimentum, candidum ac leve fundum occupabat.*
7. *Mulier, quartana diuturna laborans, emittebat urinam, quæ brevi reddebatur turbida & opaca, cum colore ad rubedinem vergente, eum sedimento tardè secedente. Parti primæ instillavi spiritum nitri, contentum hinc densius mox coagmentari sensilius reddi, & brevi post densum ac rubicundum, fundum petere cepit, urina intensè tincta supernatante. Pars secunda in fornace à calore mox clarificabatur, & sedimento lateritio præternaturali imprægnata apparebat: filtro clarum separavi liquorem, sed nihilominus ab aliquot horis turbata denudè cepit, & sedimentum illi priori simile extrudere. Utramque ergò hanc urinam exactè filtro à sedimento separavi, & urinae aurantiæ claræ lixivium cinerum clavellatorum instillavi, & adhuc copiosum sedimentum candidum præternaturale præcipitabatur: die sequenti huic urinae cum sedimento naturali instillavi spiritum nitri eundem, quem supra in parte hujus urinae prima adhibueram, & hic sub instillatione sedimentum omne absorbebat. Admodum Acidum hic sedimentum naturale absorbet, præternaturale verò non attingit.*
8. *Urina mulieris, diuturna tertiana afflictæ, offerebatur, quæ copiosum sedimentum seposuerat rubescens, cum pulvere boli rubri admixtum quasi videbatur, liquore supernatante tenui, incerti coloris. Hujus parti primæ instillavi lixivium spiritus carminativi, secundæ spiritum vitrioli Philosophicum; hinc altero mane ista cum Alcali sedimentum copiosum ex albo nonnihil ad flavedinem declinans, crassum, ponderosum seposuerat, supernatante liquore urinario, aurantio colore tincto: Illa cum Acido sedimentum concretum ruffi, aut sanguinei potius coloris in fundo seposuerat, urina non admodum exactè clara, intensissimè tamen tincta, supernatante. Intendunt ergò colorem sedimentorum acida, quem infringunt Alcalia.*
9. *Urina Juvenis, tertiana duplicata per aliquot septimanas jam laborantis, & nunc in declinatione morbi constituti, erat crassa, turbida, cum copioso sedimento ad rubedinem aliqualem accedente. Parti primæ instillavi lixivium detonati tartari & nitri, unde post agitationem copiosum sedimentum candidum, ejusdem ac antè quantitatis, fundum petebat, Urina clara, aurantii coloris, supernatante. Parti secundæ instillavi spiritum nitri, & sub ipsa agitatione intendi tinctura, tam urinae quàm sedimenti, videbatur: post quietem idem sedimentum, quod antè fundum petierat, sed intensissimè rufescens, urina clara ex rubro sanguineo coloris supernatante, postmodum ab aliquot horis huic medietati cum spiritu nitri tractatæ, lixivii præfati aliquantulum instillavi, unde liquor in tinctura nonnihil remisit, sedimentum verò ex rubro colore multò candidius factum fuit.*
10. *Urina afferebatur cujusdam crassa, intensè tincta, quæ brevi post turbabatur, & sedimentum copiosum candido-lateritium seponebat, cum crusta densa, glauca &c. vitrum obducente. Huic instillo spiritum nitri, & successivè contentum præternaturale omne absorberi cepit, & crusta evanuit; hujus verò loco copiosa arena ruffa undique vitro agglutinata erat, urina clara, intensè sanguineo colore tincta, supernatante. Absorpsit hæc contentum præternaturale instillatum Acidum contra Experimenta hæcenus recensita, forsan quod hoc proximè ad naturam contenti naturalis accederet.*

11. Studiosus febre petechiali maligna laborans in statu morbi periculosissime decumbebat, urina collecta erat crassa, clara, ex aureo colore intense rufescens, & quasi rufescens, sine contentis, saltem levioribus eno-remaribus. Instillavi spiritum nitri & intensius in tin-ctura exaltabatur, & ad sanguineum colorem adscen- debat successive & vestigia enoematis delebantur. Parti alteri instillavi lixivium tartari & nitri detonato- rum, & successive, sed lente admodum, seponebat aliquod sedimentum album quantitatis mediocri: ipsa urina, quæ supernatabat, clara & tenuior, & in- tensius ad rubedinem tincta observabatur; paucos in- tra dies mors. Quod hic præcipitabatur ab Alkali, erat saltem sedimentum naturale: de cætero ita tex- tura urinæ & sanguinis mutata & concentrata fue- rat, ut nec ab Acido nec Alkali alterationem pateren- tur.

12. Studiosus juvenis laborabat febre lenta, Hæctica si- millima, cum secessibus crebrioribus, appetitu prostra- to, exhibebat urinam crassam, turbidam, cum sedi- mento copioso, quæ recens emissa colore intensissime flammeo rutilabat. Parti primæ spiritum nitri, parti secundæ spiritum vitrioli rectificatum instillavi, sed urina turbida manebat talis, & sedimentum suum se- ponebat: Urina supernatans intense sanguineo colore tincta erat, sed illa cum spiritu nitri pauld intensior videbatur. Parti tertiæ lixivium cinerum clavellato- rum non adeo acre: Parti quartæ lixivium ex tartaro & nitro detonatis acre, instillavi: effectus utrinque idem, restituebatur iterum mox urina, sed ut solet, non adeo exacte perspicua evadebat: ab aliquot horis se- ponebat sedimentum ad croceum colorem vergens. Nemp- pe hic contentum ex colligatione erat natum, indeque copiosum, & sic ferè minus apparibile tam ab Acido quam urinoso.

13. Accepi Urinam Viri Cachectici, qui in pueritia ali- quando hydropo ascite affectus fuit, jam ad anasar- cam inclinabat, pedes intumescabant, respiratio pauld difficilis, mictum eruentum subinde patie- batur, facies pallide intumescabat urina erat te- nuis pallida, ex levi citrino albida glauca, h. e. clara quidem, sed instar vitri minus per- spicui, quasi lacteo-turbida, absque contentorum vestigio. Hujus parvi primæ instillavi lixivium cine- rum clavellatorum, nulla hinc mutatio sensilis, sal- tem altera die sedimentum quoddam paucum, candi- dum, dispersum, & c. in fundum matulæ seposue- rat. Secundæ parti instillavi spiritum nitri, & ec- ce! sub ipsa instillatione sedimentum candidum copio- sum, fundum occupavit: continuavi instillationem, & sequente mane copiosum admodum sedimentum candi- dum, viscidum, tenax, & c. seposuerat, triplo ad minimum superans illud cum alkali; urina ipsa clara supernatans intensius tincta ad aureum colorem notabili- ter accedebat. Eandem urinam post 14. dies iterum examinaui, & eadem apparuerunt phænomena: ali- quot mensibus interiectis æger asthma correptus inte- riit. Similem urinam adhuc semel videre contigit cum iisdem phænomenis in viro, Cachexia scorbutica affli- cto, cum affectibus podagricis, tumoribus pedum œde- matosis ac levioribus paralyticis: hic post aliquot menses apoplecticus interiit.

14. Accepi urinam Studiosi, gravi ictero flavo pericu- lose decumbentis, eamque, ut solet, turbidam ob- scuram, intensissime tinctam, immersa lintea admo- dum tingentem. Parti primæ instillavi phlegma nitri acidum, unde aliqualis sedimenti præcipitatio, liquore supernatante obscuro, apparente ex viridi nigricante, ad solis verò lumen ritè considerata mi- stura sedimentum viride seponebat, liquore super- natante ex flavo ad aliqualem viriditatem decli- nante. Parti secundæ instillavi spiritum nitri, & eadem phænomena, sed magis manifesta & sensibi- lia, apparebant. Parti tertiæ instillavi spiritum salis, turbabatur nonnihil liquor, & reddebat Præ- cipitatum elegans viride, cum liquore perspicuo au- rei coloris supernatante. Parti quartæ instillavi spiritum salis ammoniaci, præcipitabatur substantia fla- va instar cujusdam ocreæ, supernatante liquore ci- trino, non adeo intense tincto, claro, crasso. Parti quintæ instillavi lixivium tartari & nitri detonato- rum, præcipitatum sedimentum fuit intense luteum,

Ersmulleri Oper. Tom. I.

liquore supernatante perspicuo, claro, aurei colo- ris.

15. Post jejunium ferè 24. horarum in homine non adeo sano, sed febricula lenta correpto, collecta urina apparenter erat sana, sed brevi post turbabatur, & vix per noctem integram sedimentum perfectum depo- suit. Ego agitatae urinæ parti primæ spiritum nitri instillavi, & successive ac pedetentim clarescebat uri- næ liquor, & perfecte sibi restituebatur, citra aliam alterationem. Parti secundæ lixivium tartari & ni- tri detonatorum instillavi, & in momento sub ipsa instillatione perfectissime sibi restituebatur, ita ut post aliquot horas utraque urina, tam acido quam urino- so imprægnata, sibi simillimæ essent. Sedimentum hoc ex naturali & præternaturali contento vide- tur fuisse compositum, unde etiam phænomena ista ex- hibuit.

Ex his apparet, quanta sit varietas in urinis præternatu- ralibus, & quàm diversa exhibeat phænomena pro consti- tutionis præternaturalis varietate, adeo ut vix in regulas aut conclusiones coerceri queat.

Sic nihilominus, quantum quidem exinde colligere licet vel potest,

Conclusio 1. Acida urinam uullam turbant, aut Contenta earum præcipitant; quæ verò claræ, sua sponte post- modum turbantur, earum turbationem ac Contenti præ- cipitationem ut plurimum adjuvant, sæpius accelerant, rarissime impediunt.

2. Acida, sedimenta præternaturalia vel sponte sua vel illorum ope præcipitata, condensant & intensius tin- gunt, h. e. spissiora magis & subinde grumosa reddunt ac proprium eorum cruorem magis ad rubedinem accé- dere faciunt,

3. Acida interdum, sed raro, sedimentum præterna- turale, vel sponte sua, vel eorum adiumento præci- pitatum, resorbent, & tunc ferè copiosa, ruffa, qua- si sabulosa aut arenosa concrementa, in fundo subsiden- tia, suppeditant,

4. Alcalia, præter contenta præternaturalia, sponte sua ex urina separatu, ulterius alia contenta naturalia ex eadem præcipitare solent.

5. Alcalia ut plurimum urinas præternaturaliter turbidas restitunt pristinae perspicuitati, & sponte præci- pitatum sedimentum præternaturale quasi resorbent, subinde perfecte, sed hoc rarius (id est, ut conten- tum absorptum perfecte dispereat & urina exacte per- spicua fiat) subinde imperfecte, & hoc frequentius (h. e. resorbeat licet contentum, urina non sit perfecte cla- ra, sed idem contentum, quod antea denuo præcipita- tur, ut in colore mutatum.) Nam

6. Alcalia sedimenta urinæ præternaturalia sui miscela, consistentia magis rara, motu leviora, colore magis candida, reddunt; sed hæc omnia magis à volatilibus, quam à fixis.

Ex hætenus institutis tentaminibus circa urinas, in statu morbofo collectas, collatis, cum iis in statu naturali obviis, mox insignem contentorum præternaturalium, à naturalibus differentium, deprehendere licebit varietatem. Sanè si pro- prietates & affectiones contenti utriusque rectè considere- mus, tantum non toto cælo differre videbuntur. At du- bium est, qualis differentia inter contenta naturalia & præter- naturalia locum specialiter obtineat? an saltem formalis, an præterea quoque materialis? Equidem quoad formalem diffe- rentiam, quoad texturæ nempe modum nulla lis est, quin talis intercedat; saltem de materiali dubitatur primario, circa quam sunt tres hypotheses.

1. Eandem esse materiam Contentorum naturalium & præternaturalium.

2. Esse diversam.

3. Esse partim eandem, partim diversam.

Conf. hic PLEMPIUS in fundam. Medic. l. 5. §. 3. cap. 6. § 320. Verum si præter notabilem phænomenorum diver- sitatem, ex sola formali texturæ diversitate, citra materiæ subjæctæ differentiam vix explicabilem, ulterius conside- remus, in quantum morbofo sub statu & hujus varietate, ac præternaturalibus functionum læsionibus, humores cor- poris quivis necessario alterentur & vitientur, concludendum omnino Contenta ista urinarum præternaturalia materialiter & formaliter esse distincta à naturalibus.

Unde triplex Contentorum præternaturalium materiam omnino statuenda venit. Primum ipsa Contenta naturalia sub statu morboſo plus minus alterata in præternaturalia abibunt. Notum enim eſt, quod urina cruda in ſanis excreta, h. e. quæ tenuis & minus contentorum ſecum vehit ſub diætâ ſaltem liberaliore, morbos pronunciet, in quibus poſt modum copioſa contenta, in urina præcipitantur: hinc ſecundum eſtatum GALENI, qui ex otio & repletione febricitant, ſi ſanitati reſtitui debent, in eorum urina neceſſario plurimum ſubſidet; illa nempe, quæ ſano in ſtatu ob excretionis errorem retinentur, per ebullitionem febrilem præcipitantur & ſeparantur.

Deinde, eaque primaria & frequentiffima contentorum præternaturalium materia eſt chylus vitioſus, ac uſibus, quibus naturaliter deſtinatus, ineptus, h. e. nec ſanguini nec partibus ſolidis debite aſſimilabilis. Nam ſicut ſub ſanitatis latitudine chylus undique viciatus cum urina excretus ſedimenti partem ſubinde conſtituit; ita multo magis præternaturaliter degenerans idem ſub urinae vehiculo eliminabitur. Quæ vitia chyli, uti ſolent eſſe tantum non innumerabilia, ita etiam in contentis urinae tam inſigniter variantia phaenomena exhibent.

Tertio, quin etiam contentorum præternaturalium in urina materiam ſuppeditant cæteri quivis, etiam laudabiles, corporis humores, tam primario chylus, ac inde genitus ſanguis, quam bilis & lymphæ, ſub morbi curſu plus minus alterati & à ſtatu naturali deſecti, genitæ hinc ex mutata textura portiones motu in teſtino in ſanguine ſecernuntur, & per urinam abſorptæ abſumuntur, & ita contenti præternaturalis partem pariter conſtituunt. Locum obtinet primario in febris, in quibus minus probabile eſt, tantum partium heterogenearum præeſtiſſe in humoribus, & ſpecialim in ſanguine, quantum poſtmodum ſub februm motu cum urina emittitur; nam minimum ſubinde eſt, quod talium morborum cauſa materialis exiſtit; non ſeruat quando ſub purgatione vehementiore purgantia acriora alterando humores corporis, excrementa ſubſiciant, ita ſub febrili ſanguinis commotione ſimilia talia plura, ceu producta morboſa, de novo fiunt, quæ cum urina excernuntur.

Quinimo, ſi altius negotium hoc examinare velimus, etiam ſub morboſo hoc ſtatu in iſtis partibus ſolidis nutrimentum earum præternaturaliter alteratum & colliquatum contentis in urina materiam ſuppeditabit. In febris colliquativis, ſub contabeſcentia item corporis, hoc evidens videtur, in quibus non tam alimenta agglutinandi deſectum, quam agglutinati retrograda reſolutione, & hinc per loca varia ſenſu excretionis, partes iſtæ ſolidæ emarceſcunt, ita ut in plurimis morbis iſtis ſolidis partibus decedere, & vehiculo ſeri per urinam quoque nutrimentum excerni videatur. Notatu digna ſunt verba F. E. R. N. E. LII de Urinis l. 3. c. 11 p. 227. Quin etiam corporis humorumque moles nonnunquam liqueſcit, dilapſaque diffunditur per urinas: quomodo obſervavimus bibulum quendam, optimo corporis habitu diebus circiter 8. ex ingenti corporis mole in magnam gracilitatem citra ullam vim morbi collapſum, id etiam caloris aut colliquantis vi febris fieri proditum eſt, tumque urina multa, non tamen tenuis & alba cernitur, ſed ſtaminea, vinea aut paſſea, cui etiam pinguis & oleoſum quoddam innatat.

Quò magis ergo contenta præternaturalia ad naturam ſeu texturam naturalium acceſſerint, eò magis etiam ſub ſalium mechanico examine phaenomena, Contentis naturalibus ſimillima, exſurgunt. Quod verò inſignem iſtam à naturalibus Contentis diverſitatem ſub iſto ſalium examine in Contentis præternaturalibus attinet, ante omnia præſupponenda ſunt plura chyli vitia & corruptelæ, quas ſub digeſtione prima contrahit. Quod ſi ergo contingat, chylum nec pinguem quidem, ſed ſimul plus minus viſcidum eſſe, ac ſimul vitioſè acidum; ita tunc, dum Contenta ex tali chylo pingua plus minus glutinoſa, & occultè vitioſè Acidæ, quæ urinam imprægnant, ex texturæ viciata conſtitutione ſponte hinc præcipitantur, urinae tales ab alcali promptè reſtituentur perfectè vel imperfectè, quatenus contentum præcipitatum ob Acidum occultum facillimè cum alcali coit, quod ſe unit Acido, ſolvit pingue, unde concretum ſaponis inſtar in aqua ſolubilis apparet: ſicuti è contra Acidum, Contentum tale ex texturæ ratione magis condenſans, ejus præcipitationem promovebit. Quod ſi Contentum ſit perfectè ſaluſum oleoſum, adeoque ſaturatum, quale in urinis febrilium per-

fectè coctis, in urinis Heſticorum etiam obſervatur, tale nec ab Acido, nec ab Alcali, quoad ſolutionem aut alterationem alterabitur, ſed idem ſemper manebit. Et ſic ex tali aſſimili alia analogia ac proportionem Contentorum, reſpectu additorum ſalium, phaenomena Contentorum urinae præternaturalium explicari, & uſui Practico accommodari debent.

Ex his etiam natura Coctionis & Cruditatis Pathologicae explicanda venit; diſtinguunt enim nonnulli Coctionem & Cruditatem, eorumque ſigna, in Phyſiologica & Pathologica. Coctio Phyſiologica eſt Adaptatio materiæ ad nutriendum. Pathologica Coctio eſt Adaptatio materiæ excrementitiæ ad excernendum, ubi præcipitantur quaſi morboſa Contenta ex maſſa ſanguinea per motum fermentativum. Pathologicae ſigna ſunt ſigna Coctionis & Cruditatis morbiſicæ. Phyſiologicae ſigna ſunt ſigna chyloſeos & hæmatoſeos. Pathologica Coctio locum habet ſaltem in morbis, primario acutis ac febris, ſecundario etiam chronicis; Phyſiologica ſaltem in ſtatu ſano attenditur. Pathologica fit per motum inteſtinum in maſſa ſanguinea præternaturalem, & tendit ad heterogenei ſeu excrementitii ab homogeneo ſeu nutritio ſeparationem; Phyſiologica verò fit in ventriculo & vaſis, & tendit ad chyli cum ſanguine aſſimilationem.

Dum igitur ex urina cognoscitur ſtatus Coctionis primæ, & hinc ſanguinis, prout hic ex fermentatione ejus reſultat, hoc ipſo ſigna Coctionis & Cruditatis ſuggerere dicitur. Quo in negotio probè diſtinguenda eſt urina cruda in ſtatu neutro, vel quæ in morbis chronicis, ut in Cachecticis mulieribus non menſtruatibus obſervantur, ab illa urina cruda; quæ in morbis acutis & febris conſiderari ſolet. Illa ratione chyloſeos; hæc ratione hæmatoſeos, ita dicitur; adeoque Cruditas & Coctio, quarum urina ſignum exhibet, eſt vel reſpectu alimentorum, vel reſpectu materiæ morbiſicæ. Urina cruda, quæ vel Cruditatis ſigna exhibet, iſta dicitur, quæ extra morbos acutos aut febres obſervatur, & inſequitur deficientem digeſtionem alimentorum in ventriculo & primis viis, & talis eſt omnis urina, quæ à ſtatu naturali deſicit: v. gr. quæ tenuis, non ſufficienter tinctæ, emittitur, ut plurimum etiam clara eſſe ſolet, raro turbatur, & tales urinae ſimul deficientem digeſtionem primam, ſeu Cruditatem alimentorum digeſtorum, & ſimul Cruditatem Cauſæ morboſæ; innunt; hinc in cachexia & hydrope propter deſectum digeſtionis primæ & ſecundæ urina eſt admodum tenuis. In febris urina tenuis innunt deſectum ſeparationis materiæ morbiſicæ, & conſequenter febrem longam: Si febris fuerit acuta, eam periculoſam & forſan lethalem pronunciat: item in iſis, qui laborant nephritide & podagra, urina tenuis indicat paroxyſmum. Quod ſi vero urina emittatur in debita conſiſtentia coloris citrini, aut nonnihil intenſioris, clara, aut propter copioſa contenta ſalia ſulphurea nonnihil obſcura, talis urina coctæ ceu Coctionis alimentorum in primis viis ritè peractæ, & ſegregationis ſalium, ſignum aſſeritur; in morbis innunt laudabilem ſtatum fermentativum ſanguinis, quo copioſa recrementa ſalina ſegregantur.

Non ergo confundenda eſt cum modo dictis Cruditas & Coctio materiæ morbiſicæ, ejusque ſigna in febris morbiſicæ acutis in ſpecie notanda. Cruditas enim materiæ morbiſicæ conſiſtit in intimiori particularum, etiam præternaturalium, craſique ejus viciantium commixtione, & impedita hinc earundem cum lotio ſecretione. Coctio è contra materiæ morbiſicæ eſt, quoties particularum heterogenearum ſanguini artiùs unitæ ab eodem iterum ſenſim ſeparantur, atque cum urina ex parte excernuntur.

Nempe Acidum præternaturale concentrando urinam ejusque contenta, hanc intenſè tinctam craſſam, perſpicuam, h. e. crudam reddit; Quod ſi infringatur ſucceſſivè Acidum & plus minus ſaturetur, fatiſcere citiùs textura urinae, & contenta præternaturalia ex eadem ſecedere incipient, eritque Coctionis inchoatæ in urina craſſa & turbida indicium. Quod ſi denique perfectè ſit ſaturatum urinae Acidum, ita ut omnia denuò in corporis humoribus ſub temperatura ſalſo-oleoſa æqualiter moveantur, Contenta copioſa mox ſecedentia urinam claram eleganter tinctam ſupernatantem habebunt, & ſic perfectæ erit Coctio. Medium hujus Coctionis, quo cruda ſunt coctæ, id eſt, quo fit iſta ſeparatio & præcipitatio ex ſanguine, eſt fermentatio quædam extraordinaria, indeque præternaturaliter, ſanguini inducta, mediante qua

qua præcipitantur particulæ heterogeneæ, & sanguis novam texturam acquirit, dum Acidum præternaturale saturatur, & ita cum falso sapore ab aliis particulis præternaturalibus involutum, unâ excernitur. Illustrat negotium hoc Vinum, dum adhuc mustum existit: crudum est ex ærta partium unione, sed fermentatione facta, dum multum in vinum transit, hoc coctum est, facta copiosa sæculentiarum separatione, & ad fundum præcipitatione. Medium, quo separantur sæculentia ex multo, ut ex eo fiat vinum, est Fermentatio.

Modus Coctionis hujus consistit in præcipitatione, dum Acidum saturatum cum aliis particulis heterogeneis cæteris in sanguine non benè miscibilibus, ex legibus mechanicis, propter figuræ, magnitudinis, texturæ, &c. disproportionem, ex aliorum consortio extruduntur, & ita præcipitantur. Heterogeneæ hæ partes præcipitando separatæ, à seroso latice imbibitæ, cum urina foras excluduntur. Uno nomine, Cruditatis Pathologica consistit in præternaturali unione utilium cum inutilibus, facta ab Acido. Coctio consistit in inutilium ab utilibus separatione, facta per separationem Acidum. Medium est Motus fermentativus, sub quo in novam texturam abeunt particulæ unibiles, & successive saturatur Acidum, hinc cæterorum consortio extruduntur. Modus separationis est Præcipitatio spontanea, instar sæcum in cerevisia fermentante. Effectus est excretio separati cum urina, & hinc Coctionis signa.

Ex quibus patet, quæ Urinæ Cruditatis aut Coctionis signa exhibeant: nempe Cruda est Urina, quæ tenuis, intensè colorata, clara vel turbida, sed quæ talis permanet, &c. Coctionis contra materiæ morbificæ signa sunt, si evadat crassior, intensius colorata, sed quæ nubeculam aut eneorema exhibeat: item, quæ hinc successive fit turbida, sed tandem materiam copiosam in fundum seponit; liquore claro supernatante. Cruditatis ista materiæ morbificæ est ab Acido vitioso præternaturali; Coctio verò ab Acido stomachi fermentali. Sunt enim omnes succorum in corpore fermentationes saltem continuationes fermentationis in stomacho inchoatæ, adeoque stomachi digestio præest quibusvis aliis; & nubecula in urina in morbi, tam chronicis quàm acutis, signum est redintegrati in stomacho fermenti, & redintegratæ plus minus digestionis, ut rectè asserit HELMONTIUS. Unde modò ægri ad ea, quæ offeruntur, ritè se habeant, & aliquantulum alimenti absque renitentia, vel nausea assumant, etiam in periculosis & acutissimis febribus, bonum signum activitatis fermenti stomachalis, & hinc sperandæ Coctionis materiæ morbificæ sunt autem hæc ipsa intelligenda magis de febribus benignis, quàm malignis: item de iis saltem, in quibus contenta corporis magis affecta sunt. Nam in quibus spiritus primariò laborant, minus hæc applicari possunt, utpote, cum in talibus sub periculossimo ægriorum statu urinæ sanorum similitudinæ apparere soleant.

Pituita, Pus, & Genitura, sæpius in Urinis confunduntur. Pituita quidem per urinam reiecitur vitio digestionis primæ. Pus in urina observatur, quando pars aliqua laborat abscessu, ut in Pleuritide suppurata, exulceratione renum: Genitura conspicitur, quando Gonorrhæa laborant. Ut ergò ritè distinguantur, observetur: Genitura, tanquam corpus spumolum & leve, in superficie urinæ semper hæret; Pus autem & Pituita petunt fundum; ita tamen, ut, si urina agitetur, pus mox dissiliat & urinam turbidam faciat; pituita verò fundo inhærens moveatur circulari motu, tardius urinam replet, & subito fundum petit: HEER in Observat. Oppido rara 19. Denique sedimenta farinacea, squamosa & similia in urina reperiuntur, quæ sunt ramenta membranarum, aut pelvis renum aut ureterum, aut membranarum in ipsa vesica, & indicant excoitationes & incipientes exulcerationes partium membranarum urinarum.

Pergo ad secundam Classem Contentorum præternaturalium, nempe Coagulata, quæ arenarum, sabuli, crystallorum, &c. forma nunc in urina subsident, nunc vitri parietibus affiguntur, ut & pelliculæ, multiplici colorum varietate tinctæ, faciei urinæ innatant, aut quæ crustæ plus minus glaucæ forma vitrum incrustant, qualia morborum chronicorum, aut saltem affectuum hypochondriacorum, aut spleneticorum, comites aut indices exinde existunt. Salina coagula aut tartarea concreta uno nomine vocari possunt. Arenulas sæpe cum urina excerni notum est: sed bene observanda earum varietas, qua distinguuntur in veras & nothas. Veræ enim arene sunt duræ, & tactui resistentes, nec digitis friabiles fundo natulæ inhærent. Nothæ sunt, quæ imprimis ruffæ, digitis friabiles, & omnibus lateribus vasis

adhærent, Nullæ sunt arenulæ, sed salia vitiosa in urina post excretionem coagulata, & calculi renalis sunt prodromi. Nam quando urina paulatim steterit, lateribus vasis se affigunt quasi arenulæ, vel sabulum rubrum & copiosum idque facile friabile, & hoc Scorbuticis & Hypochondriacis ferè proprium videtur, & quasi ejus infallibilæ quoddam signum solet esse. Confer. HOEFERUS in Hercule Medico p. 180. item HORSTIUS in Manuduct. de Urinar. Iudic. ad Medicin. p. 191. Oriuntur ex dyscrasia massæ sanguinæ scorbutica. Quæ scorbuti subsumptio eo magis confirmatur, si supernatet urinæ crusta quædam, quasi pinguis vel oleosa, sed ad latus adspecta instar. caudæ pavonis vel iridis, elegantè colorum varietate distincta, quam rectè MOEBIUS Institut. p. 358. ex sale acido cum Alkali misto volatilifato, & in superficie quasi crystallifato, oriri statuit. Circa hæc sit.

Experimentum 1. Urina Juvenis, ex febre intermittente malè curata adhuc languidi, naturaliter constituta ad Ziiij permixta fuit cū lixivii cinerum clavellatorum non aded acris Ziiij. & mox copiosum sedimentum præcipitavit, color idem permansit. Eiusdem Ziiij. instillavi spiritus nitri rectificati Zj, nulla hic præcipitatio, sed insignis in colore intensio cum copiosis arenis ruffis, seu potius crystallifatis salibus, undique vitro adhærentibus, sicuti res tales arenulæ candidæ seu salia, quasi crusta glacialis, illi cum alcali adhærebant.

2. Urina quædam manè collecta, clara, ferè naturaliter tincta cum copioso sedimento naturali in fundo apparebat: ab instillato spiritu salis marini in continenti urina penitus absque sedimento erat, & urina naturalissimæ instar constituta ac tincta: sequenti die urinæ clara sine contentis intensio sanguineo calore erat tincta & copiosa salia instar arenarum ruffarum vitrum incrūstabant, copiose etiam infundo fluctuabant. Instillavi lixivium cinerum clavellatorum ultra saturationis punctum, & copiosum contentum chylosum mox extrudi cœpit: sequenti manè præter hoc sedimentum copiosissimæ crystalli candidæ arenuliformes undique vitrum obduxerunt cum levissimo nebulae albicantis vestigio.

3. Urina quædam vespere ante cœnam collecta ex mediocriter convalescente, turbabatur, & crustam densam vitro affigebat: sequenti mane omnem urinam cum contentis effundebam, vitro verò cum restitante crusta, dimidiam aque, respectu effusæ urinæ, partem infundebam, instillans desuper spiritus nitri sufficientem quantitatem agitando vitrum, hinc omnis crusta successive evanuit, & altero die illius loco arenulæ seu tartarus crystallifatus moderatè rufescens, partim in fundo fluctuare, partim hinc inde vitro affigi, videbatur.

4. Hominis sani urinæ, jam ad putredinem ruenti, & quæ præter crustam glaucam densam simul salia parva, candida, crystallifata continebat, instillavi spiritum nitri, & ita per biduum relinquebam: cessabat hinc factor, & crusta ferè tota evanuit, & tantillum ejus vestigium restitit, salia candida crystallifata etiam evanuerant, loco quorum salia talia arenosa ruffa hinc inde vitro se affixerant, & magna eorum pars in fundo vitri mobilis fluctuabat. Eadem phænomena apparent, si simili urinæ sanæ ad putredinem ruenti, cum crusta densa, spiritus salis communis instilletur.

5. Urina manè emissæ benè constituta copiosam densam glaucam crustam à meridie vitro affigebat, ipsa urina clara permanente: relicta denud urina ad sequentem diem, urina in vitro naturaliter constituta erat, crusta penitus evanuerat, cujus loco copiosæ crystalli ruffæ vitro se affixerunt & copiosiores circumfundum mobiles se coacervant, adeoque eadem est crustæ glaucæ & crystallorum sabuliformium materia.

6. Urinæ laudabiliter constitutæ instillavi spiritum vitrioli rectificatum, unde Tinctura exaltabatur ad sanguineum ruborem & copiosa salia ruffa fundum occupabant: Urinam hanc filtrando ab his salibus sabuliformibus separavi, instillavi lixivium cinerum clavellatorum ad saturationem usque, & sequenti die successive remitti Tinctura cœpit, in specie pellicula densa & firma supernebatat urinæ, quasi ex stellulis hexagonis intertexta constaret.

Ex his Experimentis ferè sequentes elici possunt Conclusiones.

(1) Ab Acido intensiori, inolas terreas quasdam particulas coagulante, generatur Concreta sabuliformia ruffa in urinis.

(2) Ex

- (2) *Ex particulis urinosi magis terreis adeoque fixioribus in urina abundantibus, generantur concreta salina, candida, ab Acido coagulante non adeo acri.*
- (3) *Ex particulis iisdem urinosi fixioribus, sed substantia pingui inviscatis, gignitur crusta glauca, unde & a superveniente Acido facile in tartarum ruffum coagulantur.*
- (4) *Salium, Acidi & Urinosi, copiosorum aut acrium in vehiculo aquoso exacta solutorum saturationem & hinc concretionem, sequitur pellicula & cremor, pinguedinis instar urinae supernatans diversimodè tincta.*

Origo ergo horum concrementorum coagulatorum videtur esse efficiens ab Acido, materialiter ex terreo urinoso fixiori, invicem coagulatis & coagmentatis. Quod ut pateat, observandum est, quod hæc Concreta tartarea omnia sint productum præternaturale: nam si subiecta considerentur, in quorum urinis concreta talia observantur, ut hypochondriaci, scorbutici, item à febribus, aut diuturnis, aut malè curatus denuò convalescentes, illa sunt, talia in quibus alimentorum assumptorum debita attenuatio & volatilificatio imprimis viis minus perfecta esse solet, unde particulæ salinæ urinosæ minus volatiles, sed suo modo fixiores, magis terreæ existunt, quæ cum Urina maturè excernuntur: quæ eò manifestiora sunt, quod BORRICHIIUS in *Actis Hassniens. Volum. 2. p. 171. & 182.* minus salis volatilis, plus fæcum terrearum in febrientium sanguine deprehenderit. De Hypochondriacis & scorbuticis pariter constat, horum urinas acriores & falsiores existere; & præter hoc, quod debita volatilisationis assumptorum in primis viis defectu, particulis urinosi minus volatilibus, sed ferè fixioribus imprægnatæ sint; imprimis Acidum est, quod in eorum urinis luxuria, unde etiam tartarus ruffus variegata pellicula tam crebrò in eorum urinis concrevit. Nempe in his concretionibus tartareis & ipsum coagulans Acidum haud adeò naturale existit, uti ex subjectorum, à quibus urinae emittuntur, conditionibus sponte patet, quin à spirituosâ aut volatili natura plus minus defleat, & suo modo acrius existens, præter Tincturæ intensiorem, etiam peregrina talia coagula in urina generat. Hinc etiam à Præcticis annotatum fuit, copiosius generari huiusmodi tartarum in stanneis aut plumbeis, aut terreis vitreatis vasis, quàm vitreis, Acido isto rodente particulas metallicas, & in iis ceu fixioribus, se concentrante. Plus Acidum hoc, tartari ruffi coagulatore, in recessu habere insinuat MOEBIUS *Institut. p. 153.* quini- mò ipso in sanguine, aut cæteris corporis fluidis, actio coagulationis negotium interdum perficit, adeò ut præter hoc copiosè cum urina prodeant, ac per sudores copiosè excernantur arenulæ. Confer. HORSTIUS loco allegato, item TACKIUS in *Phasi 2. p. 82.*

Quod si sub ista particularum in tartarea concrementa concretionem contingat, vel sponte separari, vel potius vi quadam extrudi pingues seu oleosas particulas ex eorum consortio, & subindè unâ cū particulis urinoso-terreis copiosioribus præcipitari, oritur *nebuloſa satis glauca*. Idem phænomenon in præcipitatione lactis sulphuris obtinetur. Par verò ratio est, dum phænomenon sub incipiente urinae putredine observatur. Quod verò saltem copiosius sulphur, seu pingues istæ particulæ solæ, crustam istam constituent, ut vult VVILLIUS des, *Urini*, citra terrearum plus minus urinosarum consortium, minus probabile videatur, quia Acida instillata crustam huiusmodi glaucam absorbent, interdum cum eadem in tartarum ruffum concrevunt: Jam verò in solas pingues particulas ita non agunt acida.

Porro sedimentum conspicitur nunc rubrum carneum, fleisch farbig, nunc rubrum lateritium. Illud reperitur in morbis & febribus chronicis, & in talibus sæpè latet scorbutus, quod sæpius observavi. Lateritium ejusdem naturæ est cum arenulis scorbuticis, & solet esse ordinarius comes morborum chronicorum confirmatorum. Interim reperitur etiam sedimentum crassum, album, viscidum, &c. quod ostendit vitium vesicæ, muco aut arenulis refertæ, & sæpius vesicæ quàm renum calculum indicat. Nam vesica calculo læsa plorat nutrimentum proprium chylosum spermaticum.

Ut tandem hæc concludamus, Acidum & Alkali, ceu duo naturæ instrumenta mechanica, & ipsa in falso urinae concreto utramque faciunt paginam, & cuiusvis in urina mutationis fundamentum existunt, experientia mechanica id testante. Ab Acido enim plus minus eminente Tincturæ intensio, ab eodem deficiente Tincturæ remissio; ab eodem contentum naturale concentrant, ab Alkali verò præcipitante

& consistentiæ & perspicuitatis in urina ratio: Quò magis sub falso urinae sapore prævalet Acidum, eò diutius citra putredinem subsistit eadem, quod, uti in statu naturali simpliciter obtinet, ita præternaturali statui pariter, sed mutatis subindè mutandis, sub enormi scilicet ejus latitudine, applicari debet. Quævis in statu præternaturali urinae tinctæ gradualis ab Acido in morbis acutis cruditas, seu contentorum firma concentratio à prævalente Acido; Coctio, seu eorundem separatio, ab infracto eodem, dependent. Concreta salina tartarea in chronicis, & speciatim hypochondriacis, ab Acido præternaturali urinoso, terreas ferè fixiores particulas coagulante, nascuntur: ruffa quidem potentiori existente efficiens Acido; candida verò copiosiori existente materia terreo-urinosâ. Crusta glauca parietibus matulae affixa, ex urinosi fixioribus pinguibus particulis inviscatis constat, unde & Acido superveniente facile in tartarum ruffum coagulantur. Plura in hunc locum qui vult, legat VVILLIUM de febribus, ubi adjuncta *Differatio de Urinis*; item MOEBIUM de *Fundament. & Institutionibus*, & RIEMSCHEIDERUM, qui eleganter de urina & iudiciis hinc ferendis scripsit.

Varia autem simul cum urina reddita videbitis in BARTHOLINO de *Lacteis Toracic. cap. 9.*, DEVSINGIO de *Aliment. Depurat. § 10.*, HORSTII *Manuduct. ad Medicin. p. 189.*, CLAUDIO *Consil. 40. Colle in Cosmetor. Medic. p. 318.* Infecta etiam in urina notat BARTHOLINUS *Cent. 4. p. 378.*

Cæterum, uti non rarò, imò sæpius, fallax & incertum est urine iudicium, de quo vid. HILDANUS *C. 3. Obs. 73.*, in specie in febribus malignis, quod expertum vid. SCHENCK. *l. 2. Obs. p. 278.* ita & Pulsus non rarò valdè fallit: vid. SCHENCK. *l. 1. a. p. 287.* non tantum pro varietate affectuum, ex variis circumstantiis ortorum, sed variæ etiam pulsus Anomaliæ & inordinationes naturaliter quibusdam contingunt, observante hoc DEODATO in *Valetud. p. 67.* & SCHENCKIO *l. 1. a.* adeò ut quasi unusquisque naturalis pulsus antea præcognitus esse debeat, priusquam iudicium certum de eo in morbis immutato ferri possit.

Causæ fallentes ad 4. capita reduci possunt:

1. In malignis affectibus vel maxime fallunt subindè, quâdo optimo & saluberrimo Pulsu moriuntur egri: vid. HILDANUS. Fit autem in talibus morbis, ubi miasma malignum immediate spiritus animales adurit, minus verò massam sanguineam afficit; hinc Pulsu optimo & optima urina moriuntur Patientes; & Pulsus pessimi in febricitantibus mulieribus non rarò Medicos fallunt, teste PANAROLLO *Pentecost. 4. Obs. 48.* proinde in morbis maligis debemus esse cauti.
2. Fallunt etiam subindè in Scorbuticis & Hypochondriacis confirmatis, in quibus propter depravatam massæ sanguineæ crasin & fermentationem inæqualem tot sæpè miræ anomaliz diversæ pulsuum tantum non in horas mutabilium, imò Pulsus interdum adeò mali deprehenduntur, ut in aliis morbis mortem prædiceremus, ubi tamen iterum in hora boni fiunt, & ægri convalescunt.
3. Fallunt nos Pulsus ex vario sanguinis fermentativo motu.
4. Fallunt nos ratione affectuum ægotantium, qui prout sunt nunc tristes, nunc læti, nunc curis obsessi, nunc sacra meditantur, nunc prophana, &c. toties Pulsus variat.

Item varii Pulsus & distincti in eodem subjecto observantur, dum Pulsus in dextro carpo optimus, in sinistro pessimus observatus fuerit, idque ob ulcus & abcessum in pulmonibus illius lateris, teste BARTHOLINO *Volam. 1. Actorum Hassniens. pag. 18.*; adeò, ut in Pulsuum cognitione & iudicio omnia à Medico sint consideranda, & ægri status & variæ circumstantiæ perscrutandæ, utut raræ quædam mirandarum ex Pulsu prædictionum historiarum hinc inde etiam prostant, quas videbitis in SCHENCKIO loco allegato *pag. 268.* & BARTHOLINO *Centur. 5. Histor. 37.*: in quo ipso, mirum quantum excellunt Medici Sinentes & Japonenses, ita ut mirificè excellent in diagnosi & Prognosi Morborum ex Pulsu.

Pertinet huc Pulsus Amatorius, de quo queritur, an detur? & an distinctus sit à reliquis Pulsibus, propriusque sit solis Amatoribus? Occasionem dedit Erasistratus, qui ex Pulsu cognovit, Seleuci filium Antiochum erga novercam Stratonicam amore fuisse inflammatum. Respondeo: Pulsus Ama-

Amatorius quibusdam distinctus est à reliquis Pulsibus, sicut de hoc HORSTIUS pater eleganter Tom. 1. *Opeum, Dissert. de Natura Amoris* p. 435. judicavit. Verum determinatus Pulsus Amatorius non est, sed si reliqua recte se habeant, admodum variat; in specie prout in Amore multiplicati sunt Affectus, Pulsus specialissimus erit frequentissimus & celerrimus.

Ex Pulsu ipso duo saltem cognosci, & exinde Prognosis institui potest. Nempe

1. Status Fermentationis Vitalis sanguinis in præcordiis.
2. Ex fermentante, & consequenter plus minus spirituscente sanguine, virium vel robustiorum vel infirmiorum conditio.

Intelligitur per Pulsum palpitatio arteriarum. Modus, quo cognoscitur, limitatur sub his circumstantiis: Nempe Pulsus pertinet Medicus pulparum digitorum priorum, nempe indicis, medii, & annularis. Et quidem digitis tribus tangenda (1) Pulsus arteria est, ut facilius cognosci queat ejus inæqualitas, quæ unico digito non cognoscitur. Deinde (2) pertinet etiam Medicus Pulsus, digitos nunc fortius imprimendo, nunc suspendendo, ut varietates Pulsus cognoscere possit: M. lius enim percipit Medicus Pulsus vehementiam & magnitudinem impressis digitis; suspensis vero digitis mollities & Parvitas ejus facilius deprehenditur. (3) Ratione loci usitatum est, ut tangatur in carpo manus, interdum tamen (α) non deprehenditur in summa debilitate ægri (β) in carnosioribus subjectis, ubi profundius arteriæ sitæ, tunc naturalis Pulsus vix deprehenditur. (γ) Si sudant ægri in febribus, non consultum est, denudare ipsius brachia; Ideoque etiam præter carpos in aliis locis pulsus pertinet Medicus. Locustalis est in summitate temporum, ubi ramulus arteriæ carotidis statim sub cute later, qui facile deprehendi potest; vel etiam tangitur pulsus in interstitiis pollicis & indicis; de quo vid. RHODIUS *Centur. 2. Hist. 44*, TVLPIUS l. 3. *Observ. c. 45*. vel loco carpi alius locus querendus, ubi arteria minus est profunda & visu cognoscibilis, & ibi in tali casu facillime investigatur. Si in his non procedit, circa poplitem tangendum, quod ipsum AMATUS LVSITANUS c. 1. *Curat. 96*. jubet, & facilius deprehenditur Pulsus: Interdum vel arteria tarsi tangenda in pede prope secundum digitum. Verum relicto ultimo, priora tria loca sufficiunt, sc. Carpus, interstitium pollicis & indicis, & Tempora (4) Necessè est, ut Medicus Pulsus in duobus carpis pertingat simul, quia sæpiissime insignis differentia in utroque carpo deprehenditur, quando Pulsus unius carpi non respondet Pulsui alterius, uti subinde occurrit in Praxi, mihi quæ sæpius evenit, & nisi attentè & caute agamus, facile decipimur: vid. HOEFERVS in *Hercule Medico* p. 89. M. A. N. C. *Ann. 9. & 10. Observ. 61. p. 153. sequ.* Ratio Variationis latet in instrumeto, nempe Arteria: observatum enim est, quod propter tumorem occultum vel latentem sub alia arteria compressa & hinc, Pulsus immutatus, atque in hoc carpo vix deprehensus, in altero bene observatus fuerit. Sic BARTHOLINUS quoque observavit in dextro carpo Pulsus optimum: vid. SCHENCKIUS & RHODIUS in *Observationibus*. (5) Medicus non contentus una vice tangendo Pulsus, sed subinde repetat sæpius, quia ægri ratione variorum affectuum subinde mutant Pulsus: e. g. quando lætantur in accessu Medici, aut contristantur; idemque bis vel ter in una Visitatione tangat Pulsus, ne aliàs decipiatur in signis inde petendis.

Causas quod attinet Pulsus, earum tres in genere differentes, & variè mutantur sunt:

1. Causa est sanguis turgescens & fermentando rarefescens in præcordiis.
2. Est Cor, quod sua contractione, beneficio spirituum animalium irruentium, sanguinem rarefactum evibrat.
3. Arteriæ recipientes, & ulterius sanguinem evibratum per totum corpus diffundentes.

Immutantes Causæ variæ sunt, distinguuntur secundum res naturales, nonnaturales, & præternaturales. V. g. ex rebus naturalibus alius est Pulsus pueri, alius juvenis, alius viri, alius senis, alius dum sumus jeiuni, alius est post pastum. Ex rebus Non-Naturalibus variat ratione Affectuum, ratione Assumptorum, ratione Excretorum & Retentorum. Quoad res præternaturales, ratione morborum afficientium massam sanguineam: quales causæ variantes sunt tantum non innumerabiles. Hinc est, quod ex Pulsu non semper signa apodictica fluant, sed subinde dubia & fallacia.

In Pulsu ergo pertentando 4. Requisita attendenda sunt:

1. Cor movens, ratione cuius in motu vigoris Pulsus

evadit vel fortis seu vehemens, vel debilis, indeque virium vel constantium vel deficientium signum exhibet.

Pulsus vehemens est, quando cum impetu & validè distenditur arteria, ut quasi feriat pulpam digiti. Causa est Impetus & Vehementia spirituum animalium, cor vehementius contrahentium. Indicat fortem cordis contractionem, hinc vires validas & robustas, & prælagium exinde faustum est; contra Pulsus parvus & debilis innuit imminutas & prostratas vires; funestum signum est, funestum exitum prælagiens.

2. Sanguis mobilis ratione suæ turgescentiæ fermentativæ; unde Pulsus est vel magnus vel parvus, adeoque vel laudabilioris vel defectuosæ fermentationis in sanguine index.

Magnus est, quando sanguis insigniter turgescens & fermentans arteriam valde distendit, secundum omnes Quantitatis dimensiones. Parvus est, quando sanguis ita non turgescit, & arterias minus distendit. Modus cognoscendi est facilis: quando enim arteria plena & turgida est, dicitur magnus; quando vacua & flexuosa, Pulsus oritur parvus. Additur ab aliis hæc differentia: Pulsus esse vel plenum vel vacuum. Verum rectè rem ponderantibus, est unus idemque Pulsus cum magno & parvo. Pulsus magnus in statu ægro & sano, semper indicat virium robur, propter insignem & optimam sanguinis turgescentiæ: hinc Pulsus magnus semper est bonum signum, in specie in febribus, specialissime in benignis; innuit enim æqualem concursum saluum in corpore, & consequenter laudabilem sanguinis statum. Pulsus parvus raro bonum signum est in febribus, in specie malignis, ubi est pessimus: si celer & parvus simul, seu formicans contigerit, admodum prævum omen est, ex quo vix emergunt ægri.

3. Instrumentum seu Organon, per quod fit sanguinis turgescens motus, nempe Arteria mota & dilatata, pro cuius conditione Pulsus vel mollis vel durus existit.

Pulsus mollis est, quando ad tactum arteria facile cedit; Durus est, quando renititur, & quasi indurata est. Causa est Arteriæ major vel minor tensio & flacciditas. Interim mollior Pulsus melior est duro, quæ arteriæ durities nil aliud est, quam spasmus quidam, aut convulsiva fibrarum membranae arteriæ contractio, indeque in distensione renitentia existit, & membranam in quodam loco affectam, dolentem aut spasmo correptam innuit, uti in inflammationibus partium internarum, pleuriticis, nephriticis, &c. obvium est: aliàs raro observatur.

4. Tempus, quod monstrat motus durationem in pulsu, observabile, & cuius ratione binæ differentiae emergunt, vel in una saltem pulsatione, unde Pulsus vel celer, vel tardus; aut in pluribus ictibus, unde Pulsus vel frequens vel rarus. Quæ ipsa temporis ratio ut plurimum a diversa sanguinis fermentantis conditione dependet; prout enim cor à sanguine, intensius aut remissius fermentante, magis vel minus irritatur, etiam frequentiores aut rariores, celeriores aut tardiores, hujus fiunt contractiones, & consequenter pulsationes. Vid. hic; quia perspicuus, omniumque optimus, SYLVIUS in *dissertat. Medicis, Dissertat. 3. §. 37. & sequ.*

Pulsus celer est, quando subito attollitur seu dilatatur Arteria; tardus est, quando pedetentim attollitur. Celer oritur à valida & subitanea cordis contractione, imprimis propter irritationem cordis à spirituum impetu celeriter factam, hinc subito & cum impetu evibratur sanguis, & dilatatur arteria. Tardus oritur, quando cor movetur tardius, & sanguis lentius promovetur, arteriaque distenditur. Pulsus celer, cæteris paribus bonum signum est; innuit enim motum spirituum validum, utut irritatum, & observatur imprimis in morbis acutis & gravioribus animi affectibus. Pulsus tardus innuit vel vires spirituum animalium prostratas, vel lentam & imminutam sanguinis in corde turgescentiæ. Pulsus frequens est, quando crebro movetur Pulsus unus post alterum, & sæpius ferit digitum (picK picK:) Rarus est, quando raro & intercedente temporis (spatio Pulsus fit. Frequens fit vel propter auctam massæ sanguineæ turgescentiæ in corde, vel propter depravatam ipsius fermentationem, unde crebrius contrahitur cor, arteriaque distenditur. Causa proxima ergo est cordis vehementior irritatio, propter sanguinem nimis vitio-seque turgescentem: hinc est, quod Pulsus frequens signum pathognomicum febrium, à causa externa provenientium, habeatur, ita ut etiam in malignis non deficiat hic Pulsus.

fus. Frequens hic Pulsus, cæteris paribus, innuit vires adhuc validas, & cor insigniter irritatum, monstratque febrem præsentem: si simul est magnus, bonum signum est; si simul parvus & celer, pessimum signum est, & formicans dicitur.

Nunc quoque, ut Pulsuum differentias consideremus, ordinis ratio postulat; quæ vel dicuntur *absolutæ*, vel *respectivæ*: quæ vel considerantur in se, vel habita collatione plurium Pulsuum inter se. Ratione prioris emergunt *absolutæ*; ratione posterioris *respectivæ* differentiæ.

Differentiæ Pulsus absolutæ in genere sunt vel *simplices*, vel *compositæ*. *Simplices* sunt jam explicatæ. Hæ differentiæ Pulsuum simplices invicem collatæ *Compositas* dant differentias; quando v. g. quis citò currit, Pulsus evadet celer & parvus; sicut in somnolento quodam deprehenditur Pulsus in vehementia, magnitudine & celeritate moderatus, qui est Pulsus compositus: item pulsus parvus, frequens & debilis simul, est pulsus compositus; in pleuritide magnus, frequens, & cum celeritate moderatus. Et hæc sufficiunt pro Medico. Possunt enim facile cognosci pulsus compositi, modo habeatur simplicium differentia. Quod attinet respectivas pulsuum differentias, multæ hic recensentur à Galenistis; sed rectè Montanus & Plempius dixerunt, *Galenum plures Pulsuum differentias finxisse, quàm in ægris deprehenderit*. *Respectivæ* ergò *Pulsus differentiæ*, quando plures conferuntur, mutuò nempe inter compositas habito respectu, vel *æquales* sunt, vel *inæquales*; sicut diastole arteriæ collata cum ejus systole, pulsuum dat vel *ἐπὶ δύο*, vel *ἀπὸ δύο*. Pulsus *æqualis* dicitur, quando plures pulsationes inter se collatæ se habent eodem modo, in eadem nempe magnitudine & celeritate. *Inæqualis* dicitur, quando differentia aliqua percipitur. Pulsus hic *æqualis* est vel simpliciter talis, vel secundum quid. *Inæqualis simpliciter* est, quando in nulla conveniunt pulsatione, sed omnes differunt, ita ut secundus non sit idem cum primo pulsu, tertius cum secundo, &c. *Inæqualis secundum quid* est, quando tempus in quibusdam pulsationibus differt in quibusdam convenit: v. g. quando primus secundus & tertius similes sunt, & pulsus quartus differt.

Omnes hæ differentiæ, quò plus recedunt vel à statu naturali, à conditione ægri, à ratione morbi & causa morbosa varia eò sunt peiores; quò minus, eò meliores. In specie debiles, parvi, & frequentes juncti, &c. sunt omnium pessimi, in magnis tamen doloribus, v. g. pleuritide cum febre ardente juncti, si pulsus fuerit parvus, neminem terreat. Confert. BARTHOLINUS Centur. 5. Hist. 37.

Inter inæquales pulsus, *intermittens* & *deficiens* seu *aliquantum cessans*, nunc inter plures, nunc inter pauciores pulsationes: e. g. quando prima, secunda, tertia & quarta pulsatio adest, nona iterum non, solet non sine causa esse *terribilis Medico*, quia sæpè est *lethalis ægroto*. Defectus hic contingit.

1. Ratione Virtutis moventis: quando enim vis movens seu vis pulsfica cordis non est sufficiens, necessariò una vel altera intermittitur pulsatio.

2. Quando sanguis male se habet, ut ejus turgescencia vel fermentatio velit cessare.

Nihilominus quælibet ante omnia circumstantiæ benè perpendendæ sunt, antequam feratur judicium. Non semper enim sunt lethales, teste VVIERO in *Observ. de Febribus malignis*, ZACUTO LUSIT. l. 2. *Medicor. Principum Hist.* 4. MARC. DONATO *Hist. Medic.* Mirabil. l. 7. c. 8., BARTHOLINO l. a. Nam, ut taceam abolitum arteriarum Pulsuum ad plures annos observatum fuisse à RONSEO *Epist.* 11. p. 41. & RHODIO *Cent.* 2. *Obs.* 42. & 43; vel saltem eundem in quibusdam subjectis digito applicato non sentiri, quale exemplum videbitis in BARTHOL. *Cent.* 4. *Hist.* 42. sicut *totalis Pulsus ad sensum cessatio* & *Asphixia* observata est in M. A. N. C. *Ann.* 3. *Obs.* 221. & *Observ.* 334. in *scholis*, & à SIMONE PAULI in *Parechasi de Febribus Malignis* §. 58, BALLONIO l. 2. *Epidem.* & *Ephemer.* p. 195., RIOLANO *Encherid.* Anat. l. 5. c. 46. HEINRICO ab HEER *Obs.* 26. RONSEO loc. allegato p. 34. certè interdum ex variis causis impedimentum occurrit, quo minus arteriæ pulsare queant, utut res careat periculo, modo benè cognoscatur origo. Sic ob præsentem plethoram, indeque impeditum sanguinis motum, pulsū interceptum videbitis in SCHENCKIO l. 2. *Obs.* ubi de Pulsu; & in hypochondriaco malo confirmato, ac scorbuto expertis, est nota ingens in pulsu variatio, cum non rara ejus intermissione: vid. SALMUTH *Cent.* 1. *Hist.* 94., quæ tamen periculo sæpè carens, subinde fortiter cum palpitatione cordis recurrente eodem:

Conf. M. A. N. C. *Ann.* 2. *Obs.* 237. pag. 339. & *Ann.* 9. *Obs.* 91. Sic ob tumorem occultum, comprimentem in aliqua parte arteriam, impeditur ejus debita dilatatio, unde observatur & deficit pulsus in una manu, qui eò erit manifestior in altera: de quo vid. PANAROLLUS in *Pentecost.* 1. *Obs.* 32. Cordis item auricula à materia crassa & pituitosa repleta, dat pulsus inæquales & intermittentes, teste RIVERO *Observat.* 77. *Centur.* 2.

Imprimis tamen solet subinde intermittere pulsus minori cum periculo in tribus casibus: nempe

1. In febribus malignis.

2. In pleuritide

3. In malo hypochondriaco confirmato, aut scorbuto.

Quadruplex autem pulsus deficientis differentia observanda est, dum quædam est *apparens*, quædam *naturalis*, quædam præternaturalis quædam *artificialis*. I. Pulsus *apparens* est, quando arteria vel propter inconvenientem situm, vel propter tumorem, minus commodè percipi potest, ut planè videatur deficere, quando tamen nihil in recessu habet. II. Pulsus quidem *deficiens naturalis* fit propter certam quandam idiosyncrasiam. Sic observati sunt certi homines, in quibus pulsus naturaliter per aliquot pulsationes intermiserit & defecerit. III. Pulsus *præternaturalis intermittens* interdum observatur in Pleuriticis, ubi interdum, ut sæpius observavi nunc quarta, nunc septima pulsatio deficit. Item in Scorbuticis deficiens subinde deprehenditur pulsus, quando propter Acidum sanguis ad grumescenciam plus minus disponitur, ut hinc inde grumi sanguinis colligantur, qui motum arteriarum impediunt. Ex quibus patet, pulsuum deficientem p. n. malum signum esse. IV. Pulsus *deficiens artificialis* fit ex ligatura arteriosarum partium in venæsectione, quo minus possunt pulsare: inde simus cauti, ne quando post venæsectionem, arteria ligata, deficit arteriæ interceptæ pulsatio, vi morbi eundem deficere putemus. Exinde liquet, Pulsuum Deficientem nunquam esse *faustum signum*; innuit enim vim animalem prostratam, vel sanguinem turgescencie & fermentationi ineptum.

Inter Pulsus inæquales est etiam Pulsus *myurus*, seu Cauda muris dictus, propter similitudinem, quam habet cum cauda muris, quod semper *successivè fit minor*, ita ut secundus pulsus sit minor primo, tertius secundo, & quartus tertio. Myurus hic duplex est, vel deficiens, vel reciprocus aut recurrens. Myurus *deficiens* est, quando successivè in tantum deficit arteriæ motus, ut tandem planè cesset in magnitudine & vehementia. *Reciprocus* Myurus est, quando ad antiquum vigorem redit, antequam planè deficiat. Causa latet nunc in sanguine, nunc in corde. Si successivè deficit in motu arteria, innuit vim cordis motricem vitalem non esse adeò validam. Myurus hic pulsus deficiens est inter signa pessima.

Inter hos Pulsus intermittentes numeratur & *Caprizans*, dictus à similitudine capræ, qui reverà idem est cum Pulsu *dicroto* seu *bis feriente* in una pulsatione, quando arteria ita dilatatur, & antequam contrahitur, de novo dilatatur, ita ut duplicem quasi ictum edat: Causa est reiterata cordis contractio, propter vehementem ejus irritationem, quando sanguis vitiosè effervescens parenchyma cordis denuò irritat, & ita cor duplicata contractura remove nititur sanguinem, nisi aliud malum adsit in auriculis cordis. Innuit quidem vires validas, sed sanguinis vitiata fermentationem seu insignem ametriam sanguinis.

Denique differentia insignis est, quando Pulsus dicitur Undosus, ubi sanguis successivè moveri, & fluctuum undarum instar pelli, percipitur, ita ut nunc sub primo, nunc sub secundo, nunc sub tertio digito motus arteriæ deprehendatur. Pulsus hic in his, qui sub lecto sudant, semper est observabilis. Oritur & compositus est hic Pulsus ex magno, in vehementia & frequentia moderato, & cum aliquali celeritate conjuncto, innuitque sudorem imminens, sive jam adsit, sive futurus sit in morbis acutis per crisin. Oritur ex fermentatione blanda & moderata sanguinis, cum blanda cordis irritatione.

Pulsuum hunc sequitur Formicans seu Vermicularis, quasi formica repens, (cum repit sub digitis.) Compositus est ex Pulsu minimo, celerrimo, & frequentissimo. Indicat vires prostratas; & sanguinis fermentationem & turgescenciam planè deficientem. Omnium pessimus est, & Agonizantibus subinde solet esse frequens: fluctuat enim magis sanguis in ventriculo cordis, & propter parvam turgescenciam cor se non potest contrahere.

Ultimo loco est Pulsus *Convulsivus*, quando arteria sub tactu convelli & quasi retrahi percipitur. Innuit imminentes convulsiones & epilepsiam cum aliquali contractura. Oritur

ex vitio arteriæ, & ejus fibris magnitudine irritationis convulsis. *Pessimum signum est.*

In Pulsu observandus etiam ordo & rhythmus, unde dependet Pulsus æqualis & inæqualis, ordinatus & inordinatus. Pulsus ordinatus est, quando plures pulsationes invicem collatæ eandem habent constitutionem. Inordinatus est, quando plures pulsationes inter se collatæ inæquales sunt, ut alius ab alio differat. Fundamentum omnis inordinationis consistit vel in corde movente, vel in sanguine. Ordinatus Pulsus est bonum signum; omnis autem inordinatus pessimum indicat enim labefactatâ sanguinis turgescientiam & fermentationem, indeque vires prostratas tam vitales quam animales.

Per Rhythmum intelligitur concentus tonorum seu Concentus Musicus, & est nihil aliud, quam proportio certa Systoles & Diastoles, seu Constrictionis & Dilatationis arteriæ pulsantis; estque vel

1. *Eupodymus*, quando Systole & Diastole se habent eodem modo & tempore; Vel
2. *Apodymus*, quando non eodem modo se habent cordis systole & diastole.

Et quidem, ut melius pateant, adhibent plerumque notas Musicas, ratione quarum metiuntur: Nam si Systole & Diastole est instar Note Brevis, Pulsus est *eupodymus*, si vero instar Brevis & Semibrevis Systole & Diastole differunt. Pulsus est *apodymus*. Fundamentum hujus diversitatis consistit in motu cordis sanguinem promoventis & distribuentis in arterias, & ex his in venas. Si enim eodem modo sanguis ex corde ejaculatus fuerit in arterias, & simili modo ex arteriis in venas, Systole & Diastole conveniunt, Pulsusque oritur *eupodymus*. Quando autem sanguis celerius movetur, & citius ex corde in arterias, quam ex arteriis in venas ejaculatur, fit Systole longa & Diastole brevis; & contra, si movetur sanguis citius ex arteriis in venas, quam ex corde in arterias, fit Systole brevis, & Diastole longa vel tarda. Pulsus *eupodymus* bonum signum est; inducat enim æqualem distributionem sanguinis: Pulsus *apodymus* malum signum est; innuit enim defectum motus cordis & virium. Nam quando Diastole brevior est, quam Systole, innuit stagnationem sanguinis in loco quodam: si autem Diastole est longior vel tardior, quam systole, innuit motum sanguinis per cor impeditum, aut cordis affectum. Hæc pauca de Rhythmo Pulsuum.

De Instrumentis seu libris sphygmicis, à quibusdam sagacibus Pulsus scrutatoribus inventis, quarum applicationis beneficio Qualitates Pulsuum dimetiri & applicari solent, aliquid dicendum esset: quia autem magis subtile, curiosum, & magis speculativum inventum sit, quam expertum Practicum, merito hic omitto Plura tamen qui cupit de his legere, videat *SANCTORIUM in Commentar. in Fen. 1. Avicennæ Proem. Quæst. 6. SCHOTTVM in Magia Natur. P. 3. 14. Syntagm. 3. Pragmatol. 9. MARCUM de Proport. Motus, Proport. 41.*

Sicuti *Diagnosis* rerum præternaturalium ad *Pathologiam* pertinet; ita *Prognosis* ad *Therapeuticam*. Cum enim in omnibus Curis non raro plus arte Medica valeat gravius Malum, subinde necesse est, ut maturè artificiosa conjectura præcognoscat Medicus, an & quomodo curabilis sit affectus, adeoque & eventum morbi, & tempus eventus, & modum eventus artificioso prognostico eruat.

Neminem autem Prognostico relinquat, quia nunquam omnia adeo manifesta esse possunt circa ægros, ob specialem unius cujusque individui idiosyncrasiam, quin interdum hujus ratione miracula in Medicina fieri videantur, & ii qui conclamati putantur, præter spem subinde convalescant.

In prognosi autem tria accuratè attendenda sunt à Medico:

1. *Ut præcognoscat, qualis eventus sit futurus? item, an possit ægrum curare? an non? an verè? an verò palliativè?*
2. *Ut præcognoscat tempus eventus, an morbus futurus sit longus? an verò brevis.*
3. *Ut simul cognoscat, quomodo morbus finiturus sit? an finis morbi jubitaneus sit expectandus? an verò paulatinus? scilicet per lentam morbi solutionem.*

Fundamentum legitimæ Prognoseos cujusunque est circumspecta consideratio. *Roboris naturæ Patientis, & Violentiæ morbi*, & horum collatio mutua: quorum quod prævaliturum judicatur, & quomodo? eo vergit omnis Prognosis. Necesse ergo est, ut hæc duo perpendat Medicus; sic tandem firmam conjecturam concipit, an natura morbum, an verò morbus naturam superet;

Ex his Generalibus & *Eventum, & Tempus, & Modum* Eventus cognoscat, quid prævaliturum sit? Iam autem, ut hæc duo, nempe natura morbi, & Vires ægri rectè considerentur, tres fontes Prognoseos insignes hic se offerunt, scilicet ii, qui in diagnosi fuerunt. Sed sit hoc interdum ineptè & indirectè. Desumuntur vel

1. Ab antecedentibus causis.
2. Ab essentialiter Inherentibus & Attributis, vel naturæ, tam ægri quam ipsius morbi, propriis.
3. Denique ex consequentibus ipsis symptomatibus, nec non Iuvantibus & Nocentibus.

Quoad Fontem primum, nempe Antecedentia, prout causæ plus vel minus sunt validæ, prout benignæ vel malignæ, quatenus plus vel minus affligunt corpus, quatenus concordat tempus anni, quatenus causæ morborum vel epidemicæ, vel endemiæ, vel propriæ, &c. Ratione harum causarum Medicus vel vim morbi illati, & robur naturæ prostratæ colligere potest.

Quod attinet secundum Fontem, prout plus vel minus ægri constitutio inclinat in hunc vel istum morbum, eo plus etiam morbi validiores & magis periculosiores sunt. Hinc attendatur constitutio subjecti ratione ætatis, sexus, vitæ generis, diætæ, &c. sic multum lucis affluit legitime prognosi: e.g. epilepsia affligens Adultos, non adeo periculosa est, quam quæ affligit infantes; nam infantum constitutio magis proclivis est ad epilepsiam, & consequenter magis periculosa, Adultorum minus. Sic si corripitur juvenis aut mulier gravida febre quadam maligna, diversa est ratio; in gravida enim est longè periculosior, cum & debilitas naturæ, & metus abortus, talem morbum exaggerare queant. Sic quando delirium corripit juvenem & senem, diversa est ratio; juvenis enim evadit facile, senex raro. *Essentialiter Inherentia morbo innuunt ejus naturam, an benigna an maligna? an plures vel pauciores ledantur functiones? an ex sint tales, & vitam concernant? an morbus sit acutus, an verò Chronicus? an affligantur partes nobiles, an verò ignobiles.*

Primariò Prognosis cognoscitur ex Fonte tertio, ex symptomatibus nempe consequentibus: Quæ quo sunt graviora, & magis lædunt functiones, eo periculosiorem morbum innuunt. Pertinent huc in morbis acutis signa Cruditatis & Coctionis, & excretorum urinariorum: nam quod citius signa Coctionis apparent, eo levior futurus est morbus. Huc pertinent quoque *Iuvantia & Nocentia*: nam si remediis vis morbi infringitur, faustum signum est; si verò iuvantia minus juvant, sed potius nocent, majus periculum adest.

Primariùs autem Fons ex his tribus est *symptomaticus*, ex quo optimam conjecturam potest colligere Medicus. Observetur autem:

1. Quod symptomatum alia vis significandis in morbis Acutis, alias in morbis Chronicis.
2. Quod insignis sit differentia ratione morbi vel maligni vel benigni, & inde natorum symptomatum, ac evacuationum. Verissimum enim est effatum *HIPPOCRATIS Acutorum morborum incertas esse Prædictiones*: multo magis hoc valet, quando febribus his malignitas fuerit juncta, potissimum, cum & *GALENVS*, malignas febres non habere statuta ad judicandum tempora, asserat: fallunt enim Pulsus, salivæ Urina, &c.

3. In morbis acutis considerandus imprimis est morus naturæ, an signa prognostica sint criseos, an non?

Hic in Prognosi laudandus est *MOEBIUS*, qui eleganter & fuse hæc signa pertractavit: Quæ autem ille non habet, vel maiorem illustrationem merentur, proponam.

Hiscæ præmissis, in specie symptomata sunt evolvenda. Quoad symptomata *Appetitus*, sunt ea, si Fames & Sitis sunt prostratæ. De iis verus est Aphorismus *HIPPOCRATIS*: Si quis rectè se habet ad, ea quæ offeruntur, bonum est: si scilicet æger sine nausea, & sine gravamine stomachi assumit, quæ offeruntur, bonum signum est; & contra, si in morbis etiam apparenter levibus *Appetitus* mox prostermitur, raro bonum signum est, & est unum ex primariis signis morborum malignorum. Distinguendum autem hic est inter Appetitum verum & falsum. Falsus enim est, quod etiam interdum ægris ferè in ultimo mortis agone evenit, & est quasi imaginarius, & venit ex aliquali impetu delirioso, quia ægri nesciunt, quid agunt, & malum signum est, præprimis si perit etiam morbi cursum sine Appetitu fuerint.

Situm quod attinet, sæpe fit, ut ægri maxime squalida sint lingua & aridissimis faucibus, & tamen non sitiunt; quod ipsum pessimum signum, est, si revera sitientes non sitiunt. Fit plerumque in morbis acutis dupliciter, vel partim quod sensus in faucibus penitus abolitus sit; partim si ægri delirant, & subdelirio non percipiunt sitim, malum signum est, & tunc iis vel etiam nolentibus potus propinandus est. Huc pertinet hoc symptoma, quando ægris, dum bibunt liquor deglutitus cum sonitu delabitur, ex *KlucK*, *KlucK* & c. pessimum hoc signum est, ex quo rard evadunt ægri; innuit enim stomachi tonum planè resolutum, & naturam vappescentem.

Pertinet huc, quando ægri difficulter deglutiunt, licet non adsit tumor, nec ulla sensibilis læsio in faucibus: In morbis acutis innuit summam siccitatem fibrarum muscularum laryngis & œsophagi, quibus exsiccatis & quasi convulsis, non possunt deglutire. Malum signum est; præprimis in morbis acutis.

Vomitus etiam huc spectat, qui prout est varius, varia etiã Prognostica possunt institui. In morbis malignis Vomitus continuus pessimus est. Hoc ordinarius quidem est, ut in morbis malignis ex contagio haustus in principio morbi adsit nausea & vomendi conatus: sed si in progressu morbi superveniat Vomitus, ilque pertinaciter perduret pessimum est signum, & plerumque mors sequitur: & in talibus observatum fuit post mortem, quod eschara quasi & incipiens gangræna in eorum stomacho reperta fuerit. In benignis morbi optimum signum est Vomitus, si in principio sit si in statu, ut sit in febribus intermittentibus, ardentibus benignis; innuit enim valorem naturæ. Vomitus, qui superveniunt casui ab alto, percussioni & aliis læsionibus capitis, funestum sunt signum innuunt enim gravem læsionem cerebri, cranii & meningum & nisi tempestivè instituaturs trepanatio, mors sequitur.

Alvi dejectiones naturaliter foetent: si autem extraordinariè putredinosum factorem exhalant, pessimum signum est, præsertim in morbis acutis. Dejectiones autem foetentes in Abscessibus, ut in pleuritide, ulceribus renum, &c. sunt bonæ; innuunt enim ruptum abscessum & evacuationem puris per inferiora. Alvi albæ dejectiones minus tinctæ, tenues & fluidæ, in morbis acutis admodum malæ, tinctæ verò, & si aliqualem habent consistentiam in Acutis, bonæ sunt. Omnes Diarrhœæ colliquæfactivæ sunt funestæ & quidem semper in morbis acutis: item in phthisicis, si in malo confirmato sponte diarrhœa & tumor pedum supervenit, mors in propinquo est. Dejectiones nigre in morbi acutis sunt malæ; innuunt enim necrosin & mortificationem succorum: Dejectiones verò nigre in morbis Chronicis, & indolentes, sunt sæpe faustæ, & fiunt cum levamine ægri; excipiantur etiam martialia medicamenta, per quæ assumpta dejectiones alvi colorem nigrum acquirunt. Alvi Dejectiones sine sensu ægri in morbis acutis pessimum signum sunt; innuunt facultatem animale prostrata, & gravissima deliria imminencia. Intelligendum hoc etiam de urinis.

Lumbrici sponte prodeuntes vel per alvum vel per os, raro sunt sine periculo: nam vim mortis imminentem ac summam malignitatem in morbis notant; unde fuga sibi volunt consulere. Hoc verum etiam est de pediculis in capite, si fugiunt, vel si colliguntur circa regionem laryngis vel præcordiorum, malum signum est, quod observavi aliquoties: quandoque tamen etiam tales ægri, ubi pediculi, aufugerunt, salvati sunt.

Quoad Respirationem, etiam multum in Prognosi valet, sicuti etiam una eademque ratio est Pulsus. In ea autem differentia 7 attendendæ sunt:

1. An sit magna vel debilis? id est, an thorax valde distendatur, an non?
 2. An sit vehemens, vel debilis?
 3. An sit celer seu velox vel tarda? id est, an subito thorax ampliatur, vel sensim?
 4. An sit frequens vel rara?
 5. An sit libera? an impedita? id est, an fiat cum, an sine difficultate?
 6. An respiratio sit æqualis, vel inæqualis? Nam in Respiratione attendenda est Systole, quando thorax constringitur, & Diastole, quando thorax dilatatur.
 7. An halitus expirans sit vel frigidus vel calidus?
- Omnes hæ differentia dependent à tribus causis:
- (1.) A virtute animali movente.
 - (2.) Ab Ab ipso thorace, ejusque partibus reliquis ad respirationem facientibus.

(3.) A sanguine impellente. Respiration nempe variat pro sanguinis turgescencia in pulmonibus.

Quod attinet itaque Prognosin de Respiratione; impedita & difficilis Respiratio in progressu morbi superveniens semper mala est in morbis acutis, in specie in malignis, in quibus unum ex funestissimis signis est. Respiration magna & velox, qualis cursu fatigatorum, simulque frequens, innuit rapidissimum sanguinis circulum & turgescenciam febris acutæ, unà cum robore Facultatis animalis, moventis. Respiration magna sed tarda, innuit adesse delirium, quia non percipiunt ægri, sed urgentia respirant. Respiration frequens, parva, simulque velox, pessimum signum est, præsertim in morbis acutis: in talibus enim innuit deficientem sanguinis fermentationem sed turgescenciam, & incipientem stagnationem circa præcordia, cum facultate animali planè prostrata, quia impeditur respiratio ut plurimum vicio thoracis. Respiration frigida semper pessimum signum est; ut plurimum enim jam Agonizantibus adesse solet: quod magis calida est eò magis bonum signum est. Feravidissima ex lummo sanguinis oritur estu.

De Pulsu & Urina superius dixi. Hæ autem considerationes in morbis malignis interdum fallunt. Magnus Pulsus in omni morbo semper faustus est; parvus in omni statu semper est malus: celer frequens parvus, &c. semper pessimus est. Urina coctionis signa non exhibens, dicitur tenuis; quæ verò est turbida, crassa, sedimentis copiosis referta, talis est bona: quo citius fit, eò melius est.

Pertinet huc syncope ex variis causis orta. Observavi frequenter, eam esse ex affecto stomachi orificio sinistro; talis autem minus funestæ sunt; optimè præcaventur per Vomitoria maturè adhibita: è contra ex spirituum vitalium & animalium defectu, ex sanguinis impedito cursu, sunt funestæ & periculose. In omni syncope adsunt Anxietates præcordiorum: quas si inquietudines corporis necessariò insequuntur, omnes sunt funestæ: Observetur tamen, quod hæ frequentissimæ sint ex stomacho, in specie in morbis malignis, Observatæ etiam interdum fuerunt syncopes in morbis malignis quæ tantien sine anxietate fuerunt, quando scilicet neglexerunt Vomitoria, imprimis qui vomendi conatibus obnoxii fuerunt.

Lumbrorum dolor sine manifesta causa ex febre, hemorrhoidum vel mensium instantium est signum: vid. GABELCHOVERUS Centur. 2. Curat. 65. Annotat. p. 98.

Quod attinet Hæmorrhagiam narium, ea ancipitem indicat eventum, estque vel Critica, vel Symptomatica. Critica salutaris est, si in sufficienti, non tamen nimia; quantitate cõtigerit. Nec Hæmorrhagiæ symptomaticæ, si sunt in principio, adeò contemnendæ sunt, nisi sint nimis copiosæ vel nimis recurrentes: In morbis autem acutis, & quidè præprimis in statu, funestæ sunt. Si sanguis paucus saltè per nares stillat, & quidem guttatim, malum signum est, præprimis si cum agrypnia ac ardore capitis combinetur; innuit enim naturam molliri aliquâ hæmorrhagiâ, quæ tamen propter imbecillitatem, & imminutum sanguinis circulum non procedit.

Sanguis ex secta vena, si non egreditur fontis modo, sed rãquam ferè ex dolio, lethale signum est: vid. PANAROLLUS Pentec. 4. Observat. 7. Hirudines ano applicatæ, cum hauriunt sanguinem, bonum signum est; si istum verò attrahere relinquunt, aut attracto sanguine citò pereunt, lethale signum est: vid. PANAROLLUS l. a. Inter lethalia signa: quæ certò mortem prænunciant, nullam observavi JOHANNES STEPHANUS in Operib. Medicis Miscellan. p. 449, quod majoris sit momenti & veritatis, quam frequens & insolens manuum ad nares admotio, sine ulla materie effluxione; ubi enim ægris febricitantes identidem manus admotant ad nares, quasi sordes exempturi aut nares emuncturi, si nihil talium fiat, perniciosissimum est signum.

Vigiliæ frequentes sunt symptomata Morborum Acutorum: minus periculose sunt, nisi in longum protrahantur; sic enim deliria inferunt.

Somnus etiam huc pertinet. Distinctio tamen faciendâ est inter somnum nimium & impotentiam vigilandi. Hæc impotentia & somnus nimius, qui superveniens Vigiliis in delirantibus, pessimum signum est.

Delirium superveniens Vigiliis, est vel serium vel ridiculum. Serium est, quando cum quodam impetu, furore, &c. delirant: si verò rideant, cantent, jocosa narrent, &c. melius est. Illa raro sunt commoda: Hæc minus funestæ, è quibus ægri faciliè evadunt. Muscarum venatio & succorum collectio, vellicare lectum, mala sunt signa. Nam delirium, & simul motum in oculis convulsivum, & convulsiones supervenientes innuit: Hæc jam instantem con-

convulsionem denunciant. Confirmatur hoc, si medicus tangens Pulsum in regione carpi tendinum percipit motum seu agitationem *vellicatione*, si percipit variè movere digitos. Hæ autem Convulsionem omnes ferè sunt funestæ, observantur in morbis acutis malignis, & ægri rarò evadunt: Non tamen semper lethale signum esse, testantur M. A. N. G. Ann. 3. Observ. 269. & BARTHOLINUS Actor. Medicor. Hassnens. Volum 4. Obs. 16. p. 50.

Sudor frigidus, in omnibus morbis funestus est. In acutis quando ægri non possunt sudare, & tandem sudor spontaneus, viribus prostratis supervenit, malum signum est; fit enim ob defectum virium: sudorque hic nil aliud est quam *ros nutritivus partium solutarum* per poros cutis sub forma sudoris emanans; hinc etiam talis sudor glutinosus & non nihil viscidus percipitur, & est signum lethale. Sudor particularis circa caput rectè ab HIPPOCRATE malus dicitur: hinc rarissimum est, quod observavit SCHNEIDERUS, quod sudor capitis aliquando fuerit criticus, & morbum solvens.

Pertinet huc etiam *ingens corporis mutatio* citra manifestam aliqualem causam, quam Germani dicunt: *er ist so heftig frig verfallen, id est, valde mutatus est*: non bonum, sed ominosum semper signum est præsertim, si quando in principio morborum in facie accidit, rarò evadunt ægri. Specialiter habitus hic vocatur *Facies Hippocratica*, quæ est, si oculi sunt concavi, nasus acutus, tempora collapsa, auriculæ retractæ, frons dura, &c. in morbis chronicis mortem lentam, in acutis citam & infallibilem, demonstrat. Facit huc insignis mutatio faciei in aliam formam: quò magis à naturali statu recedit, eo res periculosior: imprimis si æger, in specie junior, & qui aliàs in statu sano nec parentibus, avis, nec atavis fuit similis, at sub cursu morbi ita mutatur facie, ut ante obitum parentibus vel cognato cuidam similis sit est signum lethale. Observavit hoc PACHEQVUS in Obser. Riverio Communic. 26. p. 659. BARTHOLINUS in Histor. Anatom. Centur. 4. Histor. 31. BORELLUS Centur. 2. Observ. 89. p. 181. GARMANNUS de Miracul. Mortuor. p. 143. FASHIUS in Ord. 19. Methodo Cognosc. Causam c. 28. p. 57. & PETRUS à CASTRO Tractatu de Febribus Malignis Petechial. cap. 4. §. 34. Denique facies coloratior non semper est bona; rubicunda enim, turgida & florida, nisi hæmorrhagia narium sequatur Critica, innuit Delirium certum. Lividus Color corporis sæpius quidem mortem denunciat, sed non semper, observante hoc ZACUTO LUSITANO l. 3. Præceos Admir. Observ. 10. Qui colore sunt pallido, & virentibus herbis parquam simili, sunt Ictinorosi, sed splenerici sunt nigri & subcineritii, teste FONTANO in Responsis & Curat. Medicis l. 1. p. 95. Aphorismus HIPPOCRATIS 62. Sect. 4. & Couc. Sect. 1. Prenot. 172. non semper est verus: vid. SENNERTUS Instit. l. 3. P. 3. c. 7. & Præceos l. 3. P. 2. Sect. 2. c. 7. ut & HORSTIUS l. 1. Obs. 23 ubi Icterus salutaris quarta die in continua febre obvenit; & BARTHOLINUS Centur. 3. Hist. 4. Observat Icterus in Quartana salutari, ante septimum diem supervenientem.

Habitus & extrema, modò frigeant, modò incendio urantur, si habitu mediocriter saltem calido de ardore nihilominus interno ingemiscant ægri, malum est. Tremor artuum, si mox à principio febris malignæ corripiat egrum aut symptomatum soporosorum, aut convulsivorum indicium est.

Circa oculos etiam quædam observantur, quod rectè PAULI in Parechasi de Febribus malignis p. 19. Dolor scilicet in bulbis oculorum sine ophthalmia, nec ullis aliis oculorum affectibus præsentibus, funestissimum signum, si in principio morbi acuti de tali conquerantur; mox enim delirium & convulsionem adsunt, quod sæpius observavi. Oculi fulgidi & quasi ignei delirium furiosum seu insaniam infallibilem portendunt: vid. LINDANUS in Colleg. Practico super Hartmannum c. 18. Varii Colores ante oculos apparentes, ac Objecta peregrino colore vestita, convulsionem, deliria, &c. innunt. Visitavi ægrum maligna febre correptum, licet aliàs benè se haberet, dicebat; me indutum esse pallio & veste cærulea; imò omnis niger color, cæruleus illi videbatur: referebat patiens hæc talia mane, à meridie subsequiebantur delirium & convulsionem, & tandem interibat. Oculi unius minoritas præ altero est pessimum signum: vid. EPIPHANIO FERDINANDO in Hist. Medica 27. pag. 85. HOEFERUS in Hercule Medico p. 73. D. LANGIUS Dissert. de Morbillis.

Quod Auditus læso non semper sit malum signum, vid. ZACUT. LUSITANUS in l. 1. Medic. Princip. Hist. Dubio 40. & PAULI l. 1. a. p. 18 & 19.

Quoad Linguam *lingua tremula* malum est signum. Si accedit difficilis deglutitio sine manifesta causa, rarò evadunt, Fauces & lingua arida, scabra, nigra &c. sine ardore corporis ac æstu insigni, siti concurrente, &c. in morbis malignis periculosum & imminentis delirii signum est *Lingua actualis frigiditas* est signum lethale: vid. RIVERIUS Obs. 1. communic. à lacotio. Lingua in statu mollis & humidiuscula cæteris partibus bonum signum est.

Quoad Genitalia, hæc sua signa etiam in maribus exhibent. Retracta malum signum esse solet; interdum enim convulsio partium internarum, epilepsia in corpore, supervenit. Flaccida autem, mollia & pendula, vires prostratas innunt. Sub morbi cursu se interdum erigentia, semper faustum signum sunt, & sufficit quibusdam Medicis hoc signum pro Prognostico bono faciendo. Obstetrices ex constitutione Genitalium iudicium ferunt de sanitate puerorum recens natorum.

Punctum Prognoseos est Tempus eventus. Prognosis hæc formatur:

1. Ex natura morbi; Quidam enim morbi natura sua sunt acuti, quidam chronici: Primariò natura morbum monstrat, an sit brevis vel non? in specie in morbis acutis, an brevior vel diuturnior morbus futurus sit, cognoscendum est primariò in urina ex signis Coctionis, prout citius vel tardius, meliora vel pejora se exhibent, & sic morbum brevem vel longum prædicunt; secundariò in aliis excretis.
2. A Constitutione Ægri.
3. Est modus Eventus, ut cognoscatur, quomodo finem morbus faciet.

Sex autem in genere modis mutationum eximiarum id fit: Nempe

1. Vel subito mutatur in melius, & convalescunt, ægri; vel
2. In pejus, & intereunt.
3. Quando subito morbus mutatur in melius, ut successivè æger convalescat; vel
4. Mutatur in pejus subito, ut successivè moriatur; vel
5. Successivè jugulatur æger; &
6. Quando successivè recedunt morbi; qui modus *Abosis* vocatur.

Primus Modus vocatur *Crisis*: Nempe *Crisis* nomine nil aliud intelligitur, quàm subitanea mutatio ægri in melius, vel sanitatem perfectam; *Crisis enim est Iudicatio*. Nempe Processus quasi iudicialis circa ægrum in Prognosi instituitur: Reus est Æger, Actor est Morbus, Testes sunt Signa utriusque partis, in specie quæ à consequentibus desumuntur; nempe ex parte ægri functiones, quæ adhuc sunt naturales, ex parte morbi symptomata: Patronus causæ seu Advocatus est Natura, quæ defendit Reum, & depellit injurias ab Actore injectas: Iudicis vicem obtinet Medicus, qui iudicium fert de convalituro vel morituro, vel condemnamus alteram partem; vel iudicium in re dubia & periculosa suspendendo, partes interdum ad supremum iudicium, Numen Divinum, ablegans.

Processus hic imprimis sub Crisi evidens est sub qua subitanea fit mutatio, eaque in manifesto vel in melius vel in pejus: Ob talem enim parabolam mutatio subitanea, Crisis, quasi sententia iudicis definitiva vocatur. Non autem promiscuè in omnibus morbis subitaneis tales fiunt, sed solum in morbis acutis, nempe in peracutis, & acutis simpliciter, adeoque saltem in iis cum turgescencia febrili insigni conjunctis. Morbi chronici & minus acuti propriè non patiuntur Crisin; fiunt tamen quasi Crises à quadragésimo die ad quadragésimum, teste EPIPHANIO FERDINANDO Instit. p. 32. Morbi maligni imprimis diversas Crises subeunt, duobus nempe modis, vel per Excretionem, vel per Metastasin seu Translationem. Per Excretionem fit, si subito, sub summo licet symptomatum insultu, mediante Excretionem sensibili mirè levatur morbus & convalescit æger: per Translationem fit Crisis, si erumpente tumore in loco, mediante hoc & ejus eruptione, subito symptomata levantur. Ponam e. gr. Patientem febre ardente correptum, ubi insignia sunt symptomata, Inquietudo, Vigiliæ, deliria, muscas capiunt, genæ rubent, tempora pulsant, &c. cum his symptomatibus septimo die accedit hæmorrhagia parium larga, unde omnia remittunt accidentia, æger exactè levatur, nihil restat, præterquam ali-

aliqua virium debilitas, & hæc Hemorrhagia dicitur critica, & quidem Crisis perfecta, ubi etiam nequicquam materiæ morbificæ remanet. Ponam aliud exemplum: Eger correptus febre maligna tempore æstivo, patitur delirium, iectigationes in lecto, &c. huic undecimo die circa genitalia insignes apparent. Tumores, Bubones, qui vocantur Critici: Omnia enim symptomata per istam prurptionem Tumoris levantur, omnis febris evanescit &c. & hæc Tumoris eruptio fit per metastasin seu translationem.

Crisis hæc non est semper una sed variat ratione circumstantiarum; unde 1. est vel perfecta vel imperfecta; Perfecta est in qua plenariò levatur æger, & totaliter causa morbifica eliminatur; Imperfecta est, quæ quidem fit cum levamine ægri, sed causa morbifica non penitus aufertur. 2. Crisis est vel fida vel infida: Fida est, cui & Medicus & Eger fidere possunt, quæ perfecte causam morbificam tollit sine recidiva; Infida, cui recidivæ subest metus. 3. Crisis est vel tuta vel periculosa: Tuta est ubi minus gravia adsunt symptomata; Periculosa est, quæ cum gravioribus cincta est symptomatibus. Verum nox, quæ Crisin antecedit, molesta est. Pro ratione loci variat Crisis; fit enim vel per nares, vel per menses, vel per sudores, vel per diarrhæam, vel per vomitum.

Hæc subitaneæ Mutationes non sunt omni tempore promiscuæ, sed legitime Crises sunt in statu, quando scilicet concocta, subacta & præcipitata est causa morbosa sanguinis, ut inde plenariò sedetur morbus, & causa foras eiciatur. Necessæ ergo est, ut coctio seu separatio causæ morbificæ præcedat. In specie observantur frequentes Crises, certis diebus incipiendo supputationem à principio morbi acuti, & propterea dies Critici sunt in triplici differentia: Nempe

1. Dies Critici simpliciter dicti, qui sunt ii, quibus ordinariò Crises contingunt, suntque primarii 7. 14. 20. raro ad 28. & ulterius extenduntur: in morbis peracutis etiam quartus dies dicitur & fit interdum Criticus.
2. Indicatorii seu Contemplabiles sunt isti, qui certis signis Coctionis præmonstrant, quādo futura sit mutatio Critica. Tales sunt dies intermedii inter Criticos, e. g. dies quartus est index septimi, undecimus est index decimi quarti, decimus septimus est index vigesimi, si enim quarto die incipiunt apparere perfecta Coctionis signa, Crisis incidit septimo die.
3. Sunt dies provocatorii, ii nempe, in quibus irritata natura sæpè aliquem motum Criticum instituit, & dein plenariò absolvit. Tales sunt tertius, & quintus, nonus, decimus tertius, sæpè decimus nonus, & sic porro, & sæpè sunt quasi prodromi Criseos; Reliqui dies sunt dies vacui, aliàs medicinales dicti: Vigessimus dies est Criticus perfectus, non vigesimus primus.

Causæ Crisium seu mutationum Criticarum sunt vel proxime vel remote: Proxima est ipse motus massæ sanguineæ fermentativus, seu natura fermentativo motu depurans sanguinem, qui sanguis depuratus & probè defæcatus, tandem per certum locum istas feces deponit: Causa Remota, & quare præcisè die septimo accidat, & quarto indicetur, hoc turbat Autores. Omnes ad sidera confugiunt, cum insignis sit harmonia Microcosmo cum Macrocosmo: vid. EVSTAD. Ephem. Tom. 2. JOEL in Operib. Medicis Tom. 1. ubi de Crisibus & ARCHELUS, ITALUS, in Ephemeridibus. In specie HIPPOCRATES & GALENUS Causam, quod Cri-

ses dictis diebus determinatis fiant, ex motu Lunæ periodico petendam esse dicunt. Intelligitur autem motus lunæ periodicus, si luna peracto circuitu, præcisè ad idem Zodiaci punctum recurrit: v. g. si luna esset in decimo quarto gradu Zodiaci, quandiu totum circulum Zodiaci absolvit, donec ad hunc gradum pervenit, vocatur motus lunæ periodicus; & quia luna 4. insignes habet phases seu quadraturas, sic & ratione harum 4. sunt dies Critici. Totus circulus absolvitur 27. diebus & horis, & sic non absolvit omni septimo die quartam Circuli partem: sed in prima quadratura absolvit 7. dies, exceptis 4. horis, in secunda absolvit 7. dies, sed exceptis 8. horis; in tertia absolvit 7. dies, sed exceptis 12. horis, & ita in vigesimum primum diem pervenit terminus Criticus; quarta quadratura absolvitur die vigesimo septimo, & octava hora. Verum posito, naturam instituire Crisin, & Lunam, facere tempora; tamen cum pro circumstantiarum varietate & motus nature variet, varique Adspectus & varia subiecta sint, ideo fit, ut non necessariò, nec semper præcisè dictis diebus, sed modò citius modò tardius contingant. Videatur de his PLEMPIUS & SANCTORIUS SANCTORII (qui unus ex Italici Veteribus, & laudè meretur) in Commentar in Aphorism. Hippocratis 20. item Methodo Vitandor. Errorum in Medic. p. 833. PANAROLLUS Pent. 3. Obs. 39. observat Crises fractas salutare sexto & octavo die, qui tamen dies apud Veteres semper pessimi in Crisi audiuntur; sextus enim & octavus dies Interfectorum dicitur.

Nostrium quod attinet Clima, rariùs apud nos, & in Climatibus frigidis, contingunt Crises, secus ac in China, aliisque calidioribus regionibus, ubi aer tenuis, Victus salubrior, Temperatura calidior, Corpora magis perspirabilia, & non raro Febres peracutæ grassantur, quæ circumstantiæ apud nos deficiunt. Aer enim noster est crassior, frigidior; corpora nostra solidiora victu crassiori utentia, frequentius labè scorbutica & Acido hypochondriaco infecta, sanguine minus turgescere prædita, in Climate minus fervido ineptiora sunt, ut Criticas lubeant Alterationes: quod etiam ostendit L. WERUS in Dissert. contra Mearam & VELSCHIUS Observ. & Curat. dec. 10. ubi & ratione & pluribus exemplis, edocet, Crises non semper adeò itatos observare dies, quin propter motum Lunæ, variantem sæpiùs octavus fiat Criticus Unde sæpiùs evenit, ut subinde negligatur Crisis, partim quia juxta HELMONTIUM bonus Medicus eam nititur prevenire, eamque medicamentis laudabilibus præcavere, quod verum est; partim quia ipsi dies minus certi existunt, cum & extrà septenarios, ut jam dixi, subinde Crises laudabiles eveniant. Si enim Crisin Medicus expectat, nature ægri totum onus bajulandum incumbit, Medico tantum spectatorem agente, qui tamen nature sit potiùs minister, eamque adjuvet: quod facit, dum Absorbentibus seu Præcipitantibus opus Coctionis promovet, & blandis diaphoreticis & aliis modis cocta sensim foras eliminat; sic enim vix expectato Criseos termino actum erit de Morbo: imò tam necessariè non sunt, ut adeò strictè illis sit inherendum, aut nimis anxie illæ sint expectandæ. Signa Crisium imminentium sufficienter & accurata satis descripsit MOEBIUS in Institutionibus. Habet aliàs Annus Climactericus quasi aliquid Criticum, per septenarios recurrens, ut Crisis magna ob id aliquo modo vocari possit, de quibus ex professo scripsit Tractatum Clarissimus CALMASIUS.

Tantum de PATHOLOGIA. Sequitur

INSTITUTIONUM MEDICARUM

P A R S T E R T I A.

HYGIENA, ET THERAPEUTICA.

PRÆCEPTORUM HYGIENES

CAPUT UNICUM

D E

RATIONE CONSERVANDI SANITATEM.

Primaria Artis Medicæ Pars est ea; quæ media tractat, quibus aut firma conservari, aut labefactata tamen restitui valet Sanitas: Illud *Hygiæna*, hæc *Therapeusis* dicitur. Res enim suprâ dictæ non-naturales, cum ex se indifferentes sint ad sanitatem & morbum, earum legitimum usum ad sanitatem conservandam & infirmitatem præservandam, *Diætæ* appellatum, tam in genere pro quibuscunque hominibus, quam in specie pro unaquaque determinata ætate, sexu, vitæ genere, &c. docet Hygiæne, cujus generaliores regulas cum respectu ad differentes ætates hic adnectere, & quomodo diætæ sanis ordinanda? monstrare jam placet,

Fundamentum Generale legitimæ Diætæ pro Sanitate conservanda, seu legitimum regimen rerum 6. non naturalium, subministrat *Celsus, J. C. Romanus, de Re Medicali. l. c. 1.* dicens: *Sanus homo, qui & bene valet, & simul suæ spontis est, nullis se obligare legibus, debet, ac neq; Medico, neq; Jatroleptæ egeret;* hoc est, nullis strictis diætæ regulis se alliget, sed libertate sua utatur; aliâs *Medicæ Vivere, esset pessimè vivere.* Cum verò juxta *HIPPOCRATEM in Aphor. Sect. 2. Aphor. 4. & 50. Epid. 6. Sect. 2. F. 26. Item l. de Natura hum. Sect. 26. S. 2., GALENUM l. pecul. de Consuet., PROSPERUM MARTIANUM in Hippoc. de Aph. t. 38. VALERIO-LAM loc. comm. l. 1. c. 6. & HOFFMANNUM Institut. l. 3. c. 50.,* Consuetudinis sit maxima vis in valetudine conservanda, morbisque curandis, ut & in aliam naturam transformandi efficacia, hujus dictamen in 6. rerum non naturalium usu seu Diætâ imprimis est audiendum, ita ut si quis velit consuetudinem mutare, non sine corporis læsione fiat. Est enim *Consuetudo* juxta *HEURNIUM Vis quædam adfectiva, qua aliquid agere aut pati inoffensa natura licet, ita quidem; ut ad eam inducendam crebra & frequens requiratur unus passio & actio,* donec hæc in consuetudinem, & hinc ex consuetudine velut in naturam abeat: unde consuetudo est altera natura & *Cōsuetæ, licet deteriora, Insuetis sunt salubriora.*

Obiæ sunt consuetudinis potentia præprimis in 6. rerum non-naturalium usu, de quibus suprâ in *Patbol. cap. 35.* sufficienter dixi: insimul tamen & aliæ plures circumstantiæ sunt, corpori quidem nostro indifferentes, nisi per consuetudinem magis magisque determinarentur. Sic superioris nostræ Germaniæ incolæ culcitris mollioribus indormientes, Italiæ, Galliæ, & Bataviæ lectos duriores ægrè ferunt; contrâ Galli, Batavi, &c. his assueti, plumeas nostras respuunt culcitræ. Quod pertinet etiam, quod *SAL-MUTH* de tritorè quodam refert, quem febre correptum herus ipsius misertus in lectum reponi curaverat, ille verò in hoc noctes insomnes agens, & in dies pejus habens, ab Adstantibus petiit, ut in terram super stramen collocaretur quo factò suavissimè dormivit, & aliis adhibitis brevi convalevit. Pariter ipsa decubitus ratio consuetudini multum debet, per quam nonnulli, nisi supini, alii non, nisi proni, alii in latus dextrum, alii capite magis erecto, alii decliviori, dormiunt. Eiusdem conditionis est ille corporis ejusque partium situs, quem nonnulli Vigilantes per consuetudinem, interdum satis malum asservant, incedentes ore aperto, pedibus intortis, cervice ad latus alterutrum inclinant, &c. imò dari possent infinita exempla Actionum naturalium, quas sola consuetudo immutasse aut determinasse videtur.

Sed peculiaris generis sunt Evacuationes Medicæ, v.g. Purgatio, Venæ sectio, scarificatio &c. quas itidem, qui *Etmulleri Oper. Tom. I.*

temporibus certis aliquoties admiserunt, denuò repetere nonnulli coguntur, ita ut si illa negligent aut paulò saltem differant, non solum pejus se habeant, sed circa venæ sectæ & scarificationis v. g. locum, pruritus seu stimulum quendam sentiant; è contra ex adhibita penitus insueta venæ sectione periculum vitæ præsentissimum Virgini nobili supervenisse, *HIPPOLITUS GUARINONIUS* notavit *lib. 5. cap. 36.* ita ut eorum respectu non facile ad ejusmodi Evacuationes insolitas aliquis incitandus sit.

Sicuti autem omnia hæc Consuetudo non ut causa aliqua proxima, sed ut remota, tantum præstat, ita nunc inquirendum erit, qua ratione consuetudo corpus nostrum immediate magis afficiat? Respondeo cum *VVILLISIO*, spiritus animales scientiæ omnis & directionis propriæ expertes, ab Objectis externis & circumstantiis, item ab arbitrio seu voluntate, ad hoc aut illud agendum determinari; unde spiritus animales, qua via semel ducuntur, magis impediti vestigia antea tracta adamussim repetere, & naturam idem agere, quod prius egit donec novum edocta sit œconomia modum.

Specialius verò conservandæ Sanitatis Medium docet *HIPPOCRATES aureo Aphorismo*, inquit: *Sanitatis studium est, non satiar i cibis; & impigrum esse ad labores;* nam quamplurimæ turbæ oriuntur ex vitiata digestionē, & vitiatis retentis seu excrementis. Confirmant hoc *Mechanici*, qui sub laboribus & motu vegeti & sani existunt, Morbos verò præcavendi rationem idem subministrat dum docet: *Quiete & Abstinencia multos magnos morbos curari.* His duobus enim omnes morborum causæ sponte remonentur; hinc rectè *sobrietas* ab *HELMONTIO* totius diætæ cardo vocatur.

Ætatibus quò magis minusque congrui sunt quidam morbi, etiam horum exactam rationem habendam suadet *HIPPOCRATES* *Ætas* autem hoc loco non sumitur pro mensura temporis integri vitæ, nec pro spatio seu parte vitæ humanæ quacunque, sed pro illo vitæ spatio, quo in partibus & functionibus corporis immutatio manifesta contingit, & quidem à causis intrinsicis & naturalibus.

Immutantur autem per successivam ætatum continuatiōem nunc partes omnes corporis, nunc genitales saltem: Illarum respectu corpus totum crescit, & solidus atque robustius evadit; Harum verò ratione Genitura elaboratur, menses fluunt, fœtus concipitur, &c.

Ætatum humanarum ab aliis plures, ab aliis pauciores enumerantur, v. g. ab *ARISTOTELE* tres, *Crescens, Consistens, & Decrescens*; *FERNELIO* 5., *Adolescentia, Juventus, Virilitas, Senectus, & ætas decrepita*; ab aliis, qui Adolescentiam in Infantiam, Pueritiam, Pubertatem, & Adolescentiam strictè subdividunt, 8. numeratur: quæ tamen vitæ tempora non adeò generaliter per annorum terminos circumscribi possunt, sed in aliis anticipant, in aliis postponunt, tam propter causas quasdam externas, quam internas; quarum hæc tamen si naturales fuerint, hoc loco magis attendendæ, uti suprâ dictum. Ita v. g. ossium & ligamentorum firmitas in nonnullis mox post primum annum major observatur, quam in aliis infantibus, trium v. g. annorum; sicuti menses non raro prorumpunt in puella 12. annorum, quæ aliàs in virgine intra decimum quintum aut decimum sextum annum vix fluunt.

Sicut autem vita nostra nihil aliud, quam via ad mortem est; ille nempe motus sanguinis intestinus qui corpus conservat, & in quo vitæ formalitatem consistere, in *Physiologia* suprâ dixi, corpus nostrum continuo atterit, adeò ut nò absurde à quibusdam vita corporis dispendium, & successiva quasi mors proclamata fuerit; ita cum *HIPPOCRATE & ARISTOTELE & HOFFMANNO* trinarium potius ætatum numerum comprehendam, Infantiam nempe, quæ usque ad tempus illud extendi potest, quo dentes primi denuò excidunt; ubi pueritia incipit, prolonganda usque ad pubis & lanuginis eruptionem, quæ decimo quarto vel decimo quinto anno contingit: excipit hanc *Ætas* consistens,

stans, quæ Adolescentiam comprehendit, usque ad tertium præter propter septennium, & Virilitatem; si nempe reliquum tempus per 2 septennia durat; sequitur hanc *Ætas* decrepescens in senectute.

Quæritur aliàs ab Institutionistis, an Infantes seu pueri, an juvenes, aut viri consistentis ætatis, calidiores sint. Quod quidem à SENNERTO *Instit. p. 31.*, & PLEMPPIO *Fundament. Medic. lib. 2. Sect. 2. cap. 8.* decusum videritis. Verum, quia præter sanguinem huiusque motum, Calidum quoddam substantificum præsupponunt, hincque pueros calidiores dicunt, explicatio hæc modernorum hypothesebus minus congrua est. Rectius ergo dicunt; quod propter motum illum sanguinis in pueris admodum exiguum, qui pro annorum decursu usque ad ætatem intenditur, ejus effectus seu individuis comes, calor nempe vitalis, robustior sit in Adolescentibus & viris, quam, pueris & infantibus. Nec obstat *Aphorismus HIPPOCRATIS 13. & 14. Sect. 1.*, quod pueri, & qui augentur, plurimum calidi innati habeant, unde copiosiori alimento opus habeant, quam proventioris ætatis homines; Copiosioris enim in pueris nutritionis necessitas & ratio non in ficto illo veterum Calido innato, sed partium solidarum substantia fibrosa consistit, quæ mollior adhuc & valde extensibilis plus nutrimenti requirit & recipit, antequam corpus ad debitam molem perveniat, & omnes actiones perfecte edat. Nutrimentum enim poris illorum jamdum impactum & agglutinatum, cum minus spissum sit, propter motum sanguinis lentum & blandiorem, facilius deraditur, unde corpus, nisi continua quasi illius substantiæ Applicatio fiat, fit mox flaccidum, quod patet in Anorexia, aut levissima saltem eorum Evacuatione; quæ corpora eorum tenella notabiliter marcescunt, citius tamen ad pristinam carnositatem redeunt, quam ii, quorum membra jam sunt solidiora aut duriora. Nisi enim stamina partium solidarum in pueris chylo recenti semper irrorentur, sed sanguis eo destitutus illa alluat, hinc nutrimentum eorum adhuc roridum, & consistentia debita carens, mox abstergit & resorbet, hocque resolvit, & vel per insensibilem transpirationem, vel per alia loca sensibilibus, evacuat; præprimis si fermentatio illius per febriculam aliquam intensior reddatur: è contrà simul ac ferè alimenta denud appetunt & digerunt, in uberius mox nutrimentum fibris illis cedunt, adeoque motu sanguinis blandiore jam existente, aut post morbum reddito, succulentiam perditam magis reparant, & facile restituunt.

In specie igitur pro *Ætatum* diversitate, & inde dependentibus aliis circumstantiis; ad conservandam sanitatem diæta ita ordinanda, ut vigor vitalis per legitimum usum rerum non-naturalium conservetur, morbi verò congrui, seu qui unicuique ætati magis familiares sunt, ejusque causæ, mature avertantur; & hinc remedia diætetica vel permittentia vel prohibentia sunt. Verum enim est illud *HIPPOCRATIS Sect. 2. Aph. 10. Corpora impura quæ magis nutrivæ, ed magis læsivæ.* Vires siquidem uti assumptis conservandæ, ita hisce nec morbus, nec causa ejus augmentanda sunt. Impura autem dicuntur corpora vel *causaliter* vel *effectivè*; Priori modo dicitur corpus impurum, quod vitio fermenti digestivi alimenta imprimis viis pervertit, ut contenta dein in crasin præternaturalem degenerent: posteriori, cujus contenta jam corrupta sunt ita, ut optimus etiam chylus plus minus corruptatur & inquinetur, fermentatio perturbetur, sicque dy crasie contentorum augmententur. Vtroque sensu verus est *Aphorismus*.

Ut itaq; rite administrentur remedia diætetica, considerandum, utrum morbus acutus, an chronicus sit. Iste, quoniam brevior, & gravioribus symptomatibus stipatus, in quo inde major naturæ lucta paucioris diætæ requirit, ne plane lapsus virium propter brevitatem morbi sit metuendus; in Chronicis autem respectivè liberalior potest esse diæta, ut ad diuturnitatem morbi ferendam vires sufficiant. Nihil autem poterit nutriendo conservare vires, quam quod in ventriculo & primis viis alteratum, ac individui proprio specifico caractere insignitum est: Quod enim in quibusvis morbis vis digestiva vegetior est, & Appetitus constat, è liberalior concedenda diæta; quod minor, è parcior.

Dividitur autem omnis diæta in *tenuem*, *crassam*, & *mediocrem*. *Tenuis* est, quæ viribus simpliciter conservandis non sufficit, sed nonnihil viribus tantum succurrit, ut eadem non sufficienter in eadem mensura permaneant: *Crassa*, quæ vires conservat & auget: *Mediocris*, quando conservantur in eo statu, in quo sunt *Tenuis* locum habet in Acutis, & instituitur iusculis reficientibus; *Crassa* in Chronicis, quæ iusculis ova sorbilia, aliæque insuper soli-

da jungit; Medicus medio se habet modo.

Circumstantiæ autem determinant ægri vires, & in specie virtutem stomachi digestivam, ut & ea, quæ optimè conveniunt; saltem quoad cibandi tempus, notandum, tempus paroxysmorum vitandum esse: vid. *HIPPOCRATES Sect. 1. Aphor. 8. 11. & 19.*, *LIDDELIUS de Febris pag. 104.* Conducit enim, uti in iis morbis, qui per paroxysmos suas exacerbationes habent, ut in & ante paroxysmum ventriculus & primæ viæ sint liberæ; quia natura in opere secretorio hoc modo turbatur; nisi virium lapsus urgeat, quo in casu vires potu Analeptico sunt fulciendæ & reficiendæ. Confer. *VALLESIUS Methodo Medendi l. 1. cap. 9.* & *ZACUTUS LUSITANUS l. 4. Præx. Histor. cap. 8.* Primum enim in paroxysmo urget lucta naturæ cum causa morbifica, quæ, ne avertatur vel impediatur, libera sit. Secundò, quoniam ordinariè digestio prima procedit sufficienter, sed assumpta potius tunc degenerant. Si tamen vires hoc urgeant, ex potu generosiori, vel iusculo blando temperante reficiendæ, ne alimentis gravetur ventriculus, aut irriteretur natura. Post paroxysmum autem aliquot horis remedia diætetica sunt administranda. Nunquam verò, ut à mulierculis imprudentioribus fieri solet, ad alimenta assumenda ægri cogantur, utpote quibus Appetitus loco regulæ est: ita quidem, ut ab assumptis plus lædantur, & minus refocillentur, ac ii, qui aliàs Appetitui intempestivè indulgentes plus ciborum assumpserant.

Dein præstat, ut quoque vigilet æger sub paroxysmo, quia tunc spiritus sunt vegetiores & impetuosiores, quorum motus in somno est imbecillior: ut taceam, in quibusdam casibus, vig. hypochondriacis & hysteris passionibus, somnolentiam non esse veram, sed modò imaginariam, ut ea sepe lypothymia imminenti signum esse soleat.

Quoad selectum alimentorum, respiciendum, quantum possibile, ut alimenta simul sint alterantia, & ventriculo amica. Quoad prius, sic & conservare vires, & causam morificam una opera corrigere possumus. Et hoc ipso rejicio multipliciter alimenterum, quo nihil nocentius; si modò hoc, modò illud gustandum ingeratur, in quo casu mulierculæ, sed pessimo consilio, adeo curiosæ sunt. Quod enim simplicior Viæus, èd facilius digeritur, minori ventriculi molestia, & nullo symptomatum supervenientium metu; sicut è contrà multiplicia alimenta digestionem & crasin alimenterum perturbant. Quæ amica ventriculo sunt, Appetitus ejus internuncius, indicat. Equidem interdum etiam idem hostilia & nociva appetit; quare distinguendum inter id, quod intensius urget, ac inter id, ad quod Phantasia qualicumque modo indicat. Appetitus verus & intensior non debet rejici; natura enim subinde de remedio sibi ipsi prospicit, quod exhibitum optimè sæpè digeritur; imaginarius verò, qui ex phantasiæ dictamine & ludibrio, oritur, meritò rejicitur. Prioris ratio in intermittentibus febribus sæpè est obvia; hinc quidam brassica fermentata; alius se halicibus, curavit.

His in genere præmissis, paucis adhuc considerandum restat, quomodo Sanitas secundum ætatum diversitatem conservetur, & morbi præcaveantur. Et quidem primò *Infantes* quod attinet, quorum sanguis semilacteus instar recentis muli moderatè fermentat, & hinc faciliè alterari & vitari potest, *Sanitas* eorum optimè conservari potest modò impediatur lactis coagulum, vel ejus sub digestionem depravatio; insignis enim infantium affectuum diversitas ut plurimum non nisi ex vitiato lactis coagulo, indeque oriundo muco impensè acido & pontico, originem ducunt: Id quod Excreta inde per alvum viridia seu porracea & æruginosa, quasi grumosa, sicut ova minutim concisa, & quam plurimi morbi alii, sufficienter declarant. Hæc enim ut plurimum Acidum spirant, vel alio peregrino caractere insignita sunt; sicut etiam infantes præter tormina sæpè corripiuntur epilepsia, flatibus, inflatione præcordiorum, convulsionibus, pustulis, achoribus, favis, morbillis, variolis, atrophia, &c.

Omnium horum origo ex triplici fonte derivanda est:

1. Fons est *retentio Meconii*.
2. *Corruptio lactis*.
3. *Vitia Pulvis*.

Hæc faciliè inferunt Cruditatem acidam & viscidam, ex qua tanquam causa, omnes eorum morbi oriuntur.

Quoad 1. *Retentio Meconii* vel excrementa nigro virescentia retenta, ordinario infantes disponunt ad epilepsiam: ergo eliminetur.

Quoad

Quoad II. *Lac corrumpitur* facile coagulando, grumescit sic in caseum, & acorem vitiosum intensum, vel alium peregrinum characterem, acquirit. Nutricis autem lac natura vel sponte vitiosum est, vel vitiosum redditur, quando vel matres aut nutrices vescuntur Acidis vel Veneri indulgent, vel gravioribus animi affectibus percutiuntur, quæ multum nocent; sic enim alteratum lac disponitur ad grumescentiam, & tales infantes ut plurimum abhorreunt caseum: Vel ingens committitur error, quando infanti inordinatè præbetur mamma, ut ad omnem ejulatum lac præbeant, dum prius non ritè digestum est; sic unum corrumpit alterum, & in acorem & mucum viscidum degenerat, à quo frequentiores eorum morbi sunt.

Quoad III. *Vitio pultis* labuntur in morbos, dum ordinariò parant eas ex farina cum lacte: ex his oritur puls glutinosa, *gluten biblopegorum*; unde accedente lacte acido, non possunt non eruditates viscidæ coacervari in infantibus. Acidum sub cute dat Achores, variolas, &c.; idem acidum solet inferre tormina ventris, epilepsiam, & motus convulsivos, vigilias, in somnia molesta, aliaque mala: ad massam sanguineam si deferatur Acidum hoc, oriuntur febres ardentes. Visciditas infert atrophiam, obstructionem alvi, &c., hinc clysteres infantibus prodesse, experientia docet.

Nunc igitur quæritur, quomodo eorum diæta ordinanda? Respondeo: Excrementa sunt excernenda, unde Meconium, quantum possibile est, removendum: cui fini natura ante lac propinat Colostrum, quod est aquosius, salius, & vi abstergivà saponaria præditum. Si dant Colostrum, propinetur simul pulpa passularum, ac, quod melius est, syrupus de cichorio cum Rhabarbato: optimè syrupus de spina cervina miscetur cum lapillis cancrorum, corallii, &c. quæ absorbent Acidum, & sic artificialiter purgatur Meconium. Quod attinet lac, est hoc naturalissimus cibus & succus nutritivus infantum, quod necessariò infantibus lactantibus propinandum, certo tamen ordine. In specie pro medela lactis usurpent mulieres vel nutrices fœniculum & Anisum, & ex his parata medicamenta, vel salia alcalia, quæ lac salubre reddunt, & à corruptione præservant. Imprimis lac proprium matris infanti est propinandum, quod est omnium optimum, quia ex hoc primo concrevit infans, nec sine insigni alteratione alterius lactis aduescunt: omnis enim mulier habet suum lac, quod infantibus saluberrimum; si verò alia mamma ipsis præbetur, non fit sine insigni corporis alteratione.

Quoad pulcem, ejus errata corriguntur, quando loco farinæ sumitur similago, *Semmel*, exsiccat, minutim teritur, ex quibus cum lacte fiat puls: nam ex similagine cum sit panis fermentatus, & facile digestibilis, salubriores fiunt pulces, quæ faciliùs digeruntur.

Quod si superveniant morbi ex Acido viscoso, præter remedia anisata, lac corrigentia, usurpentur infantibus etiam terrea alcalina, Acidum absorbentia, & lactis coagulum impediencia, ut lapilli cancrorum, corallia, lac Lunæ, cornu cervi, antimonium diaphoreticum, &c. quæ à morbis præservant; & præ cæteris semen anisi contusum, quod HEURNIUS commendat contra coagulationem lactis: sperma quoque ceti à RANCHINO ad gr. ix. x. & xii. in aqua menthæ, hyssopi, &c. contra Acidum in infantibus mirè commendatur; quia, sicut in casu ab Alto dissolvit & attenuat grumos sanguinis, ita & lac grumosum in primis viis, & mammis nutricum: in graviore Acidi acrimonia crystallus præparata, quæ in horridis torminibus ventris à bile æruginosa optimum remedium est, & in Acido destruendo mira facit. Imprimis in torminibus infantum omnibus præferuntur salia volatilia (non obstante, quod alii periculum metuant) præprimis blandè aromatizata seu oleosa, e. gr. (al volatile cornu cervi, urinæ, &c. Hæc inter præ cæteris liquor cornu cervi succinatus, item spiritus salis ammoniaci anisatus tenellis ad duas vel tres guttulas in lacte impensè conducunt, eorumque declinantem sanitatem firman, à morbis præservant, dum Acidum absorbent, & lactis coagulum impediunt; spiritus enim salis ammoniaci mirè conducit infantibus, penetrat quippe per corpus, & abstergit sordes in corpore, imò in petechialibus morbis, variolis, morbillis, &c. præservationis gratia cum spiritibus volatilibus cornu cervi vel sanguinis humani miscetur. Volatilia ejusmodi in lacte propinari possunt, quod acrimoniam & fœtorem obtundit. Hæc etiam intelligenda sunt de infantibus grandioribus, qui usque ad 12. annum pervenerunt. Post abla-

Ettmulleri Oper. Tom. I.

stationem verò habenda imprimis est ratio Addiphagiæ seu nimis Voracitatis, cujus occasione ob cruditatem acidam generatur pituita acida viscida, unde plures puerorum morbi dependent, & ad quam ferè semper in iisdem respectus habendus venit.

In Dentitione laxandæ sunt gingivæ. Si etiam adest inflammatio gingivarum, applicentur mucilagines cum aqua sempervivi & spermate ranarum, & semine psyllii, cydoniorum, &c. Cristæ galli sanguis pro fortiori extractione prodest: ultimo cerebrum leporis, si illa frustra sint adhibita.

Calor, activum vitæ instrumentum & consequens, consistens in motu celerrimo Acidi volatilis oleosi, gliscit in infantibus; concitatissimè agitur, & quasi deflagrat, ut in juvenibus; remittit motu, qui partim deficit, partim minus volatilis est, ut in senibus ordinariò tepelcentibus. Fundamentum spiritus influus & inscius existunt, qui sunt istud naturale Acidum volatile oleosum, cujus motu calor iste, tanquam signum eorum impetus, sequitur: & in hujus naturali conservatione & temperatione, adeoque debita ad corpus habitudine conservanda, occupata est HYGIENE. Ergo in ætate accrescente gliscens obruendo alimentis non extinguatur, in ætate consistente in æquabili temperatura conservetur, in decresciente Analogis excitetur.

In *Ætate consistente Juvenum & Virorum*, dum massa sanguinea instar vini generosi in suo est vigore summaque spirituscentia, blandè, paulò vehementiustamen, effervescit & ebullit, adeoque tunc corpus est in optimo statu, observandum est cautè pro conservanda horum sanitate, ne vel nimias concipiat efferevescentias propter sal volatile ebullitionesque, adeoque in periculosos acutos morbos, & febres ardentes malignas, erumpentes, in specie qui vitam agunt actuariam; vel ne citò nimis in suo vigore deficiat ad præmaturam senilem debilitatem, idque aut per deficientes corporis motus, aut imprimis per intensiones & crebriores circa studia meditationes: In specie ii, qui vitam agunt sedentariam, inclinant in morbos Chronicos, novercam doctorum virorum, malum hypochondriacum: adeoque per consuetum, simul tamen moderatum, rerum nonnaturalium usum æquabilis sanguinis motus & fermentatio conservetur. Unde actuosi vitent.

1. Potus nimis generosos, alimenta nimis generosa, pingua, spiritiosa, sulphurea, &c. quæ augment bitem, & massam sanguineam nimis volatilem reddunt.
2. Vitent nimium, primariò animi, secundariò corporis, motum; &
3. Nimiam Venerem, quæ tales admodum pessundat.

Hinc facile patet, qualis diæta conveniat. Quod si autem fiat excessus, potest emendari: in specie in *priori* excessu ferocior ejus impetus, fixioribus sulphureis mineralibus, imprimis nitratis & acidis blandis, refræmandus, spirituumque nimis motus opiatis sistendus, item quies, & somnus interponendus, quæ multa faciunt; in *posteriori* verò defectu spirituosus volatilibus & aromaticis conservandus spirituum vigor, & moderato cautoque Ambratorum usu confortandus est, motum commandatum habeant; quies & somnolentia nimia vitanda: interim etiam volatilia & acriora alimenta scorbutica, plus minus alimentosa, sunt assumenda, aut etiam alia salia volatilia artificialia; sic enim corriguntur vitia, & fermentatio restituitur.

Quoad tandem ætatem decresceniem, *Senes languescetes*, cum eorum sanguis instar vini acescentis, vel ex rancore vappescentis, se habeat, sit effæctus & spiritibus depauperatus, indeque ex acidi abundantia crudisque succis fit crassus, viscidus, aquosus, tardeque mobilis; quæ omnia ex cruditate acida & deficientè stomachi digestionem dependent; hinc oriuntur febres lentæ ex lymphæ acida, affectus systematis nervosi, paralytici, apoplectici, tremor, catarrhorum continuus insultus & inevitabiles læsiones accedunt. In his, pro conservanda vita, (1.) fermentativus sanguinis motus, & hinc spiritus sensim deficientes, per generosi spirituosique potus & ciborum, vel condimentorum aromaticorum, moderatum usum sunt restaurandi & excitandi, & aciditas aquea extirpanda; Sic vinum generosius mirè convenit, quod rectè à quibusdam lac senum dicitur. Quibus & (2.) moderatum gaudium lætitiæque, & vita curis vacua, mandanda; His enim blandissime conservatur blandus sanguinis motus (3.) Motus mediocris æqualis & blandus ipsis convenit; loco ejus blanda & lenis

corporis diaphoresi ad madorem usque per blanda diaphoretica, non fortiora, ne alias pauci spiritus dissipentur. Conveniunt igitur pro hoc scopo, v. g. Rob sambuci, vel juniperi, cum tantillo spiritus juniperi, vini, ac aquæ cujusdam analepticæ, apoplecticæ, aut alia aromatica volatilia sulphurea, blandis alcalibus ditata, imprimis conveniunt: Hæc enim sanguinem tenuem fluidumque reddunt, adeoque promovere motum circulatorium & fermentationem sanguinis, madorem excitant, & cruditates corrigunt; unde & sinapi vel eruca senibus ad præservationem apoplexiæ sunt utilissima. Ubi adest defectus spirituum, præter alimenta accedat simul hic moderatus atque cautus ambratorum, aliorumque generosorum & spirituosorum usus, quorum virtute fulciantur; non verò ex nimia fusione sanguinis, & spirituum repentina dissipatione hi prosternantur, vel ex nimia spirituum agitatione per generosa, & subsequente fixatione narcotica, functiones omnino aboleantur; in specie simplex ambræ

essentia optime convenit: alia ætati non convenit, quia habet vim inebriativam, unde prima fronte spirituum vigorem intendit, sed crebriori abusu stupidos reddit: Testantur hoc ii, qui sæpe ea pro memoria confortanda usi, & stupidi facti sunt; potius ad spiritus torpidos immobiles spiritus cerasorum, liliorum convallium, &c. cum essentia salviæ, liliorum convallium, cherefolii, &c. spiritus rosarum ambratus, aliaque, sed modice, adhibenda sunt. Contra senum appetitum prostratum spiritus intendendo, contra ructus & flatus, tormina, &c. Ambra singulare stomachicum est, senibus decrepitis convenientissimum. Somnus etiam proficue est. Quando autem non bene possunt dormire, caveant sibi ab opiat, quia non ferre possunt sine insigni virium prostratione; potius post partum spirituosas volatilia in hoc casu conveniunt, ut Vinum generosum, aqua apoplectica, spiritus vini, elixyr vitæ, &c. quæ promovere digestionem, & ad somnum blandum disponunt.

PARS THERAPEUTICA.

C V I.

Propter Materiæ similitudinem & evitandas repetitiones, harmonice connexum est

COLLEGIUM THERAPEUTICUM, brevis ante obitum B. Autoris habitum.

C A P U T I.

D E

METHODO MEDENDI IN GENERE.

Et ita quidem Sanitatem conservandi, & morbos præcavendi, rationem docet Hygiene, legitimam verò curandi morbos rationem, cum inventione selectæ materiæ Medicæ, & hujus præscribendis optimis Formulis, docet Pars Therapeutica, Latine Curatrix, quæ primaria Medicinæ pars est, tractat scilicet de Mediis, mediantibus quibus Medicus finem suum in subiecto assequitur, dum legitima agendorum notitia seu Methodo Medendi instruitur, salubriter ægris prospicit. Tribus Capitibus absolvitur:

1. Generali Methodo Medendi.
2. Speciali causarum & symptomatum Curatione; &
3. Debita Prognosi, qua cognoscat Medicus, an possit sanitatem restituere, nec ne?

Curat autem Medicus, dum rite novit medicamenta & eorum applicationem pro curandis morbis. Notitia hæc curandi per medicamenta & eorum applicationem vulgo *Medendi Methodus* vocarisolet, & innuit artem, cujus ope Medicus auxilia invenit, eaque legitime applicat pro sanandis morbis. Revera autem *Methodus* hæc *Medendi* consistit in *judicio Medici Practico*, fundato super *judicium ejus Theoreticum*, i. e. in accurata evolutione Causarum morbosarum, & inventionem causatorum seu effectuum morbosorum, ac deinceps quoque artificiosa applicatione mediorum ad causas evolutas, pro tollendis morbis & obtinendo fine, nempe Sanitate. Theoreticum in Pathologo viget, Practicum verò in Therapeuta. Judicium verò hoc rationale, memoriæ contradistinctum, proximè in notitia œconomiae animalis seu microcosmi particularis, quam suppeditat Anatomiae studium, remotè verò in historiae universæ naturæ seu Macrocosmi cognitione fundatum est: unde sicut ratione hujus naturæ Analysta Chymia seu Pyrotechnia, quæ clavis est, totam naturam referare valens, dum ad adyta ejus abditissimasque causas viam sternit; ita ratione illius, ut dictum, exacta notitia Anatomies, Medico necessaria sunt: nisi enim omnia tria regna exactè cognoverit, nunquam cognoscet remedium vim & applicationem legitimare; & nisi sciat functiones partium naturales, quæ fiunt & lædantur, nescit etiam, quomodo corrigendæ sunt: quæ notitia revera sagacem & prudentem Medicum requirit, artem verò ejus conjecturalem quidem, non tamen superficiale aut temerariam, sed fundamentalem & accuratam constituit. Hinc ex horum, nempe *judicii Theoretici* & *Practici*,

diversimodè super cognitione Oeconomiae animalis & naturæ universæ fundatorum; diversitate diversæ & variæ Medicorum oriuntur hypotheses, tam in Theoria quàm Praxi.

Nam prout Medicus ex aliis fundamentis in Theoria suam dirigit Praxin Medicam, etiam variæ hypotheses oriuntur, remotè ex diversitate *judicii Theoretici*, proximè ex *Practici*; unde, prout hypotheses Medicorum & *judicia* variant, etiam variat *Methodus medendi*, & *judicium Medici Practicum*: Hinc alia est *Galenica*, ejusque asseclati, alia *Paracelsica*, alia *Poteriana*, alia *Helmontiana*, &c. Nulla tamen hypothesi Practica facile multò minus penitus, rejicienda est in praxi, cum quælibet alleget rem facti, & certa quædam habeat experimenta, circa universam naturam & œconomiam animale[m] petita; ratione saltem modi applicandi differunt.

Historiis ergo his non omnis fides est abneganda, causæ saltem & modi, quibus phaenomena talia applicantur, non nisi limitatè admittenda sunt, circa quæ omnis occupatur difficultas.

Consistit autem hæc discrepantia in diversa applicandi ratione & causarum diversitate, qua, ut dictum, rem facti sapiunt, i. e. experientiam historiis & observationibus naturæ innixam; propterea etiam ea, quæ sunt desumpta ab experientia, amplectenda veniunt; applicatio saltem horum omnium ad causas cum limitatione varianda est. Atque ex hoc fundamento est, quod non semper remedium idem, licet optimum, eundem habeat effectum, sed diversos sortiatur; non enim eadem methodo seu *judicio* applicatur. Accidit itaque hoc aut ob *judicii* aut *methodi medendi* errorem, & neglectum, præmittendis non rite præmissis. Prout ergo fundamentum variat in historia naturali & œconomia animali Theoreticum, ita variat etiam fundamentum *judicii Practicum*.

Dum verò superius methodum hanc in *judicio Medici Practico*, super *judicium ejus Theoreticum* fundato, consistere dixi, eo ipso non exclusam volo imaginationem, quæ ejus anima est, & cum *judicio practico* necessariò jungi debet, ob diversitatem nempe casuum in Praxi occurrentium, cum imaginatio in his enucleandis non parum cum *judicio Practico* necessariò conspirare debeat. Hinc est, quod re-
de JANUSHUARTUS in *Scrutin Ingen. cap. 15. p. 408.* eruditè docet, potissimum requiri in Medico Theoretico cum *judicio Memoriam*, in *Practico* verò *imaginationem*,
atque

atque simul causam pag. 417. adfert, cur sæpe optimi Theoretici mali tamen sint Practici, & contra optimi Practici sint mali Theoretici.

Ex quibus dictis sponte patet decisio controversiæ; an magis Judicium, an Memoria, in Medico practico requiratur, quia Experientia est res memoriæ? Respondeo: Memoria non est infinita, Casus verò morborum ob cuiuslibet subiecti humani idiosyncrasiam simpliciter infiniti sunt: cum ergo infinitæ circumstantiæ observabiles sint, Memoria Medico non satisfacit. Unde & propter casuum in Praxi varietatem, & circumstantiarum inextricabiles nodos, morborumque novorum subinde, ex accrescente hominum luxuria, & contagiorum connexu vario, proventum, iudiciosus magis quàm memoria præditus, consulendus Medicus, quatenus hic non nisi visa ac audita, ille planè nova, mentis acie, penetrare valet. Judicium enim nobilitat, Memoria verò perficit Medicum.

Quæritur; an Medicus veteranus expertus, sit præferendus Juveni erudito? Respondeo, distinguendo affectus practicos occurrentes, in quibus Medici cuiusdam necessitas, requiritur: Si morbi enim sunt ordinarii seu familiares, epidemici, endemii, & nobis aliàs obviis, reverà Memoria excellit in Medico, quæ quotidie ferè his occupata, hinc horum faciliat curam; In his ergo veteranus ob experientiam reverà juniori præferendus est. Verùm in casibus dubiis, intricatis, & non adeò obviis affectibus, ubi iudicio opus, ibi Medicus junior longè præferendus inveterato Practico, quia cum iudicio curat, quod plus præstat, quàm Memoria. In Medico juvene enim præsupponitur acumen iudicii, & quod in omnibus affectuum causis & circumstantiis ex se se gerat; in Veterano autem experientia, quæ nempe est multarum rerum seu casuum & circumstantiarum à se observatarum memoria: Hinc quoque magis ope memoriæ, quàm iudicii curat, & simpliciter ex Analogismo procedet, & novos affectus ad hunc ignotum reducet, quamvis interdum satis empiricè; Medicus verò junior iudicio omnia præponderans, rationem morborum, causas & curam magis circumspicere aggreditur; unde in his omnino & rectè seniori junior præferendus.

Est equidem Natura morborum medicatrix, Minister etiam ejusdem Medicus, teste HIPPOCRATE in *Epidem. l. 6. Sect. 5.* contra quam aliàs conservandam, & non destruendam, non agere debet aut potest.

Sed quid natura Medicatrix sit? investigandum est: Nempe optimè respondent, qui in genere & non ineptè eam definiunt, & dicunt; eam esse causarum complexionem naturaliter ad conservationem œconomiae animalis conspirantium; vel quod natura sit nexus & ordo causarum, corporis nostri œconomiam constituentium & conservantium, sub prima efformatione ita statutarum, ut ejus connexiones necessariae, & inde effectus ad corporis conservationem necessarij, continuo se invicem subsequantur. Dum itaque dico, esse eam ordinem & nexum quandam, præsuppono subordinationem quandam causarum, quarum aliæ principales seu primariæ, aliæ secundariæ seu minus principales sunt.

Juxta hanc, tanquam normam, Medicus dirigit legitimam curationem, respiciendo in ordinem ad causam primariam, in qua eminent spiritus, sicut fundamentum hujus naturæ medicatricis consistit primariò in fermentatione sanguinis naturali & vitali: adeoque, concedentibus omnibus, non consistit natura morborum medicatrix in partibus solidis externis, nec in visceribus seu partibus solidis; quippe quarum usus non communis, sed quæ tanquam instrumenta particularibus saltem functionibus, in œconomia animali obeundis, inserviunt; potius in contentis seu fluidis corporis inquirendum est, quorum usus & functio ad conservationem totius seu ad universum corpus se extendit. Inter contenta autem sunt quædam humorosa, quædam spiritiosa, seu quædam humores, quædam spiritus. Causam igitur primam formalem sub nomine naturæ concipio spiritum, impetum illud faciens HIPPOCRATIS, tam influum quàm insitum; ita tamen ut influus primitus sit considerandus; adeoque formaliter & proximè in spiritibus, fundamentaliter verò in sanguine ejusque motu fermentativo & intestino (per motum enim agunt) ejus instrumenta sunt Acidum & Alkali, volatilia tamen; quod itaque inquirendum ulterius est: vid. HARVÆUS *Exercit. de Generat. Animalium*.

Hæc fermentatio nempe præsupponit digestionem præviam fermentativam, seu primam in stomacho & intestinis, hinc alteram in chylosi, alteram in hæmatosi, in quibus

Ermuler. Oper. Tom. I.

rectè se habentibus consistit generatio spirituum: hinc prout se habet sanguis, ejusque crasis, & inde dependens salina fermentatio, corpus est firmum, vel imbecille; vel longævum vel brevis vitæ.

Natura ergo, dum corpus nostrum per alimenta nutrit & conservat, horum abusu dum quoque morbos excitat, pro horum ablatione iterum, dum medicamenta invenit, applicat, & actuat, sicque per hæc pristinam sanitatem corpori restituit; hæc nihil aliud sunt, quàm mutationes corporis nostri, primariò à spiritibus procedentes, nunc quidem immediatè, nunc verò mediatè, mediantibus scilicet humoribus, in quibus duo naturæ æquæ & artis instrumenta, Alkali & Acidum volatilia, primatum obtrinent, & quidem respectu humorum horum motus, tam progressivi quàm fermentativi, quamvis Alkali purè passivè saltem se habeat, acidum verò activè. In horum ergo proportionem & symmetria debita omnis sanitatis & euphoricæ punctum consistit naturalis; sicut è contrà in eorundem ametria & læsa proportionem, in specie Acidum, omnis dysphoricæ & morborum origo consistit. Adeoque Medicus, dum naturæ ministerium agit, intentus saltem sit, quo spirituum integritatem fartam testamque conservet, hincque Acidum & Alkali in debita quoque symmetria retineat: quibus ritè observatis, naturæ debito modo & rectè succurrit. De cautionibus & animadversionibus continentibus, quæ Medici, quæ Medici, officii sunt, vid. BONE TI *Pharos Med. pag. 1.*

Sed observetur hic in puncto medicationis morborum triplex naturæ status ab HELMONTIO *Tractatu Ignotus Hospes Morbus §. 89. item Tract. Catarrhi Delirium §. 1.* inculcatus, naturæ scilicet stantis, sedentis seu morbosæ, & jacentis. Natura stans adhuc quidem est valida, ad morbos tamen jam proximè inclinatur: Natura sedens est, quando vi morbi labefacta, non tamen succumbens, collecto suo robore, denuò possit surgere: Jacens est, quæ vi morbi ita est prostrata, ut de se ipsa surgere nequeat. In casibus igitur, in quibus natura sponte resurgere valet, HIPPOCRATIS hoc effatum consistere dicit. Natura enim stans non opus habet Medico; in sedente solus est Minister, Naturam adjuvans & imitans; sed in tertio prostratæ Naturæ statu Medicus non amplius Minister, sed potius ejus est Patronus & Rector, eam denuò erigens, & in libertatem vindicans: quod ipsum non nisi adeptis, majoribus medendi arcanis & nobilioribus medicamentis instructis, concessum est.

Nobis autem in defectu horum sufficiat, stanti & sedenti per nota medicamenta succurrere. Munere hoc fungitur Medicus, dum legitima Agendorum notitia seu methodo medendi instructus auxilia seu media invenit, eaque legitimè applicat pro sanandis morbis. In omni namque auxilio duo consideranda:

1. Materia seu ipsius medium in se; &

2. Formale seu legitima usurpandi ratio, quæ pro varietate circumstantiarum multis admodum modis variat.

Legitimè autem sanat morbum Medicus, qui tres hæc conditiones seu legitimas curationis normas observat; nempe ut citò, tutò, & jucundè curet. Citò scilicet ratione temporis & citra moram, ut, quantum possibile est, ægrum relevet, avaritiam deponat, ne spe lucri protrahat, sed in tempore præscindat morbum, timiditatem deponat, ne negligat nobiliora medicamenta, nec tumidus sit in propria jactantia, aut etiam morbi contemptu, cum apparenter levis plus in recessu habeat. Secundò curet tutò ratione eventus, citra recidivæ aut alius cuiusdam majoris periculi metum, vel ratione morbi præsentis, vel futuri: Ratione præsentis, ut eum sine recidiva profliget; ratione futuri, ne curando leviolem, inducat graviolem; e.g. quando quidam curant febres intermittentes, & excitant hecticam. Tertiò jucundè curet ratione modi, & sine medicamentis ingratis, ut cum nulla, quantum fieri potest, ægri eveniat molestia molestia; enim est affectus sensuum: vid. VVALÆUS *Metb. Medendi pag. 7.* Faciet hæc Medicus imitando legitimam functionum quarumvis naturalem rationem, temperatis imprimis insistentibus remediis.

Pro primo scopo curare, non suppressere, debet morbos, nec naturæ motum hoc ipso sufflammet. In hoc imprimis errare potest per usum nimium aut sæpius repetitum opiatorum. Igitur hisce non nisi circumspicere utatur, quoniam hæc medicamina morbos quidem suppressunt, raro curant. Secundò tutò curat, si morbum penitus eradicet, seu radicaliter evellat, ne recidiva gravior succrescat, aut urgeat aliquando, de quibus videatur HIPPOCRATES *Sect. 2. apbor. 12.* Alias enim palliare morbos, & symptomata tan-

tum mitigare, est non curare, sed ægrum decipere. *Tertio* jucundè curat, quando remedia sensibus grata, quantum quoque possibile est; exhibet; saporis scilicet seu gustui & odorati Pharmaceutica, quæ sine nausea æger assumere possit, tactui verò chirurgica applicat.

In hisce ergo, ut rectè se gerat Medicus, præcognoscat, quantum fieri potest, morbum sui ægri, sensuum beneficio, per visum nempe, auditum, & tactum; reliqui sensus exulant, mediante triplici symptomatum genere.

I. Visum quod attinet, ille attendit ad *habitum & positum* corporis integri rectum, vel partes, an sit in statu adhuc erecto? an verò parum decumbat? dein, an decubitus sit quietus vel inquietus? si posterius, an plus minus se jectiget? *Jedigatio enim corporis nunquam bonum signum est; anxietatem* nempe ventriculi seu præcordiorum, item hypochondriorum, plus minus gravem portendit, quæ anxietates pedissequàm sæpè conjunctam habent malignitatem. Uterius attendat, si *quietus*, an nonnihil extensus corpore jaceat? an verò crebrò lacertis convolutis ad pedes devolvatur? quod posterius signum est facultatis animalis affectæ, & deficientium spirituum animalium, qui corpus sufficienter sustinere nequeunt: quò autem magis extensus est æger, eo melior est status morbi. Dein visu quoque, Medicus habitum faciei cognoscat, an vegeta adhuc vel collapsa sit, nec ne? *Collabescencia* enim, & quidem subitanea, non semper colliquationem humorum contentorum, sed elasticæ virtutis defectum seu insufficientiam influentium spirituum, musculos in tono naturali non servantium, eorumque fibras sufficienter instantium & contrahentium, indigitat; hinc indicium deficientis quoque virtutis elasticæ spirituum. Occurrunt præterea sæpius *tempora excavata, nasus acutus genæ exesæ*, &c. ex quibus omnibus simul apparentibus *facies Hippocratica* dicta demum colligitur & emergit. Denique visus indicat rationem urinæ; inservit enim ejus notitia, ut per hanc in morbis acutis cognoscat coctionis conditionem, aut cruditatis humorum in massa sanguinea; in chronicis verò affectibus conditiones digestionis primæ in ventriculo & intestinis, ac sanguificationis plus minus vitiatæ, rationes erueret valeat.

II. *Auditum* percipiat ægri vel adstantium, de statu morbi interrogatorum. *Responsa* ad Quæsitæ, secundum HIPPOCRATEM *de Affect. Thesi* 36. instituenda: *Cum ad ægrum deveneris interrogare oportet, quæ patiatur? & ex qua causa? & quot jam diebus? & an venter secedat? & quo victu utatur?* Ad quinarium hujus primum punctum, seu *quæ patiatur*, notetur, ordinariè urgentia magis symptomata sæpissime indigitari ab ægris, à quibus tanquam notis, ad morbum tanquam ignotum, Medicus debet per rationem concludere, sicque facile ex urgentibus de morbi natura judicare potest. Ad secundum, seu *ex qua causa?* Medicus intelligere & investigare debet, causas non-naturales externas, remotas dictas, ut & Temperamentum, sexum, ætatem, victum, tempus anni, &c. easque considerare debet. Ad tertium, *quot jam diebus?* hunc in finem, ut maximè in morbis acutis tempora morborum generalia, & in specie statum morbi possit investigare, an sit remotus, vel propinquus? an etiam crisis citius vel tardius sit expectanda? sicque universalibus præmissis præcaveri queat. Ad quartum, *an venter secedat?* Notum enim est, maximum sanitatis punctum consistere in digestionem primam, cum ex hac vitiata omnes ferè morbi certo respectu suam habeant originem, imprimis vitioso hujus Acido; quibus omnibus excreta per alvum respondent, an digesta vel non sint; hincque judicium de vitiatis humoribus, vel biliosis vel aliis, in qualitate, quantitate & motu peccantibus, suggerunt. Quod si autem excreta laudabilia sint, docet hoc, digestionem in ventriculo, chylique in intestinis rejectis fæcibus perfectionem, legitime adhuc procedere, functionesque adeò principes sibi adhuc constare. Ad quintum denique, seu *quo victu utatur?* an Appetitus sit prostratus vel plus minus adhuc constet & supersit, & ad quæ feratur? Quousque enim adhuc comedere & bibere, hinc etiam adhuc digerere aliquo modo valet æger, cæteris tamen paribus, bonum signum est. Judicium enim sic fieri potest de statu fermenti digestivi incolumi, hincque nutritionis bonæ; ex quibus facile fieri potest augurium, vires ex assumptis adhuc reparatum iri, & unde materia sit derivanda?

III. *Tactu* demum debet investigare Medicus conditiones corporis ægri, secundum qualitates primas vulgò dictas & secundas, an nempe plus minusve æger caleat vel frigeat? Dein habitum corporis externum, an plus vel minus mollis, humida, & ob pororum raritatem perspirabilis cutis

sit? hæc enim si arida, malum signum est; mollis, tenera, rara, humida, &c. è contrà bonum est: arida enim; squalida, rugosa, & fibris strictis hispida cutis, fibrarum spasmodicum affectum, seu poros clausos & adstrictionem fibrarum, vel defectum roris nutritii vi exhausti, sicque viam excernendi morbum vel per diuresin, vel diaphoresin, interclusam indigitat; uti è contrà indicium perspirabilitatis perstantis, tonum fibrarum & nervosi generis, hinc stantem adhuc naturam, & salutem denique futuram, certò promittit. Porro Tactu inquirat & explorat pulsus, intentum vel languidum, & ex hoc cognoscit statum sanguinis fermentantis, & dein spirituum moventium cordis musculum quantitatem majorem minoremve; ex hujus enim pulsus robore spirituum animalium robur quoque cognoscendum est. Denique *hypochondria* manibus tangat Medicus, an tensa? an suspensa; an dura? an verò mollia? an tenera & tractabilia, & facile Tactui cedentia sint? an contrà? Si enim mollia, &c. sint, bonæ constitutionis viscerum abdominis signum est; si verò dura, &c. innuit causam morificam affligere hypochondria horumque viscera contenta, & sæpè ventriculi dolorem, difficilem respirationem, & spasmodum omen conjunctum habet, hinc frigus vel spasmus & anxietas præcordiorum subest; viscerum quoque tumorem, vel vitiatam in ventriculo digestionem ciborum indicat, vel etiam flatum: Quæ omnia membranas intestinorum & abdominis sapore peregrino affici & irritari supponunt, quæ sese contrahendo dolorem & tumorem excitent: quò magis verò mollia sunt, & tactui cedunt, eo meliorem horum statum indicant, melioremque spem promittunt.

His igitur præcognitis, nunc ad opus se accingit, dextrè invenit & legitime applicat remedia Medicus, hoc est, non solum, quid ipsi agendum sit pro cura, sed etiam legitimum administrandi modum, in circumstantiis externis fundatum, subinde observando EPIPHANII FERDINANDI effatum; inviolabili lege observandum esse, ut quandoque à remediis abstineamus: *nam interdum optimam esse Medicinam nulla uti Medicina*. Interdum enim sit præprimis in chronicis affectibus, ut natura medicamentorum farragine magis obruatur, hæcque nullum vel contrarium sortiantur effectum. In hisce igitur casibus nullo potius utendum est remedio; sicque interdum Medici munus non minus est amovere, quàm admoveere aut promovere medicamenta: quod EPIPHANIUS FERDINANDUS in *Hist. Medica* 54. pag. 168. illustrat exemplo quodam per ægrum nephriticum, qui per 10. dies variis vexatus remediis, externè & internè hæc omnia, natura reluctantè, elusit; his autem nihil proficientibus, & induciis naturæ à Medico per octiduum datis, intermissisque medicamentis; in sequenti die plures calculos natura sua sponte exturbavit, quod medicamenta antea non potuerunt præstare, sed irritando continuo fibras motrices corrugarunt, hinc spasmos excitarunt, quibus remissis, natura sensim ad se rediens morbum aut materiam contentam excrevit & exturbavit. Probatur id ulterius exemplo febrium intermittentium, in quibus ante paroxysmum exhibitæ specifica hanc exasperant, quatenus materiam peccantem, inque primis viis stabulantem, irritant, sed insequentes absque ullo adhibito remedio antipyretico remittere faciunt: vid. ZACUTUS LUSITANUS lib. 2. *Præceos Admir. Observat.* 81. Unde rectè BOREL-LUS inquit *Centur. 3. Observat.* 55. *Medicus non minus est, qui remedia ægris admoveere, quàm qui utiliter amovere scit.*

Medici curandi inveniuntur tribus modis; *Ratione, Experientia; & Analogismo*: vid. WALÆUS *Methodo Medendi* pag. 28. seqq. Hisce enim materiam auxiliorum, per indicationem indigatorum, invenit Medicus. Nempe

1. *Per Rationem*, in Philosophia naturali & Oeconomia animali fundatam, quando nempe Medicus ex cognitione morbi, ejusque causæ, rationem à priori potest demonstrare; & hoc vocatur aliàs Indicatio.
2. *Per Experientiam*, in aliquot æqualibus exemplis jam olim observatis fundatam, qua ratione medicamenta, specifica dicta, quorum agendi ratio à priori non potest adeò exactè demonstrari, in usu vocantur.
3. *Per Analogismum*, in similitudine affectus unius cum altero cognito fundatam, unde medicamenta affectui cognito appropriata applicantur etiam in affectu

Et altero incognito, priori tamen simili: id quod imprimis in novis aliisque incognitis affectibus usu venit.

In his tribus inveniendi auxilia mediis, per Indicationem indigitatis, quasi modus argumentationis syllogisticae, nunc perfectae nunc imperfectae, occurrit. Medium Argumentationis desumptum à ratione est Indicatio, & dat syllogismum perfectum: e. g. Pono quendam laborare Pleuritide, ubi aliquis Medicus cognoscit, causam esse Coagulationem sanguinis; hinc invenit salia volatilia, congruatum sanguinem solventia, & per sudorem expellantia, per sequentem syllogismum:

Quicquid potest destruere Acidum, sanguinem grumosum reddens, curat Pleuritidem:

Talia sunt salia volatilia:

Ergo salia volatilia curant Pleuritidem.

Medium ab exemplis pluribus aequalibus est Experientia seu Empiria, & dat inductionem: e. g. Ponam Quartanarium curaturum, ubi ita argumentor:

Quia Petrus, Paulus &c. laborans Quartana, China-Chinae curatus fuit:

Ergo & hic per eam curabitur.

Quod si Medium sumatur ab alio effectu simili, fit Analogismus, & est argumentandi forma, quae vocatur Exemplum: v. gr. Si quis laborat scabie ferina cum ulceribus variis, doloribus nocturnis, aliquo modo conveniunt cum Lue Venerea, & ita argumentor:

Mercurius in Lue Venerea mira facit per salivationem: Ergo & in scabie.

Ex his *Experientia*, cujus respectu Medicus denominatur *Experientissimus*, primatum obtinet, *dilucidata* imprimis *per rationem*. Communiter quidem soli rationi indicationis fundamentum tribuitur, sed perperam: Nam à Juvantibus & Nocentibus indicatum Rationis per Experientiam procedit. Verum ratio sola sine Experientia, hoc est, cognitione per sensus, est nulla vel caeca, & in plurimis rebus naturalibus obscurissima ac intricatissima, & impossibilis, ut omnium remediorum in Praxi rationem à priori semper demonstret Medicus. Nil quippe est in intellectu, quod non prius fuerit in sensibus: nam omnis ratio in rebus naturalibus sensuum necessario praesupponit observationem; sensus autem observari suggerunt memoriam, plurium nempe effectuum observatorum, ex eadem causa productorum, quae tandem inducit Experimentum; adeoque Experientia primum medium est inveniendi auxilium, unumque experimentum circumscriptum praestat 100. rationibus, saepe falsis hypothesebus superstructis. Rationis enim fundamentum est indagatio morborum, causarum evolutio, & effectuum mutua consecutio, tam in natura universali in genere, quam in oeconomia animali in specie, quae omnia cum fiendi modo perspecta habere debet Medicus. E. g. aeger quidam brachii inflammatione cum insigni dolore laborat; Medicus ex ratione causarum naturalium invenit remedia, dum novit & cognoscit ex ratione aestum & ruborem ab Acido volatili procedere; ex hoc concludit, & sic invenit facile aliquod remedium, Alkali nempe fixum, quod talem affectum possit curare, e. g. aqua calcis vivae seu benedicta Chirurgorum, à cujus Alkali Acidum destruitur, quod hic peccat; cum hæc egregie refrigerare, aestum & ruborem compescere, & sic inflammationem sistere Medico videatur: Item Unguenta saturnina quaelibet ratione texturæ suae absorbere Acida acuta & pungentia, Medicus novit per rationem; ergo hæc inventa applicat, tam in forma sicca, quam humida, pro ardoris istius extinctione. Sicut igitur experientia fundamentum est rationis, ita omnis experientia per Rationem est illustranda, quae huiusmodi ad usum transferenda: Experientia quippe alias nuda sine manu ductore ratione esset temeraria, imò periculosa, egetque, ut Ratiociniis causae ejus dilucidentur. Hinc omnis specificorum remediorum, quae HELMONTIO *Appropriata* dicuntur, efficacia, casu ut plurimum inventa, per experientiam confirmata & hinc per rationis scrutinium, quantum fieri potest, illustrata fuit. In praxi saepius experimur, quod vetulae in Pharmacia & Chirurgia euphoritis curent alias incurabilia, quae appropriatorum ratio est: v. g. Icterus est morbus, si quis alius, contumax, si illegitimè tractetur; interim tamen Chelidonium majus mira facit, quanquam ratio à priori dari non possit; Amara quidem est planta, attamen caetera & huic similia Amara, ut Absinthium, &c. idem non faciunt, ut ut similiter sint Amara, ac Chelidonium. Sic in fractura ossis cujusdam Medicus per experientiam diuturnam edo-

ctus novit lapidem osteocollae conducere, & esse ideò propinandum ad calli materiae generationem: vid. SCHROEDERUS *Pharmac. lib. 3. pag. 347*. Sic in hæmorrhoidibus dolentibus per experientiam notam, scrophulariam interne praescribit, externe autem radicem fabariae de collo suspendendam: vel si laborat mulier epilepsia Chronica & habituali, viscum propinat Medicus corylinum; novit enim per experientiam hoc remedium saepius conduxisse in hisce casibus: & sic in aliis morbis alia quoque auxilia esse & convenire concludit.

Equidem Experimenta & ipsa Specifica, in omnibus subjectis eandem vim nullo modo semper habere possunt, quin interdum & ipsa sint frustranea, idque propter idiosyncrasiam uniuscujusque individui specialem, nunc seminalem, nunc adventitiam, propter quam necessario habitudo seu respectus, quem habet remedium tanquam agens, ad corpus ægrum tanquam patiens, variat. Simili negotium illustro: Pulvis jalappae ad ʒj. hunc copiosè, illum interdum planè non purgat, utut 100. alios purgaverit. Exinde tamen hujusmodi experimenta specifica statim tanquam nulla plane rejicere, insulsum est: nam in rebus talibus contingentibus ea, quae ut plurimum ita fiunt, necessarii effectus locum obtinent.

Exinde exsurgit *Methodus Dogmatica*, & *Empirica*: Hæc Experientiis nititur, & est duplex, vel *Rationalis* seu circumspecta, vel *audax* seu temeraria, fortuita, casualis, &c. Empiria rationalis seu circumspecta est, quae experimenta quaecunque trutinat, considerat nocentia, & juvantia, & quatenus possibile, ad oeconomiam naturalem trahit: & hæc Empiria laudatur; semper nempe necesse est, ut omnis Medicus propter primatum experientiae non nihil sit Empiricus in Praxi Empiria strictè sic dicta temeraria, vel audax est, quae fit inconsulto sine circumspeditione circumstantiarum, quae nullatenus concedenda. Prior seu Rationalis has tres conditiones habet:

1. Ut fundata sit super plures observationes; & quidè quæ
2. Sint ejusdem rei; &
3. Eodem modo saepius factæ.

Sic namque ex sensu fit ac oritur memoria, & ex multis memoriis pluries observatis experimentum, cujus causas post repetitas continuò applicationes indagat Ratio.

Experientiae ergo insistere debet Medicus, cui supervenit ratio, quae ex antecedentibus & consequentibus causas scrutari nititur, aut si nequit, ex observationibus crebrius eodem modo factis limitat experimenti usum, sicque discit legitimam in ægro applicationem. Conf. ARISTOTELES *1.2. post Analytica*, & GALENUS *de subfigur. Empiricorum*. Medicum superius dixi aliquando; imò saepius agere Empiricum in Praxi necesse est:

1. Quia non est absolute necessarium, ut suarum rerum semper reddat rationem.
2. Neque semper hoc est possibile: vid. BOYLE *Tentam. Physiol. Proem. pag. 14. & 15*.

Sic enim nauta mediante saepe acu magnetica debite dirigit navem ad portum, licet nesciat præparationem acus, & rationem motus, ac cur septentrionem petat? seu quomodo ea versus polum vergat? Pari ratione, sicut aurifaber purgat optime aurum fusione cum & per antimonium, amalgamat cum Mercurio, solvit per aquam regiam; quorum omnem tamen rationem seu causam Physicam reddere non semper valet, aut nescit: sic Medicus per experientiam saepius observatam propinat feliciter sic dicta specifica, quae per experimenta rationabilia quidem cognovit; horum tamen evidentem rationem à priori reddere nequit, aut dare nescit, quod multis aliis quoque non semper est possibile, imò saepius plane impossibile, modo conducant & convenient seu prosint ægris; multa enim in rerum natura à posteriori tantum adeoque notitia imperfecta cognoscimus. Sed experientia hæc & Empiria debet esse sana. Interim tamen Medicus in Praxi nec sit timidus in casibus manifestis, nec tamen etiam sit nimis timidus in casibus dubiis, nec unquam quoque ægrum Prognostico is relinquat, praesertim in acutis morbis; variant enim saepius circumstantiae, casus, multaeque alia, quae Indicationem simul limitant.

De Chronicis ergo equidem liberius, de acutis autem morbis non, nisi cautè, debent fieri Prognoses: hinc HIPPOCRATIS *Aphor. 19. Sect. 2. observandus: Morborum acutorum non omnino certæ sunt prædictiones, neque mortis, neque salutis*. Interdum hinc accidit, aut remedio quodam vulgari curetur æger, quem effectum ipsi non tribuisset Medicus: aut à se derelicto naturæ virtus & robur ex insperato saepe redit, morbumque repellit, quod pro impossibili per plura vi-

debatur Medico. Ergò non statim despondeat animum, si effectus non semper respondeat votis.

Quæritur quid in Praxi de *Fortuna Medici* sit habendum? Respondeo, distinguendo inter Consilium, Fortunam, & Casum. Consilium in Medico semper sit præstò, tam Theoreticum quam Practicum. Fortuna exulet à Medico, alias similis erit circumforaneo, cui ex improvise effectus supervenit; Fortuna enim est eventus accidentalis. Distinguat tamen inter Medicum Fortunatum & Felicem: Felix est, qui habet faustos eventus, à Medico quasi prævisos per legitimum rationes ductum: Fortunatus est, qui curat ægrum, sed sine ulla ratione, dum, quomodo medicamenta ita operata sint, nescit. *Felix* ergò sit *Medicus quoad eventum*, non *fortunatus*, cum ratio à Fortuna & casibus fortuitis longius absit. Interim & Casus non planè rejiciantur, cum & casu quidam interdum curentur, & imprimis multi insperati eventus eveniant, tam in mutationibus spontaneis morborum, quam per remedia; & etiam secundum CELSUM, sæpius miracula in Medicina fiant, in specie in acutis; ubi ægri quasi casu denuò convalescunt.

Casibus tamen, tanquam fundamento inniti nefas est, licet habeant suas etiam in natura causas, quas scrutari deum etiam debet Medicus. Sic Quartana laborans per aliquot menses, aliis multisque medicamentis irritis, multo recenti tempore autumnali laetitia indulgens, diarrhoea hinc excitata, curatur, & affectum molestum averruncat; quem casum imitari velle, temerarium esset, propter metum duplicaturæ. Sic mulier quædam diu malo ischiadico vexata, ac ægrè laborans, contraxit eo in loco bubonem, occasione luis Venereæ; facta autem bubonis apertione, à morbo etiam altero illa curata fuit: potest hinc Medicus quidem conjicere, fonticulos eo in casu fore proficuos; illi us autem ratione temerarium esset, suadere Ichiadico luum Veneream. Casus tamen hinc non semper negligendi sunt; habent enim suas causas in natura per indagationem ulteriorem illustrandas, quas tamen scrutari non semper est licitum; ex hoc enim casu concludi potest, Vesicatoria & Fonticulos in morbo Ischiadico non esse de nihilo, cum proficua ab aliis fuere observata. Omnium remedium inventio fuit casualis; v. g. in hydrophobia, quæ curatur per immersionem in aquam frigidam, quod remedium casu fuit inventum, quando nempe ex casu aliquis incidit in aquas; dein sæpius usurparunt. Sic v. g. in hydrope, quando umbilicus tumet & sponte rumpitur, aqua cum euphoria ægri evacuat, quod ipsum ars est imitata. De Fortuna Medicorum videatur elegantissima *Oratio DANIELIS MAJORIS in Academia Kiloniensi*.

Analogismus valet in tribus punctis, vel in Affectibus, vel in Parte affecta, vel in Remediis. (1.) In *Affectibus*, quando unus affectus est alteri similis ratione symptomatum, habitus morborum, & simillim circumstantiarum, quas habent inter se, ubi incognitus effectus curatur iisdem remediis, atque notus affectus. Sic scabies ferina olim curata fuit per inunctionem Mercurialem, & huic supervenientem salivationem. Jam verò cum nova lues, & superiorum memoria incognita, succresceret, Venerea seu Gallica dicta, suspicati sunt Medici ex Analogia, quæ ipsi cum scabie ferina intercedit, simillimum, h. e. Mercurialium applicationem fortè irritam haud fore. In morbo ergò Gallico ex Analogismo Medicus concludit, propter convenientiam, respectu pustularum, &c. ægro Mercurialia conducere, quod quoque factum. Sic æger torquetur & conqueritur de insigni æstuationis sensu circa præcordia, fluctuatione ventriculi seu motu, concurrentibus simul ructibus fervidis & sorda: Medicus hinc suspicatur & concludit ex Analogismo, adesse motum effervescentiæ præternaturalem, similem illi, qui fit aliàs ex aqua forti cum oleo terebinthinae seu spiritu vini & spiritu nitri rectificatis & invicem mixtis; Adeoque simili ratione ex Acido volatili acri, & concurrente oleoso viscido nidoroso, fieri talia concludit; compescit autem hæc optimè per Acidum absorbentia & infringentia, seu præcipitantia dicta, etiam novit. Propinat ergò cornu cervi ustum, lapillos cancrorum, corallia, cretam, saturnina. Quoniam verò imprimis observavit cretam omnium optimè hoc facere, cretam invenit per experientiam; hinc si eveniat, ut æger occurrat non dispari affectu laborans, & de sensu ardoris in orificio stomachi pari ratione conquerens, sine reliquis licet symptomatis, huic compescendo repetit idem auxilium, ipsique cretam propinat; per Analogismum, etiam concludit, esse etiam hic tale vel simile acre Acidum. ac in sorda aliàs reperibile est. (2.) In *Parte affecta*; si e. gr. quis læditur vel vulneratur in flexura cubiti, alius in flexura

genu, tunc Medicus ob Analogiam applicat ea remedia, quæ in cubito. (3.) In *Remediis*, si v. g. quis pro curanda diarrhoea vel dysenteria in defectu sorbi torminalis usurpat succum mespilorum, quia hi duo in pluribus valde conveniunt.

De cætero triplex quoad Remedia, quibus Curationes fiunt, est differentia: nam *Curatio* fit vel

1. *Per Generalia* saltem & Universalia; Evacuantia & Alterantia; quæ Methodus est communissima, & quod etiam *Sylvii Praxis* pertinet; vel
2. *Per Particularia* seu specifica cause aut affectui singulariter appropriata ac opposita, v. g. priapus cervi in dysenteria, chelidonium majus in ictero, viscus corylinus in Epilepsia; vel
3. *Per Arcana* seu sublimiora remedia, & quæ ad Panacææ fastigium plus minus assurgunt, quorum uno alterove pluribus & tantum non omnibus affectibus succurrere satagunt, dum simpliciter vires naturæ roborando, & ejus inordinationes sistendo, operari videntur.

Sed cum paucis hic liceat adire Corinthum, optima videtur medendi ratio, quæ post Generalia specificis seu appropriatis imprimis utitur.

De *Indicationibus* prolixi sunt Autores, quæ tamen inanes sunt nugæ; harumque primus pater fuit *CAPIVACCIUS*, qui de Indicationibus interdum Volumen conscripsit. Cum itaque ordinariè remedium Inventio consistat in Indicationibus, *Indicatio* hinc optimè definitur, quod sit *Ostensio Auxiliorum*, seu demonstratio Agendorum, in se nempe & absolute consideranda, unde hoc explicari potest tam respectu ægri, quam respectu Medici. Respectu Medici Indicatio est nihil aliud, quam Inventio Remedii in Medico, quo succurrit naturæ in curando affectum ex eo quod cognoscit per rectam rationem à priori, tale remedium hanc habere potentiam, ut tollat talem affectum: Respectu verò ægri, remedium perceptio dicitur. Sed res eorum recidit; uterque enim confert ad Agendorum rationem seu insinuationem, adeoque in omni Indicatione consideranda sunt tria:

1. *Indicans*.

2. *Indicatum*. &

3. *Respectus* inter hæc duo *mutuus*.

Scilicet id quod Medicum, seu Artificem, dirigit ut inveniat Remedium dicitur *Indicans*. Id verò quod Medico agendum seu dirigendum indicatur per tale Remedium, dicitur *Indicatum*. Respectus inter hæc mutuus seu nexus causalis inter Indicans & Indicatum dicitur *Indicatio*. Medicus ergò, naturali nixus ratione, perspicit hoc vel illud remedium hanc habere potentiam, ut satisfaciatur tali scopo, pro restituenda sanitate indicato. Indicatio hæc, ratione *Ostensionis* ab Indicante factæ, est duplex; vel *conservatoria* naturalis & status sani, & dicitur aliàs *Indicatio vitalis*, quæ facultates & vires integras respicit; vel est *Ablatoria* rei præternaturalis, nempe Morbi; naturam affligentis, ejusque œconomiam turbantis. Hæc, ratione trium rerum præternaturalium auferendarum, rursus, est triplex, vel ratione morbi, & dicitur *Indicatio curatoria*; vel causæ antecedentis morbosæ, & est *Indicatio præservatoria*; vel ratione symptomatum urgentium, & dicitur simpliciter *Indicatio symptomatica*: & totuplex etiam, Indicans & Indicatum, esse solet. Indicatur autem Medico Indicatio præservatoria, ut auferat morbi causam; Curatoria, quæ ratione curetur morbus; symptomatica, ut mitigentur & curentur symptomata. *Indicatum* porro dividitur in Quid agendum? & usum, seu in auxilii, materiale & formale. *Quid Medico agendum?* seu auxilii materiale, est ipsum medium seu auxilium indicatum: e. g. Si quis laborat efflorescentia cutanea in variolis, ibi Medicus applicat Sudorifera, & observat motum naturæ, qui fertur ad cutim, & excernit copiosa antea sanguini mista. Jam Medicus invenit Sudoriferum, ut promoveat excretionem à natura factam, quia per sudorem optimè purgatur massa sanguinea. *Usum* verò seu Auxilii Formale est legitima ejus usurpandi ratio, quæ pro circumstantiarum varietate multis admodum modis variat.

Fundamentum proximum, ex quo natura aut Medicus ex Indicante cognoscit Indicatum, est *Ratio fundata* tam in historia naturali, quam œconomia animali in genere, nunc in statu sano considerata, nunc quatenus reflectit à statu sano, & vocatur aliàs *Vitalis*; in specie tamen est fundamentum nexus istius formalis, vel respectus huius inter Indicans & Indicatum, quod remoto uno ponatur alterum, & posito uno removetur alterum. Medicus ergò per medium ratio-

nis, ex cursu causarum naturalium elicite invenit id, quod valet remove illud præternaturale, ut permaneat, vel restitatur in legitimum statum id, quod est naturale. Hoc alii explicant per usitatum illum canonem, quod *Contraria Contrariis curentur & similia similibus conserventur*: vid. HIPPOCRATES *Sect. 2. Aphor. 22.* & rectè quidem. De hoc autem canone sunt mille lites, quæ tamen sunt verbales, non reales, & in logomachiam terminantur, uti res ex sequentibus patebit. Vid. CÆSAR MAGATUS, qui de hoc *considerationes medicas elegantissimas* scripsit T. 1. P. 1. *Quæst. 2. 3. & 4.* est Italus, HARTMANNUS *Diff. Chym. 8.*, POTERIUS *de Febribus in genere*, & HELMONTIUS *in Tractatu, Natura Contrar. Nescia*, in specie §. 15. & *Tractatu, Ignota Actio Regiminis*, ubi nervosè hunc canonem rejicit. In eo quidem rectus HELMONTIUS est, quod neget Contraria dari per se, vel in natura esse, sed tantum per Accidens. Non enim strictè & formaliter Contraria, neque tantum opposita intelligenda, sed omnia ea, quæ tali se habent modo ad se invicem, ut in corporis nostri œconomia simul esse nequeant, & posito uno, alterum quacunque ex causa removeatur: qua ratione facilè hæc trita sententia conciliari potest cum iis, quæ habet HELMONTIUS *loco allegato*: omnis enim contrarietas est tantum respectu sensuum, & conceptus nostri. Verum est, in natura non dari propriè contrarietatem, nisi in regno animali propter affectus, in quo omnia subiecta habent sibi determinatas dotes, & affectus sibi invicem hostiliter repugnantes, v. g. invidiam, furorem, iram, &c. qui sunt ex necessitate causarum necessaria, sine formali, sed effectuali contrarietate.

Videmus equidem effectus, qui ex essentia rerum & debito causarum fluxu proveniunt, ut primitus res creatæ sunt, quæ contraria nobis videntur sed propriè non sunt; siquidem tales saltem sunt respectu sensuum & intellectus nostri, cum profluant ex debitis suis causis naturalibus & principiis seminalibus: Sic v. g. aqua & ignis sibi invicem contraria esse dicuntur, quod mutuam, ubi concurrunt, tentent destructionem, quia aquæ major quantitas extinguit ignem; formalis tamen hic contrarietas est nulla, sed accidentalis & effectiva, quatenus textura particularum aquæ ita primitus à Creatore formata est, ut ignearum motum interciperet apta sit; nam aqua habet sua Attributa, ex quibus fluit effectus, qui tollit motum particularum in igne. Sic frigus dicitur contrarium calori, non ex natura sua & mutuo odio invicem, sed quod saltem Attributum hoc ipsi competat respectu sensuum nostrorum, quatenus in his, ob particularum diversitatem, diversas quoque faciunt impressiones. Sic glacies & Mars candens sibi invicem videntur contraria, cum tamen utrumque Attributum ipsi accidentale sit, nempe Aquæ congelascentia, & ferro ignitio, quæ sibi invicem applicata in naturalem statum ambo redeunt; glacies liquefit in aquam, & mars frigescit seu extinguitur, & non amplius urit. Sed nullam in rebus naturalibus esse contrarietatem, ex illo HELMONTII rectè concludi potest: *Quicquid agunt corpora, ex seminalibus suis potentiis operantur.* Et in hoc sensu verus est HELMONTIUS, dum omnia sine dissidio ad se invicem corpora in natura conspirant ad conservationem huius universi; agunt enim, quæ agere iussa sunt à Creatore in primæva sui creatione, & successiva nunc generatione, quicquid etiam sit, vel sensibus nostris, obque motus eorum varios; vel simile vel dissimile videatur: atque in hoc sensu illud Axioma: *Contraria Contrariis curantur*, ruit, quod tamen aliter intelligimus; nullæ enim sunt lites in naturalibus. Interim tamen hi effectus non contrarii ita se possunt habere, ut posito uno, ponatur alterum, & contra; v. g. posito frigore, ponatur glacies: quæ contrarietas intelligatur non de formaliter, sed latè de effectivè Contrariis, quæ nempe actiones & effectus respectu nostræ cognitionis ad sensus nostros habere videntur, aut sibi contrarias habent, ita quidem ut posito uno, removeatur alterum, & remoto uno ponatur alterum, necesse est. Non ergo est Oppositio realis, sed consecutoria: sic spiritus salis armoniaci dicitur contrarius calculo, non quia eum pellit, si in paroxysmo usurpatur, sed quia relinquit contrarios effectus.

Et de talibus Contrariis, quæ ex necessitate naturali effectus necessarios relinquunt, Axiomata illa intelligenda sunt; nempe tantum effectivè. Rectè igitur dicit HELMONTIUS, Curationes Morborum non fieri per Contraria, sed per Appropriata seu Specifica, quæ conducunt, quatenus removeant causas, quibus sublati tollitur effectus, seu morbus. Ergo, dum propinantur remedia, quibus morbi

removeantur & quæ tollunt causas remotas, patet, hæc illis esse Contraria effectivè, & vice versa, effectum nempe contrarium & oppositum in nobis habent. Sic inter arsenicum (quod contrarium noxiumque observatur unicuique viventi corpori animali) & animal nulla est propriè dicta inimicitia, velut inter substantiam & substantiam, sed effectivè sibi tantum contrariantur, ut arsenicum bruti vel hominis destruat valetudinem, quibus tamen non minus est contrarium, quam auro; pro textura enim sua operatur in utrisque: hinc accidentalis est ista hostilitas respectu corporis nostri, & in hoc sensu effectivo potest dici contrarium, non in sensu formali, quod nempe ita constitutum sit in sua essentia. Sic par ratio est remediorum, quæ contraria videntur & dicuntur causis morbificis, & quidem hoc etiam effectivè, non verò formaliter.

Indicans est in genere illud, quod Medico ostendit Agenda, ut homini restituatur sanitas, quæ Agenda tam vitanda seu omittenda, quam usurpanda seu applicanda. Hoc autem facile & omnium optimè est & præstat ipsa natura, verè morborum medicatrix, quæ propriè & primariò sic dictum Indicans est, cuius minister tantum est Medicus, præservando & curando eam. Hæc enim fundata in spiritibus, & massa sanguinea ejusque crasi, totam ad se convertit medendi rationem. Hæc est internum principium, gubernans corporis œconomiam, inducens & sanans morbos: vid. *Dissertat. Medico-Chymica HARTMANNI §. 75. Poterius de Febribus lib. 2. cap. 4. Jonston. Ideæ Medic. Practicæ lib. 4. Tit. 1. pag. 187.* Natura ergo, quæ utitur mediis primariò indicabit, quid agendum sit Medico, tanquam Ministro seu Gubernatore, ut conserventur vires naturales per sibi similia in Indicatione Vitali seu Conservatoria, & curentur morbi, auferantur causæ, & placentur symptomata, per molestorum seu præternaturalium destructiva, aut Contraria, in Indicatione curatoria & ablatoria; hincque universam Medici curam ad se unice dirigit: sicut enim rectum est norma curvi, sic rectæ seu naturalis œconomix animalis notitia seu status monstrat Medico turbatum seu præternaturale reducere, & reductum conservare, cum semper unius constitutio alterius index sit. Omnia Attributa, quæ indicantibus tribuuntur, soli & uni naturæ ægri conveniunt.

Circumstantiæ verò ipsæ naturales, quæ ipsam Indicationem determinant, & nunc ad conservationem, nunc ad destructionem naturæ faciunt, secundaria dicuntur Indicantia, quæ à circumstantiis, in omnibus ægris observabilibus, Indicationem principalem à natura factam determinant & modificant; suntque

1. Sexus,
2. Ætas,
3. Vitæ genus.
4. Idiosyncrasia, sive nativa sive adventitia sit.
5. Juvantia & Nocentia ab ægro jam observata.
6. Morbi alii, vel præsentis vel imminentes.
7. Climatis vel regionis ratio.
8. Astrorum, & præsertim Lunæ positus & influxus, & respiciunt indicatorum varietatem diversimodè.

Hæc omnia, quatenus naturæ vires limitant, & etiam Indicationem ejus primariam certa ratione modificant, *secundaria sunt Indicantia*; eaque nunc *permittentia*, nunc *prohibentia*, nunc *consentientia*, &c. dicuntur.

Idiosyncrasia valde modificat Praxin: nam quædam mulieres abhorrent castoreum, aliis tamen est medicamentum optimum. Astrorum influxus multum facit in hoc puncto, & in morbis acutis & Chronicis multum in recessu habet. Consuetudo, quæ est altera natura, multum etiam valet; magis tamen in rebus naturalibus quam præternaturalibus variat. Variant etiam climata terræ.

Hæc nunc conspirant cum Indicante primario, vel ab eo dependent, vel repugnant & recedunt, vel medio modo se habent; hinc illa Coindicantia, ista Contraindicantia, hæc Permittentia, dicuntur. In Medici ergo judicio consistit hæc ritè ordinare, ut intelligat, cui & utri imprimis per Indicatum sit satisfaciendum ex Repugnantibus? e. g. Pono gravidam laborantem pleuritide, in illa ratione morbi indicatur venæsectio: Verum si consideremus ægram, tanquam gravidam in ultimis mensibus, est vel robusta vel debilis, venæsectioni adsueta vel insueta, &c. Quæ circumstantiæ primarium Indicatum vel promovent vel inhibent; si promovent, dicuntur Coindicantia: si ægra est robusta, venæsectioni adsueta, & tempore gestationis medio, utique conceditur; si verò ultimis mensibus, & venæsectionis inconsueta prohibent venæsectionem, & dicuntur Contraindicantia. Pono aliud exemplum: Literatus quidam correptus

ptus est febre quartana intermittente : hunc Medicus ante paroxysmum propinare vult Vomitorium aliis saluberrimum ; æger autem hic est herniosus , propterea contraindicatur , quia merus esset , ne rumpatur peritonæum , aut fiat cum periculo gravioris herniæ , ab irritato & concusso corpore , aut ne ileos obveniat , vel prostratis hoc modo viribus ipsa mors , tanquam periculum majus , superveniat . Ob metum ergo virium prosterndarum , aliorumque periculorum , alia curæ via , quam per vomitum , tentanda erit . Hæc Indicantia sunt Repugnantia , & à Medico judicandum , quid agendum sit ? Vomitus nempe hic intermittendus . Sin autem æger non esset herniosus , sed hypochondriacus malum hypochondriacum coindicat , quia vomitus hypochondriacis valde salutare sunt si obstructio alvi accedit , Vomitus non conveniet ; quia autem febribus urget , obstructio alvi est Permittens , quia medio modo se habet . Sic in grvida seu sub mensium tempore etiam , lue Venerea correpta , quæ salivationem per Mercurialia concitandam innuit , cum tamen curam hanc impedire & dissuadere videatur graviditas vel menses instantes ; periculum enim est , ne abortus fiat , vel propter retenta menstrua alius & major morbus oriatur ac concitetur : hæc itaque isti repugnant . Fundamentum ergo , cui judicium Medici talibus in casibus innititur , sunt ægri vires , sumpto simul in consilium eo , quod vel salutare , vel nocivum magis est . Hinc in propositis exemplis ubi constiterit primario de viribus matris , possunt quidem , sed cautè , adhiberi Mercurialia ; magis enim urgens iudicio suo eligat Medicus . Fœtus ergo respectu cura aggredienda , ne hac omissa fœtus eodem morbo infectus nascatur , & mater postea difficilius curetur .

Quod attinet Indicatum in specie , est quod , seu auxilium , Medico insinuat quid agendum sit ? Ab indicante natura indigitatur : si quis e. g. laborat torminibus , Medicus cognoscit Anodyna , quæ sunt Indicatum . Intuper in Indicato duo consideranda sunt , Materiale & Formale Materiale est ipsum remedium indicatum ; Formale est legitima applicandi ratio , & consistit in legitimo utendi modo , vel

1. In legitimo Quanto , ne excedat in dosi.
2. Ut in debito loco applicetur , quod in Topiis valet.
3. Observeretur certum tempus , ubi probe attendendum est ; quomodo in legitimo ordine medicamenta legitime administranda sint ?

C A P U T II.

D E

Remediis & Auxiliis Pharmaceuticis.

PRæsidia talia quod attinet , seu auxiliorum materiam , tam conservandi præsentem [in Hygiene] quam recuperandi absentem , hoc est , amissam sanitatem (in Therapeusi] ex triplici fonte delumuntur . Nempe :

1. Ex fonte Chirurgico , qui monstrat remedia potentissima per ignem & ferrum operantia ; consistit in manuum artumque artificiosa applicatione , de quo infra in specie de curandis morbis partium solidarum commodius tractabitur .
2. Ex Pharmaceutico fonte , qui præbet remedia ex tribus regnis minerali , animali , & vegetabili , desumpta , & concinnè composita , tam intus propinanda : quam foras admovenda ; &
3. Ex fonte diætetico qui subministrat blandissima remedia per sex rerum non-naturalium varium , pro circumstantiarum diversitate , utum pro conservanda sanitate & præservandis morbis .

Distinctio autem horum dependere videtur ab operationum gradibus , ita ut Diæta mitissimum , Chirurgia verò generosissimum suppeditet remedium , Pharmacia demum medio modo se gerente .

Præ ceteris auxiliis sui considerationem merentur ex fonte Pharmaceutico remedia , seu maxime variantia , & præ ceteris copiosiora & quibusvis familiaria . Circa hæc observandum , quod illa pro textura sua particularum in qualvis corporis partes agant , & operationem suam undique exerant , adeoque in spirituosas , fluidas & solidas partes agant , idque distinctis modis , dum quædam in alterutram saltem illarum partium agunt , altera intacta .

Primaria autem Objecta , in quæ remedia agere assolent , sunt spiritus & humores , quibus mediantibus & univer-

sum corpus remedii activitatem plus minus percipit ; *secundaria* verò sunt saltem partes solidæ . Sic enim opiata , aliaque similia narcotica , imprimis in spiritus agunt , præsertim animales influos , quorum motum certa ratione modificantur , sive naturalis & ordinarius is sit , sive præternaturalis & inordinatus . Sic salia volatilia speciatim in fluidas corporis partes seu humores operantur , eorumque crasin dissolvunt & diversimodè alterant . Corrosiva denique , item Purgantia antimonialia & vegetabilia resinosa , adstringentia , sternutatoria , &c. in solidas corporis partes agunt ; earum substantiam vel irritando , vel quatenus sensibiles membranas diversimodè afficiendo , ad motum excretorium eas stimulant . Quatenus tamen in machina nostra corporea quarumvis partium mutus nexus , & certa inter se conspiratio est , evenit , ut raro medicamentum unam partem solum afficiat , quin nunc in partem saltem unam seorsim , nunc in plures iunctim , agat : v. gr. Purgantia vegetabilia resinosa agunt non tantum in partes fluidas , seu humores incidunt & attenuant , sed & in solidas , & latera ventriculi ac intestinorum membranacea stimulant , licet diversimodè . Hinc propter partium nexum & conspirationem , effectus remediorum est nunc immediatus & per se talis , qui ejus activitatem immediate sequitur ; nunc mediatus , & qui per Accidens tantum contingit : V. g. pulvis nicotianæ , vel liliorum convallium , vel sternutatorium naribus inspersum , per se irritat membranas narium glandulosas , tanquam effectus immediatus , quam irritationem insequitur spasmus thoracis sternutatorius ; Mediatum autem effectus est , si excreto humoris seu muci & lymphæ inibi stabulantis fiat , & simul expellatur ; quod accidentarium . Irritatio ergo effectus immediatus est ; spasmus verò thoracis superveniens est effectus sternutatorii , mediatum , & qui per Accidens supervenit . Sic è contrario spiritus salis armoniaci aut C. C. , aut salia volatilia cuncta , immediate operantur & agunt in partes sanguinis fluidas , quatenus immutant Acidum volatile sanguinis : & partium fluidarum particulas , qui est effectus immediatus & per se eorum activitatem insequens ; postmodum verò , quando per hæc dissolvitur massa sanguinea , grumosa & coagulata in parte quadam sanguis simul resolvitur , pleuriticum pus inciditur , & sudor concitatur , hi mediatum & accidentarii sunt effectus .

Remedii in genere quod attinet naturam , Medium hoc inter Alimenta & Venena rectè dicitur SYLVIO in Differ. 2. Corollar. & Prax. Append. Tract. 5. §. 10. seq. Est quidem nonnunquam differentia inter Alimenta , Medicamenta , & Venena , non tamen videtur differentia essentialis : Nam omnia ea , quæ assumuntur à nobis , vel temperata , & ita apta sunt exacte mutari in corpore nostro , ut pro hujus conservatione aut reparatione in ejusdem substantiam assimilari possint , & Alimenta dicuntur ; Vel non adeò temperata , nec corpori exactè assimilabilia , sed inepta sunt tali mutationi subeunda , & contra apta potius , quæ corpus immutent ; & quidem aut in alius modo alterando , aut in pejor destruyendo : Prius fit per medicamenta : posterius per Venena . Venenum autem sumitur vel *strictè* & propriè pro tali , quod summam vim alterativam seu immutativam , adeoque corporis nostri destrutivam , sub mole etiam minima , idque non per se & sua natura , sed per accidens obtinet ; vel *late* seu impropriè pro omni quod in pejor immutat corpus , & sic opponitur alimentis , quæ conservant , & medicamentis , quæ reparant & restaurant corpus ; e. g. Venenum propriè dictum sit tantillum illud , quod per morsum à vipera cuti insiguntur ; late verò v. g. coagulatio lactis in stomacho , repletio panis , quæ nihil deterius , & quæ periculosissima parit symptomata , quæ tamen in se & propriè non sunt venena . Hinc medicamentum , alimentum & venenum sunt unum idemque , nec differunt , nisi secundum majus & minus ; in se enim nullum datur venenum ; est vox respectiva , & saltem respectu alterius ita dicitur . Operæ tamen pretium est , ut hanc materiam de operationibus seu facultatibus medicamentorum ulterius perpendamus .

Considerandum ergo jam venit *quam ratione agant & operentur medicamenta* vulgari modo applicata ? quod unum est ex difficillimis Theoriæ Medicæ doctrinis : Nam eorum vires non absolute & in se , sed respectivè tamen considerandæ sunt ex effectu ; quem scilicet applicata corpori nostro , exerunt . Cum enim totius corporis œconomia , tam naturalis sana , quam præternaturalis morboia , a modernis per principia Mechanica , secundum particularum minutissimarum , ex quibus omnes ejus partes , tam continentes quam contentæ , constant figuram , magnitudinem situm , & inde natam texturam , eorumque motum & quietem expli-

cantur, hæcque hypothesis per experimenta Chymica optime illustretur; ob id etiam medicamentorum facultates, secundum quas certam vim habent alterandi corpus, & inde nati eorundem effectus, optime ex iisdem principiis materialibus deducuntur.

Quæstio ergo est, quonam modo talis effectus ab iis promanet? In genere tamen, cum varius eorum sit agendi modus, sanè, quantum hætenus sensuum fide & intelligibili ratiocinio penetrari potuit, omnia remedia duplici imprimis operantur ratione. *Primo* materiali suo contactu ad partes corporis & miscela cum succis ejus seu contentis, id est, quod ipsæ particulæ medicamentosæ remediorum, licet minimæ, tamen se insinuant in corpus & massam sanguineam, & sui miscela immutent, & ita operentur; quod ipsum per singularem texturam suæ substantiæ materiale in specie salinam, præstant. Sic omnia Purgantia, salia volatilia, Martialia, &c. necessariò operantur per miscelam sui, quam insequuntur certæ corporis tam sensibiles, quoad primas sic dictas qualitates, quam insensibiles alterationes: qualia sunt v. g. quæ fermentant, præcipitant, Acidum absorbent, vel concentrant, Acre temperant, amarum corrigunt, vel purgant, sudores movent, urinam cient, menses evacuant, resolvunt, incidunt coagulant, item quæ partes solidas, quæ tales, afficiunt, h. e. adstringunt vellitant seu irritant, dolorem excitant, somnum inducunt, spiritus alterant, & alias vires exerunt, & agendi potentias causarum morbosarum Hippocraticas edomant, sive interne assumantur, sive externe applicentur. Hæc omnia hætenus non nisi corporali suo contactu, & materialis suæ texturæ ratione, & hujus medio facta partium corporis, sanguinæ nempe massæ, & ab ea derivatorum humorum, lymphæ tam conglomeratarum quam globularum glandularum, item bilis, ipsorumque viscerum fermentorum à multiplici præternaturali labe, correctione & alteratione, operari observata assertaque fuerunt. Id quod vel istud confirmat sufficienter, quod prout materialis ista textura, & crasis seminalis sub illa recondita, plus minus immutatur, vel per præparationes vel per compositiones, etiam plus minus immutentur ipsæ remediorum, etiam potentissimorum, vires, ut in opiatibus & purgantibus manifestum est; ut taceam & venena, arsenicum, Mercurium, &c. in salubria ex mutata textura converti remedia.

Secundo alio modo operari dicuntur medicamenta, quæ sine materiali sua miscela *per radium virtuale*, qui ideas morbosas Archei tollat, vel cujus intuitu ille novas cudad, medeantur morbis, prout HELMONTIUS *Tractatu curiosissimo, In Herbis Verbis & Lapidib. magna Virtus*, describit. Hanc autem doctrinam ulteriori adhuc considerationi in fine hujus Capituli relinquo.

Materiale dum insinuo texturam remediorum quorumcunque in tribus regnis, & crasin seminalem sub illa, seu intimum quasi nucleum medicamentorum sub cortice sepultum, penitus removeo pessimam istam doctrinam, quæ ex scola Peripateticorum in Medicinam translata, qualitates nempe 4. istas elementorum manifestas, suppositas potius quam sufficienter demonstratas, tam primas quam secundas ac tertias, Caliditatem, Frigiditatem, & occultas proprietates, ratione quarum medicamenta operari Veteribus videbantur. Nihil enim valent hæc qualitates, cum harum fundamentum sit falsissimum. Origo horum omnium est ex Quaternione elementorum vulgò 4. sic dictorum, ex quibus Veteres constare omnia crediderunt. Ergo istæ qualitates quoque elementis attributæ, etiam medicamentis ab ipsis fuere applicatæ, cum hæc, tanquam corpora naturalia, quoque ex illis constare putarent, quod tamen est falsissimum. 2. Ruinosum est, ab iis omnes derivare morbos; horum enim intuitu etiam omnes causas morborum, secundum facultates vulgò dictas distinxere, iisdemque remedia certa ex contrariis qualitatibus constantia opponenda dixerunt; cum tamen secundum HIPPOCRATEM plura essent morborum genera, horumque causæ in corpore nostro seu natura, nec ulla qualitatum mentio in HIPPOCRATE fiat, utpote qui simpliciter vires medicamentorum describit, parum vel nihil tribuendo his qualitatibus, quando dicit: *Non calidum, frigidum, siccum, vel humidum; sed amarum, astringens, acerbum, dulce, & sexcetera alia sunt, quæ nos afficiunt, &c.* Propterea quoque tales Qualitates aut nullæ erunt, aut ad explicandas has causas minus sufficientes: ergo etiam secundum has non distribuenda sunt remedia: Hinc qualitates occultæ medicamentis attribuantur vel absolute, & in se consideratæ, vel respectu sensuum nostrorum, indeque alias pronunciant occultas,

alias manifestas. Sed vix manifesta, quæ e. g. ignis urit, æquè ipsi explicabilis est, quàm scammonii occulta, ratione cujus purgat ac alvum laxat; cum tamen hac ratione reliquæ facultates in remediis aliis æquè dicendæ sint obscuræ vel occultæ, juxta illorum hypothesin. Hæc autem omnia respectu sensuum nostrorum planè accidentaria sunt, indeque nullam facultatem accipit remedium.

Erratum ergo in hoc fuit insigniter, quod

„ (1) istæ qualitates, quæ medicamentorum operationes
„ insecutæ fuerunt, ipsis medicamentis attributæ sint
„ formaliter & absolute, cum tamen non nisi effectivè inde
„ procedant, & respectivè saltem ipsis convenient, quatenus
„ nempe vires suas respectu corporis nostri exerunt;
„ v. gr. sicut in magnete est vis tractoria insignis non absolute,
„ sed respectivè respectu ferri saltem; ita in remedio est vis calefactoria,
„ laxativa, resolutive, vel confortativa, non absoluta, sed respectiva,
„ nempe partium corporis animalis, in specie humani respectu, cujus ratione
„ his vel illis virtutibus pollent. Sic Mercurius vivus determinatam
„ & medicamentosam vim, quam exerit in corpore nostro respectu
„ hujus habet aliam, quam in auro exerit: sic amygdalæ amaræ, quæ homini
„ medicamenta sunt, gallinis venenum esse dicuntur; quod si
„ verum mirum unde hoc fit.

„ 2. Quod facultates operatrices medicamentorum considerentur,
„ non quidem respectu corporis humani, quæ talis, sed quatenus
„ viventis; nec enim eadem in utrumque operationes sunt. Hinc
„ distincta est operatio medicamentorum in corpore vivo, ab illa,
„ quæ fit in mortuo; nam ubique variat operatio; dum v. g. piper, sinapi &c.
„ in corpore mortuo nullum ruborem, nec ardorem, nec minimam
„ vesicam, excitant, secus ac in corpore vivente. Sic in butyrum
„ antimonii extrinsecus admotum (& pro fontanellis excitandis
„ adhibitum à nonnullis) corpori viventi, hoc corrodit, exedit
„ ejus cutem, atque dolorem & inflammationem excitat; in mortuo
„ autem cor rugat saltem leniter cutim, non verò corrodit. Cantharides
„ pro vesicatorio adhibitæ in corpore vivente, primò puncti-
„ onibus ruborem, post vesicas, & escharam etiam excitant; in
„ mortuo autem nihil operantur, & sine effectui sensibili adhibentur
„ eadem.

„ 3. De Externis observandum, dum certæ facultates operatrices
„ tribuuntur remediis, venenis, &c. quod intelligendum hoc sit
„ non formaliter, sed virtualiter seu effectivè, hoc est conveniunt
„ facultates remediis, non quod ipsa remedia in se sint talia,
„ sed prout ex applicatione talium subjectorum ad corporis nostri
„ partes qualescunque, & inde mutua actione & passione tales
„ qualitates, tanquam certi effectus, procedant: v. gr. piper non
„ est in se calidum, seu formaliter in se habet calorem, sed
„ exerit vim in corpore nostro ob seminalem minimorum
„ texturam, ex qua mediante motu similis fit motus ac impressio
„ in lingua, quam excitatam & sensatam vocamus Calorem; id est,
„ corpore calorem tantum infert per virtutem eam, qua dum
„ corpori applicatur, in illud agit, simili modo ac ex aereis
„ particulis. Nam nec ignis propriè & per se est calidus, sed
„ saltem manui admotæ ex particularum suarum motu talem
„ motum & impressionem facit, quæ calor à nobis dicitur; unde
„ simili ex effectu malè de simili causa mox argumentatur. Par ratio
„ est in omnibus remediis; habent enim suas potentias, ut
„ corporis nostri partibus ad nota, harum respectu certos effectus,
„ diversos etiam inter se, exerant. Dependet ergo facultas
„ remediorum certos producendi effectus ab applicatione objecto alicui
„ determinato; tantum enim abest, remedia per se calida,
„ frigida, purgativa, soporifera, &c. esse, quantum de Sole
„ dicere non possum, illum in & per se formaliter habere vim
„ duritiem inferendi, qua indurat lutum, seu molliem aut
„ singularem facultatem liquefactivam, qua ceram liquefacit:
„ quia hæc virtus & inde orta operatio non à virtute efficientis,
„ sed substratæ materiæ conditione in objectorum varietate,
„ in qua ejus vis generaliter, sed eodem modo, unicè dependet.
„ Sic quoque medicamenta absolute tales vires non habent,
„ sed saltem quatenus vires exerunt pro diversitate saltem
„ partium corporis nostri, & pro varia sui applicatione ad
„ determinata subjecta diversas quoque exerunt vires ac virtutes,
„ & pro objectorum saltem varietate varios, modo caliditatis,
„ modo frigiditatis, modo purgationis, modo sudoris, edunt
„ effectus. Igitur spiritus nitri, cujus acidæ, rigidæ & acuminatæ
„ particulæ aliam operationem in lingua, acidum nempe saporem, aliam

in oculo, ut dolorem, aliam in cute, ardorem nempe cum corrosione, aliam in sanguine, aliam cum spiritu vini, aliam cum Marte, saporem summè stypticum, aliam cum sale tartari, cum quo effervescens mixtione in perfectum demum abit nitrum regeneratum, sub eadem licet materiali textura, unde plures qualitates, ceu tot operativæ potentiae, ipsi tribui possunt: qui tamen sicuti simplex uniformis, in se nec acidus, nec dolorosus, nec corrosivus, nec stypticus, nec dulcis est, sed pro textura sua materiali, & simplici ejus in plura & diversa objecta actione, sensiles effectus diversos, & multiplices facultates, diversimodè denominandas, sortitur & exserit; ita & remedia non habent in se istas qualitates & facultates, quas sui usu in corpus nostrum exerunt, sed ista ex sola illarum textura materiali, ejusque diversis partibus corporis nostri viventis applicatione, oriuntur: unde idem remedium, in distinctas saltem partes agens, nunc dici potest, & est etiam Sudoriferum, modò calefaciens, diureticum, quia in distinctis saltem partibus distinctas exerit virtutes, & in has diversimodè agit; cum tamen nec calefacientem, nec frigefacientem, nec purgantem, nec sudoriferam efficiendi virtutem in se habeat; sed applicatum corpori effectivè hoc præstet, habita nempe ratione agentis ad patiens applicati, &c. Sic Saturnus refrigerat inflammationes, non frigoris efficacia, sed ratione texturæ suæ materialis, qua Acida absorbet, à quibus inflammationes & rubores; sicuti etiam creta sodæ seu ardori ventriculi succurrit, non quatenus frigida, sed quatenus ejus minutæ particulæ ita sunt conformatae & contextæ, ut quæcunque Acida, quæ attingunt, mox imbibant, & ita cum Acido in stomacho novum concretum invicem efficiant, quo fit ut vitiosa ista effervescencia, quæ ab Acido antea fiebat, remittat, & consequenter soda cesset. Habent enim remedia potentiam, ut corporis nostri partibus adnota, harum respectu certos effectus, diversos etiam, exserant; sicut cochlearia scorbutum curat, non quatenus supponitur calida, sed ex specifica textura particularum ejus minutissimarum, dum nempe hæc constituunt concretum adeò acre, subtile, penetrans, quod Acidum vitiosum in scorbutico peccans sui miscela corrigit, destruit, & in aliam quasi naturam transmutat, cujus texturæ nucleus seu specifica crasis in istis volatilibus & acris particulis, seu, ut alias vocatur, sale volatili acris, præcisè consistit, reliquo corpore ceu effæcto nihil virtutis medicamentosæ antiscorbuticæ obtinente.

Adeoque improprie remediis attribuntur certæ qualitates caloris, frigoris, purgationis, &c. à quibus fiant ejus operationes, sicque actiones in corpus nostrum fluant; nempe quod tot sint entia distincta, quot sunt qualitates medicamentosæ vulgò dictæ, quarum ratione in corporis nostri partibus eæ sint operativæ; quod tamen falsissimum est, cum non fiat illis formaliter, tanquam tot entia realia distincta.

Frustra ergo huic qualitatem manifestam, illi occultam, isti calefacientem, alii demum adstringentem, &c. tribuimus, tanquam conceptus meros; quæ enim hæc omnia operantur, ita operantur ratione minutissimarum partium, quarum textura ita affecta & constituta est, ut in corpus aliud se insinuant, idque variè afficere queant: nisi alterationes, quæ in sensus incurrunt, ex qualitatibus manifestis esse dicamus; quæ verò sine sensibili operatione fiunt, ex occultis esse. Quomodo ergò determinatam qualitatem uni certo subjecto affingere possumus, cum effectus omnes remedium varii à subjectorum varietate dependant?

Malè itaque imponuntur remediis omnes hæc qualitates, quæ tamen sunt non-entia, cum remedium particulæ ratione texturæ suæ & modi applicationis ad corpus nostrum, vel ejus partes, vires suas tantum exserant, effectus scilicet certos excitando, qui illis dein imponuntur quidem, in se tamen non habent. Unde sequitur, hoc non tantum secundum qualitates manifestas, primas & secundas sic dictas, sed occultas etiam, esse falsum; sive dicere velimus, talem alterationem manifestè afficere sensus, Tactum, &c. quam postea vocamus qualitatem manifestam; sive occultè, hinc occultam dicendam esse: Quæ omnia tamen nondum satis explicata aut probata sunt, nec unquam probari possunt. V. gr. clavis feram aperit, non propter vim referativam formaliter talem, sed saltem ex specifica textura & superinducta conformatione, qua non nisi huic feræ referendæ apta est, non alii. Sic non possum dicere, spi-

ritum vitrioli esse calidum, seu qualitatem caloris in se habere, quoniam cum spiritu vel oleo therebinthinæ effervesceat, & intensissimum ardorem efficit; nam talis spiritus vitrioli in corpore nostro vires contrarias exerit, & hoc frigefacere videtur; hinc frigidus quoque vocandus esset, cum hac ratione diversos effectus exerat. Pariter piper in se non magis calidum est, quam glacies, ob rationes supra dictas; nec minus frigidum est, quam absinthium propriissimè. Quod autem ab opio oriatur Alteratio frigida, non pertinet ad essentiam ejus. Maxime ergò superficialia est hæc qualitatum doctrina, qua specificæ simplicium dotes fuerunt neglectæ & contusæ.

Unde & distinctio qualitatum in manifestas & occultas, & istarum in certas mansiones seu gradus, est penitus inutilis & nulla; unde descriptiones virtutum remedium, quatenus ita juxta qualitates describuntur vulgò aut distinguuntur, pariter nullius pretii sunt, ex eo, quod corticem saltem medicamentosum, nucleum verò crasseo seminalis, & emergentem hinc saporem specificum seu proprietatem singularem, non attingant.

Communiter quidem insuper ex sapore, odore, inflammabilitate, signatura, experientia, aliisque proprietatibus externis, investigandos modos facultatum medicamentorum esse dicunt, hincque vires eorum derivant; sed inanis quoque est hæc sententia. Sola siquidem experientia est, quæ operationem in corpore humano observat, sicque remedium naturam per effectum investigat. Sapor enim extrinsecum saltem est Accidens, quod nullum habet respectum ad operationem in corpore nostro internam: Sic v. g. amarissima sunt opium, colocynthis, absinthium, sella animalium, aloë, &c., & tamen hæc amaricantia in operationum, respectu corporis nostri, varietate toto cælo differunt: *conf. HOFFMANNUS in clave Schröder. pag. 41.* Gustus judicio spiritus nitri est acidus, qui variis corporis partibus adnotus, multiplices operationes exerit, quarum nullum planè augurium ex gustu haberi potest. Par ratio est de odore. Quoad inflammabilitatem seu sulphuris præsentiam, hinc subsequentem intensiorem caloris gradum, concludendum, nil præter sulphureum quid erit, respectu cuius calefacere potest. Quid enim odor moschi in quibusdam mulieribus ad excitandum passionem hysterica? aut quid castoreum ad eandem reprimendam confert? quod in aliis contra etiam succedit. Signatura est frustranea; à similitudine enim medicamenti cum parte quadam corporis convenientia, seu quod huic conducant ideò concludere, absurda esset consequentia. Quid enim conferunt signaturæ? quod, sicut hypericon habeat folia perforata, ergo ad curationem vulnerum sit aptum? Par quoque ratio de reliquis est habenda. Sola ergò saltem, quæ restat, *Experientia in medicamentorum facultatum investigatione palmam obtinet*, per quam vis specifica primariò innotescit.

5. Omnia medicamenta saltem per contactum suum corporalem seu materiale, quem habent cum istis partibus, in quas immediate operantur, seu agere debent, agunt, ratione texturæ suæ materialis secundum minima, qua in partibus nostri corporis, mediante certo motu vel quiete, certas mutationes faciunt, quas insequuntur immediate alterationes istæ plus minus sensiles in corpore, quæ à nobis deinde per sensuum organa, tanquam qualitates remedium consequenter seu qualitatum nomine, concipiuntur, sive præcisè agendo, sive patièdo hoc præstent: Agendo v. g. Mercurius vitæ spiculis suis ventriculum vellicat, hinc sequitur vomitus: patièdo v. g. Martialia, hæc dum recipiunt in se acidum vitiosum corporis, quæ in eo irruunt, & secum cum facibus eliminant, medicamentosa existunt; Hinc enim pro texturæ mutatione, etiam virium, vel præparando vel componendo, fit subinde mutatio, & interdum novarum introductio. Nihil enim nisi materiale corpus remedium ex variis particulis minutissimis, nempe aqueis, terreis, acidis, pingibus seu sulphureis, & urinosi ac spirituosi constans, formaliter ex minimis variè contextis, certæ figuræ, magnitudinis, situs, quietis & motus, concipi potest. Ex his medicamenti texturæ, ex hac impressio resultat in corpore nostro, quatenus partes eæ, sui contactu in partibus nostri corporis impressionem facientes, certum effectum, variasque adeò virtutes & mutationes, ob partium contextarum varietatem, producant & præstant. Hæc ergo mutationes omnes factæ, sunt remedium effectus, & malè à nobis tanquam distinctæ qualitates à corpore remedium concipiuntur.

Quatenus ergo remedia diversas habent vires ratione suæ texturæ diversimodæ, hoc est, ob unionem minutissi-

marum particularum tale corpus constituentium, & diversa objecta, quorum poros subeunt; eatenus etiam habent distinctas operationes & immutationes in corpus nostrum. Hinc e.g. prout particulae salium volatilium ratione suae figurae & texturae, alio modo afficiunt linguam, alio nares, oculos, alio massam sanguineam, alio renes, &c. quatenus nempe urinosae eorum particulae pro partium varietate varias exerunt alterationes; eatenus in his dictis sequuntur diversae alterationes in partibus corporis nostri, quae sunt effectus medicamenti, ex iisdem particulis oriundi, prout diversum saltem motum & alterationem in iis efficiunt. Sic particulae *resinosae jalappae*, prout ita sunt contextae, ut in intestinis tormina cieant & purgent, in massa sanguinea *liquabiles fiunt*, ita, ut hanc fundendo & colligando eam alterent, sicque texturam ejus immutent; prout autem simul aculeatae illae particulae sunt, respectu particularum acutarum, quas insigunt in ventriculi & intestinorum tenuium membranam, hanc vellicando compungunt, & ad motum contractorium seu spasticum concitant fibras excretorias, pro contentis quibuscunque quocunque modo expellendis & excludendis; sicque hujus ratione purgare, liquefacere, tormina ciere dicuntur, adeoque ipsis Attributa vulgo Facultas purgatrix inesse dicitur. Sic pulvis cretae assumptus acidum sodae effervescentia corrigit, stypticum saporem acquirendo; si cum Acido seu spiritu nitri miscetur; eadem ratione ulceribus manantibus inspersa acidum ichorosum seu uliginem sordium absorbere, sicque exsiccare dicitur: Quae omnia agit ob texturam suam particularum terrestrium, nonnihil metallicarum, quae infixas sibi acidas absorbent, inque porosam suam substantiam recipiunt, quarum respectu vim hanc extra & intra corpus efficit, quae ipsi tribuitur, diciturque absorbens; Haec enim cuncta agit ex diversa ratione applicationis & texturae mutationis. Quod autem ex textura minimorum seu particularum minutarum immutata omnis vis medicamentosa mediante contactu corporali resultet, probatur, eo quod, prout mutatur textura particularum, & particulae in alium situm transponuntur, etiam in agendo virtutes immutentur, aliterque operentur, & nos afficiant. Sic igitur verbi gratia *colocynthis* per se propinata respectu particularum suarum minimarum seu acrium, & ob texturam specialem stomachum & intestina rodentium, demumque massam sanguineam afficientium, irritando, stimulo, humores fundendo, &c. sicque purgare dicitur; sed addito sale tartari aliam texturam cum novae concretionis acquirens, haec virtus cessat, & ex valido & potenti purgante e contra emergit simplex resolutivum, sordium viscidarum incisivum, ac potens abstersivum; immutata enim est per sal tartari additum textura, quod particulas ejus in situ invertit, aliter in actione dirigit, & alium effectum praestat, quia inversio partium ordine combinata est cum sale addito. Sic Mercurius vitae vel magisterium ex regulo antimonii cum particulis quibusdam acidis per spiritum salis ex Mercurio sublimato constans, & concretum quasi vitriolicum factum, habet hanc texturam partium acutarum, ut stimulet, rodat & vellicet membranam ventriculi interiorum, pylori contracturam vomitumque excitet: hac autem textura ejus per sal tartari additum inversa, Acidum ejus adhærens infringitur ab alcali & absorbetur, sicque textura ejus mutatur, & evadit vel plane non, vel leviter & blandum, per inferiora saltem laxans, sublata virtute virulenta purgatrice: qui Mercurius vitae, si porro per Acidum spiritum nitri, seu Acida alia addita, prorsus invertatur, loco Vomitorii purgantive evadit medicamentum diaphoreticum, Bezoardicum minerale dictum, fit alcalinum, absorbens Acidum, impediens alias sudores; vis enim in hoc medicamento cathartica & diaphoretica mutatur solum pro texturae mutatione. Pari ratione Mercurius vivus remedium insons ea prodit forma, qua assumitur, sed mutata sui textura, additione acidum spiritus salis communis, vel aliorum, per sublimationem fit summe venenosum, corrosivum, & acerrimum; cui demum additus Mercurius vivus de novo, ex adhæensione & combinatione utrarumque particularum fit nova textura, novumque concretum, Mercurius *dulcis* dictum, remedium potenter abstersivum & laxativum, viscidorumque incisivum; ex quo tamen spiritu atque cum sale tartari mixtione & praecipitatione, per novam mutationem texturae fit *Turbis Minerale*, purgans, & continuato usu demum salivatorium. Sic *Piper & Arum* dicitur calidum insigniter, & potenter stomachum corrigere & calefacere; in quibus scilicet particulae insigniter sunt aculeatae & aterrimae,

quae eadem ratione, qua pungunt linguam, & phlogosin quasi faciunt, etiam afficiunt ventriculum, & mucum in eo hospitantem incidunt, & potenter resolvunt: Percepta sic virtus, ubi ad substantiam ventriculi membranaceam penetrant, ac aculeis suis pungunt & irritant eam, dicitur sentire calorem, & ambo hinc stomachica praedicantur, cum habeant vim attenuandi, incidendi & consumendi mucum ventriculi. Sic in *Spiritu nitri dulci* est vis carminativa seu flatuum discussiva, ratione particularum acidarum seu nitrosarum, mucum diffuere facientium, junctarum cum sulphureis spiritus vini, quae solvunt pituitam viscidam intestinorum, ut in corpus fluidum abeant, nec amplius vi elastica motum flatuosum excitare valeant, illamque uberius ad exitum propellant. *Spiritus vitrioli* in se est acidus; ex hoc autem cum creta fit concretum instar aluminis, fibras stomachi & intestinorum summe adstringens: hujus textura consistit in particulis spiritus vitrioli, acidis dictis, junctis & absorptis alcalinis in creta. Hoc autem soluto in aqua simplici, & praecipitato cum sale tartari, per evaporationem separati humoris supernantis terrae praecipitatae, emergit novum concretum, à priori nimium quantum discrepans, *Tartarus Vitriolatus* nempe communis, viscidorum incisivus, attenuans, diureticus, &c. Hic consideremus ulterius *spiritum nitri* (prosequendo nobilem de Facultate operandi modo naturam:) hic in se consideratus nec calidus nec frigidus dici potest; si vero misceatur cum spiritu vini rectificato, vel cum oleo terebinthinae, effervescentia cum his, intensissimum Calorem excitat; cum spiritu vero salis ammoniaci urinosi, aut simili volatili alio mixtus idem spiritus nitri, frigus notabile & intensum loco caloris producit. Solvit idem spiritus Lunam, compactum metallum, sed picem, ceram, lignum, vel simile corpus mollius & tenerum ne attingit quidem. Sicut ergo spiritus hic non potest dici calidus, nec frigidus, nec solvens, nisi respectu miscelae cum corporibus dictis, quibus applicatur; sic quoque remedia non possunt dici absolute tali vel tali facultate aut potentiis praedita, nisi respectu partium variarum corporis humani, dum ex applicatione eorum tale quid in hisce evenit, effectivè vero eas sortiuntur vires, quae male simpliciter iis inesse praedicantur.

Vires ergo tribuendae remediis habent eas non absolute & formaliter, sed respectivè. Jam verò sicut non dici potest, quod in spiritu nitri sit certa qualitas, quae respectu spiritus vini vel olei terebinthinae, item salium volatilium, sit calefaciens, refrigerans, &c. cum omnia haec agat & operetur in dicta, respectu texturae suae particularum minutarum secundum magnitudinem, figuram, motum, quietem & alias proprietates, quatenus immediate particularum suarum contactu sese associat minimis texturae alterius, eamque apertus est hic spiritus ratione configurationis suae ita immutare, ut diversam concretionem diversosque modos acquirant invicem, ob particulas ita figuratas, ut cum luna coeant, illamque solvant, cum aliis vero non; ita pari ratione remedia non per qualitates, sed saltem simpliciter secundum texturam particularum ingredientium, secundum minima corpus nostrum afficientium, sicque partibus ejus applicatarum tales effectus producant, ipsis sub nomine Qualitatum vulgo qui attribuantur.

Textura autem illa specialis (quae alias dicitur forma, & à qua Qualitates variae derivantur) oritur ex principio corporum seminali; quippe quod, uti dat corpori primum esse, seu corpus aliquod primum, quod ex principiis naturalibus contextuit, ita etiam est immediate origo texturae seu craseos concretorum & omnium istarum virium exinde resultantium, quas respectu aliorum potest exserere. Sicut enim principium seminale est, quod constituit materialiter & formaliter medicamenta, seu quod materiam, & ex ejus determinata figura & partium textura, formam cujuscunque rei constituit; sic in *absinthio* v.g. à principio hoc seminali, quod respectu texturae & applicationis variae qualitates deprehendantur, scilicet respectu linguae Amarities, ventriculi virtus stomachica, febrium intermittentium virtus febrifuga, intestinorum vis adstrictoria &c. oriatur; & sic consequenter operationum in aliis corporibus ortarum par habenda est ratio medicamentorum.

Porro dum dico, esse illud principium causam hujus texturae, & operationum ex hac emanantium, dico insimul, illud esse principium hujus texturae corporis, ejusque potentiarum respectivarum, nunc immediatum, nunc mediatum. Prius est, quando ipsae res, prout à natura se nobis sistunt, seu sub schemate eo, quo concretum aliquod ipsa

natura

natura produxit, applicantur; Posterius verò est, quando per artem textura concreti vel sub præparatione, vel sub compositione diversimode immutatur: e. g. Sulphur abstractivè sumptum ratione texturæ suæ materialis habet certas potentias & alias, quàm habet Mercurius vivus, & quicquid ambo habent, possident immediate à principio sui seminali, ambo verò hæc per compositionem sociata, dant novum concretum, nempe Mercurium cum sulphure antimonii, i. e. cinnabarin antimonii, quæ longè alias virtutes, externas respectu coloris, & internas respectu effectus, nempe diaphoreticas, antepilepticas, anodynas, &c. diversas ab iis, quas per se singula habent, fortitur. Nisi enim jam à principio seminali singularem texturam haberent, non possent in cinnabarin combinari; quia textura hæc ejus oritur immediate ex textura particularum alia, mediatè autem ex mixtione & immutatione texturæ & particularum invicem.

In textura autem ista medicamentorum secundum minimam materiali, in qua eorum vis medicamentosa fundata est, considerandus est texturæ nucleus, seu crasis seminalis HELMONTIO dicta, vulgò Chymicis *Quinta Rerum Essentia*, PARACELSO *Essentiatum*; quæ est substantia in concreto maximè medicamentosa, respectu cuius aliæ concreti particulæ ejus similem operationem exercere nequeunt; hoc est, purum concreti ab impuro debet separari; verbi gratia in cinnamomo vis tota analeptica medicamenti hujus consistit in oleo ejus volatili, quod totam crasim ejus seminalem in se continet; cortex remanens est cadaver spoliatum omni virtute medicamentosa, hocque oleum quinta cinnamomi essentia, seu crasis ejus seminalis, meritò vocari potest. Sic jalappæ vis purgans diffusa quidem est per totum ejus corpus, crasis tamen laxativa velut in nucleo concluditur in resinosa substantia, quæ ritè extracta est resina ejus, seu quinta essentia, reliquum inerme est cadaver. In hisce ergo operosa est Chymia, purum ab impuro separans, recondito nucleo, corticibus verò ceu inanibus rejectis.

Textura dicta minutissimarum particularum in concretis, earumque seminalis crasis, cum certò à priori definiti adhuc nequeat, ob id secundum particularum quarundam in concreto magis prædominantium, in specie per particularum salinarum, Acidi nempe & Alkali seu Urinosi, proprietates circumscribi solet; quia

(1.) Dictæ salinæ particulæ pro materialium textura primatum obtinent inter alias, nempe pingues seu sulphureas, aqueas, & terreas particulas, utut hæc ipsæ omnes probabilissimè ex sola aqua primam nanciscantur originem.

(2.) Quia ex iis effectus quam plurimi naturales deduci possunt.

(3.) Quia aliàs in omnibus, tam naturæ quàm artis, operibus, mirabiles planè ac simul potentes se exhibent; &

(4.) Ipsa simplicia & particularia remedia saporum variorum sensu, proximè ex salinis principiis derivandorum, ceu tot differentibus medicamentorum craseos indicibus, se nobis subinde exhibent.

Habemus enim acida & alcalina in vegetabilibus salina principia: Illa in acetosis fructibus, succis, lignis, &c. hæc in antiscorbuticis, vulnerariis &c. In animali regno præceteris sal alcali volatile, copioso oleo temperatum, (sub quo occultatum est Acidum) luxuriat; in mineralibus verò imprimis Acidum dominatur, nunc crudum, nunc pinguedinis tegmine sulphureum; quod vel fixius, adeoque temperatius & nobilius, ut in metallicis, vel volatilius & acrius, ut in reliquis.

Ceterum sub generali isto Acidi & Alkali conceptu specialis horum in unaquaque specie, & ut dixi, seminalis differentia, attendenda est; secundum quam specificas & sibi proprias qualitates seu dotes obtinent: hinc v. g. sal alcali in armoracia specificum est antihypochondriacum; sal volatile oleosum in chelidonio majori specificum antiistericum; Acidum spiritus salis est speciale diureticum; Acidum spiritus nitri est specificum carminativum, &c.

Contra hanc tamen doctrinam, quod medicamenta per contactum corporalem, & qualemunque texturæ suæ materialis miscelam, aut applicationem ad corporis partes operentur, tria potissimum solent obijci, & videntur ob stare. Prima ratio est *Vis medicamentorum*, præsertim sublimiorum, *irradiativa*, in distans operatrix, ab HELMONTIO tantopere decantata, qua remedia sine ullo contactu vel materiali sua miscela, saltem per influxum

quendam idealem, adeoque virtualiter medeantur morbis. Statuit enim hic, superiores & sublimiores medicamentorum agendi potentias seu particulas in stomacho se explicare, atque exserere & afficere saltem irradiativa virtute instar radii luminosi Archæum, qui occasione remedii varias ideas cudet, pro quarum ductu dirigatur in Cura morborum, ut idem medicamentum diversas operationes exferat: item cum ipsi HELMONTIO oriantur morbi tantum non omnes, proximè ab ideis vitiis aut peregrinis in Archæo pictis, operari remedia saltem vel istas ideas peregrinas Archæi extinguendo, vel alias novas, istis in Archæo præexistentibus contrarias, tanquam in speculo repræsentando, quarum intuitu Archæus novam ideam rerum agendarum sibi fingat, & reducat in debitum operandi modum, ipseque certo modo dirigatur in morborum medela. Hæc doctrina HELMONTII videtur comprobari, quod quædam sine imminutione ponderis excernantur ex corpore, & tamen potenter operentur; v. g. globulus ex regulo antimonii rejiciatur integer sine tantilla mutatione, vel in forma vel in pondere, licet mille vicibus propinetur. HELMONTIUS probat per Infusa antimonialia, quæ citra materiæ communicationem irradiando saltem vim singularem medicamentosam Infuso tribunt, ut idem vitrum millies post hæc infundi queat, eodem pondere, iisdem viribus & vi inexhausta, non amissa, rejectum, sicque circa materialem sui communicationem, odorem quasi tantum Infuso largiendo, operationem & effectum emeticum edat. Hoc etiam ulterius probare vult per Mercurium vivum, in præparatione aquæ Hermeticæ, vel cum aqua communi seu appropriata quadam, ut hyperici, graminis, florum sambuci, & in quibus Mercurius infunditur probè depuratus, in loco calido per diem & noctem relinquitur; vel probè invicem tantum agitantur, ac decantatus denique liquor egregii usus deprædicatur in vermibus necandis & expellendis interne, & euporiston optimum scabiei externe: Mercurium ergò nihil communicare aquæ dicit, cum subsideat eodem pondere, ut pro eodem usu creberrimè sic infundi iterum possit; cum, quia nihil decedat, nequeat dici, cum per materiæ seu minima communicata operari; ceu prolixius hoc urget HELMONTIUS in *Tract. In herbis, verbis & lapidibus magna virtus*.

Sed non opus est, ut ad hanc irradiationem, quia non est perceptibilis, refugiamus; exempla enim hæc id, quod debent, minimè probant: Falsum enim est, vitro antimonii nihil penitus decedere in Infusione cum vino vel aqua appropriata; alterationem enim utique patitur per Infusionem sive vini sive aceti. Acor quippe horum subtilissima quædam, licet pauca & mole minima, adeoque non sensibilia, ex vitro seu croco ramenta abradit, secumque auferit, quæ propter sui exiguitatem & paucitatem oculos fugiunt: rursusque acidæ & tenuissimæ vini aut aceti particulæ intra poros vitri antimonii vel croci ejusdem se abscondunt, & his se insinuant, ac ingressu suo, eas, quæ ablatae sunt partes, complent, sine notabili aut nulla ferè ponderis decessione, quod ex hoc non variè observatur, quia acidum liquorum horum poris vitri se insinuat, & licet præcipitentur seu subsideant, defectum sic supplet abrasarum vel abreptarum paucarum particularum: vid. PECHLINUS de *Medicam. Purgant. Facultat. cap. 6. pag. 77. 78. 79*. Quod verò ramenta quædam sint abrasa, patet ex eo: si infusio in copia facta sit, observatur semper aliquid in fundum secedere, si immota hæc aliquandiu persistat; hinc etiam est, quod in superficie liquor infusus minus seu non valde, inferius verò seu in fundo validissimè purget, & potentioris sit effectus, quàm superior pars, propter ramenta ibi congregata per subsidenciam. Quod autem acidæ particulæ poris vitri se insinuent, & ponderis supplementum præstent, ex hoc probatur; quod vitrum sæpissimè infusum, nihil vel parum virium demum retineat vel suppeditet, aut pauxillum tantum in vinum vel liquorem emittat, nisi de novo facta calcinatione & fusione per ignem, particulæ acidæ liquorum extraneæ hospitio suo pellantur & rursus separentur, dum demum, crusta quadam separata, & libertatem nacta vis purgans de novo se explicandi & infuso conjugandi, ita excitatur. Neque alterum exemplum probat vim irradiativam remediorum, Quoad Mercurium enim, notandum, quod etiam optime depuratus superficiem tamen habeat nigricantem, idque ex particulis à terrea substantia arreptis. Dein si aqua ista Mercurialis, vel per decoctionem vel per infusionem tantum facta, ritè consideretur, aliquid tamen ex Mercurio iussu-

suffurari per illam deprehenditur. Quamvis enim Mercurius purissimus videatur, semper tamen nigricantem substantiam saturninam metallicam admixtam habet; hæc ex parte secedit in aquam, minutissimas tamen Mercurii particulas secum habet junctas in aqua hinc inde fluctuantes, respectu quarum vim suam hæc aqua exserit; diffusus quippe sic per totam aquam est. Si autem in copia hæc aqua preparatur, & aliquandiu seponatur, subsidere tandem guttulas minimas Mercurii vivi, in fundo collectas successivè & junctas, visu quoque deprehendere est. Operantur ergo hæc utraque pro materiali sua admittance, non verò radiativa vi. Cur autem detrimentum adeò exile in illis hætenus non observatum fuerit, aut vix observari queat, rationes suggerit BOYLE, qui videatur *Tractatu de summa subtilit. effluvi. cap. 5.*

Secunda ratio, quæ obitare videtur, est, quod nempe remedia quædam naturæ & texture firmioris sint, quæ ultra primas vias, præsertim stomachum & intestina, viasque urinarias, notabiles operationes edere nequeant, in longè tamen diffitis locis & partibus corporis remotioribus seu extremis operationes insignes edant, ac ibi vim suam exerant: v. g. Cinnabaris antimonii, quæ excernatur licet rursus per alvum in infantibus & aliis, & sic ultra primas vias corporali suo contactu non pergat, adeoque virtutem suam, quam per se exserit, haud longius extendat, suas tamen operationes in febribus malignis egregiè peragit diaphoreticas, anodynas & antiepilepticas. Par ratio est fixiorum plus minus terreorum & metallicorum, v. gr. Martialis, antimonii diaphoretici, Bezoardici mineralis, & aliorum fixorum antimonialium, ultra primas vias non pervenientium, & tamen sudorem in totius corporis superficie optimè brevi moventium. Refert huc HELMONTIUS sulphura fixa metallica in specie sulphura vitrioli anodyna, quæ admodum jactitat hinc inde, quæque in ventriculo saltem per radii sui diffusionem, Archæum afficiendo, operentur; vid. *Tractatus à Sede Animæ ad morbos* §. 21. p. 299. & *Tractatus, Confirmat. Morborum Sedes in Anima* §. 14. & 7. pag. 565. & TACHENIUS in *clave cap. 8. p. 194* item *cap. 9. pag. 287* & sequent. Sed de his dabitur occasio respondendi in sequentibus. Distinguendum ergo hic inter effectus remediorum immediatos & mediatos, seu per se & per Accidens factos: Tales enim tantum sunt mediati, mediante nempe Alteratione humorum & succorum in primis viis facta, quatenus vitiosos sapes Hippocraticos, errore digestionis primæ enatos, ibique nidulantes, corrigunt, absorbent ac invertunt, à quibus ut longè diffiti subinde generantur affectus, ita & istis remotis iidem curabuntur. Sic concreta fixa & præcipitantia vulgò dicta, v. g. Antihecticum Poterii, antimonium diaphoreticum Martiale, ex Mercurio vitæ paratum, non penetrant ad massam sanguineam, sed in primis viis operantur, non secus ac osteocola in fracturis ossium, & crytallus pro scaturigine lactis: vid. *Dissert. mea de Præcipit. pag. 25.* Et posito ea ad massam sanguineam penetrare, alterabuntur tamen in ventriculo à sapore fermenti plus minus acido & sic saturata & enervata, plus minusve activa, pauca efficiunt ibidem.

Tertia ratio quæ obstat, *Curationes infert Sympatheticas, magneticas, & per transplantationem morborum*, de quibus quædam inferius, ubi de morbis spirituum agendum. Hoc saltem monendum, virtutem illorum remediorum non virtute remediorum irradiata, sed textura materiali, & per contactum corporalem fieri: v. g. in pulvere sympathetico est contactus corporalis vitrioli Veneris ritè calcinati cum sanguine vulneris vel narium ex hæmorrhagia. Virtus ergo hujus sese exserit in sanguinem, qui hanc longius per spiritus distribuit, & sic operatur.

Sic ergo firmum, operari remedia in corpore humano per Contactum materiale. Res enim patet ulterius, si consideremus, remedia operari eodem modo, quo applicantur. Fit hoc autem vel externè vel internè.

Externè sub forma lituum, emplastrorum, fotuum, &c. vel profundius interiora penetrant, vel in superficie cutis saltem vim suam & operationem exserunt. Quæ potentius penetrant, operantur simpliciter odorum instar, seu quatenus particule minutissimæ seu moleculæ certo modo contentæ, effluviis subtilissimorum saltem forma seu odorum instar, successivè in corporis poros, & ita transeundo per illos se insinuant satis profundè intra corpus; adeoque vel per patulas eorum vias insinuatæ, vel immediatè alterant partem subjectam, sive solida sive fluida sit, ejusque spiritum insitum simul afficiendo; vel mediatè & ul-

terius progressæ in sanguinem, in hujus spiritus influos ulterius se insinuant, eosdem penetrant ac alterant, sicque in corpore nostro multiplices operationes exerunt: unde in genere Externa, quò magis subtilia, spirituosæ & volatilia, eò efficacius & promptius operari solent. V. g. quibusdam in usu sunt emplastra seu unguenta purgantia, Omphalica seu Umbilicalia dicta, ex scammonio, colocynthide, felle tauri aloë pulverisata, &c. præparata, item de Arthanita dictum; quæ umbilico ac plantis pedum applicata vel inuncta laxant, immò largiter interdum purgant, teneriores sursum, robustiores & duriores deorsum. Hæc operantur, dum particule eorum minimæ se insinuantes, partim ventriculum & subjecta intestina vellicant, pungunt, horumque humores seu contenta ad excretionem stimulant, partim in massa sanguinea aliæque corporis contenta se insinuant; ejusdemque texturam solvunt, fundunt, colliquant, & ad intestina præcipitant & eliminant. Sic cantharides nuchæ aut aliæ parti vesicandi gratia applicatæ, & cutim subjectam erodendo, ruborem, inflammationem, & hujus succum roridum in liquamen solvendo, hincque vesicam excitant; simul tamen sanguini particule quædam sese insinuantes succos partium roridos seu serum laudabile pariter in liquamen solvunt & convertunt, nuncque ad copiosam urinæ in renibus secretionem adigunt, quæ ad vesicam deposita in insigniori quantitate excernuntur; immò dysuriam & mistum cruentum aliquibus, & interdum vesicæ exulcerationem, inducunt; quod aliàs quoque fit, si internè non ritè assumantur. Sic Mercurius vivus plantis pedum licet illitus cum axungia porcina, lassitudinem totius infert, os, gingivas & collum insigniter tumefacere facit, imò salivationem insignem & horrendam, interdum & diarrhœam, totum corpus cum atomis penetrando, excitat, ita ut Ducatus in ore retentus obducatur albedine. Sic notum est, quod in rigore febrium intermittentium olea destillata acriora, caryophyllorum, macis, cinnamomi, menthæ, absinthii, &c. scrobiculo cordis illita eundem notabiliter imminuant; sicuti recordor Balsamum stomachale, ex oleo macis, caryophyllorum, cinnamomi, menthæ, &c. paratum, ventriculo propter vomitum illitum, ægrum sub excretionem saporem hunc percepisse; Hæc remedia igitur talia sunt, quæ volatilitate & subtilitate particularum se odorum instar profundius insinuant, & poros corporis usque ad ventriculum penetrant, hinc sale suo volatili acri oleoso Acidum, partes membranosas ventriculi & intestinorum vellicant, destruunt; quorum virtutem indere & promovere later calefactus desuper impositus insigniter potest; sic enim apertis poris per calorem, & celerius & profundius fit ejusdem penetratio & operatio. Sic epithemata ex succo sempervivi majoris, nitro & aceto, testibus applicata, ardorem totius corporis, hincque subsequentem cephalalgiam, nec non ebrietatem, à largiori vini haustu illatam compescunt, non secus ac narium hæmorrhagiam à sanguinis ebullitione, refrenant: item in mensium nimio fluxu applicant etiam hæc epithemata mammis. Sic spiritus vini camphoratus, crocatus, lateri pleuritico illitus vel applicatus levamen præstat mirabile, sanguinis grumos sub cute dissolvendo & discutiendo, pus resolvendo, dolorem & inflammationem sistendo. De his externis legatur D. MAJOR *Dissert. de Inunct. Verticis*; quæ elegans est. Quæ autem in superficie saltem applicata vim suam exserunt, sunt Concreta fixiora, & quæ immediatè alterando partem subjectam solidam, causas morbosas intercutaneas saltem impediunt, & remonent, & hujus fibras & spiritum insitum saltem alterant, ut saturnina, sive in pulveris forma, sive litus, sive lactis virginis forma, pro inflammatione, æstu & ardore partium sistendis, quæ operantur emolliendo, imbibendo, sicque figendo particulas acidas volatiles, fibras cutaneas afficientes. Sic quoque lac anodynum dicitur, non cutim penetrando, sed saltem ejus fibras blandè afficiendo & demulcendo, acre mitigando, sicque emolliendo indurata, &c. quod itidem de reliquis cataplasmatibus emollientibus notandum.

Ex his sequitur, qualis selectus in his remediis externis sit habendus pro ratione & varietate usus; si enim debent profundius penetrare, non adhibeantur fixiora, cum volatilia hoc solum agant. Laudatur hinc BURRHII experimentum ex BARTHOLINI *Censura 3. Epistolarum*, quod emplastrum heri admodum altero die removerit, quod totum consumptum deprehensum fuerit, & omne volatile se corpori insinuaverit, ac tantum materia aliqua viscida remanserit. Ad hujus ergo similitudinem litus emplastri-

Plastriformis parari potest ex spiritu salis ammoniaci, subacto cum terebinthina, leviter calefactis, qui fit saponiformis agitatione facta in mortario lapideo. Hic applicatus extrinsecus, a nodynus est in affectibus dolorosis; ab Acido oriundis planè mirabilis, cumque adeò penetrans sit, de eo parum altero die restitat resinæ viscide, reliquis particulis volatilibus intra corpus se insinuantibus & ingredientibus: vel ad imitationem DECKERI in *Nutis ad Praxin in Barbette cap. de scrophulis* ex sale volatili oleoso, subacto cum butyro recenti non-salito, Linimentum evadit anodynum emolliens & egregiè resolutivum.

Ex his patet, malè remedia applicari externè Adstringentia in iis hæmorrhagiis ex locis profundioribus & vasis internis provenientes. Sic mulierculæ quoque lumbris applicant emplastrum Comitissæ pro abortu præcavendo, cum tamen hæc externa interdum cum nocumento in morbis internis & profundioribus applicentur; poro enim superficiei claudunt. Non ergò nisi in vitiis fibrarum, & cutis externis applicanda sunt talia.

Interna medicamenta assumuntur intra corpus, & alimentorum via ordinarià descendunt. Hæc autem nunc propiùs operationem suam exerunt, nunc ulteriùs ad loca remotiora se diffundunt & penetrant; idque pro texturæ materialis, vel volatilioris vel fixioris, vel solubilioris ac minus solubilis ratione, ac prout difficiliùs vel faciliùs sunt alterabilia, & hinc pro circumstantiarum ratione nunc in primis viis operationem exerunt, nunc ulteriùs progrediuntur. Hinc corpus commodè in tres regiones dividitur, ad quas materialiter se extendunt operationes medicamentorum:

Prima Regio primas vias, hoc est, œsophagum, ventriculum & intestina, ductus felleum & pancreaticum, ut & vasorum mesaraicorum quorumcunque oscula, & ratione urinæ potus vias urinarias suo modo complectitur, ultra quam viam immediatè & propriè dicta remedia fixiora non adscendunt, ut C. C. ultum, Martialia, Antimonialia fixa,

Secunda Regio ipsa vasa lactea ductum thoracicum, vasa sanguifera, & his appensa viscera, quæ massa sanguinea immediatè alluit, pulmonem, cor, hepato, lienem & renes comprehendit, & etiam ipsam lympham suo modo complectitur. Talia remedia ad has vias immediatè se exerentia sunt volatilia & generosiora spirituosiora, spiritus inflammabiles salia volatilia, essentie, resinæ, extracta, &c.

Tertia demum Regio cerebrum & connexum systema nervosum cum membris remotioribus, & externam denique peripheriam corporis continet, ad quam dicto modo medicamenta volatiliora quoque penetrant, in specie mediante sudore, cujus beneficio longè lateque diffunduntur, quæ alias vix eo usque pertingere valerent. Nempe prout potentius vel debilius, volatilius vel fixius, magis vel minus alterabile fuerit remedium, etiam per se longiùs vel propiùs operationem suam extendit.

Res clara fit, si post assumptum purgans, quod materialiter se extendit ad sanguinem usque, & in habitu extremo faciens sudorem, non per purgationem operatur; quod enim magis medicamentum quoddam sudorem prolicit, eò longiùs vires ejus diffunduntur, hinc extendit se Purgans duoque usque ad cutem. Hæc autem omnia de trium harum regionum, ad quas materialiter sphaera activitatis remedium se extendit, ambitu intelligenda sunt, quæ saltem operationem & effectum immediatum quemcunque per se exerunt, cum & mediatè quidem & per Accidens, & prout respectu corporis considerantur, in longè diffitis etiam locis suas operationes exerere, & effectum post se relinquere queant: quod uti, secundum quosdam, virtutem irradiativam poterat inferre, dubium tamen manet, quomodo hanc virtutem exerant. Quod ergò volumus ut se longiùs exerat virtus illa, eò magis imperentur sudores, quibus eò deferri commodè possunt.

Observandum autem, quod medicamenta, utut immediato suo contactu ultra primas vias non pertingant, seu transcendant mediatè, tamen in diffitis locis exerere virtutes suas & effectus dicuntur dupliciter.

Primo, quod nempe radix & fundamentum quamplurimorum morborum, tam universalium quàm particularium; hæreant in primis viis & ventriculo, ut in hocce rectè limen sanitatis & morborum à multis positum dicatur, quatenus nempe fermentum ventriculi digestivum sanum, succus pancreaticus & biliaris, à crasi naturali plus minus

secedunt, & degenerant, hincque fundamentum etiam plurium morborum sunt: id quod in affectibus ventriculi & duodeni, per consensum totum corpus afficientibus, videre est. Unde si illorum succorum Qualitates præternaturales & saporum vitia deleantur, vel sapores vitiosi peccantes corrigantur, contingit simul, ut effectus seu producta morbosa in distinctis locis successivè deleantur, & cessent. Sic in sexu sequiori non rarum est, quod ex ventriculi vitio, huiusque crasi materiali quadam, cardialgia, hinc lipothymia, syncope, frigus extremorum, sudores frigidi & colliquativi, imò passio hysterica, per consensum fiant; è contrà hæc, cum ex stomacho oriantur, si materia peccans in hocce corrigatur, statim evanescent, & sic per remedium, in ventriculi contenta operationem exerens, corriguntur & curantur. Radicem febrium intermittentium in ventriculo hære, huicque prima fundamenta debere nullum dubium est; quarum causa & materia peccans ubi fuerit sublata, omnia symptomata in abditis corporis locis, v. g. totius corporis frigus seu algor, æstus insignis, sitis clamosa, cephalalgia, anxietates præcordiorum, &c. sopiuntur, & una veluti falce demetiuntur: hinc enim est, quod quædam medicamenta virtutem suam etiam in locis remotis exerant, nempe mediatè, & quia effectus eorum per Accidens sequuntur. Sic C. C. ultum non inconcinne pro scopo sudorifero propinatur, quam calcem tamen demortuam, eodem modo ac sal C. C. volatile, ultra ventriculum & primas vias per vasa pergere, & liquefaciendo massam sanguineam sudorem ciere, nemo facile asseret; cum tamen saltem alteret Acidum in primis viis hærens, cujus ratione & occasione sudor impediatur; quo Acido correcto sudor sequitur. Sic fixa ista concreta, corallia præparata, calces conchyliorum, specificum febrile STROBELBERGERI & CROLLII, calx busonum, similiaque alia calcinata febres intermittentes, & speciatim rigorem, optimè curant; utut non semper æquè tutò hæc operentur, quatenus saltem fermentum peregrinum in ventriculo figunt & concentrant, hincque febrem sedant, indeque reliquam in corpore massam sanguineam alterant; sunt enim alcali fixum, sive calx matris perlarum, sive concharum calcinatarum. Sic cancrorum lapilli in vulneratis, e. g. in pede ardorem, ruborem, inflammationem huiusque dolores sedant, non aliter ac si materialis eorum contactus ultra ventriculum se extenderet; sed quatenus Acidum vitiosum in primis viis corrigunt, & sic simul & consequenter Acidum vulneris ex hoc ortum cum pathematibus omnibus mediatè compescunt & absorbent, quod omnia hæc pathemata causabatur, cum è contrà sumpti vini vel acetii paucillum in vulnere pathemata hæc admodum exasperet. Sic lapis osteocolle, prava dosi oretenus assumptus, calli generationem in osium fracturis, à stomacho licet remotissimis, mirè promovere quis autem putabit, fixissimum hoc corpus, nec ullo menstruo aliàs faciliè resolvable, eousque pertingere immediatè & ad partem affectam? Operatur igitur removendo & præcavendo Acidum, quod calli generationem aliàs impedit, sicque eam promoveret. Podagræ sanè & nephritidis radix sepe hæret in ventriculo, unde tantillum vitiosi & spirituosissimi Acidi elapsi articulos torquet, & calculos in renibus coagulat.

Quid igitur mirum, si fixa, v. g. aurum diaphoreticum fixum Poterii, vel Mercurius plus minus fixatus, Acidum primarum viarum absorbendo, in paroxysmo exhibita lithiasin, ischiadem & podagram curent, ac eorum affectum causam removeant; extra paroxysmum verò assumpta præcaveant? Antimonium, Acidulæ, potus medicati naturales, & Martialia quælibet, ultra ventriculum & primas vias materialiter non penetrant, hinc etiam alvi excrementa nigrore ex sui præsentia inficiunt; nihilominus in menstruis provocandis, & aperiendis yasis uterinis, felici cum successu commodè adhibentur: & hoc etiam optimè præstant: non secus ac corallia, ac dens hippopotami, & hæmatites lapis cum terra sigillata hæmorrhagias narium confirmatas & habituales scorbuticorum, aliorumque, item profusorem menstruorum scaturiginem compescunt, quæ tamen non ultra ventriculum operantur, multò minus ad loca, unde sanguis emanat, pertingunt. Martialia quoque hoc præstant, quatenus vitiosos sapores maturè absorbent & corrigunt, sicque turgescientiam massæ sanguineæ impediunt; lapis verò hæmatites, dens hippopotami & corallia, acria illa salia & scorbutica fermenta, quæ erodunt vasa & membranas narium, vel organum speciem seu turgescientiam in sanguine, & hinc consequentè vasorum aperturam, causantur, in primis viis corrigunt & emendant, atque illo-

illorum texturam invertunt, adeoque dictis malis, etiam longè à stomacho diffitis succurrunt.

Multi huiusmodi affectus obvii sunt in Praxi quotidiana, in quibus remedia, quæ quamvis ventriculum tantum contingant, spheram activitatis tamen extra & ultra intestina exerunt, & extendunt in longè remotis locis, licet medicamentum eò non pertingat. Si enim ventriculus sanitatis & morborum limes est, & ex ejus errato, & inde nato peregrino Acido, etiam longè remotæ partes plestuntur, etiam ex illo Acido primarum viarum correcto, vel alio vitioso sapore ex illius loci cruditatibus genito, vel eò transmissio, immutato, evulsa quasi radice fructus morborum spontè evanescent. Forsan huc pertinent omnia metallica remedia fixa, eaque sulphurea; quæ HELMONTIUS *passim*, & POLEMANNUS in *Scripto suo de sulphuræ Philosophorum*, jactant: Hæc similiter etiam saltem in stomachi contenta operantur, aut corrigendo fixiores radices morborum Chronicorum in primis viis, sicque effectus suos exerunt, ut adeò non opus sit, ad virtutem quandam irradiativam confugere, à nemine adhuc probatam.

Remedia autem, quæ oleo & sale volatili constant, materialiter ad vias urinarias & massam sanguineam penetrant, qualia sunt v. g. terebinthinata, salia volatilia, spiritus inflammabiles, & remedia salina vehiculis aqueis promptè solubilia, & universum corpus alterantia. Hinc est, quod talia tam potentia sint sudorifera; analeptica, efficaciora omnibus fixis: Hinc dolores artuum vagi & fixi ab Acido orti per volatilia talia, acidum destruentia, præmissis præmittendis faciliè curantur. Huc faciunt volatilia in pleuritide, & inflammationibus erysipelaceis.

Secunda ratio, ob quam remedia, quæ saltem in primis viis operantur, effectum tamen insignem ac operationes mediata in diffitis partibus per accidens quasi præstant est structura corporis mechanica, seu mirabilis nexus partium invicem: aut partis cum parte, & mutua inter se inde nata conspiratio & consensus singularis, qui fundatur in specie in structuræ compage, & partium nervosarum nexu, mediantibus nervis seu systemate nervoso in nostro corpore. Hujus enim ratione fit, ut per consensum medicamenta hujus partis in locis longè remotis effectus etiam suos notabiles exhibeant, ut pluribus & eleganter hoc illustrat bombardæ simili *du HAMEL in Affect. Corporum pag. 383*. Hujus enim ratione fit, ut per consensum medicamenta hujus partis in locis remotis effectus suos etiam exhibeant notabiles. Sic v. gr. si consideremus in mechanico corpore automatis structuram rotarum, quarum minimæ motus si inhibeatur, aut tantillum impediatur, oppidò motum & curriculum totius turbatum observamus, & automa quasi morbosum evadere. Sic simili ratione, si in corporis quadam parte aliquid præternaturale sentiat vel illam afficiat, similiter aliæ per consensum & connexionem, quam cum illa qualicunque modo habent, etiam plus minus afficiuntur, & malè se habebunt, seu pars parti compatitur. Hinc est, quod plura capitis pathemata, v. g. cephalalgia in temulentis à crapula, vertigo scorbuticorum & hypochondriacorum, epilepsia infantum, &c. omnia radices in primis viis habeant, & ventriculo: ex quo tamen totum corpus plus minusve afficitur; & non nisi, per remedia stomachica, acidum ejus præternaturale absorbentia, curentur. Sic aurum fulminans, etsi operationem ac facultatem suam in ventriculo tantum exerat, epilepsiam tamen & pavores nocturnos puerorum, quæ totum eorum corpus concutiant, optimè & insigniter curat corrigendo Acidum digestionem primæ vitiatæ.

Oriuntur autem hi effectus, quatenus consensus ventriculi cum aliis partibus est per nervos: Hinc quoque illæ afficiantur necesse est; remota verò sic hac causa morbofa, removentur quoque demum omnes effectus morbofi: Sic VVILLISIUS in *Pharmac. Ration. P. 1. pag. 289*. opium, etiam adhuc in ventriculo existens, caput tamen plus minus somnolentum & turbulentum reddere, & dolorem etiam in pedibus sedare, observavit: HELMONTIUS in *Tract. Jus Duumvir. §. 22 pag. 306*. Causidici cuiusdam meminit, hyoscyami seminis incauto usu delirantis, semine adhuc in ventriculo existente, unde excreto hoc mucilagine quadam obducto, integro tamen, per Vomitorium exhibitum fuit curatus cum remissione & cessatione delirii ex momento ferè: Sic VVEPFFERUS in *Tractatu de Cicuta Aquat.* puellæ meminit 12. prope anorum, quæ ex esu radices cicutæ Cardialgiam, delirium,

Ettmull. Oper. Tom. I.

& convulsiones epilepticas seu horrendas convulsiones passa fuit, nicotiana autem pulverisata à parte propriata, mediante vomitu & excreta radice, integra adhuc reperta, benè se habuit, & cum remissione symptomatum in continenti curata fuit, statimque cibum appetiit. Hinc non est, quod dicas, hujus radices essentiam in ventriculo esse emulctam aut extractam, & corporis reliquis partibus seu massæ sanguineæ communicatam; aliàs enim post excretam radicem adhuc dicta symptomata remansissent. Uri enim plura remedia in ventriculo operantur irritando vel alio modo afficiendo hoc mediante genus nervosum; ita etiam diffitis in partibus, ratione Consensus inter se, remedium effectus observantur.

Notum siquidem est, quod iis, qui in pavimento lapideo frigido nudis pedibus ambulant, aut colica, aut tormina intestinorum, aut alvi fluxus, aut capitis dolor superveniant; non aliter, quàm per consensum ratione sui systematis nervosi, has pates omnes sic invicem afficiunt: Hinc hypochondriaci jejunes vertigine corripuntur, quam panis bucella sistit. Hinc parum pulveris sternutatorii, vel nicotianæ, vel liliorum convallium floris, membranam narium intimam vellicando, ratione conspirationis mutue seu consensus nervorum hujus membranæ cum pectoris musculis, universum thoracis systema in convulsivas concussiones stimulant: Hinc vesicatoria pedibus applicata epilepsias & deliria ex variolis retrocedentibus præcavent, interdum & curant. Simili quidem ratione remedia interna, dum adhuc in stomacho operantur, etiam in locis remotis effectum edunt: unde in medicamentorum in corpore operationibus subinde etiam ad structuram machinæ corporeæ mechanicam respiciendum, & hujus ratione medicamentorum vires per machinam agendi, & hinc in distans subinde operari, explicandæ.

His ita dilucidatis superest scrupulus hic: An non remedia analeptica seu confortantia, quæ subinde mox ac assumpta sunt, ægrum mirè refocillant, in ventriculo operentur? Vel an non simul immediatè ex ventriculo in partium poros ad vasa interiora alia penetrent, & vim suam exerant extra vias primas in corporis partibus reliquis? Sic sane notum est, quod, qui summè debilitati, ex haustu vini generosi mox robustiores fiant ægri, & novum robur virium sentiant sensibiliter. Robur autem hoc immediatè fundatur in spiritibus influis, mediata in massa sanguinea. Dubium ergo est, an spiritus alterati & vegetiores redditi sint? an verò immediatè penetrent istius remedii particule spirituosiores in corpus reliquum.

Pro decisione autem observanda probè sunt, quæ subinde ægris contingunt: Nempe aliud est roboratio virium vera, aliud est virium confortatio saltem apparens, quæ nullius est valoris: v. g. videmus ægrum ex haustu vini generosioris vegetiorem fieri; in hoc fit vera analepsis & confortatio: alium è contra animadvertimus ægrum, qui ab intense desiderato haustu aquæ frigide vel cerevisiæ subito quasi confortatur ac refocillatur, sed apparenter saltem; quæ enim aquæ aut cerevisiæ vis inerit, quæ tam subito confortentur? Dicemus igitur de Confortatione verà, quæ fit per spirituosam & penetrantia; in his vim remedii mox ex ventriculo per poros in vasa se insinuare ac pergere, hinc se sociare spiritibus, horum constitutionem, motum & vim seu impetum elasticum suo modo intendere, sicque verè roborare; quemadmodum odor saltem vini generosi vel spirituosorum debiles summopere ac mirabiliter refici & totam massam spirituosam corporis ægri perspirat. Si igitur externa remedia, per poros cutis penetrando in corpus, in hoc singulares effectus exhibent; quis dubitabit de vi penetrandi spirituosorum, ac de immediata spirituum, per horum subtilissimas & volatiliores particulas ventriculi & vasorum poros intrantes ac transeuntes, affectione spiritus immediatè afficere? si enim corporis partes externæ seu extra penetrantia admittant, cur non etiam internæ seu intra corpus assumpta? Ergo par ratio in ventriculo quoque erit.

Obijciat quis, hiantes magis in extremitatibus, seu cute corporis, undique esse tam poros, quàm orificia vasorum, hincque partes subtiles admittere; sed hoc non obstare videtur: Sic enim aqua cinnamomi, spiritus, & analeptica generosiora, in roborandis & refocillandis syncopticis, horumque viribus reficiendis, multum valent, & mox atque assumpta sunt, penetrando afficiunt spiritus influos immediatè, motum eorum tam localem quàm elasticum intendunt, & ita confortant.

O Verum,

Verum, quoad apparentem confortationem, monendum; subinde vexari egros symptomatibus in ventriculo perquam molestis, aut etiam materia quadam morbosa, quæ plus minus vires exhauriunt, quibus remotis, & epoto liquido quodam, materiam peccantem dissolvende aut tantum infringente, egri mox sibi videntur melius habere, utut propriè non sit vera euphoria. Sic ex contentis eruginosis in ventriculo pessimè sepe se habent ægri, nausea, cardialgia, aliaque symptomata superveniunt magna, quæ postmodum vomitu interveniente rejecta, consequenter cessationem symptomatum inferunt; hinc egri de levamine, & melius se habere, dicunt, quod hoc modo symptomata mitigata sint: sic quando insigniter in febribus malignis estuant, molestia circa præcordia excitatur ineffabilis, hinc sitis intensa, clamorosa sepe, quæ si sufflamminetur potu frigido, melius se habere egri, & robustiores facti seu sublevati videntur propter symptoma ex parte sedatum per corroborationem ex potu. Hæc autem euphoria saltem apparens est, & non propria seu genuina.

Dixi hæc, quomodo remedia operentur, in quibus crasis seminalis est nucleus medicamentosus, seu nobilior remedii pars, quæ tanquam purum separatum primariò vires medicamentosas exserat. Ex his infero, ulterius probè notandum venire, subinde minimum in medicamentis esse, quod maximam & principalem vim operandi exserat & excitet; sicuti aliàs notum est ex Pathologicis, minimum in morbis sepe maximas & funestas habere vires; & sic par quoque ratio in medicamentis erit: V. gr. sicuti in morbis contagiosis per contactum cutis, ut in petechialibus febribus, vel scabie ex contactu, item peste ex contactu aliquo, vel ex genitalibus contrectatis in lue Venerea, &c. minimum est, quod odorum instar, vel sub forma halitus, aut fumi, totum corpus afficit; quam tantillum item est, quod viperæ morfu seu punctura infligitur; & quam tantillus est felis halitus, quem ex idiosyncrasia quidam ob felis præsentiam ferre non possunt, inscii etiam hanc persentiant, & miris modis inde afficiantur aut torqueantur, usque dum auferatur catus vel felis: ita quoque in medicamentis pari ratione minimum est, à quo omnis operatio & effectus, notabilis sepe, eorum dependet, quodque se tanquam nucleum habet medicinale, immediatè à crasi simplici seminali profectum, cui altera corporea moles saltem pro cortice, vel integumento inservit, maximis viribus vel per totum corpus, sensibiliter affectum, vel etiam unam aut alteram ejus partem, ratione cujus cerebrum & totum etiam corpus per consensum mutuum postea afficitur & commovetur, se diffundendo, & quidem triplici modo:

1. Spiritus torpore aliavè simili ratione afficiendo, ut opiata & narcotica.
2. Partes fluidas fermentando, aut aliàs in textura notabiliter immutando, ut purgantia fortiora, quæ liquefcere cogunt humores.
3. Partes solidas sensibiliùs irritando, ut vinu emeticu, &c.

In prioribus duobus modis vis substantiæ medicamentosæ diffusiva imprimis attendenda, qualis v. g. in odoribus, thure, pulvere pyrio, oleis destillatis, castoreo, &c. obvia est, unà cum ejusdem solubilitate permiscibilitate cum fluidis corporis. Quantillum enim est, quod in vino emetico antimoniali abraditur, & tamen totum corpus perturbat, & truculenta ac violenta hypercatharsi maximè operatur ac sæpiùs torquet? Quantillum quoque est, quod in duobus vel tribus opi granis virtutem soporiferam & anodynā exlerit? non trigesimam ejus partem existimo, à qua vis ejus adò narcotica dependet. Quantillum est illius Amari in integro pomo colocynthidis, quod tam potenter purgat? Amaritie enim ex toto extracta, pomo integro resistenti de pondere parum decedit, in qua tamen tota ejus vis consistit, quæ granorum dosi miserè ac potentissimè corpus afficit, & tormina truculenta excitat cum catharsi; sicut pauxilla est sennæ mucilago, quæ parilem effectum exerit: Sic resina saltem est in corpore jalappæ, quæ purgat, quæ in ipso pulvere ad ʒss. in essentia cum spiritu vini ad ʒi. dilatata existit, ipsa resina ad v. vel vi. grana tantum æquè valide, si non potentiùs, operante. Quantum olei destillatur ex salvia vel mentha? in quo tamen medicinalis nucleus & crasis integra est radicata, cujus ii vel iii. tantum guttæ plus præstant quàm ʒi. essentiæ, & ʒii. vel ʒiii. decocti: Oleum destillatum fœtidum ligni guajaci vel tartari ad guttas paucas, ʒ. 6. octo vel 10. totidem Unciarum decocto non cedunt efficacia: volatilis ista substantia cochleariæ, raphani rustici vel nasturtii, quæ scorbuti est medela,

quanta corporis mole jacet obruta? quæ ipsa tota ex censu medicamentoso proscribitur, illis volatilibus partibus, facillimè exalantibus, saltem in remedium adscitis, in quibus egregia vis antiscorbutica, & in raphano diuretica, satis potens ac insignis existit. Consideremus porrò oleum quoddam destillatum, e. g. cinnamomi, anisi, &c. dissolvatur cum vitello ovi, & benè ac probè agitur: sic unica horum gutta ritè soluta integram mensuram aquæ simplicis odore & sapore sui sensibiliter satis inficiet, proportionè sanè utriusque multum ac valdè inæquali: sic Mercurii sublimati grana tria vel quatuor integram libram aquæ simplicis saporem suo austeriusculo notabiliter imbuunt ac inficiunt, in tantum nempe, ac tam latè hoc se potest diffundere. Sic in Mechanicis sicuti granum unum pulveris pyrii incensi, secundum Autorum computum, 12000 spatium majus occupat, quàm ante incensionem habebat; ita similiter vi diffusiva minimum remedii potest, quod totum corpus partim, partim aliquam tantum partem, sensibiliter afficit aut alterat; uti e. g. minima antimonii vel olei lignorum pars per totum corpus diffusa, item resinæ cujusdam, si ritè hæc dissolvantur & distribuantur, potenter satis operantur.

Considerandum adhuc ultimum monitum est; nempe quod quælibet interna remedia, cum ordinariè per os ingerantur, necessariò priùs pertingant ad stomachum & intestinum duodenum, antequam ulterius perveniant ad reliquas corporis partes. Suspiciari ergo quis posset, An non quælibet remedia hoc modo certam quandam alterationem & immutationem subeant, ita, ut exinde minus medicamentosa evadant? Ac quidem verissimum hoc est: nempe in ventriculo tam ratione fermenti digestivi, quàm ratione confluentis bilis & succi pancreatici in intestino duodeno, medicamenta interna plus minus alterari; vel vim eorum operativam imminui, vel aliam novam medicamentosam ex miscela ejus cum illis liquidis, & inde nova exurgente textura, acquirere.

Quando enim v. g. assumuntur, in ventriculo sanè fermentum digestivum, plus minus activum, plus minus acidum pro more quælibet ingesta aggreditur, eaque resolvendo in alimenti naturam transmutare satagit; adeò ut propterea HELMONTIUS asserat, medicamenta non pergere extra stomachum, quin prius deponant omne ferme remedii robur: vid. ejus Tract. in Verbis, Herbis & Lapidibus magna Virtus, ubi hoc argumentum ex professo tractat. Quò magis ergo subiguntur medicamenta, eò magis alimentosam naturam induunt; quo minus verò, eò magis medicamentosa esse solent. Ex hoc, dum ventriculus omnia remedia quoque pariter aggreditur, sequitur necessario, vim medicamenti plus minus infringi, quatenus (1) patiuntur ab eo quid, (2) dum se sociat hic fermentum digestivum, de acore volatili participans formaliter in ventriculo; in intestino verò deinde duodeno bilis & succus pancreaticus, necessariò medicamentum non leviter in textura mutatur, & consequenter alias vires novas plus minus recipit: hinc enim, quod quælibet plus minus patiantur, est, ut ejusdem remedii usum sæpe non tantum in diversis, sed quandoque etiam in eodem subiecto, & in eodem affectu, diversa subinde sequatur operatio, dum idem purgans sæpius jam assumptum hoc modo se xies purgavit, & tamen deinde alio tempore eadem dosi propinatum, non habeat eundem effectum, sed nunc vehementius nunc remissius operetur, prout aut ab Acido stomachi, aut à succorum in primis viis majore minoreve alterandi potentia, plus minus infringitur; hinc enim Melancholici adeò difficulter auscultant purgantibus, ob prævalens in horum stomacho Acidum: Unde si v. g. propinetur sano ʒi. jalappæ, purgabitur 6. vicibus, ali subiecto nihil facit, quia plus vel minus medicamenta alterantur in stomacho & primis viis, hunc colocynthidis fortiter purgat & torquet, illum parum admodum afficit: sic omnia ea subiecta, quæ sunt stomacho robusto, etiam fortiora requirunt remedia, aliàs vis eorum medicamentosa non penetrat. Et sanè quò debiliior est vis stomachi digestiva (qui debilem stomachum habent:) eò sensilior quorumvis medicamentorum erit operatio; unde etiam remedia, quæ in ægris, & sub defectuoso stomacho, perquam efficacia existunt, in sano tali parum vel nihil operantur: unde & venis canum infusæ purgantium & narcoticorum essentiæ, operant r promptè & efficaciter, ob virtutem remediorum haud alteratam in ventriculo, aut infractam, quam tunc liberius exserere possunt; quæ cruda tamen iis interius propinata, à fermento eorum acido plus minus alte-

alterantur ac subiguntur, hinc parvum vel nullum edent effectum: hinc pariter est, quod specifica non semper eundem fortiantur effectum, prout nempe plus vel minus in ventriculo alterata sunt; adeoque etiam idem remedium ægrum multum, sanum verò parum vel Nihil alterat. Nuperrimè elixyr proprietatis ad guttulas septendecim propinatum mulieri ægrotanti notabilius hanc afficiebat, cujus, sana brevi post facta, guttulas triginta sine notabili aliquo sensu perferebat ac sublinebat; quatenus nempe plus minus alterabatur hoc in ventriculo, hinc distincti ejus effectus oriebantur. Caro intrinsecus assumpta & digesta nos nutrit; sed eadem extrinsecus applicata brevi putrescit & horridè foetet. Farina secalina, imprimis triticea, item medulla panis cum lacte subacta extrinsecus emollit, temperat, suppurat, dolores lenit, sicque cataplasma anodynum constituit; quæ tamen internè nos nutriunt, alvum sistunt, ac humores acidos temperant: Sic Luna pura in aqua forti soluta amaricantes pilulas pro hydropicis vehementer purgandis præbet internè, quæ externè, tamen lapidem infernalem, seu cauterium chirurgorum, pro fonticulis excitandis ac inurendis constituit.

Nihilominus, dum in primis viis medicamenta plus minus alterantur, ex eo sequitur, quod in uno subjecto plus, in altero minus retineant de vi medicamentosa: Alterantur quidem, non omnem tamen vim medicamentosam penitus exuunt remedia, sed de crasi concreti, & textura sua materiali, sub digestionem aliquid, plus minus tamen, retinentia adhuc operari assolent; quod patet ex eo, quod percipiuntur effectus medicamentosi satis clari: unde non tantum alimenta quædam sunt medicamentosa, ut Armoracia, nasturtium, &c. sic sinapi semen egregium est in vertigine senum ex ventriculo & primis viis orta; sic purgantia, utut infringantur, penetrant tamen per corpus: ipsum lac nutricis imprægnant, ut infans hoc hausto inde simul laxetur; sic t ablinthii usus febribus intermittentibus ac hydropi optimè medetur; non secus ac chelidonium majus in cætero flavo est specificum, eundem curans; & macis ac terebinthina abstergendo & confortando vias urinarias, violaceo odore urinam imprægnat; elatium ac scammonium potenter purgant; hederæ terrestris hæmopticos vel suppuratos iuvat; quæ tamen non secus ac sal volatile C. C. vel viperarum potentissimè sudores movent; sic salia volatilia, utut alterentur in primis viis, non cessant tamen vires suas diaphoreticas & diureticas ulterius extirperere; sicut raphanacea vim suam diureticam notabiliter servant, excrementis etiam odorem suum imprimunt: lac capræ reliquorumque animalium, utut alimentum sit, scorbuticis tamen, phthisicis, & podagricis; vi alterativa confert egregiè, ex eo, si ea animalia pascantur herbis antiscorbuticis, antiphthisicis, & similibus appropriatis; & hoc est *Magnum* istud *Oportet Helmontii*: Sic notabilis observatio refertur in *M. A. N. C. Ann. 6. Observat. 215 p. 332.* de Marchione Brandenburgico, cujus cor post mortem, dissecto cadavere, fragrantiam suavissimam Analepticorum (similem confectioni al-Chermes, aquæ cinnamomi, similibusque Analepticis, quibus ultimis diebus ante mortem in copia confortabatur) odore referebat, ac ab Aditantibus percipiebatur; ubi medicamenta odores suos per totum corpus ad cor usque mediante massa sanguinea explicarunt.

Ex eo tamen, quod assumpta remedia partim in stomacho non leviter subinde alterentur, & hinc eorum vis immutatur, partim verò cum succis in intestinis & primis viis profluentibus misceantur, & ita insignem ac necessariò notabilem in textura sua mutationem patiantur, certum videtur, quædam medicamenta in dictis locis demum certam vim medicamentosam novam acquirere, quam formaliter antea non habebant: non secus ac in operationibus Chymicis, naturæ imitatricibus, ex varia combinatione quorundam concretorum simpliciorum cum menstruis, & hinc mutata simplicium textura, nova subinde fiant producta & concreta, novis virtutibus prædita. Sicut enim v.g. ex spiritu vitrioli & Marte fit vitriolum Martis subdulce, aperitivum primarum viarum & absterisivum, quæ vis non est in spiritu vitrioli simplici: lapides cancerorum, omnia conchyliæ & testacea, si vino vel aceto infundantur, tantopere immutantur, ut ex solvente & soluto emergat tertium quoddam diureticum: sic terra sigillata, item creta, imbibitione spiritus nitri, aut sulphuris, aut vitrioli, saporem & vim potenter adstrictoriam aluminosam acquirunt, quam formaliter antea non habebant: cum minio spiritus vitrioli in saccharum abita turni, hypochondriacorum solamen Quæ:

Etzmuli. Oper. Tom. I.

omnia tamen ex mutata & varia spirituum textura, & cum aliis corporibus combinatione; exsurgunt. Ita talia assumpta attractu succorum fortiter acidorum in stomacho vel intestinis, plus minus præternaturalium, novam alterationem, aut vim insigniter diureticam, aut vim potentiùs longè adstrictoriam necessariò acquirunt, quàm ex se habere assolent: sic lapilli cancerorum ab Acido primarum viarum præternaturali existente arrosi, saporem salinum & egregiè diureticum acquirunt: sic terra sigillata in dysenteria, & corallia, si inveniunt succos acidos, ex imbibitione fit nova textura aluminosa, & adstringit dein mirè: sic salia acida, aut assumpta acida necessariò inverti & immutari in primis viis in suo sapore; quæ si ulterius pergerent, stranguriam & tormina ventris colica excitarent; hinc consequenter ex mutata textura novas ac mutatas vires acquirere in salum immutata, quas ex se non habebant, ex dictis omnino evidens videtur; & Alcalia fixa, ut sal ablinthii, tartari, & reliqua calcinata, ut ebur ustum, corallia, &c. Acidorum appetitiva, quæ talia sunt sudorifera, in primis viis autem Acidi præternaturalis absorptione non sub forma nativa manent; sed novum concretum constituunt, hinc in naturam falso nitrosam abire, & sic alias vires, quàm nativas, obtinere, extra dubium est. Patet ergo, quod peculiaris effectus, quem observamus ex remedii assumptione, non præcisè oriatur ex remedio, quæ tali, sed remedium in corpore alteratum novam crasin & virtutem accepit; vix enim alio modo Hippocraticæ causarum morborum edomari poterunt, ac per ea, quæ similibus potentiis agendi sunt instructa, ad quæ sanè corporalis requiritur contactus ac miscela.

Triplex ex Regno partim ex minerali, partim ex animali, partim ex vegetabili, Pharmaceutica ista hauriuntur auxilia seu remedia, ut supra monitum fuit; sed raro nativa sub forma, seu, ut alia vocant, cruda adhibentur, sed ut ut plurimum ferè præparata, hoc est arte prius ad usum Medicum meliùs accommodata. Huic ministerio, medicamentorum scilicet præparationi, intervit Ars Pharmaceutica, quæ revera subordinata Chymicæ hujusq; pars est; nempe, quando hæc accommodatur ad usum hominum, dicitur Pharmaceutica, mutato nomine. Estq; hæc pars summe necessaria & subordinata Medicinæ, etsi hodie Medicorum ignavia, vel adminum locordia, ad Pharmacopœos devoluta, qui malè artem specialem & singularem eam faciunt; sicuti ex intermissa manuum armatarum applicatione in calibus Chirurgicis, hæc etiam à Chirurgis, qui utrique Medicorum ministri erant, singularem in artem contracta.

Finis verò seu ratio præparationis triplex est:

(1) Ut facilius vel assumi, vel aliàs corpori commodius adaptari queant; sic enim v.g. succus radicis ireos purgans, palliativum hydropicorum solatium, longè faciliùs usurpatur, quàm ipsa remedia cruda: sic gelatina cornu cervi, spiritus aut sal ejus volatile ad grana aliquot pro diaphoresi pluribus in calibus longè commodius & feliciùs adhiberi potest, quàm C. C. crudum, & quæcunque ejus præparata: sic loco urinæ humanæ ut plurimum ad Uncias aliquot nauseosæ, meliùs spiritus salis ammoniaci usurpatur: sic pulverem jalappæ plures qui nausant, sunt, cujus tamen essentiam citratam vel aurantiatam beneficio spiritus vini extractam, jucundiorē longè & gratiorē, faciliè recipiunt & assument, quæ est descripta à Bartholino in Epistolis: vitrum antimonii aut crocum metallorum internè præscribere meritò religioni sibi facit Medicus in substantia, ob vehementiam summam & periculosam, quam excitant, si in substantia sumantur, cum truculentis symptomatibus; longè igitur commodius Infusa horum vel cum vino præparata, vel sapa vomitoria per succum vegetabilem recentem parata, ab ægris assumi possunt. Observandum autè imprimis sub præparatione remedium quantū possibile, ut parva dosi, sub grato sapore, & minus nauseoso odore propinentur ac dispensentur.

(2.) Ut vis concreti seu medicamenti specifica & medicamentosa, vel crasis seminalis, vel quinta essentia, nimis occultata, vel aliorum nativa concrectione, & adhærescentibus crassioribus particulis obruta aut concentrata, foràs eliciatur meliùs, & purum ab impuro separatum seorsim exhibeatur, ut liberiùs adeoque potentiùs operetur: sic enim resina vel essentia jalappæ est sola substantia ejus laxativa, cætero corpore inerti existente: sic subjectorum aromaticorum energia consistit

in sale volatili oleoso sub forma olei destillati; unde ex aromaticis, mace, caryophyllis, aniso, destillantur olea in forma liquida, vel extrahuntur resinae in forma sicca, cum sola haec crassa medicamentosa seu nucleum vegetabilem concentratum contineant, relicto corpore inerti; consideremus cinnamomum, caryophyllos, galangam, & nostratiam aromata, mentham, feniculum, &c. quorum omnium crasis concentrata est in eorum oleo, & reliquum corpus instar cadaveris mortui se habet; hinc nempe tot spiritus, essentiae, solutiones, extracta, infusiones, decocta & similia e vegetabilibus inventa sunt, ut ex his nucleis & vis medicamentosa, subinde sub minimo recondita, eliciatur, separatus a quiescentibus & caetero cortice non medicamentoso, & facilius operetur. Vis enim medicamentosa se habet instar nuclei intra cortices angustati, qui ab inutili corpore eliciendus & separandus est, ne stomacho negotium facessat: sic v.g. aloë cum aqua fontana aut quacunque destillata extrahitur, ut hujus mucilago laxativa seorsim habeatur, cum resina balsamica ejus pro scopo laxativo non inserviat, ac nihil hic valeat. Robjuniperi exhibet crasin concentratam, quae in pluribus bacis dispersa delitescit: succus absinthii, essentia seu extractum ejus exhibet virtutem seu crasin ejus radicalem, dispersam per totam plantam, & rudioribus concreti particulis involutam. Hinc solliciti sunt Medici Chymici de tinctura antimonii, ex sulphure ejus fixiori paranda; in quem finem vitrum ejus rubicundum eligunt, in quo sulphur volatile per combustionem in auras abiit, fixius vero concentratum sit cum regulo, participans de auro; & tanquam optimum commendant: vid. KERKRINGIUS in *Notis ad Basil. Valent. Curram Triumphal. Antimonii*. Huc faciunt Quintae Essentiae, quando integra crasis vegetabilium concentratur in Essentiam liquidam: constant ex oleo destillato, sale volatili & spiritu volatili, quorum aliquot guttae plus praestant, quam aliquot unciae vegetabilium simplicium. Modus parandi in tribus consistit: in Destillatione, ubi elicitur oleum; in Fermentatione, ubi acquiritur spiritus; in concinna Putrefactione, ubi sal volatil acquiritur. Haec tria concentrata constituunt Quintas Essentias.

(3.) Ut, si quid adsit virulentiae & haeterogeneae aut nocivae potentiae in simplicibus, plus minus venenosae, vel omnino castratur, vel aboleatur, aut verò corrigatur, ut fiat minus inimicum: hunc nempe in finem Mercurius vitae per nitri triplum corrigitur, ut fiat nobis amicum & diaphoreticus: sic virulentia narcotica, e.g. opii, à quibusdam fermentatione cum succo cydoniorum, ab aliis rostitutione, ab aliis imbibitione vel solutione in Acidis, e.g. aceto, &c. ab aliis per urinosa, sal tartari, &c. digeritur & corrigitur, ut restiter solummodo vis anodyna blandè exaltata; non secus ac scammonium cum sui correctione per fumum sulphuris accensi acidum corrigitur, ut deposita virulentia nimia fiat blandum laxans; item helleborus niger per phlegma vitrioli, & causticus esulae cortex per acetum destillatum, Mercurius sublimatus corrosivus per additionem Mercurii vivi recentis, mitescunt.

Lubet hic, dum corrigi debere venenositatem jam dictum fuerit, paulisper digredi, ac venenorum naturam à paucis Medicis explicatam, tribus, ut dicitur, verbis explicare, per tria regna haec evolvendo.

Quid ergo venenum late sit, supra dictum est; in quo vero speciatim virulentia seu venenositas simplicium consistat? intricatum est negotium. Strictè & propriissime loquendo id venenum appellari meretur, quod sub minima mole nobis maximam infert alterationem, summè hostile est, & per se, non per Accidens, plus minus lethiferum.

Est autem Venenum vox respectiva, cum nihil in se ipso venenum sit, sed respectu saltem alterius tale existat; pariter ac medicamenta alterantia non, sine respectu corporis humani, Alterativa dicuntur. Deus enim Altissimus medicinam de terra creavit, non venena, hoc est omnibus simplicibus specialis sua seu specifica inest seminalis potestas & proprietates ipsi convenientes, unde harum proprietatum in concretis magna varietas, omnis ad suos fines à Sapientissimo Creatore ordinata, quae, quod uni alterive corpori

sint amica, alteri verò hostilia, ipsis per Accidens evenit. Nihilominus, dum quaelibet nobis sic sunt venenosa, semper tamen sub cortice simul singulares virtutes & potentias medicamentosas gestant sub veneni tegmine absconditas; ut in Mercurio & Antimonio patet: e.g. opium & helleborus sunt medicamenta venenosa, non tamen simpliciter, sed sub horum malignitate laxativa specifica vis ad maniam & melancholiam est recondita. Vnum idemque Objectum nunc alimentum, nunc venenum est, pro ratione doseos, secundum quam plus vel minus corpus alterat. Purgantia omnia in dosi moderata alterant, in excessiva destruunt. Nostrum ergo est, margaritas e sterquilinio separare, & ex veneno per correctionem & extractionem medicamentum utile elicere; pro quo scopo instituuntur Fermentationes, cum sale tartari digestiones, per Acida imbibitiones, ut malignitas corrigatur. Sic quaelibet animalia, quamdiu venenosa, & Autores hypercatharticos sunt, operantur ratione acidæ volatilis acrimoniae, quæ abundant. Vis Mercurii colligativa consistit in, Acido volatili intensissimo occultata; item arsenicum utut dulce videatur, & ob id à pueris pro saccharo aliquando comestum sit, horrenda tamen symptomata excitat, ob latentem acidam acrimoniam causticam, irritando primas vias nauseam, vomitus, tormina colica gravia cum convulsionibus lethaliibus gignit.

Haec ipsa subtilissima Acida simul contenta corporis colligare, eorum texturam mutare seu alterare, & in liquamen serosum fatiscere cogunt: sicut Acida sensibilia mineralium, animalium venis infusa, sanguinem coagulant, quod Experimenta Chirurgiae Infusoriae probant. Ut autem acida haec volatilia partes fluidas colliquant: ita solidas corrodunt, ac destruunt pariter.

In vegetabili regno triplicia sunt Venena, quatenus vim suam vel in spiritus, vel humores, vel solidas partes. & quidem vel seorsim vel conjunctim, plus minus exerunt.

Respectu primò spirituum talia quaelibet Narcotica plus minus dementativa, ut opium, nicotiana, solanum furiosum & maniacum, similiaque, respectu virtutis narcoticae, quam in spiritus exerunt. *Secunda classis* est eorum, quæ respectu humorum, quos afficiunt, hos colliquefacere & putrefacere cogunt. Talia sunt vehementiora purgantia, ut esula, colocynthis, scammonium, helleborus albus, &c. *Tertia* verò, respectu partium solidarum, completitur ea, quæ vehementius irritant, has pungunt, & unà plus minus corrodunt; aut quocunque modo graviter afficiunt: ut nicotiana, cicuta, sinapi, ranunculus, piper, helleborus, scammoniata, & quævis purgantia acriora, partium solidarum respectu, convulsionem excitantia.

Horum Venenorum, tam partes solidas irritamentum, quam humores colligantem, Virulentia consistit formaliter in eorum textura materiali, & quidem in acrimonia volatili-acida, nimis alterante humores, vel nimium irritante systema nervosum, quæ quia igni quodammodo similis est quoad effectum, caustica quibusdam non ineptè dicitur. Sicut enim ab igneis particulis rubor, ardor, dolor, &c. in parte solida, hincque contentorum humorum colligatio in liquamen serosum fit; & ita ab istis venenis, tam internè quàm externè applicatis, similia, solent excitari symptomata: hinc omnia illa sensuum judicio sunt plus minus acria; unde cum acrimonia haec eosdem cum igne effectus post se relinquit, merito in ea acrimonia acida nempe summè penetrativa, Venenorum natura consistere videtur. Et licet venena talia interdum linguæ apparente dulcedine videantur blandiri, ver. gr. scammonium, item lac esulae, utut dulcedo in superficie eorum lateat, hincque primo intuitu grata appareat; acerrimum tamen subtile est reconditum, quod mox inflammationem & exulcerationem faucium excitare, nunc ventriculum & primas vias potentissime irritare, fluidis verò commistum horum texturam dissolvere, in aliam consistentiam attenuandam mutare, h. e. colliquefacere valet; siquidem superficialis horum dulcedo latentem illam summam acrimoniam reconditam adhuc habet, quæ dein in faucibus & partibus solidis se exserit: Ita pari ratione arsenicum dulce apparet gustu, in ventriculo tamen & primis viis truculentissima venenositatis suæ edit symptomata; hinc quò magis Vegetabilia acria sunt, eò magis purgativa sunt. Haec formaliter huc usque.

Materialiter verò caustica hæ particulae sub forma resinae se sistunt. Narcotica autem venenositas, quæ spiritus

imprimis affligit, quantum ad præsens negotium pertinet, videtur in particulis oleosis summè diffusibilibus, spirituum motum & vim elasticam inhibentibus, eosque quasi condensantibus, consistere; quibus cohibitis, & turbato sic motu naturali seu confuso plus minus, varia phantasmata ab anima rationali conduntur & finguntur, unde narcosis, stupor totius corporis, & delirium, sæpè Mania, superveniunt. Materialiter ergo eorum vis in subiecto resinoso insigniter oleoso, diffuso tamen & insigniter amaro, radicatur, pro cuius varietate sique hinc immutatione etiam ipsa narcosis plus minus infringi vel mutari potest: vid. imprimis **BORRICHIVS** *Tractatu de Somniferis, item Act. Medic. Hassniens. Volum. 5. pag. 335.*

Neminem hoc terreat, quod dixi, in resina oleosa narcosis consistere; hæc enim vis narcotica est naturalis: Naturalia autem non confundenda cum artificialibus, nempe spiritibus inflammabilibus; quorum narcosis in oleosa substantia diffusa, in illis autem summè concentrata à natura deprehenditur.

In genere ergo mineralium & vegetabilium venenositas in certa quadam intemperie consistit, adeoque alexipharmaca venena, non nisi temperando, pellere aut corrigere asserit **BECCHERUS** *Physic. Subterr. lib. 1. Sect. 5. cap. 1. pag. 305.* hoc est, ut interpretor, venena talia in certa acrimonia acida subtilissima, & continentibus partibus & contentis liquidis hostili (illas quidem continuè & molestissime vellicante, adeoque ad spasmos irritante; has verò periculosè alterante) consistere; hinc fumi volatiles mineralium, e. g. arsenici, antimonii, &c. ob acrimoniam acidam volatilem, imprimis sulphuream, noxii sunt. Intelligit enim **BECCHERUS** intemperiem non formalem seu qualitativam, sed materialem seu quantitativam, hoc est, quod consistat in tali textura materiali, in qua particulæ ita conformatae emineant, ut infixæ partibus sensibilibus & fibrosis has merè rodere, humorum verè texturam solvere, discerpere, liquefacere, & in putredinem resolvere possint.

Hanc operationem vi alexipharmaca destruunt & corrigunt omnia, quæ eam temperare & mitigare valent intemperiem: Nam omnium vegetabilium & mineralium correctio in temperatura, seu texturæ illius immutatione fita est. Hac enim ratione & pessima venena sunt innocua remedia, interdum optima alexipharmaca; unde etiam experientia docet, corrigi omnia venena hæc mineralium & vegetabilium, vel

(1.) Pinguibus, spicula acida quasi obliuentibus, & obtundentibus, qualia sunt lacticia, semina oleosa, omnes terræ minerales plus minus pingues: vel

(2.) Contrariis salinis, tam alcalinis fixis quàm acidiis, texturam simplicium invertendo, & eorum activitatem hebetando.

Sic enim per nitrum, arsenicum corrigitur & figitur, & fit remedium in cancriosis affectibus elegantissimum: Mercurius viræ, aut flores antimonii, pessimè cathartici, per nitrum fiunt alexipharmaci: sic Mercurius sublimatus est pessimum venenum, cuius acrimonia corrosiva corrigitur adjecto Mercurio crudo & vivo, quæ denuò, scil. sublimate, invicem in Mercurium dulcem abeunt, quatenus hic dilatando istius acrimoniam mitigante, & suo modo temperare valet: ob id Mercurii sublimati assumpti alexipharmacum est, lac copiosius haustum, oleum amygdalarum dulcium, butyrum, &c. acrimoniam illam malignam & virulentam obtundens & demulcens; vel alcalia, ut sal tartari, oleum tartari per deliquium, nitrum fixum, &c. Acidum corrosivum destruens; vel crystallus montana substantia sua terrea istud absorbens. Sic vis arsenici consistit in Acidi Acidis sulphureo Mercuriali, quod præter phænomena, quæ in nobis excitat, ex ejus in corpus metallicum, h. e. regulum, reductione patet: ejus intra corpus assumpti correctio & medela in lacte copiosiore vel butyro largius superingesto consistit, quatenus pinguis acris, corrosivum obtundunt. Hinc etiam in schola **GALENI** usus obtinuit, ut acriora purgantia, colocynthis, &c. subigantur cum oleo amygdalarum dulcium, ut eorum acrimonia corrigatur: sicut etiam Arsenici correctio obtinetur extra corpus mediante nitri triplo vel quadruplo detonatione, quatenus ejus Acidum corrosivum partim cum fumo abijt in auræ, partim quatenus in falsum tertium alexipharmacum, & in ulceribus cacothetis admodum conducibile, redigitur. Corriguntur ergo mineralium venena, vel pinguibus, vel obtundentibus, vel salibus contrariis alcalinis, texturam

Estmulleri Oper. Tom. I.

illorum in aliud concretum novum invertendo: sic nitrum volatilia subiecta mineralia sulphurea, & Mercurialia venenata corrigit, nunc sub forma alcalina sulphurea concreta immutando, nunc sub spiritus acidi ratione Mercurialia figendo; uti hæc ipsa in Antimonialibus imprimis obvia sunt, quatenus acrimonia vitriolico salsa in terreum subdulce convertitur, hujusque sulphur volatile acre figitur per nitrum, & vi Acidum irritativa deposita evadit diaphoreticum optimum.

Quoad Correctionem medicamentosam venenorum vegetabilium, quæ formaliter in acrimonia caustica, materialiter in oleosis concretis, consistere dixi, fit

(1.) Mediantibus salibus acidis, vel urinosis fixis & volatilibus;

(2.) Pinguibus obtundentibus.

Caustica vis respectu partium solidarum lacte mitescit, additisque Alcalinis exterius applicatis acida ista acrimonia plus minus corrigitur. Speciatim Virulentia nociva purgantium vegetabilium in acrimonia quasi caustica, contenta liquefaciente, consistens, & in subiecto viscido resinoso hærens, tam per Acida contraria, texturam resinofam invertendo, quàm per alcalia, eandem dissolvendo & enervando, cicuratur. Prius præstant acetum, phlegma vitrioli, & quilibet mineralium spiritus acidus: v. g. esula per spiritum vitrioli acidum ita enervatur, ut ferè nihil operentur, quatenus substantia resinosa, in quam omnis vis caustica concentratur, ab Acidis cicuratur & sic invertitur, ut minus explicare, & commiscere se possit. Posterioris ratione sal tartari, aut simplex, aut cum oleo terebinthinæ in saponem redactum, rectè generalis Corrector omnium Vegetabilium venenosorum dicitur: vid. **DIGBY** *Experim. Med. pag. 2.* quatenus texturam illorum resinofam dissolvit, & acrimoniam causticam multum enervat & mitigat: unde purgantia omnia, colocynthis, scammonium, &c. tractata cum oleo seu lixivio vel tinctura tartari cicurantur, ut attenuativa incisiva egregia evadant; colocynthis pulverisata, & cum saccharo assumpta, mirè vexat; si tamen parum salis tartari addatur, sine ullo ferè sensu operabitur. Narcoticorum virus similiter in amaritie singulari, in simili subiecto consistens, iisdem ex eadem ratione etiam mitigatur; per Acida castrantur, per alcalina verò resina dissoluta & acrimonia temperata corriguntur, & tutiora nobis redduntur, ut deposita vi stupefactiva, anodynâ induant; unde opiata cum sale tartari correctæ, sunt medicamenta tutissima. Si autem omnes has correctiones consideremus, patet, eas consistere in texturæ venenorum immutatione, h. e. particularium acrium volatilium inversione & temperatione.

Animalia quod attinet venenata, secundum diversum infligendi modum triplici sunt in differentia.

(1.) Quædam enim internè assumpta saltem perimunt, foris admota non nocent, quando vel tota animalia, vel partes eorum plus minus venenosæ assumuntur; qualis observatio est **TIMEL** à **Gulden-Klee** l. 7. pag. 323. *Casu Medicin. de Rubeta.*

(2.) Quædam contactu in nos agunt vulnere, punctura &c. internè verò subinde innoxia sunt, v. g. apis, vipera, canis rabidus, tarantula, &c.

(3.) Quædam in certa sui corporis parte effluvia emittunt, quæ partes propiores afficiunt, uti est venenum torpedinis piscis, stupore afficientis partem per contactum.

Dubium, quoad horum Venena, quæ morfu & vulnere infliguntur, omnium est, an in materiali, an in ideali, consistant? materiale fluidum quoddam nobis communicatum Veteres, & cum iisdem hodie **REDI** in suis *Scriptis de Viperis*, alique asseruerunt; pro ideali verò; ut ex animi perturbationibus, ira, furore, &c. plurimi, præsertim **HELMONTIUS**, hinc **ZWELFFERUS** in *Append. Animadv. ad Pharmacop. Augustan.* 212. & deniq; omnium maxime **MORSES CHARAS** *Pharmacopæus Parisiensis*, in suis *scriptis de Viperis*, plausibiliter pugnant. Hi experimentis ac phænomenis hypothese suam, quod venena animalium in passionibus & affectibus animi; ira, furore, exandescencia, &c. consistant, quarum ideæ imagines essent, quæ nobis communicarentur, ac Archæum ita afficiant, ut varia, quæ venenis tribuantur, symptomata excitet, tueri satagunt, prout ex literis, mutuas eorum & Oppositiones & Responsiones continentibus, patescit, quarum *Epitomen* videre licet in *Transact. Philosoph. Anglican.* Numero 66. 83. & 87. Componere equidem litem hanc annis fuit famosus **BOURDELOTTIUS** *Tract. Recherches & Observations sur les Viperes*, differentias animalium venenosorum, & speciatim viperarum

venenorumque earundem, pro regionum varietate urgendo, & quod liquor iste flavescens in regionibus calidioribus possit esse venenosus, qui in temperatis magis aut frigidioribus haud citra biliosus halitus efferatæ per iram viperæ nocivus esse soleat: vid. *ejus Epit. in Transact. Anglican. An. 1677*. Neutra tamen dissentientium pars hac ipsa conciliatione contenta esse videtur. Ut, quod probabilius est, explicem, observandum, concedere me perturbationes istas exasperare, exacerbare ac excitare notabiliter animalium venena; sed quod ex iis solis simpliciter oriantur, id falsum est, utut hæ venena notabiliter acuant. Glaciem in hac materia fregit FRANCISCUS REDI in *Observat. suis de Viperis*, quæ etiam *An. 1. M. A. N. C.* annexæ sunt, cuius *Experimenta de Vipera*, quicquid etiam in contrarium nitatur CHARAS, ferè jam convincunt; etiam non absque corporali contactu, & certa texturæ materialis ratione, subtilem quandam per viperarum, per affectus animales, imprimis per furorem, irritatarum morsus læsionis loco instillatam & exasperatam materiam, e vesiculis gingivarum per dentes cavos immisissam, venenositatem suam reverà exerere; unde talis subtilissima substantia summè est penetrativa. Scripsit contra hunc CHARAS *Pharmacopæus Parisiensis Tractatu Gallico*, quo sententiam HELMONTII defendere conatur; cui tamen satisfecit REDI, in *Responsionibus*, quæ scripto suo annexæ, item *An. 2. M. A. N. C.* legi possunt. Præter REDI curiosum est, quod de apum ictu & subtilissimo ejus veneno habet *Dn. Ludovici in M. A. N. C. An. 8. Obs. 67. p. 112.* apum alis arreptam & irritatam ungui pollicis applicasse, ut ferire eundem aculeo potuerit; quo factò, ictu liquoris guttulam flavi coloris, vesiculæ instar subsidentis, saporis mordacissimi & penetrantis, instar aquæ regię & solutionis Mercurii sublimati deposuisse, plusquam ultra horam linguam afficientis; quod pariter in scorpionibus oleo olivarum injectis observavit, qui ex suis caudulis quovis ictu tantillum fluidi flavi emittant, in quo venenum eorum residere suspicatur. Quod circa apes dixi, illustrat HOCK in *Micrograph. yua*. Sequitur hinc, ipsum animalium venenum, morsu el ictu instillatum, esse subtilem quandam, acrem & quasi causticam materiam; unde in felle vis venenosa animalium antiquitus putata fuit. Ab hac igitur materia sunt omnes effectus venenis adscripti. Explicat & confirmat hæc Cura, quæ fit in ejusmodi plagis, & in acris Acidis correctione consistit: hinc enim cancer contusus & applicatus in omnibus læsionibus, à venenatis in sectis ortis, confert; bufo & sperma ranarum morsui viperæ medetur, quatenus earum alcali temperatum corrigit illud Acidum acre; lapis serpentis pileati secundum Observationes Modernorum KIRCHERI, &c. universale est alexipharmacum morsuum, & ictuum canis rabidi & animalium aliorum venenosorum, nec abscedit, nisi omni absorpto veneno. Hac peste Viennæ lapis hic applicatus est buboni, eique tam pertinaciter adhæsit, ut non nisi cum dolore, secuto tamen ægri levamine & salute, amoveri potuerit; nempe terrea hæc promptissimè absorbent subtilissimum eorum Acidum. Par ratio illius Observationis, quam habet BOYLE in *Philosoph. Experimentalis*; viperæ morsui ferrum candens admoveatur, quam prope fieri potest, particulæ ignis, quæ emittuntur acidæ, potentiores subigunt alterum illud in recessu imbecillius acidum, quod ex veneno in cute remansit: similis ratio, quando veneno infectæ partes cauterio actuali aduruntur. Dictum autem dum antea fuit, cui & exacerbari venena ab affectibus animalium iratorum, veritas ejus patet, quod CÆLSUS dicit; Omnis animalis non cicurati morsum esse venenatum, quoties atrocius excandescit; perinde ut nos ipsi in ira ab Acido volatili commovemur, & incalescimus quasi, hincque morbus hominis irati æquè malignus est deprehensus. De canis rabidi veneno, item tarantularum, quædam hic monenda forent; sed utut hæc primariò spiritus animales videantur afficere, & ita maximam partem idealia esse, tamen & venenum in subjecto materiali perquam acris subesse, præter convulsiva ita affectuum pathemata, imprimis cura, quæ in Rabie per adhibita absorbentia cancrina, terram sigillatam, radicem gentianæ, in Tarantismo verò per lac copiosius in Persia communiter perficitur, quod acre illud temperat & absorbet, confirmare videtur. De Torpedine vid. LORENZINI in *Dissertat. de Anatom. & Veneno Torpedinis*, quarum exempla videbitis in *M. A. N. C. Ann. 9. & 10.*

Sed revertamur iterum ad viam, à qua digressi sumus. Dictum præterea superius, Præparationes medicamentorum

non debere esse Castrationes: addo jam, nec Virium nativarum destructiones. Hinc sub his præparationibus, præsertim quæ Chymico sunt artificio, attendendum, quod subinde vires seu proprietates nativæ plus minus immutentur, aut omnino invertantur, cum Vulcanus Chymicus non paucas vires destruat, aliasque novas ipsis conciliet, idque per texturæ immutationem, vel per syncrisin seu conjunctionem, vel per diacrysin seu sejunctionem, vel per metastasin seu particularum minutissimarum concreti transpositionem: ad quas & fixorum volatilifatio, & volatiliū fixatio referenda. Cum igitur mutatur textura, sequitur proprietates nativas plus minus infringi, vel novas induci. In genere mutatio hæc virium nativarum tribus ferè evenit in casibus.

1. Sub alteratione ista, quam concreta assumpta in primis viis patiuntur, de qua jam supra actum fuit.
2. Præparatione imprimis Chymica.
3. Mediante compositione varia, cum plura simplicia sæpè conjungantur.

Præparationem ergo medicamentorum quod attinet, notum est, quod pro varia præparationis ratione quædam castrentur, quædam novas vires acquirant.

Castratio fit in plurimis præparationibus: v. g. Aloes lotie est ejus castratio; lotiones mucilago laxativa aufertur, remanente resina adstringente & hæmorrhoides excitante: Unicornu, lapilli cancrorum, vel spinæ viperarum, aliæque partes animalium duriores, quando ex iisdem magisteria præparantur, etiam castrantur. Nam quacunque ratione fiant, sive solubilia sint secundum ZWELFFERUM, sive non solubilia, ut magisterium cranii humani, C. C. &c. omnia tamen hæc magisteria sunt illegitimè præparata, & in aliam naturam penitus mutata, ob menstruum affusum acidum, quod saturat Alcali volatile, unde partim in corpore nullam, partim parvam habent efficaciam; verbi gratia quando ebur, unicornu, &c. per menstrua acida solvuntur & corroduntur, & alcalibus fixis præcipitantur, fundum sic petit calx iners, pro dealbandis ventriculi parietibus saltem conferens; nulum verò usum exerens, sed calcis modo ipidem subsidens. Dum enim per Acida solvuntur, præcipitantur per alcalia, tam fixa quàm volatilia, & sunt calces terreae penitus irresolubiles occultè falsæ, Acido solventis & Alcali præcipitantis cum aræo connubio particulis terreis adhærentibus, ut nullo edulcorationis artificio liberari possint: hinc enim ponderis augmentum: vide *Diff. de Præcipit. Usu & Abusu*. Sunt igitur Magisteria inertia: quibus si affundatur spiritus acidus, non effervescent, quoniam sunt saturata, quod in Magisteriis perlarum, coralliorum &c. contingit.

Præparationes ergo horum simplicium, Magisteriis præferendæ sunt; quæ vel pulverisatione aut lævigatione, vel aquæ aut ignis adjumento, nec non aeris beneficio fiunt. Calcinatio Philosophica huc facit per aquam, sitque beneficio vaporis aquæ simplicis, per lixivium, &c. Plura videbitis in *Colleg. Formularum*, & ZWELFFERO in *Append. ad Pharmacop. Augustanam*.

Huc pertinent etiam Fæculæ, ut fæcula aril, iresos, byroniæ, peoniæ, &c. reverà à fecibus ita vocatæ: fiunt ex succis evaporatis, & sic specifica crasis penitus evanescit, unde sunt nil aliud, quàm retrementa virtute activa spoliata, utut communis abusus utunque has adhuc toleret. Sic etiam salia volatilia, quando figuntur per Acida, castrantur, & quæ antea urinolo sapore erant efficacia, fixando immutantur, aliam texturam, crasin, & vim medicamentosam acquirunt, nativa immutata. Energantur nempe per Acida hæc, vel manifesta, vel occulta & à crasi priori medicamentosa degenerant: sic enim per spiritum salis fixata abeunt in sal ammoniacum: per calcem vivam in terram aut calcem nullius usus. Similiter quando acida cum alcalibus fixis saturantur & coagulantur, e. g. Spiritus vitrioli, nitri, salis, &c. regeneratur sal tertium novum, ex gr. ex spiritus nitri cum sale tartari perfectum nitrum; ex spiritu salis sal commune; ex spiritu vitrioli tartarus vitriolatus, sicque laudabilis spirituum horum vis energatur.

Dum autem Præparationes hæc variis modis & adminiculis fiunt, non rejiciendæ sunt, quæ fiunt per Acida corrosiva, aut similia, in quibus simplicis textura invertitur; illæ autem rejiciendæ, ex quibus ex parte ista acida menstrua detinentur ac remanent, arctius adhærendo fluo, aut

aut menstrua solventia concentrantur, & medicamentum perquam corrosivum evadit. Sæpe priori in casu fit, ut per menstrua hæc corrosiva & hostilia nobis corpus medicamenti ita potius immutetur, ut vim corrosivam hoc planè amittant, i. e. cum soluto corpore ita coeunt, ut concretum novæ texturæ, novarumque virium, emergat: sic spiritus salis in se satis corrosivus lapillis cancerum vel testis ostraceorum seu ovorum struthionis affusus, ita immutatur, ut, acore deposito, saporem salsum tumè diureticum acquirat: Spiritus vitrioli vel aqua fortis per se corrosiva rarò cruda usurpantur, nisi succinctissima dosi, (quamvis aurifaber quidam mihi retulerit, se sibi aqua forti mederi solere,) non secus ac alcalia fixa in se naturæ causticæ; si socientur tamen, & misceantur hæc invicem, novum emergit concretum, insons, temperatum, &c. uno verbo, perfectum nitrum. Sic nullum dubium est, assumpta Acida miscere in nobis, & cum occurrente ubique sale volatili urinoso, ubique in salsum volatile temperatum abire, non secus ac in Mechanicis fieri solet.

II. Medicamenta deponunt sæpè vires nativas & acquirunt novas, quando venenosa fiunt optima alexipharmaca, & alexipharmaca redduntur venenosa: sic v. g. Arsenicum est venenosum; quod si præparetur cum nitro, evadit insons sudoriferum, & remedium pro desperatis ulceribus, imprimis cancerosis; sic luna simpliciter assumpta nausæas & vomitus excitat: si verò cum spiritu nitri redigitur in crystallos amarissimas, evacuant ad miraculum aquas hydropicorum: ita colocynthis cruda est purgans acre torminosum; si verò corrigitur per alcalia, deponit vires purgantes, & fit egregia medicina in morbis mulierum ex mensibus obstructis: sic antimonium, prout diversimodè transmutatur, semper aliam virtutem remedio suggerit: hinc est vel vomitorium, vel catharticum, vel sudoriferum, vel alterans, vel epilepticum, vel sanguinis depurativum, vel confortativum; imò integram ferè officinam pharmaceuticam suggerit: sic HELMONTIUS *Tract. Dispensat. Modernor.*, allegat asarum viride, quod per se vomitorium, sola in aqua coctione amittat hanc vim, & evadat saltem diureticum, proficuum in febribus & morbis chronicis, secus ac si in vino coquatur: in substantia assumptum pulvere grosso per inferiora; subtiliori, vomitu per superiora. Sic Mercurius vivus eadem facie ferè redditur, qua assumitur, in affectibus intestinorum, ubi metus ilei, innoxius; idem autem simplex igne, mediante diuturniore digestionem, abit in Præcipitatum rubicundum ferè diaphoreticum, & continuato usu salivatorium, & febrium chronicarum non immerito quibusdam vocatur optimus Averruncus: Salia fixa quælibet sunt artis opus, & simpliciter ab operatione ignis dependent, hinc aut penitus aut maximam partem de virtute simplicis sui defleunt, non secus ac salia volatilia; & quò plus vel minus salia fixa calcinata, plus vel minus de concreto suo retinent aut perdunt; sat autem absinthii perfectè alcalisatum nullas speciales vires febrifugas exserit: nitrum crudum, ejus spiritus acidus, & alcali fixum sunt distinctissima, & quodvis longè diversæ seorsim operationis est: quilibet spiritus inflammabilis, spiritus vini, salviæ, menthæ, &c. per fermentationem parati, sunt nova simplicia & artificialia producta, quæ concreto non inerant formaliter; sicut resina horum ab igne demum in oleum aut spiritum redigitur: aliæ sic sunt vires aluminis crudi, aliæ vsti, per simplicem phlegmatis & aceti separationem, illud adstringens, hoc causticum, & excrecentiarum præternaturalium egregium erodens & absumens est. Vulcanus nempe Chymicus, ignis, per insignes istas in textura concretorum alterationes & immutationes, quas experiantur omnia illa, quæ ejus examini sistuntur, in non paucis proprias vires destruit, in aliis verò novas per accidens inducit: hinc rectè HELMONTIUS *Tractat. Potestas medicaminum*, Chymica potius artis, quàm naturæ vi naturam agere asserit. Ignis alterat partim motu, partim acido, particularum suarum in omni igne notabili, partim sulphure, vel carbonario vel simili, sub ignitione effumante.

Quoad Motum, patet, quod mediante igne solida fiant fluida, v. g. metalla fusa; Ignis dein solus est; qui ex immutatione particularum resinas in olea liquescit destillata; nam quod aliàs in concreto est resina, nunc fit oleum destillatum, cujus ultima pars nimis colliquata in sal fixum abit. Quoad Acidum ignis patet in croco Martis adstringente, per diuturnam reverberationem parato,

Esemuller. Oper. Tom. I.

qui in bacillis ferreis furnorum colligitur pro scopo adstringendi, qui non potest solvi in aceto destillato, sicut limatura Martis communis; eo, quod croci hi Martis acido ignis saturati, non possunt amplius ab Acido corrodi: Saturnus, minium, &c. ex igne ponderosiora extrahuntur, Acido ignis iisdem se insinuante. Quoad denique sulphur, mutantur subinde concreta, quod patet ex calcinatione salis tartari & fixorum reliquorum, quæ diuturna calcinatione cœrulescunt. Cœruleus iste color ipsis non est proprius, sed quatenus ab igne carbonum acidum pingue seu sulphur cum alcali se jungit, & ex sua conjunctione hunc imprimit colorem.

Hac occasione, dum dicimus, medicamentorum vires immutari, monendum, quædam simplicia certas quasdam operationes non nisi in concreto suo edere, quas non efficiunt per partes seu comminuta: v. g. succinum nativum & integrum attrahit paleas, quod tamen nec oleum, nec spiritus, nec sal volatile, nec phlegma acidiusculum, facit: sic observatum in *Actis Medicis Hassniens. Volum 4. Observat. 80. pag. 186.*, quod cantharides non, nisi in substantia sua pulverisatæ, excitent vesicas, & nec spiritus, nec oleum, nec phlegma eorum, vim illam causticam habeant: ex Mercurii candidi & sulphuris flavi coalitu emergit concretum rubicundum intense, earumque virium, quæ nec in sulphure nec Mercurio seorsim reperiuntur; vi nempe in febribus malignis alexipharmaca, antepileptica, sudorifera, anodyna, &c. præpollent.

Compositione denique Simplicia plus minus immutari dixi, quando plura simplicia miscentur invicem, hinc jam cum mutata textura novas induci vires, quæ antea non aderant, prout tamen vel confuse vel arctius invicem uniantur. Notandum igitur, quod non ex ingredientibus, sed partis ex eadem texturæ dictis istis modis per plurimum arctum coalitum alteratione, partim ex sola quorundam associatione, seu nuda compositione, proprietates novæ sint deducendæ. Utrumque artificium sclopetandi mechanicum illustrat: ut enim ex salium cum auri corpore arcto & haud dissolubili coalitu emergit aurum fulminans, cujus vim tanquam novam proprietatem neque habet aqua regia nec Alkali præcipitans hoc absorbet Acida corrosivissima, & epilepsias infantum sedat; idem autem tactu & adhesionem Acidi sulphuris ex texturæ mutatione obmutescit, & fit aurum diaphoreticum: ita ex sulphure, nitro, & carbonibus tiliaceis per simplicem compositionem & superficiale mitionem emergit pulvis pyrius, effectus adeo singularis; non secus ac omnia metalla hac ratione fiunt fulminantia, quam vim in nullo ingredientium simplicium vel minima conjectura, sed ex miscela demum deprehendere possumus: sic ex sale tartari, nitro, & sulphure fit pari modo pulvis sclopetans, cujus virtus non est in ingredientibus seorsim, sed ex horum miscela, & hinc emergente textura nova, provenit: Resinæ purgantium evacuant subinde sufficienter, sed ferè cum torminibus; si tamen cum vitello ovi solvantur, probeque misceantur, tantum & plus in dimidia dosi præstant, & sine torminibus. Paria & in remediorum compositione sæpius evenire, extra dubium est, ut adeo horum efficacia non simpliciter ab ingredientibus, sed concreti textura, ut plurimum derivanda. Mercurius nempe vivus per se innocuus, etiam ad Hb. assumptus, iterum eodem pondere reiiciunt; ex spiritus acidi, vel salis communis, associatione evadit mercurius sublimatus acris & corrosivus, qui pessimum est venenum; huic si iterum addatur ana novi Mercurii vivi, sublimatione fit mercurius dulcis, & optimum gravissimis in casibus purgans, præprimis in gonorrhæa, lue Venerea, scabie, epilepsia, &c. Ex urinæ & salis communis combinatione fit sal ammoniacum, novum concretum & distinctum medicamentum ab utroque simplicium, longè aliam crasin aliasque virtutes habens, quod itidem cum sale volatili viperarum, cranii humani, &c. & spiritu salis accidit: plumbum cum aceto concretum dulce, quasi aluminosum, singularis effectus suggerit: & plurimum simplicium, nunc benignorum, nunc malignorum, in Theriaca farrago non sine ratione per decennium in fermentationem esse jubetur ab Arabibus, uti nempetali per fermentationem nova miscela quædam recludantur, aliæ invertantur, uniantur, & hinc novum concretum, & remedium non contemnendum, variarum novarum itidem facultatum; exsurgat, quibus tamen nullum ingrediens simplex est æquale, licet compositio sit rudis, & ingredientia habeat contraria: in remediis externis basis emplastrorum & unguentorum est saturnus seu lithargyrium, cerussa, minium &c. cum oleo, pro vulneribus conglutinandis,

coloribus sopiendis; novum nempe compositum emergit dum Saturno oleum temperatum, Acidum, hocque occultum, vulneris absorbet. Non tamen ex dictis sequitur, Composita simplicibus semper esse præferenda; nam quoniamque sufficiunt, iis utendum, quorum usus in cura ut tutissimus, ita etiam optimus.

Felicem ergo illum deprædicat Medicum HELMONTIUS *Tract. Potestas Medicaminum, & Natura Contrar. ne scias* §. 45: qui crudis simplicibus morbos tuos promptè tollere novit. Melius itaque & tutius est in Praxis, uti simplicibus, quoties scopo intento satisfaciunt, quam compositis; in quibus varix dotes simplicium, tam cognitæ quam incognitæ, confusæ, citra aut mutuam destructionem, aut novæ virtutis productionem, aut stomachi primarumque viarum turbationem, simul consistere nequeunt; & rectè dicit ARNOLDUS VILLANOVANUS, dolum esse uti compositis, ubi in promptu simplicia ad sunt; quorum usus qualiscunque longe præferendus est compositis, cum in his, ut rectè monstrat HELMONTIUS *Tract. Dispensat. Modernor.* §. 5., sit perfecta cura & satisfactio omnium morborum, modo virtutes eorum melius indagentur, & per lucem experientiæ in apertum protrahantur: Natura namque simplex & ipsa ac uniformis, simplicitate gaudet. Non igitur facile Composita adhibenda, nisi vel artificiosa miscela & præparatione in unum quasi certum coaeruerint, ut Veteres per Theriacæ fermentationem intenderunt, vel affectum aut symptomatum complicatio pluralitatem quoque remedium subinde efflagitet; in quo casu tamen etiam sedulo observandum, ne plurimum talium concursu, unum alterius crasi immutando, intentio Medici & expectatio ægri fallatur, quin potius, quantum possibile, semutuo alterent. Sic v. g. malè Acida, si qua talia expectantur, cum terreis absorbentibus junguntur; bene autem terra sigillata pro scopo adstringendi ordinata, moderatè Acidis miscetur, cum ex utrorumque concretionem aluminosum quasi quoddam emergat, adstrictoriam vim optime complens.

Post simplicia locum habent Composita ista, quæ ob homogeneam suam texturam ad simplicium ferè naturam accedunt; alias si plura promiscue miscere, & inordinatè componere sit animus, periculum est, ne

1. Vires simplicium sub eorum compositione nunc admodum pervertantur, nunc alterentur, & novæ emergant malignæ.

2. Naturæ ex talium ingurgitatione molesta, ex varietate multiplici, præsertim circa primas vias, creetur. Sicut enim copiosa alimenta assumpta in stomacho laboriosioris sunt digestionis, ejusque economiam & sanguinem perturbant, quam simplex victus; ita multo magis plurima simplicia alterantia in compositionem redacta, qualis horrida farrago in theriacalibus compositionibus & similibus est conspicua, etiam stomachum onerant, & succos corporis vitiose alterando turbant, ubi fixa volatilibus, acida ulcibus vel amaris; terrea oleosis, &c. se vicem sunt permixta; unde non nisi talis emergit miscela, quæ difficulter subigi & alterari potest, quorum impetum fermentativum & diversos motus vix possibile erit, ut natura in morbis defatigata gubernare queat. Remedia saccharo & melle in crustata, quamvis cum aliis optime sociantur, in viris tamen malo hypochondriaco, in foeminis verò passionibus hysteriis obnoxiiis, ansam præbent. Quod si saccharum & mel, tanquam fermentescibilia hoc agunt, quid de tanta compositorum farragine censendum erit? Quo simpliciora ergo medicamenta, eo minorem ventriculo molestiam creant.

3. Vires plurium simplicium adhuc minus aut saltem nondum satis perspectæ aut sufficienter experimentatæ sunt, id est, eorum mutua ad se invicem, quoad actionem & passionem, habitudo seu respectus mutui, nondum undique cognitus, adeoque metuendum, ne talium quorundam miscela novæ & simpliciter incognitæ, plus minus ægro hostiles vires emergant, variarum mutationum causæ, unde loco speratæ salutis majus potius morbi incrementum, nec leve ægro detrimentum, superveniat: vid. ZVVELEFFERUS *Pharmacop. Augusti Animadv. Class.* 14. pag. 245; & HELMONTIUS *loco allegato* §. 520.

Composita verò usurpari possunt tribus in casibus.

1. Quando sub compositione in novum quoddam tertium coivere, quod tutius usurpari potest; v. gr. tartarus vitriolatus Tachenii, cinnabaris antimoni, arcanum duplicatum, &c. utpote quæ simplicis sunt naturæ, & ob correctionem securè usurpantur.

2. Si quæ talia ad unum scopum colliment; ver. gr. corallia, lapilli cancerorum, os sepia præparatum, Martialia; &c. ejusdem sunt naturæ & effectuum; sic species officinales aromaticæ, rosatæ, diacinnamomi, &c. nihil sunt aliud, quam miscela aromatica, quæ saltem in essentialibus conspirant, & ingredientibus homogeneis constant.

3. Quando affectus complicatus & plura sunt symptomata, quibus simul occurrendum, & in cura satisfaciendum: v. g. sit hypercatharsis cum intestinorum doloribus, ubi, commodè utimur terra sigillata cum aceto destillato, addito parum opii, quæ mixtura tam fluxui quam dolori succurrit. Sedulo tamen observandum, ne ingredientia ista sibi contrariantur, & contrariis effectibus se invicem destruant; v. g. terra sigillata pro scopo adstringendi, si extra corpus cum aceto vel cum spiritu nitri misceatur, textura hæc aluminosa nihil absorbet, quia Acido jam est saturata, quæ tamen internè in corpore blandè adhuc adstringit: sic crudis lapillis cancerorum utimur in temperando Acido primarum viarum, qui pro diuresi promovenda optime in salsum cum acidorum additione mutantur.

Consideravimus hætenus remedia ratione texturæ activitatis suæ & extensionis materialis, quæ ulterius ratione effectus sui formalis nunc in *Universalis*, nunc in *Particularia*, dividuntur: & hæc sunt talia vel ratione causæ morbificæ materialis, vel ratione partis affectæ. *Ratione Causæ materialis* particularia sunt remedia, quorum facultates sunt vel communes pluribus, vel propriæ cuilibet. Communes oriuntur ex materiali corporis textura, secundum quam etiam dicuntur nunc de natura alcalium, nunc acidorum, & operantur saltem in saporem morbosum, illorum naturæ proprium, ut applicat TACHENIUS in *Clave Medic. Hipp.* pag. 263, hoc est, quæ potentias istas Hippocraticas, morborum proximas causas materiales, scilicet Amarum, Dulce, Insipidum & sexcenta alia, immediate corrigunt, temperant, enervant, aliove modo mitigant, & ratione suæ texturæ possunt penetrare, incidere, dissolvere, adstringere, de quibus *infra cap. 5.* Propriæ autem & specificæ, medicamentorum qualitates seu dotes, quæ speciale causæ morbosæ peccantis nocendi rationem particulariter corrigunt vel alterant & enervant, quarum ratione alias communiter dicuntur Specifica, HELMONTIO Appropriata, dependent a crasi seminali, à priori inexplicabili: v. g. lapilli cancerorum, præter vim generalem Acidum destruendi, in specie vulnerum & ulcerum putrefactivum & corrosivum absorbent; sicut lapis spongiæ Acidum strumarum coagulativum corrigit: myrrha in genere habet vim corrigendi Acidum præternaturale; habet hoc commune cum aliis Amaris, sale volatili oleoso pollentibus; quod autem morbillis & fluxui mensium specificè prodest, dependet ex ejus vis seminali, quæ à priori explicari non potest: sic semen aquilegæ utero, scrophularia hæmorrhoidum dolorosis pathematis, viscum corylinum & quercinum epilepsiæ specificè medetur: vid. *Dissertat. de Præcipitat.* pag. 29; sic cortex fraxini vim diureticam, VVinteranus antiscorbuticam specificè exerunt, caput mortuum cinnamomi post destillatum oleum, & cortices avellanarum contra fluorem album, os sepia contra gonorrhœam, medulla saxorum contra stranguriam specificè profunt: osteocolla ossum conglutinativam, dens apri antiplenuriticam, & contra qualvis inflammationes partium internarum, cranium hominis violenter interempti antiepilepticam virtutem suam speciatim exerunt: sic variolis cum diarrhœa symptomatice complicans terræ minerales, cum epilepsia affligentibus salia volatilia appropriata magis existunt: vid. *ibidem* p. 68. lapilli percarum stranguriam curant, quatenus Acidum ejus his peccans emendant; Martialia autem hypochondriaca sunt, quatenus Acidum istud, vitiatæ digestionis primæ Autorem, temperant: salia acria volatilia in cochlearia, nasturtio, trifolio

folio fibrino, raphano rusticano, &c. sunt specifica antiscorbutica, cujus saporem vitiosum proximè corrigunt: hac ratione chelidonium majus præter vim vulgarem, icteri flavi est specificum, fermenti hujus causam originalem optimè corrigens & alterans: hac ratione mater perlarum calcinata, absinthium, &c. est specificum febrile antiterianarium Strobelbergeri, saporem seu potentiam febrilem corrigens: China Chinæ quartanis: Hac ratione cruor hirci, præter vim vulgarem, pleuritidi, priapus cervi vel ceti pleuritidi, & imprimis dysenteriae, est appropriatum, Acidum pleuriticum & dysentericum, quod intestina lancinat, in specie emendat, ob crasim formalem, in prima formatione communicatam: item sal busonum ratione craseos materialis habet communem efficaciam sudoriferam imbibendi Acidum; ratione autem virtutis specificæ, dependentis à crasi seminali, dicitur appropriatum Hydropicum, quem per diuresin curat: Mercurius est genuinum seu specificum luis Venereæ alexipharmacum, specialem luis Venereæ saporem fermentativum acidæ prosapiæ enervans, de quibus *suprà in Pathologicis*. Specifica hæc in usu Medico sunt præstantissima, ut Medicus optimis specificis instructus, præmissis præmittendis, optimè, & felicissimè curet: hinc nec veterum, mulierum, nec agyrtarum, nec vetularum, specifica in totum omnino rejicere licet.

Prout autem summè proficua, & ob id præ cæteris æstimata sunt in Praxi Particularia hæc seu Specifica; ita è contra minus æstimantur Particularia ratione partis affectæ, dum alia vulgò dicuntur Cephalica, Stomachica, Hepatica, Uterina, Nervina, Cordialia, Nephritica, &c. hoc est, peculiari vi in has partes potius quàm illas agendi prædita. Sed uti priora sunt optima, ita hæc particularia nulla, & nullius momenti sunt; dubium enim est, an quibusdam simplicibus insint vires specificæ, immediate ideis eorum seminalibus annexæ, & quæ cum ideis spiritus insiti hujus vel illius partis certam conspirationem, analogiam, & convenientiam habeant, quarum intuitu spiritus insitus recreetur & roboretur; & ita remedium parti affectæ appropriatum exsurgat. Nam omne medicamentum assumptum quodcumque istud sit, quod ultra primas vias pergit, fertur indeterminatè, nec spontaneo impetu in hanc vel illam partem ablegatur aut ruit; sed raptu communis sanguinis & lymphæ æqualiter in omnes partes secundum circulationis leges pererrat, neque partem ullam præ ulla magis vel minus afficit: dumque hoc modo fertur, ubicunque materiam, quam immutare; saporem, quem corrigere; substantiam partis, quam in textura alterare aptum natum, est, omneque objectum, activitati suæ accommodatum invenerit, in id operatur. Hinc observare datur, hæmatiten non minus uteri, quàm narium habitualement hæmorrhagiam, quàm etiam hæmoptysin, uno eodemque modo compescere; myrrham mulieribus non modò menses, sed & in dispositis sputum cruentum & narium fluxum proritare. Quin & cephalica appropriata, v. g. calamum aromaticum, maceam, nucem moschatam, juniperi baccas, &c. æqualiter & capiti & utero conferre, utut hæc duæ partes longè à se invicem distent; imò etiam stomacho dicata esse: Ros marinus egregium est uterinum, & non inaniter in certis casibus à PANAROLLO ad sterilitatem laudatur, quamvis pro Cephalico vulgò habeatur; non secus ac ballamus sulphuris terebinthinatus & pectoris empyema ac vomitum pulmonum & hepat. abscessum, & renum vel vesicæ ulcerationes, curat. Cordialia, mulierularum desiderium unicum, ex mulierum Medicina oriuntur; Cor enim est musculus, & quæ talis, nullam penitus præ aliis musculis habet prærogativam. Virium siquidem firmandarum robur formaliter in spiritibus, fundamentaliter in sanguine; consistit; hinc omnia cordialia vim suam corroborativam vel immediate in spiritibus, vel mediate in sanguinem exerunt: vid. VVILLISIUS *Pharmac. Ration. P. 2. de Cordialibus*. Adeoque quando parti huic vel illi appropriatum magis præ alio videtur remedium quoddam, hoc non tam partis solidæ, quod in eam præcisè agat, quàm substantiæ peccantis fluidæ, potentia Hippocratica morbosè infestæ, in hac vel ista parte præsertim residentis, ratione, operationem suam exercere videtur, sive sit in capite, sive sit in utero.

Experientia equidem compertum est, præter specificam vim crasim, quæ mediante certis humorum & causa-

rum morbosarum vitiis medentur remedia, eorundem quædam certis quibusdam visceribus aut partibus magis amica aut inimica existere; qua ratione aromatica omnia cerebro & nervis, amara hepati, acida stomacho, terebinthinata renibus amica; è contra cantharides vesicæ, cepacea oculis, Vitriolacea pulmonibus, Mercurialia nervis, &c. inimicissima esse solent. Verùm talia proprio impetu non feruntur, sed per corpus communi circulo cum sanguine aut sero & lymphæ perrepta, vel certis in partibus & locis ratione determinatæ figurationis minimorum promptius se insinuant, & ita certas alterationes alibi insensiles dictis in locis inducunt, vel certas morbosas, quibusdam partibus in specie hostiles, singulariter corrigunt: qua ratione cinnabaris antimonii specificum cephalicum, item antiepilepticum, dicitur, quatenus speciale istud Acidum, quod cerebrum afficit, & in nervis convulsiones infert, præ aliis remediis optimè tollit: scintillum appropriatum ophthalmicum dicitur, quatenus vel causas morbosas oculis præsertim insensas tollit, & mitigat, vel humores oculorum claros & perspicuos conservat, tale suo volatili blando.

Quoad *Universalia remedia* quorumvis morborum, seu *Panaceas*, & quæ pluribus indicationibus simul satisfaciunt, adeoque pluribus in casibus applicari possunt, qualia non impossibilia esse, per experientiam PARACELSI, HELMONTII BUTTLERI, &c. patet; sunt ea talia vel secundum quid, vel simpliciter. Secundum quid sunt, quæ in pluribus affectibus locum inveniunt, & quorum frequentissimus est usus; quale merito dici potest opium, cuius usus in pluribus morbis non modò est familiaris, sed & ritè adhibitum in multis casibus optimum. Hac ratione, dum in primis viis Abstergentia præmittimus, quatenus in iis fomes & causa mali ut plurimum latet, antequam ulterius serpat malum Venæ Sectio & Purgantia ferè Universalia possunt, & ab omnibus Practicis in frontispicio morborum adeo sollicitè præmittenda jubentur solenni formula: præmissis præmittendis, seu Universalibus præmissis; utut hæc malè in quibusdam casibus adhibeantur; propter frequentiore tamen usu hæc ipsa & similia, secundum quid Universalia appellari possunt. Simpliciter enim raliū, seu Panacearum speciosum nomen plus habet in recessu, utut propter vulgi ignorantiam, ineptam applicationem & insullum usum, passim malè audire soleat. Occasio hujus est, quod plures remedii vires non satis æstimando, nec ejusdem naturam à priori perscrutando, effectibus singularibus, quibusdam in admirationem rapti, illud nimis extollendo, mox imprudenter ad universalitatis apicem elevarunt. Ut res pateat, sobrie & restrictè Panaceæ vox est interpretanda, & verè applicanda, non quasi omnes in universum morbos corporisque nostri defectus curare valeat.

Ejus Possessorem genuinum, quanquam hætenus aut mihi saltem videre non contigit, possibilitatem tamen ejus non nego; peccatur enim hoc in casu tam in excessu, quàm in defectu. Excedunt, qui ex ineptitudine omnis generis morbis mox Panaceam applicare conantur. Non enim extendenda vox ejus aut usus ad ista vitiosa, quæ Chirurgiæ manuali indigent operatione, v. gr. luxata, vulnerata, fracta, &c. quæ malè per Panaceas curare sategit Medicus, utut externis remediis ritè simul conjunctis suo modo conferre queant. Nec extendendus est usus earum extra morbos internos, aut eos, qui ab internis oriuntur Causis. Verbo: Medicamentum tale Universalibus, seu pluribus in universum, hoc est maximè parti morborum satisfaciens, istis affectibus non competit, de quibus HIPPOCRATIS *Aphorismus* intelligendus venit: *Natura Morborum Medicatrix* &c.; cum vel naturæ vires roborando, vel causas occasionales, naturæ vires & ordinem turbantes, corrigendo & removendo, operari soleant Panaceæ; unde internis morbis vel ab internis causis saltem enatis succurrere solent universalia talia remedia, quatenus potentias illas Hippocraticas (quæ si bene temperatæ, omnia quoque bene habebant; si minus temperatæ, mox morborum procella irruit) in rectam symmetriam redigunt.

Usus universalium remediorum, dum eorum in curatione morborum fit mentio, non intelligendus est exclusivè, quasi quodvis remedium particulare penitus hic excludatur, sed saltem inclusivè, ita ut vel alia præmittenda generalia etiam præmittenda sint, adeoque Panacea in suo usu determinanda, limitanda, nec non di-

tae regulæ ritè observandæ, & inclusivè administrandæ sunt ut ipsa Universalia pro indivisui, sexus, ætatis, virium &c. ratione, additis plus minus aliis convenientibus subinde quasi specificentur. Ulterius etiam de remedio universalium dum movetur quæstio, hoc non ita intelligendum est, quasi de necessitate & semper morbos curet; hoc enim nemo sanus postulabit, aliàs simpliciter omnes morbi essent curabiles; quin, quod positis requisitis & circumstantiis debitis, nec naturæ vires invertentibus, nec remedii vim penitus enervantibus, curare solet quosvis ferè morbos, hoc saltem intelligendum: non enim ultra proprium posse vis ejus extendenda est. Confirmant hoc expertissima Specifica particularia, ob dictas rationes subinde fallentia.

Præmissis his ad specialem remedii universalis vim & operandi rationem in morbis, sive chronicis sive acutis, quorum omnium natura est medicatrix, respiciendum est: nempe morbus omnis duplici gaudet causa efficiente, formali altera, & altera materiali seu occasionali, quarum alterutra sublata, & effectus seu morbus cessat. Efficiens proximum formale quorumvis morborum est ipse spiritus impetum faciens, principium istud vitale, & morborum proxima primumque origo, è contrà impetu languente, sanitatis spes evanescit, cum operatione remedii applicati frustranea: nam ejusdem facultatis est, quod in statu sano actiones sanas, & in morbo morbosas & præternaturales perficere solet; unde destructo hinc per mortem principio vitali, & sanitas & morbus cessant, neutriusque particeps cadaver dici potest. Illud ergo principium vitale ritè constitutum, benè & naturæ legibus convenienter omnia perficit; at lacessitum idem, aut ex turbis œconomiae animalis ad præternaturales impetus stimulum, morbosos insultus infert: & sicut digerendo & assimilando utilia, excernendo inutilia, corpus conservat; ita adjutum medicamentis, producta morbosa excernit vel corrigit. Materiales verò & occasionales morborum causæ ut plurimum sunt contentorum vita, nempe sapes istæ & potentiae salinæ Hippocraticæ, Acidum, Amarum, Acre, Dulce, Acerbum, &c. quæ temperata si extiterint, omnia benè habent; sed imtemperata si fuerint, aut seorsim extiterint, variis turbis totam œconomiam corporis irritant, & crases contentorum vitiant.

Adeoque remedia universalia, habito respectu ad duplex hoc causarum genus, duplici ferè modo operari observantur: vel sedando morbosos impetus spirituum, tanquam causas efficientes formales, & eos roborando, ut sine tumultu præternaturali in ordinem redeant turbatae functiones; vel corrigendo & temperando causas humorum materiales occasionales. Patet hinc possibilitas Panacearum, quæ in utroque, spiritus & humores peccantes, operantur; sic enim spirituum irritatorum impetu nonnihil sedato, eorumque vigore restituto, præternaturalium functionum vitia non solum cessant, sed & simul corriguntur & eliminantur sponte natura occasionales causæ, & redit pacatus status universo corpori. Simile huic destinationi apparet ferè in opio, quibusvis ferè in morbis salutari, & plurimum, imò omnium symptomatum sedativo, cujus polychrestus usus simpliciter consistit in vi, qua afficit spiritus influos, nimium eorum impetum sistendo; quo refrænato nonnihil, robustiores fiunt, & sub halcyoniis, utut breviter durantibus, reverà recreatae vires felicem effectum, secuta brevi quiete, sortiuntur; & hinc spontè sua spirituum vigore, aut per sudorem, aut per urinam, aut per alium modum, eliminato nocivo, tolluntur morbi; licet non sine noxa quadam stupefactiva, spiritibus suo modo inimica, operetur, unde etiam minus radicaliter eo ipso solitariè adhibito, sed palliativè potius, adhuc in ventriculo hærens spirituum & humorum effrænes motus sopiendo levare solent morbi; cujus rei exemplum, ubi ex semine hyoscyami assumpto quidam deliravit, assumpto autem vomitorio integrum semen in forma mucilaginis rejecit, ex HELMONTIO supra allegavi.

Videntur ad hoc Panacearum genus pertinere, quæ spiritus sistunt, decantata ab HELMONTIO *sulphurea metallica*, nempe sulphur *vitrioli fixum anodinum dulce*, seu *oleum ignis Veneris Helmontii*, & cum eo paratus *Mercurius* ejus *diaphoreticus* singularis, seu *Aurum Horizontale*, si vera sunt, quæ asserit, hincque reverà ad universalia remedia pertinere, aut ad horum naturam proximè acce-

dere. Spectant huc tincturæ solares legitimæ, & Panaceæ, quæ ex basi cinnabaris antimonii confici solent, cujus vis anodyna satis est cognita, ut Panacea ANVVALDINA posterior, & notæ pilulæ Uratislavienses seu VILDEGANSII, ex cinnabari antimonii & laudano opiato ritè correcto præparatæ. Dedi aliquando ægræ 3j. spiritus salis ammoniaci rectificatissimi, nec tamen sudorem potui prolicere; propinato autem deinde ʒss. Auri diaphoretici Poterii, post quadrantem horæ copiosissimus sudor sequebatur, quæquam aurum adfuerit corporaliter, quod in primis viis radicem infringere solet, nec sulphur ejus extraversum, tamen vi sua anodyna, spirituum impetum morbosum sedativa, operationem maximam perfecit. Ergo videmus, quod sulphura metallica fixa, similiaque sublimiora medicamenta, ac quæ ad universalitatis gradum magis accedunt, plus in recessu habeant, & longè alia ratione operentur. Sanè hæc omnia optimè explicari possunt & dilucidari per hujusmodi morbosos impetus in spiritu influo excitatos, quam operandi rationem aliàs ad occultas qualitates referri necesse esset, id est, ejus ignorantiam aperte fateri.

Quod attinet secundum genus remediorum universalium, quod causas istas morborum occasionales, Hippocraticas istas exorbitantes potentias, hinc omnem acrimoniam humorum peccantem temperat & corrigit, & ita præternaturales eorum intestinos motus, effervescencias, præcipitationes, coagulationes, &c. sistit, ejus existentia plausibilior & magis conspicua est. Si enim corpus humanum consideremus, deprehendemus ferè semper, Acidum quoddam in primis viis peccare, ut id in genere occasionalem asserere causam vix dubitem, utut pro specifica sui determinatione varios inde effectus edere soleat.

Quod igitur acria talia corrigit, revera erit Panacea tantum non omnium morborum inde ortorum solamen, præsertim, si, quod fieri solet, diaphoretica vi, seu naturalissimo correctorum succorum evacuationis genere, simul instructa fuerit. Hujusmodi Panaceas suggerit Regnum vegetabile & animale, quales inter in specie est SYLVII *sal volatile oleosum*, ab eodem tantum non omnibus morbis adaptatum, temperans quodcumque acre causæ peccantis in morbis, & ita noxas inde indutas corrigens, & hinc sistens quosvis præternaturales humorum motus potius, vi diaphoretica blanda sublevans universum corpus. Talia quoque videntur quævis Solaria & Mercurialia Catholica, temperativa, ratione sulphuris sui extraversi, omne acre, & hinc diaphoresi ejicientia, non secus ac alia sulphura metallica; unde & idem SYLVIIUS sulphur antimonii fixum, seu universale temperans, & tantum non Catholicum, laudare solet: Unde sulphura talia metallica fixa, partim quatenus temperant universaliter quodvis Acidum, partim quatenus vi anodyna simul plus minus instructa sunt, tam sicca, quam ex his paratæ *Tincturæ antimonii Valentini*, & similia alia plus minus universalia. Panacearum apicem proximè attingunt. Forsan hoc etiam *lapis ignis Basilii* ex antimonio pertinet. Si porro & universalia ista talia, ex aere, rore majali, aqua pluviali, &c. parabilia, etiam à quibusdam Panacearum censui annumerantur, quatenus putantur partim spirituum summè confortativa, partim etiam humorum quorumvis temperativa & resolutiva: sic *Dienheimii Panacea*, qua fecilissimè in Praxi usus est ex rore majali constabat.

Hæc de Auxiliis Pharmaceuticis dicta sufficiant.

Consideravimus jam hætenus Methodum medendi in genere cum Remediis & Auxiliis: progrediamur nunc ulterius ad specialiores Tractationem. Causæ autem morborum secundum triplicem eorum classem, pro diversitate partium quas affligunt, sunt

- (1.) Humorum contentorum; vel
- (2.) Spirituum seu impetuum facientium; ac
- (3.) Continentium seu solidarum partium.

Pro triplici hac differentia Ratio triplex instituat medendi.

CONTENTORUM VITIA.

S E C T I O I.

D E

*Humorosarum Partium vitiiis
corrigendis:*

Humores sunt morbosi, vel in quanto, vel in quali; hoc est, quando Contenta fluida, in quibus fundamentum vitæ consistit, vel deficient, vel ex edunt, dicuntur morbosa in quanto; quando verò in textura sua seu crassi materiali, & inde natis Attributis variis, peccant, vitium est in quali. Addunt alii vitium humorum in loco & motu; sed male: habent namque se ii reverà in his simpliciter passivè ad alterius impetum, secundum organorum structuram, per quæ moventur; & sic non à se ipsis; sed ab impellente, & instrumento, per quod fit motus & pulsus, humores motu peccare dicuntur: v. gr. in inflammationibus, ubi vitium non est in sanguine, sed in parte, in qua sanguinis fluxus impeditur; sicut & in hæmorrhagia narium vitium est vel in movente spiritu, vel in instrumento, per quod fit motus & extravasatio.

C A P U T I.

D E

*Quantitate Humorum imminuenda, & quidem de
Plethora diminutione.*

In Quanto igitur peccare dicuntur Contenta naturalia, tam quando deficient, quam quando abundant. Si deficient, Restitutio eorum per remedia diætetica facilis & nota est; si verò abundant, remediis Pharmaceuticis & Chirurgicis corrigenda sunt. Sunt autem contenta naturalia chylus, sanguis, & commune utriusque vehiculum, Serum, lymphæ, bilis, &c. quorum omnium excessus, & indenata vitia, emendanda sunt.

Bilis abundantia quomodo imminuenda, vel vomitu, vel secessu, *infra de Purgantibus* dicam. Serum copiosius quomodo per urinas imminuendum, ubi *de Diureticis sermo* erit, videbimus. Quomodo lymphæ per sudores, ubi *de Sudoriferis sermo* faciendus. Hac vice in specie dicam de massa sanguinea, prout chylo & sanguine constat, ac sero, communi horum aquoso vehiculo, diluitur.

C L A S S I S I.

D E

Sanguinis Evacuatione sensibili.

Sanguis aut ejus serum, si copiosiora, quam decet, existant, per extravasationem seu evacuationem, imminuenda veniunt. Dubitari autem posset, an sanguis vitæ scilicet thesaurus & fundamentum, minui & removeri debeat, nisi ipsa natura Ductor & Doctor id dubium removisset. Frequentes enim Observationes loquuntur, quam insolitas natura sanguinis evacuationes spontaneo motu interdum instituat, ut sanguis ea molis tantæ se liberet. Notæ sunt crises, quas interdum natura per hæmorrhagias in salutem ægri instituit, imò per vias incognitas sæpe, sibi quæ insueras, movet: exemplum videbitis in **ZACUTO LUSITANO lib. 2. Medic. Princip. Hist. 10.** Aut quando per insensibilem porum in cute, circa hepatis regionem, quodammodo cum patientis salute apertum, se exonerare satagit, cuius illustre exemplum **SCHENCKIUS Observat. pag. 413. & 416.** ex **BENIVENIO** observavit, vel per porum insensibilem, in dextræ manus salvatella sponte apertum, sanguinem salutariter evacuat, teste **BARTHOLINO Centur. 5. Hist. 19.** Taceo nunc menstruum excretionem, quæ non tantum mulieribus, sed etiam viris interdum contingit, de quo **ZACUTUS LUSITANUS lib. 2. Præpar. Admir. Observat. 102. item BARTHOLINUS loco allegato Hist. 32.** vel hæmorrhoidum fluxus, quia non viris tantum sunt

proprii, sed etiam mulieribus non raro vicarii sunt menstruum deficientium. Quibus ordinariis fluxibus suppressis quàm variæ succedant evacuationes, vel per vomitum, vel per nares, vel per mammas, vel per oculorum canthos, ut satis superque notum est, ita exempla videri possunt in **SCHENCKIO l. a. p. 511.** **PANAROLLO Pentec. 1. Observ. 9.**, **HOCHSTETTERO Dec. 2. Consil. 6.**, & **TIMÆO l. 4. Consil. 12.**

Tractandum hic foret de Cura Morborum in specie; sed quoniam, quæ hic moneri possunt generalia, partim sunt superficialia, partim confusa, ac Praxi speciali reservantur, propterea non nisi, quæ de morbis humorum in genere scitu necessaria sunt, tractabimus.

Cum ergo subinde ipsa natura id nos doceat, quidni imitetur Medicus ejusdem conatum, & ubi cognoscit, eam aggravatam esse à sanguine, hunc imminuat, sive sensim absumendo tam per labores, exercitia & inedia, quibus plures morbi curari possunt, quàm medicinam, aut fonticulos & cauteria; sive confestim evacuando aut per hirudines & cucurbitulas scarificatas aut per sensibilem evacuationem, ubi vasa sanguiflua aperiuntur, venæ scilicet & arteriæ, mediante phlebotomo: vid. **NICOLAUS FONTANUS Responsor. l. a. Curat. pag. 110. & 111.** Hæc enim per se nil aliud præstant, quàm quod sanguinem evacuent, cujus abundantia sola sui imminutionem, per partialem sui detractionem, venæsectionem, indicat: vid. *supra*, ubi de Plethora; cum periculum sit, ne ex intermissa sanguinis missione, præprimis consueta & urgente alia mala insignia oriantur: & hoc est Indicans primum. Abundat autem vel simpliciter in sui copia ex intemperantia otiosa, aut suppressione consuete evacuationis, vel secundum quid in Adæctis, item in orgasmo seu turgescencia nimia febrili, dum nimium ebulliens vasa distendendo apparenter, abundare videtur, & sic solum in his Calibus sanguinis detractio necessaria est, Indicatio secundaria sit victus, climatis, ætatis, virium ratio, aliæque circumstantiæ in ægris observabiles.

Quæritur, an bonum sit, evacuare sanguinem? Ratio dubitandi hæc est, quia in sanguine consistit radix vitæ, quod plus enim de sanguine imminuitur, eo magis debilitatur corpus, & de vita detrahatur. Conclusio hæc est verissima. Interim tamen ex duobus malis minus est eligendum, præsertim cum videamus, naturam gravatam sanguine ejus evacuationem instituire, & quidem in statu naturali per mensem vel hæmorrhoidum fluxum salubrem, in statu præternaturali notum est, quod non raro affligat spontanea hæmorrhagia in principio & statu morbi, quæ in statu morbi critica & saluberrima est. Cum ergo natura monstrum viam, imitemur eam; sed non nisi ob sanguinis nimiam abundantiam, eam, scilicet venæsectionem, instituire debemus.

Tanta certe interdum venæsectionis est utilitas, ut ii, qui ex nimia plenitudine suffocari videbantur, sola sanguinis missione sanati fuerint: vid. **SCHENCKIUS l. a. pag. 417.**; sicut & ex omitta venæsectione in corpore sanguine turgido stagnationem ejus, & inde suffocationem lethalem observavit **PANAROLLUS Pentec. 1. Observ. 13.** Quoad victum, sanguinis evacuationem imperat, prout talis est, qui copiosum suggerit sanguinem: Climatis ratio, quatenus disponit ad Plethoram apparentem, nimiam nempe sanguinis turgescenciam & ebullitionem. Hinc nobis Germanis & Septentrionalibus minus convenire videtur venæsectio, quàm Italis & Gallis, quia Germanorum victus non est tam generosus, hinc sanguis non tam spirituosus, nec ejus nimia turgescencia, illiusque ad minorem transpirationem dispositio, adeo melius autem convenit Italis & Gallis propter vini usum & climatis rationem, quia ratione aeris turgescibilis etiam sanguis eorum turgescit. Ætati consistenti magis convenit venæsectio, crescenti minus, decrescienti omnium minime. Quoad vitæ genus, huc pertinent sedentarii, intemperantes, studiosi, &c. qui sedentaria vita gaudent, hi interdum opus habent venæsectione; qui autem vitam actuosam agunt, & multum transpirant, his non est necessaria. Pertinet huc etiam sexus: cæteris paribus magis sexui masculino quàm feminino convenit, quippe quibus mensium fluxus loco venæsectionis est, nisi interdum in gravidis, habitioribus, laeta diætæ, præsertim vinosæ, & vita sedentariæ utentibus concedenda; ubi sanguis præternaturaliter coarctatur, unde dicuntur Plethorici, ibique interdum est salutaris. Sanguinis coarctatione sunt lassitudo, difficilis respiratio &c. In talibus prodest san-

sanguinem ventilare, adeoque omnis venæsectio instituitur, ut sanguinis excedens quantitas saltem imminuatur, in quo usus ejus primarius consistit: uti & iidem, quæ copioso mensium fluxu solent laborare, interdum convenit aliqualis venæsectio in brachio, pro ventilatione sanguinis circa medium gestationis tempus, quod tunc sæpe natura excitet hæmorrhoidum fluxum loco mensium. In junioribus, nimis laboriosis, ac minus sanis gravidis minus convenit venæsectio. Dicunt aliàs, venæsectionem, medio gestationis tempore institutam, præservare gravidas, ut in partu non corripantur purpura (*sic sollen den Frieselnicht bekommen*) vel febribus malignis; sed falsum & pessimum abusus est; Quid enim ad deputationem turgescentiæ futuræ sanguinis hæc hocce tempore instituta faciet aut conferet? Ut plurimum autem primo gestationis tempore vomentes, picantes, &c. præservantur ab affectibus gravioribus in puerperio. Pertinet huc consuetudo quæ est quasi altera natura, & multum in recessu habet: unde, qui consueti sunt semel venæsectioni, illam necesse habent quotannis verno tempore repetere, quo germinare incipit sanguis, nisi clinicam agere vitam velint: id quod continuare coacta fuit nobilis quædam mulier laudabilis constitutionis, usque ad octuagesimum annum ætatis, teste TRINCAVELLO in SCHENCKIO l. a.; qua consuetudine omisâ abortam febrem ardentem cum erysipellate in sene 63. annorum, videb. in GABELCHO-VERO Cent. 6. Curat. 6; qua observata aliàs a febribus acutis se præservavit. Sæpe enim mala multa post venæsectionem interruptam, aut diu post habitam, sequuntur, ut tonsillarum inflammatio, tubercula cutis, aliæque: quare etiam venæsectioni adsueta stasis vicibus in vena punctiunculam, sensum cujusdam motus in brachio vel loco secari solito, & titillationem, percipiunt, natura quasi ad solitas evacuationes monente, ut eleganter loquitur BARTHOLINUS Centur. 5. Hist. 19. Ergo moderata & circumspecta sanguinis evacuatio omnino subinde necessaria est, ut instituat a Medico, & utilis est ægro. Plura de venæsectionis necessitate videbitis in Methodo Medendi HOFMANNI lib. I. cap. 13. 19. Dissertat. MAURITII HOFMANNI de Venæsectione. Necessitate.

Porro massa sanguinea in genere, præter abundantiam vel veram vel apparentem, motum etiam suum circulatorium considerandum suggerit, partim quatenus ipse necessario pro conservanda vita requiritur, & quatenus à motu ejus & aliorum quorumvis contentorum naturalis motus dependet; ita ut sanguinis circulus continuus sit necessarius, partim propter sanguinis ipsius integritatem ad vitam necessariam, & ut alia fluida in suo motu conserventur: v. g. à sanguinis motu quivis feri & lymphæ motus dependet; sicut & ab hoc motu bilis per hepatis meatum continuatur, urinæ fluxus & sudoris motus & exclusio, sanguinis versus cerebrum, & ipsorum spirituum animalium quoque suo modo motus, dependet. Moderatur nunc motum simpliciter cor, ejus respectu corpus universum in duas regiones dispartitur, in inferiorem nempe, quæ venam cavam adscendentem, & arteriam magnam descendentem; & superiorem, quæ arteriam magnam adscendentem, & venam cavam descendentem, completitur. Dum ita cor sanguinis motum modificat & moderatur, inde aliorum contentorum naturalium motum adjuvando & promovendo, per accidens sanguinis missio solet conferre quoque ipsi motui sanguinis, quatenus immixto nonnihil ejus quanto liberior & facilius sit ejus per vasa circulatio, & simul circa locum vel evacuationis vel stagnationis, ob meatus & poros magis a pertos, ex vacuo concitator sanguinis ipsius & quorumvis aliorum contentorum plus minus stagnantium impetus ac progressus simul promoveretur, & hic est usus primarius missionis sanguinis, modificare nempe & promovere suo modo sanguinis motum circulem, & hinc dependentem aliorum humorum plus minus stagnantium, vel in suo motu impeditorum, motum, quod vulgò vocant *Ventilare*, quatenus hoc ipso sanguis & aliorum inde dependentium humorum plus minus vitiosorum motus promovetur. Per se ergo, utut solummodo sanguinis evacuationis scopo satis faciat venæsectio, per Accidens tamen interdum etiam aliis subinde subvenit affectibus, quos per sanguinis detractionem, experimur nunc mediate inde dependentes, quatenus vel hi à sanguinis abundantia, vel exinde impedito ejus aut naturæ motu, aut fermentatione immixta, vel alia circumstantia ad juncta, dependent. Hinc venæse-

ctio in pedibus instituta, instantes menses proritat, lochia suppressa promovet, urinam remorantem pellit; observatum enim fuit à RIVERO lib. 1. Observat. 1. & 89. quod urinæ suppressio mediante sanguinis missione in brachio sinistro fuerit curata, quia sanguis abundans inceperat stagnare in vasis emulgentibus, & in renibus transcolationem & secretionem urinæ impedierat, & sic per accidens urinæ suppressio curata, est. WILLISIUS quidem Pharmac. Ration. P. 1. Sect. 4. c. 3. tam per propriam, quam LOWERI experientiam, ab humorum strictiore combinatione deducit; cujus etiam generis iscuria illa videtur, quam TULPIUS lib. 2. Observat. 43. singulis pleniluniis affligentem, & per venæsectionem solutam refert; Verum VILLISII hæc opinio assensum non meretur. Nam si quis RIVERII Observationes allegatas attentius considerat sanguinis vitium vix excusare poterit, præsertim cum post solutam ischuriam urina subnigra reddita fuerit: nec seri defectus accusari poterit, aut sanguinis compages nimis stricta; siquidem uterque ægrorum ante suppressionem multum potarant, ac plures urinæ ibi excreverant. Abortum interdum præcavet, quando mulieribus gravidis medio gestationis tempore secatur vena, ut sanguinis quantitas imminuatur, ne fœtus sanguine suffocetur: simili ex ratione in habitioribus partum difficilem promovet venæsectio in brachio, teste BORELLO Observat. 24. Centur. 4.: Aliquoties venæsectione parturientes liberatæ sunt; ipse novi exempla bina, quod PATINUS Medicus Parisiensis, & sanguinis humani admodum sitiens, binos partus eo modo feliciter promoverit, quod etiam BAUHINUS Basileæ feliciter expertus est. Lochia suppressa denuò solent per venæsectionem in pede provocari, sanguinis impetu ad inferiora concitato; non secus ac mensibus jam imminuentibus vel fluentibus, hi per brachii venæsectionem supprimuntur: sic mulierem ex defectu mensium tabefactam per venæsectionem repetitam curavit BENIVENIUS, teste SCHENCKIO lib. 2. Observat. pag. 261; & extenuatam per venæsectionem curavit ZACUTUS LUSITANUS lib. 3. Præceps Admir. Observat. 4. Convenit etiam per accidens in nephritide, quæ cucurbitulæ lumbis applicatæ fuerunt: item in doloribus ischiadicis, imprimis in principio, & partium doloribus fixis; qui sanguinis missione, & hinc in pede sectione, sistuntur; ipse observavi, quod mulier, dolores exquisitissimos in pede passa, venæsectione liberata fuerit. In convulsionibus, casu & lapsu ab alto, contusionibus cranii, &c. per accidens sanguinis imminutio solet esse proficua, quatenus sanguinis quantitas ex parte detrahitur, & simul modificatur contentorum motus.

In Plethora ergo vera nullum dubium est de venæsectione; in notha autem seu apparente non est necessaria, modo Medicus sciat sufficienter sistere sanguinis orgasmum Absorbentibus, simulque blandè diaphoreticis, v. gr. lapillis cancrorum, testis ovorum calcinatis, ebore sine igne, dentibus apri, hippopotami, &c. lenioribusque acidis, succis & syrupis berberum, citri, ribium, tinctura florum bellidis, rosarum, spiritu nitri, sulphuris, salis, vitrioli, vel pulvere hepatico rubro Dreidensi, spiritu vitrioli coagulato, &c. utpote quæ Plethoram notham sine venæsectione curant, quod si Medicus hoc nequeat, necessario secetur vena. Quod verò quidam in febribus ob id secant venam, ut refrigerent, absolum est, cum interdum excedens ex effervescencia sanguinis sit æstus, quam sanguinis tantilla detractio non temperabit; in intermittentibus febribus semper est inutilis, & simpliciter nullius sanguinis evacuatio usus: Nescio verè in quam causam instituat, quotiescunque enim in iis evacuat sanguis, tunc magis chronica & contumaces Febres continuæ sunt vel benignæ vel malignæ: in malignis periculosissima est venæsectio, quæ multos jugulat, nisi forsitan in juvenibus summe plethoricis, ubi in principio maxima sanguinis turgescencia conjuncta, qualis interdum in variolis & morbillis est: febres continuæ ardentes benignæ, quæ imprimis refrigerio egere videntur, si debitis agentibus, absorbentibus & diaphoreticis tractantur, venæsectione opus non habent; si verò hoc non potest fieri, tunc in principio, non in progressu, aliquantum etiam sanguinis profusi mittatur, ne adeo acutus morbus persistat, & melior occasio aliis utendi efflorescat. Refrigeratio autem sit nulla, cum tantillum sanguinis detractum nihil juvet pro consistendo æstu massæ sanguineæ impensius effervescentis, nisi more veterum ad animi usque imminens deliquium vena secetur, qui illi terminum sufficientis

cientis evacuationis tunc statuebant, cujus exemplum videbitis in **AMATO LUSITANO** *Centur. 3. Curat. 31.* sicque ægri facillimè curarentur, quia occiderentur, de qua controversia vid. **MAJATUS** in *Consult. Medicis T. 1. P. 1. Quæst. 7.* Gallis & Italis Cachexia, pallor & tumor pedum frequens est, quæ oriuntur ex crebra venæsectione, quæ ipsis in febribus ad animi usque deliquium ferè familiaris, inde etiam nullus ferè à febribus curatur, quin non dicti morbi sequantur: Ad uncias aliquot autem si mittatur, parum salutis æger habebit; si tamen necessaria, fiat in casu, quando meruimus in progressu morbi gravia symptomata capitis, cephalalgiam, deliria, agrypniam, &c. In morbis chronicis venæsectio rarè aut nunquam instituitur, nisi forsitan occasio sanguinis consuetæ evacuationis suppressæ in ægro, hoc suadeat. Ex his patet simul, quod Cacochymia non indicet venæsectionem; nam sanguis cacochymicus sui correctionem, non immutationem, indicat, quia mistim effluit sanguis, bonus & malus, simili qualitate ut circuletur per vasa; imò planè hic exulet venæsectio. Posito, aliquam partem cacochymicæ imminui; tantum tamen nocuenti, quantum commodi, exinde sperandum: ergò nullius ejus usus. Obijciat quis: *nonne primum niger sanguis, tum rubeus exit*; ergò malus præcedit, bonus sequitur. Vana hæc est consequentia & ludicra. Notum est, quod omnis sanguis arteriosus sit floridior venoso, ab aere nempe hunc acquirens colorem, dum per pulmones circuletur, quod experimentis **LOVERI** de corde probari potest; è contrà, qui ex arteriis in venas transmissus, evadit tractu temporis obscurior, hocque eò magis, quò magis per truncum, ramos & venas, fuerit transmissus & circulus: hinc ex venis affluit nigrior & obscurior, floridior autem hunc insequitur propter rapidiorem circulationem ex arteriis ad vasa inanita: sed sub celeri hoc motu interdum floridum colorem exiit, hinc sequitur per accidens floridior nigriorem & obscurum in emissione. Unde ridiculum est quoque, dum interdum curiosi sunt Chirurghi vel Astantes ægrorum, in tres distinctas patellas sanguinem successivè colligentes.

Quoad legitimum venæsectionis regimen, potissimum controversatur de loco, ubi pro sanguine imminuendo unum idemque, & perinde est, quo loco evacuetur, pro ventilatione tamen aliquis defectus instituendus est, idque secundum notissimas Revulsione, Aversionis & Derivationis regulas. Veteres de hoc solliciti adeò fuerunt, ut hinc mille controversiæ fuerint excitatæ: v. g. ubi in pleuritide venæsectio instituenda, integra volumina prostant; moderni è contrà minus his tribuunt, ob inventam hodiè circulationem sanguinis, medio tamen tutissimus ibis: tantum ulum cum Veteribus iis non tribuimus; saltem per legitimam circulationis applicationem corrigenda censeo.

Veteres sanguinem irruere in partes dixerunt, unde in loco opposito evacuarunt eundem. Stante autem sanguinis circulo, impossibile est hoc, eò quod sanguis æquali modo in universum corpus, magis in hanc quam in aliam partem influat, & æquali circulo à quibuscumque partibus refluat, in quas influxit, non verò determinatè plus minus ad hunc vel illum locum. Cor est fons, ex quo scaturit sanguis, & universum postmodum corpus ab eo pervagatur: Movetur indeterminatè per arterias ad partes, per venas verò ad cor; unde nunquam movebitur copiosius aut impetuosius ad partem unam, quam ad alteram: neque pro correctione talis motus venæsectio ulla sub nomine Revulsione vel Derivationis institui potest: hinc etiam quilibet facti tumores non ab effluente humore seu sanguine, sed restagnante, hoc est, non ab irruente sanguine, sed in suo motu naturali per poros vel partium vel vasorum capillarium impedito, sanguis necessariò, coacervatur & stagnat in parte, putrescit & inflammatur, indeque pars tumet. Quocumque ergo in loco evacuetur sanguis, nunquam corrigitur iste tumor, nisi impedimentum illud quod sanguini tanquam materię liquidæ fluenti oppositum est, removeatur. Unde si pro scopo Revulsione aut Aversionis mittatur sanguis, falsum est, quod per emissionem in opposito loco, velut impetu, sanguis eò trahatur: non enim juvat hoc diutius, quam quamdiu sanguis effluit; simulac autem inhibetur, denuò simul equaliter per sua vasa fertur, & nullus maior impetus ad oppositum locum observatur. Et posito, irruere sanguinem in partem ex quacumque causa removeatur, non corrigitur is motus, licet vel centum venæ in alio loco pertundantur; & si vel maxime irruat, non potest copiosius irruere, quam

vasa permittunt, quorum alveis coercetur: sin ergò aperta sint omnia vasa, viæque patulæ, sanè eo motu, quo irruet in partem, eo etiam ex ea effluet, ob immutabilem naturalis circulationis legem. Quid ergò tum proderunt revulsoriæ & derivatoriæ venæsectiones?

Veteres enim in tumoribus quibuscumque, in specie inflammationibus duas partes apprimè considerant; Mandantem, & recipientem. Mandatis partem, respectu sanguinis venosi Hepar, respectu arteriosi Cor; Hanc verò seu recipientem quò tumor & inflammatio erat, dixerunt v. g. pleuram in pleuritide, collum in angina, &c. Putarunt verò à parte mandante sanguinem mitti recipientem; unde pro corrigendis hinc inde malis, Mandantis ratione Revulsiones & Derivationes, ratione verò partis recipientis Interceptiones & Revulsiones instituerunt: v. g. in angina partem mandantem dixerunt hepar, hinc pro Revulsione & Retractione venæsectionem in pede iusserunt, pro aliis verò retrahendis in brachio; respectu recipientis, vel laryngis & partium vicinarum, pro derivatione sub lingua venæsectio, & in principio ex externè Repellentia ut repellatur sanguis in vasa, collo verò Interceptantia applicarunt. Hæc tamen nullo modo potuerunt concedi, quia sanguis equaliter fertur in universum corpus, & equali circulo à quibus vel refluit, in quas influxit, non verò determinatè plus minus ad hunc vel illum locum; unde etiam quilibet facti tumores non ab affluente humore cum sanguine, sed stagnante, hoc est, non ab irruente sanguine, sed in suo motu naturali impedito, unde coacervatus stagnat, & sic tumorem, &c. infert. Ideo, quando humor aut sanguis equaliter fluit & refluit, nullus fit tumor, nec impedimentum quoddam est, sed simpliciter respectu partis recipientis est vitium; non respectu mandantis: v. gr. in pleura non est vitium cordis mittentis & sanguinis affluentis, sed viarum, per quas sanguis fluit; dum fibræ ab acido irritatæ stringuntur, hinc subsistens & stagnans sanguis inflammationem pleuræ infert. Vitium igitur est in parte recipiente, dum fibræ ex contractione porrectæ sanguinem in sua circulatione turbant & impediunt; sicuti spinam digito infixam sequitur dolor tumor & totius manus inflammatio, cujus fibræ contractæ & angustatæ ex constrictione pororum sanguinis congestionem, tumorem ex stagnatione, & tandem inflammationem inferunt. Tanta igitur non est harum revulsione, & derivationum amplius utilitas; non tamen est de nihilo, quoad experientiam Practicam, earum observatio, adeoque corrigenda, non simpliciter rejicienda est; sic enim revulsione sanguis in quadam regione stagnans in contraria vel opposita evacuetur, ut aliquando promptius ad hanc fluat, & imminuta ejus quantitate imminuatur nimium stagnationis incrementum. Sic exemplum notabile refert **LINDANUS** in *Colleg. Manuscr. suo super Hartmanum, de Mercatore* quodam *Amstelodamensi*, cui dexter oculus erat inflammatus; Medicus senex venam secit in brachio ejusdem lateris, unde magis inflammabatur oculus, quia, sic sanguis majori impetu ad partem movebatur; Chirurgus aperit venam in sinistro brachio, quæ oculus antea illæsus altero die etiam inflammatur; hoc videns Medicus, secit iterum venam in dextro brachio, & ibi quoque augetur inflammatio, & miser æger ferè excæcatur: in consilium vocatus **D. LINDANUS**, errorem amborum videns, statim venæsectionem in pede dextro instituit, tunc notabiliter imminuitur inflammatio dextri oculi; altero die venæsectionem repetierunt in sinistro pede cum eodem successu oculi sinistri, adeò ut sublata omni inflammatione, ita curatus fuerit. Et hæc fuit venæsectio Revulsoria, ubi quidem non laudanda copia venæsectionis, sed videndum saltem, quantum in opposita parte venæsectio in recessu habeat. Idem in *Actis Medicis Haffniens. Volum. 2. pag. 194* extat de muliere, quæ sub mensium fluxu ex venæsectione instituta in brachio sinistro, hujus inflammationem, & in mammarum tumorem ac inflammationem, cancerum minitantem, sensit: sicut Ancilla alia actu fluentibus mensibus, ex venæsectione in brachio, his suppressis constrictionem thoracis, anhelitum difficultatem, suffocationem demum cum delirio, experta est: Sic alia mulier eodem modo planè Melancholica facta, refertur: **RIVERII** item citata exempla, suppressæ urinæ restitutionem concernentia, probant & ostendunt, quantum in parte opposita valeat venæsectio: **AMATUS LUSITANUS** cap. 6. *Observat. 28* narrat de muliere, uteri fluxu laborante, ut quoties hæc venæsectionem institue-

tuerit in brachio, toties fluxus auctus fuerit infecutus; quoties autem in pede, toties fuerit suppressus; sanguine nempe abundante & turgescere per venæsectionem in motum liberiores in regione superiore concitato, copiosius inde fluxisse ad inferiora, & per uterum excrevisse hunc; in pedum verò regione ad inferiora provocatus, replevit vasa arteriosa uteri, & fluxum ejus stagnatione sua plus minus impedivit: Refert sic GABELCHOVERUS in *Curat. suis* de muliere, quæ sub menstruatione, cucurbitulis in dorso & brachiis utens, dolorosa hinc facta, & quoties insisterent menses, toties millia malorum dolororum & symptomatum circa loca scarificata perpessa sit. Confer. RIVERIUS *Cent. 1. Observat. 2.* WALÆUS in *Methodo Medendi pag. 98.* FEHR de *Absinth. p. 138.* Natæ ergo Veterum fuerunt hypotheses sub tenebris ignorantæ circulationis sanguinis, quibus discussis & istæ falsitatum nebulæ disparuerunt. Ut ergo res melius pateat, quomodo sub certo sensu stare queant ista Veterum Asserta, propono, respectu cordis duplices esse regiones corporis oppositas, in quas emanat sanguis, superior scilicet ratione arteriæ adscendentis, & inferior ratione arteriæ descendens. Inferior complectitur abdomen & pedes quousque nempe à corde arteria magna descendit; superior collum, brachia & caput, quousque arteria magna à corde ascendit. Quando ergo pars affecta est in una regione, & mittitur sanguis in regione altera, dicitur Revulsio; dum enim secta vena evacuatur sanguis in quadam parte, hoc ipso, ob majus & liberius spatium, promptius in venulas ex arteriis capillaribus influit sanguis, quibus igitur depletis promptius influit sanguis ex ramis, hinc successivè ex truncis, dumque vasa non adeo turgent, quàm in opposita parte, sanguis ob minora obstacula aliquomodo celerius influit in istam regionem corporis, ex qua fit talis evacuatio magis, quàm in alteram, ubi non fit. Si ergo stagnat sanguis in quadam parte ex impedito ejus motu, v. g. in capite vel oculis, datque inflammationem, quò major & pertinacior est talis stagnatio, eò major & periculosior successivè fiet inflammatio, ob succedentem & influentem continuo non interrupto motu sanguinem. Si ergo aperitur vena in parte inferiori, v. gr. poplitea aut saphæna, & sanguis evacuatur, dicitur Revulsio Sanguis enim evacuando

1. Imminuitur.

2. Ob liberius spatium in inferiori regione & ob impedimentum stagnationis in superiori, promptius movebitur sanguis ad inferiora: sicque duplex habet commodum,

(a) Ut sanguis non adeo copiosus superiora versus feratur. Sed hoc non durat diutius, quàm vena aperta sanguis fluit; hac enim denuò occlusa, sanguis brevi post denuò in omnibus vasis æquali tenore & quantitate circulat.

(b) Ut sanguis, dum quantitas ejus imminuitur, ubi ejus motui injicitur impedimentum, non adeo copiose stagnet, vel colligatur in loco, ubi fit stagnatio ejus; sed depletis non nihil vasis, à vicinis promptius absorbeatur, & ita per ea ad cor revehatur; quod fit eò felicius, quò copiosius sanguis detrahitur; qui aliàs copiosior propter motum impeditum restagnare facit in loco, & sic inflammationem intendit: vel dum effluit actu sanguis, & in illam oppositam partem facilius & copiosius fluit, isto tempore minus stagnat circa loca inflammationis, & refluit hic facilius.

Hoc modo explicata Revulsio nil aliud erit, quàm sanguinis in quadam regione stagnantis, in regione contraria vel opposita evacuatio, eum in finem, ut aliquo modo promptius ad hanc fluat, & imminuta ejus quantitate sanguis promptius circuletur per vasa aliàs impeditus, & ita impediatur minimum stagnationis incrementum in parte affecta; & hoc vocatur Revulsio Universalis. Patet ex his, per venæsectionem in loco alterutro, respectu binarum corporis regionum, sanguinis & aliorum contentorum motum mundificari posse diversimodè, & hinc morbum nonnihil mitigari.

Quod si vel facta sit talis Revulsio, vel ea non opus sit, & stagnationis sanguinis in parte incrementum non sit adeo ingens, vel jam aliquo modo diminutum; ut hoc ulterius præcaveatur, aperitur vena in eadem, quò sic non ad locum stagnationis, sed ad vicinum promptius sanguis fluat, & magis adhuc imminuto ejus quanto facilius per alia vasa remeare queat, ne augeatur stagnatio;

& hoc vocant *Revulsionem particularem*; alii *Aversionem*, evacuationem nempe sanguinis ex loco ejus stagnationi vicino v. gr. Anginosus, cui inflammatio fit non propter sanguinem irruentem in istas partes sed propter sanguinem, stagnantem ex impedito circuitu, evacuat in tali casu sanguinem nunc ex pede pro Revulsione universalis, è brachio pro Revulsione particulari seu Aversione, è venis raninis sub lingua pro derivatione; si enim inciduntur venæ istæ, per quas sanguis in loco stagnans naturaliter aliàs refruere deberet, ut sic adjuvetur, quantum fieri potest, ejus recursus, quo restituitur in naturalem circulum, vocatur *Derivatio*, sanguinis scilicet per locum stagnationi proximum, vasa, per quæ sanguis deberet refruere,eductio, ut minor fiat stagnatio, & propter depleta vasa facilitetur ejus refluxus seu circulatio; sicut, si in vasis per quæ sanguis refruere debet, venæsectio instituitur, Interceptio vocatur. Hæc distincta loca multum in recessu habent.

Quæritur nunc in specie, in quibus casibus Revulsio & Aversio imprimis conveniant, non exclusis aliis casibus. Respondeo:

- (1) Imprimis in insignioribus inflammationibus.
- (2) Gravioribus partium doloribus, præsertim imminutis.
- (3) In raptu seu transcolatione humorum vitiosorum ad partem nobiliorem.

Quoad inflammationem, notum est, in plenitudine curanda, peripneumonia, angina, cephalalgia, ophthalmia, &c. sanguinis evacuatio necessaria judicatur, quod hæc semper secundum Revulsionis & Aversionis regulas sit instituenda, ut utraque hæc in subjecto plethorico, vel simpliciter vel apparenter tali, locum habeat.

Quoad dolores, v. gr. est mulier, quæ crebrius obnoxia est doloribus totius cruris dextri lancinantibus insigniter; hæc per consuetudinem didicit, quod per venæsectionem in crure opposito institutam levamen sentiat, hocque crebrius facit, ut ut dolor non præcisè à sanguine, nec motu ejus impedito, oriatur; sed potius cum lymphâ vel serum acido sapore vitiatum impregnata & inquinata, simul cum sanguine circa locum cruris affectum nimis evacuetur. Horum humorum motus sufflaminandi ergo in opposito crure venæsectio instituitur, ut sic liberius sanguinis circulo promoveatur refluxus & dolores corrigantur.

Quoad raptum tandem humorum, vel excernendorum, vel sub excretionem suppressorum, in alium locum, unde dolores, tumores, inflammationes & similia mala; hinc apud Practicos sæpè occurrit, & in praxi probè observandus est. Res ut pateat, calum formabo: Parum abest à biennio, quod juvenula delicata, puerpera, febre maligna cum purpura corripescebat, quæ in pectore & dorso quoque erumpebat, minus tamen in brachiis & cruribus, hincque imperfectè; post lochiorum fluxum suppressum urina excernabatur crassa cum sedimento supernatante, turbida, & signum præbebat coctionis inchoatæ, sed non perfectæ, ægra debilis erat, utcumque tamen aliàs benè se habens: post diem duodecimum, nocte ante tredecimum, anxia præter morem jectitabatur, insigni præterea debilitate correpta; manè vocatus invenio urinam naturaliter constitutam, post bihorium delirabat, superveniebant convulsiones, circa meridiem moriebatur. Vocant hoc Practici *Motum humorum ad caput*, quasi excreta antea per urinam caput occuparent, mutato motu urinam relinquencia, & tragica ista symptomata excitarent. Formabo faciliorem & brevior calum: v. gr. sit mulier mox à partu lochiis suppressis, cui supervenit pleuritis cum febre acuta, cephalalgia & delirio: Practici hoc dicunt raptum humorum ex suppressione lochiorum factum ad caput, item ad pleuram vel pectus. Aut si in variolis erumpentibus hæ subito dispareant & hinc deliria ac convulsiones superveniant, diceretur raptus materię variolarum ad principium nervorum. Quid autem talis est raptus? Notum imprimis est, quod non proprio impetu moveantur humores, sed communi pulsū circulatorio æquali deferantur ad quasvis totius corporis partes. Quod verò in specie unam partem præ alia affligant gravius & occupent, hoc imprimis partis est vitium aut culpa, non verò sanguinis aut aliorum humorum inequaliter & indeterminatè per partes circulantium & transcolatorum, adeoque vitium non est sanguinis circulantis, sed partis vitiosè retinentis; atque sic malum hoc, potius *detentio humorum in quadam loco* dici debet, ntut propter impetū aut subitaneum affligendi modum subinde communiter Raptus nomine veniat. Res ut pateat

teat, in casu dicto lochiorum suppressorum, dum purgamenta ista uterina, sanguine suppresso, æqualiter per universum corpus distribuuntur, cum sanguine ad omnes partes transeunt; si verò impedimentum quoddam in quodam loco se offerat, quod æquabilem motum sanguinis tunc turgentis, & particulis heterogeneis, nec æquabiliter commiscibilibus inquinati, nonnihil sufflammet & turbet, ipse quidem sanguis ex impetu pulsus per vasa consueta utcunque circulatur, particulae istae heterogeneae haud bene nec intempe ipsi unitae, ob texturæ & conformationis vitium successive in parte detinentur, & pro earum quantitate & continuato sanguinis circulo magis magisque coacervantur, & ut alias vocant, in partem decumbunt, quod cum brevi subinde fiat tempore, quasi cum impetu quodam partem illam rapi contenta talia videantur.

Impedimentum autem hoc in parte, cujus occasione talis detentio contingit, duplex observatur; vel enim subest vitium quoddam, utut leve, in conformatione vasorum capillarium, pororum aut meatuum, propter quod difficilius sanguis transit, & utut adhuc ille transeat, interim aliae contentae heterogeneae particulae non exacte huic mistae retinentur, cum non æquæ conformatae sint, ut penetrare possint, atque sic coacervantur; vel si hoc non fit, irritatio partis videtur subesse, ab ipso sanguine ita male affecto facta, qua occasione stringuntur fibrae, arctantur pori & clauduntur meatus, hinc sanguis quoque pulsu impetuosiore quidem trajicitur, sed peregrina ejus contenta, alias ipsi non adeo bene unita, in parte resistunt, & sic eo rapi quasi videntur. His in casibus sanguis stagnare plus minus observatur, unde nunc cum, nunc sine inflammatione talis humorum dictus raptus ad partem nobiliorem fieri assolet. In hujusmodi igitur casu pro raptu aliquomodo corrigendo, & nimio incremento per Accidens impediendo & præcavendo, venelectio instituitur revulsoria & averforia; & si locus conceditur, derivatoria quoque institui potest: v. g. in lochiis promovendis Revulsoria primò in cruribus, secundò Aversio in brachio; ad caput verò raptu facto pro Derivatione frontis vena incidi poterit.

Ex his sponte pater, qualis selectus vasorum sit instituendus: nempe pro scopo revulsorio attendenda regio opposita, pro averforio regio eadem, sed remotior ejus pars, pro derivatione eadem regio partis affectae, ut aperiantur vasa, per quæ refluere debet sanguis vel humores plus minus stagnantes. Hisce modis & legibus observatis subinde locum habet evacuatio sanguinis, pro motu ejus modificando.

Pro meliori autem vasorum selectu in Revulsione, Aversione & Derivatione instituendis, eorum distributionem brevibus adjungere placet, ut pateat, quomodo massa sanguinea ad totum corpus per arterias devehatur, & ab ejusdem partibus per venas revehatur.

Arteriarum tres in corpore reperiri, ex Physiologicis suppono, Arteriam nempe magnam, pulmonalem, & venæ portæ partem inferiorem & superiorem, à quibus rami reliqui omnes totius, tanquam à truncis maioribus emanant, suntque eorum potissimæ sequentes. Nempe Arteria magna, postquam pericardium elapsa incurvatur, simul ac ultra curvaturæ suæ angulum subclavias & carotides emittit, ita ut subclaviarum sinistra sine alterius rami notabilioris productione ad claviculam lateris sui excurra: dextra autem postquam à trunco aliquantum adscendit, carotidem exhibet, non iuxta HIGHMORUM utranque sed dextram tantum, ita ut sinistra media ex ipso trunco arteriæ magnæ propullulet.

Subclaviæ, postquam intra thoracem adhuc latentes, intercostales superiores, cervicales, mammarias & musculas emisunt, nomen mutant, & axillares vocantur, progrediunturque extra thoracem; ubi, postquam scapulares internas thoracicas superiores, inferiores & humerarias, prodixerunt, brachium subintran, hinc circa cubiti flexuram in ramos duos insignes dividuntur, per carpum ad manum extimam descendentes, & in furculos plurimos abeuntes.

Carotides secundum asperæ arteriæ latera perpendiculariter ferè adscendunt, & collum perreptant; circa fauces tamen in ramum exteriorem & interiorem dirimuntur; quorum interior cum cervicalibus cerebro sanguinem pro spirituum animalium separatione adducit.

Descendens autem arteriæ magnæ portio, partibus in-

fra cor constitutis, si arteria bronchialis excipiat, conspicit; postquam autem hanc intercostales inferiores & phrenicam emisit, inter diaphragmatis processus ad abdomen defertur, ubi ex ejusdem trunco coeliaca mox prodit, hinc mesenterica superior, emulgentes, spermaticæ, lumbares 4., mesenterica inferior, muscula superior & sacra: postmodum super vertebram lumborum quintam in ramos iliacos dispefcitur, quorum tamen uterque in internum & externum denuò subdividitur, ita quidem, ut ab interno emanet muscula inferior hypogastrica, & in fœru umbilicales; exterior verò postquam epigastricam & pudendam emisit, abdomen elaboratur, ac cruralis nomen accipiat, in ramos diversos degenerantis.

Altera arteriarum maximè notabilium est pulmonalis, ex dextro cordis ventriculo emanans, & per pulmones dispersa; sicut pariter portæ venæ illa pars, quæ per parenchyma hepatis explicatur, arteriæ nomen meretur; unde etiam ejusmodi conformatio peti poterit.

In tota corporis regione tertia Venæ radicanter, quarum furculi minores & capillares sensim in maiores ramos, & tandem in truncos crassiores coeunt, qui in amplissimos sinus se exonerant; quorum in corpore observantur tres, nempe vena cava, portæ & pulmonalis, quæ venæ cavæ litant. Venosi canales sunt vel descendentes vel adscendentes: & quidem descendentes aut à capite, aut à brachiis, & thoracis partibus externis, aut ab huius interioribus emergunt; ex capite quidem vertebrales, jugulares internæ (externis in homine majores) sinus cerebri famosos excipientes jugulares externæ, & tandem musculæ superiores, omnes in subclavias se exonerantes. E brachiis autem, & thoracis partibus externis, egrediuntur, & ramum axillarem cum subclavia continuum faciunt.

1. Cephalica seu cubiti exterior, quæ circa cubitum ex radicibus duabus, quarum altera Funis brachii, altera vulgò mediana seu communis dicitur, coit.
2. Basilica.
3. Ipsa Mediana κατ' ἐξοχὴν sic dicta.
4. Scapularis interna, &
5. Externa.

Tandem à thoracis facie interna prodeunt Mammaria & Intercostales, subclaviis implantatæ; item Mediastina, azygos, coronaria, & phrenicæ in truncum adscendentem se exonerantes.

Ita enim vocatur venæ truncus, qui per abdomen & thoracem adscendens, cum trunco descendente hætenus explicato, circa auriculam cordis dextram coit, quique à venis omnibus infra cor dispersis sanguinem haurit; quæ in illas commodè dividi possunt, quæ illius ramis conspicuis extra abdomen decurrentibus implantantur, & in illas, quæ intra abdomen demum in ejus ramos & truncum se exonerant.

Truncus extra abdomen apparens Cruralis dicitur, cui implantatur.

1. Ichias Major, à digitis pedis & tibiæ atque fure musculis emanans.
2. Suralis, quæ duplicem radicem, unam à dorso & digitis pedis, item malleolo interno, alteram à pollice, calce, tibiæ externa facie, item suræ musculis, recipit.
3. Poplitea, quæ in calce, interdum in malleolo externo, radices figit.
4. Muscula gemina, exterior nempe à tibiam extendentibus, interior à genu & femoris musculis.
5. Ischias minor ex coxendicis parte exteriori & antica.
6. Saphæna omnium maxima, & pedem totum ab hujus parte inferiore ad inguina ferè adscendens.
7. Muscula abdominis inferior quæ à coxendicis cute & musculis derivatur.

Sic idem truncus cruralis peritonæum subintrans iliaceus externus appellatur, eique sanguinem adducunt pudenda & epigastrica; quo facto iliaca interna ipsi appenditur, externa longè minor, cum qua communicant muscula media & hypogastrica. Ipsi autem trunco iliaco ex ramis duobus coalescenti sacra implantatur, interdum gemina, & muscula abdominis superior. Hinc in truncum simplicem venæ iliacæ coeunt, qui mox recipit lumbares.

bases tres, spermaticas (quarum tamen sinistra frequentius emulgentem ingreditur) emulgentes, adiposas, & radices ex hepate prodeuntes.

Truncus alter venarum notabilium in corpore est Pulmonalis, quam Veteres Arteriam Venosam dicebant, ejus radices, per pulmonum substantiam disseminate, trunco communi in ventriculum cordis sinistrum terminantur. Tertius & ultimus est vena portæ, quæ in partibus abdominis diversis radices figit, ac trunco pariter simplici hepar subit, prout superius annotavi.

Verum si rem ipsam attentè consideremus, plures occurrunt Casus, in quibus ejusmodi Revulsione, Aversione & Derivatione nullo modo indigemus: Nam modò conservetur sanguinis motus æquabilis, & ejus medio continuatus aliorum humorum motus per partes, nulla Aversione aut Derivatione opus habebimus. Et posito, stagnare subinde & subsistere plus minus sanguinem, aut alio modo turbari naturalem ejus motum, alio modo eadem humorum vitia corrigere riè valemus.

Quicquid enim adjumenti afferunt Revulsiones omnes & Derivationes, est tantum Accidentarium; & cum sanguinis & spirituum evacuatione, id est, virium diminutione, conjunctum. Qui ergò partim blando & conveniente Sudorifero absorbente, hunc sanguinem stagnantem aliosque humores impactos attenuare, resolvere (nam stagnationes tales ut plurimum ab Acido sanguinem coagulante, & ejus motum impediante, oriuntur) fluxilem & motui aptiorem reddere novit, partim appropriato Topico irritationem partis, & hinc fibrarum crispaturam, sedare, atque corporis poros apertos servare novit, is naturalem sanguinis restituit circulum, omnem stagnationem tollit, omnibusque istis venæsectionibus superledere, ac tales affectus citò, tutò & jucundè, curare potest. Ex gr. in pleuritide sanguis ita disponatur, ut fluidior factus undique penetrare queat, & hinc pori seu meatus laxi servantur; sic sine sanguinis evacuatione optime curabitur malum. Faciunt hoc v.g. salia volatilia, aut his plus minus cognata, spiritus salis ammoniaci, acetum destillatum observato simul Diaphoreticorum usu, quæ absorbent Acidum, quatenus sanguinem attenuare, & humores quosvis dissolvere valent; qualia sunt antimonium diaphoreticum, corallia, lapilli cancerorum cum aceto assumpti, &c. & sic simul in diaphoresi universum corpus conservabimus, præsertim si his diaphoreticis societur opiata, dolores sistentia. Observandum hoc sæpius in pleuritide; angina, casu ab alto, &c. ubi semper, si quid aliud, à Practicis ob scopum Revulsione aliam venæsectio urgetur: sine hac autem longè citius & tutius per Diaphoretica curabimus, ut revulsoria & averforia sanguinis evacuatione, his ritè observatis, raro aut nunquam opus habeamus.

Supra dicta pag. - qui perpendit, facile perspicere poterit, quod aut Interceptionis aut Repulsionis humorum causa; in parte quadam applicata remedia sint frustranea, quia ab iis separata adjumenta aut sunt *impossibilia*, ob inviolabilem circulationis necessitatem, aut admodum *nocentissima* ægro, ob impeditum sanguinis motum. Ponatur e. gr. casus: Quidam ex contusione pedis circa genu contrahit tumorem sanguineum, ubi Chirurgi mox Repellentia applicant, quæ sanguinem retrò cogant, qualia sunt Acida ac Adstringentia, quæ poros partium angustare, & tumorem impedire possunt. Intercipientia sunt, quæ in loco intermedio, ubi fit tumor, supra tumorem applicantur. Hæc doctrina directè repugnat circulationi sanguinis: si enim collecti succi excrementitii per degenerationem alimenti proximi partis sensim sensimque coacti, sunt, frustra interciperi aut repellere tentant, quod quotidie subnascitur, sed radicem potiùs priùs, depravationem scilicet fermenti proximi, corrigant, & rectè agunt. Sin verò lymphæ motum aut interciperi aut repellere velimus, ex lymphæ impedito motu quid nisi tumores serofos seu hydropes particulares inducemus? aut si sanguinis influxum impedire velimus intercipienti, necesse est, ut arterias adstringamus & angustemus, & sanguinem arteriosum inhibeamus; aliàs enim frustra laboramus; sed hoc propter tunicarum crassitiem & propulsionem continuam sanguinis ferè possibile est: quod si possibile esset, pars, ita, denegato sanguinis influxu, debilitabitur, tandem vita privabitur, ac mortificatio seu gangræna inducetur, imò talis motu rapidus non potest cogi. Sin verò venæ hoc modo angustentur, sanguinis refluxus tollitur, augebitur magis tumor, & ita ob interceptum sanguinem

inflammatio inducetur, quæ præcaveri debuisset. Quod si sanguinem jam in partem effusum & stagnantem repellere tentemus, ea omnia, quæ hoc præstare dicuntur, sunt austera, & virtutes habent adstringendi poros ac meatus, vel coagulandi sanguinem effusum, unde his applicatis potius impediemus sanguinis motum, quàm ut eundem promoveamus, & sanguinem refluentem sistemus, quem sursum pellere debebamus. Unde etiam Repellentia & Intercipientia Chirurgorum in inflammationibus, fracturis cranii aut brachii, vulneribus, &c. applicata, in specie acida, nil valent, plerumque tumores reddunt peiores, & inferunt periculosa ulcera, aut lethales gangrænas: id quod in erysipelate vel aniculis est cognitum, hæc indoctræ licet, ignorantes tamen instruunt Chirurghi, omnem humidorum prohibentes applicationem, quia talia Chirurgorum sunt Repellentia, h. e. Adstringentia & Coagulantia. Hoc ergò in casu loco Repellentium vel Intercipientium vulgarium applicentur vel *Refrigerantia* dicta, seu Alkali volatili temperato prædita, ut sperma ranarum, &c. vel *Discutientia* aromatica, quæ penetrant, attenuant, resolvunt, & fluxilem reddunt humorem impactum, qualia imprimis vim habent omne Acidum absorbendi & corrigendi, à quo sæpè tales per coagulationem inducuntur stagnationes, sive dicantur calida, ut spiritus vini, vel frigida, ut sperma ranarum ejusque aqua; sic enim facile in naturalem motum impediti restituentur humores, unde vel solus spiritus vini externè applicatus tam insignes possidet dotes, ut etiam erysipelata feliciter curet. Quibus si addatur internum quoddam diaphoreticum, sanguinis circulum promovens, rectè curabitur æger, atque felicem se exhibebit Medicus.

Quoties verò jam sanguis, aut arteriotomia aut venæsectione, est emissus, curiosi sunt Patientes, & à Medico efflagitant, ut hunc inspiciat, & judicium ferat: sed coacti sic, necesse est decipiant Medici ægros circa judicium ejus, quia non volunt aliter habere, & quia hodiè mundus studio vult decipi. Aliàs enim *iudicium de sanguine vena secta emissio* nullum est, & non immeritò reiecit HELMONTIUS *Tractat. Passiva Humor. Decept. c. 1.* ut & CNOEFFELIUS in *Methodo Curandi Febres Epidem. Malignas pag. 54. seqq.* Cum.

(1) Unusquisque homo specialem seu peculiarem suam habeat sanguinis crasin, ratione cujus texturæ in modo grumescationis, consistentia, colore, calore, &c. multis variat modis, hinc in sanitatis latitudine maxima sanguinis sit varietas, cum pro ratione quoque animi pathematum, terroris, pavoris, iracundiæ, &c. ut & assumptorum, potus, crapulæ, jejunii, &c. quotidie alteretur unde Medicus non scit, an sit revera naturalis? an verò non. Et dum ita à priori non constat constitutio sanguinis intra vasa quomodo de emissio potest ferri iudicium, an sit naturaliter constitutus. Ut

(2) Taceam, vix priùs iudicium requiri de sanguine, quàm quando hic per 4. aut 5. horas steterit, dum iam coagulatus est, & ab ambiente aere, propriaque corruptela corrumpi & putrescere incipit, qui tamen naturam sanguinis planè exiit: ex hoc Medicus iudicium ferre debet de sanguine vivente.

(3) Alterationes istæ, in evacuato sanguine observabiles, non simpliciter, aut non semper, à constitutione naturali dependent, sed corruptione & alteratione, ab aere facta, prout plus vel minus incipit putrescere vel alterari ab aere, & ita consequenter iudiciū ejus nullum: Nam prout plus minus aer penetrat, ruber & niger est. Secetur 1000. hominibus vena, sanguis semper aliter se habebit. In specie autem sanguis emissus in superficie est floridus, in fundo nigricans; sed tota hæc facies est alteratio quædam ab aere. Fiat enim experimentum: scilicet effluat sanguis ex eadem vena in patellam planam, & alius in vitrum oblongum (*Flores Class*) in patella superficies erit floridi coloris post congrumescientiam, & parum nigricantis; alter verò in vitro, in superficie seu superiori saltem parte tantum floridus, omni reliquo autem nigro & obscuro apparente. Quæ differentia oritur, quousque aer ambiens penetrat superficiem sanguinis, eumque alterat, hinc eousque erit floridus, reliquum verò ejus est nigricans; unde

unde in patella multum floridi videre est, in vitro verò parum, &c.

Ex corruptione igitur quale iudicium ferendum, Medicus quilibet cogitet! Si quid autem potest iudicari, contingit hoc:

(a) Ex crusta, crassa, viscida, glutinosa, plus minus albicante aut livida, quæ sanguini emissio interdum supernat & est nil aliud, quàm chylus crudus, plus minus p. n. constitutus, & vitio digestionis coacervatus, nondum sanguini assimilatus, qui ejus superficiem tegit & incrustat. Ex hoc iudicatur ut plurimum de cruditate sanguinis, plus minus cachectica, an chylus acido quodam præternaturali peccet, & hinc plus minus assimilabilis sit? Dein

(b) Sanguinis consistentia attendenda, quæ naturaliter est spissior & tenacior. Hinc si non grumescit sanguis, signum perniciosum & fere lethale est: hoc etiam jam Veterum tempore observatum fuit, quod sanguis emissus tardius aut nunquam concrevens, ejus malignitatem denotet, extinctionem nempe caloris, ut vocat, vitalis: Vid. SPIGELIUS in *Humani corporis Fabrica lib. 5. cap. 13.* Cujus rationem illi putarunt esse fibrarum defectum & corruptionem, quæ nullæ & imaginariæ sunt, cum chylus id sit, qui concrevit agitatione; Moderni vero causam in abundantiam salis volatili acris, sanguinem, nimiam dissolventis, & in defectum Acidi debiti ejusque feminalis, sanguinis miscelam & texturam minus cogentis, rejiciunt, unde penitus fatiscit, quo ipso nec fermentationi nec spirituscentiæ debite inservire potest. Confer. PAULI in *Digress. de Febris malignis*, libro elegantissimo, pag. 14. ad 21., qui sanguinem impensè coloratum, vena secta emissum, morbi maligni signum esse, asserit: simile fatetur BRUNO *Commentar. in Iessenium* pag. 89.

(c) Graveolentiam feri & cruoris, licet sit rara, certam mortem denotare, non sine contagii suspitione expertum est, & confirmatur à SCHENKIO in *Observat.* pag. 418. ex FORESTO; utut aliquo modo contrarium videatur exemplum à PAULI c. l. in c. 1. pag. 13. descriptum.

(d) Fit interdum, ut superficies sanguinis post subsidentiam marmoris instar sit variegata, livida, pustulis quasi hinc inde conspersa, quæ insignem humorum in massa sanguinea confusionem putredini obnoxiam, diaphoreticis cohibendam testatur; saniosa verò, aut cinerea livescens, cruditatem cachecticam, ad scorbuti naturam accedentem & ex impedita fermentatione & spirituscentia sanguinis natam, antiscorbuticis sale volatili abundantibus tollendam, arguit.

(e) Viridem veneni occulti indicium esse, vult CARDANUS lib. 1. de *Venenis* cap. 26. Et in lue Venerea sanguinem cæruleum vel subviridem apparere, loquuntur Practici; id quod & in scorbuto confirmato interdum contingit, urinis supernatat crusta livida plus minus cærulea.

De cætero non saltem sanguis, qui primus post apertam venam nigricans emanat, suo continuato effluxu floridus effluit, sed & non rarò sanguis emanans diversæ naturæ & consistentiæ subinde observatur, præsertim in Pleuriticis & Peripneumonicis affectibus, pro inæquali nempe ipsius sanguinis corruptione, de quo vid. WILLIUS in *Pharmacop. Ration. Volum. 2. pag. 185.* sed plura de hujusmodi iudiciis vid. in IESSENII *Iudicio de sanguine vena secta emissio*, à BRUNONE auctius edito, ubi hæc ex professo tractantur.

Ex dictis hætenus manifestum est, quinam sint usus sanguinis emissionis primarii? vel ut sanguinis copia immineatur, vel ut ejusdem motus circulatorius non nihil determinetur aperiendo venam insigniorem. Jam quoad modum, quo sanguis, sive pro scopo evacuatorio sive ventilatorio, evacuandus venit universaliter, fieri nunc hoc confertim, nunc pedetentim, supra dictum. Confertim per immediatam vasorum sanguiferorum apertionem; & quidem hæc fit per Phlebotomiam, vel Arteriotomiam, vel Cucurbitulas scarificatas, vel Hirudines. His 4. mo-

Etzmulleri Oper. Tom. I.

dis sanguis confertim evacuari solet, quando necessarium est.

Quoad Phlebotomiam, videtur, quantum possibile, licentiosa venarum illa apertio, & non nisi urgente admodum Indicatione, aut evacuatoria aut revulsoria vel derivatoria, instituatur, idque saltem permittentibus nec contra-indicantibus viribus cæterisve circumstantiis, vires determinantibus. Semper thesaurus vitæ in sanguine reconditus consideretur: unde, si aliis modis egro, vel sine periculo, vel æquè commodè succurrere poterimus, sanguini parcatur. Quibus ritè consideratis apparebit, rariores esse sanguinis emittendi occasiones.

Tempus sanguinis emissionis quod attinet, est hoc vel Necessitatis vel Commoditatis. Hoc in sanis præservativè obliberum consilium & pro lubitu institui potest; ver. gr. tempore verno ante vel post æquinoctium, Authore HIPPOCR. Sect. 7. Aphor. 53., & hinc in Autumno, eodem sub cardine, idque Luna crescente potius, quàm decresciente, contra vulgatam opinionem, ut hoc optime ostendit ABDIAS TREW in *Practica Universali*, seu *Astrologischen Bendecken vom Aderlassen*, in quo quavis purgatorias evacuationes Luna decresciente, sanguinis verò luna crescente, esse instituendas deducit, hanc rationem suggerens; Experientiam testari in Vegetabilibus; item capillis abicissis, quod hæc omnia Luna crescente incipiant vel austiora progerminare, vel succulentiora evadere; inde pro sanguine habitiori seu spirituosiori aut laudabiliore regenerando, melius hunc detrahendum esse Luna crescente, quàm decresciente: quod & ego semper observavi, meisque ægris suavi. Prophylactica tamen hæc venæsectio, tempore instantis autumnii aut veris instituta, nullius est usus, nisi consuetudo eam suadeat; potius moderatus motus ad sudorem, vel Absorbentia seu Precipitantia cum sudore loco venæsectionis optime conducunt. Quoad diei tempus, melius est matutinum, & jejuno ventriculo, vel etiam post assumptum iusculum & ovum sorbile, præcedente blando motu, quo sanguis blandè commotus, ed melius dilutus sic melius quoque fluat.

Quoad Necessitatis verò tempus, omni lege hoc ipsum caret, adeoque tunc venit sanguis detrahendus, quando necessitas & symptomata urgentia postulant. In Chronicis equidem morbis per se minimè necessaria est venæsectio; in acutis verò febribus in principio morbi, præmissis primas vias evacuantibus, convenientissimum est, idque quo citius, ed melius; adeo, ut in urgentibus anginis peracutis, vel pleuritide, etiam vespertinum vel nocturnum tempus non ob stare queat; quod etiam in aliis acutis morbis absque febribus, apoplexia, catarrho suffocativo, &c. locum habet, in quibus urgente affectu pro sanguinis circulo conservando, & aliis imminetibus malis succurrendis, venæsectio per accidens subinde urgetur, adeoque prima occasio, quantocyus illa commodè administrari potest, optima censetur, sive mane sive vespere fiat, & sic consequenter in aliis casibus.

Partes, ubi venæ immediatè incidi solent, quatuor imprimis sunt: brachia, hinc pedes, tandem frons, denique lingua: quatuor his locis frequentius immediatè venæ incidi solent. Quoad brachia quidem, promiscuè incidatur qualiscunque vena patentior fuerit; selectus enim vasorum in uno eodemque membro frustraneus est, sive mediana, sive salvatella, sive cephalica, sive basilica fuerit; quia omnes oriuntur ex uno trunco, modò quantitatis sanguinis evacuandi, hinc partis affectu, secundum Aversionis, Derivationis & Revulsione regulas, habeatur Ratio. Mediana plerumque secatur, quia magis est conspicua. Vanum est, quando dicunt: cephalicam conferre capitis affectibus, salvatellæ sectionem lienosis, &c. Par ratio est in pedibus: pro malo enim ischiadico, mensibus vel lochiis promovendis &c. perinde est, quæ incidatur, modò patentior vena sit, sive ischiadica, sive poplitea, sive saphena, &c. nec in morbis mulierum interna pedis vena, meliorem effectum præstat, quàm externa; Res, quoad cæteras circumstantias, eodem recidit.

Ratione autem scopi revulsorii vel averforii, vel derivatorii, omnino selectus instituendus, quæ doctrina juxta leges circulationis est explicanda; nempe pro scopo revulsorio universali secatur vena in regione opposita, ver. gr. brachio; pro scopo averforio vel revulsorio particulari in loco vicino ejusdem regionis, ver. gr. pede in affectibus uteri, si ejus excretio consueta deficit, seu dolore ischiadico; pro scopo autem derivatorio secatur vena, per quam naturaliter fertur sanguis; exemp. gr. in angina, inflama-

P

ma-

matione cerebri meningum, &c. vena ranina; in fronte derivationis gratia, scilicet in gravioribus capitis affectibus; deliriis gravioribus febrium benignarum, in cephalalgis gravioribus & contumacioribus, ubi suspicio sanguinis motus plus minus impediti est. Modus incidendi hanc venam frontis est hic: Inijciatur collo ligatura, ut impediatur sanguinis refluxus per venas jugulares, hinc patentior fit vena, & manifestior facta, simpliciter cum lancetta incisa fit apertura. Naribus in hæmorrhagia narium pro scopo derivationis adhibentur sanguisugæ, podici pro hæmorrhoidibus aperiendis in lingua autem inciduntur sublinguales utræque, raninæ dictæ, utpote pro derivationis scopo in affectibus faucium, aut linguæ & laryngis vel pharyngis, & sanguinis stagnatione præsertim conjunctis; hinc quoque in angina, præmissis aliis in statu morbi frequens solet esse earum apertio; item in obmutescencia subitanea; sicut & aphonia cum stupore universali corporis venarum raninarum sectione curata à LUDOVICI existat in M. A. N. C. Ann. 3. His enim in affectibus venam incidere hanc, ferè convenit: Res autem omni caret periculo. Denique in mensium vitiis vena in pedibus non semper est secanda: distinguatur potius. Confer. *Observatio AMATI LUSITANI superius allegata* de muliere, cujus menses steterunt secta pedis vena, secta autem brachii vena optimè fluxerunt. Sanguis menstruus vel actu fluit, vel instat: si instat fluxus, optimè secatur vena in brachio, nã in pede secta vena videtur facere stagnationē circa uterum: si verò actu fluunt & supprimuntur, tunc commodè saphæna in pede secatur.

Quæritur, an post venæsectionem liceat dormire? Resp. Mox post venæsectionem non semper est concedendum, ob metum lipothymia, sæpius delitescens sub specie somni, quæ sæpius post venæsectionem demum accidere solet: post unam autem atque alteram horam periculum amplius nullum imminet, ita ut tunc in utramque aurem securè eger possit dormire, præterquam, quod æger se nimium in somno movens, jectigatione forsan nimia venam iterum aperiat, hincque hæmorrhagiam nimiam de novo concitet; quod tamen præcavetur Adstante quodam.

Unicum adhuc in venarum brachii & cruris sectione monendum restat; nempe ut habeatur ratio nervorum aut tendinum, prope incidendam venam plus minus sitorum; his enim punctis loco venæ, commoventur symptomata dolorosa tumores; &c. quibus ecchymomata partium gravia superveniunt.

Quoad *Quantitatem* sanguinis mittendi, hanc vires egri, conditio sanguinis, plus minus abundantis vel turgescens, & denique symptomata urgentia, venæsectionem indicantia, ostendunt; quæ, quousque consentiunt; plus minus etiam detrahendum concedunt. Cavendum tamen ab omni nimia sanguinis evacuatione; pessimum enim est consilium, imminuere consultò vires ægri; quod semper fit in venæsectione: tres vel quatuor ad sex usq; uncia sufficiunt; & illæ ipsæ etiam, an solitaria, an repetitis vicibus instituta venæsectio conveniat? monstrabunt Veteres; qui habitaverunt in climatibus calidioribus, & diæta subtiliori utebantur, miserunt sanguinem usque ad animi deliquium; qui etiam adhuc est nefandus Italorum, Gallorum & Hispanorum mos, qui non unciatim, sed libratim, sanguinem eliciunt, & quoties bis vel ter, atque hoc modo plurimos Germanos necant. Sed in nostro climate religio sit, sanguinem ultra 4. 5. vel 6. uncias emittere, dum copiosiores evacuationes non ferant corpora nostra; nunquam ego ultra 3iii. emisi, quocunque in statu æger fuerit. Chirurgus quidam Parisiensis, Hospes quondam meus, testabatur, se pleuritico 32. vicibus sanguinem in brachio detraxisse, quod horrendum. Ipse Liberum Baronem Suecicum Parisiis mortuum vidi, cujus brachia nisi cicatrices a venæsectione erant; apertus postea mortuus, parum sanguinis repertum in cadavere, omni ferè exhausto per tempus morbi à venæsectionibus creberrimis. Observatum est, quod homines ex nimia venæsectione Cachectici vel Hydropici evaserint. Quantum possibile, sinus parci in sanguinis missione; quò parcior hæc est, eò melius in Praxi subsistere poterimus: cum enim in sanguine sit vitæ radix hanc sartam rectam conservare decet: vid. HELMONTIUS de Febribus, CNOEFFELIUS in *Methodo Medendi Febres*, & POTERIUS, qui contra venæsectionem eleganter disputat.

Quod si casu factum, ut vena pertusa tendo vel nervus subjacens læsus, & convulsio orta fuerit, mox vulnus di-

latetur, & oleum destillatum terebinthinæ calidum, vel oleum destillatum ceræ calidum, vulnuscule instillandum, vel oleum laterinum hoc modo applicetur; vel

24. Olei destillat. terebinth. ʒi.
Spiritus vini ʒi.
Euphorb. ʒss.

Exactè mista, instillentur vulnuscule; quod experimentum PARÆI, & SCULTETO usitatum ac notum est.

Euphorbium singulare in his puncturis nervorum in schola quoque Galenistarum est: Veteres simpliciter

24. Euphorb. ʒi.
Terebinth. ʒss.
Cera parum;

Mista subegerunt in consistentiam Emplastri, quod extendatur super linteam, loco læso latè inducendum, & nobile est: Videatur SYLVIVS in lib. 1. *Præxeos cap. 42. §. 38. item lib. 2. Præxeos cap. 23. §. 80. seqq.* Confer SCULTETUS in *Observat. Chirurgic. Observat. 64.*

Horum loco in promptu sunt cerumina aurium, quæ egregium & singulare remedium harum puncturarum sunt, sicut aliàs Balsamis Vulnerariis pluribus & nobilibus anteferenda.

Quod si tamen quacunque ex causa, aut cum aut sine tendinis læsione, post venæsectionem factam pars incipiat tumere, & sanguine perfundi, in tali casu, præsertim in quo gangrænæ metus supervenit, egregius est Fodus & Cataplasma sequens;

24. Herb. Agrimon.
Cherefol.
Flor. chamom. vulg. an. M. i.
Rad. symph. major. ʒiii.
Sigil. Salomon. ʒi. ad ʒss.
Sem. Cumin.
Fœnugr. an. ʒss.
Incisa & Contusa coque in f. q. aquæ.

Cum decocto foveatur pars affecta, & post forum in forma Cataplasmatidis imponatur; & calefacta sæpius repetantur; Sic brevi discutitur & resolvitur omnis Tumor.

Quod si venæsectione in hemophobis superveniat lipothymia, optimum est ut resupinatus mox ponatur in pavementum, & pauco sa le fricentur labia, & lingua, vel aceti simplicis vel aromatici tantillo lingua & nares fricentur; brevi post sic ad se redibit Patiens.

Venas tantum aperire consuetum esse, ex communi Practicorum experientia notum est: fit tamen, ut etiam arteriæ minores (nam in majoribus ob nimiam hæmorrhagiam, difficilioremque, ratione pulsus, consolidationem, & Aneurismatis superventum, res non caret periculo) interdum aperiuntur, pro sanguinis missione, eæque raro pro scopo avocatorio, abundantis nempe sanguinis, ubi venæsectio sufficit; sed ferè pro scopo Aversorio, & ut plurimum derivatorio, imprimis in affectibus capitis, Arteriæ prope aures vel in temporibus non raro felici cum successu aperiuntur: in fortiori Hemicrania certè valdoperè eam suadet LINDANUS in *Colleg. Practico super Hartmannum l. 2. cap. 1. §. 17.* quod aliis irritis aliquoties est expertus PARÆUS l. 6. cap. 4. Modus est hic: Ligatur collum, ut restitit venosus sanguis, arteriæ sic turgescunt magis, hinc locus pulsantis arteriæ notetur cum atramento, sicque notatus cum lancetta profundius incidatur, vel planè etiam discindatur, sanguine sic cum saltu profliente. Facta hæc apertura intra biduum facillimè consolidari potest, ut ait LINDANUS, in specie per terram Vitrioli dulcè, cum ana terre sigillatè mistam, vel solitariè vel cum albumine ovi, & linteis multiplicatis loco arteriæ incisæ firmiter applicatam. Ut autem melius ac firmitus inhereat, imponatur lamina plumbea, & cum fasciatione seu ligatura debite instituta, firmetur; sic coalescit arteria promptè, & Aneurisma præcavebitur; quemadmodum hanc Arteriotomiam optimè describit JOB van MECKEREN in *observationibus Chirurgicis P. 1. capit. 35. pag. 227.* Hujusmodi Arteriotomia in temporibus instituitur in gravioribus, & contumacioribus capitis affectibus, ver. gr. cephalalgia

Ialgia contumaciori, præsertim in hemierania; in quibus malis, præsertim pertinacibus, & usitator & efficacior est, teste T U L P I O l. 1. cap. 48. & S C H E N C K I O l. 1. Observat. p. 51. uti & in ophthalmia contumacissima, aut sæpè repetita, autore FONTANO Responfar. & Curat. Medicar. l. 1. pag. 50. item vertigine per essentiam capitis diuturna aut contumaci; sicut & in phrenitide & mania, aliisque deliriis gravioribus, Arteriotomia temporum est optima: vid. PANAROLLUS Pentec. 1. Observat. 29. & quam plurimis morbis quam egregiè conducit hæc, videbitis in M. A. N. C. Ann. 6. Observat. 60. pag. 90. Plura quæ huc pertinent, videbitis in M. M. W A L E pag. 79. & HOFFMANN M. M. l. 1. cap. 14. pag. 237. seq.

Ratio, quomodo Arteriotomia juvet, desumenda est ex sanguinis per arterias circulatione. Non enim videtur conferre, nisi in casibus, ubi vitium est in ipsis arteriis, à quibus mala ista diuturniora aut graviora redduntur, præsertim quando suspicio est impediti sanguinis motus per ramulos arteriales carotidum externarum, obstante compressione; si ex tali casu suspicio sit, optimo cum consilio inciduntur. Nam post factam incisionem raro coalescunt, quia in intestinis substantia carnosa crescit, quæ foramen obturat, & ramuli supra incisuram nullius amplius sunt usus, sanguine infra incisuram uberius profluente in ramulos inferiores, & per poros partis penetrante. Dum igitur in aliquo ramo cessat circulatio, cessat quoque & sufflaminatur sanguinis circulus ex parte, hinc non modo solito amplius influit, quo ipso residuum per venas revehitur, molestum aliàs; hinc affectus remittit, & sic conferre videtur Arteriarum Apertio.

Quod si autem fiat, ut major quædam incidatur arteria, verbi gratia si per infortunium loco venæ secetur arteria in brachio, quod majori ex saltu & impetu in florido sanguine conspicuum sit, & Aneurismatis metus oriatur, in brachio opposito vena aperienda est; deinde loco arteriæ in illa terra vitrioli dulcis, cum albumine ovi vel succo limonum in formam pultis spissioris reducta, imponatur, & lamina plumbea, forti ligatura facta, applicetur, & probe coerceatur, ita ut demum coalescat, & præcaveatur Aneurisma, & intra biduum & triduum ligatura non removeatur; vel liquor stypticus Gallorum, ex vitriolo & alumine in phlegmate vitrioli insipido solutis & filtratis constans, huic cum multiplicatis linteis applicetur. Quod si nihilominus his peractis superveniat Aneurisma, cura ejus quoque in vitriolo consistit: Aperiatur nempe Aneurisma, sanguis grumulosus evacuetur, & globus vitrioli albi, ciceris vel pisi magnitudine, bombace involvatur, & vulneri applicetur aut intrudatur commode, ut sic successive resolutum vitriolum rodat limbum arteriæ læsæ: inde supernascitur caro, mediante qua coalescit quoque Arteria. Hicce mos à Gal- lis etiam est inventus.

Venæsectionis Vicariæ solent subinde esse Cucurbitulæ scarificatæ, & Hirudines. Cucurbitulæ tamen scarificatæ (nam & absque scarificatione interdum applicari solent, ubi Averforius vel Derivatorius sanguinis intenditur scopus) hoc peculiare habent, quod sanguinem immediatè ex vasis capillaribus, tam arteriosum quam venosum, promiscuè evacuent.

Distinguendum autem, aliud esse scarificationem, aliud Cucurbitulas scarificatas. Quoad Cucurbitulas Veterum, aliæ fuerunt; corneæ nempe, & basi lata, & in forma conii ad fastigium adscendentes, sicut digitalia, in summitate eorum fuit foramen, ut cuti appositæ ulus tempore mediante oris suctu aer contentus extrahatur, & post præviam cutis puncturam sanguis extrahatur; Quod si non puncta sit cutis, a liquidamen insensibiliter exhalans per cutem sic accumulatur. Scarificationes Veterum etiam aliæ fuerunt; nempe longæ incisiones per cutim in musculosis partibus, plus minus profundæ, furarum, scapularum, humeri, narium, &c. nunc continuæ, nunc interruptæ. Hic mos fuit in usu apud Ægyptios & etiam nunc apud Turcas locum obtinet, præsertim in furis, annotante hoc PROSPERO ALPINO in Medic. Ægyptiorum, qui figuris intuper idem illustravit. Nos hodie cucurbitulas vitreas & orichalceas, nunc cum nunc sine scarificatione, usurpamus: Si illud, per parvas incisiones cutaneas factas, & mediante flamma, ut aer inclusus in elatere suo admodum dilatatus nequeat resistere externo, sicque impolitæ cuti transludantem sanguinem

Ettmulleri Oper. Tom. I.

per poros quasi exsugunt & recipiunt simul. Harum autem, præsertim scarificatarum, usus partim evacuatorius est, partim averforius & derivatorius: Pro scopo evacuationis sanguinis locum suppleat; quin & pro averforio & derivatorio scopo perquam convenienter inserviunt: Si autem sine scarificatione applicentur, fit hoc simpliciter, nunc pro scopo averforio, nunc derivatorio: nam & cruribus cum & sine scarificatione in mensium vel lochiorum suppressione applicantur, & dorso intra scapulas in capitis affectibus, & mammis in nimio mensium fluxu.

Utinam autem cucurbitulis scarificatis pro evacuatione in istis casibus, ubi circumstantiæ quædam, vel ratione virium ægri, vel ratione lipothymicæ forsan imminenti, vel ratione difficultatis secandi venas, venæsectio non semper habet locum, seu venæ non sufficienter patent, seu æger ad venæsectionem est timidus & hæmophobus, seu ubi non semel & uno tanto impetu ex uno loco, sed successi vè pluribus in locis detrahere sanguinem volumus; hinc minus corpora debilitantur. Ex vena secta quidem raro ultra 3v. emititur; scarificatione autem interim 15j. emititur, sed non confertim.

Pro scopis autem averforiis & derivatoriis, variis in locis solent applicari, imprimis tamen loca frequentiora sunt hæc tria: in dorso nempe regio interscapularis, in brachio humerus, in cruribus femora, nunc simul pro evacuatione simplici, nunc seorsim pro averfione seu derivatione. Incisiones fiunt vel simplices, vel partitis vicibus, prout plus vel minus placet evacuare. Sunt quidam, quibus sanguis difficulter vel planè non hisce cucurbitulis scarificatis potest extrahi, partim propter cutis densitatem, partim ob sanguinis consistentiam spissiorum. In hisce igitur casibus convenit, ut scarificandus prius horis aliquot antea capiat sudoriferum aut diaphoreticum remedium, ut sic sanguis attenuetur, & rapidius moveatur, ac per vasa capillaria quoque ejus motus vel fluxus facilius contingat; aut loco hujus probe corpus exerceatur, ut ita æqualiter incalescat, & incipiat madescere. Applicantur igitur in dorso scarificatæ & non scarificatæ pro scopo averforio respectu capitis, in affectibus ejus ex colluvie retenta vel transmissa natis, prope scapulas hinc sunt satis usitatæ; brachiis verò applicatæ fere pro eodem scopo, capitis nempe & regionis superioris affectibus; cruribus tandem præter simplicem evacuationem, in specie in affectibus uterinis, vel hæmorrhoidalibus, ob hæc suppressa; tunc enim vicariæ lochiorum, mensium, hæmorrhoidum, &c. solent esse, applicatæ scilicet femoribus supra genua, in parte interna. Porro lumbis etiam interdum applicantur, idque præsertim in affectibus renum, vesicæ, in pathematis nephriticis, quæ in subjectis habitioribus aut magis succulentis ordinariò solent aggravari a sanguine, in quo casu propter motum impeditum sanguinis, tardius circa lumbos circulati, affliguntur partes vicinæ propter consensum, hinc exasperatur dolor, unde in tali casu doloris levamen solent asserre, quod aliquoties observare contingit; sicuti in mali ischiadici principio, quando venæ sectionem non instituere volumus, commode ejus loco in lumbis potest scarificatio institui. Mammis etiam, sed raro, applicatæ, & insigniores quidem sine scarificatione ad restringendum nimium uteri fluxum, quibusdam laudantur: Sufflaminasse enim hunc observatum est; non ex fundamento anastomoseos illius vasorum hypogastricorum cum mammariis, sed saltem ratione doloris & motus averforii; raro tamen hoc licitum est. Promiscuè igitur Cucurbitulæ scarificatæ sanguinem evacuant immediatè ex venis & arteriis capillaribus, non solum sanguinem intercutaneum, sed etiam, qui est in vasis majoribus, ob successionem continuo novi per circulationem.

Absurda ergò est vulgaris ista sententia, quando dicunt; idè institui scarificationes, ut sanguis cacoehymicus sub cute evacuetur sacrificando, *damit das böse Geblut, das zWischender Haut flecket, möge evacuirt werden*; Unde ridiculus earum est usus in scabie, purpura scorbutica benigna, Friesel, &c. potius nocent, quia nihil evacuant vitiosi, quam promiscuè sanguinem: ut taceam dein, quod repugnet hæc sententia legibus circulationis sanguinis: sub cute enim non magis cacoehymia, quam sub vasis majoribus est.

Par ratio est *Hirudinum*, rariùs tamen evacuationis, præterquam derivationis, & interdum aversionis gratia usitatarum, quæ ipsæ non secus ac scarificationes loco Arteriotomiæ & venæsectionis sunt, & hoc habent commodi, quod immediatè capillaria venarum, pariter & arteriarum, aperiant vasa; unde & deliberato consilio interdum circa arteriosa aliaque loca particularia, ubi aliàs nec venæsectiones nec scarificationes tutæ sunt, qualis locus sunt vulva & tempora, hirudines applicantur, quæ per poros, aut etiam vasa, oris suctu sanguinem largiter evacuant: Hinc imprimis temporibus ubi, pulsus sentitur arteriarum, & sic succedaneum sunt Arteriotomiæ, imprimis in cephalalgis diuturnis, cephalæa & hemicrania continua, speciatim si oriatur malum ex suppressa hæmorrhagia narium: Verb. gratia est mulier, quæ crebriùs in juventute obnoxia fuit hæmorrhagiæ narium, suppressa hac aliquandiu, in cephalalgiam incurrit gravem, contumacem, sæpiùs repetentem; suavis est huic, ut hirudines ipsi applicarentur pone aures, quo facto, evanuit dolor ad dimidium annum: interim gravida facta malum rediit more consueto; post partum Medico infcio denuò hirudines applicabat, seque hoc ipso curabat. Sic etiam loco venæsectionis in fronte adhibentur, & venæ frontis applicatæ sanguinem exhauriunt, quod conducit in pluribus capitis affectibus: item nuchæ ab Italis, aut pone aures ad paria ferè capitis mala adhibentur. Curavi aliquando juvenem, ut videbatur, ingenuum, laborantem noctu gravi cephalalgia cum lassitudine artuum, interdum imprimis: Hinc inter alia remediorum genera 4. hirudines, binas temporibus, binas nuchæ, applicandas jussi, & post largam sic factam sanguinis evacuationem, cessabant dolores capitis, nec rediere. Observabatur autem post, hunc laborare lue Venereâ, cum propter lassitudinem artuum adhuc durantem impositus balneo ex formicis; in dorso, posthæc fronte & pectore, pustulæ erumpentes hoc proderent. Institueram Curationem hanc ad imitationem L A N G E L O T T I in *Ann. 6. 17. M. A. N. C. Observat. 9. p. 19.* ubi bina exempla à doloribus hæc sic curatorum prostant. Applicantur etiam frequentissimè hæmorrhoidibus cæcis conniventibus & dolentibus à nostratibus pro morbis Chronicis vel hæmorrhoidibus aliàs fluere consuetis suppressis. Curantur verò hæc vel directè per Martialia; ex eo siquidem Acido accidunt, à quo suffocatio hypochondriaca oritur; vel indirectè, etiam ex evacuatione & detractio- ne sanguinis per valorum hæmorrhoidalium aperturas, mediante cum foliis ficus frictione, usu itidem aloeticorum remediorum. Sed non semper tutum est aperire hæmorrhoides; inflammantur enim, & pessimæ notæ ulcera relinquunt; tutissimè aliàs applicantur hirudines, quæ sic mala plura præcavent, dolores leniunt, & actu sæpiùs curant. Labiis vulvæ etiam pro mensibus & lochiis non ritè fluentibus provocandis, vel actu fluentibus suppressis, monstrante locum optimè pro valorum situ; quod apud nos quidem insolitum, utut eorum usus probè sit proficuum: vid. AMATUS LUSITANUS in *Praxi Medica Admiranda*, ubi habet exemplum mulieris, cui ex lochiorum suppressione gravia symptomata supervenerint, quæ sic curata fuit tanquam vicario fluxu lochiorum. Itali & Galli frequentius utuntur, ut etiam naribus appendant pro vicario hæmorrhagiæ, quando hanc exoptant. Hæc igitur modis plurimum pro scopo derivatorio & averforio applicantur.

Modus verò easdem applicandi est, ut locus blandè illinatur lacte, in quo saccharum solutum & liquefactum sit; sic dulcedine allectæ promptius aggrediuntur cutim & morfu perforant: Vel recipiunt quidam ex gallina pennas curtas & breviores prope posteriora ejus, quæ in radicibus sunt succulentæ & sanguinæ: hæc pennæ infligunt punctum cruentum cuti, quo facto applicatæ hirudines etiam incipiunt fugere fortiter. Dum autem sugunt, relinquuntur ira, & ubi scopus plus sanguinis evacuare, amputantur earum caudæ; pertinaciter enim adhærent, & sanguinem suctum per extremitatem amputatæ caudæ emittunt; tutius tamen est, ut relinquuntur & sugant, quantum velint. Ubi intumerint insigniter, & tenaciùs adhæreant, posteriora eorum cum sale communi aspergantur. Quod si fiat, ut casu profundius irreperint in cavitatem quandam, verbi gratia intra uterum aut podicem, vel in intestinum rectum; ut eli-

ciantur exinde, fiat injectio cum aqua falsa calida, id quæ crebriùs repetatur, donec cum eadem denuò eiciantur; à sale enim irritatæ se contrahunt, & sic foras excernuntur. Quod si post factam suctionem, & sedarum sanguinis profluvium, locus ab ipsis vulneratus non benè consolidetur, sed in ulcuscula abeat, quod fit, si hirudines fuerint malignæ vel impuræ, vino locus lavetur, in quo Theriaca soluta sit, & emplastro pro ulceribus ex tutia applicato, tractentur, donec consolidentur. Hæc modis confertim evacuator sanguis, tam pro scopo evacuatorio, quàm derivatorio.

CLASSIS II.

D E

Evacuatione Massæ Sanguineæ Paulatina.

P Ergo ulterius, & explico, quomodo massa sanguinea abundans sensim plus minus imminuatur. Fit hoc variè, vel per remedia, vel per inedia aut victum parciolem: Quod pertinent nimii labores, motus crebriores, & nimia Transpiratio. His ipsis sanguinis detractioibus etiam *Vesicatorium*, & *Cauterium*, atque hujus medio paratus *Fonticulus*, accensetur ab H E L M O N T I O, utut non absque limitatione intelligenda veniant effata ejus. De illis res nota est; de his verò, *Fonticulis* scilicet ac *Vesicatoriis*, res jam ulterius explicanda est.

In specie *Fonticulos* quod attinet, nil aliud hi sunt, quàm ulcera artificialia, per quæ continuo massa sanguinea sub forma transmutati puris, plus minus laudabilis, vel saniei, depletur & exhauritur. Verum est, quod in sanis æquè ac ægris excitati fonticuli simul alimentum partis proximum plorent; idque imprimis ex sanguine ad partem ulcerosam distributo pro hujus nutritione, in pus & similes sordes mutato, interim tamen, quæ cum hoc ipso sanguine pro nutritione affluente, præter pus & salia varia, sanies & similes sordes, vitia cacochymica aut similia recrementa, in specie serositates salæ, massæ sanguinæ fortè permixta, subinde unà evacuari soleant, idque non rarò in morbis chronicis, præsertim qui ex colluvie serosa ac lymphæ vitiis oriri dicuntur, cum sensibili ægrorum levamine, altius quid iudicari omnino est verosimile; per se nempe & primariò laudabile nutrimentum, secundariò & per accidens verò similiter vitiosa recrementa, per hos evacuantur.

Doctor & ductor primus *Fonticulorum* ipsa fuit natura, quæ interdum spontanea hinc inde excitavit ulcuscula, tanquam *Fonticulos* naturales, quibus bene fluentibus benè se habent, qui his affecti sunt; & contra his occlusis, præsens vitæ periculum incurrunt. Exempla horum prostant in M. A. N. C. *Ann. 2. Observat. 257. pag. 383.* in abdomine & pectore talium ulcerum, quorum hoc curatum dyspneam & gravia symptomata excitavit in pectore. Sic SCULTETUS in *Amament. Chirurg. Obser. 55.* mulieris meminit, quæ ex mensium defectu Cancrum mammæ imminentem contraxit; quæ autem ab hoc per duos fonticulos in crure curata est; sed his obturatis & occlusis Cancer rediit, & sectione mammæ curatus, ac denuò fluentibus fonticulis, optimè hæc mulier se habuit. Dyspneæ exemplum prostat *ibidem Observat. 57.* Viri cujusdam in Asthmate, cui ulcusculum sponte excitatum in pectore fuit, post clausum fonticulum. Ante aliquot annos hic fuit Typographus constitutionis de cætero sanæ, qui circa malleolos parva ulcera manantia habebat; his tandem per artem consolidatis, incurrat in phthisin, qua brevi post aliquot menses interibat. Si hic fonticulos cruri inurendos suavis Medici curasset, si non hæc planè curatus, saltem à morte præmatura præservatus aliquandiu fuisset. Ad imitationem igitur naturæ paria facere, & periclitari in Medicina; & casibus talibus, licitum est. Hinc etiam vulnerati insigniter, rarò mensibus vel hæmorrhoidibus evacuantur consuetis, quæ quasi per fonticulum sanguis per vulnus sub puris vel saniei specie erumpit. Plura de his qui cupit, legat H E L M O N T I U M *Tractatu de Cauteriis*; cautè tamen legendus est: nam juratus *Fonticulorum* hostis est, eorumque usum penitus rejicit, unde in omnibus assensum non meretur. Quicquid ab iis commodi expectari possit, id omne per victum parciolem, & crebriores labores, obtineri

neri posse, dicit, quod equidem verum est, sed considerandum, quod effectus, qui fonticulos insequitur, alius sit per se, alius per accidens.

Per se qui sunt, consistunt simpliciter in successiva nutrimenti partis roridi, & hinc consequenter cruoris minutula, sed continua diminutione, adeoque proprie Plethoræ tantum convenit, dum nutrimentum partium proximum in pus transmutatum, & cum eo heterogeneitates ex massa sanguinea simul evacuantur; atque hunc effectum merito rejicit HELMONTIUS, cum evacuatio ejus aliis modis possit institui. Quicquid enim exhauriunt, seu evacuant, omne illud, utut non immediate, tamen mediatè ex massa sanguinea eliciunt, adeoque etiam secundariò & successivè ejus quantum imminuunt, atque primarià Medici intentione pro scopo nunc *revulsorio*, nunc *aversorio*, nunc *derivatorio*, adhibentur; quia revellunt, aut derivant interdum sanguinem, quo minus possit stagnare.

Quod autem effectum per accidens & à posteriori attinet, observandum:

1. Quod convenient. Fonticuli etiam in affectibus quibusdam morbofis, iis in specie, quia sordibus quibusdam excrementitiis læsæ in sanguine fermentationis seu digestionis secundæ; vel tertiæ seu privatæ nutritionis, enascuntur, quæ in parte quadam subnatæ successivè unà evacuandæ, qua ratione & natis inde malis per accidens succurritur, & sic optimus est Fonticulorum usus. Nempe non ratum est, vitia quædam in corpore subnasci, à priori ob subjecti ineptitudinem, ver. gr. vel ob senium, vel ob menses deficientes, &c. incorrigibilia, quorum fomes & radix seu causa morbosa est vel in defectuosa hæmatosi & crassitate sanguinis vitata, vel in defectuosa nutritione partium cujusdam, quam læsam sequitur excrementorum copia. Quod si enim non à priori, à posteriori tamen natis hinc malis Chronicis, fonticulorum usu mederi conamur, & dum causam efficientem à priori corrigere haud possumus, à posteriori producto morbofo saltem evacuando studemus, & symptomata inde enata plus minus urgentia, si non extirpare, mitigare tamen laboramus; idque mediante fonticulis per succedentem sordium purulentarum, cum succo nutrimenti laudabilis, evacuationem: sic quando non valemus ægro succurrere à priori per causæ remotionem, à posteriori levamus & palliamus, & unà cum sanguine & nutrimento laudabili sub puris saniosi forma evacuamus simul id, quod est nocivum. Cum itaque hæc sordes in sanguine sua natura jam sint proscriptæ ab œconomia vitali, sequitur, per fonticulos plus minus, quàm utilis succi, in specie eliminari. Res per exempla magis patebit: Pono mulierem, cui quacunque ex causa demum menses deficient, ut nulla arte revocari queant; vel pono virum adeò scorbutico affectum, ut nullis remediis penitus curari queat: His supervenire simul concipitur ophthalmia, quæ quidem curatur, sæpius tamen & quotannis bis vel ter recidivat. Hic igitur ad duo respiciendum: (1) ad dyscrasiam sanguinis plus minus corrigendam; (2) ad oculum, insigni atonia & crebrioribus inflammationibus ita obnoxium, ut tandem laxentur fibræ, dilatentur pori, & sic facile ex dyscrasia hac sanguinis oculi denuo semper incipiant inflammari. Tunc igitur à posteriori studemus, modò ophthalmiæ & cæcitati imminenti consulere per fonticulum, vel in brachio lateris affecti, vel in nucha inurendum, ut lodes excrementitiæ, unà cum nutrimento laudabili, ex massa sanguinea pedetentim educantur, & ipse oculus, in quo propter atoniam aliàs facile retinebuntur sordes, præservetur, & recidiva seu cæcitas præcaveatur.

Quoad II. quando privatæ digestionis vitiatæ gratia Fonticuli sunt inurendi, sit exemplum: ver. gr. læditur aliquis gravi frigore in crure, ut ulcus inde contrahat; consolidatur etiam: sed quia spiritus insitus partis illius ita læsus fuit, ut sepius nunc œdemate, nunc ulcere corripiatur, hoc fit propter vitium partis vitiatæ; quod, si quando ob inæquale robur consolidari nequit, aut aliàs non corrigi potest inuri solet fonticulus, ut excrementa, quæ ex vitio privatæ digestionis orta ita coacervantur, & causa istius mali existunt, cum parte laudabilis nutrimenti sensim evacuentur, & sympto-

mata cum crebriori recidiva præcaveantur. Hoc sensu à posteriori nunc palliare, nunc mitigare, nunc plus minus levare mala solemus; radicalis enim per fonticulos cura nunquam reverà institui potest. Hinc ulseorum raro simpliciter est evacuatorius, sed præter scopum nocivi, sub forma puris evacuandi, ut plurimum etiam simul averforius vel derivatorius attenditur, quod ex exemplis patet.

Loca Fonticulorum ostendunt scopi, vel evacuatorius, vel averforius, vel derivatorius: Ubique rectitudo vasorum partis affectæ cum loco fonticuli attendenda. Pro Aversione aut Derivatione imprimis in *nucha* hodiè magis excitantur, intra secundam & tertiam colli vertebam, loco molestissimi setacei, imprimis in gravioribus oculorum malis: v. gr. si in variolis oculi sint læsi; ut crebrò lippiant, rubescant, visque eorum videndi cum tunc subinde hebetetur, vel pannus, vel cæcitas, vel cataracta oriatur, optimo usu Fonticulus in nucha inuritur. Schlegelhus, Riverius Centur. 4. Observat. 110. & Bartholinus in Histor. Anatom. Centur. 4. in affectibus oculorum, apoplexia, & vertigine, apoplexiæ præcone, fonticulum auricularem ex radice Daphnoides seu cocognidii commendat. Profunt etiam fonticuli in affectibus catarrhalibus & gravioribus capitis per essentiam, à priori incorrigibilibus; in epilepsia item & vertigine graviore per accidens. Apud veteres, & hodiè adhuc apud Gallos, mos obtinet, ut supra os bregmaticis inurant in futuræ coronalis & sagittalis concursu ferro candente, idque imprimis in epilepsia juniorum: laudant equidem usum, quem tamen non credo; imò periculosum potius existimo, quia ibidem periostium exactè junctum sit per futuram cum meningibus; unde nisi cautè tractetur, facile inde graviora mala possunt oriri. Frequentissimus locus est & brachium inter musculum bicipitem & deltoidem supra os humeri, qui ad motionem digiti, & crebriori motione brachii versus pectus, investigari potest, & quidem nunc pro oculis affectis, præsertim inflammatis, lippientibus &c., nunc pro aurium & catarrhalibus affectibus. Certe enim, (quod obiter) si quod malum vel non vel difficulter curatum est, surditas & tinnitus aurium est, præsertim apud nos & in iis, qui scorbuticæ dyscrasie obnoxii sunt. Novi siquidem multa exempla eorum, quibus in surditate & tinnitu aurium per fonticulos insigne levamen allatum, utut raro non tantum penitus mala hæc extirparent: ver. gr. laborat aliquis cephalalgia pertinaci vitio scorbuti, & quidem ita confirmati, ut eradicari non possit; ut ita symptomati isti aliquo modo occurratur, fonticulus in brachio vel nucha aperiendus, ut evacuata utrunque unà acriori lymphæ, tandem capiti levamen afferatur. Pro faucium insuper malis in iis, qui suppurata tonsillarum inflammatione crebrius laborant, præservativi loco convenit fonticulus item pro malis capitis & vertigine senum, quæ apoplexiam comitem sæpius post se trahit; in qua mitiganda partim, partim ad apoplecticos insultus aliquantum præcavendos & palliandos, in brachio felici cum successu inuritur. Mulieribus item in mammarum malis pro scopo averforio in brachio, pro revulsorio, si præsertim à mensium vitiis superveniant, in cruribus adhibentur Fonticuli: in iis autem mammarum affectibus, in quibus semper de cancro solliciti esse debemus, & quorum causa subinde externa est, pro præservatione sufficit fonticulus in brachio; si verò è mensium suppressione & lochiorum emanatione, sicque à causa interna, pro iis maturè, nè exasperentur, præcavendis, inurendi sunt in cruribus.

Præter hunc usum revulsorium etiam Fonticuli excitantur, quando quacunque ex causa mensium fluxus vel nullus, vel indebitus est, vel planè cessat, varique hinc inde emergunt symptomata; aut quando in maribus hemorrhoides, fluxu vel deficientes, vel ab ordinaria periodo cessantes, in abscessum abeunt, & inflammantur, supra genua solent excitari: pro malo ischiadico vel podagra præcavenda optimè cruribus inuruntur, nunc mox supra furas, nunc etiam sub genubus; quidam etiam super poplitem internum in crure faciunt hoc, qui gravius dolore torquentur. Pono casum, graviter quendam labi ab alto in sinistri femoris partem extimam; post aliquot mensium moram verò successivè incurrere gravissimos dolores lancinantes, idque ex contusione tendinum & nervorum, & hinc læsa utrunque nutritione eorum privata: aliis irritis pro levando malo infra genu

sinistrum in parte externa inuratur Fonticulus, si enim successive spes est, dolorem remissum iri. Moderni, & inter eos Angli, pro capitis malis medicandis etiam circa femora, & imprimis intra spinam dorsali, septimam nempe thoracis vertebra & scapulas, hos quoque inurant: modus extat apud WILLISIIUM *Pharmac. Rationi* P. 2. *Sect. 3. cap. 4. pag. 232. & 233.* ubi etiam in vomica fonticulus inter costas incisus fuit, pro pure pulmonum excernendo: successum quidem relinquo in medio; judicare tamen liceat, quod nihil eo in loco conferre queat.

Excitati nunc Fonticuli vel continuo per totam vitam, vel ad tempus saltem, gestantur: in adultioribus ferè necesse est, ut semper gestentur; junioribus tamen: & ante puebertatis annos, propter epilepsiam imprimis inusti, post pubertatem denuò possint ocludi, quod partim per alterationem sanguinis in puebertate fieri consuetam, partim per evacuationem menstruam primum fermentum ejus exaltetur & corrigatur.

Instrumentum seu *Materia*, quibus excitantur *Fonticuli*, est vel ferrum, aut ignis. Optimus modus est per ferrum, dum simpliciter cuti intra trinos digitos elevata lancetta vel scalpello inciditur per crucem foramen debite magnitudinis, cui imponitur ipsum, & ad suppurationem perductum, Fonticulum suggerit. *Ignis* est vel actualis, vel potentialis, in corrosivis scilicet. *Actualis* sunt ferramenta ignita, in specie *Cauteria* dicta, quibus statim locus inuritur; quia enim plures ferrum ad sunt timidi, igitur igne sunt tractandi. Recipitur ferrum oblongum, cujus extremitas ignita in pyxide occultata (per pressionem promovere facere digitus potest) imponitur, & ad debitam profunditatem cuti intruditor, eschara dein ablata ulcriculum in promptu est; qui modus apud Italos est usitatissimus; præter cutim enim nil leditur. Instrumenta videbitis in *Sculpteri Armamentario*. Post actualem ignem *Potentialis* sequitur, qui constat ex corrosivis, quæ vel acida sunt, vel alcalia fixa, è lixivio saponariorum, cineribus fagi & similibus elicitæ, & invicem colliquata. Sed hæc *Alcalia* pro fonticulis excitandis non amplius in usu sunt, quia facile liquefendo locum exulcerationis mutant, & putrefaciendo operari videntur. *Acida* in erodendo magis præstant alcalisatis, quamvis & hæc, præsertim acerrima, qualia hic requiruntur, non nisi ratione *Acidi* in se concentrati exulcerationem excitare videantur. Præferuntur ergo *Acida*.

(1) Quia non adeò vehementer erodunt, neque adeò partem mortificant, sed ruborem saltem inferunt; cum alcalisata è contra nigredinem, perfectæ mortificationis indicem, post se relinquunt.

(2) *Acida* commodius possunt coerceri, cum alcalisata, per humorem transudantem roridum liquefacta, diffuant, & loco foraminis sæpè insignem sinum inurant.

Usitata *Acida* ex omnibus sunt 4. præstantiora; vel *Crystalli Lunares* seu *Lapis Infernalis* dictus, vel *Butyrum Antimonii*, vel *Spiritus nitri*, aqua forris cum opio.

1. *Crystalli Lunares*, seu *Lapis Infernalis* Gallis dictus, paratur ita:

24. Lunæ limatæ, aut loco huius *Veneris*, quam in ea non adeò concentratur *Acidum*, ʒiij.

Aquæ fortis duplum vel triplum.

Solve: Solutio ad dimidium evaporet successive, & crystallifetur; sic acquiruntur *Crystalli albicantes*, quæ nihil aliud sunt, quam particula spiritus nitri vel aquæ foris acidæ in Luna concentratæ. Vel abstrahatur in cucurbita per alembicum: Caput mortuum, quod formam salis repræsentat, in crucibulo amplo, blando igne calcinetur, donec materia non amplius ebulliat; augmentetur parum ignis, materia effundatur in vas calidum: refrigerata quasi lapidem, sed friabilem repræsentat, qui asservandus in loco calido & sicco.

Optimum est *Cauterium*, carnem excrecentem ulcerum absomit, tangedo saltem. Huius q. s. pro crassitie cutis, præter propter quantitate pili majoris, pro parando Fonticulo imponatur loco, cui implicatum sit emplastrum probe adhærens cum foramine in ejus medio, ejusmodi magnitudinis, quantus debet esse fonticulus; sic citò & tuto instar pulicis morsionis inurit. Imponitur dein emplastrum quoddam alterativum de spermate ranarum, per duas, ad 6. horas relinquitur; & his ablatis, mox eschara nigricans apparebit.

II. Huius loco recipi potest *Butyrum Antimonii*: Nempe foramini emplastri, frustum pennæ anserinæ pili magni-

tudine, loco, ubi excitandus est fonticulus, imponitur, & gutt. 5. vel 6. butyri antimonii instillantur: firmantur emplastro omnia probe; sic erodetur locus brevi, cum insigni sensu corrosionis: ab atis emplastris eschara apparebit.

III. & IV. Cum spiritu nitri vel Aqua forti ita proceditur.

24. Spiritus nitri vel aquæ fortis ʒi.

in qua dissolvuntur.

ʒiij. Opil gr. iij. vel v.

Huic hora una ante fonticuli inuersionem immittatur globulus ex ligno poroso, ut probe imprægnetur liquore: Globulus hic immittitur dein loco, ubi fonticulus excitandus, procedendo uti moris est altero manè sine omni dolore caro mortificata & eschara apparebit.

Eschara & substantia cutanea mortificata separatur à sana parte mediante suppuratione, pro qua promovenda vel butyrum recens non salitum, vel unguentum digestivum, vel maturativum ordinarium, constans ex vitello ovi & terebinthina probe subactis, apponatur; sic eschara successive decedit. Ubi pars mortua separata fuit, superest ulcus, cui inseritur globulus ex ligno hederaceo confectus, qui fonticulos apertos & mundos servat; vel pilum majus, &c. prout subjecta hoc vel istud ferre possunt, ut melius fluat & dilatetur; alias enim consolidatur: imponitur postmodum emplastrum appropriatum, pro ægrorum pariter ratione variandum: v. gr. usitatissimum est Emplastrum diapalmæ; vel saltem papyrus per solam ceram, vel albam vel flavam, liquefactam traducta & utrinque obducta, ut fiat sparadrapus, in frustula quadrata discindendus, ut bina vice possit usurpari; vel fiat emplastrum magistrale:

24. Cere flavæ ʒiij.

Olei Olivæ ʒiij.

Terebinth. ʒi.

Fluant in tigillo, diu removeatur ab igne, inspergendo

Ceruss. exactissime pulveris ʒss. observando ne materia nimis ferveat; continuo agitentur, ignique lento imponantur, donec leviter ebullire incipiant; hinc sub continua agitatione refrigerari permittantur, & linteis inducantur, sicque pro usu adhibeantur.

Aut quorum Fonticuli lodes & putredinem contrahunt, & foetent, vel carni supercrefcenti subinde fiunt obnoxii, addita cera viridis sufficit, qua sola etiam obducatur papyrus, ratione viridis æris foetorem, putredinem, & excrefcentiam præcavens. Vid. etiam emplastrum pro fonticulis in *SCHRODERI Pharmacop. lib. 2. p. 193.* Nil melius mundificat fonticulos sordidos & putridos, quam Mercurius præcipitatus, ritè paratus, si tantillum ejus fonticulo immittatur, & sic omnia symptomata præcaventur.

Quod si fonticuli non sufficienter plerent, globulus ex radice gentiane vel iridis Florentinæ indatur, à quarum acrimonia blanda eroduntur parietes seu labia ulceris, & ejus purulenta excretio augetur; vel qui fortior, ex radice hellebori nigri. Alii recipiunt *hellebori nigri radicem*, & subigunt pulverisatam cum melle, & imponunt fonticulis: quod negotium bene equidem successit, nisi quod vis ejus laxativa in delicatioribus, sanguini sese insinuando, tormina abdominis excitavit. Vel globulus ex hedera illinatur balsamo sulphuris, qui continuum ejus fluxum conservat. Vel ex cera, & paucis Mercurio præcipitato fiunt pilulæ, quæ globulorum loco impostæ idem præstant. Quidam

24. Turbith. vegetab.

Hermodact.

Iva anber.

Agar. an ʒiij.

Format pilulas inde cum pauca cera igni commissa, quibus intrusis fonticuli bene aperti servantur, purgantium acrimonia subtili continuo rodente.

Aut etiam ex pulverisatis exactissime cantharidibus & cera flava formati globuli fonticulo immittantur, à quibus mirè & sine insigni molestia fluere solent.

Caro luxurians fonticuli insperso pulvere aluminis austi facile absomitur; vel crystallis Lunaribus simplici contactu applicatis.

Pedetentim quod faciunt fonticuli, id confertim præstare solent *Vesicatoria*, adeoque ferè urgentiori in malo, & ubi præsentaneum magis indicatur auxilium, hæc ipsa in usum vocantur, tã in oculorum affectibus per cacochymicos succos corporis subinde exasperatis, quam pro cephalalgia sopien-

lopienda, & sero acriore membranas cerebri feriente, prope nucham vel aures avertendo.

Quoad effectum & operationem vesicatoriorum, duo consideranda veniunt:

(1.) Dolor excitatus; &

(2.) Facta hinc Evacuatio.

Quoad *dolorem*, notum, cum is excitetur ab externo Objecto, tunc ex fibrarum nervearum concitatione, tremulatione & vibratione ad locum affectum provocatur accitius fertur spirituum influentium impetus, quem immediate sequitur fibrarum contractura spasmodica, & quasi major rigiditas, unde mox sensibilis est dolor pullatorius, hinc arduantur pori, stringuntur meatus, sanguis licet non, non nisi major iconatu, ex istis angustiis eludetur; pars tamen ejus vel intra poros angustatur, vel si adsint partes una heterogeneae vel excrementitiae, nec ipsi rite permiscibiles, hae facile tanquam in filtri angustiis haerent, coacervantur, & ita in ipsa parte detinentur, quae materialiter constituunt id, quod per vesicatoria evacuatur: & hoc est, quod Veteres dixerunt; *Dolorem attrahere ad partem*; sed potius est retentio ob pororum angustiam. Unde dicunt vulgo, vesicatoria vi attractiva polleere; sed id falsum est, cum nulla in tota rerum natura detur attractio, nisi in Mechanicis, quanquam & haec quoque tantum sit modificatio pulsus, nulla vero proprie attractio. Sicut enim spina digito infixa tumorem & ardorem infert, non attrahendo, sed ardorem simpliciter excitando; sic etiam tot spinulae vesicatorii evacuatione humoris dolorem; sed non attractionis ratione, excitant. Ratione igitur doloris notandum, quod ordinario objectum sensibile fortius, sive quod majorem dolorem infert, solet obtundere seu infringere perceptionem Objecti debitoris, unde si quodam in loco ex partis cujusdam, praesertim nerveae, irritatione & doloribus sequuntur gravia plus minus symptomata, tunc ex dolore majori, per vesicatorium excitato, non advertitur dolor & irritatio minor; hinc in loco prius male habente, per spirituum a dolore vesicante alio vocatum motum, fit alteratio & successiva correctio causae morbosae, partimque ejus aversio, partim in aliam partem translatio, & ita per accidens prioris symptomatis curatio: v. gr. in epilepsia per vesicatoria praecavetur malum, quatenus spirituum impetus, qui extorsum magis fertur, alio vocatur, & hinc ipsam epilepsiam plus minus praecavet.

Quoad *Evacuationem*, par relict ratio ac fonticulorum; acres enim particulae minutae vesicatorii applicati hinc inde pungunt, vellicant, & immediate rorem partis nutritivum subcutaneum, mediate & massae sanguineae sordes per accidens eam impraegnant, propter motum impeditum eliminare, dum quaelibet coacervata contenta penetrant, resolvunt, instar ignis in liquamen ferosum colliguescunt; nunc citius, prout fuerit vesicatorium acrius, aut prout humores fuerint difficilior aut facilius solubiles, nunc tardius, prout cutis fuerit crassior, aut contenta plus minus texturae compactioris. Et quod cauterium actuale seu concentratum, agens subito & parvo loco, praestat, hoc vesicatorium, tanquam agens quodammodo dispersum, majori & diffusiori in spatio praestat, idque tardius; nam liquamen est, quod evacuat: quod si diutius relinquitur, in pus abie.

E his duobus, dolore scilicet & evacuatione emergunt quaelibet auxilia & emolumenta vesicatoriorum, sicut Fonticulorum, nunc, utut raro, pro sanguinis aliquali scopo evacuatorio, nunc pro scopo revulsorio, averforio ac derivatorio simul, ratione doloris.

Usus Vesicatoriorum, & quidem pro scopo revulsorio & derivatorio, est in capitis morbis, praesertim in morbis malignis, ubi deliria vel convulsiones imminentes his ipsis interdum antevertuntur; hinc in cephalalgia, in affectibus soporosis, in morbis convulsivis, in quamplurimis nervosi generis malis, in oculorum pathematis, in febribus intermittendis chronicis pro rigore imminuendo, in febribus continuis malignis, in quibus graviora capitis imminet mala: pro scopo vero evacuatorio ubi acrior lymphae, aut vitioso sapore inquinatum serum evacuandum, & ex intimiore sede evocandum est; qua ratione in petechiis ex aura frigidioris retro pulsus, aut variolis quacunque ex causa retrocedentibus, aut in febre acuta, a scabie male aut non recte curata, aut similibus casibus, magnam opem ferunt vesicatoria applicata, partim praecavendo majora symptomata, partim educendo humores acres irritantes, praesertim genus nervosum, qui massam sanguineam

inquant: & licet haec non continuo efflorescant, modo genus nervosum praeservetur, & sensim sordes illae, massam sanguineam inquinantes, evacuentur, sufficit, si ex dolore aliquo vel tantillum levaminis habeat aeger; quin etiam ilchiadico dolore urgente, vel articulari dolore torquente, aut aliis doloribus partium chronicis, ex acriori sero aut retento noxio, per Vesicatoria aegris succurrere studeamus.

Locus ubi frequenter applicantur Vesicatoria, sunt interdum universum caput, v. g. in Apoplecticis juxta VVILLISUM, aut pone aures, aut hinc prope nucham, brachium, praesertim in carpi parte interna; prope crura, prope inguina, prope suras, &c. Et quidem prope aures applicantur Vesicatoria, aut in cephalalgia, aut affectibus oculorum periculosioribus; in quibus mitigandis aut sufflammandis optime conducunt: In cephalalgia quoque particularibus & per essentiam multum auxilii habent: Sic mulier quaedam erat, quae copiosa per nares emittebat purulenta excrementa; horum fluxus casu suppressus gravissimam inferebat cephalalgiam; equidem revocare studebam fluxum hunc, sed nulla arte hoc erat possibile, pituitam naturalem tantum & alias solitam excernente hac muliere: suasu igitur meo excitabantur Vesicatoria pone aures, quibus bene fluentibus & dolores evanuerunt tanto cum successu, ut ab eo tempore sana adhuc vivat & incolumis. In morbis igitur malignis, in quibus optimo cum consilio tam in brachiis, quam crure, bina vel quatuor pro circumstantiarum ratione applicantur, pro symptomatis gravioribus generis nervosi optime succedunt Vesicatoria, nuchae imposita; item in affectibus, natis ex vitio feri abundantis, partem aliquam laedentis, proficuum eorum observatur usus: e. gr. in doloribus partium ex acriori sero vel lymphae, etiam tantillum affligente, si fiat citra sensibilem partis laesionem, pro derivatorio scopo Vesicatoria applicari possunt. In affectibus capitis chronicis, qui ex catarrhalibus affectibus derivari solent, pro scopo derivatorio & averforio in nucha conveniunt: v. gr. in cephalalgia diuturna, praesertim scorbutica, item affectibus soporosis, lethargo, comate, ipsa demum apoplexia, &c. nuchae praemissis praemittendis applicata, & capiti raso denuo imposita: in gravioribus quibusvis malis conducunt, ut in oculorum malis subitaneis, aut ubi eorum subitaneum incrementum metuitur, nuchae vel pone aures applicantur: his ipsis aut inflammationibus, aut lippitudinibus, praesertim infantum aut somnolentorum, multum levaminis praestare solent. Denique carpi Vesicatoria blanda in febribus intermittendis chronicis applicantur, aut horum loco *Rubificantia* tantum, quorum usu observatum, quod febris ipsa si non remittat, rigorem tamen sensibilibiter imminui. Curabatur ante aliquot annos vir litteratus, Tertianus laborans graviore, superveniente ophthalmia tanta utriusque oculi, ut visus penè periret, hinc coactus vesicatoria ampla ejusdem nuchae applicanda jussi, quorum bonus effectus erat; ophthalmia enim hinc sensim sedata, febris rigor etiam penè cessavit sine horrore vestigio, aestu saltem tolerabili superstiti: id quod ex consilio alias carpi applicatis vesicatoriis etiam observare contigit.

Tempus, quando usurpanda sunt vesicatoria, magis in morbis acutis quam chronicis locum habent, nam in his potius Fonticuli usurpantur, utut in iisdem nervosum systema sensibilius afficientibus, ver. gr. epilepsia habituali, adhibenda sint: In acutis febribus praestat quidem aliqua signa coctionis expectare, antequam vesicatoria admoveantur, praesertim in scopo evacuationis; sed urgente necessitate, v. g. in convulsionibus, soporibus, excretionem cutanea suppressa, etiam sine coctionis signis adhiberi possunt: In chronicis morbis, in affectibus nervosi generis: &c. observandae sunt sub vesicatoriorum usu Lunae phasae, ut die uno vel altero ante novi-vel plenilunium applicantur.

Materia, ex qua constant Vesicatoria, sunt ex regno vegetabili ranunculus sylvestris seu hortensis, cujus folia tenuiora contusa seu leviter conquassata vel incisa & applicata profundissimas & dolorosas vesicas excitant; in parva tamen dosi adeo potens est, ut post vesicas excitatas etiam ulcera saepius inferat, pus diu subinde fundentia, praepriis in cute teneriore: Igitur cautus & rarus eorum sit usus, propter sensibilem praesertim cutim. Hinc post hunc est sinapi semen, rubificans saltem in se gradu tamen differens a genuino vesicante, utut in teneriore

re subiecto, vel rara cute, etiam vesicas excitet. Horum simplicium acrimonia, pungens & vellicans fibras cutis attenuat partium nutritium succum; illumque resolvit in serosum liquamen flavescens. Pro scopo igitur vesicatorio fortiori acriora supra dicta; pro scopo vero mitiori Rubeficientia tantum, & in specie Sinapismi, sufficiunt; ordinariè tamen aliis additur etiam sinapi pro scopo vesicatorio. Usitatissimum autem simplex est, quod regnum animale suggerit, nempe cantharides, & cum his totum scarabæorum genus, quæ omnia vim causticam & vesicantem plus minus obtinent. Hæ autem in specie successivè hoc obtinent, quod singularem in se habeant acrimoniam, ratione cuius urinam adeo acrem reddunt, ut exulcerationem vesicæ, dysuriam, &c. excitare valeant. Usurpantur in substantia sub forma pulveris, vel in forma cataplasmati vel emplastri applicantur. Relatum ab amico, essentiam eorum per simplicem in spiritu vini infusionem, applicatam pariter vesicatoriam virtutem exerere, de quo per experientiam mihi nondum certo constat. Ordinariò pulverisatæ ablatis alis & capitibus recipiuntur, ut saltem abdomen & thorax, quasi partes istæ, in quibus vis caustica resideret, solitariè habeantur; nam fallum est, majorem in ablatis seu rejectis illis partibus residere causticam, & quasi venenosam vim. Recipiuntur pulverisatæ, & si sub forma Cataplasmati desiderentur, miscentur, cum fermento, vel alio apto vehiculo excipiuntur; & imponuntur, dosi in subiectis robustioribus à ℥ss. ad ℥ii. plus minus, prout vel amplius imponendum venit vesicatorium emplastrum, vel prout densior & durior est cutis, vel prout affectus plus minus est contumax, i. e. dolorem majorem inferre volumus, ut in soporosis affectibus.

℥. Fermenti ℥ss.

Pulv. Cantharid. ℥ss.

(præscribendæ enim potius sunt in pondere, quam numero, quoniam magnitudine variant)

Caricæ pinguis no. j.

In corporentur exactè cum vel sine aceto.

Magma hoc seu Cataplasma imponitur loco, ubi volumus excitare vesicas. Vel cantharides excipiuntur cum mica panis, & cum aceto squillitico fiat Pasta, malaxanda cum oleo irino: Item

℥. Pulpæ fic. ℥ss.

cantharid. pulv. ℥ss.

mell. anacard. ℥ii. M.

Ubi acrius desideratur vesicatorium, ut in lethargo pro nucha:

℥. ferm. acerr. ℥ss.

pulv. canthar.

castor. an. ℥i.

euphorb.

(quod etiam non ultimum inter vesicatoria) gr. xii. M. in consistentiam Cataplasmati.

Applicetur nuchæ in affectibus comatosi, præmissis præmittendis. Aut si, quod magis approbatur, in forma emplastri desideretur, cum melius adhæreat, & melius operetur, recipiatur elegans illud emplastrum vesicatorium, quod habet SCHROEDERUS Pharmacop. lib. 2. cap. 53. ad finem annexum; vel quod prostat in dispens. August. ZVVELFERI; vel si simplex & extemporaneum desideretur;

℥. Canthar. pulv. ℥ii.

Cum ana ceræ & olei liquefactorum, & cum pauxillo terebinthinæ permixtorum, cantharidum pulvis inspergitur & subigitur, f. emplastrum vesicatorium extemporaneum pro scopo debito & in forma debita applicandum; cui, si placeat, parum pinguedinis leporinæ addi potest; Vel

℥. Canthar.

ceræ an. ℥ss.

massich.

olibani,

myrrh. an. ℥iii.

pingued. leporin.

terebinth. an. ℥ii.

ol. destillat. succini ℥ss.

M. pro emplastro.

Vel

℥. Empl. de Melil.

mucilag. à ℥ii. ad ℥ss.

Canthar. pulv. ℥i. ad ℥ii.

Exactè mista applicentur plus minus, pro subiecti, cui applicatur, ratione.

Quoad Sinapismum, hic paratur:

℥. Pulp. caric. ping. ℥ii.

Sem. sinapi contus. ℥i.

Mista, irrorentur cum spiritu vini & tanquam Rubificans vel Sinapismus applicatur nuchæ in oculorum malis incipientibus.

Aut si acrius esse debet:

℥. Fermenti ℥i.

Sem. sinapi cont. ℥vi.

erucæ ℥ij.

Irrorentur mista cum spiritu vini pro Cataplasmate, quod sic applicatur loco debito.

Ad hoc pertinet Modernorum Moxa; quicquid enim hæc præstat, est ab eschara, combustionis sua relicta, & excitata vesica. Decantatissimæ ejus laudes antipodagricæ sunt, si bacillis accensis hæc incendatur; sic ex combusta Moxa afficitur & comburitur sensim cutis, excitantur escharæ & vesicæ, quæ diu acre serum plorant, mediante qua plus minus levantur ægri. Præparari hæc dicitur de specie Artemisiæ Indicæ, unde dubium nullum ferè, an apud nos ex plantis lanuginosis non æquè pari ratione præparari possit: fuit enim hoc tentatum in marrubio, lanugine ejus in pastillos redacta imposita & accensa eodem ferè effectus, quoad escharam, vesicas & fluxum, liquamen serosum fundens, præstitit, ut hæc cum verbasci lanugine possit substitui in locum illius Indicæ, similibus in affectibus.

Applicatis ergo vesicatoriis, post 6. vel 12. horas removeantur, & vesicæ fornice aperiantur, ut ita liquamen attenuatum fluat, & vel brassicæ rubræ aut albæ folium tenerum, si citius consolidandæ veniant; quàm calidissimè imponatur; idque quotidie, mane & vespere repetatur; sic enim copiosius fluunt vesicæ, & propter alcali occultum ardorem & calorem vesicularum solent blandè mitigare, quæ tamen vix ultra quartam vel sextam diem ita humidæ conservantur, quin exsiccari & sanari incipiant. Considerandum ergo tunc venit, an diu conservandus effluxus materię colliquatæ seu in liquamen resolutæ; & an partis exulceratio aperta servanda? an verò citius consolidanda & claudenda relicta exulceratio? Si animus est diutius vesicas in fluore conservandi, optimum est, ut continuetur cantharidum usus, sed parva dosi: e. g.

℥. Empl. de sperm. ran. vel empl. albi cocti, vel de Melil. vel simil. part. iij.

Vesicator. part. j.

M. exactè pro emplastro, quod imponatur loco exulcerato, linteum exceptum aut inductum.

Vel istis emplastris addatur parum pulveris cantharidum, & ita admoveantur; sic continuè apertæ manent: quamdiu enim rodere & pungere continuant, ut solent, tandiu vesicæ plorant serum, & exulceratio manet: sic per integrum quadrantem anni infantis cujusdam certo in casu apertas servavi. Non tamen nimis diu vesicæ apertæ servandæ, aut in majori dosi sunt continuandæ, alias profundius exulcerant, & diutius continuatæ perfectum pus loco liquaminis serosi plorant.

Quod si nimis doleat locus exulceratus, aut si inflammationis metus adsit, aut ubi consolidandi vesicam est animus, optimum est applicare emplastrum quoddam saturninum, de lithargyrio, minio, de spermate ranarum, aut tetrapharmacum, & brevi post consolidabitur locus exulceratus.

Interim tamen non indiscriminatim quibusvis admovenda sunt ægris vesicatoria; nam ubi urget urinæ ardor, aut ejus incontinentia, ubi adest sphincteris inflammatio vel exulceratio, ubi hæmorrhagia, si mulier sit gravida, vel si instet fluxus menstrualis, item in summa virium exsolutione, vesicatoria minus convenire solent. In cadavere nil operantur: si ergo in gravioribus morbis tardè vel planè non excitent vesicam vel escharam, ferè signum lethale: sic in febribus malignis pestilentialibus, si parum operentur, semper lethale existimandum est; nisi interdum v. gr. in doloribus scorbuticis gravioribus pars semistupida reddita cantharidum effectum ex doloris defectu eludat: vid. M. A. N. C. Ann. 9. 1710. Observat. 34. pag. 92.

CAPUT II.

DE

*Qualitatibus Humorum Peccantibus in Quali.
seu de
Cacochymia corrigenda.*

Hæc de morbis, qui superveniunt nobis occasione humorum, in specie sanguinis huiusque feri, in quanto peccantium; Nunc de iis humorum morbis, qui qualitatibus vitiosis ratione afficiunt.

Quando ergo sanguis & reliqua contenta corporis nostri non tam quantitate peccant, sed potius qualitate vitiosa existant, tam sanguis quam ceteri inde derivati corporis œconomiam sustentantes succi cacochymii fiunt.

Fundamentum horum consistit in vitiosa crassi humorum corporis, nunc unius, nunc plurium, utut frequenter in his observetur circulus; seu consistit in vitiosa etiam textura contentorum corporis nostri seminalis, quando ab hac deficiunt, & qualitates, corpori nostro hostiles, acquirunt. Nunc verò, sicut ex minimorum syncrifi, diacrisi & metastasi, omnes corporis nostri partes materialiter & immediate componuntur, quod procedit ex seminali principio; ita in specie secundum particularum dictis modis mutatarum texturam, fit, ut contenta quælibet vitientur in crassi sua, ac fiant cacochymica ratione minimorum sui ingredientium, hincque sint præternaturales alterationes, quæ fiunt à rebus nunc naturalibus, nunc non naturalibus, nunc præternaturalibus, in specie fermentorum vitiosis. Jam verò mutationes istiusmodi in crassi & textura sui minima, sunt plures, quas ipsas etiam ex concretorum corporis in textura, & hinc natis mutationibus, seu qualitatibus à posteriori per sapes describere satagit aut HIPPOCRATES, aut quisquis sit Autor libri de Veteri Medicina; e.g. Austerum, Amarum, Acerbum, Dulce, Insipidum, & 600. reliqua; qui Sapes & Facultates Hippocraticæ seu potentia salinæ, tanquam à nobis cognoscibiles, à posteriori definiuntur & describuntur per crases contentorum istorum vitiatorum, seu in quali. Hi verò sapes accommodari possunt tam ipsis causis, præsertim fermentis vitiosis, quam ipsis vitiosis inde natis humoribus in corpore: sic e.g. Cacochymia Venerea, in fermento acido consistens, & tanquam à fermento simili acido specifiçi saporis oritur: sic vitiosi humores in scabie in acido-salfo consistunt sapore, à fermento seu contagio aliunde contracto, similis saporis, ita ut hæc tam humorum vitia, quam causas eorum, præsertim fermentis vitiosis, possint accommodari. Pro Therapeuti ergo cacochymia, seu vitium humorum ejusmodi qualitate peccantium, ex vitiosis fermentis frequentius enata, per varias fermentationum & effervesceniarum inordinationes se manifestans, corrigitur, & ex præternaturali Ametria in naturalem Symmetriam & proportionem redigitur dupliciter; vel per *Alterantia*, vel per *Evacuantia*: Alterantia sanguinem & vitiosos succos corrigunt & separant; Evacuantia verò, quod corrigi nequit penitus, plus minus temperatum, eliminant.

MEMBRUM I.

DE

Alterantibus.

Alterationem quod attinet, nil aliud est, quam correctio craseos præternaturalis massæ sanguineæ & cæterorum succorum, ut istud, quod vitiosum extiterit, adeoque heterogeneum & intemperatum fuerit, ut loquitur HIPPOCRATES, temperetur & corrigatur deficientes particulas restituendo auctas, adeoque aciores factas, contrariorum appositione mitigando aut obtundendo, aliisque similibus modis in naturalem, ac corpori nostro amicam temperaturam, aut huic, quantum possibile, proximam redigendo, & inde præternaturales orgasmos in æquabilem naturalem fermentativum motum, & debitam ad se invicem proportionem restituendo (si quid superest, ipsa natura medicatrix sibi sufficit.) V. gr. in malo hypochondriaco aut scorbuto peccat cacochymia acida aut salfo-acida seu melancholica, tam in primis viis, quam in sanguine, lymphæ, succo pancreatico, saliva, &c. quæ enervant bilem & depravant digestionem primam, &c. Corrigitur hæc à priori qui-

dem, fermentum digestionis primæ ad statum naturalem revocando; quod cum haud facile præstari queat, à posteriori productus sapor acidus vitiosus corrigitur, & alteratur; nunc per Martialia, quæ illud imbibunt; nunc per salia volatilia plus minus acria, quæ acidum illud temperant, sal volatile urinosum in concretis corporis augment, bilem acunt, & ita acidum cum alcali in debitam proportionem ridigunt, & ita p. n. contentorum dyscrasiam emendant, qualia sunt cochlearia, aut armoracia, aut nasturtium, &c. nunc per lac, omnem acrimoniam, in specie salinam, temperando. Per *Evacuantia* emendatur cacochymia, quando id, quod heterogeneum, adeoque vitiosum, nec massæ sanguineæ reliquisque corporis partibus miscibile, nec ritè corrigibile extiterit, adeoque vel in quanto vel in quali corpori inimicum fuerit, per convenientia loca & cribra transcolari & evacuari faciunt; ad imitationem naturæ, quæ & chyli continuo supplemento temperata, conservat quælibet corporis contenta, eorumque æquabilis fermentationis motum, & intemperamentum, si quoddam fuerit, illius medio ad temperaturam mediam redigit, & præternaturalem turgentiam mitigat; vel quicquid incorrigibile, cæterisve impermiscibile fuerit, per anum, vel per vesicam, vel per totius corporis perforatam pellem eliminat: simili namque modo natura materiam peccantem, v. g. in febre, sensim per media dietetica corrigit, incorrigibilem verò per effervesceniam febrilem præcipitat seu coquit, coctam & separatam denique foras per urinam, vel alvum, sudores, dyspnoeam, &c. expellit. Inter hæc talis est nexus, ut alterantia corrigant vitiosum, præcipitantia seu absorbentia separant, & evacuantia omnino eliminant. Sicut enim Natura in morbis acutis instituit crises, ut per coctionis tempus alterata aliquomodo eliminat & evacuet; ita & Medicus per Evacuantia eliminare satagit hæc, ubi alterantia non sufficiunt, imprimis sub vehiculo feri, tam excrementitii, quam nutritii succi.

Ne autem fiat confusio, notetur quod *Alterantia* hæc, quæ peccantes humores in quali, seu vitiatam eorum texturam, corrigunt, sint vel generalia vel specialia. Illa in hoc consistunt, ut saporem vel fermentum vitiosum & morbosum, prout vel acidæ vel urinosæ est prosapiæ, corrigant, & prout in subjecta materia, vel viscida seu pituitosa, vel serosa existit, emendant, adeoque quadruplici isti *Cacochymia* generali, *biliosa* seu urinosæ oleosæ, *Melancholica* seu acidæ, *pituitosa* & denique *serosa*, occurrunt; de quibus jam *suprà* in *Pathologia* sufficienter, & quantum generalis requisivit scopus, actum. Specialia verò seu Specifica dicta, ut Appropriata, sunt ista, quæ speciatim morbosæ causæ vim, seu inde productam vitiosam texturam in humoribus sua contraria simpliciter, sed specifica & singulari textura destruunt & emendant, & peccantem in specie saporem enervant, ratione à priori hætenus inexplicabili: quatenus nempe in particularibus morbis non Acidum aut Urinosum in genere, sed ex principiorum minutorum coalitu hoc vel istud specialis saporis Acidum peccat: V. g. sicut non Acidum simplex peccans est in febre tertiana, stranguria, pleuritide, podagra, & calculo, sed determinatus acidus sapor, tam in ventriculo, quam in producto morbo, vitioso scilicet humore, specialis saporis; hinc Acidum in morbis speciale per acidum enervantia generalia nunquam aut raro corrigi potest, sed in specie per ea, quæ per experientiam cognita sunt, adeoque non nisi à posteriori. Sic Acida appropriata sunt stomacho, amara hepati, &c. de quibus in *Pathologia*, & speciatim nuper in cap. 2. de *Auxiliis*, pluribus actum fuit. Hæc Alterantia posteriora ita se habent, quatenus beneficio talium medicamentorum sanguis ita alteratur, ut sub transitu per viscera beneficio medicamentorum alteratus, viscerum tonum secundum poros & meatus conservet, ut debitis profint functionibus. Invaluit enim hætenus talia persuasio, quod quam plurima simplicia, seu aperitiva, ad viscerum, hepatis, lienis, mesenterii, &c. obstructions, utut ferè semper imaginarias, commendentur, cum tamen talia, v. g. absinthium, centaureum minus, filix, salia fixa & volatilia, spiritus salis ammoniaci, Martialia, Acidulæ, &c. profint saltem, quatenus vitiosos & præternaturales in corpore succos acres, salfos, aciores, in specie acidos, & inde vitiatam sanguinis crasin, indeque derivata præternaturalia vitabilis, lymphæ, succi pancreatici, &c. digestionum errore subnata corrigunt, emendant, & in statum naturalem reducant; nunc Acidum nimium destruendo, nunc idem austerum corrigendo, nunc bi-

tem in eadem sale volatili acuendo, nunc acriorem oleoso temperando, &c: siquidem ab horum succorum ametria, indeque natis vitiosis effervescentiis in primis viis: & inde laesa sanguinis fermentatione naturali, non autem à fictis obstructionibus, morbi, in specie Chronici, oriuntur; unde talia aperientia putata propriè alterantia appellanda erunt.

Sed missis his specialibus ad praxin specialem pertinentibus, considerata veniunt pro scopo nostro generalia, quatenus in generali Therapeutica considerata, & 600. illis vitiosis Hippocraticis potentiis applicanda veniunt. Ista autem hypothesis in specie optima est, quæ in genere humorum vitia & errata ex universis istis naturæ & artis instrumentis mechanicis, Acido nempe & Alkali, derivat, & ad Praxin accommodat; cum in Theoria & Praxi paucas apodicticas demonstrationes habeamus, propter experientiam in naturalibus defectum: propterea hæcenus hypotheses probabiles nobis sufficiunt, modo tales sint, ex quibus phænomena in Theoria commodè explicari, & ad Praxin dein faciliè accommodari & applicari possint. Naturali autem in statu quælibet contenta sunt temperata, & conspirant, ut consistent in sale temperato oleoso; falsus enim sapor omnis ex Urinoso & Acido constat. Quando igitur à textura naturali deficiunt, alterutro necessario errante, idque vel acido vel urinoso peccante, contingit. Sicut enim in universa natura Acidum informat & agit in Alkali, adeoque Acidum agentis, & Alkali patientis, rationem obtinet; ita Alterantia primario vitia Acidi, secundario vitia urinosi corrigunt, cum hoc, Alkali seu Urinosum, vix sine illo, Acido nempe peccante seu errante, vitiosum reddi liceat, ita ut in quibusvis morbis in genere primario ratione vitiorum in quali ad Acidum peccans sit respiciendum, & hinc ad Urinosum, & reliquas circumstantias, idque in subiecto materiali vel viscido, vel tenui seu fluido. Jam verò, sicut in naturali temperato statu observandum, tanquam materiale concomitans, quod corpus nostrum nunc calidis nunc frigidis plus minus nutriatur, adeoque vel calidum vel frigidum, vel siccum vel humidum, dicatur; sic in statu præternaturali immediatus comes erit mutatio similis in corpore, vel quatenus exinde hoc sub mutationis statu magis vel minus humidum existit, calor vel remissior vel intensior reddatur; adeoque hæc temperamenta insequuntur Alterantium virtutes, effecta scilicet in contenta corporis.

Denique, uti nunc considerandi humores in ipsis contentis peccantes, in ventriculo, seu prout partes solidas afficiunt plus minus; ita etiam in remediis alterantibus idem respectus habendus, quatenus hæc humores vitiosos saltem alterare debent, vel quatenus etiam simul, dum hanc, non illam partem sensim corrigunt & emendant: dum nempe aliud Alterans requiratur, v. gr. dum Acidum ventriculi affligit, aliud verò dum hepar & bilem, aliud iterum, dum lymphæ forma glandulosa loca afficit: sic simul ad vitia & modum læsionis respectus habendus est in Alterantibus.

His præmissis, Alterantium considerationem tribus imprimis includamus Classibus: Prima considerabit generalia Alterantia, prout nempe vitia morbosarum causarum Hippocraticarum, aut Acidum, aut Urinosum, aut Salsum, à statu naturali deficientia, temperant & mitigant: Secunda, prout tanquam effectus relinquunt mutationes, modo in caliditate & frigiditate, modo humiditate & siccitate; ac Tertia denique considerabit, prout in specie saporem morbosum contenti fluidi corrigunt, quatenus nunc hanc, nunc istam partem diversimodè affligit, adeoque prout nunc specifica dicuntur, v. g. stomachi, uteri, &c. quatenus nempe vitium contenti Acidi, istas partes præcipue affligentis, corrigunt.

CLASSIS I.

DE

Alterantibus respectu vel Acidi, vel Alkali seu Urinosi, vel Salsi.

Sicut igitur dictum, Cacochymia fundamentum consistere in mutata materiali contentorum corporis nostri textura; ita nunc in hujus texture mutatione, nucleus, Acidum & Urinosum nempe, specialiter considerandus.

Acidum igitur præternaturale auctum, aut præternaturaliter fixum, (id est, Melancholicum Humorem veterum, vel Tartarum Paracelsi in corpore, in specie circa primas vias) alterant & corrigunt:

1. Absorbentia quælibet, eaque alias respectu effervescentiæ ab Acido inducitur, Præcipitantia vulgò, sed male dicta, de quibus in seqq.; rectius à modo operandi Absorbentia, ab effectu Invertentia, item Figentia, sunt dicta. Tales sunt imprimis partes animalium quævis duræ, cornua, dentes & ossa, minus cruda, maxime cum igne preparata seu usta, aut ad minimum sine igne cruda & Philosophicè calcinata; item concreta animalium quasi lapidea. Hæc omnia corrigunt Acidum vitiosum; v. g. cranium humanum, dens elephantis seu ebur, cornu cervi, dens hippopotami, Unicornu verum dictum, lapilli cancerorum, percarum, carpionum, maxilla lucti piscis, dens apri, os sepia, testæ concharum, ostrearum in specie, & ostracoderma quælibet, tam cruda quam calcinata, in specie hujusmodi Marina reliqua, ut mater perlarum, specifica febrilia, &c. Observatur in his talis ferè subordinatio, ut minus Acidum absorbent cornua; longè verò potentius istud infringant dentes; omnium autem optime tam Marina, quam Terrea. Faciunt huc lapides Bezoardici, quorum ingens caterva in ventriculis boum, equorum, &c. item in hominum vesicis & renibus reperti calculi, non secus ac testæ ovorum, tam gallinarum domesticarum, quam in specie stuthiocameli. Inter Vegetabilia Acidum absorbentia alterant plus minus austera, vel Adstringentia dicta, ut gallæ, rosæ robur, radix tormentillæ, bistortæ, malicorium chinachinæ, item cortex quercinus, & similia. Sicut denique ex regno minerali Metalla & Mineralia quælibet, in quæ Acidum effusum potenter agere solet; v. g. terræ minerales quævis, tam sigillatæ, quam non sigillatæ, etiam creta, pulvis laterum coctorum, &c. Metalla in specie quævis, primario potentissima Alterantia sunt ferrum & saturnus, Mercurii liquor alcalinus metallicus, & ejus quædam preparata, Antimonialia fixa, uti & aurum, & quælibet solaria concreta, Acidum in aliam prorsus texturam mutantia, hæmatites, rubrica fabrilis & lapides plures, crystallus, osteocolla, lapis Judaicus, lyncis & similes; præsertim lapides ignobiliores: nobiliorum enim in hoc puncto nulla est efficacia & operatio; nam tantum se habent instar vitri. His addenda corallia, unicornu fossile, similiaque terrea sicca.

2. Acidum alterant istud exactè saturantia, & cum isto sub sui miscela in salsum tertium coeuntia, v. gr. quælibet salia alcalia, tam volatilia, quam fixa alcalisata, tam etiam acria, quam temperata seu oleosa. Pertinent igitur hic omnia salia volatilia, tam in forma sicca ex partibus animalium, quam in forma humida, spiritus urinosi ex vegetabilibus per putrefactionem & alio modo præparata, inter quæ nulla penitus est differentia virtutis acidum correctivæ. Par ratio est quoad alcalia fixa, quæ ipsa etiam quovis modo ex vegetabilibus calcinando parata: quò magis sunt talia eò melius absorbent Acidum & alterant, ac promiscuè proin in usum Medicum vocanda veniunt. Hæc ipsa, tam acria, quam temperata, e. g. salia volatilia oleosa, aut fixa oleo quodam destillato saturata, conducunt, acidum peccans alterando.

3. Alterant acidum quælibet Temperantia & Obrudentia, seu aculeos ejus quasi inviscantia, ut oleosa seu pinguiora; tam volatilia, ut spiritus inflammabiles, e. g. spiritus vini, qui temperat spiritus mineralium acidos, & olea destillata, quæ consistentiæ saltem ratione differunt, uti & olea quædam nativa, v. g. oleum terræ, petrae, & huic cognata; quam minus volatilia, ut olea expressa mitiora præsertim. Hæc saltem observanda differentia in usu eorum, quod oleosa volatilia obtundant quidem Acidum plus minus fixum, e contra intendunt acidum volatile: Reliqua oleosa, tam spirituosiora, quam olea destillata, quæ quo magis acriora sunt, eò minus conveniunt, ne acidum ex volatili & acido compositum, quòd atram bilem vocarunt Veteres in-

de generaretur: quò magis temperata, eò melius conducunt hoc in puncto.

4. Alterant Acidum, quæ hoc diluunt, ut omnia *Aquosa* & phlegmatica, quæ diluunt, & separant ejus concentratas particulas minus fluidas.

5. Etiam *Opiata* huc pertinent, quæ eatenus locum habent, quatenus sensum irritationis, ab Acido excitatum, nonnihil sistunt, & symptomata inde nata plus minus corrigunt, ut natura vitiosi Conditioni seu Alterationi eò melius interdum incumbere possit.

Optimum est saporem acidum per diuretica absorbentia e corpore eliminare.

De Absorbentibus adhuc monendum, quod vulgò hinc præcipitantia dicuntur; & per modum præcipitationis operari vulgò videantur, quod tamen propriè loquendo minus commodè dictum, ac verum est. Præcipitatio enim propriè dicta, quocunque modo explicetur, & qualis frequentissimè in Artificialibus observabilis est, locum in talium operandi modo non obtinet; sed saltem absorbendo in primis viis acida, quæ sub illa actione solutiva arctè istis uniantur, & ita cum illis concretum tertium constituunt, adeoque vel imperum suum activum, vel corrodentem, vel effervescentem penitus amittunt, & ita fixa quasi & inermia redduntur, operari assolent. Nam quia in talibus casibus, ubi terreis absorbentibus agitur, plerumque peccat Acidum, pravas effervescentias faciens, talia usurpentur, quæ tales effectus tollunt, nempe fermentantes aut vitiosè effervescentes humores sui miscela compescunt, & acidum destruendo, figendo, &c. motum omnem fermentativum supprimunt; & talia Præcipitantia rectius Absorbentia dicuntur. Hæc nempe ratione Mars morbis Chronicis, ab Acido natis; lapilli cancerorum, creta, aut alia terrea ardori stomachi; terrea calcinata, ut specifica febrilia, corallia, vel talia fixa febribus intermittentibus ex dyscrasia sanguinis & succorum, ubi notoriè peccat acidum; corallia vel ebur effervescentis in primis viis; & inde natis phlogosis vagis; lapilli cancerorum infantum torminibus; chelidonium ictero; myrrha morbillis, mensibus suppressis; dens apri vel maxilla lucii piscis pleuritidi medentur; non præcipitando, sed acidum peccans imbibendo, & ita ex mutata textura mutua illud invertendo & figendo. Præcipitationis enim terminus ex Chymia desumptus est, quæ per diacrisin operatur, & hæc ipsa voce innuitur separatio contenti ex liquore continente, ita ut id, quo separatatum est, vel fundum petat, vel in liquore fluctuet: e.g. si solvuntur lapilli cancerorum in aceto destillato, est solutio limpida, & mistio firma; quod si verò huic solutioni instilletur lixivium aliquod, vel spiritus urinæ, vel sal tartari solutum in aqua, tunc fit præcipitatio, id est, lapilli cancerorum, antea in aceto destillato soluti, separantur à liquore, & coguntur in fundum secedere: Si habemus cerevisiam, aut vinum, quæ volunt ex vitiosa fermentatione acere, injiciunt cretam, sic separatur omne Acidum, & simul cum creta ad fundum secedit, ut in debito sapore, colore, &c. potus persistat.

Jam omnis Præcipitatio in genere duplex est; vel spontanea, per separationem spontanei fermentativi motus; vel non spontanea, per additionem rei cuiusdam tertiæ præcipitantis. Primus modus est quasi naturalis & artificialis, & observatur vel in liquoribus fermentantibus, v.g. in musto, vino, cerevisia, &c. nam in his ex particularum salinarum motu proprio in novam texturam se sociant, separantur partes heterogeneæ, quæ ita sub forma sæcum exclusæ ad fundum secedunt, qualis separatio sæcum consistit in præcipitatione beneficio fermentationis; vel sub cura acutorum morborum, in quibus sedimentum urine est fæx talis, spontaneo naturæ motu ex massa sanguinea præcipitata. Secundus modus fit per additionem rei cuiusdam tertiæ, quatenus alterat continens; vel præcipitat contentum; e.g. quando ex lacte, in dispersione aceti, vel additione aluminis, præcipitatur caseus; vel quando ex cerevisia præcipitatur Acidum additione cretæ aut calcis vivæ; vel quando ex solutione sulphuris per lixivium in dispersione aceti præcipitatur lac sulphuris, vel ex solutione Coralliorum ab Alkali quodam, minus cognato Acido præcipitatur Magisterium. Quæcunque enim solutiones acidæ per contraria præcipitantur, & talis præcipitatio minus spontanea respectu prioris & minus naturalis est.

Fundamentum hujus præcipitationis in eo consistit, quod talia addita Præcipitantia operentur, quatenus vel

poros liquoris continentis replent, ac ita angustant, ut substantiam contentam amplius retinere nequeant, vel quatenus ipsas particulas ineptas reddunt, ut nequeant in liquore contineri, sive hoc fiat ratione figuræ, sive ponderis. E.g. si habeo essentiam jalappæ cum spiritu vini paratam, & huic infundo aquam simplicem, fit Præcipitatio; Ratio quia ab aqua injecta pori spiritus vini replentur, & sic partes resinosa exclusæ ad fundum secedunt. Quando aurum solvitur in qua forti, post instillatur sal tartari, aurum præcipitatur in fundum; quia sal tartari adhæret particulis acidis cum Auro, quod cum particulis acidis saturatum tantum pondus acquirit, ut non amplius possit contineri. Neutra autem harum Præcipitationum in corpore nostro locum habet, cum nonnisi absorbendo & alterando Caco-chymia corrigatur: Non-spontanea seu prior, quoniam nulla sociatio particularum intestinalium adest, uti clare patet; nec posterior seu non spontanea, quoniam ista omnia remedia nil separant in corpore, sed Acidum peccans hæc potius aggreditur, & cum iisdem se unit: Namque Absorbentia acrimoniam humorum absq; formali præcipitatione demulcent & temperant, absque diacrisi, sola syncrisi particularum. Perinde autem est, sive Acidum corrigendum firmo nexu retineat medium præcipitans, ut in creta & minio aceto injectis, sive hoc tandem ima petat, illo debiliore & minus proportionato existente, uti corallia in succo citri soluta descendunt: vid. *Dissert. de Præcipit. Usus & Abusus*; ut & alia plura; & hoc ipso activitatem suam in corporis partibus perdit: Sicut creta cerevisiæ aciescenti injecta absorbere dicitur particulas acidas non per præcipitationem, cum sponte fundum petat ratione ponderis; sic per remedia præcipitantia non contenti in continente fit separatio, sed simpliciter operantur, quatenus Acidum exorbitans eorum tactu hæc promptè aggreditur, insinuat se iisdem concentratur sic, & quasi absorbetur. Absorbentia igitur convenientius ab aliis Invertentia, quatenus texturam invertunt, & Figentia, quatenus motum eorum cohibent, dicuntur.

Spontanea quidem Præcipitatio fit in febribus acutis benignis, salubribus, non lethalibus; in his enim sanguis spontè fermentativo motu separat particulas heterogeneas & recrementosas, naturalemque fermentationem turbantes & vitiantes; quas instar sæcum successivè e corpore eliminat. ut quasi (dico quasi: nam alias circulationis legibus esset contrarium) ad fundum secedant, vel instar calcis aut capitis mortui omni activitate destitutæ, in ea tantum fluctuent, ut cum antea ipsi fuerint unitæ & permixtæ, ac ob id difficulter separabiles, nunc sint tantum confusæ, & facile per certa loca separabiles. vid. TACHENIUS in *Hippocr. Chimico circa finem de Præcipitationibus* quas Martialia in morbis Chronicis faciunt: hinc est, quod procedente tempore urinæ horum, prius claræ & tenuens, evadant postea crassæ & turbidæ cum sedimento copioso, ob sæcum præcipitationem; quæ recrementa separata cum latice aquoso eliminantur. Talis præcipitatio sanguinis spontanea vocatur alias in scholis Medicis trito vocabulo Coctio materiæ morbificæ: Cruditas enim in eo consistit, quando recrementosa sanguini adhuc firmiter mista sunt; Coctio autem dicitur, quando præcipitatae sunt particulae recrementosæ. Fit per motum sanguinis fermentativum, mediante quo præcipitantur vitiosa & heterogenea, quæ sero involuta eliminantur, vel motu critico in statu morborum acutorum, vel arte per sudorifera & diuretica, ubi Medicus nihil agit, quàm quod saltem promoveat dictam spontaneam fermentationem, subministrando Alterantia, v.g. in febribus biliosis acida; aut in febre intermittente præcipitantia, v.g. salia fixa, vel lapillos cancerorum, chinam chinæ, vel salia fassa, v.g. tartarum vitriolatum, sal digestivum hypochondriacum, &c. Plura de Præcipitantibus aut absorbentibus quicupit, adeat KERGERUM *de Fermentat. P. 3. ubi de Febris*: ejus præcipitans febrile, quod jactat, constat ex corallis rubris & cremore tartari. Vid. quoque SENNER-TUS *de Febris*, ubi de *Coct. & Crudit.* qui latis elegans, & VILLISIUS *de Febris & Fermentatione*. Frequentius itaque horum Præcipitantium est usus in corrigendo Acido, præsertim fixo.

Sicut autem circa Alterantia in genere observandum, nemini eorum ab uno extremo ad alterum fiat prolapsum, & ita unius affectus curatione alium oppositum inducamus; ob id imprimis pedetentim potius & successivè quàm confestim aut una vice nimis alterando, eadem in usum

usum vocentur; & speciatim, quantum possibile, Temperati insistatur; ita in specie circa talia Absorbentia & Figentia non levis abusus intercedit: propterea debita cum cautela versetur Medicus, ne nimio eorum usu plus obstat, quam profit; quod fieri potest propter tria præprimis incommoda ordinariò aliàs insequentia.

(1.) Enim palliatur saltem morbus. Nam Acidum peccans non penitus destruitur, sed absorbetur & concentratur saltem, unde facile fit, ut de novo excitatum & resolutum Acidum, atque ex primo nido ad alia loca ita transmissum novas det turbas, & pertinaces alios effectus; aut recidivam priori modo longè graviolem inferat: v. g. non rarò accidit post non decentem usum specifici febrilis Strobelbergeri, vel hodiernorum chinæ chinæ, ut febris intermittens quæ videtur curata, de novo exsurgat.

(2.) Fomite morbofo non sufficienter correcto, sed ita fixato, in nido suo residente & hinc denuò resolutum, in alium, si non crudeliorem aut graviolem morbum præfertim Chronicum, interdum, sed rariùs, sub roborenaturæ in quendam acutum benignum. Quid enim frequentius, quam ex intermittentibus febribus, subito talibus auxiliis suppressis, atrociore recidivas inductas? vel simplices in duplicatas aut triplicatas mutatas, aut tertianam in quartanam conversam fuisse; continuam ardentem in Hecticam? Sic novi epilepsiam, quæ erat per consensum primarum, viarum, per viscum corylinum curatam; quo ipso quidem fgebatur causa materialis Acidi; at postmodum huic epilepsie sic sepultæ post aliquot dies, febris acuta supervenerit per 14. dies. Acido resuscitato demum, & hoc morbi genus excitante. Sic si fiat, ut Acidum quodvis peccans ita appareat circumscriptum ab acidum absorbentibus, & in quodam loco colligatur successive, fit inde, ut tumores contumaces & scirrhi, & similia superveniant producta morbofa. Aliquando curabatur Quartanarius, per copiosum pulverem ex lapillis cancrorum & saccharo saturni; febris quidem evanescebat successive, superveniebat colica adeò atrox, ex Acido circa primas vias concentrato, cum pertinaci alvi obstructione, ut per plures dies miserè torqueretur æger; curata verò colica, quartana rediit febris. Sic experimentandi gratia mulierculam febre tertiana laborantem aliquando per oleum destillatum baccarum juniperi curare tentabam; febris equidem post continuatum hujus usum remittebat sensim, & evanescebat; sed Acidum hoc ab oleo inviscabatur, & in resinofam glutinosam substantiam abibat, quod colligi potuit ex superveniente Colica, excitante simul passiones hystericas, quibus sedandi multum postea operæ impendendum habui: Ergo sumus cauti. Sic frequentius observatur, ex febribus intermittentibus, per hujusmodi Absorbentia frequentiora curatis, ita immutatam esse contentorum corporis texturam, & in glutinosum viscidum lentorem degenerasse, ut supervenerint febres lentæ, hecticis ferè similes, quæ per vomitoria postmodum denuò eliminanda erant.

(3.) Ordinariò his ipsis negotium digestionis primæ impeditur; atq; ita appetitus & digestio consequenter labefactatur.

Hæc mala ut præcaveamus, pro talium usu legitimo observandum:

(1.) Quod uti dyscrasia sanguinis est varia, & fermentationis diversæ sæpèque singulares læsiones; ita etiam Præcipitantium & Alterantium insignis & specialis sit varietas, nobisque non rarò diversitas incognita.

(2.) Ne diutius, quam necessitas reverà efflagitat, nec majori dosi pro una vice, quam conveniat, eadem adhibeamus; sed interpositis vicibus, moderatè & successive; sic enim Acidum absorptum sponte naturæ eliminatur e corpore cum aliis excrementis ordinariis: Acidum stomachi talium abusu perfunditur vel enervatur cum insigni detrimento ægri.

Si autem

(3.) Necessum sit, crebriùs iisdem uti, notandum, ut talium post usum & debitum effectum tempestivè interponantur blanda laxantia, seu primas vias abstergentia & stimulantia, ut relictum quasi ca-

put mortuum ex genere venoso removeatur; sic recidiva præcaveretur, aut ne in alium morbum possit degenerare; impeditur.

(4.) Ad volatilia plus minus aromatica post hujusmodi usum crebriorem, juxta cum laxativis interponendis, fiat accessus, quorum medio partim glutinosas contentorum (quæ ordinariò supervenit) inciditur & attenuatur, sicque alteratur, partim ipsa contenta Acido volatili spirituosum denuò imprægnantur, & sic recidiva quoque maturè præcaveretur: in specie hisce Aromaticis acrioribus quælibet noxa, præmisso laxativo, optimè corrigitur, vires morbo antè exantlatæ reparantur, & in æqualem symmetriam corporis contenta restituntur.

Antequam autem hinc abeamus, monendum ante omnia unum est; nempe in alterando Acido habendam esse rationem Acidi, vel fixi vel volatilis, quæ non benè considerata maximam confusionem, tam in Chymia, quam in œconomia animali, solent parere: hinc duplex Acidi in nostro corpore est status; aliud magis naturale, dum est volatile; aliud præternaturale, dum est fixum. Pro his non levis quoque selectus instituendus in Alterantibus: de quo duplici statu Acidi jam supra in Patholog. cap. 2. actum fuit, atque ostensum. Acidum volatile sub olei tegmine Alkali suo compari sufficienter saturatum in statu naturali in bile esse, & hinc Temperamentum massæ sanguineæ biliosum Galenicorum dependere, atque, Acidum agentis. Alkali verò patientis ubique partes agere; adeoque sub tali sale bilioso potius Acido-salsum oleolum plus minus copiosum, acre, iners, motui intestino aptum, potius intelligendum esse; inde etiam, si Acidum illud intendatur, acrimoniam quoque bilis nimis exsurgere, eandemque intendi, Praxis confirmabit.

Ex hac itaque bilis intemperatura ratione salis excedentis acidi volatilis omnia pathemata, tam externa quam interna, bili vulgò attributa, explicanda veniunt; Unde porrò hujusmodi Acidum volatile in corpore nostro enorme aut peccans, subinde corrigendum venit per Acida similia, sed fixa; qua ratione spiritus nitri aut vitrioli, figendo, vitia ejus plus minus emendant: sicut è contrà Acidum fixum peccans per Acida volatilia in aromaticis & similibus oleosis delitescencia, corrigendum, & in naturalem statum plus minus redigendum est; hæc enim corrigunt excessivum Acidum fixum; sicut Acidum volatile deficiens in genere, restitunt cuncta aromata, & aromatica omnia, ac vulgò calida sic dicta simplicia, vinum, acetum, succi vegetabilium acidi, assumpta acida, aer frigidus, tristitia, mœror, &c.

Quoad alterum extremum, urinosum in corpore peccat plus minus, utut rariùs hoc fiat; secundariò tamen, primariò agente acido, observabile hoc est.

Hoc itaq; vitiosum corrigunt & emendant.

(1.) Quælibet istud Temperantia seu destruentia aut saturantia, nempe dicta acida, eòq; potentiora, quò magis talia, ac fixa. Ergo omnia acida, tam naturalia quam artificialia, mineralium imprimis, huc pertinent; v. g. spiritus vitrioli, spiritus nitri, spiritus minerales ceteri, aut simplices, aut per spiritum vini dulcificati & temperati, ut spiritus nitri vel salis aut vitrioli dulcis, succus cydoniorum, citri, &c. quæ figendo potius, & impetum volatilem coercendo, quod suum est, agunt.

(2.) Quæ istud Urinosum obtundunt & mitigant, ut oleosa seu pingua, tam volatilia, quam minus talia, ut salia volatilia, vel macra, ubi sal volatile & bilis oleosa magis fuerit; aut oleosa, ubi minus: nam si cut arte per olea destillata mitigatur salium urinosorum volatilium acrimoniam plus minus; sic in specie olea temperata ac oleosa, obtundendo urinosum volatile peccans in corpore nostro corrigunt; qualia sunt v. g. in emulsionibus. Pertinent huc sulphur minerale, & quælibet sulphura mineralium, & Antimonia fixa, terræ medicatæ pinguioræ, quatenus mitigando & concentrando hoc urinosum operantur, ut quasi ab hoc absorbeantur.

(3.) Urinosum hoc alterant omnia Aquea; quæ istud diluunt pariter ac in acidis supra monitum fuit; & excretionem quasi meliùs præparant.

(4.) Opiata, quæ, si quam habent positivam activitatem, sensum partium sopièdo plus minus palliant, & quò minus superveniant symptomata alia, præcavent,

E con-

Et contra deficiens urinosum seu dictum biliosum restau-
rant & augent quælibet Præparata similia, salia volatilia,
& spiritus urinosi volatiles: item omnia alimenta probe
nutrientia bene temperata ex regno vegetabili, cum vis
eorum nutritiva consistat simpliciter in sale volatili oleo-
so, aut blandè oleo temperato unde ex vegetabilibus oleo-
racea; ex animalibus juscula & gelatinæ, copiam salis
volatilis suo sale simili augent; ut & vegetabilia amara
alkalia oleosa, ubi acuendum per talia; item antiscorbu-
tica & aromatica.

Ex his autem duobus, Acido & Alkali copiosioribus, &
invicem concentratis, tertium concretum salum acius coa-
lescit; quod uti in macrocosmo, ita & in microcosmo pri-
mam meretur considerationem: & pro hujus peccantis
in genere temperatura, conveniunt.

(1.) Omnia oleosa minus volatilia minusque acia, sed
temperata aquosa, ut sunt semina 4. frigida mayo-
ra, amygdalæ dulces, & ex his emulsionibus ac olea
expressa, lac & lactinia, sulphura mineralia,
& quæ sub classe oleorum mitigantium veniunt
narranda.

(2.) Mucilaginosæ quævis, ut mucilagines, & Gummi
Ara bicum, tragacantha, herbæ idem hoc succo
mucilaginoso turgidæ, ut herba & radix althææ,
malvæ, & omnes ejusmodi plantæ emollientes di-
ctæ; & ex his præparatæ mucilagines, ut radicis al-
thææ, feminis fenugræci, psylli; item Gelatinæ
animalium, quæ temperant sal acre peccans, & sub-
stantia sua urinosa oleosa; quæ imprimis turgent, hoc
in casu quoque conferunt.

(3.) Quælibet dulcia temperata, ut lac, saccharum, gly-
cyrrhiza, passulæ, jujubæ, rapæ, pastinacæ spe-
cies, plura olera esculenta, & in specie aqua calcis
vivæ, concretum dulce.

(4.) Denique & opiata, sensum irritationis ab acri salso
factum mitigando seu potius palliando, & ipsum
acre salum temperando, simulque alterando; hinc
papaveracea quælibet, in subigenda ejus activitate
perquam efficacia sunt. Præter hoc optimum consi-
lium est, ut loco alterationis, quod acre salum est
per urinarias vias maturè evacuetur.

Dictum autem supra, subjectum horum vitiorum in alte-
rationibus observabilem esse nunc viscidum, nunc sero-
sum seu fluidum, utrumque præternaturale: illud pituito-
sum, quod nihil aliud est, quam crudior chylus; hoc sero-
sum seu lymphaticum vulgo dicitur.

II. Itaque Viscidum corrigunt:

(1.) Attenuantia, qualia imprimis sunt Gummata acia
quælibet, ut Gummi ammoniacum, galbanum,
sagapenum; uti & bdellium, myrrha, & his co-
gnata, eorumque tincturæ cum spiritu vini extra-
ctæ.

(2.) Quælibet Incidentia dicta, seu quælibet acia, tam
simplicia, acida & urinosa, quam composita sal-
sa: sic omnia acida, præsertim volatilia, ut ace-
tum destillatum, spiritus salis dulcis, spiritus vitri-
oli, spiritus sulphuris, &c. oxymelque; vel al-
calia, ut spiritus salis ammoniaci, C. C. & alii uri-
nosi: Quæ omnia viscida incidunt & dissolvunt,
azuleis suis penetrant, & ita coagulata plus minus
aut indurata, mollia & fluxilia faciunt: pariter-
quæ ex his parata salina, vel salia, ut cremor tar-
tari & sal ammoniacum, quod penetrantissimum
solvens est viscidorum; item salia fixa, ut tartar-
us vitriolatus, arcanum duplicatum, &c. quæ vi-
scida quælibet quoque potenter incidunt. Pertinent
huc Aromatica aciora, insigniter incisiva, ut
Armoracia, Absinthium, &c. tam in forma nati-
va quam oleorum destillatorum, quæ viscidum
quodvis attenuant insigniter, & hoc dissolvere &
corrigere solent.

Quotandem etiam.

(3.) Pertinet motus corporis, calor seu æstus intensior,
alimenta partium subtiliorum plus minus medica-
mentosa; in specie condimenta acia aut aromati-
ca, live urinosa live acida, præsertim ex sinapi pa-
rata; læticia, ira, &c.

III. Serosum denique vehiculum seu nimiam contentorum
fluiditatem corrigunt & alterant ferè cum salinis co incidenti-
a, ut sunt:

(1.) Incrassantia dicta, omnia Temperantia ac glutino-
sa oleosa & mucilaginosæ, v. g. ichthyocolla, tra-

gacantha, in genere omnia salsum temperantia
modò allegata: quò etiam pertinent imprimis ge-
latina animalium, lac, cochleæ, symphytum, ma-
jus, &c.

(2.) Terra pinguis seu subpinguis quasi austeriuscula,
ut holus Armena, terra sigillata, & quælibet ter-
ræ subpingues minerales; item corallia cum aceto
imprægnata.

(3.) Quælibet testæ vel animalium partes duræ usæ, post
rigorosiorem ignis examen relictæ, ut C. C. ustum,
& ebur ustum, &c.

(4.) Papaverina quælibet & opiata, & his cognata, tam
sativorum quam sylvestrium papaverum præparata,
quæ incrassando, & hinc dependentes excretiones
promovendo, conducunt optimè.

Hæc sunt generalia, quæ corrigunt vitia contentorum
ex quibus textura eorum mutatur.

CLASSIS II.

D. E.

Alterantibus respectu Effectus, Caloris scilicet ac
Frigoris, Humiditatis & Siccitatis.

Alterantia ratione effectus mediati, quæ eorundem im-
mediatam operationem & activitatem sequitur, sunt:
Calor & Frigus, Humiditas & Siccitas: hinc Alterantia
suo modo vel Calefacientia, vel Frigefacientia, vel Hume-
dantia seu Nutrientia, vel Siccantia seu Absumentia
sunt.

Hæc doctrina cum nullibi sufficienter adhuc explica-
ta sit, quæ tamen sui explicationem & expositionem neces-
sariò ulteriorem meretur, præsupponenda quædam
sunt; &c.

(1.) Calorem in specie sic dictum ex contactu propiori,
& gradu intensiori igni in ustione, oriri ex Acido
ejus celerimè commoto, ita ut materia liter fiat ab
Acido, formaliter ab ejusdem motu celerimè, &
quidem, ut non ineptè quidam suspicantur, circa
proprium centrum vel axin. Hinc ea, quæ noxam
ab ignis calore inductam listunt & leniunt, sunt
imprimis talia, quæ Acidum corrigere valent,
verb. gratia Saturnus, calx viva lota, oleum oli-
varum cum calce viva agitando in massam buryri-
formem redactum.

(2.) Calorem rerum, præsertim fluidarum spontaneum
(nam de solidis alia ratio est) ubique fieri à motu
particularum minimarum intestino formaliter, ita
tamen, ut in specie Caloris impressio fiat ex motu
acidi in objectum terreum aut oppositum urinosum
materialiter agentis; hoc enim modo fit Calor: v. g.
calx viva, quæ aquæ affusione incalcescit, & cum
aqua efferveſcit, hoc fit simpliciter ab actione Acidi,
ab aqua soluti, in terram si recipitur corpus aliquod
terreum, calx viva lota, testæ ovorum, crudæ vel cal-
cinatæ, item ostreatum, creta & similia, solvuntur in
spiritu salis acido, abstrahatur spiritus, & caput
mortuum candidum evadet ex acido in terra corroſa
concentrato, quod aqua affusa, simili modo ac calx
viva, intensissimè ebullit: par ratio est cum spiritu ac-
oleo vitrioli, quæ affusione aquæ incalcescunt ab
Acido illorum diluto, ac si in terram sulphuream
adjunctam intimè agente: sic salia fixa alcalisata re-
centia item caput mortuum spiritus tartari, aquæ
affusa vel eadem soluta, Calorem producant,
dum dempe acidum concentratum in subjectum
terreum agit: sic Vegetabilia pro salum volatili-
um confectione putrefacta, in principio incalcescunt,
quandiu scilicet Acidi actio viger, quo extincto aut
plus minus subactio, emergente alcali volatili, ferè
positivum frigus percipitur.

Ex his

(3.) Tanquam paradoxon ulteriori consideratione di-
gnum elicio; annon etiam calor iste in nobis perce-
ptibilis, qui vitalis dicitur, tanquam vitæ conse-
quens, ab acido volatili commoto, hinc sensuum or-
gana afficiente, revera oriatur? Sanè, qualiscunque
de calore hominis vitali arripiatur hypothesis, isque
dicatur vel ex incensione, vel fermentatione, vel
flammula vitali esse; semper tamen, si ad primam
originem & fiendi modum inquiramus, ex motu
parti-

particularum minimarum, & primario acido volatili dominio, eum dependere, manifestum erit. Monstrari id potest à posteriori; v. g. calor & rubor in loco inflammato ex spina infixa, vel ex detento noxio, per suppurationem à natura rejiciendo, gradus intensione tantum differt à naturali calore, & idem cum illo est. Hæc symptomata curantur per sperma ranarum, aquam calcis vivæ, nunc simplicem, nunc cum spiritu vini imprægnatam; per Saturnina, tam in forma sicca quam in forma emplastrorum, quibus temperamus, vel penitus sistimus ardore illos: Omnia autem hæc simpliciter operantur absorbendo acidum, saturandoque & corrigendo. Quod si igitur calor intensior per absorbentia infringitur, consequenter calor ille erit ab acido; quapropter ex acido volatili materialiter, & ex ipsius motu formaliter, constabit vitalis calor.

His ita præsuppositis, ad ipsa remedia alterantia, quæ ratione effectus Calida dicuntur, pergamus. Distinguenda verò (1.) hæc sunt in ea, quæ *Calefacientia* sunt externæ, seu respectu partium corporis solidarum, vel internæ seu respectu contentorum fluidorum; quæ quidem remedia interdum in pluribus coincidunt, sed iterum quoque in pluribus differunt: v. g. piper est calidum tam in partibus solidis, quam si resolutum sit, in partibus fluidis, in quibus simul calorem intensiorem excitat: sic spiritus nitri aut vitrioli rectificati guttula, quasi scintilla ignis esset illapsa, externo contactu intensum dolorem & ardorem inducit; qui tamen respectu partium internarum internè assumpti, hoc non faciunt, sed frigus, aut caloris intensioris moderationem, solent inferre: spiritus salis ammoniaci respectu partium solidarum vim habet frigefaciendi; in faucibus autem deglutitus ardet; imò idem hoc simplex, respectu partium fluidarum, nunc aliquem, nunc nullum excitat ardorem aut calorem: spiritus vini externè admotus nihil calefacit, qui internè haustus linguam insigniter exæstuat. Ergo, quæ partium solidarum respectu sunt calida, ut piper, sinapi, aliaque operantur saltem, quatenus immediatè sua particularum subtilitate sensum tactus, nempe linguam, afficiunt, ac si ignis essent corpuscula, uti hoc per spirit. nitri illustrari potest; aut fibrillas nerveas potenter rodere, vellicare, aut simili modo irritare valent, eò ferè modo, uti quando acidæ ignis particulæ faciunt irritationis sensum, sequitur ex spirituum & sanguinis motu caloris saltem notabilis intensio, tanquam spinulam infixam: sic v. g. arsenicum ratione ventriculi & vicinarum partium est igneum & venenosum remedium propter acrimoniam summam, quæ in ægris, qui hoc assumpserunt, sitim intensam, æstum, & in præcordiis inflammatorum ardorem excitat; quod tamen in se respectu partium fluidarum, neque calidum neque frigidum est: item Mercurius sublimatus summe corrosivus est, hinc propter irritationem & corrosivitatem notabilem in partibus solidis talia symptomata truculenta infert, quæ aliàs insequuntur caloris intensiorem.

Quod igitur (2.) Alterantia, quoad partes fluidas calida spectat, ea propriè calida dicenda, quæ internè, & mediante alteratione notabili, contentis corporis inducta, Calorem inducunt & augmentant, unde etiam caloris per universum corpus diffusio. Observantur enim omnia hæc habere singularem plus minus penetrantem acrimoniam, ut quò magis acria, eò etiam magis esse calida. Deinde observandum etiam, omnia propriè talia (scorbuticis exceptis) habere in se substantiam resinofam, in qua, tanquam centro, potentia ista primario residet, qua separata aut extracta omnis vis calefactoria perit. Talia sunt v. g. aromata quælibet, cinnamomum, nux moschata, piper, zinziber, zedoaria, caryophylli, cardamomum, & omnia aromatica dicta simplicia, illis odore plus minus acri, & sapore pene trante cognata, ut anisum, fœniculum, mentha, ros marinus, salvia, semina 4. calida majora & minora. Observatur etiam calor in omnibus amaricantibus, v. g. absinthio, centauro minore, rhabarbaro, &c. Omnia præterea propriè dicta *Purgantia* acria seu calida; & quò magis resinosa, eò magis sunt talia, v. g. esula, scammonium, &c. hæc acriora sunt, quam mechoacanna, manna, lenna. Item omnia gummata acria sunt calida, ut gummi ammoniacum, sagapenum, myrrha, opium, &c. sicut & quælibet antiscorbutica, acrimonia volatili prædita, ad calida referenda sunt, v. g. cochlearia, nasturtium, trifolium fibrinum, piperitis, sinapi, sedum mura-ceum, &c. Eo ipso enim, quo omnia acria sunt calida, hoc ipso sunt salinæ texturæ: & eo ipso, quo sunt magis resinosa, & hinc sunt naturæ pinguis seu oleosæ: hinc resina eorum per spiritum vini, tanquam menstruum homogœneum est extra-

hibilis, & extracta inflammabilis, quod signum est pinguedinis in concreto; adeoque in particulis salinis oleosis volatilibus vis remedium calefactoria omnis consistet. Notum enim est ex mechanica chymica, illud, quod in forma sicca resina est, igne blando liquata dici oleum destillatum, perquam calidum, quia concentratum; quod præcipitatum per debitum suum acidum concentratum redit in resinam adhuc calidiorem: oleum hoc per fermentationem ex parte volatilisatum, constituit spiritum volatilem omnium temperatissimum, ob acidum dilutum, attenuatum & temperatum; quæ utraque tamen calida sunt: clarum hoc est imprimis in aromatibus seu odoriferis. Cætera minus aromatica, tamen amara, quia minus pingua, non nisi Extracta resinosa, & fermentando spiritum inflammabilem suggerunt. Antiscorbutica, quia minimum olei obtinent, nec Extractum suppeditant, nisi succosam aut levem essentiam; fermentando tamen spiritus inflammabilis, utut paucus, ex iis elici potest. Inest iisdem acidum volatile macrius, in aromaticis verò salum oleosum concentratum, in cæteris acidum minus oleosum, medio modo se habet resina.

Ergo quid est istud, quod igne liquatum sæpius destillatum dat oleum? Oleum destillatum omnium consensu nil aliud, quam sal volatile, ab oleosa pinguedine, sub qua acre reconditum latet acidum, concentratum, & rectè, dicitur. Jam investigandum; utrum ex his ingredientibus, acido volatili & pingui volatili per motum intestinum caloris effectus producat? sic si per alcali fixi additionem, mediante digestionem rædiosa, sal volatile ex quibusdam oleis destillatis eliciatur, hoc caret omni vi calefactoria, præsertim, si ab oleo probè depuratum fuerit, & reverà frigefacit, aut saltem non calefacit: adeoque vis calefaciendi olei in acido occulto, sal volatile concentrante, primario consistet. Restat hinc pingue, quod in se est differens, cum ab eo, qua tali, nec calor nec frigus observetur; adeoque in acido volatili concretorum resinoforum, & inde productorum oleorum vis calefaciendi imprimis residet materialiter, formaliter verò in ejus motu, quoniam per hunc massa sanguinea motu suo fermentativo ita alteratur, ut ratione particularum acidarum volatili cum remedio concurrentium intensior fiat eorum motus, & hinc intensior motus spirituum, & consequenter in partibus superveniat effectus iste, qui calor vocatur; ut itaque calefacientia operentur in partes liquidas, ratione acidi volatilis existentis in concreto salum oleoso, quia salia volatilia oleosa, imprimis olea destillata, aut spiritus inflammabiles, sulphur sanguinis insigniter dissolvunt, ejus resolutionem & spiritualementiam promovent, spirituum motum, & ita sanguinis incalescentiam augent.

Observandum enim pro asserti hujus ratione circa Calefacientia:

- (1.) Quod omnia vegetabilia, calida dicta, sint fermentescibilia (excipio tamen aromata sicca) & suggerant, præter spiritum inflammabilem, etiam acetum: Quicquid autem fermentabile est, id propter acidum, quod obtinet, tale est. Dein calida omnia calcinando, alcalia fixa suggerunt, quorum origo sine acido est nulla.

Præterea

- (2.) Remedia calefacientia in vegetabili regno ferè inveniuntur & occurrunt, ob acidum volatile copiosius nobis per digestionem assimilabile, adeoque postmodum caloris intensiorem excitat.
- (3.) Ex animali autem regno, paucissimo acido instructo, refrigerantia aut temperantia, gelatinosa, alcali temperato volatili imprægnata, acidi correctiva reperiuntur, ut calida propriè sic dicta nulla suggerat, quam olea destillata, quorum tamen par cum vegetabilium oleis est ratio.
- (4.) Bilis calefactoria vis; tanquam saponarius volatilis liquor, ut supra dictum, in acido volatili, sub pinguedinis regimine occultato, consistere videtur.
- (5.) In regno demum minerali calefacientia interna nulla, quin refrigerantia potius sunt, acido eorum fixiori existente, fluidis nostris partibus non assimilabili, potius acidum nostrum volatile figente & concentrante, sicque sensum frigoris post se relinquire, dum ceu magis graduata acidum volatile caloricum infringunt, motum sufflamant, & ita caloris excitationem cessare faciunt: verb. gr. vis scammonii purgativa infringitur spiritu sulphuris aut vitrioli, sic acrimonia ejus hebescit, infringi-

fringitur calor, & ab acido figente acidum volatile concentratur in resina.

- (6.) Quævis resinæ calidæ, acres, summè calidæ, à sale tartari redduntur temperatæ, ut ferè medium effectus calorifici efficiant; dissolvit nempe sal tartari texturam resinolam, agendo in ejus acidum, unde ejus sapore partim correcto, partim motu per fixationem sufflaminato, multum de calore cessat.

Ex his facillè judicare licet de compositis: nempe omnes aquæ destillatæ, plus minus de oleo participant, sunt calidæ; item omnes horum simplicium pulveres, v. g. cardui benedicti, diatrion pipereon, sunt calidi: succi quoque eorum, v. g. centaurei minoris, ut & oleum destillata, ut caryophyllorum, menthæ, cinnamomi, &c. item essentia, & elixyria, tam simplicia, v. g. menthæ, &c. quàm composita, præparata, v. g. cum spiritu vini solo, febrile Mynsichtii vel Michaelis; Rob eorum, ver. gr. juniperi, sambuci; Extracta, v. g. centaurei minoris, absinthii, &c. magis denique composita ex his medicamenta, ut Theriaca, Mithridatium, &c. quæ omnia ratione ingredientium horum sunt calidissima.

Quoad *Refrigerantia* ex alterantibus, hæc etiam duplicis sunt generis, vel *externa* vel *interna*: Velenim respiciunt partes solidas, ut Topica dicta, quæ modò partem aliquam corporis alterant; vel fluidas, quæ corpus universum refrigerant, & communiter propriè Refrigerantia seu frigefacientia dici solent. Talia respectu partium solidarum sunt ea omnia, quæ vel nullam talem impressionem motivam in partes sensiles faciunt, sed eam insigniorem ab aliis particulis commotis factam sufflaminant, aut acidum calefaciens absorbendo, aut excitatum ab acidi intensione calorem cohibendo, quæ ratione Saturnus dicitur frigidum ardoris & ruboris remedium, saltem acidum inhibendo & absorbendo: sic aqua calcis vivæ seu benedicta Chirurgorum refrigerat, absorbendo acidum, inflammationem, hinc & similia symptomata sistendo: spiritus vini externè adhibitus in erysipellate frigidus est, phlegmate suo oleoso acidum intensum peccans temperando: Sperma ranarum, succus cancerorum fluviatilium, eorumque aqua per putrefactionem parata, sunt optima Frigida externa; quorum vis operandi consistit in alcali eorum volatili macro, quo acidum temperant, refrigerant; & inflammationes arcere dicuntur: succus hyoscyami, quod sanè curiosum est, aut unguentum ex eo cum butyro non salito paratum, parti cuidam solidæ illicum, eidem notabile frigus imprimit, partemque debilem reddit; alterando scilicet vi sua narcotica spiritum insitum, à quo calor partis naturalis dependebat.

Hæc de Externis: Sequuntur *Refrigerantia interna*, quæ iterum sunt duplicia:

- (1.) Acida intensè figentia, & motum intestinum contentorum plus minus sedantia, v. gr. mineralia, eorumque spiritus acidi, sulphuris, vitrioli, salis, &c. de quibus supra; item sulphura fixa, vi acidum volatile figendi concentrativa instructa; in specie nitrum crudum nobis præ aliis subjectis accommodabile, ejusque spiritus; illud enim, utut falsum, acidum tamen volatile figendo, & ejus motum insigniter sufflaminando, refrigerat; dum ex parte ex animalium recrementis (in quorum locis uberius colligitur) natum, sulphura fixa mineralium, ut antimonium diaphoreticum, Bezoardicum minerale, imò sulphur commune cum spiritu nitri potest figi in simile Bezoarticum minerale, quod acidum volatile in morbis acutis figit, autorem æstuationis absorbendo.
- (2.) Si quæ respectu contentorum Refrigerantia dicuntur, sunt omnia, quæ simul ex alcali constant, & operantur ratione salium volatilium macrorum, Naturalia & Artificialia; nam quæ pingua sunt, & acidulum oleum adjunctum habent, minus sunt frigida: ut endivia, cichorium, intybacea omnia, sonchi omnes, olera esculenta, portulaca, plantago, mucilago, item vulneraria quælibet, adstringentia dicta, acidorum absorptiva ferè omnia semina 4. frigida maiora, gelatinæ animalium, quæ sale volatili temperato imprægnatæ. Omnia hæc vi refrigerandi prædita sunt; item partes animalium, præsertim marinorum, duræ, præcipitantia dicta, huc referri debent; imprimis spiritus & salia volatilia urinosa ex regno animali & vegetabili macra, reverà positivè frigoris sensum in

corpore nostro relinquunt, partim acidum volatile calorificans temperando, partim massam sanguineam plus minus inspissando, aut fermentationem ejus intensiorem coercendo, & spirituum motum compescendo, & sic conceptum eorum calorem multum imminuunt: e. gr. in febribus intermittentibus, quando frigus urget, extractum absinthii resinolam & aromatica alia frigus imminuunt, & calorem multum intendunt: sic in febribus ardentibus intermittentibus, SYLVIO teste, salia volatilia vel spiritus salis ammoniaci simplex, item, quod certum, & mihi per experientiam constat, assumentibus semper frigus auget, & calorem multum imminuit; sicque facillè calorem per aromatica, frigus contra per salia volatilia macra, intendere vel modificare licet; quia verò frigus per hæc ferè intenditur, febresque inde emergunt diuturnæ, tutius est, uti aromaticis. Pertinent huc succi expressi subacidi, ut berberum, ribium, &c. quæ quoque ad refrigerantia referenda; hi enim, utut quoad sensum acidi, in se tamen habent contenta copiosa, quæ constant particulis terreis & urinosi, in sæcum formæ sub fermentatione præcipitatis, quæ terreis & urinosi turgent, simulque absorbentibus & volatilibus particulis; hinc ex ratione acidi pauci figunt acidum volatilius, maxima tamen parte per urinosas particulas operantur; excipendus autem venit succus citri, qui purè acidus est, & figendo potius frigus infert. Huc pertinent etiam flores buglosæ, tunicæ & rosarum, qui ratione alcali sui plus minus temperati, quo turgent, operantur; in rosis tamen acidum volatile latitat, cujus ratione calefacere dicuntur, unde & spiritus earum inflammabilis est, sed superficiale hoc est: ipsum autem concretum refrigerat propter moderatum alcali, quod patet, quia ex iisdem, perinde ac ex gallis, confici potest atramentum, quod non accideret, nisi occultum alcali contineret.

Duo hæc inter, calida & frigida, acria, acidum & urinosum corrigentia & corrigenda, medium quasi tenent locum ea, quæ *Alterantia Temperata* dicuntur, nulla potentia salina in iis excedente, indeque sapore dulci aut insipido vel aqueo, aut blanda oleositate aut mucilaginositate se nobis sistencia, & potissimum temperando præparantia, ut amygdalæ dulces, semina 4. frigida maiora & minora, lac, passulæ, glycyrrhiza, saccharum, mucilago seminis cydoniorum, sulphur commune, tragacanthum, gummi Arabicum, pinguedines animalium temperatæ, &c. in quibus neutra particularum frigefacientium vel calefacientium excedunt, quin temperando excessus istos in corpore mitigant. In genere omnia Temperata, simulque Nutrientia, quæ internè acere quodcumque in specie falsa, dum obtundunt, ab effectu *Temperantia*; hæc ipsa, quatenus utrumque extremorum temperant, & quatenus particulas intemperatas & aciores quasi inviscant, *Inviscantia* & *Incrassantia* dicuntur: dum fauces & alios meatus plus minus excoarctatos blandè leniunt, & recrementis tussi ejiciendis quasi vias lubricant, *Lenientia* & *Expectorantia*; & dum extra imposita moderatè ab acido coagulatos succos blandè fundunt, *Emollientia*; dum acrimoniam temperant, & temperando utrumque acere, horum amicam unionem in falsum tertium, adeoque pus promovent, *Maturantia* seu *Suppurantia*; & denique dum eodem modo imposita acere dolorosum mitigant, & ita fibrarum ex dolore spasmus seu crispaturam remittere faciunt, *Anodyna*, pro vario usu vocari soleant. Vis eorum consistit in sallo aqueo pingui, aut terreno mucilaginoso, ubi nimium Acidi, plus multo Alkali, deprehenditur.

Emollientibus contrariari videntur *Adstringentia* dicta, quæ ratione texturæ stypticæ quodammodo austeræ, in specie ex Terreo cum Acido plus minus compositæ, operantur, & vel fluida quodammodo incrassando aut coagulando sistunt, vel fibras partium sui additione stringunt & ita angustant, ut alumen, terræ metallicæ cum Acidis, animalium partes calcinatæ plantago, gallæ, Acacia nostras, &c.

Humectant cognata admodum sunt Temperatis; & omnia ea, quæ vel substantiam talem suggerunt, & benè nutriunt, modò assimilantur, talia simul sunt Temperata, & quæ copiosum rorem gelatinosum, aut mucilagi-

laginosum, h. e. chylum suggerunt, adeoque partim nutriendo rorem partium corporis nutritivum conservant, partim temperando acre, à quo fit roridi nutritivi dissolutio, absorptionem ejus præcavendo. Pertinent huc omnia nutrimenta, tam ex regno animali quam vegetabili, temperata omnia, ut passulæ, oryza, amygdalæ dulces, gelatinæ & mucilagines, &c. quæ alcali nutritivo oleo abundanter; item potulenta, cerevisia, &c. lac præ omnibus excellit; vel quæ roris nutritivi absorptionem sistunt, ut blanda Anodina, & quascunque evacuationes inhibentia.

Siccantia sunt iterum vel respectu partium fluidarum vel solidarum. Operantur externè, quatenus substantiam humidam vel roridam corporis nutritivam, vel serosam distributivam in quadam parte velut imbibunt & absorbent, atque Acidum colliquefactivum, v. g. in ulceribus manantibus, corrigunt & destruunt, ut Calcinata omnia, v. g. cornu cervi ustum, æs ustum, tutia, pompholyx, lapis calaminaris, &c. quæ partim humidum imbibunt, partim præcavent roris nutritii colliquationem. Quæ enim internè humorem roridum dicuntur exsiccare, sunt quæ acrimonia sua istam substantiam nutritivam attenuant & colliquefaciunt, ut in serosi liquaminis formam abeant, & hinc, qua data porta excernantur. Talia sunt omnia acria, adeoque calida, item omnia amara; idque eò magis, quò substantiæ roridæ colliquatæ excretionem extra corpus magis stimulant, & qua data via sensibilius evacuant. Purgantia fortiora simul exsiccantia sunt; nec non sudorifera diutius continua, v. g. lapilli cancerum, quæ sub vehiculo seroso succum nutritivum evacuant; item medicamenta lignorum: Diuretica denique, quæ eundem succum per vias urinarias eliminant e corpore. Conferatur, quoad hanc doctrinam Hippocrates Chymicus TACHENII hinc inde, considerando simul Acidum & Alkali tanquam instrumenta naturæ catholica mechanica, quibus tamen spiritus seminalis, insitus & influus, utatur.

Ad ista alterantia pertinent etiam *Febrifuga* dicta, quæ febribus intermittentibus in specie medentur, & operari videntur, quatenus fermentum acidum febrile obtundunt, figunt, alterant & destruunt, & ita paroxysmos tollunt; qualia sunt Alcalia, & his cognata tam volatilia, ut spiritus salis ammoniaci, absinthium, centaurium minus, carduus benedictus; quam fixa, partim terrea, ut antimonium diaphoreticum, mater perlarum calcinata, partim salia lixivialia, ut sal absinthii, &c.

Quinimò pertinent etiam ad ista ea, quæ *Menses pellere* dicuntur, & vel Acidum simpliciter absorbendo, ut Martialia, vel substantia sua volatili sanguini certam fermentativam turgescientiam conciliando, ut volatilia, myrrha, crocus, rosmarinus, spiritus & salia volatilia, &c. operationes suas exercent.

Ad alterantia ista etiam *Vulneraria* pertinent, quæ Acidum præternaturale & vitiosum, mitius quidem in vulneribus, acrius in ulceribus blando suo & temperato alcali delent, & ita consolidationem, remoto acido corruptivo fermento, promovent, sive externè applicentur locis affectis, sive internè propinentur, ut in stomacho, nimio deleto Acido, & chylo certo modo alterato, facillior fiat sanatio, ut canceri fluviales, eorumque lapilli, saturnus plantago, &c.

Porro ad alterantia modò dicta vel maximè etiam pertinent *Aromatica*, quæ odore plus minus fortiaut penetrante, & sapore acri plus minus amaricante, crasin suam in sale volatili oleoso constitutam habent, id quod in eorum oleo destillato, totius crasin integram possidente, patet, ratione cuius cum activa sint, penetrantia, adeoque sanguinis fermentativum motum stimulent, sal volatile oleosum sanguinis, & consequenter bilis, augent, Calida vulgò & sicca constituuntur, ut Galanga, caryophylli, mentha, rosmarinus, castoreum, terebinthina, &c. Ratione hujus salis volatilis oleosi temperant hæc ipsa Aromatica omnem acrimoniam, cruditates viscidas resolvunt, adeoque cruditati acidæ, & inde congestis sordibus in intestinis & stomacho, indeque enatis flatibus, ex Acido in materia viscida oriundis, optimè conducunt, ob id etiam Aromatica omnia stomachica, item Carminantia seu Flatuum discussiva, esse solent.

Nervis porro & cerebro, & inde compositis membranis partibus, quibus Acidum quodcunque inimicissi-

mus esse solet, optimè profunt, quas fovent & recreant, adeoque earum affectionibus specificè succurrunt, ob id *Nervina*, *Cephalica*, ac *Uterina* esse solent Aromatica mensibusque simul movendis dicata.

Quin & cum ipsum sal volatile oleosum aptissimum sit, quod volatilizando & fermentando abeat in spiritus volatiles, suo modo analogos spiritibus nostris vitalibus & animalibus, exinde vis eorum confortativa, ac, ut vulgò vocant, *Cordialis*, proxime emanat; hinc spiritus & aquæ confortantes, aquæ vitæ, aquæ apoplecticæ, &c. ex talibus ordinariò componuntur.

CLASIS III.

D E

Alterantibus respectu Certarum Solidarum Partium Læsarum.

Agendum nunc de *Alterantibus*, non prout in genere contenta corporis morbosa facta in quali respiciunt, nec prout in iisdem effectivè Calorem aut Frigus producant, quæ suprà jam sunt explicata; sed morbosa considerabimus in quali, prout in specie nunc hanc, nunc illam partem affligunt, adeoque ratione læsionis aut nocimenti, solidæ cuidam parti inducti, ubi specialiora quædam corrigentia seligenda veniunt; ratione cujus ejusmodi Alterantia, quæ molesta contenta emendant, suo modo Stomachica, Hepatica, Nervina, &c. vocari possunt; nempe non partis læsæ, sed causæ lædentis, hanc vel illam partem imprimis affligentis respectu, pro cujus medela remediorum selectus quidam instituendus est.

Sunt verò ea tam cruda simplicia, quam præparata imprimis.

STOMACHICA.

Quæ etiam suo modo *Intestinalia* dici possunt: atque hæc duplicis differentiæ, quæ ratione contentorum peccantium ventriculi digestionem læsam, & inde ortas cruditates, vel acidam vel nidorofam, alterant & corrigunt.

Digestio læsa, aut abolita aut imminuta, ut plurimum procedit ex fermento digestivo obruto & mutato à muco crasso seu pituita viscida, in stomacho stibulante; cujus signa, præterea, quæ habet SENNERTUS lib. 3. *Præceos* pag. 128., sunt imprimis ructus acidi, phlogoses faciei, post pastum difficilis respiratio, ita quidem, ut respirationis impedimentum percipiant in præcordiis; tempore matutino copiosum mucum excernunt; post ingestum pastum autem duabus horis percipiunt dolorem gravativum in stomacho. Omnia hæc symptomata sunt, quia succus fermentativus crassus & obrutus minus potest fermentare; quin potius alimenta sub forma liquaminis aut pastæ viscidæ acidæ & flatulentæ in stomacho subsistunt.

Præter digestionem imminutam, etiam est *depravata* quæ nunc *nidorosa*, nunc *acida*: In *cruditate acidæ* ructus sunt acidi, flatulentæ, &c. In *cruditate nidorosæ* ructus instar ovorum frixorum adsunt. In talibus casibus pro cura, & quidem cruditate acidæ, præter vomitoria & purgantia, conveniunt remedia stomachica & intestinalia, acidum corrigentia, quæ aliàs Stomachica calida dicuntur cum ferè sint aromata & aromatica; sicut quæ cruditati nidorosæ opposita sunt, refrigerantia, seu corroborantia frigida dicuntur: hincque locum ferè habent in acutis febribus, cum illa in morbis chronicis imprimis conveniant.

STOMACHICA CALIDA.

In priori igitur classe imprimis conveniunt aromata & aromatica volatilia, quæ suavi odore & grato sapore, plus minus acri vel amaricante prædita sunt; ut sic crasin suam obtineant in sale volatili oleoso, id est, acido volatili, compari alcali volatili saturato, & pinguedini temperatæ sociato quod patet ex eorum oleis destillatis, in quibus crasis omnis concentrata residet. Stomachica hæc plura sunt (pertinent enim hæc & alia cephalica & nervina) selectiora tamen hæc radices, ari, acori veri, gentianæ, tormentillæ, herbæ absinthij, menthæ, baccæ juniperi, lignum

lignum saffraſas, aromatica quælibet propriè dicta, in ſpecie caryophylli, nux moſchata, macis, piper, zingiber, galanga, zedoaria, &c. Omnia hæc ab acida cruditate ventriculo refrigerato oppoſita ſunt: operantur autem ratione ſalis volatilis oleoſi ſalſi in ſuo concreto, temperant & corrigunt acidum fixum ex errore digeſtionis primæ enatum, producuntque hoc ad ſtatum volatilitatis; & viſcidas & glutinoſas cruditates attenuant, incidunt & reſolvunt; in congeſtis & ingeſtis acidis, tam in ventriculo, quàm in teſtiniſ (pituita vitrea dicta) corrigendis, optimè conducunt: dum enim ex hoc acido in ſubjecto viſcido, ordinariæ fermentationis vitio, generantur flatuſ in primis viis, hiſ & ventriculo, & præſertim in teſtiniſ, hoſtilibus, corrigendis ac præcavendis perquam apta ſunt. Hinc reſpectu Flatuum alia, *Carminativa* dicta, addenda ſunt, in teſtiniſ imprimis grata, quæ fermentationem vitiolaſ corrigere, Acidum temperare, & natoſ jam Flatuſ diſcutere ac reſolvere poſſunt; ſuntque nominatim Angelica, Imperatoria, ſemina 4. calida majora, corticeſ citri & aurantiorum, Chamomilla Romana & vulgaris, bæcæ lauri, cinnamomum, caſtoreum myrrha, &c. Hæc dum flatibus reſiſtere obſervantur, in teſtinoſ malis, & inde natiſ ex Acido viſcido flatibus, in ſpecie conferre ſolent. Hiſ ſtomachicis jungenda ſal ammoniacum, Arcanum duplicatum Myſſichtii, quod eſt egregium; cremor tartari cum ſale tartari commiſtus, tartarus vitriolatuſ, & omnia ſalina, propter vim inciviſam, attenuativam, & cruditateſ viſcidarum reſolutivam: quibus denique in Hypochondriacis & Cachecticis Mars & Martialia quælibet ſocianda. De ſingulis igitur, & quidem præcipuiſ, in ſpecie paucis, agendum eſt.

Ari imprimis Radix

In uſu eſt, tam recens, quàm in umbra exſiccata. Recens turgēt particulis volatilibus acerrimiſ, adeoque pungentibus, & quaſi piperiniſ, à quibus in partibus ſolidiſ, propter irritationem moleſtam, phlogofiſ, & rubedo occaſionaliter excitatur: ratione ſalinarum harum virtutum incidit noxiuſ viſciduſ, & aciduſ, tam ſtomachi quàm in teſtinoſ, ut & pulmonuſ, corrigit: mucuſ ſalia hæc detergunt, reſolvunt, hinc Appetituſ proſtratuſ inſigniter excitant, fodiendo & irritando ventriculi parieteſ, quaſi vellicatione ſit, ut fermentuſ aut ſpirituſ fermentativi (voca ut lubet) eò concitatiuſ commoveantur: unde etiam propter hunc appetituſ excitandi uſuſ, dicitur vulgariter *die Zehrwurzel*: *radix digeſtiva*: in morbiſ chroniciſ, & in cruditate acida primarum viarum, eſt multi uſuſ. Mitior tamen recentiſ eſt exſiccata in umbra, quoad extimam quoque ſuperficiem inſipida, ſale volatili nempe in auris evaporante, in medio tamen ſatiſ acris deprehenditur, unde meditulliuſ ejus, pro uſu medico ſatiſ potens, uſurpari ſolet. Recens propter ſuam acrimoniã in minutuſ particulaſ incifa, hauriatur in cochleari cum ſpiritu vini, miruſ quantum appetituſ excitat: plebejuſ quidem hoc, ſed optimuſ ſanè eſt remediuſ. Planta ſeu herba ejus recens concifa, & cum aceto ſubacta, acetarii loco uſurpari poteſt; haud leviter enim ejus acrimonia acido figitur & miteſcit: **HELMONTIUS** *Tractat. Diſpenſat. Modernor.* dicit; aurum mitigari aceto, & celebre eſſe remediuſ in caſu ab alto. Radiciſ ergo, ut dictuſ, exſiccataſ meditulliuſ aperiatuſ; in acri enim ſale volatili omniſ ejus viſ conſiſtit. Hinc male proſtat in officiiniſ radix ejus præparata; viſ enim ejus caſtrata eſt ab aceto. Par ratio ejuſdem ſecule, remediij elumbiſ, & nulliuſ virtutiſ ſpecificæ.

Acoruſ veruſ ſeu calamus aromaticuſ officinarum nunc ſequitur. Ferè nobiſ incognituſ eſt veruſ, aut ſaltem rarior, ita, ut rectè de hoc dicat **MANARDUS** in *Epiftola*, veruſ nobiſ hodiè eſſe incognituſ, cum, qui vulgò nobiſ affertur, radix ſit, non calamuſ, & ad genuſ arundinaceuſ pertinuerit. Loco autem huiuſ ſubſtituere poſſumus acoruſ veruſ, arundinaceam quoque plantam, cujuſ radix ſale volatili oleoſo aromatico non leviter imprægnata eſt, ratione cujuſ corrigendi Cruditati acidæ, & diſcutiendiſ hinc natiſ flatibus, aut iis præcavendiſ, hoc ipſo in teſtiniſ egregiè conſert. De cætero cum aliis Aromaticiſ ferè conſpirat.

Mentha, præprimis Crispa,

Acrior, & particulis aromaticiſ præ aliis ſpeciebus turgentior eſt; ſingulariter dicatur malis, ex cauſa frigida ſeu cruditateſ acidis ortiſ; imprimiſ conſert, removendo & alterando contentaſ ſordeſ, in appetitu promovendo, in digeſtione adjuvanda, item in flatibus diſcutiendiſ, imò etiam ruſtibus, nec non Cholera, vomitu nimio; ſicut etiam in quibuſvis alvi fluxibus, in quibus ventriculuſ vel primariò peccat, vel ſimul afficitur & per conſenſuſ patitur, peculiaris uſuſ eſt. Radix quoque lactiſ proventuſ nimiuſ nonnihil, & coagulationem ejus, in decocto cum aceto internè & externè nunc præcavet, nunc reſolvit; ſicuti etiam Fotuſ ex ejus decocto, aut aqua ſpirituoſa, herniis applicata, in teſtiniſ flatu tumentibuſ conducere ſolet.

Nux Moſchata.

Eſt nucleuſ, in fructu bulboloſo ſui generiſ contentuſ, quem ambit cortex laminuſ tenuiſ, lapidoſuſ, & cingit folioſuſ inſtar, id quod *Macem* vocamuſ: Conveniunt igitur maciſ & nux moſchata in eſſentialibuſ. Nux Moſchata tamen tota quanta, oleo temperato & quaſi coagulato turgēt; Maciſ verò acrior eſt, & pluſ ſaliſ volatiliſ ſalſo-oleoſi continet: Unde Nux Moſchata, ut in morbiſ ſtomachicis ex contentiſ vitioliſ egregia ſit, propter nimiam tamen oleoſitateſ ſuam ſæpiuſ ventriculuſ gravat, ſicque Maciſ meliùſ conveniunt. Sapor iſti vitioloſo temperando, à quo diarrhœa excitari ſolet, communia remedia ſunt nux moſchata & maciſ, hinc ſemper cum aliis remediis in forma cruda, aut olea eoruſ deſtillata, adſumuntur. Maciſ eſt carminativa egregia, & Aciduſ imprimiſ viſciduſ attenuat, flatuſque præcavet. Uſurpantur tam in forma pulveriſ, quàm oleoſuſ deſtillatoſuſ internè guttatim; externè etiam nunc ventriculo illita, nunc umbilico contra tormina & ſtranguriã, quæ, ſi ex acido novellæ cereviſiæ, vel inſuetæ oriatur, pulviſ nucis moſchataſ interno uſu optimuſ eſt; præterea maciſ humoruſ vitiã, reneſ & urinaruſ viã aſſigentia, corrigit; quod manuſteſtuſ, quia odore ſuo imprægnat ipſam urinaſ, adeoque reneſ & veſicã à cauſiſ occaſionalibuſ læſaſ, ſuo modo afficit.

Piper.

Dupliciſ differentiaſ eſt: longuſ & rotunduſ; hocque vel albuſ vel nigruſ. Longuſ potentiuſ eſt; & inter rotunduſ præfertur albuſ nigro. Quando hæc ſucculenta adhuc ſunt, deprehenduntur viridia; Quando matureſcunt, rubra ſunt, & exſiccata denuò nigreſcunt: Si cortex maturè detrahituſ, reſtat albuſ; qui cortex vel ſponte diſcedit, vel aqua ſalſa ante exſiccationem maceratuſ ſeparatur. Albuſ uſui Medico commendatur, pollet ſale acri moderatè oleoſo, ſed verè concentrato; hinc propter olei abſentiaſ velut ſemicauſticuſ evadit; ratione cujuſ acrioriſ & volatiliſ ſaliſ obſervetur, ut pro uſu non adeò exactè teratur: quò magiſ enim pulveriſando teritur, eò majoreſ facit jaſturã particularuſ ſuaruſ activaruſ. Corrigit hinc aciduſ fixiuſ & potentiuſ primarum viarum; hinc cruduſ pulveriſatuſ egregiuſ eſt in Apetitu provocando eoruſ, qui ruſtibuſ acidis vexantur, & ad pathemata hypochondriaca inclinant. Piperiſ grana cruda vel contuſa cum aqua, vel in ſpiritu inflammabili appropriato, manè aſſumuntur, quod in febribuſ intermittentiſ eſt euporiſton plebejoſuſ, præmiſſiſ præmittendiſ non contemnuenduſ: grana enim quindecim ad 20. pulveriſata, in vehiculo ſpirituſ vini ſimpliciſ vel aniſati aliquot horiſ ante paroxyſmuſ aſſumpta; imò continuato uſu Quartanam quoque curat: ſi autem tardiùſ, aut inſtante jam paroxyſmo aſſumantur, & ubi æſtuſ ventriculi cum acrimonia ejus concurrat, graviffimè intenditur ardor: minuſ item eſt adhibenduſ, ubi ſoluſ vel major æſtuſ urget, potiuſ verò ſi algor adefſt, præſertim ſi aliquiſ ſudor expectatur, Novi juvenem 17. annoruſ, qui 70. grana piperiſ leviter contuſa pro una doſi ante paroxyſmuſ aſſumpſit, retinuit, & febris emanſit, utut poſt aliquot dieſ ex hauſtu cereviſiæ ſecundariæ frigidaſ redierit; continuato tamen piperiſ uſu iteruſ ſe curavit. Convenit etiam in viſcido & Acido primarum viarum corrigendo.

Zingiber.

In aepsiis scilicet, quæ post morbos Chronicos plerumque supersunt, convenit, cum ægri plerumque congerant cruditates acidas viscidas. Observat Platerus quendam post quartanam diuturniorem, ex cruditate ortam, aepsiâ gravatum hoc ipso pulvere zinziberis usu diuturniori se merè restituisse: Refert idem, Catholicos post jejunii quadragesimalis tempus cruditates, ex piscium esu collectas, optimè hujus pulveris usu corrigere, & nata inde mala avertere.

De *Gentiana & Tormentilla infra*, ubi de *Diaphoreticis*: de *baccis juniperi* (quorum Rob egregium stomachicum est) *infra*, ubi de *Diureticis*: de *ligno sassafras* itidem, ubi de *Sudoriferis*.

CARMINATIVA.

Flatuum remedia, erant superius enarrata Imperatoria, Angelica & Levisticum, quæ cognata sunt; Acrior verò est Imperatoria; Temperatiora sunt Angelica & Levisticum, oleo temperato imprægnata; De his igitur, ubi de *Diaphoreticis*.

Radix Imperatoriæ.

Egregiè aromatica, oleum acre spirat; imprimis intestinorum torminibus humorosis, ab acido viscido natis & hujus turgescencia genitis flatibus corrigendis, est egregia: cum non ubique reperitur, loco ejus recipi potest radix *olsnicii*, *Delsnusz-Wurtzel*, quæ pulveris forma largiori dosi exhibeatur; propter texturam acrem minus oleosam sanè est egregia. Omnia hæc Aromatica melius conducunt, si in vehiculo spiritus proprii seu spiritus vini assumantur, quia vis particularum eorundem activarum velut nativo hoc menstruo optimè quasi elicitur, ut commodius operari possint.

Semina quatuor calida majora.

Sunt semen *fœniculi*, *anisi*, *cumini*, & *carvi*, quorum vis in sale volatili oleoso quodam blandè temperato consistit: **HELMONTIO** intestinorum solamina dicuntur, quod quasi spasmos & mala dolorosa eorum specificè demulceant, & sic certum est, quod intestinorum malis, ab acido nunc lymphatico nunc viscido enatis, egregiè conducant; hinc etiam contracturas spasmorum blando sensu demulceant, & sic quodvis acidum intestinorum irritans, temperent & corrigant; unde vel simplex Decoctum in vino generoso, vel eorum olea destillata, sunt communia remedia in flatibus & torminibus, herniis, & doloribus intestinorum. Semen cumini in specie convenit doloribus intestinorum; sicut Anisum flatibus; semen carvi præter dictos usus ad lac etiam augmentandum commune, sed non contemnendum, euporiston est.

Citri & Aurantiorum

Substantia cum duplex sit, cortex probè distinguendus est à pulpa acida succulenta; Cortex ad stomachica calida seu à causa frigida, pulpa ad refrigerantia, pertinet, & nidorosæ cruditati conducit: Cortex est sale volatili oleoso insigniter imprægnatus, potestque vel sola expressione elici, & cum saccharo imprægnari: sunt igitur carminativi, hincque ventriculi, cruditate acida laborantis, correctivi. Crasse eorum consistit in oleo aromatico, quod nunc simplici expressione, nunc destillatione, acquiritur: ibi concidantur minutim, facta per linteum expressione succus totus oleosus prolicitus, immediate saccharo excipiendus est, quo evadat oleum seu Eleosaccharum gratissimum: Huic si affundatur spiritus vini, *essentia* citri gratissima itidem habetur: Vino generoso permixtum, vinum Hippocraticum ex tempore suggerit; Vel juxta alios affundatur corticibus minutim incisis spiritus vini, abstrahatur sæpius, digerendo dein cum recentibus aliis, extrahatur essentia, quæ filtrata, & Eleosaccharo citri antedicto imprægnata erit *Elixir citri* perquam gratum & potens pro stomacho & intestinis. Oleum destillatum acrius est, & magis in morbis malignis, quàm in affectibus ventriculi adhibetur: eliciunt alii hoc à corticibus recentibus (ut rectè habet **ZVVELFFERUS**) è quibus post destillationem olei, affusa aqua putrefactis, sal volatile & spiritus urinolus cum oleo denuò elici possunt.

Quod Cortices aurantiorum attinet, eorum oleum acrius

est, & salinis particulis magis impregnatum præ corticibus citri; hinc magis carminativi usus, & Acidi plus minus auferri & viscosi, Flatuum parentis, correctivi; Quare in Colica ex Acido austero, in stranguria ex acido primarum viarum ad vias urinarias delato, destillata olea corticum Aurantiorum & citri sunt elegantissima & egregia remedia. Externè idem oleum cum oleo destillato angelicæ vel anisi sociatum, & umbilico illitum, Colicæ quoque & stranguriæ sic convenit.

Præ cæteris huc facit hoc commune simplex, reverà tamen nobile

Chamomilla

Vulgaris, & præstantior, sed rarior, Chamomilla Romana. Hujus flores & folia egregiè conducunt, corrigendo Acidum austerrimum ventriculi & intestinorum, & hinc natis malis, præsertim dolorosis, tam Cardialgiæ, quàm Colicis convulsivis: vim anodynam simul singularem obtinent; unde fibrarum contracturis blando suo tactu medetur. Certè in quibusvis ventriculi & intestinorum malis sine pari est, modò Decoctum ejus cum aqua communi solitariè, vel additis corticibus citri & aurantiorum, propinetur. In muliere, Colica convulsiva per mensem dies noctesque pertinacissime laborante, frustratis opiatibus & appropriatis, solo hujus in cerevisia decocti repetito usu curatam eandem observavi. Ideò remedium tam externè forma fatus, quàm interne in doloribus post partum, magni semper æstimandum est; quicquid etiam alii de Levistico & Matricaria dicant. Fundit Chamomilla oleum *sapphyrinum* cæruleum, idque per se, ut color neque vasis æneis, neque Venereis, possit adscribi, cum in vitreis æque benè succedat: ejusdem est cum herba cruda usus.

Laurus.

Ejus baccæ & folia coincidunt ferè in vi aromatica cum aliis congeneribus; hinc pariter inter Carminantia numerantur.

Castoreum.

Unicum est in regno animali, quod Acidum austerrimum, primas vias subinde miserè torquens, & flatulentias inde natas, optimè corrigit. Est concretum oleosum aromaticum sui generis, quod in vesiculis castoris membranaceis intra genitalia & anum colligitur; non enim est in hujus testiculis, quia in fœmellis etiam reperitur, & Anatomia Modernorum detexit, quod penitus sint distincti hi folliculi à testiculis. Prodest in Acido, austero imprimis, quod nervis & partibus nervosis est inimicum; cujus texturæ cum sint ventriculus & intestina, hinc in affectibus dolorosis partium harum, item flatuosis, egregiè confert; pariter ac in passione hysterica, suffocatione hypochondriaca, quæ affectus sunt spasmodici, ratione Acidi austri excitati. Præparatur essentia ejus cum spiritu vini probè tartarizato, aut cum Tinctura tartari, ipsa, quæ fluidis omnibus sine præcipitatione commiscibilis est: hinc quando in morbis malignis Acidum nervos irritat, ut in variolis cum epilepsia observatur, unà cum aliis pro dictis nervorum malis est optima. Pro Cardialgia, Colica convulsiva, suffocatione hysterica, &c. specificum est; imprimis eadem Tinctura cum spiritu salis ammoniaci vinoso extrahi potest in usus eosdem, internè & externè.

Pertinet etiam ad hanc Classem.

Sal Ammoniacum.

Nostrum usitatum est artificiale; Veterum nativum fuit Convenit vi incisiva, qua potenter pollet, & simul abstersiva primarum viarum, propinatum à \mathfrak{ss} . ad gr. xv. vel xx. Acido salis marini vel communis, & Urinolo volatili urinæ & fuliginis, constat salsum hoc; unde egregiè incidit, attenuat & resolvit; & sic in aepsiâ aliisque malis, ex fonte primarum viarum natis, potest sociari cum pulveribus aromaticis, e.g. cum oleis eorum destillatis, vel cum pipere, e.g.

24. Salis ammoniaci gr. xv. vel \mathfrak{ss} .

Spec. diatrion piper. vel Cubebar. \mathfrak{ss} .

M. f. pulvis.

Vel cum Conf. rosar. Viriolata f. Bolus.

Pro usu antifebrili, præmisso vomitu, in febribus intermittentibus ante paroxysmum cum dimidio lapillorum cancerorum exhibetur: imò ubi fortiori abstersione opus est, cum pulvere jalappæ; sic suaviter simul & sine torminibus purgat: Potens quoque est diureticum, ac calculi proventum præcavet; in ischuria item à causa quacumque optimum.

Producta

Producta ejus sunt Flores crocei, qui cum limatura Martis vel hæmatite præcipitantur, in febribus intermittentibus optimi. Cum alcali quodam fixo lapido, ut salibus fixis, vel calce viva; aut insipido, ut minio, limatura Martis, &c. imbibito salis marini acido, sui juris fit sal urinosum volatile, ac vel sub forma florum, vel spiritus urinosi, qui alius naturæ est à sale armoniaco: sic cum sulphuris anatica proportionem mixtum, sal armoniacum, hinc addita calce viva, acquiritur spiritus urinosus flavus; sulphur tamen mox in aqua præcipitatur. Spiritus autem hi omnes, vel salino-volatiles flores, ad Diaphoretica pertinent, fortiter penetrant corporis intima quævis, destruunt & corrigunt omne acidum peregrinum abundans, transmutant hoc in salum, & vel per urinam, vel sudorem, alteratum eliminant. Hinc optimum etiam Nephriticum in calculo præservando audit: resolvit potenter massam sanguineam, eam reddit floridam & tenuem, hinc in inflammationibus partium internarum, à congruato sanguine ortis, egregium est remedium: febrifugum insuper est, hinc D. M. I. CHAELIS spiritum ejus vocavit antiquarium; ubique enim per sudorem operatur: in suffocatione hysterica, colica, &c. internè cum essentia castorei mistus, aut in mensium defectu cum essentia myrrhæ, optimus est, Externè verò naribus obstructis admotus optimum resolvens est. GLAUBERUS hinc instrumento singulari languentes vel deficientes menses excitavit, pudendis hunc applicando. In scorbuticis affectibus cum spiritibus appropriatis mistus, in specie Tinctura tartari acris; aut in malo hypochondriaco Elixir proprietatis cum hoc paratum, proficua sunt: externè item spiritus hic antipodagricum est insignis, cum spiritu vini camphorato mistus: cum terra foliata tartari mistus, ac limaturæ Martis affusus, si essentia extrahatur, optimus est in morbis chronicis quibusvis. Spiritus quoque salis ammoniaci acidus, & quidem non, nisi magno labore, præparatur ex capite mortuo ejus, estque concentratior, quam spiritus salis communis, præ quo tamen ferè nullam habet prærogativam, nisi quod in auro solvendo præferatur.

Tartarus Vitriolatus.

Constat ex alcali fixo, cum acido Vitrioli saturato. Optimum præparandi modum habet TACHENIUS in *Clave Medic. Hippocraticæ*; ab it sic in sal salum amaricans, egregium pro affectibus ventriculi & intestinorum, insigniter abstergit & temperat falso sapore, vi nonnihil laxativa & diuretica; hinc in morbis chronicis remedium meritò est laudandum.

Ex hætenus dictis & similibus facillè composita selecta fieri possunt. Pro vehiculo autem horum sufficiat aqua menthæ; hinc in *digestione lasa* spiritus mastichis benè rectificatus est egregius, mistus cum spiritu menthæ. Elixir etiam proprietatis maxime conducit, mistum cum spiritu cochleariæ, uti & spiritus carminativus de tribus, Chocolata Inda: pulchre etiam hic conveniunt species dia-galangæ, stomachicæ *Mynsicht*, &c. quæ si misceantur cum salinis, non sunt inellegantes. Loco pulverum aromaticorum, & aliorum mille stomachicorum, sufficit verb. gr. sal ammoniacum cum pulvere piperis; vel fiat alius in pluribus casibus egregius, ex *piperis*, *radicis ari* an. p. iij. & *Extr. torment.* p. j. æqualis compositionibus aliorum multiformibus. Huc pertinet Elixir stomachale D. MICHAELIS; vel aliud egregium ex herba menthæ, & 4. seminibus calidis majoribus, cum spiritu menthæ extractis, paretur, cui addi potest eleosaccharum citri. Vel

℞. Elix. menthæ ℥j.

Spiritus Vitrioli Philosoph. ℥ij M.

Dosis gutt. 40 vel 50.

Item præscribatur talis formula:

℞. Elix. stomachal. D. Mich. ℥ij.

Spiritus mastich.

cochlear. an. ℥j.

M. D. S.

Elixir. stomachale à 30. usque ad 40. guttas bis in die.

Vel

℞. Spiritus carminat. ℥ij.

Ess. absinth.

Menth. an. ℥j.

M. D. S.

Essentia pro stomacho.

Interdum etiam fiunt vina medicata ex aromaticis, verb. gr. absinthio, mentha, radice gentianæ & acori veri; quibus de mace, vel zinzibere aliquid potest addi.

Errmuller. Oper. Tom. I.

In *apepsia* senum medicamenta ambrata sunt optima, vel in forma sicca aut liquida usurpata.

Quoad *cruditatem acidam* in specie, conveniunt in hæc, præter aromatica volatilia, stomachica calida dicta, hætenus recensita, absinthium, & omnia ex ipso parata, ut vinum absinthites, essentia, &c. spiritus & essentia menthæ; aut cochlearim, quando hæc essentia sunt debiles, dando cochlear parvum pro una vice; aut guttatim, quando sunt spirituosæ: item aqua vitæ Matthioli, spiritus antiscorbuticus, essentia ligni sassafras cinnamomifata, & similia, quæ acorem temperant; item spiritus carminativus. Electuarii loco sufficiat radix zingiberis in India condita:

Vel

℞. Rob. baccarum juniperi: imprægnetur pulvere zingiberis aut macis, addito paucis saccharo, ad imitationem Paracelsi in stomachicis perquam conveniens.

Sin acidum nimium, conveniunt salia alcalia, quæ acidum absorbent, ut sal absinthii, cardui benedicti, tartari, lapilli cancerorum, cretæ, corallia, C. C. ustum, spiritus cornu cervi, spiritus salis ammoniaci, & similia alcalia volatilia.

Pro usu externo Emplastrum ex *tacamah.* p. iij. cum *balsami Peruv.* p. j., malaxat. cum oleo quodam destillato, v. g. *baccarum juniperi*, *macis*, *caryophyllorum*, &c. pro ventriculi aut umbilici regionibus, in malis dolorosis & frigidis efficax est; sicut *Balsamus stomachalis TIMÆI Von GuldenKlee*, cujus descriptio hæc:

℞. Bals. Peruv. ℥ss.

Olei expr. nuc. mosch. ℥ij.

destillat. ligni rhod. gutt. ix.

caryoph. gutt. v.

cinnam. gutt. iij.

Misc. pro Balsamo, D. S.

Externus Balsamus pro stomacho.

Qui competit, quando ægri sentiunt frigus in stomacho. Loco hujus Balsami oleum nucis moschatæ expressum cum oleo destillato corticum aurantium, & macis mistum, constituit Balsamum æquè præstans, ac aliorum compositiones: Vel

℞. Theriac.

Bals. Peruv. an. p. æqu.

Misc. cum oleo aliquo destillato.

NB: Quando hujusmodi Balsamis inungitur ventriculus, tunc post inunctionem tegatur ventriculus linteaminis, aut lapide calido, calefactis; & hoc observetur in omnibus externis applicandis, & est HELMONTII modus.

Flatus per similia stomachi calida, quæ fermentationem vitiosam corrigere, acidum temperare, & natos jam Flatus discutere ac resolvere possunt, curari, supra dictum unde eminent femina 4. calida majora, quæ infusa in vinum leniter ebulliant, & ita vinum colatum assumptum: contra flatus optime prodest: radix beleenii egregium est, decocta cum absinthio & cortic. aurantium in vino vel aqua quadam appropriata; vel ex his parata Essentia cum spiritu menthæ. FORESTUS in stomachi inflatione, & dolore ejus intolerabili ex esu ciborum flatulentorum & potu multo tale habet experimentum: decoxit chamomillam Romanam & vulgarem minutim concisam, adjecto paucis semine anisi & carvi, in cerevisia; hoc decoctum cum bibisset, copiosus flatus per superiora & inferiora æger emisit, & ita integrè curatus fuit. Huc etiam angelica & zedoaria pertinet. Conveniunt aliàs optime ex carminantibus supra dictis destillata olea, item spiritus anisi, & ex salinis volatilibus oleosis simplicibus carminantibus parata misturæ: v. g.

℞. Aquæ menthæ,

fœnic. an. ℥ss.

carminat. usi. ℥j.

Spiritus anisi,

Ess. cort. aurant. an. ℥ij.

Olei destillat. macis gutt. v.

Syr. cort. aurant. ℥vi.

M. f. Porio cochlearim haurienda.

Porro ex castoreo & ala fetida parata remedia, itè ex mirra atq; ex Theriaca contra flatus sunt egregia: reliquis tamè præferuntur spirit. nitr. acidus licet, & nitrata figendo erumpentes spiritus flatuosos, & impediendo fermentationis & effervescentiæ motum, imprimis spir. nitr. per spiritum vini, aut loco ejus cum spanisi vel chamomillæ per fermentationem dulci-

ficatus & temperatus, nobisque sic magis appropriatus redditus; spiritus quoque carminativus ex nitro & tartaro per retortam tubulatam in receptaculum, cui debita quantitas spiritus vini infusa, destillatus, & omnis spiritus tartari volatilis, egregii sunt contra flatus. Sit adhuc alia formula:

*℞. Aquæ flor. chamomill. ℥ss.
Anisi an. ℥ii.
Cinnam. ℥j.
Spiritus zedoar. ℥ss.
Nitrum dulc. ℥ij.
Olei destillat. anisi gutt. vi.
Laud. opiat. gr. ij.
Syr. rad. enulæ ℥j.
M. f. Potio.*

Haurienda cochleatim in colica flatulenta.

In nimia & contumacissima mucilagine optimus est spiritus asthmaticus, vel solus vel mistus, utinam

*℞. Elix. stomachic. D. Michael. ℥j.
Spiritus astmat. ℥ss. vel ℥ij. M.*

Dosis guttæ xx. vel xxx. est egregium optimum quere-medium

Externè conducit oleum succini, tanquam efficacissimum sedans flatus:

STOMACHICA FRIGIDA.

Stomachica Frigida, & Cruditati nidorosæ cum symptomatibus inde natis opposita, ferè in morbis acutis, cum febribus, conjunctis, contra æstum eorum & sitim insuper, plus minus locum habent. Sunt verò hæc acida blanda plus minus, ex regno tam vegetabili quam minerali. Cruditas ergo nidorosa, quæ acidæ opponitur, est ingestorum alimentorum in ventriculo ex defectu fermenti digestivi corruptela putredinosa, plus minus inchoata, plus minus perfecta. Nam sicut ingesta alterantur à fermento, & ab omni putrefactione præservantur; sic si in ventriculo, tanquam in subiecto calido & humido, spontè ad putredinem tendant, fatiscente concreto acido nunc in insipidum dulce, nunc ex dulci amarescens, pro corruptarum rerum varietate, degenerant; in specie & præsertim in febribus continuis, in quibus ingesta pleraque, præsertim carnosa, defectu fermenti digestivi, cruditatem nidorosam incurrunt; unde sitis & æstus, si non intenditur, saltem stomachi symptomata multum aggravantur: utut enim totum corpus incalcescat, circa tamen præcordia ægri de æstu interno, imprimis molesto, conqueruntur, qui ratione spirituum & sanguinis stomacho præternaturalis. Hæc molestiæ in cruditate nidorosa intenduntur, ut inde ægri se pessime habeant. Quibus malis igitur ut medeamur, occurrunt stomachica, in quibus, præmissis universalibus, acida stomachum Refrigerantia dicta, excellunt, imprimis vegetabilium, ut succus cydoniorum, eorumque syrupus, succus berberum, ribium, citri, rubi idæi, granatorum acidorum, &c. & his alii compares; item spiritus maltichis acidus; ex mineralibus verò nitrum, & quælibet nitrata, hinc spiritus salis, vitrioli, sulphuris; &c. & cum his præparatum Elixir proprietatis, arcanum duplicatum, & similia.

Quoad acida vegetabilium, in horum succis distinguenda sunt binæ substantiæ.

1. Liquor continens, insigniter acidus.

2. Contentum terreum, insigniter uninosum.

Quæ duo sibi relicta, fermentando tam potus vinosos, quam ritè parata succum nobis suppetunt pure acidum, contra cruditates nidorosas ejusque symptomata egregium, qui cum sit adeo acidus & veluti concentratus, ut nequeat contentis corporis nostri sine horum vel coagulatione, vel acidi volatilis fixatione, assimilari, effectum refrigerantem post se relinquit. Condiuntur hi succi cum sulphure, ut dicit HELMONTIUS: modum tamen reticuit. Sincerior fuit in hoc CNOFFELIUS *Tract. eleganti de methodo medendi Febres Epidemicas*, quæcum ita proposuit: *Capiatur lagena seu vas, cui succus infundi debet, & fumo sulphuris incensi probe imprægnetur, hinc confertim succus acidus infundatur, relicto aliquo spatio vacuo, agitentur probe, ut se invicem penetrant; hinc vacuum spatium denuò fumo tedæ sulphuris accensæ impleatur, & vassa duplicata vel triplicata optime firmentur; sic post tempus aliquod contentum faculentum observatur, succus purissimus acidus in superficie innatus separandus filtro, & pro asservatione ulteriori sulphuris fumo de novo candiendus est, & imprægnandus. Succus hi egregii s. in dictis ventriculi mor-*

bis, & optima constituunt Juleporum ingredientia;

℞. igitur aquæ simpl. ℥ss. ad ℥ij.

*mi ceatur cum
succ. cerasor. vel cydonior. ℥ij. ad ℥ij.*

*Syrup. flor. papav. errat. parum,
f. Julepus gratissimi saporis.*

Conveniunt quoque acida hæc in genere in morbis dictis, subinde tamen eorum selectus aliquis habendus quoque est; si enim in cruditate nidorosa, vel cum febre acuta conjuncta, addit fluor alvi, convenit succus cydoniorum, qui totum ventriculi & intestinorum egregie firmat & roborat; ubi autem vis corroborativa intenditur, sumatur succus rubi idæi, qui, nescio quale, aroma spirat, & reverà analepticus est; si malignitatis suspicio adest, succus citri usurpabitur; ubi autem simplex tantummodo operatio requiritur, succi cerasorum nigrorum vel ribium assumantur.

Dictum autem non sine causa, separationem contenti à continente instituendam esse; si enim duo hæc promiscue ingerantur, ut in succis saccharo conditis, vel oleo communi olivarum, &c. superfusis, & sic asservatis, ea sui fermentatione non leves sæpè turbas circa primas vias excitant; id quod etiam de syrupis paratis ex his succis recentibus cum saccharo intelligendum, quorum dosis major nocentissima subinde est; propter fermentationem & alterationem, quam vel ipsi subeunt, vel propter noxam, quam inde corporis contentis affricant; quæ omnia ruptio vasorum inde orta confirmat.

His potentiora sunt acida mineralia, insigniter figentia, & contenta corporis non parum coagulantia. Plura equidem sunt; certus tamen quoque horum selectus est instituendus. Præcæteris ventriculo gratissimus est spiritus salis; unde ubi magis ventriculo succurrere, aut usum diureticum intendere volumus, salis spiritus aut simplex, aut concentratus magis, spiritus vitrioli Philosophicus aliàs dictus, convenit; si effervescentiam febilem compescere velimus, spiritus vitrioli feligatur; si notabili simul diaphoreses effectu opus sit, spiritus tartari sumatur, cujus mira vis in acutis diaphoretica, & quoad usum Practicum non leviter differt à spiritu vitrioli; quod si æstus intendatur, seu usus figendi acidum volatile oleosum, spiritus nitri, & quælibet nitrata, imprimis nitrum antimoniatum, conveniunt. Monendum autem, rarò his ipsis mineralium acidis puris utendum esse, quia nimis sunt graduata seu alterativa; melius igitur est, si dulcificentur, & sic suo modo temperentur per spiritum vini. Nempe universalis est cautela in Praxi, ut temperatis, quantum possibile, utamur, cum omnia in corpore nostro sint temperata; his enim intemperatè usurpatis mutatio oritur insignis, ut facile ab uno extremo ad alterum excessus fieri possit: utendum igitur iisdem probè cum aqueo vehiculo dilutis, aut cum spiritu vini dulcificatis: quibus etiam certo modo annumerandum Elixir proprietatis. Pertinent ad hæc, præter nitrum antimoniatum, etiam arcanum duplicatum, egregie salsum remedium, ex acido vitrioli & alcalisato nitro, quæ invicem coeunt sub destillatione spiritus nitri in salsum tertium, prosapiæ nec expresse vitriolicæ, nec nitrosæ, sed concretum sui generis salsum est, quod in acutis morbis, vel cruditatibus nidorosis corrigendis, hincque dependentibus symptomatibus mitigandis, est egregium. Observatur aliàs, quod etiam verum est, idem etiam ægros agrypnos ad somnum disponere; suspicio hinc oritur, annon nitrum alcalisatum sub ignis tortura egerit in sulphur vitrioli, & ejus aliquantulum sibi associaverit, indeque vis anodyna & sudorifera emanarit? quod pro ulteriori scrutinio relinquendum.

Stomachica hætenus dicta, tam calida quam frigida, succis etiam, bilioso & pancreatico, vitiosè constitutis corrigendis inserviunt. Nam ab his succis vitiosis vitiosè separatur à fecibus alvinis chylus; qui ab eorum vitio, imprimis à bile, inquinatus & depravatus, similiter massam sanguineam, & tandem totum corpus, inficiet & inquinabit. Jam verò, dum vitiosi hi succi vitiosè concurrunt, ac vitiosas effervescentias, aut inter se mutuo, aut etiam cum chylo, imprimis si hic nimis acidus, nec ritè volatilifatus fuerit, ut in hypochondriacis contingit, inducunt, varia symptomata abdominis, v. g. phlogoses & excandescentiæ, oriuntur, ubi bilis nimis vitiosa & vitiosa fuerit; dolores, algores seu frigus in lumbis, lancinationes & rofiones abdominis, dolores propè spinam dorsii, ubi succus pancreaticus aut nimis acidus, aut nimis auferus, aut nimis aquosus, aut alio modo vitiosus fuerit:

rit: imò ex vitiosa ista effervescencia orti flatus, rugitus, murmura, ructus, borborygmos, & similia quamplurima abdominis symptomata inducunt; qualia v.g. in hypochondriacis, item in diarrhoeis, &c. sunt obvia: similiter cachexiae, icteri cujuscunq; species, si non ex stomacho, quod rarius fit, ut plurimum ex vitiosis his duobus succis, vitiosam cum chylo effervescenciam, & praternaturalem faecum separationem constituentibus, radicaliter oriuntur. Dum enim in iracundis, in territis, &c. varia abdominis symptomata, dolores, aestuationes, diarrhoeae & similia symptomata contingere solent, oriri hæc ipsa videntur ex vitiosa effervescencia horum duorum succorum, per animi motus, indeque sanguinis vitiosa fermentatione, praternaturaliter constitutorum, & vitiosæ ex suis ductibus dejectorum.

Ut ergo coerceantur hæc symptomata, & rectificentur vitiosæ hæ effervescencie, imprimis attendendum est, quinam horum succorum primario peccet? Ubi enim vitium est in bile, vel deficiente, ibi propinanda salia volatilia, v.g. spiritus salis ammoniaci, C.C., salia volatilia, item aromatica, essentia absinthii, centaurii minoris, & similia: ubi vero vitium est in bile nimis acri & salina, aut nimis oleosa, aut nimis copiosa, tunc conveniunt acida blanda, verb. gr. spiritus vitrioli, salis, nitri dulces, &c. hi ipsi enim bilem præcipitant aut corrigunt; aut succi vegetabilium, citri, ribium, &c.

Ubi vitium est in succo pancreatico, vel minus sapido, aut non acido, vel debili aut pauco, tunc subtilia acida, ut spiritus nitri dulcis, succus cydoniorum & similia conducunt: ubi vero, quod frequentius accidit, vitium est in eodem succo, aut nimis acido, aut nimis copioso, aut nimis austero, tunc conveniunt vel aromatica seu volatilia oleosa, vel conveniunt alcalia & terrea, quæ acidum istud absorbent & præcipitant, verb. gr. castoreum, galanga, zedoaria, spiritus salis ammoniaci, olea aromatum destillata, macis, caryophyllorum, spiritus vini & similia; item salia fixa, centaurii minoris, absinthii, tartari; salia volatilia urinæ, C.C.; item creta, corallia, lapilli cancerorum, antimonium diaphoreticum, &c.

Verum cum sæpius tam complicata symptomatum sit syndrome, & etiam tam singularia horum succorum vitia & corruptiones, ut vix artificiosa conjectura Medicus cognoscere possit, quodnam primarium vitium? ob id talia, quæ in genere hos succos vitiatos, eorumque vitiosas fermentationes corrigere valent, & quæ universaliter ferè horum vitia corrigunt, in promptu esse debent, qualia sunt salsa temperata, arcanum duplicatum *Minschti*, spiritus carminativus; item spiritus anticolicus, seu spiritus nitri dulcis cum duplo aut triplo spiritus anisi junctus, & in specie opiata: nam hæc opiata quascunque vitiosas effervescencias, ac praternaturalem eorum statum, feliciter sistunt & tollunt, imprimis si appropriatis permista fuerint. Imprimis conducunt hic mixturæ ad imitationem SYLVII conscriptæ, v.g.

℞. Aquæ menthæ,
cherefol.

carminat. an. ℥i.
cinnam. ℥vi.

Aceti rutæ vel destillati ℥i.

Lapill. cancer. præp. ℥i.

Antimonii diaphor. ℥i.

Laud. op. gr. iii.

Syr. sceloryb. Fer. ℥vi.

M. D. S.

Mixtura bene circumagitanda.

Dosis cochlear. aliquot subinde hausta.

Vel

℞. Aquæ Endiv.
menthæ

card. bened. an. ℥i.

Aceti destillati ℥vi.

Lapill. cancer. præp. ℥℥.

Antimonii diaphor. gr. xv.

Spiritus nitri dulc. ℥i.

Syr. cors. aurant. ℥℥. vel ℥vi. M.

Usurpetur cochleatim.

Convenit etiam in talibus casibus mixtura simplex,
v.g.

℞. Aquæ menthæ,
fumar.

hyssopi an. ℥i.

Mixt. simpl. ℥i.

Laud. opiat. gr. iii.

Syr. sceloryb. Fer. ℥i.

Estmulleri Oper. Tom. I.

Mis. pro aliquot dosibus, S.
Mixtura bene circumagitanda.

Item.

℞. Aquæ menthæ,

Antiscorb. compos. Dorner. an. ℥i℥.

Tincturæ Bezoard. ℥i.

Lapill. cancer. præp. ℥℥.

Antimonii diaphor. gr. xv.

Laud. opiat. gr. iv.

Succi cydonior.

Syr. acetos. citri an. ℥℥. M.

Hæ mixturæ conveniunt in dubio statu, quando nescimus, quinam succorum peccet.

APERIENTIA.

Offerunt se jam alterantia, quæ aliàs mesenterio, hepatis, lienique dicata sunt, & imprimis horum viscerum obstructions aperire, & inde natos chronicos morbos curare dicuntur. Latissimus hic campus aperientium, abstergentium, & viscera referantium remedium se offert; qui succrevit ex falsa hypotesi, quod morbi chronici, febres intermittentes, hydropes, cachexiæ, icteri, hypochondriaci affectus, scorbutus, &c. oriantur simpliciter ex obstructione mesenterii vasorum, vel si gravius sit malum, ex obstructionibus hepatis aut lienis prorsus fiat. Hinc apud multos antiquiores, imò modernos etiam Practicos, magna observantur tentamina; falsum tamen id est, de quibus in *Pathologicis* c. 2. ubi de morbis conformationis, monui, eos non oriri ab obstructionibus, aut si hæc adsint, subinde eas non esse causam, sed aut productum morbosum superveniens, aut accidens, quod morbum quasi aggravat, occasionem tamen & fomitem morbo non suggerere. Oriuntur enim simpliciter à viscido, glutinoso seu pituitoso tartareo; (vocet quis ut lubet) sic enim vel canales obturans, vel orificiola oblinens & infarciens, obstructions rariores, easque nec adeo frequentes, excitat. Hinc aperientia vulgò dicta simpliciter erunt Attenuantia, Resolventia, & omnia jam supra enarrata; verbo; remedia illa ratione particularum salinarum operativa, quæ particulis rigidis, penetrantibus, parvorum gladiolorum aut cuneorum instar fodiantibus, & viscida firmiter coherencia discerpentibus, constant; adeoque interdum obstructionum aperitiva præsentanea sunt. Salia & salina hæc nunc sunt *macra* seu *acria*, nunc *oleosa* seu plus minus temperata: Illa sunt vel salsa, ut tartarus vitriolatus, sal ammoniacum, vel acida; ut spiritus salis; vel urinosa, ut sal volatile C. C.: Temperata, seu plus minus oleosa, sunt omnia aromatica, & quò magis sunt vel macra vel acria (adeoque vulgò dicta calida,) eò magis aperitiva, & glutinosi incisiva. Hinc gummata, & piper, sinapi, arum, centaurium minus, nec non purgantia quævis, præsertim acriora, simul sunt attenuantia & aperitiva, de quibus partim dictum, partim *infra* pluribus de morbis conformationis dicetur. Hoc loco quædam adhuc de gummatis dicenda.

Hæc autem sunt vel resinosa, vel mucilaginosæ: Illa sunt ferulacea imprimis, ut gummi ammoniacum, galbanum, lagapenum, opopanax; Hæc verò gummi Arabicum, cerasorum, vel quæ ex arboribus nostris destillant. Resinosa imprimis sunt aperitiva, & constant duplici substantia; corticali quasi & medullari: Illa est simplex mucilago; hæc resina acris, plus minus amara & penetrativa. Separantur facillè simplici, post solutionem in aqua communi, mediante blando igne digestionem: vid. ANGELUS SALA in *Preparat. Essentiar. vegetabilium*. Gummatum mucilaginosorum substantia est temperata, lenit aspera, temperat acria, & est pro scopo aperitivo & incisivo penitus inefficax; quin eodem modo ac gummi Arabicum pro temperando acido, pro oblinendis faucibus, & promovenda expectoratione, usurpari potest; contra resinosa acria potenter sunt incisiva, attenuantia, & glutinosi muci dissolutiva, cujus ratione præsertim gummi ammoniacum, galbanum, &c. interno usu in morbis chronicis egregia sunt, pro viscido corrigendo & dissolvendo. Potest hæc gummi ammoniaci & aliorum substantia seorsim haberi & extrahi mediante spiritu vini tartarifato, seu Tinctura tartari acris, pro Tinctura insigniter aperitiva: unde quidam *Elixir cachecticum* parant ex gummi ammoniaco, aloe, myrrha, croco, colocynthide, &c. quod ritè paratum egregium est in cachexiis. Potest enim

gummi ammoniacum simpliciter usurpari in substantia, dissolutum in menstruo aqueo acidulo cum vino vel aceto. In usum internum vocare soleo potionem, cujus basis est gummi ammoniacum, laxat sic quippe, & viscida in primis viis herentia educit; sed nauseosi saporis est: scilicet

℞. Aquæ menthæ ℥i.

Gum ammoniaci in aceto sol. ℥i. ad ℥i.

Tartari vitriolat. vel sal ammoniac. gr. viii. ad ℥ss.

Scamm. præpar. gr. iii.

Extr. troch. alband. gr. i.

Syr. qualemunque pro lubitu, M.

Mistura est egregia & satis efficax pro viscidis, acidis & glutinosis, præsertim pertinacibus, ex cruditate primarum viarum, inde ortis flatibus incarceratis; sicut pro eodem scopo gum. ammoniacum in pectoris affectibus egregium est, ubi opus est eliminare e pulmonibus cruditates viscidas, ac difficultatem respirandi sublevare à ℥ss. ad ℥i. laxat simul, & viscidum sensibilibiter evacuat.

Dum autem supra in Pathologicis l. a. hypothesis illa, quæ ab obstructionibus mesenterii, lienis & hepatis, morbos chronicos derivat, à me rejecta, horumque origo ex triplici vitio, digestionis primæ, vitio bilis, & acido viscido derivata fuerit, horum cura jam brevibus subjungenda. Ratione prioris ad corrigendum acidum, in usu sunt acidum absorbentia, inter quæ eminent Mars, morborum chronicorum potentissimus debellator, malè aperiivus dictus, quia semper operatur absorbendo acidum; post hunc saturnina; hinc alia absorbentia, nunc terrea, nunc calicina, quæ acidum quodvis primarum viarum absorbent. Præter hæc autem semper unà observanda ea veniunt, quæ acidum specifici saporis corrigunt; verb. gr. dum absinthium, carduus benedictus, centaureum minus, &c. corrigunt acidum tertianæ febris specificum; folia & radix asari, radix gentianæ, cortex Peruvianus, China Chinæ dictus, quartanæ acidum specificum; chelidonium majus, taraxacon, lapides ex cystide fellea vel ventriculis animalium desumpti; in ictero acidum bilis specificum; vel salia volatilia acia in cochlearia, raphano rusticano, nasturtio, &c. specificum acidum scorbuti sapore emendant. Hæc, ultra ista generalia, in specie observanda sunt, non ut aperiencia, sed acidi peccantis specifici correctiva. Ratione posterioris, quæ vitia bilis emendant, aperiencia, sunt omnia Hepatica dicta & amara, plus minus aromatica, amaricantia plus minus acia, ad vitia bilis vim suam extendentia. Ratione tertii, viscidis, omnia gummata, alias aperiencia seu incipientia dicta, conducunt, de quibus jam jam supra dictum.

Ex his autem pro scopo nostro in Therapeutica generali considerabimus saltem in genere aperiencia dicta, acidum primarum viarum absorbentia.

(1) Hypochondriaca.

(2) Hepatica,

& tandem

(3) Scorbutica.

HYPOCHONDRIACA.

Hypochondriaca igitur, seu quæ in hypochondriis vasa mesaraica referare, aut tartarum dissolvere dicuntur, sunt mars, saturnus, corallia, tandem canerina in forma sicca, & his cognata marina, & alia alcalia, acidorum in genere absorbentia; & præter eorum usum, volatilia, imprimis tartarea, tam spiritus tartari simplex quam compositus clystiformis, carminativus, sunt egregia.

Mars.

Horum antesignanus est, & tam aperiendo, quam absorbendo operatur, estque concretum terreum, utut de sulphure acido & Mercurio urinoso primario participet. Dominatur tamen in eo substantia terrea, quorumcunque acidorum absorptiva, cujus ratione mars in suo concreto simpliciter adstringit & stypticus est; per se enim semper adstringit, per accidens autem absorbendo acidum primarum viarum, aperire dicitur. Nempe quando observatur acidum peccans circa primas vias, occasione hujus fibræ membranarum irritata stringunt se, indeque ægri, quasi cincta essent hypochondria, sensum talis angustiae percipiunt; dum acidum hoc absorbet mars, laxantur fibræ; tonus partium debitus redit, & quasi apertio facta esse videtur ægris: unde cum plerumque tales ægri sint adstrictioris alvi, usu horum laxantur, & excrementa fluidiora atque facilius excretionis observantur,

item cum sexus sequior hisce malis affectus sæpius mensum defectum patitur, Mars acidum coagulans absorbens, fermentationem debitam restituit sanguini, & sic venæ uteri ac menstrua vasa denuo referantur & fluunt debito modo, hinc ex phænomenis istis Mars aperire dicitur. Pro acidi igitur, quod absorbet, varietate, ejusdemque pro partium vel solidarum vel fluidarum contentarum diversitate, varii sunt Martis effectus, ut nunc aperire, nunc obstruere, dicatur: verb. gr. tinctura vitrioli Martis ZV Velfferi in tenerioribus mensibus reterat; qua tamen in nimio quoque mensium fluxu feliciter usus fuit: in robustioribus item liquor terræ Martis solaris potenter movet menses; quo tamen etiam in idem usus fuit pro iisdem sistendis in aliis subjectis. Nempe prout acidum variat, & massam sanguineam magis minusque affligit, ejusque crasin viciando, & ad spissitudinem disponendo, vel prout venas uterinas plus minus rodendo afficit, inde diversi effectus supervenire vocantur.

Ex hoc solo puncto, quod Mars (1) per se adstringat, & (2) acidum primarum viarum, fibras stringens, absorbeat, omne id, quod in morbis chronicis exferit, simpliciter ei adscribendum & à modo absorbendi derivandum venit. Ostendunt hoc acidulæ ex Martialibus paratæ, quæ ratione acidi, reverà nonnihil volatilis spirituosi, incidunt & aperiunt, ratione Martis verò fixioris acidum primarum viarum absorbent & corrigunt.

Quoad Martialium ulum, & Præparata ejus pro malis chronicis ritè adhibenda, ad hæc attendendum:

(1) Ne nimis saturentur ab acidis extra corpus: isto enim fit, ut eadem minus intra corpus absorbere valeant, & hinc inde in ventriculo & intestinis hærendo, instar calcis mortuæ jaceant.

(2) Habeatur ratio texturæ ventriculi in ægro, quæ nunc sensibillior & magis delicata, nunc firmior, robustior, & minus sensibilis est.

In illis ex subtili fibrarum textura minus in substantia, sed potius, quantum possibile, in minima sui redacta propinentur; In his verò, ubi fibræ densiores, robustiores aut duriores quasi sunt, etiam in consistentia paulò crassiori propinari possunt. In prioribus enim subtilibus, non raro à Martialibus vitriolicis durioribus, dolores, tumores ventriculi gravativi, aephiæ, cardialgiæ, &c. supervenire solent; in posterioribus verò post eorum usum nullum tale est periculum.

Quoad Præparata, pro aperiendi scopo, h. e. absorbendis acidis, si forma liquida (quam semper præfero) placeat, ex pluribus Essentiis, Tincturis, Solutionibus, &c. sufficiat liquor Martis solaris; tanquam vitriolum Martis purius, cum aliquali motu corporis, debita dosi sumendus; aut tinctura seu Essentia Martis, cum succo pomorum Bosfordianorum præparata, exhalante phlegmate ex parte, ne situm contrahat, aut facile corrumpi possit; aut in tenerioribus tinctura vitrioli Martis ZV Velfferi, cum magis tartarea, quam Martialis sit; vel fiat *syrupus Martialis tartarificatus*.

℞. Limatur. Martis ℥i.

Tartari ℥ss. ad ℥iii.

Affundatur aqua copiosa, coquantur invicem continuo per 12. vel ultra horas, & acquiritur sic solutio nigricans spissa, instar syrupi, pro usu dicto asservanda.

Aut fiat *Tinctura Martis tartarificata*, ex vitriolo Martis & cremore tartari, ad modum LUDOVICI in M. A. N. C. Ann. 3. Observat. 250. pag. 454. & Pharmac. pag. 328. Vitriolum Martis & cremor tartari trita, affusione aquæ simplicis coquantur ad mellis consistentiam, quæ si refrigerant, in lapideam quasi consistentiam facile pulverisabilem abeunt: antequam verò refrigerando abeant in consistentiam duram, spiritus vini affundatur, & calore blando eliciatur & solvatur istud concretum in consistentiam Essentiæ Martialis, quam præfert LUDOVICI ZV Velfferi Tincturæ Vitrioli Martis, quæ Tinctura Martis tartarea à ℥ss. ad ℥i. potest adhiberi in quibuscumque morbis chronicis, tartareis remediis opus habentibus.

In solida autem forma pro robustioribus limatura exactè pulverisata, & trita in porphyride, irrorata cum oleo destillato appropriato, ne facile alterari, & ab humiditate aeris possit tam citò in rubiginem converti. Aut fiat *sal Martis compositum*:

℞. Terræ fol. tartari p. ii.

Vitrioli Martis p. i.

Probè

Probè invicem terantur: sub tritura rubescunt, & simul li-
quescent, exsiccentur inde in loco calido, & denuò pulveri-
sentur, habetur pulvis rubicundus egregii usus.

Loco ejus etiam potest recipi sal tartari in aceto destillato
resolutum, vel acetum destillatum sale tartari imprægnatum &
saturatum, quo limatura Martis irrorata, luninde agite-
tur, donec in pulverem croceum redacta fuerint, & ha-
bebitur pro morbis chronicis remedium egregium, quod
ipsum Cnoffelii est Pulvis cachecticus. Ex tempore fit alius
ex vitriolo Martis probè depurato, blanda calcinatione ad
rubedinem redacto, qui pulvis aperitivus & adstrictivus
est, pro varietate morborum, in quibus adhibetur.

Sequitur.

Saturnus,

Aliàs communiter Spleni dicatus; quo fundamento verò,
hariolari non licet: qui quælibet acida, præsertim fixa,
plus minus manifesta, absorbet, iisdem se associat, un-
de concretum dulce, & quasi urinosum, emergit. Vis
ergò ejus tota est quorundam acidorum absorptiva; quo
ipso præfertur adhuc Marti, cum Martialia acida tan-
tùm fixa, Saturnina verò acida quælibet etiam subtilissi-
ma, sibi affigant. In usu Medico potissimum est ipsius
saccharum seu sal vitriolicum, ex combinatione particula-
rum acidarum aceti destillati cum Saturninis enatum; sed
hoc, tanquam urinosum concretum subinde nimis figit acida
corporis, & sic vel palliatur tantùm morbus, vel in-
recidivamejusdem, si non atrocior, degenerat. Tu-
tius & magis efficax est *magisterium*, ex eodem Saturno,
in aceto destillato soluto, sed cum spiritu urinoso præcipi-
tato; & emergit pulvis candidus elegans, & præ aliis reme-
diis Saturninis in forma sicca satis conveniens. In liquida
forma paratur Tinctura antiphetisica ex saccharo Saturni
& vitriolo Martis, quæ ipsa maximam partem Saturnina
est, dulcis, & nonnihil adstringens, cum invertatur sa-
por plus minus austerus. & post præcipitationem in pri-
mis viis factam, acidum plus minus corrigat & absor-
beat.

Corallia.

Vi præcipitatoria, ut dicunt, vel acidorum absorptiva, &
egregiè in versoria constant, Hypochondriacis & similibus,
in quibus acida manifestiora peccant, imprimis convenien-
tia. In hoc concreto ad duo respiciendum est:

(1.) Ad texturam terream quasi alcalinam, &

(2.) Ad sociatam seu junctam Tincturam rubicundam.

Quoad concretum terreum, hoc ipsum insigniter solet
imbibere quælibet acida, plus minus manifesta, hoc ipso
convenit frequenti usu in malo hypochondriaco, febribus
intermittentibus, dysenteria, nimio mensium fluxu, gonor-
rhœa, exæstuationibus corporis, phlogosi, scorbuticis per
quam familiaribus, palpitatione cordis, in epilepsia infan-
tum, quæ oritur à retento meconio, aut similibus, ab acido
plus minus differenti natis, cujus absorptivum remedium co-
rallia existunt.

Quoad substantiam rubicundam tingentem, ei singu-
lares tribuuntur effectus, & celebris est in purificando san-
guine. Sanguis in se quidem purissimus est, cui nihil he-
terogenei potest commisceri, aut si quid vitiosi intertexi-
tur, vel est ab inspiratis vitiosis, ut in contagiis, vel ab
assumptis vitiosis, vel etiam in primis viis degenerantibus.
Corrigit igitur vitiosa fermenta, sapores & alterationes
præternaturales contentorum in primis viis, à quibus san-
guinis textura plus minus vitatur, ejusque crasis & fer-
mentatio pervertitur: dicunt item vi diaphoretica eun-
dem ventilare, contra hæmorrhoides, morbos malignos,
syncopen, &c. mirè convenire, item contra scorbutum
& icterum valere.

Quæstio hinc oritur, cujus naturæ sit Tinctura corallio-
rum hæc rubicunda? Ordinariè dicunt esse naturæ solaris,
seu de solis sulphure immaturo & embryonato participa-
re. Verùm assertum hoc nec à priori, nec ab experien-
tia aut posteriori confirmari potest: unde arbitror, po-
tius esse naturæ Martialis, & suo modo de natura, sub-
stantia, & particulis Martialibus sulphureis participare,
cum ipsum concretum & Tincturæ inde paratæ effectus,
cum Marte conspirent manifestius, quàm præcisè cum so-
le, & solaribus remediis. Qua arte ex corallis paranda ve-
niat Tinctura, cum multi de hac soleant gloriari, dubia
quædam proponuntur: ne iisdem tam facile decipiamur,
quæ hinc inde exstant, Tincturis.

(1.) Reverà concretum durissimum est, & firmioris
texturæ, unde arduum & difficile est separare sub-

Estmull. Oper. Tom. I.

stantiam aut particulas tingentes à suo concreto;
nam utut solvatur in particulas minutas, hæ sunt
integrales totius, nec pertinent ad essentialem ejus
naturam.

(2.) Tinctura est paucissima, adeoque in fßj. corallio-
rum vix Tincturæ ʒss est; unde pulvis coralliorum
minus rubet, sed magis ad albedinem inclinat.

(3.) Tincturæ, quæ ordinariè prostant, ut plurimum
sunt saltem solutiones concreti, nec ad crassæ, quo-
niam per menstrua fiunt minus corrosiva, adeoque
subtiliores potius solutiones, quàm separatæ propriè di-
ctæ sunt Tincturæ; ut patet per inductionem plurimo-
rum, qui hinc inde prostant, procedunt.

(4.) In Tinctura rubedo tingens non tam est à coralliis,
quàm ipsis menstruis, quæ attractu coralliorum, &
absorptione particularum, talem texturam acqui-
runt, præsertim si cum aliis menstruis tractentur,
ut ita rubescant. Spiritus panis acidus volatilis ex
corallis Tincturam rubicundissimam extrahit, co-
ralliorum corpore ferè integro manente; sed Tinctu-
ra hæc est fucus, & spiritus idem facit cum coralliis
albis, ac tantum ab oleo spiritus est, quod dum sub so-
lutione coralliorum acidum spiritus absorbetur, illi
concreto Tincturam rubicundam tribuit.

(5.) Quoad effectus, (quos dubios esse moneo) qui
Tincturam sequuntur, an præcisè ab iis coralliis, vel
annon ex nova textura, quam cum menstruo solven-
te faciunt, & novo sic emergente concreto, effectus
quidam medicamentosi dicantur; qui non præcisè co-
ralliis tribuendi sunt; id quod in solutionibus & com-
positionibus corporum non rarum est.

Hæ circumstantiæ probè sunt considerandæ, quarum
tamen minus genuinarum intuitu non semper usus & effe-
ctus Tincturarum rejiciendus est, etsi pro Tincturis genuinis
& propriè dictis non sint habendæ.

Sequuntur jam

HEPATICA.

Hoc est, hepatis imprimis dicata, suntque quælibet ama-
ra, v. g. absinthium, chelidoneum minus, centaurium ma-
jus & minus, rhabarbarum verum & supposititium mona-
chorum, taraxacum, intybacea quælibet, hieracia quæ-
vis, crocus, agrimonia, eupatorium corymbiferum, cur-
cuma, gentiana, & similia: quæ quò acriora & amariora,
eò magis dicuntur Hepatica calida; suntque reverà hæc, quæ
bilis vitia corrigunt, eamque vel deficientem, vel inertem:
acuunt & roborant, vel acriorem & copiosorem tempe-
rant: quò minus amara, sed saporem blandè amaricantem
herbageum quasi repræsentant, Frigida dicuntur.

Quoad priora, calida dicta, & quæ inertem bilem acue-
re, aut deficientem augere dicuntur, sunt omnia amara in-
signiora & acriora, in specie absinthium, chelidonium mi-
nus, centaurium majus, rhabarbarum, crocus, curcuma &
gentiana. Operantur hæc immediate in sanguinem, me-
diatè in bilem; forsitan agunt simul suo modo in substan-
tiam seu texturam hepatis, cum ea sit glandulosa, & dicta
amara aliqualem vim adstringendi obtinere soleant, si
sub sanguinis circulo ad hepar delata; in specie glandu-
lasejus laxiores plus minus firmare, & tonum earundem
roborare valent, Immediate agunt in sanguinem, par-
ticulis suis resinosis oleosis amaricantibus texturam ita
immutando, ut concretum hujus magis dissolvatur, &
oleosæ particulæ subacidæ intenduntur & exaltentur; quo
facto, ex materiæ necessitate & copiosior & acrior in he-
pate bilis fecernitur. Imprimis hoc notum de rhabarba-
ro, quod Animam Hepatis dicunt, & bilis non tam eva-
cuationem, quàm in specie alterationem efficit. Sic Ab-
sintbium nobile est Hepaticum, quod penetranti sua amari-
tie, in concreto resinoso oleoso fundata, egregiè confert
in omnibus malis, quæ aliàs hepatis attribuunt, propriè
verò ex vitio primarum viarum, in quibus bilis aut iner-
tior aut parior, malum fovere solet. Præter vim, quod
acidum viscidum primarum viarum & symptomata hinc
nata corrigit, etiam nobile tertianarum & quotidianarum est
Febrifugum, in quibus vel solum sufficit, quatenus resina sua
amara fermentum sanguinis alterat, particulas ejus oleosas
auget, & bilem inde natam insigniter acuit: unde præter in-
termittentes febres, præsertim his diuturnioribus, aut post
eas male curatas, colicæ supervenienti subinde succurrit:
hinc imprimis cachexiis quibusvis, tam simpliciter ita dictæ
κατ' ἐξ ὀφθῆς, quàm ictericæ, item hydropi, tam anasarcæ,
quàm

quàm asciti universali convenit; & conducit adeò, ut pro-
stent observationes asciticorum, qui solo absinthii usu diu-
tiori restituti sunt: hystericis item passionibus, præsertim
quando à dulcibus paroxysmus commotus est, egregiè sub-
venire solet. Unde tam ejus succus, quàm essentia cum
spiritu vini simplici aut tartarifato extracta, in morbis chro-
nicis, obstructionibus hepatis, ubi nempe bilis vitium sub-
est, egregiè confert.

Altera classis eorum, quæ bilem copiosiore alterant
& mitigant, in qua præter ea, quæ blandè stimulando ori-
ficium ductus communis, in intestinis acriorem bilem per
secretionem urgent, & sic nimiam ejus copiam educunt,
Imprimis ea deprehenduntur, quæ vi ejus acrimoniam al-
terandi sunt prædita, præsertim dulcia subacida, ut pas-
sulæ, granata dulcia, aurantia dulcia, &c. propè autem
dicta dulcia, ut mel & saccharum, turbant & exagitant
potius: quò etiam pertinent tamarindi in hoc puncto egre-
gii, omnia item amara dicta mitiora, & quæ saporem si-
mul herbaceum habent, totus intyborum exercitus, ut ci-
chorium, endivia, artemisia, scorzonera, taraxacum,
omnia hieracia, omnes fonchorum species, succo lacteo
flavescente imprægnatæ, aliàs dicta Hepatica frigida κατ'
ἐξοχήν. Pertinent huc fumaria & carduus benedictus, qui-
bus accensenda bellis minor, agrimonia & scolopendrium.
In simplicibus his omnibus vis medicamentosa residet in
amaritie & sale nitroso essentiali, quo succus eorum tur-
get, dum ex iisdem nitrum perfectum parari potest arte.
Porro huc pertinent serum lactis, ac denique quælibet na-
turæ & texturæ nitrosæ. Omnia hæc aut bilem copiosio-
rem minuunt, proventum ejus nonnihil imminuendo,
aut acrimoniam ejus temperando & mitigando, in debi-
tam crasin reducunt. Faciunt hoc operando immediate
in massam sanguineam, quam temperant, ejus acidum
volatile & acrius oleosum mitigant & moderantur, unde
bilis generanda mitiore evadit: nempe sub sanguinis circu-
lo particulæ medicamentorum ad bilem delatæ eam tem-
perant & mitigant; dulcia subacida acrimoniam volati-
lem oleosam, occultè acidam, infringunt, & ita volati-
liorem ac magis salisam reddunt; quæ nitrosæ sunt tex-
turæ, cum ex copioso alcali fixo temperatoque acido con-
stent, hoc ipso junctam acrimoniam bilis oleosam amari-
cantem temperant & mitigant; quod faciunt in specie
nitrum, figendo acrimoniam; serum lactis alcali suo tem-
perato oleoso bilem temperatiorem reddit. Instar omnium
sit *cichorium*, quod commendatur vulgò, ut refrigeret je-
cur calidum; potius in malis, ex bile volatiliore & acio-
re genitis, conferre dicitur. Hoc, veluti rex intybaceo-
rum, succo lacteo amaricante imprægnatum, in suo
concreto constat sale essentiali mediæ naturæ, quod nec
volatile nec fixum, ut utrumque ex eo parari queat,
ex quo ritè tractato emergit nitrum perfectum: propter sal
hoc nitrosum temperatum oleositatem bilis minuit, aci-
dum ejus volatile acrius infringit, & ita in debitam textu-
ram redigit, præsertim vi & sapore salino etiam diureti-
cum exigit, & massæ sanguineæ per vias urinarias depura-
tionem promovent, vias primas blandè abstergit, & alvi
segniitiem in quibusdam moderatur.

Sequuntur jam

S P L E N E T I C A.

Sed quoniam quoad lienem omnis & Theoria & Pra-
xis est simpliciter dubia, ac quoad usum, effectus & no-
cumenta ejus ne tantillum quidem adhuc determinari
queat, hinc ab aliis potius informari ipse, quàm alios
docere gestio. Interim duo imprimis sunt mala, quæ lie-
ni, ut ut insonti, vulgò tribuuntur, quartana nempe
& scorbutus. Quoad illam, certum est, quod plures
dantur quartanarii, in quibus ne tantillum affecti sple-
nis est vestigium; dantur tamen, in quibus lien satis
comparitur ex pathematis nervorum, ad lienem deriva-
torum per consensum, quod rarum est. Et si quartana-
rii sunt splenetici simul, sit hoc, vel quod quartanæ con-
firmatæ, continuatæ & diuturnæ, lienis affectus tan-
dem superveniant; sicut aliàs eidem glandularum mesen-
terii scirrhi, tumores, &c. supervenire sæpius solent.
Par ratio scorbuti, ratio scorbuti tam hic, quam in Bel-
gio (ubi malum hoc epidemium est) in quibus ne vesti-
gium quidem affecti splenis; nec in vivis, nec in mor-
tuis, per anatomen eorum observetur: supervenit qui-
dem interdum scirrhus, non tantum lienis, sed etiam
hepatis, ut hic lien nihil singulare in hocce habeat; hinc

apud Practicos ordinariò, quæ lienis obsunt, & hepa-
ti nocere dicuntur, & quæ hepatis dicata, etiam lienis
convenire, adeoque non tam lienem quàm hepar aperi-
re dicitur, quod etiam de aliis valet. In specie scorbutus
malè lienis attribuitur: interim quoniam ejus remedia
appropriata sunt polychrestra, & in nostro climate tan-
tum non omnibus morbis chronici applicabilia, de his pau-
ca monebo.

Plura sunt pathemata & remedia propter symptomatum
varietatem, quæ oriuntur partim ex eo, prout diversa est æ-
grorum idiosyncrasia, partim prout hanc vel istam partem
solidam magis affecerit sapor scorbuticus, ita, ut prout va-
riant symptomata, etiam selectus exinde certus remedio-
rum instituendus est. In specie autem

A N T I S C O R B U T I C A.

Quæ acrimoniam notabilem acrem volatilem obtinent,
sunt totum genus Thlaspiorum, quod in se complectitur
cochleariam, & omnes nasturtiorum species, sinapi, eru-
cam, & istis subordinata intybacea. Præterea piperitis,
trifolium fibrinum, arum, sedum vermiculare, flammu-
la Jovis, persicaria acris, &c. omnia sunt antiscorbuticæ
naturæ κατ' ἐξοχήν. Vis eorum in specie consistit in sapore
illo acri volatili, fortiter linguam pungente & penetrante:
dubium tamen est, an sola hæc substantia volatilis acris
scorbutum medeatur? & annon concretum ipsum unà confe-
rat? verb. gratia in cochlearia parum est de sale hoc volati-
li; quod si verò recipiatur succus ejus expressus, & evapo-
ratione blanda inspissetur, remanet crassamentum insigni-
ter amaricans, quod sale essentiali largiter imprægnatum
est: hoc arbitror non minus egregium esse, quàm ipsum
acre volatile, eidem antea sociatum, & arte separatum, sub
spiritus ejus nomine.

Quæritur igitur, cujus naturæ sit acre horum antiscor-
buticorum? nondum enim decisum est, an ad urinosa
pertineat? Videtur tamen esse urinosa naturæ, etsi
non solitariè, cum cohæreat acido suo volatili compari.
Ratio est

1. Quod, verb. gratia in nasturtio & cochlearia contusis,
& sepositis ad aliqualem putredinem, si tantillum
incalcescant, sponte sua sub prima putredinis inchoa-
tione mox odor specificus pereat, & penetrans uri-
nosus evadat.
2. Quod succus sinapi cum calce viva mistus, addito spi-
ritu vini vel non, spiritum insigniter penetrantem
suggerat, saporis specifici: Encheirisis eadem est, quæ
spiritus salis ammoniaci: & hic spiritus sinapi reverà
specificus & singularis est.

Hæc salia volatilia, dum sunt nativa, simul delica-
ta sunt, & non confundenda cum salibus volatilibus
artificialibus, quæ per putrefactionem ex iisdem resolu-
tis sunt, ubi amplius, verbi gratia ex cochlearia, nul-
la vis specifica superest, sed eadem cum aliis. Delicata
textura huius salis volatilis patet ex eo, quod in qui-
busdam simpliciter sit in superficie, & facile transpi-
ret, in quibusdam verò non; verbi gratia in piperitide
adeò superficiale hoc sal volatile est, ut simpliciter de-
stillatione aqua acerrima prodeat, quæ vesicas etiam ex-
citare valet in lingua, sapore & odore ipsius piperitidis;
adeò tamen delicata, ut solutionem Saturni, quæ
aqua communi turbida aliàs redditur, & ex parte
præcipitatur, ne alteret quidem; adeoque tam subtile,
ut nullam activitatem & alterationem in hocce exserat.
Magis autem hæret hoc sal volatile in concreto, verbi gra-
tia in cochlearia, ut facili modo inverti & figi queat; de-
stillata autem suggerit aquam, aliqualem odorem, pa-
rum saporis, habentem; & quod remanet, etiam suam
acrimoniam perdidit: nempe ut inversæ particulæ sapi-
dæ nullibi emineant. Egregia sunt hæc amara antiscor-
butica in viscido incidendo & attenuando, in acido
fixo corrigendo, & suo modo volatilizando conducunt,
acuunt bilem, & in specie specificum saporem scorbu-
ticum optimè corrigunt & temperant. Cœterum, pro-
pter acrimoniam istam volatilem, & quod bilem acio-
rem sua acrimonia reddere valeant, cautus sit eorum
usus, nec promiscuè in quibusvis subjectis usurpen-
tur: Nempe, qui sunt vel dicuntur bilioli, in iisdem
observandum, quod acria hæc non ritè temperata, ma-
la sæpè symptomata inferant & augeant; hinc phlogo-
ses, exæstuationes, cephalalgias, omniaque interdum
exasperant: Hisce igitur nonnisi temperata propinari de-
bent.

bent. Temperantur autem sero lactis, vel acidis vegetabilium temperatis, in specie acetosa & acetosella; quibus alia sociata volatilia, commodè postea etiam subjectis biliosis propinari possunt. In iis igitur, in quibus minor est acrimonia bilis, adeoque hæc inertior, vulgò dictis phlegmaticæ vel melancholicæ constitutionis, acria hæc in forma cruda, vel in infuso cum vino, vel in succum redacta, vel spiritus eorum, adhiberi possunt.

Quoad Præparata, dubia eorum redditur fermentatio, cum sint admodum fermentescibilia, quod præsupponit præsentiam salis volatilis acidii, fermentationem promoventis. Verum utrumque potest concedi, etsi non parum de sale volatili exhalet; tamen etiam non parum de sale essentiali volatilifatur, & sic iactura prioris huius copia refarcitur. Interim tamen observandum, quod planta recens succulenta minus fermentationi conveniat; quando verò post flores seminare incipit; commodè eadem fermentari deinde potest. Optimum est, ut in talibus, in quibus est sal volatile superficiale, ut primò per fermentationem spiritus eliciatur, hic plantæ recenti affundatur, & cohobando particulis volatilibus sociatis essentificetur, spiritus ita essentificatus succo plantæ inspissato affundatur, de sale essentiali imbibat, & sic, quantum possibile, integra concreti crasis antiscorbutica concentrata habeatur.

De NEPHRITICIS dicendi occasio erit, ubi de Diureticis agatur. Quoad alterantia autem

PECTORALIA:

Hæc commodè ad triplicem classem possunt revocari; *Incrassantium* nempe, *Attenuantium* & *Conservantium*, (defectu melioris terminiea vocare ita liceat.) Notum autem ex Physiologicis, quod structura pulmonum sit infar spongiæ, corpus ubique cavernosum, pro recipiendo & emittendo aere, unde nihil heterogenei in istis cellulis debet retineri; sed si quid vitiosi adfuerit, evacuandum erit per os, sub nomine Expectorationis. Omne autem expectorandum debet habere consistentiam mediam interspissius & tenuius: Nam quod fluidius, id cedit aeris impetui, & nequit elidi; quod spissius, resistit aeri, & firmitus adheret bronchiis, ut nullo modo impetu aeris elidi queant. Hæc consistentia si nimis tenuis sit, Incrassantia; si nimis tenax, Attenuantia requirit.

Quod incrassandum, semper est lymphæ, in cavitatem bronchiorum, & hinc in pulmones, instillans, sive id occasione externa fiat, sive proprio pulmonum vitio. Sic ex inclementia aeris accidit molestia sensibilis, quam insequitur excretio seu evacuatio lymphæ ex tunica interna glandulosa asperæ arteriæ, quæ pro eluendo quasi irritante objecto successivè aquosarum particularum exhalatione, & glutinosarum inspissatione, in mucum viscidum abit. Quod si igitur in scorbuticis & phthisicis talis lymphæ acrior evacuatur, erodit ea, excoriat & exulcerat, quamdiu est acrior & tenacior, unde partis proprium nutrimentum se sociat, & lympham inspissando, tamdiu non evacuatur hæc; quò diutius autem retinetur, eò magis in consistentiam crassiorem redigitur, & graviter pulmones afficit.

Remedia igitur

INCRASSANTIA,

Quoad operandi modum erunt:

(1.) Vel talia, quæ irritationem undecunque factam sistunt, quæ cessante cessat lymphæ fluxus & effusio per glandulas, partim sub ratione gelatinæ, partim sub admissione nutrimenti, excreta: sic ex-gr. cessante oculorum frictione, cessat irritatio & fluxus lachrymarum;

Vel

(2.) Talia, quæ substantia sua temperata causam & occasionem irritantem acrem corrigunt, & acrimoniam ejus quasi obtundunt;

Vel

(3.) Ea, quæ lympham ipsam contentam & excreta media sua textura ex mucilaginosâ substantia inviscant, & in debitam consistentiam spissiore redigunt.

Quoad differentiam primam, talia sunt omnia *Papaveracea*, & omnia *Narcotica*, sensum irritationis, & huius occasione motum contenti sistentia & cohibentia. Inter

hæc, præter opium ut par, eminet syrupus diacodion Montani, seu syrupus de siliquis, antiquum quidem, sed optimum remedium, ex capitibus papaveris factum; cuius usus continuatus raro nos fallit, vel solus, vel additis variis, pro circumstantiarum ratione: cum, præter vim papaveraceam, simul dulcem siliquarum ceratearum succum contineat.

Quoad secundam, pertinent huc omnia ista, quæ supra salsum acre corrigere & temperare dicta fuerunt; qualia sunt dulcia, ut passulæ, liquiritia, & huius radices decoctione & inspissatione paratum rob, seu succus inspissatus, *Lacriszen-Saffi*, item siliqua ceracea, Germanis dicta *Joannes Brod*, jujubæ, caricæ pingues, saccharum, &c. in specie violæ, rapæ, lac, fœniculi semen, & radix; item semen anisi, radix Ireos Florentinæ, benzoe, sulphur, & antihæcticum Poterii; quæ successivè fluidam lympham temperant, & ad consistentiam debitam redigunt. Imprimis extollenda.

Siliqua ceracea.

Dulcedo enim passularum non omnibus convenit, cum aliqualem acetositatem in recessu habeant: glycyrrhizæ dulcedo multis nauseosa est, præsertim ejus Rob seu succus: saccharum nimiam contentorum visciditatem infert, imò ventriculum gravat, ut taceam ejus præparationem cum calce viva & lixivis alcalinis. Ex siliquis elicitur succus, qui cum aqua simplici, decoctione & inspissatione, in consistentiam syrupi, & ulteriori, in Rob redigitur; loco quorumcunque Loch & eccligmatu similium esse potest; suavissimum est, nec ventriculo aut ulli membro hostile, & excoriatis partibus conveniens, lymphæ acrimoniam mitigat.

Post siliquas eminent.

Viola.

Quarum singularis in succo polychresto est temperatura; cui proximè accedunt flores tunicæ, hinc borraginis & buglossæ. In violis est singularis vis incrassans, & lymphæ acre salsum corrigens ac mitigans; nec opus est, ut eæ semper copioso condiantur saccharo, quia paucò addito præparatio jam erit sufficiens.

Rapæ.

Commune plebeiorum evporiston, sed sanè egregium, sive recentes fuerint, sive exsiccatæ post phlegmatis evaporationem; habent succum decoctione eliciendum, temperatum, qui insigniter temperat quodvis acre salsum, petus & vias urinarias infestans: Coquantur recenter in aqua simplici: primum decoctum abijciatur; iterum coquantur nova aqua, & expressione nunc simplici, nunc cum paucò saccharo addito, in usum vocentur.

Lac.

Cujuscunque generis præsertim falsi temperativum est, & cujusvis fluidi tenuioris incrassativum; idque omni sua substantia præstat: est enim concretum dulce salsum, quod tamen propter pinguedinem copiosam non adeò percipitur. Constat substantia butyrofa, caseosa & serosa: Butyrofa, pinguedine saturata copioso sale volatili urinoso oleoso constat; hinc emergit textura, mitigans quodvis acre, & sui miscela consistentiam fluidiorem in paulò spissiore redigens; idque propter sal volatile urinosum pingue, unde & egregie nutrit corpus nostrum. In substantia serosa dominatur salsum nitrosum, seu ferè volatile nitrosum; unde non modò sponte sua acorem contrahit, sed propter copiam salis volatilis urinosi, cum acido nitroso juncto, vim absterisivam, laxativam, diureticam, externo & interno usu refrigeratorem, propter salsedinem nitrosam, obinet, propter quam consistentiam, quod constat sale volatili urinoso concentrato, cum acido nitroso, scorbuticis egregie confert, pro acrimonia eorum temperanda. Salsedo hæc potest juxta BARTHOLETTI encheirisin demonstrari, ubi post seri abstractionem & exhalationem concretum falsis dulce relinquitur: vid. *Tractatus ejus de Dyspnœa*. Caseosa ejus substantia constat sale volatili urinoso, cum interpositis particulis terreis, & aliquali partium oleosarum pinguedine obnitis. Patet hoc, quod turgeat sale volatili urinoso, quia caseus inflammationem podagricorum, ex acido volatili ortam, temperando istud sistens, egregium horum solamen est: deinde à posteriori etiam ex caseoso putrescente, imò & recenti, modò sal fixum alcali, seu calx viva addatur, sal volatile copiosum & urinosum cum spiritu tali colligi potest; inde est alimentum quoque summè nutritivum, modò stomachum non offendant, qui illud ritè subigere, & in chylum debitum convertere nequeat.

Quo-

Quoad *Incrassantium differentiam tertiam*, omnes plantæ emollientes dictæ, adeoque totum genus Malvaceum, omnes althææ, alceæ, &c. quæ omnia; cum constant tam succo quam decocto mucilaginoso, tam in concreto, quam in semine, ad incrassandum multum valent. Pertinent huc quoque *Tragacantha*, *Acacia Ægyptiaca*, *Gummi Arabicum*, cui, quando rarum est, substituitur gummi cerasaceum, prunaceum; item gummata mucilaginosæ in aqua soluta: item quælibet semina oleosa temperata, frigida dicta, nec non amygdalæ dulces, pineæ & pistacæ; non secus ac semen lini & fœnugræci, propter copiosam gelatinosam & mucilaginosam substantiam, huc spectant. Referendæ etiam huc sunt pinguedines animalium, imprimis humana temperatior, hinc canina acrior, & ut dicunt, calidior, respectu scilicet nostri. Denique *sperma ceti* singulare quid præstat in incrassando; ex pisce ceraceo sui generis colligitur, ex hujus capite elicitur, & per lixivium quoddam depuratur; mirè temperat acie quodvis pulmones infestans, & hinc natam dyspnœam egregiè solvit, & libertatem respirandi restituit, & singulare est in lymphæ pectoris, ab acri vitiata.

Hactenus dicta, & ex iis composita applicari possunt ad *curationem Tussis siccæ seu catarrhalis*, quam curant & præservant optimè opiata, quæ vespertino tempore assumpta, mirè talem Tussim sedant; unde & Veteres Philonii contra talem Tussim, item syrupis diacodion, usi fuerunt: nobis verò opiata imprimis sunt in usu, eaque permixta imprimistalibus, quæ acrimoniam lymphæ temperare, corrigere, & mitigare possunt, qualia sunt lac, glycyrrhiza, jujubæ, passulæ & similia. Verum cum adjunctus imprimis soleat esse Catarrhus, & Febris catarrhalis ab eadem lymphæ acrimonia oriunda, ad hunc simul respiciendum est; unde conveniunt in tali Tussi tales pulveres:

℞. *Sperm. ceti* gr. xxjv.

Succin præp. ℞j.

Laud. opiat. gr. iij.

M. f. Pulvis.

Div. in 2. partes æquales,

quarum una accipitur hora 5. pomeridiana, altera hora 10. vespertina.

Vel

℞. *Sperm. ceti* ℞ij.

Flor. benz. ℞j.

salis vol succini ℞ss.

Laud. opiat. gr. jv. M.

div. in partes 3. æquales.

Dosis una hora 4. vel 5. pomeridiana.

Pilule de Styraçe Sylvii itidem mirè conveniunt ad compescendam hanc Tussim, quarum compositio est sequens:

℞. *Styrac. calam.*

Thuris,

Mastic.

Myrrhæ,

Laud. opiat. an. ℞ss.

Croci Or. ℞j.

Succiliquirit. ℞ss.

M. f. l. a. *Pilule instar cicerum*;

quarum una aut duæ dentur vespertino tempore, aut sub ingressum lecti.

Præter hæc, Decocta lympham temperantia ex passulis, glycyrrhiza, jujubis, radice helenii & similibus, non negligenda erunt.

Quoad

ATTENUANTIA seu EXPECTORANTIA,

Talia sunt, quæ vim habent incidendi viscidum, & blanda aliqua simul acrimonia bronchia, aut ipsam pulmonum parenchyma stimulant. Ratione causæ prioris expectorandum gelatinosum restitans cum aere sursum pellunt, ratione posterioris tussim provocant, & impetuosam ejaculationem causantur; quæ cum fiat motu convulsivo, viscida contenta & eliciunt & ejiciunt: suntque omnia illa, quæ suprà Incidentia seu Aperientia dicta propria appellavi. In specie

Helenium,

Ejusque radix, consideranda est; ex hoc enim pulverisato, & cum melle subacto, fit Electuarium crebriori usu in glu-

tinositatibus viscidis pulmonum expectorandis perquam proficuum. Item

Hyssopus

Acrimonia sua aromatica in muco tam ventriculi, quam pulmonum incidendo, egregius est; sive sub syrupi, sive sub decocti forma. Notandum, ubi expectoratione opus, in syrupis mel potius accipiat loco sacchari; mel enim egregium per se est expectorans.

Huc spectat quoque *Nicotiana & Erysimum*, quod erucæ species, & simili sale volatili, ac sinapi & erucæ, pollet, præsertim, posteaquam syrupus de Erysimio Lobellii in muco viscido, canales bronchiorum oblinente, in tussi expertus fuit: item *Marrubium* in tussi senum, ex collectis in pulmonibus visciditatibus, tam vitio sanguinis, quam ventriculi, in pulmones evacuatis, hæmatosi & chylosi deficiente, ejusque decoctum cum paucis melle, convenit. His accedit *Scylla*, de qua postea; item

Gummi Ammoniacum,

Tam in forma propria, quam Tincturæ seu Essentiæ, in specie autem cum eo paratus spiritus Asthmaticus pro scopo expectorationis; imprimis in forma *Potiuncule*, ad mentem BRUNNERI:

℞. *Aquæ hyssopi* ℞jv.

Vin. Rhen. ℞ij.

Gum. ammoniaci ℞j. vel ℞jss.

M. pro duabus dosibus, aut, ubi necessitas urget, pro una.

Est Potio amara quidem, sed quæ multum valet in viscido incidendo.

Spiritus Asthmaticus paratur:

℞. *Cristall. viridis æris* p. iij.

Gum. ammoniaci p. ij.

Sulphuris p. j.

Invicem trita, mista & destillata per retortam, suggerunt spiritum acido-volatilem, qui à gutt. xx. ad xxx. propinatus, in muco viscido incidendo egregiè confert, imprimis si misceatur cum aqua *Asthmatica Rudolphi*, vel cum *Elixir. Proprietatis*, &c. cum & ipse spiritus viridis æris solus, si ritè paratus, sit incisivum, & penetrantissimum in Asthmate pulmonali & stomachali.

De *Aro suprà* jam dictum. *Scordium*, præsertim quando labes est in pulmonibus; & denique *Mel*, insignia planè sunt pro Expectorationibus.

Hæc sunt propriè dicta Expectorantia: Impropiè talia sunt, quæ dulcedine sua fauces lubricant, earum asperitates tanquam axungia oblinunt, commovendo pectus mucifaciliorem per pharyngem motum promovent, ut ne tantillum quidem de his remediis in laryngem transeat. In specie ex his consideranda est.

Nicotiana.

Simplex nobile, sed simul pestilens venenum; estque reverà hyoscyami species, unde & à quibusdam Hyoscyamus Peruvianus dicitur. Vis ejus in recessu medicamentosa extracta consistit in textura salis volatilis acris, & tantum non caustici, cum oleo seu sulphure planè venenoso sui generis, quæ juncta & connexa perquam acre concretum constituunt. Ratione salis volatilis vim habet singularem incidendi, attenuandi, expectorandi, vomitum & secessum movendi, cum sit unum ex vehementissimis Purgantibus: ratione posterioris vim stupefactivam, & tantum non dementativam obtinet; ratione utriusque perniciosissimi venenum existit. Recens, phlegmate temperato diluta planta usu externo est vulnerarium singulare; sive folia integra, sive contusa imponentur, vim consolidativam egregiam obtinent, ulceribus quibusvis, & manantibus, modo non nimis malignis: folia item nicotianæ leviter contusa imposita multum præstant in cruribus œdematosis, & pustulosis: confert etiam usus ejus incidendi & expectorandi visciditates, & in abscessibus post pleuritidem relictis; item in liberandis Empyematicis speciatim laudatur, tam à MAGNENO *Tract. de Nicotiana*, quam ab EPIPHASIO FERDINANDO *Histor. Med.* 45. qui mediante Decocto foliorum ex nicotiana recenti Empyematicos desperatos se curasse affirmat: opera saltem deret, ut remediis internis decoctio, & aliquot dierum digestio, ritè instituitur; quibus observatis vis cathartica invertitur, & mitior evadit, ut tutius usurpari queat.

℞. *Fol. Tabaci* vel *Nicot.* ℞j.

Bulliant in aquæ comm. ℞. ij. ad medietatem; sic multum sub sumi specie de particulis acrioribus avolat: adde in fine

Fol.

*Fol. malvæ.**Brancæ urs.**Violar. an. M. i.*

Misc. cum *sapa* seu *musto inspissato*, & ita aliquoties in die calidè usurpatur.

Loco hujus decocti fieri potest *Essentia*; sed prius cum *alcali nitri* vel *tartari* corrigantur & terantur, post cum *spiritus vini* digestionem folia extrahantur, quæ inter *Expectorantia* & *Incidentia* non est postrema; aliàs sine correctione, aut non ritè parata, fortissimum est vomitorium. Unde in usu est *syrupus de nicotiana*, *oxymel de Peto Quercetani*, in *Asthmaticis* humorosis expectorandis alia hujus remedia videbitis in *M A G N E N O*. Notum est, quod *oleum ejus destillatum* sit perniciosissimum. *LEMURE* in sua *Chymia* refert, hoc *oleum destillatum*, facta incisione in coxa aut crure canis, instillatum, canem cum impetu, utut aliàs sit robustissimum animal, suprà & infrà purgasse; guttulas item ejus aliquot canis linguæ instillatas furiosum eum reddidisse: filum sericum per *oleum* traductum, & cum *acicula* per *gallinam* traductum, interfecisse eam *Florentiæ*.

Quoad

CONSERVANTIA,

Quæ læsionem & noxam, bronchiis & pulmonibus in ductam, ejus excoarctationem & exulcerationem, plus minus perfectam, corrigunt & restitunt, ferè post tussis, *asthmata*, *pleuritides*, &c. ubi metuitur, ne erolio gravior superveniat, hæc usurpantur: Pertinent huc in genere omnia vulneraria.

In specie autem, quæ conveniunt, sunt:

Tussilago.

Sanè egregia, ubi post diuturnas tussis læsio & excoarctatio pulmonum metuitur; in ulceribus aliàs *mammæ* commune muliercularum pauperum remedium est, sed euporiston.

Hinc

Pulmonaria.

Quæ est *symphyti* species, & minus *symphytum* dicenda, cujusvis in substantia parum mucilaginosum consistit, & læsiones hinc ab acris factas restituit.

Scabiosa.

Item, propter usum suum *Herba Apostemática* dicta, apostematibus pectoris, in genere exulcerationibus & suppurationibus viscerum interiorum, quantum possibile, mederi solet; succus ejus, & inde paratus *syrupus*, in usu sunt.

Hisce non cedit

Veronica.

Vulnerarium pectoris egregium: Item *Herba Costæ*, *Costen-Kraut*, hieracii species, ad excoarctationes & exulcerationes pectoris, in familiari est usu.

Omnibus hisce præferenda est

Hedera Terrestris.

Reverè egregiè vulneraria, crescit in locis umbrosis: *LINDANUS super Hartmannum* non satis deprædicare novit contra hæmoptysin, sive ex casu ab alto, sive ab excoarctatione pulmonum fuerit, item in purificandis *Empyematibus*, & consolidandis *pleuriticorum empyematibus*. Ipse observavi in iis, qui occasione causarum externarum, v. gr. inspirato Gas aquæ fortis, seu ex metu scorbuti, ad pulmonum læsionem sunt proni, quod Decoctum ejus cum herba cherefolii in aquæ & cerevisiæ ana diutius continuatum, fuerit proficuum.

Addi his debet

Terebinthina.

Balsamum nostras septentrionale, pectori amicum & gratum sua substantia sumptum, cum vitello ovi dissolutum, vel *oleum ejus*, quod tamen in pectoris affectibus ferè acrius est; nunc *Balsamum sulphuris terebinthinatum*, vel potius *anisatum*. Præparatur igitur hoc modo: Fundatur sulphur cum sale tartari, eliciatur *Balsamum* cum oleis destillatis, quod ita paratum meritò laudatur à *SYLVIO in Praxi*, in affectibus pectoris & læsione viscerum interiorum.

Hæc jam dicta etiam applicanda veniunt *Asthmati* & *Tussi humidæ*, affectibusque *urinariis*, ex simili malo na-

tis; & sic ad nephritica quoque pertinent, de quibus suo loco. Jam verò paucis adhuc *Asthmatis* & *Tussis* cura pertractanda.

Quod attinet *Asthmatis humidæ* curam, paroxysmo urgente, & quo æger à suffocationis periculo liberetur, duo præprimis attendenda erunt: scilicet ut impedimenta respirationis removeantur, & organorum respirationi dicatorem motus inordinati quamprimum compescantur. Unde *asthma pulmonale* & *stomachale* curantur per talia, quæ materiam viscidam incidunt ac resolvunt, eamque evacuant; ac denique quæ stomachum & pulmones roborant, *asthmatisque* iteratum proventum impediunt.

Purgantia sunt mitissima in paroxysmo, quia materiam exagitant; sicut etiam vehementiora extra paroxysmum suspecta reddit *SCHULZIUS Consil. 92*. Alvus etiam clystere subducatur. Præter purgantia per inferiora optima sunt vomitoria, quæ ingruentem *Asthmatis* paroxysmum, ac imminuentem interdum suffocationem, mirè sedant, cautè tamen iis erit utendum in hysterice passioni obnoxiiis: aliàs in *Asthmate*, tam humido, quàm convulsivo, profunt: vid. *PLATERUS Præceos Tomo 1. pag. 388*. *SENNERTUS Præceos l. 2. P. 3. cap. 2. Quæst. 3*. *RIVERIUS l. 2. cap. 1.*, *PETRÆUS Nosolog. l. 1. dissertat. 18.*, *HORSTIUS l. 3. observat. 3. & C. Problem. Decur. 4. Quæst. 5.*, *POTERIUS Centur. 2. Curat. 16. & 46. Centur. 3. Curat. 22*. *HOEFERUS Herc. Med. Tom. 1. pag. 103.*, *HARTNANNUS Præceos pag. 133.* & *RULANDUS Curat. Empiric. pag. 103. 109. 110. &c.* Vomitoria sunt partim antimonialia, partim quæ ex nicotiana parantur; nam hæc materiam viscidam ex stomacho & ex pulmonibus evacuant.

His tamen vel præmittenda vel adjungenda ea, quæ visciditates istas attenuare & resolvere valent, qualia primaria sunt ea, quæ ex gummi *Ammoniaco* præparantur; item *syrupus nicotianæ* & similia: sic ad *Asthma* experta est suprà laudata *Potio Brunneri*. Pertinet huc Decoctum expertum ad *Orthopnoeam loelis*:

24. Zedoar. ʒss.

Gum. ammoniaci ʒii.

Flor. sulphuris ʒi.

Croc. ʒi.

Contusa coqu. in *Hydromel.* ʒi. ad medias. Sumatur sæpe cochl. i. nam & radix *Zedoariæ* sola mirè levat *Dyspnoeam* comesta.

Pertinet huc *spiritus Asthmaticus* suprà laudatus. Tandem succus raphani recens cum saccharo expressus, est egregius: item *sperma ceti*, propter vim resolvendi, cum aqua cinnamomi ad ʒii. *oxymel squillit.* ʒi. propinatum, egregiè conducit, imprimis in *Asthmate* senum. Denique *Aselli* seu *Millepedes* specificè conducunt, imprimis vino infusi, in quem usum mirè commendantur: Sin flatulentia stomachi malum exasperent, quod fit in hysterice & hypocondriacis, *spiritus carminativus* est egregius.

Tussi ab aere nimis frigido inspirato, aut aere fumoso aut simili, medetur optimè Decoctum radicis helenii cum passulis in vino Hispanico, &c.

Tussim ex stomacho optimè curat vomitus, loco hujus propinande sunt pilule ex extracto agarici, cum scammonio preparato stimulatæ. His subjungenda sunt, quæ incidendo, attenuando & resolvendo materiam viscidam colliquant, & liquefactam excretioni aptam reddunt. In tali casu præter ea, quæ jam de *asthmate* dicta sunt, imprimis conducit hæc *Potio experta*:

24. Aquæ hyssopi,

tussilag. an. ʒii.

asthmatic. spirit. nos. ʒss.

Oxym. squillit. ʒi.

Syr. nicot.

de hyssopo an. ʒi.

Tspiritus salis dulc. q. s. pro grato sapore, D. S.

Potio emolliens sumenda omni dimidio horæ, quantum capit cochlear ʒi. dimidium.

Vel

24. Aquæ menthæ,

hyss.

cinnam. an. ʒi.

Asthmat. ʒvi.

Gum. ammoniaci in aceto sol. ʒii.

Oxym. squillit. ʒi.

Spiri-

*Spiritus salis dulc. q. f. pro grato sapore,
D. S. ut supra.*

Vel

℞. Elix. propriæ ℥℥.

Spiritus asmatib. ℥ii. M.

De Cordialibus agemus, ubi de iis, quæ spiritus deficientes per corroboracionem restituunt, inferius.

Pergo ad

NERVINA,

Quæ cerebro cum deductis nervis, hincque dispersis fibris, & deductis membranis, emendando causam quam productum morbosum, conducunt. De hisce autem partibus verissimum est in genere axioma illud Practicum; quod frigus externum, & acidum externum, sit nervis inimicissimum: addatur & Humidum nimium. Nam ex his tribus tanquam primis fontibus, effectus & affectus præternaturalis partium nervosarum positivi derivandi veniunt, quo ipso morbi privativi excluduntur, qui ex spirituum animalium vitio, eorumque vel defectu, vel irradiatione negata, per conformationis vitium peculiare oriuntur. Afrigido partes nervosæ, per se frigidæ dictæ, chylosæ, nec nutrimento sanguineo irroratæ, & sanguine minus fervido nutritæ, magis refrigerantur, verè frigidæ ac sensui ac motui minus aptæ fiunt. Ab acido manifesto seu sensibili, tam fixo, quam volatili in Podagricis, in partibus nerveis dolores, item spasmi oriuntur, pro fomitis ratione, nunc per essentiam contracturæ, nunc per consensum, aut fixi aut vagi, partium tam internarum, quam externarum circa succulentas partes excitantur; non secus ac ab eodem acido partium dictarum corrugationes, contracturæ, & nutrimenti proprii chylosi coagulationes, & in topophos mutationes oriuntur. Ab Humido oritur atonia partium, qua laxæ eadem & nimis flaccidæ fiunt, unde sensus & motus imminuitur, & ad motum, tam passivum sub sensatione, quam activum sub partium locali motu, ineptæ evadunt; quin & ex hoc nimio humido ferè luxationes spontaneæ subinde oriri solent.

Quoad remedia ratione frigiditatis hostilis, conveniunt omnia calida dicta, tam interno quam externo usu, in specie aromata & aromatica, plus minus acria, sale volatili oleoso imprægnata, in specie externe olea destillata, ut lavendulæ, spicæ, &c. hinc in læsionibus partium a frigore correptis, sive pernionibus, optimum est oleum pini destillatum, aut loco hujus terebinthinæ oleum, maturè illitum, tam præservativè quam curativè. Loco item hujus.

℞. Resin. abiet. q. f.

Inducatur calidè vesicæ, & applicetur loco refrigerato; tenaciter adheret, & aliàs quotannis redeuntem noxam remouet.

Quæ acidum, nervis inimicum, corrigunt & alterant, faciunt id vel proximè, vel immediatè & quasi directè, aut mediatè & indirectè seu remotè. Prius præstant salia volatilia urinosa, nunc macra, nunc (& ferè tutius) temperata oleosa: Posterius autem tam fixa absorbentia, quam anodyna, irritationis motum & sensum sistentia. Inter priora, salia volatilia macra & quælibet oleosa, eminent aromata & aromatica, acidum istum, nervis inimicum, temperantia & corrigentia; in specie spica, lavendula, majorana, salvia, rosmarinus, terpillum, stæchas Arabica, marum, præsertim verum, origanum & similia, specialius conducunt, horumque tam spiritus inflammabiles, quam imprimis essentia, extracta, ac olea destillata, tam interno quam externo usu. His addendum castoreum, & quælibet ejus præparata, tam internè quam externè; item spiritus urinosi vel salia volatilia quævis, imprimis oleosa, ver. gr. spiritus salis ammoniaci, cum calce viva, addito spiritu vini paratus, pro usu externo in delendo acido, nervis inimico, & hinc natis symptomatibus, excellens.

Succinum.

Dein, ejusque oleum destillatum ac sal volatile, sunt singulariter nervis dicata. Sal volatile, tam communi modo per se, quam per retortam tubulatam cum nitro paratum, peculiare partibus nervinis, ab acido affectis, solamen adfert. Dubii equidem sunt succini natales; probabiliter tamen ad classem vegetabilium referuntur, & quidem ex arboribus resiniferis derivatur: nam sal volatile, quale in regno minerali nullum, in vegetabili

autem copiosius luxuriat, natales ejusdem confirmare videtur. Quoniam verò oleum & sal volatile ejus quibusdam nauseosum est, egregiè hinc confert liquor C. C. succinatus ritè paratus, adultis pariter ac infantibus interno & externo usu partium nervosarum egregium solamen est.

Vix cedunt his

Lumbrici terrestres,

Eorum spiritus ex iis præsertim aliquantulum putrefactis, de quo infra, ubi de Diureticis.

Juxta hos, sunt.

Formicæ majores.

Quæ in affectibus nervinis, & inde natis morbis, singulare quid obtinent. Concretum hæc animalia sunt inter reliqua omnia sine pari seligendæ sunt, quæ acidum spirant, & in resiniferarum arborum sylvis luxuriant. Hæc vel per se, vel spiritu vini destillatæ, dant spiritum acidum potentem, qui & Martem corrodit, & saturnum dissolvit. Eadem blanda aquæ affusione ad putredinem dispositæ omne acidum amittunt, & e contra spiritum ac sal volatile urinolum copiosum & egregium suggerunt: Uterque spiritus egregius est externo & interno usu in affectibus nervinis. Spiritus urinosi efficacia egregia est in sistendis doloribus artuum lancinantibus, præsertim scorbuticis, item tremoribus, & similibus. Operandi ratio constat per se; de spiritu verò acido dubium est, an ex acido ortis affectibus succurrat externe? Negari enim nequit, hunc spiritum internè, sive solitariè, sive sub nomine aquæ magnanimitatis, cum spiritu vini aromatico sociatum, singulare esse confortativum totius facultatis animalis. Ille, contra sterilitatem utriusque sexus, inter remedia alia non ultimum est: sicut etiam externè in sexu sequiori pro emendanda sterilitate meritò laudantur à *Conrado KUNRAD in Medulla destillatoria*. Sed quoad operandi modum spiritus aut cum spiritu vini, aut cum aqua articulari temperati, arbitror, quod conveniat præsertim penetrando, attenuando, & in morbis partium nervosarum imprimis resolvendo, sicque tonum pristinum partibus restituendo; quatenus penetrantia sua volatili quovis meatu insigniter referat, acidum viscidum, nervis insensum, incidit, dissolvit, mobile facit, ita ut non corrigendo, sed dissolvendo & removendo fomitem, saltem conferre videatur. Hinc in affectibus paralyticis, tam veris, quam nothi seu Paræsi, Balnea sicca ex fornacis parata, & Fotus siccus, cuius suffusus corpus ægrum tantum ferit, est egregius. Præstant hoc formicæ tam penetrando, & quævis corporis contenta dissolvendo, & per sudorem largissimè evacuando; unde simili ratione arbitror, quod quælibet harum remedia acida, externè in partibus nervosis penetrando, pororum infarctum aperiendo, & fomitem acidi peccantis dissolvendo & removendo, operentur; quæ, qua data porta, vel per sudorem; vel diapnoen, erumpunt.

His similiter addenda sunt gummata quædam, idque imprimis pro usu externo, ut Ammoniacum, Galbanum, Tacamahaca, & Balsamus Peruvianus.

Galbanum.

Simplex egregium est in quibusvis morbis partium, tam internarum, quam externarum, convulsivis. Quoad externum usum, notum est ejus emplastrum in cholicis doloribus convulsivis, & ad hos pertinentibus passionibus hysteris; item dolores diuturnos, tam Venereos quam non, discutit, dissolvendo viscidum acidum, eorum fomitem: unde natus usus *Galbaneti Paracelsi*, ex *Galbano* cum *terebinthina* destillati olei penetrantis, quod in pari usu à *Paracelso*, ex plurimis aliis, meritò laudatur. Habet resinam acerrimam, penetrantem, & acriorem, quam gummi ammoniacum; usu ferè externo tantum, interno quidem etiam, sed parum adhibetur.

Tacamahaca:

Est concretum resinolum, nobile anodynum, temperans & leniens quodvis acre, acrimonia sibi connata dissolvens & attenuans viscidum hinc inde congestum; uti etiam in ventriculi affectibus, ex irritatione nervorum natis, item doloribus partium musculosarum, qui vulgò catarrhis tribuuntur, optima est sub emplastri forma, vel sola, vel cum gummi carannæ; malaxetur cum *Balsamo Peruviano*, sine additione, ut communiter fit, terebinthinæ (fit enim hujus additione adeo tenax, ut non sine epidermidis læsione removeri queat) linteo inducitur, & parti apponitur. Itaque.

24. *Tacamahac. pulver. p. iij.*

blando igne liquefactæ, addatur

Bals. Peruv. p. j.

Aliquantisper blando igne agitata in Emplastrum spissioris consistentiæ coeunt, quod ubique locorum potest applicari.

Balsamus Peruvianus.

Nempe ipse solus in se habet acrimoniam volatilem penetrantem, qua temperat acida, præsertim fixa, præsertim in subiecto plus minus viscido. Præter vim ejus anodynam, quoque nervorum spasmos lenire solet; hinc etiam vulnerarium externo & interno usu insigne existit, ut quælibet vulnera recentia solo eo curari possint. In usu interno contra exulcerationes renum & pulmonum, si cum vitello ovi dissolvatur, propinatur; in specie pro usu nervino contra contusiones, puncturas, aliasque læsiones partium nervosarum, & inde natis doloribus, ut & partium musculosarum, qui derivantur à defluxionibus seu catarrhis frigidis, etiam in ipso dolore ischiadico, litus factus ex Balsamo, in usu optimus esse, & à T I M Æ O ceu expertus commendari solet.

Nempe

24. *Bals. Peruv. ʒj.*

Dissolvatur per agitationem in mortario cum s. q. vitelli ovi; confundatur solutio cum

Spiritus bacc. junip. ʒiij.

f. Litus mollis, contra dolores partium nervosarum, in specie articulorum, & in affectibus contumacibus quibuscunque,

D. S.

Balsamus externus pro articulis & nervis.

Quoad illa, quæ indirectè & mediatè acidum nervorum corrigunt, sunt ea vel absorbentia, vel anodyna. Inter absorbentia sunt unicornu verum, cranium humanum, spinæ mustelæ piscis, cornu & ungula alcis, & similia epileptica; quæ omnia conspirant in eo, quod acidum nervorum absorbent. Instar omnium sit unicornu verum, vel cornu alcis; quibus addatur rhinocerotis, & auris ceti seu lapis manati, simplex modernis non leviter jactatum, quod an unicornu marino præferendum? ad huc in medio velut suspensum relinquo: His accensendi visci, tam quercinus, quam tiliaceus, & imprimis corylinus, in affectibus convulsivis, præsertim per consensu abdominis natis, potentes. Operatur simpliciter figendo & plus minus saturando acidum, istas turbas excitans. Quæ vi anodyna, utut modò palliativè conferant, nervos solantur, sunt opium, & opiata quælibet; in specie cinnabaris antimonii, & alia fixa metallica aut mineralia sulphurea, partim, quæ naturæ alcalinæ sunt, absorbentia, partim temperantia, partim anodyna: nam reverà in antimonio, vel ejus sulphure paulò fixiori (de sulphure ex vitro, quod rara avis est, parato, res altioris est indaginis) vix singularis anodyna, revera somnifera, delitescit. Mulieri his diebus triplicata quartana correptæ propinavi sulphur antimonii fixius, paroxysmi inde evanuerunt, & ipsa totos dies & noctes dormire cepit, ut certi hinc simus, *sulphur antimonii vi anodyna somnifera pollere*: sed cura hæc palliativa experimentandi gratia tantum instituta erat. Hujus autem sulphuris defectu sufficiat cinabaris antimonii, decompositum artificiale & texturæ singularis, dum Mercurius ratione acidi in sulphure firmissimè est junctus: ex his duobus emergit sic concretum, quod in suo recessu videtur esse urinoso oleosum, ut habeat vim singularem corrigendi acidum, nervis inimicum, præsertim in morbis malignis: præterea quoque anodynam vim obtinet unde pathemata nervina omittere penitus, vel remittere videantur; hinc in quibusvis ab acri præsertim acido specifici saporis, occasionaliter excitatis malis, polycresum remedium est, modò ritè paratum sit.

Quoad Humidum nimium, atoniam nervorum inferens, ejus ratione huc pertinent aromata omnia & aromatica simplicia, tam in genere, quam in specie allegata, usu externo & interno. Interno usu, eo ipso, quo acrimonia sua plus minus oleosa, & hinc simul intensiori facto calore corporis, solent esse collquantia & diaphoretica, humidum præsertim nutritivum vocantur siccare; ita externè humidum quodvis penetrare, dissolvere, absorbere, & in partibus solidis occasionaliter calorem excitare, ejusque dispersione nunc per se sensilem transudationem, nunc insensilem evaporationem, promovere solet. Pertinent huc quilibet spiritus aciores pro frictionibus, olea destil-

lata aciora, præsertim lavendulæ, hinc (quod præcellit omnibus) Philosophorum, saponis Veneti, terebinthinæ, juniperi, oleum item terræ modernis usitatum, quod in restauranda atonia excellit.

Hactenus dictis remediis curantur omnes affectus spasmodici & paralytici, similesque atoniæ partium; quas inter referuntur *Deglutitio læsa*, *Asthma convulsivum*, *Tussis convulsiva*, *Singultus*, *Dolores partium externarum*, podagrici & alii arthritici: de quibus pauca adhuc dicam.

Deglutitio interdum impeditur propter paralytin gulæ, in quo casu conveniunt ea gargarismata, item ii Linctus, qui in loquela amissa conveniunt: v. gr. decoctum salviæ, erucæ, &c. in ore detentum; decoctum erucæ & sinapi, pulegii, nasturtii, &c. item nux moschata deglutita; item spiritus vini, cui infusi flores lavendulæ cum aliquot granis castorei; item aqua apoplectica, epileptica, &c. in ore detenti; spiritus theriacalis, cerasorum nigrorum; item succus salviæ mistus cum sinapi; item mistus cum nucè moschata & castoreo, & instar linctus deglutitus; terebinthina potabilis reddita cum aqua primulæ veris, successivè deglutita valde convenit; item oleum anisi, salviæ, &c. guttatim ad fauces demissa, egregiè conducunt. PLATERUS habet observationem deglutitionis impeditæ cum loquela amissa ex vitio nervorum paralytico, curatam per decoctum salviæ in vino, gargarizando & continendo in ore aquam vitæ infusionis thymi. CORNARIUS habet observationem impeditæ deglutitionis ex nimia exsiccatione gulæ, curatæ per gargarismum ex aqua tepida, cum paucò aceto mixta. Externè conveniunt oleum lumbricorum terrestrium, oleum costinum, anisi, succini, &c. Deglutitioni læsæ ex contractura gulæ spasmodica medentur acida absorbentia, v. g. corallia, creta, C. C. ustum, lapilli cancerorum, antimonium diaphoreticum, nux moschata, &c.

Ad *Asthma convulsivum* conducunt imprimis salia volatilia, ver. gr. ex succino, cornu cerui, cranium humano, & similia: nonnunquam, licet cautè, vomitoria præscribuntur, præsertim in hysteris. Purgantibus nullus conceditur locus, quia fibras ad convulsiones magis irritant.

Tussis convulsiva curatur ut aliæ convulsiones epilepticæ, & imprimis, præmissis universalibus, per volatilia & succinata, quæ inter liquor cornu cervi succinatus est egregius.

Singultus medentur opiata, semen anisi, & hujus oleum, castoreum, theriacalia & similia: Quin etiam, ubi singultus contumacior perdurat in corpore robusto, ut quando ad aliquot septimanas, interdum menses, persistit provocatus vomitus eundem tollere solet.

Ad *dolores chronicos*, item artheticos, ac similes alios, præter tacamahacam & Balsamum Peruvianum, egregiè conducit spiritus urinæ cum spiritu vini mistus, calidè applicatus, & benè fricando membrum. Conducit etiam in tali casu sapo Venetus in aqua vitæ seu spiritu vini dissolutus, cum pauca camphora, & ita calidè applicatus.

In dolore à casu, indeque orta contusione, emplastrum de meliloto, malaxatum cum Balsamo Peruviano, impositum est egregium.

Ad *dolorem brachii ex scarificatione* in scapula, convenit sequens:

24. *Olei lumbric. terrestr. ʒß.*

Pingued. taxi,

Vulpin. an. ʒij.

M. Pro inunctione partis scarificatæ.

Brachium verò cum aqua hirundinum cum castoreo benè illinatur & foveatur.

In *doloribus catarrhalibus*, item *arthriticis* & similibus, conducunt spiritus formicarum, mistus cum spiritu lumbricorum terrestrium.

In *doloribus partium* quibuscunque, imprimis *capitis à lue Venerea* excitatis, valde efficax est Emplastrum de ranis Vigonis cum Mercurio.

Porro gravis *dolore crurum* quasi convulsivo agitata, sequenti remedio fuit restituta:

24. *Aqua hirund. c. cast. ʒj.*

Theriac.

Cephal.

Spiritus lil. convall. an. ʒij M.

calidè inuncta fuerunt.

Simi-

Simile exemplum habet HORSTIUS doloris pedum periodici acerbissimi & diuturni, in quo externè insigniter profuit aqua hysterica camphorata, cum spiritu liliorum convallium & cerasorum nigrorum mista, externè usurpata. Aliàs aqua articularis ad extra, mista cum spiritu lumbricorum terrestrium in talibus doloribus insigniter confert externè. In doloribus crurum inveteratis thermæ, aut lapides thermarum in aqua cocti, instar balnearum usurpati, insigniter conducunt; aut possunt fieri thermæ artificiales ex decocto calcis vivæ cum sulphuræ, ad imitationem ZVVELFFERI in sua *Mantissa pagir. pag. 401.*

Subinde certi partim oriuntur dolores catarrhis vulgè adscripti, iique ex acore vitioso, aut propter lympham acidam collectam, aut propter aliam causam coacervato, oriuntur. Curantur hi optimè per sudorifera, imprimis per salia volatilia, vel spiritus salino-volatiles, opiatas mista, qualia sunt: spir. salis ammoniaci, spiritus cornu cervi, cranii humani & similia; Hi enim spiritus urinosi acidum vitiosum absorbent & præcipitant; opiatæ verò acorem temperant, & simul dolorem leniunt.

Podagrici & Arthritici, præmissa Purgatione blanda, imprimis cum hermodactylis, aut etiam præmissa vomitu, curantur per similia salia volatilia blanda proliciendo sudorem; item spiritus tartari volatilis præ cæteris hic convenit. Præter hæc fixa, acidum absorbentia, ut ossa microcosmi præparata, antimonium diaphoreticum, cinnabaris antimonii, Bezoardicum solare, &c. optimè conducunt, imprimis si sal volatile C. C. aut viperarum, aut sanguinis humani, addantur. Et quidem, cum subinde apud nos radix podagræ sit à scorbutis, his commodè spiritus lumbricorum terrestrium per fermentationem paratus, item essentia contra arthritidem vagam, item spiritus cochleariæ, &c. istis diaphoreticis adduntur; quin & opiatæ ad relevandum ægrum subinde usurpanda veniunt.

Externè, si cum dolore arthritico tumor sanguineus, calor, & quasi inflammatio circa articulos, adsit, optimè convenit aqua spermatis ranarum legitime destillata, cum aliquot granis camphoræ permixta & imposita: sin verò citra intensum ardorem & calorem dolor affligat, optimè conducit spiritus vini crocatus, camphoratus, item spiritus salis ammoniaci cum spiritu vini mistus, item sapo Venetus, si dissolvatur in spiritu vini aut in spiritu lumbricorum terrestrium, ita cum penna illinatur partibus dolentibus. Hæc enim & similia acidum Podagricum dolorosum potenter extinguunt. Hinc etiam convenit Balsamus Podagricus Rhamelli, qui est hic:

℞ Sapon. Ven. ℥ij.
Camph. ℥ij. ad 3℥.
Spiritus vini q. s.

Solvantur, & ad tempus digerantur, & separatis facibus reliqua ad usum servantur, ac cum linteis parti dolenti applicentur.

Spiritus urinæ cum spiritu vini mistus, egregiè conducit applicatus; item saccharum Saturni cum spirit. vini camphorato arthritidem cū inflammatione incipiente junctam tollit. N. B. optimum ad quamcunque arthritidem est *sordes coriorum seu tantum usurpatum*; superfundatur urina pueri, coquatur, & vapor ex decocto exhalans excipiat partibus dolentibus; forsitan lotio cum ipso decocto non esset incongrua. Si post paroxysmum podagricum Tumor adest, hic optimè discutitur vapore de cruce, absinthio & artemisia, in qua & vino coctis, & pedibus calidè suffumigatis.

Ad præservandam Podagram optimè conducit vomitus, singulis mensibus semel institutus: Vitentur omnia acida; & per volatilia, item absorbentibus paroxysmus imminens avertatur.

Hactenus autem dicta Nervina manu tandem nos ducunt ad Alterantia

U T E R I N A,

Sive externa, sive interna; cum uterus etiam maxima sui parte corpus membranosum tale sit, inde quælibet modò dicta commodè etiam eidem applicari possunt; quatenus vel interne assumptæ particulæ horum medicamentosæ, unà cum sanguinis circulo ad uterum delatæ, ejus causas morbosas corrigunt; vel quatenus alterando sanguinem, mediante hujus alteratione successivè etiam ipsum uterum plus minus afficiunt. In specie imprimis mensium

& lochiorum excretio, hinc concipiendi promptitudo, aut conceptum retinendi aptitudo, & pariendi conatus denique, sui considerationem merentur: adeoque ea, quæ mensium & lochiorum fluxum, vel conceptionem, partusque facilitatem promovere videntur, Uterinorum nomine veniunt. Operationes autem hæc omnes, cum sint simpliciter opera naturæ, à Medicis à priori inimitabilia, superest saltem impedimenta remove, quæ motum hunc ejus hoc in puncto retardant. Sed nihil observatur magis inimicum, quàm præternaturale acidum; unde non saltem abortus, occasione irritationis in partibus nerveis factæ, sed & ipsum alimentum chylosum foetus subinde alteratur, ut ipsi infantes ad epilepsiam hinc à primo statim ortu proni videantur; unde matres, quæ frequenter acidis utuntur, aut vinum largiter bibunt, raro infantes pariunt, qui non epilepsiæ obnoxii sint. Hinc etiam redundante non tantum acido, sed in specie in cruditate acida in primis viis, quæ sæpè causa est, quod remoretur mensium fluxus; sicut omnia ea, quæ acidum augment sub animi pathematis seu alimentis, fluxum mensium remorari solent. Siquidem ex cruditate acida, ratione acidi præternaturalis, turgescencia sanguinis menstrua, seu sub menstruatione obveniens, impeditur, & ratione fomitis viscosi ita immutatur textura sanguinis, ut tardius per vasa capillaria circulari, eaque per anastomosis aperire queat. Ut taceam, ipsum viscidum in genere sub forma mucoris oblinire orificia hiantia, quibus obstruētis, & difficulter referabilibus sit, ut coacta natura interdum per alia loca excretionem molitur.

Uterina igitur sunt, ut patet, omnia stomachica calida dicta, imò etiam nervina suo modo Uterina dici possunt, & in specie proficua reperiuntur aromatica paulò acriora, & simul uterum sensibilibus fere afficientia; ut Ros marinus; & Sabina.

Ros marinus,

Concretum mulieribus, conveniens, laudatur à PANAROLLO in *Observat.* in fluxu albo, n. e. gonorrhœa mulierum, vel quæ occasione uteri humidi & frigidi dispositæ sunt ad sterilitatem, plane appropriatum est.

Sabina

Quantum valeat, res in vulgus nota est, in utero stimulando, ipsiusque adeò mensibus & abortu provocando: oleum ejus destillatum penetrantissimum est & singulare, unde oleum Sabinæ crocatum Myosichti potissimum est ex Emmenagogis.

Addenda his

Aristolochia rotunda,

Aromaticum simplex; sed rarò est in usu: hinc in officinis fere radix cava seu fumaria bulboia substituitur, longè tamē vi volatili aromatica inferior.

Hinc conveniunt *Pulegium, Angelica*, & in specie

Crocus,

Pulmonibus & utero in his malis peculiariter conveniens. Crocus unum reverà est ex primariis, menses, lochia, & foetum pellentibus. Confirmat id *Observatio RIVERII in Institutionibus*, ubi mulier ex abusu croci in lethalem hæmorrhagiam uteri incidit.

His jungenda

Myrrha,

Uteri malis & vitiis dicata, hinc menses pellens, & uterum irritando partum provocans.

Item

Bryonia,

Quæ præter vim laxativam generalem, uteri etiam malis dicata; uti

Borrag

Corrigens acidum fixum utero infestum, & potenter menses provocans.

Denique

Oleum destillatum & sal volatile succini,

Quod unum ex primariis est Uterinis, cujus sal volatile, tanquam certissimum experimentum, olim celebri cuidam Medico in usu fuit contra partum difficilem.

Hæc

Hæc sunt, quæ directè utero succurrunt. Indirectè faciunt id Martialia, acidum primarum viarum absorbentia, viscidum incidentia; item Purgantia acriora, quatenus in genere genus nervosum fortius vellicare solent.

Hæcque de alterantibus.

MEMBRUM II.

D E

Evacuantibus in Genere.

Dictum suprâ, vitia humorum in quali, seu cacochymiam sic dictam, partim corrigi per alterantia, quæ crasin texturæ vitiatam restituant, & in naturalem temperiem redigunt; partim evacuari ea, quæ simpliciter corrigi nequeunt.

Quod ergo attinet *Evacuantia* in cacochymia, sunt nil aliud; quam excretionum fermentorum, humorum, succorum vitiosorum & excrementitiorum (vocet quis ut lubet) aut rerum præternaturalium in sanguine & reliquis corporis partibus reperibilium, & inalterabilem, adeoque œconomiz animali vel in quanto vel in quali inimicorum, non assimilabilem & unibilem; & fiunt per varia convenientia loca & cribra; omnia tamen ad imitationem naturæ, quæ, quod ei hostile aut superfluum, qua data porta, evacuat, & quidem imprimis per alvum excrementa digestionis primæ seu chymoseos, per vesicam excrementa digestionis secundæ seu hæmatoseos, per habitum corporis per perspirationem seu sudorem, vel sensibiliter vel insensibiliter, partes effectas massæ sanguineæ ac recrementa, sub nutritione partium solidarum privata enata.

His viis etiam alia contenta, etsi non vitiosa, præternaturaliter tamen abundantia, solent evacuari; ver. gr. per alvum bilis copiosior, per urinam serum copiosius per habitum corporis copiosior lymphæ aut ejus vitia quæquam per accidens tantum hæc abundantia simul eliminantur.

Vitiosum istud in nobis inalterabile, & quod, tanquam excrementum, proscribendum à natura generatur tam in statu naturali, quam præternaturali; vel ex necessitate materiæ, ver. gr. excrementa alvi; (cùm enim sint in assumptis alimentis partes nobis assimilabiles, & partibus nostris associabiles, sunt etiam inimicæ, & non unibiles; unde ubi posteriores hæc in excrementa abeunt, foras erunt proscribendæ); vel ex necessitate efficientis, quando fermenta naturaliter vel præternaturaliter adsunt, à quibus materia, in se nobis unibilis, in excrementum degenerat: sic in scabie nutrimentum partis intercutaneæ laudabile alteratur in acido salum nidorosum & ichorosum excrementitium: idem in vulneribus & ulceribus mutatur in pus & saniem. Excrementa ex necessitate materiæ locum saltem habent in statu naturali; ex necessitate verò efficientis simpliciter in statu præternaturali observantur. Hujusmodi recrementa, utut interdum mole minima, activa tamen qualitate, non quantitate, æstimanda sunt: quæ ipsa evacuantur duplici modo.

Ratione Efficientis *Evacuatio* omnis est vel naturalis seu spontanea, vel medica seu artificialis, quæ suo modo est quasi coacta: Illa, quæ spontaneo œconomiz naturalis motu contingit; hanc Medicus, stimulando naturam, per instrumenta pharmaceutica provocat. Spontanea hæc est triplex; vel simpliciter naturalis, vel secundum quid, aliàs Critica dicta, vel omnino est præternaturalis, quæ fit à natura vi morbi aut causæ morbificæ irritata, aliàs symptomatica dicta: Simpliciter talis est, quæ ordine naturæ in nobis observatur, ut alvi dejectio, & urinæ excretio: secundum quid talis, seu Critica; fit à natura, quando post morbos, aut in declinatione eorum, primario in acutis, & secundario per analogiam in chronicis, coacta & subacta materia excernitur uno impetu per ordinem causarum internarum, ad notabile levamen ægri; vel solitariè, ubi recrementa reiiciuntur, vel non solitariè, ut per hæmorrhagias variorum locorum: Præternaturalis verò & symptomatica fit à natura, vi morbi aut causæ morbificæ coacta, & ferè cum detrimento ægri; ver. g. vomitus ex crapula est Evacuatio simpliciter naturalis; diarrhœa

superveniens pleuritidi septima die, & eam solvens (judicans) est critica: quod si in principio februm, aut variorum suppurantibus, superveniat eadem, hæc est evacuatio simpliciter symptomatica & ferè lethalis, ut & sudor colliquativus in februm initio; vel laborat virgo febre petechiali (qui casus nuper à me observatus fuit) periculose, cum superveniente mensium fluxu copiosiore, utut ante 14. dies debita periodo hunc passa fuerit, qui symptomaticus est, crebrò egris funestus & periculosus. Nullæ ex his sub praxi periculosiores sunt, quam diarrhœæ symptomaticæ; siquidem præsupponunt non solum insignem materiæ occasionalis acrimoniam, sed in spetie perturbatum naturæ regimen, in tempestivè excludendo, quod nondum temperatum seu alteratum est; si enim excretionum hujusmodi symptomaticas ex humorum, præsertim sanguinis, effervescencia & orgasmo fermentativo; si sine hoc ex irritatione partium sensibilium, & hinc provocato motu locali præternaturali contentorum, deriveretur excretio, siue ex utroque, sanè principale peccans materiale erit acrimonia nimia quæ vel benigna vel graduata & maligna: Unde in Praxi, præsertim in morbis acutis, multum facessit negotii. Nempe Excretionum hujusmodi symptomaticarum duo primarii erunt scopi.

1. Temperare acidum morbosum specificè peccans.
2. Lenire sensum irritationis, & inde oriundam ex partis organicæ motu contentorum per partem solidam excretionem.

Illud præstant speciatim Figentia aut Absorbentia; Hoc verò faciunt Opiata, & plus minus Anodyna. Evacuatio autem artificialis est ista, quam provocat Medicus, de qua nos etiam hic imprimis sumus solliciti. Hæc ferè sibi subordinantur, ut semper præcedat naturalis seu spontanea, quam imitetur Medicus: ver. gr. in pleuritidis principio, dum omnia sunt cruda, superveniens diarrhœa est symptomatica; quod si septima die prægressis signis, tam pepticis, quam criticis, superveniat hæmorrhagia narium, morbum judicans, est Evacuatio critica, quod si ægro jam convalescente primas vias impuriore Medicus remedio cathartico purget, est Evacuatio artificialis: Aut laborat quidem variolis, in principio morbi est gravis hæmorrhagia narium, quæ est symptomatica; in statu autem morbi, à die quarto ad septimum sub ebullitionis tempore, supervenit excretio intercutanea, unde pustulæ, pruritus & ulcera, quæ Evacuatio spontanea est: post variolas autem hinc, necesse est, ut semel aut aliquoties evacuetur alvus; quæ ipsa Evacuatio est artificialis, & post illas præcedentes imitatur Medicus naturam, ad reliquias hinc inde hærentes eliminandas & extirpandas.

Utraque hæc Evacuatio seu Purgatio, præsertim artificialis, ratione loci & materiæ evacuandæ, est vel Universalis vel Particularis: Illa est, quæ promiscuè ex variis locis ac partibus, aliàs à natura per motus suos criticos demonstratis, indiscriminatim evacuat ut ejusdem usus & effectus in totam massam sanguineam, adeoque quoque in universum corpus redundet; Particularis est, quæ excreta ex quadam parte solida, aut ejus cavitate evacuat, ita ut ejus usus non nisi in eam ipsam partem, aut proximè in vicinas, redundet. Universalis est quintuplex: per superiora in vomitu; per inferiora seu intestina in secessibus; per vias urinarias in diuresi, per poros intercutaneos in sudore; vel per salivales denique glandulas in Ptyalismo seu Salivatione: Particularis verò nunc per os in apophlegmatismis; nunc per nares in Erhynis & Sternutatoriis; nunc per aures; nunc ex pectore sub expectoratione muci; nunc ex utero; nunc ex intestinis per Clysmata aliasque injectiones; nunc ex aliis promiscuè expurgans noxium.

MEMBRUM III.

DE

EVACUANTIBUS IN SPECIE.

Hinc

ARTICULUS I.

DE

VOMITORIIS.

QUæ per superiora evacuant, ordinariò Vomitoria vocantur. Purgationem talem, seu humorum variorum, præsertim ex Medici intentione cacochymicorum; adeoque excrementitiorum, tam per superiora, quam per inferiora, Evacuationem quod attinet, ejus doctorem ipsam habemus naturam, quæ non raro in statu morbo aut critico motu stimulata, nunc per vomitum, nunc per secessum, morbum indicat, non absque felici eventu: vid. SCHENCKIUS in *observat.* l. 2. pag. 244. & PANAROLLUS *Pentec.* 1. *observat.* 36.; aut in statu sano non critice spontaneas tamen & salutes subinde in sanis instituit Evacuationes: vid. SCHENCKIUS l. a. l. 3. pag. 428. ver. gr. secundum anni mutationes verno aut autumnali præsertim tempore, item secundum victus mutationes, dum v. gr. vel ex copiosorum vel minus convenientium alimentorum ingestione ventriculum gravatum exonerat, & à sardina ista molesta liberat, aut in peregrinantibus salutes frequentes instituit diarrhœas multorum morborum præcautrices: Vomitum principio febrium paroxysmis, utiliter natura ipsa ciet, & per periodicos, aut sanguinis aut humorum excrementitiorum variorum Vomitus, Splenitici aliique Valetudinarii sæpe insigne levamen percipiunt. Conf. SCHENCKIUS l. a. l. 3. pag. 328. 330., item BARTHOLINUS *Centur.* 3. *Histor.* 36. Rhodius *Centur.* 2. *Observat.* 62. 64. sequ., PANAROLLUS *Pentec.* 1. *Observat.* 2.

Quidni ergo imitetur naturæ motum Medicus, & Vomitum instituat, ubi necessarius & utilis videtur? *Modus, quo fit Vomitus*, notus est, & præsuppono, eum esse aliud, quam spasmus seu motum convulsivum stomachi, oriundum ex lesione seu irritatione pylori, tanquam in stomacho Rectoris, facta à Medicamento assumpto. Quando enim irritatur vel molestatur stomachus, primò pylorus, qui rectè ab HELMONTIO vocatur Rector, se contrahit, quia maximè fibrosus est; unde si convellitur, mox systole seu contractio totius ventriculi ab orificio inferiori ad superius sequitur, ac tandem totius œsophagi, materiam sursum effundentis; id quod imprimis docuit avtopsia OLAI RUDBECCI *Observ.* 20. in cane vivo dissecto, in *Messe Aurea* HEMSTERHUSII p. 232. Vid. etiam WILLISIUS in *Pharmacop. Ration.* P. 1. ubi de Vomitu p. 31., & WEPFFERUS de *Cicuta Aquat.* pag. 250. & 251., ubi similis motus per anatomen fuit observatus.

Est enim *Vomitus spasmus* seu *motus convulsivus totius ventriculi* cum juncto ipsi œsophago, cujus spasmus causa primaria effectiva est impetus spirituum animalium influentium: hinc est, quod interdum ex sola imaginatione superveniat Vomitus, quod ipsum non, nisi in certa spirituum animalium quoad motum modificatione consistere potest.

Causa efficiens instrumentalis sunt fibræ, tam circulares quam rectæ, tunicarum ventriculi, tam musculosæ seu fibrosæ, quam internæ nerveæ: à fibris enim rectis quoad longitudinem, à circularibus quoad latitudinem & profunditatem, adeoque secundum omnes dimensiones arciatur & corrugatur ventriculus; & ita necessariò quævis contenta forti conatu exprimuntur. *Remota seu Occasionalis Causa* est omne id, quod irritare, hoc est, sensibili molestia afficere potest internam tunicam ventriculi.

Principium motus hujus convulsivi est plerumque à pyloro, qui Janitoris fungitur munere, cum præsit & Retentulum; interim tamen & in duodeno principium motus hujus convulsivi observatum fuit; sicut & ipsum quandoque ventriculi medium: vid. WEPFFERUS *dicto loco*. A pyloro tamen ut plurimum principium est conatus vom-

torii; & hinc pylorus imprimis instructus est circulo nerveo, qui nihil aliud est, quam fibrarum nervearum circularium conglomeratarum congeries; unde etiam suo motu contractivo alias ventriculi partes longè superat. Scilicet duplex est orificium ventriculi, superius & inferius: à superioris contractura oritur nausea, unde in nausea difficulter deglutimus & non sine difficultate, orificio superiori arctius se contrahente, transmittimus Assumpta, ab inferioris verò contractura oritur motus vomitorius, cum stricturæ superioris orificii strictura inferioris prævaleat, & motu peristaltico inverso sursum per superius orificium contenta ejaculari pollet; inde vomitus sæpe sunt laboriosi, *es stehet und druckt, und Will doch nicht fort, sondern macht grosse Heßens Angst*, dum moram faciunt, premunt morent, nec promovent, quin animo angorem incutiant. Scilicet quando fibris prope pylorum peristalticè, sed inversè, motis orificium superius se nimis fortiter stringit, ita ut non nisi fortissima pylori & ventriculi strictura tandem superari & per hoc superiora versus omnia contenta per pressionis modum foras rejici queant.

Ex his jam dictis vel spontè patet, quomodo Vomitoria propriè sic dicte, mole etiam minima, operentur? simpliciter scilicet irritando, quod nempe habeant particulas adeo rigidas & acutas, quæ vehementer fodicare & pungere valeant ventriculi tunicam internam, ex quibus puncturis, præsertim prope pylorum, motus convulsivus, & ita vomitus supervenit.

Clarum hoc est; quando Vomitoria quælibet; etsi tantillum eorum circa fauces hæreat, ac post assumptionem restitit, sensilem molestiam & irritationem inferunt, quam phlogosis seu rubor faucium cum dolore insequitur ver. gr. grana ij. Mercurij vitæ, remedia antimonialis, violentum concitant vomitum; & ipse in me observavi sensum molestissimum in faucibus sub hujus usurpatione, similem vellicationi, quæ est à gustato ingratorum remedio Virgilio. Par ratio est Asari; si enim pulveris hujus parum in pharynge aut isthmo faucium hæreat, molestia seu vellicatio, sui tamen generis, quasi à pipere assumpto, percipitur. Talis itaque si in ventriculo quoque facta sit, à spiculis rigidior particularum remedii comitem vomitum post se ducere solet.

Alia improprie dicta Vomitoria sunt, quæ vel moie, vel fluctuatione, vel simili modo, molestant ventriculum, eumque ad vomitum provocant: sic exem. gr. provocat vomitum aqua probè salita copiosior ingurgitata, copia aquæ fluctuantis, & salis superflui molestantis & irritantis seu stimulantis stomachum: per ratio est jusculorum nimis pinguium, aut aquæ cum oleo calido permixtæ, vel cerevisiæ calidæ cum butyro largius imprægnatæ, dum vomitum producant. Nempe pingua, quatenus partim inimica ventriculo, dum difficulter digeruntur, partim quatenus aqua copiosa diluuntur, & ita fluctuatione sua ventriculo plus minus molesta sunt, vomitum concitant. Par ratio est, quando digito immisso faucibus, membrana gulæ intima irritata, & per consensum contractura concitata, Vomitus provocatur.

Huic Vomitus motui, tanquam primario, alii adhuc 2. *motus constrictivi* in vehementiori conatu junguntur per consensum. *Primus* nempe *motus duodeni intestini*, quod totum, & interdum ulterius usque ad jejuni principium una convellitur, & irritatur: continuum enim hoc est principium jejuni & pyloro, unde ex fortiori hujus convulsione, simul etiam duodenum se contrahit: sub hac duodeni vellicatione & convulsione concitantur & vellicantur simul ductus pancreaticus & choledochus, qui plus minus concussi & motu tremulo affecti, atque ita quasi contracti, sic copiosius solito effundunt suos contentos succos, tam bilem quam lympham pancreaticam; ut post vomitum unum atque alterum, dum denuò se laxat pylorus, superiora versus in stomachum, ob contracturam duodeni & jejuni tunc adhuc perdurantem, regurgitent, & ita quoque per repetitos vomitus subinde unâ ejici solent. Hinc fit, ut signum ritè purgati per vomitum ventriculi judicetur, quando biliola genuina in fine & flavescencia ejicitur: hinc etiam est, quod sæpe varia, flava & viridia, amara, acida & variegata, per repetitum vomitum ejiciantur, quæ raro, aut saltem non omnia, in ventriculo præextiterunt.

Observetur ergò distinctio recrementorum. Flava, quæ post aliquot vomitus, eaque pauca & amarissima solent ejici, sunt ex folliculo felleo, & tunc signum est quod om-

omne sit evacuatum & eradicatum malum; ab intestini enim duodeni, in quo ductus choledochus inseritur, validiori constrictura bilis fursum in ventriculum regurgitat, & ita talis humor per vomitum repetitis vicibus rejicitur, vel gustatur tantum: Quæ autem in principio statim vomitus rejiciuntur flava subdulcia, eò tantum ex stomacho veniunt, & suntcrementa chyli corrupti, quod vitium frequenter oritur post nimium potum, si simul edimus.

Cum hoc convulsivo stomachi motu motus secundus, qui una observatur, est motus thoracis expirationis convulsivus, qui in omni, & præsertim in laboriosiori vomitu, observatur: Nempe nemo inspirando, sed semper expirando, vomere potest. Jam verò fortiter simul thoracem, ejusque præsertim costas, constringi & convelli, ex sensu notum est; cum præsertim sub & post vomitum de dolore intercostalium locorum ægri conqueri soleant. Contrahuntur quoque facilius, & valdeperè convelluntur diaphragma & musculi thoracis expirationi inservientes, ut & musculi abdominis quicquid sub isto contractu vomitus expiratorio fortiter contrahuntur, sicut per autopsiam anatomicam patet, quod diaphragma crebrius succuti, & validiore sui succussione ventriculum simul commovere ad vomitum soleat; hinc præsertim circa costas inferiores, ubi facilius fibræ contrahuntur, dolor percipitur, Quoad musculos abdominis, de his etiam testatur sensus, & quilibet vomituriens percipit, validè contrahi hos musculos. Cum hoc simultaneo thoracis motu convulsivo simul cum impetu aer ex pulmonum fistulis eliditur, ratione cujus pulmonum & thoracis cavitatibus vehementer angustatis, in vomitu una non raro cum impetu expellitur, quicquid in ipso thorace & pulmonibus est, aut phlegmata viscida, ver. gr. in asthmate humoroso ex bronchiis pulmonum; aut materia copiosa purulenta, pulmones aggravans, ut in phthisi nondum adeò desperata fieri solet; & una vice per vomitum in tali phthifico plus vidi rejectum, quam alias aliquot dies tussiendo excrevisset. Ratio autem, quod simul contrahatur diaphragma atque thorax, & per consequens reliqui musculi thoracis, est ex consensu cum stomacho, nato ex nervo paris, ad stomachum, & præsertim orificium ejus superius duos insigniores ramos distribuentis, & cum intercostali nervo motui thoracis inserviente, hinc inde variis plexibus mutuo conspirantibus, atque sic plurimum conferunt ad thoracis constrictionem; unde fortius irritati omnes conjunctas suas partes vehementius movent. Accedit & contactus diaphragmatis & stomachi mutus circa superius orificium, ratione cujus ex consensu cum ventriculo affecto aut singultus pertinaces, aut tussis sicæ, aut asthamata, non sunt rara, unde & vomitus in affectibus pectoris est optimus, & valde proficiuus. Hæc de modo.

Quod attinet Vomitus usum medicinale, contra obtrectatores horum ipsa natura loquitur, quando interdum spontanei oriuntur vomitus, periodicæ diarrhææ verno tempore, vel post victum alteratum facta prius excandescencia, ubi summo cum naturæ conamine hoc, vel in itineribus: quæ diarrhæa spontanea non fit à natura irritata, sed ejus provido consilio. Ergo Medico arte licet imitari ejus conatus: adeoque reverà *polychrestus vomitus erit usus*, utpote cujus ope sæpius contenta cum impetu & valido conatu ex ventriculo evelluntur, quæ alias à communibus Purgantibus aut non, aut saltem difficulter, aut parce ejicerentur. Nempe raro contenta in ventriculo à purgantibus eliciuntur & evacuantur, cum hunc minus irritare, sed ferè solum contenta intestinorum eliminare soleant.

Cum autem viscida & vitiosa contenta ventriculi aut vicinarum partium, primariò intestini duodeni, suo modo hepatis, aut vasorum felleorum & pancreatis, item vitiosa, indeque cæterorum, temotiorum licet, partium ejici debeant, quæ alias difficulter ejiciuntur, Vomitus in his optimus est;

qui

(1) hæc ipsa cum conatu rejicit,

& hinc

(2) præter contenta ventriculi & primarum viarum, etiam contenta pectoris in specie, & quæ in fistulis pulmonum pertinacius hærent, gelidi per vomitum, ac simul per consensum ac motum

thoracis constrictorium ejici observantur.

Patet ex his facile spontè, quævis, & quantum sit usus Vomitoriorum? Nempe cum tantum non omnium, aut plurium saltem morborum radix hæreat in ventriculo & primis viis, etiam iis præferim vomitus succurret, radicem eradicando, & quantum possibile evellendo, aut saltem fomitem morbosum aut multiplicationem causæ morbificæ maturè subtrahendo, & ita incrementum morborum in tempore præcavendo; unde etiam longè à primis viis distitis morbis sæpius prodesse, in Praxi quotidie observatur. Hinc sequitur, usum vel simpliciter, vel ex evacuatione violenta primarum viarum, vel secundo ex insigni pectoris, abdominis & viscerum contentorum, imò tantum non totius generis nervosi succussione & concussione ex vomitu derivari posse; hinc radix curandarum febrium intermittentium contumacium consistit in vomitu, præsertim quartanæ; & dubito, an quartana etiam sine vomitu curari tuto queat, adeò ut & repetitus in hanc Vomitus proficiuus sit. Purgantia enim propriè sic dicta in ea sunt simpliciter nociva magis, nisi in ipso paroxysmo dentur; cum è contra in & post paroxysmum Vomitoria, vel ante insequentem maximè conferant: adeoque rectè F R E I T A G I U S radicis quartanæ curationem in repetito sæpius vomitu consistere ait, quicquid etiam contradicat WILLISIUS ac KERGERUS, non secus ac in morbis acutis & febribus continuis, tam benignis, quam malignis, in quarum principio Vomitoria semper habent locum. In benignis res per se nota est; in malignis petechialibus, verbi gratia, in principio, præmissis statim Vomitorio, hoc commodi habent ægri, ut toto morbi cursu sint quieti, sive etiam moriantur, sive reconvalescant; nec adeò jectabundi & inquieti, quam si Vomitus omisus fuerit, quem admodum id studiosè aliquoties observavi. Unde etiam, si interdum morbi maligni ab inspirato per halitum contagio oriuntur, in iis, dum contagium præter massam sanguineam semper primò afficiat orificium stomachi superius, in quo primos insultus sentiunt ægri, admodum proficiuus sunt Vomitoria, & omnia symptomata præcavent, maturè si propinata fuerint. Hinc etiam, quando tempore epidemico pestilentiali conqueruntur de nausea sine causa, suspiciosi sint de contagio, & mox sumant vomitorium; observatum enim est: quod ægris, antequam bubones & carbunculi eruperint in principio statim optimè profuerit Vomitus. In specie in omnibus morbis chronicis cardo curandi ferè consistit in vomitu, omnique cachexia, tam marium, quam fœminarum, in quibus curationis principium sit Vomitorium, quod & interdum in progressu repeti potest; item in hypochondriaco malo Vomitoria sunt optima; unde etiam ad præservationem, Vomitus omni mense aut bimestri spatio, sive per medicamenta, sive per inebriationem provocatus salutaris est: videatur LANGIUS in Epist. l. 1. Epist. 30. præsertim in junioribus, & qui vitam agunt sedentariam: item pro radice evellenda in scorbutico vomitus semper est necessarius: in cachexia icterica, tam flava quam nigra (utpote quæ accidentaliter tantum differunt) sine vomitu raro curare ægros, aut diuturnior eorum curatio sine hoc erit: item in affectibus qui hypochondriaca pathemata insequuntur, cum aut sine lienis vitio, aliisque his cognatis chronicis affectibus, ex acido vitioso primarum viarum natis, e. gr. prostrato appetitu, Melancholicis & Maniacis, quorum auxilium semper vomitus, etiam repetitus, requiritur: sæpe maniacos & furibundos cicurare, aut tantillum pacatos reddere, sine vomitu impossibile est; hocque non nisi gravioribus & fortioribus Vomitoriis: per helleborum album præsertim, mites & hinc perquam tractabiles fiunt; unde & quævis alia, imprimis anodyna, post Vomitum postmodum operantur optimè, quæ alias sine hoc essent nocentissima: in singultu contumaciori, ubi causa irritans incuneata pertinacius est impacta rugis & succis ventriculi, ac imprimis orificio superiori, vomitus utramque facit paginam: item in angustis & anxietatibus præcordiorum ex orificio stomachi: ad præcavendos nephritidis ad podagræ paroxysmos, quorum spicula cudentur in stomacho, vomitus est saluberrimus, ut quotannis bis instituto vomitu, præprimis verno & autumnali tempore propinatis Vomitoriis, paroxysmos podagricos, & alios rariores aut mitiores vel planè remittentes reddiderint; non secus ac calculi generationes sic præcaveri solent. Sanè omnes Practici laudant

R

ant maturè institutos vomitus ad præcavendam aut mitigandam podagram, & in ipso etiam paroxysmo suadent; quod tamen cum cautela recipiendum, cum non semper tuto fieri posse videatur; affectus pectoris, tussim diuturnam, imprimis quæ est ex consensu ventriculi, vix sine vomitu curabimus; par ratio est in asthma humeroso, tam in quàm extra paroxysmum, quatenus contenta in bronchiorum fistulis ita disposita sunt, ut commode evacuari queant, nec adeo viscida amplius sint; hinc per vomitum multa cum sensu levamine ægri evacuantur; item in phthisi, ubi pulmo exulceratus, quando adfuit copiosa purulenta, sed talisimul, in qua nulla adhuc observata fuit hæmoptysis (aliàs enim periculum est, ne iterum superveniat) pro liberando ægro a sarcina copiosioris puris, pulmones infarciendi, vomitus interdum provocatus multum prodest: in pleuritide item suppurata, empyemate, & hydrope pectoris vomitus pro expurgando pure est singularis usus, teste **BARTHOLETO de Respiratione**; ne diuturniori mora majorem noxam pulmonibus inferat: nam plus puris in empyematicis sæpe cum impetu per vomitum excernitur, quàm sputo aut tussi per octo dies; modo homo non sit phthisicus: non secus ac in affectibus capitis per consensum, ut vertigine quæ oritur ex stomacho & primis viis, optime prodest fortior Vomitus; & ipsa natura hunc in caducis præsertim sæpius sponte provocat. Par ratio est in apopleptico paroxysmo, quando vulgò Clysteres acres in principio, cum ægrotorum tamen periculo, adhibent, nihil eis operantibus. Fiat potius initium à vomitu forti, dosi interdum repetita aut duplicata; sic maturius longe ad se redeant ægri, & longe facilius, si curabilis adhuc est apoplexia, quàm clymate & aliis. Cura fiat per vomitorium, semper mox propinandum; etiam cum spirituosissimum infundendum est, nisi aliqd quid urgens obstat, & fortior sit morbus. Eadem est ratio in epilepsia, præsertim in infantibus, habituali, dum per aliquot horas, in diuturniori præsertim paroxysmo, iacent mortuorum jacent, antequam ad se redeant ægri; hinc Vomitoria, etiam repetita dosi, infundantur, donec operentur, quamquam raro per superiora hoc fiat, frequentius & sæpius per inferiora, omnimoda naturali perverso; hinc tandem ad se redeant, & evigilant quasi patientes miseri. Cephalalgia per consensum stomachi vomitu curantur; quod etiam in philtis valet, quando suspicio est exhibitæ philtis, sive veri, sive imaginariæ, vix venenosum hoc sine vomitu poterit removeri; ad affectus itidem narcoticos pro extirpandis ægris Vomitoria maturè propinata sunt optima; item ad Gas sylvestre & venenosum, exhalans ex carbonibus, cellis vinariis, aut cerevisiariis sub fermentationis motu; pro ægris inde apparenter ita mortuis resuscitandis, aut noxa ulteriori præcavendis, maturè in fortiori dosi propinantur Vomitoria; hinc mox ad se redibunt. Hicque usus est ratione Evacuationis.

Ratione concussionis, & vellicationis abdominis in secundina retenta, foetu mortuo, partu difficili, & aliis similibus affectibus, ubi omnia alias rite se habent, & tamen nequit excludi foetus, ultimum auxilium est vomitus, mediante ejus fortiori & concitatiore impetu foras una elicitur; vid. **BILLICHIIUS in Observat. & Paradox. Chymicis lib. 2. cap. 14. pag. 161.**; cui propter hanc causam Mercurius vitæ adeo probatus est. Facit huc Observatio **POTERII**, quod in muliere, vesicæ calculo laborante, propinavit vomitorium, sub cujus violenta operatione calculus simul cum auxilio ægræ excussus fuerit: De apoplexia superius dictum, nempe ratione totius systematis nervosi vomitum in ea conferre; conf. **MOEBIUS in Institut. pag. 445.**, item in *Dissertat. elegant. de Natura & Usu Vomitoriorum*, item in **HOFFMANNI Methodo Medendi lib. 1. cap. 9. pag. 120.** & **ANGELUS SALA de Ternar. Emericorum, ubi simul docetur legitimus Vomitoria adhibendi modus ac regimen, cum quo confer. **GRULINGIUS in Florileg. P. 4. cap. 19.** & præsertim **MYNSICHTIUS in Armament. Chymico pag. 15.****

Quod attinet regimen ac methodum administrandi ac instituendi Vomitoria, observanda sunt Indicantia, Coindicantia, & contraindicantia. Indicant Vomitum imprimis causæ materialis naturaliter alias evacuandæ situs seu locus, conditio & motus. Situs seu locus, an sit circa ventriculum, intestinum jejunum, pectus, &c. verbo: loca talia, ex quibus Vomitus beneficio expelli queat. Conditio est, an sit mobilis, ita ut possit commode per superiora evacuari. Quoad motum, an contentum evacuandum

ita sit conditionatum, ut è suo loco moveri, & sic cum levamine ægri evacuari possit.

Cognoscuntur hæc à supervenientibus symptomatibus: e.g. qui crebrius nauseant, habent stomachi dolorem & cardialgiam; qui leviter alias vomunt, qui patiuntur murrura, agitationes, fluxiones, & dolores circa epigastrii regionem primam &c. In his, cæteris paribus, innuitur motus & turgescencia materiæ morbosæ circa stomachi regionem, vergentis sursum ad vomitum, qui hoc ipso imperatur.

Coindicantia, seu quæ confirmant istam Coindicantiam, sunt ætas ægri; sic infantes facile vomunt, & minoribus, quàm adultis, ita ut, aliis Indicatis respondentibus, iis etiam in cunis tuto Vomitoria possimus propinare, quia plerumque eorum vitia à stomacho dependent: sic etiam ætas juvenilis magis adhuc, minus verò senilis ac decrepita, Vomitum concedit, in quibus etiam tardius & difficilius, si ex urgente necessitate propinentur, operantur: Facit huc etiam multum constitutio corporis: nam de hoc **HIPOCRATES sectio 4. Aphorism. 6.** dicit; quod qui ad vomendum sunt faciles, per superiora sint purgandi; & **Aphorism. 4.** Qui habent collum non angustum, non crassum, nec nimis curvum, sed aliquomodo procernum & longum, pectus amplum & sine noxa, & sunt graciliori habitu, facile vomunt. Item tempus anni; verno enim & æstivo tempore deprehenduntur succi corporis turgescibiles, & facile evacuable, secus reliquis temporibus; hi ne æstate superiores ventres, hyeme verò inferiores purgandi. Dein ventriculi status plus minus robustus: Quò magis enim robustus hic, eò facilius & tutius, (modo orificium non sit nimis rigidum) vomunt; quò debilior & imbecillior, aut si atonia simul laborent fibræ ejus, eò minus provocandus est vomitus. Facit etiam hæc aliquid consuetudo: Quò magis enim Vomitus ventriculus adfectus, eò tutius & facilius fibræ motui ventriculi peristaltico inverso obsecundant, & hinc vomunt. Denique **Vires**: Quæ, quò magis robustæ eò magis permittunt, & quò magis infirmæ seu debiles, eò plus minus vel planè non Vomitum concedunt.

Contraindicantia, seu quæ Vomitum prohibent, sunt.

- (1) Constitutio corporis, tam in inepta conformatione, quàm nimia crassitie: ver.g. si collum sit breve, crassum & angustum, qui pectore sunt angustiore & obeso, aut malè conformato; item qui crassiores, obesiores, aut corpulentiores sunt, in iis difficilius est vomitus, vel saltem periculum subest (præsertim in iis, qui malè conformatum habent pectus, aut spinam dorsi) ne ruptio vasorum pulmonalium aut intercostalium sub graviore eo conatu contingat.
- (2) Procidentia quædam in partibus abdominis, ut in herniis quibusvis, tam scrotalibus quàm umbilicalibus (quamvis alias hæc etiam differant) & mulieribus prolapsu sinus pudoris, & procidentia ani & uteri laborantibus; unde abstineant à vomitu, ne dicta eorum mala exasperentur, cum constet, etiam à violentiori vomitu interdum hernias posse induci; vid. **MYNSICHTIUS loco allegato, ubi de Tarraro Emerico**.
- (3) Imprægnatio: Gravidis & Prægnantibus, propter metum abortus & abdominis angustiam, mediis gestationis mensibus minime convenit. Obiciat quis, quod gravidæ primo & medio gestationis temporibus spontè frequenter vomant, unde benè pariunt, Resp. duo cum faciunt idem, non est idem. Posito hoc, tamen non facile Vomitum in iis, præprimis mediis & ultimis mensibus, excitemus.
- (4) Omnes capitis affectus per essentiam: Unde in epilepsia, vertigine, cephalalgia, &c. contumacioribus, temperatè instituantur Vomitus, cum semper sanguinis circulatio ad vasa superiora observetur sub vomitu impediri, unde vasa circa frontem & collum tumere videntur.
- (5) Oculorum affectus, unde, qui oculorū doloribus sunt obnoxii, & præsertim inflammationibus labo-

laborant, caveant à vomitoriis; mirè enim oculi vomitu aut læduntur, aut in iis magis exasperatur ophthalmia.

(6) Hæmoptysis: Hinc qui cruenta sputa ejiciunt, abstineant ab iisdem Vomitoriis, cum malum aut exasperetur, aut paroxysmus provocetur, si ve ex ruptura, si ve ex erosione vasorum, sit malum.

(7) Indiosyncrasia.

(8) Affectus abdominis convulsivi habituales, i.e. Hypochondriaci aut Hysterici, item Iliaci aut Colici in Colica habituali convulsiva, non humorosa, difficulter Vomitu tentantur: sæpè enim provocari malum; & revocari solet à Vomitorio paroxysmus, aut ileos excitatur.

(9) Tumores inveterati abdominis, menses terii, glandularum ejus, scirrhi hepatis aut lienis, contraindicant vomitum, cum nullum levamen inde sit sperandum; sed harum partium ferè inflammationem, & alia mala; excitare soleat.

Denique.

(10) Mensium defectus diuturnior ex uteri vitio Vomitoria arcet & vetat; cum periculum sublit, ne tali in statu per motum hunc violentum, aut menstruatō superflua, seu nimius eorum fluxus, aut vomitus planè cruentus, concitetur, ac gravius malum insequatur.

Evenire interdum solet, ut ex propinato Vomitorio non sequatur Vomitus, idque cum supervenientibus ferè distinctis phænomenis, cujus effectus potissimus quadruplex causa esse solet: Fit nempe.

(1) Ob mucum seu pituitam viscidiorē ac tenaciorē, incrustantem undique parietes ventriculi: Unde cum propter crustam mucosam non æquè penetrare queant spicula remedium vomitoriorum, sit ut ea, etiam in dupla dosi, nihil aut parum operentur: In specie licet observare in iis, qui in lue Venerea Mercurialibus tractantur; dum enim non supervenit aut ritè succedit salivatio, copiosissimus in ventriculo subsistit mucus, unde cardialgia seu ventriculi anxietas, cephalalgia; dysphœcia, &c. oriuntur: hic autem succurrendum per Vomitum, quæ remedia tamen revera dupla etiam dosi parum aut nihil operasse observavi.

(2) Ob acidum, nunc naturale nunc præternaturale, intensius figens & corrigens texturam particularum Vomitorii. Videmus hoc in Melancholia hypocondriaca, ubi nihil operantur hæc remedia, nisi in dupla vel tripla propinata dosi: Ab acido enim eorum fixiori ita enervantur, ut ex inversa eorum textura nullus sequatur effectus.

(3) Ob robur ventriculi firmius, præsertim orificii superioris seu sinistri: Ut enim tales miserè angantur à vomitu, propter orificii tamen hujus fortem nimis contracturam, & denegatam aperturam, planè nihil aut parum evacuatur, sed omnia deorsum potius promoventur.

(4) Ob sensus ventriculi deficientiam, in quibus nec stimulus medicamenti sentitur, nec defectu sensationis spasmus excitatur, v. g. in senibus à lethali morbo correptis; verbo: in quibus vis animalis languet, & ad sui extinctionem properat, vomitus non succedit; quod ordinario est lethale, ceu aliquoties observavi; innuit enim quasi inchoantem virium in ventriculo extinctionem, & stomachum ut plurimum relaxatum, quod pessimum signum est.

Si ergò instituendus est Vomitus medicamenti, observetur regimen iustum sub remedii operatione, ut

(α) faciliter Vomitus,

(β) ut nimius mature auferatur.

Concedatur itaque remedio sua operatio, & quandiu sponte voment ægri, nihil ulterius tentetur.

Facilitatur Vomitus in specie manuum applicatione ad hypochondria; ubi verò difficilior sit vomitio propter ventriculi humidi defectum, convenit in hoc casu, ut promoveatur per potum calidum aquosum, aquam salinam calidam, vel butyro largiter mistam, cerevisiam calidam butyraceam, aut aliud jusculum pingue bene salitum, laxum reddens orificium, sic promovetur largior vomendi con-

Ettmulleri Oper. Tom. I.

tus, qui aliquoties jam spontè frustra fuit peractus: sicut etiam intrusio pollicis aut pennæ oleo intinctæ in pharyngem, eam irritat, Vomitu multum faciliat, & subsistentem promovet. Quod si verò fiat, ut multus ac superfluus fiat vomitus & nimia hyperemesis superveniat, ibi consultissimum est, ut mox haustus vini generosi calidi propinetur; sic omnis vomitus statim sistitur, & in præcordiis cruciatus facile evanescunt, licet à fortioribus antimonialibus stomachus irritatus fuisset; & licet vice prima rejiciatur, reiteratus tamen post vomitum aliqualem cum buccella panis emesin egregiè sistit: optime quoque sisti dicitur pulvere pumicis in vino propinati: vid. CARDILUCIUS *Commentar. in Praxin Har. manni p. 10.*: item opiata obtupefacientia Aromaticis sociata; hinc essentia opii cum aqua cinnamomi aut spiritu theriacali, vel sola Theriaca in quocunque vehiculo, v. g. vino assumpta, mox vomitum cohibere solet, aut etiam eadem Theriaca cum spiritu vini crocato ventriculo calide applicata.

Remedia autem Vomitoria in omnibus tribus naturæ regnis habemus, pauca tamen; eaque usitatiora & meliora seligamus; inusitata enim & obsoleta jam sunt illa & aqua & oleum quod tonam ventriculi laxent ac debilitent. De cætero vid. ANGELUS SALA & PETRUS CASTELLUS *de Vomitoriis: Aqua Conradi & Plateri emetica* non amplius in usu sunt. Pauperrimum in hoc est regnum animale, & nihil exhibet, præter

Rasuram Unguium humanarum,

vi tamen & operandi modo occulto: miscetur cum vino, & fit potens satis remedium, supra & infra purgans; sic

℞. Rasur. ungu. hum. ℥j.

Infund. in

Vini Rhenani ℔i.

Digeratur: rasura ferè tota in mucilaginem dissolvitur: filtraturæ add.

Spiritus Vini ℥j. M.

Et de vino hoc emetico ℥ij. ad ℥ss. propinata fortiter Vomitus provocat. Fuit hoc remedium Castrense extemporaneum Celebratissimi in Polonia Medici CNOEFFELLI, dum in castris ibi versaretur. Plura videbitis in BECKERI *Medico Microcosm pag. 14.*

In Vegetabili Regno prostant Gratiola, Gummi Guttae, Helleborus albus, Nicotiana, Radix Asari, &c. de quibus, eorumque præparatione, videbitis in citatis Autoribus, & præterea in WALEI *Methodo Medendi pag. 59.* inter hæc duo imprimis excellunt, Asarum & Helleborus albus.

Asari Radix

Exactè trita seu minutissime pulverisata à ℥ss. ad ℥j. propinata in haustu seu vehiculo vini calido, Vomitorium est optimum, imprimis febriu chronicarum, in quibus præstantius observatur antimonialibus, ac speciatim in quartana: nempe præter acrimoniam, quæ provocat vomitum, simul habet fortem odorem & penetrantem saporem aromaticum, in quo residet vis specialis corrigendi fermentum febriale, ejusque fomitem viscosum dissolvendi in febribus chronicis, præsertim in quartana, obvium; unde rectè à Strobelbergero *Tract. de Remed. Febrium intermittentium*, radix asari duabus vel tribus horis, & vicibus repetitis ante paroxysmum à ℥ss. ad ℥j. usurpanda commendatur exactè tamen sit pulverisata; ita enim ferè & alvum & sudorem cum urina simul movet, crassior enim citò nimis rejicitur, & propterea vim alterativam minus exferere potest, in forma liquida remedia plus minus graduata suggerit: mitissimum est, si

℞. Fol. asari rec. no. viij. ad x.

Probè abluta, minutim concisa, infundantur in

Aquæ card. bened. ℥ij. iv. & v.

stent in loco tepido, & digerantur per noctem: Capiatur Collatura, & add.

Oxym. simpl. ℥ss. ad ℥j.

& propinetur; blandum & mite est Vomitorium. Fortius sit, si

℞. Folia asari no. jx.

terantur cum

Oxym. simpl. ℥ss. ad ℥j.

ut successivè in consistentiam liquidam abeant: diluantur e:

℥. q. Aquæ cujusdam appropriatæ.

Fortissimum est, si

R 2

℞. Succ.

24. Succ. ex fol. asari recent. trit. express. ℥iij.
Oxym. simpl. ℥ss. ad ℥i.

diluantur cum aqua quadam appropriata.

Propinatum hoc cum impetu vim vomitoriam exserit. Et hæc Asarina usitata sunt. Coagulum seu Extractum cum spiritu vini, de quo Hartmannus in Praxi Chymiatrica, etiam quibuldam locis usuale est. Dosis ℥ss. vel ℥j. Decoctum asari cum aqua bene ebullitum vi omni vomitoria caret, & ritè administratum, blandum diareticum & potens diaphoreticum in morbis chronicis, præsertim ex vitiis primarum viarum ortis, existit.

Succedit

Helleborus albus.

Adeo generosus, ut antimonialia etiam superet, unde rariore etiam ejus est usus, & non, nisi ubi antimonialia non sufficiunt, in subsidium vocandus; speciatim in Maniacis & Furiosis est specificum purgans, & propter vim alterativam cum vomitorio conjunctam, generosum simul eorum alterans. Veteres, tempore imprimis HIPPOCRATIS, Helleborismo crebrius usi sunt (unde natum proverbium: Ellebori indiget; seu caput elleboro dignum); in nostro tamen climate cautiùs usurpandus, quia violentum remedium est. Jubebam aliquando mulieri cuidam, materialistæ uxori, facere nodulum ex speciebus in officina sua obviis, quibus etiam ex aliis Helleborum nigrum immiscere jusseram; famulus verò ejusdem, loco hujus recepit album, me & hera inscia; mulier infundebat in vinum, bibebat, & corripiebatur vomitu adeo vehementi, ut etiam cruentus secutus fuerit; subolsi statim dolum, unde interrogato famulo etiam certus factus, utpote dicente: Album esse meliorem, *der Weise Vvare besser*; sed hera demum ejus noxam experta est.

Præparatio verò Hellebori hæc est.

24. Rad. alleb. albi ℥ss. ad ℥j.

Decoqu. in f. q. Vini ad molliem; Decoctionis hujus primæ vinum abjicitur, quia nimis venenosum, denuò radix infunditur in vinum calidum novum, digeratur per noctem in loco tepido sine ebullitione; Colaturæ sine expressione detur ℥j. quæ abundè sufficit: vel si in operando fortius desideretur, recipiatur Colatura tantundem expressa.

Cum hoc remedio, repetitis vicibus, mirè cicurantur & mites reddentur Maniaci: vid. Colleg. Practicum l. 2. cap. de Mania.

Essentia hellebori albi, cum Expectorantibus mista, promovet expectorationem, Heurnio attestante; vid. FREITAGIUS de Helleboro. In usu etiam est oxymel helleboratum Quercetani. Dosis cochl. j.

Juxta hæc est

Sambucus.

Etiam plebejorum commune remedium. Recipiunt julos ejus recentes, faciunt cum aceto & oleo acetarium, cujus cochlearia aliquot assumpta, fortiter superius & inferius purgant.

Tutiùs sumitur oleum expressum ex arillis baccarum sambuci, item ebulli, quod efficax satis est aliquot guttularum dosi, aut ad summum ℥ss. dosi propinatum; vel etiam arilli horum conquassati saltem a ℥ss. ad ℥ij. in vino infusi; Vinum impregnatum filtretur & edulcoretur.

Spestat huc etiam.

Cortex Juglandis.

Mirè à IOELE in venenis commendatus; cum vino infusus item

Gummi de Peru.

Ad gr. viij. si verò præparatum est cum spiritu vitrioli, non amplius est emeticum.

Huc etiam pertinet

Conserva Gratiolæ.

ad ℥iij. vel ℥ss.

Agmen claudit

Nicotiana.

Modò fumus ejus cum saliva simul deglutiatur; mirè enim vexat hicce aliàs inscios; qui fumus instar Clysmatis Anglis usitati intestinis immittitur, cujus instrumentum describit BARTHOLINUS Centur. 6 Hystor. Anatom. & SIMON PAULI Quadripart. Botan. Class. 3.

pag. 462. & 463. Egregium est remedium in doloribus colicis, mitigans simul & evacuans per alvum. Aliquando experimentando gratia Studioso cuidam in clysmate simul præscripti Tabacum, & incoquere jussi, vixque injecto hoc, utut saltem ℥ij. incoctæ fuerint, gravissima inducta sunt symptomata, æger pallescere, angi circa præcordia, contremiscere, sudore frigido corripiri, &c. videbatur; quæ tamen omnia post haustum calidi vini generosi evanuerunt. Si igitur Vomitorium ex ea postuletur.

24. Fol. nicot. Virgin. incis. ℥j.

Infundatur cum spiritu vini, vel etiam cum vino: Hujus Colaturæ ℥ss. ad ℥j. efficax & robustum satis Vomitorium est. Infundi una potest Cinnamomum & Santalum rubrum.

Loco hujus Infusi:

24. Extracti ejus gr. ss ad gr. j. seu instar pili majoris.

Vis Vegetabilium horum emetica consistit materialiter in substantia resinosa seu resina eorum, unde vis hæc emetica per spiritum vini, tanquam menstruum homogeneum, est extrahibilis formaliter in hujus resinæ acrimonia juncta acerrima, fortissimè penetrante membranas ventriculi, & efficacissimè interiorem ejus nerveam membranam pungente & mordicante, à cujus irritationibus necessario spasmus, & hinc vomitus, provocatur. Acrimonia hujus specialis ratio, seu qualis particularum harum figuratio sit? adhuc latet, & à priori adhuc inexplicabilis est.

Optima, potentissima & tutissima Vomitoria subministrat regnum minerale ex Antimonio; quod nobilissimum & hætenus imprimis usitatum est, ut Vitriolo & Mercurio optimè pro hoc scopo carere queamus. Nam Vegetabilia subinde excruciant ægros; Mercurialia & Vitriolacea stomacho membranoso maximè sunt postilia, ejusque robur summè prosternunt; adeoque pauca antimonialia ritè usurpata sunt instar omnium. Ex innumerabili ergò caterva præparationum Antimonij paucas & selectiores proponam, tam in forma liquida, quam sicca. Informa liquida occurrunt Vina seu Infusa Vomitoria, Syrupi Vomitorii, & Sapa emeticæ seu vomitoria.

Vinum Emeticum.

Usitatissimè fit ex vitro Antimonii pulverisato vel non pulverisato, à granis viij. ad ℥j., cum vino Rhenano; cujus loco etiam sumi potest crocus metallorum per simplicem detonationem & calcinationem cum ana nitri factus; quia vinum Rhenanum est acidulum, & optimè imprægnatur antimonialibus particulis: sive multum sive parum de Antimonio infundatur, nihil refert, modò determinetur vini hauriendi, non contenti quantitas, prout KERKRINGIUS in Commentar. ad Basl. Valent. Currum Triumphal. notat. Hæc Infusa antimonialia per chartam bibulam probe filtrata blanda tuta sunt, & sufficienter provocabunt Vomitus. Notetur, ut probe filtrantur, ne quid de substantia antimoniali assumatur, quia aliàs hypercatharsis & cholerae periculum excitatur; nam licet insensibile sit, quod vinum abradit ex antimonio, nihilominus est aliquid materiale; unde, quantum possibile, subtilioribus tantum transeuntibus, particulæ crassiores filtro sunt coercendæ, ne ab iis hyperemesis eveniat. Hinc etiam vina acidula, Rhenanum, Franconense, Misnense, &c. tantum conveniunt, cum acidum sit, quod rodit superficiem antimonialium horum; Vinum enim Malvaticum, & alia dulcia, parum aut nihil capiunt exinde, & ut plurimum per inferiora purgare solent. Alii ex vitro Antimonii parant parva pocula, quibus determinatam quantitatem vini per noctem in loco tepido infundunt; hoc altero mane filtratum propinant ægro, & optimum est vomitorium. Optimum quoque Vomitorium pro delicatulis est Syrupus & Sapa Vomitoria Sylvii, parata ex Infusione vitri antimonii pulverisati ℥ss. ad ℥j. in succi cujusdam vegetabilis aciduli, v. g. musti recentis, vel succi pomorum, rubi idæi, cydonior. &c. ℥ss. ad ℥ss. in loco tepido; hinc aliquot dierum digestionem, diligenti agitatione & filtratione inspissatur vel ad consistentiam mellis, cujus dosis ℥ss. gr. xv., &c. vel syrupi, cujus dosis ℥ss. ad ℥j. vel Rob cujus dosis gr. ii. vel iii. pro inspissationis ratione. Syrupum Emeticum optimè parare docet LUDOVICI in sua Pharmac. pag. 212. cujus modus est certus, alii incerti semper. Præparatio hæc est.

24. Cro-

℥. Croci metallor. ritè par. ℥j.

Infundatur in aceto vini (non destillati; hoc enim vim ejus figendo infringit & castrat) ℥iij. ad ℥iv: stent in loco tepido in digestionem per aliquot dies crebrius agitando, filtrentur, & filtraturæ addatur

Sacchari dimidium, vel potius ana, (in loco enim calido facile dissolvitur) & in consistencia hac aut sufficienti fervetur pro usu sine ulteriori ebullitione aut evaporatione; quod plus enim phlegmatis exhalat, eò incertior determinari potest ejus dosi.

Hæc pauca sufficiant ex Liquidis.

Quoad ea, quæ in forma sicca adhibentur, quæritur: Annon

Antimonium crudum

sine igne & salium alteratione per se sit Vomitorium? & negatur: si verò super porphyritide exactissime cum stimulo Salino in pollinem redactum, emeticum omnino est. Relatum mihi fuit, quendam Medicum recepisse antimonij crudi & nitri ana part. æqual., quæ duo super porphyritidem blandè humectando & exactè terendo in subtilissimum pulverem redegerit, sub nomine *Pulveris Catholici*, qui sub granis aliquot egregiè purgasset supra & infra: Sed non tutum est hoc Emeticum. Præ aliis eminet Crocus Metallorum, Mercurius vitæ & tartarus emeticus *Mynsichtii*.

Crocus Metallorum.

Non est parandus via communi cum nitro, sed fiat simpliciter per calcinationem & fusionem cum alcalisato fixo, sive hoc fiat in via sicca, sive humida. In sicca

℥. Alcalisati cujusvis) non præcisè salis absinthii, uti vult *Mynsichtius*, sed potius tartari, aut etiam ex ana nitri & tartari invicem fixatorum) hujus & antimonij crudi ana, fundantur in crucibulo: ubi probè fusa & in fluxus steterint, effundantur, & solvantur in aqua: solutione facta & agitatione blanda decantetur liquor & filtretur, Crocus intensè flavescens, vel, si ritè paretur, rubescens, sæpius edulcorandus, relinquitur.

Dosis gr. v. vi. vij. ad viij, cum ana Crem. tartari in vehiculo calido propinandus: blandè nec laboriosè operatur, vomitus egregiè movens.

℥. Lixiv. fortiss. alcalisati cujusdam, qu. s. eique infundatur

Antimonij probè pulveris. ana, respectu salis alcalisati.

Ebulliant invicem, successive, quantum de aqua exhalat, calidam addendo per horas 3. vel 4. refrigerant probè, agitentur omnia, & liquor spissamento saltem supernatans blandè decantetur & filtretur, sic crocus seu sulphur antimonij manet in filtro, probè edulcorandus, & eodem modo usurpandus.

Juxta hunc est

Tartarus Emeticus.

Qui fit vel ex hls Crocis, vel Mercurio Vitæ, in via tam sicca quàm humida. Si in via sicca,

℥. respectu Croci hujus, Cremor. tartari ana, duplum vel triplum. quæ diutius & exactius trita usurpentur.

Sin in humida,

℥. Decoct. fervens, in quo tartarus dissolutus:

Infundatur Crocus Metallorum; ebulliant aliquandiu, filtrentur hinc fervide, & crystalli, qui concrevissent, sumantur.

Dosis est à gr. ij. vel iij. ad gr. jv, rarissime v.

Melior est, qui beneficio ebullitionis, quàm ope trituræ fit; solvantur enim & miscentur exactius.

Præscribitur cum tantillo sacchari, ut sine nausea assumatur: si volumus, ut purget supra & infra, addatur scammonium sulphuratum.

Sequitur nunc

Mercurius Vitæ,

Remedium, si ritè paratum sit, non inelegans.

℥. Butyr. antimonij probè rectif. duab. vel tribus vicibus, & hinc cum urina calida humana præcipitatur in Mercurium vitæ (qui est genuina rosa mineralis *Angeli Salæ*) edulcoretur probè, & altervetur pro usu.

Dosis gr. ij. iij. vel jv: sine insigni operatur violentia, Mitior hic est eo, quàm qui fit simplici præcipitatione *Ettmull. Oper. Tom. I.*

cum aqua communi; generosior, quàm qui fit cum oleo tartari per deliquium: hoc enim figit, & propter acidas particulas, Regulo antimonij pertinacius adhærescentes, in præcipitatione se sociat cum sale tartari, & ita fit concretum falsum tertium, quod raro per vomitus, sæpius per inferiora tantum purgat.

Dubium est, in quonam consistat virtus emetica antimonij? Notum enim est, in eo esse binas substantias seu partes, concretum ejus componentes:

1. Sulphur ejus externum, minerali simile; &
2. Nucleum seu Regulum Antimonij propriè dictum qui constat etiam sulphure suo interno paulò fixiori, paucò sed sufficienti, ita ut coagulet substantiam Mercurij copiosam, de natura Saturni.

Dubitatur inde, in quonam harum substantiarum vis vomitoria consistat materialiter? Nemo dubitat, formaliter operandi vim in acrimonia salina quasi plus minus consistere, quod sapor Mercurij vitæ docet. Quoad subjectum seu materiale, quæritur, an in substantia sulphurea vel regulina hoc consistat? Resp. In nullo horum separatim, sed in utroque conjunctim; emergit enim ex arcta conjunctione sulphuris externi cum regulo tale concretum, quod ita contextum textura sua speciali est, ut vim irritantem acrem possideat, quam sequitur vomitus: sic tamen, ut magis in regulo, quàm in sulphure externo, vis illa resideat. Probatur id

- (1.) Ex cinnabari antimonij, quæ ritè parata nihil participat de regulo antimonij, sed purum sulphur est, quod coagulat Mercurium in cinnabarin, unde vi laxativa penitus poliata est; E contra
- (2.) Mercurius Vitæ purè regulinus est: seu regulus in spiritu salis concentrato solutus, utut aliquantulum de sulphure participet; potens tamen est Emeticum.
- (3.) Vitrum antimonij spoliatum est per calcinationem maximam partem sulphure externo, & ferè simpliciter constat ex regulo cum sulphure interno; potissimum tamen est Emeticum. Hinc
- (4.) Acida nitrata figendo invertunt texturam antimoniale, ut inversa vi emetica fiant diaphoretica: Jam verò nitrata non agunt in sulphur, sed simpliciter in regulum ejus, quem rodunt, alterant, & hujus medio sulphur plus minus simul invertunt.

Quod Crocos allegatos attinet, qui per salia alcalisata parantur, sicut ii non sunt purè sulphurei, sed de regulo participant; ita fusi in antimonium crudum redeunt, ex quo texturam sanè combinatam, hincque vim emeticam, habent.

Vitriolacea sunt pessima, & ne grano quidem eorum utendum suaserim ulli: Omnium horum mitissimum est

Sal Vitrioli emeticum,

Post spiritus & olei destillationem ex capite mortuo elixivatum, quod, utut à *SALA in Ternar. Vomitor. Monna Vomitoria* vocetur, & adeò decantetur ab ipso, ut longè præferat aliis; tamen ab eo abstinendum est potius. Nam profectò vitriolacea malignitas nocentissima est ventriculo, non solum quoque tamdiu, quamdiu Vomitus durat, sed etiam post aliquot dies, imò septimanas, nauseam post se relinquit. Vitriolum Martis insons est; vis enim vomitoria à Venere oritur, inimica ventriculo, unde Sal Vitrioli Veneris nauseosissimum in rugis & poris ventriculi dissolutum, profundè penetrans, diu sui vestigium relinquit, & ita stomachi tonum insigniter labefactat. Dosis ejus aliàs est ℥j ad ℥ss vel ℥ij.

Quoad

Mercurialia,

V. g. Arcanum Corallinum *Crollii*, Mercurium Corallatum *Hartmanni*, aut etiam Turbith minerale; hæc ipsa, si per acidi additionem Vitriolicam naturam acquisiverint, sive per se Mercurij sulphur extraversum fuerit, sanè inimica, non saltem laboriosa, sed etiam ventriculi tunicæ nervæ perquam infensa sunt, & perniciosissima post se relinquunt symptomata; unde & meritò hisce carere possumus, cum loco horum ex antimonialibus tutiora longè & sufficientissima prostant. Pertinet huc aurum vitæ *Kegleri*, quod videbitis in *SENNERTI Institutionibus*.

Formulæ Vomitoriorum nonnullæ sint hæ, & quidem in forma pulveris:

℥. Pulv. rad. asari ℥j.

D. S.

R 3 Pul-

Pulvis vomitorius pro una vice.

℞. Tartari emer. Mynf. gr. ij. iij. ad jv.
vel Ludovici gr. v. ad vj.

Sacch. albis. q. pl.

M. f. pulv. S. ut supra.

Si velimus ut purget supra & infra;

℞. Tartari emer. Mynf. gr. ij.

Scamm. sulphurat. gr. iij.

M. f. pulvis.

& satis purgabit.

In forma Bolorum autem;

℞. Conf. menthae ℞j.

Mercurii vitæ rite parati gr. ij.

Syr. de Capell. q. s.

M. f. Bolus, S.

Electuarium vomitorium pro una vice.

Item tali modo:

℞. Pyror. Moscatell. cond. n. ij.

Evacuentur, & unicu que indatur

Mercurii vitæ gr. i.

D. S.

Pyra vomitoria pro una vice.

Vel

℞. Ceras nigr. condit. no. jv.

eximantur nuclei & indantur

Tartari emer. Mynf. gr. iij. jv. ad v.

D. S.

Cerasa vomitoria pro una vice.

Optimè verò dantur Vomitoria in forma liquida, in specie sub forma Infusi.

℞. Croci metall. vel simpl. vel absinthiac. Mynf. aut
visci antimonii, aut Mercurii vitæ gr. jv. v. ad. vj.

Infund. in l. q. Vini Rhenani; stent in loco
tepedo per noctem, mane probe filtrerur
per chartam: detur pro dosi ℞ss. ℞j ad ℞i℞,
si robustiores sint, ℞ij. ad summum, S.

Vinum vomitorium pro una vice.

Vel

℞. Syrup. live oxysacch. emer. Lud. aut Ang. Salæ
℞ss. ad ℞vj.

D. S.

Syrupus vomitorius pro una vice.

Vel

℞. Aquæ menthae ℞j.

Syr. emer. Lud. vel Ang. Salæ. ℞ss. ad ℞vj.

Aquæ cinnam. ℞ij.

M. D. S.

Potio vomitoria pro una vice.

Ubi materia viscida & tenax in stomacho hæret, tunc commodè propinetur tale Vomitorium resolvens simul;

℞. Aquæ hyssopi ℞ij.

Cinnam. ℞ij.

Aceit squillæ ℞ss.

Spiritus gum. ammoniaci cum Viride æris ℞ss. ad ℞j.

Syr. emer. ℞ss. ad ℞vj.

M. D. S.

Potio Vomitoria pro una vice.

ARTICULUS II.

DE

*Catharticis, seu Purgantibus propriè
dictis per Alvum.*

Post Emesin sequitur Catharsis, h. e. Purgatio, & me-
dicamenta purgantia per inferiora, alvum seu seces-
sum. Dum enim ex medicamento assumpto per alvum
sequitur excrementorum humorum excretio, in specie
dicitur Purgatio, sive humores isti contineantur in certis
locis & valis, sive sint extra vasa; verbi gratia aquæ hy-
dropicorum, aut sanguis in partibus internis extravasatus
& conglobatus, &c. Insinuantur aliàs per eam non aliud,
quàm Evacuatio Cacoehymix, seu succorum qualitate
peccantium. Primus Autor moti hujus Evacuationum
est ipsa natura, quæ non raro sponte, sub mutationi-
bus vel diætæ, vel tempestatum anni, vel climatis & æ-
bis in peregrinationibus, diarrheas spontaneas, easque
salutares, excitat; non secus ac eadem subinde gravissi-
mos morbos per motus criticos tales auspiciatissimo suc-
cessu solvit. Utilitas ejus in legitimo & dogmatico usu
per se clara est, utut illegitimo & empirico abusu non le-

via etiam inducat damna. Legitimam ergo administrandi
rationem addiscere potestis in SENNERTI Institut. l. 5.
P. 2. Sect. 1. cap. 5. usque ad 12. in M. M. HOFF-
MANNI l. 1. cap. 7. pag. 41. seq. uti & in WALEO
p. 32. & seq.

Purgatio autem omnis est duplex, vel Eradicativa aut
propriè sic dicta, vel saltem Laxatio alvi, Veteribus Le-
nitio dicta, unde Medicamenta lenientia orta, quæ re-
petito usu per *emipaoiv* evacuare dicuntur; & sunt,
quando saltem primæ viæ blandè evacuantur & mundi-
ficantur, sive id fiat vel simpliciter abstergendo, vel simul
intestinalia leniter irritando. Abstergentia, & parietes in-
testinorum quasi detergentia, sunt verbi gratia tartarea,
nitrata, & hinc parata evporista varia, cremor tartari,
tartarus vitriolatus, sal essentielle tartari, arcanum du-
plicatum seu nitrum vitriolatum, item sal ammoniaci,
quæ omnia incidendo, attenuando, & blandè abstergen-
do primas vias, laxare solent, stimulis Purgantium so-
ciata. Quod si ergo simul aliqualis stimulus requiratur,
recipiatur Purgantis, exem. gr. jalappæ, doseos quarta
pars, gr. jv. vel v. & societur cum quodam illorum Le-
nientium; nempe recip. scammon præp. cum aqua, abjecta
pice, gr. ij. vel iij, societur dictorum cuidam; & blandè
abstergit primas vias, alvumque laxabit; vel recipiatur
mite Infusum sennatum, quod respectu sennæ in parva,
respectu autem vehiculi in largiori dosi, propinari po-
test. Huc etiam pertinent pilulæ Glassianæ usuales,
quæ singulis septimanis vespertino tempore in morbis chro-
nicis vulgò assumi solent: sic hodie Galli & Itali utun-
tur Bolo ex Cassia vel Manna, & illius quidem ℞ij. ℞ij,
una est ein ziemlich Bissen einzuschlucken; & est bolus
satis grandis inglutendus; quod tamen minus apud
nostrates consuetum est, ob dispositionem, tam
in viris quàm feminis, ad hypochondriacum malum
communem; cassia enim his tormina concitat, & affe-
ctus urinarios, nunc dysuriam, nunc stranguriam, infert:
Manna autem infantibus quidem cum pulve propinari
potest; minus tamen convenit in adultis propter dulco-
rem suum fermentativum, præsertim in ulceribus, in
quibus tormina colica & paroxysmos hystericos provo-
cat. Et hæc Laxativa sunt optima, quibus plus omnino
tribuendum est, quàm propriè dictis Purgantibus; sæ-
pius autem adhibitis tantum iis præstari potest, quan-
tum validissimis istis Purgantibus una vice; illa; enim blan-
dè, hæc cum universali corporis turbatione operantur.

Eradicativa, vel propriè dicta Purgatio est, quæ vel su-
bito & una vice confertim, vel successivè seu repetitis vi-
cibus, & per epicrasin mediantibus nodulis, quæ Purgatio
omnium optima est, instituitur, & copiosè per alvum eva-
cuat. Utraque respicit non solum contenta primarum via-
rum excernenda, sed ulterius quoque pergi, & nunc ex massa
sanguinea, nunc ex partibus solidis, earumque cavitatibus,
noxium copiosè evacuat: ver. gr. copiosè evacuant conten-
tas aquas ex ipso abdominis cavo; scammonium ex mas-
sa sanguinea copiosa liquamina evacuare facit. Hostile
autem hoc seu inimicum & noxium est, quicquid cum
contentis in massa sanguinea homogeneis perfectè haud
commiscibile existit, nec unibile est in texturam homo-
geneam, talem scilicet, qualem requirit ejusdem crasi-
feminalis. Hoc omne igitur proscribendum est ex mas-
sa sanguinea; reliquis contentis solidis hostile est istud,
quod iidem perfectè assimilari nequit; unde propter
defectum debite assimilationis molestum ipsis & perpe-
tuum irritans existit, quare necesse est, ut id matu-
rè evacuetur. Ejusmodi aptem Purgantia propriè di-
cta iis tantum, qui robore viscerum adhuc plus minus
pollent, propinanda veniunt, aliàs anima simul expur-
gatur.

Interim in massa sanguinea distinguendus & probè ob-
servandus est status cruditatis & coctionis, de quibus in-
frà; quibus ad quamvis evacuationem universalem conten-
torum in massa sanguinea applicandus est, ita ut non
ad purgationem solum, sed etiam ad diaphoresin, diure-
sin, &c. pro legitima horum remedium administratione
respectus sit habendus. Sequitur igitur Purgatio in specie sic
dicta, ubi ante omnia præmonendum, plausibile vulgò &
speciosum esse purgantium nomen, cujus origo tam ex
inscitia, & vana simul plebis persuasione nata fuit; in genui-
no nempe sensu idem valet Purgatio ac Evacuatio noxii &
excrementitii, relicto utili & nutritio; & sicut scopis ades
purgantur, ita purgantibus corporis contenta mundificari
deberent.

Sed optandum esset, idarentur vera talia Purgantia, hoc est quæ ex nominis ratione sordes saltem excrementitias, aut heterogenea quæcunque præternaturalia, ex corpore & massa sanguinea eliminarent, citra ultimum nutritivorumque succorum corruptionem simultaneam & depravationem. Verùm, si rem ritè consideremus, illa, quæ vulgò Purgantium nomine veniunt, non sunt talia, sed sub specioso & blandiente hoc nomine potius virulentiam nocivam plus minus validam, gerunt absconditam, quo sub prætextu morbum haud rarò tantùm ea palliant, non verò curant.

Dicendum igitur est, omne Purgans in & cum effectu, quemcunque etiam præstet, simul virulentia suæ nocivæ ratione, multum docere. Hoc probatur proinde, quod Purgantia non saltem inutile, sed promiscuè utile atque noxium eliminant; quia Purgantia eadem sanos æquè ac ægros ut plurimum æqualiter vexant, ut rectè urget HELMONTIUS *Passiva Humorist. deceptione*. Ponamus sanum & ægrum, propinemus iis in legitima dosi Purgans, eadem excreta ex utroque videbimus sepe in eadem quantitate: vid. CNOEFFELIUS *de M.M. Febres Epidemicas*; idque eò magis, quò intensior fuerit dosi: Unde hæc in homine sano, quem præsupponimus, & quidem repetitis vicibus, eundem semper sortitur effectum. Quare, cum uterque æqualiter purgetur, succus subest, quod non saltem nocivum, sed & utile aggre-diantur Purgantia.

Obijciat quis, quod in quibusdam plus, in aliis minus vel planè nihil, operentur Purgantia; unde Purgantia recrementa præternaturalia evacuare, concludendum sit? Resp. (1) Causa hujus rei non est remedium, nec præcisè major vel minor copia evacuata, sed causa in stomacho est. Cujus enim stomachus robore digestivo pollet, nec facillè, nec etiam à generosis Purgantibus purgatur; quia Purgans in hujus stomacho plus corrigitur & cicuratur, in altero minus: qui contra stomachus minus alterare Purgans valet, hunc copiosè & satis abundanter evacuat. Verùm hoc est in iis (quod quotidie in illis experimur) in quibus acidum naturale vel præternaturale abundat, v. g. in Hypochondriacis & Melancholicis, in quibus sicut Vomitoria in dupla vel tripla dosi propinare necesse habemus, ita & Purgantia generosissima nihil vel parum saltem operantur, utut scateant excrementis, quatenus ab acido ventriculi robustiore virulentia eorum plus minus nociva cicuratur, enervatur & corrigitur. (2) in sanissimis, si fortius propinetur Purgans, tantum sordium, stercoreum foetidissimorum forma, copiam sepe ad 20. 30. 34. 40. imò 70. & plures sedes evacuant, quas impossibile esset citra præsens periculum vite aut sanitatis in corpore sano subsistere. Nonne suspicio hic est, quod de novo genere excrementa ex vtilioribus succis? Materialiter quidem adest copia non verò formaliter in corpore præsentia fuerunt. Unde & (3) egri, qui ex legitima Purgatione deberent secundum HIPPOCRATEM in aphor. 25 Section. 1. levare, insigniter sepius debilitantur & læduntur; unde & teste experientia, & HELMONTIO *Tractatu Scabies & Ulcera Scholatum*, item cap. 5. de Febribus, quò copiosiora Purgantia assumuntur, eò magis debilius fit corpus, quia interdum evacuatio ista adeò est nociva, ut qui antea est sanus, alacer, integris viribus, levis in saltu & cursu, &c. post Purgationem reductus erit ad maciem, vigor & floridus corporis habitus perit, tremunt genua, genæ collaspæ, vox rauca, &c. erunt. Persistentibus (4) nihilominus morbis sub antiqua contumacia, licet Purgantia frequenter continuata seu repetita fuerint. Si enim saltem recrementa morbosa eliminarentur, cessaret utique morbus; Jam verò notum est, quod etiam post reiteratas Purgationes quartana & febres quæcunque pertinaces persistent, & notabiliter exasperentur: scabies item (quæ levi Mercurii odoratu pellitur) per Purgantia non curatur: Arthritis & Scorbutus pertinacissimè ingravescent sub Purgantium usu. Nempe quicquid præstant, operantur saltem, dum productum morbosum evacuant, radicem verò morbosam non attingunt, nec fermentorum vitia corrigunt; sicut phthisicorum exulceratus pulmo non curatur per Expectorantia, sed per ea tantum pus in iis herens excernitur. Itaque non sola noxia aut morbus ipse per purgantia, sed productum saltem morbosum evacuatur; dum è contra (5) varia & tetra inferunt symptomata, nauseam, horrorem, tormina abdominis spasmodica, subinde in manifestas con-

Entmulleri Oper. Tom. I.

vulsionones terminantia; ac (6) debilitas virium, lipothymie, syncope, singultus, & febres supervenientes, non obscure malignitatis & virulentie, corpori nostro nocivæ, ea arguunt, quæ non saltem noxium, sed & utile simul, aggrediantur & evacuent; quod etiam Medici ingenui omnes fatentur, quando dicunt: Omnia Purgantia esse maligna, putrefactiva, &c. unde corrigere & eorum ferociam cicurare satagunt Practici. Testatur id horror, quem ventriculus ex solo odore purgantis sepius capit: Memini pharmacopœum hic ad Insigne Salomonis, virgini cuidam species diaturbith cum rhubarbaro, larvatas unà cum pulvere cinnamomi, propurgante exhibuisse: purgabatur quidem ea, sed plus 50. vicibus, adeò ut hinc excoriationem podicis & hypercatharsin pateretur; & quia purgans remedium pulvere cinnamomi larvatum erat, ventriculus adeò nauseabundè ejus odorem imposterum horrebat, ut ultra biennium cinnamomum non potuerit assumere, vel odorem ejus perferre. (7) Docet id etiam terra & perniciofa hypercatharsis, nunc cruenta, nunc non cruenta, superveniens eorum præsertim fortiori usui; Cruentæ enim dysenterie quædam species conciliari non potest, si purgantia utile tantùm evacuent: Aliud autem sanguis floridus excretus, tormina crudelia, virium defectus, extremorum frigus, cordis palpitatio, &c. testantur. Hinc (8) ab omnibus Practicis tam studiosè inculcatur, ut purgantia, non, nisi additis correctivis, propinentur. Dicunt enim: Purgantia faciunt tormina, status excitant, nauseam movent, &c. igitur corrigenda ea per aromatica, cinnamomum, macem, semina quatuor carminativa, &c. sed fucus latitat; nec enim qualitas illa nociva his ipsis corrigitur. Nam qualis hæc est correctio? similis ac si quis vestimenta macularet, ut ea mundificet, vel quatenus quis gladium Balsamo Peruviano vellet illinire, ut minus vulneraret & sauciaret.

Quare, ut verum fatear, ingens fucus & impostura sub specie purgantium nomine latet, quoniam sanè quælibet Purgantia promiscua sua virulentia & putrefactiva colliquatione indiscriminatim tam nocivos quàm utiles, adeoque tam alimentitios quàm excrementitios corporis nostri succos seu humores in sanis resolvunt, colliquant & evacuant, & quas non inveniunt sordes, eas corrumpendo corporis contenta efficiunt; & maximam partem factas eliminant, nisi eorum virulentiam robustior paulo stomachus, ratione succi acidi fermentativi plus minus corrigit.

Verum quidem est, si adsunt recrementa in primis viis, quod hæc ad sui excretionem stimulent: verum etiam est, quod si massa sanguinea cacochymica sit & heterogenea, quæ promiscuè simul in sanguinem & chylum nutritivum operentur, sordes itidem fabricent, egrum vexent, vires simul labefactent; simili scilicet ratione atque Mercurius vivus, vel externè cum unguento inunctus, vel quocunque modo larvatus; interne usu continuato assumptus, contenta corporis in liquamen serosum colliquat; qui sepius etiam salivatione evacuat, tam in sanissimis quàm egriis, sive scabiosis, sive lue Venerea infectis, & sic promiscuè tam recrementa quàm in specie quoque resolvendo nutrimentum corporis chylosum seu spermaticum, & coliquefaciendo, hoc ipsum cum reliquis humoribus in formam mucii salivæ (cum quo tamen & sordes quæcunque, ver. gr. in scabie, in specie contagio Venereo alteratæ, unà evacuantur) copiosissimi transmutat, & evacuat, atque itidem, quas non invenit sordes, fabricat.

Par ratio Purgantium est, quæ in ægrorum & sanorum contenta simili ratione operantur, & in sordes transmutant stercoreas, quicquid ipsis obigerit, adeò ut recrementa, quæ per Purgantia eliminantur, non fuerint ita formaliter in corpore, sed quòd per alterationem colliquefactivam contenta corporis naturalia corrupta fuerint, & per talem formam rejiciantur; unde quantum juvant noxium eliminando, tantum etiam nocent utile corrumpendo.

Hinc, quantum possibile, in Praxi vehementioribus Purgantibus, aut repetito eorum usu abstinere; aliàs plus semper nocemus, quàm profumus, & plus de viribus defraudamur, quàm noxium eliminando eas fulcimus.

Dum ergò ita indiscriminatim agunt & operantur Purgantia, certè ratione salis volatilis acris fermentando, etiam ipsi massæ sanguinæ non leve incommodum inferent, bilem corrumpunt, (præsertim quando non abundant)

& præternaturaliter detrahunt, ventriculum notabiliter lædunt, & demum intestina vitiosissime irritant, ea scilicet, quæ sunt vehementiora & fortiora, ver. gr. colocinthis, turpethum, scammonium, jalappa, euphorbium, gummi de Peru, esula, elaterium, helleborus albus, &c. Unde vehementes Purgationes tam gravia etiam nocumenta insequi solent. Helleborum insequi convulsiones, jam olim notavit HIPPOCRATES in aphor. l. 4. aphor. 16. l. 5. aphor. 1. & 4. l. 7. aphor. 25. sic jalappam hypercatharsin ferè lethalem, teste BARTHOL. Centur. 5. Hist. 69. excitasse, uti & scammoniatum Pharmacum, Autore HELMONTIO de Febribus cap. 5. §. 13. alia periculosas accendunt febres, Autore GABELCHOVERO Cent. 6. Curat. 26. & 27. Vi purgantis Vehementioris gāgrānam, in corpore cacochymico introductā, observavit HORSTIUS l. 9. Observat. 26. Cachexiam, anasarcam, hydropem leucophlegmaticum & ascitem à malè applicatis validis & crebrioribus catharticiis illatos, refert POTERIUS Centu. 2. Observat. 29. Ergo cautiùs acrioribus, & præsertim graduatis seu drasticiis utamur Purgantibus, quoniam semper tantum nocent, quantum prosunt, & sub specioso nomine hoc virulentiam malignam reconditam habent purgantia, quæ, HIPPOCRATE teste, semper de viribus & substantia Vitali corporis nostri deprædantur, dum bonos pariter ac malos corporis succos, seu sanguinem ipsum ac ejus chylosam partem, unā cum rorida & alimentitia substantia solidarum partium fermentant, colliquefaciunt, resolvunt, & resoluta putrefaciunt, unde tam horridi in excretis foetores, execrabiles colores ac proprietates aliæ à malignitate medicamenti ipsis per fermentativam & colliquefactivā corruptionem impressæ; hinc ab aliis inter venena, ab aliis medio inter venena & remedia loco, à SCHNEIDERO inter mitiora venena referuntur. Adeoque à quamplurimis rectè virulenta, maligna & nociva statuuntur omnia propriè sic dicta Purgantia, aloe forsan sola cum rhabbaro excepta, quæ sunt mitiora, in specie aloe, quæ citra colliquationem & malignitatem quandam operantur; reliqua verò corrumpunt excrementitios pariter ac vitales succos, eosque putrefactos excerni faciunt: conf. HELMONTIUS Tract. Potestas Medicaminum, item Scabies & Ulcera Scholarum. Item de Febribus, ubi de Purgantibus: His adjungatur CNOEFFELIUS Tract. Medendi Febres Epidem. p. 66. Quia autem Purgantibus carere non possumus, cautiùs propinquantur, eaque non, nisi summa urgente necessitate, succincta dosi, & probè correctæ. Non numeretur multitudo sedium, sed qualitas & euphoria ægri potius consideretur; ita ut si ter, quater vel quinquies vel sexies excrementa rejiciantur cum euphoria ægri, abundè sufficiant; quod superest, nocet. Nolite gloriari, quando per decades excretiones numerantur; misera est hæc plebeculæ rudis persuasio bonæ (scilicet) purgationis; quò plus enim evacuatur, eò nocentius est medicamentum purgans.

Porro consideremus Purgantium vim seu efficaciam, secundum quam operationem suam exerunt. Patebit hoc clariùs, si modum, quo operari solent medicamenta purgantia, præmittam: res est non parum intricata, idque ex eo, quod varia ratione externè pariter & internè applicata licet, semper tamen virulentiam suam afferant. Notum enim est,

- (1) Quosdam sola imaginatione, ac visa saltem Purgatione, nauseam concipere, hincque fortiter satis purgari: vid. HEINRICUS ab HEER in Observat. oppidè rarè de hera & ancilla.
- (2) Alios ex solo Purgantium suscepto odore tantum sufficienter laxari, qualia exempla habet SCHENCKIUS l. 3. Obs. p. 401. PANAROLLUS Pentec. 4. Ob. 28. SALMUTH Cen. 3. Obs. 14. & SCHNEIDERUS de Offe Cribrif. p. 219.
- (3) Purgantia externè applicata non rarè operantur; v. gr. pilulis compressis saliva subactis v. g. umbilico & ventriculi regioni applicatis Abbatissa quædam sufficienter purgata f. it: vid. SCHENCKIUS l. 3. Observ. de Excrem. p. 401. Item pullibus manuum & plantis pedum applicatæ pilulæ similiter purgant: vid. HOEFERUS in Hercule Medico p. 201. Quidam idèò habent unguenta opomphalia, quæ umbilico imponuntur, ut purgent per alvum: vid. WALÆUS M. M. p. 107. Quidam Purgans tantum aliquod manu retinendo, donec incalescat, & spiritus de se fundere possit, hoc prestare dicunt.

(4) Purgantia venis immediatè infusa violentiùs operantur, quàm

(5) Per os assumpta.

Quod clarum est in canibus, quos ex venis infusa essentia jalappæ à Zi. ad Zi. largiùs & fortiùs, quàm per os assumpta, purgavit, prout testantur scriptores de Chirurg. Infusor. experimentis tam in Anglia quàm Dantisci factis, utut canes aliàs non facillè purgentur: id quod confirmat simul, ab eorum fermento digestivo fortiter digeri remedia purgantia, & enervari.

(6) Sive per os consueto modo assumantur, sive etiam per alvum injiciantur, non tamen desinunt virulentiam suam) licet integra per alvum denuò excernantur) exerere, & diutiùs imprimis retenta, crebriores movere secessus: Vir hujus loci est ex ordine Senatorio, qui beneficio Clysteris ex decocto sibi familiari aliàs, quod senna ingreditur, decies & vicies purgari solet.

(7) Non semper per alvum, sed etiam interdum per alia loca, assumpta Purgantia operantur: ut nihil jam dicam de Purgatione artificiali magnetica, quæ sine ulla applicatione medicamenti, tam interni, quàm externi, Purgatio instituitur tanta, quantum eam volumus, & quæ pro lubitu etiam sisti potest in persona, quanquam longè distita.

Accedit hic

(8) Quod non vegetabilia solum; sed etiam Animalia, v. gr. rasura unguium humanorum, & vel maxime Mineralia, potentissime operantur.

Denique etiam

(9) Quod levi adjectione & detractone omnis ejus vis purgans tollatur, & succedat aut diuretica, aut diaphoretica; id quod in asaro in aqua communi bullito, aut antimonio cum nitro fixato, manifestum est.

Quoad modum operandi, in genere omnia Purgantia, Vegetabilia & Mineralia, duplici ratione imprimis videntur operari:

1. Forti intestinorum, & ductuum ad ea derivatorum, irritatione & vellicatione, ut omnia Vomitoria, quæ stomachum vellicant, & reliqua intestina stimulant.
2. Contentorum corporis, præsertim chyli & sanguinis, atque cæterorum inde derivatorum liquidorum nimia dissolutione, & quadam fermentatione, ac simul quasi colliquatione, quæ in liquamen spissum fatiscendo, qua data porta, eliminant Purgantia; vid. Sennertus Institut. l. 5. Part. 1. Sect. 1. cap. 11.

Quædam igitur utroque, quædam alterutro tantum operantur modo.

Pari ratione operantur ea, quæ acrimonia sua amarissima intestinorum fibras irritant, easque pertinaciter vellicando in vermiculationes & contractiones crebriores, ac sic contentorum aut parietibus affixorum propulsionem ciēt: quod si & ductuum, pancreatici & choledochi, hiantium ora, item glandularum miliarum, vibrantur, & irritantur, & vellicantur, simul etiam humores in his contentos copiosius excerni faciunt, quod elegantissime deducit LOWERUS in Diatr. Defens. Pyretol. Willis. contra Meuram. Hac ratione omnia antimonialia videntur operari, imprimis si in substantia assumantur; minima enim horum, eaque aculeata, irritando ventriculum vomitus, vel plicis intestinorum inherentia fortem purgationem, interdum hypercatharsin, ex eorum vellicatione continua excitant: id quod pari modo etiam verum est de resinis vegetabilium acrioribus & amaricantibus, jalappæ, gummi guttæ, &c. quæ nisi combinatæ sint salino abstersivo remedio, glutinosa sua textura pertinaciter adherent intestinorum parietibus, horumque fibrillas acrimonia sua continuo vellicant, indeque facillimè hypercatharses periculosas inducunt. Nunquam ergo solæ, sed stimulo salino junctæ, præscribuntur; exem. gr.

24. Crem. tartari Zi.

Rad. jalappæ ʒss.

Olei destillat. anisi gut. ii.

M. f. Pulvis, D. S.

Pulvis purgans pro una vice.

Item:

24. Aquæ hyssopi ʒi.

Cinnam. ʒss.

Tartari vitriolat. gr. xii.

Ref.

Res. jalappæ gr. v.

Gum. guttæ gr. iii.

Scammon. gr. ii.

Extr. troch. alband. gr. i.

Syr. de absinth. ℥ss.

M. D. S.

Potio purgans bene circumagitanda.

℥. Sem. melon. ℥ss.

Resin. jalapp. ℥ss.

c. f. q. Aquæ menthæ conterantur in Emulsionem :
adde

Extr. troch. alband. gr. i.

Salis tartari gr. viii. M.

edulcoretur rotulis Manus Christi perlat.

D. S.

Lac laxativum pro una vice.

Item arsenicum, Mercurius sublimatus assumptus, &c. acrimonia sua corrosiva horrendos vomitus, hypercathar-
ses, & choleram ferè ad mortem, inferunt, atque intestina
irritando Purgationes provocant. Facit huc, quod vulga-
ria Purgantia sub majori dosi, qua fortius irritant, eva-
dant Vomitoria; sicut Vomitoria sub minori dosi saltem
Cathartica per inferiora evadunt.

Quod autem hæc ipsa Purgantia ventriculum & intesti-
na concitent, confirmat autopsia anatomica, quod nunc
ventriculus, nunc intestina hinc inde labefactata, & quasi
inflammatoria dispositione affecta fuerint deprehensa
quorum exempla collegit WEPFFERUS de *Cicuta aquat.*
Et ipse sensus confirmat, si gustetur Purgans quoddam, &
diutius in ore contineatur, semper in faucibus acrimoniam,
dolorem, morsum, hinc tumorem & phlogosin super-
venire. Paria ex identitate substantiæ in intestinis & ven-
triculo fieri, manifestum est.

Quæ autem simul colliquefaciendo operantur, sunt vel
Vegetabilia vel Mineralia. Vegetabilia acrimonia sua ul-
tra primas vias penetrando simul inquinant, alterant &
commiscent contenta corporis, quod & Mercurialia fa-
ciunt: Antimonialia simpliciter spiculis suis ventriculum
& intestina fodiendo, ultra primas vias non pergunt. Ir-
ritationis huius effectus est, ut urgeantur intestina in cre-
briores motus peristalticos, & quasi contracturas vermicu-
latorias, quibus crebriores spasmi concitantur, & conten-
ta, quæ parietibus eorum agglutinata sunt, extruduntur, &
ulterius eliminantur.

Comes huius motus sunt *Tormina*, quæ tunc temporis ve-
xant ægros, quando intestina irritata spasmodico impetu
convelluntur: item sub his ipsis irritationibus officina du-
ctus pancreatici & choledochi, item glandularum intesti-
narium orificiola vellicando, quicquid in his & primis viis
hæret, adeoque bilem ipsam, luccum pancreaticum, &
glandularum intestinalium (à PEIERO graphicè de-
scriptarum) lympham, simul excernere faciunt Purgantia;
& quicquid in modò dictis partibus stabulatur, promiscuè,
sive utile sive nocivum fuerit, evacuant.

Posteriori modo Vegetabilia reliqua acriora, & hinc quæ-
dam Mercurialia, quæ se contentis corporis immiscent,
eque corrumpunt, in genere operari videntur, quatenus
chylum massæ sanguineæ commistum, cæteraque inde
nata corporis liquida, ratione acrimoniæ acido-salinæ vo-
latilis concentratæ attenuant, penetrant, atque texturam
eorundem dissolvunt, & ita quasi colliquefcere cogunt,
ut hæc ipsa resoluta & attenuata, & accedente fermentativo
motu fatiscant & degenerent in consistentiam liquaminis
serosi, pro remedii ratione plus minus tetri; quæ ita
colliquata, in variarum sordium formam alterata, & lege
circulationis sanguinis circumraptæ, sensim sensimque per
appropriatos poros certarum partium colatorios transeunt,
& tanquam præternaturalia ulterius per partium motus
extra corpus proscribuntur, & ad intestina succè sive de-
lata ejiciuntur: sub hoc tamen motu, quicquid hetero-
genum est in sanguine, & à vitalitate proscripsum, faci-
lius alteratur, & consequenter ejicitur, quàm quod ma-
gis vitale ac utile erit. Hac enim ratione operantur etiam
Purgantium odores, qui vel sub parva miasmatis fermenta-
tivi mole manifesta per nares hauriuntur, vel quæ ve-
nis infunduntur; aut exterius licet ambitui cor-
poris sub forma unguentorum applicata, sufficienter ta-
men purgant, pari ratione ac quæ per os assumpta in
massa sanguineam penetrant. Illustrant hunc ope-
randi modum in specie fructus horæi, facile fer-
mentescibiles & alterabiles, ut mustum, uvæ,
pruna, &c. quæ similes in massa sanguinea excitant

præternaturales fermentationes & turbas, illam plus
minus attenuant & colliquefaciunt, alvum copiosè mo-
vent, & non rarò diarrhœam inducunt. Fieri autem talem
colliquefactionem sanguinis, patet ex acrimonia acerrima
& sordibus emanantibus. Ab his Vegetabilibus purgan-
tibus, ratione acrimoniæ earum acido-salæ volatilæ con-
centratæ, textura massæ sanguineæ & chyli attenuatur,
solvitur & colliquefcit, & sub forma liquaminis putridi &
serosi eliminatur. Par ratio operandi est Mercurialium, sive
per os salivationem moveant sive per alvum evacuent;
utrobique enim eadem sunt excreta, loco saltem diffe-
runt excretorio. Hinc concludendum, quælibet alia Pur-
gantia simili modo operari.

Vim autem hanc irritativam & colliquefactivam non-
nullorum Purgantium consistere videtur in partibus eo-
rum subtilibus, h. e. sale volatili acri felleo & amari-
cante imprægnatis. Probatur inde, quod Vegetabilia,
ratione adjuncti olei ferè omnia saporem acrem amari-
cantem instar fellis, indeque visciditatem insignem, sive
resinam & acerrimum & penetrantissimam simul intensè
amaricantem, in qua vis laxativa residet, adjunctam
habeant, consistentem in sapore salso perquam concen-
trato, in quo acidum volatile, tanquam agens, est, quod
imprimis concentravit sal volatile; unde & cum tempore,
quando carie & vetustate destructa est hæc resina, & ex-
halavit istud sal volatile, medicamenta vim purgantem
amittunt. Sic Antimonialibus & Mercurialibus eadem est
acrimonia sulphureo-acida quasi vitriolica, quæ cum suo
compari, regulo antimonii, substantia quasi vitriolica &
in Mercurio saturata, representat acrimoniam acido salæ
quasi vitriolicam, pro Mineralium horum natura: Con-
sideretur enim gustus arsenici, Mercurii sublimati, & hinc
parati dulcis, Mercurii vitæ, vel cujuslibet alius præcipita-
ri, &c. omnia hæc semper in lingua & faucibus manifestò
saporem nauseosum vitriolaceum, plus minus austeriu-
sculum, relinquunt, & sic acrimoniam acido salam
concentratam plus minus intensam exhibent. Hinc Pur-
gantia acrimonia sua insigni fortiter stimulant intestina;
textura verò sulphurea seu oleosa colliquefaciunt contenta
corporis, idque eò magis, quò contentis magis commisci-
bilia sunt; quod faciunt resinæ vegetabilium, quæ inti-
mius massæ sanguineæ pinguiori, tanquam liquore quodam
saponario admixtæ, hinc copiosiora & deteriora longè eva-
cuant excrementa. Quare cum vitello ovi dissolutæ & pro-
pinatæ Vegetabilium resinæ, potentius longè & copiosius
operantur, colliquando & corrumpendo, atq; demum eva-
cuando, idque absque torminibus ferè; quia nempe vitel-
lum ovi vehiculum est, quo magis commiscuntur massæ
sanguineæ, quàm si ipsa resina in substantia propinetur:
nempe ab oleosa vitelli textura dissolvitur resina, & sub
tali vehiculo miscetur promptè liquidi corporis contentis,
ac intimè iisdem unitur; unde fortior horum collique-
factiva alteratio, & copiosior operatio, & minor intesti-
norum, ob breviorum in iisdem moram & tardiorum ad-
hæsiōem, irritatio ac torminosa vellicatio. Sic Mercuri-
us dulcis cum vitello ovi subactus longè citius & fortius
salivationem inducit & in tales sordes ac liquamen sero-
sum contenta corporis fatiscere cogit, quales hoc median-
te evacuantur.

Duplicem hanc Purgantium operandi rationem confirmant
ea auxilia quæ nimiam Purgantium ferociam, in specie hy-
percatharthes eorum, sistunt, qualia sunt in triplici differen-
tia: & quidem non præcisè adstringentia, sed imprimis

(1) Opiata omnia, papaveracea, Theriaca & Theria-
calia, tam internè, quàm externè usurpata, quæ
sensum irritationis in intestinis & aliis locis plus mi-
nus stupefcunt, & minus sensilem reddunt, spiri-
tumque animalium impetus, & inde natos quos-
cunque humorum motus sistunt; unde antecedens
irritatio ad tempus cessat, & per consequens ejus si-
mul effectus, evacuatio: hinc commune euporiston
est in nimia purgatione Essentia theriacalis vel
opii.

(2) Absorbentia terrea, quæ vim habent fermentatio-
nem vitiosam inductam compescendi, & blanda dia-
phoresi in textura plus minus terrea suppressendi; v.
g. terra sigillata, C. C. ultum, & sine igne præpara-
tum, antimonium diaphoreticum, unicornu fossile,
&c. quatenus particulas acido-salæ sanguinem col-
liquefacientes imbibunt, absorbent & temperant,
ut agendo in hæc subiecta aculeos & acrimoniam
suam quasi perdant.

(2) Qua-

(3) Quælibet sudorifera, ut spiritus theriacalis camphoratus, &c. mediantibus quibus tam particulæ remedii laxativæ, quam particulæ humorum corporis à remedio laxativo jam corruptæ, & in massa sanguinea alteratæ, unâ eliminantur: quibus per poros corporis proscriptis, cessat Purgatio & omnis inde metuenda noxa.

℥. Antimonii diaphor. gr. xii.

Terræ sigillat. ℥ss.

Laud. opiat. gr. ii.

M. f. Pulvis, D. S.

Pulvis adstringens.

℥. Theriac. Androm. ℥ss.

C. C. f. igne gr. xv.

c. syr. menthæ f. Bolus,

D. S.

Electuarium adstringens.

℥. Aquæ menthæ ℥i.

cinnam. cydon. ℥ss.

Spiritus theriacal. campb. ℥ss.

Antimonii diaphor. ℥ss.

Laud. opiat. gr. ii.

Syr. cydonior. ℥ss.

M. D. S.

Potio adstringens.

℥. Aquæ torment. ℥ss.

Spiritus theriac. campb. ℥ss.

El. diascord. Frac. ℥i.

Bezoard. Iovial ℥ss.

Syrup. cydonior. ℥vi.

M. D. S. ut supra.

Cochleatim subinde hauriatur.

Remedia igitur purgantia seu auxilia sunt ex duobus re-
gnis, vegetabili nempe & minerali; talia enim animale
non suggerit. Illud autem adeo virulenta suppetit, ut, quod
non potest attingere antimonium, a verruncet helleborus al-
bus; cui non satisfacit Mercurius, hoc colocynthis elimi-
net; Vegetabilia quippe irritando intestina & stomachum,
& simul liquida corporis contenta inquinando & corrup-
pendo; Mineralia verò, ut antimonialia, simpliciter irri-
tando, simul tamen etiam fluida corporis magis colliquan-
do, quam irritando, operantur. Hæc tamen interea est
differentia, quod liquamina, Vegetabilium ope rejecta, or-
dinariò & visui & odorati magis horrida & putrilaginosæ
sint, quam ea, quæ à Mercurio vel Antimonio ejecta, quip-
pe minus odora, & sub mucis tantum viscidioris consistentia
existunt.

Considerandum igitur jam ulterius est, in quonam ma-
teriali Purgantium vis hæc imprimis resideat? Cum verò
non levis sit differentia inter Vegetabilia & Mineralia, il-
lorum quidem vis laxativa consistit & turdata est materia-
liter in resina eorum, seu sale volatili oleo acro, gustu plus
minus caustica; Horum verò, imprimis Antimonialium &
Mercurialium, in acrimonia acido-salsa volatili qua-
si vitriolica, aut sulphure acro volatili quasi arseni-
cali.

Quoad Vegetabilia, quò magis acra linguæ sunt reme-
dia, eo validius operantur; sæpe tantillum est, quod ratio-
ne suæ acrimoniæ totum corpus non ovet. Res nota est in
esulinis, colocynthide, ricino, & quæque oleo, quæ acerrima
sunt; interim tantillum est amari, quod tantoperè operatur:
in colocynthide v. g. tota ejus substantia amaricansse vi-
detur, modò superficialiter gustetur; tantillum tamen est,
quod amarum percipitur, quod patet experimento: si enim
pomum colocynthidis in frustula majora discerpatur, lixi-
vium tartari superfundatur & digeratur, intra biduum
omnis amaror extrahitur, & frustula colocynthidis insipi-
da erunt. Ex quibus patet, minutissimam concretæ partem
esse purgantem: (2) Quod vis eorum purgans imprimis per
spiritum vini extrahatur, qui tantum partes resinosas seu sa-
lino volatiles sulphureas extrahit, ut remaneat corpus vi-
laxativa penitus spoliatum, uti notum est de Jalappa, Aga-
rico, scammonio, colocynthide, &c. ex quibus per oleosa
seu spirituosæ extracta resina, reliquum corpus est cadaver.
Nec est, ut quisquam hæreat ex eo, quod substantia mate-
rialis laxativa in quibusdam videatur consistere in textura
mucilaginosa, non nisi in aqua solubili, v. g. in senna, non
nisi aqueo menstruo, acuat cum sale tartari, extrahenda;
quod etiam de helleboro nigro & aloe, atque rhabbarbo,
notum est. Sub his enim tanquam sub cortice nucleus resi-

nolus latet absconditus, qui per spiritum vini extrahi po-
test; non secus ac gummata, v. g. Ammoniacum, aqueo
menstruo solubilia, copiosum tamen est nucleum resinose pri-
mario activum sub cortice mucilaginis habent reconditum;
ita ut hoc ipso in aloe duplex substantia sit, prima per
aquam extrahibilis laxativa, altera acris ista, quæ sub resi-
nosa ista, in qua vis ejus alterativa residet, per spiritum
vini elicienda.

Jam igitur, quid est hæc resina? Resp. Resina nihil aliud
certè est, quam sal volatile acro urinosum, obrutum à pro-
pria concretæ oleositate, quale oleum aliàs per destillatio-
nem prodit; hinc ex utroque acro volatili concentrato tam
insignis acrimonia, eaque acido-salsa oleosa emergit, cujus
acrimoniæ ratione adeo laxativa est in vegetabilibus re-
sina.

Quod ut ulterius pateat, monendum est.

(1) Resinas & olea destillata non differre, nisi ratio-
ne consistentiæ.

(2) Olea destillata esse salia volatilia nonnihil con-
centrata.

(3) Olea destillata, si per acida intimius concen-
trentur, redire iterum in resinas.

Dico I. resinas non differre ab oleis essentia, sed saltem
consistentiæ ratione, ita ut hæc non nisi liquefactæ resinæ,
seu mediante motu ignis alteratæ sint. Patet id, quando
ex subjectis aromaticis cum spiritu vini extrahuntur resinæ
& postmodum si hæc aromata destillentur, nulla olea de-
stillata amplius suggerant: Docent hoc etiam ligna sudo-
rifera aromatica, ex quibus post extractam essentiam resi-
nosam; nullum oleum, nec subtile nec empyreumaticum,
nunc nullum planè, nunc paucum admodum, destillando
amplius elicitur; quia oleum in forma resinæ jam antè pro-
diit, & extractum fuit.

II. Olea sunt salia volatilia urinosa sub acido pingui mo-
deratè concentrata: quod patet ex eo, quod si olea destillata
cum alcalibus fixis igne debite & diu digerantur & destil-
lentur, resolvantur hæc in salia volatilia urinosa. Imo ip-
sa subiecta, ex quibus olea destillata aliàs simplici destilla-
tione procedunt, fermentata loco olei spiritum oleosum in-
flammabilem; putrefacta verò penitus sal volatile urinosum
suggerunt.

III. Firmius concentrata ab acidis talia olea, iterum in
resinas degenerant. Acida autem uti huc interservientia
sunt oleum seu spiritus vitrioli probe rectificatus, spiritus
nitri idem probe rectificatus; e. g. oleum destillatum ani-
si, carvi, chamomillæ, &c. per instillatum oleum aut spi-
ritum vitrioli aut nitri rectificatum, aut aqua fortem, in per-
fectissimam resinam coagulatur; quæ cum aqua edulcora-
ta & exsiccata sunt perfecte inflammabiles, & cum spiri-
tu vini extrahibiles in essentiam, & saporem acrem, con-
sistentiam viscidam, atque omnia resinarum attributa ob-
tinent. Item ex oleo destillato recenti pinguedinis huma-
næ cum acerrimo spiritu nitri, prævia effervescencia & in-
sequencia incallescencia, perfectam resinam, eamque vege-
tabili similem, obtinet. Recepi idem oleum destillatum
terebinthinæ aquæ instar limp dum, permiscui cum spiri-
tu nitri rectificato: levis primò videbatur alteratio; cum
oleum supernataret; cum verò flammæ candelæ ad motum
esset vitium; repente insignis orta est effervescencia, ut ma-
teria contenta, vasis ora excedens, removenda esset à cande-
læ; sedata illa omne, partim quod effluerat, partim quod
sub forma bullularum subsisterat, in perfectissimam dege-
neravit terebinthinam, ut ovum ovo non fuerit similis.
Accepi porrò oleum destillatum anisi, & cum spiritu nitri
examinavi; liquores quidem invicem non miscibiles, blan-
do tamen accedente calore incipiebant effervescere & ebul-
lire; refrigeratis omnibus oleum destillatum degeneravit
in consistentiam spissam, coloris nigri, odoris suavis; ver-
bo: natus exinde videbatur perfectissimus quasi Balsamus
Peruvianus, qui sapore, odore, colore & consistentia, om-
nibus ita sensualibus proprietatibus Balsamo vero per om-
nia erat similis: sic oleum succini destillatum per se rectifi-
catum per spiritum salis, hinc denuò super aquam regiam
optimam, coagulatur in massam, quæ calide instar ceræ
tractabilis; frigide verò pulverisari potest: vid. GLAU-
BERUS 1.2 *Furnorum Philosophæ* 100. p. 149. Et similis re-
sina purgans compositum est quoddam ex acro acido, & acro
urinoso, intercedente substantia pingui seu oleosa. Con-
centratio ergò & coagulatio horum invicem fit ab acido
forti; in oleo verò destillato eminet alcali volatile
oleosum, ex quibus omnibus, præsertim ratione olei,
oritur texturæ visciditas; ex salibus concentra-
tis

eis intensa ista acrimonia, & ex his cum oleo simul notabilis ista amaritudo: Unde in hac resina nec in acido acri, nec in alcali simpliciter, sed in his utrisque acribus ante unitis, & intus concentratis, ac intercedente oleoso certa ratione modificatis, vis purgans materialiter residet: quare etiam ex acrimonia ista vis resolutive, stimulative, laxativa, & consequenter tormina pertinacia quoque, sicut & cum contentis corporis vis resolutive & colliquefactive derivanda, quæ tamen vix in quibusdam centesima pars concreti est. In hac igitur resina acri materialiter residet vis purgantium, qua nihilominus abuti ad commodum ægrorum interdum necesse habemus; non secus ac ferro & igne eosdem nonnunquam tractare cogimur.

Dixi autem superius, vim Purgantium in eorum resina acri latitare: ut itaque non amplius dubitandum sit, quin potius in omnibus Purgantibus, præsertim fortioribus, præter aloen & sennam, virulentiam aliquam subesse quoque, existimandum. Dubium tamen hoc oriri potest; an tanta sit tamque virulenta hæc malignitas? cum sint quidam, qui minus nociva purgantia, sed alterativa potius graduata, pronunciant. Ratio est, quod videamus in aliis vegetabilibus, verbi gratia diureticis, item diaphoreticis & alterantibus aromaticis, similem substantiam merè resinofam acrem & amaricantem residere, ratione cujus attenuando & solvendo in sanguinem & contenta corporis operantur, & fauces vellicant, ut similiter virulenta hæc essent habenda: In baccis enim juniperi v. g. vis diuretica in simili acri resina consistit: liquor betulæ diureticus nil nisi talem resinam acrem suggerit, igne examinatus & evaporatus, ratione cujus egregie medicamentosus est: extracta lignorum resinosa, absinthii, centaurei minoris, &c. fortiter amara sunt, & Purgantibus perquam similia.

Aut ergo hæc alterantia quoque maligna dicenda, aut Purgantia non erunt adeo nociva. Resp. Verum est, conveniunt hæc equidem in generali textura resinosa, & hinc dependentibus proprietatibus generalibus, sed in speciali crasi, acrimonia & formali textura, & specifico sapore toto cælo differunt. Specifica hæc textura, & inde orta specialis acrimonia Purgantium, ab aliis simplicibus alterantibus differt; & uti ex seminum primordiis immediate oritur, ita à priori adhuc nobis imperscrutabilis est; à posteriori tantum patet, quod ab iisdem diaphoretica, diuretica, &c. resinosa multum differunt: nam

- (1.) Modò dictæ resinæ non habent adeo insignem & quasi causticam (qualem habent Purgantia) acrimoniam, hinc etiam nullo modo dicta remedia partium solidarum nervearum adeo irritativa: quod patet tam gustu, quam quod à nullo diaphoretico, diuretico & alterativo, similes spasmi, tormina, convulsiones, aliaque pathemata, uti Purgantia, insequi observatum fuit; ut non modò eadem mitiora multò, sed & facillimè alterabilia in nobis, quam Purgantia, existant.
- (2.) Nec acrimonia ista alterantium, diureticorum, diaphoreticorum, &c. adeo dissolubilis, colliquativa & corruptiva humorum deprehenditur, quam quæ in Purgantibus talibus est. Evacuandis enim intestinis, quæ à Purgantibus rejiciuntur, omnia sunt putrida, horrida, & præviam ac notabilem corruptelam præsupponunt; sed quæ per diaphoretica & diuretica, aliaque alterantia excernuntur, non differunt à naturalibus excretis, urina nempe & sudore, quam sola copia: nunquam enim nisi ab asparago; & in morbis acutis malignis (pro malo iudicio semper à Practicis habito) urina fetida fuit excreta, nec alio vitioso charactere seu indicio insignita deprehenditur, qualia tamè in Purgantiis excretis obvia est. Interim.
- (3.) Uti purgantia in refracta dosi ut alterantia usurpari possunt pro scopo attenuandi & resolvendi viscida & tenacia, & ita quædam alterantium, in subjectis præsertim debilioribus Purgantium ferè facultates imitatur, in quibus Extractum centaurei minoris gumi ammoniacum, &c. utut moderatè, alvum nunquam laxare solent; sicut in tertiana intermittente ex usu Extracti absinthii secessus aliquot multos observavi. In generali igitur resinosa saltem textura conveniunt; in speciali autem crasi differunt.

Interim ex generali illa convenientia

- (4.) Oritur, quod Purgantia facillè sub pauca mutatione, vel per additionem, vel subtractionem, vel alterationem, vim suam exuant, & nunc alterativam, nunc diureticam, nunc diaphoreticam, exerant, & talia

fiant. Sic asarum, forti coctione in aqua, diureticum, & tandem diaphoreticum, evadit: colocynthis sub suo amaro intenso correcto exiit acrem virulentiam, & deposita vi laxativa alterativum potentius, & menses egregie ciens, emergit: sic helleborus niger simul optimum alterativum in Melancholicis & Hypochondriacis evadit.

- (5.) Textura hæc Purgantium probatur, quod tam acida, quam alcalia Purgantia vegetabilia cicurent. *Acida* quidem sali volatili contraria, v. g. spiritus vitrioli, vel ferocissima Purgantia, mineralia & vegetabilia, domat & corrigit, quia cicurant, i. e. ipsam texturam invertendo, & figendo urinosum volatile, & condensando pingue, castrant, & plus minus inermia reddunt, unde etiam canes à fortissimis medicamentis parum aut nihil purgantur, quia fermentum eorum nimis acidum (unde & ossa digerere possunt) Purgantium vim figit, quæ tamen venis eorum infusa facillè operantur: Id quod etiam valet de hominibus, quorum ii, qui Melancholicis laborant affectibus h. e. in quibus abundat acidum, difficilis sunt Purgationis; & ii, qui robusto sunt stomacho h. e. in quibus vegeta est vis fermenti digestivi, fortiora etiam superant Purgantia. *Alcalia* verò tam volatilia quam fixa, v. g. sal tartari, corrigunt Purgantia, quatenus texturam resinofam penetrant, oleofam dissolvunt, hinc visciditatem corrigunt, acidum hebetant, hinc nimiam acrimoniam temperant, & ita mitiora longè, minus vellicativa, magis resolutive, & legitima digestionem quodammodo cathartico diaphoretica reddunt Purgantia; unde STARCKEUS in *Pyrotechn.* pag. 100. & seq. rectè asserit, sub veneno Purgantium egregias & específicas latere virtutes medicinales: sicut etiam fermentatio Purgantium eadem mitigat, ferociamque nonnihil domat.

Mineralium substantiam laxativam in acrimonia salino-sulphurea, quasi vitriolacea, consistere dictum. Patet id in Mercurio vitæ, qui tantillum gustatus, ut aliquæ partes maneat in faucibus, excitat nauseam & saporem vitriolaceum repræsentat. Emergit hinc analogia Purgantium mineralium cum dictis vehementioribus Vegetabilibus: Nam sicut hæc constant ex resina sulphurea, sociata sali volatili acri, ex quorum textura coalescunt particule acres laxativæ, ita & Purgantia mineralia per analogiam quoque resinosa quasi ferè dici possunt. Revocentur in mentem, quæ superius de Vomitoriis dicta sunt, in quoniam nempe vis vomitoria consistat: simili namque modo per inferiora purgant, & in antimonio particule sulphureæ, seu acido-oleosæ, cum regulinis seu Mercurialibus, alcali quasi naturam repræsentantibus, debite unitæ & certa quasi textura concentratæ, concretum quoque resinofum quasi repræsentantes, vim antimonii catharticum constituunt. Nam hæc nec in substantia sulphurea simpliciter, nec in Mercuriali regulina, separatim consistit, sed his certo modo, ut nobis incognito, combinatis: hinc enim talis textura emergit, quæ acrimonia sua, linguæ licet non adeo sensibili, stomachum tamen sufficienter vellicare, & hinc in spasmos & vomitus ciere potest; hinc enim cinnabaris antimonij, & ex ea separatum sulphur, est sine vi cathartica, sicut substantia Mercurialis in antimonio diaphoretico, ex regulo parato, quatenus fixata, etiam insons est. Pariter etiam antimonialia, æquè atque vegetabilia, tam per acida, quam alcalia corriguntur: v. g. dum antimonij vitrum acidus vitrioli spiritus, vel acetum destillatum ita corrigit, ut saltem per inferiora laxet, & vim emeticam exuat; aut nitrum antimonij aliorumque malignitatem purgantem tollit, & in vim saluberrimè diaphoreticam mutat: Per alcalia autem cicurantur, v. g. quando Mercurius vitæ cum oleo tartari per deliquium præcipitatus, digestus & tritus, deposita vi emetica cicuratum remediū, & per inferiora tantum purgans, evadit. De Mercurialibus sive sublimatis, sive præcipitatis, idem dici potest quod resinofum quasi concretum minerale sint. Præsupponantur enim, quæ de Mercurio differit TACHENIUS in *Hippocr. Chymico*, quod suo modo & sensu limitato concretum quasi alcalinum & metallicum repræsentat, sulphure acido minerali investitum, & ita concretum acre, quasi resinofum in recessu, constituat; cujus texturæ ratione tam, vellicando, quam dissolvendo & colliquefaciendo contenta corporis, æquè vim Purgantis exserit. Utrumque patet ex litu, cum Mercurio vivo factò, qui nunc diarrhæam, nunc salivationem intensam, excitat. Mercurius dulcis etiam habet occultum

cultum saporem austerum vitriolaceum, cuius ratione tam intestina irritando, quam succos viscidos & glutinosos liquefaciendo, alvum laxare solet. Ergo Purgantium mineralium vis consistit in acrimonia vitriolacea.

Vomitoria non esse distincta à Purgantibus essentialiter, sed ratione doseos, aut majoris minorisve malignitatis seu acrimoniae, rectè docere videtur WALÆUS in *M.M.* p. 29. dum sub maiore dosi fortius & citius stimulo, & ita citius se exerendo, in stomacho vomitum urgent, qui sub minori quanto solummodo nauseam proritant, quam tamen post debitam distributionem sequitur Purgatio, differuntque sic ratione celerioris & tardioris motus: siquidem Vomitoria blanda interdum sunt Purgantia, & Purgantia fortiora sunt Vomitoria. Curiosum interim est, quod observatum fuit à quibusdam, quædam Purgantia pro varia collectionis ratione, dum vel sursum vel deorsum avelluntur, nunc per os nunc per alvum purgare: vid. SCHMUCKIUS in *Curat. Magico Magneticis* (Germanicè scriptus Tractatus est) p. 56: id quod de turionibus sambuci, foliis asari radice ireos, radice esulæ, &c. verum esse asserunt: vid. AGRICOLA in *Chirurg. Parva* pag. 912 quam variam operandi rationem à tali idea seu conceptu in imaginatione colligentis expressa, & mediantibus huius effluviis in plantam transplantato, oriri vult MARCUS MARCI in *Philosoph. Veterum Restituta*, & plures alii.

Dixi, duo hæc Purgantium genera promiscuè operari in corpus, dum ab eorundem usu, tanquam veneno, suo modo horrido, natura tam vitiosum, quod præexistit, quam quod à medicamento fabricatum, cum utili simul rejicit; ut sunt bilis, tam utilis in folliculo, quam superflua, lymphæ, nunc pancreatis nunc glandularum intestinalium, per intestinorum irritationem emulsa: quæ omnia promiscuè virulentia sua purgando, vel turbando economiam animalem, per evacuationes operando vim suam exerunt. Omnium enim fermentorum hæc immutabilis est necessitas, ut alterent & transmutent id, quod fermentant, & quantum fieri potest, in sui naturam convertant. Unde indiscriminatim fermentando non omne noxium evacuant, nec determinatè distincta Purgantia distinctos humores educunt, sicque exinde ruit sponte sua divisio Purgantium in *Cholagoga*, *Phlegmagoga*, *Melanagoga* & *Hydragoga*, apud Veteres magis, quam modernos, nota; ex hoc ipso, quia Purgantia promiscuè operantur, (id quod imprimis antimonialia & Mercurialia confirmant,) indiscriminatim evacuantia. Selectus ergo talis secundum dictas classes penitus inutilis est; qui unum alterumve Purgans loco omnium sufficiat: utut pro circumstantiarum variarum ratione, nunc hoc nunc istud, nunc debilius nunc fortius Purgans eligendum sit, experientia imprimis magistra. Hanc divisionem etiam rejicit WALÆUS de *M.M.* & HELMONTIUS de *Febris*.

Quod etiam hanc attingit divisionem,

- (1.) Fundamentum ejus est ruinosum, quasi massa sanguinea ex 4. humoribus vulgò notis, tanquam Ingredientibus, pituita, bile, melancholia & sero, componatur, ex quibus præternaturaliter vitiatis causæ morborum naturales oriuntur.
- (2.) Ex Excretis quoque sumpta divisio nullum habet fundamentum. Dicunt quidem: Videmus ab hoc Purgante flava & biliosa, ab alio serosa, &c. excerni. Resp. Præsupponunt hi, quod est in Quaestione. Dubia enim sunt, an talia præextiterint ante Purgantis usum in corpore nostro; quin potius dicendum, quod fiant demum illa per purgantis remedii vim, & alias acquirant in intestinis qualitates, quas antea formaliter non habebant: non enim talia excreta præexistunt in intestinis seu contentis, sed fiunt demum talia in & ante excretionis actum.
- (3.) Ipsa experientia reclamatur, i. e. ipsis quoque fatentibus eidem remedio purganti plures tales distinctos humores evacuandi facultatem tribunt: v. g. senenam dicunt adustos, serosos, biliosos, agaricum pituitosos ac serosos; jalappam quoscunque humores evacuare: Et sic ipsi Classes has destruunt.

Ex his patet, Purgantium, qua talium, nullam penitus esse differentiam, nec selectum eorum instituendum. Prout enim major vel minor eorum erit virulentia, & mitior ac potentior operandi efficacia, etiam magis vel minus primas vias, vel etiam sanguinem, vel hoc mediante forsan corporis etiam continentes & solidas partes afficiunt. Unde tres etiam Classes, seu tres corporis regiones, à Veteribus in Purgantium negotio assertæ, quousque scilicet operationes suas extendere soleant, saltem quoad majorem vel minorem Purgantium efficaciam, & hinc activitatis eorundem

sphæram, intelligendæ erunt: respectu enim ipsorum Purgantium corpus distribuerunt in tres regiones, quarum primam viscera, nempe à ventriculo per intestina & vasa mesaraica ad hepar constituerunt; secundam ab hepate per vasa majora sanguifera; ac denique in tertiam regionem, quæ comprehendit vasa minora, & ipsam corporis extimam superficiem. Divisio autem hæc est nulla; cum hæc regiones non possint cum circulo sanguinis conciliari, ob id à modernis hypothesis aliter explicatur. Purgantia potius sunt triplicia: Quædam enim sunt mitia seu lenientia; quædam vehementia; & quædam vehementissima. Mitiora sunt, quæ primas vias, per quas intelliguntur stomachus & intestina, blandè purgant: Vehementia seu Fortiora etiam ultra primas vias ad massam sanguineam, tanquam regionem secundam, pertingunt, eamque alterant & colliquefaciunt: Vehementissima tandem seu Fortissima non solum simpliciter massam sanguineam alterant, sed etiam cum massa sanguinea ad parres solidas & artus, quæ sunt regio tertia, seu horum cavitates se extendunt, ubique aliqualem operationem imprimunt. Scilicet res ita se habere videtur: si variæ fæculentiæ in intestinis saltem stabuantes, aut uberius bilis, succus pancreaticus, & serum copiosius per intestina evacuanda sunt, hæc commodè vel lenioribus Purgantibus per moderatam intestinorum irritationem, citra corporis commotionem, & quasi abstergi, aut vomitu blandiori exturbari poterunt: Quod si autem crasseos sanguinis, aliorumque contentorum lætio adsint, eorumque evacuatio intendatur, propter heterogenearum particularum cum sanguine miscelam, modò aptæ sint ad evacuationem, eò debent eliminari ex massa sanguinea, quò natura vergit; vel quando corporis ratio, ægri consuetudo, & sordium ipsarum conditio conspirant, debet imprimis per intestina fieri Evacuatio; quo etiam in casu paulò fortiora eligenda Purgantia, quæ, præter primarum viarum irritationem, propter acrimoniam suam particulis suis resinosis subtilioribus ad ipsam massam sanguineam appellant, eam quidem turbant non nihil, sed non nimis perturbant, ut sub tali motu irritationis intestinorum, & æqualis colliquationis contentorum corporis, saltem id, quicquid heterogeneum est in sanguine, & à vitalitate proscriptum, adeoque à remedio cathartico facilius alterabile, vel omne, vel maximam partem, mediantibus valis colatoris, hepatis, pancreatis, & glandularum intestinalium simul, ejiciatur, citra insigniorem utilis aut nutritivi succi insigniorem corruptionem, adeo ut aliquot saltem sedes, non verò, quæ per decades numerari queant, sufficiant. Purgantia enim, quatenus promiscuè operantur, eorum vis nullo modo æstimanda est ex quantitate & multitudine excrementorum, potius quantum feret euphoria ægri.

Dixi, si massa sanguinea sit impura & cacochymica, ac natura ad inferiora vergat, eò excernenda ducenda, & forti purgatione eliminanda esse; quod ex dolore hypochondriorum gravativo & tensivo, inflatione & fluctuatione circa umbilicum, &c. colligere licet. Aliàs quidem, propriè loquendo, sanguinis ac totius corporis systematis purgamenta sunt urina & sudor; per secessum verò quæ sunt evacuationes, saltem stomacho & intestinis evacuandis, & digestionis primæ facibus necessariò emittendis, dicata sunt. Sanè unicus sudor moderatus plus purificabit & totam massam sanguineam ac universum corporis habitum, quam forsan 10. Purgationes; & in morborum chronicorum curatione per urinam quæ fit evacuatio, ut plurimum convenientissima esse solet. Observetur ergo, Hydragoga vera esse tantum diuretica, quæ scilicet laticem aquosum sanguinis per urinarias vias evacuant; hinc etià sudorifera, quæ eundem non leviter quoque absumunt, unde & hæc in catarrhis purgandis longè præferenda.

Quod si verò fiat, ut (licet hoc rarius contingat) scopus sit, quo purgantis remedii substantia seu operatio etiam ad partes solidas se extendat, ut mediante sanguinis circulo eò delatæ particulæ, v. g. ad caput, ibi alterationem colliquefactivam & purgantem exserere debeant, fortissima tunc Purgatio (à quibus tamen semper aliquid convulsivi oboriri observatur) v. g. helleborus, &c. capienda, ut in his contentum vitiosum, mediante sanguine refluxum, ad intestinorum vasa excretoria delatum, eliminetur. Hoc sensu dixerunt Veteres: Turbith esse Phlegmaticorum & serosorum optimum Purgans; Hermodactylū Animæ Articulorū; & caput helleboro dignū esse, &c. quod ipsa ex his sordes evocet & educat.

Indiscriminatim ergo Purgantia dum operantur, adeoque sanos æque ac ægros vexant; sanè sub omni Purgatione insignis latitabit fraus & impostura, adeoque plures dejectiones plus nocebunt, quam proderunt: unde etiam inter Purgantia, qua talia, nullus penitus, selectus instituendus erit.

Interim tamen, cum quotidiana Praxis varietatem operationis & effectus ex Purgantium usu diverso ostendat, ob id in legitima eorum administratione respectu triplicis circumstantiæ aliqualis distinctio, & selectus ratione Purgantis, subinde faciendus erit:

- (1) Propter ipsius purgantis remedii varietatem.
- (2) Propter purgandi subjecti distinctas proprietates; &
- (3) Propter materiæ evacuandæ varias condiciones & varium situm. Propter tres has circumstantias selectus aliquis adhuc instituendus est pro scopo purificandi, non quatenus præcisè Purgans est.

Et quidem ratione *primæ circumstantiæ in remedio purgante*, præter vim laxativam, respiciendæ sunt junctæ simul, & quasi venenata sub virulentia laxativa, proprietates certæ, certis quibusdam morbis appropriatæ alterativæ; præter vim enim solutivam vis quædam simul alterativa, & morborum quorundam correctiva seu curativa in Purgantibus plerisque reverà delitescit: sic helleborus niger, præter virulentiam laxativam, in hypochondriacis, melancholicis & maniacis affectibus, speciatim est proficiuus.

Quod aliquo defectu adhuc seligenda sint Purgantia alia præ aliis, dixi supra, fieri propter majorem vel minorem eorum virulentiam, ac, ut mitius loquar, quod aliud Purgans mitius, aliud potentius deprehendatur in operando. Jam, quod unâ cum virulentia solutiva Purgantis ipsius junctæ sit vis plus minus alterativa, quæ, tanquam nucleus, sub cortice virulento laxativo est recondita, paucis explicabo. V. g. asarum est optimum Purgans in quartana, non propter vim emetico-catharticam, quam cum aliis etiam Purgantibus habet communem, sed propter junctum simul saporem, & virtutem aromaticam, cujus ratione fermenti febrilis seu fomitis quartanæ correctivum est, indeque sudorem in hac cum euphoria ægri solet excitare. Rhabbarum, præter vim solutivam, vocatur anima hepatis, quæ in morbis, vulgò ex viscerum, in specie hepatis, atonia ortis, indeque in cachexiis appropriata est medicina, non propter vim laxativam, sed alterativam, bilis vitiis in specie conveniens, unde in ictero etiam optimum est: Idem etiam renibus & malis nephriticis dicitur appropriatum, cum ab ejus repetito usu urina odore ejus dicatur imprægnari, & jam dum Paracelsus arcanum calculi dissolvendi & curandi, ablata ejus virtute laxativa, in eo reconditam esse, dixit: item in alvi fluxibus, diarrhæis & dysentericis convenit, non quod adstrictiorem relinquat, sed quia reverà particulariter istud acre, cujus occasione dysenteria non adeò epidemica observatur, corrigere & enervare, atque sic in radice tollere, observatum est. Tamarindum figendi vim & temperandi sal volatile oleosum obtinet: in hydrope convenit elaterium: Mercurius dulcis & Mercurialis, similiaque, præter usum, laxativum, sunt appropriatum simul corrigens veneni Venerei & fermenti acido falsi, unde plures affectus intercutanei oriuntur; in scabie ferina, ulceribus partium externarum manantibus, &c. egregius hinc eorum usus est, non quod purgent, sed fermenta hæc morbifica corrigant & alterent; hincque luis Venereæ alexipharmacum in unico Mercurio consistere dicitur. Si colocynthis interdum adhibenda venit necessitate coacta, non præcisè ob virulentiam laxativam morbum curat, sed quod ex penetrantiori acrimonia & amaritie singulari (in qua vis ejus purgans non residet, & hac sublata sola retineri potest) incidat, attenuet & dissolvat mucositates viscidas, primas vias & colatoria intestinalia, ut & partes uterinas, præternaturaliter & vitiosè occupantes, unde in affectibus chronicis, mensium vitiis, & lue Venerea, specificè conducit. Hæc & similia subinde aliqualem selectum, inter purgantia remedia faciendum, insinuant.

Alteræ Circumstantiæ erat, ut conditio *subjecti* seu personæ purgandæ, consideretur, an

- (1) Facilioris vel difficilioris sit laxationis.
- (2) An aliis affectibus præternaturalibus sit obnoxia, qui per Purgantia plus minus irritari vel exasperari queant.

Prius quod attinet, ut aliquis facilius vel difficilius purgetur, ex triplici causa oritur:

- (1) Ratione stomachi, cujus vis digestiva uti est vel potentior, vel mitior & imbecillior; ita quoque prout ab eo remedia purgantia plus minus corriguntur & alterantur, facilius vel difficilius purgabitur: v. g. robustus rusticus forti digestivo fermento pollens, fortius fert purgans præ delicato juvene.

Dein

- (2) Ex istorum contentorum seu succorum corporis textura, vel firmiore, & ut sic dicam, magis compacta, vel rariore & magis soluta. Dependet hoc potissimum ab acido pingui, liquore quasi saponario, qui uti fortius cogit particulas sanguineas, ita à remedio purgante difficilius potest attenuari & liquefieri; contrarium enim fit in ratione opposita: Quod etiam contenta magis vel minus acra, præsertim salsa sunt, eo facilius purgantur, & à levi purgante in hypercatharsin vel diarrhæam quandam solvuntur: hinc phthisici, vel ad phthisin pulmonum inclinantes, creberrimos à purgante patiuntur secessus, & sub morbo confirmato ad mortem declinante in spontaneam & colliquativam sæpissime funestam & lethalem incidunt Diarrhæam,

Quibus tandem

- (3) Accedit & nervosarum partium sensilium major vel minor sensibilitas, & ita à Purgantibus facta facilior vel difficilior irritabilitas. In quibus enim subjectis fibræ nervosæ motrices, & systema totum nervosum facile à quovis objecto irritari & moveri intensius possunt, in illis Purgantia lenia multum, in aliis fortiora parum, operantur: in contrario itidem oppositum obtinet.

Quod verò posterius attinet, observandum; an non obnoxium sit subjectum purgandum affectibus, qui à Purgantibus exasperari queunt, v. gr. an ad colicam habituales seu convulsivam, passiones hystericas, similiave pathemata proni sint ægri? item an facilius animi deliquio corripiantur? & an affectibus hæmorrhoidalibus vel diarrhæis sint obnoxii? Ii enim cautè tractandi sunt per Purgantia, cum propter tormina, à resina acri viscida ordinariò concitata, etiam pathemata colica & passiones hysterice soleant excitari, imprimis in scorbuticis: sic qui hæmorrhoidalibus affectibus obnoxii sunt, minimè per resinosa purgandi sunt; aliàs enim aut dolor aut tumor excitari solet: hinc jalappa, aloe, rhabbarum, &c. iis nocet; senna verò & Mercurius dulcis juvant & conducunt.

Tertia tandem Circumstantiæ observanda adhuc est, ipsius nempe *materiæ evacuandæ* Conditio & Situs, pro purgantis remedii selectu. Quoad situm, notetur; an materia sit extra vel intra vasa? si intra vasa, an cruda adhuc vel cocta sit? si extra ea, an in propinquis, an verò in remotioribus locis sit? quæ longinquitas respectu vasorum sanguiferorum mensuranda est: v. g. alia ratio est, quando expurgandum serum hydropicorum ex abdomine; alia, quando natura per alvum educit pus empyematicorum, ulterius deinde per Purgantia promovendum. Quando materia intra vasa adhuc est cruda, non est movenda; si verò cocta, per leve etiam Purgans sufficienter æger purgabitur. Si cruditates viscidæ chylosæ seu glutinosæ imprimis massam sanguineam imprægnant, remedium purgans paulò fortius tuto potest adhiberi. Considerandum etiam, an irritatione simplici facta in intestinis spes sit, quod subsequuta sit Purgatio sufficiens, an verò præter irritationem Purgans etiam ipsos humores plus minus alterare, seu potius corrigere debeat, ut fiant apti Purgationi. Quoad conditionem verò ejusdem, considerandum, an acrior vel mitior & temperatior? an viscidior, tenuior aut fluidior sit materia? Quod acrior, eo mitius est tractanda, ne irritentur crabrones: hinc scorbutici Lenientibus cautè purgandi, ne ex acido commoto graviora symptomata concitentur: contra, qui mitiora habent contenta, ut Phlegmatici & Pituitosi dicti, qui crudo succo chylolo abundant, iis fortiora etiam Purgantia possunt adhiberi. In morbis, ubi suspicio est, peccare succos viscidos, minus mobiles & crassos, quales v. g. in lue Venerea, scabie ferina inveterata, eligenda tunc acriora & amaricantia, quæ fortius colliquescent & attenuant tales succos; ubi verò fluxiles sunt humores evacuandi, mitiora & temperatiora Purgantia sunt eligenda: hinc ad pituitam vitream adhibetur turpethum, esula, colocynthis, &c. sic senna, utut plurimis evacuandis sufficiat, non tamen in Melancholicis & Hypochondriacis sufficit; imò in quartanariis etiam ad esulam potest fieri accessus: in purgandis sic Hydropicis tentetur jalapæ usus, quæ si impotentior, ad elaterium adscendatur; si adhuc fortiori opus sit, Mercurius vitæ adhibeatur, qui in Hydropicis omnem vim emeticam amittit, & copiosius tantum per inferiora purgat. Quibus circumstantiis probè expensis, aliis indicationibus partim satisfaciemus, partim mala quædam imminuentia præcavebimus, partim corrigemus.

Dixi

Dixi suprà, Purgantia quælibet operari vel irritando vel colliquesfaciendo; quæri igitur potest, quænam Purgantia ex his in usu Practico sint convenientiora? an irritantia, mitiora scilicet vegetabilia? an colliquantia, ut Mercurialia & Vegetabilia acriora? an quæ utroque agant modo? e.g. antimonialia dixi simpliciter esse irritantia; sennam item & jalappam in mitiori dosi vix ultra primas vias irritando se exerere; resinosa contra & acriora ex colocynthide, elaterio, &c. ulterius penetrare, & forti colliquantione operari; Mercurium verò dulcem ratione irritationis blandæ blandissimum esse Purgans attenuativum, colliquesfactivum (non tamen adeò malignum ac vegetabilium resinæ) hincque optimum. Respondeo igitur; in genere præferenda ea esse, quæ saltem irritant, ut irritationis huius circa primas vias excitatæ occasione naturæ quasi calculus addatur, ad noxii & heterogenei expulsionem sine contentorum corruptela, virium prostratione, nec aliis symptomatis solitis atrocioribus consequentibus. Lubentius igitur potius in Praxi blandè laxantia, cum primarum viarum abstergentibus juncta, adhibeantur: quantum autem possibile, abstinendum ab acrioribus & colliquesfactivis, quæ ægros potius vexant; blandiora enim sæpius repetita facilius ferunt ægri. In casu verò tali, quando cruditates viscidæ, aut pituita acida & vitrea, & similia, vel primas vias obsideant, vel etiam massam sanguineam inquinant, & lympham viscidiorum, bilem autem inertiorum reddiderunt, tali in casu, ubi scopus est viscidæ ac glutinosas cruditates has ex primis viis & massa sanguinea eliminare: v.g. in cachexia virginum cum mensium suppressione, febribus intermittentibus diuturnis, lue Venerea, affectibus melancholicis, &c.

In specie inter Purgantia aut eligenda sunt ea, quæ blandè laxant, aut pro stimulo addenda acriora & colliquesfactiva appropriata; v.g. Mercurius dulcis, Extractum trochiscorum alhandal, item extractum esulæ, hellebori nigri, &c. ut partim his ipsis attenuetur substantia mucosa, partim alteretur materia nociva, quæ sibi relicta aliàs ad evacuandum inepta erat, partim promoveatur.

Quæritur jam, ex quonam loco & per quas vias illa recrementa evacuentur à remediis purgantibus? cum nemo facile asserere possit, omnia, quæ ex alvo evacuantur, præexistisse in intestinis, atque una purgatione validiore plus interdum eiciatur, quàm omnino intestinum capacitas vix continere potest? Continentur autem ea vel in intestinis, & vasis excretoriis ad intestina pertinentibus, tam ductu choledochi, pancreatico, & glandulis intestinalium miliaribus, post intimam horum membranam sitis, vel ulterius continentur in massa sanguinea, & exinde derivantur lege circulationis per horum viscerum poros, tandem ad vasa illa excretoria, quibus natura tunc temporis quasi abutitur, & sic per consequens ad intestina; hæc enim sunt ordinariæ istæ viæ, per quas in diarrhœis fluunt excrementa. Unde & quæ in perturbationibus his ventris excernuntur, rarissimè sola sunt excrementa, sed frequentissimè bile tincta conspiciuntur. Veteres quidem venas seu arterias mesaraicas huic negotio inservire putarunt, ut per has deponerentur excrementa massæ sanguineæ ad intestina, & ex intestinis ad podicem: Sed his repugnat generale & universale axioma; quod nulla fiat separatio in vasis fluidi ex fluido, nisi per certa demum colatoria seu filtra, quorum defectu promiscuè ipse sanguis evacuari solet; & talis nulla observatur in œconomia animali. Consideretur enim v.g. crisis per sudorem, & hæmorrhagiam narium: ibi est certum colatorium, glandulæ scilicet miliares, horumque vasa excretoria, per poros intercutaneos; hic verò in hæmorrhagia cum tale non sit, promiscuè sanguini commista materia excernitur cum ipso sanguine: utraque autem cum euphoria. Ergo loca, quibus mediantibus ex massa sanguinea ad intestina deponitur colluvies (sive præextiterit, sive demum facta fuerit à Purgante) quæ evacuanda est, sunt tria:

- (1) Vasa dicta colatoria seu excretoria, ductus choledochus nempe ex hepate;
- (2) Ductus pancreaticus ex pancreate; &
- (3) Vasa glandulosa intestinalia, vel glandulæ intestinales, tam in tenuibus conjunctim, quàm in crassis intestinis sparsim observatæ.

Testatur hoc ipsa autopsia anatomica, per hæc loca fieri transcolationem: si quidem nunquam succus liquidus ex vasis sanguiferis percolatur sine interventu certarum partium vel cribrorum, quæ si deficiunt, sunt hæmorrhagiæ, tam criticæ quàm non criticæ. Priores viæ sufficienter

confirmatæ sunt à MOEBIO in *Fundament. Medic.* pag. 368. ex GRAEFFIO de *succo pancreat.* §. 196. pag. 386. qui in cane, cui rhabbarbarum propinarat, post usum huius copiosiorum bilem & succum pancreaticum per ductum hos ad intestina evacuatam observavit: vid. etiam HOFFMANNUS de *Purgat. & Viis Purgationum*, quæ disputatio satis eleganter elaborata: Posteriores vias, glandulas scilicet intestinalium miliares, per quas dicta recrementa evacuantur sufficienter ostendit præsertim PEYERUS de *Glandulis Intestinalium*, & PECLINUS *Tractatu eleg. de Purgantib.* cap. 36. qui facta ligatura ductus choledochi & pancreatici in relicto spatio intermedio copiosiorum materiam serosam excretam deprehendit; sicut post PECLINUM de *Purgant.* etiam DRELINCOURTIUS & alii hoc observarunt; quæ lymphæ non nisi per glandulas intestinales ex massa sanguinea allata, secreta & ejecta est.

Glandulæ istæ adhærent intimæ intestinalium tunicæ, & tubulis suis excretoriis hiant in intestina: hypothesis est nova, sed non adeò inconveniens propter egregium experimentum.

Assumptum ergo medicamentum purgans primitus irritando, & acrimonia sua viscida pertinaciter vellicando intestina, horum repetitos spasmos & violentas contractiones, contentorumque viscidorum & mucilaginosorum, à Purgante nonnihil liquefactorum, excretiones excitat; quin hiantia simul orificia ductuum, choledochi & pancreatici, & excretorii tubuli glandularum, per consensum irritantur, vellicantur, crispantur, & uberius humores suos contentos exprimunt; quod pariter quoque fit in glandulis intestinalibus, adeoque proximè, quod circa istas primas vias stabulatur, à medicamento assumpto plus minus alteratum & attenuatum, ejicitur: unde non raro præmissa digestiva, in specie vel tartarus vitriolatus, vel arcanum duplicatum Myrsichtii, vel crocus Martis aperitivus, &c. si tales succos in primis viis reperiant, alvum aliquoties movent. Interea verò subtiliores seu salino-volatiles remedia purgantia particulæ per vasa lactea ad massam sanguineam appulsæ, eam fermentant, ejusque contenta, nunc laudabilia nutritiva, nunc excrementitia, ita alterant, texturam horum in minimis fundunt, attenuant, dissolvunt, & ita in liquidum seroti consistentiam colliquesfaciunt, & disponunt, ut sero involuta mediante circulo sanguinis per hepar & pancreas, item glandulas intestinales, successive transcolentur, & ad intestina deponantur.

Dubium autem est, quomodo contenta intra corporis cavitates, v.g. pus empyematicorum per Purgantia, aqua hydropicorum ex abdominis cavo ab elaterio, &c. evacuentur? Duo verò sunt modi, quibus per alvum copiosa evacuatur aqua, & inde minus ad tempus tumere observantur hydropici:

- (1) Quando glandulæ intestinales in hydropice ascite observantur turgidiores & auctæ magnitudinis, per quas immediate emulgetur in intestina serum, in abdominis cavitate aliàs contentum; pariter ac glandulæ intercutaneæ in anasarca tumidiores observantur.
- (2) Fit, ut vasa aliquantisper exinanita in se resorbeant subtilius serum, in abdomine & aliis cavitatibus contentum, quod tunc denuò ad glandulas, sive vasa excretoria intestinalium, cum sanguine delatum ad intestina per hoc deponitur, ut sic seri aliqualem imminutionem in tumore hydropicorum efficiant.

Interim remedium purgans, quamdiu intestina stimulat, per inferiores vias operatur; si verò subtiliores ejus particulæ altius penetrent, non præcisè obligatæ sunt, ut per inferiores vias se exerant, quin etiam per alia loca evacuationem moliri deprehendantur. Nam dum sanguinis circulo per totum corpus, omnesque ejusdem partes, æqualiter rapitur vis medicamentosa Purgantis, hoc ipso pro adjuncta sibi facultate, vel nonnihil diaphoretica, vel diuretica, &c. ut & pro certa sordium expurgandarum, à medicamento colliquantarum, alteratione & consistentia, ipsorumque etiam viscerum plus minus ad transcolationem dispositorum constitutione varia, nunc per urinam, nunc per sudorem, nunc per salivationem, sequitur cathartici operatio; nil enim impedit, si aliquando vel in hepatis vasis, vel in pancreatis ductibus, impedimentum se offerat, quò minus debita excernenda evacuentur, vel pro aliis circumstantiis aliter corpus sanguineaque massa disposita sint, quin per medicamentum purgans fermentata & disposita excrementa etiam per alia loca, quàm per inferius guttur, eli-

eliminentur: sic Mercurius dulcis, five etiam crudus, nunc per alvum, nunc, si intra corpus retinetur, per vasa salivaria se exferit.

Rationes autem, quod particulae purgantes interdum per alia loca operentur, sunt: 1. Ipsa conditio aëri, eiusque post assumptum Purgans Gubernatio. Notum enim est, quod si motu vel exercitio, à medicamento purgante assumpto validius agitur corpus, sicque largiter proliciatur sudor, nihil aut parum per alvum evacuabitur, ut quicquid operatur, sub sudoris forma fiat: id quod similiter non raro evenit, si quis medicamento assumpto superdormiat; tunc enim partim sub somno sensus irritationis & excretionis stimulus minus perceptibilis est, partim quod tunc insensibilis transpiratio, & sensilis transudatio aucta magis est, & per eam particulae medicamentosae, seu ex ejus actione resolutae, commodius quam per inferiora demittuntur. E contra verò in febre ardente ex medicamento diaphoretico assumpto praecipitante, cum aeger una alterave vice sudorem concitasset, tertia aut quarta vice copiosam diarrhoeam loco sudoris provocatam fuisse expertus sum. Si post purgans assumitur zusculum cum cremore tartari, qui diureticus est, loco purgationis interdum vomitus vel diuresis provenit. Secunda ratio est specifica ipsius purgantis natura, prout ipsum, praeter vim laxativam, habet simul junctam specialem vim, nunc diureticam, nunc diaphoreticam, & sic sub virulentia sua etiam reconditam alterativam, ratione cujus huic vel isti affectui profunt. v. gr. rhabarbarum aliqualem vim diureticam obtinet, unde interdum loco purgationis diuresis subsequitur: ita antimonium diaphoreticum, seu quodvis in genere catharticum, non debite tamen correctum, vim diureticam & alterativam simul obtinet: sic D. MAURITIUS HOFFMANNUS in *Dissertat. de Purgat. Modo & Viis*, ab assumptis pilulis catarrhum obortum (à GALENO l. 3. de *symptom. causis* c. 4. diarrhoea comparatum) copiosumque sputum ore rejectum, ut & pruritus à Parmiaci usu observavit: & à syrupo rosarum solutivo pro alvi lenitione, cuiusdam matronae à Clariss. VIRSUNGIO exhibitio, copiosissimam urinam sine alvi dejectione Patavii excretam fuisse, idem notavit: sicutè contra ex lotio suppresso obortam diarrhoeam observavit RHODIUS *Centur. 2. Hist. 84.* Notum est quoque, diversimodè operari Mercurium, pro medicamento tam internè assumptum & retentum, quam externè applicatum seu inunctum, qui nunc per diarrhoeam torminolam, nunc per copiosam salivationem, nunc per utrumque simul curat Luem Veneream. Cerussa antimonii seu antimonium diaphoreticum ex regulo paratum, utut communiter pro sudorifero habeatur, interdum tamen etiam morbos per salivationem levat. Ex quibus non difficile est judicare, quare ab assumpto Purgante Veneris non raro in viris sequitur stimulus, in mulieribus mentes proritentur, considerata simul Purgantium facultate, in sale volatili acri fundata. Exempla videbitis in PLATERI *Observat. lib. 1. pag. 263.* ubi narrat pilulas purgantes propinatas loco Purgationis alvinæ Venerem stimulasse, idque in viro viduo, qui ideo molestissime hoc tulit: addatur MOEBIUS in *Fundament. Medic. pag. 481.* qui singulare exemplum offert. Stimulus hic oritur partim propter vim Purgationis acrem, stimulantem leminaria vasa, partim propter aromatica plerumque simul usurpata, pro correctione Purgantis adjuncta, quae cum per se stimulent Venerem, etiam Purgantibus addita eam stimulant. 3. Prout textura materiae evacuandae diversa est, quam tum in se ipsa habet, tum ex vi remedii colliquescitiva acquisivit, ut aptior sit per glandulas salivales potius quam intestinales transcolari; item optime per intestina, quam hepar aut pancreas. 4. Prout ipsa viscera transcolationi dicata, ut hepar, pancreas, glandulae intestinales, &c. ita sunt disposita, ut nunc facilis, nunc difficilis, materiam evacuandam dimittant: v. gr. in sudoribus pori aperti magis dimittunt id, quod purgantia remedia ad intestina alias remittere debebant.

Considerandum ulterius jam est, unde tam variae, & subinde tam tetrae odore, colore, & contactu, horridae, flavae, lividae, &c. sordes, quae per medicamentum purgans evacuantur, originem trahant. Formaliter easdem in corpore non praexistere citra notabile sanitatis, ne dicam vitae, detrimentum, constat; sed fieri demum tales sub purgationis actu ex actione remedii colliquativa & quasi putrefactiva, ex supra dictis notum est; nisi excipiantur ista solum recrementa, quae ratione erroris digestionis primae plus minus mutata materialiter primas vias occupant, &

immediate ex iis per solum Purgantis stimulum evacuantur: caetera formam suam nanciscuntur sub excretionis modo, qualem ante eum non habuerunt. Oriuntur autem excrementa ista tetra & varia triplici ex causa.

1. Ab ipsa alteratione sanguinis, chyli, aliorumque corporis succorum, à remedio, solutivo, sub actu dissolutionis & colliquationis, inducta; hinc in consistentiam liquaminis serosi reducta, & à vitalitate proscripta, proprio & intestino motu ad putredinem & foetorem ruunt, & ita sordes plus minus, in colore, odore & sapore tetras constituunt: sic scammoniata admodum foetida, colocynthis viscida, jalappa serosa acris, &c. rejici faciunt.

2. Quod quaedam remedia praeter vim alterativam & corruptivam, simul quoque excreta diversimodè tingant, & ita nauseosum adpectum iis conciliant; unde etiam ex eodem medicamento validiore, diversa licet sanitatis & constitutionis subjecta, eadem excrementa evacuare solent; hac enim ratione aloë & rhabarbarum omnia excrementa flavedine imbuunt, quo respectu vulgò bilem evacuare dicuntur: hac ratione etiam Martialia solitario, vel quibulvis Purgantibus sociata, si rite operentur, excreta nigredine infecta repraesentant; quod pariter facit saccharum saturni, & saturnina, reliqua, item solaria, & aurum fulminans, si ve aurum cum spiritu salis solutum & propinatum, sub pauca sui mole, ingentem tamen excretorum quantitatem in nigredinem commutant & convertunt.

3. Ipsa multiplex contentorum naturalium & praeternaturalium in intestinis sub actu purgationis factae, nempe excrementorum naturalium in intestinis crassis stabulantium, ut bilis cum lymphâ, tam pancreatica quam glandularum intestinalium; item lorum colliquatarum ad intestina una depositarum, mistio. Haec enim omnia, cum singula propriam & singularem quoque texturam habeant, invicem tamen mista, plus minus in intestinis retenta, qualitates alias acquirunt, quas minime alias simplici naturae facie repraesentare solebant: par ratione ac ex solutione vitrioli ac decocto gallarum vel tormentillae per praecipitationem atramentum emergit; ita secundum solutionem, praecipitationem, coagulationem & similes encheirises, etiam variformia recrementa subinde ejiciuntur: vid. HELMONTIUS de *Febribus* cap. 15., CNOEFELIUS de *Febribus Epidem* pag. 66. WALAEUS M.M. pag. 25. PLEMPIUS in *Fundament. Medic.* l. 6. cap. 3. & POTERIUS de *Febribus* l. 2. c. 4.

Odorem quod attinet, non probabile est, sordes adeo foetidas in massa sanguinea citra vitae periculum fuisse; unde à malignitate Purgantis oriri certum est.

Uc autem concludamus Theoriam Purgantium, sciendum denique, omne emolumentum, quod à Purgantibus expecti potest, esse, quod ab iis saltem cacochymici succi, h. e. partes heterogeneae & recrementosae errore digestionis vel primae vel secundae, per fermenta, vel peregrina vel naturaliter vitata, producti, evacuari soleant, adeoque non tam causis morborum corrigendis aut removendis, quam productis morborum secundariis occasionalibus evacuandis conducant, utut sub hoc scopo simul partim contenta naturalia corrumpendo, partim primas vias vitiose afficiendo, praesertim in majori dosi sumpta, non nisi nocuimento esse soleant. Sanè causas morbosas proprie dictas minime vel raro attingunt; hinc subinde post eorum & repetitum utum nihilominus morbi contumaces persistunt aut saltem remaneant, ut v. gr. in febribus intermittentibus, hydrope, ictero, lue Venerea, &c. clarum est; adeoque potius humores peccantes à causis illis formaliter dictis productos plus minus evacuant & ita omne levamen, quod Purgantia in Cura adfuerunt, est à posteriori saltem, non autem à priori; unde illorum fermentorum morbosorum potius Alterantia, tam generalia, quam specifica, vitium dyscrasiae corrigentia, conveniunt. Si hoc non potest fieri, fiat separatio vel praecipitatio succorum malorum, & vel per sudorem, vel, quod melius, per urinam, immediate expurgentur; haec enim duo sunt sanguinis colatoria, quibus purificatur massa sanguinea: Ubi verò ob circumstantias quaedam, praesertim humorum per fermenta ista productorum vitiosorum ratione, duplex haec Evacuatio fieri nequit, vel consuetudo insinuat inclinare per inferius guttur, Purgantia saltem per inferiora conveniunt. Omnibus autem

autem Purgationibus Sudorifera & Diuretica præferenda sunt, nisi velimus naturam exterminare ex stomacho.

Cæterum, cum per Purgationes; in specie vehementiores, omnia ferè in corpore turbari solèant, adeoque periculosa subinde sequantur symptomata, ob id exactè consideret Medicus legitimam Purgandi rationem, tam in acutis, quam in chronicis affectibus. Nempe istud, quod œconomiae animali inimicum, universaliter evacuandum est per quascunque vias: siue istud sit causa morbosa, siue productum morbosum, siue per se in parte quadam solida, cum aut in cavitate aut ductibus ejus hæreat, si partibus fluidis permixtum sit: sic pus in empyemate, aqua in hydrope, lymphæ in anasarca hærens in partibus solidis, omnia evacuanda sunt. In hoc igitur casu, quando evacuandum tale, vel quando in quali peccat, & in parte quadam solida hæserit, quò maxime vergat, per convenientes vias in genere eò ducendum & evacuari debet, juxta *Aphorism. 21. Section. 1. HIPPOCRATIS*. Unde morborum chronicorum, ex ventriculi errore imprimis supervenientium, cura instituitur successivè & per epicrasin mitioribus remediis, blandis aloeticis, quia morbi chronici excrementis fixis & viscidioribus oriuntur: hinc in morbis chronicis usuales sunt noduli simul alterantes & purgantes, præmissis debitis vomitoriis. Præservatio autem & curatio morborum acutorum instituitur plerumque per Purgationem eradicationem: morbi enim acuti oriuntur per effervescentiam & insignem turgescientiam, cum in his dictum heterogeneum œconomiae animali inimicum contentis fluidis permixtum sit. Unde duplex ejus status probè observandus est; vel enim tantum confusum est illis contentis, in specie massæ sanguineæ, vel intimè & exactè utrique permixtum est invicem: si confusè, dicitur status coctionis; si intimè heterogenea cum homogeneis coiverint, dicitur status cruditatis. In illo statu, seu priori, facile potest fieri per convenientia cribra & colatoria separatio; unde sub hoc respectu pro norma evacuationis universalis, ejus nempe quæ sit respectu cacochymiae contentorum, inservire debet *HIPPOCRATES*, qui legitimam purgandi methodum seu optimum regimen docet *Seç. 1. Aphor. 5. 21. 22. 23. & Seç. 4. Aphor. 3.* qui ferè sunt aurei, & instar cynosuræ Purgationum prudenti Medico esse possunt, ubi divinus Senex imprimis monet: *Concocta medicamentis esse evacuanda & movenda, non verò cruda, neque per initia, nisi materia urgeat, & Seç. 1. Aphor. 21. Quæ educere oportet, quò magis vergunt, eò ducenda per loca convenientia: conf. lib. de salubri diæta, item AVICENNA 4. 1. cap. 18. & M. A. N. C. Ann. 4. & 5. pag. 17.* id quod imprimis observandum in morbis malignis, in quibus crisis per abscessum ad partes externas & ignobiles fieri solet; & *HIPPOCRATES Aphor. 23. Section. 1. Excreta non copia sunt æstimanda, sed si qualia oportet, exeant, & facile ferat æger:* & hæc duo bonæ Purgationis signa sunt: Atque ubi ad animi deliquium educere expedit, fatendum idem quoque, si æger par esse possit; & *Aphor. 24. In acutis morbis raro, & in principio, medicamentis purgantibus utendum, idque diligenti antea inspectione faciendum est; & tandem Aphor. 25. Si, qualia oportet purgari, purgantur, confert, & facile conferent; si contraria difficultè.*

Quia quoque hi aphorismi sint instar normæ; quando sunt evacuanda ea, quæ hærent in contentis corporis, notandum est, quod *HIPPOCRATES* vocabulo *παρὰ φύσιν* utatur, quod in genere Medicari significat; Interpretes autem stricte, sed malè, intelligant de Purgatione in specie.

Medicationis ergò hæc vox vi nomenclaturæ non præcisè ad purgationem per inferiora restringenda est, sed in genere etiam omnem notabilem, per quæcunque loca convenientia faciendam, aut per vomitum, aut per secessum, aut per urinas, aut per sudores provocandos, evacuationem innuit; in quibus omnibus, cum salutari ægri successu instituendis, necessariò coctio prius expectanda est; Dicit enim *HIPPOCRATES 1. a. Aph. 22. non licere παρὰ φύσιν* i. e. curare in genere, non nisi cocta, nec cruda attingenda esse, nisi turgant. Conf. *Dissertat. mea de Præcip. Usu & Abusu*. Hinc miserè lacerantur Aphorismi hi, Cruditatis & Coctionis vocabuli diversimodè à diversis explicatis. Unde in statu febrium Purgantia non proficua sunt, quod natura ad coctionem & futuram crisin se tunc accingat; aliàs enim, si massa sanguinea cruda, i. e. excrementis cacochymicis turbata, purgantur, aut nihil evacuatur, ut ut totum corpus notabiliter debilitetur ac pertubetur, aut citra euphoriam ægri, potius movendo succos crudos, utiles &

inutiles, cum nocumento ejus accidit; non enim præcipitabitur, sed movebitur & augebitur turgescientia febrilis: nec in principio febrium acutarum adhiberi Purgantia possunt, imò nec Diaphoretica nec Diuretica; malum siquidem exasperant, quia intempestivè applicantur: Purgantia enim liquefaciunt succos, & excernunt, sudorifera nonnihil sanguinem præcipitant, Diuretica attenuant massam sanguineam, sed sine euphoria, quia nil morboſi ejicitur: hinc aut paroxysmos futuros illa exasperant, aut ipsam febrem pertinaciorem faciunt: vid. *SENNERTUS de Febribus l. 2. cap. 6. pag. 103.* Potius in morbis acutis est expectanda coctio, i. e. separatio sæcum cacochymicarum ex massa sanguinea, quibus separatis evacuentur, siue fiat per crisin, siue ad ejus imitationem per medicamenta, quia talia recrementa ante sui præcipitationem vel separationem impossibiliter possunt evacuari. Monstrat sane Ratio & fida Experientia, nunquam naturam hujusmodi instituere excretiones, nisi primò subegerit & concoxerit materiam morbosam seu peccantem, unde & in statu & declinatione saltem morborum, non verò in incremento aut principio salubres & criticas tales molitur evacuationes cum perfectis urinæ signis coctionis, nisi materia interdum nimis turgeat, h. e. nimis effervescat, & rapidè per vasa moveatur; tunc enim irritata natura etiam insuetò tempore molitur tales evacuationes, sed cum coactim procedant, symptomáticas diætas, quæ raro etiam solent esse frugiferæ, sed sæpius nocivæ: vid. *KERGERUS in Tractatu de Fermentat. de Uju p. n. Fermentationis, item de Temperib. Morborum.*

Cruditatis scilicet nomine nihil aliud intelligendum, quam intima unio & permixtio vitiosi cum utili, imprimis particularum heterogenearum cum homogeneis in massa sanguinea, ob quæ naturalis ejus fermentatio vitalis turbatur, & in effervescentias febriles concitatur, id quod imprimis particularum salinarum à debita crasi deficientium, in specie acidi vitiosi, intimè talia concentrantis, & simul heterogenea ac homogenea invicem sociantis, fit culpa. Coctio è contrà est acidi hujus per alcali saturatio, & particularum heterogenearum à reliquis particulis per fermentativum motum simultanea extrusio, & quasi Præcipitatio, quo recrementa & heterogenea talia, quæ antea firmiter unita erant, tanquam confusa invicem fluctuant, & ceu effusa instar cuiusdam capitis mortui, à sero, tanquam alimenti pariter ac excrementi communi vehiculo, imbibita per certa viscerum cribra & quasi filtra commodè fecerui, & hinc per naturæ consuetas vias evacuari possunt.

Medium, quo Crudum coquitur, est fermentatio, nunc naturalis blandior, qua sanguis quasi despumari dicitur, nunc præternaturalis intensior, & febrilis, qua acidi saturatio, adeoque separatio, sicque crudi coctio fit. Modus, quo cruda fiunt cocta, contingit per præcipitationem, cum acido saturato, quod cum contentis præternaturalibus præcipitatur, & mediante motu fermentationis febrilis eliminatur. Dicta hæc effata, confirmant imprimis Phænomena, quæ in urina observantur, ex quibus simpliciter signa cruditatis & coctionis tam in acutis, quam chronicis morbis, petenda sunt; urina enim tunc dicitur cruda, quando est clara, intensè tincta plus minus crassa; nam quo magis ea tenuis est, eò crudior; quò magis crassa, & simul tincta, eò minus est cruda. Cocta e. gr. dicitur seu coctionis perfectæ indicium est, quando urina clara excreta mox turbatur, & copiosa sedimenta, plus minus æqualia & candidantia separantur, liquore superiore claro supernatante. Denique incipientis coctionis signum est, quando urina, alias clara & tenuis crassescit, turbida, & opaca fieri incipit.

Analogiam autem horum habemus in vino: scilicet novella cerevisia aut mustum, exhibet statum cruditatis; simul ac verò incipit fermentari, crassescit & opacum fit, tunc incipit coctio; heterogeneis tamen sæculentis particulis, respectu vini, inter se agentibus, adhuc est permixtum, unde per quæcunque coletur filtra, eodem modo integrum transit, absque sæculentiarum remanentia: ulteriori autem fermentatione depuratum, ex excrementitiarum aut heterogenearum sæcum separatione & quasi præcipitatione vinum clarum transit per colatoria, & remanentias omnes relinquit & seponit, hocque ipso statum coctionis repræsentat. Simili igitur modo succi corporis per motum fermentativum depurantur ab excrementis, & quamdiu fæces recrementosæ in massa sanguinea per fermentationis motum separatæ, aut alio modo præcipitatæ non fuerint, tandiu nihil

nihil vitiosi separatim excerni, aut per quæcunque cribra separari potest, cum invicem & homogenea & heterogenea permixta sint. Propterea enim criticæ morborum judicationes; sive per crisin, sive per metastasin fiant, non nisi in ista u morbi, concocta jam & separata & præcipitata omni excrementorum turba, per certa loca, seu appropriata cribra & filtra accidunt, nunquam in principio: unde non nisi simili in statu ad ejus prudentem imitationem, quascunque instituiamus eradicatorias, quas vocant, evacuationes. Similia coctionis & cruditis signa ex urinis petuntur: si enim urinae sunt crude, clare & pellucidæ, tenues, plus minus tinctæ, rutilantes, perspicuæ, &c. tunc dicitur materiam morbosam esse in statu cruditis: quod si verò motus istius fermentativi beneficio partes sanguinis homogeneæ, quæ naturaliter ejus componunt liquorem, turbatae se denuò unire, partes autem istas heterogeneas extrudere, separare & præcipitare incipiunt, in morbo salubri coctionis est principium, & urinae fiunt crassæ, turbidæ, aut sublimamentum vel sedimentum leve monstrant; quod si hæ particulae perfecte præcipitatae fuerint, sedimentum urinae copiosum, seu faeces fundum matulae petentes, materiam omnino coctam, & declinationem morbi ostendunt, & est tempus evacuandi; sin verò effervescencia ista febrilis eo usque procedat, ut dissoluta massa sanguinea, crasis ejus seu partium harmonia omnino depravetur, fatiscit, & animal tandem emoritur, permanentibus urinis tenuibus & pallidis, aut crudis, aut quæ jam coctionis signum præmonstraverat, denuò recrudescunt.

Causas autem Cruditis, in acido concentrante, & Coctionis in alcali saturante consistentes, confirmant eadem phenomena. Nempe, sicut rectum est norma curvi, sic status naturalis est regula præternaturalis status. Itaque recipiatur urina hominis sani, dividatur in duas partes æquales; alteri parti instilletur acidum, v. g. spiritus nitri, salis, vitrioli, &c. semper evadet clara, & in tinctura sua notabiliter exaltabitur, ita ut à spiritu nitri in tincturam ferè sanguineam evecta fuerit, a quidem eo magis, quò diutius fuerit asservata; alteri verò medietati instillatur aliquod alcali, v. g. spiritus salis ammoniaci simplex; vel cum oleo tartari per deliquium, aut quovis alcali fixo præcipitetur, mox urina nonnihil turbari incipiet, & inde sedimentum plus minus candicans & copiosum in fundum deponi & secedi, ita ut urinam coctam exhibeat; ista verò cum acido tincta semper cruda manente: Huic verò alcalisatæ, ubi præcipitatio facta, si denuò acidum, vel altera illa instilletur, brevi cessante effervescencia & alcali ab acido facto concursu absorpto, sedimentum iterum absorberi, & urina in naturalem colorem & consistentiam, seu statum naturalem restituta apparebit: rarissimum est, quod aliquando tantillum sedimenti integrum ac reliquum remaneat. Patet hinc acidum, concentrando contenta, separationem quamvis impedire, & urinam crudam reddere: alcali è contrà eandem præstare & exhibere coctam, agendo in acidum, & sic præcipitando ejusdem contenta; acida enim nunquam præcipitant ex urinis. Fit quidem interdum in quibusdam morbis, ut urina ab acidis turbetur; sed id tunc accidit, quando urina sibi relicta per se turbari solet: Alcalia verò frequenter, imò semper, sanorum etiam urinas turbare observantur. Recipiatur urina ægri, in qua perfectæ coctionis signa apparent: sedimentum istud, quod in fundo sepositum, est immutabile, sive instilletur alcali sive acidum, à neutro tamen horum alterabile existit. Signum hoc est, quod sedimentum urinae sit concretum salsum, ex acido ab alcali saturato ortum: aliàs enim ab acido instillato inspissatur magis, & quasi in grumulos crassos rubicundos abit, ab alcali verò addito rarefcit, albida fit, & in floccos & consistentiam ferè plumosam convertitur.

Hæc itaque in hoc puncto sufficiant: Videbitis plura in SENNERTO de Febribus l. 2. c. 7. p. 115. HOFFMANNO Methodo Medendi p. 56. Conf. etiam ea, quæ habet KERGERUS de Natura Februm. Tractatu de Ferment Gradibus, ite vid. quæ supra de Præcipitantibus dicta sunt, item in Phyl. o. de Urinis. Hinc sicut pulsus manifestat statum sanguinis fermentativum in corde, ejusque motum, ita urina monstrat statum sanguinis ex dicta fermentatione resultantem, secundum puritatem imprimis & impuritatem.

Ergo cocta talia medicari jubet HIPPOCRATES, eaq; raro in principio, nisi turgeant: quod applicandum est ad omnes Purgationes seu Evacuationes Universales, quando liquores vitiosi contenti massam sanguineam afficiunt.

Veritatem autem horum aphorismorum confirmat.

- (1.) Ratio: nihil enim potest separari ex quodam fluido, nisi antea separabile existat, adeoque eidem non permi-

Etmuller. Oper. Tom. I.

stum, sed solum confusum sit. Quandiu autem talia intimè invicem unita sunt, nulla potest fieri separatio & transcolatio, quæ tantum fit eum in modum, ut uno relicto alterum expurgeretur: propterea enim sudorem provocamus, ut relicta massa utili recrementa heterogenea evacuemus; sed quando hæ ipsa cruda sunt, sane nulla horum fiet separatio per transcolationem. Igitur Evacuatio tantum conveniens est coctis.

- (2.) Analogia v. gr. cum nullo supra proposita, quod in transcolatione integrum transit, nullis relictis in filtro facibus; quæ aliàs post fermentativam coctionem secedere & relinqui solent. Sic in massa sanguinea seculentia quædam per ordinarios tramites & vias hinc inde transcurrunt, quæ præcipitatae in colatoris hærebunt, & mediante latice aquoso dilutæ poterunt per sudorem evacuari.

- (3.) Experientia in chymicis. Solutiones enim quælibet filtra transeunt; præcipitatione verò facta utile tantum transit, crassiori præcipitato relicto: e. g. solutio vitrioli cum alcalisato quovis præcipitata transit filtrum, ochrea relicta.

- (4.) Nunquam natura ipsa instituit evacuationem criticam, nisi prius materiae perfecte coctæ signa præcesserint in urinis, secus enim vel infida, vel imperfecta, coacta ac symptomatica est crisis. Sic quoque in febrium intermittentium paroxysmis sudor quasi criticus sub horum declinatione ferè semper effluit, qui paroxysmus est quidem quasi parvus morbus acutus, quo ipso materia morbifica, cocta ex parte, sub effervescencia illius motu quasi criticè separatur: Idem fit in acutis, tam benignis, quam malignis, in quibus natura sibi relicta sola onus gestat, cruda digerit, & cocta expellit.

Circa hæc, quæ modò dicta, insuper adhuc observanda quædam & monenda sunt: I. Aphorismos illos HIPPOCRATIS propriè & primariò de morbis acutis benignis, ab effervescencia febrili ortum habentibus, intelligendos esse, in quibus tantum talis humorum est cruditas & coctio: in morbis enim acutis & malignis alia ratio est; ibi enim non tam ad coctionem, quam fermentum malignum, respiciendum est; adeoque consultum est, mox in principio alexipharmaca ac sude-rifera potentia & appropriata præcipitantibus diaphoreticis jungere, ut eliminetur in tempore fermentum malignum, ne unà cum spiritibus jam inquinatis totus sanguis simul tandem corrumpatur, præsertim si oriantur à contagio ubi diaphoretica generosa mirè conveniunt, & contagium per ea fortius eradicatur; habita simul tamen ratione majoris vel minoris effervescenciae febrilis in sanguine. Nihilominus secundariò & per certam quandam analogiam cruditas & coctio etiam in morbis chronicis, ex vitiata sanguinis crasi dependentibus, observare datur, quibus ob id etiam non incommodè idem Aphorismus certo modo applicari potest. De his enim in Praxi observatur, quod in iis præsertim urinae crudæ deprehendantur; & rectè instituta cura sic procedit, quod etiam in chronicis morbis urina turbare, sedimenta copiosa seponi, & similia signa coctionis exhiberi soleant, quod indicium est resurgentis naturæ, & ritè operantium medicamentorum, v. g. in principio febrium intermittentium, malo hypochondriaco, in ictero nigro, ictero flavo incipiente, cachexia, &c. urinae sunt pallidæ & crudæ, aut tinctæ, sed tenues: Propinatis ergo nunc temporis medicamentis purgantibus etiam validioribus exagitur quidem variè & movetur massa sanguinea cum diversis symptomatis, sed frustra, cum parum aut nihil promoveatur; sin verò in subjectis succi plenis succedat larga evacuatio, hæc est sine euphoria, potius cum damno: Propinatis verò medicamentis appropriatis & præcipitantibus, urinae tales sunt turbidæ, crassæ opacæ, &c. & procedente tempore, lentè licet, copiosa deponunt sedimenta; id quod in scorbuto ferè signum esse solet resurgentis naturæ & medicamentorum rectè operantium; tuncq; Purgantia etiam leviora ubertim & quasi sponte natura per quascunque vias plus evacuant, & non sine egregio fructu & successu usurpantur; quàm si in principio centies talis evacuatio institueretur. Ergo & in talibus coctio & cruditas certo modo respicienda, ut ut chronici tales morbi lento gradu absolvant sua tempora, quæ citò percurruntur ab acutis, unde & in chronicis subinde medicamenta purgantia interponenda sunt Præcipitantibus & Alterantibus, quæ in acutis circa declinationem tantum usurpanda. In his tamen in principio ferè Purgatio quædam minorativa præmitti solet, idque ad abstergendas sordes in primis viis hærentes, non verò ad evacuandam integram massam sanguineam.

S

Docet

Docet autem præterea HIPPOCRATES; nisi materia turgat, expectandam esse coctionem, & si turgat, in principio instituendam esse Evacuationem. Fit enim non raro, in specie in calidioribus regionibus, & ubi victus aliaque respondent, ut non tantum in morborum acutorum principio & incremento materia morbifica sit cruda, & hinc impetuosè effervescat, sed etiam quod juxta Hippocratem sit turgida seu turgat, id est, quod abundans immoderatè nimis fermentescat, & rapidè per vasa moveatur, instar musti ex vino generoso impetuosè nimis ebullientis. quod vase nimis arctè conclusio idem disrumpit, & in partes sua turgescencia dissilire facit.

Turgescencia nomine, Græcis *ὀψύς*, intelligitur insignis contentorum effervescencia & ebullitionis motus, sub quo tam motum localem seu progressivum quàm intestinum seu fermentativum observare debemus in intensissimo gradu, quem insequitur semper acrimonia fermenti seu humoris excrementitii; hincque explicanda est natura orgasmi, quam indicat Hippocrates, iam verò sicut natura sibi relicta, coacta à morbo, in principiis vel incrementis morborum reverà interdum vomitus, aut diarrhæas, aut hæmorrhagias, aut alias evacuationes, licet symptomáticas sponte ciet, eum tamen in finem, ut superveniens aliud majus malum præcaveat, ita etiam Medicus, imitator naturæ, sub tali materiæ turgescencia simili modo interdum in principio morbi, non expectata etiam coctione, evacuationes, quorsum natura vergit, instituere debet, quò, diminuto ejus quanto, reliqua miris sub fermentatione ferantur, sive venam secet, sive vomitum promoveat, sive alvum aperiat, vel urinam seu sudorem moveat: Ubi tamen cautò & valdoperè circumspècto opus est, ne intempestivè irritentur crabrones.

Verùm plurima non turgent: vixit quippe Hippocrates in climate calido, in quo ob vinosam & spirituofam dietam (ut apud Italos & Gallos adhuc hodie) crebriores obveniebant effervescencia seu turgescencia, quæ apud nos ob dietam moderatam & temperatam, & climatis situm diversum minus frequentes sunt: unde rarò habemus necesse, non expectata coctione, in principio morbi fortem quandam evacuationem moliri.

II. Observandum, intelligenda hæc esse, quoad evacuationes fermentorum, quæ contenta corporis, imprimis massam sanguineam, inquinant, & inde nata varia recrementa, cum contentis corporis unita, constituunt: nam quæ non sunt unita, sed saltem confusa, & in partibus solidis, aut earum cavitatibus, hinc inde hærent, ea sine coctione expectata possunt evacuari: sic v. g. in salivatione Mercuriali sine expectata coctione, sive in lue Venerea, sive in scabie ferina, evacuare possumus acidum viscidum, quod saltem massæ sanguineæ confusum est, & hæret in partibus continentibus. Par ratio est in Hypochondriacis mucosæ visciditatis primarum viarum, vel vomitu, vel forti Purgatione evacuandæ, nulla expectata coctione.

III. Crudos humores non semper mole æstimandos, sed si respectus ad quantitatem ordinariè habeatur, sæpè ejus causa cum producto morboso confundi solet; minimum enim est id, quod maximas sæpè dat turbas. Concipiuntur variolæ contagiosæ, quantillum est id, quod per contagium susceptum, sedimentum tam copiosum in urina evacuari facit? Idem in est morbis acutis, tam benignis, quàm malignis. Istud igitur, quod coquendum seu saturandum est, minimum esse potest, utut sub fermentationis motu copiosæ simul particulæ massæ sanguineæ, nunc chylosæ, nunc perfectè sanguineæ, excernantur & præcipitentur; quæ cum acido extrusæ simul, & latice aquoso imbibitæ, copiosa ista sedimenta constituunt. Hinc plura producta morbosa, non semper causa materialis morbosa est excreta.

IV. Coctionem opus esse solius naturæ, in quo ipsi Medicus leve aut nullum ministerium inferre potest. Istud igitur, quod sub coctione in morbis acutis facit, est, ut attemperet & corrigat acidum istud acre, plus minus volatile, in talibus morbis peccans, sive figendo, sive absorbendo, sive saturando hoc fiat. Hinc est, quod Medicus nitrata, antimónialia fixa, cervina, &c. adhibeat pro figendo acido volatili, eodem plus minus acri temperando, sicut in chronicis absorbentia terrea alcalia fixa aut volatilia ordinariè subministret, ut quasi ex remoto aliquantulum naturæ conatu adjuvetur, quæ solitario conatu hæc ipsa postmodum rejicit ut hostile.

V. Observetur differentia inter morbos acutos benignos, & malignos, præsertim cum contagio. Equidem etiam in morbis malignis natura sibi soli relicta mediante coctione morbum superat, nisi ante coctionem jam succumbat,

quando jam massa sanguinea planè inversa, vel spiritus in sui deficiunt, hocque fiat tam cum quàm sine contagio. Interim in tali calu, Medico, naturæ ministro, incumbit, ut fermentum malignum seu contagium fermentativum maturè excludat, antequam contenta corporis prorsus inquinare queat, aut spiritus influos plus minus alterare valeat: hinc mox in principio accingit se ad vomitum; & pro contagii destructione aut evacuatione sudorifera, appropriatis alexipharmacis attemperantibus juncta, ut Theriacam, propinat ut, quantum possibile, contagium haustum in principio eliminetur, quo natura in statu morbi blandè ab attemperantibus adjuta, id, quod superest, ipsa sibi sufficiat agere, & eliminare hoc; quod non fit, si tardius juvetur. Propterea Medicus maturè, præsertim Diaphoreticis, ulteriora præcaveat mala, etiam non expectata coctione.

Ex modò dictis patet, quare, ut suprà dictum; in omni evacuatione coctio, seu heterogeneorum partium ex massa sanguinea per fermentationem separatio & præcipitatio expectanda sit, quia aliàs nihil utiliter per partes, seu per cribra aut filtra, transcolari potest & evacuari; non minus quàm mustum crassum & turbidum per omnia lintea transit sine ulla materiæ remanentia, quod post fermentationem & sæcum separationem ac præcipitationem has copiosas post se relinquit, liquore claro vinoso transeuntes. Opus naturæ est simpliciter coctio, in quo ipso etiam fermenti digestivi in stomacho, mediante aliquali chyli vehiculo & supplemento magna consideranda venit efficacia. Remedia ergò, quæ hic propinare intereà debet Medicus pro adjuvanda tali coctione, sunt Alterantia & Attemperantia, pro fermenti & materiæ morbosæ primariò peccantis diversitate varia. Si enim effervescent biliola, hoc est sale urinoso volatili vitioso constantia, acida conveniunt (quia omnia salia volatilia destruunt): Ad acida etiam pertinent tartarea remedia Martialia, &c. quæ occultum acidum in se continent. Sin verò vitiosum acidum primariò tales effervescencias inducat, alcalia seu urinosa quæcunque, tam fixa quàm volatilia, uti & Martialia ac Terrea, acidum temperantia & absorbentia, conducunt. In Febris ardentibus & malignis mixtura simplex reliquis præfertur, seu Præcipitans Diaphoreticum, ut & spiritus salis dulcis, item nitrum antimoniatum, aut spiritus nitri dulcis in Decocto hordei cum cornu cervi vel radice scorzonæ; item omnia ex nitro, antimonio, cornu cervi &c. parata remedia peti & usurari solent: item Iulepi omnes, qui sunt omnes aciduli; succi berberum, cydoniorum, citri; tinctura violarum, rosarum, &c. In his tamen experientia consulenda, & quid hæc jubeat, observandum; cum febrium malignarum omnium non sit una eademque ratio.

Purgatio autem cum sit remedium generosum, & nulla sit Purgatio, quæ non conjuncta sit cum detrimento virium, ut id Helmontius dicitur, idèò cauti sumus in Purgatione, & attendamus ad Indicantia, Contraindicantia, & Permittentia. Indicant est Cacoehymia coacervata, eaque non corrigibilis: Coindicant vires plus minus robustæ: in statu vegetiori plus minus fortia, in debiliore etiam debiora requiruntur. Locus Cacoehymia huc etiam facit: si massa sanguinea est cacoehymica, ac si succi præter cacoehymiam in partibus solidis volunt alterare, tunc paulò fortioribus utamur; si in primis viis succi stagnant, mitiora adhibeamus. Quoad sexum, gravidæ & puerperæ propriè non sunt purgandæ, nisi summa urgeat necessitas: si tamen purgandum blandiora in iis tutò & optimè adhibentur, qualia sunt manna, passulæ &c. reliqua enim, quia uterum irritant, crabrones excitabunt. Infantes & pueri tutò purgantur per nutrices, sed & hic cauti sumus: si enim nutrix mox post assumptum Purgans infanti mammam præbet, metus est, ne nimis purgetur; sin verò post aliquot horas ab assumpto Purgante, infans parvam vel nullam percipit alterationem: Cuidam nutrici suadebam, ut pro augmentando lacte coqueret flores sambuci siccatos in lacte, de quo copiosius bibens unà cum infante diarrhæam incidebat. Optimè confert syrupus domesticus, qui pro laxandis infantibus cochleatim exhibetur, vel papillæ nutricis lacte madefactæ tantillum pulveris jalappæ adspargatur, vel Purgatio instituatur passulis, vel rob passularum, addito dimidio grano scammonii sulphurati.

Cœterum præter talem crudorum humorum ante Purgationem Coctionem, etiam alii, non crudi licet, humores præparandi sunt vel digerendi, antequam evacuentur. Præparatio verò in eo consistit, ut recrementa ad evacuationem plus minus inepta ita disponantur, ut aptiora fiant, hoc est, propinanda talia sunt, quæ impedimenta removeant, à quibus

bus aut tardior, aut difficilior, aut molestior fieret Purgatio. Tradior verò aut non sufficienter fit Purgatio, quando ea retinetur, ut parum vel nihil operetur; quod, utut à quibusdam non adeo magnifiat, hac quidem sub specie, quod tunc saltem alterationis munere fungantur Purgantia; tum de Purgantibus, præsertim acrioribus, hoc non æquè locum obtinet; quippe quod retentum, & non sufficienter motu naturæ denuò rejectum est, partim in primis viis, partim in contentis corporis, nocivam & peregrinam impressionem relinquit & infert. In primis enim viis nauseam, appetitum dejectum & prostratum, sitim, motus inordinatos in abdomine, & similia pathemata, post se trahunt Purgantia retenta: sicut in contentis corporis, colliquefaciendo & corrumpendo ea, ad alios morbos suscitandos, aut si non novos promovendos, saltem antiquos conservandos, multum conferunt: Optimum igitur est, ut mox iterum rejiciantur. Impedimentum autem, quod Purgantia minus operentur, consistit imprimis in contentorum evacuandorum plus minus visciditate, quæ tunc non facile potest solvi; aut si quando materia est nimis acris & corrosiva, vel tenax, & minus mobilis, hincque plus minus naturæ à remedio stimulatae motum remoratur: si enim non sequatur tunc evacuatio, quod natura enervata non sentiat stimulum, tunc pessimum hoc est indicium; sed raro exhibemus ægris eo in casu Purgantia. Molestior autem fit Purgatio, quando cum torminibus variis, spasmodicis partium internarum, colica, varia & violenta humorum agitatione, fluxu plus minus cruento, intestinorum aut ani exulceratione, syncope, pathematis hysterici, &c. conjuncta est; oriuntur enim hæc omnia ab acrimonia contentorum, à Purgantibus occasionaliter agitatorum, acida aut acido-salsa, seu acido-austera, quibus ad intestina deturbatis, in acrioribus subiectis, v. g. apud nostrates, Scorbuticos, Hypochondriacos Cachecticos, &c. frequentissime hæc observare contingit, v. g. quartana, malum hypochondriacum, cachexia, &c. interdum dysenterias inequi ipse observavi: interdum etiam omnino retinentur Purgantia, eaque quandoque non sine noxa: sicut ex medicamento purgante assumpto non operante mortem subitanam observavit LOTICHIUS l. 4. c. 1. obs. 3. p. 255. & ex retenta Purgatione dolores hypochondriorum graves notat GABELCHOVERUS Cæ. 2. c. 37. Cof. pluribus WILLISIUS Pharmac. Rat. Vol. 1. ubi de Purgantibus. Hæc omnia symptomata cum contingere soleant vel ex acrimonia & corrosivitate nimia humorum evacuandorum, vel ex eorum crassitie, viarumque exinde factis impedimentis, & hinc inde obstructionibus; ob id per digestiva, una vel altera die præmissa, vel cum Purgantibus permista, acres humorum, imprimis acidi, temperandi & edulcorandi, crassi incidendi & attenuandi, factaq; viarum impedimenta & obstructiones removendæ, à quibus molestior fieret Purgatio: id quod in Purgatione tã per superiora quã per inferiora interdum observandum.

Ergò pro tali scopo notum, quod non raro præscribantur noduli, in quibus simplicia talia digestiva cum Purgantibus sunt permista: sit v. g. nodulus in affectibus chronicis vel cachexia usurpandus:

24. Com. absinth.

Herb. fumar.

Rorismar. an. M. j.

Rad. emulæ

Fenic. an. ʒvi.

Fol. fenn. sine stipitib. ʒj.

Rad. belleb. nigr. crud. ʒvj.

Rhabarb. el. ʒiiij.

Sem. calid. a. maj. an. ʒiʒ.

Bacc. junip. ʒʒ.

Cort. aurant.

Citri an. ʒiiij.

Galang.

Zingib. an. ʒj.

Salis tartari ʒij.

Incisa & contusa includ. in nodulo,

D. S.

Nodulus laxativus in vino.

Nodulus alius antiscorbuticus:

24. Summ. fenic. viresc.

Herb. rec. cochlear. ana. M. iʒ.

Fumar.

Absinth.

Cherfol. ana. M. ʒ.

Rad. armorac. rec ʒiʒ.

Pom. citri incis. no. j.

Passul. min. contus. ʒiʒ.

Ettmull. Oper. Tom. I.

Incisa & contusa includantur nodulo,

D. S.

Nodulus ad vinum Scorbuticum.

Hic nodulus, si desideretur purgans, omisso citro, dicta Purgantia in nodulo præcedente, cum adjectis aromaticis & sale tartari possunt addi, & Purgantia mox post herbas præscribi, & sign.

Nodulus ad laxativum vinum Scorbuticum.

Si ergò aliquando fortius purgandum, aut si etiam ad præservationem morborum certo tempore, verno vel autumnali, idem agendum sit, ad præcavenda symptomata graviora, tormina imprimis & abdominis pathemata, præmittenda prius sunt digestiva, seu humores excrementitios præparantia, horum nempe acrimoniam, in specie acidam, maturæ temperantia, & visciditatem incidentia, ut ita facilior & minus molesta fiat purgatio. Hunc in finem præ ceteris conveniunt omnia temperata salsa, item gummata; quem in finem adaptamus tartarum, tartarum vitriolatum, qui digestivum catholicum vocatur, arcanum duplicatum *Mynsichtii*, tartarum nitratum *Bartholeti*, sal digestivum hypochondriacum, tam quod ex capite mortuo spiritus salis ammoniaci, quàm quod ex capite mortuo spiritus aperitivi *Penotti*, eruitur; sal ammoniacum, sal absinthii, cardui benedicti, tartari & similia, ad ʒj. quæ imprimis crassa & viscosa incidunt & attenuant: quibus subinde aut lapilli cancerorum, aut corallia præparata, aut simile quid, ad infringendum magis & temperandum acidum subinde addendum est; sicut, si sordes evacuandæ sint acidæ, & in ægro purgando, ubi aliæ acida abundant, v. g. Hypochondriacis, Melancholicis, & Quartanariis, subiecta plus minus terrea vel metallica, speciatim in hoc puncto Martialia, Saturnina, testacea, lapilli cancerorum, corallia, os sepia, salia fixa & similia conducunt, quæ absorbent acidum; & optimo cum consilio, seu Præparantia digestiva, symptomatis omnibus præcavendis præmittuntur: vel usurpanda cum his simul in morbis chronicis pro nodulis aromatica acriora alterantia, ubi viscidum acidum cum bilis inertia plus minus peccat, jungenda sunt scolopendrium, polypodium, filix, cortex capparum, &c. Quod si materia peccans fuerit naturæ pituitosæ, h. e. mucilaginosa, viscidæ & crassæ, imprimis simul acidæ, conveniunt Decocta & Essentiæ digestivæ ex plantis aromaticis, amaris, vel gustu acrioribus, seu incidentibus, attenuantibus, solventibus, h. e. sale volatili nunc acri nunc temperato imprægnatis, vulgò aperientibus dictis, v. g. radicibus aperientibus, fumaria, absinthio, centauro minori, marrubio, calamintha, alaro, salvia, zedoaria, gummi ammoniaco, spiritu tartari, spiritu salis ammoniaci, &c. Ut res clarius fiat, per exempla declarabo: v. g. Pono biliosum, h. e. in quo abundat acidum volatile oleosum, cras esse purgandum, huic præscribo formulam ex contrariis acidis constantem.

1. 24. Pulv. hepat. rub. ʒj.

Lapill. Cancr. præp. ʒʒ.

M. f. pulv.

div. in 2. part. æqu. D. S.

Pulvis digestivus, cujus una pars sumatur mane, altera vespere, die ante purgationem.

2. Ubi materia peccat acida:

24. Salis absinth.

Lapill. Cancr. præp. ana ʒʒ.

M. f. pulvis,

div. in 2. part. æqual.

Ingredientia enim sale alcalico sunt imprægnata.

3. Ubi quicunque humores sunt permisti:

24. Tartari vitriolat. ʒʒ.

Salis absinth.

Lapill. Cancr. præp. ana gr. xv.

M. f. pulvis,

div. in 2. vel 3. part. æqual. S.

Pulvis digestivus per aliquot vices.

24. Tartari vitriolat. ʒij.

Salis absinth. ʒj. M.

div. in 2. part. æqu. S.

Sal digestivum ad duas vices.

Vel in forma liquida:

24. Aquæ mentha ʒj.

Arcan. duplic. ʒj.

Lapill. Cancr. præp. ʒʒ.

Salis tartari gr. vj.

Syr. de hyssop. ʒʒ.

M. D. S.

Potio digestiva ad duas vices.

4. Ubi materia crassa, pituitosa, & viscida in intestinis:

S 2

24. Sal.

℞. *Sal. ammoniaci depur.* gr. xiv. vel xvj.
dentur 2. doses, S.

Sal. digestivum ad duas vices.

℞. *Salis digest. hypochondr.* ℞ij. ad ℞j.
div. in 2. part. æqual.
D. S. ut antè.

℞. *Salis digest. hypochondr.* gr. xv.
Lapill. Cancr. præp. ℞.
M. D. S.

Pulvis digestivus.

Vel cum Purgantibus permista; v. gr. ubi metus Tertianæ, vel in ipsa Tertiana:

℞. *Pulv. hepat. rub.*
Tartari vitriolat. ana. gr. viij.
Scamm. sulphurat. gr. v.
M. f. pulvis, S.

Pulvis laxativus.

Causat 4. vel 5. sedes.

Usitatissima mihi est sequens formula in febribus intermit-
tentibus:

℞. *Pulv. hepat. rub.* gr. xvj.
Rhabarb. el. ℞.
Scamm. sulphurat. gr. iij.
M. D. S.
Pulvis laxativus.

In scorbuticis, &c.

℞. *Tar. vitriolat. vel arcan. duplic.* Myns. gr. xv. ad ℞j.
Scamm. sulphurat. gr. iij.
Troch. alband. gr. j. vel ij.
M. f. pulvis, S. ut antè.

Ubi Martialia usurpanda:

℞. *Croc. Martis aperit.* ℞j.
Sal. tartari,
Scamm. sulphurat. ana. gr. v.
M. f. pulvis, S. ut antè.
℞. *Croc. Martis aperit.* ℞ss.
Arcan. dupl. ℞j.
Salis absinth. ℞ss.
M. f. pulvis,
div. in 3. part. æqual. S.

Digestivum ad tres vices.

Vel in malo hypochondriaco, aut hysterica passione:

℞. *Croc. Martis aperit. rûe par.* ℞ss.
Corall. rub. præp.
Salis fumar. ana. gr. v. vel vj.
M. f. pulvis.
div. in partes. D. S.
Pulvis digestivus.

Hæc autem Digestiva non confundenda sunt cum co-
ctione humorum, quod tamen plerumque fit. Vulgò in
humoribus præparandis colores vel qualitates humorum
respiciunt, sed nihil est. De opio autem dubium, an pur-
ganti remedio ad præcavenda periculosa aut saltem dolo-
rosa symptomata præmittendum, an verò huic commiscen-
dum, vel post hoc exhibendum sit? Resp. distinguendo;
In subjectis delicatioribus, & qui à levioribus Purganti-
bus facillè irritantur, præsertim in scorbuticis, item iis,
qui hypercatharsin, torminibus colicis aut pathematis hy-
stERICIS sunt obnoxii, & qui succo melancholico seu acido,
aut similibus acrioribus salibus abundant, vel ad phthisin
inclinant, in iis sociari cum Purgantibus in ordinaria vel di-
midata dosi possunt, idque felici admodum cum successu;
sic enim Purgationes blandiores & moderatæ succedere so-
lent: Imò, si scopus sit evacuare in colica convulsiva, af-
fectu iliaco, aut immediate præmitti, aut postponi aliquot
horis, aut commisceri ipsi purganti possunt opiata. Obser-
vavi enim in tenerioribus, & ad hypercatharsin pronis,
præposita vel immixta opiata non turbare vel impedire
Purgantis actionem; utut dosi Purgantium respectu alijs
doses & consuetæ, alijs subjecto huic convenientis, tunc
sit augenda: Vid. HOEFERUS in *Hercule Medico* pag. 127.
item VELSCHII *Mictomim. Centur.* 1. Obs 80. annex. anno 4.
§. 5. M. A. N. C. append. pag. 22. SCHNEIDERUS de *Ca-
tarrhis* l. 4. pag. 313. v. gr. in melancholia hypochondria-
ca;

℞. *Salis absinth.*
Ammoniaci,
Lapill. Cancr. præp. ana. gr. xv.
Laud. opiat. gr. ij. vel iij.
M. f. pulvis.
div. in 2. part. æqual. S.
Pulvis digestivus ad duas vices.

Quinimò, etiamsi non superveniant talia symptomata, nec
metuenda sint, tamen non inconsultum videtur, post ces-
santem seu finitam Purgantis operationem blandum
quoddam Paregoricum propinare, saltem appetente nocte,
ut sedetur intestinus iste motus, & tumultus per Cathar-
ticum concitatus, ad imitationem nempe SYDENHA-
MII.

Ipsa autem Purgantia, dum virulenta sunt, incautos du-
cunt ad legitimam correctionem, ut venenum laxativum
aliqua modo mitigetur, & tutiora ac mitiora fiant remedia.
Correctio hæc est vel vera vel falsa. Posterior in officinis
communis est, quæ fit additione aromaticorum, ut per hæc
addita præcaveantur noxæ, à Purgante metuendæ; sed ma-
lè ita proceditur, quia fucata est, & tantum palliativa.
Correctio autem vera per bina artis & naturæ instrumen-
ta, & quidem triplici modo, peragitur:

1. Per acida.
2. Per alcalia.
3. Per Fermentationem.

I. Equidem acida figunt acrimoniam salinam urinofam
in Purgantibus, sed eorum vires magis castrantur & im-
minuuntur, quam ut alterentur; virulentissima enim cum
spiritu vitrioli ita prorsus enervantur, ut nihil prorsus ope-
rari queant. Si igitur per acida quid tentandum, recipiatur
potius phlegma vitrioli, succus citri, cydoniorum, acetum,
&c. quæ mitius enervant vim eorum nimis laxativam. Hæc
tamen correctio, quia texturæ destructiva est, non adeo lau-
danda venit, quatenus concreta resinosa magis adhuc con-
stringuntur & concentrantur, & ita sæpius figuntur, ut pa-
rum vel nihil penitus in corpore nostro operari queant. Sic
per macerationem cum aceto prostat helleborus albus &
esula in officinis, sub nomine radicum præparatarum.

Optima. II. hinc est correctio per alcalia, tam fixa, quam
volatilia, quanquam quæ per fixa fit, potentior sit: ex quibus
sal tartari catholicus corrector omnium Purgantium est, cui
succedit liquor suppositivus *alcalib. Glauberi*, oleum nempe
nitri fixi per deliquium. Hæc enim, per legitimam digestio-
nem, texturam ab acido concentratam penetrant & ape-
riunt, resinam laxativam Purgantium referant, & ita oleo-
sitatis correctæ ratione Purgantia minus viscida reddunt,
unde ita mitigantur, ut mitius, & sine torminum satellitio,
operentur; simul etiam acidum nonnihil temperant, acri-
moniam corrigunt, ut Vomitoria, vellicativa alijs, correctæ
sic, è contrà attentativa & resolutiva evadant, & sub mi-
tiori vi cathartica nunc diaphoretica nunc diuretica fiant.
Imò per alcalia hæc ita corrigi possunt Purgantia, ut peni-
tus sublata noxia virulentia amaricante, simpliciter altera-
tiva, & morborum chronicorum correctiva optima existant.

Modus autem per alcalia corrigendi Purgantia, fit in mi-
rioribus cum tinctura tartari, cum salis tartari simplici fu-
sione & extractione parata; sin aciora hæc fuerint, cum
oleo tartari per deliquium imprægnata probe exsiccen-
tur, & postmodum mediant digestionem cum spiritu vini
Essentia nunc laxativa, nunc alterativa elicitur. *Experi-
mentum* aliquando feci cum colocynthide, quæ sub minima
mole intensissimum est Purgans, ventriculo & intestinis
nocentissimum, ac summè torminosum, ob acrimoniam in-
tensissimam, & resinam quasi viscidam:

Recepi igitur *Colocynth.* gr. xxv.

Sacchari (ut commodius pulverife-
tur) ℞j. & ℞ij.

Salis tartari ℞ss.

Pulverisata hæc exactè, aqua communi humectando, pro-
bè terendo in mortario lapideo, & blando hypocausti calo-
re exsiccando, hocque tribus vicibus repetendo, massam re-
lictam coegi in pilulas, ex quibus gr. xxxv. (quæ habent *co-
locynthidis* gr. v. *sacchari* ℞j. & *salis tartari* ℞ss.) juveni 18.
annorum dedi, facillimè alijs laxabili, qui 7. inde sedes
cum paucissimis torminum vestigijs inde habuit: Eandem
dosi dedi nutrici robustæ, quæ inde duos secessus, cum
paucissimis torminum vestigijs, saltem circa vespertam con-
secuta fuit: Eandem itidem propinavi alteri juveni, qui
tantum duas sedes; & Mechanico tandem, qui nullam pla-
nè sedem inde habuit. Eidem autem nutrici dedi eandem
colocynthidem incorrectam (ut certior de operatione distincta
redderet) dosi granor. v. crudæ colocynthidis eum *saccharo*
pulverisatæ, quæ inde 6. secessus cum gravissimis tormini-
bus, & crebro excernendi conatu, passa est. Par ratio-
ne accepi *jalappæ* gr. xv. & dedi juveni, qui sexies inde
laxatus est: eandem dosin, addito saltem ℞ss. *salis tartari*,
in eodem repeti, & nullam inde commotionem sensit, ita
sal tartari eidem vim laxativam penitus abstulerat:
itidem

iridē jalappę gr. xlii. cum salis tartari gr. viii. dedi Studioſo, qui unicā ſaltē laxationē, ſed copioſos ſtutus, paſſus exinde eſt.

Correctio hæc locum etiam habet in mineralibus; ſic Mercurius vitæ per ſalem tartari certo modo corrigitur, de quo ſuprà dictum.

III. Fermentatione mutatur textura, ſeparatur nimis volatile, & maturatur ſulphur crudum. Modus idem eſt, ac ſi opium fermentatur ad imitationem D. LANGE-LOTTI: Eodem modo ego ſcammonium cum ſucco cydoniorum fermentari feci, & eleganter correxi, & operabitur ſine inſigni turbulentia.

Quoad materiam Medicam autem, abundamus ſanē Purgantibus, quare ſelectus quidam inſtituendus eſt, cum plus, quàm in aliis, hoc puncto inſtructi ſimus medicamentorum generibus. Remedia ergo inter purgantia mitiora, ex vegetabili regno ſufficiunt ſenna, jalappa, helleborus niger, aloë, rhabarbarum, ſcammonium & colocynthis: Duo poſteriora ut plurimum aliis ſaltē pro ſtimulo, vel abſtergentibus, vel Purgantibus, addenda ſunt, hæcque ipſa abunde ſufficiunt; rarum enim eſt, quod eſula, elaterio, radice iridis noſtratis, &c. niſi in certis caſibus hydropicorum, interdum indigeamus. Coëteris, ut Agarico, Ricino Americano, Cataputia, & toto eſularum exercitu, euphorbio, turpetho, gummi guttę, mechoacanna, ſoldanella, & aliis fortioribus omnibus, facile carere poſſumus, cum partim inuſitata, partim nimis virulenta, partim cujus naturæ & originis ſint, penitus incerta & incognita deprehendantur. Regnum Minerale ſuggerit Mercurium dulcem, qui eſt laudabile Laxativum; hinc præcipitatum quoddam fixum, aut cum ſpiritu nitri, aut cum oleo ſulphuris, & antimonium probè correctum per inferiora purgans; quod ſicut omnia antimonialia, præter vim irritativam, etiam alterativam junctam habet cujuſlibet acris in corpore exiſtētis abſterſivum, & maſſæ ſanguineę mundificativum, ſive antimonium illud per inferiora purgans ex croco metallorum, ſive Mercurio vitę, ſive ex crudo antimonio præparetur; quibus ſocietur demū aurū fulminans pro ſcopo abſtergendi & temperandi in morbis præſertim chronicis egregium. Huiusmodi Mineralia non adeo foetidæ ſordēs expurgant, quàm Vegetabilia.

In ſpecie igitur

Senna Alexandrina

Uſitatiffima, multi uſus, & blandum, catholicum quaſi, Purgans eſt, quod ſub operatione ſua, ſeroſa, viſcida, plus minus ſtavedine tincta, expurgare facit; unde communiter inter ea, quæ humores aduſtos, bilioſos & pituitoſos quoscuque evacuant, refertur. Vix laxativa conſiſtit in volatilioribus ejuſdē refinæ particulis, quę cortice, ut ſic dicam, mucilaginoloſo ſunt inveltitæ, unde prolixiori coctione vis ſennæ laxativa perit; forti enim coctione elicitur mucilago iſta, unde Decoctum nimis torminoſum evadit, propter tenaciū adhæreſcentem inteſtiniſ mucilaginem. Potius igitur in forma liquida uſurpatur in infuſione, & blanda hinc ebullitione. Proſtat quidem in officinis pulvis ſennatus laxativus compoſitus *Montagnanæ*, nec non cryſtallorum tartari pulvis ſolutivus compoſitus *ZWELFFERI* in *Animadv. Pharmacop. Auguſtanæ*; ſed utut convenienter purgent, ingrati tamen ſunt propter doſin nimiam, quia à ʒi. ad ʒiſſ. propinandi veniunt: conf. *LUDOVICI Pharmac. pag. 152*. In ſubſtantia autem convenit cum ſocio tartaro, in infuſo cum ſale tartari, vel ejuſ oleo per deliquium pro ſtimulo, in Decocto blando cum tartaro vel cremore tartari, ut hæc, non nihil diſſolvendo mucilaginem, tormina minora excitare queant. Dabo e. g. Infuſum:

ʒi. Fol. ſennæ ſine ſtipitib. ʒi.

Rhabarb. el. vel helleb. nigri crud. ʒi.

Salis tartari ʒi. ad ʒiſſ.

Infund. in ſ. q. aquæ comm. vel cujuſd. deſtillatæ, e. g. fumar, &c. ſtent in loco tepido per diem: manē

ʒi. Colat. rubic. ʒi. vel iv. prout plus vel minus purgare intendimus (ſennæ enim vis ſe extendit ordinariò ad ʒi. iii.) adde aquam cinnamomi, & edulcora cum ſacharro, f. Hauſtus pro doſi.

Imprimis in morbis chronicis pro viſcidis ſordibus in primis viis eliminandis in uſu eſt; ſicut in forma Infuſi pro pluribus doſibus, præſertim ad febres quartanas contumaces, & cachecticos evacuandos, ita præſcribi poteſt:

ʒi. Fol. ſenn. ſine ſtipitib. ʒvi.

Rad. helleb. nigri crudi ʒi. vel ʒi. iii.

Salis tartari ʒi. iii. vel ʒiſſ.

Infund. in ſ. q. aquæ ſimpl. ſtent in loco tepido per diē: manē

ʒi. Colat. ʒi. vel ʒiſſ. ad ʒi. ii. edulcoretur cum julepo aut ſyrupo roſarum ſolutivo.

Ettmulleri Oper. Tom. I.

Capiat æger hauſtulum ad ʒi. vel ʒi. iii. In morbis chronicis per epicraſin eliminandis eſt remedinm multi uſus.

Decoctum paſſularum egregiè conferre obſervatur, præprimis Hypochondriacis & Scorbuticis; cum Hypochondriaci ſimul ſint durioris & ſiccioris alvi, pro qua apperienda, & primis viis liberandis, ſenna ut plurimum ſociatur paſſulis, quibus & cremor tartari combinatur, ſicque Hypochondriacis convenit, ubi alia fortiora Purgantia non ſatiſ faciunt: e. g.

ʒi. Paſſul. min. ʒi. vel ʒiſſ.

Contuſę ebulliant in ſ. q. aquæ ſimpl. Colaturę ſervide infūd.

Fol. ſenn. ſine ſtipitib. ʒi. vel ʒi. iii.

Crem. tartari ʒi.

&, ſi placet,

Flor. violar. p. iii.

(modò enim in Decoctum ſervidum infundantur, non neceſſe eſt, ut ebulliant, extrahuntur tamen optime) refrigera-
rata Colaturæ ʒi. ʒi. ad ʒiſſ. D. S.

Potio laxativa.

Capiat æger poſt juſculum ad uncias aliquot pro lubitu ſua-
viſſimè & ſine torminibus laxat; conveniens, uti dictum, in Hypochondriacis & Scorbuticis.

Conferatur item Infuſum ſennæ laxativum *Managettæ* apud *ZWELFFERUM* in *Pharmacop. Regiæ p. 31*. Auguſtanis & Vienneniſibus adhuc uſitatum, quod ſerè ad ejuſmodi Decoctum accedit. Sic etiam ſit eadem Decoctio cum ſero lactis caprilli, quod ſaporem acrem in ſcorbuto peccantem ſpecificè temperat, ſi infundatur aut in eo blandiſſimè ſenna ebulliat. Tandem & ſub Infuſo in nodulis laxativis vino infundendis ſenna ordinatur; nam & hoc ipſo illa extrahi poteſt. Sennæ defectu ſuccedanea eſt Coluthea veſicaria, quæ tamen in dupla doſi, reſpectu ſennę, iſdem formulis & modis adhibenda eſt.

Succedit

Helleborus niger,

Simplex multi uſus, & quod merito cum *PARACELSO* magnificimus. Hic autem ſeligendus eſt Styriacus, qui optimus habetur; attendendo probè, ne cum radice aconiti, quod quoque in iſdem provenit montibus, confundatur; ſic enim peſſimus committeretur error, quod jam *ZWELFFERUS* & *HILDANUS* annotarunt. Optimum eſt in morbis chronicis remedium, genus nervoſum & caput affligentibus hinc etiam mentem turbantibus, & morbos convulſivos excitantibus; adeoque ſyſtemati nervoſo convenit, & cauſis morborum partium nervoſarum occasionalibus confert. Hinc eſt, quod à Veteribus inter Purgantia Melanagoga relatus, & capiti dicatus ſit: *PARACELSUS* præfert eam reliquis ſimplicibus evacuantibus, dicitque, eidem vim ineſſe curandi morbos 4. principales, epileſiam, apoplexiam, podagram & hydropem; ſub quo quaternione plures ſubordinatos hic intendit & ſubintelligit: vid. *TILLINGIUS Prodromo Praxeos Chymiatr. p. 113*. In Melancholicis delirantibus ſpecificum eſt; unde à *FREITAGIO* in *Aurora Medicor., Fuga Dæmonum* vocantur. In affectibus intercutaneis, ſcabie ferina, ulceribus partium internarum, & pro tomite interno corrigendo & eliminando multum præſtat. Non attendenda autem tantum eſt vis ejus laxativa, quę accidentalis ſaltē videtur, ſed & ſimul alterativa, quę magis eſſentialis: ſic enim in malo vel Melancholia hypochondriaca, mania, & quibusvis morbis chronicis, elephantiaſi, herpete, cancro, quartana, vertigine epileſia, apoplexia, ſcabie, &c. genus nervoſum & caput affligentibus, mentem turbantibus, morboſque convulſivos excitantibus, &c. quamvis non laxet, egregiè tamen alterat; hinc natum diæterium: *Caput elleboro dignum, vel illo indiget: Coſ. VELSCHIIUS in Hecatost. P. 2 p. 17.*, ubi citra Extractum laxativum habet quoque melanagogum alterans ex eo. Vis autem laxativa ejus fundatur in ſale volatili acri ſpecifici ſaporis, penetrante, & acidum quodvis in corpore corrigente: quo in tantum etiam luxuriat, ut in capite mortuo calcinato parum vel nihil ſalis fixi deprehendatur; unde & quidam deſtillando cum vino vel ſpiritu vini, liquorem laxativum educere ſatagunt. Rari vel nullius ejus uſus eſt in ſubſtantia; potiùs igitur in Infuſo exhibetur, pro quo eligatur radix recens: vel potiùs fibroſę radiculę, reiectis partibus lignoſis; quę fibrillę, quia maximam partem ſubſtantia corticali conſtant, virtute medicamentola copioſius ditatę ſunt; ſicut in toto Vegetabilium regno cortex duplo plus, quàm medulla lignoſa, virtutis obrinet. Recens infunditur aliàs in acetum, quod in officinis radicem præparare vocant; cum tamen potiùs ſit eam caſtrare, quia partim ſal volatile euocatur & figitur, partim in aceto mace-

rando extrahitur optima ejus virtus Cruda tamen etiam insons & sine periculo est, modò semper cum sale tartari jungatur. In Infuso menstruum ejus sit aqua in Essentia utrumque, & aqua & spiritus vini, quo vim laxativam postmodum extrahamus: e. g.

24. Helleb. nigri rad. qu. v.

Infund. in *spiritu Vini tartarificato*, diger. aliquamdiu in Balneo Mariæ: Hinc Essentia parata cum forti expressione separetur, & *spiritu vini abstracto* relinquitur Extractum: radicibus autem extractis aqua affundatur de novo, & interveniente ebullitione ulterius extrahatur, & evaporatione phlegmatis expressus succus in consistentiam mucilaginis redigatur. Hæc igitur duo Extracta jam conjungenda sunt, & semper sub decoctione aliquid salis tartari vel olei ejus per deliquium addendum est. In forma pilulari hoc Extractum, præsertim sociatum cum Mercurio dulci, in epilepsia habituali, scabie ferina, lue Venerea, & ejus prodromo, gonorrhœa virulenta, in quartana confirmata; melancholia, &c. est polychrestum. Aliis placet radicem ejus infundere in vinum Rhenanum, addendo sub digestionem salis tartari, & quidem non ineptè: sic enim fit quasi sal essentielle seu terra foliata tartari, quæ sub digestionem optimè hanc radicem corrigit; hinc hoc extractum cum vino ita paratum, est instar binorum modò insinuatorum. Dosis ejus est ℥i. vel gr. xxv., addendo stimulum vel ex scammonio vel colocynthide. Pro scorbutico Infusio facienda est in sero lactis probè depurato, addendo parum salis tartari, & egregium sic Laxativum per episcrasin habetur. Alia insuper plura sunt remedia ex eo parata, de quibus videatur THIERMAYERUS in suis Consiliis: hinc conferantur Præparata CNOEFFELII, optimi post Helmontium Paracelsistæ, in anno 6. & 7. M. A. N. C. in Appendice, qui multum tribuit helleboro nigro.

Externè, uti notum est ex Helmontio, optimum suggerit sternutatorium, cum saccharo mistus: item Pessarium in menstruis obstructis vel retentis: in ulceribus antiquis vel vulneribus malignioribus pulvis inspersus purificando ad sanationem eadem disponit; sicut etiam contusus cum aceto, ac emplastri forma applicatus, in dictis affectibus, nec non carne superflua exedenda, convenit; pediculos enecat, & pro fonticulis stimulandis, &c., ut melius fluant, excitandis in usu quoque Chirurgis est.

Scammonium.

Est succus exoticus lacteus gummeo-resinosus, ex planta de convolvulorum genere, ex cujus radice profectus est. An nostrum cum Veterum idem sit? non immeritò dubitatur; in convolvulo tamen sylvestri, si idem succus lacteus inspissatus fuerit, illi similis reperitur: hinc præparatum blandum & elegans Laxans est, unde non solum per se salibus abstersivis sociatur, & non quantitate quidem, sed qualitate, sufficienter purgat; sicut & aliis quoque pro stimulo additur, ut eorundem operationem melius promoveat. Suavitas in eo est aromatica, non adeò nostræ naturæ hostilis, modò ritè præparetur; quæ præparatio ejus non solum consistit in totius substantiæ correctione & castratione, sed & separatione substantiæ ejus gummosæ à resinosa, sub qua, tanquam sub cortice, nucleus laxativus resinosus latitat. Modus aliàs hic esse solet: Non debet, ut vulgari sit modo, assumi succus cydoniorum; nec sufficit suffumigatio cum sulphure accenso; scammonium enim de acido fumo sulphuris imbibit & castratur, imò dosis incerta redditur, cum quædam pars plus, quædam minus suffumigetur, & ita corrigatur. Optima hinc est BRENDÉLII præparatio, quam habet in Chymia in artis formam redacta:

24. Scammon. q. plu.

Infundatur aqua simplex, vel destillata quædam, teratur in mortario vitreo vel lapideo, & terendo emergit mistura lactea seu emulsio, & remanet substantia resinosa pice tenacior, & nigricans ac crassa, quæ omnes turbas illas dat, quas in scammonio observamus: ipsa hæc emulsio mitius purgat, quàm omnia scammoniata, præsertim si singulis ejus uncis instilletur olei tartari per deliquium ℥ss. vel ℥i. pro acrimonia sufficienti: sic dein inspissata relinquit optimum præparatum pro usu Medico scammonium, quod per se vel propinari potest, vel ulterius in Extractum condensari; quin etiam pro sapore gratiori, & correctione meliori succis citri addatur unicuique dosi ad ℥ii. vel ℥iii. & fit potio grata. Hinc non ineptè quidam faciunt syrupum scammoniatum laxativum perquam gratum:

24. scammon. ℥i.

Succ. citri rec. depur. ℥ss. vel ℥i. prout fortior vel debilior est succus.

Terantur invicem, & solutio lactea decantata vel colata le-

vi cum expressione affervetur; addendo sacch. q. ad f. consistentiam syrupi: sic habetur sua vis syrupus laxans.

Dosis cochl. i. vel ℥ss. ad ℥i.

Alias scammonii præparati dosis pro stimulo addendo sunt gr. ii. vel iii. Ab usu ejus excreta educuntur serosa flava, unde inter biliosa seu cholagoga communiter referri solet ab aliis vulgaribus Medicis.

Sequitur nunc

Jalappa

Quæ radix ex Indiis Occidentalibus allata huc, utut etiam planta hæc apud nos in hortis crescat, communiterque *Flos Peruvianus seu Mirabilis* audit, & à BAUHINO in *Histor. Plantarum Jelseminum Peruvianum* dicitur. Radix, quæ in hortis nostris excolitur, atque usum laxativum habet ab Indica, in hoc saltem differt, quod exoticæ dosis ordinaria sit ℥i. nostratis verò dupla, scilicet ℥ss. ℥ii. vel ℥i. cum minus resinosa sit, unde minor laxandi potentia. Nam vis laxandi hujus radice consistit simpliciter & solitariè in resina ejus, unde hæc cum spiritu vini exactè extracta, reliquum inerme est, & nihil purgat, quicquid etiam VELSCHIUS in *Hecatoest* in contrarium dicat. Communissimum est Purgans, adultis æquè ac infantibus conveniens; recrementa enim copiosa sub forma aquosa & serosa evacuare facit, unde ordinariò inter Hydragoga & Phlegmagoga ab aliis refertur; ab aliis verò, ce catholicum Purgans, laudatur.

Usurpatur tam in substantia, quàm forma liquida. In substantia in forma pulveris, quo in puncto semper cum cremore tartari, aut tartaro crudo, vel nitro, socianda venit; sic longè melius, & cum minoribus symptomatis evacuat. Infantibus etiam sub hac forma propinari potest radix hæc cum tartaro, pro supputatione numeri annorum, ita ut gr. i. vel ii. numerum anni excedat: v. g. infanti 6. annorum propinantur jalappæ & cremoris tartari ana gr. vii. vel viii; sic sufficienter laxabitur, & sic consequenter cum aliis quoque, in forma liquida optimum est, ut fiat *Essentia laxativa*, eaque citrata, cum corticibus citri vel aurantium, & spiritu Vini infusa modum ejus docet BARTHOLINUS *Cent. 3. Epist. p. 133.* est admodum suavis, & egregii effectus, cum præsentium adjunctorum corticum vis aromatica intestinorum pathemata arcere soleat. Dosis ℥ii. ad ℥ss. prout spiritus vini plus minus rectificatus vel tartarificatus de resina plus minus participat vel extrahit.

Ex hujus Essentia, infusione aquæ communis, præcipitatur resina, quæ commodè etiam in forma deinde iterum liquida propinari potest; in sicca enim admodum torminosa, & tanquam glutinosa parietibus intestinorum adhærens est.

Post scammonium & jalappam eminet

Colocynthis.

Quæ validum ut plurimum est Purgans, nec alia ratione nisi plectitur pulpa seu pomum exsiccatum resinam viscidissimam stimuli loco Purgantibus aliis additur; idq; in casibus quâdo sordes viscidæ & mucilaginosæ, à quibus morbi fiunt, ex primis viis vel massa sanguinea eliminandæ veniunt. In se com(es flebet arger als Dech) & simul amarissimam, in qua vis ejus laxativa residet; quæ verò ejus usu evacuari solent, ferme sunt pituitosa, mucosa, &c. unde inter Phlegmagoga communiter dicta primatum ducit. Ob resinam viscidissimam atrocissima tormina infert; cujus correctio instituitur variis modis. Inter omnia autè sufficiens est, quæ fit per alcalia tartarea. Quidam recipiunt pomum colocynthidos, & infundunt in urinam humanam, sic omnem amarorem, imò omnem etiam vim laxativam exuit; quod lixivium inspissatum cum spiritu vini extrahunt: tutò quidem, sed sine effectu, hoc modo præparata resina operatur. Potius autem infundenda pulpa vel ejus trochisci in spiritum vini Tartarificatum vel cum tinctura tartari acri extrahenda est; optima sic habebitur Essentia, quæ ulterius inspissata Extractum forte suppeditat, cujus dosis gr. i. vel ii. abundè sufficiunt. Potest etiam fermentari cum succo pomorum.

Aloe Succoterina

Est succus compositus, constans substantia partim mucilaginosa, ac mēstruo aqueo extrahibili, sub cuius tegmine subtilis resina laxativa reconditur; & partim resina tenaci viscida, in aqua non solubili, instar cujusdam colophonis. Mucilaginosa imprimis est ista laxativa, ratione absconditæ resinæ; altera autem purè resinosa potius adstringit, & fibras partium roborat, quin aliquali amaritie firmiter adhærendo intestinorum plicis, præsertim intestino recto, hæmorrhoidalium vasorum fluxum sæpius excitat, quod tamen hæc sola non facit. Nam & in rhabarbaro eundem stimulum observavit Manardes in Epistolis, & à scammoniatis Scultetus in Armament. Chirurgico. Ex hac igitur resina glutinosa

nosfa adstrictoria est, quod aloetica post aliquam laxationem etiam adstrictionem aliquam relinquunt, ratione cujus Hypochondriacis, Melancholicis, & qui habitus siccioris sunt, minus talia conveniunt; quin etiam ferè in genere in minori dosi auspiciatius operantur, quàm in majori dosi, pro scopo alterativo hæc aloetica. Patet hinc ratio de ejus Præparatis:

℥. aloë, & solvatur in aqua fumarie aut rois Majalis pauca dosi salis tartari aut olei tartari p. d. aculeata: trita cum hoc menstruo deponit mucilaginem in aquam (relicta resina inutili, quæ in aqua non solubilis est) ex qua phlegmatis evaporatione & inspissatione, fiante Pilulæ, quarum no. iii. vel iv. usurpentur, aut subinde pro vario scopo cum aliis salibus possunt subigi.

Et in hoc artificio separandi mucilaginem consistit Præparatio pilularum *Francofurtensium, Glassianarum & Tilemannianarum*. Ubi autem opus est, ut retineatur resinosa illa & balsamica substantia, selecta saltem lucida aloë, non lota, usurpetur (nam æquè suaviter laxat) aut per se in forma pulveris, addendo grana aliquot tartari vitriolati; aut in forma pilularum, cui etiam gummi ammoniacum interdum additur, ad imitationem *Tilemanni*, qui

℥. Aloës luc. ℥i.

Gum. ammoniaci in aceto sol. & insp. ℥i.

Tartari vitriolati. ℥i.

Cum *Ess. Martis liquid.* q. s. in Balneo Mariæ radigendo: dosis esto à pil. v. viii. ix. vel x. in morbis chronicis.

Aloë hæc, præter vim laxativam in mucilagine fundatam, ratione resinæ suæ habet quoque vim egregiam præservandæ putredine, humorum corruptelam plus minus præcavendo & corrigendo; unde etiam à lumbricis & ascaridibus solet præservare, & genitos exturbare. Propter hanc vim etiam egregia est in usu Chirurgico, pro cura tam vulnerum, quàm ulcerum, in Emplastris, tam integra, quàm resina separata; arcet enim degenerationem & corruptonem nutrimenti, & mundificando ad consolidationem feliciter facit. Externè solvatur ejus ℥i. in aquæ graminis ℥i. & egregia est in curandis pediculis, irritationibus intercutaneis, qua aqua *TIMÆUS in Casibus & Epistol.* frequenter usus est; sicut etiam in scabie suum præstat usum.

Rhabarbarum.

sequitur. Rha nomen proprium est Geographicum, fluminis Sarmatiæ principalis seu Moscoviæ, hodie Wolga dicti; ab hoc, quod ibi radix hæc copiosius cresceret, nomen sortitum est. Non debet tamen confundi cum Rha Pontico; Rha Barbarum enim vel est verum, vel Monachorum: Verum, quod hodie ex China affertur, non est idem cum Rha Barbaro Veterum, de quo *PANAROLLUS*; & *SALMUTH ad eum in Notis de Rebus Perditis*: Monachorum est Hippolapathum hodiernum nostras: Rha Ponticum est Rha vulgare illud & in specie dictum, quod circa fluvium Wolga crescit, & Thracicum inde nominatur, de quo *Prosper Alpinus de Rha Pontico* videatur. Verum hoc dicitur respectu vulgaris, quoniam nihil aliud est, quam Centaurium majus: Chinesè verò illud est species Lapathi.

Quoad usum laxativum, non infimæ hoc sortis est, & solum cum aloë inter Purgantia innocua locum meretur. Virtus seu substantia ejus laxativa fundatur in mucilaginosa parte, per menstruum aqueum extrahibili, hinc vel in forma pulveris, raro tamen, nisi in fluxibus alvi, in quibus, præter vim abstersivam intestinorum acré à quo fluxus alvi solet oriri, corrigit simul & alterat; hinc est, quod fluxum potius imminuat, quàm augeat. In Infuso optimè cum sale tartari propinatur. Propter vim suam simul alterativam Anima Hepatis dicitur: nempe in vitiis bilis corrigendis conducit, quando ea vel deficit, vel interior est; item in atonia hepatis, & cachecticis, item hydropicis, & inde dependentibus morbis, insigne alterans est, præsertim cum vehiculo & Decocto pilularum propinatum, ut hinc vulgò dicant: es ill gut vor die Kalte Leber. Rhabarbarum quoque supra dictum, *PARACELSO* dicitur habere in se vim & arcanum arenam & calculum pellendi, si laxativa ejus vise ei auferatur: novi hinc virum calculo aliàs obnoxium, qui omni septimana ℥i. Rhabarbari pulverisati accipit, hocque ex eo commodi habet, ut parciorem calculorum sentiat progeniem. Infundendum est itidem, uti dixi, in loco tantum calido, non coquendum; cum per decoctionem vis ejus volatilis laxativa pereat, & adstrictoria tantum permaneat.

Et hæc de usitatoribus ac selectioribus Purgantibus ex Vegetabilium Classe. Pauci sunt casus, in quibus radice esulæ, aut elaterio, aut iride nostrate, indigemus.

Ettmulleri Oper. Tom. I.

Esulam.

quod attinet, nomen hujus commune est toti Tithymalorum exercitui, qui omnes succo lacteo turgent; qui inspissatus concretum simillimum scæmonio præbet, ut etiam loco scammonii eo uti possimus; correctæ nempe acrimonia ejus caustica in aceto macerando, non tamen nimis diu, & non, nisi cum vel post usum hellebori frustraneum, infundatur. Nam helleborus niger quod non attingit, ad illud accedit Esula; sicut ubi Jalappa in Hydragogis non sufficit, ad Elaterium confugimus.

Elaterium.

verò est succus pariter lacteus, & ex fructibus recentibus cucumeris asinini seu sylvestris expressus; melior enim est ex his, quàm ex planta integra, uti quibusdam in usu est; Purgans tamen nimis est acre. Tutissima est Præparatio *D. MICHAELIS*, qui recepit radicem cucumeris asinini recentem, & in taleolas incisam suspendebat in umbra: ex exsiccatis cum spiritu vini tartarificato extrahebat Essentiam, addendo partem macis. Utebatur ea in hydropes cum felici successu, ubi satis tutum est Purgans.

Quod si autem Elaterium non sufficiat, adest

Iris nostras.

Rusticorum Purgans, quæ non nisi in hydropicis, in quibus viscera adhuc robusta sunt, adhibenda venit radix ejus, quæ florem luteum habet: & quidem recipitur vel decoctum radices recentis in taleolas discissæ in jussulo gallinaceo fervido, & fortiter laxat; vel recipiatur succus recens ex radice expressus, & per residuam depuratus, capiatur cum aqua feniculi vel syrupo violarum, vel ana vini Malvatici, ut acrimonia ejus mitigetur. Recens succus ad ℥ss, per subsidendam ad ℥i. speciatim evacuat aquas Hydropicorum; & suspicor, vim singularem certam & alterativam, præter virulentiam purgantem, reconditam esse in ea, quia urinas simul in ascite provocat; quas qui in hisce evacuant per remedia certa norit, nullo alio medicamento indiget.

Ex Regno Minerali sunt *Mercurialia & Antimonialia*, ex ingenti tamen copia pauca selectiora sufficiunt.

Mercurius.

Ex iis, quæ Mercurius suggerit pro scopo solutivo præstant tam præcipitata quàm sublimata, de quibus omnibus in genere notandum, quod Mercurius tam vivus quàm præcipitatus, nisi maturè è corpore ejiciatur, & sic in salivatione in eodem retineatur, semper & ordinariè ad salivationem plus minus disponat. Quando igitur pro scopo solutivo admittendus, semper opera detur, ut intra 24. horas una cum excretis, vel revera vel apparenter talis, eliminetur, aliàs die tertio vel quarto supervenit salivatio.

Ex sublimatis

Mercurius dulcis.

Catholicum & mitissimum. Purgans est, multis encomiis dignum, quod magis alterando quàm præcisè eliminando proficuum est in praxi. Præsuppono enim ejus præcipitationem, quæ fit sublimando bis vel ter *Mercurium vivum cum ana Mercurii sublimati* (pulverisati & probè invicem mistis) donec purus & sine fecum residentia plane crystallinus appareat. Mitius Purgans est quàm Jalappa, cum partim necquoad sensum ægri ita partes in abdomine alteret, partim autopsia anatomica doceat, minus ab eo fubere seu inflammatas esse, adeoque minus quàm à jalappa, ventriculum & intestina affecta esse. Dosis est ℥ss. ad ℥j. sed quia etiam sic mitius & tardius in quibusdam operatur, ordinariè Purgantibus vegetabilibus, imprimis scammonio sulphurato, sociatur; sic ab hoc alterando, dum vegetabilia tantum purgando operantur, sequitur longè felicior effectus: Et hocce fuit *RIVERIO* adeò usitatum sub nomine *Calomelanos Turqueti*, qui tamen in dosi nimis est excessivus, quando *Mercurii dulcis* ℥i. sociatur cum scammonii præp. ℥ss: cum tamen hujus gr. v. abundè sufficiant. In morbis chronicis malignis, lue Venerea, scabie ferina, lepra, item gonorrhœa correptis, sicut etiam in aliis & firmiter radicatis morbis, in epilepsia confirmata, in hemicrania, hemiplegiis, &c. optimus est, si ejus ℥i. cum Extracti cuiusdam vegetabilis specifici, e. g. *panchymagogi Crollii* vel hellebori nigri gr. xv. in forma pilularum miscetur, vel addendo pro stimulo *Extracti trochiscor. albandal.* gr. i. vel ii. Curiosum est, quod is in specie miasma variolarum evacuet, ut si metuantur, ante eruptionem usurpatus, paucæ vel nullæ eflarescant.

Scrupulus autem super est, an turò propinari possit Scorbaticis. Moverur hic ab *HARTMANNO* quod Mercurialium usu in hisce ulcera oris, gingivarum & facium, inducantur. Resp. Turò tamen propinatur, modò cautior

fit Medicus, utut facilius salivationem, aut molesta faucium pathemata, in scorbuticis, quam in aliis moveat. Siquid ex Mercurio dulci propinato non sequatur sufficiens effectus, pulvis ex cremore tartari cum paucis jalappa in vehiculo calido, pro juvanda solutione superbibatur; sic omnis metus salivationis, quæ quarto aliàs die communiter supervenit, maturè potest præcaveri.

Denique pro paulò robustioribus auspiciatissimum est Vomitorium Catharticum simul, si Mercurius dulcis ritè societur cum Mercurio vitæ, modo illo, quem describit HOFFMANNUS in *Clave Schræder. pag. 271. ubi de Mercurio dulci*, sociando nempe *Mercurium dulcem, duodecies sublimatum* ad p. iv. cum *Mercurii vitæ correcti per effumationem* parte una: Et hæc videtur genuina, vel genuinæ proxima descriptio *Antiquarii Riverii*.

Præter hanc solutivam vim habet quoque alterativam, quæ consistit in eo, ut

1. Potentissime attenuet & dissolvat quælibet viscida glutinosa, tam primas vias obfidentia, quam massam sanguineam inficientia:

2. Hinc sapore suo salso, qui ex profapia Mercuriali naturæ quasi alcalinæ est, temperat quævis acida, præprimis fixa, difficulter tam à natura quàm arte corrigibilia:

Quo in scopo majoris illum facio, quam pro laxativo seu purgante: hinc Mercurius dulcis crebrius repetitus in morbis chronicis egregiè convenit. Hinc etiam non tantum adultis, sed & infantibus, imò gravidis (in quibus sæpè expertus sum) tutò cum aliis propinatur: in infantibus enim non movet salivationem, quamvis etiam non operetur laxando. Dixi autem ejus alterativam vim consistere in quovis acido fixiori temperando; in quem locum facit effatum Practicorum notatu dignissimum, quod Antimonialia conferant imprimis biliosis, sicut Mercurialia pituitosis: in pituitosis enim, ubi acidum fixius, in subiecto plus minus viscido hærens, antimonium contumaciores & diturniores reddit effectus; contra quod in biliosis, ubi acidum volatile turget, propinata Mercurialia minus tuta sint, ne respectu sulphuris externi adhærentis bilis mala exasperentur, & atrociora sequantur symptomata.

Ex præcipitatis ejus sufficiant tria; nempe Mercurius præcipitatus cum oleo sulphuris per campanam, quem vocant Turbith seu Turpethum Minerale; vel cum spiritu nitri, quem vocant arcanum corallinum; vel Mercurius cum sole per se præcipitatus, aliàs dictum præcipitatus Solaris. Hæc tres Mercurii præcipitati ex multis & innumeris ferè instar omnium, & à LUDOVICI in *Pharmac.* commendantur: sed absque Sole, si modò sufficienter fixati, & circumspecte exhibiti sint, idem præstare possunt.

Turbith Minerale.

Cum oleo seu spiritu sulphuris per campanam fit; cuius Preparatione cū omnibus encheirilibus prolixè describit CROLLIUS in *sua Basil. Chymica; cum notis* imprimis Hartmanni. In se quidem satis tutum, & in affectibus chronicis conveniens est remedium. Dosis gr. v. vel vi. in forma pilularum vel boli. Aliàs impressionem vitriolicam in faucibus relinquit, ægris molestam; hinc cum Theriaca, Extracto hellebori nigri, vel succo liquiritiæ commodè propinatur mistum Ordinariè verò cum nausea per inferiora tantum purgat, utut in delicatis, & tenerioribus præsertim, vomitum interdum moveat; quin & repetito usu in minori dosi salivationem cieat, hincque non nisi in morbis chronicis evacuari di aut alterandi causa adhibitum, locum habet.

Quod ipsum etiam verum est de

Arcano Corallino.

Paulò fortiori, quam hoc. Fit hoc modo.

24. Mercurii vivi probe depur. qu. v.

Abstrahatur ab eo spiritus nitri ritè rectific. tribus vicibus; sic evadit pulvis egregius rubeus, ferè instar cinnabaris, unde etiam vocatur Arcanum corallinum: Hic pulvis sub tegula aut in crucibulo calcinetur leviter, donec non amplius fumer, & spiritus nitri concentratus maximam partem avolet; tunc terna cū spiritu vini deflagratione facta tutò usurpari potest.

Dosis gr. iv. vel v. per inferiora purgat, interdum etiam per superiora.

Sed hæc Mercurialia, uti monitum, non nisi in malis contumacioribus conveniunt, & saltem in iis, ubi tale acidum peccat quod vix præterquam à Mercurio corrigibile existit: in morbis enim difficillimis, v. g. quartana inveterata, lue Venerea confirmata, podagra, &c. Mercurialia singularem præ aliis habent prærogativam, adeò, ut aliis irritis (modò viscera ægri utcunque adhuc sint robusta) satisfaciunt intentiori Medici: sic aurum vitæ Cnoffelli antipodragicum

(vid. *Epist. eius de curata Podagra*) nihil aliud fuit, quam Mercurius vivus per certum oleum vitrioli, laboriosè licet, fixatus: in lue Venerea confirmata sine Mercurio sanè nihil possumus perficere: imò affectus etiam longè remotos in extremis artuum Mercurialia corrigunt, radicem ex primis viis evellendo, & fermentum peregrinum simpliciter corrigendo: in ulceribus manantibus crurum, aliis irritis, factæ pilule ex cinnabari, arcano corallino, & Theriaca, aliquoties repetito usu assumptæ, per inferiora purgant, & sine alio remedio singulari sponte ita exsiccari faciunt; quod remedia alia vix, aut non nisi post diuturnum tempus, præstare possent, idque non semper: unde in gravioribus morbis singulare quid obtinent.

Omnium autem optimus est.

Mercurius Præcipitatus Solaris.

Qui est anima Solis & Mercurii, per se artificiosa digestio diuturna præcipitatus. Descripsit vulgarem hanc præparationem partim VVILLISIUS in *Pharm. Ration. P. 1. c. 2. de Vomitor. Formulæ* (quia enim Angli delicati sunt, etiam à quibuscunque Mercurialibus facile vomunt) p. 11., partim ZWELFFERUS in *Mantissa pagyr. ubi de Mercurio*. Hic ritè præparatus est omnium mitissimus, per inferiora suaviter purgat, quibusdam etiam aliqualem diaphoresin movet; nempe acre sulphur externum, quod in Mercurio præsertim laxationis & salivationis autor est, hoc associatione Solis correctum & temperatum mitius fit, & per inferiora tantum purgat. Rariùs hic præcipitatus Solaris per se aliqualem salivationem stimulat aut movet; quod etiam valet de amalgamate Solari, per spontaneam præcipationem parato.

Antimonium.

De antimonio res nota est, quod sit Purgans catholicum, in specie in affectibus melancholicis inveteratis. Ex hoc usurpatur vel ipsum crudum cum sale communi præparatum & fufum, vel Mercurius vitæ ritè correctus, & crocus metallorum cum sale communi itidem fufus *Antimonium cum sale communi fufum* debile evadit Purgans, nisi in majori dosi propinetur.

24. Salis commun. & Antimonii ana p. æqu.

Mixta fundantur in crucibulo, diu, effundatur dein in novum infusorium; sic inferiùs secedit regulus; superiùs sub forma scoriarum sal commune fufum, substantia sulphurea Antimoniali plus minus imprægnatum, residet.

Pulvis scoriarum harum propinatur à 3ß. ad 3i, sed in vehiculo calido; vix enim sine nausea ad sumitur, quare relinquamus hoc.

Potius igitur

Mercurius Vitæ

Substituitur ritè correctus. Modi hujus etiam sunt varii: imprimis autem

24. Butyr. Antimonii aliquoties rectificatum:

Præcipitetur hinc Mercurius vitæ per oleum tartari per deliquium, & ad tempus digeratur cum liquore; præcipitatus hic probè dein cum fervida aqua aliquoties edulcoretur, & si adhuc nauseosus sapore observatur, spiritus vini super illū accensus deflagretur; sic evadit salus, qui antea erat acidolasterus vitriolicus, & Purgans maximè per inferiora, & non, nisi teneriores, ad nauseam vel vomitum stimulat.

Fundamentum operationis est, quod ab alcali salis tartari acidum destruatur, quod cum Mercurio vitæ junctum, sub textura sulphureo-vitriolica per analogiam quasi resinosa, vomitus ciet.

Alio etiam preparatur modo, si probè edulcoratus in patella non vitreata teratur sub igne carbonum, donec in pulverem griseum abeat, & nullum emittat fumum, continuè agitando, ne in grumos, & concentrentur spiritus salis particulæ, quæ tamen debebant effumare, & hinc aliàs vomitum movere solent: sic rectè præparatus est Mercurius per inferiora purgans *Riverii*, quem tutò ad gr. iv. vel vi. ad vii adhibuit.

Fundamentum præparationis & operationis est ut acidum salis communis evaporetur & separetur, ac parum saltem de eo restitet, quo minus irritare ventriculum, sed ab eo subactum potius per inferiora laxare queat.

Tertiùs modus est huic contrarius: Mercurius Vitæ communis aliquoties tantum probè teratur cum sale communi diu, & de novo sæpius abluatur.

Fundamentū itidem est, ut in superioribus erat, separare acidū volatile salis communis, quod cū Antimoniali regulina parte coiverat, & constituerat vim emeticā, sic hoc cicuratur, ut penitus fatiscat, & ex contrario, addito sale communi, acidū volatile quasi figatur. In sale enim communi, uti duplex est substantia, acido-sulphurea volatilis, & fixa alcalina terrea; sicut; ex spiritu salis & sale tartari idem sal communi re-

gene-

generatur; ita sub tritura in vase calido acidiores volatiliores particulæ exhalant, & substantia fixa restitat; quas volatiliores in Mercurio vitæ restitantes sal commune plus imbibit, & sic Mercurius vitæ, correctus ita per sal commune, tantum evadit Purgans per inferiora tutissimum.

Ex

Croco autem Metallorum

Fit Purgans per fusionem sale communi; sic acquiritur tale purgans, interdum satis forte, nec adeo debile, ac illud est ex antimonio crudo.

Colophonidis loco demum addendum

Aurum fulminans,

Quod inter Laxantia non sine ratione referendum est: nam rite præparatum adultos dosi gr. vi. vel ℥ss. laxat, quod infantes sub minori dosi subinde, imò sæpius, per vomitum purgat. Aurum autem hoc fulminans, præter vim purgantem, quæ fit simpliciter vi absteriva primarum viarum, & dissolutiva visciditatum ibidem hærentium: habet unam vim singularem corrigendi acidum contumax, fermentum primæ digestionis vitians, unde non nisi in gravioribus morbis adultis, & pro eorum radice evellenda, convenit; ver. gr. in quartana, podagra, &c. aliquod singulare obtinet. In infantibus autem mirum, quantum acidum, & quale viscidum observetur: quod si igitur vel ex his, vel ex dentitione superveniat epilepsia, anchora sacra est aurum fulminans, ut scybala hæc eliminantur; hinc infanti unius anni lactanti adhuc, ad gr. ii. (lac enim temperat & impedit oleositate sua ejus operationem) ablato ad gr. iß. sufficit. Modus præparandi optimus est, ut aurum solvatur in aqua regia, tam communi, quam quæ fit cum sale ammoniaco, præcipitetur cum spiritu urinæ vel salis ammoniaci; melius enim hoc operatur, quam si cum alcali quodam fixo præcipitetur: Et quidem si aurum cum antimonio probe depuratum recipiatur, & cui nihil de cõtagio Venereæ admittum (alias enim facile propter hanc vomitum movet, aliaque parhemata excitat) hinc in aqua Regia probe rectificata solvatur, & præcipitetur. ut dictum, cum alcali volatili, aurum fulminans tantum per inferiora laxat, abstergendo primas vias, & in infantibus ne quidem, nisi in casu variolarum & morbillorum, vomitus movet: Quod si autem aqua regia non rite præparata sit, vel aurum non probe depuratum, nec solum recte per alcali volatile præcipitatum, ut plurimum vomitus, aliaque symptomata, ut syncopen, sudorem frigidum, cardialgiam, palpitationem cordis, &c. movebit. Dosis ordinaria in adultis grana vi. vel ℥ss. in infantibus granum unum, pro numero nempe annorum; sed in ditiorebus tantum hoc præscribendum venit; pro pauperibus enim sufficiunt Mercurialia. Laudandum itaque venit hoc aurum fulminans, quod in multis casibus expertus sum; multum conferre.

Regimen Purgationis.

Adhuc superest, quomodo ea legitime instituenda sit? Observandum itaque est

1. Quid ante?
2. Quid in? &
3. Quid post? Purgationem agendum veniat Medico?

Quoad I. Ante Purgationem adhibenda sunt digestiva, de quibus jam dictum,

II. In Purgatione consideretur tempus legitimum; idque est vel necessitatis, vel commoditatis. Tempus commoditatis est vernum vel autumnale; hinc verus est canon: sub cane & post canem difficile est purgare. Juxta hoc Practici sedulo observarunt, quod optime Purgatio fiat decremento Lunæ, ultimaque hujus quadratura, difficulter in incremento Lunæ: & quidem assumatur imprimis manè, dum primæ viæ adhuc vacuæ sunt; sic enim auspiciatius operabitur Purgans. Tempus necessitatis in morbis chronicis sit per epicrasin, tempore præsertim à paroxysmis vacuo, aut saltem ante paroxysmos, ita ut operatio finita sit, antequam orgeat paroxysmos, ut imminente eo conatus naturæ non turbetur, & hinc per Purgans gravioribus natura exposita sit symptomatibus quod etiam in febribus intermittentibus convenit, utut interdum laxa-

tio in paroxysmo quoque in his conveniat: In acutis vero conveniunt in primo principio, eaque imprimis per vomitum operantia, aut saltem demum in declinatione ultima morbi post coctionem, ubi blandè absteriva pro plenaria causæ morbificæ evacuatione conducunt.

Dictum autem; manè, non vesperi: hinc quæstio oritur de Pilulis nostris usua ibus, Francofurtensibus, Glasfianis, Tilemannianis, &c. quæ vespertino tempore capiendæ præcipiuntur? Respondeo: Notandum usum earum, cum ex basi communi aloetica constent, non esse alium, quam ut ventriculum, & primas vias mundificent aliquantulum, & intestinis levis stimulus addatur, in morbis præsertim chronicis, ut scorbuto, cachexia virginum & mulierum, capitis affectibus per consensum primarum viarum, ut vertigo, &c. & omnibus morbis, ex errato digestionis primæ ut plurimum ortis. Inde consultum est, ut bihorio ante cœnam potius capiantur, quod non modò primas vias blandè evacuent, sed etiam sub chyli vehiculo medicamentosæ earum particule sanguini commistæ, & ad intestina delatæ, sordes commotas evehant; jejuno alias ventriculo à vi digestiva stomachi corriguntur, & parum deinde aut nihil operantur. Male autem cum vel post cœnam à quibusdam assumuntur, quia sic non recrementa, sed chylus ex alimentis evacuat: nemo igitur putet, quod ea, quæ copiose tunc temporis evacuantur, sint saltem ex intestinis, & in iis resideant; sed maxima pars est chylus.

Quæritur, an ante vel post cibum, an verò cum eo assumenda sint Purgantia? Resp. Assumuntur proprie dicta Purgantia ordinario stomacho jejuno sine alimentis, ne hæc simul plus minus alterata, minus alendo corpori sufficiant: Nam si Purgantia assumantur cum vel post cibum, tunc turbant unum alterum, alimentis mista ea colliquefaciendo corrumpunt, & quæ sic excernuntur, potius sunt chyli corruptus, quam recrementa: hauriatur de super in culum vel cerevisia calida, ut facilius solvantur, & promptius distribuantur per corpus; imò sua vius operari deprehenduntur cum vehiculo tali medicamento, aut alio alimentoso. Sequitur hinc ulterius, Purgantia potius in forma humida, quam sicca, esse propinanda; idque imprimis in subjectis Melancholicis aut Cholericis dictis, vel qui sunt minus temperatæ naturæ, ac habitus corporis siccioris, in quibus potus suavis citius & cum minori molestia operatur, quam pulveres, vel pilule, nisi jusculum vel cerevisia calida largius superbibatur: medicamenta autem sicca conveniunt subjectis succulentis seu humidis & facilioris solutionis, ut Phlegmaticis. Si autem à remedio assumpto vel tardior vel parcius sequatur effectus seu Purgatio, pro promovendo hoc negotio optimus stimulus est tartarus vel cremor tartari ad ℥ss. vel solus, vel cum scammon gr. ii. vel iii. vel jalappe gr. iv. vel v. in vehiculo jusculi carnis servidi, quod satis facit tam Medici, quam ægri intentioni, partim stimulo, partim abstergendo primas vias. Gravidæ si sint purgandæ, blandioribus & mitioribus tractentur, cum omne Purgans, præsertim fortius, utero & foetui sit inimicum: utero, dum hunc, acrimonia sua membranosam ejus texturam vellicando, ad abortum disponit; foetui, dum alimentum ejus plus minus corrumpendo, ad mortem præmaturam in utero materno itidem disponere hunc potest: vid. HIPPOCRATES l. 4. Aphor. 1. & l. 5. Aphor. 29. item Welschius in libro Obstericum l. 1. pag. 77. Potius igitur stimulantia primas vias, quam corporis contenta corrumpentia, ver. gr. rhabbarum, jalappa, &c. dosi dimidiata aut saltem tertia sui parte conveniunt; has enim massa pilularum Quercetani sine violentia sufficienter laxat; quibus etiam Mercurius dulcis societur, quem innoxium in hoc casu observavi, & sine ulla noxa, & repetito sui usu, sufficienter laxare solet gravidas. Quoad puerperas verò, hæc saltem primas vias stimulantibus quoque tractandæ sunt, observando insimul, ut habeatur respectus ad commovendum lochiorum fluxum: ordinariè enim à partu clausam alvum habentibus etiam supprimitur lochiorum fluxus; hinc Pilule pestilenciales Ruffi aut Avicennæ, ex aloë, myrrha & croco constantes, has laxant, & ratione myrrhæ ac croci lochiorum fluxum simul iterum promovent; aut Elixir proprietatis cum rhabbaro, aut jalappæ parum; vel cremor tartari cum stimulo saltem, & quarta parte dose jalappæ sociata, sufficiant. Infantes quod attinet, horum optima Purgantia sunt Mercurius dulcis & aurum fulminans. Parado-

radoxa quidem quibusdam videri possent, sed tutissima sunt medicamenta pro tenellis lactantibus: Infanti dimidii anni, v. g. gr. ii. Mercurii dulcis cum vehiculo lactis nutritis optime propinantur, & lactis grumos & mucum viscidum, (quo copiose gravati sunt illorum ventriculi) auspiciatò eliminant: interdum quidem, sed raro, blandum vomitum stimulat, imprimis si suspicio sit variolarum aut morbillorum, in quibus ordinariè eum provocant. In malo autem paulò fortiori, imò ipsa epilepsia infantum, per consensum præprimis addominis, prodest aurum fulminans ad gr. i, in robustioribus ad gr. iß. vix enim credi potest, quas sordes eliminet, & quantum possit in epilepsiis illorum, tam curativè quàm præservativè.

Motus corporis moderatus Purgationem promovet; si immoderatus sit, ita ut sudor sequatur, Purgatio cessat. Distinguendum tamen: si medicamentum est acius & vehementius, aut æger facilioris solutionis, quies commendatur, ne Purgatio sit nimia: quod si medicamentum sit blandius & mitius, vel æger sit facilioris solutionis, motus lenis concedatur. Conspirant invicem habitus corporis & abdomen: hinc enim in loco temperato se astringet æger post assumptum Purgans; sic jucundè & minoribus cum molestiis fit operatio.

III. *Post Purgationem* opera detur, ut omnia in corpore in pacatum statum denuò redigantur, idque eò magis, si vel adsit vel metuatur hypercatharsis: quod ipsum imprimis præstat haustus vini generosi, post absolutam Purgationem propinati, quod sicut amicum ventriculo, ita vestigia irritationis & subversionis metum optime delet, & ventriculum roborando, varia symptomata præcavet, siue vinum sit Rhenanum, siue dulce Hispanicum. Hinc blanda Paregorica, præsertim papaverina, imminente nocte conveniunt propinanda, imprimis si impetetur simul, ut insequente mane ad aliqualem madorem vel sudorem se disponat æger; sic ratione blandi madoris papaverina faciunt, ut, quicquid noxæ adhuc relictum sit, per poros cutis dimittatur. Hypercatharsis tandem si jam adsit, facile per opiata Theriacalia, ac Terrea absorbentia, ut superius dictum est, sopitur, præsertim, si simul sudor imperetur, qui hypercatharsin facile delet ac sedat per calorem promotum distributo sudore.

Notandum adhuc quoque est, ut prava dosi præscribantur Purgantia, nec vulgum imitemur, qui nisi sedes i. r. ad 20. sumpta purgatione habeant, se non purgatos affirmant, cum tamen 5. 6. & 7. ad summum sedes sufficiant. Ut ergo hic non impingatis, sequentes mihi maximè usitatas formulas vobis communicatas volo.

I. In forma Pulveris leniter purgantis sint sequentes:

℞. Pulv. rad. jalappæ gr. xv.
Netri puriss. gr. viii. vel ʒss.
Scamm. præp. gr. ii.
Olei destillat. anisi gutt. ii.
M. pro dosi, S.
Pulvis purgans.

Sine sensu ferè satis tamen copiosè, laxat.

Vel

℞. Crem. tartari gr. xv. ad ʒi.
Præp. jalapp. gr. xii. ad xv.
Olei destillat. anisi gutt. i. vel ii.
M. f. pulvis,

Capiatur in vehiculo jusculi carnis fervidi, ut bene dissolvatur tartarus; purgat suaviter.

Vel

℞. Pulv. jalapp. gr. xii.
Crem. tartari gr. xv.
Sal tartari gr. vii.
Olei destillat. anisi vel macis gutt. ii.
M. f. pulvis.

℞. Tartari vitriolat. gr. xii. vel xv.
Scamm. sulphurat. gr. iii.
Troch. alband. gr. i.
M. f. pulvis.

℞. Crem. tartari ʒi.
Scamm. ad modum Brendel. præp. gr. v.
vel vii. M.

Propinetur in cochleari jusculi fervidi; suaviter & sufficenter purgat.

II. In forma Boli:

℞. Mercurii dulc. gr. xv.

Scamm. præp. gr. iv. vel v.

Cum conf. rosar. pauca f. Bolus, S.

Bolus purgans.

Suaviter & pro subjecti varietate satis copiosè operatur.

Vel

℞. Conf. rosar. ʒi.

Tartari vitriolat. gr. xii.

Scamm. sulphurat. gr. ii.

Troch. alband. gr. i.

Cum syr. rosar. solut. f. Bolus, S.

Bolus laxativus.

III. In forma Potionis, seu liquida:

℞. Fol. sennæ sine stipit. ʒii vel ʒiii.

Rhabarb. el. vel rad. belleb. nigri ʒi ad ʒii.

(vel fol. sennæ solum ʒiii. ad ʒß)

Zingib. vel sem. anisi ʒi. vel ʒß. ad ʒi.

Sal tartari ʒi. vel ʒß.

Infund. in f. q. Aquæ simpl. vel Cichor. vel fumar. vel alius destillatæ: stent in loco tepido per noctem; manè

℞. Colat. rubic. ʒii. vel iii. ad iv.

(prout plus minus purgare intendimus; sennæ enim vis se extendit ordinariò ad ʒiii.)

adde

Aquæ cinnam. ʒii. vel iii. ad ʒß.

& edulcora cum

syr. rosat. solut. vel de pomis ʒiii. vel ʒß. vel cum saccharo.

M. f. Haustus pro dosi, S.

Potio purgativa pro una vice.

Est potio grata & elegantissima, imprimis in morbis chronicis, pro viscidis sordibus in primis viis eliminandis.

℞. Fol. sennæ sine stipit. ʒiii.

Rad. belleb. nigri.

Tartari crudi an. ʒi.

Infund. per noctem in decoct. passular. minor. in loco calido, ebullitione unica manè calefiant, & exprime: adde syr. de pom. laxativ. ʒß. vel ʒvi. M.

℞. fol. sennæ sine stipit. ʒiii. vel ʒß. ad ʒvi.

(vel fol. sennæ ʒiii. Rhabarb. el. ʒi.)

Sem. anisi (tanquam correctivi) ʒi.

Crem tart. vel quod melius, sal tart. ʒi. vel ʒß.

Infund. in aquæ fumar. q. f. stent in loco calido per noctem, manè coletur: Colat. ʒi. vel ʒiii. adde

Aquæ cinnam. ʒii. (pro stomacho roborando)

Syr. de pomis Reg. Sabor. ʒß.

M. D. S.

Potio laxativa.

℞. Rhabarb. el. ʒii. vel ʒiii.

Salis tartari (correctivum optimum) ʒß.

Infund. in f. q. aquæ fumar. stent in digestionem: manè

℞. Colat. ʒii. vel iii. vel iv.

edulcoretur cum aqua cinnam. & fulepo rosar.

Egregiè rubro se commendat colore, & blandè operatur.

℞. Aquæ menthæ ʒi.

Gum. ammoniaci aceto sol. (incedit materiam viscidam) ʒi. vel ʒß.

Tartar. vitriolat. ʒß.

Extr. troch. alband. gr. i.

Syr. de pomis Reg. Sabor. ʒß.

M. f. Potio.

Conducit imprimis Melancholicis, ubi suspicio mucilaginis crassæ viscidæ:

Vel

℞. Aquæ menthæ ʒi.

Spiritus anisi ʒi.

Extr. belleb. nigr. gr. xv.

Troch. alband. gr. i.

Scamm. sulphurat. gr. ii.

Syr. rosar. ʒß.

M. f. Potio.

℞. Aquæ hyssopi,

Menthæ an. ʒß.

Tartari vitriolat.

Extr. agar. an. ʒß.

Troch. alband. gr. i.

Scamm. sulphurat. gr. ii.

Syr. rosat. solut. ʒß.

M. f. Potio.

Con-

Convenit in digestionē læsa pro subjectis facilis Purgationis, præprimis mulieribus delicatis.

℞. Res. vel mag. jalapp. gr. ix.

Salis tartari (sine quo nunquam resinæ purgantes propinandæ) gr. iv. vel v.

Subigantur c. syr. rosar. solut. s. q. v. g. ℥ss.

M. pro syrupo suavi, sufficienter laxante.

Quod si gratæ Potiuncule aut Emulsionis forma placeat.

℞. Res. scammon. ℥ss. vel gr. xii. ad gr. xv.

Sacchari albi, ℥iij.

Misc. exacte, affundendo sensim

Succi citri vel cydonior. ℥ss. vel ℥vi. ad ℥j.

M. f. Potio lactea suavis, quæ eleganter operatur. Vel si cum vehiculis aquosis miscenda nonnunquam per se veniat (quia cum aquosis resinæ, tanquam oleum quoddam concentratum, incommiscibiles sunt) subigatur & dissolvatur resina cum vitello ovi, tanquam medio cum aquosis solubili, addita aqua menthæ ad ℥iij. M. pro dosi S.

Lac purgans.

Confertim longeque copiosius, quàm aliis modis & formulis purgat.

Cum feminibus quoque oleosis resinæ cum aqua uniri possunt, exem. gr.

℞. Res. jalapp. gr. vii. viii. ix. ℥ss. ad gr. xiv.

Cum sem. mel. excort. no. vii. viii. & aqua fœn. vel alia appropriata f. Emulsio: cui add.

Aquæ cinnam. ℥ii.

Edulcor. c. l. q. rotul. manus Christi perlat. vel pauco saccharo, pro dosi, D. S.

Lac purgans.

Sine symptomatibus, potenter tamen, laxat.

Vel ex tempore:

℞. Scamm. gr. xv.

affunde

Aquæ rosar. q. l.

M. f. terendo Emulsio: cui decantatæ add.

Aquæ cinnam. ℥i item succ. candis. totidem,

M. D. S. ut supra:

Quin etiam pro gratiori sapore, & correctione meliori, add. succ. citri ad ℥ii. vel ℥iij. ut f. Potio grata.

IV. In forma Pilularum:

℞. Mass. Pil. de hier. c. agar. gr. xii. vel xv. usq; ad ℥i.

(in affectibus uterinis, exem. gr. obstructione mensium, profunt, item in affectibus stomachi sunt ferè catholicum)

Scamm. sulphurat. gr. ii.

Extr. troch. alband. gr. j.

Cum essent. absinth. f. Pilulæ: quibus in hypochondriacis gum. ammoniaci aceto sol. ℥ss. addi potest, D. S.

Pilulæ purgantes.

℞. Mass. Pil. de hier. c. agar. gr. xv. ad ℥i. (ratione subiecti purgandi plus minus)

Gum. ammoniaci cum aceto squillit. sol. vel huius loco Extract. vel succ. inspiss. absinth. ℥ss.

Extr. troch. alband. gr. ii.

Scamm. sulphurat. gr. i.

Cum Ess. menthæ aut spir. mastich. f. Pilulæ.

Conveniunt in digestionē imminuta aut abolita ad mucum viscidum evacuandum ex stomacho & intestinis.

Alia formula:

℞. Mass. Pil. mastichin. ℥i.

Extr. absinth. ℥ss.

Troch. alband.

Scamm. sulphurat. an. gr. ii.

Cum Ess. menthæ vel Tinctura tartari f.

Pilulæ pro dicto scopo,

D. S.

Pilulæ purgantes pro stomacho.

℞. Extr. panchym. Croll. gr. xv.

Gum. ammoniaci aceto sol. ℥ss.

Extr. troch. alband.

Scamm. sulphurat. an. gr. i. vel ii.

Cum elix. propr. vel tinctura tartari f. Pilulæ, D. S. ut antè.

℞. Extr. Cathol. Andern.

Panchym. Cr. an. ℥ss.

Gum. ammoniaci aceto sol. gr. xii.

Scamm. sulphurat.

Extr. trochisc. alband. an. gr. i.

Cum tinctura tartari f. Pilulæ,

D. S. ut ante.

In Morbis contumacioribus & pravi moris Mercurialia optime conducunt.

℞. Mercurii dulc. ritè par.

Extr. helleb. nigri vel panchym. Cr. an. gr. xv.

Trochisc. alband.

Scamm. sulphurat. an. gr. i. vel ii.

Cum Ess. sassafras f. Pilulæ min. S.

Pilulæ.

In affectibus catarrhalibus, item pro Purgatione senum.

℞. Mass. Pilul. de succ. Crati gr. xv.

Extr. absinth. ℥ss. ad ℥i.

Trochisc. alband. gr. i.

Olei destillat. succini gutt. i. vel ii.

Cum Ess. sassafr. f. pilul. D. S.

Pilulæ Catarrhales.

V. Purgantia externè applicanda, Opomphalia dicta:

℞. Succi cataput. min.

Thymal.

Nicot.

Colocynth. an. ℥v.

Elater.

Helleb. nigri

Cort. median. samb.

Ebuli,

Scammon,

Terebint. an. ℥iij.

Mellis ℥vi.

Misc. f. Linimentum laxativum, abdomini q. l. & quamdiu necessarium, applicandum.

Vel

℞. Elater. ℥iij.

Scammon. ℥ss.

Troch. alband. ℥ii.

C. l. q. olei dia-Colocynth. & Cerae f. Unguentum,

Item

℞. Ungu. de Alb.

El. hier. picrae an. ℥ii. M.

Vid. SEBIZIUS Manual seu spec. Medic. Practicæ, P. I. Sect. I. cap. I.

ARTICULUS III.

D E

DIURESI seu URINÆ PROVO- CATIONE.

Tertius modus universalis Evacuationis, & quidem juxta alvi excretionem maximè naturalis, est ea, quæ ductu naturæ fit per vesicam, Diuresis dicta; quæ magis ferè necessaria videtur quàm ista, cum etiam in fœtu adhuc in utero incluso celebrari soleat, dum urina fecernitur, & in tunicam allantoideam colligitur, ex modernorum assertis; licet alvi excrementa non nisi post partum sub Meconii nomine soleant deponi. Et summe necessaria est diversis, quoniam sanguinem immediate & quotidie purgare valet, & naturali in statu quælibet recrementa salino oleosa, aut superflua aut vitiosa sub digestionē secunda, ex materiæ necessitate congenita, sic commode evacuari & eliminari soleant; ut ita genuinum mundificativum, seu proprie loquendo, genuina sanguinis Purgatio non nisi per vias urinarias, ductu naturæ depurationis nomine, institui debeat aut instituenda veniat. Sicut enim natura instituit, ut, quæ per superius guttur admissa sunt, per inferius seu alvum ex necessitate materiæ iterum expellantur; ita etiam per diuresin digestionis secundæ recrementa ductu naturæ auspiciò elimina-

minantur, sicque optimum Purificativum sanguinis hæc existit.

Equidem sub urinæ forma videtur tantum evacuari serum corporis superfluum aqueum, seu vehiculum excrementorum, quod antea erat vehiculum alimenti: sed etiam alia recrementa eliminantur simul. Diuresis enim lixivii falsi volatilis forma vel eliminat sordes natas ex primis viis, & particulas salino-oleosas aut superfluas aut vitiosas ex tota massa sanguinea, aliaque huic permixta, vel sero involuta, quæ tam primæ quàm secundæ digestionis errato genita sunt.

Quoad primas vias, patet ex usu & potu acidularum, quarum vis non ascendit diaphragma, sed operantur in primis viis, stomacho & mesenterio; & præter alias operationes insensibiles copiosissimum urinæ fluxum concitant unde hoc ipso fluxu morbi chronici in primis viis stagnantes optime curantur. Quod attinet massæ sanguineæ sordes, quæ per diuretica simul evacuantur, quàm proficuum sit in morborum curatione, vel ex eo patet, quod in statu præternaturali in morbis acutis non nisi materia cocta per urinam emitti soleat, nisi motu critico aliunde ablegetur; sicut ipsa natura sibi relicta non raro in morbis per diuresin soleat sublevare ægros, indeque tam in criticis, quàm non-criticis evacuationibus, sicque nimias sordes præternaturales, massæ sanguineæ crasin vitiantes, eliminet. De motu autem critico res nota est, quoad alias sordes, Practici id testantur. Sic etiam quandoque pus in pleuritide, vel etiam pulmonibus suppuratis, per urinas salubriter evacuat; de quo vid. SCHENCKIUS *Observat. l. 2. pag. 243* & 252., item HORSTIUS *l. 3. Observat. 10.*, BORELLUS *Centur. 1. Observat. 17.* & RHODIUS *Centur. 2. Observat. 15.*; quod non nisi per missionem denuo cum sanguine fieri potest, & renes sic allatum, & secretum demum in his, ad vesicam ablegatum fuit: non secus ac HILDANUS in *Observat. Chirurgic. centur. 3. Hystor. 39.* mentionem facit purulentiarum ex abscessibus & ulceribus artuum per urinam expurgatarum, quale exemplum etiam in *Scriptis PARÆI* obvium est: sic LIN-DANUS in *Colleg. super Hartmannum* exemplum refert cuiusdam fabri lignarii, ex casu costam in thorace frangentis, qui potu vulnerario diuretico sanguinem ex læsione in thoracem extravasatum, cum urina salubriter excrevit. Notabilis non minus est historia, quæ narrat SCHENCKIUS *l. 3. Observat. de Splene p. 327.* de quodam viro splenetico, qui à lienis tumore, & variis gravibus symptomatis supervenientibus, 15. annorum continuis, anquatim his vel ter per copiosum & spontaneum urinæ profluvium atramento simile liberatus fuit. Maxime igitur necessarius est urinæ fluxus pro purificanda massa sanguinea.

Imitetur ergo Medicus naturæ motum, & pro occasione evacuet morborum causas occasionales per urinam, idque eò magis, quò in ægris omnium iucundissima sit talis evacuatio, quia cum minori virium ægri detrimento, minorique, eorum molestia & periculo, eadem conjuncta est, modo non sit admodum diuturna ac excessiva seu colliquativa, ut sit in diabete; cum melior non sit via, salia massæ sanguineæ aut superflua, aut vitiosa tartarea & peregrina ex corpore eliminandi, quàm ut sero soluta lixivii urinosi forma emingantur; hinc ipsis etiam viis urinariis vitiatis aut læsis mundificandis ac abstergendis, convenientissima est Diuresis. Patet hinc, quod usus evacuationis per urinam primario conveniat in chronicis, seu, ut alias vocantur, tartareis morbis, ex vitio sanguinis oriundis, aut in sanguinis mutata crasi constitutis, ubi omnium optima hæc evacuatio est, ver. gr. in scorbuto, malo hypochondriaco, cognatisque affectibus, item in ictero nigro aut flavo, cachexiis, &c. optima sanè est (præmissis, quod observetur, primas vias abstergentibus) evacuatio per diuresin: notum enim est commune effatum Practicorum; quod in omnibus morbis tartareis evacuatio per urinam omnium sit commodissima. Quid autem sunt morbi tartarei? non nisi ab acido oriundi, vitio digestionis primæ in corpore nostro luxuriante, eoque non ritè volatilizzato, neque debite temperato; unde à tali acido fixiori dyscrasia contentorum, & varia læsio partium continentium, ortum habet. In hocce igitur acido tartareo, plus minus correcto ac temperato eliminando, optima evacuandi ratio est per urinam. Porro ægri, quorum viscera in hypochondriis sita, ut lien, & hepar, malè constituta sunt (cum talis sit viscerum horum conspiratio, ut

raro unum sine altero videatur affectum) aut infarcta, tumida, plus minus scirrhusa; in his observatur pauca urina, eaque tenuis & pallida, utut tamen ægri hi ordinario, HIPPOCRATE etiam teste, sint salivatores, saliva quidem abundante, sed urina ejus deficiente: si ergo sub cursu morbi legitimis alterationibus restituatur nonnihil labes viscerum, cessat salivatio, & urinæ copiosiores crassæ plus minus turbidæ excernuntur cum euphoria ægri, quod signum est, eos curari per diuresin. Ventilat hanc controversiam eleganter LAURENTIUS *Hist. Anatom. l. 4. Quest. 27.* LEVINUS FISCHER *Tratatu de Foco mali Hypochondriaci*, ZACUTUS *l. 2. Medic. Principum Hystor. 112.* In his enim affectibus urinæ atramento simile profluvium, aut cui certè copiosæ intermixtæ sunt arenulæ rubicundæ, seu potius salia concreta & præcipitata, faustum est signum evacuantis nature, & sæpè insigne adjumentum affert: vid. MOEBIUS *pag. 556.* Unde in morbis, ex viscerum horum culpa oriundis, alterantia & evacuantia diuretica sunt omnium optima: nec sudor, nec purgatio, excepto vomitorio, in principio morbi æquè conveniunt pro fomite morbofo evacuando, quàm diuretica, quod ipse aliquoties observavi. Nam & acidulæ, chronicorum & contumacium affectuum debellatores, præter substantiam mineræ Martis, qua acidus vitiosus sapor in primis viis destruit, specialiter diuretica virtute, qua potenter pollent, sunt salutares intelligendum hoc etiam est in malo hypochondriaco confirmato. In morbis acutis rariùs diuresis locum habet, sed frequentius diaphoresis, ipsius naturæ ductu, convenit. Interim, cum sæpè in statu morbi copiosior urina observetur, stimulum omnino per diureticum aliquid addere possumus; aliis tamen morbi temporibus sudor magis competit. Notetur enim axioma Practicum, quod hoc est: *Morbi, qui in centro corporis magis latitant, quales imprimis chronici, per urinam evacuationem postulant; contra, quod, magis peripheriam corporis occupant, vel ad eam vergunt, magis per sudorem curantur; v. g. lues Venerea, &c.* quod etiam febres malignæ cum excretionem cutanea conjunctæ.

His per diuresin curandis morbis adnumero arthritidem & nephritidem. In præservatione arthritidis, præmisso vomitu, non meliora dantur remedia, quàm diuretica; & quando sudorifera nil proficiunt, diuretica, officium suum faciunt. Curavi aliquando podagricum: paroxysmo imminente subito præscribebam spiritum salis ammoniaci & spiritum cochleariæ, ut temperetur acidum: Consilium erat frustraneum; cogitabam de sudore excitando, & continuabam spiritum salis ammoniaci sed nil profeci, quia ad sudorem adigi non poterat, potius superveniebat ardor urinæ dolorosissimus ob salia vitiosa, quæ cum per sudorem non discuterentur, per urinam tandem deducebantur, & evanescebat podagra. Multi spiritum tartari volatilem, & remedia ex scarabæis ad præservandos & curandos arthriticos usurpant, propter copiosissimum sal diureticum, quod habent. Usus magnus Diureticorum est in nephritide & podagra extra paroxysmum, quanquam hæc calculum non frangant, neque, qua talia, præservent; nihilominus tamen vias urinarias abstergunt, & temperant acidum, calculi coagulatore, & sic à crebriori calculi genesi præservant, sine quibus & aliis in præcavanda lithiasi nihil sit. Quoad paroxysmum, de usu diureticorum lis est; facta autem distinctione, facilis est decisio. Calculus enim, qui urget ægrum, est vel major quàm ureteres, vel minor, vel æqualis: si est major, abstinemus à diureticis; nam movendo sic calculum, dolores exacerbamus: si minor est, studiosè diureticis utamur, ut citò ejiciatur: si est æqualis, eò magis maturentur diuretica, ne major fiat. In affectibus hydropicis abdominis, ascite & anasarca, nil melius est Diureticis: certum est, esse frequentem hydropis speciem seu ascitem, quæ vitio renum contingit, ut testatur HELMONTIUS, in quibus urina fluit pauca, licet multum potent. Restituatur ergo his fluxus urinæ, & præsentaneum sentiunt levamen. Hoc præstant bufones, in quibus Insignè est sal volatile nitrosum, simile ei, quod est in lumbricis, & egregiè diureticum est; sal hoc habent ex mulcis instar cantharidum aut scarabæorum, quos avidissimè devorant, & in stomacho aut colo eorum reperiuntur: siurgent, sale volatili diuretico, à quibus hoc, tanquam hydropiseos remedium, bufones accipiunt. In ulceribus partium urinariarum, dysuria, obstructionibus renum & urethræ, utram-

utramque diuretica faciunt paginam, ut quicquid factum sit læsionis, abstergetur, & morbus imminens præcaveatur: item in gonorrhœa vera & norba, ad quam pertinet simul fluxus mulierum albus, appropriatis aliis permixta, optimè conducunt diuretica.

Hæc de eorum usu sufficiant; quem in reliquis adhuc affectibus præstant usum, ad longum explicatum videbitis in *HOFFMANNO de M.M. pag. 275. & sequ.* qui ipse pag. 173. legitimam diureticorum administrandi rationem sufficienter declarat.

Notetur autem Confinitas Diureseos & Sudoris, cum utraque sanguinem optimè purificet. Differunt sic.

1. Evacuatio per urinam magis convenit in morbis chronicis lentis successivè curandis; Sudor magis convenit in morbis acutis & malignis, massa sanguinea effervescente, &c.
2. Mediante urina radices fixiores morborum in primis viis stabulantes tolluntur, quod per sudorem non æquè fieri potest.
3. Per diuresin frequentiore viæ urinariæ abluuntur & purificantur, quod non fit in sudore, qui potius partes intercutaneas eluit & detergit.

His præmissis, consideremus Indicantia, Permittentia & Prohibentia. *Indicantur* autem per diuresin recrementorū evacuandorum locus & motus: *Locus*, si vel in primis viis & visceribus vicinis, vel immediate in massa sanguinea stabulentur recrementa morbosa; *Motus* ex symptomatum syndrome cognoscitur. *Permittentia* & *Prohibentia* in specie sunt vires ægri, quæ præ omnibus aliis optimè ferunt Diuretica; quia partitis vicibus operantur, cum minore œconomiae animalis turbatione & agitatione. Hinc omni sexui diuretica tuto & frequenter propinare possumus: habeatur autem ratio in gravidis, quibus non æquè possunt propinari, quia simul movent menses, imprimis faciunt id Diuretica vegetabilia & volatilia: contraria autem ratio in puerperis est, quibus à primis etiam partus diebus saluberrimo cum successu diuretica propinantur, ut sic lochiorum fluxus necessariò promoveatur, & uterus abstergetur; & quia diuretica plerumque sunt vulneraria, læsio uteri sub partu inducta consolidatur: Salubre igitur est *HELMONTII* consilium, ut lapilli cancerorum in vino puerperis post partum propinentur, ut uteri labes & tonus in puerperio relaxatus iterum restitatur. *Habitus ægri* quoque considerandus: succulentioribus tutius Diuresis suadetur; Tenuioribus & emaciatīs minus convenit. Nam, experientia teste corpora etiam maximè obesa per crebriorem urinæ fluxum insigniter fuerunt emaciata: non urgebo jam diabetem, quæ idem facit: Diuretica enim colliquescent pinguedinem & succos corporis. Bina exempla refert *HELMONTIUS* & *PLATERUS* in *Observationibus*.

Quod jam remedia diuretica attinet, illa, quoad texturam sui, qua operantur, sunt vel propriè sic dicta, improprie talia. Posteriora sunt, quæ copiosam materiam laticis urinario, & per consequens materiam urinæ suggerunt, sunt quælibet potulenta copiosius assumpta: Proprie ita dicta talia sunt, quæ copiosam aut saltem crebriorem urinam reddi faciunt, sine eo, ut copiosioris laticis aquosi materiam suggerant. Hæc inter magna est varietas: *HELMONTIUS* satis accuratè in 9. classes distinguit: vid. *eius Tractatus de Lith. cap. 5. §. 17.* Mihi verò, quoad texturam materialem, in quintuplici sunt differentia:

1. *Acida*, ut tartarus, spiritus salis, præsertim dulcificatus, succus citri, limonum, cydoniorum, &c.
2. *Urinosa* seu *alkalia*, tam volatilia, quam fixa: Ex fixis sunt sal tartari, sal genistæ, spiritum fabarum (si perfectè alcalisata sunt) tinctura tartari, & ex his salibus parata lixivia, &c. Ex volatilibus sal volatile succini, spiritus & sal volatile salis ammoniaci aut urinæ, lumbricorum terrestrium, &c.
3. *Salsa*, speciatim urinosa, omnium optima & efficacissima, tam fixiora, quam volatilia. Ex fixis nitrum ipsum probè depuratum & plura diuretica vegetabilia, simul ferè vulneraria, vegetabilia salso-nitrosa simul diuretica, ut subamara, succo & sale essentiali nitroso turgentia, intybacea cuncta, carduus benedictus, fumaria &c.: Ex volatilibus millepedes, scara-

bæi, succus lumbricorum; ipsi enim lumbrici sale volatili ad nitrosam naturam vergente largiter dotati sunt.

4. *Testacea* & *Marina*, item *Terrestria* omnia, quæ calcinata corpus instar calcis vivæ relinquunt, ut lapilli cancerorum, testæ ovorum, canceri calcinati, &c. Præeminentia hæc est singularis marinorum ostracodermorum seu testaceorum, præ partibus animalium duristerrestrium, quod marina calcinata relinquunt caput mortuum instar calcis vivæ, quod aquæ affusione effervescent; animalium verò calcinata sunt insipida, & hoc non faciunt; excepis testis ovorum, quæ ad illorum naturam potiùs accedunt.
5. *Sulphurea* seu *oleosa* temperata, quasi balsamica, renibus *κατ' ἑοχὴν* dicata; ut terebinthina, juniperus, hujus præparata omnia, crocus, macis, rhabarbarum &c.; de quibus videatur prolixior *VVILLISIUS Pharmac. Ration. Volum. 1. Sect. 4. cap. 1. 2. sequ.*

Si autem in specie consideremus Facultates remediorum diureticorum, i. e. quænam sit ista crasis materialis, ratione cuius tam varia simplia in effectu diuretico conspirent, de his videbitis in *Hoffmanni Methodo Medendi pag. 169. & seq.* Noto imprimis, quod Diuretica propriè sic dicta sint in triplici differentia: Nam

1. Sunt, quæ imprimis impedimenta removeant, seu eorum poros & ductus aperiant, itaque permeabiles reddunt, ver. gr. raphanus, asparagus, sal tartari, tartarus vitriolatus, item terebinthina, juniperus, &c.
2. Quæ copiosam urinam reddi faciunt, sine eo, ut materiam aquosam suppeditent, qualia sunt ver. gr. millepedes, scarabæi, sal volatile succini, &c.
3. Quæ urinam copiosis contentis saturant, i. e., ut loquitur *HELMONTIUS*, quæ urinam reddunt abstersivam, ut copiosè, dum circulatorum cum sanguine, abstergat partium continentium sordes, & imbibat partes heterogeneas sanguinis, ut ejus quantum non semper nec necessariò augeant: ver. g. armoracia in scorbuto vel malo hypochondriaco, &c. salia volatilia acrida &c.

Omnia hæc diuretica, quorum quædam omnes has proprietates simul possident, continent in se copiosas particulas salinas tenum stimulativas (ad quem stimulum renum semper in quibusvis diureticis, plus minus licet potentem, respiciendum) nunc volatiles, ut cepæ, allium, raphani; nunc fixas, ut lapilli cancerorum, sal tartari fixum, absinthii, ononidis; sive hoc sal eorum diureticum sit plus minus acrius vel oleosum; sive urinosum lixiviale, ut in modo dictis diureticis simul vulnerariis; sive nitrosum, ut millepedes, scarabæi; sive temperatum oleosum: sub quo tamen, præter effectus irritativos, simul habent vim specialiter irritandi renes, occasione cuius stimuli, unà cum aliis concaulis, sequitur crebrior urinæ per renes transcolatio, & secretio; simul autem est respiciendum ad hunc stimulum, quomodo aliis simul modis operari queant. Ut ut quidem sapor falsus primatum in vi diureticorum obtineat, nec hunc quædam diuretica habeant, ut sunt tam acida, quam alcalia: tamen hæc ipsa sub alterationibus, quas in primis viis subeunt, alium saporem, plus minus falsum & nitrosum, acquirunt, ratione cuius acquisiti saporis, adeoque hinc mutatae texturæ, operationem suam diureticam exerunt; adeo ut ob id non de his tantum, sed de omnibus ferè Diureticis *HELMONTIUS* *Tract. Aditus Præclusus ad Conduum Viscerum*, rectè asserere videatur, *Diuretica non esse talia in se, quam talia fabricari in stomacho*; dum nempe sub digestionem eorum salia in salsa abeunt diuretica. Jam ut ut æsint acida, quæ urinas movent, ver. gr. succus citri, limonum, spiritus salis acidus, spiritus nitri, spiritus vitrioli, acidulæ etiam, &c.; quæstio tamen est de his, an sub saporis sui acidi ratione urinas cieant & renes stimulent? quod videtur erroneum; Nam si suo acido sapore urinas imprægnarent, semper & necessariò ab his fieret stranguria & dysuria, quæ ex tantillo acido urinam inquinante oriuntur; Ergo acida non, nisi in primis viis ab assum-

ptis temperata, & hinc à bile admista in salsum saporis diureticum commutata, præter vim incisivam & alterativam, urinas movent. Alcalia verò volatilia & præsertim fixa, ac ipsa testacea, in primis viis non sine saporis sui ab acido stomachi immutatione, & plus minus facta saturatione, abeunt in salsum quoddam, & sic non nisi sub sapore falso plus minus absterfivo vim diureticam acquirunt. Hoc autem, quod sub sapore falso diuretica imprimis operentur, confirmari videtur ex eo, quod & ipsa diuretica, quæ abundat sale volatili alcali acri seu lixiviali, potentiùs operentur, si cum acidis mista propinentur, puta cum vino acidiusculo, quàm alio insipido liquore dissoluta; sive sint salia fixa sive volatilia: ver. grat. salia lixivialia fixa vegetabilium per spiritum nitri vel salis, diureticum aliàs, in falsa abeunt acerrima quasi regenerata, potentiùs diuretica, quàm simplicia: hinc caput mortuum spiritus salis armoniaci, cum sale tartari parati, est potens diureticum salsum, & singularis acrimoniæ particeps: sic *tartarus crudus in aqua solutus*, si cum sale tartari dissolutus itidem, vel oleo ejusdem per deliquium, effervescentia prævia, unitus, sicque sub nomine dein tartari tartarificati exhibeatur, fortius est diureticum, quàm tartarus crudus; uti & lapilli cancrorum potentiùs operantur, si cum aceto, non tamen exactè, saturati assumantur; ut & millepedes aut scarabæi ab aceto vel spiritu vitrioli temperati: nam & ipsa urina est falsa, & vegetabilia ferè omnia diuretica, quæ simul sunt vulneraria, in se abundant sale alcali, sed temperato falso, & sale nitroso ratione cujus illa sunt Diuretica efficacia. Patet etiam ex propriissimè dictis Diureticis, bufonibus, asellis, scarabæis, &c. quæ sale volatili nitroso turgent; item conchyliis, marinis, &c. quæ sal acre in se continere videntur, quod in digestionem extraversum corrigitur, & in saporis blandè salsum mutatur. Quare diuretica suprâ enumerata quæcunque materialiter sub sensuali sapore suo falso vim formaliter diureticam exerunt.

Considerandum jam paulò specialiùs, quomodo Diuretica pro multiplici eorum varietate sub sapore hoc falso formaliter vim diureticam exerant seu operentur; & quatenus effectum excretionis urinæ exerant? Ex hac autem consideratione mox patet, quod omnia diuretica, vel materiæ evacuandæ vel organi evacuantis respectu, formaliter operationem exerant; hoc est, vel quatenus agunt in massam sanguineam ejusque vehiculum, laticem aquosum seu serosum, vel quatenus agunt in renes, eisdemque plus minus stimulo, sicque diuresin provocant.

Ea, quæ in *materiam expurgandam activa* sunt, respiciunt vel sanguinem, vel laticem ejus aquosum. Quoad sanguinem sunt ista, quæ attenuando & resolvendo, & suo modo fundendo, massam sanguineam ejusque serum simul quasi fluidius reddunt; & sub hac alteratione lotii copiam è toto corpore profundunt, v. g. millepedes seu aselli, scarabæi, lumbrici, & quæcunque sal nitrosum volatile continent, cujus ratione simul & renes torpidos plus minus excitant. Pertinent huc etiam quælibet falsa, tartarea, & nitrosa. Ea verò, quæ respectu materiæ per diuresin expurgandæ operantur in laticem serosum, serum acrius reddunt, indeque absterfivum & viscidorum plus minus attenuativum, ac non nihil colliquativum, & simul renum stimulativum, ut lapilli cancrorum cum vehiculo acido, herbæ diureticiæ vi alcali volatilis falsi ferè operativæ, item acidulæ, spiritus salis, &c. Atque hic est primus operandi modus Diureticorum in objecta, scilicet massam sanguineam. Quando verò *Diuretica operantur in organon*, renes nempe & vias urinarias, hoc triplici contingit modo:

1. Quatenus speciatim renum & viarum urinariarum tonum debitum conservant, fermentum renale confirmant & vim transcolatoriam renum, & urinæ excretionem hac ratione non absque aliquali stimulo promovent, & quasi adjuvant; qualia sunt terebinthinata, juniperus & juniperina, alliata, crocus, rhabarbarum, maces, & similia aromatica oleosa, nephritica speciatim aliàs dicta.

2. Quatenus interdum acrimonia sua volatili salina renes irritant, stimulant, & ita excretionem frequentiore reddunt: Talia sunt v. g.

cantharides, raphanus & omnia raphanacea, armoracia, & similia acriora; item nitrata, lumbricalia, bufones, aselli, scarabæi, &c.

3. Quæ ex materia terrea alcalina sub digestionem primam degenerant in salsum acre diureticum, quod vias urinarias abstergens instar saponis, simulque fortuito adhærentes sordes incidit, & simul removel, unde urina copiosis saturatur contentis, & blandè urinaria loca stimulantur; cujusmodi sunt testacea omnia, conchyliia, marina, cancrina, item alcalia diureticorum fixa, &c. Confer. quo adhæc HELMONTIUS de Lith. cap. 2.

Quod attinet *primam Classem*, renibus dicatam, operantur quatenus cum urina potus ad renes translata, solent eos transcolationi aptos reddere, eorum poros vi sua salina omnem mucilaginem aut visciditatem, angustas renum vias infarcientem, incidendo, attenuando & resolvendo, eamque liquatam & absterfam educendo, successivè referare, & vi aromatica fibras in tono recto conservare; in specie, si in affectibus renum dolorosis pori & fibræ arctantur & crispantur, ut nihil possit transire, ibi suavia aromatica, renibus appropriata, mirè conveniunt.

Quod attinet *secundam Classem*, hoc faciunt, quatenus quidem ratione salis volatilis acris attenuant & resolvunt massam sanguinem certo modo, quæ liquefacta copiosius per vala renum colata, uberrimè separare faciunt urinam, simul tamen sanguini talem, non sine aliqualis & singularis coagulationis modo, consistentiam conciliant, ut materia falsa à reliquo sanguine sensim secedat, quæ sic præparata, facile renum meatus subeundo, excernitur; unde talia diuretica accedunt ad naturam sudoriferorum, & modò urinam, modò sudorem proliciunt.

Quoad *tertiam Classem*, hæc operantur, quatenus in se continent sal acre alcalinum, quod sub digestionem primam in primis viis resolutum extravertitur, aperit vias urinarias, partium solidarum sordes à nutritione residuas abstergit, quas partibus aquosis (per attenuationem sanguinis, à salibus factam diureticis partes aquosæ ab aliis sunt faciliùs separabiles) involutas unà secū evehit, vi salina acri ex massa sanguinea vitiosa salia, aliasque partes non rectè unitas, nec bene ipsi permiscibiles, quasi præcipitat (id quod ex coctione humorum est notum) imbibit & urinam saturat, ut hæc antea pauca, tenuis, fiat copiosa, crassa, opaca, & copioso sedimento aut sublimamento imprægnata emittatur; qualia in cura morborum chronicorum, per diuresin instituenda, mirè conveniunt.

Distinguendi autem probè sunt hi tres operandi modi, dum operantur vel in massam sanguineam, vel in organon: seri enim ista & massæ sanguinæ certa alteratio ad promovendam diuresin omnino necessaria & præsupponenda est. Nam præter ea, quæ superius dicta, quod cocta, non cruda evacuanda sint, id etiam ad massæ sanguinæ per diuresin purgationem & evacuationem necessariò applicandum venit. Observatur enim, quod in affectibus chronicis, imprimis cum viscerum abdominis, vel hepatis, vel lienis, aut alio vitio conjunctis, urinæ sit pauca ut plurimum & parca excretio, licet fortiora propinentur, utut tales ægri ex HIPPOCRATE ingentes sint salivatores; cum è contrà his curatis, aut sub istorum curatione, per medicamenta salina sanguinis crasin alterantia, impedimenta vel tales scirrhus viscerum resolvablentia, copiosior, crassior, & turbidior excernatur urina. Ergò fieri hoc ex eo videtur, quod in talibus morbis etiam per potentissima diuretica, pauca tamen fiat excretio ex læsa viscerum functione, & vitiata sanguinis crasi; cum talis massæ sanguinæ arcta sit textura, & particularum in vicem cohesio, ratione cujus parum de ejus massa, idque ferè aquosum, parcius per poros renum glandulosos & fibrosos possit transcolari & à reliquorum contortio secerari: unde alterata ista sanguini crasi, & renovata ejus miscela naturali, ut redeat naturalis motus fermentativus, restituitoque viscerum officio, particulæ heterogeneæ, præsertim salinæ, ab aliis separatæ & præcipitatæ, à vehiculo aquoso imbibitæ, ita disponuntur, ut meatus renum facillimè ingredi, indeque per vias urinarias sub urinæ copiosæ forma cum euphoria egri excerni possint.

Unde

Unde in selectu diureticorum semper respiciendum est :

1. Ad scopum alterativum seu massæ sanguineæ plus minus correctivum ; & simul
2. Ad scopum evacuativum , ratione cujus renes stimulando uberius urinæ fluxum hæc provocant.

Hinc pro vario morborum statu nunc hæc nunc illa feligenda sunt : e. gr. lumbrici egregie sunt diuretici , in quibus , propter vim urinariam evacuantem , simul insignis vis alterativa dyscrasiæ humorum , imprimis scorbuticæ , partibus nervosis infestæ , correctiva latitat ; ut unum hinc sint ex primis remediis , in quibus vis alterativa lateat singularis cum diuretica : sic Balsamus Capaybe , præter vim diureticam , specificus est contra Gonorrhœam malignam seu veneream , utut & vim alterativam habeat certa ratione renes afficiendi , & simul temperandi fermentum illud Venereum acerrimum , ratione cujus Gonorrhœa supervenit : lapilli cancrorum , præter vim diureticam , etiam virtutem cujusvis Acidi non adeo fixi primarum viarum absorbendi , & corrigendi , alterativam obtinent ; Hinc in febribus intermittentibus , soda , &c. sunt egregij usus , quare semper , præter vim evacuantem , vis alterativa respicienda est.

Quoad usum & legitimum Regimen diureticorum , ante omnia tempus observetur , qua ratione debeat fieri :

1. Conveniunt magis diuretica in morbis chronicis , quàm in acutis , pro scopo nempe diuretico : Nam utut prostant exempla crismum per urinam factarum , hoc tamen raro fit , & in morbis non adeo acutis observatum est .
2. Magis in morborum statu & declinatione , cocta materia morbosa , minus in principio aut incremento ; tunc enim fundendo sanguinem , vel attenuando humores , aut stimulando intempestive renes , movent quidem , sed non promovent , turbant , sed nihil evacuant , sicque subinde plus damni , quàm commodi inferunt .
3. Non , nisi præmissis Universalibus primas vias abstergentibus & laxantibus ; item si opus sit , cruditatem massæ sanguineæ corrigentibus , aut non nihil Evacuantibus præmissis usurpanda veniunt ; aliàs enim metus est , ne præmaturo diureticorum usu præcipitentur nimis , seu copiosius moveantur ad urinaria loca corporis resoluti succi , quibus dein non ritè transcolatis varia de novo pathemata inferant . Hinc
4. Magis in illis affectibus chronicis , vel à colluvie serosa , vel cum ea præternaturaliter retenta , & tartarea , ex sale acido-falso natis , ver. gr. Scorbuticis & Hypochondriacis , vel his conjunctis : Nam non melior ratio est purificandi talia corpora , & salia exturbandi , quàm per urinam , & hinc diuretica sunt primaria remedia . In genere etiam evfarcis & succulentioribus subjectis magis conveniunt .
5. Genuina Hydragoga , seu serum Evacuantia , propriè loquendo sunt saltem diuretica ; dein propter singularem , ægri statum seu idiosyncrasiam ea tutius propinantur in subjectis habitioribus , Phlegmaticis & Sanguineis , quàm Cholericis & Melancholicis ; cum in his , protracto præsertim eorum usu , ad maciem & atrophiam disponant : sed non conveniunt nisi temperatis præprimis salibus acrioribus cum vehiculo urinoso evacuandis ; illis enim acris plus minus corrosivis persistentibus ; erosiones & exulcerationes , hinc mictiones cruentæ , & similia mala , possunt concitari ; imò varia pathemata nephritica , præsertim in dispositione ad lithiasin , facillè excitantur . Hinc
6. Non nisi viis & meatibus urinariis patulis & apertis , nec obstructis & infarctis existentibus , illa porrigenda sunt ; aliàs pius aperiendæ eadem , & impedimenta removenda , nisi vel dolorem nephriticum , vel ischuriam pertinacem , vel alia periculosa symptomata , inferre velimus : id quod circa calculum renum imprimis observandum , in quo nō nisi circumspexit & moderatus diureticorum convenit usus : Unde Viscidum plus minus obstruens , incidendo & attenuando operantur , aut fluidum hoc reddendo , & postmodum diuretica , si necesse sit , administrentur .
7. Quoad quantitatem , partitis vicibus fiat urinæ flu-

xus , unde successivo & continuato usu talis instituitur .

8. Deinde , ut promoveatur fluxus , blandiormotus commendatur , ut sanguis rapidius circuletur , non tamen sudor sequatur .

Conferatur circa hæc pluribus HOFFMANNUS in *M. pag. 173. seq.*

Quod attinet Materiam Medicam , ea petitur ex triplici Regno : In Minerali excellunt nitrum commune & nitrata , tam fixa quàm volatilia ; Ex fixis Arcanum duplicatum Mynsichtii ; Ex volatilibus spiritus nitri dulcis ; & si huc referre licet , succinum , & ejus sal volatile , quod Diureticorum apex .

Nitrum.

Per se Diureticum est , & urinæ fluxum promovet ; imprimis tamen *artificiali* potentiùs præ vulgari observatur ; paratur ex *spiritu nitri & sale volatili quocunque* . exem. gr. *spiritu salis ammoniaci* , ex quo cum spiritu nitri striis elegantibus subtilibus conspicuum nitrum , potentiùs præ communi , pro scopo diuretico habetur . Nitrum ipsum commodè permiscetur vel cum pulvere millepedum , vel sale volatili succini ritè parato , pro pulvere diuretico potenti , exem. gr.

℞ Nitri p. iij.

Salis vol. succini p. j.

M. f. Pulvis .

Spiritus nitri dulcis , ritè & convenienti cohobatione præparatus , urinam etiam potenter pellit , præsertim in paroxysmis nephricis egregius est ; calculum enim , si non sit in unam molem coagmentatus , diffingere & imminuere solet ; in illum verò , qui instar silicis jam coagulatus est , nullum habet jus . Præterea in morbis acutis , urinæ provocationem postulantibus ; proficius est admodum .

Arcanum duplicatum.

Seu nitrum vitriolatum , etiam non postremum est , de quo jam superius .

Sal Commune.

Præsertim ejus spiritus ritè concentratus efficaciter urinam stimulat , non saltem iste , qui ultimo ignis examine extorquetur , sed etiam qui beneficio concretorum terreorum concentratus de inde in liquorem fluit . Instar omnium sint testæ ovorum Struthionis , quæ in spiritu salis solutæ & abstractæ per deliquium suggerunt liquorem salissimi saporis , sed planè singularem , qui in affectibus diureticis , & diuresi opus habentibus , potenter urinam provocat .

Sal volatile succini

Ritè præparatum & depuratum , non vulgariter , urinam quoque stimulat egregie . Depuratur extrahendo cum spiritu Vini rectificato , ab hoc aliquoties abstrahendo ; spiritu , enim vini oleum ejus detinet : hinc cum aqua solvendo , filtrando , evaporando , & denuò crysta llisando ; sic purum , candidum , & saporis specialiter acidi obtinetur . Sal hoc acido-falsum (componitur enim ex Acido & Urinoso volatilibus) urinam potenter stimulat , & in calculo præservando & curando specificum est , præsertim si cum nitro vel nitratis , uti dictum , societur , utut etiam per se idem præstet . Aliàs quoque ex succino ipso *sal volatile* purum *urinosum* haberi potest , si destilletur cum *calce viva* & nitro per retortam tubulatam , instar clyssi : sic cum copioso sale volatili parum admodum olei ejusdem provenit , quod curiosum est . Huc quoque *liquor Cornu Cer. succinatus Michaelis* pertinet , qui in apoplexia & calculo probatus est .

In regno vegetabili verò eminent omnia Raphanacea , in specie verò Raphanus Orbicularis , & hinc Rusticanus seu Sylvestris & Armoracia dictus , Alliata , cepæ , &c. quibus præ aliis adnumero Persicariam acrem , quæ mirabile est Diureticum , & simul Præservativum Nephriticum ; al Ke Kengi , parietaria , pastinaca , fœniculum , hederæ terrestris , viola , absinthium , radix vincetoxici , petroselinum , terebinthina , vel hujus loco , pro scopo imprimis diuretico , Balsamum de capaihe , juniperina , in specie Malvaticum juniperinum , succus betulæ , camphora , &c. Denique tartarus & tartarea volatilia , spiritus salis tartari

tari volatilis, spiritus tartari, &c. commendatissima remedia sunt: quod pertinet imprimis spiritus carminativus de tribus.

Raphanus Orbicularis

Imprimis seu rotundus excellit: in succo suo pollet sale volatile acris; & perquam penetranti turgido, reliquum corpus detracto succo iners est: succus autem rationem acrioris salis incidit & dissolvit quaslibet sordes, primas vias aut loca urinaria obsidentes, & incisa copiose per urinarias vias amandat, simulque renes insigniter stimulat. Præter usum hunc diureticum, est etiam egregium incisivum ad mucum viscidum ventriculi & pectoris, pro facilitanda & promovenda excreatione; unde etiam à quibusdam inter Vomitoria mitiora refertur succus hic, qui incidendo & resolvendo stimulat aliquomodo interdum vomitum. In usu hinc est succus recens expressus cum saccharo candifato præparatus; vel imitemur in usu *Timæum in casibus*, qui

24. Succirec. expr. Raphani Cochl. ij.
Vini Malvat. seu Hispan. Cochl. iij. vel jv.

Mixta propinat, & præter remedium diureticum nobile Calculi propulsivum ab eo asseritur.
Potentioris virtutis est

Raphanus Rusticanus Meer. Rettich,

Si radix exem. gr. incisa in spiritu vini infundatur, & vascula loco frigido servetur, ac postea filtratum usurpetur, imprimis calculum potenter emitti facit. Si paretur infusum cum radice helenii, egregium est remedium inventriculi affectibus, præsertim scorbuticis, aut melancholicis communiter dictis, ubi intentionem habemus evacuandi per urinam; de cuius usu probato *Laurentius in controvers.* *Anatom.* agit. *Raphanus Rusticanus* infusus Vini, addito cochleariæ succo, in hydropo miram curam per urinam nuper absolvit.

Juxta hunc sunt

Alke Kengi,

Imprimis bacce ejus, sapore sub amaricæte quasi nitroso præditæ suggerunt succum propter sal nitrosum essentiale egregie diureticum, qui expressus blandeque inspissatus extractum diureticum relinquit. Præter vim autem diureticam, in sale nitroso abstersivo fundatam, profunt quoque vi anodyna, quia ex solanorum genere sunt; unde quibusdam species ejus baccifera vocatur, quæ in affectibus nephriticis dolorosis optimæ sunt. Infunduntur autem in spiritum Vini; aut bacce exsiccatae, aut ex succo paratum Extractum succosum, assumuntur.

Parietaria.

Proprie talis seligenda, quæ in parietibus & muris antiquis crescit propter sal calcis vivæ nitrosum, ac in aere nitrosum factum, quod à pluviis resolutum, unâ cum nutrimento eidem suppeditatum, & exinde in hac digestum, vim diureticam acquirit; alia enim, quæ in locis pinguioribus colligitur, minus talis observatur; sic relatum mihi in Anglia, Medicum ibi quendam syrupum ex ea cum saccharo candifato in usu habuisse, quo in hydropicis pro pellenda urina egregio cum successu usus dicebatur.

Pastinaca,

Præsertim lutea, sicut Apiorum, Petroselinorum, & Pastinacarum torum genus diureticum est; ita in specie succus hujus; novi enim exempla Ischuriæ desperatæ mediante hoc succo expresso curatæ, aliis remediis irritis. Sine insigni acrimonia pellit urinam, seu, ut *HELMONTIUS* loquitur, consolidando quasi renes, acre illud potius demulcendo, quod Ischuriam excitabat, prodest.

Fœniculum

Aromaticum vulgare, suave simplex, blandum diureticum est; præter vim cruditates acidas primarum viarum, & inde natas flatulentias corrigendi, virtutem quoque obtinet suaviter afficiendi renes, & urinæ fluxum promovendi; in quem finem convenit decoctum radicis ejus cum lumbricis egregium diureticum.

Viola.

Flores egregii sunt temperativi cujusvis acris, præsertim salis, & hac ratione inter anodyna referuntur & affectibus pectoris, à falso seu acrisero ortis, imprimis conferunt. Semina ejus nobile sunt diureticum; vim enim simul obtinent blandè laxativam alvi; hinc aliis nephrocatharticum dicitur, blandè stimulo urinam in paroxysmis nephriticis pro laxanda simul alvo (quæ tunc temporis est clausa) sine pari est:

24. Sem. violar. Zij. vel 3ß.

Et vel ex solo, vel addito sem. papaveris (pro scopo anodyno) vel semine lithospermi (pro intendenda diuresi) paretur cum aqua petrosel. Emulsio, addendo lapillos percarum (specifici sunt) vel etiam, quibustamen præstant, lapillos cancerorum.

Mixta propinentur, & erit remedium suave diureticum in affectibus partium urinaryarum, blandè simul alvum laxans, sicque duo usus simul præstans.

Betula.

Recte succedaneum ligni nephritici habetur, imprimis ejus succus, vel ex cortice perforato, vel ramulis ejus incisis, effluens, hincque collectus, egregia vi diuretica pollet; unde inter calculi præservativa, succi hujus usus planè singularis est, & omnibus præfertur, de quo vid. *Helmontius de Lithiasi*. Præter hanc vim nephritico-diureticam, aliam vim etiam singularem obtinet, ut verno tempore haustus, subinde massam sanguineam purificare valeat, hoc est, ita modifcet ejusdem motum fermentativum, ut quælibet heterogenea præcipitata nunc per urinam nunc per sudorem exterminet; quare scorbuticis, ictericis, scabiosis, item cachecticis, perquam proficius est liquoris hujus potus. Observatum quoque ex usu ejus scabiosos quosdam fuisse redditos, dum scilicet salia heterogenea ex massa sanguinea secreta, & intra cutim defixa. scabiosa illa pathemata produxerunt. Utendi modus est, ut per se bibatur matutino tempore, vel blanda fermentatione, ad quam valde proclivis est liquor hic musteus, redigatur in liquorem potulentum quasi vinosum, & ita ad usum servetur; aut sine fermentatione per suffumigationem cum sulphurè diu aservari potest; vel etiam abstractione phlegmatis insipidi redigi potest in consistentiam Rob seu Extracti, quod vel cum spiritu proprio, aut cum aquis appropriatis solutum, sive cum Malvatico juniperino propinari poterit.

Hedera terrestris.

Planta est quidem exilis, sed in usu medico non postrema. Præter vim diureticam excellens est vulnerarium internum: Prioris nomine non tantum ad hydropicos per fluxum urinæ sublevandos egregie prodest, in quem finem cum absinthio in specie propinetur; sed etiam ad præservandum calculum, item ad medicandos affectus, partes urinarias affligentes, item in excoriationibus renum & vesicæ multum confert: Ratione virtutis vulnerariæ in sanguine grumoso, ex casu ab alto, dissolvendo, & noxia ab eo inducta consolidanda, speciatim in vulneribus pectoris & pulmonum, præstat; unde in hæmoptysi ex quacunque causa, in apostematibus pleuriticorum & empyematicorum polychresta. & nunquam his omittenda est.

Juniperi

Lignum usu & efficacia non cedit ligno guajaco & fassas, exoticis, unde commodè in horum locum possit substitui, usu diuretico, diaphoretico & catarrhali. Bacce ejus speciatim nostræ considerationis sunt, in quibus quasi concentrata est vis singularis diuretica, & usitatissime non solum urinæ fluxum promovent, sed in specie renes quoque absterunt vi aromatica balsamica, & dispositionem renum nephriticam, in fermento vitioso sitam, ratione ejus etiam ex quibusvis eduliis calculus semper regeneratur, optimè corrigunt, & ita à calculo præservant. Ut taceam, quantum aromatica sua virtute quævis juniperina nervoso systemati ejusque affectibus conducant, imprimis oleum datum, excel-

excellens renum confortativum & præservativum calculi; sicut rob eorundem pro eodem & simul stomachico usu frequenter quoque adhibetur. Ex hoc rob cum spiritu baccarum juniperi fermentatio paratur elegans *Essentia*, *Elixir* & *Maluaticum juniperinum*, suavissimum Diureticum, & egregium antinephriticum.

Terebinthina.

Sive sit communis laricea purior, sive Cypria ex arbore terebintho destillans, rectè *Balsamum septentrionale à Starckio in Pyrotechn.* vocatur: qualvis proprietates, Balsamo Orientali genuino adscriptas, exerit: in specie usus diureticus & nephriticus est insignis, cum nihil magis renes purgare communiter dicatur, quam terebinthina, quos suavi odore singulariter afficit, & talem in urina texturæ alterationem efficit, ut urina violas spiret, quod etiam per clysmata injecta & diutius retenta præstat. Vi ergo balsamica fermentum renum putrefactivum unde calculi fiunt, corrigit, & sic egregium calculi præservativum existit: simulque sale suo acuendo urinam, recens abstergit: simili ex causa Gonorrhœæ virulentæ optimè succurrit, non secus ac dysuriæ, excoriationibus, & similibus partium urinarum vitiis, eadem ratione medetur: Quantum pectori & fluori muliebri conferat, quia non est hujus loci, transmitto. Vis ejus fundata est in sale volatili oleoso, quo insigniter turget, paucis, utut sufficiens, acido saturato, quorum ratione omnes istius usus & effectus, externæ & internæ, balsamicos præstat.

Quoad modum utendi, olim sub forma potionis lacteæ dissolvebatur cum vitello ovi, mista cum Vino Malvatico, sicuti hæc forma sæpius occurrit in *Observat. Plateri*: sed quia potio nauseosa est, hodie ferè oleum destillatū seu spiritus, & pilulæ ex cocta, usurpantur. Oleum destillatum fit, liquefactam terebinthinam miscendo cum arena; quæ enim per vesicam fit destillatio, ejus est castratio, cum multum substantiæ salis volatilis oleosi tam in phlegmate, quam vesicæ adhærendo, diluatur, & ipsum, quod inde habetur oleum, minus efficax; subtile, & spirituosum observatur. Destilletur igitur potius, mista cum arena, per retortam igne blando in arena, sic oleū subtile prodit, penetrans, & perquæ efficax. Pilulæ fiunt vel cum sola, vel cum additis. Ex sola, si cū blando igne exhalent & spir. volatiles & phlegma acidulum cum oleo volatili, massa relicta spissior redigatur in pilulas, vel cum aqua communi, vel cum data quadam, assumendas: hæc, utut spoliatae sint subtiliori oleo, non tamen inanes sunt in doloribus nephriticis nothis, circa regionem lumbarem perquam contumacibus, qui malè vulgò calculo, dem *Lendenstein* tribuuntur. Cum addito fiunt modo, quem docet *Minsichtius in suis pilulis terebinthinatis*, qui videatur in *Armament. Chymico*,

Supereff

Tartarus,

Qui nihil est aliud, quam sal essenziale vini; concretum ex acido vini, saturato copiosis particulis urinosus & terreis sæcum vini, unà cum pinguedinis interpositione; rodit enim acidum vini facies terreas pinguiore, cum quos simul concreseunt in concretum acido salum enixum, quod vocamus Tartarum. Simili ratione ex aceto, tanquam tartaro liquido, & sale tartari fit concretum simile tartaro; aut sicut cum vino, aut quocunque alcali alio, facie confici potest tartarus, similis genuino: & hæc compositio mechanica docet ipsam tartari generationem naturalem.

Quoad usum diureticum, usurpatur hic vel in substantia, vel ejus spiritus, vel sal, vel inde paratum oleum per deliquium, & tinctura. In substantia usurpatur sub nomine crystallorum tartari & cremoris tartari, qui nihil aliud erit, quam tartarus depuratus; est egregiū incisivū viscidum, ejusque absterisivum, diureticum, simulque blandè laxativum; propter quos usus Hypochondriacis, Nephriticis, Cachecticis, Febricitantibus intermittentibus, &c. medicina polychresta est in tartaro, sive solitarie usurpetur, sive subigantur crystalli, diutius cum pulvere coralliorum, quod dicitur esse specificum febrile Kergeri, sive cum Marte fiat Tartarus Martialis. Hauriatur autem in jussculo fervido, vel carnis vel gallinæ, probè subigendo; sic enim melius solvitur, & extra corpus dissolutus tutius & melius in corpore operatur. Spiritus

Estmulleri Oper. Tom. I.

ejus urinosus ritè rectificatus, sale volatili nonnihil oleoso turgidus, nobilissimum est Diureticum, & Sudoriferum optimum, in specie Correctivum Acidi vinosi vitiosi, & malis inde ortis proficuum: Nempe specialem adhuc in radice habet convenientiam quandam cum sua matre, vino; unde dictis morbis apud nos corrigendis conveniens imprimis est ejus usus. Parum tamen est, quod suggerit spiritus urinosus, & propter fœtorem nauseosus est præparationis: unde potius in usu sunt spiritus clystiformes ex tartaro parati, qualis imprimis est *Spiritus carminativus de tribus*, ex ana tartari & nitri, cum parte tertia salis tartari, vel cinerum clavellatorum, aut calcis vivæ, per retortam tubulatam ritè destillatus in receptaculum, cui spiritus vini tartarificatus infusus sit: & tinctura solaris nephritica *Ammelungii*, quæ præparatur ex ana tartari, nitri, mineræ antimonii, & silicis Saalfeldianorum solarium, qui maculas & fibras quasi solares habent striatas; pulverisatis his admiscendo sal in aqua calida solutum, subigendo probè, & reponendo aliquandiu in cella, sæpius agitando: destillantur postmodum per retortam tubulatam cautè, ne impetu fulminante omnia diffingant: liquor prodit urinosus, coloris nonnihil aurei, egregius propter sal volatile tartari nonnihil oleosum, nam parum sulphuris antimonii est, quod continet, & nihil, quod ex silicibus habet; parū igitur respectu hujus præstare potest: Dosis ℥ss. vel ℥i. Hujusmodi spiritus clysti formes tartari in morbis quibusdam chronicis, v.g. hypochondriacis, scorbutis, cachecticis, præmissis præmittendis, multum solaminis afferunt. Sal præ aliis acre admodum, egregii usus est; præter alios notatur vis ejus insigniter absterfiva & diuretica, quam ejus imprimis oleum per deliquium habet, quod internè assumptum multi usus est; præter vim enim primarum viarum absterfivam, etiam urinas potenter ciet. Paratur hinc tartari tinctura, quæ propriè loquendo est non ens: nam perfectè calcinatum sal nullam deponit tincturam; sed quicquid tinctura est, id habet à sulphure carbonum incensorum, & ab alcali tartari imbibito; unde etiam usque ad cœruleitatem calcinari debet, quo elegans & rubicunda tinctura obtineatur; quæ si ritè parata fuerit, acris & urinosa est, egregium quoque diureticum est contra calculum; & pro mucos acido primarum viarum corrigendo polychrestum remedium: paratur tamen non vulgari modo cum spiritu vini, sed beneficio spiritus tartari cum spiritu vini rectificati. Cum hac quælibet Resinosa, aliàs insolubilia, in Essentias rediguntur. Paratur etiā tinctura tartari acris ex tartaro & calce viva coctis vel calcinatis, hinc extractis & inspissatis; quod cum spiritu vini digeritur, & ad usum servetur.

Ex Regno Animalis, præter urinam humanam & inde natum sal ammoniacū, ejusque spiritum, principaliora sunt cancri, præsertim eorum lapilli, lumbrici, & eorum spiritus per putrefactionem, spiritus Cornu cervi, bufones, scarabæi majales, Cantharides, qui potentissimum sunt diureticum, ritè vino infusi; testæ ovorum, aselli, stercus columbinum, &c. Ex marinis testæ cochlearum, conchyliæ, &c.

Quoad

Cancros fluviatiles,

In his egregia est vis diuretica, per se aliàs nota, cum qua juncta in toto concreto, & præsertim in eorum sic dicti lapillis, vis temperativa cujusvis acris acidi, & in specie virtus singularis vulneraria (sicut in regno tam vegetabili quam animali observare est, multa diuretica esse simul egregia Vulneraria:) pollent sale volatili urinoso temperato; sicut omnia Marina, & præsertim molliores eorum partes, sal minus acre & oleosum habent; unde refrigerare vulgò dicuntur, hinc quasvis inflammationes & dolores sistere, ophthalmias sedare, &c. rectè dicuntur: item in doloribus capitis à causa, ut vocant, calida, ut & affectibus nephriticis, ex acri acido vitioso renes infestante, egregium sunt Anodynum. In specie autem considerandi sunt sic dicti eorum lapilli seu oculi, quasi nucleus canerorū medicamentosus; præter vim enim absorbendi & corrigendi quælibet Acida primarum viarum (utut in fortioribus non æquè sufficiant acidis) acquirunt texturam exinde salisam, egregiè absterfivam & diureticam. Ex hisce duobus, quod in nucleo suæ texturæ alcalini volatiles simulque terreæ sint, acquirunt texturam salisam, & vim diureticam; hincque omnis eorum lapillorum usus derivandus est. Propinantur nunc in pulvere; melius autem in haustu vini acidiusculi, vel in vehiculo quodam cum aceto acidulato; sic enim aliquantisper ab acido arrofi,

anrosi, potentiùs acidum in corpore stabulans faciliùs imbibunt, & perfectè diuretici evadunt. Si examini Chymico subijciantur, præter phlegma, sal volatile & spiritum urinosum, in parva quidem quantitate, cum oleo foetido suggerunt; cum spiritus admodum sit concentratus in concretum remanet caput mortuum, aquæ affusione instar calcis vivæ effervescens, præsertim recens, quod omnium marinarum in hoc puncto, uti dictum, proprium est.

Lumbrici terrestres.

Sequuntur, qui multi usus sunt, tam propter vim alterativam, imprimis antiscorbuticam, quam etiam diureticam: turgent sale volatili nitroso (cum putrefacti facile in crystallos nitrosas abeant) absterivo insigniter diuretico, sed tamen simul acidi scorbutici specifici, præprimis systema nervosum affligentis, egregie correctivo (ubi unum ex primariis specificis sunt) & arthritidem vagam excitantis alterativæ, ubi non solum alterando, sed & alterata per vias urinarias copiosè educendo operatur. Uten- di modus est vel in forma pulveris, quando per blandam phlegmatis evaporationem exsiccati sunt; vel sub forma decocti, decoquendo eos cum vegetabilibus appropriatis pro decocto diuretico, sicut aliàs cum radice sceniculi decocti, lactis proventum augent; vel commisceantur cum vino conquassati seu triti, colentur per linteum, & propinentur pro scopo diuretico tam hydropicis, quam imprimis scorbuticis: si autem cum lacte aut sero lactis vivi contusi & percolati propinentur, in affectibus præsertim scorbuticis vagis, subinde perquam contumacibus, conducunt. *Spir. vol. urinosus* paratur vel per se; vel per putrefactionem. Per putrefactionem abeunt in liquorem lutei coloris; in fundo terra nigra remanet seu subsidet; pelles verò supernant: qui liquor datus dat spiritum penetrantem subtilem urinosum, cujus dosi ʒss. si ritè rectificatus fuerit. Pelles aptem si cum terra subsidente in aprium vel terram projiciantur, copiosissime inde regenerantur lumbrici. Ex non putrefactis, item per destillationem, addito alcali fixo, vel calce viva permixtis, prodit spiritus urinosus; paucus tamen, nec adeo penetrans ac volatilis, quam iste per putrefactionem.

Scarabæi

Unctuosi pro urina provocanda & calculo imminuendo egregie faciunt: vid. *Glauberus de hac Cura*.

Cantharides.

Post hos, sunt potissimum diuretici, qui nativa sub facie minus tuto usurpantur (utut à quibusdam Aphrodisiacis addantur; observatum enim est, quod, præter priapismum, subinde mictum cruentum excitant; non secus, ac totus scarabæorum exercitus, cujus species sunt cantharides, huc referendus est. Usurpantur communiter in forma liquida infusi in Vino ad imitationem BARTHOLINI *Centur. 5. Histoy, Anatom. 82.* præter copiosam urinam, quæ evacuat hoc vinum, est insuper remedium in gonorrhoea proficuum, & sine noxa adhibetur. Tutissimum autem est, ut propinetur tinctura:

ʒi. *Canthar. ʒss.*

Sal. tartari ʒvi.

Irrorentur cum si. q. aquæ, & in formam pulvis dilutioris seponantur in locum tepidum, aliquando irrorationem continuando, si sint exsiccati: si igitur per dies 8. vel 10. steterint affundatur pulveri spiritus vini tartarisatus, & eliciatur tinctura, quæ propter coloris gratiam pulv. vermium cochenille (qui similiter species sunt cantharidum, & egregii diuretici) potest tingi, evadit sic essentia gratissimi coloris. Si quandoque supervenit mictus cruentus, curatur statim per uberiores haustum lactis, præcipue cum sale tartari. Ex scorpionibus simili modo, vel solitariè, vel cum cantharidibus mistis, similis Essentia potest extrahi.

Testæ Ovorum

Sunt concretum quasi hermaphroditicum; simul enim de regno minerali & animali participant: materiam nanciscuntur ex lapillis seu calculis, quos devorant gallinæ, quorum subtiliores particule in ventriculo, sub mucilagine sua glutinosa, agglutinantur in substantiam restaurum. Patet hoc, quod si gallinæ inclusæ sine lapidibus vel arena

nutriantur, ova sine testis, *Vind-eyer* dicta, excluduntur: lapilli enim hi dissoluti in concretum testarum postmodum abeunt Chymiz autem examini subiectæ testæ, ratione substantiæ animalis suggerunt spiritum volatilem urinosum cum phlegmare paucò; & oleo foetido; contra, quatenus de natura minerali participant, relinquunt caput mortuum, affusione aquæ instar calcis vivæ effervescens. Egregium sunt Diureticum, si ipsæ teste pulverisatæ, vel, quod aliis magis placet, recipiantur testæ ovorum, è quibus exclusi sunt pulli, quæ mediante fotu certam alterationem simul passiæ: hæ pulverisatæ, & in Vino propinata, urinam satis fortiter proliciunt; quin etiam è quibusdam nomine præservativi singularis Calculosis commendantur ad calculorum genesin, & paroxysmos nephriticos inhibendos.

Aselli seu Millepedes

In promovenda urina singularis usus sunt; turgent sale volatili nitroso simili, quo lumbrici imprægnati, acriori tamen in his. Abundant autem hoc sale ratione nutrimenti, uliginis scilicet, quæ intra rimas parietum colligitur, mediante qua sal nitrosum in calce viva, qua murorum parietes construuntur, sub nutrimenti facie unà assumitur, & in corpore alteratum, sal hoc nitrosum constituit; hinc optimi sunt Aselli, qui intra rimas parietum colliguntur. Si igitur horum leniter exsiccatorum pulvis cum floribus nitri *Minsichtii* misceatur, habetur forte diureticum. Possunt etiam infundi in vino, uti cantharides, & liquor filtratus propinari, v. g. putrefacti spiritum urinosum volatilem fortiter diureticum, potentem satis, suggerunt. Plura videbitis in *Laurembergii Tractatu de Calculo*, *HORATIO AVGENIO* Tomo 2. l. 9.

Stercus tandem Columbinum.

Sequitur. In genere prius notandum, avium stercore quælibet esse acriora, & nimis nitrosa, aut magis armoniacalia, quam animalium reliquorum terrestrium; idque partim ex digestionis ratione; cum avium contenta, præsertim bilis, admodum acris deprehendatur, unde etiam acriora sunt excrementa; partim etiam urinæ ratione, quæ cum a renibus non ad vesicam, sed ad intestina in avibus devehatur, mista hinc excrementis stercus magis acre reddit. Eminent autem columbinum, quod acerrimum est, & si moderate calcinetur, & salsum perfectè nitrosum suppeditat, egregie diureticum; unde ad nephriticos & hydropicos multum laudari solet affectus.

Ex his Diureticis seu urinam pellentibus remediis possunt tales parari formulæ,

ʒi. *Tartari vitriolat. gr. xv.*

Salis genistæ ʒss.

M. f. Pulvis D. S.

Urinam pellens Sal,

Vel

ʒi. *Lapill. cancr. præp. ʒss.*

Tartari vitriolat. ʒi.

Salis sterc. columb. gr. xv.

Vol. succini ʒss.

M. f. Pulvis.

div. in 3: part. equ. S.

Urinam pellens sal, siue pulvis in vino sumendus.

ʒi. *Lapill. Cancr. præp.*

Matr. perlar. præp. an. gr. viii. vel ʒss.

Sal. ammoniaci gr. xv. ad ʒi.

M. f. Pulvis.

Calculi proventum præcavens, in ischuria & febribus intermittentibus, ante paroxysmum exhibitus commendatus

Sub forma spiritus:

ʒi. *Spiritus lumbricor. terrest. per putref.*

Sal. ammoniaci an. ʒii.

M. D. S.

Spiritus diureticus, de quo 40. usque ad 50. guttæ

sumantur bis in die.

Assumatur in haustu vini, aliàs fit sudoriferum; in vino verò ratione acidi mutatur in salum.

Mixturæ Diureticiæ:

Mal.

℥. Malvat. juniper. ℥iv. vel ℥vj.

Tincturæ nephrit. ℥ss.

M. D. S.

Vinum diureticum, 2 vel 3. cochlearia plena.

Malvaticum juniperinum fit ex spiritu baccarum juniperi, Rob juniperino affuso & digesto.

℥. Aquæ ononid.

Heder. terr.

Petrosel. an. ℥j.

Malvat. juniper. ℥ss.

Spiritus lumbr. terrestr. (basis) per putrefact. parat. & probe rectific. ℥ij.

Sal. ammoniaci ℥ss.

Syr. hed. terrestr. ℥j.

M. D. S.

Mixtura diuretica.

Dosis 2.3. vel 4. cochlearia subinde repetendo.

Ubi renum nimia incalescentia, aut dispositio horum inflammatoria, aut adjuncta febris, volatiliū aut taliter calidorum usum prohibeat, tunc diuretica refrigerantia, & effervescentiam sanguinis compescentia, possunt præscribi:

℥. Aquæ genist.

Hyper.

Petrosel. an. ℥j.

Aceri destillari ℥vj.

Lapill. Cancr. præp. (basis) ℥ss.

Tartari vitriolati gr. vx.

Spiritus nitri dulc. ℥ss.

Syr. de succo hed. terrestr. ℥ss. M.

Vina Diuretica:

℥. Canthar. pulveris. ℥j.

Infund. in

Vini Rhen. opt. ℥ij. vel jv.

stent in loco calido per aliquot dies, filtrentur per chartam bibulam,

D. S.

Vinum diureticum.

Hujus infusi cochl. j. permiscetur aliis 7. cochlearibus jusculi gallinacei, vini vel cerevisiæ tepidæ, de qua mistura tempore maturino, & quidem primo die cochlear unum, altero die 2, & sic consequenter ascendendo, propinentur.

℥. Milleped. No. x. xv. xvj. vel xx.

Misc. cum aqua appropri. quadam vel Vino; terantur probe, traijciantur per linteum, & propinentur pro usu stimulandi urinam.

Occasione Diureticorum & Nephriticorum jam explicatorum colophonidis loco Præservatio & Curatio Calculi in genere paucis adnectenda venit.

Præservatio Calculi consistit in duobus;

1. Ut destruat Acidum ex primis viis ad renes delapsum.

2. Conserventur Renes, & præcaveatur corruptio fermenti Renalis, & consequenter putredo urinæ.

Hinc quoad I. vel Commendantur lapilli animalium, testacea, lapilli canctorum, corallia, silices, item lixivium tale, in quo silices candefacti extincti sunt; quæ omnia Acidum præternaturale in primis viis imbibunt & destruant, hinc calculi coagulationem prohibent.

Quoad II. adhibeantur ea, quæ præservant à putredine renali; qualia sunt balsamica, terebinthinata, crocus, anisum, macis, allium, alliata singulis pleniluniis & noviluniis usurpata, semen dauci, & cherefolium ab Anglis & Helmontio laudata, & similia renibus dicata.

Curatio Medica, quæ consistit in dissolutione Calculi jam facti, difficillima est, quia tanquam concretum salsum, de utroque sale participans, à nullo potest aggredi & dissolvi: & licet extra corpus solvatur, hoc tamen non fit in corpore, quia omnia medicamenta in primis viis alterantur, & virtute sua medica plus minus spoliantur: Universale enim Calculi in corpore solvens nondum fuit à Medicis inventum, utut simpliciter non sint neganda talia remedia sublimiora, quæ calculi

Ettmuli. Oper. Tom. I.

lum confringunt, licet rara & pauca. AUGENIUS & LAUREMBERGIUS Afellos calculos comminuer dicunt.

Pergo ad quartam speciem Evacuationis Generalis, nempe ad

ARTICULUM IV.

SUDORIS EVACUATIONE.

Quartus Evacuationis universalis modus est per sudorem, seu artuum diaphoresin. Hanc quod attinet, nil aliud est, quam aucta insensibilis corporis Transpiratio: Sudor enim non est Evacuatio naturalis, siquidem non sudamus naturaliter; transpiramus naturaliter. Quando igitur Sudor accidit, tunc omnis vel est non-naturalis, vel præternaturalis; sive in morbis sit symptomaticus, sive criticus: nam qui ex exercitio in loco calido sudat, non naturaliter & ex causis naturalibus sudat. Alias continuò una die naturali ex massa sanguinea per corporis porosam cutim mediante insensibili Transpiratione tantum evacatur, quantum per alvum 15. dierum cursus deponimus, teste accurato SANCTORIO in Medic. Statica Sect. I. Aphor. 60; quæ moles, si vel dimidia tantum esset, satis superque sufficeret. Cum igitur tam copiosa sit Transpiratio naturalis, ut unusquisque quasi atmosphæram circum se habeat continuò, non mirum est, si tanta ejus sit usus & necessitas, ut sine hac corpus sanum & vegetum esse nequeat, & ex impedita eadem oriantur morbi.

In hujus autem locum substituit ars, naturæ imitatrix, sudorem, Transpirationem scilicet sensibilem factam & magis auctam, ex qua præservantur vel curantur morbi; de quovid. citatus Tractatus. Unde facile patet, quantum evacuatio per sudorem valeat, cum & prudens mater natura non tantum quam plurimos acutos morbos critica per sudorem transpiratione feliciter curat, sed etiam non criticè, in specie in intermittentibus febribus ordinariò quovis paroxysmos fausto sudore finit: imò in malignis febribus hoc totum ejus est negotium, ut per poros cutis malignitatem & heterogenea, nunc tanquam causam nunc tanquam productum morbosum, ex massa sanguinea per sudorem expellat, ejus vestigia non raro sunt petechiæ, pustulæ, & similia exanthemata, per corporis peripheriam disseminata, adeò, ut verissimum sit illud Pronunciatum; Nullam omnino febrem perfectè nec tutò sine recidivæ metu posse curari, nisi in fine maduerit corpus, & diu satis sudore diffuset.

Sequatur ergò naturæ ductum Medicus, ut sæpius auspiciatò provocet quibusvis in morbis, primariò cutaneis, sudorem, quia sæpius hujus imminet necessitas, cum certum sit, tertiam morborum partem curari posse cum sudore, vel aucta saltem insensibili transpiratione. Ad minimum verò semper in praxi observetur, ut si non sudare possint ægri, saltem pori cutis ferventur aperti & in aucta diaphoresi, unà cum blanda quiete somni, ne iis occlusis aut augeatur præsens morbus, aut superinducatur ipsi novus.

Modus autem, quo fit Sudor, vel qua ratione transpiratio in tantum augeatur, ut fiat transfusio, optime comparantur cum sudore sub exercitiis & vehementiori motu corporis excitato. Octo autem in genere circa Sudorem observanda sunt phænomena, siye sit naturalis sive non naturalis, sive artificialier occasione cujusdam præternaturalis provocetur. Casum proponam: ver. gr occasione vel causæ cujuscuq; externæ, v. gr. exercitii & motus corporis & artuum, sub quo sudamus, caloris ambientis intensi; vel medicamenti sudoriferi assumpti, observamus.

1. Quod sanguis incipiat longè velocius & celerius circulari; muscoli enim nunc contrahuntur, nunc relaxantur: unde vasa sanguiflua contrahuntur & relaxantur seu patula fiunt, adeoque motus sanguinis circularis continuatur, unde ordinariò supervenit pulsus celerior & frequentior.

2. Sanguis ita circulatus ex frequentiori per pulmones & cor, & totum corpus transitu, insigniter rarefcit, hinc ex celeriori & vehementiori intestino fermentativo particularum motu corpus intensius inalefcit,

scit, unde etiam pulsus deprehenditur major.

3. Eadem massa sanguinea ex dictis causis attenuatur, adeoque liquefit & plus minus resolvitur, & longè fluidior ac tenuior redditur, quo superius dictis addito, pulsus perfectè undosus seu celer & frequens major observatur; pulsus autem parvus in sudore malum signum est, præsertim in febribus malignis: & non tantum omnes sanguinis, aliorumque corporis contentorum liquidorum, quorum motus à sanguinis motu plus minus dependet, in partibus vel coagulationes vel stagnationes aut præservantur, aut tolluntur, & præcaventur, sed præterea quoque partes ejus heterogeneæ ex materia ita attenuata uberius separantur, & facilius præcipitantur.

4. Dum mita circulatus attenuatur & resolvitur sanguis, & à concepto calore magis agitur, latex ejus aquosus, commune nempe excrementi & nutrimenti vehiculum, ex attenuata & resoluta massa insigniter diluit universam agitatam massam sanguineam, & simul copiosius imbibit & absorbet particulas massæ sanguineæ heterogeneas, seu non ritè nec intimè eidem commiscibiles, aut permixtas, separatas & præcipitatas, ex quibus imbibitis, cum sint de natura salium, sudor nunc salus, nunc acido salus, nunc alius saporis, observatur.

Naturaliter omnis sudor est salus; præternaturalis autem pro varietate salium imbibitorum variat, interdum insigniter acidus odore & gustu, pruriginosus, &c. Curavi aliquando mulierem, arthritide vaga laborantem, cum febre tertiana gravi; sudor erat tam acidus, ut eum perceperim, quando penes lectum starem & aperiretur stragulum. Sudores quando dulces aut insipidi quasi apparent, malum signum est, præprimis in febribus malignis; quia indicant naturam fatiscentem.

5. Dum idem latex ita massæ sanguineæ particulas salvas imbibit, circulatur cum sanguine per partes solidas præsertim subcutaneas, hoc serum salum; sicq; simul abluit & abstergit fædine sua imbibita instar lixivii aut liquoris saponarii partes quasdam solidas, abraditque eorum sordes, vel causæ efficientis vel materiæ necessitate genitas & coacervatas, easque ita solutas præ exportat.

6. Fit, ut hæc cum sanguine circulentur ulterius, ad extrema corporis & capillaria vasa transeant; ita ut, dum sanguis per arterias velocius pellitur, vix cum tanta velocitate refluere possit intra venas, fit hinc, ut sub aliqua mora serum, istis particulis heterogeneis mistum, subintret glandulas miliaris intercutaneas, quas largiter imprægnat; de quibus *Steno ex Malpighio videatur*.

Ex his.

7. Partim beneficio caloris tunc in corpore intensioris, partim beneficio fibrarum sese blandè constringentium, largius & copiosius, guttularum licet minutissimarum forma, evacuatur; sicque etiam omnia fermenta peregrina, & aliunde suscepta contagia, potentes internarum calamitarum Autores, v. gr. febrium malignarum; aut diarrhæarum contagiosarum, optimè eliminantur, donec cessante sanguinis fluore, hic denuò in debitam abeat consistentiam sicq; latex aquosus ipse denuò intimè uniatur, unde fermentatio fit placidior, circulatio tardior, calor sensim remittit, & pori denuò connivent.

Facilitatur autem imprimis Sudor, quando meatus & pori, tam vasorum capillarium quàm glandularum miliarium, patuli fiunt ex blanda humectatione & blando calore, indeque resolutis fibris nerveis:

Quod si

8. Pori isti etiam non sint ritè aperti, seu ductus glandulosi non satis laxati, ob ambiens frigus; fit ut loco sudoris suppressi ut plurimum ordinario superveniat largior urinae fluxus: id quod ex urina potus tempore hyemali & æstivali videndum: Hyeme plus mingimus propter paucam transpirationem, quàm æstate; & æstate plus sudamus, quàm hyeme; unde in diabete, urina crebrius excretà, cutis exarescit.

Eadem igitur Phænomena sub Sudoris artificialis excitatione observanda veniunt à sale volatili ex. g. quodam propinato.

Ad sudorem ergo duo quasi imprimis, ut debitè fluat, requiruntur: nempe

1. Respectu materiæ excernendæ certus sanguinis, & seri, seu communis nutrimenti & excrementi vehiculi, status.

2. Respectu partium, per quas fit excretio, certa & determinata cutis ejusque pororum conditio.

Quoad sanguinem & serum, massæ hujus status requiritur, ut sit talis, ne condensatus nimium nec nimis rarefactus existat, adeoque inæquabili mistura seu textura ac consistentia sit constitutus, quo ritè rarefieri & attenuari, & sic seri rapidius per vasa circulari, hinc etiam sua sponte postmodum in debitam consistentiam redire queat: Aliàs enim in condensato nimis sanguine rarefaciunt quidem plus minus integram massam sudorifera assumpta, sed non nisi repetitis vicibus exhibita, aut tandem difficulter sudoris effectum præstare valent; in resolutio, verò nimis eodem magis per medicamenta resolutus sanguis tam intimè serum & sanguinis mista & juncta existunt, ut nulla specialis fieri possit secretio, quin magis attenuatus & liquefactus sanguis vinum majorem prostrationem & fatiscentiam inferat. Certè magnum momentum situm est in tali sanguinis constitutione; hinc enim fit interdum, ut consueta Sudorifera parum operentur, quæ aceto vel simplici vel medicato diluta, non sine fructu solent propinari. Evenit interdum in febribus malignis, quod ex potentissimis Sudoriferis ne gutta sudoris veniat, infansito omne; si autem cum antimonialibus propinantur blanda acida, tunc de mum sudor sequitur: sic enim v. gr. Theriaca cum aceto propinata in statu longè potentiùs operatur, minorique cum dispendio, quàm solitaria usurpata, sicut pariter tinctura Bezoardica, & aliquà spiritus vitrioli acidi partem recipit: & hæc acidorum permixtio, præsertim in remedium aromaticorum oleosorum adeoque calidiorum usu, probè observanda venit. Probabilissimum ergo tali in statu videtur, quod massa sanguinea penitus sit liquefacta, ac debitam consistentiam perdiderit, unde omnia sint mista, ut latex aquosus non possit secerni, ideo acida blanda succus citri, spiritus nitri dulcis &c. in parva dosi adhibentur, ut massa sanguinea ad debitam consistentiam cogatur, ut fiat laticis aquosi secessio à toto concreto.

Partium, per quas fit excretio, glandularum nempe intercutanearum & fibrarum cutanearum, plus minus pororum stringentium vel laxantium, conditio in eo consistit, ut non tantum glandulæ apertæ & officio transcolatorio aptæ existant, sed etiam ut fibræ imprimis nerveæ debitum habeant tonum, respectu cujus fibræ nec laxæ nimis, nec etiam nimis strictæ, sed in media tensione, esse debent: Non nimis laxæ, quod evenit v. gr. in syncopizantibus, aut quibus aliàs vires jam deficere incipiunt, aut quibus ex vitiato corporis habitu aliàs fibræ istæ laxiores & patentiores existunt; in talibus enim non tam excerni naturæ conatu, quàm potius spontaneo motu effluere solet materia sudoris; Imò in tali statu fibrarum nimis hiantium subinde non tam sudor, quàm ros nutritivus, pro partium externarum solidarum nutritione hinc inde appositus effluit, & sudorem inde plus minus glutinosum constituit. Nec tamen strictæ nimis esse debent fibræ, ne oclusis hinc poris, & contractis meatibus intercutaneis, quævis sudoris suppressatur excretio, & hinc major massæ sanguineæ perturbatio & ebullitio ex Sudoriferorum usu superveniat: id quod accidere solet, quando quacunque ex causa irritatis spiritibus, & hinc continuato undique elastico impetu diffusis stringuntur fibræ, & pori ocluduntur; id quod non rarum est malignis in febribus, præsertim petechialibus, in quibus spiritibus animalibus, à maligno fermento afflictis, stringuntur fibræ, clauduntur pori, & inquieti & insomnes sunt ægri, & ex præfata causa simul sudoris transitus impeditur. Ergo moderata sit fibrarum strictura, sive tonus earum sit naturalis, & ita constitutus, qui sufficiat, ut fibræ blandæ à salso sero stimulentur, & plus minus irritatæ expriment contenta ex glandulis, & sic sudoris excretionem efficiant.

Ex his duobus Sudoris requisitis semper ratio petenda quare alii post propinata Sudorifera faciliè, alii non autem difficulter sudant? Sic etiam reperiuntur quædam subiecta, quæ adeò difficulter sudant, ut facilius ex pumice aqua, quàm ex illis Sudor eliciatur. Viciū plerumq; sit in glandulis intercutaneis, in specie quidem poris harum non hiantibus, nec sudorem largum excernentibus: quæ

etiam pertinet cutis densior, in qua propter pororum occlusionem difficulter id quod Sudor est, potest elici & transcolari. Obesi sic indifferentes sunt ad sudorem; quidam enim facile quidam difficiliter sudant, ita ut obesitas, quae talis, nihil ad sudorem provocandum vel inhibendum faciat. Hinc qui robusti sunt, ceteris paribus largius longè sudant, quam qui debiliores; in illis enim ob spirituum impetum notorium cor & ejus contenta rapidè moventur, unde copiosius sequitur sudor; cum imbecilliores ferè difficiliter sudant, spirituum moerè tardius circumelente contenta, quare vix sudor in extremis exstillat. Præter hæc sæpius in febribus malignis, hisque cognatis ardentibus, nullus fit sudor ex nimia sanguinis dissolutione, quo fit ut missionis ejus vinculo laxato ea tota diffluat, cum pulsu parvo sed celeri & frequenti, vel aut tardo & raro, unde partes ejus laxius unitæ & ferè confusæ nullam aquosi laticis permittant separationem, sicque sudoriferorum, à quibus adhuc magis dissolvitur, sic frustraneus. Quod si verò sudoriferis tunc addantur temperata Acida, imprimis acetum, vel simplex vel sambucinum, &c. à quo moderatè & leniter redeat sanguis ad debitam consistentiam cum quadam particularum non bene miscibilium & heterogenearum præcipitatione, tunc non sine fructu solent propinari, imprimis si aliquoties hoc reiteretur, ut suprà iam dixi. An sudor etiam immediatè ex primis viis ad corporis circumferentiam feratur? vid. DEUSINGIUS de Depravat. Alimenti, & defens. Bilii dogmatum.

Hic ita præmissis facile patet ratio, quomodo Sudor per auxilia excitetur? Nèpe auxilia sudorifera sunt vel primaria vel secundaria. Primaria talia sunt respectu massæ sanguineæ & reliquorum contentorū, per sudorem purificandorū; Secundaria verò respectu fibrarum & pororū intercutaneorū. Hinc posteriorum respectu talia diaphoretica sunt papaverina, opiata &c., quæ non nisi vi anodina, spasmus & contracturam fibrarum intercutanearum partium laxando, sudoris fluxum promovent; hinc tali in casu opium tam nobile audit Sudoriferum, ut & Theriacæ & Mithridatii compositiones; à tot annis adhuc famosas, ceu unum ex primariis ingrediatur, quatenus & irritationem molestam quocunque in loco sistit, spirituum impetum sopit, & hinc fibrarum cutanearum stricturam, & inde natam pororum occlusionem, solvit.

Facit quoque huc tegmen corporis cum stragulis, dum calor ambiens intar stuphæ siccæ se habet, unde blando calore fibræ suaviter affectæ laxiores fiunt, hinc magis hifcunt pori, & ita sudorem efficiunt. Pertinet huc quoque litus corporis, veteribus in febribus vel aliis morbis magis usitatus; quamvis etiam superiori anno in peste Vienne à quibusdam felici cum successu fuerit adhibitus, ad promovendas pustulas, petechias maculas &c. in subjectis difficulter, propter cutis ineptitudinem, sudantibus: Quo in casu

4. Aquæ Chamom. ℥ii.
Nitri vel crudi vel præp. ℥ii.
Olei scorpion.
chamom. an. ℥i.

Ebullire sinunt ad consistentiam Linimenti vel Litus fluidi; hoc ipso pectus, dorsum & abdomen felici cum successu calidè illinunt. Nempe olea suaviter tactu leniunt fibras, easque laxiores & molliores reddunt, dum spicula nitri, easdem irritando nonnihil, faciunt, ut partim provocetur sudoris materia ad cutim, partim provocata sub tono fibrarum naturali suaviter expellatur.

In nimia autem dissolutione sanguinis, uti in febribus malignis, talia præscribenda:

4. Aquæ flor. samb. ℥i.
Aceti destillati vel sambuc. ℥ss.
El. diascord. Fracastor. ℥i.
Antimonii diaphr. ℥ss.
Camphor. gr. i. vel ii.
Syr. acetos. citri ℥ss. M.
Vel

4. Aquæ galegæ
Scorzon.
Cordial. Herc. Saxon. an. ℥i.
Spiritus theriac camphorat. ℥iii.

Ettmulleri Oper. Tom. I.

Tinctura Flor. pæon.

Aquileg.

El. diascord. Fracastor. an. ℥ss.

Syr. Acetos. citri ℥ss.

M. D. S.

Potio diaphoretica per aliquot vices.

Medicamenta ergò sudorifera & diaphoretica interna primariò ferè operantur, quatenus sanguinem attenuare, & suaviter resolvere poterunt. Consistentia equidem sanguinis naturalis simpliciter est à munda textura & connectione partium minimarum, ejus massam componentium. In ea autem textura & particularum cohesione dominantur potissimum particulae oleosæ (est enim sanguis liquor quasi saponarius) particulas salinas temperantes; & ita mutuo nexu coeuntes; speciatim texturam hancce constituunt oleosæ particulae ratione occultati acidi, cuius medio coherent reliquæ particulae in massa quasi una homogenea: hinc etiam experimenta infusoria docent, acida plus minus coagulare & stringere sanguinem: contra alcalia seu urinosa, tam volatilia quam fixa, attenuare & resolvere sanguinis consistentiam.

Remedia igitur diaphoretica primaria talia erunt, quæ operantur quatenus oleosum acidum massæ sanguineæ plus minus temperare, atque ita texturam inde natam vi alcalina dissolvere possunt. Jam verò hæc ipsa auxilia primaria iterum duplicis observantur differentia, quædam enim sunt positivè, ut sic dica, talia quæ positivè talia, erunt quædam privativè, v.g. ista, quæ sunt substantiæ solubilis, plus minus volatilis, adeoque ultra primas vias, etiam in massam sanguineam & alias corporis regiones penetrantis, quæ ipsa positivè agunt in sanguinem, ejusque texturam attenuant & resolvunt. Talia igitur sunt imprimis, quæ pollent substantia urinosa tam volatili quam fixa, v.g. sal volatile & spiritus cornu cervi, fuliginis, salis ammoniaci, urinæ, cranii & sanguinis humani, viperarum, tartari volatilis: fixa autem v.g. sal absinthii, fumarie, cardui benedicti, tartari sal centaurii minoris, vincetoxici, &c.

Porro subjecta hæc vi unaquosa operativa sunt vel magis modo dicta, vel simul oleosa: Illa conveniunt, ubi sine insigni caloris intensione provocare volumus sudorem: hæc ubi simul colorem corpori intensiorem reddere animus est: adhuc volatilia oleosa, in recessu salina, parili ratione potentia sunt Sudorifera, ut spiritus volatiles, v. gr. spiritus florum sambuci, roris marini, &c. item olea destillata, ut spiritus & oleum destillatum tartari foetidum probè rectificatum, item ligni guaiaci, buxi rectificatum à foetore quæ olea cum nihil aliud sint, quam resinæ vi ignis colliquefactæ, patet, quod hac ratione etiam ipsa resinosa concreta vim sudoriferam exinde obtineant. Hinc essentia resinosa lignorum, essentia theriacales ex aromaticis acrioribus, adeoque resinosis volatilibus, ferè constantes, item succus stercoris equini; in specie camphora potens & nobile est Sudoriferum, quæ omnibus Sudoriferis in statu maligno addatur: Omnia enim alcalia, vel pura vel oleosa, absorbent acidum, sicque attenuant & fundunt effectivè sanguinem, & propriè ad Sudorem illum disponunt.

Privativè Sudorifera dicta sunt concreta fixiora tam terrea quam sulphurea metallica & mineralia fixa, quæ alcali occultum gerunt in sinu suo, & ultra primas vias haud penetrant, nihilominus suo modo quasi per accidens sudorem profluere faciunt, ut C. C. ustum & sine igne, ossa hominis sine igne, & similia calcinata, specificum febrile Crollii & Strobilbergeri, terra sigillata, maxilla lucii piscis, lapilli cancerorum, unicornis fossile, antimonium diaphoreticum, Bezoardicum minerale simplex & compositum, aurum diaphoreticum, Cinnabaris antimonii, aliaque similia.

Omnia hæc materialiter ultra primas vias non deferuntur, sed in primis viis saltem operandi vim suam exerunt & ab his sudor elicitur, quatenus Acidum ibidem, stabulans tam naturale imminuunt, quam præternaturale vitiosum in specie infringunt, imbibunt & alterant, occasione cuius aliàs vel irritando præcordia fibræ intercutaneæ stringuntur, vel massa sanguinea turbatur, quo minus possit subsequi sudor. Sive igitur naturale sive præternaturale & malignum sit Acidum, imbibendo hoc & enervando corrigunt, & ita, dum sanguis Acidus est destitutus, corpus ad sudorem disponunt. De his non inelegans est Discursus BECCHERI in Phisica Subterranea. lib. I.

pag. 394.

Dixi Sudorifera vi urinosa nunc simplici nunc tempe-

T 3

rata 4

rata oleosa, operari; hinc Acidia, qua talia, sudorem non provocant. Duo tamen sunt casus celebriores, in quibus Acidis volatilibus uti necesse habemus.

1. Quando Cruditates viscidæ puitose, seu chylus crudus non debite assimilabilis massam sanguineam inquinant, & non tantum motum ejus fermentativum impediunt, sed etiam fusionem in sudore inhibent, e.g. in lue Venerea, ubi Acidia volatilia, e.g. spiritus lignorum, & similia, aliis præsertim sociata, sunt optima Sudorifera, incidendo & attenuando viscidum, & ita impedimenta sudoris imminuendo.
2. Quando usurpantur Sudorifera plus minus aromatica, oleosa volatilia, uno nomine: sudorifera nimis calida, quæ potius estum sanguinis intendendo, & sic per Accidens potius massam sanguineam in motum concitando, quam eandem fundendo, sudorem provocant: Consultissimum hoc in casu est, ut cum aceto vel simplici vel aceto destillato permisceantur, quæ sociata egregie sudorem provocant, & nullo modo debilitantur adeo ægri, quam ex talibus Sudoriferis aromaticis solitarie usurpatis frequenter contingit. Usu hoc venit in Theriaca, & similibus compositionibus fortiter aromaticis, quæ in febribus malignis, utut sequatur sudor, adhibita tantum operantur cum insigni corporis estuatione, & virium ægri fatiscencia: si autem propinentur cum aceto, revera largius sudant, & minus debilitantur, longeque melius inde habent ægri, quod aliquoties expertus loquor.

Sequitur porro ex his, pro sudore eliminando non semper quævis remedia promiscue usurpanda, sed subinde certum selectum Sudoriferorum instituendum esse, partim quatenus scopus est nunc privative operantibus, nunc positive massam sanguineam nimis agitantibus, turbantibus, & fundentibus insistere, quæ agitatio autem & fusio non semper est utilis & tuta, partim quatenus pleraque Sudorifera præter hanc vim generalem ratione texturæ appropriatæ materialis habent vim specificam simul alterativam junctam in quibusdam morbis, secundum quam conveniunt, sicut superius quoque de Purgantibus & Diureticis monitum. Sic v.g. in diarrhoea & dysenteria C. C. sine igne meliora præstat, quam antimonialis, sal volatile viperarum merito præfertur sal volatile succini, in affectibus catharticalibus, quam alia Sudorifera, in ligno sassafras vis specialis lymphæ alterativa seu cathartica adest; corylo, præter vim sudoriferam, specialis vis antiepileptica; in buxo vis singularis dolorum sedativa seu anodyna observatur; in cymis abietis seu pini, præter vim diaphoreticam, etiam vis egregia antiscorbutica notatur, sicut in cinnabari antimonii, præter vim diaphoreticam, singulariter anodyna & malignitatis correctiva latet; rob juniperi & simul notabile diaphoreticum, & simul diureticum egregium est; rob autem sambuci, præter diaphoreticam vim, in specie erysipelati convenit; & sic consequenter in aliis. Respectu igitur harum sociatarum virtutum, plus minus alterativarum, subinde selectus venit instituendus.

Usus & Effectus Sudoris in genere est vel per se, vel per accidens; h. e. vel intenditur à natura & medico, vel citra intentionem supervenit. Usus ejus in se est in genere

1. Ut sudor sit universale sanguinis, & partium, quarumvis solidarum, imprimis mollium, & particulare peripheriæ corporis, mundificativum & abstergendum. Hinc enim notum est, quod in febribus contumacioribus, item in scabiis, aliisque morbis externis & cutaneis, Sudoris fluxus sit auspiciatissimus: unde, quando quis contagia vel fermenta peregrina undecunque etiam hauserit, pro his evacuandis, & tam sanguinem quam partes solidas ab hoc hoste liberandis, & optime conducit.
2. Dum sub sudore insigniter attenuatur & resolvitur, & quasi liquefit massa sanguinea, Sudor hoc ipso est Præservativum sanguinis coagulationis, aut ejus plus minus grumescentiæ, omniumque humorum stagnationis. Hinc est, quod in febribus ardentibus continuis cum inflammatione conjunctis, v.g. pleuritide, hepatide, angina, erysipelatibus quibulvis, in quibus sanguis ad sui grumescentiā plus minus est dispositus, plus prodest unicus sudor, quam decem purgationes, & centies repetitæ venæsectiones, alias in hoc puncto satis solite.
3. Dum sanguis sub sudore rapidius hinc inde circumfertur, etiam consequenter aliorum succorum con-

tentorum motus localis acceleratur, fit inde, ut Sudor motum illorum localem promovendo, quamvis stagnationem præternaturalem, aut coacervationem quodam in loco, nisi nimis sint confirmata, & inde natos tumores, præcaveat.

4. Cum motus localis corporis sit tantum necessarius, adeoque nobilis ad vitam sanam, ut, secundum HIPPOCRATEM, Sanitatis studium sit, non solum variis cibis, & impiorum esse ad labores, sed etiam moderatè exerceri; sane in his, qui motu locali non possunt incumbere, ut senes & obesos, pro vana tamen sana conservanda vicarius motus fit. Sudor crebrius repetitus. Effectus Sudoris per Accidens est.

Interdum Evacuatorius: Fieri enim non potest, nisi quin sæpius eo repetito, nutrimentum tam in partibus solidis assimilandum, aut assimilatum, quam adhuc in massa sanguinea fluctuans attendatur, resolvatur, & quasi fatiscat, & ac una cum sudore eliminetur: cujus discessu ægri ut plurimum emancipantur.

2. Debilitativus: dum semper plures manipuli spirituum influentium simul emittuntur, quorum defectu corpus necessario debilitatur.

Ex his patet, conferre Sudores in specie in affectibus tam acutis, quam chronicis. In acutis quidem cum febribus utramque faciunt paginam, sive benignæ sive malignæ fuerint: In benignis ex massa sanguinea optime per sudores eliminatur materia cocta, hoc est, heterogeneæ partes & fermenta, quæ per poros naturaliter sub forma fuliginum, in guttulas tamen ex occurso rei frigide coagulabilium, evaporare, artificialiter vero ex aucto quanto in guttas, & auctis guttis in stria sudoris abire solent. In malignis fermentum corruptivum non nisi, & quidem subito, per sudorem eliminari potest aut debet; hinc est, quod fermenta illa, quæ contenta insciant, unde obferre morbi acuti oriuntur, qua data porta eliminantur & erumpunt. Sic in dysenteria, diarrhoeis epidemicis, & omnibus alvi fluxibus, benignis & malignis, egregie confert Sudor, quo bene fluente dejectio notabiliter imminuitur, & malignum fermentum haustum simul exterminatur. In morbis acutis sine febribus ad stasim seu stagnationem sanguinis, & hinc corruptionem ejus inhibendam, optima sunt Diaphoretica: unde in apoplexia præmissis præmittendis, modò provocari possit sudor, æget in longè meliori erit statu; item in passione hysterica, ubi ad impediendam contentorum stasim cum in finem repetitæ venæsectiones instituuntur, convenientissimus & auspiciatissimus est sudor; item in affectibus catarrhalibus, præsertim suffocativo, qui fit ex motu sanguinis per pulmones impedito, & hinc nata syncope cardiaca, usitatissimus est Sudor. Sic etiam in chronicis & minis acutis morbis, ac cum minori sanguinis turgescencia iunctis, massam sanguineam tamen & partes solidas simul afficientibus, sæpius Alterationis, interdum Evacuationis scopo instituitur Sudoris provocatio: sic enim in morbis articulorum quibulvis, arthritide, tam vaga quam fixa, tam vera quam scorbutica, malo ischiadico, in paralyti & quibulvis ejus speciebus, lue Venerea, affectibus partium externarum dolorosis, quos Rheumatismos vocant, & ex catarrhis oriri dicunt, in his omnibus Sudorifera utramque faciunt paginam, alterando & attenuando viscidum, promovendo celeriores sanguinis circulum, resolvendo succos hinc inde coagulatos aut stagnantes, hincque mundando massam sanguineam & abstergendo; melius enim non eliminatur excrementum in nervis & partibus musculosis artuum hærens, quam si per Sudorem evacuetur. Denique in morbis intercutaneis omnibus, ver. gr. tam scabie quavis, quam maculis malignis hinc inde erumpentibus, in pustulis, tuberculis vagis cutim afficientibus, necesse est, ut ante omnia per Sudorem mundificetur sanguis, & peripheria corporis sic abstergetur, cum sine his etiam repetitis impossibile sit hos morbos curare. Quibus affectibus particulariter conveniat? & quam methodo legitime in usum vocanda sint Sudorifera? videbitis in MOEBII Institut. pag. 558. VVALÆO p. 62. sequ. & HOFFMANNUS M. M. l. 1. cap. 11.

Quoad Indicantia, Coindicantia & Contra-indicantia; Indicantia sunt locus & motus materiæ: Locus, si hæreat in massa sanguinea, aut in partibus extimis id solidis; quod

idque in chronicis præsertim affectibus: in acutis enim tam cum quam absque febre aliud urget necessitas, in quibus vomitus præmittatur.

6. In Plethoricis, aut revera aut apparenter talibus, sub nimio sanguinis orgasmo convenit præmissa venæ sectione; sic enim immutato sanguinis quanto circulatio promptior & rapidior, adeoque facilius Sudoris profusio provocatur.

7. Aegri in ipso sudore non nimis contegendi sunt stragulis, nec nimium urgendus est Sudor, donec debilitentur; sed sub moderatis stragulis successive ad sudorem disponantur: melius est moderate per horas duas, quam per dimidiam horam immoderate sudare.

8. Cum anxii & siticulosi admodum sint sæpissime ægri sub largo sudore, potus eis non penitus denegetur. Notetur autem, quod potus calidus in his insigniter sudores promoveat, utut minus recreet; frigidus vero nocivus sit, & sanguinem coagulet, utut viribus magis consulere videatur. Ratione sudoris ergo potus sit tepidus, ac medius inter frigidum & calidum; sic sudor valde promovetur: post sufficientem sudorem linteis calidis abstergetur sudor, & sibi ab aere frigido caveant. Ratione virium restaurandarum haustus vini in specie optime confert. Potus autem non sit nimis largus sub sudore prima vice, sed repetitis vicibus potius parum & sæpius, quam una vice nimium, bibat æger: potus item esto tenuis; adeoque vinosus potius, quam cerevisiarius crassus, quo facile transeat, nec diu in ventriculo ratione digestionis hæreat; alias enim potus potest sudorem inhibere.

9. In difficulter sudantibus externa fomenta sub alis & pedibus applicata multum juvant, unde lateres calentes sub axillis & plantis pedum, imò etiam circa inguina cum linteaminibus duplicatis, quod in difficulter sudantibus necessarium, applicari possunt.

10. Si nimius autem supervenit Sudor, Acidis in specie austeris coecertur, quæ coagulant. Talia sunt acetum, succi acidi, cydonia, in specie corallia cum aceto usurpata, terra sigillata cum Acidis propinata, &c.

Quoad locum Sudoris, nunc lectus, nunc conopeum, seu balneum siccum, convenit: Ille magis utilis in debilio-ribus ægris in morbis acutis; Hoc in ægris robustioribus & morbo chronico correptis; item conopeum convenit, quando affectibus externis seu partium externarum morbis medicandis per sudorem, opus est, ut in Arthriticis, Ischiadicis, Paralyticis, Venereis, &c. optimum est; sicut contra in lecto, quando mæstæ sanguinæ vitia & interni ejus morbi per sudorem curandi veniunt. Incalescet autem Conopeum duobus modis, vel per spiritum vini accensum & deflagratum, vel per aquam calidam, calefactis lateribus, silicibus aut ferramentis candefactis, insulum. Prior modus obtinet in subjectis habitioribus & succulentis, quibus his modis aperiuntur pori, & insigniter promovetur sudoris fluxus; Posterior in siccioribus, quorum cutis blanda irroratione prius opus habet. Deinde etiam Conopeum calefcit per Decoctum acervi formicarum, decoquendo eorum cubile integrum in sacco inclusum in aqua, super Decoctum fervidum insidens æger sudet; qui in seclusus egregius est in affectibus nervorum & nervolarum partium, paralyticis, ischiadicis, in sterilitate mulierum, & similibus.

Materia auxiliorum ex triplici regno desumitur: Ex regno Vegetabili se offerunt tanquam Sudorifera selectiora positiva, imprimis dum Vegetabilium vis Sudorifera consistit fere in substantia plus minus resinosa, sed simul, quod bene notandum, salsa adeoque amaricante plus minus aromatica, fundata in sale volatili salso oleoso, sed non adeo acri, nec adeo colligativo, aut virulento, quale in purgantibus est. Ratione hujus salis volatilis oleosi salis temperant Acidum, corrigunt viscidum, fundunt sanguinem, & præsertim lymphæ vitiatos sapores seu qualitates corrigunt & emendant. Simplicia selecta sunt imprimis ligna exotica quæcunque in specie Guajaci cum suo cortice, cui tamen revera Fraxinus nostra æquipollet: hinc lignum seu potius radix sassatras cum cortice, cui nostra juniperus tamen, aliaque ligna domestica, ut ligum quercinum, &c. non cedunt; hinc cymæ seu turiones pini, item cortex pini vel abietis, china chinæ, buxus, corylus, radix gentianæ, angelicæ, chinæ, enulæ, chelidoni majoris, Herba car-

dui benedicti, radix vincetoxici, omniaque Vegetabilia intense amara, & quasi incidentia, flores & fructus sambuci, fuligo, tanquam productum vegetabile; & plurimum tandem Vegetabilium coæservatio, nempe Theriaca: His adnumeretur camphora, quæ potens & nobile est Sudoriferum, omnibus Sudoriferis in statu maligno addenda.

Quoad ligna Vegetabilium Sudorifera, de iis notandum, quod vis eorum diaphoretica consistat in concreto resinoso, adeoque resina eorum imprimis est Sudorifera: Patet hoc ex eo, quod non tantum Extracta eorum resinosa, in quibus anima diaphoretica residet, sed & olea destillata, tanquam resinæ liquefactæ, potentissima sunt sudorifera: Fulgo est concretum resinosum, sale volatili oleoso turgidum, indeque summè diaphoreticum. Observanda tamen venit non levis differentia substantiæ hujus resinosæ diaphoreticæ in lignis: nam, uti alias monitum, constant resinæ ex sale volatili, ab Acido oleoso concentrato; hinc ligna quædam habent substantiam magis salsam, & sale volatili nitroso oleoso sufficienter imprægnata sunt, v. g. Guajaci, fraxini &c.; alia autem habent resinam magis temperatam & oleosam; sicque fere aromaticam, v. g. lignum sassatras, juniperi, &c.

Hæc ita præmissis, pro selectu nostro insinuat fuit.

Lignum Guajacum,

Quod, si genuinum sit, habet saporem subinde acrem, amarum, & suggerit Decoctum acre, penetrans, quasi pipere aliquantulum conditum. Præstans est Sudoriferum, simulque diureticum. Operatur ratione particularum salinarum nitrosarum oleosarum, quarum ratione lignum Guajacum cum vi Sudorifera, simul incidit Viscida, corrigit Acidum vitio, simulque diuresin blandè stimulat; adeoque morbis à lymphæ vitio natis egregie succurrit: ne dicam, primum ex remediis in lue Venerea appropriatis esse. Dixi, esse concretum nitro salsum, adeoque minus oleosum; quod neminem turbet, quia in ligno calcinato paucum aut nullum salis fixi vestigium deprehenditur. Suggestit destillatione spiritum acidum & oleum empyreumaticum, & in capite mortuo nullum vel paucum salis fixi remanet. Hoc enim est sal nitrosum volatile, quod sub forma olei fere transit: Patet hoc ex Mechanica chymica, si recipiatur decoctum ligni guajaci, inspilletur ad Extracti liquidioris consistentiam, ex quo in cella per chrySTALLISATIONEM copiosum satis itidem salis fixi essentialis potest elici, quod alias sub textura oleosa maximam partem prodit. Præter spiritum in usu est Decoctum, & Essentia cum spiritu vini tartarificato parata; & ex hac vel præcipitata, vel abstractione condensata resina: dosi ℥j. vel ℥ss. potentius est Sudoriferum, quam decocti ℥iv. vel v. Notabile etiam est Gummi Guajaci, utut non ubivis obvium sit, elegans tamen & egregium, specificum diaphoreticum in Gonorrhœa, Gallica imprimis, præsertim si cum spiritu vini tartarificato paretur exinde Tinctura seu Extractum, quod optimum est ex Euphoristis in Gonorrhœa Venerea. Spectat huc Essentia lignorum, quæ ita paratur.

24. Ligni guajac. ℥ss.

Sassatras. ℥ss.

Sant. citr.

rub. ana. ℥ss.

Rhod. ℥ij.

Rad. chinæ,

Sassapar. an. ℥ss.

Cum s. q. spiritus summi extrahantur digestionem aliquot dierum. Loco ligni Guajaci commodè, uti dixi supra, substitui potest.

Lignum Fraxini,

Quod cum illo in multis convenit: nam etiam similiter nitrosum, potenter diaphoreticum & diureticum est, adeo ut incertum sit, an magis sudorem vel urinam pellat. Parari, ex illo possunt omnia eodem modo, ac in ligno Guajaco. Egregie movet sudorem in morbis chronicis: præsertim autem semen fraxini, quod propter figuram Lingue Avis nomine venit apud Pharmacopolas; quod destillatum suggerit oleum per quam acre, quod in specie Nephriticis & Calculosis præservative convenit.

Lignum Sassatras.

Alias propter odoris rationem faniculatum dictum, est potius radix cum cortice, quam ipsum lignum, & viribus diaphoreticis conspirat cum ligno guajaco; sed magis aromaticum & oleosum temperatum existit, unde in specie in vitiis lymphæ acidioris & acrioris corrigendis usitatum est, & à B. R. U. N. E. R. O. in Conf. Alexipharmacum Catarrhorum dicitur. Essentia cum spiritu vini tartarificato extra-

extracta, imprimis ventriculo convenit, cruditates acidas primarum viarum corrigendo; aut paratur inde Essentia, Catarrhalis dicta, cum aqua spirituosâ serpilli, ad imitationem MYNSICHTII. Propter resinam copiosam & aromaticam duplex suggerit oleum:

1. Per se destillatum empyreumaticum, quod, ut cæterorum lignorum olea, super cornu cervi ustum rectificando, fetorem deponit, & potens Sudoriferum evadit.
2. Rasura autem ejus per vesicam cum aqua suggerit oleum destillatum æthereum seu aromaticum, egregium & suave, acrius tamen quam oleum destillatum sceniculi; cum quo sicut ratione odoris convenit, ita in multis casibus commodè huic substitui potest.

Loco ligni sassafras esse potest

Lignum Juniperinum,

& ejus corticis rasura, vi diuretica & diaphoretica perquam conveniens. Certè hinc præferenda censeo ligna nostra exoticis, & ubi uti illis necesse est, commodè nostra substitui possunt. Pari modo ac alia ligna, ita etiam juniperinum, tam pro usu diaphoretico & diuretico interno præparari, decoqui, extrahi, quam etiam pro externo usu proponari poterit.

Juxta hæc est *Pinus,*
& species huic cognata,

Abies.

Ac præsertim cymæ seu turiones abietis sunt potentissimum Sudoriferum, nostris climatibus & corporibus dicatum. Arborea hæ turgent resina balsamica, ejusdem penitus naturæ cum terebinthina; unde, quod obiter, etiam ex *conis abietum recentibus* contusis, & per vesicam destillatis, prodit *oleum simillimum oleo destillato terebinthinæ*. In specie autem turiones seu cymæ, tam recentes quam exsiccata, hinc cortex, egregium sunt Sudoriferum, præsertim in scorbutico; unde à quibusdam *κατ' ἐξ αὐτῶν* arbores Antiscorbuticæ dicuntur, quibus affectibus conveniunt ratione resinæ oleosæ balsamicæ pro temperando sapore antiscorbutico, præsertim quando lymphæ sensibilius in hoc ipso alteratur, & hinc, quando partes nervosæ, ab eo vitioso sapore affectæ, leduntur; unde in doloribus artuum, contracturis, paresi, arthritide vaga scorbutica, &c. diaphoretica ex cymis aut corticibus abietis sunt optima. Plura de his videbitis in *MOLLENBROCCIO de Vasis*. Decoctum strobilorum pini vel solitarium, vel cum rasura ligni sassafras, aut juniperi, aut cum radice chinæ, in aquæ & cerevisiæ ana suggerunt coquendo Decoctum amaricans, vi & sapore terebinthinam referens, quod matutino tempore haustum in dictis affectibus apud nos usitatissimum, est pro scopo Sudorifero. Potest etiam, & solet quoque fieri *Essentia turionum pini juniperum*:

Rec. Cymas: Coqu. in aqua, donec omnem saporem medicamentosum exuerint; decoctum expressum inspissetur ad consistentiam Rob seu Mellis ferè solidioris. Ex hoc cum spiritu proprio paratur *Essentia pini* in istis affectibus, a Scorbutico natis, proficua.

Spiritus proprius autem paratur ex iisdem cymis concisis, tuis, copiosa aqua affusa fermentatis, & hinc destillatis: suggerunt spiritum, qui odorem cumini ferè repræsentat. Aut igitur cum hoc, aut ejus loco cum spiritu cochleariæ. *Essentia* dicta parari potest. In quibusdam locis, præsertim Dresdæ, in usu est aqua harum *cymarum abietis spirituosæ*, contra affectus scorbuticos in genere: Tempore verno ingruente Aprili *cymas* (cujus resinam liquidam falso *Officina Terebinthinam Venetam* vocant: vid. *RAJUS Curat. Plantar. Angl. P. I.*) recipiunt *recentes* (quæ tunc temporis scitent resina, quæ odorem & saporem terebinthinæ habet, hinc etiam, uti dictum, simile oleum ex his potest elici,) eas contusas sacculo includunt, & succum exprimunt: Recipiunt *succi hujus* Mens. xij, includunt vasi quercino, quod præter propter Mensuras 16. vel 18. obtinet, isti infundunt *cymarum aliarum recentium contusarum* tantum, donec vas ferè repletum sit, reponunt & relinquunt in loco temperato, donec aliquali facta fermentatione incipiat spirare spirituosum odorem; post ex Balneo Mariæ destillant, & pro usu antiscorbutico aquam asservant.

Corylus,

Lignum nostras, Sudoriferorum etiam censum subit, & eodem modo potest præparari, ac suprâ de ligno Guajaco dictum. Decoctum Sudoriferum est, sed simul nervis dicatum: estque in Corylo singularis vis antiepileptica, unde etiam ex ea certo tempore decisa oleum *Heraclinum Rulandi* destillando parari potest & solet, de quo vid. *Hagendornius in*

Curat. seu Secretis Empiric. Rulandi: sicut eadem vi antiepileptica excellit sulphur julorum coryli (quale etiam ex musco lavato vere colligitur) quorum pulvis egregium est antiepilepticum præsertim in infantibus, sicut etiam ab aliis contra Atrophiam & Hæcticam infantum commendari solet: Novi Medicum, qui hoc sulphur multum extollit in morbis infantum, tam cum epilepsia, quam in ejusdem metu.

Quæ de Corylo dixi, de

Buxo

Etiam dicenda; tam potens enim Sudoriferum est ejus Decoctum, ut haud cedat, imò præferendum potius sit ligno Guajaco & sassafras. Convenit in affectibus sordidioribus, in quibus vi Sudorifera multum confert. Præterea in ligno Buxi inest peculiaris vis anodyna, dolorum sedativa; unde speciatim oleum ejus destillatum contra odontalgiam tantoperè extollitur, sicut illud à quibusdam loco olei Heraclini suadetur. Inter radices eminet.

Radix Gentianæ,

Amarissima & acerrima, cujus decoctum, & in specie pulvis ejus, utur propter amarorem sint ingrata, maxime in usu est. *Extractum*, cum spiritu vini tartarificato vel simplici paratum, potentissime sudorem movet, ratione cujus, speciatim verò virtutis ejus alterativæ, in febribus intermittentibus convenit. Aliquando loco decantati corticis chinæ chinæ usurpavi pulveris ejus Zi. in haustu vini generosi ante paroxysmum aliquoties repetita dosi, eundem usum & effectum habuit, præsertim in febribus tertianis, in quibus ad minimum rigorem extinxit, & sudorem copiosum produxit. Sed quia pulvis nauseosus, est potius *Extractum* dosi Zi. ad Zi. sumatur, miscendo cum spiritu salis ammoniaci simpl. 3ss. ante paroxysmum & cum aqua appropriata propinetur; quod in febribus tertianis & quartanis, si quid aliud, præmissis tamen præmittendis, feliciter mihi usu cognitum. Misturæ hæ in praxi admodum proficua, sociata cum salibus volatilibus, observantur,

Radix Angelicæ,

Non præcise Helvetica, sed nostras etiam, quæ in locis sicioribus, non paludosis, crescit, est egregie sudorifera, & pollet resina aromatica. Præter usum diaphoreticum, sive in forma pulveris, sive extracti, est egregie carminativa, & ventriculi malis, ab acido viscido natis, insigniter convenit; unde in Cardialgia, torminibus ventris, &c. vi alterativa convenire dicitur.

Radix Helenii

Polycræsta, insigniter amara, sed nonnihil temperata vi aromatica est; unde quibusdam *Aroma Germanorum*, loco zinzibetis eligendum, vocatur. Vis ejus diaphoretica, quomodo usurpetur, nota: præterea in specie vim habet incidendi & attenuandi cruditates viscidas, acidas, tam primas vias obsidentes, quam ex massa sanguinea in pulmones depositas; unde communiter inter Stomachica & Pulmonica numeratur, in quorum mucro incidendo Euporiston est elegans, si recipiamus pulverem radicis hujus, & subigamus cum rob juniperi in formam Electuarii, quod subinde, usurpatum potenter incidit ista viscida, & expectorationem promovet. Præter vim diaphoreticam, in specie in affectibus nervorum, imprimis in paralyti ex Colica convenit, quo in casu Decoctum huius, præsertim cum Vino paratum, elegans est ex optimis Euporistis, maxime si societur cum spiritu tartari, aliove simili volatili oleoso.

Succedit

Chelidonium majus,

Eiusque radix: quò pertinet etiam Rob ejus ex succo seu decocto inspissato. Extractum fortiter sudores movet, & præter hanc vim generalem vi specifica alterativa convenit, imprimis in ictero flavo, præmissis præmittendis, (præsertim Vomitorio & Martialis) imò hoc solo icterus non adeò confirmatus curabilis existit, quod aliquoties observavi. Hinc veteres non adeò ineptè dixisse videntur, quod omnibus hepatis vitiis conferat, hoc est, ut hodiè loquimur, ad vitia bilis corrigenda, ejusque dyscrasias tollendas. Communiter quidem succus suadetur, sed nauseosus est. Decoctum elicitur cum vino, vel paratur extractum cum aqua, vel resinofum cum spiritu vini, quod in febribus malignis seu pestilentialibus pro Sudorifero à quibusdam laudatur. De usu autem ejus externo ophthalmico non attinet dicere.

Car-

Cardus benedictus,

Vel etiam

Carduus Mariae;

Prior tamen præferendus. Est diaphoreticum satis generosum, imprimis in morbis chronicis, & hinc ad febres intermittentes ante paroxysmum plebeculæ usitato pulveris cochleare solent felici cum successu propinare. Aliàs Decoctum ejus ad imitationem RULANDI contra febres quasvis intermittentes potest usurpari: *Vid. ejus Centur. Curationum*: idque vel solum, vel cum radice alari. Refertur præterea inter specifica antipleuritica, in quo affectu per sudorem curare observatum fuit.

Vincetoxicum seu Radix Asclepias.

In usu est speciatim in duobus casibus; nempe Decoctum in aqua multum laudatur cum aliis pro curanda per sudorem lue Venerea; sicut Decoctum cum cerevisia imprimis laudatur contra hydropem & Anasarcam, quam tam per urinam, quam per sudorem, curare dicitur: In vino Decoctum amaricans emergit, & in Anasarca itidem proficuum.

Flores & Fructus Sambuci,

Præsertim Rob baccarum triviale quidem, sed non rejiciendum remedium, dosi ℥ij. ad ℥ss. pro scopo sudorifero, nunc solitariè, nunc cum aliis pulveribus appropriatis sociatum. Usus ejus in specie in febribus continuis cum partium inflammationibus erysipelaceis, sive externis sive internis, ut in pleuritide, angina, vel solitariè vel cum pulveribus animalium absorbentibus sociatum. Ex floribus & baccis fermentatis paratur spiritus, vi aliquali Sudorifera, non tamen adeò insigni, præditus: cum hoc ex Rob elicitur tinctura (sicut illa Granorum *Aëtes* vulgò QUERCETANO dicitur ex baccis) quæ imprimis ad passiones hystericas, & harum paroxysmos per sudorem finiendos egregiè convenit.

Fuligo,

Tanquam productum vegetabile, nihil aliud videtur esse, quam spiritus & oleum lignorum in forma sicca. Nam quod aliàs in vase clauso ex lignis oleum & spiritus elicitur, hoc vase & igne aperto ex lignis sub forma fumi evaporans, fuliginem constituit: sed quoniam de oleo lignorum sub conflagratione non parum consumptum fuit, hinc sub phlegmatis vehiculo copiosum sal volatile sui juris factum evolat, sicut reliqua olei substantia, quod sub exhalationis celeritate deflagrationem subterfugit, etiam sal volatile una evaporans secum concentrat. Hinc est, quod ex fuligine, igne examinata, prodeat primò phlegma acidulum, simile spiritui lignorum; deinde spiritus urinosus & copiosum sal volatile penetrantissima, similia sali volatili & spiritui urinoso, quæ ex animalibus eliciuntur; post supervenit oleum empyreumaticum destillatum, simillimum ei, quod aliàs ex lignis destillando elicitur; quod super C.C.ustum rectificandum, & ab empyreumate liberandum est. Hæc tria, spiritus urinosus, sal volatile, & oleum destillatum rectificatum, interno usu potentissimè sudores promovere: sed quia similia sunt spiritibus & oleis animalium, etiam meritò quis dubitare posset, an realem ab his habeant differentiam? Sed dubito, & dico saltem, quod subtiliora & penetrantiora videantur; oleum tamen fuliginis destillatum de crasi specifica ligni, ex qua fuligo prodiit, plus minus participat, unde præter vim generalem diaphoreticam, aliqualem specialem differentiam pro varietate lignorum etiam obtinet: aliàs ad quævis mala, ubi spiritus urinosi & salia volatilia urinosa usurpantur, promiscuè adhiberi potest. Cruda fuligo sub forma pulveris prærogativam habet in sanguine grumoso dissolvendo, in casu ab alto, pleuritide, cum haustu vini vel aceto propinata, largiter movet sudorem: simili modo ab aliis contra passiones colicas & hystericas laudatur, corrigendo Acidum, partibus nervosis infestum, & mediante sudore paroxysmos finiendo.

Theriaca,

Tanquam nota satis, transeat: *Vid. quæ supra dicta sunt.*

Ex Regno Animalium habentur Sudorifera, tam positivè, quam privativè talia; tam sal volatile cornu cervi positivè, quam cornu cerviustum privativè, operantur. Sufficiunt ex hoc nobis Cervus & ejus Cornua, hinc ossa lucii piscis, item Vipera, aut harum loco quilibet serpens alius, dens quidam durior, sive ebur, sive Unicornu Marinum; hinc ex ostracodermis, sive conchæ oblongæ sive testæ ostrearum, aut horum defectu domunculi cochlearum nostratum. Ex his seligantur unum vel alterum vel cum vel sine matre perlarum, inter quæ nulla est differentia: His tandem adsocietur sanguis hirci.

De Lapide Bezoar,

Tam Orientali, quam Occidentali, nihil dico; cum nihil valeant, & inter mille vix unus genuinus, sed plerique adulterini vel artefacti sint.

Præferri his potest

Calculus Humanus,

Minimè pretiosus, & nihil omnibus optimè Sudoriferus, in morbis pestilentialibus insigniter proficuum.

Cervus

Ergò, utut totus sit alexipharmacus & diaphoreticus, nostro tamen usui inservit, præprimis cornu ejus, quod concretum medium est in animali & vegetabili regno: nam est reverà truncus & cervo crescens. Maturum, istud quod vere, cum cervus recentibus plantis vescitur, deciduum seligatur; tunc enim cornua sunt ponderosiora, & spiritu ac sale volatili ditiora deprehenduntur. Usurpatur rarò crudum sed præparatum, vel sub forma nativa, vel sub igne. Præparatur sub forma cruda,amenta sub torno subtiliter rasando, & deciduum in mortario probe terendo, pulverem suggerunt subtilissimum in pluribus casibus, ubi acidi imprimis viis absorptione, & blanda diaphoresi opus est; ita præparatum non multum cedit eburi aut unicornu marino. Deinde præparatur cum vel sine igne. Sine igne ebulliendo cum aqua, aut etiam sub destillatione aquarum sicque nonnihil mollius redditur; nam per subtractionem partis glutinosæ exinde friabile evenit; quæ Gelatina tamen nihil aliud est, quam ros ille nutritivus, quo cum nutritur: & utut sic multum salis volatilis & spiritus urinosi detrahatur, tamen aliquid adhuc retinet; sicque Philosophicè calcinatum, potens est Sudoriferum, in quem finem in morbis malignis utplurimum usurpatur, acida, in primis vis, aliaque volatilia maligna, absorbet & iisdem saturatur, quæ ratione refrigerare, & æstum corporis sistere dicitur. Gelatina sale volatili & oleo turgida vi diaphoretica temperata in morbis acutis & febribus multi est usus: præter vim analepticam inest etiam vis cujusvis acris temperativa, & inde natæ effervescentiæ sedativa, dosi largiori, modò unciatim propinetur, tam in benignis quam malignis morbis, optimum est euporiston, & in blanda diaphoresi conservat corpus. Paratur aliàs Essentia ex Gelatina C.C. cum spiritu sambuci aut baccarum juniperi, imprægnato cum q. salis volatilis. Magisteria nihil valent. Cum igne præparatur; & destillatione quidem spiritus urinosus & sal volatile cum oleo fæcido elicitur, quæ tanquam anima diaphorescos concreti istius, ac in febribus ac morbis acutis malignis pro scopo diaphoretico reliquis præferuntur, quod sine insigni corporis æstuatione sudores potentissimè moveant, & pustulas, maculas, variolas petechias, &c. expellant: Certe in incremento morborum malignorum nihil melius: nam in statu ferè fixioribus uti opus est: potentius est oleum destillatum, sed simul ardorem corporis & æstus insignes concitat: super caput mortuum proprium rectificatum coloris aurei evadit: dosi guttular. x. xii. in passionibus hysteris & colica convulsiva est optimum sudoriferum: est enim oleum hoc sal volatile concentratum; unde per additionem salis tartari facillè in sal volatile præcipitari potest. Sale volatili hoc si spiritus essentificatus, & cum camphora impregnatus, quam, solvit, fit spiritus diaphoreticus, in morbis malignis admodum potens. Ex eodem etiam paratur cum sale volatili succini acidulo, cum quo etiam effervescit, liquor cornu cervi fusciniatus, qui notus satis est. Caput mortuum remanens ad albedinem calcinatur, quod duplicem præstat usum:

1. Potentissimè imbibit quælibet acida primarum viarum, & sic per accidens seu privativè sudorem movet.

2. Nonnihil adstringit, & in morbis acutis cum fluxibus alvi commodissimè potest propinari.

De osse cordis cervi nugæ sunt, & nihil aliud, quam tendines musculosi cordis valorum arteriosorum probe sui exitum, qui progressu temporis abierunt in cartilagineum; quod quoque in tauris observatur. Ex corde cervi destillatur spiritus urinosus volatilis, mediante quo paratur tinctura coralliorum cum spiritu cordis cervi: Corallia nempe rubra contusa solvantur cum succo citri recenti: solutio filtrata leniter inspissatur, & extrahitur, cum spiritu cordis cervi, vel el. Matthioli, & aqua cordiali Herculis Saxonica: Extractioni addendo Ambram, & ulterius digerendo. Usus est antiscorbuticus singularis ac sudoriferus. Quæ de priapo habent, nota sunt, & transeant.

Post Cervum sunt

Vipe

Viperæ

Et quivis etiam apud nos reperibiles serpentes, cum inter has tam insignis, adeoque essentialis differentia haud deprehendatur. Viperæ viviparæ quasi dicta, cum aliæ serpentium species sint oviparæ, usu diaphoretico, & siquid aliud simplex animale, vi alexipharmaca decantata est; unde simul vi expulsiua variolarum, morbillorum, purpuræ, scabiei, ferinæ seu malignæ, &c. imprimis usitata existunt remedia serpentina. Jam verò, ut sub ignis examine spiritus ac sal volatile cum oleo suggerant, adeoque similia producta ac cornu cervi; nihilominus per ignem hæc corpora vi sua specifica non leviter alterata, & plus minus castrata sunt; sicque specialem præ aliis differentiam vix videntur habere. Sufficiat igitur pro usu diaphoretico pulvis viperarum vel serpentum, & hinc earum Essentia.

Pulvis alias *Bezoardicum Animale* dictus, quod hic simplicior, eo melior est: Nempe simpliciter *serpens*, etiam sine capitis aut caudæ abscissione (ut ut quem vis hic suo sensu abundare patiamur) exemptis solum intertaneis, in frustula discindatur, frusta in patella ampliore, blando Balnei Mariæ calore, pro phlegmatis evaporatione exsiccentur, donec penitus exarefacta exactè pulverisari queant: Pulvis hic, pro meliori asservatione à corruptionis metu, spiritu vini *camphorato*, *myrrinato*, &c. crebrius irroretur, vel etiam aliquot guttis ol. *destillati caryophyllorum* imprægnetur. Huic Pulveri varia pro scopo vario possunt addi, & sic pro cuiusve lubitu *compositus fieri*, cum floribus sulphuris, camphora, myrrha, oleo *destillato rutæ*, succini, citri, &c. quin etiam pulvis cordium & hepatum serpentum, seorsim exsiccatorum, potest huc addi, quod remedium sic magis perfectum evadat; utut alias pulvis hepatum egregium sit specificum in dysenteria maligna, quo scopo nunc cum corallis, unicornu fossili, laudano opiato, &c. ex tempore commisceri potest. Dosis pulveris simplicis ℥ss ad ℥i utut levior sit, & consequenter quantitas ejus sit insignior; tamen si aliquid proficuum inde sperare volumus, necesse est, ut in tanta dosi is propinetur.

Essentia, præter eam, quæ fit cum spiritu vini, proprio sale volatili acuto, in usu est ea, quam ita paravit D. D. Michaelis:

Recepit spiritus viridis æris, quem viperis incisis affudit, & debita digestionem solvit; integrum enim corpus paucissimis exuvies relictis, ferè solvitur: Menstruum abstrahitur, & sub antiquo ferè acido sapore separatur (omnem ejus aciditatem iterum redire, dubito:) Magma relictum cum spiritu vini theriacali extrahitur, & inspissa-

tur in essentiam Viperarum.

Præter dicta, multa hinc inde de *Coronis serpentinis* circumferuntur, dum maxima sit fabula de nihilo: Nam ista subjecta sunt vel dentes molares porcorum ablactatorum, aut pullorum equorum) nam hi ex suis alveolis exempti, & paululum mundati secretissime venduntur pro coronis à circumforaneis; vel chelæ squillæ marinæ, quæ ab alia parte sunt dentatæ, & quovis ebore nitidiores, etiam pro coronis venduntur. Sed quod serpentes pileatos attinet, longè alia est eorum ratio; de quibus vulgò lapides circumferuntur: Vid. KIRCHERI *Regnum naturæ Magneticum*: sunt enim artificiale quidhi.

Lucius

& speciatim quælibet capitis lucii piscis ossa, non præcisè maxillæ (utut maxillæ usitatiores sint) & quælibet ejus Præparata, sunt remedia egregiè diaphoretica, vim habent singularem absorbendi & temperandi Acida vitiosa, & hujus medio sudorem ciendi, ac ejus excretionem promovendi: Nempe sicut corallia & canerina absorbendo Acidum primarum viarum, fiunt concretum salsum diureticum; sic hæ partes absorbendo pariter illud Acidum, fiunt diaphoretica. Sunt autem instructa sale volatili satis temperato, non adeo oleoso, ac terrestrium salia volatilia; unde in specie in pleuritide & similibus erysipelaceis conjunctis affectibus, vi temperandi Acidum specificum, & vi sudorifera, usitatissima sunt: item ex iisdem causis in fluore mulierum albo, item gonorrhœa virorum benigna, conveniunt, cum simul urinam quoque non nihil promoveant, & sic utroque modo conducant.

Iuxta hæc sunt

Conchæ

Quædam selectæ, ex ingenti Oltracodermorum exercitu vel elegantiores oblongæ, vel margaritiferae. Hæ præ aliis sunt usitatæ, utut sub harum defectu etiam cochlea-

rum nostrarum majorum domunculi, præsertim earum opercula, commode possunt substitui. Nempe omnia hæc pro natura marinorum invertunt & absorbent Acida primarum viarum, & hinc in saporem salsum, nunc diaphoreticum nunc diureticum, abeunt. Item calcinata hæc ipsa relinquunt caput mortuum instar calcis vivæ potenter inversivum, absorptivum, & hinc febrium intermittentium per sudorem curativum: notum hoc est ex *Strobelbergeri specifico*, quod fit ex *conchis margaritifera calcinatis & simili remedio Croli*, ex *testis concharum oblongis calcinatis*. Loco hujus substituti possunt *Ostrearum*, imò etiam *cochlearum testæ*, cum hæ vel crudæ vel calcinatæ ejusdem sint materiae, & sicut potentissima sunt diaphoretica privative, ita in spiritu salis solutæ suggerunt liquorem seu solutionem salissimam, qua inspissata, & per deliquium soluta, fit liquor oleosus sic dictus, efficienter diureticus.

His accensio ex

Hirco sanguinem

Ex eodem vivo quovis modo collectum; non enim necessarium, ut juxta modum Helmontii præcisè cornubus suspendatur. Sanguis autem hic hircinus probè exsiccatus est remedium fortiter diaphoreticum, & hinc secundariò etiam diureticum: præ aliis animalium sanguinibus Acidorum volatilium est destructivus, hinc sanguinis grumosi dissolutivus, & in pleuritide ac similibus, diaphoreticus existit; secundariò etiam in affectibus urinariis: dosi ℥ss ad ℥i. nunc in aqua quadam appropriata, v. gr. florum acaciæ, &c. nunc in vehiculo aceti non destillati, sic probè tecto ægro fortiter sudorem prolicit.

Succedit

Dens quidam durior, vel *Elephantis* vel

Unicornu Marini

Quæ duo loco cornu rhinocerotis, dentis Hippopotami & similibus congenerum, sufficiant abundè: & quidem dentes hi propter durioris sui compagem hanc habent prærogativam, ut in acrioribus Acidis concentrandis magis potentiora & proficua sint, quàm remedia ex cornu cervi. De cætero paria sunt eorum producta, quæ cornu cervi compescunt tamen potentius Acida austeriora & potentiora, imbibunt ea, phlogoses corporis, & quasvis hinc natas effervescencias, supprimunt: hinc ebur sine igne ad compescenda Acida; item ad mala & symptomata ex nimia iracundia nata, laudari solet; siquidem ira ab effuso spiritu motu, & inde nata sanguinis ebullitione, oritur: item in fluore albo, nec non ad præcavendum abortum mulierum, frequenter usurpatur. Prudenter per ignem in totum conspirant cum cornu cervi, ut ita is non habeamus opus.

Unicornu Marini

Par est ratio, cum & ipsum sit ex dentium genere, unde rectè Rhinoceros Marinum seu Glaciale ab *eruditissimo VELSCHIO* dicitur. Speciatim optimum est in Acidis istis absorbendis, ex quibus oriuntur epilepsia infantum & erysipelata Adultorum, absorbendo ista, & per diaphoresin ventilando massam sanguineam. Unicornu hujus præparati dosi est ℥i ad ℥ss.

Quoad *Regnum Minerale*, illud suggerit ferè privative tantum dicta diaphoretica, eaque si ex sulphureis mineralibus præparata fuerint, simul ferè anodyna. Primatum ducit antimonium, quod suppetit diaphoretica, tam ex parte sui sulphurea, quàm Mercuriali parata; & omnia Martialia & antimonia per nitrum fixata, quæ sunt potentissima & tutissima. Fixatio hæc habet aliquid singulare: nam sulphur nitri adhæret antimonio, & simul cum eo figitur, qualia sunt omnia antimonia diaphoretica. Hinc est statum quod & ipsum diaphoreticum est: tunc unicornu fossile, terra sigillata, & Mercurius ritè fixatus: (rara quidem avis, utut plus in recessu habeat.) Dentque hermaproditicæ quasi substantiæ sal ammoniacum, quod ratione partis volatilis, ex regno animali hautæ, summum & potens est diaphoreticum.

Antimonium

Igitur suggerit ea, tam ex parte sulphurea, quàm Mercuriali seu regulina; Quoad illam, eminet

Cinnabaris Antimonii

Ritè parata, quæ vi diaphoretica anodyna, in malignis alexipharmaca, & in affectibus generis nervosi antiepileptica & egregiè anodyna, nobilis est. Dico autem ritè parata; ut neq; ex parte sui sulphurea nimis igne alteretur & comburatur, neque ex parte Mercuriali hujus nimiam jacturam patiat. Utrumque potest præcaveri, si in rectificatione mox fortiori igne urgeatur & sublimetur: sic ambo una juncta adscen-

adscendunt, & nec comburitur, sulphur, nec Mercurialis pars aufugit. In specie autem sociata cinnabaris cum salibus volatilibus, remedium est egregium in morbis malignis, systema nervosum simul affligentibus.

Deinde est ratio partis sulphureæ ex Antimonio

Pulvis Epilepticus.

Quorundam anodynus, revera somniferum, ex scorlis reguli Antimonii ultimò artificiosè præcipitatus, (nam propria præcipitata sunt emetico cathartica). Hujus usu repetito observavi, quod prima vice ordinariè faciat vomitus, post aliquot horas, cessante vomitu & vi emetica, somnum inferat, quo tamen ægri frigido sudore ferè diffuunt: Remedium est polychrestum in multis casibus, propter vim diaphoreticam & anodynam. Dosis in Adultis gr. ii. vel iii. in infante respectu virium, v. g. unius anni gr. iij. ad ii. pro duabus dosibus; interea quoque gr. i. pro duabus dosibus sufficit.

Mercurialia antimonialia diaphoretica famosiora sunt duplicia, vel in forma sicca. vel in forma humida. In forma sicca est

Antimonium diaphoreticum,

Cujus præparatio nota est; & Bezoardicum Minerale. Præceteris autem elegans est antimonium diaphoreticum Martiale, ad imitationem LUDOVICI, quam describit in *Pharmac. sua* satis clarè, saltem quoad quasdam encheirises notatas. Moneo igitur in genere, quod non sit inter duo hæc aliqua essentialis differentia, saltem sunt concreta falso alcalina, seu quæ ratione substantiæ Mercurialis antimonii, ab acido nitri fixatæ; ita tamen, ut Acidum istud maximam partem denuò sit separatum, ut evadat concretum, acidorum malignorum acrium absorptivum, & eum sulphuris Acidum eidem decesserit, eo spoliatum, cum Acido maligno intra corpus saturatur, unde privativè est Sudoriferum. Pro antimonio hoc diaphoretico recipiatur *Regulus* in specie *Martialis* (nam nihil quidem de Marte participat, sed purior saltem Antimonii pars est) & post factam cum triplo nitri detonationem in aqua ferventi crebrius ebulliat, & edulcoretur ita, ut, quicquid potest fieri, de contagio nitroso segregetur: ita 6. vicibus in aqua ferventi semper recenti per ebullitionem fortem edulcoratus pulvis (nam omni contagio eum sopoliare impossibile est) digeratur cum spiritu vini tartarizato, & semper sic deflagretur, sic nunquam alterabilis, vix vim emeticam induit, sed suave diaphoreticum existit.

Par ratio in forma sicca est

Bezoardici Mineralis,

Sive simplicis, sive compositi. Hoc ritè calcinatum, post prægressam ternam spiritus nitri, semper recentis, abstractionem tandem denuò separetur nitrosum Acidum; quod patet si non amplius fumet in testa: post cum spiritu vini digestum & deflagratum, evadit diaphoreticum egregium. Hanc tamen habet prærogativam præ antimonio diaphoretico, quod Bezoardicum hoc Minerale de sulphure nitri simul fixato (uti aliqui suspicantur) etiam aliquid participet, quod tamen in medio relinquo.

In forma humida sunt

Tinctura Antimonii,

Quarum magnus est luxus; res tamen eodem recidit; vel etiam sæpe per plures ambages remedium non adeò nobile obtinetur. Nobis duo sufficiant; altera quæ participiat de sulphure ejus externo, altera quæ de interno. Prima est WILLISII *Pharmac. Ration. P. 1.*

℥. Antimonii p. i.

Sal. tartari p. iij. vel ii.

Mista invicem fundantur; quò diutius, eò melius, & cum spiritu vini ritè rectificato, calidè infusis pulverisatis, extrahatur tinctura, spiritus vini nimio ad debitam consistentiam abstracto: Habetur sic tinctura elegans, utut de sulphure externo tantum participet.

Præstantior est altera ob sulphur internum, plus minus fixum, preparanda ex vitro antimonii per affusionem aceti destillati vel spiritus viridis eris. Paradigma & exemplum omnium optimum suggerit KERKRINGIUS in *Commentar. ad Basil. Curram Triumphal. Antimonii*, qui accuratus, prolixus, & fidelis satis est. Vi sudorifera, & imprimis sanguinis purificativa, notæ sunt hæc tincturæ.

Sequitur.

Stannum,

Subjectum summè sulphureum: suggerit diaphoretica, tam in via sicca, quam humida. In via sicca est

Antiepilepticum Poterii,

seu antimonium diaphoreticum Joviale, circa quod observetur proportio ingredientium; scilicet

℥. Jovis select. p. v.

Reg. Antimonii p. iv.

Fundatur in Regulum compositum Joviale, qui cum triplo nitri detonatus, subinde misturam agitando cum bacilla è ligno duriore: hisce procedatur encheirisis, ut de antimonio diaphoretico vulgò dictum: sic habetur pulvis candidus, (non cæruleus, qui de sulphure deflagrabili adhuc participat, & vomitorius plus minus est) interdum flavus si diutius in igne fuerit.

Cum Antimonio diaphoretico in morbis malignis coincidit; in chronicis verò præferendus eidem est: mistum cum resina guajaci, optimum est in sanguine purificando per sudorem.

In humida via cum Mercurio sublimato & Jove modo consueto destillatur Butyrum, quod utut possit per se præcipitari in pulverem candidum nonnihil diaphoreticum, potius tamen procedatur, sicuti in Bezoardico Minerali cum spiritu nitri, fitque hinc Bezoardicum Juviale.

Hisce societur

Diaphoreticum ex Bismutho.

Non adeò cognitum. Concretum hoc est singulare, scilicet non metallum, metallo tamen cognatum, perquam sulphureum. Solvitur in spiritu nitri rectificato; mirum quanta sulphurei fumi copia, & quo cum æstu, exhalet: solutio præcipitatur cum aqua simplici, cadit pulvis candidus, edulcorandus cum aqua communi calida.

Diaphoreticum hoc in morbis acutis cum nimio æstu egregiè alterativum, in infantibus Antepilepticum, in Adultis quoque aliquando Contracturarum Curativum observatur: Vid. Scriptum Germanicum; Thæda Gbymica Trifida, ubi plura de Bismutho.

Reliqua coincidunt.

Terra sigillata

&

Unicornu fossile,

(quod margæ quædam species est) sint instar omnium: privativè sunt Sudorifera, Acida primarum viarum absorbendo & invertendo, cum quo ipso coeunt, & saporem aluminosum plus minus adstrictorium acquirunt.

Unicornu fossile quasi magneticum est Acidi istius, ex quo Variolæ & Morbilli oriuntur; in quibus unum est ex optimis specificis, præsertim quando variolæ convulsiones & epilepsiam minantur.

Mercurius fixatus diaphoreticus,

Quo PARACELSUS tanta miracula præstitit, & de cuius possessione HELMONTIUS gloriatur. Ad hunc nondum patet accessus, nisi possessoribus liquoris Alcahest: hujus autem loco oleum vitrioli probe rectificatum, jus habet præ aliis Acidis singulare in Mercurium: utut enim eum figere perfectè non possit, tamen vim singularem præ aliis Mineralium Acidis in illum exerit, ejus volatilitatem multum coercet, si post factam solutionem & abstractionem tandem fortissimo, quantum fieri potest, igne, quicquid de oleo vitrioli supersit, exhalet. Mercurius hic fixatus assumptus nunquam salivatorius est, nisi per accidens, in lue Venerea egregius. Cnosselli Mercurius fixatus paratus fuit ex Mercurio, cum oleo vitrioli sumptuosè parato, fixato, quo feliciter usus est in sua Praxi.

Si ergo præscribendum sit Sudoriferum, sufficienter sudorem movebitis sequentibus Formulis, & quidem ex Sudoriferis volatilibus.

℥. Aqua card. bened. ℥iij.

Spiritus sal. ammoniaci ℥i.

Vel loco hujus salis vol. ex sal. ammoniaco ℥i.

Olei destillat. caryoph. gut. i. ad ii.

Syr. fenic. vel cort. aurant. ℥ss.

M. pro Haustu, d. s. Potio sudorifera.

℥. Aqua

℥. *Aque scorzon.* ℥j. M.
Cinnam. ℥ss.
Spiritus theriac. campb. ℥ss.
Salis vol. C. C. gr. xij.
Succini gr. vj.
Syr. de succo scord. ℥ss.
 M. f. Potio S. ut supra
 Potio sudorifera.

℥. *Sal, vol. sal. ammoniaci* gr. xv.
Campb. gr. ij.
 M. d. l.
Sal sudoriferum pro una vice.

Ex Sudoriferis fixis:

℥. *Antimonii diaphor.*
C. C. sine igne
Salis Card. bened. an. gr. xij.
 M. f. Pulvis, in vehiculo calido jejuno
 stomacho assumendus, d. f.
Pulvis sudoriferus pro una vice.

℥. *Antimonii diaphor.* ℥j.
Salis Card. bened. ℥ss.
laud. op. gr. j. vel ij.
 M. f. Pulvis, S. ut supra.

℥. *C. C. sine igne* gr. xv.
Cinn. antimonii ℥ss.
Bezoard. solar. gr. jv.
 M. S. ut supra

℥. *C. C. sine igne*
nitri antimoniat. an. gr. xv. M.

Hæ Formulæ sunt pro dosi unica, & quidem robustis
 ægris præscriptæ.

In forma Boli:

℥. *Rob. samb. aut junip.* ℥j.
C. C. sine igne ℥j.
Antimonii. diaphor. ℥ss.
 cum f. q. *syr. rubi idæi* f. Bolus, S.
Bolus Sudoriferus.

Sudorifera, mista ex Fixis & Volatilibus:

℥. *Aque scabios.*
Flor. samb.
Ulmæ. an. ℥j.
Cordial. Herc. Sax. ℥vj.
Spiritus theriacal. campb. ℥ij.
Antimonii diaphor. ℥ss.
C. C. sine igne ℥j.
Sal. vol. C. C. ℥ss.
Campb. gr. ij.
Syr. scord. ℥i. vel ℥ij.
 M. d. f.

Potio sudorifera bene circumagitranda pro 4. vicibus.

℥. *Aque flor. samb.* ℥j.
Ther. Androm. vel loco hujus El. diascord. Frac. ℥j.
Salis vol viper. gr. vj.
Campb. gr. j.
Syr. rubi idæi ℥ss.
 M. D. S.
 Potio sudorifera pro una vice.

℥. *Tinctura Bezoard.* ℥j.
 D. S.

Tinctura sudorifera pro 2. vicibus.

In robusto verò corpore & casu periculos pro una dosi ℥i.
 sufficit.

ARTICULUS V.

D E

SALIVATIONE UNIVERSALI.

AD Universales Evacuaciones massæ sanguineæ, ac
 totum corpus purificantes, pertinet etiam Salivatio,
 quæ, per copiosam salivæ ex ore excretionem aliquot die-
 rum continuam, etiam causæ materiales morborum, aut

producta eorum morbosa, evacuari solent: idque tam uni-
 versaliter, quando copiosiorum succorum sub forma salivæ
 ex toto corpore per hanc viam instituitur Evacuatio, in sa-
 livatione seu ptyalismo universalis, vel particulariter, quan-
 do saltem ex ore & locis vicinis per salivam fit Evacuatio
 per Apophlegmatismum dictum. Hoc loco igitur de ea, qua-
 tenus est Universalis.

Huic autem Evacuationi natura minus est consueta:
 nam in naturæ cursu salivatio ordinario non observabilis
 est, sed potius salivam cum alimentis, aut aliàs degluti-
 mus; hinc rarum est, quod natura in statu præternatu-
 rali per salivationem moveat excretionem criticam: refert
 tamen ROLFINGIUS in *Methodo Spec. l. 3. Sect. 2. cap.*
41. p. 253. & l. 6. Sect. 3. cap. 1. pag. 590. se aliquando sali-
 vationem criticam observasse; cui casui non dissimilis est
 Observatio SCHNEIDERI l. de *Catarrhis*, ubi in feбри-
 bus petechialibus sub statu copiosa sæpe solet viscidorum
 per salivationem rejectio cum euphoria ægri supervenire,
 item BLEGNI in *Rod. GALLICI Anno 1. Mens. Octobr.*
Observat. 7. qui criticam vertiginis solutionem per Saliva-
 tionem observavit. Aliàs rarum, quod per naturam saliva-
 tio excitetur. Interdum tamen ars corrigere naturam præsu-
 mens instituit ejusmodi Evacuationem, quæ fit in specie per
 Mercurialia.

Hæc medicandi ratio, mediante varia Mercurii usur-
 patione instituenda, casu primitus, uri plurima alia medi-
 camenta, inventa fuit à Chirurgis; quæ tamen tunc ex
 instituto administratur in cura luis Venereæ inveteratæ &
 contumacioris, aliisque chronicis morbis. Nam quæ non
 cedit sudoriferis lignorumque decoctis, aliisque appropria-
 tis remediis, ea tandem per salivationem Mercurialem ra-
 dicitus curatur: conf. WEDELIUS de *Medic. Facultat. l. 2.*
Sect. 2. c. 12. SCHNEIDERUS de Catarrhis l. 3. cap. 11.
p. 438. TIMEUS l. 7. Cap. 3. & SYLVIVS Præceos. Ap-
pend. Tractatu 35. 32. 34.

Ex Arabibus nempe, qui præsertim in Re Pharmaceu-
 tica fuerunt studiosi, didicere Veteres, ad ulcera invete-
 rata, & imprimis contumaciora maligna ad gangrænam de-
 clinantia, commendatum fuisse Mercurium; hinc cum
 præ omnibus aliis Ulcera Gallica sint dysepulotica seu
 difficulter curabilia, adhibuere Mercurium cum empla-
 stris & unguentis; unde ex accidente & casu copiosa sub-
 secuta est salivatio, & per hanc tam ulcerum, quam ipsius
 primarii aliorumque morborum, Curatio: observato eo
 casu, satis licet dubio, luem Veneream deliberato consi-
 lio per ptyalismum curare cæperunt. Primus autem, qui
 luis Venereæ curandi methodum per salivationem Insti-
 tuit, fuit IOANNES CARPUS; *Italus Medicus Bono-*
niensis, qui hac via multa millia scutorum lucratus
 fuit. In lue ergo Venerea tentata cura salivatoria, simpli-
 etiam postmodum aliis affectibus chronicis & pertinaciori-
 bus, cum lue Venerea conjunctis, proficua observata
 fuit; & cum putarent, quod sub salivæ forma excerne-
 rent materiam ulcerum, hanc studio & consulto ad alios
 morbos chronicos & contumaciores, corpus adhuc robu-
 stum affligentes, quorum causa morbifica in Acido vitioso,
 imprimis in materia viscidior videbatur abscondita,
 applicarunt. Hac ratione Epilepticus per 50. annos lue
 Venerea infectus, mediante salivatione ab utroque malo
 curatus fuit; non secus ac Arthritis contumax evanuit,
 postquam æger lue Venerea inquinatus salivationem Mer-
 curialem passus fuisset: conf. WEDELIUS de *Medic. Fa-*
cultat. l. 2. Sect. 2. cap. 12. sic alius hernia aquosa affectus su-
 perveniente lue Venerea per salivationem Mercurialem ab
 utroque malo fuit restitutus.

Lues ergo Venerea per Mercurialia optime curatur; item
 ulcera Venerea, quæ non possunt sopiri, nisi adhibean-
 tur Mercurialia; in Mercurio enim latet genuinum Ale-
 xipharmacum Veneni Venerei. Hinc plures Medici in
 morbis contumacibus, scabie virulenta seu maligna, he-
 micrania contumaciori, in ulceribus crurum mananti-
 bus cacoetheis, in affectibus cutaneis gravioribus, cor-
 pulentia nimia (vid. *Art. HAFNIENS. Volum. 1. Ob-*
serv. 74.) in catarrhalibus diuturnioribus aut sæpius re-
 currentibus, in Asthmate humoroso, item Plica Polo-
 nica (vid. *HERCULES SAXONIA de Plica Pol.*
cap. 57.) aliisque pluribus, salivationem Mercurialem pro-
 ficuam observarunt; quin & Modernorum nonnulli Para-
 lyticis confirmatis, imprimis ex apoplexia factis, curam
 salivatoriam instituerunt, & sæpe feliciter absolverunt.
 Adeoque in genere Salivatio Mercurialis non quidem in
 morbis acutis, in quibus simpliciter nullius usus est, sed

potius in quibusdam contumacioribus affectibus chronicis, aliis modis non curantibus, a fermento acido plus minus corrosivo, in subiecto seu vehiculo plus minus viscido, glutinoso, &c. hærentes, & in his, & in aliis præsertim partes & massam sanguineam nimis affligentibus, fermentum acidum saturando, & sub forma liquoris salivæ evacuando, vel viscida fortius dissolvendo & evacuando, usum suum obtinebit.

Nempe Mercurius hic imbibit fortissime Acida, & spiritibus suis penetrat in imos partium poros, attenuat viscidissimam etiam contenta; unde, præter Asthma humorum, ad Quartanas diuturnas & similes affectus Curatio salivatoria à quibusdam Medicis fuit instituta: vid. WILLISIUS de febribus cap. 6. & de Anima Brutorum item ad Maniam graviolem: vid. ROLFINCII Method. cap. 15. & Consult. 12. Consil. 8.

Medium, quod salivationem hanc præstat, simpliciter est Mercurius: nam ut observatum sit, quod etiam sola pinguedo suilla diu subacta in mortario plumbeo, donec griseum acquirat colorem instar Linimenti Mercurialis, Infantibus in plantis pedum illita salivationem excitat aliquando: sicut etiam antimonium diaphoreticum seu cerussa antimonii, parata ex regulo antimonii, crebriori usu etiam aliqualem salivationem induxerit; in adultis tamen solus hanc movet Mercurius, quem adhibendi, modus duplex est, internus & externus. Externus per Unguenta, suffitus & emplastra, cingula sapientiæ dicta, &c. Internè usurpatur apparenter mortificatus, v. gr. Mercurius sublimatus dulcis, vel Mercurius præcipitatus ruber quicumque, speciatim cum spiritu nitri, alias Arcanum corallinum dictus; vel cum spiritu sulphuris aut vitrioli præparatus, Turbith Minerale dictus. Mercurius dulcis quidem solitarie propinatur repetito usu, simul aliquando laxat, & tandem etiam salivationem infert; quod evenit nobis sæpius, cum frequenter eo in Praxi soleamus uti, ut agitis superveniat salivatio, si qua data occasione non debite præcessit Purgatio, idque ordinario tertio vel quarto die, & sic coercitus in corpore subsistens salivationem movet; in quem finem datur ad minimum duabus vel tribus diebus continuando, prima die ℥j. secunda die ℥ss. tertia ℥j. in vitello ovi dissolutus, sic enim quarta vel quinta die, sequitur salivatio. Aliquando curavi mulierem, ex gravissima & desperatissima alvi obstructione decubentem, ita ut jam morbus liacus immineret; propinavi hinc sensim Mercurium ad aliquot Uncias usque ad iij, quæ cum nihil operarentur, sed detineretur, supervenit tandem frequentibus diebus salivatio; evacuare proin Mercurium per balnea & clysteres lacteos habebam necesse, eo quidem cum successu, ut sic de nocte demum erumperet ex improvviso, lectumque petens, cum ægræ salute alvum aperiret. Ex quibus omnino Mercurium in corpore retentum salivam ciere patet.

Arcanum Corallinum Hartmanni.

Paratur per ternam spiritus nitri abstractionem, remanet sic præcipitatus elegans rutilans cinnabarinus, qui datur cum theriaca, vel succo glycyrrhizæ in forma pilularum ad gr. ij. vel iij. primum nauseam, interdum vomitus movet; altera vice seu sequente die gr. jv. hinc tertio v. & sic, donec omnes doles simul 15. vel 19. grana compleverint, bis 15. oder. 19. granen eingenommen, tunc desinamus; sequitur enim salivatio: raro plus requiritur.

Turbith Minerale Crolii.

Cum sulphuris vel vitrioli spiritu eodem modo paratur. In forma pilulari cum Theriaca datur; primo die gr. j. ij. vel iij, post ad jv. sicut supra: sicque quotidie continuando, donec 5. doles assumptæ, & salivationis futuræ indicia superveniant.

Externè modus optimus & usitatissimus est sub forma Unguenti, parati ex Mercurio vivo cum duplo vel triplo pinguedinis suillæ in mortario lapideo cum pistillo ligneo probe agitando, ut in Unguentum griseum transeat. Ad duntur interdum & alia, ut oleum laurinum, terebinthinæ, vel aliud appropriatum corpus: Vel

℥j. Axung. porc. ℥jv.

Terebinth.

Mercurii vivi an. ℥ij.

Syrac. liquid. parum.

M. sub forma Litus.

Tali unguento plantæ pedum, tali, & genua, carpi, & cubiti; ita ut singula vice tantum Unguenti recipiatur, quantum illud habet Mercurii ℥ss. vel ad ℥j. in robustioribus in graviore malo & pertinaciori affectu, ubi nempe difficilius succedit salivatio, pro fluxu promovendo etiam ipsa spina dorsa à nucha ad os sacrum inungitur mane & vesperi omni die in loco calido, continuatur tam diu, donec gingivæ & labia intumescere, parotides dolere, lingua inflammari, & ita salivatio prodire incipiat. Omnium tutissimus modus est, si plantæ pedum inungantur; sequitur enim salivatio copiosa. Post litum, præsertim in corporibus nostris crassioribus (quod apud Italos & Gallos propter laxiorem cutim non opus est) æger aliquandiu in lecto decumbat, ut per poros apertos eo facilius se infuset Mercurius.

Alter Modus externus per suffitum instituitur medianibus trochiscis seu candelis cum debitis resinis, benzoe, styrace, terebinthina & similibus paratis; & cum cinnabari vulgari probe peractis; incensis, vel carbonibus ignitis injectis, æger conopæo (sive Domuncula) inclusus, ut saltem caput promineat, suffitus. Cinnabaris enim, dum constat ex Mercurio vivo, hic per ignem in fumum resolutus subintrat ægri corpus, omnesque partium poros penetrat, & ita aliquoties repetitis tandem fortiter salivam movet. Sed hic modus, pessimus omnium, jam in desuetudinem ferè abiit, quia ignis vi Mercurius magis volatilis & penetrans factus, intima corporis penetrat, & adeo profundè se infinuat, ut præter periculosissima, quæ subinde excitat, symptomata vix ulla arte iterum revocari queat.

Denique in usu est

Cingulum Sapientiæ

Dictum Rulandi. Est pannus laneus Mercurio vivo, cum porcina pinguedine subacto probe imprægnatus, insuitur linteo, quod cuti nudæ circa hypochondria applicatur. Cingulum tamen hoc usurpatur præsertim in malis levioribus, scabie, phthiriasi, ulceribus, &c. ubi non præcisè opus est salivatione; utut & hoc interdum salivationem excitet: id quod observavit PAULI in Quadripart. Botan. pag. 75. quam tamen raro movet, nisi diutius gestetur, & fortiter nimis Mercurio imprægnetur. Observanda cautela, ut corpus semper calidum sit, & præservetur à frigore aeris externi; alias Cingulum per se tutissimum fit periculosissimum; A tali modo tractato Mercurio succedit fluxus salivæ copiosæ primò tenuis, secundò mucilaginosæ, denique viscidioris & fetidæ.

Optimus igitur modus est Inunctio externa per Mercurium purificatum, quæ optimè procedit, & non tam funestis comitata est symptomatibus. Itali sumum usurpant ut plurimum, Galli Unguento utuntur, Germani per os sumunt Mercurium præcipitatum. Salivatio per suffitum ad epilepsiam disponit, per Mercurium vivum mirè prostermitur stomachus, ut longo tempore stomachus illatam noxam vi sustinere possit.

Signa salivationis imminentes sunt, dum incipiunt labia & gingivæ tumere, parotides dolere, lingua inflammari, halitus graveolentes & foetidi exspirari, dentes nonnihil mobiliore fieri ita ut illos omnes possint extirpare, si volūt, hinc interdum facies ipsa tumida reddi, & saliva magis magisque effluit: Unde his indicibus præsentibus, cessandum ab usu Mercurii, tam interno quàm externo. Supervenit his interdum in principio salivationis, loco talis fluxus alvi torminosus, quo viscida punctis sanguineis aspersa sæpè ejiciuntur; affinitas enim est inter pancreas & glandulas oris; hinc eadem materia per glandulas oris per salivam, & per glandulas pancreatis per alvum, excernitur. Nam utut internè propinatus Mercurius præcipitatus ordinariò nauseam, aliquot vomitus aut secessus, & tormina in principio excitet, altero tamen vel tertio die hæc sponte cessant.

Tempus Salivationis, quamdiu scilicet hæc continuanda sit, mensurandum est secundum vires ægri, intentionem Medici, atque rationem morbi ipsius. Communiter in lue Venerea apud nos continuatur per 8. 10. aut 14. dies; Galli è contra plerumque ad 20. dies fluere permittunt: tempus tamen adeo certum aut determinatum non est; nonnunquam enim citius, nonnunquam tardius supervenit salivatio: tunc saltem legitimum signum sufficientis salivationis est; si tandem viscidior, tenacior & foeti-

cior & foetidior mucus prodeat; talis enim non nisi in fine, cum perfectè operatio est salivatio, prodire solet: nam in principio tenuior lymphæ, deinceps spissior, in fine mucus viscidus, tenax, foetidus, cum forti screeatione ab ægris ejicitur.

Modus, quo fiat à Mercurio talis Salivatio? multum intricatus est. Pro hujus dubii satis adhuc intricati aliquali dilucidatione considerandum in Mercurio vivo.

1. Corpus Mercuriale, quod non inconvenienter dicitur representare quasi aliquod alcali metallicum, quatenus promptè à quibusvis Acidis, arroditur, cum jis in tertium falsum coit. Planum id est ex Mercurio sublimato, tam corrosivo quam dulci: Uterque in se consideratus est concretum falsum, quoniam ab Acido sulphureo salis communis fit concretum acido falsum cum Mercurio concurrente. Ratione hujus suæ substantiæ materialis Mercurius, sulphure suo externo acido non saturatus, vim habet in corpore quælibet fermenta peregrina acida, præsertim acriora fixiora (idest, quæ aliis remediis non sunt curabilia) absorbendi & imbibendi; unde Mercurius Acidum specificum luis Venereæ summè corrosivum, Acidum scabiei ferinæ, Acidum fixum arthriticum, Acidum corrosivum ulcerum depascendum, quartanæ item diuturnæ, &c. imbibere, corrigere, & enervare solet. Curiosum hinc est, si quis ex quacunque occasione vel causa habeat ulceramantia crurum, loco puris laudabilis saniem acrem plorantia, quod ex usu Mercurii dulcis interno statim altero die alterationem percipiat, talia rubere, pus laudabile & ut vocant, coctum fundere seu fluere, & loco doloris insignè levamen observare soleant. Aded propter concretum alcalinum quasi concentratum ista Acida promptè absorbet; ut rectè monet SYLVIUS, quod Mercurius pro Cura salivali adhibendus, non nimis saturandus sit Acidis sub præparationibus Chymicis; sic enim minus intra corpus salivationis medio educere solet.

2. Præ cæteris optima mihi videtur TACHENII sententia de Mercurio in Hippocr. Chymica, qui viscera hujus servi fugitivi præ omnibus Chymicorum penetrare ausus fuit, adherere huic amalgamati liquido, ut Mercurius probabiliter esse asseritur à BECHERO in Physica subterranea, sulphur acidum adeo acre, quod tamè concretum alcalinum metallicum non sufficienter saturat, aliis enim figeret. Adhærere autem Mercurio tale sulphur acre metallicum, & quod ab ipso vix, nisi sua arte, separabile est (quem tamen Mercurium de Mercurio, Mercurium veste peregrina spoliatum, &c. vocant) idque externum esse, volatile & naturæ quasi arsenicalis, quod præcisè non de ejus est essentia, patet, quod Mercurius præcipitatus per se aliquamdiu igne leni digestus abeat in præcipitatum pulverem rubicundum ejusdem ferè naturæ cum illo, qui per spiritum nitri præcipitatur, ut non adeo salivatorius existat. Nempe sicut ex sulphure communi & Mercurio prodit cinnabaris, sic ex Acido sulphureo acro in nitro seu ejus spiritu fit Arcanum Corallinum Hartmanni & ex nitro & Mercurio sublimando fit Arcanum Corallinum Crollii: in quibus Mercurius pondere non augetur, sed tantillū est, quod de Acido sulphuris vel vitrioli ipse se associat, & cujus occasione sulphur externum Mercurio adhærere quasi excitatur & extravertitur, ut ita exinde evadat pulvis intense rubicundus. Ratione sulphuris hujus acidi externi acris fit, ut Merc. præcipitatus, quā diu resuscitabilis adhuc est, sit salivatorius, quatenus acrimonia sua corrosiva, utut occulta, dum penetrat, has rurbas inferat, intima corporis dissolvendo, penetrando, & colliquefaciendo quælibet contenta corporis viscida, pituitosa, glutinosa, &c. simul dissolvit chylum sanguinis nutritivum, nec nō nutrimentum partium nervearum, & quarumcunque partium solidarum gelatinosum mucilaginosum; cumq; hoc liquefacto ratione acoris partibus nerveis inimici, simul vitiosa fermenta acida Venerea, aliaque, eaque hæc omnia sub forma salivæ foras educit, quatenus ita dissolutus, attenuatus & colliquefactus succus ita sua textura naturali est dispositus, ut sub larva copiose salivæ speciatim per glândulas, earūq; poros, seu appropriata cribra, & speciatim maxillares, possit trajici. Conf. SYLVIUS de Lue Vener. p. 349.

Illustratur hæc oppido TACHENII probabilissima ex eo:

1. Quod constanter affirmant Autores, quod mercurius Corporum, seu ex metallis factus, v. g. Mercurius ferri antimonii, &c. sive sit separatus ex corporibus, sive de novo factus, non inferat salivationem: quia deficit dictum sulphur externum acre, quod alteri ex fodinis petito inest, ex cujus defectu non solet per se præcipitari, neque salivationem provocare.
2. Confirmatur hæc sententia, quod quò magis sulphur externum in Mercurio extravertitur, eò potentior salivatio inferretur. Ratione hujus sulphuris gr. xv. Mercurii præcipitati (ad gr. ii. aut iii. pro una vice) fortius solent operari, quàm 3i. Mercurii crudi externè adhibiti: nam per spiritus affusos nitri vel vitrioli Mercurio, extravertitur sulphur, & exaltatur additione Acidi externi.

Loca, per quæ fit salivæ Evacuatio, sunt primariò glândulæ oris, & istæ omnes, quæ ad liquorem salivalem aliquid conferunt in specie parotides seu maxillares superiores, & hinc tonsillæ: unde est quod imprimis lingua circa latera istis in locis, ubi vasa excretoria per orificia glândularum maxillarum superiorum in os hiant, soleat exulcerari ab acrimonia salivæ liquaminis, copiosius ibidem excreti: hinc tonsillæ tumescunt notabiliter sub salivatione, foramina earum patentissima & mucum copiosius eructantia observari, imò facile exulcerari solent. Præter vasa salivalia etiam quævis aliæ glândulæ tumentiores & magis rubicundæ liquorem ubertim excernere deprehenduntur. Ratio autem, quare Mercurius in specie per salivam evacuari faciat, est.

1. Materię liquidæ factæ talis textura & consistentia, ut per has glândulas, ac vix per alias, transcolari queat, sicut ipse Mercurius resolutus facile respondet porulis stomaticis, quod facile possit suscipi, & tales succi in os transcolari.
2. Quod liquor salivæ effluens à Mercurio singulari acrimonia sit infectus, ratione cujus istas partes irritando facit, ut eo magis contenta hæc moveantur, pro subjecti plus minus irritati constitutione. Non enim est, ut putemus, Mercurium esse vel amicum vel inimicum glândulis salivalibus; nam non præcisè per os, sed interdum etiam per pancreas & glândulas intestinales sub forma muci solet educere & operari, atque tunc parciore salivæ fluxus observatur deinde, quod salivæ acrimonia multum contrahatur, patet ex eo, quia, quando parciore fit salivatio, pro stimulo soleant usurpari trochisci seu Roulæ ex Mercurio dulci & Gummi tragacantho paratæ, quæ globuli in ore sub lingua detenti orificia vasa forum excretoria, & vicinas his glândulas irritando, uberiorem salivæ fluxum promoveant.

Quod si ritè hæc omnia considerentur, nempe modus, quo Mercurius evacuat extra corpus copiosam salivam, & sub hujus tegmine fermentum corrosivum acre ægros vexans, manifestum est quod hæc Cura salivatoria, simul non nihil sit deceptoria, quatenus ordinariò, quantum hoc ipso profumus ægris, tantum simul nocentis, utile una colliquefaciendo, & extra corpus evacuando, prout quoque supra dixi de Purgantibus; hincque Veteres dixerunt: nullum esse remedium egregium, quod non etiam simul noceat; utut nocumentum istud corrigibile, adeoque tolerabile existat.

Dico igitur sub forma salivæ fluoris tam nocuum quàm innocuum evacuari: Nam falsum est hoc per hunc Mercurii usum & salivationem in lue Venerea simpliciter soli succi recrementosi, scilicet Viscidum ac Acre ejus corrosivum, eliminantur: potius simul succi, qui per salivationem externantur, sunt succus chylus nutritivus, & nutrimentum partium solidarum liquefactum, in nervis resolutum, & simul cum excrementis eliminatum; maxima tamen pars est succorum bonorum. Generat ergo tale liquamen in corpore Mercurius, quod sub salivæ forma emanat, utut cum eo vitiosa & partim naturalia recrementa simul evacuentur, & acida præternaturalia fermenta à Mercurio imbibita simul eliminantur.

Probo hoc, quia ex usu Mercurii tam sani quàm ægri æqualiter vexantur, & in utrisque salivatio provocatur, & sic, ubi non invenit inutilia, utilia evacuat: hinc non rarum est, quod Chirurgi, dum ægros illinunt, ipsi quoque salivare incipiant. Parisiis olim ipsemet curiosus eram, & ægrum apud hospitem meum, Chirurgum eximium, morantem de joco illinebam; sed nisi cautè abstinuis-

stinuisssem, tandem salivationem ipse incautus incurrissem.

Afficit aut Mercurius in specie (1) partes solidas, dum in his sub penetratione majores necit moras, & sic acrimonia sua acri corrosiva magis eas afficit; quam liquidas, & reliqua corporis contenta; unde partibus solidis magis inimicus existit, colliquando & absorbendo nutrimentum partium nervearum magis, quam sanguinearum. Hinc etiam (2) sub cura salivatoria debilitantur non leviter ægri, præsertim si paulò celerior & fortior supervenerit salivatio, & præterea etiam insigniter emaciantur, ut sceletis similes appareant, utut ritè curati eò pinguioribus deinde fiant: interdum tamen nunquam ferè amplius consuetum faciei colorem recuperant, nisi forsan in robustioribus hoc fiat, sed palidi apparent; unde etiam hæc cura non, nisi aliis ferè irritis, aut ubi alia non suffectura est suspicio, instituenda est. Hinc, nisi rectè instituitur salivatio fit interdum, ut non semper succedat Cura, quin interdum, si magis inveteratus fuerit morbus, duabus aut tribus vicibus instituatur salivatio, nec tamen cesset lues Venerea. Hinc (3) quoniã Mercurius, uti dixi, ratione sulphuris externi acidi corrosivi afficit imprimis partes solidas externas, non rarò gravia emergunt symptomata, nisi ea maturè præcaveantur: ex gr. interdum in partibus solidis relinquit vestigia sui per totum vitæ tempus vix corrigibilia. Nam verum est effatum Medicorum: Nil magis inimicum esse partibus nerveis, quàm frigus, Acidum, & Mercurius, qui præsertim inimicissimus est partibus nerveis, unde tremores artuum, item pulmonibus, unde sæpè graves noxæ in pulmonibus relinquuntur; imò capitis nervis: unde **BO-NETT.** in *Phar. Medicorum* observavit, salivatione suppressa lethalem secutam fuisse cephalalgiam: os item exulceratur, quæ ulcera sunt mali moris, nisi gargarizando iisdem prospiciatur, facile in gangrenam abeunt; imò interdum hemorrhagia gravissima supervenire observatur; item sæpius dysenteria periculosa excitata legitur: ut taceam Mercurium, utut subtilissimus sit liquor metallicus, interdum diu in corpore delitescere, donec cornua sua exeat: sic observavit **SCHRADERUS** in *Viro lue Venerea* laboranti, ob dolores ab Empirico emplastrum applicatum, cui Mercurius commixtus fuit, ut hic, cum eum post tres menses accerferet, decocto sudorifero hausto largiter cœperit salivare; adeo diu intra corpus latuit Mercurius. (4) Mercurius sæpè salivationem lethalem excitat, idque duplici modo: quando ea est vel nimia, & eam non debite moderetur Medicus; tunc enim viribus exhaustis concidit æger; vel quando nimis est concitata, ut tumefactis faucibus jugulati extinguantur.

Ergo, quoad legitimum Regimen salivationis Mercurialis, notetur (1) ut non adhibeatur in quovis morbo, nisi aliis remediis jamjam frustra tentatis & irritis; unde non, nisi in malo graviore, tanquam ad ultimum refugium, ad salivationem Mercurialem demum confugiamus. Hinc (2) non instituatur nisi in corporibus robustissimis & succulentis: habenda etiam est ratio virium, quia ægri insigniter debilitantur & emaciantur, quare non in siccioribus, Cholericis, Melancholicis dictis, sed potius in Sanguineis & Phlegmaticis, tutius & longè facilius instituitur. (3) Melius procedit tempore calido, adeoque verno & æstivo, non tamen adeo fervido, quàm autumnali & hyemali, ubi succi non fluxiles; utut apud nos etiam tempore hyemali, propter fornacum usum, aerem temperare possumus, modò æger intra se contineat. Ab aere enim libero, item à frigore, sibi caveant ægri, cum nihil magis salivantibus noceat, quàm aer frigidus externè, & Acidum internè: frigus externè haustum suppressit salivationem; simulac quoque si Acidi quid capit æger, mox sistitur fluxus salivæ, unde ægri facillimè tumores faucium lethales incurrunt: sic observavi in subiecto sceminino salivante, quæ à degustato pomo citri ob virium debilitatem, statim, remittente salivatione, præcordiorum anxietatem, abdominis inflationem, &c. sensit. Intelligendum igitur est tempus commoditatis, non necessitatis. (4) Observanda est constitutio ægri; cum in quibusdam fortior & faciliior, in quibusdam difficiliior & parciior, succedat salivatio: v. gr. Itali & Galli facillimè salivant propter texturam corporis raram & magis perspirabilem, cum humores illorum sint tenues & fluxiles, conspirante aere tenui, inde pori & meatus corporis patentiores. Curabat Parisius Hospes meus militem nobilem; qui in obsidione Belgicæ Civitatis cujusdam Sclopeto in talo læsus erat, & vulnus periculosum acceperat, ut gangrenam minitaretur: Chirurgus, Hospes meus, aquam illam Phagedanicam

ex aqua calcis vive, Mercurio dulci, & spiritu vini Chirurgis familiarem, adhibebant; successive quidem evanescebat Gangræna, salivatio tamen superveniebat ob paucissimum, qui admixtuserat, Mercurium. Adeo facillè salivant Galli, & multò magis Hispani; nos autem Germani, Batavi, & Septentrionales difficilius ac tardius salivamus, propter glutinosiores succos à victu cerevisiæ crassiore, & clima aere spisso frigidus; unde diutius & fortioribus remediis Mercurialibus sunt tractandi. De canibus quoque notabile est, quod sicut robustiores in omnibus actionibus vitalibus & animalibus sunt; ita etiam Mercurio illiti difficilius salivant. Observantur autem interdum ægri, qui nullo modo salivare possunt, sed superveniunt insignes anxietates præcordiorum, tumores hypochondriorum &c. in talibus igitur maturè abstinendum. (5) Habenda est ratio simul aliorum affectuum, quibus eger est obnoxius; ne iidem Mercurii usu exasperentur. Qui igitur debilibus est pulmonibus, Curam hanc non patiatur, ne Phthisicus evadat. Ita quoque apud nos Germanos, in specie Saxones, aliosque Boreales locos, cautus sit usus hujus Salivationis Mercurialis, propter frequentem scorbutum oris: uti enim hic in gingivis exulcerationem & putredinem plus minus gangrænosam inducit, ita in talibus cavendum, ne gingivæ cancrum concipiant; adeoque in scorbuto confirmato, quem Mercurius & omnia Mercurialia pertinaciter exasperant, non nisi aliis omnibus irritis, & in Robustis & Vegetis, salivatio instituenda, ubi & negotium desperatum est: quia admodum molesta, periculosa, & ut jam supra explicatum, interdum deceptoria. Molesta est, ob inediatam, quam patiuntur, propter dolores oris, propter tumores partium vicinarum, sumunt ocellar in os per noctem; molestior est ipso morbo, quem curamus: periculosa est, ob metuenda gravissima symptomata lingue & oris, faucium, vacillationes dentium, gingivarum putredines, & metus est, ne nimio fluxu in tantum intumescant glandulæ, ut superveniat suffocatio, quod non rarum est, aut dysenteria, & alius fluxus alvi, aut ne circa os ulcera inferantur, circa fauces uvulam erodentiam. (6) Antea præmittenda sunt in hac Cura imprimis universalia purgantia per alvum, quæ corpus undique permeabile & perspirabile reddunt, ac contenta imprimis tenuiora faciunt, præsertim sociato Mercurio dulci, ut disponatur sic corpus ad levandam faciliorem salivationem. Galli præmittunt quotidianum usum balnei aquæ dulcis tepidi, quod non improbo, cujus foru ad 14. dies quotidie semel vel bis continuato emollitur corpus, magis attempuatur, & ad faciliorem motum disponuntur humores plus minus viscosi, simulque aperiuntur pori corporis pro faciliiori Mercurii penetratione; quorum loco nos præmittimus Decoctum lignorum sudoriferorum, ut horum usu fluidiores sub aliquali, eoque moderato, sudore fiant humores, & rapidiori motu agitati fiant transpirabiles. (7) Sub ipsa salivatione utantur ægri diætâ tenui, quia non possunt masticare, ut iuculis, ovis sorbilibus, pulvis tenuioribus. Jam quò magis comedunt ægri, eò minus per salivationem curantur, quia chylus, quàm primum digestus, sub salivatione iterum prodit, sicque chylus nutritivus, non verò fermentum illud, sub forma salivæ ejicitur. Potus sit aqua, vel cerevisia tenuis, vel hujus loco Decoctum lignorum; non tamen nimis forte, sed secundarium seu Bochetum pro potu ordinario, sic tamen ne sudor sequatur, qui salivationem impedit. (8) Post sufficientem salivationem opera detur, ut si quid sordidum remanserit, à Mercurio corruptarum, aut aliquid ejus intra corpus hæserit, perfecte eliminetur, ne longo ab hinc tempore excitata de novo salivatio pessima artuum symptomata inferat; in quem finem imprimis purgetur denuò æger semel aut bis, & propinquentur Decocta lignorum sudorifera cum antimonio pro aliquot vicibus, ad eliminandas sordes hinc inde forsitan resistentes, uti & penitus extirpandum è corpore Mercurium, & eger tutò curetur; hinc enim nocumenta relicta aut supervenientia, per Decoctum ligni gva-jaci ordinario ejici solent. (9) Salivatio plus minus deficiens excitatur & stimulat, partim per continuatum ulum Mercurialium in pauca dosi, partim per trochiscorum supra dictorum in ore detentionem, quibus successive liquefactis, fauces & os irritando, fluxum salivalem ita provocant. Qui tamen (10) excedens nimium, compescendus, non penitus suppressendus, partim per Evacuationes, per alia loca institutas, partim per Mercurii extra corpus

D E

Ettmulleri Oper. Tom. I.

- tui debet.
- Quoad Materiam Medicam, hæc pro duplici modo operandi duplicis est differentiæ: quidam Apophlegmatismi leviores sunt, & operantur saltem ratione motus; dum enim movemus masticando maxillam, linguam agitando comprimimus simul faucium membranam & partes annexas, unde intensius madent ex lymphâ: quidam sunt aciores, subtiles & penetrantes, quæ ad glandulas penetrant, & subtilitate sua vellicant, & junctam habent simul acrimoniam, partim irritantem dictas glandulas & membranas, partim ulteriùs penetrantem orificia vasculorum excretoriorum, & solventem, quos ibidem inveniunt, viscidos succos, unde si tubuli hi irriterentur, repetitis eorum spasmodis; ex iis uberrima destillat lymphâ salivâlis in os. Leviores igitur sunt ver. gr. crusta panis durior diutiùs masticata, vel frustum ligni diutiùs intra dentes circumactum; saliva enim sub masticatione largiùs adfertur & exprimitur, vel globulus crystalli in ore

in ore circumvolutus, qui ad sitim fallendam in ore detentus à quibusdam laudatur. Fortiora autem & propriè dicta talia sunt acriora, penetrantia, amaricantia; quæ nunc simpliciter mediante masticatione diu conteruntur, & in consistentia sicca applicantur, & dicuntur in specie *Masticatoria*; nunc verò in forma liquida, imprimis Decocti, in ore aliquandiu detinentur, quo profundius penetrant, & meliorem effectum præstant, & in specie *Apophlegmatismi* dicuntur: sic v.g. *Apophlegmatismus siccus* seu *Masticatorium* est in specie radix pyrethri, quæ est primum, idèò Germ. *radix salivaria* dicta; Zingiber, zedoaria, galanga, acorus verus, cubebæ, caryophylli aromatici, piperata, in specie nicotiana, & hinc mastix usurpantur, vel per se in granis, vel ex hac cum cera & radice pulverisata pyrethri formantur globuli, quorum medio probè agitando cum lingua in ore Apophlegmatifatio promovetur. In forma liquida, ver. gr. Extractum nicotianæ cum spiritu vini, quantitate pisi in ore detentum & lingua commotum, mirum quantum salivæ ejicere facit; cavendum tamen, ne quid ejus cum saliva deglutiatur, aliàs vomitus & solita symptomata facillè moventur; vel etiam loco hujus fistulum tabaci masticetur, quod aliàs frequens est imprimis in dentium dolore, dum saliva proritatur, & vi ejus narcotica dolores dentium cum aliquali levamine sistuntur; vel hætenus dicta simplicia, herba majoranæ, semen sinapi & similia in vino vel in aqua aut acetopro ratione circumstantiarum decoquantur, quale Decoctum vel in ore calidum detinetur ad tempus, vel pro meliori effectu etiam gargarisuntur os & fauces, pro salivatione oris particulari excitanda; quod fit in specie in affectibus tonsillarum, uvulæ, &c. quando fauces mucosæ obsidentur.

Quod attinet Apophlegmatismorum seu Masticatorium formulas, sint:

24. Rad. pyrethr. in aceto macer. ʒi.
Vel

24. Zingib. ʒvi.
D. S.

Radix in ore assumenda.

Quæ masticanda continuò & prolicitum sputum copiosè ejiciendum.

In forma Electuarii.

24. Mastich. el. ʒii.

Rad. pyrethri ʒi.

Sem. sinapi.

Cubebæ.

Cardamom. an. ʒi.

cum s. q. Rob passul. vel Mell. Anthosat. f. Electuarium.

Sub forma trochiscorum:

24. Rad. pyrethri ʒi.

Lil. convall.

Sem. sinapi an. ʒss.

Cardam.

Cubebæ. an. ʒi.

Cum s. q. Mastich. vel Cera liquefact. f. Trochisci, S. Trochisci masticandi.

de quibus unicus in ore detineatur.

Sub forma decocti:

24. Herb. nicot.

Prunell. an. M.ii.

Rad. polypod. querc. ʒvi, vel ʒiss.

Sem. sinapi (quod egregium est) ʒii.

Coqu. in s. q. aquæ p. iii.

Aceti vini p. i.

Decocti ʒi. addatur

Mellis depur. ʒii.

Calidè capiatur subinde cochlear unum gargarisando in ore, donec sufficiens sequatur effectus.

Pertinent huc fumi ex fistula suctione elicti; hinc pulveres pro fumo varii ex nicotiana & aliis herbis compositi sunt, quos inter commendatur ille Sennerti:

24. Herb. beton.

Meliss.

Rorifamar.

Salv.

Majoran.

Fol. lauri an. M.ʒ.

Nicot. M.ii.

Flor. borrag.

Bugloss.

Cheiri

Chamom. Rom.

Lavend.

Primul. veris

Lilior. convall.

Tunic.

Rosar. rub.

Violar. an. ʒss.

Sem. anisi,

Fœnic.

Rutæ,

Coriandr. an. ʒii.

Succ. citr. ʒss.

Incisa & contusa grosso modo dentur.

Item Herba Thee solitaria eidem scopo satisfacit.

II. Succedunt Apophlegmatismis Evacuationes per nares,

ERRHINA nempe & STERNUTATORIA.

Seu Ptarmica, h. e. Remedia, narium isthmum evacuantia. Hæc sunt ista, quæ per nares lympham uberiores, etiam spissiores paulò, ex glandulis vicinis ossis cribriformis, & membrana pituitaria superiore, eliciunt. Veteres autem putarunt, quod immediatè ex cerebro, his mediantibus, fieri queat Evacuatio: sed sufficiunt ex glandulis ossis cribriformi vicinis, & hinc membrana pituitaria superiori, uberior lymphæ & muci excretio. Si phlegmatist hæc Evacuatio fit cum forti motu thoracis, vocatur *Sternutatio*, qualia remedia vulgò malè dicuntur Caput-purgia, quia non ex capite immediatè descendit mucus. Ratione effectus differunt Errhina & Sternutatoria quoad magis & minus: Errhina blandius irritant, & ita successivè lympham ex naribus fluere faciunt; Sternutatoria acrius & sublimius vellicant, & hinc Sternutationes movent. *Sternutatio* talis supervenit per consensum: Nempe nihil aliud est, quam affectus musculorum thoracis, expirationi intervenientium, sicque suo modo diaphragmatis convulsivus; qui convulsivo spasmo contracti subitaneo impetu cum aere mucum simul per nares elidunt, & ita obstructions ibi residentes plus minus referant. Causa talis convulsivi impetus seu Sternutationis simpliciter est irritatio sensilior membranæ narium superioris, quæ certum & singularem consensum fovet cum nervo intercostali, quatenus cum hoc mox in sua origine furculos quosdam recipit: Vid. WILLISIUS in Anat. Cerebri, & SCHNEIDERUS de Osse Cribrif. de Catharrhis.

Duo ergò in Sternutatione considerata veniunt:

1. Ipsa Irritatio membranæ narium facta, ratione cuius sequitur affluxus, & hinc etiam uberior effluxus lymphæ naturaliter aliàs insipide, paulo spissioris, partim naturaliter acris, acidæ, falsæ, tenuioris, item mucilaginis viscidioris.
2. Motus iste diaphragmatis & thoracis convulsivus expiratorius, seu Sternutatio, sub cuius impetu convellitur per accidens & eliditur spiritus e naribus, & ita spasmo continuato simul concutitur totum abdomen, & violenter constringitur; tunc enim omnes ejus musculi unà quid spasmo dici patiuntur, unde etiam dolores lassitudinarii percipiuntur in abdomine.

Ratione prioris primariò conveniunt Errhina & Ptarmica pro evacuanda lymphæ, vel superflua vel vitiosa, aut mucosæ viscidæ ore ex summitate narium & locis vicinis, v. g. membrana pituitaria: Evacuata sic copiosa lymphæ istorum locorum, consequenter & caput reliquum ab uberiore lymphæ influxu præservatur, & derivando per motum illud, quod gravat, vel sponte natura sua vel per artem, in statum naturalem redit; & sic per accidens etiam in multis narium & capitis affectibus, coryza, obstructionibus ossis cribriformis, læso vel amisso olfacto vitio cerebri, convenire & speciatim memoriam confortare, à quibusdam dicuntur Errhina. Notum est, quod naturaliter nares sint humidæ idèò, ut defendatur ab aere externo, & miasmata odorum melius percipiuntur: jam si irritantur nares, talismodi liquor copiosus emittitur.

Locus autem per què fit Evacuatio, nō est caput, nec cerebrum non os cribriforme; nam hic est membrana crassissima:

potius est partim ductus oblongus Stenonianus, ad extremitatem narium pertingens, partim membrana pituitaria superior & anterior in summitate narium, juxta os vomerita, & ad palatum nonnihil protensa; qua irritata, glandularum conglomeratarum series, post hanc membranam confita, copiosam lympham, & continuato effluxu, pituitam effundere solet, quæ p. n. nunc acris, salsa, viscida, &c. quam describit SCHNEIDERUS l. 3. de Catarrhis. Per hanc membranam transudat lymphæ naturaliter per coryzam exterminata: Artificialiter per Ptarmica evocatur. Quando ergo particulæ aciores pungunt membranas, fit ut copiosius eliciatur lymphæ; simili ratione quia Sternutatoria operantur: eadem ratione fit Coryza ab aere austero, inquinato effluviis acidis, irritante membranam narium.

Ratione posterioris, motus scilicet convulsivi, vel concussionis pectoris, conveniunt Errhina & Ptarmica egregie in paroxysmis apoplecticis, lethargicis & comatosis, pro excitandis ægris, interdum etiam vertiginosis, sed raro: ob id & ea, quæ firmitus aut naribus aut faucibus ac asperæ arteriæ impacta sunt, simul ejici facit Hysterici in paroxysmo ad excitandas eas, in quibus aciora & fortiora Sternutatoria instantur eorum naribus, ut spiritus revocetur, & ægræ sic demum ad se redeant: aliàs is periculosa sunt, cum insigniter concutitur abdomen; ideo profunt in partu difficili, in rejiciendo fetu mortuo, retentis secundinis: fit enim motu isto abdominis concussorio suo Sternutatione fortior, ut nunc secundinæ, nunc effluxus elidantur; uti etiam in mensium defectu, præmissis præmittendis, pariter locus sit, teste HILDANO l. 3. Observat. 58. ex crebriore Sternutatione mensium fluxum observante & contumaci alui obstructione &c. in quibus nempe cum impetu corpus concutiendum venit.

Quæritur autem; an in epilepticiis paroxysmis & oculorum affectibus etiam conveniant? Quoad prius, merito dubitatur; quia Sternutatio consistit in epilepsia seu convulsione particulari thoracis, ideo metus est, ne magis irritetur convulsio epileptica. Confirmat hoc SALMUTH, exemplum habens in Observationibus, quod ex forti Sternutatione quidam inciderit in epilepsiam: Ergo videtur ab his in hoc passu esse abstinendum. In oculorum affectibus Errhina aliquando conveniunt; Sternutatoria vero semper nocent: siquidem observatum fuit, quod crebriori hac concussione cecitas oculorum fuerit inducta apud HILDANUM l. 1. Observat. 24. imò etiam mortem ex nimio usu idem annotavit l. 4. Observat. 121. BARTHOLINUS equidem putat, propter ductum Stenonianum per foraminulum ex cantho oculorum majore, in nares hiante, quod possint etiam oculis conferre: sed quod non per foraminula ista in nares aliquid penetret, patet, quod collyria oculis instillata brevi post in faucium isthmo fuerint gustata. Pertinet huc Observatio SCHRADERI, qui annotavit, aquam infusionis croci meta lorum Quercetani instillatam oculis, penetrando per palatum, & deglutitam ulterius progrediendo, alvum aliquoties movisse. Sic Sternutatoria nimis acria crebrius usurpata, hæmorrhagiam narium tantum non lethalem excitarunt, quod observavit KERKRINGIUS in Spicileg. Anatom. Observat. 50. Itali qui nimis frequenter his utuntur, membranam narium adeo corrumpunt, ut postmodum ferè Odoratum perdant, & hæc insensilis fiat: Et observavi in Italia, ubi semper secum Sternutatoria gerunt, quod continuo abusu læserint nares, ut odoratissima vix olfaciant: Imò juniores in Italia etiam sæpè debilitatem visus incurrunt, & ophthalmiis laborant, unde statim specillis utuntur, nec olfaciunt, propter nimium usum Sternutatoriorum, sicut HILDANUS Observat. 13. l. 4. olfactum planè perditum memorat. Si autem nimia ex horum usu superveniat Sternutatio, hæc per essentiam opii insufflatam, aut per laudanum opiatum interne naribus illitum potest sisti.

Quoad medicamenta Errhina & Ptarmica, sunt hæc omnia acria illa, quæ acrimoniam aliquam purgativam habent, & penetrare membranam narium internam superiorem, aut eidem fortius adhærere, eamque & loca vicina irritare valent, unde horum quasi convulsiva crispatura, hujusque medio, lymphæ nunc naturaliter, nunc præternaturaliter constitutæ excretio: Penetratio enim sola non sufficit. V. gr. spiritus salis ammoniaci, aut quodvis aliud volatile odoretenus haustum, fortissimè quidem penetrat, & quosvis meatus referat, rarius tamen vel nunquam irritat, aut Sternutationem movet.

Estmull. Oper. Tom. 1.

Quæ autem hoc faciunt, sunt vel fortiora vel mitiora: Illa in specie dicuntur Sternutatoria, quæ ipsa fortius irritant, & profundius penetrantiora; Hæc autem seu mitiora blando stimulo sine concussione Sternutatoria abdominis, lymphæ fluxum provocant. Usitata sunt ver. gr. folia majoranæ, nicotianæ, flos & radix liliorum convallium, castoreum, caryophylli, helleborus uterque, magis & tutus niger, minus albus propter virulentiam, unde etiam die Nies Wurtzel dicitur, vitriolum album & simile: fortissimum & violentissimum, minus tamen tutum est euphorbium. Usurpatur autem vel in forma sicca, vel in humida. In sicca communiter sub nomine Pulverum Sternutatoriorum: inter quos elegans est Pulvis Sternutatorius Helmontii, quem descripsit in Tr. Tussis & Asthmæ & feliciter sæpius usurpavi: Nempe

℞. Rad. helleb. nigri pulveris.

Sacch. pulveris. ana.

M. adde aliquot guttas Olei destillati Anisi, aut Caryophyll. quod fortius operatur, minori licet dosi.

Vel

℞. Flor. vel rad. lil. convall. qu. pl. minutissime tritæ vel pulverisatæ imprægnentur oleo destillato majoranæ:

Pulveri cuilibet etiam aliquid de moscho & ambra addatur.

Conveniunt ejusmodi pulveres in affectibus narium, coryza, &c.

In forma liquida convenit succus cucumeris sylvestris, item succus betæ rubræ, vel etiam anagallidis aquaticæ flore purpureo, qui naribus insufflati fluxum lymphæ provocant: Instar omnium Vitrioli albi vel etiam communis ad albedinem calcinati gr. i. in larga quantitate aquæ liliorum convallium, vel majoranæ, vel fœniculi, vel aliàs odoriferæ soluti, v. g.

℞. Vitrioli dicti ℥ii.

Aquæ cujusvis destillat. ℥vi. vel ℥viii. plus minus, prout acius vel mitius desideratur.

Solvatur, solutio filtretur, & aliquot guttæ naribus insistentur, vel linteam intinctum instar turundæ intrudatur naribus.

Est Errhinum optimum, mucum dissolvens, & copiosum lymphæ stillicidium promovens. Caveatur tamen, ne acrior reddatur, aliàs symptomata omnia, quæ coryzam sequuntur, excitantur; si autem mitior est, blandè operatur, & commode infantibus, etiam recens natis, potest applicari, quando mucos plus minus infarcti sunt illorum nates.

Quidam faciunt Linimenta ptarmica, sumendo mel simplex vel rosatum, & addunt vitrioli albi vel communis ad albedinem calcinati gr. i. cujus tantillum narium cavitati illinunt, & sic satis generosum habent Ptarmicum. Tachenii Arcanum est oleum amygdalarum dulcium cum camphoræ s. q. solutione mistum, addendo guttas aliquot olei piperis.

Quoad Formulas, sit v. gr. Pulvis Sternutatorius.

℞. Pulv. fol. nicot.

Major.

Fol. lil. convall. an. ℥i.

Rad. helleb. albi ℥i.

Castor. ℥ss.

M. f. Pulvis, qui irroretur cum oleo destillat. major. gut. iv.

D. S.

Pulvis sternutatorius.

Vel

℞. Pulv. rad. Ireos Flor. ℥ij.

Fl. lil. convall.

Euphorb. an. ℥i.

Olei destillat. caryoph. gut. v.

M. f. Pulvis, S. ut supra:

Aut

℞. Fol. nicot. minut. cont. ℥ii.

Pulv. major. ℥ss. vel ℥i.

Sem. sinapi pulver. ℥i.

Olei destillat. fœnic. gutt. ii. vel iii.

M. f. Pulvis Sternutatorius mitior.

III. Particulariter, quod intestina evacuat, frequentissimè est

CLYSMA,

Quod nil aliud est, quàm injectio liquidorum, facta per intestinum rectum in reliqua crassa, ut sic eluantur, mundificentur imprimis intestina crassa, ultra quæ non penetrat, utut crassioribus evacuatis, per consensum & tenuia irritata simul plus minus evacuentur, & variis intestinorum affectibus succurratur. Nomen habent à κλύζειν, eluere, quorum nomen generale aliàs est; adeoque qualvis in genere Injectiones, hocquæ medio qualvis elutiones & abstersiones factas significant, ut in particulares corporis cavitates, vel naturales, intestina, uterum, aures, vesicam &c. vel præternaturales, sinus & fistulas; usitatissimè tamen & κατ' ἐξοχὴν Appellatio ejus saltè de istis Elutionibus, quæ imprimis mediante Injectione in anum fiunt, dici solent.

Quod attinet Clysmatum usum, est vel primarius vel secundarius. *Ufus primarius* est eluere & purificare intestina, & hinc remove quæcunq; contenta vitiosa, frequentis & optimi usus esse solent, & mirè profunt: ver. gr. in alvo contumaciter obstructa, in ileo, in te nismo, in dolore colico humoroso, in flatibus, in passione hysterica, &c. in quibus usu clysmatum ægri mirè levantur: in dysenteria, si cautè applicentur, pro scopo consolidativo & anodyno; in affectu hypochondriaco, in quo nil melius, sensibile levamen percipiunt, ad hypochondria enim pertingunt: in hernia, lumbricis, & inde natis symptomatibus, clysmata ex lacte usitatissima sunt; odore enim lactis affecti simul eliminantur. Non secus ac in pathematis intestinorum & abdominis, sub paroxysmis febrium intermittentium enatis, convenit eorum usus *secundarius*, dum præter eluendi seu evacuandi scopum etiam in affectibus intestinorum & abdominis usurpari possunt. Notum etiam est, quod quam plurimi affectus originem suam ducant aut ex abdomine ipso, aut in abdomine inducant symptomata varia, vel quatenus ratione vicinitatis seu continuitatis per funiculos nerveos paris vagi cum partibus aliis connexa sunt intestina, vel ratione continguitatis per consensum multa alia loca afficiuntur hinc etiam clysmata in aliis affectibus injici solent pro multiplici scopo. In specie verò pro scopo evacuandi, vel leniendi, vel irritandi: Pro scopo evacuandi ordinariò in vomitu, in cholera, in affectibus stomachi aliisque affectibus suprà dictis: Pro scopo leniendi in affectibus intestinorum & abdominis convulsivis, in doloribus scorbuticis, passionibus hystericis, in affectibus nephriticis, &c. in quibus clysmata terebinthinata & ex lacte, pro scopo demulcendi partes nerveas irritatas, & spasmo affectas in ordinem redigendi, simul injiciuntur: Pro scopo verò irritandi in fetu mortuo, lochiis suppressis, in partu difficili remorante, clysmata aciora aromatica additione colocynthidos sunt proficua, & mirè juvant, irritando fortius in intestinis uterum aliasque partes sensiles internas, ut revocetur spirituum motus plus minus cessans in h' sce: unde etiam in affectibus apoplecticis, comatosis, lethargo, & similibus gravioribus facultatis animalis affectibus, aciora clysmata loco vomitoriorum sunt optima, & multum conferunt. In insultibus enim Apoplecticis Vomitoria sunt optima: quæ si non possunt administrari, loco eorum aciora clysmata injiciuntur, ut vis animalis sopita denuò excitetur. In hemiplegiis, cephalalgis, in melancholia hypochondriaca, utramque paginam faciunt. In genere, cum quamplurimi morbi præprimis infantum, aut originem ducant ex abdominis Acido viscido, aut ibidem symptomata inducant varia, clysmatum usus est latè patens, tam in infantibus quàm in adultis, omni ætati & sexui conveniens, in specie in affectibus dolorosis & epilepticis. *Cautè tamen* in brevi fientibus puerperis, seu omnibus gravidis, *isdem* utamur: nam irritato recto intestino simul vagina uteri irritatur ad abortum. Ergo vel non, vel rarissimè, & quidem blanda & levia saltè, gravidis applicentur.

Quæritur: An in febribus petechialibus malignis, variolis, morbillis, purpura, præsertim ubi ad est delirium, convulsiones, &c. alvo pertinaciter clausa, convenient? Resp. Tuta satis non sunt, sed cautissimus eorum sit usus, præsertim in variolis, in quibus observatum fuit, ubi jam omnia fuerint in salvo, ex injecto clysmate mortem fuisse subsecutam. In purpura etiam maligna puerperarum periculosissima sunt clysmata; irritata enim alvo Transpi-

ratio cessat, & efflorescentiæ cutis in partes fluidas iterum repelluntur: si tantillum, quod in superficie detinetur, per clysmata aut alia media irritetur, motus iste excretorius inhibetur, excretio ipsa cutanea sufflaminatur, & diarrhæa subinde lethalis provocatur, ac dein mors sequitur. Cum autem in his casibus ægri plerumque alvi sint adstrictioris, nil tamen hoc refert, etsi in talibus ad 10. vel 12. dies alvus sit clausa, cum parum ægri tunc temporis comedant, & potulentum, quod ingerunt, per diaphoresin faciliè transpiret. Interim si quid molendum cum clysteribus, fiat statim in principio, aut ultimo morbi statu, aliàs periculosum est.

HELMONTIUS penitus clysmata rejicit, & rationibus eorum usum impugnat: Vid. *Tract. de Febris*. Actum autem agit. Huic responderet *HOFFMANNUS* in *M. M.* Fallum tamen est, quod clysmatum medio nutririqueamur: nam etsi ea ex jusculis & lacte parata penetrant immediatè in massam sanguineam etiam, non tamen nutrire possunt, utut prius quoque adhuc ex parte fallum sit, cum nihil nos nutrire valeat, nisi in ventriculo sit alteratum, & dein nobis appropriatum. Quicquid alio modo ingeritur, in nobis cadaver existit, & ad nutritionem penitus ineptum est.

Clysmata equidem intestina saltè eluunt, & materiali sui substantia usque ad intestina saltè crassa ascendunt, ultra colon naturaliter non penetrant, hinc neque ad intestina tenuia, impediendo hoc coli valvula; hæc enim strenuè impedit omnem transitum ex crassis intestinis ad tenuia, intelligendo secundum materiam clysmatis, quæ injicitur, & idè immediatè intestina crassa penetrando ea evacuant. In statu verò præternaturali, v.g. in iliaca passione, laxata vel rupta valvula, excrementa per anum naturaliter evacuada, simul etiam per eos rejiciuntur: Nihilominus tamen subtiliora, volatilia, & spirituosiora miasmata eorum medicamentosa, altius etiam intra corpus per vasa lactea penetrant; unde non tantum ex vino cum aromatibus pro clysmate injecto *ebriosum delirium* observavit *BORELLUS* in *Observat.* & *RHODIUS* *Centur. 1. Observat. 38. p. 33.* sed & à ʒj opii cuidam Colico cum Clysmate injecta *coma* somnolentum *obortum* notat *SALMUTH C. 3. Observat. 97.* per clysmata aliud ex Vino Malvatico & aromatibus curatum. Sic, quibus clysmatis in contumaciore alvi obstructione à dolore colico, aliis irritis, aqua benedicta ad ʒij, vel crocus metallorum, pro fortiori stimulo additus est, interdum vomitus movet, licet materialiter non pervenerit ad stomachum, sed tantum per consensum ab intestinis irritatis. Ipsemet observavi, Clysmata, quibus terebinthina addita fuit, diutius paulò retenta urinam violaceo imprægnasse odore, propter terebinthinam, penetrantem serum, & cum hoc renes afficientem. Hinc usu receptum est, quod clysmatibus addantur salia volatilia in affectibus nervorum, epilepsiis infantum quorumvis non est contemnenda. Interim tamen *nullatenus nos nutrire possunt*, ceu supra dictum.

Regimen Clysmatum est facillimum, cum tutissimus eorum usus sit in variis affectibus, modò debite retineantur, nec nimis citò excernantur, præsertim in affectibus intestinorum: *sive enim contenta intestinalia expurgandi, sive intestina fortius stimulandi gratia injiciantur*, perinde est, modò aliquandiu retineantur, si debent habere effectum quendam. Quò diutius enim retinetur Clysmata, eò melius operatur, imprimis in affectibus abdominis dolorosis scorbuticis & convulsivis, in quibus Clysmata ex lacte per noctem integram vel diem retenta, utilissima sunt: Confer sic hoc, absorbendo contenta corporis acido-aciora, intestina affligentia, eaque melius demulcedo & leniendo irritata intestina. Quod si diu nimis sine effectu Clysmata intra corpus hæreant, aut etiam repetitis vicibus injiciatur unum post aliud, ac omnia retineantur, quod in Colicis, nephriticis & spasmodicis pathematis fieri solet, ubi peristalticus motus naturalis invertitur plus minus: in tali casu suppositorium desuper applicatum, intestina crassa irritando revera, & per consensum reliqua intestinorum contenta, cum motu naturali simul evocat.

Modus applicandi Clysteres pro elutione, abstersione, & evacuatione, sit debito instrumento, quod apud nos ordinariò est fistula cum vesica: apud Gallos, & optato quidem consilio, siphon: sic enim clysmata profundius penetrant, quatenus majori impetu vel liquor clysmaticus infunditur, vel ab ipso ægro vesicam appensam comprimendo, qui modus est egregius, vel ab aliis. Precellit cih

GRAEFFII instrumentum, quod descripsit *Tract. de Usu Clysmatum*, cum quo optime succedit negotium. Quod si flatus adsint, qui impediunt aut commodam Clysmatis applicationem, aut ejus retentionem, cum hi subinde eructati impetu facto simul sæpius in vesicam irruant; quo facto, unum clyisma partitis vicibus in duas vel tres partes divisum, partem post partem injicere convenit, interpositæ horulæ unius vel alterius spatium, sic ritè & tutò operantur. Confer. in his MOEBIUS in *Dissertat. de Usu Clysmatum*.

Quod attinet materiam medicamentosam, patet ex scopis tribus: estque vel liquor, vel ipsius Contenta. Liquor sub forma Clysmatis injiciendus, quo simplicior, eò melior est: ordinariò est Decoctum aliquod vegetabile, in specie lac cum saccharo. Pro scopo evacuandi & irritandi optimus liquor est urina humana, cui vel soli vel cum medietate aquæ dilutæ, contenta aut alia admiscuntur: ipsa enim urina lixivialis liquor est, & per se vim habet irritandi, eluendi, & abstergendi intestina; ut taceam, eam simul incidere & dissolvere mucositates ac scybala in cellulis intestinorum crassorum subinde firmiter incuneata. Unde decoctum cancerum fluvatilium, Decoctum chamomillæ, menthæ, baccarum juniperi, vel ex Vegetabilibus appropriatis præscribi solet pro liquore: quibus vel additur aut Mel, olea, ubi simpliciter abstergere vel ubi fortiter stimulare opus est; electuarium quoddam usitatum ex Purgantibus. Quantitas per omnia sit à ℥ss. ꝑviii. ix. ad x. xi. ad ℥i. pro conditione personæ, cui injiciendum Clyisma. Ut plurimum additur sal cinerum clavellatorum, vel sal tartari; partim ut acuat sub Decocto menstruum pro extractione & dissolutione contentorum, partim ut vi blanda alcalina saponaria abstergat intestina, & multis scopis satisfacit. Ex gr. Clyisma euporiston foret sequens:

℥. Flor. chamom.

Sambucian. M. i.

Bacc. junip. ℥ss.

Sem. 4. carminat. an. ℥i.

Sal. tartari ℥i. vel ℥ii.

Coqu. in f. q. aquæ simpl. Colat. ℥ix. adde

Elect. bened. laxat. ℥i.

Vitell. ovi no. i.

M. pro Clysmate.

Utut pro particularium affectuum ratione delectus subinde habendus sit, qua ratione in dolore intestinorum scorbutico ex lacte clysmata, in dysenteris ex cancerum jure parata, &c. soleant commendari: ex gr. sit injiciendum Clyisma in dolore abdominis scorbutico, ibi præscribo sic:

℥. Lact. bubul. ꝑviii. ix. ad x.

adde

Terebinth. in vit. ovi dissol. ℥iii.

Teriac. Androm. ℥i. ad ℥ii.

Sacch. ℥ii. vel iii.

M. f. Clyisma injiciendum.

Si injiciendum sit Clyisma compositum mulieri hysteriæ:

℥. Herb. matricar.

Salv.

Chamom. an. M. i.

Rad. Angl.

Leviss. an. ℥vi.

Sem. 4. calc. min.

Sal. tartari an. ℥i.

Coqu. in f. q. aquæ simpl. Colat. ℥ix. adde

Elect. de bacc. lauri ℥i.

Olei destillat. succin. ℥i.

Vit. Ovi no. i.

M. pro Clysmate,

cui sal quoddam volat. ad ℥i. addi potest.

SUPPOSITORIA.

Suppositoria sunt vel laxantia, vel purgantia, pro varia intentione & indicatione; ut pro excrementis, vel clystere retento, stimulo intestina ejiciendis, vermibus enecandis, flatibus pellendis, vel pro alvo aperta servanda, vel pro consolidando ano, illinenda oleis lenientibus vel stimulantibus. HORSTIUS hinc commendat ex alumine parata, stimulo, humores alliciendo, flatusque discutiendo: hinc pro suppositoriis ex melle cocto parantur. *Ettmulleri Oper. Tom. I.*

dis pro stimulo additur nitrum, sal commune, sal ammoniacum, sal gemma, stercus murium vel passerum, cum felle tauri inspissato, radice hellebori nigri, speciebus hieræpicæ, Mass. Pilul. cochiarum, item sine quibus esse nolo. Pro ascaridibus & vermibus intestinorum aliisque parantur ex lardo cocto, caseo recente, saccharo penidio, &c. ut alliciantur; post aliud applicatur ex felle tauri inspissato, succo absinthii inspissato, aloë, myrrha, &c. Suppositoria item adstringentia fiunt in procidentia ani ex Extracto symphyti, tormentillæ, &c. Lenientia & temperantia fiunt ex sevo hircino & cervino, quæ liquefacta effundantur in chartam efformatam: *Consolidantia* demum fiunt in rhagadibus seu fissuris ani ex emplastro de cerussa camphorato, cum unguento rosato aut oleo rosato illita.

Sed suppositoria sunt remedium dolorosum & molestum iis, qui hemorrhoidibus obnoxii sunt: hi vix ea ferre possunt propter dolorem insignem, quem excitant. Unde hodierna Praxis feliciter usurpat globulos saccharatos, zibetho vel moscho imprægnatos, qui prius contineantur in ore, ut saliva eos non nihil reddat lubricos, vel immergantur in aqua tepida, aut oleo communi, & postea instar Suppositorii applicentur: sic globuli intrusi successive liquefcunt, penetrant intestina crassa, & suavissime laxant, atque hos etiam ii ferre possunt, qui doloribus hæmorrhoidalibus aliàs sunt obnoxii.

Spectant huc etiam

PESSARIA & NASCALIA,

Proprie vaginæ uteri dicata, ad retenta menstrua provocanda: quo in casu radix hellebori nigri digitum indicem longa, filo annexa, & oleo quoddam inuncta, aut radix gentianæ, &c. convenit: sed non diu relinquenda, ne exulcerationem inferant. Loco autem horum GLAUBERUS pro morbis mulierum singulare instrumentum habet, sale vel spiritu quodam volatili urinoso instructum, & applicatum: vid. P. 2. *Furnor. Philosophicorum*.

IV. Quæ autem ventriculi cavitatem eluunt, sunt blanda Vomitoria, de quibus jam supra. Pro hoc scopo sufficiat aqua, cum sale communi probe imprægnata; quæ calida largo haustu bibatur; sic sequitur vomitus, ventriculi cavitatem blandè evacuat: aut potus urinæ recentis; aut succus Raphani orbicularis; aut potus communis cum oleo olivarum tepido; aut potus olei amygdalarum tepidi. Quæ verò pectoris cavitatem evacuant, sunt supra dicta Expectorantia, quæ pro statu materiæ expectorandæ sunt vel incrassantia, nunc incidentia, nunc blandè irritantia: de quibus omnibus jam actum supra pluribus.

SECTIO II.

D E

SPIRITUUM VITIIS CORRIGENDIS.

Aboluta prima Classe Morborum, Contentorum scilicet nostrorum, sequitur altera de morbis spirituum. Nam sicut ex Fluidis generantur & restaurantur spiritus, & sicut postmodum à Fluidis per spiritus generantur & nutriuntur partes solidæ; sic consideratis jam primò morbis partium fluidarum vel humorum, nunc vitia spirituum consideranda ulterius veniunt; & denique post hos ad Morbos partium solidarum deveniemus.

Spiritus autem morbofi fiunt:

1. In Quanto, quando deficiunt, (nam excessus eorum non est morbosus, cum ab iisdem vigor naturalis omnino dependeat) unde Virium Debilitas qualiscunque imprimis ortum habet.
2. Quando deficiunt in quali, & vitiosi sunt, atque à crasi naturali subjecto convenienti, plus minus de-generant.
3. In Motu præsertim animales spiritus, quando præternaturali modo moventur, sive in defectu hoc fiat.

Scilicet spirituum vel maxima in praxi & Theoria habenda est ratio: siquidem ab iisdem, seu iis mediantibus, quilibet morbi aut oriuntur, aut curantur; cum hi, ut scitè loquitur VERULAMIUS, sint quasi Rota magna, à qua reliquarum in machina nostra rotarum motus qualiscunque omnino

dependeat Patet hoc in quibusvis morbis acutis febrilibus, in quibus primum efficiens finale est spirituum impetus, præternaturali modo concitatus; hinc enim opiata v. g. quosvis morbos acutos mitigant & leniunt, impetum eorum refragando: Unde in morbis acutis prima & ultima sunt Tragœdia spiritus. In chronicis morbis etiam successive alterantur per circulum causarum naturalium, atque hoc ipso morbos & diuturniores & contumaciores reddunt.

Manifestum hoc, quatenus morbi chronici tantum non omnes aut saltem plurimi, si perfecte confirmati & inveterati fuerint, soleant per hæreditatem paternam in filios transplantari, idque non nisi spirituum medio, quod clarum est. Nam simpliciter à spiritibus transferuntur in filios; dum spiritus patris genitalis influxus in prole fit insitus, & non nisi in certis locis per semina morbosa transplantata certi inferuntur morbi: id quod origo ex creatione prima idearum seminalium, & permutatio embryonis ex idea imaginante & imprægnante humanæ mentis confirmat; parum tamen vel nihil lucis in Theoria & Praxi ea affert hypothesis, nisi obscurum per æquæ obscurum explicare velimus:

Dixi, admittendas virtutes seminales formativas: Nam in seminibus, ex quibus generatur corpus, duplex vis effectiva considerata venit; vel

1. Alterativa, & suo modo transmutativa materiæ; vel
2. Materiæ in tale corpus mutatæ formativa.

Quæ mutata, cum non possit explicari ex materiatis, non nisi Ens ideale erit. Probat id, quod per ideas conceptas varietur subinde formatio corporis, tam in hominibus, quàm brutis; primariò quidem in hominibus, cujus Imaginatio est fortissima, ut ex Pathologicis supponimus.

CLASSIS. I.

CONFORTANTIA seu CORDIALIA item ANALEPTICA.

Quod igitur Therapeusin generalem spirituum attinet, immediata in iisdem Actio paucissimis est circumscripta remediis, saltem mediata, nempe prævia alteratione contentis corporis inducta, spirituum peccata, morbosa ferè tantum corrigere licet. Quicquid enim hic præstamus laude dignum, mediante prævia contentis corporis inducta alteratione, ut plurimum peragimus. Pro contentorum scilicet varietate, variant quoque spiritus, & pro horum alteratione etiam vice versa illa plus minus alterantur. Immediatè in spiritus agit vinum ratione spiritus sui, item odores fortiores, odorifera insigniora, camphora, crocus, aromata attenuata & in texturam spirituosam seu oleosam resoluta, hinc tandem opiata. Hæc immediatè dicuntur agere in spiritus; sicut mediata in eosdem sequentia, v. gr. borrago, buglossa, calendula, &c. quæ spiritus exhilarare & quasi serenare videntur, Cordialia communiter dicta, utut præposterè; cum cordis musculus simplex nullam præ aliis habeat prærogativam: alio nomine Corroborantia, confortantia, &c. dicuntur, quæ tamen non nisi mediante certa sanguini cæterisque humoribus inducta alteratione, vim alterativam, confortativam, analepticam, &c. exerunt, & non immediatè spiritus alterant: v. g. quando sal volatile C. C. & fuliginis summè dicuntur Confortativa & Agonizantium Restaurativa, quod nonnulli præsertim de fuligine asserunt; hoc tamen non, nisi mediante certa alteratione, sanguini inducta, præstant; v. g. emulsio ex amygdalis dulcibus cum matre perlarum, item nonnullorum liquorum perlarum vel coralliorum (quasi ultimum quorundam asylum, utut ridiculum) quæ summè confortativa esse dicuntur: si tamen quid virium obtinent, mediata illud exerunt.

Priora, quæ immediatè magis agunt, primam spirituum morbosorum classem respiciunt, defectum & quantitatem deficientem eorum plus minus augmentando, & sunt, uti dictum, Spirituosa, Odorifera, Penetrativa, promptius, autem saltem sive notabili prævia alteratione spiritui influo facile associabilia, ut spiritus in vino, aqua cinnamomi spirituosa, aquæ apoplecticæ, epilepticæ, & similes generosæ. Hæc ipsa primæ morborum spirituum Classi dicata dicuntur, augenda prompta sui cum ipsis associatione, quatenus etiam odoretenus hausta; sine ordinariarum digestionum ambagibus, se spiritui nostro aggregant: nam

subitanea virium Restauratio in summè debilibus non permittit plures istas circumstantias; quia probabilissima est HELMONTII, BARTHOLINI, HORSTII Junioris, WILLISII, &c. sententia, quod talia spirituosa, odorifera, penetrantia, &c. ex ventriculo immediatè penetrent intra vasa, & sine prævia alteratione spiritibus associantur & assimilantur.

Vinum

Ergo est summum Analepticum ratione spiritus, quem in se habet, qui non confundendus est cum spiritu vini, qui destillando elicitur. Ille enim longè mitior est, nobisque magis conveniens, quam qui destillatione prolicitur: nam hic posterior, alterationem in igne passus, magis concentratus, & ad oleorum destillatorum naturam propius accedit; unde etiam assumptus diu post adhuc ructus movere solet, nec tam citò distribuitur & assimilatur in nobis, quàm ille spiritus, qui cum vino haustus est. Hinc mensura vini media longè potentiùs nos afficit vi analeptica & sui inebriativa, quàm spiritus vini ex illa mensura elicitus. Vinum ergo ob mitiorem, quem in se habet, spiritum longè potentiùs nos afficit, quàm spiritus vini, & longè magis copias spirituum intendit: idque duplici ratione, partim quod in Vino existens purior, subtilior, partibus nostris suo modo symbolizans, & faciliùs assimilabilis existit, secus ac spiritus vini destillatus; partim quod vinum ipsum assumptum in substantia sui media (vid. BECCHERUS in *Physica Subterranea*) dum in nobis ulterius fermentando alteratur, etiam ulterius in nobis spiritaliscit, & spiritus copiosos generat nobis assimilabiles, secus ac spiritus vini, qui alteratus per alembicum transscendit.

Hujusmodi autem Spirituosa, Odorifera & Penetrantia, quæ spirituum copias augent, & immediatè magis vires roborant, sunt ferè duplicis differentiæ:

1. Quædam ferè acriora, & ratione effectus calidiora sunt: v. gr. ex aromatibus aut subjectis oleosis, resinosis, &c. quæ destillando olea aromatica suggerunt, ut sunt essentia cinnamomi, aquæ magnanimitatis simplex & composita, aquæ apoplecticæ & epilepticæ, c. e. Matthioli, item salia volatilia oleosiora, & oleis nimis imprægnata, quæ ferè acriora, & spirituum augmentativa, atque Analeptica obsevantur.
2. Quæ magis temperata, & minus calida ac acria sunt, v. gr. spiritus in vino, item spiritus rubi idæi, melissæ, rosarum, &c. odores & spiritus odoriferi rosarum, liliorum convallium, florum tunicæ, oleum succosum recenter expressum corticum citri & aurantium, moschus, zibethum, &c. Hæc ipsa minus acria sunt, quod effectum minus calida, & consequenter magis amica spiritibus sint.

Inter hæc duo spirituum Augmentativa probè notanda differentia. Nam sunt subjecta, quæ ferunt magis acriora & calida; alia, quæ potius temperata. Mulieres ergo hystericae bene ferunt acriora, (modò non moscho aut zibetho imprægnentur) ex cinnammomo, caryophyllis, camphora, &c. sed temperatoria ex rosis, liliis convallibus, moscho, zibetho, &c. minus, sed ferè inde alterantur: Contra plurimi literati bene ferunt temperata, iisque blandè recreantur; acria autem ferè nequeunt, sed caput iis inde repleti, turbati, & quasi fumosum reddi solet. Nempe in posterioribus subjectis crasis tenuior est, quæ magis ab iis acrioribus intenditur, & consequenter talia symptomata inducit. Omnia hæc in genere spirituum defectum resarcire, motum horum tam elasticum quàm irradiativum promovere & immediatè magis vires collabefactas restaurare solent. Usus autem horum est vel internus, vel externus: Internus, dum oretenus propinantur; externus, quando organis sensuum, in specie naribus, applicata odoretenus adhibentur, sicut hausta effluvia partim per nares spiritus afficiant, partim aeris inspirati medio spiritus in sanguine reficere, & vires labefactas restaurare soleant. Sed de his non attinet nunc dicere, sed de prioribus, quæ agunt immediatè, quæ ferè acriora sunt, ut cinnamomum, caryophylli aromatici, Costus Arabicus, cubebe, cardamomum, & hinc cætera aromata & aromatica: quibus addatur Ambra grysea, item nervina volatilia supra iam allegata. Ex Temperatioribus autem imprimis sunt flores rosarum, liliorum convallium, tunicæ, melissæ, moschus, Zibethum, & suo modo grana Chermes, ac inde parata, utut ferè acrior. Confectio alchermes.

Cinnamomum.

Ergo quod attinet, notetur in genere, plures esse Canellarum differentias, quas inter tamen primum ducit odoratio illa & nobilior quæ in specie Cinnamomum dicitur (nam pertinet eod. etiam Cassia Caryophyllata, Cortex item Winteranus, Anglis usitatus: vid. WILLISIUS in *Pharmac. Rationali*) spirituum quorumvis recreativum, tam animalium quam vitalium: unde est, quod v. g. præter quemvis virium defectum in genere, in specie tamen in partu difficili promovendo, in stimulandis mensibus, præstantissimum sit Cinnamomum: Simpliciter enim in tali casu afficit spiritus, unde rectè dicit LINDANUS *super Hartmannum*, quod in dictis casibus nunquam remedia stimulantia propinanda sint, nisi sociato Cinnamomo. Unde etiam in quibusvis casibus, ubi subitanea confortatione opus, analepticus cinnamomi usus polychrestus est. Utimur autem imprimis ejus aqua spiritiosa cum vino prolicita, hinc tinctura seu Essentia, & denique oleo. Hæc tria totam ejus vim analepticam exhauriunt, cum his separatis, imprimis oleo, reliquum corpus cadaver sit quod simpliciter stypticum, & à quibusdam in diarrhœa ac dysenteria multum laudatur. Nobilis item ejus est *Essentia*, quæ sit:

℞. Spiritum vini *probe tartarificatum*, affundendo Cinnamomo, & exinde abstrahendo, sapore & odore dives prodit: Spiritus hic novo reasfundatur Cinnamomo, ut magis adhuc imprægnetur; addaturque Olei destillati ejusdem tantum, quantum capere potest: (Nam si spiritus vini *probe tartarificatus* fuerit, bonam quantitatem Olei imbibit) Evadit hinc tinctura elegans & efficacissima in defectu & subitaneis casibus spirituum.

Oleum autem tanquam centrum ejus est, quodque duplex ex eo haberi potest, si negotium ritè instituatur: Scilicet, blando igne, præsertim lampadis: destillatum Cinnamomum suggerit primò phlegma spirituosum acidiusculum: est enim cortex quidam: imò ab amico observatum accepi, quod tam potens Acidum indè eliceret, ut cum oleo tartari per deliquium seu sale tartari notabiliter efferbuerit. Post hujus egressum prodit oleum subtile æthereum, cuius fluido aquoso supernatans, quod oleum communi modo destillatum non præstat, sed tanquam resina concentrata fundum petit: post hoc sequitur oleum destillatum crassius rubicundum, quod in aquis submergitur. Observata hac encheirisi nobilissimum est oleum illud æthereum, quod etiam potest obtineri ex Cinnamomo, cum vino irrorato; ita ut igne blando fiat destillatio ex Balneo Vaporis per retortam: nam oleum æthereum illud ut plurimum aliàs empyreuma contrahit, & cum ponderosiori sociatum, commune istud oleum venale minus gloriosum constituit. Oleum istud æthereum etiam potest subigi cum saccharo in Elæosaccharum, elegans restaurativum. Vel

℞. Olei destillati Cinnam. p. jss.

Ambra gry.

Moschi Alexandr. an. p. j.

Sacchar. Canari. p. vj. ad xij.

Mixta l. a. redigantur in Pulverem.

Dosis gr. vj. vel jss.

Propius accedit Cinnamomo.

Costus Arabicus verus.

Cujus nota est differentia, dum dividitur in dulcem & amarum; quæ tamen nulla est, cum sit idem cortex, & pro maturitatis tantum majoris vel minoris ratione saporis varietatem exhibeat. Acris est indeque spiritibus minus gratus, utut satis efficax existat spirituum Restaurativum, & à quibusdam virtus analeptica in eo concentrata statuatur. Essentia exinde & oleum ejus meritò quoque Analepticis accensetur.

Caryophylli Aromatici, præsertim *Antophylli*, (nam hos inter nulla est essentialis differentia) post oleum Cinnamomi sunt suavissimum Analepticum, quocunque modo usurpentur, sive forma essentia, sive olei destillati, sive cum aliis sociantur. Reverà usus eorum spiritus restaurat, & masticat, seu odore tenusetiam, refocillant.

Cubebæ.

Substantia sua volatili & penetranti quasi odorifera, potenter admodum spiritus animales reficiunt, & impetum ac vigorem eorum naturalem intendunt: Nostrates autem non sunt eadem cum Veterum illis: sunt enim hæc fructus

Ettmulleri Oper. Tom. I.

plantæ cujusdam smilaci similis, instar hederæ arboribus cæciscum volventis, cujus grana constituunt Cubebas.

Semen Cardamomi,

Fructus siliquacei, in se subtilissimum & spirituosum existit, modò tantillo motu actuetur: unde inter spirituum Restaurativa primum ferè ducit.

Ambra.

Simplex, quoad originem, hætenus quidem incognitum, cum variæ sint de hac Autorum sententiæ. De ea tamen notum, quod partes ejus volatiliores, ex concreto liberatæ, insigniter soleant refocillare spiritus influos quosvis, tam vitales quam animales, & eisdem quoque concentratos in genitalibus: hinc ratione spirituum animalium notum, quod ad ingenii acumen & memoriæ robur soleat commendari. Ambra certè multum præstat in spiritibus animalibus augmentandis, eorumque motum & impetum suo modo adjuvando: sed utut optimum aliàs sit continuato tamen nimis usu eisdem spiritus alterat, & vi quasi inebriativa & stupefactiva afficit. Nempe primitus ferè igneos & volatiliores eos reddit, successu verò temporis fixati quasi vappescunt; unde cautus sit ejusdem usus pro roborandis facultatibus animalibus. Magis ergo convenit senibus, quam juvenibus, propter quam causam his plus nocet, quam juvat. Hinc etiam potenter agit in spiritus genitales, quos mirè armare solet in Venerem; & si quid aliud, cæteris paribus, steriles maritos ad fecunditatem disponere solet. Nobile præterea etiam est Stomachicum in præcavendis stomachi cruditatibus. Usus ejus est vel in forma Essentia, vel Pulveris: In *Essentia* cum aqua spiritiosa appropriata rosarum, melissæ, liliorum convallium, &c. Optima autem sit, si spiritus rosarum cum paucò Ambra digeratur ad tempus, qualis spiritus temperatus & non adeò igneus est, & vim igneam Ambra sui additione egregiè temperant Rosæ; cujus affusione dein Ambra in essentiam pariter redigi potest nobilem. Sociata autem cum duplo, triplo ad sextuplum sacchari, sit Elæosaccharum quasi, quod cum ana Moschi, respectu Ambra, aut etiam sine eo, & dimidio olei destillati cinnamomi impregnatum, senibus præsertim exhaustis pro viribus restaurandis, & spirituum tam animalium quam vitalium supplemento conducit.

Temperati autem magis

Flores Rosarum, Tunicæ, Liliorum convallium,

&c. in specie svaveolentia erunt, sed in subiecto saltem volatili fundata, cum nulla arte ex illis tale oleum, quale ex aromatis, aut saltem paucissimum, ad guttas tantum aliquot elici possit. Sunt autem hæc egregia Analeptica & temperata simul. Vis illorum temperativa & penetrativa, spiritibusque assimilabilis, consistit in substantia subtilissima, seu Alkali volatili admodum penetranti, eique paucò oleo acido juncto: ex hoc enim emergit concretum rarum, subtile, temperatum, minus acre & calidum; imò propter oleosioris Acidi defectum, nec in oleum destillatum concentrabile, nec instar resinæ in Extractum inspissabile, redigi valet. Et talis subtilis, penetrans, æthereæ, Mercurialis aliàs dicta substantia existit in floribus rosarum, tunicæ &c. in qua horum vis analeptica est fundata. Præparatur exinde imprimis in forma spiritiosa, sive fermentando, sive spiritus vini affusione destillando, spiritus admodum nobilis. Optimus autem destillandi modus est, imprimis florum liliorum convallium, pro spiritu potenti obtinendo:

℞. flor. lilior. convall. collect. ante solis ortum, rore adhuc madentes: Destillantur per se ex Balneo Mariæ igne blando: liquor collectus reasfundatur floribus novis similiter ita collectis, idque aliquot vicibus repetatur: habetur sic spiritus summè penetrans, egregiè analepticus; qualis eodem modo etiam ex Rosis elici potest.

Moschus & Zibethum,

Sunt liquores sui generis, in capsulis appropriatis geniti. Zibethum equidem eodem ferè modo, quo castoreum, prope genitalia; Moschus verò in folliculo proprio circa umbilicum colligitur. Hæc igitur etiam in paucis sui dosi odorifera, penetrantissima, & summa spiritus, tam vitales quam animales, reficientia existunt. Vehiculum eorum est aqua spiritiosa blandè aromatica, quæ etiam Essentiam moderatam ex iis elicit. Hinc etiam quibusvis liquidis admixta propinari

pinari solent; sicut etiam Balsamis odoriferis externis addita, hæc fragrantiora & mirè spiritus reficientia reddunt, utut pauca sui dosi. Quò etiam spectant Balsama Apoplectica & Cephalica; e. gr.

Balsamum Apoplecticum D. MICHAELIS,

℞. Olei expr. nuc. Mosch. ℥ij.

Bals. Peruv. ℥ss.

Moscho,

Ambrae an. ℥j.

Olei destillat. caryoph. ℥iij.

Cinnam.

Ligni rhod. an. ℥ij.

M. f. Balsamum.

Alio modo:

℞. Corp. pro Balsamis 3vj.

Ambrae,

Moschi an. ℥ij.

Zibethi ℥ss.

Bals. Peruv.

Olei destillat. ligni rhod. an. ℥j.

Caryophyll. ℥v.

Cinnam. ℥iij, M.

Balsamum Apoplecticum Dresdendern

℞. Olei expr. nuc. moschat. ℥iv.

Zibethi opt. ℥v.

Moschi Alexandr.

Ambrae nigr. an. ℥iij.

Gryf.

Olei destillat. lavend.

Major.

Succini an. ℥ij.

Rosar. vel ligni rhod. ℥j.

Rutæ ℥ss.

Cinnam. ℥ij.

Caryophyll. ℥j.

cum s. q. Bal. Peruv. f. Balsamum, tingendum

cum Asphalto.

Balsamum Apoplecticum Jesuitarum dictum,

℞. Olei expr. nuc. mosch. ℥j.

Bals. Peruv. ℥ij.

Moschi gr. xv.

Zibethi ℥ss.

Olei destillat. ligni rhod. ℥ij.

Cinnam. ℥ss.

Succini

Lavend.

Majoran. an. ℥ss.

Rutæ,

Caryophyll. an. gut. x.

Benzoes gut. jv.

Jesmini gut. xii.

M. pro Balsamo, quod tingatur cum spodio

nigro vel Asphalto.

Balsamum Cephalicum Scherzeri.

℞. Olei expr. nuc. moschat. ℥iij.

Destillat. anthos.

Rutæ,

Satureiæ

Lavend.

Salvia,

Major. an. ℥ij.

Cerae albæ ℥ss.

M. pro Balsamo:

A. Spiritibus, tam vitalibus, quam animalibus, Vires corporis nostri dependent primario, unde oritur.

IMBECILLITAS & PROSTRATIO VIRIUM.

Sepositis causis variis, quæ spiritus deficientes reddunt, in Cura Vires restaurant omnia ea, quæ spiritus copiosiores & volatiliores reddere valent: qualia sunt omnia spirituosia ex Vegetabilibus parata, spiritus vini, & similes, hinc etiam aromata, ex quibus aquæ confortativæ, apoplecticæ & epilepticæ, constare solent, inter quæ primum obtinet Essentia & oleum cinnamomi. Pertinet huc Ambra simul, summum, seu superius dixi, Restaurativum spirituum animalium; unde non tan-

tummodò usurpantes in Venerem armat, sed preterea quoque senibus decrepitis moderato usu mirè conducit: item essentia ambrae cum spiritu rosarum; item Tinctura coralliorum spiritu cordis cervi, quam ingreditur Essentia Ambrae; item spiritus rosarum Ambratus, & similia.

Subinde fit, ut ex inquieto nimis spirituum animalium motu, indeque ortis deliriis aut agryposis, aut etiam motibus convulsivis, ingens Virium immineat Prostratio. In tali casu ex opio rectè parata remedia sunt Divina Auxilia, si appropriatis aliis remediis misceantur: inter talia laudanum opiatum Helmontii, ex opio cum succo cydoniorum fermentando paratum est optimum auxilium: quin & camphora in morbis malignis, cum modò dictis symptomatibus conjunctis, in pauca quantitate & aliis appropriatis addita, spiritus animales nonnihil figit, & ad debitum motum redigit, Sed de his plura in 3. Classe.

CLASSIS II.

DE

CORRIGENTIBUS SPIRITUS.

Altera Classis morborum spirituum est, quando ii peccant in quali seu substantia, dum nempe à naturali tali subiecto, debita crasi seminali plus minus deficiunt, adeoque functionibus quibusvis exercendis minus apti, minusque sufficientes existunt.

Dixi autem, hæc vitia spirituum in quali, & in substantia, coincidere: nam substantia rei, & inde derivatæ qualitativæ proprietates, non differunt, nisi tamquam abstractivum & respectivum; dum enim substantia est vitiata, eo ipso etiam dependentes inde proprietates respectu subiecti alterius, quæ à nobis qualitates dicuntur, distincte erunt.

Sed in definiendis conditionibus morborum spirituum in quali, imprimis hebescimus. Nam uti à priori naturam spirituum, seu constitutionem eorum, ex causis verè ignoramus; ita etiam vitia eorum præternaturalia adeò exactè definire haud concessum est: unde etiam in Cura eorundem iisdem immediate parum opis asferre possumus, cum propriè loquendo non, nisi per similem speciei animalis spiritum, actio, & passio: atque propriè dicta alteratio, in spiritibus novis fieri queat, quod ferè in curationibus sympatheticis, magneticis & transplantatoriis, propriè contingit. Observamus quidem à posteriori, spiritus ipsos, influos nunc magis nunc minus activos, fervidos, mobiles, subtilis, elasticos, & contra esse; sed à priori determinare ipsam formalem eorum tunc temporis constitutionem, & per remedia à priori alterantia, eorundem vitia curare, vix concessum est. Potius ergo, cum ex sanguine resolutò & volatilifato regenerentur spiritus, pro hujus crasi varia etiam ipsi spiritus variæ erunt constitutionis; unde saltem sanguinis dyscrasias mutando mediata spirituum vitiis succurrere valemus: præsertim in quali seu substantia vitiosis. Quomodo autem spiritus dyscrasiam sanguinis sequantur, exemplo declarabimus. Sit mustum fermentans, huic si sub fermentatione infundatur vegetabile quodvis, recipitur & acquiritur inde vinum, spiritu vegetabilis illius notabiliter imprægnatum; quæ proprietas etiam spiritus infecti nulla arte separabilis & corrigibilis existit, citra ferè destructionem ipsius concreti spirituosi: Vel recipiatur chrysocola, solvatur in spiritu vini, cum spiritu nitri acuto & imprægnato, cum solutione hac tingatur charta bibula quæ aut exsiccata, aut adhuc submadida accensa flamma viridem repræsentat. In priori casu, pro materiæ ex qua varietate, varias quoque ipsius spiritus crasis, constitutio, & omnes proprietates: in posteriori, pro subiecti incensi constitutione varia, varius etiam color, odor, & aliæ proprietates adscendunt. Studiosè autem hæc exempla urgeo: prius sit pro istis, qui asserunt, spiritus esse nil aliud, quam sanguinem simpliciter attenuatum & volatilifatum; posterius pro iis, qui spiritus incensione quadam generari, & hinc quoque radios emanationibus diffundi, statuunt. Utroque in casu, priori tamen magis probabili, pro materiæ ex qua, & consequenter sanguinis constitutione, ipsorum spirituum crasis, tam naturalis quam præternaturalis, erit varia; unde etiam defectu appropriatorum remedium spiritibus in quali peccantibus immediate succurrere, vix datur, saltem mediata, sanguinis & contentorum alteratione, spirituum vitia successivè corrigere, nobis est relictum.

Inter

Inter simplicia autem & remedia, quibus immediatus magis cum spiritibus intercedit contactus, aut proximius commercium, præter superiora, & quæ etiam spiritibus minus volatilifatis, minus acti vis, minusque mobilibus, conveniunt, in specie considerari merentur camphora & opium.

Camphora

Igitur in corrigendis spiritibus, in substantia seu quali vitiatis, quando iidem acriores, magis elastici, plus minus fervidi, & similibus vitijs morboſi redditi fuerunt, optime convenit. Sanè inter omnia, quæ maxime afficiunt spiritus, eorumque disordines corrigere, & in crasi naturali eosdem conservare valent, peculiariter excellere videtur camphora: unde in omnibus affectibus, in quibus spiritus plus minus morboſi, vel primario vel secundario vitiati sunt, speciatim camphora suam meretur commendationem. Concretum est quasi resinofum, mirabilissimum omnium vegetabilium, & maxime laude dignum in Praxi Medica: saltem hoc loco consideremus ejus effectus, quos in spiritus habet, eorum constitutionem præternaturalem corrigendo, & in debitam crasin restituendo. Quando spiritus imprimis contagio maligno affecti aut inquinati sunt, ut in febribus malignis, ex contagio speciatim natis, in pestilentialibus, ac ipsa adeo peste, in his affectibus primario laborat spiritus influus: hinc enim interdum pauca ac levia fabrilia adsunt symptomata, & in talibus magis malignis paucae vel leves in urina deprehenduntur alterationes, ut ita non tam contenta fluida, quam impetum facientia, patiantur, & afficiantur. In his autem omnibus camphora excellit, quæ illud, qualecunque fuerit, contagium enervare, spiritusque roborare, purificare, & eorum vigorem ac impetum insigniter intendere solet. Usus ergo hujus in morbis acutis, malignis præsertim, nunquam intermittatur, siue sub forma spiritus vini camphorati, siue sic dicti olei camphoræ, propinetur. Præter spiritus autem influos, in morbis acutis à contagio labefactatos, in crasin naturalem redigendos, conservandos, & à contagio ulteriori præservandos, convenit etiam in spiritu insito seu balsamo partium vitali restituendo: unde in putrefactione incipiente in vivis, ut gangræna & sphacelo, in ulceribus & vulneribus putridis, foetidis, aut ad putredinem inclinantibus, camphora præ aliis putredini resistere, & vi balsamica spiritum partis insitum roborare, partemque affectam sartam tectamque conservare solet. *Spiritus vini* igitur in hunc finem *camphoratus* fit.

24. Spiritus Vini

Cum *camphora* per lenem digestionem probè imprægnetur; qui si probè rectificatus fuerit, quantitatem ejus satis magnam imbibit & dissolvit: applicatur sic extrinsecus ad arcendam putredinem, & planè singularis in casu hocce ejus usus est.

Porro convenit camphora spiritibus in morbis acutis, ubi eosdem quasi igneos seu fervidos redditos, indeque inordinatè motos, (unde deliria & convulsionem superveniunt) in debitas & magis ordinatas expansiones iterum redigere solet. In his igitur casibus camphora præ aliis optimum observatur remedium; non secus ac ipsos spiritus influos in deliriis melancholicis chronicis habitualibus, siue cum siue sine furore, similiter corrigere, & in crasin naturalem redigere deprehenditur.

Dico autem; in deliriis chronicis habitualibus: nam in his semper unà spiritus insiti affecti sunt, unde morbi hi curati difficiles, & in posteros etiam transplantabiles existunt. In talibus casibus igitur camphora longè potentius, quam opium, quod hic potius nocivum est, spirituum crasin morboſam, & inde dependentes ataxias vitiosas, corrigit. Ergo ad spiritus animales conservandos, eosque acriores, fervidiores, & nimis impetuosos redditos, unde talia pathemata superveniunt, camphora præ aliis est simplex, quod immediate spiritus afficere, & eosdem, siue prævia contentorum alteratione, corrigere valet, & optime potest.

CLASSIS III.

D E

SPIRITIBUS MOTU VITIATIS CORRIGENDIS.

Tertia Classis morborum spirituum est, quando hi tam naturales seu vitales, quam in specie & primario animales, peccant, siue hoc sit in motu elastico, siue irradiativo, quod etiam duobus sit potissimum modis: vel

(1) defectivè; vel

(2) excessivè;

Defectivè, dum torpidi, insensiles quasi, & suo modo fixiores existunt, unde omnium actionum languor ac impedimentum, affectus comatosi & soporosi fere superveniunt; sicut contra si secundò excedunt spiritus nimis volatiles, subtiles & impetuosos, motu elastico plus minus perturbantur, deliria hinc, motus convulsivi, & similes anomalæ actiones proveniunt.

Medemur autem his malis potissimum mediata, dum sanguinis vitijs, aliisque contentorum peccatis corrigendis, insistimus; vel dum immediate auxilio opii spirituum motus inordinatos moderamur.

Defectum spirituum in motu restituunt omnia, quæ nuper ad spirituum defectum, & inde ortam virium imbecillitatem ac prostrationem restituendam, fuerunt recensita, in specie omnia spirituosissima, penetrantia, odorifera, acriora & calidiora; hæc enim, præter hoc, quod spirituum copias suo modo adaugent, motum quoque eorum elasticum restituant. His secundario accedunt omnia, quæ organa sensuum paulò potentius afficiunt, & plus minus irritant, ut odores fortiores, vellicationes extremorum, frictiones linguæ, vomitoria, sternutatoria, &c. quæ omnia secundario ad spirituum torporem excitandum, & impetum eorum provocandum, nonnihil conferunt.

Motum autem excedentem spirituum refrænant, & perturbatum plus minus corrigunt, quædam indirectè, quædam magis directè. Indirectè quidem, quæ objectum irritans ad partem irritatam, cujus occasione interdum spirituum impetus concitatur, corrigunt, ita ut objectum irritans temperando, partem irritatam autem demulcendo, spirituum nimium impetum sistant: Pertinent huc ea, quæ vi blanda anodyna sensus blandè demulcere solent. Directè autem hoc faciunt, quæ motum effrænem spirituum sistunt: inter illa excellunt usu interno papaverina: externo verò hyoscyamus.

Omnia autem narcotica respectu vitæ nostræ, hujusque principii, nobis hostilia, & revera quasi venenosa sunt, unde pro scopo, horum medio sufflaminandi spirituum impetum vitiosum, vel bina sufficiant ex pluribus selegisse, quæ præ omnibus aliis satisfaciunt. Inter papaverina habemus papaver sativum, & sylvestre, rhœas dictum; quod ultimum vi narcotica longè mitius observatur, dum blanda vi anodyna spiritus quasi demulceat; hinc in affectibus cum inflammatione conjunctis, ut angina, pleuritide, &c. notum est, & nobile horum specificum: sed sativum pro motu spirituum coercendo imprimis satisfacit, siue syrupus simplex, siue diacodion Montani. In specie apud nos usitatum est *Opium*, siue huic præferendum adhuc *Meconium* primatum ducit,

De Opio

ergo, ceu remedio polychresto, pauca differamus, consideratis his 4. Referamus scilicet

(1) Autorum de eo sententias;

(2) Virtutem principalem, in quo consistat? & quibus malis, nunc mediata nunc immediate, succurrat?

(3) Nocumenta, quæ ejus usum aliquando sequi possunt; & tandem

(4) Præparationes ac correctiones dicti opii.

Quoad 1. Igitur, experitur opium, non secus ac omnia generosiora remedia, commune fatum; dum laudatur ab his, culpatur ab illis. Veteres, & moderni præprimis, opium & usurparunt & laudarunt. Veteres *Greci*, & cum *GALENO Arabes*, multum tribuunt eidem, unde compositionibus suis magnis, *Mithridatio*, *The-riacæ*,

riacæ, &c. tantum non pro basi inservierunt. Moderni post PLATERUM, (qui primus opium sub scamno reiectum protraxit) ut SYLVIVS, ejusque imitatores, iterum in usum vocarunt; ita ut ille dixerit, se semimortuos opii usu restituisse sæpius; hic verò, se malle Præceos usu carere, quam opii usu destitui. Mediæ ætatis & superioris seculi Medici ad unum omnes culparunt opium & rejecerunt: quorum hypothesi de ejus usu & viribus collectas videbitis in ZWELFFERI *Edit. ultima Pharmacop. Regiæ, pag. 153. seq.* Particulariter de eo scripserunt WINCLERUS, FREITAGIUS, DOERINGIUS, HARTMANNUS, SALA in *Ternar. Laudanorum*, &c. Interim diversitatis ratio ex hoc sequitur, quod isti rejecerunt opium, in debita præparatione, & usu ejusdem, delinquentes; Veterum autem fermentationem instituerunt, & sic correctum & satiatum habuerunt; quod pariter moderni corrigere debite conati sunt, ac salubre remedium inde experiuntur.

Quoad II. Vires nempe opii, resident materialiter in concreti substantia resinosa. Ex Indiis ad nos adfertur, & cum aliis succis sæpè adulteratum est; unde opio peregrino adulterato præstat succus ex papaveris capitibus incisus elicitus & inspissatus. Aliàs est succus gummeus inspissatus, qui sub cortice sup. nucleum resinolum habet reconditum, in quovis ejus, ob quam expetitur, residet. Resina autem hæc pro aliarum ratione est concretum salinum oleosum, ex acido pingui & alcali copioso constans. Formaliter vis ejus anodyna & narcotica residet in sulphure ejus concentrato, sed facile resolubili, & in odorem penetrantissimum diffusibili, quo immediate afficit spiritus, eisdemque sapore suo quasi condensare, & hinc impetum eorum nimium refrænare solet. Ab hoc igitur certè benedictum remedium est opium legitimo usu & quasi catholicatum, nec satis laudandum; immediate nempe quoscumque spirituum motus, furores & perturbationes, plus minus sistere, & hinc mediata omnes humorum in corpore agitationes & motus vitiosos modificare & refrænare valet. Ex his, tanquam effectibus principalioribus, omnes ejus reliqui usus prosuunt: hinc eo ipso, quo spirituum nimium impetum sufflammat, est, quod vigilias compescat, somnum inducat, & hinc quosvis dolores externè & internè sopiat. Eo ipso, quo humorum quorumvis in corpore agitationes, & motum localem vel progressivum inhibet, simul humorum excretionem sistit, quinimò, ipsos humorum motus fermentativos, quatenus ex quorundam heterogeneorum admiscela plus minus dependent, imminuit. Prioris ratione in quibusvis hæmorrhagiis, alvi fluxibus, vomitibus, &c. est obvium; non secus ac sudores phthysicorum colliquativos nocturnos egregiè compescere solet, utut sudores aliàs naturaliter profluere faciat. His ipsis modis, febres tam continuas quam intermittentes mitigando, & impetum spirituum sopiendo, symptomata harum periculosiora inde orta notabiliter imminuere solet, & aliis appropriatis additum nunc retardat nunc cohibet paroxysmos, quinimò ad minimum rigores imminuere solet: in continuis, tam benignis quam malignis, ægrotos inquietos & agrypnos, quietos & mansuetos reddit, & hoc ipso perturbationes corporis lenit. Ergo in paroxysmis epilepticis, hystericis, in quibusvis morbis convulsivis, tam præservandis, quam paroxysmis imminuentibus moderandis & compescendis, optime convenit: hinc porro quosvis dolores, præsertim non adeo chronicos, capitis, articularum, dentium, &c. sistere, notorium est. Unde etiam ad hoc, tanquam ad sacram anchoram, confugimus, ut aliquando inde ægris ad feramur levamen; adeo ut universaliter longè sit remedium, quam purgantia & sudorifera. Confer. MYNSICHTIUS in *Armament. Chymico pag. 71.* item HOEFERUS in *Hercule Medico pag. 157. & 158.* BONITIUS in *commentar. in Garciam ab Horro cap. 4.*

Ex hoc puncto probabile reddi potest dogma de Panacæis: si enim opium vegetabile quoddam, & convertibile in stomacho, tam insignes vires habet, ut in parva dosi omnibus symptomatibus occurrat, quidni remedia fixiora, minus alterabilia, majores habebunt vires? Hinc metallica & mineralia generosiora, ad universale medicamentum accedentia, universaliter etiam quasi operantur: inter quæ imprimis sulphura mineralia fixa, vi anodyna spirituum furores & inordinatos motus sedantia, eminent; qualia sunt sulphur vietrioli Veneris dulce, de quo legatur PO-

LEMANNUS in *Tractatu de Sulphure Philosophorum*.

Dantur & plura universalia, qualia sunt tincturæ & sulphura antimonialia, Solis & Veneris, quæ reverà omnia symptomata urgentia sistunt. Sed de his plura in *Curat. Morborum Archealium*.

Dubium autem est, an etiam in deliriis conveniat opium, five in acutis five in chronicis habitualibus, Melancholicis? Cautus sit hic opii usus, præsertim si sint Melancholici habituales: nam opiata in nostro climate somnia ferè turbulenta inducere solent, unde verendum, ne in delirantibus jam alia simul periculosa symptomata post se trahant; tutius tamen, præsertim cum acidis, præparatum opium convenit. Nam in deliriis Melancholicis nullum omnino habent usum, & nullum sortiuntur effectum, licet in dupla vel tripla etiam dosi propinentur, dum hi ordinario sunt agrypni: quod autem cum non fiat, tunc ferociore ferè evadunt spiritus post opiatorum usum.

Sed cum benedicta in opio sit Medicina, pro salubri ejus usu 4. ejusdem nocumenta & cautela sunt notandæ:

- (1.) Ut ritè correctum, præsertim per alcalia, citra castrationem per acida, usurpetur. Nam opium nobis usitatum sub vi blandè anodyna simul habet reconditam virulentiam narcoticam, i. e. stupefactivam malignam, qua spiritus figuntur & stupidi ac immobiles quasi fiunt, & somnia turbulenta excitantur: vid. HELMONTIUS *Tract. Jus Duum Vir. S. 56. pag. 248.* Hæc ergo auferatur, ut emergat sub ea abscondita vis anodyna, spiritus sedativa.
- (2.) Quod minus conveniat infantibus. Si tamen urgente necessitate utendum, utamur Mithridatio & Theriaca ad gran. j. vel ij. vel iij. cum aliis appropriatis absorbentibus pulveribus sociando, quibus permixtum optimè sic convenit, licet in tantillo Theriacæ vix sensibilis sit opii quantitas: nihilominus blandè & suaviter afficiuntur infantes, ut etiam gr. j. pro duabus dosibus sufficiat aliquando; reverà autem pejus ab opii usu nimio habent. Novi hic exemplum infantis, qui ejus grano unico propinato ebrius quasi factus cum ingenti parentum consternatione. Huc pertinet, quod PANAROLLUS refert, pessimo consilio nutrices infantibus pro somno conciliando semen papaveris in pulve immiscere; observatum enim est, quod sæpè exinde stupidi & hebetis ingenii, si non epileptici, evaserint.
- (3.) Infestum etiam est opium gravidis seu prægnantibus, & non nisi certò in casu conveniens, cum ad abortum has soleat disponere, tam in primis, idque maxime, quam in ultimis gestationis mensibus; nisi ubi ex nimio spirituum impetu metus sit abortus, aut etiam aliunde commotis, v. g. ab ira, formidine nimia, &c. in tali casu aliis sociatum, & non nisi in pauca dosi propinandum. De cætero ab eodem in prægnantibus abstinemus.
- (4.) Ut legitimo tempore & constantibus adhuc non nihil viribus administratur; has enim aliàs debiles spirituum impetum sistendo magis debilitaret: semper enim languorem post se relinquit, unde ægri ordinario debiliores redduntur. Dicunt quidem: *Bene quidem quievi; sed langueo*; quando spiritus scilicet rariores & subtiliores sunt atque ægri facile in animi deliquium incidunt: in phthysicis autem, v. g. ex spirituum textura magis constante vires magis roborari solent: nec dandum, quando omnia jam desperata sunt, quia tunc inutile. In specie non, nisi raro, in principio morborum acutorum, nec in statu usurpetur: non in principio; sistitur enim primus naturæ impetus, cum omnis morbus sit conatus quidam naturæ: non in statu, quia motum naturæ plus minus criticum aliàs impediret: vid. BALLONIUS *lib. 1. Consil. 65. pag. 329.* Potius ergo in incremento, ubi omnia symptomata urgent, ac symptomatum copia natura irritatur ulterius. In chronicis verò morbis saltem confert in paroxysmis paulo atrocioribus mitigandis & non nihil sistendis, sed ante paroxysmum, & non, nisi cum appropriatis, adhibeatur: extra paroxysmum in morbis chronicis frustraneus est ejus usus, & ut dictum, morbus tunc diuturnior redderetur; sicut in paroxysmo ipso exhibitum, hunc quoque magis protraheret aut continuaret. In febribus intermittentibus observetur legitimus adhibendi modus: nunquam scilicet solum; sed semper debitis sociatum

tum specificis, affectuique simul appropriatis remediis, vel diaphoreticis, vel præcipitantibus, vel purgantibus, propinetur, quia hæc tunc jucundius, sæpe felicius operantur. Aliàs solum opium palliat saltem morbos & symptomata; nam cum rotæ primæ motum nonnihil sistat, & reliquæ rotæ minus moveantur, sed leniendo symptomata, morbi inde pertinaciores & diuturniores redduntur; figendo enim spiritus, & materiam morborum occasionallem sistendo, hæc coercita glutinosior & magis chronica redditur, & per consequens contumacior fit morbus: è contrà si quæ metuenda est noxa ex sedativa vi opii, admittione appropriati præcavetur; vid. GRUELINGIUS in *Florileg. Art. 10. cap. 3. pag. 263. & 269.* Opium enim non radicitus curat. Illustrabo exemplis: In tussi ab humore tenui opiata eundem humorem crassiores & viscidiores reddunt: opio tolluntur febres intermittentes omnes, legitimo scilicet usu; ex perverso autem abusu febres intermittentes duplices, aut triplices redduntur; causa enim morborum peccans materialis glutinosior facta, in nido suo magis incuneata, & sic morbus diuturnior redditur. Unde opiata nunquam solitariè, sed semper cum appropriatis sociata, & præmissis universalibus, adjectis v. g. febrifugis, &c. usurpanda sunt.

Quæritur autem *tertio*, quomodo opium sit corrigendum, & in quo consistat ejus vis maligna, ut corrigatur? Omnibus notum est, quod omnia opiata, papaverina, solana, omnes species cannabis, lolii, agnus castus, &c. usurpata inducant somnum, & externè vel internè sistant dolores; qui duo effectus ab usu opii sunt ordinarij. Jam autem consideremus, quod somnus naturalis non fiat à spirituum animalium nimis veloci motu, sed lento & sufflaminato. Mirandus hic opii & simillum, narcotica dictorum, est affectus, qui tamen ex eo, quod spirituum animalium impetum & motum sufflaminat, plus minus eorum volatilitatē, & subtilitatē indeq; facilitatem ex pansionem & mobilitatem figendo quasi aut condensando, eosq; torpidos reddendo, explicari potest; unde consequenter tam continentium, quam contentorum, reliquæ motiones naturales & præternaturales cessant: quæ figendi opiatorum potentia consistere videtur in principio ejus sulphureo, quod cum in se reconditum habeat acidum occultum, ratione hujus arctissimo amplexu retinet sal volatile acre amaricans, adeoque ex aliorum principiis potius in calore, quam frigore, fundatur.

Confirmat hoc, quod omnia hæc narcotica, simplicia odorem referant foetidum, oriundum à sulphure crudiore indigesto. In principio sulphureo latitare hanc vim narcoticam, confirmat spiritus vini, qui nimium assumptus est narcoticus. Sopor hic morbosus est similis iis, qui à gas carbonum incensorum carotici redduntur, qualis sopor dependet à sulphure per accensionē volatilifato, & minus fixo & maligno: Fumus narcoticus metallorum etiam in tali sulphure immaturo consistit: Gas, quod ex liquoribus fermentescentibus exhalat, mirè ad profundos somnos cogit; nam effluvia hæc etiam sunt de natura sulphurea volatili.

Præparatio ergo opii, & omnium opiatorum, tandem consistit in eo, ut corrigatur hoc sulphur volatile minus maturum, narcoticum & virulentum, in resina residens perquam tenaci & viscida, ut nonnihil figatur & quasi maturetur simul in correctione ejus debita, vel etiam cum aliis appropriatis compositione ulteriori. Corrigendi autem modus triplex est; vel per acida; qui est pessimus; vel alcalia; vel per fermentationem, qui sunt optimi. Tentarunt etiam quidam per rorem majalem, sed hæc est superficialis ejus præparatio. Alii negotium hoc instituerunt per spiritum vini, sed cum hic ipse sit inebriativus & narcoticus, nihil fecerunt.

Quoad I. Acida, e. g. acetum, fumus sulphuris, &c. hæc, præsertim graduata seu mineralia, nimis concentrant resinā, invertunt & ferè castrant opium, quatenus corrigunt & destruunt sal ejus volatile oleosum, unde etiam per acida correctum debilius observatur: imò quoad vim narcoticam non est correctum, sed infractum, & propterea hæc correctio minus est conveniens, utut ista cum aceto destillato ritè instituta in morbis acutis, & certis affectibus, non sit contemnenda, ita enim opium extractum citra vim stupefactivam ægros reddit admodum quietos & placabiles, quos è contrà, si cum spiritu vini extractum fuerit, præter vim stupefactivam deliros & turbidos facit. De diversitate au-

tem Extractionis cum aceto destillato & spiritus vini notabilis est locus in *Actis Anglorum*, qui videatur.

II. Concinnior est correctio per digestionem, quando opium permiscetur cum alcalibus, tam fixis quam volatilibus. Primatum ducit sal tartari fixum vel oleum ejusdem per deliquium, quod solvit & penetrat texturam opii, dissolvit resinam ejus, & particulas sulphureas blanda digestionem evolare facit: scilicet opium solvitur in lixivio salis tartari solutio filtratur, & per evaporationem inspissatur, remanet concretum solubile cum sale tartari cui affundatur spiritus vini probè rectificatus, sic extrahitur opium correctum, & remanet sal tartari cum scoris opii; sic habetur essentia opii eleganter correctæ, perfectè anodyna sine ulla narcosi & magnarum virium & potestatum, imprimis si addatur spiritus terebinthinæ. Hoc modo omnia vegetabilia venenosa, etiam napellus, volatili vi maligna spoliantur & cicurantur.

III. Tertia Correctio fit per Fermentationem cum succo cydoniorum, vel alio quodam stomachico appropriato; Eam debemus HELMONTIO, ex quo per aliorum communicationem habet D. LANGELOTT in *Epist. ad A. N. C.* conscripta. Labor tamen hic minus succedit, aut si succedit, evadit opium à virulentia narcotica non tantopere separatum & correctum, uti dicitur, vel videtur LANGELOTTUM encheireses quasdam subticuisse, vel remedium non adeo nobile acquisivisse, ac ipse prædicat. Hujus igitur loco concinnior est modus per effervescentiam paratus:

24. Opium pulverisat.

Imprægnetur cum oleo tartari *p. d.*, digerantur aliquandiu: quo facto instilletur acetum destillatum, incipit effervescere blandè, & continuata aceti destillati affusione pereleganter effervescit non adeo insigni impetu: sic optimè recluditur opium, & continuata ad punctum saturationis effervescencia, denud digestionis medio extrahatur vel cum spiritu vini in *Essentiam*, vel spiritu vini *abstracto* redigatur in *Extractum*, quod aliis præparationibus meritò præfero. Tutissimū enim est, etiam in paulò majori dosi.

Quoad Menstrua, ex dictis patet, optimum esse spiritum vini in extrahendo Opio sic correcto, qui illud suo adhuc modo corrigere, & simul spiritibus nostris magis sociabile reddere valet. In morbis tamen acutis tutius est, si cum aceto destillato nunc extractum sit opium & inspissatum, nunc sine prævia correctione, per alcali, nunc cum prævia correctione; cum aceto destillato dissolvatur, ac sic nobis appropriatum magis reddatur.

Hyoscyamus.

Minus tutò internè propinatur; ejus enim usu stupidi, vertiginosi & semidelirantes redduntur assumptes: Hinc vix adhibetur, nisi in corrigendo sputo cruento, ex commendatione Plateri & aliorum; reverà tamen hoc ipsum etiam ab opio ritè correcto expectare possumus. Externè verò nobilissimum est Anodynum in partium externarum doloribus, pro impetu spirituum sufflaminando. Usus ejus est triplex; vel oleum expressum, cum oleo nucistæ expresso sociatum, (solitariè enim usurpatum nimis alterat spiritum insitum, unde cum aromaticis insuper misceatur;) vel *Unguentum*, si cum *butyro recenti non salito* frizetur *hyoscyamus*, & facta leni expressione fiat unguentum viride, cui aliquot guttæ olei destillati *baccarum juniperi*, &c. addi possunt; vel fiat *Emplastrum* ex hoc ipso *Unguento* cum *cera* & *oleo proprio expresso* ad consistentiam Emplastri q. f. assumptis; quod extra applicatum pariter, ac superiora illita, spirituum motum, & pathemata plurima dolorosa in partibus externis, sistit.

CLASSIS IV.

D E

CURATIONIBUS SYMPTOMATICIS, MAGNETICIS, & TRANSPLANTATORIIS.

Dixi superius, propriè loquendo non nisi per similis speciei animalis spiritum propriè dictum alterationem in spiritibus nostris fieri posse, idque ferè in *Curationibus morborum Archealium*, sympatheticis, magneticis & transplantatoriis, locum obtinere. De his igitur iam aliquid addendum est.

Alia autem longè ea, quæ sublimior ferè, hoc in negotio HELMONTII est Philosophia, quæ remedia corporali suo cum partibus corporis contactu, & materiali unione, ope-

operantia parvi faciens, offerit duplicem actionem ratione craseos materialis, & secundum ideas morbosas in archeo conceptas, quarum deletionem dicit morbos curari, de quibus in Pathologicis egi.

Ut enim *hic ipse* rerum naturalium ortum, progressum, & interitum ex aqua per semina recte explicat, inque horum efficiente Archeo, præter vim fermentalem (materiam in tale corpus transmutativam) etiam vim directricem in corporis partium, ex determinata materia, formatione, earumque actione ac usibus statuit, quam in ideis) ob id à MARCO MARCI Operatricibus potius directricibus) positam esse affirmat; ita etiam per talē processum quasi seminalē morbos in nobis progigni asserit, dum Archeus seu spiritus insitus occasione quacunque, speciatim peccantis cuiusdam materię occurſu, irritatus varias ideas furoris, exandescentię, pavoris, &c. aliasque, (pontē concipiat, aut similes aliunde sibi communicatas ideas appropriet; pro quarum ductu & directione multipliciter actiones naturalis corporis & functiones vi & potentia idearum seminalium perficiantur. Hinc est, quod dicit, dolorem dentium oriri à tali furore, seu exandescencia, seu idea furoris, concepta in spiritu insito dentis, idē curat per similem pavoris ideam, per ossiculū nempe bufonis, morbosam ideam.

Remedia ergo hætenus usitata saltem à posteriori, removēdo causam occasionalem, aut producta ejusdem morboſa, curare asserit, à priori verò nullatenus radicem morbi attingere, unde & tam plures morbi ceu incurabiles, à Medicis relinquuntur, & quos ipsa natura curare nequeat, etiā Medicos, ceu simplices illius ministros, remove non posse. Illustrare hæc non tantum per curas morborum sine sensibili causæ materialis remotione per sola animi pathemata factas, sed etiam per vires imaginationis, tam in corpore proprio, quam in foetu in utero concluso, in generatione morborum & horum curatione & remediorum determinatione per quam efficaces. Et confirmant idealem hanc hypothēsin sufficienter morsus quorumcunque animalium, qui ex perturbationibus affectuum, indeque ortis ideis, sunt, venenati, aut ipsius hominis; sicut & sanguis recens, & calidus animalium haustus hominem in mores & actiones brutales transformat; non minus quam carnes animalium ex perturbationibus in rabiem actorum comestæ, similem rabiem nobis communicant: vid. KIRCHERUS de Peste. Et in genere omnia ea assumpta, quæ imaginativam perturbant, & deliria determinata inducunt alio modo operari nequeunt, quam per ideas simul transplantatas: qualia exempla videbitis in KIRCHERO l. c. pag. 203, BARTHOLETTO de Respirat. l. 5. cap. 3. pag. 405, & DOERING. de Opio pag. 72. & 79.

Imaginationis ab omnibus mirandæ prædicantur vires, tam in statu sano quam morboſo. Quid valeat matris imaginatio in signando foetu? notum est: vid. HORSTIUS l. 11. Observat. 3. Quod & pertinent peculiaris exempla ab HELMONTIO recensita Tr. de Injectis Mater. §. 9. quorum rationes videbitis in MARCO MARCI pag. 415. Quosdam ex imaginatione firma non tantum in morbos incidisse, sed etiam iisdem occubuisse, referunt observationes, imprimis HEINRICI ab HEER: Fiducia ægri in Medicum, ejusve Medicinam quid valeat? omnibus notum est: Et videatur MARCUS MARCI pag. 511., ubi simul demonstrat, quare metus morbi ejusdem paroxysmum sæpè inducat, qui aliàs ad tempus aliquod adhuc mansisset sopitus: dumque terrores vel pavores concepti sæpè diuturnorum malorum causæ sunt, in specie variorum deliriorum, de quibus PLATERUS in Observat. pag. 51. & 90., hoc tamen beneficio imaginationis fortioris obtinent. Confirmatur, quod in nobis vel simplici imaginatione actiones medicamentosæ variæ, item morbosæ, excitentur: Vomitus & secessus simpliciter interdum sequi per imaginationem, rei cuiusdam horrendæ auditum noto notius est; unde multi absque odore ullo percepto, visotantum medicamento, aut mentione saltem ejusdem facta, sufficienter purgati fuerunt, quod M. A. N. C. Ann. 1. Observat. 152. & Ann. 6. Observat. 238., item HOFMANNUS in M. M. l. 1. cap. 8. testantur. Sicut solo conspectu Infusi cuiusdam antimonialis nauseam, & copiosam, tam per superiora, quam per inferiora, purgationem excitatam refert BARTHOLINUS Centur. 5. Histor. 64.: & visu deglutitionis pilularum procuratam purgationem videbitis in Salmuth. l. 3. Observat. 14. Omnes hæ operationes sequuntur imaginativæ vires. Hæc autem fit tantum per species objecta sensibilia repræsentativas, hoc est ideas

spiritibus conceptas & impressas unde horum actiones naturales ad varias depravationes disponuntur: Conf. PEYERUS Dissertat. 1. de Glandulis Intestin. p. 2. cap. 2. Hinc est, quod sæpè morbi gravissimi sine omni sensibili medicamento effectu, vel ulla materiali excretionē, vel alteratione materiæ peccantis subito curentur, qui aliàs sub laboriosis venæsectionibus, purgationibus, diætis & ad dedecus Medici contumaces persistunt. Nihil dicam jam de lapillo Butleri, de quo HELMONTIUS pag. 466, & MARCI pag. 544.; sed hoc urgeo, quod contumaces febres intermittentes elu rei apparenter nocivæ, sed appetitæ, v. g. hæcicis, curentur tuto; (unde & periodi febrium, quatenus adeo certæ & statutæ ab Archeo, per certam ideam modificato, oriri videntur; hinc & opium paroxysmorum febrilium recursum impedit:) quod difficillima curatu Mania injectione in aquam frigidam tollatur: vid. HELMONTIUS Tract. Demens Idea §. 49.: quod subita iræ exandescencia vel repentinus metus curent inveteratas paralytes: vid. Schenk. l. 1. Observat. pag. 94., & HORSTIUS T. 2. l. 11. pag. 15. quod magnæ excreſcentiæ curentur sine ferro, sine igne, per contactum manus mortuæ chronico morbo sensim interemptæ. His ergo in morbis ideæ morbosæ per alias deletæ morbum solvunt. Dum etiam Veteres Galenici causas læsarum actionum Facultates læsas vel irritatas dicunt, quid his irritationibus velint intellectum, aliter explicare nequeunt, nisi dicant, ex præsentia rei molestæ vel præternaturalis percepta stimulum injici Facultati ad movendum hoc molestum. Necessè ergo est molestiam inferri ab objecto, hanc recipi & percipi, h. e. quasi sentiri in subjecto, quod exinde velit repellere istud. Sed quomodo hoc faciet, nisi interveniat furoris vel indignationis idea, à qua exsuscitatur ad talem repulsionis motum? v. g. dum stomachus irritatus producit vomitus. Sub istarum ergo umbrularum lumine tacite ipsas ideas insinuant; ac hinc dictæ Galenicorum facultates toties irritatæ, actiones hinc pervertentes, nil aliud quam talia Archei pathemata, & hinc natæ præternaturales ideæ, esse videntur, loco quarum moderni spirituum animalium impetum, & præternaturales eorum motus rite substituunt, utut vim motus determinativam ob subtilitatem suam non clarè satis explicant.

Sunt ergo morbi Archeales ut plurimum ad morbos occultarum qualitatum relati, qui oriuntur ab ideis peregrinis, Archeum seu spiritum ad actionum depravationes determinantibus; quatenus nunc communicantur spiritibus ab extrinseco, ab assumptis, aut morsu animalium; nunc generantur in iisdem ab intrinseco, vel ab imaginatione, vel ab animi perturbationibus, quorum simulacra non tantum in penū memoriæ, sed etiā in ea parte corporis, quam species connexa signat, insculpuntur, (hinc scorpio irritatus intelligit per cuspidem caudæ vulnus venenosum per se lethale; sin verò ex improvviso cauda ipsi amputetur, hac ipsa corpus innoxie vulneratur) vel etiam excrementis, quæ prout aliàs noxarum, quas corpori inferunt, causæ sunt occasionales, ita ex eorum molestia præsentia & irritatione exandescunt spiritus, & furoris ideam concipiunt, indeque varias actionum læsiones inducunt. Conf. HELMONTIUS & MARCUS MARCI.

Remedia ergo, quæ morbis hujusmodi Archealibus medentur, faciunt hoc vel directè vel indirectè. Quæ directè medentur, sunt remedia sublimiora immediate in spiritus operantia, ideasque istas morbosas delentia, spiritus blandè pacando, vel ideam contrariam extinguendo, quatenus dicta remedia saltem irradiativè instar odorum, solis veluti effluviis, quæ de se fundunt, agunt in sopitum vel succensum Archeum, in specie in stomacho, unde demum in totum corpus per poros particulæ remediorum minutissimæ penetrant, & sanitas inde succedit, taliumque intuitu Archeus certo modo alteratus morbosas exuat aut delet ideas vel alias illis contrarias suscipiat, ut ita cesset præternaturalis Actionum perturbatio, & naturalis pacata redeat quies. Indirectè autem operantia sunt ea, quæ causam occasionalem talis morbosæ ideæ remonent; v. g. quando delirium ab hyoscyamo assumpto inductum, curatur per vomitum; vel quando excrementa evacuantur, quorum præsentia aliàs spiritus exandescēbant,

Per exempla res est clarior: Manus longo morbo mortua excreſcentias delet solo contactu; ob pavorem mortis, inductum archeo excreſcentiæ, qua pavoris idea excreſcentia sensim decreſcit; manus verò violenta morte interempti cadaveris idem non facit, cum in talibus aliquid vitale, h. e. de spiritu insito, remaneat: ob similem rationem manus mortua

mortua ad contactum nostrum adeo friget apparenter : *Viperæ venenum* per morsum inflictum in indignationis & furoris consistit idea ; hanc *delet bufo vivus contusus* & applicatus, ob contrariam pavoris ideam, ex hominis præsentia contractam, quam moriens adhuc retinet (vid. HELMONTIUS *Tract. Tumulus Pestis* p. 885. KIRCHERUS *Scrutin. Pestis* pag. 346.) qua ipsa pavoris idea quascunque hæmorrhagias, ex nimio spiritus furore & impetuoso motu concitatas, *bufo appensus feliciter sistit* : sicut ejus *osculum*, pullui infantis applicatum, ob eandem ideam *epilepsiam ejus sistit*, natam vel ex ira vel ex terrore nutricis, infantem paulo post lactantis : ex simili fundamento *scorpius cum vipera propriis morsibus applicati, venenum tollunt*, ex contrarietate scilicet idearum : Vid. MARCUS MARCI p. 532. Quarum pavidus animal, *lepus*, ejusque *crur per venationem bene agitur*, ex idea contraria vel *dysenteriam vel erysipelas curat* : vid. HELMONTIUS *Tract. Potestas Medicam.* §. 29. Non minus quam, quare *crur tauri potantem strangulat*, non verò crur bovis? *Idem in Tract. Natura Contrar. nescias* §. 48. *Sanguis torpidi & somnolenti asini juxta aures extractus, & linteo exceptus, si potui infundatur, Maniacos feroces ex idea contraria curat.*

Nec desunt alia remedia per idealem modum operantia : v. g. rasura cornu tauri in coitus ardore abrasa mirè armat in Venerem ; cerebrum & sanguis passeris, in Veneris actu enecati, potentiùs longe stimulat eandem, quam si nudè interficiatur alio tempore ; sanguis & testiculi cervi, dum in venerem hiat, transfossi Arcanum est Venerem cujusdam Principis ; sicut & ejus priapus, simili tempore enecati, cum vino subactus, & testibus applicatus, singulariter venerem excitat : Vid. BARTHOLINUS *Centur. 6. Histor. 50.* Filum rubrum, quo vipera strangulata fuit, collo circumductum curat anginam ; usnea cranii humani detenta in manu impedit sanguinis ex selecta vena in brachio eruptionem : Vid. BOYLE in *Philosoph. Experimental.* HELMONTIUS *Tract. Magnetica vulnerum Curatio.*

Ex perturbationibus animi gravioribus, per ideas inde enatas Archeum diversimodè dirigentibus, & induci morbos, & etiam curari, aliquoties monitum fuit : vid. HELMONTIUS *Tract. In Herbis, Verbis & Lapidibus magna virus* : Terror interdum diurnam curat Quartanam : Arthritidem inveteratam curari per torturam, refert HILDANUS *Centur. 1. Observat. 79.* quæ ex terrore nimio ac ferè intolerabili dolore, ob suam cataplasma anodynum depascentem, curata quoque fuit, Autore *Salmuth Centur. 1. Observat. 48.* ob ingentem terroris ideam, archeo pedum incussam, quare cursus paroxysmi inhibetur ; qualis Arthritis ex insperato gaudio similiter ablata fuit, Autore HILDANO *Centur. 1. Observat. 97.* Alii quoties fit, ut metus podagræ eam absentem subito inducat, aut præsentem exasperet ? Vid. MARCUS MARCI pag. 510. Pavor mortis ex metu suffocationis hydrophobiam sanat. Jam cogitate operosam medentium artem circa tales affectus per medicamenta interna & externa varia applicata, sed frustra ; quia per sola animi pathemata subito & derepente curantur, quæ quicquid possunt, primario per ideas exinde enatas, & certæ parti impressas, præstant. Motus humorum & agitatio, quam quidem hic pro causa cognoscunt, vix aliter quam ab Archeo, tales ideas determinato, oriri possunt, aut certè non tantam habent efficaciam, ut v. g. Arthritidem tam subito & radicitus tollere valeant.

Satis manifesta hæc sunt pro confirmatione Curationis morborum Archealium per ideas, & remedia idealiter operantia. Hisce jam adjungenda ea remedia, quæ simili idealis influxu, utut obscurius paulò, licet potentiùs, operantur. De Amuletis, eorumque efficacia, jam nihil dicam. Saltem de Metallicis dico, quod horum legitime præparatorum & reclusorum magna sit potestas, quæ imprimis in eorum sulphure fixo latet recondita, adeo ut in his sulphuribus correctis & perfectis tota morborum cohors aufcultet : vid. *de modo agendi horum remedium* HELMONTIUS loco citato ; in quo prolixè demonstrare conatur, agere hujusmodi sulphura sine suo materiali in corpus ingressu ; utut agant in Archeum instar luminis, solo velut radio vel aspectu sui, quo radio animatus Archeus fingat in se ipso ideam rerum agendarum : speciatim quidem ignem seu sulphur Veneris fixum, ex vitriolo Veneris præparandum, hic maximè extollit, & mediante hoc elemento ignis Veneris, hoc est, olei sulphure Veneris, paratum Mercurium diaphoreticum fixum, quæ duo omnia ista præstare ait, quæ Medicus vel Chirurgus desiderare queant. In sulphure hoc Veneris fixo latet vis singularis pacans Archeum

omnesque ejus furores suaviter compescens & componens, de quo præter ea, quæ hinc inde habet HELMONTIUS, vid. POLEMANNUS *de sulphure Philosophorum*. Vitriolum ratione suæ partis metallicæ hanc vim obtinet participatam, unde sulphur vitrioli anodynum dulce tantæ est æstimationis, & in hoc sulphure vitrioli latet ejus vis sympathetica, unde etiam ex Vitriolo volatilifato *lapillus Butleri*, seu *Drif. Helmontii*, præparari solet. Huc pertinent ejus Elixiria ex Oleis aromaticis in sal volatile redactis : vid. *Tractatus de Princ. Chymicis*. Ad hæc sulphura, & alia fixa ex Metallicis parata remedia, tam si sicca in consistèntia, quam si liquida, liquidarum tincturarum forma, v. g. Antimonii, Solis, &c. se exhibeant, pertinent. Sanè uti generationes rerum ex seminibus sine talibus ideis vix explicari possunt, ita etiam in morborum productione & generatione hæc ipsæ ulteriorem considerationem merentur. Sulphura autem hujusmodi metallica, aut quæ ejusdem sunt prosapiæ remedia, vi anodyna singulari, & hinc vi antiepileptica pollere, clarum est ex Cinnabari animonii : ut taceam alia sulphura & tincturas fixiores antimoniales, quæ utut non citra suam corporalem alterationem, tam activam quam passivam, & in anodyna & hinc diaphoretica operatione sunt summè æstimanda. Quædam enim remedia, dum adhuc in ventriculo hospitantur, suas mirandas exerunt energias ; e. g. horum loco commune saltem illud opium, utut non omni carens virulentia, etiam nunc in primis viis existens, somnum infert, & laudatissimas non raro operationes exerit, ut *supra dictum* est ex HELMONTIO ; qui etiam *Tract. Jus duumvir.* §. 22. refert, quod ex semine hyoscyami assumpto quidam deliraverit, assumpto autem vomitorio semen in forma mucilaginis rejecerit, quæ res meretur altiore indaginem.

Opium enim remedium esse ferè Catholicum, & quod in omnibus ferè affectibus non sine fructu adhibeatur, in *Classe 3.* pluribus dictum ; si quidem quascunque in corpore nostro exortas motiones humorum & spirituum præternaturales compescit. Utut autem parva & exigua ejus dosis non possit referri ad ea, quæ materiali sui miscela in humores aut corporis partes agunt, operatur tamen potius in spiritus vel sua narcotica, ejus motus nimios, furores & excandescantias sopiendo, sicut alia remedia omnia narcotica non nisi spiritum afficiendo, suas exerunt operationes. Sed cum & ipsa vis narcotica sit nociva, demum tunc salutare evadit remedium, dum deposita ista virulentia per solas virtutes anodynas, Archeum placantes, operatur.

Generosissima enim remedia aliter operantur, quam vulgaria : e. g. dedi aliquando ægræ 3i spiritus salis ammoniaci rectificatissimi, nec tamen sudorem potui prolicere : propinavi autem deinde ʒss auri diaphoretici Poterii, & post quadratam horæ copiosissimus sudor sequebatur, quam aurum ad fuerit corporaliter, nec sulphur ejus extraversum, tamen operationem maximam perfecit. Ergo videmus, quod sulphura metallica fixa plus in recessu habeant, & sublimiora medicamenta, ac quæ ad universalitatis gradum magis accedunt, longè alia ratione operari. Sanè hæc omnia optimè explicari possunt & dillucidari per hujusmodi ideas in Archeo suscitatas, quæ aliàs ad occultas qualitates referri necesse esset, id est, eorum ignorantiam aperte fateri.

Pertinent quoque huc, & ad sublimiores ac minus usitatas curandi ægros rationes, quodammodo Curationes sympatheticæ, magneticæ, & transplantatoriæ. De his autem curandi modis, qui quidem sunt rariores, plus tamen in recessu habent, moneo in genere, varias & distinctas de illis Autorum esse sententias : Sunt enim

„ 1. Quidam, qui eos affirmant per experientiam, eosque vel admirantur, vel pro genic alterius tam theoreticè in causam eorum, quam practicè & per imitationem secretæ hæc & fiendi modum simul scrutantur.

„ (2) Quidam eos negant, causam negationis, vel defectum rationis & modi fiendi, vel fallaces successus allegantes, aut si experimentis convincantur, ordinario tandem ad dæmonis pactum omne negotium transferunt. Sed dum Curationes has negant, hoc ipsum faciunt, ut sciendo nihil sciant ; cum maxima pars phænomenorum medicorum & naturalium nos adhuc lateat, adeoque maxima pars eorum, quæ scimus, sit minima eorum, quæ nescimus ; insulsum quoque præterea sit, negare aliquid ideò, quod à priori illud nesciamus, cum per quotidiana experimenta adhuc res ignotas detegamus. Dum fallaces successus adducunt, imprudentiam summam hoc ipso ostendunt ; quippe universale hoc est omnibus remediis, nunc propter ineptam adhibendi rationem, nunc propter subiecti

patientis ineptitudinem. Cum denique (3) per experientiam evicti in demonem causam coniciunt, iniurii etiam in Deum sunt: Nihil enim magis est blasphemum, quam quod Deus digito suo in naturam insculpsit, dæmoni ad erigere. Cautè ergo posterior hæc sententia tractetur. Nec possunt esse opera dæmonis, quia huius opera sunt vel realia vel præstigiatoria: Opera realia dæmonis non sunt supra naturam, quia hæc soli Omnipotenti Deo competunt; nec contra naturam diabolus agere potest: ergo sunt secundum naturam, i. e. secundum eges aturæ à Deo ordinatas, & purè naturalia sunt. Primus affirmantium fuit P A R A C E L S U S: vid. *Opera ejus German. P. 4 p. 227. & alib.*: sequuti hunc sunt alii; qui scriptis partim, partim experimentis, negotium hoc ulterius confirmarunt, quos Autores videbitis in *Theatro Sympathetico*; Confer simul MARCUS MARCI in *Philosoph. Veterum restit. P. 5.* BORELLIUS in *Observationibus*, DIGBY, PAPINIUS SERVUS, item TENZELIUS in *Med. Diastat. de cura magnetica*, HELMONTIUS de *Cura Vulnerum Magnetica*, item BARTHOLINUS *Centur. 3. Hist. 66. & Centur. 6. Hist. 53.*

Curam sympatheticam quod attinet, talis est, dum citra remediū cum subiecto vel parte affecta contactum in distans fit cura, quasi per occultum quendam cum parte affecta consensum: Dicuntur etiam in genere Magneticae, cum per mutuum quendam subiecti curandi cum remedio curante consensum fiant, & quasi tractio quædam (qualis fingitur in Magnete) inter partem læsam, & inter remedium extra corpus vel abiens, quod debet sanare. Notissimus in hoc puncto est *Pulvis Sympatheticus Vitræ*, qui DIGBÆO adscribitur, cujus præparatio est talis:

24. *Vitræ Veneris vel Cypr. q. pl.*

Hoc diebus canicularibus ad solis radios calcinetur, & in loco siccato asservetur pro usu.

Utratur tam in forma sicca, quam humida: In sicca, cum linteum cruentum, vel telum sanguine infectum eo aspergitur; in liquida autem linteum, &c. solutioni ejus immergitur, &c. Curat hæmorrhagias, vulnera, ulcera cruenta in distans, citra aliorum remedium applicationem, modo sanguinem ex parte læsa manantem contingat; sicut aperta vena ranina nullo medio fuit curata, nisi beneficio hujus pulveris; vid. DIGBY in *Orat. eleganti de pulvere Sympathetico*. Fallit interdum, propter neglectas circumstantias.

Præter pulverem sympatheticum nota est historia de Nobili isto, qui habuit nulum adscitum, à TALICOTIO restitutum ex servi viva carne, è brachio desumpta, qui corrumpebatur Bruxellis ob mortem dicti servi seu bajuli Bononiensis. Refert quidem hanc historiam DIGBY in *Tract. de Sympathia*, item HELMONTIUS de *Magnetica Vulnerum Cura*. §. 23.; sed non adeo fortiter urgeo, quia à quibusdam de ea dubitatur: vid. GARMANNUS in *Tract. de Miracul. Mortuorum*, ubi historiam hanc quoque suspectam reddit; licet in re ipsa Autores convenient omnes, in circumstantiis tamen quibusdam externis variant. Huc facit experimentum de Perficaria: Hæc planta cognita est, & passim crescit; singulari vi sympathetica valet pro affectibus Chirurgicis, nempe vulneribus, ulceribus, contusionibus, &c. vid. PARACELSIUS in *Herbario*, qui primus hujus vires pro Cura Magnetica eleganter scrutatus est, vocans eam herbam sanguinariam. Recipitur viridis, & per aquam frigidam tracta, & parti læsæ, nempe contusionibus gravioribus, vel vulneribus, vel ulceribus, vel è regione partis affectæ dentiumve dolentium imposita, donec nonnihil intepuerit, hincque, ut citius putrescat, in locum humidum tepidum vel sub fimo sepelitur, qua putrescente, dictos defectus & dolores simul curat. Multiplici experientia comprobatur à mangonibus, quando equi sunt compressi, capiunt perficariam, imponunt loco affecto, & sepeliunt sub fimo: succedit etiam hoc cum homine. Confer. de hoc PARACELSIUS, & (qui hic propter varia, quæ de eo referuntur, suspectus videri posset) MEGSONERIUS *Tract. de Pulvere Sympathetico Gallicè conscripto*, annexo scripto Digby de *Affect. Corporum*, & *Immortal. Animæ*, ubi curiosas aliquot de Perficaria habet Observationes. Pluribus exemplis, licet vulgaribus, rem ulterius illustrabo: Lac à matre in prunas, seu laminam ferream candentem, recens emulctum, ut vaccæ ubera lac ejus calidum emulctum inflamat & sæpius exulcerat, ita mulieris ubera sterilefcere & flaccescere facit, quod sub ablactatione aliàs tam nutricei, quam matri ipsi lactanti, multa mala, insciis licet, inde inferre solet; & certè, utut aliquandiu videatur redire lac, evanescet tamen postea, circa supervenientem aliam noxam majorem. Experimentum hoc me nun-

quam fefellit. Ratione discrepantiæ in hominis & bovis lacte suggerit MARCUS MARCI ex diversa lactis constitutione, quod lac bubulum sit magis pingue & butyraceum, & minus dissolubile, unde majorem impressionem patiat ab igne, ut oriatur uberum exulceratio; sic à me interrogatæ aliquoties matres lactantes, an non sentirent absentes ejulatum infantis, lac & ubera poscentis? & plures, eæque diversæ, diverso licet tempore interrogatæ, sanctè affirmarunt, se satis etiam distantes, si sitibundus sit infans, & ex lactis defectu vagiat, sensum quendam velli cantem in uberibus percipere, quod domum redeunt re ipsa repperunt. De lacte nutricei dicunt, si gustetur à muribus, quod evanescat: decantatum hoc est, attamen falsum, cum non semper succedat; quia observatum est, stercore fuisse in lacte, quæ emisissent mures, nec tamen hic effectus fuit subsecutus: Sic mentes sistuntur, si linteum menstruarum injiciatur in ignem: vid. PANAROLLUS in *Fajcul. Arcanorum*. Item dum sanguis testæ ovi inclusus, & gallinæ pro foru suppositus, post cum carne quadam mistus, & cani esurienti propositus & comestus, curat multos chronicos subiecti sui morbos, in specie ictericos: id quod alio modo per urinam ægri quoque fieri valet, qua ratione cum sanguine, urina, excrementis, &c. ægrotantium multæ sympatheticæ curæ fieri possunt: sic in ictero confirmato cura sympathetica satis est celebris, quando placenta, ex urina ægri cum farina formata aut hæc in pulvem redacta, ita feli obijciuntur devoranda post quorum usum æger sanatur, sic urina icterici supra stercore equinum, dum calet, excreta curat icterum: vid. Willisius in *Pharmac. Ration. P. 2. Volum. 2. pag. 106.* non secus atque idem icterus curatus per urinæ ab ægro super acervum fornicarum emissionem: Experimentum videbitis in *M.A.N.C. Ann. 3. Observat. 89. p. 146.* Facit quoque huc etiam illud quorundam experimentum prognosticum in ictero graviore, dum ex urinæ ægri & lacte, addito pane similagineo, factum jusculum cani propinant, atque si canis exinde non moriatur, nec hominè moriturum, sed ita ab ictero convalescentem, pronunciant. Pertinet huc famosum Unguentum Magneticum: tam sympatheticum respectu teli cruentati quam Armarium respectu teli non cruentati: Unguento priori illinuntur tela cruentata, vel gladius, quibus facta fuerit Vulneratio; posteriori vero illinuntur tela non cruentata quibus vulnera facta, sanguis tamen abstersus, & vulnera curantur. Utriusque basis est muscus ex calvaria hominis violenter interempti, sive fune sive rota; In Unguento Magnetico etiam adeest pinguedo taurina, & cerebrum violenter interempti: Historiam ejus & conficiendi rationem ac modum videbitis in *CROLLII Basil. Chymica*. Alias differunt hæc duo Unguenta, de quibus videatur PARACELSIUS in *l. 8. & Schmuck Kref. Med. & Secret.* Speciatim plura Curiosa & notabilia de his Unguentis & Uinea scribit HELMONTIUS *Tract. Magnet. Vulnerum Cura*. §. 2 Ne res in suspensio relinquantur, notabilis locus est in *Artis Medicis Hassniens. Volum. 2. pag. 266.* ubi mulier in Frisia adhuc degens unguento istiusmodi telis illito, longè distantia vulnera aspiciat, citra ullius alterius remedii interventum, curasse refertur. Uineam hanc planè stupendam vim habere sistendi emanantem sanguinem, ex quocunque loco fluat, refert illustre exemplum supra citatum Boyle in *Philosoph. Experimentalis*, se oculis vidisse, cum vena alicui esset secta, & ille in manum reciperet uineam, ubi secta fuit vena, statim sanguinem cessasse, quando removerit, iterum profiliisse sanguinem, assumpta uinea iterum stetit; quod laudatus Dr BOYLE, Vir fide dignissimus, ore tenus mihi confirmavit. Item faciunt huc verrucæ, lardi contactu curatæ, teste BACONE de VERULAMIO, Viro, si quo alio, fide digno: Hic in *Sylva Sylvarum. Cent. 10. Hist. 997.* de se ipso refert, quod, ubi fructum lardi verrucis, manus sibi scædantibus (quos inter etiam insignior una erat, per totam vitam sibi coæva) affricasset, atque hoc in fenestra, meridiem versus spectante, affixum successive putrescet, verrucæ illæ omnes unà cum grandiori quoque evanuerint; item verrucæ & clavi pedum affricu pomi per medium discissi evanescentes, lardo in camino furni arescente, vel pomo sub fimo supulto & putrescente. Hoc in memoriam revocat, quod puero mihi 12. annorum præter propter contigit, cum clavo insigni in digito minimo pedis sinistri laborarem, liberatus ab hoc fui à Studio Medicinæ, qui pomum Borsdorffianum per medium discissum, illi clavo affricuerat, sic successive evanuit clavus pedis: iste enim postea in litteris ad me datis fassus est nunc, se hoc tunc tem-

poris experiundi gratia tentasse, & præstitisse beneficio potui discissi, & putrefacti in fimo. Fuit experimentum familiare LANGII, quo hic & ego curavimus clavum insignem in pede: Vid. experimentum HELMONTII *Tract. Magnum oportet* §. 29. Pertinent huc & alii modi: refert HELMONTIUS, quod sarcomata, strumæ, verrucæ, tumores, & similes excrescentiæ, curentur contactu manus mortuæ cadaveris, diuturno morbo, vel lenta morte, aut ultimo senio interempti, ut frigus cadaveris ea penetret; prout enim manus in terra putrescit, ita illa quoque pathemata & excrescentiæ in corpore vivo insensibiliter evanescent. Exempla hujus rei lectu digna refert BOYLE in *Transact. Philosoph. Latin. pag. 156*. Quibus similia à se notata refert *idem Tract. de Virilit. Philosoph. Experimentalis*, ubi ex contactu manus mortuæ cunctas verrucas decidisse annotat. In specie retulit mihi Medicus, cujus comes eram in Italia, sororem suam peperisse filiam, cui fragum fuerit in cantho oculi, quod sæpius infantis primogeniti lenta morte interempti manu abstersum & contactum fuerit, unde & fragum putrescente infante evanuit. Illustrat hoc exemplum parallelum, quod BARTHOLINUS *Centur. I. Histor. Anatom. 41*. habet, ubi refert, cujusdam cutem capitis, gladio cum pilis detruncatam, atque in capsula asservatam, eandemque partem quoad pilos mutatam, sicut successu temporis mutabantur in capite, sicque tandem quoque exaruisse & decidisse.

Sympathia propriè est consensus: Quid autem aliud est consentire, quam uno sentiente aliud quoque sentire, atque idem autdiversum quid pati, unde & magnetismus appellatur. Fundamentum consistit in archeo, cujus aliqua portione à corpore decisa, in alio subiecto hærente, prout hæc varias passiones recipit, indeque ideas cudit, variarum animi passionum analogas, ita etiam Archeus in toto sibi fingit similes ideas, à quibus pro earum ductu variè determinatur: ver. gr. in Archeo sanguinis ex vulnere emanantis est idea furoris & indignationis, quæ dum sedatur per armatum Unguentum ratione usneæ ex cranio humano, vel in pulvere sympathetico ratione virtutis pacativæ archei in sulphure vitrioli anodyno, etiam sedatur eadem in archeo ipsius vulneratæ partis, idque ob symbolum unitatis, quod inter se habent, adeoque symptomata ex ista idea promanantia subito quoque cessant, ut inde pars remota omni impedimento sanetur: Vid. MARCUS MARCI in *P. 5*. prolixè. Uno verbo: spiritus Vitalis cum sanguine emanans prout afficitur à pulvere sympathetico, eodem modo afficitur pars læsa distans, propter unitatem spiritus vitalis.

Exempla Curarum per Transplantationem factarum quod attinet, hæc fit, quando ægritudines transferuntur ex uno subiecto in aliud, sive subiectum hoc sit animale sive vegetabile, canis vel planta, ut exinde sanetur corpus humanum affectum, sive bene inde, sive malè se habeat subiectum, in quod Transplantatio facta est ista; qualis cura observatur in morbis Chronicis, ut colica, podagra, odontalgia, &c. Fit talis cura vel per contactum immediatum corporis ægri cum sano, & dicitur *Approximatio*, vel per contactum mediatum mediante corpore quodam tertio, Magnete transplantatio ob id dicto, & est propriè dicta *Transplantatio*. Curæ Transplantatoriæ per approximationem dum exempla refert RIVERIUS *Centur. 4. Observat. 19. & 63*. ubi quidam ex paronychia seu panaritio acerbissime dolens, per intrusionem digiti laborantis in aurem felis ab omni dolore liberatur refertur, ipsa fele, dolore auris affecta, miserè clamante: Quo etiam pertinet applicatio catellorum Melitensium subinde pro fotu abdominis aut pedum in Colica & Podagra adhibitorum, de quibus plures ejusmodi observationes collegit BARTHOLINUS, Vir hic purè Historicus, *Centur. 3. Histor. 66. & Cent. 6. Histor. 53. p. 256*. ubi inter alias refert, in Cura Transplantatoria de suo Avunculo materno, Colica correpto, cui catellos parvos applicuit abdomini nudo, Colicus insigne levamen sensit, catellus verò inquietus fuit, vomuit, dolore affectus fuit, & miserè se habuit: non secus ac curiosa est Hittoria Priorissæ in *M.A.N.C. Ann. 3. Observ. 89. pag. 146*. cujus catellus, quem continuò secum ducebat, toties, quoties illa molestè se habuit, nihil comedit neque bibit, sed vomuit tamdiu, donec illa se melius habere perceperit: Observatio etiam BORELLI notetur, qui catellos hos Podagricorum pedibus

applicatos claudicasse refert, quod suo loco linguitur.

Per Transplantationem autem propriè sic dictam curantur morbi mediante medio aliquo, v.g. sanguine, quando sanguis ægri morbo chronico affecti ex mediana extractus, testæ ovi gallinæ recentis, è quo artificiosè evacuatum est vitellum & albumen, artificiosè includitur, ovumque repletum & ita denuò occlusum gallinæ pro incubatu per 14. dies supponitur, hinc apertum ovum gallinæ vel canis, vel sui, vel feli insigniter famelicæ propinatur devorandum, exinde successivè icterus, scorbutus, cachexia, hydrops, & quamplurimi morbi chronici, ex vitiata sanguinis crasi oriundi, transplantando averruncaresolent, animali insigniter ejulante: Vid. ERNESTUS BURGGRIVIUS in *Biolychnio*, cui in hoc puncto, utut reverà in aliis suspectus sit, fides non penitus deneganda, propter similia exempla; hujus tamen fundamentum penitus falsum est. Sic Atrophia curatur per sanguinem ægri testæ ovi inclusum, atque in acervum formicarum sepultum. Præceteris autem canum magnetismus vegetus est, cum canis sit animal vivax, cujus spiritus vitalis perquam vegetus est: ne dicam, quod quidam de frusto panis asserunt, quod, si hoc sub axilla ad tempus gestatum, ac sudore & effluvio spiritali & mumiali (ratione cujus & herum inter mille homines solent agnoscere canes) bene impregnatum & adhuc madens cani obiciatur, illum quasi philtro quodam nobis familiarem reddi; sic enim in immensum hominis rapiuntur amorem, & vix eum relinquunt. Hoc saltem dicam, plura proflare exempla curationum per Transplantationem in canes factarum: Sic in *Actorum Hassniens. Volum. 2. pag. 271*. Medicus *ἑυρόπτης* refert, mulierè nobilem à Quartana liberatam fuisse, postquam cani frustum panis, quod sub axillis, vel circa inguina & similia loca durante paroxysmo alligatum habebat, sudore, & cum hoc sic quoque fermento morbifico probè imprægnatum, devorandum objecisset: Pariter in *M.A.N.C. Ann. 4. Observat. 51. pag. 44*. à CN OEFFELIO duplex historia narratur de viro scorbutico cum maculis laborante, qui crura sibi sæpius à catello lingi passus est, post elapsas 8. septimanas bene sese habuit, canis autem totus scabiosus factus, ipse æger postmodum per Mercurium dulcem, tam externè quam internè usurpatum, curatus est. Sic oretenus relatum mihi à Medico Dresdeni, hortulanum podagricum in usu habuisse, ut in paroxysmo caseum non salitum recentem pedibus dolentibus cum insigni quidem levamine (quod ipsum etiam crede) applicaret, cuius crustam exsiccatam cum cani comedendam objecisset, iste claudus & contractus redditus est, Transplantatione seminis podagrici in illum facta, ægro utcunque melius habente: Item dolor dentium chronicus confirmatus transplantatur in corylum vel sambucum, mediante festuca albore decisa; e.g. circa radicem verasè denuatur radix (melius succedit cum furculo sambuci) excinditur radicis particula seu furculus, quo fricatur & pungitur gingiva, ut cruentus fiat, dein ponitur in antiquum foramen, cortex terra tegitur, sic evanescent dolores: Urina cruda recensque excreta vim habet magneticam in cura morborum Transplantatoriorum, propter consensum mumialem ex toto; unde apud quosdam in usu est, ut pro curanda podagra in morbis Chronicis diuturnis, speciatim febribus intermittentibus, in urina ægri recente, imminente vel durante paroxysmo excreta, carnem suillam ebullire sinant, propinentque unà cum juscule cani esurienti, sic horum morborum curationem fieri asserunt: vid. PARACELSUS: Novi hic amicum, virum artificem, qui aliquoties sic tertianam sibi curavit; sed alio tempore in eadem febre frustraneus fuit effectus, ut adeò hæ ipsæ curandi rationes non semper succedant: Sic pariter novi virum hic Lipsiæ ante duos annos mortuum, qui doloribus crurum inveteratis vexatus, ubi frustranea plura Medicorum tentamina & remedia perpeffus fuerat, tandem ab advocato rusticano Medico per curam sympatheticam sequentem in modum restitutus est: Recepit ejus urinam, in hac ebullire fecit ovum recens ad duritiem coctum, quod in minuta frusta discissum, atque denuò in urina illa aliquandiu maceratum, sepelivit deinde in loco umbroso, æger hinc per plures annos bene se habuit: Item atrophia laborantes, & mariti per incantationem fascinati, per urinam ægri, in qua ovum recens ad duritiem coctum fuit, & hinc nonnihil apertum in acervum formicarum sepultum, curati fuerunt: vid. Hartmannus l. a. ubi de Atrophia: Hoc legens primo intuitu neglexi; hoc tamen Boyle, qui ipse de hoc interrogatus, ortenus confirmavit, atque ejus quoque meminit in *Transact.*

Transact. de utilit. Philosoph. Experimentalis, quod Medicus quidā Anglus seipsum hoc modo ab Atrophia curaverit: Sic applicato stercore humano ad certam aliquam partē, transplantatur eo ipso morbus in plantam, cuius semen in terram hoc stercore mistam inseritur: Vid. TENZELIUS in *Medic. diassica*: Transplantationem podagræ inveteratæ in arbores certas, e.g. in salices tenellos, vel arboris radicem mediante urina & sanguine ægri, prolixius descriptam videbitis in TIMÆO l. 5. *Epist. 8. pag. 363*, ubi refert, quosdam Podagricos contractos, & à Medicis relictos, beneficio huius Transplantationis plenariè fuisse restitutos: sicut ungues pedum abscissi, & in quercu terebrato inclusi, hominem liberum reddunt à podagra: vid. MARCUS MARCI p. 479. Similes Curationes Transplantatoriæ reperiuntur in MAXVELLO de *Cura Magnetica*, qui SAMUELIS BOULTONI *Tractat. Anglicum, Medicina Magica Phisica* Anglico idiomate inscriptum, tanquam insignis plagiarus, in linguam Latinam de verbo ad verbum, ne pominato quidem Autore tulit. Iste MAXVELLUS Scotus est Medicus, & edidit eum FRANCUS, Professor Heidelbergensis in 12; item in *Opuscul. Germanic. Chymico-Medicis* RHUMELLI, *Cura Magnet. Herniar. c. 3. Cura Podagrico Magica c. 6. in Medic. Milit. c. 4. item cap. 11. 12. 13. 15. 16. 18. 19. 20. & 21.* Qua ratione purgatio per Transplantationem institui debeat, proponit ejus aliquot exempla TILEMANUS in *Append. de Mater. Medica ad Aphor. Hippocrat. Therap. pag. 250.* Et hæc quoad historiam Curationis sympatheticæ & transplantatoriæ sufficiant.

Quæritur, quomodo fiant hæ Curæ Magneticæ & Transplantatoriæ? nam quod sæpius succedant, affirmatur; quod sæpius fallant, etiam certum est, quia ob raritatem non omnes circumstantiæ cognitæ sunt. Verum sicut optimis remediis, licet non semper operentur, nil detrahitur de eorum efficacia, ita & hæ curæ non planè nullæ sunt, licet interdum percipiuntur fallere. In omnibus his curis, tam sympatheticis quàm magneticis, mediata certa portio spiritus vitalis, nunc *insiti* quacunque ratione cum solidis partibus eorumque effluviis à toto corpore separati, nunc *influi* ex corpore ægri decisa, sive cum sanguine, sive cum lacte, sive cum urina, sive cum sudore, sive cum insensibili effluvio, sive cum alia excretionē, separatur à toto: hæc enim omnia aliquid de spiritu vitali demunt, & secum extra corpus in aliud subiectum rapiunt; quo durante, remanet semper adhuc certus aliquis consensus inter corpus integrum & inter partem excretam, unde postea fiunt tales curæ, quæ per sympathiam & Transplantationem fieri dicuntur. Omnia enim à toto decisa, sive sub contentis fluidis, sive partibus solidis sint semper spiritu vitali plus minus imprægnata sunt, huiusque portionem adhuc retinent, & est in iis juxta HELMONTIUM *participatio quædam vitalis & mutui cum toto consensus extra commercium corporis*. Spiritus hic decissus à toto, & à substantia adhuc conservatus, prout extra corpus in alio subiecto, certo & diverso modo alteratur, ita similis alteratio in ipso corpore insequitur, plus minus tamen diuturna, prout citius aut tardius spiritus hic à toto separatus, ad sui interitum & dissolutionem vergit, ac ita vel brevius vel diutius cum toto consensum sustinet: nam quò citius dissipatur, eò minorem suscipere aut inducere in corpore potest alterationem; & contra spiritus hic, licet separatus à toto ex parte; suum tamen consensum adhuc cum toto fovet: Insiti quidem spiritus ratione, dum e.g. ex suprâ citatis historiis & Observationibus cutis capitis pilosa vulnere ablata easdem mutationes subit, quas reliqua cutis pilosa in capite relicta; quod nasus insititius ad mortem bajuli putrescat: Ratione spiritus influi verò, quod ex *supra dictis* sanguis linteo exceptus, pulvere sympathetico vitrioli adpersus, sanat vulnus; & quod linteum sanguine menstruo nimis irrigatum, in ignem injectum, sanguinem sistat. In Approximatione ægro applicatur tale subiectum quod attrahit spiritus vitales, & unit se cum iis, eosque morbosos corrigit; unde sicut affectus quidam insiunt per Approximationem, spiritibus infectis se insinuantibus in corpus sanum, & huius spiritus similiter insciendo, ita fit similiter cura per approximationem, dum spiritus morborum in corpus sanum derivati certo modo corriguntur aut emendantur: in Transplantatione verò mediat magnes, attrahens Mumiam.

Transplantatio, quæ mediante magnete peragitur, est quintuplex:

1. *Infematio*, quando magnes mumia, id est, spiritu

vitali è corpore extracto, imprægnatus miscetur cum terra pingui, in quam semen plantæ morbo appropriatæ seminatur, & lotura membri affecti vel totius corporis subinde irrigatur, inde postmodum, quantum planta propullulans accrescit, in tantum morbus decrescit. Quod si mumia, imprægnans magnetem, non sit ægra, sed sit sana, planta imprægnabitur spiritu vitali ejus, cuius fuit mumia, quo ipso singularia secreta fieri possunt (in specie philtæ,) sed probè observetur, quod eliganter hærbæ proposito apte, cum unaquæque planta habeat peculiare dotes, & alio modo operetur spiritus in carduo, alio in Angelica.

2. *Implantatio*, quando plantæ cum suis radicibus, vel solæ radices, in terram suprâ dicto modo præparatâ & irroratam immittuntur, ita ut optimum sit, quod radices nullam aliam humiditatem acquirant, quàm quæ ex lotionē partē affectæ contingat. Quod si plantæ intereant ex attracta vitiosa qualitate, antequam perfectè curatus sit morbus, alia similis est implantanda in eandem, vel similem terram.

3. *Impositio*, quando recipitur mumia membri morborum, aut ejus excrementum, aut utrumque, tantum quantum haberi potest, & immittitur in arborem, vel plantam intra corticem & lignum, tegendo corticem, & obducendo terra limosa; vel mittitur in foramen terebra prius factum, & obducit pistillo de eodem ex eodem ligno facto, claudendo foramen juxta terram limosam. Sed in omni Impositione observetur, quod si desideretur effectus durabilis, usurpentur arbores longævæ, v. gr. quercus &c. sin verò desideretur effectus celer, usurpentur eæ, quæ celeriter crescunt: quod tam citò atque obtinetur finis, tollatur omne quod impositum, ne nimia spiritus attractio ægrum lædat.

4. *Irroratio*. Omni die irrorandæ sunt plantæ aut arbores convenientes, donec curetur affectus, urina, sudore, facibus alvi, vel lotura membri aut totius corporis, prout fert occasio; aut separatim, aut his mixtis coniunctim. Sed ego hoc, quoties usurparem, inquit SAMUEL BOULTON in *sua Medicina Magica, tanquam adjumentum reliquorum modorum*. Simul verò atq; irrigatio facta est, nova terra imponenda desuper, ne terra dissipet virtutē mumialem.

6. *Inescatio*, quando datur Mumia animalibus pro alimento. Calor enim vitalis animalis unit Mumiam secum, eamque corrigunt, approprians sibi vitiosam qualitatem, qua spiritus ægrotabat, & ita restau-rat sanitatem corporis, cuius Mumia extracta fuerat. Quod si æger non perfectè sit sanatus, dum animal affectum moritur, necesse est, ut alii bestię pars similis Mumie communicetur; & in hoc modo imprimis sanguis legitime putrefactus vel fermentatus præ cæteris debet usurpari.

Plura videbitis in SAMUELE BOULTON *Medic. Mag.*

Observetur hoc loco, quod in tali Transplantationis casu dicta *spiritus vitalis portio* seu medium hoc vitale *Mumia microcosmicæ vitalis & spiritualis* nomine ab autoribus venire soleat, quæ à toto separata fundamentum sympatheticarum & transplantatoriæ Curationum constituit. Aliàs *Mumia* nomen multum significat: proprie significat cadaver violenter interemptum balsamo conditum pro conservatione, loco cuius mumia patibuli usurpatur, vel caro humana certo modo præparata, in specie patibuli, in qua principium vitale occultatum est; hinc ob similem rationem medium, quod à toto separatur, vocatur mumia; utur enim proprie spiritui insito tribui soleat hæc appellatio, qui ob id etiam spiritus mumialis vocatur, ratione cuius etiam differentia est inter corpora violenta vel naturali morte obeuntia, cum omnes partes corporis, violenta morte interempti, quibus confermentatus seu intimè permixtus & adjunctus existit, adhuc aliquid vitale contineant, & operationes singulares in magia naturali exerant, tamen hoc in casu promiscuè sumi, adeoque ob Analogiam quandam spiritus vitalis influus in hoc negotio Mumialis vocari solet.

Mumia hæc, si cum sanguine, urina, partibus solidis, &c. secernatur, res clara est; si autem aliis modis, seu sub forma effluviū subtilioris ex habitu corporis extrahi debeat, ne tam citò evanescat, dissipetur ac alteretur, ac ne magnetismus tam citò pereat, inmediate quodam corpore tertio, Magnete dicto, fieri solet, quo portio spiritus vitalis sub insensibili

bis effluvio coerceatur, & à præmaturò interitu diutius conservetur, quo mediante fit Transplantatio in aliud subiectum:

Magnetes autem isti in quadruplici sunt differentia:

1. Ex *stercore humano* secundum PARACELSUM & TENZELIUM *cit. loc.*
2. Est *caro humano siccata*, quæ diu durat, asserente FLUDDIO, quæ applicata regioni cordis violento Magnetismo attrahit: sed necesse est, desumpta sit à corpore humano violenter occiso, & si possibile, adhuc calente.
3. Est *sanguis ex homine sano*, quantum placet. Ab hoc grumefacto decantetur liquor serosus supernatans, & exsicceretur in umbra, humectetur successivè isto liquore, & siccetur denuò, donec sanguis omnem imbibierit liquorem, & sic siccatus asservetur.
4. Recipiatur copiosum *stercus hominis sani*, & hoc cum urina ejusdem mixtum redigatur in consistentiam pulvis, addendo, quantum heberi potest, sudori ex hominibus sanis, aut lintheo aut spongia collecti, ponantur simul in loco mûdo, donec siccentur in umbra; hinc addatur sanguis recens, misceatur, siccetur, & asservetur usui.

Hujusmodi Transplantationibus fit communicatio Archei seu spiritus vitalis ex subiecto ægrotante in aliud subiectum, in quo ipso ideæ morbificæ Archei delentur, vel per earum sedationem & pacationem, vel per contrariorum repræsentationem, vel per omnimodam earum, ex Archei omnimoda corruptione & interitu, extinctionem, quo fit ut in Archeo corporis ægri similes exscuscitæ ideæ faciant, ut archeus paratus, conquiescat, & ita morbus curetur. Recte enim HELMONTIUS. p. 599. §. 28. inquit: *sanguis, pus, urina, & perspirabile effluvi-um, continuò aliquid secum de spiritu vitali demunt, hisque inest participatio quædam totius, extra conceptum materiale:* Unde quando tale aliquid pro Transplantationis adhibetur medio, hoc habent spiritus istiusmodi vitales ipsi inhærentes. Quamdiu hæc Mumia alteratur, & quamdiu viget ejus vitalitas, tam diu fit similis alteratio in corpore ex quo fuit separata, sive fiat per dissolutionem, sive per alterationem. Et hac ratione quoque procedunt Philtra naturalia.

Quod ergò attinet *Philtra vera* ad certam personam determinata, de his quæritur; An dentur naturalia & determinata? id est, an ita affectio feratur in certam personam? Vulgò negant; sed neganda non sunt, cum certè ex modò dictis negotium hoc non improbabile videatur. Sic enim naturalia philtra habemus inter parentes & liberos; & in ipsis brutis naturalem quandam, etiam invitis illis, inclinationem in catulos suos, quam *σάπην* Physici nominant, videmus: quorum fundamentum in identitate spirituum parentum & foetuum consistit.

Similia Philtra naturalia inter consanguineos, præsertim fratres, observantur, cum non rarum sit, illos in diffitis etiam satis locis, similibus tamen morbis corripì, aut ægritudines aliorum invicem percipere. Fundamentum est in identitate spirituum genitalium ex jisdem parentibus natorum, & mutua societate conspirantium. Si ergò Philtra istiusmodi naturalia dantur, non improbabile erit, etiam artificialia dari posse, cum artem, naturæ imitatricem non infelicem videamus, imò illa sæpius superiorem.

Arbitror ergò per exempla data, dari Philtra naturalia determinata, quorum fundamentum in confermentatione seu tali societate spirituum unius subiecti cum alterius spiritibus consistit, ex qua mutuus Amor sequitur. Rem exemplo declarabo: Conjunguntur non rarò sponsus & sponsa minime sibi faventes, qui tamen postea conjuncti, non Veneris illecebris, sed alia ex causa, amicissimi sibi invicem fiunt; spiritus enim genitalis maris est, qui altius in uxoris corpus penetrando, amicum hoc concubium efficit.

Quoad artificialia, præter alia, quod dentur, confirmat eorum Magnetismus, de quo superius dictum. HELMONTIUS ipse fecit experimentum in catello incognito cum quadam herba, quam benè in manu perfricavit, unde catellus ubique eum insecutus est. Hic retulit Dn. D. MICHAELIS, quod D. HARTMANNUS habuerit passerem, quem certo philtro ita obligaverit, ut eum nunquam deseruerit, sive sederet, sive ambularet, sive ægros visitaret, sed ubique eum comitatus fuerit. Fundamentum horum in tali mumiali confermentatione consistit, ut ad certum objectum trahatur dilectio, ut rectè loquitur HELMONTIUS *Traët. Magnet. Vulnerum Curat.* §. 28.

Errmuller. Oper. Tom. I.

pug. 599. Medium scilicet, quo pro philtro utimur, imprægnatur effluvio quodam spiritus vitalis, sive tali vitali Mumia, ut determinetur & individuetur certo cuidam subiecto. Unde ex confermentatione & unione arcta spiritus vitalis mumialis unius subiecti cum altero, hujus spiritus quasi transmutatur, & omnino subigitur ab ista Mumia per philtum communicata, ut nolens volens trahatur in propensionem naturalem illius personæ.

Hæc omnia satis probabilia sunt, quod ob vitale Medium fiat alteratio.

Duo tamen dubia supersunt, quæ negotium hoc difficile reddunt:

1. Primum est, ubi quæritur; quænam præcisè sit ista alteratio, quam spiritus mumialis à toto secretus in unguento v. gr. magnetico, cane, &c. potitur, ut exinde in melius alteretur æger, à quo ille fuit secretus?
2. Secundum est, dum quæritur; quonam modo contactus ille in distans fiat? seu quodnam sit vinculum istud, vinciens distans & determinatum subiectum? v. g. quando vulneratus curatur ab alio per aliquot plateas ab eo distantes.

Hæc duæ controversiæ sunt palmaris, & insigniter Auctores adhuc torquent, quæ si si dilucidatæ essent, negotium hoc omne quoque in aprico esset. Sed cum à nemine adhuc decisæ sint, nec nosmet decidamus. Hæc ergò, quæ hæctenus dixi, pro excitanda saltem Curiositate vestra in talibus abstrusioribus sufficiant, quæ ita in tellecta volo, ut ceu paradoxa ulterius pensitentur, & experientiæ saltem sua maneat laus, ubi ratio vacillare videtur.

SECTIO III.

De

MORBIS PARTIUM SOLIDARUM CURANDIS.

Superest ultima Classis morborum partium solidarum, quæ ex fluidis constituuntur & conservantur, & à spirituosos, ut ita dicam, animantur, de quorum Theoria in *Patholog. l. 2. c. 2.* sufficienter actum: Quibus suppositus consideremus jam morbos, qui partes solidas ratione constitutionis materialis afficiunt. Fundamentaliter autem dependent à spiritu insito plus minus vitiato, sicut se manifestant sensibus nostris per respectivas proprietates seu qualitates mutatas; unde idiomate Veteribus usitato adhuc morbi intemperiei vocari possunt.

Quoad *Intemperiem Calidam*, & quidem *universalem*, calor sanguinis major ut plurimum ex sale volatili oleoso seu bile oritur; nisi in febribus cum inflammationibus partium conjunctis, v. g. in pleuritide, inflammatione hepatis, erysipelate & similibus acidum vitiosum, sanguinem coagulans & ad stagnationem, indeque ortam inflammationem, disponens, ex vitiosa cum sale volatili effervescencia in sanguine talem ardorem febrilem infert: unde etiam hæc febres cum inflammationibus conjunctæ per sudorifera curantur, uti sunt lapilli cancrorum, papaver rhœas, suligo furni, carduus benedictus, C. C. ustum, antimonium diaphoreticum, maxillæ lucii piscis, dens apri, priapus tauri, cervi, &c. Hac ratione etiam lactuca, endivia, serum lactis sempervivum & alia refrigerantia dicta, alcali volatili blando constantia, phlogoses & incallescencias ab effervescencia Acidi ortas corrigunt, & ita per Accidens refrigerant spiritus vini in omni inflammatione applicandus est, si præsertim misceatur cum rob baccarum sambuci: conveniunt etiam in inflammatione aqua de spermate ranarum, pulvis de creta, olivano, croco Martis, & præprimis de saccharo saturni: pro discutiendis humoribus in inflammatione stercus caprinum, equinum, &c. item Album Græcum convenit: In Angina maximopere commendatur nidus cum stercore hirundinum pro cataplasmate.

Per se autem Intemperiem calidam corporis corrigere ac refrigerare solent imprimis acida, quatenus bilem seu sal volatile oleosum præcipitant ac corrigunt, & blandè sanguinem inspissando seu coagulando, nimias ejus effervescencias compescunt. Talia sunt inter Vegetabilia succus citri, ribium, berberum aurantiorum acidorum, granatorum, acetosæ, tamarindi & similia: item tincturæ acidulæ florum bellidis; papaveris rhœados, rosarum, &c. Facit huc elegans rosarum tinctura Zvvelfferi, quam parat cum sero

lactis acidulato cum pulpa tamarindorum : Menstruum hoc affundit floribus rosarum , & elegantem acquirit tincturam , blandè refrigerantem & laxantem , loco Juleporum in febribus ardentibus benignis usurpandam , in quibus ex tempore tales tincturæ tanquam Julebi hoc modo præscribi possunt :

2℥. Flor. bellid.

Papav. errat.

Rosar. ana p. ij.

Irrorentur cum s. q. spiritus vitrioli vel sulphuris : infund. in Decoct. cornu cervi vel aqua flor. papav. errat, tarax. scabios. &c. stent in Balneo Mariæ per horam , donec extrahatur tinctura , quæ filtretur : cui add. Syr. de rubo id.

Iujub. ana q. s.

M. D. S.

Iulap. refrigerans.

Hauriatur subinde in febribus ardentibus.

Faciunt huc etiam spiritus acidi mineralium , tam simplices , ut sulphuris , vitrioli , nitri , salis , quàm compositi , Clysti dicti : spiritus nitri dulcis in febribus commendatur , imprimis cum peripnevmonia , scorbuto & colica est remedium optimum : Quod etiam pertinet Hepaticum dictum rubeum , egregium massæ sanguineæ , non autem hepatis , refrigerativum : sic passulæ temperatæ optimum dicuntur hepaticum & restaurativum hepatis , cum tamen potius conducant , quatenus temperatæ sanguinem in æquali crassi conservant , ejusque vitiosos & excessivos sapores ita corrigunt & emendant , simulque acrimoniam ejus salis temperant , non verò quod hepati conducant . Aliæ enim uti stomacho ratione fermenti sui salino acidi acida imprimis conducunt , ita amara imprimis sunt hepatica seu hepatica amica , v. g. Absinthium , centaurium minus & similia , cum balsamum hepatis , nempe bilis , sit amarissimum , & talia Amara , uti etiam Aromatica , bilis proventum in corpore augent .

Quod si interdum fiat , ut in parte quadam particulari singularis *Ardor & Calor* exsurgat , hic fit aut ex vitiosa succorum confluentium effervescencia : ut quando interdum sub hypochondrio dextro *Ardor* percipitur , tunc vitium est in vitiosa effervescencia bilis cum succo pancreatico ; aut causa est vitium quoddam in parte , ratione cujus sanguis copiosius affluit , ibidem diutius hæret , & ita calorem intensiorem inducit , v. g. ex spina digito infixa , indeque oritur dolore , sanguis uberius affluit , stagnat , & ita istum ardorem inducit .

Quoad ergo Intemperiem Calidam particularem , notabilior ejus gradus dicitur

INFLAMMATIO seu PHLOGOSIS.

Hic autem in memoria revocandum , quod supra de Alterantibus , Frigefacientibus & Calcfacientibus dictum , quæ tunc explicata sunt ratione contentorum , & inde dependentis caloris corporis universalis . Ratio enim Caloris istius , qui in corpore nostro vivente observatur , haud commodius & convenientius potest deduci , nec phænomena plura commodius explicari possunt , quàm si dicamus , quod oriatur ab Acido volatili spirituosum , temperato , in statu naturali seu oleoso , concitatori motu agente in compar. suum alcali , ratione cujus repræsentat phænomenon caloris ; si jam consideretur calor , quatenus cum sanguine & spiritu influo in partibus solidis , vel quatenus in partibus solidis ratione spiritus insiti ab influo actuatus , in motu simili existit . Vitium ergo intemperiei calidæ consistit in intensiori motu acidi spirituosum temperati oleosi , unde intensioris Caloris sensus supervenit . Exemplum esto in Praxi maxime proficuum ex quo plura phænomena resolvi possunt , ab HELMONTIO suppeditatum : Ponamus spinam digito infixam , cujus occasione excitatur dolor , hinc æstus , rubor , & denique sequitur tumor ; spina non est calida : igitur nec supervenientis Intemperiei erit causa efficiens formalis , sed saltem occasionalis , & ratione læsionis tantum Intemperiem calidam post se trahit ; ratione doloris concitatus movendo spiritum influum ad partem affectam , tam per nervos quàm per vasa : ex cujus cum insito motu concitatori , & quasi collisione , tam aciditas antea occultata fit manifesta , quàm calor antè temperatus fit intensior & præternaturalis . Talem autem spinam in omni calore aucto & inflammatione partium deprehendimus : talis spina est e. g. in grumo lactis in mammis coagulati : talis spina est acidum istud in pleuritide , quod pungit pleuram , & pulmonum alteram me-

dietatem affligit , cujus vellicationis occasione inflammatio & suppuratio earum partium supervenit : talis spina est in ictu apum , cujus vulnuscule tantilluli , licet acutissimi , occasione tantus dolor occupat integram ferè manum , quæ æstus , non raro inflammatio vera excipit , oleo demum scorpionum illito cedens ; quod mihi aliquando in medio manus digito ipsimet accidit : par ratio est , si pulvisculus oculo illapsus spinæ instar eundem irretet ; seu acre Acidum in variolis , quod lympham ophthalmicam occupat , & irritando inflammationes oculorum excitat : talis etiam spina est in vino , quando ab ægro vulnerato hauritur , dum in vulnere dolor exasperatur , ruborem , ardorem & Inflammationem , sicque Intemperiem calidam patitur . Nec est , quod quis objiciat , Ardorem non à spiritus insiti & influi collisione , sed potius à sanguine provenire , quod tunc tumor factus observatur . Nam (1 .) antequam pars quædam tumorem sanguineum contrahit , jam ordinari id æstus plus minus , interdum jam satis intensus , percipi solet , & hinc postea , etiam maximus tandem est sanguinis tumor : v. g. dum incipit suppurari , non tantus est æstus , quantus ante sanguinem congestum observatur . (2 .) Sanguinis hæc coacervatio est symptoma superveniens , non causa ardoris : Nempe propter dolorem stringuntur fibræ , arctantur venæ , impeditur reditus humorum , unde stagnatio , & sic tandem supervenit tumor sanguineus & inflammatio ; Hinc evulsa spina cessat omnis inflammatio & dolor . (3 .) Sæpius pars insigni æstu laborat , citra supervenientem sanguineum tumorem : v. g. quando vulneratus bibit vinum , vulnus intensius dolet , æstuat , non semper aut raro inde tumescit : deinde in febribus malignis sæpe caput solum æstuat , reliquo corpore calente ; à fermento scilicet febrili ad caput translato , hujusque partes sensibiles magis afficiente . Manifestum hoc est in tumoribus erysipelaceis , qui sunt omnium inflammationum minimi : Rubor latè diffunditur , pars affecta æstuat , micat , scintillat , tumor tamen sanguinis non est notabilis , sæpe summus æstus gradus , tumore sanguinis levi inde observabili . Ergo causa tumoris non est sanguis , sed irritatio dolorosa seu spina , quæ in causa interna semper est acidum , partibus corporis extra ventriculum hostile , & quod in spiritu insito motum concitatiorem facit , quo ipso spiritus ante temperati fiunt intemperati , & aciditas antea quoque temperata fit intemperata & manifesta . Et ex dictis omnia hæc & alia similia pathemata & horum phænomena possunt explicari .

Therapeusis igitur omnis Intemperiei partium solidarum calidæ , est vel directa seu à priori , vel indirecta seu à poster. ori : Directa consistit in spinæ hujus evulsione , h. e. si sit à causa interna in acidi p. n. irritantis correctione & remotione : hoc enim facto , reliqua symptomata omnia evanescent ; in pleuritide correcto Acido specifico ; quod tanquam spina pleuræ fixum est , omnis æstus & inflammatio cessat ; in ophthalmia , v. g. in variolis , acido isto per flores zinci correcto , velut spina evulsa , inflammatio brevi post cessat . Aposteriori inflammationes curamus , si motum naturæ promovemus , & id quod à priori corrigi nequit , sub tegmine puris plus minus alteratum eliminamus : Sed hæc , quia non , nisi Praxin specialem sapiunt , ea pro nunc relinquimus .

Quod eam attinet , quæ fit à priori , consistit ea , vel si sit à causa externa , in causæ occasionalis seu spinæ remotione ; vel si ab interna , in Acidi lædentis & irritantis correctione , & in salsum transmutatione , hincque ejus vel per sensilem transudationem , vel per insensilem transpirationem , evacuationem . Remedia autem alia sunt interna , alia externa : Interna in genere sunt vel absorbentia , vel saturantia istud acidum hostile irritans . Absorbentia sunt fixa , & ex regno animali partes animalium duræ ; ex regno minerali antimonium fixata , Bezoardicum minerale , antimonium diaphoreticum &c. ; ex regno vegetabili salia volatilia , spiritus theriacalis , alique . Saturantia sunt salia volatilia , tam animalia quàm vegetabilia ; de quibus jam supra dictum . Et hisce mediantibus partium internarum Intemperiem calidam plus minus intensam curare & profligare solemus .

Externa , seu quæ ex causa externa Acidum parti hostile curant , sunt omnia ista , quæ Acidum istud corrigere , absorbere , aut in salsum tertium mutatum , & hinc plus minus sensile redactum , evacuare solent . Talia , vulgò Refrigerantia dicta , ab effectu , quem accidentaliter post se relinquunt , sunt ex regno minerali Saturnus , & calx viva ; ex regno vegetabili illa ,

illa, quæ alcali volatili temperato imprægnata sunt, v. g. lactuca, quælibet intybacea, in specie taraxacum, vulneraria plurima, portulaca, plantago, bellis minor, tussilago, flores rosarum, balaustrorum, & prima ex omnibus camphora. Ex regno animali sunt remedia ex ranis, imprimis sperma ranarum, ex Cancris fluviatilibus, speciatim eorum succus recentior expressus, sperma ceti, ex quo paratum emplastrum Mynsichtii Bogleo est arcanum in inflammationibus; imprimis convenit in inflammationibus mammarum, ubi coagulatio lactis præcedit; postea urina quorumvis animalium, præsertim humana, & hinc sterora animalium, summè refrigerantia. Omnia hæc simpliciter refrigerant, quatenus spinam, ut sic dicam, Acidum nempe parti infixum, causam inflammationis occasionalem, corrigunt, adeoque evellunt. De Saturno enim notum, quod quælibet acida attractu suo imbibat & dulcificet: decalce viva constat, quod omnium acidorum sit destructiva & correctiva: Vegetabilia ista, lactuca, flores rosarum, &c. acida etiam subtilissima minuunt & infringunt.

De Rosæ chirurgorum assertum notum est, licet quoad Theoriam ineptum, quando dicunt: *Rosæ refrigerant*. Quæritur autem quomodo? Verum est: nam in rosa duplicem habemus substantiam; volatilem unam, quam inter analeptica reposui, alteram fixiorem, in exsiccatis residuam, præsertim in rubris, quæ non olent, abundantem. Dico hinc, quod refrigerent vi terreo-alcalina, acidorum absorptiva. Probo hoc, quia decoctum florum rosarum, balaustrorum, &c. eodem modo præcipitat vitriolum in atramentum, ac decoctum gallarum; quod non potest fieri, nisi acidi Vitriolici saturatione, & contentæ mineræ præcipitatione, & sic notoriè agunt in acidum: Oleum rosarum, ex repetita infusione paratum, refrigerat; scilicet rosæ in Infusione saturant occultum Acidum olei, quod simul alcalifatur, unde coeunt in salum temperatum tertium, dum interea in oleo substantia pinguis urinosa dominatur, cujus acidum temperatum per se & solitariè adhibitum in oleo, minus refrigerare observatur.

Remedia Cancrina.

Temperant corrigunt & acida, etiam volatilia, potentissimè, quod Mechanica docet, dum etiam à subtilissimis acidis factas solutiones præcipitant: v. g. aqua Cancrorum fluviat, vel etiam ranarum ritè parata & destillata; quæ ratione etiam inter cosmetica refertur. Omnia enim vitia intercutanea (ut vari, pustulæ, gutta rosacea) ab acido, à transpiratione inhibita vitioso oriuntur; unde ab his cute plus minus transpirabili, à materia suppurabili facta evanescent: sic oleum tartari per deliquium etiam insignè est cosmeticum eandem ob causam.

In specie excellunt

Saturnina

Vi refrigeratoria in intemperie calida, quæ usurpantur usu externo, vel in forma sicca, vel humida, vel media. In sicca v. g. quando Inflammationibus erysipelaceis inspergitur pulvis ex floribus sambuci, farina fabarum, triticea, &c. quibus tanquam anima, additur creta, progenies Saturnina, cerussa, lithargyrium vel minium, &c. In forma humida sub forma epithematis, cujus exemplum suggerit ZVVELFERUS in *Pharmacop. Regia* pag. 91. ubi habet Epithema ad Ambustiones (nam & hic revera spicula ignea insiguntur) quod constat ex cerussa, lithargyrio vel minio, in aceto vel vino, fit sic Decoctum dulce: saturnus roditur, non tamen saturatur ab acido, unde applicatum hoc, est adhuc acidorum absorptivum: vel

24. *Lithargyr.* ℥ss.

Flor. rosar. rubr. M. ij.

Olibani,

Myrrhæ,

Mastich. ana ℥ss.

Aquæ calcis viv. ℥iv.

Aceti destillati ℥ss.

Coqu. simul usque dum *lithargyrium* ferè si solutum: in fine addendo.

Camph. ℥ss.

Colatura detur.

Pertinent huc *Cataplasmata* Chirurgorum, quibus in graviore malo, ubi gangrænæ metus est, etiam lixivium commune addendum, & sanè non sunt contemnenda. De

Etmuller. Oper. Tom. I.

cautelis circa horum applicationem observandis, vid. *Dissertat. de præcipitant. Usu & abusu cap. 3. §. 1.*

In forma media sunt Unguenta, Linimenta, Emplastra, &c. unde tot natæ sunt descriptiones Emplastrorum refrigerantium, consolidantium, &c. quæ omnia tamen de saturno participant. Exempli loco sit *Balsamus Saturni*: Compositio quidem est levis, sed multi usus:

24. *Saturnus*, qualicunque modo calcinatus, imprimis minium:

Solvatur in aceto destillato; solutioni in mortario plumbeo instilletur oleum copiosum, vel q. s. agitando continuò cum pistillo plumbeo, donec abeant in consistentiam Linimenti grisei, quod externo usu intemperies qualvis calidas promptè extinguit: recens imprimis ad ambusta præsentaneum est remedium.

Emplastra tripharmacum, tetrapharmacum, album coctum, ex cerussa, lithargyrio, minio, omnia conspirant in eo, quod omnem effectum sortiantur à Saturno, qui horum oleorum acidum imbibit, & fit concretum alcalinum temperatum fortiter absorptivum, acidi in inflammationibus destructivum & correctivum: v. g. *emplastrum tripharmacum*, quod profamose Norimbergensi habet ZVVELFERUS in *Pharmacop. Regia* pag. 30. quod instar plurium sufficiat, præsertim si ad mentem Autoris cum camphora societur. Pertinet huc Emplastrum illud miraculosum in *M. A. N. C. Ann. 8. Observat. 16* pag. 23., vel *Norimbergense ab Hoffmanno in Thesaur. Pharmaceut. pag. 69.* descriptum. Encheiri sis horum consistit in eo, ne fiant nimis glutinosa, seu pororum cutis obstructiva; artificium verò est in hoc, ut Saturnus arrosus tantum aperiatur, ut promptius imbibat alia acida: proportio etiam debita observatur, ut omne acidum olei absorbeat; & ne Linimentum nimis glutinosum evadat, parum terebinthinæ vel ceræ addatur.

In

Calce viva

Sunt particulæ tales falso-acidæ, quæ nihilominus naturam alcalium fixorum sapiunt; (nam quælibet alcalia fixa quoque nihil aliud sunt;) in genere sunt particulæ, quæ omnes effectus alcalibus fixis attributos solent exere, & alterando spinam acidam Intemperiem calidam sistere. Usurpantur vel in forma sicca vel fluida. In fluida aqua ejus, instar Epithematis æstuantibus & inflammatis locis imposita, est egregia; hinc ad inflammationes Gangrænæ minitantes aqua calcis vivæ revera aqua benedicta Chirurgorum, si ve simplex fuerit, si ve juxta Gallos addatur aliquid de Mercurio præcipitato vel dulci, item de spiritu vini, vel quod potentius, immittatur quid de Saturni saccharo: sic evadit Mistura lactea, quæ egregiè refrigerat & temperat æstum. In forma sicca

24. *Aquæ calcis vivæ:*

Calefactæ instilletur oleum rosarum, probe agitetur, fit Linimentum instar butyri, præsertim contra ambustiones merito laudatum, etiam si leve sit.

Inter vegetabilia sunt, quæ ferè alcali moderato temperato constant, plus minus vulneraria sunt: Imprimis excellit ex omnibus

Camphora,

Quæ in forma liquida sub nomine spiritus vini camphorati, mirè extinguit inflammationes (vana enim est persuasio, Rosam non esse madefaciendam) & mitigat ardentissimos dolores; vel in unguento & epithematibus admista refrigerat insigniter, dum acida, graduata imprimis, potenter imbibit, mitigat & temperat. Est aliàs concretum in se apparenter salum, & tam à menstruic acidis quam salis indifferenter quoque solvitur.

Præterea

Succus lactucæ, Taraxaci, Bellidis minoris, Decoctum Rosarum aut Oleum,

Ex rationibus supra dictis refrigerant externè, & exæstuationes compescunt. Euporiston est muliercularum in cephalalgia cum ardore, si ve sint cæteroquin sani, si ve revera ægri patientes, quam vocant calidam: Sumunt placentas ex rosis rubeis, i. e. caput mortuum seu magma, ex destillatione aquæ rosarum residuum: hoc exsiccatum, & aqua calida denuò humectatum, imponunt fronti seu vertici, quod egregiè refrigerat, sistit æstum, & dolores sopit. Ratio est, quod spicula ista dolorosa, ubi-

cunque hæserint à magmate rosarum, post volatiliores partes, residuo, correcta & temperata æstum & Cephalalgiam mitigare faciant.

De Pulvere ranarum.

Contra carcinomata nihil dicam, nec de oleo refrigerante. Commendo in specie

Sperma ranarum.

Per se asservatum, de quo vid. ZWELFFERUS & le FEBURE in *Chymia*, si nempe Mense Martio ante novilunium collectum indatur in laccum lineum rarum, porosum, & suspendatur in loco frigido, abit in liquorem seu liquamen, quod addito pauco nitro & alumine (utut imprægnatio cum alumine non in omnibus quadret) potest asservari in aliquot annos (aqua enim hæc destillata nihil valet:). Hoc externè sumum est refrigerans, quatenus est imprimis acidi saturativum, si in forma humida applicetur; sive lintea intincta immergantur & aliquoties exsiccantur, ut phlegma exhalet, & gelatina, particulis alcalinis temperatis imprægnata, residua maneat, quod est euporiston, in inflammationibus erysipelaceis optimum: vel etiam ex relicta sub aque destillatione mucagine aliis additis, præsertim saturninis, fiat Emplastrum. Hæc sunt remedia tria in omnibus malis ab acido natis, in varis, ophthalmia, &c. proficua. De lintei & emplastro spermatis ranarum decantatis, confer. quoad usum & præparationem *M. A. N. C. Ann. 6. & 7. in Appendice*, ubi habentur remedia aliquot CNOEFFELII, Medici suo tempore incomparabilis. Quomodo verò hæc vi alcali temperati operentur, docet TACHENIUS in *Hippocr. Chymico*.

Quoad

Cancrina.

Succus cancerorum fluvialitium recens expressus, & quovis modo applicatus, est quoque egregium remedium: item si Cancri fluviales seponantur paulatim ad putrescentiam, & ex putrefactis eliciatur phlegma & spiritus; quoad plegma est egregium in sedando estu inflammatorio oculorum, propter urinosum paucum quod in phlegmate adhuc inest, in forma Epithematis.

Urina.

Propter alcali volatile externè refrigerat, & æstuationes sistit; hinc præstans est contra Inflammationes Epithema.

24. *Aquæ commun.* §. viij.

Urinæ humanæ. §. ij.

Aceti §. iv. vel v.

Invicem coquantur in olla vitreata (quia in vitrificatione semper additur saturnus) addendo parum cerussæ vel minii, coquendo ad medietatis absorptionem: Liquor residuus usu externo egregium est in refrigerandis & sistendis inflammationibus, partim propter saturnum, partim propter alcali urinæ blandè discutientes.

Pariter etiam phlegma urinæ tantillum putrefactæ in partibus sensibilibus plurimum refrigerat. Observavi in Mercatore quodam, qui, quando patiebatur podagram cum inflammatione erysipelacea conjunctam, applicabat sterces recens vaccinum cum levamine notabili, dicebatque, se sentire, quomodo extrahat calorem. Scilicet

Stercora animalium

Turgent alcali volatili seu alcali seminitroso quasi sale ammoniacali; quo temperant acidum istud, à quo phlogoses, vari &c. Alias sterces humanum applicatum fortius penetrat, & in hoc puncto æstum & dolorem notabiliter mitigat. Ubi metus gangrænæ est, sterces equinum vel ejus decoctum cum vino, est euporiston, plurimis præstantissimis æquipollens.

Quoad reliquas Intemperies, earum ratio & fiendi & curandi ex præsuppositis superioribus ferè spontè patet. Nempe sunt ex spiritus insiti cum influo impetu, & hinc concitatori motu formaliter: ex Acido vel intemperato facto materialiter, & sic Intemperies calida oritur: id quod alii excandescantiam, furorem, &c. archei vocant. Sic frigida intemperies ex contrario oritur: nempe consistit hæc in specie in deficiente spiritu insito, hinc deficiente simul ejusdem cum insito motu, unde consequenter pars minus incalescit & in tempore remissior observatur. Sic omnia, que spiritum insitum partis quocumque modo labefactare, aut deficientem reddere valent, sive sint injuriæ externæ, sive læsiones internæ, intemperiem partis frigidam inducere possunt; cujus

comes inseparabilis est robur partium inæquale, ut HELMONTIUS loquitur, de quo *supra in Patholog.* sufficienter actum.

Therapeusis partium ejusmodi frigidæ Intemperiei instituitur per Calefacientia sic dicta, qualia sunt aromata & omnia volatilia Aromatica, Balsamica dicta, i. e. quæ sale volatili, ab acido oleoso concentrato & temperato, plus minus imprægnata sunt, aut cum spiritu partium insito balsamico, suo modo symbolizant. Talia autem sunt in duplici differentia: vel sunt

1. Κατ' ἔξοχην dicta Aromatica; vel

2. Vellicantia, & partem rigidam plus minus sensibilibiter irritantia, ut hujus medio spiritus insiti impetui ad fibras vellicatas, & in crispatum concitatas, provocetur, quod ex uberiori ejus radio robur, Motum, & Calorem parti debitum, restituat.

Prioris generis sunt omnia Aromatica, superius allegata, ut hyssopus, mentha, absinthium, salvia, majorana, rosmarinus, organum, serpillum, angelica, lavendula, centaurium minus, castoreum, & omnia propriè dicta Aromata exotica, v. g. piper, cinnamomum, galanga, &c. ac parati ex his spiritus volatiles inflammabiles, tam per fermentationem, quam per solam abstractionem; nec non paratæ cum his Essentiæ aromaticæ: quibus socianda olea destillata ætherea (non empyreumatica) sua veolentia, prout sunt oleum destillat. baccarum juniperi, terebintinæ, succini; item Balsamus Peruvianus, gummi tacamahaca, imprimis verò spiritus fornicarum cum spiritu vini per abstractionem paratus suaviter acidulatus. Hæc externè applicata, affricando, illinendo, &c. multum præstant ad partium spiritum insitum denuò reparandum, restitutum, conservandum, ac calorem, & hinc debitam partium temperiem, revocandum.

Posteriora, quæ spiritum influum in motum concitationem provocant, ut hujus medio spiritus insiti copiarum restituerentur, & ex hujus sociatione tonus partium reducatur: convenient hinc sinapi ejusque semen, & semen erucæ, & similia acriora. Pertinent huc *Urticationes* dictæ, quibusdam usitatæ, quando pars talis frigidior urticis recentibus probe verberatur, ut irritatione hujus & concitato dolore, spiritus & sanguis eo magis ad istam partem promoveatur & retineatur, qui modos in paralyticis membris, item ex contusione tabescentibus, subinde proficius observatur. Pertinet huc alumen plumosum, talcum, amianthus, & congenera concreta, quæ quantum possibile pulverisata Litibus, Unguentis, &c. permiscuntur, ut horum rigidis spiculis irritentur partes, & ex irritationis sensu facilius incalescant.

Præter has Intemperies, partes subinde quoque corripiuntur sub texturæ suæ materialis mutatione Intemperies, ut dicunt, *humida*, ut & *sicca*; de quibus pariter in *Pathologia*.

Therapeusis autem Intemperiei *humidæ* ex dictis vel sponte patet, quod omnia calefacientia modò dicta, omnia resolventia, discutientia, & moderatè adstringentia, in intemperie humida sint convenientissima: Hinc omnia aromata & aromatica locum hic habent; saltem acriora non nihil, & paulò penetrantiora eligenda sunt, mediantibus quibus simul attenuationis & discussionis scopus potest compleri: quibus semper addantur moderatè adstringentia pro tono fibrarum roborando; utut eundem amara etiam plus minus conservent & restituant. Præter hæc in genere conveniunt in specie Aristolochia, fœniculum, herba & flores chamomillæ, baccæ juniperi & lauri, crocus, item excrementa animalium acriora & quasi nitrosiora, ut caprillum, columbinum, item, alumen, nitrum, sulphur & quælibet sulphurea, hinc balsamum sulphuris, emplastrum dia-sulphuris, petroleum, oleum terræ, emplastrum dia-sulphuris Poterii contra ischiadem, bolus communis, & cum hac parata emplastra contra luxationes & fracturas, quæ omnia in dicta læsione Intemperie humida, locum habent. Quibus denique addendi, præsertim in ulceribus & vulneribus nimis manantibus, pulveres absorbentes, communiter exsiccantes dicti, ver. gr. compositi ex C. C. usto creta, lacte lunæ, medulla saxorum, lapide calaminari, terra vitrioli dulci, &c. qui absorbentes & plus minus adstringentes subinde melius, quam emplastra ac unguenta, conveniunt.

Medicatio Intemperiei *siccæ* ratione acrimoniæ pertinet ad *Praxin specialem*, & est eadem cum cura Atrophiciæ Universalis: Quoad particularem, de ea in *Chirurgia speciali* agitur, ubi de symptomatibus, vulneribus & ulceribus supervenientibus tractatur. Nihilominus de hac quædam hic monito: nempe Intemperies sicca particularis in quadam parte nobis ferè incurabilis est, quod ex defectu spiritus insiti

ti fiat, qui, cum ex semine originem ducat, hinc nulla arte à nobis restitui potest. Unde, quod pro ejus Cura nobis relictum, consistit potissimum in tribus:

1. Ut fibræ partium blandè humectentur & emolliantur, quo facilius nutrimenti receptio, & diuturnior retentio fiat.
2. Ut pars solida nonnihil irritetur, quo spiritus influus vel succus nutritivus illuc concitetur, & ad eam partem commotus in supplementum insiti veniat.
3. Ut spiritus insitus in parte plus minus deficienti adhuc residuus, roboretur & confortetur; à priori enim nihil amplius possumus.

Interim pro scopo primo conveniunt pinguedines, tam temperatæ, quam nonnihil aciores, simulque irritantes, v.g. humana, taxi, anserina, ursina, vulpina, canina, &c. præsertim ex animalibus electæ ævi diuturnioris, & constitutionis natura pinguioris ac succulentæ: Quibus sociantur medullæ, v.g. vituli, cervi & ex his parata unguenta analeptica seu resumptiva dicta; quibus commodè mucilagines, v.g. cydoniorum, malvæ, althææ, & similibus emollientium adduntur: item oleum lumbricorum terrestrium per decoctionem, oleum ranarum, &c. Omnia hæc parti aliquandiu frictæ, ut nonnihil incalescat, tepidè illinuntur.

Pro secundò scopo excellit alumen plumosum, & inde paratum *Arcanum aluminis*, secundum imitationem FELICIS WURZII in *institut. chirurgicis, ubi de Atrophia*; cum oleo communi & spiritu vini succedit negotiū, evadit pulvis nonnihil obscurus, qui dictis litibus, additus, reverà præstans est remedium. Confer. AGRIGOLA in *Chirurg. Parva*, qui hæc excipit, Autorem tamen non nominato, nec tamen ipse rite assequi potuit.

Pro III. pertinet huc in Aridura partium fons ex Decocto cubilis formicarum, item immissio partis Intemperie sicca laborantis in canem vivum recenter incisum, vel etiam immissio partis tabescentis in bovem recenter mactatum, ut horum animalium vitali quasi tepore foveatur & resuscitetur spiritus insitus adhuc partis, & vel curetur, vel præservetur ulterius.

Pergo ad *Therapeusin morborum Conformationis Mechanicæ*, secundum trinam dimensionem, i.e. secundum longitudinem, latitudinem & profunditatem. Longitudo est vel excessiva vel defectiva: Latitudo item peccat vel in excessu vel in defectu: Profunditas solida plus minus cavata vel porosa est, quæ omnia ex Pathologicis præsupponenda veniunt.

Quoad Therapiam generalem, monenda pauca quædam in genere, cum pro casuum & causarum varietate speciali varient hi affectus, & ferè aliorum affectuum præcedentium comites & pediseque existant, quod pro horum ratione cura quoque eorum plus minus varianda sit: e.g. dum osse femoris extrorsum luxato crus longius; eodem introrsum luxato crus brevius alteri appareat; quæ ipsa vitiata figura seu longitudo per repositionem corrigenda & restituenda est. Sic dum pars quoad Latitudinem vitiatur, unde cum tumida vel ex nutritionis ubertate, & inde nata excresecientia particulari, vel ex transmissi fluidi retentione, in magnitudine aucta est; externè vel per blanda discutientia insensibiliter; vel per evacuantia sensibilibus, vitiata eius Latitudo restituenda erit: Quod simili ratione semper in aliis affectuum affectibus particularibus observandum venit, ut nihil de his in genere monendum restitit. Quoad profunditatem partium porosam plus minus cavam, hæc nunc angustatur nunc ampliatur præternaturaliter. Angustatur ea, quando repletur à contento, vel quando constringitur à continente: Istud communiter vocatur obstructio; hoc, quando à fibris undecunque contractis & spasmo corrugatis pars angustatur, dicitur constrictio: quorum Theoria supra in Pathologicis.

Jam quoad *Therapeusin Obstructionum verarum*, sive sint causæ, sive interdum productum morbosum, v.g. in scirrhis morbos chronicos supervenientibus, ea non est instituenda per evacuantia, sed simpliciter per incidentia salina falsa; hinc gummata & aromatica aciora, de quibus iam supra actum.

Per talia igitur curandæ sunt Obstructiones, non per Purgantia; nihil enim insulsius est, quam quod morbos, in quibus Obstructiones reperiuntur, per evacuantia velimus curare, cum sic non removeamus causam, sed productum morbosum. Isti enim chronici morbi, qui ex ob-

structionibus dicuntur oriri; potius reverà oriuntur casualiter ex acido, in subiecto materiali plus minus viscido hærente, quod natum est ex vitio digestionis primæ deficientis. Nampe ventriculus est fons primus omnium morborum chronicorum, & occasione deficientis digestionis natum inde acidum plus minus viscidum: unde etiam in horum cura martialia primarum obtinent, non aperiendo, cum Mars per se adstringat, sed acidum in his morbis peccans corrigendo; unde etiam acidulæ, Martialium antesignanæ, in his casibus ultimum sunt refugium.

Pertinent huc *contusiones partium externarum*, & hinc dislocatio pororum & meatuum in parte contusa, unde sanguinis extravasatio & suffusio. In his totus scopus est, sanguinem congruatum & acore inquinatum successive dissolvere, eumque insensibiliter absorbere, sive per meatus sive per poros corporis: unde propinantur sudorifera, acidum absorbentia, ut simul cum sudore massa sanguinea dissoluta, in meatibus partis contusa impedita, facilius eos penetrare, & in debitum circulum remeare possit. Sanguinem congruatum resolvunt scabiosa, symphytum majus, absinthium, hypericon, in specie bellis minor, quæ singulariter opitulatur huic congruationi: D. MICHAELIS de coquo narravit, quod hausto frigido potu difficultate spirandi laboraverit, ex coagulatione sanguinis; postquam autem adsumpsit tincturam bellidis, convaleuit; cuius decoctum etiam LINDANUS singulariter laudat: Post hæc conducit hyssopus, fœniculum, cherefolium, &c. LINDANUS jam laudatus in *Colleg. Hartmanniano* paravit potionem ex brassica rubra, artemisia, consolida Saracenica, bellide minore, & rhabarbaro, cui addidit sperma ceti: seorsim recepit lapillos cancerorum, quibus affudit acetum cuius misturæ cochli. i. dedit cum haustu jam dictæ potionis: sperma ceti egregie dissolvit sanguinem coagulatum; quod etiam facit rhabarbarum, & conducit, ubi opus purgatione. Pro scopo sudorifero adduntur aliis carbo tilia, antimonium diaphoreticum, lapilli cancerorum, spiritus tartari, theriacalis camphoratus; si per Diuretica evacuare opus, adduntur flores cyani, calcatrippæ, fœniculi.

Externè applicantur, quæ attenuant & resolvunt. Repellentia Chirurgorum, ut acetum & pulveres adstringentes, sunt nociva pariter ac impossibilia; sanguinis enim affluxum non impediunt. Inter attenuantia & resolventia, conveniunt comæ absinthii, serpillum, semen cumini, anisi, crocus, vel applicatur solus spiritus vini camphoratus, qui penetrat, resolvit, acorem sanguinis temperat; sanguinem fluidum reddit, & poros pro diaphoresi facilius aperit: efficacius erit, si spiritus vini hic societur cum theriaca, à qua dissolutione aromatica sanguis grumosus arcetur ab ulteriori corruptione, & dolor opiata vi sistitur; quod etiam facit spiritus vini crocatus. Spiritui vini etiam Rob seu essentia sambuci addi potest: item radix sigilli Salomonis vino cocta, & in forma cataplasmatibus applicata, quæcunque suffusiones tollit; sicut etiam D. MICHAELIS radicem sigilli Salomonis ab ʒi. ad ʒiſs. cū radicis symphyti majoris ʒi. in vino vel aqua simplici cepit & applicavit: MYNSICHTIUS ex his & tragacantho habet emplastrum contra livorem faciei; Agricola ex Theriaca & Rob sambuci cum saccharo saturni: Chelidonii majoris succus illitus attenuat, dissolvit, & hinc contusionibus conducit: convenit etiam externè sperma ceti aqua simplici dissolutum, & cum spiritu vini parumper mistum; unde MYNSICHTIUS emplastrum spermatidis ceti habet supra laudatum.

Cavitas interdum est nimis excessiva & ampliata, quod fit ex nimia fibrarum atonia & laxitate, pororum, valorum aut meatuum apertione; sive contingat per simplicem dilationem, ut in anastomosi; sive per exesionem aut erosionem. Quoad atoniam, est vitium commune omnibus partibus organicis: Hanc triplicem esse, vel à nimia & violenta fibrarum extensione & aliquali laceratione, vel spirituum animalium defectu, vel fibrillarum nimia humedatione, supra in Pathologicis.

Prima species atoniæ partium, sive resolutus partium tonus, à præternaturali fibrarum laxitate & flacciditate oriundus, curatur quidem optimè adstringentibus, nervinis tamen aromaticis permistis: inter quæ Martialia profunt primario, quæ per se sæpè sunt adstrictorie, ut tinctura Martis adstringens, itè Tinctura sulphuris vitrioli, ex corallii & hæmatite parata remedia, tam corallia preparata, quam syrupus coralliorum *Quercetani*, & Tinctura coralliorum; item

lapis hæmatites præparatus, & tinctura ejusegregiè adstringunt: facit huc & ipse hæmatites artificialis ex saccharo saturni & vitriolo Martis, paratus. Ad hæc adstringentia, imprimis alumen & subjecta aluminosa pertinent, quæ interne assumpta partes laxas mirè restitunt, simulque massam sanguineam coagulant: item terra sigillata, creta, bolus Armena, aliæque terræ medicatæ, imprimis si cum spiritu vitrioli aliisque acidis usurpentur; unde & liquor stypticus est adeò potens adstringens: Omnia etiam vegetabilia adstringentia huc pertinent, cydonia, bistorta, tormentilla, acorus adulterinus, remedia ex quercubus. His autem adstringentibus subinde nervina adiungenda, quæ fibras resolutas similiter restitunt, sive externè sub fororum forma, aut cataplasmatum, aut inunctionum applicentur, sive internè adstringentibus permisceantur. Sic notum est, quod cataplasma ex fermento cum aromatibus ventriculi tonum laxatum restituat; item quod fomenta ex decocto rorismarini, chamomillæ, pulegii, origani, salviæ &c. tonum partium à frigore læsum, aut nimia humectatione labefactatum, restituant. Calx viva mixta cum sulphure, & aqua communi cocta ad sufficientiam, inservit loco balnei artificialis in paralyti, paraplexia, aliisque affectibus. Oleum item nucis moschatæ, tam expressum quam destillatum, item oleum caryophyllorum, externè inuncta atoniam curant. E.g. internè ad restituendum ventriculi robur fit hæc formula ex adstringentibus & Aromaticis mista, in hæteria aut simili morbo proficua:

4. Aquæ menthæ ℥ii.

Cinnam. ℥i.

Succ. cydon. ℥vi.

Elix. menthæ ℥iii.

Alum. crud. gr. vi. ad ℥ss.

Olei destillati caryoph. g. iii.

Syr. Corall. Quercet. ℥i.

M. D. S.

Mixtura valde confortans.

Secunda species curatur removendo causam, & augmen-
tando spiritus animales per volatilia aromatica.

Tertia ex lymphâ, curatur blandis sudoriferis, hisque appropriatis, qualia sunt sassaparilla, succinum, myrrha, juniperina, & aromatica, sudorifera.

Cura Cavitationis excessivæ à nimia vasorum & meatuum apertione &c. consistit simpliciter in Adstringentibus, quæ & simul fibras stringere, & acidum plus minus rodens corrigere possunt: quæ, cum pleraque vulneraria sint, de iis, ubi proximè de Traumaticis, agendum.

Sequuntur morbi Compositionis, seu potius Connexionis primarii & secundarii, v.g. Luxationes, prolapsus intestinorum, uteri, &c. supra ex Pathologia noti. Quoad horum posteriorem Therapeusin & Medicationem, quia affectus sunt particulares, ad specialem Praxin pertinent. Quod autem morborum Connexionem Primariorum Therapiam attinet, observandum.

1. Consolidationes talium vulnerum, v.g. ambustorum, &c. saltem esse nutritionem modificatam: Nam mediante nutritione continuata, & suo modo in parte læsa aucta, divisæ partes denuò coalescunt & uniuntur. Est igitur Cura harum partium à spiritu insito, mediante influo efficienter; ex nutrimento rorido, quasi gelatinoso, salino-oleoso temperato materialiter, per illius specificam coagulationem formaliter factam.

Hinc sequitur

2. Quod consolidatio harum partium sit opus solius naturæ, quippe quæ in genere partes constituit, nutrit, & læsas denuò restituit: adeoque ars Medico-Chirurgica pro tali consolidatione instituenda propriè nihil agit, sed impedimenta saltem removere debet.
3. Impedimenta autem, quæ consolidationem, naturæ ope instituendam, remorantur, sunt acidum præternaturale in vulnere & ulcerum labiis, v.g. Ambustorum, &c. natum quod rodendo dolorem, irritando ardorem, fermentando cum nutrimento partis læsæ huius corruptionem, & pro corruptionis gradu transmutando in pus, sanie, ichorem, &c. reliquorum omnium symptomatum supervenientium nunc causa efficiens formalis, nunc occasionalis existit; ita, ut semper in genere in soluta unitate, nisi tale acidum vitiosum superveniat, sponte à natura curetur & consolidetur: si hoc aci-

dum tamen supervenerit, incumbit Medico, ut illud removendo, reliquum opus natura sponte sua promovere possit.

4. Acidum hoc in parte oritur ex alteratione spiritus insiti (qui aliàs naturaliter tanquam balsamus partem conservat) simili ratione, ac supra de Inflammatione dixi. Nempe aer in ipsa labia vulneris, aut superficiem partis læsæ, impressionem præternaturalem facit, unde sanguis grumulosus, vel ichor collectus, vel festuca ossium, vel nutrimentum partis roridum, sub colliqutione in ambustis facta alteratur, vel alia similia plura impressionem novam & peregrinam ac hostilem parti sensili, plus minus læsæ, inducunt. Hujus impressione, ac plus minus irritatione, dolor supervenit, cuius stimulo spiritus influus concitatori motu ad partem læsam fertur, qui cum insito concitatus motus in parte læsa ardorem seu Calorem formaliter, & hinc ex acido, antè occultato, manifestiori facto fermentum istud acre materialiter constituit.

Nempe occasione vulneris irritatus spiritus insitus, cum influo in vehementiorem motum agitatur, ex quo duo superveniunt:

1. Enim sic destruitur eorum temperatura, & occultum acidum antè fit manifestius;

Et

2. Calor intensior, æstusque notabilior, insequitur:

Ex quibus generatur fermentum acidum istud, nutrimenti proximi glutinosi corruptivum, & consequenter acidum vulneris ac ulceris constitutivum, cuius occasione nutrimentum in pus & sanie alteratum corrumpitur: ita quidem, ut quò acius est Acidum, eò magis dissolvit atque attenuat nutrimentum, hinc ichor & sanies; quò mitius verò Acidum est, & cum nutrimento in temperatius fallum coit, eò magis pus constituit. Illustrat hoc familiare phænomenon; nempe, quamdiu aliquid peregrini in ulcere vel vulnere inest, tamdiu hoc consolidari nequit. Præter hoc, quod propter alienam texturam nequeat assimilari partibus nostris, ratio est, quod continua irritatione continuum dolorem, & hinc continuatum aciditatis proventum conservet: si vero accidit, ut acido tali in vulnere relicto consolidatio sequatur, ea non diu est durabilis, sed mox insequitur dolor, tumor, & hinc ulceris recidiva. Obijciat quis? Quid de globulis plumbeis videtur, qui sepius diu in parte læsa gestantur, & vulnera facta inde sine recidivâ metu consolidantur, qui tamen reverà sunt extraneum aliquid & hostile; Verum hi aliud quid in recessu habent. Nempe duplici ratione in specie globuli plumbei in nobis retineri possunt:

- (1) Quia ratione figuræ externæ sunt corpora rotunda, quæ minus sensibiliter lædunt partes molles, in quibus continentur; unde dum sine sensibiliore impressione tolerantur, consequenter nullus dolor, nulla inflammatio, nulla ulceris recidiva, &c. supervenit.
- (2) Et potissimum ratione materiæ, h.e. plumbi. Plumbum enim ipsum quodvis acidum temperare & absorbere, ac huius ratione refrigerare, & dolorem sistere dicitur.

Dum igitur saturnus acidus quodvis temperat & absorbet, hoc ipso eiusdem proventum præternaturalem in parte solida prohibet, hincque præsertim nutrimenti ab acido corruptionem impedit & præservat, dum ejus in pus & sanie digenerationem præcavet; fit inde, ut sine metu ulceris in nobis gestari valeant, per diuturnum etiam tempus. Curiosum enim phænomenon, quando vulnere recenti applicatur turunda plumbea cava est: nempe in Cura mea quidam homo adultus, cuius glans non est perforata, sed quando urinam emittere vult, infra glandem per foramen illam ejicit, matrimonium tamen inire vult: necesse ergo est, ut glans perforetur, quo magis de coniugio ineundo certus esse possit: quoties glandi turunda plumbea fuit immissa, hoc factum sine puris & ullius saniei proventu; si verò turunda ex emplastris immittebatur, mox deinde pus & sanguis prodibant. Nempe Saturnus acidi proventum in ulceribus arceat, aut genitum temperat, inde corruptio puris & saniei præcavetur. Par ratio est quando ulceribus manantibus lamina tenuis Saturnina applicatur, saniei proventus minuitur, dolores mitigantur, parcius puris copia scaturit, acidum à Saturno mitigatur & corrigitur, & hinc facies ac livor præcavetur. Simili ergo ratione globuli plumbei in corpore & partibus mollibus gestari possunt

Quoad

Quoad eorum ergo Therapeusin, remedia solutæ unitati dicata obtinent vim, impressionem irritativam, à quocunque objecto factam, mitigandi, acidum fermentativum corrigendi, & acridinem nimiam moderatè infringendi, donec nutrimentum successivè à sordibus correctum, minus alteratum ab acido, debitè à spiritu insito assimilari, & læsio inducta consolidari & restaurari queat. Hinc est, quod HELMONTIUS dicit; operari Vulneraria, quatenus in se habent occultum quoddam Alkali; & rectè quidem: Omnia enim remedia Vulneraria vi alcalina temperata, adeoque plus minus oleosa, acidum istud in labiis vulnerum & ulcerum temperare, & in salum tertium mutare valent; vel vi acidi acrioris plus minus destructiva, operativa præditi sunt. Pro cuius ratione duplicis etiam sunt differentiæ; priora in mitiori, posteriora autem conveniunt in graviore casu: Illa in vulnere simplici; hæc in ulceribus locum habent, Ex priori classe sunt verb. gr. hypericon, momordica, plantago, balsamus de capaibe, balsamus sulphuris; ex posteriori saturnina, colcotharina, item styptica, vegetabilium ex quercu, pimpinella, balauistiis, rosis, &c.

Quoad materiam ergo Medicam, his affectibus dicatam, ea remedia acida temperativa, & simul ut plurimum adstrictiva esse solent. In regno vegetabili sunt nicotiana, quæ in expurgandis fistulis, & ulceribus mundificandis, valde potè conducit, & vi narcotica pollet; plantago, ejusque succus, hypericon, veronica, sanicula, & præstantior ejus species Alchimilla, momordica, consolidæ tres species, media & minor, hederæ terrestris, quercus, tormentilla, bursa pastoris, myrrha, omnes arbores resiniferæ, terebinthina, quæ inter balsamica tam internè quàm externè non infimum obtinet locum; hinc larix & abies propter hoc suum balsamum tota hyeme virescunt; aloë, gummi elemi, quod in vulneribus capitis potissimum adhibetur, balsamum naturalem restaurat; balsamus Peruvianus sale acri præditus, & qui reliquis præfertur, de capaibe, vulneri enim si instilletur, promptè coit sine symptomatibus. Præterea in Vulnerum cura cum laude sunt adhibenda olibanum, benzoe, mastix, & inde paratum Linimentum:

℞. Aquæ vitæ ℥i.

Benz. ℥ij.

Mastich.

Balsam. Peruv. an. ℥ij.

Mf. Linimentum in Vulneribus quibuscumque.

Ex regno animali potiora sunt Cancrina, lumbrici terrestres, os sepiæ, mucus aurium, &c. Ex regno Minerali autem succinum, imprimis ejus oleum, quod vocatur Balsamum Europæ seu sacratum, & singulariter conducit in vulneribus nervosis, mistum cum terebinthina & saccharo saturni; caput mortuum vitrioli edulcoratum, terra vitrioli dulcis seu balsamica, sive sit residuum ex destillatione spiritus & olei vitrioli edulcoratum, sive sit præcipitatum ex Vitriolo in aqua soluto cum alcali factum; item lapis osteocollæ, saturnus, cerussa, minium, & quælibet saturnina, sulphur, Mercurius, & Arsenicum.

Vulnera dividuntur in maligna & benigna. In malignis Theriaca sola cum spiritu vini applicata convenit; item pulvis araneorum, bufonum; viperarum, & scorpionum, vulneribus inspersi sunt decantata remedia. In vulneribus à telis venenatis optimè laudatur ulus carnis cydoniorum benè manducatæ: optimum remedium est bufo in his vulneribus venenatis & malignis contusus & applicatus: ad morsum viperæ bufo contusus, & inspersus summopere prodest. Venenositas horum vulnerum consistit in hoc, quod idea furoris & rabiei corpori nostro communicetur; idè idea illa per ideam contrariam, bufonem, &c. sopienda est: vid. HELMONTIUS: prodest etiam ferrum candens applicatum: vid. BOYLE: Huc quoque pertinent vulnera sclopetorum propter confusionem, ad quæ Chirurgus quidam Neapolitanus phlegma spiritus vini, vel ipsum spiritum vini, in aqua communi aut aliqua vulneraria dilutum, ut eo vulnus lavetur, laudavit.

De potioribus in specie.

Plantago terrestris.

Eaque in specie quinque aut septinervea, (nam aquatica caustica est, hinc ad vesicantia pertinet) est Vulnerarium egregium, acidi blandè temperativum & correctivum. Succus recens expressus, vulnere instillatus aut applicatus, citra primam intentionem seu puris superventum curat

Ettmuller. Oper. Tom. I.

vulnera & ulcera. Ipsa etiam simplex planta contusa & applicata dolores sedat, & vulnus consolidat egregiè: si verò vulnus suppuretur, & inde natum sit ulcus: optimè succus hic cum melle vel Theriaca subigitur, & in forma Linimenti ulcus facile mundificat & consolidat, sive in forma humida, sive sicca, sive succus inspissatus in forma Linimenti adhibeatur. Internè plantago tota, in specie ejus semen, in herniis, dysenteria benigna, in n. mio mensium fluxu, est euporiston egregium; unde SCHROEDERUS non sine causa syrupum plantaginis extollit in mictu cruento.

Hypericon.

Summo jure traumaticum insigne est, & continet in se substantiam resinofam, quæ terebinthinæ naturam sapit; semen enim ejus odorem & saporem fermè cum terebinthina obtinet. Planta recens, præsertim flores attriti, succum rubeum terebinthinam spirantem suggerunt: unde vi balsamica salino-alcalina oleosa temperata est egregia in quibusvis vulneribus & ulceribus; in specie oleum ejus per infusionem & digestionem cum oleo olivarum, præsertim si addatur paululum olei destillati terebinthinæ: vel oleum rubicundum ex semine ejus expressum. Vulnerarium fit egregium, cui altero anno denuò infundantur flores recentes; unde sic habetur oleum per se excellens traumaticum: vel cum hoc ipso etiam sulphure fiat Balsamus sulphuris traumaticus; vel cum cerussa aut saccharo saturni Balsamus traumaticus refrigerans; vel addita camphora cum terra Vitrioli dulci Balsamus incarnans: & sic ex eodem alia remedia polychresta fieri possunt, ita ut Hypericon sit quasi instar omnium; sicut etiam internè in affectibus renum egregium est semen ejus cum conserva violarum in forma Electuarii, adeoque in dysuria, exulcerationibus velicæ, in specie in mictu cruento, præservativum & curativum est egregium atque eximium.

Sanicula.

Præsertim nobilior ejusdem species Alchimilla, quæ decoquendo suggerit decoctum vulnerarium, tam externè quàm internè, in ulceribus fistulosis, sinuosis, &c. per injectionem mundificandis, corrigendo & temperando acido depurandis.

Momordica

Fructus est hortensis, nonnihil spinosus. Infunditur in oleo olivarum vel lini, quod oleum infusum est Balsamus vulnerarius nobilissimus. Vidi aliquot exempla hujus balsami in coalescendis vulneribus quid præstiterit, quod miratus sum: Famulus siquidem stabuli præsepe purgaturus impingit manum in claviculum, & eam transfodit, ac facillè propter locum tendinosum & nervosum inflammatio cum gangræna supervenire potuisset; qui tamen vulnus hoc beneficio hujus olei, bis vel ter in die instillati, etiam sine supuratione brevi curabat, sine ulla sensibili læsione superveniente: Alius ex trabe dejecta in manum collidit unguis abrasa cute digitorum, qui etiam hujus olei solius affricu evasit brevi sanus sine ullo ulceris superventu. Idem oleum est excellens in ulceribus mamillarum (aliàs periculosis) ex occasione lactis, unde marmæ inflammantur, & facillè fiunt ulcera sinuosa: in his casibus oleum momordicæ, nunc simpliciter cum turundulis, nunc cum balsamo sulphuris paucum mixtum & applicatum, radicitus hæc curat. Idem oleum per infusionem cum oleo lini egregium est in ambustis, & sine insigniori dolore ejus illinitione brevi curatur & consolidatur vulnus.

Symphyti tres sunt species, consolidida major, media, & minor dicta: Minor aliàs speciali nomine dicitur Prunella; sicut media Bugula: præstantius est

Symphytum majus.

Primariò ejus radix, hinc planta integra. Turget hæc mucilagine, tritura fortiori elicienda, quæ temperata est & balsamica, instar vulnerariorum, acidum quodvis temperat, ac in casibus certis ab injuria externa, ratione consistentiæ mucilaginosæ egregiè defendit: hinc vel sola hæc mucilago decoquendo inspissata Unguenti instar applicatur, vel cum emplastris, unguentis, &c. in Linimenti formam ita redacta usurpatur: eadem herniis & locis hernio-

his non sine successu imponitur; sicut *BARBETTE* in suis Emplastris eam pro consolidatione recipit: vid. *HOECHSTEDTERUS Observat. Dec. 3. Cas. 5.*

Consolida Media seu Bugula.

Est elegans vulnerarium, temperativum & suaviter consolidativum; magis tamen convenit usu interno, quam externo, præsertim in exulcerationibus partium internarum incipientibus. Decoctum ejus inter vulneraria interna multum laudatur à *POTERIO*, inter quæ etiam unum ex primariis est; sale simul temperato suo volatili quasi nitroso alvum blandè laxat, & quoque urinam stimulat: admodum etiam conveniens est in casibus, ubi adest sanguis grumulosus resolvendus.

Consolida minor seu Prunella.

Internè imprimis adhibetur ad potiones vulnerarias, speciatim in læsionibus partium glandulosarum; & hinc in erosionibus, exulcerationibus, &c. faucium *Prunella* est optimum simplex, sive decoquendo instar Gargarismi, sive cum melle instar litus usurpetur loco mellis rosati.

Tormentilla.

Radix ejus, aut hujus loco *Bistorta*, temperatior & simul adstrictoria, hinc egregia: ubi acrius est acidum in vulneribus, & fibræ arrosæ difficilem ferunt consolidationem. Ad adstrictio simul requiritur, radices hæ sunt optimæ, sive Decoctum injiciatur, sive pulvis unguentis & emplastris addatur.

Quercus

Et quercina propter vim fortiter absorbendi acida adstringunt, fibras arctant, & labia vulnerum facilius coire faciunt; unde pro acido corrigendo, & labiis vulnerum adstringendis, commodè usurpantur.

Myrrha

Convenit in specie, quando ex defectu spiritus partis læsæ insiti putredo supervenire minatur; item quando vermes in singulis ulceribus generari incipiunt, optimum est: est enim imprimis conservativum mumiæ spiritualis, quæ per 100. & plures annos homines à corruptione arcere potest, beneficio spiritus vini myrrhati conditos. Ex hoc fit *Elixir proprietatis*, quod verò dies aliquot continuatum omnes corporis nostri putredines arctet, hinc in retentis secundinis maxime laudatur. Si essentia ejus cum spiritu vini parata unguenti & Lotionibus permiscetur; vel si cum ea in vino decocta, quod ex parte hanc solvit, fiat Injectio vulneraria: vel denique sit pulvis ejus cæteris remediis addatur: sic enim putredo prohibetur, vel progressus præsentis prohibetur, & facilis consolidatio promovetur. Unde est, quod ad *Balsamum Vulnerarium Rulandi* non ineptè copiosa *Myrrha* recipiatur, cujus descriptionem videbitis penes Auctorem.

Aloe

Etiam pulverisata & vulneribus inspersa, eadem intra biduum consolidat.

Ex regno animali se offerunt Cancrina & os sepiæ.

Cancrini

Internè saltem usu traumatico conducunt, unde commodè in Decoctis vulnerariis pro usu interno adduntur: vid. *POTERIUS*, qui habet talia Decocta, mirè laudanda. Succus expressus inflammationibus vulnerum est optimus, quia Cancrini constant sale alcalino temperato & minus oleoso, ratione cujus successivè destruunt ac dum in parte vulnerata. In specie verò lapilli eorum traumatici sunt, quatenus acidum præternaturale in primis viis corrigunt, vel naturale paulò intensius infringunt, & hac ratione acidi uberiorem luxuriam in vulneribus & ulceribus præcavent; simili ratione ac vinum rubrum acore suo ordinario vulnera & ulcera deteriora reddit; ita è contra lapilli cancrorum ipsum acidum corrigendo, quod naturaliter præest quibus-

vis digestionibus aliis, sanationem accelerant, in specie si assumantur cum vino. Ut enim vinum in vulneribus aliis per se sit hostile, & à mulierculis rectè prohibeatur, cum in parte vulnerata dolorem & inflammationem interat, non quidem ratione caloris, sed acoris; ejus tamen acidum, ut & acetum, dum rodit lapillos cancrorum aut coralliorum, concretum exhibet saporem lixivii salis; sicque roduntur quidem, sed non saturantur, itaque disponuntur saltem, ut eò promptius absorbeatur in se acidum primarum viarum: hinc in casu ab alto sanguine congrumato, in luxatis, fractis, &c. quotidianus & salubris eorum est usus. Ex lapillis cancrorum, & exuviis serpentum sponte depositus, a natia proportionem mistis, fit pulvis *conglutinans Cnoffelii* qui vulneribus, ubi nervi læsi sunt, inspersus eadem statim conglutinat: Si serpentum exuviae absint, lumbrici substituantur.

Par ratio est cum

Osse Sepiæ,

Quod adhuc potentiùs imbibit acida luxuriantia, præsertim in primis viis, hinc quibusdam præcipitans magnum vocatum fuit; speciatim enim in corrigenda Gonorrhœa benigna, quæ oritur ex fermento acido, testes inquinante, & semen vitiosi saporis producente. Dico autem; in benigna: nam in maligna, diversa & alia planè est ratio, quæ non est hujus loci.

Cerumen Aurium

Humanarum vulnera egregiè mundificat, nec aliquid in pus crescere sinit, cum oleo expresso nucum juglandium adhibitum;

Vel

℞. Cerum. hujus Aur. ℥ij.

Sach. Saturni ℥j.

c. s. q. olei expr. nucum jugland.

f. Linimentum.

Ex regno minerali par ratio est cum dictis animalium partibus.

Scilicet

Osteocolle,

Sic dicta quod ossa quasi conglutinet, concrementum est seu crusta lapidosa ex marga coalescens; prodest internè simili modo, ac lapilli cancrorum, speciatim ad promovendam ossium conglutinationem, & calli acceleratam generationem usurpatur: removet nempe imprimis sapes acidos in primis viis, à quibus calli generatio impeditur; nam quod substantialiter ad partem affectam transeat, meritò dubitatur. Datur in casu ab alto, in sanguine grumoso, pulverisata a ℥ss. ad ℥j. in vehiculo aceti, & per sudorem dicta mala solet levare.

Juxta hanc est

Saturnus

Et Saturnina, quæ sunt solatia Chirurgorum in ulceribus partium; Ulcera nempe, eorumque dolores ac inflammationes curant, acidum omne sui attractu dulcificant, & aluminolam adstrictionem inde acquirunt. Plura de horum usu externo superius, ubi de Inflammatione seu intemperie partium calida, retuli.

Potius ergo consideremus

Vitriolacea,

Et tam Venerea, quam Martialia, ac inter illa specialius Vitriolum. Vitriolum sub acore suo nativo minus convenit ulceribus, & morbis solutæ unitatis; sed opus est, ut enervetur & separetur acidum istud, quo residua substantia mineralis promptè absorbeat acidum vulneris, & ita consolidationem promoveat. Hinc Colcothar Vitrioli, quod commendatur ab *HELMONTIO*, absorbendo acidum omne vulnere & ulcerum corruptorem tollit. Dysenterici eiiciunt excrementa sua in caput mortuum vitrioli, & hoc mox sistitur dysenteria. Huc pertinet Pulvis *sympatheticus*, quando vitriolum *Veneris* exponitur Solis radiis, ut avolet humidum, & vitriolum ex solis radiis sulphur balsamicum concipiat: vid. *RATTRAY* & *DIGBY*. In hunc pulverem autem non pus, sed sanguis floridus immittendus. In usu est imprimis *Terra vitrioli dulcis*, seu caput mortuum ex destillatione spiritus residuum

fiduum probe edulcoratum; cuius loco etiam sumi potest *Crocus Martis*, ex *Vitriolo*, in aqua calida soluto, cum sale tartari vel alcali quovis alio præcipitatus, cadit sic crocus flavescent in-
tense, ejusdem in Chirurgia usus cum terra vitrioli dulci. In quibusvis unguentis & emplastris ad ambusta, intertrigines superficiarias partium excoriationes, &c. proficius est ejus usus. Mirum est, quantum hæc vitriolacea & saturnina corrigant acidum ulcerum eorumque dolores & inflammationes mitigent, & quantum ad incarnationem, hinc cicatricem maturandam conferant: Ordinariò hinc unguentis, balsamis & Emplastris Vulnerariis cum successu commiscetur; unde ex hoc **FELIX VVURZIUS** suum unguentum fuscum parat.

Sulphur.

Egregium mundificans vulnerum est; nempe corrigit & temperat acido-salium acre, & simul, si quæ ex labe spiritus insiti imminuat putredo, præservat ab ea, & maturè corrigit. Hinc ulceribus putridis cacoethicis, aliisque difficulter sanabilibus, optimè conveniunt sulphurata, quod præstat sulphur ratione partis suæ pinguis: Acidum enim quod in eo simul inest, non corrigit ulcera: hinc illud prius infringendum, ut habeatur inde remedium balsamicum. Balsamus fit, quando pulverisatum miscetur cum ana vel dimidio salis tartari; & invicem in crucibulo funduntur; sic namque hæc duo fusione ignis, colliguntur, & alcali fixum salis tartari agit in acidum sulphuris, illudque plus minus enervat: Hinc massæ pulverisatæ si affundatur oleum expressum quoddam, mediante digestionem habetur balsamus traumaticus, egregius pro litu externo; si verò affundatur oleum destillatum, erit pro vulneribus & ulceribus usu interno; sicut ex hac eadem massa cum spiritu vini paratur tinctura, quæ abstracto spiritu vini relinquit pulverem insignem pectoralem, cum saccharo miscendum & propinandum. Uno labore negotium potest abbreviari pro balsamo sulphuris externo, si scilicet recipiantur scorice reguli *Antimonii*, (cum in his plus minus acidum ab alcalibus correctum & intractum sit,) vel sulphur ex us paratum auratum, fiatque inde cum oleo succini aut terebinthinæ balsamus traumaticus nobilissimus. Confer. **POLEMANNUS** de sulphure Philosophorum. Fieri etiam potest Balsamus Compositus ex sulphure & terra Vitrioli dulci:

24. Olei hyper. ℥ij.

Flor. sulphuris ℥i.

(seu massæ sulphuris d. m. parata ℥iii.)

Ebulliendo ad solutionem seu Extractionem sulphuris, ut f. oleum spissius & intensius tinctum, add.

Ceræ ℥ij.

Terebinth. ℥ij.

Thuris.

Myrrhæ an. ℥ij.

Pulv. aristol. rotund.

Nicot. an. ℥j.

Terræ vitrioli dulc. ℥ij.

Misc. exactè, & sub forma unguenti mollioris: aut addita majori copia Ceræ in formam Emplastri non adeò duri redigatur, multi usus in affectibus externis undecunque natis.

LANGIUS oleum seminis hyperici expressum cum sulphure coquit in balsamum, cui myrrham & Aloen addit; vid. **FABER** in Chirurg. Basilica.

Vitentur omnia oleosa & unctuosa medicamenta, imprimis in partibus nervosis, quibus nihil nocentius est, quàm uti ejusmodi rancidis medicamentis sæpè enim dolores, inflammationes & gangrænas inducunt, unde etiam vermiculi innumeri oriuntur. Alias Chirurgorum mos est, ut primò digestiva, postea mundificantia applicent; sed malè: cum unicus Balsamus Vulnerarius hæc omnia præstet, Balsamus Peruvianus in specie, & adhuc magis Balsamus de Capaibe.

Mercurius,

In specie usu externo, ab aliis remediis relicta Ulcera curare solet; quæ enim alia curare nequeunt, hic cicurat. Sufficiat vel præcipitatus communi modo, vel Arcanum Corallinum, quod supra de Salivatione insinuavi; hoc enim ritè paratum, & cum spiritu vini deslagratum, ulcera etiam rebellia, emplastris additum consolidat & curat.

Nempe corrosivum est, & simul malignum illud acidum ulcerum, quod Mercurius absorbet, hinc aliis remediis etiam in parva dosi additis, ut in ulceribus suis Venereæ, cacoethicis, &c. notabiliter ea levat, labia horum sunt rubicunda, loco saniei fuit pus album, & brevi integrum ulcus consolidatur. **ZAPATA**, natione Hispanus, Medicus Italus, in Clave Medicinæ (quod scriptum ex Italica in Germanicam linguam translatus) habet unguentum, quod vocat unguentum *Æsculapii*, & nihil aliud est, quàm butyrum recens non-salatum, cum Mercurio sublimato pauco acuat, quo ipso ulcera cacoethica maxime rebellia sanari & curari putat: Recipit ad Mercurii sublimati ℥j. butyri ℥ss. ad ℥j. Similiter fieri potest cum aliis tale genus remedii, addito Mercurio. Mercurius à Saturno coagulatus, & plus minus malleabilis factus, in externis tumoribus cancris pro cura palliativa impositus, est optimus, inhibendo, ne fermentum latius serpat. Loco hujus etiam sit amalgama Saturni cum Mercurio in usu externo, pro ulcerum rebellium acido corruptivo infringendo. Hinc in **SCHROEDERII Pharmacop. l. 2. cap. 53. nu. 12.** ex communicatione Clossæ prostat Emplastrum, cujus ingrediens est tale amalgama; ad cujus imitationem alia plura possunt facile concinari, in eundem usum Chirurgicum adhibendo.

Arsenicum

Præ aliis in ulceribus plus minus cancris, item in glandularum ulceribus, ordinariò periculosis, optimum est. Crudum adhibere religio est; præparatum tamen optimè usurpatur. Præparatur, si fixatur ad imitationem **VVURZII** in fine Chirurgiæ descriptum cum nitri ana & pauco sulphure, quod fixatum per deliquium fuit in liquorem oleosum: huic instilletur acetum destillatum, & præcipitatur sic pulvis candidus seu *Magisterium Arsenici*, quod aliquoties aqua calida probe edulcoretur, & exsiccatum Unguentis & Emplastris additur. Quod enim antimonialia non præstant in ejus aucta dosi, ab hoc Magisterio, parva licet dosi, expectari potest: Quod etiam jam olim **PARACELSUS** insinuavit, qui Realgar hoc in omnibus ulceribus sanandis præ aliis commendat. Ratio est, quia arsenicum est decompositum quoddam minerale, conflatum ex substantia Mercuriali Metallica soluta, & substantia sulphurea acida solvente, quæ dum invicem coalescunt, in concretum volatile, ponderosum, in se quidem corrosivum abeunt; sed quod nonnihil cicuratum, ratione suæ acrimoniæ corrosivæ quælibet postea, etiam fortissima, ulcerum acida corrigit & cicurat. Compositio hæc per Mechanicam Chymicam patet: nam ex Arsenico, si sulphur ejusdem corrigatur per alcali, obtinetur pars ejusdem metallica ponderosa quasi concretum semi-saturninum.

Pro Therapeuti Combustionum laudatur ceparum succus ob acre alcali, destruens acidum in ambustis aut cum eo dilutus sapo Venetus, aut cancrorum fluvialium succus, ambustis virtute alcalina, acidi colliquescentis partes solidas & nutritium succum destructiva, resistunt. Lixivium etiam calcis vivæ, mixtum cum oleo rosaceo, & illuc juvat.

SECTIO IV.

DE

CAUSARUM MORBIFICARUM CURATIONE GENERALI.

CAusæ morborum materialiter consideratæ sunt vel res naturales, vel nonnaturales, vel præternaturales, de quibus in *Patholog. cap. 3.* Rerum naturalium, quatenus morborum causæ sunt, correctio contingit vel sponte sua à natura secundum ætatum mutationem, vel arte secundum successivam consuetudinem: Natura enim per ætatum decursus totam corporis nostri crasin diversimodè immutat, & eo ipso morbos quoque chronicos, si qui adsunt, plus minus corrigit. Sub ætatum autem mutatione illa est maxime notabilis, qua homo fit aptus ad generandum; scilicet pubertatis tempore ascendit ad summum ætatis vigorem; dum verò deficit generare, incipit senium, & vires fatiscunt, Sub hac autem mutatione mutantur etiam morbi: sicut morbi chronici ex mutata constitutione in infantibus, aut tenerioris ætatis mutantur; ita

ita etiam post generationis aptitudinem vires deficere, cachexiæ & morbi chronici denuò succedere subinde solent. Quod autem natura facit per ætatum mutationem, idem introduxit ars per consuetudinem, quæ successivè corpus alterando fit quasi altera natura; hinc juxta HIPPOCR. *Sect. 1. Aphor. 17. Tempestati anni, regioni, ætati, & consuetudini aliquid concedendum. Consueti solitos labores ferre, etsi fuerint invalidi aut senes, non consuetis, quamvis robustis & juvenibus, facilius ferunt: Vid. Aphor. 49 Sect. 2. Et juxta Aphor. 50. Consuetudo longo tempore, etiamsi deteriora sint, insuetis minus molesta esse solent*; sicut venena consuetudine, potentiis corporis nostri jam alteratis, imbecillia fiunt, ita, ut diutius continuata in cassum tandem adhibeantur; unde non tantum HIPPOCRATES *l. de natura humana Sect. 26. §. 2. consuetudinis rationem habet, sed etiam Aphor. 50. citato ejus observantiam diligenter inculcat.*

Quoad correctionem autem causæ Morbosæ ex rebus non naturalibus ortæ, consistit ea in debito causarum regimine, quod aliàs vocant diætam, cujus doctrina, quatenus ad præservandos morbos & conservandam sanitatem pertinet, *suprà in Hygiastica tractata est*. Sufficiat notasse fundamentum, ne res non-naturales fiant causæ morbificæ, esse, ut per diætam promoveantur digestiones quævis, & excrementa ex materiæ necessitate genita maturè excludantur, atque hinc, ut digestio quædam vitiata per legitimum rerum non-naturalium usum emendetur, ac sordes præternaturales genitæ maturè amendantur; huc enim conspirat omnis diætæ, & regimen rerum non-naturalium.

In alimentis in genere nocet non qualitas, sed ut plurimum Quantitas, quatenus occasione alimentorum superfluum digestio vitiatur, & chylus crudus & corruptus, multorum malorum causa, generantur; ubi enim p. n. cibus copiosior ingestus est, fermentum ventriculi hebetatur, fibræque atque tonus hujus laxantur; quod etiam ostendit Curatio. Conf. HIPPOCRATES *Sect. 2. Aphor. 17.*, & CELSUS *l. 2. cap. 18. GELLIUS l. 2. cap. 1.* Non ergo plus cibi ingerendum, quam appetitus desiderat; In specie autem alimenta eligantur, huic vel isti individuo competentia, tam in statu ægro, quam sano: non enim scripta & dicta Medicorum, sed ipse ventriculus ratione appetitus hoc determinant; hinc ista appetit, quæ potest digerere, quæ, cum digeruntur, optima sunt; sicut quæ aliàs in se essent optima, nisi benè digerantur, hostilia nobis fiunt. Dein etiam corporis motus propterea instituitur, ut promoveantur digestiones & excretiones per alvum, urinam, sudores, &c. præsertim ante pastum, potus autem à pastu inhibetur quia cruditates in primis viis coarcevat. Sudor subinde proficius est, quatenus massæ sanguinæ motum fermentativum & depurationem ejus adjuvat, aut partes solidas mundificat & abstergit.

Res præternaturales fiunt causæ morbosæ imprimis duplici ratione. Primam constituunt digestionum quarumvis, tam publicarum quam privatarum, errata, & hinc nata reliqua fermenta vitiosa, & inde productæ morbosæ sordes, eæque vel non excretæ, sed transmutatæ successivè, vel in aliarum digestionum officinas transmissæ; quæ omnia retenta vocat Helmontius, & hæc seges est fertilissima, unde mille morbi; & quidem qui à fermentis ipsis vitiosis primariò, à productis verò vitiatis superveniunt secundariò: V. g. errore digestionis primæ, quando æger rem quandam nauseat, generatur fermentum febrile tertianarum, à quo febris tanquam causa primaria; cujus producta morbosæ per sudores non ritè discussa, sed tempestiva cura fixata vel suppressa, Tumores scirrhusos hepatis, lienis, icteros, hydropes, &c. supervenire faciunt, à fermento febrili primariò, & producto morbofo secundariò ortos. Altera ratione res præternaturales, quæ causas morbosas constituunt, sunt aliunde suscepta contagia, & Assumpta vitiosa fermentativa, plus minus medicamentosa aut venenosa: Nam quatenus spiritus influos & digestionem turbant, ordinariò etiam producta causarum morbifica relinquunt, quæ copiosam morborum cohortem post se trahunt: V. gr. quatenus contagium in petechiis ab adstantibus facile suscipitur; item fermentum Venereum per contagium proximum hauriendum; fermentum scabiei, quod quis per chirothecam scabiosi indutam contrahere potest.

Pro horum correctione notandum:

1. Fermentorum internè genitorum vitia non nisi per

vitiosos sapes à posteriori esse determinabilia; unde curantur vel Alterantibus generalibus, vel specificis aut appropriatis: illa inus; hæc magis propria sunt. De alterantibus *superiùs dictum, ubi de alterantibus humores in genere*: Specifica verò in *Praxi speciali* evolvenda sunt.

2. Quoad Producta Morbosa secundariò morbos producta, hæc etiam vel Alterantibus sunt attemperanda, vel qua data porta evacuanda. Quæ enim educere oportet, quod maxime vergunt, educenda per loca convenientia: Vid. HIPPOCRATES *Sect. 1. Aph. 21 & Sect. 4. Aphor. 3. nem. l. de salubri Diætæ*, AVICENNA 4. 1. cap. 18 & M. A. N. C. Ann. 4. & 5. *Observat. 148. pag. 172. De utrisque pariter suprà dictum.*

Ver. gr. ponam dysentericum, in cujus cura à posteriori insistimus corrigendo fermento plus minus maligno per remedia appropriata, verb. gr. priapum cervi, ceti, hepar viperarum, semen plantaginis, quæ inde dicuntur specifica; sicut per alia remedia sordibus productis acrioribus corrigendis insistimus, vel per Absorbentia, ut cornu cervi, corallia, hæmatiten, vel per Evacuantia, rhabarbarina, Clysmata, &c.

In cura particulari rarò datum est morborum fermenta à priori corrigere, sed saltem producto morbofo à posteriori generalibus evacuando aut temperando studemus; reliquum, quod superest, naturæ corrigendum committimus. Quoad suscepta extrinsecus fermenta, quæ à priori non nisi appropriatis alterantibus corrigenda, sicut non ubique hoc concessum est à priori, cum non nisi per specifica possint evacuari, hinc à posteriori tantum productis morbofis corrigendis, post evacuandis, insistimus. Prius Medium docet Praxis specialis; posterius, quod evacuantia & corrigentia generalia, supra quoque explicavimus: Ver. gr. fermenti maligni in lue venerea aliunde hausti proprium Alexipharmacum est in Mercurio, quod fermentum illud in specie corrigit; ut salivatio superveniens, utilis & noxii simul evacuatoria, accidentaria: Hæc est cura à priori per fermenti contagiosi correctionem. E contrario à posteriori productum viscidum acidum evacuando corrigimus per decocta lignorum sudorifera, vel per diætam sic dictam sudoriferam; sic enim morbosæ illæ sordes unà cum materiali inhærente fermento morbofo eliminantur. Quod hæc cura à posteriori fiat, patet, quod in aliis etiam morbis Chronicis. ver. gr. malo ischiadico, in doloribus arthriticis diuturnis, &c. locum quoque habeat, ut hinc salivatio seu cura per mercurium non propriè dicata sit lue venereæ. Par ratio est, quando Galli curant Gonorrhœam malignam, frequens ipsis malum, per emulsiones largissima dosi propinatas, ex seminibus cucurbitæ, cucumeris &c. dicunt enim, adesse dolorem renum, æstum genitalium &c. & sic per frigida acrem istam lympham evacuari, & cum ea successivè fermentum istud eliminantia, corrigunt hoc fermentum tantum, sed melius facerent, si à priori per Balsamum de capibe vel essentiam ligni guajaci hoc agerent; sic enim à priori corrigerent fermentum & à posteriori productum morbosum per renes amandarent.

Pergo ad Indicationem symptomaticam, quæ agit, quomodo occurrere debeamus symptomatibus urgentibus.

SECTIO V.

DE

SYMPTOMATUM URGENTIUM REMOTIONE GENERALI.

A Bordinaria in morbis medendi methodo in causarum ablatione & morbi sedatione non rarò derivare non nihil Medicus necesse habet, dum scilicet symptomata subinde contingunt adeò atrocia, ut istis relictis speciatim his succurrere necesse sit; si scilicet ex eorum violentia & continuatione ægris vitæ quoddam periculum, vel mediata vel immediate immineat, ob nimiam virium ab his prostrationem, quæ symptomata tunc urgentia dicuntur. Horum cura est vel specialis vel generalis. Specialis ver. gr. dolor atrocior in podagra; vigiliæ, deliria, fluxus alvi, vomitus, hæmorrhagiæ, lipothymia, convulsiones, &c. in febre maligna; sitis clamorosa in causo; spasmus in affectibus nephriticis, &c. Hæc omnia habent specialem curam,

ram, cuique affectui, quorum symptomata hæc sunt, determinatam: Vid. MOEBII *Institut. pag. 561. seq.* SENERTUS p. 1280. Habent enim omnia appropriata sua remedia, mediantibus quibus is optime mederi possumus.

In his autem curandis legitima Indicatione opus est Medico, secundum ductum naturæ; an symptomata contingant motu Critico? an verò symptomatice? Symptomata enim quædam sunt reverà; quædam tantum apparenter talia: Revera talia sunt, quæ in principio & incremento morborum urgent: Apparenter verò talia, quæ in statu morborum acutorum plus minus critica sunt. Si contingunt motu critico, relinquenda sunt, & non curanda, aut saltem nimia vehementia compescenda; totum enim negotium curæ in crisi naturæ committendum est, quæ non est turbanda. Si contingunt motu symptomatice, plus minus mitigentur, aut, si possibile, sine noxa auferantur.

Curantur vel Universalibus, omnia symptomata tollentibus, vel particularibus, in specie iis dicatis. Speciali-

ter ver. gr. curamus vomitum per cydoniata & acida blanda; Convulsionem curamus nunc per salia volatilia, nunc per sulphura metallica; Diarrhoeam & dysenteriam, & Hæmorrhagias, curamus per absorbentia & adstringentia cum terra sigillata acidis juncta. Quoad curam autem generalem, symptomatibus omnibus, paucissimis exceptis, in genere magnum sibi hic vendicat jus opium, quatenus omnia urgentia symptomata immediate à spiritu im-petu, & sic modificando motum reliquorum contentorum, tam intestinale quam localem, mitigat (& quod adhuc opio longè præferendum est, sulphur in vitriolo Veneris Anodynum) adeo ut nullum ferè sit urgens symptoma, præter comatosam, & lipothymiam, & quidem hoc saltem in quibusdam casibus, quod non leniatur ab opii salutari facultate. Nam & universaliora remedia ex sulphuribus metallicis haurienda, secundum ademptos non nisi certa vi anodyna operari videntur. Neque tamen Anodyna, & imprimis opiata, sola, sed semper cum appropriatis symptomatis istis dicatis sociata dentur, aut saltem remediis jungantur, quæ causas symptomatum corrigunt.

MICHAELIS ETTMULLERI.

Philosophiæ & Medicinæ Doctoris, Professoris publici
Lipsiensis, ac Facultat. Medicin. Adsefforis,

COLLEGIUM CHYMICUM,

habitum Anno 1671.

P R O O E M I U M.

Chymiam in Compendio tractaturus, nolo inhæ-
rere communi Scriptorum Methodo, qui certa
Chymicæ Tyrocinia ordine scholastico pertracta-
runt, quia in quibusdam subinde incongrua,
imò superflua, continentur; sed saltem ea tra-
dam, quæ pro fundamento Chymicæ sufficiunt Medico,
quibus ceu filo Ariadnæ ducimur ad perfectam ac intimam
cognitionem corporum naturalium. Cum autem prima-
rium locum salia sibi vindicent, ideo jam, bono cum Deo,
pro occasione spiritus salis armoniaci, heri demonstrati,
primo loco sistam doctrinam salium, ubi primò de *Princi-
piis Chymicis in genere quædam præmiserim*.

LECTIO I.

PRINCIPIA SALINA VETERUM.

THEOPHRASTUS PARACELSUS, superioribus
jam seculis quinque introduxit corporum naturalium
principia, eaque distinguit in *Activa* & *Passiva*: *Activa* no-
minavit *Sal, Sulphur & Mercurium*; *passivorum* nomine in-
signivit *Phlegma & Caput mortuum*. Per Caput mortuum aliàs,
proprie tamen loquendo, nihil aliud intelligitur, quam
omne istud Residuum, quod post virium & principiorum
extractionem remanet; communissime tamen remanen-
tiam vitrioli significat. Hæc Principia Passiva Paracelsi,
Phlegma scilicet & Caput mortuum, tandem dicuntur ei-
dem REROLLÆA, i. e. viribus insignibus destituta;
quia omnia activa virtute spoliata sunt: sic quoque inveni-
mus hoc vocabulum Rerollæum usurpatum de Aere &
Aqua apud HELMONTIUM *Tract. Natura Contrar.*
Nescia, & alibi.

Hæc Principia activa, *Sal, Sulphur, & Mercurius*, utut
frequentissime omnium apud PARACELSUM reperian-
tur, eorum tamen non existit primus primariusque Au-
tor, utpote qui ex se fuit indoctus, acuratioremque Phi-
losophiam neglexit, sed à BASILIO VALENTINO,
tum temporis Chymico non contemnendo, mutuò accepit;
& cum jam dictus BASILIUS VALENTINUS in Me-
tallurgicis probè fuisset versatus, statuissetque, omnia me-

talla constare spiritu, anima, & corpore, ea postmodum
explicuit, per spiritum Mercurium, per animam Sulphur,
per corpus Sal esse intelligendum: Sic quoque ab ISAACO
HOLLANDO & ARNOLDO VILLANOVO, ut & RAYMUNDO LULLIO, non pauca subtraxit,
eque suppresso veri Autoris nomine, sua fecit. Sed cum
jam multi multa de his Principiis, alii tamen sic, alii ali-
ter de iisdem sentientes, scripserint (nam per Mercurium
Veteres non intellexerunt Mercurium, quem dicunt vi-
vum & vulgarem; nec per sulphur, crudum istud nativum
sulphur) ideo non abs re facturi, si paulò accuratius adspi-
ciamus Principiorum Chymicorum naturam.

LECTIO II.

PRINCIPIA SALINA MODERNORUM.

Per sal hoc loco nihil aliud intelligitur, quam tales par-
ticulæ materiales, quæ facillimæ sunt solutionis in
aqua, & sæpius linguam afficiendo gustus passionem in-
ferunt. Hæ particulæ magne sunt considerationis, quia ex
his, ceu principiis materialibus, corpora sunt naturalia
maximæ efficacæ. Jam, cum latissimum sit salium regi-
men, ante tot secula divino illi COO jam cognitum, qui
eadem salia sub saporum nomine, ceu cuilibet notum,
vendidit; hoc loco dicemus, Sal in genere esse duplex.
Universale & Particulare. *Universale* est illud, quod in pri-
ma creaturarum productione per hoc universum mundi sy-
stema dispersum, vulgariter audit *spiritus mundi*: qui, dum
in aere volitat, à quibusdam *avicula Hermetis* dicitur; in
terræ visceribus dum latitat, pro vegetandis tam variis ve-
getabilium speciebus, vocatur *sal terræ centrale*. De hoc
mundi spiritu intelligenda venit secundum nonnullos *Tabu-
la illa HERMETIS Smaragdina*, ita sonans: *Verum si-
ne mendacio certum, & verissimum: Quod est inferius, est sicut
id, quod est superius, & vice versa, ad perpetrandum miracu-
lum rei uniuscujusque: Et sicut res omnes fuerunt ab uno, media-
tione unius, sic omnes res nate ab hac re, ad operationem: Pater
ejus est Sol, mater ejus Luna; portavit illud ventus in ventre
suo; Nutrix ejus terra, Pater omnis Telestini totius mundi est
hic;*

hic: Vis ejus integra est, si versa fuerit in terram: separabis terram ab igne, subtile a spisso; suaviter cum magno ingenio: Adscendit autem terra ad cælum, iterumque descendit in terram, & recipit vim superiorum & inferiorum. Vid. NOLLII *Physica Hermet.* pag. 701. Ab hoc sale universali in diversis matricibus generantur salia particularia, de quibus hic paulò accuratius disquirendum.

Salia particularia in genere sunt duplicis generis, vel sunt *acida*, vel sunt *alkalia seu urinosa*; & ex his duobus mutua conjunctione tertium compositum, scilicet *sal salsum* emergit, neutrum ex istis, de utroque tamen participans: sic v. gr. *spiritus vitrioli est sal acidum, sal tartari est sal urinosum*; ex quibus invicem conjunctis *sal tertium salsum* exorietur.

Notandum autem, quod nomine salis non semper intelligenda sint salia in forma salis sicca: duplex enim est status salium; nunc enim sunt *resoluta, nunc coagulata*: Resolutorum nomine veniunt spiritus; per coagulata autem intelliguntur salia in forma sicca.

LECTIO III.

SALIA ACIDA.

Paulò superius divisi salia particularia in *urinosa & acida*. *Acida salia* in omnibus tribus regnis reperire facillimum est. Primò quidem in regno minerali multa acida dantur, veluti videmus, & cuilibet mineralia & metalla exactius examinanti manifestum est. Ante reliqua acidum sulphuris eminet, utpote ex quo reliqua mineralia suum habent acorem; Nam à sulphuris acido vitriolum suum habet acorem; ab hoc spiritu sulphuris acido suos deducit natales (quod acorem) alumen, sal commune, &c. Inter metalla aurum suam aciditatem ab acido (sulphuris adeptam habet, cujus aciditas hoc modo probatur: *Auro liquefacto seu fusò, si extremitas bacilli immittatur ferrei, ferrum in momento vertitur in scoriam seu rubiginem, non aliter, ac si cum sulphure accenso concrementum esset*: Conf. TACHENII *Clavis Medic. Hypocraticæ*. In Marte tam copiosum est acidum, ut in aere resolutus humido, suum proprium corpus corrodatur in rubiginem, quæ Chymicis dicitur *Crocus Martis*. In Venere consimiliter copiosum adest acidum; nam per humectationem, internum acidum resolventem, spontè excrevit virideæris, seu *crocus viridis subtilis*, factus per proprium acidum corrosivum.

Regnum vegetabile quod attinet, nec hic sua vegetabilia destituuntur aciditate: Nam in fructu mutatione natura procedit ab acido austero ad saporem subdulcem succedentem, tandem ultimo maturationis tempore ad saporem dulcissimum. Sic quoque vegetabilium acidum testantur varia aceta, ex fructibus mediante fermentatione producta: ut nihil jam moneam de jis, quæ naturaliter tota sunt acida, v. g. ribes, berberes, &c. sed urgeo tantum, quoscunque ferè vegetabilium succos beneficio fermentationis acetosum nobis exhibere liquorem. Sic succus uvarum dulcis, pomorum, pyrorum, &c. ante maturitatem acidus seu austerus observatur, propter insufficientem fermentationem; ulteriori autem & concitatiore fermentatione dulcis quidem fit, sed tandem dat acetum: quin & saccharum, sal illud omnium dulcissimum, si destilletur in arena, dabit spiritum acidissimum. Quod etiam semina vegetabilium dent acidum, clarum certumque reddit panis ex seminibus confectus; sic enim moderato igne fundit spiritum acidum volatilem, brevi tempore, absque Vulcani adjumento, & Veneris & Martis tincturas extrahentem, & corallia & hæmatitem solventem, & in nonnulla corpora mineralia potentius ferè agentem ipsa aqua forti. Huc merito referendum acetum ex cerevisia, aliisque quibuscunque ex infusionis oriundum: omnis enim planta decocta in aqua simplici, & in loco calido vel ad solem posita, acescit. In omni ligno latitat acidum: quodcunque enim lignum si destilletur, acidiusculum inde suggeret spiritum, qualis est spiritus ligni juniperini, sassafras, &c. Imò ipsa fuligo, si destilletur per retortam, spiritum acidum præbet subtilem, & sal volatile copiosum satis.

In animali regno pauca sunt acidorum vestigia, quia sunt acida occulta, & sub tegmine oleosi corporis seu sulphuris latent; hinc ex omnibus salibus urinosi cum pinguedine, ratione occulti acidi, conficitur sapo: Vid. TACHENII *Hippocrates Chymicus*. Quare omnia oleosa, ex animalium partibus deprompta, solvent acidum concentra-

tum, quæ cum urinosi si conjungantur, dant tertium salsum. Interim formicæ acidissimum fundunt spiritum, qui pristina sua aciditate à subjectis ab eo corrosis abstrahitur: imò jamdum BRUNSFELD, BAHUINUS, & TRAGUS observarunt, quod flores cichorii, cumulo formicarum immersi, colorem suum ceruleum cum rubro mutant. De acido stomachi secundum naturam, non est, quod dicam multa, cum de ejus presentia vix ullus dubitet. Rejecta quoque præternaturalia ex ventriculo suam sepe produnt aciditatem, pelvium ænearum substantiam corrodendo; ut taceam de ulcerum acido corrosivo, quod ipsa quoque ossa subinde corrodendo in cariem vertit. De urina animalium, quæ falsa, alibi dicemus.

Hæc fuere acida:

Hoc adhuc notetur, quod ubicunque dentur acida, ibi etiam sint urinosa: ita tamen, ut modò dominetur acidum, subjugato urinoso; modò urinosum imperii fasces teneat, suppresso acido.

LECTIO IV.

Videamus jam breviter.

SALIA URINOSA.

Quæ ita appellantur, quod referantur urinae saporem degustanti, Hæc duplicia autem sunt; Volatilia, ac Fixa.

Salia volatilia sunt, quæ aut spontè exhalant, aut levi calore in auras elevata evolant, imò vix in vasis, licet probe munita sint, conservari possunt: tale quid est spiritus salis ammoniaci.

Salia verò fixa sunt, quæ in ignis examine non avolant, sed illum cum constantia sustinent: talia sunt omnia cinerica, seu ex cineribus elicita, ver. gr. sal tartari, sal absinthii, fumarie, centaurei minoris, &c.

Hos terminos (Volatile & Fixum) quidam explicare conantur per leve & grave: sed qualitatibus his sine subiecto relictis, eorum rationem à rebus ipsis desumendam puto.

Sal volatile imprimis in regno animali & vegetabili sui copiam facit, rarissimè (utut multi valdè opere conitantur) in regno minerali comparatur: Salia volatilia omnium frequentissima sunt in regno animali; quælibet enim pars, etiam abjectissima, ver. gr. stercus, urina, pili, sudor, cornua, imò aves & pisces, per distillationem copiosum reddunt sal volatile, relicto in capite mortuo aut nullo prorsus, aut paucissimo sale fixo: Vid. ZWELFFERUS in *Animadvers. in Pharmacop. Augustan.* pag. 274. 277. & *Pharmacop. Reg.* pag. 221. & 226 ut dubitem, ut ex integro homine calcinato 3i. salis fixi haberi queat. Salia hæc in animalibus volatilantur partim per digestionem fermentativas, partim verò per continuam aeris inspirationem.

Ast non solum regnum animale hac laude clarere, verum etiam è vegetabilium regno provenire salia urinosa, supra dixi; eaque aciora, e. gr. in aromatica, cepaceorum familia, nasturtio, piperitide, & similibus antiscorbuticis & hypochondriacis. Quædam autem habent talia salia volatilia temperata ab adjuncto oleoso, qualia sunt aromatico odore prædita, mentha scilicet, salvia, rosmarinus, omniaque aromata, quæ constant sale volatili urinoso, ab oleo temperato: Quædam vegetabilia obtinent salia volatilia occultata, qualia sunt Vulneraria, quæ ut plurimum insipida deprehenduntur; quorum tamen sal ab effectu nobis manifestum evadit, quod revivificet Mercurium sublimatum vel Mercurium præcipitatum. Transformatur enim Mercurius in varias formas, beneficio salium acidorum; qui si misceatur cum herbarum vulnerariorum succis ad ebullitionem, acidum istud, Mercurium in varias formas vertens, ab alcali vulnerariorum plantarum absorbetur; quo destructo, Mercurius pristinae suæ libertati restituitur. Verum utut hæc etiam manifesta sint, sunt tamen quidam, qui dubitant de horum vegetabilium salibus volatilibus, inter quos etiam est ZWELFFERUS in *Pharmacop. Reg.* pag. 215. & 216. & MOEBIUS *Fundament. Medic. cap. 10. pag. 190.* dicuntque, non dari in iis sal volatile simplex, nec arte elici posse. Hos tamen sensus ipsi evincunt: Conf. SCHROECKII *Animadvers. in ZWELFFERUM* pag. 525. & 526. Videmus namque, quod ex fuligine sal volatile urinosum, sicut ex absinthio urinosorum sal volatile acquirant quidam; de quo-

quo vid. HORSTIUS. Alio modo ex absinthio exsiccatum, retortæ indito, aut quod præstat, furno pressorio GLAUBERIANO indito, ac incluso, elicitur & spiritus & sal volatile urinosum copiosum subtilissimum. Sic ex vegetabilibus putrefactis non fermentatis (nam ex plantis fermentatis accipitur spiritus ardens instar spiritus vini) elicitur spiritus urinosus; imò ex salvia, nicotiana, &c. mox in prima destillatione sal volatile in forma sicca collo retortæ & recipienti adhærescit: maxima salis volatilis copia ex seminibus, e. g. *fraxini*, *rutæ* &c. igne arenæ destillatur, parientibus recipientis adhærescens cum oleo penetrantissimo. Ex pane per destillationem comparatur spiritus ardens, & si rectè procedatur sal volatile elegantissimum; ut nihil dicam de tartaro, ex vegetabilibus oriundo, ex quo sublimatur sal volatile maximæ efficacæ in specie si ex fecibus vini eliciatur: Vid. LUDOVICI, & WEDELIUS de sale volatili tartari & plantarum item Dn. D. BOHN in Exercit. Physiol. 7. de Sanguine, in Corollariis, ubi ex frumentis & pipere sal volatile copiosissimum & penetrantissimum prodire testatur.

De sale volatili in regno minerali testatur terra nitrosa, nitrum ipsum, quod probè depuratum, & cum nitro fixo mistum odorem urinosum, fortiter nares ferientem, spirat: sicut & argilla per retortam destillata liquorem urinosum fundit.

Pergo ad salia fixa, quæ producuntur ex vegetabilium cineribus, & reperiuntur imprimis in regno vegetabili, nam in animali regno talia sunt vel nulla vel pauca. In minerali prostant paucissima, scilicet sal nitri fixum, & quæ mediantibus spiritibus acidis ex metallis producuntur sunt nil aliud, quam vitriola, constantia corpore metallico, cum spiritu acido corroso & crystallisato; quæ igne fortiori iterum separari & reduci possunt. In vegetabili regno sunt, veluti dictum, exempli loco sal fumaræ, absinthii, rutæ, cardui benedicti, ononidis, &c. Hæc salia fixa vegetabilium non sunt nativa, qualia fuere acida in regno minerali; aut volatilia urinosa: seu talia fixa salia vegetabilium non reperiuntur in concretis naturalibus, sed sunt artificialia, & fiunt ab ignis regimine, ex colliquatione & unioni acidis & urinosi volatilii in planta, ita, ut clarior horum generandi modus sit hic: Sub concrematione plantæ, dum colliquescent particule concreti, sal plantæ volatile partim inter avolandum arripit partem sulphuris concreti, cum eodem se unit & figitur in alcali, partim quando colliquantis sulphuris amplexus aufugit, abit in auras, & constituit fuliginis corpus. Hinc est, quod vegetabilia, quò magis oleosa, copiosa dent salia fixa, è contra oleis per destillationem separatis longè minorem copiam. Modus, quo fiant ex lignis copiosiora salia fixa, seu cineres clavellati, sequitur: Lignum pini crematur clauso vase aut loco, volatile sulphur ejus arripit, & fixantur in alcali artificiale compositum sin verò cremetur in acre libero, paucos dabit cineres, & per consequens paucissimum sal fixum; flamma enim libera & aperta salia volatilia propter celerrimum hujus motum, nimium dissipantur. Lenissimo ergò, quantum fieri potest, igne incineratio fiat: hac ratione quadruplum salis fixi acquiritur, quam ex plantis exsiccatæ & fortiori igne. Sic ligna putrida, fortissimo quamvis urgeamus igne, nullum dant sal fixum, quia in putredine omne sal volatile cum sulphure abcessit; hinc plantæ scorbuticæ acres, e. g. cochlearia, &c. quorum sal volatile adeò liberum est, parum; vegetabilia autem viridia non exsiccata multum salis fixi præbent, quia per exsiccationem maxima pars salis volatilii, avolat. Vegetabilia verò multa habent salia fixa, imprimis horum generationem ostendit sal nitri fixum: si nitrum solum cremetur igne, abit in auras; sin verò addatur parum sulphuris, relinquitur perfectum sal nitri fixum, eoque copiosius, quò plus sulphuris additur. Fundamentum fixationis videbitis apud HELMONTIUM in Tract. Blas Humanum, & TACHENIUM Hippocr. Chymico.

Hæc salia fixa dicuntur salia lixivialia, quoniam instar lixivii velex lixivio extrahuntur: Alio nomine, & quidem Arabibus, dicuntur AlKalia, à Kali, herba Ægyptiaca, crescente secundum nitrosum flumen Nilum, sapore nitroso, quæ à veteribus Ægyptiis fuit concremata, & ex eadem copiosum elicitum fuit sal fixum, quod Ægyptii dixerent Kali, & præposito Articulo Al, ortum est AlKali, das Kali. Hæc herba hodiernum reperitur apud Seburgum, & est species sedi. Hoc latius fuit extensum ad omnia salia vegetabilium: sed cum observatum esset, quod, tam volatilia quam fixa AlKalia essent contraria acidis, factum est, ut

latiori adhuc sensu omnia salia, quæ contraria sint acidis, seu urinosa, tam volatilia quam fixa, dicta sint AlKalia. Unde vocabulo AlKali imposterum semper utemur pro omni sale urinoso, tam volatili quam fixo.

LECTIO V.

SAL SALSUM.

PRædicta salia, acidum nimirum & alcali, dum invicem congregiantur, sal compositum tertium, nimirum falsum constituunt, quod nempe est acidum, nec urinosum, sed, uti dictum, compositum ex sale alcali & acido, falsum appellatum. Hæc est genuina salis falsi natura, ut scilicet participet de duplici sale. Sed ZWELFFERUS usurpat sal falsum sæpius pro sale urinoso; quod tamen falsum; unde cautè legenda ejus sunt scripta. Hæc in genere.

Salsa, juxta naturam alcalium, quæ cum acidis combinantur, sunt vel salsa volatilia, vel salsa fixa. Salsum volatile est, quando cum acido se unit alcali volatile; & tale est, quod in ignis tortura evanescit, e. g. sal ammoniacum. Hoc sal ammoniacum, uti post dicemus, constat ex sale alcali volatili urinæ, & ex acido salis communis: Et hoc acidum, quia concurrit cum urinoso, fit falsum. Salsum fixum est, quando cum acido sese conjungit alcali fixum, v. g. spiritus vitrioli & sal tartari. Hæc salsa sunt naturæ hermaphrodicæ, seu participant de utroque, de acido & urinoso, ita tamen, ut acidum destruat alcali & regnet, aut alcali subjuget acidum, imperiumque gerat, unde ex amborum concursu fit tertium falsum, compositum ex his neutrum, de utroque tamen participans. Quamvis autem videamus, quod Acida cum urinosis se sine effervescencia non commisceant, nihilominus salsa sine ulla pugna atque activitate cum urinosis & acidis sese maritant. Pugnam illam seu effervescenciam observabitis, si spiritus vitrioli acidus sal tartari, tanquam lixivioso, affundatur; illi enim magno cum strepitu effervescunt, & uniuntur tandem in sal falsum, quod vocatur tartarus vitriolatus, saporis vix sensibilis, vel parum amaricantis.

LECTIO VI.

Dictum fuit superius, quod

SAL AMMONIACUM

Sic sal falsum, sed sal falsum volatile: Nostrum quidem sal Ammoniacum non est idem cum sale Ammoniaco Veterum; hoc enim fuit nativum, nostrum verò artificiale est. Veterum fuit enatum sub arena in Regione Lybiæ juxta Ammonis Oraculum, unde etiam nomen sortitur. Ibidem loci fertur, in more fuisse Mercatoribus sub camellis iter suscipere; unde cum urina camellorum confermentata terra produxit sal Ammoniacum nativum veterum. Nostrum sal ammoniacum constat ex sale communi, qui dissolvitur in magna copia urinæ humanæ, vel urinæ camellorum, aut aliorum animalium, addita pauca fuligine (ut sit centesima præter propter totius portio:) hæc forti igne coquuntur ad certam consistentiam, postmodum in loco frigido concrevit sal quoddam candescens, quod dicitur sal Ammoniacum.

Compositionis seu Generationis modus est hic: Sal volatile urinæ & fuliginis sub coctione ista, dum evaporat phlegma (nam post phlegma debet ascendere sal volatile) se conjungit cum acido salis communis, & ambo concrevunt in falsam falsam, quæ dicitur sal Ammoniacum, & est sal falsum volatile, natum ex sale volatili urinæ, & acido salis communis.

Usus salis Ammoniaci est duplex: vel est Medicus, vel Alchymisticus. Quod attinet usum Medicum, est stomachicum singulare, tergens sordes stomacho adherentes, unde in præparat. si conjungatur cum aromatibus, cinnamomo, pipere, speciebus diatrion pipereon, vel cubebis, vix datur melius stomachicum hoc ipso. Deinde quoque est Antifebrile nobilissimum in febribus intermittens, si præmissis præmittendis, in specie vomitu per horam unam ante paroxysmum exhibetur à gr. xv. ad ðj. mitigat febres quartanas; & melior expectandus est successus, si misceatur cum lapillis cancerum: v. g.

24. *Sal ammoniaci depur.* gr. xv. ad ℥j.

Lapill. cancrorum præp. gr. viij. ad ℥ss.

M. f. Pulvis.

Detur ante paroxysmum: Rarò bis assumitur, nisi febris altas egerit radices, quin cesset.

Aliàs quoque potens est *Diureticum cum lapillis cancrorum* assumptum, præcavetque calculi proventum, abstergendo renum tubulos: Unde in *ischuria*, tam à sanguine congruato, quam ab alia causa quacunque, egregium præstat effectum.

Præparatur pro usu medico depurando tantum. *Depuratur* autem hoc modo: solvitur in aqua simplici, filtratur, & post tenuissimi phlegmatis exhalationem in loco frigido concrevit in stria saliniformes.

Sal Ammoniacum solutum in aqua simplici, vel solum *sublimatur in flores*, vel, ut quidam volunt, *sublimatur cum limatura Martis*; tunc enim in igne acidum salis ammoniaci rodit Martem, & vitrolum constituit cum eo; sal volatile verò vel urinosum avolat in auras: fortiori tamen igne adscendunt flores salini, sed Martiales longè posteriores, non quidem contemnendi, sed multum diversi ab ipso ammoniaco.

Usus *Alchymisticus* salis Ammoniaci est pro volatilisatione sulphurum fixorum, metallorum & mineralium. Docet hoc **BASILIVS VALENTINVS**, cujus verba latine versata sunt: *Sal ammoniacum non est minima clavis referendi metalla, qua propter etiam à veteribus comparatur Aquilæ volanti. Potest euebre colores & tinturas mineralium & quorundam metallorum, & pennis suis velocibus ferre usque ad montes hyperboreos.* Unde etiam vocatur *aquila alba, aquila cælestis*, quia beneficio ammoniaci salis facile res possunt sublimari, & ab eo instar aquilæ in altum evehi. Sic lapis hæmatites, qui est naturæ Martialis & Saturninæ, si probè subigitur cum sale ammoniaco, ambo adscendunt in flores rubeos, in usu Medico excellentes; in specie in omnibus febribus conveniunt: simul quoque adscendit spiritus salis ammoniaci. Sic sublimationem solis cum sale ammoniaco docet **ZVVELFERVS** in *Mantissa Hermetica*, qui videatur. Corallia, quorum sulphur aliàs fortiter mistum est cum suo concreto, nihilominus tamen cum sale Ammoniaco sublimantur in flores rubeos, subinde nova sublimatione magis fortificandos, ex quibus postea tintura elegans confici potest. Sic quibuldam singulare artificium est, dum caput mortuum vitrioli Veneris probè calcinatum, & exactè edulcoratum, miscent cum sale Ammoniaco, & sublimant in flores coloris aurantiorum; sub quibus multa latent, in specie virtus blanda hypnotica in iis reperitur. Imò non absimili modo **MARCUS MARCI** sublimavit vitriolum pro lapide Butleri **HELMONTII**. Hæc in aurem dicta sunt.

Ut autem *separatio acidi ab urinoso volatili in sale Ammoniaco fiat*, quid faciendum? Resp. *Addantur salia alcalia*, ver. gr. sal tartari, sal cinerum clavellatorum, aut calx viva: sic enim fit, ut hoc sal alcali fixum jungat se cum acido salis communis, in sale ammoniaco contenti, sal volatile contentum se extricat ex compedibus, & in naturali forma adscendit, vel in forma florum, vel in forma spiritus: Sal tartari enim vel cinerum clavellatorum in fundo cucurbitæ sali communi, à sale ammoniaco relicto, junctum remanet, ita ut spiritus salis ammoniaci de sale fixo addito nil participet; sed si ignis ultimò fortius augeatur, notabilis salis ammoniaci portio in flores elevatur. Modi describuntur à **GLAUBERO** *Furnor Philosoph. Tom. 2. cap. 87.* **ZVVELFFERO** in *Append. ad Phar. Augustan. pag. 53.* & **SCHROEDERO** in *Pharmac. lib. 3. pag. 482.*

Quare autem acidum salis Ammoniaci libentiùs se conjungit cum alcali fixo, & salsum volatile dimittit in liberum aerem? Resp. quod fixa fixis libentiùs sese maritent, natura illorum ita jubente. Præterea quoque alia subjecta, præter alcalia, junguntur acido, in specie salis ammoniaci, v. g. limatura martis, minium, & à **GLAUBERO** l. a. cap. 86. lapis caminaris & marcasita: idque, quia hæc corpora metallica inondum saturata absorbent acidum salis ammoniaci, & ejus sal volatile liberæ relinquunt voluntati, ut vel in forma salis, vel spiritus urinosi assurgat. Notetur, quod spiritus salis ammoniaci cum sale tartari, cineribus clavellatis, vel aliis alcalibus fixis destillatus, sit salsus volatilis, & acido constet, quia coagulat se in flores siccos, & cum spiritu vini in offam albam condensatur, sicut spiritus urine cum spiritu vini; cum calce viva autem destillatus est penetrantissimus, nunquam coagulatur, & semper fluidus existit.

Ordinariè spiritus salis ammoniaci est coloris albi, facile

tamen ipsi potest conciliari color aureus cum sulphure communi, si

24. *Salis ammoniaci*

Sulphuris comm. an. ℥v.

Calcis vivæ ℥ss.

Hæc pulverisata misceantur, & destillantur & per retortam, prodit spiritus caloris aurei, tintura sulphuris quibusdam dictus, odoris færidi ratione sulphuris; in collo retortæ simul adhærescent flores sulphuris albicantes.

Sed notandum, quod *Alcalia volatilia*, ubi inveniunt subjecta sulphurea, ex utrorumque conjunctione oriatur color ruber, unde quis rationem rubedinis in sanguine facile reperiet.

Porro spiritus salis ammoniaci excellens est *Sudoriferum*, quia penetrat fortiter corporis intima. Dosis ejus, prout fortis vel debilis, erit à guttis XXX. XL. ad L. habita ratione subjecti; & eo ipso, dum est sal volatile, destruit omnia acida superflua in corpore, & transmutat in salsa, quæ partim per sudorem, partim per urinam evacuantur: Hinc egregium est *nephriticum*, & præcavet calculum, sua penetratione resolvit massam sanguineam, eamque fluidam reddit ac tenuem, unde in quibuscunque inflammationibus, v. g. in erysipellate, pleuritide, ubi acidum vitiosum sanguinem coagulans dat inflammationes, egregium est remedium, destruens acidum, & resolvens coagulatum sanguinem. Id quod confirmat experientia; si enim cani spiritus salis ammoniaci injiciatur in venam, sanguis fluidus evadit.

Dictum, quod *sal ammoniacum sit optimum febrifugum*, & hoc à sale volatili obtinet: & verum est, quod si hoc & ejus spiritus in febribus, præsertim intermittentibus, simplicibus & scorbuticis, sive adsit æstus sive frigus, per horam unam & alteram ante paroxysmum à ℥ss. ad ℥j. tempestivè, præmisso vomitu, adhibeatur, infallibile existat remedium, cujus usu febris octava curata est: Unde etiam **Dr. D. MICHAELIS** spiritum salis ammoniaci in genere vocavit spiritum antifebrilem & antiquartium. Omnia enim symptomata, in curso febrium intermittentium urgentia, beneficio hujus spiritus, nunc simplicis nunc oleosii, maturè tolluntur & compescuntur.

In *cardialgia flatulenta anxietatibus præcordiorum*, & ipsa suffocatione hypocondriaca & uterina, & in paroxysmo non tantum naribus admotus (sic quidem potentius excitat, quam ex castoreo aut pennis incensis petita remedia) sed etiam internè in aqua melissæ, pulegii &c. exhibitus, optimum est medicamentum, per sudorem causam eliminans morbosam. In cæliaca, ubi obstructus est folliculus felleus seu ductus choledochus, in Colica convulsiva, &c. est optimum remedium, nec non catarrho suffocativo vitæ nervorum, lipothymia subitanea &c. in paroxysmo. In affectibus Chronicis, scorbuto, malo hypocondriaco, & in splenicis, aut in genere in iis affectibus chronicis, vulgò ab obstructionibus derivatis, egregium hic spiritus præstat effectum, si permisceatur cum spiritibus volatilibus appropriatis; v. g. in scorbuto cum spiritu cochleariæ; in mensiam obstructionibus cum castoreatis & myrrhatibus tam in forma sicca quam liquida, tam externè quam internè non solum dolores podagricos lenit, destruendo acidum. Podagricorum juxta articulos residens, si misceatur cum spiritu vini camphorato, ita, ut sumatur dupla pars spiritus vini camphorati, & una pars spiritus salis ammoniaci; & applicetur; sed etiam hic spiritus salis ammoniaci artificiosè à **GLAUBERO** per certum instrumentum in mensum obstructionibus fæminis cum successu adhibetur.

Spiritus salis ammoniaci si conjungatur ritè cum spiritu vini, quod est artificium (nam si spiritus vini misceatur cum spiritu salis ammoniaci, se coagulat in massam quandam, seu ut **HELMONTIUS** dicit, in offam crassam) Qui ergò ritè conjungere noverit, habebit menstruum egregium pro myrrha extrahenda, item pro Elixire proprietatis sine acido, fæminis destinato: Hoc etiam modo parari potest spiritus salis ammoniaci anisatus, qui in Colica convulsiva, passione hysterica, malo hypocondriaco, suffocatione hypocondriaca & singultu, specificè convenit: Eadem mistura (scilicet spiritus vini cum spiritu salis ammoniaci mistus) solvit terram foliatam tartari in essentiam auream, optimam in malo hypocondriaco, teste **ZVVELFFERO**: Hæc mixtura, limaturæ Martis affusa, dat essentiam Martis optimam in morbis Chronicis.

Caput mortuum spiritus salis ammoniaci si solvatur in aqua calida, filtretur & coaguletur, dat sal salsum, optimum digestivum, in virtute tamen varians pro ratione eorum, cum quibus sal ammoniacum junctum destillatur. Sic v. g. si sal ammoniacum cum

cum cineribus clavellatis junctū destilletur, ejus caput mortuum dabit sal, qui optimum digestivum est in malo hypochondriaco, ad exhibendum; item in scorbuto convenit: SYLVIVS utitur hoc sale loco digestivi in quartana, inque omnibus intermittentibus febribus, felici cum successu. Si paratur spiritus salis ammoniaci cum calce viva, ex capite mortuo paratur sal, quod optimum est lithontripticum ad in aqua appropriata propinandum. Idem caput mortuum, si solvatur in aqua, & affundatur limaturæ Martis, eundem rodit in cretum Martis optimum, & sanè meliorem eò, qui fit cum salibus.

TACHENIUS in Hippocr. Chymico pag. 66. cum bolo spiritum acido-salsum destillat, quem spiritum salis ammoniaci acidum vocat. Alium modum habet ZWELFFERUS in Mantissa spagyr. pag. 338. qui autem nil aliud est, quam spiritus salis communis non adeò acris, quia acidum in marte relinquit: subdulcis est, quia de Marte participat.

LECTIO VII.

Dixi superius de

TARTARO VITRIOLATO

Quod sit salsum, ex sale tartari & spiritu vitrioli constans, & si rectè saturationis punctum repertum, abeat in sapore in vix sensibilem, parum amaricantem. Hunc Tartarum vitriolatum vocat HARTMANNUS digestivum universale id quod verum est. Præterea est stimulus optimus Purgantium, si modò conjungatur cum Purgantibus; & cum quarta pars Purgantium sufficit; e. g.

℞. Tartari vitriolati ℥ss, ad gr. xij.

Scamm. sulphurati gr. ij.

Troch. alband. gr. j.

Olei destillati anisi gutt. j. vel ij.

M. D. S.

Pulvis Purgans.

Hic, utut vix quarta vel quinta pars Purgantium adsit, tamen movebit 6. vel 8. sedes, quia Tartarus Vitriolatus vim Purgantium intendit & promovet, sine torminibus ventris. Hoc autem ut fiat, necesse est, ut spiritus vitrioli sit probè rectificatus & separatus à particulis Venereis metallicis, quas secum rapit sub destillatione prima, aliàs nauseosus existit. Tartarus Vitriolatus. Hinc optimum est Diureticum & urinam ciens, & concrementa ac latitantia circa vel intra vasa urinaria abstergens.

LECTIO VIII.

Doctrina salium manu quasi nos ducit ad Congulationem.

COAGULATIO.

Autem fit, quando res liquidæ ad solidam substantiam per humidi privationem rediguntur; estque duplex, frigida nempe & calida. Res enim quædam in calido solutæ, in frigido coagulantur; ver. gr. salia essentialia in calido liquefcentia coagulantur in locis frigidis; nitrum in aqua calida solutum in frigido coagulatur ac crystallisatur iterum. Quædam verò in frigido solutæ concrescunt in calido; v. g. salia cinericia ex lixivis cinerum parata, in loco frigido aquæ instar fluentia, in calido concrescunt. Fundamentum diversitatis consistit in spirituum præsentia vel absentia sic salia, magnam spirituum copiam in destillatione de se promentia, in calido solvantur, & in frigido coagulantur, v. g. nitrum, vitriolum, alumen, sal commune, &c. & sic è contra: Vid. LIBAVIUS l. 2. Epist. 7. de Coagulatione.

LECTIO IX.

Pertinet quoque huc

CONGELATIO & CRYSTALLISATIO.

Quoad Congelationem, hæc satis nota est Pharmacopeis & coquis, quando parant ex succis fructuum & partibus animalium nutritivis Gelatinas. Crystallisatio autem propriè competit salibus, quando post evaporationem proportionatam liquoris solventis salia, latius antea dispersa, con-

gregantur & invicem uniuntur. Liquor hic crystallisandus loco frigido vel cellæ exponitur; sic pori menstrui constringuntur & salia in certam figuram, pro texturæ particularum varietate, concrescunt. Notandum autem in Crystallisatione, ut humiditas evaporet ad pelliculam usque, solutioni supernatantem; aliàs salia nimis discontinuata non crystallisantur; sin autem nimia liquoris quantitas evaporet, loco crystallorum salia in forma mellis in fundo remanent. Salia Crystallisationi apta sunt salia falsa, seu alcalia certa proportionem acidi saturata; unde salia alcalia fixa communiter; aut malè, cum sulphure calcinantur, aut cum spiritibus acidis irrorantur, quia nec sola acida, nec sola alcalia, crystallisari possunt; maximè tamen acida, vel corpore metallico quodam, aut salibus alcalibus saturata, ad Crystallisationem faciunt.

LECTIO X.

EFFERVESCENTIA.

Idem hætenus fuit, quod, ubi acidum concurrat cum urinoso, in motum ambo cieantur non levem; quia in acidi & alcali actione duo veniunt consideranda: quod

(1) Se mutuo destruant; &

(2) Quod iste concursus salium fiat per insignem motum & agitationem.

Primum quod attinet, hoc non ita intelligendum est, ac si acidum cesseret acidum esse, ac urinosum amittat naturam urinosi; sed quod ex mutua miscela hæc salia ita se attemperant, ut acidum, qua acidum, non amplius se exerat, nec alcali, qua alcali, suas patefaciat actiones, quando ex ambobus fit tertium comp. situm salsum, neutrum, simpliciter abstersivum.

De secundo, quod non sine effervescentia agant acidum & alcali, ulterius dispiciendum. Nam videmus in conjunctione salis tartari & spiritus vitrioli, ex quorum combinatione oritur nunc effervescentia, nunc fermentatio, pro duplici statu salium, in quo solet esse constituta: Nam quando salia sunt pura, & non permista cum aliis particulis, mistum componentibus, fit Effervescentia; sin verò salia sint impura & aliis particulis mistum componentibus sint associata: tunc ab ista actione solet fieri Fermentatio. Ratio est, quia salia, si non sint temperata ab aliis particulis materialibus, propius se contingunt, & efficacius in se agunt, & fit Effervescentia; sin verò inter hæc salia aliæ particulæ materiales intertextæ sint, impediunt salium proximiorum sui concursum, & fit fermentatio. Effervescentiæ exemplum videre est in sale tartari cum spiritu vitrioli volatili; item, si mistura fiat ex spiritu acido quocunque, cum sale volatili; tunc enim insignis oritur Effervescentia; Contrà in musto, dum salia ejus duo constitutiva intertextæ sunt multis particulis materialibus, conspicua fit fermentatio, unde mustum per fermentationem alteratur in vinum. Generatio vini ostendit modum effervescentiæ & fermentationis: nam acetum est sal acidum vini purum; item sal tartari etiam est sal vini purum: Si combinentur, excitant effervescentiam; dum verò vinum degenerat in acetum, fit per fermentationem, dum acidum & alcali vini, interpositione particularum aliarum, mistum constituentium, in motu effervescentiæ impediuntur, ut minus liberè & citò in se invicem agere queant.

Propriè effervescent salia pura, acidum & alcali: v. g. spiritus vitrioli si misceatur oleo terebinthinæ destillato, effervescentiam dabit intensissimam cum ardore summo, propter sal volatile oleosum, in oleo terebinthinæ, concurrens cum acido vitrioli; sic oleum tartari per diliquium affusum alumini, in quo est acidum fortiter concentratum, effervescentiam excitant non levem: in calce viva affusa aqua fit effervescentia propter urinosum, & quod acidum aggregatur, & se uniendo effervescent.

Præter alcalia manifesta subinde quoque corpora terrestria dantur, quæ absorbendo acidum, alcali habent occultum aut planè nullum, saltem absorbendo acidum acidifque affusa effervescentiam blandam excitant, & ita etiam ad alcalia referuntur: Quod pertinent corpora metallica, in specie Mars & Saturnus, quæ effervescent propter partes terrestres, acidum absorbentes: Hæc si alcalibus adnumerentur, altioris erit indaginis. Hinc corallia affuso succo citri vel limonum effervescent: sic creta cum acidis effervescent: item marmor si affundatur spiritus salis, effervescentiæ motum præ-

se se-

seferet : Marti si affundatur spiritus vitrioli , cum intenso calore effervescent : Major exorietur effervescencia , si spiritus nitri seu aqua fortis affundatur Marti limaturæ ; cui Misturæ , si affundatur oleum tartari per deliquium , tanta fit effervescencia , ut vitra rumpantur . Notum est , quod partes animalium duræ , v. g. dens apri , cornu cervi , lapilli cancerorum , conchæ perlarum , & omnia conchyliæ , cum acidis effervescent , quia in his absconditum alcali volatile , quod destillatione se prodit . Dum ergo ab acido solvuntur hæc subiecta , occurrit sal volatile alcalicum , cum quo effervescent . Ratio autem , cur alcali & acidum invicem commista valide agitentur , ita ut calor oriatur , obiter hic notetur : In quibusdam effervescencia oriri cum intenso ardore , in quibusdam verò frigidam percipi , vel non intensam . Effervescencia Calidæ fiunt cum salibus fixis à subjectis sulphureis elicitis , aut salibus volatilibus oleosis ; Effervescencia verò frigida fiunt , quando sal volatile purum cum acidis puris concurrat : Sic spiritus salis ammoniaci cum spiritu salis , item spiritus urinæ & spiritus salis , concurrat citra insignem effervescencia , utut hic circumstantiæ quædam pensitandæ . Cur verò effervescent dicta salia , in causa est conformatio mechanica particularum salinarum , dum nempe ita sunt conformata , ut subjecto fluido permittæ , propter figuræ diversitatem & singularem inæqualitatem in se impingant , unde unum trahit alterum ; Acidum rodit alcali , alcali absorbet acidum , & hoc tamdiu fit , donec tandem concurrant in æquali situatione , donec mutuo cohæreant . Ut facilius percipiatur hic effervescencia modus , imaginandum est , quod salium acidorum partes sint conicæ & acuminatæ , partes verò salium alcalium sint fissæ , unde inter hæc pugna tamdiu continuatur , donec acidum subeat alcali fissuras , & uniant se in sal falsum tertium , neutrum ex his .

L E C T I O XI.

D E

F E R M E N T A T I O N E .

QUOD attinet Fermentationem , dixi , eam talem esse motum , in quo acidum & urinosum concurrente simul alias particulas mistum componentes in motum cient : nam à sale dependet missionis vinculum ; quandiu enim salia sunt unita , & simul tenent alias particulas mistum componentes , corpora manent in suo naturali situ ; sin verò resolvantur , mistum brevi fatiscit , & dum commoventur illæ particulae , & hinc fit Fermentatio . Sub hac fermentatione vel particularum motione insignis Misti fit Alteratio , quæ exinde oritur , quia sic salia ista sub isto motu de novo se unire gestiunt , & , dum ita se unire volunt , quædam particulas in unionis confortium rapiunt , alias verò non bene unibiles separant , quæ , si leves sint , supernant , graves verò ad fundum secedunt , & sæcum nomine veniunt . Tota Fermentationis ratio est unio salium , sub qua unione partes unibiles consociantur , partes verò non miscibiles aut ratione ponderis , aut aliam ob sui dispositionem ex porulis corporis exclusæ , præcipitantur ad fundum , ex qua unione nova misti textura & insignis alteratio procedit : Sic in Musti Fermentatione , dum concurrat acidum & alcali , nova fit fermentatio vel alteratio liquoris , qui dicitur vinum ; quod ulteriori fermentatione , qua acidum exaltatur , urinosum verò supprimitur , rursus alteratur , novaque fit miscela , quæ dicitur Acetum . Hæc Fermentatio fit tamdiu , donec ex diuturna actione acidum & alcali suam perdant naturam , & tandem in aquosa liquamina , seu ens primum & ultimum , aquam redeant , nisi forsan accedente novo seminio nova fermentatio inchoetur : sic fructus austeri per fermentationem moderatam suavem dulcedinem acquirunt ; illa autem potracta & continuata , acescunt : item succi vegetabilium potissimum per aliquot saltem dies fermentati , per destillationem spiritum sulphureum inflam mabilem fundunt ; quod si verò fermentatio ad aliquot septimanas potrahat , in acetum acerrimum degenerant . Unde BASILIUS VALENTINUS rectè Fermentationem clavem omnium mutationum dicit , eò quod per hanc particulæ corporum activæ , aliis hæctenus involutæ , agitentur & commoveantur , & sic crudiores eorum partes magis maturecant & volatilifentur .

In his operationibus aeris summa est necessitas , adeò , ut primaria hic Fermentationis exstet causa . Certum est , quod v. g. mustum in dolio conclusum non fermentet propter defectum

aeris , aut si fermentet , ipsum continens diffingat . Ratio hic est vis aeris elastica , unde aer , dum se immiscuit salibus , virtute sua elastica se expandit , & salia magis magisque commovet . unde fermentatio acceleratur . Illustrat hoc Dn. BOYLE in Tract. de vi aeris elastica ; quando coraliis affundit succum limonum , quem deinde posuit in recipiens aere exhauriendum , unde leves effervescenciae factæ sunt , postmodum orta ingens effervescencia , quia aer , exhausta virtute elastica , liquores exagitare & effervescencia excitare potuit . Vid. plura apud Dn. Boyle Tract. dicto .

Ex his videmus , quanta sit convenientia inter fermentationem artificialem cum ea , quæ fit in corpore humano . Dixi superius , quod acidum & alcali seu Urinosum se mutuo destruant ; unde illud nobis sese suggerit principium Practicum , quod si unum eorum præternaturaliter corpus afficiat , contrariis quoque in corpore destrui & eliminari debeat : sic ubi in corpore nostro peccat acidum , adhibentur commodè alcalia ; ubi urinosa economiam corporis turbant , acidis sunt subjuganda : Sic in soda seu ardore ventriculi , ubi peccat acidum cum bile regurgitante , aliòve alcali effervescente , bono cum consilio ulurantur creta , lapilli cancerorum , ebur ustum , farina laterum , &c. quia hæc ipsa absorbunt & absorbent acidum , & effervescencia compescunt ; Mulieres cerevisiarum medicatrices , quando cerevisia acescit , immitrunt cretam , quæ non sine effervescencia acidum absorbet & præcipitat , unde dulcescit denuò cerevisia : Sic in dysenteria , ubi acidum vitiosè effervescens exulcerat intestina , prosunt corallia , crystallus præparata , priapus ceti , cranium humanum præparatum seu calcinatum , &c. quæ omnia acida absorbent , & ulteriorem corrosionem impediunt : hoc quoque facit crocus martis adstringens : Dolores stranguariæ sunt ab acido , quos compescunt lapilli cancerorum , ut qui & acetum edulcorare faciunt ; quod etiam præstant cortices aurantium , & oleum destillatum eorundem , quia sal volatile oleosum acidum temperat ac corrigit : In pleuritide peccat acidum , quod coagulat sanguinem , unde inflammatio , & effervescendo cum sale volatili febrem continuam excitat : hic ergo proderunt salia volatilia , verbi gratia sal volatile cornu cervi , sal volatile fuliginis , item maxillarum lucii piscis , quæ acidum absorbendo affectum nunc sine venæsectione curant : In malo hypochondriaco acidum omnium optime absorbet Mars , & inde parata remedia , hinc vitriolaceam vim acquirunt hæc remedia , & acida absorpta per alvum aut per urinam eliminant , unde videmus excrementa ab usu talium nigro tincta colore . Ratio est , quod Mars absorberit acida , quæ postea præcipitantur à bile , & sub forma atramenti rejiciuntur : In scorbuto peccat acidum rancidum , qui curatur per volatilia ; ubi verò acidum hoc scorbuticum rancidum nimis contumax est , salia hæc volatilia noxas inducunt , dolores nempe vagos , spasmodicas convulsiones , &c. propter fermentationem nimiam salium volatilium cum acido rancido : Hoc verò ubi contingit , deferenda sunt salia volatilia , & fixa adhibenda , nempe Martialia , Cancrina , eburacea , & similia : Febres intermittentes , in quibus quoque acidum peccat , in specie in Quartana , curat spiritus salis ammoniaci , item salia præparata vegetabilium , ut sal absinthii , centaurei minoris , cardui benedicti , &c. aut corpora fixa metallica calcinata , item specifica febrifuga , v. g. Strobelbergeri , item Crollii , &c. quatenus acidum destruant , & per urinam eliminant : In febribus ardentibus , ubi acidum volatile oleosum seu bilis peccat , & vitiosè fermentando aut ebulliando ardorem , deliriaque causantur , hic ratione contrarietatis acida potentiora conducunt , v. g. succus ribium , berberum , item acida mineralia , verbi gratia spiritus salis , spiritus nitri , vitrioli , cyissus antimonii sulphureus , &c. hæc acida enim bilem nimis oleosam seu acidum ejus volatile corrigunt & destruant , quo destructo cessat effervescencia : prosunt quoque , juxta hæc , nitrosa , nitrum per alcali depuratum , ut ejus acidum maneat saluum , item nitrum antimoniatum . Non incommodè huc quoque in usum trahi possunt vulneraria , quæ acidum absorbent , (Vulneraria enim habent in se alcali temperatum ,) sive in primis viis , sive in massa sanguinea reperiantur , hinc etiam Mercurium resuscitant , & ex hac causa , quatenus nimirum tollunt acidum , sistunt quoque effervescencia : Unde vinum ratione acidi vulneratis prohibetur , ne effervescendo in parte læsa dolorem , & hinc majorem vulneribus inducat noxam : at cum lapillis cancerorum si exhibeatur , saporem urinosum referens , prodest . Vinum abusu

abusu suo infert podagram, arthritidem vagam, calculum, pareses, colicas, & alios affectus à vitioso acido ortos, quibus optime convenit spiritus salis ammoniaci, quia destruit acidum, illudque modò per sudorem, modò per urinam, evacuat. Notum est, quod vinum Rhenanum cum spiritu salis ammoniaci si misceatur, sapore suo privetur; unde ad omnes affectus ab acido propullulantes spiritus salis ammoniaci est optimum conferens, quia destruit acidum, illudque modò per sudores, modò per urinam, eliminat.

Quod attinet Fermentationem in corpore humano, tam naturalem, quam præternaturalem, de hac plura essent dicenda; sed paucissima tantum subnectam. Notum est, quod naturalis in corpore humano ad mortem usque vigeat. In stomacho fermentatio naturaliter ita procedit: Acidum stomachi concurrit cum sale volatili alimentorum, quibuscum se maritat, & tandem ambo in falsum degenerant volatile. Quod si præternaturaliter instituat fermentatio hæc, & chylus adhuc nonnihil acidus elabatur extra ventriculi limina, (nam extra stomachum omne acidum corporis est inimicum) adest bilis, corrigens hunc vitiosum chylum, eumque transmutat in sal volatile. Si ulterius processerit chylus adhuc acidulus, & intestinorum cameras intraverit, acidum concurrens & fermentans cum viscido chylò & bile, excitabit flatum, uti fit in hypochondriacis (nam notum est, quod in fermentationibus artificialibus semper præsto sit Gas sylvestre:) Quos ergò ut curemus, in usum vocanda sunt aromatica, acidum corrigentia, & fermentationem vitiosam inhibentia. Massam sanguineam esse in continuo isto fermentationis motu, ejusque præternaturales anomalias, demonstrat exinde enati pulsus; unde si præter naturam fermentet aut ebulliat, febres inde oriuntur: In specie fermentationis & ebullitionis nimie signum in febribus ardentibus est pulsus magnus frequens & celer; contra verò in cachexia est pulsus rarus & tardus ex defectu fermentationis naturalis: unde etiam signa urinæ ex gradibus fermentationis dignoscuntur. Ubi enim particulæ excrementitiæ minus utiles cum urina reiciuntur, urina erit crassa: sic in principio febrium acutarum urina est clara, tenuis; successive verò turbida cum spe salutis evadit. Sub menstruationis tempore inordinatam sanguinis fermentationem declarant dolores circa lumbos, febris, aliæque tunc temporis scæminas affligentia symptomata.

LECTIO XII.

Nunc occasione scammonii sulphurati jam demonstrati, dicam vobis quædam

DE

SIMPLICIUM QUORUNDAM VEGETABILIORUM MALIGNORUM PRÆPARATIONE seu CORRECTIONE CHYMICA.

Quæ non tantum in regno vegetabili, sed etiam in minerali, in specie metallorum, atque etiam animalium republica summè est necessaria: horum cruda malignitas & virulentia impeditur sive tollitur legitima Præparatione. Eum autem in finem præparamus crudiora simplicia, ut eorum virulentia per totum concretum dispersa concentrentur, ut ita vis unita fortior fiat, & hæc est Præparatio.

Quod attinet medicamentorum Correctionem; Correctionem dico, non Castrationem; quia interdum & nomine Correctionis remedia castrantur potius, quam corriguntur: Deinde eligo Correctionem veram, non verò palliativam.

Vera Correctio consistit in eo, ut sublata virtute noxia aut virulentia, vis medicamenti genuina maneat illibata atque salva. Notum aliàs est, quod vulgò Correctionis ergò Purgantibus validioribus misceantur aromata: e gr. scammonio zedoaria. Turbith Mastix & zingiber, Colocynthidi Cuminum, Euphorbio Amygdalæ dulces & crocus, jalappa cum fœniculo, &c. quæ tamen Correctio per Aromata est palliativa, i. e. non tollit malignitatem venenosam simplicis, sed ejus noxam tantum quodammodo sedat. De vera itaque nobis potius agendum est Purgantium Correctione, qua in genere summopere indigent Purgantia quædam & opiata & narcotica nonnulla, ex se virulenta & maligna; quod sympto-

mata, eorum usum insequentia, arguunt; nam de Napello aliisque in specie tacebo.

Purgantia esse virulenta, eorum operationes loquuntur, cum postquam quis usus fuerit validioribus, is, qui erat sanus lætusque, redditur tristis, inferiora abdominis dolent, artus & genua tremunt; ut nihil dicam de aliis truculentis symptomatis, dum helleborus convulsiones, jalappa lethales hypercatharses, etiam tormina, colicamque in epilepsiam terminantem, hystericam non raro excitantia passionem, inducit, & quæ sunt aliorum drasticorum incommoda. Simili effectu se produnt opiata, hypnotica & narcotica, maniacos morbos, stupefactiones sensuum, & symptomata varia inducentia: sic opium incorrectum somnia inducit truculenta; idque non tantummodò de opio, sed de omnibus simplicibus narcoticis, hyoscyamo, solano, papavere, &c. verum est.

Ut in specie aliquid inferamus de scammonio, hoc quod attinet, longè aliud nostrum est à veterum scammonio, quo Dioscorides usus est. Veterum enim scammonium erat succus ex radice benè maturata & excavata collectus, remedium mi-te & blandum, utpote quod ad ʒi. sine periculo, teste MESSUE, dabatur, quod de nostro dici non potest; colligebatur in Syria: Nostrum verò scammonium est succus lactescens Tithymali cujusdam inspissatus & congelatus, non ex radice petitus, sed ex tota planta expressus. Purgans est admodum generosum & validum, quod cum impetu & non sine violentia expurgat humores, tam sanos quam ægros.

Notum est, quod omnes Tithymali succo gaudeant caustico, quod etiam de scammonio verum apparet; hujus enim succus fundatur in sale quodam volatili admodum acri: hoc sal causticum fermentando, tam chylosos quam excrementitios succos evacuat, irritandoque intestina tormina & hypercatharses inducit subinde lethales; quare correctione summè opus habet.

Correctio autem per aromata parum aut nihil valet. Usitatissimè corrigunt per acida mineralia: Verùm talia acida non tantum destruant sal illud acre purgans scammonii, sed & omni energia castrant & spoliant: id quod de omnibus Purgantibus ferè valet. Vegetabilia Purgantia per acida plus minus virtute sua exuuntur: verb. gr. helleborus per spiritum vitrioli aut phlegma vitrioli sua privatur efficacia: sic quoque gummiguttæ, item esula, scammonio vicina, per acida, in specie per spiritum sulphuris, orbantur virtute purgante.

Facit hæc scammonium sulphuratum, quod mitigatur quidem quoad virulentiam suam, sed non sine virtutis sue purgatricis castratione. Fundamentum hujus correctionis in eo est, quod sulphur incensum emittat suum spiritum, qui se infinuat in scammonium, ejusque sal volatile temperat, & successive prorsus destruit. Prout verò plus vel minus sulphuratum scammonium, etiam plus vel minus retinet de sua vi purgante. Hoc notandum, ne in præparatione hac scammonium liquefeat; dum enim liquecit, fumus sulphuris se insinuare nequit in ejus substantiam, unde in eadem vehementia subsistit: potius pulverisandum est, ut leniter se insinuet fumus sulphuris, & ita ejus virulentia quodammodo corrigatur.

Simili censura dignum est Magisterium scammonii per acidum præparatum, quando scilicet scammonio pulverisato affundunt spiritum vitrioli vel salis rectificatum, solvunt, extrahunt, & extractum præcipitant cum oleo tartari per deliquium: hujus enim Magisterii dosis est a ʒi. ad ʒiij., cum verum scammonium per se vix possit ad grana 6. vel 7. ad 9. propinari. Si nihilominus per acida corrigendum, accipiantur potius succi vegetabilium acidi mitiores: Si scammonium cum succo cydoniorum dat diacrydium: Alii solvunt scammonium in succo citri vel limonum, mitiusque obtinent scammonium.

Omnes hæc per acida, imprimis mineralia, mitigationes sunt castrationes, quia invertunt vim laxantem: Unde est, quod Purgantia pro diversitate subjectorum plus minusve operentur, prout magis minusve acidum est fermentum stomachi in hoc vel illo subjecto; quod probatur exemplis: si in hoc individuo nimis acidum sit fermentum ventriculi, aut statim post assumptam purgationem hauriantur acida, exhibita Purgantia minus operantur; idque in Melancholicis verum est, quod difficillimè à Purgantibus moveantur: item quod hypochondriacos Purgantia parum moveant, propter excessum acidi in hypochondriis stabulantis, loquitur experientia. Canibus fortissima quamvis infundantur Purgantia, parum vel nihil eosdem movent, a deò, ut vitrum antimonii ad plura grana sine operatione adsumant; cum tamen in venam canis incisam immissa citius operentur. Ratio patet,

fer, quia fermentum stomachicum canum nimis est acidum.

Quod dictum fuit de Purgantibus, quod scilicet correcta mitius soleant purgare, idem valet etiam de opiatibus. Hæc enim per acida correcta blandius operantur: Sic communiter corrigitur opium per sulphurea, & spiritum salis aut vitrioli, aut etiam per repetitam cum aceto solutionem; quæ tamen acida opii virtutem plus destruunt quam corrigunt: Nam vis opii consistit in sale volatili oleoso, vel sociatum est cum sulphure copioso admodum foetido; unde quidam opium lento calore exhalare, & sic sulphur ejus hypnoticum ex parte evaporare præcipiunt. Sed sal volatile ejus per acida insigniter destruitur, cum tamen opiata remedia in multis affectibus sint exoptatissima, adeo, ut rectè dixerit SYLVIVS: *se malle carere Praxi, quam destitutum esse opiatibus correctis*. Uti verò opiata & Purgantia per acida mitigantur, sic è contrà per spiritum vini eorum vires exaltantur; sicut notum, spiritum vini elicere & exaltare resinas Purgantium, ut in pauca dosi purgent.

Sed missis his correctionibus castrativis, vera potius attendenda, quæ consistit in genere, vel in subjectorum fermentatione, vel in eorum per salia alcalia correctione.

Quod attinet fermentationem, in hac tota concreti crasis invertitur, unde fermentatio est clavis referans venena vegetabilia. In specie Purgantia si consideremus, in eis quid præstet fermentatio, patebit; v. g. elaterium fermentando omnino cicuratur. Superiori anno accepi succum cucumeris asinini, eumque recentem fermentavi & inspissavi, habui inde Rob amarissimum prorsus innoxium, quia correctus erat per fermentationem, ita ut grana xxij. sine noxa assumerentur, cum Extractum elaterii alias ultra grana xv. vix tuto exhibeatur. Sic colocynthidis, vehementissimum Purgans, legitime fermentatum de sua virulentia multum amittit: Fermentatio autem ejus talis.

24. Pama colocynthidis:

Infunduntur cum succis vegetabilium, in specie cum succo pomorum Borsdorffianorum: Hæc mista bulliant, postea admiscetur parum fecum cerevisiæ, ut commodius ad fermentandum disponatur. Ubi sufficienter fermentaverit (id quod cognoscitur, si spirat odorem amarissimum) ad Extracti consistentiam inspissetur, quod cum menstruo appropriato extrahatur, & iterum ad debitam consistentiam redigatur.

Extractum hoc ad ℥j. propinatum purgat non tam violenter, quamvis non sine torminibus.

Ad hunc modum etiam scammonium cum succo cydoniorum felici cum successu tractari poterit.

Opium quoque per fermentationem, si cum succo aurantiorum, aut secundum HELMONTIUM cum succo cydoniorum, vel cum succo pomorum Borsdorffianorum fermentetur, subigitur in illis succis, si prius solutum parum evaporaverit, & postea fermentetur, & inspissetur; qualem modum etiam LANGELOTT in Epistol. ad Naturæ Curiosos describit: sic enim grana iii. mitius operantur, quam alias gr. i.

Dum ita opium fermentatur, spirat odorem instar papaveris; idque facit etiam spiritus opii per fermentationem paratus. Hæc correctio HELMONTII est optima. CONERDINGIUS, Archiater Ducum Luneburgensium & Brunsvicensium, utitur Laudano opiato hoc modo præparato.

Recipit opium, adiicit Extractum castorei cum speciebus dia-calaminthæ, & paucis lapidis Bezoar: miscet & propinat in omnibus affectibus, in hysterica quoque passione.

Adhibet quoque scammonium cum succo cydoniorum præparatum.

Utut hæc opii per fermentationem correctiones satis bonæ sint, tamen præstant, quæ sunt per Alcalia: Nam colocynthidis per fermentationem correctæ retinet vim venenatam, & tormina commovet correctæ vero per alcalia sine noxa est. Alcalia talia nunc sunt fixa, nunc volatilifata: Volatilifata dico, non volatilia, sed fixa, quæ sunt exaltata ad volatilitatis gradum. Cum his optime corriguntur quorumcunque vegetabilium malignitates, ita ut napellus cum sale tartari fixo, sed volatilifato, levi digestionem correctus, & in usum tractus, exstet innoxius: Vid. BOYLE Experim. Philosoph. pag. 136. Sed cum non cuivis datum sit adire Corinthum, nec omnibus sint notæ & cognitæ volatilifandi alcalia fixa encheirises, ea interim correctio, quæ cum spiritu vini tartarifato peragitur, sufficit. Alias quoque salia fixa corrigunt Purgantia. Talia usitatissime delumuntur ex

tartaro & nitro: saltartari est optimum opii & Purgantium correctorium: Post hoc est nitri sal cum carbonibus alcalifatum. Hæc nitri sal fixum lixivii forma digestum cum vegetabilibus virtutes earum nocivas corrigit. Melius est pro opii correctione, si sal tartari fixum conjungatur cum oleo destillato terebinthinæ; sic enim verus est corrector, tam opiatorum, quam virulentorum helleborinorum. Denique (ex sale tartari oriunda terra foliata tartari, imprægnato cum aceto destillato) post tartarum optimum est correctivum vegetabilium, in specie scammonii; vel loco hujus vinum generosum Rhenanum cum tartari sale imprægnatum, pro opii & vegetabilium aliorum, in specie scammonii, correctione maxime sufficit.

Usus opii correcti est, ut ex opio narcotico tutissimum evadat anodynum, nunquam nocivum, in multis morbis alium, si nunc cum fixis cinnabarinis antimonialibus, nunc vero cum salibus volatilibus, succini & cornu cervi, debite conjungatur; unde priori modo in morbis malignis, posteriori modo in morbis chronicis, in specie in hysterica passione, epilepsia, &c. optima sunt remedia.

Purgantia hoc modo præparata quod spectat, hæc deposita virtute resolutiva, subinde evadunt Diuretica, subinde etiam Diaphoretica aut si aliquid de virtute purgandi retineant, hoc tamen adeo cicuratum est, ut citra stomachi mortificationes & intestinorum tormina, cito, tuto, & jucunde operentur. Sic rhabarbarum cum sale tartari digestum omnem purgandi vim amittit; Alarum verò in aqua ebullitum diureticum evadit egregium, tardarum febrium remedium.

LECTIO XIII.

Propter destillationem spiritus salis simplicis & compositi, occasio datur discurrendi

D E

SALIBUS MINERALIBUS.

IN genere omnia salia mineralia sunt quadruplicia: ut

- (1.) Sal commune.
- (2.) Composita salia, ut nitrum.
- (3.) Vitriolum.
- (4.) Alumen.

Hæc salia mineralia pro natura mineralium, sunt resolutibilia in menstruis aquosis; nihilominus tamen unumquodque suum peculiare expetit menstruum, quocum conveniat ratione conformationis suæ. Testatur hoc GASSENDUS, qui exhibet experimentum, quo diversissima corpora salina in una eademque aqua resolvit: scilicet recipit aquam communem, in ea dissolvit primò sal commune; quantum potest recipere: hæc aqua saturata sale communi, nihilominus adhuc recipit quantitatem proportionatam salis nitri: hæc mixtura ulterius recipit tertiam quantitatem justam vitrioli: & si adhuc quartam addatur aluminis portio, solvet & illud: Ideoque diversissima hæc salia insinuant se in poros aquæ, citrà hoc, ut unum alterum eliminet. Jam verò, uti magnam salia cum aquosis habent convenientiam, ita ingentem cum oleosis seu sulphureis è contrà gerunt inimicitiam, ut propterea nullum sal possit solvi in spiritu vini bene rectificato; qui neque saccharum, concretum illud tartareo-salinum, hanc ob rationem solvere potest. Hæc salia, si destillentur, dant spiritum acidum, varium tamen, pro varia uniuscujusque salis textura, particularumque conformatione; Alius namque est spiritus vitrioli, alius est spiritus salis, alius est spiritus nitri, alius est spiritus aluminis; utut in radice, id est, cum acido salis conveniunt: prout verò coaluere cum variis corpusculis, inde pro nova textura diversum quodlibet dat spiritum.

Quæritur, quæ ratio subsit, quod salia sicca reddant spiritum humidum? Resp. hoc fit duplici modo: partim per salinarum particularum inversionem, partim per humoris in corpore adjecto, & aeris ambientis immissionem. Quod attinet particularum salinarum inversionem, hæc in eo consistit, ut agitatae particulae salinae sub ignis tortura à se invicem discedant, & motu impetuoso à se mutuo dissipentur: hinc etiam est, quod in forma nebulae aut fumi cum impetu irrumpant in appositum receptaculum, ibique invicem associatae, cum humido, seu aquosis atomis aereis, coeant tandem in liquorem. Ad istarum particularum salinarum inversionem confert corpus illud terrestre, rebus destil-

landis

la *andis adjectum*, v. g. argilla, bolus, &c. quod plerumque additur hanc ob causam, ne liquecant salia destillanda. Propter hanc particularum salinarum inversionem fit, ut sal commune per repetitas solutiones & coagulationes possit redigi in puram putam aquam; de quo vid. elegans Orat. de Ortu & Progressu Chymicæ OLAI BOR-RICHII.

LECTIO XIV.

DE

SALE COMMUNI.

Sal commune est triplex: aut est *Marinum*, aut *Fontanum*, aut *Montanum*. Quod attinet fontanum, illud est, quod ex fontibus salinis excoquitur, inspissaturque: in cuius coctione, ut citius granuletur, salinarii addunt fel bubulum vel sanguinem bubulum, curiosè satis. Fundamentum huius consistit in hoc, quod sal volatile in sanguine seu bile bubula concurrat cum acido isto in sale communi, ac cum eodem se unit, ex qua unione & mutua particularum adhæsiōne perfectè granulatur sal fontanum. Sal *marinum* per similem aquæ admixtæ exhalationem paratum, granula longè majora habet, longeque duriora & crystallos elegantiores, quàm sal fontanum, quoniam *pater est fontani & montani salis*.

Usu salis marini maximè ante reliquos omnes eminet, tam in Chymicis quàm Alchymisticis laboribus, spiritus quoque salis marini longè præcellit spiritum salis communis & fossilis. Præterea reperitur sulphur vivum perfectum, ardens & inflammabile, in sale marino, qui in rectificatione striatim se prodit, unde ejus quoque sulphureus percipitur odor. Alchymistæ vocant hieroglyphicè hoc sal marinum: *opiatum aroma*, quo nemo carere potest. Est itaque sal marinum, uti dictum, *pater & salis communis & fossilis*. Nam sal marinum cum aqua marina sive per modum transcolationis centrum terræ petat, ibique in vaporem resolvatur, vaporque hic à centro terræ ad circumferentiam tendat, & in aquam denique (quæ aliorum est opinio) semper aliquid perdit de sua acredine (acidum enim ejus infringitur) & hinc debilior redditur aqua fontana salia ipsa aqua marina; sicuti, ubi hæc aqua marina in aliqua terræ cavitatè subsistit oritur sal fossile, quod paulo præstantius est sale communi. Hæc salia communia sunt *salsa*, *composita* scilicet ex acido præpollente & urinoso. Probat hoc resolutio salis spagyrica: si recipiatur spiritus salis, & affundatur alcalibus aliquibus, v. g. salitartari, vel cineribus clavellatis, convenienti proportionem solvatur, & debite inspissetur, evadet perfectissimum sal commune. Simile fit, si spiritui salis communis affundatur ana calcis vivæ, & destilletur, acquiritur quoque singularissimum sal ex capite mortuo elixiviato, simillimum sali communi.

Quod spectat Præparata ex sale communi, destillatur hoc in spiritum acidum; sed ante destillationem decrepatur seu calcinatur hoc modo: scilicet immittitur sal commune in catinum, ubi à flamma exardescit, crepitus edit; qui crepitus oriuntur à particulis aquosis concentratis in sale resistentibus, quæ, ubi sal ab ignis tortura nimium cogitur, cum impetu profluant. Cur autem sal commune ante destillationem decrepiteretur, hæc est causa, ne scilicet in destillatione cum impetu erumpentes particulæ salinæ cum aquosis dirumpant vasa continentia.

Ad decrepitationem hanc etiam pertinet *Fusio*, quando sal decrepitatum igne fortissimo funditur, quod per deliquium solutum, aquam salis Paracelsi constituit.

Ut autem destilletur spiritus salis, addi solet communiter in duplo, triplo, aut quadruplo bolus, aut argilla, arena seu lutum, lateres, aut secundum alios alumen ustum, cum sale in globulos formata, propterea, ne si diutius in igne subsistat, liquecat & fundatur. Quidam ad promovendam partium salinarum separationem addunt Vitriolum, quamvis alii id improbent, aut sine causa; utut enim corpora diversa salina destillentur, unustamen & solus prodit spiritus salis, relicto propter gravitatem suam in fundo vitrioli, quod hoc modo probatur:

24. Sal commune;

Eidem affundatur spiritus vitrioli & destilletur per alembicum aut retortam vitream, prodibit loco vitrioli spiritus salis perfectus & genuinus, ac remanebit in fundo sal album crystallinum saporis elegantis, à GLAUBERO sal mirabile dictum, de quo forsitan alibi.

Ettmulleri Oper. Tom. I.

ZWELFFERUS quidem arenam, lateres, argillam & bolum rejicit ob hanc causam, quod spiritus propulsi additamenta dicta corrodant, & destruantur: Vid. *Ani-madvers. in Pharmacop. Augustan. pag. 425*. Verùm experientia testatur contrarium; utut terrea aliquid de spiritibus his absorbeant, unde etiam in fine fortissimus adhibetur ignis, ut absorptio hæc impediatur: vid. LUDOVICI *Pharmacia*. Modus ille, qui fit cum folle per retortam tubulatam, est periculosus, ex duplici ratione:

- (1.) Periculum est, ne, dum frigida aqua injicitur in vas valde calefactum, ex impetu spirituum erumpentium rumpatur vas vel retorta.
- (2.) Quia sal, dum fluit, interdum penetrat fundum retortæ, & abit ad carbonem, indeque finem destillationi imponit.

Longè convenientior modus est, quem commendat GLAUBERUS, qui recipit carbonem ignitos, eos imbibit aqua in qua solutum est sal commune: Hos exsiccatos carbonem destillat in furno quodam peculiari (est primus furnorum, quos in scriptis ejus reperire licet) vel ipsis prunis salia injicit; unde horum calore sal resolutum in forma spiritus acidi per canalem adaptatum intrat receptaculum præpositum. Sed dupliciter culpandus est hic modus:

- (1.) Quia fuligines sulphureæ carbonum cum spiritu simul adscendunt, & spiritum inquinant.
- (2.) Quia calcinatione ista dant sal lixiviosum fixum, quod destruit acidum spiritus salis, unde debilior hoc modo acquiritur spiritus salis: Ut taceam multos spiritus à carbonum cineribus, lateribus atque luto destitui.

Optimus ergo est modus, qui fit per retortam igne aperto, calore continuo & nunquam intermittente, graduali tamen. Alias etiam per arenam spiritus salis destillari potest.

24. Salis decrep. ibi.

Solvatur in s. q. aquæ communis: addatur ana spiritus vitrioli, destilletur per alembicum aut retortam ex arena, & prodit spiritus salis, cujus sedem occupat spiritus vitrioli.

Usus spiritus salis communis Medicus est, quod destruat omnia salia alcalia oleosa, vel bilem in corpore prædominantem; unde effervescentias febriles compescit. Hinc in julapiis commode quoque præscribi solet: *stim* potenter compescit, non tantum febricitantium, sed & hypochondriacorum. Insuper maximè diureticum est medicamentum; quare quoque in hydrope serum per urinam eliminando non parum prodest: hinc si spiritus salis cum alcali fixo concentratur in sal salsum, diureticum existit non contemnendum. Convenientius additur elixyri proprietatis præ reliquis spiritibus acidis, v. g. sulphuris aut vitrioli. Præterea putredinem quamcunque tollit, e. g. gangrænam, si ducatur cum spiritu salis circulus in confinio partis sanæ, progredi malum ulterius prohibet: idque etiam præstat butyrum antimonii. Prodest quoque spiritus salis, si cum melle rosaceo ad aliquot guttas permisceatur spiritus salis in scorbutica gingivarum putredine.

Verùm quia nimius ejus acor non semper tutò intus potest propinari propter metum rosionis intestinorum, ideo Chymici parant Spiritum salis dulcem, qui communiter fit ex spiritu vini rectificato, & spiritu salis communis, anatica portione mixtis, & aliquoties bis vel ter cohobatis; unde horum ingredientium unio dat liquorem admodum suavem, qui vocatur spiritus salis dulcis; egregiumque est stomachicum, appetitum dejectum; cruditates nidorosas, vomitum & nauseam corrigens atque compescens. Datur in vehiculo appropriato ad guttas X. vel XV. imo ad plures extenditur, ratione circumstantiarum variarum. Interdum loco spiritus vini recipitur spiritus aliquis appropriatus, e. g. spiritus theriacalis, quo cum fit egregius spiritus salis, in peste plurimum valens.

Quidam volunt spiritum salis simpliciter rectificare, & per se, absque alterius additione, dulcificare, per lentam & diuturnam digestionem in calore blando; quod tamen vix ac ne vix quidem potest fieri. Ut enim per se dulcescat spiritus salis, necessum est, ut omnino invertantur ejus particulæ acidæ omnes, & mutata figura earum ac textura novum oriatur concretum, ex quibus novæ quoque vires dependebunt: Sed quis non videt, si non impossibilitatem summam, saltem difficultatem?

Deceptoriam quoque est dulcificatio ista, qua additur sal tartari primæ destillationi salis communis: nam sal tartari absorbet acidum spiritum, unde loco spiritus salis dulcis prodit phlegma limpidum acidulum.

Ufus salis Alchymisticus non minus est proficuum Spiritus enim salis concentratus seu rectificatus optimè, mercurium dat pro solvendo auro optimum; imò si ita rectificetur, ne partes acidas deperdat, non solum solvet aurum, sed & secum in altum rapiet, & in flores abit; de quo vid. ZWELFFERUS in Mantissa Hermet. pag. 322. Concentratus Spiritus salis hoc quoque præstat; ejus præparatio talis est:

24. Lapis Calaminaris pulveris.

Imbibatus cum Spiritu salis, destilletur, & prodit Phlegma insipidum (nam lapis Calaminaris absorpsit omne acidum:) Quod si multum Caput mortuum cum arena igne fortiori urgeatur, prodit Spiritus acidissimus concentratus.

Hic Spiritus salis concentratus solvit omnia ferè corpora mineralia & metallica, exceptis sulphure & luna: imprimis autè solvit corpus solis superficialiter, ac apparenter modò; nam nulla auri perfectio, sed saltem superficialis cum sale fieri potest solutio; e contra sal commune & ejus Spiritus lunam intactam relinquit, & in solutione præcipitat.

E sale communi & ejusdem spiritu elegans POTERIUS parat artificium, quando ex capite mortuo post destillationem Spiritus salis relictò parat crystallos, affundendo eidem Spiritum vini, ex uvarum racemis tempore vindemiæ collectis destillatum: Misturam destillatam fimo equino committit, & post hanc digestionem ad aliquot dies institutam ponit in loco frigido, ubi elegantes oriuntur crystallos dulces, grati saporis, quique sunt stomachicum magni momenti,

LECTIO XV.

Sal Montanum seu Fossile alio nomine vocatur

SAL GEMMÆ.

Sal Gemmæ vocatur ita, quia sub forma Gemmarum ut plurimum eruitur è fodinis. De hoc notandum, quod in fodinis sit leve, aeri verò expositum, insigniter grave, ita ut quantum antea in minera ejus unus movere poterat, extra solum natale extractum quinque homines non sufficiant. Ut plurimum in forma dura apparet: in Calabria verò reperitur molliusculum, ita ut eidem variae figuræ imprimi possint; qui ubi aeri exponitur, concrefcit in corpus salinum.

Ufus eos habet hoc Montanum, quos habet fontanum, nisi quod virtutes salis gemmæ sint efficaciores quàm salis communis; Unde quoque diureticum est egregium: Quod si cum sale communi beneficio salis gemmæ & salis volatilis succini mixtura fiat cum aqua vinoque, potus erit admodum diureticus, quique fortiter pellit calculum, & arenas renum & vesicæ. Alias quoque clysteribus additur ad ℥j. ad emollienda scybala indurata, quo de FORESTUS videatur.

Spiritus salis compositus paratur quoque ex ana nitri & salis communis aut gemmæ. Hic Spiritus salis constat primariò ex spiritu nitri, (qui rubro fumo se quoque prodit) hinc particulis Spiritus salis communis: Unde patet, quod sit vera aqua Regis pro solvendo auro. Hoc consideratione dignum, quod Spiritus salis nitri simplex probè rectificatus solvat omnia metalla; aurum verò non tangat; e contrariò si acuatur Spiritus nitri cum sale communi aut ejus spiritu, tunc perfectè solvit aurum, Lunam verò dimittit salvam intactamque. Tandem est amicitia in sole, & sale minerali communi, cum reliquis verò inimicitia.

LECTIO XVI.

Occasione Spiritus salis compositi, qui maximam partem constat ex nitro, de nitro nostrum formabimus discursum.

NITRUM.

Nitrum est sal sanè mirabile sulphureæ naturæ, constans sulphure admodum volatili inflammabili, cujus ratione nitrum est facile inflammabile. Nam originem suam capit in terra quadam pingui, ex qua excoquitur & elixivatur. Et talem pinguiusculam materiam seu terram pro matrice habet, quæ humectatur ab excrementis animalium, ab urina scilicet & eorum stercoribus. Horum enim sal volatile urinosum cum copioso sulphure imprægnatum, sensim sensimque, à sale acido terræ de natura salis centralis subigitur, alteratur & immutatur, donec hæc duo salia concrefcant in unum tertium salsum, quod dicitur nitrum.

Tale nitrum ex omni terra conscribere licet, si scilicet terra quædam coacervatur in cumulum, modò à sole & pluvia arceatur, & imprægnetur urina vel animalium vel humana, fiat lixivium, & post humiditatis evaporationem conspectui se sistet perfectum nitrum. Terra hæc nitrosa, ex qua nitrum elixivari solet, destillationi per se subjecta, spiritum fundit acido-salsum singularis odoris, & spiritui tartari admodum similem, qui super alcali fixum cohobatus, planè urinosus evadit, in capite mortuo remanet sal quoddam fixum, quod beneficio aquæ extrahitur. Spiritus hic volatilis urinosus non solum dependet ab excrementis animalium, quibus terræ ejusmodi stercoreantur & imprægnantur, sed ab aere quoque accedit; quia ex aliis terris, quas animalia vel horum stercorea nunquam contigerunt, e.g. terris argillaceis, spiritus volatilis urinosus destillari potest. Sic quoque habemus nitrum efflorescens & adhærens lapidibus & muris: Nam in muris istis antiquis ab exhalatione spiritus seu salis ex terra, sal calcis vivæ, quo cum incrustantur muri, sensim sensimque solvitur, alteratur & subigitur: sal calcis vivæ participat de alcali, spiritus acidus eo se iungit exhalans è terra, & ambo uniunt se in sal nitri; unde non mirum videri debet, quod BECHERUS nitrum præparet ex lumbricis: Et singularis planè modus est, quo GLAUBERUS nitrum ex vegetabilibus parat per furnum pressorium, quem videbitis in ejus scriptis.

Nitrum est sal salsum, constans ex acido sulphureo, & sale alcali, invicem iunctis. Hoc exinde patet: si enim recipiamus sal fixum, aut nitrum cum carbonibus alcalisatum, aut sal tartari; hoc si cum spiritu jam acido conjungatur, abit in perfectum nitrum, quod totum ferè in spiritum acidum destillari potest, sine aut cum pauca salis fixi remanentia. Sic quoque fit, si sali tartari affundatur spiritus nitri, & aliquoties cohobetur; exinde emergit verè nitrum, figuram tamen salis communis cubicam retinens. Hoc nitrum componitur ex acido sulphureo & urinoso sulphureo, quod sulphur est admodum volatile, ut cum acido simul in auras erumpat, adeò, ut ex spiritu nitri acido cum alcali quodam fixo fiat nitrum inflammabile.

Nitrum hoc, prout in Medicum aut Chymicum usum vocandum est, necessariò liberandum est à sale suo heterogeneo, quem nitri Refinatores vocant der Schalek, & est sal commune, quod cum urina & stercoribus permixtum, postmodum in generatione nitri ei fuit permixtum: Et hoc sal heterogeneum, seu der Schalek, reperitur & datur in illo tantum nitro, quod eruitur & invenitur in illis locis, ubi homines sua deponunt excrementa, in aliis locis non item. Cur autem tale sal in Urina detur? est ratio; quia sal commune, quod cum alimentis assumitur, est invincibile à nostro corpore; unde uti assumptum fuit, ita rursus excernitur. Proba autem, an nitrum multum habeat de hoc sale heterogeneo, von den Schalek, consistit in deflagratione nitri. V.g. recipiantur carbones igniti; imponatur jis nitrum: si parum sit, deflagrat nitrum, nihilque remanet, si verò impurum, aliquid salis albi & caustici remanet; quod, ceu dictum, antequam nitrum in usum vocetur, est removendum.

Usum Medicum quod concernit nitri, crudum egregium est medicamentum, in omni salium genere par sibi non habens; si verò nitrum depuratum adhibeatur, proderit imprimis in febribus ardentibus, tam benignis quàm malignis, ad ℥j. vel nitium antimoniatum à ℥ss adibitum: Sic in potu ordinario nitrum depuratum ab ℥ss ad ℥vj. in febribus continuis & aestuante massa sanguinea commodè poterit usui dari. Convenit quoque in siti quacunque à quacunque causa, etiam in siti hydropicorum; est namque diureticum optimum. Ad compescendam satiriasin singulare est nitrum remedium, si crebrius usurpetur, adeò, ut exinde totalem in re Venerea impotentiam conciliare queamus. Dein ad hæmorrhagias quascunque, imprimis ab Anastomosi ortas, expertum datur remedium, tam externè quàm internè administratum. Hoc tamen notari velim, quod stomachi & intestinorum tonum laxet atque debilitet.

Nitrum autem depuratur communiter cum sulphure, & dicitur inde Lapis Prunellæ. Verum hoc modo præparatus lapis prunellæ, parum aut nihil valet, utur contrarium totus mundus Chymicus statuatur. Ratio hæc est; quoniam nitrum fufum injectione sulphuris deflagrat, & tunc spiritus nitri acidus sulphureus totus exhalat, & remanet sal alcali, seu nitrum fixum: Vid. TACHENII Hippocrat. Chymicus pag. 30. & 41. Hoc sal fixum se saturat ab acido sulphuris adjecti quod imbibit, & fit sal salsum tertium in utile in angina aliisque affectibus similibus remedium.

Alias

Aliàs nitrum cum sulphure purificatum & calcinatum semper amittit aliquid de viribus, idque eò magis, quò sæpius cum sulphure deflagratur: & licet nitrum fluat in ignis tortura, nihil tamen exhalat; ut primum autem addatur aliquid sulphuris, mox totum evanescit, relicto in fundo sale tertio. Quod si verò nitro adjiciantur carbonēs, post deflagrationem remanet perfectum sal alcalia fixum; quia non saturari poterit à sulphure carbonum. Optima omnium nitri depuratio KESLERI est, quæ fit per alcalia fixa: Fit lixivium fortissimum vel ex sale tartari, vel ex cineribus clavellatis: coquitur in hoc sal, ut solvatur: sic alcali fixum arripit omne acidum vitiosum, omneque corrosivum & excrementitium, quod est in nitro: unde post levem humiditatis absorptionem seu exhalationem excrescit sal in crystallos depuratissimas: vid. TACHENII Hippocrat. Chymicus cap. 8.

Pertinet huc calcinatio & alcalisatio cum carbonibus: Nempe nitro in crucibulo fuso successivè carbonum pulvis adjicitur, tamdiu continuando, donec non nitrum amplius inflammetur, sed crassum & aliquomodo cæruleum evadat, quod in aere in liquorem urinosum solvitur: Conf. Glauberi opera sub nomine solventis universalis seu alcahest: ex quo cum aceto destillato, & tandem cum spiritu vini rectificato, terra foliata parari potest, quæ similis est terræ foliatæ tartari, de qua infra suo loco.

Inter præparata est Spiritus nitri, qui destillatur per retortam adjecto bolo communi, vel argilla calcinata, aut simili materia, ne fluat; aliàs retorta dissiliet. Hoc tamen observandum, quod, quò plus addatur boli vel argillæ, eò copiosior acquiratur spiritus: v.g. si 10. vel 12. partes boli vel argillæ uni nitri parti admisceantur, totum nitrum ferè abit in spiritum; e contra tertia pars si addatur, multum nitri fixi remanebit in capite mortuo, & spiritus in minori copia acquiritur. Hic spiritus nitri, si cum sale tartari misceatur, perfectum exhibet nitrum, uti supra dictum.

Usus spiritus nitri est in febribus malignis in julapiis; & sane hoc loco magis præstat, quàm reliqui spiritus acidi minerales: Convenit quoque in colica flatulenta, it. in tympanitide; nec non in nephritide & calculo exoptatum dat effectum. Verum, quia nimis est corrosivus spiritus nitri crudus, propterea dulcificatur; ideo misceri solet spiritus vini, vel alius spiritus vegetabilis: v.g. Recipiatur pars una spiritus nitri optimè rectificati, cum dupla vel tripla parte spiritus vini vel alterius; mista destillentur per retortam in arena, præcedente aliquot dierum digestionem; sic enim evadit temperatior, & valde utilis in Medicina. Dosis spiritus nitri dulcis est à ʒss. ad ʒj. in vehiculo appropriato. Notetur autem, quod mixtura horum spirituum, quando scilicet spiritus nitri & spiritus vini probe rectificati miscentur, ingens exciteretur effervescencia adeo, ut nisi sensim sensimque permisceantur, interdum flamma erumpat, & vasa rumpatur.

Hoc medio innixi sunt qui tanquam per secretam encheirisin volunt sal volatile ex spiritu vini elicere: Recipiunt scilicet spiritum vini, & permiscunt pedetentim cum ʒss spiritus nitri, donec cesset omnis strepitus & effervescencia impetus; tunc per retortam lenissimo igne abstrahitur liquor (dico lenissimo igne) & remanebit nitrum saporis aciduli, quod est sal volatile spiritus vini, fixatum à spiritu acido nitri, quod sal additione alcali fixi facillè potest destillari in spiritum urinosum. Hoc non probavi, sed ab aliis communicatum accepi.

Hic spiritus nitri cum spiritu vini paratus, itaque dulcificatus vocatur spiritus Anticolicus, in specie, si spiritus vini prius abstractus sit à chamomilla Romana, aut plâis aromaticis carminantibus, valde convenit in Colica humorosa, biliosa, & scorbutica: optimum est carminans vel status discutiens ad ʒj. In toto regno minerali simillimus non reperitur. In tympanitide & omnibus flatulentis corporis affectibus non habetur par remedium; estque singulare antipleuriticum, quam curat per odorem, si præsertim spiritus vini abstrahatur à plantis antipleuriticis. Mistus hic spiritus nitri dulcis cum Iulepis prædest in angina, & omnibus febribus ardentibus & symptomaticis, cum angina partiumque inflammatione conjunctis; est enim sudoriferus, & in pleuritide ʒj in aqua cardui benedicti assumptus, est optima Medicina. Denique in nephritide, in ardore & inflammatione renum est expertum remedium haustus cum vehiculo appropriato, pellit urinam, exturbat sabulum, longèque præferendus spiritui nitri acido.

Aliàs nitrum & ejus est spiritus basis omnium aquarum fortium, & aquarum regiarum. Parantur more communi aquæ fortes ex nitri p. j. Vitriolique p. ij. Hæc mista destillentur per retortam, & fit aqua fortis, quæ nihil est aliud quàm spiritus nitri, utut enim additum sit vitriolum, tamen de vitriolo

Ettmull. Oper. Tom. 1.

nihil prodit. Hinc tantum præstamus cum solo spiritu nitri, quàm cum aqua forti: sic spiritus nitri rectificatus solus solvit lunam instar aquæ fortis: sic si permista sunt sol & luna, & affundatur mixturæ spiritus nitri, solvit lunam, solem autem intactum relinquit; si autem aliquid spiritus vitrioli spiritui nitri addatur, etiam simul in solem agit, quod aqua fortis sola non præstat. Accedit & huc, quod ex aqua forti, sali tartari affusa, verum nitrum producat. Aqua Regis constat ex nitro & sale communi, vel ammoniaco sale: nam quotiescunque additur nitro sal, semper evadit aqua Regis. Unde aqua Regia Basilii Valentini fit, quando destillantur nitri p. ii. salis ammoniaci p. i. silic. contus. vel arenæ p. iii. vel iv. unde prodit spiritus nitri, acutus cum ammoniaco sale. Vel

ʒj. Nitri,

Sal ammoniaci an. p. æqv.

Silic. contus. p. iii.

Mixta destillentur per retortam.

Elegantiori adhuc encheirisi præparari potest Aqua fortis & aqua Regis; v.g.

ʒj. Spiritus vitrioli,

Cui addatur

Nitrum in aqua communi solutum.

Hæc mista destillentur in arena per retortam, prodit perfectus spiritus nitri, cui si quid addatur salis communis, fit aqua regia.

Vel

ʒj. Spiritus nitri aut aquæ fortis p. ii.

Salis mar. decrep. aut sal gemmæ fus. p. i.

Destillentur per retortam ad siccitatem pro aqua regia.

Vel

ʒj. Salis Communis ʒss.

Solvatur in

Aquæ simplic. p. iii.

Addatur

Aquæ fortis ʒss. M.

Item:

ʒj. Aquæ fortis vel spiritus nitri p. iii.

Salis ammoniaci p. i. M.

Item:

ʒj. Spiritus salis ʒxvi.

Salis Nitri ʒxx. M.

Dixi in aqua forti nihil superesse de Vitriolo: ast hoc tamen certum est, quod spiritus nitri particulas metallicas Veneris secum rapiat; & probatur: si enim aquæ forti bullienti immittatur cultrum, tunc mox rubedinem contrahit; quia particulae acidæ & exhalantes ex aqua forti corrodunt Martem; unde licet nihil de vitriolo in aqua forti adsit ex mente GLAUBERI, partes tamen metallicæ spiritui nitri se associant, & simul ascendunt. Unde pannorum tinctoribus spiritus nitri simplex nihil prodest, sed saltem aqua fortis, & quidem ex ana nitri & vitrioli tantum parata: ut taceam diversa vitrioli genera diversam quoque aquæ forti operationem conciliare pro pannis tingendis. Quod si tamen aqua fortis desideretur purior meliorque, addatur loco vitrioli alumen, quod talibus partibus metallicis planè caret. Aqua fortis dicata est solutioni lunæ; e contra Aqua Regis dicata est solutioni solis, non verò lunæ: cui Aquæ fortis, quæ lunam aliâque metalla, præter solem, solvit, si sal commune addatur, solvet solem, luna intacta relicta.

Jam aliquid de capite mortuo aquæ fortis, ex ana vitrioli & nitri paratæ venit agendum.

Caput mortuum hujus aquæ fortis constat ex acido vitrioli & alcali nitri, quod calcinatum, inque ollis aquo communi elixiviatum dat sal album ex insipido amarescens, quod vocatur omnium rectissime nitrum Vitriolatum. Hac in Mistura alcali nitri arripit acidum vitrioli, præcipitat metallum, simul aggreditur partem Vitrioli metallicam, & extrahit de sulphure ejus fixo, & sic coagulatur in sal falsum tertium: Unde notum est, quod hoc nitrum vitriolatum, vel, ut aliàs quoque appellatur, Arcanum duplicatum MINSICHTII in armament. Chym. p. 10 habeat blandam virtutem anodynā seu somniferam in vigiliis diuturnis aliisque affectibus. Multas quidem difficultates contra remedii hujus præparationem & effectus movet ZWELFFERUS in mantissa spagy. pag. 407. sed malè: modò enim caput mortuum sufficienter fuerit calcinatum, ut sub solutione cum aqua omnis terra vitrioli Metallica separetur, & fundum petat, & acidum vitrioli ab alcali nitri exactè saturetur, omne dubium evanescit; non rectè cum saturatum metallicas partes continet, pro qua saturatione perfectiore aliquid nitri fixi vel salis tartari addendum est e contra juxta ZWELFFERI modum loco arcani duplicati vitriolum vomituum acquiratur. Loco capitis mortui ad modum tartari vitriolat

Tacchenii parari potest, instillando nempe *nitrum fixum* in aqua solutum in *solutionem Vitrioli* ad punctum saturationis; sic præcipitatur metallum, & crystallifatur sal salsum, tertium dictum.

Usus nitri vitriolati est optimus in omnibus affectibus chronicis, in quartana aliisque febribus intermittentibus, ardentibus, malo hypochondriaco, scorbuto, lymphæque vitia corrigit. Datur ante paroxysmum ad ℥i. & est egregium stomachicum; unde quoque fuit basis pulveris stomachici D.D. MICHAELIS: sic in mensibus suppressis miscantur grana vi. myrrhe, & feliciter succedit operatio. In specie in affectibus melancholicis, in mania &c. si propinetur cum camphora (nam in camphora perfecta cura mania latet) non exiguum dabit commodum. Præterea quoque quia somnum inducit ratione sulphuris, è corpore metallico vitrioli elicit, in his maxime conducit affectibus. Vocatur sal antifebrile, quia in febribus existens optimum est, tam loco digestivi in diebus intermissionis, quam hora proxima ante paroxysmum ad ℥i. propinatum.

LECTIO XVII.

Pergo jam ad

SOLUTIONES, EXTRACTIONES. & ad has facientia MENSTRA.

Notum omnibus est communissimum illud Chymicorum dictum: *Solve & coagula*: quo encheirises totius artis Chymicæ innuuntur, imò ipsius Lapidis Philosophici compositio intelligitur, quæ per frequentes coagulationes, & elixivationes peragitur.

Quod attinet in genere

Solutiones,

Peraguntur hæc liquore quodam, qui vulgò dicitur Menstruum, quo ipso quoque fiunt Extractions; unde & alio nomine claves dicuntur menstrua, quia iis mediis recluduntur corpora, & ex iis essentia optimaque pars elicitur. Cum menstruo fit Extractio & Solutio, quæ differunt inter se ut magis & minus. Nam in solutione totum concretum maxime in sua minima resolvitur; in extractione verò non totum, sed nobilior ejus tantum pars, nunc sulphurea, nunc salina, nunc utraque simul, beneficio menstrui extrahitur, reliquis intactis relictis: v. g. lixivium cum sale tartari aloen solvit in sua minima; aqua verò simplex ejus tantum partem mucilaginosam extrahit. Posterior hæc operatio Extractio est, prior verò perfecta Solutio.

Menstrua

Sunt duplicia; vel universalia, vel particularia.

Universale Menstruum Alchaest aliàs dictum dicitur id, quod omnia corpora indiscriminatum in prima sua principia, abique corrosione, viriumque suarum attritione & perditione, solvit. Particulare verò est, quod quædam saltem sibi proportionata corpora solvere potest, imò sæpius partem tantum aliquam eorum solvit aut extrahit: Quorum Menstruorum operationem multum promovet ignis. Nam ab igne particulæ menstrui agitatae, inque morum concitate fortius se in corpus solvendum insinuant, illudque resolvunt; unde digestionum in facilitandis solutionibus apparet utilitas.

Particularia menstrua varia sunt, unum tamen potentius altero; v. g. acutum destillatum probè rectificatum, vel simplex est fortius aqua simplici; aceto destillato fortior est spiritus vitrioli; cui potentior spiritus viridis æris. Dictum est menstrua particularia esse varia: Non enim omne corpus solvitur a menstruo quolibet; quia requiritur certa proportio inter menstrua solventia & subjectum solvendum; ita tamen, ut hæc duo in radice conveniant; aliàs nunquam hæc succedet operatio. Ratio convenientiæ in radice est, quod reperitur proportio quædam inter particulas menstrui solventis & pores subjecti solvendi, ita ut sibi invicem respondeant, seque invicem insinuent & uniant, quod tamen in particularibus Menstruis tantum locum habet: v. gr. saccharum in aqua solvi potest quàm promptissime; nunquam verò succedit cum spiritu vini; Ratio hæc est, quia saccharum est naturæ salinæ; jam verò quod naturæ salinæ est, facili se conjungit cum aquosis: è contrà spiritus vini, utut sit longè penetrantior & volatiliior, si sit rectificatus, non solvit saccha-

rum; quia est naturæ sulphuræ, quæ repugnat salium conformationi. Item contingit tale in Extractionibus; v. gr. jalappa si infundatur in aquam simplicem, nunquam ejus virtus purgans extrahetur; è contrà si infundatur cum spiritu vini, citius in leni calore extrahitur tinctura rubicunda, quia virtus purgatrix residet in parte jalappæ resinosa, quæ menstruum requirit sulphureum seu oleolum.

Non aliter sese res habet in regno minerali: Mercurius cum sole se promptissime unit, qui tamen cum aliis Metallis, e. g. Marte, aut non aut difficulter conjungitur. Ratio videtur hæc subesse, quod aurum in se foveat Mercurium purissimum; unde Mercurius vivus propter proportionem & conformationem texturæ utrorum facile se cum Mercurio solis combinat ac unit, Martis verò corpus, quod multum obtinet salis & minimum Mercurii (unde etiam tam difficulter liquatur) difficulter ingreditur.

Sed pergendum; Porro Menstrua particularia sunt in triplici differentia: Aut sunt aquea, aut sulphurea seu oleosa, aut denique salina.

Aquea menstrua quod attinet, ea dicuntur omnes liquores, substantiæ omnis salinæ atque sulphuræ expertes, hincque inodori atque insipidi. Inter hæc se offert.

Aqua,

Quæ imprimis convenit solvendis aut extrahendis salibus, v. g. tartaro, alumine, vitriolo, &c. & aquosis aut mucilaginosi. Quando autem WILLIS US de Ferm. cap. 9. dicit: Aquam communem tenuiora quæque terræ corpuscula recipere & complecti, non nisi ratione salis, terreis aut metallicis particulis conjuncti, contingit; quod v. g. in tartari vel vitrioli solutione observatur, ex qua per præcipitationem particulæ hæc terreæ fundum petunt. Deinde aqua conducit pro solvendis & extrahendis vegetabilibus quibuscunque, modò non sint resinosa: unde hujus beneficio parantur decocta & infusa, item tincturæ vegetabilium feliciter extrahuntur, imprimis si aqua centaurei minoris cum sale tartari, sive illud sit simplex lixiviale; seu ejus cremor, jungatur. Hoc modo extrahuntur & corriguntur quoque Purgantia quorum vis in mucilaginosâ, non verò in resinosa parte consistit, vr. gr. senna, rhabarbarum, &c. Ulterius simplex usurpatur pro extractione animalium, imprimis accedente coctura: hinc fiunt omnia juscula animalium, eorumque partium; hinc fiunt Gelatinæ; hinc instituitur beneficio ejusdem aquæ appropriatæ calcinatio Philosophica sine igne cornuum & osium.

Ad menstrua aquosa pertinent

Ros majalis.

Qui turget sale volatili nitroso, qui Ros majalis destillatus dat phlegma salinum, quod est egregium menstruum pro extrahendis essentis aut extractis vegetabilium præparandis, & præfertur non raro ipsi spiritui vini, cujus caliditas & inflammabile sulphur multis est suspectum; imò Ros majalis rite præparatus solem solvit, elegantemque ejus extrahit essentiam; hinc ex sale rosis majalis deducenda est virtus vegetans vegetabilia.

Sequitur

Aqua Martia.

quæ imprægnata est copiosissimis virtutibus seminalibus plantarum, aliarumque rerum terrestrium, præterea quoque acuatâ est copioso sale volatili, exhalante è rebus terrestribus, & imprimis ex vegetabilibus propter vim progerminativam. Hæc destillata dat menstruum elegans pro extrahendis virtutibus vegetabilium. Unde sunt, qui ex aqua martia volunt parare menstruum universale; id quod in specie tentavit BURRHUS, qui non tantum menstruum universale, sed etiam lapidem Philosophicum voluit præparare ex ea, quod sit imprægnata influxu astrali, & foeta spiritu mundi universali seu Mercurio Philosophorum: Sed res non processit, quia accepit loco menstrui universalis menstruum nitrosum, quo potuit solvere solem.

Nix

Dicitur quibusdam inservire pro menstruo, quod tamen non facile concesserim. Error exinde est, quia putatur; in se continere sal nitrosum, de quo tamen non pauci dubitant. Contrarium quidam exhibere volunt, dum ex nive para-

parare student sulphur, & etiam quoddam oleum, sed paucum, quod curiosum satis: Vid. BARTHOLIN. Centur. 3. Epist. 99. pag. 628.

Et quidem menstrua dicta aquosa rorem majalem, aquam pluvialem & nivalem, plures particulas activas, quam aquam simplicem, continere, confirmat HELMONTIUS, qui rorem dulci saccharo divitem, se per ignem edoctum esse, dicit; ejusque Commentator, GREMBS, aquam pluvialem destillatam nullis seculis putrescere, testatur, eo quod æquore vaporetenus aliquid salis continuo ascendat, & in primam æquè materiam convertatur. Huc spectant Observationes & Experimenta, quæ THOMAS HENSHAVV, Eques Anglus, circa rorem majalem tentavit, & Societati Regiæ Anglicanæ communicavit: Nempe aquam hæc nec calore Balnei Mariæ, nec radiorum solarium, putrescere, sed potius ab iisdem incorruptam præservari, & magis magisque clarescere; in loco verò umbroso de seipsa corrumpi. Imò ejus putrefacti roris magnam quantitatem evaporatam, notabilem portionem terræ cineræ reliquisse, quæ in retorta vitrea, igne vehemente mox colligata sit in massam similem illi, quæ ex sale & sulphure colligata appareret, & aquam fontanam purpureo colore tinxit; ejusdemque terræ hujusmodi calcinationibus & solutionibus, 3ij. salis demum albi exhibuerit. Vid. Act. Angl. Anno 1665. pag. 23. & Ephemer. Erudit. T. 2. pag. 148. sequi.

Aquea hæc menstrua, uti promptè ingrediuntur corpora salium, ita nunquam sulphureis miscentur, nec eadem solvunt.

Quod verò spectat menstrua sulphurea & oleosa, inter hæc eminet spiritus vini, qui est naturæ oleosæ seu sulphureæ spirituosæ, extrahens Tincturas sulphureas & oleosas. Huc quoque faciunt spiritus vegetabilium ardentis, sulphurei dicti, item olea destillata, quæ sunt nihil aliud, quam salia volatilia, beneficio pinguis acidis concentrata, & hæc quoque solvunt sulphurea. Huc etiam spectant aromata, quæ constant sale volatili oleoso seu sulphureo, quæ promptissime se uniunt cum menstruo sulphureo. Huc trahuntur resinæ, ut succinum, benzoe, &c. quæ suas exhibent cum spiritu vini rectificato tincturas. Quandoque & metallorum sulphura aggreditur spiritus vini rectificatus, hac tamen cum conditione, ut hæc prius aliud menstruum fortius (acetum destillatum nempe) fuerint optime corrosa, & particulae metallica intimè per calcinationem fuerint separata: Ad hæc menstrua oleosa pertinent olea destillata, oleum terebinthinæ, baccarum juniperi, anisi, &c. Hæc enim non solum solvunt sulphur commune, id quod apparet in præparatione balsami sulphuris, sed etiam solvunt sulphur antimonii: cujus substantia admodum est sulphurea. Sic cum oleo destillato anisi ex sulphure antimonii fit solutio elegans in balsamum antimoniale: itidem cum oleo destillato anisi ex nitro tentant quidem extrahere volatile. Vid. GLAUBERUS.

Pertinent huc & terebinthina & vitellum ovi, quæ loco menstruorum interdum inserviunt; & quidem terebinthina solvit gummata, e. g. hederæ, myrrham, opopanacem, galbanum, &c. quæ ab aliis per acetum solvuntur: Vid. ZVVELFFERUS: Vitellum ovi solvit terebinthinam e. g. ut cum aqua pro potiunculis & clysteribus misceri possit; item resinam jalappæ, & balsamum Peruvianum.

Succedunt demum menstrua salina, tam acida quam urinosa, & ex his mixta seu salia, sed diversi generis, pro diversis regnis. Ex regno vegetabili utrapatur menstrui loco succus citri, berberum, cydoniorum, &c. item omnia aceta ex succis istis per fermentationem parata, ut & spiritus acidus lignorum. Hæc menstrua acida ex regno vegetabili sunt temperata, ac non tam corrosiva quam mineralia, quare ut plurimum ad subjecta porosiora adhibentur; v. g. ad lapillos cancerorum corallia, conchas, testas, item ad marrem: Horum enim porositas facile admittit menstruorum horum vegetabilium introitum, taliaque facile a similibus solvuntur.

Hæc menstrua acida, quando solvunt ejusmodi porosa alcalia corpora, plerumque excitari solet effervescencia; quia in hisce, ceu notum, alcali latet occultum volatile, quod dum congregatur cum menstruo acido excitat effervescencia.

Acetum destillatum primatum obtinet inter menstrua vegetabilia, adeo enim operatur, ut & metalla (calcinatione tamen prius referata paulum) solvat. Sic ex vitro antimonii cum aceto destillato fit Tinctura antimonii: sic acetum destillatum solvit saturnum seu minium in sal saccharinum: similiter acetum destillatum marrem in crocum convertit utilissimum: idem acetum destillatum venerem transmutat in æruginem, ex qua prodit spiritus æruginis seu viridis æris, secretum ZVVELFF-

Ettmulleri Oper. Tom. 1.

FERI, qui videatur: viride æris namque fit, quando laminæ veneris miscentur cum vinaceis in loco calido; sic enim fit, ut vinacea fermentando eruant spiritum acidum, qui veneris laminas corrodit in æruginem. Hæc ærugo cum spiritu tartari destillatur in spiritum acidum egregie penetrantem, qui longè potentior, quam alius quispian. Alio modo hic spiritus destillatur ex crystallis viridis æris; modum videbitis apud ZVVELFFERUM. Hoc de spiritu viridis æris notandum, quod agat in solvendo sine reactione, cum tamen è contrà alia menstrua solvendo suam amittant virtutem, ita planè, ut possit sæpius pro tali solutione adhiberi idem spiritus, ZVVELFFERUS quidem vult, quod omnino sine amissione virium operetur; quod tamen simpliciter non est verum; semper enim aliquid de acido spiritus viridis æris adhæret subjecto corrosivo, unde tandem debilitatur, & inertior evadit.

Ex regno minerali desumuntur menstrua salina acida, qualia sunt: Aqua fortis, Aqua Regia, spiritus salis, nitri, sulphuris, Vitrioli, &c. quæ sunt menstrua corrosivissima, corpora etiam compactissima solventia, in specie solem & lunam, aliaque, pro diversitate solvendorum. Hoc autem considerandum, quod aqua fortis, licet etiam sit corrosivissima, nihilominus tamen non omnia solvat metalla, propter diversitatem texturæ: Aurum non solvit, nisi addatur sal commune vel sal ammoniacum; tunc enim solem, non verò lunam solvit: Nullum namque menstruum solvit lunam, nisi eidem admixtum sit nitrum & sal commune. Stannum non solvitur aceto destillato in saccharum vel sal Joviale, nisi prius probe sit calcinatum; è contrà citissime Mars dissolvitur. Hæc enim menstrua sunt corrosivissima, quia durissima corpora resolvunt.

Ex regno animali menstruum acidum præbent formicæ, quarum spiritus, quoad aciditatem, cum spiritu viridis æris convenit; quia cum his saccharum saturni paratum, pristina sua aciditate abstrahuntur; acetum è contrà aciditatem suam planè immutat.

Jam quæritur: an dentur menstrua insipida? sunt qui negant, inter quos reperitur B. ROLFINGIUS, BILLICHIUS, & ANGELUS SALA. At affirmativa sententia verior est, experientia monita: Nam corrosivitas, qua talis, non solvit corpora; sed eatenus; quatenus in menstruo sunt particulae pungentes, quæ sese insinuant in poros subjecti solvendi: Jam quid repugnat, cur non adsit talis figura particularum in menstruis insipidis, quæ eadem corpora solvenda penetrare possit? Mercurius vivus, gustu teste, est insipidus; attamen solvit solem: oleum commune solvit marrem; solvit quoque lunam, si luna diutius in eo contineatur; est tamen ferè insipidum: LAUREMBERGIUS per experientiam affirmat in Aphorismis, se vidisse menstruum insipidum, in quo aurum liquefactum fuerit, instar nivis à sole. Unde probabile est, dari talia.

Hæc fuerunt menstrua salina acida.

Quod attinet, menstrua salina urinosa, horum duæ observantur species, fixa & volatilia. Inter Fixa sunt lixivivia fortia ex cineribus clavellatis, sal tartari, &c. Quibus accedit lixivium calcis vivæ; quæ omnia solvunt sulphurea, imò & ipsa eliciunt metallorum sulphura: ut taceam de solutione sulphuris communis in præparatione lactis seu magisterii sulphuris, pro qua lixivium salis tartari convenientissimum est. Hoc autem præstant, quia in radice conveniunt cum sulphureis; salia enim fixa (ex quibus ut plurimum lixivivia constantur) sunt demum in calcinatione corporum ex sale volatili, & ex acido seu sulphure corporum, quæ duo abeunt in tertium salum; unde propter hoc sulphureum principium reliqua solvunt quoque subjecta sulphurea: Vid. HELMONTIUS Complex. atque Mixt. Element. Figment. item Blas. Human.: quam sententiam etiam defendit POLEMANNUS de sulphur. Philosoph. cap. 2 Sic lixivium calcis vivæ solvit antimonium in sulphur antimoniale: lixivium salis tartari solvit sulphur crudum.

Verum non tantum in mineralia, sed etiam vegetabilia & animalia, menstrua alcalium agunt, quando v. g. Decoctis & Infusis sal tartari additur, & vitriolum fixum unguam alci, quæ aliis menstruis vix cedit, omnium optime solvit.

Non infrequentia quoque sunt Menstrua urinosa volatilia, seu spiritus urinosi ex animalium partibus & excrementis producti, quæ varia sulphurea & fixiora quodammodo possunt elicere. Sic ex spiritu urinae, sale ammoniaci, &c. fit menstruum pro Tinctura Veneris & solis: sic spiritus vini, acuaturs cū sale volatili urinoso, dat egregium menstruum, tam pro vegetabilibus, quam

mineralium partibus sulphureis eliciendis: sic ex sulphure aut floribus sulphuris cum spiritu cornu cervi vel per destillationem cum sale ammoniaco & calce viva & sulphure, tindura elicitur.

Jam videamus paucis, an detur menstruum universale, quod omnia corpora solvere possit? Multi negant, & præprimis ROLFINGIUS in Chymia lib. 2. cap. 4. CONRINGIUS de Hermet. Medic. lib. 2. cap. 8. & MORHOFF de Transmutat. metallorum, qui neminem vidisse scribit, qui talem liquorem omnia solventem asseverare potuerit; quamvis non pauci sint, qui ipsum lapidem Philosophorum viderint. Qui tamen in sublimiori Chymia versati sunt, affirmant. Primus omnium hoc affirmavit PARACELSUS, quemque secutus est HELMONTIUS, STARCKEY, BORRICHIUS in Vindic. contra Conring. lib. 2. cap. 6. LUDOVICUS de COMITIB. de liquore alcahest, BECHERUS Physicæ subterraneæ lib. 1. Sect. 3. cap. 4. & alii. Hoc menstruum universale hi laudati Autores vocabulo tecnico vocant alcahest. Derivatio hujus est incerta: Sunt qui ab alcali deducunt, quasi ex alcalibus præparandum sit menstruum universale; Alii volunt, quod dicatur Alge est. Sed, ut sit, alcahest HELMONTIO est liquor, qui solvit omne corpus indivisibile usque ad imam crassam seminalem, ob id quoque vocatur ignis Gehennæ. Et de alcahest vulgare sonat proverbium illud Chymicorum: Vulgus concremat per ignem, nos per aquam. Ita alcahesticum menstruum hujus est virtutis, ut, licet solvat omnia corpora, tamen agat sine reactione, i. e. quod non debilitetur, & separari vel mille vicibus possit à solvendis, seu solutis sine facta sui debilitatione; unde corpora solvit sine ulla seminalem destructione. Contrarium patet in aliis menstruis, operatur namque per solam penetrantiam, imò summo artificio tandem omnia corpora in aquam elementarem convertit. Sed utut omnia dissolvat corpora, à Mercurio tamen abstractus eum figit ut mallei vehementiam sustineat. Liquoris hujus alcahestici fiendi modus pene omnes latuit hætenus, propius tamen accessit STARCKIUS insignis Chymicus, qui tanquam possessor hujus docet, esse corpus salinum apparens in duabus formis, esse corpus neque volatile neque fixum totum ex duabus naturis: radicaliter, sed unum apparenter; hoc ipso innuit, esse liquorem alcahest.

Clarius est BECHERUS, qui dicit, esse corpus salinum, & ex Mercuriali terra, tertio metallorum principio, constans, quam terram Mercurialem in sale communi reperiri dicit; ast rara avis. Ridendus interim est GLAUBERUS, qui ex nitro voluit componere menstruum universale. Qui non habet verum alcahest, discat volatilifare sal tartari fixum, & habebit succedaneum liquoris alcahest, seu menstrui universalis. Volatilisationis hujus modi dantur varii: Alii volatilifant sal tartari cum spiritu vini rectificatissimo; alii cum aceto destillato & spiritu vini; alii per aerem: Vid. ZVVELFFERUS & alii.

Proportio menstrui pro dissolutione aut Extractione, utut adeò accuratè determinari non possit, communiter tamen requiritur quadruplum, sextuplum, & octuplum, pro ratione subjecti solvendi aut extrahendi.

LECTIO XVIII.

Egimus hætenus de Solutionibus, Extractionibus, & Menstruis. Post solutionem peractam, fit separatio corporis soluti, & dicitur

PRÆCIPITATIO.

QUæ est frequentissimus Chymicæ secretionis modus, & opponitur solutioni. Nam solutio est absorptio & imbibitio subjecti solvendi facta à menstruo solvente: Præcipitatio autem separatio particularum solutarum seu corporis soluti ex menstruo solvente; hinc solutio antea clara turbatur, ac tandem id, quod separatum est, vel sub pulveris forma ad fundum vasis secedere cogitur, e. g. Magisterium lapillorum cancerorum, solutorum in aceto destillato, & præcipitatorum cum liquore quodam, spiritu urinæ aut sale tartari cum aqua soluto, aurum fulminans, lac sulphuris &c. vel in liquore fluctuat. Ratio qua propter denuò separatur seu præcipitatur corpus solutum a resolvente, est duplex: Primum, præcipitatio fit propter porulorum seu spatulorum in menstruo solvente repletionem ac angustiam, ut particulas contentas non amplius possint retinere: secundo, præcipitatio fit propter gravitatem particularum solutarum, quatenus ipsæ particule contentæ ineptæ redduntur, ut non amplius in liquore pendere aut contineri queant. Utriusque modi sunt exempla sequentia: Et quidem exemplum præcipitationis,

quæ fit propter angustiam porulorum menstrui solventis, fit sequens: Fiat solutio seu extractio jalappæ aut vegetabilis cujusdam cum spiritu vini; hæc extractio præcipitatur cum aqua communi, quia affusa aqua se infundit in poros spiritus vini, quibus angustatis extruduntur particule resinose à spiritu vini solutæ, & præcipitantur ad fundum. Sic ex benzoe cum spiritu vini Tindura fit non inelegans, quæ egregium est peccorale: Hæc Tindura seu essentia benzoes si misceatur cum aqua communi aut aqua rosarum, fit liquor lacteus quatenus aquosæ particule se promptè uniant cum spiritu vini, ut ex ista impletione porulorum spiritus vini particule contentæ præcipitentur ad fundum. Exemplum præcipitationis ratione ponderis fit sequens: solvatur aurum in aqua Regis, addatur Mercurius, mox ad fundum præcipitabit aurum; quia Mercurius se conjungit cum particulis auri, &ambo propter pondus nimium ad fundum secedunt: Aut si instillatur sal tartari, aurum præcipitatur ad fundum, quia sal tartari adhæret particulis acidis cum auro, quod cum particulis acidis saturatum tantum pondus acquirit, ut non amplius possit contineri: sic spiritus salis præcipitat Lunam & Venerem, cum spiritu nitri vel aqua forti solutam, quatenus spiritus salis cum spiritu nitri se conjungit, ut hic particulas metallicas continere non possit. Huc facit præcipitatio lactis cum aceto destillato.

Præterea Præcipitatio est vel spontanea vel violenta. Spontanea est, quando sua sponte secedunt particule solutæ ex menstruo. Si sic solvantur perlæ vel corallia in succo citri, solutio est clara; postmodum fit secessio spontanea partium solutarum ad fundum. Violenta fit, quando solutioni additur tertium quid. Exemplo fit Magisterium Nephriticum, quod fit ex speciebus nephriticis, quæ solvantur in spiritu salis composito; quæ solutio accedente tertio cum vitrioli spiritu, violento modo præcipitatur ad fundum; quibus accensenda omnia Magisteria officinalia; item aurum fulminans, sulphur antimonii, auratum, magisterium antimonii diaphoretici, quod post hujus edulcorationem ex solutione nitri antimoniatu præcipitatur; ita præcipitatur, lac sulphuris &c.

Præcipitatio porro est vel totalis, vel partialis. Totalis est quando particule separatæ totaliter cum impetu præcipitantur ad fundum: Partialis præcipitatio est, quando particule solutæ non separantur ad fundum, sed tantummodò aliquantisper ex poris menstrui extruduntur. Sic si urinæ inspergatur parum salis, tunc partes salinas urina extrudit particulariter tantum; item si solutioni radicis jalappæ aut scammonii cum spiritu vini (quæ dat tinduram rubentem) affundatur aliquantulum aquæ simplicis, non autem magna quantitas, tunc liquor seu tindura rubra antea perspicua subito pallescit & albescit, & resina præcipitatur in fundum; sin verò sufficiens quantitas affundatur, resina eorum fundum petit.

Ut notior fiat & clarius doctrina præcipitationis, notum est, quod lac per omnia acida ac austera, e. g. acetum vel alumen, præcipitatur; quia hæc omnia vim habent crassum lactis corpus coagulandi, unde angustantur feri lactis pori & agglomerantur, unde perfectam in lacte casei faciunt separationem. Hinc omnia alcalia lacti permista impediunt ejus congruementiam, das man dannenhero Kein Butter machen Kan; Ratio hujus est, quia alcalia attenuant lacteum humorem crassiorem, unde pori dilatati non permittunt, ut fiat sui coagulatio. Sæpè fit, ut tinduræ & essentia quædam vegetabilium in loco calido eleganter perspicue sint & coloratæ, ut primum exponuntur aeri frigido; fiunt turbidæ & opacæ: Ratio hæc est, quia calor attenuat poros menstrui, ut perfectè absorberet particulas soluti corporis in se; in frigore subit adstrictio poros menstrui, quibus adstrictis, particule solutæ aliquantisper extruduntur, unde hoc modo fit præcipitatio particularum. Sic e. g. Urina, quando ab aere frigidiore condensatur, propter adstrictos poros turbatur, & contenta sua, per minima antea juncta, dimittit; blando autem calori iterum exposita, eadem mox commiscetur, & urina iterum clarescit.

Omnes solutiones factæ cum acidis, per alcalia præcipitantur, & contra solutiones institutæ per alcalia, præcipitatur acidis. Solvatur aurum in aqua regia, quæ acida est; si instilletur oleum tartari per deliquium, exinde præcipitatur non sine strepitu in pulverem gryleum, qui dicitur aurum fulminans. Hæc est solutio præcipitata per alcalia. Sic sulphur auratum antimonii solutum per alcalia, scilicet per lixivium salis tartari præcipitatur cum spiritu vitrioli vel aliis quibulvis: sic sulphur solutum cum lixivio salis tartari præcipitatur cum acidis; hinc pulvis lactescens in fundo subsidet, qui dicitur lac sulphuris. Et hac ratione, utut raro, fiunt Magisteria ex vegetabilibus,

libus, quæ primum à MYNSICHTIO & ZVVELFFERO in medium prolata sunt: sic fit *Magisterium absinthii, scordii, petrosolini, rutæ, &c.* scilicet

24. Absinthii, scordii, &c. qu. v.

Coquatur in *lixiv. c. alcali, vel ciner. clavellat. vel salis tartari imprægnato*: Colaturæ filtratæ inspergatur alumen pulverisatum, aut solutio aluminis cum aqua facta, & sic præcipitantur partes solutæ ad fundum, vegetabilis calorem præ se ferentes.

Hoc etiam modo præparatur *Lacca Florentina*, quæ nil aliud est, quàm solutio granorum *chermes* in *lixivio*, cum *alumine præcipitata* & edulcorata. Ratio præcipitationis est, quia acidum aluminis se conjungit cum alcali *lixivii*, unde necessariò partes vegetabiles solutæ præcipitantur. Verùm hic observandum, quod in hac præcipitatione cum *alumine* simul præcipitetur ejus terra fixa; quia omne *alumen* ex *sulphure acido* & terra petrosa constat, unde talia *Magisteria* semper sunt composita. Ratio autem, cur *alcalia* præcipitent *acida*, & contra, est, quia hæc *salia* mutuam sui exoptant unionem, unde facta eorum combinatione, necessariò partes solutæ vel pondere dilabuntur vel vi præcipitantur. Ex hoc fundamento fit atramentum, & omnes tincturæ artificum seu Mechanicorum: v. g. si solutioni vitrioli claræ addatur decoctum gallarum clarum, item mista, dabunt liquorem atrum imperspicuum; quia alcali volatile gallarum absorpsit & se conjunxit cum acido vitrioli, unde vitriolum ex se dimittit partes suas metallicas Veneris & Martis, hinc talis turbidus liquor: Si sic permisceatur spiritus vitrioli cum spiritu sanguinis humani, exinde fit mixtura viridis; quia alcali volatile in spiritu sanguinis humani acidum vitrioli absorpsit, & præcipitat particulas mineræ Veneris, quæ extrusæ dant colorem viridem: Porro solvatur luna in aqua forti aut spiritu nitri rectificato (solutio est clara) huic immittantur laminæ Veneris, apparebit, quod menstruum aggrediatur Venus, & dimittat ex se lunam, lunaque ita instar pulveris albi ad fundum præcipitatur, & aqua fortis interea solvit Venerem Venerisque se imprægnat particulis: Quod si huic aquæ fortis solutionis Veneris, immittatur bacillum ferreum, Veneris solutum iterum instar pulveris ad fundum præcipitatur, & aqua fortis interea solvit Martem: Quod si huic Martis solutioni affundatur zincum, vel aliud corpus metallicum terrestrius calcinatum, tunc mox aqua fortis arripit & hoc corpus, & mars præcipitabitur ad fundum sub forma pulveris.

Cæterum præter hoc, quod *acida* præcipitent *alcalia*, & vice versa *alcalia* præcipitent *acida*, etiam *acida* quoque præcipitant *acida*; nempe fortia *acida* præcipitant debilia: e. g. solvantur corallia in aceto destillato, solutio præcipitatur per oleum sulphuris; solvantur lapilli cancrorum in spiritu nitri, hæc solutio præcipitabitur per spiritum vitrioli. Ratio hæc est, quia fortiora *acida* se insinuant in poros phlegmaticis, & hos replent, & adoriuntur particulas terreas corollas, sicque cum iis conjunguntur; unde fit, ut non tantum fiant particule graviores, sed & pori fiant angustiores, unde necessariò insequitur præcipitatio. Hoc succedit, ubi fortiora *acida* debilia præcipitant *acida*; nam fortia *acida*, alia itidem fortia non solent præcipitare.

Hæc ratione dictum est fieri *Magisteria* ex omnibus tribus regnis. Notandum tamen est de animalium partibus, quod ab ossibus & cornubus prius Gelatina extrahatur, tam per calcinationem actualem, quàm, quod melius, vaporosam seu Philosophicam dictam. Verùm talia *Magisteria* nihil aut parum valent, quia ita simplicium crases per solutionem acrioris menstrui omnino destruuntur. Nam eorum virtus esse debet, ut in corpore absorbeant vitiosos humores, in primis stabulantes viis, quos per urinam eliminant. Quod si hæc subjecta jam sint saturata ab acidis extra corpus, nullam sanè vim obtinebunt vitiosos absorbendi humores & sapes: Hæc namque subjecta per se satis utilia, omnino transmutantur in calces insolubiles inertas corrosas ab acido, & concentratas per alcali, quæ nihil faciunt, quàm ut in stomacho desides jaceant, ejus parietes saltem dealbent, & mala non levia apportent eidem. Si propinentur sæpius hæc *Magisteria*, & post triduum exhibeatur vomitorium, excernetur pulvis albus, qui est *Magisterium* illud antea assumptum: Hinc merito talia *Magisteria* rejicit GLAUBERUS P. 2. Furnorum cap. 9. pag. 54. & vocat *Magisteria combusta*, quia neque Gelatina ex iis elici, nec sal volatile aut spiritus ex iis destillari potest. Defendere quidem vult *Magisteria*

SCHROECKIUS contra ZWELFFERUM, allegando C. C. ustum & sal tartari, omnibus particulis gelatinosis & volatilibus orbata, quæ tamen nihilominus vim medicamentosam possideant. Sed distinguendum est inter *salia fixa*, & C. C. ustum, tanquam terreum, nondum ab acido saturata, & inter *Magisteria* à menstruo solvente & præcipitante saturata: C. C. enim ustum, & *salia fixa*, licet particulis volatilibus careant, tamen destruendo acidum in corpore multum valent. Ideo Præparata sanè his præferenda hoc modo præparatis *Magisteriis*, quia, his semper particule acidæ menstrui corrosivi adhærent, & centies licet eadem *Magisteria* eluerentur, eæ tamen non separabuntur: & probatur harum acidarum partium præsentia, quia *Magisteria* post edulcorationem semper ponderosiora ipso nuda simplici ante corrosionem; unde est, quod talia *Magisteria* à nullo amplius menstruo, neque aqua forti neque aqua regia, denuo solvantur, nulloque igne calcinentur.

Quæritur ergo cui usui sint *Magisteria*? Respondent: Confortant. Quæritur ulterius, quid? ubi? cur? quomodo? quando confortant? Respondeo uno verbo: Nullius sunt valoris ac momenti. Ex modernis ZVVELFFERUS introduxit *Magisteria solubilia*, ita dicta, quod in quocunque liquore solvantur. Parat eadem sine præcipitatione, per solius spiritus vitrioli affusionem, ejusque abstractionem & edulcorationem. Hæc *magisteria* præstant vulgaribus illis, quia sunt blanda planè *acida*, quibus destructa sunt solvenda, quamvis & hæc non parum destructa. Nec vegetabilium *Magisteria* omni usu Medico carent, cum eorum subjecta non destructa, sed tantum terra aluminis præcipitantis, acidum absorbens, admixta sit; unde etiam ZVVELFFERUS sæculis eadem præfert.

Hæc sunt præcipitationes artificiales & Mechanicæ; ad quas ultimò pertinent Præcipitata improprie dicta quæ nullo menstruo præcipitante fundum petunt, sed meræ calces sunt. Accedamus nunc ad Naturales.

Videmus, quod in fermentatione fæces ad fundum sedant ex liquore fermentante: id quod fit, quando v. g. in musto, vino, cerevisia, &c. *salia* concurrentia intimius particulas terreas extrudunt, vel elabi sinunt ad fundum, qualis separatio fæcum consistit in præcipitatione beneficio fermentationis. Quod si fiat, ut impediatur fermentatio, vel propter prædominans acidum, aut corporis heterogenei admissionem, mox oboritur Præcipitatio: Unde cerevisiæ acidæ factæ præcipitantur per cretam, calcem vivam, aliaque; sic separatur omne acidum, & simul cum creta ad fundum sededit: Cerevisia nova fermentans addito alumine cessat ab omni fermentatione, ita, ut mox potari possit: Vinum ex tartaro superfluo interdum acescit, quod præcipitatur à putaminibus ovorum, propter acidum ponderosum: Sic vini fermentatio laesa corrigitur per additionem fixorum alcalium, v. g. pumicis utti, aut per lixiviam aliarum calcium, quoniam hæc *alcalia* recipiunt acidum in sui amplexum, & sedant una fundum verus.

Præcipitationem talem si non planè eandem, attamen probabiliter æqualem reperimus in corpore humano: id quod in febribus ardentibus imprimis apparet, ubi massa sanguinea inquinata est scariis heterogeneis, easdem per modum præcipitationis foras eliminat. Hoc videntes, solemus afflicta massæ sanguinæ auxilio esse medicamentis præcipitantibus, quæ heterogenæ ea ex massa sanguinea separata vel per urinam, vel per sudorem, vel per alvum excludant.

Atali Præcipitatione dependent signa coctionis urinae & pulsus. Nam urinae in incremento morbi claræ, in statu multum habebunt sedimentum; quoniam verò ebullitio fit in massâ sanguinea ab acido volatili seu sale volatili oleoso in febribus ardentibus, adhibenda sunt *acida*: è contra ubi p. n. fermentata massa sanguinea ab acido præternaturali, uti in febribus ardentibus contingit, usurpanda sunt *alcalia*, quæ acidum ex massa sanguinea absorptum separant. Hæc sunt proprie dicta præcipitantia. Improprie Præcipitantia sunt, quæ vim habent acores vitiosos invertendi; quia ab his phlogosæ & varix in partibus variis ebullitiones oriuntur: Unde falsò hæc dicuntur præcipitantia, potius absorbentia aut figentia dicenda; qualia sunt martialia omnia, quæ tantum absorbent *acida* in hypochondriacis & scorbuticis, non verò proprie præcipitant: sic creta in soda præcipitare dicitur, cum tamen figat acidum viriosè effervesceus in ventriculo: sic dens apri in pleuritide dicitur præcipitare, cum tamen corrigat massam sanguineam, absorbendo ejus præternaturale acidum. Idem esto judicium de antidysentericis aliorumque affectuum remediis.

LECTIO XIX.

Pergo jam ad vitriolum : sed cum vitriolum calcinetur in terræ visceribus, præmittenda quædam sunt.

DE

CALCINATIONE.

Calcinatio namque est corporis compacti in minutissimas sui partes corrosio & dissolutio, qua metalla aut mineralia in calces, & vegetabilia in cineres rediguntur, aut saltem corpus friabile redditur. Differunt tamen calcinatio & incineratio, ut genus & species: ita ut omnis incineratio sit calcinatio, sed non vice versa: ex cineribus enim mediante aqua elixiviantur salia fixa, non autem ex calcibus metallicis & animalibus. Omnis autem calcinatio fit vel igne actuali, vel potentiali. Calcinatio igne potentiali fit plerumque per liquores acidos aut menstrua acida, & succedit duplici modo: Aut enim igne potentiali tantum suffumigantur calcinanda; aut eidem, scilicet menstruo acido, immerguntur. Exemplum calcinationis igne potentiali per suffumigationem exhibet præparatio illa in vulgus nota cerussæ: sic animalium ossa & cornua vesicæ alembico suspensa per vaporem aquæ simplicis aut appropriatæ ebullientis suffumigantur, donec mollescant, & exsiccata pulverisari possint, quod vocant calcinationem sine igne, aut Philosophicam. Pertinet huc ea suffumigatio, quæ fit vapore sicco Mercurii & sulphuris, quando scilicet Mercurius aut sulphur cucurbitæ aut crucibulo immittitur, huius autem superiori parti Lunæ; Veneris, atque Martis lamina applicatur, ut per Mercurii aut sulphuris fumum friabilis fiat; qua ratione etiam aurum cum Saturno calcinari solet.

Porro immersua calcinatio est vel in uia humida, vel in uia sicca. Calcinatio immersua in uia humida dicitur corrosio, & fit, quando calcinandæ res immittuntur in menstruum solvens seu calcinans: v. g. si Venus immittitur in spiritum nitri, salis, &c. aut Saturnus in acetum destillatum, usque dum corrosus fuerit; hinc vel decantatione vel evaporatione, vel præcipitatione calx in fundo apparet, & hæc calcinatio est immersiva: sic ossa & cornua animalium philosophicè calcinando, loco vaporisationis in aqua communi coquantur ad molliem, ut scindi, & exsiccata pulverisari possint. Quod etiam pertinet calcinatio per illinitionem, quando e. g. oleum aut spiritus vitrioli vel sulphuris, laminæ vel bacillo ferreo illinitur pro croco Martis. In uia sicca contingit amalgamatio, seu corrosio Metallorum per Mercurium; quod fit, quando duplum Mercurii in crucibulo calefcit, donec fumare incipiat, cui solis lunæ, Jovis aut Saturni laminæ tenuiores intense calefactæ immittuntur, simulque tamdiu agitantur donec ambo in massam quasi unctuosam & manu tractabilem abeant, amalgama dictam, quo metallum in minima redigitur. Ut autem à Mercurio iterum separaretur, aquæ frigida inijcitur, & per corium Mercurius exprimitur, in quo metallum subtilissimum remanet, quod à reliquis Mercurii particulis per evaporationem, vel per se vel cum duplo sulphuris, liberandum. Sequitur calcinatio ea, quando fit stratum supra stratum cum re calcinanda, & dicitur propriè Cementatio seu Stratificatio, locumque imprimis habet in metallis calcinandis, quæ in laminas dividuntur, & cum salinis pulveribus, vel in forma sicca, vel cum aceto, urina &c. in pulvem redactis, vicissim locantur (sive alternatim ponuntur:). Mistura hæc in pyxide terrea vel cementatoria, aut in crucibulo committitur igni fortissimo, ut salia resoluta emittant suos spiritus acidos, qui rodunt additum metallum. Et hæc cementatio quoque in auro per cornu cervi; lunæ per Mercurium sublimatum, Marti per sulphur & calcem vivam, aliisque metallis adhibetur. Huc pertinet Calcinatio Detonatoria, Granulatoria, & Exinctio. Detonatio est, quando Mineralia; e. g. antimonium, vel pro præparatione croci metallorum; reguli antimonii, & antimonii diaphoretici, cum nitro, tartaro &c. crucibulo per vices committitur, ut sulphur superfluum partim avolet, partim mineralia ab additis figantur: Granulatoria calcinatio in quibusdam metallis locum habet, quando e. g. pro croco Martis parando, laminis Martis probe ignitis magdaleones sulphuris admoventur, donec Mars à flamma instar ceræ liquefcit, & in aquam frigidam suppositam sub granulorum friabi-

lium forma decidat, quæ lævigando in crocum Martis extinguuntur: *Exinctio* est, quando e. g. corallia, crystallus, silices, alique lapides calcinandi aliquoties igniuntur, & in liquore quodam extinguuntur, donec friabilia fiant.

Fuit hætenus facta calcinatio igne potentiali in via sicca per salinos pulveres: sequitur calcinatio igne actuali, quæ dicitur calcinatio *ææ* *ææ* *ææ* vel *ignitio*, qua flamma carbonum vel lignorum res comburitur: in qua notandum, quod ignis in primo principio non sit nimis, sed successivè augeatur, ne particulæ volatiliores nimis avolent, sed cum aliis colliquefcant & figantur, ut in alcalibus fixis patet; nec materia calcinanda colliquefcit, & calcinatio impediatur, quod verb. gr. in vitro antimonii, & vitrioli calcinatione contingit. Pertinet huc calcinatio *Reverberii*, qua corallia, alique similia ita calcinantur, ut flamma illa undique ambiat vel lambat. Huc quoque spectat calcinatio per radios solares, mediante speculo ustorio concentratos, qualis calcinatio à BARTHOLETO de Respirat. Coeliaca & Physica, à quibusdam Magica dicitur, & quibusdam pro calcinatione antimonii in usu est, ut in POPPI, *Basil Antimon.* & FEBURE Chymia patet. Item huc spectat decrepitatio salis communis, de qua suo loco dixi.

LECTIO XX.

Pergo ad

VITRIOLUM.

Quod per calcinationem quandam in terræ visceribus sequenti modo generatur: Minera Veneris vel Martis corroditur a spiritu acido sulphuris, qui cum eadem coagulatur, & ita concrefcit in corpus unum, quod dicitur vitriolum. Propriè vox vitrioli spectat vel ad Martem, vel ad Venerem: nihilominus tamen alia metalla ab acido diverso soluta impropriè & abusive dicuntur vitriolum e. g. saccharum saturni dicitur quibusdam vitriolum saturni: sic crystalli lunæ optimè purgantes dicuntur nonnullis vitriolum lunæ, & similes aliæ coagulationes; sed abusive.

Generationem vitrioli fieri dictum est per corrosionem mineræ Martis vel Veneris à liquore sulphuris acido; unde, prout variat minera corrosa, variat quoque ipsum vitriolum. Si minera Veneris corrosa sit, oritur vitriolum colore cæruleo; si Martis, elegans viridescens acquiritur vitriolum; si utraque de minera constet vitriolum, participat quoque de duobus coloribus.

Alias *Cyprinum* maximè est cæruleum; *Ungaricum* item, quia de Venere participat; Romanum viride apparet, quia de Marte participat: sic quoque viride est *Goslarrense*, quod ex Marte potissimum constat. Generationem vitrioli nativi egregiè illustrat artificialis productio vitrioli, nativo per omnia similis: ver. gr. Recipiatur spiritus sulphuris (sulphur enim communiter habet duplicem substantiam, primò bituminosam, secundò salinam: in igne bituminosa deflagrat, & salina dispergitur & coit in spiritum acidum (vel vitrioli, miscetur & diluitur cum aqua, additurque Mars vel Venus, unde spiritus acidus sulphuris corrodit adjectum Martem vel Venerem: facta hac calcinatione corrosiva, materia, hæc calcinata evaporet post filtrationem, & in loco frigido concrefcunt crystalli vitrioli Martis vel Veneris. Hoc vitriolum artificiale adeo est simile naturali in omnibus ferè, ut ovo non sit similis, præferendum est illi, quod cum spiritu vitrioli conficitur.

Alio modo, & quidem elegantiori, & magis utili, componitur *Vitriolum artificiale*, si recipiantur laminæ Martis vel Veneris, & fiat stratum supra stratum cum pulvere sulphuris; quæ permixta in crucibulo committantur igni, ut cementando fiat Calcinatio: Nam in igne dum inflammatur sulphur stratificatum, prodit spiritus acidus, qui corrodit substantiam vel Martis vel Veneris: Facta hac calcinatione Mistura hæc committitur aquæ simplici, quæ tunc viridescit, si Mars corrosus; si Venus, cærulefcit; Hæc post filtrationem evaporata ad justam quantitatem in fundo concrefcunt crystalli egregiæ. Hoc Vitriolum artificiale idem est cum nativo, eundem habet usum, eisdemque dat effectus seu producta, quæ dat vitriolum nativum. Nam si recipiatur vel artificiale vel naturale, præmissis præmittendis destilletur, acquiritur primò Phlegma insipidum, secundò acidus spiritus simi-

simillimus spiritui sulphuris communi: Remanens caput mortuum cum borrae calcinatum, verum dat sal Martis aut Veneris; unde recte dicunt Chymici quidam, quod Vitriolum constet ex minera metallica, in specie Martis vel Veneris, corrosa à spiritu sulphuris acido: Vid. ANGELUS SALA in *Anatom. Vitrioli*, ex quo KIRCHERUS fidelissime omnia ferè exscripsit, quæ de *Vitriolo* habet, sup-presso veri Autoris nomine.

Vitriolum nativum reperitur in terra, vel sub forma Vitrioli, vel sub forma lapidis sulphurei, pyritis dicti. Lapis hic pyrites participat de Marte vel Venere, & simul de sulphure, ex quo Goslarientes suum conficiunt vitriolum hoc modo: Contunditur hic lapis, calcinatur, & calcinatus ita aeri exponitur: hoc dum fit, vel sponte efflorescit vitriolum, vel cum aqua elixivatur. *Fundamentum* hujus *præparationis* hoc est: dum lapides hi de Marte vel Venere participantes calcinantur cum sulphure, sub ignis vehementia sulphur inflammatum, prodit suum spirituum acidum, qui aggreditur sibi adjunctum metallum, idque corrodit; unde, dum postmodum aeri exponuntur, aeris humiditates sensim sensimque insinuant se, cumque acido sulphuris se coniungunt, hoc resolvunt, & ita sensim in vitriolum abeunt. Pyrites hic, si per descensum destilletur, magnam sulphuris quantitatem fundit; ex remanentia verò demum vitriolum elicitur, ob rationem jam dictam.

Vitriolum aliàs raro reperitur purum seu simplex, subinde tamen Cyprinum & Ungaricum sua gaudent simplicitate: Romanum verò & Salzburgicum ut plurimum mixtæ sunt naturæ. Jam ut pro usu Medico habeamus purum *Vitriolum* interdum cum Venere vel Marte conjunctum ita solent separare. Solvitur nempe hoc diversæ naturæ vitriolum in aqua simplici, & dum super ignem ebullit hæc solutionis aqua, eidem intruduntur bacilli ferrei, sic enim Venus præcipitatur ad fundum, quoniam acidum in Vitriolo aggreditur Martem, & relinquit Venerem, & sic oritur purum vitriolum Martis.

LECTIO XXI.

Hæc manu nos quasi ducunt ad cognitionem acidularum naturalium. Hæc autem.

ACIDULÆ NATURALES

Nihil aliud sunt quàm minera Martis à spiritu acido sulphuris embryonati resoluta: Fiunt enim hæc, uti quibuldam accuratioribus naturæ scrutatoribus observare licuit, quando aqua, quæ cryptas & meatus terræ transiit, imprægnatur à spiritu quodam salino, seu uti loqui amat PARACELSUS, & cum eo HELMONTIUS, quando modò dicta aqua imprægnatur à spiritu acido esurino sulphuris embryonati. Hæc aqua ita prægnans, quando fluit per venas metallicas, imprimis ferreas, redditur acida seu parum amaricans; si verò à minera Venere imprægnata, saporem communicat nauseosum. Confirmat hæc omnia propria experientia ROCHAS, scriptor Gallicus, *Tr. Chymico*, qui sanè curiosus fuit in indagandis aquis mineralibus. Hic, ut perveniret in perfectiorem aquarum subterearam seu acidularum cognitionem, videns aliquam aquam acidam, fodit terram, donec ad ejus originem perveniret, reperiitque, quod aqua salina subacida, quæ in transitu suo permeat per venam Martis aut Veneris, lambat illam, corrodat, & absorbeat, & sic sub exortu aquam medicatam præstet. Ex quibus virtutes acidularum patent: nam ratione *sp. acidi sulphuris embryonati* (quale acidum non datur in toto universo, utut varia diversâ multaque dentur acida) hæc sub varia præparatione variè in suas vertuntur texturas atque naturas, sunt saporis penetrantis, incisivi, resolutivi, egregièque diuretici; ratione *venæ Martis corrosivæ* uim habent salia sylvestria in corpore aberrantia, acida austerà, aut alio modo corpori nociva, corrigendi, inque viis primis stabulantia absorbendi, imprimis in hypochondriacis & scorbuticis, & similibus affectibus: Nam simulatque potantur acidulæ, accurrunt ad terrestrem venam Martialem in acidulis existentem salia vitiosa corporis, cum ea se uniant, absorbentur, perque alvum redduntur. Excrementa autem nigra rejiciuntur propter præcipitaram venam Martialem cum salibus sylvestribus.

Porro acidularum aciditates penetrant venas mesenterii omnesque meatus referant, abstergunt, corpusque universum udricant: hinc in morbis Chronicis conducunt, in scor-

buto, malo hypochondriaco, ictero nigro, in quibus deficiunt vires, & ubi ad acidulas, tanquam ad sacram anchoram, confugimus.

Potandi ratio requirit, ut gradatim adscendamus, & fiat progressus à parva dosi ad mediam, tandem ad maximam. Saltem observandum:

1. Quod acidulæ stomachum validum requirant; aliàs destruendo stomachi tonum, nocent magis.
2. Ratione vitriolacæ naturæ nocentis, qui metuunt phibitionem: unde tales continuato usu acidularum hydropici moriuntur.

Dixi, quod *sp. acidus acidularum* rodât Mineram Martis, quam absorbet, & præcipitantur ambo ad fundum in pulverem seu terram nigram, & hoc contingit semper, ubi acidulæ in vase diu in loco continentur. Hæc materia subsidens nihil est aliud, quàm minera Martis, quæ absorpsit acidum, & præcipitatur ad fundum, ac superstes insipida existit. Hoc quoque notandum, ne acidulæ ex loco naturali transmittantur in alienum: ratio ex superioribus patet.

Et hæc de acidulis nativis. Ubi deficiunt hæc artificiales substitui possunt. Harum variæ præparationes, omnium tamen fundamentum est Mars. Quidam extinguunt Martem ignitum in vino Rhenano, & propinant in cachexia virginum: Alii recipiunt limaturam Martis, eamque miscent cum aceto destillato hydromelitis, cui admiscunt parum vitrioli, & diluunt cum sufficiente quantitate aquæ, adhibentque in morbis Chronicis. Elegantiores longè sunt, quæ fiunt ex phlegmate Vitrioli acidulo, seu ex destillato Vitriolo tamdiu, donec acescere incipiunt guttæ: hoc phlegma affunditur limaturæ martis & propinatur cum succellu. Optimus modus est, quo crystallos Vitrioli Martis in proprio phlegmate diluunt cum vino, & fiunt acidulæ egregiæ. Usus obtinuit, ut Clysus, ex antimonii & nitri anatica proportionem, cum dimidia parte sulphuris destillatus, nomine acidularum veniat: sed nihil est, cum minera Martis deficiat. In febribus autem morbisque acutis refrigerii est instar, & præcipitans medicamentum; & pro quo scopo etiam cum clyffo conficiuntur tinturæ vegetabilium coloris sanè perelegantis. Tintura Nephritica Ammelungii nihil est aliud, quàm clyffus quidam secundum se, cujus hic est modus:

4. Antimonii,

Tartari

Silic. Solar. an. qu. v.

Pulveriscentur omnia debito modo: Postmodum recipiatur nitrum, solvatur in aquæ tepidæ calidæ q.l., solum ad datur prioribus speciebus, ut fiat mistura in forma crassa, reponatur in cella per aliquot septimanas, post destilletur per retortam tubulatam; unde acquiritur spiritus urinoso-salinus, qui sanè egregium præstat commodum in calculo.

LECTIO XXII.

Sed ut ad

VITRIOLI PRÆPARATA

redeam, *Vitriolum* destillando suggerit:

1. Ex Balneo Mariæ Phlegma tenue insipidum, aliàs Ros Vitrioli dictum, mediante quo materialiter concurrente crystallisatio Vitrioli fit.
2. Cucurbita hæc igni arenæ vel aperto commissa dat Phlegma acidulum copiosius, quod tamdiu colligendum, donec nullæ guttæ amplius destillent.
3. Dum vitriolum cinerei & flavi coloris in cucurbita relictum pulverisatur, & destillationi immittitur, aucto igne erumpunt nebulæ, quæ in phlegmate proprio coagulata constituant spiritum.
4. Post oritur oleum Vitrioli nigricans, & sic finitur destillatio.

Necessaria est vitrioli Calcinatio ante destillationem Vitriolum enim colliquescent sub phlegmatis destillatione spiritum nullum fundit, & retortam rumpere facit, quod notandum contra BRENDELIUM in *Chymia* p. 27. Non opus est, ut Vitriolo pro fluore coercendo, uti in destillatione spiritus salis, nitri &c. requiritur, corpus aliquod terreum addatur, cum terræ metallicæ tantum contineat, quantum scopo huic sufficit, & semel calcinatum & pulverisatum colliquescere nequit.

Oleum & spiritus Vitrioli non differunt, nisi ratione majoris & minoris aciditatis. Nam oleum Vitrioli, ultima vi ignis

ignis destillatum, rapit particulas metallicas secum, unde crassities ejus & coloris obscuritas. Spiritus enim Vitrioli mistus est copiosiori phlegmati seu aquæ, unde aciditas ejus imbecillior est præ aciditate olei Vitrioli, quia magis concentratum habet acidum; unde etiam rigorosiori ignis examine opus habet. Hoc probatur exinde, si rectificatur fortiter & accuratè spiritus Vitrioli, ita ut lenissimo igne phlegma evocetur omne, tunc remanent spiritus ejusdem acrimonie ac consistentie, ac est oleum Vitrioli; si verò oleo Vitrioli corrosivo infundantur partes aquæ simplicis, & destilletur rectificando, sicut spiritus Vitrioli, tunc oleum Vitrioli sub forma spiritus prodibit. Optimè rectificatur in capella vacua; non quidem ut separaretur phlegma, sed partes metallice, quas sub ignis tortura secum vehit. Quo minus vitriolum de substantia habet metallica, quale est Anglicum & Hungaricum, eò major copia spiritus requiritur; unde si vitriolum depuretur, & spiritus copiosior desideretur, à terra ochrea prius liberetur.

Caput mortuum vitrioli est nigrum subinde, interdum fuscum; quandoque apparet nigrum, & tunc omni privatum est spiritu: ubi verò est fulci coloris, non omnis ex eo destillatus est spiritus. Ex capite mortuo calcinato, soluto in aqua comuni, elicitur sal, quod est acidum, cum aliqua minere parte conjunctum. Istud caput mortuum vitrioli, ex quo elixivatum est sal fixum, dicitur terra vitrioli dulcis, estque nihil aliud, quam Crocus Martis obstruendus, seu est pars residua minere metallice post separationem spiritus sulphuris, à cujus corrosione transmutatum fuit metallum in vitriolum, separato verò hoc spiritu, remanet minera à spiritu corrosa.

Caput mortuum Vitrioli prunæ coloris, ut & nitri, spiritibus suis per destillationem orbatum, si exponatur aeri libero, ita tamen, ut neque à pluvia, neque à radiis solaribus alteretur, post aliquod tempus novo, eodemque penetrantior, imprægnatur spiritu: Hoc tamen fit certo tempore, mensibus scilicet vernalibus & autumnalibus; in æstate & hyeme nil attrahit.

Jam queritur: an spiritus ille in capite mortuo Vitrioli denudè ex aere attractus, sit unus idemque cum spiritu Vitrioli? An verò materialiter alius & novus ex aere regeneratus? Resp. Utraque sententia habet suos Patronos. Certum est, quod spiritus Vitrioli regeneratus quodammodo ad naturam nitrosam inclinet: nam si perfectè extrahatur omnis spiritus ex capite mortuo, nihil ex aere attrahet spiritus, quamvis per plures annos ipsi expositum esset; Conf. WILLISIUS de Affect. Hypochondr. contra Hignorum pag. 67. Media nos incedimus via, dicentes, quod spiritus Vitrioli regeneratus sit omnino acidum quoddam, quod latuit in capite mortuo, hoc caput mortuum simul ex aere attrahit acidum nitrosum, unde spiritus regeneratus evadit ex his duobus tertius quasi qui est quasi nature intermedie inter spiritum vitrioli & spiritum nitri. Nam metallica quoque, eaque valde multiplicativa, effluvia per atmospheram fluctuare, & ab ipsa certa corpora imprægnari, diversis observationibus comprobari posset. Sic PETRUS ALCINUS in Cronico Misnensi Miner. Tit. 16. item MATTHÆIUS Sarpt. Conc. 3. referunt, Bismuthi venam effosam, quæ ne granulum argenti continebat, aeri per aliquot annos relicta, sepius nobilioris hujus Metallii notabilem quantitatem coctoribus exhibuisse: In Anglia quodam ingo Mentitheo observatur antiqua quedam Molybdæna, in qua ante seculum omne plumbum excoctum atque extractum, quæque scoriarum nomine rejecta fuit, hæc temporis tractu novo ab incurso aeris plumbo imprægnata conspicitur, hocque in igne copiosius dimittunt: Huc quoque facit experimentum DYGBÆI, quod BORRICHIO retulit de terra Arcevilensi, quæ aeri liberi saltem commissa, & aqua pulviali per aliquot menses irrorata, diversa mineralia & metalla producit; sicut idem ab aliis tentatum & deprehensum fuisse idem BORRICHIO de ortu & progressu Chymie pag. 149. & 150. testatur. Illustrat regenerationes hujus spiritus vitrioli aeri minera martis solaris, sive Hassica, sive Turingica, quæ aeri per aliquod tempus exposita sale quodam vitriolico circumcirca non saltem obducitur, sed post longiorem temporis tractum tota ferè in vitriolum resolvitur; quod, vitriolū, postquam cum aqua fuerit solutum & inspissatum, & destillationi commissum, caput mortuum relinquit quod nihil aliud est, quam crocus Martis & in verum Martem liquari potest. Sicut igitur omne illud vitriolum, quod ex minera Martis solari per aquam elicitur, ab aere substantialiter & corporaliter non attrahitur, sed maxima potius

illius pars in minera hac jam dum materialiter, licet nondum sub forma vitrioli, latuit, quæ per aeris nitrosi accessum in vitriolum resolvitur, quatenus sulphuris latentis acidum ab aere extraversum & commotum in martialem hujus minere substantiam agit, & eam pari modo, ac alias in vitrioli, tam naturalis quam artificialis, præparatione fieri solet, in vitriolum rodit ita & spiritus vitrioli regeneratus à capite mortuo materialiter ex aere non attrahitur, sed acidum vitrioli in capite mortuo adhuc latens à nitro aereo resolvitur, quod caput mortuum metallicum in novum vitriolum quasi rodit, aut novo spiritu imprægnat. Ex minera enim Martis solaris aeri nondum exposita, sub ignis tortura sulphur copiosissimum sublimatur, quæ sulphure suo hoc modo privata in nullum amplius vitriolum resolvitur, licet per multos annos aeri exponatur. Aerem autem acidum suum nitrosum ad spiritus hujus regenerationem simul contribuere, regeneratio nitri illustrat, quod in alcali nitri fixo, omni spiritu acido per destillationem exhausto, aeri per proportionatum tempus exposito, regeneratur: imò salis aut nitri aeri accessum concurrere, comprobare videtur Tritura illa solis LANGELOTTI per molam Philosophicam, sub qua per hoc simili modo ac per aquam regiam, aurum aliàs splendidissimum in pulverem fusco-subnigrum corroditur. Vid. LANGELOTTI Epist. ad Naturæ Curiosos, in M. A. N. C. Ann. 3. observat. 59.

Sed jam reliqua Vitrioli præparata considerationi quoque nostræ subjiciemus, cum & PARACELUS ex Vitriolo quartam partem Pharmaceuticas constituerit, utut eorum non imitemur phantasiam, qui ipsum lapidem Philosophorum ex Vitriolo eruerè laborant, decepti versiculo illo vulgari: *Visitabis interiora terræ, rectificando invenies optatum lapidem veram Medicinam*: Horum literæ initiales exhibent vocabulum VITRIOLI, qui tamen versus longe alio sensu interpretandus est.

Vitriolum autem, dum igne examinamus, asserre primò phlegma, hinc spiritum cum oleo, supra dictum. Quod attinet phlegma Vitrioli, hoc, utut vulgò rejiciatur, elegans tamen & perutilis in eo latitat Medicina; turget enim sulphure Vitrioli Martis, non ineleganti: unde etiam saporem acidulum possidet, & interno usu adhibitum, gratum est refrigerium in æstu viscerum, massamque sanguineam rorulenta sua sulphureitate egregiè refocillat, unde externè in doloribus & ardoribus capitis instar epithematis fronti admotum, valde confert, cum omnes dolores mitiget. Phlegma hoc cohobatum aliquoties à Vitriolo, & per digestionem exaltatum, optimum prædicatur remedium in phibisidæ tabe, è corruptione viscerum enata, in specie in vomica pulmonum, quo in affectu cum successu usurpat HELMONTIUS JUNIOR; quin & omnes inflammationes viscerum, & inde ortos abscessus, potenter tollit.

Pertinet hæc Aqua celestis Basilii Valentini, quam in Testamento nobis reliquit, quæ nihil est aliud, quam phlegma Vitrioli sulphureum, separatum à spiritu Vitrioli cum sale tartari, quod, utut tanquam inutile subinde rejiciatur, in modò enarratis affectibus tamen laudata est Medicina.

Quod spectat spiritum & oleum Vitrioli, sunt hæc unius ejusdemque nature, & non nisi ratione majoris & minoris aciditatis & consistentie differunt, cum oleum Vitrioli sit spiritus concentratus & spiritus sit oleum resolutum. Præter varios usus in Chymia in præcipitatione Mercurii maximi usus est. In Medicina optatum edit effectum in affectibus stomachicis, si in vehiculo appropriato ad aliquot guttulas exhibeatur, imprimis si immisceatur tribus vel quatuor partibus Elixiris proprietatis vel menthe, in anæxia, avopexia aliisque affectibus, optimum est remedium. PARACELUS dicit, quod spiritus Vitrioli Veneris adeò roborat stomachum, ut Martem struthiocamelii instar concoquere possit. Hoc, utut sapiat hyperbolem, verum tamen est, quod non sit contemnendum remedium in febribus ardentibus, quod Iulapia, potusque ordinarii, acidulentur. Præprimis vi sua adstrictoria viscera corroborat & firmat, renum sordes abstergit, & sabulum nephriticum eliminat, teste PANAROLLO, aliisque Practicis. Præstat tamen pro usu hoc si coaguletur, fitque, si à quodam alcali absorptus in formam crassiorem coagulatur; omne enim alcali absorbet acidum, & abeunt simul ambo in salum ter-

tertium diureticum; unde propter hanc vim diureticam magis convenit spiritus vitrioli coagulatus. Interea tamen ut supra quoque dixi de acidulis, pulmonibus nocet, propter aciditatem & liquamen metallicum Veneris vel Martis, pulmonibus inimicissimum. Dentibus porro nocet; hoc enim habet vitrii, ut affricus cum unguentis dentibus, emittat ex se mineras corrosas, quæ præcipitate dentes nigredine afficiunt, unde loco spiritus Vitrioli hoc in casu eligatur spiritus salis. Testibus inimicus quoque observatus est; Virilitatem enim exstinguit: unde crebro ejus usu masculi emasculantur, insigniterque debilitantur testes.

Dixi, quod spiritus Vitrioli secum gerat particulas metallicas, quas secum abripuit per retortam. Hoc exinde patet, quod nisi exacte rectificetur, utut primitus sit egregie clarus, si ad tempus steterit, flavescat, & terræ ochræ instar ad fundum dimittat materiam, quæ nihil aliud est, quam pars Vitrioli metallica destillata. Hæc tamen arte infixa cohæret spiritui atque oleo Vitrioli, ut vix ac ne vix quidem eadem separetur; & tamen si huic spiritui instilletur spiritus urinæ vel sanguinis humani protinus in colore viridi apparet, propter præcipitatas particulas metallicas venereas.

Spiritus è Vitriolo elicit differunt, prout vel ex Vitriolo Martis vel Veneris ortum atrahunt. Sic quidam, ut acquirant spiritum Vitrioli hermaphroditicum, recipiunt Vitriolum Martis & Veneris artificiale, destillat, & acquirunt spiritum duplicis naturæ, qui vulgò commendatur in affectibus mulierum: unde ab HARTMANNO ad præparationem Elixiris Uterini Crollii adhibetur. Hic tamen spiritus hermaphroditicus non multum differt à spiritu Vitrioli vulgari, uti credo, cum Vitriolum vulgare raro sit simplex, sed ut plurimum participet de Marte & Venere.

Spiritus, oleum, & phlegma simul concurrunt in unum recipiens tempore destillationis, quæ solent vulgò à se invicem separari & rectificari. Hanc autem separationem & rectificationem spiritus ab oleo & phlegmate non vult approbare ZWELFFERUS, quia cum phlegmate Vitrioli dum separatur, simul adscendit spiritus Vitrioli volatilis sulphureus; quo ablato, relictus spiritus Vitrioli nobiliori parte defraudatus est.

Spiritus Vitrioli vulgaris propter corrosivam suam vim quibusdam suspectus est, unde allaborant, ut eum dulcificent, id quod volunt quidam præstare per se; sed res est difficilis. Quod verò sit prorsus impossibile, vix credendum: nam digestiones & cohobationes, mutando corporum texturas, multum valent in alterandis corporum qualitatibus; unde digerendo & cohobando in tantum spiritus Vitrioli immutatio fit, sed res est multi laboris. Vulgò palliative dulcificant spiritum Vitrioli cum spiritu Vini digerendo & cohobando. Alii hoc præstant imbuendo caput mortuum proprio spiritu, & iterum destillando, quod caput mortuum absorbet exactissime spiritum affusum, & postmodum phlegma saltem, non verò spiritum recipiunt, cum hic, ceu dixi, fortiter in capite mortuo concentretur: Alii recipiunt martem & urinam humanam, & super hæc destillant spiritum Vitrioli; sed hæc operatio est deceptorio; nam Mars in destillatione absorbet spiritum acidum erumpentem, urina verò mutat eum in falsedinem; unde phlegma falsum acidum acquirunt. Alias certum est quod, quando spiritus Vitrioli ex vitriolo Martis artificiali paratur babeat aliquam dulcedinem; sapor enim adstrictorius est à Marte nativo, nauseosus verò à Venere in spiritu Vitrioli dependens ut plurimum observatur.

Pertinet huc spiritus aperitivus Penotti, de quo vid. SCHRODERUS in Pharmacop. pag. 489. Paratur ex Vitriolo calcinato cum silicibus calcinatis, & quarta parte tartari ad albedinem calcinati; mista, in cellam reponuntur fermentationis causa, postmodum rigoroso igne urgentur, destillanturque, quæ dant paucum spiritum acidulum, rectificando acuendum. Hic spiritus PENOTTI minor est spiritu Vitrioli, quia propter admissionem tartari & silicis, acor Vitrioli destruitur nimis, & est nihil aliud, quam spiritus vitrioli, sed qui propter additum tartarum fit ex se debilis, nisi abstractione phlegmatis roboretur.

Spiritus Vitrioli vulgaris minus arridet sublimioribus Chymicis, qui conantur eundem volatilifare. Hic spiritus Vitrioli volatilis vulgò commendatur à PARACELSO ad curam epilepsiæ, multisque laudum encomiis ab eo,

suppresso licet laborandi modo, extollitur; diciturque, qui novies de suo capite mortuo retractus est. Hic spiritus non est non ens, cujus notæ sunt; ut

1. Facili igne eleveatur in altum & striatim, ut spiritus vini, per alembicum adscendat.
2. Cum spiritus Vitrioli vulgaris non sit admodum sulphureus, nareque non adeo feriat, hic spiritus vitrioli volatilis adeo penetrantissimus est, nareque non sine gravi molestia afficit, quare propter suam volatilitatem à multis anxie desideratur, ejusque tamen præparationes tot sunt, quot capita.

Attamen, qui cupit eum præparare, has sequentes observet encheirises:

1. Paretur è Vitriolo non calcinato: nam in calcinatione nobilior ejus pars cum phlegmate avolat.
1. Ignis non nimis sit vehemens, ne spiritus vulgaris fixus prodeat, qui spiritum volatilem figit.
3. In præparatione dum calent vasa, removendum est receptaculum, alias spiritus volatilis reintrat in caput mortuum, figitur ibidem, & nihil postmodum acquiritur.
4. Non omittenda est digestio, cum semel expulsus cum phlegmate proprio aliquandiu sit digerendus, & à capite mortuo cohobandus, quia volatilifatur magis, idque tamdiu, donec tandem per vasa altissima destilletur.

Parum quidem dat, & aliquot libræ sp. Vitrioli vulgaris vix drachmas duas exhibent spiritus volatilis: ast est nobilissimi usus.

Porro alias volatilifare conantur quidam spiritum Vitrioli vulgarem cum spiritu vini hunc in modum, & fit spiritus Vitrioli epilepticus: scilicet recipiatur caput mortuum, quod ab incubatu in aere aliquandiu denuò fuit imprægnatum: hoc destillant, & acquirunt spiritum Vitrioli volatilem, regeneratum dictum; Huic spiritui admiscunt p. ii. spiritus vini, digesti cum speciebus epilepticis, digerunt per aliquot dies, postmodum misturam hanc destillant per retortam, & prodit spiritus antiepilepticus, qui in affectibus capitis per consensum est nobilissimus. Sic quoque eodem planè modo præparavit Dn. D. MICHAELIS spiritum suum Vitrioli Cephalicum: Recipit spiritum vini cum herbis cephalicis digestum & ab iis abstractum: Hunc affudit Vitriolo Martis ad albedinem calcinato, seu capiti mortuo Vitrioli in aere denuò imprægnato, destillavit blando igne per retortam; sic enim prodit spiritus Vitrioli cephalicus, qui optimus est in morbis malignis cum convulsionibus, & omnibus capitis affectibus.

Alius modus volatilifandi est cum urina humana, Autore QUERCETANO, qui commendatur ab HARTMANNO: Caput mortuum Vitrioli digeritur cum octuplo urinæ, & destillatur per retortam; prodit primò phlegma, quod est anodynum in podagricis doloribus; nam acuaturn est sale urinæ & sulphure vitrioli, unde mirè prodest hoc phlegma primò prodiens: succedit phlegma subtilius, quod dicitur optimum Ophthalmicum, teste MINDERERO, constans ex phlegmate, acuaturn cum sale volatili urinoso paucò, quod abiit in sal penetrans tertium: hic liquor ad omnes ferè oculorum affectus, in specie ad cataractas; suffusiones, unguis oculorum, &c. mirè deprædicatur: Succedit tandem Vitrioli spiritus, ab urina mutatus in sal tertium volatile, qui in epilepsia infantum egregium præstat usum. Hæc de spiritu Vitrioli.

Post spiritus & olei destillationem remanet caput mortuum Vitrioli, quod vocant Colcothar, ficto vocabulo, à PARACELSO ita indigitatum. Utut autem caput mortuum omnem remanentiam post destillationem significet, propriè tamen id denotat, quo post sp. & olei vitrioli destillationem remanet. Hoc caput mortuum, si rigorosè destillatum sit, ut appareat nigrum & planè insipidum, tum nullum amplius spiritum continet, nec aeri expositum in vitriolum regeneratur: sin verò prunæ aut atro-purpurei sit coloris, tunc affusa aqua communi calida elixiviat sal Vitrioli, quod crystallisandum est. Hoc sal Vitrioli nihil aliud est, quam perfectum & parum Vitriolum, quod nodum fuit destillatum ab igne: nã si fiat lixivium cum hoc sale, & igni exponatur, fit verum Vitriolum; si enim spiritus Vitrioli à capite mortuo suo aliquoties cohobatur, sal hoc totum in spiritum Vitrioli abit ita ut nihil, præter terram inspidam metallicam, remaneat. Sal hoc ab aere solutum in capite mortuo prodit terram metallicam, & vitriolum regeneratum constituit.

Hoc

Hoc sal *Vitrioli* habet vim inducendi nauseam & vomitum, unde tanquam optimum vomitorium commendatur ab ANGELO SALA, adeo ut vociter id *mannam vitrioli vomitoriam*. Dosis est à ℥j ad ℥ss. Verum cautiſſimus ſit huius ulus: Ego enim religioni mihi ducere exhibere ſal vitrioli vomendi cauſa, quia huius ſalis vitrioli natura dependet à Venere, quæ ventriculum debilitat, ejuſque tonum deſtruit; imò, ſiplicis ejus ſe inſinuet, nauseam pertinaciſſimam & inanes vomendi coatus per aliquot ſeptimanas inferat, ſicque totalem ſtomacho cauſatur ruinam. Præterea nocet quoque ipſis pulmonibus teſte MINDERERO qui ejus uſum omnibus diſſuadet. Notandum autem, quod ſolum ſal vitrioli Veneris vomitus cieat; ſal vitrioli Martis hoc nunquam præſtabit, & ſine tali metu propinari poteſt. Ubi & hoc ſal ex capite mortuo ſublatur eſt, remanet terra inanis, quæ dicitur terra vitrioli dulcis baſſamica, qualis etiam ex vitriolo præcipitari poteſt cum immaturo quodam metallo, v.g. quando per ſe digeritur in BALNEO Mariæ.

Terra vitrioli hæc dulcis baſſamica nihil eſt aliud, quam crocus Martis (uti jam ſæpius inui) vel eſt Mars, vel Venus ſeu cuprum ad ſummum calcinatum. Hæc terra ritè edulcorata, & ſubtiliſſimè pulveriſata, internè & externè adhiberi poteſt in affectibus omnibus, quæ adſtrictione opus habent. Dicitur terra Baſſamica, quod quaſi baſſamum in ſe reconditam habeat virtutem ad curanda vulnera & ulcera; unde quoque cum baſſamicis vulnerariis miſceri ſolet utiliter: unde unguentum fuſcum Felicis Wurzii ratione huius terræ egregium eſt in vulneribus curandis Fundamentum huius præparationis eſt, quod exhausta hæc terra vitrioli (quæ ingreditur unguentum hoc FELICIS WURZII) omni acido evacuata ſitiat, unde egregiè abſorbet omnes acidos acores ac ſapores vulnerum, eos edulcorat, ſimulque adſtringit, & labia vulnerum coarctat, ut promptius à baſſamo naturaliſantur. Externè adhibetur ad quaſcunque hæmorrhagias quarumcunque partium. Aliàs ſimilis quoque terra ſub præparatione tartari vitriolati TACHENII, quem in clauſe Hippocrat. Chymici cap. 6. pag. 101. deſcribit, ad fundum cadit, quæ internis uſibus æquè ac terra vitrioli ex capite mortuo vitrioli, aut crocus Martis quilibet adſtringens, inſervit.

Ex hac vel illa terra vitrioli baſſamica paratur communiter tinctura iſta Martis adſtrictoria, quæ aliàs falſò dicitur tinctura a ſulphuris vitrioli, quæ nihil eſt aliud, quam tinctura Martis, quæ itidem in omnibus partium hæmorrhagiis certifiſſimum eſt remedium. Paratur ex capite mortuo vitrioli Martis, aliàs vomitus facit.

R. Caput mortuum vitrioli Martis, ſive terra dulcis baſſamica:

Affunditur eidem ſpiritus ſalis communis, ſeu ſpiritus ſalis cum alumine aut nitro compoſitus, ſolvitur dein, filtratur, & abſtrahitur per arenam ad mellis conſiſtentiam: Remanens materia extrahitur cum ſpiritu vini rectifiſſimo in tincturam egregiè rubentem adſtringentem, quæ filtratur, & ſpiritus vini aliqua pars, ad oleoginoſitatem ſcilicet, abſtrahatur.

In omnibus hæmorrhagiis, dysenteria, item diarrhœa ſputo ſanguinis, optimi eſt ſucceſſus. Dosis à guttul. 20. ad 30. in vehiculo appropriato. Dicitur tinctura ſulphuris vitrioli, quaſi eidem ineſſet ſulphur.

Huius ratione quoque videamus ſulphur vitrioli dulce anodynum, à PARACELSO primò, & poſt ab HELMONTIO commendatum. Dicitur vitrioli ſulphur dulce anodynum, quia habet vim anodynam, dolores & furores inordinatos (ita loquente PARACELSO) archei ſedandi. Hoc ſulphur ex vitriolo Veneris nihil aliud eſt, quam ſulphur Veneris fixum. Paratur non immediatè ex Venere ſed ex vitriolo Veneris, quando Venus in corroſione à ſpiritu ſulphuris acido in vitriolum fuit bene reſerata; ita enim promptius ejus ſulphur extrahi poteſt. In Marte, & vitriolo Martis analogum latet ſulphur, quod patet.

1. Ex foetore ſulphureo, qui inter calcinandum adſtantium nares ferit.
2. Ejus flamma cœrulea, quam in igne ſpargit.
3. Sublimatio ſulphuris veri in collo retortæ per deſtillationem diutius continuata; Et
4. Quod ab oleo Vitrioli & terre binthinæ deſtillatis tandem verum & inflammabile ſulphur in collo retortæ ſublatur.

Sed ſulphur hoc vitrioli Martis non tam efficax eſt in Medicina, quàm ſulphur vitrioli Veneris.

HELMONTIUS deſtillat hoc ſulphur Veneris in oleum

viride, melle dulcius, quod vocat Elementum ignis Veneris. Hoc oleum viride (adjecto Mercurio præcipitato rubro illo diaphoretico, à quo liquor alcaheſt abſtractus eſt) fixatur per liquorem alcaheſt, conſtituitque aurum ejus horizontale. Vid. HELMONT. Traſſ. Lib. 1. c. 8.

Ex hoc vitriolo Veneris, & inde parato ſulphure, procedit Drif. Helmontii, ſeu ſuccedaneus lapis Butleri Helmontii, dum lixivio microſcōmico ſulphur vitrioli Veneris eluitur à concreto. Vid. HELMONTIUS l. 2. Butler. Verum cum non omnibus liceat adire Corinthum, vulgò parant analogum huic ſulphuris fixo Vitrioli: alii enim per ana ſalis ammoniaci ſublimant caput mortuum vitrioli Veneris rubicundum, aut colcothar vitrioli ad rubedinem calcinatum, vel terram ejus ochream ſeu metallicam probè edulcoratam, per arenam, ignem ſenſim augendo, donec cucurbita fere candeat: ſublimatum intènſe flavum eximunt, & ſi nimis adhuc palleat, cum reſiduo denuò miſcent, & de novo ſublimant; quod verò aurei coloris iterum per ſe ſublimant, & egregium acquirunt remedium. Ex his cum ſpiritu vini tinctura elici poteſt. Inter alios eſt STARCKIUS, qui coquit ſalem tartari, & ebullire ſinit cum colcothare vitrioli Veneris, ſic etiam putat fore, ut alcali fixum propter convenientiam ſulphuris in radice attrahat ad ſe ſulphur Veneris, quod poſtmodum volatilifcat, & optimum prædicat remedium. Sed eſt hoc difficile, quia paucis datum eſt volatilifare ſalia fixa. Dn. D. BOYLE, qui tribuit multum fidei ſcriptis HELMONTII, compoſuit flores ex ſulphure Vitrioli Veneris, cum ſale ammoniaco ſublimatos, quos ceu ſacram anchoram in malis ſtomachi veneratur: Recipit ſcilicet ſal ammoniacum, junxit cum capite mortuo vitrioli Veneris exactiſſimè edulcorato (aliàs medicamentum præparatum habet ſaporem Vitriolicum) ſublimat, ac ſolvit in aquam & edulcorat, atque ita acquirit flores aurantii coloris, quos vocat primum ens Veneris. Hiſce floribus tribuit vim anodynam, dicitque, quod ſint in rachitide certi effectus experimentum, item antiquarium expertum.

In capite mortuo vitrioli Veneris latitat vis pulveris ſympathetici, curantis vulnera alioſque affectus, magnetica virtute: de quo vid. PAPINIUS de pulvere ſympathet. Quæſt. 2. & DIGBY. Modus præparandi eſt hic: Recipiunt Vitriolum, imprimis Veneris, exponunt in diebus canicularibus radiis ſolaribus, ut calcinetur ad flavedinem, notandum eſt, non exponendum radiis ſolis nimis æſtuantibus, aliàs vis hæc ſympathetica, quæ nihil aliud eſt quàm ſulphur Veneris, evaneſcit; nec admittenda eſt pluvia, aliàs alteratur caput mortuum in verum vitriolum (Fundamentum curæ ſympatheticæ conſiſtit in ſulphure vitrioli Veneris, quo vulnera in diſtans ſanantur. Calcinationem hanc per radios ſolares ZWELFFERUS in Mantiffa ſpagy. p. 389. rejicit, quaſi eadem ratione, ac ſol ex vegetabilibus particulas volatiliores evocat, etiam vitriolum parte ſua volatili privaret. Sed inanis metus eſt cum in calcinatione per radios ſolares non magis avolet, quàm igne actuali. Vegetabilia autem purioris, mineralia verò & metallica compactioris ſint texturæ. Alii ſulphur vitrioli aliter parant: ſcilicet recipiunt vitriolum Veneris, vel vitriolum commune, ſolvunt in aqua ſimplici, ſolutionem filtratam per aliquot dies in loco calido exponunt, ſic ſponte terra vitrioli ochrea fundum petit: vel præcipitant cum ſale tartari, & vocant ſulphur vitrioli dulce; ſed falſò; eſt enim minera metallica vitrioli. Nam ſal tartari abſorbet acidum vitrioli, & minera metallica pondere ſuo cadit ad fundum, unde nihil valet ſulphur hoc modo præparatum. Liquor autem poſt præcipitationem filtratur, & ad pelliculam uſque evaporatus, cryſtalliſatur in loco frigido in tartarum vitriolatum Tachenii.

LECTIO XXIII.

Conſideravimus hætenus ea, quæ ad vitriolum ejusque Præparationes ſpectabant: ſuper eſt adhuc conſiderandum

A L U M E N

Alumen vitriolo cognatum eſt, & ex hoc alumine cum ſale communi deſtillatur ſumus primis diebus ſpiritus ſalis compoſitus, pro Magiſteriis aliſque præparationibus. Dico cognatum eſſe alumen vitriolo: nam ſicut vitriolum ex ſpiritu acido ſulphuris & metallo corroſo, ita alumen ex eodem conſtat ſpiritu acido ſulphuris, & petroſo terreo

terreo corpore, à spiritu sulphuris soluto, ac in aluminosam pellucidam substantiam unito. Hinc est, quod ex alumine quoque destillari possit talis spiritus acidus, qualis prodit ex vitriolo sub ignis tortura, qui tamen est paucissimus, nec adeo acidus, ut spiritus vitrioli. Ratio est hæc, quia corrodendo corpus petrolium, textura particularum spiritus acidum sub tortura ignis à corpore terreo petroso immutata ferè est, ut antiquam qualitatem atque aciditatem non amplius obtineant. Hoc ut clarius pateat, recipiatur spiritus sulphuris per campanam paratus, solvatur in eo terra sigillata, & protinus concrevit concretum aluminosum; si dissolvatur eodem spiritu mars, sit vitriolum: Hæc duo concreta per retortam destillata, non dant eisdem exactè spiritus, sed iste, qui fit cum Marte, est paulo acrior eo, quàm qui è terra sigillata destillatur; est enim remissior. Hanc generationem aluminis ex spiritu sulphuris acido cum corpore petroso, confirmat experientia quorundam; v. g. Recipiunt spiritum sulphuris per campanam, hunc affundunt cretæ, solvunt, evaporatam massam inspissant, & fit exinde in loco frigido perfectum alumen. Hoc refero uti communicatum; an operatio succedat, experientiæ relinquo. Alii aliter procedunt, affundunt vel spiritum vitrioli, vel salis, vel alius salis mineralis corpori terrestri aluminoso, & acquirunt alumen: sit fides penes experientiam.

Sæpius fit, ut ex pyritæ calcinato generetur vitriolum: ex eodem quoque subinde fit alumen; dum enim sub corrosione pyritidis spiritus acidus sulphuris corrosione metalli dat vitriolum, corrosione adjecti terrestris corporis dat alumen: & certum est, quod ibi plus reperiatur aluminis, ubi generatur vitriolum aut sulphur.

Dixi, quod caput mortuum vitrioli exhaustum omni spiritu (non tamen totaliter) si exponatur aeri libero, imprægnetur novo spiritu ex aere: Hoc quoque verum est de capite mortuo aluminis.

Species aluminis variae sunt: Nam rupeum, Gallis Roches, veteribus fuit incognitum, quia ars pyrotechnica iis fuit occulta. Alumen rupeum crebris solutionibus ac calcinationibus præparatur: Veterum verò alumina liquida nobis sunt incognita. Aliàs alumen plumosum vulgò datur blandum satis, ac non tam asperum, ac est alumen Rochæ. Hoc sæpius confunditur cum Amiantho; hæc tamen interea est differentia:

- (1.) Alumen plumosum est friabile, & adstrictorii nonnihil saporis; Amianthus est insipidus.
- (2.) Alumen plumosum ignis rigore examinatum comburitur, & jacturam tandem in igne substantiæ suæ facit; Amianthus verò est invincibilis ab igne.

Ex hoc Amiantho in flata texta sunt marsupia, in quibus sol liquefit salvo continente seu marsupio in igne, qualia marsupia videre mihi licuit apud ingeniosum SEPTALIUM.

Quod attinet ipsum alumen, imprimis Rochæ, hujus vis est admodum nota; unde in vomitu admodum pertinaci, diarrhœa, &c. cum appropriatis aliis convenit; item in mensium fluxu nimio alumen Rochæ ad drachmam semis quotidie usurpatum, comprobatum est: sic quoque in febribus intermittentibus alumen singulare est remedium præmissis præmittendis; sic enim paroxysmos citius redeunt retardat atque compescit.

Verum alumen hoc conjunctam habet pinguedinem quandam excrementitiam, quæ, priusquam in usum medicum vocetur, ab eodem est separanda: Depuratur autem hoc modo;

24. Alumin. qu. v.

solvitur aqua calida; huic affunditur urina humana; sic enim fit, ut pingue illud aluminis excrementum ad fundum secedat, & alumen purum reddatur.

Præferendum tamen alumini crudo Magisterium a luminis in febribus intermittentibus; item dulcedo seu saccharum aluminis. Magisterium pro usu febrili præparant hoc modo: Calcinant more consueto in olla; hinc alumini calcinato, cum adhuc candet, adjiciunt acetum destillatum, ut ita solvatur: solutionem filtratam evaporant in loco frigido in Crystalllos elegantes, quorum usus ad Di. decantatus est satis in febribus intermittentibus, scorbuto, & epilepsia.

De phlegmate & spiritu dictum est superius. Ulterius paratur ex alumine saccharum aluminis, hoc est, alumen crebris proprii phlegmatis abstractionibus & imbibitioni-

bus in tantum inversum, ut deposita omni acrimonia insipidum fiat: Videatur POTERIUS in Pharmac. spagy. l. 2. pag. 424. cap. 42. de Alumine, & de Febribus l. 2. c. 22. Hoc saccharum aluminis est specificum in dysenteria, item in Hæctica expertum ab Autoribus: Vocant quoque Mannam, item primum ens aluminis.

Externè alumen crudum dissolvitur in lotionibus vulnorum, in ulceribus sinuosis profundis aut malignis. Hinc quoque ad sophisticationem virginum & mulierum post partum adhibetur; item in uvula laxata cum decocto prunellæ solutum alumen cum sale ammoniaco optati est successus; item in laxitate gingivarum scorbutica cum appropriatis feliciter adhibetur. Ingreditur quoque tincturam laccæ, quæ decantatissimi est effectus in ulceribus, & gangræna gingivarum scorbutica.

Quidam ex alumine parant suppositoria, & omnium primus hoc tentavit ANGELUS SALA, & à modernis continuatur hic usus. In ariduris membrorum, quæ ex vulnibus partium membranarum contingunt, valdoperè laudatur: scilicet recipiatur alumen probè calcinatum, dissolvatur in aqua communi, sic præcipitabitur, pulvis, qui cum spiritu vini edulcorandus, & postmodum cum unguentis appropriatis (mit den Schwind. Salben) miscendus: sicut idem & hoc modo præparatum contra malum ischiadicum externè cum successu usurpatur.

Sed hæc de salibus, tam vegetabilium quàm mineralium.

LECTIO XXIV.

Pergo jam ad secundum Paracelsistarum Principium hypostaticum, nempe

S U L P H U R.

Hæc non minores, quàm de salino principio, oriuntur disceptationes inter Chymicos, quæ non aliunde natae sunt, quàm ex PARACELSI Paracelsistarum quæ bonæ literaturæ ignorantia. Aliàs in genere per sulphur, sulphuræque concreta, nihil aliud intelligitur, quàm pinguedo facile inflammabilis: & telis pinguedo sub vario bituminum, resinarum, &c. tegmine later: quæ, cum in sulphure crudo præprimis inveniatur, ab hoc, tanquam à potiori, facta est denominatio. Hæc autem requisita sulphureorum subjectorum, cum in sulphure communi, illud examinentes, abundanter deprehendamus, factum est, ut sub hujus ratione omnis pinguedo sulphurea, fuerit appellata sulphur. Cum verò oleosa corpora, tam naturalia quàm artificialia, imprimis sint pingua & facile inflammabilia, factum est, ut olei vox pro principio sulphureo usurperetur, ita ut oleum & sulphur hoc in passu coincident. Pinguedo talis sulphurea nusquam est solitaria, sed cum aliis, particulis variis concreta, & quasi in unum coagulata est; unde non tam primum & hypostaticum erit rerum principium, quàm potius principium, ex rerum virtute genitum. Particulæ autem, ex quibus hoc sulphur concrevit, sunt acidum, quod in omni sulphure & corporibus sulphureis deprehenditur & à parte sulphurea contemperatur, ut eius acor nimius subinde occultetur. Hinc in sulphure communi acidum reperitur, uti & in antimonio; nam & hujus sulphur ex acido & pinguedine est compositum: Succinum & bitumina (sive ad minerale referantur regnum, sive ad vegetabile) suum habent acidum, quod in destillatione prodit instar spiritus acidum: resinæ pingues, pix, terebinthina, &c. omnes cum pinguedine sulphurea habent aciditatem: unde in picis & terebinthinæ destillatione primo loco prodit spiritus acidus, quem subsequitur pinguedo sulphurea: Hinc sunt, qui volunt ex fuligine, quæ nihil aliud est quàm sulphur vegetabilium sublimatum, evocare fortiori igne spiritum, nec frustraneo conatu; operati enim succedit: unde ligna, quò pinguiora, eò copiosorem spiritum acidum suppeditant, & oleum. Carbores constant sulphure, ex quo suam combustibilitatem habent, ex acido & oleo composito, ut mineralia; unde per alcalia fixa sulphur carbonum extrahitur, quando alcali sulphur eorum imbibit & acidum destruit; conveniunt enim in radice: Myrrha, utut amara, destillata acidum tamen exhibet saporem: Oleum commune fortem habet acorem; unde etiam Martem in rubiginem corrodit, quia & lunam & Venerem in lamellas diductam corrodit in rubiginem: ut taceam acidum penetrans ex oleo communi artificialiter elici posse; hinc aciditas olei communis patet, si gutta unica hujus olei in oculum incidat, vehe-

vehementiores excitat, dolores, quàm ipse succus acidus citri: *Nec oleum lini destituitur suo acido: Olea destillata* (quæ nihil aliud sunt, quàm *salia volatilia concentrata*) sua quoque constat pinguedine, & nova sunt producta, concreta per ignem; materialiter quidem insunt subjectis, non autem formaliter: Hæc, utut in radice sint salia volatilia, tamen non destituuntur pinguedine sulphurea, cum acido concentrata. Talis pinguedo concentratur quoque per salia volatilia in concreta nova: hinc olei acidum concentratur à spiritu salis ammoniaci, quando hujus alcali volatile aggreditur illius acidum, & coagulantur mutuo. *Aromaticum olea destillata suo nec destituuntur acido*: imò cinnamomum ipsum, si blando exactoque ignis regimine destilletur, phlegma acidum primò prodit, & postmodum oleum subsequitur. Huius destillationis artificium consistit, ut dixi, in prudenti ignis regimine. *Animalium pinguedines suum quoque habent acidum*; si enim horum pinguedini conjungatur alcali fixum, produceretur sapo: Notum enim est, quod pingua & aquosa misceri non queant; si verò alcalia cum pinguedine jungantur, abeunt in corpus crassum saponiforme. Cur verò se conjungant olea vel pingua cum alcalibus, ratio est; quia alcalia imbibunt acidum in pinguedine latitans, quæ ita conjuncta vertuntur in saponem. Imò credo, quod in spiritu vini acidum subsit. Spiritus enim inflammabiles sunt olea fermentando volatilifata, & olea destillata salia ab acido concentrata: Imprimis hoc patet, quod subjecta, quæ nullam sustinent fermentationem, dent copiosa satis olea; sin verò fermententur, exhibeant spiritum ardentem, paucum verò vel nullum oleum; unde probabile est, olea subjectorum fermentatione volatilifari in spiritum ardentem. Confirmare hoc videtur BECHERUS, dum proficitur, se scire modum olea vertendi in spiritum ardentem. Ut nihil dicam de Chymicorum quorundam opinione, qua colores omnes à sulphure deducere conantur: imò & tincturas corporum ratione sulphuris efflorescere asserunt; quod confirmare videtur, quod spiritus vini tanquam subjecti sulphure beneficio eandem tincturæ extrahant.

An verò in metallis verum detur sulphur? affirmare nequeo; adeò, si forsan extrahatur sulphur inflammabile, hoc fit non nisi diuturnas post præparationes subjectorum, ubi dubium est, an non sit novum productum artis? an verò in ipso concreto ante ignis examen substituerit? Certum quidem est, quod corpora metallica, ut magis compacta, non prodant de se sulphur, nisi alius mediantibus. Cum autem videamus corpora quædam facile fieri inflammabilia propter copiam sulphuris; è contrà autem videamus in præparatione Antihæstici POTERII, agitatione Materialium paulò nimia Jovem concipere flammam; probare videntur, esse perfectum sulphur in corporibus metallicis. An verò tincturæ metallorum (quod tamen huc non spectat) sint Extractions sulphurum veræ? an verò solutiones partium quarundam metallicarum, aliorum iudicio relinquo. Ego posterius affirmarem.

LECTIO XXV.

Vidimus generaliter hætenus sulphura, tam vegetabilium quàm mineralium, ut & animalium, quantum sub uno sulphuris conceptu comprehenduntur: Jam in specie quod attinet

SULPHUR COMMUNE MINERALE,

DE eo occasione florum sulphuris, jam sublimandorum, dicemus.

Sulphur commune in duas dirimitur substantias, quæ tertium dant concretum; quarum prima est pinguis, bituminosa, & inflammabilis; secunda est acida salina: Utraque exhibetur in ignis regimine. Nam in igne ardet pinguis illa sulphuris portio, dum interea spiritus acidus in forma vaporis ferit nares, pectusque coarctat, quique per campanam quoque concentrari potest in verum liquorem spirituosum, de quo inferius. Hanc sulphuris constitutionem ex oleosa & acida parte confirmat & Analysis & Synthesis Chymicorum.

Quod attinet Analysis, dixi de ejus inflammabilitate: quod ad synthesis, potest componi sulphur artificiale ex substantia seu subjecto oleoso, pingui & acido: Nempe, si misceatur terebinthinæ oleum destillatum cum dimidia parte spiritus vitrioli; hæcque destillentur cautissimè per re-

tortam, acquiritur post destillationem in collo retortæ sulphur perfectum inflammabile, quod oleositatem suam habet ex oleo terebinthinæ, aciditatem ex spiritu vitrioli. Analysis porro quod concernit, in præparatione spiritus sulphuris per campanam, advertitur primò pars & substantia pinguis, in igne ardens; secundo substantia acida, in spiritum acidum concentrata: vid. inferius.

Ratione originis, sulphur aliud est nativum, aliud arte productum. Nativum sulphur quoque datur (quamvis raro) in fodinis quibusdam, & dicitur sulphur apyrum; quod in usu Medico est optimum, quia integerrimum & simplicissimum est. Artificiale fit, quando velex pyrite sulphur excoquitur, vel ex aquis sulphureis inspissando elicitur. Pertinet huc aqua sulphurea HAUPTMANNI, de qua vid. Tractatus Chymicus de Thermis Wolckensteinensibus, ubi refert de aqua limpida ex petra extillante, quæ in aere in sulphur abierit. Subinde contingit, ut, cum excoquitur vitriolum ex minera, tunc etiam verum sulphur effluat & emanet.

Pro usu Medico sulphur eligendum purissimum. Depuratio autem sulphuris vario fit modo, imprimis autem cum aqua seu lixivio calcis vivæ aut alterius alcali, in hoc enim sulphur commune probè ebulliens ab omnibus sordibus probè depuratur: vid. THURNEUSERUS de aquis mineralibus. Aliàs non inconueniens est modus, quo cum urina humana depuratur: Coquitur scilicet cum urina humana, & levi aceti insperione brevi depuratur. Nec inelegans depuratio instituitur cum cera, dum sulphur permiscetur anaticæ portioni ceræ, quæ in vase, ne tamen flammam concipiant, funduntur, dumque adhuc fervent, infunduntur in aquam, ut purum ab impuro ibidem separaretur: vid. ZVVELFFERUS in Mantissa pagyr. pag. 397. Huc pertinet depuratio per sulphuris sublimationem, quæ optima, ut iam videtis, & de qua postea audietis.

LECTIO XXVI.

Depuratio sulphuris, quæ fit cum calce viva, manu nos ducit ad originem Thermarum. Fiunt enim.

THERMÆ

EX mineris sulphureis beneficio effervescentiæ, à quibus ardor iste Thermarum excitatur; Virtus verò medica à sulphure dependet. Hanc generationem Thermarum eleganti declarat exemplo ROCHAS in Scrutin. Thermarum: Hic enim effodiendo thermas, pervenit ad originem earum, ubi deprehendit scaturiginem aquæ frigidæ saporis salis, quæ permeando mineram sulphuris, cum sulphure effervescentiâ concepit, ex qua postea calor & virtus Thermarum. Thermæ artificiales fiunt ex aqua, calce viva, & sulphure: Recipiatur nempe sulphur, & triplum calcis vivæ, qu. pl. His mistis affundatur aqua communis, bulliant, donec aqua rubescere incipiat, quod signum est soluti sulphuris, & hæc aqua commodissimè pro thermis naturalibus adhiberi potest, imprimis si vegetabilia nonnulla aromatica & nervina eidem aquæ incoquantur. Calorem ex effervescentiâ; virtutem verò ex sulphure, dependere dixi: hinc est, quod Thermæ conducant in morbis chronicis, externis ulceribus, fistulis, affectibus partium nervosarum, paralyti, ut & in erysipellate exulcerato, in gangræna imminente. Elegans quoque sunt colmeticum, quod scabiem contumacissimam, lentiginem, herpetem, & alia optimè curat.

LECTIO XXVII.

Nunc ad reliqua

SULPHURIS PRÆPARATA.

HÆc inter primò se offert sublimatio sulphuris, quæ vel per se, vel cum aliis instituitur. Omnium optima est sublimatio florum sulphuris simplex, sub qua alembicus, cum in hoc calefacto propter ignem diutius continuatum illi facile fluant, sine luto adaptetur, ut flores intedum extrahi, & mox alius apponi iterum possit, ne aeris accessu sulphur incendatur. Solent nonnulli addere sal decrepitatum; alumen ustum, & juxta PARACELSUM caput mortuum seu colcothar vitrioli, quod idem præstat ac alumen ustum: idque cum in finem, ne scilicet in igne fluat sulphur,

phur, indeque pauciores exsurgant flores: Vid. ZWELFERUS in *Pharmacop. Augustanam*. Notandum autem, quod colcothar vitrioli exactissime sit calcinandum, alias flores sulphuris sunt corrosivi, tincti acido corrosivo vitrioli; cumque deberent balsamum esse pulmonum, sunt eorum venenum. Inanis autem metus est, quem de sulphuris liquefactione concipiunt; cum vix flores sublimentur, nisi sulphur in cucurbita liquecat: Vid. BEGUIN. *Tyrocin. Chymicum pag. 337.* Sunt, qui faciunt flores compositos cum thure, aloe, myrrha, &c. sed nihil valent, quia solum contritum sulphur sublimatur, reliqua verò, tanquam fixiora, sublimationi inepta sunt, & facile solent comburi in fundo, & acquirere empirevma, atque colorem depravatum: Benzoe, cum per se in flores sublimetur, addi potest. Alias componunt flores sulphuris saccharinos sed pessimo itidem consilio, ab igne enim saccharum combutitur, unde flores sublimati foetorem spirant, saccharumque in fundo combustum relinquunt; quod quidem spiritum acidum suggerit, cum floribus sulphuris tamen haud commiscibilem. Alii parant Flores sulphuris coralliatos, miscent scilicet corallia cum sulphure trito, committuntque igni; sic fieri putant, ut acidum sulphuris corallia aggreddatur, & in sui sublimationem secus in sublime rapiat partes volatiles coralliorum sicque sunt flores sulphuris coralliatos, in Medicina efficaces. Verum quoque est in sublimatione sulphuris exhalare tantum acidi sulphuris, quantum sufficit pro solutione Coralliorum: sed tamen nihil de Coralliis in sublime tollitur, quin frustranea hæc est florum sulphuris sublimatio.

Usus florum sulphuris quod attinet, notum est, quod sulphur optimum sit pectorale, adeo ut à Chymicis dicatur Balsamum pectorale seu pulmonum: Verum hoc intelligendum est de parte sulphuris pingui; acida enim pars sulphuris nocet pulmonibus. Verum est, quod balsamum pulmonum in parte sulphuris oleosa & pingui resideat: sed cum ab acida parte difficillime separari possit pars oleosa, propterea sunt infusiones variae sulphuris cum oleis variis, ut inde balsama sulphuris varia fiant: sic fit e.g. Balsamum sulphuris terebinthinatum. Nam certum est, quod pulmonum corruptelæ quæcunque, sive in abscessus sive exulcerationes degenerarint, optimè curentur per vim sulphuris balsamicam, quin & aliarum partium, præcipue renum, affectus felicissime curat sulphur, non secus, ac notum est, quod in ulceribus cacoethicis, in specie mammarum, aliisque, optimum sit remedium; unde in catarrhis egregii quoque est effectus sulphur, corrigit enim lymphæ acorem ac acridinem, hinc in tussi aliisque pectoris morbis à lymphæ acida oriundis, optimè prosunt flores sulphuris, imprimis è myrrha & benzoe præparatis, cum præ sulphure non detur melius remedium, quam benzoe: in colica ab acido orta sulphuris effectus quotidie laudatur; ad ʒss. enim exhibitum, expertum est remedium. POLEMANUS de sulphure *Philosoph. cap. 12.* flores sulphuris in phiala leni igne per aliquot menses digerit, & ita fixantur, ut suam combustibilitatem amittant; imò, antequam ad illum fixitatis gradum flores sulphuris hi pertingant, & per 6. saltem septimanas in digestionem continua asservati fuerint, citra maturationis signa exhibere, dicit: solvit nempe partem hujus sulphuris digesti in oleo, & aliam partem non sufficienter digesti: & hujus solutionis maximum foetorem, instar balsami sulphuris communis; perfectè digesti verò suaveolentiam aromaticam, apparere affirmat, quod nobili Colica, ab acido orta, afflicto presenti fuit auxilio.

Quod attinet usum externum; sulphur optimè mundificat & curat vulnera & ulcera, tam maligna, quam benigna, ut & dysepulotica facile aliis adinistum curat: Et ex hoc fonte pestis veneno insigniter adversatur, ab HIPPOCRATE jamdum commendatum; unde flores sulphuris omnium antipestilentialium possunt esse basis. Ulterius in morbis mulierum, in mensibus movendis, foetu & secundinis provocandis, suam confert opem: in scabie unicum ferè est remedium: nec timenda est retropulsio veneni scabiosi, sed feliciter adhibetur balsamum sulphureum, imprimis si acuat cum alcali quodam, in specie cum oleo tartari, & mistum unguentis applicetur, nunquam fallit; & licet malum scabiosum in lepram graviolemque degeneret affectum, si internè viperina aut antimonialia adhibeantur, externè sulphurata applicentur, nihilominus effectum videbitis optatissimum.

Post sublimationem sulphuris sequitur solutio; solvitur autem sulphur;

Extremullevi Oper. Tom. I.

1. Per alcalia fixa; quoniam hæc ex sulphure in concretionem oriuntur.

2. Per olea destillata; quia sunt naturæ sulphureæ.

Ex solutione sulphuris per alcalia prodit LACSULPHURIS; sic enim per lixivium calcis vivæ, salis tartari, cinerum clavellatorum, &c. coquendo solvitur sulphur; fit resolutio rufescens, quæ posterior cum aceto; prior cum urina adhuc calida, præcipitatur, & fit inde cum summo foetore liquor lacteus, qui aqua ablutus in pulverem colligitur. Usus hujus decantatur in quamplurimis affectibus, cum tamen nihil valeat; est enim *Magisterium hoc nihil aliud, quam calxiners*. Nam destructa sulphuris natura per conjunctionem salium cum sulphure, ipsoque sulphure, partim cum alcali, partim cum acido unito, fit ens novum fixum, nullius fere pretii, quod in menstruis oleosis vix amplius dissolvi potest, imò sublimatum vix tertia sui parte in flores elevatur; & plus operatur ʒss. florum sulphuris, quam ʒj. lactis sulphuris. Alii imbibunt lac sulphuris cum spiritu salis, ut inde fiat massa consistentiæ crassioris: hanc massam pulveream destillant per retortam, & acquirunt lac sulphuris, quod prodest in hydrope & peste. Optimum & egregium fit lac seu magisterium sulphuris, quando balsamum sulphuris ad Extracti liquidioris consistentiam inspissatum, cum spiritu vini rectificato extrahatur, & cum aqua simplici præcipitetur.

Præter alcalia fixa solvitur sulphur in oleosis, & dicitur balsamum sulphuris. Ordinariè fit balsamum cum oleo destillato terebinthinæ; alii cum oleo anisi pro pectorali; alii cum oleo destillato succini pro cephalico & hysterico usu; alii cum oleo baccarum juniperi, parant. Optimus modus est, ut sulphur prius cum ana salis tartari liquecat; sic abeunt in massam rubicundam, Hepar sulphuris dictam, quod postmodum cum oleo extrahendum. Alii compositos faciunt balsamos, addendo sulphuri myrrham & benzoe, atque cum oleis destillatis balsamum sibi comparant egregium. Alias sumunt quidam loco sulphuris communis sulphur antimonii auratum, quod etiam ab oleis solvitur, & majorem quod credo, sperant effectum. RULANDUS cum oleo rapistri & lini suum fecit balsamum sulphuris externum. Nonnulli his balsamis addunt camphoram, & habent penetrantiores, & in affectibus malignis magis appropriatos balsamos. Balsamus sulphuris, à sale tartari reclusi, & cum oleo quodam destillato soluti, si destillatur, prodit menstruum, manetque in fundo coagulum, quod cum spiritu vini probè rectificato extrahi potest in Tincturam sulphuris non inelegantem, utut tantum solutio totius corporis videatur.

Usus balsami sulphuris est ad ulcera & corruptiones viscerum interiorum, præcipue pulmonum; hinc in phthisi commode adhibetur, sed cum cautione. Hæc cautela autem observatur hoc modo: primò non solo aut crebrè utendum est hoc balsamo, sed addito balsamo Peruviano & saccharo saturni; sic enim fieri possunt Rotulæ, quæ in tussi aliisque inveteratis pectoris affectibus prosunt. Si aliquoties balsamum sulphuris cum dosi laudani opiat nocturno tempore adhibeatur, in tussi inveterata & pertinaci, aliisque catarrhalibus affectibus, laudandum dabit effectum. In specie in dysenteria maligna valde conducit balsamum sulphuris. Ante quinquennium cum grassaretur dysenteria, optimè se curarunt & præservarunt patientes cum balsamo sulphuris; ulcera namque intestinorum balsamum sulphuris cum saccharo saturni certò & citò curare dicitur. Externè ad ulcera & vulnera in casibus chirurgicis optimè adhibetur: Tumores, præcipue carbunculos, mundificat & maturat, ne degenerent in ulcera maligna. Ideò etiam paratur balsamum sulphuris pro usu externo cum oleis expressis, v. gr. raparum, lini, nucum &c., unde balsamum sulphuris ad extra Rulandi. Mammarum ulcera, quæ aliàs periculosa sunt, nihil melius curat, quam balsamum sulphuris cum oleo momordicæ, quod sibi in tali casu non habet par remedium. Panaritium (Germanis vocatur uermis in digito) affectum satis molestum, curat balsamum sulphuris, teste RULANDO. Cum balsami Peruviani ana mistum vulnera recentia citò curat, inveterata ab exulceratione præservat.

Ex balsamo sulphuris paratur tinctura, quando ab illo oleum abstrahitur, & residuum cum spiritu vini rectificatissimo extrahitur: Alii

Recipiunt Nitri p. jv.

Sulphuris p. j.

Pulverisata & mixta in crucibulo detonant, ignem augendo & continuando, donec in massam rubicundam abeant: quam in mortario calido pulverisatam cum spiritu vini extrahunt.

Z

Vel

Vel liquecat sulphur cum ana salis tartari; & dicto modo extrahatur. Extrahi quoque flores sulphuris possunt in Tincturam.

Huc etiam pertinent *resina & Crystalli sulphuris*; *resina sulphuris* paratur abstrahendo leni igne *balsamum sulphuris*, cum oleo destillato *baccarum juniperi* vel *terebinthine* aut *borum ana*, paratum, ad consistentiam piciformem in Balneo vaporis, quæ pulverisata, & in scabie cum Cornu cervi sine igne & antimonio diaphoretico mixta, egregia est. *Crystalli sulphuris* fiunt, quando *tinctura ex balsamo sulphuris* parata ad medietatem abstrahitur, sic in loco frigido seu cella concresecunt *Crystalli*, quæ aliquoties cum spiritu vini rectificato solvendæ, & ad tertiam partem abstractæ, de novo crystallisandæ, donec foetorem deponant.

Hæc de parte sulphuris pingui dicta sunt.

Altera ejus pars substantialis dicitur spiritus sulphuris. Verum hic spiritus vix separari potest sine parte sulphuris pingui, nisi per flammam. Ut ergo fiat spiritus acidus; singulari encheiri hic opus est. Modus destillandi communis est hic.

℞: Sulphuris, qu. v.

Inflammetur, & super flammam, justo interiecto spatio applicetur vas amplum vitreum, quod dicitur campana, quæ omnes vapores adscendentes excipit, qui sensim concresecunt in guttas, decedentes tandem in subjectum vas vitreum, & abeunt in spiritum acidum sulphuris.

Verum parum acquiritur, ℞j. enim vix dat ℞j. reliquum omne, cum non nisi in libero aere destillari possit, abit partim in auras, partim in Gas incoercibile, uti & loquitur HELMONTIUS. In destillatione hac notandum

1. Ut campana cum aqua aliquantum humectetur, ut promptè uniat se pars acida cum aquosa, & abeat in spiritum acidum, utut evadat phlegmaticus; potest enim rectificari.
2. Ut destilletur die nebuloso ac pluvioso; sic citius atque copiosius colligitur. Nam quod humidior est aer, eo major quantitas spiritus sulphuris acquiritur, e contra si aere sereno destillatur, quantitas hæc vix observabilis est: unde etiam in cella destillatio hæc commodè institui potest.

Spiritus hic sulphuris est acidum universale omnium mineralium, estque cognatus soli terre centrali, ut pote qui proximus est ab ejusdem origine. Cum hoc & terra petrosa sit alumen; cum minera Martis & spiritu sulphuris sit vitriolum Martis; & ita hic spiritus certas accipit modificationes, pro varietate subjectorum, quibus cum conjungitur: Hic spiritus sulphuris cum spiritu vitrioli eandem habet virtutes, nisi quod spiritus sulphuris hic nō habeat admixtas particulas metallicas quas habet vitrioli spiritus. Spiritus hic in frigido loco aqua dilutus dat crystallos saporis aluminosi teste BILLICHIO, quem penes sit fides. Notum est, quod fumus sulphuris vinum ab omni corruptione servet immune: Hoc advertentes Chymici, omnes succos crudos per fumum sulphuris à corruptione præservant. Ab hac encheirisi processit ulterius HELMONTIUS, & commendat potus sulphuratos ad tussim & alios pectoris affectus sed modum pro more consueto reticet: hic tamen est modus:

Recipit lagenam potu semiplenam: postmodum tela sulphurea (sive fila Sulphure illita,) incenduntur, indunturque lagenæ potu semiplenæ ut ardeant, donec eorum fumus repleat omne vas: tunc protinus claudatur & agitur, ut liquor cum Gas sulphureo forti agitatione uniat, unde postmodum Gas hoc disparet; & potus nil sulphurei sapit.

Hic potus maximopere valet in affectibus malignis: nam in peste nupera Londinensi, ubi uno die plus 900. hominum succubuerunt, hoc medicamentum magnæ fuit utilitatis.

LECTIO XXVII.

Post sulphur commune non datur in toto regna minerali magis sulphureum subjectum, quam antimonium, unde ad ejus considerationem jam properabimus.

ANTIMONIUM.

Est antimonium subjectum minerale, naturæ metallicæ finitimum, compositum, secundum corporum metallicorum synthesis, ex copioso admodum sulphure, eoque minerali, hinc ex Mercurio metallico, hocque copioso; & denique ex substantia salina terrestri alcalina. Ex his tribus constituitur antimonium.

Quod attinet secundam antimonii partem substantialem nempe sulphuream, est ea cognata sulphuri communi, utut magis digesta, magisque ex parte fixata: ob id ad naturam sulphuris aurati accedere dicitur à quibusdam, ex eo, quod usu chymico compertum sit, aurum colore suo ac tinctura orbatum, fusione per antimonium denud suum antiquum splendorem & tincturam recuperare: unde probant, quod antimonio insit sulphur naturæ solaris. Sed utut hæc dicant, probatio tamen non omnibus sufficit. Potest enim fieri, ut auro deficiat color propter varia heterogenea, quæ ejus claritatem & tincturam ad tempus occultant, postquam verò illud funditur cum antimonio, absorbet hoc heterogenea, & sic redit, sublato impedimento, aureus color atque tinctura. Quicquid sit; tamen certum est, quod sulphur antimonii nobilius sit atque elegantius sulphure communi, & non parum ad sulphur solare accedat; ex hoc enim virtus antimonii corroborativa, cephalica, epileptica, & variis venenis resistens, originem ducere credunt. Sulphur hoc antimonii minerale probant omnes operationes atque præparationes istæ, quæ ex antimonio conficiuntur; hinc inflammabilitas cum odore sulphureo & Gas acido; hinc cum nitro & tartaro detonationis effectus; hinc tincturæ antimonii per alcalia extractæ, (alcalia enim promptè attrahunt mineralium sulphura;) hinc ex Mercurio sublimato & antimonio oritur *bulgrum antimonii*, quod maxime spirat sulphureum quid; hinc ex Mercurio vulgari cum sulphure antimonii elaboratur *cinnabaris perfectissima*; unde est, quod ex antimonio possit elici copiosissimum sulphur, sulphuri communi simillimum, nisi quod non adeo flavescat, ut sulphur commune, sed nonnihil viridescat.

Tale sulphur minerale duplici modo elicitur ex antimonio:

1. Per destillationem; quando antimonium pulverisatum cum spiritu vel oleo Vitrioli ad tempus digeritur, & postmodum forti igne destillatur; sic in fine destillationis sublimabit se sulphur in collo retortæ.
2. Per solutionem; si solvatur antimonium in aqua regia (quæ ex spiritu nitri, in quo sal commune resolutum, constat) cui si dein affundatur aqua communis, separabitur sulphur perfectum antimonii nonnihil viridescens. Ut taceam non secus quam cum sulphure communi per olea destillata, aut olea expressa, extrahi sulphur antimonii, & cum eo fieri balsamum sulphuris, quod melius est vulgari.

Dixi, quod antimonio quoque insit Mercurius copiosus metallicus, qui participat de natura saturni, & hic Mercurius est, qui à sulphure separatur in præparatione reguli antimonii, inque regulum se conglobat. Dixi, quod sit naturæ Saturninæ; hinc est, quod BASILIUS VALENTINUS docet regulum antimonii mutare in perfectum Saturnum; hinc antimonium vocat naturæ hermaphroditicæ, quod sit partim metallum propter saturninam portionem, partim mineralis naturæ propter sulphur aliaque salia superflua. Aliis propterea, quia sulphur participat de sulphure solari; dicitur aurum leprosum, nondum ad perfectam solis adductum fixitatem. Aliis dicitur Lupus, quia instar lupi voracis omnia ferme metalla, præter solem, devorat: Nam sulphur antimonii minerale abundans in fusionis igne omnia metalla absorbit; seque cum iis saturat, cum in proprio corpore non saturetur, solem autem intactum relinquit, partim propter firmissimam compactionem, partim propter amicam sulphuris antimonii & sulphuris solaris conjunctionem. Voracius est sulphur antimonii ipso saturno, quia saturnus absorbet reliqua metalla, excepto sole & luna, antimonium verò solum aurum in cupella relinquit, reliquis devoratis. Denique dicitur Protheus propter sui mutabilitatem variam. Omnes enim colores & vapores inesse antimonio, affirmant Chymici omnes: id quod testantur flores antimonii, qui modò albi, modò flavi, modò rubri, sublimantur: sic quoque fiunt vitra varii coloris ex antimonio.

Pro usu Medico eligendum est illud antimonium, quod eruitur ex aurifodinis; tale enim est perfectissimum, habetque sulphur copiosius, magisque est naturæ solaris: Unde antimonium Ungaricum optimum est, cum notum sit, quod ibidem loco dentur multæ aurifodinæ. Nota verò bonitatis est, ut habeat strias albicantes, inter quas dispersa sint puncta rubra, quæ indicant copiam sulphuris, striæ verò abundantem Mercurium & Regulam.

Quod attinet usum antimonii, crudum internè adhibitum nul-

nullam habet efficaciam, nec vomendo, nec purgando. Sunt quidam Neoterici, qui antimonium crudum ad gr. iii. commendant ad epilepsiam, imprimis si aliis præcipitantibus sit appropriatis admixta: Alii decoquunt antimonium crudum in decoctis sudoriferis pro cura luis Venereæ, quale decoctum in nodulo ligato habet BORELLUS & ZWELFFERUS: Brutis antimonium crudum aliquot vicibus propinatum, eorum sanguinem purificat; unde porcellis leprosis communiter cum paltu propinatur ad 3ß. cum fructu; quod jam suo tempore observavit BASILIUS VALENTINUS: Moderni in *Ephemer. Gallicis* experimentum fecere in equis & porcis, quos usu antimonii crudi pinguescere.

Accedamus nunc ad Antimonii Præparationes, inter quas primum locum obtinet *Calcinatio*: Hæc fit vel per se, vel cum aliis. Per se fit *Calcinatio*, quando antimonium selectum striatum (quæ tamen striæ sunt à sulphuræ externo) grosso modo pulverisatum calcinatur in scutella argillacea ampla, super carbones ignitos, ita, ut successivè sulphur copiosum exhalet, & antimonium in forma pulveris grysei remaneat. Quod in tali calcinatione exhalet sulphur inde patet, quod reperiuntur copiosi & candidissimi Antimonii flores in collo camini, In hac calcinatione Antimonii quædam notandæ sunt encheirises.

1. Ut Antimonium in crucibulo continuè spatula ferrea agitur, ne coalescat & fundatur (es fließet zusammen) sic namque nunquam calcinabitur. Calcinatio hæc tamdiu continuetur, donec nil fumi amplius exurgat: ubi autem antimonium jam calcinatum est, tunc novum illi superaddi potest antimonium pulverisatum, & calcinari denuò sine ullo fusionis metu; sic enim unum alterum impedit, ne possit liquefcere; calcinatum quippe non liquefcit propter præsentiam Antimonii crudi; postea iterum aliquid antimonii crudi addatur, & ita continuetur. Signum perfectæ calcinationis est, quando particula antimonii immisso baculo ferreo non amplius fumum de se spargunt; quod remanet est calx antimonii, i. e. sulphur internum antimonii. Præter hanc calcinationem superiùs memini *Calcinationis per radios solares institutæ*, & omnes consentiunt, quod gravius fiat ex hac per solem calcinatione, quam communi modo calcinatum. Antimonium quoque per solem calcinatum fit blandum vomitorium ac diaphoreticum, quod BARTHOLETUS vocat Bezoardicum stupendarum virium.
2. In hac calcinatione antimonii (imò in omnibus ejus præparationibus) vitandus est fumus antimonii, quia corrosivus & sordibus arsenicalibus imprægnatus est, unde potest valdè operè laborantibus. Hoc ut evitetur, assumendum est ante præparationem butyrum cum pane; hujus enim pinguedo temperat vim corrosivam fumi antimonialis. Sic quoque radix zedoariæ in ipso labore masticata, malignitatem antimonii solet coercere.

Per se quoque calcinatur antimonium, ut fiat vitrum, si scilicet hoc antimonium priùs calcinatum in crucibulo, spatio quadrantis vel dimidiæ horæ forti igne fundatur, donec totum purum appareat; post fusionem crucibulum eximatur, & postmodum effundatur in patellam aut porphyritidem, aut tabulam cupream, tunc concrevit in loco frigido in vitrum hyacinthinum, interdum rubicundum. Pro fusione facilitanda Mathiolus aliquid antimonii crudi addit: rectè autem monet Schroederus, quod pelluciditas hac ratione depravetur. Vitrum quoque antimonii ex antimonio crudo, aut hujus regulo, conficitur. Calx autem antimonii ultra unum vel ultra duos dies non asservanda, sed mox in vitrum fundenda; ab aere enim ita immutatur, ut in vitrum diaphanum & splendidum redigi nequeat. Hic autem observanda temporis tum quantitas, tum qualitas: Quantitas, ut, sufficienter fluat antimonium; quod cognoscendum, si intruso baculo ferreo in massam fluidam non amplius fumeret, illudque, quod ipsi adhæret, sit perspicuum ac clarum, tunc enim sufficit fusio pro vitro antimonii; si non, ulterius continuetur fusio, quin etiam borace addito promoveatur fluiditas vitri antimonii: Qualitas observetur, ut dies in hanc rem eligatur serenus; sic enim vitrum pellucidum & elegantius evadit coloris: id quod non tantum in vitrificatione, sed etiam in aliis antimonii præparationibus probe observandum, nempe in præparatione reguli, sublimatione antimonii, &c. Diaphaneitatem maximè juvat, si

antimonio fluenti injiciatur aliquid sulphuris citrini frustulatum, ut in præparatione nitri tabulati seu sulphurati fieri solet, sic antimonium mox depuratur, ejusque color rubicundus exaltatur. Schroederus adjectionem boracis commendat, qua tamen vitrum non fit hyacinthinum, sed flavum: Quidam auripigmentum addunt, quod rectè rejicit Schroederus pag. 42. num. 4. Alias si antimonium fundatur cum additione alicujus, verb. gr. cum duplo aut quadruplo boracis Venetæ, facile emergit antimonii vitrum colore flavo; quale etiam Mercurius vitæ per se, item caput mortuum butyri antimonii, forti igne in crucibulo fusa suggerunt: Vid. WILLISIUS *Pharmac. Ration. P. 1. pag. 62.* Imò si cum octuplo boracis calcinetur antimonium, vel vitrum alias antimonii, exurgit vitrum smaragdinum.

Vitrum hoc in substantia minus turò usurpari potest, propter vim vomendi nimis vehementem, dum subinde grana ii. vel iii. sufficiunt pro hypercatharsi lethali: Ob id in Infuso melius in usum vocatur, & quidem vix crudum, quin potius correctum. Corrigitur autem vitrum antimonii imprimis per acida; si enim vitrum antimonii pulverisatum sæpiùs imbibatur aceto destillato, aut spiritu vitrioli vel nitri, exinde cicuratur, ut aut catharticum, aut blandum vomitorium evadat. Idem fit, si cum spiritu salis misceatur: Nam si aliquot uncis affundatur spiritus salis ad eminentiam digiti, prodit beneficio ignis liquor crassus, qui nihil aliud est, quam butyrum antimonii, quod per affusionem aquæ dat pulverem, qui ad grana iii. vel iv. propinari potest. Optima est Correctio, quando vitrum antimonii pulverisatum aceto vini extrahitur in menstruum rubrum; quo decantato remanet pulvis, cui affundatur spiritus vini, digerantur aliquamdiu, & spiritus vini deflagretur super materiam, quæ in regulum seu vitrum ignis beneficio cogenda, sic retinet vitrum antimonii vim blandam vomitoriam. Quidam etiam præparant vitrum ex auro & antimonio compositum, quod vocant vitrum antimonii solare, quod cum encheirisis describit ZWELFFERUS *Mantisse spagyr. pag. 363.* Vitra antimonii optima dant Infusa vomitoria cum vino; hæc enim sunt potentissima remedia in morbis chronicis. Si itaque iusto tempore & modo in usum vocetur vitrum antimonii, eximios in variis affectibus præstat usus: In substantia tamen non turò exhibetur, sed potius in vino infunditur. Modi infusorum antimonialium sunt varii. Notus est Calx Rulandi, qui fit ex ligno juniperino, cui implicatur pix, & huic pulvis vitri antimonii: huic si affundatur aqua spirituosissima vel vinosa (calida autem sint) vim vomendi ex antimonio attrahuntur, ubi non ita attendenda doli solvendi, quam solventis. Pertinet huc annulus vomitorius ex particulis reguli antimonii annulo inclusi, qui vino vel alii liquori immissus, egregium dat Infusum vomitorium, qui annulus vel millies infusus, nunquam sua virtute privatur.

Rigorosa nimis HELMONTII de usu antimonialium animadversio est qui dicit, quod, quandiu antimonium vomitum creet, non sit boni viri remedium. Cui enim vomitorium certis in casibus non perspecta necessitas? de multijuga ut taceam purgantium, iusto tempore adhibitorum, utilitate. Neminem item latet, quàm difficile sit antimonium ed deducere, ut per inferiora saltem purget; & ut ut quidam magnam adhibuerunt in hujus elaboratione operam, optato tamen defraudati sunt effectu. Ratio est hæc, quia virtus purgandi consistit in sulphure antimonii non nimis volatili; quod dum figimus, evadit diaphoreticum; & quò maxis figitur, eò magis per diaphoresin agit; quò minus, eò magis purgat. In his enim medium invenire quia difficile, hinc rarus processus antimonii per inferiora tantum purgantis. Certum autem est, quod purgantia vegetabilium relinquunt multa intacta, quæ antimonium postmodum expurgat, in specie in morbis Melancholicis & aliis chronicis.

Cum aliis etiam calcinatur antimonium, imprimis cum nitro & tartaro Sic si antimonii & nitri ana in crucibulo detonetur, acquiritur massa ad rubedinem vergens, dicta Hepar antimonii aqua calida edulcoranda. In hac detonatione sulphur antimonii inflammatur, nitrum hoc cum sulphure antimonii figitur in alcali, & illud alcali elicit hoc sulphur antimonii, unde materię hujus rubedo. Hoc hepar antimonii si solvatur in aqua communi, dabat sinit ad fundum pulverem obscure flavescentem, qui dicitur vulgò Crocus metallorū Crocus dicitur ratione coloris; Metallorum, quia ex antimonio (quod omnium quasi metallorum est mater) oritur. Hic cro-

eus antimonii cū ana nitri factus, est *verus Crocus Metallorum* *Rulandi*, utut etiam alii dubitent; tamen vera est ejus præparatio: mitius operatur, quàm vitrum antimonii, licet non destituatur sua malignitate. Citior & felicior est operatio, si recipiantur *antimonii, nitri, & tartari ana*: sic *Hepar antimonii* acquiritur optimum, propter tartarum, qui figit vim antimonii cathartica. Quidam loco tartari vel nitri sumunt sal absinthii, ut *MYNSICHTIUS*, unde *Crocus Metallorum Absinthiacus*; sed frustra: quod enim hujus usum, salia fixa urinosa omnia sunt ejusdem naturæ, ejusdemque effectus; tutius tamen in usum Medicum vocari potest. *BARTHOLETUS Tractatu de Respiratione*, mentionem facit *Croci Antimonii sublimatione facti*, qui *Moschi odorem referat*, & cum spiritu vini radicaliter solutus, atque ad $\frac{3}{4}$ propinatus, egregium sit purgans per inferiora, sine ullius vomitionis metu. Nemo offendatur, quod *BARTHOLETUS* dixit, hunc *Crocum Moschi* referre odorem: Nam *FINCKIUS* in suo *Encheiridio Chymico* fecit flores antimonii, similis odoris.

Hic *Crocus Metallorum*, si in *Infuso propinatur*, vomitus cit, mitius tamen quàm vitrum. Ut tamen corrigatur, optimus est modus *LOCATELLI*, qui recipit *crocum metallorum*, cui affundit spiritum vini, digerit aliquandiu, & tandem deflagrat spiritum vini. Hæc sanè correctio est optima: nam in ea partes volatiliores croci insensibiliter disperguntur, & cum spiritu vini avolant, remanentibus fixioribus. Vitrum & *crocus antimonii* sunt *basis Infusi vomitorii*, sive cum vino, sive cum oxymelite, sive cum aliis instituatur. Hic tamen observandum, quod dicit *WALEUS* in præscribendis *Infusis antimonialibus non attendendam esse subiecti solvendi dosin, sed solventis seu liquoris*; vis enim antimonii est in exhausta. Pertinet huc *sapa vomitoria Tilemanni & Sylvii*; Recipiunt succum cydoniorum vel mustum recens, infundunt huic vitrum antimonii, post filtrationem inspissant ad consistentiam mellis, de quo ad grana aliquot cum successu exhibent. Alias *infusa antimonialia in oculorum affectibus sunt optima remedia*, v. g. vitrum, hepar aut *crocus antimonii* in aqua florum cyani, cichorii, euphrasæ, &c. dant ophthalmicum optimum. Alii præferunt caput mortuum butyri antimonii pulverisatum, quod infundunt in aqua quadam ophthalmica, & adhibent feliciter.

Quod attinet regulum antimonii, miraculosissimum subiectum à *BASILIO VALENTINO* dictus est. Ille regulus nihil aliud est, quàm nobilior pars antimonii metallis cognata, seu est *Mercurius antimonii concentratus & collectus*, qui separatis scoriiis in calice fusorio fundum petit: vid. *ANGELUS SALA Anatom. Antimon. P. 2. cap. 1. ita tamen*, ut adhuc sufficiente suo gaudeat sulphure. Et cum iste *Mercurius antimonii* sit naturæ saturninæ, propterea regulus antimonii erit quasi imperfectum plumbum: nam *BASILIUS VALENTINUS* cum sale saturni (uti alibi dictum) parat ex regulo perfectum saturnum. Fundamentum præparationis reguli antimonii consistit in hoc, ut sequestretur superfluum sulphur antimonii per addita alcalia tartari & nitri, ut, hoc separato, pars metallica Mercurialis possit congregari in unum concretum, nempe regulum. Hoc, ceu dictum, fit per alcalia, quæ intimè cum sulphuribus metallorum se conjungunt; conveniunt namque in radice cum sulphuribus; unde hæc saturata antimonii sulphure, alcali arripit sulphur antimonii, & regulum seu Mercurialem partem intactam ad fundum dimittit, & tunc lixivium illud præcipitari potest cum aceto in sulphur antimonii, auratum dictum. *Regulus antimonii* est vel simplex vel compositus. Simplex fit communiter hoc modo:

24. Antimonii,

Nitri,

Tartari, ana part. æqv.

Detonentur simul in crucibulo: massa tamdiu detineatur donec perfectè fluat, tunc effundatur in calicem fusorium calefactum & sero prius inunctum, & in fundo se sistet regulus, calicem inter fusionem aliquomodo agitando; qui à scoriiis separatus, & si adhuc impurius videatur, pulverisetur, & vel solus, vel cum dimidia sui parte nitri & tartari denuò fundatur, ac prædicto modo procedatur.

Detonatio hæc est eadem actio, ac est vis scopetans pulveris pyrii. Nam uti in pulvere pyrio est nitrum, sulphur, & alcali carbonum, quæ conjuncta incensa fragorem excitant; ita hic habetur sulphur antimonii, nitrum, & alcali in sale tartari; quæ tria exhibent istam detonationem. Sub ista autem regulum ingredientium detonatione ni-

trum & tartarus comburruntur in alcalia, quæ prout sunt acria corrodunt sulphur antimonii, quo absorpto regulus præsens in fundo con fusorii se sistit. Scorix, quæ in suprema parte reperiuntur, sunt nihil aliud quàm alcalia, sulphure antimonii tincta & saturata.

Compendiosius quidam parant regulum, miscendo vel solum sal tartari, vel sal alcali cum antimonio, quæ in calcinatione rodunt antimonium per separationem sulphuris antimonii. Verùm hæc salia sunt nimis caustica & corrosiva, nimis imbibunt de sulphure antimonii, ut in præparatione reguli non tantum omne absumant sulphur antimonii, sed & (nondum scilicet saturata) ipsum quoque regulum suo spoliunt sulphure; unde, ne hoc fiat, sunt qui addunt pulverem carbonum, ne salia (nitrum scilicet & tartarus) nimis promptè arripiant sulphur, sed arripiant simul sulphur carbonum, & ita majora acquiritur & efficacior reguli copia; sic v. g.

24. Antimonii lbiii.

Nitri,

Tartari an. lbis.

Pulv. carbon. lbivss.

Ex his more consueto præparatur regulus ponderosior & copiosior ob dictam rationem, utut hic regulus sit feculentior & impurius reliquo, communi modo præparato.

Dixi, quod alcalia rodant sulphur, non tantum antimonii, sed & carbonum; hac ratione notum fit, acquiri posse sulphur carbonum inflammabile; v. g.

24. Carbone frustulatim incisi.

Fundantur cum sale tartari, postmodum dissolvantur in aqua, unde hoc alcali imbibit sulphur carbonum, quod beneficio aceti destillati præcipitatur ad fundum.

Hoc sulphur carbonum interdum acquiritur inflammabile, interdum minus inflammabile. Ratio est hæc, quando sulphur carbonum cum aceto nimis acri præcipitatur, privatur inflammabilitate; quia nimis fixatur ejus volatilitas; si vero acetum minus acre adhibeatur, retinet inflammabilitatem suam.

De regulo beneficio carbonum vid. *ZWELFFERUS*. Modus est hic:

24. Antimonii pulveris. qu. v.

Infundatur in crucibulum cum justa pulveris carbonum quantitate, fundantur unà; sic fiet, ut alcali carbonum rodant antimonium, suoque spoliet imbibendo sulphure, quo absorpto, exoritur regulus in fundo; cujus scorix mistæ denuò cum pulvere carbonum, exhibent regulum: sed quia istud alcali carbonum saturatum est quodammodo sulphure proprii corporis, ideo non adeo promptè nec adeo copiosè absorbet sulphur antimonii, unde copiosus quidem regulus sed impurius & minus defecatus acquiritur.

Alii præparant regulum antimonii cum pice vel colophonia; scilicet

24. Colophon.

Antimonii an. part. æqu.

(vel, uti alii volunt, antimonii p. iiii. & colophon. p. ii) Fundantur in crucibulo, sic copiosè latis & nitidus acquiritur regulus:

Ratio copiosi & nitidi acquisiti reguli est hæc, quia in communibus reguli antimonii præparationibus pars sulphuris antimonii volatilior partem Mercurii antimonii simul absumit, & sic paucus acquiritur regulus; in hac verò pinguedo colophonix imbibit cognatum sibi sulphur antimonii, unde fit, ut pars metallica antimonii in regulum secedat.

Alias etiam solum antimonium probè calcinatum, & à sulphure separatum, sine additione aliorum vi ignis abijt in regulum. Sed, uti dixi, antimonium debet esse probè calcinatum.

Et hi sunt simplices reguli antimonii: Sequuntur compositi reguli antimonii, quando unum vel alterum metallum additur, & simul detonantur: imprimis notissimi sunt reguli antimonii Martialis, Jovialis, Solaris, &c. In cujuscunque præparatione quædam encheirises probè sunt notandæ; nempe antimonium & Mars non possunt benè simul fundi: nam antimonium facillimè, Mars verò difficulter, in igne funditur; quin potius diu satis candescit, quàm funditur. Ut autem regulus fiat legitimus, prius immittatur igni Martis limatura, vel aliud corpus Martis, hoc ab lbss. vel 3viii. probè in crucibulo candescat ad summum usque gradum: huic tandem permisceatur antimonium pulverisatum ad 3xvi. vel xviii. aliis tamen 3xii. Hæc duo fundantur simul, ut abeant in unam massam igne aucto. Ratio hujus conjunctionis est, quia sulphur Martis cognatum est in radice cum sulphure antimonii, unde se uniunt. Huic deinde massæ fluenti immittatur nitrum pulverisatum calefactum, (quod no-

tan-

tandum) ad ℥iv. vel v. vel nitri & tartari an. ℥ij. vel ℥iij, per vices injiciendum denuò, quando strepitus cessaverint; ita erumpente flamma funditur contenta massa, quæ fortitigne ultra horæ quadrantem in fluore detineatur in regulum; citò autem postmodum hæc massa fundenda in conum fusorium, alias scorix in densam abeunt crustam, quæ fusionem impedit. Hic *regulus Martialis*, si non fuerit probe purgatus, semel vel bis, imò tertia vice, cum dicta nitri quantitate iterum est fundendus, ut politus & elegans stellaque conspectior fiat.

Pro regulo antimonii Joviali.

℥i. Reg. antimonii vel antimonii crudi, Jovis, an. part. æqu.

Fundantur in massam nigricantem, quæ postmodum cum vitro in regulum ferè argenteum redigitur, pro antihectico Poterii necessarium.

Pro regulo antimonii solari fundatur aurum cum p. jv. vel sextuplo antimonii, sic regulus in fundo residebit, qui à scorix separandus: & si forsan aliquid auri in scorix relinquitur, addatur iis pars dimidia antimonii crudi, iterum fundatur, addendo, cum fluxerint, parum limaturæ Martis, & in regulum effundatur.

Simili modo etiam potest fieri *regulus antimonii lunaris*, aut ex pluribus metallis compositus, qui vulgò *Electrum Majus* dicitur.

Scorix, quæ in regulorum præparatione in superficie conifusorii reperiuntur, nihil aliud sunt, quàm alcalia, quæ absorpserunt sulphur antimonii. Jam ut ex his scorix separatur sulphur antimonii, necesse est, ut solutis scorix in aqua calida, affundantur acida, in specie acetum destillatum. Hoc tamen notandum, quod prima scoriarum solutio cum aceto præcipitata det sulphur antimonii auratum obscuri coloris; quod purgat per secessum, & non fit inflammabile propter salia acida adjuncta: altera & sequentes præcipitationes exhibent sulphur magis fixum; & si ab ultimæ præcipitationis, certo modo institutæ, sulphure spiritus vini deflagretur, optimum est diaphoreticum, & epilepticum, quod dicitur pulvis epilepticus antimonialis. Huic scoriarum solutioni, si affundatur spiritus vitrioli vel nitri, horrendum excitabit fæorem, & sulphur acquiritur magis diaphoreticum; cum horum sit, quod acida corrigant vim antimonialium catharticeam.

Solutio scoriarum reguli, alias *Lixivium* dictum insigniter prodest in mensum obstructione. si suffusus forma in Genitalia excipiat. Hinc idem lixivium est egregium in lotionibus ulcerum cacoetheorum, quæ purificat, & sordes abstergit, unde commendatum sibi habeant chirurgi: nam in ea parte, ubi gangrena incipit affligere, mirè prodest si pars tota titer affecta immittitur semel, bis, vel ter tali lixivio, tunc extrahi dicunt materiam crassam, qua extracta, partem pristinam sanitatem recuperare. In scabie ab acido quoque prodest. Sed notandum, ne quid addatur acidi, alias cuti imprimet maculas flavas satis diuturnas. Sic quoque commendatur in elytheribus pro facibus alvi emolliendis, nec est infrequentis usus.

Antimonii diaphoretici eadem est præparatio, quæ croci metallorum. Funditur autem antimonium cum tripla nitri portione, & figitur in medicamentum diaphoreticum: Vid. SCHROEDERUS, ZWLEFFERUS, alique. Differentia tamen est in eo, quod in præparatione croci metallorum sumatur anatica portio, in antimonii verò diaphoretici tripla nitri, & una pars antimonii; sic enim fit, ut figatur antimonium, unde amittit vim catharticeam, & fit diaphoreticum: massa fusa (processum vulgarem præsuppono) solvitur in aqua, in qua antimonium in forma pulveris fundum petit, nitrum verò aquæ permiscetur.

Hoc antimonium diaphoreticum si steterit aliquamdiu, interdum emeticum fit, quatenus nempe sub præparatione sulphur antimonii ab acido nitri non perfectè imbibitur, adeò, ut textura sulphuris antimonialis cum substantia regulina denuò emergat & quasi revivificetur. Hoc autem ne fiat, quædam observandæ sunt encheirises:

1. Paretur antimonium diaphoreticum nò tam ex crudo antimonio, quam ex regulo antimonii; sic enim nunquam timendi vomitus, quia sulphur antimonii sub reguli præparatione per alcali nitri, tartari, scoriarum forma sequestratur, sicque revivificari non potest.

2. Post paratum antimonium diaphoreticum probe eluendum est aqua calida, ut omne nitrum separatur: postmodum affundatur spiritus vini, quo cum digeratur, & tandem super antimonium diaphoreticum deflagretur; sic optimum evadit medicamentum.

Etymulleri Oper. Tom. I.

Antimonium diaphoreticum ex regulo antimonii paratum alio nomine dicitur *cerussa antimonialis*, quæ præter vim diaphoreticam salivationem movere dicitur; quæ salivatio Mercurium assumptum aliàs subsequi solet.

Dum calcinatur ita antimonium cum nitri triplo, tunc nitrum in igne deflagrando dimittit suum spiritum; unde quidam præparant antimonium diaphoreticum in retorta tubulata, in quam ingredientia cochleatim immittuntur: sic enim candefacta retorta calcinatur, & figitur antimonium in diaphoreticum medicamentum, & nitri spiritus capitur in receptaculo appposito, cum quo transit simul aliquid de sulphure antimonii, ut sit spiritus clystiformis: massa exempta solvitur in aqua, eluitur ut supra & servatur.

Aqua, in qua massa antimonii diaphoretici soluta dat nitrum antimoniatum duplex: nam maxima pars abit in crystallos salas amaricantes; pars quædam in crystallos nitriiformes: in fundo autem remanet crassior materia, quæ est alcali, in medico foro parum, in alchymico verò plus utilitatis referens.

Usus antimonii diaphoretici est insignis. Dosis à ℥ss. ad ℥j. vel etiam ℥ss in malignis morbis petechiis, &c. item in febribus intermittentibus in quibus plus confert, quàm specificum febrisugum Strobelbergeri aut Crollii, imprimis cum sale ammoniaco si propinetur; unde cum acidum destruat, feliciter quoque in pleuritide, erysipellate, & morbis à grumoso sanguine ortis, item in soda ructibusque commode adhibetur: porro in scabie, ut & in lue Venerea antimonium diaphoreticum non est contemnendum remedium. Nitrum verò antimoniatum, de quo antea, in febribus ardentibus, tam benignis quàm malignis, in mensura cerevisiæ aut alius potus ad ℥i vel ℥iij; per se verò ad ℥i, non sine fructu adhibetur.

Unum adhuc moneo: quod si lixivio, in quo soluta massa antimonii diaphoretici, inspergatur acetum destillatum, præcipitabitur pulvis, qui dicitur *magisterium antimonii*, cuius dimidia dosis plus valet, quàm integra antimonii diaphoretici.

Ex regulo antimonii cum additis aliis Metallicis, varix exsurgunt compositiones: verb. gr. Regulus antimonii cum Jove dat *Antihecticum Poterii*. Proceditur legitime hoc modo (nam descriptio POTERII non procedit)

℥i. Jovis part. v.

Reg. antimonii part. iv.

Fundantur in crucibulo, postea detonentur cum triplo nitri per integram horam, ut omne sulphur inflammabile separatur, fiatque album; communiter coerulefcit; sed malè; hic enim color coeruleus oritur à sulphure Jovis nondum fixato, quod tamen levi encheirisi in igne separandum. Prodest in hectica, affectibus uter, purpura, febribus ardentibus & malignis.

Antimonium diaphoreticum anticachecticum fit ex Marte & ana antimonii; vulgò ex regulo antimonii sed male: v. gr.

℥i. Limat Martis,

Antimonii crudi an. part. æqv.

Misceantur hæc, & cum triplo nitri fundantur, calcinenturque per integram horam: tandem hæc solvantur in aqua communi, & pulvis anticachecticus fundum petit: Valet in ictero, cachexia virginum, & scabie: Vid. LUDOVICI Pharmac. p. 330. & M. A. N. C. Ann. 8. pag. 108.

Cremor ex hoc medicamento miscetur cum an. mercurii sublimati, & fit liquor instar butyri antimonii.

Caput mortuum huius solvitur in aqua communi, fitque viridis & acidula, potestque loco acidularum artificialium substitui, constat enim ex antimonio & marte, à spiritu salis corrosis, unde viridis color à Marte, aciditas à spiritu salis, & optima sunt medicamenta.

Et hæc de calcinatione antimonii: Jam sequitur *sublimatio antimonii*.

Sublimatur antimonium tum per se, tum cum sale ammoniaco, in flores, sive in cucurbita cum multis alembicis sibi invicem applicatis, sive in cucurbita tubulata. Omne artificium consistit in legitimo ignis regimine, qui, si debiliior fuerit, non sublimantur flores, si intensior, funditur massa, & nihil dat florum: unde præstat per cucurbitam tubulatam, aut cum triplo arenæ, miscere antimonium pulverisatum, ut impediatur ejus colliquatio; sic enim sublimabitur totum antimonium in flores, ita ut nullum caput mortuum remaneat, nisi arenam addita: & quidè in summo adheret flores albi, qui admodum maligni, in medio flavi in infima albei parte rubri, qui sunt salubriores, quia fixiores. Vid. SCHROE.

DERUS *Pharmac. l. 3. pag. 431* **ZWELFFERUS** *mantissa Spagy. P. 2. cap. 8. pag. 365* **KESLERUS** *Centur. 1. pag. 40*. Hi flores cum sint partes volatiles antimonii, non sine noxa assumuntur, in specie flores albi; propterea corrigendi sunt per acida, uti alias corriguntur omnia salia volatilia. Constant flores antimonii ex parte sulphurea, quæ secum abstulit partem Mercurialem, parte salina alcalica in fundo relicta; unde cum sale tartari, vel alio alcali fixo, & nitro, in pristinum antimonii corpus reduci possunt. Est ergo palliativa tantum præparatio.

Isti flores, qui sublimantur per sal ammoniacum, si cum singulari instipatur instrumento & encheirisi sublimatio, fit ut simul cum albis & flavis etiam rubri acquirantur, qui sunt optimi in cachexia, aliisque quamplurimis affectibus. Dosis est à gran. viij. ad xij per diaphoresin saltem operantur. Dicuntur bi flores antimonii rubri *Tinctura antimonii secca*, qua feliciter usus fuit **D. GRAMANNUS**, *Præficus Hallensis*. Apud **PARACELSUM**, ejusque sectatores, mentio fit *florum antimonii Cheiri*, à colore florum cheiri ita appellatorum, qui nihil aliud sunt, quam flores ex antimonii regulo sæpius sublimati, atque fixati, ut in flavos & rubros ita abeant flores: de quibus vid. **BASILIUS VALENTINUS**. Ex hisce floribus rubris cum sale ammoniaco sublimatis fit quoque *Tinctura illa antimonii*, Liliū antimonii dicta: de cujus virtutibus vid. **PARACELSUM** & **HARTMANNUS FINCKIUS** *l. a. flores antimonii majusculum redolentes* sublimat, ex parte unā sulphuris antimonii aurati, & salis ammoniaci part. iij. qui aqua calida edulcorandi, & spiritus vini ab iis aliquoties cohobandus. Maxime commendat in affectibus melancholicis.

Ordine nunc proponam destillata antimonialia. *Destillatur autem antimonium vel per se, vel cum aliis*, ipsi loco vehiculi inservientibus. Per se destillatur minera antimonii nondum ignem experta, ex retorta, in liquorem seu spiritum acidum, paucum, & vix consideratione dignum, utut in Medicina perutilem, unde tædiosa est hæc destillatio. Vocatur aliis hic spiritus acetum antimonii, estque nihil aliud, quam fœtus sulphuris antimonii, seu est nihil aliud, quam spiritus sulphuris acidus mineralis; quantum incendi & destillari potest. Dixi, quod ex minera antimonii nondum ignem experta destilletur hoc acetum antimonii: in calcinatione enim perit hic spiritus acidus. Semel destillatus hic spiritus: novæ iterum minere affundendus est, digerendus aliquamdiu, & denuo destillandus, sic copiosior & acidior acquiritur spiritus, hocque repetendum, quamdiu placuerit. Notandum, quod pro huius spiritus seu aceti antimonii destillatione carbonēs vegetabilium non sufficiant, sed fossiles requirantur. In sublimatione antimonii per se per alembicum rostratum, etiam huius aceti aliqua quantitas colligitur: Vid. **POPPIUS** *in Basil. antimonii*. Alii sine forti igne parant spiritum hunc, dum mineram antimonii candefactam extinguunt in aqua, idque aliquoties repetunt, donec tandem exinde fiat aqua acidula, quæ dephlegmata spiritus antimonii exhibet parum. Juxta descriptionem **BASILII VALENTINI** *minera antimonii levigata* lvi., aqua pluvialis destillata lxxiv. affunduntur, quæ in vase clauso tamdiu digeruntur, donec minera effervescat, & in superficie aquæ spuma appareat, aqua apparente aqua affusa destillatur, quæ acidula est: iniō aqua communi sublata, aucto igne substantiæ antimonialis aliquid simul sublimabitur; Hoc capiti mortuo iterum admiscetur, aqua prior reaffunditur, & cohobatio toties repetenda, donec aqua instar aceti destillati prodeat, quæ novæ minere reaffunditur, & labor illis circumstantiis absolvitur, quales **KERKRINGIUS** *in notis ad Basilii Valentii currum triumphalem* annotavi.

Usus aceti antimonii est satis amplus: commendatur in febribus malignis ad æstum febrilem compescendum; item ad lumbricos enecandos: sed tamen loco menstrui universalis adhiberi nequit, uti quidam volunt. Error exinde ortum traxit, quod putarint; antimonium esse omnium metallorum radicem, unde exinde menstruum universale elicere volve, sed falsò. Nihilominus est optimum menstruum pro *Tinctura antimonii*, in specie ex vitro antimonii hyacinthino extrahenda: Nam canon Chymicorum dicit, quod menstruum cuiusque proprium melius extrahat penetretque in sui ipsius substantiam propter convenientiam in radice, & orta particularum menstrui cum porulis solvendis proportionem.

Hæc fuit destillatio antimoni per se.

Cum aliis quoque destillatur antimonium nempe cum iis,

quæ corpus antimonii corrodunt, resolvunt, & resolutum unā, dum per ignem adscendunt, secum rapiunt, & ita per retortam antimonium vehitur. Modus communis est, quando saccharum additur; hoc enim destillatione dat spiritum acidum, qui rodit & secum vehit antimonium; unde oritur *spiritus antimonii saccharatus*.

Pertinet huc *oleum antimonii mellitum*, si antimonium miscetur cum melle & destillatur (quod notandum) lento igne; alias enim tam saccharum quam mel ebullit, & cum impetu in receptaculum proruit; unde labor est frustraneus. Usus horum est Chirurgicus, & externè in ulceribus carnem luxuriantem absumunt, hinc quoque ulcera cacoethea optime mundificat. Plura videbitis apud **BASILIUM VALENTINUM**, & **SCHROEDERUM**.

Quidam antimonium pulverisatum cum pane mistum destillant per retortam, & spiritum antiepilepticum acquirunt optimum. Ratio est, quia panis dat spiritum acidum volatilem (hic spiritus acidus præter alios usus chymicos promptè extrahit tincturam antimonii, quibusdam in secretis habitam) qui corpus antimonii resolvit sub ignis tortura, secumque per retortam rapit.

Destillatur quoque antimonium cum additione salis communis, aut aliorum ex sale communi præparatorum, v. g. cum spiritu salis, aut Mercurio sublimato. Destillata hæc per Mercurium sublimatum, cum sint crassa & viscida, vocantur butyrum antimonii, item antimonii oleum glaciale, item spuma venenatorum draconum, quo nomine antimonium & Mercurius sublimatus venire solent. Operatio est hæc: Antimonium & Mercurius sublimatus anatica proportionem in lapideo mortario exactè miscentur, & ex retorta ampli & longioris colli in arena, primò igne mediocri, destillantur, ut prodeat butyrum antimonii. Quod si fortè in collo retortæ concreseat, admodum cautè carbone liquefiat: Ubi autem omne butyrum exierit, urgetur ignis, detur insuper ignis suppressorius; ut sublimeretur, & in collo retortæ concreseat cinnabaris antimonii: Vid. **SCHROEDERUS** *l. a. l. 3. pag. 409.* & **ZWELFFERUS** *in mantissa Spagy. pag. 367.*

Fundamentum hujus præparationis est hoc: spiritus salis acidus, qui est in Mercurio sublimato (constat enim Mercurius sublimatus ex corpore Mercurii, & spiritu salis concentrato in Mercurio) ignis beneficio resolutus rodit partem Mercurialem seu metallicam antimonii, & corrosam secum rapit in receptaculum, & cum eo abit in liquorem crassiusculum, odoris summè sulphurei, propter sulphur antimonii resolutum; qui liquor ob formæ convenientiam butyrum antimonii dicitur: Mercurius verò vivus sic à spiritu salis, partem metallicam rodente, derelictus, & ab ejus compedibus liberatus partim in viva forma cum butyro antimonii prodit, partim cōjungit se cum sulphure antimonii, & hæc duo corpora abeunt in tertium demum compositum, cinnabarin antimonii.

Circa hanc tamen præparationem Butyri & cinnabaris antimonii, notandæ sunt quædam encheirises:

1. Quod, si plus cinnabaris antimonii acquirere volumus, quam butyri antimonii, sumamus tunc duplum Mercurii sublimati ad unam antimonii partem; sic totum antimonium transit in butyrum, & Cinnabarin: sin verò plus butyri antimonii cupiamus, quam cinnabaris, tunc anaticam proportionem esse recipiendam; vel capiti mortuo butyri antimonii novum Mercurium sublimatum in sufficienti quantitate esse addendum, sic enim totum antimonii corpus in butyrum abit,
2. Sumendum esse antimonium non striatum, sed magis sulphureum pro majori copia cinnabaris; multum enim diversa antimonii species valet juxta **BOYLE Tentamin. in Physiol. pag. 48.**
3. Mixture antimonii & Mercurii sublimati altero statim die destilletur: si verò fluidius butyrum antimonii volumus, massam compositam prius in cellam ad aliquot dies reponendam esse, ut species humectatæ butyrum liquidius exhibeant.
4. Ignis fortissimus mox in principio administratur pro majori cinnabaris quantitate juxta **BEGUINUM**: Confer. **FABER** *in Univers. Sap. l. 4. Arc. 5.* & **ROLFINCIUS Chymia l. 5. c. 6.**
5. Porro, qui in igne suppressionis destillant, recipiant retortam ampli colli; alias rumpitur, & butyrum & cinnabaris abeunt in auras; collum retortæ non sit nimis breve, alias pauca vel nulla acquiruntur cinnabaris.

6. Mercurius sublimatus sit purus, non verò adulteratus Arsenico. Hic ut melius cognoscatur, probatur hoc modo: Mercurio sublimato affundatur gutta una vel altera olei tartari per deliquium: si flavescit, est bonus; sin verò nigrescat, Arsenico est adulteratus.

Quæritur: cuiusnam sit natura butyrum antimonii? an Mercurialis an verò antimonialis? BILLICHIUS, ANGELUS SALA, aliique statuunt, quod sit Mercurialis natura; sed contra rationem. Etenim

1. Potest Butyrum antimonii parari mediantibus solis salibus, sine additione Mercurii sublimati: v.g. si loco Mercurii sublimati recipiatur spiritus salis, & hoc imbibatur pulvis antimonii potest destillari butyrum antimonii; sed quod observandum, sine tamen cinnabari, propter defectum Mercurii: Vel si antimonium aut vitrum antimonii misceatur cum nitro & vitriolo, &, ad impediendam nimiam liquescientiam, adjecto pulvere laterino, destilletur, tunc spiritus salis communis in ignis tortura fuscitatus rodit antimonii corpus in liquorem crassum, nempe butyrum antimonii: Vel

2. Antimonii part. j.

Salis decrep. part. ij.

Vitrioli ad albed. calcin. part. iv.

Misc. & destillentur per retortam; acquiritur solum butyrum antimonii, sine cinnabari, propter defectum Mercurii.

2. Mercurius vitæ, qui est productum butyri antimonii in crucibulo fusus, abit in antiquum corpus antimoniale, aut in regulum, aut vitrum antimonii. Conf. TENZELIUS exeges. Sala Ternar. Bezoardicorum, ZWELFFERUS Mantissa spagy. p. 367, & BOYLE Chym. Scept. p. 336.

Est itaque butyrum antimonii nihil aliud, quam regulus antimonii à spiritu salino in liquorem crassiusculum corrosus. Cur verò spiritus salis relinquat corpus Mercuriale, & se coniungat cum antimonio, ratio est, quia mineralia se libentius cum metallis coniungunt. Cum ergo antimonium sit corpus semimetallicum, acida mineralia malunt ejus connobium, quam Mercurii, quem relinquunt.

Ex præparatis quoque antimonialibus parari potest butyrum antimonii, nempe ex regulis, ex vitro, ut & ex antimonio diaphoretico; hac tamen cum differentia, quod si ex regulis antimonii, cum Mercurio sublimato destilletur butyrum antimonii, item si vitrum antimonii, aut antimonium diaphoreticum cum Mercurio sublimato destilletur, acquiramus quidem butyrum antimonii eò tutius, & benignius, & ex hoc mediante præcipitatione Mercurii vitæ; sed nullam Cinnabarin, quoniam in præparatione reguli & antimonii diaphoretici per detonationem, in præparatione vitri antimonii per calcinationem, sulphur omne deflagraverit, ut cum Mercurio in Cinnabarin coire nequeat. Caput mortuum remanens est verus antimonii regulus, quod per repetitam Mercurii sublimati additionem totum in butyrum destillari potest, nihil autem cinnabaris suppeditans. Loco reguli antimonii simplicis sumi etiam potest compositus, & destillatur butyrum compositum, majoris usus in Medicina.

Usus butyri antimonii tunc Chirurgicorum Medicus est tam internus quam externus. Externe adhibetur in abscessibus & ulceribus desperatis putridis & imminente jam gangræna; commodissime adhibetur pro fomiculis excitandis, si calamus scriptorius applicetur cuti, ejusdemque cavitati immittatur butyrum antimonii, & calamus ita commodè convenienterque deligetur; sic enim fit, ut sensim sensimque subjectam cutim & carnem corrodat butyrum antimonii, & in fonticulum transmutet, qui postmodum lege artis est tractandus. In gangræna, vel potius sphacelo, laudandum præstat effectum; pars quippe mortua butyro hoc illita spontè à via sua secedit; quo facto, locus affectus balsamo sulphuris inungendus, aliaque ulcus purificantia adhibenda. In aperiendis abscessibus, malignis in specie, ut in bubonibus & carbunculis pestilentialibus, in corporibus durioribus adhibetur, mirum præstat auxilium. Illinitur summittatur bubonis, unde fit eschara, facile postmodum aperienda, & convenientibus tractanda remediis: Pro separanda parte mortua à sana circumducatur circulus inter partem sanam & mortuam. Vid. AGRICOLA Commentar. in Poppium, ratione enim acidi concentrati impedit ulteriorem progressum. In delicatis verò sub-

Etzmulleri Oper. Tom. I.

etis buboni applicatur magnes arsenicalis, exque eo emplastrum arsenicale, aperitur inducta eschara, mundificatur & consolidatur.

Componitur autem magnes arsenicalis ex ana antimonii, sulphuris & arsenici, in igne arenæ in crucibulo fusus: hæc optime uniuntur in magnetem arsenicalem causticum, qui quoque emulsi instar in morbis malignis, ipsaque peste, adhibetur.

Interne vix adhibetur butyrum antimonii, ob vim corrosivam ex adjunctis salibus acidis dependentem. Nihilominus fuit quidam, qui in quartana ad guttulas duas cum successu adhibuit: factum enim est, ut quartanarius ter vel quater purgaretur; hoc notato, propinavit gutt. 5. & purgatus, probèque sudans convaleuit. Hoc mirandum sanè, quod butyrum antimonii interne exhibitum non moveat vomitus: Ratio forsitan est, quod acida in butyro coercent vim volatilem in Mercurio vitæ; constat enim butyrum antimonii ex antimonii regulis, & spiritu salis concentrato. Quando destillatur butyrum antimonii, vel etiam, quando præcipitatur mercurius vitæ, simul solet progressi mercurius vivus ex sublimato, quod antimonio additum fuit. Hic oriundus ex butyro antimonii, si leviter evaporet in igne solet post se relinquere aliquot grana auri, quæ Mercurius ex antimonio extrahit, quoniam habet ens primum auri: Hinc sunt quidam, qui docent, quod antimonium apyrum tingat aurum, colore suo orbatum: vid. GLAUBERUS, & MARCUS MARCI.

Præparatur ex butyro antimonii pro usu interno tum Mercurius vitæ, tum Bezoardicum minerale. Mercurius vitæ fit, si butyrum antimonii rectificatum infundatur aquæ communi frigida; sic enim liquor antea limpida lactescit, & successivè in fundum secedit pulvis albus, per filtrum separandus & edulcorandus, qui communiter mercurius vitæ vocatur, vomitorium nobilissimum, utut satis violentum. Quidam præcipitant Mercurium vitæ loco aquæ communis cum tartari aut nitri alcalisati liquore, & acquirunt mitius vomitorium. Injuriam faciunt Mercurio vitæ, qui pro Mercurio mortis eum proclamant, eo innixi fundamento, quod butyrum antimonii sit productum Mercuriale, est enim potius productum antimoniale, nempe reguli antimonii à spiritu salis concentrato corrosi ac soluti, unde, quando butyrum Antimonii aquæ infunditur, hæc imbibit partes salinas acidas, quibus separatis, regulus antimonii ad fundum secedit in forma pulveris, supernatante spiritu vitrioli Philosophico. Vid. quæ supra dixi de butyro antimonii.

Usus Mercurii vitæ est nobilissimus: In febribus intermittentibus iusto tempore exhibitus, insignem navat operam: in affectibus melancholicis, in specie mania, non sine fructu adhibetur. Billichius in partu difficili triduo felicissimum eius expertus est usum, quem BILLICHII morem imitatus est D.D. CANZLAND, qui in desperato pariendi conatu eundem summo cum successu adhibuit. Porro conveniens est vomitorium in paralisi linguæ, in difficultate deglutiendi, in apoplexia, (in quibus casibus vel poterit inflari ori, vel unum aut duo grana linguæ imponi,) iucundum provocant vomitorium, teste experientia. Verbo, Mercurius vitæ est vomitorium nobilissimum, & facile omnibus antimonialibus palmam præcipit. Datur ad gr. ii. in substantia, in Infuso ad grana v. Infunditur in vino per noctem, manè filtratur & exhibetur ab ʒi ad ʒiſs, ad summum ʒi. Et tutius quidem est in Infuso, quam in substantia, exhibere: cum metuendum sit, ne aliquid plis ventriculi adhæreat, lethalesque inducat hypercathartes.

Est autem antimonii, hinc Mercurii vitæ, vis inexhausta, dum vel millies citra sui immutationem infundi posse dicunt. Sed quæritur, unde hic in Mercurio vitæ thesaurus? Dicunt quidem, antimonium operari per actionem radiativam; quod tamen vix percipi potest. Certum verò est, aliquid ab ejus substantia) utut sensibus vix perceptibile) decedere, cum acor vini subtilissima quedam, adeoque insensibilia ramenta abradat, quorum poris vini a ut aceri particulæ iterum se insinuant, unde nullum pondus decedere videtur.

Violentum est vomitorium Mercurius vitæ; sed mitior evadit, si fiat ex regulis antimonii simplici vel Martiali; quia dum à salibus calcinatur, eius sulphur subtile sublimando maxima ex parte separatur; & hoc sulphur volatile

Z 4 anti-

antimonii sulphure fixiori Martis corrigitur: quin in tantum potest domari Mercurius vitæ, ut per inferiora tantum purget, si scilicet Mercurius vitæ ex butyro (quod ex regulo antimonii Martiali fuit destillatum) præcipitetur per lixivium tartari, & postmodum leniter edulcoretur, modò butyrum antimonii ritè fuerit rectificatum: Sic quoque inferiora tantum purgat Mercurius vitæ, si ab eodem spiritus vini tartarificatus aliquoties abstrahatur. Hinc clarum evadit; quod salia alcalia faciant Mercurium vitæ per inferiora purgantem. Sic, si nitri ℥iij. blando igne fusis adiciantur ℥ii. Mercurii vitæ, evadet catharticus; si ℥j. tantum Mercurii vitæ, evadet sudoriferus; sic quoque si sextuplum spiritus nitri abstrahatur à Mercurio vitæ, acquiritur Bezoardicum minerale, optimum sudoriferum. Porro, si Mercurii dulcis gr. xv. & Mercurii vitæ gr. ii. mista probè terantur, fiet purgatio tantum per inferiora; quia spiritus acidus in Mercurio dulci figit Mercurium vitæ, ut per inferiora tantum purget: item, si Mercurius vitæ testatur probè cum sale communi, idque aliquoties repetatur, evadit Mercurius vitæ mitis, tutumque per inferiora purgans, utpote ab acido salis communis fixatus. Unde ratio peti potest, cur in hydropicis non operetur Mercurius vitæ; etenim aqua falsa hydropicorum corrigit figitque Mercurium vitæ.

Paratur ex Mercurio vitæ rosa vitæ mineralis Angeli Salæ, si scilicet sumatur essentia santali cum spiritu vini facta, ad mellis consistentiam inspissata, eidemque addantur guttæ aliquot olei caryophyllorum, item aliquot grana ambræ atque Moschi, tandem admisceatur Mercurius vitæ, & probè subigatur.

Aqua illa acida, ex qua præcipitandus est Mercurius vitæ, si destilletur & à phlegmate separetur, exhibet spiritum acidum, qui vulgò dicitur spiritus vitrioli Philosophicus, quasi in sublimatione Mercurii aliquid de vitriolo simul adscenderet, quod tamen falsum est: est enim potius spiritus salis communis, qui sub destillatione butyri antimonii rosit regulum antimonii, particulis aquosis dilutus, easdem cum hoc habens virtutes.

Bezoardicum minerale fit communiter, si butyro antimonii affundatur spiritus nitri rectificatus guttatim, donec nulla effervescentia percipiatur, & pulvis flavus ad fundum præcipitatus fuerit, à quo ter per arenam abstrahendus spiritus nitri novus ad siccitatem usque, qui spiritus nitri, Bezoardicus vocari solet; sicque remanet pulvis fixus, super quem leniter calcinatum spiritus vini, continuò agitando, deflagrandus. Brevius, minorique cum apparatu, Bezoardicum minerale componi potest ex croco metallorum per terram cum nitro calcinationem in furno anemio igne forti. Sic quoque, si croco metallorum sexies spiritus nitri forti igne abstrahatur, fit Bezoardicum conveniens.

Et hoc est Bezoardicum minerale simplex, quod est optimum remedium sudoriferum in morbis malignis, peste, scabie maligna. In nuperrima peste Neapolitana multorum cum commodo fuit administratum: dosi gr. vi. ad viij. Notatu dignum est, quod refert ROSENCREUZERUS, se curasse nobilem Hydropicum ex potu fontis veneno infecti, cui propinavit dosin Bezoardici mineralis, unde æger emixit 6. araneas vivas, & pristinae sanitati fuit restitutus. Sunt & composita Bezoardica mineralia, quæ aliorum metallorum additione fiunt, in specie Solis, Lunæ, Martis, Jovis &c. quorum compositiones videri possunt apud BEGUINUM, CROLLIUM, &c. In compositione Bezoardici solaris & lunaris notandum, ut recipiatur sol & luna ab omni Venere libera; nam si sol adhuc participat de Venere, Bezoardicum non erit perfectè diaphoreticum, sed propter admixtam Venerem ciet vomitus, saporemque habebit vitriolicum: e. g. sit Bezoardicum solare;

℥i. Butyr. antimonii ℥iv.

affundatur guttatim

Spiritus nitri rectif. ℥jv.

addatur

Auri à Venere per antimonium depurati
(vid. in spiritu salis Bezoard. solut.)

℥ss. ad ℥j.

Confusa destillentur per retortam ex arena ad siccitatem: Residuo spiritus nitri recentis dimidia pars præter-

propter affundatur, & abstrahatur, quæ cohobatio cum novo spiritu nitri repetatur, ignem ultimò intensius urgendo.

ZWELFFERUS IN MANTISSA SPAGYRICA edulcorare jubet; sed malè: quia cum particulis salinis etiam particulæ solares ab his solutæ eluuntur. Potius ergò massa leniter calcinetur, ut partes salinæ, si adhuc hæreant, evaporent.

Eadem ratione etiam **BEZOARDICUM LUNARE** confici potest, solvendo lunam depuratam in aqua regia seu spiritu nitri: Si luna non sufficienter depurata erit, Bezoardicum evadit viridiusculum.

BEZOARDICUM MARTIALE fit ex scorpiis Martis & antimonii optimè: dum Mars igitur, additur antimonium, & secundum artem funduntur in scorias, quæ cum part. ii. mercurii sublimati destillatæ, dant butyrum antimonii martiale, quod cum spiritu nitri more solito mistum, dabit pulverem rubeum, Bezoardicum antimonii Martiale dictum; quod sanè optimum est in hydropè & cachexia, & inde orta scabie: item in diarrhœa & dysenteria epidemica, quam sistit feliciter. Dosis gr. xvii. vel xviii.

Compendiosiori methodo parari potest, extrahendo è croco Martis cum butyro antimonii tincturam, quæ cum spiritu nitri præcipitetur, abstrahatur, &c.

Bezoardicum Joviale paratur ex butyro antimonii Joviali, quod fit ex regulo antimonii Joviali cum ana Mercurii sublimati, præcipitando cum spiritu nitri. Regulus autem antimonii Jovialis fit ex part. iiii. Reguli antimonii, & part. i. vel ana partibus æqualibus, Jovis. Vid. SCHROEDERI Pharmac. Medico-Chymic. & MINSICHTI armament. Chymicum. p. 414. Melius fit Bezoardicum Joviale juxta modum **BEGUINI**.

℥i. Jovis ℥iv.

Mercurii sublimati ℥ss.

Ex mistis probè, butyrum destillando eliciatur. Hoc non cum aqua communi, ut vult **BEGUINUS**, sed cum spiritu nitri præcipitatum & fixatum, dat Bezoardicum Joviale; singularissimum in affectibus mulierum. In passione hysterica, in febribus continuis ardentibus, purpura puerperarum alba, in affectibus mammarum exterioribus, ex terrore ortis, in tumoribus earum, item ad impediendam lactis coagulationem, ne abeat in tumores schirrhosos alioque; item ubi post hæmorrhagiam narium copiosam hydrops aut cachexia metuitur, Bezoardicum antimonii Joviale laudandum est remedium.

Suprà, ubi de destillatione butyri antimonii actum est, dictum fuit, spiritum salis, qui est in Mercurio sublimate, cum parte Mercuriali antimoni in butyrum abire, Mercurium verò cum sulphure antimonii in collo retortæ concrefcere in cinnabarin. Cinnabaris hæc antimonii pro usu Medico aliquoties est sublimanda; ut perfectè rubescat, & omnes sordes ac superfluum de se ponat Mercurium. Depurata ita cinnabaris antimonii est remedium polychrestum, unde constituit basin specifici cephalici **D. MICHAELIS**, Professoris Lipsiensis, vel Pulveris cephalici **HARTMANNI**. Nam in hoc specifico cephalico omnis energia dependet à cinnabari addita; Magisteria enim nihil operantur, sæcula adjecta ridenda; sed omnis à cinnabari efficacia.

Est hæc cinnabaris singulare remedium pro partibus spermaticis seu nervosis, unde in affectibus convulsivis non habet sibi par remedium. Nam utut de morbis convulsivis à plerisque practicis altum sit silentium, tamen sunt frequentissimi; omnes enim dolores colici, nephritici, abdominis, &c. sunt affectus convulsivi: de quibus legatur **WILLISIUS**: quorum cura ex salis cinnabarinis petenda est remediis. Quapropter etiam **CRATO**, felicissimus ille trium Imperatorum Medicus, quo jam tempore vocavit cinnabarim nativam magnetem epilepticam, quod elogium simul jure cinnabari antimonii debetur, quia cinnabari nativæ non cedit unde in tremore manuum, e. g. aurifabrorum, ex fumis metallicis, aliisque artium affectibus, optimum est remedium. Sic quoque illis, qui in mineris & metallis laborant, morbosque incurrunt nervosarum partium, scilicet contracturas, convulsiones, tremores, &c. vix potest melior exhiberi Medicina, quàm ex cinnabari antimonii depurata. Porro in morbis malignis in febribus malignis, ipsaque peste, non est contemnendum remedium. Po-

terio est sudoriferum antipeffilientiale; an. ʒss. ad ʒi. adhibendum, quod per sudorem restituit ægros; Unde hoc medicamentum in febribus malignis tam adutorum quam infantum in variolis infantum cum epilepsia, & ubi jam ægri delirant, adjunctis salibus volatilibus, in specie C. C. aut succini, optato cum successu adhibuit. Porro in affectibus senum catarrhalibus capitis aliarumque partium, sic recipiantur partes duæ salis volatilis succini cum parte una cinabaris antimonii & exhibeantur, optatus inde sequitur effectus. Gravidis terrore affectis, unde frequentissime oriuntur abortus; item morbis malignis laborantibus, non tam ut curentur ipsæ, quam ut fœtus præservetur ab epilepsia, exhibetur. In lucem postea editum sæpius affligente, magni usus erit medicamentum exhibitum cinnabarinum. In erysipellate capitis, affectu periculosissimo (hujus enim levissimus error est lethalis) cinnabaris antimonii, provocato cum salibus volatilibus sudore, perfectam sui invenit curationem. Id quoque maxime verum est de scabie maligna & lue Venerea, imprimis vero scabie maligna, quam provocato sudore, Cinnabaris antimonii feliciter sæpè eradicat. BOYLE recipit cinnabarin antimonii, & in Amphoram Vini Rhenani suspendit, quo mirabiles vires medicamentosas in casibus chirurgicis contumacioribus expertus est. Dolor vagus articulorum ex scorbutico ortus, & qui vulgò à defluxionibus oriri statuitur, arthritidis vaga scorbutica, optime curatur per cinnabarin antimonii; quando hystericae passioni aliisque doloribus abdominis atque nephriticis (quin sunt affectus convulsi) vel sola, vel opiatas, vel cum camphoratis mixta, optato succurrunt successu, imprimis in adultis; in infantibus enim non æquè tuto exhibentur opiata.

Depuratur autem optime à Mercurio vivo sulphur antimonii beneficio alcalium; unde si cinnabaris antimonii ebulliat in lixivio alcalico; verb. gr. lixivio saponariorum, lixivio salis tartari, &c. alcali arripit sulphur antimonii, & Mercurius fundum vasis petit, & tunc lixivium istud præcipitari potest cum aceto in sulphur antimonii.

Post destillata varia antimonialia sequuntur nunc Extracta antimonialia; Quæ extractiones instituuntur plerumque eum in finem, ut eliciatur sulphur antimonii per se, quod quodammodo exaltatum, & cum menstruo unitum, dat tincturam antimonii, quæ primarius est finis omnium Extractionum antimonialium, & cujus ratione reliquis præstant antimonialibus, magnique usus sunt in Medicina: sulphur enim nobilitat non tam cinnabarim antimonii, sed & ejusdem tincturas. Tales autem Extractiones atque separationes sulphuris antimonialis fiunt vario modo, communiter per alcalia. Communiter dico: Nam modernorum quidam solent extrahere tincturam antimonii per acida, solvendo per aquam regiam aut destillatum oleum vitrioli: quomodo etiam verus & vivus elicitur Mercurius. Imprimis celebris est modus ANGELI SALÆ, quem habet in anatom. antim. p. 2. cap. 2. quando frustula antimonii minora cum aqua Regia digeruntur. Verùm sulphura hæc per acida secreta, non fiunt per solutionem & extractionem, sed per solam substantiæ Mercurialis corrosionem; unde sulphur, quod à menstruo acido intactum relinquebatur, huic solutioni partim supernatat, partim antimonii frustulis instar crustæ adhærescit. Sic antimonium cum oleo vitrioli per aliquot septimanas digestum, sulphur suum per repetitas destillationes prodit, igne arenæ partim recipienti, partim retortæ collo adhærescens: Vid. BOYLE. Per alcalia paratur sulphur, aut per viam humidam, aut siccam: Per humidam viam, & quatenus antimonium vel crudum pulverisatum, seu ejus minera, cui plus sulphuris externi adhærescit, vel similia coquuntur per aliquot dies in lixivio acri, quod plerumque conficitur ex sale tartari, calce viva, vel ex cineribus clavellatis; novum semper lixivium, aut aquam saltem affundendo loco illius, quod exhalavit. Hoc in extractionis actu fit, ut alcalia extrahant sulphur antimonii, quod cum iisdem dat extractum rubicundum, filtrandum, ac calore leni aliquomodo evaporandum, postmodum in loco frigido detinendum; sic sulphur antimonii sensim sponte subsidet, reliquum verò, quod per subsidentiam nondum separatum, cum aceto destillato, sicut in lactis sulphuris præparatione, præcipitandum & edulcorandum. Non secus atque in via sicca fieri videmus in præparatione reguli antimonii, qua antimonium beneficio calcinationis cum tartaro & nitro dat scorias, exque his exhibet mediante

præcipitatione cum acidis, in specie cum aceto destillato, copiosum sulphur antimoniale auratum, coloris rubicundi; quod ex aqua, in qua hepar antimonii seu crocus metallorum prima vice edulcoratus fuerit, simili modo præcipitari potest; vel antimonium cum duplo tartari crudi, aut anasalis tartari, per aliquot horas calcinatur, cum aqua calida solvitur, & vel per subsidentiam, vel per præcipitationem cum aceto destillato separatur sulphur, quod edulcorandum. In ebullitione, autem antimonii cum alcalibus fit, ut rodant alcalia antimonium, ejusque eliciant sulphur partim, quia ipsa alcalia in radice conveniunt cum sulphure antimonii, partim, quia in sulphure antimonii latet occultum acidum, quo cum se conjungunt alcalia, sulphur extrahunt, unde postmodum ubi acrum destillatum instillatur, hoc se combinat cum alcalibus, & sulphur antimonii fundum petit. Ex eodem fundamento ex scorias reguli antimonii fit sulphur auratum antimonii, de quo supra in Præparatione reguli.

Hæc sulphura per alcalia extracta non sunt pura & antimonii sola (utut extractio sulphuris antimonii per acida mihi magis arrideat) sed partim sunt mista cum particulis reguli antimonii solutis, partim cum salibus lixivii, partim cum sale acido menstrui præcipitantis. Hoc probatur exinde:

1. Quia ex sulphure hoc, mediante fusione cum borace, possit acquiri pristinum antimonii corpus in forma reguli.
2. Sulphur antimonii sit diaphoreticum; hoc verò per alcalia paratum vomitus moveat, qui omnino partibus regulinis erunt adscribendi, nisi per acidulum quendam liquorem præcipitetur & figatur in diaphoreticum.
3. Omni sulphuri competit inflammabilitas, qua cum hoc destituatur; manifestum est, adjuncta sibi salia habere. Sic sulphur commune in se est inflammabile; quando verò resolvitur in alcali co liquore, & cum acido præcipitatur in lac sulphuris, tunc amittit suam inflammabilitatem, propter salia nimirum adjuncta, ejus volatilitatem figentia; ejusque inflammabilitatem immutantia.

Dum paratur regulus antimonii, facillimo labore & una opera etiam præparari potest sulphur antimonii & Tartarus tartarificatus antimoniatas, si scilicet solvantur reguli scoriarum (quæ constant ex salibus alcalibus & sulphure antimonii) in aqua simpliciter calida, & filtratur, & loco aceti destillati cum cremore tartari præcipitetur sulphur antimonii: liquor verò ipse supernatans inspissatus abicit in crystallos, quæ vocantur vulgò tartarus tartarificatus antimoniatas. Crystalli hæc constant ex acido cremoris tartari, qui imbibit salia ex scorias reguli antimonii, ex parte antimonii non exactè præcipitati. Usus hujus insignis est in febribus intermittentibus, si præmissis præmittendis ante paroxysmum exhibeatur. Dosis à gr. xv. ad ʒi. vel gr. xxiv. Has scorias reguli antimonii non præcipitat STARCKIUS, sed volatilifacit cum alcalibus volatilibus, sicque acquirit sulphur antimonii exaltatum, magnarum virium. Notum, quantæ sint existimationis salia fixa volatilifata.

Ex cinnabari antimonii purius acquiritur sulphur (utut non separasse præstet) vel per alcalia, vel per limaturam Martis. Per alcalia elicitur sulphur, si cinnabaris antimonii in lixivio acri aliquot horas ebulliat; sic enim fit, ut alcalia absorbeant sulphur antimonii, unde Mercurius ad fundum secedit, vel insperfo aceto destillato facile præcipitatur in fundo ad formam grumorum. Sed labor hic est nimis pretiosus.

POPPIUS, novus scriptor quidam Chymicus, sulphur antimonii præcipitato affundit spiritum vini rectificatissimum, digerit & per retortam destillat; sic acquirit primo spiritum vini, menstruum affusum; postmodum subsequitur, uti refert; oleum rubicundum saporis dulcis, magnarum virium, & maiorem, quam cinnabaris antimonii. An procedat experientia, nondum probatum habeo: si tamen vera sunt, satis utilitatis inde redundaret.

Per limaturam Martis separatur sulphur antimonii (ut supra innui).

24. Cinab. antimonii part. ii.

Limat. Martis part. i.

Mista per retortam destillantur, prodibit Mercurius vi-

vus, & remanet sulphur, junctum cum limatura Martis. Hoc, quod in retorta relinquitur caput mortuum, subigendum est cum sale ammoniaco, inque flores sublimandum; tunc enim sulphur antimonii cum sale ammoniaco simul ascendit in flores, qui solvendi in aqua, & præcipitandi cum aceto destillato; sic sulphur ad fundum recedet, & optimum habebitis medicamentum.

Hæc de sulphuribus antimonialibus.

Quod attinet *Tincturas antimoniales*, componuntur illæ hunc in finem, ut sulphur antimonii fixius eliciatur, (illud nempe quod est naturæ solaris, & à quo virtutes in Medicum ulum proveniunt,) & cum conveniente menstruo conjunctum seu unitum, sub tincturæ forma promptius in corpus nostrum agere queat. Sed veram hinc & genuinam intelligo tincturam antimonii, cujus labor si successerit, unus est ex optimis totius artis spagyricæ laboribus; de qua tinctura refertur, quod ejus ꝑ. lunæ ꝑ. xxx. debeat tingere in aurum, quia sulphur antimonii dicitur participare de natura solis. Ex genuina illa *Tinctura antimonii* BASILIUS VALENTINUS parat suum lapidem ignis antimonii, qui nihil est aliud, quam *Tinctura antimonii* per retortam destillata & probè fixata. Hic lapis ignis BASILII VALENTINI particularis (ad differentiam universalis Philosophorum) lunam in solem mutat, reliquis omnibus metallorum corporibus relictis, & quidem quinque partes tingere dicitur. Vid. citatus Autor, cui meritò tanquam fide dignissimo hisce in rebus fidem habendam censeo, veraque quæ de lapide ignis asserit, esse crediderim.

Consistit autem tincturæ antimonialis præparatio in duobus:

1. Ut fiat per debitam sulphuris solaris extractionem; &
2. Per extracti decentem exhalationem.

Illæ ut plurimum fit ex vitro antimonii per menstrua acida, in specie per acetum destillatum, per spiritum viridis æris, spiritum panis, &c. Caput mortuum in verum regulum abit. Hæc exaltatio scilicet instituitur beneficio digestionis cum spiritu vini, & subsequenter artificiosæ destillationis. Sic extrahitur *Tinctura antimonii* vulgariter per acida: hæc figunt sulphur antimonii, ut vim emeticam penitus amittat; cicuratur enim hoc modo ejus violentia emetica quàm optimè, ut fiat jucundum sudoriferum. Et si cum spiritu vini postea ad tempus digeratur, per inferiora purgabit; si verò cum spiritu vini prius exalteretur antimonialis sulphuris vis, digerendo, virtute ejus emetica (quæ in volatilitate consistit) potius exaltatur magis, quàm ut figatur, & sudorem moveat.

Tinctura antimonii præparandæ præ reliquis inservit vitrum antimonii, à quo sub præparatione sulphur maxima ex parte avolvit, & tandem sulphur solare antimonii relictum commodissimè est extraversum, unde etiam colorem acquirit hyacinthinum. Hanc ob causam etiam BASILIUS VALENTINUS vitrum antimonii pro paranda sua *Tinctura* eligit, item pro parando suo artificiosissimo lapide ignis. Sic & HELVETIUS, qui quoque de virtute solis tractatum scripsit, ex vitris metallorum solet parare suas *Tincturas*, quas habet experientissimas: sed menstruum silentio involvit; putarem tamen, quod ex spiritu Veneris & crystallis procedat.

Meritò miratur WILLISIUS *Tract. de Fermentatione*, concretum antimoniale analogum, dum ejus partes aliquæ sint adeò faciles extractu, ut fiant ex antimonio *Tinctura* cum oleo terebinthinæ, item cum oleo lini: & contra quædam sint adeò fixæ ut nec ab aqua forti solvantur, ut opus habeamus aqua regia. Dicta hæc ad scopum nostrum collimant. *Tinctura* istæ vulgares sunt tantummodò superficiales, quæ per menstrua corrosiva parantur, nilque aliud, quàm corrosiones superficiales totius corporis in partes minutissimas, & proinde exigua estimationis. Contra verò legitimæ *Tinctura* nihil aliud sunt quàm portio aliqua substantiæ propriæ corporis, idoneo menstruo extracta & exaltata, cum concentratione coloris & virtutis. In specie tincturæ Metallorum, in quibus ipsum metalli sulphur essenziale, idoneo menstruo solutum, à sublimioribus desideratur Chymicis, multumque effectus pollicentur, valdeque tales laudantur à BASILIO VALENTINO. *Tinctura* istæ per olea destillata, v. g. terebinthinæ, non sunt genuinæ, sed superficiales & vulgares; in sulphur enim Antimonii fixum non agunt oleosa, sed salia, quæ solem resolvunt. Vid. BASILIUS VALENTINUS de tinctura sua Antimonii, in cujus tamen descriptione singula probè attendenda, quia singularem quoque continent encheirisen. PARACELSUS habet præparationem An-

timonii, & quidem per certum modum ejus flores fixandi ex quibus fixatis postmodum extrahit *Tincturam*; sed Autores in diversas abeunt sententias, occulta namque est, uti quam plurima PARACESI Arcana. Loco talis, in tincturæ sublimioris adhibendæ sunt communiores quæ ut non constent sulphure intrinseco, sed saltem extractions & secretiones sulphuris externi, hinc ignobiliores sint, tamen non contemnendæ. Inter has est *Tinctura Antimonii tartarifata*, ex Antimonio cum ana tartari calcinato, ita ut fluant in crucibulo: continuo autem calcinandum, donec mistura exadè flavescat: hæc postea eximenda, & aqua calida solvenda: pulvis relictus cum spiritu vini extrahendus, & tinctura ad debitam consistentiam inspissanda. Prodest insigniter in morbis chronicis, in cachexia, in febribus intermittentibus, in scabie, aliisque morbis intercutaneis, in mensibus remoratis, & aliis foeminarum affectibus, purificat sanguinem, & sordes in massa sanguinea præcipitat, easque per urinam educit.

Vulgò parant *Tincturam Antimonii ex scoris reguli Antimonii*, quas contundunt, & cum spiritu vini rectificato extrahunt, mediante digestionem; sed hæc tinctura potius est salium, quàm Antimonii: Nam spiritus vini infusus super salia alcalia, promptè se tingit colore rubro, quem habet solum ex digestionem, ceu videre est in præparatione tincturæ tartari, unde etiam parum de Antimonio participat. Omnium optima est, quæ cum spiritu vini & aceto destillato præparatur, & rectè dicit FREITAGIUS, quod qui eam habeat legitimam, aliis non opus hebeat.

Hæc de *Tincturis Antimonialibus*.

LECTIO XXIX.

Occasione *Tincturarum antimonialium*, pauca quædam adhuc de *Tincturis* dicam.

TINCTURÆ

Tinctura nomen derivatur à Tingendo, & à Colore, quo tingitur menstruum in extractione atque præcipitatione, unde etiam *Lapis Philosophorum* dicitur tinctura, quatenus ignobiliora metalla tingit in nobiliora. Tales verò *Tincturae* sunt vel universales vel particulares: Universalis est illud mysterium Philosophorum, quo de videantur Autores & defensores ejus; Particulares, quæ in unum vel in alterum subjectum ingressum dant; tale quid est *Lapis ignis Basilii Valentini*, in proportionem quintupla tingens subjecta sibi idonea. Hæc, particulares scilicet *Tincturae* rursum vel in Alchimia locum habent, vel in Medicina. Nos illis missis, harum considerationem ventilabimus, dicendo, *Tincturam* esse extractum liquidum, coloratum; vel est extractio nobilioris substantiæ concreti in *Tincturam*. De *Tincturis Vegetabilium* res facilis est: sic ex aromatibus cum spiritu vini elicitur *Tinctura* eorum (quæ subinde quoque Essentia dicitur) omnemque imbibit subjecti virtutem, ita, ut reliquum corpus omni nobilioris virtutis spoliatum maneat efficacia. In *Tincturis* verò metallorum, Mineralium, & similium, admodum defudant Spagyrici. Tales tincturas metallorum nihil aliud esse dicunt, quàm Metalla in *Tincturam* liquidam transmutata, & ita quidem, ut nequeant per artem reduci. Decantatissima est *Tinctura solis vera*, & tinctura sulphuris Veneris Helmontii; item *Tinctura Antimonii* per se.

Quæritur autem, an possit vera & genuina tinctura ex metallis & gemmis elici? Pro solutione hujus Quæstionis notandum, quod supponant Chymici, virtutem & colorem consistere in ejus sulphure: quod tamen pro suo accipiunt sensu, nec probant, *Tincturas* oriri ex sulphuribus metallorum.

In præparandis itaque *Tincturis Metallorum* necessarium est:

1. Ut sulphur purum metallorum eliciatur, & reliquum ejus metalli, cujus est tinctura, sulphure suo sit spoliatum.
2. Ut nequeant in antiquum corpus metallicum reduci.

Hæc duo Requisita sunt regulæ, secundum quas omnes metallorum præparari possunt & debent *Tincturae*, & secundum hæc omnes omniumque tincturæ (quilibet enim suam jactitat tincturam) veniunt examinandæ. Multi considerantes firmissimam metallorum concretionem, negant posse ge-

+ in curru niump hat cum nam Kerkringii in 12. Angulorum 1671
qua possida H. B.

genuinas ex metallis extrahi tincturas, cujus sententia quoque BECHERUS est. Sanè, non sufficit, quod corpus residuum non sit ejusdem cum tinctura coloris. Deinde omnes Tincturae, quae cum acidis sunt, facile reducuntur per alcalia & vice versa: Gemmarum verò & nonnullorum lapidum tincturae, si non planè impossibiles, certe sunt difficillimae, ut non immerito dixerim, omnes hujusmodi Tincturas gemmarum, coralliorum, &c. esse meras sophisticationes, ortas aut ex corporum beneficio digestionis transmutatione, aut à menstrui virtute. Sic Tincturae solis sunt solutiones auri, aut non veræ; hoc enim utut abeat in pulverem album, & possit manere album, neque resolvatur ab aqua regia, non sufficit: in tantum enim in igne transmutatur, ut sustineat quaecunque, reducitur tamen in pristinum corpus metallicum.

Par est ratio de Tinctura Coralliorum, quae ut plurimum originem suam debet menstruo. Sal tartari calcinatum cum spiritu vini dat tincturam rubeam, quam vocant tincturam tartari, sed falsò; spiritus vini enim super alcalia effusus tingitur colore rubicundo: Deinde tinctura hæc tartari mera tantum est imbibitio; dum enim imbibit spiritus vini feces salis tartari, se tingit colore rubeo; forti enim calcinatione præcedente sal tartari abit in feces sine ulla efficacia & usu.

LECTIO XXX.

TERTIUM PARACELSISTARUM PRINCIPIMUM, MERCURIUS.

IN genere notum est, quod Mercurius ultimum sit extrinsecus Paracelsistarum Principium, nihilominus tamen, uti in aliis seu reliquis Principiis ingens est confusio, ita in Mercuriali Principio non minus est litigium, adeò, ut ipsi vix intelligant, quid per Mercurium intelligendum sit? Nam in Vegetabilibus plegmata facile & igne separabilia, in animalibus partes spirituosas, salibus contradistinctas, in mineralibus, quod liquabilitatem, fusibilitatem, & malleabilitatem illi largitur, pro principio Mercuriali agnoverunt. In genere Principium Mercuriale est, quod concretis dat volatilitatem, mutabilitatem, & facilem alterabilitatem, atque ex uno materiae modo in alium transmutationem, v. gr. è duro in liquidum. Hæc est generalis Mercurii acceptio. Cum verò confusum adeò, atque intricatum, aut planè nullum sit Principium Mercuriale, operæ non videtur esse pretium, in extricando eo frustra tempus consumere, sed progressum facio ad Tractationem.

LECTIO XXXI.

DE

MERCURIO VULGARI,

SEU

ARGENTO VIVO.

MERcurius hic Argentum vocatur, tum ob colorem, tum quia (ut quidam dicunt) luna est Mercurius fixatus, & Mercurius est Luna liquida; quod tamen alii de Saturno intellectum volunt, dicentes, quod Saturnus sit Mercurius fixatus, & Mercurius sit Saturnus solutus: Argentum vivum vocatur ob mobilitatem, fluiditatem & summam volatilitatem, ita ut nulla arte, nempe vulgari possit perfectè fixari.

Aliàs triplex datur Mercurius: (1) vulgi Mercurius, (2) Mercurius corporum, & (3) Mercurius Philosophorum. Mercurius vulgi cognitus & notus: Mercurius verò Corporum est nihil aliud, quàm Mercurius ex metallis perfectis & semimetallis (quale est Antimonium) productus. Ingens hic est, imprimis inter non adeò peritos; num ex metallis perfectis verus elaborari possit Mercurius vivus currens? Quidam negant, quidam affirmant. Illa sententia communior: hæc, scilicet affirmativa, verior, & veritati magis consentanea. Certum namque est, dari Mercurium Vivum ex metallis extractum. Dn. D. MICHAELIS dicebat, se vidisse ejusmodi Mercurium, Ex Luna extractum: Dn. BOYLE fateretur, se ex nullis metallis facilis acquirere posse Mercurium, quàm ex luna. Major adhuc controversia est: An Mercurius hic

corporum eliciatur, ut pars componens atque constituens concretum? an verò ut novum productum artis be. efficio generatum? Prius HELMONTIANI credunt, statuentes, sulphur metallorum coercere tamdiu Mercurium, donec eo separato Mercurius vivus prodeat. Sed hoc minus videtur verisimile; potius artificialiter producit per varias artis Chymicæ præparationes adhibitas.

Mercurius Philosophorum est decantatissima illa materia pro lapide Philosophorum; hujus nempe veritatem præsuppono. Hic Mercurius Philosophorum ex nullo perfecto metallo elaboratur, sed proximè ex ente metallorum primo seu ex radice metallorum producit, ibique quærendus. Utut Philosophi dicant, materiam lapidis hujus esse ubique, latere in stabulis, quemlibet secum portare, &c. tamen non tam de materia lapidis proxima sunt intelligenda, quàm de remota; spiritu nempe mundi: hic enim in potentia remota consistit, dum metallicum semen disponit ad perfectionem metalli, & tunc est in potentia proxima.

Quod attinet Mercurium Vulgi, hic nihil aliud est, quàm liquor Metallicus Saturnius Solaris. Sed controversitur, ejusnam sit natura? in specie, an sit corpus simplex indivisibile & indestructibile? an verò sit heterogeneus, exque distinctis particulis constet, in quas resolvi possit? Prius affirmant HELMONTIANI ex Tractatu Ejusdem, Tria Princip. Chymic. dicto. Verùm si cum hoc asserto conferamus, quæ dicit BECHERUS (artifici enim in sua arte credendum) longè aliud apparebit; hic enim inquit: Quod omnis Mercurius sit Amalgama, seu compositum corpus metallicum, tam perfectum, quàm imperfectum, resolutum à fumo subterraneo, à quo fit Amalgama, & unde Mercurius Vivus. Et hoc ejus assertum est valde probabile; quo collimat vulgi probatio. an Mercurius sit purus nec ne? Dum enim Mercurium effundit in coaleari, si relinquat obscuram maculam dicunt Mercurium participare de saturno; si flavam, de auro, si albam de luna. Hæc HELMONTI & BECHERI, uti patet, sibi è diametro opponuntur. Naturam fugitivam Mercurii confirmat HELMONTIUS; fixatio enim ejus est impossibilis, nisi fiat per sulphur corporis metallici puri, adeoque fiat metallum purum. BECHERUS, confirmat experientia, qui componit cum sulphuris subterranei fumo in Amalgama compositum. Aliàs Mercurius dicitur servus fugitivus, propter nimiam ejus volatilitatem; semper enim ignem experitur avolat; etiam si vel centies figatur: interdum quoque ad tempus fixus manet, sed facile resuscitari potest. Distinguendum tamen inter Mercurium fixatum & coagulatum: Mercurius fixatus est, qui constans permanet in igne, ut instar metalli fundi queat & tractari: Mercurius coagulatus est, qui coagulatur in corpus duriusculum, quodammodo malleabile, & non ampliùs apparet in forma fluida. Hic verò parari facile potest: Nempe coagulatur Mercurius cum fumo Saturni; v. g.

¶. Saturnus.

Fundatur in crucibulo, postmodum reponatur in loco frigido, ut parum frigeat: sublata crusta huic impriunt in medio foramen, cui immittitur Mercurius, qui mox in substantiam coagulatur consistentem.

Aut hic MERCURIUS COAGULATUS nihil aliud est, quàm Concretum Mercuriale Saturninum; quia particulae Mercurii sese insinuant in Saturni corpus, & fit tale Concretum. Idem præstat Juppiter, quanquam cum plumbo feliciter procedat operatio. Alii recipiunt Ovum, effuso albumine immittunt Mercurium, obturant foraminulum, & huic Ovi affundunt liquefactum Saturnum, & hoc modo coagulatur Mercurius. Perfectè quidem Mercurius figi nequit, nisi cum sulphure metallico fixo. Talem Mercurium fixatum qui possident vocantur ADEPTI, cum habeant, quo se ad mortem lautissime sustentent. Sæpe quidem Mercurius ed usque quasi figitur, ut ignis examen sustineat, & in eo aliquantulum persistat; tamen sepius etiam avolat, & si non avolat, resuscitari potest in pristinam formam per Alcalia, vel etiam per limaturam Martis? Nempe cum Mercurius per Acida coaguletur, reducit beneficio distillationis per retortam per Alcalia; item limaturam Martis, quæ absorbent & destruant Acida, quibus separatis Mercurius vivus apparet.

Eruitur Mercurius nunc in forma fluida, in specie in Carinthia Mercurius fluidus reperitur, dicitur alias Mercurius Virginis, quia nondum ab igne defloratus & sulphure spolia-

Spoliatus est: nunc igitur sæpius ex terra minerali (quam Cinnabarin vocant) vi ignis evocatur, destillando scilicet additis Alcalibus: cinnabaris enim ex sulphure communi & Mercurio vivo componitur, unde si adduntur Alcalia, absorpto Acido sulphuris, Mercurius vivit. Hic notandum, quod fossiores Cinnabaris fiant plerumque tremuli propter Mercurium, unde si contingant manu vas aliquod aureum, statim albescit; hoc tamen mirandum, quod non conquérantur de salivatione, quæ tamen alias assumpta Mercurialia sublequi solet.

Magna Mercurio cum Metallis intercedit amicitia, maxima cum Sole, minima cum Marte. Talis est amicitia cum Sole, ut licet sit metallum compactissimum & fixissimum, Mercurius mollissimus, illud tamen subito penetret & albefaciat, ita ut quasi calcinatum appareat. Aurum hoc modo à Mercurio calcinatum dicitur *Amalgama Solis*, seu aurum à Mercurio penetratum. Talia amalgamata sunt ex omnibus metallis; hinc BECHERUS dicit: *Metalla omnia nihil aliud sunt, quam talia amalgamata (ex omnibus metallicis) resoluta à fumo terrestri, unde Amalgamata talia non sunt tractanda in metallicis cochlearibus, quia Mercurius se conjungit cum metallis, modo facilius cum hoc, difficilius cum illo. Mercurius hic vulgò variat ratione puritatis & adulterationis. Modus ex supradictis patere potest. Usus ejus est magnus & perfectus in mundificatione sanguinis, in lue Venerea, in scabie aliisque affectibus cutaneis, in vermibus, &c.*

Sæpius fit, ut post assumptionem Mercurii, vel inunctionem Mercurialem in lue Venerea concitetur insignis salivatio admodum molesta, tremor artuum, nonnunquam paralysis, dentium vacillatio: quos affectus, ab usu Mercurii oriundos, curat ZACUTUS LUSITANUS cum unguento ex auro, quod applicatum extrahit vagabundum Mercurium ex corpore, & hoc sublato, homo sanitati restituitur. Idem præstat nummus aureus in ore detentus, qui ex tempore dealbatur: hinc RIVERIUS in dolore capitis gravissimo, ex Mercurii noxa oborto, aureum applicavit nummum, eumque curavit. Præterea, uti dictum est, in Mercurio perfecta curatio Luis Venereæ consistit, siue usurpetur sub forma suffitus, siue forma Linimenti, siue forma pulveris, v.g. Turbith Minerale,

Notum est, quod internè adhibitus salivationem moveat qui usus apud Italos creberrimus est. Ratio salivationis est fundata in malignitate Mercurii Arsenicali; Mercurius enim vulgi adjunctum habet sulphur peregrinum volatile, de naturali arsenicali, à quo exoritur salivatio quatenus sua volatilitate & penetrantia resolvit tam utiles quàm inutiles humores, eosque subtilizatos per glandulas maxillares exterminat. Ab hoc sulphure fit, ut Mercurius in igne abeat per se in pulverem rubicundum. Quod verò virus ejusmodi sit in Mercurio vulgi, exinde probatur, quia Mercurius extractus ex corporibus metallorum non inducit salivationem, sed intra corpus adhiberi potest sine noxa. Notum est quoque, quod in scabie, similibusque affectibus cutaneis, tam in forma Linimenti, quàm Cinguli, exactissime adhibeatur: sed cautè hæc usurpanda, ne præter hæc adducta symptomata cutis corrugationem inducat, & vacillare faciat dentes. Præterea vermibus maxime adversatur Mercurius, unde Aqua Hermetica Augenii exinde parata valdopere in vermibus conducit. SCHROEDERUS dicit, Mercurium posse redigi in pulverem cum succo aliquo vegetabili, qui nullus alius est quàm saccharum, qui Mercurium redigit in pulverem, quod certum est remedium in vermibus. Scorbutici caveant sibi à Mercurialibus medicamentis: cum enim Mercurius per se infestus sit gingivis, & ex in scorbuto sint corrosæ, propterea facile malum exasperabitur, & ulcera maligna & cancrosa inducit; Aliàs Mercurius per se est innocuus, adeò, ut ad ipsi sine noxa fuerit, in specie in morbo iliaco; si verò noceat alicui, fit ob adjuncta salia corrosiva, quibus cum sublimatur; propter & sulphur peregrinum de natura arsenicali.

Mercurius ut in se & sua natura sit maxime homo-
genus, est tamen non omnino indivisibilis; *varias ta-*
mē atque diversissimas artis ope induit larvas, non quidem,
quod per se ex Mercurio aqua spiritus, oleum & sulphur elici
possint: id enim qui tentant, non immerito Sophistæ Hel-
montio dicuntur: sed quod *aliorum additione in varias figu-*
ras transmutari possit, quibus tamen per addita *Alcalia rur-*
sus in totum spoliatur, ut redivivus verum emergat.

Ut verò *Præparationes Mercuriales* in scenam redigam ,
notandum.

per se,

per additionem aliorum
salium nempe acido-
rum.

rpræcipitata, vel

Simplicia, cum metallis composita.

sicca, quæ iterum sunt vel

Sublimata.

Sublimatur autem
Mercurius vel

*Preparata
Mercurialia
esse et*

fluida, & fi-
unt vel

per deliquium,

per resolutionem.

Cum salibus, quando cum his in concreta varia convertitur, v. g. cum vitriolo, nitro, & sale communi fit Mercurius sublimatus: sic aliter quoque fit Mercurius dulcis.

*Cum sulphure; sic enim
ex sulphure & Mer-
curio fit cinnabaris.*

In genere in harum *Præparationum Mercurialium* usu *cautissimi* sumus ne plus noceamus quàm profimus, memores illius **HELMONTII**, qui, quam diu revivificari possit Mercurius non sit boni viri remedium, asserit: idque propter virus malignum, de natura *Arsenicali*, aut *sulphur Mercurii externum Arsenicale*, quod *sulphuri* ejus nativo adhæret.

Nervis Mercurius est inimicissimus, ita, ut tremores manuum; paralyfes, contracturas, &c. aurifabris subnasci quotidie observemus: ut nihil dicam de Attenuatione

corporis à salivatione nimia Mercuriali excitata, aliisque symptomatis. Unde, ut sine metu novaeque adsumi possit Mercurius summè necessarium erit.

1. *Ut debitè præparetur.*

2. Præparatus autem *cautè* & *circumspectè* in usum vocetur.

Inter præparaciones Mercurii occurrit primo loco Depu-
ratio à sordibus crassioribus Mercurio adhærentibus, sique
communiter vel per lotionem cum aceto & sale, aut cum
lixivio calcis vivæ; vel expressione per corium, qui modus &
ipsis

ipsis Aurifabris est notissimus. Circa hanc tamen depurationem per corium notandum, quod non semper sufficiat pro omnibus impuritatibus aut mineralibus amalgamatis à Mercurio separandis: Metalla enim propter intimiorem conjunctionem cum Mercurio corium sæpe simul penetrant: Vid. SCHROEDERUS in *Pharmac.* l. 3. c. 15. & BORRICHIIUS in *Actis Hassniens.* T. 1. c. 77. Alias recipitur Mercurius, eique affunditur in lagena spiritus vini, & agitur bene, unde fit, ut tandem spiritus vini nigrescat; qui postmodum pro cingulo Mercurii in scabie adhiberi potest. Operatio hæc toties repetitur, donec Mercurius satis sit depuratus. *Melior modus est, si ex mercurio sublimato resuscitatur Mercurius, destillando illum cum part. ij. Alkali cujuldam, aut calcis vivæ & tartari calcinati ana part. æqual. per retortam; sic enim purissimus Mercurius se manifestat in Receptaculo, cui aliquid aquæ frigidæ infusum. Optimus modus est, qui ex Cinnabari; vel nativæ vel vulgari, elicitur, addendo limaturæ Martis & calcis vivæ ana, per retortam destillando, ut jam dixi: Proba Mercurii purissimi est, quod carbonibus impositus totus effumat, metallis autem adulteratus non nisi cum strepitu exhalet.*

Post depurationem Mercurii sequitur *Præcipitatio*, seu, ut abusive vocatur, *Calcinatio*, estq; nihil aliud, quàm Mercurii Corrosio. Ordinariè præcipitatur Mercurius cum spiritibus acidis, spiritu vitrioli, sulphuris, nitri; item cum aqua forti: Hæc Mercurio affusa eum solvunt, solutio abstrahenda, & remanebit pulvis, qui dicitur Mercurius præcipitatus.

Si fiat *Præcipitatio Mercurii cum spiritu sulphuris, fit Mercurius præcipitatus albus*: si cum spiritu vitrioli vel oleo vitrioli, fit Mercurius præcipitatus flavus; qui vocatur *Turpetum minerale*: si cum spiritu nitri aut aqua forti, remanet Mercurius præcipitatus in forma pulveris rubicundi. Processum habet SCHROEDERUS *Pharmac.* l. 3. p. 400.

Colorationes hæc Mercurii non dependent à spiritibus quibus cum præcipitantur, sed à proprio sulphure Mercurii, extraverso & separato a reliquo sui concreto; unde si Mercurius cum spiritu nitri præcipitatur, fit ruber. Ratio est, quia spiritus nitri, ut spiritus sulphureus, admodum ferit & extravertit sulphur Mercurii separabile, unde rubeat. Idem fit cum aqua forti.

Ex hoc manuducitur ad miram illam *Præcipitationem Mercurii per se*: Recipitur nempe Mercurius vivus, qui immittatur cucurbitæ plani fundi & strictissimi orificii, cuius figuram habet ZWELFFERUS in *Mantissæ pagyr.* P. 1. cap. 7. pag. 353. Imponatur arenæ; unde lento igne successive & longo temporis intervallo Mercurius sponte abit in pulverem rubrum, qui dicitur Mercurius præcipitatus per se. Vid. etiam SCHROEDERUS l. 3. p. 399.

Quæritur nunc, à quonam in tam lenta digestionem calcinetur mercurius, ut hic fluidus in *Præcipitatum rubeum* abeat? Resp. Hoc beneficio externi sulphuris heterogenei separati contingit, quo ipso Mercurius tingitur colore rubeo. Unde quia Mercurius corporum caret isto sulphure externo heterogeneo separabili, calcinari hoc modo nequit, utut diutius in igne digeratur. Hinc alii præpararunt Analogum auri mercurium, eundem hoc dicto modo tractant, unde acquirunt Mercurium præcipitatum per se, sed solarem, qui postmodum cum spiritu vini digerendus est, & deflagrandus, datq; diaphoreticū Mercuriale singularum virium in lue Venerea, lepra, scabie maligna, &c. Reliqua *Præcipitata omnia Mercurialia*, sive per se; sive cum spiritibus mineralibus acidis præparata; violentos movent vomitus atque secessus, nisi figatur Mercurius; sic enim postmodum ad aliquam diaphoreseos virtutem accedit.

Sic quoque in dosibus Mercurialium non sumus nimis largi, ne periculum famæ incurramus. Hæc *Præcipitata fixantur*, si aliquoties ab iis per cohobationem abstrahatur spiritus acidus antea affusus, & postmodum itidem aliquoties super ea deflagretur spiritus vini, licet hæc tamen palliativæ tantum sint fixationes. Optimus modus est, quando Mercurius cum aqua forti (quæ ex Vitriolo, alumine usto, & nitro conflatur) præcipitatur, & ab eo dictum illud menstruum aliquoties cohobatur, postmodum septies, cum spiritu vini digeratur, & hinc ipse spiritus vini toties deflagretur ab eodem, tandem cum aqua salistartari probe edulcoretur; sic acquiritur Mercurius rubeus fixus, diaphoreticus.

Alii præcipitant Mercurium cum tinctura smiridis, magnum inde expectantes miraculum. Modum videbitis apud SCHROEDERUM. Sed est impostura; falso enim nituntur fundamento; supponunt quippe, quod in smi-

ride sit Martiale quid, cujus ratione smiris aptus sit tincturam elicere ex metallis, & coagulare Mercurium: sed Mercurii examen hoc fundamentum subvertit; utplurimum enim tali modo Mercurius præcipitatus igni commissus avolat cum colore, pulvis verò fixus residuus est à smiride.

Mercurius præcipitatus vulgaris vix tuto internè adhibetur; externè tutius in cutaneis affectibus, scabie, lue Venerea, ulceribus cacoethicis, & iis quæ jam ad gangrænam inclinant: meliora non dantur, nisi Mercurialia Unguentis mista. Cum igitur Mercurius præcipitatus tam per se, quàm cum spiritibus acidis paratus, sit periculosus pro interno usu; inde quidam parant Mercurium præcipitatum compositum cum aliis metallis, in specie cum sole, qui communiter *Aurum vitæ dicitur*. Nempe solvunt solè cum aqua regia; Mercurium verò cum aqua forti: solutiones conjungunt, destillant, & aliquoties cohobant, sic exsurget pulvis, qui edulcoratus cum spiritu vini, nunc tanquam vomitorium in lue Venerea, nunc verò tanquam Catharticum in hydrope summopere prodest. Et hoc est *Aurum vitæ Hartmanni super Basilic. Crollii* p. 49. KEGLERUS *Tr. de Peste* cum Mercurio depurato & solari facit amalgama, aquam fortem de hoc abstrahit, & pulverem relictum sub tegula calcinat; uti habet SENNERTUS in *Institut.* l. 5. P. 5. Sect. 3. cap. 18. Interdum additur *Regulus Antimonii*, quod communiter Panacea vocatur, cujus descriptionem videbitis apud SENNERTUM l. a. Simile etiam per se, sine aqua forti & spiritibus corrosivis, fieri potest, præparando nempe ex Solis per antimonium depurati ʒss, & Mercurii purificati ʒiv. Amalgama, quod per lotionem cum sale & aceto ab omni nigredine depurandum, per linteum exprimendum, & modo supra allegato per aliquot dies & noctes leniter digerendum. Huc quoq; referunt quidam *Specificum Antiquartanarium Riverii*, quod Præcipitatum compositum ex Mercurio, auro, & regulo aut vitro Antimonii via sicca putant: verum cum præcipitata hæc, paucorum granorum dosi, nimia violentia *ἔργον καὶ κατὰ* operentur. RIVERIUS è contra in *Append. Cent. 3. Observ.* Antiquartanum suum tanquam medicamentum blandum & mite, nec magis quàm formulæ ex senna & rhabbaro compositæ, alvum movens deprædicet; imò à ʒj ad ʒss & ʒii. Quartanariis propinaverit, potius credo, quod sit compositum ex Mercurio dulci Auro fulminante, & sulphure. Antimonii: quibus, tanquam Quartus Athleta, additur scammonium præcipitatum; quod compositum per secessum & sudorem egregiè, interdum etiam materia in primis viis hærente, per vomitum operatur. Præcipitatur quoque Mercurius cum Venere, unde oritur Mercurius præcipitatus viridis, de quo vid. SCHROEDERUS, SENNERTUS l. a. p. 1444. & HARTMANUS in *Crollii* p. 44. Hoc certum est remedium in Gonorrhœa Virulenta seu maligna, cujus usus, licet prima fronte exasperare videtur malum certò tamen curat.

Hæc quoque pertinet Arcanum Corallinum Paracelsi, purgans optimum, & febrium & podagræ verum remedium. Dicitur ita à colore rubeo, coralliorum faciem emulante. Præparatio ejus clara est in scriptis PARACELSI: solvitur scilicet Mercurius in liquore alcahestino, & abstracto rursus liquore abit in pulverem fixum, sine alteratione aut immutatione. Pulvis relictus cum aqua albuminum ovorum elicitur & abstrahitur, sic tandem abstracto liquore rubescit, & coralliorum formam seu potius colorem refert. Cum verò, ut supra monui, Mercurius vulgi à spiritu nitri præcipitatus etiam rubescat, factum est, ut & hic quoque Arcani Corallini nomen acquisiverit, propter similitudinem coloris: sed male; toto enim cælo differunt. Hoc vulgare Mercurii præcipitatum vix tuto internè, sed potius externè in cutaneis affectibus adhibetur. Pertinet huc quoque *Calcinatum Majus Pottii*, ut & *Chaos Magnum ejusdem*. Illud est nihil aliud, quàm Mercurius præcipitatus, in aqua forti solutus, & cum aqua salsa præcipitatus: ex quo deinde Chaos ejus magnum præparatur, singulare remedium. Vid. Scripta POTERII. Optimus Mercurio sublimatus seu Turbith Minerale, fit ex Mercurio sublimato; in aqua soluto, filtrato, & cum oleo tartari præcipitato; qui pulvis in fundo subsidens edulcoretur, & super eum spiritus vini aliquoties deflagrandus. Vid. MYNSICHTIUS *Arment.* Medico chym. p. 18. LUDOVICI in *Pharmacia*. Quidam aquam, qua Mercurius sublimatus solvitur, cum aliquot guttis spiritus sulphuris acquirunt.

Hæc de præcipitatis: Sequuntur Sublimata Mercurialia.

Sublimatur Mercurius partim cum salibus corrosivis, partim cum sulphure: Ibi Mercurius sublimatus, hic cinnabaris oritur;

Cum salibus sublimatur Mercurius sequenti modo: v. g.

24. Mercurii, in aqua fortis part. ii. solut.

Vitrioli exsic.

Salis decrep. an. part. æqu.

(vel loco salis decrepitati, nitri part. dimid.)

Miscetur exactè, & præcipitantur ex cucurbita humili, cucurbitæ hujus orificium in principio non adeo firmiter claudatur, ut phlegma salium adjunctorum exhalare possit: quando autem vapores seu nebulæ albicantes eleventur, firmissimè claudatur, ignisque gradatim augeatur: ita adscendet Mercurius sublimatus in forma salis crystallini.

Hic notandum; quod si Mercurius cum duplo nitri & vitrioli calcinati igne forti sublimetur, elevatur Mercurius ruber non corrosivus, ejusdem ponderis atque fuit ante mixtionem cum salibus; ita, ut adjuncta salia nihil ponderis eidem tribuant, sed sulphur nitri agit in Mercuriale sulphur, à quo Mercurius calcinatur in pulverem istum rubicundum. Quod si verò Mercurius cum adjuncto sale communi sublimetur, ascendit Mercurius corrosivus, & pondere augetur, quantum scilicet ipsi de sale commune accedit; nihil enim secum evehit, quàm sal commune, & ab hoc habet vim suam corrodendi. Minori labore & temporis jactura Mercurius sublimari potest, quando in aqua forti solvitur, & hac abstracta ignis ultimo augeatur; sic in forma crystallina adscendit sine additis salibus.

Si Mercurii sublimati partibus tribus addantur novi Mercurii vivi partes duæ, terrantur in mortario lapideo, donec Mercurius vivus amplius conspici nequeat, hinc in retorta, vel cucurbita, seu phiola parvâ, sublimetur, ignem circa finem non adeo intensè augendo, fit exinde Mercurius dulcis. Nam quando Mercurius vivus adjicitur, salia ista corrosiva in tantum disjunguntur, ut corrosiva Mercurii sublimati vis temperata remedium exhibeat dulce. Vocatur aliàs etiam Draco mitigatus, item Panchymagogum minerale; quia Mercurius dulcis egregium est purgans minerale ad 3i. aliis Purgantibus additus, ver. gr. extracto hellebori nigri, extracto panchymagogo Crolii, &c. hoc modo curat egregiè lue[m] Veneream, scabie[m], lepram, hydropem, catharros, &c.

Notetur hic, quod Purgantia Mercurialia melius naturis phlegmaticis quàm biliosis conveniant, quin his potius noceant: & contra Antimonialia medicamenta conveniunt cholericis, nocent verò Phlegmaticis & humidis. Unde si Mercurius dulcis cum extracto elaterii misceatur, & exhibeatur in forma pilulari, in hydropem multi est usus. Mercurius vitæ cum duplo vel ana Mercurii dulcis mixtus, blandum evadet purgans, in multis affectibus egregium medicamentum, utut Mercurius vitæ in se sit volatilis.

Commodè quoque Mercurius dulcis externo usui dicatur. Ingreditur imprimis aquam Phagedenicam decantatissimam, quæ fit ex aqua calcis vivæ, in qua solvitur portio certa Mercurii dulcis; & adduntur pro ratione circumstantiarum aliquot uncie spiritus vini, fitque inde aqua composita in curatione & præservatione gangrænæ utilissima. Si adsit foras ardor aut inflammatio, addi potest succus cancerorum fluxatiliū optimo consilio. Usus externus quoque est in scabie, tinea capitis, pediculis abigendis, in specie si cum unguento de nicotiana misceatur.

Revivificatur Mercurius sublimatus, si in vase ferreo bulliat in aqua communi; sic enim fit, ut Mars absorbeat salia acida corrosiva, unde his absorptis Mercurius in viva forma se manifestat. Idem quoque fit per additionem alcalium, quæ rodunt ejus salia acida; unde dum hæc in sublimem rapiuntur, Mercurius vivus prodit. Hic Mercurius in quacunque acido solutus, insperso spiritu tartari abit in pulverem album: si cum oleo tartari per deliquium præcipitatus, evadit in pulverem coloris flavi, non lecus, atque Mercurius sublimatus: In aqua communi vel rosarum vel alia aqua destillata solutus, præcipitatur cum oleo tartari per deliquium in pulverem subrubeum, qui vocatur Turbith minerale, ad differentiam vegetabilis. Ita si cum alcalibus volatilibus præcipitatur, emergit color candicans; sin verò cum alcalibus fixis præcipitatur Mercurius oritur pulvis coloris cineritii, fusci, prout magis vel minus fuerint fixa.

Dictum supra, HELMONTIUM eos evocare impo-

stores, qui ex Mercurio per se volunt elicere aquam, spiritum, oleum, & sal: id quod verum esse statuo, utut sint, qui volunt elicere ex Mercurio aquam instar liquoris alchæst; iste tamen processus non succedit, aut, si acquiritur aqua, est illa ex aere ambiente. modum destillationis videbitis apud ZWELFFERUM, utut nihil unquam aquæ ex Mercurio acceperit.

LECTIO XXXII

CINNABARIS.

Mercurius si sublimetur cum sulphure, dat Cinnabarim: sublimatur autem, si

24. Mercurii vivi 155.

Sulphuris comm. 3ii.

Mista hæc sublimantur, & exurgit Cinnabaris artificialis.

Res sanè mirà quod ex corpore Mercuriali albo, & sulphure flavo, tertium oriatur rubicundum ita ut hujus operationis phænomena optime confirmant doctrinam de coloribus Clarissimi Boyle & aliorum, quod scilicet colores oriantur ex mutata particularum textura, quæ recipit vim refringendi radios solares.

Fundamentum præparationis Cinnabaris est hoc: Acidum sulphuris in igne corrodit Mercurium, eumque secum unit & evehit in altum, ut exinde tale concreseat corpus cinnabarinum. Fieri hoc modo cinnabarin patet inde, quia beneficio alcalium, aut cum limatura Martis, ex cinnabari resuscitari potest Mercurius vivus; si scilicet recipiatur cinnabaris, & cum alcalibus destilletur, prodit Mercurius vivus per retortam, quando alcalia absorbent acidum sulphuris, idè Mercurius à compedibus acidis liberatus, in forma viva se sistit. Idem fit cum limatura Martis.

Sunt qui volunt præparare Cinnabarim cæruleam,

Recipiendo Sulphuris part. ii.

Mercurii vivi part. iii.

Sal. ammoniaci part. i.

Hæc mista & sublimata dant corpus cæruleum, sicut Mercurius cum sulphure communi dat corpus rubicundum.

Productio hæc Cinnabaris mechanica, & artificialis manu nos ducit ad considerationem & generationem Cinnabaris nativæ, quæ eruitur ex minera propria. Hæc enim minera cinnabaris nihil aliud est, quàm sulphur cum Mercurio vivo & terra lapidosa, in terræ visceribus in corpus rubicundum concretum, quæ minera pulverisata & sublimata, dat Cinnabarim ejusdem planè naturæ cum vulgari. Hæc Cinnabaris nativa variat pro varietate minerarum, ex quibus elicitur: prout enim variat sulphur in sua minera cum Mercurio, ita quoque variat hinc Præparata Cinnabaris. Optima minera est Ungarica, quæ abundat auro & Luna, unde quoque Cinnabaris inde eruta participat de sulphure nobiliori, participante de natura Auri. Viliores sunt omnes reliquæ minere.

Quæritur: An Cinnabaris nativa possit tunc intra corpus assumi? Non immerito dubitant nonnulli, quibus suspectum est sulphur arsenicale, quod plerumque in mineris se solet associare; propterea rejiciunt Cinnabarim nativam, & præferunt Cinnabarim Antimonii, & quidem turis. Nihilominus tamen, si placeat usurpare Cinnabarim nativam, corrigatur de virulentia sua, partim sublimatione, partim cum spiritu vini deflagratione.

Per repetitam sublimationem corrigitur Cinnabaris, quando sulphur ejus arsenicale avolat, & fæces neci vix legregantur, uti quoque fit in Cinnabari Antimonii. Quod si verò non detur occasio sublimandi, recipitur cinnabaris nativa pulverisata, coquitur in aqua fervente aliquoties, postmodum pars purior supernatans subigitur cum spiritu vini, & deflagratur super eam: sic quoque pura acquiritur cinnabaris nativa.

Alii parant Cinnabarim artificialem solarem ex Amalgamate Mercurii cum sole: hæc cum sulphure communi sublimant, & legitimo modo tractant, & sic acquirunt Cinnabarim artificialem solarem; de quo vid. GREIFFIUS Tractatu de Ther. Cælesti. Ulum Cinnabaris nativæ videbitis in Cinnabari Antimonii, de quo superius, ubi de antimonialibus dictum, conveniunt enim in virtute.

LECTIO XXXIII

METALLA IN GENERE.

DE Metallis acturus suppono, quod *Metalla sint corpora mixta, composita ex materiis distinctis, & quarum mixtione exsurgit corpus tertium*, Metallum nempe, ita tamen, ut coalescant principia materialia in corpus maxime homogeneum indestructibile, & essentialiter indivisibile.

Chymici, ut exactius metalla eorumque phaenomena explicent, docent, quod illa consistant ex Mercurio, Sulphure & Sale; quæ doctrina est antiquissima, & jam olim à RAY-MUNDO LULLIO recepta.

Intelligenda verò per hæc tria principia, *Sal, Sulphur & Mercurium*, non vulgaria illa corpora; sed ut res clarior fiat, per *Sulphur* intelligenda venit substantia acidopinguis, à qua metalla facilem habent ignitionem & excandescuntiam; Per *Mercurium* humiditas radicalis metalli, seu principium tale, à quo habent facilem fusibilitatem: *Nomine salis* substantia metalli fixior, ferè de natura alcalium (quia absorbet acidum) ligans sulphur & Mercurium, & cum iis in substantiam metallicam fatiscens. Hæc principia inter se agnoscunt quandam proportionem justam; ita, ut sal sit principium passivum: quod det metallo corpus, sulphur largiatur formale, & esse specificum metallorum; Mercurius verò conferat, ut sulphur & sal hoc medio eò melius & firmitus ferruminentur & coeant.

Convenit hæc explicatio cum illo Chymicorum, quando nimirum metallis corpus, animam & spiritum tribuere, per corpus intelligendo sal, per animam sulphur, per spiritum Mercurium, qui extrema quasi conglutinet atque confirmet constringatque. Hæc si velim applicare ad Philosophiam corpulcarem, tunc per Mercurium intelligendæ sunt particulae, quæ in igne sunt facillè mobiles, inde facilis metalli fusibilitas oritur; Per sulphur particulae materiales, quæ in igne facillè flammam concipiunt, inde metalli excandescuntia; Per Sal particulae illæ materiales, quæ sulphur metalli figunt, ne avolare possit. Ita exposita Chymicorum principia, commodè nobis metallorum naturam sistunt. Nullo verò modo ita intelligenda sunt, ac si verum aliquod sulphur tanquam pars essentialiter constituens atque reverà ante resolutionem, existens, & sal atque Mercurius talis in metallis reperiantur. Nam licet ex metallis sulphur inflammabile, item Mercurius vivus, nempe Mercurius corporum, item sal perfectum, aut etiam vitriolicum, haberi per artem queant: ea tamen ante transmutationem non influere, sed sunt demum sub Chymicis laboribus, atque sunt nova artis producta, quæ antea non inexistebant.

Sic quidam copiosum ostendunt sulphur solare, quod tamen non est ex sole, sed noviter productum ex conjunctione metallorum aliorumque corporum. Sic Mercurius, qui sæpè ex corporibus metallorum elicitur sæpè sub forma viva, est novum ens, ex conjunctione metalli cum aliis corporibus productum. Eadem censura dignæ istæ vulgares Metallorum & Mineralium tincturæ, quas Chymici quidam pro genuinis obtrudere non erubescunt.

Modum generandi metallorum quod attinet, certum est, quod ex profundo terræ exhalant fumi quidam (quos vocant die Winterung.) pingues volatiles, qui in corpore quodam lapidescente (attamen tractabili) coerciti atque intercepti, abeunt succedente tempore in metalla; metalli tossores dicunt den Quartz. Hi fumi in defectu terræ talis subinde abeunt in flores, item in strias varias, pro varietate metallorum.

Inter principia metallorum præ reliquis considerari meretur sulphur, utpote a quo nobiliores in medicinam derivantur virtutes. Hoc sulphur in se continet acidum, idque eò copiosius, quod magis metallum fuerit sulphureum. Imprimis abundat hoc acidum in Sole & Marte, quæ nobiliora habent sulphura, quia fixiora. Hoc exinde probatur: si enim auro liquefacto intrudatur bacillus ferreus, hic corrosus apparebit ab acido sulphuris solaris excedente satis: sic Mars quoque abundat satis copioso acido, solubili in quovis aquolo; unde etiam igne corrosus abit in crocum: Stannum insigniter est sulphureum, unde si cum nitro in igne agitur, flammam exhibet. Ab hoc sulphure est, quod metalla gustui communicent, quandam acetositatem vitriolicam, quæ omnibus metallis inest, teste Hartmanno.

Omnia metalla conveniunt quidem in radice, & ex iisdem constant principiis; differunt tamen.

1. Ratione majoris vel minoris maturationis.
2. Ratione singularis proportionis principiorum, quæ debite inter se invicem concurrunt.

Ratione maturationis dividuntur in fixa, matura & nobiliora, quorum sulphur est perfecte fixatum & maturatum, ut Sol & Luna; & minus fixata seu mobilia; immatura & ignobilia, quæ & fixitate & proportionem debita principiorum destituuntur. Nobilia metalla sunt, quorum sulphur est perfecte fixatum & maturatum vergr. Aurum, utut exactissime examinetur in igne, nil tamen de sua præstantia deperdit: Huic accedit proximè Luna, quæ itidem in igne perdurat, utut tandem sui jaraturam faciat. Reliqua metalla, partim propter defectum fixitatis debite, partim propter defectum proportionis, sunt ignobilia. Hæc sunt vel mollia, vel dura, Mollia sunt quæ constant Mercurio copiosiori, minusque temperata sunt à sale & sulphure, & hæc facile liquantur & funduntur in igne, sed minus facillè igniuntur; talia sunt Juppiter & Saturnus. Dura sunt, quæ constant sulphure copiosissimo & paucò Mercurio, facillèque ob sulphuris copiam igniuntur, & difficulter funduntur ob defectum principii Mercurialis. Distinguenda probe sunt densa à duris: Ferrum & chalybs licet æquè dura, non tamen æquè densa sunt: Mercurius quandoque fit densissimus metallorum, tamen mollissimus: Aurum quamvis densissimum, vitro tamen mollius; quod auro longè rarius & levius. Ratione proportionis quædam perfecta sunt, quædam imperfecta.

Jam videamus, quare Saturnus in purificatione Solis & Lunæ reliqua metalla absorbeat, Sole & Luna intactis? Ratio est, quod Saturnus copioso abundans alcali volatili, cupiat saturari: Verum cum Sol & Luna corpora nimis sint compacta, indeque inepta, Saturnus aggreditur metalla potius ignobiliora, Venerem, Martem & Jovem, seu magis terrestria, eademque absorbet: quibus absorptis Sol & Luna tunc in testa probatoria relinquit intacta.

Dixi, quod omnia metalla conveniant in radice: quod inde patet, quia unum metallum de altero participat, & imprimis ignobiliora de nobilibus: sic in Saturno semper datur aliquid de argento: in Luna rectè tractata semper aliquot grana solis reperiuntur: Marti inest sulphur solare, cum quo etiam nonnulli figere solent sulphur antimonii: in cupro est primum ens Lunæ, unde semper Venus & Luna simul conveniunt in radice; unde quoque est, quod ambo hæc metalla exhibeant tincturam saphirinam, amboque vomitus excitent sat violentos: in Jove est adhuc aliquid ens auri, quod arguit convenientiam metallorum in radice. De convenientia macrocosmi & microcosmi (quantum nimirum 7. metalla conveniunt cum 7. planetis, quippe 5. principalioribus corporis nostri partibus applicentur à quibusdam) non est, ut quid adijciam, cum nullitas hujus fundamenti cuius nota sit, & plura de illa in Collegio Pharmaceutico dicenda sint.

Cum itaque metalla in radice conveniant, & non nisi gradu & perfectione differant, facile patet, quid de transmutatione metallorum sit statuendum. Nempe non repugnat, metalla imperfectiora, ignobiliora & immaturiora, ad majorem gradum perfectionis, nobilitatis, & maturationis, perduciposse. Notum enim est, quod Saturnus mutetur in Solem, teste HELMONTIO; aliaque metalla in Solem transeant, teste experientia.

Res certa est. Non enim differunt formaliter, sed tantum maturitate; inde si maturationis debitum acquirunt gradum, abeunt in verum aurum. Ita luna si perfectius, figatur, evadit in aurum saltem ut eidem deficiat tinctura, quam mutuatur à Venere, cum hæc de ente solis participet. Huc quadrant versiculi illi BASILII VALENTINI.

Intus sum coruleus & albus;
Quando consequor pretium fixum.
Venus me vestit subitò,
Veste purpurea & coccinea.

Usum Metallorum quod concernit, quaeritur: An Metalla cruda aliquam in corpus nostrum habeant efficaciam? Resp. Nihil operari effectivè: est enim eorum compages durior, ut, sicut ingesta sint, rejiciantur; sed passivè suam exerunt

runt utilitatem, quatenus patiuntur quid, i. e. quatenus *salia acida vitiosa irruendo in metalla assumpta, eademque solvendo, acrimoniam suam amittunt*; unde hoc modo metalla passivè profunt. Sic ver. gr. *Mars crudus pulverisatus assumptus*, licet effectivè nihil juvet, *utilis tamen est in iis morbis, in quibus acidum est in primis viis*, quatenus Mars tunc passivè se habet, dum nempe *salia hæc acida corrodingo Martem acrimoniam suam perdunt, eidemque adhaerentia per alvum exitum quaerunt*. Dicta hæc valent quoque de Saturno, qui **PARACELSO** quarta Chirurgia *columna dicitur*: ex eo enim præparato, cancris ulceribus applicato, iisdem passivè medentur, quando *salia acida Saturno sese associantia dulcescunt*. Idem valet de cupro, quod humores præter naturam per vomitum educat.

At quæritur: *quomodo operentur*? Modus operandi iterum est controversus. Vis illa irradiativa **HELMONTII**, qua Archeum excitent, dirigant & ad ideas certas ac amicales exsuscitent, si labefactatæ fuerint, ut ad conservandam aut restituendam sanitatem in corpore humano ad earum ductum operentur, est imperceptibilis. Hæc ingenium, speculationibus deditum, quidem lætent & mulcent, sed Practicorum non explent desiderium. Ego, si quid dicendum, assererem, metalla operari per contactum corporalem: certum namque est, quod omnia hæc nota ex Metallis parata remedia sint tantum corrosiones superficiales corporis metallici totius in partes minutissimas, adeoque operationes suas mediata & per accidens, succos in primis alterando, edant; sicut etiam eadem facile reduci possunt.

Alia verò res est de genuinis Tincturis, aliisque Præparatis Metallicis secretioribus, quæ de essentiali sulphure metalli participant; pro quibus nempe parandis non sufficit mutua solutio per menstrua corrosiva, sed sublimior requiritur præparatio. Metalla enim si solvantur, ut tota compages dissolvatur, & millionis vinculum disuniatur, ut non amplius possint reduci, vera erunt potabilia, & stupendos edere effectus, apud **HELMONTIUM** Tract. in Herbis, Verbis, & Lapidib. Magna virtus, videmus. Hæc operantur effectivè & virtute anodyna, agendo in spiritus: hinc sulphur Antimonii & Veneris insignem habet virtutem anodynâ tam humorum vitiosorum, quam spirituum irregulariter tumultuantium sedativam; qui sedati, naturæ præstant obedientiam.

Metallorum sub peregrino habitu latentium *reductio perficitur mediamentis alcalibus in specie cum sale vel borace*: nam quæcumque tinctura cum menstruo acido præparata reducitur per alcalia. Hæc enim cum Acido concurrente tandem se uniant; unde corrosivum, ex Acidi vinculis liberatum, pondere suo fundum petit, & hoc modo institui potest *donquævis tincturarum*, an veræ, an spuræ? Dixi, quod Alcalia reducant metalla: nam alcalibus vegetabilium singulis inest vis reducendi metalla, in specie salis tartari, quod hunc ob usum dicitur sal privilegiatum. Medium itaque, quod fit Mercurius Corporum, sunt Alcalia fixa, imprimis sal tartari, ut jamjam dictum, & hinc ammoniacum, quæ exinde Chymicis dicuntur salia resuscitativa: Et nulla sit perfecta Mercurificatio, quæ non fiat cum sale tartari, aut cum sale urinae, aut ammoniaco.

LECTIO XXXIV.

Hæc in genere: In specie nunc

D E

M A R T E.

Constat Mars primariò copiosa terra quasi alcalina seu principio salino, paucò, Mercurio, seu fluido alcali non volatili, & sulphure forti seu potenti, & admodum acido sed paucò, eo tamen quodammodo fixo; unde proximè ex omnibus metallis Mars ad solem accedit: & cum hoc sulphure Martis quidam transmutationem particularem instituire volunt. Paucus Marti inest Mercurius, inde difficulter funditur, ut potiùs adjecto Mercurio hunc defectum compensare possimus: ob terræ copiam difficul-

ter est malleabilis, nisi priùs benè fundatur: ab hac terra est, quod malleo percussus in squamulas facillimè abeat, ob firmam hujus terræ texturam: ab hac terra est, quod Mars omnia Acida tam promptè imbibat: ab hac terra oritur medicamentorum Martialium vis adstrictiva, nec aliunde procedit Medica vis Martis, qua absorbet vitiosos, acidosque in corpore humano oberrantes humores, recentioribus salia dicta.

Convenit cum ferro Chalybs, nec nisi duritie differunt. Fit verò Chalybs ex ferro artificialiter: nempe Mars in lamellas redactus, & cum carbonibus pulverisatis aut cornubus bovinis raspatis stratificatus, fortissimo igni committitur, ita Mars depuratur & induratur. Fundamentum hujus indurationis consistit in eo, quod Acidum copiosum in Marte existens, stratificatione illa arripiat salia alcalia, tum fixa carbonum, tum volatilia ex cornubus, à quorum concursu constringitur magis principium terrestre, & in majorem duritiem excrevit Martis corpus. Sic quoque indurat Martem aqua ex lumbricis, & aqua radices raphani & porri. In his aquis, si extinguatur Mars ignitus, fit, ut salia, quæ imprægnant hanc aquam, se insinuet in Martem candentem, sic Acidum maximè saturatum duritiem Marti conciliet.

Ferrum ignitum, si pinguis, verbi gratia cera, oleo sevo &c. inungatur, denuò mollescit; imò si hac ratione emollitur, aliquoties igniatur, & in aqua extinguatur, conficiendis cataphrasis; quæ globulis sclopetariis valide resistunt, aptissimum est. Quomodo aliàs attemperari possit, ut clypeis, elastis, aliisque instrumentis mechanicis conficiendis inserviat, vid. **BOYLE** de Coloribus P. I. c. 2. pag. 7. & 8.

Marti vulgò duplex attribuitur virtus; una adstringens, altera aperiens: Illam partibus Martis terrestribus atque fixis; hanc volatilibus, adscribunt: unde crocum Martis adstringentem paratur, eoque calcinant Martem, donec absumptis partibus volatilibus, remaneant fixiores. Sed falso innititur hæc vulgi hypothesis fundamento. Mars enim est corpus homogeneum, perduratque sub æquali tenore in ignis tortura. Error & distinctio illa inde nata, quod Practici viderint, Martialia non exiguum usum præstare in morbis, quorum causam ab obstructionibus & infarctu crassorum humorum deduxerunt, ut in cachexia, Quartana, obstructione mensium, malo hypochondriaco, ictero, &c. unde virtutem aperitivam illi adsignarunt. Cum verò etiam in dysenteria, diarrhœa aliisque fluxibus præternaturalibus prodesse observarint, exinde vim ejus adstrictoriam notarunt. Verum ex principio falso falsa proficiscuntur principia. Falsum est, quod supra dicti affectus oriantur ab infarctu & obstructione crassorum humorum; certum contra est, quod Mars semper adstringat per se, & terra magis styptica adstrictoriam tantum habeat virtutem: id quod omnia ex Marte parata demonstrant medicamenta, quæ gustui saporem adstringentem ministrant. Aperit verò Mars tantum per Accidens, quando nimirum intra corpus assumptus reperta in corpore salia sylvestria & facile coagulabilia (à quibus induci solent obstructiones) absorbet, absorptaque secum per alvum educit: unde hoc modo sublata causa, tollitur obstructio. Unde rectè Mars dicitur optimum Melancholice digestivum, cujus causa materialis modernis statuitur esse Acidum vitiosum in primis viis hærens, quod ad Martem assumptum accurrit, eumque corrodingo suam amittit acrimoniam, & postmodum simul cum Marte per feces eliminatur: hinc est, quod post assumpta Martialia faeces ut plurimum nigro colore tinctæ sint, uti hoc ipsum à potu acidularum contingit. Et sanè malum est, si post assumpta Martialia non tingantur faeces colore nigro; signum enim est, Martem non absorpsisse salia vitiosa, corpori noxam minantia.

Ratione coloris facum nigricantis est Mars assumptus, interna acida vitiosa, intra primarum viarum limites hærentia, absorbens; quæ, dum ita conjunctim ad univervalem illam corporis portam tendunt, à bile, quam præterlabuntur præcipitantur in colorem subnigrum.

Ob virtutes jam dictas Mars dicitur optimum Melancholice, ut supra innui, digestivum; item alexipharmacum mali hypochondriaci, à **ZACUTO LUSITANO**; item Panaceam cachexiarum, tam virorum quam mulierum & virginum, tam simplicium; quam scorbuticarum. Hinc est, quod omnes pulveres cachecticos ordinariè Mars ingrediatur, qui, quò simpliciores, eò præstantiores: sic solus pulvis ex solo croco Martis cum cinnamomo,

mo, & aliquot granis ambrae, magni est usus, utut simplex.

Notandum hic, quod post assumpta Martialia corpus sit movendum, atque convenienter agitandum; item omnia acida postmodum, sive in cibo seu in potu, vitanda; quia Martem saturant, unde postmodum acidis his saturatus, vitiosa salia acida relinquit in tacta.

Quæritur; an limatura Martis cruda commodè adhiberi internè possit? Resp. distinguendo inter illos, qui habent ventriculum validum, & qui debilem. Illis conceditur; his verò denegatur: quia periculum est, ne Mars in ventriculi fundo subsistens, illum perfundet, ructus nauseamque excitet, & appetitum dejiciat. Et refert PANAROLLUS, se post mortem eorum, qui usi fuerint Martialibus, in ventriculo limaturam Martis adhuc crudam reperisse, quia ventriculus fuerat debilis.

Præparata Martialia vel sub forma liquida exstant, vel sub forma sicca: illa tinctura; hæ croci nomine veniunt. Et sanè liquida Martialia siccis vel crocis præferenda esse putarem, quia Mars in iis magis est dissolutus, in his magis compactus, majoresque ventriculo parat labores & dolores.

Crocus Martis dicitur à colore, quem exhibet, subflavo. Est autem nihil aliud, quam Mars in Rubiginem solutus. Dividitur vulgò in duplicem; adstrictorium & aperitivum: sed falso; Mars enim, ut supra monitum, per se semper adstringit, aperit verò tantum per accidens: Vid. TACHENIUS, & supra.

Crocus Martis adstringens paratur calcinando Martem in igne forti, in qua calcinatione abit in pulverem subrudicundum, qui (ceu notum) dicitur crocus Martis adstringens. In hac Calcinatione Mars in pondere suo augetur ut post calcinationem uncis duabus fere aucta appareat. Hoc augmentum ponderis Marti accedit ab Acido carbonum sese in Martem insinuante. Alii compendiosiori modo Crocum Martis paraturi; pulverem rubicundum levissimum & impalpabilem, baculis ferreis adhærentem, (qui in furnis Chymicis adhibentur) abstergunt cum pede leporino; crocumque non incommodum acquirunt.

Usus hujus croci est in illis affectibus, qui opus habent adstrictione, in omnibus fluxionibus, tam sanguineis, quam excrementorum, in dysenteria, diarrhoea, &c. Externè ingreditur pulverem stypticum Crollii, item emplastra vulneraria & stypticam Chirurgorum, & Opodeldoch Paracelsi. Summopere prodest in ulceribus, in curando eorum corrosivitate; quod præstat, dum absorbet eorum Acidum corrosivum. Crocum Martis facile parabilem habet MINDERERUS in Medic. Milit. pag. 270.

Convenit cum hoc Croco Martis in omnibus terra Vitrioli dulcis, quæ nihil est aliud, quam crocus metallorum, sive Maris sive Veneris: & haud immeritò dixerim terram vitrioli dulcem nobiliores adhuc, quam Crocum Martis simplicem, præstare effectus.

Crocus Martis Aperitivus, commodius forsan Alterativus diceretur, quia post usum hujus, crasis massæ sanguineæ vitata redit, & quatenus absorptis salibus vitiosis, digestionum errores spontè curantur. Inde protinus patet, quod omnes Croci Martis aperitivi non sint parandi cum nimis Acidis; aliàs saturantur cum iis, & in corpore stabulantia Acida, (quia jam antè saturati) intacta relinquunt. Mars enim facillimè ab omnibus Acidis, tam mineralibus quam vegetabilibus, corroditur: propterea pro scopo alterativo præparandus est vel blandis Acidis, vel planè insipidis, Martis corpus durum leniter aperientibus. Quidam laminis Martis probe ignitis magdaleones sulphuris admovent, ut illæ liquecant, & forma granulorum in aquam suppositam decident, quæ in pulverem conerunt: Verùm crocus hic nullius usus est. Magni æstimatur sequens præparatio.

24. Limatura Martis:

Huic affunditur parum aqua simplicis, & exponitur radiis solaribus in diebus canicularibus; tunc intra paucos dies eadem limatura vertitur in Crocum, & ingens excitatur effervescencia.

Fundamentum hujus operationis consistit in eo, quod acidum copiosum in Marte existens, ab aqua dissolvatur, & postmodum accedente solis calore proprium corrodat corpus, & in crocum talem corrodat, qui est maximè aperitivus; quoniam nihil Acidi externi accessit, quo se saturasset.

Ettmulleri Oper. Tom. I.

Sic quoque Mars aeri expositus, ab eodem humectatus abit in Rubiginem; Ab acido enim in aere existente, & in Martis corpus se insinuante, illudque in crocum seu Rubiginem corrorente, oritur Crocus: hic unde optimè præcavetur hæc Rubigo per alcalia, in specie per oleum tartari per deliquium, quia alcalia destruunt acida. Contrà rationem etiam gladii aliaque instrumenta ferrea oleo communi inunguntur, ut hoc modo à Rubigine præserventur: Notum quippe est, quod oleum commune scatcat copioso Acido, quod potius corrodit quam præservat; unde potius cum alcalibus talis Cura instituenda erit.

Quidam ut præparent Crocum Martis aperitivum, aquam simplicem acuant cum alcalibus, in specie cum sale absinthii fixo, eamque in loco tepido limaturæ Martis aliquoties affundunt, sicque acquirunt Crocum Martis Aperitivum seu Alterativum. D. D. MICHAELIS, Professor & Practicus Lipsiensis, paravit Crocum Martis Aperitivum cum lixivio ex cineribus herbarum dictarum aperientium, ut fumarie, absinthii, Genistæ, fraxini, &c. facto; item spiritu salis ammoniaci, affundendo crebrius horum lixivium limaturæ Martis, & vocatur Crocus Martis Aperitivus cum salibus: Vid. Sennertus Prax. I. 4. P. 6. Sect. 1. cap. 2. Verùm Crocus hic cum salibus præparatus parum valet, quàm primùm enim salia in lixivio contenta cum Marte commiscuntur, ea (dum cum Marte concurrunt) abeunt in corpus calciforme, prorsus pro hoc scopo inutile: Utcunque enim coquatur Mars cum salibus alcalibus, nunquam tamen idem alteratus deprehenditur: sed in tali præparatione aqua tantum solvit Acidum Martis, salibus interea nihil facientibus. Sunt qui præparant Crocum Martis Aperitivum cum vino, non inelegantem.

Pertinet hæc Tartarus Martialis, qui fit, dum solvitur Tartarus in aqua ferrariorum: huic solutioni additur postmodum ana limaturæ Martis; Unde acidum tartari rodit Martem, postmodum filtratur & evaporatur, solvitur denuò, & in loco frigido generantur Crytalli, quæ egregiæ sunt in morbis chronicis, in specie in mensibus deficientibus. Huc vocari posset præparatio illa secretissima WILLISII de fermentatione, quæ quoque videre potestis in Epistol. BARTHOLINI, & fit cum ana crymoris tartari, & spiritus vini; quod certum est,

Damnatur meritò & exploduntur omnes præparationes nimis Acidis. e. gr. cum aqua forti, spiritu nitri, vitriolis, salis, sulphuris, & aceto factæ; item calcinatio illa fusoria cum magdaleonibus sulphuris, dum nimirum Mars intensissimè ignitum admovetur sulphuri, hoc inflammatur, acidoque suo spiritu Martem corrodit, ut instar cere liquefactum granulatim decadat in vas suppositum, aqua plenum: Vid. Schröderi Pharmacopœia. Granula hæc postmodum subtilissimè trita in Crocum Martis evadunt, qui cum sulphuris pulverisati ana mixtas denuò in crucibulo ad illius deflagrationem calcinari solet. Cum verò jam sit Acido sulphuris saturatus, nullas in corpore exerit virtutes, quin potius ventriculum onerat; est enim calx fixissima nullo liquore solubilis, & sanè est præparatio pessima, utur à nonnullis extollatur. Similem etiam censuram meretur Crocus Martis cachecticus Zwelfferi, qui cum nitro præparatur.

Hæc de Crocis Martialibus: Sequuntur nunc Martialia liquida, quæ communiter nomine Tincturae veniunt.

Dividuntur vulgò in Adstringentes & Aperientes, quàmvis quid de hac distinctione sentiendum, ex præcedentibus videre sit. Talis adstringens tinctura est tinctura sulphuris Vitrioli, &c. Pro scopo Aperitivo acquirimus Tincturas Aperitivas, si extinguitur Mars ignitus in mensuris subacidulis vegetabilibus, aut liquoribus Alcalicis. Nam aqua ferrariorum est egregia pro scopo adstringente in dysenteria, &c. Pro fine aperiente in Cachexia & ictero. Hinc videre est, quid habendum sit de duplici Martis virtute, Adstrictoria scilicet & Deobstruente. Sic quoque si Mars ignitus in Mensuris subacidulis vegetabilibus aut liquoribus alcalicis extinguitur, tinctura inde Alterans prodit non contemnenda.

Tinctura enim Martiales, nimis Acidis præparatæ, parum æstimantur; quia jam extra corpus saturatæ, intra corpus assumptæ parum aut nihil operantur; si verò cum Alcalibus aut blandis acidulis præparentur, suam merentur laudem. Melius igitur proceditur, si limaturæ Martis affunditur Vinum; tunc enim fit, ut acidum vini rodât Martem & imbibat: unde tale Vinum cum

cum pauco cinnamomo propinatum miros præstat effectus in cachexia & morbo hypochondriaco, aliisque sceminarum morbis: Vid. PANAROLLUS, qui cum succo cicchorii solvit limaturam Martis, paratque exinde Tincturam Martis egregiam. Hic quoque spiritus panis acidus volatilis promptè solvit Martem in Tincturam Rubineam, miros in affectibus chronicis exhibentem effectus. Ad Tincturas Aperitivas pertinet illa Tinctura Vitrioli Martis Zwelfferi, quæ paratur ex Vitriolo Martis cum spiritu Vitrioli, aut per calcinationem cum sulphure parato, & partibus duabus terræ foliatæ tartari ritè paratæ; quæ sanè multi est commodi: Vid. ZVVLFFERUS in Mantissa pag. 337. qui egregia & lectu præ omnibus aliis habet verissima. Sub præparatione tincturæ huius Vitrioli Martis Zwelfferi sæpè evenit, ut conjunctione Vitrioli Martis & terræ foliatæ Marsè Vitriolo cadat; unde tinctura hæc magis est tartarea, quàm Martialis: Hinc loco tincturæ huius quidam eam in forma sicca præparant ex ana terræ foliatæ tartari & Vitrioli Martis: quam Misturam exsiccatam, & in pulverem ex nigro rubescentem redactam, vocant sal Martis compositum, aut Magisterium Martis vitriolatum.

Nec suo usu caret Essentia Martis tartarificata Ludovici, quæ fit, quando recipitur Vitrioli Martis & Crystallorum tartari ana, solvuntur & inspissantur ad mellaginem, postmodum affundunt spiritum vini, & acquirunt Essentiam Martis tartarificatam, quæ optima est Cœliaca, mucum abstergendo, in affectibus renum & vesicæ, item urinæ.

Vitriolum Martis paratur aut per Calcinationem cum sulphure, donec deflagarit; aut per corrosionem cum spiritu sulphuris aut vitrioli cum tribus partibus aquæ simplicis diluto, affundendo limaturæ Martis, & solvendo Solutio filtrata in loco frigido crystallifatur Alium modum conficiendi vitrioli Martis videbitis in Medio. Milit. MINDERERI pag. 271. Pertinet huc quoque VITRIOLUM MARTIS RIVERII, qui

24. Spiritus Vitrioli rectific. part. i.

Spiritus vini part. ii.

Infundit in vas ferreum, digerit, & in frigore ad crystallifandum reponit.

Hæ Crystalli magni sunt usus, quoniam Acidum Martis additione spiritus vini mitigatum & edulcoratum fuit.

Huc annexenda venit tinctura seu liquor Martis solaris, quando nempe minera Martis Solaris in aere efflorescit in vitriolum, quod cum sufficienti quantitate Roris Majalis destillati, vel alius aquæ appropriatæ, solvitur, & filtratur. Ex hac, cum ana liquoris terræ foliatæ tartari, fit tinctura Martis extemporanea.

Ad Martialia Aperientia liquida pertinent Noduli Alterantes ex vegetabilibus, cum limatura Martis vino infusis, qui valde convenientes sunt in morbis chronicis, in quibus quoque Infusa Martialia non sunt contemnenda.

Cum similibus blandis & simplicioribus Menstruis etiam tincturæ Martis fiunt, Quidam enim Tincturam Martis parant cum succo Acetosæ, alii cum succo tamarindorū alii cū musto, alii cum succo berberum, ROLFINCIUS in Chymia cū vino Malvatico. Optima tamen est, quæ fit cum succo pomarum Borsdorffianorum: solutio inspissatur, cui postmodum affunditur spiritus proprius, vel vini tartarificatus, vel alius conveniens, & fit elegantissima Essentia Martis, conveniens affectibus chronicis contumacibus, in specie in Quartana.

Depique ad Præparata Martialia in forma sicca etiam pertinent Flores Martis, de quibus & exinde paratis medicamentis vid. ZVVELFFERUS, qui lectu dignissima super hunc locum profert; & ausim dicere, vix paria in toto volumine inveniri posse: Mars nimirum cum ana salis Ammoniaci per cucurbitam terream vitreata sublimatur in flores, qui cum massa, in fundo cucurbitæ relictæ, commisti, & aeri humido aliquandiu expositi cum parte dimidia salis ammoniaci junguntur, & de novo in flores rubeos sublimantur: Acidum enim salis Ammoniaci corrodit Martem, & partes Martiales secum in sublime rapit. Ex his cum spiritu vini vel alio appropriato tinctura flavæ potest extrahi, quæ abstractione spiritus ad medietatem rubicunda apparet. Flores hi à sale ammoniaco edulcorati dicuntur Anodynivi fulminante gaudere quidam dicunt, sed falsò.

Chymici curiosiores conantur producere Martem fulminantem, qui utut à quibusdam in dubium vocetur, revocari tamen datur, modò encheirises quedam observentur. Fundamentum Martis fulminantis in convenientia sulphuris

Martialis cum sulphure solis, consistere dicunt: sed utut Sol & Mars in radice convenient, eadem ratio, ac suprâ de auro fulminante dictum, subesse, adeoque pariter in dispoitione quadam, ex salinarum particularum dislocatione & disgregatione orta, consistere videtur. Paratur autem Mars fulminans, si Mars solvatur in aqua regia, & præcipitetur cum oleo tartari per deliquium parato in hac præparatione notandæ sunt sequentes encheirises.

2. Observandum est exactè punctum saturationis: hoc nisi fiat, omnis spes fulminandi perit.

2. Ne præcipitatio nimis sit subitanea: si enim effervescentia oriatur nimia: vix fulminabit.

Bezardicum Martiale paratur ex Regulo Antimonii Martiali in butyrum destillato, & cum spiritu nitri præcipitato: vid. ROLFINCIUS. Usus ejus est in hydrope, hinc in cachexia & ictero; in specie in hydrope optimum esse, testatur ROSENCREUZERUS.

LECTIO XXXV.

DE

VENERE.

Venus seu Cuprum est metallum ratione principiorum & compositionis Marti affine, utut nobilius. Constat sulphure copioso, ex parte fixiori, quàm est sulphur Martiale; hinc de Mercurio plus participat quàm Mars adeò, ut sulphur & Mercurius ferè sint in equilibrio in cupro; terrestrequè principium copiosius est in cupro, quàm ferro: hinc quoniam plus de Mercurio & sulphure habet, citius funditur quàm ferrum, promptiusque inflammatur: sic cum sale ammoniaco Venus potest inflammari, quatenus sal ammoniacum extrahit internum sulphur Veneris, illudque extravertit, ut eò citius flammam concipiat: item ratione Mercurii copiosi Venus optimè misceri potest cum sole & luna, ita, ut eorum fusibilitatem non impediatur. Contrarium fit in Marte & reliquis metallis, quæ non misceri cum sole & Luna possunt, quin eorum impediunt liquefactionem, solubilitatem & ductibilitatem.

Imprimis in Cupro consideratione dignum est sulphur, de quo BASILIUS VALENTINUS dicit, quod tingat lunam in solem; quo de alibi dictum. De sulphure Veneris elegantem conscripsit Tractatum POLEMANNUS, libro de Sulphure Philosophorum inscripto, qui sanè iacundus est in theoria, sed in Praxi pauci momenti; & certum est, quod, ubi, POLEMANNUS hunc Tractatum scripsit, nondum sciverit volatilifare sal tartari, ceu ejus ex diicursu de hac materia ipse satis intelligere potui. Quod verò in Venere sit sulphur illud benedictum, ex quo HELMONTIUS oleum seu ignem Veneris paravit, extra omnem dubitationis aleam est: Vid. Tractatus in Herbis, Verbis & Lapidib. Magna Virtus: item Butler. Beneficio huius sulphuris Veneris Curationes Magnetico-Magicae fiunt.

Ex hoc sulphure Veneris fit, ut caput mortuum Vitrioli Veneris curet dysenteriam, si scilicet excrementa dysentericorum super caput mortuum Vitrioli Veneris emittantur, & mox fluxus ille periculosus sistetur, Hoc secretum fuit D. D. CNOEFFELII.

Sulphur & Mercurius in æquali sunt proportionem in Venere, unde emergit Veneris volatilitas, quæ tanta est, ut si fortiori subjiciatur igne, exhalante parte Mercuriali, terream quoque secum abripiat, Venere ferè tota in auras abeunte.

Insignis affinitas Veneri cum luna intercedit, adeò ut rarò unum sine altero effodiatur, hinc quoque utraque exhibent colorem sapphirinum sive Himmelblau; item ex hac convenientia radicali est, quod ambo vim habeant purgantem. Sic datur Luna hydragoga, in hydrope multum conferens. Ita & Venus tam vim catharticam, quàm emeticam, satis superque ostendit: Unde periculosum est Veneream intus exhibere, propter nauseam, vomitus, & secessus lethales, quos excitant; ideo iterna remedia ex Venere sunt vel nulla vel pauca.

Cuprum cum lapide calaminari mistum constituit Orichalcum; nempe Veneris part. C. & lapidis calaminaris part. XXX. miscentur, fortique igne agitantur, ut fiat inde Orichalcum.

Acida quæcunque si fuerint fixa & fortiora, rodunt Venerem in vitriolum; si volatilia & blandiora, in viri-

de æris. Hic notatu dignum est, quod alcalia volatilia solvant Venerem, Martem verò relinquant intactum. Ratio est, quod promptius alcalia aggrediantur sulphurea; jam verò Venus plus sulphuris in se continet, quàm Mars: ver. gr. spiritus urinæ tingit Venerem in colorem ultramarinum seu sapphirinum, qui color est index sulphuris metallici Veneris interni; reliquæ verò Veneris solutiones per Acida factæ, sunt virides. POLEMANNUS, aliique ejus sectatores, innuunt sulphur ex Venere eliciendum esse per salia volatilia, seu per alcalia fixa volatilifata.

Calcinatur aliàs in crocum cum sale aut nitro, quo superficies tantum exterior laminarum corroditur; quæ aqua edulcoratæ crocum quidem, sed in pauca quantitate, suggerunt. Per stratificationem autem cum sulphure totum cuprum in crocum redigitur, qui edulcoratus nil valet: est enim corpus ab Acido sulphuris saturatum: post Calcinationem autem cum acido sulphuris, mediante aqua in vitriolum cæruleum crystallari potest: Vid CROLLI Basil. Chymica, & BEGUINI Tyrocin. Chymicum. Fit verò Ærugo, si cum lamellis Veneris & Vinaceis fiat stratum super stratum: Mistræ postmodum affunditur

Aceti pars i.

Urinæ pueror. part. iii. vel iv.

Reponuntur ad tempus in loco calido, tandem eximuntur, & ita laminæ omnes à volatili Vinacearum aciditate (quam aciditatem Vinacea eructant propter blandam effervescentiam aceti & urinæ) erunt corrosæ, & fatiscent in Æruginem, quæ Germanis audit Grunspan.

Hoc viride æs lege artis destillatum dabit spiritum volatilem acido-salium, ex vinaceis; urina & aceto destillato ortum, quem pro liquore alchabistico vendit ZWELFFERUS. TACHENIUS verò nihil aliud hunc spiritum esse dicit, quàm simplex acetum destillatum (quanquam multum ab aceto destillato differat hic spiritus:) plurimq; in eo latrant singularia. Fit verò hic spiritus duplici modo, vel ex crystallis viridis æris, aut viride æris simplici. uterque instar spiritus vini inflammabilis est. Quoad I:

Vel Rec. viride æris:

Solvunt in aceto destillato, filtrant & crystallant; sic acquirunt crystallos virides, quas destillant per retortam igne aperto, & prodit spiritus acidus, qui rectificatus multis affectibus proficius est.

Melior tamen modus est II. quo

Rec. Viride æris,

Sabulis vel arenæ part. æqv.

Mixta destillantur: si prodit spiritus volatilis præstantissimus, qui egregiam præstat tam in medicina quàm Alchymia effectum.

In specie valde convenit hic spiritus in lethargo & similibus affectibus soporosis.

Ex hoc viride æris cum gummi Ammoniaco paratur spiritus acidus compositus, qui dicitur spiritus Viridis æris cum Gummi ammoniaco:

℥. Virid. æris par. ii.

Gum. ammoniaci part. i.

Misceantur & destillentur, & prodibit spiritus acidulus optimus.

Vel melius:

℥. Virid. æris part. iii.

Gum. ammoniaci part. ii.

Sulphuris citr. part. iß.

Misceantur, destillentur, & prodibit spiritus acidus volatilis, qui in affectibus asthmaticis optimum est remedium. Est spiritus Asthmaticus D. Michaelis.

Aliàs viride æris crudum nullam utilitatem & efficaciam habet in Medicina, nisi quod externè in Chirurgia adhibeatur; unde basis esse solet Unguenti Ægyptiaci; item Unguenti Hildani, &c. quæ in ulceribus cacoethicis aliisque periculosis magni sunt auxilii. Sic quoque externè pro basi concurrunt in compositione aquarum viridium distillarum in vulceribus scorbuticis, Gallicis malignis, &c. Aliàs de Venere vix aliquid tutè adhiberi potest internè, nisi ejus sulphur anodynum prius fuerit extractum.

Entmulleri oper. Tom. I.

Sequuntur nunc Metalla molliuscula, scilicet Saturnus & Iuppiter. Hæc multum possident principii Mercurialis, unde facile fluunt. In specie in Saturno seu Plumbo Mercurius inest copiosus, ob quem facile fluit in igne; & quidem Mercurius hic Saturni est immaturus, & non rito fixatus, unde fit, ut calcinatus perdat quid de pondere suo: Huic Mercurio parum adjunctum est sulphuris, quantum scilicet sufficit pro coercendo Mercurio, minimum verò terræ salinæ inest Saturno: Unde Saturnus ratione principiorum in compositione contrarius est Marti.

Ratione abundantis in Saturno Mercurii fit, ut Saturnus omnia Metalla, præter Solem & Lunam, absorbeat, unde ratio artis probatoriæ dependet. Nimirum in cupella probatoria Saturnus omnia Metalla absorbet, exceptis Sole & Luna; quia Mercurius ejus seu Alkali volatile cupit saturari terra salina liquorum metallorum, cujus ipse Saturnus minimum possidet. Cum verò Sol & Luna nimis compacta sint corpora, inepta sunt quibus Saturnus saturetur, adeoque ea relinquit intacta. Alias magnam habet Saturnus convenientiam cum Luna, unde in calcinatione Saturni, si non semper, ut plurimum tamen reperitur Luna.

Quidam asserunt, quod si Saturnus calcinetur beneficio speculi ustorii per radios solares, loco lunæ aliquot grana solis exhibeat; ita, ut luna in solem mutata sit. Fides sit penes expertum.

Præparata Saturnina quod attinet, purgatur Saturnus ad modum SCHROEDERI

Calcinatione Reverberatoria abit primò in calcem cineream, continuata in ochram flavam factitiam, & tandem in minium, quod cum sale ammoniaco sublimatum denuo albescit notandum, quod minium augeatur in pondere: v. gr. si recipiatur Saturnus crudus ad ℥i post calcinationem erunt ℥xiii. Ratio petenda est ex sulphure carbonum; particulæ enim acidæ sulphuris carbonum in igne exhalantes, jungunt se cum Saturni substantia, ipsique adherentes augent minii pondus. Ex minii part. ii. & silicium calcinatorum parte i in crucibulo fufis, donec colorem instar Rubini acquirat, fit Vitrum Saturni, quod super tabulam æneam effundatur. Alium modum habet GLAUBERUS in Furnis Philosoph. P. 2. pag. 151.

Cum omni acido se conjungit Saturnus, & solvitur imprimis ac expetit acidum aceti volatile, à quo solvitur antea calcinatus, & acquirit saporem dulcem: Aliàs si conjungatur cum acido, augeatur pondere. Ut plurimum autem cum alcalibus, verbi gratia calce viva, cum borraçe, &c. funditur; tunc enim alcali absorbet acidum, & Saturnus pristinum reasumit corpus.

Per calcinationem immersivam redigitur Saturnus in calcem ut plurimum dulcem, dictam Saccharum Saturni: Nimirum solvitur calx Saturni, Cerussa, minium, aut lithargyrium cum aceto destillato, vel spiritu viridis æris, aut formicarum acido, solutio decantatur, filtratur, & abstracta humiditate ad crystallandum reponitur: Crystalli hæ depurandæ crebris solutionibus, & tandem abeunt in Saccharum Saturni. In hac præparatione notandum, quod non omne omnino acetum abstrahendum sit à soluto; quia aliàs periculum imminet, ne fulminet Saturnus, quod non raro contingit, teste experientia propria. Similiter crystalli fiunt ex minera Saturni cum aceto destillato, acuatō spiritu nitri; hoc modo solvit mineram, & in crystallos corrodit. Saccharum hoc Saturni interno usu quodcunque acidum absorbet; propterea in malo hypochondriaco, in specie melancholia hypochondriaca, singulare est remedium: item in Quartana contumacissima ante paroxysmum quidam fuit, qui propinavit, sed in dosi solito majori, scilicet ad ℥ij. Cæterum cum lapillis cancrorū ad gr. xv. in eadem Quartana si exhibeatur, multi erit usus. Porro in phlogosi, ex effervescencia salium vitiosorum exorta, multum prodest item in erysipellate, scorbuto cum vitio splenis enato singulare est experimentum Saccharum Saturni. Hinc in dysenteria ratione virtutis suæ aluminosæ & adstrictoriæ multum præstat commodi.

Quæritur an saccharū Saturni sine sterilitatis metu possit intra corpus assumi? Negant, qui Saturni mineralis cū Saturno

coelesti convenientiam magni faciunt quippe, qui in fecundas dicitur reddere; sed vanum est, & sine fulmine fulgor. Ex sacchari Saturni par. iii. cum vitrioli Martis depuratissimi par. i. mediante spiritu vini tartarizzato extrahitur Tinctura illa antiphtisica D. Michaelis; quæ valde adstringit, estque commodum satis remedium in consolidandis pulmonum ulceribus, renum, aliarumque partium exulcerationibus.

Saccharum Saturni cum vitriolo Martis si destillatur per retortam sublimatur Hematites Artificialis, hematiti nativo, qui ex suis eruitur fodinis; quam similimus: unde facile colligi potest, ex quibus principiis hæmatites constet.

Calcinatio Saturni vaporosa dat Cerussam, quæ nihil est aliud quàm Saturnus calcinatus vapore aceti: & quidem pro usu medico Saturnus cum aceto, vel potius cum vapore aceti, calcinatur in loco calido, in saccharum Saturni, ad modum ZUELFFERI in mantissa pagyr. pag. 347. pro Alchymistico verò cum aceto destillato, in quo sal ammoniacum solutum fuit: sic enim pulcherrima & subtilissima habetur Cerussa.

Usus Saturni externus tantus est, ut PARACELSUS quartam Chirurgiæ columnam constituere dixerit. Nec immeritò; absorbendo enim acidum Vulnerum ulcerumque, egregiam navat operam, unde plurimorum emplastrorum, v. gr. albi cerussæ, simplicis & camphorati, de minio, &c. basis est: itè emplastrum de cerussa cum aqua spermatis ranarum absorbet acidum, quod inflammationem excitat, in erysipelate prodest: item in cancro occulto medicamenta Saturnina (quia absorbent Acidum, mali Autorem) valde profunt; unde quoque Medici vulgares & Chirurgi præcipiunt, ut præparentur omnia Unguenta Saturnina in mortario plumbeo, ut ramenta plumbi mortarii commista Unguentis, eomelius absorbeant mali causam: sic in ulceribus scorbuticis & malignis, item in scabie Saturnus, & ex eo parata remedia, multi sunt usus. Ad maculas faciei, in specie Gutta Rosacea, ac varis, lentiginibus, & in genere in omnibus cutaneis affectibus, dicta Saturni remedia post Mercurium dulcem sunt optima, imprimis verò cerussa, quia corrigunt acidum sub cute, ex prohibita insensibili transpiratione collectum: Sic cerussa cum aqua spermatis ranarum, item aqua calcis vivæ, cum saccharo Saturni, in ambustionibus absorbendo acidum optime conducunt. Pertinet huc Unguentum Nutritum de Saturno, quod fit ex solutione Saturni cum sufficiente quantitate olei olivarum aut rosacei, tamdiu in mortario agitando, donec acquirant consistentiam unguenti. Cum oleo olivarum fit albicans; cum oleo rosarum verò luteum redditur: aciditas enim aceti in saccharo Saturni concentrata latentem rubedinem in oleo rosarum resuscitat.

Porro si saccharum Saturni destillatur per retortam, prodit.

1. Spiritus volatilis ardens.
2. Oleum duplex; primò nempe rubrum, post nigrum, empyreumaticum.

Hunc spiritum ardentem vulgò dicunt esse ex substantia Saturni; sed est impostura: reverà est spiritus aceti, quo cum præparatum est saccharum Saturni, nihilque aliud quàm spiritus vini, ab aciditate liberatus & regeneratus. Certum enim est, quod in aceto inclusus lateat spiritus vini: Dum jam partes fixiores aceti rodunt Saturnum, eique adhærent, volatiliores ejus partes in destillatione fiunt sui juris, & leni prodeunt igne; Ubi verò ignis intenditur, partes simul Saturni rapiuntur per retortam, quæ abeunt in corpus oleosum. Patet itaque, quanti spiritus hic Saturni sophisticus sit habendus; hinc omnes affectus, quibus mederi debebat, coincidunt. Idem est judicium de spiritu ardente coralliorum, qui itidem est sophisticus, nihilque aliud, quàm fœtus aceti & spiritus vini regeneratus. Nam acetum fit, quando sal acidum vini figit particulas salinas volatiles spirituosas: jam, quando corallia solvuntur ab acido sale aceti, iisque adhærent, partes volatiliores fiunt sui juris, antea in aceto fixæ existentes, & levi igne sub pristina spiritus vini forma prodeunt.

Certum est, quod uti ex omnibus metallis, ita etiam ex Saturno per se, sine additione aliorum, nihil liquidi possit destillando acquiri, quin potius, si aliquid eliciatur ex iis, fit hoc additione aliorum, unde hoc modo novum erit productum; aliquam tamen partem igne fusionis sursum urgeri, fumigatoria Mercurii per hoc Calcinatio docet. Occasione hujus destillationis recensendus,

quoque venit modus destillandi Butyrum Saturni: ver. gr.

24. Minera Saturni, non vulgaris, sed volatilis, quæ subinde ex Ungaria apporatur)

Mercurii sublimati an. part. æqv.

Pulverisata misceantur, & destillentur per retortam; sicque acquiritur liquor crassiusculus, constans ex spiritu acido salis communis, in Mercurio sublimato contenti, & particulis Saturninis, quas spiritus salis una secum per retortam vehit. Præterea in collo retortæ reperi solet aliquid cinnabaris, quæ constat ex Saturno & Mercurio. Butyrum hoc Saturni consuetomodo rectificandum est, & postmodum cum aqua simplici, eodem modo ac ex butyro Antimonii præcipitari potest Mercurius vitæ, ita ex butyro Saturni præcipitatur pulvis albus Saturninus seu magisterium Saturni, qui est ejusdem usus ac saccharum Saturni: laxat blandè.

Fit quoque ex butyro hoc bezoardicum Saturninum: Nimirum butyrum Saturni præcipitatur cum spiritu nitri, & hujus tripla abstractione, edulcoratione & calcinatione fit Bezoardicum Saturninum simplex, utpote quod non participat de Antimonio ut alia Bezoardica metallica, & est egregium remedium in peste, & febribus malignis pestilentialibus; item in morbis saturninis dictis, v. g. in malo hypochondriaco, &c.

Solet in destillatione Butyri hujus Saturni aliquid simul de Mercurio vivo prodire, sed est tantum vulgaris, resuscitatus ex Mercurio sublimato. Cæterum, Butyrum hoc rectificatum si affundatur super novam mineram Saturni, & denuò destilletur per retortam, tunc dicunt fieri, ut perfectus Mercurio vivus Saturninus acquiratur; quod tamen novum erit productum, antea non existens.

Quidam parant Magisterium Saturni, præcipitando solutionem Saturni aut cum oleo tartari, aut cum spiritu salis, vel vitrioli; quod magis convenit pro usu interno, quàm externo.

Quod antea de spiritu Saturni dictum, id valet etiam de floribus. Nempe Saturnus per se nullos præbet flores, quia ratione copiosi Mercurii facile in igne liquefit, unde non potest sublimari. Vulgò faciunt stratum super stratum ex Saturno & sulphure, cujus Acidum in igne rodit Saturni corpus post adducta ana salis decrepitati, & duplum boli communis: Mixturam committunt retortæ duobus tubulis constanti, die auff heyden Setten einen tubulum hat, oben aber Keinen, uni apponitur receptaculum, alteri verò folliis: sic destillatur spiritus & fortiori igne per follem aucto flores in retortæ collo colligantur; qui nihil aliud sunt, quàm pars Saturni à spiritu salis corrosa, quique benè edulcorati in medicina multi usus sunt. Ex hisce floribus cum salibus resuscitativis alcalibus, potest resuscitari Mercurius corporum, scilicet Saturni.

Dictum superius, quod Saccharum Saturni valdè opere conveniat in morbis chronicis; unde sunt qui faciunt Balsamum Saturni ex hoc saccharo Saturni per extractionem: Nempe sacchari Saturni 3i affundunt olei destillati terebinthinæ vel juniperi, vel alius 3ii. digerunt simul in arena, donec abeant in colorem rubineum intar Balsami sulphuris. Sed hæc mixtura invicem probè agitando est, aliàs non colorabitur. Nectamen hic color est à Saturno, sed tantummodò beneficio digestionis super corpus Saturninum extractus. Quidam huic Balsamo addunt Camphoræ 3ii., & per noctem ulteriùs digerunt, ut camphora dissolvatur. Aliàs si debite oleum tale cum saccharo Saturni uniri posset, esset Balsamum non inefficax in morbis chronicis. Certum est, quod acquirant nil aliud, quàm oleum simplex antea affusum saccharo Saturni, juxta modum quorundam. Quin ex hoc fundamento patet falsitas olei destillati Saturni dicti, hoc enim non Saturni, sed additorum refert prosapiam; ut plurimum nihil aliud est, quàm Acidum concentratum saccharo Saturni affusum, ex quo postea per destillationem fit oleum Saturni falsum.

Idem sit de tincturis Saturni judicium; Spiritus vini promptè imbibit adjunctum oleum, & nihil de Saturni corpore recipit, unde certum est, quod omnes tincturæ Saturni, quæ ubertim prostant in SCHROEDERO, nihil prorsus valeant: Hoc enim Metallum est nimis Mercuriale, parum verò de sulphure participans (de quo tamen omnis tinctura oritur) unde quoque parum vel nihil cum spiritibus oleosis sulphureis extrahi poterit. Si verò balsamica oleorum

Balsamicorum virtus cum Saturno conjungi debet, cum nullo hoc alio Saturni subiecte fieri poterit, quam cum saccharo Saturni. Et tunc etiam fieret Balsamus sulphuris valde temperatus, in affectibus internis multi usus, & majoris efficaciae quam vulgaris, qui in quibusdam pectoris affectibus, ver. gr. phthisi, hectica, &c. vix tuto adhibetur; cum tamen, si cum saccharo Saturni præparatus sit, commodè illis prodest. Hic externe quoque, si forte hic Balsamus sit nimis acris, commodè miscetur cum cerussa, aut Balsamo Peruviana, & erit remedium non inefficax.

LECTIO XXXVII.

D E

IOVE seu STANNO.

PROgredimur ad alterum ex mollioribus Metallis, *Iovem seu Stannum*, quod cognatum est plumbo; interim in multis ab eo discrepat. Dicitur quibusdam etiam *Plumbum album*; sed male: Nam apud Veteres datur Metallum, quod dicunt plumbum candidum, deinde quoque stannum, quæ tamen maxime sunt distincta. Veteres per Stannum intellexerunt *Plumbum cinereum nostras seu Bismuthum*, ita ut habeamus triplex plumbum: Nigrum in vulgus notum, Candidum, & Cinereum. Nigrum est vulgò notum; Candidum est, quod nos dicimus stannum; Cinereum juxta nonnullos est Bismuthum. Bismuthum statuitur Metallum certi generis; quibusdam verò dicitur semimetallum, ut & Antimonii Minera: Argento statuitur Bismuthum esse cognatum, unde à nonnullis vocatur *Argentum Metallum*.

Constat verò Stannum ratione principiorum ex Mercurio respectivè copioso & puriore, magisque maturato, quam est Mercurius Saturni, non tamen perfectè fixato; unde mollior est & fugacior, quam in metallis perfectis. Purior est, sed paucior, quam est in Saturno; unde est, quod Saturnus sit ponderosior quam stannum; hic verò minus malleabilis, ob defectum principii Mercurialis, quam ille. Contrà verò luxuriat in stanno sulphur copiosum, volatile admodum, & minus subactum, minusque cum terra salina satis copiose mistum, adeò ut stannum sit omnium metallorum porosissimum, propter deficientem intimiorem unionem: Quam ob causam fit quoque, ut cum aliis metallis mixtum difficulter rursus ab iis separari possit: v. gr. cum Saturno si misceatur, inque igne fundatur, difficulter postmodum ab eo separabitur; unde à quibusdam stannum dicitur *Diabolus Metallorum*, quia reliqua Metalla, si non planè destruit, eadem tamen valde alterat.

Præceteris insigniter alterat Venerem, quam friabilem reddit, quia utrumque metallum est sulphureum; unde Jupiter cum Venere mistus agitatursq; in igne, flammam concipit. A sulphure hoc est, quod staneum colorem præbeat cæruleum: Ab eodem est quoq; quod remedia Iovialia moveant vomitus, nisi omne sulphur iis sit detractum: Ab hoc est, ut quidam dicunt, quod stannum in aqua forti accendatur; item quod stannum cum nitro, accedente quodam alcali, instar pulveris pyrii fulminet.

Usus Iovis crudi rarior est, utut quidam eundem usurpent in hysterica passione, sed methodo modoque ridendo; unde præparandus prius est, & postea in usum vocandus.

Calcinatione Iovis variæ in Chymicorum possunt videri libris, quæ tamen omnes non sine difficultate fiunt.

Granulatur Iuppiter, si cum salis decrepitati ana indatur pyxidi creta illita, & benè agitur: sic Iuppiter abibit in granula minima, quæ ab Acidis quibuscunque facile corroduntur: Omnia enim Acida solvunt Iovem, tam blanda quam fortiora Acida; hinc ex Iove cum aceto destillato fiunt Crystalli.

Ad eundem modum, quo ex minio saccharum Saturni, ex Iove quoque granulato saccharum fit Iovis; quod non solum in affectibus hystericis interne propinatur, sed & in aliis quibuscunque, in quibus saccharum Saturni, commendatum fuit. *Ridiculum verum est*, saccharum Iovis cum oleo aliquo, umbilico, ad evertendam hystericæ passionis molestiam applicare; quod tamen quibusdam valde familiare.

Ex minera Iovis præparantur Crystalli laxantes, in hydropse & cachexia mulierum perutiles:

Errmuller. Oper. Tom. I.

24. Minera Iovis pulveris. qu. v.

Solvatur in spiritu nitri, aut, quod præstat, in aceto cum spiritu nitri acuat, solutio filtratur, & facta evaporatione iusta ad crystallandum reponatur.

Optimè fiunt Crystalli Iovis cum spiritu Vitrioli aliquoties rectificato, si scilicet cum spiritu Vitrioli aliquoties rectificati 15ij Minera Iovis 15j, & duplo aqua fontana mixti: sic solutione & evaporatione debita facta Crystalli profurgent egregiæ; quæ blandè educunt aquas hydropicorum per secesum. Dosis ad gr. iij.

Ex iove cum Mercurio sublimato fit Butyrum Ioviale, & cum spiritu nitri Bezoardicum Ioviale simplex, quod excellens est medicamentum in febris malignis, item in purpura puerperarum, tam alba quam rubra. In his & similibus affectibus usurpari quoq; potest Bezoardicum Ioviale compositum, de quo in Chymicorum libellis. Hisce affine est Sudoriferum maximum Petri Ioannis Fabri, ex Iove & Mercurio sublimato beneficio distillationis paratum, excellens remedium, ubi sudore opus est, de quo vid. FABER in Patolog. & Panch. Celebre quoq; ex Iove medicamentum est Antibedecum Poterii, cujus descriptionem videbitis apud AUTOREM.

Quæ alias præter jam dicta ex Iove præstant medicamenta interna, non merentur attendi; in specie Tinctura Ioviales, quæ vulgo existant, nullius sunt momenti.

Et hæc de Metallis ignobilioribus dicta sufficiant: Sequuntur nunc nobiliora, quæ sunt Sol & Luna.

LECTIO XXXVIII.

D E

SOLE seu AURO.

CONstat Sol ex principiis metallicis defæcatissimis, iisque maxime inter se unitis, & quidem ex terræ fixæ salinæ medioeri quantitate, sulphure defæcatissimo quidem, sed paucio, & Mercurio itidem purissimo, arctissimo sibi invicem nexu unitis. Ex arctissima hac auri compage oritur ejus fixitas, quod sit Metallum fixissimum; item ejus indestructibilitas, quam vetus illud spagyricorum dictum confirmat: Nempe *facilius est Aurum construere, quam destruere*, Quod BACONIS effatum HELMONTIUS urget contra eos, qui sua crepant Auræ potabilia. Unde quâdiu est Auri indestructibilitas, tamdiu incerta manet & dubia ejus potabilitas: licet enim centies, veligne, vel menstruis, tam insipidis quam Acidis corrosivis, calcinetur Aurum, tamen reduci facile potest. Stante hac Auri indestructibilitate, manifestum evadit, nullum ex auro usum neque in Medicinam neque in Alchymiam redundare. Medici quidem, dum Auri folia variis miscent medicamentis, majorem iis gratiam conciliant, & pretium augent, sed virtutibus nihil addunt. Fabula illa de gallina aurum concoquente, alibi satis est discussa. Qui aurum candefactum in aqua appropriata extinguunt, id quidem obtinent, ut liquor inspissatus flavescat, & pulvis flavus in fundo subsideat, qui à LOCATELLO Theatro Chymicor. Arcanor. in ictero valde perere commendatur: Vid. BURRHU S in Epist. ad Bartholinum. Verum pulvis ille nihil aliud est, quam atomi aurei, ob compactissimam sui unionem nihil operantes, & facile in aurum reducibiles.

In Alchymia quoque est paucissimi usus, ut ideò gravius errent, qui ex Auri corpore metallico lapidem Philosophorum elaborare contendunt; qui tamen non ex Metallis perfectis sed ex radice potius metallorum est quærendus.

Præparata solaria varia vulgò præstant, nulla tamen Medici expectationi ac intentioni exactè satisfaciunt. Tincturae solares à plurimis negantur, ex. gr. LIBAVIO, ANGELO SALA, qui Tractatu de septem Planetis Terrestrib. sulphur solare reliquis illius partibus essentialibus ita alligatum, & inseparabiliter unitum esse dicit, ut hoc sine illius substantia reliqui à nullo menstruo imbibiri possit; Unde concludit, quod tincturae solis vulgares nihil aliud sint, quam superficiales corpore solaris in minimas particulas corrosiones in verum aurum facile reducibiles, plus minusve, quò plus minusve convenienti menstruo soluta fuerit Auri compactissima moles: Cui opinioni quoque favet ZWELFFERUS in Append. ad Pharmacop. Augustan. pag. 59., quam quidem in Mantissa spagyr. P. I. cap. I. pag. 322. iterum revocavit, quando sulphur genuinum

Aa 3

à Mer-

à Mercuriali Auri corpore verè secerni posse, ita ut hoc album remaneat, asserit: Consistunt autem negantium rationes potissimum in hoc, quod auri textura tam firma sit, ut sol facilius possit componi, quam destrui. Interim probè notandum (ne facile credatis) quod utut aurum varias induat laryas, inque varias redigi possit formas per varia menstrua & operationes, nihilominus manet indestructibile; quod ipse fatetur **LANGELOTTI** de sua Triturat. & Destillatione, auri nempe residuum pondere equidem immixtum, beneficio borracis in corpus auri verum redigi posse. Sic aurum fit medicamentum icloperans, quam formam habet ex se cum menstruo alteratū: sic evadit aurum quoque volatile, si scilicet solvatur in menstruo appropriato, & imbibatur à charta bibula, qua incensa aurum simul avolat. Melius succedit modus sequens, si scilicet tale aurū solutum inspissatum cum spiritu vini imprægnatur, qui incensus aurū lumen in auras rapit; sed tamen est aurū: sic sunt qui exhibent pulverem quandam solarem rubrum, quem dicunt verum esse auri sulphur, quemque flamma arripiens in auras vertit, quod tamen adhuc verum est aurum beneficio reductionis, quæ fit per alcalia, demonstrabile, saltem quod per artis auxilium eò redactum fuerit, ut larva indurum artificiali, mensuretur auri sulphur. Nec de corpore solari destructo & auri sulphure extracto sufficienter probari potest, quando opponunt, residuum auri corpus existere album & minus malleabile; cum testante **ANGELO SALA** c. l. per fusionem cum Antimonio vel simili, in pristinum colorem & ductilitatem restituatur: Dum enim auri corpus à mensuris corrosivis salinis corroditur, pro varia mutatione particularum in textura etiam color & malleabilitas variare potest, donec particula salinæ à menstruo relictæ, & auri texture commistæ per ignem expellantur, Multò minus **ZWELFFER** ratio de sulphure extracto aliquid probat; Mercurialia enim aurum facile dealbant, adeo ut in salivatione Mercuriali moneta aurea in ore detenta mox albescat. At vero ad veram & radicalem auri solutionem nulla admittuntur menstrua corrosiva, sed insipida; qualia an dentur? in utramque disputatur partem, Affirmativa videtur verior, & experientia munita. Sunt qui cum spiritu Roris Majalis durissimam auri compagem solvere tentant: Alii ex nive, alii ex aqua nivis, &c. menstruum tale eruvire conantur: **MEIERUS** de Messe Aurea cap. 10. testatur, Americanos menstruo quodam insipido aurum ita mollicare, ut ceræ instar digitis tractari, eique gemmæ inferi pro lubitu queant: sic **LAUREMBERGIUS** contra **Salam** affirmat, se vidisse talem aquam inspidam, in qua aurū, instar glaciei in aqua calida, liquefactum fuerit: Chymicum novi quendam cujusdam Archiepiscopi aquam albicantem inspidam habere, qua aurū spatio 6. horarum in liquorem rubicundissimum in igne non congelabilem solverit. Nullum ergo dubium, dari talia menstrua insipida, & tincturæ solares veræ: sed non cuivis datur adire Corinthum. Interim has quoque confirmat **TIMPLERUS** ad **PRÆVOTIUM** in Hortulo Medico, qui folia auri in mortario vitro tam diu terit, donec in pulverem nigerrimi coloris & sulphur redolentem abeant, quem nullo modo in aurū reduci posse dicit: quod etiam pertinet experimentum **AHASVERI PAYNCK** **BORRICHIO** communicatum, qui folia auri cum saliva subacta per dies noctesque 14 in mortario terit, donec in pulverem nigrum odoris sulphurei, nares fortiter ferientis, abeat: vid. **BORRICHIO** Apolog. contra Conringium.

In præparatione medicamentorum solarium probè observandum, ut aurum, quantum fieri possit, purissimum & defæcatissimum recipiatur, ne forsan ob adjunctam Venereum nauseam vomitusque detestandos creet.

Purificatur aurum, & à Venere cum primis liberatur:

1. *Per Saturnum;* cujus part. iij vel jv. cum aureo in crucibulo vel super testam probatoriam fusæ, adjuncta huic metalla imperfectiora aggreditur, iisque se saturare gestit; quibus aut cum Saturno evaporatis, aut in scorias redactis, aurum intactum ad fundum dimittitur; cujus tamen aliquid Saturnus rapit, nec semper lunam ab auro separat: ideo minus tuta depuratio auri est:
2. *Per Calcinationem Cementatoriam;* quando laminæ solares cum cemento regali, (quod paratur ex sale communi, ammoniaco, & mercurio sublimato, addito duplo vel triplo farinæ laterum ad fluorem impediendum) mixtæ stratificantur, ignique committuntur; sic hæc salia metalla ignobiliora corrodunt, com-

burunt & absumunt, auro pro intacto. Hac ratione etiam ex auro Rhenano & Coronato luna separari, & aurum depurari potest: Vid. **SCHROEDERUS** in Pharm. ubi de Auro, & **ROLFINCIUS** in Chymia pag. 87.

3. *Per Antimonium,* cujus sulphur acidum omnia adjuncta metalla, etiam ipsam lunam, rodit & absorbet, ut postmodum aurū remaneat depuratissimum: v. g.

24. *Auri part. j.*

Antimonii part. jv aut vj.

Mista fundantur in crucibulo, tandem adscitur aliquid mixturæ, ex nitri part. jv. & limaturæ Martis parte; paratæ, sic cum strepitu valido & consueto flores capitellum fulmatorii conscendunt, & parietibus post detonationem sub Alcohol subtilissimi & purpurei specie adhærescunt. qui ab omnibus salium vinculis liberantur cum spiritu vini, cum sale urinæ acuto; tandem apparebunt varii colores, qui dicuntur Oculi perdicum. Post longam satis fusionem effundatur in calicem fusorium, & *Regulus* remanebit in fundo. Scoriam istam iterum fundendam cum limatura Martis, ut, si quid auri super sit, percipiat. Regulum hoc modo præparatum denuò fundunt igne fortissimo, semper augendo ignem; sic omne antimonium avolabit, remanente auro purissimo. Hæc depuratio est optima, utpote qua color auri summè exaltatur; cum contra fusione cum saturno palidior evadat.

Vulgares auri solutiones menstruo corrosivo fieri solitæ, non nisi salis communis additione peragi possunt. Si aurum cum luna fundatur, tam plenaria atque intima horum metallorum fit compactior commixtio, ut vix parem concipere possimus.

Separabitur verò luna ab auro, vel in aqua forti, vel in aqua regis, solvendo massam illam: Illa lunam solvit, aurum verò sua calcis cujusdam minus solubilis forma in fundum vasis dimittit; hæc a rum, intacta luna Observari meretur, quod nisi lunæ partes iij, & solis pars j sumatur, aqua fortis massam non probè corrodat, solvatque: si ergo sol lunam antecellat, aqua regia sumatur, ad partem unam auri solvendi, partes duæ vel tres aquæ regis, & luna sub calcis albæ forma fundū petit. Aurum solutum, inque menstruo sit hærens, in pristinum corpus reducitur vel per Mercurium, vel per sal ammoniacum, vel per alcalia, in specie cum spiritu urinæ vel oleo tartari præcipitatur: aut menstruum à calce solari abstrahatur, quæ per fusionem in verum aurū reduci potest sequenti modo: Calx solis cum aqua simplici probè edulcorata & exsiccata, in crucibulo probè candefiat, hinc cum paucis borracis injecti igne auctiori fundatur, & effundatur: si verò calx solis cum sale ammoniaco aut sale tartari præcipitata fuerit, vim fulminantem acquirit; ideo hæc ante reductionem prius cum floribus sulphuris, aut sulphure tantum communi, destruat, ut infra patebit. Per Mercurium verò reducitur, quatenus hic cum omnibus auri atomis se conjungit, & beneficio amalgamatis in fundum secum rapit; igni verò admotus in auras avolat, & aurū in fundo relinquit. Solvit quoque Aurum spiritus salis concentratus, ut videre est apud **ZWELFFERUM**; item spiritus nitri bezoardicus; sic quoque spiritus nitri cum proprio sale (cum suo nequam) aut etiam spiritus nitri cum sale communi solutus (veluti dictum) solvunt aurū. Nec solum salia resoluta seu spiritus, sed etiam sicca salia & coagulata aurum solvunt, de quibus videatur, si lubet, **ZWELFFERUS** in Animadv. ad Pharmacop. Augustan. p. 466. & Mantissa Spagy. 319, qui hoc loco lectu dignissima habet; hic enim solvit sal gemmæ, nitrum, & alumen in aqua simplici, in qua postmodum dissolvit aurum, & cum oleo tartari præcipitat in crocum rubicundum, qui crocus sanè vobis ad omnia præparanda medicamenta solaria sit commendatissimus.

Quæritur; an salia volatilia urinosa habeant vim calcinandi & dissolvendi aurum? Affirmatur cum limitatione: si scilicet aurum debito modo fuerit calcinatum, tunc spiritus vini sale volatili urinoso imprægnatus optime solvit solem, quod etiam faciunt reliqua salia volatilia. Sic paratur C. C. solare ope salis volatilis C. C., quod **SCHROEDERUS** l. a. pag. 365. ex **AGRICOLA** describit: si scilicet fiat stratum super stratum cum laminis solaribus & cornu cervi, donec adimpleatur crucibulum, quod in furno figulino reponitur, & eò usque calcinatur, donec appareat color purpureus. In hac calcinatione sal volatile cornu cervi rodit

rodit solem in pulverem purpureum, medicamentum in febribus malignis & pestilentialibus, in specie in purpura mulierum, optimum, & probatum est.

Aurum quoque solvitur per amalgamationem cum Mercurio: nempe

24. Mercurii puriss. part. vj. vel viij.
cui calefacto immittatur
Auri laminati & calef. pars j.

Et cum stylo ferreo tamdiu agitur, donec auri colligatum & Mercurio absorptum fuerit: Hoc amalgama mox ab igne remotum aquæ infundatur, & cum sale ac aceto sæpius lavetur, donec omnis impuritas tollatur. Ut Mercurius ab auro iterum separetur, exprimatur per corium, & sic maxima ejus pars separatur; aut per retortam destilletur, quo sic Mercurius colligi, & ad alios usus asservari potest. Amalgamatio hæc auri cum Mercurio, quod sæpius instituitur, eo spongiosius aurum redditur, ut per se in Alcohol subtilissimum redigi possit.

Ad has Calcinationes pertinet aurum fulminans: scilicet resolvitur aurum per antimonium depuratum in aqua regia, præcipitatur cum oleo tartari per deliquium vel spiritu salis ammoniaci, aliquantum edulcoratur, & calore leni & hypocausti exsiccat. Verum in hac præparatione notandæ quædam sunt encheireses.

1. Ut solvatur Aurum in Aqua Regis, præparata aut cum sale communi, aut sale Ammoniac.
2. Ut in præcipitatione cum oleo tartari aut spiritu salis ammoniaci probe attendatur punctum saturationis; hoc enim nisi fiat, & plus debito modo instilletur, vis fulminandi perit.
3. Notabilis aquæ copia huic Mixturæ affundenda.

Fundamentum virtutis hujus fulminantis non consistit in sulphure auri, ejusque cum sale nitroso concursu, uti TACHENIUS putat; sed in dispositione quadam, ex particularum salinarum, calci solari firmissimè adhærentium, dissociatione & disgregatione: conf. WILLISIUS de Fermentat. cap. 10.

Quæritur à quibusdam, qui fiat, quod dum pulvis pyrius igni admoveatur, fulmen superiora versus emittat; contra verò aurum fulminans deorsum ut plurimum fulminet? Dico ut plurimum: nam ex WILLISII observatione constat, aurum sursum versus fulmen suum evibrasse. Resp. Hoc fieri propter gravitatem & pondus auri. Quod verò pulvis pyrius sursum versus fulminet, hoc fit propter sulphur minerale nimis volatile inflammabile, superiora petens: contra, aurum fulminans non est inflammabile, sed saltem incandescit, & proinde solum fumum sursum, fulmen verò propter adjuncta salia sub dispositionis actu deorsum cum impetu emittit. Melior hætenus non suppetit ratio. Patet id, si in cochleari quodam metallico aurum fulminans accendatur, tunc pulvis flavus in cochlearis margine remanet, qui non potuit avolare.

Hic pulvis si intra corpus exhibeatur non edulcoratus, resolvit, abstergit & laxat; si verò optimè edulcoretur, sudorem pellit. Auri hoc fulminans egregium est epilepticum & carminativum, tam in puerorum quam adultorum flatulentis, fæces reddit nigerrimas propter præcipitationem auri in intestinis.

Aurum diaphoreticum.

Vis fulminandi eidem adimitur per acida, imprimis per spiritum vitrioli, salis aut sulphuris; si hic ab illo cohobetur aut aurum fulminans per aliquot horas cum aceto continuè agitatione coquatur; item si

24. Auri fulmin. part. ij.
Flor. sulphuris, aut Sulphuris comm. p. j.

Mista fundantur: tunc non fulminat; spiritus enim acidus infusione se exerens, impedit, ne possit aurum fulmen suum emittere.

Ex auro fulminante, imo ex auro per amalgamationem calcinato & sulphure cicurato & spiritu vini digesto, POTERIVS suum facit aurum diaphoreticum, quod diversis in locis, imprimis in pharmacop. Spagy. l. 3. cap. 14. & in append. diversimodè describit, usitatissima est præparatio sequens: nempe

24. Auri fulminant. aut Calc. solis per amalgama factæ pars. j.

Flor. sulphuris aut sulphuris citr. part. ij.

In mortario lapideo optimè miscentur, cavendo tamen, ne fortiori iritatione incalcescat & fulminet: mixtura hæc in crucibulo in pulverem purpureum calcinatur, qui cum Spiritu Vini rectificatissimo blandissimo calore per dies & noctes 15. digeritur, postea spiritus vini hic aut per Balneum Mariæ abstrahatur, aut pulvis accendatur.

Sine calcinatione quoque cum floribus sulphuris, sed sola auri amalgamati digestionem POTERIVS & ZWELFFERUS aurum diaphoretic. parante quod tamen ille per 4. saltem dies noctesq; hic autem per aliquot septimanas digerit in pulverem rubicundum, huncq; tandem Poterius cum spiritu vini in fimo equino ulterius per 15. dies noctesq; circulat.

Porro ex auro fulminante fiunt flores auri purpurei hoc modo:

24. Auri fulminant. qu. v.

Affundatur spiritus vini ab omni phlegmate depuratus, imponatur campanæ vitreæ, ut fieri solet in destillatione olei sulphuris: sic accenso spiritu vini, fulmen, quod aliàs inferiora petit, adscendet & sulphur simul aureum elevabit in flores, qui optimum sunt Sudoriferum.

Ex eodem auro fulminante per retortam tubulatam quoque parantur flores, si scilicet in retortam aut cucurbitam tubulatam, vel cupream, vel quæ melior, argenteam, probe in capella candefactam, imponantur grana ij auri fulminantis; sic fulminando elevabuntur flores rubicundi, qui partim in recipiente amplo præposito; partim in retortæ collo, aut alembico, colliguntur, idque repetitur tamdiu donec florum sufficiens quantitas collecta fuerit: Conf. BOYLE in Chymista sceptico T. 2. p. 4. qui parvæ salinæ cujusdam substantiæ à se præparatæ quantitate, aurum facit in formam Crystallosum rubicundorum medioeris longitudinis sublimare posse scribit.

Ad volatilisationem auri facit ejus sublimatio. Aurum per se non sublimatur, cum butyro verò antimonii elevatur supra alembicum. Hic quoque spiritus nitri bezoardicus aurum in altum evehit; item sal ammoniacum sublimat aurum in flores, qui denuò capiti mortuo sunt commiscendi, ut ed copiosiores, & efficaciores acquirantur flores. Modum & encheireses videbitis apud ZWELFFERUM. Dantur quidem, qui cum spiritu fuliginis volunt aurum sublimare: sed res est altioris indaginis, nec cuivis obvia.

Supereft adhuc solis extractio, ut nimirum totum solis corpus sit solutum, & in sua principia redactum: Vulgares enim Tincturæ neutiquam pro vero auro potabili habendæ sunt. PARACELSVS requisita tincturæ auri proponit duo: (1) dicit, aurum debere ita fieri volatile, ut nunquam postea sit reducibile; (2) si ita est volatilifatum, debere cum spiritu vini mutari in aurum potabile. Certum est, quod spiritus vini sale volatili urinæ vel cornu cervi acutus, optimum sit menstruum pro solvendo extrahendoque auro, mediante quo etiam ex floribus solis ex auro fulminante paratis tinctura extrahi potest; aut præparandus crocus solis, ex quo postmodum confici commodè potest aurum potabile. Hoc modo D. HEGEWALD suam composuit tincturam solarem ex auro cum sulphure prius calcinato, & cum spiritu vini extracto.

Alii beneficio spiritus roris majalis tincturam eliciunt ex minera auri Ungarica, in silicibus reperta, & probe calcinata. Tales in defectu meliorum interim substitui possunt:

Vulgares solis Tincturæ per salia corrosiva parvi sunt momenti, quia aut meræ & superficiales tantum sunt corporis solaris corrosiones, quæ facile reduci possunt, quæque ut plurimum fæces alvi, facta scilicet corporis solaris præcipitatione, & à menstruo in intestinis separatione, nigerrimo tingant colore: aut oriuntur à solis menstruis, aurum quidem intactum relinquentibus, quæ tamen per digestionem & cum aliis combinationem, exaltantur, & colorantur, ut infra de tinctura tartari dicam.

Quod si verò quis tam fortunatus existat, ut veram possideat Tincturam solarem, quæritur: quomodo operetur? Certum est, quod sit medicamentum analepticum, seu vinum restaurativum, anodyna quadam facultate vires suas exerens: Vis enim irradiativa Helmontii est imperceptibilis. Hæc sententia de facultate anodyna, utut non omnibus li-

erata dubiis, retineri poterit, donec vera & radicalis solis tinctura certior nobis exhibeat sententiam.

LECTIO XXXIX

DE

LUNA seu ARGENTO.

Argentum alterum metallorum nobiliorum, nobile respectu metallorum ignobiliorum, est ipso tamen auro ignobilius.

Ratione principiorum argentum seu luna constat terra salina copiosa & maturata, cui se associat Mercurius minus copiosus, & paucum sulphur. Ob horum principiorum minus proportionatam inter se mixturem fit, ut luna minus sit fixa & indestructibilis. Quod si tamen figatur, ita ut ignis vehementiam sustineat, tunc facile tinctura solis ei communicari potest, vel per venerem, vel per antimonium: Nam in luna semper aliquid solis reperitur, Ob Mercurialis principii inopiam minus fluida est minusque ponderosa quam aurum.

Quod attinet usum Medicum capiti dicata est Luna; & cerebro sympatheticè responderet, unde memoria debili, Melancholia, epilepsia, & apoplexia m- detur. Crudum intra corpus assumptum argentum vix ullius est efficaciae, sed potius continuò crudum rursus egeritur, quare necessum est, ut ad usum Medicum prius præparetur. Cum vero sæpissime Luna & Venus combinatae sint, adeò ut non raro in una eademque minera reperiantur, necessum erit, ut hæc duo probe prius ab invicem separentur, nisi ab usu Lunarium medicamentorum enormes expectare velimus vomitus.

Separatio illa Veneris à Luna fit partim solvendo lunam in aqua forti, partim fundendo cum saturno. Priori modo aqua fortis aggreditur Venerem, & Lunam ad fundum dimittit: Posteriori Saturnus metalla Lunæ admista absorbet, ipsam verò Lunam intactam ad fundum dimittit.

Inter præparata Lunaria se offert primo loco calcinatio, nunc immerfiva, nunc cementatoria. Immerfiva calcinatio fit vel per spiritum nitri, vel per aquam fortem. Per spiritum nitri bene rectificatum commodissime solvitur Luna, sicut per spiritum salis aurum; quæ ut sola menstrui abstractione, aut injectione laminæ Veneræ, vel cum muria, præcipitatur in calcem albicantem, quæ edulcoranda. Maxima autem inter spiritum nitri & spiritum salis intercedit necessitudo, ut si Luna in spiritu nitri rectificato solvatur, & ab effuso spiritu salis præcipitetur ad fundum in calcem albam, diciturque Luna Cornea, quod probè edulcorata & exsiccata cornu instar deflagret, & in auras abeat; in phiola calore proportionato in massam pellucidam & flavescantem liquecat; contra solutio cum spiritu salis præcipitatur con spiritu nitri, exemplo butyri antimonii in præparatione Bezoardici mineralis.

Luna cum aqua fortis vel spiritus nitri partibus tribus vel quatuor soluta, & ad dimidium evaporata, concrevit in crystallos seu vitriolum, magnus usus in excitandis fonticulis & Gallis familiares cum primis, qui vocant lapidem infernalem. Recipiunt nempe lunam, solvant in spiritu nitri vel aqua forti: post solutionem menstruum abstrahunt, residuum fundunt in crucibulo magno, moderato igne; nam crystalli effervescencia rumpitur crucibulum nisi amplum satis fuerit, unde gradus quoque ignis accurate observandi, ut successive fluere incipiant: quando fluunt, infundunt in alvearium fusorium, sicque parata materia est pro fonticulis eleganter excitandis. Profunt quoque tales crystalli lunæ in ulceribus putridis, in carne gangrænosa succrescente, putredinem corruptivam coercente, ne longius serpat. Vis eorum maxima dependet à spiritu nitri, in luna concentrato. Ex Marte quoque & Veneris talis Lapis Infernalis parari potest: sed intercedit differentia inter hunc, & illum qui ex Luna conficitur: Ille facile fluit in igne; hic verò minus.

Simili ratione purgantes quoque Crystalli ex luna præparantur, seu luna purgans. Solvitur scilicet Luna in aqua forti vel cum spiritu nitri, solutio abstrahitur inspissaturque successive blando igne larenæ, instrumento quodam agitando, ut æqualiter evaporet spiritus nitri. Hæ crystalli sunt instar abinthii amaricantes, itidem si hæ crystalli cuti applicantur, maculam ei imprimunt per aliquot hebdomadas perdurantem. Crystalli tales cum ana nitri commistæ in aqua solute, & iterum crystallifantur, quæ in vase aperto continuò agitando leviter & sine fusione cal-

cinentur, donec fætor nitrosus exhalaret: postea cum mica panis vel succo liquiritiæ in pilulas redactæ, ad grana iv. exhibitæ, commodissime aquas hydropicorum educunt; præterea in cachectici & catarrhalibus affectibus conveniunt.

Frequentissimo in usu sunt Angli, & cum feli i successu ab iis in usum vocantur. Hoc tamen observandum, quod tonum laxent ventriculi, unde commodius pilulis miscentur Martialia, quæ laxitatem tonum ventriculi integrum restituant. Crystalli hæ sunt grisei coloris.

Singulares quoque sunt, quas habet TACKIUS in Cbryfogonia, viridis coloris ex luna beneficio nitri artificialis ex calce viva & sale communi. Mirum sanè, has viridi se ostendere colore; cum tamen omnia alia medicamenta Lunaria sint cærulea, item quod sub præparatione harum crystallorum vitrum tam frigidum deprehendatur.

Uterius ex Luna fit color ille pretiosus ultramarinus uti lapis lazuli & Armenus suppeditant duoque talem colorem.

Cementatoria calcinatio fit, si Luna cum quiplo sulphuris vel florum sulphuris mista septies iusto ignis regimine sublimatur, sublimatum semper restanti materiæ addendo, ultima verò vice sublimatum abijciendo. Si plus de Luna additur, & minus de sulphure, hæc comburitur, nec sufficienter calcinatur. SCHROEDERUS in Pharmac. l. 3. cap. 10. p. 374. addit sal commune, quod omittendum. In hac Cementatione fit, ut acidum sulphuris Lunam rodatur, & quasi in corpus vitriolaceum transmutetur. Huic affundatur aqua cephalica in affectibus capitis; in specie pro averrenda epilepsia aqua lithiorum convallium, vel aqua cerebri humani; pro cura mania aqua hyperici; in memoria debilitate aqua sophorum Crollii, quæ ad cochlear unum, bis in die sumenda maxime commendatur, dosin variando pro varietate ætatis, & copia menstrui: .g. si abstracta est aqua, minor erit dosis exhibenda: si verò vel copiosior affusa, dosis augenda. An autem has vires contineat? dubito.

Ad calcinationem quoque pertinet Lunæ Amalgamatio cum quadruplo Mercurii, eodem modo, ut supra de auro dixi, instituenda.

Post calcinationes Lunæ alias pro simili usu fit magisterium lunæ, si solutio Lunæ in aqua forti; præcipitatur per oleum tartari per deliquium; quod probè edulcorandum; alias vomitus excitabit. Acidum melancolico-maniacum specialiter corrigit, unde etiam quibusdam pulvis stultorum vocatur.

Sequuntur Extractions, unde Tincturæ lunares, quæ omnes eligunt, colore cæruleo intuentium sese oculis commendant. An verò hic cæruleus color sit à Luna, an potius à Veneris, incertum. Posterius affirmaverim, inductus intima lunæ & Veneris conjunctione, licet per fusionem cum saturno, aut cineritium, depuretur, & quia tales tincturæ lunares ut plurimum cum sale ammoniaco fieri soleant, quod sal ammoniacum alias propter spiritum urinæ Venerem in cæruleum rodit colorem; sic quoque sal ammoniacum, vel sal volatile urinæ in forma sacca, ex luna cæruleum producit colorem, si scilicet sal volatile urinæ immittatur in pyxidem argenteam; sic fit, ut sal volatile urinæ Lunam rodatur in crocum quendam, qui cum spiritu vini extractus dat tincturam Lunæ, non quidem veram, sed quæ solummodo est extractio partium Lunarium corrosarum superficialis. Alii recipiunt Lunam cum acidis, v. gr. aqua forti, &c. solutam, & cum spiritu vini, sale ammoniaco acuato, extrahunt Tincturam cæruleam. Alii lunam cum sale ammoniaco sublimatam extrahunt cum spiritu vini, sale ammoniaco acuato, extractum inspissant ad justam tincturæ consistentiam. In hac extractione subinde fit, ut tinctura suam mittat colorem, qui eidem restitui potest beneficio salis ammoniaci. Alii tincturam Lunæ instituunt per amalgamationem cum Mercurio.

Omnes verò huiusmodi cæruleæ tincturæ superficiales tantum sunt corporis Lunaris à menstruis salinis solutiones, non à Lunæ proprio sulphure, quod album esse, saniores chymici dicunt; sed à Veneris, Lunæ ut plurimum juncta. Unde pro menstruorum varietate Tincturæ variant, dum virides à menstruis acidis, & cæruleæ ab alcalicis conspiciuntur: quæ facile beneficio alcalium reduci possunt: unde veræ tincturæ tam lunares, quam solares, adhuc desiderantur.

LECTIO XL.

DE

GEMMIS.

Occasione metallorum accessum facio quoque ad gemmas, utpote quarum unica virtus à principio sulphureo metallico dependet. Constant verò gemmæ ex aqua simplicissima, & depuratissima coagulata, & sale sibi proprio, vel alio sale coagulante.

Sunt verò gemmæ vel coloratæ, vel non coloratæ. Non coloratæ constant ex aqua simplicissima, à sale simpliciter coagulata: id quod docet genesis glaciæ, quæ ex aqua coit in gemmam glaciale elegantissimam: ut nihil dicam de illo HELMONTII, qui beneficio alcali cuiusdam omnes gemmas & lapides potuit reducere in purissimam aquam elementarem. Talem quoque genesis esse credo lapidum reliquorum, quorum particula comminutæ pulverisatæque, per microscopium intuenti apparent maxime perspicuæ, instar crystallorum. Coloratæ gemmæ colorem suum sortiuntur à principio metallico: id quod patet, dum fluores tales seu vitra conjunguntur cum metallis, ex quibus in igne fusis emergit color varius pro vario adjuncto. Unde genesis gemmarum coloratarum hanc puto esse: Dum aqua talis salina transit per loca metallica, in quibus residet ens primum metallorum, sub forma liquida eidem resistit, illudque absorbet, & secum coagula ramenta illa metallica colorata, unde exsurgit color in gemma. Declarat hoc egregie KESLERUS in suis processibus, ubi ostendit modum præparandi artificiales gemmas, & exinde deducit colorem gemmarum naturalium ex principio metallico: unde rutilantes gemmæ, v. gr. rubinus &c. colorem suum debent sulphuri solis; Gemmæ cæruleæ, v. g. sapphirus &c. cuius sulphur est à primo ente lunæ, & colorem suum acceptum debent Veneri; Gemmæ viridescentes, qualis est smaragdus, uti & gemmæ coloris fusci vel flavescentis, v. g. chrysolithus, granatus, topatius, &c. ex matre colorem suum nanciscuntur: Mars enim duplicem dat colorem; per se rubrum, & si attingatur acido, viridem. Granato aliàs sulphur solare attribuitur: Verum BOYLE de gemmis Sect. 1. dicit: Semenstruo quodam minus corrode ex granatis tincturam rubicundissimam extraxisse, quæ infusioni gallarum instillata, hanc nigram reddiderit; unde principium martiale patet.

Usum gemmarum Medicum quod attinet, variè torquentur gemmæ à Pseudo chymicis, ut ex iis volatilifatis tincturas eliciant. Quilibet jactat suas tincturas gemmarum; quod fatum etiam corallia experiuntur. Non equidem totaliter pernego tales gemmarum tincturas; sed dico summè difficiles eas esse, crudas gemmas intra corpus assumptas nihil operari, sed eadem, qua assumptæ, forma vel per vomitum, vel per alvum, rejici certum est: excepta tamen crystallo ob molliem suam: hæc enim adhibita omne acidum, à quo facile solvitur, & quod effervescentias in corpore excitat, absorbet, & secum e corpore educit.

Ridiculæ sunt species gemmarum dictæ, ridendaque gemmarum super porphyritem levigatio: nam propter duritiem lapidum vel gemmarum abraditur simul aliquid de porphyride vel mortario, in quo subinde præparatio insti-

quitur; ut tantum sit, ac pulvis vel arena admisceretur ejus pulverisatis gemmis. Cujusnam erunt ergò talia composita efficaciam?

Idem iudicium esto de Tinctura ex gemmis calcinatis cum spiritu vini extractis, quæ certè virtutes aut nullas, aut paucissimas obtinet: Nam in gemmis omnibus paucissima est Tinctura, & si quæ inest, ea tam intimè arctissimèque coaluit cum principio salino gemmas coagulante, ut si non impossibile, certè difficillimum sit, integram elicere tincturam. Nec tamen omni gemmæ defraudatæ sunt virtute, utut internè adhibitæ parum ægrotis afferant solaminis: Experientia quippe confirmatum est, eas externè amuleti instar non raro optatos præstare effectus: Sic jaspis in hæmorrhagia, tum narium tum uteri, appensus optatum attulisse visus est auxilium; sapphiro si ducatur circulus circa carbunculum pestilentialem, eundem brevi nigrefactum excidere facit: quo de vid. MARCUSMARCII Tract. de Philosoph. Veterum restituta: Præterea ophthalmicus est sapphirus, in lippitudine, aliisque oculorum affectibus conducibilis; hinc multi quoque usus est in variolis & morbillis; si cum eo ducatur circulus circa oculi peripetiam, ne lædatur: Lap. nephriticus externè appensus multum prodest in calculosis affectibus: BAUHINUS Tract. de lapide Nephritico. Unde apparet, non esse de nihilo vim gemmarum amuleticam, quæ à gemmis exoritur per radiosam diffusionem quandam.

Sed quæritur: unde diffusio illa radiosa in gemmis? Resp. à sulphure metallico, à quo quoque gemmæ habent tincturam; quia in iisdem locis, ubi gemmæ erunt, diversæ metallorum minere observantur, à quibus tincturas suas acquirunt.

Hoc sulphur metallorum purissimum multos adduxit, ut omni studio Tincturam gemmarum elicerent; quod tamen difficillimum:

1. Quia sulphur tingens gemmis inest paucissimum, ita ut v. g. granatus, utut sit rubicundus satis, si pulverifetur, albicantem exhibeat pulverem.
2. Utur quibusdam copiosum in sit sulphur, illud tamen aded est coagulatum & concentratum, ut vires separari queat. Hinc apparet, quod omnes tincturæ gemmarum tantum sint solutiones Metallicæ, & quæ vulgò in officinis jactantur, tantum sint superficiales, non verò totius essentielles solutiones.
3. Sic tincturæ, si quem exhibent colorem, cum menstruo debent: unde pro varietate menstruorum varios sentiuntur colores.
4. Alia quoque tincturæ impertiri possunt colorem, quod falsò sulphuri metallico adscribitur: verbi gratia Tinctura smaragdi ex smaragdo in mortario ferreo contuso cum spiritu urinæ & spiritu vini extracta, mentitur colorem sulphuris metallici: Color enim revera est à particulis Martis, contundendo abradis, quæ cum spiritu vini, spiritu urinæ imprægnato, extractæ colorem viridem præsentant.

Sic quoque quidam tincturas gemmarum faciunt sublimando cum sale ammoniaco in flores subrubentes, quos extrahunt cum spiritu vini. Verum utut aliqualis hæc apparet solutio, sal ammoniacum tamen radicaliter gemmarum sulphur extrahere nequit, sed superficialiter easdem tantum lambit: Unde etiam hæc tincturæ non magnam promittunt utilitatem.

SECTIO II. REGNUM VEGETABILE

LECTIO I.

DE

VINO & SPIRITU VINI.



Absoluto regno minerali, accessum nunc facio ad vegetabile regnum, in quo brevissime ea pertractaturus sum, quæ ad intelligenda Principia chymica sufficient.

Hoc autem in regno facile primam & potissimam considerationem meretur vinum unde ejus genesin, ejusque producta & cognata, & varias mutationes paulò uberius lubet perscrutari.

Quæ de vino ejusque productis variis, aceto, tartaro, & spiritu vini jam dicam, applicari & accommodari facile tum ad reliqua vegetabilia, tum & cum primis ad liquores vinosos ex fructibus expressos; item mel (utpote quod est succus roscidus, quem hinc inde exsugunt apes ex floribus vegetabilium, unà cum subtiliori & volatiliiori substantia roris) ejusque vinum, spiritum, acetum, &c. poterunt; ut ita specialem singulorum tractationem hic inferre, à proposito nostro planè foret alienum.

Est autem vinum nihil aliud, quam succus uvarum expressus, per fermentationem depuratus & exaltatus; Hujus anatomen docet TacKius de Consanguin. auri, sacchari, & spiritus vini, & TACHENIUS in Hippocr. chymico cap. 18. Depuratur, dum sub fermentationis actu deponit fæces; Exaltatur, dum fermentando spiritusascit & volatilifatur. Fermentatur autem mustum, dum concurrentibus invicem acido & alcali, partes heterogeneæ excluduntur, miscibiles verò retinentur; unde fit musti in vinum generatio, orta ex mutata textura musti per fermentationem. In hac vini genesi observantur quædam partes subtiliores sulphureo-salino volatiles, quæ in talem abeunt materiam, quæ dicitur spiritus vini.

Obiter hic notanda concentratio musti, item quarundam cerevisiarum Glauberiana; ejus scopus fuit, ut tales potius abstractione phlegmatis per navigia instar mellis in aliena loca possint transvehi, & ibidem affusa aqua rursus in pristinum transmutari potum, Verum res non successit GLAUBERO, neque aliis hoc ipsum tentantibus (vid. scripta GLAUBERI) sed massa talis dephlegmata in vermes abiit: Nec fortè aliis idem tentaturis succedet; dum enim phlegma musto vel cerevisiæ subtrahitur, particulae reliquæ tam arctè invicem uniuntur, ut nulla aqua dissolvi aut divelli ab invicem queant, unde non poterunt quoque rursus fermentari; quia salia non agunt nisi in liquido dissoluta: Et licet eidem denud affundatur vinum, evadet concretum novum alieni saporis, quod nemo vix vel nequaquam hibernere potest. Potius dicerem, uvas passas esse mustum concentratum: Ex his quippe affusa aqua & saccharo componitur liquor vinosus per fermentationem, vino Hispanico non absimilis; ex quo spiritus copiosus inflammabilis destillari potest: Ex uvis passis cum succo pyrorum moschatellinorum mediante fermentatione exurgit vinum compositum, egregium ad corrigendam dyspepsiam massæ sanguineæ, utile in affectibus cachecticis: sic & cum succo pomorum Borsdorffianorum fit vinum artificiale, in affectibus hypochondriacis & melancholicis proficuum, quod certum est. Ut verò ad mustum ejusque fermentationem revertar, dictum antea, quod fermentatione particulae musti volatilifentur & exaltentur in spiritum; unde patet differentia inter mustum & vinum.

Mustum intra corpus assumptum, ob particularum heterogenearum pugnam facile diarrhoeas, dysenterias aliosque morbos inducit; Vinum verò hoc non facit, sed assumptum inebriat ob spiritum vini, qui partim figit, partim in anormales motus spiritus nostri corporis concitat, hinc

insaniam illam voluntariam, scilicet ebrietatem, inducit: contra mustum, copiose licet ingurgitatum, tamen non inebriat; quia in eo particulae adhuc confusæ cum spiritu vini nondum exaltatae sunt.

Porro per fermentationem separantur quædam particulae heterogeneæ & nonnihil miscibiles, unde fæx vini.

Notatu quoque dignum, quod injecta limatura Martis mustum non fermentet amplius: cujus ratio esse videtur, quod particulae acidæ musti agant in corpus Martis, illudque rodant; unde cum agant in martem, non congregiuntur cum particulis sibi contrariis vel alcalicis, & ita fermentatio cessat. Hoc modo non inelegans Martis essentia cum musto præparari potest.

Alias anatome vini circa tria occupata est:

1. Circa spiritum vini.
2. Circa terram tartaream fixam:
3. Circa partem vini acidam seu acetum

Talem vini anatomen approbatam videbitis apud Becherum.

Spiritus vini est nihil aliud quam sal volatile oleosum, copioso phlegmate dilutum, seu est nihil aliud quam oleum fermentando exaltatum, & in spiritum transmutatum: Nam oleum arripit secum sal volatile, hæcque sub fermentationis actu volatilifata exhibent spiritum. Hic spiritus ratione partis oleosæ continet in se acidum volatile, temperatum tamen ab oleositate: adeoque est spiritus vini sal volatile oleosum dissolutum, qualem spiritum omnia vegetabilia sale volatili prædita, & aromaticum odorem spirantia, mediante fermentatione in ignis examine exhibent, sed parum aut nihil olei: Unde verum est illud chymicorum assertum, quod spiritus inflammabiles volatiles sint oleosa salia volatilia, fermentando dissoluta; olea verò talia destillata sint salia volatilia, ab acido pinguiusculo concentrata. Unde liquet, quod spiritus vini alique sint novum ens, per fermentationem productum ex vino vel aliis simplicibus, realiter jam differens ab illis, quibus antea uniebatur essentialiter; adeo, ut ætur nullus spiritus ardens per se existens, sed fiat ex quodam corpore mediante fermentatione. Si ergo destillatur vinum, acquiritur spiritus vini. Sunt autem nonnulli, qui recipiunt caput mortuum, frigidoque in loco cogunt ad fermentationem, unde novum inde acquirere nituntur spiritum volatilem, & quidem cum lucro magno. Videtur probabile, & relatam est mihi ab amico, qui tali modo volatilem ex capite mortuo acceperat spiritum.

Spiritus vini probe rectificatus vulgò vocatur spiritus vini alcoholifatus. Est verò probe rectificatus, si gutta supernè in teream effusa eandem non attingit, sed in auras dispergitur & evanescit, item si spiritus vini cum pulvere pyrio accensus totus deflagret, nec sui relinquat vestigium: ut & si linteam aut charra spiritu vini madefacta & accensa, arida planè & sine phlegmate relinquuntur. Non verò confundendus est spiritus vini alcoholifatus cum spiritu vini tartarificato: solet enim spiritus vini, ut probe rectificetur & defæcatus fiat; bis vel ter abstrahi à sale tartari; vel sale cinerum clavellatorum, aut tartaro probe calcinato; item calce viva, quod sal phlegma (si quod adhuc cum spiritu vini conjunctum sit) retinet, & spiritum vini purissimum dimittit: Nam salia nunquam junguntur cum spiritu vini sulphureo, aut aliis sulphureis, sed in abstractione spiritus vini à sale tartari intercedente digestionem spiritus vini particulas quasdam salis tartari secum rapit, fitque hoc modo efficacior, & vocatur spiritus vini tartarificatus. Est menstruum optimum pro extrahendis vegetabilium virtutibus, & corrigenda eorundem malignitate; aliàs certum est, quod spiritus vini tartarificatus longè spiritui vini præferendus sit in Extractionibus.

Per vesicam tam ex vino ipso, quam ex fæcibus vini destil-

LECTIO II.

DE

ACETO VINI.

destillatur spiritus vini ob partes salinas volatiles, quas secum evehit; vulgari itidem est penetrantior, atque ad extractionem vegetabilium commodior. Nota est destillatio spiritus vini sine igne PARACELSI, qui facit congelascere vinum in frigore; sic in medio reperitur spiritus vini simplicissimus, qui vocatur spiritus vini Philosophicus, vulgari longè præferendus, qui alterius sanè est naturæ, quam vulgariter destillatus spiritus vini: Vulgaris enim in destillatione facile empyreuma contrahit, unde mutatur ejus textura; spiritus vini verò Philosophicus, per congelationem paratus, multò purior & volatilior est.

Post spiritum vini consideranda etiam venit altera vini pars, nempe acida. Hoc acidum vini est basis & fundamentum totius concreti. Ac hoc acidum fit, ut mustum alteretur in vinum; Ab hoc est, quod vinum mutetur in Acetum; Ab hoc quod acido dependet generatio Tartari: adeò, ut hoc acidum subtile sit basis totius concreti, ejusque beneficio varias vinum subit alterationes.

Usum vini Medicum quod spectat, is certè nobilissimus & saluberrimus est. Cum verò duplex in vino sit substantia, una spirituosæ & volatilior, altera acida paulò fixior, ratione partis spirituosæ recreat spiritus, corporis nostri incolas, & quæcunque fixa in corpore nostro volatilifiat; unde à non nemine aurum vegetabile potabile salutatur, quia magis confortat corpus nostrum, quam aliàs aurum potabile. PARACELsus vocat vinum principem vegetabilium, & nectar terræ. Deinetiam ratione partis suæ spirituosæ insignem vim habet temperandi humores acidos in corpore stabulantes, uti videmus spiritus vini acidos minerales spiritus, v. gr. spiritum vitrioli, salis, nitri &c. conjunctione sua, vi ipsius salis volatilis sulphurei, dulcificare, & inde enatos flatus egregiè dissipare; Unde in julepis refrigerantibus & medicamentis aliis spiritus nitri vel alius, cum duplo aut triplo spiritus vini dulcificatus, longè utilior adhibetur, quam spiritus dicti nimis acidi, à quibus aliàs massæ sanguineæ coagulatio, Sic in anorexia, ructibus acidis, venere languida, &c. conducit spiritus vini; item in solvendis vegetabilibus & mineralibus sulphureis, &c. Porro propter substantiam suam penetrantem perniones suo illicito curat, corruptivæ resistit putredini &c. unde in ulceribus recentibus & inveteratis, item malignis, & ad gangrænam pronis, vel per se vel cum theriaca, vel aliis mixtus, & cum filamētis impositus, insigne adfert levamen: in imminente gangræna, ut & in carie ossium, nil melius est spiritu vini rectificato, tumores resolvit, & acidum resolvendo quæcunque inflammationem & erysipelas curat, qui modus in Gallia & Italia compertus, imprimis si cum rob sambuci mistus parti affectæ illinatur. Cum camphora imprægnatus, est eò nobilior, & in morbis malignis, & externis vulneribus desperatis, partibusque gangrænosus, multò penetrantior, & in doloribus podagricis insigne mitigativum. Nimio autem abusu vinum dissipat facultatem, ut veteres loqui amant animale, quatenus figit spiritus; unde somnolentia post nimium vini abusum laboritur.

Ratione partis acidæ vinum valde gratum est stomacho, affectibusque stomachicis confert; item ratione acidi conducit in febribus ardentibus, in quibus tutissimè potest propinari. Vulgè clamant vinum calefacere; sed quantulacunque pars est vini, quæ calefacit? quin frustraneus sit iste mulierum motus, & certum est, plus quandoque prodesse, tam in febribus intermittentibus quam continuis, quam julepi & alia operosæ compositionis medicamenta. Sic tamen modus in rebus; abusu; enim vini nimia non levis corporis noxa imminet: ex nimio vini abusu oriundos vidi caticulos; ab hoc acido immodicè ingesto arthritidis producitur, quatenus acidum vini continuo sui usu ventriculum debilitat, quo debilitato elabatur ex primis viis, atque cum massa sanguinea ad partes nervosas sensilesque translatur, ibidem arthriticos, aliosque dolores inducit; ab eodem acido dependet. Paresis, stupor membrorum contractiones partium, &c. Nam omne acidum nervis est inimicum; Vid. Medic. Hippocrat. Chymicæ c. 3. §. 5.

Dixi suprâ, quod acidum sit basis totius concreti, & quod hujus beneficio fiat aceti generatio. Hoc Galenici per putrefactionem generari statuunt, ideoque acetum vini vinum corruptum seu cadavèr vini appellant; dicunt enim, quod calor vini à calore aeris resolvatur, unde ejus igneæ & sulphureæ particule evanescent, remanente substantia salina, quæ propter harum defectum tantam aciditatem contrahat; quod & Neotericorum multi adhuc defendunt. Sententiam autem hanc primus omnium refutavit ZABARELLA, postea quàm plurimi modernorum, inter quos imprimis est BILLICHIIUS de Ferment. Platon. cap. 1. qui c. 6. acetum per fermentationis quandam speciem, & in observat. chymicis l. 1. cap. 2. simili modo ex succis vegetabilium fieri dicit, atque fermentum ex farina; cui opinioni WILLISIUS, KERGERUS, & ZIEGLERUS de fermentat. adstipulantur. Contingit nempe aceti generatio, quando in fermentatione vini partes salinæ volatiles sensim sensimque ab acido vini subiguntur; seu acetum fit, quando acidum vini exaltatum subjugat atque figit partem propriam oleosam seu spirituosam, quæ subacta fit acetum. Dico, quod subjuget partem propriam spirituosam, quæ subacta fiat acetum; Non enim separatur ab aceto spiritus vini, sed tantum subjugatur & figitur. Id quod probo: nam si in vase optimè clauso deponitur debitè vinum, fit aceti generatio, utut nihil spiritus vini exhalare queat; Ex aceto quoque fit spiritus vini, quod patet ex saccharo saturni: item si affundatur acetum coralliis, fit ut dulcescat, quatenus ab iis concentratur acidum, & pars volatilior emergit: Ut taceam vina in acetum degenerantia nonnumquam in vinum verum & bonum resuscitari.

Quod generosius est vinum, eò fortius acquiritur acetum. Sic ut fortius fiat acetum, quidam addunt subjecta quædam sale volatili copioso prædita, ut semen sinapi, erucæ, piperis, & exsurgit acetum fortissimum.

Cum spiritus vini in aceti generatione ab acido fixatus sit, in destillatione aceti primò prodit phlegma, subsequitur demum acetum; contrarium fit in destillatione spiritus vini. Fit autem aceti dephlegmatio in balneo Mariæ, donec guttæ acescere incipiant; tunc acetum dephlegmatum per renam ad siccitatem una vice destilletur; quo sæpius enim rectificatur, eò debilius evadit; e contra aqua in cado, in quo conservatur acetum, evadit in acetum. Verum, teste HELMONTIO & FEBURE in sua Chymia, lento opus est igne, ne spiritus empyreuma contrahat.

Acuatur acetum pro extractionibus cum ammoniaco sale, si scilicet aceti ℥jv addatur salis ammoniaci ℥ss. & destilletur, & sic fit acetum acerrimum pro dissolvendis metallis & mineralibus quibusdam convenientissimum. Sic quoque si acetum abstrahitur à nitro & sale gemmæ, fit ut acetum secum rapiat horum spiritus, & in virtute sua insigniter exaltetur.

Acor aceti est volatilis & singularis, planè discrepans ab eo, qui est in spiritibus acidis mineralibus, qui concentrantur cum soluto, idque valde constipant atque constringunt, ver. gr. spiritus sulphuris aut vitrioli, &c. contra aceti acor est volatilis, penetrans & dissolvens, adeoque spiritibus mineralibus acidis præferendum omnino acetum, & juxta hunc spiritus viridis æris.

Quod attinet usum Medicum aceti, est alexipharmacum optimum in peste, cui magis fidendum, quam theriacæ; unde tot prostant aceta bezoardica in peste maxime proficua. Corrigit acetum vegetabilium virulentiam, in specie opii & purgantium: si quis excessivam opii dosin hauerit, post usum aceti in integrum evadet. Noxium gas carbonum aceti tollit usus:

Quæstio est supervacanea; An acetum sit calidum an frigidum. Acor stipticus aceti, item dum sanguinem coagulat, acetum refrigerare quodammodo probant; at cum constet partibus spirituosis volatilibus inflammabilibus, facile patet, cujus sit naturæ? Præterea acetum in sanguine coagulato resolvenda percelebre est remedium, imprimis si cum lapillis cancerorum propinetur: Nam lapilli cancerorum, perlæ, corallia, &c. commodissimè propinantur cum aceto, quia hoc concreta talia quodammodo aperit, ut com-

commodius operationem suam exerant. Sed & noxa sua acetum non caret sine iudicio adhibitu; nocet enim partibus nerveis, propter acidum penetrans: item hypochondriacis propter acidum per se satis corrosivum nocet. Sic quoque hysterics minus convenire videtur, quia effervescens in illorum intestinis paroxysmos solet inducere hystericos.

LECTIO III.

D E

TARTARO VINI

Restat in Vinologia, ut videamus Tartarum, factum vini (effato PARACELSI) matre nobiliorem, cujus genesis optime depictam videbitis apud HELMONTIUM Tract. de Tartaro vini. Dictum superius aliquoties, quod acidum vini sit basis totius concreti. Hoc acidum, uti vino suum dat esse, ita quoque eidem suum dat alterare. Nimirum acidum hoc, dum faciem vini rodit, fex vini se imprægnat copioso sale volatili, unde fit ut acor vini postmodum cum particulis solutis salinis sese coagulet, & sua coagulatione ita partes fecum terrestres simul constringat, sique ex horum unione & salium coagulatione Tartarus vini.

Fæces vini, ut supra monitum, generantur, dum beneficio fermentationis ceu pars terrestris heterogenea ad fundum præcipitatur. Hæc tamen fæces in totum non sunt feculentæ ac terrestres, sed habent sua principia propria salina, copiosum scilicet acidum & alcali, quæ in complexu suo detinent partes quasdam satis volatiles spirituosas. Nam ex fæcibus vini destillari potest spiritus ardens elegantissimus: item ex iisdem fæcibus exsiccatis, ac per retortam igne aperto destillatis, si ritè procedatur, acquiritur sal volatile in forma nivis; spiritus item volatilissimus, cum acidis non adeo potenter & impetuosè effervescens.

Has fæces vini, dum rodit acidum vini, hoc cum particulis illarum solutis coagulatur in tartarum; vera namque hæc regula est: quod omne acidum solvens corpora, cum iisdem coagulatur. In ambitu verò dolii concrevit Tartarus duplici ratione;

1. Quia vinum circa ambitum dolii est magis acidum. Id quod patebit, si dolium vino repletum hyberno tempore exponatur frigori, tunc vinum in ambitu suo in glaciem conversum apparebit, spiritui vini intra medium ceu centrum dolii pulso adhuc solvo. Itaque dum spiritus vini à frigore ad medietatem pellitur, acor circa vasis latera erit major, quàm in medio.

2. Quia salia, quando debent coagulari, necesse est habeant subiectum firmum, ad quod concrevant. Tale autem subiectum est lignum quernum, quo ut plurimum constat ejusmodi cadi vinarii.

Aliàs vox tartari tripliciter sumitur.

1. Pro acido vini, ab omni vino inseparabili, nunc magis nunc minus fixo: Quorundam enim vinorum acidum transcendit alembicum, & liquorem inspidum relinquit ut fit in vino Hispanico; Quorundam autem vinorum acidum est fixius concretum cum partibus terrestribus fixioribus, inde fit, ut dum partes volatiles avolant, fixiores calciformes relinquunt in fundo: id quod patet in vino lenensi, quod effusum in tabulam per noctem, manè monstrat tartarum in tabula, qui in vino fuit. Hoc acidum in vino se manifestat, si illi immitatur ovum; sic post diem unum vel alterum apparebit vitreis quasi crystallis tectum; quod fit, quatenus acidum vini rodendo testam ovi, & imprimis ejus alcali, cum eo abit in salum crystallinum. Hinc quoque fit, quod lapilli cancrorum infusi vino, ejus omnem ferè adimant aciditatem, imbibendo scilicet acidum;

2. Pro fæcibus vini, de quibus supra.

3. Propriè voce tartari, illud venit concretum salino-crystallinum, quod dolii circa latera adhæret; de quo hic.

Tartarus talis est vel ruber vel albus, prout est vel vini rubri vel albi fæcus, ejusdem tamen uterque virtutis & efficacæ. Constat autem principiorum ratione ex copioso sale acido vinoso plus minus fixo, juncto cum sale urinoso vel alcali itidem copioso: quibus duobus salibus intertextæ sunt partes terreæ fixæ, cum liquore quocunque solubiles,

oleoque quodam omnes concreti partes firmante, & quasi ferruminante: Unde patet, quid de tartari virtutibus in Medicina sit habendum. Cum enim sit ex acido & alcali salinum, ita tamen, ut præpolleat acidum volatile, hujus ratione erit optimum incisivum & absterisivum muci, in stomacho & intestinis stabulantis. Alvim laxat, in specie li & j vel 3ß. cremoris tartari jungatur cum granis duobus vel tribus diagrydii; hinc est, quod si cremor tartari post purgantia adhibeatur, commodissima eorum promoveatur operatio. Præterea insignis est diureticum, abstergens optime tubulos renales. Stomacho quoque gratum est medicamentum, quodque ad corrigendos ejus affectus cum optato successu adhibetur usitatissimè.

Cæterum, cum in omni tartaro sit pars terrestris & feculentæ, quæ à stomacho nostro digeri nequit, sed calcis instar in fundo ejus præcipitatur & subidet, præparandus est prius Tartarus, atque partibus terrestribus liberandus; quod fit per solutionem, colationem per Manicam Hippocraticam, & iteratam coagulationem, ex quibus consurgunt Cremor & Crystalli tartari: Vid. SCHROEDERUS lib. 4. Pharmacop. Medica Chymica, & ZWELFFEBUS animadvers. in Pharmacop. Augustan. pag. 462. Quidam, ut puriores acquirant Crystallinos, crebrius solvunt & coagulant; sed malè: nam quo sæpius solvuntur, eo debiliores nanciscuntur; semper enim in aqua pars quædam volatilis acida remanet, & multum virium hoc modo decedit. Hoc ne fiat, unica vel solutio vel crystallisatio sufficit. Alii ut acquirant majores & candidiores crystallos, in solutionem immittunt parum aluminis; sed pessimo consilio: quippe cum crystallos expectant laxativas, acquirunt stypticas & adstringentias.

Tartarus verò non omnibus convenit affectibus, propter acorem quibusdam nocivum. In tali itaque casu adhibentur crystalli tales cum sale tartari fixo, aut fermentantur cum proprio sale, cujus fermentationis beneficio tartarus abit in crystallos salvas, longè efficacissimas & magis fructuosas, quàm sunt crystalli tartari acidi. In fermentatione enim ista crystalli proprio sale probè saturatæ sunt, inde abstergunt, inque affectu hypochondriaco, hydrope, cachexiis, scorbutis, &c. multi sunt usus. Modum crystallisandi & alterandi Tartarum cum vegetabilibus, videbitis apud ZWELFFERUM in mantissa spagyrica, ni fallor. Aliàs cum linatura Martis tartarus conjunctus abit in crystallos, in morbis chronicis efficacissimas. Prostant in officinis nostris cremor seu crystalli tartari rubicundæ, Hepaticum rubrum Diesdense dictæ, quæ valde conveniunt in æstu, æstivo tempore corrigendo; item in febribus tertianis aliisque, cum ardore multo conjunctis, & siticulis: in crapula pellenda discutiendaque multi quoque sunt usus, cui tam præservando quàm curando profunt.

Tartarus si destilletur aperto igne, prodit spiritus phlegmaticus acido-salvus, quem subsequitur oleum fetidum, remanente in fundo retortæ capite mortuo nigro, ex sale alcali & partibus terrestribus constante.

Quæritur: cum tartarus sit naturæ acidioris, ubinam in destillatione remaneat acor? Resp. quærendus ille in oleo. Cum enim tartarus ex alcali & acido constet, ex horum in igne concursu, & formali inde orta effervescencia, excitatur gas sylvestre, quod minimè coerceri potest, & nisi per rimulas quasdam parulas exitum inveniat, omnia diffingit. Sub hoc concursu ambo concentrantur, & accedente corpore pingui abeunt in oleum: id verò quod remanet, aucto sensim igne abit in sal alcali fixum.

Spiritus tartari ab oleo separandus, & postmodum aliquoties rectificandus est, ut tandem repetita rectificatione abeat in spiritum volatilem. Nec tamen hoc modo perfectè volatilis acquiritur spiritus, qui constet ex alcali, ab omni acido liberrimo: id enim alioris est indaginis, & chymicorum sublimiorum exercet ingenium. Hoc ut obtineant, varias varii instituunt destillationes: Quidam ut acquirant spiritum tartari volatilissimum, rectificant spiritum tartari super caput mortuum proprium, vel alcali proprium, aut aliud, alii super calcem vivam; sic enim alcali fixum absorbet acidum in spiritu adhuc residuum, & prodit spiritus alcalicus purissimus, satis volatilis. Rejicit quidem hanc spiritus tartari super alcali fixum rectificationem TACHENIUS in Hippocr. chymico cap. 18. sed frustra. Quidam sal tartari cum alumine crudo destillant, & spiritum volatilem urinosum acquirunt, quem pro spiritu tartari volatili venditant; sed malè: quia spiritus hic volatilis urinosus est ex alumine; portio nempe ista urinæ humanæ,

ne, quæ alumini pro meliori crystallisatione addita fuit. *Optimus modus est*, si tartarus crudus fermentetur cum sale proprio, unde si rectè procedatur, acquiritur spiritus volatilissimus, & sal volatile, summarum in Medicina virium. Talis spiritus recipiendus pro *mixture simplici Paracelsi*; & inde nata *tinctura Bezoardica D. Michaelis*, quarum basin cum camphora salum volatile, ex hoc & vitrioli volatili spiritu compositum, constituit: Nempe

24. Spiritus tartari volat. part. iii.

Vitrioli volat. part. i.

Theriacal. camphor. part. iv. vel v.

Misceantur, & rectificentur.

Dum vulgares *Tinctura Bezoardica* Pharmacopœorum spiritus latis phlegmaticos, perversè satis recipiunt, patet, quid de his habendum? cum ita potius sint imago veræ tincturæ bezoardicæ, quam vera tinctura Bezoardica. PARACELSUS enim spiritus volatiles recipit ac eligit.

Virtutes spiritus volatilis tartari tantæ sunt, ut verbis vix exprimi possint. Cum enim constet alcali volatili urinoso, omne acidum absumit ac dulcificat; Unde in affectibus hypochondriacis aliisque salutare est remedium. In arthritide & podagra curanda nullum perfectius certiusve datur remedium, quam tartarus, & ejus sal volatile; cujus usu fit tartarus volatilifatus: Ratio patet, quia sal volatile tartari lymphæ acidum, nervos infestans & tendines pungens, absorbet, corrigit & emendat, coagulationem in topus impedit, interne assumptus vel externe applicatus. Deinde prodest tartarus probè præparatus in podagra propter convenientiam, quam habet tartarus podagricorum cum tartaro remedente: ita nempe provido naturæ consilio unum idemque & pestem minatur articulis, & salutem promittit. Tartarus quippe ex assumpto copiosius vino in stomachi cavo cumulat, & ex eo in alias corporis partes delatus, si partes offenderit nervosas, dolores excitat podagricos: quibus idem tartarus à vino in dolo separatus, si debite præparetur, certa experientia medetur. Nec enim quodlibet volatile cuilibet acido adversatur, sed hoc alcali illi acido specificè contrariatur. Spiritus Tartari volatilis, cum omne acidum ferè destruat, in affectibus chronicis quibuscunque salutarem promittit operam, in specie & in malo hypochondriaco, paræsi excolica, quæ in Moravia est endemia; item in pleuritide hydrope, &c. summi erit emolumenti; quos affectus partim per urinam, partim per sudorem, eorum eliminando causam continentem, curat.

Post spiritum in destillatione tartari prodit oleum fetidum, quod est alcali ab acido pingui concentratum; quod, uti quibusdam in more positum, non est rejicendum, sed aliquoties super C. C. usum rectificando, suæ claritati redditum, optimi est effectus sine fœtore sensibili: Est namque, quod certum, summum sudoriferum, cujus guttæ ij vel iij in morbis malignis, ubi sudor subinde difficulter promoveretur, potentissimè cum fructu movet sudorem; unde eandem ob rationem in colica, & quæ ejusdem est naturæ, in hysterica passione, utut fœreat, est auxilii presentis. Idem in doloribus podagricis, ut supra jam dictum, externe adhibitur, ut & in calculo renum, maxime convenit. Bubones pestilenciales optimè maturat, abstergit & curat. Sic si oleo tartari fetido spiritus vini affundatur, tetrosqualori succedet odor roremarino similis.

Superest adhuc ex destillatione tartari caput mortuum nigri coloris, & in eo latitans sal tartari fixum, quod omnium fixorum princeps existit & dominus, singularis tam in Medicina quam Alchymia præstans effectus. Menstruorum egregiè intendit virtutem, si cum spiritu vini imprægnetur, seu cum menstruo aquoso solvatur; unde in decoctis & infusis purgantibus, in specie sennæ additum, miros exhibet sui fructus & operationem accelerat & faciliat. Deinde est summum diureticum & diaphoreticum, in febribus apprimè conducibile. Inter cosmetica facile primum locum occupat, dum in affectibus externis cutaneis certa existit curatio; In specie serpigines, varia, pustulis, guttæ rosaceæ, &c. egregiè medetur. In scabie unguentum de cerussa cum oleo tartari per deliquium parato est expertissimum: Ratio est, quia acidum præternaturale subcutaneum absorbetur ab oleo tartari alcalico, unde cessat affectus morbosus.

In Alchymia est optimum menstruum pro solvendis ferè omnibus mineralibus, eorumque sulphure extrahendo.

Optime quoque convenit in resuscitandis metallis eoque Mercurio elaborando, unde dicitur sal resuscitativum.

Ex hoc sale tartari, cum acido volatili aceti sufficienter saturato, elaboratur *terra foliata tartari*, quæ nihil est aliud, quam Tartarus regeneratus. Eam describit ZWELFERUS in *Apolog. contra Tacben. l. 2. cap. 10.* sub nomine salis essentialis; ante eum tamen LOCATELLI descripsit. Sal hoc tartari aceto destillato ita imprægnatum solvitur in spiritu vini, solutio abstrahitur, donec remaneat corpus laminatum sibi invicem superiacens, hinc *terra foliata* nomen accepit. Ex hac terra foliata eadem pariter, ac ex tartaro, per retortam produci possunt; spiritus nempe; phlegma, oleum, & sal fixum, quæ nullo modo differunt à productis tartari communis: idem quippe spiritus est in vino, aceto, & tartaro, saltem quod sub diverso diversi concreti tegmine lateat. Terra hæc facile liquefit, qui liquor singulare est stomachicum & incisivum, polychrestus usus in malo hypochondriaco & affectibus nephriticis, morbisque virginum: Vid. SCHWALBE de acido & alcali p. 131.

Pertinet huc tartarus tartarizatus, qui paratur ex sale tartari, soluto in aqua simplici, vel pluviali, vel Rose Majali. Solutioni inspergitur tartarus crudus pulverisatus tamdiu, donec non amplius fermentet: liquor filtratus blando igne coagulatur vel crystallifatur.

Cæterum sublimiores chymici non contenti sale tartari fixo, eò suum dirigunt studium, ut sal tartari fixum volatilifent. Aliud verò est sal volatile ex fœcibus vini, & aliud sal tartari volatilifatum. Hoc opus, hic labor est. Ratio autem, cur tam anxie quærant Chymici, est, quia HELMONTIUS dicit, quod ejusmodi sal fixum volatilifatum sit loco menstrui universalis in alchymia; item quod remedium sit penetrantissimum, usque ad limen quartæ digestionis (quam in arteriis HELMONTIUS collocat) penetrans, vi sua saponaria, omnes totius corporis sordes abstergens, & illud purificans.

Modi volatilifandi instituuntur varii: Sunt qui cum aceto destillato & spiritu vini volatilifare tentant; ut fit cum tartari terra foliata; sed acidum hoc in sale tartari concentratum suggerit Tartarum regeneratum. Alii cum spiritu vini per repetitas digestionem & cohobationes, uti fit balsamus Samech Paracelsi & Helmontii; sed spiritus vini est insufficiens: Sunt, qui cum oleo tartari fetido periculum faciunt secundum HELMONTIUM, si sal vegetabile cum proprio oleo conjungatur; sed hoc modo ipsum oleum mediante sal tartari recluditur, unde sal volatile non ex sale fixo, sed oleo fetido elevatur. Alii volatilisationem salis tartari fixi cum aere tentant; qui modus multum habet in recessu. Rarum verò meretur ZWELFERUS, qui in cella liquefacit sal tartari, putatque hoc modo cum sale, quod est in aere conjunctum, volatilifari: sed frustra: nam Epicrisin videbitis in LUDOVICI Præfat. de sale tartari, item in BECKII Meditat. & Experim. circa rerum natural. Princip. p. 155.

Ex sale tartari fixo cum spiritu vini rectificato extrahi creditur tinctura tartari, sed falsè. Nam in igne sal tartari transmutatur in corpus calciforme cæruleum vel rubrum, quod affuso spiritui vini rectificato facile largitur tincturam rubram: hinc patet, quod sal tartari fixum redigi queat in terram planè insipidam. Ea igitur Tinctura non est à sale tartari, quia caret partibus sulphureis, quæ si inessent, per intentam hanc calcinationem penitus expellerentur: potius pinguedo seu sulphurea spiritus vini substantia ab alcali hoc exaltata & resoluta tincturam rubram acquirit: qualem etiam cum nitro vel similibus salibus alcalifatis calidè digestus contrahit. Quod si tamen quis velit parare talem ex sale tartari tincturam, eam cum spiritu vini rectificati partibus tribus & spiritus tartari parte una extrahenda, sicque pro usu Medico efficax obtinetur tinctura.

LECTIO IV.

DE

PLANTIS earumque VIRTUTIBUS.

Pergo jam ad reliqua *vegetabilia*, eorumque crases atque virtutes summam, quantum quidem propositi nostri ratio permiserit, perlustraturus, atque ad Chymicorum principia restricturus. Vulgò per *calidum frigidum, humidum, siccumque*, plantarum qualitates exprimuntur, ac si per gustum, v. g. per saporem mordentem varius coloris gradus dignosci possit; Chymici verò commodius simplicium qualitates scrutantes, eas variis salium missionibus adscribunt: Ita, quando GALENICI ea, quæ acria sunt, dicunt esse calida, CHYMICI dicunt, constare sale volatili acri: Unde qualitates istæ primæ, & ex his secundæ, &c. paucæ erunt utilitatis in usu Medico; unde quoque à PARACELSO vocantur *Rerolæ*: quin potius totius simplicis crasis consideranda probè, qua intellecta multum sanè in Medicinam redundabit.

Quæritur: *an in vegetabilibus ante incinerationem detur sal fixum?* Res. contra PARACELSUM, TAACKIUM de Resurrect. rerum, & WILLISIUM de fermentat. cap. 2., cum BECKIO Experim. circa rerum natural. Princip. pag. 99 GREVV de Mixt. pag. 48. & 49. & SCHWALBE de acido & alcali p. 121. Fixum reverà in nullo vegetabili sal est, sed fit demum per incinerationem, pro cuius diversa ratione quantitas quoque alcali fixi variat; quod non fieret, si salia fixa plantis ante incinerationem formaliter misset. Dum vegetabilia ustulantur, unionis vinculum solvitur, & tum demum acidum & alcali ætiori copula, & promptiori actione, jungi possunt; exurente verò igne ambo fixantur in cinere, & sub eo in sal fixum transmutantur. Ex herbis & lignis putridis nullum, ex vegetabilibus arefactis in aere non ita copiosum, elicitur sal fixum, utut diu satis cumentur; qui sal volatile, acidum & alcali, avolat, aut in totum, aut ex parte ante incinerationem. Si recentia adhuc & igne leniori exurantur, plus salis provenit superstitibus pugilibus, longè ab alcali differentis. Nihil salis fixi præfuisse in ligno, priusquam computraerat, exinde evincitur, quod aliàs remansisset. Si ignis nimium urgeatur, alcali meracius exurgit, si liquefacti vo. urgeatur igne; exuberat alcali acido abacto.

Ut verò ordine procedam, & paucis multa dicam, plantas omnes in 5. distribuam Classes.

Classis I. continet plantas aquosas & ferè insipidas, quales sunt portulaca, sempervivum, lactuca, endivia, &c. Omnes ejusmodi plantæ constant sale volatili temperato & occulto, ratione cuius refrigerare dicuntur, quatenus scilicet phlogoses & inflammationes ex acido ortas sopiunt atque compescunt. Plantarum harum occultum alcali exinde patefcit, quia *essentiæ earum saturnum in aceto destillato solutum præcipitant*; dum nimirum alcali refrigerantium talium herbarum se cum acido menstrui conjungit, & ita saturnum solutum ex poris menstrui præcipitat: vid. TACHENIUS.

Prostant in officinis ex plantis his aquæ destillatæ & succi inspissati seu Rob. Quæritur: *an aquæ plantarum destillatæ sint alicuius efficaciam?* Res. HELMONTIUS nudos vocat herbarum sudores, quibus pauca insit virtus Medica: Id quod verum est de insipidis & inodoris, quæ nil retinent de totius concreti casu. Illæ autem, quæ odore & sapore simplex suum referunt, omnino alicuius sunt virtutis; quales sunt, quæ per digestionem repetitaque cohobationes præparantur; reliquæ verò nullius sunt valoris.

Classis II. comprehendit plantas aquosas, sed acidas, quales sunt omnes species acetosæ, acetosellæ, & omnes aliæ, quæ acidum habent saporem, quarum acidum tamen ab alcali occulto continetur. Hæ plantæ aquas dant, sed inertes. Melius earum succi in usum vocantur, imprimis succus acetosæ rubeus, & gratum habens saporem. Plantæ hæ pergrate sunt stomacho, & in febribus ardentibus, temperando bilis æstum, valde profunt. Succus plantarum harum inspissatus dat verum tartarum seu sal essentiale crystallinum, ejusdem ferè saporis & figuræ, qualis est tartarus vini.

Classis III. eas exhibet plantas quæ sunt saporis amari citra odorem. Tales in recessu habent sal subtile nitrosum, qua-

si tartareum, quales sunt cichorium, carduus benedictus: carduus Mariæ, lupulus, fumaria, centaurium minus, taraxacum, &c. Ex eorum quoque succis parari potest sal essentiale per coagulationem & inspissationem, quod per lixivium depuratum concrefcit in nitrum inflammabile; unde ratione nitri plantæ hæ erunt absterfivæ, diureticæ & sudoriferæ virtutis, convenientes in affectibus chronicis, dum sordes abstergunt, & crasin massæ sanguineæ restituunt. Ex his commodè parantur decocta, utpote quibus promptè virtutes suas communicant; item in nodulis alterativis, diureticis, &c. felici adhibentur cum successu.

Classis IV. ostendit plantas acres & penetrantes, constantes sale volatili admodum acri, ut sunt nasturtium, cochlearia sinapi, armoracia, raphanus, eruca, piper, & quæ sunt aliæ sapore acri prædita. Vulgò hæ plantæ dicuntur *antiscorbuticæ*, & adhibentur ad corrigendum in corpore acidum, v. gr. in malo hypochondriaco, cachexiis, &c. ubi hæ sunt utilitissimæ & efficacissimæ. Aquæ harum plantarum in destillatione secum rapiunt aliquid de sale volatili acri, cujus ratione alicujus omnino erunt efficaciam. Per fermentationem hæ plantæ dant spiritum, qui tamen in simplicibus ante fermentationem per ipsa non existeret, sed fit demum artis opera per fermentationem, quatenus particulæ salinæ junctæ cum oleosis volatilifantur, & ulterioris fermentationis ope abeunt in spiritum.

Quæritur: *An tales plantæ sale volatili copioso prædite pro eliciendo spiritu volatili sint fermentandæ?* ut inde habeatur spiritus volatilis nec ne? Sunt qui negant, sunt etiam qui affirmant. Qui negant, dicunt, quod in fermentatione talium plantarum minimum salis volatilis recludi exhalet, in quo tamen totius plantæ energia consistat: Nam antiscorbuticarum plantarum, dum fermentantur, odor ad aliquot ædes potest percipi, propter salia volatilia copiosè exhalantia. Qui affirmant, dicunt, quod fermentatione optimè recludantur mixta, & volatilifentur ea, quæ antea fuerunt fixa; Quod verò sub fermentatione ista exhalat, paucum est, & vix consideratione dignum: Accedit, quod salia ista tam firmiter invicem sibi sunt connexa, ut vix quidem avolare queant: Ita spiritus cochleariæ per fermentationem paratus est acerrimus, acrior longè illo qui fit per abstractionem. Sunt tamen, qui dictas herbas destillant, destillatum à novis herbis abstrahendo, vel istas species fermentando, egregium acquirunt spiritum.

Classis V. affert plantas odoratas & aromaticas, quales sunt salvia, rosmarinus, absinthium, pulegium, thymus, serpillum, levisticum, angelica, semen anisi, fœniculi, cumini, &c. Constant hæ plantæ sale volatili oleoso, & dant destillatæ aquas, quibus oleum supernatat; quod in quavis planta concentratum existit: sal fixum in capite mortuo remanet. Plantæ hæ fermentatæ quoque spiritum exhibent: sed præstar olea ex iis elicere, quia in his virtus plantarum minus est alterata. Sunt verò hæ plantæ, quoad virtutes, cephalicæ, stomachicæ, nervinæ, uterinæ, analepticæ, &c. unde omnes aquas apoplecticas epilepticasque baseos loco ingrediuntur, propter sal volatile aromaticum per spiritum vini elevatum, partibus nervosis apprime conducibile. Ratione virtutis oleosæ conducunt in affectibus flatulentis, quia impediunt fermentationem præternaturalem, indeque obortos flatus: sic fœniculum, coriandrum, &c. optimè flatulentias enatas dispellendo compescunt.

LECTIO V.

DE

FLORIBUS.

Post herbas sequuntur Flores, qui in tres classes distribui possunt: *Classis I.* continet flores inodoros; ut sunt flores nymphææ, antirrhini, aquilegiæ, cyani, &c. Hi flores inodorati dant aquas, sed inertes. Post aquas exhibent succos inspissandos, qui non semper rejiciendi. *Classis II.* habet flores odoratos, sed tantum superficietenus, v. g. liliorum convallium, rosarum, violarum, jascini flores, hyacinthi, &c. quorum odor facile dissipatur. Olei ex his per destillationem odorati vel parum vel nihil acquiritur: Ergo si quid odorati habere velimus, necessum est, ut per infusionem id tentemus: v. gr. ex floribus lasmini fiat stratum supra

supra stratum cum oleo been; sic hoc oleum imbuetur fragrantia Jasmini florum. Olea huiusmodi majoris sunt in cosmeticis, quam Medicina, Momenti. Vid. TOBIAS ALTINUS in *horto Farnesiano*, cuius libri verus Autor est PETRUS à CASTRO.

Classis III. odoratos aromaticosque prodit flores, quorum vis est concentrata, ut sunt lavendula, thymus, serpillum. Flores hi ejusdem cum plantis aromaticis sunt virtutis, scilicet nervine. Destillari ex iis potest oleum, & cum spiritu vini dant verum spiritum vini aromaticum.

LECTIO VI.

DE

LIGNIS.

Post flores considerationem merentur ligna. Hæc, ut partes duræ omnia ejusdem ferè sunt naturæ, & sub ignistortura exhibent

1. Aquam simplicem.
2. Spiritum acidum.
3. Oleum crassum foetidum empyreumaticum.
4. In Capite mortuo sal fixum cum terra nigra reperitur.

Spiritus lignorum constat ex acido & spiritu volatili ardente; si enim ille coralliis aliisque corporibus fixis terreis affundatur, tunc hæc arripiunt, & detinent secum acidum spiritum, & in destillatione dimittunt spiritum ardentem volatilem, qualis ferè est spiritus vini. Spiritus lignorum egregium præbet sudoriferum. Dosis à ℥ss. ad ℥i. Nam in hoc omnia penè conveniunt ligna, quod sudorem moveant, sive decoquantur, sive ex iis paretur essentia aut spiritus. In specie in affectibus cutaneis & catarrhalibus essentia lignorum multum valet.

Post spiritum ligna dant oleum, quod est sudoriferum potentissimum, multi usus in bubonibus pestilentialibus, ulceribus, lue Venerea & similibus.

Ex lignis procedit Fuligo, quæ nihil est aliud, quam spiritus acidus ex lignis avolans, compositus ex acido volatili, & sale volatili urinoso. Eadem dat producta, quæ dant ligna, ex quibus productis fuligo constat: scilicet

1. Phlegma,
2. Spiritum,
3. Sal volatile,
4. Oleum,
5. Caput mortuum.

Spiritus fuliginis movet sudorem, & est antipleuriticum optimum ad ℥i. exhibitus. Externe unà cum emplastro ex terebinthina & fuligine egregie convenit in febribus chronicis, pulsibus applicatus; item in ulceribus cancris, ratione salis volatilis salis, optimi est usus.

LECTIO VII.

DE

SEMINIBUS.

Restat denique in Regno vegetabili consideranda semina, quorum alia nutritiva, alia alterativa seu Medica. Illa sunt temperata; Hæc vel in sapore vel odore excedunt. Commodè verò semina omnia ad tres revocari possunt classes:

Classis I. continet semina, quæ tùm sapore, tùm & potissimum odore excedunt suntque carminativa; quæ constant sale volatili oleoso, ut semen anisi, fœniculi, carvi, cumini, dauci, &c. Sal hoc oleosum volatile interdum per vesicam destillando elicitur, interdum exprimi potest; & ab hoc sale volatili oleoso vis carminativa seu flatu dispulsiva dependet: Unde hæc semina infusa in vino optime fluxus in corpore dispellunt. Nervina quoque sunt, & convulsionibus, vulgò in corpore halitibus acerbis adscendentibus adscriptis,

medentur, easdem sopiendo. Talia semina dant destillando aquas & olea, in quibus oleis vis eorum tota residet.

In classe II. ponuntur semina in sapore quàm maximè excedentia & gustu accerrima, ut sunt semen sinapi, cochleariæ, piperitis, &c. Hæc gaudent sale volatili acri copioso, acido paucotamen adhuc juncto; unde in scorbuto, ubi dominatur acidum illud rancidum vitiosum, valdè conducunt; item mucilaginem in intestinis hærentem abstergunt, inque affectibus renum, nec non vertigine, apoplexia, &c. valdoperè prosunt talia semina acra. Ex se nulla dant Præparata, nisi quod fermentando exhibeant spiritum.

In Classe III. se offerunt semina temperata, & sunt potissimum nutritiva, quæ in se habent mucilaginem quandam, in qua vis nutritiva residet. Ista mucilago nunc magis est aquosa, ut in semine petroselini, fœnugræci, feminibus quatuor frigidis majoribus & minoribus; nunc magis oleosa; ut in semine lini, amygdalis dulcibus, &c.

Ex feminibus his exprimitur oleum, in quo vis nutritiva, & stimulans Venerem deprehenditur. Et talia semina etiam possunt subtilisari seu volatilifari, ut exhibeant spiritum, qui in potu inebriativo, ex hordeo vel tritico parato, evadit manifestus: Qui ex iis beneficio fermentationis elicitur spiritus ardens inflammabilis, & insigniter inebriativus.

Ex feminibus hisce nutritivis componitur panis, quando scilicet illorum principia fermentativa in volatilizando impediuntur, & acida fixa unà cum reliquis particulis coguntur in massam illam vulgò notam, scilicet panem.

Panis præparatio in legitima cum primis consistit fermentatione, qua, adjectione fermenti acidi volatilis, farinæ auferitur visciditas, & resolutæ partes salinæ & sulphureæ quædam aliarum particularum implexu aliquantisper se extricant, fermentando volatilifantur; & in spiritum volatilem ardentem transmutantur: Antequam verò totæ hoc modo volatilifentur, clibano imposita massa torretur, unde pars volatilifatorum salinum in spiritum avolat, suavi odore omnia replens, quibusvis perlarum aquis in virtute confortativa præferenda: vid. BECHERUS in *Physica subterranea* l. 1. Sect. 5. c. 2. §. 144. cuius colligendi modum docet Kergerus de *Fermentat.* l. 3. pag. 181. cap. 1. Pars verò altera salium nondum perfecte volatilifata, impedito fermentationis per exsiccationem motu, à reliquis particulis implicata detinetur, facili tamen Vulcano in spiritum subacidum volatilem per retortam separanda, à quo subtilis panis aciditas dependet: Vid. *Medic. Hippocrat.* cap. 3. §. 4. Qui volunt magis nutriri, comedunt semina cruda; qui verò alterari, & spirituolas seminum partes malunt, adhibent semina fermentata vel eorum destillatum spiritum.

Et hæc sunt virtutes vegetabilium generales, prout quædam horum sunt aromatica, alia acida, alia absterfiva. Hæc tamen virtutes non confundendæ cum specifica cuiuslibet vegetabilis virtute, quæ in totius crassi consistit & fundata est. Sic multæ plantæ in sapore acri conveniunt, quæ tamen ratione specificæ & individualis suæ virtutis à se invicem, experientia teste, differunt: Ista absinthium & centaureum minus utraque amara & salina sunt, in eo tamen differunt, quod illud languentem consoletur stomachum; hoc specificè febribus adversetur: sic in specie sabina menstruum revocat.

Quod de plantis dicitur, id quoque de omnibus earum partibus verum est: sic flores liliorum convallium epilepsiam curant; paralyseos & anthos paralyfin fugant; crocus mensibus foemellarum dicatus observatur. Ligna omnia in eo conveniunt, quod sudorem movent; quoad specificam verò facultatem lignum buxi est summum annodynum, corylinum antiepilepticum, lassafra anticatarrhale, Guaiacum antivenereum. Semina anisi, fœniculi, erucæ, sinapi, &c. in sapore quodammodo conveniunt; specifica verò virtute semen sinapi stomacho, erucæ semen asthmatici, anisi flatulentis & mammarum affectibus, fœniculi oculis succurrunt.

S E C T I O I I I . R E G N U M A N I M A L E .

IN animalibus non magna in universum est differentia; quoad producta eorum chymica, utpote quæ in sale volatili eorum omnia conveniunt, nisi quod insecta singulare quid præ reliquis habeant. In genere autem animalia omnia, eorumque partes, tam solidæ quàm liquidæ, constant copioso sale volatili, cum primis oleoso, quod ignis beneficio elicitur. Ita ex pilis, cornubus, ossibus, sanguine, quin & excrementis, copiosum lege artis prolicetur sal volatile oleosum. Prædominans itaque in animalibus principium est sal urinosum, acido tamen suo saturatum; ita ut pauca sint, in quibus acidum prædominatur, quæ inter sunt *maiores formicæ*, quæ & ipsæ *conculsæ* saltem odorem acidum spirant; & ex his præparat LAUREMBERGIUS aquam suam magnanimitatis dictam. Per ignis examen formicæ hæc dant spiritum acidum, qui Martem rodit, & in rubiginem convertit. Aciditas tamen hæc formicarum temperata est ab alcali quodam sibi debito: id quod exinde apparet, quia ex tali formicarum spiritu elici potest spiritus urinosus alcalicus: Sic si spiritus formicarum misceatur cum calce viva, & addatur parum aquæ frigida, oborta effervescencia acquiritur spiritus urinosus: Alia quoque ratione separatur spiritus urinosus ab acido, si in vitro clauso formicæ ad putrilaginem redigantur, tunc subiguntur acidum & alcali, alteranturque in urinosum spiritum, de natura alcalium.

Sal hoc volatile animalium, dum adhuc suo gaudent vigore, est salsum, ex acido & alcali volatilibus constans, quæ duo conjuncta dant sal volatile salsum, ita tamen, ut prædominetur urinosum: Id quod apparet in specie in excrementis animalium, quæ constant acido & urinoso, ambobus volatilibus, convertis in sal tertium, nempe salsum. *Modum separandi acidum ab alcali videbitis apud TACHENIUM.*

Si animalia, eorumque partes, ignis subjiciantur examini, prodit

(1) *Phlegma, sed spirituosum*. Non enim simplex esse phlegma exinde patet; quod si destilletur, stratum prodeat, quas strias solis competere spiritibus, vel tyroni in chymia est notissimum.

(2) *Succedit sal volatile copiosum, receptaculi lateribus adhaerens*. Hoc ipsum figura sua suum non raro refert concretum: id quod non tam in C.C. videre est, sed observatum quoque fuit in aqua spermatis ranarum, quod parvulas repræsentavit ranulas: sic ex pane elicitum spiritum & sal volatile spicas elegantissimas retulisse relatum est: ita chymicus quidam sal volatile absinthii exacte figuram absinthii referre vidit.

Hoc sal volatile animalium, tam ex duris, quàm mollibus eorum partibus, elicitum variat, pro varietate animalis. Sic in animalibus sylvestribus sal hoc acrius est quàm in domesticis, in maribus multò volatilius & penetrantius, quàm in foeminis: in castratis temperatius est, quàm in non castratis, propter fermentum testium deficiens, quod massa sanguinis infusum eam reddit acriorem.

Quæritur: cum sal volatile animalium viventium, ceu supra monitum, sit salsum, cur in destillatione prodeat sal volatile urinosum, paucò acido stipatum? Resp. Acidum illud partium animalium sub ignis examine arripit sal volatile urinosum, & cum eo coagulatum constituit.

(3) *In destillatione animalium prodit oleum, quod nihil est aliud, quàm sal volatile ab acido pingui concentratum*: Acidum verò inesse oleosis, exinde probatur, quod olea destillata animalium cum sale volatili proprio conjuncta, tractu temporis abeant in corpus saponiforme, in signum conjunctionis mutæ acidi & alcali, ex qua combinatione oritur sapo.

(3) *Remanet caput mortuum nigrum, terra iners, omni*

activitate orbata, in quo capite mortuo nihil reperitur salis fixi; quoniam per fermentationem, & continuam aeris inspirationem omnia sunt volatilisata, ut ita nihil salis fixi haberi queat; utut animalia subinde cum assumptis sal commune assumant, & talia comedant, quæ aliàs exhibeant sal fixum. Si tamen quandoque salis fixi aliquid ex animalibus obtineatur, illud non est fixum sal animalium nativum, sed est saleculentum, quod non potuit superari à fermento ventriculi; quicquid etiam dicant nonnulli in contrarium, quod scilicet à sale communi estato scabiei defœdatio originem trahat suam: id quod exinde patet, si tale sal fixum cum bolo destilletur, prodibit spiritus acidus, spiritui salis simillimus. Caput mortuum ut plurimum est nigrum, forti tamen calcinatione evadit album; uti quoque videmus carbones lignorum ulteriori calcinatione in cineres albos satiscere: quod fit ex varia texture in igne mutatione, de qua vid. BOYLE de colorib. P.2. Experim. 3. pag. 139.

Hæc de perfectis animalibus, eorumque principiis & productis.

Videamus nunc quoque *Insecta, quæ constant sale volatili sed non oleoso, verùm nitroso*. Certum hoc est, quod sal volatile insectorum multò volatilius sit & penetrantius, quàm reliquorum animalium salia volatilia. BECHERUS ex putrefactis lumbricis nitrum perfectum conatur elicere; unde talia insectorum præparata habent insignem vim diureticam, præprimis eorum, quæ in locis subterraneis, cellis, muris vetustioribus, &c. vitam degunt, verb. grat. lumbricorum, asellorum, bufonum; &c. qui singulare sal diureticum in se continent.

Partes animalium molles per putrefactionem totæ quandoque abeunt in liquorem spirituosum: v. gr. secundina humana, si detracta cuticula incisa in Balneo Mariæ putrescat, destillando transit tota in liquorem spirituosum: si cerebrum animalium in digestionem servatum sub ignis examine transit itidem in liquorem spirituosum: lumbrici terrestres putrefacti in totum abeunt in spiritum exceptis pelliculis; exponuntur nempe in vase modestè clauso (ne scilicet vas rumpatur) calori solari, unde fit, ut in tres resolvantur substantias:

1. In fundo subsidet terra nigra;
2. In superficie innatant pelliculae; &
3. In medio pendet copiosus liquor coloris aurei, qui separandus è reliquis particulis.

Pelliculae verò illæ lumbricorum, quod mirum est, si defodiantur sub terra, fit, ut denud vivi enascantur lumbrici copiosissimi. Similem generationem lumbricorum videbitis apud MOELLENBROCHIIUM de Varis.

Usus productorum Chymicorum ex animalibus quod attinet;

(1) *Phlegma est spirituosum, quod primò prodire, in præcedentibus dixi. Per se raro usurpatur, sed unitur cum sale volatili, & tunc vocatur spiritus essentificatus: v. gr. phlegma spirituosum C. C. si misceatur cum sale volatili cornu cervi, vocatur spiritus essentificatus cornu cervi.*

(2) *Sal volatile*. Hoc cum sit de natura alcalium, omni acido præternaturali erit contrarium, adeò ut salia talia ratione suæ penetrationis etiam acidum præternaturale in partibus remotioribus absorbeant atque corrigant, & ita disponant, ut per corporis poros eliminari possit; unde prodagricis doloribus summi erunt emolumenti: sic quoque grumosum resolvunt sanguinem, inde enatas inflammationes dissipant egregiè: sic quoque sudorem movent; unde in erysipellate, pleuritide, aliisque affectibus per sudorem curandis, in tempore adhibita speratum certo certius præstabunt auxilium: eadem ex ratione in febribus malignis, in specie in variolis & morbil-

lis, item in purpura mulierum, multi sunt usus; in purpura autem, si talia salia volatilia cum myrrha propinentur, singularia erunt inde commoda: Porro in doloribus vagis scorbuticis, quatenus acidum dolorificum destruant, egregie profunt: in apoplexia, epilepsia, paralyfi, &c. præmissis præmittendis vix ulli cedunt remedio: in proliciendi sudore nullum convenientius certiusque datur remedium.

(3) Oleum utut insuave, tamen non rejiciendum, sed aliquoties super caput mortuum rectificandum, ut absorbeatur aciditas ejus, & odor saporque insuavis emendetur. Ita præparatum in paralyfi, tremore artuum, &c. externe commode inungitur: sic quoque in tumoribus duris scirrhis multum præstat utilitatis, sudorem egregie promovet, & satisfaciunt huic scopo guttæ iij. vel v. assumptæ.

(4) Caput mortuum omni activitate orbatum, adhuc tamen hoc habet commodi, quod ceu vacuum & sitibundum corpus omnes humiditates absorbeat, imbibatque, & ita per accidens egregios tam interne quàm externe in ulceribus præstat usus. Quod verò caput mortuum omne absorbeat acidum, patet exinde, si spiritus vitrioli affunditur capiti mortuo cornu cervi, omnem promptè amittet acorem. In soda itaque ubi acidum vitiosum in viis primis redundat ejusmodi caput mortuum, v. g. cornu cervi usum, insigniter proderit. Ultio verò hæc non confundenda cum calcinatione Philosophica, seu calcinatione sine igne, eaque vel vaporosa, quando partes animalium ossæ in igne beneficio vaporis aquei friabiles redduntur, vel immerfiva, quando per simplicem coctionem friabiles redduntur, qua ratione etiam gelatina acquiritur. In tali enim Calcinatione Philosophica, utut jactura fiat alicujus salis volatilis non tamen omne aufertur: id quod patet, si cornu cervi tali modo calcinatum destillatur, tunc prodibit oleum, spiritus, & sal volatile in certa quantitate.

Hæc in genere de productorum Chymicorum, ex animalibus, virtutibus, quando v. g. salia volatilia omnium animalium in prædictis virtutibus, v. g. penetrativa, conveniunt. Sunt verò & aliæ virtutes specificæ dictæ, ob quas hoc sal volatile hujus animalis conducit in hoc affectu melius, quàm alius animalis. Ita sal volatile cornu cervi in febribus malignis multum præstat commodi; sal volatile viperarum in affectibus cutaneis & lue venerea appropriatum celebratur remedium, sal volatile bufonum optimum & potillimum est diureticum & antihydopicum; spiritus & sal volatile lumbricorum optimum & certissimum antiarthriticum est, quod acidum arthriticum promptè absorbet, & per urinam eliminat, unde essentia arthritica ex vegetabilibus arthriticis cum spiritu lumbricorum & spiritu cornu cervi præparari solet; sal volatile salis ammoniaci experientissimum est antiquartanarium; sal volatile lapillorum cancrorum optimum antipleuriticum & vulnerarium, unde decoctum cancrorum in vulneribus & ulceribus magno cum fructu propinatur, cancer enim scater sale volatili acri vulneribus dicato. Porro medicamenta cancrina in ambustis mirè conferunt: ut taceam de virtutibus cancrorum in moribus canis rabidi, jam GALENI tempore notis) ipsi quoque ipsi cancrorum

constant sale volatili; quod cum acido adjuncto effervesce solet. Nec hoc judicandum tantum de partium solidarum salibus volatilibus, sed & de mollium (ceu supra erat distinctum) partium sale volatili: Sic sal volatile sanguinis humani differt mirum quantum (teste effectu) à sale volatili urinæ humanæ, ille in epilepsia, hic in calculo unice confert sic cranium humanum præparatum dysenteriae revera audit antidotus certissima, sicut ex cranio humano producta usnea omnem sistit hæmorrhagiam, quæ quasi basis est unguenti armarii seu sympathetici: sic cerebrum humanum per putrefactionem dat spiritum optimum, teste G R A S-BECCIO, epilepsiae remedium: secundina humana beneficio putrefactionis exhibet spiritum in pellendo foetu, tam vivo quàm mortuo, certissimum, quique non habet sibi parem, propinarique potest ad guttulas 30. vel 40. in cerevisia miro cum effectu; sic quoque in lochiis suppressis, item, teste experientia, in doloribus post partum valde affligentibus usitatissimum & efficacissimum est medicamentum, unde essentia ad partum ex hoc quoque conficitur spiritu. Sanguis menstruus multa gerit occulta; certum namque est, quod linteum tinctum sanguine menstruo virginis, applicatum loco erysipelaceo; eidem magno sit commodo; sic quoque externe applicatum, dolor es podagræ intensissime sistit, curatque: Retulit mihi quidam amicus, quod viderit aliquot Tertianarios curatos per tale menstruo sanguine tinctum linteum. Plures sanguinis hujus admirandos effectus videre potestis apud SCHMUCKIUM, STARCKIUM, THEOPHRASTUM, PARACELSUM & alios, Sic, (ut pergam) priapus cervi in dysenteria specificè confert; imprimis si ejus decoctum propinetur cum hepate viperarum & crytallo præparata, speratus exinde erit successus: Idem judicium esto de priapo ceti, optimo antipleurítico. In stercorebus animalium magna quoque latet virtus Medica, ratione sui salis volatilis: sic in specie stercus porcinum omnes hæmorrhagias ad miraculum sistit, in quibus non datur magis certum tutumque remedium, sive adhibeatur in forma sicca pulveris ad ʒj, sive in forma syrupi adhibitum. Anus est, ex quo rustica quædam post abortum, quem patiebatur, in igni laborabat fluxu sanguinis, cui, cum à me consilium peteret, ordinavi stercus suillum: hoc maritus patienti suæ uxori incia propinavit, & factum est, ut mulier pristinae restitueretur sanitati. Stercus equinum summum est idem remedium in passione hysterica, etiam colicis doloribus, si exprimatur succus, & cum vino vel cerevisia propinetur: sic quoque conducit in variolis & morbillis infantum propinatum cum cerevisia calida, quas optime per sudorem expellit: ut taceam de effectu, quem præstat in pleuritide, laudando. Adeo, ut, licet salia volatilia animalium in uno puncto convenire videantur, diversa tamen sunt, & cujuslibet ratione specificæ concreti craseos medeantur morbis, modò veluti quosdam específicos enumeravi effectus.

Absolvi hæcenus ea, quæ satisfacere possunt scopo nostro chymico: supersunt tantum duæ adhuc Quæstiones, hæc vice ventilandæ, & sunt sequentes.

QUÆSTIONES,

D E

LEGITIMA MEDICAMENTORUM QUORUNDAM PRÆPARATIONE.

Superius dixi, quod præparationes medicamentorum hunc habeant scopum, ut

(1) Virtutes simplicium puræ extrahantur, separatæ scilicet à scoriis excrementitiis.

(2) Ut virtus eorum nociva aut auferatur, aut corrigatur, aut alteretur.

Vix enim simplicia cruda pro usu medico sufficiunt, obstantibus in regno vegetabili excrementis terreis, in minerali sulphure arsenicali narcotico: Præparatione itaque ubique opus est. Nam verb. gr. antimonium ex se, propter venenum, catharticum est summè nocivum: at si figatur per nitrum, extrahatur vis ejus solaris in sulphure proprio, commodum evadet medicamentum.

Quæstio jam est de Medicamentis chymicè præparatis, quæ intacta huc usque ab omnibus Medicis (excepto Helmontio & Boyle, qui eandem in medium producunt) remansit; scilicet

1. An præparata Chymica vir tute adhuc nativa operentur?

An verò

2. Novam, quam præstant, artis beneficio obtineant?

Resp. Pauca sunt remedia chymica, quæ post ignis examen virtutes simplicium incolumes servant, pleraque aut novas acquirunt operando virtutes, aut nativas alteratas insigniter obtinent, quales alterationes contingunt propter mutam simplicium talium texturam nativam, partim per addita, partim per operationum varietatem, ita, ut quod magis composita sint medicamenta, aut magis operosa, pro varia sui operatione variè mutatas habeant nativas virtutes.

Exempli loco sit aurum fulminans: aurum per se nunquam fulminabit, sed tantum per addita hoc virtutis acquisivit; sicut & pulveris pyrii ingredientia seorsim spectata, scilicet sulphur, nitrum, & carbones, seorsim nunquam sclopetabunt, sed conjuncta fulminis instar accensa tonant: Porro sit exempli loco luna hydragoga: nempe luna per se non purgat, conjuncta verò cum spiritu nitri egregie serofos humores expurgat, & ab eodem rursus artificiosè separata, reducit in pristinum corpus lunare, & ab omni purgante virtute cessat: Hinc varia combinatio varias compositis largitur virtutes. Sic in Elixiris Proprietatis Paracelsi virtutibus exponendis non singulorum ingredientium virtutes examinandæ sunt; v. g. quod aloë sit optimum abstersivum per se viarum primarum; myrrha per se sit balsamica, omnemque arcens putredinem; quod crocus exhiberet; sed totum compositum considerandum, cum ingredientium virtutes à menstruo vel exaltari, vel alterari potuerint. PARACELSO communiter attribuitur, cum tamen species hujus Elixiris sub eadem proportionem ingrediantur pilulas pestilenciales Avicennæ, qui longè ante PARACELSUM vixit. Elixyr hoc describit l. 8. Archidox. No. 6. omisso tamen menstruo, de quo variæ lites exortæ sunt. Vulgò, & in officinis Pharmaceuticis, extrahitur cum spiritu vini, acuat cum spiritu quodam acidulo, ver. g. sulphuris, vitrioli, viridis æris, &c. sed præstat spiritus salis communis, ita tamen, ut ingredientia singula seorsim extrahantur, postea conjungantur, filtrentur, & extractum ad justam consistentiam inspissetur. Hoc Elixyr valdè conducit in corrigendo stomacho, si is copioso muco, imprimis acido, repletus sit, quem potenter abstergit, unde humidis magis convenit quàm siccis: à putredine tam interna quàm externa præservat, vermes quæ inde enatos enecat. In affectibus mulierum magis prodest, si præparetur cum alcalibus, quæ quoque promptè solvunt hæc ingredientia, si sint fixa, si sint volatilia. Si fixa lubet; tunc

24. Tartari &

Nitri ana part. æqu.

Detonentur unâ; sic enim fit, ut coeant in ignis tortura

in alcali urinosum, ex quo per deliquium fit *alcahest Glauberi*; melius cum aqua simplici fiat lixivium: Vel loco hujus recipiatur Lixivium salis tartari. Huic infundatur aloë, myrrha & crocus; sic simul cum substantia aloës & myrrhæ mucilaginosa, resinosa quoque solvitur: solutioni ad justam consistentiam inspissatæ addatur spiritus vini tartarisatus, ut species dictas extrahat (de sale tartari nihil extrahit spiritus vini, si rectè sit rectificatus.)

Egregium hoc est Elixyr in cruditatibus acidis, infantibus, in affectibus mulierum, in specie in cachexia, mensium & lochiorum suppressione: quod sine amaro est, nec cum vehiculo aqueo præcipitatur. Vocatur Elixyr proprietatis sine acido.

Per alcali volatile componitur Elixyr proprietatis, quando scilicet spiritus salis ammoniaci artificiosè cum spiritu vini (quod cum calce viva procedit) paratur; sic spiritus salis ammoniaci consueta Elixyr proprietatis ingredientia extrahit, & medicamentum constituit optimum in morbis malignis, ubi præprimis volatilia profunt; item in præsertione variolarum, in specie ad præservandam purpuram insigniter commendatur, ut & in scabie, & aliis affectibus luem veneream comitantibus.

Placet & præ omnibus modus iste, quando spiritus vini loco spirituum acidorum acuitur per terram foliatam tartari (quam optimè solvit spiritus vini) & speciebus affunditur, sic easdem optimè extrahit, fitque medicamentum convenientissimum in supra dictis affectibus; imò ratione virtutum ferè Elixyr Paracelsi æquiparare solet.

Idem hoc menstruum est egregium quoque diureticum elegantis saporis. Egregiè quoque Elixyr proprietatis tartarisatum sequenti modo paratur.

24. Nitri,

Tartari an. q. s.

detonetur: sal fixum solvatur in aqua simplici, vel pluviali, vel Rore Majali: solutioni inspergatur

Tartari crudi tantum,

Donec hæc duo non amplius fermentent, & liquor rubicundus inde emergat, cum quo Elixyr proprietatis præparari potest.

Alias in præparatione Elixyris proprietatis varia Medici intentio consideranda, prout vel alterans solum, vel simul laxans aut purgans expetit. Pro scopo alterativo sufficit extractio cum spiritu vini acidulato. Sin verò laxare debeat, extrahenda venit aloë cum aqua, tantillo sale tartari acuat; sic enim mucilago purgans commodissimè extrahitur: Reliqua postmodum ingredientia cum spiritu vini extracta, cum priori conjungenda, & omnia ad justam consistentiam redigenda, aut additione Rhabarbari exaltanda.

Hæcerant Elixyr proprietatis vulgares præparationes. Nam quod quidam, inter quos est SALA, volunt, quod PARACELSUM Elixyr proprietatis extraxerit cum spiritu vini terebinthinato, fallum est; præparat enim cum Circulato Majori, seu cum suo menstruo universali seu *alcahest*: scil.

Recipit Aloë,

Myrrham,

Crocum, an. ad ʒj.

Affundit ana Circulati majoris, clauulo vase digerit, donec liquecant, hocque fecit blando igne, ut abeant in verum oleum: hoc oleum circulat per mensem unum, extrahit, inspissat ad legitimam consistentiam, ceu videre est in ejus scriptis, quæ consulenda.

Quomodo HELMONTIUS Elixyr Proprietatis præparet, & quantas eidem debito modo præparato virtutes, præprimis in quartana, adscribat, ex ejus scriptis videre licet. Eadem nempe ingredientia circulat ad aliquod tempus

in vase

in vase capaci; admodum temperato igne (nam si remittatur gradus, labor non succedit; si vero intendatur, rumpuntur vasa) hocque continuandum, donec in vase appareat nebula hinc inde vagans, quæ abeat in oleum, reliqua verò in corpus piciforme: quo oleo apparente affundit aquam cinnamomi, & adhuc per unum mensem digerit, & postmodum destillat.

Sed ut revertar ad id, unde digressus fui, dixi paulò antè, quod præparata chymica aut planè novas acquirant virtutes, aut nativas insigniter alteratas obtineant, partim per aliorum additionem, partim per artificiosam variationemque præparationem. *Alterantur autem ut plurimum simplicia in solutionibus cumprimis atque extractionibus: omnes namque solutiones aut extractiones cum fiant per menstrua, semper aliquid in extracto & soluto corpore remanet de menstruo; unde mutata textura mutatur quoque virtus concreti.*

Obiter Circa Extractions vegetabilium notandum, quod ea communiter fiant per spiritum vini, sed minus commodè: Etenim spiritus vini resinosus tantum, & sulphureas extrahit particulas, salinis interim particulis extrahendis improporionatus. Melior longè modus est, cum simplicia solvantur extrahunturque per aquam simplicem, acuatam cum alcali natri vel alcali tartari: sic acuatæ aqua simplex omnia convenientissimè solvit vegetabilia, vel resinosa illa sint, (qualia quidem spiritus vini non incommodè solvit,) vel mucilaginosæ, vel salinæ, eaque in blando balnei colore extrahit. *Extractio talis separanda & inspissanda in formam mellis vel roob, ex quo ulterius cum spiritu vini extrahitur essentia, quæ postmodum nunquam poterit præcipitari, promptiusque suos dabit effectus.*

Videmus hic varias mutationes, quæ omnes sine virtutis nativæ alteratione non contingunt: Hocque si fit in vegetabilibus, quid non fiet in mineralibus, ubi per menstrua corrosiva & solutiones & Extractions instituuntur? Talia enim vix ac ne vix quidem a soluto corpore separari perfectè poterunt, firmoque adhuc itat talo canon ille Chymicorum, quod *omnia menstrua corrosiva coagulentur & figantur cum corpore solvendo, à cuius perinde conjunctione non potest non alterari ejus virtus nativa.* Fermentatio quoque, quas non in productis causatur mutationes? Per hanc tam animalium partes, quàm ipsa vegetabilia alterantur; (utut animalia potius putrescant in operibus artis, vegetabilia verò fermentent.) Nam in fermentatione omni crasis tota resolvitur, ipsaque totius textura prosu invertitur, ut volantibus volatilibus fixa in fundo subsideant, virtutibus suis plurimum spoliata. Pu-gantia, satis veherementer alioquin operantia, si fermententur, minus purgant, imò quandoque vix laxant. Idem est iudicium de opio fermentato, item de hyosciamo, aliisque, quæ fermentata nonnihil de virulentia sua perdidierunt. *Fermentatione fiunt spiritus, qui antea tales non extiterunt in concreto; sed sunt producta igne & arte, & eo ipso, quo sunt producta nova, suam virtutem debent artis beneficio.* Sic quoque fiunt olea, quæ non sunt nativa, sed per ignis beneficium ex diversis principiis materialibus salinis coguntur in corpustale oleiforme, actu antea in simplicibus non extiterunt, sed nova sunt ignis producta: Sic in acoro officinarum ne guttula olei invenietur, nisi ignis beneficio salina ejus principia concentrentur, ut in olea coeant. Unde olea talia quoque differunt à simplicium suorum virtutibus, dum

1. Magis penetrant;

2. Stomacho molestiam creant: Id quod testantur ructus latis diuturni post talium usum, quod pinguedo eorum acida concentrat sal volatile, quò minus digeri possit.

Digestio tamen insigniter alterat simplicia eorumque crases; hæc figit volatilia, verb. grat. Mercurium figit in pulverem rubicundum; hæc salia fixa volatilifacit, ut ulterius cum spiritu vini postea volatilifari queant, idque omne facit beneficio ignis, qui mille artifex in varias simplicia transformat figuras. Unde manifestum evadit, quod producta chymica novam quasi induant naturam, quodque in medicamentorum virtutibus enarrandis non ingredientia singula seorsim sint examinanda, sed totum productum ponderandum, non neglecto interim menstruo, ut quod virtutem simplicium vel destruit vel alterat, vel intendit, non secus ac ex Mercurio & sulphure fit novum ens.

EPILOGUS.

DE

NON-ENTIBUS CHYMICIS.

PRIUSQUAM laboribus nostris chymicis ultimam imponamus manum, non abs re erit, non-entia quoque nonnullorum obiter solum meminisse; quæ à Pseudo chymicis & Fumi-vendulis passim venditantur, quasi reverà artis & ignis ope produci possint.

In non entium verò dignotione cautè admodum dispiciendum est, ne temerè aliquid, quod tale non est, pronunciemus. Etenim

1. Non omnia negamus omnes; nec statim quod ego, iste ille, &c. non vidit, pro non-ente proclamandum, vel quod ista nobis forma non apparuit: Variant namque artifices in suis operibus, ut nova producant, nondum nobis in hac figura visa.

2. Distinguerdum est inter extractionem rei veram & novam productionem; e. grat. de Mercurio metallorum quæritur, utrum ille haberi possit ex metallis? Non quæstio præcisè est, an ex metallis extrahi queat Mercurius vivus currens: Quod testatur experientiae testimonium, imprimis ZWELFFERI, BECHERI & LANGELOTTI; quorum prior Mant. spag. pag. 3. 9. ex laturno, & pag. 383. ex antimonio, BECHERUS in Physica subterr. pag. 126. ex jam dictis, & LANGELOTT in Epist. ad A. N. C. ex antimonio, verum Mercurium separari posse docent: Sed quæritur; an præexistat in metallis tanquam pars componens? an verò artis ope ipsum metallum transmutatum fuerit in Mercurium vivum per novam generationem? Hac de re variè disquirunt, quare in aliud tempus reservabo.

3. Itaque in examine non-entium illud fundamenti loco supponendum: Non Entia habere debere contrarietatem in radice, e. g. impossibilem convenientiam habet Mercurius vivus mineralis seu metallicus cum Mercurio vegetabilium; unde hac ratione dico, quod Mercurius vivus ex sanguine animalium fit non ens. Nam utut ex sanguine elicited fuerit Mercurius vivus verus, istamen non productus fuit ex sanguine, sed vivus insuit sanguini, quia homo, cuiuserat sanguis, fuerat aurifaber; unde facile Mercurius, manibus quotidie tractatus, potuit se in ejus corpus & sanguinem insinuare: Ita notum est, quod qui Mercurium tractant, nummos aureos, quos secum gerunt, argenteo colore obducant, quia Mercurius ratione singularis cum auro sympathizato suos ad aureos usque nummos diffundit, eosque argenteo obducit colore: Vidi juxta Mediolanum vallem, ubi herbæ crescunt, ex quibus Mercurius vivus facili artificio potest elici; hic verò Mercurius non constitutivum herarum istarum principium est, sed mineræ Mercurialis, quæ intra vallem hanc reperitur, soboles; unde ratio in promptu: Sic & aurum, quo vites & uvæ, aliæque partes, in Ungaria resplendere dicuntur, non est de essentia vitis, quin potius, quia copiosiores solis mineræ ibidem reperiuntur, ex his mineris auræ atomi vitis permixtæ succo nutritio, cum eo, tempore succrescentium uvarum, fermentantur maturanturque in veras vitis partes: non tamen est aurum de natura vitis, sed de effluviis solaribus, quæ copiosè ibidem mineræ solares emittunt, suam ducit originem.

Homunculus PARACELSI, quem sine patre & matre artis chymicæ beneficio producere conatur, est non ens: Vid. PARACELSUS libro, si fallor, 1. de verum natural. generatione, ROLFINGIUS in chymia. Est res contra con-

B b 2 sciens

scientiam, & nullius usus. Quintæ verò Essentiæ, utut passim pro non entibus proclamantur, à multis tamen Chymicis operosè & speciosè satis adstruuntur; Cùm nempe quælibet corpora naturalia ex 5. principiis constare putent, tribus activis, duobus passivis; ex his, imprimis verò activis, per quæ sal, sulphur & Mercurium volunt, conantur partem simplicissimam purissimamque extrahere, quam vocant quintam essentiam: Et certum est, quod dentur tales essentiæ. Vidi enim apud amicum quendam essentiam, cujus guttulæ iij. integrum vini cantharum imprægnabant. Tales componi debent, ut *sal volatile simplex, per putrefactionem inchoatam paratum, cum spiritu proprio inflammabili, per fermentationem elicitum, cohobatione uniatur; dein ambo cum oleo destillato imprægnentur, sitque instar camphoræ penetrans.* Talis præparatio satis est artificiosa, nec à quolibet statim acquiri potest; emergit enim genuina quinta essentia, nullo liquore præcipitabilis.

Transmutatio metallorum non est non ens, quicquid in contrarium plerique, omnes fere, Chymicorum asserant; Etenim

1. Si Metalla omnia ex una eademque radice trahant ori-

ginem, *Et tantum gradu fixitatis & immaturitatis, differant* (siquidem probatum superius) utique poterunt perfici, volatiliora fixando, & immatura artis beneficio ad maturitatem perducendo.

2. Videmus quoque quotidie vegetabilia inter se transmutari, sicut, teste experientia, triticum in uno eodemque agro degenerat sæpius in avenam; secale in uno eodemque agro, exuta sua natura, in lolium; silymbrium frequentissime in uno eodemque loco in mentham transmutatur; quia in radice conveniunt inter se, atque principiis materialibus. Quidni idem quoque de metallis affirmari poteris, ut quæ eandem singula habent radicem, & solum maturitate differunt. Iplemet vidi lignum, quod non superficialiter tantum lapi dea crusta erat inductum, sed reverà in lapideam transmutatum substantiam.

Hoc si in diversis procedit generibus, ligno puta & lapidibus, quis negabit metallorum in uno principio seminali convenientium transmutationem? Et quid denique experientia, quæ ubivis ferè terrarum luculentum exhibet testimonium, opponente?

SOLI DEO GLORIA.



MICHAELIS ETTMÜLLERI,

PHILOSOPHIÆ ET MEDICINÆ DOCTORIS,

Nec non

Facultatis Medicæ Lipsiensis Aßessoris & Professoris Publici,

EXERCITATIONES

VARIÆ ACADEMICÆ;

Continentes

- I. DISPUTATIONES PATHOLOGICAS in Collegio Privato Pathologico-Disputatorio propositas.
- II. DISSERTATIONEM de FERMENTATIONE.
- III. TRACTATUM de CHIRURGIA TRANSFUSORIA.
- IV. DISSERTATIONES MEDICAS AB IPSO Dn. D. ETTMÜLLERO ELABORATAS, & Disputationis loco publicè propositas.
- V. DISPUTATIONES MEDICAS à Dn. RESPONDENTIBUS quidem concinnatas, à B. Dn. PRÆSIDENTE tamen emendatas & exornatas.
- VI. OBSERVATIONES BINAS de CRINONIBUS & SIRONIBUS; &
- VII. PROGRAMMATA ACADEMICA.

COLLEGIUM PATHOLOGICO-

DISPUTATORIUM,

Seu

DISPUTATIONES PATHOLOGICÆ,
in gratiam Auditorum

à

B. Dno. D. MICHAELE ETTMÜLLERO

propositæ, & privatim ventilatæ, Anno 1668. & 1669.

DISPUTATIO I.

Opponente

Dno. JACOBO VVOLFFIO, NVMBURGENSI,

Hactenus

Philos. & Med. Doctore, & in Academia Salana PROFESSORE Publico, Academia
LEOPOLDINO-IMPERIAL. Curiosor. ADJUNCTO,

Νῦν ἐν αἰτίαις.

§. 1.



Corpus nostrum est quasi artificiosa machina hydraulico-pneumatica, quæ dum à sanguine, imprimis spiritu vitali, seu impetu illo faciente HIPPOCRATIS actuatur, Vivere dicitur. Vita igitur consistit in illa corporis actione, secundum quam operationes vel exercet, vel exercere potest. Actua-

Ettmulleri Oper. Tom. I.

tionis ergò hujus seu vitæ privatio dicitur *Mors*; vitæ autem integritas est *Sanitas*; ejus labefactio est *Morbus*.

§. 2. Ut igitur vita, ita sanitas ac morbus, sunt ac dependent à spiritu & sanguine effectivè & radicaliter, & sunt in partibus continentibus non nisi relativè & per denominationem. Nam spiritibus & sanguine naturaliter se habentibus seu dispositis, corpus est sanum; præternaturaliter vero iis affectis, hoc est morbofis, corpus est ægrum, & ejus viciantur actiones.

Bb 3

§. 3. Sunt

§. 3. Sunt enim hi principales actionum autores, quibus ea effectivè dependent. Partes verò continentes tantum sunt instrumenta, seque habent purè passivè, nec propriam ad actiones obeundas obtinent activitatem; sed per suas organicas conformationes, iis primariis agentibus ad actiones tantum inserviunt. Unde & viventi & mortuo, quatenus taliter conformatis eodem se habent modo, non secus sanè ac malleus se habet ad fabrum in fabricatione ferri, ita etiam corporis organa se habent ad actiones humanas.

§. 4. Spiritu igitur & sanguine præternaturaliter dispositis, actionum sequitur læsio, hoc est corpus ægrotat. Sanguinis præternaturales dispositiones dependent à læsa ejus fermentatione: quò pertinent & viscerum fermenta depravata seu alterata, quatenus ea vel materiam pro sanguine præparant, vel sanguinem diversimodè alterant. Spiritus verò vitiosi sunt: (1) quando vel obscuri, vel peregrinis ideis picti sunt, (2) quando deficiunt in debita subtilitate & mobilitate, vel quando è contrario irritati & impetuosè & inordinariè moventur. Obeunt namque spiritus actiones secundum ideas in eorum lumine pictas, per debitum influxum vel motum.

§. 5. Partes verò solidæ tantum secundarium sunt morbi subjectum, & non tam lædunt per se actiones, quam quod eas impediunt, vitiosa sua organica conformatione, unde nec ægrotare propriè dici possunt. Imprimis obstructiones vasorum & viscerum sæpe sunt ignorantiaæ asyllum, cum inde oriunda putredine: Nam in vasis, tam sanguiferis quam lymphaticis & lacteis, obstructio fieri nequit sine liquoris contenti stagnatione, & hinc extravasatione ac tumore, qui à sanguine vocatur inflammatio, à lymphâ verò in parte solida dictus Tumor serosus, in parte verò cava Hydrops particularis: Quod si in capillaribus hujusmodi fiant extravasationes, idque sensim ab acido in humoribus se manifestante, oriuntur scirrhi. Et quos mesenterii, hepatis, lienis, &c. sæpe ascribunt obstructionibus morbos, ordinariò ex ventriculi fermenti nimis acidi depravatione, indeque orta cruditate acida, vel ex succi pancreatici nimio acore, sæpeque præternaturali austeritate, oriuntur. Unde & hujusmodi morbi optimè per medicamenta, vel acidum absorbentia, nempe ex Marte & Saturno, vel istud præcipitantia, vegetabilia nempe, alcali tam volatili, ut absinthium, centaureum minus, cochlearia, &c. quam paulò fixiori, ut filix, scolopendrium, polypodium, &c. prædita, curantur.

§. 6. Intemperiei verò dicti morbi partes continentes non afficiunt, parumque obtinent momenti: Nam intemperies sine materia est non ens; viscerum verò intemperies dicta omnis dependet à sanguine, & non à decantata illa stomachi frigida, & hepatis calida intemperie, quæ plurimorum affectuum statuitur mater, re ipsa autem nihil aliud est, quam fermentum ventriculi nimis acidum & fixum, cum copiosa viscida pituita in stomacho hærens. Officium, quod temperaturæ & calori adscriptum fuit olim, fermentis & fermentationibus transmutationum Autoribus tribuimus, calorque partibus tantum dispositivè, non effectivè, operatur. Occultarum qualitarum morbi partim sunt archæales, qui ab ideis peregrinis orti, partim sunt fermentales ab exoticis fermentis sanguinem turbantibus.

tiales. Sanguinis (1) quod attinet morbos: hi omnes ex vitiosa ejus dependent fermentatione: quæ in statu naturali, cum originem debeat duplici sali, alcali seu urinoso & acido volatilibus, quæ iusta proportionem & harmoniam inter se concurrendo, immixtas omnes, massam hanc componentem particulas, à quibus contemperantur, simul concitant, qui intestinus particularum motus Fermentatio dicitur: ita etiam in præternaturali statu ab eorum harmonia vitiosa originem habebit.

§. 2. Læditur autem ista fermentatio, vel quando augeatur, cujus signum Pulsus magnus, celer, frequens, cum præternaturali corporis incallescencia, ut sunt acuti morbi; vel imminuitur, quod monstrat pulsus parvus, & ut plurimum debitus deficit corpori calori, cum omnium actionum torpore & respirandi difficultate, uti in morbis chronicis apparet: vel aboletur omninò, unde virium omnimodæ prostrationes: vel depravatur, quod diversimodè fieri potest, unde pulsum variæ inæqualitates dependent, corpusque quoad alia accidentia nunc calet; nunc friget, facies nunc rubet nunc pallet, quod vitium tam in acutis quam in chronicis obvenit morbis.

§. 3. Omnes hæc læsiones ex salium læsa proportionem proximè dependent, vel enim non ritè ab aliis particulis contemperantur, unde aciora violentius inter se concurrunt, & quasi efflorescunt, ut in febribus ardentibus, pleuritide & similibus: vel nimis contemperantur & quasi obruuntur, quod à chylo crudo, nec ritè volatilificato, qui tunc ut plurimum subacidus est, oritur, unde imminuta oritur fermentatio, ut in cachexiis tam virorum quam mulierum &c. vel denique ipsa salia à debita constitutione naturali declinantia, & vitiosa ex variatam inter se, quam cum aliis particulis commixtione, vitiosam fermentationem inducunt, ut in scorbuto, malo hypochondriaco, lue venerea, &c. in quibus acidum corruptum est; item in febribus quibusdam continuis, malignis & pestilentialibus, ictero & similibus, in quibus urinosum volatile depravatur: vel denique alterum alteri nimis præponderat, unde fermentatio ferè in totum aboletur; sive nunc acidum præpolleat, unde sanguis coagulatur, sive alcali volatile, unde idem planè dissolvitur. Pertinent huc viscerum, imprimis stomachi; fermentum vitiatum, hincque corruptum, quæ hujusmodi dispositiones in sanguine, aut inchoant aut inchoatas fovant, affectusque istos contumaces reddunt.

§. 4. Alteram morborum differentiam constituunt spiritus seu archæi præternaturales dispositiones, quæ sunt primò, quando à peregrinis tinctis ideis actiones secundum istarum ductum turbat ac perturbat; sive ideæ istæ ab extra adveniant, vel cum assumptis, vel cum morfu à bestia; sive intuitu genitæ sint vel ex irritatione quadam, unde spiritus seu archæi furor, vel ex animi affectibus ac perturbationibus: quæ mala per media istas ideas delentia, per contrariarum idearum repræsentationem, vel per productionem optimè curantur; inter quæ præ cæteris bufo eminet, item terror artificiosè inductus.

§. 5. Alterum spirituum vitium est in motu, tam (1) quum non satis volatilifati, sed fixiores & quasi condensati imminuto motu actionibus inducunt torporem, ut in soporosis affectibus & catalepsi clarum est: (2) dum nimis mobiles, & quocunque modo irritati & agitati in impetuosos & exorbitantes erumpunt motus, unde convulsiones, epilepsia, simileque affectus convulsivi, item paraphreneticorum deliria oriuntur. In quibus affectibus uti volatilia urinosa motus spirituum restituunt, ita opiata & Narcotica dextrè præparata eorum impetus sistunt.

DISPUTATIO II.

Opponente

Dr. JACOBO WOLFFIO,

NUMBURGENSI.

§. 1.

Statuta membrorum & sanitatis sede in sanguine & spiritibus, generales hinc emergant differentiaæ duæ essen-

DISPUTATIO III.

Respondente

Dno. IACOBO WOLFFIO,

NUMBURGENSI:

Opponentibus

Dno. ANDREA PETER-
M ANNO,

DELITIENSI,

hoc tempore

MEDICINÆ DOCTORE,

ANATOM. & CHIRURG.

in

Academia Lipsienſi

PROFESSORE PUBLICO.

&

Dno. HENR. VARN-
TIO,

SCHOWAPOLONO.

§. 1.

AD fermentativos morbos *contagiosi* quoque & *epidemi*ci pertinent morbi, qui ab effluviis fermentativis, & cum massa sanguinea permixtis, suamque ibi Tragœdiam ludentibus, proficiuntur: *contagiosi* quidem, ab alio, à quo procedat istud fermentum, similem fermentando induens ægritudinem; *Epidemi*ci verò, si ista effluvia vel in aere sparsa, vel cum alimentis ingesta, fermentescant morbosas inducunt.

§. 2. Per hæreditatem ex Parentibus in filios ita tantum transplantantur, qui fixas habent radices, chronicique sunt, & difficulter curabiles. Afficiunt namque hi graviter spiritus nostros ex dolore, vel alia ratione, cum iis producitur idea istius affectus, quæ idea in generationis actu, una cum ideis naturaliter traducta, ita disponit archetypum formatorem, ut pars exinde formetur debilis, ita disposita, ut quascunque aliorum, imprimis ex sanguine illatas noxas, facile, ita excipiat; vel etiam propriæ digestionis errore in se coacervant, unde istiusmodi postmodum enascuntur morbi. Materiale enim aliquod fermentum horum morborum causa esse nequit, cum nihil materiale post coitum in utero remanere soleat: aut si remaneat, directore tamen quodam opus haberet, quod illud ad determinatam adeo partem dirigeret.

§. 3. Sed sicut conformationis vitia per ideas transplantantur in foetum (unde & ex idearum, indeque factæ conformationis, similitudine *emergit similitudo illa foetus & parentum*) & sicut pars quædam morbo aliquo læta, disponitur exinde ita, ut facile in similem relabatur morbum, & ut imbecilles Parentes, vel in toto ex senio, vel in aliqua determinata parte, generant foetum, vel ex toto vel ex parte imbecillum; ita & similis idea morbifica talem partem inducit in conformatione dispositionem, seu seipsam in parte cum spiritu imprimi, ut exinde illa disponatur ad enascentiam talis affectus, qualis est iste, qui parentem in ista parte affligere solet.

§. 4. *Tempora* seu *gradus morborum* (in acutis præprimis observandi) à gradibus dependent fermentationis in sanguine, quam & sequuntur symptomata, vel immediate, vel mediate, & unde coctionis signa in salutaribus, cruditatis verò in lethaliis, oriuntur morbis. Est enim *Coctio* per fermentationem in sanguine excre-

Ettmuller. Oper. Tom. I.

mentorum facta separatio vel præcipitatio, instar sœcum vini, per fermentationem ex eo separatarum & præcipitarum, quorum excrementorum præcipitatorum pars à latice aquoso absorpta, & sub urinæ forma excreta, in fundo matulæ sedimentum exhibet coctionis factæ signum.

§. 5. Hæc morborum tempora regulam & occasionem monstrant legitimæ curationis juxta Aph. 22. HIPPOCRATIS Sect. 1. quæ non tam de purgantibus, sed quacunque evacuatione sensili, etiam per urinas & sudores intelligenda sunt. Uti enim natura in statu demum post coctionem factam criticas evacuationes instituit, ita & Medicus circa principium & incrementum præcipitantibus imprimis; circa statum verò sudoriferis, &c. insistere debet: sicque crilin negligere, quin prævenire. Unde etiam in principio & incremento generosiora remedia, vel sudorifera, vel purgantia, sæpè frustra, interdum non sine damno, adhibentur, dum nondum separata & præcipitata, hoc est cocta sunt excrementa. Et in ipsis malignis sudorifera in principio sola sunt nociva, nisi præcipitantibus sint temperata: verb. gratia spiritus theriacalis camphoratus est periculosus, spiritus verò vitrioli & tartari temperatus fit egregium specificum Paracelsi in peracutis, seu *Mixtura simplex*.

DISPUTATIO IV.

Respondente

Dno. IACOBO WOLFFIO.

NUMBURGENSI:

Opponentibus.

Dno. GEORGIO FRIDERICO
STIRIO,

URATISLAVIA-SILESIO.

&

DNO. THYMIO.

§. 1.

INter causas externas, quæ fortuito casu, & non necessario nobis occurrunt, sunt imprimis ea, quæ contundunt & vulnerant. Hi defectus naturæ spontaneo motu corriguntur, nisi adsint impedimenta; hæc autem sunt *alimenti* partis roridæ & *sanguinis effusi* ex spiritus *vitalis dissipatione corruptio & putredo*, imprimis, si externo aere alteretur pars læsa, quam invisibiliter sequitur *acor peregrinus* ex putredine ista natus. Hic acor subito totam ludit Tragœdiam, totusque spiritui vitali falso, de alcalium profapia balsamica & partis conservativo, prorsus hostilis, instar fermenti exotici partem affectam, ejusque alimentum variè alterat & corrumpit.

§. 2. Unde facilis est *vulnere* in *ulcera* transitus, fermento hoc corrupto in vulnere labiis alimentum proximum & sanguinem inficiente, in liquorem sordidum, seu ichores transmutante, cum copiosissimo vermiculorum proventu in omni pure obvio, & non nisi microscopio cognoscendo. Medicamenta ergo *vulneraria* & *balsamica* dicta, *alcali occulto* & temperato pollent, quo, ceu contrario, omnem istum acorem tollunt, & sordes inde enatas saponaria virtute blandè abstergunt: v.g. *spiritus vini, terebinthina, aloë, & myrrha, nicotiana, & hypericon, cancrifluviatiles, & aurum sordes*, cum terra vitrioli balsamica & Saturno.

§. 3. Sanis omnia censentur sana, modò ea stomachus famelicus appetat, & non abhorreat, eò quod fermenta digestiva potenter quælibet in sui ditio-nem trahant & coerceant. *Quantitatem* verò & *qualitatem*, sicut & *assumendi modum* in alimentis, solus præscribit appetitus, tam in sanis quàm in ægris,

Bb 4

cum

cum facile postmodum digerantur à stomachi fermento, siue apperantur adfecta siue insueta: Nam sicut ab adfectis, licet deterioribus, non facile recedendum, *Autor HIPPOCRATE*; ita hæc si appetantur, non facile deneganda, utpote cum id intus dicente natura contingat, quæ ex alimento insueto appetito sæpius nullam noxam habet, sed exinde non raro remedium parat, uti in febribus intermittentibus notum est. Hinc carbones & cineres, ac alimenta & carnes crudæ, non affligunt pica laborantes feminas, sicut e contra vel caseus vel panis, vel butyrum in iis, qui hæc abhorrent, non sine noxa sunt, & non raro *καρδιαγγίαι* vel *καταδυσπλίας* indicunt.

§. 4. *Vinum* ut reverà est *hominum nectar* in legitimo usu, quo spiritus ejus volatiles, cum spiritibus nostris symbolizantes, in eorum consortium recipiuntur, & aciditas ejus volatilis in stomacho in salum volatilem abit liquorem; ita in illegitimo & nimio usu lethiferum evadit venenum, dum spiritus ejus volatilis salinus sulphureus spiritus animales, prius in motus confusos & inordinatos coactos, figit instar opii, aliorumque Narcoticorum, indeque eos torpidos & ad actiones debitas ineptos reddit; *aciditate* verò volatili extra stomachum *tori* corpori hostili, in intestinistormina, colicam, exinde in artubus pareses, producit, in vesica strangurias, in renibus salurinæ volatile, aliquali putredine resolutum, in *calculum* *conglut*, in artubus sinoviam in tophos cogit, & partibus nervosis contracturas, & membranosis puncturas arthriticas inducit, aliis partibus nervosis contracturas & paralyses contumaces infert; cum nil æque sit hostile nervis, quàm acidam.

§. 5. Ut alimentum massæ sanguineæ restaurationi, ita moderatus motus eiusdem assimilationi & purificationi inservit. Nam dum circulationem ac vitalem ejus fermentationem auget, etiam alimentorum assimilationem, distributionem & partium heterogenearum separationem ac præcipitationem promover, quæ seroso latice absorptæ, nunc per urinam sub nubeculæ vel sedimenti forma, nunc per poros cutis transpirando, evacuantur, adeo ut optimum sanitatis conservativum, & morborum præservativum, sit *motus*, vicarius nempe venæsectionis, purgationis, alteriusque sanguinis correctionis; quod rusticorum & mechanicorum genus palam restatur.

DISPUTATIO V.

Respondente

D. N. O.

LISTENIO,

LEUCOPETRENSI,

hactenus

MEDICINÆ DOCTORE,

Practico Lipsiensi,

Νῦν ἐπὶ ἀγίῳς.

Opponente,

Dno.

ANDREA PETER-

MANNO,

DELITIENSI.

Sanguis spiritu vitali turgidus actuat & vivificat corpus, idque æquali & perpetua circulatione, quæ sub debita sanguinis quantitate debite peragitur: sin verò nimis angeatur & abundet, quod *Plethoram* vocant, vasis & receptaculi ejus nimis distentis & repletis remora & impedimentum injicitur ejus motui, dum in majoribus vasis promotus sanguis, in minoribus vasculis & capillaribus poris ac meatibus eorum angustia impeditus, difficilius transit, sicque habitui corporis quandam intur-

gescentiam infert, & periculum futuræ cujusdam sanguinis, vel particularis, vel etiam universalis, stagnationis, aut insignioris valorum ruptionis, præmonstrat.

§. 1. Hæc plethora cum copiosi vel *εὐχόμε* victus laudabilem sequatur assimilationem, cum pauca sanguinis per labores consumptione vel dissipatione, præter lenta inedia, laboris, vel exercitii frequentioris aut fortioris media, subitanæ *venæsectionis* intuitu opem, quæ sola huic soli scopo repente & sufficiens er satisfacit, sed ob id non adeo frequenter est repetenda, cum *quò ad sit talis Plethora*; quæ non commodè aliis mediis possit inhiberi cum minori vitæ viriumque dispendio.

§. 2. Hujusmodi sanguinis *Plethora* ad vasa est vel *vera*, vel *apparens*: De illa in superiori thesi; Hæc est, quando sanguis febrili effervescentia vel simili turgescens, instar vini generosi adeo ebullientis, ut vasis ora excedat, vel idem in partes dissilire faciat, vasa distendit, & frequentius, magno, ac celeri passu rapide movetur, Unde non raro aut *inflammationes* ex ejus stagnatione, aut *hæmorrhagiæ* ex vasorum, ab ejus impetu, apertione succedunt. Revocanda huc venit menstrua mulierum turgescencia, & fermentatio sanguinis, quæ ex partem ipsius, seu lunare quoddam tributum solvendo, expurgant per genitalia; quod si non contingat, sæpe per alia loca, per mammas, nares, vomitum, oculorum canthos, hæmorrhoides, &c. ejus fit eruptio. In ista sanguinis turgescencia febrili non imitanda illa effrænis Gallorum & Italarum licentia, copiosissime & sæpissime sanguinem ex vena detrahendo, sed effervescentiam compescentibus præcipitantibus, nunc acidis moderatis, nunc verò fixis volatilibus temperatis (pro causæ occasionalis diversitate) insistendum, & debitis diaphoreticis massa sanguinea ventilanda.

§. 3. Ad *venæ* interdum etiam videtur adesse *plethora*, quando venæsectionibus vel cucurbitulis scarificatis vel aliis sanguinis missionibus adfecti, tempore eo, quo istæ solutæ celebrabantur depletiones, quandam vasorum distentionem, lassitudinem membrorum, pulsus mutationem, &c. percipiunt, cum succedentibus interdum partium tumoribus, vel hæmorrhagiis, vel aliis diversis symptomatibus. In his certè per se sæpe non adest *Plethora*, sed consuetudine natura fuit immutata, & illa in hujus successit locum; hinc videmus, quod mulieres quoque venæsectionibus, præter menstruationes, adfectæ; his rectè fluentibus statuto in tempore, venæsectionem admittere cogantur, ut præcaveant aliud malum ex ejus omissione futurum. Determinato namque sanguinis quanto per repetitas venæsectiones natura adfecta, alias per se indeterminata, omne quod superfluum, seu noxium, respuit. In his casibus loco venæsectionum periodicarum aperiantur interdum *Fontanellæ* seu *Fonticuli*, sensim absorbentes ex sanguine sub specie liquaminis ichorosi ejus redundantem partem, alias confertim per venæsectionem exhauriendam. Cui tamen scopo vel parior victus & sobrietas, aut frequentius & vehementius exercitium, & sudor largior arte provocatus, abundè satisfacere potest.

§. 4. Diluitur & fluxilis fit sanguis à parte aquosa seu latice, qui præter hoc officium etiam sanguinis superflua salia & heterogeneas particulas imbibit, arque etiam ex omnium partium culinis abstergit ibidem enatas sordes, adeoque urinæ ac sudori naturaliter substrata est, veterumque *seri* nomen recipit; sicuti *lymphæ* appellatur, quando cum spiritibus animalibus per nervos influentibus juncta, à glandulis imbibita, & succo acido volatili imprægnata, ac denuò separata, vel ex *conglomeratis* per peculiare ductus in singulares partes deponitur, ut in succo pancreatico, saliva, lacte, &c. apparet, vel ex *conglobatis* per vasa lymphatica massæ sanguineæ denuò circa axillarem sinistram infunditur.

§. 5. Deficiens igitur latex hic in sanguine, spissum & coagulationi aptum eum reddit, dumque non satis diluit partes ejus roridas nutritivas, corporis deficit debitum nutrimentum, & acefcit; nimis verò abundans ex urina vel sudoris imminuta excretionem, sanguinem nimis fluidum & aquosum reddit. Quod si verò motus lymphæ sit vel in partibus subcutaneis, stagnatio vel ruptio vasis, ejus effusio, indeque hydropes particulares; ut, si copiosius ex glandulis cephalicis effunditur, *Cataracti* contingunt, existente tunc *limpha* simul *acida*: ut taceam vitia lymphæ ex conglomeratis glandulis secretæ, vitio vel sanguinis vel ipsarum glandularum seu cribrorum prognata dum

dum saepius nimis deprehenditur acida, vel nimis viscida, vel aliis modis depravata. Omnes enim morbi, quos ex serosa colluvie oriri volunt PISO vel SCHNEIDERUS, optime ex glandulis, & quidem harum vitiosa lymphæ, deduci possunt.

DISPUTATIO VI.

Respondente

Dn. AND. PETERMANNO,
DELITIENSI.

& Opponente

Dn. IACOBO WOLFFIO,
NUMBURGENSI.

§. 1.

EX continua secundum res non naturales alteratione in massa sanguinea, vel etiam ex labe quadam contracta, aut sub prima generationis origine, aut ex superventu cujusdam fermenti exotici & peregrini, à debita & naturali *proxi*, sanguis sensim deficit, *xanoxymus* evadit. Non quod *actu* ex quatuor humoribus sit compositus, quorum degeneratione oriuntur præternaturales & excrementitii humores: hoc enim erroneum; sed quod talis eveniat in principis liquorem ejus componentibus, vitiosa harmonia & læsa proportione, ut fermentatio ejus naturalis inde vicietur & depravetur.

§. 2. Vitia ista sanguinis graphice nobis depingit Divinus Senex libr. de Natura Humana, Text. 13. &c. dum inquit: „Non calidum & frigidum, &c. esse, quod magnam generant, di vim habeat; verum amarum, & salsum, & dulce, acidum, ponticum & insipidum, acerbum, aliæque 600. quæ præ copia & viribus varias habeant qualitates, &c. Quod tam de alimentis, quàm medicamentis, intelligendum venit: videatur SENNERTUS de Cons. & Diff. Chemic. cum Galenicis & Aristotel. 11. pag. 139. Ubi non ex qualitatibus primis definiendæ sunt causæ morbiticæ &c. quæ non magnam habent vim agendi; unde rerollæ à PARACELSO & HELMOTIO ficto nomine vocantur; cum & inane de quatuor elementis figmentum, ipsique superinstructa millionis temperamentorum & qualitatum, &c. doctrina ab HELMONTIO in Tr. Mission. & complex. Figmentum, uti & ab Experientissimo ROBERTO BOYLE in Chym. Sceptico, item in Tr. de Formarum & Qualitat. Origine, sufficienter concussum & eversum sit.

§. 3. Hæ Hippocraticæ potentia (quarum ip nobis præsentiam omnia assumpta & excreta, omnesque corpus componententes partes, si in tribunali Chymico examinentur, sufficienter manifestant: Imò & sapor vel bilis vel succi pancreatici, vel salivæ, vel lymphæ &c., (valde perè ex salium miscela varia varians, istas potentias abundè demonstrat) se exerunt in sanguine beneficio continui istius intestini motus, Fermentatio dicti, dum sal alcali urinosum cum sale acido, ambo volatilia, blando motu concurrunt, temperata pinguedine quadam sulphurea, ea invicem ambiente; unde & à motu istorum salium reliquæ quoque in sanguine existentes particulae unà cum succo pancreatico, chyloso nutritio ex abdomine recenter advecto, similiter agitantur, permiscuntur, & fermentantur: pro cujus fermentationis varietate ex rerum non naturalium diverso insultu, & inde salium orta insigni alteratione & variatione, & sanitas nostra variat, spiritibus ipsis exinde quoque diversimodè affectis, & in varios furores ac exorbitantes agitationes, &c. ex irritatione adactis & commotis.

§. 4. Salium horum varietas, ut omnino est innumera-bilis, oriunda ex particularum earum variarum, cum inter se, cum cum aliis particulis combinatione; ita varietatem sanguinis ingentem constituit, non tam ex multitudine Individuorum multifariam, sed in eodem Individuo pro diversitate sexus, ætatis, temporis anni, vitæ generis, &c. admodum & quasi in horas mutabilem. Quot namque

assumptorum diversi sapes, tot diversa salia, quæ ex varia cum succis corporis nostri in primis viis, & cum sanguine unione non vulgarem denuò inducunt diversitatem, eò majorem vel minorem, vel prout magis vel minus sunt alimentosa seu temperata, vel sive medicamentosa sive excessiva, vel prout magis vel minus à stomachi fermento subiguntur & alterantur. In genere etiam sub saporis, urinosi & acidi, in tertio salso unitorum, conceptu in microcosmo, sicut in macrocosmo, consideratur.

§. 5. Sal quidem urinosum seu alcali volatile, est vel nimis copiosum, vel nimis acre, vel nimis oleosum, ob partes pingues sulphureas adhærentes, vel aliam singularem & anomalam habet qualitatem: unde sanguis imprimis dissolvitur, & debitam deperdit consistentiam, propter læsam cum acido proportionem, vel in quanto, vel in quali: hinc fermentatio in sanguine nunc augetur, v. gr. cum ebullitione aut effervescencia, indeque cum insigni corporis incallescencia, ut in febribus continuis & ardentibus; nunc aboletur, ut in virium nimis prostrationibus; nunc vitiatur & depravatur, ut in purgationibus, tam naturalibus quàm artificialibus, ut in diarrheis, &c. Sicuti quamplurimi morbi acuti ejus vitio oriri videntur. Et id quod de bile excrementitia dixerunt, huc quodammodo applicari potest.

§. 6. Genuina hujus salis proles est bilis ista, quæ ceu singularis thesaurus & corporis balsamum humani in folliculo fellis asservatur, & cum reliqua in hepate secreta ad intestina amandatur, ut separet fœces ab utili chymo, & hunc simul sulphure quodam singulari tingat, pro futura sanguinis tinctura rubicunda: constat enim hæc ipsa copioso imprimis sale volatili acro, oleo (in se rubro instar sanguinis) temperato & copiosa aqua diluto; quæ primaria liquoris hujus balsamici sunt constitutiva.

§. 7. Quæ vel augent vel alterant hoc sal, & inde productam bilem, sunt aer calidus, salibus volatilibus occultis sæpè imprægnatus; assumpta acria amara & aromatica; potus vini generosi, corporis exercitium, ira, amor, vigiliæ, ætas juvenilis vel virilis, tempus æstivum vel vernum, &c. Ergo quæ hujus salis alcali exorbitationi medentur, sunt primario acida, quæ præcipitant istud sal, & ejus excessum simul & acrimoniam corrigunt: interdum & volatilia usurpanda, vel sola, vel acidis mista, ut corrigant ejus depravationem & in statum naturalem reducant, imprimis si vel nimis oleosum, vel alio modo vitiatum existat. Opiata non sunt negligenda, quæ obortas hinc nimias effervescencias potenter domant, ac refrænant, simulque conjunctos sæpius feroces spiritus, impetus facientes, compescunt.

DISPUTATIO VII.

Respondente

Dno. LEHMANNO,
ZW OCHAVIENSI MISNICO,

hoc tempore

Medicina Doctore, & Practico Dresdensi:

Opponentibus

Dno. ANDREA PETERMANNO,
DELITIENSI MISNICO.

&

Dno. GEORGIO-FRIDERICO STIRIO,
URATISLAVIA-SILESIO.

§. 1.

SAL verò volatile interdum vel nimia copia, vel nimia aciditate, vel acore quodam alieno, verb. grat. vitriolico, vel aluminoso austero, vel alio quodā sapore singulari; dum aliud acidum peccat in scorbutico, quod non ineptè vino pendulo vel rancescenti comparat WILLIS, aliud in lue-

in lue Venerea, aliud in dysenteria, à quo coagulationes & congrumescenciae sanguinis, fermentationes ejus nunc imminutae nunc depravatae, dolores partium modò fixi, modò vagi, fames auda & bulimos, coagulationes humorum & scirrhi, qui ex efflorescentia facile abeunt in caneros, exulcerationes, &c. Et ea, quae de Melancholia praeternaturali dixerunt veteres, mutatis mutandis hic quodammodo applicari possunt; cum melancholia ab HIPPOCRATE acidus succus appellari soleat.

§. 2. Ab hujusmodi acido etiam succus pancreaticus suam habet aciditatem, ut & saliva, acorem occultum, interdum etiam, imprimis in scorbuto satis manifestum, ut & lymphæ, quæ subacida naturaliter esse dicitur. Pancreatici succi acor præcipitationem efficit faccum alvinarum ex utili chymo, per blandam cum bile, chylum diluente, effervescentiam: salivæ acor volatilis alimenta incidit, & instar fermenti eadem ad fermentationem futuram in stomacho disponit. Prout ergo peccant hi succi, læduntur etiam eorum functiones, evaduntque contumaces morborum Autores.

§. 3. Causæ quæ augent vel alterant hoc acidum & inde in glandulis productos succos, sunt: aer frigidus & hybernus, quem acido sale, acido nitroso imprægnatum, multa persuadent: quæcunque acida manifesta assumpta, vel etiam ea, quæ occultum acidum gerunt, ut mel, saccharum, carnes, muria conditæ, &c. ut & omnia ingesta, ante etiam absolutam digestionem è stomacho elapsa, & idè nimis acescentia, exercitium deficiens, mœror & curæ, ætas ingravescentia, somnus, &c. Hinc quæ remedium loco adhibentur, sunt è contrario ea, quæ constant sale alcali, tam fixa quam volatilia, tam manifesta talia seu acia, quam occulta seu temperata, acidum quodcunque præcipitantia. Sed cum hæc, imprimis acia, non raro dent nimias effervescentias, unde tormina, rugitus, cordis palpitationes, vertigines, perturbationes mentis, &c. in scorbuticis & hypochondriacis interdum post talia eveniant; conveniunt etiam terrea fixa metallica, acidum absorbentia, & concentrantia, ut cornu cervi ustum, medicamenta ex Saturno & Marte.

§. 4. Pertinet huc *Paracelsi Tartarus*, qui nihil aliud est, quam succus acidus facile coagulabilis vel coagulatus, vitioque primæ digestionis, hoc est ventriculi fermentationis, & faccum vitiole separationis generatus; unde omnia coagulata scirrhus, calculos, podagricos nodos, venereorum tophos ac gummata à tartaro seu succo acido facile coagulabili esse dicere possumus; qui si minora & angustiora obfideat vasa, eaque oppilet, obstruccionum Autor est. Appellationis ratio desumpta est à succo isto, à vino separato in ambitu circa dolium concrecente, quod tartarus communiter vocatur.

§. 5. Cæterum alimentum in ventriculo digestum, & in salum volatile mutatum, atque in intestinis à scoriis inutilibus separatum, transcolatur, & quasi filtratur per intestinorum poros in vasa mesenterii, adhærescente eorum parietibus crassiore ejus parte, quæ mucus vel pituita naturalis intestinorum appellatur, quæ oblinuntur intestina & lubrica fiunt, ut facilior contentorum sit motus, & simul quoque defenduntur ab acrimonia tam bilis quam succi pancreatici, qui humores, in specie bilis, ne nimis sin crescat illius copia, eam quoque sensim solvunt & quasi abradunt. Hæc ergo pituita aut nimis copiosa, aut nimis viscida, aut præternaturaliter acida, quamplurimorum malorum in intestinis & mesenterio est artifex.

§. 6. Chylus sanguinis permixtus non adeo celeriter ipsi assimilatur, quin potius post sæpius repetitos ejus circulos in uno citius, in altero tardius, sanguificetur. Hinc est, quod sæpius per venæ sectionem emissio sanguini serum albicans vel lacteum supernatare observatum fuerit, & quod ferè semper feri maxima pars, limpida licet appareat levi igne in gelatinam quandam lacteam coagulari, vel hæc etiam ex eo præcipitari, quam nutrimentum esse partium spermaticarum, asserit *BARBATUS de sero sanguinis*. Hæc ipsa ergo chyli pars nondum assimilata temperat salum sanguinis acrimoniam, & fermentationis æquabilitati conservandæ plurimum conducit.

§. 7. Sin verò vitio fermenti stomachici vel debilitati, vel aciditatis nimis, sed fixi, non rite fermentantur alimen-

ta, sed ex defectu volatilisationis in pastam viscidam crassam ac tenacem, sæpè acidam, abeunt, non tantummodo cumulat exinde crusta intestinorum pituitosa, sed etiam id, quod infunditur sanguini, ineptum est, ut debitè assimiletur: unde obruuntur quasi principia massæ sanguineæ activa, hæcque crassescit, spissescit, & diminutè fermentatur, tardeque circularur: unde dum in poris partium circa vasa capillaria subsistit, partium horum motum inhibet, partim verò viscera instar spongiarum infarcit, & proprio acido coagulata in scirrhus abit. Quæ mala eo sunt peiora, quò acidior magis simul massa ista chylosa existit. Unde contumaces & cronici quamplurimi, in specie cachectici oriuntur affectus: ut non incommode hic applicari possint ea quæ de pituita præternaturali excrementitia dixerunt Veteres.

§. 8. Ad hanc labem disponunt stomachi fermentum debilitatum, vel nimis acidum fixum: cibi similes, imprimis crassi, viscosi, in specie pisces duri, item inordinatè & copiose ingesti: quies & somnus, vitæque sedentaria. Unde medicamenta volatilia plus minus acia vel temperata & aromatica hic ex usu sunt, quæque vulgò incidentia, attenuantia & resolyentia vocantur, & ut plurimum sale volatili subtili & penetrante sunt imprægnata: motus temperatus multum valet & exercitium, uti & ira.

§. 9. Quod si verò alimenta vitiosa assumantur, vel alia non vitiosa ingesta ex depravato stomachi fermento non rite coquantur, sed violentur; aut rectè cocta, vitio tamen vel succi biliosi, vel pancreatici, vel utriusque, non rite à facibus separentur sed insigniter depraventur, aut bonus etiam chylus ex læsa quacunque de causa sanguinis crassi non rite in sanguinem laudabilem convertatur, sed valdè perversè pervertatur, &c. talia hæc causæ fiunt occasionales morborum, præ alio atque alio sanguinis vitio ab his contracto, variorum, dum in sanguine non rite plus minus subacta, nec per debitam assimilationem in sanguinem mutata, neque ejus principis activis salinis, seu disproportionata, debite unita vitiosam inordinatamque plus minus pro crasseos sanguinis alia atque alia depravatione inducunt fermentationem, non prius feliciter cessantem, nisi heterogeneis & vitiosis secum non unibilibus & viriosis particulis separatis & præcipitatis, æquabilis & ordinata sanguinis redeat fermentatio: qua ratione supnascuntur febres, diarrhoeæ, & dysenteriae ex fructibus horæis, icterus, ut & morbi epidemici, dum ex fermento peregrino extrinsecus suscepto alteratur massa sanguinea & naturalis ejus fermentatio hinc pervertitur, donec morbus iste oriatur; ut in scorbuto & morbis epidemicis: id quod de contagiis similiter verum est. Hæc omnia fiunt, quatenus deb. tam salum harmoniam, & motum æquabilem tollunt, & alterando & immutando, &c. de quo supra.

§. 10. Cæterum cum non tantum variæ alimentorum in primis viis sint corruptiones, sed & succorum, tam biliosi quam pancreatici, non tantum in quanto, sed & in quali, variationes & alterationes, sæpèque depravationes, aut varia horum combinatione varietas hinc excretorum, dependet. Non igitur variæ pituitæ species statuendæ, ex alio atque alio caloris secundum gradus defectu; nec variæ bilis & melancholiæ sordes è diverso caloris augmento, nec solo calore excreta æstimanda, ut omnia flava sint bilis, omnia alba serum, omnia nigra Melancholia, sed varii succorum concursus dant varia ista Excreta, & quoad colorem & saporem & consistentiam, aliasque proprietates, innumerabiliter discrepantia; ut expertæ Chymicorum manus succos, ex varietate salum aliarumque particularum diversos miscente, ad oculum demonstrant, pro varietate concretionis, resolutionis, præcipitationis, &c. qualitates ejusdem liquoris innumerabiliter variando.

§. 11. Si verbi gratia rejecta alvi excrementa flavent, quem colorem habent à bile, non tantum sunt amara, aut sola bile formaliter constant, sed admixtio succi pancreatici saporem ferè insipidum, vel aquosum subdulcem, ipsis conciliat: unde & sale salso & ammoniacali volatili sca-
rent. Infantes sæpè rejiciunt flava, quæ tamen non sunt amara; nam ceu suavia devorantur à canibus; & unde tanta in fetu bilis copia? Interdum infantes rejiciunt porracea & æruginosa, quæ tamen non sunt ex bile, nam manifestè acidum spirant; nata ex corruptione lactis acescentis (unde & tormina inferunt) & acidum præcipitantibus, v. gr. lapillis cancrorum, &c. curantur. Sæpè fit, alba

alba & aquosa evomantur in specie, vel post potum, vel sæpe etiam in scorbuto, quæ non sunt serum aquosum; nam non tantum manifestam aciditatem in lingua produunt, sed & dentibus stuporem instar fructuum immaturorum austerorum inducunt, & pelvi æneæ immixta corrodunt, id quod porracea, sæpe rejecta faciunt. Unde & fructus horæi, omnibus consentientibus produunt bilem æruginosam & porraceam; sed isti fructus ob facilem fermentationem corrumpuntur & acrescunt. Dicta jam probant experimenta GRAEFFI de succo pancreatico pag. 65. §. 147. qui ex bile flava; ex folliculo felleo extracta, cum spiritu vitrioli pellucido permixta, liquorem ex atro virescentem adquisivit. Contingit interdum similiter quoque evomi flava sine ullo amarore, in specie ex ovis & cibus pinguibus in ventriculo corruptis: cum & putrido & foetido odore ac sapore è contra albicantia & limpida rejecta insigniter amarescere, testis est FRANCISCUS de le BOE SYLVIUS. Pituita verò acida quid aliud est, quam mucus intestinorum cum succo pancreatico permixtus? & atra bilis adeo horrida apud Autores, succus videatur pancreaticus, vel interdum lymphæ nimis acida, volatilis, subtilis & penetrans, adeoque potenter corrodens, & levi de causa cum quodam alcalisato seu urinoso subjecto concurrente, in enormes & periculosas effervescencias erumpens. Materia mucosa cum sanguine in dysenteria rejecta, nil minus videtur quam mucus intestinorum. In diarrhœis quæ reiciuntur, licet flava, non tamen ex bile sunt, sed partes sanguinis heterogeneæ fermentatione separatæ: & quos humores educunt Purgantia, colorem non habent nativum, sed vel ex medicamentis ipsis tributum, verb. gr. Rhabarbarum & aloë flavedine semper tingunt, & Martialia medicamenta semper fæces nigras tingunt; vel ex colliqutione per medicamentum purgans in ipsis enatum, ut sufficienter HELMONTIUS demonstrat lib. 5. de Febribus. KNOEFFELIUS de febr. Epidem. pag. 66. VALLÆVS de meth. Med. pag. 25. Hinc & fortiora purgantia, in diversæ licet constitutionis hominibus, eadem stercora tamen, ratione coloris aliarumque qualitaturn, evocant.

§. 12. Calculorum generatio fit per modum coagulationis, dum acidum vitiosum ex primis viis, imprimis, ex stomachi errore, elapsum, reliquis partibus communicatum in quibus conveniens sal urinosum cum eodem se jungit; unde necessario in unam massam ita conveniunt, & quicquid conveniens aptumque unioni, simul apprehendunt, i. e. his duobus una coagulum suscipit, & calculorum sic varietatem constituit. Cumque in renibus imprimis, hinc & in vesicula fellea, salis istius urinosi abundantia reperiatur, si modò prius per aliqualem putredinis vel fermentationis notam salus urinæ sapor dividatur, & sal ejus urinosum volatile manifestius sic fiat: (id quod ex. gr. manifestè constat in asparago) propterea nullæ partes magis quam renes, & deinde vesicula fellea, obnoxia sunt calculis, idque eò promptius, quò facilius stomachi errore communicari possunt renibus per urinam potius, ibique hanc peregrinam etiam producere: sobolem. vid. TACHENII HIPPOCRATES Chymicus cap. 14. pag. 831. Idque similiter de podagræ nodis & tophis intelligendum esse, quatenus acidum podagricum tractum in artum iuncturas, inibique sinoviam coagulat artuum, per se manifestum est.

tia canina venit nomine, cum propter excessivam acrimoniam acidi fermenti ingerant ægri alimenta instar canum, ob simile scilicet acidum excedens ingerentes non tantum dura ossa, sed eadem etiam feliciter concoquentes. Hinc Chymia, naturæ æmula, docuit Curiosos, cum primis TACHENIUM in Hipp. Chym. cap. 13. per liquorem acidum volatilem alimenta contrita leni calore paucarum horarum spatio in liquorem salsum lacteum instar chyli convertere; id quod etiam eruditus BOYLE Use, fulness of. Experim. Phil. P. 2. pag. 20. liquore quodam ex vitriolo parato præstat, non in chylum tantum artificialem mutando alimenta, sed etiam postmodum in liquorem rubrum instar sanguinis.

§. 2. Cæterum unde determinata Pica oriatur appetentia, res admodum intricata. In naturali statu videmus unamquamque animalium speciem in determinatum ferri nutrimentum, quæ ratione felis mures, ciconia ranas, anser avenam, bos gramen, carduelis carduum, homo panem, &c. & appetunt & feliciter digerunt. In statu verò præternaturali homines interdum & feles vel in consueta vel singularia ardentem appetunt, verb. gr. cretam; carbonem, arenam, atramentum, araneas &c.; & hæc quæ appetunt insolita, feliciter sine noxa concoquunt, à quibus non appetitis non levis aliàs contingeret læsio. Peculiarem, ut in unaquaque specie, ita & in ceteris individuis, fermenti hic subesse constitutionem, & quidem tal em ratione cuius fermentum istud se habet ceu appropriatum agens menstruum illius obiecti appetiti, certum est; sed in quo ista fermenti determinata constitutio consistat? & quomodo determinet nostrum appetitum, ut specifica appetat? hoc est, quod ex profundo DEMOCRITI puteo venit hauriendum. Ideo certè, quas hic habere volunt nonnulli, & intellectu & explicatu sunt difficillimæ, utut nativæ quorundam ciborum appetentia per huiusmodi ideas, archeo stomachi in utero matris impressas, facile & accurate explicari queat.

§. 3. Flatus, qui ex stomacho sub ruftuum nomine erumpunt, non insunt naturaliter assumptis, sed per fermentationem demum generantur in stomacho; sicut farina in panificio, & liquores potulenti per fermentationem copiose eos generant & exhalant. Sunt scilicet tales Flatus neque vapores neque exhalationes, sed meritò ab HELMONTIO ad tertiam huiusmodi Entium classem referuntur, nempe ad Gas Sylvestre, seu spiritus incoercibiles generatos, neque à calore neque à frigore per se, sed tantum ab acido præternaturali per vitiosam fermentationem; unde in hypochondriacis, mulieribus hystericis, &c. vitio fermenti stomachi vel succi pancreatici vitiose acidorum copiosissime generantur flatus.

§. 4. Singultus malè refertur ad stomachi affectum cum revera sit convulsivus diaphragmatis affectus & motus; unde ab HIPPOCRATE & GALENO ad convulsiones relatus fuit; ab irritante scilicet obiecto diaphragma molestarum, cum impetu convellitur, ideoque singultus inspirando fieri adsolet; sicut etiam ex proæresi a nobis concitari potest, a perito argumento, non stomachi esse actionem, quarum nullæ voluntatis obediunt imperio, sed diaphragmatis, respirationi primario inservientis. Negari etiam nequit, sæpius per consensum affligi diaphragma, obiecto irritante in stomacho, propter connexionem sensibilibus stomachi orificii cum diaphragmate, dum illud illius perforat substantiam, & in transitu connectuntur.

DISPUTATIO VIII.

Opponente

Dn. JACOBO WOLFFIO.

NUMBURGENSI MISNICO.

§. 1.

Sicut fermentum ventriculi est causa appetitus naturalis; ita etiam est origo appetitus præternaturalis; & quidem auctum nimis vorandi desiderium, recte appeten-

DISPUTATIO IX.

Respondente

Dno. ANDREA PETER-
MANNŌ,

DELITIO-MISNICO:

Opponentibus

Dno. HENR. WARRNA-
TIO,

SCHOWAPOLONO;

&

Dno. IACOBO WOLFFIO,

NUMBURGO MISNICO:

§. 1.

Vomitus fit ex convulsiva contractura pylori, quo constricto mox systole totius ventriculi, ab orificio inferiori ad superius sequitur, ob fibras nerveas circulares, stomachi mediam tunicam vestientes, similiter constrictas, quas sequitur similis gulæ convulsio, indeque per eos contentorum rejectio. Est enim Pylorus præses retentionis stomachi, dum sua apertura transmittit inferiora versus ventriculi contenta, & sui contractura superiora versus regurgitare facit eadem. Unde hujus pylori primum est peccatum in iis, qui lenteria corripiuntur.

§. 2. Ut igitur Pylori contractio dat vomitum, ita orificii superioris seu stomachi clausura producit nauseam: Hæc enim fastidii est species; unde ea, quæ nauseamus difficulter deglutimus, & in gula circa orificium superius ventriculi eadem hæere aperte percipimus. Claudat se orificium hoc ex quodam horrore objecti molesti, quod fastidit; unde hoc ipsum interdum, antequam stomachum intrat, per superiora denuo rejicitur; aut si nihilominus coactè admittatur illud in stomachum, pylori tamen efficacior supervenit clausura, & hinc sæpius vel vehementi vel frequenti nauseæ vomitus succedere solet.

§. 3. Qualis sanguis in corpore, talis color in habitu corporis efflorescit. Quod si igitur crasis sanguinis vitietur, etiam color ejus rubineus, è certâ particularum hanc massam componentium, imprimis salium volatilium, cum reliquis sulphureis unione exurgens, immutabitur. Crasis autem ejus vitietur, præter alias 600. rationes, præcipue quando defectus contingit in separatione sæcum alvinarum in intestinis, ob vitium succi biliosi & pancreatici vario modo corruptorum. Peccat autem imprimis bilis, dum deficit sale ejus volatile balsamicum primæ digestionis correctivum, unde abundans ejus pars oleosa sulphurea non ritè exaltatur, & ineptum fit ad tingendum chylum rubineo sulphure pro futura sanguificatione.

§. 4. Defectuosæ igitur particulæ in sanguine congestæ, nec ritè assimilatae, tandem per fermentationem separantur & præcipitantur, & ita abeunt in excrementa diversimodè tincta, novisque coloribus, quos antea non habebant, conspicua. Eadem ratione atque ars, imitatrix naturæ, ex diversa præcipitatione diversis coloribus liquores tingere & pingere solet, dum antea permixta inconspicua, jam præcipitata & aliquantisper separata, reddit conspicua, adeoque ex diversa luminis refractione colorata. Partes verò heterogeneæ separatæ, partim à latice aquoso imbibitæ per urinam excernuntur, unde hæc sunt variè coloratæ, crassæ & turbidæ, hinc deposito sedimento denuo clarent; partim verò, & quidem maxima ex parte, per vascula capillaria quasi filtrata, vel transcolata, hinc inde, in specie in subcutaneis locis, defiguntur, quæ pro coloris sui varietate nunc flavedine, nunc viriditate, nunc lividitate, nunc nigredine &c. tingunt.

§. 5. Bilis enim sanguini permixta nunquam flavum colorem ipsi conciliat, sed ratione salis volatilis copiosi ejus rubeam tincturam exaltat. Succus melancholicus atrum colorem tribuens non reperitur in nostro corpore: Facessant ergo Veterum de ictero nigro & flavo opiniones, ut taceam & febres & menses suppressos & animalium morsus icteros produxisse, nec semper bilis meatu esse obstructos, & sæpius lapilli in vesicula fellea bilis potius impediunt augmentum. Rarum est etiam, cum ictero nigro splenis esse tumorem, obstructionis nuntium, qui potius supervenit jam confirmato, quam quod eundem producat incipientem. Succus tamen biliosus & pancreaticus variæ corruptelæ & defectus occasiones certas subministrant istiusmodi cachexiis coloratis: unde optimè per medicamenta, sale volatili acri prædita, curantur; sicuti cachexiam simplicem præcedere solet ut plurimum Cacoehymia in ventriculo.

DISPUTATIO X.

Respondente

Dno. IACOBO WOLFFIO.

NUMBURGO-MISNICO:

& Opponente

Dno. ANDREA PETER-
MANNŌ,

DELITIO-MISNICO.

§. 1.

IN Diarrhœa aut Cholera similibusque alvi fluxibus, tam naturalibus, quam artificialibus, intestina instrumentaliter tantum & passivè se habent, massa sanguinea primario affecta existente: quæ fermentationis inordinatæ & depravatæ agitata motu, partes heterogeneas & effervescentes separatas & præcipitatas in intestina amandat, idque per ductum partim pancreaticum, partim biliosum, in quibus transcolatorio modo & à massa reliqua separatæ eiciuntur & expelluntur: sicuti idem in purgationibus per medicamenta vegetabilia institutis contingere solet; aut sicut fructus horæ facillè fermentescibiles diarrhœas, quæ excitare solent, ut taceam diarrhœas, quæ critico motu in acutorum statu vel declinatione superveniunt.

§. 2. Asthma infarctum pulmonum aut asperæ arteriæ ramorum sequi communis fert equidem opinio, at ea, quæ Asthmata sicca vocantur, & satis sunt familiaria, nullo modo cum hac hypothese conciliari possunt. Quæ uti hæreditario jure non raro transeunt in seros nepotes, ita sequuntur tempestatam mutationes, & ephemeridum loco ægris inserviunt. Interdum verò etiam erraticè, affligunt, & sine ulla materiæ occasionalis connexionem, ut inopinanter irruunt; ita sine sensibili evacuatione dum cessant; potius ob convulsiones musculorum respirationi inservientium contingunt, efferi motus, concitatis animalibus spiritibus, nervum intercostalem inflantibus. Unde & laryngis & faucium obstinata illa in hysteris oclusio, quasi laqueo angustari illas partes sentiunt, ex eadem promanat causa. Ut taceam mesenterii & intestinorum in iisdem, uti & hypochondriacis dolorificam sæpe convulsionem, quam umbilici interiora versus violenta contractio, & totius abdominis contractio sequitur.

§. 3. Catarrhus, qui fingitur sæpe suffocativus, reverà tantum est sanguinis stagnatio, seu impeditus motus in pulmonibus, quem angustia tales suffocantes consequuntur, ex quacunque demum causa sanguinis per pulmones impediatur circulus, quæ tamen sæpius est ejus coagulatio, origo non tantum hujus affectus, sed peripneumoniarum pariter ac pleuritidis: Nec quemcunque decipiat copiosa spuma, quæ taliter affectuum mortuorumque ex ore effluit; hujus namque origo est ex agitatione sanguinis ab aere inspirato in flabellis pulmo-

monum facta: Nam canis, qui ex infuso oleo sulphuris in venam cruralem suffocatus tandem interit, copiosissimam talem & in pulmonibus & in aspera arteria tota monstrat spumam. Hinc & *sperma ceti* est adeo laudatum remedium, in tali casu, quoniam sanguinem coagulatum potenter resolvit.

§. 4. *Tussis* sæpè originem ex stomacho, quatenus diaphragma, stomacho affecto irritatum convulsivis concussionibus excutere nititur objecta molesta. Lenta est ut plurimum, & graviter imò ex pectore tales tussunt, in principio pauca, in fine copiosa, screando rejiciuntur mucosa, & ægri ipsi in digito intento monstrant locum affectum sub scrobiculo cordis, in regione stomachi propè ejus orificium sinistrum se sentire inquietes ibidem materiam coacervatam & sensibiliter molestantem. Screatu rejectam materiam ex stomacho per gulam sensim sensimque attolli, non est improbabile, imprimis cum ex *succo raphani* hausto paulò post copiosissima rejiciantur mucosa.

DISPUTATIO XI.

§. 1.

OMnis motus corporis nostri organicus fit per fibras nervæas, tanquam funiculos, quibus movetur aliqua machina. Has fibras inflatas per spiritus animales sui coarctatione ciere motum, probabilissimum, est sive imperio voluntatis subjaceat talis motus in systemate fibrarum unitarum musculo per nervos ex cerebro protensos, sive citra præresin per fibras circulares disjunctas virtute nervorum ex cerebello productorum moveantur interna viscera: sed an ex dictamine idearum, cujuslibet partis functioni præsentium, ideis partis fabricatoribus adnexarum, determinatio motus contingat? ut putat MARCUS MARCI, res est non parum intricata; utut tam motus artificialis quam præternaturalis ex venenatorum moribus inductus, hoc confirmare videatur. *Convulsio* easdem agnoscit causas, quas motus naturalis, eas tamen cum impetu & violentia quadam, non sine occasionali molestiæ vel irritationis sensu, adeoque prægressa furoris vel indignationis idea, operari constat.

§. 2. *Deliria omnia*, quæ sine febre sunt, ex ideis præternaturalibus spiritibus sigillatis dependet; sive ab externis in nos traducantur partim per adsumpta, partim per animalium morsus; sive intra nos ab animi variis passionibus & perturbationibus eundantur. Oportet sanè tam legitime quam depravatè intelligentem speculari phantasmata seu ideas, quæ continua sua repræsentatione imaginativam turbant. *Amar* sanè, indeque deliria amantium oborta, vel manu

nos ducunt ad tales ideas cognoscendas, dum stultus amans objectum, in quod fertur continuo, cogitat & meditatur; & actiones canis, ut tales, cum oriantur ab ideis seminalibus ejus, certè per morsum & nobis easdem communicari ex similitudine actionum & morum, manifestum est. Unde & curatio stultis interdum convenit stulta; dum solummodo per ideas, quæ antea conceptas vel ceu contrarias expellunt, vel ceu fortiores efficacius, spiritus sigillando, delent, curantur; v. gr. dum idea pavoris & terroris ex submersione in aquam medetur rabioso & Maniaco, vel abscissio cornuum alligatorum sanat etiam, qui putat se gestare cornua.

§. 3. *Fluor muliebris albus reverà videtur esse earum gonorrhœa notha, ex laxitate testium aliavè vitiosa constitutione eorundem* producta, ratione cujus hi copiose serosum laticem, ex Massa sanguinea, vitio digestionis primarum viarum, & deficientis motus, coacervatum imbibunt, & interdum emittunt. Aliæ certæ viæ prostant nullæ. Jam verò naturæ lex hæc est inviolabilis, ut nunquam aliquem humorem à sanguine distinctum excernat, nisi per certas partes ceu cribra hoc fiat, sive hunc in finem ad ea sint extructæ, sive proprio vitio in talia cribra degenerent: Unde non mirum, si fluor hujusmodi suppressus in diabetem degenerat, aut hydropem, similiavè mala excitat. Solet autem esse communis virginibus pariter atque corruptis.

§. 4. *Furor*, qui interdum apprehendit mulieres, uterinus dictus, idem est cum isto furore, quo statim temporibus percitæ bestiae in Venerem ruunt, ex seminis turgescencia spirituosa, indeque facta suavi ac voluptuosa genitalium titillatione, cum effervescencia nimia impetuosa & extraordinaria sanguinis. Cum enim sub pubertatis annis tam mira corporis in utroque sexu fiat alteratio ex seminis proventu, ejusque spirituosa volatilis auræ cum sanguine permissione, quid mirum, si ejus spirituosa abundantia tam singulares similiter inducat mutationes? Ex suavi namque isto genitalium sensu, ob turgescens semen, facile talis excitatur idea Venerea, etiam imaginativa, quæ continua sui repræsentatione instar cujusdam delirantis nil aliud cogitare permittit, quam exercitia Venerea. Eadem scilicet hic est ratio, atque tunc nocturno tempore, ex quacunque causa in seminariis vesiculis masculorum turgescens semen, inchoata sua titillatione somnium in repræsentare facit actus Venerei, quæ somnii idea commoti spiritus agili ejaculatione curam procurant. Iam cogita talem nocturnam evacuationem suppressam, cum continua tamen, etiam in vigilante, genitalium prurigine, indeque Venerea imaginatione, & quid aliud quam furorem uterinum habebis? cujus elegantem historiam opii usu curati annotatam vide in BA RTHOLINI *Histor. 85. Centur. 5.*

MICHAELIS ETTMULLERI,

PHILOSOPH. ET MEDICINÆ DOCTORIS,

DISPUTATIO

D E

FERMENTATIONE,

Communicata

Anno 1669.

§. 1.

Fermentatio est minutarum particularum, corpus mistum constituentium, motus intestinus, ortus à mutua saltum, alcali & acidi, in unoquoque misto existentium, sed resolutorum, in se invicem actione, qua omnes reliquæ mistum componentes particulae, variè inter se invicem exagitantur, & permi-

scuntur, usque dum sequatur aut ultima misti resolutio, aut nova ejusdem alteratio à salium nova unione aut saltem con-temperatione dependens.

§. 2. *Subiectum Fermentationis est corpus mistum*, hoc est cujus minutæ particulae, ex quibus proximè constat, & in quas proximè est divisibile, sunt diversæ naturæ. Quæ naturarum diversitas à solius magnitudinis, positionis, quoad levitatem & gravitatem, compositionis vel

vel motus & texturæ, aliarumque huiusmodi circumstantiarum ratione, dependet.

§. 3. *Causa Fermentationis proxima* seu id, quod motum istum in particulis componentibus incipit, sunt salia illa duo, *acidum & alcali*, & hoc tam volatile in operibus naturæ, quam fixum in operibus artis: Hæc duo enim generalia salia in omni existunt corpore naturali, & unum sine altero in rerum natura reperibile non est, variata nihilominus admodum proportionem.

§. 4. Sub alcali autem & sub acidi nomine innumerabilis, salium diversitas & varietas comprehenditur, cum tam urinosa, quam acida innumerabiliter inter se differant, unde & variis modis inter se mutuo uniri & combinari possunt, indeque variæ saporum operationumque differentiarum deducendæ sunt. Indeque & salium, ex acidi & alcali concursu obortum, multis modis variat: de quibus videatur TACHENIUS in *Hipp. Chym. & Clave Med. Hippocrat*.

§. 5. Hæc salia autem, ubi debito modo vel inter se vel cum aliis juncta sunt, ne alterum nimis excedat alterum, aut ab aliis rebus temperata, ne propter interjectum quasi medium in se invicem agere queant, quieta existunt, corpusque in eodem permanet statu.

§. 6. Quod si verò *salia* hæc non debito modo coniuncta sunt, sed disiunguntur, vel cum non debitam ad se invicem obtinent proportionem, vel non legitime ab aliis admixtis temperantur, immediate tunc in se invicem agunt: acidum rodit alcali, & alcali propellit acidum, unum agit contra alterum, aguntque & patiuntur mutuo; hinc missionis solvitur vinculum, ab hisce salibus potissimum dependens, & reliquæ componentis particulæ sui juris factæ, uti non semper in omnibus concordant, ita à salibus eorumque motu variè agitatæ, motæ & commotæ confusæ & perturbatæ, debitoque, quem ante obtinebant, situ non locatæ, hanc intestinam motionem, à salibus inchoatam, masculè promovent augentque, & ita Fermentationis motum efficiunt.

§. 7. Confirmatur hoc exinde:

1. Quia fermentescencia omnia his duobus salibus copiose sunt instructa, & quæ his duobus constant salibus, facillimè fermentantur, verb. gr. mel, saccharum, succi florum, plantarum, fructuum maturorum, urina, mustum, cerevisia &c. alia verò corpora his destituta minime.

2. Mutationes rei per fermentationem factæ, ut sunt in colore, sapore, consistentia, separatione partium, &c. optimè de his salibus, variaque eorum conjunctione, tum inter se tum cum aliis, con-temperatone deducuntur.

3. Affinitas Fermentationis cum Effervescentia manu nos ducit ad salium horum considerationem cum Effervescentia, accelerata videatur fermentatio. Effervescentia verò sepius, licet non semper, ab acidi & alcali concursu oritur: v. gr. spiritus nitri limaturæ ferri affusus, facit effervescentiam: idem spiritus butyro antimonii affusus, etiam effervescit, cum tamen sint duo acida: Ejusmodi tamen exempla sunt rarissima. Distinguenda est Ebullitio, quæ tantum fit in aquosis & oleosis, à Fermentatione & Effervescentia.

4. Prout salia nunc plus nunc minus sunt proportionata, & ab aliis temperata, eo nunc magis promovetur, nunc impeditur Fermentatio. Nam fit interdum Fermentatio, dum salia hæc sunt improporcionata, & alterum assurgit erga alterum, ut in vino & cerevisia acescentibus. In illis enim fermentationem impedimus, dum temperare studemus, in his verò, dum æqualem proportionem observamus: V. gr. in vino sunt salia, quæ temperata sunt ab aliis particulis admixtis: quod si verò vino addatur tartarus, vel sæx cerevisiæ, quibus salia fiunt aciora, habemus fermentationem. Item si cerevisiæ acescenti, ob inæqualem proportionem acidi & alcali, injiciatur creta, vel lapilli cancrorum, augetur alcali, si que proportionatum acido, unde tollitur acescentia.

5. Omnia ea, quæ fermentorum loco adjiciuntur, ac fermenti vices subeunt, in transmutanda re

per fermentationem, ac in renovanda deficiente fermentatione, agunt, quatenus unum horum salium in iis excellit, unde simile exsuscitatur, contrarium verò subigitur in re fermentanda; vel quatenus iis ambobus egregiè pol- lent, unde in re fermentanda hæc salia antea quieta, de novo, ob acquisitas suppetias, partes reliquas, à quibus contemperabantur, superant, & actiones mutuas renovant: v. gr. acetum vino infusum concitat fermentationem, unde vinum mutatur in acetum; Calx viva musto adjecta, ejus fermentationem promovet.

6. Omnia, ea quæ fermentationem proximè impediunt, hoc agunt, quatenus horum ejusmodi salium vim & in se mutuam actionem infringunt ac tollunt, sal excedens absorbendo, vel deficiens restituendo, & iis ambobus se permiscendo, & ea ita temperando: v. gr. creta absorbet acidum, & impedit cerevisiæ acescentiam: copia lactis vino injecta huius effervescentiam impedit; salia dicta temperando.

§. 8. Effervescentia & Fermentatio à multis confunduntur; imò nimis rigidè, tanquam longè diversa, distinguuntur. Reverà sunt una eademque res, diversus saltem salium status & concipiendi modus est, quæ nunc sunt pura, h. e. sola, sine alterius corporis additione, aquæ tamen beneficio conjuncta & confusa, nunc verò sunt impura, hoc est, sociata aliis particulis, corpora mista componentibus: Si prius, habeo effervescentiam; si posterius, habeo fermentationem: In primo salia sunt libera, unde cum impetu validè dimicant; in secundo sunt impedita, unde remissius agunt, hinc in primo citius, in secundo tardius, suum absolvent opus. In primo unita firmiter requiescunt; in secundo verò variè se habent, dum cum aliis particulis se unientia, vel laxè tantummodò se invicem contingunt, vel cum aliis firmitus concrescunt, prout alia atque alia salium, tum inter se, tum cum admixtis, est proportio. Nam in effervescentia strictè sic dicta uniuntur particulæ salinæ, ob nullius alius interventum; in fermentatione verò laxius ob aliarum particularum inter-
nionem, unde effervescit per se amplius non effervescunt, fermentata verò denuo fermentant. Hinc videmus, quod quò magis mista sunt corpora, h. e. quò magis salia sunt temperata, & ita impedita, eò magis fermentat; quò verò minus sunt mista, & salia ita sunt liberiora & puriora, eò magis effervescunt.

§. 9. *Causæ Occasionales Fermentationis* sunt omnia ea, quæ quocunque modo salium mutuam proportionem tollere, alterum augendo, alterum verò imminuendo, vel quocunque modo missionem particularum auferre, easque invicem à se separare possunt; unde salia aliorum consortio & con-temperatone liberata, à se invicem distracta, de novo agere atque reagere incipiunt, hoc est fermentare. Distinguenda autem causa occasionalis HELMONTII à vulgari: Ille enim causam occasionalem omnium ponit in humoribus; vulgò verò eadem est cum procatactica seu remotissima.

§. 10. *Requisita ad fermentationem necessaria* sunt tria:

1. *Humidum debitum* vel liquor, qui resolvat mistum; salia enim nisi resoluta non agunt in se, nec operantur: deinde humidum locum idoneum præbet, in quo motum suum exercere valent misti particulæ. Sit autem debitum, & ratione quantitatis & qualitatis: vid. KERGERUS de Fermentat. pag. 70.

2. *Spatium liberum*. Omnia enim dum fermentat, ob motum inter se invicem concitatum, & liberam particularum à se invicem separationem, multum expanduntur ac dilatantur, unde denegato spatio denegatur & motus, & per consequens etiam fermentatio.

3. *Requiritur particularum corporum fermentescen-
tium aut diminutio* in minimas, si sit siccum; aut confusio, vel laxior unio, si sit humidum: v. gr. fermentum in farinam contritum, & mustum crassiusculè inspissatum non fermentat. Dum enim salia nimis sunt unita, in se invicem agere, aliorumque consortio se extricare nequeunt. Præterea quoque, si firmiter remanerent misti particulæ unitæ, impossibile ipsis esset, se movere.

§. 11. *Causæ interim adjuvantes* sunt tres:

1. Fer-

1. *Fermentum*: non quidem tam propriè dictum pistorum fermentum, sed omne id hoc loco intelligitur, quod alicui rei permixtum, eam incidendo, resolvendo & penetrando in fermentationem movet, estq; semper naturæ salinæ, nunc de natura alcali, ut dum lupulus cerevisiæ additur, dum aromata & sinapi cum saccharo permiscuntur, quibus eorum promovetur fermentatio; & ipsa vini florescentis effluvia odorata, quæ vinum de novo fermentant, sunt de natura salis volatilis; nunc de natura acidi, ut fermentum pistorum; nunc de utroque, & hæc efficacissimè fermentationem promovere, ut fæces cerevisiæ, mel, saliva hominis jejuni, &c.

2. *Calor moderatus*. Hujus enim natura est attenuare & resolvere, humidaque laxare, & dilatare, quæ frigus è contrà adstringit; hinc promovendo motum, fermentationem promovet. Observatur interim quod fermentescencia & ipsa ingentem calorem concipiant, ex insigni motu particularum oriundum, quæ fermentatio, ut magis magisque promovetur, ita & calor internus tanto magis excitatur & augetur.

3. *Est motus externus*: Hic enim agitando particulas, mutuum salium, tum inter se, tum cum aliis concursum, promovet, sicque multum ad fermentationem contribuit.

§. 12. *Effectus Fermentationis* est vel essentialis, vel accidentalis. Essentialis est vel frequentior vel intermedius, vel rarior & ultimus. Ille est misti insignis alteratio: Hic est misti ultima in suas particulas componentes omnimoda resolutio. Alteratio misti, quæ veræ fermentationis est ordinarius effectus, contingit tum ob novam salium inter se, & cum aliis particulis mistum componentibus unionem ac contemperacionem, tum ob partium non miscibilium exclusionem. Quæ partes non sunt miscibiles aut ratione ponderis, unde leviores avolant, graviores ad fundum præcipitantur; aut, quod frequentius est, ratione figuræ. Ut hic effectus melius intelligatur, notandum: quod salia ob id in se invicem agant, ut se uniant; quod nunc faciunt immediatè, si sunt sola, ut in effervescencia; nunc immediatè, si aliis nempe sunt sociata, ut in fermentatione. Ex qua nova unionem ingens misti sequitur alteratio in colore, sapore, consistentia, & aliis proprietatibus; ita ut nulla ferè in rerum natura peragatur alteratio, neque generatio aut corruptio, ubi non intercedat fermentatio. Exemplum ultimæ fermentationis videmus in musto, ex quo per fermentationem alterato fit vinum & tartarus; vinum dum denudò fermentat, alteratur & degenerat in acetum per novam texturam, quatenus acidum obtundit & figit sal volatile sic fructus maturescunt per fermentationem, & semina per eandem germinant. Est ergo rerum quarundam separatio accidens quoddam necessariò consequens fermentationem, non verò primarius aut essentialis ejus effectus.

§. 13. *Ultima misti resolutio rarior*, & ultimus denique fermentationis effectus est, ad quem ferè non, nisi per iteratas fermentationes est accessus. Quoties namque contingit fermentatio, toties fit nova salium unio, partium volatilium avolatio, gravium verò vel crassarum præcipi-

tatio, vel alio modo non-miscibilium ad fundum exclusio: unde sensim sensimque salia arctius se uniant, aliis particulis relictis, donec tandem vel uno sale dominante, altero oppresso; vel ambobus arcte inter se invicem unitis, ut à volatilitate sua evaporent, ac sub forma salis remaneant, sicque aliarum partium consortium relinquunt, unde vinculum missionis, à salibus oriundum, tandem dissolvitur, & mistum in componentes se immediatè particulas tandem dirimitur; id quod *Putredo* vocatur. Unde acetum cum ulterius fermentat, abit in *situm*, sive lanuginem ex humore creatam, quod est reverà germinatio seu vegetatio quædam, beneficio microscopii jucundè oculis se sistens. Post situm fatiscit mistum, i. e. salia postmodum destructa sunt, & particule sitos non amplius sufficientes sunt ad constitutionem novi misti, adeoque in novum esse fatiscunt, abeunt in aquam. Plura qui cupit de Fermentatione videat KERGERUM, WILLISIUM, SCHOOKIUM de fermentatione agentes, quorum hypotheses erroneæ facile corrigi possunt.

§. 14. *Unica est differentia fermentationis præ aliis notatu digna*, dum fermentatio nunc est occulta, nunc manifesta. Hæc Magna labore multoque strepitu peragitur, illa non nisi pedetentim suas exerit vires: Hæc salium admodum efferatorum vim sequitur; illa salium temperatorum: Hæc in artificialibus; illa in naturalibus est obvia, v. gr. in fructibus maturescentibus, in fermentatione plantarum, sanguinis humani, & est fermentatio occulta: sed fermentatio musti vel panis, est manifesta.

§. 15. *Fermentationes corporis humani* dum naturaliter sunt constitutæ, blandè placidèque omnino peraguntur. Sunt enim in corpore humano omnino temperata, & salia aliis particulis debitis mista, sine tumultu & strepitu fermentationes obeuntia. Præternaturales autem fermentationes sunt vel nimis austæ & impetuosæ, ut in febribus, diarrhœis, phreneticis, &c. ob salium effervescentium vim, impetuosamque potius effervescenciam, quàm fermentationem; vel nimis imminutæ & placidæ, ut in cachexia, morbo virgineo, apestia, &c. ubi salia impedita, & ab aliis particulis quasi obruta, debito modo concurrere, & fermentationem ciere non valent.

§. 16. *Fermentationes non raro aut inchoantur, aut augmentantur per fermenta*, quæ hanc vim obtinent, quatenus unum alterumve salium in iis excellit. Dumque per fermentationem & fermenta insignes admodum alterationes in rerum natura produci diximus, non est mirandum, quod fermenta, licet mole minima, in alterandis tamen rebus, & immutandis corporibus naturalibus, potentia adeò sint eximie, ut sæpè vel occultum quoddam miasma in aere volitans, integram vini cellam perturbare valeat, & parva salivæ guttula ingentem farinæ & cerevisiæ novellæ copiam fermentet: Inde namque miasmatur morborum & venenatorum potentia, dum fermentando in corpore nostro operantur, deducenda venit. Sunt namque, quod bene notandum, fermenta omnia sui multiplicativa, quæ se in materia prædisposita admodum multiplicant, eamque in sui naturam transmutant. Nam sicut parvum fermenti pistorii frustum ingentem farinæ massam in sui naturam transmutat & alterat, ita & morbillorum & variolarum, pestis, vel luis Veneræ miasma totam massam sanguineam alterare & depravare potest.

MICHAELIS ETTMULLERI, PHILOSOPH. ET MEDICINÆ DOCTORIS, DISSERTATIO

DE

CHIRURGIA TRANSFUSORIA

Communicata

Anno 1682.

CAPUT PRIMUM

HISTORICUM.

Ortum, Inventionis Occasionem, Progressum, & Experimenta Transfusionis,

Exhibens.

Inventionem quod attinet: notum est, inter nova huius seculi inventa ferè primaria recensendam esse circulationem sanguinis, cui occasionem dedit inventio valvularum seu ostiolorum in venis, præsertim artuum majoribus. *Primus valvularum illarum Inventor fuit ineunte anno 1579. GUILIELMUS FABRICIUS ab AQUAPENDENTE, Professor Patavinus, post quem brevi primus SALOMO ALBERTUS VVitterbergæ per æuroliæ, confirmavit.* Horum consideratione factum dein est, ut postmodum ratiocinando de sanguinis motu mirabili PAULUS SARPA, *Frater seu Monachus Venerus, AQUAPENDENTIS familiarissimus, conjecturare primus incepit.* E contra GUILIELMUS HARVÆUS, *Anglus, primitus sibi inventionem sanguinis circulationis tribuit, asserens, PAULUM SARPAM omnia ab ipso hausisse; & omnino fatendum, HARVÆUM primum fuisse, qui experimentando negotium hoc manifestavit; SARPAM verò, quod ratiocinando ejusdem vestigia nobis exhibuit; quos inscutus VVALÆUS.*

Quærit hic posset: an Veteribus motus sanguinis circularis fuerit cognitus? Resp. Omnino; nam revera inventum est divinum, ab ipso Spiritu Sancto, Salomoni Regum sapientissimo, inspiratum: *Eccl. XII. v. 6. reperiuntur vestigia, SALOMONEM cognitionem habuisse circulationis huius: Videatur SCHNEIDERUS l. 3. Catarrh. cap. 2. & JOH. SCHMIDIUS in descriptione Senectutis Regis Salomonis, ubi hoc ipsum probat. De Sinensibus dubium est, an sciverint? licet sint, qui id affirmare conentur: videatur CLEYERUS, MEDICUS Batavus, in Epist. ad Simon Pauli, quæ reperitur in BARTHOLINI Actis Medic. Hassniens. volum. 4. observ. 1. p. 4. Verba ejus hæc sunt: Unicam saltem rem magnæ molis, quam vix mente complecti possum, nedum facultate consequi, mirari licet. Medicis Sinensibus tot retro seculis (ultra 4000. annorum), usum circulationis sanguinis innotuisse præ Europæis; & quod caput rei est, quædam in infallibilem ex pulsuum tactu, eorumque diversis ictibus exercere, morbi statum & declinationem exinde discutientes, &c. Superiori anno de Medicina Chinesum ex pulsibus non nemo scripsit, quod tam futile scriptum est, ut mirer, quod expressum exisset. Sicut autem facile est, inventis aliquid addere; quin & luce incensa vel tantilla, plura quæ in occulto latent, manifesta fiunt; ita occasione circulationis sanguinis cogitatum fuit de remediis communicandi sanguinem immediate; hinc Chirurgia itaque Infusoria inventa fuit. Primi, qui hanc ipsam exercuere, fuerunt Angli, & inter eos primus Autor dicitur VVREN. Theol. & Mathematicus in Acad. Oxoniensi P. P. insignis, Regiæ Societatis Socius, qui anno 1657. primitus erga Illustrem BOY-*

LEUM huius rei mentionem fecit: vid. *Act. Societ. Reg. Angl. Vol. 1. pag. 96.* Deinde JOH. DANIEL MAJOR *Medicæ Doctor & Anat. & Botanic. P. P. in Acad. Chilonensi, vir per quam eruditus, per quam etiam vagus, meditando ad hujusmodi infusionem liquoris medicamentosi tandem devenit. Hinc anno 1664. Prodromum edidit de hac Infusoria Chirurgia.*

Experimenta varia Chirurgiæ huius primò in brutis instituta fuerunt:

1. Cani infuderunt extracti liquidi opii ad ℥j., qui post mediam horam stupidus, & torpidus factus, adeo dormire incepit, ut licet acicula per linguam extant trans adigeretur, vix tamen sentiret & cum biduum unamque noctem dormiendo consumpsisset, reconvalevit: videatur *Disp. mea de Chirurg. Infus. cap. 1. s. 4.*
2. Cani infuderunt grana xvj. croci metallorum in ℥j Infusi non filtrati, hinc aliquot vomitus consecuti, altero mane verò mors.
3. In alius molossi arteriam infusum croci metallorum pauca quantitate immisum, nihil damni invexit; cum verò dosis ad ℥j. aucta fuisset, & animam, & simul omnia, evomuit.
4. Hinc plura quoque facta fuerunt experimenta cum acidis: sed observatum fuit, acida coagulando sanguinem statim mortem intulisse; è contra verò urinosâ injecta v. gr. oleum tartari, sanguinem floridum & rubicundum reddidisse.
5. Decoctum arsenici in aqua communi ad ℥j. infusum cani necem intulit.
6. Sic ipse experimenti gratia ℥ss. Mercurii sublimati in aqua simplici soluti in venam cruralem canis majoris injecti, qui paulò post exspiravit.
7. Cani aliquando aliquot Unciæ nitri cum aqua communi infusæ fuerunt, absque ulla alteratione.

Notabile est, quod, si cani per venam jugularem halitus infletur, moriatur: quod si verò per receptaculum commune infletur, iterum ad se redeat, & quasi reviviscat.

Progressum fuit ulterius, & quid humano valeat in corpore novum hocce inventum? similiter tentatum fuit. Sic præter alios D. FABRICIUS, *Medicus Dantiscanus, militi lue Venerea inveterata cum ulceribus in tibijs, tumore brachii dextri, doloribus capitis horrendis, cum gummatis seu nodis in ossibus laboranti, resinæ scammon. gr. vij. dissolutæ in Essentia Guajaci ad ℥iij. infundere curavit optimo cum successu; omnibus enim his affectibus vomitus supervenit, & dein secessus.*

CHIRURGIA hæc **INFUSORIA** est quasi mater, quæ peperit filiam, scilicet *Transfusoriam*, qua per venas sanguis alterius hominis aut bruti corpori humano immittitur, & locum illius occupat, qui à morbo consumptus, vel venæsectione largiore eductus erat. Primi Autores fuerunt Angli, **D. TIMOTHEUS CLACK**, *Regius Medicus*, ut & **Nob. HENSHAUS** anno 1657. de sanguine infundendo & transfundendo fuerunt solliciti, donec anno 1665. sub finem Febr. **D. LOWE-RUS** de *Corde* cap. 4. p. 184. primitus in cane instituisset experimentum. Mox in Galliis eadem *Transfusoria* tentata fuit in brutis, & in hominibus; hinc bellum literarium inter Gallos & Anglos ortum, qui reverà primi dicantur Autores. Sed verum est, quod prima laus debeat *Anglis respectu brutorum*; non tamen negandum est, Gallos primitus tentasse in hominibus. Conf. *Merclinus de Ortu & Occasu Transfus. sangu.* **LAMZSWERDE** Tab. xi. & xii. *Append. ad Scultet.* p. 29 & 55.

Videntur prostrare vestigia in Veteribus de *Transfusoria* hac Chirurgia. Nihil dicam de **MARSILIO FICINO**, qui suafor existit, ut senex sanguinem arteriæ sectæ juvenis exsugatur. Consilium sanè crudum, sed proficuum. Sic quoque **IOHANNES COLLE**, *Italicus, florentinus*, edidit *Tractatum de Inventione Remediorum, Flovorum, jucundorum & tutorum*, Autorque fuit, ut fiat translatio sanguinis ex juvene in senem. *Libavius*, vir scribendo prolixus, sed insignis scoticus & scepticus, in *Appendice* facit singularis hujus inventi mentionem, sed addit tamen hanc epigrammā: *Dentur puero jussula roborantia; Medico verò elleborus.* **MAURITIUS HOFFMANNUS**, *Med. Doctor, & P. P. Anatomices & Botanic. Altdorffinus*, mihi *Altdorffum* transeunti retulit, se publicè & privatim docuisse, quomodo in Melancholicis, Epilepticis, &c. sanguis ex juvene florido in ægrum immittendus sit: sicut & **D. MAIOR** supra laudatus brevi post infusoriam edidit librum, cui Titulus est: *Delitiae Hybernæ. Ex his patet per transfusionem sanguinis significari, sanguinis unius animalis in alterius animalis vasa sanguiflua per intermedios canales derivationem, pro usu Therapeutico vel Diætico.*

Differentia Transfusionis hujus est triplex: vel fit ex bruto in brutum experimentandi gratia; vel ex bruto in hominem, vel ex homine in hominem, medicandi gratia.

Modus varius est, Quisque enim ferè suum habet peculiarem modum. Alius est **LOWERI**, sed qui non placet, ob sanguinis motum & impulsu per canales nimis longos refractum, indeque illius facilem coagulationem. Mihi placet **DIONYSII & Gallorum** modus, quem Parisiis vidi. Vasa ex quibus fit Transfusio, in genere sunt venæ & arteriæ: locus verò, ubi ex istis vasis fieri solent Transfusiones, sunt vel in brutis cruralia vel jugularia vasa: in hominibus brachialia. Optimus modus est, si ex bruto in brutum instituat Transfusio, ut ex arteria crurali aperta, vel, quod periculosius, ex arteria carotide fiat in venam cruralem vel jugularem bruti.

Ex vena in venam, verbi gratia jugulares, commendat **EDMUNDUS KING** in *Act. Anglican.* pag. 361. ex bruto verò in hominem, si vena cruralis vel jugularis bruti aperiatur, & in homine in medianam fiat transfusio. Quod si ex homine in hominem instituenda, eligitur pro arteria emittente illa in brachio; pro vena recipiente etiam in brachio; præsentanei enim magis effectus & usus præstantioris videntur, si ex arteria in venam fiat transfusio, ob arteriosi sanguinis à venoso, in consistentia, motu, spirituositate, tardiore congruementia, differentiam.

Finis seu scopus est vel generalis, vitæ prolongatio in senibus, & hinc morborum curatio; vel specialis, sanguinis vitiosi correctio, ejusque deficientis matura restitutio: hinc in specie ad deliria Melancholica corrigenda & tabem curandam, scorbutum eradicandum, arthritidem mitigandam, epilepsiam removendam, scabiem & lepram tollendam, virium defectum restituendum, tam in juvenibus per morbos exhaustis, quam senibus jam natura deficientibus, ad mores per temperamentum alteratum corrigendos, ad inimicos conciliandos, ad calculi genesin ex sanguine falso tartareo inhibendam, Chirurgia hæc adhibetur.

Rationes, quæ suadent eam, sunt sequentes:

1. Desumatur ex consideratione foetus in utero: si-

Etmuller. Oper. Tom. I.

cut mater nutrit foetum, immediate transfundendo sanguinem suum in ipsum, & vitam ejus conservando, quid ni ergò in adultis id etiam fieri possit?

2. Ex compendiosissima nutriendi & sustentandi animalia via. Considerentur enim tam ambages ciborum, eorumque mora, antequam ad sanguinem deferantur, quam variæ, quas patiuntur, alterationes.

3. Ex eo quod certum sit, sanguinem esse radicem vitæ, & simul vel ægræ vel sanæ. Unde sanguine cacochoymo existente, maxima exinde oriuntur mala; eodem verò euechoymo floridus status ermerget. Qua ratione verò corrigi melius potest, quàm per sanguinem? per alium enim sanguinem hoc correcto mala evanescent.

Ex eo, quod subinde gravia patiantur mala, qui sanguinis defectu laborant: v. gr. si quis in dysenteria vel hæmorrhagia uteri multum emiserit sanguinis, duplex huic imminet malum, periculum scilicet vitæ, periculumque cachexiæ, & hydropis. Ergò ut citius ac tutius resarciatur sanguinis insignior defectus, & malum præcaveatur, nil consultius est, quàm ut loco mali bonus infunditur sanguis.

5. Ab analogia, nimirum ab insitione plantarum in plantas, quæ eo melius germinare deprehenduntur. *Vid. Acta Anglic. pag. 295.* **LANSZWERDE** l. all.

Hæ sunt rationes, quas Galli urgent: sed cum omnis ratio sine experimento sit nulla & cæca; & contra, experientia sine ratione sit temeraria, præmissis rationibus ad experimenta *Transfusoriæ* jam peractæ accedimus:

Quorum

I. Factum est ex cane in canem. **Dionysius**, *Medicus Gallus, Mathematicus, & Philosophæ addictissimus Professor*, more Gallorum levis, & judicii præcipitis, primus omnium recepit duos Canes diversi sexus, extraxitque ex mare sanguinis 3ix, donec languesceret: hinc idem cani femina totidem indidit, nulla tamen alteratione subsequente.

II. **LOWERUS** canem minorem accepit, ipsique omnem ferè detraxit sanguinem; ex molosso verò sanguinem in hunc minorem transfudit, & tantum quidem sanguinis, donec molossus moreretur, minor verò optime se haberet.

III. **GRAFFIUS** Cani itidem detraxit sanguinem ad instantis mortis indicia: sed cum alterius sanguinem huic instillasset, revivixit. Experimentans autem **GRAFFIUS**, an lac, si cani, cui sanguis detractus, infundatur, in sanguinem mutetur? expertus est mortem subsequi.

IV. Dominus **GAYEN**, *Chirurgus Celeberrimus*, meus tunc temporis Parisiis hospes, 3xviii, sanguinis cani detraxit, eidemque totidem ex alio instillavit, qui verò post quinque dies mortuus est: vid. *Acta Societ. Reg. Anglican.* pag. 420.

V. Sic quoque sanguinis Transfusio facta est ex cane juvene in venas canis vetuli, & quidem ex crurali arteria bono cum successu; nam duabus post Transfusionem horis iterum saliebat & exultabat; cumque se nium ipsi oculorum aciem hebetasset, & ferè ademisset, & vix ante hanc operationem se movere potuisset, optime convalevit. / a. pag. 385.

VI. **D. COXE**, *Anglus*, ex cane vetulo scabioso in alium sanum fecit Transfusionem, ex vena jugulari illius in venam jugularem hujus, ab 3xvj. ad 3xvj. præter propter; hinc factum, ut scabiosus sanaretur, canisque alter, qui scabiosi sanguinem receperat, nihil exinde mali passus fuerit: *Vid. l. a. p. 363.*

VII. Bononiæ in Italia facta est Transfusio ex agni arteria carotide in venam jugularem alterius agni, ex quo antea tantum sanguinis exhaustum fuerat, quantum ex agno ejusdem magnitudinis Dominus **CASSINI** suppleri posse speravit; adeo ut, peracta operatione, agnus recipiens sine ullo indicio infirmitatis circumambulaverit, & secutus fuerit eos, qui operationem fecerant, & postmodum vixerit, accreverit, &c. *vid. loc. alleg.*

Cc

pag. 705.

pag. 705. Exempla hæc antecedentia fuerunt inter bruta speciei ejusdem: nunc sequuntur exempla inter bruta speciei diversæ.

VIII. Transfusio ex vitulo in ovem facta fuit à Domino KING: Hic enim ovi ex vena jugulari 3x Lxx. sanguinis emisit, postmodumque ex jugulari vituli tantundem immisit; sed ovis dimissa ambulavit, & tantum virium habens quantum antea habuerat, pabulum quæsit: *Vid. Act. Soc. Reg. Anglic. pag. 361.*

Simili modo

IX. Ovi ex jugulari vena 3xLv. sanguinis fuerunt detractæ, ita ut maximè debilis redderetur; ex vena verò jugulari vituli tantundem præter propter immisum fuit, hinc ovis a lacris admodum facta, cum vidisset penes se canem, magno impetu ter quaterque eum ferit, neque reliquum fuit vestigium eorum, quæ in experimento passa fuerat, vizitque pancreaticæ.

X. Doctor DIONYSIUS, Gallus, ex tribus vitulis in tres Canes transfudit sanguinem: sed hæc animalia recipientia optimè valuerunt, & uni istorum trium canum die præcedente tantum sanguinis fuit extractum, ut vix sese potuerit movere, sed recepto postridie ejus diei à vitulo totidem sanguinis, in momento vegetus factus iterum est: *Vid. loc. cit. pag. 361. & Journal des sçavans pag. 677.*

XI. Udinæ, in Italia, transfusus est ex agno sanguis in venas canis Hispanioli, ætatis 13. annorum, qui per triennium penitus surdus, & debilis valde fuit, & parum ambulare potuit: sed observatum fuit, quod peracta transfusione post aliquot horas alacrior apparuerit, heros suos quæsitum abjerit, post biduum longè melius per plateas ambulaverit, intraque menstruum spatium, cum appetitus egregiè interea rediisset, & ipse benè comedisset, omnino fuerit restitutus auditus, ita ut vocatus, semper audiret, sed ita tamen audivit, ut quoties vocaretur, semper retroiret, quasi vocans procul abstirisset: *Vid. Transact. Soc. Reg. Anglic. pag. 705.* Non abludit ab hoc experimentum, quod Parisiis cum catella Hispaniensi 12. annorum fuit institutum: in hanc sanguis capri fuit transfusus, unde catella recipiens alacriora facta, ac tactu calidior, quam antea visa, benè sese habuit.

XII. Supra laudatus Dionysius quatuor arietum (vitulorum) in equum annorum 26. transfudit sanguinem; qui cum eundem acceperat, omnino plus roboris quam antea habuerat, intensioremque famem acquisivisse apparuit: *vid. loc. cit. pag. 454.*

XIII. Primum hoc est experimentum, quod in homine tentatum fuit sano: Idem nempe Dionysius tentandi gratia bajulo cuidam sano & robusto emisit 3x. sanguinis ex vena mediana, postmodum verò immediatè ex crurali vena agni 3xx. sanguinis immisit, citra ulla ægri sensibilem mutationem. Hic pecunia accepta lætus cauponam intrans edit bibitque, sæpius experimentum hoc ulterius expetens; nihil autem conquestus est, quàm quod in transfusione ipsa summum in brachio dimidio usque ad præcordia calorem senserit.

XIV. Primum hoc est experimentum, quod tentatum fuit in homine ægrotante: Parisiis erat puer annorum decem ex febre diuturna tertiana laborans, & ob multos clysteres, nimiasque venesectiones, ex spirituum depauperatione lethargicus quasi factus, cujus vivax aliàs ingenium hebescebat: in hoc igitur pro sanguine spissiore corrigendo, & spirituosiore reddendo, Transfusio instituta fuit. Huic verò febricitanti, ac diarrheæ symptomatice correpto, emissæ fuerunt 3iij. crassi, spissi, nigricantis sanguinis: hoc emissio, ex carotide agni 3viij. fuerunt ipsi instillatæ: hinc æger mox lætior factus, cibos cepit, vegetusque evasit, meridiano somno, cui antea indulserat, relicto: sed redeunte post 24. horas diarrheæ & lethargo, mortuus est.

XV. Parisiis vir quidam melancholicus, & certis periodis melancholia, propius ad maniam accedente, vexabatur; huic anno 1667. Mense Decembri in paroxysmo detractæ fuerunt 3ij. vel 3iij; loco harum prima vice ex crurali vena vituli 3v. in venam medianam ipsius immisæ fuerunt sanguinis: Hinc de insigni calore ac anxietate cordis conquestus est, mitior tamen exinde factus, ac secunda vice, biduo spatio interjecto, ipsi satis furioso 3ij. vitulini sanguinis infusa, ex quo de nihilo, quàm de æstu circa brachia & cor conquestus de novo est, brevi post lardum, crudaque ingesta alia, emovit. Sequenti vespere optimè se habuit, nocteque bene dormivit, ma-

ne verò sang mentis factus confessionarium expetiit; die verò sequenti crebrius mictus cruentus, cessatio maniae, venarum stillicidum, observatum fuit: *vid. Act. Sac. Reg. Angl. pag. 505.* Post 15. dies satuitas rediit, paulò verò post febre ac convulsionibus correptus periit.

XVI. Tentatum etiam fuit in Anglia anno 1667. die 23. Novembris experimentum tale in homine leviter Melancholico, & ut loquitur LOWERUS, amabili insania quasi detento: huic more Anglorum per canales oblongos 3ix. vel x. ex arteria carotide agnina in medianam transfusæ sunt sanguinis. Hic primò non expertus fuit caloris sensum, ob calamorum longitudinem, nec aliquam aliam passionem quin potius sub ipsa actione melius se habuit: post tres verò vel quatuor dies experimenti repetitionem petiit, sed non factum: *vid. Acta Soc. Reg. Angl. pag. 454.*

XVII. Vivebat Parisiis desperatus ferè homo, utpote qui per biennium quartana laboraverat, huic à DIONYSIO sanguis vitulinus fuit immisus, unde quasi Medæ arte re-coctus revixit, & mox melius sese habuit, non tamen à febre integrè restitutus. *vid. Act. Med. Haff. vol. 3. pag. 86.*

XVIII. Factum Romæ à Dno GUILIELMO RIVA Chirurgo experto Anatomico dexterrimo, in tribus subjectis humanis hoc experimentum: unus erat phthisicus, alter febre quotidiana laborans, tertius tertiana duplicata correptus: In hos omnes ex trium vervecum arteriis sanguinem transfusoriae artis lege misit, sed bini priores brevi mortui sunt, solus verò tertius convaleuit.

XIX. Adolescens Lethargicus post febrem contumacem ex receptis 3viij. sanguinis agni ex carotide ad ix. melius habuit, sanguinis emissæ 3iij. post. 24. horas alvi fluxus reversus renovatis symptomatibus, occubuit.

XX. Vivebat Parisiis Sæcus quidam Liber Baro à BOND qui more exteris familiari corripiebatur febre continua lenta cum diarrheæ colliquativa, fluxu item cruento ac quasi hepatico symptomatice: Huic cum 32. vicibus vena secta fuisset, vires fatiscebant, morbus protrahebatur; huic vero semper quasi mortuo ex vitulo sanguis ad aliquot uncias fuit immisus, pulsus inde mox tactu sensibilior factus, post biduum in tantum convaleuit, ut loqui denuò posset, sed tamen duabus diebus postmodum mortuus est: hinc in toto cadavere & vasis omnibus ne unicum cochleare sanguinis repertum fuit.

De invento hoc novo varia eruditorum judicia prostant; quidam enim hæc noviter reperta partim approbarunt, partim improbarunt: Qui improbant, hoc faciunt vel ob rationes & experientias oppositas, quarum collatione mutua dubii fluctuant; vel ob incertiam, dum non intelligunt, vel intelligere nolunt Inventum, præoccupati præconceptis opinionibus, ex quarum vi per rationes ruinosi fundamenti rejiciunt nova Inventa; vel ob invidiam, qua aliis gloriolam novi Inventi, & inde honoris vel emolumenti accessum aliis invident, nil nisi, quod ipsi faciant; rectum putantes; & hi vel contemnunt & supprimunt, vel cavillando novum inventum despectui reddere nituntur: Qui probant, iterum vel ob rationes & experimenta præsertim hoc faciunt, sine quibus nullum novum repertum potest firmari; vel ob novitatis ineptum studium, quo prurientes ubique digitos infingunt & ubicunque possunt, aliquod, quod novitatis specie titillat, arripiunt; vel ob judicii defectum, dum nescientes nervum ac fundamentum novi inventi, ipsi quidem judicare debeant; nescii, cæco ductu ab aliis abripi se patiuntur & vel tantillum speciosis rationibus se decipi, vel ob literariam ambitionem, qua nihil non scire, omnia facile penetrare, ubique commodè applicari, uno nomine; speciosum suum aliis favere videntur. Varia interim de Chirurgia Infusoria judicia FROMMANI, MERCLINI, LIBAVII, &c. legi possunt.

Cum primitus hæc experimenta chirurgiæ Transfusoriæ fuerunt instituta, Parisiis varias sortes experti fuerunt illi qui eadem fecerunt. Tandem per Parlamenti Edictum penitus prohibita in hominibus; in canibus verò concessa fuit. Romæ etiam à Pontifice Maximo peculiari In terdicto sub statuta pœna ullum experimentum artis hujus edere, penitus prohibitum fuit.

CAPUT II.

DOGMATICUM,

Præsupponit ea, quæ ad Transfusionis examen & applicationem, vel ea, quæ noxia salubriæ sunt, prius considerata veniunt.

INter alia ante omnia consideratur vita, & quo vitæ nostræ ratio imprimis fundata sit. Teste enim Scriptura Sacra Cap. 17. Levitic. certò scimus: vitam omnis carnis consistere in sanguine; hinc natum est præceptum de sanguine vitæ. Posito jam, vitam consistere in sanguine, superest, ut indagetur modus, seu quo sensu dicatur, consistere vitam in sanguine? v. g. Gallus ovum reddit fecundum, & consequenter vitæ ale, sed sine sanguinis communicatione; nihil enim sanguinis in congressu, genitura, &c. & tamen est actio summè vitalis, constatque dependere fecundationem illam à vitali principio; hinc animalia, quò salaciora, & quæ multum generant, eò minus vivacia videntur: vid. VERULAMIUS Hist. Vitæ & Mortis pag. 36. Et quò longævum magis est animal, eò tardius se ad generationem accingit; vid. VELTHUSIUS pag. 113. Idem ferè in vegetabilibus obtinet: Arbor, quò fecundior, eò magis corruptioni obnoxia est vid. SENGUERDUS pag. 275. è contrà quò magis sterile est animale, eò vivacius esse solet. Hinc etiam Venus inter impedimenta vitæ longæ primaria semper relata fuit, & AVICENNA haud male asseruit, vel decuplum sanguinis amissum non tantum debilitare, quàm parum genituræ emissæ. Ovum fecundum sub incubatus, calore, in fœtum abit, dum non fecundum putrescit & corrumpitur. Illud ergò principium conservativum, Balsamicum, & sui concreti præservativum, obtineat necesse est; quæ cum sint effectus vitales, omnino principium vitæ præsupponunt. Certe in fœtus ulteriori formatione jam motus, actiones & operationes vitales adsunt ante genitum sanguinem: v. g. in puncto saliente vigor vitalis adest, vel antequam generatur sanguis, vel dum generatur: & ita sanguis non existens pro sui genesi aliud præsupponit principium, quò vitale necesse est.

Juxta operationes genitales etiam actiones animales, quæ reverà à principio vitali proficiscuntur, difficilem reddunt nostram hanc doctrinam; præstantiores enim sunt magisque artificiosæ, quàm ut à solo sanguine perficiantur: Sic sensuum operationes, sive externas sive internas, ex sanguine nemo derivavit; nervis enim ligatis pars moveri nescit, sed iis liberis redditus, motus redit. Ergò præter sanguinem, vel simul cum illo, aliud principium vitale statuendum erit: Nempe sanguinis pars nobilior, delicatior, volatilior & subtilior est, quàm quasi Quintam Essentiam seu Spiritum communiter appellant.

Hic est, qui citra genituræ materialem contactum fecundat ova, quæ actionum animalium, sæpius momentanearum, est primarius Autor: hic alterationum quarumvis subitanarum illarum in syncope, apoplexia, vertigine caduca, est subjectum: hujus ratione in suspensis, mox atque ligantur vasa in collo, mox sensus & motus perit, propter mutuum spirituum commercium interceptum, citra sanguinis adeò notabilem alterationem.

Sed cum ex sanguine materialiter oriatur hic spiritus, & pro illius materia ipse variet (propter ætates, temperamenta, &c.) & sanguini denuo vim vitalem communicet, motum intestinum conservando, ex hæcenus dictis primum Præsuppositum formamus.

I. Vis vitalis, à quo Machine corporeæ integritas primariò dependet, ut & quovis oriuntur motus, & ceteræ mutationes, formaliter & proximè in spiritu isto, vitali dicto, ex sanguine genito; fundamentaliter & remotè in ipso sanguine; originaliter seu radicaliter aut dispositivè in semine parentum seu in primordiis seminalibus, consistit.

Non sufficit autem perspectum habere Principium vitæ, in quo consistat? sed ulterius considerandum est, unde vita brevis vel longa, ægra vel sana, dependat? Nempe notum est, senes ac debiles, aut valetudinarios parentes, non nisi debiles ac brevi caducos procreare liberos; illorum enim deficiente plus minus spiritu, & horum vis communicata debilior erit: Et ex opposito, quorumcunque animalium sanguis firmioris est texturæ, nec facile resolubilis, sed particulis activis quidem, sed probè concentratis, est præditus, & consequenter, quorum spiritus inde geniti, puriores vegetiores, & texturæ non raræ nimis, hæc sunt saniora & simul longæva.

Sed ut rectius hæc intelligamus, spiritum hunc duplicem esse, sciendum est: vel *influum*, vel *insitum*. Distinctio hæc neglecta hæcenus fuit, sed pergam illam paucis explicare. *Influum spiritus est is*, qui cum sanguine perpetuò in circulum rapitur, & undique in sanguinis partes radiat, & postmodum pro functionum varietate citra differentiam nunc animalis, nunc genitalis; dicitur. *Insitus* verò spiritus est ipse influus, qui partibus solidis intimè unitus, & in iisdem quasi concentratus est.

Dicis: si spiritus sunt substantia radiosa, & sese instar Gas habent, quomodo possunt constringi? Resp. Hæc per exemplum illustrari possunt: v. gr. spiritus vini summè volatilis. si misceatur sanguini recenti, in momento coagulat sanguinem, fitque massa homogenea instar hepatis parenchymatis. Unicum argumentum, quod cogit concedere spiritum insitum, est, nempe nutritio partium solidarum,

Quæritur: quodnam sit agens illud, quod ex eodem nutrimento chyloso os, tendines, cerebrum, membranas; &c. fabricet? Quod ex eadem materia parenchyma musculorum cordi, renum, hepatis, &c. parat, cur eadem materia alio modo in ossa, alio in cerebrum, efficiatur? Dicis: textura partium & spiritus influus huic negotio satisfaciunt. Resp. Materialis textura partium non sufficit, nec spiritus influus; est enim universalis; & in se indeterminatus, qui in singulis partibus suscipit officium; materialis autem textura dispositivè concurrens, non effectivè aut formaliter; quin potius, & rectius HIPPOCRATES cuivis parti & cujusvis partis parti suum ventriculum proprium attribuit, in quo & à quo fiat nutrimenti in quavis parte specialis alteratio seu assimilatio, & hinc perfecta plus minus nutritio.

Ad Nutritionem enim tria requiruntur;

1. Nutrimenti appositio, cui textura partis solida mechanica sufficit.
2. Assimilatio.
3. Agglutinatio uniuscujusque partis.

Sic parentum spiritus genitalis est eorum influus, fœtui sub ovi forma communicatus, à quo hujus fecunditas, in fœtu verò idem fit insitus. Hunc spiritum influum characteres morbofi confirmant, qui citra materialem contactum implantantur fœtui.

Hinc spiritus insitus characterem patris podagricum articulis pedum infigit, non visceribus, quia ibidem se in specie implantavit, & sub materiæ in partem solidam coagulatione & densatione una coagulatur, & confermentando intimè unitur: Sic nephritica mater per spiritum genitalium influum, in ovo concentratum, filiam nephriticam itidem generat; lithiaseos enim characterem imprimit renibus, dum ibidem pars illius concentratur & figitur. Notanda igitur est conspiratio & mutua subordinatio horum spirituum; dum enim ex influo fit insitus, hoc ipso ille indeterminatus ab hoc determinatur, figitur & concentratur, ut etiam pro partis sustentatione fiat insitus, Influus ergò ubique sustentat insitum, & perditiones ejus ac successiones, attenuationes & extinctiones, radio suo continuo conservat, quo stante in debito vigore, & viscerum ac omnium partium functiones ritè peraguntur, & insitus in suo flore conservatur.

Altius hoc negotium reputam, quia consistit in hoc fundamentum totius doctrinæ Physiologicæ. Spiritus universi vi seminali, à creatione accepta, concentratus incipit operari, ubi externè excitatur, Influit spiritus à sole, cœu corde mundi, quaquaversum per radios distribuitur. Hic cum sit universalis, est indeterminatus. Determinatur verò in omnibus subjectis particularibus ab

eorum spiritu insito, ideque in specie à vi eorum seminifica, dum concentratur universalis influus sub generatione feminum, sitque sic insitus particularis, characterisatus pro speciali corpore producendo, cuius vis quamdiu durat, & in viventibus per aerem & alimenta, (quibus mediis continuo supplementa spiritus insui pro insiti sustentatione subministrantur,) conservatur, corpus vivit: eo vero deficiente, & resolutione mediante in spiritum universalem seu antiquum chaos recedente, corpus perit; dum interea pars insui extrà communicati determinata sit, & quasi fixata, ac in corpus seminale concentrata: à quo insito speciei conservatio; & conservatur hic spiritus insitus, & multiplicatur ab influo, & influus in se generaliter vivificans, determinatur ab influo in unaquavis parte, & pariter pro partis conservatione fit insitus: idem influus caractere seminali insignitus concentratur in corpus seminale; pro particulari & insito per semina specialiter fit conservatio.

Nempe *Sole est anima mundi universalis*, sed materialis, radiorum spirituosorum ope omnia animans, & spiritus universo diffundens. Solis hic lucidus spiritus cum unaquavis specie determinatur, & fit insitus, dum à præexistente insito quasi sigillatur, & ipsi unitur ab universalitate ad plures operationes determinatur, & sic influus universalis fit insitus: ab hoc vis feminum: quibus fatiscientibus idem spiritus in suum chaos redit, & antea insitus particularis fit denuò influus universalis. Conf. *Tabula Smaragdina*.

Idem spiritus universalis partim immediate cum aere inspiratus, partim mediatè cum alimentis assumptus, ab hominis spiritu influo cum insito modificatur ac determinatur, pro conservando homine, & concentratur ab utroque sexu in ovum cum appropriato subiecto fit insitus foetus seminalis; unde vis generationis & continuatio specierum dependet, & hæc est Hermetica Philosophia. Notandum verò hic est, nonnullos arbitratos fuisse, Philosophiam Hermetis dissentire à Cartesiana: sed negandum est: *Corpuscularis* enim *Philosophia* seu *Cartesiana* iudicat ex effectibus de fiendi modo, adeoque à posteriori; *Hermetica* verò considerat principium patiens, materiam; & agens, *Lucem*. Qui pura de hac re videre cupit, adeat *BOYLE de Orig. Form. & Qualitatum*, ut & *Enchiridion Philosophiæ Restitutæ in Bibliotheca A L B I N Æ I Chymica*, item *MAGRELLUM in Med. Magnetica*.

Prout verò viget vis spiritus genitalis parentum insui, qui in foetu fit insitus, eatenus etiam totius corporis structura erit firma vel labilis; sanguinis crasis vel temperata, vel vitiosa; partium robur vitale vel debile vel forte, vita longa vel brevis, sana vel ægra, erit.

Cum ergo spiritus hic conservetur, inque vigore suo plus minus exaltetur ab influo, hic verò a sanguine dependeat, & ipse non secus ac sanguis, innumeris mutationibus sit obnoxius; hinc insui ratione vita vel sana vel ægra, insiti verò respectu, prout plus vel minus alteratur, longa vel brevis. Hinc tale secundum Præsuppositum formamus:

II Fundamentum vitæ longæ vel brevæ, sanæ vel ægræ, proximè in spiritu partium insito, remotè in spiritu influo, consistit, quorum omnium basis est sanguis.

Dum igitur sanguis, tanquam basis vitæ, tantoperè consideratur, ex quo proximè & materialiter, mediante aeris inspirati concursu, fit spiritus partis influus, qui in filio per generationem communicatus fit insitus, omnino summam considerationem meretur in sanguine, quod quolibet animal specificum habeat sanguinem, tam quoad genera, quam species & individua. Ratio diversitatis consideratur vel efficienter, à quo oriatur; vel materialiter, ex quo oriatur.

1. *Efficienter consideratur* vel fundamentaliter & remotè, vel formaliter & proximè. *Fundamentaliter* dependet illa diversitatis ratio ex principiis seminalibus; *Formaliter* ex rebus non naturalibus & præternaturalibus, à quibus solet sanguis mutari, quibuscunque unumquodque individuum obnoxium est. Nam quorundam sanguis facilius, quorundam difficilius, alteratur, prout crasis ejus seminalis vel melius & firmitus constructa, vel debilius contexta est.

2. *Materialiter* dependet illa ex varia particularum minimarum sanguinis textura, quæ admodum diversa est. *Particulæ* autem illæ ad triplicem posunt referri classem: quædam enim sunt *aqueæ*, *terreæ salinæ*, *acidæ*: Ex his tribus corpus humanum, & omnia concreta, coaluerunt: Ver. grat. sanguis elephantis omnium est frigidissimus: Piscium frigidus est, & tamen non coagulatur facile, contrà ac hominum: Sic sanguis testudinis, imprimis testudinis aquaticæ, est admodum frigidus: vid. *Acta Societ. Reg. Anglic. pag. 404.* & contrà equi calidus: Sanguis anserum studiosè saginatorum est lacteus, vel semilacteus: Hircinus sanguis pleuritidi occurrit: Barbi sanguis corrosivam vim obtinet: Ciconiæ inter alexipharmaca refertur: Sanguis animalis castrati differt maxime à sanguine non castrati animalis, licet ejusdem speciei; illa enim inde pinguescunt, & longæviora sunt; hæc minus: Sanguis taurinus venenatus habetur ab omnibus, non bovinus. Quin etiam in unoquoque individuo, ver. gr. humano, sanguis varius est, & unicuique suus proprius ac peculiaris.

Signa pariter & argumenta, quibus specialis idiosyncrasia sanguinis confirmatur, desumi possunt à duplici loco.

1. *Apriori, & sensuum fide*. Videmus enim quod hominis unius sanguis, venæ sectione emissus, non sit idem cum alterius hominis, sed peculiaris sua subministret phænomena, etiam in sanis. Notum est, quod refert *HELMONTIUS in Tract. de Febribus cap. 2. §. 25.* Cuius verba huc annectere volui, quæ reperiuntur *p. m. 11.*

„*Ast declaro, sub pæna convicti mendacii, si quis velit experiri, quod ducentorum petulantium rusticorum & sanorum cruores unico die examinaverim; erantque multi illorum aspectu valde dissimiles, colore, materia & consistencia, quorum plures destillavi, & reperi medendo æquè utiles. Solent namque rustici altera Pentecostes die mittere sanguinem, quo largius potarent; etenim, quamquam plures viderentur putridi, alii æruginosi, vel attrahariti; imprimis tamen rustici, unde effluerunt, erant sani.*

2. *A posteriori & ab effectu* diversitas sanguinis colligitur; imprimis vero

1. *Ex statu sano & ægro*. Quis est, qui exactè sanus est?

2. *Ex rebus non naturalibus*, earumque varietate, diætâ, vitæ genere, excretis, &c. & varia sanguini introducta mutatione.

3. *Ex habitu corporis*. Sic unus gaudet obeso corpore, sanguinemque habet semilacteam: Alius est macilentus, ipsiusque sanguis est acrior & salior: Alius facie pallidus, sanguisque ipsius est grumofus.

4. *Ab ætatum differentia*. Ætates sunt gradus vigoris vitalis. Triplex dicitur ætas: *increscens*, *consistens*, & *decrescens*: quæ dependent primariò & principaliter à primordiis seminalibus parentum, spiritu præsertim insito. Nam prout ab hoc vita vel brevis vel longa, etiam mutationes ejus graduales secundum incrementum vigoris vitalis, ejusdem statum & decrementum, contingunt formaliter verò & proximè à sanguinis statu & diversitate oriuntur. Hinc sanguis in infantibus, & quamdiu in ætate sumus accrescente, dicitur quasi musteus, in juvenibus & ætate consistente quasi vinosus, in senibus quasi acetosus.

5. *Efficacissimè ex morum differentiis*, quæ deveniunt ex temperamentis. Temperamenta autem à spiritu aut sanguinis crasi dependet. Quantum enim differant mores senum & juvenum, vid. *VERULMIUS pag. 179.* Verissimum igitur est effatum illud: *Mores sequuntur temperamentum.*

Est verò illud duplex:

1. *Vitale*, quod cum vita superstes est, cumque illa perit. Hoc vitale Veteribus in calido & humido consistebat.

2. *Elementare*, quod in cadaveribus adhuc post mortem superest, & oritur simpliciter ex particularum minimarum textura.

Temperamentum vitale proximè in spiritibus, insito & influo, horumque harmonia & symbolismo, consistit:

remotè in sanguine, ex quo generantur spiritus. Temperamentum elementale dependet à vitali.

Mores ergò sequuntur Temperamentum, non elementale, sed vitale, suntque alii nativi, alii adscititii. Illi à natura implantati per principia seminalia, & hinc sanguinis ac aliarum partium producta constitutio: Sic canis natura est iracundus, ovis mitis: Sic homo alius est blandus, alius mitis, quod tamen à diversitate spiritus influi dependet. Diversitas autem hujus spiritus est ex varietate sanguinis. Certè in sanguinei temperamenti subiecto alii erunt spiritus; quàm in Melancholico morbo aut maniaco; imò in his necessariò spiritus variant ab iis, dum sani sunt: id quod robur, frigoris tolerantia, agrypnia, &c. testantur, etiam in istis Melancholicis, in quibus citra affectum vim, ex causis humores corporis alterantibus, ut quartana, vita sedentaria, studiis, &c. oriuntur. Omnis juvenis animosior, quàm infans, vel senex; omnis fœmina præ viro magis timida. Quantum in gravidatio mores ob temperamentum vitale alteratum mutat! Morbi mutant temperamenta, hinc & mores. Sanè quot mores, tot temperamenta; tot sanguines, tot spiritus, & eorum varii impetus. Hinc etiam à sanguine hausto, & temperamenti ac morum non vulgaris inducta observata fuit mutatio à VVEINRICHIO; Conferatur MERCLINUS pag. 71. Si enim lac à nutritibus haustum mores & temperamenta mutare valet, multò magis sanguis. De lacte nutritum res nota est: Conf. MERCLINUS pag. 65. l. c. Idiosyncrasis huc pertinet; duplex: vel nativa, vel adscititia. Hæc vel ratione subiecti in parte solida, idque ferè ratione spiritus insiti; vel in humore, præsertim sanguine; vel spiritu influo.

Ex hac ergò spirituum vitalium convenientia seu symbolismo, vel disconvenientia, contagiorum vis derivanda. Pestis certum quoddam animalium genus tantum afficit: contagia saltem spiritus inquinant primariò; secundariò & effectivè humores & partes solidas: & quidem vel influum, si morbus contagiolus est universalis; vel insitum, si est particularis, ut scabies, dysenteria. Certè variolæ sunt morbus universalis, unde interna pariter ac externa observata infecta viscera: scabies verò est particularis, dum spiritus insitus cutis afficitur; unde hæc solum deturpatur. Ex hisce itaque prolatis tertium Præsuppositum formamus.

III. Unicuique homini suus peculiaris est sanguis, ab alio sanguine, tam humano quàm brutali, multum discrepans, & à quo plures ipsi propriæ, ac aliis subiectis non æquè communes, operationes, alterationes, & totius corporis dispositiones, tam sanæ quàm ægræ, oriuntur, & proba cum diversitate etiam diversi & à se invicem distincti, generantur spiritus.

Duo hinc consideranda hic veniunt in sanguine:

1. Interna ejus crasis vel textura particularum istarum minimarum, ex quibus concretum ejus cohaeret, quæ originaliter sub fœtus formatione à spiritu genitali in fœtu perficitur, & pro cujus primævæ craseos ratione sanguis semper characterem seu certum texture modum in quibusdam sui partibus perpetuo retinet, per universum vitæ cursum durabilem, ratione cujus sanguis hujus hominis semper sibi quodammodo similis est, etsi variet etiam per æratum vicissitudines, & huic saltem homini appropriatus est.
2. Externæ ejus qualitates seu sensibiles proprietates, ac phænomena, quæ ex crasi illa interna, tanquam effectus procedunt: idque vel immediate, vel mediate: Talis est rubedo, coagulatio, sapor dulcis, consistentia spissior vel fluidior. Notandum verò est, internam crasin insensibilem esse, & continere nucleum vitalem massæ sanguinæ; externas verò illas qualitates esse sensibiles, & saltem corticem massæ sanguinæ repræsentare.

Paradoxon videri potest, quod dixerim: crasin internam per totam vitam esse immutabilem, & characterem sibi proprium habere impressum. Ratio dubitandi est: *Ettmulleri Oper. Tom. I.*

quoniam sanguis in continuo est fluxu & motu restitutionis & perditionis, qui per chylum, per nutritionem, & sensibilem expirationem fit, ita ut istum sanguinem, quem hodiè habeo, intra aliquot septimanas sim perditurus. Sed respondeo: licet ita sit, tamen quicquid novi generatur sanguinis, ita à sanguine pristino alteratur, ut evadat illi similis; utut enim similitudo non semper habet locum, sanguinis tamen plus minus participat de hac crasi. Exemplo rem declaro: Mustum, vinum, & acetum vini Rhœnani, quantum non differt à musto, vino, & aceto vini Gallici? adeoque unumquodque crasin suam à semine impressam à musto ad acetum usque retinet: Sic etiam massa sanguinea per omnes menses quidem mutatur, regenerationis tamen ope crasis ista restituitur. Crasis ista sanguinis interna semel mutata difficulter aut planè non restitui potest; è contra verò qualitates externæ faciliè alterari possunt. Mutationes illæ sensibus patent, craseos verò sunt à posteriori & ex effectibus judicandæ. Ver. grat. sanguis pleuritici serosus, spissus, aut certè semigrumosus, circulationi ineptus, per venæ sectionem emittitur, quæ alteratio tantum externa, & saltem textura sanguinis mutata videtur, unde faciliè salibus volatilibus resolvi, & in pristinum statum reduci potest. Ex opposito, si fermentum tineæ in puero, vel scabiei in adulto, retrocedat, exinde vitatur ista interna sanguinis crasis, citra sensibilem sanguinis mutationem, & exinde aut moritur homo, aut gravi febre correptus, non citra periculum evadit. Nempe par est ratio, ac lac nutritisanæ, sed ira excandescentis aut terrore affectæ, quod emulsum nullum sensilis seu externæ alterationis subministrat vestigium; cujus tamen effectus ob internam craseos alterationem, vel in infante se produnt, cui epilepsia faciliè inde communicari potest: Sic lac capræ, helleboro vel elaterio pastæ, ab alio optimis plantis nutritæ, non differt; interim vis laxativa illa ab elleboro in hoc lacte, quæ in alio non est, in infante se manifestat: Sic etiam sanguis tauri, hominis, canis, vituli, &c. recens emissus, & postmodum etiam aliquandiu sepositus, ferè quoad externas proprietates conspirant, & vix ullam sensilem differentiam exhibent; quorum tamen interna crasis & vitalis nucleus toto cœlo, & tantum à se differunt, quantum hæc animalia à se invicem distincta sunt. Quoties observatum est, ut, teste SIMONE PAULI in *Digress. de Febris Malignis*, morborum admodum, imò brevi morituris, floridus & elegans extractus fuerit sanguis, & è contra ex sanis spissus, crassus, nigricans, & crusta interdum pituitosa intratus, quæ revera nihil aliud est, quàm chylus nondum perfecte assimilatus, instar cremoris lactis sanguini supernatans: Sic anferes sani, probè & largiter saginati, sanguinem emittunt semilacteum; è contra verò, qui non adeò benè sunt saginati, rubicundum. Adeoque externa species fallit. Curiosum experimentum refert BOYLE in *Tentam. de Productionibus saporum*: accepit vinum Canariense, huic infudit radicem ireos Florentinæ, eumque potum, prævia digestionem tinxit cum Coccinella; acquisivit hinc potum qui omnibus proprietatibus, sapore, colore & odore vinum ex bacis rubi idæi paratum repræsentabat. Quanta verò potus hujus est differentia à vino Canariensi, tanta proprietatum quoque internarum est diversitas. Ergo crasis interna consistit in specifica massæ sanguinæ textura, sub generatione à spiritu genitali primùm constructa, hinc à spiritu vitali jugiter conservata. Ergo *quantum Præsuppositum* ex hisce promanat.

IV. Meritò in sanguine primariò interna ejus crasis, utut minus sensilis, secundariò externæ ejus proprietates, in statu tam sano, quàm ægro, sunt considerandæ; ita tamen, ne corticem, relicto nucleo, lambere videamur.

Si consideramus corpus animale, ut genitum reverà repræsentat machinam quandam hydraulico-pneumaticam, dum secundum leges mechanicas in ea omnia fieri solent. In nostra ergo hac machina motus reperitur conspiratio & subordinatio viscerum ac massæ sanguinæ, ita ut sine sanguine viscera marcescant, & officio suo non satisfacere queant; sicut sine viscerum ope nec sanguini sua stat integritas. Hinc enim sanguis scorbuticorum labem suam faciliè visceribus affricat, cum è contra male affecta viscera, sub sui corruptela, exulceratione,

gangræna, &c. pariter vitium suum communicent sanguini: In febre acuta natura motu critico eliminat materiam à massa sanguinea in hepar vel mesenterium, & ita à sanguine viscera afficiuntur: nati verò hinc abscessus occasione, accenditur febris, plus minus acuta vel lenta, & ita à visceribus sanguis afficitur, & insequente purulentia plus minus inquinatur. Et sic mutua est conspiratio ac subordinatio viscerum ac sanguinis.

Quæritur: quænam harum partium alteri præemineat?

Resp. Sanguini videtur præeminentia deberi; siquidem abdominis & thoracis viscera saltem in sanguinis usum constructa videntur; quibus è contra à sanguine præ aliis partibus nil tribuitur: Hinc mala sanguinis universalis sunt, & totum corpus afficiunt, ut patet ex febribus: è contra viscerum mala sunt ut plurimum particularia & specialia: & vel non, nisi mediante sanguine & spiritu, universum corpus alterant: verb. grat. suppurata pleuritis & pleura est morbus specialis; & si quid mali exinde in massam sanguineam subnascitur, per alia viscerum colatoria eluitur, & emendatur. Ita visceribus quibuscumque citra sensibile sanitatis damnum carere potest animal, sed non sanguine. Prodiit Tractatus JOSEPHI ZANBECCARII, Florentini, de artificio viscera animalium corpore excindendi: Sic excissi fuerunt testes, pancreas, lien, citra vitæ periculum; item intestinum cæcum, folliculus felleus, hepatis lobi, &c. quæ tamen ad integritatem sanguinis conspirant.

Viscerum mala à causa interna si oriantur, uti vix citra sanguinis opem primam originem ducunt, ita vix finem ejusdem sanguinis prævia restitutione restitui possunt, utut revera in se ad viscerum labem evadendam parum vel nihil sanguis conferat: Verb. grat. in temperie, seu potius nutritione, si fiat vitium, formaliter à spiritu insito, objectivè & materialiter à sanguine, qui cum passivè se habet, ejus medela dependebit: sin vitium conformationis fuerit, sanguis corrigendo hic nihil confert, utut idem inferre valeat: sin compositionis vitium, non unire ea sanguis, nisi materialiter nutrimentum subministrando, valet. Conspirant viscera ad sanguinis integritatem; è contra nullo modo, nisi quatenus ex sanguine tanquam communi thesauro, nutritionis supplementa materialiter recipiunt, à sanguine dependent, seu ab eo aliquid commodi percipiunt. Unde sanguis observatur primogenius respectu viscerum, post hunc demum comparent, ex sanguine tamen non constant præesse, quin vasis tanquam fungi arborum truncis successivè adnascantur, juxta experimentum HARVEI de pullo in ovo, & MALPIGHII de structura viscerum. Horum prima stamina sunt fibræ nervæ, ex quibus, quicquid est partium solidarum, primitus nascitur, postea pro firmiore robore fibræ coagulum nutritivum ex massa sanguinea adnascitur, nunc chylolum nerveis, nunc sanguineum sanguineis. Sic osium, membranarum, hepatis, cerebri, &c. stamina sunt fibræ simpliciter. Docet hoc hepar, viscus summè sanguineum; hoc non ex sanguine oritur, sed alia materia, & adhæret canali venæ cavæ; inque sætu naturaliter ex pallido flavet in sui primo exortu, postmodum, ubi successive crebriori sanguinis fluxu & refluxu atque percolatione particulæ sanguinæ undique circa vasa & glandulas adhærent, fit sanguineum viscus, & rubescit: unde viridis, item alius coloris, in animalibus quibusdam observatur. Cum itaque nil ad viscerum constitutionem conferat sanguis, nisi universaliter sub nutritione, & quidem passivè ad eorum integritatem aliquid, quatenus sanguis, conferet, adeoque, & cum usus viscerum circa sanguinem sit particularis, etiam non nisi determinatæ quædam alterationes, quæ ex visceris læsa functione dependent, à viscere denuò corrigi poterunt; adeoque merito sanguini præ visceribus est concedenda præeminentia.

Sanguinis usus est multiplex:

1. Primarius, ut exaltetur in spiritum.
2. Ut sit aptum eorum vehiculum.
3. Ut sit calor vitalis, pro promovendis quibusvis actionibus fomes & succendiculum.
4. Ut sit partium sanguinearum conveniens nutrimentum.

5. Ut si commune gazophilacium, è quo cætera fluida, integritati corporis inservientia elaboranda & secernenda.

Sanguinis integritas materialis à chylo dependet maximam partem, in cujus perfectione ventriculus, & intestinalis habent passivè; sunt enim officinæ, in quibus alterationes, seu actus similes, fiunt. Inter reliqua fluida, bilis, & lymphæ pancreatica, hic primatum obtinent.

Verum si sanguinis maior est usus, quid fiet de Calore vitali? Respondeo: Calor, qui dicitur vitalis, non formaliter, sed dispositivè, quatenus actiones animalium calidorum promovere & excitare, necessarius est, non tanquam radix vitæ, sed consequens particulare in animalibus calidis. Datur enim duplex animalium differentia: alia sunt frigida, alia calida. De calore hoc in animalibus calidis dubium est, quodnam sit subjectum caloris nativi, an sanguis, an spiritus influens? Neutrum per se caleat; si verò sociantur, calor emergit. Nimirum, quando accedente fermentatione particulæ acidæ volatiles in sanguine à spiritibus moventur, & cum particulis terreis & oleosis collidunt, talem alterationem & sensum in nobis faciunt, qui dicitur Calor.

Universaliter nullus calor in fluidum spontaneus cadit, nisi acidum accedat, quod acidum subtile & volatile in nobis latitans à spiritu commotum, una cum particulis sensum caloris in nobis exhibet: sicuti nimis commotum, indicia caloris manifesti exhibet: verb. grat. in inflammatione, erysipellate, febribus, gangræna, &c.

Ex his ergo hætenus prolatis oritur quoque quintum Præsuppositum scilicet

V. Est mutua partium fluidarum cum solidis conspiratio, imprimis massæ sanguinæ cum aliis visceribus, & status sani cum ægro. Neutrum tamen alterius mala perfectè restituere aut emendare valet: quinimò sanguinis præ visceribus major est præeminentia, sensusque, & necessitas tam ad vitam conservandam, quam ad sanitatem tuendam.

Pergo nunc ad ultimam Præsuppositum. Inter actiones enim naturales, quæ in œconomia corporis eminent, imprimis pathemata animi sunt, quorum magna est in alterando universo corpore potestas; docet enim experientia magistra & exempla, mediantibus hisce morbos fuisse inductos & curatos, imò hæc violentam mortem insecutam esse: sic exempl. grat. ex gaudio nimio, ex terrore, mœrore subitaneo, quidam mortui sunt, adeoque ad mortis & vitæ arbitrium se hi affectus extendant, multo magis morbi per eos & inducuntur, & curantur. Per terrorem sæpius epilepsiam introductam, imò etiam curatam, legimus: Novi puerum 14. annorum febre quartana laborantem, qui sub festo Natalitio Christi in gaudium sub paroxysmi tempore effusus, ob dona natalitia, convaleuit: Sic metus ad inducendam pestem multum valet: sic terror abortum excitat: sic etiam terror nutricis communicavit sæpius infanti epilepsiam. Effectus hi mirabiles omnes immediate ex spiritus influvi alteratione qualicunque; mediate ex sanguinis humorumque aliorum immutatione oriuntur. Nam non oriuntur affectus nisi in animalibus, adeoque hi præsupponunt omnes & semper prægressam notitiam seu cognitionem sensualem cujusdam objecti, pro cuius habitudine, vel grata vel ingrata, in spiritibus postmodum excitantur motus, qui dicuntur affectus, à quibus & sanguis commotus, aliæque partes mille alterationes & corruptiones subeunt. Et in specie spiritus se diffundunt vel contrahunt impetu elastico: verb. grat. in gaudio, amore felici, &c. diffunduntur spiritus; in affectibus verò, qui pro objecto habent aliquod malum, ex. grat. terrore, timore, summa tristitia, &c. se contrahunt, & quasi condensantur; Hinc & sanguinis motus, tam intestinalis quam localis, respondet, ut quasi ebulliat sanguis in ira, sed condensatur in terrore, frigidior, & spissior, ac stagnationi aptior factus. Hinc in nimo gaudio stillicidium sanguinis è naribus; è contra in terrore, syncope cardiaca, ex sanguinis stagnatione in pulmonibus, in & circa cor, observata fuit: Vid. BLEGNY Zodiac. Gallic. Ann. 3.

pag. 28: Iracundis, item gaudio nimio perfusis stillare sanguinem; ebulliente sanguine notum est: ob id excandescantiam frigidis & pituitosis conferre, notat BALLONIUS. Metum Panicum ad humoris Melancholici seu pituitosi acidi augmentum multum facere, ait SYLVIUS c. 4. Pr. Tr. 7. §. 235. Ad affectus hos pertinet simul suo modo imaginatio, vel speciatim spes ista insignis, quam de remedio amico concepit patiens; vel ad promovendam, vel impediendam vel penitus alterandam auxilii efficaciam; Vid. QUERCETANUS in *Dietet.*, FRANCISCUS BACÓ de VERULAMIO. *Histor. Vitæ & Mortis* pag. 111. Affectus verò hi eò potentiùs seu efficacius alterare bruta præsumendum, quò minus rationis ope corrigi efferi spirituum motus, & in ordinem cogi possunt, quàm in hominibus; unde ad hos affectus, quos animal sub Transfusionis activa patitur, in hoc negotio, multum omnino respiciendum. Ergo sextum & ultimum esto ex hisce Præsuppositum:

VI. Affectibus animi potentissimi sunt ad alterandos spiritus, & eorum medio humores, sanguinem, & hinc totum corpus animale, istudque ex statu sano in ægrotum ejiciendo.

C A P U T III.

P R A G M A T I C U M.

Chirurgie Transfusoriae usum & abusum, nimirum quantum prodest & noceat, ventilans.

Ubet verò per distinctas procedere Conclusiones: sit ergò pro consideratione usus vel abusus Transfusionis sanguinis.

C O N C L U S I O I.

Chirurgia Transfusoria est possibilis, sed simpliciter contra naturæ institutum.

Esse possibilem, docent tot instituta Experimenta & Tentamina. Præter possibilitatem verò est negotium scitu jucundum, & operatio citata: Pro scopo enim debito alterandi sanguinem quid citius & commodius potest institui? molestia est pauca; nulla sub ejus operatione adest querela; æstus brachii est transitorius: mictus verò cruentus & hæmorrhagia rem faciunt suspectam. Sed dubium est: an non peccatum in quanto, & quidem in excessu, fiat? an situta? & an ita prodest, & non æquè vel non magis ex alia parte noceat? Interim tamen est simpliciter contra naturæ institutum. Naturæ enim institutum est, ut nihil in sanguinis intronitatur viam, quod non digestionis prævia per primas vias ipsi sit appropriatum. Lac suggerit nobis exemplum, quo ex chylo jam in animali optime digesto, & à faculentis quibulvis secreto, constat, in proxima potentia est ad sui in sanguinem Transmutationem, & nihilominus secundum naturæ legem seu ordinem immediate ab animali non instillatur sanguini, sed prius suctu immittitur ventriculo, ut ibidem alteratione prævia suscepta, vel majori vel minori, homogeneum & appropriatum reddatur. Adeo naturæ leges nihil immediate sanguini immittendum, nisi quod appropriatum redditum fuerit, sanciant. Si ergo lac, ex quo immediate sui cum sanguine miscela sit sanguis, ex uno animali in alterum non instillandum venit; multò minus sanguis ex eo productus, qui similiter ac lac, ejus materia, non simpliciter cum sanguine homogeneus erit. Hinc etiam institutum naturæ est, ut sanguinem, seu vitæ thesaurum, continuo conservet, unde omnis hæmorrhagia sola, excepta menstrua, est præternaturalis, sive per nares sive per hæmorrhoides fiat, sive periodica sive erratica: & etiam si cum levamine ægri fiat, tamen semper stimulum seu causam præternaturalem præsupponit, adeoque bonum signum malæ causæ existit. Ut ergo nihil sanguinis: seu vitæ thesauri, emittendum, ita nihil sanguini citrà præviam in primis viis alterationem & præparationem immittendum, sive alimentosum sit. Medicus ergò, seu naturæ minister, cautus sit in exercenda Chirurgia, tam Infusoria, quàm Transfusoria, cum vix, nisi epugnante natura, illas exercere liceat.

Dicis de communicatione in foetu materna: Resp. Simi-
Estmuller. Oper. Tom. I.

litudo hæc cum nutritione foetus in utero maxime claudicat nullumque, in oviparis locum habet, nisi in viviparis. In viviparis verò quaeritur: an nutrimentum foetui communicatum sit chylosum vel lacteum, an sanguineum? Prius est probabilius: id quod etiam statuit, & elegantissimis expressit rationibus *Deusingius de Generat. Microcosmi*. Posterius solum concedit CLAUDIUS de la Courvee Tr. de Nutrit. foetus in utero, ubi statuit, ex sanguine potius nutriri foetum. Sed intercedit foetus inter & matrem placenta, in qua alterationem subit, aut huic quid analogum sanguis.

Dubius verò est placenta hujus usus; ut & illud anceps est, an pulmo uterinus, an hepar uterinum, dici debeat? id est, an foetui usum pulmonis, an hepatis, præstet? Certè nihil magis in foetu feriat præter pulmones: probabilis adeoque & COURVEE & Doctoris MAJOWII est sententia, quod foetus per umbilicum respiret; unde placenta potius pulmo, quàm hepar, uteri dicenda. Ad hæc, differentia faciendâ inter hominem generandum & genitum: De utroque haud valent eadem. Infitio etiam nil probat; quod enim arbori inferitur, est quasi foetus ovo inclusus: nempe gemma, quæ non crudum succum ex stirpe peregrina recipit, sed eum prius alterat plus minus, unde fructus non semper surculo infitio similis, nec stirpis, utut pro stirpis natura alteratus plus minus: quin imò repugnant etiam talis observatio, quod non omnes surculi stirpi cuivis inferi ita possint, quin subinde pereant. Similitudo, quæ sanguinem inter transfunde dum, & cui infunditur, intercedit, est propè par; externa specie & proprietatibus quibuldam similes videntur, sed interna crasi & textura tantum differunt à se invicem, quantum animal, quod omne suum esse vitale habet ex sanguine ab animali differt, juxta Præsuppositum tertium & quantum.

C O N C L U S I O II.

Sanguinis Transfusio citrà sanitatis dispendium, & consequenter citrà vitæ periculum, applicari vix potest.

Confirmatum hoc est per experimenta. Cæterum an citrà sanitatis periculum possit fieri, dubito; siquidem immediate aliquid peregrinum & non naturale immittitur sanguini; sanguis verò qui transfunditur, est alius craseos, quàm is, in quem instituitur Transfusio, quia affectibus agonis, terroris, pavoris, &c. v. g. in vitulo & agno, excandescantia & tantum non furoris in aliis animalibus, inquinatus; singulariter alteratus & immutatus transmittitur, quæ sine alteratione sanguinis & spirituum, & citrà illius motus intestini perturbationem, fieri vel succedere non possunt, & juxta Præsuppositum tertium quantum & sextum, necessariò notabiles, & præternaturales mutationes inducent. Imò si crebrior Transfusio fiat, præter mutationem status sanguinis, ulterius metuendum est, ne insignis mutatio morbum inducatur: Sicut notum est, lac nutritis multum valere in mutatione morum infantem: WEINRICHIUS refert in Tr. de Monstris, puellam sanguine felis hausto more assumpsisse felinos.

Dicis: Exempla tamen in contrarium testantur, talia nihil nocuenti attulisse? Resp. Exempla ista ulterius examinanda veniunt, nec statim necesse est, ut sequantur effectus manifesti, & alterationes morbosæ. Dicis: ergò loco sanguinis belluini humanus recipiatur sanguis? Resp. Scimus ex Præsupposito tertio, omnem sanguinem differre ab altero non tantum quoad speciem, sed & individua, & quod nullus homo tam sanus sit, quin non alterationes sæpius per-
patiat.

CONCLUSIO III.

Chirurgia Transfusoria ad longevitatem conciliandam, aut vires juveniles in senibus restituendas, aut vires debilitatas ex morbo in juvenibus denuò reparandas, frustranea est.

I. Longævitæ mediante hac Transfusionem non concilianda est; scimus enim certò, quod per vitæ terminum intelligatur, quousque vis spiritus genitalis naturaliter sese extendere valeat. Is est verò vitæ terminus naturalis, quem vis genitalis seu vis generativa seminis determinat primus; hinc enim fit, ut quidam natura sint longævi, quidam brevioris ævi: sic sunt plantæ quædam, quæ omni anno post seminis proventum pereunt; quædam verò quæ perpetua fronde virescunt; quædam externa facie marcescunt, donec novo vere regerminent. Hinc senilibus aut morbosus satis parentibus nati, longævi esse nequeunt, & contrà. Hic terminus vitæ naturalis decurtari potest per rerum naturalium, & super induetarum præternaturalium abusum, & consequenter etiam vita abbreviari.

Quæritur de hac prolongatione termini vitæ, an hic possit obtineri per media naturalia? Respondeo affirmative. Quia homo naturaliter est immortalis, i. e. potens non mori. In te homo est velut alia creatura mortalis quoad corpus, sed tamen liberum arbitrium habebat non mori ante lapsum. Dum igitur homo natura ita creatus est, ut potuisset non mori, ita nullum dubium est, quin vita naturaliter prolongari, possit etiam post transgressionis terminum. Homo post lapsum potuisset vivere per mille annos, qui tamen terminus deinceps successu temporis decurtatus fuit; sed potest decurtatio hæc reparari vel in toto, vel in parte. Per prolongationem autem vitæ intelligitur extensio vitæ termini, ultra istum; quem natura cuiusvis subjecto in spiritu generantis infuso, & geniti insito, determinavit. Scilicet prostant Scriptores de vita longa, ROGERIUS BACO, PAUSA, HORSTIUS, CORNARO, Italus &c. sed omnes una via incedentes methodum diætetica hac in re tantum observant: verbi gratia vanissimum promissum est CLAUDII DEODATI, Medici Electoralis & Episcopi Moguntinensis, in suo Panteo Hygiasico, ubi promittit methodum ad centum annos vitam producendam. Similiam PARACELSI agunt PAUSA, & post hunc JOHANNES JACOBUS JOEPSERIUS, Bohemus, in *Manuductione ad vitam longam*, sed diætetice solum procedentes. Pari ratione LESSIUS, Eruditus Jesuita, *Tractatum scripsit de conservanda sana Vita ad ultimum Vitæ Terminum*, & prudentius reliquis omnibus meo iudicio scripsit. Per auxilia quidem diætetica vita plus minus sana potest ad vitæ terminum conservari: sed quæstio instituitur de illa extensione ultra illum terminum: Licet autem possibilis sit conservatio ad naturalem terminum, non tamen ultra eundem extendi potest per Chirurgiam Transfusoriam:

1. Quia vitæ brevis vel longæ radix non est in sanguine, uti demonstratum in Præsupposito 2. sed in genitali parentum, & inde nato spiritu insito filii, a quo radix seu vis ipsius vitæ servatix principaliter dependet.

2. Quia animalia ista, ex quibus fit transfusio, brevioris sunt vitæ, quàm ipsi homines.

Dicis: humanus ergò infundatur sanguis! Respondeo: quis mihi spondebit, hominem illum, cuius sanguis alteri infunditur, esse longæviorum, quàm alterum, cui infunditur?

3. Si vita prolonganda est, sunt etiam quærenda media, radici vitæ seu spiritui insito appropriata, eundem adjuvantia, roborantia & firmantia.

Sed talia ex sanguine alieno & peregrino, & affectum vi alterato non expectanda sunt. Influxus spiritus, à quo & conservandus, & in motum excitandus venit insitus, etiam est peregrinus, adeoque nec commodè in consortium spiritus insiti recipi facile, nec sine huius alteratione infundi potest; adeoque dubium, plus ne agat in hunc insitus? an patiat ab eodem? Media itaque pro longa vita debent hoc efficere, ut radici vitæ sese communicent, eidemque implantent, & resolutionem

impediant, undè hoc medium desumendum esse refert HELMONTIUS asserit; non ex regno animali, quia brevioris vitæ sunt, quàm homines, nec ex regno minerali, quia hoc nihil negotii nobiscum habet, sed ex vegetabili: sicut enim pro prolongatione vitæ ex regno vegetabili in Paradiso desumpta fuit arbor vitæ; sic etiam ex hoc pro vitæ prolongatione HELMONTIUS cedrum incorruptibilem eligit: Vid. *Tractatus elegans de Arbore vitæ pag. mibi 793. usque ad 800.* Ex hac cedro nititur parare medicamentum ad vitam prolongandam, si nimirum in juventute adhibeatur, atque sic spiritui sese implantet, illumque vegetum reddat: sed cum cedrus deficiat, TACKIUS vir eruditus, Juniperum elegit, pariter balsamicam & continuo virentem, ex qua suo modo probabiliter medicamenta parata laudat.

Quæritur: annon saltem hac ratione magnetismus seu consensus & conspiratio mutua propter mutuum sanguinis commercium inter duo possit induci? Resp. Quod non possit. Posito vera esse exempla de partibus solidis, non tamen de fluidis: ergò dum fluxilis res est, clarum est, magnetismi nihil à transfuso sanguine communicari posse alteri. Dubium tamen est: annon hoc modo amicitia, seu, ut clariùs loquar, ad modum philtri amor possit conciliari. De conciliandis amicis admodum operosus est Beguin. Tyrocin. Chym. l. 3. c. 1. qui per Qu. Essen. sanguinis inimicos duos se reconciliasse scribit. Sed vanum hoc est.

II. Non possunt senes ad statum rejuvenescentiæ reduci. BACO de VERULAMIO in *Epist. de Naturæ Pueribus*, & *Nullitate Magiæ* c. 8. dicit: *Ultimus gradus est prolongatio vitæ, sed majus opus est artificium rejuvenescentiæ: ibi enim virium vitalium conservatio saltem in eodem gradu, ne senectutis molestias nimis attritæ sentiant, requiritur; hic verò earundem plus minus deperditarum restitutio aliqualis, & in robore ac vigore augmento, ita ut facultates deperditas resumant, & pristinas potentias operandi recuperent.* Radix vigoris vitalis, juxta Præsuppositum 1. & 2., radicaliter in spiritu genitali, à genitoribus communicato, sita est, pro cuius vigore & incremento successivo, statu & declinatione, ætatis limites & diversitates describuntur; hinc enim viscerum constitutio, sanguinis generatio, spiritus influi productio, insiti conservatio & exsuscitatio dependent. Jam verò hunc spiritum insitum balsamicum plus minus exhaustum, impossibile est restituere; conservare facilius: in hoc nita longa, in illo rejuvenescentia sita est. Adeoque rejuvenescentiam veram restituere, simpliciter impossibile videtur. Apparens restitutio est facilis, sed non legitima; verbi gratia si dentes & ungues regenerantur, crines cani in nigros permutantur, citra tamen vitam longam, qualia rejuvenescentiæ restitutæ exempla sunt vel spontanea, vel artificialia per medicamenta: Vid. FEBURE in CHYMIA, ubi tractat de Quina Ess. aut primo Ente Chelidonii majoris & Melissæ. Superiori anno vetula quædam 70. annorum, per binos menses, sine tamen causa manifesta; mensium fluxum recuperabat, sed brevi post est mortua.

Rejuvenescentia hæc videtur mihi similis cervorum, viperarum & cancrorum depositioni cornuum exuviarumque, quæ mutatio tantum est superficialis, non radicalis: Licet enim bestię hæc cornua & exuvias deponant, non tamen sunt longioris vitæ; & cervus castratus, qui nunquam deponit cornua, sapius tamen vivacior esse solet. Sic & arbores quotannis rejuvenescunt, & tamen sensim sensimque senescunt. Perinde hæc res est, ac quis post morbum gravem pilorum defluxum passus, novos recuperet crines, citra rejuvenescentiam. Febricitantes, & externè contabescentes, pinguescunt, & ferè convalent: sed nihilominus tamen in dies senescunt. Sicuti itaque prima partium solidarum stamina fibrosa rupta aut utcumque sublata non possunt perfecte restitui, sed concretum analogon in eorum locum subit; sic multò minus spiritus insitus utcumque deperditus aut imminutus restitui aut redintegrari potest; cum illa huius effectus saltem & productum sint. Argumenta ergò nostra contra longævitatem allegata, etiam virium juvenilium in senibus restitutioni per Chirurgiam Transfusoriam reluctantur; vires enim ad tempus roborantur, & vegetiores redduntur. Sicut arbor, quæ, solo ex sterili, pingui implantatur, fecundior redditur, & lautius crescit, interim consenescere non negligit, utut diuturnioris sit ævi, quia non abbreviatur vegetationis ejus terminus, sed ad ultimum limitem accedit;

dit; ita & forsan virium quoddam incrementum ad tempus transfusio ista potest inferre. Senex dum mero incaluit, animosior redditur, & hilarior, ex livido rubescit, ac quasi juvenis evadit; ubi autem spirituum ab extrâ impetus cessat, cessat etiam juvenilis ipsius status, idemque senex æquè debilis citra alterationem altius impressam remanet.

III. Vires debilitatæ in juvene non commodè possunt restitui; nam vires morbo exhaustæ, vel reparandæ sunt in ægroto adhuc, vel in eodem convalescente. Naturaliter vires non nisi mediâtè, idque, vel diætâ & remediis possunt restitui, vel iis, quæ spiritus referant, iisque robur elasticum & luciditatem nativam restituunt. Neutrum præstare potest Transfusio sanguinis; quia

1. Sanguis, qui infunditur, non secus ac spiritus, interna sua crasi est distinctissima; unde non nisi prævia alteratione, activa vel passiva, aliquid conferre possunt. Prior est præternaturalis, cum præsertim sit subitanea; posterior est inutilis, quia nil confert.
2. Paucitas sanguinis, quæ citra periculum infundi potest, respectu successivæ sui, secundum minutias, in omne corpus distributionis, paucas vires exercere poterit.
3. Vires morbo sunt attritæ. Has restituere superstitè morbo, difficile aut impossibile erit, etsi Chirurgia Transfusoria morbum cures; si verò in convalescente subito sunt restituendæ, quibus & ordinariò intensior redit appetitus, & nisi nimium eum onerent, optimè digerunt.
4. Hinc etiam exempla ægrorum istorum docent, haud diuturnum, sed breve & modum esse emolumentum, quod extremè debilitatis ex Transfusionè accessit.
5. Vires per sanguinem trasfusorium restaurandæ, vel sunt oppressæ, vel exhaustæ: si exhaustæ, periculum est, ne alienus sanguis & spiritus easdem magis opprimat, ipsique majorem laborem facesset. Ut taceam affectuum vim, quæ juxta Præsuppositum sextum patiuntur bruta, quæ alterationem producere possunt. Si oppressæ, vix restaurari possunt, dum vix propriæ œconomiz regendæ sufficiant, nedum ut alienum sanguinem & spiritus sibi assimilare, & hujus vigoris incrementum capere possint.

CONCLUSIO IV.

Pro vitiis sanguinis morbos corrigendis sanguinis Transfusio non nisi rariùs, idque emolumento non adeò insigni, locum habere videtur.

Scilicet media via incedendum, neque more Gallorum ea usque ad astra evehenda, ac panaceæ loco habenda est, sed sobriè totum negotium perpendendum: Adeoque concludendum videtur, pro vitiis sanguinis morbos corrigendis aliqualem Transfusionem, idque rarè, & emolumento non adeò insigni, locum habere. Scilicet sanguis viciatus est vel in quanto, vel in quali, &c. In quali viciatur, quando cacochymus evadit, & à crasi sua speciali degenerat. Pro hac corrigenda quid valeat sanguinis Transfusio? considerandum.

Jam verò Cacochymia est vel superficialis, vel profundius radicata. Superficialis est, quando saltem sanguis non nihil impurus redditur, istudque vitium facile corrigibile & separabile est: Profundius autem radicata est, quando interna crasis ita viciatur, ut non corrigi queat. Sic v. g. consideremus vinum turbidum, quod vel ex agitatione vasis facti use est permixtum; vel è contrâ, quod vappescere & acescere incipit: Prius repræsentat Cacochymiam superficialem; posterius verò eandem profundius radicatam. Pro superficiali cacochymia non opus habemus Transfusionem sanguinis, cum ea vel spontè mutetur, vel salum volatilium urinosorum, ut & diaphoreticorum usu, facile corrigi queat. Igitur de cacochymia corrigenda jam quæritur.

In genere verò Conclusionem confirmo ex eo:

- I. Quod hujusmodi vitia sanguinis cacochymici oriuntur vel à visceribus, vel à causis externis & rebus non na-

turalibus: si vitia sanguinis cacochymici à viscerum labe oriuntur, frustra instituitur Chirurgia Transfusoria; hæc enim viscerum labem nullo modo corrigere potest. Si verò à causis externis & rebus nonnaturalibus cacochymia oritur, & sanguis cacochymicus ita est alterandus, ut alteratio illa à Transfusionem sanguinis inducta sit vel activa, vel passiva: Alteratio passiva est, quando ipse sanguis transfusus à sanguine recipiente alteratur & mutatur; Activa verò est, quando sanguis transfusus exerit vim activè alterandi sanguinem recipientem, ac immutandi ejus crasim. Passiva sanguinis Transfusio pro cacochymia tollenda nil valet: Nam dum vitiosè alteratur sanguis transfusus à sanguine recipiente, potius cacochymiam augebit, quia forsan illud HIPPOCRATIS locum habebit: Corpora impura, quod plus nutriveris, ed magis læseris: Adeoque in insigniori cacochymia maloque inveterato nil valebit.

Dicis: Ergo sanguis in majori copia transfundendus? Resp. Mutatio hæc subitanea ex crebriori & largiori infusione foret periculosa; quod patet exinde, quod ex sanguine transfuso animalia vivacia reddita fuerint torpida, ac deinde mortua. Si verò sanguis transfusus inferat alterationem activam, utut prodesse possit, tamen multa adhuc dubia sunt, quæ negotium hoc perplexum reddunt. Nam si sanguis transfusus activè alterat sanguinem recipientem, metuendum, ne activa ista alteratio futura sit perquam exigua, propter sanguinis immixti paucitatem, ejusque sub sui successiva diffusionem in totum corpus impressionem vix sensibilem. Si verò sanguinis Transfusio sæpius repetenda, ita ut activa alteratio prædominetur, adeoque cacochymia sanguinis corrigi possit, hæc tamen adsunt difficultates: Nam quid fieret, si alteratio ista activa penitus in contrarium vergat? & v. g. Maniacus ex sanguine transfuso fiat planè quasi stupidus? item quid fiet, si animalia non semper æquè sana, vegeta, aut iidem etiam affectibus obnoxia, recipiantur? Porro metuendum, ne ante repetitionem sanguinis transfusionis prior impressa alteratio jam evanuerit, antequam novus sanguis accesserit; siquidem sanguis seu magis connatus sanguini, facilius alterabilis erit, & impressio facta minor quam aliàs à remediis fieri consuevit. Quid? si cum salute ægri sanguinis cacochymici alteratio acquisita, alia alteratio à sanguine alieno, & affectibus animalis, non minus funesta, quam prior, inducatur, ita ut periculum sit, ne homo ex copiosi sanguinis, verb. gr. vitulini aut agnini, infusione mores & ingenium seu animum beluini stolidum & insipidum induat! Dicis: Tamen hoc pro morum ac temperamenti mutatione aliquid faciet: nam stupidus per sanguinem animalis generosioris infusum fiet alacrior; item Maniacus per sanguinis asinini transfusionem, qui circa aures imprimis, extractus, multum in Mania à quibusdam commendatur, vel etiam per taurinum sanguinem redditur mitior. Respondeo: Res tamen adhuc est dubia, adeoque periculum, ne spiritus infusus transfusus cum spiritu infuso invicem colluctentur; tamen ne sub tali sanguinis insigniori incremento damnum, imò totius animalis interitus, sequatur.

II. Conclusio secunda confirmatur, quod cacochymia ut plurimum non tam causa quam effectus & productum morbosum sit, ut, licet cacochymiam sanguinis emendare velis per Transfusionem sanguinis boni, stante tamen & vigente radice, ex qua cacochymia oritur, eandem tollere non poteris; sed pallativè saltem, non verò radicaliter, causa morbi tollitur: sic v. g. in lue venerea cacochymiam sanguinis, à tantillo contagio venereo per fermentum vi sese multiplicandi pollens, inductam, stante radice morbi, corrigere non poteris.

III. Confirmatur Conclusio exinde, quia, si non tam cacochymiam ipsam, quam exinde sequentes qualitates sanguinis vitiolas corrigere velis, hæc erunt primariæ, nimirum vel nimius sanguinis æstus vel tepor vel acrimonia: Æstum sanguinis non poterit Chirurgia Transfusoria corrigere, quia fervidissimus sanguis ad transfundendum recipitur, qui æstum illum potius augebit, adeoque idem esset, ac si oleum igni adderetur, non teporem corrigeret, quia calor, qui in sanguine gliscit, est vitæ immediatus comes, huic vitæ superstitæ calet sanguis, eadem imminuta tepet, tandem verò destructa vitæ, friget: hinc sanguis ex se non calet, sed ex spiritu infuso, & motu intestino particularum salinarum acidarum cum

terreis tandem emergit calor, juxta *Præsuppositum quantum*.

Cum itaque sanguis transfusus ex se non caleat, sequitur, quod & sanguis recipientis teporem corrigere nequeat. Denique pro *acrimonia sanguinis corrigenda Transfusionem sanguinis aliquid prodesse concedimus*: Sic sanguinis agnini vel vitulini Transfusio, imprimis repetita, utique aliquid in Maniacis proderit: Verum pro acrimonia, v. g. scorbuticorum, vel tabe correptorum, sanguinis transfusio vix aliquid confert: sed quid hic opus est sanguinis Transfusionem, cum gelatina ac diæta lactea, beneque nutriendi ex seminibus cerealibus, idem longè tutius ac jucundius præstare valeat?

CONCLUSIO V.

Pro vitis partium solidarum restituendis sanguinis Transfusio nil valet.

Ex Pathologicis notum est, universam corporis nostri machinam, spiritus, humores ac partes solidas, morbis esse subjectas: Quod vero pro vitis partium solidarum corrigendis Chirurgia Transfusoria nihil valeat, probatur:

I. Ex eo, quod, uti *supra Præsupposito quinto* confirmatum, sanguis active nil conferat visceribus, nisi in quantum sub ejus mole spiritus influus undique radiat ac dispergitur, adeoque saltim passivè & per accidens visceribus plus minus proficit, iidem scilicet nutrimentum suppeditando. Verum cum huic accidentali usui pro nutrimento laudabili subministrando, media diætica longè sint tutiora, non opus habemus ad Chirurgiam Transfusoriam refugere.

II. Ex enumeratione morborum partium solidarum, quibus singulis nil potest conferre sanguinis Transfusio. Morbi autem viscerum & partium solidarum affligunt eas vel ratione materiæ, ex quibus partes solidæ constant, vel ratione formæ organicæ, quatenus certo usui inserviunt. Morbi istius materiæ partium solidarum dicuntur aliàs communiter morbi intemperiei, nempe particularis diæti; sicuti Morbi Formæ Organicæ aliàs dicuntur Morbi Organici. Intemperiei morbi dicuntur ita à posteriori, quatenus scilicet cognoscuntur, à qualitatibus suis mutatis: Qualitates verò mutatae sequuntur texturam particularum minimarum mutatam, ex quibus partes, ac partis partes constant: Hæc verò textura materiæ vitiatur propter vitiatam nutritionem, quæ vitiatur à spiritu influo. Cum autem horum morborum, scilicet intemperiei, fundamentum sit spiritus vitæ insitus vitiatus aut læsus, hunc sanguis non poterit restituere, nec immediate per nutritionem, nec mediatè per spiritum influum, quia spiritus influus insitum saltim excitat, insitus verò influum amplectitur & secum concentrat, ita ut influus, ceu universalis, se habeat tanquam subiectum patiens, insitus tanquam subiectum agens. Morbos Formæ Organicæ quod attinet: sunt vel in conformatione, vel in compositione: Sciendum enim, omnem formam organicam, quatenus illa ad integritatem corporis humani conspirat, esse vel ejusdem debitam conformationem, quæ consistit in tribus istis dimensionibus, longitudine, latitudine, & profunditate, & hac vel concava, vel convexa; vel ejusdem debita compositione, quæ in legitimo situ & connexionem partium consistit. Quomocunque vitietur ista formæ organicæ conformatio, nullo modo huic poterit succurrere sanguinis Transfusio. Neque enim longitudinem aut profunditatem restituet, cum sanguis nil agat in motu locali, sed tantum passivè se habeat, & perpetuò à corde moveatur; unde nec viscidum resolvere, nec impetu facto obstructions aperire, quin potius stagnare, aptus natus est: Neque etiam corriget morbus compositionis, nec in situ, v. g. in herniis, nec in unione & connexionem, ubi nimirum contiguitatis partium solutio facta, v. g. in vulneribus, in quibus materiæ nutritivæ respectu plus minus temperata, consolidationem passivè seu obiectivè, non efficienter, promovere solet. In ulceribus insiti spiritus vitium corrigendo sanguis passivè se habet, qui à pure subinde inficitur; quæ materia vitiosa potius diæta aut lacte, quam sanguine faciliè alterabili emendanda venit.

III. Probatur Conclusio: quia sanguis ægri proprius ac

naturalis non sufficit per se corrigendis istis viscerum vitis, quin potius ab istis visceribus sanguis plus minus alteratur: Ergo multò minus sanguis alienus heterogeneus corriget viscerum vitia, quin hic interdum promptius labem vitiosam recipere, & ita malum augere possit.

IV. Probatur Conclusio ex eo, quod dubium fit, an sanguis recens transfusus visceribus proficit? an magis noceat? ut in *explicatione Præsuppositi tertii* monitum. Nam recens transfusus alienus, ob particularum suarum minimarum aliam atque diversam texturam non æquè cribrari per omnes & angustissimos corporis poros, neque meatulos viscerum ita penetrare poterit; unde periculum, ne sanguis iste recens transfusus pororum conformationem, vel tonum fibrarum in visceribus immutet ac lædat: id quod in hominibus calidioribus post sanguinis Transfusionem narium stillicidium, ac miætus cruentus superveniens, testatur: vid. *Cap. I. Experim. 10.*

CONCLUSIO VI.

In Febrium Cura nullius sanguinis Transfusioni est locus.

Probatur:

I. Quia nulla in febribus Transfusionis sanguinis est indicatio seu usus nullus, scilicet febris est motus naturæ, & aliquid medium inter actionem naturalem & præternaturalem, adeoque est actio quasi non-naturalis, sub qua natura per spiritus influum impetum, & hinc natum concitatiores contentorum fluidorum motum, tam intestinum quam localem, peregrini aliquid sanguinis permixtum, sponte de se a moliri satagit, idque in sui conservationem; & sic sanguinis Transfusio nullum hic obtinebit locum. Dum igitur febris motus est naturæ, non est sistendus ipse motus, sed potius promovendus. Hinc cura febrium est vel vera, vel palliativa. Vera & legitima febrium cura in eo consistit, ut Medicus, tanquam naturæ minister, conatum naturæ promovendo, impedimenta removendo inimicum istud vitiosum, quod spiritum influum ad extraordinarium, & præternaturalem impetum provocat, ac in specie acidum illud vitiosum, omnibus in febribus præsens, alterando, corrigendo, & correctum maturè eliminando, adjuvet.

Dico: legitimam hanc esse febrium Curam, ad differentiam curæ palliativæ, quæ est, quando vel spirituum impetus sistitur per opiata vel quando causa occasionalis concentratur & figitur, ut ita ad tempus, ceu caput mortuum, febris quiescat; vel quando acidum vitiosum infringitur ex arte, nec tamen educitur, hinc levissima data occasione denuò insurgit. Sed ab his Curis palliatis plus mali quam commodi accersitur; Nam per calcinatum Strobelbergeri, per Chium Chinæ, electuarium diascordii, corallia, cornu cerviustum, item per salia fixa intempestivè adhibita figitur quidem acidum; sed ut dixi, plus mali quam commodi, inde resultat, cum ab hac Cura vel recidiva vel febris interdum multiplicata, aut magis acuta resurgat, vel febris ante acuta, in lentam hecticam degeneret, vel loco ejus morbus chronicus anomalus, ex viscere quodam à causa occasionali male affecto, ordinariò oriatur. Quantum igitur natura prodest suis ægris per febrem excitatam & vitè curatam, tantum nocet Medicus per febrem intempestivè oppressam. Omnibus igitur his naturæ & artis intentionibus, dum scilicet vel natura per motum internum, hostile illud extraneum eliminare satagit, vel per artem illud vitiosum evacuare studemus, nullo modo prodest vel confert sanguinis Transfusio: neque enim à sanguine alieno confuso causa occasionalis corrigi, nec spirituum ac sanguinis motus nimius compesci potest, adeoque pro febrium qualiumcunque cura sanguinis Transfusio nullum habet locum.

II. Probatur conclusio: quia sanguinis Transfusio in febrium cura nociva esse videtur. In febre enim motus sanguinis, hinc & aliorum fluidorum corporis intestinus est, præter naturam turbatus, ac plus minus vitiatus: id quod ex pulsu mutato, hæmorrhagiis, aliisque excretionibus

tionibus symptomatice patet abunde. Quod si jam sanguis alienus & spiritus transfundantur, nonne turbæ istæ in sanguine exinde fiunt peiores, & œconomia animalis gravior hinc læsio: siue enim active, siue passive alteretur sanguis transfusus, gravius tamen exinde malum febricitanti conciliabitur; si enim inferat alterationem activam, malum erit gravius; si verò passivam, absque ullo commodo instituetur.

III. Probatur Conclusio: Quia Transfusio sanguinis nulli febrī in specie accommodata. Febrium triplex est differentia, inter quas optima est, quæ desumitur à *subiecto radicationis & inhaesionis*. Duplex enim est febrium subiectum: (1.) *radicationis*, ubi causa vel fomes morbus latitat; (2.) *inhaesionis*, in quo omnes febres conveniunt. Ex subiecto radicationis omnis febris ratio desumitur; vel enim in *spiritibus* residet, vel affligit *partes fluidas*, vel *solidas*. Hisce modis tantum subiecto *radicationis* febres differunt. Conveniunt autem omnes febres subiecto *inhaesionis*, quod est *spiritus influus*: id quod patet ex opiatīs in febribus adhibitis, quæ spiritus influos compescunt, ac febres supprimunt: partim est *massa sanguinea*; quod probat mutatus pulsus, & quod nunquam verb. gr. febricitare dicitur in febribus symptomatice ab *ulcere* vel *vulnere*, nisi mutatio in sanguine, primariò ex pulsu, hinc ex aliis accidentibus, observetur. Porro *spiritus in febribus malignis primariò afficiuntur*; *sanguis ac lymphæ, aliique humores, in febribus putridis benignis, & intermittentibus, & primariis; partes verò solidæ in febribus symptomatice, intermittentibus & continuis secundariis*.

Quod ad febres malignas attinet: in his ordinariò spiritus affici exinde patet, quod ægri iisdem correpti viribus sint exhausti, & hinc sæpiùs pessimè se habeant, pulsu licet & urina minus, aut non adeò insigniter, mutatis, certo indicio: sanguinem minus esse mutatum. Ergo spiritus sunt, qui primariò in febribus malignis afficiuntur: Hinc etiam est, quod omnes febres malignæ, & quidem solæ, sint contagiosæ. *Contagium* alias dicitur id, quod sub minima mole est maximæ efficacis, & unicum & determinatum affligit subiectum, quo ipso naturam suam spiritualem ac penetrantem insinuat; cuiusvis enim subiectum immediatè sunt spiritus, quorum ratione contagia non omnia subiecta, sed saltem appropriata, seu cum subiecto contagiosa singulariter conspirantia, hoc est in spiritu vitali symbolizantia, affligunt, siue universalis siue particularis sit morbus: ibi influus, hic insitus, affliguntur spiritus e. gr. pestis, scabies, dysenteria; & uti nullus morbus est hæreditarius, nisi qui spiritum influum & insitum fortius penetravit, ita nullus contagiosus, nisi qui alterutrum affecerit; hinc nullæ aliæ febres, nisi epidemicæ grassentur, non sunt contagiosæ, nisi malignæ. Dum verò non nisi determinatum affligit subiectum, patet, solum esse spiritum, qui in febribus malignis contagiosis afficitur: Sic ver. gr. Pestis humana non afficit bruta; ovina non vaccas vel equos, &c. quia in omni Contagio requiritur symbolismus quidam inter spiritus, ita ut spiritus in sui similem feratur.

Dicis: Prostant tamen exempla, alias quoque febres fuisse contagiosas; Resp. Verum hoc est: sic notabile est, quod Platerus pag. 94. refert de quodam, febre continua ardente, ac cum delirio conjuncta, laborante, qui ex compressione manus uxoris suæ eandem febricitantem ac delirantem reddidit: id quod abundè testatur, febrem hanc apparenter benignam, fuisse quoque contagiosam ac malignam. Facit huc quoque exemplum LOTICHII, qui in *Observationibus suis* pag. 36. refert, quod mulier quædam ex visa purgatione, marito ex febre laboranti propinata, post triduum quoque purgaverit. Verum, quando ejusmodi febres benignæ, præter malignas, sunt quoque contagiosæ, illud tum fieri per accidens, quando spiritus insitus nimis, & quidem adeo potenter est alteratus ac affectus, quam aliàs in febribus malignis affici solet; exinde enim factum, quod imaginatio fortis mulieris modo dicto ob fortem in spiritum suum impressionem, eandem in febrem deiecerit.

Sed ut redeamus ad febres malignas, in his naturæ opus est, fermentum istud acerrimum volatile seu spirituosum, quod spiritus influos inquinat, subigere, alterare, & per peripheriam corporis expellere; hinc & observantur variolæ, morbilli, purpura, petechiæ, erysipelata, bubones & anthraces, ordinariæ febrium malignarum pedissequæ; unde & in Cura febrium malignarum Medicus ad naturæ imitationem, præmissis præmittendis, imprimis

verò Vomitoriis, volatilia diaphoretica in toto febris cursu sibi habeat commendatissima, ut extraneum illud malum per diaphoresin ad peripheriam corporis deducat; siue jam spiritus aut alia illa volatilia sint macra, ut spiritus succini, viperarum, aut sal volatile cornu cervi, viperarum, sal cardui benedicti, imprimis, quando sanguinis intensior est æstuatō; siue oleosa ac plus minus aromatica, ut alia volatilia oleosa, compositiones theriacales, &c. His ergò tam naturæ conatibus, quam artis molimini-bus, nil adiumenti adferet sanguinis transfusio; neque enim alterationi fermenti spirituosi, neque eiusdem exclusioni aliquid conferet.

Dicis: Sanguis tamen transfusus sanguini nostro communicatus aliquid roboris addet spiritui influo, fermento febrili inquinato, ad idem fermentum expellendum: sed Respondeo:

1. Spiritus sanguinis alius est peregrinus, adeoque opus est, ut prius spiritui nostro assimilaretur ac approprietur.
2. Periculum est, ne sic motus naturæ, tam secretorius quam excretorius, turbetur aut sufflaminetur ad tempus.
3. Parcior sanguinis Transfusio parum emolumenti, largior verò nunc hæmorrhagias, nunc mi-stum cruentum, inducit: quæ symptomata sunt mali & periculosi ominis, cum naturæ perturbatæ sint indicia.

Cum igitur hæc sequantur symptomata, reverà periculum est, ne hoc ipso plus incommodi quam commodi ægro adferatur. Notum porro est, quæcunque sanguinis emissionem, tam in incremento quam statu febrili malignarum, si non semper, tamen ut plurimum, paucis exceptis exemplis individualibus, esse nocivam & periculosam, non quidem propter virium prostrationem, quæ ex moderata venæ sectione tam enormis esse non facile potest, sed potissimum ex hoc, quod sanguinis alieni infusio æquè sit periculosa & nociva, quam proprii sanguinis detractio.

Denique jam in Præsuppositis monui, bruta sub transfusionis negotio admodum alterari. Si itaque cum Transfusionis sanguis & spiritus animalis, affectuum impetu alteratus; ac metus aut terroris idea insignitus transfundatur, tunc ejusmodi sanguis alteratus plus nocebit, quam proderit; imò magis vires hoc ipso deficientur, & quasi subiguntur. Sin verò ex animali ferociore (quod quidem vix fieri possibile) fiat sanguinis Transfusio, ita ut spiritus exinde reddantur ferociore, turbando naturæ conatus, & pervertendo spirituum impetum, quam facile ejus motus impeditur, & ita malum plus ferè augetur, quam natura juvatur. Ut taceam, quævis sanguinis emissionem in incremento vel statu malignarum, quæ talium, esse periculosissimam, quis vadem se præstiterit, an immisio tantum profutura sit? Imò cum parcior Transfusio parum beneficii præstet, largior verò nunc mi-stum cruentum, nunc hæmorrhagiam narium post se trahat, motusque hi motui ad extra excretorio naturæ contrarii, hinc plus nocebit Transfusio, quam proderit.

Hæc de febribus malignis.

Quod febres humorosas, & in massa sanguinea aliisque humoribus, attinet: sunt illæ vel *continuae*, vel *intermittentes*. Non differunt hæc duæ essentialiter, sed accidentaliter tantum, quia facile inter se invicem sunt permutabiles: Nam febres continuæ sæpiùs fiunt Tertianæ intermittentes, & contrà. Igitur in radice & causa occasionali hæc duæ febres conveniunt, saltim prout majori, vel minori volatilitate, vel majori vel minori fixitate gaudeat sanguis. Si paulo fixioris sit naturæ sanguis, febres fiunt intermittentes; si volatiliore continuæ: sic BIERLINGIUS in *Adversariis suis* pag. 17. refert exemplum cujusdam, qui ex abusu Casei Hollandici primò febre tertiana correptus, quæ post facta quotidiana, ex hac rursus incidit in quartanam, ex hac denuo in tertianam, donec tandem per biennium demum febris finiretur. Porro *continuae* febres sunt vel *sanguineæ* vel *lymphaticæ*: quam distinctionem satis utilem omnium primus SYLVIUS in *Praxi sua* introduxit; nam de febribus lymphaticis apud alios nihil, cum tamen hæc in hæmiticis lentis, &c. multum habeant in recessu. Distinguantur verò ita febres continuæ, non exclusive, aliis humoribus, ver. gr. bile, chylo, aliisque fluidis, rejectis; sed inclusive, iisdem scilicet inclusis, utut à potiore, sanguine sci-

ne scilicet & lymphæ, fiat denominatio. *Continuas* quod attinet; in his motus naturæ est, velut fermentum heterogeneum, è vitio primæ digestionis genitum, secernatur è massa sanguinea ac lymphæ, vel ut sanguis & lymphæ ex rerum non-naturalium inconsueto usu, & inde nata alteratione, in novam aliquam diathesin commutentur.

Duo hic consideranda sunt:

1. Ut massa sanguinea ac lymphæ depurentur.
2. Ut earundem crasis immutetur.

Exemplo rem illustrabo: si quis vt g. hodierno tempore ex mistura ista infusa vini cerasi febrim ardentem incurrat, commistura ista fermentando aliquid heterogenei fermentati oberratum primæ digestionis sanguini communicabit, & ita natura febrilem concipiet motum. Hoc exemplum spectat ad prius. Posterioris exemplum sit peregrinans aliquis, ex mutata & inordinata diætâ febrim continuam benignam incurrit. Hos verò motus in febre continua natura perficit per concitatioem particularum minimarum motum intestinum, inter quas imprimis excellunt duo ista activa instrumenta communia mechanica, acidum scilicet & urinosum, quorum motu intestino partim vitiosum sanguini commistum corrigitur, separatur, vel motu fermentativo præcipitatur, partim particulæ minimæ in novam texturam coeunt, novamque constitutionem ac diathesin acquirunt. Utroque in statu, quicquid correctum fuerit, hoc natura per diaphoresin largiorem expellere solet, idque ferè motu spontaneo & quasi critico, rariùs per alias vias excretorias hoc accidit. Ad hunc motum imitandum Medici plerumque propinant, vel salia volatilia macra diaphoretica, ut aurum, cornu cervi, vel absorbentia fixa, ut coralliata, antimoniatâ, salia urinosa, &c. Hisce nihil confert sanguinis Transfusio:

1. Quia metuendum, ne à sanguine alieno recipiens sanguis magis turbetur, & ita naturæ conatus impediatur.
2. Ne sanguis alienus sui miscela massam sanguineam magis inquinet, ejusque depurationem plus minus impediat.
3. Metuendum, ne sanguine alieno sanguis recipiens in novam immutetur diathesin: sic verb. grat. cum vinum Rhenanum consueto tempore se depurat prævia turbatione & fermentatione, post clarescit. Quod si in hoc fermentationis actu aliquid vini Hispanici infuderis, nullum dubium, quin motum illius magis perturbes, & vinum, ut sic dicam, cacoehymicum reliqueris.

Quod febres intermittentes attinet: dubium est nullum,

1. Fomitem seu focum earum in primis viis, seu speciatim in ventriculo, ejusque digestionem alterata, residere. Circa has natura conatur resolvere fomitem viscidum, ac corrigere fermentativum acidum; hinc omnia huc respiciunt, ut scilicet viscida incidantur, ac præternaturalia corrigantur. His scopis nil confert Chirurgia Transfusoria; sed potius, uti notum, quod lac cuiusvis febricitanti, vel assumptum vel infusum, obfacilem sui alterabilitatem, noceat, ita periculum est, ne sanguis transfusus plus noceat, quam profit.

2. Sciendum, quemvis Paroxysmum febris intermittens idem esse, quod febris parva continua, per depurationem sanguinis finiens mediante sudore: unde eadem difficultates, quæ premunt sanguinis transfusionem in febribus continuis, premunt quoque in cura febrium intermittens. Porro, quando sanguinis Transfusio instituitur, fit illud vel tempore paroxysmi, vel post paroxysmum: Non prodest tempore paroxysmi, quia tunc frustranea foret: Ergo neque etiam post paroxysmum.

Dicis: In diuturnis febribus intermittens, in quibus bilis fit inertior, tonus hepatis vitiatur, sanguisque fit acrior, ad diathesin acetosam declinans, in tali casu tempore remissionis utique posset Chirurgia Transfusoria institui! Respondeo: Utut tolerabile hoc esset, tamen periculum est, ne alteratio sanguinis à sanguine alieno paroxysmum febrilem exasperet, vel alium typum febris inducat. Ergo neque in Paroxysmo declinante Chirurgia Transfusoria est instituenda, quia tunc frustranea foret, vincente jam natura, seseque ab extraneo illo sibi commixto libe-

rante: Neque etiam in statu paroxysmi proderit; tunc enim nihil moliendum, ne turbetur naturæ motus, sed liber ipsi concedatur: Nec in principio, quia periculum, ne per sanguinem alienum motus febris intermittens in sanguine vel suspendatur, & ita cura evadat palliativa & nociva, vel turbetur motus naturæ febrilis intestinus, & ita gravior ejus lucta, & periculosior fiat paroxysmus. Quod si post paroxysmum largus sudor prodeat, quod natura sua sponte extraneum foras excludere nitatur, ergo tum sanguinis Transfusio absque emolumento instituetur.

Febres denique ex solidarum partium vitio seu symptomaticas quod attinet: neque in illis locum habet Transfusio sanguinis, quia

- (1) Sanguis transfusus in se, & quæ talis, non secus ac sanguis ipsius subjecti ægri, non valet positivè seu activè partium solidarum vitia, ideoque nec inde natas febres, remove.
- (2) Speciatim febres comitatæ accidentales, seu quæ occasione inflammationis partium solidarum oriuntur, reverà sunt symptomaticæ: sic v. g. in Erysipellate cruris, item pleuritide sæpiùs recurrente, primariò peccat Topicum, quod semper inhæret, & juxta HELMONTIUM in parte affecta corrigenda semper spinam infixam relinquit; ita in erysipellate cruris semper hæret acidum vitiosum, quod occasione externa excitum inflammationem, & hinc febrim, excitat. Cum ergo sanguinis Transfusio non valeat vitium illud topicum corrigere, neque etiam febrim inde ortam corrigit: si verò sanguis paulò sit intensior, promptius per absorbentia, aut diaphoretica volatilia macra, quàm per sanguinis Transfusionem, corrigitur.
- (3) In cæteris febribus symptomaticis, plus minus lentis, v. g. ex abscessu mesenterii suppurante, ex pure pulmonis exulcerati, aut aliis vulneribus gravioribus præsertim in loco nerveo, nil quoque valet sanguinis Transfusio. Hæ febres etiam sanissimis, occasione externa lædente v. gr. vulnere, supervenire possunt. Quæ vitia cum sanguis proprius, quæ talis, non possit corrigere, multò minus sanguis alienus: Quod si verò à posteriori his malis aliquid opis conferat sanguinis Transfusio, id longè melius per media diætetica, quàm per Chirurgiam Transfusoriam, fieri potest.

CONCLUSIO VII.

Cacheeticis, Hypochondriacis, Scorbuticis, Ictericis, cordisque Palpitatione laborantibus, non confert Chirurgia Transfusoria.

In uno complexu hic morbos chronicos colligere placuit, cum in radice omnes plus minus ferè conspirent.

Quod verò his nihil conferat Chirurgia Transfusoria, probatur ex eo:

I. Quod morbi chronici in genere ferè primam originem habeant in primis viis, adeoque è prima digestionem, ejusque perfectione, plus minus vitiata. Huic primæ digestionis errato, seu morbosum productum, subinde vicerum internorum ac abdominis supervenit vitium, quod morbum chronicum durabilem reddit. Jam ad vitia hæc, quæ in genere in cruditate acida, in specie in sapore specifico acido, consistunt, Chirurgia Transfusoria nec immediatè prodesse potest, quia vitia primæ digestionis non corriguntur in secunda, unde nec cruditates chyli, sanguini permixtæ, corriguntur; nec mediatè ad ea confert, quia sanguini transfuso cum ventriculo & intestinis, eorumque functionibus, nullum est commercium: & hoc ipsum imprimis simul valet in affectibus hypochondriacis, ex cruditate acida fermentativa natis, in quibus Chirurgia Transfusoria nil potest.

Deinde II. in chronicis talibus affectibus duo sunt distinguenda:

1. *Radix mali* seu sedes fomitis morboſa, qui eſt viſceriserratum, cujus vitio morbus chronicus ſupervenit.
2. *Productus hujus morbi* chronici, nimirum *dyscrasia* ſanguinis inde nata.

Sic verbi gratia Erratum primæ digeſtionis, ſub quo non ritè ſpirituſcens fit chylus, vel ex acido fixo macro- hypo- chondriaco melancholiam, adeoque ſanguinis dyſcrasiam acidam, ſcorbutum; vel ſimile quid, inferit. Erratum primæ digeſtionis eſt radix mali, cui nil conferet ſanguinis Transfuſio: hoc eſt productum morboſum, eſtque dyſcrasia ſanguinis acrior, aciduſcula. Ad hanc corrigendam forſitan non inepta erit ſanguinis Transfuſio; ſive enim active ſive paſſive alteraret ſanguinem recipientem, eundem tamen redderet mitiorem. Verùm ſic non radix morbi, ſed ſaltem productum morboſum, emendaretur. Dein, poſito, tantillum poſſe ſanguinis Transfuſionem facere, quantum verò exinde maſſæ ſanguineæ accederet emolumentum, cum ſanguis ille tranſfuſus à recipiente facile alterari, & ita pejor reddi queat. Conducibilis igitur & tutius videtur, naturæ leges & inſtitutum imitari, quàm ut iſta dyſcrasia, ſanguinis Transfuſione emendetur. Atque hæc in ſpecie de ſcorbuto ſanguinis imprimis ſunt intelligenda, in quibus dyſcrasia ſanguinis corrigenda. Tutius & commodius lac cum ſuccis vegetabilium antiſcorbuticorum imprægnatum, quàm dubia Transfuſio, ſubſtituitur.

III. Optima chronicorum horum morborum remedia ſunt, potenter acidum in primis viis abſorbentia ac abſtergentia. Inter hæc verò imprimis eminent Martialia, tum à natura propinata in acidulis, quàm arte pharmaceutica in medicamentis. Tantum ſcilicet eſt illud acidum peccans, ut vel Marte vel Saturno vel ſimilibus pro ſui ſaturatione indigeat, utut non ſemper in majori & ſpirituſiori acido Martialia ſufficiant: Si igitur non ſemper Mars & Saturnus acidum infringere valent, quantum ſolatii ex ſanguinis Transfuſione ſperandum? Porro ſi lac in ſcorbuticis corrigendis vix ſemper ſufficit, quia ab eorum acido præternaturali mox corrumpitur; multò minùs ſanguis, minus præſertim temperatus, id efficiet. Imò metuendum, ne ſimiliter ſanguis tranſfuſus alteretur, & in aciditatem degeneret. Item quantum & quoties infundendus eſſet ſanguis, ut dyſcrasiam ſanguinis acidam corrigere valeret, ita ut ſanguis, & hinc lymphæ, aliæque contenta fluida, depoſita conſtitutione ſua acida præternaturali bonam eamque conſtantem temperaturam contrahant? Poſito verò, poſſe hic aliquid prodeſſe ſanguinis Transfuſionem, non tamen Cura eſſet conſtans, ſed palliativa, dum continuò à viſceribus affectis ſuppeditaretur acidum, & ſub digeſtionis errato chylus vitioſus, à quo ſanguis denuò corrumpetur.

IV. In cachexia in ſpecie ſic dicta, & ipſi ſuperveniente imprimis intenſiori gradu, qui dicitur Leucophlegmatia, notandum: quod primario in ea peccet cruditas ſeu caco-chymia pituitoſa, ex chylo plùs minùs vitioſe acido, viſcida, tenaci ac glutinoſo, & hinc ex bile inertiore, minùs acri, minùs volatili, ac minùs penetrante, nata, i. e. in radice de acri volatili oleoſo minùs participante. Ex his duobus generatur Cachexia: hinc etiam eſt quod in cachexia ſanguis venæſectione emiſſus cruſtam tenacem ac glutinoſam, ſubinde varii coloris ſibi ſupernatantem, exhibeat, quæ cruſta candida eſt chylus ſanguini nondum aſſimilatus, ſeu cruditas pituitoſa ac acida, adeoque chylus vitioſus, nec ritè volatiliſatus ac perfectus. Hinc etiam cum ſanguis talis ſit glutinoſus, & cujus textura particulæ activæ, acidum ſcilicet ac urinoſum, minùs ſe exere- re valeant; eſt quod ceſſante fermentatione vel turgescencia menſtrua ceſſent & mulieribus caco-chymicis menſes. Quare cruditatem pituitoſam non niſi lente & tardè tantum, nec bilem etiam inertiore acueret & emendare poterit ſanguis, qualiſcunque tranſfuſus, cum notum ſit, quod ſanguis etiam dicatur frænnum bilis, à quo partim ejus acrimonia temperetur & mitigetur, partim impetus ejus volatilis activus coerceatur. Equidem bilis generatur ex cremore & flore ſanguinis, & ſic ex parte oleoſa ſanguinis volatili; adeoque bilis eſt concretum quaſi aromaticum, conſtans ex acido volatili ſubtiliter ſaturato, cum intermixto copioſiori pingui, unde emergit liquor ſaluſ, bilis. Hujus bilis ſubtilis frænnum eſt ſanguis cum eandem coerceat. Hujus verò inertiam, uti dictum,

ſanguinis Transfuſio corrigere non poteſt, quia vitium primæ digeſtionis non corrigitur in ſecunda. Ut taceam, ſi forſan ſanguis tranſfuſus affectu pavoris & terroris, aut agoniæ, vehementius fuerit inſignitus, à quo ſpirituſum impetus cohibentur, tunc non poterit non plus nocere quàm prodeſſe ſanguinis Transfuſio, cum ex his terroris ac intenſioris pavoris, aliisque animi affectibus, in quibuſdam cachexia orta obſervata ſit. Si igitur ſanguis ejuſmodi tranſfunderetur, ſpiritus cachecticorum magis exinde languelſcerent, ac corrumperebantur.

V. Hiſce morbis chronicis merito etiam accenſendus eſt Icterus. Icterus verò quilibet eſt morbus, vel ſecundarius vel primarius: *ſecundarius eſt* iſte, qui alium morbum tanquam effectus ſuam cauſam, ſequitur; ſive jam floreſcat criticè, i. e. prægreſſa coctione materiæ peccantis, ſive ſymptomaticè, citra tamen coctionem: ſic verbi gratia febri acutæ continuæ ſeptimo aut undecimo die ſupervenit icterus, quod bonum eſt ſignum: e contra ſi in eadem febre ſexto, octavo, vel alio die, icterus effloruerit, eſt icterus ſymptomaticus. Hic malus, ille bonus. Sic non rarum eſt, paſſioni hyſtericæ graviori ſupervenire icterum. Novi mulierem, quæ eſt graviori iracundia intempèſtively fetum peperit, & altera die tota exinde facta fuit icterica. Icterus primarius eſt, qui ex ſe ipſo ſine alio morbum ægrum affligit. In ictero ſecundario evacuando ſanguinis Transfuſio eſt invalida, cum ad primarium reſpiciendum ſit morbum. Primarium igitur icterum quod concernit, circa hunc obſervandum.

1. Acidi auſteri vitium ingens in primis viis.

2. Bilis vitium vel in ſubſtantia, vel motu, natum vel ex propria culpa, quando nimirum in folliculo fellis ipſaque bile hæret vitium, vel ex hepatis culpa, quando nimirum hepar eſt ſcirrhoſum.

Hæc bilis vitia aliam & meliorem non elaborabunt, uti nec ubi glandulæ hepatis ſcirrhoſæ deficient in ſcirrhoſitate certè quod, ſi icterum conſideremus, hæc duo etiam dicta vitia ordinariè in ictero occurrunt. Quibuſvis his occaſionibus neutiquam ſatisfaciet ſanguinis Transfuſio; Non acidum auſterum ſanguinis in primis viis, undecunque ſcaturiens, corrigit, propter argumenta ſuprà de morbis chronicis allata, cum vix Martialia vel hæmatites aut lapis cæraunius ſufficiant: Neque hepatis labem reſtituere valet ſanguinis Transfuſio: qui viſcerum vitia corrigere non poſſit, nec bilem corrigit (cum bilis materialiter generetur ex ſanguine, & ſic ſanguis ſe habeat paſſive, non active:) Nec calculos in folliculo fellis collectos, nec alia impedimenta, Transfuſio ſanguinis remove- re poterit. Ergo in ictero fruſtranea eſt.

Sequitur VI. *Cordis Palpitatio*, quæ eſt Symptoma non infrequens, præſertim in affectibus hypo- chondriacis, aliisque chronicis, oriturque vel occaſione nervorum cordis, id irritantium, vel occaſione muſculorum cordis cor moventium: Sic v. g. in melancholicis hypo- chondriacis nervi ſplenis per conſenſum ſimul afficiunt nervos cordis, adeoque palpitationem excitant: id quod etiam facit polypus in corde; aut lapilli ibidem collecti, vel acrior pericardii lymphæ, aut ſanguis ſemigrumofus, vel ſanguis in ſcorbuticis occultè acceſcens, & hinc fermentescens, aut ſanguinis ſtaſis circa vaſa cordis & pulmonum. Ab his occaſionaliter per irritationem præternaturalem palpitatio cordis provocari ſolet. Iam ſive in nervis, ſive muſculis cordis ſit vitium ſanguinis Transfuſio nil opis afferet, cum ſanguis immediate nervoſi generis vitia, aut impetum ſpirituſum animalium emendare ac enervare nequeat. Neque etiam muſculorum irritationem quomodocunque factam, nec vitia lymphæ, nec ſtaſin ſanguinis (ut in menſium defectu & cachexia) Transfuſio ſanguinis corrigere poterit. Si aliquid conferet, erit illud, ut ſanguinis dyſcrasiam acidam ſeu acidolaſam, & hinc natam muſculorum cordis irritationem, ac convulſionis impetum, ad tempus corrigere in tantum & emendare, ſeu non niſi morbum palliare, & paroxyſmum mitigare, non verò conſtanter ac perfectè curare, poſſit.

CONCLUSIO VIII.

Melancholicis & Maniacis quibusdam aliquid videtur conferre sanguinis Transfusio, sed circumspicere instituta.

Scilicet confectarium hypochondriacorum esse solent deliria Melancholica, varia quidem specie externa, omnia tamen in radice seu essentia convenientia, hinc diversimodè sunt permutabilia. Sic quandoque Melancholia cum risu, mœrore ac furore est conjuncta, diciturque tum Mania; suntque unus idemque affectus, quod patet exinde, quia interdum inter se permutantur. Hinc HEINRICUS ab HEER in *Obs. suis oppidò raris obser.* 27. refert de Melancholico quodam, quod omne menstruum spatium in tres quasi dimensus fuerit partes; primo enim erat mœstus ac tristis, secundo venationis studio occupatus, tertio cantilenis & Musicis instrumentis delectabatur, admodum hilaris. Melancholia & mania igitur in radice conveniunt.

His præmissis quæritur: an aliquid opis conferre hinc queat sanguinis Transfusio, cum per experimenta Gallica superius citata constet, quantum Maniaco, aut saltem furioso, conferat? Propterea videndum quousque illis fidendum? & quid illæ in recessu habeant? quare etiam non nisi limitatè & certis cautelis in citata Conclusionem propositis, ubi scilicet dixi, quod quibusdam tantum Melancholicis conferat sanguinis Transfusio, quodque eadem cautè institui debeat, accipienda hæc sunt.

Ergo I. notandum; Melancholiam duplicem habere fiendi modum: vel enim

1. Oritur ex animi pathematis;
2. Ex hypochondriorum vitiis.

Illæ à causa externa, & occasione immateriali: hæc à causa interna, & occasione materiali. Non his, sed istis interdum proficua est sanguinis Transfusio. Quoad prius: PLATERUS in elegantibus suis *Observationibus* refert de quadam muliere, quæ vespere ex porta urbis oclusa ita consternata, ut exinde per totam noctem alterata ac melancholica facta: Idem etiam refert de homine, ex simplici tantum consternatione melancholico facto. Imo nil vulgatius, quam tristitia, mœrore, in specie studiis intensioribus, oriri Melancholiam, ex simplici spirituum alteratione. Quoad posterius: nil notius, quam occasione cruditarum acidarum, in hypochondriis collectarum, oriri melancholiam. Par ratio est, quando ex mensium defectu supervenit Melancholia.

Quoad differentias delirium melancholicorum, notandum:

II. Ratione modi delirium melancholicum esse vel ridiculum, activum, plus minus ferox, aut ipsam tandem abiisse in Maniam; vel triste, cum mœrore, luctu, tristitia, pavore, & anxietate conjunctum.

III. Notandum: distinguendos in deliriis Melancholicorum spiritus ipsos malè primario affectos, & in crasi sua plus minus alteratos, à sanguinis dyscrasia, dum sanguis hic Melancholicus acidus, fixus, macer, minus nutritivus, siccus vulgò dictus, redditur: spiritus verò minus lucidi, in motu tamen constantes, hinc agrypnia, & constans ejusdem phantasmatis imaginatio. Ad ipsum delirium Melancholicum, quæ tale, parum Transfusio sanguinis, sed ad sanguinis dyscrasiam alterandum plus ita confert.

His ergo præmissis, ita intelligenda est conclusio: Melancholicis morosioribus, & plus minus Maniacis; iisque à causa externa natis, pro temperanda sanguinis dyscrasia, plus minus acida, proficua est sanguinis Transfusio, non quidem pro scopo eradicandi, sed ad tempus plus minus mitigandi, ac pro idea ista præternaturali spiritibus impressa, utcumque delenda: dum interea aliis modis ipsi succurrendum videtur.

Quod verò in his dictis casibus profit sanguinis Transfusio, Probat.

1. Ex tentaminibus Anglicis & Gallicis suprà allegatis, quibus confirmatur, non deterius, sed melius ad tempus se habuisse Maniacos per sanguinis Transfusionem institutam.

2. Superius in fine *Explicationis Conclusionis 4. & Conclus. 7. Membro 2.* dictum fuit, sanguinem acriorem & alperiorum seu acidiusculum, à sanguine transfuso benigniore temperari (sive activè sive passivè sanguinis Transfusio profit) adeoque ægrum mitiorem reddi. Cum verò melancholiæ diuturnitas ex parte dependeat ex sanguine acriori & acidiusculo, cæteris paribus sanguinis Transfusio non penitus erit frustranea, imprimis cum Melancholici largiorem possint ferre venæsectionem.

3. Spiritus influus & sanguis infusus ex animali mitiori, metuloso, & natura pavido, si desumatur, omnino ideam terroris, pavoris, &c. in se sigillatam unà secum transferet. Ille sanguis in animal recipiens. Si verò sanguis potentior ex animali generosiore infundatur, utique idea illa melancholica, occursum potentiori ideæ plus minus deleta, dilirio melancholico mutationem in melius afferet: Sic verbi gratia Maniacorum Cura est, si in aquam frigidam, idque aliquoties ex improvviso conjiciantur ac submergantur; sic ob pavoris, mortis ac agonizæ ideam, supprimitur Maniæ idea. Ita etiam sanguis à vitulo pavido in nostrum sanguinem transfusus delebit ideam furoris: sic persuasiones rationales, item auxilia ridicula, curant Melancholiam, quatenus istæ ex directo, hæc ex obliquo, & quasi à posteriori, ideas deliras in spiritu conceptas tollunt: per rationem de Transfusionem secundum *Præsuppositum sextum.*

Paret ergo ex his, in dictis his Casibus sub statu ita limitato sanguinis Transfusionem utcumque prodesse. Non tamen ex opposito valet in vitiis hypochondriacis, nec prodest in affectibus Melancholicis, à causa interna natis, quia radix morbi non attingitur, nec corrigitur, ut antecedens Conclusio circa hypochondriacos probat. Neque prodest in melancholicis, metulosis, tristicibus, qui mori, ac suspendio sibi vitam finire volunt; his enim non proficua, sed magis nociva erit sanguinis Transfusio: propter ideas agonizæ ac pavoris communicatas. Metus enim est, ne à similibus ideis agonizantis quasi sub Transfusionem animalis, delirium semel conceptum vel confirmetur, vel in deterius immutetur, nisi forte ex homine sano, robusto, animoso, jocosio, &c. Transfusio fiat.

Sed quoniam idea spiritui influo & sanguini impressa facile superatur, & alteratur ab eisdem in melancholico, unde etiam iste Parisiensis haud multò post recidivam parilem, si non acriorem, passus fuit: ob id magis prodest sanguinis Transfusio pro sanguine temperando, & ita spirituum crasim alterando, quam pro Mania & idea delira ex spiritibus eradicanda. Adeoque illi soli haud fidendum, quin potius aut mitigari, aut palliativè ad tempus inhiberi potest paroxysmus manizæ; ut interea de aliis remediis possimus esse solliciti.

CONCLUSIO IX.

Inflammationibus, indeque natis abscessibus & exulcerationibus partium quarumcunque Transfusio sanguinis nil confert.

Inflammationes enim vel oriuntur à causa externa, vel interna. Internæ vix unquam ex sanguine primario oriuntur, ut vulgò à stagnatione sanguinis deducantur, sed ferè semper subest vitium partis externæ topicum, hoc est spina infixa, cujus occasione inflammatio excitatur; sive spina hæc sit transmissum quoddam ex sanguine, sive retentum ex digestionem propria. Fiendi modus hic est: stagnatio sanguinis omnis quasi per accidens supervenit, ut inflammatio in arthritide: verbi gratia si quis spinam infingat manui aut digito, oritur hinc inflammatio, quia occasione spinæ excitatur dolor, ex fibris imprimis inde irritatis, hinc spiritus influus collidendo cum spiritu infuso excitat inflammationes: sic quæ à causa interna oriuntur, verbi gratia in erysipellate, angina, hepatitide, pleuritide, inflammatione mamillarum, semper aliquid peregrini dabit occasionem, ut pororum cutis fiat angustia, sanguinis transitus impediatur, & hinc oriatur inflammatio: sic corripitur quis ophthalmia ob sanguinis in oculo stagnationem, propter extraneum aliquod oculis fortè illapsum, seu ob lympham acriorem, unde oritur inflammatio. Unde & naturæ cura est in omnibus, ut vel

ut vel discutiatur sanguis stagnans , vel ut idem suppu-
retur , & sub forma puris hostile illud acidum correctum
unà ejiciatur .

Stantibus ergò hisce nil proderit Transfusio sangui-
nis .

1. Quia vitium topicum seu particulare partis af-
fectæ sanguinis Transfusio emendare non valet :
multò minùs igitur resolutionem sanguinis sta-
gnantis , nec maturationem , adeoque nec inflam-
mationes .
2. Sæpiùs opus est in inflammationibus , ut institua-
tur venæsectio , ut affluxus sanguinis præcavea-
tur , hinc & derivatoriæ venæsectiones locum ha-
bent , licet sit auxilium ex obsequio symptomatis ,
&c. dicatum . Quid igitur opus est sanguinis Trans-
fusioni .
3. Inflammationibus ordinariò febres , vel lentæ
vel acutæ , sunt junctæ : Lenta enim febris tum
oritur quando inflammatio est in loco minùs sen-
sili , minùsque venoso , ut , si fiat inflammatio in
mesenterio , mammis &c. & contra febris acuta
jungitur quidem inflammationi , si sit in loco ma-
gis sensili , magisque venoso , ut in pleuritide ,
hepatitide &c.
4. Sanguis transfusus alienus est , adeoque in crasi
sua ita confirmatus , ut minùs penetrare queat an-
guustias pororum ac meatuum corporum , & hinc
nec corrigere , aut curare inflammationes ; imò
metuendum , ne stagnans iste sanguis alienus ma-
gis inflammationes intendat .

Hæc de Inflammatione : Sequuntur Exulceratio-
nes .

Exulceratio verò quævis habitualis , seu jam facta ,
radicem sui ac fundamentum habet primariò in spiritu
insito , qui vi fermentativa peregrina , in aciditate spe-
cifica fundata , nutrimentum corporis proximum corrup-
pit , alterat , & saporem dulcem chyli in acorem mu-
tat , inque saniem & pus convertit ; Nempe idem est spi-
ritus insitus , qui nutrimentum corporis in pus ac saniem ,
& balsamum oleosum sanguinis in acrem ac acidum ,
convertit . Incipienti ergò & fienti partis alicujus exul-
cerationi , quæ oritur ex sanguinis universali acrimo-
nia , seu imminenti pulmonum erosioni , verb. grat. in
scorbuto , &c. omninò aliquid conferet sanguinis Trans-
fusio , imprimis si crebrior ac copiosior institutur , ut
hac ratione sanguinis acor temperetur . Verùm ejus lo-
co tutius & commodius diætæ lactæa usurpari potest .
Pro facta verò jam ac habituali exulceratione nil aut pa-
rum , & non nisi per accidens ac indirectè , sanguinis
Transfusio valet , si ex acrioris nutrimenti cum sangui-
ne distributi occasione malum diuturnum redderetur ;
sed & sic crebrior & copiosior Transfusio requireretur ,
cui diætæ aliæve media melius satisfaciunt . Nam utut à
Transfusionem sanguinis sanguis acrior utcunque tempere-
tur , si tamen malum illud originem suam ex viscere malè
digerente , & similem chylum subministrante , vel ita
sanguinem alterante , habuerit , palliativum tantum
erit omnis sanguinis Transfusio , ad productum mor-
bolum saltem directa . Quapropter in exulcera-
tione habituali sanguinis Transfusio est inutilis .
Probatur .

1. Quia causam mali non attingit .
2. Quia auxilium saltem est accidentarium , adeoque
palliativum , & à posteriori tantum juvans .

CONCLUSIO X.

Hæmorrhagiis nimis obnoxiiis , ac periculosius inde
habentibus , sanguinis Transfusio præ aliis conve-
niens videtur .

Nempe sanguis est vitæ thesaurus , in quo nectar vi-
tale est reconditum ; unde quælibet sanguinis excretio-
nes , qualescunque sint , sola menstruatione , certò tamen
tempore , excepta , adeoque omnes aliæ hæmorrhagiæ

simpliciter sunt præternaturales . Nec est , quod quem
confundat hæmorrhagia mensium aut narium , perio-
dicus ac salutaris fluxus ; hujusmodi enim excretiones
omnes sunt bonum signum malæ causæ , & semper præ-
supponunt aliquid mali in corpore , licet cum euphoria
fiant : sic nemo patietur fluxus hæmorrhoidum , nisi dis-
positio melancholiæ adsit : Omnis hæmorrhagia verò est
accidentalis , qualis est illa , quæ ex improvviso , causa
alias inconsueta ac fortuita , contingit : huc pertinent
hæmorrhagiæ vulneribus supervenientes : Vel est habitua-
lis ; quæ fomitem in corpore altius radicatam habet , v.
grat. dum juvenis spirituosior hypochondriacus crebrius
obnoxius est hæmorrhagiis narium . In hæmorrhagia
quævis duo iterum sunt consideranda : vel ipsa sanguinis
effusio per viam undique apertam : vel concomitans hæ-
morrhagiam virium ista insignis prostratio & periculosissi-
ma exhaustio , adeò ut subita earum reparatione opus
sit .

Nam pro superiori scopo , nimirum effusione sangui-
nis , vel ex anastomosi vasorum , vel diæresi facta , ni-
hil confert sanguinis Transfusio ; nisi enim sanguinis
fluxus cohibeatur , frustranea erit omnis Transfusio ,
adeoque idem esset , ac si quis liquorem in vas pertusum
infundat . Ex opposito virium lapsui , adeoque periculo
mortis ex hæmorrhagia nimia imminenti succurrendo an con-
veniat sanguinis Transfusio ? quæritur . Adeoque conclu-
sio ita est intelligenda , quod in tam insigni hæmorrha-
gia , in qua , ob virium lapsum sanguinis spirituosioris ,
crebrior ac celerior instituta requiritur Transfusio , om-
ninò conveniat . Probo enim id per exempla in experi-
mentis suprà allegatis , ex quibus constat , quod bruta
viribus ferè omnibus exhausta per sanguinis transfusio-
nem tantum non revixerint , ac exinde melius habue-
rint ; & quidem , quod notabile maximè est , si ex bru-
to ejusmodi , si ex alterius specie fuerit Transfusio , idem
tamen effectus inde secutus : quæ omnia ostendunt , simili-
tatione ex homine in hominem posse sanguinis Transfu-
sionem institui , & virium imbecillitati ac imminenti mor-
tis periculo succurri .

Certum ergò est , quod in tali casu omninò sit conveniens
sanguinis Transfusio . Tria autem sunt dubia , quæ con-
clusionem hanc premunt .

I. Dubitatur : an valeat consequentia à brutis ad ho-
minem ? Fit enim nonnunquam aliquid in illis , quod in
hoc fieri nequit : sic v. g. excisio lienis , sæpiùs in brutis ,
in homine verò non nisi semel instituta : sic etiam è contra
canis grana xxiv. Mercurii vitæ absument absque altera-
tione , cum grana duo illius hominem alterent : sic spi-
ritus vini hominibus nectar est , feli verò præsentaneum
venenum . Ergò utique non semper valet consequentia
à brutis ad hominem . Respondeo : In hoc quidem casu
illud valere omninò , quia in paribus fit comparatio :
Ergò nulla hic est differentiarum ratio , adeoque idem omni-
nò de jisdem est asserendum . Non nego etiam Transfu-
sionem illam in brutis fieri sine aliqua præternaturali
alteratione , hinc enim & canes mixtu cruento exinde cor-
ripiuntur ; imò posito etiam , simile quid in homine con-
tingere ; majus tamen erit emolumentum conservatio vi-
tæ per sanguinis Transfusionem , quam aliquale nocumen-
tum per eandem institutam .

II. An vires ex sanguine emisso exhaustæ , vel ita sint
afflictæ , ut nec alterandis alimentis sufficiant , adeoque
nec in tali casu copiosorem sanguinis Transfusionem
ferre possint ; vel ex opposito an sufficiant utcunque vi-
res alterandis alimentis , tunc verò jucundius per diætam ,
quam Chirurgiam Transfusoriam , negotium sanitatis
perficitur : Illo in casu vires exhaustæ sanguinem trans-
fused sibi assimilare non poterunt , quin potius sarcinæ
ejus prementur , imprimis si tali in casu non tantum
parca , quam potius copiosior , Transfusio sanguinis in-
stitutur . Respondeo : Dilemma hoc intelligendum est
cæteris paribus , nimirum si per alimenta vires restitui
possint , id quod obtineri semper non potest . Nam si quis
verb. grat. cani viribus exhausto loco Transfusionis sangui-
nis jusculis aut carnibus succurrere velit , vix credo ,
eum supervicturum ; cum tamen aliàs per Transfusio-
nem sanguinis periculis hisce occurrere possimus . Sed po-
sito , æquè commodè , citò , & absque periculo , per diæ-
tam , ac alimentis viribus posse succurri , tunc concedo
utique , non opus esse Transfusionem sanguinis . Si autem
id succedere non possit , omninò sanguinis Transfusio est
insti-

instituenda, nec enim sarcina ejus vires prementur, quin potius experimenta superius allata contrarium restantur, bruta exinde facta fuisse alacriora. Idem ergo omnino expectandum, sive ex homine in hominem, seu ex bruto in brutum, fiat Transfusio.

III. Posito, vires per sanguinis effusionem in hæmorrhagiis esse exhaustas, non tamen sequitur, easdem statim per sanguinis transfusionem posse restitui; quia non tam ejus præsentia, quam debita spiritaliscentia fundamentaliter intendit ac auget vires: Sic qui frigore eneantur, stante sanguinis præsentia tamen moriuntur. Cum verò per effusionem est depauperatus, & spiritus exhausti, sanguis, qua talis, non restituet vires, nisi convenienter spiritaliscent. Sed sanguis transfusus hic passivè se habet, cum in se facile vim ab animali, unde profluxit, vitalem in pressione amiserit, quam vel conservare, vel potius certo modo modificare, debet sanguis animalis recipientis: Sed hoc deficiente & exhausto, metusest, ne alienus sanguis vi vitali & ipse pedetentim deficiat, adulterationem corruptivam induat, & ita nil commodi in ægrum resultet, Jam verò, cum sanguis transfusus sese assimilare debeat sanguini recipienti, adeoque spiritaliscere, vix illud fieri poterit per sanguinis Transfusionem copiosiore. Tentandum ergo foret, an tali supposito in casu sanguinis humani repetita Transfusio extremo periculo ægri succurrere possit, præsertim cum experimenta superius citata doceant, optimè se exinde bruta habuisse.

CONCLUSIO XI.

*Contabescentibus & Atrophia correptis
inutilis est Chirurgia Transfusoria.*

Pro meliori hujus conclusionis evolutione & intellectu præsuppono:

I. Nutrimentum corporis esse duplex:

1. Chylum.

2. Sanguinem.

Chylus pro partibus nervosis, veteribus spermaticis dictis; sanguis verò pro partibus sanguineis nutriendis, intervrit. Sicut autem fibræ sunt stamina partium solidarum fundamentalia, quæ per totam vitam durant, & semel deperditæ nunquam restitui possunt, pro his verò nutriendis chylus interserviat, sequitur; utique chylum esse primum partium nutrimentum; sanguinem verò secundarium, cum sanguis pro robore tantum ac functionum fibrarum officio fibris accrescat.

II. Atrophiam ac tabem contingere, vel vitio objecti nutrientis, nimirum alimenti, quando illud minus est appropriatum, vel vitio nutriendi subjecti, i. e. ipsius corporis, quod nutriri dicitur; Sic verb. grat. supponamus duo esse subjecta, quæ jldem alimentis in eadem mensa vescantur, horum unum pinguescit, alterum fit macilentum, quod fit ex vitio nutrimenti, quod non tam bene in hujus, quam illius ventriculo digeritur; ventriculi enim digestio præest omnibus aliis digestionibus.

III. Atrophiam fieri vel vitio chyli, vel sanguinis: De illa, quæ fit vitio chyli, hic jam non loquimur, cum huic cum Transfusionem sanguinis nil sit commercii; sed potius de hac, quæ fit sanguinis vitio, quæ partes corporis sanguineæ enervantur, exhauriuntur ac contabescunt, utut etiam partes nerveæ rore suo nerveo spoliatae contabescere observentur. Vitium ergo tale in sanguine, quod hic consideratur, est, quando illa atrophia à nimia sanguinis acrimonia causatur, verb. grat. in scorbuto, phthisi, &c. in quibus acrior est sanguis, nec particulis suis oleosis ac dulcibus partes nutrit, sed potius easdem acrimonia sua corrodit, rorem nutritivum abrodit, resolvit, liquefacit, & partim per urinam, partim per insensibilem transpirationem eundem evacuat.

His igitur præsuppositis conclusio ita intelligenda venit, quod scilicet jis, qui ex acrimonia sanguinis contabescunt, inutilis sit sanguinis Transfusio; quod probatur:

(1.) Quia acrimonia sanguinis oritur vel vitio alimenti, vel ex vitio primæ aut secundæ digestionis, vel denique visceris alicujus interni. Vitio alimenti oritur illa acrimonia, quando alimentum est inconveniens, aut cibi saliti, aut fumo indurati à non assuetis assumentur. In his sanguine aliàs oleoso ac dulci præditis acrior fit sanguis. Ex vitio primæ & secundæ digestionis in scorbuto, vel ex vitio rerum nonnaturalium, alimentis, iracundia, &c. oritur acrimonia, quando chylus fit acrior. Denique vitio visceris alicujus & partis solidæ, verb. grat. in ulcere hepatis, aut pulmonum, aut mesenterii fit acrimonia, partim quod partes benigniores in pus acre & salum convertantur, partim quod ab hoc pure sanguis inquinetur, ac acrior reddatur, adeoque ad nutritionem partium solidarum fiat ineptus. Omnibus igitur his causis acrimoniæ sanguinis nil opis affert sanguinis Transfusio, quin potius metuendum, ne ipse sanguis transfusus, dum sanguini recipienti est assimilandus, itidem ab eodem inquinetur, alteretur; adeoque malum potius deterius, quam melius reddatur. In tali igitur casu lac potius, quam sanguis infundendus foret.

(2.) Quod longè commodius, jucundius ac tutius per diætam appropriatam, præsertim lacteam, imò etiam certius possit hoc obtineri, quam per sanguinis Transfusionem. Sanè lac ejusque diætā diutius continuata crasin sanguinis sola emendare valet. Sanguis verò nisi crebrius transfundatur, scopum non facile obtinebit, præsertim cum hæc quoque infusiones crebriores tam nocere, quam prodesse, possint.

(3.) Posito, non tamen concesso, temperari sanguinis recipientis acrimoniam, adeoque sic succurri atrophie per sanguinis Transfusionem; dubium tamen est, an non sanguis recipiens à sanguine transfuso magis reddatur nutritivus, quin potius idem sanguis transfusus ex particularum peregrinarum textura propter crasin suam internam specificam respectu corporis recipientis minus corporis assimilari, idque minus nutrire queat, quam sanguis proprius.

(4.) Qui à sanguine acriore contabescunt, ordinariè calore & acriore & mordacior comitari observantur. Hic verò calor partim est comes, partim causa concurrens atrophie. Comes est, dum particule aciores salinæ motu intestino plus minus concitantur, & hinc ex collisione particularum acidarum ac terrearum acrior evadit calor. Concurrens seu concomitans verò calor est adjuvans depascentiæ corporis, dum à particulis his acrioribus particule aliæ corporis mitiores attritæ dissipataeque promptius insensibiliter evanescent, vel cum urina sub sedimenti copiosioris forma evacuantur. Hisce ergo pathematis meliorandis & corrigendis sanguis alienus fervidus minus confert, quin potius longè benignior ac mitior requiritur liquor, sive ille jam immediate sive mediate infundatur.

CONCLUSIO XII.

Ad Arthritidis Curam nil facit Chirurgia Transfusoria.

Pro meliori hujus Conclusionis evolutione ac intellectu præmoneo: Ordinariè confundi sensibilia arthritidis phænomena, quæ se habent tanquam effectus, cum causa ac fiendi modo arthritidis. Illa phænomena sunt verb. grat. Dolor & Tumor, vel inflammatorius, vel cedematosus, quæ revera non causa, sed saltem effectus seu productum arthritidis sunt. Vulgò causa arthritidis censetur esse sanguis sæculentus ac tartareus, sed malè. Radix enim ejus est radicata nimirum in ipso spiritu infuso, qui volatili acore, vitio primæ digestionis concepto, inquinat synoviam, ceu appropriatum subjectum, quæ synovia vitiata rodit periosium articulorum, & hinc dolores arthritidis infert: Unde quævis præsupposita acrimonia sanguinis vel lymphæ in arthritide non causæ proximæ formalis, sed vel antecedentis occasionalis, vel concomitantis producti morbofi, vices sustinet, quatenus nimirum exinde spiritum insitum excitat. Unde ex hoc quoque fundamento arthritidis nunc vaga, nunc fixa, observatur. Vaga est recens & non hæte-

hereditaria, fixa verò vetus & hereditaria: *Vaga est*, quando ab acore mali simpliciter spiritus influus est inquinatus: *fixa verò* quando præter eum insitus quoque spiritus circa articulos est inquinatus. *Vaga* recens est, quando spiritus insitus odoretur tantum quasi est affectus; *fixa verò* habitualis ac inveterata est, quando spiritus insitus ab acido ita est inquinatus, ut habitum quasi contraxerit. Unde vaga modò ex hoc modò ex alio, pelli potest membro, ita ut mox brachium, mox pedes, mox cubitum, mox genua, invadat: Si enim ver. g. invadat brachium, idque fomentis calidis foveatur, mox transibit ad pedes: unde porro quoque vaga non est hereditaria, fixa verò est hereditaria, & spiritu genitalem parentum per semen in fœtum transplantatur. Nempe in spiritu insito & influo consistunt morbi hereditarii. Nullus verò morbus acutus est hereditarius, qui (1.) non sit chronicus, (2.) qui non crebrius aut una alteravè alteratione potentiùs ægrum afflixerit, (3.) qui non propter suam diuturnitatem ac potentiorē affligendi modum vehementiùs quoque spiritum insitum ac influum atterit. Hinc nullus morbus acutus est hereditarius: è contra verò partium solidarum vitia, v. gr. splen à longo tempore male se habens, lithiasis, podagra, lues Venerea, &c. sunt sæpe vitia hereditaria.

His igitur præmissis, conclusio intelligenda venit de arthritide recente, non inveterata, adventitia, non hereditaria, aut saltem de imminente, non actu secundo erumpente. Hanc ergò sanguinis Transfusio curare non valet. Uti igitur ad arthritidem, imprimis inveteratam, in genere nulla prolunt remedia, ita annon ad arthritidis vagæ recentis ac imminētis curationem aliquid conferre possit sanguinis Transfusio? queritur. Respondeo negando, quod probò.

(1.) Quia nec à priori arthritidi per sanguinis Transfusionem succurri potest, cum extra paroxysmum causa mali tolli nequeat, siquidem non attingit radicem mali in ventriculo hærentem, nec spiritus insiti inquinamenta. Et posito, vitium oriri ex primis viis, cum primus quasi arthritidis faber hæreat in ventriculo; (unde quoque vomitoria tam in paroxysmo, quam post ipsum, tam egregia sunt in podagra;) nihilominus tamen eandem curare non poterit sanguinis Transfusio, quia copiosior ac crebrior ejus requireretur Transfusio, ut hoc quoque foret frustraneum; stante præsertim radice mali. Posito etiam, diætā lacteā pro cura podagræ multum conferre, tamen quantum tempus, quanta diætā requireretur? neque inde tamen laudatissima hæc diætā lactea; ut in plurimis aliis morbis, ita imprimis in podagra maxime proficua, eandem curaret. Scripsit Tractatum parvum, & tantum superficiale, JOHANN. GEORGIUS GREISELIUS, Medicus Viennensis, de Cura Arthritidis per diætā lacteā, ubi tam per Theoriam, quam per exempla Practica adducta, satis constabit, quantum temporis ac quanta diætā requiratur, si per lac curari debeat podagra? Cum itaque lac omnibus numeris magis conveniens sit pro curanda podagra, quam ipse sanguis, & nihilominus eam perfectè nec constanter curare queat, multò minus id sperari poterit à sanguinis Transfusionē, cum fomitem mali in ventriculo hærentem, sanguinem, & alios humores, alterare & corrigere nequeat, ut exin spiritus planè alii, nec adeò acres ac ignei geniti, ab arthritide libertatem præstent.

(2.) Quia nec in paroxysmo aliquid valet sanguinis Transfusio, neque etiam in temperando ac evacuando vitio peccante. Nempe causæ conatus in paroxysmo podagræ hic est, ut conceptus in spiritu acor temperetur, maturè sub seroso vehiculo excernatur, aut in synoviam depositus in salsum mutetur, salsum successivè resolvatur ac discutatur; (aliàs enim tophi seu alcali podagrici circa articulos oriuntur, qui ita fiunt: primò nimium synovia instar albuminis ovi spumescit, deinde spissescit, ac tandem in cretam ac calcem induratur:) hic est naturæ scopus in paroxysmo podagrico. Huic sanguinis Transfusio nil conferet, cum neque spiritum insitum alterare queat. Sicuti verò hoc est naturæ opus, ita ad naturæ imitationem artis opus est, ut in paroxysmo, præmisso vomitorio, internè diaphoretica volatilia aut fixa, (quæ hic utramque faciant paginam, ac acidum resolvunt,) acidum absorbentia, vel loco diapho-

reticorum diuretica, quæ acidum temperatum, & insalsum mutatum, Tartari podagrici nomine, optimè pervias urinarias expellunt, exhibeantur. Hisce tam naturæ quam artis moliminibus Chirurgia Transfusoria nil conferet, sed potius jisdem resistet, naturæ motum turbando, excretiones tam per sudores quam per urinas impediendo, ac febriculam, in omni ferè podagra præsentem, intendendo, ac augendo, adeoque in paroxysmo podagrico nihil valebit sanguinis Transfusio, sed potius plus nocebit, quam proderit: ut taceam sanguini infuso cum synovia, ex chylo & hinc lymphagenita, nihil commercii esse, quæ tamen primaria, & hujus medio, periostium in arthritide alteratur.

(3.) Quod tutius ac jucundius per media diætetica ac Pharmaceutica obtineri potest, illud frustra & malè per sanguinis Transfusionem instituitur. Inter remedia verò Pharmaceutica eminent terrea absorbentia, alcalia, tam fixa quam volatilia, & quæ huc imprimis pertinent Mercurialia, quæ, præmissis vomitoriis, in & extra paroxysmum utramque faciunt paginam: Hæc Mercurialia, uti acida alia spirituosā ac medicamentis aliis vix obtemperantia, corrigunt, ita & acidum illud hic peccans planè imbibunt ac absumunt, adeoque & præter luem Veneream ac scabiem, podagram quoque curare valent. Sed hoc

1. Non adfit alius morbus; à quo accidentaliter foveatur: verb. grat. si podagra à scorbutico foveatur.

2. Sit recens, nec spicula sua jam fixerit in spiritu insito, & maturè adhibita auxilia debita: in hoc enim ordinario peccatur, quod ut ægri, quandiu acidum illud volatile nondum inquinavit digestionem primam, nolint fateri, se laborare podagra, sed conquerantur tantum de dolore ac erysipelate pedum; interim paroxysmus podagricus sæpius atque sæpius redit, ut tandem exinde ipsa podagra exurgat, quæ aliàs curari potuisset, si in tempore remediis convenientibus ipsi occurrissent.

3. Curabilis est podagra, si æger non tam suo quam Medici genio indulgeat. Podagrici enim omnium ægrorum ferè sunt pessimi, cum Medicis obtemperare nolint.

CONCLUSIO XIII.

Epileptici nullum perfectum est Chirurgia Transfusoria auxilium.

Notum est, communem proflare fabulam aut historiam de Epileptici, quo epilepsia, imprimis habituali correpti pro ejus cura sanguinem humanum recentem ex decollati, vel alio modo ugulati, venis adhuc profluentem, haurire soleant. Res hæc non est nova, sed antiquissimum vel medicamenti vel superstitionis genus: Nam in PLINIO iam l. 28. cap. 1. sanguinis humani recentis ac quasi spirituscentis pro cura Epilepsiæ hausti fit mentio: Sic CELSUS quoque, Jurisperitus Romanus, Medicorum aliàs Cicero dictus, libr. 3. cap. 23 refert quendam jugulati glandiatoris calido sanguine epoto à comitiali morbo liberatum; sed mox addit: miserum hoc auxilium tolerabile, malum fecisse miserum, cum exinde in aliud malum pejus inciderit. TERTULLIANUS etiam in Apologet suo adversus Gentes, Romæ hoc remedii genus admodum fuisse usitatum, testatur.

Verum cum truculentum admodum & abominabile illud remedium pluribus fuerit visum, ideò, in hoc puncto Philatri & Chymici solertiores se prestiterunt; & pro hoc scopo ex sanguine humano alicujus decollati varia remedia antepileptica excogitarunt: Vid præter SCHROEDER Pharmac. Medico Chym. L. 5. Class. 1. ubi de Homine agit pag. 297. seqq. etiam BECKERUS in Medico suo Microcosmico. Ipse HELMONTIUS, vir aliàs in quam plurimis fide dignissimus (quo nomine à BOYLEO,

judiciosissimo alias scriptorum cenfore, insignitur:) *Tract. Archeus Faber.* Epilepsiam hæreditariam spiritu sanguinis humani se curasse, cum alias spiritus urinæ fuerit frustra adhibitus, testatur. Hæc ergo, nimirum tam sanguis humanus recens potus, quam spiritus aut sal volatile sanguinis humani, forsan probabile reddere possunt, sanguinem quoque transfusum multum opis epilepsiæ conferre posse.

Verum iste sanguis humanus contra Epilepsiam recens haustus est auxilium

In *Incertum*: De ejus enim fama plus, quam de effectu, constat. Nam affirmativa, quæ afferuntur argumenta, vel penitus sunt falsa, vel incerta & dubia; paucissima vera sunt, de quibus nempe certa fide & ratione securi esse possumus. Pluribus hæc ventilantem videte BARTHOLINUM in *Tract. de sanguine verito*.

II. *Nocivum*: Necessè enim est, ut sanguis ille recens calidè haustus in ventriculo in grumos coalescat, ex quibus nausea, cardialgia, sudores frigidi, syncope, cordis palpitationes, & gravia plura symptomata non possunt non supervenire. Non dicam jam de animi ferocitate brutali, quam sibi multi sanguine ejusmodi hausto contraxerunt; saltem hoc urgeo, quod refert BARTHOLINUS loco allegato de mendico quodam, qui decollati hominis sanguine hausto, eò insanire pervenerit, ut lingue partem magnam dentibus sibi ipsi absciderit. Pariter & BECKER in *Tract. citato* narrat, quandam audaculum sanguine hominis jugulari præservationis gratia hausto, subito in epilepsiam, à qua antea immunis erat, incidisse. Debilior profectò est ventriculi vis digestiva, quam ut thrombos ac grumos istos sanguinis subigere valeat. Alia enim ratio est in brutis raptò viventibus, in quibus vis ventriculi digestiva longè est potentior, adeò ut citra læsionem sanguinem bestiis aliis exsugant; sic canis & homo ventriculi vi digestiva multum differunt. Ergo sanguis humanus recens haustus remedium est periculosum.

Spiritum autem ac sal volatile sanguinis humani quod attinet: non dubito, hæc selecta esse remedia. An verò adeò sint appropriata, & præ aliis similibus, medicamentis magis experta, meritò litem movemus Helmontio, si

1. Consideremus ignis vim, quod cum vel sine prævia putrefactione simpliciter sit destructor texturæ concretorum specificæ, ac virtutum rerum seminalium, à quibus tamen dotes singulares emanant. Omnem hanc seminum vim acidum ignis invertit, resolvit, ac in statum pristinum abire facit. Hoc itaque cum fiat sub præparatione spiritus ac salis volatilis sanguinis humani, meritò dubitatur, an talis vis epileptica adhuc in spiritu & sale volatili sanguinis humani resideat?

2. Dubium quoque exinde, quod etiam alia salia volatilia ac spiritus urinosi, ver. grat. spiritus fuliginis, spiritus ac sal volatile secundine humane ac cranii, non secus ac plures, imò tantum non omnes animalium partes duriores, dentes ac ossa, vi acidum absorbendi ac corrigendi, convenient in epilepsia. Ergo sal volatile sanguinis humani non est appropriatum in epilepsia. Liquor cornu cervi succinatus laudatissimum est epilepsiæ quoque remedium: ut nihil dicam de cinnabarinis nativis ac artificialibus ex antimonio.

Quod ergo ad epilepsiam valeat sanguinis transfusio? quæritur. Præsuppono hic, epilepsiam omnem ratione inhæsionis spiritum animale influum pro subjecto agnoscere: nempe idem est movens efficienter, quod partes naturaliter movet, ac easdem præternaturaliter in epilepsia convellit. Ratione verò subjecti radicalis seu respectu modi, in quo fomes consistit, dividitur Epilepsia in eam, quæ per consensum, & quæ per essentiam fit. In Epilepsia per essentiam spiritus animalis simpliciter ac primario est affectus; in Epilepsia verò per

consensum par quædam tantum solida est affecta. Ibi, si per essentiam est malum, spiritus alterati, aut ut præstius loquar, idea peregrina sunt insigniti; sitque verb. grat. quando sanus quis ex conspecto quodam epileptico, fortè sibi obvio, terrore perculsus, ex imaginatione idem pathema epilepticum incurrat; quale exemplum est in HARTMANNO, item in M. A. N. C. *Ann. 4. Observat. 43. pag. 39.* vel ex Divi Nicolai personati præsentia terrefactus puer, septennis, epilepticus evadit, ac exinde moritur, quale exemplum habet HOECHSTETTERUS *Dec. 4. Observat. 5.* vel quando ex iracundia nutricis infans, lac ejus sugens, fit epilepticus; vel quando viso spectro lethalis contrahitur epilepsia, vid. M. A. N. C. *Ann. 6. & 7. Observat. 32. pag. 65.* In epilepsia verò per consensum saltem Topicum aliquod peccat, sitque, quando illa occasione partis alicujus internæ vel externæ oritur; ver. grat. si ex splene malè habente, & hinc per consensum generis nervosi contrahitur Epilepsia; vel quando mulier parturiens ex partu difficili in epilepsiam incidit; aut quando gravida nonimestris ex hemorrhoidum suppressione evadit epileptica, & hinc fortum non excludit, sed ejicit: vid. ZACUTUS LUSITANUS *L. 1. Observat. 24.* vel ex osse carioso in pollice pedis; & fura; ex annulari digito manus sinistræ; vel ex ulcere manus dextræ, quæ antea sensum & motum amiserat, cum frigore & dolore ante paroxylum: vid. HILDANUS *Conf. pag. 23.* Probè hæc discernenda in epilepsia. In Epilepsia per essentiam remedia anodyna appropriata, verb. grat. opiata præsertim camphoratis juncta, cinnabarina, quæ immediate magis afficiunt spiritus, primatum ducunt. Pertinent huc etiam animi pathemata; peregrinas ideas, in spiritu animali conceptas, delentia; ut quando verb. grat. epilepsia ex terrore nata per terrorem iterum curata fuit, teste BIERLINGIO *Centur. 1. Advers. lib. 7.* In epilepsia verò per consensum minus tutò anodyna & cinnabarina; nisi exactissime præmissis præmittendis, adhibenda; suspendunt enim tantum epilepsiam cum periculo supervenientis vel atrocioris recidivæ, vel alius morbi, præsertim febris. In hac epilepsia per consensum motus naturæ similis est rigori febrili, qui rigor nihil aliud est, quam spasmus epilepticus; concutuntur enim tunc ægri in lecto, non secus ac epileptici essent. Hic naturæ motus hostile illud, spiritus irritans, ejicere in epilepsia conatur. Hinc volatilibus medicamentis promovendus potius iste naturæ motus, quam sistendus. Utraque igitur epilepsia est vel *accidentalis*, vel *habitualis*.

De *habituali* hic imprimis quæritur: an huic aliquid Chirurgia Transfusoria conferat? Resp. Neutri videretur conferre; neque illi per consensum, neque illi per essentiam. In illa enim per consensum Chirurgia Transfusoria est frustranea, quoniam sanguinis Transfusio nullum Topicum vitium, unde illæ natæ epilepsiæ, curare valet. In epilepsia per essentiam inutilis est Chirurgia Transfusoria, cum hic primario laborent spiritus, à sanguine verò transfuso nulla spiritui influo animali immediate inferri potest alteratio, neque sanguis transfusus cum spiritu insito aliquid habet commercii. Nihil ergo prodest sanguinis transfusio.

Scrupulus tamen aliquis hic moveri potest; si scilicet per essentiam oritur Epilepsia, eaque verb. grat. ex iracundia, terrore, vel alio simili graviori pathemate, &c. dubium est, annon idea epilepsiæ in spiritu concepta, ex idea contraria ac validiore extingui, & ita curari queat? Sanè si verum est, quod sanguis humanus ex decollato recens haustus aliquid epilepsiæ conferat, nulla alia subesse videtur ratio, quam quod id præstet idealiter ex mortis agonia, qua sanguis decollati fuit insignitus. Si igitur talis sanguis vim habet spirituum vim refrænandi, fortè etiam sanguis transfusus vi idealis impetum spirituum in epilepsia refrænare ac sistere poterit. Respondeo: Dubium tamen valde est, an remedium hoc sit diuturnum; quin potius metuendum, ne deleta hac idea malum redeat. Item dubium est, an remedium hoc ideale sit certum & perfectum? Deinde aliud quoque dubium oriri posset: Nimirum dixi superius, sanguinem etiam ipsum ad motum partium localem aliquid conferre; simul ac enim sanguis in parte ali-

te aliqua sufflaminatur, motus cessat, sanguine vero denuò restituta, motus in parte solida redit. Si igitur ad motum partium localem, utut accidentalem, aliquid confert sanguis, probabile est, annon etiam sanguis transfusus hic in epilepsia hinc foveatur, & ita contumacior vel gravior reddatur. Respondeo: prius hic determinandum est, quale sit illud remedium, ad epilepsie vitium corrigendum conferens? dein, an etiam certa salus exinde sit speranda: Maneat ergo conclusio firma: aut nullum, aut saltem imperfectum, epilepsie est Chirurgia Transfusoria auxilium.

CONCLUSIO XIV.

Scabiosis, Leprosis, Lue Venerea affectis, nil emolumenti ex sanguine transfuso expectandum.

Scabies vitium est simpliciter topicum, & in genere cutaneum, in specie verò, ubi glandulæ subcutaneæ miliares ratione spiritus insiti à concepto acore & corruptela nutrimenti infectæ sunt. Superius dixi, eundem esse spiritum, qui nutrimentum partibus apponit, ac appositum in partibus mutat in verum & legitimum, illum etiam in ichorem & scabiem mutare. Hinc est, quod HELMONTIUS, aliàs sanissimus, chirothecæ scabiosæ tactu mox scabie per universum corpus infectus fuerit? Hinc etiam est, quod in confirmata scabie, quicquid interne fiat, sanguinem detrahendo, sudorifera propinando, &c. nil quicquam tamen quis profecerit, sed lapidem tantum sit lavaturus, repullulante infallibiliter malo, nisi remediis externis vitium topicum curetur. Inter hæc eminent, imò sufficiunt, sulphur, Mediantibus alcalifatis resolubile factum, & hinc Mercurius, quomodocunque usurpetur. Negari non potest, foveri interdum scabiem per accidens à succo corporis nutritio; ipsa scilicet massa sanguinea, quæ prout magis vel minus alterabilis ac corruptibilis est, malum magis vel minus contumax ac ferinum reddit; sicut ac eodem sanguine chylosiore, & magis temperato ac rorido seu gelatinoso scabies verè humida, ab eodem etiam sanguine asperiore ac magis macro magis scabies sicca fomentetur: sed hoc fit per accidens; nunquam enim exinde oritur scabies, nisi spiritus insitus, nutritioni cutis inserviens, prius, vel interna vel externa à causa, inficiatur: Vtunque ergo se habeat scabies, ad ejus tamen curam nil confert sanguinis Transfusio:

1. Quia vitium istud topicum cutis sanguinis Transfusio corrigere nequit; quin potius metuendum, illum ipsum mox à sanguine nostro infecto etiam infici.
2. Quo plus sanguinis aliorumque humorum est in corpore, eo (cæteris paribus) uberius efflorescit scabies. Hinc patet, quod post venæ sectiones, scarificationes, aut purgationes, interdum per accidens, (scilicet quod materia ichoris subtracta sit,) imminuatur. Potius ergo augmentabitur, quam imminuetur, malum à majori sanguinis seu pabuli subministrati copia.
3. Quia nec sanguinis vitia, à quibus accidentaliter fovetur scabies, à Transfusionem sanguinis corrigi possunt. Non sanguinem gelatinosum in scabie humida, quia hæc scabies per decocta lignorum in conopœis potius est curanda: neque sanguinem macrum in scabie sicca, quia hæc potius per lac & lacticina, in specie cum floribus acaciæ imprægnatum, curatur.

Ergo Chirurgia Transfusoria ad scabiem, neque humidam neque siccam, aliquid facit, cum nullibi ejus crasin, speciatim macram, in tantum corrigere valebit, Ettmull. Oper. Tom. I.

etiam sæpius repetita, quin ex digestionum vitio identidem recrudescat.

Quæ dixi de scabie, eadem multò magis intelligenda veniunt de lepra, malo graviore, firmitus in cute radicata, & profundius spiritum insitum inquinante. Unde in hac vix ac ne vix quidem proderit hæc sanguinis Transfusio.

Quoad Lue Veneream, de hac præsuppono:

I. Esse illam vel particularem, vel universalem: Particularis, quæ saltim genitalia occupat, & gonorrhœa, ulceribus membri virilis ex coitu impuro natis, cumque tumoribus testium sese exerit: Universalis est, quæ totum corpus jam infecit; estque vel saltim recens, quæ massam sanguineam ac lympham; vel inveterata, quæ partes solidas erodendo jam infecit, ut ossa, &c. unde etiam isti Venerei generantur nodi.

II. Fermentum contagiosum luis Venereæ admodum esse potens, ita ut etiam sanissimos inficere queat, non tantum ordinariè ex congressu impuro, sed etiam aliis modis, v.g. ex halitu sudoris, odore saniei virulentæ, &c.

III. Pro constitutione corporis ejusque dyscrasia contagium fermentativum luis Venereæ diu in corpore posse delitescere, antequam se exerat: quod fit, quando saltim massam sanguineam invadit, v.g. in subiecto melancholico, cujus sanguis est viscidior, minusque spirituosus, diu delitescere potest. Hinc est, quod in homine Gallo ac Hispano longè citius se exerat contagium, quàm in Germano; loca enim ibi multò sunt calidiora, quàm apud nos: Sic in climate nostro diutius delitescit, quàm Italia & Gallia: Imo sunt, qui ad decem usque annos contagium Venereum latere posse, asserant quod tamen vix credo.

IV. Ipsum contagium Venereum consistere in acido specifici saporis, quod est corrosivum partium solidarum, ac coagulativum partium fluidarum, in specie sanguinis & lymphæ; hinc & glandulas ac partes nerveas magis lædere solet.

Pro cura ergo luis Venereæ omnis scopus eo est directus, ut acidum specificum absorbeatur, nutrimentum chylosum coagulatum resolvatur, glandulæ abstergantur ac emundentur, sive per salivationem sive per sudationem id fiat. Nil hic opis sanguinis transfusio affert. Non in inveterata; ibi enim fermentum per hanc nunquam delebitur: Dubium igitur, an non in lue Venerea recenti & universalis aliquid conferre queat Transfusio sanguinis? Respondeo negando.

1. Quia sanguis transfusus alienus fermentum illud potens nullo modo valet corrigere, cum sanguis non sit appropriatum corrigens; quin potius metuendum, ne, ut sanguis ægri proprius jam est infectus, alienus quoque transfusus, à contagio, partim adeò potenti, partim à sanguine infecto, & à contagio alterato, similiter inquinetur, & hac ratione sanguinis Transfusio magis noxia, adeoque frustranea foret. Si enim sanus, proprio sanguine valens, contagium hoc delere non potest, multò minus alienus hoc præstet: toties elutriendus foret sanguis infectus, & novus denuò transfundendus, donec omnis sanguis quasi renovatus & regeneratus esset. Sed posito etiam, quod omnis sanguis ægri inquinatus cum corrupta lymphâ successivè detrahatur, novusque sanguis transfundatur, tamen nec sic negotium, ad finem perduceretur; sed potius metuendum, ne copiosiori & frequentiori Transfusionem; & animi & corporis simul notabilis fiat mutatio. Dein occultum delitescit fermentum, sub nimia mole tandem potentissimum; adeoque du-

bitandum : an illud ita possit infringi ac eradicari , ut post aliquale sui seminium nullas amplius excitet turbas , ex. grat. in osse carioso ; uti verb. grat. HILDANO accidit , cui per salivationem Mercurialem lues Venerea curata , nihilominus tamen eadem occasione ossiculi minimi , claviculae scabiosae , de novo propullulavit.

2. Quantus labor , quantusque conatus requiritur , totam massam sanguineam per sudationem aut salivationem renovare , ejusque substantiam à fermento corruptam purificare ac emendare ? Hoc sanè norunt ii , qui passi sunt curam luis Venereae , qui sudationibus ac salivationibus variis per aliquot septimanas parum aut nihil emolumenti senserunt.

3. Non solum correctioni fermenti maligni , sed etiam exclusioni opera danda , ne tantilli fermentativi , circa glandulas residui , odore malum de novo regeneretur. Neutrum à sanguinis Transfusionem hic expectandum . Posito enim , quod corrigere eam valeat , non tamen eam poterit excludere . Solus ergò Mercurius appropriatum luis Venereae est medicamentum . Sunt qui hunc colliquefaciendo tantum , luem Veneream curare , & sic generale saltem remedium esse autumant , uti id præstant in asthmate , febribus quartanis , &c. Verùm contrarium docent ulcera Gallica contumacissima ; quæ soli auscultant Mercurio. Hic est , qui citra ptyalismum ac generalem evacuandi rationem , per simplicem alterationem , auxilium affert. Quid ergò hic sanguis alienus ?

T A N T U M.



MICHAELIS ETTMÜLLERI,

PHILOSOPH. ET MEDICINÆ DOCTORIS,
Facultatis Medicæ Lipsiensis Assessoris, & Pro-
fessoris Publici,

DISSERTATIONES ACCADEMICÆ, O L I M

DISPUTATIONIS LOCO PUBLICE PROPOSITÆ:

1. Dissertatio Theorico-Astrologica de Conjunctionibus Magnis.
2. Examen Coralliorum Tincturæ.
3. Morsus Viperæ.
4. Chirurgia Infusoria.
5. Medicina Hippocratis Chymica.
6. Valetudinarium Infantile.
7. Virtus Opii Diaphoretica.
8. Præcipitantium Usus & Abusus.
9. Idea præscribendarum Formularum.

DISSERTATIO I.

THEORICO-ASTROLOGICA,

DE

CONJUNCTIONIBUS MAGNIS,

a

M. MICHAELE ETTMÜLLERO,

Publicæ Ventilationi subjecta,

die 24. Maij, Anno 1662,

R E S P O N D E N T E

GEORGIO JENICHEN,

Pirnenſi, Philoſoph. Baccalaureo, & Alumno
Electoralis.

I. N. J.

Th. I.



Icèt Primum Mobile motu ſuo communi ab ortu verſus occaſum omnia ſecunda mobilia ſingulis diebus naturalibus aſtronomiſ circumrapiat; nihilominus tamen & ipſa hæc ſecunda mobilia motu quodam gaudent proprio, quo non tantum motui illi communi ab occaſu verſus ortum alia quidem celerius, alia verò tardiùs progrediendo reluſtantur, ſed & inter ſe vario modo configurantur. Hæ ipſæ verò configurationes, aſpectus vulgò dictæ, pro variis Aſtronomorum placitis variant, dum veterum quidam, ut PONTANUS de rebus cœleſtibus, GUIDO BONATUS de FORLIVIO in Tract. 1. Aſtron. lib. 2. cap. 13., ZAHEL ISMAELITA in libro de Judiciorum principis, JACOBUS FABER Stapulenſis in libro Theoric. corporum cœleſt., & Comment. ejus JODOCUS CHLICHTOVEUS STOEFLERUS in Ephemeridibus, IOANNES BAPTISTA CARELLUS Placentinus in Ephem., quatuor tantum, ſcilicet Quadraturam, Trigonum, Sextilem, & Oppositionem numerant. Quidam, verò ut PTOLEMÆUS in Centiloquiis, & libro de Aſtrorum judiciis, & Commentator ejus CARDANUS lib. 1. Text. 45., item CYPRIANUS LEOVITIUS in Ephemerid. cap. 12., & PETRUS PITATUS SERONENSIS, in Almanach novo, ORIGANUS in introduct. Ephem., CASPARUS SCHOTTUS in Cursu Mathematico Lib. VII. Aſtr. par. 3. cap. 12., quinque numerant; addunt enim Conjunctionem ſupra enumeratis, quamvis minus propriè, ut demonſtrat CARELLUS. Recentiores verò, ut Cel. KEPLERUS in lib. Harmon. Mundi, EUCHSTADIUS in Ephemerid., JOANNES BAPTISTA RICCIOLLUS in Almageſto novo lib. 7. Sect. 5. cap. 7., & noviffimè JACOBUS BARTSCHIIUS, octo ſupra dictis quinque annumerant, & ita numerum earum inſigniter augment. Sed ad Conjunctionem quod attinet, definitur, quod ſit affectio motus ſecundi, quo ſtellæ in uno cœli loco combinantur. Quod non ita accipiendum, ac ſi ſtellæ conjunctæ ſphæras relinquant, & ad ſe invicem accedant; ſed dicitur ita reſpectu Zodiaci, qui meſura eſt motus ſecundi, ut Aequator motus primi, quod illæ conjunctæ dicantur, quæ unum locum in Zodiaco obtinent. Cœperunt verò Magnæ imprimis Conjunctiones eſſe celebres; de quibus cum jam agere ſit animus, ſaxit Deus T. O. M. ut feliciter.

Th. 2. Ad Nominis igitur rationem quod attinet, dicuntur Magnæ, tres imprimis ob cauſas. 1. Propter dignitatem ſubjectorum ſeu ſtellarum, quæ conjunguntur, quæ ſunt Saturnus & Juppiter, ad quos & Mars nonnunquam accedit. Sunt enim Planetæ ſupremi, adeoque ponderoſiſſimi & motu tardiſſimi, ita ut propter tarditatem motus longè diutiùs durent in conjunctione partili vel platice, quàm cœteri Planetæ, & ad multos annos talium conjunctionum effectus vel ſignificationes extendantur; quod vult MESSHALA Arabs, dum in Epist. de Coniunct. Mag. „ dicit: Scito, quod res maximæ ac mirandæ accidunt, ex „ Coniunctione Planetarum ſuperiorum & hoc ſit propter motus tarditatem. 2. Propter Gravitationem effectuum & eventuum, quos efficiunt & portendunt, qui omnium reliquarum conjunctionum. Eccliſium etiam effectus ſuperant. Teſtatur hoc ARABS ALMANSOR, in Propositionibus „ ad Regem Saracenorum, pp. 133. Ex conjunctione Saturni „ & Jovis in ſignis mobilibus, cognoscetur commutatio ſtatus „ mundi, & ex earum conjunctionibus in ſignis fixis etiam. 3. Propter influxus efficaciam. Licet enim adhuc ſub judice lis ſit, cui imprimis Planetarum maxima influendi efficacia ſit tribuenda; nihilominus tamen non eſt negandum, hos duos Planetas ſupremos conjunctos, omnes cœteros influxu ſuo antecedere; quod teſtatur effectuum varietas, & apparebit in §. 9. Ex his jam manifeſtum eſt, quod Conjunctione Magna ſit, quando Juppiter & Saturnus, interdum & Mars, unum Zodiaci locum occupant. Conſentit nobiſcum HERMES ille DRISMEGISTUS, dum in Centiloquio „ ſuorum aph. 91. dicit: Tunc dicitur Coniunctio Magna, „ quando tres ſuperiores Planetæ in uno eſt ſignis regis conjunguntur. Ex quibus vetuſtas hujus doctrinæ colligi poteſt, ita ut ab antiquiſſimis Aſtronomis Conjunctionum Magnarum doctrina magni æſtimata ſit; dum Ptolomæus earum in Centiloquiis ſuis verbo 64. mentionem faciat, & commentator ejus Arabs HALY eas, obſcurè licet, exponat, ALMANSOR quoque in Propositionibus ſuis de eis tractet.

Th. 3. Verùm tres harum Conjunctionum ab Aſtronomis conſtituuntur ſpecies: Magna ſcilicet ſpecialiter ſic dicta, Major, & Maxima; In quarum ſpecierum eſſentia magna admodum Autorum eſt diſcrepantia. Quorundam ſaltem apponamus ſententiam, MESSHALA Arabs, Maximam vocat illam, cum Saturnus, Juppiter, Mars conjunguntur; Majorem cum Saturnus & Juppiter; Magnam cum Juppiter, & Mars; & inter has duas poſteriores

riores aliam interponit mediam vel mediocrem appellatam, quæ fit, cum Saturnus & Mars coeunt. Alii ut **ALBUMASAR**, & cum eo tota ferè Astronomorum & Astrologorum Schola, Maximam vocant, quando Saturnus & Iuppiter conjunguntur in principio Arietis, quod est principium triplicitatis igneæ, vel in transitu è triplicitate aquea in igneam. Eadem etiam mens est **GUIDONIS BONATI** in tract. Astron. 4. c. 4. Magnæ illis sunt, quæ fiunt post annos viginti, Majores, quæ post 200. annos. **CARDANUS** verò vocat conjunctiones illas magnas, quas **ALBUMASAR** maximas; quasverò hic magnas, eas ille minores appellat; quæ 200. annorum spatium redeunt, eas ille vocat medias. Quæ opiniones legi possunt apud **RICCIOLUM** in *Almag. Nov. l. 7. f. 5. c. 9.* Hic verò novam incipit ordinationem, easque in tres distribuit classes: quarum prima sit Saturnus & Iuppiter, & vocat eas Saturni joviales; altera conjunctio Saturni & Martis, quæ Saturni martiales dicuntur; tertia, conjunctio Iovis & Martis, quas nuncupat Martijoviales. Uniuscujusque postea classis, Maximas constituit illas, quæ sunt conjunctiones periodicæ, evolutæ scilicet Zodiaco ab uno puncto cardinali ad idem; Majores, quarum loca, ab uno puncto cardinali ad aliud immediate subsequens vel præcedens, vel saltem ad oppositum transitum faciant; Minimæ, quæ proximè & immediate sibi succedunt. Sed quidquid sit de his sententiis, nobis imprimis **ALBUMASARIS** & Astrologorum arridet sententia; quare dicimus; *Conjunctio magna est, quando duo supremi planetæ, Saturnus & Iuppiter, quibus & Mars nonnunquam se associare solet, conjunguntur in signo, ejusdem triplicitatis cum signo, in quo præcedens conjunctio est facta: Major est, quando planetæ supremi conjunguntur, in signo diversæ quidem triplicitatis, à quo proximè præcedens facta est, non tamen igneæ: Maxima denique si supremi planetæ antea in signis alterius triplicitatis juncti, primum in ignea copulantur triplicitate.* Dicitur verò Maxima, non quod major sit aut tardior ceteris, sed quod eam propter singularem dignitatem, & efficaciam majoris æstiment, non sanè nulla de causa, aut futilibus conjecturis, ut criminantur securi, & obliti Numini, Epicurei. Nam ut rebus ferè in omnibus prima ratio est acerrima omnium, sic conjunctiones Magnæ priores, sine dubio fortius afficiunt, & urgent acrioribus stimuli, naturam Elementarem, unde majores turbæ succedunt, inquit Lic. **PHILIPPUS MULLERUS B.M.** in *Orat. de Conjun. Magn.*

Th 4. Ut verò ed exactius Conjunctionum nostrarum doctrinam perspiciamus, causas mutationis triplicitatum & intervalla earundem sunt explicanda. Si jam conjungantur Saturnus & Iuppiter in principio Arietis, Iuppiter verò utpotè celerior Saturno, cursum suum Periodicum instituat, absolvet eundem 12. annorum spatium ferè, quo tempore Saturnus usque ad finem Leonis erit progressus, ad quem dum properat Iuppiter, hic verò longius indies moveatur, sit, ut in Sagittarium deum secundum calculum conveniant post 20. annos ferè, seu 19. annos, 318 dies: cujus spatii hæc est ratio, quia Sagittarius ab Ariete, in quo proximè præcedens conjunctio est facta, per duas tertias Zodiaci distat partes; has verò, ut absolvat motu suo medio Saturnus, 20. indiget annis, quoniam motus periodicus 30. est annorum; Iuppiter quoque, ut eas percurrat, 8. postulat annos, qui cum prioribus periodici cursus annis 12. conficiunt 20. ut ita spatium inter has duas conjunctiones medias sit 20. annorum. Fit autem hæc conjunctio in Sagittarii medio, vel fine, non in principio signi, ut in præcedente conjunctione, propterea etiam loca harum conjunctionum non distant præcise triente Circuli, sed tantum 117. gradibus in præcedentia signorum. Hic verò defectus cum non resarciatur insequentibus, sed semper augeatur, dum locus posterioris conjunctionis superat priorem tribus gradibus, sequitur inde, quod novem conjunctiones, quarum unaquæque 20. ferè constat annis, totum absolvant signum, adeoque decima completis ferè 200. annis, seu 198. annis, 260. diebus fiat in secunda triplicitate, usque dum elapsis 400. annis fiat in tertia triplicitate, & ita toto absoluto Zodiaco post annos 800. ferè, seu annos 794. dies 310. ad triplicitatem igneam redeat ordo, atque conjunctio fiat Maxima. Ex quibus apparet: differentiam harum conjunctionum consistere tum in intervallo à se invicem, tum in diversitate loci in quo fiunt. Ma-

ior enim in eo differt à Magna, quòd in hac tantummodò ex uno triplicitatis unius signo, in alterum ejusdem triplicitatis, in illa verò ex una triplicitate in aliam, ita tamen ut non sit ignea, alias fit Maxima, fiat transitus. Superat autem numerus Magnarum decies numerum Majorum, & harum numerus quater Maximarum.

Th. 5. Cæterum ut doctrinæ nostræ clarior lux affluat, triplicitatum, quarum jam sæpè facta est mentio, natura explicanda venit; idque ex mente tum Astrologorum, qui hanc sententiam maximi faciunt, tum Arabum, utpotè quibus cum tota doctrina Astrologica hæc signorum divisio originem debet. Distribuerunt scilicet veteres Zodiaci signa in quatuor classes, triplicitates dictas, idque partim ideò, quia unaquæque classis tribus constat signis, partim, quia signa illa tria, si connectantur per rectas, efficiunt triangulum circulo inscriptum. Prima classis dicitur ignea, quia constat signis igneis, h. e. calidis, masculinis & diurnis, nempe Ariete, Leone, Sagittario; huic Sol & Iuppiter dominari dicuntur. Classis secunda dicitur terrea, complectitur signa, sicca, fœminina, nocturna, ut Taurus, Virgo, Capricornus: dominium hujus classis Veneri & Lunæ concessum est. Tertia vocatur aerea, continet signa humida, diurna & masculina, nempe Geminos, Libram, Aquarium: ascripta hæc est Saturni & Veneris imperio. Quarta denique aquea appellata, signis frigidis, fœmininis & nocturnis constat, ut Cancer, Scorpius, Pisces: imperant huic Mars & Venus vel Luna: de quibus videatur **CARDANUS**, in *Comment. ad Ptol.*, **PONTANUS** de rebus cœlest., *Orig. in Ephem.* Causæ, cur veteres has triplicitates ita denominarint, apud Astronomos nullæ planè inveniuntur. **RICCIOLUS** refert illam in conjunctiones magnas, cujus hæc sunt verba: *Cur autem easdem (triplicitates) appellarunt triangula, & trigonos igneum, terreum, aqueum, aereum, sic accipe: si Saturnus & Iuppiter cōgrediantur in principio Arietis seu triplicitatis igneæ, post annos 20. ferè fiet altera illarum conjunctio, & longè ab initio per antecedentia, seu retrò per trientem ferè circuli, seu 120. Gradibus, atque adeò cadet in principium Sagittarii, quod est idem signum igneum, & tertia cōjunctio, post alios 20. annos ferè retrocedet, per alia signa quatuor, in principium Leonis, signum pariter igneum: itaque cum per trientem ferè circuli distent loca harum conjunctionum inter se, sit, ut annis 60. trium conjunctionum loca forment triangulum ferè æquilaterum Zodiaco inscriptum, & respiciant sese aspectu quasi trino.* Sed **RICCIOLUS** mutat statum controversiæ, & dum debet declarare, ut ipse etiam proponebat, rationem appellationis, explicat quid sint triplicitates, quamvis & in hac explanatione minus congruè procedat. Ut enim taceam obscurum esse, utra doctrina an triplicitatum an verò Conjunctionum sit antiquior, in eo cerè peccat, quòd triplicitatum doctrinam ex conjunctionibus magnis haurire velit; cum hæc illarum præsupponant notitiam, ut ed melius Magnarum, Majorum & Maximarum innotescant differentiæ. **JOANNES** verò **BAPTISTA CARELLUS** in *Ephemer.*, **GUIDO BONATIUS** de **FORLIVIO** in tract. 2. Astr. p. 3. c. 11. causam denominationis quærunt in ipsis signorum qualitatibus; **BONATI** verba sunt: *Dixerunt Philosophi, Triplicitates sunt quatuor, & distinguuntur sic: omnia signa, quæ concordant in una natura, & complexione, faciunt unam triplicitatem: Aries igitur, Leo, & Sagittarius faciunt unam triplicitatem; Aries enim est signum igneum, calidum & siccum; Leo similiter est signum calidum & siccum, & sic sunt duo signa calida & sicca. Sagittarius est signum igneum, calidum & siccum, & sic sunt tria signa calida & sicca, convenientia in una complexione.* Sed neque hic nodum solvit. Potest verò hæc sententia intelligi vel de signis octavi orbis vel noni, vel de utrisque, quod ita dicantur vel formaliter vel virtualiter, de singulis breviter. 1. Non possunt in hoc negotio intelligi signa octavi vel noni orbis, quòd talia denominentur formaliter & subjective; essent enim sic stellæ & cœlum elementaris naturæ, adeoque naturaliter corruptibiles: quod licet multi affirmant, nobis tamen nondum persuadere, aut receptam jam sententiam argumentis suis labefactare potuerunt. 2. Nec possunt intelligi signa octavi orbis, quod sint talia virtualiter vel effective, quatenus vim obtinent influendi in hæc sublunaria, eaque variè immutandi. Nam utut placeat nobis sententia, quæ

astris hoc sensu tribuit qualitates elementares, ita ut Sol dicatur calidus, Luna humida, &c. non tamen ratio ex ea peti potest, cur signa in tales triplicitates divisa sint, cum contrarium experientia quodammodo clamare videatur: Scorpius enim est signum Martialis maxime naturæ, cum omnes ejus stellæ Martem influxu suo imitari; & illa primæ magnitudinis in pectore *Antares* Arabicè dicta, Marti par censerī soleat; Mars ipse quoque domicilium suum in signo hoc habeat, triplicitati aqueæ, h. e. frigida & humida, accensetur, qui nihil tamen minus est, quàm frigidus & humidus. Quare **RICCIOLUS** inquit; *Sed cur non potius Aquarius, aqueus, & Taurus vel Scorpius dicitur igneus, cum maxime iis stellæ Antares & Palitium rubore suo Martis ignes æmulentur.* Ob quam etiam causam non possunt intelligi signa octavi orbis, quatenus jam sedes mutarint, seu quatenus verb. grat. signum sextum octavi orbis respondet septimo in nono orbe. 3. Non possunt intelligi signa noni orbis, quod sint talia virtualiter. Licet enim concedamus, cælum non esse otiosum, sed influxu suo etiam mutare sublunaria; nemo tamen hætenus tam accuratè influxum signorum observare potuit, quin aliis potius stellis semper ascribendus fuisset: quod si itaque influxus nondum planè est notus, neque etiam ab eo distributionis signorum ratio peti potest. Et licet quis cum **PONTANO** dicere velit, quod fiat respectus ad influxum, quem habent signa, dum Sol in iis versatur; nihil tamen proficiet; stellæ enim hic non respectivè in ordine ad solem, sed potius consideratæ in se & sua natura accipiuntur, Adhæc Cancer annumeratur triplicitati frigida, qui tamen mense Junio, dum Sol in eo ambulat, plus satis calidus & siccus est. Nos in re dubia & controversa quid dicamus, cum non habeamus, judicium sapientibus relinquimus, cum melius sit, nescire quædam æquo animo velle, quàm absurda defendere. Ex his jam dictis haud erit difficile augurari, quid velint triplicitatum voces supra in explicatione conjunctionum adductæ.

Th. 6. Dispicendum jam est, utrum veræ an verò mediæ conjunctiones sint attendendæ? quod ut eò melius fiat, de motu medio & verò stellarum errantium sunt quædam differenda. Astronomi duplicem stellis attribuunt motum, unum medium, alterum verum. Medium est arcus Zodiaci inter principium Arietis & lineam motus medi interceptus; Est autem linea motus medi recta, ex centro mundi per centrum Epicycli usque ad Zodiacum protracta. Motus verus est arcus Zodiaci inter principium Arietis & lineam motus veri interceptus; Est verò linea motus veri recta, ex centro terræ per centrum stellæ usque ad Zodiacum protracta. Ubi notandum, non esse confundendum motum Physicum cum motu Mathematico. Physicè unus tantum est motus, qui competit stellis, ab ortu versus occasum, & hic vocari potest aliquo modo motus medius Mathematicus, ut ita unus tantummodò sit motus, qui pro diversitate modi considerandi duplicatur. Mathematici verò duplicem assumunt motum; alter est absolutus, qui competit stellis, prout in sphaera cœlesti moventur, & hic est medius; alter est respectivus, qui tribuitur stellis in ordine & respectu ad nos homines, qui eum ex superficie terræ aspiciunt, & est verus, qui ideò, quia nobis apparet, apparens dicitur; ille semper sibi sit conformis, & propterea æqualis dicitur; hic verò difformis, cum planeta nonnunquam hoc motu directus, nonnunquam retrogradus, appareat, & ideò inæqualis dicitur. Assumerunt verò Astronomi præter motum verum etiam medium, propter calculum; cum enim viderent gravissimas calculi difficultates, si motum inæqualem adhiberent, ideò de æqualitate quadam motus cogitarunt: quare acceperunt motum stellæ periodicum verum, & per regulam proportionis collegerunt medium annum, per hunc diurnum, & denique horarium: vid. **IACOBUS FABER Stapulensis**, in *libris Theoricis*, & *Comment. ejus* **IODOCUS CHLICHTOVEUS**, lib. 1. cap. 6. p. 9., **Dn. NOTTNAGELIUS**, in *Synopsi Math.* lib. 4. f. 2. p. 240., & **Dn. WEIGELIUS** in *Sphaera Euclid.* lib. 1. f. 2. c. 2. d. 24. Quod si stellæ conjungantur per motum medium, ita ut lineæ mediorum motuum earundem in eodem Zodiaci loco conveniant, est conjunctio media; si verò per motum verum conveniunt lineæ motus veri, est conjunctio vera. De his duabus

conjunctionum speciebus quæritur; quænam in magnis sit attendenda? Ubi tres proveniunt sententiæ; quidam concludunt pro conjunctione media; alii pro vera; quarum sententiarum & autores & defensores vide apud sæpius laudatum **RICCIOLUM**, qui tertiam arripit sententiam, & vult, ut veræ imprimis attendantur conjunctiones, non secus ac veræ synodi in Luminarium Eclipsibus. Existimat tamen adhibendas quoque simul esse conjunctiones medias, non tantum ut faciliori supputatione eminus verarum conjunctionum odoremur tempora, sed etiam, quia, si præcedunt veras, inchoant per quandam applicationem earum influxum, si verò succedunt veris, per defluxum quandam obtineant aliquid de impressione jam facta. Quam sententiam ut facillimam & tutissimam nos etiam amplectimur, imprimis cum, cognitis motionibus & conjunctionibus mediis, motus & conjunctiones veræ per prosthaphæreses facile inveniri queant.

Th. 7. Sed jam ad ipsum Conjunctionum numerum & tempus, quando factæ sunt, descendendum, simulque effectus earum considerandi, ut postea de influxu eò melius agere possimus. Sequamur verò Conjunctionum calculum & ordinem **RICCIOLI**; licet enim quis novum instituere & accuratorem ducere velit, vix tamen certi quid colligere poterit. Ut enim taceam, controversum adhuc esse, quonam anni tempore mundus sit conditus? ita, ut medium Planetarum motum per calculum retrò institutum ad tempus conditi mundi invenire non possit; in eo tamen certè hærebit, quot nam anni, menses, vel dies conjunctioni huic mediæ annumerare debeat? sine his verò apodicticum calculum in posterioribus nunquam instituet. Sed removendus imprimis est error **RICCIOLI**; quem fovit, dum nimium intervallum inter annos **CHRISTI** & mundi posuit, nempe 3980. annorum, cum in rei veritate non plures sint quam 3949. secundum epocham vulgarem, quam **DIONYSIUS EXIGUUS**, Abbas Romanus, veteribus pro verâ obrudit, secundum accuratam verò 3947., & ita **RICCIOLUS** mundum 31. annos vetustiorē facit quàm est. Vid. **Dn. CALVISIUS** in *Isagoge Chronol.*, **Dn. ÆGIDIUS STRAUCHIUS** in *Brevi Chronol.*, Sunt verò ab anno mundi usque ad nostra tempora factæ conjunctiones 282; in quibus septem Conjunctiones Maximæ, non verò octo, ut statuit **RICCIOLUS**, deceptus falsa sua hypothese de anno mundi, 21. Majores & 254. Magnæ. Quas omnes melioris doctrinæ gratia in tres ordines distribuamus: primus continebit Conjunctiones ab ortu mundi ad diluvium; secundus à diluvio ad natum Christum; tertius à nato Christo ad usque nostra tempora. Hos ordines connectamus 1. cum Periodo Iuliana, quæ est systema 79. 80. annorum; 2. cum Epochâ mundi conditi; 3. cum epochâ natiuitatis Christi, præsupponentes eam factam anno mundi secundum epocham vulgarem 5949. Priorem quod ordinem attinet; inchoatur anno Periodi Iulianæ 763., mundi 1., ante Christum 3949; desinit verò anno Periodi Iulianæ 2421, mundi 1658., ante Christum 2291. Complectitur hic ordo 84. Conjunctiones, 76. magnas, 6. majores, 2. maximas. Prima omnium conjunctionum fuit magna, facta anno 9. post initium Mundi. Maxima verò illa quæ 99. annos diluvium antecessit, dubio procul iræ divinæ fuit annunciatrix, ita ut confirmasse illius decretum videatur; Magna in serie ultima, quæ in ipso diluvio facta est. In secundo ordine, qui incipit in anno Periodi Iulianæ 2421, mundi 1658, ante Christum 2261, desinit verò anno Periodi Iulianæ 4713., mundi 3950, Christi verò 1. 115. Conjunctiones sunt contentæ, quarum 103. sunt magnæ, 9. majores, & 3. maximæ. Quarundam insigniores effectus ex **CALVISIO** adducamus. Sub tertia in hoc ordine Regni Babylonici fuit initium. Sub quinta, quæ fuit major prima, mutatio Reipublicæ est facta, dum gentes in omnes terras ob confusionem linguarum dissipatæ sunt. Sub decima quinta Regnum Babylonicum à **NINO** in Semiradem translatus est. Sub Conjunctione trigesima quinta edictum **PHARAONIS** de necandis liberis in vulgus editum est, *Mosesque & Aaron* nati sunt. Sub conjunctione trigesima nona ingens admodum diluvium, *Deucalionis* dictum, terram circa Parnassum montem inundavit. Conjunctionem quadragesimameductio Israelitarum ex Ægypto

prosecuta est. Sub Coniunctione quadragesima sexta Rex Dardanorum tertius TROS Urbem Troiam ædificavit; unde initium Regni Troiani, quod sub conjunctione quinquagesima quinta maiore obraptum HELENÆ eversum est. Post Coniunctionem septuagesimam octavam ROMULUS & REMUS urbem Romam condiderunt, & ille ob raptas virgines primum bellum gessit. Sub Coniunctione octogesima quinta maiore NEBUCADNEZAR regnum Babylonicum arripuit, & brevi post JOIAKIMUM cum populo Israelitico captum abduxit. Sub conjunctione nonagesimaoctava ALEXANDER bello DARIUM aggreditur; & Monarchiam Græcorum inchoat. Post Coniunctionem centesimam quartam Bellum secundum Punicum Romani incepterunt. Sub conjunctione centesima quinta Bellum Romanum cum PHILIPPO gesserunt, sub eadem etiam vehemens admodum pestilentia Romam vastavit. Sub Coniunctione centesima decima tertia CÆSAR perpetuus Dictator creatur, annum fastosque corrigit. Ultima denique in hoc ordine Coniunctio est maxima, quæ annos sex Nativitatem Salvatoris antecessit, quo tempore ad summum fastigium Romanum imperium elatum erat. In tertio denique conjunctionum ordine, qui à Nativitate Salvatoris ad tempora nostra usque protrahitur, 63. conjunctiones continentur, 2. maximæ, 6. majores & 75. magnæ; qui ordo inchoatur anno Periodi Julianæ 4713. mundi 3950. CHRISTI 1. Exempla quædam effectuum sunt subjungenda. Coniunctionem primam subsecutus est ingens motus terræ, cuius vi pars muri urbis Romæ everfa est; idemque factum in Asia: hoc etiam tempore Germani cum Romanis de libertate dimicarunt. Sub tertia NERO sævit, urbsque Hierosolyma everfa est. Sub sexta horribilis terræ motus est factus Antiochiæ, quem longè, venti tonitruaque antecesserant: In decima tertia pestilentia & varia morborum genera ubique grassata sunt. Sub vigesima maiore bellum crudele inter THEODOSIUM & EUGENIUM ortum est. Sub maxima quadragesima CAROLUS MAGNUS floruit: Coniunctio octogesima est maxima, quæ anno superioris seculi 1583. accidit, quam res variæ ubique consecutæ sunt, ita ut de anno quinto post eam hi vulgò proferantur versiculi, quos habet LEOVITIUS:

Si mundus non peribit anno 1580.

quippe qui præ cæteris notabilis est,

eum plures certè casus recepturum esse existimo.

Rationem versiculorum vide apud GEORGIUM UR-
SINUM, in tractatu Descriptio omnium eclipsium, conjunctionum quoque & oppositionum superiorum Planetarum. Ex quibus apparet: Coniunctionem, quæ proximo fiet anno 1663 haud vulgares quoque rerum mutationes allaturam. Licet enim ipsa Saturni & Iovis conjunctio partilis, quæ fiet 12. (22.) octobris, in gr. 14. Sagittarii, felix satis faustaque astrologico more considerata, appareat, dum Mars trino eos conjunctos salutet, & Venus quoque ad eos accedat, (quæ tamen, quasi malè credat Saturno, retrocedit) ut nihil ferè mali metuendum sit; historiæ tamen contrarium alta exclamant voce. Apparebunt verò in conjunctione planetica per totum ferè annum, à mense Ianuario ad usque Novembrem, quo tempore sub radiis solaribus occultantur. Die 12. Febr. Eclipsin Lunarem infesto quadrato aspiciunt, ita, ut mutationes regnorum ob mortem Magnatum, quam significare videtur Eclipsis, moliri velint. Haud vulgarem quoque mutationem minatur quadratum Martis, quo conjunctionem hanc mense Martio interturbat. Humaniorum interim induit faciem, dum mense Aprili conjunctionem trino amice aspiciat. Mutabilis tamen est, & mense Iulio armatus Palitio, oppositione primò Iovem, post Saturnum ferit; hanc interim deponit inimicitiam, dum sub conjunctione partili trino radio omnia mala componere videatur. Notatu verò dignum est, in hac nostra conjunctione, quod 1. & media & vera in uno proveniant signo, quodque 2. sine combustione directo cursu ad se invicem accedant, & 3. quod Aquila, cuius caput anno superiori 1661. Cometa illustrarat, unà cum his conjunctis in Germania oriatur, & 4. Mars ex eo signo eos irradiet trino, in quo anno 1623. conjuncti fuerant, Cæterum cum radiosum fuisset, omnium Coniunctionum apponere effectus, sufficiat, potiores saltem adduxisse, ex Historicis ceteri & Cronologis repeti possunt. Hoc certum est, Coniunctiones has semper novi quid insecutum esse, quod affirmat etiam ALMANSOR in Centilo-
qu. pp. 127.

Th. 8. Cæterum cum tanta effectuum sit varietas, dis-
spiciendum, an à Coniunctionibus dependeat? Ubi duæ

sunt sententiæ: una attribuit vim illam efficiendi conjunctionibus, quæ communiter est Arabum & Astrologorum; altera omnem Coniunctionibus denegat vim & influendi & significandi, Nos medium tenebimus, nec omnia nec nulla tribuentes conjunctionibus. Quare ut eò melius procedamus, prius quædam præsupponamus, post aliquot Conclusionibus mentem nostram manifestabimus. Not. 1. Stellæ pro varietate circumstantiarum, imprimis pro ratione aspectuum cum aliis stellis, novas subinde vires suscipere, eis-
que nunc augeri nunc minui: Hinc PHILIPPUS MUL-
LERUS b. m. Si ad ea, quæ in terra efficiuntur à stellis, aspectus aut configurationes nihil pertinent vel efficiunt, qui sit, quod verbi gratia Mars & Iuppiter aut corporibus ipsis hærentes, aut quadrato, sextili, aliove radio configurati, conturbant aeris statum ventis, imbris, tonitruis, aut alio modo, non aspicientes non conturbant? qui sit, quod in iis ad quæ adhibentur excellant, qui sub validis, aut multis aut diuturnis aspectibus concepti sunt, eaque, ad quæ apti nati & exercitati sunt, alacrius perficiant, & quasi seipsos superent, incidente aspectu simili, vel Planeta transiente per thematis natalitii aliquem locum præcipuum? Not. 2. Cum astra non sint otiosa, sed influant in sublunaria, influxus illius modum esse duplicem, directum & indirectum: ille est, quo influunt immediate, nulla alia intercedente causa; hic, quo mediatè aliis intervenientibus Causis: in illo sidera sunt causæ proximæ, in hoc remotæ: in illo causæ per se, in hoc per accidens: ibi causæ Physicæ, hic morales: per illum agunt ita, ut necessitent, h. e. ut positis omnibus agendi requisitis tam ex parte siderum quæ influunt, quàm corporum in quæ influunt, non possit non sequi effectus; per hunc verò tantum inclinent, h. e. ut positis omnibus agendi requisitis effectus à causa proxima tolli possit. In his tamen omnibus Causam Supremam non excludimus, sed præsupponimus. Not. 3. Res in quas influunt astra, esse vel naturales vel liberas: in illas ita influunt astra ut necessario sequatur effectus; in has ita, ut sequatur saltem contingenter, quia actio adhuc tolli potest à libertate causæ secundæ; de quibus vid. Phys. & Metaph. Ex his jam facillè quis respondere potest ad ea, quæ in contrarium differit IOANNES BAPTISTA non HELMONT, In Principiis Phys. inauditis. Adducere ea angustia verant paginæ.

Th. 9. Hisce præsuppositis sit Conclus. 1. Superiores Planetæ, Iuppiter & Saturnus, efficacissimè influunt. Proprium stellarum munus est influere: quò magis itaque quædam influit, eò magis officio fungitur; si verò alius planeta efficaciter influit, is est certè Saturnus vel Iuppiter. Testatur hoc, ut cætera taceam, tempestatum varietas, quæ maxima ex parte ab his Planetis, prout alio atque alio cum Luna configurantur aspectu, dependet; ob tardum enim motum diutius in uno persistunt loco, & ita fortius movent naturam sublunarem, quàm veloces Planetæ. Hæc verò efficacia augetur, si conjungantur; vis omnis enim unita fortior, & conjunctæ vires magis penetrant quàm dispersæ. Patet hoc in luminarium conjunctionibus, quarum conjunctionum influentia omnibus nota. Idem quin eveniat in Planetis superioribus, nullum est dubium.

Concl. 2. Effectibus in rebus naturalibus, qui sequuntur conjunctiones Magnas, oriuntur à Planetis coniunctis per influxum directum. Per effectus in rebus naturalibus intelliguntur terræ motus ingentes, tempestates, tonitrua insitata, incendia montium, pestilentia, & morbi varii, famæ, inundationes regionum, & similes. Quod verò rerum harum sint causæ, id patet ex doctrina meteorum; multa enim ab astris effluviis exsuscitantur genera, quæ si sint terræ inclusa, & foras exire nitantur, fit concussio illa terræ horribilis. Si attolluntur in aerem, & vario modo inter se pugnant, fiunt tempestates, tonitrua, fulmina. Quod si calida & sicca in terra exsuscitentur effluvia eo loco, quo sulphuris haud parva latet copia fiunt incendia illa Heclæ, Veluvii & Aetnæ. Tunc verò imprimis, si Mars vel coniungatur, vel conjunctos illos quadrato aut opposito radio aspiciat; Mars enim est igneæ naturæ, ut pro diverso posito non parum faceat negotii. His ipsis effluviis corrumpitur nonnumquam aer, quem inspiramus & expiramus; hinc pestilentia, morbi quoque varii. Planetæ illi conjuncti exurunt nonnumquam terram, vel exsiccant nimis, aut humectant; hinc extinctos calido innato mors herbarum, quam sequitur famæ. Quod si eveniat ut conjunctis hisce associet sese Luna, humorum domina, vel opponat, ingentes nimbi augent flumina, quæ operiunt terras, hinc diluvia.

Conclusio 3. effectus in rebus liberis, qui consequuntur conjunctiones magnas, nullo modo ab astris dependent, sint

nisi interdum valde indirectè. Homo est liber ita, ut si libertate sua vellet, nihil valeant astra in eum, quæ homo est, licet nonnihil agant in corpus, illius temperamentum vario modo immutando, quod quia habitaculum est animæ, incitare, inclinare, instigare animam solet; quæ tamen utitur libertate sua, ita, ut si non placeant ipsi decreta, ad quæ inclinant astra per temperamentum, opponere sese iisdem, & ea repellere possit. Quod si vero eveniat, ut homo inclinationibus illis astrorum obediat, iisque dominium suarum actionum committat; ita ut astra regant hominem, sit illud saltem indirectè per temperamentum: Ex quibus apparet, Astrologorum prædictiones minimè esse contemnendas, nisi iustos exeant limites; de temperamento enim corporis & consequentibus illud, firmiter illi aliquid concludere possunt. Quoniam itaque mutationes Rerum publicarum, bella, & dissidia à solis causis liberis dependent, nihil valent astra in iis directè, neque etiam Coniunctiones, si vè Magnæ, si vè Maximæ: vid. *BODINUS in Lib. de Republ. lib. 4. cap. 2 p. 617* Non negamus interim, quin possint interdum homines incitare, præsertim qui sunt Temperamenti cholericæ aut sanguinei, ut innovent res, & creent bella, quod haud parum quoque aliarum stellarum configuratio & regionum diversitas aliæque circumstantiæ adjuvare solent.

Conclusio 4. Coniunctiones Magnæ, mutationum Rerum publicarum, bellorum & aliorum eventuum signa esse solent. Duobus modis profunt astra, afficiendo & significando: Non propter solum influxum data sunt sidera: præmonent sæpè mortales de rebus instantibus, ut eos è somno socordiae excitent. Non solum cometarum aut novarum stellarum munus est significare, ordinaria etiam, & quæ iustas habent causas, significant, & annunciant futura. Pulcherrimè differit hac de re B. M. *MULLERUS, in Orat. de Conj. Magn. „ De imperiorum orbis terrarum motibus, „ id genus rebus magnis, timidus*

„ profero sententiam, ne ad siderum necessitatem illas
„ referre, & mentes à Deo, cuius est dare & transferre im-
„ peria, ad creaturas & causas secundas parum providus abdu-
„ cere videar, cum potius adducendæ fuissent. Et dicendum
„ est tamen, quod rationi consentaneum & experientia comper-
„ tum fuit, nimirum, ingruentibus mutationibus rerum humana-
„ rum, & imperiis ad insignem motum & conversionem spectan-
„ tibus, nequaquam, cerè non semper, tacere cœlesti automa-
„ ton, sed veluti de excelsa specula pulsum dare, b. e. monstra-
„ re nobis & subicere talia, quorum arcana signa & occultas
„ notas optimi creationis beneplacito & nutu liberrimo, vel ab ini-
„ tio susceptas, vel sequentibus temporibus adjunctas habet,
„ Fateor, DEI Consilia voluntatemque in verbo revelato primò
„ præcipuè, & ante omnia scrutandum esse. Nec tamen apud
„ me causa est, cur non interdum etiam in natura quæram il-
„ lam, in natura præsertim & rebus naturalibus, & ad huius
„ vitæ sustentationem pertinentibus. Hæc ille: Vid. etiam
„ M. STEPHANUM FUHRMANNUM in Epist. ad
„ Andreæ Concium de influxu siderum.

Cæterum, quæ contra Conclusiones objici possunt, videantur apud *RICCIOLUM*. quæ facili tamen negotio solvi possunt. Nos hic subsistimus.

COROLLARIA.

Log. Non est terminus intermedius inter æquivocum & univocum, qui vocetur analogus.

Phys. Zoophyta non sunt animalia, neque perfecta neque imperfecta.

Mataph. Ens in potentia non est ens reale.

Geom. Corpora Geometrica sunt accidentia.

Astron. Sol oritur, & occidit.

Geogr. Si terra Polaris esset habitabilis, incolæ vix viverent ultra centum dies.

Ethic. Subjectum virtutum moralium est & appetitus & voluntas.

Polit. Non differunt vir bonus & civis bonus.

SOLI DEO GLORIA.

DISSERTATIO II.

EXAMEN

CORALIORUM TINCTURÆ,

ventilatum

SUB PRÆSIDIO

Viri Nobilissimi & Experientissimi,

DN. MARTINI FRIDERICI FRIES,

Philosoph. & Med. Doct., Facult. Med. Asses.,

& Prof. Public.

M. MICHAELE ETTMÜLLERO,

Lipsiensi, Med. Baccalaureo, Autore &

Respondente,

di 15. Septembris 1665.

I. N. 7.

NON THALES solum MILESIUS, *σφῶν ἰστε σφῶτατος*, firmiter sibi persuasit, ex aqua omnia primam sumpsisse originem; sed modernorum quamplurimi, experientiae adjuvantes rationum subtilitates idem adstruunt; quibus ingens rerum varietas, qua aquae oceani praecipuis se jactitant, non leviter patrocinator: quae ipsa fertilitas palmam terrae, ingenti rerum multitudine, quas tanquam alma parens sinu suo quotidie excludit, fovetque, superbienti ambiguum omnino reddit. Commoti exinde antiqui gentiles, Mari quoque Deum suum Neptunum tribuerunt, regio Tridentis insigni eum instruente; innuentes hoc ipso, late ejusdem per omnia tria regna minerale, vegetabile, & animale, diffusam potentiam. Ad hæc spuma Maris est ista materia, ex qua amica Venus, omnigenae fertilitatis parens, enata fingitur. *Nihil enim aqua potentius & efficacius inquit FABER Pan- chym. lib. 4. cap. 9. in rerum natura reperire potest, vita & mors ab ipsa dependent, infinita que se- creta & arcana sunt in intimis aquae, quae regna omnia pretio superant & antecellunt.* Nos impresentiarum, sepositis ceteris, ramum saltem coraliorum rubrorum è maris fundo decerpamus, eumque, ut Chymicorum hætenus in exuenda ejusdem purpura industriam fatigavit, paulò exactius, assistente Divini Numinis gratia, consideremus. Necesse est autem, ut primo

Statum Controversiae

legitimum formemus, considerando non tantum, quid Tincturae nomine in specie intelligendum veniat? sed vel maxime ipsam coraliorum essentiam exactius pensitando; quæ cognita fili Ariadnes loco ad superandum praesentis controversiae Labyrinthum nobis inserviet.

§. 1. Ipsum ergò quod attinet nomen: ex Græ-

cia natales ducit vox Coralii, apud Latinos equidem usu recepta, utat Etymi ratio vera adhuc dum lateat. Quibusdam enim à Græco *καρπ*, quod puellam significat, nomen accepisse placet, ob Poetarum fabulas, qui Coralium è virgis, crure Gorgonis Medusæ persufis (unde & Gorgonia dicitur) & in lapideam duritiem concretis, enatum narrant: Alii à Corallis, Ponti accolis, nomen inditum putant; de quibus OVIDIUS:

Hæc mea cui recitem, nisi flavis scripta Corallis.

Alii dictum existimant Corallium, quasi *cor alens*; non enim postremum esse remedium cordi robur addentium, de quo postea; vocatur quibusdam *καρπὸς ἐν δρυ*, Latinis frutex marinus saxeus, (PLINIO *Dendritis*, alia enim synonyma brevitati operam daturi, consultò omittimus) quasi saxeam vel lapideam arborem dicere velint, innuentes hoc ipso, ambiguum ejus naturam, quam inter vegetabilia, mineraliaque obtinere videtur.

§. 2. Nondum enim inter Eruditos lis ista decisa, cui regno, minerali an vegetabili, inserenda sint Coralia? & si vegetabili, an plantam sui generis viridem invadendo succus lapidescens in duritiem istam coagulet? an verò iam emortuum lignum in lapidem transformet? Quod prius attinet membrum: (hoc enim de cetero pesterius per se patebit;) ex utraque parte non contemnenda se sistunt argumenta. Esse enim vegetabile, persuadere videtur. 1. arbusculæ elegantissima forma, quam sese surrigendo exactissime repræsentat, hoc uno excepto, quod foliorum ornatu destituta sit; qualem figuram nullum aliud minerale obtinet, sed plantarum generi, tanquam naturalis quædam dos, propria videtur: sic refert MATTHIOLUS in *dioscorid.*, se habere ejusmodi corallinam plantam, quæ prope radices brachii ferè habeat crassitiem, & è medio trunco in ramos elegantes se diffundat, 2. Quod bacchas ferat similes cornis, & specie & magnitudine, 3. Ad hæc reperiuntur furculi lignosi, qui ex parte

Gan-
hist.
Cora-
lior. c. 2.
p. 23. Ovi-
dus l. 4.
Metam.
Item l. 4.
de Pon.
Synony-
ma v. ap.
Gansium
c. 2. p. 24.
Io. Nard.
noct. ge-
nial. pag.
564.
Bauh. T.
3. hist.
plantar. l.
39 p. 793.
798. Sic
Paracel.
Mercurius
cum Nitro
fixatus di-
citur ar-
can. coral-
linum.
muscus
quidam
Marinus
ob simi-
litudinem
corallinæ
appella-
tur.
De hac
controv.
v. Plinium
l. 23. Hist.
natural. c.
2. Matthi-
ol. in Dio-
scorid. l. 5.
cap. 97.
Boot. l. 2.
tan-

de gemm tantum Coralliorum induerunt faciem; ex par-
cap. 153. te verò ligneam vegetabilem ostendunt for-
And. Bacc. mam, sicque ex ligno & lapide compositi & qua-
l. de gem. si conglutinati videntur. 4. Notum quoque est
c. 73. Bau- sagacioribus naturæ scrutatoribus, sæpius in
hin. Tom. fontibus quibusdam, aliisque aquis, ligna à
4. c. 33. f. spiritu lapidifico, quo aquæ iste egregie impræ-
59. Hof- gnatae sunt, in lapidem converti: quidni idem
man. de fiat in mari, tanta salis copia referto, cum spi-
med. offi- ritus lapidificus salinæ esse profapiæ statuatur?
cinal. qui Sic in vicino Jenensis civitatis territorio ejus-
ad mus- modi reperitur fons intrusum lignum in lapidem
cum refert convertens: sic in Hibernia supra Armacanum
Eichst. de urbem in stagno haud amplo hasta lignea defixa,
de coniect. pars, quæ aquis tegitur, vertitur in cotem, (ut
alke. c. 17. in Musf. 4. ut hoc quidam in dubium vocare audent.) In Bo-
Calceolar. reali Ultoniæ provinciæ parte fons est, qui li-
in Musf. 4. gna per septennium immersa indurat in lapi-
Encel. de dem: In Bohemia quoque prope Thermas Caro-
re metall. linas fons est, in quo lignum diu durans in lapi-
l. 3. c. 3. dem convertitur.
Tenzel. exegel. Chym.

§. 3. Esse verò Minerale Corallium, ipsa na-
Kircherus tura ejusque essentia vel lippientibus monstrat,
Mund. sub. cum consistentia lapidea ejusque solida durities
terran. l. 9. f. 3. c. 6. firmiter hoc ipsum persuadeat, qualem à succo
Gansf. de lapidescente, lignum vel plantam imprægnan-
Corall. c. 2. te, frustra expectas. Ligna enim concreta in
Febure lapidem, in certis aquis à succo lapidescente, di-
Traicté de versam planè repræsentant formam à Coralliis;
la Chym. sunt enim plerumque instar cotis, vel lapidis al-
P. 686. terius ex granulis multis compactim concreti,
& ex arenulis quasi concatenatim conflati; cum
è contrà Coralia continuum planè ostendant ne-
xum, sine vestigio concretionis ejusmodi vel gra-
nulatae compactionis, sed quasi cera Hispanica,
in varias figuras per liquefactionem extensa, ap-
parent, & non nisi vehementiori tritura in pul-
verem vel arenulas redigantur. 2. Minus rectè
accenseri vegetabilibus, sed mineralibus accen-
sendum esse, ex eo confirmatur, quod careat
omnino radicibus, sicque non per alimenti ve-
ram intro susceptionem & digestionem, vege-

tationi plantarum necessariam, sed saltim par-
Mund. sub. tium superadditionem crescat. Patet hoc ipsum
terran. l. 9. f. 3. cap. 6. ex experientia sagacissimi Naturæ Scrutatoris
KIRCHERI, qui rupis integram partem ex
profundo maris extractam, totam Coralliis ob-
sitam inter rariora Musæi sui asservat, cui va-
ria conchyliorum genera adnata sunt; in hac ru-
pe, partim ex concava conchyliorum parte, &
aliorum convexa, partim verò ex ipsa soliditate
saxea erumpunt Coralia, nullis planè suffulta
radicibus, utut diligentissime circa eorum in-
ventionem laudatus autor laboraverit, sed ipsi
trunco velut agglutinata sine ullo perforationis
vestigio spectata sunt. Posito ergò indurari per
lapidescentem succum plantam, saltim quoque
vestigia radicum relinquerentur, sicut truncus
illibatus persistit; ut taceamus, nullum quoque
vel fructuum vel foliorum in iis reperiri signum.

3. Adhæc non determinatè rupes in maris fun-
do protuberantes incolit, sicut plantæ in Terra
saltim crescunt & adoleſcunt, in eaque radi-
cum agunt fundamenta: sed, ut dictum, non
petris tantum & saxi nudè adhærescit, conchy-
liisque adnascitur, sed, ut citatus autor refert,
à Piscatoribus unà cum stirpibus extracta fue-
runt ossa, lateres, saxa, tabulæ ligneæ, fer-
ramenta, omnia Coralliis, quæ in eis excreve-
rant, conferta, quin è duro delphini corio Co-
ralia propullularunt: sic Magnus Dux Hetru-
riæ, Pisis in suo gazophylacio, habet cranium
Humanum, ex quo Corallina planta excrevis-
se spectatur: sic ex lapide coctili aliquando na-
ſcuntur; ob solidam verò firmamque ejus coa-
lescentiam nulla ex eo nasci planta potest. 4.
Præterea consimiles saxæ concretiones in fundo
maris reperiuntur, quas vegetabilium tractabi-
ligenti inserere saxea earum barbaries renuit:
Cujusmodi sunt Pori, tam magnus, quam ra-
mosus, it. Madreporæ variæ species, planta
saxea, Abrotonoides, tubuli marini, aliaque

corpora saxea, ut Corallis affinitate juncta, sic
plantarum formam referentia, cum tamen sa-
xeis petrosisque planè assimilentur substantiis.
Afferere quidem quispiam possit, esse easdem
similiter plantas à lapidifico spiritu coagulatas,
non secus ac Corallium: verum cur quæso hic
succus determinatas adeò invadit plantas, &
quare non alias, quibus Maris fundus abundan-
tissime consitus est, similiter vegetabilium spe-
cies saxea ista duritie indurat? Fortè cum BOE-
TIO hoc propter singularem harum dispositio-
nem contingere ais, vel quod succus lapidescens
natura ipsorum substantiæ insit? Sed quoad
prius, explicanda venit peculiaris ista dispositio,
è progenie occultarum dubio procul oriunda;
quoad posterius, hoc ipso vegetabilium adscri-
buntur ordini, quo succum lapidescentem ipsis
connatum tribuis, h. e. ex eo oriri asseris. 5.
Firmiter admodum astruit naturam mineralem
generatio Coralliorum; inest enim Corallinis
stirpibus liquor quidam spermaticus, quem per
canaliculos, quibus insigniores præsertim ra-
muli instructi sunt, de se emittunt, qui in quam-
cunque rem deciderit, ibi statim densatus, no-
vam fundit Coralli propaginem: Hinc, ut su-
prà relatum, in conchyliis, delphino, &c.
Coralli surculus enatus fuit: hinc integræ planè
in Maris rubri fundo Coralliorum Sylvæ repe-
riuntur, tanta earum copia condensata, ut ne
piscibus quidem aditum concedant sed hæc non
conveniunt in plantas, quæ vel per surculos,
vel semina, vel radices, easque tam fibro-
sas, quam bulbosas aut tuberosas, sese multi-
plicant: Ut taceamus, aliena hæc planè esse à
planta lapidescente, h. e. à planta emortua: qua
enim ratione planta in lapidem concreta genera-
bit succum prolificum & sperma, quod similem
plantam producat?

§. 4. Hæc sunt, quæ ex utraque parte pro-
stant argumenta: ex quibus non immeritò cum
Eruditiss. KIRCHERO dicere quispiam possit:
*Corallium quo nomine appellem vix dispicio, nec
enim plantis vegetabilibus nec lapideis excrescen-
tiis id rectè annumerari potest, satius itaque
ἀποφύτων, h. e. planto-lapidem appellandam cen-
semus, dico medium quid inter lapidem & plan-
tam.* Sed cum rerum in Classes distributio non
ab accidentali forma, externaque earum con-
figuratione, sed speciali potius essentia, desu-
menda sit, Corallium ad mineralium, & in spe-
cie saxearum, propaginum seriem relegamus,
utut quoad externam faciem arbusculæ speciem
repræsentet, dicimusque Corallium esse lapideum
in fruticis speciem concretum.

§. 5. Necessè ergo jam est, ut oppositæ partis
argumenta diluamus. Quod itaque externam
fruticis configurationem attinet: non sufficit ea-
dem, ut vegetabilibus annumeretur Corallium; Gansius e.
ab externa enim formationis similitudine ad ipsi- 2. p. 25.
us essentia identitatem non valet consequentia; Bauh.
non enim statim Frutex est quod fruticis gerit Tom. 2. l.
speciem: Non secus atque *Fructus Medicæ* scu- 17. c. 64
tellatæ, orbiculatæ, vel turbinatæ, cochlearum Bauh.
minorum referunt testas exactissime, non ta- Tom. 2. l.
men pro cochlearum habentur domiciliis; & 21. cap. 23.
Scorpioidis Fructus (non tantum qui spinis horret, mont. p. 2.
sed præprimis, qui crassior est, colore viridi & f. 8. cap.
sine spinis, longè exactius priori erucam refe- 113.
rens) adeò erucæ formam, ejusque in se convo-
lutæ spinas repræsentat, ut ob id Germanis
Raupen-Kraut vociteretur, non tamen pro veris
habetur erucis: sic *fungus phalloides*, utut pu-
dendis humani utriusque sexus simillimus, &
boletus Cervinus, licet *Cervi* genitale sæpius
exactissime referat, propter tamen animalium
non annumerantur partibus, cum tamen eadem
horum sit proportio ad res repræsentatas, quæ Co-
ralii ad Fruticem quandam vegetabilem. Ut
taceamus Coralliorum Fruticem ramorum sal-
tim divaricatione, sine vel foliorum vel florum
ornatu atque radice fundamento, plantæ refer-
re imaginem: imò ipsa eorum in ramulos ex-
pan-

Kircher. c.
2. Agrico-
la in Pop.
p. 820.

Bauhin. in
hist. Plant.
T. 3. l. 39. c.
34. 35. 36.

Kircherus
Mund. sub-
ter. Tom. 2.
l. 8. l. 1. c. 8.
Boot. l. 2. c.
72. Agric.
de nat. fos.
c. 14. 15.
Encel. de
lap. & gem.
l. 3. c. 77. va-
ria salium
formae l. 3.
c. 30. varia
achatis
schema
Matth. in
Diosc. l. 5. c.
7. cum quo
Lam. &
Cornarius
mirantur
Plin. talia
proteren-
ren. Mat-
thiol. c. 1.
Vormius
in Mus. c.
35. p. 231.
Kircher. c.
supra p.
160.

passio non adeo ordinata & artificiosa est, qua-
lem in vegetabilium conspicimus gente, sed
inordinatae planè & quasi fortuitae sunt eorum
exerescens, protuberantiis verrucosis quan-
doque similes, quas hinc inde absque consilio
rationeque jaçant & exporrigunt, ut non tan-
tum ad vivum depictae eorum ostendunt imagi-
nes, sed vel maxime vera exemplaria ex mariti-
mis asportata locis hoc ipsum confirmat. Cum
interim notissimum sit, quam varias formas
lapidibus imprimat ludens Natura, ingenio-
sissimos quoque artifices in stuporem & admi-
rationem quae rapiunt. Sic elegantissima Cry-
stallorum est facies, polygonae naturae geome-
trizantis: topaciorum, amethystorum, alio-
rumve figure, peculiarem ostendunt sapien-
tiam: Sic sylvas, urbes, arbores, humanas
figuras, brutorum facies mirabiles, & innume-
ras piscium ac diversas picturas, integra homi-
num aliorumque corporum simulacra lapidibus
imprimi, hasque in tales statuas elaborari,
Naturae Curiosorum testantur monumenta:
quidni idem Coralliis contingat? cum illis sal-
tim per accidens, & joco quasi naturae, tam
elegantes exprimantur formae; in his vero ex pri-
maria sua intentione & data opera, ob certam
materiae dispositionem, aliasque concurrentes
circumstantias, in arboris speciem contingat
elaboratio. Quod baccas attinet: sunt eae li-
quor coralliorum spermaticus, post extractionem
sub forma coriandri aut baccae corni crasse instar
pinguedinis residens; quae verò in Coralliorum
monilibus, cornis & cerasis similes visuntur,
ex ipsorum tunicis tono & limia prius parantur,
mox myridis lapidis pulvere, & terra quadam
Tripolitana expoliuntur, & lucidum quendam
levorem contrahunt, cum iis diutius fricantur:
Quod verò 3 reperiantur ligna, quae ex parte su-
am obtineant naturam, ex parte sunt Corallia,
hoc ipsum ostendit, succum spermaticum per
Coralliorum canaliculos extrusum, si quando
incidat in plantulam veram lignosam, investire
ejus corticem, & extraneo quasi amictu induere;
sicut saepius à piscatoribus ramosa herba
una cum Coralliis extracta fuit, quam plerique
myricam aut algam, è maris fundo extractam,
dicunt: dum corpora nitro-sulphurea, mira
quadam amicitiae lege, hanc plantam appeten-
tes, eam lapidea ista lorica obducunt, sicut in
Gazophylacio Cardinal. BARBARINI si-
mile Corallium, tandem in myricae affinem plan-
tam desinens, invenitur: ubi verò hujusmodi
algae aut myricae desunt, ibi nihilominus in ra-
mos extenditur eo modo, quo efflorescentiae
minerales in varios ramusculos continuata
partium superadditione panduntur. Quar-
to jam supra satisfactum:

Chircher-
us Mund.
subterr. f. 3.
tom. 2. c. 6.
Paracelsus
de glutin.
Aqua. Gā-
sius c. 2.
Platearius
apud eud.
Tenzelius
exeg. p. 695.

S. 6. Vindicata haecenus Natura minerali Co-
ralliorum necesse est, ut genesis ejus, quantum
fieri potest, explicemus. Generari ergò dici-
mus Corallia ex succo quodam minerali salino ni-
troso, pinguedine & viscositate quadam sulphu-
rea imprægnato, qui per subterraneum Ignem per
poros fundi maris erumpit, sed ubi attigerit ma-
rinas aquas, protinus tum frigore, tum conge-
lante earum falsedine, subsidet, primaeque fun-
damenta agit futurae concretionis; ex allaben-
te verò & expirante continuo novo succo, coagu-
lata ista materies sensim distenditur, sensimque
in altum elevatur, quae novo novoque corpu-
sculorum sulphureo-salinorum affluxu non tan-
tum condensatur, sed ulterius quoque ascen-
dendo, ob copiam succi turgens, hinc inde in
ramos erumpit, qui ex novo appulso succo pri-
mo quidem verruculas quasi promunt, quas re-
cens salinus liquor ulterius extendendo, in sur-
culorum ex ramulis enatorum speciem expellit;
quod si abundantia nimia distendendo arbuscu-
lam disrumpat, vel ex ramuli extremitate ex-
fudet, extillans liquor spermatis naturam as-
sumit, sicque novam coralli propaginem fundat,
& quamcunque rem attigerit, tanquam fertile

solum osculando, novo super ingesto spermate,
in arbusculae speciem similiter extollitur. Eo-
dem ergo modo celebratur haec Coralliorum gene-
sis, quo ceterae salium efflorescentiae contingunt,
vel quomodo enati sunt silices, alique lapides,
qui ramulis insignes & fruticum speciem geren-
tes reperiuntur, quales se vidisse ad Albim
propè ostium Tangrae memorat ENCE-
LIUS de re metall. l. 3. cap. 3. Estque
hoc id ipsum, quod loquitur PARACELSUS
tr. de glutine aquae: „Corallia oriuntur ex tena-
„ci resina seu glutine, quod ipsorum proprium est,
„& prima ipsorum materia est quasi forma lapi-
„deae, quor alicujus resinae, quae lapideam in se pro-
prietatem habet, &c. Rectè verò materiam salino-
sulphuream statui, patet ex lapidea duritie
Coralliorum, quae ex salino principio non tan-
tum dependet, sed in specie quoque spiritum
Lapidificum dictum in se continet: qui nil
aliud est, quàm sal universi centrale, vel sal
naturae, vel spiritus salinus subtilissimus, qui
ut aliis aliisque sibi proportionatis aquis, sali-
bus & sulphuribus junctus, omnem lapidum
atque gemmarum varietatem peperit; ita &
Coralliorum materiae sese insinuando, ean-
dem postmodum in lapideam istam duritiem in-
duravit. Sal verò Coralliorum nitrosum esse
vel nitro-sulphureum, affirmat QUER-
CETANUS, qui ex hoc quoque spiri-
tum eorum ardentem in destillatione emergen-
tem oriri asserit. Huic sali adjunxit sese viscosi-
tas sulphurea, quae non coloris tantum elegan-
tia decorat Corallia, sed haec ipsa quoque salina
conglutinans corpuscula, & visciditate sua con-
jungens, soliditatem istam non parum promo-
vet, & exerescens formosam valdopere
adjuvat. Causa itaque materialis Coralliorum
est succus iste salinus-sulphureus: efficiens
proxima est spiritus lapidificus ipsi inexistens;
remota & sine qua non, est vulcanus subter-
raneus seu ignis sub terrae crusta reconditus;
activitate sua succum attenuans, resolvens,
& ad poros fundi maris elevans: causa adju-
vans est marinae aquae appulsus & urgens fri-
gus, quod succi ulteriorem exhalationem repel-
lens, & spiritum insitum ne expiret coercens,
ad congelationem egregie & coagulationem coo-
peratur.

§. 7. Ex modò deductis mox patet, quid
de Coralliorum duritie sub aquis habendum
sit: non enim adeo esse dura, in tenebris ma-
ris dum adhuc jacent sepulta, atque cum li-
bertiori fruuntur solis aspectu, facile ex modo
generationis patere potest; non enim tan-
tum sic omni nutritio & spermatico destitu-
ta essent succo, sed ob duritiem nullum illius
excursui concederent transitum, omnique pro-
inde artificiosa carerent structura, & instar
massae informis insiderent rupibus; idem expe-
rientia eorum loquitur, qui interfuere Corallio-
rum piscationibus, à quibus dura equidem
non tamen lapidea, deprehensa fuere. Inte-
rim tamen mollia quoque sub aquis existere,
omnino falsum est: qua enim ratione in altum
exsurgerent? vel rapido maris motui resiste-
rent? vel piscium transeuntium imperum susti-
nerent? Experientia quoque duram eorum soli-
ditatem patefacit, dum extrahuntur, simul-
que piscatorum retia ab eorum surculis dilace-
rantur: Et si in aquis omnino essent mollia,
unde post eorum extractionem durities? à so-
lo aere ambiente? atqui sic rursus solverentur c. l.
in aquis, quod tamen minime ita se habet.
Mollitiei verò, quam tribuerunt antiqui ipsis,
figmento occasionem fortè dederit muscus
iste villosus, quo non raro obsita sunt, ex
aquis dum extrahuntur. Duritiem enim sa-
tis firmam habent sub aquis, non tamen la-
pideam, sed mediam inter fruticeam mollitu-
dinem & soliditatem saxeam sortita sunt: ce-
dunt impellenti succo nutritio ex parte, & qui-
dem ita, ut in fistulosum canaliculum se ex-
cava-

Deusing.
Vind. fœ-
tus f. 8. pa.
296. ex
PeiresK.
10. Begui-
nus tyroc.
l. 2. c. X.
Boot. cap.
155. l. 2.
Tenzelius
exeg. p.
695. Kir-
cherus c. l.
Deusing.

cavari patiantur, sensimque cedendo ex inferiori parte trunci densitatem respectu gracilitatis ramorum ostendant. Cur verò ex aquis extracta demum lapideam osseamque assumant duritiem? causa primario in ambientis diversitate consistere videtur, quod succi illius lapidifico spiritu turgidi congelationem nunc promovet, nunc impedit; evulsa Corallia, & in liberum aerem tracta, ab ambientis, humidum solventis aeris, caliditate & siccitate, & deterfiva humiditatis qualitate; intra exiguum tempus in perfectum saxum convertuntur, quod ipsum humiditas maris antea impediverat: Confirmat hoc non tantum firmissima lignorum durities, post humidi resolutionem sese patefaciens, sed vel maxime PEIRESKII experientia, Corallorum surculos post extractionem in leni fornacis vel solis igne indurantis. Quin tamen in aquis tandem quoque planè lapidescant, non aded dubitatum est, invalescente spiritu lapidifico, & tandem indurante eadem, ut perfectissimam suam acquirant formam & consistentiam: quod asserit PARACELSUS; *ubi ad justam, inquit, magnitudinem pervenit, infuso spiritu salis & ætate induratur*, id quod accidit vi ipsius propria.

Daufing.
l. c.

Tr. de glut.
elem.

Aqua.
Tenz.
Exeg.
Chym.
p. 696. Modus elabo-
randi. Gafius cap. x.
Boot. cap.
156.

Vid. Kirch.
Müd. sub-
terr. l. 9. f.
3. c. 6. Gafius cap. 3.
Tenzelius.
Exeg.
chym. p.
693. Faber
Panchym
l. 4. c. 25.

§. 8 Hactenus de natura Coralliorum: nunc ex differentiis pauca, quæ præsentis scopo conveniunt, perlustrabimus. Removemus autem hic omnia factitia eorum & adulterata monstra, eaque solum recipimus pro elicienda tinctura, quæ ex benignissimæ naturæ gremio pronata sunt. Hæc ipsa verò, cum sint rursus vel alba, vel rubra, vel nigra, (alias enim differentias, data opera, sicco præterimus pede, utpote quæ pro extrahenda tinctura non sunt usuales) ea tantum nostro inserviunt operi, quæ rutilante minii nativi colore se jactitant, quæque masculorum nomen habent, cum pallecentes foeminae dicantur. Hujusmodi verò coloris incunabula merito cum nobilioribus Spagyricis ex sulphure deducimus, tanquam fonte, ex quo omnis colorum realium varietas in corporibus spectanda emanat. Prout enim sulphur à Vulcano magis minusque depuratur, & sal diversimodè exaltatur, non neglecto aliarum partium, ad constitutionem corporis proximè concurrentium, habitu, varia quoque colorum apparentia in corporibus oritur. Corallia quod attinet: eorum colores similiter ex sulphure cum salino principio certo modo misto, hisque ab igne subterraneo variè concretis & digestis oriri asserimus: in quibus enim succus ille mineralis Coralliorum materies perfectè est coctus & elaboratus, sulphur ejus optimè depuratum probèque à subterraneo calore digestum, sal quoque ab eodem suavi tepore probè exaltatum & resolutum, nobilissima Corallii species, quæ purpureo se ostendit nitore, exinde generatur. Quod si nimia ejus sit cruditas ob defectum debitæ digestionis, album emergit Corallium; si verò luxurians in succo Sulphur ab ignis nimia vel vehementia vel propinquitate comburatur & corrumpatur, nigricans exinde, caliginosum PARACELSO dictum, corallium nascitur; sicuti similes colorum mutationes beneficio digestionis & in Igne coctionis exhibet continuò sedula Naturæ scrutatrix Chymia. Et licet corallia ex pelago extracta non statim manifestent elegantem suam purpuram; hoc tamen exinde provenit, quod muscus villosus, quo obfusa sunt, (quem corticem quidam falsò æstimant, dum non in omnibus reperitur coralliis) colorem abscondit, qui tandem eo detracto emergit. Licet quoque à Viris gestata diutius splendore suo radiant, à foeminis verò citius pallore inficiantur, & appensa mulieri hystericae pallebant, sed si ad carnes mulieris sanæ affricentur, fulgorem recuperent, sicut etiam observatum est ab instante morte morbove eadem maculis liventibus & nigricantibus conspurcari; hoc ta-

men saltem ab atomorum & effluviis ex corpore gestantis emanantium adhæsiōe, & in porulos eorum penetratione, contingit: quo ipso ostendunt peculiarem quandam cum Tinctura microcosmi seu sanguine humano sympathiam, qua id, quod ex massa sanguinea, tanquam heterogeneum, præternaturale & excrementitium excernitur, ipsis quoque infestum & hostile est, effluviis ex sanguine naturaliter constituto minimè ipsis offensis: patescit hoc præprimis in febribus malignis, in quibus ut sanguinea massa toto genere infenso obsidetur hoste (dum minutissimis tunc scatet vermiculis,) ita & tunc corallia magis, quàm aliàs, splendorem deponunt suum. Et in hujusmodi casibus imprimis statuenda videtur simul actio quædam irradiativa HELMONTIO dicta, qua etiam fit, ut rubra appensa corallia hilaritatem & lætitiā, nigra tristitiā & mœrorem inducant; imò quæ illa affectibus melancholicis in specie sic dictis & Epilepsiæ egregiè opitulantur, hæc verò phrenitides & furiosas Manias sedant, pro vario scilicet modo, quo *Archeus* ab ipsis afficitur.

§. 9. Ex hoc rubro Corallio Tincturam elice-
re gestiunt Spagyrici, quo colorem simul, cum nobiliori Coralliorum essentia pro usu medico, rejectis terrestribus aliisque inutilibus fecibus adipiscantur. Est enim vera & propriè sic dicta Tinctura portio aliqua substantiæ propriæ corporis, ex quo extrahitur, cum concentratione coloris & virtutis, idoneo menstruo extracta & exaltata; sicquæ Coralliorum Tinctura habebit ipsum in se esse formale Coralliorum. Quod verò extra ipsam datur, pro rejectamento habendum: non secus ac in Moscho, demto odore, nihil aliud reliquum est, quàm Cadaver; ita Coralliorum Tinctura est totum ipsorum esse formale, quo habito cœtera susque deque habenda. Ex quibus non difficile erit, Tincturæ veræ naturam ab apparente discernere, quæ solum scilicet colorem sine essentiæ extractione obtinet. Licet enim Tinctura in specie quidem colorem, vel ejus saltem inductionem, notet, dum à tingendo derivata sit; usus tamen obtinuit, ut colori juncta nobilior essentia Tincturam constituat, sicquæ nec color sine essentia, nec hæc sine illo, Tincturæ laudem mereatur: Veræ ergo legitimæque Tincturæ hæc requiruntur conditiones: 1. *ut per extractionem, non vero Corallii corporis meram solutionem, parata sit.* Ut enim illa operatione essentia rei intima exhauritur, sic hac saltem res in calcem redigitur: ut in illa purum ab impuro, essentia ab excrementis segregatur, ita hac eadem juncti, statim discontinuatur. Ex hoc sequitur 2. *Veram Tincturam eam non esse, quæ non remaneat, abstracto suo menstruo; sub colore suo proprio, sed vel salis vel Calcis specie resideat; illud enim genuinus extractionis effectus; hoc verò corrosionis est; & illa Tinctura ex partibus sulphureis & coloratis à toto oritur separatis; hæc verò ex menstrui cum atomis corrosis conjunctione.* 3. *Neceste est etiam, ne Tinctura si debet esse vera, præcipitari possit; sive contingat per infusionem spirituum vel salium acidorum, in magisteria sic dicta; sive per menstruorum abstractionem & evaporationem in pulveres salinos albos; sic enim nil aliud, quàm subtilissimos pulveres, menstruo corrosivo existentibus, Tincturam dedisse manifestatur.* 4. *Vera Tinctura rubra non nisi ex rubris Coralliis parari potest & debet.* Quod si enim similis operationis beneficio ex nigris vel albis quoque eliciatur Tinctura rubra, vel lippientibus perspicuum fit, non à Coralliis, sed menstruis, per eorum vel longam digestionem, vel certam à corpore subjecto dispositionem, eadem oriri. 5. *Ut corpus Coralliorum album, & purpureo suo ornatu spoliatum, post extractionem remaneat;* Hoc ipsum enim, ut realem Tincturæ ex corpore extrahendo in menstruum transitum notat, ita ejusdem coloris post extractionem remanentia quid

Tenzelius
Exeg. pag.
696. Libavius, Gafius cap. 8.
Paracelsus
de l. Q. E.

Zvelfe-
rus app.
animadv.
p. 59.

Sennertus
conf. &
diff. c. 10.
pag. 391.
Zvelfe-
rus ani-
mad, in
pharm.
Aug. pag.
438. Febru-
re Traicté
de la Chy.
p. 687.

quid aliud, nisi fucatam & apparentem ostendit Tincturam? 6. *Ut Tinctura non sit adeo copiosa*: non enim adeo copiose in coraliis luxuriat sulphur & abundat, sed ejus potius parvissima inest copia, ita ut ex Libra vix Uncia una veræ Tincturæ parari possit; imò adeo parvam statuit LAUREMBERGIUS c.l. adeoque parvissime & leviter corpori permistam, ut per centenas Coralliorum Libras vix paucæ ejus Unciæ disseminentur. Hæc requisita nobis inservient postea tanquam Regula, ad quam processum pro elicienda Tinctura veritas judicabitur.

Et hæc de Coraliis eorumque Tinctura in genere dicta sufficiant: Sequitur jam

Deciso Controversiæ.

Vid. Ang. Sala aph. Chym. l. 1. aph. 42. Tenzelius in Exeg. 2. pag. 689. Sennert. de cōf. & diff. c. 19. & pro em. In. In. t. 2. Crollius Basil. chym. Zvvelferus Anim. in pharm. p. 438. & app. 59. Hartm. in Croll. p. 291. Gansius c. 7. RolfinK. in Ch. p. 227. Laurem. in Sal. par. 13. Eichst. de confect. al. K. c. 17. Agr. in Popp. de Sole p. 7. Rhumelius in Anti-dot.

§. 1. An vera, genuina & legitima detur Coralliorum Tinctura, ex solo principio ejus sulphureo oriunda? valde discrepantes Chymicorum sunt opiniones. In genere tamen quidam omnino negant, veram dari, sed omnem esse vel nudam Coralliorum corrosionem, vel menstrui saltem talem colorationem: alii è contrà hocce audacter mendacii accusant, & nimis promptè in affirmativam propensi, multas Tincturas, quæ non omne examen sustinent, pro veris venditant: alii mediam terunt viam, non negantes possibilem esse Tincturam veram, & secundum omnia requisita paratam, sed valde eam paratu esse difficilem, valdeque parcam, ita ut nondum vera & strictè sic dicta à Spagyricis literis hætenus prodita sit. Ossea enim & lapidea eorum compages, utut faciliè per corrosiva dissolvi possit; principia, tamen Sulphur cum Sale, & hoc cum Terrestris partibus, adeo esse firmiter connexa, ut vix ac ne vix quidem postea unum ab altero separari possit, nisi forte per ignem, qui tamen volatilizando & destruendo Tincturam, omnem spem eludat.

§. 2. Posteriores, eamque veriores sententiam nostram facimus. Compositum enim quoddam sunt Coralia, & simul suo sulphure, à quo Tinctura dependet, debite imprægnata; hinc extrahi posse per convenientis menstruum quis dubitet? & si nullum hætenus inventum sit, quod huic satisfacere queat scopo, saltem menstruum illud universale Mercurius benedictus Philosophorum, acetum eorum accerrimum, & Avicula Hermetis, efficaciam suam ostendet, modo uberius paulo ejusdem apud Spagyricos sit proventus. Sicut RHUMELIUS in *Compend. Hermet.* per Aquam suam acerrimam seu menstruum suum Universale eadem resolvit, posteaque cum Spiritu Vini extrahit. Et posito, paucissimum inesse sulphur & inde oriundæ Tincturæ in Coraliis, hoc tamen unà cum defectu menstrui convenientis saltem summâ difficultatè non verò omnimodam impossibilitatem declarat: & pauca licet extrahatur Tinctura, non tamen eadem est nulla: licetque sit ardua ejusdem acquisitio, ob arctam principiorum unionem, non tamen supra Chymicæ artis vires ejusdem possessio. Vulgares verò Pharmacopœorum Tincturæ, vel aliæ etiam, quas elegantiores Spagyrici literis posteritati prodiderunt, non sunt veræ propriæque dictæ Tincturæ, neque rigorosum requisitorum examen sustinent, sed vel colorata tantum sunt menstrua, vel tinctæ eleganter Solutiones.

§. 3. Quod itaque attinet primò Tincturas à menstruo oriundas: hæc sunt omnes eæ, quæ ex Coraliis Igne actuali ante calcinationem oriuntur; & licet hæc menstrua aliquid solvant de Coraliis, exinde tamen Tincturæ non est origo. Calcinationis autem ista fit vel cum Igne solo, vel adjuncto unà, aut pumice, aut sulphure, aut nitro. Quæ cum igne fit solo, in ea Coralia, observatis reverberationis gradibus, per bidduum calcinata, deponunt in spirit. vini vel roris Majalis suam Tincturam, falsam scilicet, non veram: diuturna enim & violentissima ista Coralliorum

tortura quid aliud, nisi sal quoddam fixum alkali (de quo quidam dubitant) cum Terra mortua conjunctū acquirimus, vel calcem quandam viam acerrimam, destructa omni Coralliorum essentia, omni eorum exhausta virtute, & expulsa Tinctura? Quod verò per vim Ignis expellatur omnino Tinctura, patet ex eo, quod non tantum ab albis Aquilæ Cœlestis alis seu sale Armoniaco unà eleveatur, sed cum sulphuris quoque floribus unà ascendat, & utrosque flores colore sanguineo ut imbuat, ita viribus nobilioribus longe imprægnat. Coralliorum corpore, tanquam cadavere emortuo, ut in aliis cōtingit calcinationibus, restitente. Nobilior ergo & spirituosior eorum essentia, qua vera Tinctura sepulta jacet, calcinationibus istis omnino perit & evaporat; non secus ac Magnes valde calcinatus vim attractoriam omnino perdit, succinumque ustum vim trahendi paleas. Non ignotum hoc fuit Aromatario illi Neapolitano, qui, cum electuario cordiali, Regi Aragoniæ prescripto, Coralia alba immiscere deberet, in defectu eorum, calcinando rubra, continuò alba nactus est Coralia, ob quam fraudem à Rege 9000. Ducatorum pœna affectus, Aromatarii dignitate privatus fuit. Calcibus ergo istis superfusa menstrua tinguntur ab iisdem mediante imprimis digestionem, non secus ac super aliis salibus alkalis idem fieri solet: quæ ratione ex calce viva, cum modico Tartari vel etiam Nitri certo modo conjuncta, cum Spir. Vini Tinctura, quoad colorem elegantissima, extrahitur, vel (ut maneamus in materia proposita) ex calce Coralliorum affusa Aqua calida extrahitur Sal, huic per repetitas solutiones & coagulationes purificato affusus Spir. vini Tincturam sanguinei coloris similiter extrahit, cum tamen veræ Tincturæ nihil sit in sale isto, quæ calcinando jam longè evanuerit. Nec quemquam ambiguum reddat transitus coloris, in calcinatione ista, ex albedine in flavedinem, ex hac in rubedinem; apparens enim tantum est, & ignis violentia succo tali pinguntur Coralia. Cur enim primo gradu sese absconderet nativus eorum rubor, & postea per gradus rursus emergeret? siquidem & similes succos in aliis quoque videmus calcinationibus: nam Vitriolum viride primo leni igne in albedinem; mediocri, in bruneum colorem; fortiori in intensum rubedinem; fortissimo in nigerrimam abit calcem: & Tartarus similiter, dum calcinatur, in varias, ad instar Prothei, se transformat facies. Ex hisce simili modo judicandum de Tinctura illa putatitia per spiritum Coralliorum proprium acidum, ex iis immediate per Retort. prolectum, parata: posito enim, elici ejusmodi spiritum acidum ex iis, (obstinatè enim hoc affirmare nolumus, cum nulla hujus à nobis facta sit experientia) vera tamen Tinctura extrahi cum eo nulla poterit; in Coraliis enim per Ignis istam violentiam jam omnis evanuit rubedo, & ipsa sanguine omni exhausta ex Retort. eximuntur: qualem ergo ex hoc Coralliorum cadavere iste spiritus eorum proprius extrahet Tincturam? seipsum potius tinget, qualis mos acidorum aliàs esse solet, quemadmodum Acetum destillatum super Coralia ad albedinem calcinata fufum, rubro quoque tingitur colore, non secus ac super pumice calcinato, unde fictitia ista Tinctura. Sed quid sentiendum de hac cum pumice calcinatione, & inde parata Tinctura à quàm plurimis celebrata. Falsissima hæc est, ne micam quidem in se continens vel substantiæ vel tincturæ coralliorum. Nam 1. per vim ignis omnis perit tinctura, ut jam demonstratum: 2. pumex de eadem calcinatione ista nihil assumit; licet enim albescentibus in principio Coralii pumex quodammodo rubescat, postea tamen iisdem propemodum nigrescentibus, & tandem planè albo colore suffusis, nihilo magis tingitur pumex, cum tamen, quæto magis, Coralia exuerentur rubedine, tantò magis eam induc-

1395. Gruling. Florileg. Par. 19. c. 2. 366. Crygner in Fruling. c. 5. p. 161. Faber Myro. th. Spagyr. l. 3. c. 22. Ioh. Alphonfus in Speculo Med. Chistalium optim. p. 39. Gansius 9. p. 73. chr. l. 3. c. 6. Düb. tamen valde res videntur.

Schrod. ph. a. l. 3. p. 339. Gansius par. 291. p. 91. Agric. in Pop. p. 812. part. 2. 5. Boot. c. 154. Schr. p. 335. Gansius par. 26. Poppius Agr. in eum p. 858. Laur. in aph. Sal. par. 3. p. 9. Tenzel. p. 697. Tenzel. pag. 699.

dueret pumex, quod tamen contrariatur experientiae. 3. Coralliis, quibus sic tinctura à pumice extracta est, affunde spiritum mellis vel Urinae, & acquies etiam tincturam. Quae ergo est vera? nulla sanè. In hac enim ex Coralliis, sulphure suo exhaustis, paratur, & in illa ex pumice, qui nihil ejusdem Sulphuris Corallini in se continet. 4. Tinctura ex solo est pumice, qui per diuturnam calcinationem vi empyreumatis, & cujusdam alkalisationis ab igne contractæ, Acetum destillatum, vel Spiritum Vini superfusum, mediante longiore digestionem tingit; non secus ac; idem lapis, autore LIBAVIO, crematus, Aqua affusa simplici simili modo tingitur, vel, ut idem pumex nimis calcinatus tinctura smaragdina imprægnat. Acetum destillatum affusum, autore AGRICOLA. Ad hæc cum Sulphure quoque calcinantur Coralia, *horum p. j., illius p. iij.*, per horas 2. vel 4. & sic calida injiciuntur Aceto destillato, quod per digestionem cum calce illa Coralliorum, eam solvit, sicque seipsum tingit; vel cum Spir. vini tandem Tinctura extrahitur, idque facile mediante digestionem. Par ratio est cum Nitro, cum quo fusa Coralia, & probè calcinata, de se in auras transmittunt tincturam. Sal vero nitri fixum, cum calce Coralliorum alkalisatione relictum, facile beneficio digestionis Spiritum Vini tingit: quod patet vel maximè ex eo, quod restitans Coralliorum pulvis similiter rursus cum Nitro calcinatus, eodem modo iterum Spiritum Vini tingit. Alii hoc ipsum exactius perspicientes, nitro jam satis fuso injiciunt pulverem Coralliorum, agitando continuo spatula; sic enim nitrum Coral. sulphur assumere creditur, ne evanescat; materiam postmodum calidæ Spir. Vini affusus facile hinc se tingere poterit. Sunt alii, qui cum Nitro pulver. Coralliorum ana in Retort. tubulatam injiciunt, propellendo sic Spir. Nitri, & simul calcinando Coralia; ex qua calce salina Spir. Vini luteo colore tingitur: abstracto eo pulverem in Aqua solvunt, in qua rubedinem sese prodere ajunt; pulverem rursus coagulatum in Oleum rubrum per deliquium solvunt, super quo fusus Spir. Vini statim rubescit, &c. Sed quis putet, aliquid remansisse tincturæ in Coralliis, cum post omnem materiam injectionem ad 12. horas Coralia Vulcani vim sentiant? & Cur in specie spiritus vini primò luteo tantum colore, tandem verò rubeo tingitur, pulvere spontè in Oleum rubrum fatisciente? Profectò cum Chymicorum manus oculatæ sint, non prius huic Tincturæ adhibebimus fidem, antequam eam secundum præscriptionem elaboratam intueamur. Sunt qui cum nitro Coralia calcinant, adjecto Sulphuris momento, mox terunt, & cum Spir. Vini Tincturam eliciunt, præcipitato Nitro cum Oleo Tartari: Sed Tinctura hæc saltim à sulphure oritur; nam post Spir. vini evaporationem pulvis remanens planè est sulphureus, & croceam Tincturam tradit spiritui terebinthinæ, qui ex fl. sulphuris, similem Tincturam extrahere assolet.

§. 4. Similia tincta menstrua, cum pulvere subtili Coralliorum interdum imprægnata, sunt etiam sequentes Tincturæ. Primò quidem ea quæ cum succino destillando paratur, dum putant succinum esse magnetem Tincturæ; sed rubedo inde emanans, obscura nimis, succini est, non Coralliorum. Ejusdem valoris est, quæ cum Spir. Vini solo paratur vel per digestionem, vel per crebrius repetitam distillationem, qua tandem Tinctura per alembicum, prodeat, (ut ajunt, de quo dubitamus, utut GANSIUS hoc oriri asserat à Spir. Vini per crebriorem distillationem exaltato:) Nam notum est quod Spir. Vini in loco calido super subjecto idoneo, colore purpureo nitidiore seipsum tingat; non secus, ac spiritus terebinthinæ per levem digestionem seipsum rubra induit veste. Sic idem Spir.

vini ex Coralliis calcinatis, h. e. ex quibus jam omnis exhausta est Tinctura, tamen colorem rubrum extrahit, & quidem facilius ex his, quam crudis, quod fortè ex illis in porositate ab igne redactis particulæ quædam à Spirit. Vini imbibuntur, quæ colorationem promovent; vel si Spir. Vini affundatur Coralliis, per Oleum Citri jam sua Tinctura privatis, nihilominus colore rubicundo tingitur: ut taceam Spiritum Vini planè imbecillum esse pro extrahenda Tinctura ex Coralliis, nisi antea debite sint reclusa. Hinc loco spiritus Vini simplicis spiritum Vini Tartarificatum quidam assumunt; sed quidni hic sal tartari in digestionem acceleret tincturam? cum non dubium, quin simul partes quædam coralliorum solvantur. Cæterum tinctura, quæ hac methodo paratur, copiosior est, quàm ut ex Coralliis sic extrahi possit. Alii per liquorem Alcahesticum lapidum, ex silicibus & tartaro paratum, Coralliis affusum eorum tincturam extrahere, eamque postea spir. Vini affuso communicare volunt: sed nulli ignotum, quod super istiusmodi alcalia spiritus Vini seipsum facile tingat. Fortè alio modo per eandem materiam, si cum eadem fundantur Coralia in crucibulo, per præcipitationem sulphur Coralliorum per acidum quoddam separare, & exinde tincturam parare quis separet? sed sicut ista præcipitatione non solum acquiritur sulphur, à cætero corpore solutum omnino, sed simul minutissimus Coralliorum pulvis; ita eundem quoque insimul spir. vini imbibere poterit, sicque habebit non extractionem Coralliorum, sed elegantem eorum solutionem. Similem menstrui tincturam præbet spiritus torismajalis, qui Coralliorum calci per ignitionem paratæ affusus, ex iis tincturam extrahere videtur? vel si secundum QUERCETANUM Coralia igne reverberata cum menstruo cœlesti destillato, cum proprio suo saccharo, (h. e. cum spiritu roris majalis cum manna parato,) extrahantur. Non equidem rori majali suam in extrahendis tincturis negamus efficaciam, utpote qui sale naturæ & aeris, omnia vegetante & vivificante, egregiè impregnatus est; sed quid extrahet ex Coralliis calcinatis. Verum quid dicamus de spiritu ardente Saturni (quem multi vel omnino pro non-Ente, vel saltem pro spiritu vini regenerato, habent) cum quo ex Coralliis Tincturam parare docent Chymiatr? ut & de spiritu ardente Coralliorum, quem similiter pro spiritu vini ex aceto resuscitato habere possis, utut LAUREMBERGIUS hos spiritus compositos asserat ex spiritu aceti & parte ardente Saturni vel Coralliorum, quæ pars ardens, separato aceti spiritu, remaneat, nisi quidam etiam sine aceto, & non ex sale tantum Coralliorum, sed ex ipsis immediate Coralliis, certo modo destructis parare velint? Res sanè ut adhuc incerta, ita & difficultatis plenissima. Quicquid sit, quæ cum spiritu Coralliorum paratur, eam ipse rejicit HARTMANNUS, ejus autor, eamque à menstruo oriri vult, & SENNERTUS, qui simili modo ex albis Coralliis, tincturam rubram elici affirmat. Quod si verum est, verum etiam erit de spiritu Saturni, cum de similibus idem sit judicium.

§. 5. Promovendus jam gradus ad tinctas Coralliorum corrosiones, easque imprimis per acida paratas menstrua, quæ subtilissimum coralliorum pulverem imbibebunt, & accedente digestionem, aliisve principii conjunctione, Tincturam prodiderunt. Vulgaris inter has est notitiæ destillatio Coralliorum cum saccharo, sic per Retort. prodit liquor rubicundus, non secus ac saccharum cum antimonio destillatum simili proreperit colore, ex secrete particulas tamen quasdam Coralliorum spiritus acidus simul elevat corrodendo, per oleum Tartari beneficio præcipitationis facile separandas. Alii solutionem Coralliorum cum succo limonum, vel berberum, vel citri, pro eorum tinctura venditant, acquirentes sic loco tincturæ

Hartm. in Croll. p. 202. Grulin Floril. p. 19. c. 2. Senner. l. 5. Inst. p. 3. 1. 3. c. 9. Gansius par. 12. 2. Gansius ear. 30. p. 30. p. 13. p. 76. Zvvel. ferus Mantiss. p. 437. Keslerus Cent. 1. Process. 85.

Gansius & Hartm. in Croll. l. c.

Lauremberg. in Sal. aph. par. 11. p. 13.

Schroeder. pharm. l. 3. c. 6. p. 341. Tenzel. p. 696. Kircher. c. l. p. 161. Gansius. c. 7. par. 6. 7. 8. 9. Sch. c. l. p. 106. Hart. in Croll. p. 293. Phœd. in sui. Ch. p. 87. Fischerus in Corpor. Med. l. 3. Tit. 5. p. 1.

S.V. se i. plum ting. Agt. in P. de Sale p. 55. de Tart. p. 709. Haupt. scilicet. Collif. p. 26. Grul. Florileg. part. 19. p. 367. Ceb. Rol. Ch. p. 303.

Gansius c. 1. par. 28. Schrod. l. 3. p. 238.

Ag. in Pop. de sal. p. 207. Schr. p. 339. in Sal. par. XI.

Hartm. in Croll. l. c. Horst. in dispen. p. 2. l. 4. p. 96.

Gansius par. 23. Schr. p. 338.

Schneide- rus de Catarr. l. c. 6. p. 499.

Exc. Rolli. Chym. p. 227. l. 4. f. 1. art. 5. c. 3.

Glauber. rus p. 2. turnor. Philos. c. 105. p. 15.

Tenzel. p. 696. Rol. e. l. Eguinus l. 2. c. x. p. 2. §. 5.

Glu. K. rad. in Beg. cū succo lim. ex secrete Cardinal. Farnesii & Tinct. P. Cavalli Gansius p. 21.

Schrod. p. 340.

magisterium non inelegans. Alii succum citri ad consistentiam mellis abstrahunt; posteaque cum spiritu Vini Tincturam extrahunt, non minus pulchram solutionem ostendentes: vid. ROLFINGIUS c. 1., BOOTIUS l. 2. c. 154. p. 310. Cū oleo corticum citri alii rubedinem corallium exunt, hisce integris, sed albis, in fundo relictis: (& hoc oleum citri corallatum calci solis affusum egregiam tincturam extrahere, sunt qui asserunt:) sed subtilis huius olei acrimonia subtilissimas coralliorum partes, tinctura tamen sua non destituta, corrodet & recipiet, cūque ipsum sit colore aureo, facile accedente ad solutionem istam debita digestionem, nitidior purpura renitebit. Fuit aliquando Pharmacopœus quidam, qui Coralia cum Aqua Casarea, ipsum Martem dissolvende, corrosit, sicque Tincturam paravit, eamque Podagrico, ob assumptum arcanum Corallinum graviter decumbenti, pro viribus reficiendis propinavit. Sunt, qui cum Spir. Vitrioli Coralia subtilissime pulveris, dissolvunt, & digerendo in tincturam elegantis coloris redigunt, quæ non à solis corrosis est Corallis, sed maxima ex parte à solo Spir. Vitrioli, qui vel ex levi pulvisculo, vel alio quodam incidente, rubro se colore tingit: Vel Spir. vini & spiritum Vitrioli per frequentes cohobationes firmiter jungunt, eosque loco menstrui adhibent: sed Spir. Vitrioli dum corrodit eadem, pulvisculum recipit, & Spir. vini implantat, hinc facile rubescunt. Alii recip. Corall. Libr. Vitrioli, & Sal. gem. ana Uncias ij. & affusa aqua Levistici per mensem digerunt, sicque corrosione Coralliorum Tinctura rubra exsurgit. Solvit quoque Coralia Spiritus Mellis acidus, & color rubicundus ex solutione ista oriundus ex Spiritu est, ingenuè hoc fatente CROLLIO p. 288. qui nunquam etiam genuinam se vidisse Tincturam aperte affirmat: facile enim Spiritus mellis per se Tincturam assumit purpuream: sic si cum Spir. Vini, adjectis arenis, mel digeratur, dat Tincturam omnino sanguineam, & si jungatur cum tale tartari, instar sanguinis mel rubeat. Facile ergo super Corallis calcinatis, aliquas eorum particulas imbibendo, Tincturam rubicundam in leni calore induet, minimè verò à Corallis oriundam; nam spiritu hoc abstracto, ex pulvere rursus per Spir. Vini Tinctura evocanda, repetita digestionem: prætereaque tam copiosa sic paratur Tinctura, respectu Sulphuris Coralliorum, ut nullo modo ex his solis eadem oriri possit. Et idem copiosus Tincturæ proventus suspectum reddit LOCATELLI processum, qui ex sale Coralliorum, cum spiritu acido aceti ad abundantiam usque inebriato, per affusionem Spiritus mellis Tincturam extrahit: & nulli dubitamus, quin hoc modo, & forte etiam priori ex albis Corallis rubra Tinctura elici possit. Quod attinet Tincturam *Mysicchi*, cum Spiritu Mellis etiam paratam, ea non facile limam subire potest, cum occulte & philosophicè admodum descripta sit, satis tamen accurata videtur, & si istis paratur circumstantiis, quales Autor consignavit, non adeò longè à vera Tinctura abesse videtur. Sunt porro alii, qui ad modum superiorem istum primum HARTMANNI, loco spiritus Mellis, Spiritum Urinæ adhibent, extrahendo sic rubedinem: sed fraudulentum quid subesse videtur, ex eo, quod Sal Armoniacum, cuius potissima pars est Sal Urinæ volatile, (ratione verò huius salis Spiritus Urinæ agit, quicquid agit,) solutum in aqua comm., & affusum Corallis rubris, cœruleum impensè colorem extrahat. Sed unde hæc Tinctura? ut ergo hæc est apparens, sanè & illa cum Spiritu Urinæ ejusdem erit valoris: ibi enim per Sal Armoniac. ex Corallis illibatis educitur Tinctura cœrulea; hic, verò cum spiritu Urinæ ex Corallis calcinatis, & cum Sale fixo Nitri conjunctis, facile similis spuria Tinctura exsurgere potest, cum similiter spiritus Urinæ Corallis cum pumice calcinatis (hoc est à quibus à pumice om-

Estmuller. Oper. Tom. I.

nis Tinctura extracta est, ut putant, vel potius à quibus omnis per Ignis volatilitatem simul exhausta est Tinctura,) & planè dealbatis affusus, Tincturam rubeam extrahat: quod ipsum de spiritu Mellis non minus verum: Sal enim Urinæ mirificam colorum potestatem potentia in se continet, secundum quam ad variam subjectæ materiæ diathesin, modò hunc, modò alium colorem exhibet. Solutiones elegantes sunt etiam, quæ fiunt per spiritus vegetabilium acidos, quales sunt, qui ex ligno quercino, juniperino, corylino, guajacino, lassafra, sorbo sylvestri, fraxino, &c. per artem Spagyricam destillantur, quos aptissimos censet spiritus KIRCHERUS pro paranda Tinctura, ut & TENZELIUS; non tamen uniformis est processus. Quidam Coralia Ignita istis injiciunt spiritibus: alii prius cum Oleo salis vel succo citri solutis Corallis, alii cum Nitro prius calcinatis, hos spiritus affundunt, &c. Sed in genere non sunt veræ Tincturæ, sed subtiles saltem solutiones, vel abstractione menstrui, vel facili præcipitatione in pulverem rursus redigendæ. Solutio quoque est Tinctura, quæ paratur per spiritum panis triticeo, peculiari enchiresi ab ampyreumate liberati; facile enim præcipitari potest; simile iudicium de reliquis cum acidis menstruis præparationibus ferendum est, quæ non tantum facile præcipitantur, sed copiosior Tinctura per ea elicitur ex Corallis, quam ea revera in se contineant; & simili modo ut plurimum ex albis quoque Corallis tinctura parari potest. Pertinet hæc, quando Coralia cum Aceto destillato soluta & abluta, seu Sal Coralliorum, (quidam etiam adhibent eorum magisterium,) cum spir. vini in tincturam rediguntur, quo sexies abstracto, eadem instar mellis spissi in fundo Retortæ remanent; vel quando pulveris corall. p. j. Sal. comm. p. ij. funduntur simul in anemio, his frigidatis aceto affundunt, quod extrahit tincturam: sed neminem fallat color rubicundus, qui acidis ejusmodi sola digestionem parari potest, autore SENNERTO. Quod de aceto jam dictum, dictum etiam sit de spiritu Vitrioli, vel spiritu salis, tam communis, quam ex salibus fixis vegetabilium, ut vult GANSIUS (de quorum spirituum tamen existentia non adeo est res certa) paratis, quibus soluta Coralia, postea spiritu vini tinguunt; vel quando pulvis Coralliorum solutus in spiritu Salis & optimè edulcoratus, extrahitur cum spiritu Vini: quæ extractions per repetitas digestionem, & aliquoties iteratas cohobationes, quinta distillatione promunt Spiritum rubeum, (ut volunt) sexta verò cohobatione in Retorta pulvis huiusce coloris in fundo manet. Sed ut optimum est GANSII iudicium, rubedo illa Corallis accedere videtur, vel à reliquiis spiritus salini, vel à menstruo sæpius affuso, & multum digesto. Hisce annueranda etiam tinctura Frat. BASILII VALENTINI, in qua Coralia cum spiritu Salis soluta, postmodum cum Sulphure, & camphora calcinata, Spiritum Vini rubro colore tingunt. Ex huiusmodi solutionum centu est etiam ea Tinctura, quæ per menstruum compositum ex Tartaro & Vitriolo paratur, (quamquam pro varia præparatione modò plus modò minus participet de Vitriolo) sive hoc sic simpliciter paratum assumatur, sive ab ossibus calcinatis prius quater cohobetur, menstruo hoc super Corallis rubefacto, ab iis decantato & abstracto, materia restitans affusum spir. vini, vel aquam temperatam, vel spiritum rosarum tinctura rubicunda imprægnat. Nulli verò dubitamus, quin simili modo ex albis quoque Corallis eadem parari possit: & ipse Dominus D. LANGELOT, qui primus eam communicavit D. SCHROEDERO, aliisque, non pro sincera eandem habet, sed eam potius, quæ cum spiritu vel sale aeris paratur, eidem præfert.

Kircherus l. 9. Mund. subter. f. 3. c. 6. p. 161. Tenzelius p. 697. Conrad. med. dul. dest. p. 1. tr. 10. p. 137. Boot. l. 2. cap. 154. Schr. ex cōmen. Clos. p. 340 Deodat. in p. ath. hyg. Conrad. p. 1. Medul. destill. p. 133. & p. 2. p. 261. Gansius par. 1. & 2. ac 3. Croll. p. 289.

Gansius paragr. 25. Sch. p. 337. Severin. Danum Febure Tr. de la Ch. p. 688. qui post corrosionem cum hoc menstruo ultimo per Aquam suam temperatam ex Spir. Vini & spir. Sal. li. Tinct. extrahit Peculiar. rem mod. dum vid. ap. Claude. rum p. 6. pharm. spagyrica 28. per albas alas colum i. e. destillando cum magist. Luna Helm. tr. Ignor. actio regim. mentionem facit Tincturæ cuiusdam volatilis, quæ miræ se præstitisse asserit, nō tamen ejusdē præparationē annotat.

Alii cum oleo. anisi eliciunt Tinct. ita tamen ut postea affusa Aqua. fontana oleum per destillationem abstrahatur & deinde spir. Vini extrah. Tinct. Hofm. de us. & med. Chym. p. 20. Contr. Med. dest. p. 1. p. 136. Gansius pat. 18. Conrad. Med. destill. p. 1. p. 317. Boot. c. 254. Hartm. in Croll. p. 291. Agricola in Popp. p. 2. p. 855. Gail. parag. 10. Schrœd. c. 1. Gruling. flor. c. 2. part. 19. Horstius l. 4. p. 2. p. 96.

Teatro d' arcani arc. 45. p. 218.

l. 2. pag. 24.

Agricola de cor. in Popp. p. 855.

Tenzel. exeg. p. 698.

Agricola in Popp. p. 854.

S. 6. Examinatis hactenus Tincturis, quarum nobiliorum Chymicorum ingenuitas & candor nos participes reddidit, iisque sub apparentium classem reductis, restat, ut selectiores quasdam præparationes ejusdem apponamus; quæ utut verarum Tincturarum non merentur titulum, elegantioris tamen & efficacioris Coralliorum solutionis nomine merito gaudent. 1. Recip. *pulverem Corall. rubr.* solve in f. q. *succi citri* in digestionem, filtraturque, filtratus liquor includatur *Retortæ*, vel *cucurbitæ*, omnisque humiditas abstrahatur, & coaguletur lento Igne; affunde super materiam in fundo relictam *Spir. Vini*, vel, quod melius, *spiritum* quendam appropriatum, ad 2. digit. eminentiam, & tridui spatio, beneficio digestionis, habebis spiritum rubicundissimum, qui tincturam citri & Coralliorum in se continet. Elegantiores longe sunt tincturarum Corall. præparationes, quas *Magnificus noster Decanus Dominus D. MICHAELIS*, parare solet, easque vel cum *Spiritu ligni sassafras*, vel cum *spiritu antiscorbutico composito*, unde tinctura Coralliorum Antiscorbutica; vel cum spiritu Corn. Cervi, quarum felicem energiam quotidiana experientia comprobatur. Elegantis quoque tincturæ nomine venire potest extractio Coralliorum secundum ductum Quintæ Essentiæ Coralliorum *FABRI* parata, in *Myrothec. Spagy. l. 3. c. 22.* Recip. *pulv. Corall.* eleganter rutilantium. *Sal. armoniaci* ana; sublima, & sic *Sal. Armoniacum* corrodet subtilissimas eorum partes, floresque rubicundissimi ascendent, attracta secum Coralliorum Tinctura, quam à *Sale Armoniacum* cum *Spir. Vini* aliòve appropriato optimè rectificato separare, & per lenem abstractionem ejusdem ad tincturæ debitam consistentiam redigere poteris. Vel curiosiori modo hisce floribus Corallatis solutis in Aqua calida spiritum quendam acidum infunde, sicque præcipitando separabis sulphur quoddam Coralliorum ardens, ex quo per *Spir. Vini* quin tincturam elicere quas nulli dubitamus: sicut hoc ipsum ab *Amico quodam singulari* bona fide nobis communicatum fuit. Sic ex floribus Sulphuris corallatis, seu cum Coraliis sublimatis, colore citrino & intenso præditis, vel per *Spir. Vini* optimè Alkoholisatum, vel spiritum terebinthinæ, tincturam parare poteris; Sulphur enim per se vires possidet egregias medicas, quas conjugium subtilissimæ Coralliorum parvis non parum exaltabit. Non inelegans quoque hic est processus, ab *Italix* quodam Principe in Secretis habitus, tincturæ pretiosæ nomine appellatus: E Corall. super porphyrite pulverisatis cum terra sigillata, vel alia, & aqua, fiant globuli, exsiccantur, & destillantur per *Retor.* per gradus, postremò fortissimus prodibit liquor brunèi coloris vel nigro-rubicundi, qui rectificatus super frusta aliquot Coralliorum, stet in leni calore, & eliciatur Tinctura; repetatur injectio, donec acquiratur sufficiens rubedo, depleatur & filtratur, cum *Spir. Vini* circuletur per menses, postea lento Igne abstrahatur ad debitam consistentiam; parvus autem est tincturæ proventus. Sed novissimè egregius quidam Chymiastr, Parisiis novo & antea inaudito modo, tincturæ præparationem aggressus est: Certo scilicet tempore colligit *Aquam aeris*, utpote sale universali naturæ insigniter acuatam, ex eaque, præmissa debita digestionem, destillat primò phlegma, hinc spiritum &c. phlegma illud primò prodiens, ut diaphanum est & planè perspicuum, ita omnis omnino saporis expers, & non secus ac vulgaris aqua omnino insipida, ita ut vix ab eadem discerni queat; & tamen hoc ipso menstruo insipido extrahit ex Coralliis tincturam rubicundam, ipsumque eorum Sal; evaporata enim in Solis radiis tinctura, sal in cubica forma residet, reliqua materia instar succi berberum supernatante, &c. Hæc de præparatione tincturæ Coralliorum dicta sufficiant; considerandus jam ultimò paucissimis ipse

Usus Tincturæ.

Communis Auctorum ferè omnium & Chymiastrorum est sententia, vi cordiali egregia instructa esse Coralia rubra, atque imprimis legitimam ex iis paratam tincturam. Præterea quoque peculiarem cum sanguine humano sympathiam & intimam amicitiam fovere, eamque ab omnium heterogeneorum excrementorum sordibus repurgare; unde in morbis venenatis, febribus malignis, ipsaque adeò atrocissima peste, non vulgariter commendatur. Adstipulari hisce videtur signatura rubedinis Corallium, qua nectaris microcosmici tincturam exactè repræsentat; imò GANSIO judice, Coralliorum viribus propè divinis omnes gemmas superat, nec gemmis tantum, sed cunctis etiam herbis præferendum videtur. Sed ne quid nimis? Egregias largimur Coraliis vires, Panacææ tamen titulo ea indigna censemus, habentque essentielles suas dotes à divino Thaumaturgo in prima rerum origine seminali suo principio implantatas, determinatas tamen, & ad certos effectus restrictas: Participem earum imprimis dicimus tincturam veram, modò lucem liberiores aliquando ea aspiciat, eamque insigniter in supra nominatis affectibus commendatam volumus. Origo harum virium ex sulphure, cum spiritibus salinis fixatis conjuncto, optimè digesto, concocto & exaltato, originem habere putamus, pro varia enim horum miscela, ut lapides gemmæque reliquæ virtutum suarum nobilitatem nanciscuntur, ita & Coralia. Sulphur enim tanquam totius Universi calidum nativum & insitum, miris splendidisque virtutibus præditum, ut pro varia rerum, præsertim salium, secum combinatione varias & diversas induit virtutes; ita imprimis in Coraliis, ob peculiarem suam nobilitatem, in quam ob summam coctionem & digestionem exaltatum est, arctumque cum spiritibus salino-nitrosis connubium, non potest non longè efficacissimum & saluberimum toti Microcosmo reddi; cumque in vera tinctura à reliquis principiis, tanquam recrementis, secretum existat, statim hujus divina energia patescit. Interim tamen, cum nondum, licuerit adire Corinthum, in locum ejusdem tinctas artificiosè solutiones recipere cogimur, quæ ipsæ, utut supra enarratas virtutes in inferiore possideant gradu, non tamen omnino rejiciendæ veniunt, firmante earum stationem, non BOETHII tantum, sed quotidiana quoque experientia: & cum præterea minutissimas Coralliorum substantiæ contineant partes, easque ex parte terrestres, blanda quadam adstrictoria facultate simul pollebunt, qua non tantum egregie partium internarum conservando tonum, & robur earum firmando, eas recreabunt, sed omnibus quoque fluxionibus quarumcunque partium, & in specie hæmorrhagiis, masculè resistent, simulque præcipitatoria quadam facultate, nimias sanguinis effervescencias, & inde ortos anxiosos ardores, suaviter compescunt. Quæ ipsæ virtutes à menstruo magis adhuc determinabuntur, magisque appropriabuntur præternaturalibus affectibus. Hinc quæ cum *Spir. Vini* paratur, ultimò, insigne erit spiritum confortativum, & totius Microcosmi à venenis præservativum, cum hic ipse spiritus sit elegantissimum Aurum potabile, efficacissimumque simul alexipharmacum: quas dotes eminentius inveniemus in ista solutione, quæ cum succo citri primitus instituta fuit; sic quæ cum spiritu ligni sudoriferi est extracta, divinum contra Veneream feditatem est auxilium; non secus ac Tinctura antiscorbutica miracula in hoc morbo præstare certissimum est. Familiarissimo quoque in usu *Excell. D. LANGELOT*, est Tinctura Holistica, adhibetque in omni impuritate sanguinis. Quæ verò ab armoniaci subtilitate elevata fuit, cum eodem conjuncta maneat, excellentissimum meri-

Conrad. Medul. destillat. p. 132. Boot. c. 154. Bernard. G. Penatus à Port. S. Mariae de Præp. & ul. mod. Chym. Il. Vnzer. de Epil. Gruling. in Florileg. p. 19 c. 2. p. 68. februe. ge Traic. de la Chym. p. 694

cap. 154. pag. 312.

merito nominabitur Diaphoreticum, omnes peregrinos hostes sub fuliginum specie ex microcosmi expellens territorio: qualem usum fortè sola habebit Tinctura, quæ ex præcipitatione cū appropriato quodam parata spiritu fuerit. Sed quæ cum sulphuris floribus concinnatur, in peste imprimis, morbisque aliis venenatis, & pestiferis,

strenuam se ostendet: sicut & ea, quæ cum alexipharmaco Solaristerræ spiritu paratur. Cum aqua aeris quæ extracta est, cum tanquam recens editus foetus nondum indolis suæ ediderit specimina; de eadem adhuc experientiæ testimonia inquirenda veniunt. Quibus abrumpimus & facimus finem.

DISSERTATIO III.

DE MORSU VIPERÆ,

LOCO DISPUTATIONIS INAUGURALIS,

SVB PRÆSIDIO

SIGISMUNDI RUPERTI SULTZBERGER

Philosoph. & Med. Doctoris, Anatomices & Chirurgiæ

Professoris Publici, Facultatis Medicæ Adfessoris,

M. MICHAELE ET TMÜLLERO

Lipsiensi, Artis Medicæ Baccalaureo, Publico

Examini submissa,

die 17. Augusti Anno 1666.

P R O O E M I U M.

TErrestres Deos si vocarim primos nostros Parentes, vix aberraturum me æstimo: absoluta namque eorum potestas totū terrarum complectebatur orbem, & quicquid universo hic ipse fovebat ambitu, ceu Dominis humillimè eis serviebat. Sed neglecto ab ipsis mandato Divino, omnes quoque subditi rebelles si militer sunt facti, ut vel levissimum animalculum insurgere contra eosdem animosè audeat. Non sufficiebat scilicet, tot morborum tempestatibus expositum esse corporis navigium, aut nebula instar evanescente fugaces vite dies, sed ad principis antea conspirare debebant internecionem, tum ipse homo, tum reliqua animalia: Relinquo Machinationes, quas homini homo struit malitiosè, ne proprio generi aspergere infamiae labem videar: Brutorum saltem notanda vis, eorumque insigniorum atrocitas, & viliorum nocendi perniciositas, qua leviter saltem provocata, lethalibus se ulciscuntur plagis. Quem non prostermit Leo, Tygris, Ursus, Lupusvè? quis cornuum Tauri ferat insultum? aut ungula equina percussione? quæ ut aperto nos aggrediuntur Marte, ita manifestam eorum læsionem nemo non fugit. Ast vix his cedunt vel vilissima animalcula, quæ oculis veneni armata sunt spiculis. Araneus non bufoni tantum mortiferas struit insidias, sed & homini, si provocetur, est venenatus hostis. Quid scorpii valeat aculeus? neminem latet; quidque apum, vesparumvè ictus habeat in recessu? loquuntur Practici. Taceo phthyrasin morbum, in quo, horrendum dictu! sordidi pediculi misere interimunt ægros, Viperæ impræsentiarum considerabo vim, & quantum malignitatis in morfu sub alexiteria earum lateat virtute? pensitabo. Hinc ut faveat Divinum Numen, supplex rogo.

CAPUT I.

THEORETICVM.

PUNCTUM I.

Morsum Viperæ esse venenosum asserit.

§. I.

Paradoxa admodum prima fronte videtur CORNELIUS sententia, dum lib. V. Medicinæ cap. 27. expressè asserit, omnem feræ morsum habere quoddam virus: quod effatum, licet de propriè dictis feris indomitis, iisque homini singulariter infestis, intelligi possit, sicut hoc sensu illud interpretatur SENNERTVS lib. V. Prax. Part. IV. cap. 19. antecedentes tamen lineæ, & subsequens generalis medendi methodus, ad omnia animalia, hoc assertum accommodandum suadent; cum imprimis in aliorum Autorum lectione occurrens experientia, idem satis confirmet. Notanter interim, quoddam virus habere, ait, innuens hoc ipso varietatem graduum, dum intensius modò sit idem, modò remissius, modò insignioribus comitatum sit symptomatibus, modò levioribus, ita ut in genere quilibet morsus cuiuscunque animalis, furore tamen vel iracocitati, præter læsionem externam, veneni unà inducat metum.

§. 2. Ast inter feras, morsu venenato inquinantes, præ aliis

Ettmulleri oper. Tom. I.

serpentum & reptilium eminet genus, inter quæ verè primum meretur locum Viperæ, animal in totum perniciosissimum & venenosum, ut loquitur AMATUS LUSITANUS Cent. 1. Cura 1. Scholio 10. Quod quò notius est omnibus ferè Europæis, eò vehementius lædit mordendo, testantibus hoc Symptomatis, quibus catervatim stipatur hic morsus. Sed in quo venenositatis huius consistat? omnino controversum est; necesse ergò, ut de natura veneni morsusque venenati prius constet, quo eò certius de veneno viperino possit ferri iudicium.

§. 3. Venenorum essentia, si quæ alia in toto Naturæ theatro ut maximè est obscura, ita ob id perdifficilis in Medicina eorum curatio est. Vide elegantissimum discurs. JOHANNIS FABRI LYNCEI. Expositionibus in nomina, & imagines animalium novæ Hispaniæ pag. 783. Imprimis monendum, insignem vulgò hic animadverti abusum, dum quodlibet corpus naturale, ejusve quædam pars, lædens quocunq; modo corpus humanum, huius læsionis ratio adeò manifesta dari non possit, aut licet reddatur, ab altero ob præconceptorum opinionum vim, non accipitur, mox venenosum, læsioque à veneno oriunda, dicitur: Sic Opum sæpius vocatur venenosum. ob vim suam Narcoticam, cum tamen magni ipsius

Ee 2

Te.

theriaces Antidoti constituat basin; unde & Hyoscyamus, Solanum, Mandragora, ipsumque salutarium Papaver, sub venenorum vulgò rediguntur classem, cum tamen horum legitima præparatio & usus divinas medentibus porrigat manus, & nunquam satis deprædicandam ægris ferat opem. Sic similem sortem subit ob similem vim *Datura* dicta planta, ex cuius tamen semine quàm elegantissimum Pharmacum phantasticum doctissimus elaboret **FABRITIUS BARTHOLETUS**, ad quæcunque deliriorum, melancholicorum imprimis, genera efficacissimum: videri potest in *lib. V. Method. in dispenfam Part. 1. cap. 1. pag. 392*. Quod ipsum medicamentum manu ferè nos ducit ad penetrandam intimius medicamentorum vim, eorundemque spiritus & archeum corporis nostri, afficiendi modum. Miror interea, cur non & pares ob causas vinum inter venena relatum fuerit, postulante hoc delirio ebrioso, post nimium ejus usum, nunc melancholico, nunc manjaco, &c. pro varietate individuum inducto; sicut ob vires hujusmodi stupefactivas vapor ex multo fervescente exhalans venenatus dicitur, cum tamen multum, in larga quoque copia haustum, nullas veneni imprimat notas. Solent similiter sanguis menstruus, lac in ventriculo coagulatum, ob quadam symptomata, ex stomachi gravedine oriunda; unguum segmenta, ob vim emeticam vel purgantem excedentem; cantharides ob vim suam imprimis vesicam exulcerantem, venenorum appellari nomine: Vi & Calx viva, item Gypsum, vitriolum album, Aqua fortis, venenata dicuntur, ob repentinam suam læsionem &c. Cæterum si simili modo pargere debemus, vereor sanè, ne omnia medicamenta, & alimenta ex perverso usu fiant venena, & horum usus legitimus eadem in medicamentum permutaret: Aliud namque est noxium, aliud verò venenatum.

§. 5. Venenorum interim propriè sic dictorum quod attingit naturam: ante omnia præcingendus est conceptus usurpationis & præparationis, ab eorum interna essentia; quia sub illo respectu venena, fiunt non venena, hoc est, legitimo usu & commoda præparatione abeunt in saluberrimas medicinas: propriam verò consideratam essentiam, conceptu quodam generali omnibus univocè competente exprimere, res videtur ferè impossibilis, tum ob insignem eorum varietatem, tum etiam ob unius ejusdemque veneni variam operandi rationem. In genere tamen in hoc omnia convenire videntur, quod agant, vel ratione fermenti cuiusdam peregrini, Massæ sanguinæ, tanquam Nectari vitali, omnino exotici; vel ratione speciei, seu Idææ cuiusdam Archeo hostilis, cum in varias agitantis perturbationum procellas, unde enormis actionum læsio, & perversio cōtingit. Ita ut læsio à venenatis partim ad corpus, partim ad actiones ejusdem pertineat: Quas læsiones communiter à qualitate quadam maligna, & toto genere deleteria, oriri ajunt; contra quos tamen disputat **JOHANNES MARCVS MARCI à KROLAND**, in *Philosoph. Ver. Restit. Part. IV. Sect. 3. pag. 431*.

§. 5. Hujusmodi veneni operationes & operandi modos, deprehendimus imprimis in moribus venenatorum animalium, quando præter rationem partis affectæ, & læsionis continui modum, supervenit symptomatum miserandorum & horrendorum cohors; hinc certum imminens vitæ periculum, cum morbi acumine seu brevitate, ut sunt; totius corporis tremor, item exhorrescentiæ, syncope levissimo vulnere, remota licet in parte, superveniens? sudor frigidus syncopiticus, corporis intumescencia, maculæ & livores hinc inde erumpentes, quæ pro varietate mordentis etiam variant; in genere tamen vulnere tali ut tali nullo modo per se cohærere possunt, sed omnino *γὰρ δὲ* **HIPPOCRATIS** hujusmodi læsionibus inesse videtur. Non sufficit autem, ut à venenato habito vulgò animali contingat læsio; nam & venenatum citra veneni sui vim lædere, & contra non venenatum plagam venenosam infligere potest, pro alio atque alio, in quo consistunt, statu. Hujusmodi porro crudelia symptomata (de quibus postea, ubi de signis) cum præsentaneo vitæ periculo cuius linea ultima imminet, nisi celeri manu feratur auxilium, conjuncta, quæ morsum viperæ insequuntur, aperte ostendunt, à posteriori licet, venenum, & hujus lethiferam vim conjunctam esse cum isto morsu. Vnde tutissima quoque curatio per alexipharmaca, seu communia, seu appropriata, experientia duce inventa in-

stituitur, seu intus assumpta, sudoris beneficio, naturæ conatum juvent, expellendo, seu foris admodum eandem levent attrahendo.

§. 6. Sunt equidem nonnulli, qui morsum viperæ, licet vel atrocissimum, venenatum negant sed omnem supervenientem symptomatum syndromen tum ex acutie, & summo dentis lædentis acumine, ejusque relictis spiculis, & tenuis biliosi liquoris sociatione, tum ex partis læsæ nervosa compositione, oriri volunt; non secus ac ex aciculæ punctura in partibus nervosis nonnunquam supervenit mors: vid. **BARTHOLINVS** de angina *Puerorum* p. 111. & 112. & **D. PAVLI** Digressio de *Febrib. malignis* p. 45. **HILDANVS** Cent. V. observ. 11. Sed ut hæc sese rectè habeant, non tamen omnem absolvent paginam: multum facit acumen dentis, unde sine eo invalidæ sunt viperæ, demonstrante hoc **ZWELFERO** & **SEVERINO**: multum quoque pars læsa, ut majora sequantur symptomata; liquor etiam effusus maxime est ponderandus, & in hoc ipso id, quod venenatum reddit vulnus, cæteris paribus resideret existimo cum in minima quantitate maxima eius sit vis. Curenim hujusmodi morsus maculæ & livores, & intumescencia corporis, cur horrenda lipothymia & cordis anxietates sequuntur? alias in similibus non obviæ læsionibus: cur in partibus carnosissimis eadem adessent Symptomata? cur applicata externè alexipharmaca, & proprio ex subiecto, & etiam ex alieno; item volucres viventes, attrahendo relevarent ægrum? cur interna alexipharmaca curarent maxime si ab omni venenatæ læsionis suspitione esset liber viperæ morsus; cur denique tam brevis relictæ sit vitæ usura demoris? taceo hic suctionem partis læsæ cum ore accelerare mortem, promovendo venenum ad interiora ex **AMATO**, licet rejiciatur hæc hypothesi à **M. SEVERINO** de *Vipera Pitia* Part. II cap. 8. pag. 36. Cujus exsuctionis veritatem vide apud **LYNCEVM** loco sup. cit. 778. Cur denique aliorum animalium vulnera levia, ob veneni tamen quandam labem sunt lethalia? ut infra patebit. Perplacent ergo mihi **SENNERTI** verba *lib. V. Præx. Part. II cap. 21. Vulnera à venenatorum moribus vel ictibus illata, plus nocent vi venenata, quàm vulnere, quæ per se plerumq. non sunt magni momenti*. Concluserunt ergo veteres viperam esse venenatam; sed quæ sit ulcerius, cur sint venenatæ? dixerunt, quia earum, licet exiguus, morsus sit lethalis, idque propter venenositatem animalis, & ita vitiosum commiserunt circulum; quem ut effugerent tandem respondere, vim inesse ipsis peculiarem, toto genere præter naturam, & uno verbo occultam. Sed hoc ipso dixerunt, se ignorare istam vim venenosam, quia ipsis sit occulta; quod namque occultum est, hoc ignoro, Pergendum ergo jam ulterius & ad naturam veneni viperini, ejusque per morsum communicationem est progrediendum.

PUNCTVM II.

Autorum de Veneni Viperini natura sententiam perpendit.

§. 1.

Viperam ejusque imprimis morsum, maxime esse formidandum, ob veneni noxam, experientia edocti statuere veteres. Cæterum & eandem viperam insigniter prodesse ad profligandas multorum morborum phalanges, eadem ipsos informavit experientia. Sic vinum, in quo suffocata viperæ, præsentissimum ad horrendam Elephantiasin Græcorum, seu lepram Arabum, esse Alexipharmacum, demonstrat **GALENVS** *lib. VI. Comment. Aphorism. 47*. Quas tamen historias in dubium vocare videtur **POTERIUS**, contraria experientia fretus *Cent. 3. Obs. 81*. Et multo in quo similiter extincta vipera, spontaneo nisu, talis æger non tantum perfecte curatus, sed prætereà quoque omnino in juventutem quasi restitutus fuit, exutis crinibus, unguibus & pelle; hisque omnino renovatis, referente **ARETÆO** *lib. II. de Sign. & Caus. diuturn. morb. cap. ult.* quarum historiarum explicationem vide in **ZACVTO LVSLTAN.** *lib. VI. Medic. Princ. Histor. II.* Vnde etiam à **GALENI** antecessore, **ANDROMACHO**, theriacæ tan-

tanquam basis fuere immixti ex viperis parati trochisci . Caterum cum deficeret ratio , propter quam tam perniciosum venenum , & rursus adeo salutare pharmacum , consisterent in eodem subiecto , res tandem eo pervenit , ut dixerint , non totam viperam esse venenatam , sed tantum quasdam ejusdem partes . Has recenset BALD. ANGEL. ABBATIUS de Viperæ Cap. IV. V. & VI. & ait , esse dentes , gingivas & vesicam felleam : in dentibus quidem venenum esse à natura inde manifestum ait , quoniam ab iisdem dentibus viperæ jam dudum mortuæ , si quis tangatur , lethale est . Quare hac in parte , & mortuæ & vivæ , semper apta nata est ad lædendum ; in gingivis porro , & vesiculis earum , esse collectum venenum ex usu & cibo venenatorum animalium , attractum a vesica fellea , vagum & spirituosum , translatum ad Gutturis partes , tanquam in sentinam deponi à natura , & facultate viperæ perfici . Hanc autem fellis virulentiam toto Capite V. probat ex eo , quod impositum fel icthui viperino , venenum à viperæ icthu projectum , similitudinis ratione attrahat .

§. 2. Hæc veterum fuere asserta , ab ABBATIO explicata , quæ ex parte vera esse certa ratione , dummodo legitime explicentur , inferius patebit . Merentur interim examen : Videntur enim omnino ex nuda , eaque falsa hypothese oriri : observant scilicet Veteres morfu tantum lædere vipers venenosæ , hinc dentes esse venenatos concludere ; cumque præterea vesiculas observant in gingivis , easque liquore quodam plenas , confirmati ulterius in sua opinione , & hunc venenatum statuerunt , cum ex fellis derivetur vesica , affirmantes , felleum liquorem , pessimum corporis in quocunque animali virus . Sed superiores restant difficultates ; si tam pretiosus pro vita humana & conservanda & prolonganda est reconditus balsamus in viperis , unde hæc earum venenositas in dentibus ? in liquore felleo ? & in vesiculis gingivarum ? in quo consistit hoc ipsum venenum ? Hinc quæ ratione dentes sint venenati , omnino probandum , & explicandum fuisset , non ex nudo effectu , morfu venenato , de dentium malignitate judicandum : ad hæc etiam post mortem lædere posse ex se & venenosa sua vi , quam distimodo Autores illi attribuant , vana est mentis persuasio , cum nulla vera hujus rei unquam observata sit experientia ; & licet exemplum , quod mortuæ viperæ dentis tactus sit lethalis , habeat J. C. CLAUDINUS de Ingressu ad infirmos , huic tamen & etiam ABBATIO abundè satisfaciunt doctissimus SEVERINUS , & ratione & experimento confirmatus , de viperæ Pythia cap. 8. Part. II. 359. & 360. inter alia inquit : Viperæ aut dens integer , aut comminutus & utilibuerit voratus , ne dum non lethiferus . sed neque detrimentosus experimento comprobabitur tibi , seu nuper mortuæ denticulus , seu vivæ , seu dum digitis tribus contineatur coercitus anguis capite , in animantis cujuspiam carnem , tum ipsius opera per vim adactus , seu per arbitrium viperæ fuerit defixus , quod duplex nos experimentum in pullo Gallinaceo fecimus . Quod vesiculas attinet subdentibus ; ex AMBROSINI Anatomica observatione constat , quod viperæ præter 34. dentes maxillarum (48. numerant HODIERNUS & SPONTONUS) habeant quatuor caninos , imprimis fœmellæ ; semper tamen duos tantum se observasse ait LOCATELLI Theatr. Arcanor. pag. 263. qui conspiciuntur perforati , & vesicula liquore plena muniti , quod tamen de duobus tantum assertum à quibusdam (& in specie inter hos quodam medio) quæ novo quotidie repletur humore , dum primus in icthu consumptus fuerit . Ad has dentium vesiculas ex corde & hepate venæ seu arteriæ ascendentes deferunt hunc liquorem : Videatur JONSTONUS lib. 1. Histor. Nat. de Serpente Tit. II. c. 1. Sed hanc ipsam AMBROSINI , & antecedentem ABBATII sententiam , licet nec autopsiam confirmare , neque rationem ullam comprobare ostendat VESLINGIUS , describens Anatom. viperæ MARCO A-SEVERINO Part. I. cap. 12. p. 234. horum tamen effatum sub PLINII defensione confirmatur à J. B. HODIERNO in descriptione dentis viperini ad Severinum missa , pag. hujus 258. qui observavit vesicam felleam hepati colligatam in mediam propè caudam propagari , atque istius filamenta quædam mira subtilitate per spinam ad os perducere , & virus per ejusmodi filamenta , quasi per venulas , ad dentis cavitatem perducere ; ubi dentium horum accurata structura eleganter describitur : cujus brevem quasi summam dat VESLINGIUS Etmulleri Oper. Tom. I.

in sua Anatomia Viperæ , dicens , quod recondantur intra laxas veluti vaginas , liquore felleo plenas , ex quibus ad libitum ferè celerrimè effertur . Hos lethale discrimen & perniciem afferre demorsis , tenuique fistula , veluti scorpionum aculei , perforatos infundere venenum tam experientia censura , quam Autorum scriptis , ferè confirmatum est . Sed salivalem hunc in & propè dentes humorem per se consideratum , experientia edoctus similiter ab omni veneni suspitione liberat SEVERINUS p. 260. vidit nempe JOHANNEM BRANCHINUM Theriacopæum Senensem , virosu hunc liquorem de viperæ viventis dente collectum , nihil exinde noxæ perpeßum , qui retulit , & de Gingiva viperæ mortuæ viventis ore ventriculo captatum , alii præter se nulli ex aqua vel vino potatum nocuisse : nec succum hunc gallo gallinaceo immissum in os quicquam nocuisse : nec famulo super manu per-puncta virus hoc infricatum aliquid noxarum intulisse : & licet ex fellis vesicula oriatur , cum vesicæ felleæ non sit venenatus liquor , nec hic exinde ortus erit malignus . Probat hoc meum assertum ZWELFERUS Animadvers. in Pharmacop. August. Class. XII. p. 211. Qui in his partibus nullam unquam deprehendit malignitatem , & abscessa capita , veliculas , & caudas , earundem alia carne obvolutas felibus & canibus devoranda objecerit , qui hæc ipsa sine ullo vitæ discrimine consumere : videatur BOYLE Experiment. Philosoph. Experiment. II. p. 58. item BRITHOLINUS de Angina puerorum p. 111. refert : capita resecta canes devorant nulla mortis mulcta , & si humorem suspectum ex capite demortuo promas , in noxium senties : & p. 113. aliis vesiculas felleæ est suspecta , quæ tamen canibus in alimentum cedit : quam ipsam potius ceu ad quælibet venena antidotum deprædicat BORRELLUS Cent. IV. obs. 19. & certa observationis fide comperit SEVERINUS part. II. cap. I. p. 288 quod puli gallinacei stomacho immissum fel nil offecerit . Præterea si viperæ integra in vino extincta leprosos restituit , & fœminæ Anglicæ tali vino pro colimerico utantur , teste ZWELFERO eodem loco ; si totæ viperæ in retortam immisæ cum capite & cauda , dent saluberrimum sal volatile , ubi eorum erit fellea malignitas ? Obijciunt quidem venenatis vesci alimentis vipers , hinc venena hæc secerni in fellis vesicam , salutes verò partes in succum & sanguinem converti . Sed ut taceam merum esse effugium , nulla ratione stipatum , hujus modi animalia venenosa cur non eodem veneno in digestionum officinis afficiunt partes ? cur non inquinant sanguinis vim alexipharmacam , antequam in vesicam colligantur biliaria ? item unde petenda origo virtutum alexipharmacarum , si venenatis vescuntur bestiis ? Præterea & anates bufonibus & ranis delectantur venenatis ; sicut ciconiæ similibus ranis , serpentibus , bufonibus , aliisque toxicatis animalculis (unde hæc aves per putrefactionem in similia denuò reviviscunt animalia , non secus atque ex indusiis humanis fiunt pediculi , ex spermate & sanguine humano fiunt muscæ & pediculi , ex pane & melle fiunt formicæ , ex Basilicæ & fracedine lapidis scorpiones &c. videatur HELMONTIUS de Potestate medicaminum §. 37. quale Scorpionis ex ocyno exemplum observavit Magnus D. D. MICHAELIS ;) tantum tamen abest , ut venena colligant , ut potius efficacissima exhibeant alexipharmaca : hinc Theophrasti Paracelsi arcanum ad quævis veneni genera ex sanguine Ciconiæ notissimum est : videatur de hoc CROLLIUS in sua Basilica Chymica pag. 450. cujus felicissimum effectum in Principe refert HARTMANNUS Comment. in citat. loc. pag. 252.

§. 3. Nec quicquam obtinet ABBATIUS ex eo , quod venenum attrahat denuò fel impositum ; nam aliæ viperarum partes similiter impositæ idem præstant : ad hæc columbæ vel gallinæ vivæ dissectæ , calentes adhuc morlui impositæ , virus extrahunt , quæ tamen ab omni veneni exemptæ sunt suspitione : non secus ac pulli gallinacei vel columbini , circa anum deplumati , buboni pestilenti applicantur ; extrahunt namque tam fortiter venenum , ut ipsi etiam cum salute ægri moriantur . Quod ipsum quoque præstat stercus humanum bubonibus pestilentialibus applicatum , sicut SAAER in seinen Ostin dianischen Kriegsdiensten refert , esse in Indiæ Orientalis Insula quadam , ex Insulis Celebes , arborem quandam vel levissimam læsione summè venenatam , cujus venenata plaga alio non possit curari modo

nisi proprio subito excreto stercore, eoque calido affecto loco applicato: qualem vim alexipharmacam assumptum idem stercus habet contra animal lacertiforme, Guarid dictum in India Occidentali, teste ZACUTO EVSITANO lib. 3. *Prax. admirand. observ. 93. pag. 117*. Tandem & passeris vivi circa ventrem deplumati, & parotidibus malignis impositi, attrahendo venenum, moriuntur. Sed hæc omnia licet venenum attrahant, non tamen sunt venenata. Quod ergo humorem in vesiculis dentium contentum attinet, æstimo eundem per se minime esse venenatum, ut supra ostendi, non magis quam aliæ viperarum partes; sed arbitror potius eundem respondere salivæ in faucibus aliorum animalium obviæ, de cuius usu non est, ut sim sollicitus: primario inservit præparationi ciborum in ore, ut subacti melius, & volatili hoc liquore imprægnati, facilius in stomacho deponant suum succum nutritium, & si quid insit iisdem venenati, à sale Volatili alexipharmaco subiugetur & corrigatur: quod autem copioso constet sale insigniter volatilifato, dum aliis quoque partibus spirituosius aquæ copiosæ nexu copulatis, sicque in consistentiam quandam redactis, nemo dubitet, qui ingentem harum partium copiam, in destillatione viperarum prodeuntem perpendit; simulque analogiam cum saliva propriè sic dicta, & usum in alimentis præparandis, ut taceam facilem huius liquoris in iracundis viperis effervescentiam, de qua inferius erit dicendi locus. Ast licet vipera nihil manducet, sed omnia transvoret integra, nudas nidorum præpetes, aves plumosas, lacertas, mures, ranas, bufones, quæ exsiccata diu, nil comminuta reddidit, per membrum sui secessus, ut autor est SEVERINUS *part. 1. cap. 7. §. 5. p. 104*. Attamen cum dentium copiosum habeat numerum, osque saliva madens, cum eodem SEVERINO dico, dentes minutulos, & sub maxilla latentes ei usui destinatos, ut perpungant tantummodo solidiores escas, atque has fermento suo peracri tabefaciunt prope, præsertim quod exserti quidem natura, verum gingivis obducti dentes, cum alimenta conterunt, sic virus è vesiculis exprimunt. Abutitur tamen hoc liquore vipera, dum per fistulosum dentem simul eiciens, maximum toxicum sit subiectum.

§. 4. Pervenio nunc ad doctissimum MARCUM AURELIUM SEVERINUM, qui tanta viperam Pythiam spectravit sedulitate, ut nil deesse videatur; unde etiam sententiam ejus intimè fovet KIRCHERUS in *Mundo Subterraneo*, ubi quasi compendium continetur eorum, quæ fusiùs suo tractatu toto pertractat SEVERINUS: Hic ergo in eo est totus, ut viperæ naturam totam esse alexiteriam defendat; venenum verò quod attinet ejus, hoc non agnosci proprium aut intrinsecus concretum, verum adscititium, & aliunde irrepere consuetum; quod pluribus in locis viperæ veneno, & venenandi vi careant, sed immutentur tantum occasionibus locorum, cœli, victuum, &c. ut etiam si viperæ sit plurimum veneni, tamen adscititia sit affectio, & materiam quidem veneni esse peracrem & biliosum sanguinem, qui à virulentis escis proficiscatur, bestiolis nempe sulphureis, quæ sunt scorpiones huprestres, araneæ, bufones, &c. ex quibus paratum Chylum læva cordis fornax miris modis reddat retorridum & fumidum, ex quo loco sursum arteriæ sanguinem spiritualem devehant, ad retiformem plexum in ventriculis cerebri, à quo plenius hic spiritus vitalis elaboratus reddatur animalis, & à cerebri fumosi arteriis extenuatus adducatur ad summam Pyrofin: qui succus spirituosus, quem ore ac dentibus recipiat vipera, venenum à vulgo æstimatum, venenum reverà non sit, sed tributum ob id viperis, ut tot sensuum viriumque bonis gauderet agrestis fera: hunc porro succum cum morfu denti, conjunctum reddere vulnus malignum & inficere hominem; ita ut definiat infecturam, actum feræ defigentis in aliud animal dentem, & inde virus emittentis, pro sui ipsius tuitione: ut nec dens per se, nec liquor hic plagam inferat venenatam, sed utrumque simul. Non adeo absorta est hæc SEVERINI sententia, quam ob id quoque amplexus est KIRCHERUS: & modo attendatur fermentationis, vel effervescentiæ ratio in vipera lacessita, quam inculcat KIRCHERUS, SEVERINUS verò hinc inde parvam facit mentionem, nil culpabile videtur in hoc ejus dogmate: hoc saltem videtur incongruum, quod veneni materiam liquoremque virosum statuerit talem qui ad vigorem & alacritatem viperæ, adeoque ad ejus actiones & usus, vel maxime

sine necessariis: cum probabilius videatur, esse saltem salivam in particulares collectam asservatamque usui; qua abutatur postea vipera irata in perniciem humanam; & cum ob istum nobilem usum communis sit omnibus viperis, cur non omnes viperæ ubique erunt venenatæ? quæ Severini est assertio; nam victus ratio, lotique mutatio non omne absolvit punctum, cum Citonia nullo modo sint venenatæ, sed potius alexiteriæ: cum denique originem huius liquoris deriveret ex cerebro, in cujus elaboretur plexu, adductus eo per assertum JOHANNIS TROLLII *pag. 289.*, non video quid respondere possit HODIERNO, qui avtophia similiter fultus, ex fellis vesica derivat ductus veneniferos. Tandem & cauda quibusdam est suspecta, unde in medicationis ex viperis parandis abjicitur. Sed nulla similiter ratione, MARCO AURELIO SEVERINO innocentiam caudæ satis demonstrante *Part. II. cap. 1. p. 284*. Sed his relictis ad alia pergo.

PUNCTUM III.

Viperam mortuam nullo modo esse venenatam affirmat.

§. I.

Aliorum perlustratis opinionibus, propius ad scopum accedam necesse est: considerandæ autem sunt viperæ, sicut & reliqua omnia animalia dicta venenata, in duplici statu, & quando vivunt, & quando sunt mortuæ. Mortuas viperas ab omni veneni labe absolvo, & potius esse divinas in iisdem medicas opes, quas vix in alia reperias creatura, statuo. Docet hoc ipsum experientia, veritatis magistra quæ nullam suggerit fide dignum exemplum, ex vipera reverà mortua quocunque modo usurpata, veneni noxam etiam esse infligam: notandum hinc venit HELMONTII Adagium, *Tr. de Ideis morb. §. 34. Mortua la bestia, mortuo il veneno*: cui fortasse Germanicum illud respondet, *ein toter Hund beißt nicht* unde nec pulli gallinæ à vipera commoti si mactati, & esitati postea, lethales sunt, sed quartanam potius, Medicorum alterum scandalum, feliciter profligant teste SEVERINO *pag. 366.* & BARTHOLINO *110*. Mitto jam superius enarrata exempla, aliquot saltem adhuc adnotasse sufficiat. Quas vires habeat per retortam artificiosè propulsus spiritus cum sale volatili, ad febres malignas & pestilentes, insultus epilepticos, scabies leprosas aliosque malignos affectus, quotidiana loquitur experientia: & quia spiritus fere, omne quod agit, agit ratione salis volatilis, de hoc sciendum: quod omnia encomia stupendæq; dotes quas veteres adscripserunt suo sali theriacali, nostro omnino convenient salis volatili, non verò eorum fixo, per tam fortem calcinationem parato, cujus aut nullam aut minimam in se continent quantitatem viperæ, nō secus ac alia animalia. Fixari equidē etiam solet per artem; sed si hoc contingat per acida, est potius enecatio salium volatiliū, quàm vera eorum correctio: Acida namque omnia, effervescendo & præcipitando immutant salia volatilia, unde non possunt non diversas postmodum edere operationes; manent enim invicem adeo postmodum juncta, ut vix nisi beneficio cujusdam salis alcali fixi cum quo libentiùs inire solet conjugium acidum, quàm cum volatili, denuo separari queant. Noviter inventus est modus in Italia, sine hujusmodi per acida destructione figendi salia volatilia viperina, modumque callent, non tantum D-D. TACHENIUS, cujus recentissimè editus vid. *Hippocrates Chymicus*, qui novissimi viperini salis antiqua fundamenta ostendit, sed præter ea quoque ANTONIUS de SGOBBIS *Pharmacopœus Venetus sub signo Struthii*, cujus hæc sunt verba: *Dipoi per mezzo del loro proprio menstruo, cordiale & alestifarmaco acqueo (acido vedano, che non sia questo menstruo imbevuto, d'altra facoltà salina,) ho cavato il vero sale fisso viperino ch'è una gioia pretiosa, per salute humana*: & novissimè alius nomine HARRAS Venetiis ita fixare novit hæc salia volatilia viperina, idque sine acido, ut etiam per chartam tutò hinc inde transportari possint. Est ergo verus reconditus balsamus in viperis, eorumque sale volatili, qui totius corporis œconomiam renovat, fermenta viscerum effœta jam renovat, & sanguinis vitalem fermentationem fortiter conservat, & masculè restaurat. Hinc est, quod ex viperino vino secuta fere sit ele-

elegans rejunescencia; quod ex brodio decoctionis viperarum mulier leprosa quadragenaria, sterilis antea, post curatam lepram facta fuerit fecunda, teste HELIDÆO PADUANO in *Curationibus* pag. 294. à Magistro JOH. WITTICH. editis; non secus ac galli gallinæquæ viperis nutritæ, docente ZWELFERO *Animad. Class.* 12. admodum fiant fecundæ; quæ animacula postmodum viperinas vires possidentia, esu, ad eadem conferunt mala, ad quæ ipsæ viperæ, in specie ad elephantiam, & ipsi cognata mala, scabiem foedam, luem Veneream, &c. tum ad fecunditatem, vitæ prolongationem, corporis nitorem, & oculorum claritatem conciliandam: de quibus videatur JOH. FAB. LYNCEI *expositio in Rechum* pag. 780. Ad hæc itidem valent partes atque essentia viperinæ; secundum artem paratæ; liquidem Magnif. D. D. MICHAELIS Essentia sua viperina luem Gallicam aliquando curavit tam prospero effectu, ut egro hinc sanato, cuticula ex universa decideret cute, strigumentorum facie, instar serpentum exuvias suas exuentium. Sed pagina deficeret, si omnia proponere vellem.

§. 2. Quod partes in specie viperarum attinet; eas in mortuis omni veneni carere suspicione, multa illustria ostendunt exempla. De Regio cordis viscere ut incipiam, quinque corda exsiccata una vice assumpta, tantum valere in Juvene quodam, ut nullum amplius ipsi nocere potuerit venenum, serpentes nullos timuerit: quin potius eos amaverit, & semper tractare voluerit. hos verò eum admodum timuisse Autor est JOH. FAB. LYNCEUS *loc. citat.* pag. 786. Ex corde & hepate viperino egregium & pulverem & aquam bezoardicam animalem parare docet ZWELFERUS pag. 213. Intestina exsiccata, & in pulverem trita, admodum commendat HARTMANNUS *Comment. in Crollium* pag. 456. ad omnis generis affectus epidemicos majorum & minorum animalium, imprimis ovium & equorum. Sed cur non & hominibus imprimis in intestinorum affectibus profint? cum hepata viperina pulverisata sint sanè præsentissimum remedium in disenteris, præprimis epidemicè grassantibus. Fellis viperini exsiccati gr. i. ab omnibus venenis liberare, ait BORELLUS *Cent. IV. Obs.* 19. Spinæ exindeque paratus pulvis, aut secundum quoddam magisterium, ad eisdem profunt usus Medicos, ad quos caro: Non est ergo, ut caudam ob constitutionem offeam eam; sicut facit ABBATIUS, formidemus, cum præterea eadem cauda vel nudo contactu tollere Odontalgiam dicatur: Caput verò appensum ad febrium arcendos paroxysmos laudatur: quale ergo in his reconditum erit venenum? Firma potius manet mea assertio, post mortem viperas non esse venenosas: ex quo notanter elicio, venenum viperarum, si quod habent, non consistere in quodam principio materiali, post mortem residuo, sed in quodam intentionali, vel certè tali, quod pereunte vita, & ipsum esse desinat.

§. 3. Confirmat me in hoc ulterius consideratio reliquorum animalium venenatorum, quæ cum in vivis esse desinunt, & innoxie tractantur, & intra corpus assumuntur. Apparet hoc vel maxime in bufone, animali pleno veneno, ut non immerito terrestres toxici & contagiosæ virulentia bursa magnetica dici possit, loquente sic eleganter KIRCHERO in *Scrutinio pestis* pag. 341. Tanto in hominum odio est, ut suspensus & verberatus ob eo præ nimia in illum rabie moriatur, unde ipsi, imprimis in terrorem acto, quacunque potest ratione, insidiatur, nunc labiis scabris eundem fortiter mordendo, nunc habitum virulentum, salivam venenatam, lotiumve toxicata in edissum à se hominem evibrando, vel herbas saltim inquinando, aliave corpora inficiendo, quibus mediantibus noceat homini: videatur KIRKERUS *cit. loc.* pag. 342. & 207. SENNERTUS *lib. VI. Prax. Part. VIII. c. 22. p. 345. 346.* JONSTONUS *Historia de quadrupedibus lib. IV. tom. I. cap. 1. pag. 188.* Sed eneca bestiam, & liber eris ab ejus veneno. Non usum externum ad anginam pestiferamque luem commendo, sive sub propria forma cum vel sine aceto applicentur bubonibus, & tumoribus pestilentialibus, sive sub trochiscorum facie, ex vermiculis vomitu ejectis & ipsa substantia bufonum tragacanthi beneficio paratis, de quibus HELMONTIUS in *tumulo pestis*, alique passim Autores, imprimis CROLLIUS in *sua Basilica*, & HILDANUS in *suis Centuriis*, seu quoad usum internum, sal ex eorum cineribus calcinatis extractum interne ʒss. ad ʒi. pondete in aqua Cardui benedicti usurpatum, ad omnem pestem è massa sanguinea eli-

minandam, eamque ab omnibus venenis vindicandam, mirifice commendat P. JOHAN. FABER *Parrachym. lib. V. cap. 8. p. 631.* & libro primo *Myrothec. cap. 24.* & tanquam egregia sudorifera animalia extollit Salixum bufonum & araneorum GLAUBERUS *Furnor. Philosoph. p. 3. c. 22. pag. 177.* vel usurpetur saltim bufonis exsiccati pulvis ad ʒss. & habebis experimentum ad hydrophobos aquas educendas certissimum, teste WIERO in *Obs.* PETRÆONOSOL. *Part. I. Dissertat. de hydrope*, HARTMANNO in *Croll. p. 420.* quem usum similiter vel externa solum ad renes applicatione præstat. BORELLUS quoque bufones innoxie voratos refert *Cent. IV. Obs. 56.* & *Cent. II. obs. 37.* Pergo ad scorpionum, cujus aculeum in caudæ extremitate eminentem lethale vulnus, ob veneni perniciosam vim, inferre constat: sed mortuus scorpio, magnus licet, non tantum cum haustu gelidæ in os citra noxam illapsus, fuit teste, I. F. LYNCEO pag. 781., sed præterea hic ipse cauda, ex scorpione vivo abscissa, sponte se vulneravit, sine ulla noxa: sic devorata scorpionum offam à circulatoribus plus semel vidit BACCHIUS sine vitæ detrimento, & BRANCHINUS referente SEVERINO pag. 366. Nec ignotum est, quod egregie valeat ad ciendam urinam, & provocandum lotium suppressum, non externam solum sub olei specie applicatio, sed interna quoque pulveris, vel calcinati, vel solum exsiccati, assumptio. Araneas esse venenatas, sed non omnes, communiter asserunt: ego interim telarias venenatas esse arbitror, tum quia eorum oleum venenis resistit externo illitu ad modum aliorum venenatorum animalium, tum etiam, quod morfu vel potius ictu lædat, non contemnendis insequentibus symptomatis: sicut ex araneæ morfu epilepsiam suscitaram refert SALMUTH *Cent. III. Obs. 35.* & ex araneorum morfu duos mortuos PANAROLUS *Pent. I. Obs. 45. p. 27.* nec minus calidos liquores, in quos incidunt, venenoso contagio inquinant, teste eodem SALMUTH. *Cent. 2. Obs. 22.*, SENNERTO *lib. 6. Prax. pag. 348.* & parva ex deglutita aranea Symptomata vide SALMUTH *Cent. II. Obs. 48.*, BORELLI *Cent. III. Obs. 19.* Sed telæ non solum interne ad sedandos intermittens febrium æstus usurpantur, sed ipsæ quoque araneæ mortuæ exsiccatae, & pulverisatæ, ad similem usum non sine successu propinasse rusticum quendam certò constat. Multos præterea esse serpentes venenatos, qui mortui pretiosissima dant Pharmaca, cum vita exuta omni veneni labe, notissimum est; & serpentes innoxie vorari, & in cibis usurpari cum sanitatis commodo: videatur BORELLUS *Cent. IV. Obs. 65.* & *Secunda Obs. 37.* Quidam quoque serpentem pro anguilla comedit nil mali inde perpeffus: sed cum cognovisset postmodum fuisse viperam, ex phantasia in morbum illapsus obiit: LIBAVIUS *Alchimia Pharm. 12.* ZWELFERUS *p. 273.* Similem imaginationis vim vide apud SALMUTH. *Cent. II. obs. 93.* Ex quibus simile etiam de viperis esse ferendum Judicium, omnino existimo.

§. 4. Exclusa tamen hic volo animalia ea, quæ peculiaris rabies sub venenatorum redigit classem, cujusmodi sunt canes, feles, lupi, aliaque animalia; quæ interdum rabie corripiuntur; hæc enim in statu præternaturali sunt, adeoque venenatis reliquis in statu naturali constitutis nil derogant; nam rabiosa ut in vivis dum sunt, ut morfu & saliva etiam nuda inficiunt, ita mortua & esitata similem rabiem inducunt: exempla vide apud BAUHINUM *Tractatu de rabie*, KIRCHERUM, *de Peste, de fele rabiosa commesta* pag. 206.; de sue rabie tacta, esitata, BORELLUS *Cent. I. Obs. 75.* Videntur enim mihi hujusmodi animalia laborare quasi febre quadam maligna, cum infania maniaca conjuncta, ex effervescencia massæ sanguineæ à fermento peregrino, peculiaribus ideis insignito, oborta. Quod verò hydrophobiam attinet; hæc quidem tanquam inseparabile ferè adesse solet symptoma rabiei, utut contrarium referat SALMUTH. *Cent. III. Obs. 90.* Non tamen proprium est rabiosis, cum etiam sine rabie, & in specie in febribus Malignis citra ullam contagii rabiosi suspicionem, observata sit, testibus SCHENKIO *lib. VII. Obs. de venenis anim.*, SAMCHEZ in *Obs. pag. 378.* ubi tantus citra ullum animalis rabidi morfu adfuit aquæ timor, ut ne ferre quidem præsentiam ejus, aut manus abluere potuerit ægri simile exemplum habetur *p. 379.* SALMUTH. *Cent. II. Obs. 52.* Animalia ergo rabiosa per morsum, vel etiam per salivam, communi-

cant furibunda quasi fermentum suum febrile, Ideis mor-
bificis Archeum corporis læsi, seu spiritum ejus insitum
admodum perturbantibus, insignitum, quod totum cor-
pus in mores quasi brutales transformatur: Suntque hujus-
modi ideæ in fermento quidem radicaliter, in homine ve-
ro affecto non nisi radiativè; de quibus vide elegantem
MARCUM MARCI *Phil. Vet. Restit. Part. IV. Sect. III.
sub section. I. p. 435.* Cum ergo hujusmodi affectus sit pe-
regripus ipsis brutis rabiosis, sitque præternaturalis, &
à peculiarii dependeat fermento, in quod Archeus Ideas
suas seminales imprimat, etiam post mortem superstes
manere potest, licet sopitum ferè, donec in alio corpore
vivente exsuscitatum, denuo similes concitet tragædias.
Sed cum venena aliorum sanorum animalium sint eis
naturales quas dotes, non tamen nisi imaginationis vi
traducantur in actum, ut postea demonstrabo, canis ra-
bidi exemplum hujus puncti veritati nil detrudere va-
lebit.

PUNCTUM IV.

*Viperam totam esse Alexiteriam, nec, nisi laceffi-
tam, esse venenatam, aut venenosè quendam
lædere, ostendit.*

§. I.

Viperam mortuam insontem pronunciavi, ex cujus
egregiis medendi viribus totam eam alexipharma-
cam & bezoarticam concludo; nec venenum ejus, quod
in morfu percipitur, in quodam materiali consistere asse-
ro, quoniam aliàs & hoc post mortem semper esset su-
perstes; sed potius in quodam intentionali, à furore con-
citato: nec tamen vivens, per se est venenata, nullibique,
teste SEVERINO, duce experientia, obvia ejus est ma-
lignitas, quam non nisi laceffita, vel provocata morfu
exerit. Unde duplex viperæ perpendendus venit status:
unus quo nullis gravioribus acta affectibus, tractabilem se
offert, vel saltem nullo lædendi conatu se armat, aut me-
tu, terrorevè acta, fugam quærit; alter quando iræ con-
citata furore, ab externa provocata læsione, vindictæ in-
hiat, & spicula dentata exerit. Priori in statu est inno-
cens, & nulla culpabilis malignitate, nec lædit: postero-
ri verò truculenta est fera, feros infert morfus. Vino, quo
maximè delectatur, suffocata licet, loco veneni salutife-
ras infundit dotes, ut supra dictum; Nec vivens Vipera,
stomacho recepta, detrimenti quicquam attulit, sed sine
noxa vivens per alvum fuit expulsa, teste GATINA-
RIA *de suffocatione matricis*: Hinc nudos & dormientes
non laceffit sponte, quod sibi etiamnum puero sæpissime
contigisse perhibet OLAUS MAGNUS: Ad hæc mu-
lieres non paucas viperis insidias struentes, videre conti-
git, quæ serpentem hunc manibus liberè contrectarent &
amicè, dicit BARTHOLINUS *de Angina puerorum p. 111.*
In metu posita omnis quoque malignitatis depre-
henditur expers; hinc eos, qui eo audaciæ processerint,
ut eas alacriter adeant, non lædunt, sed terrore percussæ
fugiant: indidit namque provida Natura serpentibus me-
tum quendam & timorem, ut homines, qui eos intrepide
persequuntur, fugiant, teste experientia ZWELFERI
pag. 273. Unde, eodem Autore, qui serpentes in capite
& collo prius arripere ausit, itaque tractare novit, ut in
prima invasione mordere non audeant, is sanè postea ad
lubitum cum ipsis ludere potest, modò caveat, ne eos ad
iram provocet. Sed objicere possis Lector: sub illo statu
esse venenatas viperas ac serpentes, licet non lædant suo
veneno; aliud nempe esse actum primum, aliud esse actum
secundum. Bene: Sed unde quæso probabis hoc tuum
assertum? ex absentia enim effectus, quomodo demon-
strabis præsentiam causæ? hoc est, ex defectu lesionis ve-
nenatæ, unde ostendens venenum, nisi ex præconcepta
opinione de Veneno ejusque principio materiali, dicere ve-
lis, habere in se quoddam venenum, quia sint animalia
venenata, hoc est, nisi petere velis principium, & proba-
tionis loco substituere id, quod est in quæstione: supra enim
probavi, venenum hoc non consistere in quodam materia-
li, quia non sit superstes in mortuis; aut si fortè velis com-
parare cum veneno animalium rabiosorum, quæro, cur
post mortem per carniem esum non similiter fiat activum?
potius cum BARTHOLINO dicam: *Ingenue fatebor mi-
nus in vipera recondi veneni, quam vulgo persuasum; de An-
gina pueror. p. 110.*

§. 2. Idem observare licet in aliis bestiis, venenatis vul-
go licet habitis, quæ non laceffitæ, aut ubi metu fuerint
percussæ, non lædunt, seu ictu, seu morfu: è contrà non
venenata animalia, ubi irritata, ex ira vehementer effe-
buerint, ut feles, equi, homines, &c. venenatis non ab-
similes inferunt plagas. Romæ Scorpiones quidam sine da-
mno deglutivit, prius commodè complicatis chelis, caude-
que spiculo. In Italia sæpè idem dormienti accubere,
sed non læsi innoxii fuere BARTHOLINO, *Cent. IV. Obs. 95. p. 418.* Rusticus aliquot centena scorpionum vivorum
manibus apprehendendo, digitisque revolvendo, non aliter
quàm nummos aureos numerare, vidit LYNCEUS *l. supr. citat. pag. 781.* Fatuus quidam Batavii araneas omnes ob-
vias devorabat citra noxam: BARTHOL. *citato loco.*
Quod itidem mulieres quasdam fecisse refert BOREL: ubi
inlimul observandum, quod aranea à viro deglutita, sine
noxa per duos menses retenta, & mirum in modum aucta
fuerit, tandem malignitatis suæ, irritata forsan, prodidit
vim: *Cent. III. obs. 19. l. IV. obs. 56.* Taceo hinc puellam Co-
loniensem vulgò notam, summo cum appetitu araneas ca-
pientem, & devorantem: & quanquam hinc facile aranea-
rum diversitatem quis prætereundum possit; quia etiam lethales
hujusmodi aranearum observatæ sint deglutitiones; ta-
men communem araneam, quæ parietes telis in vestit, non
sine malignitate esse, si saltem irritetur, docebit D. PAU-
LI *Parechasi de febribus*. Vulgaris porro notitiæ est Histo-
ria Mulieris, quæ serpentem vivum, mamillas sugen-
tem, per decem menses innoxie gestavit: quæ tamen vo-
catur in dubium à D. HORSTIO *Epist. Med. Sect. IV. l. 1.*
SEBIZIO JUN. *Respons. in dictum locum*. Notandum ta-
men, quod loco citato refert HORSTIUS de serpente,
mulieri dormienti per os in ventriculum descendente, ibi-
demque per aliquot menses morante, & per vomitum tan-
dem expulso, nulla graviora inferendo symptomata,
quàm aliàs sordes ventriculo adherescentes inferre solent.
Similes prostant Historiæ de bufonibus, quorum semina
quacunque ratione assumpta, vivificata sunt in ventriculo.
ibique in bufones perfectos adolevere, sine noxa insigni
per vomitum rejectos. Historias insigniores vide apud
GRULING. *Cent. II. Cur. 9. pag. 9.* BARTHOLINUM
Cent. IV. histor. 19. M. A. SEVERINUM *d. vipera part. 1. cap. 11. pag. 29.* Et similem rationem de omnibus venenatis
animantibus valere æstimo: ut placido in statu nulla vi ve-
nenata sint formidabilia; aut si iræ percita fuerint cæstro;
vel quovis toxico sint perniciosiora. Irritationis tamen
habenda diversitas, dum nunc ab externa tantum læsione
& molestia concitantur, nunc interno agitantur stimulo,
jis nempe in brutis, quæ naturalem quandam cum homi-
ne gerunt inimicitiam, ut bufones, serpentes quidam,
&c., si quis est, basiliscus, &c. quæ ex nudo aspectu in-
flata odio, iræ effervescentia intumescunt, & venenato
fermento furoris specie insignito inficiunt; quod nunc
per contactum saltem fit corporalem, nunc verò in di-
stans: Illud morfu, ictu; hoc per salivam, vel urinam,
vel halitum.

PUNCTUM V.

*Viperam irritatam & ad iram provocatam conce-
pto furore morsum inferre venenatum declarat.*

§. I. **S**it vipera animal summè bezoarticum, sit thesuurus
alexipharmacus, sit libera ob omni veneno mortua,
sit insons non irritata; laceffita tamen insigniter, morfus
infert venenatos, brevi lethales. Historias vide quamplu-
rimas in SCHENCKIO *lib. VII Obs. de Ven. animali.* Vipe-
ra iracundiæ cæstro percita, canem ubi morfu sauciaverit,
intra decursum aliquot horarum vel citius, mortem indu-
cet ZWELFERUS *p. 212. l. SEVERINUS p. 365.* n-
quit: *qui remordebitur canis aut felis, vix bora, pullus veird
demorsus, vix tamdiu dum recitabitur Angelica Salutatio, deri-
nebitur in vita.* Hinc ALDROVANDUS, viperæ collote-
nus jam pridem exsectè caput, quod integrum sit, posse
demorsum à se animal perdere veneno: cujus rei capto
experimento vidit horè semisse mortuum gallum gallina-
ceum SEVERINUS *cit. loc.* Simile refert LYNCEUS
p. 782. de famulo Pharmacopœi à capite viperæ, jam post
tertium diem abscisso, cum manibus apprehendisset, le-
thaliter morfo, ut vix vel efficacissimis theriacalibus cu-
ratus fuerit. Nec ignota est MATHIOLI historia, re-
feren-

ferentis de Rustico à vipera fortè secundùm caput discissa, pro mortua habita, apprehensa, lethali morso, &c. Symptomata denique demorsis ab iracundis viperis supervenientia, eandem venenositatem palam testantur, de quibus infra. Mordet ergò per dentes acutissimos, fistulosos, ex quibus ejicitur liquor salivalis; venenatur verò per summam, qua tunc ardet, iracundiam: Dentes isti sunt acutissimi, Authoribus quibusdam quatuor, quibusdam duo, quibusdam medius quidam inter hos insignior, aduncus & acutus, omnibus tamen sunt fistulosi, ut per eorum canales derivatus liquor salivalis, cum impetu denti in animali irato inferat lethalem veneni vim. Liquorem hunc simul ejectum vocat virus D. SEVERINUS, innuens eo ipso, ab hoc imprimis dependere virulentiam vulneris: Sed in quo virulentia hæc consistat quæritur? Dicit in vi liquoris pyrotica, sulphurea & arsenicali, qua vincatur, tanquam valentior, calor noster vitalis. Rectè: sed cur in specie adjumentum dentis requiritur? cur non in vipera mortua est talis? cur etiam ex vivæ ore extractus est insons? Hujus ratio ex iracundia animalis petenda, qua furens Archeus & effervescent saliva similes motus, similesque Ideas, per morsum inferunt morso. Ut ita formaliter vipera sit venenata, quatenus est irata; & infert morsus venenatos, quatenus ab irato infliguntur animali.

§. 2. Iræ ergò quàm maximè hic pensanda natura, qua vix validior, nisi amoris excipere velis vim, reperitur affectus. Considerandus hic & impetus animi, & sanguinis reliquorumque humorum motus. Impetus animi vehementissimus furibundusque ex præsentia mali maximè infesti concitatur; ad quod amovendum tota insurgit natura, eademque omni conatu amovere à se tentat; objectum enim odiosum per suam speciem movet animæ vim cognoscentem, per sensuum organa operantem, quæ ex ejus inconvenientia & odiosa præsentia permota abhorret eandem, & amoliri à se conatur, urgente hac, se conservandi, omnibus innata concupiscentia, & hic actus iræ nomine vocari solet. Ex hoc ipso horroris actu nascitur species, ut sic dicam, irascibilis, & Idea amovendi, & propulsi molestum, quæ non tantum recipitur in memoria & asservatur, sed etiam totius corporis partibus fluidis, imprimis sanguini, spiritibus mediantibus confusa, in specie verò membro cuidam, cui molestiam propulsi munus committitur, distinctè imprimitur, & insculpitur: adeoque in viperis hoc animi impetu permotis, species hæc idealis, ut totius corporis ergastulo, ita in specie ori ejusque partibus, & maximè dentibus imprimitur percussoribus, simulque liquor salivalis in eorum confiniis asservatus, pinguitur hac ipsa furoris impressa idea. Rem ita circa affectus se habere, præter auctoritatem Helmontii, Marci, Zuberli & aliorum modernorum, testantur permulta quotidie in medico foro obvia: Cruor Tauri potantem strangulat, non cruor bovis aut vaccæ, idque propter tauri furorem, cum cupidine vindictæ morientis: Canis rabidus vel vivens, per salivam & morsum, vel mortuus per esum, læsos transformat in mores caninos: Felis rabida in mores felinos: non secus ac nuperrimè in oppido vicino Torgavia mulier maniaca, & quidem, ut putabatur, ex Philtro, licetorem, in custodiam se abducentem, mordendo propè axillas, in similem conjecit calamitatem, ut postero die similiter ac ipsa fureret, muliere meliusculè sese habente: Sic felis sanguis haustus à puella, eam in mores felinis similes transformavit: Officulum certum bufonis, cum tremore scilicet & terrore, ut conjuncto aliquantisper furore, morientis, mederi vel nudo contactu odontalgia, certe experimento novi: (hinc catholicum anodynum ex bufonibus parari posse, experientia quorundam celebriorum constat Medicorum:) prodest idem ad epilepsiam infantum; ex nutricum imprimis immoderatis affectibus oriundam, ut & ad paroxysmos febriles: Bufo exsiccatus & applicatus quamcunque hæmorrhagiam, ex interna sanguinis ebullitione & effervescencia ortam, certissimè sistit. Sanguis leporis, pavidissimi animalis, curat erysipelas & dynteriam: Pellis caudæ, lepori vivo detracta, ceu amuletum, idem curat erysipelas; admota verò omnes sanat ambulationes: Sanguis asini, corpore illius bruti, post aures collectus; maniacos coercere & placare nemo dubitat: Rasura cornu tauri, in coitus ardore abrasa, mirè armat in Venerem; quod aliàs non facit: Cerebrum passeris, in veneris actu transfossi, potentius longè stimulat eandem, quàm si undè interficiatur alio tem-

pore: Filum, quo strangulata vipera, medetur angina. Mores nutricum bibuntur cum lacte earum à tenellis infantibus; sicut infans à capra nutritus, caprinos miris satibus, & variis petulantis, imitatus est gestus. Terror, anxietas, & tremor, paventibus Podagricis suam curant podagram: Terror, tremor, ira, lapsus cerasi in Corpus, visio capitis à latio per medium fissi, &c. simili modo signant fœtum: & alia hujus farinae exempla plurima vagantur obvia. Hinc optimè acutissimus MARCUS MARCI non parum referre, in qua dispositione animalia moriantur, quorum partes ad usum medicum quærentur.

§. 3. Sed hæc & similes operationes, per species quasdam intentionales, recentioribus Ideæ dictas, ex quarum directione tanquam in speculo quid agendum cognoscat natura, peragi, paucis ostendam, dum harum in omnibus viventibus præsentia & directrix vis, ex veterum imprimis Philosophia, observare datur. Agentia sunt diversorum generum in rerum natura; præ cæteris observanda vivencia, quæ varias edunt operationes, tam vegetabilia, quàm bruta & homines. Horum omnium ortus, processus & interitus, variis mutationibus, iisque naturalibus, ut est subiectus, ita ab interno agente perfici assolet. Sed cum huic variaz incumbant operationes, necesse est, ut certo modo determinetur, ut operetur hoc, ut operetur istud, nec fiat confusio, quam abhorret natura. Hoc verò quod determinat in agendo, sunt species Intentionales dictæ Veteribus, recentioribus Ideæ. Hæ dum determinant hominem in ratiocinando, dicuntur intelligibiles; dum bruta in sentiendo, sensuales, in actionibus per appetitum motis, appetibiles; dum omnia vivencia in actionibus vitalibus, naturales. Sic cicuta per Ideas proprias crescit, adolescit, & assumpta nos in anseres, anates, & mergos quasi transmutat; Canis operatur in actionibus propriis per proprias Ideas, quæ à rabioso nobis communicatæ, nos ferè in canes transformant, aut certè ad caninas actiones, moresve determinant. Homo intelligit per Ideas intellectuales, quæ, quod probè notandum, dominantur sensualibus, & hæc imperant, aut certè sæpè perturbant naturales. Natura ergò per spiritum seu archeum corporis nostri extructrix & conservatrix, cujus diligens minister est Medicus, agit, & quidem ordinate, semperquè, quæ sua est prudentia, eodem modo; id quod eò magis est mirabile, quò stupenda magis totius microcosmi est conformatio, & actionum tot, tamque mirandarum varietas ordinata, minimeque confusa, nisi à quodam superveniente perturbentur; quæ omnia directa sunt in conservationem totius in genere, & uniùscujusque partis in specie. Necesse est ergo sciat quid agat, & cur agat? sed quo mediante determinatur, & specificatur. Hoc fit per species naturales, seu Ideas. Hæ in genere dirigunt ejus agendi vim, ut hominem homini formet similem & etiam in specie filius Patri, filia matri, &c. respondeat in lineamentis, ut valgus valgum, blæsus blæsum generet, & quæ hujusmodi alia, à conformationis vitio oriunda, errata. Horum namque rationem impossibile sanè est reddas, nisi directrices Ideas seu species asseras. Dumque præterea extructum domicilium, & omnium partium actiones factas rectasque conservat, & perturbatas restituit, ex eodem hoc promanat fonte. Verùm impedita in sua ordinaria agendi vi per sex res non naturales dictas, imprimis per affectus animi, mirè transformantur, vel obfuscantur naturales species, unde ataxia, & variaz archei perturbationes, variazque actionum læsiones. Depravatè ergò dum agit natura, non cœco fertur impetu, sed ex speciebus depravatis & corruptis corrupte oriuntur actiones: hæc ipsæ a speciebus pravis oriunde corriguntur, aut removendo occasiones. Ideas & actiones perturbantes aut contrarias ipsi subministrando species, quæ vel deleant priores corruptas, vel easdem corrigant, &c. ut natura ita restituta suæ integritati per naturales suas ideas denuò agat. Hic est modus agendi superiorum medicamentorum, alius ne mente quidem conceptibilis est. Sed longius deducere hæc prohibeor.

§. 4. Considerato sic animi impetu, in vipera irritata & mordicante, pergendum nunc ad motum horum in tam furibunda perturbatione. Hic autem consistit in impetuosa sanguinis ebullitione, & effervescencia, in Iracundis omnibus obvia. Veteribus exinde iram fervorem circa cor definientibus, indeque iratus fervere, & totus in fermento esse, communiter quidem, sed appositè, dicitur; unde & iram fortitudinis cotem dixere Medici, si non

non ut duce, sed ut milite, ea quispiam utatur. Ira hæc similiter jacuit viperam, fugientem alias homines & pertimescentem, ut supra dictum, eundem ut forti aggrediatur conatu. Fermentatio hæc sanguinis nimia, ex spirituum impetu, variis motibus, cordis pulsatile corpus moventibus & commoventibus, oritur; indeque nimia sanguinis rarefactio, incensio, effervescencia & ebullitio, ex rarefcente imprimis bilis pingui ac oleosa parte, & salina volatili ejus substantia in motum & volatilem impetum concitata, proficiscitur. Agitatum sic sanguinem similis salivæ sequitur agitatio liquoris; sive enim ex felle cum HELMONTIO, sive ex sanguine & cerebro cum SEVERINO, derives, perinde est, dum partes ejus spirituosæ & salinæ volatiles in motum effervescencie similiter rapiuntur; non secus ac homines irati spumare sæpius ore assolent, ex simili salivæ motu: Et quidem eò magis hoc locum habet in vipera, quò volatilioribus & facile fermentescibilibus eadem ditata est partibus: videatur SEVERINUS, qui Parte 1. cap. VII. in eo est totus, ut calidam viperæ defendat temperaturam, eamque sulphureis calidis & spirituosus, & vesci alimentis, & constare partibus, unde & rectè ex sulphureis spirituosus, & volatilibus hujusmodi partibus virulentiam ejus oriri defendit, Parte tota secunda.

§. 5. Hisce consideratis, patet, quid de venenositate morsus viperini habendum? consistit ea partim in Idea furoris Archei, impressa dentibus & salivæ, sicque per morsum unà parti læsæ, & consequenter reliquis partibus communicata, spiritum seu Archeum corporis similiter perturbante, & in furorem concitante; partim vero in parte salivæ fermentescente, per fistulam dentis in vulnus evibrata, & beneficio circulationis sanguinis totius massæ communicata, in similem fervorem & impetuosum motum eandem concitante: in hisce consistit venenum morsus viperini. Confirmant hoc multa, tum in viperis obvia, tum in aliis animalibus observanda. Ratione Idæe dens humanus aliàs innoxius, venenatum infligit vulnus: nam redditus talis per imaginationem, & inde concitata vehementem iræ passionem, teste MARCO MARCI Phil. Rest. pag. 430., meticulosos & expavescentes fortius lædit, & periculosius vipera, ob Ideam furoris Archei trementi contrariam altius impressam. Quò calidiores terræ regiones incolunt viperæ, eò venenosiores, fortius scilicet vel levi ex ira effervescentes. Quò item magis inhiat Veneri, eò virulentior ejus est morsus, agitata jam sponte sanguinea massa per spiritum genitalem, hincque fortius eadem effervescente; Ast quò fortior effervescencia, eò altius furoris imprimitur Idea, nam & effervescencie vim furoris intendit impetus, & ideam contra major effervescencia fortificat, commota tota sanguinis massa, unde & salivæ altius furoris imprimitur species. Quò acutiores sunt dentes, eò malignior est morsus, ob faciliorem salivæ penetrationem, & altior ejaculationem, quo solo contactu externo nil nocet; hinc circulatorum diffractis jam dentibus viperinis & mutilatis, ut mordeant eandem, patienter ferunt, quia sine noxa, minus penetrante, hebetæ earum acumine, minulque sic noxi infundente. Extra hanc effervescenciam innoxius est salivæ liquor; referente namque BARTHOLINO de angina pag. 110. ipse Neapoli virus, quod in chartam irritatæ viperæ bilioso coloris simile ejaculaverant, innoxie manibus trivit; & ab aliis devorari Florentinus ibidem Pharmacopola retulit. Nam evanescentibus partibus spirituosus & volatilibus, sicque sedata effervescencia innoxium est virus. Idea furoris Archei partis læsæ impressa similiter eum perturbat, hinc intolerabilis verè dolor: ast affluente sanguine inopinatus tumor, salivæ fermentescibilibus particulis eandem in æqualem effervescenciam cogentibus, Circulationis beneficio, brevi tota ejus afficitur massa, quæ eodem ebulliens modo admodum tumefacit corpus, febremque accendit acutam: humores circa præcordia, imprimis bili volatilis & fixus pancreatis succus unà quoque commoti effervescent, qua data porta ruunt, & regurgitando sursum atroces dant vomitus; Speciebus furoris interea in cerebrum allatis, vertigines primò ex perturbato spirituum motu, hinc deliria ex speciei impressione infestant ægrum.

§. 6. Quod in vipera contingit iræ percita cæstro, idem & in aliis observamus animalibus. Ab homine omnium principe duco exordium. Qui ut alteri solet esse lupus imò diabolus, ita etiam vipera, idque per morsum. Den-

tes equidem ex se innoxii, ut & saliva, his tamen sæpe immedicabile, aut certè periculosum infligi vulnus constat, ubi ira vehemens eisdem armavit in perniciem. Exempla vide apud HILDANUM Cent. 1. observ. 84. 85. item Cent. IV. observ. 87. ex morsu levi hominis in digito gangræna brachii ad cubitum usque; idem Cent. Epist. 73. GLANDORPIUS Specul. Chir. Observ. 49. pag. 239. PANAROLUS Pentecost. II. Observ. 42, ZACUTUS LUSITANUS lib. 3. Prax. Admiranda Observ. 88. Imò sanguinem hominis ruffi venenatum perhibent, si ira exacerbato detractus fuerit, Autore MARCO MARCI pag. 433. Sicut ZACUTUS LUSITANUS lib. III. Prax. Adm. observ. 82. refert, ex potu sanguinis hominis ruffi, per venæsectionem sine affectibus gravioribus emissi, perpetuam secutam fatuitatem. Si ira fuisset percitus, vel alia vehementiori passione, alia certè secuta fuissent symptomata. Cauda Scorpioni viventi ex improvviso amputata, innoxium facit vulnus, teste MARCO MARCI pag. 430. & LYNCEO pag. 782. Ast irritata pessimum ejaculat virus, cuius vim in effervescencia à sale volatili oriunda consistere, demonstrat PAULLI Digress. de Febr. malign. pag. 50. 51. 52. Similiter cornua tauri, ac dentes apri, quando irritantur & efferantur, plagam inferunt magis venenatam, quàm si casu eadem fiat, inquit MARCUS MARCI pag. 430. cujus ratio in sola iracundia consistit Idea. Sic mentionem facit vulneris virulenti ab apro in suram infligti SALMUTH. Cent. III. Obs. IV. ut & trium vulnuscule à cercopitheco infligtorum, per biennium durantium, ut & vulneris difficulter curabilis à mure minore infligti. Hinc rectè concludit: non dubito, quin ejusmodi animalium, irritatorum imprimis morsus, malignitatis quiddam obtineat: cujus sententiæ est quoque LYNCEUS pag. 782. dum inquit: cum sciam venenosa animalia, quæ pungendo aut mordendo vulnerant, vix nobis virus suum inferre, nisi irritata, adeoque vel à nobis, vel aliis, vel à se ipsis ad iram eadem provocata fuerint, id sæpe in felibus, canibus, & gallis gallinaceis, iracundia flagrantibus animadverti, ut vulnera tunc infligerent cacoethica prorsus & ægre sanabilia, cum tamen quando placide nobiscum agunt, & fortè nos sauciat, vix quicquam detrimenti inde percipiamus, &c. Qui ipse discursu perplacet quoque D. D. PAULLI in Digress. prope finem: similiter discurrit FEBURE trait. de la Chimie Tom 1. Part. 2. lib. 1. cap. 8. pag. 421. item BOYLE of. Experimental. Philosophie Part. 2. Experiment. 2. pag. 52. Porro ex equi morsu in tibia epilepsiam observavit SALMUTH Cent. III. Observ. 35. & gangrænam ex equi morsu HILDANUS Cent. II. Observ. 86. qui licet venenata simpliciter non habeat hæc vulnera, malignitatis tamen expertia non æstimat. Morsum lupi non rabidi, sed saltim irati, malignitatem habere conjunctam, in eodem vide HILDANO Cent. IV. observ. 90. Confirmatur à SCHENCKIO in Observ. lib. VII. de Venen. animal., qui similiter luporum, licet non rabientium, morsum venenatum probat: Sed non satisfacit ratio, quam affert, qui scilicet in renibus eorum plerumque nascantur serpentes. Mellifluæ apes tantum abest, ut scateant ubique melle, ut iracundia quoque prodeant fel; hinc ab apum ictu ortam gangrænam observavit ZACUTUS lib. III. Prax. admir. Obs. 83. ex punctura vespe circa carpum dolorem ingentem totius & liporhymiam HILDANUS Cent. IV. Obs. 77; sicut ex simili punctura circa juncturam mandibulæ ulcus insanabile secutum, idem Obs. 78. & dolorem horrendum aliaque symptomata ex ictu vespe secuta, theriacalibus internis curata RIVERIUS Cent. III. Obs. 88, & obs. 6. Commun. à Pacheco; sicut alias eadem læsio curari solet per vespam superimpositam, & per oleum ex vespis per infusionem applicatum, sicut Scorpione ejusque oleum proprio medentur ictui. Nec alteri solum speciei infligunt labem, & noxam venenatam hæc animalia, sed se mutuis quoque interimunt ictibus: vipera namque à vipera atrociter demorsa vitam cum morte commutavit, Autore ZWELFERO. Scorpiones irritatos permistos invicem, se mutuis transfigere ictibus, testatur LYNCEUS. Arcaneas insigniore in vitro conjunctas se mutuis petere aculeis, & enecare, oculatus sum testis, alia ut taceam. Persuadent hæc ipsa & multa alia apud Autores passim obvia, venenatos esse huiusmodi animalium iratorum morsus; unus tamen plus, alter minus: differentia ratio & in agente & in patiente quaerenda. Agens nunc magis est irritabile; & irritati instrumenta nunc minus, nunc magis sunt acuta, & maiori impatentia flagrat

flagrat odio, vel minori. Patiens si est meticulosus & pavidus, venenum morfu receptum multum exaggerare, & diffusioni in totum corpus portas patentes aperire potest; contrarium fit: si animosus & intrepidus, nunc dispositum est magis ratione massæ sanguineæ, ad recipiendum venenosum fermentum, nunc minus, unde etiam nunc atrociora sequuntur symptomata, nunc leviora. Pars læsa nunc est nervosa, nunc est carnosa, nunc nobilior aut ignobilior, nunc nobili parti propior aut remotior, &c. Variant hæc omnia magis & minus venenatorum morsum & ictuum vim & energiam.

§. 7. Ex modò allatis confirmata videtur sufficienter primitus allata *Celsi* sententia, omnem animalis morsum quoddam habere virus: ex quibus conclusionis loco elicio: si ob id animal dicendum est venenatum, quia ictus infert venenosus, vel morfus, sequitur omne animal, etiam hominem, esse venenatum, quia ferventibus iræ stimulis animali inflicto tunc est venenatum vulnus, ut demonstratum; idque eò magis, quò magis vehementia affectuum rapitur brutum, quod rationis regimine eisdem refrænare nescit. Sed vix sine absurditate hoc dogma concedi potest, imprimis cum incongruum sit, id vocare venenatum, quod non semper habet venenum, nec quod aut vivum aut mortuum est tale, nisi in certo casu: Potius ergò arbitror, statuendum nullum animal reverà & per se esse venenatum, fieri autem tale per accidens, dum abreptum impetuosæ animæ passionibus, frendens ira & ferociens, vindictæque anhelans, per effervescentem salivam, vel simile quid, Ideam iræ conceptam per morsum communicat, & ita venenat, id quod inquit *LYNCEUS* p. 782. dicens: *In hanc devenimus sententiam, venenum absolutum nullum dari, sed relatione solummodo habita ad objectum, & ejus quidem naturam modumque inficiendi, imperferutabilem verò nobis esse.*

CAPUT II.

PRACTICUM.

PUNCTUM I.

Signa Morfus Viperini & Diagnostica & Prognostica pertractat.

§. II.

Viperam per dentes duos caninos læsisse, ex ægri relatione peroptimè addiscitur. Notanda interim sunt & adjuncta ipsius morfus & supervenientia symptomata, ut & de qualitate ejus & instituenda cura certior reddatur Medicus. Morsum ergò ipsum quod attinet apparent in loco demorfo duo foramina parva, invicem spatio discreta, vel etiam plura prò quantitate dentium, fluitque ex his sanguis primò purus, hinc humor saniosus, deinde oleosus spumofus, hinc æruginosus; prout magis magisque sanguis partis læsæ à fermento venenoso immutatur. Symptomata, quæ superveniunt, sunt vel ex genere actionum læsarum, vel qualitatum corporis mutatarum, vel excretorum depravorum; omniaque habent originem vel ex furibunda Idea, vel per morsum impressa, vel ex præternaturali effervescencia, per fermentum venenosum inducta: quæ sicut se invicem sequi solent, enarrare placet. Pars demorfa miserandum dolet, adjuvantibus hic non parum spiculis acutissimis, ex dentibus viperinis in parte relictis; non secus ac spinulæ ex urtica planta, vel opuntia seu ficu Indica, præprimis majore, relictæ dolorem admodum acerbant. Dolor hic adeo sensim accrescit, ut totum quoque corpus dolere tandem dicatur, unde subitaneo tumore pars insurgit horrendam in magnitudinem, & sensim, sensimque totum similiter corpus inflatur, quod si ore admoto haurire patiens conetur & exugere venenum, mox labra linguamque mirum in modum intumescere videas, ut os ipsam vix amplius capere queat, hinc putrilagine correpta, brevi ulceribus scatet, teste oculato *LYNCEO* pag. 177. Color partis læsæ primò quidem rubicundus, sensim alterato per fermentum veneni sanguine, subrubet, donec liveat, & obrepente gangræna, Sphaceloque nigrescat: corporis similiter natus nitor perit, &

pro fermenti efficacia, & sanguinis certa missione, ac inde orta alteratione, nunc rubescit, nunc viridescit, nunc purpurescit, nunc nigrescit, sanguineæ massæ Tinctura rubinacea sic corrupta: quales alterationes observare est in sanguine eorum, qui post iræ nimiam incandescenciam eundem arte evacuant, quibusdam mirè flavescit, aliis viridescit, vel etiam omnino liveat, confusa ex inordinata effervescencia debita sanguinis missione, indeque obfascato, & obtenebrato splendido ejus rubore. Calor præterea totum exurit corpus intensus, incensa febre periculosa à peregrino & hostili fermento; Unde arescunt fauces, ardetque larynx, accedunt vomitus biliosi admodum molesti, anxietates cordis, lipothymia, & syncope terribiles invadunt ægram; hinc & Palladis arcis fit afflictio supervenientibus scotoniis, deliriis, tandemque amentis: labescente jam spirituum regimine, tremores agitant artus, & disfluente ac quasi omnino liquefcente sanguinea massa, exufflata propemodum flammula vitali, cum horroribus quibusdam, ultimi Naturæ afflictæ sed relictæ conatus indicibus, per poros penetrat frigidus pessimi ominis sudor; ac stagnante tandem, & subsistente sanguine in partibus vitali aulæ vicinis, & impedita sic ejus circulatione adsunt refrigeratio extremorum, respirationis difficultates, tandemque totius animæ expiratio supervenit.

§. 2. Ex quibus vel sponte patet, qualis eventus tandem expectandus veniat; quo modo enim tanto symptomatum insultui par esse perterritus æger queat? Non tamen præcipitet se Medicus in prognosi; quia ut variant viperae, pro varietate locorum, victuum, irritationis, &c. ita etiam variat eorum venenosa vis, quod ipsum parili ratione de parte læsa tenendum: quibusdam in regnis aliquot horarum spatio, in quibusdam tribus diebus, in aliis longiori tempore conficiuntur ægri: hoc generaliter interim notandum, morsum hunc, tanquam ut plurimum lethalem, subitam medicaminis postulare opem, *AETIUS* hoc proponit: *ex quibus Centaurii cum vino tritum bibendum præbeto: siquidem enim Pharmaca cum vomit homo, morietur, si non, vivet.* Quod lexum diversitatem attinet: litigant adhuc inter se autores; Maris an Fœminæ periculosior sit morfus: Sententias & auctoritates vide apud *SEVERINUM* p. 414. & sane ab utraque parte stat ratio, maribus major effervescencia competere videtur, fœmellis efficacior Idea vis, ob iracundiam, ad quam in omni ferinæ animalium genere fœminæ sunt promptiores utat vana non raro sit sine viribus ira. Sed quicquid sit hujus controversiæ, parum aut nihil interest Medico, ut scias animalis lædentis sexum. Hæc tandem ultima prognoseos signa *EUSTACHIUS RUDIUS* lib. 6. tertio de morbo acur. cap. XVIII. collegit, & sunt. Si Vipera percussus in syncope incidit, si illi sanguis è naribus profluit, si labia virore adscindunt, si digiti extremi gelidi redditi fuerint, si corpus omne congestum est tremore, & ut *Nicander* ait, veluti grandine percussus sibi videtur, certum est mortem esse propinquam.

PUNCTUM II.

Methodum medendi morfu Viperae præscribit.

§. I.

Dispiciendum tandem, quid valeat ars operosa medendi, quid ferre recusset. Maturam ferat opem Medicus, ne elapsa occasione, quæ secundum Dictatorem nostrum summum solet esse præceptus, simul sperata ægri convalescentia evanescat. Indicatio, quam præfixam habet Medicus, est, removere venenum; quod præstat vel ex vulnere extrahendo, vel ex corpore expellendo: Consistit namque istud in in parte salivæ effervescente, Idea furoris insignita: sublato ergò miasmate hoc, & inquinamento, securitatis spes affulget. Quæ extrahunt venenum ex parte læsa, sunt Topica, & exterius admoventur, idque mox agendum in primo principio, antequam perniciofa veneni celeritas, beneficio sue volatilitatis, imprimis cum sanguinis circulari motu, ad intimiora penetret, totamque sanguinis massam conspurcet, ejusque Idea ubique spiritus sigillet. Abscisso hinc continuo membro læso, abest noxa, teste experientia *GALENI* in rustico, qui remorsus à vipera secundum digitum, hunc sibi per falcem fructuose & salutariter amputavit: videatur

ZA-

ZACUTUS LUSITANUS lib. V. Med. Princ. histor. I. Sed truculentum nimis est hoc remedii genus, ad mitiora ergo accedamus. Hoc interim semper observandum, ut injiciantur vincula, & ligaturæ partibus superioribus, firmæ & valentes, ne vi doloris concitatus sanguis, nimio impetu per arterias affluat, nec cito nimis una cum veneni inquinamento per venas refluat. *Testificati sunt Psylli Marsique nostri*, inquit **SEVERINUS** pag. 249. vid. **PANCIOROLL.** pag. 178. cum fortè per viperas incautè mordentur, si continuè morsam particulam exasperent scalpris, adeo ut tingatur rara multo cruore, quem diligenter expresserint, fieri sic, ut nulla sequatur noxa. Bona equidem hæc est medendi methodus: Sed dum consideramus vulnusculi angustias, & spontaneam partis extumescientiam, vereor, ne plus attrahatur sanguinis, sine eo, ut convenienter evacuari possit, ita ut præter veneni celeriore propagationem, ex sanguinis in tumore extravasatione, coagulatione, & à fermento maligno mortificatione, subitaneus gangrænæ ingruat metus. Melius ergo faciunt illi, qui partem commorsam scarificant, idque pro circumstantiarum varietate nunc levioribus nunc profundioribus incisuris, applicando postea tam sanguifugas naturales, hirudines dictas, quam artificiales, seu cucurbitulas, quæ saniosum illum & tabe manantem ibique conculcatum sanguinem exhauriant. Commendat hic **SEVERINUS** pag. 451. Exsuctorem, quicumque sit, & quacunque ratione fiat, eumque ab omni labe lecurum promittit: Cujus tamen non fuero imitator, deterrente me observatione **LYNCEI** pag. 778. Sed duo omnium efficacissima, & absolutissima, commendat **SEVERINUS**. media, Ignem nempe & Sulphur. Ignem quidem expeditissimum esse auxilium, cum cæterorum præstet viribus; sicuti etiam **HILDANUS** in *Observationibus suis* ignem ad canis rabidi morsum vel maxime commendare solet. Adhibendum autem pro Ustione suadet, rhombum unum alterumve fimi capilli incensi, quos imponendos suadet, donec cinerescant; finem namque hunc in se & ignem servare, & flammam reddere, idque ratione copiosi, quo impregnatus sit, sulphuris. Cæterum quis non formidet hinc dolorem intensum, qui per moram longè fieret crudelior? vereor ut patiens tunc tantam exhibiturus sit patientiam, quantam dolorificum hoc requirit remedium. Et hoc ipsum similiter obtinet de ferro ignito, loco affecto impresso: Horrent ægri mentionem ferri, nedum ignis, quid facient in hujus applicatione? commendo potius hic perelegantem modum **Domini BOYLE** in *Exper. Philos. idiom. Anglico conscript.* pag. 59. qui etiam sit per ignem, sed sine ustione, per quem extrahitur venenum, sed sine corporali ad partem læsam applicatione. Modus est hic: Ferrum ignitum admoveatur parti affectæ eo usque, quo ferre potest æger sine dolorifica lesione. Idque tam diu, donec per hunc ignis contactum virtutalem extrahatur, quicquid est in parte veneni; sic namque interdum in Marte observari maculam quandam flavam. Experimentum factum in homine quodam vulgari, qui statuto pretio ab irritata insigniter vipera sustinuit morsum in manu, unde in continenti mirum in modum eadem tota intumuit, ita ut vix ob temporis angustiam sufficienter incallescere potuerit ferrum, sed hoc per 10. vel 12. minuta admotò, incrementum tumoris omnino remisit, & licet adhuc aliquandiu continuasset, sponte tamen postea evanuit; qui postea sæpius hoc medio pecunias lucratus fuit. Quo ad efficaciam hujus medii non dubito de quadam veneni extractione, qua ignis sulphureas volatiles & actuosas ejus partes allicit: Sed forsitan adhuc aliud quid in recessu habet; dictum enim est supra, fermentum venenosum insignitum præterea quoque esse Idea furoris, quæ ipsa perturbando Archeum admodum exasperet malum: Sed huic nil magis contrariatur quàm terror, quo per ferri igniti præsentiam incusso, extincta priori Ideas Archeus contrariam fabricet, sicque veneni vim non parum enervet. Observare datur simile quid in procidentia uteri, quæ utut per solam ligamentorum aut laxationem contingat, aut ruptionem, optimè tamen incusso certo modo terrore, idem restituitur in suum locum; teste enim **RODERICO à CASTRO** ib. II. de Morb. Mul. capitulo 16. cauterium actuale ignitum si teneat Medicus manu, simuletque ac si vellet uterum tangere, eundem subito retrahi: quod ipsum in intestinis prolapsis obtinere quoque affirmabat. Simile strategema expertus est quoque feliciter **ZACUTUS LU-**

SITANUS lib. II. Prax. adm. obs. 95., idque ex manu ditione **AVENZOARIS**, per mures cruribus alligatos, quorum stansursu perterrita scœmina, uterus in propriam reductus fuit sedem. Alterum generosum, quod commendat **SEVERINUS**, remedium, est Sulphur, ejus varia est applicandi ratio, vel enim guttulas acens sulphuris instillare, vel olei sulphuris per campanam complures guttulas in plagam demittere, eamque specillo tenuissimo refricare protinus, vel oleum vitrioli similiter immittere, vel acetum adhibere jubet. Præter autoritates, quas apud eum vide, experimentum reddit hoc: quod oleo sulphuris effusam in abaco viperæ infecturam, confestim coagulet, & fixet. Perplacent hæc, cum amicè hic conspiret Theoria & Praxis: Illa effervescendo agere dicit venenum viperæ; hæc ergo medicamentum postulat, quod præcipitando coercere queat istam immoragaram vim. Cum itaque venenum viperæ consistat in sale volatili, spiritibus sulphureis juncto, hoc est, ut loquitur **SEVERINUS**, sanies viperæ sit pyrotica, spiritiosa, sulphurea & arsenicalis, optimè conveniet acidum, vel sulphuris vel vitrioli vel aceti, quod præcipitat omnem salem volatilem & figit, & coagulando blande sulphur, fermentum venenosum omnino mortificabit. Hinc internè hujusmodi acida vel etiam aceta Bezoartica, juncta Theriacalibus medicamentis, tam laudabilem præstant opem, dum illa præcipitando vim veneni fermentativam thebetant, hæc verò, si quid inest heterogenei in massa sanguinea, per cribrum cutis porosum excludant: de quibus postea. Sed cum acidum hoc in oleum concentratum vulneratæ applicatum parti corrodingo atroces excitare valeat dolores, forsitan per manu ductionem **D. BOYLE** fumus ex insensis tædis sulphureis propè applicatis erit utilis, ut tum ratione admoti ignis, tum ratione vaporum acidorum sulphuris, junctis quasi viribus, subjugetur venenum. Usitata sunt & alia extrinsecus applicanda pro veneni extractione, ut aves, imprimis gallus & palumbus deplumati circa podicem & admoti, vel dissecti per medium, & calentes adhuc applicati: Alii theriacam vel solam, vel aceto subactam, commendant; vel ex theriaca, cum cepis, aliis & caricis paratum cataplasma admovent: **LYNCEVS** unguentum ex majore parte olei scorpionum, mediocri theriacæ, & minore aceti compositum cum fructu adhibuit. Tormentilla exterius applicata, salutem demorsis attulit, teste **FRACASTORIO** lib. III. de Morb. Contag. capitulo 2. **AETIUS** admodum commendat stercus caprinum, cum aceto applicatum: vide **ZACUTUM** lib. 5. Med. Princ. Historia 2. Hinc alii ex stercore capræ cum aceto, pice, cera & sulphure, utuntur mistura: nec inutile erit emplastrum magneticum *Sala*, ratione magnetis ex sulphure, arsenico, & antimonio conflati, cui si addas vel pulverem viperinum, vel earum bilem, aut subigas cum earum pinguedine, eò efficacius reddes. Viperarum namque partes externè applicatæ quæcunque exoptatissimam ferunt opem, imprimis fel illitum, & caput mortuæ impositum, quod utut furore prius ardeat, imminente tamen morte, in terrorem & tremorem sensim faciente furore, obit. Extracto sic veneno, danda opera, ut si quid inest sanguini adhuc corrupti, & congrumati, per debitam suppurationem evacuetur, postmodumque consolidetur.

§. 2. Quod interna attinet remedia: ea sint talia, quæ conceptum jam fermentum venenosum foras excludant, intestinas sanguinis commotiones sistant, & discussis fuliginum per poros cutis nebulis, serenitatem pristinam microcosmo inducant. Specialius Antidotorum vim determinat **MARCUS MARCI** pag. 434. inquit: *Antidota & in principio & in progressu morbi medelam præstant, quia nimirum vel à veneno Ideas noxias exigunt, vel penitus mistum istud destruunt, vel demum Archeum vulneris per amicabiles Ideas alloquuntur, & solando furorem sensim exuere procurant.* Sint ergo alexipharmaca, vel præcipitantiæ, hæc tam positiva quàm privativa, illa tam communia quàm contra viperas appropriata. Communia alexipharmaca ubivis nota, tam simplicia quàm composita. Inter simplicia scordium, scorzonera, ruta, centaureum minus, &c. Ex mineralibus antimonialia profunt fixata, ut diaphoreticam acquirant vim, imprimis sulphur ejus aureum, seu quod Mercurii sublimati beneficio ex antimonio eruitur, seu quod per sal ammoniacum sublimatur & figitur, ut sine vomitu secessuque per nudam agat blandissimamque diaphoresin. Ex animal

malibus omnia profunt ex cervo parata. Theriacales quoque insignis vis apud omnes commendatur. Auctores indeque Essentiae theriacales, spiritus Theriacalis Camphoratus, ex quo cum spiritu vitrioli & tartari (his imprimis volatilibus) parata mixtura simplex, de cuius usu jam praecedenti paragrapho, atque etiam celebris Tinctura Bezoardica Magnif. Dn. D. MICHAELIS, admodum erunt proficuae. Opata quoque, cum theriacalibus maritata, admodum commendo, cum theriaca communis maximam verè vim sortiatur ex opio, eotamen minus correcto: quod si correctum legitime cum Bezoardicis misceatur, sedando sanguinis impetuosum motum, & delendo furoris in Arthrico Ideam, maximè foret proficuum. Appropriata ad morsum viperæ medicamenta ex ipsis copiose hauriuntur viperis. Pertinent huc pulveres viperini, de quibus videatur SPONTONUS Tractatu de Pulvere Viperino: Item Essentiae earum & tincturae, quarum quamplurimas & in ZWEELEERO & SEVERINO invenies: & quod instar omnium est, sal ejus volatile, quod si ritè absque acido figere nescias, in id saltem incumbas, ut legitima edulcoratione urinosum & nauseabundum tollas saporem, è contrà verò suavem ipsi, dulcem & aromaticam; omnino concilies & fragrantiam & dulcedinem, quod facile secundum ductum D. BOYLE Tract. supra citat. fieri potest. Ratio operationis horum medicamentorum consistit in similitudine, qua simile attrahit suum simile. Assumpta ergo vel admota viperina fermentum venenosum & salium, suæ naturæ omnino simile, attrahunt, illud alterant, vin fermentativam sopiunt & placant: parili ratione atque pili canis rabidi impositi; ejusdem morsui, relevant ægrum & jecur ejusdem comestum eundem curat; aut sicut Scorpius, vel apes, impositi suis ictibus, jisdem medentur, eliciendo id, quo nocent. Inter appropriata commendari vulgò solet fraxinus, utpotè cuius velnudam umbram viperæ & serpentes fugere autumant; hinc succum foliorum admodum commendat ZACUTUS LUSITANUS libr. III. Prax. adm. Observ. sed rejicit hoc ex PLINIO haustum dogma SEVERINUS pag. 264 Et licet AMATUS LUSITAN. Cent. I. Cur. I. Puellæ à vipera demorsæ propinaverit succi fraxini ʒiv. cum juvamine, hoc factum est ratione tremoris adjuncti, cujus specificum est in fraxino, & aqua ejus destillata egregia hic est medicina. An ex corylo parata medicamenta assumpta aliquid afferant, comodi? nondum certò expertum:

attactu quidem virgæ columnæ torpescere & stupefieri serpentes & viperas fama est, & circulum virga columna circa viperam factum hanc non transgredi, quidam, qui se hoc experimentum vidisse dicebat, retulit. Non ergo ejus internus usus omnino videtur improbabilis, cum præterea in corylo quamplurima abstrusissima lateant arcana, & ol. heraclinum ex eo paratum stupendas possideat vires: uttaceam corylinum viscum ad morbos ab incantatione & veneficiis oriundos potestates obtinere omnino singulares. RENEALMUS Observ. CLV. CLVII. morsam à vipera jam ferme conclamata, restituit per Decoctum ex Verbascis, & cornice Sambuci interno, cum parte sexta baccarum acathalidis assumtum, & partibus lævis scarificatis extra applicatum. Galegæ seu rutæ capraræ vis & hic specifica est egregia; aquam ejus destillatam non inferiorem æstimat aqua scorzonerae LYNCEUS pag. 786. & cum hoc galegæ succo curatum juvenem ex viperæ veneno infectum, vide in SCHENCK. lib. VI. de Ven. Anim. & Historiam Lacertæ cum vipera pugnantis, & cum galega contrà vim veneni viperini se munientis, vide in FORESTO lib. II. de Incert. Urin. Juv. pag. 209. v. 156. Imprimis felicissimum expertus est usum urinæ humanæ, ejusque potus, in morsu viperæ, ZACUTUS LUSITANUS lib. VII. Praxeos adm. Obs. 94. Sicut eadem prodest ad præservationem ipsius quoque pestiferæ luis, jejuno si hauriatur ventriculo. Spiritus ergo urinæ volatilis cum essentiis theriacalibus, vel potius viperinis mixtus, foret hic saluberri-mus. Saliva hominis jejuni serpentes & viperas enecare communiter asserunt; sicut etiam sanatores dicti per spiritum suum aquis injectum & imbibitum quàm plurimas egritudines, & à viperis inductas noxas, sanare solent; cujus exemplum habet JOH. MARCUS MARCI pag. 554. §. 16 qui licet hanc vim naturalem esse, & ex sola imaginatione spiritum certo modo sigillante, in quibusdam subjectis provenire asserat; tamen amicus quidam fide dignus retulit, esse donum quoddam divinitus concessum, & proprium esse quibusdam in Italia, quæ in Festo Divi Pauli nati, signum serpentis vel viperæ sub lingua aliove in loco gerant, cujus se oculatum testem sanctè affirmavit. De diæta non est, ut multa moneam, cum eam præfens Medicus dirigere facile sciat. Temperantiæ medium ubique est optimum, quare ne & ego mediocritatis nimia prolixitate excedam limites, facio finem.

DISSERTATIO IV.

DE

CHIRURGIA INFUSORIA,

PRO LOCO

IN FACULTATE MEDICA LIPSIENSI OBTINENDO,

MICHAELE ETTMÜLLERO.

PHILOSOPH. ET MEDIC. DOCTORE,

Examini Publico submissa,

die 30. Octobr. Anno. 1668.

RESPONDENTE

GEORGIO FRIDERICO STIRIO;

Uratislaviensi Silesio.

P R O O E M I U M.

VT tale quale est, conservetur corpus nostrum, assumendorum alimentorum imposuit necessitatem provida mater *Natura*, hisque *Oesophagi* iter & *Stomachi* constituit diversorium. Sed de agitudine *illa* minus sollicita, medicamentis applicandis nullam determinatam destinavit partem, sed ubicunque juvare possunt, commodus applicandi est locus. Eadem nempe ratione, qua morborum Autores non semper per patulam oris in nos subintrant viam, sed mille modis nobis insulant: ita quicquid juvare potest, five deglutiatur, five appendatur, five imponatur, five infundatur, five illinatur, perinde est. Mille namque nocendi modis, mille salvandi media respondere par est. Quamplurimi equidem extraordinarii curandi sunt modi, de quibus ceu particularibus non est facienda universalis regula; ut, dum per *imaginationem* fit purgatio, ut videre est in *Obs. HENRICI ab HEER*; aut ex *imaginaria persuasione*, ex ridiculis verbis schedulae inscriptis & appensis, febris curatio apud *SALMUTH. c. 2. Obs. 81. aut* dum per *contactum* fit agri sanatio: sicut ante paucos annos in Anglia fuit Rusticus, qui quosvis etiam gravissimos affectus curavit solo manus suae contactu; item, dum tumores & excrementa contactu manus mortuae evanescent; aut quando *transplantationis* vi morbi in bestias transferuntur, ut Podagra, Colica, Odontalgia &c. in canes, vel in plantas, quarum exempla collecta vide apud *BARTHOLINUM Cent. 3. Obs. 66. & c. 6. Obs. 53. BORELLUM Cent. 3. Obs. 28. Boyle Vsesulnes. of. Experim. Philos. p. 2.* Ut jam curatio non agam: sed urgebo saltem, non esse destinationem *Naturae*, ut solummodo per os ingerantur medicamenta pro interiorum correctione malorum, cum applicatorum extrinsecus vis sit mirabilis, secus ac cum alimentis contingit. Lotiones pedum in pertinacibus Vigiliis, Cephalalgis, caris, ut felle tauri, oleo absinthii, &c. umbilico applicata, lumbricos enecant & propellunt. Purgantia extrinsecus umbilico vel pulsibus applicata purgant; sicut theriacalia & opiata e contra simili usu hypercathareses sistunt. Hellebori albi radices ventriculi regioni impositae, vomitum cient; quod & unguentum de arthanita facit; folia vero ejusdem hellebori instar plantaginis, sed longiora & duriora, sub cinguli forma lumbis applicata, nimios mensium & lochiorum fluores sistere expertum est. Mercurius vivus pinguedine svilla vel oleo tartari subactus, spinæ dorsii vel articulis artuum, vel, quod optimum, plantis pedum, inunctus, ex Gallorum Chirurgorum methodo, per salivationes sapius, rarius per diarrhoeas torminosas, luem Veneriam curat; qualem effectum & plumbum simili usu in infantibus exhibet; ceditque contumacissimum hoc malum huic Mercuriali inunctioni, quod antea omnes decoctorum sudoriferorum & diatarum strictissimas neglexerat leges. Succus cancerorum fluviatilium, vel sedi majoris, vel aqua spermatis ranarum, capiti vel plantis pedum applicata, valdoperè ad compescendos sanguinis æstus, & phreneticorum deliria commendantur. Quid pulsibus applicata valeant in abigendis febribus intermittentibus, sapius cum rubore ex aniculis discunt medentes. Pulpa pasularum cum flor. lupuli, & paucis camphoræ, pulsui applicata, quamplurimos febricitantes restituit Anglos. Quid STROBELBERGERI emplastrum valeat ad frangendam quartanæ contumaciam, ejus fide digna monstrant scripta. Ex fuligine splendente, terebinthina, telisque araneorum, cum camphora & oleo araneorum concinnatum emplastrum, seni nobili Desideratiss. meus præcept. D. MICHAELIS. Emplastrum ex Nicotiana paratum, cum oleo capparum spleni applicatum, quartanam tollit, illudque HELMONTII fuisse, sunt, qui existimat.

stimant. Paucianni elapsi sunt, quod novus medicamenta applicandi corpori nostro modus à curiosis inventus fuit, dum immediate medicamenta venis infunduntur, unde *Chirurgia Infusoria* appellatur; cuius genuina Filia est *Transfusoria*, dum sanguis ex uno animali in aliud transfertur. De quibus *iusfugratioliss. Facult. Medicæ* hac vice libentissime conjunctim egissem, nisi defectus quorundam scriptorum Parisiis præterita hyeme, cum ibidem degerem, editorum, quæ & ardentem adhuc expecto, me impedivissent. *Transfusionem* igitur ad proximam occasionem reservabo, & in præsentiarum *Infusionem* tantum pertractato, cui incepto, ut Divinum Numen favere velit, supplex rogo.

CAPUT I.

HISTORIAM CHIRURGIAE INFUSORIAE ENARRAT.

Definitio
Chirurgiæ
Infusoriæ.

DUm acerbiori sævitia quotidie in nos irruunt conjurati vitæ nostræ hostes, morbi, in eo totam se occupatam monstrat ars operosa medentium, ut novis quoque machinis illorum impetum non sustineat tantum, sed generosè quoque propellat; Unde tot egregia hætenus in lucem protracta sunt inventa, de quibus veneranda antiquitas ne somniavit quidem; cum accuratior Diætæ observatio à gravioribus morborum insultibus eam sufficienter muniret. Inter hæc inventa non ultimum locum meretur *Chirurgia Infusoria* dicta, qua beneficio instrumenti appropriati medicamentum in apertam antea venam artificiosè injicitur, ut *infra his agendi potestatis*, celeriorique agendi promptitudine, agere queat id, ad quod antea à Medico destinatum fuit. Ad Chirurgicas operationes refertur hæc medicandi ratio, cum manuum artificiosa peragatur opera, similisque hac ratione sit reliquis *injectionibus*, quibus nunc abscessus, ulcera, fistulæ, &c. eluuntur; unde non incongruo appellationis genere *Clysmatica* etiam, vel *Enematica Nova*, dicitur, ad differentiam artis istius clysmaticæ veteris, majoribus satis cognitæ, de qua modo locuti sumus.

Inventum
est No-
vum.

S. 2. Novum omnino est hoc inventum, quodque inter Medicos vix lustri attigit ætatem. Meretur ob id meritò, ut pensetur accuratè, plùne commodi an incommodi exinde ad mortalium genus redundare queat? Nec novitatis quæquam deterreat titulus, cum non omnia, quæ seculorum aliquot numerant annos, veritatis niteant splendore, nec novis omnibus falsitatis inurenda sit nota. Quæ jam antiquata sunt usu; suos olim habuere natales, & quod modo exurgit inventum, post seculi spatium fortè elegantius florebit. Multum egerunt ante nos majores, multa agenda restant posteris; nec nobis ergo prohibita sit ingenium exercendi libertas. Nonnullæ licet circumstant diffcultates hoc negotium, commune tamen id habet cum omnibus, quæ primò in lucem prodeunt. Fœtus tenellus talo incedere nequit firmo, qui in virili ætate insigni robore pollet; & planta dum primitus germinat, quibus non exposita est tempestatum injuriis? quas, ubi in arborem adolevit, omnes contemnit. Eodem modo longior experientia roborabit fortè nostram Chirurgiam, & ratione confirmata uberores adolescentibus annis proferet fructus, quàm nunc prima ætate ab eadem haurire aut sperare queamus. Nam

Eventus varios res nova semper habet.

S. 3. *Primi*, qui Chirurgiam hanc exercuere, fuerunt *Angli*, & inter eos primus Autor dicitur *D. WREN. Math. in Acad. Oxoniensi* P. P. insignis; & *Regiæ Societatis socius*; iamque magno eruditorum desiderio expectatur absolutus de hac Materia tractatus, quem *D. CLARCK Anglus, Medicus Regius*, propediem in lucem est editurus, in quo, præter alia curiosa, etiam abortuum ferè omnium mensium contentæ erunt historiæ; hæc dum *Angli* peragerent,

I. D. MAIOR, Med. Doct., Anat. & Botanic. P. P. in Acad. Chilonensi, meditando, qua ratione intercepti sudores ob sanguinis visciditatem in ægris ex febre maligna jam agonizantibus (dum usitata remedia incassum sæpius adhibentur) revocari, sicque sanguineæ massæ nova fluiditas & fermentatio induci possit, ad hujusmodi infusionem liquoris medicamentosi tandem devenit, & anno 1664. prodromum de hac Chirurgia Infusoria publico exposuit, quem anno currente iudiciis doctorum virorum, eorumque objectionibus, simulque modestis ad eas responsionibus locupletatum denuò edidit. Eadem resevit **CAROLO FRACASSATO, Med. Doct. & in Acad. Pisana Anat. Prof. Publica**, viro, ut ex privato collegi discursu, multum curioso, qui, dum quærit, quo modo fermentatio sanguinis in genere revocanda, si forte abjerit, vel interitura renovanda? ansam accipit de Medicina Infusoria cogitandi, eamque exercendi, ut videri potest in *Tetrad. Epist. MALPIGHII & FRACASSATI anno 1665. Bononiæ edita*. Nec omittendus hic est **IOH. SIGISM. ELSHOLTZ D. & Elect. Brand. Med. Ordinarius**, qui occasione experimenti anatomici, quo anno 1661. circularem sanguinis motum in muliere undis suffocata demonstraverat, *Clysmaticam* etiam hanc novam invenit, de qua vid. ejus Tractatus, hoc nomine insignitus. Nec sua laude hic defraudandus **MAURITIUS HOFFMANNUS, Med. D. & P. P. Anat. ac Botanic. Altdorffii**, qui in literis, ante biennium Patavium ad me missis, inter alia refert, se jam antea aliquot annos & publice & privatim docuisse, quomodo in Melancholicis, Epilepticis, &c. sanguis ex juvene florido in ægrum immittendus? &c. quod idem discipuli ejusdem testantur. Hi sunt, quibus inventi hujus novi gloria debetur, quippe, diversas licet vias ingressi, ad eundem tamen collimarunt terminum. Quilibet sanè rationis suæ obtinet robur, illudque applicando quid mirum, si res novæ inveniantur? Quæ seu sint diversæ, seu eadem, unumquemque tamen laus inventi proprii meritò manet; Si enim *alius alia plura invenire potest, nemo omnia*, ut inquit *Ausonius, etiam alius alterius inventis similia reperire valebit*. Retulit interea Vir quidam Nobilis curiosus, & fide dignus, se anno 1642. in Lusatia superiore, apud Magistrum quendam Equitum, virum rei venatoriæ multum addictum, & ob id quam plurimos canes alentem, vidisse, quod ejus venator delectationis gratia interdum canibus in venam apertam per ossiculum gallinaceum ex ore vinum Hispanicum, vel aquam vitæ infuderit, unde canes post ligaturam parum ejulantes, ebrii facti fuissent, donec ebrietatem per somnum discussissent: eumque solitum fuisse, canes ægrotantes hoc modo medicamenti, nescio quibus, curare.

S. 4. Experimenta varia Chirurgiæ hujus Infusoriæ, quæ tum in supra allegatis Autoribus reperiuntur, tum etiam ab aliis privatim tentata fuerunt, sunt sequentia. Cani majori in venam cruralem aquæ comm. ʒi. injecta fuit facili labore, qui, cum per mediam horam lambisset vulnus, fugam postmodum quasi nihil passus arripuit. Ex vini Hispanici ʒi. injecta, nulla in cane alteratio ab **ELSHOLTIO** animadverti potuit, ob dosin fortè nimis exilem, in debita verò dosi quid contingat, præter alios docet imprimis **SCHOTTUS Techn. Cur. lib. 11. cap. 21. p. 891. Vino Hispanico, infuso cani, pri-**

Tentamina in canibus.

Aqua simplex.

Vinum.

miū in saltus & tripudia effundebatur, tumebrorum more titubabat, demum procumbens in somnum solvabatur, donec crapulam edormivisset. Ex infu-

Purgans. *so purgante, spiritu vitæ aureo ad ℥j., quantum homini abunde sufficit, canis per aliquot has male habere visus est, & hinc ipse inde vagari; septem verò elapsis horis, bis copiose satis deiecit, teste ELSHOLTIO. Ab aliis felici semper successu idem expertum fuit, & in quibusdam horæ tantum elapso spatio operatio medicamenti per inferiora se prodidit; cum alias canes, vel non, vel difficillime, ab assumptis purgantibus solvantur. Infusum granorum sexdecim croci metallorum non filtratum, ad ℥j. cani promeridie injectum, inter singulos & salivationes oris, graviter decumbentium instar, cum sonoris suspiriis, secunda ab infusione hora vomitus produxit, eodem valde interea inquieto, & ex uno angulo in alterum prorrepente: nocte verò transacta mane extinctus fuit inventus. In alius molossi arteriam Infusum croci metallorum pauca quantitate nihil invexisse damni, observatum fuit; cum verò dosis ad ℥ij. aucta fuisset, & animam & omnia simul evomuit, Autore DN. BOYLE.*

Opium. *Opiitantum, quantum hominem enecare, felle verò in rabiem lethalem conjicere potest, nullam noxam cani propinatum infert: cum verò extracti liquidi opii ad ℥j. injectum fuisset, cane licet existente ferocē, is statim mansuetus factus post mediam horam adeo dormire cœpit, ut licet acicula per linguam exsternam transadigeretur, vix tamen parumper evigilaret; imo cum eadem acidula in pede per cutem adigeretur, se nihil moveret; sin verò ad nodulum usque in carnem intruderetur, quædam sensus signa daret: & ita biduum unamque noctem dormiendo consumeret, eodem postea reconvalescente. Ab aliis observatum, post opii Tincturam in arteriam canis infusam eum mox in vertiginem, & paulo post similiter quoque in soporem incidisse, paulatim verò ex eo tempore mirum in modum pinguescere cœpisse. Iniectione aquarum Chrysulcarum in jugularem & cruralem venam animal citò interit, sanguine omni ferè coagulato, venisque & meatibus sanguineis majoribus scissis seu ruptis, quemadmodum in apoplecticis vasa pulmonum plerumque disrumpuntur. Amicus quidam in venam canis subclaviam iniecit spiritum nitri, & paulo post extincto cane, sanguis in ista vena & corde coagulatus, & in dispersos grumos concretus, repertus fuit. Ex infusione spiritus vitrioli sanguis pariter, sed non illico (verba sunt FRACASSATI) concreverat, verum aliquo interjecto tempore; nam animal diu conquerebatur, & munda respirationis ingeminabat, & succussato toto pectore ingentis doloris signa edebat, spumaque circa os prodibat, ut in Epilepticis. Secto animali, sanguinis non ea erat concretio, ut aliam sanguinis partem continuatam haberet, & velut stria inane vasorum impleveret, sed divisus, & inæqualiter fuso hoc sale revinctus, reperiebatur. Infuso oleo sulphur in venam jugularem, non potuit canis, iterata licet infusione, adigi, ut moreretur; sed obligato vulnere dimissus confestim cœpit ossa querere, cuncta vorare famelicus, ut videretur fames hæc cum oleo sulphuris indita. Mira videri potest hæc relatio, consideranti magnam olei sulph. & spiritus Vitrioli affinitatem, qui dum ex uno sale acido seu esurino sulph. embryonari, ut HELMONTIO audit, in terræ visceribus sint generati, affectu onibusque & proprietatibus sint admodum similes, adeo diversos tamen in sanguine producant effectus. Boni ergo & curiosi cujusdam amici animatus instinctu, ejusque adjutus ope, experimentum institui, & ℥j spiritus sulphuris per campanam in aquæ ℥j, & quod excedit, dissolutam in venam cruralem injeci, factaque convenienti vulneris deligatione canem à vinculis solutum in aream deposui, qui vivax omni-*

no, apertis lucidisque oculis, plena paulo tamen frequentiori respiratione, in area decumbat; hinc sensim altiore, crebriorem & minorem agendo respirationem, levibus quibusdam imprimis oris convulsionibus agitari, hinc crebrius respirare, tandem fortiter diuque ex imo pectore non sine violentia stertere, copiosam spumam effundere, hancque scenam, repetitis subinde levibus convulsionibus, tam diu agere cœpit, donec quasi strangulatus ferè circa mediam horam ab infusione exspiraret, effluente ex ore mox post mortem copiosa admodum aqua serosa tenui, instarque loturæ carni rubicunda, cum copiosa & viscida supernatante spuma. Cum verò ex area in mensam elevaretur pro viscerum scrutinio, eadem spuma copiosè admodum ex ore effluebat, apertoque rictu totæ fauces repletæ erant, ipsaque integra quoque aspera arteria; compresso namque exterius larynge, copiosè in fauces erumpebat hæc spuma, simulque per nares effluebat. Aperto thorace pulmones in quibusdam extremitatibus ex albedine rubescebant naturali colore, sed maxima ex parte, imprimis ubi costas respiciebant, ex atro admodum rubescebant, non secus ac si ex contusione sanguis concretus in iis retentus esset: abscissis verò uno vel altero lobo, sanguinis moderata, imo exigua quantitas effluebat, copiosissime verò serum istiusmodi sanguineum per omnes, vel minimos quoque, meatus cum copiosa spuma emanabat; erantque pulmones spongiarum instar, sero hujusmodi sanguineo spumoso, h. e. bullis copiosissimis minutis & viscidis, repleti, omnesque arteriæ asperæ, majores pariter ac minores, rami hujusmodi spuma tantum non obstruati. Aperto cordis thalamo dextro, sanguis, qui erumpebat copiosus, admodum ater apparebat, tenuis & fluidus quidem, crassioris tamen, quàm naturaliter esse debet, consistentiæ, apparebantque similiter non paucae & grandiores bullæ hujus ventriculi parietibus affixæ: sanguis similis ater & crassiusculus, facileque coagulabilis ex sinistro pariter ventriculo; vena subclavia, ut & cava, effluebat. Dum reliqua scrutaremur viscera, abscissis grandioribus hepatis lobis, nihil sanguinis ex iis effluebat, nisi forte compressione ex porulis eliceretur, imo hepar totum ex sanguine apparebat, grandioribus ramis vasorum inanitis; lien duriusculus ex sanguine similiter erat, ut renes: olfactantes ergo id, quod res erat, arteriam magnam paulo infra cor aperuimus, ut & ramum cruralem, item ramum ascendente axillarem sinistram, & similiter paucas quædam sanguinis reliquias, quibusdam tantum in locis, reperimus, arteria ipsa ex toto ferè in majoribus his ramis inanita. Multæ reflexiones hic quidem fieri possint, sed cum non faciant ad rem præsentem, hoc saltem addo: Verisimile videri, sanguinem ex acido sulphuris injecto, ad crassitiem circulationi redditum ineptum, in pulmonibus stagnasse, ibique repetito aeris motu, in spumam istam serumque rubicundum abiisse; dum interea, eodem in arteriis promotum semper ulterius in minores ramos, exindeque in venam cavam, nihil poterit circulari per pulmones, unde viscera majoresque arteriæ rami omnino inanita fuerunt. Oleum tartari immixtum cani, necem ipsi attulit, prævia tamen magna vexatione: querulus namque ingentem testabatur dolorem, totusque inflabatur, & à postrema inflatione exspirabat. Sectus postea, sanguinem valde fluidum & rubicundiorē solito exhibuit. Nimiam ergo sanguinis coagulationem, pariter ac ejus nimiam dissolutionem, mortem inferre, abundè patet; quarum illam ab exuberante acido, hanc verò ab urinoso prædominante contingere, præter modò allegata Experimenta, quilibet experiri potest, si sanguinem venæ sectione emissum diversis vasculis hujusmodi liquores continentibus excipiat, mutationesque exinde san-

Oleum
tartari.

Decoctum sanguini obvenientes observet, Decoctum arsenici. Arsenici in aqua simplici, ad ℥j. infusum cani, mortem miserandam cum gravibus symptomatibus, ronchis, copiosis alvi & vesicæ dejectionibus, volutionibus violentis, oculorum contorsionibus, intulit: Videatur ELSHOLZ. Ego aliquando experimenti gratia ℥ss. mercurii sublimati in aqua simplici solvi, & licet non omnis Mercurius sublimatus solutus esset, illius tamen solutionis paulò plus ℥j. in venam cruralem canis majoris injeci. Simul verò atque fieret injectio, canis, qui antea semper, dum cutis scinderetur, venaque separaretur, quietus jacuerat, violenter se commovere inchoabat, & paulò post, repetita aliquoties vehementi atque respiratione, cum misero & horrido ejulatu, violentaque corporis commotione, ex improvviso, nobis nil tale cogitantibus, expirabat. Aperto corpore, sanguis omnis non sine ad nostra admiratione & in corde & in cavæ trunco, etiam prope injectionis locum, omnino fluidus & tenuis effluit, sine ulla coagulationis nota apparebat. Catello modò in lucem editò, GARMAN-

Solutum mercurii sublimati.

In Catello.

NUS (videatur MAJORIS *Chir. Infus. p. 103.*) infudit aliquam portiunculam Sp. Vini Rhemani, & præter solitum incalescebat; paulò post superiniecit aliquot guttas liquoris narcotici, & en! horrore percussus stupidus evasit. Elapsa semihorula de purgante paululum insperisit, & alvo soluta ad se redire visus fuit. Hæc sunt ea tentamina, quæ experiendi gratia ordinarii Anatomicorum Martyres, canes, sustinuerunt. In genere autem in Belgio observatum fuit, infusionem Diætericam, h. e. nutritionis & sustentationis gratia institutam, infelicitè successisse, alterativam verò & cathartica nunquam fefellisse.

Experimenta in homine.

§. 5. Progressum fuit ulterius, & quid humano valeat in corpore novum Inventum, similiter tentatum. Milites tres gregarii primi experimentum in se ipsis, ab ELSHOLTIO persuasi, fieri passi sunt. Ulcere antiquo laborabat primus in crure sinistro, unde aperto venæ cruralis ramo interno, & ulceri vicino, beneficio syphonis parvi aqua plantaginis injecta fuit. Alteri febris afflicto, post sanguinem per apertam medianam emissum, aquæ cardui benedicti stillatitiæ cochlear unum immisum. Scorbatica cacochymia torquebat tertium, cui similiter post sufficientem sanguinis ex vena mediana extractionem aquæ cochleariæ portio infundebatur. Dantisci in Nosocomio publico militi lue venerea inveterata cum ulceribus in tibiis, tumore brachii dextri, doloribus capitis horrendis, cum gummatis seu nodis in ossibus laboranti, resinæ scammon. gr. viij., dissolutæ in Essentia guajaci ad ℥ij., infusa fuere; unde insequente vomitu subitanea omnium symptomatum 24. horarum spatio remissio, & post triduum ulcerum coalitio secuta fuit. Ancillæ verò, ab ineunte ætate epilepsia gravi correptæ, resinæ jalap. gr. vi., in spiritu lilior. convall. dissolutæ infusa fuerunt, unde post vomitum talis successus, ut aliquot menses ab invasione libera prorsus fuerit. Radicaliter an curata sit? nescio.

Modus operationis.

§. 6. *Modus exercendi* hanc Chirurgiam adeo magno non indiget apparatu, nec dexteritate. Eligatur ante omnia vas, in quod injiciendus venit liquor, quod sit vel arteria vel vena; aliud haud reperies. Arteria non videtur conveniens, (licet ad partem, cui liquore infuso est opitulandum, si illa à corde sit remotior, per arteriam ad eam extensam celerior medicamenti fiat appulsio,) quia in exiles arterias non sine magna difficultate potest fieri instrumenti intrusio, in majoribus verò ramis obdifficilem coalitionem, subsequensque aneurismatis metum, periculosa est sectio. Situs quo-

que arteriarum profundior carnibus immersus, & sub venis occultatus, non parvum obiciet laborem: ut taceam hujus usum infusionis non ad partem quandam singularem, sed imprimis ad totam massam sanguineam esse directum; unde primò omnium ad cor liquoris fieri debet directio, ut ex eo, ceu communi scaturigine, in omnes cæteros rivos, potestatum ejus fiat distributio. Commodior ergo est vena; sed an partium superiorum, an verò inferiorum, & si illarum, an jugularis, an verò mediana, sit aptior pro infusione? quæritur. Sanè si tunc demum salutaris est expectandus infusionis eventus, quando in cordis thalamis cum sanguine permiscetur, indeque in totum corpus distribuitur, non potest non ea vena esse commodior, perquam propior ad cor patet aditus. Superiores ergo præferendæ sunt inferioribus; & licet ex hoc fundamento jugularis sit anteponenda medianæ, hujus tamen & usitator præ illa faciliorque sectio & obligatio, palmam medianæ alterivè brachiali pro infusione relinquit. Invento sic vase pars, ubi instituenda est operatio, linteis calidis confricetur, vel vino calido, aut aqua sambuci calida, cum Spiritu Vini camphorato foveatur; hinc facta duplici ligatura, prima citra locum infusionis in superiori parte, quò venis ex impedito sanguinis motu turgescuntibus facilior sit sectio; secunda verò ultra infusionis locum in inferiori parte, ne sanguis facta apertura copiosius effluens negotium inturbet, nisi necesse sit aliquid sanguinis emittere, tunc enim post sufficientem evacuationem ista fiat ligatura; aperiatur vena, foramine tamen digito appposito statim clauso, quod sic clausum constet, donec (quod agiler fiat) instrumentum infusorium immisum sit. Tunc soluta fascia citra injecta liquoris fiat legitima infusio, ejusque successiva partis superiora versus compressione, promotio. Absoluta injectione, foraminis fiat oclusio, sicut in ordinariis venæ sectionibus usu venit, ligatura ultra soluta, ut sanguinis restituto motu liquoris infusi adjuvetur cursus. Instrumentorum alio opus non est apparatu, (præter usitatum in omni venæ sectione,) quam solo instrumento, quo liquoris fit injectio, quod vel est canalis seu tubulus argenteus in fine angustior, parumque incurvatus, cui annexa in extremitate ampliore vesicula, medicamento infundendo plena, qua compressa, liquoris per canalem venæ immisum fit infusio, ut in communi clysmatum applicatione fieri solet; vel sypho quidam argenteus moderatæ magnitudinis, cujus ope per cuspidem foramine venæ immisam liquoris fit impulsio, promptior longè & expeditior, quam cum priori vesiculæ compressione, unde & hic modus illi præferendus. Tertiæ modi, vaporosi nempe, mentionem iniicit D. MAJOR *Chirurg. Infus. pag. 181.* per vasculi destillatorii aut alterius instrumenti commodam applicationem. Cum transfusione, qua sanguis non tam injicitur, quam impellitur, vel potius spontaneo motu incurrit, nobis hac vice nihil est negotii.

§. 7. Patet ex jam relatis, non possibilem tantum, sed facilem quoque admodum esse hanc operationem, idque imprimis in homine, non adeo immorigeræ sunt bestiæ. Cogita, quæso, quales operationes sunt cæteræ, quæ Chirurgorum perficiendæ industria, ut sunt trepanationes, laryngotomiæ, thoracis paracenteses, herniarum sectiones, &c. Ut taceam calculi extractionem, & partium corruptarum abscissionem, quam, sive cultro falcato more Gal-lorum, sive cultro ignito more Italorum instituas, ob dolorem tamen horrendum, exilientesque sanguinis rivos, &c. rem periculosæ aleæ plenissimam invenies. In harum consideratione ludum jocumque dicerem Chirurgiam Infusoriam, in qua nullum periculum, dolor nullus infestat ægrum: miles namque iste, cui infusa erat plantaginis aqua, interrogatus post operatio-

Facilitas operatio- nis.

Ff

tio,

Finis Chirurgiæ infusoriæ.

tionem peractam, num intrusio canali insignem dolorem intulisset; fere nullum, respondit.

§. 8. *Finis*, in cuius gratiam instituitur Chirurgia Infusoria, & propter quem medicamenta in venas ita infunduntur, est *Medicamenti viribus infracti accelerata cum sanguine permissione ad cor translatio*; indeque per totam corporis machinam distributio, unde celerior & potentior ejus operatio. Sine ulla namque sui alteratione, quam alias in prima stomachi culina, & prolongatis intestinorum tractibus sustinet, sineque alterius humoris permissione immediate sanguini confusum, potenter operandi exerit potentias, & sine tot meatuum canaliumque ambagibus & angustis, à quibus alias eluctari necesse habet, recto tramite sanguini, indeque cordi, infertur. Cæterum cordato & conscientioso Medico hic imprimis observandum venit, quod Medicamentorum vis, dum celeriter in actum prorumpit, id non sine commotione singulari corporis ægri contingat, & dum infracta virtute operatur, non sine quadam vehementia hoc fiat. Unde non ludat imprudenter de corio humano, audacter infundendo, & generosum hoc inventum stultè prostituendo. Cito sanè curare debet Medicus, sed simul tutè, & quantum fieri potest, jucundè: fulcire corpus ægrum medicando, non impetu remedii nimis commovere aut prostrernere; minister sit naturæ attentus & obtemperans, non (nisi rarò) ejus Magister superbus & imperans; unde tentanda prius ea suadeo, quæ leges artis ratione & experientia Magistris sancitæ, secundum legitimam medendi methodum jubent, & non inconsideratè, primo quoque morbi impetu (nisi necessitatis urgeat immutabile præceptum) neglectis cæteris medicandi rationibus, usu hætenus receptis & comprobatis, ad infusionem accedendum. Consuetis verò alias approbatis remediis incassum tentatis, quamdiu aliquantula spes vel salvandi vel liberandi citius ægrum adhuc superest, ne negligentia Medici eum perdat, quem debita ejus industria conservare potuisset, Chirurgiam hanc Infusoriam generosè in usum revocet; & quò major hostis est impetus, eò generosiori remedio resistendum ipsi, animosè cogitet. Suppetias scilicet cæteris remediis ferat infusio, non prima fronte hostem aggrediatur; occasioisque pariter ac necessitatis, ut in aliis medendi rationibus, ita & hic summa habeatur consideratio.

§. 9. Ratione ergò sui scopi habeat Chirurgia hæc suas Divisiones, dum primò est vel curiosa, vel salubris. Illa, quæ experimentandi fit gratia in brutis; hæc verò, quæ medicandi gratia in corpore fit humano. Secundò, salubris porro est ratione intentionis vel restitutiva seu curativa, vel conservativa seu Diætica, vel ex his duabus mixta. Curativa est, quæ corpus ægrum per medicamentum infusum sanare intendit, idque vel propriè, vel impropriè seu palliativè tantum: Diætica est; quæ alimento liquido infuso corpus nutrire & conservare nititur: Mixta, quæ utrique jam dicto scopo inservire debet per injectionem medicamenti alimentosi. Tertio, ratione liquoris iniiciendi demum est vel infusoria in specie sic dicta, vel transfusoria: hæc dum sanguis ex uno animali iniicitur in aliud; illa, dum aliquid aliud quam sanguis immittitur, de qua in præsentiarum nobis tantum est sermo. Apparet jam, non possibilem tantum, sed etiam facilem, hanc esse Chirurgiam. Quæritur verò tantummodo de usu, quem obtineat in succurrendo corporis humani defectibus, partim quibus in affectibus sit congrua ejus usurpatio? partim quale medicamentum sit infundendum, pro obtinendo salutari scopo? Quod ut eò meliùs decidatur in cap. 3., propterea

CAPUT II.

PRÆSUPPONENDORUM.

CONSIDERATIONEM CONTINET.

§. 1.

INnumerabilem si dixerim causarum morbificarum esse exercitum, qui vitæ nostræ quotidie insidias struit, minimè me erraturum existimo; Ita ut miraculo simile videatur, vel unicum momentum hominem supervivere posse. Missos jam facio fortuitos casus, qui nos exagitant, omnem externorum insultum, aeris, cibi & potus, reliquarumque nonnaturalium dictarum rerum omitto vires. Saltem quot & quam atroces exsurgant, primarum viarum, h. e. primæ assumptorum alimentorum elaborationi, scoriarumque ab utili chymo separationi dicatarum partium vitio, calamitates, exactiùs considerarem, nisi fermentatio sanguinis, ejusque in horas mutabilis status, me ad se traheret. Vix namque amplius dubitat aliquis, statum nostrum uti salubrem & floridum, ita & morbosum & languescens, ex sanguinis fermentatione, partim immediate, partim mediate, dependere: Est namque corpus nostrum instar machinæ hydraulicæ, à contentò intrinsecus liquido (sanguine) diversimodè motæ, pro cuius liquoris ratione diversa, (ex fermentationis varietate oriunda) diversimodè quoque se habet machinæ integritas & motus. Dependet autem hic particularum purpureum hoc nectar componentium motus intestinus & agitatio, qui fermentationis venit nomine, ex duplici isto sale, Acido & Urinoso seu alcali volatilibus, quorum solutorum concursu, & in se invicem actione, reliquæ quoque particule nimis commoveniuntur & agitantur. Actio hæc salium istorum in se mutua oculis conspiciendam se præbet, estque satis manifesta, quando, dum pura seu impermixta aliis principiis existunt, effervescentiæ excitant impetuositates: sed in fermentatione magis occulta eorum est pugna, ob intertextum aliarum particularum simul agitarum, &c. Non reiicio hoc loco probabilem valde eorum sententiam, qui incavitate cordis sinistra fermentum quoddam ponunt vitale, spiritibus vitalibus imprægnatum, & vitaliter illuminatum, quod transmutati cruoris (venosi) in sanguinem (arteriosum) est causa sufficiens, prout sanguinis in spiritum vitalem transmutationi præest, ut loquitur HELMONT. Blas Human. §. 22. Quod fermentum jam in ovi puncto saliente radicans, ob spirituum abundantiam, salinum volatile esse, omnino mihi persuadeo, ut sicut in chylicationis culina summus coquus est de Natura acida volatili, ita in sanguificationis, & renovatæ in sanguine fermentationis, officina salum volatile & luminosum, ceu præses summus, prævaleat. Et tamen, ut omnium aliorum, ita & hujus fermenti potestas, licet mirabilis, tamen limitata, ut sanguinem certo modo requirat prædispositum pro receptione debitæ suæ activitatis, (cum non quodlibet agat in quodlibet,) quæ præcedanea sanguinis dispositio à salium istorum duorum, acidi & alkali volatilium, conditione dependet, quos (fermentum cordis) instar fermenti pistorii in farinacea massa, excitat ad fermentationem, certumque fermentationis characterem vi sua salina volatili simul iis imprimit; unde his duobus salibus legitimè se habentibus, debita sanguinis fit fermentatio, spirituum vitalium fit elaboratio & illuminatio, totiusque microcosmicæ Reipublicæ aureum nunc viget seculum.

§. 2. Sed turbata ista salium horum harmonia & læsa hujus sanguinis fermentatione, heu,

Presuppositum I. Fermentationem sanguinis esse fundamentum status salubris & ægri.

Fermentatio tamen cum effervescentiâ non confundenda.

heu, quantæ procellæ in continenti corpus nostrum obruunt? Aut imminuitur enim & deficit ista sanguinis fermentatio, unde chronici quàm plurimi exurgunt morbi, Cachexiæ, maculorum pariter & scemellarum, leucophlegmaticæ, anasaræ, &c. & spiritibus non ritè exaltatis nec elaboratis actiones omnes languent, torporque profundus obsidet membra, & fucus alibilis recens apportatus in viscidum facessit liquamen, pituitæ excrementitiæ nomine à Veteribus appellatum, sanguisque tandem periculose concrevit: aut aboletur, quod seu pedetentim seu confestim fiat, quid, nisi synopes, virium extremas prostrationes, mortem ipsam denique affert? aut augetur impetuosè, unde ardores corporis, intumescenciæ, rapidus sanguinis motus, inquietudines, febres ardentes, pleuritides, anginae, morbilli & variolæ, &c. aliique hujus generis affectus: aut depravatur vitiosè, quod ut mille modis fieri potest, ita & mille inducit calamitates; hinc namque uterinorum affectuum, passionis sic dictæ hysteriæ, scorbuti, uteri, luis venereæ, &c. fecunda seges. Omnia hæc vitia, unde, nisi ex salium in sanguinea massa ametria & vitiata harmonia derivanda erunt? Nunc enim ambo non ritè ab aliis particulis commistis temperata sunt, unde nimis acris impetuosam effervescenciam concitabunt; nunc ab aliis nimis obruta deficientem reddent fermentationem; nunc unum alterum multum præponderabit; unde ab acido, quod subito toti erit hostile & venenosum, periculosa sanguinis concretiones, indeque fermentationis notabiles defectus, testibus canibus, ex acidorum infusione ob coagulum sanguinis expirantibus, de quibus supra cap. 1. §. 4. sicut quilibet sanguis recens emissus acidi affusione concrevit: ad alcali verò insignes sanguinis dissolutiones, omnimodæque fermentationis abolitiones: ab utriusque tum inter se, tum cum aliis commistione, mirandæ sanguinis alterationes, ob fermentationis depravationem. Indicibilis namque hinc emergit salium varietas; siquidem quot sapores, tot adæquatè salia, torque simul diversa fermenta: acidum nunc est vitriolicum, nunc nitrosum, nunc aluminosum, nunc falsum simpliciter, nunc acetosum, nunc austerum, nunc acerbum, nunc alias saporum monstrat differentias: ab Kali nunc est subtilius & acius, nunc oleo temperatius, nunc amarum, nunc penetrans nunc adstringens, nunc moderatè dulcescens, nunc alias innominatas & anomalas monstrat differentias: hæc nunc inter se, nunc cum aliis diversis mista, contemperata, exaltata, immutata, quas non alias prædent differentias, falsi nomine venientes? quas non diversas excitabunt fermentationes? Quor, quæso, mutationes, & in sapore & in cæteris qualitatibus exhibet mustum dum sit vinum, & dum per reiteratas fermentationes degenerat in acetum? hinc vel denuo aut rancescit, aut vappescit, aut in vermes abit; &c. Unde salium differentias ex alia atque alia contemperatone & compositione cum aliis particulis, & inde fermentationum vicissitudines varias, vel manu palpare poteris. Idem in sanguine fieri cogites, in quo variæ istæ salium combinationes, & sym. vel ametriæ, quotidie fere ejus statum mutant, & conditionem alterant. Quanta namque assumptorum diversitas, tanta saporum in succis nostris alteritas, & fermentationis varietas. Non equidem me latet suprema fermenti stomachici potestas, omnia assumpta sub acoris Dominio in falsum volatile tandem, bilis adjumento concurrente, transmutant; sed & hoc scio, fermentum hocce singulis fere prandis & cœnis sub saporum cæterarumque qualitarum suarum latitudine insigniter variare: imò multas qualitates quorundam ciborum illæsas pertransire stomachi angustias,

Ettmuller. Oper. Tom. I.

imo sæpius hoc contingere, ut vel acidum nimis, vel non ritè volatilifatum, vel, viscidum, vel ratione alia deficiens, ex stomacho per pylorum effluat alimentum, in intestinorum verò gyratum ab acido pancreatis stagmate, tum ab amaro & urinoso bilis liquore, varias alterationes & saporum ac proprietatum differentias suscipiat. Silentio prætereo hic, exotica fermenta, quæ sub contagii forma in nos irruunt & fermentationis in sanguine motum naturalem, mirum quantum turbant: sunt namque & ipsa desalium profapia, nunc alKaliū volatilium, unde febrium malignarum, petechialium & pestilentialium; (de quibus vid. PAULI digress. de febr. malign.) nunc acidorum, unde scorbuti, luis venereæ, dysentericiæ epidemicæ, multiplicativa propullulant germina. Ingens hæc salium varietas, sub duplici, Uriuosi & Acidi in falso conjuncti, vexillo militat; & eam tamen sub unitatis numerum salis cujusdam primi, alii revocant. Omnis autem (in genere) quæcunque salium varietas ex principiis mechanicis, magnitudine scilicet, figura, textura & motu, tum sui ipsius, tum aliarum, cum quibus coaluere, particularum definienda venit.

§. 3. Præter fermentationis hæc læsiones, & spiritus vitalis, sanguinis primarius incola, & Oeconomus nostræ vitæ, interdum suas graves quoque patitur exorbitantias, sæpiusque (cum sit impetum illud faciens HIPPOCR.) impetuosè nimis agitur, rapideque nimis commoveatur, unde ingens actionum animalium imprimis (ab hoc spiritu ceu primo rectore dependentium) perturbatio succedit. Quocunque enim modo à causa aliqua occasionali lædatur (irritari dicunt multi cum GALENO, in furorem agi loqui amat HELMONTIUS) mox extravagantis suis insolitis totam nostram perturbat Oeconomiam; hinc scilicet phreneticorum emergunt deliria, hinc vigiliarum inquietudines, hinc convulsivæ membrorum contorsiones, & epilepsiæ Herculei insultus, hinc tenebrosæ vertiginum obscuraciones: ut non dicam de enormi ejus in omnes operationes dictatura, dum Idearum sequitur ductum, siue ab extrinsecus advenientibus peregrinis pingatur, siue graviorum ex affectu ejus interno concipiat motus; harum enim consideratio ad hunc locum non pertinet.

§. 4. Fermentationum ista vitia, & Archeri perturbationes, ut corrigantur, promptum sæpe & tantum non præsentaneum postulant remedium, quodque, quantum fieri potest, intemperatis agendi potestatibus agat, quod agere debet. Et fermentationum quidem labes, quæ ratione melius quàm salino emendabitur remedio? modò sine sui immutatione sanguini permisceatur, quod dum per os recipitur, vix sperare licet. Magnas enim alterationes sæpe & virium, jacturas, subeunt fere omnia assumpta in primis stomachi & intestinorum viis, tardoque gradu in mesenterii & thoracis lacteis ad cor prærepunt. De hoc quis dubitare velit, qui stomachici fermenti varietatem quidem, (licet ut plurimum acidum volatile vel sit vel naturaliter esse debeat,) simul tamen & menstruaalem solutivam ac fermentalem transmutativam perpendit potentiam, unde in pulaceum transmutata alimenta cremorem, quidquid antea obtinebant, facultatum depolunt. Tan am talemque alterationem non quidem in medicamentis fieri putandum, insignem tamen eam esse (habita tamen præparationis ratione, quæ ea nunc magis nunc minus patentia, reluctantur illi menstruo) eorum cum alimentis medicamentosis analogia, dum plurima ex vegetabilium perita classe, nonnulla ex animalium genere hausta, facile persuadet: imprimis cum, superatis fermenti stomachici molestiis, duos adhuc in intestinis obvios habeant Draco-

Ff 2

Chry.

Præsuppositum
II. Medicamenta
in primis
viis multum
alterari.

Chrysag. animal. & mineral. pag. 16. 17.) Orientalem unum, lixiviali oleoso sale imprægnatum, Occidentalem alterum, acido salino menstruo armatum, cum quibus ipsis denique pugandum est. Ut silentio præteream lymphæ miscelam in receptaculo communi, unde nova ipsis accedit impressio, adeo ut quædam assumpta per se indifferentia, in primis viis in istorum succorum concursu, forte & connexu, demum in medicamentum abire videantur. Mineralibus generosior quidem est animus, & non adeo facile dictorum succorum potentiis auscultant; illibatis tamen ea procedere agendi viribus vix sibi persuadebit, quia ea non lecus ac omnia cætera medicamenta pro varietate subjectorum varias exercere vires, (de ordinariis loquor remediis, quæ tyrociniorum & Chymiarum proponunt compilatores; nam de majoribus arcanis, & iis, quæ diffusionem radiorum operantur, aliter pronunciandum, de quibus inferius,) dum ea nunc citius nunc tardius, nunc fortius, nunc debilius, aliove modo variè operari, martemque eundem nunc adstringere, nunc laxare, observat. Ex succorum namque horum salinorum virtute contingit, quod non tantum in diversis subjectis, sed in eodem unum idemque medicamentum varias exerat virtutes, dum verbi gratia eadem pilularum dosis nunc multum, nunc parum, nunc nihil operatur: quod ex fermenti stomachalis majore vel minore acore, purgantium vegetabilium vim, in sale volatili acri consistentem, figente oriri facile patet ex eo, quod canes, ut supra §. 4. capit. 1. demonstratum, difficillimæ sint purgationis, per medicamenta ore assumpta, cum teste I. D. MAIORE in *Chirurg. Infus. prodrom. grana xxiv. vitri antimonii pulv.* nullam dejectionem in cane produxerunt, cujus tamen vel 3. grana supra & infra, non sine periculorum symptomatum concursu, nostrum corpus exagitant. Quod autem acidum in stomacho canum resideat, vel ossum deglutitio & in ventriculo dissolutio abundè demonstrant: unde & purgatio per venam injecta, quia à stomachi acore non fuit infracta, citò & potenter in cane operatur. Simili modo in ægri, qui melancholici, ut dicunt, sunt temperamenti, vel melancholicis laborant affectibus, &c. h. e. in quibus acidum abundat, (nam melancholia HIPPOCRATI est acidus humor,) difficillima sunt purgationis: unde & spiritus Vierioli omnium purgantium vim aut imminuit, aut plane tollit. Eadem ratio est cum opio, cujus oleosum volatile sal ab acido fixatum omnem narcoticam & somniferam deponit virtutem, unde & canum vigilantia vix ejus ingenti dosi potest debellari, ut supra citat. loc. dictum. Hinc etiam melancholici phantasmatis obnoxii, ob acidum in iis abundans, præter alias causas, ab opio vel non, vel difficulter, ad somnum deducuntur. Venena animalium innoxie assumi notum est, eaque ex perturbationibus oriri, HELMONTIO acutè docente, hæc tamen à multis creditum fuit, unde & morsu tantum lethalem inducant noxam. Sed modernorum Italorum, imprimis D. REDI, *Archiatr. Florentini*, experientia manifestat, in viperis liquorem salivalem in dentium vesiculis contentum, expressum, in quocunque liquore assumptum, innoxium esse; sin verò vulneri vel levi tantum cutis incisuræ illinatur, seu ex vipera viva, seu ex, quocunque in statu, mortua fuerit desumptus, lethum indubitato inferre, frustra etiam applicato decantato isto serpentino lapide, ex pileatis serpentibus confecto, quod præter tract. de hac materia impressum ipse Autor frequenti experientia confirmatus, mihi sanctè affirmavit, cum alijs quibusdam de hac materia, quæ timor abusus hic scribere prohibet. Unde & CELSUS, *Venena animalium non potius sed vulnere nocere*; scitè docet. Hinc

& Pysylli securè venenum quodcunque ex vulnere, à venenato animali inflicto, exsugere valent, sed si levem quandam oris habeant læsionem, vel parvam exulcerationem, suctu isto intoxicantur. Unde quæso illius rei ratio petenda esset, nisi succorum in primis viis stabulantium activitas venenorum quoque eludat aliàs insignem energiam? & quid de salivæ adversus animalium venena efficacia dicatur, ceu omnibus notum, hic relinquo. Quare & ob horum succorum diversam rationem fastidit, & non sine singulari læsione assumit istud medicamentum unus, quod alius ceu Ambrosiam exoptat, licet per consuetudinem vel longam annorum feriem, alteratis succis istis, idem postmodum sine alteratione assumamus. Balsamum illud omnium florum, *Mel*, à DEMOCRITO ad vitam longam internè maxime commendatum fuit, unde & senibus illud præscribit AETIUS, propterque singulares dotes jam pharmacopæorum magis quam coquorum ornat officinas, unde & sunt, qui Mullum ob salubritatem vino præferunt. Sed in quibusdam propinatum mel, vel quædam mellita, ingentes stomachi inflationes, tormina, cordis angustias, aliaque hujusmodi symptomata concitare videbis, quibus scilicet à succis istis, melli adversantibus, tantæ excitantur effervescentiæ; id quod de *saccharo*, quod tamen cum auro & spiritu vini tam elegantem consanguinitatem fovet, in hypochondriacis similiter ad oculum patet; qui si de sequiori sint sexu, suffocationis uterinæ dictæ patiuntur turbulentias: quot è contrà & quantis in summis deliciis positum est saccharum? quibus nempe succi isti blandè & Naturæ consueto modo operantur. Ordinariæ sanè Medicorum sunt querelæ, medicamentum propinatum uni salubriter, sine fructu esse applicatum alteri, imò interdum noxas intulisse huic, quod illi panaceæ vice fuerat, iisdemque licet conflictati fuerint ægritudinibus. Tanta succorum horum in primis viis est vis, in alterandis partim, partim & imminuendis medicamentorum facultatibus? unde eò merito incumbendum sedulo, ut (in gravioribus imprimis vel contumacioribus affectibus) sine istius alterationis susceptione immediate eò portentur, ubi eorum requiritur adjuvmentum. Quod si medicamentum immediate sanguini permisceatur, idem sine ulla sui alteratione operaturum vix credo; unde & infusa quædam medicamenta non immediate, sed certo interjecto temporis spatio, vires exercere suas: sed gravem illam & adeo notabilem in primis viis nunquam experietur; unde & medicamenta, quæ canem per os non purgant, nec narcosin inducunt, injecta tamen feliciter operantur: cum è contrà medicamentum in primis viis jam non leviter immutatum, eandem tamen in sanguine sustinebit alterationem, quam idem immediate infusum.

§ 5. Adhæc, dum in sanguinea massa spiritibus ipsis altius radicum est malum, sævisque sæpius & periculosis paroxysmis se prodit, longa nimis assumptorum est mora, antequam cum sanguine commisceantur, ut novas Naturæ succumbenti ferant suppetias. Viæ namque, quæ cognitæ hæc tamen sunt, post Oesophagum & stomachi cavum, longæ & implexæ intestinorum circumgyrationes, per quorum porulos in lactearum ramulos transudat remedium, & exinde per glandulas ad receptaculum commune abit, unde cum lymphæ ex partibus inferioribus ascendente (falsitatis enim jam satis convicta est BILSII de motu toris sententia, tum per lymphaticorum ligaturas & valvulas, à RUYSCH. detectas, tum per I. H. PAULLI *Anatomen*) per communem lymphaticorum truncum ramo axillari cavæ infusum, ad cor demum descendit; deferri namque aliquam contentorum in intestinis partem, ad hepar, experimentis non.

nondum comprobatum est. Quæ medicamenti mora eò erit periculiosior, motusque tardior, si medicamentum per se non sit volatile, subtile & penetrans, sed potius sit fixum, terreum, aut concretum; unde eò tardius movebitur, faciliusque hinc inde adhærescendo, longiores multo moras necet. Præterea quædam ejus partes ad loca Urinaria ex mesenterio, ad uterum in gravidis, ad mammas in lactantibus, abire valde probabile à modernis est redditum. Urgente ergo necessitate debile tardumque auxilium asserunt per os assumpta medicamenta, quæ tamen per se aliàs satis sunt vigorosa.

Presuppos. §. 6. Sunt namque stupendæ medicamento-
IV. rum, etiam simplicium, potestates, quæ in
Variare sua simplicitate sunt sufficientes ad sanationem
admodum omnium morborum, modò legitimè ab artifice
medica- cognita, ab ergastulis concreti, quibus
menta se- sæpè devinctæ latent, liberentur, ut ad
cundum majorem operandi libertatem deductæ felicius
operandi operandi virtutes mirabiles & multifarias pandere
rationem. queant. Hoc namque certum est, magnam
in medicamentis, quoad operandi modum, esse varietatem.
Non considerabo subjecti, in quod agere debent, in horas mutabilem statum, de quo supra, nec præparationis necessitatem, secundum quam propriæ virtutes nunc in lucem protrahuntur & exaltantur, adjunctorum concrementorum sæpius sepultæ sub cortice, nunc verò valdopere alterantur & immutantur, qua ratione chymica quamplurima, artis potius, quam Naturæ vi, Natura agunt: Sed modum, secundum quem simplicia (de compositorum enim inutili & pomposo apparatu nil dicam) operari videntur, quantum præsens requirit negotium, considerabo. In genere verò, nunc corporali agunt contactu, hoc est, materiali suarum partium cum succis nostri corporis, imprimis sanguine, connexu & miscela, nunc verò virtuali tantum operandi virium diffusionem, & radio vel aspectu sui, quod occultarum vulgo qualitatibus imaginariæ adscribitur potentia. Hoc posteriori quæ agunt modo, eis imprimis succurrunt affectibus, qui vel ab Archei emanant fonte, vel ab ejus potenti curantur Dominio, in quem virtutes suas exerunt, vel idearum suarum Tincturam imprimendo, vel novam ideam exsuscitando, vel radiativa, sua vi illuminando, vel odore suo eum delectando & exsuscitando, vel sub amuletorum forma insensibiliter influendo. Legantur ea, quæ solito acumine HELMONTIUS *Tract. de Verbis, Herbis & lapidibus*, de Mercurio in aqua macerato ejusque diffusa vi differit: item de vi radiativa sulphurum metallicorum benedictorum, utpote quibus correctis ac perfectis tota morborum cohors auscultat, (de quibus videatur POLEMANN. *de sulphure Philosoph.*, ut & observatu dignissima cura à SEBASTIANO BARTOLO, *Pro Regis Neapolitani Medico*, anodyno ex sulphure Veneris peracta, cujus relatio annexa prostat ejus *Tractatui Exam. dogm. Art. Medicæ*;) ut & de singulari virtute, quam nudus contactus lapilli Butleri oleo olivarum integræ lagenæ communicavit, Tr. BUTLER. Multa namque sunt, quæ sub minima mole & pondere ingentes producunt effectus, vixque deglutita stupendas subito exerunt energias. Merito hic consideranda venit bufonum hoc in genere magna virtus, quam externo usu tamen prestat, dum omnem quamcunque Hæmorrhagiam fortiter compescunt, (quod similiter umbilicus marinus ex lapidum genere cum saliva ex averfa parte applicatus præstat, & urinæ incontinentiam quamcunque, etiam ex vesicæ dilaceratione ortam, corrigunt, teste HEER *Observ.* 14. & repetita Anglorum experientia, perfectumque pestis Xenoxton constituunt. Officulus ejus non dentium immanes odontalgias tantum sedat, sed

Et mulleri Oper. Tom. I.

& pulsibus infantum applicatum insultus eorum epilepticos sistit, ex affectibus nutricis enormibus contractos. Ulnæ manu detenta sanguinis ex secta vena impedit eruptiones, Manus longa tabe, vel etiam alia morbo interempti cadaveris, suo contactu excrescentias tollit, quod HELMONTIUS primus docuit, & Angli aliquoties feliciter experti sunt; uti manus mortui infantis maculas nævique maternos delet. Odores quid valeant? notum est; quis enim non observavit aromaticum odorem duntaxat gustatorum confestim lipothymicos reficere, & debilitatos roborare? unde sapiens DEMOCRITUS odore panis vino aspersi labentem jam vitam ad aliquot dies sustinuit. Moschata suffocationes excitant muliebres, quas castorei odor tollit, & graveolentia sæpius sopitas revocant epilepsias. Sunt nempe odores, qui dolores capitis, nauseam, vomitus, tussis, singultum, vertiginem, epilepsiam, apoplexiam, dysenteriam, movent, atque sui contagio inurunt. Suntque idcirco & alii, qui consimili modo eadem sanant, aut saltem mitigant, si radicem fixiorem habeant, ut expertè loquitur HELMONTIUS *Tract. Imago fermenti imprægnat massam semine* §. 20. Non destituuntur quidem corporeis effluviis odores, sed eorum corporeitas nil facit ad hos effectus; nam quicquid agunt, odorifera inducunt impressione, sæpiusque, sine ulla in naribus alteratione, Archeum tamen afficiunt: Sic enim pestilens odor naribus non perceptus Archeum horrore quatit. Multa dicenda restarent de Amuletis, eorumque influentiis, (utut quædam sint ex his, quæ & suas emittunt Apporheas,) & insignijaspidis, æthitis, bufonitis, corallii, saphyri, hæmatitis, persicariæ, pæoniæ, scrophulariæ, Vincæ Pervincæ, sambuci & salicæ, ungulæ alcis; dentis equi marini, corii serpentum humani, &c. efficacia; nisi ad alia properarem, cum omnino ea medicamenta, quæ virtuali potestatum agunt radio, ad Infusoriam Chirurgiam nihil faciant, sed potius, quam diu optatos præstent effectus, ejus praxin omnino excludant. Plura qui cupit, elegantissimum citatum supra legat HELMONTII *Tractatum*, ut & supra citat. *Tract. BARTOLI Exerc. 10.*

§. 8. Ad ea ergò, quæ corporali agunt contactu, actuque sanguini materialiter sese immiscunt, me converto, eaque sub saporum forma se nobis præcipuè manifestare, reperio, licet & alias habeant proprietates, secundum quas multipliciter operari soleant. Saporum verò duas imprimis differentias notat HELMONTIUS, unum nempe, per quem res sunt acres, amaræ, salæ, quem sensit salium esse dignitates & officia; alter verò est specificus, semini nempe appropriatus, vel seminalis. Medicamenta ergò, quæ saporum sub forma, h. e. salium suorum virtute, in nos agunt, ea contactu corporali succurrunt nobis, quatenus nunc noxia, causas nempe occasionales, tollunt resolvendo, abstergendo, exhalando & expellendo, quæ proprietates salibus sunt congruæ; nunc quatenus læsam in sanguine fermentationem corrigunt & emendant, quam à salibus ortam, salia quoque conservant & restaurant. Hinc generali vel acris vel acidi sapore se contrariam vim salinam infringere testantur remedia; quatenus verò specificus concurret sapor, ejus singulari corruptioni vel alterationi in corpore succurrere manifestant: verbi gratia sub communitate acrimoniæ volatilis specificè cochlearia & nasturtium scorbutico, fumaria ictero, centaurium minus febribus, cappares & fraxini cortex splenibus, conducunt, &c. de quo vid. TACHENII *Hipp. Chym.* Metiri quidem caloris & frigoris gradus per sapes nituntur scholæ, ceu proprietatum cunctarum opifices; sed notanter

HELMONTIUS differit *Tr. Dispensat. Modernum* §. 16. Tandem & singulis rebus specificus sapor, qui proprietatem deberet docere, si quid aliud externorum signorum. Est nampe præter acuitatem Cinnamon peculiari gratia in sapore, quam in ullo vix reperies simplici. Sic gentiana, enula campana, &c. præter communes amarores specificum saporem habent, qui subter regulas ob singularitatem propriam quorumcunque simplicium redigi nequit, solusque proprietatum singularum est accusator & distinctor. Oraculum sanè **HIPPOCRATIS** libi de veteri medic. apè inculcat, non calidum, frigidum, humidum, aut siccum esse, quod magnam agendi vim habeat, verum amarum, & salum, & dulce, & acidum, & insipidum, & acerbum quæ contemperata nulla molestia nos afficiant, dum vero secreta per se extiterint, nobis nocent: Quæ omnia saporum saliumve sunt proprietates. Quid mirum ergo erit, si contrariorum specificorumque saporum potentiis curentur, à salibus & saporibus inducta mala? Rem in animalium & vegetabilium familia se ita habere apertum est; in mineralibus quamplurimis, imprimis quæ de salium aut sunt profapia, aut ipsis cognata, probatione quoque non eget. In metallicis paulo difficilius videtur negotium, sed multa ex his, imprimis fixa & quasi terrestria, ad salium classem revocari possunt, dum lixivialium fere imitantur naturam, acidum quodvis præternaturale absorbendo, & sudores pariter ac urinas sic provocando. Sed majora ex iis parata arcana separatione pretiosi nuclei à duro concreti cortice, sunt vera specula lucentia, quæ ita vim habent penetrandi, illuminandique Archeum à suis erroribus, furoribus, atque defectibus, quod illum restituant in nitorem Tincturæ totalis perfectionis, ut loquitur **HELMONTIUS** cit. loco; de quibus nihil in præsentiarum est, quod dicam, cum iis instructus non opus habeat Chirurgia Infusoria, cum illorum vis & operandi promptitudo sufficienter Medicum nobilitet, speique ægri abundè satisfaciat.

Salia volatilia cæteris medicamentis sunt potèntiora.

§. 9. Cæterum in medicandi virtute, ex salibus volatilia cæteris palmam præripiunt, siue in nativis existentia ingerantur cum cæteris concreti partibus mista, siue, quod melius, ab iis separata per Chymica artificia, forsan & alterata, seorsim applicentur. Sulphura sanè & ipsa, & quæ eis cognatæ sunt naturæ, multa præstant; sed ipsa ut plurimum etiam salibus maritata reperiuntur, vel iis saltem amice admodum se jungunt. Jungunt sese sanè libentissimè alkalibus, tam fixis artificialibus, quàm volatilibus naturalibus, subtili mediante acido, quod in se gerunt, sicque volatilium potentias partim temperant moderatè, partim quodammodo exaltant, ipsaque sub nativa sua pinguedine digestionis nostræ reluctantia, connubio istorum nobis fiunt magis appropriata. Præprimis alkalia fixa, quæ sulphuris, h. e. acidi obscuri; cum volatili fiunt colligatione, si, volatiliscentur, magnorum pharmacorum adæquant potestates. Quippe vi incisionis, resolutionis, & absorptionis, delata ad limen usque quartæ digestionis tenacitatem coagulatorum in vasis fundamentaliter tollunt, attestante id **HELMONTIO**, inter quæ alkali Tartari volatilifatum præeminet, dum ad succedaneas liquoris Alkahest dignitates accedat. Quod si alkalibus istis adjungantur olea destillata propria, debitaque circulatione abeant in Elixiria parva mirabilia, (ut ea vocat **TACHENIUS** p. 37 & 155.) efficient in magnis morbis quod de illis speratur, dum sese in prima nostra constitutiva ingerunt; de quibus videatur **HELMONT. Tria Chymicorum principia** &c. §. 84. Quorum cum non unusquisque possit esse possessor, imprimis cum præter occultam digestionem etiam singularis vasorum apparatus à quibusdam requiratur, quæ duo sanè tam ad fixandum quàm volatilifandum plurimum præstant, à modernis seu succedaneum substituitur sal volatile, ut vocant, oleosum seu aromaticum, in quibus partes aromaticæ volatiles oleosæ, vel eorum plantarumque aromaticarum olea destillata,

beneficio spiritus vini salii volatili ammoniaci juncta, non contemnenda in quamplurimis affectibus exhibent remedia. Sed ut ad scopum jam redeam, & de utilitate Chirurgiæ Infusoriæ quædam disseram, succedit in.

CAPUT III.

CONCLUSIONUM

DE

CHIRURGIAE INFUSORIÆ USU EXPLICATIO.

§. I.

Totum negotium, quod de Chirurgia Infusoria adhuc viget, est de ejus usu, quem medicando præstare valeat, quibus scilicet in morbis conveniat, & quisnam liquor sit infundendus? Prioris decisio est facilius longè posterioris determinatione, cum nondum experientia satis demonstratum sit, quod quodlibet medicamentum immediato sui contactu in sanguine agat; ut taceam ipsius sanguinei liquoris obscuram adhuc valde crasim. Nihilominus tamen paucis conclusionibus animi sensa, idque generaliori saltem discursu, prodam, salvo aliter, & rectius fortè, sententium iudicio.

CONCLUSIO I.

Chirurgia Infusoria legitime administrata per se semper est utilis, interdum etiam necessaria, sed debito tempore applicanda est.

§. 1. Applicatur eo scilicet fine, ut citò & potenter operetur, hoc est, defectibus nostris succurrat medicamentum, ut supra capit. 1. §. 8. dictum: qui scopus per se salutaris & exoptatissimus est. Quod si observentur necessariæ conditiones, & debita circumstantiæ, tam ratione ægri, quàm ratione medicamenti; quibus nempe in morbis, & quo medicamenti genere, quave dosi &c. conveniat, non potest non emergere exinde sperata utilitas, & per se nibil evenire mali. Quod ut de omnibus in genere medicamentis verum est, ita quoque de infusione valet.

Est utilis, non moriosa.

§. 2. Continget verò interdum, ut & necessaria videatur infusionis celebratio. Cogitemus enim ægrum, cui vel ex paralyti, vel etiam convulsione musculorum & fibrarum nervearum cesophagi, omnis ablata est deglutienti quicquam potentia, tam in quàm extra apoplecticos aut epilepticos vel uterinos insultus: vel cui ex vaporibus vitriolaceis & stypticis in hypocondriaco & scorbutico affectu loquela (id quod in Jurisconsulto quodam observavit *desideratiss.* D. **MICHAELIS**) & simul deglutiendi facultas auferatur; id quod etiam ex infuso radices symphyti majoris epoto fieri, observavit **HOECHSTETTERUS** Decad. 3. cap. 5.: Vel observemus, quando fauces præclusæ sunt, aut tonsillarum tumore, aut partium vicinarum, imprimis laryngis & cesophagi; musculorum inflammatione in angina in qua vel pro aeris transitu interdum arteria aspera in Laryngotomia perforatur. Et posito esse apertas fauces, tantus tamen horror sæpius invadit ægrum, ex aspectu solo remedii, ut quodcunque potius patiatur malum, antequam vel tantillum, suaveolentis licet & insipidi, degulset.

Et necessaria.

gustet medicamenti, ob id tantum, quod pharmacopœiam oleat; in quibus etiam isto horrore adeo ligatum est sæpius ventriculi orificium, ut nihil omnino admittat, aut si admittat, dicto citius denuo superiora versus rejicit. Familiare quamplurimis in morbis est symptoma obstinatus vomitus, ut quicquid ingeritur, in momento denuo emittatur. Quid dicam de Lienteria, in qua omnia assumpta, & sic etiam medicamenta, sicut deglutita sunt, brevi post per alvum excluduntur? aut coeliaco affectu, in quo assumpta in ventriculo alterata quidem, sine ulla tamen heterogenei ab eo, quod homogeneum nobis est, separatione, & per vasa in corpus distributione egeruntur, vitio vel ductus, per quem biliosus pancreaticusque succi destillant in intestina, obstructi, vel ob infarctus vasorum lacteorum, à muco pituitave viscida illa copiosiore & crassiore, qua ordinario intestinorum parietes oblinuntur. Forſan & D. MAJORIS suspicio locum habet, dum ex adstrictione osculorum vasorum, in intestina hiantium, vi medicamenti acidi & Viriolici distributionem medicamenti omnem impedire asserit. His similibusve in casibus si malum urgeat, externa verò remedia sint nimis imbecillia, ut & interna, (quod frequentissime obvenit, idque ob alterationes, quas suscipiunt in primis viis, vide *supra caput 2. §. 4.*) quid tentare aliud poteris, nisi Infusoriam Chirurgiam? vel si omnibus aliis frustra tentatis ad externa perventum sit, ita tamen, ut nondum mors fores pulset, nihil tamen appareat, quod fieri debite possit; uno verbo; si pro deplorato habeatur æger, necum relinquo, extrema potius tentes in extremis, unde, Chirurgia hæc tunc maxime necessaria erit. Recte enim FRACASSATUS *cit. supra loco pag. 425. deploratos eam respicere morbos*, asserit.

Applicandi tempus sit status morbi.

§. 3. Sed dum adhiberi debet, observandus est imprimis temporis articulus. Occasio nempe est præcept, Authore HIPPOCRATE *sect. 1. Aph. 1.*, qua semel elapsa, à posteriori eam ob ejus calvitium nunquam deprehendere poteris. Hæc ut omnis medicationis constituit animam, ita in specie in generosiorum medicamentorum usu, ad quæ & Chirurgicæ infusiones pertinent, strictissime observanda venit. Si ante conveniens tempus eam administras, quid aliud agis, quam quod naturam turbas & perturbas, fermentationemque accriorem, & vehementiorem effeicis, naturamque adeo non leviter prosterne? Sin, elapso convenienti momento, tardius advenias, naturæ jam succumbenti frustra manum porrigis, quam apprehendere nequit, Archeumque frustra exsuscitari studeas jam sopitum. Non ergo in agonizantibus conveniens ejus est usus, quocunque in statu sit negotium, nisi sub agonis vocatus sis extremitate, & tunc non nisi prognostico bene munitus, negotium aggrediaris. Necessitatis tempore ergo in agonizante eam celebres, non verò tempore commoditatis seu electionis, quando scilicet adhuc deliberare potes, quid factu opus sit. Quid enim facies in agone, ubi, natura jam prostrata & non cooperante frustra sunt omnia? fermentatione sanguinis jam verè abolita, aut ob nimiam ejus dissolutionem ex abundantia alkali seu volatilis, vel nimiam coagulationem ab acido peregrino, vel nimiam crassitiem ex defectu diluentis seri: qua ratione novam suscitabis fermentationem, scilicet vitalem, ubi liquor est ineptus ad ejus susceptionem? aut si fiat motus in sanguine renovatus, hostilis potius erit effervescencia, quam debita, & sub Archei Dominio gubernata fermentatio. Et dum jam in labiis extremis residet diffugiens vitæ, qua ratione certus es, eam operationis expectaturam successum? Ut tacem diffamari sic injuste generosi remedii potentiam, non secus,

Ettmulleri Oper. Tom. I.

ac abdominis hydropici paracentesis ob tardam nimis, quod fere semper usu venit, administrationem apud multos infamiam, apud quam plurimos in desuetudinem abit, testantibus hoc gravissimis Autoribus. In tempore ergo infunde: Nisi agonizantis vocem latius extendere velimus, eosque pro talibus habere, in quibus multa egregia remedia frustra jam adhibita, dubiam ad minimum faciunt spem, modò non exitium futurum prænuncient; quo sensu aliquo modo tolerari potest in agonizante infusio. Temporis autem ut observetur conveniens momentum, distinctionis morborum in acutos & chronicos habeatur ratio. De Chronicis, utpote inducias dantibus, & longa mora sævientibus, res est facilis, eos non deponere infusionem, nec in principio, nec incremento; sed tantum maturo in statu, dum usitatis & canonicis incassum adhibitis remediis malum ob id non tam remittat, quam indies magis sæviat, tunc sine periculo fieri potest, & sine mora fieri debet, infusio. Quod si paroxysmorum habeant vicissitudines hujusmodi affectus, iique sint truculentiores, nec facile aliis succumbant armis, non obstat sanè, ubi symptomata urgent, in principio vel incremento paroxysmi particularis, instituere infusionem pro tollendo symptomatum impetu, licet forſan incrementum morbi vel principium sit universale. Sunt namque hujusmodi paroxysmorum vicissitudines veluti morborum acutorum particularium, in Chronico universali intervenientium, intervalla, quæ violento impetu & ingentibus symptomatis urgent celer simulque potens remedium. Quod si morbi sint acuti, in his certè vel quodlibet temporis momentum est admodum pretiosum. Fermentationis tamen in sanguine in his habeas rationem, observando, an ea sit talis, quæ præcipitando heterogeneas sæces instar Tart. in vino (quod coquere vocarunt majores nostri) eliquando earum totalem spondeat exclusionem per Crisin, seu fiat excernendo, seu transponendo in Abscessum? Negligere equidem bonus Medicus Crisin debet, quia anticipare: sed si hoc non factum sit, vel fieri non potuerit, naturam ne turbes infundendo, sed spectatorem agas sedulum ejusdem actionis, simulque ministrum providum ejusdem indigentiae. Quod si nil horum appareat, & dubio Marte adhuc ferveat pugna naturam inter & morbum, cum ordinaria aliisque salubria non profuerint remedia, sicque vix aliquid boni ominari queat Medicus, res licet videatur hic periculosa aleæ plena, cum per se incertæ hoc in casu sint prædictiones vitæ & mortis, tamen in statu morbi infundere potes, vel ut adjuves naturæ potentiam, vel ut infringas morbi sævitiam, Imo interdum & debes, si scilicet signa jam se manifestare incipiant vacillantis & nutantis naturæ. Intermissio convenienti hoc tempore, si natura succumbat, vereor, ne frustra post festum accedas, & dilates potius ad unum diem mortis fatales terminos infundendo, quam eos ad annos aliquot feliciter & exoptato extendas.

CONCLUSIO II.

Liquor infundendus pro vario scopo est variandus, præ cæteris tamen salinus volatilis temperatus seu oleosus videtur utilis, & hinc opiat.

§. 1. Respondeat ex diametro affectui medicamentum: ut ille ergo est multiplex & varius, ita & hoc. In genere tantum universalia consi-

Purgantia non sunt infunden-

deremus, purgantia nempe, diuretica, & sudorifera, confortantia, ad quæ pertinent & opjata; & quæ ex his commodè infundi possunt, ponderemus.

§. 2. Purgantia quod attinet, ad quæ & vomitoria pertinent, cum majoris & minoris activitatis ratione tantum differre videantur, ea commodè infundi posse, & cum egri euphoria, non videtur verisimile: Sunt namque ferè omnia propriè sic dicta purgantia, ob malignitatis notam suspecta, obque id parva vel mitiora quibusdam audiunt venena. Fermentando nempe resolvunt, & resoluta seu colliquefacta putrefaciunt, idque promiscuè tam vitales succos, quam nociva excrementa; unde & equaliter tam in ægrum quam sanum ferociunt; Hincque virium lapsus, genuum tremor, faciei macies, & oculorum decidentia, purgationum vim sequuntur, licet per os ingerantur, indeque succorum in primis viis stabulantium experiantur prius alterativam vim, de quo videatur HELMONT. *Tr. Potestas Medica* §. 33. & de Febribus cap. 5. & ANDREAS CNOEFFELIUS *Morbod. Medendi Febr. Epidem. & pestilentialibus*. Quod si ergò immediate infundantur venis, quas non turbas dabunt toti corpori? unde & canes per medicamenta purgantia infusa, quæ per os eos nil movent, non sine gravi & periculoso sanguinis motu, indeque gravibus symptomatibus, purgantur; imo per antimonialia vitam & excrementa simul evomunt: quid non fiet ergò in imbecilliori corporis nostri machina? Hinc namque purgantia non adeò violenta, minuta dosi infusa, homini vomitus induxerunt, ut ex experimentis Dantiscanis supra cap. 1. §. 5. apparet. Corrigi possunt purgantia, non quidem per pallium aromaticum, ut communiter, sed ridiculè, contingit; neque per acida, quæ eadem castrant; sed per artificiosam fermentationem. Verùm cum natura inferiores abdominis latebras excrementorum separationi destinaverit, quidni ejusdem sequamur ductum, & per os ad inferiora mittamusea, quæ per inferiora purgare, aut immediate ex stomacho vel intestinis evacuare debent? cum tutius longè & jucundius fieri possit.

Nec Diu-
retica.

§. 3. Diuretica quod attinet: in eorum usu imprimis distinguenda *urina potus ab urina sanguinis*. Illa enim, cum ex primis viis, ante Chymi cum sanguine permissionem, seceratur, ut multa id admodum probabiliter persuadent, ad ejus excretionem infusio in venam facta omnino erit frustranea. Quod attinet sanguinis urinam; per infusionem sanguinem ita disponi posse, ut facilius serosi laticis in renibus fiat secretio, idque beneficio injectionis liquoris nitrosi volatilis, nullus equidem dubito, cum & communia sudorifera, quæ sanguinem fundunt & attenuant, nisi per poros cutis excerni queat serum, per urinam copiosam ejus exitum promoveant. Sed in morbis, ubi necessaria est urine provocatio, diuretica communia per os assumpta omnino satisfaciunt scopo; & cum in istis affectibus nulla sit urgentia, commodèque repeti queat diureticorum propinatio, non opus videtur, frustra ad generosum hoc confugere remedium, cum ex diuretico infuso tam citò sudor quam urine fluxus excitari possit.

Bene autem
Sudo-
rifera.

§. 4. Sudorifera autem sunt, quæ commodè infundi possunt, quando vel assumi nequeunt, vel sine sperato successu assumpta fuerunt: Cumque ea, quæ per se sudoriferam vim obtinent, subtilium & tenuium sint partium, h. e. omnia sint volatilia, & in specie salina, sanè commodè sine sanguinis similiter salini volatilis noxa infundi possunt. Ut namque acidum sudoris inhibet exclusionem, coagulando sanguineam massam, unde & nimios sudores quacunque acida fixa feliciter refrenant (nisi acida perfectè sint volatilia, quo in casu potius subtiliscent,

quàm condensant ipsa;) ita è contrà omnia ea, quæ acidum absorbent & præcipitant, tam fixa, quàm volatilia, dum fluidam & tenuem reddunt eandem, denuo sudorem inducunt. Cum grano salis tamen hæc accipienda sunt; nam licet reverà res ita se habeat, nimia tamen sanguinis dissolutio, h. e. debitæ consistentiæ defectus ex alkali abundantia, (ut ex ol. Tart. infuso patet in cane,) non leve etiam sudori infert impedimentum, non minus, quàm sanguinis præternaturalis effervescencia & ebullitio, quarum illa in statu lethali, hæc in principio ardentium, forsan & malignarum reperitur, & isto in casu in casum propinquantur diaphoretica. In his ergo casibus diaphoreticis vol. optimo jure adduntur acida, quæ debitam sanguinis restitunt & consistentiam, & simul quoque effervescentiæ impetum præcipitando refrenant; unde spiritui camphorato theriacali volatili nervosè adjungitur in *diaphoretico in peracutis*, Tincturaque bezoardica *D. Mich.*, spiritus Vitrioli acidus. Quod ipsum medicamentum an commodè infundi possit? dubito, metu coagulationis sanguinis à Spiritu Vitrioli. Sed hæc obiter. Per se sunt tantum volatilia salina, quæ inducunt sudores, commendatque ob id *D. D. Major* spiritum salis ammoniaci ad 35. purissimum illud alkali volatile, cui nihil omnino olei adhæret, ut in spiritu cornu cervi, sanguinis humani, &c. contingit; ipsique addendum suadet spiritus Vini camphorati Zi., cujus usum equidem non dissuadeo, ubi extinctus propemodum cum sanguinis fermentatione calor denuò exuscitandus, ut eò facilius sudor sequatur. Sed si se mutuo coagulent hi duo spiritus, quod vereor, artificiosa antè instituta digestionem uniti, ejus mandato cum Ziiss. aquæ cujusdem fortioris infundi possunt: Vel jungatur beneficio spiritus vini cum oleo *pestilentiali Henisi* ex camphora, succino, citro, Spiritu salis ammoniaci, in spiritum salinum oleosum, & ejus Zi. vel plus minus pro ratione ægri & morbi, vel cum vel sine vehiculo infusa, non contemnendum administrabit sudoriferum. Cornu cervi quid valeat? lippis & tonsoribus notum, imprimis in malignis, cum totus Cervus sit alexipharmacus: hujus ergo spiritus, sale suo probè essentificatus, ut dicunt, camphoræque certa quantitate per reiteratas destillationes maritatus, excellens contra malignas præbet sudoriferum, non sine fructu ad Zi. vel Zi. infundendum. Est enim in Camphora singularis vis contra malitiosarum febrium sævitiam, unde & omnibus medicamentis admiscendam esse, jubent Practici. Alia etiam salia volatilia pro sudore ciendo commodè injici possunt, ex sanguine scilicet humano & cervino, in specie ex Viperis & serpentibus, quarum balsamica vis, Naturæ nostræ amicissima: quorum salium vis non tantum pro sudore ciendo, sed & pro aliis scopis satisfaciendis, creberrimè in usu est, ut inferius patebit. De dosi hoc in genere moneo, circa eandem, experientiam esse consulendam, quæ ut omnium aliorum medicamentorum prima docuit dosin & confirmavit, ita enim, quoad infundendorum quantitatem, ea sola magistra erit, & per crebrius repetitas injectiones, quantum injiciendum monstrabit. Quod autem tutò fieri possit experientia, à parva dosi incipiendo, sensim progrediendum, donec quid valeant ægrorum humeri? quid ferre reculent? innotescat. Qua cognita, postmodum eadem pro ratione virium ægri, impetus morbi, necessitatis, ipsiusque liquoris virtutis, varianda venit.

§. 5. Ad Confortantia me confero, quæ licet Vt & Confortantia, raro adhibenda videantur, cum vel per os assumpta spirituosæ, vel etiam odorifera, sepe sufficiant, nihilominus considerationem merentur. Sunt autem talia injicienda, quæ spiritus suscitare & vegetos reddere, vel saltem ipsis, ceu aliquo modo consanguinea, faciliè se jungere

gere possunt, simulque sanguinis æquabilem fermentationem conservare valent. *Cinamomum* hic omnibus palmam præripere videtur, ut & *ambra*; hæc duo enim singulare quid præ se ferunt: licet posterioris natalis sint obscuri, modernorum tamen, imprimis Anglorum, observationes, eam cum spermate ceti balænarum esse fructum, illamque in intestinis, hoc verò in cerebro reperiri, ferè confirmant. Sulphurea spirituosissima salinis volatilibus juncta hic convenient; unde sal volatile oleosum Dn. SYLVII, (quod per os assumptum etiam mirabiles monstrat vires) hic futurum esset egregium, aliaque huic similia, de quibus supra cap. 2. §. 9. imprimis cum & ex cinamomo parata. Hæc namque & fermentationi sanguinis & spiritum robori egregie conducunt. Ad pura sulphurea magis inclinatur MARCHIUS: unde spiritum vini subtilissimum merè sulphureum, ab omni salina acredine liberatum, cum olei vel rosarum vel cinamomi, & tantillo camphoræ junctum, præfert; ipsi tamen, si commode fieri possit, aliquid spiritus salis ammoniaci adjiciendum putat: vid. MAJOR *Chir. Infus. pag. 77*. Restaurativus D. SACHSII liquor salino-volatilis sanè non contemnendus, ex spiritu scilicet cinamomi cum oleo destillato succini, juniperi, sale volat. cornu cervi, &c. artificiosè junctis. Est etiam egregia ambra Ess. cum spiritu rosar. parata, sanguinis rubineam tincturam exactè referens; vel spiritu rosar. ambratus, ex ambabus fermentationis adjumento paratus, nisi nimia quædam exæstuat in sanguine metuenda. Unde mistione cum sale quodam volatili aliquo modo temperentur; tunc enim sub moderata dosi de felici successu non desperarem.

Item opia-
ta.

§ 6. Ad confortantia, quæ spiritus exsuscitant prostratos & languentes, ea etiam pertinent, quæ spiritus impetuoso moru ferocientes, & tantum non furentes, sopiunt, eorumque periculosum impetum compescunt, *opium* nempe, & quæ ex eo procedunt medicamenta. Magnum namque sæpius ægro imminet periculum ex ferocia ista spiritus, quæ gubernacula vitæ deferens, omnia conturbat, de quo supra § 3. cap. 2. locuti sumus, qui exinde dubiæ spei eventus, partim prænuncius, partim causa existit. Hos fluctus quod sedat, has furias quod placat, magni remedii meritò obtinet nomen, & hoc est *opium*, quod, quidquid agit, unice motum spiritus sedando agere videtur. Hinc namque dolorum remissio, hinc suavis quies, omnisque ferocis motus optata sedatio, unde & turgescencia materiæ peccantis, orgasmusque humorum, facile desinunt. Quas vires quo modo exequantur opiata, hoc in loco non attinet dicere. Sunt, qui dicunt probabiliter, figere eadem spiritus, hoc est, condensare eosdem, & certo modo coagulare, unde mobilitas, indeque facillima cujuscunque objecti impressionis receptio supprimuntur. Multi sunt, apud quos maximi medendi Arcani locum tenet somni vel quietis in acutis productio: hinc namque dolores vigilæque, urgentia aliàs, & ob spirituum gravem jacturam multum debilitantia symptomata sopiuntur, omnesque corporis nostri succi, qui vigiliis exasperantur, sopore inducto blandè temperantur, unde omnium vel graviorum saltem symptomatum remissio, effervescentiæque imminutio; unde mox coctionis clariora signa se produnt, facta quadam præcipitando utilis ab inutili separatione, quæ ante ob omnimodam sanguinis perturbationem erant vel nulla vel saltem levia. Hinc facilius præcedente tempore vel fit Crisis, vel artificialis aut per sudores aut per urinas materiæ coctæ seu præcipitatæ secretio: Spiritibus quoque quietitatis in ordinem quodammodo redit microcosmi turbata antea respublica, dum rector supremus furore placato, id, quod suarum est partium, denuò obser-

vat; quæ omnia legitimum opii usum facile sequuntur. In febribus ardentibus, ut & malignis, sanè quam plurima præstant, teste experientia, & JOHANNEDANIELE HORSTIO in *iudicio de Chir. Infus. pag. 83*. Inter alia hæc ejus notatu digna sunt verba: *Opiatorum sulphur, à quo spirituum motus efferos & concitatoris sanguinis turbas frenandi domandi, & sopiendi vim obtinet, feliciter desideratum sudorem conciliat, &c. & paulo post; opium est summum sudoriferum, venerem insuper excitat, spiritus congregat, & ita roborat, ut insurgant in quemcunque morbum*. Purgantibus certè additum vel præmissum, eorum virulentiam corrigit; cum ambra mistum à multis pro secreto habetur venereo; unde & Indi communiter pro virium restaurativo singulari habent, sicut revera est in calidioribus regionibus (vid. BONTIUS *Animadvers. in Garciam ab Orto in cap. 4. pag. 3.*) & ut eò melius placeant suis scemellis in concubitu, quibus non tam repetitus quam una vice continuatus placet actus, antea opio, ceu peculiari armatura, se mununt.

§ 7. Sed non sine ratione quam plurimi metuunt in opio sulphur quoddam pravum, sylvestre, & narcoticum, quod ita revera esse, nemo est, qui dubitet: Sed ut huic occurratur necessitati, observandum, meconium potius esse, quam verum opium, quod sulphure isto deleterio sit impregnatum, ob cruditatem suam. Sed cum rara avis in nostris terris sit opium verum, meconium ejus loco debito modo est corrigendum: sed non per *rorem majalem*; hæc enim correctio parum plus præstat, quàm quod opium superficialiter tantum depuret: nec per Spiritum vini; hæc enim deleteriæ qualitatæ est potius exaltatio: nec per acida, hæc enim est opii castratio, cum eius vis in sale volatili oleoso consistens acidis istis multum infringatur: potius *sale alKal. fixo, imprimis tart., cum terebinthina* debita ejus fiat per digestionem correctio, sic namque opium tutum & mirabile in magnis quoque morbis fit remedium. Hinc notanter loquitur HELMONT. *Tract. jus duumviratus §. 31* *Sopores tam morboſi quàm artificia es sive opiatorum, optimè debellantur per lixiviam, &c.* Sicut aliàs etiam sal tartari legitimus purgantium est corrector. Optima omnium est correctio, quæ per artificialem fit fermentationem cum succo quodam stomachico, quo opium sic correctum abit in remedium anodynum, sine Narcosi, & cuius x. grana non plus vel minus profunt aut nocent, quàm xxx. Hoc modo præparatum celebratum apud doctiores quosdam exteros est remedium, suntque qui pro HELMONTII Laudano habent opiato, de quo nempe *Tract. citato §. 65* dicat: *felix æger, cuius auxiliator Medicus novit lethalia è papavere separare, retento auxilio excitatore potestatis in duumviratu*. Huius ultimo modo correcti opii, tam liquida quàm solida sub forma, conveniens dosis ad viii. vel x. grana cum s. q. aquæ cinam. infusa, nobilitabunt Medicum, qui legitimum eius noverit usum; sic namque & citius, quoniam sæpius periculum in mora, & potentius, quoniam nulla in primis viis ejus fit alteratio, operabitur; de quo superius cap. 2. §. 4. Sunt equidem adscripti, qui sulphur veneris anodynum iactitant, (*cuius oleum elementum ignis veneris vocat HELMONTIUS*) & quo egregiam istam curam peregit BARTOLVS, de qua supra cap. 2. §. 6. locutus sum; de cuius veritate nullus dubito, cum sciam, Aquilam albam ex venere primum enselicere, eoque in Crocei coloris habitum se vestire, unde egregiam stomachicam anodynam & antiquariam vim acquirit, cæteras ut taceam operandi virtutes. Cæterum cum non omnibus liceat adire Corinthum, indeque sulphur illud veneris accersere, opio interea nos contentare poterimus.

§. 8. Sed,

Opiata in
principio
infundenda

§. 8. Sed, quod superiore conclusione inculcaverim, temporis maximè habendam effectum, pro instituenda infusione, imprimis & in opii injectione observandum. In genere namque adhibendi tempus opiata, in acutis est morbi incrementum, demonstrante id Ballonio lib. 1. consil. 65. p. 79. & Lindenio in Colleg. Privato supra Hartman. Prax. Chimiaticam cap. de anodynis: non principium, ubi nullus eorum est usus: non status, ubi vel impediens Crisin, si morbi eventus est salutaris, vel frustra adhibes opium, ubi inclinante ad mortem ægro spiritus oppressi & prostrati ulterius non sunt sopiendi; sed potius excitandi, ne languori eorum superinducta artificialis quies, ad perpetuam quietem egrum deducat. Fiat ergo opii infusio non, quod supra innui, in statu, sed vel sine principii, vel incremento morbi, si per os opium vel assumi non valeat, vel assumtum nil proficiat, ut furore Archei aliquantisper sopito, hic expeditius, quod agendum sit agat, pro conservatione œconomix vitalis, & perficiat.

CONCLUSIO III.

In affectibus subitaneis, hincque peracutis, nil promptius auxiliari posse videtur infusione, ver. grat. in syncope & cordis palpitatione, apoplexia, vertigine tenebrosa, & epileptico insultu graviore.

Syncope.

§. 1. Turbam in medium produco omnibus terrificam, ægro sæpissime fatalem, quæ ut inopinata eum sæpius aggreditur violentia, ita citissima jugulat strage. Advoler ergo Medicus, & quidem generosissimis instructus armis. Multa hic præstant odores, ex volatilibus elevati oleis, de quibus *supr. §. 6. cap. 2.* Spiritus volatiles ardentis in os injecti, salini volatiles immixti, juncti in salia volatilia oleosa, tantum non miracula interdum præstant, dum spiritus nostros, ordinaria non expectata in primis viis alteratione, dicto citius interdum exsuscitant sopitos vel revocant abeuntes; de quo videatur HORSTIUS *Judic. de Chirurg. Infus. p. 76. & 77. & supr. citato loco.* Unde hæc omnia tentanda prius, antequam ad generosiora abeamus remedia. Sed quid? si ægro hæc per os infundi non possint, vel tardè nimis operentur, vel æger horum ope non restituatur, si singulis momentis expectetur fatum, si metus, ne nunc syncope extinguatur, nunc apoplexia vel epilepsia suffocetur? Hic nec timidum se præstet Medicus, licet graviora sint mala; sicut nec tumidum se exhibeat in levioribus. Occasione potius agendi arrepta, intrepide infundat, ut generosè curet.

§. 2. Syncope sane, quæ Microcosmi est eclipsis, ob spirituum luminositatem, indeque eorum irradiativam vim, tunc ferè extinctam, quamplurimas agnoscit causas; in specie tamen quando imprimis infusionem postulare videtur, ejus origo est *vel ex nimia sanguinis dissolutione*, unde Spiritus, dum non generantur copiose, interea exhalant; *vel ex nimia ejus coagulatione*, unde iidem violenter opprimuntur. Illud ardentibus in febribus malignisque sæpe usu venit: hoc in illa syncope specie, quam cardiacam nonnulli vocant, & sæpius cum apoplexia confunditur si sit gravior; (vid. HOEMANN. in *Instit. Med.*, & idem eleganter explicat LINDENIUS *Colleg. in Hartman. cap. 11.*) levior verò si sit, catarrhi suffocativi nomine venit ab ignaro vulgo, itemque in hypochondriacis suffocationibus, &c. evenit: hujus causa est sanguinis in præcordiis periculosa stagnatio, ex acido excessivo ab inferioribus partibus al-

lato, imprimis à pancreatis acido nimis vel austero succo, sanguini infuso, oborta. Ea, quæ infundenda veniunt hoc in puncto, cum eis conveniunt, quæ *supra Conclus. 2. §. 5.* retuli, *tex cinamomo* imprimis & *ambra* parata; hac tamen cautela adhibita, ut in priori casu, sanguinis scilicet nimia dissolutione, sulphureis & spirituosis moderatè acida, sed volatilia (fixa enim nimis periculosè coagulant) addantur, quo sanguini debita restituta consistentia, deficiente ejus redeat fermentatio, spiritusque vitales de novo suscitentur & retineantur; unde acetum ex vino generoso cum spir. vini volatilifatum, aquæ cinamomi vel spiritui rosar. ambrato additum, fortè ex usu foret; vel acidus, volatilis tamen, viridis æris spiritus, sine aceti additione præparatus, & si opus sit, Spiritus vini ulterius mediante digestionem temperatum modo dicto ex usu erit.

§. 3. In posteriori verò casu, sanguinis nempe coagulo, medicamenta magis sint salina volatilia, ut acidum corrigant & sanguinem celeriter dissolvant; quorum hinc inde sufficiens facta enarratio, in specie *Conclusione 2. §. 4.* Sperma ceti hoc in casu interius assumtum, præmissa venæsectione, ceu summum prædicatur præsidium, & reverà miranda ejus est vis in dissolvendo sanguine, quacunque ex causa conglobato, ut & in absorbendo omni hostili acido, unde Parisiis podagricorum articulis dolentibus mirabili cum successu applicatum vidi: sed in primas detrusum vias, nimis tardè, idque non sine alteratione, operatur, ut *supra cap. 2. §. 4. & 5.* dictum; unde convenienti menstruo dissolutum, & venæ infusum, salutarem valde promittit effectum. Hæc, quæ de syncope dicta sunt, facili etiam ad nimias virium imbecillitates, ut & enormes sæpius cordis palpitationes, applicari possunt, in qua posteriori legitimam aliquam coralliorum Tincturam, (qualem cum sale Tart. volatilii paratam, quæque per retortam facili negotio destillabatur, in Anglia vidi,) debito vehiculo, si opus videatur, permixtam, infundendam censeo.

§. 4. Apoplexiæ subitaneus ictus senes sæpius, interdum mediæ quoque ætatis homines repente posternit. Symptomatum atrocitas unicuique est nota, cum non rarus ingruat hic affectus, & ob brevem ac tristem exitum quamplurimos perterreat. Origo ejus imprimis ex impedito spirituum animalium motu petenda, ob interceptum sanguinis motum in cerebro; five *ex coagulante hoc contingat acido* (de quo videatur TACKII *Oratio de Chrysog. animali & miner. pag. 42. & 43.*) unde & non pauci apoplexia mortui, sanguinem omnino in vasis coagulatum exhibuerunt, imò in ipsis præcordiis polypus, h. e. sanguinis concretiones, in apoplecticis repertos, & vasa pulmonum ex impedito sanguinis motu disrupta, refert FRACASATUS *Tetrad. Epistol. p. 424. & 414. five à nimia ejus crassitie*, quacunque ex causa oborta, imprimis viscido & crudiore chylo non rite sanguini assimilato; five à *narcotico spiritu* vel gas quodam sylvestri; ut Chymicis audit, extrinsecus per aerem hausto spiritus figente, & sanguinis motum ac fermentationem inhibente. Omni in casu res est periculi plena. Vomitoria hic sæpe divinas afferunt opes, experientia teste, aquæ apoplecticæ, spirituosæ, & odoriferæ non contemnendæ, aliæque medicamenta quoquo modo adhibita. Sed si pertinaçia mali eludat omnem horum medicamentorum vim, & stertor fatalis ingravescat in extremo hoc articulo, quidni non tam extremum quam generosum infusionis administremus remedium, ut eò citius concretus & stagnans sanguis resolvatur, & ejus colliquatio promoveatur? quod ceu maximum praxeos feliciter excernendæ secretum non sine ratione commendat CLAUDIUS DE LA COURVEE *de Nutrit. fœtus in utero Parr. 2. cap. 3.*

Apoplexia.

§. 5. Salia volatilia, tam vegetabilium ex Cephalicis, eorumque spiritus volatiles, quam animalium ex Cornu Cervi, Cranio & ossibus humanis, sanguine Cervino & humano, sunt hic proficua; ut & Quinta Essentia Matthioli, specifica ad apoplexias, sinapi & eruca; ac nasturtii feminum volatili sale, impregnata. Sal volatile succini palmarium quoddam remedium, Liquor-que Cornu Cervi succinatus D. MICHAELIS; Spiritus Vini vel Theriacalis camphoratus à quibusdam commendantur: salinos tamen volatiles hic potius præferrem. Spiritus liliorum convall. vel ceras. nigror., sale volatile Cornu Cervi & camphoræ tantillo per iteratas cohobationes impregnatus, salutiferum hic erit medicamentum. Nec omittenda hic salia volatilia oleosa ex aromatatum oleis parata, de quibus supra *capitulum* 2. §. 9. Quibus applicari potest id aliquo modo, quod HELMONTIUS *capitulum* 5. de Febris. §. 7. de suis ex oleis destillatis paratis salibus volatilius describit. Sunt, qui spiritus cerasor. virtutes, super vitriolum cohobando, tam ad apoplexias quam epilepsias, exaltare volunt. Quod si febricula horum medicamentorum usui superveniat, cum apoplectici tamen insultus diminutione, ne timeas, quæso, cum salutem promoveat. Quod si eorum usu sudor calidus & moderatus proliciat, gratulari ægro de convalescentia poteris. Quod si Narcoticorum miasmata haustu producta sit apoplexia; Castorei salutaris erit medicamenti admixtio, magisque ad spirituosam sulphuream quam salinam inclinare poteris, cum spirituosam impressas jam à narcoticis spiritibus noxas curent, eos denuo exfuscitando & agitando; sicut acida ab eorum impressione præservant.

Epilepsia
& Vertigo.

§. 6. Hercules adhuc superest morbus, cum ejus prodromo vertigine caliginosa & caduca in juvenibus (in senioribus enim apoplexiæ potius est certus prænuncius) qui & ipse Hercules infundenda monet remedia. Qualis hic sit affectus? lippis & tonsoribus notum est, ut &, quomodo per paroxysmorum infestet circuitus. Unde extra insultum legitima medendi methodo tractandus venit. Quod si verò insultus sit gravior, quam ut consuetis cedat remediis, ne periculum vitæ incurrat æger, nil prohibet, quin infusione administres. Aquæ Epilepticæ in os intrusæ, salia volatilia naribus admota, & ori infusa, imò hæc ipsa cum clysteribus injecta, tam in infantibus, quam in adultis, egregius quidam Practicus non sine experto sæpius successu commendat. Sed si his reluctetur paroxysmus, quis dubitat de felici hujusmodi salium in venas infusorum auxilio, si remotos intestinorum perreptando gyros sint salutare? Idque eo magis, si non privata cujusdam partis vitio, quod sæpe evenit, sed ex maligno massæ sanguineæ spiritibusque animalibus impresso Characterē invadat. Hinc sane, si accedentem insultum præcavere velis, salinum hujusmodi volatilem liquorem, camphora acuatam, vel opii Ess. bene præparata temperatum, infundere licet; Id quod & in ipso principio insultus, si vel gravior vel diuturnior esse soleat, faciendum: Opii enim cum camphora connubio singularis hac in parte est vis, & impediendi futurum, & imminuendi præsentem jam paroxysmum, licet ad præcautionem tutius usurpetur, dum ferocientes spiritus compescit, & sedato paroxysmo, blandum somnum cum salutari sudoris eruptione inducit. Salina volatilia hic quoque injicienda, ex antecedente petenda Paragrapho, inter quæ succinum eminet. Utilis quoque erit spiritus secundine humanæ, quo medicamento Regem Poloniæ Epilepticum curasse dicitur CNOEFFELIUS. In stercoreibus, pavonis imprimis, ciconiæ & leonis, ut & hominis, singularis quoque vis est antepileptica, experientia multiplici teste: vid. BORELL. Cent. III. obs. 15., HENRICUS à BRA de Medicament. Epilepticis, CRATO in Consiliis: quam ex humano qui debita fermenta-

tione & volatilisatione novit elicere, ut moschum & ambram ferè oleat, sicque in Zibetham Paracelsi occidentalem abeat, fortè non contemnendam ad multos morbos habebit medicinam; alias ut præteream stercorum præparationes, Omnibus interim præferendus spiritus vitrioli volatilis, ab omnibus instar Phœnicis decantatam rarissima licet, avis, cujusque, ad epilepsiam imprimis applicati, tot sunt descriptiones; quot capita. Phlegma subtile striatum ex vitriolo, violarum Martiarum odorem referens, ab amico quodam tempore hyberno præparatum novi, quod tamen pro verò volatili non habuerim spiritum. Cujus TACKIUS mentionem facit spiritus egregii vitrioli aurei, *Judicio de Chirurg. Infus.* pagina 103., cujus elaboratio est admodum tædiosa, in novissimo tamen quodam Philosopho Chimico aperta ejus prostant vestigia, infusioni videtur ineptus, ob vim, quam cum penetratione metuo, coagulantem. Qui veri volatilis sulphurei spiritus est possessor, facile, experientiam consulendo, quid valeat ad epilepsiam dum infunditur, felici, ut spero, eventu reperiet.

CONCLUSIO IV.

Ad sanguinis debitam fermentationem restituendam

apprimè conducit

Infusio.

§. 1. Duo sunt mala, quibus expedita infusionis ope succurrendum: spiritus scil. vel archei furibundus motus, & sanguinis inordinata fermentatio ut supra *capitulum* 2. §. 1. & 3. dictum. Hanc, qualiscunque sit, salium esse effectum supra *capitulum* 1. §. 1. & 2. ostensum, ut & ejus defectus salinis quoque curandos esse remediis, *capitulum* 2. §. 7. quæ tamen ex salium in primis viis varietate & inevitabili concursu, non parvam ibidem subeant alterationem, antequam debitam in sanguine peragant correctionem *citat. loc.* §. 4. similiter declaratum. Ex acido nempe imminuta vel depravata fermentatio contrariis alkalibus corrigenda: quod qua ratione fieri possit? vid. TACKIUS *Orat. supr. citat. p.* 43.: Ab Alkali contra vitioso eadem turbata, per acidum est emendanda. Quæ salia nunc pura & acris, nunc aliorum, imprimis sulphureorum, adiunctione temperata, sunt applicanda. Quod si verò in primis vis oberrent salia sylvestria, vitiosique succi, quæ medicamentorum vires infringant, & quod salibus facillimè evenit, eadem alterent, nullus effectus exinde sperandus venit; potius propriori via sanguini immediate sunt commiscenda, ut promptius & potentius succurrant; quod quibus in malis sit faciendum inferius patebit.

§. 2. Jam verò quantæ succorum istorum salinorum esse possint corruptiones, supra *capitulum* 2. §. 2. declaravi: quas corruptiones vitio massæ sanguineæ oboriri, nemo facile dubitare potest, qui cogitat, ex sanguine istos succos continuo regenerari, sanguinem verò ipsum ex rerum nonnaturalium varia ætivate magnas continuo alterationes subire, sæpiusque per contagium massæ sanguineæ depravatam notam immediate inuri, sine succorum illorum præcedente vitio. Assumptorum alimentorum magna hic est efficacia, sed modò sanguineum nectar in debita persistat puritate, & non similiter ab alimentis istis corrumpatur, facile noxa illa inducta eluetur. Quod si non fiat, & massa sanguinea succique simul sint corrupti, miseram effervescientiarum inordinatarum variorumque symptomatum ludent tragediam. Viscera & ipsa quoque, imprimis lien, suas sanguini imprimunt noxas; sed quas sæpè antea ex sanguine hauserunt, cujus ineptitudine aliunde contracta, viscerum fermentativa correctio eluditur.

ditur, ejusque crassitie illorum obstructio scirrhusa, aliaque vitia, producuntur. Unde sanguinis restauratio est nulla, dum à succis istis infimi ventris, aliisque visceribus continuo depravatur: & succorum illorum viscerumque emendatio est frustranea, dum sanguinis corrupti partes eorum malitiam continuo renovant. Sed cum alteratio sanguinis sit major longe ob res nonnaturales, quæ omnes in sanguinem agunt, simulque succi isti dependeant à sanguine, ex cujus massa in convenientibus cribris secernuntur, utique sanguis alterandus venit primario: quod cum per medicamenta assumpta fieri non possit, ob rationes supra & hic allegatas, merito infusio administranda, ut correctæ sanguinis labe, inordinatæque fermentatione, isti succi partim spontè, partim verò medicamentorum assumendorum ope, redintegrentur. Contrarium equidem fit in ordinaria medendi methodo, ut primarum viarum humorumque ibidem stabulantium noxæ in morbis, præsertim Chronicis, prius corriguntur per assumpta, idque rectè, cum alias in sanguine nil alterari possit, ut supra dictum: hancque methodum tandiu continuandam suadeo, quamdiu aut successui optato respondeat, aut spei aliquid desiderati successus adhuc superest. Sed res ipsa loquitur, quam tædiosis sæpius hujusmodi sint curæ quantum tempus requiratur ad eas absolvendas; imò quod malum, si sit inveteratum, non tam cura quam palliatio fiat, vel ægri à Medicis ceu deplorati relinquuntur. At repetita magis est infusio, ut mitigatio (non dicam curatio) symptomatum in ancilla epileptica inveterata, & milite lue Venerea antiquata correptis ostendit: videatur *supr. c. 1. §. 5.*

§. 2. Eleganter differit de hoc negotio TACKIUS in *Judicio p. 99.* comparandum sanguinem cum vino, dum inquit: *Fateor, haud mihi displicuisse ad sanguinis sopitam fermentationem excitandam ingeniosas cogitationes, imprimis quod sciam vina quiescentia ad novam fermentationem excitari posse. Imo & degenerantia & tenacia & viscosa velut sulphure restitui. Non enim nescis, sanguinem esse vinum vitæ nostræ, vinumque non raro in sacris sanguinem urvæ appellari. Si itaque ad novam fermentationem vina resuscitari possunt, cur non & sanguis, ille vitæ nostræ thesaurus, cujus Spiritus homogeneam fortè naturam habet cum Spiritu Vini.* In qua convenientia vini & sanguinis declaranda, totus quoque est WILLIS de *Febribus capite 1.* Jam verò id, quod de nova fermentatione suscitanda dicit TACKIUS, facile quoque ad alteratam potest applicari corrigendam: Totus etiam FRACASSATI scopus is est tantum in sua *Medic. Infusor.*, ut sanguinis fermentatio renovetur, concretusque ab acido resolvatur, cui negotio Spiritum Vini Tartarificatum pro infusione destinat: sed verus tartarificatus Spiritus Vini non est res adeo facilis, utut multum utilis, ad cujus singularem quandam præparationem in TACKII *Chrysogonia* inveniendam *pag. 44.* te remitto. Quale interim fermentationis est peccatum, tale quoque correctionis remedium, nunc salinum lixiviale, nunc acido-volatile, nunc spirituosum sulphureo-salinum, nunc alia qualitate præditum, prout in sequentibus pluribus dicitur.

CONCLUSIO V.

Atrociori affectionis hypochondriacæ & hystericæ, ut & Asthmatis convulsivi, paroxysmo
Infusoria Chirurgia est
succurrendum.

§. 1. Congeries ista symptomatum truculenta, quæ mali hypochondriaci in viris, suffocationis verò uterinæ (si nempe est acerbior) in mulieribus nomine venit, adeo interdum paroxysmus sævit, ut à Dæmone obsessi ab ignara plebe habeantur ægri. Testimonia hinc inde prostant plurima. Præcipua symptomata sunt; murmur & rugitus in hypochondriis, dolores in abdomine acerbis, respiratio impedita, & suffocationis metus, palpitationes cordis gravissimæ, lipothymia & syncope sæpius recurrentes, vertigines tenebrosæ & caducæ, deliria varii generis, artuum miræ convulsiones, corporisque totius epilepticæ subinde concussionis. Mali hypochondriaci nomine venit in viris; in mulieribus, si gravis hujusmodi insurgat paroxysmus, sine convulsionibus quidem, suffocatio uterina; cum convulsionibus verò Epilepsia uterina dicitur. Sed reverà in utrisque unus idemque est affectus: differentia primariæ namque, quas statuunt Autores, est motus iste globi, (quem ridiculè muliercularum instar utrum esse multi autumant) ascendentis in abdomine, & faucium suffocatoria contractio, quas in foeminis tantum esse asserunt, in viris quoque obviæ sunt. Affectum enim hysterica passioni adeo similem, ut ovum ovo similis esse nequeat, observavit in viro WILLIS in *Pathol. cerebr. Specimine*, unà cum globo isto in abdomine violenter moto; & suffocationis sensu in graviore affectu hypochondriaco torqueri viros, nihil novi est; idque duplici modo: Nunc quidem sentiunt fauces & laryngem à vaporibus vel humoribus acidis, ponticis, austeris & stypticis, quasi constringi; quale exemplum DOM. MICHAELIS vidit in Jurisconsulto, ut supra dictum: quem cum acidum præcipitantibus & concentrantibus alkalibus fixis, nempe creta, oculis Cancrorum, antimonio diaphoretico & similibus restituit: cujusmodi casus etiam mentionem facit SENNERTUS L. 3. *Prax.*, Part. Sect. i. *capite 1. pagina 7.* Nunc verò sine tali in faucibus molestia, saltem impotentia movendi thoracem adest, & cingulo vel Zona quasi circa diaphragmatis cum costis connexionem se constringi & coarctari queruntur ægri, ita ut reverà affectu suffocationis uterinæ viros quoque laborare dici possit, nisi falsa appellatio putatitii mulieribus uteri ascensus, cujus tamen innocentiam pluribus sufficienter demonstrarunt Autores, hoc impediret: vid. WILLIS *loco citat. cap. de affect. hypochondriaco & hysterico.* Quam sententiam similiter fovet Celeberrimus Dom. Sylvius, alique accuratiores hujus sæculi Medici. Quod autem clitoridis contrectatio, vel odorum ad uterum applicatio, paroxysmum sedat, ratio est, quod titillatio istius sensibilissimæ partis voluptuosa, spiritus fortiter afficiendo, ad determinatum compellat motum, unde inordinatus motus, convulsiones, cæteraque symptomata remittunt. Odores verò afficere spiritus, imprimis circa genitales partes, eosque allicere, & ad motum, ut modò dictum, determinare, patet præter supra dicta ex eo, quod inuncto penis glande vel Zibetho, vel balsamo apoplectico, &c. voluptuosiores longè solito faciat utrique sexui congressum. Multa paucis declarare cogor, ob pagellarum angustiam.

Affectio
hypochondriaca &
hysterica.

§. 2. Varietas symptomatum complicatum omnino monstrat affectum, partim nempe ex vitiosa in abdomine ab acido pancreatico cum biliolo succo effervescentia, hinc postea sanguinis ab acido coagulatione, partim vero ex depravato & perturbato spirituum animalium motu, unde vertigines, deliria, spasmique contractivi, partim mesenterii & partium annexarum; (quod nostratibus mulierculis aptissime *die fobwere Noth in Leibe* dicitur) partim partium, respirationi inservientium, partim vero, & circa finem paroxysmi imprimis, artuum externorum; de quibus optime vide differentem WILLIS. loco citat. Id, quod primario peccat, est acor pancreatici succi depravatus, sæpe acerbus, austerus & ponticus, effervescentia in intestinis, hinc flatuum & borborygmorem Autor, qui postea sanguini infusus, eum periculose coagulat, quod sanguis venæsectione in paroxysmo emissus testatur. Unde syncopes, pulsuum longæ intermissiones, simulque sanguinis stagnationis in præcordiis suffocationis inchoatus sensus; unde mulieribus scorbuticis laborantibus, si vel levioribus purgantibus moveatur istis Camarina, sanissimæ licet sint quoad uterum, hypochondriacas huiusmodi suffocationes incurrere observavi, moro scilicet in viis vitioso acido. Hinc omnia ea, quæ acidum infringunt, tam fixa quam volatilia, tam in quàm extra paroxysmum, hos affectus curant, spiritus salis ammoniaci, spiritus carminativus urinosus volatil. ex tart. nitro & vino; item sal volatile & oleum destillatum, succini, experta ad revocandos hypochondriacos & hystericos sunt remedia. Huic accedit singularis spirituum facile irritabilis, nimisque impetuosè mobilis dispositio, qua concitati partim ex effervescentia in intestinis, partim ex sanguinis stagnatione in præcordiis, impetuosè moventur; unde mesenterii convulsiones, cujus centricus nervorum plexus globum istum simulat, diaphragmatis & musculorum cæterorum respirantium contractione, deliria, vertigines, &c. subsequuntur: unde opiata, quæ spirituum motum compescunt, spirituosos cephalicis mista, quæ eos corroborant, futurum paroxysmum impediunt, inchoantem verò jam tollunt.

§. 3. Urgente jam tot symptomatum crudelitæ sævitia, propinari alia nequeunt, quàm volatilia, acidum subito absorbentia, præmissa interdum vomitorio. Quod si tamen iis legitime adhibitis paroxysmorum, imprimis quo ad actiones animales, persistat atrocitas, ne sub eorum succumbat impetu æger, ad infusionem procedendum; præmissa tamen semper medicamento per os cum Castoreo, quod acidum primarum viarum absorbere valeat. Infundendi liquores facili ex hæcenus dictis patent, si enim præcavere volumus vel futurum paroxysmum, vel ejus nimium incrementum saltem suspendere, spiritui salis ammoniaci, mediante Spiritu Vini temperato, Ess. opii q. s. addendum, hæcque conjunctim infundenda: vel in Quinta Essentia Matth. aliquid de opio solvatur, cui in sequiori sexu semper Ess. Castorei, vel alæ fetidæ, vel myrrhæ, sufficiens addatur quantitas; vel in aqua hirundinum cum castoreo dissolutus s. l. ammoniaci spiritus erit proficuum; vel ejus loco sal volatile succini conjunctum cum sale volatili Cranii humani, ad convulsiones specifico. Spiritus porro secundinæ humanæ cum sale volatili sanguini humani infusus, non sine prospero erit successu; vel spiritus baccarum, sambuci, aut Ess. ex rob. sambuci cum spiritu proprio parata, oleo destillato succini lenta digestionem imprægnatus, erit injiciendus. Prout autem constitutio varia ægri nativæ, nunc salina volatilia acriora, nunc verò per oleorum additionem temperatiora, sunt injicienda.

§. 4. Suffocationem vel difficilem saltem respirationem multum affligere his nobis laborantes, ex dictis patet. Jam verò in Scorbuticis, vel in

quibus hypochondriorum affectus non adeo inveterati, aut non adeo atroces, sæpe evenit, ut levissima procatastica causa præcedente, gravissima ipsi orientur Asthmata, & adeo etiam orthopnoæ, nullo modo cum iis Asthmatis, quæ ex infarctu pulmonum à crassa vel viscida materia interdum, licet valde raro, contingunt (cum ventriculi sæpius sine sordes, quæ tunc tussi, reijciuntur) convenientes, cum sine tussi sine antecedente excrementorum coacervatione, aut sensibili eorum, finito paroxysmo, excretionem ægros invadant, & nunc periodicè secundum lunæ motum, nunc non periodicè, repetant, quale exemplum Parisiis in meo Commensali observavi. Causam horum asthmatum convulsivum esse motum diaphragmatis & reliquorum musculorum respirationi dicatorem, quæ sanguinis in præcordiis impedito motu, ejus & stagnatio, & suffocationis ita inducatur sensus, vid. WILLIS cit. loco. HELMONTIO Caducus seu Epilepsia pulmonum dicitur huiusmodi Asthma, quod etiam siccum ab eodem vocatur, Tr. Tussis & Asthma; quæ tamen latior appellatio tum syncopes cardiacas, aliàs catarrhi suffocativi dictas, de quibus Concl. 3. §. 2. dictum, & quas exactè exprimebat canis iste cui oleum sulphuris infudimus, de quo supra cap. 1. pag. 4., comprehendat. Multa horum Asthmatum spasmodicorum notata reperiuntur, præter Helmontii loco citato, exempla apud Practicos, qui tamen ea ad ordinaria asthmata humida reducere, obnixè insudant: vid. PLATERUS lib. 3. Obs. p. 161. & 172 Item obs. SCHENCKII pag. 232. & 237. MARCELLUS DONATUS Obs. lib. 4. cap. 12. pag. 280., COLLE Med. Cosm. p. 159., RIVERIUS cent. 3. obs. 85. Cura horum asthmatum extra paroxysmum ad originalem morbum, scorbutum scilicet vel malum hypochondriacum, dirigenda, quibus curatis & ipsa cessant. Cæterum in paroxysmo, ubi miseranda horum ægrorum est constitutio, seu convulsiones epilepticæ sunt tractanda. Excellunt specificè in hac cura ternarius medicamentorum sequentium, nempe sperma ceti, aselli, & lumbrici. Unde si atrocitas paroxysmi alia omnia respuat remedia, & æger in horas suffocari videatur, ne nihil intentatum relinquat medicus, infusionem tentet. Mediante ergo digestionem & lutrefactionem resoluti lumbrici in liquorem, dant spiritum ad infusionem, ut videtur, aptissimum, in quo vel solo, vel Spiritu Vini prius commodè maritato, solutum sperma ceti, quod fieri posse suspicor, non contemnendam gravi hoc in morbo præstabit medicinam, imprimis si tantillum Croci Essentia cum eo commisceatur. Quin tamen & usitata Epileptica volatilia commodè infundi possint, nullus dubito, cum, teste HELMONTIO, quicquid Epilepticum adustum sanet etiam Asthmaticum. Dubitare hic possumus cum RIOLANO Enchirid. Anat. l. 4. c. 14. de Laryngotom. pag. m. 516., (ubi videtur, eum jam tunc temporis olfecisse hanc Chirurgiam,) an per apertam asperam arteriam liquor dulcis, attenuans & incidens, introduci queat, ad incidendum sputum & promovendam anacatharsin. Sed merito dubitamus, imò vix possibile credimus: nam vel levis potus aliavè materia insperato huic arteriæ illapsa, quas non turbas ciet? & liquor injectus dum per minores tracheæ ramos se dispergeret, respirationem omnino tolleretur, jam per se satis exilem.

CONCLUSIO VI.

Chronici morbi, qui Cachexiarum veniunt nomine, profundè radicati, & aliis vel non vel difficulter cedentes medicamentis, salutarem ex Infusione expectant medelam. Quibus & Phthisis annectenda videtur.

§. 1. Torturæ ægrorum sunt & scandala Medicorum, quos præsens Conclusio in scenam producit affectus. In quibus imminuta partim partim verò insigniter depravata massæ sanguineæ vitali fermentatione, ipsa nutritioni fit inepta; unde ex depravata nutritione mali exsurgunt habitus, qui per alteratos faciei oculorumque, imo totius corporis colores, in conspectum prodeunt, unde & generali Cachexiæ nomine veniunt; cuiusmodi sunt *Cachexia* in specie sic dicta, tam masculorum quàm foemellarum *χλωρωσις*, &c. (cui supervenit ordinariæ menstruæ purgationis cessatio) & excellentior huius gradus *Leucophlegmatia*, & quæ hanc fere semper insequitur *Anasarca*; item *scorbutus*, *lues Venerea*, & tandem *læterus*. In omnibus namque his primaria sanguinis ex fermentationis læsione est labes. Cachexiam quidem in specie sic dictam quod concernit; ex chylo non ritè cum sanguine assimilato originem ducit, dum is viscidus & acidus, nec ritè volatili satus, sanguini infunditur, unde in humorem crudum dilabitur & aquosum, sanguisque exinde crassus, viscidus, æquabili fermentationi ob principia salina, imprimis volatilia urinosa ob abundans contrarium acidum depressa & obruta, ineptus existit, indeque minus spiritalis; sed torpidus & semicoagulatus in vasis lentè circulator, unde & menstruæ fermentationis, quàm ordinaria sequitur purgatio, fit cessatio, indeque cruor præter modum congestus, vasa onerans, stagnationis fit aptus, unde gravissimorum in virginum febre symptomatum origo. Malo ulterius procedente, & partibus crudis istis succis infarctis potius quàm nutritis, *Leucophlegmatia* sequitur, quàm ex lymphæ, & ipsius quoque tenacis, impedito motu *anasarca* pressio comitatur pede.

§. 2. Ad primas equidem vias dirigenda imprimis cura, propinando ea, quæ omne absorbent acidum abundans (inter quæ excellent Martialis quocunque modo præparata, modò ab acidis nimis menstruis non antea fuerint corrosa,) restituant sal volatile spirituosum deficiens, & quæ subtili penetratione crudos succos fundendo, habitum floridum restituant, præmissis sæpius vomitorio; sed contumacia mali sæpius est tanta, ut omnem remediorum eludat vim ob profundè nimis in sanguine actas radices: propiori ergo adjumento succurat infusio, spirituosam injiciendo & salina volatilia, v.g. Spiritum Vini camphoratum, vel Quintam Essentiam Matthioli, vel spiritum salis ammoniaci cum spiritu cochleariæ, vel oleis etiam destillatis aromaticarum plantarum, in specie corticum aurantium temperatum; item spiritum ex Tart., nitro, & Spiritu vini compositum, aquæ cinamomi q. s. dilutum. Quibus omnibus non incommode præferendus verus volatilis tart. vinosus Spiritus. Adde his Eli. y. propr. H E L M O N T I I p. m. 458, & Tr. Arbor. vitæ pag. 635; quod etiam intrinsecus propinatum singularia hic præstat; item Essentias vegetabilium absinthii, Centaurij min. cardui benedicti, Roris marini, ligni sassafr., & eorum spiritus, imprimis ex antiscorbuticis prolectos, ut Cochleariæ, &c. Quibus in femellis Essentia Castorei, vel myrrhæ, vel Croci sub-

inde addendas suadeo; in *Anasarca* verò spiritui lumbricorum terrestrium, cujus supra Concl. 5. §. 4. mentio facta, cæteris addendus. Martialis ut injiciantur sub liquida forma inepta cenfeo: quo modo verò assumpta operentur in primis viis cum ultra diaphragma non ascendant? vid. TACHENII. Hipp. Chym. p. 217. cap. 28.

§. 3. Cachexiam scorbuticam & ipsam esse Scorbutus, ex acido nemo, qui scorbuti considerat symptomata, facile negabit. Sed acidum istud non est simpliciter tale, sed certo modo corruptum, unde massæ sanguineæ status depravatus tunc non incommode vino rancescenti aut pendulo (quæ qualitates in vino quoque acidi, sed certo modò depravati, sunt fructus) comparatur à WILLISIO Tr. de Scorbuto. Jam certum est, vix esse morbum, qui difficilis sit eradicationis, quàm scorbutus, ubi vel leves saltem egit radices, quique simul diversissimo symptomatum apparatu magis vexet ægros. Medicamenta communiter sic dicta antiscorbutica quæ sale volatili acri abunde instructa multum laudo: usum lactis, in specie caprini, animalis herbis appropriatis præsertim nutrito, maximi facio: Diatas quoque sudoríferas ex sassafras & Chinæ radice, quas multi commendant, non rejicio. Sed quàm obstinatè omnibus, his reluctetur hoc malum, ii norunt, qui experientia propria id didicerunt. Utergò aut celerior aut felicius saltem fiat eventus, & ut curetur potius malum, quàm pallietur iis, quæ interno usus proficere experientia docuit, infusionem in venas simul addamus, quo & sanguinis corrigatur vitium, & si quæ subest lienis labes, efficacius emendetur. Spiritus ex cochlearia, persicaria, piperitide, nasturtio, & à Belgis experta flammula, vel cum Vini destillatione, vel præcedanea fermentatione, (quam sine causa multi in antiscorbuticis condemnant,) præparati, huic usui videntur idonei; præ cæteris spiritus salis ammoniaci cū his spiritibus junctus & unitus. Quod si verò (quod sæpe ab interno contingit usu) oriantur corporis phlogoses & nimis incallescunt ab eorum infusione, quæritur non immeritò, an diluti spiritus cum lacte, vel saltem cum ejus sero, commode possint infundi? item an lac ipsum, cum sit nobile antiscorbuticum, Suecorumque tantum non panacea, imprimis si scorbutus superveniat marasmus, commode possit infundi? Lac sanè est Chylus, destinatus à natura ad hoc ut nutriet, unde & pars ad mammas deportata Lac dicitur, cætera parte sanguini infusa, chyli & nutrimenti corporis retinente nomine. Probabile ergò videri possit, nutritionem hoc modo posse non tantum in scorbuticis, sed etiam iis, qui angina laborant periculosa, aut qui ad omnem alimentorum mentionem tantum non exhorrescunt; (quo etiam inclinat ROLFINCK. in Ord. de Meth. special. lib. II. sect. I. cap. 31. p. 934 ubi simul juseulorum carniū, emulso- rum, amygdalatorum mentionem facit;) cum idem videatur negotium; siue Chylus immediate ad sanguinem portetur in corpore, siue prius per mammarum colatus tubulos, sanguini in brachio infundatur. Quod si Chyli quandam depurationem fieri dicas in lactificatione, lac eò aptius erit ad nutritionem, quò purius. Imò cum Clysteribus fieri nutritionem, mul- ti statuunt, quidni ipse nutrimentosus Chylus, sanguini injectus? Sed re accurate pensitata, vereor, ne spes omnis sit inanis. Si namque corruptio optime est pessima, vereor, ne lac sanguini scorbuticorum, acore rancescente imprægnato, infusum tetram corruptionis, vel, quod peius, coagulationis induat labem, ipso admodum fermentescibili, facileque alterabili existente; unde rarum lac reperitur, quod non pauco, postquam emulsum est; interjecto tempore, copiosos exhibeat vermiculos. Ut taceam ipsum lac pro ali-

Pro nutri-
tione Infu-
sio est inu-
tilis.

animalium varia constitutione indies variare, aliudque alio melius, aliud nocentius deprehendi, de quo vid. HELMONTIUS *Tr. Sextupl. Digest. aliment.* § 71. 72. *luc.* unde facile tantum incommodi, quantum commodi, exinde emergere possit. Et merito A VICENNA *lacte vitioso nihil nocentius esse*, statuit. Et quid fiet cum caseosa ejus parte, scæpe nempe lactis, cujus malitiam vel nequitiam cum peculiari decantaverit tractatu *Job. Petr.* LOTICHIUS, non est, quod multa de hoc addam. Cautus ergo hic sit Medicus, & licet naturam imitari videtur, duo tamen cum faciunt idem, non esse idem, abunde notum est. Dum namque continuato cursu, lactis materia seu Chylus sanguini infunditur, Character ejus vitalis, qui in stomacho à fermento ipsi impressus fuit, non mutatur? quod tamen contingit simul atque extravasatur, eoque magis, si ad tempus steterit. Simul namque atque ex uberibus lac elabatur, partes ejus spirituosæ & subtiles multum evanescent, subitoque pars ejus caseosa coagulationis induit Characterem; (unde occulta accedente fermentatione, ratione prioris sensim acescit; ratione verò posterioris caseus ad fundum secedit.) Ad hæc quancunque aeris labem, nobisque occultum vitium, facile lac in se recipit & quasi attrahit, unde & peste grassante usus ejus multis reprobatur, ob attractum veneni miasma. Hinc provido consilio papillas uberibus agglutinavit natura, ut immediate oris suctu extrahatur à foetu lactis nutrimentum, ne aeris contactu alteretur. Quod autem de nutritione per Clysteres dicitur, falsum est; nulla namque alimenti ad nutritionem potest fieri adaptatio, nisi prius in stomacho ab ejus fermento vitali insignitus sit Character, cum præter dicta etiam nulla heterogenei ab homogeneo in intestinis fiat secretio, nulla; a bile Tincture sanguineæ ab ejus rubicundo oleo impressio; nisi namque hæc fiant, omnia alimenta putrescunt & cadaverisuntur, ut in ardentibus contingit febribus. Vnde & reliquos quoscunque nutritios liquores omnino ineptos censeo, ut venis iniiciantur, cum experientia quoque doceat, Infusiones diæteticas seu pro scopo nutritionis frustra esse tentatas: vid. *supra c. 1. §. 4. in fine.*

§. 4. Sed ut in viam redeam, dubitari potest; an non serum lactis, istis medicamentis permixtum, sit salutare? hujus namque volat. nitrosum sal & temperat ardores, & corrigit simul scorbuticum sal acidum corruptum: sanè tutius tentari hoc potest, quam lac, modò bene præparatum, & ab omni caseosa parte separatum sit nitrum ejus subtile magnarum est virium in multis morbis ab acido ortis, & quamplurimas sanguinis effervescencias efficaciter, simul tamen blandè, compescit. Quod si rationes adhuc supersint, quæ seri infusionem prohibeant, aquam ejus destillatam commendo, cum qua, modò cautè & legitime destilletur, magnam salis volatilis partem simul elevari certum est, unde diluta hac aqua spirituosæ ista medicamenta & acria optatum dabunt successum. Quibus addo etiam spir. lumbricorū terrestrium, egregiū antiscorbuticum, & imprimis contra molestissimū ejus symptoma, arthritidem vagam, medicamentum. Quibus *Ess. Myrrhæ* cæteris permiscendam sublicio, cum hæc in confirmato scorbutico sanguinis singulares corruptiones & quasi putredines, macularum & stigmatum apparentia, (quas plenas esse vermiculis, putredinis nempe indivisibilibus comitibus, sunt qui affirmant,) se prodescentes, balsamica sua virtute inhibeat. Tandem benedicta arboris antiscorbuticæ seu pini laudo medicamenta, quæ tantum non miracula præstant in scorbutico; ejus Spiritus ex novellis & tantum erumpentibus strobulis, item aqua ejus oleosa & spirituosæ, secundum ductum GRUGNERI in *Tannenbaum*, ut & ess. pipi spiritus proprio parata, nec Medicum nec ægrum, ut

propinata ita infusa, spe sua excidere permittent: de quo vid. MOELLENBROCK *de Arthrit. Vaga cap. 3. p. 116. l. seq.*

§. 5. Lues Venerea ut in multis cum scorbutico convenit (nam præter aliam convenientiam uterque sua contagiosa hinc inde affigit miasmata) ita malitia, contumacia, & symptomatum crudelium & dolorificorū tortura, ipsi non cedit, sed longe potius post se relinquit. Hanc ab acido corrupto, in humore crasso & viscido ac pituitoso stabulante, oriri, ante aliquot annos *splendidum Lugdunensium sidus*, FRANCISCUS de le BOE SYLVIUS, publicè & accuratè docuit, ita habita dissertatione egregiè confirmavit. Methodus ordinaria, quæ nunc per decocta lignorum fit sudorifera, nunc per Mercuriales inunctiones, & inde foetidas salivationes, nunc, quod rarius, per Cinnabaris suffumigationes, neminem, nisi qui in Practicorum scriptis hospes est, latere potest, quæ etiam speratum sæpius obtinet effectum, nisi malum sit nimis inveteratum; post curam namque Mercurialem peractam, quæ multum extenuantur ægri, ipsos mirabiliter & subito denuo pinguescere vidi. Quod si verò malum sit inveteratum, ægri verò ob immanes nocturnas ossium nodorumque torturas & dolores id non tam ferre nolint, quam ferre nequeant, imitandus venit Medicorum Danticanorum conatus, qui post infusionem peractam, ut *supra cap. 1. §. 5. l. c.* subitaneum ægro attulerunt levamen; nam totam peractam esse curam, mihi persuadere non possum: eam tamen hoc modo esse possibilem, non dubito, præmissis universalibus, & tentatis iis, simulque continuatis, infundi possunt ex lignis, paratæ, Essentiæ omnibus notæ, ver. gr. *sassafr.*, *guajaci*, *rad. sarsaparill.* cum spiritu fumar. paratæ &c. Non tamen necesse est, ut exoticis istis tantum, sæpe curiosis, aut nimio senio corruptis, adhæreamus, & nostra tellus hac in parte est provida mater, quæ larga manu nobis suggerit *juniperum* ejusque lignum (cui succedaneas cedro ad vitam longam implantavit vires, de quo videatur TACKIUS in *Orat. pag. 67.*) ut & *Buxum* (cujus anodyna & antepileptica vis est miranda) loco guajaci & sassafras; *radices bardanæ* & *caryophyllatæ* loco sarsaparillæ; præter hæc etiam *sarmenta lupulorum* & *peri. clymeni*, cum *corallinis ejus baccis*, de quibus vid. COLLE *Cosmit. p. 207.* Ut nihil dicam de aliis simplicibus, nempe perlicaria, scordio, absinthio, vincetoxico, & valeriana. Ex quibus pro lubitu Medici parata medicamenta, sale volatili Cornu Cervi acuata, vel spiritu theriacali camphorato imprægnata, injici poterunt. Omnibus autem hoc in casu palmam præripiant serpentes & viperæ, quarum ingenioso decoction non semel, ut curavit TACHENIUS lue Gallica infectos: vid. *ejus Hipp. Chym. c. 11. p. 60.*; ita ex earum Essentia vel sale volatili, liquore convenienti soluto, injectis felicem spero successum.

§. 6. Ad Ictericam me conféro, quam & ipsam esse cachexiam, in qua sanguis vitiosè fermentatur, bilis vitio procreata, clarum est: quæ sive sit flava, sive sit nigra, perinde est, cum ex uno scaturiant fonte. Bilis nempe sulphur seu oleosa pars in vitio est, quod corruptum & nimis copiosum existit, simulque sal ejus acre lixiviosum imminutum & debilitatum, unde Chylus à scoriis alvinis non ritè secernitur, nec debito modo ad futuram sanguificationem (invisibiliter licet) tingitur; vid. TACKIUS *cit. loc. p. 16. 17.*; unde corrupto & vitiato chylo, vitiata sanguinis fermentatio & coloratio, aliaque symptomata succedunt: quod si succi pancreatici accedat vitium, quod sit vel vitriolicus, vel aluminosus seu ponticus, Ictericū nigrū corpus deturpare, admodum probabile est. Medicamenta primaria, quæ conducere his affectibus per experientiam hætenus innotuere; sunt omnia sale volatili, eoque acri imprimis, prædita (ex-

Lues Venerea.

Icterus.

(excipio hinc Martialia, aliaque, quæ, ut ab impedimentis primas vias liberent, & acidum absorbeant, adhibentur; de lapide fulminari & exuviis serpentum, singularibus specificis, quomodo operentur, negotium adhuc est intricatum,) quo obtundatur corrupta & nimia bilis oleositas; è contra verò augeatur & acuaturs eius sal obtusum, acidumque & ponticum pancreatis succi corrigatur. Quod si ergo obstinata contumacia affectus, imprimis ieteri nigri, cum ob insignem succorum corruptionem in primis viis, tum ob gravem assumptorum medicamentorum alterationem ab iis, quibus supra c. 12. §. 4. Infusoriam postulat Chirurgiam, salina quoque volatilia, sed ob immediatum sanguinis contactum aliquantisper spirituosis oleosis temperata, injicienda: imprimis spiritus urinæ, it. spiritus lumbricorum terrest. cum Ess. chelid. mai., abrotani, cent. min., Curcumæ, taraxaci, Hirundinar., Rhabarb. iunctus, de qua re iam supra aliquoties egimus. Est in pane, tam triticeo quam secalino, ejusq; sale volatili, perfecta rubifica sanguinis tinctura, unde eius Ess. rubicunda debito modo parata, vel etiam sal volat. eius spiritui proprio acri iunctum & debite edulcoratum, dabit medicamentum non contemnendum, ad restituendam sanguinis debitam tincturam, bilis vitio læsam.

Phthisis.

§. 7. Hisce ceu corollarium adiungo phthisin morbum, si quis alius, chronicum, & qui lenta tæbe tandem ad mortem deducit ægrum. Hanc ab ulcere pulmonum esse qui dubitat? (cum flagello Angliæ verò seu tæbe Anglica aliter res se habet;) & præter contagiosum miasma, hæreditariumque characterem, quo se multiplicat, sæpè scorbuti est filius, vel variorum nepos, aut eorum, qui antimonialibus vel mineralibus, imprimis aquæ fortis, spiritus vitriolis &c., vacant præparationibus, est præmium. Quæ ut tollatur, ad acidum fermentum ulceris, corruptivum proximi pulmonum alimenti, corrigendum, omnis directæ est cura. Suffumigia & medicati aeres attracti multum adferunt opis: vid. BENEDICTUS *Theat. Tabidorum*: vulnerariarum herbarum insignis est vis, ad tollendum istum acorem, oculo suo, quo imprægnatæ sunt alcali: vid. HELMONTIUS *Tr. d. sede animæ ad morbos*, §. 20., & ex eo TACHENIUS *Hipp. Chym. pag. 128.* qui eas ob id lacti præfert pro hæcticæ curæ p. 129. Nihilominus frequentissimè cum insigni medentum dedecore incassum adhibentur hæc remedia in phthisi; unde ad balsamica, Elixir nempe proprietatis, Balsamum Peruvianum, ipsumque sulphur, & ex eo sulphuris paratum balsamum, progressum fuit; sed & hoc non rarò frustra tentatum; imò expertissimo D. MICHAELIS tentante, multi ex nimio balsami sulphuris usu in phthisin vel etiam hæcticam inciderunt. Progressum hinc fuit ad metallica, antim. diaph. Anthieft. Poterii, Sac. Saturni (non contemnenda multis in affectibus remedia) vitriol. Martis in usum revocatum; unde quam plurimè antiphtisicæ tincturæ ex Sacch. Sat. & vitriol. Martis paratæ fuerunt. Sed & he ipsæ sæpius spè egri fallunt, utut per se egregia sint medicamenta. Nam licet vitriolum per se phthisicis sit virulentum, unde & acidulæ iis noxiæ, cum eorum usu aliquot phthisicos hydropicos factos observarim; est tamen dulcedo vitriolo, postquam ab omni separatum est acido, quæ ab eius sulphure pendet, & omnem vulnerrum & ulcerum corruptorem enecat. Quod si verò nil horum iuvare valeat, Essentiæ ex vulnerariis & ligno sassafras cum spiritu roris maialis paratæ, vel aqua feri lactis destillata extractæ, per Chirurgiam Infusoriam sunt injiciendæ, ut tentetur, quid propiori contactu hæc valeant. Quod si non metuenda sit insignis incallescencia sanguinis, cum Spiritu vini paratæ, it. Solutio balsami Peruviani, injiciendæ. Vix equidem fieri potest, quin aliqualis Essentiarum harum fiat in sanguine præcipitatio; sed ob id earum usus non est ne-

gligendus, cum debito modo operentur, ut exempla similium c. 1. §. 4. & 5. allegata testantur: id quod & de Essent. Benzoes, vero pulmonum balsamo, it. myrrhæ, omnis in ulcere corruptoris destructoris, intellectum volo. Terebinthina sola est balsamus verus occidentalis internorum ulcerum & vulnerrum; hinc Medicus, qui convenienter eam diluere & solvere in liquorem limpidum noverit, eam inticiendo, intentum assequi valebit.

CONCLUSIO VII.

In febribus acutis cum inflammationibus, itemque malignis, melius est infusionem experiri, quam ægrum ceu deploratum relinquere.

§. 1. Expeditum remedium postulant febres, cum inflammationibus erysipelaceis partium imprimis internarum conjunctæ, cum sint admodum acutæ, quales sunt anginæ, pleuritides, & peripneumoniz, inflammatio jecoris, diaphragmatis, quæ & paraphrenitis audit veteribus, ventriculi, cerebri, cujus inflammationem sphacelum appellabant veteres, Autore *Lindenio*; quod si hæc inflammatio exteriora capitis occupet, Erysipelas capitis appellatur. Omnes hi affectus sunt periculosi & acuti, unus tamen plus, alter minus. Causa est acallescencia inepta sanguinis, cum sale ejus volat. effervescens, & ad coagulationem disponens, unde reliqua omnia symptomata; & stagnante in hac vel illa parte sanguine, dum ob crassitiem per vasa capillaria difficulter pertransire potest, inflammatio inducitur: quod sufficienter probat HELMONTIUS *Tr. Pleura furens, it. WILLIS de Febr. c. 11.* & confirmat experientia, tum anatomicorum, qui sanguinem præternaturaliter crassum & grumescens in taliter mortuis reperierunt, tum GABELCHOVERI *Cent. 4. Cura 70. & 79.* Hinc & ii, qui post nimiam incallescenciam corporis, imprimis ex exercitio vehementi, subito frigidum ingurgitant potum, facillimè in hos morbos incidunt, ob subitanæ sanguinis coagulationem; hinc eadem medicamenta, quæ in hoc casu, ut & in lapsu ab alto profunt, pleuritid. similesque morbos sanant. Totum negotium consistit in resolutione sanguinis grumelcentis, quam sequitur immediatè sudor. Præstant hoc medicamenta ea specificè, quæ acidum illud conceptum tollunt, & sanguinem incrassatum resolvunt, omniaque quæ alkali constant tam fixo, quam imprimis volatili. Sæpius, imò maxima ex parte, satisfaciunt assumpta interna; quod si non contingat, mala interim exasperentur, ultimum ferè refugium in Chirurgia Infusoria. Inijci possunt liquores volatiles salini, verb. gr. C. C. sanguinis humani, salis ammoniaci, aliorumque, dissoluti in aqua cheresolii vel spermat. ranarum, aliave appropriata: quod quia per se patet ex sæpius jam dictis, hic prolixus esse nolo. De febribus ardentibus simplicibus & periodicis ob certas causas hic aliquid dicere supersedeo.

Febres acutæ cum Inflammationibus.

§. 2. De malignis quid dicendum sit, ferè hæreo, ob obscuram eorum naturam; sicut alias lignæ nuspian magis cæcutiunt Medici, quam in venenorum natura & cura, imprimis in iis, quæ non ex animalibus originem ducunt. Sunt namque, qui in malignis febribus nimiam ponunt dissolutionem ob sal alkali volatile subtile & acre excedens; sunt, qui in eis præternaturalem ponunt coagulationem; sunt, qui talem in iis statuunt putredinem, ut sanguis in copiosissimos abeat vermiculos; alias aliorum ut silentio præteream sententias. Ubique prostant rationes pariter & experientiæ; unde ut theoria est diversa, ita & cura. Sunt, qui acidis sanguini debitam restituere volunt consistentiam; sunt, qui sudoriferis eum diluendum suadent; ex quibus, optima medendi methodo, medium eligit JOH. STEPHANUS *Oper. Med. Decad. 8. Conf. 3.* & De-

Febres Malignæ.

Decad. 9. consil. 6. et in principio & incremento effervescientiam præcipitantibus corrigendam suadent, qualia sunt acida moderata, in statu vero, vel tunc temporis, quo natura expulsionem aggreditur, sudoriferis ipsi esse opem ferendam: qualis Methodus ab accuratioribus Practicis in variolarum imprimis cura observatur, unde & alii *electuar. diascordii Fracastorii* in principio malignarum adeo commendant. Faciunt hæc ex parte, quæ supra *Conclus. 2. §. 4.* de sudoriferis dixi. Experientia hic optimus iudex: ut namque variant malignæ febres in sua natura, ita & varianda earum cura: omnes ejusdem enim esse naturæ, nullo modo mihi persuadeo; alia namque pestilentialium est causa & affectio, alia morbi Hungarici, sicut in morbillis vel variolis & in dysenteria maligna non minorem concipio diversitatem, &c. In hoc quidem omnes conveniunt, quod sudoriferis ventilanda & expurganda veniat massa sanguinea, quod cum omni febre continuata putrida dicta commune habent. Quæ quidem in principio sint pauca, in incremento moderata, in statu generosa, & hoc tempore sola, illi vero temporibus, præcipitantibus seu effervescientiam compescentibus mista; semper camphora est utilis. Omnia ergo si rite fiant ad pejus tamen ruat continuò æger, ne aliquid prætermisum sit, quod fieri commodè potuisset, ad infusionem quoque accedat Medicus, & quidem in statu imprimis, ubi volatilia sudorifera ex Cornu Cervi, sanguine humano, viperis cum camphora & theriacalibus mista, infundat. Sulphur, quod HIPPOCRATI arcanum ad pestem curandam fuisse dicitur, in peste ultima crudeli Londinensi multum fecisse, certum est, etiamsi solum stigma ejus acidum potui ad gratiam saporis permixtum fuerit; quod etiam in sanguinis putredine ceu expertum laudat TACKIUS *Judicio p. 140.* Magis verò optatui Medici satisfecit, si potus per Gas sulphur. imprægnatus fuit, quem ad asthma HELMONTIUS commendat *Tr. asthma & tussis §. 77.* Methodum verò hæc duo miscendi docet KNOEFELIUS *Tract. de febr. Epidemica p. 96.* quem is similiter ad omnes febres malignas universaliter commendat; quo potu mirabilia in peste ista Londinensi se præstitisse, Medicus quidam ibidem locorum mihi affirmavit. Annon injectio hujus liquoris imprægnati fieri potest in venas? Dubito, ob coagulum, quod metuo: cui lubet, experiatur.

CONCLUSIO VIII.

In morbis hæreditariis frustraneam esse Chirurgiam Infusoriam, arbitror, ut & in Arthritide & Nephritide.

Morbi hæreditarii.

§. 1. Hactenus, in quibus casibus probabiliter conducat infusio? explicatum: restat, ut & quorundam faciam mentionem, in quibus inutilis apparet. Pro scopo diætetico eam esse nullam, ex iis patet, quæ supra *Conclus. 6. §. 3.* dixi. Idem de hæreditariis affectibus similiter judicandum, modò radices eorum cum vitæ, imò, in vitæ ipsis principiis insertas, consideremus. Ob has namque causas in ordinario quorumcunque remedium usu inextinguibilis eorum est furor, si semel exarserit: sive namque ex Ideis morboris in Archeo in generatione sigillatis, sive ex fermento quodam cum contagio seminis spirituosio translato, sive ex alia adhuc incognita ratione sint nobis congeniti, perinde est, ubique medicina est imbellis, ad eorum insultus. Quid ergo hic faciet Chirurgia Infusoria? aut qua ratione corriget causas, adeo firmiter radicata? Qualis nam liquor est infundendus, qui extinguat occulta eorum semina? Hæret hic aqua, & exulat infusio.

Estmulleri Oper. Tom. I.

§. 2. Hoc similiter dicendum de nephritide Nephritis ut & de arthritide, quorum coagulans pariter & Arthritidis ac tormentans acidum non tam infestat sanguineam massam, quam quod stomachi imprimis suscitetur vitio. Et cum in nephritide propiorvia ad renes ex intestinis sit, quam ex brachio per venas & arterias, quod supra *Conclus. 2. §. 3.* innui, potiùs propiore via deducenda sunt medicamenta, cuicunque etiam usui inservire debeant, quam remotiore. Cum arthritide eodem modo se habet negotium: acidum nempe in primis viis corrigat, qui præservari vult à paroxysmo, aut ejus præsentis acerbationem gravem inhiberi, cui cum satisfacere queant per os ingesta remedia, quid opus est eadem infundere? Aut licet infundatur, plus adjumenti tamen, modò non minus, afferre nequit: imò cum ad præservationem arthritidis præter vomitum nil conducibilius: quam per urinam repurgare sanguinem, quod idem in curatione est singulare arcanum, cui usui injecta salsa volatili sale plena, nempe lumbrici, aselli, & in specie scarabæorum totus exercitus, præcipue inserviunt, hæc autem per os assumpta apprimè necessitati satisfaciunt, abstergendo & expurgando salia sylvestria primarum viarum, frustranea omnino & superflua hac in parte est omnis infusio.

CONCLUSIO IX.

In mulieribus gravidis periculosa admodum est infusio, in infantibus verò recens natis difficilis, imò inutilis.

Gravida.

§. 1. Totum negotium, quod id gravidis ut talibus incumbit medico, est, ut præmatu-ram foetus præcaveat exclusionem, hoc est, *abortum*. Huic nihil confert infusio, cum liquor infundendus, per os assumtus, eundem præstare valeat effectum, imò fortè meliorem, quia celeriore, si vera est probabilis modernorum Anatomicorum suspicio, vias esse quasi lacteas ex mesenterio ad uterum, nutrimentum pro foetu ed deferentes. Et qualis liquor pro præcavendo abortu infundi potest? Sin infundis liquorem confortantem spirituosum & volatilem, vel hujus generis alium, qui commoveat spiritus & massam sanguineam, metus est, ne vehementiore eorum agitatione uterus moveatur, & à spiritibus inordinate motis, ejus fibræ nervæ impleantur & contrahantur, unde foetus expulsio. Hinc namque vinum adeo strictè interdicitur gravidis à Practicis, ne spiritibus vel sanguine commotis, sequatur abortus. Hinc omnia medicamenta, quæ levem menses proritandi habent potentiam, ut venena gravidis prohibentur. Quod si verò infundere velis liquorem opiatum, pro compescentis spiritibus nimium ferocientibus, vel ex morbo, vel delirio, vel dolore, vel omni affectu graviore, imprimis ira, terrore, pavore, &c. (quos frequentissime insequuntur abortus, turbatis spiritibus,) in summum periculum gravidam inicis: nam torpentibus spiritibus eorum motus æquabilis, & blanda fibrarum nervosarum inflatio cessat, unde & fibræ uteri laxatis, hic sponte foetus elabi permittet, tono ejus sic resoluta. Præterea nil nocentius est gravidis, medicamentis opiatum, teste accuratiorum quorundam Practicorum experientia; quibus opiata lege artis adhibita, tam mediis quam etiam ultimis mensibus, imò sub finem gestationis, abortum provocare, foemellarum damno innotuit. Imò opium singulariter utero esse infestum, eadem docuit experientia: eo ergò gravidæ infuso, quæ non mala exinde orientur? Blande ergo tractandæ gravidæ; imò nulla uti medicina apud eas sæpe est optima medicina, cum abortum, ob nimium cum

Gg præca-

præcavendi studium, interdum inductum esse observatum sit.

§. 2. Tenellos quod attinet infantes: sive adhuc nutricis sustententur lacte, sive solidioribus uti cibis assuescant, in iis admodum difficile erit, Chirurgiam iufusoriam exercere; ipsi enim adhuc immorigeri & intractabiles, quomodo aut venæ apertionem, aut instrumenti intrusionem ferent? Eorum corpus succi plenum sub cute, ab humiditatibus imbibitis turgida, altè abscondit vasa, quo modo ergo ea invenienda? ipsorumque valorum exilitas inepta admodum per se est huic operationi. Et ob quem usum turbabis semilacteam tenellorum sanguineam massam, aut quem in finem, cui non abundè satisfaciant per os ingesta? Morbi ordinarii, quorum subjacent imperio tenelli, ex lactis vitioso propullulant

coagulo, ab acido præternaturali oriundo, propter quam causam etiam lac reicitur ceu ineptum pro nutritione fetus ad vitam longam ab HELMONTIO. Qui ergo acidum præcavere aut debito modo corrigere valet, sufficienter instructus est pro medendis infantum vitiis: cui scopo vel solus anisi seminis grosse contusi usus sufficiens est: benedictum sanè pro infantulis hoc est medicamentum, quod & acidum corrigit, stomachum roborat, flatus intestinorum dissipat, & lactis coagulati æruginosi excrementa per alvum exoptatam exturbat. Sed his abrumpo, rogando Lectorem, ut, si quædam minus vel concinnè dicta vel præmeditatè scripta videantur, ea festinanti, imò currenti & volanti calamo, imputare velit. Dum ego interea dico.

Soli DEO Gloriam.

DISSERTATIO V. MEDICINA HIPPOCRATIS CHYMICA, MICHAËLE ETTMULLERO PHILOSOPH. ET MEDIC. DOCTORE, Publico Examini exposita, die 28. Octobr. Anno 1670. RESPONDENTE HENRICO WARNATIO,

Schorva-Polono.

Philosoph. & Med. Studio.

Q. D. B. V.

Hermeticorum Chorus pleno gutture decantat suam *Tabulam Smaragdynam*, in qua omnis sapientia veraque Philosophia mira brevitate deprehendatur, ita ut instar Lydii lapidis omnium Philosophantium & sit & esse debeat; Idque eò magis, quod totum Mysterium Sophorum, & gloriosissimum Lapidis Benedicti artificium in eadem depictum pariter ac descriptum reperiatur. Linquamus iisdem hac vice *Smaragdynam Tabulam*, suspendendo hujus loco *Cedrinam*, in qua *Divina HIPPOCRATIS Oracula*, cedro sanè immortalis quæ inscribantur dignissima, exarata conspiciantur; qualia sunt, quæ lib. de *prisca seu veteri medicina* nobis reliquit, dicendo: *Nihil igitur utilius, neque magis necessarium, quam hac cognovisse: quod & probe & convenienti ratiocinatione investigantes, juxta hominis Naturam hæc primi inventores invenerunt, judicaveruntque artem dignam, quæ Deo adscriberetur, quemadmodum etiam est receptum. Non enim succum, neque humidum, neque calidum, neque frigidum, neque aliud quicquam ex his putaverunt hominem ledere, neque aliquo horum homini opus esse, opinati sunt: sed quod in unoquoque forte, & humana Natura potentius est, quodque non possit superari, hoc ipsum ledere duxerunt, & hoc auferre quasiverunt. Fortissimum autem est inter dulcia dulcissimum, inter amara amarissimum, inter acidissima acidissimum, & in omnibus adeo rebus vigor ipse ac summum: Hæc enim & in homine esse viderunt, & hominem ledere. Inest enim in homine & amarum, & salsum, & dulce, & acidum, & acerbum, & fluidum & alia infinita, omnigenas facultates habentia, copiamque & robur. Atque hæc quidem mixta, ac inter se temperata, neque conspicua sunt, neque hominem ledunt: Ubi verò quid horum secretum fuerit, atque ipsum in seipso fuerit, tunc & conspicuum est, & hominem ledit. De hac Hippocratica sententia, cum exercitii gratia quadam exarare sit animus, faxit Summus Archiater, ut fiat feciliter.*

CAPUT I.

QUALITATUM ELEMENTALIUM HIPPOCRATICA CORRECTIO.

§. 1.

UT cautos reddat suos filios HIPPOCRATES in prudenti instituenda prognosi, si quid in morbis divini insit, acutè perpendendum, accurateque pernosendum hortatur. Quod divinum quid sit, ut intelligatur, Divino opus habet Oraculo, cum tot de eo sint sententiæ, quot interpretes id explicare aggressi sunt, & ipse HIPPOCRATES vix alio in loco apertam præterea mentionem ejus

faciat. Sunt qui occultarum qualitatum seu totius substantiæ, ut vocant, morbos hic intelligunt: alii omne virus abditum & insolens occultumque in morbis huc vocant: alii Ideam morbificam, & ab eadem productos morbos ideales seu archeales substituunt. In genere Divini nomenclatura ab HIPPOCRATE quibusdam indita videtur morbis, vel quod singulari Superum potentia inducti videantur, vel quod eorum Natura obscura non nisi à Superis sit dignoscenda & curanda. Ob id ergo, quod sint divini & obscuri, adeoque sublimioris conditionis, & non superficialiam requirant considerationem, raram eorum facit mentionem; quin potius reliquos, ex manifestioribus deducendos rationibus, hinc inde, præprimis in aureo de *Veteri Medicina* libello, accurate & perspicue pertractat.

§. 2. De

§. 2. De his nota sunt dogmata, longa annorum serie in schola Galenica mutua interpretum subscriptione confirmata, quod nempe corpus humanum ex quatuor Elementorum mixture compositum, ex primis horum qualitatibus certam obtineat temperiem, quatuor humoribus nutritiis Elementis analogis sustentatam: quibus vitiatis, non tantum varii excrementitii oriantur humores, non nisi elementaribus qualitatibus definiendi, sed præterea læsa ista naturali temperatura diversi intemperiei resultent mortis, quaternioni Elementorum similiter superstructi: unde & remedium vires non nisi per qualitatum elementarium varias graduationes determinantur, universaque ferè medendi methodus his circumscribitur limitibus: si quid superest his primis qualitatibus non declarabile, qualitatum occultarum vasto inscribitur catalogo.

§. 3. De his quid judicandum, ingenuè nos informat HIPPOCRATES, non tantum in proœmii loco suspensa Tabula, sed præterea dum *libr. de Veteri Medicina* ita inchoat: *Quicumque de Medicina dicere aut scribere aggressi, dicendi scopum ac fundamentum sibi ipsis supposuerunt, calidum aut frigidum, aut humidum aut secum, aut aliud quodcumque voluerint, rem in compendium contrahentes, principium causæ tum morborum, tum mortis hominibus idem, unum aut duo proponentes: hi in multis quidem quæ dicunt, manifestè errasse deprehenduntur: & sect. 27. numer. 30. ejusdem libri, pergit dicere: frigiditatem & caliditatem ego omnium facultatum minimè potentes esse in corpore existimo.* Adjungo his accuratissimum scientiarum restauratorem & augmentatorem FRANCISCUM BACONEM, Baconem de VERULAMIO, (cujus vestigiis tam feliciter sui conterranei Angli insistant, per accurata minimèquè fallacia experimenta Naturam, ad promovendam Medicinam artesque mechanicas, scrutantes) qui quodam in loco apertè asserit. *Elementorum commentum, quod avidè à Medicis acceptum, quatuor humorum, quatuor primarum qualitatum conjugationes post se traxit, tanquam malignum aliquod & infausum sidus infinitam & Medicinæ, nec non compluribus mechanicis rebus sterilitatem, attulisse.*

§. 4. Pervetustum sanè esse hoc dogma, quod augustinum Naturæ palatium quatuor qualitatibus primis, ceu angularibus lapidibus superstruit, minimèque gentium à Peripatetica tantummodò schola primò fundatum, quin potius HIPPOCRATIS tempore magno applausu receptum fuisse, totus citatus tractatus de *Vet. Med.* unice contra hoc dogma conscriptus, testatur Nam HIPPOCRATES tempore ARTAXERXIS LONGIMANI, centum & aliquot annos ante ALEXANDRUM MAGNUM, & ita etiam ante ARISTOTELEM vivens, DEMOCRITO familiaris & amicus, sine dubio hujus accurata Naturam interpretandi crebris firmisque experimentis, in quibus totus fuit Abderita, confirmata dogmata hausit, iisque innixus, vulgatam tunc temporis elementarium qualitatum doctrinam ceu Medicinæ aut non sufficientem, aut inutilem rejecit, & atomorum variè conformatarum corpora componentium, indeque ortarum sensualium qualitatum & aliarum proprietatum beneficio, tam macro quam in specie microscopii mirabilia exposuit, cum ex hoc Abderitano lumine, præter scholam Epicuream, tam CARTESII materialis, quam modernorum quorundam Corpuscularis Philosophia, primos suos radios hausisse, quodammodo videantur. ARISTOTELES verò Elementorum istam & qualitativam hypothesein, à majoribus traditam, in specie ex OCCOLOLUCANO excerptam, posteris ceu suam proposuit, & quantum possibile, antiquos Philosophos oppressit, utpotè qui secundum *Illustr. VERULAMIUM* de *Augment. scient.* l. 3 p. 228. more Ottomanorum regnare se tutò possebaud putaret, nisi fratres suos contrucidasset. Hujus postmodum tam à GALENO, quam hunc insequentibus Arabibus, arrepta Philosophia, in Medicorum scholas, neglectis limpidis Hippocraticis fontibus, derivata, & copiosa Commentariorum fœtura multiplicata fuit.

§. Cæterum tota Physica Peripatetica specialis, & huic à Galeno superstructa Medicina, ex eo nutare videtur, quod quaternio iste Elementorum nunquam & à nemine adhuc vel ulla aperta ratione demonstratus, vel certa quadam experientia confirmatus fuerit; quin potius Natura rerum ubique ipsi repugnare videatur, ut hoc sufficienter declarat Dominus BOYLE in *Chymista Sceptico*, & HELMONTIUS hinc inde in suis scriptis, in specie *Tr. Emmuller. Oper. Tom. I.*

Mist & Compl. Elem. Figm. Et hoc ipsi curiosioribus ingeniis primùm subministravit calcar, reformandi vulgatam de Natura rerum doctrinam, & vel antiquam *Democriteam & Epicuream*, vel *Hermeticam* dictam resuscitare Philosophiam, vel novam quandam per experimenta ab ipsa Natura, ejusque æmula Arte, subministrata, illam interpretandi investigare rationem. Nam quatuor istas primas quod attinet qualitates, hæ ipsæ, non secus accæteræ, secundæ aut tertiæ appellatæ, modi saltem sunt materiæ, ex ejus particulis corpora componentibus variè conformatis & contextis, & diversimodè motis resultantes. De quo vid. BOYLEI *lib. de Origine formar. & qualitatum*, Anglicè conscriptus:

§. 6. Non reiecit verò ex toto HIPPOCRATES has ipsas qualitates, aut tanquam inermes contemnit, utpote cum ubique in suis scriptis easdem adducat, sed tantum ceu minus efficaces eas considerat, & non sufficientes, ut ab iisdem insigniter corporis machina alteretur, adeoque Medico convenientem medendi rationem subministrant; quin potius iisdem semper potentiorē facultatem annexam asserit, à qua imprimis activitas & energia promanet, cui alia ex primis instar pedissequæ adhæreat: *Non enim propter calidum simpliciter homines febricitant, sed est amarum & calidum idem, & calidum ac acidum, & falsum ac calidum, & alia infinita, & rursus frigidum cum aliis facultatibus conjunctum.* Hæc itaque sunt quæ lædunt: si simul adest autem calidum robore participans, nimirum ducens, & exacerbans, & augens simul cum illis; verum nullam potentiam majorem quam convenit videlicet habens: *cit. loc. p. 30.* Terunt presso pede hac in parte Divini Senis vestigia Paracelsi & Helmontiæ, qualitates istas primas relollæas vocantes, i. e. non procedentes immediate ex fermentis & seminibus rerum. Unde etiam fermentis & fermentationibus transmutationum autoribus tribuuntur ea munia, quæ calori alias fuere adscripta, cum hic non effective, sed tantum dispositive, operetur.

§. 7. Rationes autem, quas profert HIPPOCRATES, ut insufficientiæ arguat istam qualitatum Elementarium hypothesein, *cit. libr. conscriptæ*, & ex observationibus quotidiano usu obviis haustæ, (paucis ut repetam eas) sunt ferè sequentes. 1. *A Dieta*, s. 22. s. 23., quod alimenta, verbi gr. triticum, caro, aqua, vel inordinate ingesta, vel non ritè præparata, nos lædant, & contra hæc præparata aut alias mutata nos denuò sanent, sine ulla per qualitates elementares inducta aut sublata alteratione. De quo plura infra. 2. *Ab autoritate majorum*, s. 24. & 22., novum modum artem medicam quærendi esse, ex elementaribus qualitatibus; primos enim artis inventores has ipsas rejecisse vires, & potius sapores, tanquam morborum autores, observasse. 3. *Ab alimentis medicamentosis*, s. 25. 26. Nam alimenta temperata esse, quæ nos nutrant, & corpus sanum conservent; sin verò nos alterent alimenta nonnulla, hoc ab ipsis fieri, non quatenus calida aut humida, &c. licet tales proprietates attribuantur iisdem à quibusdam; sed quatenus sint amara, falsa, acida, &c. 4. *A methodo medendi*, s. 27. Curam nullam fieri per calidum aut frigidum simpliciter, cum multa sint calida, licet diversissimarum virtutum; quædam scilicet calida acerba; calida tenuia, aliasque subcontrarias vires sibi ipsis habentia: cum autem his indiscriminatim adhibitis contrarii sequantur effectus, necesse esse, ut potius ad vires adjunctas calido, quam ad ipsum calidum respiciatur. 5. *A subita permutatione unius extremi in alterum, istarum qualitatum*, s. 23. & 29., sive à frigore in calorem, sive à calore in frigus, tam vita communi, per mutationem loci & vestimentorum, quam in febribus, in quibus extremis rigoribus acutissima febris subito succedat; & post sudores adeo subito ægrum denuò frigere, ac si nunquam febricitasset. Cui igitur, inquit, brevi aded contrarium accedit, cuique vis admittitur sua sponte, quidnam ab hoc magnum aut grave fiat? aut quid opus est multo auxilio? 6. *A duratione morbum*, s. 30., Cum qualitates istæ sint aded facile mutabiles, in quibusdam verò morbis, febribus ardentibus, peripneumoniis, &c. calor sæpè sit diuturnus, eo ipso non solum esse calidum, sed amarum & calidum idem, & calidum & acidum, & falsum & calidum, & alia infinita. 7. *A defluxionibus*, 31. 32. 33., in quibus ægermale se habeat, quamdiù materia sit acris, quam calores & ardores, febrique in sequantur; temperata verò materia acris & inspissata nimis tenui, idque ex sola permissione, & egru sanari, & calore sponte cessare. 8. *Anocentibus*,

f. 34. humores peccantes. esse tales ratione saporum, quali v. g. bilis flava sit ratione amaritudinis; bilis verò æruginea sit adeo anxiosa ratione acrimoniæ. 9. *Acoctione & cruditate*, f. 35. humores scil. concoqui & alterari per omnigenas species, à quo ratio crassum dependeat; hoc aut calidum aut frigidum perpeti, i. e. coqui, nunquam contingere.

§. 8. Sed ut pergamus in examine dogmatis vulgati; viscerum quod spectat temperiem vitalem, hæc tota dependet à sanguine, spirituque vitali, qui æqualiter per sua vasa iustitia distributiva in partes effusus & circulatus, ipsis debitam largitur temperiem; unde eodem æstuante in caussis, & totum corpus ardet, eodem verò in senibus, defervescente, totum corpus similiter tepet: unde & viperarum corpus ad tactum friget, cum sanguis earum & cor actu in iis vigentibus frigeant, non minus quam in ranis aut piscibus. Quid verò per temperamentum reverà intelligendum veniat, malo verbis J. M. MARCI declarare, qui in *Philos. Vet. Restituta* P. 2. f. 4 p. 133. ita inquit: Per temperamentum intellige nō qualitates primas, aut harum symmetriam, verum constitutionem cujusque radicalem, ex qua veluti effectus procedunt dictæ qualitates; cujus potissima vis in sanguine, qui est proximum subiectum animæ, & primum vivens, cujus gratia corpus universum videtur factum, vitamque ex eo participare: Humidum verò radicale aut sanguis est, ut vult Harvæo jus, aut certe in eradicatur: & corpus sanguine destitutum confestim friget, nihilque manet in eo de temperamento, &c. Inest scil. omnibus mixtis sua determinata crasis in semine radicata, & in corpus inde genitum necessitate seminali, qua semina omnes suas energias in productis explicant; & hæc rursus ea in nova semina concentrant, propagata: hujus enim medio corporum tam in specie quam in individuo mirande *idiosyncrasie* per generationem multiplicantur, ex Elementis earumque qualitatibus nullatenus explicandæ, utut primaria craseos seu temperamenti partem constituent. Prout ergo radicalis ista sanguinis & spiritus variat crasis, (cujus ratio ex certa particularum materialium, imprimis salinarum, corpora ex seminum directione componendum, habitudine & textura, indeque mutua activitate dependet,) etiam variat animalium Natura, ipsaque temperies.

§. 9. Sanguis ergo proportionaliter distributus in partes, proportionatum quoque calorem, aliasque nobis apparentes qualitates, iis impertit; unde facile patet, quid habendum de decantata ista intemperie viscerum inæquali, nempe ventriculi frigida & hepatis calida, ex qua, tanquam *Pandore* in fusta pyxide, tot contumaces affectus, v. g. cruditates, ructus acidi, flatu & tormina, cachexiæ, catarrhi, & tantum non omnes morbi chronici, surgere dicuntur. De hac aperte pronunciat JOH. ANT. von der LINDEN in *Golleg. manuscripto in Hartmanni Prax. Chymiat.* c. 124.: Hoc mera est fabula; partes non habent calorem ex se, sed ex sanguine hunc accipiunt; qualis enim sanguis est, talis quoque est calor in parte: quomodo ergo idem calor, qui hepar calefacit, potest ventriculum frigefacere? dein si hepar sit calidum, quomodo ventriculo incumbens non calefacit eum, sed refrigerat?

§. 10. Ut, quod probabilius videtur; proponamus, reverà in tali casu intemperiei putatæ inæqualis tota mali radix plantata est in stomachi cavo, cujus succus fermentativus nimis acidus & fixus, minusque volatilis, cum copioso mucos viscido ex *βραδυμηνία* coacervato junctus, & stomachi inflationem, & ructus acidus, & vomitus similes, & tormina intestinorum, & phlogoses aliasque symptomatum myriades producit, quatenus primam alimentorum digestionem perniciosè depravat, eaque in liquamen acidum & viscidum corrumpit loco ejus, quod in subdulcem seu salsum volatilem, aut saltem moderatè acido-volatilem, transmutare debeat cremorem. Unde & in tali casu, indeque consecutivè ortis affectibus, præter vomitoria prosunt ea, quæ vel acidum absorbent, ut Saturnia & Martialia, item fixa Antimonialia, ut ex animalibus cornua & ossa, eorumque coagulata lapidea; vel quæ idem temperant, & sensim denovo volatilant, qualia sunt vegetabilia gustu acia, ut allia & porrum, ab HIPPOCRATE acida eructantibus commendata, & antiscorbutica, quæ sale volatili acri turgida æstimantur; item aromatica, aut revera talia, aut his affinia, v. g. mentha, acorus, absinthium, sale volat. oleoso temperato dotata. HIPPOCRATEM quod attinet: nullibi talis inæqualis intemperiei meminit, sed

ista symptomata, ceu ex cruditate stomachi oriunda, exponit l. de affection. f. 44. n. 14. & 15. & specialiter l. 3. de diætâ f. 20. 21. & 22 aperte deducit, quomodo à cruditate hac stomachi acida quamplurimi affectus, in specie cachexiæ & anasaræ dependeant.

CAPUT II.

FACULTATUM SALINARUM HIPPOCRATICA ASSERTIO.

§. 1.

NON siccum, neque humidum, neque calidum, neque frigidum, neque aliud quid ex his, hominem magnopere lædere, hæcenus nos docuit Divinus noster Caus f. 24. sed è contra inest in homine & lædit & amarum, & salsum, & dulce, & acidum & acerbum, & fluidum, & alia infinita, omnigenas facultates habentia, copiamque & robur. Mirum sane, quàm aperte hic loquatur HIPPOCRATES, & quàm formidulosum exercitum in campum educat, ita, ut *μυρία* (quod vulgò infinita vertunt, Fœsus verò numerum determinatum pro indeterminato sumens, sexcenta, Junius decem millia interpretatur) talia contra nos armet, & hæc ipsa f. 27. c. l. tum in homine, tum extra hominem, siue edantur siue bibantur, siue forinsecus illinantur, & quomodocumque formata adhibeantur. En totam HIPPOCRATIS Pathologiam Medicam, quam non recentem aut novam, indeque quibusdam futuram nauseosam, sed ut ipse cit. loc. fateatur, à primis artis inventoribus acceptam, graphicè tanquam in synopsi nobis delineat.

§. 2. Inesse verò in nobis tales sapes & facultates, experientia tam quoad assumpta, quàm quoad retenta & excreta, ubertim confirmat. Panis secalinus, quo nullum frequentius est alimentum, his facultatibus Hippocratis turget; moderato igne enim fundit spiritum acidum volatilem, (cum quo enim aliquantulum salis volatilis in rectificatione unà ascendisse, apud amicum me vidisse memini,) brevi temporis spatio, absque Vulcani adjumento, aut Veneris aut Martis tincturas, aut corallorum aut hæmatitis solvens & extrahens, & in nonnulla corpora mineralia potentiùs ferè agens ipsa aqua forti. Præter panem assumimus acida, amara, acia, aromatica, dulcia, insipida, acerba, salia, &c. eaque variis salibus imprægnata, quæ utut sub stomachi digestionem in homogeneam, quoad sensum, saliam aut acidulam abeant massam, retinent tamen adhuc nonnulla suæ craseos vestigia; quod effectus medicamentosi talium alimentorum non rarò confirmant. Dissolvuntur hæc assumpta in stomacho à succo salino sæpiùs acido; teste namque experientia omnia assumpta, etiam saccharum & mel, primum in stomacho acescunt, quòd tam ructus, quàm legitimo tempore provocatus vomitus, antequam scilicet alimenta per fermentationem in chylum transmutata fuerint, manifestant. Quam fermentationem non modernorum saltim inventum sed jam HIPPOCRATI cognitam fuisse, palam est ex f. 20. libr. de Vet. Med., ubi ita differit: Et, sane puto his, qui cibum sumere consueverunt, quod non expectaverunt tempus iustum, donec ipsorum venter pridie ingestos cibos perfectè consumisset, & exsuperasset, evacuatusque esset, & quievisset, sed in ferventem adhuc & fermentatum novos ingesserunt, &c. Hinc simili menstruo acido volatili chylum artificialem ex alimentis in vitro producere novit TACHENIUS in suo Hippocr. Chym. cap. 13 pag. 78. & BOYLE menstruo ex vitriolo artificiosè parato idem perficit, *Usefulness of. Experim. Philos.* P. 2. p. 20. Acri verò nimis reddito hoc succo appetentia canina exurgit, in qua copiosa acida vomitu rejecta affectum aut leniunt, aut tollunt; sicut pingua in tal casu acorem vitiosum obtundunt, aut fixa terrea eundem absorbent. Balsamicus bilis sapor amarus insigniter omnibus notus. Pancreatica lymphæ, nunc subacida, nunc salia deprehenditur, ita tamen acris, ut anno, & quod excurrit, elapso in Anatome publica mulieris decollatæ sanæ, intrusus stylus argenteus in ejus canale, & ibidem alià ob causâ ad aliquot horas relictus, colore intensè cœruleo ex corrosione inchata tinctus extractus fuerit, tinctura ipsi pertinaciter adhærente. Reliqua lymphæ, lymphaticis comprehensa vasis, ut plurimum subacida, instar diluti citri succi gustatur. Chylus, ejusque frater germanus lac, dulcescunt; sicut & ipse sanguis

Eius, qui tamen sale volatili copiosissime turgēt. Urina falsa est, i. e. acido & alcali volatilibus in falsum volatile junctis, foeta: cujus spiritus non adeo violento paratus igne crudum cupri corpus in tincturam intensē cœruleam solvere valet, Insensibilis transpiratio, & sensilis pedum sudatio, falsa est adeo, ut orichalci limaturam calceis impositam, in viridem crocum dissolvere valeat.

§. 3. Ast quàm excessivos sapes morbo in statu non raro contrahunt hi succi? Vomitus sæpè insigniter amaricantes; non raro austeri, dentibus stuporem inferentes, molestant ægros. Scorbutici & hypochondriaci tam corrosivos reiciunt per gulam liquores, ut, præter hujus & faucium dolorosam excoarctationem, pelvim æneam, item argenteam, ærugine obducant: ipsum horum sanguinem hæmorrhagia narium rejectum, adeo acrem, ut lintea, quibus exceptus fuerit, eraserit, observavit DORINGIUS de Med. & Med. p. 109. (similem vim corrosivam linteorum Lunari mulierum tributo etiam assignat HELMONT cit. Tract.) unde & horum urina observata fuit interdum adeo acris, ut paulò diutius in matula vitrea detenta, eam corroderet, & nonnihil absumperet, utut fortissimis menstruis vitri compages resistat. Quam facultatem dissolvendi non obtinet interdum stomachi menstruum, dum præter gallinas HELMONTII, in quibusdam gulonibus & vitra obterat, consumat, item coria, testas, ligna, carbones, &c. exempla vid in AMATOLUSITANO Cent. 2. Cap. 69. Schol., item in SENNERTI Paralipo. Non minus rarum est, quod refert BOYLE supra cit. tract. p. 68. de milite, lapides & frustula horum devorante & ita consumente, ut alvi excreta arenosa exinde fuerint rejecta, lapidibus in stomacho in arenulas resolutis. Notum aliàs est omnibus, duram ferri limati compagem in hypochondriacis, aut etiam virginibus cachecticis, non sine sanitatis optatæ emolumento; dissolvi quin & numisatæ ænea deglutita, attrita prius & nonnihil consumpta per inferius guttur reddita tandem fuerunt, teste AMATOLUSITANO c. 1. & KERKRINGIO in spicilleg. Observat. Anatom. Obs. 1. Urinæ faldedo in acidum præternaturale mutata in stranguriis & dysuriis sufficienter se monstrat. Sudores sæpissime (quod in declinatione Tertianæ, cum arthritide vagæ conjunctæ aliquando observari) insigni acore sunt tincti; unde præter molestum & manifestum acidum odorem, & cutis intensum pruritus, & cuticulæ erosionem inferunt. Ulcerum corrosiva & acida sanies, quas non torturas ægris multiplicat? quæ ossium robur in cariem, eadem erodendo, infirmat; imò argentea etiam & ferrea Chirurgorum instrumēta levi contactu non raro dissolvere inchoat, hincque indelebili macula eadem inquinat. Quid cancrum memorem, teneram mammillarum corrosivo suo sale, arsenico autem quibusdam comparato, exedentem substantiam? Pustulæ cutaneæ & ipsæ non carent vitioso tali sapore. Patavii familiarissimus mihi erat juvenis, & ipsæ Germanus, scabie inferiorum in primis partium circa genua vehementer afflictus, cuius pruriginosa ulcuscula scalpendo aperta, liquorem serosum odoris apertissime acidi, instar subtilis cujusdam & penetrantis aceti, fundebant. Saliva naturaliter ferè est insipida, quæ tamen in scorbuticis, corrosivo acuata sale, gingivas manifestò depopulatur, & dentium ossa erodit: vidi adolescentem scorbuticum, qui maturinis horis jejunos adhuc adeo acrem sanguinolentam in chartam duplicem firmam exspuebat salivam, ut hæc exinde brevi eroderetur: Hanc ipsam icterici, & multi febri-citantes, amarore molesto inquinatam percipiunt, quæ in hydropicis nimis falsa gustatur. Catarrhales denique affectus, ex lymphâ nimis acri, sive per nares sive per oculos moveatur, oriri, unde interdum istarum partium ulcerationes sequantur, fatetur HIPPOCRATES noster c. 1. f. 31. & 32.

§. 4. Merito ergo HIPPOCRATES, manifestaturus & status pacati & turbati Reipublicæ Microcosmicæ autores, (in tali casu, ubi nihil Divini se immiscet,) sub saporum notionibus eos nobis declarat; idque propterea, ut (cùm in præfatis qualitatibus gustabilibus profundior & potentior plerumque lateat dynamis) iis quasi manu nos ducant ad investigandas occultas salium proprietates & energias, cum salia sub saporum forma præprimis se nobis manifestent. Licet enim affirmare nequeam, ex solis salinis particulis sapes dependere; hoc tamen certum est, vix corpus esse magis lapidum, quàm salinæ quod est proprietas, ipsaque salia nullum organum sensitivum potentiùs afficere, quàm gustui quod inservit & pro salinarum

Errnull. Oper. Tom. I.

imprimis particularum mutatione, & diversa cum aliis textura, sapes specialius variare. Ignis ergo Spagyricus est consulendus, qui in manu artificis & alterat variè, & etiam resolvit concreta naturalia. Sed canto hic opus est, ne Chymicorum ingredientes laboratoria ab incondita salium, sulphurum & Mercurium turba, instar vespertilionum in tenebris circumvolitante, obruamur, utpote ex confuso PARACELSI chao mentali exclusa. In genere duo se offerunt salia quasi fundamentalia (quæ ab uno summo sale primitus oriri, sunt qui existimant) acidi & alcali seu urinosi quæ veniunt nominibus, ex quorum mutua conjunctione tertium falsum emergit, neutrum ex istis, de utroque tamen participans. Sub hoc genere infinita specialium salium se offert varietas: nam Acidum aliud est ferri, aliud auri, aliud vitrioli, aliud nitri, aliud aceti, aliud ligni quercini, &c. Alkali contra aliud fixum, aliud volatile, aliud animalium, v. g. lumbricorum, cancrorum, cervi, hirci, urinæ, ossium, fellis; aliud vegetabilium, saporis aromatici, ut sceniculi, menthæ; acris, cochleariæ, sinapi; amari absinthii, gentianæ, chelidonii; adstringentis, gallæ, malicorii; insipidi, sempervivi, solani, &c. Sed quis finem inveniret, qui omnia hæc distinctè enarrare vellet? nam & HIPPOCRATIS sexcenta nimis angusta videntur. Plura qui vult, adeat TACHENIUM in Hipp. Chym. & ejus Clave, ZWELFERUM in Append. ad Animadvers. p. 71. & seq.; & videat ea, quæ SWALBE de acido & alcali conscripsit.

§. 5. Considerandum modò ulterius venit, quod omnis salium potentia ex eo radicaliter dependeat, quod alcalia & acida ubicunque sibi (medio imprimis aqueo vel fluido) occurrerint, tanquam contraria in se invicem agere, sese contemperare, destruere, & tandem arcta concordie unione sese in sal tertium conjungere satagant. Prout verò diversus est salium status, dum ea raro pura aut solitaria, quin potius semper aliis concretorum particulis intermixta existunt, etiam effectus reciproci istius actionis & mutui concursus est varius: Nunc enim effervescentiam impetuofam cum bullis & strepitu, & insigni non raro incallescencia, ubi eadem sunt acriora; nunc verò fermentationem, ubi eadem adhæsiōne aliarum particularum materialium sunt temperata; nunc coagulationem & novorum concretorum productionem, ubi mutuo amplexu alia simul adhærentia sibi ununt; nunc separationem seu præcipitationem rerum, non bene cum iis unibilium, producant. In genere ex salibus istis cum aliis particulis materialibus diversimodè concurrentibus, junctis, separat, variè situitis & contextis, &c. non tantum ipsa eorum varietas, & Prothei instar mutabilis facies; sed omnes ferè insigniores in natura alterationes, forsan etiam generationes & corruptiones, proficiuntur, quas specialiter excutere, non est huius loci.

§. 6. Quod si ulterius rationem istius mutue salium in se actionis, indequæ adeo diversorum Naturæ inde surgentium phænomenon investigare velis, in promptu erunt conditiones minutorum corpusculorum seu particularum salinarum mechanicæ, in specie determinatæ eorum figuræ, & texturæ, magnitudines, & inde exsurgentes diversæ motiones; istæ enim sunt tales, ut acidum & alcali ex figuræ & texturæ proportionem certo modo sibi adhærere, & mutuo amplexu se continere queant: antequam verò ad debitum unionis situm perveniunt, medio fluido, cuius particulæ sunt in continuo motu, permixta, unum impingit in alterum, hoc trudit, istud repellit, acidum rodit alcali, hoc absorbet acidum, idque tamdiu, donec diuturna affricione, & hinc inde contorsione, in legitimo situ unita firmiter sibi adhæreant, & ita figuræ & texturæ mutatione in falsum abeant, aliasque concretorum alterationes (ratione aliarum particularum unâ concurrentium, & vel simul connexarum, vel separatarum, vel translocatarum) inferant: qua texturæ ipsorum salium mutatione & ipsa variè exasperantur, mitigantur, alterantur, & ita infinita ista Hippocr. constituunt: Sic enim oleum acidum vitriolicum oleo tartari urinoso mutua texturæ mutatione vel falsum leviter, vel insipidum tertium, producit. Sic ex alcali fixo cum silicibus calcinatis in ignis vehementi tortura per violentum & continuum particularum motum, ob mutatam earum texturam novum & planè mirabile ens, nempe virtutum producit, cui simile Natura nullibi, nisi in lapidibus pretiosis constituit. Sic mutatione figuræ & texturæ particularum materialium sal commune nudis in igne fusionibus in aqua solutionibus & coagulationibus repetitis, in terrâ insipidâ abit, teste BORRICHIO, de Ortu & Progress. Chym. p.

Gg 3 82. Sic

Sic oleum sulphuris vel spiritus Vitrioli, sali communi vel nitro affusus, mutatione certa utriusque texturæ dat sal istud mirabile seu enixum GLAUBERI, quod figit & solvit, & ex sale communi paratum referabit claustra auri, aliorumque subjectorum sulphureorum, ex nitro verò Lunæ: Sic alcalia vegetabilium volatilia sub ignis tortura, cōcurrente cum sulphure concreti, in quo latet acidum, & mutando texturam, abeunt in sal fixum salsum, quod fortiori concrematione, & in igne fusione, abit tandem in perfectum alcali: Sic aqua fortis nuda texturæ ejus, per sal commune vel sal armoniacum additum, mutatione aurum solvit, & Lunam antea amicam spernit. Nam in hoc menstruorum consistit diversitas & simul etiam potestas, ut correspondeant particularum suarum figuris, poris & meatibus corporis solvendi, & particulis solutis. Unde Alcahesticum menstruum ob summam penetrantiam & subtilitatem quaquaversus penetrat, & omnia dissolvit, teste, præter HELMONTIUM, experto STARCKEY *Pyrotech. c. 9. 10. & 11. & seq. it.* BECHERO in *Phys. subterr. l. 1. f. 3. c. 4.* Hinc nihil repugnat dari etiam menstrua insipida, modò ita sint constituta, ut, v. g. auri poris exactè respondeant, iisque se subtiliter & promptè insinuent. Nam nihil impedit, corrosivissima mutata textura insipida fieri; sicut è contra, teste BECHERO *Phys. subterr. l. 1. f. 5. c. 2. §. 23.* ipsa communis aqua multoties destillata & rarefacta ita corrosiva redditur, ut metalla solvat; quæ aqua alia sub præparatione in acetum transit teste, HELMONTIO *Tr. Sextupl. digest. alim. §. 59.* LAURENBERGIUS sanè asserit, se talem vidisse aquam seu liquorem, in qua aurum sine ulla corrosivitate liquecat, instar glaciei in aqua calida; *Aph. §. contra Salam.*

§. 7. Per tales salinas facultates adeò potentes in administrandis Naturæ negotiis definiendas esse causarum morborum energias, sub saporum ceu per se notissimorum forma, inculcat HIPPOCRATES. Ob id & bilem flavam nomine amari designat; acutam verò & acrem bilem æruginosam definit *l. cit. f. 34.* generationem verò illius describitur, *l. 4. de morb. f. 8. n. 3.* ita differit: *Postquam comedit & bibit homo aliquid amari, quodque aliàs biliosum & leve est, copiosior bilis fit in hepate; & ita per amarum & leve seu volatile, ut hodierna loquendi fert consuetudo, bilis naturam determinat. Non enim calidum aut siccum est, quod præpollet in bile, ignea ob id vulgò appellata; sed acre & amarum, i. e. alcali insigniter volatile, temperatum tamen sulphure seu oleo, in seipso rubro: ut prioris beneficio cylum balsamico imbuat vigore, simulque acorem ejus volatilem, à stomachi digestionem nonnunquam superstitem in perfectum salsum volatile transmutet; posterioris vero ratione tinctura sulphuris invisibili cum tingat, pro futura sanguificatione. Flava bilis sic dicta excrementitia cruditate stomachi nidorosa, & ita neque calorem, neque frigus, sed alimentorum corruptionem ex nimio pinguium & similium, succum stomachi hebetantium & depravantium, ejusque salinam vim enervantium, usu nascentem. Æruginosa bilis acris & acuta, aut ex alimentis in stomacho vitioso acore depravatis aut ex vitioso acido pancreatis succo, perversam effervescentiam cum bilis sale volatili oleoso in intestinis excitantibus, originem ducit; nam & spiritus vitrioli, bilis ex vesiculaeductæ admixtus, colorem ex atro virescentem producit, teste GRAFFIO *Diff. de succo pancreat. §. 147.* unde & talia æruginosa infantibus sunt familiaria, ex lacte corrupto & acrescente enata, quæ post molesta ab acido nimio tormina rejecta, & acidum manifestò spirant, & acidum absorbentibus, verbi gratia ocul. cancror. ebore aut C. C. nisto, it. creta, sem. anisi, & similibus curantur. Talia æruginosa ab hypochondriacis superius rejecta, & manifestò linguæ acore dentes stupefaciunt, & adjuncta austeritate fauces & gulam fortiter adstringunt. His adjunctæ ventris murmuraciones, flatulenti borborigmi, & intestinorum convulsivi dolores, effervescentiæ illius præternaturales in intestinis inseparabiles sunt comites.*

§. 8. A bile ad succum melancholicum, deflecto, qui vulgò frigidus, siccus, & ob id terrestris statuitur. Sed ut taceam, nullitatem talis succi (prout vulgò quidem explicari solet) sufficienter esse demonstratam à CONRIN-
GIO *Tr. de sanguin. generat. & mot. cap. 12. 13. 14.* certè ea, quæ de hoc humore obscure dicuntur, per spicue per acidum, item acerbum, in corpore nostro secundum HIPPOCR. reperibile, explicantur: sive sit succus fermentativus stomachi nimis acidus, sive succus pancreaticus nimis austerus, sive lymphæ nimis acida, sive in particularibus mem-

bris, ex corruptione alimenti proximi, talis acor peregrinus, v. gr. in ulceribus & abscessibus, generetur. Ob id convenienter admodum aceto comparat melancholiam SENNERTUS *lib. 2. de febr. cap. 20.* manu ductore tamen nostro HIPPOCRATE, qui verè chymicè *lib. de vict. acutor. f. 28.* differit: *aciditates ex aceto amara bile abundantibus magis conferunt, quàm atrabiliarii amara enim dissolvuntur, & in pituitam transeunt, dum ab ipso attolluntur, (i. e. ut terminis usitatis explicetur, acida præcipitant alcali volatile in bile, & simul transmutantur effervescendo, quod forsan atolli vocat HIPPOCRATES, in tertium salsum vel omnino insipidum, instar pituitæ aquosæ seu inlipidæ:) Nigra verò fermentantur & attolluntur, ac multiplicantur; acetum enim nigra sursum ducit, vel interprete SENNERTO *l. 2. de Febr. c. 20. p. 296.* nigra exaltat; i. e. nigra seu melancholica, aut atrabilaria, quæ bili amaræ opponit HIPPOCR., ab aceto augmentantur, & in sua qualitate nociva per fermentationem, acriora & volatilia facta, exaltantur. Exaltatione ista acidi generatur bilis, quam vulgò vocant atram, acris admodum & corrosiva, ex acidi gradu & volatilitate augmento nata, furia corporis pessima; nam & lenia spernit remedia, & validioribus in deterius ruit. Consideremus pro exemplo cancrum exulceratum, ab omnibus ab atra bile derivatum: hujus acidum & volatile fermentum instar aquæ chrysulcæ corrosivum se monstrat, corrodendo & depalcendo vicinas partes: hic acor uti medicamenti Saturninis, quæ acidum absorbent & dulcescere faciunt, aliquatisper mitescit, ita contraria mitiora alcali spernit, à validioribus verò & acrioribus propter subitam effervescentiam, & hinc vicinæ partis colliquationem, plurimum exacerbatur, supervenientibus febre & totius ardore, partis ulceratæ horrendo dolore, similibusque ægrorum tormentis. Imò verò vulgaria ulcera, acrioribus paulò tractata, in cancrasas malignitates similiter degenerant, exasperato & volatilifato eorum fermento.*

§. 9. Paracelsistarum idolum Tartarus microcosmicus, propter aliqualem similitudinem cum propriè sic dicto Tartaro, Bacchi filio, ab acore vini, propria sèce saturato, & cum eadem in sal compositum, ipso patre Vino nobilius, coagulato, ita dictus, non nisi ex Hippocratis potentis suam obtinet auctoritatem: sive enim resolutus in forma liquida fluctuet, hinc inde dolores, lancinationes & torsiones inducens, sive jam sub coagulo peregrino se ipsum coerceat, ubique principium omnis ejus operationis est acor, partibus hostilis. Est scilicet Tartarus propriè loquendo nil aliud, quàm succus acidus, facile in subiecto idoneo coagulabilis, aut jam in eodem, coagulatus vitio primæ digestionis, ob huius cruditatem acidam, & fecum vitiosæ segregationis, genitus. Acor ergò talis vitiosus in stomacho hospitans & graviorum ejus symptomatum, & successivè mali hypochondriaci, est autor: in intestinis torminum colicorum fecunda est genitrix, imprimis si subiectetur in copioso intestinorum muco pituita acida tunc appellato: lotium imprægnans tiranguriam infert; sicut in articulis arthriticas torturas: massæ sanguinæ inquinans dulcedinem, & cordis palpitationes, & scorbuticos infert affectus. Sin aptum inveniat subiectum, imprimis de alcali participans, cum eo coagulatur in Gorgonium monstrum, quale est omne Duelech seu calculus, tam in renibus quàm fellis folliculo, ex ejus coalitu; ibi quidem cum urinæ volatili sale per fermentum putredinis resolutum; hic verò cum alcali volatili bilis genitum: sub qua concretione, quicquid coagulabile simul deprehenderit, in novi concreti consortium trahitur: Sic synoviam, articulationes ossium instar cujusdam axungie oblinentem, coagulat in tophos, arthriticis cognitos, & ossium corrumpens alimentum, cum eodem in gummata Gallica, ossa cum intolerabili nocturno tormento perforantia, concrescit. Sin viscidæ conjunctus mucilagini angustias vasorum permeare nequeat, sed circa easdem coagulatus subsistat, oppilationum & obstructionum, omniumque scirrhorum, & scrophularum est artifex. Contra hunc acidum præternaturalem Tartarum usurpantur medicamenta & ipsa tartarea, seu sit spiritus tartari perfectè volatilis seu urinosus, sive sit Saleius volatilifatum; hæc enim & acorem, ejus destruunt, & producta jam coagula dissolvunt & referant.

§. 10. Præter enarratos hætenus sapores, dulce denique & insipidum non rarò memoratur HIPPOCRATES, innuens hoc ipso statum temperatum & blandam dulcedinem nutritii corporis nostri succi, chylosi quidè pro partibus

spermaticis seu nervinis, sanguinei verò pro parenchymatibus sanguinis. Dulcia enim & pingua ac oleosa replent, quia ex modica mole multum diffunduntur: ut vero acida & acris & austera & acerba, & ex toto collata & sicca non replent seu nutriunt, docet HIPPOCRATES l. 2. de Dieta, f. 33. num. 19. 23. &c. Hinc si blanda & temperata dulcedo nutritii succi pervertatur, ut acrimoniam vitiosam, in specie falsam, acquirat, unde asper minusque mitis reddatur, & exinde nutritioni ineptus fiat, subinde tabe & atrophie emaciatur corpus, vivum sceleton repræsentat. Succus talis nutritius minus in stomacho ex alimentis resolutus, & volatilifatus, sed visciditate præternaturali tenax & glutinosus, pituitæ præternaturalis nomine vulgò venire solet; siue ullo excessivo sapore careat, siue acrimonia falsa, siue etiam aciditate peregrina, deprehendatur inquinatus.

C A P U T III.

FACULTATUM HIPPOCRATICARUM

AD HYGIENEM ET THERAPEUTICAM APPLICATIO.

QUæcumque mala homo patitur, omnia à facultatum potentiis proficiscuntur, inquit HIPPOCRATES cit. l. f. 34. quæ facultates ipso interprete f. 39. humorum nostri corporis summas vires & robur designant, illis saporibus ab eo definitas. Sed cum eadem & naturalem nostram administrent œconomiam, & tanquam negligentes aut inobedientes minime simul eandem non raro pessundent, propterea distinctum earum & statum & effectum declarat Divinus noster Senex f. 24. & 25. & lib. de natur. hum. f. 6. Hæc quidem mixta inter se & temperata, neque conspicua sunt, neque hominem lædunt: ubi vero quid horum secretum fuerit, atque ipsum in seipso fuerit, tunc & conspicua sunt, & hominem lædunt. Superius scilicet monitum fuit, salinas potentias continuo reciproce actionis motu seipsas fatigare, & in æquilibrio positas, aliis permixtas, blanda & æquabili fermentatione agitari, sub qua seipsas, tanquam in utroque activa & passiva, ita temperent, quo minus aliquod nocumentum in corpus redundare possit. Iptum hoc est, quod corporis machinam factam tectamque conservat, si scilicet sanguineum vitale nectar debita fermentatione circulatur, qua & chylus ipsi assimilatur, & spiritus volatilis volatilifatur, simulque reliqui succi debitam crasin, & proportionem, tam ad se invicem, v.g. bilis ad succum pancreaticum, quam ad subjecta externa, v.g. succus stomachi fermentativus ad alimenta, obtineat. At vitata hac facultatum proportionem, & læsa earum temperatura, si vel in gradu una excedat alteram, vel à naturali crasi degenerent, cujus infiniti sunt modi secundum HIPPOCRATEM, non potest non rebellio atrox turbare microcosmum.

§. 2. Origo læsæ temperaturæ, indeque oritur morborum, partim ex diæta, partim ex spiritu, quem attrahentes vivimus, est, auctore HIPPOCRATE de Nat. human. sect. 18. num. 1. Diæta partem primam constituunt assumpta de quibus nos ita informat Oraculum Cœli, lib. cit. sect. 27. Quæ ex cibis, quicunque nobis incommodi sunt, & ingesti hominem lædunt, eorum unusquisque aut amarus est meracus, ac intemperatus, aut falsus, aut acidus, aut alius quis intemperatus & fortis: & propterea turbamur ab ipsis, quemadmodum etiam ab his, quæ ex corpore excernuntur. Omnia autem quæ edit aut bibit homo, talia edulia palam est, minime hoc intemperato & dissidente ac excedente succo participare, velut sunt panis & maza, & his similia, quibus aduersus est homo plurimis & semper uti. Jam verò edulia ista hominis sunt vegetabilia, aut animalia illis ipsis antea saturata: in quibus terra nascentibus suas facultates maturæ considerat Cœus noster, dum lib. de Natura human. f. 11. ita scribit: Quemadmodum ex terra nascentia, & in ipsam plantata ac seminata, ubi in terram pervenerint, unumquodque trahit id, quod naturæ suæ familiare in terra existit: inest autem in terra & acidum, & amarum, & dulce, & falsum, & omnigenum, &c.

§. 3. Scilicet ut idem nos informat HIPPOCRATES f. 26. Robur, & augmentum ac alimentum præsertim per nihil aliud contingit, quam quod probe temperatum est, & nihil habet intemperatum, neque forte, sed totum unum fa-

ctum est, & simplex, & non forte: hæc enim innaturali statu absque ulla alteratione corpus conservant, ob quam temperaturam & lac, & carnes, & oryza, similiaque Cerealia, tam commodum suggerunt alimentum. Ast ubi excessivus sapor imprægnat edulium, salinam potentiam excedentem manifestans, non potest non, iisdem corporis nostri potentiis occurrendo, easdem alterare, aut augmentando, aut imminuendo, aut diversimodè alterando plus minus tamen, prout aut major vel minor fermenti stomachici in illo alterando & transmutando fuerit potestas, aut prout consuetudine ejus corporis nostri potentia salina magis vel minus jam antea ab eo immutata fuerint. Sic enim & venenorum consuetudine, alteratis jam corporis nostri potentiis, eorum rubor imbelles factum fuit, & continuata diutius eadem medicamenta, tandem incassum adhibentur: unde non tantum loco modò citato §. 2. consuetudinis rationem habet Divinus Senex, sed ejus observantiam quoque diligenter inculcat f. 2. aph. 50. dum consuetudo longo tempore, etiamsi deteriora sint, insuetis minus molesta esse, pronunciat.

§. 4. His suis potentiis determinandas esse alimentorum facultates, non calore & frigore, sufficienter docet HIPPOCRATES in libris de Dieta, it. l. de Affect. f. 49. ubi acrium, salorum & acidorum, dulcium alimentorum frequentissimam mentionem iniicit: & hoc illustrat pariter lib. de prisce. med. §. 22. & 23. exemplo cujusdam, crudo tritico & carne læsi, pane verò propinato curandi, quem præfert tritico crudo, non ob qualitates elementares, sed ob id, quia sit præparatus, sub qua præparatione diversas subeat alterationes. Præparationis cardo in legitima consistit fermentatione, qua adjectione fermenti acidi volatilis farinæ aufertur visciditas, quæ multum stomacho alas facessit negotii, & resolute partes saline & quedam sulphureæ aliarum particularum implexu aliquantisper se extricant, fermentando volatilifantur, & in spiritum volatilem ardentem transmutantur: antequam verò tot hoc modo fuerint volatilifate, clibano imposita massa torretur, unde pars volatilifatorum salium in spiritum avolat, suavi odore omnia replens, quibusvis perlarum aquis virtute confortativa à BECHERO l. 1. Phys. subterr. f. 52. §. 144. præposita, cujus colligendi modum docet KERGERUS de Ferri. f. 3. c. 1. p. 181. pars verò salium altera, nondum perfectè volatilifata, impedito fermentationis per exsiccationem motu, à reliquis particulis implicata detinetur, facili tamen Vulcano in spiritum subacidum volatilem per retortam separanda, à quo subtilis panis aciditas etiam dependet. Panis ergò stomacho ingestus propter hunc spiritum acidum volatilem, de quo supra c. 2. §. 2. ex suscepto fermento productum, liquefens in stomacho in cremorem, herbas & cibos, quibus cum est masticatus, una colliquecere cogit, ut rectè loquitur HELMONTIUS Tr. victus ratio §. 15. adeoque fermento stomachi potentes fert suppetias, & locum cujusdam fermenti aliis cibis additi quodammodo supplet: & propter ejus convenientiam cum stomachi succo fermentativo nunquam nos panis, continuò licet comesti, capit fastidium, quin potius naribus ad motus nauseam & vomitum ab assumptorum horrore imminens compescit & sicut egrotantes ultimo ejus appetitum amittunt, ita convalescentes eundem primario denudò recuperant, ut rarissimum sit, quosdam à pane omnino abhorreere qualis fuit puer iste apud SCHOTTUM Phys. Curios. l. 3. c. 27. p. 530. & seq. ab imaginatione materna graviditatis tempore ita dispositus.

§. 5. Loco aquæ vinum supra dicto egro propinat HIPPOCRATES, stomacho similiter blando acore acceptissimum, de cujus uvarum benedicti nectaris natura & statu, cum ab aliis, in specie à Celeb. D. SACHSIO in Ampelorg. qui instar omnium est, sufficienter actum sit, cui jungatur BECHERUS Phys. subterr. l. 1. f. 5. cap. 2 non est, quod actum agam. Hoc saltem, quoad Hippocraticas Facultates, noto observandos in eo esse & spiritus salinos volatiles sulphureos, sulphur Bezoardicum vegetabile, item aurum potabile vegetabile quibusdam dictos, & etiam acidum, primo gustu plus minus sensibile: ratione cujus & vinum cum unicornu fossili notho effervesceat, & ab oleo silicum in instanti coagulatur. Spiritus vini volatilis, tanquam symbolizans quodammodo spiritui vitali, brevi mora ex stomacho in vasa raptus, ad vocatur in hujus supplementum, levi contactu fermenti in corde perficiendus: Sin verò plus justo hic in stomacho, ebrietas sequitur, quatenus celeri distributione totus in spiritum vitalem commutari nequit, quin spiritus animales

prius in motus confusos & inordinatos actos, quodammodo sulphure suo figat, instar opii & aliorum narcoticorum, indeque eos torpidos, & ad debitas motiones & expansiones ineptos reddat. Quoad acidum vini benignum: hoc parum in stomacho, partim in intestinis, concurrente fermento felleo in salum volatile abit: sin verò inordinato, & in specie vini nimio abusu, crudus & acidulus liquor ex stomacho elapsus fuerit, hostili, sua toti corpori aciditate, cum sibi adjuncta aqua vitæ in intestinis tormina colica, & exinde in artubus pareses aut contracturas, præter mala arthritica & nephritica, progenerant, Tartaro tam resoluto quam coagulato superius adscripta; adeo ut sæpissime vinum prohibendum sit ægris, non ratione spiritus sui ardentis, seu, ut vulgò dicunt, ob nimium ejus calorem, quam ratione acidi sui, partibus insensibilibus, ver. gr. in vulneribus, articulorum affectibus, &c. Sic memini mulieris, dysurie subinde obnoxie, cujus paroxysmum ab aceti, quam vini usu subito recrudescit, oleo amygdal. dulc. cum lapil. cancro- rum & percarum denuò sopiendus.

§. 6. Vini Vicarius est cerevisia in locis Septentrionalibus, decoctum scilicet hordei vel tritici, cum lupulo ut plurimum, fermentatione exaltatum, quæ temperatior quidem est vino, indeque minus alterativa, sed plus nutritiva, iisdem tamen potentiis Hippocraticis similiter instructa, ut ejus acor non adeo purus, quin potius lupuli sale amaricante de alcalium natura, nonnihil modificatus. In præparatione observanda venit hordei germinatio, eum in finem instituta, ut visciditas ejus mucilaginosâ corrigatur, quæ & fermentationem decocti impediret, & digestionem stomachi turbaret, hordeum enim parum coctum ventositates efficit, oppilationes verò, si meliuscule bullierit. Ast sub ista germinatione irrorata grana aquarum imbibitione turgescunt, unde resoluta salia in iis, aliarum particularum complexu aliàs irretita, mutuo agere & reagere, & angustia loci conclusa, qua data porta, prorumpere, & ita per gemmam secum adhærentes particulas simul protrudere incipiunt. Verùm ne in liberiore aura continuata ista actione fermentativa omnino avolent, semenque ita emoriatur, & particulis activis salinis spoliatum pro fermentatione cerevisiæ fiat ineptum, tostione ulterior salium in germinatione prohibetur progressus, & postquam contritum fuerit, & cum lupulo conditum per cocturam, in cerevisiam per restauratam fermentationem abit. Inest enim omnibus vegetabilibus, imprimis seminibus, & ex his præ cæteris Cerealiis, substantia quædam viscida & mucilaginosâ, quam ceu primarium actuitatis suæ objectum digestio stomachi resolvit in cremorem nutritium. Hæc substantia dum per fermentationem recluditur, & volatilifatur, transmutatur in spiritum volatilem ardentem, novum ens, formaliter ab eo quod erat antea distinctum; adeo ut non amplius subiaceat fermenti stomachalis imperio, nec amplius sit ita nutritiva ut antea, quin potius subito transeat, ut supra dictum de spiritu vini, ad augmentandos spiritus corporis, & ita facta est primario egregie confortativa; ob id namque liquidus potus longè facilius nos recreat, quam solidus cibus. Natura equidem neque cerevisiam, neque vinum, ut talia, postulat, sed tantum simpliciter ut humida, quibus latex corporis absortus restauratur pro subministrando alimentum vehiculo; id quod bruta simplici aquæ haustu contenta sufficienter demonstrant: Verùm curiositas humana, per artem subinde præsumens corrigere naturam, conjungit aquam spiritui per fermentationem, quo una vice & latex subministretur, & alimentum suppeditatur, & spiritus reficitur.

§. 7. Tartarorum potus, ut notum, est lac equinum, idque tantummodo in solennioribus festivitatibus; quod tamen ita præparare norunt, ut ebrietatem conciliet, non secus ac vinum. Modus præparandi cum sit curiosus, eundem ex Lingua Gallica in Latinam translato, ex *Relatione de Tartarie per JEAN LUCA Religieux Dominique, de Tartares Precopites p. 15 & p. 19.* hinc annotare libuit. Eorum potus, quem nominant Chimus & Boza, cū farina milii (forsâ interdum loco hordei) inebriat instar vini nostratis præparatur sequenti modo: Postquam aqua perit, permittunt pulli lactere per mensem, postmodum ap- plicant naso pulli frustula ligni acuminata, eum in finem, ut quando pullus velit fugere, equa iisdem puncta eum admittere nequeat. Interea ipsi colligunt lac, eoque vas replent, in quo vinum aliàs fuerit (si tale habere

possunt) quod dum in vas reconditur, per linteum trajicitur, & vas postmodum exactissime obturatur. Huic iniicitur 20. vel 30. gr. hordei, cum cochleari oxygalæ vaccinae, seu lactis acidi vel ebutyrati, aut saltem parum fermenti. Interea necesse est, collocare vas istud vel prope ignem, vel exponere idem radiis solaribus, ut lac bulliat & bene clarescat, id quod (patib. 2. vel 3. septimanarum) evenit: quod si addatur tantillum vini potio erit eò gratior. Lac ita bene depuratum trajicitur per linteum purum, antequam hauriatur pro potu, qui præparatus iisdem potè vernali melior est omni eo, qui reliquis anni tēporibus conficitur. Hæc potio longè durabit, tantum enim lactis novi semper denuò infundi potest, quantum exauritur. Ob- servandum & hoc, quod si lac per seipsum satis acidum fuerit, non opus erit oxygalam vel fermentum addere, sed sufficiunt hordei grana: utque magis tuto procedatur, in distinctis vasculis instituenda est præparatio. Potest enim quibusdā infundi nodulus ex radicibus violarum aut foliorum coriandri. Decies quotidie eque lac emulgetur, dum ea interea optimis herbis nutrienda est. Potio hæc est admodum salubris, & magno emolumento iis, qui sunt im- pōtētes. Semina coriandri meliorem habent saporem ipsi foliis. Hactenus Autor Gallus, in quibusdam nonnihil obscurus.

§. 8. Post assumpta esse inspirata, quæ potentiarum Hippocraticarum proportionem & temperaturam in suc- cis machinæ nostri corporis hydraulicae turbant, supra §. 2. dictum fuit. Tota namque atmosphæra, quam nos reciproca respiratione attrahimus, copiosissimis particulis, insignibus facultatibus Hippocraticis salinis pollentibus, & quasi tot diversis fermentis, imprægnata est. Notum est, non vitrioli tantum caput mortuum aeri expositum, de novo singulari spiritu acido imprægnari, sed etiam ter- ram tam nitri quam aluminis exhaustas semel, aeri expo- sitas, post aliquot annos novum nitrum vel alumen suppe- ditare. Hinc aerem non sine ratione, oculari eoque firmo experimento confirmatus, plenum sale Hermetico uni- vesali, in distinctis matricibus determinationes varias suscipiente, statuit ROCHAS Tr. *Observat. novell. des sels minéraux. c. 1.* Nam & duris metallis in aere quis sta- tuerit incunabula, & tamen minera plumbi Anglica ante multos annos exhausta, ab aere novo plumbo im- prægnatur, teste BORRICHIO ad Bartholinum in *huius Epist. 92. Cent. 4.* Idem fit cum scoriis stanni ab igne de- pauperatis, per aerem denuò fecundatis; vid. *Hist. de Singularit. Natur. d. Anglet. p. 16.* uti etiam bitu- mēthi vena Misenensis inanita, aeri exposita argento denuò nonnihil locupletatur. Antimonium fixatum ad volati- lem tamen revertitur naturam, aeri ubi fuerit expo- situm. Vegetabilia similiter nonnulla, quæ inter prin- cipaliora sunt bulbus scyllæ marinæ, uti & aloë Hispanica in conclavi suspensa, ex aere solo vegetantur, cre- scunt & ad tempus adoleſcant; non minus quam viperil- læ, araneæ & scorpiones ex aeris suctu, vitris arcte inclu- sæ, vitam trahunt; Quæ non fermenta imprægnant aerem tempore veris, dum putris gleba resoluta exhalat copiosis- sima salina miasmata, admodum fermentativa, quæ mas- sam nostram sanguineam de novo quasi inspirato fermento animat, ut hac occasione anhoſi & clandestini morbo- rum fomites potenter subinde exardescant. Hyberno tem- pore sale subtili acido, de armoniacali forſan natura, ae- rem plenum esse, persuadent faciei, labiorum & manuum contractæ asperitates & superficiales fissuræ, lotionem urinæ aut saponis acris, tanquam contrario alcali curandæ. Fer- menta locorum endemica, aut interdum epidemica, sali- næ omnia nunc acidæ nunc urinosæ naturæ, quod & omnia pertinent contagia in distans operantia, aeris amplo sinu foventur. Hic ergo inspiratus, quas non ataxias & dy- scrasias in massa sanguinea, ejusque potentiis Hippocra- ticeis, item in aliis humoribus particulis suis salinis fer- mentativis inducet.

§. 9. Intemperatas ergo, & ita altero extremo exceden- tes istas potentias non laedere asserit HIPPOCRATES. Hinc enim tot frequentes febrium effervescentiæ, tot tor- menta ab acido vicioso inducta, tam variformia affectus hypocondriaci & Protei scorbutici symptomata, nunc ca- loribus nunc horroribus comitata. Curam ob id talibus, quæ intemperatas, & à legitima crasi degenerantes poten- tias in justam temperaturam restituere valent, instituen- dā motiet; tunc enim humores acras crudos dictos, ex permix- tione & temperata mixtura non calidi aut frigidi simpliciter ad- ditione & subtractione, blandiores redditos, coctos & denuò na- turales fieri. Idque monstrante viâ natura, in defluxionibus;

tam ad nares, quam ad oculos, aut ad fauces, unde anginae, erysipelata, peripneumoniae, &c. oriantur, apertum demonstrat *cit. lib. f. 31. 32. & 33.*; quae quatenus tenues & acres, nos laedunt, & huius acrimoniae sensu ardorem & interdum inflammationem inducunt; *restituuntur autem & curantur*, ubi temperatae fuerint & concoctae, & ab omni acrimonia liberatae, tunc jam & febres, & alia hominem ledentia solvuntur. Temperaturam hanc ex permissione fieri asserit HIPPOCRAT. *c. l. f. 31. n. 25. f. 32. n. 13. & f. 35. n. 16.*; dum scilicet particulae salinae intemperatae & conspicuae factae, atque exinde aciores reddita; additione & interpositione aliarum particularum materialium, in specie contrariarum salinarum, mutata figura & textura acrimoniam & corrosivitatem amittunt: qua ratione acidum acetum solutione lapid. cancrorum mitescit, corrosione Saturni dulcescit, impraegnatione salis tartari falsescit.

§. 10. Rem ita se habere, constat ex eo, quod Mercurius sublimatus sapore suo excessivo seu acore corrosivo, non minus quam arsenicum, sint lethalia venena; quae tamen coercet aut copiosum lac epotum, aut butyrum largius assumptum, aut oleum amygdal. dulc. deglutitum, quatenus talia pingua acoris corrosivi obtundunt, & quasi inviscent aculeos. Convenit etiam oleum tartari per deliquium haustum, quatenus hoc alcali fixum excedens istorum acidum destruit, & sui complexu & permixtione in salum temperatum transmutat, Mercurio deposita crystallina larva, aut pulveris terre facie sese vestiente, aut viva forma profiliente. Non minus utilis est crystallus montana praeparata, aut calcinata, quia haec acidum absorbet, istudque, dum in se ruit pro corrosione, concentrat, quo minus corpori nocere queat: qua ratione similiter æruginosae bilis, quam acidam valde supra diximus, eadem crystallus est alexipharmacum, & cholerae aut dysenteriam exinde ortas perniciosas curat. Eadem ratione creta, lac Lunae, imò laterum coctilium pulvis, item ebur ustum, corallia; & similia, ardorem stomachi ex effervescentia acidi vitiosi cum regurgitante bile aliove alcali ortum extinguunt, non frigore, sed vi absorbendi acidum, seu ut vocant, praecipitandi: qua ratione eadem, & caninae appetentiae sunt remedia, quatenus acidum corrosivum temperant. Acida est contra, ut spiritus nitri, vitrioli, salis, succi berberum, ribium, limonum, febrium ardentium & diarrhoearum, quas vocant, biliolarum. Item ægrorum nimis ardoribus debilitatorum sunt solamina, quatenus salis volatilis bilioli in sanguine compescunt vim, quod ceu contraria temperant in salum, & ita ab eodē inducunt aut praeternaturalem sanguinis effervescentiam, aut nimiam ejus dissolutionem refranant, & blando coagulo compescunt. Et sanè alterantium (nam de evacuantibus non est dicendi occasio) omnium vis & efficacia in virtute temperandi aut exaltandi acidum aut alcali in genere, aut corrigendi específicos alios ex istis vitiosis saporibus obortos, primario consistere videtur, non verò in calore aut frigore nihil consequenter, in iis scilicet morbis, ubi nihil divini subest. Quae tamen non ita intellecta volo, quasi omnem simplicium operandi modum comprehendant; in multis enim multa non parum differunt, cum v.g. opiatorum aliorumque narcoticorum longè dispar ab his sit ratio, sed quantum ad effectus ab Hippocraticis potentiis excitatos tantum pertinent.

§. 11. Haec ut pateant ulterius, consideremus à medicatrice natura ipsa propinatos julebos acidos, ex terra acidularum nomine scaturientes, quas non calore aut frigore aut humiditate proficuas esse, ad averruncandos chronicos affectus, ex hoste Tartaro praeter naturam intus recepto & coagulato pronatos, in propatulo est consideranti, spiritum acidum esurinum istas aquas impraegnantem dissolvere & abstergere mucilaginosas sordes in primis viis, iisque annexis visceribus stabulantes, dum interea se soluta in mineris ab hoc acido Martis vena absorbet in saporibus vitiosos acidos, acerbos aliosque, salia sylvestria, aut excrementitia, item Tartarus resolutus ab HELMONTIO appellatos, eosque secum foecum nigrarum formam evacuat. Nam & simili ratione aut cruda ferri limatura, per se semper adstrictiva, sicut omnia Martialia, aut quicumque ex eo, sine acido tamen excessivo, parati croci aut tincturae, profunt, quatenus excrementa & peregrina salia, ad ferrum, ceu adaequatum suae activitatis objectum, accurrentia absorbet, & ita ab illis illatas noxas in chronicis affectibus, obstructionibus communiter attributis, emendat. Eadem vi saccharum Saturni, aceti acido non omnino saturatum, spleneficorum & hypochondriacorum &

scorbuticorum acria salia, aceto saepe potentiora, dulcificando, non refrigerando, innocua reddit. Id quod longè clarius, dum chirurgum agit Saturnus, cuius artis quartum praebet fulcrum, dum non tantum cum Marte sociatus in tincturam rubicundam internis ulceribus quarumcunque partium potenter medetur, sed etiam solus externè variis cerussae, minii, lithargyriorum, &c. lavatus formis, omnia ulcerum, etiam chronicorum & cacoethicorum, fermenta acida, alimenti partis in saniem corruptiva, ratione sui Mercurii copiosi, paucissimo sale associati, promptè absorbet & dulcificat, & ita non refrigerando, nec abstergendo aut exsiccando, eadem consolidat. Id quod similiter de Veneris cadmia factitia & turia asserendum venit, non minus quam de terra vitrioli dulci, ob egregium tam in vulneribus quam ulceribus usum balsamica quibusdam dicta. Sed charta nimis citò deficere, si de salibus vel volatilibus viperarum, cervi, hominis, cochleariae, persicariae, vel fixis vegetabilium, vel spiritibus acidis mineralium, vel salibus ex duobus posterioribus compositis, tartaro vitriolato, nitro tartarifato, arcano duplicato, item sale ammoniaco, in specie sulphure metallico per sublimationem, imprimis à colcothare impraegnato, dicere velim: quae omnia non qualitatum primarum virtute, sed ratione potentiarum Hippocraticarum & agere, & easdem corruptas in corpore corrigere, ferè per se patet. Modò observetur, quod tam ita gmata mineralium acida, quam alcalia vegetabilium fixa, sint quidem absterfiva sordium, & correctiva suorum contrariorum, sed simul stomacho insigniter nociva; dum alcalia lixiviali sapore fermento stomachi contrariantur, acidi verò spiritus corrosivitate sua ipsi insigniter adversentur: ob id rariùs sola, potius vel mutua conjunctione in tertium salum absterfivum & diureticum alterata, sunt usurpanda, vel additione alterius dulcificata (v.g. alcalia per sulphur vel minerale vel vegetabile, quod elixyria parva, item balsamus Samedech pertinent, acidi verò spiritus per spiritus volatiles ardentes) in usum vocanda; ut talibus temperatis & temperentur excessivi nostri saporibus, & si qui horum sunt fomites, sine lesione removeantur.

§. 12. Sed cum omnes concretorum, in specie vegetabilium, saporibus, singulares obtineant varietates, iisdem nobis insinuant, non ad solum acidum, aut urinosum, aut salum; semper & simpliciter respiciendum esse; sed praeter communes acris, amari, aut acidi rationes, uniuscujusque specificum saporem semini appropriatum, & ex seminali concreti crasi, eo, quo supra c. 1. §. 7. dictum, modo, oriundum, maturè considerandum esse, ceu appropriatum specificis morborum corporis nostri saporibus, ex HIPPOCRATE infinitis, remedium. Non latuit hoc nostrum HIPPOCRATEM, qui occasione alimentorum medicamentosorum hoc inculcat, *l. 2. de diet. f. 7.* ita differendo *At verò ciborum ac potuum singulorum vim tum eam quae secundum naturam est, tum eam quae per artem accessit, hoc modo cognoscere oportet. Quicumque igitur in summa dicere aggressi sunt, aut de dulcium, aut pinguium, aut salorum, aut alterius cuiusdam consimilis facultate, non rectè judicant. Non enim eandem vim habet, neque dulcia inter se, neque amara, neque ulla aliqua eiusmodi: Multa enim ex talibus, quae & alvum emolliunt & sistunt, siccantque, & humectant. Similiter autem in reliquis omnibus. Sunt & quae adstringunt, itemque alvum movent, & urinam cient. Sunt qui neutrum horum faciunt. Similiter & ex calefacientibus ac reliquis omnibus, alia aliam facultatem habent.* Ex hoc enim fonte, specifico nempe sapore, omnis ferè specificorum remediorum in morbis promanat efficacia, quod nēpe chelidonium majus, ceu expertum, curat icterum flavum cochlearia scorbutum, quod myrrha aut sabina Lunare mulierum tributum exigit, quod priapus cervi & ceti dysenteriam, papaver rhoeas pleuritidem, succus stercoris equini colicam, tam virorum quam mulierum, alias passionem hystericam, spiritus sanguinis humani epilepsiam, castoreum variolas, lumbrici arthritidem vagam sanent. Hinc namque cum HELMONTIO omnino asserendum videtur, in simplicibus perfectam esse curam & sanationem omnium morborum, ut non opus sit, semper ad sublimiora provocare arcania.

§. 13. Communis equidem scholarum mos est, per saporibus expiscari vegetabilium virtutes; sed duplex in eo deprehenditur error: 1. Quòd, relictis Hippocraticis potentiis, per saporibus calores & frigora dimetiri in iisdem aggressi fuerint, tamquam proprietatum cunctarum opifices; cum tamen qualitatibus elementalium cum saporibus nulla

nulla sit cognatio : 2. Quod Specificos singulorum saporos neglexerint, & ita gustato communis saporis cortice, nucleū appropriati, & singularem in eo latentem energiam rejecerint ; cum tamen hic ex propria eorum crasi oriundus, singulari ab eodem latantis facultatis sit index : ex specifica enim concretionis crasi, à semine oriūda specificæ simplicium dotes, eorumque indices, specifici saporos, prodeunt. Unde & hanc crasin, ceu optimam rei partem simpliciumque nucleum, in eorundem præparatione tam studiosè conservandum monet HELMONT. & ablatis aut trāsmutatis eum tegentibus nunc malignis nunc inutilibus scoriis, tanquam corticibus, in aperum protrahendum, ut sexcentis istis saporibus corpus nostrum infestantibus, ex dyscrasia potentiarum Hippocraticarum, & varia depravatione obortis, citò, tutò, & jucundè mederi queamus ; in quo excellentia liquoris *Alkabest* miræ est commendationis, non tantum ab HELMONT. *Tr. Dispens. Modern. §. 22.* primis prædicata, sed præterea quoque à STARKEY *Tr. Pirotechnie asserted. c. XII. p. 28.* propria experientia confirmata ; qui scil. resolvit vegetabilia in primam eorum materiam liquidam, discriminans in iis omnes heterogeneousitates, donec parvus liquor, crasin totius herbæ vel seminis integram in se continens, ab aliis separatus, sese seorsim conspiciendum præbeat. Nam in quàm-

plurimis aliis præparationibus, sive per ignem sive sine eo mediantibus solutionibus, aliisve operandi modis, in specie fermentationibus, simplicium crasis & hinc operandi ratio pro diversitate laborum additorum, aut separatorum, non parum immutatur, & alia quasi nova per artem ipsis imprimitur, ita ut talia chymica sæpius potius artis acquisita, quàm naturæ finitiva agant, idque imprimis minerali regno : Sic enim rhabarbarum cum sale tartari digestum omnem purgandi virtutem amittit : asarum in aqua bullitum, diureticum evadit, egregium tararum febrium remedium ; opium per acida virtute narcotica & anodyna omnino spoliatur : sal Tartari volatile vegetabilium venena, in specie napellum, levi digestionem omnino corrigit, teste BOYLE *Experim. Philos. p. 136.* Mercurius vitæ vomituriens per sal Tartari fit catharticum per inferiora ; per nitrum verò evadit bezoardicum : Luna per nitrum dat pulv. amarissimum, parva 2. vel 4 gr. dosi copiosè, absque ullo tamen nocumento, hydropicorum aquas educentem, facile denuò in antiquum iners Lunæ corpus reducendum : Auri dura compages præcipitatur in pulverem tonitrualem, qui tamen per sulphuris acidum omnino obmutescit, pro basi auri diaphoretici Poteriani singularium virtutum remedium. Et quanta hic non possint adduci, nisi respiciendus esset finis.

DISSERTATIO VI.

VALETUDINARIUM INFANTILE,

MICHAELE ET TMÜLLERO.

PHILOSOPH. ET MEDIC. DOCTORE,

Pro Publica Perlustratione apertum,

Mense Majo, Anni 1675.

R E S P O N D E N T E

GEORGIO HEINTKE,

Olsna-Silesio.

I. N. 3.

P R O O E M I U M.

Si quis alius, certè ingeniosus per Ignem Philosophus & Medicus HELMONT de tenera Infantum Valetudine est sollicitus, dum nutritione in eorum non solum ad Vitam sanam, quin potius ad Vitam longam, nova paradoxæque ratione instituendam, docet. Merito sane : Si quidem mutabilis ista, & instabilis Vita nostra conditio, uti communis sit omnibus hominibus, imprimis tamen infantibus propria magis esse videtur, quatenus sub tenera eorū constitutione, minusque valida viscerum structura, & fermentorum (speciatim istius, quod prima & fundamentalis inservit digestionem) nondum sufficienter exaltato vigore, quoscunque sub nutritione commissos errores graviter luunt, indeque fecunda morborum suscipiunt semina, quæ per totum subinde Vita cursum perniciosos fructus progerminare solent. Ut enim sub pubertatis tempore genitalis vigor, fermenti ad instar singularis, sanguinea massa inspiratus, spirituosiore in sanguine excitans fermentationem, & fermenta viscerum reliqua excitans, contractas sub nutritione infantilli lates subinde auspicio corrigit, & quasi absterget, ob id namque secundum HIPPOCRAT. l. 5. aph. 7. Epilepsia quibus ante pubertatem contingit, mutationem recipit, confer. Celsus l. 3. c. 24. Nihilominus hac ipsa superveniens alteratio, ad Vitam sanam suo modo conferens ad longam tamen reddendam hanc ipsam, inefficax & languida planè deprehenditur. Determinatur namque universaliter Vita longa aut brevis, sanaque aut agra, primario pro indole seminis parentum, & hinc secundum alimentorum & climatum bonitates, ita ut ipse inevitabilis Vita terminus divinitus præter ac naturaliter præfixus videatur, qui ex radicali vite seminalique primordio, secundum cau-

farum

V. eleg.
Epist. de
secretis
operibus
artis & na-
ture in na-
tura mira-
culis exper-
tissimi
Adepto-
rum Rog.
Baconis,
c. 7.

farum naturalium inviolabilem legem quibusdam brevius imminet, ab aliis longius abest, quousque scilicet primordiales in semine radicate potestates vitales se extendunt; quem amplificare mediis hactenus quidem cognitis & usitatis impossibile, attingere, legitimo causarum effectuumque regimine proclive, praevenire ex perverso earundem usu facile possumus. Huc namque alimentorum & climatum imprimis facit bonitas malitiaque, atterens per morbosos affectus robur potestatum Vitalium, easque plus minus enervans, adeoque & brevius & arumnosius reddens Vita curriculum. Horum insulsius refrenare quidem nonnihil valent regula dietetica, & rerum non naturalium rigorosum regimen: sed ad istum vitam terminum vix exacte sanam conservabunt vitam, nedum ut fines ejus ulterius queant extendere; adeo ut frustra sit CLAUDIUS DEODATUS, dum in sua Pantheo Hygiae ad 120. annos per dietetica media salubriter vitam producendi rationem docere nititur. Longe alia enim pro Vita longa indaganda sunt remedia, talia scilicet, quae vitam radicem ex seminali primordio oriundam, in sanguine seu parte primigenia explicatam, & in specie in parte ejus sulphurea seu principio activo, h. e. ut alias explicant, in calido nativo & humido radicali fundatam, attingant, eam quantum possibile sartam tectamque partim conservent, partim balsamica quadam virtute ab omni alteratione destructiva praeservent, adeoque primis nostris constitutis, ut loquitur Helmont. Tr. Arbor. Vita, assimilari vel adungi queant. Quae imprimis ex Vegetabili regno, seu medico inter animalia, & ipsa in radice breviter caduca; & mineralia seu nobis incompatibilia, proprie investiganda docet praefatus Naturae Consultus, & ex cedri incorruptibili ligno haurienda monet, cui alii balsamicam juniperi fruticem, Terebinthum alii, substituunt. Sed quam pauci hic desideratam obtinere possunt Phyllidem, cum & ipse Arcanorum Monarcha PARACEL-SUS cespitasse in hoc puncto graviter non paucis videatur. Si ergo ad vitam longam pertingere non aequale liceat quibusvis, saltem sanam hanc ipsam pro viribus conservare annuamur. Cum vero causas inter, propter quas tam brevi termino circumscribitur nostra vivendi aetas, simulque tot morborum arumnis continuo comitata decurrit, vix graviore inveniatur, ut ex supra dictis vel sponte patefcit, quam Parentum plus minus morbosorum character hereditarius, & hinc perversa puerorum nutritio, ita ut haec posterior unicus ferè sit fons, ex quo tantum non omnes infantiles morbose arumnae largiter scaturiunt, ac subinde toto vitae cursu pertinaciter egros affligunt; ob id affectum infantilium, ex erronea nutritione enascentium, & causas, & curandi, pariter ac praecavendi rationes, breviter hac vice delineare est animus, cui cepto Divinus Archiater clementer assistere velit.

CAPUT I.

Historiam Nutritionis Infantum, morborumque eorum tunc temporis frequentium, recenset.

S. 1.

Nutritio
foetus cum
Lacte.

Simul atque in lucem editus est foetus humanus, ligatoque funiculo umbilicali probe ablatus, lecto reconditur, ut collectis in utero materno recrementis excretis aptior fiat pro nutrimento Lactis, ex mammis vel maternis, vel ad id conductae nutriticis emulgendo, Quo ipso, loco potius ut plurimum sustentatur, eoque ob id frequentius propinato, adeo ut teneriores primis post partum mensibus subinde omnibus bihoris, post 3. vel 4. menses sexies aut septies, postmodum bis terve sub uno quoque solis circuitu lactetur. Hoc lactis Potu sustentatur ut plurimum annuo spatio, à quibusdam etiam biennio, rarius triennio, utut ultimis mensibus etiam potui locis patriis usitato sensim alluefieri soleat, donec perfecte à lactis usu removeatur, adeoque, ut dicunt, abla-ctetur.

Et cum
pulte.

S. 2. Cum hoc lactis liquido & quasi Potulento nutrimento sociare solent esculentas pultes, bis quotidie ad minimum, etiam saepius si adolescenti magis magisque easdem propinando, ex farina ut plurimum triticea aut secalina puriore, & lacte vel aqua paratas, quas nutritices quaedam prius in os proprium ingerunt, cum saliva propria colliquefaciunt, postmodum in infantum buccas intrudunt, sub finem mammam praebendo, ut superventu lactis diluatur probe, & ita facilius, ut sperant, concoquatur.

Morbi in-
fantum
praecipui.

S. 3. Sub hoc nutritionis cursu frequentissimis tenelli obnoxii sunt ægritudinibus, quae & ipsae post ablaetationem non statim desinunt, quin interdum facta ablaetatione demum se produnt, ob errores circa nutritionem commissos. Primitus intestinorum tormina frequentissime cruciant illos, cum quibus excreta alvi à consueta flavedine subinde deflectunt & obscuriori colore, subinde viridi omnino, prorraceam vocant Praetici bilem, tincta apparent: quin & cum hoc peregrino colore (rarius sine eo) eodem ipsa non in debita fluida aequaliter permixta consistentia cernuntur, sed in parvos quasi grumulos discerpta (mulieres dicunt, es geber von inben Wie ge-

hae Ktes, oder Wie gebae Kte Eyer,) procedunt: praer quas vitiosas excretiones & copiosior alvi fluxus seu diarrhoea non raro eos delassat. Juxta has passionibus & vigiliis pertinaces maxime necessariam junioribus somnolentam quietem tollunt, aut interrupti pavores eandem turbant, prodromi scilicet gravioris mali epileptici, cui vel maxime ista aetas est obnoxia, siue interiores abdominis tantum convellantur partes & thoracis, (quod nostrates vocant epilepsiam in ventre) siue externa simul concutiantur membra: Hypochondriorum praeterea flatulenta intumescencia, tumorque praecordiorum angustat eosdem, non minus quam difficilis respiratio, tussisque perquam vel ex eo molesta, quod aut nesciant aut nequeant rejicere ea, quae ad tussim proritant, nisi repetitus vomitus sponte natura vitiosa auspiciatò eliminet. Utut autem viscerum & membrorum mollis extensilitas aptissima sit pro uberiori augmentante nutritione, crebro tamen exarescunt potius, aut deficiente nutrimento atrophia laborant, aut nutriantur licet, vitio tamen hujus nutriticii succi parva non raro efflorescunt tubercula, in ulcera saniosa & cutaneas partes instar favorum in mellificio exedentia, aut tineae instar cranii tegmina erodentia: quibus malis nec linguae artificiosus musculus, nec palati concamerata structura, carent, quin ulcusculis aphthis appellatis infestentur. Ut nihil dicam de febribus variis, in specie lentis item de variolarum & morbillorum contagioso insultu, musteum tenellorum sanguinem, non minus quam paulò adultorum magis, febrili turgescencia & tantum non effervescentia turbante. Supervenit tandem & dentitio dolorosa eadem, & pessimorum symptomatum concitatrix; non secus ac intertrigo, seu cuticulæ tenerrimae hinc inde facta excoriatio. Ac ne malorum aliquid desit, Lumbricorum incondita turba, quibus non malis mulctat infantes? in intestinis qui hospitantur, dum Crinones seu capillares vermiculi intercutanea loca catervatim inhabitant.

S. 4. Talis tantaque malorum strages imminet pueris, ut rectè cum PLINIO in Praem. Lib. Humanæ
7. Hist. Natural. dicendum sit: à suppliciis vitae mi-
tam auspicatur homo, unam tantum ob culpam seria.
quia natus est; aut asserendum cum sapiente SO-
LONE: homo est putredo in exortu, bulla in
omniq. vita esca vermium in morte.

CAPUT II.

Originem Morborum Infantium declarat.

S. I.

...ha ref.
piratio
multum
habet in
recessu.

NON absque præmeditata ratione miratur **HARUEUS** de Generat. animal. Exerc. de Partu p. m. 501. qui fiat, quod foetus non tantum ultimis gestationis mensibus in utero, sed etiam tandem extra uterum, dum membranis adhuc integris est opertus, & etiamnum in aqua sua manens, per aliquas horas citra suffocationis periculum superest sit idem tamen secundinis exutus, si semel aerem intra pulmones attraxerit, postea ne momentum quidem temporis absque eo durare possit, sed confestim moriatur? Est æque, si non magis, mirabile videri possit, quod foetus ex tam subitanea, adeoque apparenter periculosa mutatione, quam subito simul atque ex claustris vapidis uteri materni in liberum apertumque irrumpit aerem, non statim graviter & ferè lethaliter ægrotet? quidhi enim loci calidi cum frigido, humidi anxiosque æstuarii cum aura sicca patulaque permutatio, & ab aere in pulmones primò irrumpente, & inde succedente reciproco respirationis negotio, maxima in sanguine facta mutatio, totius corporis sensibilissimam inducat alterationem? Tantam sanè, quantam post primam hanc inspirationem usque ad ultimam expirationem per totum vitæ cursu vix perferre videtur animal. Hæc ipsa tamen, quam tunc suscipiunt corporis mutatio infantes, non ad ejus destructionem, sed perfectionem potius, tendit. Plus sanè in recessu habet operosum respirationis negotium, quam ut vel fulgillum explosioni, vel sanguinis simpliciter refrigerationi, vel hujus saltem circulationi, vel soni formationi inserviat; modò attendamus mirabilem aeris naturam & effectus, simulque nexum respirationis cum Vita, ita ut quamdiu extra uterum vivimus, tamdiu etiam necessariò respiremus, & contra. Scilicet ad sanguinis perfectionem & spiritalcentiam vitalem primariò tendit hic aeris succus, ita ut hujus medio attenuetur & resolvatur sanguis in pulmonibus, & imprimis ejusdem sulphur hoc modo quodammodo resolvatur & volatilifetur, quo sub aucta fermentatione in Corde cum salibus sanguinis volatilibus coeat in Gas spirituosum volatile, seu spiritus vitales, calidos, & probabiliter lucidos, ac ita sanguis quasi accendatur. Quod cum rite fiat primitus in foetu, dum utero materno egreditur, non potest non ex debita perfectione sanguini tunc primitus inducta, adeoque ejus majori spiritalcentia & intensiori incallescencia ex aucta ejusdem fermentatione, cum rapidiori per omnes meatus circulo, & uberiori spirituum animalium proventu, indeque organorum corporis quorumcumque ad motum singulari nisu, foetus quasi noviter aut propriè animatus reddi, & vita perfecta animali dotari, qui antea in uteri materni claustris saltem plantæ cujusdam, aut zoopyti, vitam egisse videtur. Occultum nempe vitæ cibum in aere contineri, sublimiorum naturæ scrutatorum communis fert sententia; idque ratione salis sui, ut sic dicam, mirabilis, quæcunque penetrantis, solventis & volatilifantis, atque universalis quasi solventis. Unde tanta respirationis ad Vitam emergit necessitas, ut quæcunque animalia, simul atque ex ovis semel eruperint, aeris per necessario victu nunquam carere possunt, ipsis etiam insectis eodem indigentibus, non secus ac pisces, aquarum licet incolæ.

Quare infantes omnes non æque Lac matris perferre possunt.

S. 2. Cum ergo ad perfectivas potius, quam destructivas alterationes pertineat dicta foetus singularissima passio, quam primo in mundum ingressu suscipit, saltem hæc ipsa rationem videtur subministrare probabilem, qui fiat non rarò, quòd matres quædam cachochymicæ, & in specie nostrates scorbuticæ, quos in utero feliciter gesta-

runt, & optimè lacteo nutrimento aluerunt foetus, postmodum facta exclusione citra periculum lactare ipsæ nequeant, quin potius, si eosdem sanos conservare velint, conductæ ad id nutrici committere necesse habeant, qui aliàs sub proprio matris lacte, eo nempe, ex quo ipsæ partes corporis primò coaluerunt, adeoque iisdem appropriatissimum sit continuo ploratu, torminibus, non rarò quoque supervenientibus epilepticis insultibus, aliisque variis pathematis, non leves ægritudines testentur, subindè ad mortem terminantes: quæ omnia alieno lactis superveniente succu successivè evanescant, & non rarò cum optimo infantis habitu permutentur. Solutionem hujus dubii subministrat præfata sanguinis & totius corporis per inspiratum aerem alteratio, sub qua ipsa sanguinis citatiori fermentatione turgescit, & ab inspirato aere resolvitur, unde simul morbosa semina, sub nutrimento lacteo in utero matris communicata, excitantur, & ceu fermenta exotica partim sanguinis Crasin vitiant, partim alios à sanguine dependentes succos, in specie lympham & bilem, alterant, aut ipsum stomachi fermentum propeptichum inquinant, unde successivè large morborum affectuum segetes progeminant. Idq; eò magis, quò amplius simili, inquinato nempe à morbosa matre, lacte nutritur infans, & ita seminibus morboris, nempe igni oleum, aptissimum se multiplicandi subjectum subministratur. Simile ferè hic evenit atque id, quòd tempore verno sub renovati quasi aeris inspiratione adultis etiam crebrius accidit, ut scil. eodem tempore latentia & antea sopita morborum semina quasi evigilent, & varios affectus & corporis passiones, ceu tot flores, protrudant. Mature ergo à mammis propriis abigant necesse est matres tales suos foetus, & alienis in tali casu tradant, pauperculis licet mulieribus, modò sub moderata diætâ, & laborum continuato exercitio, sanguis magis & vividè existant, ut temperatò & salubri tali lacte opprimantur morbosa fermenta, imprimis salino scorbutica, & corrigantur sanguinis dyscrasie, quo constans & firma magis exinde conservetur sanitas. Ex hoc ipso etiam ratio indaganda, quare infantes, speciatim nostrates, recens nati, subindè tertio aut quarto à partu die efflorescentia cutis miliari purpurea, Germanis *der Friesel* dicta, affligatur, quatenus scil. ex respiratione facta Massa sanguinea intensiori fermentationis gradu agitata, Salia heterogenea precipitando separat, & ceu deculentias non rite miscibiles ex suo misto extrudit, quæ ipsa seroso latice, ceu communi nutrimenti & excrementi vehiculo, imbibita, occasione balnei recens nato instituti, & promotæ hac ratione liberioris perspirationis, ad corporis peripheriam, in specie glandulas intercutaneas miliares, deponuntur, ubi cum rubedine, pruritu, & aliquali subsequente excoriatione seu cuticulæ desquamatione, pedetentim exhalant. Reverà purpure nostratis origo ex scorbutica affectione matrum originem ducere videtur, cujus productum, inter alia pathemata, & purpurata hæc existit efflorescentia.

S. 3. Monitum fuit supra S. 1. ex spiritalcentia majori sanguinis ab inspirato aere promota, indeque spirituum vitalium & animalium concitatiore impetu, in organis quibuscumque insignem ad motum nisu excitari. Exinde namque originem ducit, quod foetus recens editus non tantum artus valide moveat & vibret, adeoque digitos variè inflectat, sed quòd in specie urinam brevi post per urethram emittat, crebriori vomitu cruditates stomachi ejiciat, & alvicrementa varia protrudat. Quæ ipsa in utero nunquam naturaliter excernuntur; adeò, ut certum signum foetus in partu, ex labore & nimio conatu mortui, referatur (*VELSCHIO de Agagrop. Diss. 2. p. 61. cur. 6.*) si meconium seu alvi excrementum, antequam foetus prodierit, emittatur; ut ut contrarium huic asserto exemplum reperitur apud

Excreta
infantum
naturalia.

RULANDUM *Thef. Curat. Empir. p. 300. f. cent. 3. c. 66.* Sternutare etiam interdum fetus recens exclusus observatur, dum ex membrana narium irritata, nervis intercostalibus per consensum connexionis affectis, etiam convulsiva partium, quibus inseruntur, sequatur commotio & concussio. Hæc ipsa tamen omnia, cum opera potius sint naturæ, quam morbosa symptomatica, ob id propius ad affectus præternaturales accedamus.

Capita generalia
causarum
morborum
infantium.

§. 4. Causas ergo generales dum evolvimus affectuum infantilium supra enarratorum præternaturalium, duæ principales se offerunt, unde omnes supra memorati affectus primam nanciscuntur (excluso tamen semper vel vicio parentum hæreditario, vel aliunde hausto fermento contagioso) originem; nempe obstinat *retentio excernendorum*, & perversa *ingestio nutriendorum*; ibi quidem eminet fecum primarum viarum, & in specie *Meconii suppressio*, & hinc insensibilis *transpirationis oclusio*; hic verò primario se offerunt *Vitia Lactis* & *Errata Pultis*.

Cap. 1. retentio meconii.

§. 5. Fæces primarum viarum quod attinet: præter ventriculum, albicante plus minus lætaque materia refertum, pituitosa & flava, interdum variegata,crementa intestina tenuia occupant; sicuti in crassioribus excrementa duriora, crassiora, & quasi picea ex viridi nigrescentia, papaverculum seu meconium quibusdam appellata (utut meconii vox generaliter **HIPPOCRATI** *de Vitis. acutor. f. 96. nu. 9. quod primum natis exit excrementum, denotet*) hospitantur, & omnia ex nutrimento, per os sub formatione & nutritione fetus in utero hausto, genita sunt. Hæc ipsa maturè ex corpore infantis expurganda sunt, ne retenta diutius aut pertinacem alvi obstructionem inferant, aut lactis nutritivi distributionem impendant, aut sub distributione per intestinorum gyros idem corrumpant, & æruginoso virore tinctum ad corruptionem disponant, aut intestinis pertinaciter adhærendo, & acrimonia acida rodendo, tormina crudelia inducant. Constans sanè Prædicorum est sententia, frequentissimum atrocium torminum, ut & epilepsiæ, esse fomitem feculentiarum harum diutina nimis retentio, & hinc in deterius corruptio; sicut & Icterus tertio aut quarto die à partu infantibus supervientem, imò ipsis interdum connatum, ex harum quisquiliarum fonte non ineptè alii derivant. Ipsa Natura provida ordinaria lege brevi à partu vomitu pariter & secessu hæc ipsa feculenta quantocumque ex œconomia animali proscribit, etiam antequam aliud quid moliatur, præmonstrans his ipsis viam ministro medico, quid sub tardiori ejus conatu ipsi agendum sit? Præ cæteris meconium malè audit, idque suo merito, acidum nempe præternaturale est, quod in ejus recessu peccat. Cum enim oriatur ex nutrimento fœtus in utero quasi lacteo, nil aliud esse videtur, quàm crudior caseus, a reliqua nutritiva substantia sequestratus & quasi præcipitatus, qui ipse acorem à stomacho semel conceptum plus minus retinere solet, indeque occurrendo bili in intestinis cum eadem in obscurum ex nigro-viridescentem colorem coit, & pedetentim mora in intestinorum cellulis diuturniori coagulatur firmitus: quæ ipsa mutatis mutandis & reliquiscrementis accomodari possunt.

Cap. 1. Transpirationis oclusio.

§. 6. Pergo ad insensibilis transpirationis morbosam in infantibus oclusionem, cujus quanta in omni vitæ genere & statu sit necessitas pariter & quantitas, eleganter docuit **SANCTORIUS** in *Medicina Statica*, adeò ut corpus nostrum in continuo fluxu constitutum atmosphæram certam ubique in ambitu circumfundat. Præ cæteris infantes, cum copioso sustententur nutrimento, ob id necesse est, copiosè quoque transpirent, partim ut nutrimenti tam universalis seu remoti, Massæ sanguineæ, quàm particularis seu proximi hinc inde distribuit, puritas ab omni vel heterogenea vel effeta feculentia, par-

tibus non assimilabili, facta testaque conserventur: partim si quid fæculenti sub nutritione enatum ipsis commistum fuerit, ex partibus solidis eliminetur. Iam verò infantum corpora ordinariò quasi crusta aut lanugine viscida & glutinosa obducta esse solent, ex liquore nutritivo, in quo innatant, successivè cutis extremæ regioni adhærente, à qua ipsa insensibilis halitus effluxus insigniter impediri solet. Retenta ergo talia transpirabilia in massa sanguinea si coacerventur, hujus æquabilem turbant fermentationem, & ad febres ordinariò disponunt; sin verò sub poris cutis deposita hæreant, corruptionem subeunt variam, & cum salinæ simul esse soleant prosapiæ, & falso sapore, adeoque composito, sint insignita, plus minus licet, (vid. **TACITUS** *Hippoc. Chym. p. 78.*) facile acrimoniam intensam vel fallam simpliciter, vel, idque ut plurimum, falso-acidam contrahent; unde digestionem particulari seu privata partium subcutanearum turbata, cutanei affectus efflorescunt, alterato & corrupto ab illis retentis nutrimento earum proximo, & pessumdato plus minus fermento istarum partium digestivo. Quæ ipsa eò promptius eveniunt, si & ipsum transpirabile ex nutrimento minus temperato oriatur, siue propria culpa tali, dum in se ipso acrius, falsius, aut facile acescibile, aut alias plus minus vitiosum extiterit, siue digestionis primæ errato, vel non corrigentis nutrimentum minus adæquatum assumptum, vel ipsum acore præternaturali inquinantis, tale redditum fuerit. Quod si verò temperata magis pinguiq; extiterit transpirabilia retenta, adeò ut minus ad acrimoniam falso acidam degenerare queant; cohibita tamen partim propria natura, partim tepore loci humido, in infantibus semilacteis ad putredinem ruunt, ex emergente tunc alcali d. struente acidum, qua occasione larga animalculorum variorum seges successivè emergere solet.

§. 7. Erat hæc excernendorum retentio, ad nutriendorum vitiosam pergo ingestionem, ubi primario se offerunt *Lactis vitia*: quorum primum est, si fuerit *alienum*. h. e. dum non à propria matre tenellis porrigitur mamma, sed nutricibus hoc negotium committitur. Quod ut pateat clarius, præsuppono, i. fœtum in utero materno nutriti non solum per umbilicum, sed simul etiam per os: vid. *Dissert. SEGERI de Hipp. Orthod. & Democr. Heteropd. in Nutrit. fœtus, it. CL. de la COURÉE Tr. de nutrit. fœtus in Vtero, it. HARUEUS de Generat. Animal. Exerc. 58 it. 56. & Exerc. de humor. 2.* Nutrimentum utrobique non esse sanguinem, sed lac seu chylum lacteum, cum sanguine per arterias (cum aliæ nondum repertæ sint viæ, in vaccis licet lactantibus instituta fuerit inquisito anatomica) ad uterum delatum: vid. præter loc. cit. **NEEDHAM Tr. de format. fœt. cap. 1. 3.** Lac mammarum & ipsum reverà esse chylum, in mammarum glandulis secretum, & ductibus particularibus exinde ad papillam delatum: vid. **DEUSINGIUS de Lacte, & CHARLETON Exercitat. de Galaxia**. Iam verò unicuique mulieri suum proprium est lac, seu specialis lactis proprietates ac idiosyncrasia, (ut taceam lac diversum in una mamma observatum fuisse ab eo, quod erat in altera, à **LYSERO Observ. XI. annex. Cultro suo anatomico**,) oriunda ex speciali fermenti digestivi stomachalis differentia, (nam hoc in unaquaque specie magnam subit latitudinem,) secundum quod, ut in unoquoque individuo, tam naturaliter quàm præternaturaliter constituto, distinctus est appetitus, ita etiam distincta digestionis est ratio, eorundem licet assumtorum. Diversum ergo lac mammarum nutriticis à lacte uterino matris, in stomacho infantuli, ipsi alias non assueti, (cum consueta longo tempore, licet deteriora, insuetis minus molesta esse soleant, **HIPPOCRATES** *f. 2. apb. 50.* indeque ob intimam symbolizationem assumendorum è fermento) non potest non subire corruptionem, & lædere insigni-

Cap. 3. Vitia Lactis i. alieni.

ter digestionis primæ arduum negotium, quin & distributum ulterius ad Massam sanguineam, heterogeneitate sua turbare huius crasin, & fermentationem Vitalem, antequam successivè stomachi fermento alterato, & sanguinis crasi immutata, conveniens magisque homogenum fiat nutrimentum, cum generalis stomachi digestio prosit quibusq; singularum digestionum coquinis. Instituantur licet varia lactis examina, bonitatisque ejus scrutinia, fallax tamen est, quod ex consistentia, colore, sapore, pinguedine, &c. judicare volunt Practici, cum insensilia ut plurimum sint vitia, quæ lactis corrumpunt miscellam, (ut non tantum in feminibus morboris, cum lacte transplantatis, sed in specie vitii morali, per lac insensibiliter communicatis, est manifestum) adeo ut revera lactis conditiones & vires meriendæ sint ex sanitate bestiae, vita ejus & Cibis; vid. HELMONTIUS *Tr. sextupl. digest. §. 74.* Cum verò nutrices adscititiæ sint ut plurimum pauperculæ, & quibuscunque edulis subinde latrasti respondeant stomacho, vix fieri potest, quin & Cacoehylia, & inde oriunda Cacoehymia, laborent. Morbosæ hæc proprietates naturales uti per lac communicantur à nutricibus, ita non minus etiam morales, de quo merito conqueritur HELMONTIUS *Tr. Infant. Nutrit. p. m. 523.* cum legitimo sensu verissimum si illud GALENI, quod mores sequantur temperamentum corporis: sic puella ver. g. observata fuit admodum siticulosa, ex nutrice bihacula, à DEODATO *Valerud. p. 26.* Cum & brutales proprietates & mores cum lacte in infantem penetrent, ac in vitam perseverent, ut in pueris à Cervæ, item à capræ lacte nutritis observatum fuit. Sed hæc cum minus faciant ad scopum nostrum, ob id vel summis labris ea delibasse sufficiat. Quæ ipsa de lacte ex chylo elaborato explicata hætenus, fortius adhuc eos stringunt, qui ex sanguine lactis fontes derivant. Consultissimum ergo fuerit, ut matres sanæ, vel non admodum morbosæ (tali enim in casu observanda venit thes. 2. sup. à explicata) proprios nutrant fœtus; de quod vid. SENNERTUS *Tr. de Morb. Infant. P. 1. c. 1. qu.*

V. d. Re-
jes cam-
pui Ely
quæst. 47.
pag. 586.

An loco
lactis a
liud nu-
trimentum
conveniat.

§. 8. Hæc ipsa simul ostendunt, quàm aliena sit à vero eorum opinio, qui consideratione facilis corruptionis lactis in infantibus, indeque naturæ variorum malorum, alio potius nutrimento quàm lacte tenellos cibare & educare malunt, adeoque vel hordeata juscula, vel ex crepatura hordei, additis vitellis ovorum, emulsioni similem misturam, vel juscula avenacea, vel amygdalarum emulctum lacteum succum, aliudve simile substituant; quod etiam nutrimentum HELMONTII pro pueris *Tr. Infant. Nutrit.* pertinet, ex pane tantisper cum tenui cerevisia bullito, cum melle. Siquidem nec frustra, nec sine prægnanti ratione, aut ornatus saltem gratia, mammæ mulieribus, & in iis mox post partum Lac, non secus ac reliquis brutis terrestribus, uti & quibusdam aquatilibus, concessum fuit à Natura, quin hæc ipsa potius digito quasi inrento hanc fœtum nutritionem monstraverit. Hinc aves mammis carentes earum defectu grana deglutita, & in ingluvie aliquali mora macerata, ac ita ad fundendum citius lacteum suum nutrimentum prædisposita, evomunt, denuo pro meliori pullorum sustentatione. Teneior siquidem infantum est stomachus, minusque exaltatum fermentum eorum digestivum, unde quæcunque ferè ingesta laboriosam saltem, si non & defectuosam, penitus redderent digestionem, quæ facillima & summè nutritiva erit, dum lac ceu chylus, jam ante in nutrice elaboratus, ipsis suggeritur; talis scilicet succus, ex quo & primitus machina eorum corporea constructa fuit, & ipse fœtus jam in utero sustentatus, & quem ceu jam consuetum facillimè digerere & concoquere potest. Quod si quædam ex lactis alteratione in infantibus metuenda erunt pericula, ea sanè in se sunt facile corrigibilia, modò maturè & legitime iisdem occurratur: Unde & rarissima eo-

rum observata fuerunt exempla, qui defectu nutrimenti feliciter adoleverint.

§. 9. Nam si vè nutritrix sive mater sitienti satisfecerit puerulo, nisi sana vegetaque gaudeant corporis œconomia, indubitatum est, morborum semina radicesque firmissimas in eum, tanquam per medium fomitem, transplantari. Lithiasin per nutricem in puerum derivatam, notavit HELMONT. *Tr. Nutrit. Infant. ad V. L. Lue* venerea per matres infectas puellas inquinatas binas observavi in Nosocomio Paravino: Nutrices habitus serosioris affectus catarrhales proclives reddere, quos nutriunt infantes, compertum est: Scorbuti labes multiformis per mammas propagari in sugentem, nemini mirum, quum contagiosa ejus indoles sit notissima. Sed res ipsa cum loquatur, quid opus ulteriori diductione? Quin etiam sana licet in proprio corpore deprehendatur nutritrix; si tamen propriæ constitutionis causa, idque ex rationis peculiaris in stomacho digestionis, vel serosioris & salioris sanguinis constitutionis, vel certæ in glandulis mammæ texturæ, serosius, acrius, aut salius, aliòve modo minus conducens infanti lac colligat, etiam citra suggestis noxam id propinari nequit, quin nutrimentum tale, ipsi minus appropriatum, hostile & inimicum evadat.

§. 10. Sed utut sanctissima etiam sit mater vel nutritrix, tamen tenello infantulo ipsum lac probe excoctum, crassius, spissius, adeoque uberius nutrimenti, non æquè primo statim haustu convenire vel ex eo sit manifestum, quod in utero materno adhuc conclusus fœtus nutrimentum lacteum per os hauriat admodum subtile, perque duplicem chorii & amnii membranam probe filtratum & depuratum, quo teneriora facilius perluat abdominis viscera. Ob id provida mater natura post partum in salutem edidit fœtus non statim lac perfectum pinguius & spissius subministrat, sed præmittit Colostrum, h. e. serosioris tenuioris Chylum, ut hic ipse minus stomacho faceat negotii, quin potius serositate salina abstergat blandè stomachi mucum, intestinorumq; sub gestatione collecta recrimenta expurget, ac virtute diuretica organa urinaria probe eluat, ut ita supervenienti successivè alimentoso magis lacti facilitetur digestio, & impediat facillima ejus corruptio, cum reverà tale Colostrum sit alimentum medicamentosum. Hinc istud, quod die primo scaturit ad mammas potentius purgat; quod secundo & tertio minus, donec succedat purgatrici vis nutritrix. Quàm pessimè ergo suis consulunt natis qui robustis aut obesis, aut quæ jam aliquandiu lactant, nutricibus mox tradunt eosdem, à quorum lacte butyroso & caseoso nimis gravatur tenellus stomachus, & digestionis opus inde insigniter retardatur, ac cruditati acidæ lactis coagulo promptissima occasio subministratur. Illustrat hæc epilepsiæ exemplum, aliquot filiabus lethale, ex nimia lactis, materni licet, butyrositate & pinguedine, quod recenset HOFFMANNUS *Tr. de usu & abus. medic. C. bymic. p. 49* Quod si verò matres nutrire intendant suos fœtus, quo quæso consilio corrigunt naturæ prudentissimos conatus, & tam studiosè emulgent salutare hoc colostrum, quasi nocere possit infanti, quod ceu divina medicina ipsi propinandum foret? Id quod etiam contra quendam Medicum urgit sufficienter VESLINGIUS *obs. & Epist. 28. p. 123.* & ante eum SPIGELIUS in erudito scripto de formatio fœtus c. 13. p. 16.

§. 11. Sed tolerabile adhuc, quia facile corrigibile, esset hoc erratum, nisi gravius longè, familiarissimum licet, se offerret, nempe superflua & ordinata, & tantum non coacta lactis infusio, qua matres pueros suos nimis alendo sæpè necant, & dum lactant maciant, ut rectè observat KERCKRINGIUS *specileg. Anat. Observ. 40.* Dum ad quemlibet ex quacunque causa excitatum infantis ejulatum, ipsi reuerti licet, subinde papillas in os intrudunt, ac lac sugere

Vitia La-
ctis 2.
Morbosi.

Vitia La-
ctis 3. ni-
mis nu-
tritivi.

Vitia La-
ctis 4. su-
perflue
ingesti.

surgerè cogunt, priori, licet crudo adhuc, subacido & nondum concocto in stomacho hærente, unde novi superingesti necessaria congruementia, caseatio, ac utriusque in pastam acidam, viscidam, corruptio succedit: unde Pylorus indignatus vel se pertinaciter stringit, qui alias de seipso in pueris arcto munitur sigillo, observante hoc etiam laudato *Kerkringio c. l.*, & planè non, aut difficulter saltem talia caseata transmittit, ut ulteriori mora in loco isto tepido in deterius, ac ex cruditate acida in corruptelam putredinosam labantur, ac in liquamina putrida, flavescentia, nidorosa, &c. tandem degenerent: vel graviore furore percitus idem Pylorus, saluari licet effectu, per gulam omnia ista vitiata remittit: vid. *HELMONT. Tr. Infant. Nutr.* qui Tragediam hanc graphice & eleganter delineavit. Præstat sanè hic peccare in defectu, quàm in excessu, cum repletiones ad extremum productæ graves esse soleant, teste *HIPPOCRATE s. 1. aph. 4.*; & sicut repletio omnis, in specie panis in adultis, ita sanè lactis in tenellis, est pessima: hinc enim consequenter *impura corpora, quo magis nutriveris, eo magis læseris: HIPPOCR. s. 2. aph. 10.*

Vitia lactis 5. per malam diætam depravati.

1. Quoad assumpta.

§. 12. Periculosius jam urget Fatum misellos lactentes, ex perversa & sæpiissime inordinata lactantium diætâ, circa quam saltem *alimentorum promiscuam ingluviem, affectuum neglectam refractionem, & excernendorum pariter ac retinendorum peccata* considerabimus.

§. 3. Sanis quidem omnia sana, modò per internam appetitus dictaturam imperentur; quod enim sapit, nutrit; adeò ut in sanis scrupulosus alimentorum delectus reverà sit frustraneus: quin potius, si appetitus circa aliquod objectum feratur intensius, imprimis consuetum, (nam in insuetis appetitus subinde medicamentum querit,) vix denegandum sit, quia fermentum digestivum potenter quælibet in sui ditionem trahit & coerces, utut talia cum moderamine mediocritatis propinanda sint, cum sobrietas rectè cardo totius dicatur diætæ: id quod nutricibus conductitiis in specie observandum, ut plurimum egenis, adeoque famelicis, & frequenter nimio nutrimentorum excessui primitus indulgentibus. Lactantes tamen præ cæteris tenellos respicere debent, cum leve illarum erratum, utut ipsis innocuum, his graves subinde inducat passiones & assumptorum plures proprietates in Chylo persistentes, utut plus minus infractæ aut alteratæ, sui tamen præsentiam in lacte manifestò exerant, & anisum pro augmentando aut corrigendo lacteo chylo assumptum, sui in eo præsentiam odore testetur; non secus ac florum sambuci in lacte decoctorum insons esse solet potus, imò admodum proficiuus pro lactis augmento, quos tamen observavi à nutrice fortius dicto modo decoctos, & liberalius potatos, & ipsi lactenti copiosum excitasse alvi profluvium: confer. *BARTHOLINUS Centur. 2. Histor. 63. p. 338.* Nil dicam hic de purgantibus, quæ nutricibus propinata infantes purgant, & omnia imprimis propriè dicta infantibus sunt inimicissima. Tacebo peculiare idiosyncrasias infantum, quo ad certa assumpta à parentibus transplantatas, quæ à nutricibus neglecta graviter tenellos lædunt; quarum exempla recenset *DIGBY de Natura Corpor. Tr. 1. c. 38. p. m. 424. 436.* Verùm in specie urgeo acida quæ sive sint condimenta, sive potulenta, etiam Vinum, (in non assuetis) sui vestigia in dulci Lacte relinquunt, utut sensibus abscondita, postmodum tamen torminum infantilium ex acido rodente autores: Unde & cautiore matres, dum foetum in utero inclusum gestant, acida nimia fugiunt, ne præmaturè insontes torqueant, aut fomitem epilepticum ingenerent: id quod sæpius observavit *Celebr. SYLVIVS*, quod nempe infantes nati à matribus, acido non adeo indulgentibus, epilepsiæ minus sint obnoxii, idque etiam adeò pluribus matribus prædixit. Cum præterea acidorum abusus ad abortum gravidas dis-

ponere rectè asseratur à *BECKIO in Medit. & Experim. p. 214.*; quod etiam de Vino, quod nempe foetum pellat, asserit *HARTMANNUS Prax. Chym. c. 228. §. 3.* Unde etiam *JOH. ANT. von der Linden, in Comment. super hunc locum*, primis gestationis mensibus Vinum gravidis, in specie, ut vocat, calidioribus, prohibet metu abortus, quibus ultimis duobus vel tribus mensibus Creticum aut malvaticum, in parva tamen dosi, concedit. In quo tamen acido frequentissime peccatur, amicum enim ac gratissimum cum sit stomacho, tantum non quotidianum ejus percipimus appetitum. Caseo itidem non immeritò interdicatur nutricibus, nè hoc tanquam præmaturò coagulo ad grumescentiam præternaturalem jam in mammis lac disponatur. Cervisia non ritè fermentata, aut sæcibus turbata, utut robustiores in nutricibus intestinorum tunicas minus afficiat, à fermento stomachi ferè subacta, pueris verò quod diarrhoeam torminosam excitet, compertum est: Id quod similiter de fructibus horæis succulentis, facile fermentescentibus, manifestum est: sicut aridiores è contrario alvum pertinacius sistunt; quod contigit in infante cujus nutrix avidius castaneas assumserat, teste *TIMÆO l. 5. Cap. 15. p. 252.* Cautas ergò nutrices esse jubeo in assumendorum ratione, plus minus tamen, prout nempe aut consuetudinis, aut digestionis primæ, vel absolutioris vel deficientis, adeoque subactorum plus minus & alteratorum à fermento digestivo ingestorum in iis fert ratio.

§. 14. Affectuum exorbitantiæ jam attingendæ sunt, quorum inordinatus insultus, ut generaliter spiritus animales totumque genus nervosum, & his medianibus massam sanguineam & reliqua corporis contenta liquida commovendo insigniter alterat; ita specialiter nutrientium depravat lac. Præ cæteris iracundia & terror nutricum nimis nocentissimus est infantibus, & ab utroque, in specie priori, epilepticas excitari convulsiones, notissimum est. Turbant sanè affectus omnes concoctionis primæ negotium, adeò ut ex tristi nuntio, esurienti inopinato allato, adeoque incusso sic terrore, statim pereat omnis appetitus, unde digestionis consequenter impedimenta, & cruditatum acidorum occasiones: qui effectus itidem ex iræ furore expectandi sunt, sub cujus fervore vel maximè sanguinis ebullitio & quasi febrilis effervescètia cum bilis orgasmo, considerandi veniunt. Ex alterato ergò ac depravato chylo simile generabitur Lac, aut hoc genitum licet in statu pacato, sub intestina tamen affectuum rebellionem, & inde nata omnium corporis contentorum à spirituum vario ac præternaturali impetu, non potest non insigniter alterari, & variè commotum ac quasi secundum minima concussum in partes secedere, & butyri ac casei ex seroso vehiculo quasi separationem præternaturalem pati. Vix sanè quicquam frequentius est, ac terrorem, non minus quàm iram, lactis inducere coagulum, ac in mammis grumescentiam; unde tandem inflammationes, dolorosissimique abscessus, & in specie erysipelata superveniunt; sicuti à tali lactis semicaseati suctu mille malis insons mulctatur infans, & specialim ad epilepsiam ordinariò disponitur. Observavi juvenulam primiparam, quæ suum alitura infantem, pro uberiori lactis proventu, & meliori papillarum protuberantia, simul catellum subinde mammis admovebat. Evenit casus, ut graviter perterrefieret puerpera, unde repente, ad se cum redisset animus, catellum mammas exsugere permittit, ne alterato isto lacte foetui noceret: quo factò brevi post gravi epilepsia corripiebatur Catellus, quæ propinata Theriaca & insequente gravi sopore, demum evanuit. Sed præter has sensiles coagulationis, & grumescentiæ qualitates nocivas, & alias multivarias difformitates induit lac, ex tam variis affectuum fluctibus: quibus sanè non tam matres, quàm specialiter, nutrices; obnoxie succumbunt, quarum singulæ infantis nutrimentum lacteum morbo-

Quoad 2. animi Pathemata.

Quoad 3.
excreta.

se disponunt, & ita foetus sanitatem graviter labefactant.

§. 15. Ex retorum supersunt considerata in nutricibus errata, quæ inter menstruorum consideratio primatum obtinet. Supprimi hæc ipsa, ut in gravidis, ita & in lactantibus (probabiliter in salutem foetus) naturæ respondet legibus; in habitioribus tamen, sanguine turgescitior præditis, viraginibus dictis, tam primis gestationis mensibus, quam ipso lactationis tempore, eadem ordinaria erumpere periodo observantur crebrius; collectore Exempl. *SCHENKIO Observat. pag. 574. & 630.* Quoties verò sanguinis ista contingit excretio, toties sensilis in tenellis observanda venit alteratio, qua languidi, lachrymosi, ac imbecilles fiunt, donec obturato denuò sanguineo fonte, dicti languores etiam denuò remittant. Id quod itidem observatum à **PAULO ZACCHIA** *Quæst. Med. Legal. lib. 7. Tom. 9. quæst. 2. pag. 499.* Singulari scilicet fermentativo motu sanguis sub menstruationis tempore agitur & turgescit; unde & menstruum febrem, seu omni mense, quum sanguis per genitalia evacuetur, recurrentem, ex aciori scil. effervescencia observavit **LINDANUS** in *Coll. manuscript. super Hartman. Præm. Cbym.* Quidni ergò lact tunc temporis & similem fermentativum concipiat motum; qui & turbet infantis primam digestionem, & vitalem sanguinis fermentationem vitiet? forsan simili quodammodo ratione, atque quando adulti cerevisiæ potui vel vini adfueri, ex potu talis liquoris adhuc nonnihil fermentantis, ceu extraordinarie affecti, subinde non leviter læduntur, Verum enim verò insignior longè lacti imprimitur alteratio, si per sæcundum coitum nutricis impediat menstruat; ad corruptionem exinde lac disponitur, & horridam quodammodo acquirit impressionem, foetui ferè abominabilem; id quod & in brutis observabile est, ut curioso exemplo observatum à **GRAFFIO** *de Org. Viror. Genit. pag. 126.* Lac ita depravat, ne dicam corruptum, ab infante haustum degenerat in ejus stomacho in vitiosum casei coagulum, tenello infantis stomacho mirè infestum, adeo ut eidem stigma per totam vitam durabile imprimatur; unde casei aversionem jam multis familiarem, non absque summa probabilitate deducunt *Schockius lib. de Aversat. cas. & Ill. Digby. de Nat. Corporum cap. 38. pag. 437.* Ob id & Medicorum est præceptum, ut toto lactationis tempore nutrices a coitu abstineant: unde etiam lactantes matres, à redditione debiti excusat, propter insignia foetus nocumenta; **PAULUS ZACCHIAS** *loc. supr. cit.*

Cap. 4. Vita nutris
1. in præparatione

§. 16. Hæc vitia lactis fuere: restant adhuc errata Pultis ceu secundum genus errorum in assumptis. Detestor autem in pulte imprimis farinae crudæ usum, quæ cum lacte vel aqua subacta & cocta, ac in pulmentum instar viscosi glutinis redacta, quid aliud dabit, quam pastam tenacem, crudam & viscidam, utiliore bibliopægis pro glutinandis chartis, quam infantibus, ro nutritione? siquidem ob fermentationis farinae in panificio, pro adultis etiam summè necessariæ, defectum difficillimæ eadem existit digestionis, quia laboriosæ in ventriculo fermentationis. Panis ex quacunque farina confectus, non rite fermentatus, ac ita pro digestionem stomachali facilius suscipienda, & in aliis unà assumptis promptius adjuvanda ineptus, ex defectu acidi spirituosius volatilis; crudam farinae mucaginem solventis & volatilis, quantum noceat sanitati, etiam adultorum, & quàm sæcundus sit genitor morborum chronicorum, præter quotidianam experientiam vel muliebris loquitur sexus, ex talis panis usu menstruorum patiens defectus & cachexias, ut pluribus videri potest *Kergerus de Ferment. §. 3 c. 2. p. 216. & Schockius de Ferment. c. 2. §. 3.* Ast robustus est adultorum ex spirituosiori ac aciori fermento stomachus, debilis è contra infantilis; Ingere tale pulmentum glutinosum &

viscidum, & superaffunde lac butyro & caseo pingui turgidum, quid putas futurum exinde in stomacho infantili? tenax nempe & glutinosus, vitiosoque acore intensè tinctus emerget mucus, mille malorum in junioribus talibus sæcundus parens. Compertum sanè est, sponte sua & faciliè quamlibet farinam liquore sufficienti subactam, & in loco tepido asservam, acescere insigniter, & hinc fermentare & spumose turgescere, etiam citra fermenti additionem: id quod si fiat in stomacho infantis, ex præternaturali & stomacho peregrino pultis acore corrumpitur superingestum lac, & in grumos caseos denatur, adeoque tota digestio prima exinde depravatur insigniter. Potius ergò farinae talis, pro meliori digestionem, fermentativa præparatio extra corpus præmittatur, quàm quod cum tanto sanitatis periculo eadem in stomacho demum instituenda supponatur. Perplexerunt hoc & rejecerunt ob id tales pulles jam olim plures insigniores Medici, uti de hoc videri potest *Velschius de Vena Medinens. sive Dracunculis Veter. Exercit. de Verm. Capill. infant. p. 261.* conferatur simul *Hildanus Cent. 6 Obs. 34.* qui periculosissimam pylori obstructionem à tali spissa pulte natam, observat.

§. 17. Post pultis præparationem culpo etiam ejus usurpationem, dum nutrices eandem prius in ore volutant, & salivæ permissione debitam fluiditatem conciliant, indeque infantis ori intrudunt. Jam verò salivæ singularis est vis fermentativa, à modernis sufficienter declarata, ratione cujus proficua sanè esset ejus cum pulte miscela, si exactè sana nutrix eam institueret: sed cum ratione hujus virtutis fermentativæ etiam morbofa contagia sub ejus vehiculo promptissime communicentur, seque multiplicent ob id minus istam nutricis delibationem permittere possum, cum exinde facillimè ad morbosam corruptelam plus disponatur, imprimis si tantillum scorbutici fermenti gingivas & salivam inquinaverit.

§. 18. Detectis ita remotioribus causarum morboficarum fontibus, dum exactius nocendi rationem proximam seu rationem causandi inquiremus, perspicuum evadit, succum vitiose acidum, nunc viscidum, nunc aqueo serosum, defectu primæ digestionis, in ventriculo, ejusque in intestino duodeno perfectionis, adeoque ex cruditate acida coacervatum, esse causam proximam & radicem, ex qua tot morbi infantiles frequentissime propullulare soleant. Hunc sive Galenicorum pituitam acidam, seu Paracelsitarum sal acidum seu Tartarum sæcalem appellare velis, mihi perinde est; simus namque in verbis faciles modò in rebus conveniamus. Facillimè scil. lac, seu sanum seu alteratum, in stomacho tepido præternaturaliter acescit, idque eò magis, quo copiosius aut inordinatius ingeritur; hinc spissescit, & facta per coagulum feri à contentis separatione, casei cum butyro perniciosus grumus nunc in stomacho, nunc in intestinis sublidet, & plus minus pertinaciter agglutinatus hæret, conferente symbolum pulte farinaceæ cruda & viscida faciliè accessibili, unà cum retento & plus minus corrupto meconio, unde ex conditione loci, h. e. stomachi calidi, & ratione contentorum recrementorum, uti & ingestorum lacteorum & pultaceorum, intensus acor necessariò & de facili oritur, qui nunc materia viscida irretitus, in primis viis suas ludit Tragedias, nunc vehiculo aqueo seroso & lymphatico ulterius distributus, etiam aliis & remotis in locis mille malorum existit artifex. Clara hæc evadunt spontè, modò superioribus thesibus explicata probè consideremus, in specie in *Thef. 1. 7. 9. 10. 13. 14. 15. 16. & c.* simulque observemus, pleraque infantium mala per remedia acidum destruentia, de alcalium tam volatiliū quàm fixorum profapia, uti & per aromatica salina volatilia Oleosa, optimè percurari.

§. 19. Quæ tamen ita intelligenda sunt, non quasi alia nulla in corpore tenello sint errata, quàm quæ ex dicto acido oriuntur; ubique enim excipiendi sunt hæreditarii morbi, uti &

2. In usurpatione.

Causa proxima affectuum infantilium.

Variat subinde causa proxima.

à la-

à lactantibus transplantata morborum semina-
ria, aut aliorum hausta contagia. Præterea
mille larvas inducit ac sub sui corruptela, mille
inde nocendi artes, non tantum dum adhuc in
mammis turget, sed in specie, dum infantis in
stomacho corrumpitur, hinc in intestinis tam à
bile quam succo pancreatico alteratur, subin-
de à restitante meconio similibusque excernen-
dis inquinatur, quin & propria sponte de facili
corrumpitur, unde diversimodè dulcescit,
amarefcit, colliquescit, viridescit, livescit,
putrescit, verminescit, aliasque quam plures
peregrinas adsciscit sibi qualitates: nam & jam
in tenellis sexcenta seu potius infinita Hippo-
cratea, de quibus autor *Libri de Præf. Medic.*
locum inveniunt. Unde tam in abdominis visce-
ribus, quam massa sanguinea, & inde derivatis
reliquis contentis liquoribus activis, quamplu-
rima præternaturalia nocumenta præstò adfunt.
Utut ea, quæ ex cruditate acida veniunt, sint
frequentissima, quia talis corruptela est familiaris-
sima.

Vnde
acidum
adeo vi-
tiosum
in Infan-
tibus.

§. 20. Paradoxon equidem videri possit, qui
in semilacteis infantibus, adeoque dulci rore
ubique perfusus, ex lacte dulci primitus con-
cretis, & eodem cum pulve insipido dulci enu-
triti, acor adeò nocivus & subinde intensus ori-
ri possit, à quo tam tetra superveniant sympto-
mata. Sed clarius redditur facile totum nego-
rium, modò aspiciantur assumpta tam matris
utero gestantis, quam nutricis lactantis. Hæ
ipsæ enim præter manifesta acida, quæ, ut su-
pra §. 13. monitum fuit, ex dictamine appetitus
hauriunt, vescuntur saltem pane, & bibunt ce-
reviasas. Panis omnis, in specie secalinus, con-
tinet in se spiritum intense acidum, volatilem
tamen, adeoque in se saluberrimum, duriora
tamen etiam corpora, ver. gr. Corallia, ferrum,
Vitrum antimonii, aliaque rodentem, qui cum
aliis assumptis lacti simul materiam præbet. Ut-
ut autem acor hic ipse, partim sub stomachi dige-
stione, partim bilis alcalinæ in jejuno permistio-
ne, alteretur plus minus in salum volatile, sic-
que occultetur; nihilominus facile data occasione
denuò se exerit & operatur: hinc enim tam facilis
lactis aciescentia, & assumpta acida matri ac nutri-
ci innocua; tamen infantibus per lac, revera ad-
gustum dulce, sunt torminosa, & vel maxime ho-
stilia. Cerevisia verò quæcunque facillimè est
acescentiæ, cum modica lupuli pinguis aroma-
tica conditura non sufficiat, quin tandem ace-
scat; ut taceam vel cerevisiam novellam, à faci-
bus nondum sufficienter depuratum, fermentan-
do in stomacho facillimè aciescentem, aut
cerevisiam inveteratam jam nonnihil acidulam,
à nutricibus subinde hauritam. De cætero his
ipsis vix ulla est cura, quantum sua assumpta fe-
tum aut infantem afficiant, utut earum delicta
diu post demum laant infantes, idque data qua-
libet occasione, ut plurimum per epilepsiam,
ut supra §. 13. monitum. Quid fructus horæos me-
morem, effervescentes facillimè, acetaria & simi-
lia, gravidis pariter ac lactantibus citra reflexio-
nem in foetum familiarissima. Adeo ut acidum sit,
quod morborum infantilium frequentissimus est
autor; sicut subiectum ejus viscidum eos contuma-
ces subinde reddit, aut crebrius recidivantes; ve-
hiculum verò aquosum etiam in remotioribus locis,
& extrema corporis peripheria, eisdem propullu-
lare facit.

Vnde
tormina
& varia
alvi ex-
creta in-
fantum.

§. 21. Lactis hisce fundamentis facilis est via,
ulterius indagandi supra enarratorum morbo-
rum generationes. Tormina infantibus fere
inevitabilia ab acido oriuntur, quod ex sto-
macho, sæpissime ex lactis coagulo & esu acido-
rum à nutricibus, delapsum, intestinorum mem-
branas pungit, rodit, & lancinat; unde isti cru-
ciatus, cum convulsivis spasmis juncti, prodro-
mi exinde non rari epilepsiæ, iique eò crudelio-
res, quò viscidiori glutine se agglutinaverit eo-
rum parietibus. Horum indicia, præter ejula-
Entmulleri Oper. Tom. I.

tum, sunt ut plurimum excreta viridia plus mi-
nus, seu, ut vocant, porracea & æruginosa,
oriunda ab acido excessivo & vitioso (nam aci-
dum acre odorem spirant talia) cum bile salina
oleosa volatili permista, ex quorum miscela
viriditas ista exsurgit. Equidem viridis color re-
verà sub concursu plurimum ex miscela flavi &
cærulei emergit: flavedo in bile clara est & con-
spicua: cæruleus color in nullo succorum corpo-
ris unquam nec naturaliter nec præternaturaliter
observatus fuit; unde rarissimum, & fere uni-
cum est exemplum, quod recenset MEARA,
de lacte nutricis saphirinum colorem exactè re-
ferente, in Exam. Diatribe de Febr. Vill. si p. 65.
Cum tamen cæruleus color ad nigrum accedat
propius; adeoque in certa luminis maximam
partem intrò susceptione in poros, & cum um-
brulis mistione consistat; loco hujus in corpore
absentis, acidum perspicuum licet, constringen-
do tamen & angustando aliquali subiecti coagu-
latione, poros flavi corporis sufficiet, imprimis si
dictum acidum & ipsum in subiecto nonnihil den-
siorè & crassiorè hæreat, ut exinde viridis, ceu
medius inter cæruleum & flavum, color, emer-
gat. Comprobat dicta experimentum GRAF-
FII, de succo pancreatico thes. 145. 147. ubi bilis
flava ex miscela cum spiritu Vitrioli atro-vire-
scentem induit colorem. Nec est quod quoad
experimenti fidem objicias id, quod alio mihi ob-
tigit tempore, in spiritu Vitrioli adhuc contentas
esse, & sub rigoroso ignis examine cum acido si-
mul elevatas metallicas Venereas & Martiales
particulas, quæ attactu alcali bilis præcipitatae vi-
rorem representent; sicut eadem attactum galla-
rum in Vitriolo atrum colorem induant: nam
idem experimentum tentavi, & cum spiritu sa-
lis purissimo, non secus ac cum spiritu nitri, &
ubique idem fuit successum & eventus, quod
nempe ista mistura intensus viror effloruerit:
id quod simili ratione de lactis vitioso acore,
virorem cum bile producente, verum erit. Un-
de subinde etiam grumosa apparent talia, sub
infantum torminibus excreta, quia lac à præ-
ternaturali acido in grumos caseosos coagula-
tum, istam larvam induit. Non tamen sem-
per talia grumosa simul sunt viridia, quin sub-
inde sint flava. Scilicet discoloratio horum ex-
crementorum oritur à bile per acidum mutata
& corrupta; sæpè tamen evenit, ut fæces ex-
cernantur flavæ, quæ paucò tempore postmo-
dum colore viridi tinguntur. Causa hujus
phænomeni est: 1. quod acidum in bilem,
quamdiu in corpore fuit, sufficienter non ege-
rit, propter impedimentum lactis, continuò
vel brevibus intervallis tantum assumptum,
quippe quod ejus vim temperando infringat,
2. Quia non nisi finitis effervescentiis, & præci-
pitationibus, mutationem rerum accuratam
observamus; unde post excretionem, dum æ-
ris accedit adjumentum, finita mutua actione
& reactione permistorum, color tandem tertius
emergit: 3. Quia & ipsa commista excreta faci-
lius forsan in aere libero novum coloris schema ar-
ripiunt, quam dum intestinis adhuc sunt coercita.
Observandum quoque hoc loco atrocissima non
rarò adesse tormina, excreti alvi aquæ instar levi-
ter flavescents fluidis, quæ nimis fluida, subinde
adeò acria observantur, ut & podex excoriari exin-
de soleat.

§. 22. Quod si copiosus tenaciorque grumus
stomacho incumbat, cui per pylorum tran-
situs negetur, non potest non exinde appeti-
tus, dejecti & activitate fermenti digestivi, à lacte
vel copiosiore vel coagulato obruta, horror
mammæ oriri, cum absoluta apepsia, cum quo-
tidie observemus, istud quod semel stomachum
læserit, ceu hostile postmodum, diu ab eo
dem averfari: quod si gravius exinde oneretur
stomachus, vel obstruatur omnino pylorus,
de quo vid. HOEFERUS Herc. Medic. p. 149.
item HILDANUS Centur. 6. Observat. 34.
Hh & ir.

Vnde
Anore-
xia Vo-
mitus
præcor-
diorum
& Hypo-
chon-
driorum.

& irritetur quoque, hujus convulsiva contractio, quam vomitus violentus sequitur, supervenit, tenella corpuscula insigniter quidem lædens, salubritamen, quatenus excrementa ista removet, & graviorum malorum jamjam imminuentium est medicus. Finge enim hæere talia diutius in Ventriculi bursa, facile ex acore fermentativo, pastæ instar farinaceæ, intumescent, & impetuoso flatuum proventu, intumescentium præcordiorum, hinc diaphragmatis impedito motu, difficilem respirationem, & ex horum flatuum in orificium sinistrum impetu, hujusque pertinaci strictura, præcordiorum anxietates, inde inquietudines, somni impedimenta, vigilias inferrent. Eadem est origo hypocondriorum inflationis, & totius abdominis tympanicæ distensionis; nam loco saltem differunt à priori; pasta nempe acida viscida, vitioso acore fermentata, concurrente simul alcalino bilis stimulo, Gas tale flatuosum eructat. Scilicet farinacea pulscrua accescitiam necessariò subit in stomacho, unde cum lacte semicoagulato turgescitiam fermentativa, de quo supra, flatuumque & modò dictorum symptomatum in & circa hypocondria & epigastria fertilis proventus. Cogitemus adultorum hypocondriacum affectum, & in eodem flatuum & borborygmore impetus: ex acido viscido digestionis primæ relicto præternaturali oriundos, & simile ferè in infantibus usu venire perspicimus; cum sufficienter HELMONTIUS *Tr. de Flat.* horum originem ex acido stomachali, non tamen fermentali, ordinariò demonstraverit.

Vnde singul- §. 23. Quasi tenacior talis acidiorque tus tui- mucus superiori ventriculi orificio firmitus ad- hæserit, per consensum firmissimæ connexionis diaphragmatis simul irritabitur musculus, unde hujus sub inspiratione facta convulsiva contractio singultum, subinde contumacissimum, infert; sicut ventriculi cavo si magis fluctuant pituitosa talia acida, aut salso-acida, eaque successive irritent orificium superius, vel infensa & molesta sua præsentia, vel saltem halitibus acrioribus, excitabuntur sub expiratione occasione vellicati diaphragmatis, ipsique compatiendum musculorum expirationi inservientium, horum convulsivi motus, unde repetentes tusses concutient tenella pectora. Reverà enim ex stomacho, hujusque in se ipso coacervatis cruditatibus infantum exoritur tussis, subinde tanta violentia repetens, ut non nisi superveniente Vomitu, copiosique muci rejectione, ad tempus cesset. Rara autem infantibus sicca tussis, aut quæ ex laryngis asperæque arteriæ oriatur irritatione, obvenit, nisi interdum inclementioris aeris afflatus & liberior haustus suo modo ad hanc disponat. Idem asserendum de tussi ista, quæ sub dentitione laboriosiore frequenter turbat infantes, quam copiosior salivæ subinde salso-acrioris defluxus in stomachum, & imprimis uberior ejus ex membrana pituitaria posteriori seu inferiori transudatio, & inde defectuosa reddita prima digestio, & cruditarum accumulatio infert. Idem asserendum de infantum asthma, quod ut plurimum ex ventriculo onerato oritur, dum mucilagines acidæ coacervatæ, & flarulenta turgescitiam tumefactæ, molestum tale asthma producant; hinc enim etiam provocato Vomitu statim liberantur, Autore PRIMEROSIO *de Pueror. Morb. p. 73.*

Vnde §. 24. Quod si mucus similis, blandior tamen & dulcior, ex alimentorum quocunque modo digestorum reliquiis in intestinorum canalibus diutius hæserit, occasione loci caloris, & inchoatæ successive putredinis, occultata lumbricorum semina excitantur, foetusque vivi excluduntur. Semina scilicet vegetabilium Cerealia, in specie fecalina & triticea, vel immediate in pulve farinacea, vel mediate cum la-

te ex pane comesto genito ingesta, seminali insectorum contagio, (quod sub minima etiam mole latere potest, utpote constituere dicitur saltem 2800. partem sui seminalis corporis) quasi imprægnata, data occasione hæc excludunt. Accedit, ut monui, tepor loci blandus, vis digestiva ventriculi debiliior, qua digerendo non subiguntur omnino dicta animalculorum semina primordia, & temperata bilis acrimonia infantum, defendens alias succos, quos attingit à tam prompta putredine & verminatione; unde & ibi quod fermentum fellis non pertingit, lumbricorum est Patria, autore HELMONTIO *tr. sextupl. Digest. §. 82.* & tinearum in adultis causam potissimum in obstructionem cystis fellæ refert HARTMANUS *in Praxi Chym. cap. 156. §. 11.* Talibus ergo occasionibus facile viva ista putredo excitari poterit.

§. 25. Cum ergo ex supra dictis subinde mucus crudus acidus & viscidus loco nutritii succi distribuendus sit, non possunt non eodem intestina aut admodum incrustari, aut oscula ductusque lactei eodem obstrui, aut glandulæ mesaraicæ consequenter infarciri, unde tumores abdominis protuberant, & denegato nutrimenti transitu; insigni totius corporis atrophia contabescunt infantiuli, accedente simul ut plurimum alvo laxiore: vid. SYLVIIUS *Prax. l. 1. cap. 14. §. 56. p. 168. item Prax. BARBETTE l. 3. cap. 2. obs. 3. 19. Anat. Præf. l. 1. cap. 14.* HOEFFERUS *Herc. Med. l. 7. p. 649.* SYDENHAM *de Febr. p. 89.* Ut taceam hoc loco dyscrasiam lactis alieni, nempe nutritii, vel inepti pro nutrimento infantis, vel vitiatum, unde ibi atrophia, hic cachexia supervenit. Quod si minus viscidus, crudus tamen, & vitioso acore, vel saltem acri salso sapore inquinatus distribuatur tandem, pro sanguine augmentando & corpore nutriendo, necessariò depravatur exinde Massæ sanguineæ Crasis, vitiaturque insigniter sanguificatio, & oritur præternaturaliter ejus effervescitiam, unde febres variæ, in specie lentæ, sub vesperam præcipue exacerbantes, superveniunt, Inquinatur hinc necessariò etiam lymphæ latex nimio acore nimiaque acrimonia, simulque subinde nimis viscida redditur; unde & circa glandulas tumores, & catarrhales affectus infantibus superveniunt, in specie tusses siccae nocturnæ, ex lymphæ talis acido-acris ad laryngem effusione; item per membranam pituitariam inferiorem transudatione oriundæ. Obtunditur & contra bilis sal volatile oleosum seu balsamicum, unde perfectio digestionis primæ in intestinis deficit ultima, & ita magis magisque propullulantes jam confirmantur ægri tudines. Quod si cum tali plus minus intensa sanguinis & lymphæ labe; nutrimentum exinde pro augmentandis & sustentandis partibus confectum, has ipsas subintrat, & per earum poros distribuitur, nullo modo perfecte ipsis assimilari potest, quin potius acore, antea quidem apparenter occultato, & aliquali simul visciditate ipsis inimica, hinc inde in pustulas congerantur, in quibus acor denuò manifestatus cum vicino rore partium acrius effervescit; hinc altior tumor, intensior rubor & ardor supervenit, donec mutua temperatura nunc in pus, nunc in saniem, nunc aliud simile liquamen abeant, & per cuticulam prius in squamulas & furfures erosam exeant, relicto adhuc post se fermento subtili, acido viscido, corruptente ulterius novum, inculpate etiam notæ, alimentum, istudque in similes sordes transmutante, serpente ita successive ipso malo ulterius & inquinante & exedente acore suo proximam adjacentem partis substantiam, ut in favis, tinea, crustaq; lactea, item furunculis infantum, obvium. Quæ omnia eo facilius eveniunt, eoq; pertinaciores radices figunt, quo minus transpirabiles sunt partes ita affectæ, & quod magis poris earum clausis, dicta

Vnde atro-
pihæ fe-
bres len-
tæ, ti-
neæ, fu-
runculi
Infan-
tum.

Crusta
lactea
origo.

excernenda successivè congeruntur.

S. 26. Facta modò lymphæ præternaturaliter acidæ ac viscidæ, item crustæ lactææ, mentio, uberiorem sui explicationem urgent. Siquidem dictas corporis, & imprimis faciei & capitis, defædationes pustulosas, crustosas, ulcerosas; quæ crustæ lactææ, achorum & tineæ nominæ venire solent, quorum descriptiones & differentias saltem accidentales vide sis apud Practicos, reverà ex lymphæ nimis, seu præternaturaliter acidæ, plus minus simul viscidæ, vitio originem ducere arbitror, lacte vel matris sub gestatione fœtus, vel nutricis sub ejus Lactatione vitioso, causæ remotæ vices obtinente. Semper enim ferè cum hisce defectibus glandularum in collo & circa caput dense constitutarum; item parotidum, &c. tumores conjuncti esse solent, ita quidem, ut vel præcedant, vel simul affligant, vel dictos affectus declinantes subsequantur. Rarissimè hoc posterius observatur, & vel metum recidivæ, vel mutationem defædationis dictæ in alium affectum præternaturalem secum trahit: Illud prius frequentissimè accidit, ita ut mulierculæ etiam, per experientiam edoctæ, ex conditione dictorum tumorum, quasi scrofulosorum, & quos ordinariè Germ. *Haupt-Drüsen* appellare solent, affectuum talium diuturnitatem, vel magnitudinem, aliasvè circumstantias probabiliter prælagire soleant. Certè observavi, tumores tales glandularum ac parvi ovi gallinacei magnitudinem in collo, mox infra aurem protuberasse, cum crusta lactea caput obducens evanuisset, quo tumore successivè subsidente, & tandem dicta lactumina denuo efflorescebant. Non amplius enim dubitatur, glandularum functiones versari circa lymphæ præparationem, & distributionem: unde spontè patet lymphæ vitium primum subesse, ita quidem, ut ejus consentientia materiali obstruantur glandulæ, & inde consequenter intumescant; ejus verò aciditate, ob largiorem in partes intercutaneas capitis extimas effusionem, ex denegata plus minus debita distributione & motu per glandulas, pruritus intensissimus in dictis locis, cum pustulis rubris successivè in pus abeuntibus, & squamis insequentibus ac fursuribus, ex cutis & cuticulæ erosionibus superveniant: quæ omnia, pruritus, purulenta sanies, crustæ & squamæ, de aciditate agente causæ peccantis manifesta sunt indicia, ut alio loco & ab aliis probatum est. Ut taceam, asperiora facta hæc mala ad cranium usque penetrare, istudque erodere pro more acidorum, osses substantias facillè erodentium, de quo vid. SENNERTUS lib. de Morb. Infant. P. 2. cap. 3. p. 28. Unde & capitis partes extimæ præ reliquis locis dictis infestantur malis, ob copiosiores glandulas, quibus hinc inde speciatim collum stipatum est. Differentia autem has inter capitis defædationes observatur, quatenus nunc acrior & acidior eadem fuerit, unde ulcuscula manantia, & copiosam acrem saniem fundentia, emergunt; vel quatenus eadem minus acris, sed ferè magis temperata & viscida extiterit; sic enim crustæ densiores, & dense subinde compactæ, & sibi invicem superstratæ, generantur, successivè decedentes: imò etiam pro lymphæ ita peccantis ratione varia glandularum quoque observatur constitutio, de quo uberior experientia adhuc consulenda venit: & sanè non levis est cognatio talium lactuminum cum adultorum scabie, cum & subinde contagiosa deprehendantur, & iisdem remediis, in specie nicotiana, sulphure, Mercurio, &c. curari soleant; & retropulsa ut vocant, paria planè inferant symptomata; ita ut quasi particularis capitis sit scabies. Equidem vulgi fert persuasio, salubres esse infantibus tales defædationes, quatenus præservent eos à gravioribus affectibus; quod negari suo modo nequit,

Errmulleri Oper. Tom. I.

quatenus sunt bonum quidem signum, sed male, causæ, si abesset, magis conduceret. Quæ hætenus sunt exposita, videtur confirmare, quem observavi, puerulus, novem mensium præterpropter vitio nutricis cacochymico scorbuticæ insigniter, dicta crusta lactea super cranii hemisphærium, & faciem ferè integram mirè deformatus: quæ cum spontè evanuisset, successit gravissima tussis, tenellum pectus insigniter & continuò quatiens, cum copiosi muci in stomacho & Oesophago præsentia, unà cum diarrhœa serosa, adeo acri, ut etiam extrema podicis & vicina loca excoriarentur; totum corpusculum insigni æstu fervebat, & insultus quidam epileptici subinde istud convellebant. Factam fuisse hic arbitror lymphæ peccantis metastasim, præter alia loca in specie ad glandulas salivales, & quæ laryngem irrorant, ut & ad pancreaticas, per quas lymphæ ista acida acris, non adeo viscida, uberius effusa, speciatim dictam tussim & diarrhœam, alia ut transeam symptomata, induxerunt. Dicta modò etiam rationem aurium humiditatis fluentis, excoriationis & exulcerationis, item labiorum, manifestam reddunt.

S. 27. Hæc ipsa vel manu nos ducunt ad Quæ Variolarum radicata origo. evolvendam morbillorum, & in specie Variolarum, abstrusam alias naturam, cum harum, qua talium, fiendi modus & effectus cum modò dictis effectibus in quamplurimis conspirent, & etiam Tinea Capitis non raro post variolas superesse, aut etiam easdem insequi soleat. Torquet imprimis Philiatrus inevitabilis ferè harum insultus omnibus Euopæis, ac dicam de aliis quibuldam nationibus. Ex menstrui sanguinis reliquiis multi cum Arabibus earum radicem derivant; alii ex repetita post semel factam conceptionem Venerea libidine: neutrum mihi satisfacere videtur. Quin potius si certò statuendum est, quod aliquod nobis quasi implantatum habeant principium, ratione cujus nemo ferè easdem effugere queat, earum radicem ex corruptela lactis nutritivi, tam in, quam extra uterum, & vitioso viscido acore tenellos inde inquinante derivarem; exinde enim & frequentissimè saltem infantes & pueros, rarissimè deum adultos, affligere solent. Qui vitiosus acor aliquandiu occultatus, tandem occasione data, in specie ex excitata Massa sanguinea per fermentum simile extrinsecus inspiratum vel ad haustum perniciosos febriles effervescentias excitat, concurrente acido fermentativo viscido cum sale volatili massæ sanguineæ, donec præcipitato & subjugato acido isto vitioso; & sero involuto, critica sanguinis purgatione hinc inde per vasa capillaria, in specie beneficio glandularum intercutanearum miliarium, excernatur, & sub cuticula hærendo successivè in pustulas coacervetur, quarum contentus sallacidus succus effervescendo ulterius mitescat, donec in pus perfectum abeat, quod cum cuticula erosa tandem in crustam duram & crassam condensetur, erodente interea sub hac ipsa acido cutim subjectam in foveas plus minus, prout magis vel minus effervescentia febrili temperatum fuerit. Unde & ulcera subinde perniciose & cacæthea ex variolarum pustulis, tam in partibus externis quam internis, in specie in tenera vesiculosa pulmonum substantia oboriuntur, pro conditione acidi plus minus virulenti varia, quod ipsum in dictis Variolis ossa non raro arrodere & corrumpere assolet; id quod expertus testatur PARÆUS de Variol. capitolo 1. Hinc etiam Liberi à parentibus; morbo Gallico laborantibus, prognati, omnium gravissimè à Variolis affici solent, observante hoc HORSTIO l. 6. Obs. append. p. m. 308. Quod non ineptè illustrat Mercurius dulcis, ceu singulare alexipharmacum curans pariter & præservans Variolas; confer. Miscell. Acad. N. C. anni 3. Obs. 9. l. 56. Ob id & convulsivi motus &

Hh 2.

epi-

epilepsiæ insultus præcedunt earum eruptionem, morificante acido vitioso nervos, & ad crispaturas eorum fibras, & hinc ad inordinatos ac impetuosos motus spiritus animales irritante. Unde & myrrha, acidum istud vitiosum mirè temperans, non minus quàm castoreum, & salia Volatilia istud per sudorem eliminans, & antimonium fix., ebur seu Unicornu fossile istud absorbens, prò harum medela utramque facient paginam. Non rejicio hoc ipso vermiculorum exercitum, in singulis pustulis acervatim grassantem; vid. BORELLUS *Centur. 2 observ. 72. & Observ. microscop. obs. 31. p. 21.*, item LI-PSIUS *de Variol. Bartholin. Centur. 5. Hist. 20.* RHODIUS *Cent. 3. Observ. 64.* cum nullum pus absque horum pullulante segete reperitur, sed hos tanquam effectus, spontè ex ordine causarum morborum in pure supervenientes, transmittito.

Quare Variole inter- diu tam tarde se atten- dunt: §. 28. Nec scrupulam injiciat, aut tardior in quibuldam earum insultus, aut repetitus etiam accessus. Nam diutius morbosa fermenta in corpore delitescere possunt, donec sub sua dierum maturitate tandem evigilent; id quod ex hæreditariis non tantum affectibus, sed etiam ex Canis rabidi salivali fermento, ex febrium petechialium ad aliquot hebdomadas interdum latente contagio, ex Luis Venereæ connivente diutius seminio, patet, &c. Unde & infantes, qui sub nutritione sani erant & vegeti, post ablactationem subinde cutanea contrahunt vitia: achores & similia, dum vitia lactis per consuetudinem sub lactatione, quasi appropriata naturæ, citra nocumenrum adsunt, quæ mutata dicta per effervescentiæ motum in musteo sanguine separata, & instar sæcum præcipitata, hinc inde per sanguinis circulum sub cute defiguntur, & ibidem coacervata suas morbosas ludunt Tragedias, redeuntes subinde pertinaciter, quamdiu tantillum miasmatis morborum aut semini fermentativi, nunc sub sanguinis Velamento, nunc sub epidermidis Tegumento, latuerit; quod ex materia convenienter data occasione se multiplicat, & malum renovat: quæ ipsa de variolis & morbillis pariter asserenda videntur.

Vnde Aphthæ §. 29. Ita quidem se habent exulcerationes partium externarum: sed præter has his etiam interiores quædam, speciatim partes oris, fauces, palatum, lingua, ipseque non raro œsophagus, ulcusculis parvis scatet, aphthæ appellatis. Harum origo est acre acidum, excorians & exulcerans plus minus dictarum partium superficiem. Fons peccantis acidi potissimum est in stomacho corruptela latis & pulvis, nimiaque ejus acescentia. Utut enim aut lactis nutritis aut salivæ ipsius infantis à quibuldam nimia accusetur acrimonia, vix tamen in infantibus aliam originem agnoscunt, quàm acorem vitiosum ex stomacho exhalantem. Nam & in adultis frequenter contingere solet; ut correpti febribus, cruditatibus recrementosis, in specie porraceis, in stomacho existentibus, aphthis molestè laborent, nisi maturè fomes removeatur à Medico ex Ventriculo.

Favores infantu & epile- pti unde §. 30. Superest funestum adhuc tenellis symptoma, nempe pavor in somno, oriundus ex explosivo ferè impetu spirituum animalium in nervos; qui cum sub somni requie blando tardoque gressu influere debeant, impetuosius irruentes inopinam totius corpusculi ex fibrillarum nervearum momentaneo contractivo nisu inferunt concussionem, adeo ut non ineptè mulierculis prodromi habeantur convulsionum epilepticarum, infantibus admodum familiarium, ex simili inordinato & per- verso spirituum animalium motu in cerebro, & violenta explosione in nervos oriundarum. Frequentissime verò paris vagi & intercostalis ramificationibus annexæ partes abdominis & thoracis convulsionibus hujusmodi epilepticis præ cæteris partibus tentantur admodum torminosi, quas mulierculæ Germ. convenienter admodum, *Epilepsiam in ventre* appellare solent. Scilicet continuus & nunquam interruptus spirituum animalium in hos nervos est motus & influxus, prò continu-

ando motu Cordis, diaphragmatis, & respiratio- ni inservientium muscutorum primariorum, ut & Ventriculi & intestinorum motu peristaltico perficiendo, unde consueto quasi tramite longè promptius irruunt in dictarum partium nervos spiritus animales, quàm in membra externa in infantibus magis quieta; adeoque dictos spasmos internos frequentius concitant. Quod si verò crebrius repetant, tandem totum spirituum animalium exercitum integrumque nervorum systema, per consensum & continuitatem motus similiter afficiunt, unde universalis tandem supervenit Epilepsia, de qua dicunt Germ. *Epilepsia erumpit*. Has & similes passiones, post nervosarum sensilium fibrarum quocunque in loco irritationem consequentes, unde melius deducemus, quàm ex supra sæpius insinuatò acido? per se nervis inimicissimo, multò magis in tenellis, quorum fibrarum nervearum mollior textura facillimè mobilis, & ita in convulsivos motus crispabilis, ut sic dicam, existit: Hinc quæ propiores sunt partes fonti vitiosi acidi, stomacho nempe & intestinis, aut mediantibus nervis connectuntur iisdem, etiam frequentius patiuntur convulsivos spasmos, qui continuati ulterius in tantum, donec totum nervorum systema in cerebri cerebellique confiniis concutiant, universalem tandem epilepsiam superveniente spirituum impetu inferant: uti in adultis subinde in membro quodam externo, focus latet epilepticus, qui per continuatos spasmos, sub apparente auræ frigidæ sensu sursum delatus ad cerebrum, tandem universum microcosmum concutit; ita pari ratione ex acido, imprimis viscido, in abdomine hærente, tam spasmi leviores interni, quàm epilepticus totius corpusculi insultus oriuntur, optimè ob id per alcalia volatilia, experientia teste, curabiles. Adeo, ut rarissimam infantum existimem epilepsiam, cujus focus acidus non in abdomine lateat, aut ex abdomine non derivetur, excepto dentitionis negotio, ita tamen, ut citra halituum aut fumorum impossibilem ascensum, malum dicto modo explicari queat. Pro quorum confirmatione, quod nempe infantum nocturni pavores & epileptici insultus ab acido peccante excitentur, annotasse sufficiat: 1. Quod graviora tormina cum excretis æruginosis frequenter comitem ascendant epilepsiam, teste, præter QUERCETANUM *in Terr. graviss. c. affect. cap. XI. p. 116.*, LINDANO super *Hart. Prax. chym.* qui vix virorem æruginis instar intensum in infantum excretis observari asserit, citra epilepsiam: quod si dicta materia ita sit actis, ut febris etiam accedat, plerumque interimit pueros: tormina verò & talia excreta, ex acido lactis corrupto superius derivavimus. 2. HIPPOCRATES *lib. de Morb. sacro* asserit: infantes, si ipsis ulcera in caputibus, vel circa aures, vel in facie, vel in reliquo corpore excitentur, liberari ab epilepsia: vid. SENNERTUS *de Morb. Inf. P. 2 cap. 3. pag. 28.* quas exulcerationes etiam ex acido lymphæ supra deduximus. Quibus 3. accedit cura Epilepsiæ infantilis per alcalia volatilia, item per Terreæ, acidum absorbentia.

§. 31. Modò insinuatum fuit Epilepsiam & Dentitionem subinde comitari: hujus ergo dentitionis negotium, & symptomata ejus occasio- nis excitata, hic evolvenda erunt. Equidem nil aliud, præterquam gingivarum à dente accrescente perforandarum dolor primario urget, similis quodammodo illi, dum acido morbo- so gingivæ in dentium radicibus punguntur, & quasi perforantur. Sed cum sensilis gingivarum, ex interspersis variis nervulis, substantia, cum partibus vicinis insignem consensum habere soleat, quod ex odontalgia adultorum, subinde dimidiam Capitis sphaeram per consensum afficiente, interdum musculi temporalis aliquem spasmus inferente, notissimum est; de

de facili evenit, ut atrocioribus sub doloribus tandem universum ferè nervorum systema simul vellicetur, & inde convulsiones epilepticæ superveniant: idque eò promptius, quò vel per se & in se ipso nervorum systema infantum tenerius & mobilius extiterit, vel ipsum ex perversa diætâ matris vel nutricis, acidis abutentibus, de qua supra, in primis suis staminibus debilius & facilius irritabilius redditum, vel ex lymphâ vitiosa commota hinc inde irritatum fuerit. Cum verò ex dolore gingivarum, vici-
na glandularum, præprimis salivarium, vasa, & illas in regentes membranæ vellicari soleant simul, hoc ipso uberior salivæ in os effusio, indeque effluxus, quod vocant *Germ. das Geißeln*, ordinariò comitari, interdum aliquandiu præcedere, dentitionem molestiorem solet. Quæ lymphâ si & ipsa minus temperata, sed salto-
acida plus minus fuerit, præter rosionem faucium & laryngis, indeque excitatam tussim subinde siccam seu inanem, ad stomachum copiosior delata, anorexias, nunc apestias, interdum vomitus cum tussi ferina, aut certè in intestinis diarrhæam plus minus ferocem excitabit, vel nervosum genus hinc inde vellicando ad epilepsiam disponet; qualia scilicet symptomata ordinariò præter vigilias, inquietudines, ejulatum, febrilem æstum, dentium eruptionem comitari solent.


Febres. §. 32. Restant adhuc febres, utut lentarum jam supra §. 25. rationem deduxerimus, non minus quam variolarum & morbillorum §. 27. similiumque cum exanthematis se exhibentium. Cæterum præter has & aliæ febres variæ, aut continuas ardentibus similes, aut periodicæ continuæ, aut catarrhales, simileve frequentes sunt infantibus, quarum rationem omnem ex corruptione lactis interna, aut ex pororum cutis occlusionem externa, optime explicabimus. Præter acidam enim crudelitatem, quam puls & lac in stomacho infantuli subeunt, & unde ejus febres frequentissimè, nunc lentæ nunc acutæ, scaturiunt, etiam variæ aliæ omnino lactis sunt depravationes, jam supra §. 19. insinuatæ, sive in ventriculo sub digestionem, sive in intestinis sub hujus digestionis perfectione & fæcum separationem, obveniant. In specie cruditas nidorosa appellatur, dum flavâ copiosa eliciuntur à tenellis; id quod ne-
tquam tali in casu bilis tingentis est opificium. Unde enim tanta in fœtu juniore bilis abundantia? nisi infantulos ferè omnes primo sui initio biliosiores Viris sc. ipsis dicere velis? neque amarescunt semper hæc ipsa; sed dulcescunt potius subinde, & avidè à canibus, amari omnis osoribus, comeduntur. Lac potius, vitiosa quacunque ratione digestionem ventriculi, spontè de facili citrinescere, sufficienter declarat HELMONTIUS *Tract. scol. Pass. Decep. cap. 3.*; adeò ut hujusmodi digestionis primæ multiplicia errata ex alimentis, & hinc affectibus nutricis, primariò oriunda, cum non corrigi possint in secunda digestionem, necessariò sanguineam crasin in tantum alterabunt, ut hujus præternaturales effervescentiæ febriles variæ inevitabiliter superveniant: id quod pariter in quibuslibet infantum, etiam ablactatorum, febribus, tam lentis quam acutis, observandum venit, quæ omnes ferè pro causa interna errata digestionis primæ in Ventriculo & intestinis; propter ordinariam eorum addiphagiam, agnoscunt. Et quidem eò citius ex enarratis occasionibus febres accenduntur, quò minus per cutis cribrum insensibiliter purificatur sanguis: id quod vel defectus caloris ambientis, vel crebra linteaminum non sufficienter calefactorum mutatio, vel denique balneorum neglectus usus inducit. Calidi sanè balnei lotio, ut sordes cutaneas infantis copiosas abstergit & removel, ita & fibras retis Cutanei laxando, pororum apertioni, & copiosiori transpirationi amplam occasionem suggerit, cujus
Estmuller. Oper. Tom. I.

intermissio & poros constipat, & ex heterogeneorum coacervatorum impetu, hujus febrili fermentationi uberrimam occasionem suggerit.

§. 33. Facta superius mentio vermiculorum in purulentis Variolarum pustulis, atrophia quoque superius considerata, deducunt nos ad considerationem Vermiculorum Capillarium infantum, quatenus hi ipsi atrophiam simul junctam semper habere solent. Proprio nomine *Comedones*, ab adjuncta infantis Tabæ, quasi nutrimentum comedendo largius abluunt; item *Crinones*, à figura, quod Crinium seu Pilorum curtorum nigrorum forma foras interdum prominere per poros Cutis soleant, appellantur; Germanis, *die Mit-Esser*, *die Zebr-Wurm*. Differunt à Sironibus, vermiculis minutis quasi pedicularibus in pustulis prurientibus, sub cuticula manuum imprimis & pedum enatis: de quibus vid. SENNERTUS lib. 5. *Prax. Part. 1. cap. 24. pag. 118.* LANGIUS lib. 2. *Epistol. 42.* GOEDARTIUS *Metamorphos. Part. 1. pag. 126.* sicuti & Sironum & Crinonum formæ per Microscopium consideratæ, differentes planè deprehenduntur. Sunt ergo dicti Crinones vermiculi Capillorum spissorum seu setarum forma curtarum, nudo oculo aspicienti se exhibentes, quando nempe mellis affric-
tione dulcedine allesti in loco calido foras prorumpere nonnihil, frigoris verò ipsi inimici sensu denuò intro repere observantur. Accuratè magis per microscopii adjumentum iidem observari possunt; sic enim coloris cinerei, cornubus seu potius antennis binis longè prominentibus instructi, oculis rotundis grandiusculis, cauda oblonga in fine villosa, uno nomine aspectu horridi, observari solent: prout ab amico curioso & artificioso, nempe Domino CHRISTIANO SCHAEFFERO, Sereniss. Domini Saxon. MAURITII Apelle Aulico dexterrimè, non secus ac alia minutissima insectula, in specie sirones, item Termites seu potius lendes caseorum &c., hacce sub forma accuratè per microscopium observati & delineati fuerunt: Ubi: A. quantitatem & figuram eorum exhibet, prout nudo oculo occurrere solent: B. ostendit Crinonem integrum per Microscopium accuratè observatum, & ab ipso observatore dextrè delineatum: C. est similis Crino, sed cui sub separatione à Cuticula corporis, cauda truncata fuit: D. itidem Crino est alius, sed majorem sub sui à cuticula separationem noxam passus; &c. Nam non tantum propter morositatem puerorum, difficulter separari possunt, sed ob exilitatem etiam ac teneritudinem vix integri obtineri, quin facillimo attritu vitientur. Occupare magis loca musculosa, imprimis dorsi, hinc scapularum, humeri, item surarum & crurum sub cuticula affolent. Infantes imprimis teneriores, minus robustiores affligere solent. Originem iis subministrat suppressa insensibilis transpiratio, ut rectè id suspicatur HORSTIUS lib. 4. *Observat. 53. pag. 254.*; quæ temperata si fuerit, minusque acris, dulcis & pinguis, retenta diutius ad putredinem ruit, unde occultata antea & oppressa penitus principia seminalia, quæ & minimo seu, ut vocant, in atomo sensibus imperceptibili latere possunt, sui juris facta, destinationes naturales exequantur, & in viva animalcula prorumpunt. Vid. VELSCHIUS *Dissert. de Vermic. Capill. Inf. pag. 336. annexa Tract. de Vena Medinensi*, item BORELLUS 1. *Observat. 80.*, & SENNERTUS lib. 2. *Prax. Part. 2. cap. 24. pag. 202.* Nempe in Lacte, ratione alimentorum ex quibus generatur, non secus ac in pulte, milleformia insectulorum & vermiculorum latent semina, quæ in tenello infantis stomacho, non adeò exactè alterata, facile data occasione evigilare, & in actum secundum erumpere valent: hinc & quidam Crinones hos illis ver-

Comedonum origo.

Iconif-
mus
Crino-
num.



Intertri-
ginis or-
tus.

C A P U T . III.

Vt me-
conium
removē-
dum.

stergens omnium sordium, & laxans infantum, speciatim si loco sacchari cum melle per se depurato, sub insolatione confectus fuerit, vix unquam fallens, sine ullo incommodo evacuans, imprimis cum pulv. Ocul. Cancr. si subactus fuerit.

S. 2. Ut verò insensibilis promoveatur transpiratio, ceu alter fons morborum infantilium, auspiciatò solent mulierculæ recens natos infantulos immergere balneo aquæ dulcis tepido, sive subcalido; non, qui asperimus & sanæ rationi pariter ac constitutioni sanæ reluctans erat Veterum Germanorum mos, (vid. SENNER-TUS l. de Morb. Infant. Par. 1. cap. 4.) aquæ frigidæ aut flumini; ut hujus medio abluantur sordes viscosæ, lanuginis instar investientes teneram epidermidem, & accedente blanda frictione ita aperiantur & magis patuli reddantur conniventes aliàs cutis pori. Non ineptum est, quod in more positum, ut saponis adjumento removeatur hæc sordium coacervatio, & hujus alcalina lixiviali acrimonia promptius detergantur ista caseosa quasi concrementa extracutanea; sicuti si reiterantur crebrius hæc balnea, postmodum ipsi aquæ, qua abluantur, modicum lixivii addere non inconsultum videretur, ut eò melius tam resolvantur & detergantur dictæ sordes, quàm hujus alcalini salis beneficio præcaveatur maturè cutaneæ infantum efflorescentiæ, ceu quas jam enatas optime tollunt talia alcalia, ut *infra monebitur*, Reiteranda autem sæpius est hæc balneatio; quoties sanitatis infantis, & in specie Virium, permittit ratio, idque in prima septimana quotidie, reliquis, alternis aut tertiis diebus, donec exactè purificatus, glaber, mollis, rubicundus, & ubique nitidus appareat fœtus. Non rarum est, flavedine quodammodo crocea, adeoque Ictérica decoloratione, tinctos in lucem prodire infantes, quæ extraordinaria Tinctura vix melius dictis Balneis detergi penitus & deleri poterit: quibus ab aliis simul succurri solet. gr. i. *croci optimè triti*, in lacte nutritis vel alio conveniente liquore exhibiti, & aliquoties in die propinati, quo ipso dicta cutis defœdario promptius extingui potest.

§. 3. Lactis denique & Lactationis pernicio-
sa errata ex iis, quæ *supra* §. 7. & 10. 11. 13.
14. 15. recensita fuerunt, facillimè quivis cor-
rigere valet. Ad hoc verò semper habeatur re-
spectus, *ut omnis ejus vitiosa accrescentia,
hincque grumosa coagulatio, ceu familiarissi-
ma vitia, quantum possibile, præcaveatur.
Commendatissimus ob id nutrici sit *anisi* &
hinc *fœniculi* usus, sive femina eorum post sin-
gulos pastus comedantur, sive posterioris sal-
tem radix, herbaque, quacunque ratione
usurpetur: præter lactis enim ubertatem etiam
saluberrimam vim ipsi simul conciliant aroma-
tica volat. oleosa natura, & acescentiam ejus
præmaturam & coagulationem optimè prohi-
bent, quin & tormina & flatus infantis felici-
ter tollunt. Caveat simul sedulò nutrix, ne aque
frigidaè diutius aut crebrius manus immergat,
& statim ab hoc lac infanti infundat; nec enim
infans tantum, sed & ipsa nutrix ventris tor-
minibus ex tali occasione sæpissimè observatur
corripi. Quod si inopinato terrore concussa vel
ira percita nutrix, lactis graviolem alteratio-
nem metuat, postquam lac ex uberibus prius
emulserit, assumpto *spermatis ceti* ℥ss. ad ℥i. cum
antimonii diaphor. gr. XV. ad ℥i. in *haustu cerevi-
sæ calidaè*, ad blandum sudorem se componat,
quo omnis lactis corruptela sic emendetur; vel
recipiat in tumore; dolore & duritie superveni-
ente, & ita Inflammationis metu *Cornu Cervi sine
igne* ℥i. *antimonii diaphor.* ℥ss. *salis volat. viperar.*
aut *Cornu Cervi* gr. viii. M. aut *Cornu Cervi sine igne*
℥ss. *salis card. benedict.* ℥ss. ad gr. XV. capit in
aqua *flor. sambuci*, & pro sudorifero resolvente
assumat; vel horum loco *spiritum salis ammoniaci*
℥ss.

Insensibilis transpiratio
uti promovenda.

Quo-
mod. la-
ctis vi-
tiosæ al-
tationes
corrigen-
dæ.

à 3℥. ad 3i. in aqua card. bened. hauriat, & sudorem plus minus largum expectet; Imponendo simul mammæ, in leviori quidem affectu, *Emplastrum de spermate Ceti Myns.*, in graviore vero inducendo mammæ *emplastrum de galbano crocatum Mynsichti cum ana gummi ammoniaci*, in aceto destillato sol., invicem liquefactis, & linteo denso inductis confectum, quàm calidè perferre potest: utroque in casu desuper *sacculum interpassatum ex oryza* confectum probè percalefactum imponat desuper, ut per sudorifera ista alcalina dissolutum lac, horum adjumento promoveatur in motum, & stagnatio ejus ac grumescencia ita corrigantur maturè.

Quomodo pulvis emendanda. §. 4. Pulsis denique, post Lactis curam, restat correctio, quæ in hoc consistit, ut omnia farina loco ejus panis triticeus, vel, ut vocant, similagineus, nonnihil exsiccatum vel induratum, minutim tritus, cum lacte vel cum aqua in pulvis coquatur consistentiam mollem, tantillo seminis anisi pulverisato addito. Experientia me hactenus docuit, optimè conducere tenellis tale pulmentum, ubertimque eosdem nutrire: Fermentatus enim panis, adeoque facilè resolvable promptiusque in stomacho digestibilis, quidni crudæ farinaceæ pastæ præferendus erit? Pauciores flatus inde elevabuntur, & liquidior mucus post ejus usum restabit, faciliusque longè qui abstergi queat, quàm è communi pulte fieri solet. Quibus hactenus dictis ritè observatis, nullum dubium, quin infantes vitam sanam sint conservaturi diutius.

In Cura morborum Inf. §. 5. Sed quàm facilè hæc imperantur, quæ tantum non impossibilia sunt, ut observentur, idque tam à matre, quàm à nutrice. Si recosalia vol. lentur *superius cap. 2.* dicta, non poterit tam primatū rigorosum regimen institui, quin tandem succubinet, cus acidus copiosior vel parcius, acidior vel temperatior, viscidior vel serosior, colligatur interdum, unde morbi infantiles plerique successivè propullulant. In genere ergo pro horum Cura remedia talia conveniunt, quæ acidum destruere, viscidum incidere seu attenuare, utrumque pro ratione occasionis evacuare valent; adeoque mox à nativitate propinanda sunt, & subinde repetenda remedia temperata, his indicationibus satisfacienda. Quæ inter facile patet, nil æquè præstare, quàm salia volatilia, in specie oleosa, quæ optimè acidum corrigunt, & cum eò saltum tertium blandum componunt, diureticum pariter & diaphoreticum, prætereaque penetrando potentissimè attenuant & resolvunt quascunque obvias visciditates. Unde spiritus salis ammoniaci, imprimis cum aromaticis destillatus, sicque factus oleosus, item spiritus salis ammoniaci anisi aut caryophyllatus, & quem mille encomiis extollo procurandis infantibus, liquor C. C. succinatus à B. D. MICHAELIS primitus in ulum vocatus, & hactenus mille experimentis multis in calibus, adultorum pariter ac juniorum utriusque sexus, comprobatus, pro infantibus curandis sunt optimi. Paratur modò laudatus liquor ex *spiritu Cornu Cervi probè rectificato*, & ab oleo empyreumatico depurato, qui affunditur *sal. vol. Cornu Cervi & sal. vol. succini* (ab omni oleositate empyreumatica crebrioribus cum aqua & Spiritu Vini solutionibus, & inde sublimationibus purificato) ana q. s. ut imbibat & solvat intimè dicta salia; quæ mixtura utut effervescat primitus, cum succini sal. vol. acidum suavissimum, admodumque delicatum, conjunctum habeat, brevi tamen amicè coeunt, & digestionem debita ac cohobatione reiterata liquorem hunc commendatissimum constituunt. Nec est, quod generosa nimis, nimisque graduata putes salia volat. pro infantibus; nam circumspèctus usus in Lacte nutricis, vel in Aqua & syrupo menthæ, fœniculi &c., & limitata ad guttu as saltim dosis, tenellis pariter ac paulò robustioribus infantibus eadem optimè accomodare novit. Miratus sum sapius, à quibusdam vel præcon-

ceptis opinionibus excæcatis, vel experientia debita destitutis Medicis, cum pavore quasi audiri salium volat. mentionem, speciatim pro infantum cura, cum tamen sub legitimo & circumspècto usu, Deorum manus eadem vocandi existimem. Volatilibus hisce alcalibus & fixa per spiritum vini temperata in solutiones tinctas etiam subjungenda erunt, imprimis Tinctura tartari, & Tinctura scoriarum Reguli antimonii.

§. 6. Præter salia hæc volatilia acriora vel aromatica, etiam alia subiecta aromatica oleosa, suo sale volat. non destituta, in genere infantibus ægris fructuosa sunt: quæ inter *anisum* & ejus semen mirè convenit, quod ad 3i. pulverisatum, recens quoque pro levi evacuante commendat HEURNIUS *Method. ad Prax. lib. 2. cap. 26.* Juxta hæc *Castoreum* benedicta etiam est medicina, temperans mirè acidum austerum, & convulsivos spasmos quoscunque, torminosaque inde pathemata, optimè listens. Quibus meritò annumeratur *myrrha*, omnem corruptivum acorem tollens, & balsamica vi quancunque corruptionem putredinalem inhibens, indeque ad Vitam Longam ab HELMONTIO commendata, *Tr. Arcan. Paracels. pag. 626.* P. R. A. C. E. L. S. U. S. ipse in *Consl. Sterzingensibus* commun. ceu opimum pestis præservans, myrrham, junioribus & infantibus commendat: Tinct. ergo salutis *Beat. D. LANGLII*, ex myrrha cum spiritu Vini tartarifato extracta (loco cujus & Spiritus salis ammoniaci cum Spiritu Vini paratus pro menstruo capi potest) salutare erit pueris remedium, corrigens acidum, & resolvens viscidum. Facit huc etiam elixyr proprietatis absque acido paratum per alcalia; vel fixa. ut sal tartari, vel volat. cum spiritu sal ammoniaci; hoc ipsum enim iis, qui adhuc lactis gaudent nutrimento, mirifice conducit; sicut post ablactationem, id quod, cum acido consueto modo vulgò conficitur, tunc concedi potest. Hisce denique suo modo Theriacam & Mitridatium annúmero, quorum non est, ut vel caliditatem vel narcosin opiaticam pertimescas, modò à gr. dimid. ad gr. i. vel ii. pro ratione ætatis propines, quæ & acida vitiosa temperent, & inde illatas noxas dolorosas blando sopore fallant.

§. 7. Hisce acida corrigentibus vol. partim salinis, partim oleosis, adjungenda simul erunt denique concreta quasi terrea, & fixiora paulò, acidum, quod talia rodit, in se absorbentia; qualia sunt oculi cancr. & (his vix nobilioris usus) margaritæ præparatæ, Corallia, Cornu Cervi, tam communi modo, quàm Philosophice, ut vocant,ustum, ut & *Ebur* simili modo tractatum, *lap. bezoar. animalis*, in genere omnes animalium partes osseæ, imprimis marinorum seu aquatiliū, & dentes; quo & *Unicornu* animale pertinet, it. *dens Hippopotami*, & similia, ex quibus etiam pulvis Marchionis compositus esse solet, ad tormina & epilepsiam infantum mulierculis decantatissimus; loco cujus feliciter usurpari potest sequens;

2℥. Ocul. cancr. præp. 3℥.
Cornu Cervi sine igne 3i.
Corall. rubur. præp. 3℥.
Myrrhæ el. gr. vi. vel ix.
Theriak. gr. iv.
Olei destillat. anisi gutt. vi.

M. f. Pulvis pro puerorum affectibus quamplurimis convenientissimus:

Qui si acuatur aliquot granis sal. vol. Cornu Cervi, vel *cranii hum.* vel *viperar.*, erit usus ejus longè salubrior, magisque præsentaneus.

§. 8. Temperatus ita partim, partim resolutus succus acidus, necesse interdum, ut eliminetur foras, idque per alvum, imprimis obstetricante naturæ defectibus arte. Optatam

Deinde aromatica vel oleosa.

Denique fixa & paulò terriora

Quomodo purgandi infantes.

tam opem hic ferunt Clysmata, cum sale tart. similivè lixiviali acuata, quæ mukum in crassioribus intestinis resolvunt, optimèque reducunt, & stimulo reliquis intestinulis ita injecto, cætero mucosæ descendenti vias patentiores reddunt. Parentur saltem ex *Decocto flo. chamomillæ* ℥i. ad ℥iſſ. vel ℥ii. pro ratione ætatis, addendo *mell. rutac.* ℥ſſ. *sal. tart.* ℔ſſ. ad ℔i. *oleo destill. anisi* gutt. iii. vel iv. quæ injecta feliciter operantur. Vel loco talium Enematum, ex lacte dulci cum terebinthina in Vitello ovi dissoluta misto, clysmata sunt admodum egregia, idque ubi dolorosa abdominis simul urgent symptomata: quin & fortius per clysmata ubi stimulanda alvus, & detergendus mucus, non raro vitreus, etiam talibus ex simplici vegetabili Decocto paratis, pro fortiori acumine addendus est syrupus emeticus à ℥i. ad ℥ii. pro ætatis ratione, aut etiam infusum quoddam antimoniale, nomine aquæ benedictæ aliàs cognitum: qualia pertinacioribus in malis, epilepsiam etiam jam minitanti- bus, quæ ferè semper in infantibus fomitem ob- tinet in abdomine, convenientissima. Quod si necessitas incumbat, ex lacte farinaque conge- stum mukum ex superioribus locis potentiùs eli- minare, præterea, quæ *suprà* §. i. *hujus cap.* lau- davimus, (quæ inter syrupus de spina Cervina vel solus, vel cum syrupo de fumar. mistus, & subinde exhibitus, omnibus palmam præripit) imprimis jalappæ pulvis, cum triplo cornu cervi uſti vel sine igne mistus, & ad gr. 2. vel 3. & pura, ætatis habita ratione, propinatus, elegans est laxans, ordinatum à LUDOVICO in *ac cu- rat. Pharmac. Diff. 1. pag. 19.*, non minus quàm di- midia vel unica pilula aleoetica ab eodem c. l. præscripta. Habitioribus paulò eadem, mu- tata saltem dosi, conveniunt. non minùs, quàm aliquot grana mercurii dulcis, in specie ubi abla- ctati fuerint, qui & mukum resolvit, & præte- rea quoque verminationi resistit. *Manna quoque Calabrina* purior, pulvi addita, & tenellis propi- nata, quantitate plus minus aucta, ℥ii. ad ℥ſſ, pro scopi vel ætatis ratione, suaviter & blandè eisdem laxare solet. Singulare aliàs pro referen- da alvo infantum quid obtinet *Muscerda*, non nisi superflue delicatis horrida, cujus minutarum pilular. num. i. vel ii. aut iii. pulv. & cum lacte vel pulve potiùs exhibitæ, ad imitationem RU- LANDI *Theaur. 1. 3. p. 220.* vel earum viii. aut x. in lacte maceratæ, & per linteum leniter ex- pressæ ac propinatæ, egregie laxant infantes. Non me latet, esse qui scammonii usum reliquis præferunt, & ejus aliquot granula in emulsionis formam redacta, admodum commendari, vel si ejus gr. i. aut ii. syrupo de cichorio addantur. Sed hæc vix, præterquam in abactatis & robu- stioribus, locum habent. Horreo esulinam vel rithymalinam scammonii virulentiam, adultis & robustis gravem, & subinde nocivam, tan- tò minus infantibus tolerabilem. Novi etiam per nutrices quosdam purgare velle infantes; quò pertinet aliquo modo, quando papillis pulvis quidam laxativus inspergitur, de quo PAN- ROLLUS *Pent. 5. Observat. 10.*, sed propter sum- mam incertitudinem doseos, quæ in tali casu ad fœtum certò determinari nequit, adeoque ob metum, ne plus debito purgentur tenelli, minus tutum negotium existimo, vid. BARTHO- LINUS *C. 2. Hist. Anat. 93.* Vomitus si in pulsio- nibus interdum, in specie in asthmatis aut gra- vioris suffocationis metu, provocandus sit, vel per radicem ireos florentinæ ad gr. aliquot, vel pa- rum syrupi antimonialis emetici, in s. qu. aquæ men- thæ aut fœniculi dissoluti, etiam infantibus tutissi- mi; idque repetitis potiùs vicibus, idque tutius, quàm semel pro una dosi, idque periculosius pro- pinati, sufficit, suadente hoc itidem experto LU- DOVICO *l. c. p. 197.* Nam Faucium irritatio cum penna, oleo intincta, molestior est, minusque ef- ficax Vomitorium.

tio: quam & ipsam, ne aliquid deesse videatur, levi calamo perstringam. Tormina ergo quod Tormina attinet, cum flatibus, aut viridibus porraceis- que aliisvè dejectionibus præter naturalibus con- juncta; non crebrò nimis præbenda est mamma: interea verò cum lacte potiùs pulv. *Corallior.* & *Ocul. cancror. præp.* addita semper anatica portio- ne pulveris seminis anisi, aut loco talium pulv. *Mar- chionis*, aut, qui præsentanei magis est auxilii, *suprà* §. 7. *præscriptus pulvis*, infundendus: Vel istis acidum absorbentibus *castorei* parum adden- dum, & quacunque ratione fieri potest, propi- nandum. Theriacæ etiam vel mithridatii pisi vel minoris vel majoris quantitas, sub vesperam exhibita, blandam quietem, sopiendo tormina, præstat. Sin pertinacius malum fuerit, nec tali- bus crebriùs repetitis quiescat, ita ut jam vel epilepsia metuenda, *suprà dicti* §. 5. *spiritus li- quores salini volatiles* sacra erunt anchora; vel fiat mistura:

24. Syr. de spina cerv. ℥ſſ.

Spiritus salis ammoniaci aris ℥ſſ.

Ocul. cancror. præp. ℔i. ad ℥ſſ.

Mista diluantur cum pauca aqua fœniculi, & ita cochleatim propinentur:

Aurum fulminans magnæ hoc in casu observatur efficaciz, ut non immeritò à quibusdam insigni- ter extollatur contra tormina Infantum, & per- tinacem nimis alvi obstructionem, etiam immi- nentem exinde epilepsiam: datur infanti aliquot dierum, aut etiam unius septimanæ, gr. i. cum gran. iii. *nitri depurati* vel *antimoniati*: datur etiam solum absque addito in iis, qui jam sunt aliquot septimanarum, ad gr. ii. vel iii. propinatur in lacte, vel, quod melius, in vehiculo *aquæ destilla- tæ* idoneo, & præter alios effectus, quos aliquo- ties admiratus fui, tormina sistit, horridas deje- ctiones alvi promovendo, & insultus epilepti- cos sopit. Varietas observatur in ejus operatio- ne, nunc citius, nunc tardius operatur, debiliùs itidem aut vehementius, prout, uti suspicor, plus minus in Ventriculo infantis à grumo la- ctis, vel mucosæ pituitoso irretitur, & quasi invi- scatur. Suppetias hisce simul ferant junctio- nes externæ, ex oleis destillatis cumini, carvi, ani- si, fœniculi, chamomillæ, cortic. aurant. &c., oleo chamomill. par infus. ceu corpore, aut oleo nucistæ expresso, aut oleo stomachali Craton. exceptis, ne illorum destillatorum acrimonia dolorem ex excoriatione inferat, & circa um- bilicum inunctis. Quod si tenacior mucus dicto- rum malorum fuerit autor, exterius specialius unguentum conducet ex *gummi ammoniaco in ace- to destillato sol.* ℥ii. *terebinth.*, *aloes*, *an.* ℥j, *sevi Cervini*, *butyri non saliti*, q. s. pro consistentia debita, ulterius, quoties illiari debet, oleo dest. anisi irrorandum, & ita dictis locis umbilicalibus applicandum, quoties opus fuerit, aliquali por- tione, *fellis tauri* acuendum. Cum verò pathe- mata hæc insigniter exasperari soleant, alvus si clausa fuerit, ob id studiosissimè proficius *cly- smatum supra laudatorum* usus observandus erit: attendendo sedulò, magisne acrimonia acida, an visciditas causæ peccantis urgeat? ut ita dele- ctus aliquis instituatur. Speciatim tenuia & li- quida, laticis cujusdam instar plus minus flavedi- ne tincta, utut acerrima, & præter gravia in- fantum tormina, etiam excoriationem podicis subinde inferentia, observentur excreta; in quo casu Clysmate simplici, ex Lacte bubulo cum pauco saccharo impregnato, injecto, & dicta acrimonia temperari, & quæ imminet intestino- rum crassorum gravis læsio ac excoriatio, tutò præcaveri potest. Recensita hætenus & ipsa, non absque felici successu, in inflactione hypo- chondriorum, aut tympanitica quoque abdomi- nis distensione, in usum revocari possunt. Anisi inflatio. præ reliquis proficius est usus, sive *eius pulvis* cum dimidio *Corall. præp.* crebriùs infanti pro- pinetur; sive eleosaccharum anisatum, aut spiri- tus

Quomo- do infan- tes cu- randi. §. 9. Hisce in genere ita prælibatis, facillimè pateat, specialium morborum infantilium cura-

tus salis ammoniaci anis. sedulo ingerantur, & extrâ quoque oleum destill. cumini, anisi, cum oleo chamomill. vulg. calidè hypochondriis illinantur.

Vomitus

§. 10. Quod si Vomitus turbet infantes, isque per essentiam, ut vocant, fuerit, sinendus est, donec vitiosus mucus aut acris latex evacuatus fuerit, & cum moderato lactis usu interius pulv. ex nuce moschata, corall. & caryophyll. paucis propinandus, & subindè repetendus; vel temperatior cinamomi aqua spirituosâ infundenda, Theriaces etiam externus pariter ac internus usus in minuta dosi non negligendus, idque etiam, si per consensum fuerit: quod si ab lactati fuerint infantes, non immeritò Decoctum caryophyll. 3ß, & mastiches ʒiij. in Vino commendat JOEL Prax. l. 9. f. 4. membr. 3. pag. 344. Externè frustulum panis, Vino malvatico ebrum, stomacho imponendum; vel aliquot guttis ol. destill. macis, ol. nucis expressi exceptis, stomachalis regio inungenda. Quod si variegata, multiformia, Vomitu rejiciantur recrementa, cum talia non absque perverso regurgitationis motu ex superioribus intestinis in Ventriculum, eveniant, clysmatum modò laudatus usus non negligendus, perversum intestinorum peristalticum motum irritando inferiora versus corrigens, & ita Vomitus Violentiam cohibens. Sed, ut suprâ monui, non est citò nimis cohibendus vomitus, imprimis quando nausea urget, aut stertor anhelando auditur; quin potius in tussi ex stomacho, præ cæteris tussis speciebus furibunda, difficilique respiratione & asthmatico affectu, studiosè, nisi sponte superveniat Vomitus, provocandus erit; præsens namque levamen affert. Pro reliquiis autem materiæ acidæ mucilaginosæ resolvendis syrupus de nicotiana legitime paratus, ut & de erysimo, optimè, cum aqua hyssopi vel menthæ propinati, conferunt; non minùs quàm raphani succus recens cum saccharo depurato temperatus, ingratu licet, efficacissimus tamen est: in cujus locum, mitior quidem, non minus tamen potens, liquor sacchari ex raphano in taleolas inciso, saccharoque largiter insperso, defluens, commodè substituitur. Quod si non ex stomacho, sed pectore aut larynge potius affecta, & à lymphâ acriori, vel aere inclementiore irritata, tussis contumax sicca, sæpius nocturna, oritur, sperma ceti, quacunque ratione commodissime in jusculo vel cerevisia, aut lacte probè calido, propinandum erit; spiritus quoque salis ammoniaci anisatus insigni hic meritò extollendus encomio, etiam ubi dentitio difficilior talem tussim, quod interdum contingit, excitaverit; quo in casu vomitorium interdum præmittendum erit: sed præ cæteris Liquor cornu cervi succinatus supra pluribus laudatus, in affectibus infantum Catarrhalibus quibuscunque primum meretur locum. Nec contemnendum hic est euporiston muliercularum, ex CRATONIS, trium Imperatorum Archiatri, experientia ipsis compertum, nempe jusculum decoctionis raporum, cum saccharo sedulo infantibus porrectum. Adultioribus paulò, decoctum rad. heleenii cum uvis corinthiacis in Vino, paucò addito saccharo, confert; non minùs quàm loch de pastulis cum mucilagine seminis lini aut cydoniorum permistum, est blandum temperans. Externè in tali tussi sicca inunctio plantarum pedis vespertina cum pinguedine lucii piscis est proficua. Quod si verò singultus ex quacunque causa adfuerit, isque paulò pertinacior sit, vomitus imprimis conducit, evellendo acres acidasordes, stomacho in specie sic dicto adhærentes, propinando postmodum pulv. Joelis, in omni singultu ab eodem æstimatum, ex cornu cervi usto & Corall. præp. an. mistis conflatum, gutt. i. vel alteram Ol. destill. cinamomi aut anisi addendo, nec omittendo proficuum Theriaces usum, aut quod sæpius jam laudavimus, nostras aroma, anisum nempe, singulti etiam adultorum ap-

Tussis & Asthma.

Singultus

propriatum, externo pariter ac interno usui non minùs, quàm polichrestum Castoreum.

Lumbrici

§. 11. Vermium otiosa proles, mille incommoda inferens, feliciùs vix exturbabitur, quàm mercurialibus per os exhibitis, infusis tunc simul clysmatibus ex lactis vaccini vel muliebris ʒii. ad ʒiii., addita sacchari s. q., ut illorum hostili impetu in fugam versi lumbrici, hujus dulcedine allekti, meliùs decipi queant. Usurpantur mercurialia vel in forma aquæ, ut vocant. Hermeticæ, sive quam mercurius vivus in eadem bulliendo suo contagio infecerit; vel in forma pulveris, si nempe mercurium vivum cum certo quodam succo, ut inquit Schrederus Pharmac. l. 3. c. 5. pag. 389.; id est, cum saccharo, continuata tritura in pulverem redactum propinaveris in cochleari ligneo; loco cujus & in ab lactatis mercurius dulcis cum conserva fl. persicorum, vel cum saccharo in rotulas redactus, commodè usurpatur. Quod si quis horreat ad mercurii nomen, is gentianæ pulverem cum cornu cervi sine igne, & tantillo myrrhæ, jurato lumbricorum hoste (vel quæ præsentaneam magis fert opem, Tinctura salutis) exhibere poterit; vel saltem spiritum & sal volatile cornu cervi, adeoque & polichrestum liquorem cornu cervi succinatum, applicare potest. Præterea unguentum ex aloë hepatica cum felle tauri subacta, & cum oleo colocynthidæ acuta, regioni umbilicali cum portione vesiculæ suillæ; sic namque faciliè invisi hi hospites eliminabuntur.

§. 12. Quod si denegatus alimenti transitus Atrophie atrophiam inferat, laudata sæpius volatilia & alimenti depravationem ejusque visciditatem corrigent, & forti penetratione referabunt obstructos antea meatus, præmissis, & interdum iterato, subinde blando laxativo; quæ ob id lactationis tempore subinde iteranda erunt; sicut post ab lactationem liquor tartari à BARBETTE in Prax. l. 3. cap. 2. observ. 3. commendatus, erit proficuum, ut & Tartarus Vitriolatus Tacheniano more paratus, ut & arcanum duplicatum Mynsichti, & Tinctura Vitrioli martis Tartarifata, erunt utilissima. Externè ad resolvendam spissiore mucilaginem. Linimenta ex gummi ammon. supra §. 9. laudata, item quæ sunt ex Ung. Martiato, althææ composito, ol. Philos. felle tauri, &c. erunt proficua; quorum formulæ vid. in SYLVII Prax. lib. 1. cap. 14. pag. 167. & BARBETTE c. l. item Anat. Pract. l. 1. cap. 14. Ceu præsentissimum, sæpèque probatum, remedium ab HOEFERO Herc. Medic. pag. 349. commendatur Pulmentum illud, quod Vertex ferreus rotæ molaris inter movendum colligit, extrâ illud: cum hisce conferantur Miscell. Acad. Nat. Cur. Ann. 2. Obs. 152. & speciatim Ann. 3. obs. 250.

§. 13. Quod si Cutanea, ex vitiata nutritione, Tineæ & subinde etiam neglecta balneatione, efflorescant Acheras. Vitia, in achores, tineam & crustam lacteam &c. internè alcalinis Volatilibus sæpè laudatis, in specie viperinis, insistendum, tantillum Liquoris cornu cervi succin. aut salis volat. viper. pulverisve cujusdam Viperini propinando, vel Tincturam antimonii suprâ laudatam crebriùs guttatim exhibendo, vel cornu cervi sine igne aut antimonii diaphoret. aut Ocul. cancr. cum pauca myrrha iteratis vicibus usurpando. Externè mercurialia; quibus hoc in casu subindè abutuntur, vitentur, cum epileptica intenuis aded subiectis inducant symptomata, T. I. MÆO teste Respons. 45. pag. 106. Nec lotiones pro curanda tineâ ex Nicotiana instituendæ; pulverisve ejus inspersione; ebrietatem enim turbulentam, anxietates præcordiorum cum lipothymis, Vomitus, & copiosos secessus supervnisse, talibus observatum est, à Celeb. BOYLE Usefulness. of. Experimen. Philosoph. pag. 211. & à FEHRIO tractat. de Absinth. p. 90. Potius pustulæ linimentis saturninis aut sulphureis, acidissim abforbentibus aut temperantibus blandè inungantur;

tur; quibus si add. salis Tartari modicum, exoptatus habebitur successus: v. g. pulv. fl. sulph. excipiat ungu. de cerussa camphorato, vel diaphomph. cum s. q. ol. nicotian. vulgar. addendo salis Tartari plus minus, prout acrius vel mitius postulamur linimentum, quo ipso illitæ pustulæ optimè exarescent & curabuntur. Facit huc etiam unguentum expertum PANAROLLI *Pent. 5. Obs. 31.* ex sulphure, axungia (porcina) & succo limonum, quo illitus locus tinea defœdatus aliquoties, & postmodum decocto malvarum ablutus, optimè restituitur. Vulgaria fugimus merito Unguenta & Linimenta, ubi simplicia, cera, oleis, terebinthina, pinguedinibus, resinis similibusvè permixta, & partim saturata, partim obruta & subacta, nullam operandi vim exerere valent, nisi quod poros cutis dense incrustando malum longè deterius reddant. Merito autem duplex harum in Cute efflorescentiarum status, duplicem medendi rationem Medico insinuat: Interdum enim pustulæ hæ, ex acriori acido in manantia jam degeneraverint ulcuscula, acrem plus minus tenuemque saniem jugiter plorantia, quibus leviter linteo, vel spongiola, aqua spermatis ranarum turgida, abstergis, inspergantur pulveres acida absorbentes, viscida modicè resolventes, & ita, ut vocant, exsiccantes & detergentes; qualia componuntur ex Creta, Lacte Lunæ, succino, cornu cervi usto, cerussa, tutia, myrrha, fl. sulph. & similibus: Præ cæteris crocus martis, ex ejus vitriolo perlixivium salis tartari præcipitatus & probè edulcoratus, ex nodulo leniter inspersus, mirabilis existit, cui tantillum salis Tart. cosmetici summi, quantum nempe sine doloris sensu perferri potest, imprimis si contumaciores fuerint, aut subinde repullularint defœdationes dictæ, consultò permiscetur: His namque, absorpto acido, & deterso viscido, spontè successivè coibunt ulcuscula, idque citra ullum recidivæ metum. Sic enim v. g. Lactumina, *Germ. der. Ansprung.* faciei si offuscant nitorem, pustulis in specie manantibus inspergendum est:

24. Pulv. lap. calam. ʒj.

Flor. sulphuris ʒij.

Cerussæ ʒss.

Sal. tartari gr. xij. vel xv.

M. f. Pulvis subtilissimus inspergendus.

Quod si verò mitius in dictis ulcusculis peccaverit acidum, idque jam sub sua fœdine, temperata cum purulentia viscida, coiverit in tenaces & subindè spissas crustas, sufficiant simpliciter alcalia fixa crustas emollientia, & acidum vitiosum in radice penitus destruentia: quem in finem vel lixivio vulgari blandè humectentur, subinde dictæ pustulæ vel oleo Tartari per deliquium eadem blandè quasi illinantur, vel ex dicto oleo per deliquium cum oleo expresso amygdal. dulcium fiat subtilis litus, dicto modo applicandus. Quod si grandiores tumores glandularum circa capitis protuberent confinia, applicandum est pro eorum dissolutione empl. de melilotò, malax. cum oleo Philosophorum; vel fiat compositio ex eodem cum emplastro de galbano Crocato *Myns.* & ita imponatur, aliquamdiu relinquendo. Quæcunque autem modò recensita externa non, nisi præmissis internis, & somitem morbosum tam in primis viis speciatim in stomacho, quàm in latice lymphæ corrigentibus & delentibus, in usum vocanda sunt, ne pallietur morbus externus, & gravior internus inducatur affectus.

Variolæ. §. 13. Variolæ vel morbilli, si affligant infantes, expulsionem earum, seu acidi visceri peccantis ex lymphæ & sanguine separationem, indeque natæ febrilis effervescentiæ mitigationem, promovent optimè semina ista expulsiua dicta, napi videlicet, cardui benedicti aquilegiæ nasturtii &c. & addita myrrha pauca, cum aqua sambuci & scabiosæ in emulsionis for-

mam, ad imitationem ZVVELFFERI *Phar. Reg. pag. 209.* redacta, quæ infantibus perquam salutariter porrigitur. De cætero & antimonium diaphor. tam vulgare, quàm, quod magis appropriatum hic creditur, ex mercurio Vitæ paratum, additis granis aliquot myrrhæ, item castorei, consultò in aqua vel vehiculo appropriato iisdem, reiteratis vicibus, exhibetur; non secus ac cornu cervi sine igne simili modo salubriter convenit. Myrrhæ nunquam in Variolis aut morbillis negligendus usus, tot experimentis jam confirmatus; unde & essentia myrrhæ seu salutis saprà laudata comprobata: hic est efficaciz, uti & essentia castorei, tam simplex, quàm quæ magis est composita, ex castoreo & asa fœtida, cum spiritu vini Tartarificato parata, ceu præservativa pariter ac curativa suo modo Variolarum, ab aliis est commendatissima. Dictis usibus (nisi superflue delicati in remediorum selectu esse velimus) similiter infusio stercoreis equini in potu ordinario mirè conducit; stercoreis tamen ovilli ulus huic adhuc præferendus est in Variolis; sicut in Morbillis Caprillum eminet. Promota sic pustularum eruptione, & corporis fervore tepescente; id, quod deest, ad maturationem earundem, pulv. oculor. cancerorum cum myrrhâ crebrius reiteratus absolvit. Quod si gravior acrimonia sub eruptione horum exanthematum epileptica intulerit symptomata, in tenerioribus spiritus cornu cervi succin. aut sal volat. Cranii hum. par sibi vix inveniet remedium; sicut robustioribus paulo Cinnab. antimonii, & super ejus basin constructum specificum Cephalicum, optimè confert, imprimis cum dictis Volat. sociatum. Nutrix interea in potu quotidianò diligenter gelatinam cornu cervi dissolvat & hauriat.

§. 14. Aphtharum molestiæ, quæ ut plurimum Aphetæ, lactationem infantum impediunt, ut removeantur, egregiè confert raparum in aqua coctarum, succus expressus, cui tantillum sacchari vel mellis additum fuerit, quo eluatur & abstergetur frequentius os eorum, vel, quod aliis perplacet, raparum supra igne, recto vase, sine aqua assatarum succus expressus, etiam sine saccharo optimus, dicto modo illitus: aut horum loco aqua extinctionis chalybis, in quo salvia & parum mellis bullierint modicè, commodè pro eluendo ore administratur. Decoctum quoque veronicæ cum melle in aqua simplici factum pro ore eluendo est usu frequenti compertissimum. Quod si maligniora, aut etiam serpentis oris fuerint ulcera, idque in ablatis imprimis, (nam lactentium nutrimentum lacteum pro medicina ex parte inservire potest,) instar omnium sit linimentum ex melle cum tantillo spiritus Vitrioli, vel, quod magis placeat, cum spiritu salis imprægnato, subinde ori illitum.

§. 15. Epilepticos tandem insultus, eorumque prodromos, somnum turbantes pavores, ut curemus, nobile est remedium sulph. antimonii, ex hujus scoriis ultima vice certo modo præcipitatum, gr. i. & in robustioribus paulo gr. iss. dosi, epilepticos insultus, tam imminentes quàm præsentis, sistens, simulque mineram morbi, si quæ repetiatur in primis viis, auspicatò vomitu exturbans: quibus locis repurgatis, etiam repetitis vicibus, sine tali effectu tutò propinari potest, blanda quiete & diaphoresi novercam hanc potius, quàm matrem puerorum, sopiens. Interim non reiiciendum puto communia euporista, qualia sunt pulvis Marchionis, rasura cran. humani, Unicornu marin. & hippopotami, vel Unicornu fossile, bezoar lap. &c.; omnia enim hæc acidum, nervos infestans, absorbent, & ita malum non mediocriter levant, interdum planè tollunt. Quibusdam præterea ceu inter secretiora ad epilepsiam Infantum remedia, asservatur pulvis iste citrinus, seu farina musco terrestri clavato, h. e. lycopodio, infidens, sulphureæ prosapiæ, adeoque faciliè flammam concipiens, & instar pyrii pulveris crepitum

Pavores
& Epi-
lepsiæ,

pitum edens, qui ad $\beta\beta$. ceu summum epilepticum puerile commendatur: cui tamen adhuc præferendam existimo similem sulphuream farinam in julis Coryli primo vere reperibilem, cum Coryli lignum mirabile istud heraclinum oleum, singulare antiepilepticum Rulandi, fundat, ritè destillatum, sicut & viscus Corylinus nobile euporiston ad epilepsias esse solet. Sed ubi talia non suffecerint, omnibus præferendus est liquor cornu cervi succinatus, crebriori experientia ad pueriles affectus epilepticos comprobatus, ex quacunque causa originem traxerint, etiamsi dentitionis difficultas eisdem excitaverit, suo tamen optimè officio satisfacit. Externè abdomini cordisque, ut vocant, scrobiculo inungendum est balsamum succini, ceu optimum euporiston.

Dentitio.

§. 16. Dentitionis laboriosum, & tenellis ob symptomatum gravissimorum syndromen subinde mortiferum, negotium ut promoveatur, & doloribus leniendis, & symptomatis supervenientibus mitigandis, omnis opera impendenda erit. Dolor ergo ut leniatur, & gingivæ minus sensiles, simulque molliores reddantur, eadem crebrius succo Cancrorum fluviatilium contusorum cum aqua fl. cyani extracto, illinendæ, aut balsamo puerorum dentitionum à J. D. HORSTIO in *Dispens.* pag. 567. descripto, eadem inungendæ. Rad. althææ frustulum recens, vel aridum, in aqua malvæ maceratum, sæpius masticandum infanti præbeatur, ut hujus mucilagine, à saliva sub masticatione extracta, emolliantur gingivæ melius: cujus loco non ineptè alii frustulum coriilardi recentis substituunt. Sanguis ex crista galli parum incisa recens collectus, & gingivis illitus, ad dentium eruptionem promovendam impensè quibusdam laudatur. Non secus ac leporinum cerebrum coctum, & melle permixtum, ceu unum ex potentissimis remediis, simili modo applicatum. Aliis irritis, si protuberantia gingivarum, & superior ejus candidior reddita ora, dentis jam proximè absconditi signum exhibeant, scalpello eas incidit PARÆUS l. 23. c. 67. quod ceu tutum sibi que compertum & summè proficuum commendat BORELLUS 1. obs. 97. Extra maxillæ & regioni temporum loci dolentis pro spasmo doloroso dictorum locorum lehiendo illinatur medulla crurum Vituli, oleum amygdal. dulc. chamomillæ, ungu. de althæa, mucilago rad. althææ aut psyllii, Theriaca, &c. Ut verò reliqua interea mitigentur supervenientia symptomata, qualia primariò sunt febris & convulsiones, optimum fuerit, si alvus, quantum possibile, servetur probè fluida: nam quibus, cum dentes erumpunt, alvus crebrò demittit, minus convulsione tentantur, inquit HIPPOCRATES de *Dentit. Lib.* Hinc vel sponte alvus fluidior servetur talis; vel eadem clysmatis, similibusque remediis, laxior reddatur: conf. HOFFERUS *Herc. Med.* pag. 355. Idque speciatim in iis, qui ex nutricis cacochymia minus laudabilem sanguinis, reliquorumque contentorum, crasin obtinent; nam & tales ordinariò gravius sub dentitione laborare assolent. Internè gelatina cornu cervi recens crebrius quocunque vehiculo propinata, & hinc Liqu. cornu cervi succinatus, ob convulsionum imprimis metum, medicamenta sunt tutissima & utilissima.

Febres.

§. 17. Ad febres nunc devolvimur, quarum varietas variam etiam medendi methodum exigat. Intermittentes, utut rariores, quocunque ætatis tempore affligant pueros, curat præmissis in specie Vomitoriis spiritus salis ammoniaci, aut loco hujus sal absinthii fixum, vel denique sal Holsaticum dictum, alias arcanum, duplicatum Mynsichti. Continuas verò lentas, ex acido viscido, hisque cognatas catarrhales, ex lymphâ nimis acida, post laxativa & clysmata vix aliud remedii genus melius, quam spiritus salis ammoniaci simplex, aut anisatus, aut Liquor cornu cervi succinatus curabit, in specie postero-

res, ad quas etiam Tinctura myrrhæ salutaris existit. Quod si verò ablactati sint, optimè liquor Tartari supra laudatus, item sal ammoniacum cum dimidio Ocul. cancrorum sæpius reiteratum, eas profligabit. Continuas ardentes, hisque similes, utut raræ affligant tenellos, eas tamen, Vomitu imprimis præmissis, aut aliis evacuativis, profligant antimonium diaphoreticum, ut & cornu cervi sine igne, & cum eodem compositus pulvis febrilis LUDOVICI in *Pharmacop.* 280 & 282. quin & in potum ordinarium, quem præter lac avidè subinde appetunt, in nodulo infusum stercus equinum, vile quidem, sed non nisi delicatis superstitiosè contemnendum est euporiston; loco cujus tamen & Gelat. cornu cervi tam infanti, quam in specie etiam Nutrici, in potu ordinario frequenter propinentur, insignis his in affectibus usus. Alias si robustiores paulò extiterint, nitrum antimoniatum, uti & arcanum dupl. Mynsichti modo laudatum, cum modò dictis exhibita, sunt egregiè proficua: quin & nil impedit, quò minus etiam misturæ blandè acidulæ, pro compescendo æstu sitique molesta propinentur; sicut & feri lactis cum succo Citri acidulati potus est non ingratus. Quod si malignitas conjuncta fuerit, præter modò enarrata, etiam emulso supra de Variolis laudata, cum cornu cervi sine igne, antimonio diaphoretico, terra sigill. & similibus in specie convenit. Misturæ quoque cum diascordio Fracastorii, aut moderata Theriacæ dosi imprægnatæ, in paulo robustioribus tutò in usum revocari possunt.

§. 18. Crinones vel Vermes si affligant pueros, post Tincturam antimonii, Balnei repetitus usus, præservativè pariter & curativè, eisdem remonet. Pro maturanda tamen genitorum remotio-
ne consultum est, ut Balneo aquæ dulcis mellis modicum addatur, quod sub lotionem hujus dulcedine allesti vermiculi, per poros capitibus suis prominentes commodè vel unguibus acutioribus, vel vossella exigua subtiliter extrahi queant; id quod aliquoties reiterandum erit. Aliis in more positum est, ut ablutos in Balneo infantes, manu melli intincta blandè perfricent, & hinc proleptos Vermiculos vel crusta panis durior in formam aciei cultri rescissa, idque tutius, vel scalpello, idque minus securè, abradant & removeant. PETRUS à CASTRO *Tract. de Colostro* mulierum Lusitanarum experimento fuliginem Caminariam, cum melle & lacte mixtam, dorso illitam laudat. Præ cæteris modò, dictorum uno alterovè præmissis, convenit aqua aloetica TIMÆI, quotidie aliquamdiu inuncta: de cuius usu vid. l. 5. *Cas.* 23. *descript. cit. loc. cap.* 4. Quinimò putarim, aquam hermeticam sive decoctionis mercurii vivi, uti lumbricis & scabiei optimè conferre solet, etiam eandem in Balneo cutim abluendo usurpatam, citra ullum periculum dictos Crinones necare & tollere posse. Plura de his vid. in VELSCHIO *supr. cit. locis.*

Crinones & Vermes.

§. 19. Intertrigo, si tenellam Cutim cuticulæ Inter-
tegrine spoliaverit, vix citius aut jucundius re-
trigo.
movetur, quam croco martis ex Vitriolo Præcipitato supra laudato, sine nullo vel minimo sensu ex-
coriata loca restituens; cujus defectu & Terra Vitrioli dulcis consultò substitui potest: Vel si macularum in linteis exinde nata flavedo sit obstaculo, usurpetur pulvis ex cornu cervi usto, creta, & pauca cerussa, quæ ipsa nodulo tenui inclusa, suspensa manu blandè inspersa, superimposito linteo, quicquid fuerit mali, sistunt.

§. 20. Hæc ipsa, quæ hætenus tractata fuerunt, uti primariò de tenerioribus, & quæ nutricis adhuc sustentantur Lacte, intelligenda veniunt infantibus; ita eadem mutatis mutandis de facili quoque ablactatis & vegetiore robore jam jam adolescentibus applicari possunt: modò consideremus, quoscunque infantes, & speciatim qui lautiori gaudent diætâ, & à teneris unguiculis luxuriosè magis, quam salubriter educari solent, ob communem iis addiphagiam & qua-

& quasi voracitatem obnoxios esse cruditati acidæ, ex qua, seu uberrima scaturigine, similia iis, quibus sub lactatione, ex lactis præternaturali acescentia & corruptione, &c. conflictari solent, mala in eisdem largiter redundare solent, quæ ipsa etiam, aut iisdem ferè aut similibus medicamentorum generibus profliganda erunt, quo tenera hæc proles, in Divini sui Creatoris Gloriam, & Proximi Salutem, benè educari ac institui iussit. Ipsi Conditori Cœli & Terræ, sit soli Gloria.

DISSERTATIO VII. VIRTUS OPII DIAPHORETICA, a MICHAELE ETTMÜLLERO.

PHILOSOPH. ET MEDIC. DOCTORE,
& Facultat. Medicæ Assessore,

EXAMINI PUBLICO EXPOSITA

die 11. Julii, Anno. 1679.

R E S P O N D E N T E

JOHANNES ACOLUTHO.

Uratislavia-Silesio.

I. N. S. S. T.

De Virtute Opii Diaphoretica.

STerile, si quoddam aliud, in Schola Medica semper extitit dogma illud, à superiorum seculorum in GALENUM & AVICENNAM Commentatoribus nobis relictum, quo simpliciter ex quatuor sic dictis qualitatibus primis, earumque absque fundamento graduationibus multiplicibus, mirabiles corporum vires, & præsertim simplicium operandi rationes, tantum non omnium dilucidare satagunt. Superstructum fuit illud, si primam eius perscrutemur originem, ruinoso & arbitrario saltem Peripaterico Elementorum quaternioni, qui præter alias turbas, tam in Theoria Physicæ, quam hujus Praxi, Medicina, huic quoque asserto primas occasiones suggessit: adeo Dogmata Aristotelis nullum adjumentum, sed potius multum impedimenti adferunt Medicis studiis, siue tum Theoria, tum Praxi: ut loquitur Eruditis. JUNGIUS in Doxosc. Phys. Min. P.2. S. 1. Proœm. Aff. 1. Schol. 3. Sanè si ritè negotium hoc consideremus, nullas tales in corporibus deprehendere licet, cujusvis generis qualitates, quas ipsis ordinario affingimus, seducti nimirum per pluralitatem attributorum respectivorum, quorum originem ad tot distinctas entitates qualitatum malè referimus, cum ex pluralitate & diversitate occurrentium saltem obsectorum externorum oriantur. Adeo nec Ignis est calidus, calorivè tantillum possidet, nisi in quantum organa nostri corporis ita sunt fabricata, ut ratione motionis celerrima ab acidis ejus particulis in usdem excitata, quam caloris nomine appellamus, illi calorem attribuimus: pariter atque nec ferrum ab eodem calefit, nisi in quantum hoc ab igneis istis articulis in sui minimis motum, nostris sensoriis talem impressionem, caloris notione insignitam, facit. Potius qualitatibus nomine (τοιότης à ποιότης) cum curioso isto Gallo, facilitatem siue agendi facultatem intelligamus, quæ omnis, cujuscunque fuerit generis, nunc immediate, nunc mediata, ex corporum essentia, & constitutivis principiis fluunt. Pluribus jam suspecta fuit ista, per qualitates præsertim primas putatas, Philosophandi in naturalibus ratio; unde FERNELIUS pariter ac SENNERTVS, insania opus esse dixerunt, ad manifestas qualitates omnia reducere velle. Quarum loco, cum occultas substituere nitantur, profecto negotium potius implicant, quam explicant, dum manifestarum illarum aequè abscondita sunt, quam occultarum qualitatum natura: & nemo illorum, caloris in Igne Naturam & operandi modum, clariùs explicare potuit, quam magnetis, ferri vim Locomotivam. Observarunt hoc plures in Theoria Physica excellentes Medici, unde sub atavis tenebris, si quis alius Lynceus FERNELIUS, hinc inde in eleganti, & erudito de abdit. rerum causis Tractatu, operationes corporum singulariores à tota eorum substantia oriri statuit, pluribus applaudentibus Naturæ consultis: id quod idem sonat, ac cum Modernorum plurimi, audacis ingeniosique (ut Boyleo hætenus incomparabili, in Præfat. introduct. in Chym. Scept. audit.) HELMONTII terentes vestigia, ex seminibus & virtute rerum seminali, quaslibet concretorum naturalium dores derivant. Nempe ut illi in rei substantia formam in specie considerant, per materia modificationem operantem, ita hi principium seminale, mediante speciali materia textura, ceu quorumvis attributorum & qualitatum fundamento, activum, respiciunt. Atque hic terminus est ultimus, ultra quem progredi nescit humana de naturalibus rebus cognitio: siquidem tam Tota istorum substantia, quam vis horum seminalis à priori nobis Mortalibus planè delitescit incognita, quia immediate fluit ex imperscrutabili Sapientia & Omnipotentia Divina, cujus revera sunt characteres, ab aliis Ideæ appellati, materia sub prima corporum creatione impressi, quorum beneficio & adhuc dum fecunda existunt rerum semina, & qui ipsi à priori nullo modo, sed à posteriori saltem per effectus nobis cognoscibiles existunt. Exerunt autem se, tam in corporum productione, quam productorum operatione, per multiplices materia Schematismos, siue conformationes & permutationes mechanicas: ac propterea ex materia secundum minima textura ac modificatione multiplici, & inde dependente varia ad alia concreta habitudine siue respectu, tam activo, quam passivo, ceu fonte tot attributorum, clarè magis, magisque distinctè, quam ex qualitatibus, nominatenus saltem notis, quibusvis, admirabiles istæ operandi rationes explicanda veniunt. Specialis autem ista à semine immediate fluens, & in minimorum figura magnitudine, situ, ordine & nexu, &c. proximè fundata textura, cum sub tanta specierum & individuatorum varietate tantum non sit infinita, pro sublevando ab infinito abhorrente intellectu humano,

mano, in pluribus explicandis corporum Phenomenis, ad bina universaliora ista natura imprimis, hinc & artis, illius imitatrix instrumenta materialia, quasi mechanica, minima acidi & alcali, confugere omnino necesse habemus. Quae omnia & isti agendi facultati corporum, horumve partium, respectu ejus in animalium praesertim hominum corporibus, nunc alimentorum, nunc medicamentorum, nunc Venenorum nomine veniunt, applicanda sunt: quatenus illa ratione materialis seu mechanica secundum minima textura, partium nostri corporis texturam & constitutionem vel conservare, vel immutare, vel destruere valent, quas actiones necessario nostra cognitionis sensualis, hinc & intellectualis respectu, varii conceptus & notiones multiplices comitabuntur, quarum occasione, tot qualitates in istis objectis vulgo statuantur, quot attributa respectiva in iis deprehendere licet: quod ut perquam incongruens est, ita multo magis multiplici errori ansam subministrare solet si ex quatuor elementorum horumque primis qualitatibus, earumque Syzygiis particularium istarum qualitarum originem & operandi modum derivare velimus. Illustrat hac omnia, ut unicum in medium producamus, Opium, vi sua polychresta, nec unquam satis laudata, qua & somni nobis dulcedinem conciliat, & doloris suave lenimen praestat, & quavis in Republica nostra microcosmica turbata pacatiora reddit: cuius singularissima doles, dum ob uno frigori ejus summo adscribuntur, quod tamen calidum intense ab alio affirmatur, dici nequit, quas lites excitant, de Lana caprina omnes. Quas ut impraesentiarum missas faciamus, vis ejus diaphoretica nos monet, quam solam considerare est animus, cui caepio Supremus annuere velit Archiater.

CAPUT I.

Effectus Opii partes contentas considerat.

Thef.

Opium quasvis excretionem sistit, praeter sudorem; idque nec in partes solidas, nec in partes fluidas agendo, sed saltem spirituum animalium impetum refranando.

§. 1.

C Ravissime licet decumbant aegri, & pessimo versentur in statu, modo somni blanda frui datum sit illis quiete, praesentissimum solamen, & levamen exoptatissimum ex eo percipere assolent, adeo ut arcanum in Medicina supra omnes gemmas & Lapidem pretiosum, merito somnus audiat CROLLIO, Basil. Chym. c. 7. p. 198. Nam praeter alios usus, & hoc simul ex eo sperare licet beneficii, quod juxta tritum Practicorum axioma, somnus omnes fluxiones, excepto sudore sistere solet.

§. 2. De somno naturali quod hic asseritur, hoc ipsum de eodem, quatenus artis beneficio per soporifera remedia, quorum antesignanum est Opium, hujusque nunquam satis laudatum Laudanum, adeoque de ipsis etiam auxiliis somniferis, affirmandum pariter venit, quod haec ipsa, praeter suavem ad somnum propensionem, quosvis humorum motus cohibere, & specialius quasvis excretionem, praeter sudorem compescere soleant.

§. 3. Quotidianae hoc debetur experientiae, quae tam de naturali contentorum in corporea nostra machina motu hoc confirmat, quam vel maxime de praeternaturali eorum, vel in certa loca intra corpus effusione, vel per certa loca extra corpus excretionem, idem ostendit. Equidem naturalem contentorum fluxum per alvum & vesicam non solum cohibere aptum natum est opium, sed ipsum etiam sanguinis in orbem reditum sedatorem suo usu reddit, cum pullus exinde factus rarior & tardior, quam ante ejus exhibitionem fuerat, quietiorem sanguinis circuitum innuat, & respiratio ipsa quoque minor & minus frequens exinde reddita, moderatae magis per pulmones sanguinis traiectionis testis adsit. Sub quo sanguinis blandiori fluxu & refluxu, lymphae quoque tardior necessario sequitur motus, propterea ex opiatorum usu subinde faucium ac Linguae aliqualis siccitas, & sitis urgentia, observari solet, minus copiosa salivali lymphae illas eluente. Quin imò in tantum etiam cohibuisse contentorum corporis reciprocos fluxus, ad vitam continuandam summè necessarios, opiata observata fuerunt, ut penitus cessantibus his ipsis, vita cum morte commutata fuerit. Ob id scilicet tam sollicitè monent Practici, ne nisi sub aliqua adhuc virium robore, remedia istiusmodi, nec nisi exactissime correcte, propinentur.

§. 4. Evidentiora sunt longè, quae sub praeternaturali contentorum corporis motu ab opiatis contingunt. His & vomitus & diarrhoeae auspicio supprimuntur, dysenteriae graviori absque opio succurrere difficile, ne dicam impossibile est, non secus ac Cholerae Sanguinis quae fiunt, eò periculosiores effusiones, quò vitae nectar immediate magis exhauriunt, per quaecumque loca, sive alvum, sive vesicam, sive nares, sive os, sive uterum, &c. frequenter ab Opii vi compescuntur. Diabeticorum urinarius nimbus per Opiata sistendus venit. Quas lymphae effusiones catarrhales inducunt affectiones, praesertim thoracem cum aspera arteria, (ceu quae frequentiores magis illius patiuntur inundationes) affligentes, ab

opiatorum vi promptè reprimuntur. Ipsa copiosior, etiam à mercurio concitata, salivatio per Opium moderamen patitur. Ut taceam febrium universum exercitum, in corporibus fluidis, praesertim sanguine, ferè omnia sursum deorsum miscentem, cujus impetus ferociore & reprimat Opium, ac refranat in continuis benignis in malignis verò utramque facit in cura paginam, ut loquitur J. D. HORSTIUS judic. de Chirurg. Infus. p. 47. dum intermittentium paroxysmos sensibilibiter repellit, rigores potenter minuendo, & cetera symptomata mitigando.

§. 5. Sed in omnibus his contentorum ab opio quoad sui motum factis immutationibus sudor superest, qui tantum abest, ut ab Opiatis sufflaminetur, ut potius strenuè & profusè proliciatur, tam ab iisdem solitariè assumptis, quam aliis praesertim diaphoreticis additis, quorum agendi potentiam, mirum quantum opium intendere satagit, adeo ut inter sudorifera excellere Opium dicatur WALEO Tr. Meth. Medendi pag. 65. cui constans Practicorum consensus omnino suffragatur, & ante eum jam notarunt, tam Germanorum Plinius, GESNERUS in Epist. l. 2. pag. 61. & 69. quam PLATERUS in Obs. l. 2. pag. 491 & l. 3. pag. 633, & 727. Conf. HOCHSETTERUS Decad. 3. cas. I. Schol.

§. 6. Considerandum jam ante omnia, qua ratione priores illos, liquidorum motum sistendi, effectus perficiat Opium. Ubi imprimis observandus venit duplex in Medicina corporis nostri hydraulico-pneumatica contentorum sive humorum motus: Localis unus sive progressivus, alter intestinalis sive plus minus fermentativus. Localis, totus molis liquidæ per suos ductus & canales est translatio, respectu cujus in sanguine Cordis musculus antræ vices subit, transvalando ex venis sanguinem per medios pulmones in arterias, praeter quod officium, an aliud praeterea sanguini conferat beneficium? merito dubitatur, saltem haecenus ignoratur. Intestinalis ille secundus, est minutarum illarum contenta nostra liquida sive humores componentium particularum continuus reciprocos motus, ratione cujus non tantum in fluiditate continua conservantur eadem, sed etiam fermentationis & turgescenae, tam naturalis, quam praeternaturalis, & inde natae multiplices alterationis & immutationis, secundum minutarum istarum particularum syncrisin, diacrisin & metastasin, subeunt vicissitudines, undecumque etiam minutiarum illarum continuatus dependeat principaliter motus, utut saltem sic dictorum varietas, praesertim acidi, instrumentaliter plurimum omnino conferat.

§. 7. Intestinum hunc motum ab Opio suppressi, à nemine haecenus assertum fuit. Ac obstat ex illis ista, aliquot saltem granorum, dosis, quò minus Crassi materialem illorum immutare, & consequenter dependentem ab illa intestinum motum sistere plus minus valeat; de quo pluribus infra. Quatenus tamen, ut ex sequentibus patebit, localem humorum motum refranat, & suppressit plus minus, etiam ad intestinum motum, ab illo certa ratione, quoad aliquam modificationem dependentem, nonnihil moderandum conferre poterit; praesertim si ex confluentia quorundam liquidorum hic ipse vel oriatur primario, vel ab iis certa ratione intendatur, qualis est Chyli cum felleis & pancreaticis liquidis, sanguinis cum his ipsis & lymphae &c. Hac enim ferè ratione ex parte & febrium impetum nonnihil compescere, & intermittentium praesertim plura symptomata refranare, probabile est.

§. 8. Localis ergo speciatim est motus fluidorum, quem Opium plus minus sistere valet. Ut quando superiori anno, Juveni ex incautiùs hausto Vino emetico antimoniali, in hypercatharsi ultra 14. dies adeo copiosa, ut secessuum numerum referre, (mendacii suspicionem declinans) non libeat,

beat, essentia theriacalis cum dimidio est. Opii propinata, presentaneam opem, 40. saltem guttarum dosi, attulerit. Circa hunc motum localem tria considerata veniunt: 1. ipsum fluidum motum; 2. pars Organica, a qua & per quam instrumentaliter moveretur; & 3. spiritus impetum faciens, à quo principaliter omnis oritur motus. Unde unius vel alterius horum trium respectu, Opium vim suam exercere, omnino necessarium erit.

§. 9. Humores fluidos quod attinet; horum motum, qua talium, cohibere nequit opium. Locali in motu fluida illa passivè se habent, & quæ naturali impetu deorsum saltem ruerent, intra certos corporis canales coercita, secundum horum conformationem promoventis impetu undique distribuuntur, adeoque supra & infra nesciunt, suntque tam in fronte, quam in pedibus, ut de sanguine loquitur HELMONT. *Tract. Terra* §. 7. cum quo conf. *Eruditiss. olim Patavinorum SANCTORIUS in Meth. Vit. Error.* pag. 710. & 874. Opium ergo talem motum, quomodo in his fluidis inhibebit, dum alieno ipsi subsunt & parent imperio? In quem scopum finge, occasione spiculorum antimonialium, cum Vino infusionis croci metallorum aut Viiri antimonii haustorum, & Vomitus multiplicis materię, & variarum sordium secessus provocari, quibus quocunque modo aut quanto societur opium, quid adjuvanti hoc confert fluido, qua tali? siquidem huius mole obrutum & abreptum, simul evacuabitur: Nam consistentiam fluidi; ab Opio immutari immediate, nondum hætenus compertum fuit. Adeo, ut Opium fluidorum motum cohibeat, absque ulla in fluida ipsa actione.

§. 10. Considerandæ jam partes solidæ, qua tales, an harum ex affectione ab Opio suscepta, illæ in contentorum motum alterationes dependant, cum ab his moveri liquida, & modo §. 8. dictum sit, & experientia ipsa commonstret? Sed quod minus & harum respectu Opium sistat contentorum Lationes, patet non solum ex parva ista dosi, qua propinantur, (de quo infra,) quæ non sufficiens est, ut partes solidas tam notabiliter in suis functionibus motivis cohibere queat; sed etiam ipse solidæ partes instrumentaliter se habent ad fluidorum motum, quatenus principium movendi ex seipsis non habent, sed ab aliena potentia, ceu organa saltem, moveri & ipsæ soleant. Adhæc, qua ratione in eas agit Opium, an ratione texture illarum materialis, & inde natarum multiplicium proprietatum sensuum sive temperaturæ? an ratione conformationis suæ mathematico-mechanicæ, ratione cuius in esse organico constituuntur? Non ratione huius, cum nullum immutatæ organisationis seu conformationis ab Opio inductæ innotescat vestigium: pariter atque in ipsa textura materiali, qua tali, & inde natis qualitatibus temperaturaque, ab Opi usu ulla immediate facta mutatio haud apparere solet.

§. 11. Dum ergo Opium proximè, nec in continentes seu solidas, nec in contentas partes seu liquidas, harum motus, & inde natas excretiones, sistendo agat, supersunt spiritus, sive impetum faciens Hippocratis, quos consideremus, quid hoc in negotio vel agant, vel patiantur ab Opio? Hi scilicet sunt, animales speciatim appellati, qui fibrarum motricium beneficio omnis in corporis Oeconomia localis motus existunt autores primi. Hi Rotæ sunt suprema sive magna, quæ alias Rotas in corpore humano tanquam artificiosissimo automate) circumagit, ut eleganter loquitur *Illustr. B. de VERULAMIO Inst. V. M* pag. 94. 193. Horum ergo quamdiu viget impetus elasticus, etiam fibrarum motricium ritè fabricatarum tonus, & inde dependens tam ad externorum objectorum promptissime recipiendam impressionem sensilem proclivitas, quam continuus ad motum nixus, debito in robore vigeant; adeoque quamvis partium contentorum localis motus, cum contentarum promptissima undique distributione, quin &, pro occasionum varietate, inordinata commotione & nonnunquam exclusione, continuabit: sufflaminatio autem nonnihil spirituum illorum impetu motivo, & inhibito quadantenus radio illorum influxu, cessabit etiam proportionaliter fibrarum tonus, remittet unà sensilium facilis receptio, & languescet fibrarum motivus nixus, adeoque contentorum hinc sedatior longè ac tardior superveniet fluor.

§. 12. Refrenat hunc spirituum impetum, & segniores quasi reddit eosdem Opium, quod notissimi ejus in corporibus nostris effectus, *somnolentiæ & indolentiæ*, testantur. Ibi languescens spirituum impetus minus vigorose per universum systematis nervosi extenditur, unde præsentis li-

cet undique, non equè sufficientes tamen, pro sensationum & motionem externarum obeundis munitis esse solent. Hinc flaccescente fibrarum sensilium Tono, haud æquè valide ab objecto licet intensiori vibrari poterunt, unde nec spirituum jam in elatere suo remittentium sufficiens percussio ad primum commune sensorium fieri, nec fibrarum dolorose commotarum superveniens spasmus ordinarius & convulsiva tensio procedere poterit. Sub quo spirituum aliquali quasi stupore per opium inducto, & sensationes externas, & motiones pariter locales, tam partium solidarum, quam contentorum in illarum alveis fluidorum, remittere insigniter, necesse erit.

§. 13. Et horum duorum effectuum ratione, *torpescantis* nempe *tactus & remittentis* fibrarum motricium Toni, accidit, quod Opium quosvis horum motus sistere, & speciatim qualvis excretiones, sudore excepto, compescere soleat. Hæc duo enim ferè in quovis, tam naturali, quam præternaturali contentorum motu sunt obvia, partis scilicet moventis irritatio, & hinc fibrarum ejusdem motricium contractio, indeque fluidorum contentorum multiplex motio. Nempe quotiescunque pars quædam sensu molesti vel noxii infestatur, fibrarum sensilium inordinata & vehementiore vibratione, spirituum ad eam provocatur impetus, à quibus aucta & plus minus spasmodica earum tensio perficitur. Contractis sic fibris, vasa quoque tam sanguifera quam lymphatica, aliæque, & quicunque partis meatus stringuntur plus minus, indeque vel remorato contentorum transitu, horum circa locum ita affectum stagnatio, unde superveniens tumor, vel copiosior per vias aut contuetas, aut insuetas, apertas tamen vel facile aperibiles, pro circumstantiarum ratione, effusio.

§. 14. Pro quorum illustratione considera acidum illud, mole subinde minimum, quod dentis plus minus cariosi radicem, nerveam & fibrosam pungit & rodit, ac dolorose irritat. Brevi exinde, non faciei saltem ex illa parte ac temporum, sed totius capitis hæmispæræ tensionis & plus minus lacerationis sensus, spasmus fibrarum manifestus index, cum non raro tumore malæ, nunc sanguineo, nunc lymphatico, h. e. phlegmonoso aut œdematoso supervenit, cum copiosissime salivæ limpidæ effluxu, pertinationi fibrarum nervearum strictura ex glandulis immediate, mediate ex sanguineis vasis expressa. Ast Opium si interno usu somnum provocarit, doloremque levarit, vel loco dolenti applicatione sensilitatem ejus stupefecerit, vel sua sponte tandem dolor deservierit, breviter & hemisæræ affectio, & externarum partium tumor, & ptyalismus profusum cessabunt. Quæ ipsa & Oculus à tantillo asperiori pulvisculo læsus, & digitus à parva spinula in sui extremo infixus molestatus & stomachus à spiculis antimonialibus irritatus, & intestini recti extremitas à resina viscidior aloes infestata, & asperæ arteriæ sensibillissima tunica ab inclementiore aere læsa, aliæque sexcenta in Corporis Oeconomia quotidie obvia sufficientissime, mutatis mutandis, confirmant.

§. 15. Spirituum ergo impetum sistendo, & motum eorum plus minus sufflaminando, adeoque tam sensus in parte acumen hebetando, & motum ejus fibrarum, præsertim peristalticum, impediendo, qualvis fluxiones sistit Opium. Hac ratione Opiata, v. g. Theriacalia, & Vomitus, & hypercatharses, & diarrhœas, & dysenterias sopiunt. Non secus ac hæmorrhagias, sensum in partes ex qua effluit vellicantem mitigando, & sanguinis impetum motivum nonnihil cohibendo, reprimunt. Adeoque illis saltem hæmorrhagiis propriè convenit, quæ vel occasione moleste sive sensibillioris irritationis aut excitantur, aut continuantur, aut sæpius recidunt; (quas inter occasiones ipse ferosior & acrior sanguis non ultimas tenet;) vel quæ occasione inordinatorum spasmodorum in vasis sanguiferis subinde accidunt. Eodem ex fundamento & tenues Catarrhos sistere partim, partim incrassare dicuntur papaverina, Opii parentes, dum sensum molestæ in pharynge pariter ac larynge irritationis levant, & hac occasione factam lymphæ uberiores per fibras contractas ex glandulis expressionem sive excretionem sistunt, eo, quod de latice isto jam excretum fuit, exacta sui cum nutrimento asperæ arteriæ rorido chyloso, ante sui assimilationem simul transudante, miscela & unione, spissiore consistentiam, & ex particularum activarum subactione debita, convenientem, & tactui laryngis proportionatam temperaturam intereà acquirente, adeoque coctum & incrassatum apparente, faciliore sub tali paulò viscidiori consistentia, ab impetu aeris elisionis & excretionis. Sanè Phthifici ex pulmone, sensile benefi-

cumab Opiatis recipiunt, ritè administratis; nam & sordium copia exinde minuitur, non supprimendo easdem, sed continuam regenerationem præcavendo, & eadem meliorem consistentiam nascæ, faciliori cum conatu expectantur. Sanè haud Semel miratus sum Phthysicos etiam diutius, at per aliquot septimanas, continuum Opii usum, citra ullam sensilem vel notabilem noxam aut alterationem terre posse: id quod & olim observavit CROLLIUS, *Basil. ubi de Elect. Laudan. item, HARTMAN. de Opio. Theor. 8. quæst. 10. pag. 158.*

C A P U T II.

Vim Opii sudoriferam explicat.

Thef.

Opium per accidens, mediante largiori pororum Cutis hiato, sudoris profluvium promovet.

§. 1.

OPium ritè paratum, & in laudandum laudanum exaltatum, vi sudores excitandi, & insensilem transpirationem, insensilem transudationem augmentandi, polere insigni, docente magistra experientia, *supra insinuatum fuit*, utut qualvis alias liquidorum excretiones inhibeat. Investigatu itaque omnino dignum videtur, ex Theoretico causarum scrutinio, hæc ipsa operatio, pro meliori sui ad Praxin applicatione.

§. 2. Ad hoc ut ritè extillet ex corpore nostro sudor, duo exactè distinguenda veniunt: qualis nempe 1. sit sanguinis status, à quo aptus reddatur dimittendo promptus serotolatici, quibulvis tam ipsius sanguinis, quam solidarum partium à nutritione privata, ex materiæ necessitate relictis superfluis aut æfferis, & eatenus excrementitiis particulis imbibitis onerato; hinc 2. qualis cutis ejusque pororum, seu sudoris cribrorum necessaria sit conditio, pro transmittendo ritè sudoris latice, ejusque promovenda plus minus excretionem.

§. 3. Prius cognosci haud poterit melius quam si ratio habeatur attentè eorum, quæ in spontaneo sudoris profluvio, sub exercitiis ac motu corporis, subsistentia in loco calidiorè, &c. cuivis obvia sunt, & quadruplici Phænomenon differentia terminantur. Pulsus scilicet 1. semper celerior & frequentior rapidiorem sanguinis per cor & universum corpus motum ostendit, (sive spirituum corpus musculum in oventium immediatè, sive sanguinis cor pro crebriori motu stimulantis occasione eveniat;) quibus adjuncta ejus magnitudo intensiorem turgescientiam & fermentativum motum auctum innuit. Quæ ipsa necessariò, ex intestino particularum in sanguine motu, præsertim acidarum cum aliis alcalinis, & terreis, concitatore, 2. sensilior totius corporis calor ac æstuatio comitatur. 3. Supervenit his habitus corporis exterioris & rubor, & mollities, & aliqualis turgescientia; siquidem sanguis taliter alteratus, undique per quævis capillaria celeriori traiectione quidem penetrat, sed languescere nonnihil circa hæc ipsa impellentis impetu, vix tam promptè à venulis excipi poterit, quin ulteriori per arteriosa vasa affluxu, aliquali subsistentia copiosius solito partium solidarum poros undique repleat, indeque ista Phænomena exhibeat. Unde 4. penetrans undique latex aquosus sub tali sanguinis alteratione, & imprimis intensiori exæstuatione, & ipse rarefactus, & quasi porosior factus, adeoque imbibendis ex sanguine & abstergendis ex solidis partibus quibulvis heterogeneis, præsertim salinis particulis, aptior redditus, facillimè qua data porta prorueret, & speciatim per cutim transcolari potest. Uterque ergo motus sanguinis, tam circularis, quam fermentativus, ille quidem celerior, hic intensior, sanguinem sub sudore necessariò attenuatum, resolutum, & quasi liquefactum exhibent, cum non nisi tali sub sanguinis statu illa ejus Phænomena apparere queant. Unde etiam propriissimè dicta sudorifera, nempe salia vol., tam manifesta quam occulta, tam libera, & sui quasi juris, quam in ol. concentrata, non nisi tali sanguinis in consistentia sua & textura alteratione sudorem provocare videntur. Attenuatus ita sanguis, hoc ipso simul disponitur, ut seri, communis istius alimenti & excrementi vehiculi, facilem secessum & promptam separationem patiat, &

§. 4. Cutim quod spectat, hujusque sub sudore constitutionem: observanda venit curiosa ejus & artificiosa structura: Est hæc rete sanè mirabile, ex fibris arteriarum, venarum, nervorum & tendinum variè inter se complicatis contextum, ita tamen, ut nervoso generi, plusquam venoso, in sua structura acceptum referat, tanta & nervearum & tendinosarum fibrarum copia, cum intertextis arteriarum venarumque capillaribus, ut exillissimis sic numerosissimis, gaudet. Necessariò verò in taliter constructa corpus investiente tela, foraminula meatusque complures extabunt, ex quibus creberrima duo emergunt corpora. *Papillæ* primo loco pyramidales innumeræ, nervorum scilicet extremi fines, horumque fibrarum ultimæ portiones cutim perforantes conglobantur, & ita in extimam cuticulam usque definunt; genuinum scilicet tactus organum; quas oculatissimo debemus MALPIGHIO, *Tr. de Exter. Tract. Organ.* Secundo loco observanda sunt *Lymphatica vasa*, excretoria copiosissima, ex glandulis miliaribus, cuti live substratis live simul intertextis enata, quarum ratione interior cutis substantia LINDANO carnea asserta, à WILLSIO potiùs glandulosa statuitur *Pharm. Rat. Vol. 2. S. 3. c. 5. p. 461.* Disperguntur excretorii hi tubuli in universo exteriori corpore perque eos sudorum rivuli, quorum fontes illæ sunt glandulæ intercutaneæ, confertim adeò effluunt. Sanè, non sensibilis tantum transudationis, sed etiam insensibilis transpirationis, officinas has ipsas esse sunt, qui existimant, utut triplicem viarum, per quas aliquid in superficiem corporis exponitur, differentiam explicet PECHLINUS *de habit. & color. Æthiop. p. 87.* quod ipsum tamen ulterius rimari, ad præsens minus facit institutum, cum circa sudoris scaturiginem saltem occupati simus.

§. 5. Communis his vasis excretoriis, eorumque orificiis, cum aliis in corpore nostro obviis colatoris officinis affectio erit, ut & aperiri & claudi queant, adeoque transmittendo humori faciliorem vel difficiliorem transitum concedere. Cuivis asserti hujus veritas obvia erit, alterationes, quæ peripheriæ corporis cutaneæ sub tempestatum mutationibus accidunt, consideranti. Æstivo tempore & hiant apertius meatus isti, & continua laticis transmissione madescit ordinariò corpus, hinc vehiculi aquosi per cutim facta traiectione rarior & parciore miçtus: ast dum hierno gelu quælibet rigent, & rigidior, saltem asperior, deplumati anseris ad instar, evadit cutis, & conclusis istis meatibus copiosior Urinæ secretio supervenit. Manifestum idem evadit ex alvi majore lubricitate, occlusionem meatuum sudoriferorum supervenienti. Memoranda ob id GABELCHOVERI, Practici multæ experientiæ, *Cent. 3. Cur. 73. Annot. p. 12.* est sententia. *Qui sunt densæ textura, & habent cutim spissam, & poros arctos, sæpius quotidie egerant, quam qui poros habent apertos, ex quibus vapores & humiditates possunt resolvi, egestionem exsiccantur, & corpora sunt magis conspata.* Hinc ergo colligi potest, quare in fine æstatis, & in principio autumnii fluxus alvi sæpius accidat, &c. Id quod propria experientia convictus etiam ingenuè fatetur MALPIGHIO: *c. l. p. 43. & 46.* In his casibus nò liquidi qua talis, fecernendi, sed organi secretionis saltem est diversitas, quo in peripheria corporis occluso, per similia in intestina hiantia, & ipsa glandulosæ texturæ colatoria, quæ elegantes demonstrant J. J. PEYERUS *de Gland. Intest.* sit excretio: Ob id sedulo in Praxi fluore alvi quocunque corruptorum, dedi semper operam, ut pori meatusque cutis, quantum possibile, serventur aperti, & corpus ad diaphoresin blandam continuò sit dispositum, quo ipso non leviter sufflamantur enormes istæ alvi defectiones, sed etiam, si quæ successivè effervescent febricula, fausta ista contentorum corporis per poros cutis transpiratione extinguatur. Adod per plurimum seculorum etatem, hæc foraminum intercutaneorum vel hiscentia, vel conniventia fuit observata à Medicis, ut non ultimam febrium causam in pororum cutis occlusionem rejecerit GALENUS; & per experientiam convicti Practici fateri necesse habeant, nullam febrium eundè, & absque recidivæ metu judicari posse, quæ sine sudoris evacuatione deferbuerit.

§. 6. Urget jam nostram meditationem unde nunc patentes, nunc conniventes sint isti transudationis meatus excretoriique tubuli? Variè equidem se offerunt causæ, tam connatæ, quas inter est naturalis cutis textura, vel rarior vel densior, quam acquisitæ partim per consuetudinem, secundum varium rerum non-naturalium usum, partim per egritudinis præternaturalem alterationem: unde meatus dicti vel ex staminum fibrosorum tensione nimia turbari aut obliterari, vel admotis aut excretis variis constrin-

gi, arrodī, vel lisdem viscidioribus aut glutinosioribus obstrui possunt. Præ cæteris, ceu frequentior causa, considerata venit Tubulorum istorum, imò, ut probabiliter arbitror, & ipsarum glandularum, à fibris nerveis contractis occlusio, vel ab his relaxatis reclusio. Tendinosum nempe maximam partem stamen esse & fibrosum, quod cutim constituit, *supra insinuat* fuit: unde pro nervearum & tendinosarum natura non sensui saltem tactus externo, cui illarum extrema papilliformia sufficiunt, sed etiam motui cuidam dicatae erunt, eoque pro fibræ motricis natura, abbreviationis, seu, ut vulgò dicunt, contractionis & relaxationis: unde necessariò tubuli isti excretorii, & ipsæ simul glandulæ, nunc stringi, adeoque has comprimere illos coarctari, nunc relaxari, & has sic porosiores, illos patentiores reddi, necesse erit. Argumentum huius rei, & externus tractus & interna imaginatio suggerunt. Quoties vel frigoris, vel ingratae humiditatis occurrit contactus, mox corrugari cutis, pori claudi, anserinæ pelliculis facies hinc emergere solet. Evidentiori exemplo avium plumæ, feliumque pili hoc repræsentant, dum frigoris occurfu erectiores situ, animalia dicta hispidiora apparere faciunt, fibris istis intercutaneis nerveis, cutis poros sui contractura stringentibus, & simul plumas ac pilos ex obliquo seu declivi situ in rectam magis lineam erigentibus. Imaginationis vis, ut per totum microcosmi regimen se diffundit, ita & extremos ejus limites attingit: tantum tamen non quotidie occurrit, ut ex rei vel horridæ vel terribilis aliufve similis, vel simplici saltem narratione, præsertim in declinatoribus mox cum horroris aut saltem frigoris quodam sensu, peripheria corporis undique contrahi, pori arctè claudi, cutisque in anseris faciem corrugari soleat, quasi omnes, quotquot occurrunt, portas, ab hostili insultu præmunire velit, conservationis suæ provida Natura. Observavit sanè MALPIGHIUS *c. l. pag. 19. in extremo digito, cuticula per admotum ferrum detracta, ubi sudoris ista vasa excretoria hiant, convexam quandam pelliculam, interiora versus, non absimilem cucurbitulæ, extendi, ad edendum forte valvulæ ministerium, ut interdum tensa detineat sudorem, & relaxata exitum permittant*: Id quod ad præsens negotium illustrandum si nunc non parum facit, ut clarior & ulterius per experimenta anatomica confirmatio adhuc in hoc passu expectanda videatur. Ad hæc modò laudatus Autor *c. l. p. 30. ad miliares istas sub cute glandulas, per transversum excurrentem nervum hiare, asserit: præter alios usus, ob id primaria, ut excretionem per dictas glandulas, nunc eas stringendo, aut laxando, certa ratione moderari possit*.

§. 7. Sed in coarctationis vel relaxationis hoc negotio, tam glandularum, quam tubulorum excretoriorum, fibræ istæ cutaneæ non nisi instrumentaliter se habent, ipso impetu faciente, spiritu sc. influo, speciatim animali dicto, ceu principali agente, id muneris exequente: unde & vel externam sensationem, vel internam imaginationem, utrobique spirituum animalium motum prævium, & ad cutim concitatum impetum, sequitur saltem talis strictione nimia, aut relaxatio. Namque utià spiritu animali & sanguine vitali tonum debitum seu naturalem tensionem obtinent, indeque & irritari passivè ab objectis minus proportionatis, & simul lisdem reniti activè valent; ita etiam huius toni ratione & ipsa cutis, ejusque pori, vel arctius stringi, vel laxius dilatari possunt.

§. 8. Ex quibus hætenus prolixius declaratis, vel sua sponte patet, ex parte cutis pro sudoris transmissione hanc saltem necessariam esse conditionem, ut meatibus quibusvis & tubulis glandularum patulis, ob fibras nerveas intercutaneas relaxatas, adeoque cute existente plus minus molli, rara, porosa, undique sudor, ceu per cribrum aut filtrum, excerni & transcolari queat.

§. 9. Præmissis hisce, Opium examinandum, & quid vel sanguinem alterando, vel a faciendo cutim valeat? perpendendum, quod citra ejus materialem texturam, ex seminalibus primordiis natam, & inde varias ortas proprietates, & in alia corpora respectivas actiones, exactè evolutam, fieri haud poterit. Offert se hic imprimis expertus per ignem Philosophus, HELMONTIUS, qui *Tr. Duumvirat. §. 8. p. 275. se in Opio saltem acrem sudoriferum & amarum oleum invenire longè ab Opii odore recedens, attamen soporiferum*, asserit: quod repetit *Tr. de Libiassi cap. 9. §. 87. pag. 728. dum inquit: quin imò nec soporiferum in Opio friget sulphur, sed valdè amaricat, ejusque sal acre est & sudoriferum*: adeo ut duo primaria principia elementaria in Opio considerata sint, Sulphur soporiferum, & sal acre sudoriferum dictum, ex quo-

Errmuleri Oper. Tom. I.

rum alterutrovis diaphoretica derivanda veniat.

§. 10. Sanè Opium pro ratione succorum inspissatorum ex vegetabilibus gummosum concretum est sed quod, ceu nucleum medicamentorum, resnam in se complectitur. Resina hæc proximum virtutis, tam somniferæ quam diaphoreticæ, subjectum, unde & Spiritu Vini mediante ex Opio extrahi, & hoc ipso, ceu appropriato in textura menstruo, simul exaltari solet. Resinæ, concreta sunt singulariter concentrata, & ex pluribus diversæ naturæ minutis corpusculis invicem arctè complicatis, contextæ. Nempè quod in sicca consistentia resinam refert, hoc ferè totum per ignem liquefactum seu attenuatum & resolutum, oleum destillatum existit. Res clara est per experientiam, quæ ex oleis destillatis per spirit. nitri rectif. vel per oleum Vitrioli, nunc resinam perfectam, ut in oleo destillato anisi, aut pinguedinis humanæ, nunc concretum terebinthinatum, ceu resinam liquidam, ut in oleo destill. terebinth., nucis mosch., juniperi, &c. repræsentat. Sicut idem manifestum evadit, si ex lignis medicamentosis per Spiritum Vini probè rectificatum essentiam extraxeris, quæ facili labore vel cum aqua communi præcipitando, vel Spiritum Vini abstrahendo, in resinam redigitur, ipso residuo ligno, per retortam igne aperto more solito destillato, nullum vel parvum Oleum suppeditante, quod aliàs copiosum & penetrans admodum fundebat, teste, præter experientiam, WILLISIO *Tr. Pharm. Ration. P. 1. S. 5. capite 2. p. 214. & de Ferment. capite 2. p. 16.* Jam verò olea destillata, quæ mutata consistentia per aliqualem coagulationem resinas exhibent nil aliud esse deprehenduntur, quam salia volatilia à pingui occultè acido concentrata. Comprobant hoc non solum plura (nam de omnibus specialis adeò nondum facta experientia) olea destillata, v.g. Tartari, terebinthinæ Cornu Cervi &c. quæ mediante cum alcalibus fixis digestionem in sal volatile abeunt; sed etiam fuligo, ex talibus oleosis maximam partem constans, sale volatili oleoso turgida. Nam quod sub clauso vase destillando seu per ignem liquefendo, abit in oleum destillatum empyreumaticum, hoc aperto igne deflagrando abit in fumum, & hinc maximam partem fuliginem. Hæc fuligo, præter Phlegma acidum, suggerit spiritum urinosum, & sal volatile acerrimum manifestum, & Oleum empyreumaticum, simile oleosum, ex ligno aliàs destillando. Scilicet quantum pinguedinis, sal volatile in resinam aliàs colligantis, concremando destructum fuit, tantum salis volatilis contagio oleosum adhuc affecti haberi potest quantum verò resinæ attenuatæ oleo propter defectum deflagrationis haud liberatum fuit, oleum fuliginis constituit. Scilicet, ut rectè loquitur HELMONTIUS *Tr. Complex. & Mist. Elem. fig. §. 33. p. 89. Fuligo est partim sal volatile, concretum præservatum ab inflammatione, propter aquæ evolutis combustionem partimque est Oleum, quod evocandi celeritate combustionem præterfugit*. Tandem compertum est, Vegetabilia aromatica, & quæ per vesicam simplici destillatione Oleum destill. suggerunt, eadem fermentata subministrare illorum loco spiritus ardentis, ceu olea attenuata, & in essentiali Phlegmate soluta; putrefacta verò suggerere salia volatilia urinosa, satis copiosa, istis animalium salibus volatilibus similima, oleose nempe pinguedinis resolutæ per putredinem, adeoque sic simul acidi enervati, occasione. Ut adeò ferè concludendum videatur, Resinas & olea essentialiter non nisi consistentia differre; utraque verò esse salia volatilia oleosa, seu olei beneficio, ratione occulti huius acidi, paulò intimius concentrata.

§. 11. In simili concreto resinoso cum consistat vis opii tam anodyna, quam diaphoretica, dividere illud, & utrique effectui distinctum suum efficiens tribuere satagit HELMONTIUS, ut ex *suprà allegatis* manifestum est, adeoque sulphuri vim somniferam, sali volatili acri sudoriferam, adscribere. Equidem negari haud potest; salia volatilia præsertim oleosa, potissima esse & efficacissima diaphoretica, eoque potentia, quò acriora & penetrantiora, quæ effectivè sanguinem alterando, & quasi dissolvendo, sudoris rivos profundi faciunt, ut *suprà §. 3. insinuat* fuit, & per experientiam hætenus confirmatum. Sed pro hoc effectui requiritur omnino determinata, eaque tanta eorum dosis, quæ universæ massæ sanguinæ ad plures libras ascendenti, vel immediate, vel (si hoc minus placeat) mediate (per præviam fluidorum in primis viis alterationem) alterandæ, plus minus sufficiens sit: quæ ad gr. xv. & ʒj, subinde ad ʒss. extenditur: sed Opii, sive crudi, sive quocunque modo præ-

parati, dosi medicamentoſa (nam de conſuetudinis legibus, & alimenta & medicamenta multipliciter determinantibus, non attinet dicere) ultra 2. vel 3. gr. ad ſummum haud extenditur; raro ſiquidem hanc ſuperare ſolet Medicus, ſæpius infra ſubſiſtere, cum vi. grana funeſta admodum obſervata fuerint. Sanè, ſicut non intelligibile eſſe, rectè HELMONTIO dicitur, *Tr. Duum-Viratus* §. 5. *quomodo unicum opii granum, ſat frigoris in ſtomacho cauſetur, ſatque vaporis actualiter frigidi in caput egerat*, ut nempe ex Veterum quorundam aſſerto ſomnum inducat; ita pariter haud conceptibile exiſtimo, quomodo unicum alterumvè opii granum, etiamſi purum ſal vol. eſſet, ſanguineam maſſam quocunque modo alterare, & ſudorem provocare poſſit; Niſi continuato diutiùs opii uſu ſucceſſivè alteratio quædam ſanguini, & inde derivatis cæteris ſuccis, inducatur, ratione cujus ad ſudoris vel urinæ uberiores dimiſſionem plus minus diſponatur: uti exempla à WILLISIO adducta, *Pharm. Ration. p. 1. S. 7. cap. 1.* oſtendunt.

§. 12. Accedit & hoc, quod ipſum propinatum opium neceſſariò quasdam, plus minus tamen, in viis primis ſubeat alterationes, tam in Ventriculo quàm duodeno, unde ſi non infringi, certè non exaltari cōtinget ejus efficacia. Hinc enim quorum ſtomachus acidum digeſtivum intenſius ſpirat, minùs ab opio alterari ſolent, quia hoc magis ſubigitur, vel ab acido quaſi caſtratur. Unde nec adeo commodè Opium quamvis humorum acrimoniam corrigere vel infringere dicitur à SYLVIO lib. I. *Prax. c. 15. S. 26. 27. 37. & 48.* obſtante exilitate doſeos, pro notabili adeo effectu, etiamſi repetitis quoque vicibus propinandum foret. Ut taceam alias rationes à WILLISIO *P. R. Vol. I. §. 7. c. 1. pag. 291.* allatas:

§. 12. Haud equidem me latet, minima ut plurimum maximorum morborum eſſe initia, & mole minimum corpusculum maximos effectus præſtare poſſe; atteſtantibus id apertè, alia ut taceam, venenis, in minima mole perniciem univerſo corpori minitantibus; confirmantibus hoc contagiis, ſub minimo & nullo perceptibili ſenſuum miſtate univerſam corporis œconomiam turbantibus; tam acutos, quæ excitant morbos, ut febres malignas, quàm quæ chronicos, ut in lue venerea & ſcabie manifeſtum eſt. Ita è contrariò & minimum ſubinde eſt medicamento, à quo maximus & inſignis effectus pro univerſi ſalute dimanat, quod ſub reliqui corporis cortice, tanquam exilis, utut pretioſiſſimus nucleuſ, eſt reconditus. Sed iis remediis, quæ alterando contenta corporis, & ſanguineam maſſam in craſi & conſiſtentia ſolita (ſaltem ad tempus) immutando, operari debent, idque corporali ſeu materiali ſui miſcela ac contactu, qualis modus in opio, ratione ſalis ſui volat. acris, putati ſudoriferi, omninò requiritur, iſta minimorum, qua talium, maxima agendi potentia, minus applicari poſſeſt. Talia enim minima agentia operantur ſaltem, vel quatenus vi alterativa & plus minus fermentativa immutare contenta, vel acutiſſima ſui textura irritare ſenſibilia ſolida poſſunt. Neutrum opio convenit: non irritat, ſed iritationi ſenſum potiùs t. lilit: non fermentat, quia nullum talis effectus veſtigium in corpore obſervabile ejusque contentis eſt. Adeoque ad agentia iſta maxima ſub mole minima, referri nequit.

§. 14. Equidem inanis videri poſſit ille labor qui virtutes operandi ex certis ingrediētibus ſeu partibus integrabilibus concretorum inveſtigare ſatagit, cum quælibet proprietates rerum, & inde agendi qualitates, tam occultæ dictæ, quàm manifeſtæ putatæ, fluere è gremio ſeminum, rectè dicantur ab HELMONTIO *Tr. Progym. Meteor. §. 28.* unde etiam non niſi à ſeminali virtute, tam vis ſoporifera, quàm diaphoretica opii, derivanda erit, unde etiam ſeminalem dormitivam vim Opio adſcribit iſ ipſe *Tr. Natur. Contr. Neſc. §. 37.* Sed utut agens ſeminali in minimo fundatum ſit, cum ſui corporis ſaltem 2800. parts eſſe dicatur, tamen cum ens materiale revera exiſtat, adeoque & generaliffimis materiæ proprietatibus omninò obnoxium ſit, (formali licet agendi poteſtate in concreti generatione inſtructum:) prætereque corporum genitorum proprietates quæcunque, non niſi materiæ ſpeciatiim contextæ beneficio immediate explicentur, ac ex ſpeciali tali materiæ textura immediate fluant, & non niſi ab illa proximè dependeant: pro ipſius quoque principii ſeminalis conſervatione certa materiæ, cui ineſt diſpoſitio, ſeu textura materialis requiratur, qua deſtructa, & ipſa vis ſeminalis perit: unde igne ſeminum deſtructor dicitur iſ HELMONTIO, forſan quod ſeminali concretorum principium non

niſi ſub ſulphureo deliteſcat tegmine, proximè ab igne quod reſcitur: ipſæ denique rerum multiplices proprietates, tam ſpecificæ ſeu ſingulares, quàm pluribus aliis communes, pro concreti textura materiali plus minus mutaræ & alteratæ etiam & ipſæ mutabiles exiſtunt. Sanè ob dictas cauſas vis corporum operativa non niſi in certis materiæ, ex quibus conſtant, particulis, & iſpecifica harum textura, proximè inveſtiganda venit, utut originaliter virtuti ſeminali omnia iſta adſcribenda veniant. In Opio ergo, utut cum tota papaverina planta & quibusvis ejus partibus, tam ſolidis quàm liquidis, & quibusvis earum proprietatibus, à ſeminali potentia vis ſudorifera & ſoporifera omninò dependeat, tanquam à primo efficiente, proximè tamen in materia ſeminali ſeu formali per ſeminali ens facta textura, utraque conſiſtit. Unde etiam pro mutatione texturæ illius Opii ſpecialis materialis, ſecundum ſimplices mechanicas aliasve communes modificationes, ab aliis agentibus factas, tam vis ſudorifera, quàm anodyna, v. g. caſtrari per acida, aut nonnihil mitigari & corrigi per alia aſſolet.

§. 15. Cum itaque Opio nullum jus ſit alterativum in ſanguinem, pro eliciendo ſudore; proximum eſt, ut conſideremus, qua ratione cutim pro ſudoris adjuvanda excretionem afficere valeat. Quo in negotio alius ſuper eſt nullus modus, niſi ut tubulorum excretoriorum ac pororum aperturam, glandularum laxitatem, & hinc cutis raritatem promoveat, adeoque nervoſorum ſtaminum relaxationi inſerviat. Jam verò ex ſupra oſtenſis *cap. 1. §. 10.* manifeſtum evadit, opium nullam partem ſolidam qua talem, adeoque nec cutim, in excretionis negotio adeo notabiliter afficere poſſe, adeoque nec fibrarum laxitatem, nec earundem contracturam efficere, cum huic operandi modo & rationes eædem, quæ modò contra ejus in ſanguinem activitatem allatæ, repugnent. Neceſſariò ergo ſequitur, cum ipſum cutis reticulum afficere nequeat, nec contenta fluida alterare, in ſpiritus animales, fibras cutis vario tono moventes, opium ſaltem agere, & horum adeo ratione; ſicque mediante ſaltem fibrarum laxitate, hinc cutis mollitie, laxa glandularum ſpongioſitate, & tubulorum excretoriorum apertura, ſudoris proſuſionem præſtare.

§. 16. ſuprà ſcil. explicatum fuit *cap. 1. §. 12.* Opium uſu certam ſpiritibus animalibus quaſi ſegnitiem & corporeum, indeque in movendis partium organicarum fibris languorem induci; quo ipſo vel ſpontè ſequitur, eodem remedio & fibroſorum cutis ſtaminum tonum & tenſionem adeo relaxari, ut flaccidiore hinc reddita cute, & copioſius emulgere ex maſſa ſanguinea glandulæ, & uberius per tubulos excretorios excernere valeant. Paucis ut rem explicem, Opium per accidens, aperturam pororum ſudatoriorum procurando, uberius ſudoris profluvium emanare adjuvat.

§. 17. Ut aſſertum hoc noſtrum pateat clariùs, ſomnus in confirmationem ejus accedat, qui promptiſſimè ſudores profluere facit ſpontaneos, etiam in iis, qui vigilantes tale quid haud ſentiunt, aut interdum non abſque labore & difficultate elicere valent, utut quaſvis alias excretiones ſiſtere ſoleat, ut *jam ſu præmonitum*. Languet in ſomno ſpirituum impetus viſque eorum elatiſtica, unde debiliori radio emanando, & ſaltem motibus ſic dictis naturalibus pro neceſſitatis vitalis ſaltem urgentia inſerviando, minus tendere cæteras motrices fibras pro motu animali in partibus, præſertim exterioribus, valent, indeque tardiorum fluidorum motum localem hoc ipſo procurant; qui utut ceſſet quibusvis aliis in locis, per apertiores tamen nunc cutaneos meatus, ex remittente fibrarum ſtringentium tono, uberius profluit, & ſudoris latice corpus largiter irrorat. Somnum talem arte conciliant opiata; unde clarum erit, quod & ejus conſequens, ſudoris profluvium, modò contenta fluida ritè ad talem excretionem diſpoſita fuerint, parili ex ratione ſuperveniat. Hinc ſcil. opiatorum ex uſu ſudor emanare vix obſervatur, niſi ſomnus illorum effectu vel obrepat, vel debita ſaltem quies, aut indolentia, aut laſſitudo quædam corpori ejusque partibus concilietur.

§. 18. Illuſtrant præſens negotium ſimiles ſpontanei ſyncopizantium pariter ac agonizantium ſudores. Utut enim ex ſanguinea maſſa non æquè hi elici ſoleant, cum morientium ſudor, autore HELMONTIO, *Tr. Latex Humor. Neglect.*, non ſit tam latex in ſui natura, quantum ros alimentarius reſolutus, cui mors imperat: quod patet; nam ſtatim corporis habitus ſidit i prout & in ſyncope. Quod pariter de pavidorum & perterrefactorum frigidi-

gidiusculo madore pronuncianum . Non tamen , nisi ex pororum hiatu , à fibrarum relaxatione nimia , spirituum moventium , sive illas tendentium ex defectu , spontanei hi sudores erumpunt . Nempe jam olim HIPPOCRATES f. 5. apb. 71. annotavit : *quibus arida & dura cutis obtenditur , sine sudore moriuntur ; quibus vero laxa & rara , cum sudore vita defunguntur* . Hinc istis & urina interdum involuntariè perfluit , aut alvus abque prævia admonitione secedit . Iracundis ex opposito , vel furiosis , sudor nullus , spirituum ob concitatioem impetum , & fortioem fibrarum tensionem .

§. 19. Parili ex ratione , & magnis in doloribus ; præsertim capitis , aliarumve partium vel sensilium , vel cum nervoso systemate singulariter consentientium , observavi , corpore etiam quieto existente , nullum sudorem prolici potuisse , nisi forsitan perniciosum , & quasi symptomaticum , eumque vel parcum vel saltem particularem . Non secus enim , atque tali bus occasionibus ex continuata spirituum agitatione ac motu somnus impeditur , etiam non interrupto eorum in quaslibet partes , adeoque & cutis porosa stamina influxu , fortior horum tensio , tubulorum sudatorio- rum occlusio , & inde sudoris suppressio secutæ fuerunt .

§. 20. Ea , quæ nos ambientia sudoris profluvium evocare solent , modò dicta roborant . Eminent hic calor ambiens , tam stragulorum , quàm hypocausti , aliove artificio indutus . Fundit equidem hic ipse & rarefacit corporis fluida , & ita ad excretionem sub sudoris forma , eadem potenter disponit . Sed hæc ratio sola haud satisfacit , quin considerandum simul videatur , caloris titillantem quasi motum in tantum suavitatis conferre cutaneis fibris , in quantum molestiarum à frigore patiuntur : uti itaq; hujus occursum irritatæ fibræ tendi , hinc pori quilibet occludi solent ; ita illius grata applicatione demulceri sensus , indeq; relaxari istæ ; & ita , si sudoris portæ aperiri denuò videntur . Madeat enim , & tantum non diffuset sudore corpus sub stragulo , simul atque aeri liberiori hoc ipsum expositum fuerit , dictum factum , in naturaliter se habentibus obdurari sudoris fontes ; videas , ut ut internam sanguinis fluctuationem , tam fermentativam , quàm progressivam , pulsus adhuc commonstret , quam aura ambiens frigidior tam citò alterare non valet . Blanditiæ è contra moderati caloris , uti amicæ sunt universo systemati nervoso , cujus frigus inimicissimum existit ; ita ejus occasione minus tendi , potiùs relaxari plus minus videntur fibræ etiam intercutaneæ , & tali occasione sudor promoveri .

§. 21. Par ratio est illius Phænomeni ; si sub sudorum effluxu manus vel pes denudetur , & exponatur frigori , non rarò sudoris rorem breviter evanescere observamus in reliquo corpore , aut notabiliter (ubinde saltem imminui . Contrarium fit in difficilioribus paulò sudantibus , quibus calida , v. g. later calefactus , plantis pedum admotus , mirifice sudorum proventum adjuvat . Scilicet mirabilis est membranarum universi corporis inter se , speciatim cutis cum omnibus suis partibus , consensus , continuatam quatenus constituit telam , unde una ejus extremitate affecta sensilior ; & reliquam texturam simul idem quasi sentire & pati observamus . Sanè dum febrilis horror frigusq; universam cutim convelli aut crispari facit , tamen ol destillat . caryophyll. epigastriæ saltem regioni illitum , mirum levamen , & in universa corporis peripheria horrois remissionem , procurare solet . Aut ergò per consensum partium quarundam circa ista præcordia universa cutis febrili rigore riger , aut per consensum certè talium partium solum illitarum curatur . Plantarum præsertim pedum mirus cum universo systemate nervoso & partibus membranaceis quibusvis notatur consensus , dum pavimento frigido inambulantibus , aut alvum laxari , aut intestina torqueri contingit . Caput etiam cum imis his partibus conspirat , unde & illorum noxam caput sui dolore , quasi lugere videntur , cum pediluvia interdum hujus dolorem leniant , & suavi somno temperent . Prout ergò consensus talis ratione cum brachio aut pede benè maleve affecto reliqua cutis vel blando vel molesto sensu afficitur , etiam vel relaxari hinc sudoris tubuli , vel claudi & stringi solent plus minus ; accedente tamen simul ipsorum corporis contentorum sensili plus minus alteratione , & hinc pro transudatione faciliore vel difficiliore dispositione , cum externa ista equaliter ferè tam nervosas extremorum partes quàm qui per eas ex arteriis in venulas circulatur , sanguinem afficere videantur .

§. 22. Corporis quies , quantum ad sudoris provocationem per medicamenta instituendam faciliorem necessaria sit , ex eo patet , quod inquieti qui sunt ægri , & mem-

Etmmuller. Oper. Tom. I.

bra totumque corpus inconditè jactitant , numquam sudoris effluxum experiantur , etiam post generosissima propinata remedia . Crebriori enim ista jactatione membrorum , & multiplici ab objectis externis toties mutatis simul impressione , inæqualis spirituum provocatur motus externam ad corporis peripheriam , quorum impetu stringuntur pori , & clauduntur sudatorii tubuli . Quiete autem ab opiatas conciliata faustus ut plurimum sudoriferorum sequitur effectus . Optime memini , Expertiss. istum Practicum , B. D. MICHAELIS , in febribus malignis , si inquieti sint ægri , diaphoreticis & alexipharmacis Opiata & addidisse , & ejus imitationem nobis suasisse , quod felicius tunc operari observentur sudorifera . Hinc memoranda est I. D. HORSTII. *Judic. de Chir. Infus. §. 17. sententia : in febribus malignis petechialibus , variolis , &c. Opiata utramq; paginam absolvunt , & hinc gravissimorum autorum consensu & experientia multiplici constat , maxime palmarium robur Theriacæ &c. accedere Opii miscela* . Nempe ut modo laudatus Vir differit : *Opiatorum Sulphur ; à quo spirituum motus efferos , & concitatio sanguinis turbas , frenandi , domandi & sopiendi vim obrinent , feliciter sudorem desideratum conciliat* .

§. 23. Negari equidem nequit , sub fortiori corporis motu vel exercitio sudare omnes profusissime : sed dispar plane hujus in sanis , ab illo , qui in lectis ex ægris eliciendus , sudoris est ratio . Ibi rapidissime circumrapta & attenuata sanguinea massa vincit fibrarum cutanearum , intensiore calore suaviter affectarum , & copiosiore humore irroratarum , mediocrem resistantiam , spirituum copiis in musculis , tam cordis quàm artuum , movendis , magis occupatis , unde nil miri , si copiosius effluat sudor . Aliter longè cum ægris vel lecto decumbentibus res se habet , in quibus minor impetus spirituum ad musculos , major ad fibras membranaceas & intercutaneas , in illis præsertim ægris , in quibus systema nervosum magis affectum à fermento febrili , v. g. cum inquietudine & jectigatione , fibras undique stringit , de quo infra pluribus .

§. 24. Illustrant hætenus dicta non mediocriter ea , quæ circa urinæ excretionem & hujus pathemata quotidie ferè in Praxi observabilia sunt ; sicut aliàs urina & sudor in pluribus conspirate , & unius suppressionem excretio alterius quasi supplemento certo excipere solet . Nempe quod urina interdum supprimitur , aliam nullam ob rationem , nisi quod pertinacius stringantur renum nervi , & hinc quasi corrugentur eorum fibræ , & occludantur transcolatoria oscula , quo spatio ex Opiatorum usu remittente & hiant denuò meatus , & ordinario tramite transcutit urina . Notabile hujus rei Phænomenon observari subinde licet in calculosis , quorum altero affecto rene , & à calculo in pelvi hærente interrupta urina via , & alter socius ren bene valens officium negligit , adeo ut penitus hinc sequatur urinæ suppressio : id quod & FORESTIUS l. 24. Obs. 26. hujusque schol. observavit , pariter ac curiosum occurrit exempl. in Aët. Med. Haf. Vol. 4. Obs. 33. p. 102. Ad sympathiam seu ad consensum partium mutuum referre hoc solent Practici : idque , meo judicio , rectè . Sed quid est *sympathia* Græcorum , Latinorumve *Consensus* inter partes corporis mutuas , quàm quod parte una præternaturale quid sentiente , alia idem sentiat ? Sensationis omnis externæ quidem , qualis hic saltem locum habet , subjectum sunt fibræ nervæ : harum ergò ratione pars parti consentire , seu idem omnino sentire videtur . Scilicet Consensus , seu in sensatione quædam communio , præsupponit sensum ; sensus verò præsupponit fibras nerveas ceu organa sensus adeoque consensus propriè dictus est simpliciter ratione nervorum ; impropriè dictus verò est , qui ex metastasi varia vel causarum occasionalium vel productorum morbosorum oriri solet . Renes ergò cum nervos , sensationis organa , habeant , partim utrinque ex propriis renalibus plexibus , partim verò simul ex plexu mesenterii maximo , Fallopiiano aliàs dicto (conf. VVilif. Anat. Cereb. & nervor. Tab. XI. pag. 263.) sanè hujus ultimi ratione facile unius renis affecti & hinc irritari nervorum spasmus seu crispatura convulsiva alterius renis nervulis communicari , & hinc utrinque idem effectus fibrarum & meatuum renalium contracturæ excitati , potest . Nam parili ex ratione & renum calculum Vomitus , & illiaca convulsiva tormina , non raro comitari solent , ac contrà : conf. DR. AVVIZIUS Tractat. de dolore Scorbuto Tit

9. p. 370. Sed remoto calculo, & cessante irritatione fibrarum nervearum in renibus, vel sopito aliquandiu per opiata malo, & urinæ redit transitus, & melius hinc habent ægri. Lucem hinc acquirunt observationes istæ, non curiosæ magis quam elegantes, de usu Opii diuretico in ascite, aliàs ceu lethali hoc in affectu proscripti, relatæ à *B. AR. THOLINO* Cent. 3. Epist. 46. p. 192. & p. 49. 201. cum quibus conf. simul *VVILLIS*, Pharm. Rat. P. I. f. 7. c. 1. p. 302. Nempe talibus in casibus non alia ex ratione urinæ promoverent fluxum, quam vi sua, ut vocant, anodyna, spirituum sufflaminando impetum, fibrarum nervorumque renalium spasmus inhibendo, & hinc per apertiores redditos meatus urinæ fluxum procurando; sicut in ultimo *VVILLISII* exemplo, (propter internam successivam forsan contentorum alterationem) sudor & urina in desperato hydropico promanantes ex Opii usu, unam eandem efficientem causam, tam per se, quam per accidens, talem agnoverunt.

§. 25. Occurrit pro dictorum confirmatione phænomenon, quod superioribus annis in mercatore hujus loci haud ultimæ notæ observare contigit. Laborabat hic ipse gravi dolore lumbari in latere sinistro, ad vicinam regionem se extendente, & protenso simul deorsum ad pubem, rodente, urente, & miserè torquente, interdiu ferè quiescente, noctu verò, præsertim à media nocte, crudeliùs & tantum non intolerabiliter affligente, adeò ut lecto ob id surgere, & deambulando, aliaque ratione insomnes noctes, & dolore molestissimo infensas, fallere cogeretur. Hoc imprimis notabatur evidenter, quoties dolores noctu urgerent intensiùs, toties urina matutina excernebatur tenuis, pallida seu moderatissimè citrina, eaque parca admodum: quoties verò vel Balnei aquæ dulcis tepidæ, vel anodynæ Opiati usu, nox quieta absque dolorum urgentia procuraretur, urinæ manè insequente intensiùs tinctæ, rubicundæ, cum copiosis salibus crystallatis, Urinales parietes incrustantibus visui occurrebant: sed recrudescentibus doloribus mox urina pallida, tenuis, pauca manè vifebatur. Nullus aderat calculus. Oriebatur saltem malum ex salibus scorbuticis acido salis, renes & vicinas membranofas partes rodentibus. Fibræ ob id partim vellicatarum spasmò crispatæ, & contractæ, pororum angustiam inferebant, quas non nisi latex urinaris solus, absque contentis seu imbibitis salibus, pertransire poterat: ast si Balnei vel Opii usu laxarentur denud fibræ, & patefcerent renales meatus, salibus scorbuticis saturata transmittebatur urina. Verissimum scilicet, ex affectu spasmodico à salibus scorbuticis, nervoso generi insensibilis, adeoque tam in partium urinarum, quam abdominis doloribus, præter alias occasiones suppressi posse urinam, ut accurate hoc annotavit *DR. AVVIZIUS*, l. sup. cit.

§. 26. Videntur sufficere pro confirmatione partim, partim pro illustratione asserti nostri, Opiata sudoris profluvia excitare ratione spirituum animalium, sistendo illorum impetum, undecumq; excitatum, & hinc tollendo spasmum seu contracturam fibrarum nervearum, cutis rete ex parte componentium, adeoque removendo pororum constrictionem, & vasorum glandularum intercutanearum excretoriorum occlusionem, sub quo tranquilliori spirituum motu, & pacatior status in tota Republica microscopica observabilis est. Remittente enim undique fibrarum, ceu staminum partium solidarum, aut fundamentalium, aut compositionem mechanicam saltem firmantium, tensione fortiori, permeabiliores undique fiunt meatus, etiam aliàs exilissimi, promptiùs faciliùsque quaquaversum penetrant contenta liquida quælibet, & perspirabilius universum sic redditur corpus. Ipsum sanguinis Nectar vel febrili turgescentia, & quasi ebullitione rapidiùs pervasa raptum, aut fomentorum ac stragulorum calidorum applicatione notabiliter alteratum, & ad sudoriferi latici s. dimissionem dispositum, sub tali corporis statu (sub quo & nimia effervescencia, acutiori sub febre conturbans totam ejus massam, moderatior ordinariò observatur) liberiori motu undique corporis perreptat latebras, speciatim intercutaneas in glandulas serofam farcinam, & hujus sub involucri quælibet heterogenea separata, & quasi ex ejus massa præcipitata recrementa, copiosè disponit, quæ sudoris in rivulos pedentim concrefcit & effluit.

§. 17. Saltem qua ratione & modo in spiritus agant Opiata, ita ut sub exigua adeò sui mole insignis sequatur alteratio in toto illorum systemate? inquirendum superest. Asserta & explicata fuit superiùs textura Opii pinguis seu oleo-

sa, vel sulphurea, quæ pro more concretorum oleosorum, speciatim oleorum destillatorum, in minima mole latissimè diffusiva existunt: declarat hoc v.g. oleum destill. anisi, ritè cum vitello ovorum subactum, cujus quot sunt guttæ, tot ferè aquæ simpl. mensuras odore, sapore, & nonnihil colore, imbuere solet. Tale ol. est saltem resina vi ignis liquefacta, & à crassiore reliquo corpore separata, qualis resina condensata adhuc & ita concentrata viget in Opio, cujus oleosæ resinæ ratione quoque latissimè diffusibiles & explicabiles existunt Opii atomi seu minima, quæ dum in minimo undique se diffundunt, ferè odorum instar latissimè se explicantium, undiq; penetrantium, & obvia quæque plus minus afficientium, se habere videntur. Unde etiam probabile videtur, ab odore tali subtilissimo, qui solidas partes minus tactu ob subtilitatem afficere, liquidas ob perexiguam molem minus alterare valet, saltem subtilem & delicatam spirituum texturam, ab odoriferis omnium maximè alterabilem, affici, & mutua utrorumque associatione notabiliter immutari. Odorifera hæc Opiatorum vis sensibiliter se explicare observatur, sub ejusdem secundum *LANGELOTII* methodum in Epist. ad Curios. præparatione, & quasi fermentatione. Nec ignota fuit veteribus, cum jam olim & *DIOSCORIDES* illam observavit, de Opio referens, odorem ejus toto corpore expandi.

§. 28. Subtilissimorum talium odorum vis tantum non sensibili effectu se exerit in summè debilitatis, & lipothymicis, quos odor vini generosioris, vel cujusdam aromatis, aqua Cinnamomi penetrantioris, tantum non ad vivos revocare videtur. Pariter atque zibethi moschivè odor hypochondriacæ suffocationi obnoxias mulieres repentina syncope exanimat, quas castorei plumarumvè incensarum odor volatilis denuò restituit, utut insigniter ægrarum idiosyncrasia hic variant. Odor dico, quatenus spiritus animales in Odoratus corporeo organo sensibiliùs afficit, stupenda talia concitat symptomata. Tantum enim abest, ut in substantiis assumpta talia hostilia sint istiusmodi sceminis, ut etiam paroxysmos hystericos dictos efficaciter sistant & refrænent. Comprobat hoc Experimentum *HORATII AUGENII*, Medici olim Eruditissimi, quod refert l. 12. Epist. 7. quodque eum nunquam fefellit:

24. Moschi opt. gr. v.

Cinam.

Caryophyll.

Nuc. moschat. an. ʒj.

Misc.

In Vino odorato mista hauriantur: in quo loco etiam pilulas de moscho, ceu præsidium efficacissimum commendat. Sed cave sis, ne fortè nares feriat talium Odor.

Sanè umbilico illita zibethum vel moschus Paracelso ad hysterica talia mala laudantur. Plura quoad odorum mirabilem efficaciam vid. apud *HELMONT. Tr. Imag. ferm. imprægnat.* §. 16. & seqq.

§. 29. Præstant tam singularia odores, dum per organorum sensilium transennas saltem spiritus afficiunt, quid non facient propiori sub contactu ac miscela, si invicem coire illis datum fuerit. Utroque modo efficaciam suam exerit opium. Quoad internum usum, res aliàs nota est; externè turundæ in forma granum unum atque alterum laudani naribus inditum profundissimum bidui somnum inferunt, teste *TIMÆO* Cas. l. 2. Casu 9. ut taceam poma somnifera, spongiisque hypnoticas, naribus pro arcenda agrypnia identidem admovendas, Practicis quibusdam usitatas. Sub tali ergò odore subtilissimo Opiata agunt in spiritus animales, quorum materialem texturam seu constitutionem, indeque dependentem impetum elasticum, speciali sua textura seu seminali dote, ut alii vocant, adeò alterant, & quasi irretiunt, ut à debitis expansionibus remittentes, minus fibras sensorias aut motorias tendere sustineant, quia moderatiori sub motu somni larvam induunt.

CAPUT III.

Dubia nonnulla dñuit.

Thes.

Opium subinde Vomitus provocare, Secesum & Urinam promovere, Lochiorum fluxum adjuvare, Sudores suppressere, Crises minus impedire, observatur.
&c.

§. I.

Somno tam naturali, quam Opiatorum artificiali, qualvis excretiones, adeoque & vomitus sisti, *supra innuimus*, experientia quotidiana confirmati. Obstatulum non leve contra assertum hoc se offert. ex eo, quod post Opiatorum vespertinum usum vomitus matutinus, quin & interdum alvi fluxus, insecutus fuerit: id quod & HELMONTIUS, non leviter alias Opio favens, observavit, *Tr. Ins. Duumviratus* §. 62. & crebriori experientia in hoc confirmatus fuit ROLFINKIUS *Chym. l. 4. f. 6. c. 6. p. 248. Conf. simul eleg. Observatio Celeb. VVEDELII, Opiolog. l. 2. f. 4. c. 5. p. 92.* Sed conciliatio apparebit facilis, modo consideremus, opiata irritationis sensum, in pyloro præsertim, sopiendo, & spirituum animalium motum sistendo, adeoque fibrarum spasmus præcavendo, per se Vomitus compescere; per accidens verò interdum, saltem ubi priores istæ operationes jam cessaverint, eundem stimulare.

§. II. Considerandus hic venit Opii sapor amarissimus, acris, in subiecto viscidissimo hærens, qui ob id non nisi difficulter ex lingua, post levem etiam gustatum, elui potest. Amarities ista singularis & specifica ut inimica existit linguæ, ita hostilis admodum est stomacho, alias quævis amara, speciatim viscida, horrenti, cum acidis imprimis delectetur. Tetrum illum saporem, mox horret Venter, & nausea hinc concitata, sive gustatum saltem sive assumptum fuerit Opium, tedium istud confitetur. Parili ferè ratione atque rhabarbari, aut aloes, scammoniivè odorem & saporem amaricantes singulariter mox nauseat stomachus, adeo ut quasi peculiarem tactum sive gustatum secundum WILLISIUM *Pharm. Rat. P. 1. f. 2. c. 1.* vel odoratum juxta HELMONTIUM *Tr. Cust. Err. S. ult.* habere videatur. Nausea ista sopitur quidem aliquandiu primitus, quousque nempe Opii in spiritus viget actio, indeque & sensibilitas fibrarum ventriculi, & spirituum novendi eas nixus aliquantisper sufflaminantur. Asti ni particulae istæ hostiles interea haud correctæ aut subactæ fuerint, sed viscidior illa textura pertinacius agglutinata hæreant adhuc interiori nervæ ac admodum sensili ventriculi tunica, facile molestæ istius continuæ impressionis occasione provocat spirituum impetus, & sub regi nine pylori spasmus ventriculi, adeoque vomitus, concitari potest. Confirmat hoc meum assertum non leviter, quod ab Opiopilulari in forma exhibito, & præsertim ab eodem spiritu vini saltem præparato, vomitus imprimis cieri observavit WEDELIIUS *Opiol. c. 1. p. 92. & 93.* Viscidissimam enim & amarissimam sub hac præparatione opium retinet texturam, & quæ pilulari in forma diutius in ventriculo hæret, & non nisi successiva dissolutione corrigitur, adeoque diutius & sensilius parietes illius membraneas afficit. His modò dictis socianda simul & alia concausa, qualitas nempe & situs recrementorum præternaturalium, circa primas vias plus minus stagnantium aut turgescientium, quæ mediante Opii operatione in spiritus, in motu suo plus minus oppressa, illa cessante, denuò, & interdum atrocius quam antea, commota, simul vomitus in stomachante jam ventriculo promovere solent.

§. 3. Sanè non leviter hostile videtur ventriculo Opium, cuius ut digestionem ordinariò turbare observatur, ita etiam gravaminis ac compressionis circa ventriculi regimen, sensum, & vix explicabilem ab ægris molestiam circa præcordia, Opiata inducere solent, idque præsertim sicca in forma, omnium maximè pilulari, si propinentur. Manu ergò hæc ipsa nos ducunt ad legitimam Opii, quo ad hoc punctum, correctionem ac præparationem. Textura nempe viscida & glutinosa resolvenda, adeoque, quatenus oleosa seu sulphurea, ad facilitatem sui diffusionem, *Ermulleri Oper. Tom. 1.*

simulque quasi promptiorem diffusionem redigenda, & liquidæ essentia seu Tincturæ sub forma propinanda. Promptioris sic operationis evadit remedium, & quod sine diuturniore in spiritus actione confortativi potius, quam stupefactivi rationem habebit, ac absque singulari ventriculi, primarumque viarum molestia, citò, tuto, & jucundè curabit. Quas intentiones haud melius assequi possumus, quam applicando generalia ista mechanica (si non semper Naturæ, revera tamen) artis instrumenta, acidum & alcali. Illud agendo primariò in alcalinas Opii particulas, & hinc etiam in oleosas, illarum medio universam ejus texturam alterando, urinosum nempe volatilifigendo, oleosum verò condensando, castrat & plus minus enervat generosam alias medicamenti energiam: Idque eo magis, quò potentius acidum fuerit, quale istud mineralium esse solet; unde acetum destillatum saltem in hac præparatione, aut citri succus eligendus utpote ex eadem cum Opio, vegetabili nempe, prosapia. Parilis acidorum vis & in purgantia obvia, quæ omnia ab acidis, præsertim intensioribus aut fixioribus, castrantur insigniter. Præstat ergo pro *supra insinuatō scopo* ad Laudani ex Opio præparationem adhibere alcali quodcumque fixum, verb. grat. sal Tartari, seu generalem omnium vegetabilium deleteriorum aut Oeconomix nostræ hostilium, tam solutivorum, quam stupefactivorum, aliorumvè correctorem. Agit scilicet hoc ipsum, sive sicca sive humida in via procedatur, in Opii texturam resinofam, attenuat hanc ipsam nonnihil, dissolvit oleosum, viscidum incidit, acidum temperat, hinc nimiam acrimoniam corrigit, ac ita totum concretum promptius solubile & undique diffusibile, uti & cuiusvis fluido permiscibile reddit. Corrigitur hoc ipso simul acris & nauseosa ejus amarities, mitiorque & minus inimica ventriculo redditur; adeo ut considerationem ulteriorem mereatur omnino, utrum acrimoniam ista resinarum, aromatum, purgantium, &c. non secus ac opiatorum, non ex acido potius, quam ex alcali, derivanda veniat? Cum quotidie observemus, olea destillata a calcinatis rectificatione mitiora & minus acris evadere. Correctum sic per alcalia Opium, optimè spiritus vini beneficio in essentia Tincturæve consistentiam redigitur, commodè vel sub hac facie propinanda, vel imbibendo eadem pulveres qualvis, in pulveris larva obvelanda, aut spiritus dicti abstractione in extractum redigenda. Sunt nonnulli, qui ulterius sal Tartari, vel acetum Vini, vel ipsum Vinum, addere amant, pro exactiori Opii correctione, methodo omnium certissima, qua optimè præparatum Opium tutissimum evadit remedium. Vereor autem, ne nimis cicuratum Opium debilius aut tardioris pro vehementius interdum urgentibus symptomatis operationis fiat. Dum ergò tam laudabiliter corrigitur Opium a sale tartari fixo, quid non sperandum erit de eodem volatilifato, penetrantioris omnino & potentioris hinc activitatis? Cujus locum interea suppleat sal Tartari, triplo olei destillati terebinthinæ probè imprægnatum, & ita quasi elixyratum. Præparatio reverà, quæ non absque præmeditata ratione primitus ordinata fuit à STARKER, peritissimo Chymiatro Anglo, & crebriori postmodum experientia confirmata, plus omnino in recessu habet, quam ut obiter à VVILLISIO *Pharm. Rat. P. 1. f. 7. cap. 3.* ad empiricorum remedia referenda sit.

§. 4. Quæ modò de vomitu, Opiatorum usui interdum supervenienti, explicata fuerunt, eadem pariter excretionibus per interioris guttur, aliquando ab Opii usu observatis, mutatis tamen mutandis, applicari possunt. Sed præter aliqualem ab acrimonia nauseola in particulis ejus viscidis intestinorum stimulum, alio modo alvi solutionem promovere potest, quatenus in dolorosis intestinorum pathematis, eorumque fibrarum spasmodica contractura, constringi pertinacius solet intestina, & contenta minus, cessante ferè successive eorum peristaltico motu, propellere. Frustra sub tali articulo propinantur solventia alvum, quæ vel alvum exasperant sensili stimulo absque desiderato effectu, vel inverso penitus superiorum intestinorum motu, vomitus potius provocant. Sin verò Opio leniantur dolores, ut remittat inde fibrarum spasmus, & durius antea emolliatur quasi abdomen, facile solutiva quæcumque, sive junctim sive seorsim modò dicta remedia propinentur, speratum sortiuntur effectum: id quod in Colicis & iliicis pathematis probè observandum, docente hoc experto VVEDELIO *Opiolog. P. 2. f. 2. cap. 5. p. 120* & *Praxi* idem confirmante in *Misc. Acad. Nat. Cur. Anni 2. Obs. 238. p. 340.*

§. 5. Urinæ excretionem, eamque post eam, quæ fit per sudorem, Opiatorum usui subinde supervenientem, uberiorem, quomodo per accidens promoveat Opium, jam supra §. 23. c. 2. pluribus explicatum fuit.

§. 6. Revocant hæc in mentem istud Phænomenon, quod præcipuus in puerperis observare datum fuit, dum nempe primis duobus vel tribus diebus liberè fluunt lochia, quæ sub turgescente in mammillis lacte sponte, absque manifesta causa alia, sive præcesserit lactea febris, sive non, suppressi solent, tunc scilicet temporis dum dolere & tumere, simulque indurescere, solent mammæ: sed cessante dolore, & vel insensibiliter translato aliorum lacte, vel sensibiliter per papillas transudante, liberè fluunt de novo Lochia. Nempe doloris occasione intensioris in sensibili illo mammarum globo & turbatur spirituum ordinatus motus, stringuntur undique in corpore fibræ & tenduntur simul uteri ejusque membranosæ vaginæ fibrillæ, hinc excernendorum per hæc loca debitus suppressitur fluxus, qui largiter redit, simul ac cessante in mammis dolore, cessat etiam fibrarum contractura. Nec est, quod fluidorum istorum impetum ex locis inferioribus ad mammas hic objicere velis: siquidem dum durat adhuc mammarum repletio, aut per papillas etiam lac excernitur, nihilominus, modò dolor illarum remittat, redit lochiorum profluvium. Par nempe hic est ratio, atque intensiorum post partum dolorum, quorum, occasione etiam suppressi plus una vice observavi lochia. Unde & memoratis in casibus (nisi in priori Lactea febris obstat) opiata cæteris remediis, speciatim mixturæ polychrestæ ex Lap. cancerum cum aceto, addita myrrha, permiscere fausto cum successu consuevi, cujus usu restituto spirituum motu in ordinem, & relaxatis hinc fibris, tantum abfuit, ut suppressus exinde fuerit purgamentorum fluxus, ut auspiciatò potius redierit.

§. 7. Simile quidem observare licet in infantibus achoribus affectis, quibus sub dentitionis doloribus mox achores disparare solent, superveniente hinc febre continua lymphatica, plus minus acuta, subinde cum gravi tussi, aut alvi fluxu comitata; sicut cessantibus doloribus istis, efflorescere denuo auspiciatò, cum febris aliorumque symptomatum cessatione solent achores. Nempe doloris occasione inordinatus spirituum redditur motus, & fibræ aliarum quoque partium sensilium, præsertim intercutaneæ istæ in facie, seu proxima regione, stringuntur, indeque achorosæ materiæ ulterius excretio impeditur, isto quod jam effloruerit exarescente penitus & decedente. Hinc turbatur simul sanguinis tam progressivus quam fermentativus Motus, excernendis istis per faciei ambitum retentis, febrili ebullitioni occasionem subministrantibus, ac tussi vel diarrhœam inducentibus, ubi de acriori illa acido salsa lymphæ vel ad tracheam arteriam, vel intestinorum tubulos aliquantulum excretum fuerit; Donec cessante dolore & æquabilis spirituum redeat motus, & ordinata magis fermentatione sanguinis mediante, particularum istarum acido salarum plus minus viscidarum secretio, & quasi præcipitatio, ac intra poros cutis per glandulas ob denuo relaxatas fibræ secretio superveniat.

§. 8. Tandem Opium egregium esse sudoriferum supra pluribus excussimus; dubium tamen assertum hoc reddere videntur tabescentes. Notissimum est, phthysicos, vel ad phthysin declinantes ægros, copiosis sudoribus nocturnis esse obnoxios ita ut quidem, ut simul atque perfecto somno corripiantur, mox toti sudoribus diffuant. Observatio autem repetita in Praxi me hætenus docuit, præcaveri optime posse sudores hujusmodi, revera colliquativos, Opii vespertino usu. Aliquot saltem exempla recensere juvat. Mulier plebeia 42. annorum pleuritide gravissima correpta, & jam fere deplorata, septimo scilicet demum die opem meam implorans, per Dei gratiam sudoriferorum imprimis appropriatorum ope convaluit. Restabant autem adhuc Tussi humida, difficilis nonnihil respiratio, aliæque similis speciei symptomata, phthysin minitantiæ, quæ usu decocti hederæ terrestr. & cherofolii sublata quoque fuerunt. Saltim sudores nocturni continui, pleno emanantes, emaciantes insigniter & debilitantes, supererant. Pro quibus coercendis præsentaneam opem sensit ex *Laud. Op. gr. iß.*, cum *antibest. Poter. gr. XV.* misto, & sub introitu lecti post moderatam prægressam cænam assumpto, cujus usu primitus cessarunt isti sudores, eoque continuato penitus exaruerunt. Superiori anno Civis Academicus, Jurium studiosus, gravissima corripieba-

tur hæmoptysi, ipso ex aliquot annorum tussi humida, spiritu minus libero, nativa corporis constitutione, aliisque similibus supervenientibus, ad Phthysin dispositio. Usu convenientium remedium contumax malum sevirè desijt, ipso ægro cætera commodè habente, saltem quod calor quasi hecticus ab omni pastu, cum tussi moderata humida, & copiosissimis sudoribus nocturnis, etiam sub primis somni horis, superessent. Pro quibus coercendis optime contulit pulvis ex *arcani duplic. ðj. Lap. Cancr., antibest. Poter. ana ðß. Laud. opiat. per ferment. gr. IV.* ad V. M. pro quatuor dosibus, horis duabus ante cænam assumendis. Non secus ac Viro perfecte phthysico, pro tussi nocturna aliisque symptomatis nonnihil coercendis præscriptæ Pilulæ, ex *antibest. Poter. ðj. sacch. Saturni ðß. extr. croci gr. vii. laud. ferment. gr. iij.* cum s. q. *bals. Peruvian.* in debitam consistentiam redactæ, pro duabus dosibus vespertinis ante cænam assumendæ; præter alios usus & sudores copiosos noctu permanentes compescuerunt. Adeo ut talibus in casibus reprimat sudores Opium nimios, quos deficientes promovere solet.

§. 9. Pro hoc Phænomeno sanè difficili dilucidando, duo præsupponenda veniant. 1. Quod Phthysici omnium optime Opiatorum etiam continuatum usum ferre possint, ut supra insinuatum fuit; & cum eadem aliàs aliqualem languorem, & notabilem corporis lassitudinem post se relinquunt ut plurimum, in Phthysicis contrarium accadat, qui vegetiores exinde, & ut ipsis saltem videtur, robustiores, potius redduntur. Quo ipso tamen non illos intelligo, qui jam ad extremum Tabis gradum perducti, suprema spiritus difficultate laborant, & subinde suffocandi videntur; talibus enim narcotica omnino futura essent necrotica, sed qui in Chronico & Medicis tediosissimo affectu, medio ad huc sunt in gradu. Scilicet in præfatis Phthysicis subtilis admodum ac rara deprehenditur spirituum animalium textura, unde & facile dissipabiles existunt iidem, (indeque minimis motibus defatigantur tales ægri,) & sub somni præsertim quiete contradiosiores magis illorum radii minus extremas partes animant. Mutat autem eisdem Opium; dum condensando quasi, aut figendo nonnihil, raram eorum texturam alterat, & facilem dissipabilitatem coercet, ut vegetiores hinc reddantur Phthysici. 2. Quod in genere ad fluidorum corporis nostri debitam in partes solidas receptionem, per easdem transmissionem, uti & ex iisdem excretionem, requiratur omnino certus fibrarum nervearum, seu staminum fundamentalium, Tonus, ultra materialis texturæ rationem, a spiritibus influis imprimis dependens, qui scilicet nec strictus sit nimis, ne angustatis aut occlusis plus minus poris intermediis, aut coarctatis præter modum vasculis tam trajectoriis quam excretoriis, impediatur debitus contentorum transitus; nec latus nimis idem esse debet, ne flaccidioribus redditis partibus, aut pori meatusque earum ita permeabiles fiant, ut non tam transmitti fluida, quam spontaneo motu permeare eos undique, & ubique ceu per spongas penetrare videantur, aut orificiola vasculorum receptoriorum ex tono illo flaccidiore collabantur, ac ita debitam transmissorum fluidorum trajectionem sistant. Quibus præmissis, & ab omnibus facile concedendis, suspicor, in Phthysicis tam copiosos effluere sudores nocturnos, quatenus sub somni quiete spiritus animales, rarioris, ut supra dictum, texturæ, minus irradiant partes extimas, adeo ut debito fibrarum tono conservando minus sufficiant, unde per patentiores undique meatus, & poros partium intercutanearum, & speciatim glandularum, nutritius succus interdum ex alimentis congestus, sed ob sanguinis dyscrasiam non assimilatus, sponte sua sub sanguinis circulo (simili ferè ratione, atque supra de *synoptics* monitum) penetrat, & ita nec cum sanguine unitus, nec in meatibus partium solidarum debite coercitus, promptissime, qua data porta, ruat, & sub sudoris facie diffuset. Compescit vero hunc Opium in Phthysicis, corrigendo istam spirituum texturam, ut Tono fibrarum conservando melius sufficiant, quo partim transmitti naturaliter queat nutritius succus cum sanguine per vascula intercutanea & meatus, ne proprio impetu elabatur, partim retineri diutius intra porulos partium nutriendarum is ipse, eisdem irrorare, & nutritioni deficienti aliquantisper sic saltem succurrere.

§. 10. Dum itaque sudorem egregiè promoveat, quin & secundum superius monita nimios contentorum tumultus, quibus Naturæ Medicatricis negotium non raro turba-

turbari solet, nonnihil refrænet laudandum Opium, suspicio suboriri possit, an perpetuæ sit veritatis Practicorum effatum, *Opium instante Crisi haud adhibendum, quia Criticum Naturæ motum inhibere aut sistere soleat?* Multa equidem de Crisibus, eaque ad pompam magis Theoreticam, quam usum Practicum facientia, hinc inde apud Scriptores medicos deprehendi solent, quæ ad nostra Clima, eorumque Incolas & horum Diætam, indeque naturæ affectus, minus applicari possunt; unde etiam rari sunt veri motus Critici in ægris nostris, ut taceam incertum admodum dierum Criticorum computum, adeo ut bonus Medicus negligere debeat Crisim, ut loquitur H E L MONTIUS de Febr. cap. XI. §. 18. si scilicet eam possit anticipare, seu ante Crisis adventum morbum superare. Nihilominus cum ad quælibet attentum deceat esse Medicum, in acutis maximè morbis; quorum incertæ adeo sunt, HIPPOCRATE autore, prædictiones, ne in his circa Opiatorum usum, adeo polychrestum, nocementi quid accidat ægris, omnino præcavendum. Distinctio autem motuum Criticorum observanda est, dum quædam excretiones Criticæ fiunt, median- tibus simul partibus organicis, quibus vellicatis, adeoque sensu earum affecto: & hinc peristaltico concitato motu, provocantur partim, partim promoventur per eas excretion- es; & tales quasvis Crises impedit, plus minus sistit Opium, quales sunt, quæ vomitu, diarrhœa, hæmor- rhagiis quibuscvis, accidunt, &c. Aliæ Criticæ evacuation- es eveniunt sine tali partium activo & motivo concursu, per simplicem humorum concoctorum seu præcipitatorum motum transcolatorium, quales per sudorem, item per urinam, observantur; & hæc Crises minus impedire ar- bitror Opium, dextrè & circumspèctè adhibitum; quinimò promovere potius eas, quatenus graviora symptomata, motum contentorum Excretorium interdum impediunt, saltem plus minus turbantia, sistere, & ita tutiorem ad mi- nimam Crisim reddere valet. Idem asserendum videtur de istis Crisibus, quæ per transpositionem fiunt, & quibus tumores superveniunt; has ipsas, & materiæ ad sui in- certis locis secretionem, & inde coacervationem dispositæ decubitus, qui impedire valeat Opium, non video. Circulari enim sanguinis motu mediante, cum omnes mo- dō memoratæ contingant Crises, eumque rapidiorem, aut concitatiorem refrænet Opium nonnihil, hoc ipso ad meliorem cum sudore & urina excretionem, vel in apo- pte ma congestionem materiæ coctæ, non parum confer- re verosimile est. Intermittentium febrium quot paro- xysmi, tot parvi morbi acuti esse videntur, ordinariò se- re excretionem quasi Critica per sudorem, interdum verò per urinam finientes: præmissum in his ante paroxysmum Opium; cum specificis antifebrilibus, ut multum minuire solet paroxysmos, interdum penitus profligare, haud ta- men sudorem in illis coercere in fine; aut impedire observa- tur.

§. 11. Eo ipso autem, quod sudationem saltem promo- veat Opium, raro illo solo pro sudorifero utendum erit. Haud enim sufficit, quod Cutis Cribrum ad transcolatio- nem per meatuum aperturam & aptam dispositionem ri- tē se habeat, nisi & sanguinis alteratio, ac quasi fusio; ambientisque debita temperatura, unā conspirent. Ob id appropriato sudorifero, quacunque forma exhiben- do, sociandum, & ita mutua unione utriusque ope- ratio & effectus eò magis perficiendus. Opii nempe po- lychrestus aliàs usus ad sudorem sic specialius deter- minatur, sudoriferorum verò operatio, ne sit frustranea, præcavetur. Observavit hoc jam olim felicissimus P L A- TERUS; ob id in *Observat. suis lib. 3. pag. 633. & 727.* su- doriferis narcotica se addere ait, pro uberioris sudoris pro- vocatione. Quinimò hoc Veneranda antiquitas in The- riaces Mitridatiique compositione ac præparatione atten- disse videtur; Opium insigni in dosi, cæteris quampluri- mis ingredientibus, plus minus sudoriferis, addendo, & unā fermentando. Sub quo fermentationis motu intestino, tam oleosæ & resinose plurium ingredientium, ipsiusque adeo etiam Opii particulæ attenuantur & resolvuntur, ut inde penetrantiores ac magis activæ evadant, (unde & ad decennium fermentationem extendere voluerunt Arabes,) quam novum concretum ex mutue confermentationis unio- re, salinum volatile oleosum anodynum & sudoriferum emergit. Quod adeo rigorosè urgent PLATERUS in *Ob- servat.* & VVALÆUS in *Metb. Medendi*, ut illas compo- sitiones absque Opio, seu sua anima, vi sudorifera carere asserant.

§. 12. Ex hætenus allatis facile est intellectu, quibus in- casibus Opium sudoriferis sociandum sit? nempe quando- cunque symptomata urgentia impedimento sunt, quò mi- nus ludare queant ægri. Nullum enim symptomata urgere solet, quin spirituum animalium præternaturalis impetus vel causæ efficientis proximæ vel concomitantis saltem ra- tionem habere soleat, unde de facili, occasione tali contra- hi fibræ cutaneæ, & coarctari excretorii pori possunt: ut ta- ceam massæ sanguineæ cæterorumque contentorum, vel per turbatos intestinos, vel concitados nimis locales mo- tus, sub tali statu simul plus minus sudoris dimissioni relu- ctantes. Frequens scilicet causarum efficientium, utut su- binde mutuo subordinatarum, observatur Circulus in Oe- conomia animali, adeo ut & contentorum vitia plus minus vellicent partes solidas, qua occasione irritantur spiritus, quorum impetus postmodum plus minus modificat illorum motum. Qualis circulus non minus manifestus est in mutuo partium consensu, dum stomacho frequenter condolet ca- put, & hoc malè habente stomachus propriam subvertit Oeconomiam. Pariter & frequentissimè quibusvis urgen- tibus symptomatis per consensum affecta cutis claudit po- ros, sudorisque obdurat fontes.

§. 13. Varias autem inter partes, quibus consentire solet cutis, specialem sui considerationem merentur præcordia, hoc est, ista abdominis pars, quæ extrinsecus quidem re- gione epigastrica & ex parte hypochondriaca circumscri- bitur, intrinsecus verò stomachum imprimis complectitur, prout hodiè hæc Vox accipi solet, & à CELSO *imprimis lib. 2. cap. 3.* ferè describitur. Utut enim Dodissimus FER- NELIUS de febr. lib. 4. c. 10. præcordiorum nomine ven- triculum, diaphragma, jecoris cava, lienem, pancreas, Omentum aut mesenterium, simul complectatur, tamen Ventrículo ob eximium sensum, manifestum ejus cum cæ- teris partibus membraneis, consensum, primariò præcor- diorum appellatio convenit; ipso ejus orificio communiter superiori dicto, *καρδια* Veteribus appellato. Unde & CEL- SUS præcordiorum dolor in stomachi infirmi indicium as- serit l. 1. c. 8. *Hæc ipsa præcordia*, ut modò laudati Trium Galliæ Regum Archiatri verba c. 1. mea faciam, *¶ partes omnes, quæ circa hæc sunt, quia membranis sepiuntur, nervo- sque sentientes suscipiunt à sexta* (secundum Veterum Anato- micorum ordinationem) *Cerebri conjugatione eximio tangen- disensu sunt prædita; Magna etiam societate tum principibus, tum externis corporis partibus connexæ sunt, isque adeo consen- tiunt, ut affecta mox principes partes, universumque corpus in consensum trahant. Sic enim Vinum meracius, iiberalius- que suntum. tamen Ventrículo nondum elapsus est, mox ta- men exulceratæ Vesicæ, aut vulnerati Cruris, aut arthritidis dolorem exasperat. Ex hisce autem sedibus febrium horrores rigoresque, in quibus cutis manifestò afficitur, suscitari, eleganter idem docet FERNELIUS dum c. 2. ita pergit. Sic & frigida potus liberalior corpus universum frigore horro- revè concutit. Bilem Vomiturus rigescit, multoque magis, qui alienum vitiosumque cibum, velut fungos, sumpsit. Rige- scit & cui calidum mordaxque medicamentum ventriculum præcordiaque ferit, non minus quàm si nudam cutem, aut ul- cus acrius compungat, &c. Hoc quoque vel inde constat, quod si accessionis initio humidifortis aptè calentes præcordiis impo- nantur, maximè verò Lien in quartana, jecori in tertiana, aut cuique alii sedi fomes inesse deprehendatur, horrorem ri- goremve leniant, quia nimirum ipsi mali fontem demulceant. Jam verò sudores non è solo corporis habitu, sed & interdum è præcordiis moveri, hinc sciri potest, quod qui vel exerci- tatione, vel solis ardore exæstuat, si frigidam liberalius bi- bat, mox totus sudore deffluat, &c. Hæc ipsa sanè, quæ hætenus eleganter differvit FERNELIUS de præcordiorum cum habitu corporis cutaneo præsertim con- sensu, quotidiana ubertim confirmat experientia; & quod de fotu calente refert, comptior moderna Praxis per olea destillata felicius præstat, quatenus ab his, præ- sertim penetrantioribus, verb. grat. caryophyllis aut ma- cis, aut cinamomi, præcordiis illitis, fotu lateris calentis desuper admoto, rigores horroresque manifestò imminui, interdum ab iis maturè applicatis penitus præcaveri, ob- servamus. Penetrant enim profundius talia olea destilla- ta, & ipsum ventriculum sui quasi afflatu tam sensibili- ter afficiunt, ut meminerim superiori anno crebrius vo- mentem ægrum, cui destillata talia, oleo nucistæ expresso excepta, ventriculi seu præcordiorum regioni frequentius illinebantur; sponte sua asseruisse, se in rejectaneis illis per vomitum, linguæ judicio exactè sentire linimentum illud, cujus odorem sub illinitione aliàs perciperet. Jam ve-*

ro in istis rigoribus horroribusque cutanearum fibrarum contracturam, clausuramque pororum simul contingere, nemo facile dubitabit.

§. 14. Prout itaque diversimodè afficiuntur præcordia, etiam ipse habitus corporis cutaneus per consensum multipliciter constitutus, adeoque ad sudoris transmissionem magis minusve dispositus erit. Mirabilis sanè est membranosi generis in universa corporis machina connexio & consensus, mutuaque hinc, quoad tam actiones quam passionis conspiratio & concentus, iis in casibus, in quibus anatome nondum lucem subministrat sufficienter, adeò obscura, ut etiam *ignotam actionem regiminis* ingeniosissimus aliàs HELMONTIUS fingere coactus fuerit. Ex quo consensu etiam nasci videntur horrores isti rigoresve, qui ex partium membranarum abscessu, sponte sua rupto, ordinariò ægros affligunt, ruptique abscessus haud postremi indices sunt; membranæ scilicet perforatis, pus factum effluentibus, sicque sensibilibus læsis, cætero membranaceo genere consentiente. Sed ut revertar in viam, illa inter pathemata, quæ est præcordiorum consensu sudoris effluvia cohibent, eminent vel maximè inexplicabilis illa circa præcordia seu stomachi regionem molestia, seu anxietas, quas vulgò cordis angustiam appellant, quasi ipsum cor pateretur primariò; quæ frequentes videntur occasiones pororum contracturæ, sudorisque ob id deficientis, in morbis præsertim acutis malignis. Sæpius scilicet in Praxi malignarum febrium observamus, æstuante maximè corpore, ægro ipso copiosius bibente, stragulis etiam cooperto, cum pulsu celeri, frequenti, plus minus vehementi, & magno, (ut nihil dicam de illis, qui malignis in febribus, quoad urinam, calorem, &c. sanorum similes apparent,) nullum sudorem, etiam post propinata sudorifera, elici posse, cute semper squallida & arida, ac quasi nonnihil corrugata existente, ægro aliàs naturali in statu facillimè sudante. Jam equidem concedendum est, alteratum his in febribus esse insigniter sanguinis statum, impediens plus minus laticis pro sudoris materia fecessum: quod tamen hæc sola in tali ægri, præsertim sitis culosi ac bibacis, statu tali, cum pulsu, &c. causa sit denegati penitus sudoris, equidem persuadere mihi haud possum, quin potius arctior fibrarum cutanearum strictura, & hinc pororum clausura, videatur sudorem impedire. Nempe ventriculo, ejusque superiori orificio malè affectis, speciatim fermento maligno contagioso obsessis, ut anxii, inquieti, & agrypni, sine manifesta causa redduntur ægri, ita tantum non integrum membranosum genus consentire, hinc & cutaneæ fibræ contrahi videntur. Diffuso verò ulterius maligno fermento, & systema nervorum plus minus afficiente, eò magis & nervea cutis compati, hinc portas quasi undique claudere, & sudori quoque transitum pertinacius denegare pergit. Unde fermento maligno, quod acidum statuit, ab antimonialibus fixioribus absorpto, relaxari pororum contractura, corpusque denuò transpirare, non ineleganter asserit TAGHENIUS: *Hipp. Chym. cap. 21. pag. m. 165. 167.*

§. 15. Sed quod de præcordiis, fermento venenoso in febribus malignis obsessis, modò monitum fuit, cujus hostili præsentia anxietates ipsis ægris non explicabiles, inquietu-

udines, agrypnæ, excitantur, & per consensum hinc pororum corporis contractura inducitur, ulteriorem postulat explicationem. Nempe præ cæteris affectibus perquam contagiosa existunt maligniores febres, quæ contagia fermentativa, vel fermenta contagiosa, (utrumque rectè dici videtur,) quæ inspirationis medio ut plurimum se nobis insinuant, quascunque etiam alias corporis partes afficiant, semper simul ventriculo communicantur: indeque nunc citius, nunc tardius, pro circumstantiarum tam in agente quam patiente differentia, nausea, inexplicabilis quædam circa præcordia molestia seu anxietas, alvi etiam constipatio, sitis intensa, vagus utut primitus leviusculus, horror, (ut taceam cephalalgiam, & agrypniam, nunc citius nunc tardius supervenientes,) ægrum affligere solent, horrente universo systemate inimicam impressionem circa stomachum factam, & quasi undique contrahente ope motoris spiritus quosvis meatus, quo ab hostis peregrini insultu eo melius se tueatur. Contagiorum hunc afficiendi modum expertus insinuat LINDANUS, *Disc. super Hartm. Prax. Chym.* dum inquit: Ita autem propagari contagium ego experimentis didici, tam in me ipso, quam in aliis; Miasma scilicet fuisse primùm attractum in ventriculum, & statim nauseam subsequutam. Nauseam autem supervenire est bonum; signum enim est, non statim transire ad massam sanguineam; & in constitutionibus epidemicis notandum, neminem nauseare, (nisi forsitan ex ingluvie) nisi qui miasma acceperit, & si adest nausea, mox vomitus provocandus. Hinc etiam febrium malignarum sedem principalem in ventriculo esse, res confessa est apud BARTHOLINUM *Cent. 3. Epist. 42. p. 156. pariter ac apud HELMONTIUM Tumul. Pest. p. m. 843. 967. 891. Conf. BARTHOLINUS in Cent. 3. Hist. 68. 80. 50., item DIEMERBROCK. de Peste lib. 4. Hist. 15.* Adeò ut semper ferè in febribus malignis ventriculus vel escharam vel inflammationem, vel alia hujus census contraxisse, observatus fuerit. Propterea etiam tam in malignioribus, quam peste ipsa, si contagii suscepti suspicio sit initium curæ à vomitorio optimo cum consilio instituitur. Sanè si ægros tales in morbi progressu anxietatibus, inquietudinibus, jestigationibus, cephalagiis, &c. affectos interroges, in quam corporis regione ita malè habeant? epigastrium intento digito monstrant, & hoc ipso Medico insinuant, ventriculum imprimis pessimè affectum esse, per cujus consensum & capitis membranæ tendi, caputque hinc diversimodè dolere videtur: qua occasione & cutis contrahi pori, sudorque suppressi, probabilissimum est. Exinde enim in variolis, purpuris, petechiis &c. anxiiis & hinc inquietis existentibus ægris, vix ac non nisi imperfectè, cutaneæ excretiones succedant. Nempe ut membranæ sub epigastrio partes tendi, ex fibrarum irritatarum spasmo, tali sub statu solent, quod ipsi interdum fatentur ægri, ita & per consensum cæteræ membranæ partes tendi, ut supra ex FERNELIO deductum fuit, hinc & cutis pori simul per tensas & contractas fibras coarctari solent. Pro quibus symptomatis mitigandis Opium optimo cum consilio selectis additur vel sudoriferis, vel alexipharmacis: de quo cum supra jam actum fuerit, vela hic contrahimus, & Dissertationi præsentì imponimus finem.

525

DISSERTATIO VIII. EXERCITATIO THERAPEUTICA

De
PRÆCIPITANTIUM

vero
USU,
feroque
ABUSU,
Examini publico expolita

MICHAELE ETTMÜLLERO.

PHILOSOPH. ET MEDIC. DOCTORE,
& Facultat. Medicæ Assessore,

die 1. Iulii, Anno MDC LXXXI.

R E S P O N D E N T E

M. JOHANNES WILHELMO PAULI.

Lipsiensi, Medicinæ Baccalaureo.

Q. D. B. V.

Duplici basi rectè superstructa esse dicitur ars Medicinæ nobilissima, *Experientiæ scilicet, & Rationi*. Id quod de *Praxeos* non solum operosis valet tentaminibus, sed quicquid *Theoria* in eadem, ex *Naturali* presupponitur scientia, cuius quasi complementum *Practicum* ipsa existit, dum quicquid elegantissime primitus construit *Natura* in *Microcosmo*, id imitari quodammodo sub huius artificiosa conservatione & redintegratione satagit, id omne pariter, iisdem *Experientiæ & Rationis* necesse est inimitatur fundamentis. *Experientia* enim *Magistra* ista est antiquissima, quæ necessitatis durissimo urgente telo, invenit primitus quicquid in arte *Medica* deprehenditur, excuditque artem, exemplo monstrante viam. *Ratio* vero perficit ulterius, dum moderatur illius dictamina circumspectè, allucetq; facem. Utrique insistat *Medicus* necesse est. *Experientia* sola inflat, & temeraria ut plurimum est, citra rationis Regimen. *Ratio* caca est penitus & nuda, rasque *Tabula* similis, nisi ab *experientia* instruat. Illa tumidum, quia arroganter, ut in *Empiricis*; hæc timidum, quia incertum, ut in *Methodicis*, reddit *Medicum*. Neutrum ipsi congruit: *Experientiæ* irrationalis prius; posterius rationis in experta indicium est. Ibi enim, dum non benè rerum ponderantur momenta, quod solius rationis est, temeraria arrogantia & jactantia enascitur, inanisque pollicitatio, in hoc fere *Medicum* talem beans, quod nesciat, quantum nesciat. Hic vero, dum caute nimis, vel minima attenditur, nec usu rerum ejusmodi defectus, & crebriores *hesitantia* suppleuntur, hære ubique aquam, adeo, ut vel nimium agendo, nihil agat, vel minus agendo agrum perdat. *Timiditas* equidem impotentiam, audacia verò ignorantiam artis significat, Autore *HIPPOCRATE* de *Lege*. Sit ergo, pro re tamen nata, audax *Medicus* cum ratione; sic enim in subitaneis casibus, maturato consilio, in dubiis anticipari potius, quàm nullo auxilio in desperatis, tentativo molimine quodam, aliis forsan agris profuturo, suum quod est, agat. Errant adeoque qui solam *experientiam* sequuntur, quod circumforaneorum ac agyrtarum uno nomine, innumerabili fere *Medicastro*rum turba proprium, & ignorantia comes est. Sed eheu; quàm difficilis est in *Medicina* firma *experientia*, & cui tutò fidere liceat, & quàm infidus *experimentorum* successus; idque jam olim sobrie expendit sagacissimus *BOYLE* in *De Infido Experimentorum* successu. pag. 119. Errant pariter, soli qui rationi litant, hac in pluribus cæcitate, & veritate in puteo *DEMOCRITI* profundissime tories demersa, crebrius aberrante. Unde non raro vel ineptas, subinde ridiculas, rerum causas proferunt, vel *Dæmoni* Autori effectus naturales impie adscribunt, quorum rationem ex præconceptis scilicet suis hypothesibus reddere nequeunt. Rectissime ergo *SEPTALIUS* in *animadv. & Caution*. lib. 1. §. 24. pag. 8. Nec ratione in curandis morbis solum nitatur, nec usu, aut nuda *experientia*. Claudicat enim *Medicus*, alterutro horum crure destitutus. *Ratio* igitur ab *experientia* incipiat, & in eam etiam definat, *experientia* autem ducem habeat rationem, & in eam deniq; terminetur: utra enim per se indigens, altera alterius, auxilio eget. Minores tamen fere *Empiricorum* errores esse solent, quàm isti *Methodicorum*, qui nocentiores, ut eleganter exposuit *SYLVIUS* 13. *Præc.* c. IV. §. 59. p. 163. Adeo ut subinde præstet, sæpe numero etiam necesse sit, pro *Praxi* feliciter exercenda, ut in *Empiricorum* castra, circumspectè tamen, aliquandiu se conferat *Medicus*, in casu scilicet, quo rationis certioris aut evidentioris destitutus est adiumento. Si quidem pro curationibus etiam feliciter perficiendis tam accurata *Theoretica* notitia, & profunda *Physices* cognitio, aut œconomia animalis subtilis adeo perscrutatio, haud æquè, saltem non absolutè, necessaria est, quin sine his

his in arte sua excellere queat Medicus. Pari omnino ratione ac expertus naucerus magnetica acus beneficio navigationes etiam in remotissimas regiones auspicio instituit, ut nec ferri, nec magnetis, naturam perspectam, aut directive illius in aeu virtutis originem, causamve, adhuc vel Eruditissimis dubiam, cognitam habeat. Nec, qui Automata conficit, Artifex virtutis elastica in spirare ratione aut fundamenta novit, ut totum ipsius hinc innitatur opificium, quam prout diversimodè determinare novit, opus nunc magis nunc minus artificiosum producit. Ut taceam, non semper adeò accuratam haberi posse cognitionem sui Objecti à Medico; id quod vel sola subinde ostendunt idiosyncrasia unius cuiusque hominis, à priori sanè simpliciter imperscrutabiles, quas si cognoscere potuisset GALENUS, arrogans alias, & multum ab Hippocratis modestia alienus, æqualem se Æsculapio censuisset, ut ipse de se testatur. Hac sanè, alias ut taceam, causa est non ultima, quæ in quavis medicatione aliquid empirici semper occurrere facit. Præstat ergo experientia ratione illustrata, rationi per experientiam confirmata; hic enim præconceptarum opinionum, quarum mira est potentia, metus semper intercedit, dum omne, quod ratio possidet cognitionis cuiusvis, simpliciter experientia acceptum ferendum est. Hec est, quæ Præcipitationem ostendit primitus in Artificialibus: hac est, quæ Præcipitantium usum monstravit in morborum medicationibus: rationis jam est, limitare debite eandem, & subjectorum ac affectuum diversitati prudenter applicare, ut hujus manu ductione legitimus eorum ac rationalis pateat usus, & evitetur cautè empiricus eorundem abusus. Id quod dum docere satagimus, Divini Numinis, cœ summi Archiatri, auxiliatrices devote invocamus opes.

CAPUT I. HISTORICUM.

Præcipitantium Remediorum in Medicinam Introductionem, eorundem abundantiam & scopum, recenset,

§. 1.

Ὀργασμός
humorum
quid?

SI quis alius, sanè aph. 22. f. 1. HIPPOCRATIS, à quibusvis Medicis, Praxin præsertim exercentibus, maximi semper habitus fuit, dum eo ipso triplicem partium corporis contentarum fluidarum, sive humorum, statum, scilicet ἐμύκτης, πηκνός, & ὀργασμός insinuat, in acutarum febrium cura attentè observandum. Oraculum appellavit modò laudatum aphorismum Galenus; & in ejusdem Observationem, felicitatem, qua in curandis aegris per 40 fere annos fruebatur, maxime referre solitus est SEPTALIUS Mediolanensium Poliater, in animadvers. & caut. l. 3. §. 48. pag. 70. Quod speciatim Ὀργασμός attinet, consistit hic ipse in impetuosi humorum & notabiliter exorbitante motu, tam intestino, quam progressivo, ita ut præternaturaliter quasi effervescentes, simulque tumultuose per vasa & conceptacula sua delati, horrendorum subinde symptomatum occasionales causæ existant; Unde non ineptè ab interpretibus Latinis Turgescentiæ imprimis, hinc & Ebullitionis, fermentationis insignioris, & tantum non Effervescentiæ nomine vertitur: Alii ferociam materiæ morbificæ vocant: POTERIUS l. 1. febr. c. 37. p. 49. turgentis i. e. furentis materiæ impetum appellat.

Ὀργασμός
unde dictus,
& quid proprie
significet.

§. 2. Equidem τὸ ὄργαν Græcorum, indeque descendens Ὀργασμός proprie, anxiam animalium veneris appetentiam & furibundum in eandem impetum, qua determinatis anni temporibus agitantur, summèque irrequieta redduntur, innuit; in qua auræ genitalis acrioris & volatilioris ratione, præter genitalium pruriginosam titillationem, & hinc libidinosos veneris stimulos, sanguinis & aliorum fluidorum turgescentiæ, & impetuosioris agitationem ac commotionem, spirituum concitatorum impetum, intensiorem corporis æstum &c. patientur. Paucis negotium hoc expedit accuratus aph. Hip. interpretes HOLLER Comment. in aph. Hip. f. 1. Aph. 22. p. 80. Perbunt turgentem, ὄργαν, translatum ab animalibus, libidine titillationis, qua ob concubitus desiderium stare loco nequeunt.

Similis observatur in menstruatione muliebri.

§. 3. Analogum quid, quod ad sanguinis nimium turgescentiæ, experiuntur femine menstruationis tempore, in quibus occasione auræ fermentativæ, à genitalibus inspiratæ, rarefcentis, & præter ordinarium modum turgentis, ac tantum non ferventis sanguinis impetu, dolor dorsi & circa spinam lumbosq; pulsatio, ut & distendens molestia, artuum tensiva lassitudo & gravitas, dolor capitis, hypochondriorum inflatio, & imprimis ejusdem per uterinarum arteriarum anastomosis

excretio, excitantur: quæ undecunque impedita ferociens sanguis, quæ data porta, per nares, os, oculos, aures, mammarum papillas, umbilicum, pedum pollicem, vesicam, & nescio quæ loca alia impetuosè proruit. Ut taceam menstruam febrem in quibusdam, dum lunare persolvunt tributum, observatam; Refert LIND. in Coll. Manuscr. sup. Hartmann. se nosse matronam jam vetulam, quæ quoties menses accederent, febrem triū dierum pateretur.

§. 4. Orgasmus talis metaphoricus, sed præternaturalis, cum non raro morborum sub motu, præsertim febrium, in corporis fluidis observari soleat, appellationem similem & hic adhibuisse placuit medicis. Prodit autem le manifestissime per varias tam excretiones, quam translationes symptomáticas dictas. Humor enim estu orgasmis modò in hanc modò in aliam partem insiliens, nullo subsistit loco, donec tandem irruptione facta in aliquam nobiliorem partem, exitialem inferat vitæ calamitatē, ut loquitur POTERIUS c. 1. Unde & materia turgens, quæ stare loco nescit, quibusdam definitur: Vid CASTRO: Quæ ex quibus l. 2. c. 1. p. 67. aliis humor mobilis, instabilis, ferociens, &c. appellatur.

Ob similitudinem pariter ad præternaturales humorum motus applicatus.

§. 5. Turgescentiæ talis humorum, & inde ferè oriundæ translationes & excretiones symptomáticas, sequuntur in genere nimiam materiæ occasionalis acrimoniam, tam benignam, quam malignam; sive enim ex aucta effervescentiæ contentorum, sive ex irritatione partium continentium, & hanc insequente concitatori motu locali contentorum præternaturalium, sive ex utroque derives turgescentiæ & agitationem istam humorum, sanè ubique principale peccans erit acrimonia nimia. Scilicet non moventur suo pte impetu contenta fluida, sed per meatus canalesque consuetos, cœu organa, fibrarum eorundem ministerio, & spirituum moventium potentia, tam naturaliter, quam præternaturaliter feruntur. Utrobique præsupponitur stimulus, qui sub humorum Orgasmo est in ipsis contentis, quæ potentiarum Hippocraticarum beneficio, cum saltem activæ existant, intemperatura eorum, cujus ratione nos ledunt, nihil aliud erit, quam acrimonia nimia.

Causa Orgasmi humorum in genere est acrimonia eorum nimia.

§. 6. Pressius ut loquar; fermentum acidum volatile acris, (plus minus tale, sub morborum inde oriundorum latitudine) tam benignum, quam malignum, sive intus (aut objecti, aut efficientis vitio) ex assumtis genitum, sive extrinsecus inspiratum, vel aliunde contagii nomine susceptum, origo est orgasmis cuiusvis humorum præternaturalis; hoc enim aut texturam sanguinis sive crasim temperatam pervertendo, aut chylum & lympham exasperando, aut bilem vitiosè acuendo, aut spiritus influos inquinando, primò motus horum intestinos, tam absolute quam respectivè tales, (in relatione nempe fluidi unius ad alterum, eorumque mutuz miscelæ) præternaturaliter vitiat, & in turgescentiæ ac commotionem, effervescentiæ plus minus similem, concitat, hinc tam acrimoniz quam turgescentiæ humorum respectu partes continentis sensi-

In specie fermentum acris.

sensibiles irritat; quæ occasione spiritus impetum faciens fibrarum misterio contenta diversimodè ac inordinate, subinde tumultuosè admodum agit, & impellit per vasa naturalia, donec facta meatus cuiusdam, vel turgescens simpliciter & rarefcentis nimis humoris, vel impeditur ejus undecunque fiat (nunc meatus angustati, nunc ejusdem fibrarum partis irritatæ strictura coarctati vitio) ordinariè transmissionis occasione, aëstomosi, symptomata illius aut *ex proprio* aut *per accidens* superveniat.

Motus humorum & intestinus & progressivus junctim Organis constituitur.

§. 7. Uterque scilicet humorum motus, tam intestinus quam progressivus, junctim in constituendo Orgasmo concurrere solent. Equidem à posteriori hoc progressivo præternaturali, seu sensibus manifestiori, communiter Orgasmi humorum ratio saltem desumi solet: vid. PLEMPHIUS *Fundam. Medic. l. 6. c. 3. p. 336.* Sed male: Cum hic ipse potius sit adjunctum, ne dicam effectus, Orgasmi humorem principaliter talem concomitans; Non secus ac *sup. §. 3.* turgescens sanguini excretionem variam supervenire sub menstruatione plus minus præternaturaliter insinuavimus; Aut sicut mustum, vel cerevisia novella, fermentationis sub impetu turgescunt, ac ita quasi intumescunt, aut vel vasis ora impetuosè excedant, vel arctius inclusa illud penitus dissilire faciant. Sanè alius quid, quam progressivum saltem humorum motum vitiatum, per turgescentiam insinuare HIPPOCRATES *cit. aph. vel ex hoc subsumere licet*, quod coctis crudisque evacuationis respectu societ turgescens succos, & eosdem quasi medio loco, inter hos non movendos, illos verò evacuandos, collocet. Uti verò texturæ humorum respectu, & heterogenearum particularum vel arctius connexarum cæteris, vel commotionis febrilis, adeoque motus intestini præternaturalis beneficio separatarum ab iisdem, intuitu, cruditatis & coctionis ratio habetur, non motus eorum localis: cuius modificatio artificialis evacuatoria per artem, post coctionem factam, deum instituenda venit, sicut à Natura tunc deum institui solet; ita turgescentiæ nomine, primario humorum crudorum adhuc, sed impetuosius sub suo ad coctionem motu ebullientium, adeoque motu intestino præternaturali agitatorum, status insinuat, cuius occasione & vitiatu progressivus motus, adeoque excretionis aut translationis symptomaticæ superveniant, interdum à Medico Naturæ ministro, imitandæ, nunc easdem provocando, nunc promovendo: qui genuinus dicti *aphor. Hipp.* sensus videtur.

In quibus affectibus talis turgescens humorum contingat.

§. 8. Utut verò HIPPOCRATI, non secus ac superiorum seculorum Medicis; turgescens & orgasmus talis humorum, cum eorundem cruditate & coctione, saltem in febribus, tam intermittentibus, quam in specie continuis acutis, benignis pariter ac malignis, asserta fuit, cum in iisdem manifestiora illius observentur Phænomena; ab horum tamen successoribus, hodierni præsertim ævi Medicis, etiam aliis affectibus præternaturalibus accommodata fuit. Sic enim sodæ ardores, pariter ac hypochondriacorum & scorbuticorum Phlogoses vagæ, ac æstuationes, & singulis momentis variantia symptomata, sceminarum tumultus hysterici, inflammationes, sublimisque hypochondriorum dolores, borborygmi abdominis, diarrhææ graviores, cholera acutiores, anxietates præcordiorum, cardialgiæ contumaciores aut sæpius recidivantes, dolores partium vagi, hæmorrhagiæ effrænes, Ictericorum pathemata subinde atrociora, epileptici per consensum insultus, & plures alii affectus, ex ebullientibus, turgescens, & ferocientibus contentis humoribus, sub theoretico illorum scrutinio, derivati fuerunt. Hæc nihilominus observanda videtur differentia, quod Orgasmus talis primario in febribus, iisdem speciatim acutis, secundario verò etiam in aliis affectibus, locum inveniat.

Turgescens humorum remedia præcipitantia opponuntur.

§. 9. Turgescentiæ tali humorum præcipitationem eorundem per auxilia, ab effectu supposito

Præcipitantia dicta, opponere satagunt Medici, hisque minutorum symptomatum stragem maturè avertere. Unde dum crebrius ebullitio effera & turgescens humorum acculatur in morbis, sub eorum fiendi modo frequentissima quoque Præcipitantium remedium iniicitur mentio, & implorantur suppetiæ. Ast quò facilius eorundem est usus Practicus, eò jejunius est scrutinium Theoreticum, dum vix apud quenguam distinctius evolutum reperias, in quo operandi eorum consistat ratio? & qua methodo rationaliter administranda veniant? Equidem de posteriori hoc nullibi aliquid invenire licuit; quoad prius verò istud, mirabilis confusio, & rei aliàs minus claræ major obscuratio saltem, observatur, dum quidam præcipitationem cum solutione, alii cum coagulatione, alii cum unione plurium confundunt, & ita rotundis quadrata miscunt: alii effectus à suis causis, aut harum operandi modis minus distinguunt: alii Præcipitantium nomen ac usum adeo latè extendunt, ut tantum non alterantibus in genere æquipollean, adeoque lulum saltem in vocabulo committunt. Passim de eorum usu & actione, quæ occurrunt, si in pauca contrahenda sint, huc ferè recident, remedia præcipitantia fermenta præternaturalia destruere, ferocientes humores quosvis, tam in primis viis luxuriantes, quam in vasis & visceribus languiferis & lymphaticis ebullientes, sistere, eorumque impetum sedare, & Crasin vitiatam simul corrigere, quo alterati vel naturalem in Crasin & texturam coeant mutuo, vel subacti per convenientes vias debite evacuari queant.

§. 10. Primarius Scriptorum, & ferè quoque primus, qui præcipitationis & præcipitantium mentionem ab usum pressius inculcat, est SENNERTUS *l. 2. de Febr. c. 17. pag. 259.* ubi de specificis intermittens febrilibus differendo ita inquit: *Ut quod mihi videtur, dicam, talia medicamenta præcipitatione quadam vim illam effervere videntur. Cuius rei documenta passim occurrunt: Ut jam non dicam de eo, quod cerevisia acrescentis vitium creta injecta à vulgo emendatur, & acetum creta injecta aciditatem amittit, ac spiritus vitrioli cum sale Tartari mistus aciditatem perdit: manifestum huius rei argumentum est in ardore stomachi, quem Germani den Sood nominant, cum à bilis in ventriculo ebullitione vapor quidam, & status ardens attollitur, & dolorem ac ardorem in orificio ventriculi & Oesophago excitat. Ad quem affectum tollendum, cretam, oculos cancri, bolum armenam, & similia, quæ acris & acutis liquoribus acrimoniam præcipitatione quadam adimunt, usurpari, vulgo etiam notum est. Succenturiatur huic strenuè, si quis alius, KERGERUS, Tract. de Fermentat. f. 3. c. 3. pagina 249. & seq. Dum optimam & omnibus febribus salutaribus solam sufficientem esse præcipitationem, asserit ita ut in inquinamento febrilis sive fermenti præcipitationem totius curationis cardo vertatur; unde & unico ferè medicamento præcipitante ultra mille febricitantes, sine aliis remediis, sine aliarum circumstantiarum quarumvis consideratione, curasse se asserat pagina 250. In malignis quoque optimum esse, aut præcipitantia cum alexipharmacis neetere, aut istiusmodi alexipharmaca eligere, quæ præcipitandi virtutem simul polleant, ut hac ratione utrique scopo, & malignæ qualitati, & fermentationi satisfaciat, pagina 251. Accedunt his alii. Sic enim MYNSICHTUS in Armamento Medico Chymico pag. 115. Species diacretæ Tartarum in orificium ventriculi sublimatum efficaciter resolvunt & præcipitant. Peculiarem præcipitandi furias æstuantis sanguinis vim habent oculi cancri: utilissime itaque in pleuritide iisdem à Practicis adhibentur, notante SACHSIO Gammarol. pagina 662. & 719. Oculi sive Lapilli Cancrini etiam in aliis febribus adhibiti salutem sperare jubent. Qua ratione id præstent? si queratur, respondendum, agere*

A quibus Autoribus primitus ac maxime introducta.

agere id vi præcipitatoria: Id. p. 732. Rectè moderni medici, novo sed aptissimo vocabulo operationem oculorum cancerorum, in ard. re. ventriculi seu soda præcipitatione dicunt fieri: & p. 736. & 437. In dysenteria, ubi fermentatio acrium humorum pulv. estarum Cancerorum in aceto coct. & præp. valet, imò oculi cancer. crudi propter bezoartice vi additam præcipitandi facultatem, non secus, ac ut ad eundem effectum cortices ovorum induratum, ossa hominis philosophicè calcinata, ossa sepiae calc. nata, Cornu Cervi sine igne, & antimonium præp. commendantur; siccissima enim hæc omnia, imbibendo, humores a gismo turgentes sive fermentantes, acedine spoliant. Testæ itaque cancerorum, eorumque oculi in dysenteria præcipitando conducunt.

Præcipitantia ex regno animali. §. 11. Tot autem prostant præcipitantia medicamenta, ut potius de selectu laborandum, quam de defectu & inopia querendum sit. Adeo liberali manu omnibus in tribus regnis polychresta hæc medicamenta nobis Natura suggerit. Animalium quidem in Regno quævis animalium partes duræ, ut in genere cornua, dentes, ossa, & ungulæ, v. gr. Cornu Cervi, ebur, dens apri, cranium humanum, ungula alcis, glosopetra: Quibus etiam associantur concreta alia lapidea, in quacunque corporis parte reperta, ver. gr. lapides ex cysti bovis fellea, bezoardici Orientales, & Occidentales ex ventriculis capricervarum extracti, & qui his vix cedit vi bezoardica, calculus humanus; item aliis in corporis regionibus reperti lapides, sicut mihi est lapis ex teste castoris, castaneæ magnitudinis, durus & fortiter castoreum spirans. Marina speciatim, & omnia ostracoderma huc pertinent, eorumque testæ, aut coagulata lapidea, ver. grat. Ostrearum testæ, & gammarorum, spetiatim horum chelæ, & lapilli, oculi cancerorum communiter dicti. Conchæ quælibet, & harum fructus perlæ, coclearum testæ, ossa capitis lucii piscis, spina multulæ piscis, Ossa sepiae. Quibus adde & Ovorum ex Volatilibus testas, & peciatim illas Struthionis.

Ex regno vegetabili. §. 12. Vegetabilium luxuria suggerit nobis concreta stypticoterrea, plus minus aromatica, speciatim cortices, ut fraxini, quercus, guajaci, & qui primo loco nominandus fuisset, corticem arboris Pervaræ, Gannana perinde dictæ, qui communi nomine China Chinæ alias audit; cortic. Cinamomi, & quævis Canellarum species; quo & cortex Winteranus, Anglis in scorbuti cura adeo usitatus, pertinet: it. rad. tormentillæ, fl. ros. rubr., fructus istos anomalos quercinos, gallas, it. frutices ex arboribus crescentes, scilicet visca, in specie quercinum, tiliaceum, & cæteris quod præstat, corylinum: Item Nucleos osses, mespillorum, dactylorum, aut nucleorum esculentorum involucria quasi ossa, ut cortic. avellanarum, nucl. persicorum, &c. Quibus addantur inter vegetabilia & mineralia medicæ quasi naturæ, de utroque scilicet participantia, coralia quælibet, & his cognatos poros ac madreporas, quin & alcyonia, &c.

Ex Minerali. §. 13. Minerale denique regnum, ditissimos suos prodendo thesauros, subministrat quævis terras fossilis medicatas, per artem fere sigillatas, tam Europæas quam Asiaticas, & quæ ad has pertinent, margas, cretam, lac Lunæ, medullam saxorum, unicornu fossile, bolos, Lapides plures minus pretiosos lyncis, osteocollam, crystallum, Lap. calcarium, speciatim martialis quæ sunt prosapiæ, fossilia, ut hæmatitem, magnetem, rubricam fabrillem, quin & laterum coctorum pulverem; metalla fere quælibet speciatim Martem ejusque vitriolum, & saturnum, & hinc alumen, item stannum, & aurum & qui integræ pharmacopœæ vices supplent, mercurius & antimonium.

Eadem præparata. §. 14. Præparata horum nativorum artificialia, speciatim mineralium, sunt varia ac multiplicia.

Pertinent ergo huc omnia illorum præparata, in specie sic Pharmacopœis appellata, ut Corall., Lap. cancerorum, hæmatit. præp. it. omnia Calcinata, ut C.C. ultum, specif. febrile Tertianarum Strobelberg, aut Crolii, calx viva lota, ejusque aqua, it. salia fixa per vegetabilium calcinationem producta, horumque oleum per deliquium, aut ex iis concinnatus Liqueor præcipitans CLAUDERI, Tr. de Balsam. Corp. l. 7. §. 8. p. 208. Sanè ut oleum tartari per deliquium appropriatum præcipitationis instrumentum quibuldam dicitur, ita idem liqueor inter præcipitantia, & quæ hac in classe eminent, febrifuga, pariter excellit: quin & salia voltilia quælibet, tam vegetabili quam animali ex regno petita; utut aliàs præcipitantibus minus associata; ex mineralibus Terra vitrioli dulc., antimonialia fixata quælibet, simplicia & composita, electra minora quibuldam dicta, ut antimonium Diaph. martiale Ludovic. antihect. Poter., ut & mercurialia, quæ quò magis talia, eò præstantiora: hinc quædam sublimata, ut flor. lap. hæmatit. & ex his Atroph. ZWELFFERI Mantiss. p. 338. item flores sal. armoniaci martial. & ex his sedativum Archei ejusdem, p. 339., ut & primum ens veneris Boylei, Usefulness. af. Experim. Philosoph. p. 2. s. 1. app. p. 330. cum quo conspirat sulphur vitrioli Philosoph. CNOEFELII Misc. Acad. Nat. Curios. Ann. 6. & 7. App. p. 36. & 70. Ut alia præcipitata, ut aurum fulminans, & plura ex sole parata remedia, quævis sub forma aut consistentia, it. mercurialia, in specie aura vitæ dicta, plus minus composita, ad quæ & Febrifug. Riverian. pertinet. It. particulares plures, mineralium præsertim præparationes, ut tot Croci martiales, it. Tinct. martis, dictæ aperitive Liqueor martis solaris, sal Martis compos. seu Tinct. vitrioli martis Zwelf. in forma sicca, tot tart. Martiales, & Tinct. Martiales cum tart. præparatæ, ut Tinct. Martis apertiv. vitriol. LUDOVICI, Misc. Acad. Nat. Cur. Ann. 3. Observ. 250. Sympus Martis tartarificatus LEMERY Chym. p. 157. (Vvillstano artificio Martem præparandi hæc, multum abudens,) it. FEBURE Chym. p. m. 773. uti & tot adstringentes, quos inter eminet, quæ vulgo Tinct. sulphuris vitrioli dicitur: hinc crystalli mineræ Saturni, magist. saturni cum spiritu urinæ præcipit., Saccharum aluminis, &c.

§. 15. Ex quibus simplicibus plus minus talibus ingens compositorum turba emergit, quæ tamen facile à prudenti Medico, Naturæ simplicium gnaro, & qui eorundem ad causas morbosas applicationem artificiosam perspectam habet, ex tempore diversimodè misceri possunt. Illa inter sunt v. g. pulvis antifebriciticus perlatu, TIMÆI, in Medic. d. script. Cas. annex. p. 425. Species diacretæ MYNS. in Armament. pag. 1. 4. Pulveres antipleuritici at bezoardici, à S. A. HSI Gammarol. p. 464. & seq. it. 715. descript; pulv. dysentericus CROLII in Basilic. p. 344. tot pulveres Cachectici basi Martis superstructi, pulv. Comitæ de Vvarovic seu Cornachinus, Tinct. antiphthifica, Lapis Chymicus, à GLAUBERO tantoperè laudatus, per experientiam confirmatus, in Misc. Acad. Nat. Curios. Anno 2. Obs. 143. p. 127. hæmatites artificialis quibuldam non adeo ineptè appellatus; Elixir. præcipitans quorundam, ex aloë, myrrha, croco, nuce mosch. cum Tinctura tart. extractum, cui spiritus salis armoniaci cum calce viva & flores Martis debita proportionem sociantur; it. Elix. propriet. aperitivum CLAUDERI, de Bals. Corp. c. 7. p. 204. aut essentia purificans ejusd. c. l. p. 195.

§. 16. Veteres apud Medicos nulla penitus horum præcipitantium, tali quidem sub consideratione, teribus occurrunt vestigia, cum hæc ipsa ab iisdem, re adhibita mediorum vires saltem secundum manifestas, sic fuerunt, putatas, præsertim primas, & hinc secundum occultas qualitates dimetientibus, modò inter refrigerantia & siccantia, ut animalium partes duræ, tam crudæ quam cum aut sine igne præparatæ ac calcinatæ, modò inter aperientia, ut Martialia & vitriolata; modò inter adstringentia, ut cortices

vege-

vegetabilium, alumen, Terra vitrioli; modo inter *diuretica*, ut Lap. cancrorum, crystallus, testæ ovorum; modò inter *Judorifera* & *alexipharmaca*, ut Lap. bezoardici, antimonía fixata, Terra figill. recensita fuerunt.

Occasione Chymie magis ex-cultæ, a modernis in Thera-peuticis introducta. §. 29. Sed cum hoc nostro seculo, Chymicorum furni intensius calefieri, & pyrotechnia studio-sius excoli cepisset, ita quidem, ut nō processuum, quos vocant, nudæ elaborationi, aut remediorum saltem præparationi, sed Phænomenon, sub con-cretorum syncrifi & diacrifi artificiali, considera-tioni accuratiori & causarum eorundem, fiendi-que modi scrutinio, inserviret; sanè insigniter mu-tata fuit, ut totius Naturalis scientiæ, cujus Cla-vigera est & thesaurorum custos Pyrotechnia, ita imprimis specialissimæ ejus partis, & quæ illius Praxis quædam existit, Medicinæ facies, dum ex Concreti, secundum minima, textura, horumq; affectionibus Mathematico mechanicis seu quan-titativis, actionum & passionum in corporibus vi-cissitudines, variæque mutationes, *formaliter*, ex minimorum syncrifi diacrifi & metastasi, in gene-re, & ex minimis salinis, ceu cæteris potioribus, in specie, *materialiter* per motus efficientiam, clarè magis & distinctè explicatæ, & medicamentorum quoque in ægrotis operationibus applicatæ fuif-sent: unde fieri aliter haud potuit, quin & opera-tiones plures artificiales seu pyrotechnicæ, ut functionibus partium corporis naturalibus, ita & præternaturalibus accommodatæ, sed & pro ex-plicando remediorum agendi modo adhibitæ fue-rint, nunc quidem dextrè, nunc verò sinistrè, ut de fermentatione & effervescentia, sublimatione, circulatione, solutione, fixatione, volatilisatione, filtratione, &c. manifestum est: quas inter & *Præcipitatio*, operatio si quæ alia sub chymicis la-boribus frequentissima, respectu alterationis de-terminatæ, fluidis corporis per remedia quædam inducendæ, tantum non omnium suffragio rece-pta fuit, & quæ præcipitationis modo, aut huic proximè simili, activa existere putantur remedia, Præcipitantia dicta fuerunt.

CAPUT II.

THEORETICUM.

Præcipitantium Naturam, Usum, & Ope-randi modum, evolvit.

§. 1.

Præcipita-tio Chy-mica quid & quotu-plex? **P** Ræcipitatio, (quantum quidem ad præsens negotium ejus consideratio pertinet) ceu se-parationis quidam modus, in *genere* accepta, op-ponitur propriè & *formaliter* heterogeneorū plu-rium arctiori unioni, & *effectivè* ut plurimum su-blimationi: Estque talis motus, quo unita antea exactius separantur ab invicem, ita ut hæc, quæ ita separata fuerunt, proprio impetu deorsum se-rantur. Arctior talis nexus & unio, cui præcipi-tatio opponitur, haud melius quàm solutionis no-mine vocari potest, ita ut in *specie* præcipitatio ta-lis sit motus, quo soluta à menstrui, vel propriè talis, vel huic analogi, cōpedibus liberata, proprio nisu subsideant: Effectus, cujus ratione & subli-mationi rectè opponitur, utut non adeò universa-lis sit hic præcipitatorum ad imum descensus, quin & ad superiora interdum ferantur, pro respectiva nempe gravitatis præcipitatorum ad corpus, cui unita fuerunt, proportionem. In vino fermentante. eodem præcipitationis actu, & fæces ad fundum descendunt, & flos spumofus, ceu cremor qui-dam, supernatat: Si alcohol Vini vegetabile quod-dam resinofum, unà cum camphora, infusum fuerit, pro illius quidem extractione, hujus verò solutione, aquæ postmodum medio facta præcipi-tatione camphora reviviscens summa petit, resina ad imum descendente. Talis tamen separatio, in qua superiora petit præcipitatum, non nisi in latiori vocis præcipitationis acceptione locum ha-bere videntur. Præcipitatio omnis vel perfecta est,

vel imperfecta: respectu separationis est pariter vel spontanea, vel quatenus ab addito perficitur violenta: fit denique vel via humida, vel via sic-ca; illud frequentius, hoc rarius. Sub saturni cal-cinati scil. cum arena vel silicibus vitrificatione, sol & luna cum saturno unita præcipitantur, & martis beneficio regulus ex antimonio fusione se-paratur, & infra scorias præcipitatur.

§. 2. Fundamentum cujusvis præcipitationis in genere (prolixa doctrina in pauca verba contra-henda venit) consistit formaliter in mutata textu-ra mechanica vel corpusculorum continentium (unientium, solventium, voca ut libet) respectu particularum præcipitatarum, vel contra harum respectu continentium, vel denique fluidi inter-medii, respectu alterutrius, aut utrorumque. Textura consistit in particularum figura, magni-tudine, situ, ordine, pondere, motu vel quiete, & hinc dependente respectiva ad se invicem pro-portionem, unionem & nexum, quorum uno aut plu-ribus mutatis mutatur subito textura & cohæsi-o, fitque vel quarundam separatio, vel earundem in novum concretum coalitio, vel aliæ plures simi-les mutationes. In musto, ex mutata per attri-tum mutuum sub fermentationis labore mini-morum textura, retentæ ac solutæ antea commu-ni unionis vinculo, particulæ plures separantur, & fæcum forma descendunt, ipsis cæteris in no-vum concretum se cōtinentibus, vini nomine no-tissimum, & hoc omne sub specifici acidî domi-nio. Luna in aqua forti soluta per laminas veneris præcipitatur, hæc per bacillos martis, hic per Cin-cum, hoc per alcali fixum vel volatile: quatenus in omnibus his acidæ aquæ fortis particulæ muta-to situ & ordine promptius se uniunt cum aliis metallicis vel alcalisatis particulis, ob majorem fi-guræ, magnitudinis, ponderis &c. cum istis con-gruitatem, unde lunares sic dimittuntur, seu po-tius ab aliis extruduntur, quæ derelictæ ad fun-dum descendunt: Idem effectus ex aqua salsa infu-sa observatur, quatenus salinæ hujus particulæ arctè & copiosè simul adhærescunt lunæ solutæ mechanica ex congruitate (*formaliter*,) undè hu-jus particulæ figura, mole, pondere, &c. auctæ, retineri ab istis aquæ fortis nequeunt, quin lunæ corneæ nomine subsideant. Fluidum denique, tam igneum, quàm præsertim aqueum, tam quan-titate, quàm qualitate, aut consistentia, aut mo-tu, secundum minimorum coalescentiam muta-tum, pariter ex mechanica necessitate præcipita-tionem nunc promovere, nunc impedire obser-vatur: dum multa in frigido loco præcipitationem patiuntur; quæ in calido; sub æquabili unionis textura subsistunt. Ac in magisteriorum resinoso-rum ex Vegetabilibus quibusdam præparatione, menstrui Spiritus Vini ad medietatem abstractio prævia requiritur, si cum aqua com. præcipita-tio commodè succedere debet.

§. 3. Præcipitatio, eaque tam spontanea quàm violenta, perfectum in via humida, quin in machi-na corporis nostri, ejusque actionibus plurimis pu-rè mechanicis, locum inveniat, haud quisquam facile dubitabit, sive naturalem, sive præternatura-lè consideret statum. Quæ in primis intestinorū vi-s, scum, ceu excrementorū digestionis primæ, fit secretio, haud sine præcipitationis modo, bile & lympa pancreatica mediantibus, evenire, dene-gatus horum succorū eò confluxus, obstructis aut undecunqu; impeditis excretoriis vasis, & inde na-ta cœliacæ affectionis ista species, in qua alvi ex-crementa chylosa prodeunt, persuadet. Sub san-guificationis motu præcipitantur pariter crudio-res chyli partes, & urinoso latic eas sorptæ, ceu excrementum secundæ digestionis, foras emissæ, contenta in sanorum urinis constituunt, sive se-parata in illo fluctuant, sive soluta in illo dispa-reant, facile tamen per alcalisata præcipitabilia.

§. 4. In statu morbofo totum istud Materiæ, ut Eadem in vocant, morbificæ coctionis, sub febrium, præ-statu egro. sertim acutarum, cursu, anceps negotium, in quo & salus & interitus ægri versatur, & quod unicum Crisium, tam per eccrisin, quàm per apo-stasin,

Ejusdem funda-menta mechani-ca.

Præcipi-tatio in fluidis nostris, in statu sano.

statim fundamentum existit, non nisi præcipitationis spontaneæ modo, mediante commotione minimorum in sanguine fermentativa, hoc est, acidi fermentativi saturatione, & cum aliis heterogeneis particulis ex cæterarum consortio extrusione, accidit, urinæ Phænomenis secundum tincturæ, consistentiæ, opacitatis, & subsidentię vicissitudines successivas id attestantibus. In malignis pariter, petechialibus, purpuratis, cutaneæ excretionibus & efflorescentiæ separationem heterogenei & corrupti ab alimentitio & vitali præcipitatoriam præsupponunt, cum sine hac prævia secretio aut excretio laudabilis fieri ulla nequeat: Scilicet, ut paucis multa complectar, sicut in mechanicis, ita & nostro in corpore, nulla heterogeneæ materiæ, studio cuidam commistæ, per quodvis colatorium aut filtrum secretio fieri potest, nisi eadem prius, soluta unione firmiori, separata fuerit, hoc est, plus minus perfecte præcipitata in illo fluctuet. Non ineptiunt illi, considerato scilicet Naturæ motu ordinario, qui ebullitionis & excretionis tempus, in Variolis præsertim, discriminant, cum ibi fermenti acidi morbofi specifici cum corruptis sanguinis particulis saturatio in acido salsum, & ex aliorum nexu exclusio, h. e. præcipitatio, hic præcipitatæ substantiæ intra pororum & meatuum cutaneorum impedimenta retentio, & sic demum ex sanguine ac lymphæ secretio, obtineat; utut certis temporum ac dierum momentis non adeo strictè alligandum sit. Chronicis in morbis, cachexiis, ejusque speciebus, chlorosi, ictero, scorbuto, & similibus, crudæ urinæ, h. e. tenues plus minus, si crassescant, aut turbidæ, si copiosa sedimenta seponant, & sub horum secessu ad naturalem successivè redeant faciem, præcipitatorium heterogenearum particularum ex sanguine secessum, cum euphoria ægri ostendunt.

De artificiali per medica-
menta, est
quæstio.

§. 5. Sed missa ista naturali præcipitatione, de artificiali, per medicamenta in corpore nostro perficienda, in præsentiarum speciatim disquiratur, adeoque violenta, per medium nempe præcipitans externum in via humida instituenda, plus minus perfecta: Qualis scilicet arte in *Cerevisiæ acedentis, creta injecta emendatione, aut ardoris stomachi per cretâ, ocul. Cancr. bolû Armenam, quæ acerbis & acutis liquoribus acrimoniam præcipitatione quadam (ut vocant) adimunt, curatione*, ut verbis & exemplis SENNERTI de Feb. l. 2. cap. 17. p. 255. utar, contingere putatur: Aut quando specificum antifebrile Crollii, horam unam ante paroxysmum febricitanti Tertianario propinatum, materiam febrilem in vasis ac cavitatibus quasi oberrantem separât, figit, & ad fundum secum deducit: Sic Creta pulverisuta ardorem ventriculi compescit: sic biliosos succos æstuantis acidum vitrioli deprimit; sunt verba SCHENCKII Diff. de Ferment. Præcipit. §. 6.

Quæ vix
locum ha-
bet in cura
morborû.

§. 6. Verum enim verò, uti Naturæ opera per ista, quæ sunt artis, in corpore nostro mechanico more convenientissimè explicantur, cum non solum Deus & Natura ubiq; geometrizen, sed talis phænomena Naturæ declarandi ratio, præ omnibus intellectui ceu clara & distincta magis, utpotè immediate sensibus connexa, apprimè arrideant; tamen non absque cautela circumspicere eadem, ne apparente similitudine decipiamur, applicanda veniant. Quod si & hoc in negotio operationis remediorum per modum præcipitationis suppositæ, rem accuratius paulò considerare velimus, revera ingens disparitas mox manifestabitur, adeo ut sæpius, si non semper, nil minus quàm præcipitatio propriè sic dicta locum obtineat, si genuinam ejus considerationem applicare velimus.

Triplex casuum diff-
ferentia in
quibus in-
usum vo-
camur.

§. 7. Scilicet triplex fere casuum morbosorum est differentia, quibus pro media Præcipitantia ab Autoribus opponuntur. 1. *Humorum nimia acrimonia, iisdem compescenda. Genuinum enim præcipitans, acida extemplò dulcificat, verius signû adduci non potest; adeo enim acetum acerrimû hac ratione ad dulcedinem vel gratum saporem reduci potest*, asserente LANGIO Diff. de Morbill. Addit. 11. Tartarum crudum acidum sunt qui mutato nomine hic

accusant, coraliis, perlis, & piscium lapidibus præcipitandum & corrigendum: conf. GLAUBER. P. 2. Furnor. p. 55. & 56. Hinc scorbuto, ejusque pathematis gravioribus, ista & similia multi usus esset solent; non secus ac Mars in hypochondriacis affectionibus præcipitando edomandis extollitur, aut in dysenteria teste cancerorum eorumque lapilli, it. ossa humana calcinata &c de quibus supra §. 10. commendantur. 2. *Humorum nimia turgescencia & plus minus fermentativa ebullitio aut affervescencia istis mediantibus sopienda, & inde nata æstuatio intensior temperanda*. Hinc enim præcipitantia, genuina quibusdam dicuntur refrigerantia; & furias sanguinis æstuantis in pleuritide præcipitandi vim habere lapillos cancerorû supra §. 10. insinuat. Febris nulla sine fermentatione aut ebullitione existit: Hinc si v. g. nux moschata, alumen, tormentillæ pulvis, aut antifebrilis Crollii, margaritæ, corallia, lapis bezoar, lapides pretiosi, & his similia simplicia febricitantibus propinentur, quandoque accidit, ut febris desinat. Cur? quia *Æcis aut ebullitio illa per ea ita sistitur, æquè ac ardorem stomachi usu solius simplicis Cretæ pulveratæ sisti novimus*, ut disserit Veteranus Practicus PAULLI in Digress. de Febr. malig. p. 92. 3. *Fermenta præternaturalia undecumq; oriunda, contenta corporis turbantia, illorum ope subigenda, ac per præcipitationem destruenda*. HOFMANNUS in Methodo medendi p. 258. 259. existimat, omnem ferè morborum progressum vitioso cui-dam deberi fermentorum ortui, &c. In horum autem eversione tota curationis ratio consistit, &c. Sic v. g. in omni febrium curatione ante omnia fermenta febrilia, ebullitionis in massa sanguinea causa proxima, ut magis urgentia, figenda aut præcipitanda per specifica antipyretica, diaphoretica & diuretica SENNERTUS pariter de febribus, miasma putredinale & *περιτρώμα σπινδορώδες*, se habeat, quod inquit namentum febrile specifica præcipitando destruat, passim inculcat. Quibus addatur KERGERUS de Ferment. l. 3. c. 3. p. 249. dum inquit: *Si verò fermentum aliquod aliunde (ut per contagium &c.) sanguinem intraverit, fermento per præcipitationem destructo illico fermentatio cessat, &c.*

§. 8. Sed rebus benè pensatis, in neutro horum casuum per remedia, Præcipitantia dicta, hætenus quidem usitata, & per experientiam quoque confirmata, in eorum operandi modo præcipitatio genuina locum habet. Prima in classe acrimonia contentorum corporis demulcenda (1.) non est salsa, quæ præcipitantibus non corrigitur, quin potius oblinentia, & inviscantia, & simpliciter temperantia requirit, ut oleosa, mucilaginosæ, dulciæ, &c. Nec (2.) Urinosa, cui, si unquam vitiosa in nobis observata fuerit, acidis obviam eundum, non præcipitantibus. Sed (3.) acida restat, plus minus corrosiva, præcipitantibus istis emendanda, sicut acetum aciditatem creta injecta amittit, aut cerevisiæ acedentis vitium creta injecta à vulgo emendatur: SENNERTUS loc. supra cit. Id quod moderni per ova recentia feliciter quoque tentant, ab acedentia hoc modo cerevisiam præservando: Vid. T. ansact. Philos. Anglic. p. 400 Acidum nempe rodit ista subiecta, & arctè se sociat particulis illorum terrestribus, juxta axioma; *spiritus acidus rodens, rodendo aliud corpus coagulatur*, novæque texturæ emergit ex ambobus concretum, in quo spicula acidi ita infixæ sive incuneatæ hærent, ut minus consuetos effectus, sive in nostris sensoriis sive aliis objectis, edere possint. Cornu Cerviustum notabilè etiam spiritus sulphuris vel vitrioli quantitatem imbibendo, horum acrimoniam sub nova textura penitus obliterat, qua ratione in dysenteriiis & scorbuticorû vomitibus proficuum existit: Mars cum iisdem spiritibus (non secus ac cum aliis acidis, aceto destillato, aqua fortis, spiritu salis) in dulce concretum coit, quale & in hypochondriacis accidit, non secus ac corallia, perlæ, & Lapilli cancerorum eodè modo iisdem profunt: conf. GLAUBERUS c. l. p. 54. Salia alcalisata quælibet iisdem acidis pertinaciter adeo connectuntur, mutata aciditate in falsedinem,

In prima
eorum
non præ-
cipitatio,
sed unio,
locum ha-
bet.

dinem, nunc plus, nunc minus sensilem, ut subinde vel fortissimis ignis cuneis divelli possint. In omnibus his unio potius acidi cum objecto mechanicè proportionato, quàm separatio; solutio potius, quàm præcipitatio: Nulla hinc diacrisis, sed simplex particularum in novum concretum syncrasis, cujus nova textura, ab ista ingredientium diversa, novas proprietates & attributa, in specie acrimoniæ carentiam, & corrosivitatibus abolitionem, ipsi communicat. Perinde autem est, si acidum corrigendum firmiori nexu secum retineat medium præcipitans, id quod locum habet, si fortius aut concentratum magis idem existat ut in creta aut minio aceto destillato injectis obvium; si hoc tandem ima petat, illo debiliore aut aliàs minus mechanicè proportionato existente, sicuti eadem creta in cerevisia accrescente cum ebulliente tumultu descendit, aut coralia in succo citri soluta pariter subsident. Ibi quidem, manifesta est solutio: hic vero nulla propriè dicta præcipitatio, cum præcipitatum corpus, acido superadditum, nunquam fluido unitum fuerit, ut denuò per præcipitationem separari debeat, quin proprio saltem pondere deorsum feratur, & absque præcipitante adito cadat, cui acidæ particulæ liquoris adhærescentes pertinaciùs, adeoque unitæ per accidens unà ad fundum rapiuntur, quæ fortiores aliàs in fluore secum retinerent. Adeoque præcipitantia remedia acrimoniæ humorum simplici in novam texturam cum illis coacta, absque formali præcipitatione demulcent & temperant.

Erroris
hujus origo.

§. 9. Prima erroris hujus origo nata videtur ex eo, quod non probè distinxerunt in solutionibus per corrosiva acia factis, addito tertio præcipitatis, primò præcipitantis cum solvente unionem; secundò soluti inde factam separationem. Illud causæ, hoc effectus rationem obtinet: ibi ex nova textura acidi alteratio, de quo §. anteced. & respectiva enervatio, hic simplex soluti an ea invisibiliter separatio sensilis, & genuina præcipitatio contingit. Uti itaque in omni hujus præcipitationis specie acidi corrosivi sub præcipitatione quidem, non autem per aut propter præcipitationem, fit quasi attemperatio ita mala conversione in omni acrium acidorum correctione à corrigente præcipitationem unà induci concluderunt, aut saltem acidi saturationem ab insequente præcipitatione minus aptè distinxerunt, hoc est causam cum effectu confuderunt.

In secunda non præcipitatio, sed nuda attemperatio.

§. 10. Uti itaque priori illo in casu malè acrimoniæ corrosivæ præcipitationem opposuerunt, cum præcipitantia dicta etiam sine præcipitatione, simplici unione, acrimoniæ istam infringant; ita posteriori in casu æquè inconcinne turgescentiæ aut effervescentiæ (Zissæ, ebullitioni, fermentationi, promiscuè his vocibus uti possumus) humorum præcipitationem eorundem opposuerunt. Tantum enim abest, ut præcipitando turgescentiæ & effervescentiæ, ac dependentis inde plus minus æstuationis impetus infringatur, ut sæpius hic ipse intensissimus concitetur ut in præcipitatione butyri antimonii per spiritum nitri, auri fulmin. per oleum tartari, aluminis per oleum tartari, ac præcipitationibus tantum non omnibus solutionum per menstrua acida, ab alcalibus præsertim fixis peractis, ad oculos patet; & imprimis manifestum est in impetuossima illa effervescètia & intensissima æstuatione, quam observare licet, si Martem cum aqua forti solvas, & subito oleum tart. per deliquium affundas. Equidem cavendum monet KERGERUS de Ferm. p. 139. ab illa præcipitatione, quæ non nisi fermentescendo perficiatur, quin talis instituat saltem, quæ blandè & sine insignibus turbis fermentationem considere facit. Sed rara est talis præcipitatio, si in fluido præcipitando acrimonia acida sensilis deprehendatur. Jam verò turgescètia fermentativa & ebullitio præternaturalis contentorum corporis concitatur vel occasione peregrini fermenti, aliunde suscepti, de quo postmodum; vel occasione dyscrasiæ eorum, & in textura materiali, indeque dependen-

tibus modis qualitatis, læsionis, unde potentiæ eorum Hippocraticæ, quatenus debite non fuerint temperatæ, sed potius per se existierint, nos lædunt. Basis potentiæ illarum Hippocr. est acidum: hujus ergo vitio læsa crasi humorum corporis nostri, præternaturales orgasmi & ebullitiones ac æstuationes superveniunt. Sed ut generalius loquar, nimia contentorum corporis nostri acrimonia, præsertim volatilis, intestini motus præternaturalis occasio existit, quæ quò major fuerit, eò intensior ebullitio & effervescentia, comitante æstu insigni, accidet. Confirmat hoc mechanica chymica, quæ eò majores effervescentias & ebullitiones exurgere notat, quò acriora fuerint illa, à quorum miscela & intestino motu illa tumultuatio concitatur. Quicquid adeoque præcipitantia auxilia opis ferre possunt in illo orgasmo, non nisi acrius quod fuerit temperando, adeoque in specie acidum corrigendo, & ita temperatam texturam per accidens sic restituendo, præstabit, ita ut ea, quæ antecedente §. 8. insinuatæ fuerunt contra præcipitationem, & hic commodè applicari possint. Requiritur denique pro genuina præcipitatione medii præcipitantis cum liquore ebulliente miscela sub præcipitatione, siue contactus corporalis, qui quomodo locum habere queat in Massæ Sanguinæ orgasmo ac turgescètia febrili, qualiscumque etiam fuerit, per præcipitantia scilicet fixa instituenda, sanè haud percipio. Nec facile quisquam putabit, bezoardicum minerale, aut antihæcticum Poterii, aut antimonium diaph. Martiale, aut antimonium diaphor. ex mercurio vitæ paratum, quorundam pro variolarum cura decantatum experimentum, aut Strobelbergeri Crolliæ febrilia specifica, pro sistendis febrilibus Massæ Sanguinæ commotionibus & turgescètiis materialiter ipsi commisceri; vel pulverem dentis apri, vel capitis lucii ossium ad ipsam Massam sanguineam usque deferri, ad corrigendam ejusdem in angina aut pleuritide, in specie symptomatice, intensam ebullitionem; aut unicornu marinum, vel crudum vel sine igne præp. subire miscelam Massæ Sanguinæ pro sedando ejusdem in erysipellate æstu: quin talia in primis viis saltem activa existunt, non secus ac Osteocolla fracti ossis occallescentiæ, aut crystallus lactis in mammis scaturiginè, promovet, sine eo, quod materiali sui contactu ad partes affectas deferantur. Posito quoque quod tamen haud facile asserturum quenquam arbitror penetrare eò hæc ipsa; tamè alteratio ista in primis viis, quam necesse est, subeant, à sapore fermentativo in ventriculo plus minus acido, ita alterabit eadè, saturando plus minus illa ipsa, ut vel enervata penitus, vel parum admodum activa, nihil, quod præcipitationi vel simile, vel analogum videatur, efficere queant. Adeoque præcipitantia, saltem acrimoniæ humorum temperatione, ex mutata illorum, cum his cohalitus ratione, textura absque præcipitatione, illorum turgescèntias, & fermentationes præternaturales cohibent.

§. 11. Erroris hujus occasio prima coincidit ferè cum ista §. 9. insinuatæ: Neglecta scilicet distinctio effectus, qui præcipitantis applicationem ad fluidum, plus minus fermentans & ebulliens, immediate aut mediate, ibi per se, hic per accidens, sequitur. Sistunt subinde remedia præcipitantia dicta, tam in artificialibus quàm naturalibus, nimias turgescèntias fermentativas, sed non quæ talia, sed quatenus acie istud dyscrasiæ & hanc excipientis præternaturalis effervescentiæ, causam materiale corrigunt & temperant, ejusque impetum, & inde intestinum ferociorem motum frenant, coercunt, sine eo, ut istud præcipitando separent, aut præcipitatoris talis operationis ratione effectum istum exerant. Quod si vel jungatur vel superveniat præcipitatio partium quarundam, antea in concreto cæteris colligatarum arctius, hæerunt tales, quæ passivè potius quàm activè in ebullitionis tumultu extiterunt, & quæ saltem acris, istas rodentis, & cum iisdem aliisque in novam texturam coalescentis, infracti, & per præcipitans plus minus enervati, compedibus sic dimissæ, proprio

Erroris
hujus origo.

prio pondere feruntur: quod, utut propriè dicta sit præcipitatio, tamen non hujus separationis ratione fermentativa ebullitio compescitur, utut hanc illam immediatè sequatur. Hac ratione Calx viva fermentationem Vini, sal tartari fermentationem musti, cessare faciunt, cum materiæ fecibus similis præcipitatione: unde & pulv. alabastrites, scilicet calcinati pumices usti, revera Vina depurant, & partes heterogeneas præcipitando deturbant; non secus ac ovorum cortice Vinum à fecibus depuratur, præcipitatione reali de quo vid. **BARTHOLINUS** Cent. 4. Hist. 23. In specie sal tartari consideremus, hoc aut ejus oleum per deliquium musto additum fermentationem omnem ut præcavet, ita & Vini intensissimè fermentanti commistum, illico hoc à fermentatione cessare facit. Jungitur simul partium quarundam utrobique præcipitatio, quæ tamen ad effervescentiæ vel præcautionem vel sedationem nihil faciunt, cum etiam, iisdem retentis licet, tamen effervescencia cessaret: acidum nempe alcalisati illius tactu & unione intimiore, ex mutata hinc concreti textura, à motu impetuosiore cessat, & sic pacata quies. Ut ergò rectè **BECHERUS** Phys. subter. l. 1. f. 5. c. 2. p. 359. §. 23. aciescentiam pro principio, vehiculo, & effectu fermentationis statuit; ita eodem teste c. 1. p. 358. §. 12. oleū aut sal tartari cuius fermentationi, etiam fortissimæ, justa quantitate impostum in momento fermentationem sistit. Sanè allegata modò de acido fermentationis principio antiquissima **PLATONIS** fuit sententia, cui nec illius **Anatomicus**, **BILLICHII**, in *Anat. Ferment. Plat. c. 9. §. 106. p. 531.* nec hunc exercens **CONRINGIUS**, in *Exercitat. in Billich. p. 603.* reverà contrariantur; ignem fermentationis omnis proximam esse causam, omnium, qui in fermentatione apparèt motuum, asserentes, considerata ignis, seu substantiæ ab acido realiter haud distinctæ, genuina natura, & fiendi modo, à modernis aliàs prolixè explicato.

In terra præsupponitur, quid sit fermentum.

§. 12. Fermentum denique præternaturale per præcipitantia aut corrigendum aut destruendum, sui considerationem meretur, cujus notitia, ut in scholis olim nulla jejuniore, ita nulla utilior. Brevitati cum studendum sit, à posteriori illud obiter dilucidandum, notitia ejus à priori, ut intricatissima, ita non, nisi plurimis latius diducendis, neque id adeò facile explicabili. Minimum nempe mole, activitate maximum, aliorum fluidorum plus minus symbolizantium, alterativum, licetque sui simul multiplicativum, fermenti morbofi nomine ferè intelligitur. Ex similitudine effectiva, quam cum pistorum fermento, specialissimè sic dicto, habet, cujus parum totam massam fermentat, appellationis ratione desumpta. Unde & odorum instar subtilissimorum, summè tamen penetrantium, ferè se habere videntur, & hoc nomine etiam ab **HELMONTIO** fermenta in genere definiuntur, quæ auræ nomine insigniuntur à **TACHENIO** *Clav. cap. 9.* Odor valis scilicet fermentativus Vinum infusum citissimè alterat & corrumpit: quod vitium alio odore sulphuris nempe incelsi, tam præservatur, quam curatur. Odor aceti, oris halitu post dentium cum eodem ablutionem lagenæ inflatus; Vinum infusum acescere facit: Multæ odor vitiosus, quam citò alterat & corrumpit Lac? Florescentis Vitis aut hordei latè diffusus odor, etiam in cellis recondita Vina, cerevisiamque alterat notabiliter. Parili modo odor talis est, qui in variolis, lue venerea, febribus patechialibus, scabie, dysenteria maligna, ipsaque peste, fermentum istud multiplicativum constituit; & in contagiorum, plurium itidem venenorum, in animali regno summa potentia conspicuum se exhibet: Talis odor fermentalis est, qui in labiis vulnerum & ulcerum, alimenti in pus, saniem aliasve sordes corruptivum existit, & in cujus correctione primum chirurgorum versatur negotium: Talis odor est, qui febrium intermittentium & continuarum primariorum causa existit. Subolsit hunc ipsum jam **SENNERTUS**, cujus ævo tamen nullus adhuc, aut saltem tenuis fermentorum odor, scholas medicas infecerat, dum l. 2. de Febr. cap. 6 p. 107.

inquit: materia, quæ febrim dat originem, initio sæpe exigua est, fermenti tamè instar in continuis, reliquosque humores corripendi & putrefaciendi vim habet: it. C. 17. p. 244. illud putredinale fermentum, in corpore post paroxysmum relictum, initium effervescentiæ & putredinis dat. facitque, ut materia, quæ antea in suo foco coercita quiescebat, jam veluti turgens & exardescens multum de se & tetricum vaporem diffundat. Certè neglecta minimorum morbificorum sive fermentorum consideratio, horumque alterativæ & sui multiplicativæ potentia, insignem causæ morbosæ materialis cum producto morbo confusione, & hinc inversam penitus medendi methodum induxit. Appositè iterum **SENNERTUS** c. l. l. 2. c. 2. p. 66. Habet vitiosa talis dispositio, sive miasma tale se instar fermenti, & subinde plures vitiosos humores generat, bonosque corrumpit: &c. vide plura c. l. l. huc facientia.

§. 13. Fermentum tale morbosum, mole minimum, adeoque subtile ac penetrativum, hinc summè mobile, adeoque spirituosum ac volatile, & potenter activum, seu mediante determinati motus impressione, humorum, & spirituum ad alterationem variam dispositivum, sicque simul sui multiplicativum, saporis, aut si mavis odoris, specifi (foran genericè acidi) præcipitatione mediante, per supra recensita auxilia corrigendum, & inde concitata plus minus humorum turgescencia sopienda. Ast non video, quomodo præcipitatio in genuino sensu locum commodè invenire queat, circa objectum adeò subtile, activum & penetrativum, &c.? Equidem odore contrario destrui potest idem, qua ratione odor sulphuris incensi, odorem fracidum fermentativum cedit, item pestis aliarumque febrium malignarum, extinguere observatur, (quod posterius camphora videtur in nobis præstare), quatenus his ipsis, illi promptè associabilibus, textura inverti, & sic activitas ejus enervari videtur: similiter ac Mercurii ex Cingulo sapientiæ tenuis odor) ut in simili termino pergam) scabiei, univertum corpus inquinantis, fermentum, ulcerum etiam quorumvis, delet & extinguit. Absorberi etiam, ut sic dicam, ab obiectis appropriatis, hinc concentrari ac quasi figi, & ita activitate sua spoliari potest: qua ratione fixa ista ex marinis calcinatis, febrilia specifica, fermentum concentrando & figendo, & ita in textura quasi invertendo, operari videntur. Non enim febrili contentorum corporis commotioni sedandæ, sed fermento morbifico coercendo, quod inservient talia ex eo fit probabile, quod in paroxysmo, in quo formaliter urget ista commotio, ferè noceant, ut plurimum febrè multiplicent, adeoque ante paroxysmum propinanda sint, ut fermento saporis acidi, (de quo vi quisquam amplius dubitat) frænum maturè injiciant, & nixum ejus motivum cohibeant. Fermentum febrile præcipitare hæc, & fermento per præcipitationem destructo, illico fermentationem cessare, sententia est **KERGERI** de Ferment. f. 3. cap. 3. pag. 249. Quod tamen durum videtur, nisi interminis laudat; præcipitare enim denotat unum ab altero separare, quod in tali fermento febrili non contingere potest, rectè reponit **BECHERUS** Phys. subterr. lib. 1. f. 5. cap. 2. pag. 389. Bezoardicum minerale pariter, seu exhaustum concretum, & acidi vol. venenosi appetens, quale in ignis examine amiserat, uti & antimonium diaphoreticum, (conf. **TACHENIUS** Hipp. Chym. c. 22. p. 164.) malignarum speciatim, quin & continuarum acutarum febrium, fermenti volatilis (plus minus acris) promptè absorptivum & correctivum videtur. Quo in puncto etiam terræ minerales suam activitatem in malignis, speciatim variolis & morbillis, exerere probabile est. Quin imò plura morborum specifica sive appropriata remedia, hoc imprimis modo proficua videntur, quod determinatæ suæ texturæ ratione, fermentorum speciali naturæ & texturæ magis accommodatæ, horum motum & impetum ad se convertant & hinc in iisdem concentrata, fixata, & in novi concreti moleculam invi-

Ejusdem alteratio, non præcipitatio locum habet.

invicem juncta, fermentorum activitas enervata torpescat: sic enim cruor hirci pleuritidis, priapus Ceti dysenteriae, myrrha morbillorum, &c. appropriatum remedium existit: semen aquilegiae Icteri, scrophularia hæmorrhoidalium dolorosa fermenta, viscus corylinus & quercinus epilepsiæ; lapis spongiæ strumarum coagulativum, enervant. Quin in genere salia volatilia dum v.g. febrium comitatarum dictarum præstantissima existunt auxilia, saturando fermenta harum acida, & in salum cum iisdem successive coalescendo, per urinam aut sudorem eliminandum, non præcipitando, activa existunt. Denique per sudorem quoque *discuti*, aut hoc mediante promptius extra corpus, tam ipsum, quam ejus producta morbosa, unà excludi potest ipsum, cum sit subtilis & volatilis, adeoque promptè mobilis textura. Hinc enim sudorum & sudoriferorum frequens adeo in praxi usus, sive fixa, sive volatilia fuerint eadem. Nulla propterea febris citra recidivæ metum tutò absque sudore curari solet. Quo mediante, acidi isti odores, qui tam sensibilibus cruciant articulos, optimè expirant. Adeoque præcipitantia dicta remedia, fermenta morbosa vel in genere absorbendo & figendo, vel in specie quoad texturam specialem alterando, vel per sudores excludendo, sine præcipitatione reali corrigere, & ab illis concitatas humorum turgescencias compescere, probabilius est.

Erroris
istius ori-
go.

§. 14. Prima erroris hujus origo videtur dependere ex inconsiderata effectuum plurium sub præcipitationibus artificialibus coincidentium confusione, qui non distincti à se invicem, communi præcipitationis notione ingerere veniunt. Res exemplis fit manifestior. Solutionem lunæ in aqua forti præcipitat Venus, hanc præcipitat Mars: coincidunt in hac præcipitatione & acidi & Martis mutua absorptio ac unio, cui jungitur simultanea Veneris dimissio: hinc confusæ Martis ista actio, qua sub acidi hypochondriaci fermenti rosione, & mutua hinc absorbtione, illius noxam delet, pariter præcipitatio quibusdam dicta fuit, utut nulla præcipitatio contingat. Parili modo, dum acida expugnantur ab alcalibus, tam fixis, quam volatilibus, & contra, cujus indicium præbent imprimis præcipitationes mutue solutionum ab alterutro factarum, destructio fermentorum acidorum morbosorum ab iisdem ac alteratio eorundem præcipitationem quoque appellantur. Adeo confusio uti ubique ita & hic quoque fecunda errorum genitrix extitit.

Præcipi-
tantia ope-
rantur in
genere, ac-
idum præ-
ternatura-
le corripi-
endo.

§. 15. Præcipitatio genuina ergo in operandi modo remediorum, Præcipitantia dictorum, locum nullum obtinet. Quin, si rem exactè consideremus, usus eorum passivus potius, quam activus erit, cum non tam ipsa, agendo in corporis partes, quam aliorum impetum activum sustinendo ut plurimum, proficua sint; adeoque resultans inde effectus immediate privativus potius quam positivus existat. Acidum nempe vitiosum est in genere, quod per specificas aciditatum differentias, & junctas alias proprietates varias, mille modis ut variat, ita & mille malorum in corpore autor existit, cujus respectu auxilia ista, præcipitantia dicta, tam insigniter conducunt. Mechanica scilicet conformatio acidi talis supponenda venit, cui aptè respondeat medicamentorum istorum textura, secundum poros & meatus non solum, sed etiam minutotum corpusculorum configurationem &c. ita ut promptè coire mutuo, & arctè plus minus uniri queant. Appropriati ergo talis objecti occursum acidi spicula mox ipsi se insinuant, concretum findunt, particulis minutis se quasi insigunt, & ita potenter in illas operantur, donec mutua unione facta in concretum novum, idque tertium, ab utroque extremorum distinctum, & in quo oblitterata acidi nociva vis corporis partibus minus hostilis existit, coeant. Mechanica Chymica hoc ipsum, quod martem, saturnum, salia urinosa, fixa & volatilia, ostracoderma, gal-

Estmulleri Oper. Tom. I.

las, ossa animalium, &c. ad oculum ut demonstrat, ita in corpore idem evenire, vel ex effectu, eorum usum qui insequitur, abundè constat: Mars nempe humoris Melancholici correctivum ac digestivum ab omnibus asseritur, qui humor acidi nomine ab HIPPOCRATE insignitur: Sic bilis æruginosæ, ac inde suscitata cholerae, alexipharmacum crystallus montana asseritur rectè à LANGIO, *Epist. 3. epist. 1. c. 4.* in qua acidum bili commistum imprimis dominari experientia anatomica hætenus comprobatum dedit: & sic in pluribus aliis, de quibus in sequentibus.

§. 16. Rosio hic actus aliàs dicitur, quo acida agunt in ista Præcipitantia, unde & vulgo, *Spiritus acidi corrodere, se ad mortem usque*, dicuntur: sub quo actu ex societate acidi cum corpore corrosivo, & hinc novo emergente concreto, acidum morbosum hebes redditur, *acerrimum* quod erat, aut insipidum, ut in animalium partibus duris, cum vel sine igne præparatis & calcinatis, aut dulce, ut in martè vel saturno, aut salium, ut in ostracodermis, it. salibus urinosi evadit; *corrosivum* quod erat adstrictorium fit; ut in terris medicatis, lap. hæmatite; *mobile* admodum & activum quod erat, torpescit, & quasi incarceratum est; uno nomine: pristinam naturam penitus exuisse videtur, adeo ut ista remedia aptissimo vocabulo à quibusdam *Invertentia*, item propter retusas, nocivas ex acrimonia nimia, & hostiles qualitates, *Attemperantia*, specialiori licet sub acceptione, dicantur.

Vnde po-
tius inver-
tentia. it.
attempe-
rantia di-
cenda.

§. 17. Quin imò, cum dissolvendi potentia objecti appropriati omne acidum activum existat & esurinum quasi, quicquid potest, mechanicis sub legibus devorare & abglutire avidè soleat, donec ad saturationis punctum usque pervenerit, quo acquisito, quiescit, & quasi feriatur; remedia verò ista optimè huic fini satisfaciunt; ob id commodè quoque *Saturantia* quibusdam audiunt: quale cognomen speciatim salibus urinosi, tam fixis, quam volatilibus, convenit, à quibus optimè ob arctiorem unionem saturantur isti acidi saporis & cum iisdem in salum tertium, & ipsum medicamentosum, coeunt.

Aut satu-
rantia.

§. 18. Utut autem saturent aciditatem corrosivam acidi morbosum, tamen eo ipso, quo sub rosionis tali actu hoc ipsum unà plus minus coagulatur, (prout textura objecti mechanica magis vel minus ipsius conformationi responderit: sic enim v.g. spiritus sulphuris vel vitrioli arctius cum sale tart. quam cum martè coagulatur; spiritus salis arctius cum sale fixo quocunque, quam volatili, se unit:) ita ut quasi absorberi aut avidè imbibi penitusque hinc occultari videatur; ob id appositè pariter auxilia ista *Absorbentia*, item *Imbibentia*, pluribus vocantur. Quam absorbendi vim terræ minerales, animalium partes duræ, & ex his parata calcinata, præ aliis potenter obtinent.

Aut absor-
bentia.

§. 19. Cum denique activa summè existant quedam morbosa acida, adeoque summè mobilia, idque eò magis, quò subtilia & spirituosiora seu volatilia magis existunt, qualia in febribus acutis, pluribus malignis, suo modo & intermittentibus, (in quibus sub paroxysmo progressus acidi fermenti à statu fixiori ad volatiliorem esse videtur,) scorbuticis, ut vocant, biliosis, ac hypochondriacis manifestum est; hæc ipsa verò medicamentorum istorum actu & societate minus mobilia reddantur, dum mutua cohæsione, atque ita ex texturæ mutatione, emergunt corpuscula, tam ratione ponderis, quam ratione magnitudinis & molis, quin & mutue, (ut sic dicam) implicationis respectu, ad motum concitatorum quemvis, tam localem, quam præsertim intestinum fermentativum & elasticum, minus apta, adeo ut quæ volatilia antea plus minus erant, jam incarcerata quasi & fixata torpescant: ob id remedia eadem, quæ Præcipitantia aliàs dicebantur, optimo consilio *Figentia*.

Aut figen-
tia.

ta nominari solent. Quæ ratione visca fermentum epilepticum, Cort. Chin. Chin. item calcinata Ostracoderma, saccharum saturni, fermentum febrile intermittentium figendo, auxiliares opes præstare videntur.

Adeoque
acidi istius
respectu
universa-
lora sunt
alterantia.

§. 20. Eo ipso verò quo acidum vitiosum contentorum corporis corrigunt, primaria & magis universalia erunt alterantia, acido vitioso, universali morborum causa materiali & occasionali existente. Naturaliter omnia fluida corporis sunt temperata, & sub specifica cujusvis materiali textura, in genere salsa oleosa existunt, adeoque de acido & alcali, sub pinguis temperatura, variata tamen proportionem, & hinc texturæ modificationem, participabunt. Imò pressius si loqui velimus, non nisi ex acido, aqua & terra constabunt quod tamen ceu Paradoxon hic obiter attigisse sufficiat. Infinita ergo seu sexcenta Hippocr. quorum ambitu cacochymiam sive dyscrasiam humorum determinat, ex istis derivanda erunt. Acidum verò ubivis informat alcali, adeoque illud agentis, hoc verò patientis, rationem obtinebit ita ut hoc ab illo, plus minus vitioso, vitari quoque soleat: Pingue temperans, ubivis fere in rerum natura, atque adeo in microcosmo, pariter acido junctum deprehenditur: quod ubi defecerit, præternaturalem majorem illorum acrimoniam, ubi abundaverit, præternaturalem visciditatem inducet, viscido ex acido & pingui oriundo. In causis ergo morborum occasionalibus & materialibus, internorum pariter & externorum, ad acidum plus minus peccans, ceu basin omnis cacochymiae & ex cujus aberrationibus sexcenta ista Hippocr. fundamentaliter dependent, respiciendum erit. Idque eò magis, si cum quibusdam vim rerum seminalem in acido specifico quoque fundatam asserere velimus.

Sed quid
de bile?

§. 21. Si acidum ergo tantum non omnium morborum fons & origo prima, quid de bile fiet, & morbis biliosis, speciatim febribus acutioribus, æstuatione corporis præternaturali, siti clamosa, anxietate præcordiorum, cholera, diarrhæis, colica acerbiori, dysenteris, & similibus malis, simpliciter à Veteribus à bile exsuperante aut vitiosa, à modernis ex sale eius volatili oleoso, vel copiosiore, vel acriore derivatis acido reverà contrariis fiet? Sed ut paucis negotium hoc absolvam, ea, quæ de bile à Veteribus pariter ac recentioribus prolata hæcenus fuerunt, arbitraria maximam partem videntur. Missis istis, horum consideremus hypothesen: Sal volatile urinosum bili inesse dubium; quod enim arte pollicitur, hujus potius, quam Naturæ, videtur opus; adeo ut probandum, formaliter in bile præexistisse, quod materialiter inde procedit. Posito hoc quomodo caloris effectum in corpore producit? Salia volatilia quæ talia, omnia notabiliter existunt refrigerantia, vel spiritu salis ammoniaci simpli in febribus intermittentibus sensualiter hoc confirmant. Si ut oleosum est quod oleum revera in bile luxuriat, calefacit, de oleo hoc inquirendum superest, an pinguedinis, an acidi occulti ratione, vim caloris sensum producendi obtineat? pari modo ac de sulphure queritur, utrum pinguedinis, an acidi ratione, sub deflagratione ardorem inducant? Sanè plura argumenta prostant, calorem naturalem, pariter ac præternaturalem, ab acido volatili materialiter dependere. Porro ad duo hæc quoque attendendum sedulo (1) *adscribi interdum bili effectus præternaturales, in quibus ipsa potius passiva se habet; & ejus præternaturales alterationes qualescunque producta seu effectus morborum potius quam radicales causæ, existunt.* Æruginosa bilis, ex qua in præcordiis & primis viis revera interdum atrocia mala, in adultis non minus quam infantibus, ex bile naturali, ad acido præternaturali alterata, quod dependeat, mechanica anatomica docet; unde & acidum enervantia, speciatim crystallus, ejus alexipharmacum à LANGIO dicitur de quo supra §. 15. Quæ rejiciuntur biliosa in intermittentiis, præsertim tertianarum, paroxysmis, vi ipsarum intestinalium, à fermento

febrili concitatorum, evomuntur sine eo, ut causa morbi materialis existant; quin potius amara omnia, bili symbolizantia, in earum cura sunt optima; non secus ac omnia reliqua febrifuga in hoc ferè conspirant, ut acidum fermentum febrile figendo & absorbendo seu invertendo salutaria existant. Ab antimoniali pharmaco artificialis concitata nunc Cholera, nunc Diarrhæa, in quibus, pro subjecti constitutione, subinde tot biliosa *ἀνωχὴ καὶ τὸ* rejiciuntur, naturalium, utut morbosorum, fieri rationem docent, bile scilicet & cæteris excretis passivè se habentibus, (si non semper, saltem ut plurimum) (2) *Eidem bili subinde effectus adscribi, qui ipsi penitus non conveniunt*; v. g. Vulnere, ulcera, tumores inflammatorii, quo magis æstuant, rubent, & erysipelacei patiuntur, à bile taliter affici dicuntur plurimis, quos tamen refellit Saturnus, medelam afferens acidum absorbendo, docente mechanica chymica, quod quò magis volatile ac acre fuerit, eò magis ista symptomata producit. Par ratio est podagræ, quæ calida, seu intensius rubens, ardens & phlogosi erysipelacea juncta, biliosa dicitur, ad differentiam alterius, pituitosæ dictæ. Sed utrobique simpliciter peccat acidum, in ista specie acius & volatilius, nec synovia debite temperatum; in hac mitius, minusque acre, & à synovia viscidiori melius correctum; unde & isti sperma ranarum acidi talis optimum corrigens, ut mechanica docet, huic camphora, saturninaque eodem ex fundamento opè ferunt. Urinæ intensior Tinctura in febribus, & rutilans ac flammeus eius color, bili à plurimis ascribitur, quam tamen ab acido dependere, experientia mechanica docet, in naturaliter constitutis sanguinem urinæ, per acidam medicatam Contenta in febrientium urinæ & copiosa sedimenta, bili à plurimis ceu materiam ascribuntur, cum tamen GALENO teste, & experientia confirmante, *citat. MOEBIO Instit. p. 343. qui ex orio & repletionem febricitant, si sanitati restitui debent, necessariò in urina plurimum subsidebit*; quod quomodo cum bile, aut inde productis humoribus, cohareat, ipsi viderint. Aut ergo tales affectus bili falsò ascribuntur ceu causæ, aut ipsa ratione acidi volatilis, non ratione urinosi, in talibus casibus peccabit.

§. 22. Scaturigo interna aberrantis acidi est ex vetriculo, sub cujus digestionem acidum volatilem saporem plus minus contrahunt assumpta; sive ex inspirato fermento, sive ex assumptis hunc ipsum derivare velis, quoad præsens negotium perinde est. Hinc in salum oleosum temperatum in primis viis non rite correctus, toti corpori, omnibusque ejus partibus, extra ventriculum, penitus hostilis existit, & mille calamitatum, pro specifici acidi saporis, & partium, quas affligit proxime, differentia, artifex existit. Hinc enim in fluidis partibus earundem dyscrasie, turgescencie & effervescentie, indeque Phlogoses, præternaturales corporis æstuationes, variæ coagulationes & concretiones &c. in solidis verò inflammationes, irritationes, rosiones, convulsiones, contracturæ, dolores, alimenti proximi corruptiones, &c. Nec opus est, ut sensibus adeo manifestò ubique pateat, cum non torrentis modo undique diffundatur, sed odoris aut auræ instar subtilissime penetrando, appropriato subjecto se insinuando, in fluido quidem hujus texturam & motum intestinum pervertendo, in solido verò spiritum insitum imprimis alterando, operativus existat; id quod fermenti nomine aliàs insigniri solet, cum aptum subjectum alterando, seque in eo multiplicando, fermenti similitudinem repræsentent: qualis odor acidus fermentativus in lue venerea, ab alio haustus, & humores & partes solidas inticiendo sive alterando, seque in jisdem multiplicando, vel manu palpari potest; id quod & in scabie, variolis, &c. extra dubium; de quo jam supra §. 12. Scilicet præter internam acidi peccantis originem supra insinuatam, etiam ab extra, tam ab inspiratis, quam susceptis aliunde contagiis, idem contrahi facile potest.

Acidi mor-
bosi origo.

Sanè

Sanè quo subtilius idem, & quo facilius spiritibus sociabile existit, eò graviora & periculosa nocumenta, & quæ omnium difficillimè curabilia existunt, infert, cum subtili tali acido compar objectum non nisi difficulter obtineatur; hinc enim morborum hæreditariorum, item contagiosorum quorumvis & gravis nocendi ratio, & difficilis curatio dependet, cum humorum quorumvis vitia & inepti acidi sapes facilius alterabiles existant, modò non spirituum peregrina tali aura contaminatorum vitio illi foveantur continuò.

Latè diffusus horum remediorum usus.

§. 23. Constat ex dictis, per universam morborum Therapeusim, remediorum istorum, aliàs præcipitantia dictorum, latissimè patens usus. Acidi enim vitiosi ratione pars tam potens quorumvis chronicorum morborum, sub generali cachexiæ nomine comprehensorum, utroque in sexu existit debellator: Lapillorum cancerorum latè diffusus usus, à SACHSIO tam prolixè congestus in *Gammarel.*, hinc manifestus redditur, non secus ac aliorum ostracodermorum: Cornuum Cervinorum acida absorbentium creberrima exhibitio exinde explicanda: Antimonialia fixata, acidi volatili acerrimi appetentia, hujus ratione tam polychresta remedia: Mercurialia pariter ritè fixata ex hoc fundamento ad universalium apicem propius ascendunt, præsertim si vi anodyna minerali simul imprægnentur, si scilicet vera sunt, quæ HELMONTIUS ad PARACELSI imitationem de mercurio diaphoretico, it. arcano Corallino, decantat, & vel ex Cnoselii mercurio fixo, sive arcano corallino, nonnihil probabilia redduntur. Imò ex dictis patet in primis, salium volatiliurinosorum, ex animal & vegetabili regno parandorum, & vel solius spiritus salis ammoniaci usus planè polychrestus, quæ ut ut minùs inter præcipitantia numerata aliàs fuerint, potiora tamen ferè inter illa ipsa existunt, dū altius omninò penetrando, & ipsarum partium, tam fluidarum quàm solidarum, texturam subintrando, multis in casibus summè activa existunt, ubi fixorum effectus ferè hebescere observatur. Amica imprimis sunt nobis salia illa volatilia, cum tota nostri corporis machina, omnesque ejus partes similibus referta sunt, unde vix præ his nobis magis cōvenientia obtineri possunt medicamina, præsertim si temperata nonnihil & oleosa reddita fuerint, adeoque nobis promptius assimilabilia.

Fixa insipida ultra primas vias non pergunt.

§. 24. Nam fixa ista, ut mineralia; terrea, metallica, lapidea, & vegetabilia styptica, ac duræ animalium partes, exque his parata calcinata, usta, soluta, &c. cornu cerviustum, specif. febrile Strob., terra sigillata, lapis hematit., martialia, antimonii diaph., bezoard. solare, Unicornu animale & minerale, ultra primas vias materialiter haud penetrant; quin utcumque alterata, & in primis viis præcipitata, cum scoriis recrementitiis per ordinarias portas denuò eliminantur ut vel martis exemplo patet, scorias alvinas atramenti nigredine inficientis; id quod & in saturninis, & quàm plurimis Jovialibus remediis pariter evenire observatur; non secus ac nativa vel artificialis antimonii Cinnabaris rutilante colore facies inquinare, & ita immediate per intestina excerni solet. Quæ solubilia facilius, ac menstrui medio hinc inde distribui apta nata sunt; ut præter salia fixa etiam cancerorum lapilli, ossa lucii & similes animalium partes facilius solubiles, forsan altius intra corporis recessus, extra primas vias distribui, probabiliter videntur, hinc etiam talia falso sub acquisito sapore diuretica evadunt. Talem consideranti præcipitationem particularum metallicarum, v.g. Saturni in aceto soluti, auri in spiritu salis, vitrioli martis, in primis viis, scrupulus facile suboriri possit, an non soluta licet ista in ventriculo, in intestinis tamen ante sui in lactea propulsionem pariter, si non ex toto, saltem ex maxima parte, præcipitentur, quocumque fiat medio, & ita foras amendantur. Similiter enim & ossa à canibus soluta, aut teneriores lapilli à gallinis quasi liquefacti, excrementa eorum copiose

Etzmull. Oper. Tom. I.

imprægnant, etiam si à sanis, & quorumvis digestiva, ac, si ita loqui licet, solutiva, potens admodum existit, devorata aut deglutita fuerint.

§. 25. Quod tamen non obstat laudabili effectui eorum medicamento, qui etiam ad longè diffitas partes subinde extendere se observatur. Id quod duplici fere modo accidere solet. (1.) Quatenus vitiosum acidum fermentativum in ventriculo & primis viis corrigunt, absorbent, invertunt & inde penetrantem undique odorem seu auram peregrinam figunt, & cohibent, ac natos inde defectus morbosos ita fassunt. Sic enim cancerorum lapis in ventriculo absorbendo acidum saporem, vulneris etiam in pede ardorem, ruborem, ac inflammationem sistit; quæ pathemata Vini tantillum mox sensibiliter exasperant: Osteocolla, fixissimus lapis, calli generationem in ossium fracturis mirè promovel: Lac Lunæ, ut & Crystallus præparata, Lac nutricum uberius scaturire faciunt, absorbendo acorem vitiosum primarum viarum, chylumque à præternaturali crasi & textura liberando, ut aptior sic fiat, qui & facilius & copiosius ad glandulas mammarias penetrare queat: Hæmatites lapis hæmorrhagias narium (corbuticorum habituales, non secus ac unum idemque martiale tam excessivas quàm defectivas menstruationes, corrigit, neutro horum ad partem affectam proximè penetrante; quin aere istius specifici saporis acidum, cujus occasione tam immediate ex sanguinis acrimonia, quàm mediate, ex motus illius localis per fibrarum irritatarum stricturæ modificationem varia, hæmorrhagiæ vel intenduntur, vel supprimuntur, in primo fonte alterando, & plus minus enervando: pari modo ac POTERIUS auro suo diaphoretico fixo ischiadem, ac contumacissimas paralyses, optato eradicat. Sanè si ventriculus sanitatis & morborum limes est, & ex ejus errato, indeque nato peregrino sapore, etiam largius diffitæ partes plectuntur, pariter ex eodem sapore fermentativo aut odore primarum viarum correcto, evulsa quasi radice, fructus morbosus spontè emarcescent: conf. BECHERUS *Phys. subterr.* l. 1. §. 2. §. 98. 99., ubi de modo, quo antimonium diaph., coralia, testacea, cornu cervi ust. in febribus proficua & sudorifera existunt. Nec absorbendo saltem acida primarum solùm viarum remotas inde partes à morbois insultibus liberant; quin si quid similis saporis vel in corpore oberrarit, vel in sanguine aut lymphæ fluctuarit, vel quadam in parte solida certo subiecto humore medio mediante resederit, hoc ipsum per continuum humorum circulum, ad primas vias pariter delatum, promptè medicamento ibidem locorum, ceu appropriato magis subiecto, se insinuabit, & ita successivè concentratum ac fixatum à remedio, cæteris partibus minus hostile existet. Vigere talem mutuam conspirationem partium internarum & externarum, contentorumque earundem, mediantibus humorum circuitibus, confirmat alvi per clysterem, aut tantillum laxans in variolis vel purpura vel petechiis malignioribus proritatio, cuius occasione illius perniciosus fluxus, harum verò recessus, & cum sanguine ac lymphæ renovata permissio; hinc purgantia temerè præscripta criticum & salutarem sudorem sæpè inhibent, observante BALLONIO, & ex eo BONETTO *Phos. Medic.* l. 3. num. 21. p. 73. Sicut qui crebrius sudant alvi ferè sicciore evadunt: Sudor verò ab aere frigido cohibitus in morbis, nauseam movet: vid. FRIDER. BAYLE *Problemat. Medic. Phys.* 79. pag. 122. Hypochondriaci pariter, quo largiori fruuntur, perspiratione, eò cæteris paribus melius habent, quò minus, eò circa hypochondria sensibilia patiuntur pathemata. Adeo HIPPOCRATE asserente, perspirabile & conspirabile totum corpus existit.

§. 26. Secundo modo quoque fixa, & his cognata medicamenta, quæ materialiter ultra primas vias non penetrant, etiam remotis in locis effectus salubres exerunt, quatenus in stru-

Duobus tamen modis etiam remotiores partes male habentes curant.

Stura machinæ corporeæ, ratione admirandæ nervosi systematis fabricæ, & inde dependentis multiplicis partium solidarum consensus, ventriculi affecto sedato: etiam aliarum partium pathemata hinc sopiuntur. Hypochondriacis jejunis nunc caput dolet, nunc perturbatur, simplici cum Ventriculo, nervorum insignium ratione consensu, quibus vel panis bucella citò & jucundè medetur. Parili modo senum jejunorum caput frequenter vertigine rotatur, quin & scotomiam patitur, quæ tamen Zingiberis in India conditi frustulum assumptum, vel ex ficibus cum sinapi & cardamomo parati electuarii usus brevi cohibet. Qui universum corpus in febribus intermittentibus quatunt rigores, ex præcordiis, speciatim ventriculo, excitari, litus ejus cum oleis aromaticis penetrantibus, seu optimum auxilium, confirmant: unde & calcinata animalium eodem interno usu multum imminuunt. Bezoardica mineralia, & animalium partes duræ, ex parte eatenus existunt sudorifera, Quatenus in continuis, præsertim malignis, acidum istud accerrimum volatile, cujus in primis viis irritatione, uti præcordiorum anxietates, irritationes, tensiones, jectigationes, agrypnæ, ita & per consensum universæ cutis pororum strictura, absorbent & figunt; unde relaxatis hinc fibris, sub corporis quiete facilis sudoris profusio,

CAPUT III.

PRACTICUM.

Præcipitantium Legitimam administrandi Methodum exponit.

S. I.

Aborbentia legitima methodo usurpanda.

Operandi modum & usum præcipitantium doctorum prolixius, quam institutio ratio exigere videbatur, prosecuti sumus hætenus restat, ut debitum eorum regimen, seu legitimam administrandi pro salute ægrorum methodum, etiam subiungamus. Multum sanè hic interest, cum vel ex hac ratione diversos non rarò sortiantur effectus auxilia medica, ut quæ uni proficua, alteri nociva, tertio neutra existant, saltem ex variata applicandi methodo: Cujus respectu & trivialia subinde saluberrima deprehenduntur medicamina, & sublimia è contrà auxilia nil-quod spei ab iis conceptæ satisfaciat, præstant. Rectè ob id olim CAPIVACCIUS, arcana ejus Practica sciscitanti respondisse fertur: *disce meam methodum, & habebis mea arcana*. Sanè unum idemque remedium, quod ritè administratum manum Dei auxiliatricem representat, perversa usurpatum gladius est in manu furentis. De Præcipitantibus idein omnino asserendum: Quorum tamen administrandi methodum rationalem in genere difficile est determinare, cum non tantummodò tam latè pateat eorum usus, sed etiam in unoquoque eorum, præter generalem absorbendi & acidum corrigendi vim, vel specifica ejusdem potentia medicamentosa attendenda veniat, prætereaque pro individuorum ægrotantium diversitate diversimodè eorum applicatio determinanda sit: pro morborum quoque plus minus complicatorum ratione, distinctis subinde modis dirigenda eadem, & nunc solitaria, nunc aliis sociata, nunc primo, nunc ultimo loco administranda sint; Nihilominus generalibus sub axiomatis, & specialium, quantum instituti fert ratio, mentionem subinde injiciemus.

Idque tam externe quam interne.

S. 2. Quod itaque attinet adhibendi modum: usurpari possunt Remedia ista absorbentia interne pariter & externe. Fundamentum scilicet curæ externæ, vulnere, ulcerum, & quamplurimum tumorum, similiumque pathematum, v.g. erysipelatum, herpetum, pustularum, scrophularum, est fermentum acidum, nutrimenti partis proximi alterativum, & plus minus in pus, faniem, ichores, simileque sordes corruptivum,

in cujus correctione, & extinctione, balasami-que partis naturalis, hoc est spiritus insiti, conservatione, totum chirurgorum versatur negotium hinc pro priori isto scopo, Saturnina, Martialia, Venerea, vitriolacea, terra, mineralia, ut bolus, creta, lapil. calamin. &c. utramque faciunt paginam, absorbendo vitiosa ista acida, unà cum vulnerariis quibusdam vegetabilibus, alcali occulto, sive acidi blandè saturativo imprægnatis. Adhibentur triplici ferè sub forma: (I.) *liquida*, epithematis, in Vino præsertim cocta; quale est epithema ad erysipelata, & inflammata. prolychrestum ZWELFFERI in *Pharmac. Reg. p. 91*. (II.) *sicca*, sub subtiliss. pulverum forma; quails est pulvis erysipelat. aut ad consolidandas variolas *Mynsichti pag. 136. & 134*. (III.) *Media*, unguentorum & emplastrorum; quale est emplastrum Miraculos. in *Miscell. Acad. Nat. Cur. Anni 8. Obs. 16. pag. 13*. vel decantatum istud Norimbergense, à ZWELFFERO *Pharm. Ref. 301*. aut HOFFMANNO *Thesaur. Pharmac. p. 69. descriptum*, aliaque plura, hinc inde obvia. De cætero quoad hos externe applicandi ista medicamina modos; *obs.* 1. Epithemata non æquè semper convenire, cum facile refrigerentur, unde ex humidi & frigidi contactu, ob cutis molestiam, pori stringuntur & arctantur, transpiratio insensibilis sistitur, & non rarò parva symptomata excitantur: Chirurgi vocare solent; *alvus suffocatur*: ob id semper & sæpiùs calidè renovanda veniunt. *Obs.* 2. Quoad emplastra: quò minùs composita, eò meliora, ne plurimum farragine unctuosorum, mucilaginosorum, viscidorum, obruantur, & ita incarcerentur remedia ista, quò minùs odor acidus morbosæ attingere & penetrare queat. Interim non rejicienda eorundem vel crudorum, vel aceto priùs imprægnatorum præsertim saturninorum, cum oleo comm. decoctio sufficiens, quò ab acido olei arrosa, eò arctius cum oleo in æquabilem misturam coeant, dum sub preparatione tali oleum, acido suo spoliatum, & magis alcalinum sic factum, sub textura hinc minùs viscosa minùsque unctuosa casibus præfatis melius inserviat; metallica verò ingredientia hoc ipso texturam & dulcedinem nonnihil aluminosam acquirant, faciliùs & ulterius ab acido istorum pathematum saturandum. Sed cum non rarum sit, in erosionibus aut ulceribus præsertim, vel doloris ratione, vel idiosyncrasia cutis quorundam ægrorum respectu (eorum scilicet, quorum corporis fluida sapore acri & falsiori sunt imprægnata, ut in specie sunt scorbutici, & isti, qui teneriori simul cuti investiti sunt, quibus retentum ex admotis unctuosus aut emplasticis quibusvis transpirabile effluviū acius, pruritus, excoriationem, inflammationem, infert) ut quædam subjecta non æquè ferre possint emplastra, optimum est, (quod *Obs.* 3.) *sicca pulverum formà* excoriationibus, ulceribus dolentibus, præsertim inveteratis manantibus, talia saltem inspergere. Eminent hæc inter terra ista vitrioli dulcis, quæ sub preparatione tartari vitriolati ad imitationem TACHENII in *Clave c. 6. pag. 101*. sponte cadit, & quæ internis usibus, æquè ac terra vitrioli dulcis alia, aut crocus quilibet Martis adstringens, inservit, quin & tinctura ista Martis adstringens, quæ aliàs falso *Tincturæ sulphuris vitrioli* titulo superbit, commodè ex eadem parari potest. Hæc ipsa ritè edulcorata, subtilissimè pulverisata, elegans est absorbens, & hinc exsiccans externum, plurimis usibus inserviens. Hinc pro re nata & alia varia addi possunt: in specie laudabilis emergit pulvis compositus, si

2℥. Terra hujus Vitrioli dulc. ʒi.
Ceruss. ritè par. ʒʒ.
Cornu cerviusti præp. ʒiii.
Myrrha,
Aloes,
Macis an. ʒi.
Camph. ʒi. ad ʒʒ.

Mi-

Misceantur, & debitæ cautelis applicentur. His ipsis pro circumstantiarum ratione, usus tempore & allia addi possunt, nunc sal. tartari q. s. aut fl. sulphuris, aut malignioris notæ si fuerit malum, *mercurii dulcis*, aut ubi fortius agendum nonnihil *mercurii sublimati communis*.

Perverso
abusu
multum
nocent.

§. 3. Sed misso externo usu, interna eorundem administratio eò exactius consideranda venit, quò & crebrius ac simul salubrius *legitimo usu* in Praxi Medica adhiberi solent, & quò gravius *perverso abusu* nocere possunt. Unde non nisi quibusvis observatis artis legibus, ac debito cum regimine in usum vocanda. Tria autem primaria sunt capita, ex quibus, quidquid nocu-menti sub perversa illorum exhibitione metuen- dum est, ferè exurgit. I. *Omnia gravant Ventricu- lum, idque plus minus, prout magis vel minus fixa, facilius vel difficilius resolvable, &c. extiterint, & laborem ferè ædiusum eidem facessunt*, dum assum- torum instar, more naturali, conficere eadem aut alterare gestit; quæ ventriculi offensio eò sen- sibilior erit, quò debilior vis digestiva, morborum sub conflictu, existere solet. Quin & irritando subinde eundem, ex fibrarum ejus pertinaciori strictione, præsertim in tenerioribus ac sensibilio- ribus, manifestus gravativus ac compressivus sen- sus ab usu eorum percipitur: Imò vel crustæ mu- cosæ ventriculi vel hujus plicis pertinacius inhæ- rendo, diversimodè tam particularem ejus Oeco- nomiam, quàm functionem publicam turbare va- lent. Vomitorio sanè propinato interdum copiosa talia rejecta fuerunt, diutius in Ventriculo quæ, subisterant. II. *Digestionis primæ arduum negotium in quo vitæ sanæ & ægræ, longæ & brevæ, cædo vertitur, subinde, præsertim sub immoderato usu, impediunt*, siquæ permissione chylo consistentiam & proprietates plus minus vitiosas conciliant, un- de & impedita ejusdem distributio, & præterna- turalis secum ex eodem separatio subinde contin- git. Scilicet ex quamplurimis (qualia sunt calci- nata animalium, terrea mineralia, Martialia, &c.) dum acido saturantur, concretum novum quasi aluminosum, adstrictivè & incrassativè facultatis exurgit, quod sui cum chylo miscela, aut hujus aut secum consistentiam spissiore, simulque al- vum contumaciorem, reddit. Sin ex quibusdam eo- rum (ut urinosi, item marini, testis, &c.) cum acido concretum salsum emergat, absterisivum ac diureticum, citata nimis chyli & sæcum hinc distributio, ac per alvum exclusio, vitiosa pari- ter harum ex illo præcipitatio, supervenit. Quoties observare contingit ex Chinæ Chinæ abusu febrifugo, vel intempestivo, vel in subjecto teneriori, pertinacissimam alvi inductam adstrictionem, cum abdominis tumore ac tensione molestissima. Repetitis quoque vicibus observasse me recordor, ex intermittente tertiana, inordinato usu specifi- ci Strobelberg. vel solius; vel cum Lap. cancro- rum, tandem oppressa, febrem continuam lentam cum virium prostratione, præcordiorum gravati- va anxietate, mucii copiosi glutinosi in os leaturi- gine, & subinde crebriori excretionem supervenis- se, ex chyli impedita fermentatione & volatilifi- catione oriundam, præmisso vomitu materiæ visci- dæ, per ineidentia & attenuantia, præsertim tarta- rea, & sal ammoniacum, hinc & aromatica, cu- randam. Idem in continuarum cura observare licuit, quæ copiosioribus hujusmodi absorbenti- bus & figentibus, speciatim ex animalium parti- bus duris & antimonialibus fixatis, tandem cu- ratæ, diuturnum languorem, ex spirituum ino- pia, ob digestionis primæ impedimenta, comi- tem post se traxerunt. III. *Acidum morbosum con- centratur, ac nimis figunt*, indeque motum ejus, licet corporis partibus præternaturalem, ac depen- dentes ab hoc fluidarum alterationes, vel in soli- das impressiones, præmaturè sistendo, simul Na- turæ medicatricis conatum, illius occasione susci- tatum, sub morbooso statu (qui nihil aliud est, quàm Naturæ conamen, materiæ morbificæ exter- minationem in ægri salutem, omni ope molientis, ut rectè hoc asserere videtur SYDENHAM in Obs.

Estmulleri Oper. Tom. I.

circa morb. acut. Sect. I. cap. I. pag. I.) hoc ipse cessare intempestivè faciunt. Concentrant & fi- gunt plus minus acidum morbosum absorbentia & invertentia illa, vel immediatè, vel mediatè. Immediatè, coeundo materialiter cum illo, un- de novum concretum utriusque ex coalitu emer- git, cui, ubi subjectum humorosum accesserit; hoc una in coaguli consortium assumtum aliquid tertium, texturæ & proprietatum peregrinarum, consistentiæ plus minus (pro elementorum sive ingredientium diversitate) viscidæ ac glutinosæ inde producitur. Simili modo ac acidum podagri- cum, ab alcali synoviarum articularum saturatum, in hac ipsa in calcis vel cretæ simile corpus figitur, mutuoque omnia coagulantur, vel sicut acidum in calce viva cum terræ substantia, aqua median- te, sub illius per hanc saturationem in lapideum ferè concretum coagulatur, quod longè firmitus fuerit, albumen ovi si accesserit. Mediatè verò figitur & concentratur acidum morbosum, si hoc in parte quadam solida, ceu minera, delitescens, partibus suis subtilioribus promptè remedio se in- sinuet, vel modo supra §. 23. insinuato, vel isto, à TACHENIO curioso cryptographiæ exem- plo in *Clav. cap. 9. pag. 237.* illustrato, & ab hoc absorbeatur, dum cæteræ in subjecto materiali (sive materia occasionalis antecedens, sive pro- ductum morbosum consequens fuerit) magis ir- retitæ, cum eodem firmitus coagulantur, & in- timius eidem uniuntur. Qua ratione martialia, lienosis aut hepaticis, ad scirrhosam constitutio- nem vergentibus, subtilius quod fuerit acidum absorbendo, residuum ad majorem indurationem ac coagulationem disponunt, ut rectè annotat TACHENIUS *Clav. cap. 8 pag. 181. 192.* de quo plura infra. Est enim Volatilitas & fixitas modus quoque rerum saltem respectivus, qui uti texturam earum mechanicam insequitur, & vel ignis vel aeris vel utriusque respectu ita dici- tur, ita mutata quoque undecunque textura, cum & sine additis, & variata particularum vel mole vel pondere, vel implicatione mutata, etiam pro- prietatum harum mutatio. Mercurius ita in igne est volatilis, tamen mutata simpliciter sub hujus artificio textura multum de volatilitate perdit, & adnotabilem fixitatis gradum perducitur, ut in mercurio per se præcipitato patet: qua ratione & sulphur com. in igne aliàs volatile, fixum ta- men reddere nititur POLEMANUS *de sulphu- re Philos. p. 201.*

§. 4. Ex quibus ulterius patescit, quare sub il- legitimo usu hujusmodi absorbentia (nisi specifi- ca fuerint) sæpius saltem morbum pallient, non eradicent, quin vel crudelior ejusdem recidiva superveniat denuo, vel prioris in alium, subin- de aut deteriorem, aut magis chronicum, mu- tatio accidat. Prius illud quidem, acido utun- que oppresso & fixato, successivè, idque ferè rerum non naturalium occasione, denuo resolu- to, & in motum pristinum concitato: posterius hoc verò eodem partis cuiusdam vel per essen- tiam, (materiali sui præsentia,) vel per con- sensum, functionem impediante aut vitiante, indeque novas præternaturales læsiones indu- cente. Idem ferè accidere hic mihi videtur, (simili quodam rem illustrare liceat) atque in automaton aliarumve machinarum elateribus, in motu suo elastico oppressis aut impeditis, qui, ubi qualicun- que occasione motionis restituendæ datur libertas, aut celerissima agitatione, ac geminato vel tripli- cato impetu pristinos motus quasi compensant, aut saltem vitiatis motibus machinæ ordinarios motus ac usus turbant & lædunt. Concentratum sanè acidum morbosum, dum motionis reite- randæ datur occasio, multiplicata quasi vi elasti- ca, ex concentrata sui & mole & nixu motivo, &c. ferocius resurgit, unde & irritata Natura inten- siori conatu ipsi reluctatur, adeoque atrociores recidivæ exsurgunt: aut si utunque alteratum pristinos motus ac actus repetere nequeat, nunc alienis saltem motuum rationibus incitis, nunc naturalibus partium corporis motibus &

Speciatim
Recidivas
prioris, aut
generatio-
nem novi
morbi in-
ferunt.

functionibus plus minus læsis & hinc vitiatis; novorum præternaturalium motuum morbosorum in machina corporea occasionem subministrat. Sæpius ex China Chinæ, aut spec. Stob & Croll. similiumve abusu palliatæ, duplicatæ aut triplicatæ relurgunt febres intermittentes simplices: aut iisdem fixioribus copiosius tractatæ, præter languorem totius, dispositionem ad iterum relinquunt; quin etiam fermento, in fomite materiali concentrato & fixato, utcumque denuò resoluto, aut in motum aliqualem concitato colicæ convulsivæ atrocissimæ excitantur. Qualem gravissimam cum ordinariis stipatam contumacibus symptomatis ex oleo destillat. juniperi, pro tertiana chronica curanda, continuato aliquando usu ante paroxysmum, pro hac quidem intentione felici, bis observasse me memini: idque ut suspicor, quatenus oleum destillatum cum acido febrili in chronica febris quavis ex causa paulò fixiori, in concretum quasi resinofum, sed acre admodum, coaluit, simili ferè modo ac spiritus vitrioli rectificatus cum oleis pluribus destillatis in resina coire solet, quod pertinacius vel intestinis agglutinatum, vel glandulis mesenterii in fixum, vel circa nervos hujus plexus depositum, irritatione continua occasionalis causa torminum dictorum exitit. Simile dolorosum infortunium ex sacchar. Saturni, cum Lap. Cancror. crebriori usu & copiosiori, ante quartanæ chronicæ accessiones usurpati, ægrum quendam nobilemprehendit, quo licet denuò sedato, nihilominus tamen stata sub paroxysmorum periodo, aliquandiu vestigia torminosa adhuc persensit, quibus post aliquot periodorum intervallum, nihilominus ejusdem febris Recidiva supervenit. Rectissime SCHENCKIUS Diff. supr. all. §. 13. Præter materiam, termini motus huius, (præcipitationis; ut cum vulgo appellat) sunt spectandi, ne plus obsimus, quam profimus, materiam morbosicam præter necessitatem figendo, veluti persæpe accidit, ut à datis hujusmodi præcipitantibus & propinatis, epileptici quidem motus sistantur, minescantque paroxysmi febriles; verum postea, quod præcipitarum fuit, circa nobiliores partes sedem figens, circulationem sanguinis sistat, & mortem inopinatam inferat: & §. 15. Sic vidimus à præcipitantibus uterinis ortam fuisse dyspnoeam, à tertiana intermittente cohibita per specificum febrile quotidianam & quartanam. Motuum Epilepticorum præcipitantibus sive figentibus talibus inhibitorum mentio à SCHENCKIO facta, in memoriam revocat puerum ingenuum X. annorum, epilepsia habituali particulari, diaphragma saltem primario, hinc & secundario partes vicinas quatiente, correptum; qui præmissis præmittendis, alterantibus & evacuantibus, usu pulveris ex Visc. corallin. Ziii. Corallior. rubr. præp. Zj. olei destillat. succini gutt. xvij. M. aliquandiu omni mane continuato, à malo penitus liberatus videbatur. Sed corripiebatur post aliquot septimanarum intervallum febris continua acuta gravi, cum exquisitis abdominis convulsivis, circa umbilicum doloribus. Suspicebam, fermenti morborum spiram (secundum simile supra insinuatam) concentrantibus istis & figentibus nimis quasi intortam, & in motu ordinario impeditam, data occasione ad concitatori impetu, motus, si non eisdem, saltem novos instituisse, sicque vehementius Naturam ad extraordinarios morbosos motus stimulas, idque partim solidas, quibus pertinacius affixum erat, partes sensibilius irritando, (idque prout adhuc fixatum) partim Massæ sanguineæ texturam & Crasin vitiando (prout ex parte resolutum,) donec extraordinariis his motibus remittentibus, adeoque præfatis malis curatis, ordinarios in motus rediret, & pristinum epilepticum malum eodem tenore denuò affligeret. Curabatur hoc ipsum insequente demum anno perfecte, idque usu acidularum Egratarum, Marte fermentam acidum absorbente

& enervante, spiritu acido minerali undique penetrante, & fomitem morbosum seu materiam occasionalem potenter resolvente & abstergente.

§. 5. Juvat hæc ipsa, ceu magni in praxi ponderis, paulò specialius per tria materiae medicæ regna considerare, idque præsertim, quoad intermittentium febrifuga, quibus præcipitationis effectus primario ferè assignatus fuerit, ac quorum nocumenta ex illegitimo usu manifestius patere solent. Superius dixi, Corticem Peruvianum, seu Hispaniar. Palo de Calenturas, h. e. lignum februm, fugare suo usu qualvis intermittentes, id quod verissimum arbitror: nec has solum, quin à modernis is ipse ad continuas quoque, tam benignas quam malignas, quin etiam plures symptomáticas lentas sive accidentales, item, quæ ex decubitu materiae peccantis in quandam partem oriuntur, successu ab illis laudato adhiberi soleat. Sed hoc simul obsevari solet, quod ordinario ferè alvi occlusio pertinax, tumor abdominis, ejusque durities ac dolores tensivi, insequi soleant, quibus vel successivè remittentibus, vel per purgantia propinata, aut spiritum sal ammoniaci exhibitum, nonnihil irritatis, eadem febris, simili, interdum intensiori; furore recurat. Sanè aliquoties cum tædio contigisse memini, profligatas, ut videbantur, illo remedio febres, ex spiritus salis ammoniaci usu promptè recidivasse; adeò ut casu hoc in consilium mutato, quibus ex corticis illius usu, vel proprio usu, vel Medici præcoci consilio, febris ita palliata esset, ut evanescentibus licet insultibus, vel supra dicta abdominis pathemata, vel artuum osteocopos quasi lassitudo, vel virium deficientia cum nocturnis sudoribus, pertinaciter superessent, adeoque quibus pro tuta, simulque cita cura, febriles Naturæ motus revocandi essent, is per spiritus salis ammoniaci propinationem mox eadem febris resuscitata fuerit. Adeò infidum sæpius est decantatissimum aliàs Chinæ Chinæ contra febres auxilium, etiam si præmissis sedulo præmittendis & accurata methodo eadem adhibeatur, ut frequentissime recidivam comitem post se trahat, ut Willisius de febr. c. 4. p. 153. Chiffletius de pulv. Per. c. 4. Bartholinus Cent. 5. Hist. 50. Sydenham Meth. Curandi Febr. p. 82. & obs. circa morb. acut. p. 96. quoque notarunt: quin interdum frustra & absque paroxysmi levamine adhibeatur; conf. Piens de Febr. p. 2. cap. 12. pag. 275. Ut taceam singulare istud, quod refert Sydenham, Meth. Cur. febr. p. 82. quosdam pulverem illum, immediate ante paroxysmum exhibuit, & vita sustulisse. Vix adeoque rarius exhibetur, nisi vel declinante jam febre, quod reverà tardius fit in quartanis, vel robustioribus subjectis & laudabili Viscerum eutonia præditis, in specie mechanicis, & laboriosam vitam agentibus, & qui post ejus usum motu corporis vehementiori exercentur, propinatum fuerit, instituendo simul aliquot ab hinc diebus summe necessariam purgationem. Obtenet hoc de cortice dicto, ante paroxysmum, more hactenus recepto, exhibito, quacunque etiam subministratur forma, vel pulveris ad Zj. vel infusi in Vino generoso à Zj. ad Zj. vel decocti cum aceto Vini, cum & sine substantia, vel essentia, cujus præter Rolsincium de Chym. p. 207. & Zuelferum Ph. Reg. p. 76. optimam præparandi rationem docet Blegny in Zodiac. Gall. An. 1. obs. 1. p. 2. cujus præscripta ratione diligenter præparatæ, & ad Zj. ante paroxysmum exhibitæ, quin & intermittens diebus continuatæ usu, nihilominus tertianas recidivasse haud absque tædio expertus fui. Concinnior adeoque ferè ac tutior ista videtur exhibendi methodus, quia post paroxysmum, & intermissionis tempore, idque præsertim in infuso cum vino, repetitis tamen crebrius vicibus exhibetur. Videtur enim sic minus turbari Naturæ motus, minusque intempestivè concentrari, saltem non uno impetu quasi incarcerari & figi fermentum febrile, quin successiva hujus correctione, & blanda sanguinis aliorumque humorum alteratione, cita, tuta, & jucunda magis videatur

Confirmatur per exempla, i. ex regno vegetabili,

cura. Docet hanc methodum proximiſſus Autor Anonymus *Tract. de la Guérison des feux par le Quinquina*, nuperrimè Pariſiis edito, de qua ulterioꝝ tamen conſulenda venit experientia. Saltem recordor, in quartana contumaci electuarius ad imitat. *Sydenham. Obſerv. de morb. acut. c. 5. p. 99.* diebus intermittentibus propinatum, ſpem meam feſelliſſe; ſicuti in alio ſimiliter quartana diuturna conſiſtato, poſt repetitum crebrius cum antimonio diaphoretico permiſtæ Chinæ pulveris uſum, idque diebus intermittentibus quotidie bis vel ter, ut & ante paroxyſmum, proſtigatam apparenter febrim aliquandiu ſiluiſſe, donec data levi occasione poſt aliquot ſeptimanas priſtina ferocia reſurgeret.

§. 6. Modus curandi & ſupprimendi febres in hoc Cortice, eſt pomum Eridos. Præcipitationem fermenti febrilis multi afferunt. Non ineptè dicitur in *Cent. 2. Epist. 42. BARTHOLINI p. 530. Fermentum illud quartanæ hoc medicamento quaſi vinctum, & in unum compactum, niſi apti cujuſdam & appropriati purgantis beneficio è corpore educatur, vim ſuam fermentativam tandem exerciturum, unde perpetuum quartanæ fomitem derivare poſſemus.* Si liberiùs paulò, in re aliis intricata, philoſophari licet, duplex ſubſtantia materialis differentia in cortice hoc obſervanda venit; prima particularum acrium inſigniter amararum, & aromaticarum: altera particularum ſerè inſipidarum, (aut ſaltem ſubauſterarum) ſtypticarum, adſtrictivarum, quaſi magis terrearum, & ex hypotheſi TACHENII *Hipp. Chym. c. 17. & 19.* ad ſimilitudinem gallarum & malicorii (quorum effectus colcotharis ex vitriolo præcipitatorius pariter in aliis adſtringentibus radicibus & corticibus, v. g. cort. tamarilci, fraxini guajaci, rad. tormentillæ, fl. roſar. rubr. &c. obſervatur) alcali occulto, quod viciniùs eſt fixo, imprægnatarum de ſale enim eſſentiali, quaſi vitriolato, ut vocant, ex ſubjectis talibus eliciendo, it. De vi vegetabilium adſtrictoria, in ſapore auſteriuſculo & textura quaſi aluminosa fundata, vitandæ prolixitatis ergò nil attinet dicere. Uti itaque hæc poſteriores, fermentum febrilem acidum abſorbendo, illud figunt & concentrant, & ita quaſi in unum compactum reddunt, (unde pathemata iſta abdominis ex fibrarum & membranarum, occultè quidem, ſed pertinaciter irritatarum (palmo ſcilicet, oriri videntur) ita ille priores attenuant fomitem materialem plus minus viſcidum, reſolvuntque eundem, detergunt ſimul nonihil primas vias, & hac ratione, præter inſignem, quem provocant, appetitum, Maſſæ Sanguineæ & ſpeciatiim genitæ indibilis acrimoniam volatilem, apprimè acunt, eorundem dyſcrasiam ſub febrilibus paroxyſmis contractam corrigunt, vique diaphoretica eoſdem depurant; Uno nomine: *Dispositionem* iſtam in ægro, cujuſ occasione ſemper recurrunt paroxyſmi, (conf. SENNERTUS *de Febr. l. 2. c. 2. p. 66. & 69. 70.*) & in qua fundamentum quorumvis morborum chronicorum ponitur à Galenicis; (vid. BALLONIUS in ſuis ſcriptis, in ſpecie l. 1. Conf. 106. & de Virg. & mulier morb. cap. 7. annot. 13.) quam per ſpecificum fermentum non inconcinne explicat TACHENIUS *Clav. c. 9. p. 240.* id quod & Sennertus jam ſubodoratus eſt, ut loco cit. conſtat, tollere videntur. Uti ergò proficius pro februm fuga cortex iſte utroque ex puncto exiſtit; ita ratione prioris illius figendo nimis, & intempeſtivè concentrando plus minus febrile fermentum, febrim ſiſtit, ſed non ſemper extinguendo penitus, nec perfecte ſaturando acidum ſpecificum febrile, recidivæ occasionem relinquit: Poſterioris verò ratione evenire arbitror, quod mox melius multò ſibi habere videantur ægri, & famem tantum non caninam ſubinde contrahere, quin & recidivæ, quæ ſuperveniunt, ut plurimum, (niſi aliud quid obſtet) faciliores curatu exiſtere ſoleant, quam ipſa febris primaria, antea ſaltem ſuppreſſa. Dubitare itaque licet, utrum præter ſingularem acrimoniam amarican-

Etmulleri oper. Tom. I.

tem tam ſpeciale quid in hoc cortice reconditum ſit, quod per ſimiles cortices ac radices, quin & per Viſca, non æquè commodè ſuppleri queat, ſi non ex toto, ob ſpecificam cujuſvis ſimplicis ſeminalem craſin, ſaltem maxima ex parte? Sane uti ſaporis ſimilitudine gentiana ipſi propius accedit, *de quo paulò infra*; ita ſuſpicari licet, coſtum Arabicum ſeu Syriacum, cum & ipſe de corticum ſit familia, prout in officiis hodiè receptus eſt, illius vice ſungi poſſe. Alios quod attinet cortices, ſane ex nuperrima amici relatione habeo, ſe ob pretium Peruviani huius corticis carius corticem ligni guajaci in quartana, parili utendi modo, & æquè felici ſucceſſu, ſubſtituiſſe: Id quod ſane haud improbabile videtur, præſertim ſi cortex ligni acrioris accipiat. Deprehenditur ſcilicet interdum guajacum, cujuſ decoctum piperis inſtar acerrimum eſt, quod etiam jam HOFFMANNUS obſervavit *de Medicam. Officin. l. 2. c. 128. p. 380.* & in hoc ſerè differentia guajaci & ſancti lignorum conſiſtere videtur. Cortices tamarilci & fraxini, ac gentianæ (credo quod huius radix intelligenda ſit cum ſalibus additis fixis, illius Peruviani loco cum fructu uſurpavit PIENS *Tr. de Febr. c. XI. p. 259. & c. 12. p. 275.* Non ſecus ac DECKERS *Comm. ſuper Barba. Pax. l. 3. c. 3. p. 112.* illius loco pulverem compoſitum, baſi cortic. guajaci & fraxini ſuperſtructurum, ſubſtituit. De viſcis par ratio, quæ cum cortice hoc Peruvian. permutabilia quaſi videtur: Uti enim per viſcum quercinum ʒi. doſ. ante paroxyſmum robuſtioribus propinatum intermittentes aliquoties curatas novi, id quod pariter PRIMEROſIUS ceu contra quartanam proficiuum obſervavit *de febr. l. 3. c. X. p. 300.* quæ alias, in ſpecie coryllinum, *de quo ſuprà*, ad epilepſiæ medelam ſpecifica laude eluent; ita & hodiè Peruvianum illum corticem in Anglia ad epilepſiæ curam auſpicatò adhiberi, pro certo relatum fuit; non ſecus ac ad hypochondriaca, ut & hystérica pathemata, it. pallidos colores, & Menſium ſuppreſſiones, à quibuſdam in Gallia, per experientiam confirmatis, commendatur. Gentianæ denique radix debito uſu ad illius corticis (qui gentianæ Indicæ fruticis, reſpectu noſtræ herbæ, eſſe videtur D. GLANTZ apud HOFFERUM *in Herc. Medic. p. 291.*) vires propius accedit, ſine eo ut abdominis, illa *de quibus ſuprà*, pathemata ejus uſum inſequantur; ſiquidem illa ipſa, ſaltem pulveretenus aſſumta, ad tormina abdominis, item ad paſſiones hystéricas, egregii uſus exiſtat. Quantum verò febrifuga vi polleat, notharum præſertim ac chronicarum tertianarum, &c. ſpeciatiim ſuccus ejus inſpiſſatus doſ. ʒi. vid. in SCHROED. *Pharmac.* ubi de gentiana, GESNERO *Epist. l. 2. p. 62.* AUGENIO *l. 7. Conf. & Epist. 8. p. 173.* CHIFFLETIO *de pulvere Peruvian. c. 4. p. 35.* Certè ʒi. pulveriſatæ ejusdem, in vino generoſo aut vino abſinthite macerata, ſicque totum infulum ante paroxyſmum propinatum, quin & pro neceſſitatis ratione reiteratum, eoſdem ſerè cum illis corticis Peruviani effectus febrifugos exercere, obſervare licuit. Undè etiam radicis huius beneficio adulterari jam corticem Peruvianum fraus inſitorum dicit, ſurrogando ejusdem loco corticem quercinum, decocto radic. gentianæ, pro amaritie acquirenda, ebrium & imprægnatum. Præfero tamen ipſi pulveri extractum ejus cum ſpiritu viniſactum, ʒſ. ad ʒi. cum ſalis cujuſdam urinoſi vel fixi ut abſinthii, ʒi. vel volat. ut ſpiritus ſalis ammoniaci à ʒſ. ſociatum, variata tamen doſi ingredientium, pro ſymptomatum, in ſpecie caloris ac frigoris, ratione, in aqua appropri. ante paroxyſmum propinatum, ceu non contemnendum, etiam in quartanis, remedium. Æquipollere cortici Chinæ gentianam ejulque extractum aſſerit expertus LUDOVICI *in Pharmac. p. 253. & 278.* præfert verò eidem ſalia alcaliſata pro febrili cura BARBETTE, multi uſus Præcticus, in *Prax. c. l. p. 112.* Utraq; ergò hæc juncta imprimis proficiua erūt contra violentam, ut ſic dicam, fixationem,

Kk 4

tionem,

tionem, aut intempestivam concentrationem, attenuando fomitem materiale, saturando fermentum febrile, & per sudorem ac Urinam depurando massam sanguineam, unde eo ipso Recidivæ simul præcavebitur insultus.

2. Ex regno animali.

§. 7. Animale regnum primario partes duras suggerit, easque nunc igne calcinatas seu ustas nunc sine igne præparatas. Omnia hæc, acida fermenta, & inde producta morbosa similis saporis vitiosi, promptè absorbent, & ita concentrant ac figunt: idque omnium maxime calcinata marina, quæ inter famosiora sunt specifica febrilia ista CROLLII, ex testis longis Cochlearum, in *Basiliæ p. 297.* & STROBELBERGERI ex matre perlarum, calcinatis, *Introduc. Remed. pro febr. p. 13.* Sanè hæc ipsa ad Calcis vivæ naturam propius accedunt, unde & recenter parata aquæ affusione effervescent & incalescunt, ac salis ammoniaci commista, hoc subito sal volatile eructat, absorpto promptè acido salis ammoniaci; adeo sitientissima acidorum existunt, & ceu exhausta corpora promptè cuivis acido accessum admittunt, illudque intime imbibendo potenter figunt, ac ita paroxysmos febriles inibent. Ac sanè legitimo usu, speciatim temporis & doseos ratione, firmioribus subjectis exhibita, ut rectè hoc notat HARTMAN. *super Croll. Basl. p. 300.* quia infirmi talia non ferunt, sæpissime febrim feliciter profligant. Sed eo ipso, quo potenter adeo figendo Naturæ motus suspendunt potius, quam quod fermentum febrile exsultarent, crebrius non absque nocumento propinatur. Nil familiarius, quam calcibus talibus recidivas supervenire, nunc simplices, nunc, idque crebrius, multiplices, & hæc ipsæ prioribus febribus ferè contumaciores, nisi benè tractentur; quarum rationes ex *suprà dictis* facile erui possunt. Sin minus hoc contingat, sanè abusu suo diuturnos languores, & interdum lentas febriculas, hecicis quodammodo similes, post se trahunt, ut *suprà insinuat*. Aliquoties etiam contigisse recorder, quod languores illi haud prius cesserint, quam Icterus quidam supervenerit, isque cum ægrorum levamine, qui non tam ex hepatis bilisve vitio, saltem non primario, quam ex læsa digestionem prima, ejusque in intestinis deficiente perfectione, oriri videtur, qua chylus sanguificationi ineptus, loco rubedinis, flavedine saltem vitiosa inquinatus, tandem spontanea per motum intestinum separatione & præcipitatione à reliqua massa secretus, Ictericam defæcationem induxit, volatilibus cum junctis amaris, v. gr. spiritu salis ammoniaci cum essent. cent. min. ac absinth. facile curabilem. Potius ergo saltem tutius usurpantur non calcinata, sed saltem vel simplici tritura, vel prævia cum aceto secundum MYNSICHT. *Armament. p. 97.* aut cum lixivio acri secundum ROLFINCUM in *Chym. p. 379.* extractione præparata: Aut si ustis nihilominus, certas ob circumstantias, utendum, terrestria calcinata, cornu cervi ust. aut Ebur ust. præferrem, insigniter quoque absorbentia & attemperantia, aut non adeo concentrantia nec figentia, ac illa marina, quorum calces ad mineralem naturam ferè propius accedere videntur.

3. Ex regno minerali.

§. 8. Minerali in regno excellit & frequentioris est usus mars, ipsique affinia subjecta plurima, de quo cum sæpius in his thesibus detur agendi occasio, subjectum aliud, vitriolo ejus cognatum, multi pariter usus consideremus, & hoc sit alumen Simplex, uti inter febrifuga admodum decantatum, imò magis universale, utpote quod intermittentes præter, & continuas & hecicis debita sub præparatione dicatum est; ita etiam quibusvis in morbis Laxis, à methodicis Stricto oppositis, & huc pertinentibus imprimis fluxibus quibusvis, non contemnendi usus, qua ratione in diarrhœis, dysenteriiis, uteri quoque hemorrhagiis, reverà utiliter adhiberi solet. Quoad vim præcipitatoriam in febribus, equidem ad intermittentes vel crudum adhiberi

post; conf. *Exeges. Chym. TENZELII in Salam pag. 664.* in specie in quartana laudare istud satis nequit HARTMANNUS in *Prax. Chym. c. 238. §. 4 pag. 324.* & novi hanc ipsam contumacem, à Medico per plures Menses tractatam, tandem pulvere, ab empirico, ceu universale febrifugum decantato, ex aluminis, nitri depurati & nuc. mosch. ad Zi. cum paucis sanguinis draconis pro fuso tincto, pro 3. dosibus, mox prima ejus dosi ante paroxysmum propinata profligatam: quod idem videtur esse remedium, quod alia licet sub compositione, super basi tamen aluminis, ad quasvis laudat intermittentes RHUMELIUS in *latro-Chym. c. 13. pag. 427.* conf. Portio febrifuga PIENS de *Febr. l. 2. c. 4. I pag. 259. & c. XII pag. 276.* utut crudo tali præferendum videatur, ob causas, quæ ex *infra dicendis* sponte patebunt, magisterium illud SCHROEDERI *Pharmacop. pag. 479.* præterea ad scorbutum, quin & Epilepsiam, nonnullis laudatum. Continuas vero quod attinet, tam acutas, in quibus etiam simile artificiale aluminosum concretum, scilicet sacch. saturni, aut crystalli mineræ hujus cum spiritu nitri paratæ, quibusdam multum extollitur, quam lentas Hecicis, in his præparatio & digestio sive coctio artificialis, ut dulcedo aluminis sive ejus saccharum, ut vocant, acquiratur, necessaria videtur, de qua consulendus POTERIUS *Pharmac. l. 2. c. 9.* & speciatim DARIOTTI de *præp. Medic. pag. 245. c. 24.* ut & HOFFMANNUS in *Clav. Pharmaceut. pag. 349.* cujus tamen processus descriptio maca ex parte existit, ejus verò (ut obiter hoc interserere liceat) sal crystallisatum abstersivum, *p. anteced. 348.* nil aliud est, quam coagulum liquoris, qui alumini in aqua soluto, & cum sale tartari præcipit. supernatat, & sal tertium, tartaro vitriolato æmulum, constituit. Ac sanè in dictis malis, & præterea aliis plurimis, in quibus præcipitatione, ut vocant, opus est lege artis præparatum & exhibitum alumen, nobile est simplex, de quo mirari ferè liceat, quod rarius in usum hactenus vocatum sit, cum debite ut dixi, præparatum saccharo saturni præferendum ferè videatur.

§. 9. Est alumen decompositum naturale, ex acido universali minerali, sulphuris embryonari, rodente terram petrosam sive calciformem, & ita cum hac ipsa, mechanica necessitate, in crystallos octaedricas coalescente genitum. Sicuti enim vitriolum ex acido simili sulphuris embryonari & vena metallica martis vel veneris, ita alumen eodem ex acido & petroso corpore in pellucidam salinam coaluit substantiam, pari modo ac vitriolum, gallarum decocto præcipitabilem: adeoque spiritus sive acidum sulphuris, vitrioli, aluminis, essentialiter coincidunt, qui tamen intimius longè in alumine quam in vitriolo concentratus, adeoque magis fixatus existit, vel igne magistro sub destillatione docente. Unde etiam multum alumen ubi generatur, ibidem quoque vitriolum & sulphur plerumque reperitur: nec rarum est, ex una eademque vena vitriolum & alumen excoqui; sicuti quoque aluminis sub præparatione urina humana multis in locis adjicitur pro vitrioli separatione, & aluminis concinniori crystallisatione, ex qua spiritus urinæ & sal volat. quod ex aluminis cum alcalisato quodam destillatione prolicitur, natales suos derivat. Quæ omnia artificialis aluminis productio ex creta, cum spiritu sulphuris soluta & crystallisata, confirmat, qui spiritus cum marte aliàs & cum venere in vitriolum artificiale coagulantur. Usus ergo præcipitatorius, & Organismi humorum, quibusvis ex causis concitati, correctivum quod attinet; non præstat hunc alumen sapore & textura sua adstrictoria; adstringere enim partibus solidis saltem, ratione fibrarum plus minus laxarum, canalium ac pororum vitiosè hiantium, competit, non fluidis concretis, qui coagulari aut saltem grumescere ejus usu solent, uti in lacte, non secus ac albumine

mine ovorum conspicuum est; & qui effectus ab acido ejus primario dependet, sicut adstrictoria vis à specifica eiusdem cum terreis particulis textura oritur. Interno ergo sub usu utcumque præparatum, præcipitatur mox in primis viis ab effluviis & contentis partium salis volatilibus, parili modo atque extra corpus ab urina salsa ipsi accidere solet, & quale fatum vitriolata martialia assumpta pariter experiuntur; adeoque acidum ejus volatile sub salo sic acquisito sapore, vi absterfiva & incisiva ac alterativa, quod suum est, agit, dum acidus morbosus odor vel sapor, plus minus fermentativus corporis, caput mortuum præcipitatum aggreditur, à quo absorptus & concentratus, sive, ut vocant, præcipitatus, potenter adeo figitur, ut ceu incarceratus ac vinctus inermis penitus reddatur. Uti itaque alumen compositionis & texture ratione cum vitriolo multum conspirat; ita etiam quoad mutationes, quas recipit in primis viis, passivas, & inde resultantes in corpus alterationes, cum eodem coincidit, ipso Marte ejusque vitriolo vi adstrictiva, it. febrifuga, præsertim intermittentium, haud multum alumini cedente. Dum verò nimis figendo acida, intimius fermenta morbo in suis mineris concentrat, quin & adstrictoria vi motum humorum plus minus remoratur, sanè illegitimo usu palliare saltem morbos videtur, & vel diuturnos magis eosdem, vel recidivantes, vel in alia pathemata degenerantes, reddere, id quod de sacch. saturni, concreto artificiali alumini simili, *suprà* §. 4. *relata observ.* illustrat. Aded legitima administratione saluberrimum quod existit, perverso abusu, & insufficiente præparatione, nocivum esse solet. Legitimam administrandi methodum docebunt sequentia: quod verò præparationem attinet, hæc eò dirigenda venit, ut saturata nimis, adeoque fixior & austerior terra petrosa seu calciformis separetur à subtiliori vel facilius solubili, quæ vel proprio acido minerali, vel eius loco aceti destillati suavi solutione, concretum magis salinum, minus stypticum, minusque adstringens & austerrum, sed acidi quasi extraverli & potentioris ratione magis resolutivum, terræ subtilis verò respectu absorptivum blandius, & acidi morbosus exactius saturativum, evadat.

Cautela
pro legi-
timo usu.

Rite sint
præparata.

§. 10. Quoad legitimam ergo absorbentium horum adhibendi methodum pro usu interno, sequentes Cautelæ specialius observandæ veniunt. I. *Rite præparata, non verò saturata propinanda sunt.* Præparatio variat, partim pro ipsorum simplicium præparandorum textura varia; sic enim alio modo partes animalium duræ, sive terrestrium sive marinorum, alio modo mineralia & metallica, præparanda veniunt; partim pro subiectorum, quibus exhibenda sunt, constitutione diversa; sic enim mars crudus, simpliciter pulverisatus, ut in pulvere simplici Cachectico HARTM. *Prax. Chym. cap. 171.* §. 5. robustiori qui sunt ventriculo, aut in quibus potentius dominatur acidum, convenit; conf. HAUTMNN. *VVolckensteinischer warmer Bad und Wasserschatz*, p. 211. it. GLAUBERUS 2. *Furnor.* pag. 57. aliis delicatioribus infusionem ejus & solutionem mitiorem, cum succo quodam vegetabili acidulo factam, requirunt. Non secus ac liquor martis solaris, seu solutio ista vitrioli naturalis rite parata, ac sanè multi usus, quibusdam sensibili Ventriculo præditis perquam molesta observatur, quibus Tinctura vitrioli martis Zwelferi, minus Marte saturata, sed sale essentiali magis turgida, optime contulit. Scopus ergo præparationis omnis eò collimer, ut (1.) commodè, respectu ipsius remedii, (2.) tuto ac jucundè, respectu subiecti ægri, (3.) efficaciter, respectu usus, propinari possint.

Non saturata ab acidis.

§. 11. Cum verò usus eorum in enervando præ-

ternaturali acido imprimis consistat, manifestò sequitur, acidis sub præparatione sui non nimis tractanda esse, quia exuuntur aliàs vi sua absorptiva & inversiva, adeoque frustra propinquantur; quantum enim extra corpus saturantur magis acidis, eò minus intra corpus inferviunt iisdem corrigendis. Quinimò acidis extra corpus tractata diversimodè, subinde ex mutata textura novas facultates, pristinis plus minus immutatis, acquirunt, sæpius absterfivas aut diureticas, adeoque alienæ indicationi infervientes. Rem exemplis quibusdam illustrabimus. Priori ex fundamento meritò hodie rejiciuntur magisteria dicta, ex animalium partibus duris parata, tam præcipitata, quàm abstractitia. Præcipitata quidem, dum solutio per acidum facta præcipitatur ab alcali, vel fixo vel volatili, vel à spiritu vitrioli. Priora enim sunt calces terreæ, penitus insolubiles, occultè salæ, acidi solventis & alcali præcipitantis tam arcto connubio particulis terreis cohærentibus, ut nullo edulcorationis artificio penitus liberari possint; exinde enim & ponderis augmentum. Dealbatur talibus assumentium Ventriculus, citra usum alium. Corallia cum acidis, præciatim cum spiritu vitrioli, blandè effervescentendo, hunc absorbent, qui tali eorum magisterio affusus sine motu, sine alteratione ulla, observatur; non secus ac perlæ cum quovis acido effervescent: quorum magisterium sine motu illis additur. Posteriora verò styptici quid in concreto suo possident, & dum exactè vitrioli acidum elui minime potest, gustui licet minus pateat, utpote in subiecto præcipitato, particulis alcalinis vel plus minus imprægnato, intimius concentratum, tamen vi absorptiva, concretis istis aliàs appositè convenienti, ferè privata existunt. Nec est, quod dicas, posse ex his magisteriis denuò recuperari sal volatile, si scilicet addatur eisdem alcalisatum quoddam seu sal fixum sic enim in examine ignis successive ascendet sal volatile. Verum paucum est sal volatile quod hac ratione ac viri ut cum maxima ejus pars ab acidis aut solventis aut præcipitantis, enervata ac destructa sit: Requisita pariter hæc artis, alcalisatum & ignis impetus, dum deficient in nobis, neque illorum resuscitatio in corpore nostro expectari poterit. Altera differentia comprehendit abstractitia, per spiritum nitri, it. vitrioli, aut Vir. ær. parata, quæ utut solubilia, quin & quædam eorum usibus diaphoreticis aut diureticis convenientiora, quædam scopo adstrictorio accommodatiora; attamen cum sub solutione ista ab acidis crasis & textura concreti multum immutata sit, impossibile quoque acidum solvens penitus aded separare, quin ejus multum, insensibiliter licet, concreto cohæreat, quicquid etiam de suo Vir. ær. spiritu jactitet ZWELFFERUS *App. ad Animadv. pag. 66.* hocque exinde novam plus minus, interdum solventibus vitriolatis non exactè rectificatis, ingrati, aut nauseosè vitriolici ac venerei saporis texturam acquirat, adeoque crudorum suorum simplicium absorbendi & invertendi vim nullatenus exerere valeat ob id præparata talia simpliciter, eorum magisteriis longè præferenda erunt. Præparanda ergo veniunt potentius vel simplici pulverisatione & lævigatione, qualis in Corallis, perlis aut lap. cancrorum obtinet, vel ignis aut aquæ adjumento, ceu duorum magnorum solventium, ut appositè audiunt WILLISIO, quibus & tertium illud, aer scilicet; meritò lociandum fuisset. Ignis adjumento quæ fit præparatio, suggerit calcinata seu usta, vi absorptiva & inversiva, cum effectu adstrictorio efficacissima: quibus tamen objectum usum potentius & positivè magis diaphoreticum præferenda Philosophica magis quibusdam in secretis habita, calcinatio, dum v.g. *rasur. cornu cervi* aut *ebor.* aut *unicornu* ʒij. vasi circulatorio, cujusvis formæ, aut cucurbitæ duplici vel simplici, sed alembico cæco munitæ, inclusæ, digestionis blandæ, ne ingratum, quod

ex

ex neglecto ignis regimine facile fit, empyreuma contrahant, vel arenæ vel cinerum exponuntur: resolvitur enim sic phlegma spirituosum, particulis salinis urinosis nonnihil acculeatum, & proprium circulationis metu recludit corpus ac penetrat, ita ut post 8. vel 10. dierum moram hoc promptè pulverisari ac in alcohol redigi possit, eo, quod nondum adeò resolutum est, vel solo, vel novo denuo addito, digestionem iterum exposito, donec totum ita calcinatum fuerit. Quoad præparationem horum subjectorum, quæ aquæ fit beneficio: hæc vel aquæ simplicis vapore instituitur, modo à ROLFICIO in *Chym. 5. s. 2. cap. 22. p. 336.* descripto; vel elegantius per lixivium perficitur, modo primitus in BARTHOLINI A.M.H. *Vol. 3 p. 126. & 127.* insinuato. iisdem ex causis supra allegatis meritediam suspectus videtur crocus Martis quorundam aperitivus, ope lixivii nempe ex cineribus vegetabil. crebriori irroratione paratus: Inest scilicet Martis proprium acidum, facile vel simplici aqua, adjuvante tamen aere, mobile, & quod in crocum sub vulgari rubiginis nomine proprium corpus arrodit. Huic dum additur alcali fixum, acidum istud rodendo Martis corpus, simul arripit alcali, & ita coagulantur in Martis corpore, emergitque exinde corpus occultè salsum, terreum, iners, vi absorptiva maximam partem destitutum, nisi in quantum particulæ quædam Martis crudi aliquantulum adhuc usibus his inserviunt. Nec immerito rejicere videtur GLAUBERUS *Furn. Philos. p. 2. p. m. 57.* crocum Martis per calcinationem fusoriam, mediâtibz magdaleonibus sulphuris, illius laminis vel bacillis scintillatibus admotis paratum; rodit enim acidum sulphuris liquefacti Martem sed simul concentratur pingue sulphureum non deflagrans, adeoque pulvis ex Marte & sulphure compositus, hujus ob accretionem penitus insolubilis obtinetur, nulliusque adeò in corpore usus, eo, quod acidi sulphuris purioris ratione, vitrioli modo solubile & alterabile in nobis existit, in aqua supposita soluto & abjecto.

Quædam enim sic alienas vires acquirunt.

§. 12. Ut itaque saturantur ab acidis absorbentia plura remedia, adeoque primario scopo inepta redduntur, ita quædam eorum ab iisdem, mutua ex connexionione, novaque sub textura, novas vires medicamentosas acquirunt. Sal tartari suggerit nobis exemplum, quod vel in sicca, vel per deliquium solutum humida sub forma, nobile absorbens, & acidi vitiosi corrigens, subministrat, speciatim intermittentibus in febribus, sive solitariis sive per infusionem fennæ sociatum, ad imitationem RIVERII *Cent. 1. obs. 39 40. Cent. 2. obs. 66. Cent. 3. obs. 32. Cent. 4. obs. 84.* administratur, sanè utroque modo, tum olei per deliquium facie ad 30 vel 40. gutt. bis in die, quàm cū fenna infusum, alternatim usurpatum, ut in chronicis, quibusvis febribus intermittentibus, ita speciatim quartana, proficuum admodum ejus usum expertus sum, triplicem quartanam aliquando hyemali tempore hoc ipso profligando. Sed si sub artificiosa præparatione acido vel aceti destillati pro tartari regeneratione, sub nomine terræ sol. tartari; vel vitrioli in tartaro vitriolato; vel nitri pro sale febrili quorundam, reverà nitro regenerato; vel salis in spiritu sal-ammoniacy destillat. pro sale hypochondriaco, saturatur, vi acidorum saturativa & fixativa penitus deposita incidens, abstergens; diureticum evadit concretum, sordibus primarum viarum resolvendis imprimis dicatum. Lapidés cancerorū, uti absorbentium usu & effectu non postremi existūt, ita aceto destillato soluti sub acquisita hinc textura salsa multum de facultate hac perdunt (utut à fortiori acido in corpore occurrente, præcipitata ex debiliore, illud imbibant plus minus, adeoque quavis saturativa facultate haud penitus careant, aceto destillato juncto, viscidas sordes incidente & resolvente) & diuretici magis evadunt. Notabiliter quoq; hoc patet ex ovorum, imprimis stru-

thionis, testis, egregiè absorbentibus spiritu salis in tertium salsum solutis citra insignem vim saturativam, potenter incidentibus, & diureticis redditis. Terræ minerales sigillatæ absorbendo & figendo excellunt, sed spiritu vitrioli vel nitri solutæ & saturatæ in liquoris styptici, seu ut BARTHOLETO *de respirat. diff. p. 586.* audit, auri potabilis ex terræ sigillatæ præparatione, texturam aluminosam acquirunt, & stypticæ ac potenter adstrictoriæ existunt.

§. 13. His ipsi tamen quamvis absorbentium per acida præparationem haud rejectam volumus sed saltem illorum perfectam plus minus ab his saturationem. Tantum enim abest, ut istam penitus excludamus, ut in quibusdam subiectis omninò requiri videatur, præsertim mineralium quæ sunt ex familia, partim ut jucundius & tutius propinari, partim ut usui destinato melius satisfacere, partim ut præter effectum absorbendi aliis simul intentionibus medicis satisfacere queant. Pro quibus scopis assequendis benigna mater Natura hic ducem se offert, quæ præter copiosa subiecta Martialia, ne horum crudorum usu teneriora quorundam lædantur Illia, soluta eadem, & quasi vitriolisata acidularum sub forma nobis haurienda offert. Jucundius longè præ crudo Marte hæ ipsæ assumuntur, minusque præ illo præcordia gravant, quin & spiritus acidus sulphuris embryonati sociatus incidendo attenuandoque viscosiores, aut hinc inde coagulatas sordes, qualvis obstructions, reverà tales, interiorum corporis viscerum potenter referat, & canales meatusque quosvis eluit & abstergit: dum præcipitatus à sale volatile falso, undique in nobis præsentē, Mars per præviam istam in acidulis arrosionem quasi prædispositus, & in minutias exiles redactus, acius occurrens acidum morbosum quodvis præternaturale nostris intereane hostile, promptè absorbet & imbibit, illudque secum coagulatum sordium nigricantium sub schemate eliminat. Non secus ac ex vitriolo, per alcali quoddam præcipitatus Mars, Terræ cujusdam mineralis aut Ochre facie cadens, cujusvis acidi promptissime absorptivus existit. Ad imitationem ergo Naturæ pro scopo, ut vocant, aperitivo, seu potius absorptivo, inter tot præparata Martialia non ultimus est Liquor Martis solaris dictus, ex magnesia vitriolata, sponte sua in aere in vitriolum efflorescente, qui in locum acidularum naturalium surrogari commodè poterit: sicut in forma sicca sit paratum exinde vitriolum Martis ad albedinem, aut aliqualem saltem rubedinem calcinatum, ad imitationem nempe *Excell. CNOEFELII in Append. Anni 6. & 7. Miscell. Acad. Natur. Cur. pag. 105.*

§. 14. Quantum ergo differant tam acida quàm Sed Saltem simplicia absorbentia, & imprimis qualem ad nimia facie se invicem respectum mutuò foveant? probè cōturatio. siderandum venit. Sunt enim acida, quæ subiecta quædam intimè penetrant, & arctissima ex minorum corpusculorum associatione partim novum concretum constituent, partim vim absorbendi penitus deleant. Sunt è contrà alia, quæ saltem arrodant, ut superficiali contactu passi vis subiectis adhæreant, facile ob id, quocunque fiat modo, potissimum tamen per præcipitationum modos, separabilia à se invicem, ita, ut utrumque destinationi debitè satisfacere queat, quin & pro hac magis dispositum redditum sit. Differentiæ hujus fundamentum in mechanicæ cōformationis necessitate formaliter & proximè consistit; cui interdū & essentialis sive radicalis seminalibus ex principiis, materialiter & remotè subest. Ut in exēplis iis, quæ hæcenus considerata fuerunt, subiectis, analogis, iisq; manifestioribus insistamus, quàm arctum connubium ineunt spiritus vitrioli & ol. tartari per deliqu., quod vix ac ne vix quidē arte penitus dissolvi potest? hinc mutatur utriusque textura, & novum novorum attributorum emergit concretum. Quàm laxè verò

Non tamē quevis per acida præparatio rejicienda.

verò Marti idem vitrioli spiritus adhæret? ita, ut vel facili igne, vel levi præcipitatione, separabiles invicem existant, Marte separato, vi absorptiva ob sui in particulas minutissimas confractiorem, & ex textura metallica in magis apparenter terream alterationem, ut mechanica Chymica ad oculum docet, promptiori & potentiori sic instructo. Quanta differentia inter ejusdem Martis à spiritu vitrioli & spiritu nitri factas solutiones, & hinc separati ejusdem denuò notabilis alterationis diversitas? Intimius longè penetrat & dissolvit nitri spiritus, idque tanta cum violentia & impetu, ut insignis æstus inde exurgat, & tam arctè sociantur solventis & soluti particulae, ut vix ulla vi divelli penitus queant, qui magna illius portio huic arctissime infixa cohæreat. Vitrioli è contrà spiritus aut oleum arrodit potius corpuscula Martialis, idque lento magis (respective scilicet) motu, minusque intimè invicem cohærent. Unde ibi quidem emergunt concreta texture perquam adstringentis, & saporis insigniter styptici, scopo positive adstringendi convenientissima, absorbendi usu minus apta. Hic verò vitriolum dulce concrevit, scopo, ut vocant, aperitivo, sive acidorum vitiosorum correctivo, etiam præ crudo Marte longè aptissimum. Imò essentia utut convenient sulphuris & vitrioli acida stigmata, tamen cum sulphure, sive via sicca calcinando, sive humida, illius spiritum recipiendo, paratum vitriolum, præferendum videtur ei, cum vitrioli spiritu facto. Accurate enim si rem considerare velimus, purius & quasi virgineum magis existit sulphuris acidum, & quod in corpus Martis facilius penetrat, ejusque particulas subtiliores exactius dirimit, & melius resolutivum & absterisivum existit. Vitrioli spiritu, ob liquaminis metallici, plus minus sulphurei, societatem; nec rectificando quoque penitus separabilis, (nisi ante vitrioli destillationem artificiosa depuratione mediante prius removeatur,) minus puro, minusque subtili, nec Martis adeò exactè penetrativo existente. Vix itaque assensum mereri videtur **ZWELFERUS** in *Mantissa spagyrica* P. I. cap. 3. pag. 337. dum crocum Martis Cachecticum, adeoque aperitivum, hoc est, acidi absorptivum, cum nitro detonando parare docet. Equidem labor ipse ob alias, quibus assensum præbet, speculationes, nec inutilis, nec injucundus existit, præsertim dum sulphur Martis externum sic manifestum redditur in deflagratione ac alcalificatione nitri, effectu planè eodem, qui aliàs ex simili nitri cum sulphure, antimonio, tartaro, carbonibus, sanguine animalium, ossibus aut cornibus animalium tractatione accidit, adeò omnium trium regnorum sulphura hoc in effectu & operandi modo conspirant: quin & amici relationi debeo, in deflagratione ista flores Martis & Nitri simul elevari, qui, in ret. tubulata si instituat operatio, pro eleganti colligi queant remedio, de quo experientia consulenda. De cætero, qui isto modo obtinetur crocus, non secus ac cum spiritu vir. ær. exinde parata Tinctura, revera terreæ, stypticæ, exactè saturatæ, & minus aperitivæ, acidivè correctivæ, est texture. Affusus huic croco spiritus salis lentè, & non nisi longo intercedente tempore, tantillum ejus dissolvit, unde ruberrimam quidem contrahit Tincturam, sed saporem exhibet horridè vitriolicum, potenter adstringentium & manifestè adhuc aciditatis suæ participem. Saturatus scilicet Mars jam sufficienter, alio ab acido imprægnari recusat. Præparatio ergo absorbentium aut saltem commistio cum quibusdam acidis, nunc necessaria, nunc pro certis intentionibus etiam utilis, omnino existit prout in acidulis §. 13., vitriolo Martis cum Lap. Cancro- rum §. 12., testis struthionis c. l. hætenus illustravimus, modò saturationem perfectam, & hujus ratione virtutis absorptivæ destructionem evitemus.

Caut. II,
moderata
dosis exhi-
benda.

§. 15. Pergendum ulterius in debita absor-
bentium usurpandi methodo, ubi *Cautel. II. Non*

nisi moderata dosi exhibenda sunt. Peccatur hic frequentissime in excessu, dum aut sæpius reiterantur, aut diutius continuantur, aut copiosius una vice ingeruntur. Determinat doses rationem in genere acidi morborum quantitas & exsuperantia major vel minor, quin & ejusdem qualitas sive acrimonia corrosiva, potentior aut debilior. Posterioribus in casibus ut minor omnino sufficit quantitas remedii; ita in prioribus major indicatur copia. Moderandus tamen ita eorum usus, ut partitis potius vicibus, quam semel, idque eò succincta magis dosi, quò diutius iisdem insistere cogimur, adhibeantur; intermittendo subinde eorum usum, quamdiu symptomata non nimis urgente eundem. Observanda quoque morborum vel continuorum vel intermittentium differentia: in istis, cum continuato ferè usu administrentur: minori dosi una vice, in his verò cum interpolatis vicibus adhibeantur, copiosius una vice propinare licet. De cætero, uti semper in præternaturalis cujusvis remotione festinandum lentè, cum quævis subita mutatio sit periculosa; ita in his auxiliis quæ intenditur alteratio, tutior est successiva quam repentina. Utut enim minus nocere videantur, cum passivè potius se habeant, & privativo modo proficua sint, quam alia alterantia, quæ positivè magis sensilius vel contenta immutando, vel solida afficiendo, operantur; immoderata tamen dosis etiam sua infert incommoda, de quibus *suprà* §. 3.; utut ob modò insinuatam rationem, magis lenta, quam acuta, seu magis successiva & diuturna, quam subitanea, sed exinde etiam minus citò denuò corrigibilia, inferant nocumenta. Nempè idem mihi videtur sub inconsiderata horum dosi accidere, quod picantibus usu venit, qui moderato rerum ardentius desideratarum usu, seu alimento medicamento, saturando specifici saporis acidum stomachale, levantur & melius habent; ast nimio eorundem abusu anorexias, dyspnoas, cachexias, febres lentas, & mille mala incurunt. Stolidi quarundam virginum fert opinio, cretæ, præcipitantium sive absorbentium non postremi, usu candorem faciei se sibi conciliaturas; quæ tamen, quantum continuata ejusdem ingestione lædantur, quoad primæ digestionis, & dependentium inde reliquarum negotium, quotidiana loquitur experientia. Quod si ex picæ stimulo vel cretam, vel calcem vivam, vel similia devorent, modò non nimio fiat excessu, auxilium potius exinde, quam nocumentum experiuntur, quod iisdem sanis haud æquè impune licitum foret. Ast si & in pica quoque excedant in dictorum usu, supra enarrata mala pariter effugere nequeunt.

§. 16. Præter dicta in rationali absorbentium & saturantium usu sit *Cautel. III. Curiosus selectus eorum instituendus*. Haud enim omnia æquè omnibus conveniunt. Nec postrema prudentiæ medicæ pars est, acutè hariolari, quale remedium ægro, præ alio simili magis conveniens sit. Cum itaque tanta luxuria sit absorbentium remediorum, meritò, eadem curiosè discernenda, & quid convenientius sit? eligendum. In selectu tali instituendo respectus habeatur tam ad ipsa remedia, quam ad ægros. Remedia quod attinet; selectus sub eorum usu instituendus triplici ex ratione: 1. *Propter eorum insignem varietatem; supra cap. 1. §. 11. 12. 13. 14. 15. enarratam*. Sunt enim vel nativa vel præparata; hæc vel simplicia vel composita; utraque à texture & proprietatibus nativis plus minus abeuntia. Sunt insipida, terreæ, aromatica, amara, austera, dulcia, urinosa, eaque tam fixa quam volatilia, &c. Quæ universa & singula æqualiter adhiberi nequeunt, cum ubique certus respectus agentium & patientium omnino requiratur. Speciatim unam saltem notabilem urgebo, & quæ ad præsens negotium magis facit, differentiam. Acidi peccantis enervationi dicata sunt illa omnia, sed diversimodè hoc præstant; tam respectu

Caut. III.
debitus se-
lectus in-
stituen-
dus.

Isque vel
respectu
Remedii.

acidi

acidi in genere, quàm hujus aut illius in specie. In genere acida enervantur sub rosionis actu, sed quædam cum insigni plus minus, quædam sine ulla effervescencia; & quando effervescencia contingit tumultus, acida quædam in specie insigniter, alia minus hos ipsos cient. De urinis ceu acrioribus nihil dicam, quæ sine effervescencia motu cum acidis haud facile coeunt, celeriori quidem & breviori volatilia, vehementiori & longiori fixa, ut ex spiritu vitrioli cum spiritu salis ammoniaci, & cum ol. tart. miscela constat. Saltem insipida consideremus: Hæmatites cum acido nec vitrioli nec nitri commotionem ullam observabilem exerit; at Mars, ejusdem licet radicis fructus, cum iidem validissimo impetu congregitur, idque longè vehementius cum spiritu nitri, quàm vitrioli, adeo ut explosivo quasi impetu intensissime cum illo ipso exæstuet: id quod tamen multo remissius erit, si Mars cum sulphure præparatus seu calcinatus recipiatur. Ut itaque crudus Mars efficacior longè erit vi absorptiva, & acidi promptius alterativa, ita hic præparatus, blandius, minoribusque cum turbis, sed simul debilius ac tardius, idem præstabit. Bolus Armena, terræque plures sigillatæ, absorbent acida promptè, tam vitrioli quàm nitri, & in aluminola concreta cum priori illo coalescunt, at sine effervescencia conflictu; qui impetuofus admodum notatur, Cretæ si associantur, ut sub præparatione Phosphori *Balduini* conspicuum est. Cornu Cervi crudum ebullit cum spiritu vitrioli, intensius cum spiritu nitri; intensior erit conflictus, si sine igne calcinatum recipiatur; cum usto verò adhuc vehementior observatur. Testæ quævis cum spiritu vitrioli, intensius adhuc cum spiritu nitri effervescunt, sed utrumque diversimodè, pro illarum varietate: cancr. testæ quidem insigniter, sed sine strepitu aut fumorum elevatione; ostrearum è contra intensius multò notabili cum strepitu ac fumis; unde harum pulvis quibusdam sub nomine Præcipitantis magni adhibitus fuit, quia aliis pro intermittentium fuga inservit; Coralia eodem spiritu vitrioli tractata, moderato impetu cum illo congregiuntur, citra æstuationis aut effumationis insignioris apparentiam, unde & blandius, mitiusque in nobis operati probabile est: Sabulum urinarium, calculique renales, ab oleo vitrioli ne tantillum alterantur, spiritus verò nitri solvit eosdem, nunc (pro ipsius specialis texture ratione) cum nunc sine effervescencia vestigiis, nunc in loco saltem calido, nunc etiam in frigido, nunc penitus dissolvendo, nunc in substantiam molliusculam convertendo; quæ & alia frustra à spiritu sulph. aut salis expectantur! Analogum quid in lapide ex cysti fellea notatur, cum spirit. nitri successivè ebulliando, non verò cum spiritu vitrioli. Sed quotidie cum talia occurrant, non est ut prolixius diducam. Saltem in selectu absorbentium attendendum, facilius an difficilius effervescibilia in nobis sint contenta præternaturalia vitiata? illud quò aciora, hoc quò mitiora: non secus an citius aut tardius acidum peccans infringere, quo magis vel minus effervescencia cum eodem excitare conveniat? quo talium sub respectu circumstantiarum appropriata magis seligere queamus. Quin etiam, ut acidi saporis sub morbofo statu variant, ita & absorbentia quædam iidem corrigendis aptiora existere, evidens est; unde artificiali stochalmo ut specialem illorum differentiam subinde scrutari necesse habet Medicus, ita & horum selectum debitum instituere.

S. 17. II. *Propter speciales proprietates, quibus præter generalem corrigendi acidi morbofo usum ulterius prædita sunt.* Salia enim volat. præterea vim diaphoreticam, fixa diureticam, terræ minerales insigniter adstrictoriam obtinent: Viscum Corylinum vim antiepilepticam, cortex

fraxini diureticam, VVinteranus antiscorbuticam, cinamomi (post destillatum ol.) contra fluores alvi, cort. avellanarum contra fluorem album, ossa sepiæ contra gonorrhœam, medulla saxorum contra stranguriam, osteocolla ossium agglutinativam, lap. cancr. vulnerariam, dens apri aut Ceti Narhual, aliàs unicornu marinum, antipleuriticam, & contra qualvis inflammationes partim internarum erysipelaceas, Cran. hum. violenter interempti antiepilepticam, Martialis anticachecticam, jovialia ac Saturnina antihecticam, &c. præterea speciatim exerunt. Talia ob id seligantur ubique, quæ præter generalem invertendi usum specifica simul proprietate, aut affectui speciali appropriata, aut symptomati urgenti convenientia existunt. Sic enim variolis cum diarrhœa symptomatice complicatis, Terræ minerales; cum epilepsia affligentibus salia vol. &c. appropriata magis existunt.

III. *Propter texturas novas, quas vel sub præparatione, vel sub compositione, vel sub sui in primis viis alteratione, acquirunt, ratione quarum qualitatibus & proprietatibus à nativis plus minus distinctis, his vel enervatis vel retentis, instruuntur.* De Præparatione & alteratione per acida jam supra §. 12. locutus sum, præter quam tamen & aliæ modò insinuatæ circumstantiæ quoque attendendæ. Alia sanè est ratio Cornu Cervi usti, ab eodem sine igne calcinato; illud potentius longè absorptivum, hinc etiam adstrictivum, præ hoc magis diaphoretico existit. Testæ concharum, cancrorum, aut ovorum calcinatæ, à se ipsis non calcinatis, quin & istis terrestrium animalium ustis, multum differunt: Calcis vivæ enim texturam exhibent, unde & recenter parata effervescunt aquæ attactu; acido salis marini in ostracodermis, aut arenarum silicumvè deglutitorum, in ovorum testis, ignis ope resoluta, & cum particulisterrestribus laxius nonnihil sociata, per aquæ additionem resoluta: Sanè potentius longè effervescere, & promptius absorbere acida observantur præ illis non calcinatis, idque eò magis, quò diutius calcinationis igni expositæ fuerint. Febrifuga in specie sunt talia, quæ citra calcinationem cum spiritu salis composita, falso sub sapore egregia sunt diuretica: quam vim, uti sub texture mutatione cum spiritu salis, qua ad alcalium fixorum naturam propius accedere videntur, imprimis acquirunt, ita si eadem cruda saltem pulverisata propinentur, prout cum acido primarum viarum, magis vel minus acri, &c. in saporem plus minus salsum coalescunt, etiam una plus minus absteriva ac diuretica evadent. Terra sigillata & cretaceæ, quò potentius sibi occurrens invenient acidum, eò sallem magis acquirunt texturam, eoque potentius adstrictoriam. Mars prout magis vel minus sub præparatione multiplici acidis saturatus fuerit, eò facilius aut difficilius hypochondracorum & cachecticorum acida corrigit: sicuti ipse pro acidi, quod sibi obviam venerit, varietate, sub hujus alteratione vim nunc hæmorrhoidalium affectuum curativam, nunc mensium suppressorum aperitivam, nunc eorundem nimis fluentium restrictivam acquirat, etiam si unum idemque ex eo adhibitum fuerit remedium. Antihecticum Poterii, prout sub præparatione ejus sulphur Jovis externum, vel certa enchirisi separatum, vel communi more relictum fuerit, unde color ejus subcæruleus, hic simul vim laxativam, interdum emeticam, ibi verò diaphoreticam saltem exhibet. Absumpto scilicet sulphure Jovis externo per deflagrationem, sub legitima præparatione, calx Mercurialis maximam partem, siye alcalinæ prosapiæ, exhausta quasi aut vacua remanet, promptè acidi vitiosi Hæcticarum & continuarum acutarum absorptiva, ut peregrini hujus accessu defectus acidi sulphurei, quod sub præparatione perdiderat, utcunque restauretur, aurum crudum acidi intensioris melancholico-

hypo-

poehondriaci abortivum est & correctivum; vid. MOGLINI *Vellus aureum* p. 8. 199. quod cum salibus compositum, respectu ignis vim novam fulminantem, respectu corporis vim potenter resolutivam, absterisivam & laxativam, & in infantibus peculiariter antiepilepticam acquirit. Lunæ magisterium artificiosè paratum, uti acidi melancholico-maniaci speciale correctivum suggerit, unde & ex effecta quibusdam *Pulvis stultorum* appellatum est; ita eadem Luna cum acido nitri imprægnata, internè potens hydragogum; externè penetrans escharoticum, exhibet. Sub selectu adeoque absorbentium horum, præter nativas facultates, & adscititias, sub præparatione & compositione, aut in primis viis alteratione oriundas, plus minus statui ægro accomodatas, respectus sedulo habendus est.

Vel respectu Aegri.

§. 18. Aegrum quod spectat: hujus consideratione selectus inter remedia absorbentia accuratè instituendus pariter, triplici ex fundamento (I.) *Propter individuorum ægrotantium varietatem*. Dum non hominem in genere, sed hunc vel istum in specie, tractandum habeat Medicus, ad *Τετραγον* in curationibus quibusvis descendat, vel HIPPOCRATE monitore. In omni verò subjecto tali, præter generales, quoad temperamenta, ætates, sexus, &c. rationes, specialis cujusvis individui *Idiosyncrasia* vel maximè attendenda venit, sive eadem nativa, sive adventitia fuerit, sive in spiritu insito aut influo, sive humorum corporis speciali Crasi, sive partium solidarum differenti texture radicata existat. Nam hujus ratione, ut ad diversas ægrotudines plus minus declinat æger, ita etiam remedia quædam plus, quædam minus, appropriata existunt. Sunt qui saccharum Saturni admodum horrent, aliis nil inde sentientibus: Mulierem novi, quæ liquorem Martis solaris non benè ferre potest, Tinctura vitrioli Martis Zwelferi, aut solut. Martis cum succo pom. ipsi amica; idque, ut suspicor, ob delicatam magis fibrarum ventriculi texturam, earundemque exquisitam sensibilitatem. Sed cum frequentissima sunt similia *Idiosyncrasias* exempla, ob id, non nisi ista adhibeantur absorbentia, quæ individuo ægro, ut tali conveniunt, & speciatim *Idiosyncrasia* ratione ipsi non contrariantur. (II.) *Propter acidi peccantis distinctas proprietates*: quod ut in artificialibus, v. gr. sub præcipitationis negotio, pro sui varietate subinde aliis magis appropriatis alcalibus, aut his cognatis absorbentibus, saturandum venit: ita etiam in therapeuticis, aliis atque aliis subinde corrigendum venit invertentibus. Quò magis enim appropriatum saporis acido saturando fuerit auxilium, eò perfectius illud extinguitur, & tutius citra vel recidivam, vel alius affectus epigenesiam, curabitur morbus: uti enim mechanica ex figuratione spiritus vitrioli à sale tartari exactius saturatur, quàm à Marte, & aqua forti à Venere quàm à Luna; ita & subordinatio talis saturantium, respectu acidorum diversorum in contentorum statu morbofo, omninò locum habet. Nunc enim acius existit idem, nunc mitius: illud, quale in scorbuticis, ac quamplurimis hypochondriacis, fortioribus absorbentibus, in specie metallicis, enervandum; huic quale in vulnere, vel stranguria, Lapillis cancrorum sufficientibus. Molestiam pluribus creant salia urinosa, tam fixa quàm volatilia, in quibus scilicet acius luxuriat acidum, idque ob effervescentiæ morum, quibus insipida & terrea magis appropriata existunt. Fixius quorundam observatur acidum, in alio, quod volatilius. Tertianarum fermentum acidum præ ardentium continuarum fixius est, volatilius verò præ illo quartanarum: cujus mutati status respectu non rarum, permutari invicem has febres, adeò, ut quæ continua fuerit, in tertianam intermittentem mutetur &

contra, prout tertianæ in quartanam, & contrà; vel sponte æquinoctiorum sub mutationibus, & hinc contentorum fluidorum, mediante aere inspirato, ad majorem vel minorem resolubilitatem & volatilitatem dispositione, degenerare solent. Unde absorbentia nunc fixiora nunc volatiliora, & hæc nunc macra, nunc oleosa conductibilia. Antimonialia scil. fixa in ardentibus potius conducunt, quàm quartanis, & in his spiritus salis ammoniaci aromaticus potius, simplicis pro tertiana sufficiente. Ante omnia autem specificus acidi peccantis sapor, & inde determinatè dependentes, determinatarum quoque partium lésiones, acuratè considerandus: Aliud enim acidum vexat hypochondriacos melancholicos, aliud Ictericos, aliud variolis vel morbillis correptos, aliud pleuriticos & hepaticos, aliud podagricos, aliud gonorrhæa affectos, idque distinctum in benigna, ab illo in maligna, & sic tantum non in infinitum. Hisce ergo specificis saporibus appropriata superius insinuata opponenda remedia, utut à priori, non secus ac saporum vel fermentorum morbosorum natura, imperscrutabilia, adeoque à posteriori, per experientiam saltem comprehensibilia (III) *Propter affectuum præternaturalium in ægris multipliciter*: quæ sive connexi sive separati existant, selectum absorbentium ita determinant, ut nonnisi talia, quæ nocere non possunt, respectu juncti affectus alterius præternaturalis adhibeantur. Saccharum Saturni, & super ejus basi constructa Tinctura antiphthifica, it. liquor alterans ex alumine, sudoribus nocturnis plus minus colligativis, tam post febres diuturnas, quàm scorbuticorum aut phthysicorum, optimè profunt; sed iis vix adhibentur tutò, qui siccioris sunt alvi, seu hujus obstructionibus obnoxii, hanc enim constipant, propterea in diarrhæis colligativis, ut & dysenteriiis, proficua existunt. Martialia Cachecticis, Ictericis & inde Hydropicis, sunt optima, non tamen quibusvis, quin noceant siccioris, & (apparenter) calidioris qui sunt constitutionis, vel quorum hepar aut lien, aliavè abdominis viscera infarcta, ad schirrhosam constitutionem degenerant, ut jam supra ex TACHENII *Clave* p. 181. 192. indicavimus; sed illis saltem profunt, qui magnos lienes, & si non aqua, saltem *amurca sanguinea nigroicante tumidos ac turgidos habent*, ut dicit BORRICHIIUS *Hermet. Egypt. Sapient.* p. 203. Salia volat. & spiritus urinosi multi usus sunt saturativi plurimis in affectibus, speciatim hystericis dictis, nominetenus spiritus salis ammoniaci simplex, aut aromaticus, aut Liquor Cornu Cervi succin., & qui tamen nimio mensium fluxui obnoxii non absque mali hujus irritatione, aut gravidis vix absque abortus periculo, propinatur: Sicuti idem spiritus salis ammoniaci, qui debilioribus sunt oculis, interno usu inimicus ferè videtur, sensibiliter eosdem lædendo, quod plus una vice observasse me visus sum, de quo tamen uberius consulenda experientia. Eadem salia volatilia primatum uti ducunt in febrium malignarum cura, tamen sub hæmorrhagiæ facili inde concitandæ metu, uti bene monet BORRICHIIUS in BARTHO-LINI *Vol. IV. Act. Med. Hafn.* p. 166. prudenter propinanda sunt. Recordor juvenis, generosi spiritus, splenetici tamen, hæmorrhagiæ habituali, subinde enormi, præsertim Vini sub usu, obnoxii, qui uti Martialibus ab iisdem præservatur in specie liquore Martis solari, ita spiritus salis ammoniaci usu eedem provocantur. Hypochondriacorum vaga, præsertim quæ abdomen affligunt, pathemata, absorbentibus pluribus, in specie marinis, animalium partibus duris, item salibus alcalisatis, sopiuntur; cavendo ab istis, quæ adstringendi vim vel habent, vel faciliè acquirunt, ut terris mineralibus; quò magis enim talium clauditur alvus, eò deterius affliguntur hypochondria, aliæque per consensum partes, Talia

Talia adeoque eligantur ubique præcipitancia, quæ ab aliis simul permittuntur indicantibus, ne tantum ex una parte noceamus, quantum profumusex altera.

Caut. IV. §. 19. Pergendum ulterius, & notandum pariter IV. quod in exhibitione eorum *debitus Ordo non negligendus*. Sub insigni scilicet remediorum talium varietate uti primò selectus debitus, ita postmodum eorundem Ordo probè observandus. Hujus ratione triplex illorum differentia imprimis notanda, dum sunt vel *temperata* sive insipida, vel *acria*, qualia sunt urinosa salia, & hæc vel *fixa* vel *volatilia*. Scil. non rarum est, adeo contenta acriora acida in quibusdam ferocire, ut cum urinosis in efferatam effervescentiam, contentorum insigniter alterativam, continentium sensibilibiter irritativam, coeant. Præterea motus morbi ratio hic ante omnia habenda est, celeris ipse sit an verò tardus? & chronicum, an verò acutum sit malum, quod affligit? In *Chronicis* enim præstat omnino temperata ista insipida præmittere, quorum tactu frangantur, ut sic dicam, dentes aculeati acidi efferati, quo minori cum tumultu ab urinosis postmodum saturetur. Semper enim insipida illa sive temperata præ acrioribus tutiora observantur, minori saltem cum tumultu proficuo. Sed absorpto & fixato acido, ferè aut saltem maximam partem ulteriori usu carent, dum acria sive urinosa, præter hoc, quod acidum saturant, in falsi texturam cum eodem coeunt, & ita absterfiva, resolutiva, & diuretica simul evadunt. Cum etiam nunc primas vias magis occupet acidus sapor, nunc altius intra corpus, hujusque partes tam continentes, quam contentas, odor ejus penetrarit, utut ex ista regione ferè primario spirans, ob id fixi præmissis, in primo sui fonte corrigantur prius acida; quibus volatilia, id quod altius penetravit saturando, & diaphoreseos beneficio eliminando, auspiciò subjunguntur. Sepius hoc in ægrorum, chronicis morbis laborantium, vilitatione observare contigit. Haud ita pridem curæ meæ se obtulit mulier mediæ ætatis, hysterico scorbutica, simulque splenetica, præter sensibilia, eaque spasmodica, abdominis pathemata, ad melancholiam declinans, unà cum mensium altera tres menses suppressione. Hæc ab exhibitio spiritus salis ammoniaci p. iij cum spiritus Cochlear. p. i. mirè offendebar, omnibus symptomatis notabili exasperatis: sed deposito tantisper hujus usu, & præmissis absorbentibus Martialibus, Corallatis, salibus fixis, interpositis paucis laxantibus, & sic saturatis ac edulcoratis acrioribus primarum viarum contentis, repetito ejusdem spiritus usu, mirè recreabatur, & cum sensibili levamine per plures dies ejusdem usum continuabat. Quartana, quæ omnium Practicorum consensu in principio blaudius tractanda sunt, nisi subiecta robustiora & *ευσταχυα* eadem corripuerint, quam facile ac insigniter acrioribus istis irritata, multiplicato furore resurgunt, de quo minus merendum, si martialibus (aliis simul, præsertim attenuantibus & incidentibus non omissis) amaris sociatis intermissionis die successiva alteratione temperentur contenta acriora, quo tutius ante paroxysmum urinosa ista, acriora licet, sed etiam nunc insipidis plus minus maritata propinetur. Scilicet *acutis* in morbis, aut saltem *chronicorum gravioribus paroxysmis*, fausto cum successu, insipidis acria, item fixis volatilia, sociantur, & urgente præsertim affectu, quo plurimis indicationibus latisheriqueat, junctim propinantur, idque speciatim in casu, quo liberior diaphoresis unà promovenda. Hystericis sanè & hypochondriacis inopinatis non raro paroxysmis, & quæ his propius accedunt, Colicis convulsivis, epilepticis internarum ac externarum partium convulsionibus, vagis scorbuticorum pathematis, & pluribus similibus malis, spiritus salis ammoniaci, & quolibet salia volatilia cum fixioribus absorbentibus, juncto opere optime succurrere

solent. Nec ineptè plures specific. febrile Strobelberg, it. Corallia præparata, cum sale absinthii in Tertianarum cura copulant: aut huic ipsi salifixo, spiritum salis ammoniaci potionis forma, pro quibusvis intermittentibus profligandis jungunt: quam methodum & observavit DECKERS in *Comment. ad Barbette Praxis* 3. c. 3. pag. 113. saltem quod Spiritus salis ammoniaci dosis parciore videatur. *Continuis* in benignis absorbentia Cervina, & figentia antimonialia, cum sale volatili, aut Cervino aut Viperino, debita sub proportionem & forma eleganter propinantur: id quod in pleuritide, hepatitide, & maturata opera in angina, & quibusvis comitatis sic dictis febribus pariter observari debet. *Malignas* verò quod attinet febres, quarum fermentativus odor mole subinde minimus adeoque insensibilis, minus fluida corporis, quam spirituosam inquinat, quo ex fundamento contagiosæ quoque, si non omnes, pleræque sanè existunt, (non secus ac ceteri extra febres contagiosi morbi; alia ferè harum est ratio, in quibus, utut & similis fixorum cum volatilibus copula haud adeo inepta existat; volatiliam tamen imprimis, idque sub principio, etiam solitariæ exhibitorum, potior omnino & ratio & operatio esse solet; id quod agendum restitat, pro contentorum, febrilibus sub turbis, plus minus vitiatorum alteratione præternaturali emendanda, fixis temperatis ferè absolvendis: de quo, ne nimis prolixus sim, conferendus Vir multæ experientiæ magnique laboris LUDOVICI in *Pharmac.* p. 237. 261. 283. 284. 285. & de sale volat. tartari p. 86., it. PAULI *Digress. de Feb. malignis*, &c.

§. 20. Præter dicta, in rationali absorbentium & saturantium horum usu sit *Cautel.* *conveni-* *Con-*
enti tempore administranda veniunt. Occasio enim, *ven-*
quæ alias præceptis, ritè observata, medicatio- *ti tem-*
nis cujusvis est anima. Adeo & hic in tempore *pore usur-*
venire, multum est. Triplici circumscribitur *panda.*
termino, præteriti, præsentis & futuri; debita ex quorum observatione legitimus agendorum ordo emanat. Quem, triplicis differentia hujus respectu, Institutionistæ communiter insinuant, dum *quid ante quid; quid cum quo, quid post quid, agendum atque curandum sit*, attendere sedulo jubet. Omnia hæc primario ex motu Naturæ plus minus ordinato aut turbato, & acidi morborum impetu, vel imminente, vel nimis urgente, dijudicanda veniunt.

§. 21. Quodsi differentia hæc temporis, & hinc *Præmissis*
administrandorum remediorum occasio debita, *primas*
consideretur, ante omnia monendum videtur, *vias mun-*
(1.) *ratione temporis præteriti*, quod non, nisi *dificanti-*
præmissis primas vias abstergentibus & purifican-
tibus, usurpanda sint. Naturæ ex jussu intestina *bus.*
recipiendis & excernendis sordibus, tam naturaliter ex assumtis, necessitate materiæ natis, quam præternaturaliter ex venoso genere per abutium quasi vasorum felleorum ac pancreaticorum, quin & glandularum intestinalium eò derivatis, dicata sunt; unde hæc loca nunquam colluvie plus minus vitiosa carere solent: ut taceam, præternaturaliter sub digestionis errato, quod vitiosa relictæ in ventriculo & intestinis, ipsique melenterii glandulis, subinde stabulentur. Harum præsentia ne vel foveantur accidentaliter præsentis morbi, vel varia saltem excitentur symptomata, vel successiva harum resolutione facta per vasa lactea ad interiora corporis penetrant, vel impediatur remediorum absorbentium actio, id quod relictæ mucosa seu pituitosa, hoc est, crudioris chyli portiones imprimis præstant, vel illa cum istis in novum concretum dictis partibus hostile, aut functiones earum impediens, coeant; propterea consultum est, ut abstergentibus & blandè istas partes irritantibus, hæc ipsæ maturè expurgentur & mundificentur. Quin etiam, cum non raro foveatur morbus à mucosæ seu pituita viscidioris, fermenti morboque subinde sub-

jecto

jesto, sive materia occasionalis antecedens sive productum morbosum consequens fuerit, hujus attenuationi resolutioni, ac repetitæ evacuationi, sedulo opera danda, (sicut hoc quoad quartanas in specie urget SYLVIVS l. 4. *prax. Tract.* 10. §. 484. 875. 877.) antequam absorbentia hæc, præsertim fixiora, & minus solubilia adhibeantur, quia alias aut morbi, ver. gr. febris, multiplicatio, aut inevitabilis diuturnitas, aut ejusdem major pertinacia, istis scil. cum acido absorpto & subjecto fomite viscido in coæretum magis tenax coeuntibus, ut probabiliter *supra* §. 3. declaratum fuit. Perinde autem est, sine vomitu, ut in plerisque febribus, tam benignis quam malignis, obtinet, sive secessu, negotium hoc expediatur modò eò, quò maxime vergunt, per loca convenientia ducantur evacuando, *Aph.* 21. §. 1. Sanè ex cautionis hujus neglectu, quoties febres intermittentes vel multiplicantur, vel typum mutant, vel in Chronicos morbos degenerant? non secus ac continue acutæ in lentas abeunt &c. aut dysenteria benignæ ac diarrhææ contumaciores redduntur, aut palliato licet effectu, subinde crudius recidunt, &c.

Idque ut, plurimum, sed non semper. §. 22. Ut plurimum scil. hoc ipsum observandum, siquidem in pluribus simpliciter necessarium est casibus, haud tamen universaliter, aut rigorosè nimis huic insistendum axiomati. Sæpe enim axiomatum nostrorum prætextus speciosus, ac mordicus facta observatio, in præcipitiis quædam & pericula ægros magno damno coniecit, ut notat magnæ experientiæ Practicus BALLONIUS, lib. 2. observ. 30. Hinc & stultum esse axioma, præmittenda semper esse Universalia, h. e. purgationes, & Venæ sectiones, in morborum curationibus, asserit LINDANUS super Hartman. Scil. leviori in malo, v. gr. ardore ventriculi, ut istorum præmissio est supervacanea; ita è contrario graviori, vel subitaneo quodam urgente paroxysmo, suffocationis videlicet hypochondriacæ, aut concitatoris cordis palpitationis, aut enormis sanguinis bullientis profusionis, eadem foret summè periculosa, in ancipiti subinde statu versante ægro. Adeoque de præservatoria potius, quam curatoria indicatione, morbis habitualibus & chronicis debita methodo eradican-dis, non subitaneis affectibus aut paroxysmis compescendis, ægris saltem cacochymicis plus minus, non quibusvis, intelligendum venit axioma istud. Præterea duo sunt, quæ purgationes quasvis vel impediunt, vel difficiles, interdum quoque frustraneas reddunt; materiæ evacuandæ visciditas, & ejusdem acrimonia acida & pontica, quæ commota in scorbuticis, hysteris, colicis convulsivis, quartanis, &c. quas non turbasubinde excitat, quibusvis si tantillum irritetur evacuantibus? In talibus adeoque ab his curationem auspicari, minus rationale foret, quin absorbentibus in genere saltem talibus præmissis, aut etiam ipsis purgantibus additis, de quo infra, cura & jucunda magis reddenda evacuatio. Adeoque de absorbentibus fermenti specialis alterativis, non materiæ evacuandæ digestivis seu præparativis, deque illis specificis magis & particularibus, minus de universalioribus axioma istud explicandum.

In acuto, rum incremento & statu, §. 23. Præsens porro quod attinet tempus: dum actum subministranda sunt absorbentia sive præcipitantia, circa hoc motus Naturæ, circa causæ occasionalis correctionem (quæ in fermenti vitiosè acidi contemperatione, & saturatione, fomitis verò plus minus viscidæ resolutione & attenuatione, utriusque correcti per convenientes vias exclusionem, consistit) occupatæ attendendus ratione cujus vel continui vel intermittentes existunt morbi; ex quo emergit ista differentia, quod in istis tempora saltem morborum universalia, in his præterea unicujusvis insultus particularia, observanda veniant. Notandum ergò; (1.) In continuis minus in principio, sed in incrementis saltem, aut potius in statu locum inveniunt

absorbentia ista medicamina. Fluit hoc ipsum ex supra dictis: dum enim fomes morbosus materialis, prius attenuandus & resolvendus, primæque viæ expurgandæ sunt, vix præterquam in incremento ac statu locum habebunt. Nisi talis illorum vel selectus vel miscela instituat, ratione cujus talia exhibeantur, quæ modò insinuatiscopis simul plus minus inserviant, qualia vel salina, vel facilius solubilia erunt. Præterea ministras operas Naturæ benè agenti ferre debet Medicus, id quod præstat attemperando successivè acre morbosum fermentum, quo eò facilius superari morbo sub conatu à Natura ac saturari queat; id quod non nisi sub incremento, & omnium maxime in statu locum habet. Alias in principio si adhiberentur ista, fermentum acre præposterè figendo & concentrando, mala, quæ supra §. 3. & 4. insinuata fuerunt, necessariò supervenirent. Nimius tamen Orgasmus humorum hic probè considerandus, cujus intuitu, & inde imminentium malorum, subinde etiam mox in aut post principium, morbo acuto tali celeriori motu principii & incrementi tempora absolvente, remedia talia figentia & invertentia subministranda veniunt.

§. 24. In Morbis verò intermittibus si præmissa fuerint præmittenda, adeoque status morbi ferè appropinquat, attendendum, periodici an sint isti? an verò vagi? In illis enim Periodicis, (notandum 2.) ante Paroxysmos exhibenda sunt. Præstat enim occurrere adveniendi hosti, quam admissum demum profligare. Saturandum nempe & figendum plus minus est acidum morbosum fermentativum, quo ab impressione motuque hostili desistat maturè. Antequam ergo motus ejus & hinc Naturæ inchoaverit, adeoque ante Paroxysmum, auxilia ista opponenda. Frustra est aut insufficiens, quicquid in paroxysmo his ipsis tentaveris, interdum quoque nocivum. Qui semel concitatus est spirituum motus, humorumque orgasmus, nulla arte perfectè & subito sopiri potest, non sufficientibus tanto operi remediis, ut ut attemperando, & successivè saturando fermentum acre, mitiores (sed ut plurimum simul diuturniores) paroxysmi reddiqueant. Sin verò vel immoderata sub dosialiorumve associatione vi quasi orgasmum compescere velis, alterutrum horum expectandum erit, quod vel ex non sufficienti effectu, nimis jam progressa humorum turgescencia, multiplicatura paroxysmorum insequatur, vel ex concentrato & fixato nimis fermento morbo aut chronicum sive lentum continuum malum, aut multiplex saltem recidiva, hoc ipso excitetur; quæ ex *supra* §. 4. dictis jam constant. Quod si verò paroxysmi nullas statas observent periodos, sed erraticè ac vano motu affligant, (not. 3.) ita modificandus venit Præcipitantium dictorum usus, ut partitis sed repetitis vicibus eadem, sub legitimo doseos moderamine, propinentur, jungendo simul, quæ blandè & successivè per convenientes vias evacuent; sic enim, quicquid mali metuentum foret, præcavebitur.

§. 25. Denique, sive continuus sive intermit-
tens fuerit affectus, ita dirigatur eorum usus, Ventriculo ut, (Notand. 4.) saltem jejuno ventriculo ingerantur, vacuo. Adeoque nec in pastu alimentis permiscenda, nec immediatè ante aut post eundem propinanda; nisi forsan acida nimis assumpta, aut undecunque concitata soda, interdum earum usum in aut post pastum urgeant. Ut enim hoc ipsum tantum non de omnibus medicamentis obtinet, iis saltem exceptis, quæ digestionis primæ, ejusque debitæ perfectionis turbatum ac præternaturaliter vitiatum negotium concernunt, ita & absorbentia hæc eò magis proficua, eò minus nociva erunt, quò magis vacuum subintrabunt ventriculum. Potentius sic attemperare & absorbere acidum valent, minus verò turbabunt digestionem primam, adeoque minus matuenda erunt ista mala, quæ circa chylificationem *supra* §. 3. eorum abusum insequi

Subjun-
guntur
purgantia.

qui diximus, & ex iisdem, alimentis permittis, multò magis pertimescenda forent.

§. 26. Futuro denique in tempore & post eorum usum ita porro dirigenda medendi methodus, ut *blanda purgantia* & *primas vias abstergentia* subjungantur. Idque speciatim, si fixiora ac minus resolubilia, adstringentia item, vel in se talia, vel quæ in corpore, ex texturæ mutatione talia evadunt, usurpata fuerint. Ea siquidem horum est conditio, ut plus minùs saturata circa primas vias, nunc in peristromate ventriculi & intestinorum mucoso, nunc plicis & celluliseorundem delitescant, idque subindè satis pertinaciter, forsan per ductus Lacteos primi generis penetrando, in glandulis mesenterii infixæ hæreant. Recordor hac occasione mulieris annosæ, hystericæ, &c. quæ acidularum Egranarum ad nos advectarum potu, debito sub regimine, usa fuit: quæ purgata licet sub potionis sine, nihilominus tamen pluribus abhine septimanis denovo evacuata, copiosas nigerrimas, adeoque marte intense tinctas dejectiones exhibuit; adeò mars quoque tandiu intra primarum viarum anfractus stabulari potest. Ex ista verò in primis viis subsistentia, præter mala suprà §. 3. recensita, & impedita ac depravata chyli transcolatio & distributio, & fœcum præternaturalis retentio, metuenda erit: quin & hoc modo tumorum ac abscessuum in mesenterio variæ species, ac inde oriundorum lentorum, ac symptomatum multiplici varietate intricatorum morborum, prima fundamenta subinde poni videntur; sicuti etiam Colicæ convulsivæ pertinaces non minùs quam crudeles his ipsis ex occasionibus inducuntur, non secus ac recidivis crebrioribus occasio subministratur, ut suprà §. 4. monitum. His ipsis procellis, ceu prudens Nauclerus, in tempore occurrat Medicus, & blandis laxantibus ac mediocri stimulo primas vias expurgantibus, sociatis solventibus ac abstergentibus salinis vel gummosis, quicquid capitis mortui instardictis in locis relictum fuerit, removeat. Una ac altera vice institutum hoc negotium sufficit, post acutorum, remediorum talium ministerio, curationem, nominatim febrium ardentium ac simillium, ut & tertianarum intermittentium. Successivis verò & partitis vicibus, sive ut vocant per epicrasin, sub chronicorum tardiori progressu idem tentandum, adeoque absorbentibus talibus subinde interponenda, aut interdum socianda veniunt, ut in quartanis, hypochondriacis, cachecticis, &c. Tutius sanè sub declinatione morborum dictorum, enervato plus minùs acri acido per ista figentia & concentrantia, instituuntur purgationes, quàm in eorundem principio, ob rationes ex §. 22. colligendas. Præstat tamen blandioribus evacuantibus, & quæ potius stimulando primas vias, quàm colliquando contenta corporis, operantur, uti; quævis enim copiosior ac vehementior purgatio plus nocet, quàm prodest, & imposturæ instar, activæ quidem in Medente, passivæ verò in patiente, mihi videtur: adeò omne solutivum (potentius paulò, ac propriè tale) deprædatur de viribus & substantia corporis nostri, ut optimè docet HIPPOCRATES.

Caut. VI.
Fluidis
concita-
tior motus
concilian-
dus.

§. 27. Regimen porro tale circa ægrum ab exhibitione eorum instituendum, quo effectus eorundem promoveatur. Adeoque sit Cautela VI. Sub illorum Usu motus concitator contentis corporis fluidis conciliandus. Non solum scilicet in fodina sua primarum viarum acidi saporis & odores præternaturales delitescunt, sed etiam altius penetralia corporis lubeunt, ut aliquoties jam insinuatum, & morbosus effectus variis in locis palam illud profitentur; sive ut HELMONT. loquitur, *Paradox. V. §. 9. pag. 554. in nobis non raro oberrat sal quoddam resolutum, minerale, planè excrementitium, tartarus inquam resolutus, &c.* Illud ipsum pariter per absorbentia ista plus minus saturandum venit,

etiamsi hæc primarum viarum tramites, fixiora scilicet & minùs solubilia, non transcendant. Jam verò, utut totum corpus secundum HIPPOCRATIS Oraculum, sit conspirabile & perspirabile, sive immediate per insensibiles caecosque meatus & poros partium, prout illustratur à TACHENIO *Clav. pag. 237. suprà §. 3. allegato*, sive mediatè per ductus & vasa, nunc magis nunc minùs oculis patentia, mediante continuo humorum circulo, de quo suprà §. 23. cap. 2. adeò, ut etiam remotiori ex loco hostilis aura acida à remedio in primis viis hærente absorberi & corrigi queat; nihilominus ut facilitetur hoc ipsum negotium, & acceleretur confluxus hostilis acidi ad suum compar medicamentosum in primis viis, concitator humorum motus progressivus & celerior in circuitum raptus multum omninò contribuet. Ob id scilicet tam studiosè Practici ab usu marcialium motum corporis injungunt, non quidem ut celerius sic descendant, hoc enim frustraneum foret, & absque sperato effectu, (utut congrua sub explicatione, ceu usus accidentalis concedi queat,) sed ut promoveatur acidi exorbitantis motus ad appropriatum magis activitatis suæ objectum, adeoque ab eodem promptius & uberius ita absorbeatur. Cum verò illum progressivum rapidiorem intensior etiam motus intestinus particularum fluidi heterogenei comitari ordinariò soleat, qua ratione agitatione vaporum, cerevisiæ & musti turgescantiam fermentativam, aut concussione vasculorum effervescentias commistorum artificiales augeri insigniter observamus; ob id sub isto rapidiori humorum circulo; dum acido peregrino, texturam ac motum intestinum plus minus vitiant, liberantur illi ipsi, simul sub ista celeriori commotione intestina in novam texturam eò facilius se component, & ad naturalem eucrasiam se ipsos, secundum syncrifeos, & diacrifeos & metallaseos minimorum leges reituent. Adeò, & quidem secundariò, intestini hujus motus ratione, & ejus medio redintegrandæ texturæ ac Craseos humorum causa, post absorbentium usum motus illorum concitator progressivus, quovis modo adjuvandus veniet.

Quot &
quibus
modis,

§. 28. Motum hunc humorum progressivum, circularem, duobus modis accelerari licet; primò quidem beneficio motus naturalis artuum, & hinc totius corporis localis; deinde citra hunc beneficio artificialis sudoris, aut madoris saltem sensilioris, provocationis. Utroque in casu rapidior per vasa impetus contentorum, & concitator progressio, omninò contingere solet, ex causis vel sponte patentibus: Ille quidem ægris paulò vegetioribus, adeoque chronicis ferè in malis, & quamdiu Orthostadia in iis locum habet, magis convenit: Hic verò in acutis, chronicorum item gravioribus paroxysmis, dum lecto surgere vel nequeunt ægri, vel minus consultum hoc ipsum videtur, magis obtinet. Utrumque uti in fixioribus & minùs solubilibus absorbentibus utile admodum, subinde necessarium quoque, existit; ita posterior modus in solubiliorum, ac imprimis volatiliū, vel solitaria vel fixis sociata (*secundum dicta §. 19.*) exhibitione, summè proficius existit. Excernitur autem hoc ipso simul, quicquid motus intestini aucti & restauratæ plus minus texturæ naturalis humorum beneficio, ceu heterogeneum, secretum fuerit, & depuratio quorumvis humorum vitiatorum, attenuatio eorum, quavis ratione condensatorum, & celerior progressio, quovis ex impedimento nonnihil stagnantium, hoc ipso obtinebitur. Patet ex his, quare ordinariò post quæcunque febrifuga, fixa imprimis Terreæ, sudoris excitandum esse profluvium, tam sedulò inculcent Practici, præsertim si fieri potest eo tempore, quo aliàs recrudescere solet paroxysmus, cum sic certiori planè juvamine propinentur eadem, ac minori cum recidivæ metu, quàm si vel nullus sudor super-

veniat, vel hic ad paroxysmi finem saltem expectetur.

Gaut. ult.
Aliis remediis socianda.

§. 29. Haud postremum punctum rationalis absorbentia administrandi methodi fert concinna eorum cum aliis copulatio. Adeoque sit *Cautel. VII. ne saltim solitaria, sed etiam aliis sociata remediis, propinentur*. Utrumque exhibendi modum & ratio primitus docuit, & experientia postmodum confirmavit. Indicationes prout variant, causarum præternaturalium & symptomatum ex varietate & complicatione, componenda etiam cum aliis, vel sola exhibenda absorbentia hæc, ostendunt, Utut autem larga seges aliorum sit auxiliorum pharmaceuticorum, quibus misceri commodè possunt, speciatim tamen ad quatuor classes commodè redigi possunt; purgantium scil. diaphoreticorum, anodynorum, & appropriatorum.

Purgantibus.

§. 30. Purgantibus commodè sociantur, ubi acriora fluida movenda veniunt, quo temperata horum & inversa corrosivitate, citra graviorum symptomatum syndromen, jucundius & tutius evacuatio succedat, sicuti eundem in finem & præmitti interdum iisdem *supra* §. 22. insinuavimus. De sennæ talis tartari sociatæ infuso laxativo polychresto jam *supra* §. 12. locuti sumus. Speciatim huc exempli loco pertinet famosus iste *Cerberus triplex* à CORNACHINO adeò peculiaris scripto decantatus, aliàs *pulvis febrifugus Comitis DUDLÆI de WARWICK* Angli dictus, à SPIGELIO de *semitertiana* l. 3. cap. 8. & KERGERO de *fermentat.* §. 3. c. 3. p. 250. laudatus, remedium profectò polychreston, præsertim si scammonii sulph. loco, ejusdem resinam recipias, ut rectè hoc urget MAXVELLVS in *Medicin. Magnet.* l. 2. c. 2. p. 68. idq; propter vim aromatico-alterativam, solutivæ sociatam, nec acido sulph. fumo castratam vel inversam. Sicuti etiam præ antimonio diaphor. simplici antimonium diaphor. martiale, ceu præstantius absorptivum, isti addendum, sive antimonium istud cachecticum LVDOVICI, prout tam in *Pharmacop.* p. 330 quàm *Miscel. Acad. Nat. Curios.* anno 8. obs. 165. p. 108. autor ipse parare illud docet. Pertinet huc pulvis iste multi usus, quibusdam in secretis habitus, qui fit ex antimonii, nitri, ana lib. ss. Martis ʒi. invicem detonatis, & hinc cum triplo nitri calcinatis, & hinc edulcoratis, habebitur sic pulvis flavus, qui cum ana resin. scammonii mistus, vel illius p. ij. cum hujus p. j. paucis crem. tartari gran. additis, suggerit polychrestum remedium, ad quasvis febres intermittentes, continuas, pleuritidem, obstruct. mensium, choleram &c. dosi ʒj. ad ʒss. propinandum, & cuius ætati turò, limitando saltem dosin, porrigendum. Placet de cætero ista methodus, qua in intermittentium paroxysmis solutiva blanda febrifugis connectimus, ut juncta opera, dum Natura movet & Medicus moveat; idq; præsertim viribus utcunq; constantibus. Quibus paulò debilioribus existentibus præmittantur ista laxativa paroxysmo, quo maturè ante hujus invasionem suo fungantur munere, pro specificis tempestivè propinandis. De cætero, quàm fausto radio Mars recreet hypochondriacos & scorbuticos, ac cachecticos, laxativis sociatus, tot pilule hypochondriacæ, aperitivæ, cachecticæ, electuaria chalybeata laxativa, Vina martialia solutiva; malè à GEIGER in *Microcosmo Hypochondr.* c. 23. p. 294. rejecta, aperte loquuntur. Omnium loco sufficiat vitriolus Martis ad albedinem calcinatum, gummi ammoniaco cum debito stimulo solutivo sociatum, & pilularum in formam redactum, ad imitationem formularum à SYLVIO in lib. 1. *Prax.* passim præscriptarum, vel si *Mass. pilul. de tribus Russi. extr. bell. nigri ana* ʒss. vitrioli Martis ad albed. calcin. gr. v. cum essent. gummi ammoniaci in pilulas redigantur, & ita propinentur. Pertinet huc pariter aurum fulminans, concretum mirabile, ex auro per antimonium depurato cum spiritu salis ammoniaci præcipitato paratum, vi incisiva, & viscidissimorum resolutiva ac absterfiva, simulque singulariter laxativa instructum. Hoc in infantibus Unicornu vero sociatum in epilepticis eorum insulubus, convulsivis torminibus, similibusq; malis, laudatissimū

Ettmulleri Oper. Tom. I.

remedium existit, accurata tamen dosi pro lactationis, & hinc ætatis ratione exhibendum. In adultis pariter Coralliis præp. copulatum gr. vi. ad ix. pondere, in quartanis egregium est remedium, non immeritò ab HOEFERO in *Hercul. Medic.* l. 6. p. 292. laudatum, modò non inveteratum nimis fuerit malum, nec ipse æger robuste adeò constitutionis fuerit: Non secus, ac in intermittentium recidivis arcano duplicato & ebori sine igne additum, ante paroxysmum circumspecto usu planè egregium est. Nam convenientissimè absorbentibus cum laxantibus mistis simul quasi intertexuntur vel attenuantia, v.g. gummi ammoniaci, in pilulari imprimis forma, vel abstergentia & resolutiva salina, ut tart. vitriolatus, arcanum duplic. &c. v.g. *arcani dupl. Corall. rubr. præp. ana* ʒss. ad gr. xv. *scammon. more Brendelii præp. ar.* gr. ij. ad iij. M. Sic enim absorbentis vis, interdum nonnihil adstrictoria, sive formaliter eam obtineat, sive in primis viis demum ex alteratione passiva acquirat, vim solutivam additi minus enervabit, hoc ipsum verò sub minori dosi illorum adjumento sufficienter, idque tutius ac jucundius, quod suum est, perficiet.

§. 31. Cum sudoriferis imprimis salubrem ægris societatem ineunt, ex rationibus jam *supra* §. 27. & 28. insinuat. Sunt equidem absorbentia hæc maximam quoque partem sudorifera, tam privative, ut insipida ac terrea; quàm positive, ut salina urinosa fixa, ac imprimis volatilia. Laudabilior verò effectus ferè observatur, si privativa ista positive, præsertim volatilibus sudoriferis, copulentur, uti & *supra* §. 19. quadantenus indicatum. Duplex autem volatiliū sudoriferorum, absorbentibus commodè admiscendorum, materialem quoad eorum texturam observatur differentia: aut volatilia salina sive urinosa macra existunt, quæ & ipsa ad saturantium sive præcipitantium aliàs dictorum classem pertinet, ut modò, ac *supra* §. 14. c. 1. dictum fuit; aut volatilia oleosa sive sulphurea ut amara & aromatica, hisque plus minus cognata, (quorum farrago in Theriacalibus maximè conspicua est compositionibus) & pro basi virtutis sudoriferæ resinam plus minus acrem, libero in igne inflammabilem, in clauso verò in ol. destillabilem, ferè obtinent: ex quorum duorum artificiali connubio quasi tertium compositum, spirituum aut salium volat. oleosorum nomine, ubivis jam cognitum emergit; quale v.g. exhibet spiritus theriacalis cum spiritu vel sale volat. cornu cervi aut viperarum debita proportionem & destillatione unitus, ac camphoræ s. q. imprægnatus, potentissimum sudoriferum, malignarum febrium nobile auxilium. Quibusvis horum absorbentia & invertentia fixa commodè sociari possunt, ut quando in Tertianis, graviori rigore molestis, cum successu ordinatur:

24. Theriac. ʒij. ad ʒj.

Specif. febril. Strobelb. ʒss.

Olei destillat. caryophyll. gutt. ij.

Misce f. Bolus, fortiter sudorem movens. Aut quando pleuriticis proficua admodum existit Mistura ex aqua *papav. rhæad.* ʒij. spiritus theriac. campb. ʒij. Mandibul. Luc. pisc. ʒj. sal. volat. cuiusvis gr. xv. ad ʒj. *Laud. tartaris.* gr. iij. syr. *papav. rhæad.* ʒj. M. Sicuti etiam nobile illud balsamum Loimicum Henisianum, unicornu vero & bezoardico minerali, aut hujus loco Cinnabari antimonii, vel nativæ select. feliciter jungitur in malignarum febrium medela. Cum verò insignis sudorifera hæc inter volatilia sit differentia, selectus rationem determinabit status ægri, & symptomatum conditio, in specie major vel minor sanguinis commotio & estuatio: Hæc enim aut imminuenda, & plus minus temperanda, aut excitanda & augenda venit; illud in nimia spirituum & particularum sanguinis oleosorum (in recessu, ut probabiliter statuitur, acidarum) volatiliū turgescencia, & fermentativa quasi ebullitione; hoc verò in deficiente tali spirituum impetu, & fermentativa comotione. Utroq; ergo in statu, cum nulla heterogenei aut vitiosi fermenti ab homogenea humorum textura secretio, nec prævia ejus correctio aut saturatio, fieri

L I queat,

Sudoriferis.

queat, ob id arte subinde eadem moderanda venit. Infringunt autem æstuationem sanguinis nimiam sudorifera inter volatilia omnium optimè urinoſa macra, quæ sanè ſenſibiliter febrientium æſtum compescunt, adeo, ut experientia teſte, pro tertianarum v.g. nimio ardore compescendo, ſpiritus ſalis ammoniaci ſimplex in ipſo paroxyſmo ſubinde uſurpatus, ſit perquam proficuus. Intendunt è contra ardoreſ volat. oleoſa, quovis tempore uſurpata, ſicuti eadem ex abſinthio, cent. min. gentiana; piperibus, ante intermittètiū paroxyſmos debito cum regimine adhibita, horroſis & frigoris mitigationem, ardoris intenſionem, ordinariò efficiunt. Cùm itaque intendendus ſubinde veniat ſanguinis æſtus, in Cachecticis pituitofiſ, hiſq; cognatiſ, pro crudioris chyli correctione, bilis verò inertioris acuatione, item in petechialibus præ aliis maligniſ, ut plurimum minori æſtu comitatiſ, adeoq; reſpectivè quaſi lenitiſ, pro fermenti maligni huiuſq; corruptiva operatione geniti producti morboſi evacuatione, hic quidem alexipharmacis fixiſ, it. ſalibuſ volatilibuſ, diaphoretica oleoſa optimè permixcentur; ibi verò, præmiſſiſ ut plurimum abſorbentibuſ martialibuſ, illa optimo cum conſilio ſubjunguntur, interdum etiam permixcentur, qua ratione aliquando in quartana *Tinctura vitrioli Martiſ Zuelf. 3j.* cum *Elix. febril. D. Mich. 3ſſ.* permiſſionem ante paroxyſmum proficuam obſervavi; uti eadem cum eſſentiis aromaticiſ amariſ, quibuſ vel deſectuoſè vel laborioſè fluunt menſeſ, ſociata, optimè propinantur.

Anody-
miſ.

§. 32. Anodynſ denique jungenda veniunt hæc noſtra abſorbentia, ſive ex minerali, quæ rariora, ſive ex vegetabili, quæ frequentiora, deſumantur regno. Urgent ſcil. interdum adeò ſymptomata quædam, ut aut vitæ nunc immediatè, ut hæmorrhagia aut cholera eſſeſſeſ, nunc mediatè, ut doloreſ atrocioreſ; periculum intendant, aut ſaltè morbum primariū inſigniter exaſperent, ut dolor in pleuritide, ophthalmia, quibuſvis inflammationibuſ, aut ejus curam periculoſè impediunt, ut in ardentibuſ acutiſ, it. varioliſ &c., coctioniſ ſcil. negotium, cui unicè incumbit Natura, perturbando. Cunctatio omniſ in hiſ funeſta. Abſorbentia itaq; & ſigentia quælibet, cùm nonniſi debita interjeſta temporis mora effectus intentuſ inſequi ſoleat, anodynſ ſocianda, quo ab hiſ ſpirituū perverſo refrænato impetu, à quo omnia ſymptomata urgentiora dependent, & ſuſpenſo hoc ipſo aliquandiu nato inde paroxyſmo, illorum ope occaſionalis tantarum procellarum materialiſ cauſa inverti & alterari queat: Modificando nempe ſpirituū impetum, & diaphoreſin liberiore, etiam ſæpiuſ ſenſiliorē, reddendo, in quo omnia anodyna, tam vegetabilia quàm mineralia, conſpirant, quorumviſ ſymptomatum urgētium (ſoporofiſ forſan, idque ſaltē in tantum, non in totum, excepris) panaceæ exiſtunt, & ita propriè ſic dictæ, ſobrièq; explicatæ, Panaceæ & univerſaliſ remedii ideam quaſi repræſentant, & poſſibilitatem ſuo modo confirmant. In cholera, dyſenteria, ſcorbuticorum vomitibuſ enormibuſ, hypochondriaciſ ſuffocationibuſ, catarrhalibuſ repentiſ faucium ac alperę arterię affectibuſ, catarrhiſ ſuffocativis vulgò dictiſ, convulſiviſ quibuſvis paroxyſmiſ, pleuritide atrociore, & pluribuſ aliis vel gravioribuſ vel ſubitaneis pathematiſ, tantum non ſemper iſtorum, Opiatorum quidem uſitatiſſimè, ſociatam invententibuſ & ſigentibuſ opem imploramus. Sicuti verò, quò generoſiſ ſeu efficaciſ eſt remedium legitimo uſu, eò periculoſiſ & graviſ quoque nocere ſolet perverſo abuſu, cùm vel *GALENO* aſſertore, nil magnificè proſit, quod non multum nocere etiam queat, ob id & anodynorum, ſpecialim opiatorum, de quibuſ ceu uſatioribuſ imprimiſ loquuntur, cautuſ ſit & circumſpectuſ cum iſtiſ congreſſuſ. Siſtendo enim hæc ipſa ſpirituū impetum, contentorum quorumviſ motum ſimul pluſ, minus imminuunt, adeoque materiæ peccantiſ ſive occaſionalis (antecedentiſ, ſive productum morboſum conſequentiſ fuerit) alterationem & re-

motionem hoc ipſo ſufflaminant, eamque immobiliorem reddendo, ſimul quaſi figunt. Propterea ſub mutua ſocietate volatilibuſ tutiſ quàm fixiſ, & hæc inter potiſ ſaliniſ, quàm terreiſ, copulantur. Illorum enim ſub conſortio diaphoreſin ſerè copioſiorem reddunt, & fluidorum motuſ minus refrænant. Hinc enim Eſſent. Opii tartariſata Liquori cornu cervi ſuccinato aut ſpiritu ſaliſ ammoniaci aniſato maritata, multū in affectuū catarrhalium cura præſtant, non ſecus ac Coliciſ in convulſiviſ, & huic cognatiſ hypochondriaciſ ſuffocationibuſ, eadem miſtura, aut huic analoga, ex ſpiritu ſaliſ ammoniaci, eſſentia caſtorei & opii, debito in vehiculo dilutiſ, potiunculula utramque abſolvit paginam: ſicuti & ſpirituſ iſte ſalino-volatiliſ oleoſuſ, *ſupra* §. 31. ad febreſ malignaſ laudatuſ, eidem eſſentiæ aſpiciatò jungi poteſt. Saliniſ fixiſ commodè etiam jungi poteſt laudatuſ Opium, cùm vim horum abſterſivam ac diureticam, ſaturativæ junctam, minùſ inhibeat. Fixiſ denique inſipidiſ aut terreiſ pariter ſubinde jungitur: tamen ob nimiam hinc metuendā fixationem & concentrationem acidi morboſi, ac materiæ peccantiſ pertinaciorē immobilitatem, paulò circumſpectiſ idem faciendum. Hinc patet ulteriuſ non niſi urgente malo graviſ, aut graviore adhuc imminente, ibi curationiſ, hic præſervationiſ gratia commercium tale inſtrumentum, quo prima in herba ſoffocentur, ut ſic dicam, tribuli ac ſpinæ morboſæ. Speciatim in acutiſ, atrocioreſ ſymptomatiſ comitariſ, ſed ſaltē ſub incremento morbi, dum turbantur ſubinde præpoſtere ordinarii naturæ motuſ, ob materiæ organiſmum, conveniunt: qua ratione bezoardico minerali, Unicornuſ foſſili & ſimilibuſ pulveribuſ bezoardiciſ compoſitiſ, cum vel ſine Cinnabari, extractum theriacale, aut theriaca cœleſtiſ Greiffii, aut Laudan. Opiat. commodiſſimè, e. g. in varioliſ maligniſ, aut purpuratiſ, &c. ſociantur. In Chroniciſ verò affectibuſ, ſaltē in gravioreſ eorum paroxyſmiſ, tanquam tot parviſ morbiſ acutiſ, ſub lento illorum motu intercurrentibuſ, locum inveniunt, idque imminente potiſ paroxyſmo adeoque præſervationiſ gratia, ſimilibuſ ſerè ex rationibuſ, quæ *ſupra* §. 24. *allegatæ* fuerunt.

§. 33. Obſervatiſ hiſce, jucundiſſimuſ anodyno-
rum quorumviſ ſpecialim Opiatorum, cum abſor-
bentibuſ, & ſaporum ac odorum acidorum alte-
ratiſ, eſt conſuſuſ, modò hæc debita correctio-
ne, vi narcotica pluſ minus exuta, nobiſque ſic
amica magiſ reddita fuerint. In quem finem pro
acutiſ quidem cum aceto deſtillato extrahendo in
chroniciſ ac aliis quibuſvis cum alcaliſato tartari
digerèdo, commodiſſimè præparantur. Cùm ve-
rò præſtet catholicuſ magiſ ex Opio ſemper, in
promtu habere præparatuſ, quo tanquam unica
fidelia omneſ dealbari queant parieteſ, hoc ipſum
optimè obtinebitur, ſi Opii & ſaliſ tartariſ ana, cū
ſ. q. aquæ comm. irroratiſ, ad pulſiſ liquidioriſ
conſiſtentiam, blandoque digeſtioniſ calori ali-
quandiu expoſitiſ, pro concreti gummeo reſinoſi
meliori penetratione & diſſolutione affundatur
ſucceſſivè & ſuſpenſa manu acetuſ deſtillatuſ,
ſiet ſic ebullitio cum formali quaſi fermentatione,
continuetur hæc aſfuſio ad punctum ſaturatio-
niſ uſque, denuòq; aliquandiu digeſtioniſ leni expo-
ſita, filtrentur, & phlegmatiſ exhalatione inſpiſ-
ſentur, cum ſpiritu Vini per ſe rectificato extra-
henda, & ad debitam vel fluidæ eſſentiæ, vel ſpiſ-
ſioriſ Extracti conſiſtentiam redigenda. Habe-
bitur hoc modo anodynum vegetabile, ut mihi qui-
dem, ob rationeſ hic ſpecialim haud recensendaſ,
videtur correctiſſimuſ, adeoq; tuiſſimuſ, qui-
buſvis in caſibuſ adhibendum. Simplici labore,
magnoq; temporis compendio, obtinetur hoc mo-
do, quod per tædioſam cum ſuccis vegetabilium,
& quidem horum potiſ, quàm additiſ, ſed non
ſoluti Opii, fermentationem vix acquiritur. Re-
medium eſt promtè in quovis corporiſ noſtri ſlui-
do ſolubile, adeoque ipſiſ ſaciſſimè commiſcibile,
& hinc latiſſimè diſſuſibile, citra diuturnam in
primiſ viiſ moram, aut ullum ventriculi tædium,
In

Sed ritè
correctiſ.

In quo haud postremum legitimæ vegetabilium, præsertim resinorum, præparationis momentum consistere arbitror, ut reddantur contentis corporis nostri promptè commiscibilia, & longè latèque, in parva licet mole, diffusibilia: *citius* sic, & ob minorem circa primas vias molestiam, quam aliàs ibidem præcipitata sub resinosa sua & viscida textura inferunt; *jucundius*, quin & ob parvam vel nullam, quam dictis in locis altàs sustinet, alterationem, *potentius*, & minus sensibili in partes solidas impressione vel immediata vel mediata, (intercedente alteratione fluidis inducta,) *intius* operativa existunt. Quo in negotio alcalisata, præsertim illud sal tartari, principalium instrumentorum loco inserviunt.

Denique
appro-
priatis.

§. 34. Ultimum locum eorum, cum quibus societatem pro feliciori Praxi amicam ineunt Invertentia nostra, obtinent *Appropriata*, in genere ita dicta. Sunt enim absorbentia hæc maximam partem, prout *supra* c. 2. §. 20. & 23. dictum, generalia, & magis universalia alterantia, adeoque specialibus præternaturalibus affectibus haud adeò directè opposita. Ut ut verò partim per debitum eorum selectum, secundum §. 16. & seq., partim per sudoriferorum & anodynorum concinnam associationem, secundum §. 31. & 32., specialius determinari queant, haud adeò tamen sufficere hæc videntur, quin pro acidì specificæ varietate, ejusque fomitis materialis, plus minus glutinosi, distincta conditione, partium item vel primariò vel secundariò, unius vel plurium, solidarum vel fluidarum affectarum diversa habitudine, & in specie humorum, unà plus minus alteratorum, contraria sub inde dispositione, morborum item diversorum complicatione, & symptomatum plus minus molestorum aut periculosorum syndrome, his ipsis frequentissimè, ceu coindicantibus, per appropriata & quasi particularia auxilia occurrendum veniat, & hæc ipsa illis absorbentibus dextrè adjungenda sint. Sed tanta cum hic occurrat varietas, siquidem negotio huic tota specialis praxis innitatur, adeò ut certis regulis, ceu tot limitibus, circumscribi commodè nequeat, exemplis saltem quibusdam illustrare illud sufficiat. Dum Hypochondriaci vagaphlogosi toties æstuant, ebori sine igne & Coraliis nitrum vitriolatum aut nitr. armoniatum addendum; sicut suffocatoriis eo-

rundem paroxysmis, absorbentibus tam fixis quam volatilibus, aut potius utriusque secundum §. 19. commistis, castoreata speciatim addenda. Bezoardicis dictis pulveribus, diversarum licet compositionum, in variolis & purpuratis myrrha, in malignioribus camphora auxiliatrices jungit copias: quibus præterea, nervoso genere gravius patiente, adeoque in convulsionibus imminetibus, Cinnabarina adjungenda, non omisis salibus volatilibus. Aperitiuis, ut vocant, & anticachecticis. Virginum non menstruatorum martialibus remediis vix absq; croco & Cinamomo utimur. Quæ sodæ ebullitionem figit Creta, aut cornu cerviustum societate nucis moschata hoc in affectu imprimis gaudet, idque præsentaneo magis successu, si conservæ aut syrupo summitatum sive gemmarum quercinarum in foliola se explicantium, Electuarii sub forma permisceantur: quæ modò ex quercuum foliolis parata euporista, & dysentericorum remediis temperantibus & absorbentibus eodem modo recipiendis, inserviunt. Gonorrhœæ dum succurrit Os sepiæ, olei destill. succini, vel bals. copayvæ societatem ambit: simili modo ac idem balsamus, aut ejus loco ol. destill. cort. aurant, Lapidibus percarum & caneris calcinatis invicem mistis, pro stranguriæ cura additur. Febrifugis fixis quibusvis, rigore graviore sub paroxysmi initiis urgente, aromata acriora, in specie plebis istud contra intermittentes euporiston, debito usu non reiciendum, piper album, aut potius longum, ad plura grana, aut ejusdem vel caryophyllorum oleum destill. ad aliquot guttas, commiscetur. Lentis in febribus, præsertim aliis non benè curatis supervenientibus, Poterii antihectico sal ammoniacum consultò jungitur. Vix quoque apud nos debellare licet scorbutum melancholicum (ut cum *VILLISIO* loquat) nisi absorbentibus quibusvis, imprimis martialibus, appropriata ista, sale volatili acriori & penetrante imprægnata, vel adjungas, vel præmissis subjungas; quæ tamen in eodem bilioso minus tutò, & propterea majori longè cum circumspeditione, administrantur, nisi cephalalgias, aut insigniores sanguinis Orgasmos, eo ipso concitare velis. Sed ubi finis foret, ulterius si pergere vellem? Hic ergo pedem figimus, tribuendo *soli Deo gloriam*.

D I S S E R T A T I O IX.

S E U

E X E R C I T A T I O M E D I C A ,

S I S T E N S I D E A M

P R Æ S C R I B E N D A R U M F O R M U L A R U M ,
Q U A M*Delineavit & Publice Perlustrationi exposuit*

M I C H A E L E T T M Ü L L E R U S ,

P H I L . & M E D . D O C T O R & P . P .

die 8. Decembris, Anno M. DC. LXXXII.

R E S P O N D E N T E

J O H A N N E M A T T H Æ O M E R C H E L L ,

Annabergensi Misnico,

M E D I C I N Æ C A N D I D A T O .

P R Æ L O Q U I U M

Excellentissimi DNI PRÆSIDIS,

*Disputationi de Formulis præscribendis ante Actum Disputatorium ad
Auditores de cathedra præmissum.*

INter alia præscribendarum Formularum vitia non postremum eriam illud observari solet, si ex contrariis ingredientibus eadem consarcinentur, & hæc inter in specie acido & alcali, in Medicorum scholis à 16. annis, ex quo *TACHENIUS* sua scripta edidit, non tantum ingens strepitus concitatus, & usus insignis hujus doctrinæ, sed etiam simul abusus incredibilis observatus fuerit; ob id Præfationis loco de acido & alcali doctrinam, in paucas Regulas contractam, exponere placet.

Sit ergo §. 1.

Acidum & Alkali non sunt Principia formalia, sed tantum instrumentalia.

Equidem, quia in artis operibus, tam Chymicis quam etiam Mechanicis, utramque faciant paginam, nullum dubium est, prout nempe Artifex illa aptè dirigere novit; sed hoc in corporibus & subjecti jam constitutis seu genitis. De naturalibus pariter non est dubium, quin etiam hic acidi activitas in alcali, plurium motuum intestinorum & alterationum sit Autor. Sed de Principio movente, quæritur; in se ipsis enim, seu particulæ sunt materiales motus principio carent. *Materia subtilis Cartesiana*, movens universale, equidem multum lucis contribuet: sed de particulari movente est quæstio, sub cujus directione aded determinatos motus in concretis, generationi & corruptioni obnoxiiis, obeant? Equidem ignis cœlestis scintilla, in quovis semine latitans, seu spiritus insitus, ex universali in semine concentratus, est operationum principium: sed hanc esse præcisè acidam, adhuc clariùs deducendum; quin ex activitate hujus principii seminalis acidum occultum denuò fit manifestum, ab eodem augeatur & propagatur, utut verum sit, dum spiritus iste semi-

nalis sub oleoso regimine reconditus latitat, proximè acido adhæret, ita ut alterum absque altero moveri nequeat; non secus ac in luce candelæ lux acido juncta alterum sine altero vix operatur; est tamen in seminalibus lux ista, si-ve spiritus, si-ve ignis cœlestis principale; acidum junctum instrumentale est medium, quod concreti vis seminali fatiscente, proprio nutu in varios impetus erumpere solet, in fermentatione, putrefactione, &c.

§. 2.

Acidum & Alkali non sunt Principia Concretorum materialia, sed tantum Principiata.

Quod non sint ex Elementis primis, si-ve ultimis, adeoque simplicissimis, constat ex eo, quod non, præterquam in concretis jam constitutis & genitis, reperiuntur, extra eadem nuspiam acidi aut alcali vestigium deprehendere licet, adeoque ante corpora constituta & genita non existere, observantur; unde vi seminali ex materia alia generari eadem per transmutationem, & ita in concretum cum aliis coalescere, manifestum est.

§. 3.

Acidum & Alkali interdum sunt invicem transmutabilia.

Exemplis brevissima est docendi via. Urgeo saltem hac vice *tincturam nephriticā AMMELUNGII*, vel *spiritum Carminativum B. Doctoris MICHAELIS*: In his acidū tartari & nitri quorsum abeunt? Prodit spiritus urinosus ex tartaro, itē sal in capite mortuo est purè alcalisatum, quod esset falsum, si acidum tartari imbibisset: momentanea inflam-

inflammatio non sufficit pro acido tartari & nitri discutiendo, præsertim cum ab oleo tartari, unâ deflagante, nitrum in alcali figatur. Nil ergo aliud restat, quàm acidum nitri cum particulis vel tartari, vel additi alcalisati, terrestrioribus, vi ignis colliquatum & concentratum, in copiosum alcalisatum caput mortuum abiisse. Sic formicæ, quæ acidum spirant intense, si contusæ in vitro capaci bene clauso in loco temperato vel frigidiusculo exponantur, ut putrescere queant, aere in vale capaciore sufficiente, abeunt in massam putridam, non nisi spiritum urinosum, & paucum oleum suggerentem: Ubi ergo penetrans horum & Martem rodens acidum, item flores violaceos in rubros convertens, illudque volatile, ut destillatio simplex probat, abiit, aut, ubi relidet? nisi per putrefactionem ex mutata minimarum cum acido textura etiam novum concretum urinosum emeruisse, dicere velimus. Quod pariter in aliis rebus putrescentibus observari velim, quæ omnia prius fermentaliter acefcunt, hinc ad putredinem tendunt, sub qua urinescunt, & copiosum alcali volatile suggerunt.

§. 4.

Alcalia non præexistunt in concretis formaliter, sed tantum materialiter.

De alcalisatis seu alcalibus fixis, lixivialibus, cinerariis, res jam clara est; Ex alcali cum terreo ortâ colliquatione, cum connexo paulo pingui per ignis activitatem coalescunt. Nisi junctum pingue obstaret, quo ad saponariam quasi naturam accedunt, reverà essent corpora similia calci vivæ; sicut etiam plures hujus proprietates reverà obtinent omnino, & contrà. Cum itaque his proximè accedant volatilia, quidni de arte similiter sperandum? Nam in Regno Minerali nullum datur: succinum quid sit, discere quàm docere malo. In vegetabili Regno nullum naturaliter observatur: saporis isti acres macri, ut Antiscorbuticorum, an non potius acidi volatiles oleosi; aromaticorum verò falso acido oleosi sint, disquiritur. Tribus verò modis arte ex illis potest elici:

1. Per putrefactionem fiunt sic, quæ non præexistebant; quia omnino ejusdem nature sal volatile subministrant. Nempe infracto & resoluto acido per aerem hoc volatilifatur, & terram similem subtilem secum arripit, sicque sal volatile constituit, sed artificiale.
2. Per concremationem in fuliginem; scilicet, quic-

quid acidi nativi cum terreo, & quicquid sulphuris cum terreo concremationem & colliquationem aufugit, hoc ab igne resolutum, nova textura subtile cum aliis in sal volatile coalescit artificiale; vase enim clauso si tractetur idem simplex, obtineri non poterit.

3. Per olei destillati resolutionem; sic enim oleum tartari, cornu cervi, viperarum, terebinthinæ, &c. cum sale fixo, ut tartari mixta, ac per digestionem in amplo vase, ob ignis vim resoluta, acidum potens olei destillati, subtile admodum, haud omne ob disparitatem consistentiæ sali fixo se unit; hinc subtilius acidum in oleo resolutum, subtile terræ, quæ in omni oleo destillato monstrari potest, se unit, novam texturam constituit, & ita ex parte in sal volatile se sublimat.

Animalia nutriuntur plantis: Ergo horum salia volatilia erunt novum genitum, ex vegetabilium plus minus fermentatorum acido volatili; hinc sub digestionem quasi putrescentium, cum terra volatili mediante continua respiratione coitus, & ad volatilis salis texturam dispositio; neque enim ulla arte, nisi per destillationem aut putrefactionem, salia volatilia ex animalibus eliciuntur, & ita simul plus minus alterantur, quæ in gelatinosa per se existunt textura, unde & putrescendo prius plûs, quàm simpliciter destillando, salis urinosi elicies. En notabile artis mangonium, adeo, ut nec in animali Regno sal volatile urinosum formaliter, præcisè & accuratè loquendo, præexistere dici possit.

§. 5.

Adeoque loco alcali potius terreum acido opponendum.

Nempe terreum purum, ut cornu cervi ustum, terra sigillata, vel argilla, item calcinata vegetabilia, ut cineres ritè calcinati, cum acido effervescunt, &c. ita, ut alcalia nihil aliud sint, quàm concreta ex terra & acido: ita, ut terra spissior, grossior, fixior, undecunque talis fuerit, cum acido fixo arctius combinata & colliquata, alcali fixum constituat, in quo ob terre prædominium, acidi tamen confortium, omnia ejus phenomena explicari possunt; alcali verò volatile est terra talis subtilis, rarefacta, & ab igne attenuata, quæ simili acido volatilifato, sed sine absoluta saturatione, sociata, sal volatile urinosum constituit, cum impossibile videatur, alcali purum sine terreo, aut alcali, h. e. terreum, sine acido exhibere, &c.

PROÆMIUM DISPUTATIONIS.

Primo sub Medicinæ exortu, dum simpliciore facie eadem adhuc incederet, Medicus ipsa vel præparabat, vel ex obvio & passim notis paranda docebat medicamina. HIPPOCRATIS hoc docebant Scriptæ, quod vulgatis simplicibus, levi vel nullo artificio præparatis, curationes tunc temporis, instituta fuerunt. Confirmant istud pariter de Euphoris seu faciliè parabilibus, tam simplicibus quàm compositis, l. i. sub PEDACII DIOSCORIDIS nomine, utat dubio, qui adhuc prostant. Modò sanè laudatus DIOSCORIDES l. 2. cap. 98. asserit, humanum sterces siccum, cum melle subactum, & gutturi impositum, quemadmodum & caninum anginosi opitulari, inter arcana reperimus de quo loco vid. JOHANNIS ANTONII SARACENI Scholion in Dioscoridem lib. 2. cap. 98. p. 36. Crescentibus verò morbis, de ampliori remedium cogitatum apparatu in quo Arabes imprimis se sedulos exhibuerunt, rudi tamen simplicium pulverisatione ac mitione, & hinc cum saccharo aut melle conditura, contenti. Cum verò postmodum per Barbaras gentes, ut aliis in bonis artibus, ita & in Medicina, barbaries ingens exorta fuisset, hac nonnihil excussa, & resurgente tantillum Medicina, hujus Magistri, Medici, vel in sola visitatione agrorum, odore lucri occupati, vel in Veterum Scriptorum per Commentarios illustrationem, stimulo ambitionis literariæ, solam intenti, ex socordia remedium simplicem alioquin præparationem servis suis aut amanuensibus commiserunt, qui exinde in majorem erecti fiduciam, spe discedendi promiscuè dispensare ista medicamina, ac publice vendere, & ita specialem Pharmacopœas artem condere cœperunt: in tantum etiam, ut luxuriosus propultulantis Pharmacopœis illis, Medici remedium præparationes & compositiones non omiserint tantum penitus, sed etiam tantum non oblivioni tradiderint, non deficientie sublimiorum negotiorum ac laborum speciosoprætextu. Simili omnino fato, quod & Chirurgia a Medicina hodie ferè divulsa, a Barbitonsoribus sibi vendicata fuit. Dirruditas hac scholas Medicas occupaverat, crescentibus interim morborum turmis, & vilipendentibus decantata aliàs, remedia, non absque stupore, ne dicam dedecore, ipsorum Medentum, donec stentorea voce ex veterno excitare hos & ignaviam pariter ac ignorantiam, cum avaritia nihilominus & superbia junctam, in os ipsi obicere inciperet PARACELSUS, antecessore ejus BASILIO VALENTINO, non, nisi intra claustrum mœnia, se suæque continente. Quod maximè, idque justissimè, urgebat, erat, quod purum ab impuro, medicamentum a stercore, nucleum interdum perpusillum a corticibus, delibare nescirent, taliaque propinent agris, ex quibus languens eorum ventriculus medicinam prius parare necesse habeat. Tetigit cordatorum Medicorum conscientiam hoc fulmen, potissimum cum morborum violentiam spernere sua auxilia cernerent, & dum nō aequè arcanorum Monarcham equare possent, imitari saltem eundem gestierunt. Hinc furni incaluerunt, hinc spiritus, salia, olea, quinta essentia, Extracta, flores, croci, Elixiria, Tinctura, elaborari cœperunt, quibus ipsi privatim Medici summo agrorum cum fructu uti cœperunt. Cadebat hic Pharmacopœorum autoritas, donec a servis Chymicorum fugitivis, ut HELMONTIUS loquitur, in spagyricis quibusdam operationibus instructi, pariter & Chymica arte præparata & concinnata remedia vulgatiore officinis suis insererent, quod vel sic in statione sua persistere possent. Ut autem summè necessaria, tam agro quàm Medico, est privata singularium, aut saltem diligentius elaboratorum quorundam remedium dispensatio, siquidem & conscientia & fama, sic optimè consulit Medicus suæ, excitando

in agro simul & fiduciam majorem ac obedientiam; ita & debitus Pharmacopœo solerti ac industrio suus constat honos, præsertim hisce nostris temporibus, quibus superiorum jussu ordo eorum confirmatus fuit. Ut ergo selectioribus, & paratu curiosioribus & secretioribus quibusdam omnino instructus esse debet Medicus, aque suis agris dispensare, ita & quæ in officinis hæcenus receptæ sunt, tam simplicia, quam composita, & debita sedulitate l. a. præparata, ex eadem agros suo accersere jubeat, quin & quæ componenda & præparanda ulterius erunt, ordinet, & Pharmacopœi, seu Medici ministri, servitio debite utatur; quo tamen in negotio non inconsultum est, ut & hic sui instituti rationem habeat, & ordinatam præscribendi Pharmacopœis remedium formam observet. Equidem facillimum est, ubi jam officinalia intentioni satisfaciunt, eadem v. g. sub pulveris Bezoardici, aut misturæ simplicis, aut essentia theriacalis anodyna, aut Elixir anticachectici, & Emplastri Carminativi, vel solitarii, vel etiam certa proportionem, ut Ess. myrrhæ ʒij, cum tinctura sulphuris ʒj, mistorum nomine simpliciter, dosin debitam saltem annectendo, præscribere. At ubi compositio quadam extemporanea, pluribus ex compositis vel simplicibus conscribenda venit, sapius hoc opus, hic labor est. Sanè in negotio hoc præscribendarum formularum, quantas trepidationes apud Tyrannos Medicinæ non raro observare contingit, quasi res omnium difficillima, ipsis verò captu planè impossibilis foret; ut taceam ipsos ad Præxin se accingentes Medicos non raro præscribendo tantum non sudare; imò rei hujus minus conscios, inconditas, nunc ridiculas, nunc planè ineptas ac insulas formulas præscribere. Huic Philiatorum tortura ut succurrerem, paucis hisce paginis totum præscribendarum formularum negotium includere volui, ut tanquam idea inseruiat iisdem, cujus intuitu præscribendi & modos & differentias, si non aequè omnes, aut secundum minutissimas varietates, saltem frequentiores & magis usitatas, comprehendere queam; quod enim deesse videbitur, sub exquisitis etiam Præxeos auspiciis facillimè usus, rerum magister, docebit & perficiet. Saltem præscribendi formulas modum & exempla trado; usum ipsum & utendi modum Lectio Scriptorum Practicorum docet. In gratiam ergo Philiatorum & Medicinæ Tyrannum solum, quicquid jam sequitur, mihi licet sterili; & ob id ta-

CAPUT I.

DE

PRÆSCRIPTIONE FORMULARUM
IN GENERE.

S. 1.

Auxilia Pharmaceutica seu Remedia sunt vel simplicia vel composita: utraque rariùs hodie cruda, potiùs plus minus, diversimodè tamen, præparata adhibentur. Exemplo sit Theriaces, Compositorum antesignani, fermentatio, ante sui dispensationem necessaria æquè ac proficua: illius enim ope mirabilis ista ac discors simplicium farrago, mutuo quasi attritu & subactione accurata in concretum concors texture salino oleosæ volatilis, effectus anodyno-sudoriferi nonnihil analeptici, abit, & ingredientium quorundam activæ magnis particulæ, resinosæ præcipuè, resolutæ, hincque diffusibiliores, indeque penetrantiores redditæ, partim exaltantur, partim corriguntur: ob id 10. annos juxta Arabes fermentare debuit, & etiamnum hodie longe diutius juxta Persas, quorum quidam 12. alii 30. annos ipsi pro fermentatione assignarunt: vid. Pharmac. Persic. F. R. ANGELI à S. JOS. pag. 26. Sulphur, naturæ quibuldam dictum ballamum, crudum tardissimè in nobis alterationis & appropriationis est, quod tamen à sale tartari reclusum, & oleo destillato solutum, pro paranda exinde vel tinctura summè activa, vel extracto longè magis medicamento, quia magis resolvable, & undique per corpus, mediante quovis fluido diffusibile reddi solet. Attenuativa & incisiva gummi ammoniaci polychresta substantia potiùs in essentia cum spiritu vini tartarifato adhibetur, quam integrum ejus concretum, licet aceto destillato solutum; siquidem sociata in hoc acri illæ attenuativæ resinæ mucilago temperata & inspissans, non potest non illius notum alterativum remorari, nisi Veterum, & hoc inter DIO SCORRIDIS l. 3. cap. 98. ex præcepto ad ʒi cum aceto soluto propinare velis. Extractum gentianæ succolum præ crudo illius pulvere febricitantibus sanè accommodatius existit. Eò scil. quævis præparatio respicere debet primario, ut remedium respectu vel vis plus minus recondita, seu perla ex stercore, eliciatur, vel virulentia castretur, aut potiùs quasi invertendo corrigatur: Agri verò intuitu, ut commodius assumi, quam crudum, & ita melius ipsi applicari possit.

§. 2. Simplicibus verò aut compositis jam in officina quæ prostant, tam Medici intentioni, quam ægri saluti sufficientibus, artificiosa imprimis præparatione exaltatis, haud opus erit nova compositione; quin simplicissimè à Medico in schedula præscribuntur, & signatura vel generali, vel in gratiam ægri interdum speciali, subscribuntur. Quod opus est Mistura ex spiritu vini camphorato, essentia theriacalis, spiritu Cornu Cervi, Nitri, &c. nova diaphoresin ægri procurare, ubi Mistura simplex, aut genuina ejus proles, Tinctura bezoardica, ritè tamen, quod rarum est, paratæ, satisfaciunt? Quid compositionibus novis theriacalibus, quas ordinariò theriaca ipsa simul ingredi amat, fatigare ministros? ubi theriaca sola ritè administrata, aut Diafiscordium Fracastorii sufficiunt. Pulveris Card. benedicti crebriori usu se curant febricitantes plebei, citra tot pulv. aut composit. febrifugarum abusum, Balsamus Copay-

væ quatenus interno sui usu gonorrhœæ resistere tam appropriatè valet, eo ipso tot aquarum & essent. castitatis, syruporum, decoctorum, pulverum, & emulsionum compositiones superfluas reddit: sicuti externè quodvis vulnus citò, tutò, & jucundè curando, non secus ac Ol. momord. infus. aut Ol. sem. hyperici express. & cum eo concinnatus bals. Sulphuris, nos tot balsamis vulnerariis, Ol. balsamicis, emplastis, & misturis interdum monstrosis, superfedere posse, ostendit. Talia itaque selecta, vel simplicia vel composita, facile ordinari à medico ac præscribi, citra alias insigniores cautelas, poterunt.

§. 3. Si verò circumstantiarum plurium, ac præ cæteris symptomatum urgentium syndrome, in nostris morbis, ut plurimum complicatis, & ex intemperantia otiosa ferè anomalis, adeò urgeant, ut consuetis istis officinalibus consulere ægro nequeat Medicus, necesse est sapius, extemporaneas ut ordinet compositiones, & schedulæ inscriptas Pharmacopœo miscendas transmittat, quæ magistræ alias, (ad modo dictarum differentiam) dicuntur. Siquidem officinales ferè majoris apparatus esse solent præ magistræ, ob extemporaneam compositionem necessariò promptius commiscibilibus. Ordinata talis remedi ac circumspecta præscriptio, FORMULA, alias dicitur de cujus genuino tantum præscribendi modo (usum, applicationem, cautelas, &c. Practicis specialibus admittendo) hoc loco agimus.

§. 4. In his ergo præscribendis Philiatro consideranda: 1. Materia, ejusque debitus imprimis selectus; 2. Forma, externa scil. seu materiæ istius concinna ad se invicem adaptatio, ut ægro melius & jucundius applicari, sive interne seu externè, queat, in quo Finis consistit. Materiam constituunt ipsa ingredientia, qualiacunque fuerint, ex penu trium Regnorum deprompta, simplicia vel composita. Formam verò absolunt horum sub præscriptione situs seu ordo, respectiva proportio, præscribendi modus, & denique incertam texturam, à Medico intentam, coalescentia; quarum hæc principalis, illæ subordinatæ dicendæ sunt:

§. 5. Ingredientia non corpora elementaria aut omnium prima, sed jam plus minus (sub tali respectu) composita adeoque formis suis specificis & dependentibus inde qualitibus & proprietatibus respectivis instructa sunt. Unde in iisdem consideranda 1. quantitas, 2. qualitas. Circa quantitatem tres materiæ dimensiones & hic suo modo attendendæ: longitudo secundum illorum multitudinem, latitudo secundum dosin, profunditas seu consistentia, h. e. ex mistis illis coalescens moles, & ejusdem color, sapor, odor, &c. Circa qualitatem verò consideranda in specie (apparens licet tantum nobis) similitudo & contrarietas, tam respectu sui ipsius in genere, quam respectu ad corpus ægrum in specie. Atque his Materiæ habitus est expositus. Formæ ratio jam præcedenti §. ferè fuit declarata, & hujus in respectu in materia ista, ratione longitudinis, debitus Ordo; ratione latitudinis concinna proportio; & ratione profunditatis debitus præscribendi miscendique modus considerandus. Ex quibus tandem essentialia Formulæ, quasi mechanicum concretum, coalescit.

§. 6. Patet ex dictis simul, neminem concinnam, & quæ Medicum decet, formulam compositurum, nisi 1. exactam Materiæ Medicæ sibi comparaverit notitiam secundum omnia tria regna eamq; tam externam, sive quoad attributa à priori sensualia, qualis in officinis Pharmaceuticis & Mer-

& Mercatoriis comparanda, quàm *internam*, seu quoad attributa à posteriori cognoscibilia, h. e. operandi vires vel facultates non nisi per experientiam, vel propriam vel alienam (scriptorum Medicorum) cognoscibilem. In hunc finem vel ineptè etiam curiosum præstat esse Philiatrum sub studii Medici cursu, ut in omnia ubicunque obvia minutissima, quæ, qualia, quanta, &c. sint? unde nata? cujus usus, vel mechanici vel naturalis? &c. sive intelligat, sive non intelligat, inquirat sedulo, etiam si risu etiam interdum excipiantur talia quæstia: dici non potest, quanta copia rerum in occulto & non sentientibus colligatur hoc pacto, quanta experientia, & denique quantus usus postmodum inde emergat. 2. *Præcipitationem simplicium saltem planiorem exactè calleat*, quod sine operationibus chymico-mechanicis fieri nequit; harum enim medio aperitur plus minus, alteratur, concentratur, respectu aliorum varia Phænomena exhibet idem simplex, &c. Propterea Laboratoria Chymicorum, Medicorum, Pharmacopœorum, quin imò juvat & mechanicorum, quicunque subjecta quædam ad materiam medicam spectantia tractant, visitare: attentus si sit, numquam sine nova præparationis cuiusdam, vel enchiriseos, &c. observatione discedat; nam & sic apud Oenopolas, zytopeptas, pistores, quæ menti curiosæ satisfaciunt, reperiri licebit; non secus ac apud aurifabros, claustrarios, stannarios, &c. Quin & proprias manus adhibeat, & carbonem tractet ad *HELMONTII* imitationem, nec deterreatur à crebriori infausto successu; sive enim procedat ex voto, sive reluctetur tentamen, semper aliquid observare contingit, alibi quod proficuum esse potest: & hoc medio optima remedia, elegantissima artis opera, &c. inventa fuerunt; modò non saltum faciat, ac mox prolixos, aut laboriosos, aut non nisi exercitatis imitabiles processus inchoet; tales enim nihil commodi, saltem sumtuum perditionem, & in capite confusum Chaos Chymicum, reportant. 3. *Compositionum officinalium* optimè gnarus sit, partim ut adhibere debite easdem, partim aliis associare aptè queat; aliàs metuendum omnino, nec cæco impetu quid pro quo interdum arripiendo empiricum temerarium, non circumspèctum agat Medicum. His ita primò observatis, certus sum, quod facillima erit quævis formulas præscribendi ratio: sub quorum ignorantia non nisi trepidante corde & manu, vel ob sanitatem in ægro, vel ob famam in Medico, utrumque ex inepta formula periclitantem, aliquid in schedula consignari poterit. Quod si nimis latè extendi requisita talia videantur, restringi possunt ad ea, quibus in præscriptione sæpius & frequentius utitur, ut hæc saltem juxta supposita benè calleat; pro ulteriori verò artis incremento & aliis pro viribus incumbat.

§. 7. Jam ut specialius ista tam Mat. quàm Form. requisita consideremus, se offert quoad materiam, 1. ejus *multitudo*. Equidem felicem istum ægrum prædicat *HELMONTIUS*, cujus Medicus novit curare simplicibus; & dolus est, secundum *ARNOLDUM de VILLA NOVA*, compositis uti, ubi simplicia sufficiunt: scilicet ut simplex victus saluberrimus & Naturæ convenientissimus, ita pariter Pharmacia: Natura utroque paucis contenta est. Quod ex §. 3. compositis utendum sit formulis, quævis vitanda multitudo, quæ nec Medico, nec Remedio, nec, Ægro, conveniens videtur. Non Medico, cum semper ignorantia cuiusdam videatur indicium tanta sub magistralibus compositionibus farrago; quasi inter tot ac tanta simplicia aut composita, plus minus homogenea aut heterogenea, pro præsentis casu debitum delectum instituere nesciat, id quod materiæ Medicæ superficiali fere cognitionem innuit. Laboramus abundantia potius & luxuria remediorum, quàm penuria; selectu saltem opus est, qui vix quàm per experientiam, ac per cognitionem texturæ materialis secundum minima, ex vi feminis nata, seu operationum instrumenti, obtineri potest: præsertim ubi non tam universalibus, sed, quod magis expetendum, particularibus sive appropriatis ac specificis ægro succurrere est animus. Symptomatum (quàm alii urgent) atrocitas & pluralitas ex una fere vel immediate vel mediate propullulant radice morbosa, qua plus minus correctæ, fructus isti morbosi marcescunt; sin atrocius urgeant, en Opium rite præparatum, infra-cta dosi cæteris sociatum, tantum non omnibus succurrere solet, externa ut taceam delinimenta. Nec rarum est, quod Naturæ motum, nimium dum damus operam corrigendis symptomatis, vel impediamus vel turbemus.

Ettmuller. Oper. Tom. I.

Nec minus adversatur. Remedio ex pluribus compositio, si quidem horum genericæ saltem dotes, neglectis ut plurimum specificis, considerari solent, utrobique superfluo labore; facultates generales enim carminativæ, aperitivæ, absorptivæ, tribus vel quatuor selectis simplicibus, aut uno concinno composito, obtineri possunt. Specifica pauca sunt, quæ paucioribus istis universalibus sociata, scopo satisfaciunt, Quod si sub plurium coacervatione, neglecta specifica appropriatum activitatis suæ objectum, (ne per somnium quidem id cogitante medico) inveniant, necessario provocato hinc spirituum impetu, ex symptomatum novitate nova ægro turba, medico sollicitudo excitatur. Imò attendendum & hoc, ne talibus compositis vel ex simplici mistione, vel ex arctiori per determinatam præparationem in novam texturam unione, novæ vires medicamentosæ, pristinis vel deletis vel infractis, emergant. Simili ratione ac simplici ex mistione pulv. pyrius, aut sclopetans vim fulminantem acquirunt, qui streptus in auro fulminante, simplici acidi intensioris additione, obmutescit, non sine virium detrimento. Mercurius sublimatus simplici saltem cum Mercurio vivo mistione, diutiusque continuata trituratione, juncta repetita edulcoratione, draco mitigatus sive dulcis evadit, de cujus usu tuto si dubites, saltem Docimasiam *DAVISONII Philos. Pyroth. part. 4. c. 22. p. 178.* instituere licet. Jalappa ac colocynthis simplici cum sale tartari (hic quidem addito saccharo) miscela & tritura cicurescunt fere penitus. Quid fieri jam putandum est, ubi præter mistionem, infusiones, decoctiones, &c. quibus vel exaltantur, vel castrantur, vel immutantur simplicium Vires, accesserit? Minus denique Ægro proficua est ista multitudo, cum perlæ cum stercore simul ingerantur Ventrículo: cui tum demum hic labor incumbit, ut digestionis simili labore, concreta medicamentosa dissolvat, donec activæ & medicamentosæ particule resolutæ, id quod possunt, operentur: sub quo actu ut non tantum immutantur plus minus ingesta medicamenta, ita ex opposito ipse ventriculus à tot diversis ingestis non nisi præternaturalem patietur impressionem: qui dum in ægris languet, & consueta horret, multò magis infueta medicamentosa nauseabit.

§. 8. Ut itaque debitis suis cancellis eò melius circumscribatur quævis compositio *magistralis*, omnia ingredientia ad quatuor hæc *puncta cardinalia*, sunt. 1. *Basis*. 2. *Adjuvans*, 3. *Corrigens* 4. *Constituens*, dirigenda veniunt. De *Dirigenda* taceo, licet nondum decisa. *Basis* est præcipuum medicamentum, cui ceu fundamento compositionis ac principali ingredienti, sive simplex & ipsa sive ex aliquibus composita fuerit, reliqua tantum adjunguntur. Cætera inter ingredientia minus principalia eminet *adjuvans*, quod effectum baseos, ut *citius* & *melius* se exerat, promovere debet. In quem finem, cum interdum sensibilius quidam requiratur stimulus, præsertim in purgantibus, etiam *stimulans* interdum audit: v. gr. Mercurii dulcis optimus stimulus est scammonium more *Brendeliano* præparatum. Quò verò *tutius* ac simul jucundius operentur ista, *Corrigens* subinde addendum: Nec enim tam benigna aut correctæ semper sunt remedia, quin aliqualem, plus minus notabilem, noxiam impressionem, vel ventriculo & intestinis, nervoso generi, ut purgantia; vel aliis partibus hostilem alterationem inferre valeant: corrigentia ergo subinde permiscenda. *Sennæ* operatio Tartari cremore in decocto, sale in infuso, corrigitur; Opii malignitas pipere & castoreo emendatur, ut horum ope illius in spiritus impressio eò melius deleatur. Quin cum & ingrata subinde sint ægris certo ex puncto, vel odoris vel saporis, &c. remedia, pro infringendis hujusmodi nauseosis qualitatibus subinde quædam, succus citri, acetum, aqua cinamomi, syr. sacch. &c. addenda veniunt. Cum denique pluribus modis remedia propinari ægro possint, ita ex iisdem fere ingredientibus plures formularum modi conscribi, determinat hanc indifferentiam *Constituens*, à qua reliqua mutua subactione certum consistentiæ modum acquirunt, ut vel solidum, vel fluidum, vel medii modi, evadat medicamentum.

§. 9. Exemplis binis negotium hoc declarare juvat sit v. g. præscribendus pulvis vel bolus mediocriter laxans: *basis* sit *Jalappa*; *adjuvans*, (quod simul baseos dosis plus minus limitat) cremor Tartari; *corrigens* Ol. destillatum macis; *constituens* requiritur nullum in pulvere, cum hic per se ex mistura emergat; in bolo verò conserva fumar. aut flor. tunicæ adhibeatur:

Unde tales fiunt formulæ:

24. Crem. tartari gr. iv.

Ll 4

Pulv.

Pulv. jalap. ℥ss.

Ol. destill. macis gutt. ij.

M. f. pul. D. S.

Pulvis purgans.

℥. Conf. fl. tunic. ℥ss.

Creem. Tart. gr. xv.

Jalap. ℥ss.

Ol. destill. macis gutt. ij.

c. f. q. syr. ros. sol. F. Bolus : D. S.

Saccharum purgans.

Vel sit ordinanda potio antihypochondriaco-sive hysterico-diaphoretica, reperitis vicibus capienda. *Basis* sit vel composita, ex Ess. castor. & Liquore Cornu Cervi succin, vel simplex, Ess. Castor. cum spiritu salis ammoniaci vinoso parata. *Adjuvante* opus est nullo, aut si pro scopo absorbendi vitiosos sapores in primis viis addendum aliquod foret, Lap. cancr. Unicornu verum, sufficiunt. *Corrigens* saporis ratione sit *succus Chermes*, vel syrupus borragin. vel syr. cortic. aurant. Denique aqua destillata, vel qualiscunque, vel aromatica, vel appropriata, ut interdum dicuntur, pullegii, fœniculi, flor. sambuci, omnia ista sinu suo excipiat, & ita potionem constituat hoc modo.

℥. Aquæ fl. sambuc. ℥ij.

Fœniculi ℥i.

Essent. castor. tartarif. ℥ss. --- ad ℥ij.

Liquor. Cornu Cervi succin. ℥ss. ad ℥j.

Lap. cancr. præp. gr. xv. ad gr. xxv.

Syr. borrag. ℥ss. ad ℥vj.

M. F. Potio : D. S.

Resolvens mixtura sudorifera pro aliquot dosibus.

§. 10. Consideranda jam materię *latitudo*, sive præsentis in negotio *Dosis*, h. e. quanto pondere ac mensura ingredientia præscribenda, sive *explicitè* istud, idq; frequentius, secundum gr. scrup. drachm. uncias, & libras, sive *implicitè*, idque rarius, tantum in vegetabilium quorundam partibus aridis, ob faciliorem dispensationem, secundum pugillos, manipulos, fasciculos, numerum partem vel imparem, determinetur. Cum verò omne remedium non nisi respectu hominis sit tale, cui alteratio certa illius occasione inducenda, sive activè sive passivè remedium ad hoc contribuat, ipsi verò hominēs multum inter se differant, tam habitualiter ex Idiosyncrasia seminali, quam accidentaliter ex climatis, vitæ generis consuetudinis varietate, nullius remedii dosis absolute determinari poterit, quin respectu vel *primariò* ad individuum patiens, vel *secundariò* ad cætera associata ingredientia, habito, eadem demum limitanda. *Subiectum patiens* quod attinet: in eodem remedium vel facilius aut difficilius, vel fortius aut debilius, &c. effectum suum exerit. Siquidem pro partium solidarum majori vel minori eutonia ac robore, fluidarum textura concentrata magis & firmiori, aut attenuata & subtiliori, acrimonia in specie volatiliori magis resolvente & remedium actuante, aut fixiori concentrante & remedium enervante, spirituum deniq; systasi rariori ac magis elastica, vel densiori, ejusdem remedii, etiam in eodem subiecto, variat effectus. Qui alios fortiter exagitat Tartarus Emeticus Myrsi in gr. iij. hypochondriaco melancholicos vix tantillum etiam sub tripla movet dosi: *Dum aurum fulminans infanti lactanti tuto ad gr. j. porrigitur, ceu polychrestum iisdem auxiliis, ultra gr. ss. una vice vix dare poteris eidem non ita diu ablato*: illud ipsum ad gr. IV. cum paucis arcano duplic. Tertianario ultra X. secessus provocaverat, quod alia occasione in quartanario ad gr. IX. cum quibusdam absorbentibus ne minimum commotionis sensum induxerat. Mirum quantas doses, repetito etiam usu, opiatorum, optimè ferant phthistici ac dysenterici? Apoplecticum vix potentissimum naribus insufflatus excitat helleborismus. Adeoque in quovis remedio toties variat dosis, quoties individuum vel numero diversum, vel numero idem, secundum 3. res Medicas diversimodè alteratum occurrit. Ne tamen in suspensio penitus maneat hoc negotium, nec nisi per experimenta dubia, adeoque suspecta, modò non periculosa, dosis remedii unicuique individuo conveniens expiscanda sit: ob id sicut rectum norma curvi, & juxta statum naturalem mensurandus quasi est præternaturalis, ad adultum, sanum, vel saltem neutrum respicere, & quæ alterationes insequantur certam remedii dosin attendere, eandemque in aliis similiter circumscriptè observare convenit, & ista, quam ut plurimum (quod in contingentibus necessarij locum supplet) idem ac eodem ferè modo desideratus insecutus fuit effectus, *ceu media ordinariaque* dosis statuenda venit, juxta quam postmodum pro indi-

viduorum conditionibus *summa ac infima*, & ita pariter *extraordinaria*, determinandæ: Sic enim Ialappæ dosis media est ℥j. summa ℥ss. infima ℥ss, sed extraordinariè nec ℥j. quendam movere observatur, dum alium gr. iv. vel vi. sufficienter exagitant: conf. *BARTHOLINUS Cent. Hist. 69. Epist. cent. 3. pag. 130. 133.* Ac in hoc sensu apud Materię Medicæ scriptores doses speciales ubivis consignatæ observantur. Ast præter individuum recipiens, & alia *ingredientia* pro determinanda dosi remediorum simul conferenda; ab his enim impediri ac promoveri effectus medicamentosus assolet. Prout adjuvantia basin plus minus acuant, corrigentia hanc infringunt, aut refrænant, constituentia concentrant aut diluunt, &c. *Ialappæ ℥ss. pro dosi sufficit, si crem. Tart. gr. xv. eam adjuvent, idque eò magis, si præterea scammonii præp. gr. i. eam stimulet*: Theriaca longè potentius sudorem movet aceto juncta: Opiata, quorumvis evacuantium, præter diaphoreticorum, effectus imminuunt: terræ medicatæ efficacius adstringunt aceti consortio, quasi aluminosæ factæ. Hisce ergo ingredientibus cæteris baseos dosis absoluta, subinde varianda ac determinanda venit.

§. 11. Superest materię profunditas seu crassities, hoc est, sub compositione exurgens moles, & hujus qualitates sensibus gratæ vel molestæ. Harum quædam ante missionem jam partibus insunt, & compositione vel exaltantur, vel infringuntur; vel non insunt, sed in composito demum ex hujus nova textura emergunt. Essentiæ resinosæ rubin. in aqueis vehiculis vel lacteum turbidum, minus gratum, vel lividum liquorem exhibent: quod non æque contingit, Spiritu Vini Tartaris. vel Tinctura Tartari si præparati fuerint, utut aliquali texturæ & virium alteratione. Acetum, succus citri, spiritus salis, qui gratiam de cætero multis medicamentis conciliant, absorbentibus marinis ac Ostracodermis copulata, ex dulci salissimum, quibusdam nauseosum, reddunt saporem. *Sulphurea alcalisatis in via humida sociata, ingratißimum fœtorem contrahunt.* Sine electuariis spiritum Vitrioli in conservis, aut alumen crud. recipientibus, terrea absorbentia misceantur, super vasis ora motu fermentativo prorumpentia, vel risum, vel tædium ægro conciliant. Tincturæ, syrupi, pro acidorum vel alcalium commercio varias Tincturæ mutationes exhibent. Nauseosè dulce & adstringens Martis Vitriolum, Tartari terræ foliatæ junctum, vel via sicca secundum *ZWELFERUM*, vel via humida in liquore Martis Sol. cum terræ hujus certo connubio, concretum tertium novarum planè tam externarum quam internarum proprietatum subministrat. In qualitatibus adeoque talibus sensualibus, quantum citra ægri incommodum fieri potest, gratia aucupanda venit sub materię miscendæ selectu. Horret decumbentium ventriculus consuetorum alioquin alimentorum odorem & saporem, quidni insuetorum remediorum? & multò magis sensuum cæteris quoque Organis horrorem incutientium? Arte Marteque tandem ubi ingesta fuerint, vel cardialgias, vel præcordiorum anxietates, vel post nauseas Vomitus expectandi. Minus metuenda talia, ægri palato hinc & naribus accommodata meliùs si fuerint. Quod & de aliarum partium sensu quasi particulari non minus interpretandum: oculis scilicet propterea, præ aliis quibusdam partibus, minus acris administranda. Ad hæc multum in recessu omnino habet imaginatio, pro cuius ductu, & hinc spirituum influorum modificato motu, gratius quod est palato remedium, propensionem majorem & quasi amicitiam erga illud in ægro excitabit, ut & assumatur libentius, faciliùs retineatur, & suavis operetur. Quoties enim imaginationis ex jussu res alienæ & inueta, quia singulari appetitu, atque adeò voluptate assumptæ, remedii appropriatissimi instar aut diuturnas febres, aut chronicos Ventriculi languores tollunt? Licito itaque stratagemate & hinc fallere interdum ægrum juvabit, ut sub fide desiderati à se remedii aliud ipsi simile, sed magis proficuum, propinetur: sanè consensus hic, & imaginationis motus an quies, multum ad remedii effectum promovendum aut modificandum facient. Sequiori in specie sexui crebriùs se gratiosum his in punctis exhibeat necesse est, ob hystericas passiones, aut cardialgias his non rarò simillimas, quæ uti per dulcia aut suaviùs odorata provocari subinde (idiosyncrasia summopere hic attendenda) solent, ita per ingratiora pariter medicamina, ob nauseam & ventriculi subversionem, quam sæpius concitant, paroxysmos istos vel revocant, vel exasperant.

§. 12. Post quantitatem materiæ formularum , consideranda ejus *qualitas* , circa quam antè omnia vitanda *Contrarietas* , quin eligantur *tam sibi , quàm ægro Compatibilia* . Contrarietas *formalis* equidem nulla in naturalibus , aut saltem nullibi , præterquam in animali regno , idque ferè quoque sublatori acceptione ; sed saltem *effectiva* , & quæ respectu nostri ira dicitur , quatenus quædam ex necessitate aut naturali aut artificiali nobis adversantur , vel quatenus sub unione se ita alterant , ut depositis pristinis proprietatibus , sensuum ex judicio , se destruxisse videantur . Contrarietas hæc *effectiva* est , quæ in materia miscenda juxta formulæ præscriptum attendenda venit , tam respectu habito ad *materiam* miscendam , quàm ad *ægrum* sanandum . In *Materia* non superficialis illa , qua quædam non benè miscibilia , est intelligenda , ut Oleosa , v. g. Ol. amygd. dulc. cum aqua aut Vino , sperma ceti , &c. sed quæ magis interius penetrat , & ipsam texturæ mutationem junctam habet , qualis in specie universalis inter ista duo Naturæ & Artis mechanica instrumenta , acidum & alcali , hisque cognata subjecta alia , notari solet . Ex nova enim in falsum textura neutrum propriæ satisfacit destinationi : idque eò minùs , si simultanea particularum aliarum syncrissi vel diacrisi novum concretum emergat . *Salia alcalisata hinc non præscribenda cum sale ammoniaco pro febrivum cura , sal volatile Urinos. avolat , concreto sale commun. æmulo relicto . Eadem , si fixa siue vol. , alcalia , aluminis societatem citra sui notabilem alterationem non ferunt . Nec Lixivialia eadem martialibus , præsertim Vitriolaceis , jungenda ; illorum enim in Tartarum Vitriolat. saturatio ; hujus in crocum ferè adstringentem fit præcipitatio . Nec acida , præsertim mineralia , ac acetosa , fixatis metallicis aut mineralibus faciliè socianda , promptissimè aliud inde concretum emergit , pristinis simul utrinque exutis potentiis . Elixir propriet. vulg. minùs cum spiritu salis ammoniaci miscendum , cum novum exinde , mirabiliter alteratum , sub præcipitatione emergat concretum ; nisi interdum Medicus ex instituto compositionem talem ex contrariis componat pro obtinendo quodam tertio : id quod obtinet v. g. in potione febrifuga *Crolliana* , *Basil. p. 298.* ubi extemporaneus Tartarus Vitriolatus , seu conveniens digestivum ante paroxysmum propinatur : pertinent pariter huc *Misturæ* versatissimi in felici praxi *STLVII* , passim in *Lib. Ejus Præf.* annotatæ , ex aceto destillato , lap. can. vel corall. & *Diascord.* &c. combinatæ : mens scilicet in talibus formulis non est satur. re acidum , & ita aliud intra corpus absorbendi vim in Terreo destruere , sed arrodere saltem superficiali tactu ista objecta , quo intra corpus à potentiori acido promptius arripiantur , ac ex aceto destillato præcipitentur ; seu quod dum in istis concentratur , seu ab iis absorbetur , acetum destillatum quasi regeneratum , in corpore in salum mutatum , abstergendo & resolvendo , & blandè stimulando , sui quod erat , faciat officii . Exemplo Tart. & Martis hæc illustrare placet : Decoctio Martis cum crem. Tart. solut. *mediocris* (in qua superficiali tactu Tart. sibi Martem jungebat) coloris citrini , dulcoris Martis specifici non adeo intensi , inspissata , donec intensè aurei esset coloris , instillato spiritu salis ammoniaci simplici , aut Lixivio salis Tartari , viz sensibiliter alterabatur , ab aceto destillato verò , spiritu salis & spiritu Nitri , turbabatur liquor Tartareo Martialis , & copiosum ponebat sedimentum , non terreum Martiale , sed salinum , quasi granulosum , gustu subacidum , hoc est , perfectus Tartarus regeneratus , qui per præcipitationem per potentius acidum liberatus à marte nativa in forma se repræsentabat . Hic enim , si modò dictis cum acidis intensioribus imprægnatis liquoribus filtro à Tartaro separatis , lixivium salis Tartari instilletur , veri Martis fit præcipitatio , sub forma sedimenti obscuri nonnihil viridescens , quod tamen in aere libero in crinum flavum fatiscit . Simili modo suspicari licet , Martem in liquore Martis Tartarificati præfati intra corpus à potentiori acido saturari , Tartarum verò præcipitando regenerari , ac dum consuetis muniis fungi . Ex opposito Crem. Tart. & martis ana decoctio fortis & multum imprægnata , non tamen potenter adeò Martialis quàm tartari saporis decantabatur , & magna residuum cum nova aqua diu beneque agitatum & decoctum , liquorem aurei coloris , ad nigredinem vergentis , saporis intensius Martialis , reddidit ; quem ob fortio rem Martis & Tart. amplexum , siue potiùs intimum congressum , nec acetum destillatum , nec spiritus salis , nec spiritus nitri , nec spir. Vitrioli , tantillum immutabant , quin omnia hæc acida citra sensibilem alterationem ipsi se permiscebant : par ra-*

tio cum alcalibus , siquidem nec à spiritu salis ammoniaci nec à lixivio salis Tartari , ulla mutatio , adeò perfectum falsum ex Marte & Tart. concreverat . Quod si liquori dicto , jam acidis imprægnato , alcalia instillarentur , post levem effervescentiam præcipitabatur materia grumosa & grossa , analoga quodammodo Marti ex Vitriolo præcipitato . Sanè suspicari licet , Martem extra corpus jam plus minus ita saturatum , minoris usus futurum pro Cachecti. corum acidis imbibendis ; sicuti ex opposito , Tartari acidum appropriato suo compari alcali Oleoso , per istam in Marte concentrationem & diuturnam coctionem spoliatum , minus regeneratum iri , sed odore saltem acido , si adhuc separabilis esset , parum vel nihil effecturum .

§. 13. Contrarietatem remediorum extemporaneæ componendorum cum *Ægro* quod attinet : *Idiosyncrasia* hujus imprimis observanda , à priori licet non cognoscibilis , siue nativa siue adscititia fuerit . Sanè ut sensibus grata , & aliàs consueta , licet deteriora , in *Hygiastico usu* reliquis omnibus præferenda , teste *HIPPOCRATE* , cum tantillum Casei aversati frustulum , clam licet ingestum , totam ex opposito digestionem turbet ; ita in *Therapeutico* negotio quæ ægro accepta & compatibilia , nec hostilia , forsan melioribus præferenda erunt . *Idiosyncrasia* ista , tam quoad sensiles immediatè , aliàs *manifestas* remediorum qualitates quàm quoad non sensiles , sed *occultas* perpendenda . Istæ ex *Ægri* patent relatu ; hunc enim amara , alium acida , dulcia , falsa , &c. delectant ; nunc pilulæ , pulveres , potiones , &c. appetuntur . Sed circa occulta illa , quæ nulli sensuum patent , major omnino difficultas ; neque enim nisi per experientiam , adeoque repetitas observationes , cognosci possunt ; nisi forsan vel ex hæreditario caractere per plures successiones innotuerint , aut ex ægri prævia observatione pateant . Sunt quos castorei sapor aut odor offendit plurimum , alios qui delectat : hi bene anisum , aut cinamonum ferunt , quod aliis fastidiosum est : acetum quamplurimis in summis est deliciis , cujus tamen vel solo odore lipothymiam incurrit Mulier apud *HOR. ITUM ex Fabricio Append. ad decad. 5. quæst. 1. p. 117.* Sassafras lignum præ aliis suave , summè tamen abhorruit Vestalis , apud *PAN. AROLLOM pent. 5. obs. 22.* Sunt qui gammaros coctos absque perturbatione insigni ne aspicere possunt , in *M. A. N. C. anno 1. obs. 135. p. 299.* quomodo eosdem in potionibus vulnerariis sustinebunt ? Quicquid ergo ægro haud compatibile , & primariò , quod ex *Idiosyncrasia* repugnat , ex formulis simpliciter exulet .

§. 14. Materia hæc fuit formularum : sequitur Forma ; in hac se primò offert *Ordo* , quo situanda sint ingredientia . Libertate hic gaudet Medicus , & pro lubitu ferè eandem institutere valet . Concinnior tamen ferè emergit formula , si , quæ copiosius ingrediuntur , cæteris anteponaatur , ut & ea , quæ priùs dispensanda aut præparanda , ut in decoctis , misturis &c. Baseos locus simpliciter in arbitrio est præscribentis ; non secus ac Constituentia nunc præponuntur , ut in misturis ; nunc postponuntur , ut in mortulis ; uno nomine ; formularum crebrior inspectio , & præscriptarum præparationis observatio , omnia hæc facillima reddunt .

§. 15. In Forma sequitur ingredientium debita *proportio* , qua dosis tam *generalis* eorundem , quàm *specialis* , aptè limitatur . *Generalis* dosis est ista , qua Aqua , Syrupus , acetum , succus , pulv. flor. folia , fructus , &c. pro hac ista formula ordinariè & apte præscribuntur , quam vide definitam in *Erudit. VVEDELIO, de Compos. Med. Extemp. sectione prima p. 31.* *Specialis* est , quam cujusvis remedii usus & effectus particularis circumscribit : nam alia dosis est Cornu Cervi sine igne , alia salis volatilis Cornu Cervi , alia Mercurii dulcis , alia turbitum mineral , alia rhabbarbari , alia lap. cancr. &c. In utraque *debita proportio* observandum . In *speciali* est proportio inter basin , ejusque adjuvans ac corrigens , ne nimis exalteretur potentia baseos , nec infringatur ab iisdem , sed omnia pro effectui intento obtinendo mutuo conspirent , & junctim dosin legitimam constituent , conf. §. 10. *circa finem.* Ex hoc enim de judicio Medici præscribentis særè judicari potest . Ob id in *pulv.* §. 9. jalappæ una dos. sufficit , ob adjuvans egregium Tartareum : quibus forsan debilibioribus gr. 1. scamon. additum , integram dosin proportionem debita compleret . Quoad *generalem* dosin , ingredientium mutuus ad se invicè quasi sit respectus , ita ut eadè proportionem dupla , tripla , quadrupla , sextupla , duodecupla &c. aut quocunque alio modo his plus minus analogo , sibi invicem aptè respondeant , quo æqualis quasi ac elegans , non verò hiulca aut aspera , fiat præscriptio . Non equidem de necessitate

cessitate hæc sunt, cum ad ornatum tantum faciant, tamen de majori Medici præscribentis attentione loquuntur. Sic enim in mistura *supra* §. 9. præposita, aquæ ʒi respondet Tincturæ sive Essent. ʒß, spiritus ʒj, pulv. gr. iv., syr. ʒj ad ʒiß: dant hæc dosim integram specialem; triplicata mutuo, pro repetito usu formulam istam subministrant: Id quod majori omnino sit ornatu, quam si aquæ ʒiv, Essent. iij, ʒiij, spiritus ʒiijß, pulv. gr. xvij, syr. ʒv. vel vii, invicem confunderentur.

§. 16. Restat adhuc, ut formæ ratione præscribendi miscendique modum consideremus, quin vel materiam, vel formam præscriptionis respicit. Materia quidem præscribitur vel simpliciter, vel modificatè: ibi generaliter herb. malvæ, rad. gentianæ, sal absinthii, Mercur. dulc., spiritus sal. ammoniaci; hæc verò specialiter comæ absinthii, rad. hellet. nigri præp., rad. chinæ non cariosæ, Mercur. dulc. ad extra, ad intra, spiritus sal. ammoniaci succin. sal volatile Viperar., camphor., &c. quæ tamen præscriptionum inspectio spontè docet. Formam denique, quæ respicit præscribendi rationem, est hæc vel *universalis*, quibusque ferè formulis communis, vel *particularis*, certis quibusdam propria. Illa in anteposito consueto r. seu recipe, quod quare quidam adeo horreant, nisi forsan, quod in Veterum scriptis non æquè reperiatur, sanè non video: & in postpositis, M. F. I. a. D. S. hoc est, Misceantur, Fiat lege artis, dentur, signentur; ferè consistit: quibus & illud ana sub æquali ingredientium dosi accensendum. Hæc in qualibet ferè formula aliquid peculiare obtinet, quando in pulveribus præcipitur, redigantur in alcool; in quibusdam liquoribus, filtrantur, colentur; stent in Balneo Mariæ per 12. vel 24. horas, hoc est, per diem noctemque, & quæ sunt aliæ similes præscribendi rationes, non nisi sub speciali formularum tractatione exactè dignoscendæ.

§. 17. His omnibus ita observatis sub ipsa præscriptione emergit sponte sua ipsum Medicamentum seu quasi novum concretum remedii essentiale, magistraliter quidem seu extemporaneè, artificiosè tamen compositum, juxta Medici privatam ordinationem, ulterius adhibendum.

C A P U T II.

D E

PRÆSCRIPTIONE FORMULARUM IN SPECIE.

§. I.

Facimus jam accessus ad ipsam præscribendarum formularum differentias & distinctos modos, istos scilicet, qui hodiernæ comptiori Praxi accommodati, relictis jam antiquatis ac inusitatis, & qui pro magistrali compositione dirigenda, ex tempore à Medico præscribuntur. Applicatio præscriptorum per formulas remediorum, eorumque usus varius, Practicis demandanda venit. Vitabimus enim, quantum possibile, *confusionem & prolixitatem*, illa errorum, hæc tædii in Philiatro genitrix. Nihil ergò sumus acturi de *syrupis*, qui pro dispensatione sui semper parati prostant, nec magistraliter præscribuntur. *Vina Medicata* ad infusa pertinent, nec peculiarem præscribendi modum exigunt. *Ptisana* pariter, sive *Hordeatum*, *Hydromel*, *Oxymel*, decoctionum speciales quidem modi, non secus ac *Diæta sudorifera*, sive lignorum decocta, tam primaria, quam secundaria. *Destillatum instaurans* est nonens etiam si aqua impinguans *EPITHAN. FERDINANDI* in *Hist. Med.* foret, nudum nempe Phlegma, quod sine ullo uso hauritur. *Decoctum Galli*, sive junioris sive senioris, jam rarissimi usus Pharmaceutici, ad culinas relegandum; unà cum *jusculis medicatis* ac restaurantibus, quorum omnium odor ægris vix tolerabilis, nedum ut ventriculus debilis seu appetitu prostrato eadem digerat, quin dum calore febrili interiora, plus minus æstuant, cadaverisunt talia digestionis defectu, putrescunt, aut saltem in nidorem abeunt. *Conditum* idem cum *Electuario*. *Elegmata* ferè inusitata, quorum locum syrupus quidam gravior, ver. gr. diacod. Mont. scabiosæ, vel misti, vel cum rob. passul. min. subacti, cum baculo liquiritiæ pro scopo temperandi sive demulcendi aut incrassandi supplebunt; sicut pro scopo attenuandi & resolvendi isti de prassio, de nicotiana, emeticus Salæ, cum spiritus sulphuris paucis gutt. sufficiente. *Padaleon*, *Pasta Regina*, *Massa Panis*, *pineolatum*, cupediariis relinquendi; & quantum nutriti

vel temperantis roris languidus tabescentium Ventrículo ex istis hauriet? dum in pastam tenacem viscidam acidam in eodem abeunt. *Trochisci* magistrales vix præscribuntur ulli, cum ipsi officinales videantur quibusdam superflui *Epithema* peculiarem haud exigit formulam, cum fluidi cujusdam, vel liquoris, vel misturæ, vel decocti, vel emulsionis determinatam saltem externam applicandi rationem denotet. Idem dicendum de *Chysmatis* ac *Gargarismatis*, quæ saltem in medicamentorum liquidorum, varia forma adscriptorum, speciali utendi modo consistunt. *Fotus humidi*, & quæ huc pertinent, *Lotiones*, *Balnea*, *Inseffus*, ad decoctorum speciales modos, ex applicandi varietate natos, pertinent, nam simili ac decocta modo præscribuntur, etiam si etiam sicca *sacculorum* forma adhibeantur, eadem tamen præscribendi, alia saltem applicandi ratio. Nec *scutum* differt à saculo vel emplastro, dum ventriculo admoventur. *Frontale* nunc sacculus, nunc Epithema, nunc linimentum est. *Cucupha* est specialis saltem pulverum applicatio. *Collyria* oculorum sunt remedia multiplici formula præscribenda. Idem de *Errhinis* valet, *Sternutatoriis*, *apophlegmatismis*, & *dentifriciis*. *Cataplasmata* ad decoctionum speciales modos reducenda, sicut interdum ad misturas spissiores. *Vescatoria* peculiarem non constituunt formulam, quin prout pulverisatæ cantharides vel fermento pro cataplasmate, vel emplastro magistrali aut officinali includuntur, suum quod est, faciunt: quid? quod eorum essentia, cuti imposita, vesicas excitet. *Suppositoria* non præscribuntur, sed officinalia ordinantur: ut taceam loco illorum globulos, Germ. die Biesem Kugeln, commodius, si non ut plurimum, feliciter applicari posse. Quod si extemporaneu desideres, promptè illud ex alumine ad imitationem *SALÆ Append. Myroth. §. 4. p. 13. p. 840. vel SYLVII. 1. Prax. c. XI. & XII. p. 119. 123.* concinnabitur. Quæ & qualia denique præscribuntur hodie *peffaria*? quin loco eorundem vel injectiones per metrenchytem, vel suffitus per instrumentum *GLAUBERI* ligneum, vel optime per parvam aut Phiolam, aut retortulam vitream, longioris paulò colli, usurpantur, dum harum in specie orificium linteis tenerioribus munitum, sinui pudoris applicatur, fundus verò vasis cum remedio vel solido vel fluido igni carbonum leni propius admoveatur, ut concitatis hinc effluviis uterus locaque vicina diversimodè alterentur. His ergò partim rejectis, partim ad strationes debitas relegatis, formularum quævis differentiam quinque Classibus generalibus includemus & specialius pertractabimus.

Sit ergò

C L A S S I S P R I M A,

Q U Æ

PULVERES, ET IISDEM SUBORDINATAS FORMULAS, SISTIT.

§. I.

Simpliciter in his arida, seu sicca, in minutiores sui partes contundendo aut terendo redacta, sive jam pulverisata prostant, simplicia ac composita, sive demum pulverisata sint, præscribuntur. Dos. general. pro una vice sit ʒj ad ʒß. raro ʒij. rarissimè ad ʒj. nisi in dosi quorundam specialis, v. g. rad. asari, ad ʒj. ascendere necesse sit. Usus eorum est tam *internus*, quam *externus*. *Internus* ceu potior; (de quo modò dicta ferè intelligenda) est, dum capitur in vehiculo convenienti, aut *domestico*, quod privatim ægro Medicus denunciat, aut *officinali*, mistura scil. quadam tenuiori, à Medico simul præscripta.

Pulvis absorbens acidum.

ʒi. Lap. cancr. præp. ʒiß.

Vnicorn. fossil.

Corall. rubr. pp.

Cornu Cervi usti, ana ʒß.

Sal absinth. ʒj.

Nuc. mosc. ʒij.

M. F. pulv. D. S.

Pulvis obstruens pro aliquot dosibus.

Dosis quantum largior cultri cuspis capere potest.

Pulvis absque torminibus blandissimè purgans.

ʒi. Jalap. ʒß. ad gr. xv.

Nit. purissim. ʒß.

Scammon. pp. gr. ij.

Ol. destill. anis. gutt. ij.

M. F. pulvis: D. S.

Pulvis laxativus pro una vice.

Loco spiritus Nitri etiam Nitri gr. vj. & salis tartari gr. iv. recipi possunt.

Pulvis laxativus antihypochondriacus.

℥. Crem. Tart.

Fol. senn. sine stipit. an. ʒʒ.

Zingib.

Sem. anis.

Cinamom.

Cubebæ. an. ʒj.

M. f. Pulvis.

Capiatur in jusculo calido vel in principio prandii, vel hora 1. ante prandium: dos. largior cultri cuspis.

Pulvis febrilis laxativus ante Paroxysmum.

℥. Corall. rubr. pp.

Sal. absinth. ana. gr. xv.

Scammon. pp. gr. jv.

M. D. S.

Pulvis febrilis laxativus.

Pulvis contra epilepsiam infantum ex consensu abdominis.

℥. Raf. unic. veri.

Cran. hum. violenter occisi an. gr. v.

Auri fulmin. gr. j.

Mile.

Detur in duplo: S.

Pulvis singularis.

℥. Aquæ flor. pæon. ʒʒ.

Cinam. spirit. ʒj.

Syr. fl. tunic. ʒʒ.

M. D. S.

Aqua ad pulverem.

Pulvis contra variolas & morbillos, præsertim in incremento.

℥. Cornu Cervi sine igne ʒj.

Vnicornu fossil. ʒj.

Sal. card. bened. gr. xv.

Myrrhæ el. gr. xii.

M. divid. in 3. p. æqu. D. S.

Pulvis expellens.

Siccis hujusmodi, interdum & consistentiæ vel fluidæ, ut Oleum Destill. vel mediæ, ut theriaca, Extracta, in dosi tamen exigua, sive infracta, addi solent: verb.g.

Pulvis puerilis, in Torminibus cum alvi fluxu.

℥. Cornu cervi usti præp. ʒj.

Vnic. fossil. ʒj.

Terræ sigill. ʒʒ.

Theriaca. gr. jv.

Extr. castor. gr. iij.

Olei destillat. macis gutt. ij.

M. f. Pulvis.

D. S.

Pulvis adstringens.

§. 2. Subtilissime tritus pulv. alcool aliàs dicitur; grossior verò ex aromatibus & analogis subjectis, non adeò exactè tritis, cum saccharo mistis, Tragea vocantur. Hujus secundum Praxin olim usitatam cochlear semis, vel integrum, aut in forma sicca, aut pani, Vino malvatico impregnato, inspersæ, masticando successivè assumebatur, præsertim à pastu, pro corrigenda digestionem prima, inflatione ventriculi, flatibus hinc crebrioribus, & in genere quibusvis malis chronicis, in quibus ventriculus frigidus & hepar calidum passim inculari solent, & exinde aliàs quoque peptici dicuntur: exempla vid. in HORSTIO Obs. serv. l. 4. obs. 38. p. 210. it. lib. 5. obs. 3. p. 266. & obs. 4. p. 268. it. SENNERTO Instit. l. 5. p. 3. f. 3. c. 14. p. 14. 15. 1417. & l. 3. Prax. p. 1 f. 1. c. 5. p. 24. Sed comptior hodierna praxis pro puerorum potius delectamentis, præsertim dum confectiones saccharatæ subinde permiscuntur, talia destinat. Loco eorum enim, ex quibus necesse est, ut sub digestionem prius ventriculus medicinam præparer, potius spiritus aut salia volatilia aromatica seu oleosa in usu sunt; sive quovis in pastu, sive brevi post eum absolutum, assumantur: in quem finem aptissima eorum videtur præparatio, si aromata selecta, præsertim simul carminantia, cum suf. q. salis ammoniaci & Calc. vivæ mista, hinc aqua communi humectata, mediocri ignis rigore per retort. destillen-

tur; acquiritur sic spiritus seu sal volatile Oleos. in forma humida, quod dosi gutt. 20 vel 30. ab istis trageis sperata auxilia, multum si non superabit, certè æquè præstabit. Quod si tragea quædam delicata, variis condimenti loco inspergenda aut addenda, desideretur, præscribatur talis perquam grata:

℥. Cinnam. part. iij.

Cardam. part. ij.

Caryophyll. part. j.

Sacchari qu. pl.

Misc. pro pulvere, asservetur usui.

§. 3. Externum quod attinet pulverum usum, varius equidem & multiplex est, pro partis affectu, & usus differentiis, ast præscribendi modus ubique est idem;

Pulvis ad Intertriginem, & similes externas excoriationes.

℥. Cornu cervi usti. præp. ʒij.

Cretæ albæ ʒʒ.

Ceruss. ʒʒ.

Pulv. ros. rubr. exsic. q. s. pro gratia coloris.

M. f. pulvis: D. S.

Pulvis inspersivus.

Nodulo raro includitur, & ita inspergitur.

Pulvis ad ulcera Inveterata:

℥. Croci Martis ex Vitriolo præcip. ʒʒ.

Lact. Lunæ ʒʒ.

Terr. sigill. ʒj.

Myrrhæ,

Aloes,

Macis ana ʒj.

Camphoræ ʒʒ.

M. f. p. D. S.

Pulvis externè purgans.

Conf. MAIOR Diss. de Lact. Lun. c. XI. §. 2. & 6.

Pertinet huc etiam pulv. erysipelatodes MYNSICHTI, Armament. sect. 5. p. 131.

Pro oculorum usibus pariter pulveres externi adhibentur, sed subtilissimi, & speciatim Arabico nomine Sief appellatur, & modeste oculis insafflantur:

Ad oculum Vagæ laborantem:

℥. Off. sep. pulv. ʒj.

Sacch. cand. ʒj.

Vitrioli alb. ʒʒ.

Turæ pp. ʒʒ.

M. f. pulv. subtilissimus: D. S.

Pulvis Ophthalmicus.

Vid. POTERIUS felix Practicus, Cent. 2. c. 8. p. 16. ex quo suppresso Autoris nomine abstulit RIVERIUS Prax. l. 2. cap. 18. pag. 108.

Pulvis sternutatorius.

Ad imitat. HELMONT.

℥. Rad. belleb. nigr. non præpar.

Sacch. albiss. ana. ʒj.

Ol. Destill. majoran.

Anisi an. gutt. ij.

M. D. S.

Pulvis sternutatorius.

Vel ad hodiernum morem:

℥. Pulv. tabac. Indic. Virgin. ʒʒ.

Majoran. ʒij.

Ol. Destill. lavendul.

Anisi an. gutt. vj.

Ambra gr. v.

Mosch. gr. x.

M. f. pulv: D. S.

Pulvis sternutatorius & cephalicus.

Pulvis dentifricus ad mobilitatem, putredinem, cruentationem gingivarum.

℥. Fl. rubr. malv. arbor. ʒʒ.

Cornu cervi usti. ʒj.

Aluminis usti,

Nuc. mosch. an. ʒj.

M. f. pulvis subtil. D. S.

Pulvis dentifricus.

Quo post oris collutionem, & dentium purificationem, bene fricentur gingivæ.

Pulvis pro suffumigio.

℥. Sandarach. seu gumm. junip. ʒvj.

Succini ℥ss.
Syrac. calamit. ℥iij.
Thuris,
Masticb.
Benzoes ana ℥ij.

M. f. pulv. grossus: D. S.

Pulvis pro suffumigio.

§. 4. Pulveres si excipiantur Conserva, & cum fluido quodam, maximam partem syrupo, pro meliori miscela subigantur, pro una dosi, interne saltem usurpanda, dant

B O L O S,

Qui cum ita simpliciter saltem deglutendi sint, & quantitate quantum fieri potest exigua, ℥ss. ad ℥j. raro ad ℥ij. gratia verò majori præscribendi.

Bolus Emeticus.

℥. Conf. fl. tunic. ℥j. ad ℥ss.

Sulph. antimonii cum lixiv. detonat. tartari.
& nitri per decoct. par. gr. vj.

Crem. Tart. gr. v.

M. f. Bolus: D. S.

Bolus emeticus.

Bolus Laxativus contra vermes.

℥. Conf. fl. persic. ℥ij. ad ℥j.

Mercurii dulc. gr. xv. ad ℥j.

Pulv. jalapp. gr. viij.

(vel scammon. præp. gr. ij.)

Cum s. q. syr. fl. persicar. f. Bolus:

D. S.

Bolus laxativus contra vermes.

Bolus in Vomitu nimio.

℥. Conserv. ros. Vitriolat. ℥j.

Terr. sigill. ℥j.

Laud. opiat. gr. j. ad ij.

Olei destill. Cinamom. gutt. j.

Cum s. q. miv. cydonior. f. l. a. Bolus, miscendo & expectando, donec aliqualis turgescencia cessaverit:

D. S.

Bolus stomachum confortans.

Bolus Diaphoreticus febrilis expertus, sed nonnihil ingratus

℥. Theriac. ℥ij. ad ℥ss.

Specif. febril. Strobelb. ℥j.

Ol. destill. cariophyll. gutt. ij.

M. cum s. q. syr. card. bened. f. l. a. Bolus,

D. S.

Electuarium Febrile.

Nempe usitatissimè istis modis præscribuntur boli, loco tamen Conservæ etiam Pulpæ quædam spissiores, ut tamarind, ita Electuaria gratiora, ut rosatum, quin & Theriaca ut in postremo exemplo, sed hæc rarius, solent recipi. Dum enim vulgus inter euporista sua rob. sambuci vel juniperi cñ Cornu Cervi sine igne aut usto, pro scopo diaphoretico, in Erysipelate & similibus malis, porrigit, quid aliud quàm bolum ordinat? sicuti ex opposito confectiones, extracta gratiora aliavè, conjungi aptè in boli formam possunt.

Bolus alterans in æstu Ventericuli & hypochondriorum.

℥. Pulp. tamarind. ℥ij.

Tart. Virr. Tachen. gr. xv.

Bezoard. min. simpl. ℥ss.

Cum s. q. syr. violar. f. Bolus: D. S.

Electuarium refrigerans.

Bolus Analepticus Hypnoticus.

℥. Conf. fl. borrag. ℥j.

Conf. alKerm. ℥ss.

Laud. opiat. gr. j. ad iss.

M. f. bolus: D. S.

Bolus confortativus ad quietem.

Quin & si copiosior paulo pulvis fuerit, Conservæ Constituentis loco solus syrupus recipi potest, q. s. pro consistentia debita.

Bolus Purgans.

℥. Pulv. hypochondr. laxativ. supra S. i. descr. ℥j.

Scammon. pp. gr. j. ad ij.

Cum s. q. syr. ros. soluti seu Mucharof, f. l. a. Bolus:

D. S.

Bolus purgans.

§. 5. Quod si simili modo sub mole tamen majori tractentur pulveres, hoc est si formetur bolus pro pluribus dosibus, erit.

E L E C T U A R I U M

Quod modernis subinde Conditum, veteribus verò Opiatum, audit, & hoc ab opio vel principali vel universali eorum ingrediente. Veterum ista Opiata, aut ad eorum similitudinem confecta alia, v. g. Dialcordium Fracast., Antidotus Matthioli, aut Orvietano, Theriaca celestis Greiffi, &c. ceu officinalia transeant. Quoad Electuaria magistralia, proportio ingredientium ad constituentia est in genere vel octupla, vel sextupla, quadrupla, &c. prout potentius vel debilius remedium, dosi majori aut minori, idq; crebrius aut rarius, capiendum volumus. Usus est tantum internus, isq; alterativus: solutiva Electuaria hæc amplius in usu, idque ob purgantium partim horridum saporem, partim ob incertitudinem doseos, & consequenter operationis; liquidem nec subigi æqualiter per totum purgantia, nec Electuarii dosis tam accuratè observari potest: quin tallum loco in officinis vel passularum laxativarum, vel prunorum præsertim ad TIMÆI imitationem præparatorum, item Cydoniati laxativi, Conservæ ros. vel violar. laxativæ cum manna Timæi, & similis compositionum usus invaluit, quæ pro una vice determinata dosi optimè assumuntur. Pertinent huc elegantis compositionis electuaria purgantia, tam cholagogum quàm hydragogum SYLVII l. i. Prax. c. 2 S. 46. & c. 7 S. 55. quæ faciliè pro dispensatione ordinaria in officinis præparari possunt,

§. 6. Quoad Electuaria Alterantia ergo, sit

Electuar. Antihypochondr.

℥. Conf. coch.

Fumar. ana ℥ij.

Ebor. sine igne ℥ij.

Lap. cancr. pp.

Corall. rubr. pp. ana ℥j.

Vitrioli Martis ℥iv. ad ℥ij.

Cum s. q. syr. borrag. f. l. a. Electuar.

D. S.

Electuarium Alterans.

Loco Vitrioli Martis, etiam extractum Martis cum succo vel pomorum, vel acetosell. vel tamarindorum ad ℥ij. vel ℥ss. recipi potest.

Elect. ad fluorem album.

℥. Conf. fl. anthos ℥ij.

Ebor. crud. ras. pulv.

Magist. succin. cum. Sir. Vini ana ℥ij.

Lap. osteocoll. ℥ss.

Putamin. avellanar. pulv. ℥ss.

Cum s. q. syr. ros. rubr. f. Electuarium:

D. S.

Elect. obstruens.

De his electuariis, bis vel de die capitur, magnitudin. castaneæ vel nuc. jugland. & amplius, aut quantum binis ternisve culeri latioris cuspidibus capi potest.

Interdum sine conservis, solo syrupo convenienti, excipiuntur, aut cum rob. sambuci subiguntur, & hoc in compositionibus quasi theriacalibus, loco Veterum mellis, quibus tamen aliquid fluidi pro meliori miscela affundendum.

Electuar. contra nimium Mensum fluxum.

℥. Coral. rub. præp.

Hamatit. præp.

Boli Arm. præp.

Unic. veri præp. an. ℥ss.

Sem. plantag. ℥ij.

Alum. crudi ℥ij.

Laud. opiat. gr. v.

Cum syr. plantag. f. Electuarium.

D. S.

Elect. adstringens.

Hiscæ ceu ordinariis Elect. ingredientibus, interdum etiam rad. conditæ, confectiones, extracta, succi inspiss. spiritus, &c. pro circumstantiarum ratione & respectu baseos, item constituentis, infracta, proportionata tamen, dosi commiscuntur.

Electuar. stomachale.

℥. Conserv. menth. crisp. ℥ij.

Anthos,
Meliss. an. ʒj.
Rad. zingib. in Ind. condit. ʒʒ.
Pulv. Zedoar. ʒʒ.
Cinamom.
Caryoph. ana ʒj.
Theriac. Andr. ʒij.
Cum s. q. syr. menth. f. Electuarium:
D. S. Electuar. stomachale.
Electuar. pro senibus ab Apoplex. metuentibus.
ʒ. Conf. fl. anthos,
Menth. ana ʒj.
Fl. tunic. ʒij.
Zingib. in Ind. condit. ʒʒ.
Sem. sinapi.
Erucæ an. ʒij.
Corall. rubr. pp.
Succinipp. an. ʒj.
Cardamom. ʒij.
Cinamom.
Caryophyll. ana ʒj.
Sal. volatil. succin. ʒj.
Cum s. q. spiritus ceras. nigr. f. Electuarium:
D. S. Caput confortans electuarium.
B. D. Michaelis aliquando seni cuidam non sine iudicio pro
anale si præscripsit:
ʒ. Conf. anthos.
salv.
Tunic. an. ʒʒ.
Conf. al Kerm. ʒʒ.
Ambra gr v.
Mosch. gr. iij.
Land. opiat. gr. iʒ ad ii.
Cum s. q. syr. fl. tunic. f. Electuarium,
Irroretur aqua cinamom. spirituos.
D. S. Mistura confortativa.
Electuarium contra Dysenteriam.
Conseru. ros. rubr. ʒij.
Diascord. Frac. ʒvj.
Tinct. seu Ess. Cinam. cu Spiritu Vini tartaris. ʒij.
Raf. priapi Ceti subtiliss. pulv. ʒʒ.
Troch. de carab. ʒij.
Corall. rubr. pp.
Off. sepia pulv. ana ʒj.
Extr. tormentill. rii. parat. ʒij.
Cum s. q. succi cydonior. vel mivæ cydonior. aromatic. f.
Electuar.
D. S.
Electuarium adstringens & dolorem sedans.
De quo creberrimè pro lubitu ager capiat.
In hamorrhagia narium habituali, juniorū, ex hypochondriis,
&c.
ʒ. Pulp. passul. min. vel Conf. ros. rubr. ʒij.
Rhabarb. el.
Corall. rub. præp. ana ʒij.
Ebor sine igne ʒi.
Dent. equi mar. ʒʒ.
Extr. Martis cum succopom. ʒij. ad ʒij.
Cum s. q. syrup. rosar. rubr. misc. &
fiat Electuarium:
D. S. Electuarium sedans.

§. 7. Quod si pulveres loco constituentis consistentiæ mediæ excipiantur saccharo, in liquore conveniente soluto & denuò inspissato, & in planum per vasculum ad instar infundibuli cum parvo quasi pistillo in medio projecto, emergunt

R O T U L A,

Seu, ut aliis audiunt, *Orbiculi*, item *tessella*, tali ferè proportionè, ut pulverum sit p. i. sacch. excipient. p. iij. iv. ad vi. prout potentiores aut mitiores effectui medico easdem expetimus, quibus iam confectis subinde una alteravè Olei cuiusdam destillati, aut suavioris essentia aromatica gutt. inspergi potest. Usus tantum est internus, isque alterativus, solutivus ferè in desuetudinem abiit: quin usitatissimè in faucium à lymphæ acriori, quacunque occasione læsarum, affectibus præscribi solent, ut demulceant istas, dum in ore detentæ successivè liquecunt. Quod si præterea in aliis usibus ordinentur, crebrius masticandæ & deglutandæ veniunt: v. g.

Rotula contra tussim siccam nocturnam, faucium asperitatem conceptam earum Phlogosin, &c.

ʒ. Spec. diatreos usit. ʒij.

Boli armen. pp. ʒi.

Succ. glycyrrh. Hisp. ʒʒ.

Cum s. q. sacchari, vel huius ʒij. ad ʒij. in aqua

Papav. rhæad. solut. f. Rotula.

D. S. Rotula contra tussim.

Confer. hic Rotul. SYLVII l. i. Prax. c. 20. §. 37.

Rotula contra inflationem ventriculi, ructus, ite Colicam, &c.

ʒ. Ebor. usit. præp.

Corall. rubr. pp. ana ʒʒ.

Spec. diatr. pipereon ʒi.

Extr. Zedoar.

Cortic. aurant. ana ʒʒ.

Cum s. q. sacchari in aqua fœnic. solut. f. Rotula, aspergenda in fine Ol. destill. fœniculi, macis, ana gutt. iv.

D. S. Rotulae resolventes.

Rotula bibitoria quibusdam dicta.

ʒ. Sem. coriandr. ʒʒ.

Fœnicul.

Carvi,

Petrosel. ana ʒij.

Nuc. mosch. ʒij.

Macis ʒij.

Zingib.

Cardamomi,

Cubebæ.

Caryophyll. ana ʒij.

Piper. alb.

Longi ana ʒʒ.

Cum s. q. sacch. in aqua carminativ. Dornereil. soluti
f. Rotul. S.

Rotula stomachales.

Rotula Confortantes.

ʒ. Spec. diamb.

Diamosch. d. ana ʒij.

Cum s. q. sacchari ad ʒij. in aqua ros. solut. f. Rotula:
sub finem mixtionis addendo confect. al Kerm. ʒʒ. vel quan-
tum potest: irrorentur Ol. dest. cinamom.

D. S. Rotula confortativa.

Nempe interdum præter pulveres, & extracta gratiora, confect., Ol. destillata & similia, proportionata dosi recipi possunt: sic ex solis Oleis cum saccharo, loco Eleosaccharorum, quibusdam usitatorum, rotulas carminativas præparat MYNSICHT. *Armam. f. 7. p. 163.*

Quod si deniq; delicatis admodum, vel pro Pueris, orbiculi purgantes præscribendi sint, hi methodo vel SYLVII Prax. l. i. c. 2. §. 44. vel TIMÆI Cas. p. 427. præscribi poterunt,

§. 8. Quod si præter Pulveres & alia, ad Electuaria recipi solita, dosi, quàm in his, minore, simili modo saccharo inspissato excipiantur, & in formam oblongam, quadratam, planam, (in quem finem iam certi moduli lignei aliivè fabricati sunt) redigatur, communiter

M O R S U L I,

Quia mordendo quasi assumantur, item ob ingredientium identitatem *Electuaria solida*, aut *Confectio solida*, item à figura *Tabella*, appellantur. De cætero ut Boli cognati sunt Electuariis, ita Rotulæ Morsulis, & contrà; item ut Boli se habent ad Rotulas, ita Electuaria ad Morsulos, & contrà. Res in fundamento quasi eadem. In horum adeoque Morsulorum præscriptione proportio observanda ea, ut pulv. p. i. ana vel duplum reliquorum, conserv., condit., confect. respondeant simul, ad quintuplum, sextuplum, imò octuplum sacchari. Pro usu saltem interno, eoque alterativo, & potissimum confortativo, rarissimè aut nunquam hodiè solutivo, ob rationes supra §. 5. allegatas.

Morsuli contra sodam.

ʒ. Spec. diacret. Myns. ʒij.

vel loc. harum

ʒ. Creta ʒij.

Ebur usit. præp. ʒi.

Lap. cancror. pp.

Unicornu. fossil.

Corall. rubr. pp. ana ʒij.

Nuc. mosch. ʒi.

Cum

*Cum f. q. sacchari, h. e. ℥iv. vel ℥vi. in aqua
Portulacæ solut. f. Morsuli.*

D. S. Morsuli obstruentes & refrigerantes.

Quoad hos diacretæ Morsulos, annoto, quod pulv. ex latere cocto, intensius rubescens, cum f. q. sacchari in morsulos redactus præstantissimum sode sit remedium: posset & nucis moschata aut macis aliquantulum addi. Vis hæc consistit in substantia Martiali, unde color, (etiam præcipitando ab illo separabilis (in crocum potenter absorbentem per calcinationem ignis mutata.

Morsuli Stomachales.

℥. Conf. anthos; vel menthae ℥ss.

Zingib. in Ind. cond. ℥ii.

Spec. Imperat. ℥iii.

Extr. zedoar. ℥ss.

Cum sacch. ℥viii.

in aqua scenic. solut. f. l. a. Morsuli.

D. S. Morsuli stomachales.

Morsuli Preservativi in Malignis:

℥. Conf. pulpæ citri ℥i.

Theriac. ℥iii.

Cornu Cervi sine igne,

Antimonii diaphor.

Terre sigill. an. ℥ii.

Cum f. q. sacchari

in aqua scord. sol. f. Morsuli.

Irrorentur tempore usus aliquot guttis olei destillati anis. & usurpentur.

§. 9. Cæterum hæ & similes formulæ sub hodierna Praxi multis suspectæ sunt medentum, quia hostiles manifestò pluribus ægrorum, idque ob sacchari abundantiam paucissimis nostrorum ægrorum aliquid hypochondriaci, ut plurimum patientium, cuiuscunque fuerint sexus, aut ætatis, tolerabilem, quin fermentando & acescendo, mucaginisque tenacioris forma adhærendo, quibusvis in chronicis morbis symptomata aut exacerbare, aut magis complicare, aut morbum ipsum procrastinare solent. Crebrior adeoque sacch. usus ut non convenit Ventriculo, autore HELMONTIO Dispens. Mod. §. 30. & 37. ita ceu perquam noxium pulmoni notatur à GARENZIER de Tab. Anglic. p. 98. & 95; adeoque à crebriori ejus usu & præscriptione in Climate, ægrisque nostris, meritò abstinendum. Accedit & hoc, quod hæ remediorum formulæ, sub tenebris ignoratæ Pyrotechnia natæ, blandimento potius palati ægrorum, aut aliquali remedii varietate, quam efficacia medicinae intentione, ordinatæ primitus videantur: quin potius concinniores pulveres, essentia, extracta, spiritus, saliaq; volatilia, tam minori ægri ventriculi labore ac tædio, majori verò cum euphoria, pro Praxi elegantiori adhibeantur.

CLASSIS II.

Pilulas exhibet.

§. I.

A Parvæ pilæ similitudine, aliàs *Catapotia* ab assumendi modo dictas. Veterum inventum, quo amarissima sua purgantia, ut aloen (apud illos quarumvis pilularum basin) scammonium & colocynthidem propinando, eaque cruda, mellis ope palliata, palatum melius fallerent. Massam ita concinnatam, ad ℥i. ferè præscribebant, eamque in majores aliquot gr. vel vi. vel vii. redactam, quales apud Belgas ferè adhuc in usu sunt, deglutiendam offerebant. Concinnior hodierna praxis sub frequenti *Pilularum usu* ℥i. in præscriptione totius molis vix excedit, adeò ut vix gr. i. attingant singulæ Pilulæ, siquidem quò minores, eò gratiores nisi ingredientia, sub parva mole ponderosiora, ut Mercurialia maiorem dosin admittant. Usus nobis est tam *alterativus*, quam *laxativus*; & huius quidem respectu Pilulæ vel *extraordinariae* vel *ordinariae* seu *usuales* dicuntur. Purgantes *Extraordinariae* vel i. ex officinalibus Veterum tum recentiorum massis, additis consuetis stimulis scammonii & troch. alhandal, interdum & aliis appropriatis, mediante liquido, aqueo spirituofo, Oleoso, &c. præparatæ ordinantur: vel 2. ex extractis purgantibus, additis iisdem, præscribuntur: Idque pro una vel pluribus dosibus ibi numero inde finito, hic verò pro dividendis dosibus, bene determinato. Capiantur manè, qua-

cunque ratione fieri potest, ieiuno ventriculo, vel post haustum iusculum tenue.

Pilula Purg. Catholica.

℥. Mass. pilul. de hier. cum agar.

Ammoniac. Qu. ana ℥ss.

Scammon. pp. gr. ii.

Troch. alh. anagr. i.

Cum f. q. Ol. Destill. macis. f. Pilulæ.

D. S. Pilula purgantes pro una vice.

Pilul. Emetico Cathartica ante paroxys. intermittentium.

℥. Mass. pilul. de tribus Ruff. gr. xv.

Tart. Emet. gr. i.

Scammon. pp. gr. i.

Cum f. q. Ess. cent. min f. Pilulæ.

D. S. Pilula febriles aperientes.

Pilula ad Luem Veneream.

℥. Extr. panchym. Croll. gr. xii. ad xv.

Mercurii dulc. ℥i.

Extr. troch. alh. gr. ii.

Cum f. q. Ess. lignor. f. Pilulæ.

D. S. Pilula.

Pilul. Antihypochondriacæ.

℥. Mass. pilul. Tart. Querc. ℥ii.

Vitrioli Martis ad albed. lenit. calc. gr. v.

Scammon. pp. gr. i.

Cum f. q. Ess. gumm. ammon. f. Pilulæ.

Capiantur bibendo de super largum haustum calidum.

Pilula Hydropica.

℥. Extr. Elater. rit. parat. gr. xv.

Mercur. vitæ gr. ii. ad iii.

vel huius loco

Mercurii dulc. cum Mercurio Vit. ad imit.

Hartmann. gr. x.

Extract. troch. alhand. gr. i.

Cum f. q. Ess. absinth. f. Pilulæ.

D. S. Pilula.

Interdum soli pulveres, vel assumtu ingratiore, vel periculosiores, debito corpore excepti, in Pilulas compinguntur: v. g.

Pilula contra Gonorrhœam inveteratam malignam, scabiam ferinam, guttam rosaceam contumacem, &c.

℥. Turbith. mineral. Croll. gr. v. ad vi.

Cum f. q. theriac. f. Pilulæ.

D. S. Pilula singulares.

Sed vix præscribenda, nisi robustioribus.

Pilula in desperata alvi obstructione.

℥. Aur. fulmin. cum spiritu salis ammoniaci pp. gr. vi. ad ℥ss.

Cum f. q. extr. helleb. nigr. f. Pilulæ.

D. S. Pilula aperitiva.

§. 2. Atque tales sunt pilulæ, quas pro scopo sensilius commouendi corpus, & repetitis evacuandi vicibus, subinde sub morborum cursu præscribere cogitur Medicus. Cogitur dico; cum speciosus purgationis titulus ingentem tegat imposturam, cum quævis, præsertim fortior purgatio, tantum noceat, quantum prodest. Cum verò in plurimis morbis chronicis, generali Cachexiæ & affect. hypochondr. & scorbuti titulo comprehensis, copiosior talis evacuatio ferè nociva manifestò esse soleat, cum talia subiecta à leniori etiam evacuante facili exolvantur, ut loquuntur Practici; ob id, ut saltem primæ viæ quasi per epicrasin à mucro vel pituita plus minus viscida ac acidaliberentur, & ita producta morbosa, si non æquè semper radix morbi (h. est à posteriori, si non à priori) removeantur, lenioribus, seu quorum vis primas vias non transcendit, ex evacuationibus, nunc solis, nunc appropriatis vel absorbentibus, præsertim Martialibus, vel incidentibus, præsertim gummatis, sociatis, præscribuntur pilulæ, vel quavis septimana, vel quovis interlunio semel, idque vesperi, una alterave hora ante cœnam; unde & Pilulæ ante cibum quibusdam audiunt, assumendæ, ut ita sub chyli vehiculo innoxie distribui, & circa primas vias saltem suo officio fungi queant. Cum verò aloes parte sui gummosa in exili licet dosi, leniendi tamen huic scopo, dicto modo usurpata optime inserviat, hinc crebrius ex hac sola, ita tamen præparata, ut pars ejus gummosa magis quasi extrahatur, resinosa vel infringatur, vel separetur, tales pilulæ usuales parari solent: quales sunt v. gr.

Ange-

Angelica Francofurt. *Glassiana*, vid. *HOFFMANNUS* *Clav. Schroder. l. 2. c. 73. p. 105. l. 4. f. 4. p. 635.* item *Ludoviciana* in *Pharmacia* p. 179. item *de sale tartari* p. 79. *Tillemanniana* *Mater. Med.* p. 214. item majoris apparatus istæ *de aloe violata*, *de aloe rosata*, *de quibus SCHROEDERUS* *Pharmac. c. 4. cl. 3. p. 253.* ut nihil dicam *de aliis huc suo modo revocandis*, ut *de ammon.* item *Tartar. Querc.*, *aloe phangin.* cum *scammon.*, *de tribus Ruffi*, & ex his constructis *Pilul. Balsamicis CNOEFFELII*, *Misc. A. N. C. anno 6. 197. App. p. 19.* Verum hæ omnes, si ex aloe sola, si ex aliis magistrali compositione natis, constant, ferè ceu officinales vel pluribus in locis introductæ sunt, vel à Medico privatim dispensantur, adeoque ad magistraliter præscribendas minus pertinent: v. g.

℥. *Mass. pilul. de aloe rosat. gr. vi.*
F. *Pilul. minim.*

D. S. *Pilul. aperitivæ.*

Quod si verò paulò efficaciores, tam pro alterandi quàm pro abstergendi scopo pilulæ usuales ordinandæ, quales ferè *omni menstruo spatio sub ultima lunæ quadra* in hodierna luxuriosa diætâ dicto modo ante Cœnam capiendæ, hisce ferè modis præscribi soleant:

℥. *Aloes succoter. luc. 3ß.*
Gum. *Ammoniaci cum aceto scyll. emoll. 3ij.*
Tartari Vitriolati 3ß.

Cum f. q. *Ess. Martis F. Pilul. minores*, aut saltem mediocres, quarum nonum. ix. xi. ad xiii. numero scil. ex vulgi superstitione, impari, capiantur.

Vel sine aloe ex folis alterantibus cum stimulo sensiliorè ad imitationem *Praxeos Sylvianæ* præscribuntur:

℥. *Galban. cum aceto depur. 3ß.*
Troch. alband. gr. iv.

Scammon. pp. gr. iii.

Cum f. q. *Ol. Destill. carvi F. Pilulæ*,

nonum. xxxv.

pro 3. dos vespertinis.

℥. *Gumm. ammon. cum aceto dep. 3j.*
Vitrioli Martis ad albed. calcin. gr. v.

Troch. alb. gr. 3.

Scammon. pp. gr. i.

Cum f. q. *Ol. destill. fanicul. f. Pilulæ minores.*
pro una dosi, quovis mense capiendæ.

Vel ad imitationem *Cnosselianarum* supra allegatarum:

℥. *Mass. Pilular. de tribus Ruffi*,
Extr. belleb. nigriana. 3ß.
Vitrioli Martis ad albed. calcin. gr. v.
Scammon. præp. gr. j.

Cum f. q. *Ess. gumm. ammon. F. Pilulæ.*

Atque tales *hypochondriacis nostratibus ferè proficue existunt*; quibus tamen in pulvis supra præscriptus multum conferre solet, sicciorebus nempe istis, magisque exhaustis.

§. 3. Pro alterandi denique scopo pilulæ præscribi ferè solent ex extractis, item ex pulveribus solis, syrupo vel alio corpore in consistentiam debitam redactis, vel ex utrisque simul, pro varia intentione: e. g.

Pilulæ Febriles in Chronicis pro infringendo rigore & intendendo æstu.

℥. *Extr. gentian.*
Imperator.
Cent. min.

Abstin. ana. gr. v.

Cum f. q. *Ol. destill. caryophil. f. Pilulæ*,

capiendæ ante paroxysmum.

Commodè etiam hisce febrilibus *Extr. troch. alband. gr. ij. ad iij.* tam pro alterandi quàm laxandi scopo, addi possunt, utut sub debita diaphoresi levior laxatio accidere soleat.

Pilulæ sudorif. anodynæ.

℥. *Extr. card. bened. 3j.*
Lignor. gr. v.
Theriacal.

Laud. opiat. ana. gr. ij.

Cum *Ess. lignor. F. Pilulæ.*

D. S. *Pilulæ sudoriferæ.*

In *Phthisi confirmata* pro tussi, sudore, &c. nocturnis inhibendis.

℥. *Antihæst. Poter. 3j.*
Sacch. saturni 3ß.
Extr. Croci gr. v.
Laud. opiat. ferm. gr. ij. ad iij.

Cum f. q. *bals. copayv. F. Pilul. pro 2. dosibus.*
bihorio ante cœnam sumendis.

In *Tussi ferina nocturna ex lymphâ acriori*:

℥. *Extr. Sulph. pulv. gr. xvii.*
Myrrhæ gr. iv.
Extr. croci gr. ij.
Laud. op. gr. j.

Cum f. q. *papav. rhæad. Syrupi f. Pilulæ*,

vesperi capiendæ.

Conf. *Pilul. de styrace*, item ad *Tussim SCHROEDERI* *Pharmac. l. 2. c. 73. p. 264. vel de styrace SYLVII: l. i. Prax. c. 20 §. 36.*

§. 4. Internushic fuit *Pilularum* usus; moderni enim quidam easdem etiam usu externo, loco ferè *trochiscorum* Veteribus usitatorum, adhibere amant; sed rariùs hoc, nec nisi specialibus quibusdam in casibus: v. g. in *odontalgia*, ex *extr. ligni guajaci* & *laud. opiato* cum *Ol. destill. origani Cretici* formantur pilulæ, denti dolenti vel cavo applicandæ: quò etiam pertinent *Pilulæ de Calce viva*, item odoriferæ *MYNS. Armament. f. 7. p. 145.* Sic apophlegmatizantes ex *Extracto nicotianæ* cum paucis *Mercurio* dulci, & *syr. nicotianæ*, item ex *Mercurio* dulci cum f. q. *gummi tragac. aqua rosarum solutæ*, pro juvante salivatione sub *ptyalismo* venereo.

CLASSIS III.

Misturas Varias depromit.

§. 1.

Tertia Classis *Misturas* varias sub se complectitur, ex liquidis primariò & fluidis, secundariò etiam minus fluidis & aridis quoque, omnibus ultimarum concinnatas, & artificiosè compositas, usui tam interno quàm externo inservientes. Internè quæ usurpantur, ordinariò ab assumendi modo *Potiones* appellantur; externæ verò potissimum *Epithemata* audiunt, Internè latissimè patet earum usus, cum quovis ferè in morbo adhiberi pro quovis scopo possint, nisi interdum atonia Ventriculi ac intestinorum moderatum earum usum suadeat. Usurpantur vel determinatis vicibus, pro 2. vel 3. dosibus! Interjectis semper debitis intervallis, vel indeterminatè, pro lubitu, cochlearia aliquot capiendò: illud ubi subitanea magis alteratio per sensiliorè operationem procuranda, viribus utcunque constantibus, hoc verò ubi successiva mutatio, præsertim in debilioribus, aut in casibus, in quibus cautius nonnihil procedendum, magis locum invenit. Duo in *Mistura* autem distinguenda: 1. ipsa ingredientia multiplicia; 2. constituens fluidum, qualecunque fuerit. Proportio horum observatur p. p. talis, ratione sc. doseos generalis, quæ tamen per specialem cujusvis ingredientis dosin ratione facultatis specificæ, hujusque sub præparatione magis vel minus concentratæ, determinanda ulterius venit. Compositio potionis ordinariæ 3iv. ad v. vel 3vj. ad summum, vix excedere solet: cui si arida & facile subsidentia simul permisceantur, sub usu probè agitanda imperatur.

Aquæ simpl. destill. 3j.

Aquæ spirituos. 3i. ad 3ii.

Succi 3ij.

Elixir. 3i.

Spiritus Vol. inflam. 3j. ad 3ij.

Urinosi 3ß.

Acidi gutt. iv. ad v.

Syrup. 3j. ad 3ij. vel iij.

Extract. 3j. ad 3ß.

Pulv. 3j.

Essent. 3ß. ad 3j.

Tincturæ 3ß. ad 3j.

Sal. volatilis 3ß. ad gr. xii.

Ol. destill. gutt. ij. &c.

Potio Antipleuritica.

℥. *Aquæ card. bened.*

Papav. rhæad. an. 3ß.

Spiritus Vini bene camphor. 3ß.

Mandib. luc. pisc.

Dent. apri pp. ana 3ß.

Sal. vol. cujusvis, v. g. mand. lucii pisc.
gr. xv.

Laud. opiat. gr. 3ß. ad ij.

Syr.

Syr. papav. rhæad. ℥vi. ad ℥j.

M. F. l. a. Potio.

D. S. Potio resolvens pro aliquot vicibus.

Capiatur pro lubitu cochleatim, semper bene agitando.

Potio Antidysenterica.

℥. Aquæ scordii,

Plantag. ana ℥j.

Cinamom. ℥ss.

Aceti destill. Vini ℥ss.

El. diascord. Frac. ℥ij.

Extr. tormentill. ℥ss.

Corall. rubr. pp. gr. xv.

Syr. cydon. aromat. ℥ij.

M. F. l. a. Potio.

D. S. Mistura confortativa adstringens.

Capiatur cochleatim crebrius, bene agitando.

Potio febrifuga intermitt.

℥. Aquæ card. bened. ℥i. ad i℥.

Cinamom. ℥i. ad ℥i℥.

Extr. gentian. ℥ij.

Spiritus sal. ammoniaci simpl. ℥ss.

Syr. card. bened. ℥i℥. ad i℥ij.

M. f. Potio.

D. S. Potiuncula pro una dosi.

Bihorio ante paroxysmum, moderatè regendo corpus. Urgente magis frigore, ut in quartanis, extracti dosi augeri, it. cum extracto theriacali acui potest, magis vero torrente æstu, ut in tertianis ordinariis, spiritus salis ammoniaci aucta dosi permisceatur.

Mistura alterans, in incremento & statu februm continuarum, plus minus malignarum:

℥. Aquæ scordii ℥ij.

Spiritus theriacal vel simpl. vel moderatè caph. ℥ij.

Cornu cervi sine igne, ℥ij.

Bezoard. min. ℥j.

Sal. vol. cornu cervi vel viperar. gr. xv.

Conf. alkerm. ℥i℥.

M. f. potio capienda cochleatim.

D. S. Potiuncula confortativa.

Prout autem specialis dosi ingredientium subinde attendenda venit, etiam portionis particularis formula subinde variat.

Potio Emetica.

℥. Iulap. rosac.

Syr. emetic. Salæ ana ℥ss.

Aquæ Cinamom. ℥j.

M. D. S. Potio emetica.

Loco talium tamen Vina infusionis præparatorum antimonialium æquè commoda videntur.

Potio Cathartica.

℥. Resin jalap. gr. ix. ad ℥ss.

Sal. Tartari. gr. v. ad vj.

Syr. ros. solutiv. ℥ss. vel q. f.

M. S. Succus laxativus,

Vel

℥. Resin. scammon. ℥ss.

Sacch. cand. ℥j.

Pulveris. exactè paulatim affundendo succi citri ℥j

M. F. Potio grata: S.

Succus purgans.

Potio diuretica.

℥. Aquæ alkeKengi,

Petroselin. ana ℥i℥.

Malvatic. juniper. ℥vj.

Spiritus lumbric. Terrestr. per puer. ℥j. ad ℥ss.

Ol. destill. terebinth. gutt. iii.

Syr. heder. Terrestr. ℥ij. ad vj.

M. D. S. Potio aperiens.

Mistura Theriacal. sudorifera:

℥. Aquæ flor. sambuc. ℥j.

Aceti sambuc. ℥ij.

Theriac. ℥j.

Ras. Unicorn. ver. gr. xv.

Bezoard. min. ℥ss.

Camphor. gr. iij.

M. f. Potio pro dosi una.

Pro temperanda acrimoniabilis, h. e. corrigendo acido volatili plus minus Oleoso in sanguine:

℥. Aquæ portulacæ,

Acetosæ

Flor. papav. rhæad. ana ℥j.

Diascord. Frac. ℥i℥.

spiritus nitri dulc. vel salis dulc. ℥ss. ad ℥j.

Syr. portulac. ℥ij.

M. D. S. Potiuncula alterativa pro aliquot vicibus.

Potio digestiva præmittenda purgationi aff. hypochondr. melanchol. in subjectis præsertim siccioris & squalidi magis habitus.

℥. Seri lactis benè depur. ℥jv.

Ess. fumar. ℥ij.

Solut. Martis cum succ. pom. ℥j. ad ℥i℥.

Syr. fumar. simpl. ℥vj.

M. D. S. Potio digestiva, pro 4. vicibus, dosin unam manè, alteram vesperi per bideum capiendo.

Mistura seu potio Analeptica, sub & post sudorem in febribus acutis.

℥. Aquæ borrag.

Buglossæ,

Rubiidei ana ℥j.

Cinamom. ℥ij.

Succi citri. rec. ℥vj. ad ℥j.

Conf. alkerm. ℥i℥.

M. S.

Potio confortans.

Pertinent huc imprimis misturæ SYLVII ex aceto destillato cum lap. Cancer. corall. pp. & c. revera in Praxi polychrestæ, quæ videantur in ejus Praxi l. 1. c. 9. §. 20. c. 13. §. 53. & c. 7. §. 13. c. 30. §. 135. & 182. & passim. albi.

Mistura Antiscorbutica.

℥. Lactis caprill. vel seri lactis depur. ℥ij.

adde

Succi cochlear.

Nasturt.

Fumar. express. & depur. ana ℥ij.

M. D. S.

Lac antiscorbuticum, pro aliquot vicibus.

Dosis ℥ij. ad v. Edulcorari potest saccharo pro lubitu; & melioris penetrationis ergo, cuilibet dosi Ess. fumar. compos. cum spiritu cochlear. parat. gutt. 30. instillari.

Vel in forma infusi.

℥. Herb. Nasturt. aquatic. m. iv.

Acetosell. cum flor. m. ij.

Contunde in mortario cum s. q. seri lactis: stent in loco tepid. vel in Balneo Mariæ per noct. Colat. manè ℥. ℥ij.

D. S. ut antè

Dos. ℥iij. vel iv. quælibet dosi pro lubitu edulcorari potest.

Vel in Decocti forma,

℥. Lactis caprill. ℥i ad i℥.

Flo. cochlear. m. j.

Nasturtii m. j.

contusa & musta parum ebulliant in olla clausa, exprimantur & colentur,

D. S. ut supra.

In scorbuto admodum proficuum. Colat. ℥iv. ad vi. bibat æger calidè manè, & bihorio ante cænam: quod si juncta sit febris potius serum lactis recipiatur.

§. 7. Pro usu externo non minus variæ quoque sunt misturæ, ex iisdem quidem ingredientibus pariter compositæ, sed pro varietate partium & usus subinde variandæ, in quo post experientiam iudicium Medici omne fert punctum. Si externæ saltem corporis partium superficiei, mediante linteamine vel simplici vel multiplicato, aut panno scarlatino, calidè, tepidè, frigidè, repetitis vicibus applicantur, in genere.

E P I T H E M A T A

Vocantur: quæ subinde pro specialium quarundam partium varietate etiam specialibus insigniuntur nominibus: ut pro Fronte Frontale, pro oculis, Collyria bumida, pro naribus Errhina liquida, pro dentibus & gingivis Liquores dentifrici, &

Epithema refrigerans æstum sanguinis polychrestum.

℞. Succ. semperviv. major. ℥iv.

Aceti Vini acerr. ℥i.

Nitri depur. ℥ii.

M. D. S.

Epithema Externum.

Applic. v. g. scrota in æstu corporis nimio, it. in ebrietate, it. in hæmorrhagia narium, addita præsertim camphora; vel mammis in hæmorrhagia uteri, item regioni pubis; vel plantis pedum, vel fronti, &c. frigide cum linteis multiplicatis.

Epithema pro ventriculo in Cholera.

℞. Spir. Vini camphor. ℥iii.

Theriac. ℥ss. ad ℥iii.

M. pro Epithemate.

Vel

In Vomitu febrium malignarum & Pestilentialium.

℞. Spir. Vini rectif. vel aquæ appoplect. ℥iii.

Theriac. ℥ss.

Camphor. ℥ss.

M. D. S.

Aqua externa stomachalis.

Calefant in Vasculo clauso, & intincta lintea celeri manu applicentur, idque crebrius.

Epithema contra dolorem capitis in febrium

æstu, seu Frontale.

℞. Succ. cancr. fluvial. rec. ℥iii.

Aquæ flor. sambuc.

Betonic.

Flor. Papav. rhæad. ana ℥i.

Spir. Vini Camphor. ℥iii.

M. D. S.

Epithema cephalicum.

Applicantur cum linteis multiplicatis tepide fronti & temporibus: sed à nimio camphoræ usu in agrypnia abstinendum, ne somnus magis oderis penetrantia impediatur.

Vel aliud contra Cephalalgiam cum Agrypnia in febribus continuis.

℞. Aquæ flor. sambuc. ℥iii.

Apoplect. usit. ℥vi.

Philon. Roman. ℥ss.

M. D. S.

Mistura externa ad Caput.

Epithema in Cephalalgia ex causa frigida, &c. hemicrania, verticis pertinaci dolore, &c.

℞. Aquæ serpilli,

Rorismarin.

Salvia ana ℥ii.

Spir. theriacal. simpl. ℥i.

Spir. Cornu Cervi vel sal. ammoniaci cum Calc. viva ana ℥ss.

M. S.

Aqua cephalalgiam sedans:

Frontale contra Hæmorrhagiam narium nimiam.

℞. Aquæ papav. rhæad. vel sperm. ran. ℥iv.

Acetirofac. ℥i.

Boli comm. probè exsicc. pulv. ℥iv.

Opii aceto sol. ℥i.

M. pro Epithemate.

℞. Sperm. ranar. cum nitro & alumine assero. ℥ss.

Sacch. Saturni ad ℥ii.

Camphor. ℥i. ad ℥ss.

M. pro Epithemate: D. S.

Epithema adstringens.

Collo, item fronti, nec non testibus, in nimia narium hæmorrhagia applicabilia, it. mammis in hæmorrhagia uteri, ac regioni pubis; Hepatis pariter regioni talia frigide applicari jubent; sed præter alterationem sanguinis subitanæam, forsan & nimiam, visceris læsio, experientia hoc ferè confirmante, metuenda, ne tali occasione diarrhœa quibusdam superveniat, vel in aliis dispositio præter naturalis hepatis scirrosa, aliavè chronica inducatur: baud ergo, quam casu ferè extremo hic recurrendum.

Epithema contra tumorem testis inflammatorium cum insigni dolore ac ardore.

Etzmüller. Oper. Tom. I.

℞. Aquæ Calc. viv. rec. ℥i. ad ℥ss.

Spir. Vini camphor. ℥ss. ad ℥i.

Ceruss. ℥ss. vel sacch. Saturni.

M. F. Epithema:

Urgente dolore etiam Opii aceto Sol. ℥i. addi possit.

Non rarum est, ex perverso Mercurii sublimati externo usu sub cosmetici titulo phlogosin, tumorem, dolorem, cum summo cruciatu, interdum & periculo, partibus externis induci: optimum hic epithema, lac tepidum, crebrius applicatum; post cuius usum, vel etiam sub illius defectu mox in principio

℞. Aquæ Calc. viv. rec. ℥i.

Spir. Vini ℥i.

Ceruss. ℥iii.

Mixta applicentur calide:

D. S.

Epithema leniens.

Occasione aquæ Calc. vivæ non omittendum Epithema polychrestum ad ulcera quævis dyssepulora, ad scabiem ferinam, herpes exedentes, imminemtem plus minus gangrænâ, &c.

℞. Calcis vivæ seu Decoct. rec. ℥i.

Mercurii dulc. ℥i.

Misc.

D. sine vel cum Colatura laxiore: S.

Epithema mundificans.

Vel magis compositum:

℞. Aquæ calcis vivæ rec. ℥ss.

Spir. theriacal. camph. ℥iii.

Sacch. Saturni ℥i.

Mercurii dulc. ℥ss.

Misceantur probè cum vel sine ebullitione.

Sic pariter aqua destillata ex pomis putridis, cui, vel Mercurius dulcis, vel sacch. Saturni, pro circumstantiarum, ratione permixtum, in casibus chirurgicis plurimis, speciatim ulceribus telephiis, ambustis, &c. remedium multi usus existit.

S. 3. Quod si Epithemati immediatus cum parte affecta concedatur contactus, ut in scabie, ulceribus, &c. mixturæ pro indicationum ratione componi poterunt: Ast si pro comodo partium internarum, & principaliter viscerum, hepatis, lienis, Ventriculi, cordis &c. adhibenda veniunt, obs. i. cum aliàs penetrare seq. insinuare debeant, non nisi ex subtilioribus aut similibus particulis, quæ vehementiori paulò motu operationes suas exerant, constantibus ingredientibus, non verò adstringentibus, terreis fixioribus, &c. componenda eadem esse. 2. Cum applicata pro partium internarum comodo, ferè aut sanè ut plurimum calide, minus diu calorem ascititum conservent, quin facile intepefcent, ne dicam refrigerentur, verendum omnino, ne cutis contactu humido tepido aut sub frigido offendatur, quod quilibet in se experiri potest; unde fibrarum strictura, pororum contractura, interdum per consensum totius quasi horripilatio, adeoque non solum insensilis transpirationis notabilis imminutio, quin & metastaseos, quam Natura in acutis subinde intendit, ex universo ad membra particularia cohibitio. Unde in malignis, cum excretionem cutaneâ conjunctis, Epithemata præcordiis applicanda, meritò hodie suspecta, imò rejecta sunt. Conf. quæ S. 2. de Epithemate Hepati applicando, in alio sensu locuti sumus. Missis itaque epithematis, aliàs misturas externas consideremus: ver. gr.

Collyrium pro Oculo polychrestum.

℞. Aquæ solani,

Cyani,

Calcarippæ ana ℥i.

Vitrioli alb. ℥ss. ad gr. xii.

Solut. filtratur per chartam.

Adde Tutie præp. ℥ss. ad gr. xii.

M. D. S.

Collyrium externè applicandum.

Applicatur tepide cum linteolis, vel resupinato corpore canthis oculi instillatur.

Collyrium contra Inflammationem Oculorum.

℞. Aquæ plantag.

Flor. Cyani ana ℥i.

Album. ovor. no. i.

Aluminis gr. v. ad viii. vel x.

M m

(modo

Syr. iuiub. ℥ii.

Violar. ℥i.

M. pro Iulebo;

D. S.

ut supra.

Item secundum alios ex Conservis:

℥. Conf. flor. tunic.

Rosar.

Violar. an. ℥ss. ad ℥i.

Succi Ribium ℥vi. ad ℥ii.

Affundo s. q. Aqu. commun. vel Destillat. cuiusvis. dissolvantur in mortario cum pistillo, clausoque vase leniter ebulliant:

Colatura ℥ss. adde

Tincturæ fl. bellid. q. s. pro grato sapore.

F. Iulapium:

D. S.

Iulapium confortativum, & refrigerativum.

§. 5. Cæterum duo monenda hic restant. 1. Potius Aq. fontana, vel decocto quodam Cor. Cer. eadem parato, pro corpore juleporum, quam Aquis destillatis, utendum esse, cum hæ pluribus ferè nauseosæ sint, quin & crebriori usu manifestam Ventrliculi atoniam inducant. 2. Acidula Julebis commiscenda vel esse succos vegetabilium, vel spiritus mineralium. Spiritus hi texturæ sunt firmitioris, minus & tardius ob id in nobis alterabiles, potentiùs tamen resolvunt & abstergunt, magis diuretici sunt. Ast nimis à constitutivis nostris aliena sunt, vix citra ventriculi laborem & primarum viarum alterationes, nisi caute administrantur, ferri possunt; adeo temperata in Praxi semper sunt optima. Succi verò isti Vegetabilium, Sulph. medicati, ac ita ab alteratione quavis præservati, & qui sponte sua, quicquid est contentorum fermentescibilium, seposuerunt, adeo ut saltem acor natus, Phlegmate sufficienti dilutus supersit, longè suaviùs & blandius, atque mali cuiusvis suspitione ferri à nobis possunt; unde horum potius, quam illorum, sub frequentiori Iulapiorum repetitione rationem habendam existimo.

§. 6. Altera specialis mixturæ differentia est contractior, & quæ pro aliquot saltem dosibus, ad unc. iv. vi. vel ad summum unc. viij. præscribi solet, & à colore albo opaco, sapore subdulci aut saltem insipido dulci, substantia ingredientium pingui & oleosa, & usu temperandi, potissimum acrimoniam salisam, Lacti similis cum sit.

EMULSIO.

Dicitur. Scilicet semina & nuclei, pulpa candida ac Oleo turgida mediante tritu subiguntur cum aquis appropriatis, illorum ℥i. pro harum ℥i., edulcoratur mixtura paucosaccharo, & ita administratur usa & interno & externo: illo, ad Potiones; hoc ad Epitemata refertur: v. g.

Emulsio Analeptica & Hypnotica.

℥. Amygd. d. ambros. ℥ii.

Sem. papav. alb. ℥ss.

Melon. ℥i.

cum Aqu. fl. sambuc. fl. acac. & nymph. an. ℥ii.

F. Emulsio: edulcoretur parum rotulis manus Christi perlat.

D. S.

Emulsio confortativa ad quietem.

Emulsio nephritica & Cathartica, it. in suppress. Urina.

℥. Sem. violar. ℥ss.

Lithosperm. contus. ℥ii.

cum s. q. aqua fragor. F. Emulsio ad ℥iv.

Edulcoretur paucosaccharo;

D. S.

Emulsio aperitiva & urinam expellens.

Emulsio Epithematis modo ad Agrypniam & Cephalalgiam applicanda.

℥. Sem. papav. alb. ℥iii. ad ℥vi.

Cum s. q. Aqu. Hypnotic. Dorncreil. F. Emulsio.

D. S.

Epithema externè applicandum.

Præstantior erit, solutionis opii cum Spir. Vini ℥i. ad ℥ss. addatur & ita tepide applicetur; sicut omissa opio, addita verò Spir. Vini camphorati ℥ss. vel camphora ipsa ad gr. ix., ad maniam magis accommodata foret.

Etmulleri Oper. Tom. I.

§. 7. Manifestum ex dictis est, improprie emulsionis appellationem illis tribui misturis, quas soli pulveres candidi ingrediuntur, cum præter succum nil emulsionis adsit: quod pertinet superstitionis basi superstructum Lac perlarum; Talis emulsio improprie est & fit.

In statu variolarum, & Morbillorum.

℥. Aquæ napi,

Aquileg.

Card. bened. ana ℥i.

Cinnam. spirituos. ℥ss.

Cornu Cervi sine igne ℥i.

Bezoard. miner. ℥i.

Unic. fossil. ℥ss.

Sacch. albiss. q. s.

M. D. S.

Emulsio confortativa.

Cum verò suo usu non careant huiusmodi mixturæ, hinc hodierna consuetudine, quæ legis vice fungitur, uterque modus commodè iungitur, adeoque emulsioni propriè dictæ iam paratæ isti pulveres pro efficaciori medicina adduntur: sic si in dato exemplo ex sem. aquileg. ℥iii., napi, card. bened., papav. alb. ana ℥i. cum istis aquis in duplo assumtis fiat emulsio & isti pulv. proportionè ℥ss. ad ℥i. cuius ℥. emulsionis addantur, foret formula ad variolas hodiè usitatissima.

Emulsio ad Gonorrhœam benignam.

℥. Sem. agni casti ℥ss.

Cannab. ℥ii.

Cum s. Aquæ nymphae. F. Emulsio:

adde

Off. sepia præp.

Succin. præp. alb. ana ℥ss. ad ℥ii.

Edulcorentur parum cum saccharo.

D. S.

Emulsio alterativa adstringens.

Emulsio temperans lympham salisam acrem, pectus affligentem, cum nata inde febre symptomatice.

℥. Amygd. dulc. ambrosin. ℥iii.

Sem. Melon. ℥ss.

Cum s. q. aqua scabios. F. Emulsio;

adde

Mandibul. luc. pis. ℥ss.

Antihæct. Poter. rit. par. ℥i.

Unicorn. fossil. ℥ss.

Edulcorentur parum.

M. D. S.

Pertinet huc liquor alexipharmacus ZVVELFERI in Pharmacop. Reg. p. 209. sanè in variolis egregius: ad cuius imitationem & alii similes præscribi possunt: utne saporis ratione ad strictè dictas emulsionem minus pertineat.

§. 8. Observandum autem sub Emulsionum usu, I. quod facillimè alterentur, corruptionem ac acescentiam incurrant; unde minori quantitate præscribendæ, & loco minus calido asservendæ. 2. Quod ventriculi tonum multum resolvant, & facili rancescentia multum, ejus functionibus noceant.

§. 9. Adiungendæ his quædam mixturæ emulsionibus cognatæ, ex resinosis imprimis constantes, & ferè laxantes. Præter emulsionem seminis Carthami, additione vel rad. mechoacanæ, vel resin. scammon. aut jalap. acueudam, passim notam, resinæ cum aqua artificiosè sociatæ, & ita resolutæ emulsioni conformes portiones potenter laxativas reddunt.

℥. Sem. melon. excortic. ℥ss. ad ℥i.

Resin. jalap. gr. vii. ad ℥ss.

Scammon. præp. gr. j.

Misce in mortario marmoreo, sensim affundendo

Julep. Rosar. ℥i.

F. Emulsio. D. S.

Emulsio Purgans.

℥. Resin. jalap. ℥ss.

Dissolv. in s. q. Vitell. ovi,

Et cum Aqua fœniculi f. Emulsio

adde

Aqua Cinnamom. ℥ii.

Edulcorentur paucosaccharo.

D. S.

Emulsio laxativa.

M m 2

Po-

Potentius operatur, quam eiusdem resinæ eadem dosis alia sub forma, dissolvante illius texturam Vitello ovi, cuius medio minutis sub particulis undique fluidis corporis permiscetur & associatur.

Emulsio Cosmetica.

*℞. Aqua rosar. vel spermat. ranar. ℥ss. aut q. v.
Infilla Essent. benzoes q. v.
F. mixtura lactea.*

Quam pro faciei ac manuum leni ablutione cum spontanea exsiccatione adhibere poteris; quin & præterea de Cosmetico ex marcastia aliquid addere.

CLASSIS IV.

Infusa & Decocta comprehendit.

§. I.

Quarta specialis formularum differentia Infusa & Decocta, quæ Græcis *Apozemata*, complectitur, quorum latè admodum patens est usus, internus pariter ac externus. Nempe ut purum impuro respectu nostri ubique junctum, tam in alimentis quàm medicamentis; ita, quod hodiernæ *Artis Spagyricæ* primarius ferè finis est, purum ab impuro in medicamento separare, nucleum à corticibus, Quintam Essentiam ab involucris elementalibus seu materialibus, idque Tincturarum, Essentiarum, Extractorumque ferè sub titulo; ita jam Veteres idem, rudilicet Minerva, per infusiones & decoctiones tentarunt, mediantibus quibus vim rerum medicamentosam & in apto liquore, seu menstruo extrahente & solvente, loco crudorum simplicium acquirerent. Adedque in Infusis ac Decoctis, siue seorsim siue conjunctim, ita ut altera alteram excipiat, instituantur, (differunt enim saltem in eo, quod pro infusione sufficiat specierum incisione, ratiōne, confusione, pulverisatione præparatarum, *maceratio* seu *digestio* in loco tepido, vel speciatim *Balneo Mariæ*: cui in decoctione ulterius supervenit super ignem actualem concitatio omnium *agitatio & ebullitio*, & penetrantior solutio) ad duo semper attendendum; 1. ad *Objecta* infundenda; 2. ad *Subiecta seu menstrua*, cum quibus fit infusio ac decoctio. Mutuus omnino requiritur hic respectus, tam *quantitatis* quàm *qualitatis*; quantitatis quidem, ut sibi mutuò sufficiant, qualitatis verò ut invicem appropriata sint; *In his duobus enim primum Decocta & Infusa medicata præscribendi consistit artificium; conf. ZVVELFERUS Pharm. R. p. 31. & 84. it. Animag. in Pharmac. August. p. 146.*

§. 2. *Objecta* ergo quod attinet: ex omnibus hæc desumuntur regnis. 1. *Ex animali*, partes solida duræ & sicciore quævis, v. gr. Cor. Cer., Ebur, priapus cervi, ceti splen bovis, viperæ, stercus equinum: ex quibus omnibus (exceptis excrementis) elicitur, gelatina, quæ præter generalem nutriendi ac temperandi, adedque confortandi & blandè refrigerandi usum, de vi specifica sui concreti omnino participare videtur, cum magnam illius substantiæ partem contineat, quæ sub rigoroſiore igne in sal. vol. & ol. larvæ sistunt. 2. *Ex Vegetabili*, quævis plantarum partes & fructus, ut plurimum siccatæ. Resinæ saltim ac gummata minushis præparationibus, præsertim sub magistrali præscriptione, inserviunt. Elicitur sic ex Vegetabilibus, gummeo in recessu, resinosa substantia, in ejus complexibus potissima vis medicamentosa quasi concentrata est, ut ex Decocto liquorum vel absinthii inspissato manifestum. 3. *Ex Regna Minerali* varia desumi solent: Auricandefacti in Vino vel Aqu. extinctionem magni facit *Burhus*: Martem Vino infundimus & decoquimus salubriter; eodem candefacto Lac dysentericis appropriatum reddimus; Veneris infusio pro oculorum vitis laudatissima: Saturni infusio aut decoctio usque Chirurgico multum inservit; & in qua crebrius plumbum fustum extinctum fuit, alvum laxare solet, aqua. Antimonium non solum præparatum sub Vitri reguli, croci, &c. forma infusioni apprimè inservit, sed vel crudum idem hodie Decoctis pro diæta sudorifera additur; quin & ejusdem crudi subtiliss. triti unc. ss. macerata per noctem in unc. iii. vel iv. Vini aut aquæ pro dosi una, supra & infra purgare, asserit POTERIUS. De Mercurio res nota, quoad Aquam sic dictam Hermeticam, it. Decocta liquoram antiveneræ. Vitrioli,

Aluminis, salis ammoniaci, Calcis vivæ, pro usu externo decoctiones & infusiones in decocto nigro Myns. &c., it. sulphuris in Aq. Calcis vivæ vel lixivis, passim pariter notæ sunt.

§. 3. Circahæc verò Ingredientia, præter *superius* §. 1. *monita*, in specie attendendum, 1. ad texturam eorum specificam. Quæ volatiliore sunt naturæ, infusioni saltem, aut cum juncta Destillatione Decoctionibus inserviunt; ut antiscorbutica acrida, aromatica, sassafras lignum, &c. nullam vel mediocrem decoctionem ferunt. Unde sub Volatiliorum cum fixioribus mixtura, horum maceratio, & hinc decoctio vel ad medias vel ad finem ferè præcipitur, donec cætera illa simul adiciantur. 2. Quæ sunt solubilia, porosiora, &c. minus diu infundenda, parcius coquenda, cum aliis ingratum, quia spissus, & facillè alterabile, quia densius imprægnatum, & ventriculo hostile, quia digestionis ejus proprio motu magis reluctans, reddunt medicamentum: Contra atque in durioribus & macerandis & diutius coquendis accidit. Quæ denique vi medicamentosa sunt ditiora, parcius; quæ verò pauperiora, copiosius &c. recipiuntur, & paratum sic remedium, nunc cum nunc sine expressione colandum præcipitur. Et sic specialis dosis, ut ubique, ita & hic generalem determinat: observandum verò quoad specialem dosin, ferè duplum, interdum triplum hic pro decoctione aut infusione recipi; respectu ejus, si in substantia propinaretur.

§. 4. *Subiectum siue Menstruum* Infusionum & decoctionum pro ingredientium Natura & Medici intentione variat. Communissimum est Aqu. simplex, hinc Vinum, acrum, serum lactis, &c. Idem vel simplex, vel compositum, hydromel, posca cerevisia, juscula, Urina, lac; it. Infusa & Decocta jam præparata, &c. Circa hoc observandum: 1. Si menstruum est Volatile, minus decoctioni infusioni saltem, & hinc circumſpectæ, inservit, ut Vinum, Spir. Vini. 2. Quò tenuius & dilutius fuerit menstruum, eò ceteris paribus plus imbibendo, potentius & substantia medicamentosa saturatius subministrabit remedium. Hinc Cerevisia aptæ aqua, Decoctum vel Infusum præ Aqu. simplici, minus huic negotio apta existunt. 3. Quo denique tenerioris & minus penetrantis erit texturæ, eò debilius fiet, minusque medicamentosum remedium; Hinc enim Vinum præ Aqua ex quamplurimis longè plus elicit. Consultum ob id acutere interdum menstruum pro meliori penetratione & extractione, quin & interdum aliquali ingredientium correctione: quibus usibus Tart. præ aliis inservit, ejusdem crystalli, sal, & sal essentielle: Crystalli Decoctionibus inserviunt, cum sine ebullitione non solvantur, utut post refrigerationem denuo coagulentur; sal Tartari magis in infusis convenit; sal verò essentielle in dosi paulò largiori utrique aptissime iungitur.

§. 3. proportio ingredientium ad menstruum, ob circumstantias hætenus insinuatæ, & alias plures tantum non infinitas, vix determinari potest. Pro aliquali tamen idea tali proportione sibi invicem respondere possunt.

*Lignor ℥j.
Cortic. ℥ss.
Rad. ℥vi. ad ℥i.
Herb. m. i. ad ii.
Flor. p. ij.
Bacc. ℥ss.
Sem. ℥ii. ad iij.
Aromat. ℥i.*

Liquoris quantitas quadrupla sextupla in mollioribus aut volatilioribus; in densioribus; aut fixioribus octupla & duodecupla esse potest: Dum totius remedii moles ordinario ℥ss. ℥ii. vix excedit. Absumptio in decocto ad medias, vel ad tertias, h. e. partes menstrui residuas interdum saltem ad quartæ partis consumptionem præcipitur; aut post colaturam demum ejus quantitas determinatur, modo tamen non adeò certo, nisi prius menstrui quantum determinatum fuerit; siquidem ad medias, item ad tertias decoctio instituta esse poterit, & ita nunc debilius, nunc potentius remedium obtineri.

§. 6. *Infusa* ergo vel simpliciter menstruo infunduntur, & ita pulveris forma cum liquore hauriuntur; vel nodulis linteis raris includuntur, à quo successivè, cum aut sine expressione; liquor hauritur; vel Infusum paratum à speciebus colando separatur, & nunc ita solitarium, punc

nunc sociatis iis, quæ decoctis addi solent, propinatur. *Decocta* verò ebullitione absoluta colantur per pñum, vel linteum, & quia ingratiore ferè, quin & interdum incompleta sunt medicamenta, tam pro *efficacia*, quàm pro *gratia*, addenda subindè quædam veniunt: Pro *efficacia* quidem *Electuarium*, *spiritus*, *extractum*, *syrupus*, aut aliud quid à Medico pro intentionis ratione ordinandum, proportionem ferè illa, quæ *supra de Potionibus* monita fuit. Pro *gratia*, præter colaturam subindè *clarificatio* cum albumine ovi instituitur, ut oculis, quin & ventriculo, magis arideat: sicut pro eodem scopo & *aromatizatio* super additur, adjectis aromatis ventriculo grati, & medicamenta plus minus corrigentibus: Ut nihil dicam de addendis dulcibus aut dulco-acidulis pro gustus suaviori alteratione, simili ratione ac *supra in islepis vel misturis* factum. Sed omnia hæc distinctius ex particularibus constabunt exemplis, per quæ brevissimum iter, præsertim cum totum hoc negotium & minus *difficultatis* hodie ac olim habeat, præsupposita solutionum & extractionum doctrina *pagyrica*, & minus etiam *utilitatis*, siquidem *Decoctis* rarius præ quotidiano veterum abusu internè uti soleamus.

Infusa Antifebrilia, in specie contra Quartanas.

℥. Pulv. China China ℥vi. ad ℥i.

Rad. gentian. ℥iii.

Fl. cent. min. p. iv.

Piper. long. ℥i.

Sal. Tartari ℥ss.

M. f. pulvis.

D. S.

Species in vino.

℥. Cortic. chin. chin. ℥vi.

Guaiac. ℥ii. vel. iij.

Comar. Cent. min. Mi.

Cinamom. ℥ii.

Caryophyll. ℥i.

Lap. cancr. præp. ℥i.

Sal. Tart. ℥iii.

M. f. pulv.

D. S.

ut ante.

Infundatur in Vini vel absinthitis, vel Gallici, vel Rhenani, mens. iij. subindè agitando.

Tempore usus omnibus bene cōmixtis capiatur bonus haustus, idque ad imitationem Gallorum, præsertim D. MONGI-NOT. Tr. de Cura Febr. per Chin. Chin. Rite usurpata, raro fallunt, signa coctionis ubi præcesserunt. Loco Cortic. Peru- viani & lignum Colubrin. amariss. præsertim in Tertianis, recipi potest. Delicioribus inclusus nodulo pulvis ita infundi, & prævia expressione Infusum hauriri potest.

Nodulus alterativus & laxativus, in morbis chroni- cis vernali tempore usurpandus.

℥. Com. absinth.

Fl. cent. min.

Herb. cochlear. rec. an. M. ss. ad M. i.

Rad. armorac. rec. ℥i.

Gentian. ℥ss.

Tarax. ℥ii.

Fol. senn. sine stip. ℥vi. ad ℥i.

Rad. helleb. nigri non præp. ℥ss.

Esula non præp. ℥ss.

Sem. fœnic. ℥iii.

Anisi ℥ss.

Cinam.

Zingib.

Caryophyll. ana. ℥i.

Sal. tart. ℥iii.

Incisa & contusa includantur nodulo.

D. S.

Nodulus in vino.

Infund. Vini Rhenani mens. iij. capiatur omni manè bo- nus haustus cum vel sine expressione, prout fortius vel debilius se exerit; isque vel calidus, vel præmisso tantillo jusculeo frigidus. Jalapa, quæ ordinariò aliàs unà infundi solet, omittenda; hæc enim & alia resinosa, ceu non appropriata menstruo, nullam extractionem patiuntur. Sal. Tart. partim pro usu proprio, dum cum acido Vini in sal essentielle abit, partim pro scopo corrigendi solutiva, ac simul promovendi solutionem, additur. Loco ejus in

Etzmulleri Oper. Tom. I.

hypochondriacis interdum Limatura Martis additur; quicquid dicat GEIGERUS in Kelegraphia, acidum enim Vini hanc sufficienter rodit: sed nunquam simul, Sal Tart. enim Marrem alioquin præcipitat.

Infusum Antiscorbuticum.

℥. Herb. rec. nasturtii aquatic.

Cochlear. an. M. ii.

Rad. raphan. rustic. ℥i.

Contus. & conquass. in mortario lapideo infundantur in s. q. hoc est ℥ii. vel iij. feri lactis depurati; stent in loco tepido per noct. in vase clauso;

Manè ℥. Colaturam,

adde

Aqu. Cinamom. ℥ss. ad ℥vi.

M. D. S.

Potio antiscorbutica.

Aut hujus loco lac antiscorbuticum vide suprâ s. i. Class. III. Addi potest pro lubitu vel de saccharo, vel syrupo de suc- co Citri, vel scoloryrb. Foresti, non tamen copiosa, ob faci- lem alterationem, dos. ℥iii. vel iv.

Vel ℥. Herb. cochlear. M. ii.

Rad. helen.

armorac. an. ℥i.

Bacc. juniper. ℥vi.

Passul. min. ℥i.

Mista infunde in Vinum vel serum lactis.

Potentior est succus, si speciebus istis prioribus sub contusione affundatur feri lactis saltem q. s. pro meliori conquassatione, & ita succus exprimatur; qui vel ita cum paucis saccharo edul- coratus absorbeatur; vel illius ℥ss. sub usu feri lactis q. s. ad- datur, & ita hauriatur.

Infusum Purgans pro una dosi.

℥. Fol. senn. sine stip. ℥ii.

Rad. helleb. nigri non præp. ℥ii.

Zingib. ℥ss.

Sal. Tart. ℥i.

Infund. in s. q. Aqu. comm. vel fumar.

Stent in loco tepido per noct.

Manè ℥. Colat. ℥iii.

adde

Aqu. Cinnamom. ℥ss.

Syr. de pom. ℥iii.

M. D. S.

Potio purgans.

Infusum Emeticum.

℥. Mercurii Vita, vel Croci metall. asinth. q. v.

Infund. in Vinum Rhenanum.

Stent in loco tepid. per noct.

Manè ℥. filtrati liquoris per chartam emporet. ℥i. ad ℥ss. consideratione agri.

D. S.

Vinum emeticum.

Nempe quantum Menstrui seu Vini hic ante omnia atten- dendum, ut rectè monet VALÆUS Meth. Med. p. 59.

Infusa Emetica.

℥. Fol. asari rec. no. viii. ad x.

Minutim incisa infundantur per noct. in

Aqu. card. benedict. ℥iv.

manè ℥. Colat. add.

Oxym. simpl. ℥ss.

M. D. S.

Potio emetica.

Fortius.

℥. Fl. asari rec. no. ix.

Conterantur in mortario lapid. cum pistillo ligneo, affunden- do sensim oxymell. simpl. ℥ss. ad ℥i., tam diu terendo, donec in potabilem succum sint contrita; tunc adde

Aqua card. bened. ℥ii. ad ℥iv.

M. f. Haustus:

D. S.

ut antea.

Infusum passulatum laxativum pro hypochondriacis, aliisque, qui siccioris sunt alvi.

℥. Passul. min. ℥ii. ad iij.

Fl. senn. sine stip. ℥vi.

Cinam. ℥ss.

Caryophyll. ℥i.

Crem. Tart. ℥ss.

M m 3

Conci-

*Co*ncisa & conquss. infund. in s. q. *Aq. com. verb. grat.* ℥ii. ad iij.

Stent in loco calido per noct. vel per 24. horas, vase clauso, ubi omnia refrigerint, colentur per linteum densum.

D. S.

Potio aperitiva.

Pertinet huc Infusum purgans ex senna pro delicatulis, a D. MICHAELE olim laudatum.

℥. Fol. senn. sine stip. pulv. ℥i.

Passul. minor. letar. ℥ij.

Contunde omnia in mortario lapideo, ut fiat pasta; adde

Cinnam. ℥iii.

Caryophyll. ℥i.

Hinc in vase fictili affund. aque ferventiss. ℥xv. misceantur optime, & asserventur vase clauso in loco tepido vel in B. Mar. per 6. vel 8. horas (alias sapor ingrator redditur) liquor filtratur & leni digestionem facies separentur, & clarus liquor per declinationem decantetur, & usui asservetur.

Dos. infant. ℥iii. ad ℥ss., adult. ℥iij., robusto ℥v. Quin & alia minus nauseosa purgantia una infundi poterunt pro subjectionum ratione; sicuti & de Tart. puro aliquid simul propter sennam addi posset.

Pertinent huc Vina infusione aromatum & sacchari medicata, Claretum it. a reperita per manicam Hippocratis seu marsupium laneum colatra, Vina Hippocratica dicta, apud nos ferè rariora, pro scopo vel analeptico, vel alterativo, vel simul laxativo.

Vinum Hippocraticum seu Claretum laxativum pro sene.

℥. Bacc. juniper. rec. ℥vi.

Rad. acori veri ℥ss.

Fol. senn. sine stip. ℥iii.

Rad. helleb. nigri ℥ss.

Cinnamom.

Galang.

Cubeb.

Zingiber. an. drachm. j.

Crem. Tartari drachm. ij.

Infund. in Vini Rhenani optim. q. s. v. g. ℥i. Stent in loco tepido per triduum, colentur, edulcorentur cum s. q. ℥i. ad ℥ij. sacchari.

Coletur iterum bis vel ter per manicam Hippocratis, & s. Claretum laxativum & corroborans.

§. 7. Hisce modis simplici specierum per menstruum extractione præscribuntur Infusa: est tamen, quando præterea fermentatio intercedit, qua mediante in textura gummeo-resinosa melius recluduntur species, ac ita exactius menstruo uniuntur, & sub minori digestionis primæ labore aliis partes corporis subeunt, & alterativas impressiones undique exerunt. Species infundenda saltem in majori quanto, habita ratione liquoris, in quem fit infusio, præscribuntur, & hinc v. g. Cerevisia recentis, & a coctura ferventi, vel musto recenter expresso, infunduntur, vel ita nuda, vel nodulo raro inclusa, ut & in medio liquoris suspensa, ut sub alterutro fermentativo motu potus medicamentosus emergat: v. g. talis est Cerevisia antiscorbutica TIMÆI in Epist. l. 6. Epist. 14. p. 428.

Cerevisia Medicata, anticachectica & antihypochondriaca.

℥. Rad. Cichor. rec. ℥ss.

Helen. rec. ℥iij.

Herb. scolopendr. ℥ss.

Card. bened. M. iij.

Bacc. juniper. rec. ℥iii.

Incis. & contus.

D. S.

Species ad cerevisiam medicatam.

Mens. 30. ad 40.; quarum qualibet ℥iii. Medicas constituit, infundenda ante fermentationem, & ita in liquore relinquenda, donec liquoris perfecta fermentatione fiat transvasatio.

Vinum medicatum absinthiacum.

℥. Herb. absinth. ℥iij.

Card. benedicti,

Rorismarini an. ℥ss.

Com. cent. min. ℥iij.

Rad. caryophyll. ℥ss.

Fl. sambuci,

Cortic. cirri,

Aurant. an. ℥iij.

Incisa & contus.

D. S.

Species ad vinum absinthiacum.

Pro amphora, (60. mensurarum) una, vel cum semisse Musti, in quem debet fieri infusio.

§. 8. Differendi hinc prolixius daretur occasio de potibus medicatis fermentatis, ex succis & liquoribus vegetabilium parandis, in quo artificio Angli excellunt; sed quia ad officinales potius labores, quam magistrales præscriptiones pertinent, dimittimus, Unicum saltem potum medicamentosum fermentatum, Viennæ & Austriæ quibusdam in locis usitatum, hypochondriacis in primis ac lumborum renamque phlogosi & æstu correptis, crebrius vel loco potus ordinarii hauriendum.

℥. Bacc. junip. ℥i.

Passul. min. ℥x.

Tartari Venet. ℥ss. ad ℥j.

Fruct. cynos. cum arill.

Acac. cum nucl. an. M. j.

Infund. in aqua commun. ℥xvj. in vase apto ligneo & prope fornacem, vel loco quodam calido fermentare permittuntur, hinc tranvasantur, & pro potu non ingrato asservantur.

§. 9. Simili modo ac Infusa præscribuntur etiam Decocta; differentia enim saltem in præparat. accidentalis. Usus est ferè alterativus, adeo raro hodiè ob ingratas proprietates, doses incertas, & operationes diversas pro scopo solutivo ordinantur, nisi mitius quoddam sennatum aut helleborinum pro una dosi capiendum, &c.

℥. Rad. polypod. ℥iij.

Helleb. nigri ℥ij.

Fol. senn. sine stip. ℥i.

Sal. Tartar. ℥i. ad ℥ss.

Coq. in s. q. aqua comm. leniter.

Colat. ℥. ℥iij.

adde

Syr. de fumar. comp. ℥iij.

Spiritus Cochlear. ℥j.

M. S.

Potio purgans antiscorbutica.

℥. Rad. polypod. ℥ss.

Fol. senn. sine stip. ℥ij. ad iij.

Crem. Tartar. ℥ss. ad ℥ii.

Cum s. q. aqua com. vel seri lactis depurati leniter ebulliant ad dissol. Tartari.

Colat. ℥. ℥iij.

adde

Aqu. Cinamom. ℥ss.

Syr. de pom. ℥iii.

M. D. S. ut ante,

Cum tamen Clinico volupe fuerit adhuc Decoctum purgans pro pluribus dosibus ad Imitationem Veterum abligurare tale præscribi poterit.

Decoctum purgans in scabie.

℥. Rad. lapathi acu. ℥i.

Helen.

Polypod. an. ℥ss.

Herb. suma. M. ii.

Scabios. M. i.

Fol. senn. sine stip. ℥i.

Rad. helleb. nigri non prop. ℥ss.

Crem. tartari ℥i.

Sal. tartari ℥i.

Coq. in Aqu. com. ℥ii. ad ℥iij. clauso vase leniter. Colat. ℥. ℥iij. clarif. & aromatiz. cum cinamom. addendo

Syr. violar. solutiv. ℥i.

De fumar. compo. ℥ss.

M. D. S.

Potio purgans pro aliquot vicibus.

De quo capiat omni mane haustum ad ℥iv. vel v. calide, Ve

℥. Decoct. aperit. ℥iij. vel q. s.

in quibus dissolve.

Elect. dia-Cathol. vel diaphoen. ℥i.

(vel Elect. de jucco rosar. ℥vi.

vel Conf. Hamech. ℥ss.)

Colaturæ adde

Syr.

Syr. rosat. solut. ℥vi. ad ℥i.
Misc.

Dum colantur post dissolutionem, in paulo majori dosi præscribenda electuaria, cum multum residui post se relinquant.

§. 10. Alterantia ergo sunt decocta, quæ ordinario præscribenda veniunt.

Decoctum ad Dysenteriam.

℥. Rad. tormentill. ℥ss.

Fol. plantag.

Herb. heder. Terrestr.

Sanguisorb. an. Mi.

Fl. ros. rubr. p. iii.

Ras. priap. Cervi vel ceti ℥iii.

Incis. & contus. coquantur in Aqua comm. ℥iii. vel iv. ad medias:

Colat. ℥. adde

Syrup. cydon. aromat. ℥ii. ad ℥ iij.

Aqua Cinamom. ℥j.

M. D. S.

Potio confortans, & adstringens.

Decoctum adstringens ad hemorrhagiam uteri, ex vasorum laxitate.

℥. Rad. tormentill.

Bistort. ana. ℥ss.

Herb. consolid. maj.

Sanicul.

Pyrolæ,

Summit. hyperic. ana Mj.

Coq. in Aqua chalybeat. q. s.

Colat. ℥. ℥xv. ad ℥ss.

Adde

Syr. de symphyt. Fernel. ℥iij.

Aqua Cinamom. ℥ss.

M. D. S.

Capientur ad ℥ii. tepide sapius de die.

Decoctum Vulnerarium internè & externè usurpandum.

℥. Astacor fluvial. no. xx.

Rad. aristoloch. rotund. ℥j.

Herb. bugul.

Alchimill.

Sanicul.

Betonic. ana Mj.

Coq. in f. q. Aqua comm. & vini:

Colatura detur.

Hoc externè vulnera & ulcera eluuntur, vel etiam plagula in comade facta imponuntur: internè adduntur syr. de symphyto Fernel. ℥iv. & hauriuntur bis in die ℥ii. ad iv. horis aliquot ante pastum.

Decoctum Vulnerarium in Renum exulceratione, &c.

℥. Rad. Consolid. sarac. cum toto M. ii.

Fol. vinca pervinca,

Alchimill.

Herb. Terrestr. ana Mj.

Summit. hyperic. M. ss.

Ras. glycyrrhiz. ℥ss.

Coq. in f. q. Aqua simpl.

Colat. ℥. ℥ss. ad ij. Adde

Syr. de symphyt. Fernel. ℥ss.

Spiritus theriacal. simpl. ℥j.

M. D. S.

Potio sanans pro aliquot vicibus.

Decoctum refrigerans seu temperans bilem, ut vocant, effervescentem.

℥. Rad. Cichor. rec. ℥iij.

Fl. ros. rubr. M. ss.

Santal. rubr. ℥iii.

Succi Citri rec. ℥j.

Coq. in f. q. aqua comm.

Colat. ℥. edulcoretur pauco saccharo:

D. S.

Potio refrigerans alterativa:

Coqui etiam possunt in sero lactis, & si succus Citri omissus fuerit, accipi potest serum lactis cum Phlegmate Vatrioli acidulo.

Ettmulleri Oper. Tom. I.

Al. ad simplicius.

℥. Serilactis ℥ss.

Succicuri rec. capress. ℥ii. ad iii.

Ebulliant parum & cum albamine ovi clarificata, & pauco saccharo edulcorata, colentur:

D. S. ut ante.

Prodest in febribus pro alteratione; sicuti similimodo cum succo pomor. Borsdorf. maturor. ac ℥iv. vel vi. tractatum, conveni hypochondriacis astuantibus, obstructis, melancholica affectis, &c.

§. 11. Interdum Infusa & Decocta simul eandem formulam ingrediuntur.

Decoctum alterans & laxans, quod etiam loco

Julepi usurpari potest.

℥. Fl. ros. rubr.

Bellid.

Papav. rhæad. ana Mss.

Tamarind. rec. ℥ss.

Aqua comm. vel serilactis depur. ℥iii. ad ℥iv.

Ebulliant invicem: decocto ferventi infunde,

Cons. ros. rubr. rec.

Violar.

Papav. rhæad. ana ℥vi.

Facta digestionem in loco tepido colentur.

D. S. Potio aperiens alterativa.

De quo bibat eger pro lubitu, vel quotidie bis, manè & bihorio ante cenam.

Decoctum Diureticum.

℥. Ras. ligni juniperin. ℥ii.

Macerentur per noctem in balneum Mariæ in ℥ii.

Aqua comm.

Manè ebulliat ad tertiam partis consumptionem:

Decocto ferventi infunde

Bac. juniper. rec. ℥iii.

Rad. fœnicul. ℥ss.

Stent in infusa in loco tepido per 24. horas; manè facta leni ebullitione,

℥. Colat. ℥ii. adde

Syr. de s. radic. ℥iii. vel iv.

Spiritus sal. dulc. ℥i. ad ℥ss.

Vel hujus loco potius spiritus acidus ex nucleis persicarum & dactylor. destillar. ℥i. ad ℥ii.

M. D. S.

Decoctum diureticum.

§. 12. Volatilia ubi decoquenda sunt, jungatur destillatio; sicuti hoc imprimis urget quoad aromatica carum inantia ZVVELFFERUS Pharmac. Reg. pag. 87.

Decoctum antiscorbuticum.

℥. Rad. raph. rustic. rec. ℥ss.

Herb. cochlear.

Nasturt.

Paperitid. rec. ana M. i.

Conquass. in mortario lapid. cum Aqua comm. vel serilactis caprill. ℥ii.

Decoquantur in cucurbita suo alemb. munita, & destillentur simul ad medias:

Colat. clarificat. ℥. ℥i.

Adde Aquam simul destillatam,

In quibus dissolve

Solut. martis cum succo pomor. ℥vi.

Sacch. albiss. parum.

M. D. S.

Decoctum antiscorbuticum.

Decoctum in affect. chronicis capitis, & pectoris catarrhal. cum tumoribus glandularum colli & faucium insignibus, ex lymphæ motu & crassi vitii.

℥. Ras. lini juniper. ℥ii.

Sassafr. ℥ss.

Cortic. lign. guajac. ℥i.

Herb. roris marin. Mii.

Bacc. juniper. ℥ss.

Infund. in Aqu. & vini an. ℥ss. ad ii.

Macerentur per 24. horas in Balneo Mariæ, vase suo alemb. munito, & decoquantur & destillentur ad medias:

Colatura & Destillato adde

Spiritus sal. ammoniac. simpl. ℥iii.

Syr. fl. calendul. ℥iij.

M. D. S.

Decoctum diaphoreticum pro aliquot vicibus.

Mm 4

Deco-

Decoctum in Paralyfi.

℥. Ras. ligni sassafr. ℥ii.
Herb. rorismarin. rec. M. ij.
Bacc. juniper.
Lauri an. ℥j.

Coq. in Aqua & vini an. ℥ij. in cucurb. Cum alembico operata ad medias;

Colat. & Destillato a dde
Spiritus bacc. juniper. ferm. ℥iv.
Sal. ammoniaci simpl. ℥ss.
Syr. fl. tunic. ℥iv.

M. D. S.

Decoctum in Paralyfi.

que bis vel ter, manè, vespèri, & sub introitu lecti, capiatur bonus haustus.

Decoctum pectorale ad tussim, à frigore externo natam, it. restituens laciones pulmonum, &c.

℥. Ras. lign. sassafr. ℥j.
Macerentur in aqua com. mens. ij. seu ℥vi.

Adde

Rad. levistic. ℥ss.

Helen. ℥ij.

Herb. heder. Terrestr.

Scabios.

Pulmonar. an. M. ii.

Sem. anis.

Fœnicul. an. ℥iij.

Coq. ad tertias, addendo circa finem

Ras. Glycyrrhiz. ℥ss.

Passul. min. conquass. ℥vj.

Colat. D. S.

Potio pectoralis;

§. 13. Pertinent ad Infusa & Decocta etiam Hydromelita, it. Oxymelita, à menstruo ita dicta, in affectibus pituitosis, vel pectoris, vel senum proficua, &c. Propriè autem dicta *Mulsa medicata* sunt, dum melli cum aqua fermentanti infunduntur simplicia medicamentosa, ad instar Vinorum medicamentorum, de quibus supra.

Hydromel resolvens & incidens pectorale.

℥. Herb. marrub.

Hyssopi an. M. i.

Rad. helénii ℥ss.

Sem. fœnicul.

Anisi an. ℥ss.

Terræ fol. liri. ℥ii.

Coqu. in aqua simpl. part. vj. seu ℥. iij.

Mell. despum. part. i. seu ℥ss.

Bulliant simul ad consumpt. tertia vel quarta partis:

In fine infunde

Pulv. Cinamom. ℥j.

Crocigr. xv.

Colat. ℥. D. S.

Potio resolvens pectoralis.

Hydromel Paralyticum.

℥. Aqua com. ℥vj.

Mell. optim. ℥ss.

Despumantur sedulo, coquendo leniter ad quartam part. consumptionem;

Colat. ℥. Adde

Herb. hyssopi,

Puleg.

Salvia, an. M. i.

Fl. anthos M. ss.

Stent in infus. per 12. horas; manè ebulliant leniter, addendo

Cinamom. ℥iii.

Cardamom. ℥ss.

Cubebar. ℥ss.

Colatura D. S.

Hydromel Paralyticum.

Oxymel Diureticum Laxativum.

℥. Rad. vincerox. ℥i.

Hellebor. nigri ℥ss. ad ℥vi.

Herb. heder. terr.

Parietar. veræ an. M. j.

Bacc. junip. ℥vj. ad ℥j.

Gran. al K. K. ℥ss. ad ℥vj.

Concisa & contusa infund. in

Aqua comm. ℥iv.

Mell. colat. ℥ss.

Aceti vini ℥ss.

Stent in infuso in Vitro clauso per aliquot horas; manè ebulliant leniter; Colat. clarificatur, aromatiz.

D. S.

Oxymel aperitivum.

Pertinet huc Oxymel de Peto Quercet., quod & pectorale est egregium, & simul vim purgandi appropriatam in hydropse obtinet; it. Oxymel absinthites, euporiston PRÆVOTII in morbis chronicis; FEHR de absinth. p. 40. it. Oxymel ad Asthma POTERII Cent. 2. c. 44. p. 50.

§. 14. Referenda & huc hordeata, sive, ut aliàs audiunt, *Ptisane*, quæ tamen aliæ apud Veteres, aliæ apud Modernos ibi partim alimentum, partim potus: hic ut plurimum corpus pro Julebis; interdum, sed rarius, ex hordeo ad crepaturam cocto, emulsio paratur, cujus paradigma exhibet SYLVIVS l. 1. Prax. c. 14. p. 157. Ast hordeata hæc non adeò frequenti hodiè apud cultiores Practicos sunt in usu: 1. quia cruda sunt & ventriculum crudum reddunt: 2. fermentando flatulenta sunt; unde nunquam sine femine anisi aut cortic. citri decoquenda: 3. primis viis & hypochondriis utroque modo inimica. Si tamen pro Julebo alterante expetatur *Hordeatum*.

℥. Hord. mund. M. j.

Rad. scorzonæ. ℥ss.

Rosur. cornu cervi ℥j.

Cort. auran. ℥ss.

Coqu. lento igne ad crepaturam hordei:

Edulcoretur paucis saccharo.

D. S.

Potio alterativa.

§. 15. Quæ frequentissime adhuc sub hodierna Praxi usurpantur Decocta, sudorifera, pro chronicorum morborum cura ferè in usu, quæ eùm ex subjectis fixioribus ferè præparanda, diutiusque continuanda veniant, omnino & fortius decoquenda, & majori quanto ordinanda. Cum verò sub usu illorum strictum diætæ regimen observandum omnino sit, in specie *Diætæ* apud nos *sudorifera* dicitur, idque ad differentiam *Lactææ*, sub cura scorbuti interdum necessariæ. Veteribus ex uno vel pluribus quatuor famosiorum hydroticorum parabantur, quæ sunt *lignum guajac.* seu *sanct.* ejusque *cortex*, *sassafras* cum cortice, *rad. China*, & *sarsaparil.*, quibus in cura luis Venereæ isti principaliter usi fuerunt, His verò ceu exoticis; & ob id subinde suspectis, ligna nostratia radicesque commodè à modernis adjunguntur, v. g. *lignum juniperinum*, *buxum*, simul *anodynum*, *sarmentum periclymeni*, *rad. tormentil.*, *bardan. maj.* &c.; ex quibus nunc solitariis nunc, aliis additis, Decocta primaria pro eliciendo sudore, & secundaria, seu bocheta, pro potu ordinatio ordinantur. Præscribendi rationes tam Veterum quàm modernorum, præter MORELLUM de Formul. Remed. hic & prolixum & accuratum, apud luis Venereæ scriptores imprimis videantur: sufficiat saltem in præsentem Idea formam præscribendi recentiorum, quibus antimonium & mercurium superaddere placuit, subjungere.

Decoctum sudoriferum Primarium, ZVVELFFERO communiter adscriptum.

℥. Ras. ligni sanct. ℥vj.

Cort. Ejsdem.

Rad. sarsaparill. an. ℥ij. ad ℥ij.

Ligni sassafras ℥j. ad ℥ss.

Mercurii vivi per alcal. dep. & in per. ligat.

Antimonii crud. gr. mod. cont. in per. lig. an. ℥j.

Incisa & contusa macerentur in aqua comm. mens. xii. per diem ac noctem; hinc coquantur ad tertias:

Colat. ℥. D. S.

Decoctum sudoriferum.

De quo ℥iv. ad ℥vj. capiantur manè, & una altera hora proliciatur sudor, &c.

Decoctum Secundarium.

℥. Resident. decoct. prior. totam, vel ubi aliud quid addendum, mediam;

Affund. Aqu. comm. mens. xvij.

Macerentur per 12. horas, coque ad consumpt. tertiae partis:

Adde

Adde

Passul. minor.

Major. enucl. contus. an. ℥j. ad ℥ij.

Rad. glycyrrhiz.

Polypod. an. ℥vi.

Coriandr. præp. ℥ij.

Colentur per manicam Hippocr. aut aromatizentur cum cinamomo.

F. Decoctum secundarium:

D. S.

Potus ordinarius.

§. 16. Verum præter Luis Venereæ curam quibusdam in locis hodierno more receptum est, ut, qui corpora habent impuriore, ut vocant, & variis inde pathematis obnoxia, aut qui chronicis ac lentis plus minus complicatis affectibus constentur, viribus tamen utcumque constantibus, item qui luxuriosa inordinataque cum effræni potandi libidine utuntur diæta, & succulentioris hinc sunt habitus, Diæta hujusmodi sudorifera quotannis verno, interdum & autumnali utantur tempore, pro digerendis congestis cruditatibus, excernendis heterogeneis impuritibus, firmando tono viscerum, & mundificando ac roborando universo corporis habitu. In quem finem, præmissa primarum viarum absterfione, omni manè decocto primario utuntur, expectantes in Conopeo largum sudorem, quem in lecto calefacto decumbentes sensim exsiccate permittunt: Decocto secundario loco potus consueti utuntur: Vesperis ante pastum, aut saltem sub introitu lecti, repetentes decoctum primarium, citra sudoris ramen profluvium. Alimenta sint moderata, aerem externum vitent. Continuat hoc per aliquot septimanas, & vegeti inde ac alacres ferè redduntur. Prescribendi modus hæc decocta coincidit cum prioribus.

Decoctum Primarium.

℥. Ras. ligni sancti ℥i.

Sassafras ℥vi.

Rad. Chinæ ponderos.

Scorzoner. an. ℥i.

Eryng. ℥ij.

Sarsaparill. ℥iij.

Sem. fœnicul. ℥i.

Præparat. l. a. coq. in ℥xij. aquæ comm. ad medias:

Colat. D. S.

Potio Sudorifera.

Decoctum Secundarium.

℥. Rad. Chin. ponderos.

Scorzon. an. ℥ij.

Cinnamom. acut. ℥iij.

Passul. min. ℥iij.

Sem. fœnicul. ℥ij.

Resid. Decoct. superior.

Coq. in ℥xxv. aquæ simpl. ad remanent. ℥xvi.

Colat. D. S.

Potus ordinarius.

§. 17. Sed præter usum per diaphoresin evacuatorium, etiam pro scopo alterativo, in affectib. Chronicis, ex visceris cujusdam interioris læsione, præsertim exulceratoria dispositione natis, v.g. in Phthisi pulmonali, ex sanguine aut lymphæ acrioribus nata, quam aliàs defluxionibus à capite catarrhalibus tribuunt, item exulceratione renum, abscessu mesenterii, aliorumvè viscerum mundificandis & consolidandis, & similibus non nimis confirmatis malis, Decocta similia ex iisdem lignis & radicibus, potissimum radice Chinæ, additis aliis, vel vulnerariis vel abstergentibus, more & methodo hactenus insinuata præscribuntur, & quotidie bis vel ter haustus bonus ut capiatur, ordinatur: v.g.

Decoctum alterans, exsiccans & putredinem inhibens.

℥. Ras. lign. sancti ℥iij.

Rad. sarsaparill. ℥iij.

Scorzoner. ℥ij.

Fragar.

Consolid. maj.

Minor

Glycyrrhiz. an. ℥vi.

Herb. Veronic. M.ij.

Coriandr. ℥ij.

Passul. min. ℥iv.

Præparat. l. a. Coq. in ℥. aquæ simpl. vel mens. v. sive ℥. xv. ad medias:

Colatura D. S.

Potio alterativa.

Dof. ℥iv. vel v.

Aliud magis temperatum & consolidativum, &c.

℥. Rad. chin. gum. ponderos. non

carios. ℥iij.

Sarsaparill. ℥ij.

Scorzoner. ℥iij.

Caryophyllat. ℥i.

Macerata per noct. in ℥. q. Aqua simpl. ebulliam, manè addendo

Herb. Scabios.

Alchimil.

Heder. Terrestr. an. M. i.

Fl. ros. rubr. M. j.

Violar. M. ℥.

Sem. fœnicul. ℥i.

Passul. min. ℥ij.

Decoct. traiciatur per Manicam Hippocraticam:

Colatura D. S.

Potio confortativa & sanativa.

§. 18. Pertinent huc denique Decocta ex Cymis, it. ex cortice abietis, contra affectus nervorum scorbuticos, speciatim arthritidem vagam, paresin, stuporem: v.g.

℥. Cymarum sive turionum ping. ac resinos. pinastri, it.

Abietis, ℥iij.

Rad. Chin. in tal. incis. ℥ij.

Bacc. juniper. ℥j.

Incis. & contus. coq. in aquæ comm. ℥viii. ad tertie partis consumptionem, vel ubi fortius desideratur, ad medias:

Colatura D. S.

Potio antiscorbutica.

Capiatur bis, mane in lecto, expectando blandum sudorem, & vespere, vel sub introitu lecti circa sudorem. Si subjectum patiens constitutionis sit humidioris ac serosioris vel succulentioris, loco Chinæ radic. ras. ligni sassafras ℥j. ad ℥ij. recipi potest. Quod si ingrator sit Decocti sapor, nam terebinthina proprietates nannihil representat, in fine decoctionis aliquid passul. min. conquassat. addi potest.

§. 19. Fuerunt hæc Decocta & Infusa, prout usui interno inserviunt; consideranda jam pariter eorum præscriptio pro usu externo; circa quam quidem nulla essentialis occurrit differentia, utur ex partium affectatum ipsorumque affectuum varietate accidentalis quædam diversitas subinde occurrat.

Infus. ad aff. Paralyticos, aut dolores fixos scorbut. artuum.

℥. Fol. nicot.

Herb. salvia an. M. j.

Rad. angel. ℥ij.

Aronis,

Pyrethri an. ℥ij.

Flor. anthos,

Lavend.

Stæchad. Arab. an. p. ij.

Sem. eruce ℥vi.

Castor. ℥iij.

Contus. & concis. infund. in spiritus vini p. 2. & spiritus lumbric. Terrestr. p. i. stent in loco tepido, vase probe clauso, per aliquot dies, liqu. filtratus

D. S.

Spiritus externos ad aff. paralyticos.

Quo ipso tepido aut moderate calefacto artus vel loca dolentia bene fricanda & illinenda veniunt: vel idem infusum cum vel sine spiritu lumbricorum pro scopo discutiendi resolvendi, attenuandi vario, instar totus humidi tepidi crebrius usurpari & reiterari poterit.

Decoctum discutiens & resolvens ad Cephalalgiam ac.

cidentalem.

℥. Rad. rhodie ℥ij.

Fl. papav. rhæad.

Rosar. an. M. ℥.

Capit.

Capit. papav. no. iij.

Prepar. coq. in f. q. Aqua simpl.

Colatura. D. S.

Epithema externum.

Epithematis instar tepide fronti ac temporibus applicatur;

Infusum pro Oculo, seu Collyrium multius, ad rube-
dinem, maculas, albugines, nebulas, ulcera,
pustulas, scabiem oculorum, &c.

℥. Decoct. calc. vivæ cum aqua calcatrippæ parat. ℥ss.
Sal. ammoniaci depur. ʒss.

Mittantur in pelvim aeneam per noctem, vel ipsi misturæ pa-
rum limat. aurichalci immittatur, donec saphirinum ex cu-
pro colorem contraxerint, filtrentur celeri manu.

D. S.

Collyrium.

Vel instillatur oculo, vel cum linteo tepidiusculè applicatur,
nunc, ubi acrior fuerit, pauca Aqua fœniculi diluta, &c.
Sanè solum sal ammoniacum cum Aqua appropriata solu-
tum, ita ut citra insignem sensum oculi illud ferre queant, ad
maculas & albugines oculorum delendas, etiamsi à Variolis
relictæ fuerint, multum confert.

Infusum ad oculos à causa externa, v. g. Aere pluvio-
so ac ventoso laesos, &c.

℥. Mucilag. sem. cydonior.

Fœnugr.

Hermi.

per infus. in Aqua fl. ciani extractæ an ʒiij.

Sacch. saturni gr. ix.

Diluantur cum f. q. Aqua euphrasie:

D. S.

Mistura ad oculos,

Infusum ad Oculorum Epiphoram, Lippitud. &c.

℥. Torméntill. rad. grosso modo pulv. ʒj.

Aluminis gr. v.

Aque plantag.

Flor. cyan. an. ʒj.

Stent in loco calido per 24. hor. filtrentur.

D. S.

Collyrium.

Decoctum Polychæstum ad Erysipelata, Inflamma-
tiones, Exulcerat. humid., in metugangrana, &c.

℥. Lithargyr. ℥ss.

Flor. rosar. rubr. M. ij.

Olibani,

Myrrhæ,

Mastich. an. ʒss.

Dec. seu Aqua calc. vivæ res. ℥iv.

Aceti ℥ss.

Coq. simul, usque dum lithargyrium ferè sit solutum, in fine
addendo

Camphoræ ʒss.

Colat. D. S.

Epithema externum.

Calidè cum linteis multiplic. bis vel ter & crebrius applicetur
in die. Conf. ZVVELFFERUS Pharm. Reg. pag. 91.

§. 20. Sed hujusmodi Infusa & Decocta externa,
quæ ad Epithemata revera pertinent, aliàs proprio nomi-
ne

F O T U S

Appellantur, quia eisdem pars affecta suaviter afficitur &
blandè quasi fovetur. Eadem horum, ac interiorum De-
coctorum, præscribendi ratio, saltem quæ ad gratiam his
adduntur, in illis omittantur. Triplici modo adhibentur:
cum enim species decoquantur, decoctum cum linteis,
spongia (non cum vesica, nihil enim substantiæ medica-
mentosæ hanc penetrat) applicatur, & dicitur *Fotus humi-
dus*; vel decocti saltem vapor ac suffitus parte affecta exci-
pitur & dicitur *Fotus Vaporosus*: species sacculo lineo
interpaffato includuntur, uno vel pluribus, qui nunc ita
ficcus, aut saltem spiritu quodam penetrantiori irroratus,
robèr tamen calefactus, nunc in liquore convenienti co-
ctus, & ita humidus applicatur, & in genere *Fotus Sic-
cus*, it. *Sacculus*, appellatur, Quantitas liquorum pro fo-
tu humido, item specierum pro fotu sicco, ex partis &
usus ratione variat: v. g. pro oculo liquor. ʒiv. ad vi. pro
ventric. ℥j. Species verò pro Capite in Cucupha ʒij. pro
stomacho ʒiij. ad iv. & amplius pro abdomine.

Fotus contra Tenesmum.

℥. Fl. chamomill.

Verbasci an. M. ij.

Herb. verbasci,

Linaria an. M. j.

Incisa Dentur ad Chartam: S.

Species ad fotum.

Coquantur in lacte, & ager in sella perforata decocto fervent
insideat, & fumum exsurgentem ita excipiat.

Vel Incisa Coq. in f. q. lactis Chalybeati;

Colat. ℥. ℥iij. D. S.

Fotus externus.

Decoctum hoc calefactum cum linteis multiplicatis, eidem
immersis & leniter expressis, frequenti repetitione parti affe-
ctæ applicatur.

Vel Incisa includantur sacculo interpaffato laxiori:

D. S.

Sacculus ad fotum.

Hic vel calefactus ita siccus applicatur, unde tamen in hoc ca-
suparam allevamenti sperandum, vel lacti incoctus, & le-
niter expressus, calidè admoveatur, aliquoties hoc ipsum rei-
terando.

Fotus Vaporosus ad promovendos menses, lochia, fœ-
rum morinum, &c.

℥. Herb. matricar.

Puleg. an. M. j.

Sabin. M. ij.

Bacc. lauri,

Juniper. an. ʒi.

Pom. Colocynth. ʒi. ad ʒss.

Incidantur gr. mod. D. ad chartam: S.

Species ad fotum.

Hec ipsa ebulliant in aqua comm. cujus vapor. fervidus exci-
piatur per infundibulum in sella undique clausa, idque ita al-
quandiu continuando, & crebrius repetendo: sin citius defer-
veat liquor, injectione silicium candefactorum, vel chalibis
igniti intrusione, denuo calefieri potest: Eadem species etiam
saculo incluse post fotum hunc vaporosum vel in forma sicca,
vel (in decocto macerata & expresse,) humida regioni hypo-
gastricæ applicari possunt.

Fotus humidus in contus. oculorum, aut Livore.

℥. Fl. cyani,

Calcatrip. ana Mss.

Summit. hyssop. flor. Mi.

Rad. symphyt. maj. ʒvi.

Sigill. Salomon. ʒiii.

Coq. in f. q. Vini: Colat. ℥. ʒiv. vel vi.

Adde

Spiritus vini camphor. ʒss. ad ʒvi.

M. D. S.

Aqua externa.

Applicetur calidè cum linteis multiplicatis.

Fotus humidus pro membro fracto, luxato, distorto,
ante & post repositionem.

℥. Herb. betonic.

Camomill.

Rorismarin. ana Mi.

Summit. hyperic. flor. Mss.

Rad. aristoloch. rotund. ʒvi.

Symphyt. maj. ʒss.

Sem. ʒ. calid. maj. ana ʒss.

Coqu. in aqua simplic.

Colat. ℥. ℥ss. adde

Vini infus. fl. hyperic. ℥ss.

M. D. S.

Fotus ad membra.

Fotus pro scroto intestinis repleto in
Hernia.

℥. Stercoris Oviili q. v.

Coque in f. q. lactis vacini:

Colat. ℥. & cum linteis eidem immersis fomentetur scrotum
aliquandiu subcalidè: remanentia postmodum cataplasmatibus
forma desuper imponi potest. Sicuti aliàs sacculus, ex stercore
asinino cum acido subactò pubi impositus, crebrius reitera-
tus, in hemorrhagia uteri nimia egregius est.

Sacculi contra Dysenteriam.

℥. Fol. quercus.

Furfurum aa. Mij.
Includ. sacculis no. ii.
 uno rotundo majori & quadrato, altero minori:
 D. S.
Sacculus contra dysenteriam.
Sacculi hi aceto Vini incocti applicantur; major quidem um-
bilico, minor vero podici.

Sacculus contra dolorem capitis à causa externa,
in specie à frigore.

℥. Milii ℥ss.
 Sal. comm. ℥iv.
 Herb. verbenā,
 Fl. chamomill. ana Mi.
 Rad. rhod. ℥i.

Sal & milium primum torresiant in sartagine, & protinus
calide sacculo cum aliis prepar. induuntur: F. sacculi inter-
passati num. 2. & ita calidi capiti imponuntur. S.
Sacculus contra cephalalgiam.

Sacculus pro Ventriculo.
 ℥. Herb. menth. crisp. Mii.
 Nuc. mosch. ℥ss.
 Macis,
 Cinamom. ana ℥i.
 Caryophyll. ℥ii.

F. Pulvis, qui excipitur Cotone, & includatur saccula in-
terpassato rotundo: Irroretur largiter spir. vini theriacali,
vel oleo destill. mentha ac juniper. &c.

D. S.
Sacculus pro ventriculo

Pertinent huc *Cucupha*, hoc est pulv. aromatici *Cotone*
 excepti, & mitti capiti imponendæ ita insutæ, præser-
 tim pro senibus; sed quia in desuetudinem ferè abierunt,
 oblevia & brevia emolumenta, cum præterea in præscri-
 bendi ratione nil peculiare occurrat, præstat de iusta-
 cere.

§. 21. Major solus dicitur *Balneum*, quod corporis par-
 tium respectu vel *Universale* vel *Particulare*. Illud vel sim-
 pliciter tale, cui totum corpus ad collum usque immergi-
 tur; vel secundum, quid, respectu medietatis saltem corpo-
 ris inferioris, & *Inseffus* vel *Semicupium* aliàs vocatur, quia
 ad umbilicum saltem aut regionem hypochondriacam ei-
 dem insideri solet. Particulare est vel *Capitis*, vel ma-
 nuum, vel pedum, quod propriè *Lotio* appellatur. Nulla
 hic nisi in quantitate ab aliis solibus aut *Decoctis* præscri-
 bendi est differentia.

Balneum in scabie.

℥. Rad. lapath. acut. ℥ss.
 Bryon. ℥iii.
 Herb. parietar.
 Saponar. ana. M. ii.
 Rad. lapathi acut. Miv.
 Sulph. pulv. ℥ii.
 Calc. viv. rec. ℥ii.

Incisa & contus. D. ad Chartam: S.
Species ad balneum.

Coq. in s. q. aquæ dulc., addendo parum lixivii. Hinc deco-
cto moderate calenti insideat ager vacuo ventriculo. Possunt
ante ingressum capi sudorifera, ut Ess. lignor., Tinctura Tart.
antimoniata, Tinctura Sulph. &c. sub egressu, verò illiniri
blande corpus linimento appropriato, minus viscido aut glu-
tinoso.

Balneum in Ictero.

℥. Herb. saponar.
 Parietar. ana Miii.
 Rad. bryonia ℥ss.
 Sigill. Salom. ℥iv.
 Pulv. pisorum ℥ss.
 Incisa, D. S.

Balnea hujus Decoctiois aliquoties ager insidere poterit, no-
vam semper Aquam recipiendo: tunc pisorum pulvis nodulo
laxiori inclusus esse debet.

Inseffus seu Semicupium pro gravida, ad facilitandum parv.

℥. Herb. Malva,
 Alb.
 Melisse,

Flor. chamom. ana. Miii.

Malva,
Melil. ana Mi.

Sem. lini,
Fœnugr. ana ℥iii.
Rad. Alth. ℥iv.

Incisa D. ad Chartam. S. Species ad Balneum.

Decocto harum gravida insideat, quamdiu cum euphoria fieri
potest, idque ferè alternis diebus, imminente partu; deterfo
madore in lectum se componat, illinendo postmodum lumbos,
regiones umbilici & lumborum Linimento ex mucilag. sem. li-
ni, fœnugraci, alib., oleo amigd. d., lil. albor., &c. Ha ipse
species, modo additione bacc. juniperi magis quasi appropriate
reddantur, pro semicupio in quibusvis doloribus nephriticis
commode eodem modo adhiberi possunt, ungendo postmodum
partes dolentes ungu. de althæa, ol. scorpion., ol. destill. tere-
binth. &c.

Pertinet huc etiam *Inseffus Vinaceorum*, vel per se ex
 fermentationis motu, vel inspersa calc. viva sensilius inca-
 lescentium, in malo *Ischiadico*, doloribus crurum scor-
 buticis, præsertim nocturnis, aliisque contumacioribus,
 & inde paralytica dependente dispositione, perquam pro-
 ficuus.

§. 22. Quoad Balnea particularia seu *Lotiones*, nulla
 & hic ab aliis præscribendi modis differentia,

Pediluvium ad firmandos articulos, podagra debilitatos;
simul à crebriori recidiva præservans.

℥. Bacc. juniper. ℥ss.
 Herb. Rorismarin. M. vi.
 Serpill.
 Salvia ana. Mii.

D. S. *Species ad pediluvium.*

Lotio Manuum contra Maculas & pustulas, à scabie,
variolis &c. relictas.

℥. Aquæ calc. viva ℥ii.
 Sulph. pulv. ℥i.
 Ebulliant invicem:
 Colat. adde
 Aquæ rosar. ℥i.
 M. D. S.

Aqua mundificans.

Additione & mitione simplici sacchari Saturni ℥ii. ad iii.
erit lotio appropriata ad maculas hepaticas.

Coq. in s. q. Lixivii comm. non adeo acris, Decocto decanta-
to, cum vel sine colatura, immittuntur pedes, coercendo ha-
litus integumento, vasi superimposito: conservando astum,
vel novum decoctum fervidum, vel silicem candefactum sup-
peraddendo: pedes extracti probe abluti, calidis linteis in-
volvuntur, & quies ipsis concedatur. Species hæ 3. vel 4. co-
qui dicto modo, & exhiberi possunt.

Lotio contra fœtorem axillarum, pedum, aliorumve locorum.

℥. Herb. scordii,
 Plantag.
 Fol. quercus ana. M. i.
 Coq. in s. q. aquæ comm.
 Colat. ℥. ℥ss.
 adde

Solut. lithargyr. aurei cum aceto fact. ℥iii.

M. pro Lotione. D.

℥. Fol. quercus M. iii.
 Summit. organ. M. ij.
 Fl. ros. rubr. M. i.
 Aluminis ℥ss.

D. S.

Species.

Coquantur in Aq. comm., adhibeantur pro lotione, sed sem-
per caute.

Lotio Capitis in Casu Capillorum.

℥. Abrotan. mar.
 Cappill. Ven. mai. ana M. j.
 Fl. rorismarin.
 Lavend. an. pug. iij.
 Rad. lapath. mai.
 Peuced. ana ℥i.
 Vrtic. maj.
 Sem. fœnugr. ana. ℥ss.
 Ladan. el. ℥iii.

Affunde s. q. lixivii, stent in digest. per aliquot dies, ebulliant
leniter & exprimantur.

Hoc ipso caput abluatur, & linteis tepidis detergatur: illina-
tur postmodum Ungu. Bucetii experto, &c. Dum verò horum
beneficio denuò crescunt pili, loco lixivii in Vino dilutiori vel
modicè adstringente species pro lotione capitis coquenda. Facit
huc Decoct. herb. & rad. malva cum pisis in Urina humana,
quod pro lotione capitis infantum in tinea, etiam gravissima,
et fursatione capitis, multum valet.

§. 23. Hæc sunt balnea propriè dicta, humida scilicet;
sunt & improprie dicta, solum vaporis instar, quæ
speciali nomine Balnea Laconica, it. Stufa, it. Sudatoria,
appellantur. In his Vapor saltem calidus plus minus medi-
catus, vel universaliter vel particulariter corpus aut par-
tes quasdam afficit; idque pro scopo vel sudandi univer-
saliter, vel discutiendi & leniendi particulariter. Vapor
usitatissimè hodie in Laconico excitatur, vel ex Aqu. fer-
vente simplici, aut Decoctione certa medicata, vel ex
Spir. vini incenso, quorum hoc præferendum illi; mirum
quantum penetret universum corporis habitum Spiritus
vini calor; subiectis humidioribus & succulentioribus,
item quæ atonia Viscerum laborant, magis, quàm qui
siccioris sunt habitus, convenit; his enim prior modus
magis appropriatus. Perficitur utrumque in domnacula
peculiari lignea, notæ jam passim formæ, in qua æger ad
collum usque erectus sedeat, dum ex fundo vapor exsur-
gens totum alterat. Eminent hæc inter balnea sicca medi-
cata, in specie Balneum ex suffitu decocti cubilis formica-
rum, in artuum dolore, paralyti, rigiditate & similibus
malis, scorbuti apud nos familiari progentie, admodum
laudatum. Præter hoc verò cum rara sint balnea sicca uni-
versalia medicata, saltem particularia interdum vapore
medicato instrui solent; sed nil a solum præscriptione dif-
ferente. Saltem exempli gratia quoddam peculiare ad-
dam.

Laconicum particulare, Cruribus dolore podagrico affectis,
it. in doloribus illorum scorbuticis fixioribus.

℞. Lixivii Corariorum, jam ab ipsis usurpati, ℥ii.
Urin. human. ℥iiij.

M. D. S. Fatus externus.

Ebulliant, fiat inde suffitus pro membris dolentibus desuper
fluatis, & fornicatim in tegumentis aptis munitis.

§. 24. Efficacioris fatus species est

CATAPLASMA,

Dum massa medicamentosa pultiformis parti cuidam
applicatur pro usu multiplici. Siquidem non rarum,
ut post præmissum solum humidum Cataplasma applice-
tur, imò ipsa decoctionis pro solum remanentia non raro
capitur, & l. a. tractata, ut Cataplasma applicatur. Ordina-
rio nempe sunt cataplasmata, dum subiecta appropriata
mediante lacte & oleo, ubi emolliendum; Vino & Aceto,
ubi discutiendum & attenuandum; Urina, lixivio, ubi re-
solvendum, &c. ad talem rediguntur consistentiam, ut
per seraceum pulpæ aut pultis forma trahi possint, quæ
puls Cataplasmatum corpus, majus, vel minus, pro par-
tis Affectu & applicationis ratione, constituit; cui pro re
nata interdum & alia desuper addi solent, oleum, mel,
pulveres, Electuaria &c. eorumque plus minus, prout
vel baseos vel adjuvantis locum obtinent.

Cataplasma emolliens & suppurans abscessus
& inflammationes.

℞. Nidi hirundinum interior. cum excrementis abiectis
stramine, paleis, & ceteris quisquiliis, no. i.

Albigraci, ℥i. Rad. lil. albor.

Althæa an. ℥ii.

Fl. chamomill.

Melilot. ana Mi.

Sem. fœnugrac.

Psyllii ana. ℥ii.

Althæa ℥ss.

Ficuum ping. no. iv.

Cepar. ℥ss. ad ℥vi.

Incisa & confusa coq. in s. q. aquæ comm. vel aquæ hordei, vel
cerevis., vel lactis vel feri lactis (pro indicationum ratione)
ad consistentiam pultis: pulpa per seraceum trahenda adde

Ol. lil. albor. ℥ii.

Chamomill. ℥i.

Croci Orient. ℥ss. ad ℥ii.

Vitell. quor. no. iii.

M. f. Cataplasma;

D. S. Puls emolliens.

De quo q. s. calidè applicetur, & quoties opus, reiteretur.
N. B. semina ista Decoctioni addita omitti, & illorum loco
pulti trahenda farina sem. lini, fœnugraci an. ℥ss. rad. althæa
℥i. addi possunt.

Cataplasma contra tumorem brachii, ex percussa in
Vena sectione vena: & laeso nervo.

℞. Herb. agrimon.

Chærefol.

Chamomill. an. M. i.

Rad. symphyt. mai. ℥iii.

Sigill. Salomon. ℥i.

Sem. lini.

Fœnugr. an. ℥ss.

Coq. in s. q. Aqu. ad consist. pultis: trahatur per seta-
ceum.

D. S.

Puls contratumores.

Instillato prius ol. destill. terebinthina vulnuscule, applicatur
calidè, addendo cuilibet portioni sub applicatione spiritus the-
riacalis, vel simpl. vel camphor. ℥i. aut q. s.

Cataplasma ad suppressionem Urine in puerpera, ob ad-
missum incautus frigus externum à partu.

℞. Herb. parietar. M. ii.

Chærefol. M. i. s.

Coq. ad mollit.: pulpa per setac. trahenda adde

Butyri rec. ℥ij.

Olei scorpionum ℥ss.

M. pro Cataplasmate, calidè regioni pubis admovendo.

Subinde pulpa fructuum coctione emollita, ceu cataplas-
ma applicatur, cui & alia addi possunt: v. g.

Cataplasma ad Bubones Pestilenciales.

℞. Herb. parid. M. iii.

Rad. lil. albor. ℥ss.

Ficuum ping. no. iii.

Coq. in s. q. aquæ communis;

Pulpa trahenda adde

Theriac. ℥ii.

Pulv. busonum, ℥ss.

Fuligin. Camin. ℥i.

Saponis Venet. ℥vi.

cum s. q. ol. arancar. F. Cataplasma.

D. S.

Cataplasma contra vulnera, dolorem, percussionem
oculorum.

℞. Pulp. pomor. dulc. ad mollit. coctior. ℥iv.

Mucilag. sem. cydon. cum sperm. ranar. extr.

℥i. ℥ss.

Sacchar. albiss. ℥ss.

Camphor. parum.

M. D. pro Cataplasmate.

Conf. TIMÆUS in Cas. l. i. cas. 21. p. 48.

Interdum soli pulveres liquore conveniente excepti, ca-
taplasma formant; v. g.

Cataplasma ad tumorem testium ex contusione.

℞. Farin. fabar. ℥iii.

Pulv. sem. cumin. ℥ii.

Coqu. in posca seu oxycrato q. s. ad consist. pultis.

D. S.

Puls resolvens.

Sin scrotum ab aceto pruritus aut rosionem sensiliorum incur-
rat, parum lithargyri sub decoctione addi potest.

Cataplasma ad hemorrhag. Narium,

℞. Argille usæ seu calcinat. ex furno pistorio v.

g. extract. M. ii.

Aceti accerrimi q. s.

Commixta redigantur in form. Cataplasmatum.

D. S.

Epithema externum.

Frigidè immediatè fronti cum temporibus, ac nuca, cum lin-
teo applicatur.

Imò ipsa interdum ingredientia propria sub consisten-
tia aut mixture mutua in Cataplasmatum formam coe-
unt, citra aliud artificium, succulenta scilicet plus mi-
nus si fuerint.

Cata-

Cataplasma contra tumores seros, & hydropes particulares.

℞. Cochlear. cum suis testis cont. ℥i.

Pul. sem. carvi ℥ii.

Stercor. caprill. ℥iv.

Misceantur, & si opus, cum f. q. Vini aut posca redigantur ad consistentiam Cataplasmatum.

Pertinet huc stercus vaccinum, quod recens, seu singulare anodynum, cataplasmatum forma imponitur; v. gr. podagra dolentibus: succurrit pariter aliis doloribus ac tumoribus, præsertim cuiusvis dolori inflammatorio, vel solum vel cum oleo rosarum impositum: Sic stercus suillum cum Aqu. servida subactum, & abdomini instar Cataplasmatum insternitur egregio successu, sub nimio mensum fluxu cataplasma ex fimo equino in Vinococto, vel succus ejus cum mica panis, secretum est contra Gangranam; conf. Cataplasma compos. B. ARBETTE Chir. l. i. c. 14.

Ex fermento pariter solo, additis aliis quibusdam, ex tempore fiunt Cataplasmata, eaque propter acrimoniam vel vesicantia, vel rubificantia, adeoque, ut vocant, attrahentia & derivantia.

Cataplasma rubificans contra dolorem scapulae insignem sæpius recurrentem, cum gravi oculorum dolore, occipiti seu nucha applicandum.

℞. Ferment. acerrim. ℥j.

Sem. sinapiconfus. ℥ss. ad ℥vi.

cum f. q. spiritus vini subigantur ad pulvis consistentiam:

D. S.

Externe applicandum.

Possunt, ubi opus est, sem. eruc. ℥ij, adhuc pro stimulo addi.

§. 23. Pro Ventriculo, in ejusdem quibusvis symptomatibus plurimis, laudatur cataplasma ex fermento cum aromatibus, ad imitationem MYNS. Armam f. 37. pag. 520, & 524. Sed quamdiu hæc omnia probe valent, res bene habet; simul vero ac parum intepuerint, offenditur tactus & cutis, unde nil emolumenti. Expertus hæc scribo; sanè eadem difficultates, quas supra circa Epithematum usum insinuavi, premunt pariter sæpius & fortius humidos & Cataplasmata. Siquidem hæc tumoribus, præsertim calidis, applicata, necessario ex allegata causa pororum constipatione occasionem præbent, transpirationem, adeo in iisdem necessariam, impediunt, repellunt, & nervosiori loco gangranam citius accerunt, &c.

§. 26. Communissimus usus externus, Infus. & Decoctor. est, quando aptis instrumentis certis quibusdam cavitatibus iniiciuntur; unde

INJECTIONES SIVE AENEMATA,

Item Lavamenta seu Clysteres & Clysmata, ibi secundum Latinos, hic secundum Græcos, dicuntur, quamcunque in partem injectio fiat. Cum vero à potiori ac usitatori fieri soleat denominatio, propter infusionem talium in anum ac intestina, seu generalem corporis cloacam, crebritatem, Clysmatis ac Aenematis vox ferè his saltem hodie tribuitur, cui consuetudini & nos cedimus. In Clysmate ergo duo consideranda; 1. decoctus liquor; 2. addenda, vel dissolvenda in eodem, ex quibus emergens compos. ad ℥i. præterpropter adscendat in adulto, raro ulterius ad ℥xv., infanti ℥ii. ad ℥iii. pro corporis ratione sufficiunt. Decoctum ipsum præsupradictis nil peculiare obtinet. Addenda sunt Electuar. alterativa, aut laxativa ad ℥i. ab ℥ij. mella à ℥vi. ad ℥i., ol. cocta vel infusa ab ℥ss. ad ℥ss., ol. destill. à ℥i. ad ℥i., sal stimulans vel alterans à ℥ss. ad ℥i., subinde etiam Vitella ovorum no. i. vel ii. adiciuntur. Quod si plura addenda simul fuerint & horum respectiva proportio attendenda, ut ex omnium miscela una dosis completa pro usu intento exsurgat, quin in genere est triplex; vel intestina stimulare & plus minus purgare, vel eadem demulcere, vel contenta in iisdem temperare ac alterare: Quibus seu secundarius ac accidentarius accedit, aliis partibus variis ob consensum diversimodè prodesset: superfluitus de cætero est delectus cephalicorum, pectoralium, nephriticorum, hysteriæ, &c. qui in clysmatum præscriptione subinde instituitur; cum per consensum saltem aut denteropathiam, vel per quandam consequentiam, aliis partibus auxilium ab eis afferatur. Inficiuntur tepide, vel una duplici vice, pro excrementorum, flatuum, podicis plus minus dolentis, &c. respectu, semper tamdiu, si possibi-

le, retinendo, donec usui satisfecerint. Instrumenta sunt triplicia: Vesica suilla cum parva fistula apud nos Germanos, siphon amplius apud Gallos, Instrumentum GRAFFII Tr. de usu Clyster. apud Belgas, magis usitatum. Optimum videtur hoc Graffii instrumentum, ab eo tamen non descriptum; forsan imitandum, si intestinum quoddam longius & æquale avis cuiusdam debito balsamo, vel terebinthinato, vel spiritu salis armoniaci vino, &c. conditur, & aptè tractetur, hinc filo æneo & panno sericeo obvolvatur, &c. Clyster ex fumo Tabaci Anglorum, seu Anomalous, huc non pertinet. De fumo Tabaci dico; nam qui ex Decocto Tabaci aliis additi parari posset, summè periculosus est, cum usum eius subito, ac modo applicatus fuerit, præcordiorum anxietates, lipothymias, sudores circa frontem frigidus, totius feralem quasi pallorem, aliaque similia symptomata, insecta fuisse, noverim.

Clyster Carminativus in Calica flatulenta.

℞. Herb. chamomill.

Menth. ana M. i.

Bacc. lauri,

Juniper. an. ℥ss.

Sem. feniculi,

Anisi,

Carvi ana ℥ii.

Sal. tart. ℥iii.

Incis. contus. coq. in f. q. aquæ simpl., vel ubi sal tart. non add. tum fuerit, in f. q.

Colat ℞. ℥ix. adde

Elect. de bacc. lauri ℥vi. ad ℥i.

Mell. rutac. ℥ss.

Olei destill. bacc. lauri ℥ss. ad ℥i.

M. pro Clysmate. D.

Clyster fortiter stimulans, v. g. in Apoplexia, passione hysterica graviore, &c.

℞. Herb. salu.

Fl. chamomill. an. M. i.

Rad. pyrethri ℥ss. ad ℥vi.

Pulp. Colocynth. in per. lig. ℥i.

(aliàs subtilissima ramenta horrenda tormina inferunt, & aliquandiu post se relinquunt; quod non putarem, nisi experientia confirmatus fuisset)

Coq. in f. aq. Comm.

Colaturæ ℥ix. adde

Elect. hier. picr. ℥i.

Mell. anthos. ℥vi.

Castor. ℥i.

Sal. gemm. ℥ss.

M. pro Clysmate. D.

De electuariis Purgant. Clysmatis additis dubitatur merito, an cuiusdam usus sine? si quidem antequam textura crudorum purgantium resolvatur, ita, ut se commodè explicare & insinuare parietibus intestinorum queant, diu erit, quod jam Clysmate rejectum denuò fuerit. Ob id potius ipsa fortiora purgantia infundantur, vel decoctum Croci metall. in vino, aut Aqu. bened. officinal. ℥iij. aut syrupus emeticus Salæ ad ℥ss. Decocto jam colato adduntur, præsertim ubi præsentanea magis ope opus fuerit.

Clysmata anodyna antidyenterica.

℞. Fl. verbasco Mii.

Sambuci M. i.

Cap. papav. cum sem. no. iii.

Concisa & contusa coq. in f. q. lactis bubuli chalybeati:

Colat. ℞. ℥i. adde

Sevi Cervin. vel hircin. in vitello ovi dissol. ℥ss. ad ℥vi.

M. f. Clysmata.

Loco Cap. papaveris commodè etiam Philon. Rom. ℥i. aut theriacis non adeo vetust. ℥ij. addi possunt.

Usitator hic fuit Clysmatum præscribendorum modus; interdum verò sola fluidorum miscela clyster conficitur, citra ullos labores: e. g.

Clyster temperans & anodynus polycrestus.

℞. Lactis bubul. ℥ix. ad ℥i.

Tereb. Venet. in vitell. ovi dissol. ℥iii. ad ℥ss.

Mell. rosat. ℥ss. ad ℥vi.

M. pro Clysmate.

Sane terebint. additio plus in recessu habet; ex tali enim Clysmate paulò diutius retento urinam intensè violas spirasse, in puerpera olim notavi. Imò solum lac cum paucis addito saccharo, vel cinere clayellato, aut, pro ratione, Elect. lenitiv. vel de bacc. lauri, jam pro Clysmate anodyno, in

no, in scorbuticis præsertim abdominis malis, inservire potest. Ut nihil dicam de Clysmate ex solis oleis sub sæcum induratione, aut pertinaciori alvi occlusionone, usitato.

℥. Ol. rapar.

Kini an. ℥iv. ad v.

Diacolocynth. ℥ss.

Misc. pro Clysmate.

Detur.

§. 27. Juxta injectiones in intestina, frequentiores cæteris sunt istæ in os, pro regionis huius, & faucium, ac pariter conterminarum levamine, variis sub eorum malis; & in genere.

GARGARISMATA

Dicuntur. Fiunt frequentius ex decocto appropriato, cui pro re nata adhuc alia adduntur, omnia in quanto mediocri, nisi crebrius eodem uti conveniat. Utendi modus, sive eluendo, sive gargarizando, sive cum siphone iniiciendo fiat, notus est. Præscribendi aut miscendi modus præ aliis Decoctis in genere, aut clysmatis in specie, nil singulare obtinet, nisi in quantum iudicium Medici ista ad partem affectam specialem certò applicare norit.

Gargarismus resolvens & discutiens in principio inflammat. faucium aut tonsillarum, &c.

℥. Rad. levistic. ℥vi.

Apii ℥iij.

Fl. sambuci Mis.

Fol. malvæ M. i.

Passul. mai. incis. ℥ss.

Coqu. in f. q. aquæ comm. vel hordei vasis opertis;

Colat. ℥. ℥ss. adde

Sal. ammoniaci depur. ℥ss. ad ℥j.

M. pro Gargarismate.

D. S.

Gargarisma resolvens.

Sanè loc gargarismatis domestici optime in his casibus convenit Decoct. hordei vel avenac., in quo parum sal. ammoniaci dissolutum est; imò sola urina humana, calida aut calefacta, loco gargarismatis adhibita, subindè artificiosissime composita superat. Superior gargarismus magistralis mutari etiam, & loco passul. majorum Colaturæ *Mell. Mercurial. ℥i. ad ℥ss. spiritus vini theriacal. ℥vi. ad ℥i.* (aut si malignum ac contagiosum videatur malum, *spiritus vini camphor. ℥ss.*) *spir. sal. amm. ℥ss. ad ℥i.* addi possunt.

Gargarisma anodynum & maturans in statu istarum inflammationum.

℥. Herb. malvæ,

Melilot. an. M. i.

Rad. althææ ℥i.

Ficuum pingue, no. vi.

Coqu. f. q. Lactis, aut ubi ardor & inflammatio intensior, in sero lactis:

Colat. ℥. ℥ss. ad ℥ii.

Et vel nudè ita usurpetur, vel addito *syrupo violaceo*, aut *melle despumato* paucò, adhæbeat.

Sin suspicio sit materiam suppurandam pituitosiorē ac viscidiorē existere, *saponis Veneti* nonnihil unā incoqui potest: quod etiam locum habet, ubi citius maturare abscessum est animus.

Gargarismus in loquela amissa post Apoplexiam.

℥. Herb. salvia,

Rorismar.

Majoran. an. Mi.

Rad. pyrethri ℥iij. ad ℥ss.

Sem. erucæ,

Sinapi an. ℥ss.

Caryophyll. ℥i.

Coqu. in f. q. Aquæ communis:

Colaturæ ℥x. ad ℥i. adde

Spiritus Ceras. nigr. vel bacc. juniper. ℥ss.

Sal. ammoniaci cum calce viva an. ℥iij.

Mell. anthosar. ℥vi.

M. D. S.

Mistura ad os.

Gargarismata contra scorbutum oris.

℥. Herb. salvia,

Cochl. an. M. iij.

Coqu. in f. q. lactis vel ejus seris

Colat. ℥. ℥ii. adde

Succi Cochl. ℥ii.

Syr. aquileg. ℥iv.

M. pro collutione oris.

℥. Salv. M. iij.

Fl. malv. hortens. rubr. M. i.

Rad. polypod. ℥ss.

Coqu. in ℥i. Aqu. fontana:

Colat. adde.

Mell. rosar. ℥ss.

Alum. usti ℥i.

Nitri antimoniat, vel nitri depur. ℥ss.

M. D. S. ut suprà.

Si serum lactis sumtum fuerit, *spiritus sal. ℥i.* vel *q. s.* addi poterit.

Subindè verò citra laboriosam præparationem simplex liquor, aut saltem miscibilium extemporanea unio, Aquis destillatis hic potissimum inservientibus, ad gargarismum constituendum sufficit; nam decoctum raparum siccarum in faucium inflammationibus, in incremento & statu optimo. Lac in asperitate faucium earumque phlogosi, cum paucò saccharo vel nitro interdum abundè sufficit.

Vel

Gargarisma in nimia salivatione,

℥. Aqu. prunell.

Semper vivi an. ℥ss.

Tinctur. bellid. ℥i.

Alum. crudi ℥ss. ad ℥ii.

Syr. rosar. rubr. vel myrtill. ℥ss. ad ℥i.

M. pro Gargarismate.

§. 28. Fuerunt hi modi præscribendi Injectiones in Præxi frequentiores, præter quas aliis partibus, earumque cavitatibus, vel naturalibus vel præternaturalibus, vulneribus, ulceribus sinuosis fistulis &c. Injectiones variæ adhibentur, nunc in genere siphonis ope, nunc in specie in uterum per *Metrenchyten*, in vesicam per *Catheterem*, &c. In quibus omnibus nulla ab antecedentibus in præscribendo differentia, nisi in quantum partis affectæ, & affectus ipsius ratio, materiæ selectum & quantum determinare plus minus solet.

Iniectio in Vesicam exulceratam, item in mictu cruento & purulento, &c.

℥. Herb. agrimon.

Plantag. an. M. i.

Rad. liquor. mund. ℥ss.

Coqu. in aquæ ferrar. ℥ix. ad ℥i.

ad terriæ partis calum;

Colaturæ ℥ss. ad ℥viii. adde

Mellis rosar. ℥i.

Ess. resin. aloes cum spiritu vini extr. ℥ss.

M. pro Iniectione: S. Iniectione sanans.

Imò solum lac, cui terebinthina cum vitello ovi soluta permista, cum paucò saccharo sufficit; pro leniendi scilicet scopo & temperandi, dum istud magis intentioni purificandi inservit.

Iniectio in Penem in Gonorrhœa Maligna.

℥. Aqu. calc. viva ℥iij.

Aloes hepai. ℥ss.

(vel ejus loco Essent. aloes ℥iij.)

Mell. rosar. ℥ss. ad ℥vi. M. S.

Mistura externa ad iniectionem,

Malum ubi pertinacius fuerit, cum vel sine aloe *Mercurius dulc.* simul addendus a *℥i.* ad *℥ss.*, imminuendo mel ad *℥iij.* præter propter.

Iniectio in Veterum, tam hemorrhagia nimia, quam fluore albo affectum;

℥. Visci quercini ℥ii.

Corticis granator. ℥j.

Aluminis,

Thuris an. ℥ss.

Mastic. ℥ii.

Flor. balauft.

Ros. rubr. an. M. ss.

(in fluore albo ligni sancti ℥iij. illius loco capere amant.)

Infund. in Aqu. comm. ℥ii.

Macerentur per 24. horas, ebulliant lento igne ad medias, addendo sub finem,

Vini rubri austri ℥i.

Colatura D. S.

Inie-

Iniectio adstringens.
Pertinet hæc Iniectio in nares, in nimia earum hæmorrhagia: vid. *Misc. Acad. Nat. Cur. Ann. 2. Obs. 223 p. 324.* In quem Narium usum de facili Decoctum magistrale præscribi posset, simile decantato illi liquori Styptico de *la VIGNE Galli*; v.g.

Alumin.

Vitrioli an. Zi.

Pblegm. Vitrioli Zi. ad Zi.

Ebulliant ad dissolutionem contentorum.

Liquor filtratus spiritu vitrioli aliquot guttis aciduletur. D. S.

Aqua sanguinem sistens.

Vel in mistura extemporanea.

Alum. crud. Zi.

Terræ Vitrioli dulc. gr. xv. ad Zi.

Pblegm. vitrioli spiritu vitrioli nonnihil acidul. Zi. ad Zi.

M. D. injiciantur naribus, &c.

Sed forsitan spiritus Vini per se rectificatus, naribus paulo profundius injectus, omnibus his præstat; siquidem ab illo quivis sanguis fluidus, etiam calidus, & adhuc recens, citissime, mirabili cum spectaculo, coagulari solet.

Pro auribus denique similes Iniectiones fiunt, nunc laboriose ex decoctis, nunc simpliciori modo concinnatæ: v.g. Iniectionem contra Vermes, ex Decocto, vid. *BARBETTE Anat. Pract. l. 2. c. 1. p. 110.* vel sola urina, aut Phlegma spiritus urinæ in ulceribus aurium crebrius injectum confert: in malo vero graviore:

Rad. aristol. rot.

Cort. granator.

Gallar. an. Zi.

Coqu. in an. Vini & aquæ ferrar. ad Zi.

Colaturæ adde

Succi plantag.

Polygon. an. Zi.

Mell. ros. Zi.

M. & injiciatur pro deterfione & cicatrificatione.

Sin potentius deterfivum requiratur, *Viridis æris* parum, verbi gr. ad Zi. ad Zi. addi, & repetita colatura adhiberi poterit.

CLASSIS V.

Inunctiones varias comprehendit.

§. 1.

Ultima Classis generalis præscriptionum usitatarum externa saltem subministrat illa, quæ inunguntur, & unguinolæ ac glutinolæ consistentia partibus æternis adherent; paucissima enim talia sunt, quorum internus etiam sit usus, ut unguent. rubr. potabile, balsamus feniculi *HORSTII Obs. l. II. Obs. 42. p. 109. & l. XI. Obs. 22. p. 338.* Sed hæc particularia & planè singularia nos non remorantur. *Basin* & *Constitutivum* omnium externarum inunctionum fere oleum & Cera constituunt: Illi, cujstriplex aliàs nota est differentia, analoga seu congenera & plus minus miscibilia censentur butyrum, pinguedo, medulla, axungia, sebum, fella, resinæ molliores, saponæ, utpote facili igne liquabilia, & olei instar applicabilia: Cera verò accensentur colophonia, resinæ spissiores, gummata; quorum plura amphibia videntur, dum & in aere & aqua vivunt, seu oleosis ac aquosis mensuris solubilia existunt, quod ex mistione duplicis substantiæ, gummosæ, cum incluto copio o nucleo resinoso, accedit, tamen ob consistentiam & proprietates respectu ignis & nostri ad ceram referuntur, non secus ac aliæ resinæ spissæ, ut pix quævis, &c. Terebinthina medio intercedit loco, & præter hoc, quod ob vires suas egregias, ob quas merito balsamum Europæum seu septentrionale audit, polichresta sit, utrisque & oleosis & cereis subjectis sociabile existit; adeo ut gummatæ & reliquis uniendis optime interserviat: ut taceam, resinam hanc & copiosum subministrare oleum, ceram duriusculam & quasi piceam pariter suggerere: vinculi ergo instar, hæc interdum considerari, interdum, ubi ingredientis primarii vice defungitur, ad olea referri debet. Ordinaria & potiora hæc inunctionum sunt ingredientia, quibus extra ordinem non raro penitus supervacaneæ alia adduntur, ut pulveres varii, primario metallici & minerales, hinc & vegetabilium, quin & succi vegetabilium, (quod & acetum pertinet) tamdiu ob aquei cum oleoso in-

compatibilitatem coquendi, donec quicquid fuerit aquei exhalaverit. Denique & mel concretum, ob particularem texturam respectu hæcenus recensitorum, sui generis oleosum in recessu, aquosum tamen & gummosum in superficie, ob id vegetabilium succis optime sociabile. Mucilagines denique Vegetabilium quorundam, quæ & butyro animalium, adeoque oleo vegetabilium hoc in passu analoga fere habentur. Miscentur hæc ingredientia vel sine vel cum igne: sine igne simpliciter per tritum, species cum oleo in mortario subigendo, sensim olea affundendo, & ita tritum continuando, donec debitam consistentiam acquisiverint, quod nutritum aliàs dicitur, & in Empl. Tria-Pharmaco Mæ sue locum invenit: cum igne, oleo & cera invicem liquatis alia addendo, miscendo, interdum etiam, ubi opus est, colando; cujus exempla passim prostant.

§. 2. Prout jam variat ingredientium horum proportio etiam coalescens inde variat inunctio: Dum enim oleola sola, aut cum illorum unc. i. ceræ Zi. pulverum Zi. miscentur, *Linimentum* dicitur; dum vero duplum modo dictorum ad unc. i. oleosorum sumitur, *Unguentum* appellant: Ex opposito ubi Ceræ est præeminencia, ita ut Ceræ Zi. olei Zi. pulveris Zi. ad Zi. coeant, *Ceratum* audit; sin verò Ceræ & olei an. Zi. pulv. Zi. in genere misceantur, *Emplastrum* habebitur, cui tantum non omni terebinthina proportionem moderata solet addi: Quod si emplastro liquefacto immergatur linteam cuiusunque figuræ, ita ut utrinque eodem obducatur, *Sparadrapum* dicitur. Uno nomine; magna hic de re exili fabula; promptè enim ex Unguento *Linimentum*, ex utroque additione Ceræ *Ceratum*, hinc cum terebinthina *emplastrum*, & ex hoc per copiam olei *unguentum* fieri potest. Quod si pix baseos locum occupet in Emplastro, egregie hinc penetrante & resolvente, *Picatio*, item *Dropax*, appellatur.

§. 3. Linimenta facillimæ sunt præscriptionis; quæ si ex oleis fiant destillatis, conveniente corpore exceptis, (aliàs acrimonia sua pruricum, pustulas, ardorem, &c. excitant) quod utilitatis est oleum nucistæ expressum, *Balsami* magistrales vocantur, ad officinalium differentiam, quæ fere olea destillata composita esse solent.

Linimentum seu Balsamum Stomachale.

4. olei destillat. bacc. junip. Zi.

Mentha Zi.

Macis,

Caryophyll. an. Zi.

Cum f. q. Olei nucistæ expr. f. Balsamus.

D. S. *Balsamum stomachale.*

Inungitur sine alio apparatu regioni ventriculi, præsertim illi, quam scrobiculum cordis vulgo appellant, & latere probe calefacto desuper imposito, vis penetrativa oleorum, destillatorum animatur, ut eo citius & potentius interiora versus penetrant. Non est particularum volatilium hactenus interior penetratio de nihilo. Memini aliquando, ea tali balsamo applicato ob crebriorem vomitum, ægrum, me interrogatum, cujus qualitatæ & saporis sint ita rejecta? respondisse, percipere se in iidem eundem saporem, qualem odorem ex Linimento applicato aliàs perciperet.

Linimentum contra gravedinem & narium obstructionem:

4. Olei vin.

Nicot. an. Zi.

Nigell. per express. Zi.

Destillat. major.

Aniss. an. gutt. ii.

M. f. linimentum:

D. S.

Unguentum aperiens ad nares.

Quo nares crebrius interne inungantur. Olea, quandoque absolute præscribuntur, per insul. aut decoct. in- tel liguntur.

Linimentum contra dolorem Pleuriticum.

4. Pingued. murment. Zi.

Liquefact. adde

Olei chamomilla Zi.

Absinth. Zi.

Destill. cumin. Zi.

Croc. Zi.

Campb. Zi.

L. f. Linim.

D. S.

D. S.

*Unguentum leniens.**Litus Carm. natus.*

24. Olei Chamom.

*Anethi an. Zii.**destillat. chamom.**Anisi,**Carvi,**Lauri an. Si.*

cum f. q. ol. nucist. express. F. Balsamus.

Vel cum f. q. cereæ aut empl. de baco. lauri F. Unguentum.

Quibus si addatur gummi Tacamah. cum f. q. cerob. malaxata, F. Emplastrum. D.

Non rarum est unguenta recipi officinalia, & additione olei appropriati, aliorumve, redigi in linimenta.

Linimentum somniferum.

24. Olei express. papav. alb. Zii.

*Hyoscyam. Zß.**M. D. S.**Oleum externum somniferum.*

vel Ungu. alabastrin. Ziii. f. Unguentum:

*D. S.**Unguentum somniferum.**Linimentum in dolore Nephritico.*

24. Ungu. de albæa Zß.

*Ol. lil. albor.**Amygd. dulc. an. Zß.**Scorpion. Ziii.**Petrol. alb. Zß.**Ol. destill. juniper. Zß.**M. F. Linim. D. S.**Unguentum lenitivum.*

Interdum alia, modò sub mistione debitam consistentiam acquirant, in Linimenti formà præscribuntur: e.g. sit

Linimentum ad pediculos.

24. Pulv. Coccul. de Levante, vel rad. gentianæ Zß.

Helleb. alb. Zß.

cum f. q. Ol. nicotian. F. Linimentum.

Irrorentur sub mistione aliquot gutt. Ol. destill. spicæ,

*F. Linim. D. S.**Unguentum contra pediculos.**Linimentum contra lumbricos.*

24. Aloes hepat. Zii.

Myrrhæ el. Zß. ad Zii.

cum f. q. Fell. tauri subacta

D. S. Unguenta contra lumbricos.

Frustrum vesicæ bubulæ vel suillæ palmæ magnitud. superinducitur, & ita umbilico applicatur, relinquendo, quando adhæret.

Contra Odontalgiam & junctam Hemicraniam.

24. Theriac. Androm.

Tacamahac. cum quarta sui parte Bals. Peruv. malax. an. Zß.

*D. S.**Unguentum sedans.*

Inducitur in mediocri consist. super linteam, & applicatur universæ malæ dolenti.

Quod si phlogosis quasi erysipelacea adsit, omissa Tacamah. sal. absinth. ad Zi. cum Theriac. Zß. vel Zvi. subigi, & ita admoveri possunt.

§. 4. Unguenta quod attinet præscribendi modum, cum hæc majoris subinde sint apparatus, ac tardius ob id perficiantur, ordinariò ferè unguentum quoddam officinale recipitur, & aliorum additione proportionata affectui conveniens redditur: e. g.

Unguento contra scabiem expertum.

24. Ungu. enulat. Zi.

*Flor. sulphuris Zii.**Sal. tartari Zi.*

cum f. q. Ol. nicotian. F. Unguent.

*D. S.**Unguentum mundificans.*

Quod si loco sulphuris, & fociandi ipsi semper alcalisati,

recipiatur Mercur. dulc. Zi. ad Zii. iidem, & longè pluribus usibus, in affectibus cutaneis hoc ipsum interviert. Utrique saltem articulationi crurum circa genua & popliteum, ac brachiorum, circa cubitum & carpum, in graviore malo etiam circa digitorum interstitia, illinitur: idque saltem vesperi sub introitu lecti, partes à frigore benè muniendo, manè verò manum urina calida abluendo.

Unguentum in dolore capitis febrili.

24. Unguent. alabastrin. Ziii.

*Philon. Rom. Zß.**Ol. nucist. express. gr. ix.**M. F. Ungu. D. S.**Unguent. ad tempora.**Ungu. contra scorbutum, aut cognata symptomata.*

24. Pulv. rad. bistort.

*Fl. balauft.**Ros. arbor. an. Zi.**Myrrhæ el.**Aluminis ust. an. Si. ad Zß.**Mel. rosat. q. s.*

Melli ad ignem liquefacto calenti inspergantur sensim pulveres, M. F. Unguentum. Illinuntur gingivæ hoc ipso bis vel ter de die, præsertim à pastu, deinde Vino rubro vel alio simplici abluantur.

Imò mel solum depuratum aut rosat. cum spiritu salis ad sufficientem acorem tinctum, ceu optimum Linimentum laudatur: vid. DECKERS Comm. in Barbette l. 3. c. 3. p. 156. ubi de scorbut. elegansibi Linimentum contra scorbutum oris: Sicut ipse BARBETTE l. 3. Chir. c. 6. elegans unguentum magistrale per fixationem in butyro contra ambusta describit.

§. 5. Emplastorum par ferè ac Unguentorum est ratio. Ob laboriosorem apparatus Officinalia recipiuntur, & vel sola, vel additis aliis ingredientibus, oleo vel liquore simili, utut eò commodius alutæ vel linteo crasso superinducantur, malaxata, in sua massa, pro repetito usu præscribuntur; vel certa sua figura aut nota, ex partis affectæ ratione, aut ignota; cujus Archetypus in charta simul transmittitur, ad cujus imitationem alutæ inducenda. Ipsum Emplastrum vel cuti immediatè applicatur pro meliori odoris medicati penetratione & operatione, vel mediatè; idque nunc in delicatioribus, quibus unguinum cuti adhæsiō molesta est, nunc in neutris, & quibus pruritus, pustulæ, excoriatio, phlogosis, &c. per emplastra, præsertim quæ gummata copiosius recipiunt, excitatur: Sin posterius, sindone obducenda præcipiuntur; si verò prius, absque sindone: Mihi ferè media placet via, ut saltem circa marginem, ad latitudinem digiti transversum sindon assuatur, uti ita intentioni Medici therapeuticæ, & Cosmetices ægri studio satisfiat: utut suprâ allegata incommoda minus hoc modo evitari queant; minus tamen defluere hoc modo molliora emplastra à partibus, & facilius separari, quæ tenacius adhærent, solent. Calidis postmodum linteis vel lateribus operatio promoveatur.

Emplastrum stomachale.

24. Empl. stomach. Craton.

Gumm. tachamach. an. q. s.

Malax. cum f. q. ol. stomachal. Crat. inducantur super alutam, fiat scutum stomachale in forma usitata, absque sindone: irroretur ol. destill. menthæ.

*D. S.**Emplastrum stomachale.**Contra Cardialgiæ Emplastr. Magistr. & ab id simplicius*

24. Gum. Tacamahac. vel Carannæ Zß. vel q. s. vel part. iii.

Bals. Peruvian. Zß. vel part. i.

Malaxata probè inducantur super alutam, F. scutum stomachale: Obduc. sindone rubra:

*D. S.**Emplastrum discutiens.**Emplastrum ad passionem hysterica.*

24. Empl. matric. de galban. ust. p. ii. seu Zi.

Gummi galban. in aceto solut. p. i. seu Zß.

Malax. cum f. q. olei castorei inducantur super alutam F. Emplastr. rotund. in forma orbis medii, vel paulo amplius, absque sindone: irroretur ol. destill. succini.

D. S.

D. S.

*Emplastrum matricale.**Aliud Magistrale.*24. *Gumm. galban. in vino vel aceto ad pult. consist. liquef. q. s. vel ʒij.**Extract. castorei,**Croci ana ʒij.**Olei destillat. succini,**Spicæ, ana ʒj.*M. in consist. Emplastri, induc. super *alutam*, &c.*Emplastrum pro Splene dolente, tumido, &c.*24. *Empl. splenetic. usit.**De Ran. cum duplic. mercurio an. q. s.*Malax. cum f. q. *ol. destill. succini*, aut *galban. Paracels.* inducatur super *alutam*, F. Empl. in forma pro splene usitata absque sindone.

D. S.

*Emplastrum spleneticum.*24. *Empl. de Ran. cum mercurio dupl. ʒj.**Gumm. ammon. cum acet. ad pult. consist. red. ʒij.**Opii in acet. sol. & inspiss. ʒij.*Malax. cum f. q. *ol. destill. juniperi vel Philosophor.* F. Emplastrum.*Emplastrum Saturninum pro usu externo vario.*24. *Minii vel saturni calcin. qu. v.*Ebulliat in f. q. *aceti destillati*, quod calidum ita miscetur cum *ol. amygdal. dul. vel rapar. vel lini recent.* continuo agitando, & nutritu bene miscendo: F. Unguentum (addendo circa finem *camphor. cum ol. simili subactæ q. s.*) cum *cera* vero una liquefacta Emplastrum.*Aliud rudiori Minerva elaboratum, sed usu præstans.*24. *Minii,**Cerussæ,**Aceti vini,**Ol. commun. ana qu. v.*

Mista invicem stent aliquandiu in digestionem crebrius agitando, tandem calore aucto sub continua agitatione in emplastrum consist. inspissando, & dum liquidum adhuc erit, à crassamento superfluo in fundo removendo.

*Emplastrum ex Pice, seu Dropax, contra dolorem Ischiadicum.*24. *Picis naval ʒij.**Terebinth ʒij*Liquefactis, & ubi opus fuerit, adhuc cum *ol. chamomill. q. s. subactis*, adde successive inspergendo & bene agitando.*Pulv. succini,**Mastich. an. ʒj.**Flor. sulphuris ʒij.*M. inducantur super *alutam* aut *linteum crassum* in forma quadrata oblonga, vel in forma transmissa absque sindone.

D. S.

Emplastrum discutiens.

Egregium in Ischiade, ut & in doloribus circa os sacrum, ac Ischium, ex nimia onerum gestatione, aut simili causa externa, internum partium nexum plus minus lædente, natis, præscriptum ad imitat. POTERII Cent. 2. c. 13. & c. 58.

§. 6. Equidem hæc ita pauca satis esse videntur; quoniam verò vix ulla in compositione plures errores committi videntur, quàm harum inunctionum, pauca quædam adjicere allubescit. Usus omnium harum inunctionum, ceu Topici saltem remedii, adeoque particulari tantum cujusdam privatæ usui destinati, in genere triplex esse videtur. 1. Robur partis vitale, in spiritu insito fundatum, vi quasi balsamica firmare & roborare: Ab illo enim efficiuntur, ut nutritionis medio partis conservatio, ita & restitutio, unde vulnere, ulcerum, fracturarum, plurium tumorum, curationes. Nil verò magis huic inimicum est, quàm transpiratio prohibita, undecunque oriunda; hæc enim ipsius tertiæ digestionis sordes principaliter evacuantur; quibus retentis œconomia partis turbatur, spirituum motus sufflaminantur, tandem ipsis quasi suffocatis gangræna inducitur. 2. Robur partis animale in *eutoxia* fibrarum mediante spiritu influo conservare, quin imò *relaxatam* illam roborare, & appropriatis humiditatem lymphatico-serosam discutere & absorbere, nunc contra-

Ermulleri Oper. Tom. I.

Et blandè lenire, & quasi rigidiores fibras emolliere; & denique *viriatam* in dolore, cui semper aliquid spasmodici plus minus solet esse junctum, demulcere, & spirituum sedato undecunque nato orgasmo in naturalem tonum restituere: unde emollientia & anodyna, sæpius solent esse reciproca. Rarum est, quod irritetur tonus fibrarum acrioribus, unde ex illarum strictura & pororum contractura, modificato contentorum motu, effectus attractionis; rubificationis, vesicationis, &c. ferè insequi solent. 3. Heterogeneum istud, aut præternaturale, topicorum affectuum occasionalem causam, corrigere & alterare, seu temperare & coquere, hinc & plus minus remove per illa, quæ humectare, resolvere, attenuare, maturare, suppurare, &c. dicuntur: in quo puncto, acidum quæ corrigunt, & hinc viscidum resolvunt ac attenuant, tantum non primum obtinent.

§. 7. Quibus præsuppositis, 2. in legitima inunctionum, si non omnium, saltem usitatorum, compositione & præscriptione observanda moneo: 1. Ut ex Volatili seu facile resolubili consistat materia; 2. nihil iis admisceatur, quod nequeat per totum homogenealiter resolvi; id quod HELMONTIUS imprimis inculcat *Pharmac. & Dispens. Modern. §. 57.* Prius quod attinet, agunt in nos inunctiones vel mediata, vel immediata: ibi odorum instar penetrantium; hic contactu suo corporali: ibi in affectibus externis vel internis, sed profundius radicatis; hic in externis. Hinc enim passim pro ventriculi, &c. malis *ol. destill.* recipere consuetum est, cum externa in inflammatione Saturninum quoddam emplastrum, aut pulv. ex Creta, Saturno, &c. ut in erysipellate, inspersus, magis in usu sint. De prioribus ergo ut imprimis intelligendum axioma, tamen & in posteriori quantum possibile observandum. Siquidem cujusunque intentionis gratia applicantur inunctiones, semper pororum occlusio præcavenda, qua superveniente necessario Œconomia vitalis partis privata turbatur. Ergo vitanda sunt nimis unctiosa, viscosa, glutinosa, tenacia, quæ poros oblinunt & pertinaciter infarciunt, unde præter modò insinuata incommoda, partim ipsa agere interius aut operari quicquam nequeunt, partim juncta alia impediunt. E contra, quæ subtiliora sunt, penetrantia magis & ita poros potius aperientia, præter hoc, quod nullum nocumentum partim inferant, saltem in faciendo suo officio, & speciatim alteranda causa occasionali, erunt optima. BURRHUS sanè hæc debetur laus secundum BARRICHIIUM ad BARTHOLIN. Cent. 3. *Epist. hujus epist. 89. pag. 387.* Omnia ipsius Emplastrum ex volatili materia constare, adeò, ut unguentum pridie illitum postridie vix appareat usquam; damnatque medicos, quod crassa illa corpora in emplastrum formas compingant, quæ pororum angustias in ægris nequeant subire. Ac sanè notabile est hoc ipsum in affectibus talibus, in quibus minus locum habere hic modus externorum remediorum videri queat, nempe in Hernia intestinali, tamen proficuum perquam observatum fuisse: RIVERIUS *Obs. commun. propè finem Obs. 14. pag. 371.* Modi Unguentorum ex resolubilibus adeò, ac tantum non volatilibus, componendorum, forsan varii inveniri possint, modò consideremus glutinosum, ac viscosum, ac quod tenax simul hinc existere solet, materialiter ex acido & pingui, illo agente, hoc patiente, sub determinata formali textura coalescere: unde modò corrigatur acidum citra fixationem, oleosum seu pingue eo ipso simul resolubilius, diffusibilius, & cujusvis acris potentiùs temperativum, effectivè refrigerans evadet. Ob hanc causam pluribus in Ungu. & Empl. butyrum recens non salitum, oleo expresso, præsertim olivarum communi, longè præferendum puto; præ hoc enim illud est tenerius, minus acido occulto concentratum, adeòque minus viscidum, promptius penetrat, citius discutitur, magis est temperativum, præsertim falsi, & potentiùs alterativum. Scopus ergo iste unguina talia resolubilia præparandi variis forsan modis obtineri possit: suggessit jam quendam DECKERS *Comment. in Barbette Prax. l. 2. c. 2. pag. 59.* Alius ulteriori scrutiny dignus fit cum terebinthina pura, cum salibus volatilibus urinosis, in f. q. aquæ destill. solutis aut cum spiritu sal. ammoniaci, in mortario tritura ope bene miscendo, coeunt mutuo in crassamentum album, moderatè spissum, ita ut emplastri modo induci possit: quod cuti admodum promptè vim suam citra insigniorem remanentiam exercebit, & additione oleor. destillatorum non adeò acrium ulterius determinari poterit. Tentaminis ergo in pleuritide notha cuidam graviter affecto præscripsi:

Nn

24. Sal.

24. *Sal. vol. urinae* ℥ij.

Solve in *aqua destillata* f. q.

Terebinth. ℥j.

Misceantur in mortariolo lapideo successive, celerius tamen paulo solutionem affundendo, & concitati tritu subigendo: adde (pro meliori saltem sub tentaminis primi auspicii, successu) *Empl. de melilot.* parum q. l. pro consist. emplastri. Applicetur; idque factum successu non contemnendo.

Facere huc quoque viderur *aqua calceis viva* cum *oleo rosato*, quæ ambo ritè mista coeunt in consistentiam butyri, ad ambusta, præsertim vulnera, ulcera, &c. egregii; cuius applicati vestigia pariter nulla sunt conspicua. Huic pro aliis usibus etiam sacch. saturni aliquantulum addi, & inspergendo sub tritu in mortario uniri potest, v. g. *aqua calceis viva* ℥j. *olei rosat.* ℥ij. *sacch. Saturn.* ℥j. M. Saturno licet obscuris suis vestigiis se prodente. Sed aliis alios hæc persequendi modos relinquamus.

§. 8. Alterum quod attinet axioma; sanè in genere, quæ *vel misceri nequeunt*, ut aquosa & oleosa, vel quæ *mista se invicem obtundunt*, ut pulveres varii, Cera ac ol. inviscati, frustra omnino compinguntur, cum vires debitas exerere nequeant. Officinalia ergo Unguina, aut passim à Practicis usitata, quanta egent correctione? Unde & non rarò simplicia quædam, & à Rusticis plebeiusvè levi artificio conflata unguenta, subinde artificiosissime compositis & selectis officinalibus præstant. Sanè ol. ex vegetabilium Decoctione & Infus. parum valent, cum de gummo sa horum substantia nil, de aromatica resinosa in illa quasi concentrata, parum capiant. Pulvere vegetabilium ac mineralium, oleosis pinguibus & glutinosis inviscati, parum vel nihil omnino præstant, adeo ut plures tales compositiones de *Nihil* dicendæ forent; cum è contrà sub libertate sua inspersi, inflammat. erysipel. cuti exulcera-

tæ, quæ Emplastra ferre nequit, ulceribus manantibus, & similibus affectibus externis, suum quod est, faciunt; ut v. g. de lap. calaminari, lacte Lunæ, creta, cornu cervi usto, nuce mosch. aloë, &c. notum est, quæ incarcerata squalent sine usu; simili ferè modo, ac farinæ Vegetabilium, fotuum aut Cataplasmatum sub forma subinde proficua existunt, quæ ol. ceraque susceptæ, inermes redduntur. Unde & omnes inunctiones, quæ adstringendi, firmandi, exsiccandi, &c. scopo in herniis, imminente abortu, prolapsu uteri, ulceribus, &c. applicantur, ceu contractoria rejiciendæ: pulveres styptici inviscati sunt frustranei, aut saltem ad extimam cutis superficiem sphaera activitatis eorum terminantur: pinguibus interea calore actuatis, fibrarum, etiam profundius sitarum, resolutione ac emolliutione contrarium intentioni Medici operantibus. Observant hoc jam plures, & quæ mutua solutionis actione in se agere plus minus, & se invicem unire; & ita circa impedimentum operari mutuo possunt, inunctionum in formam univerunt. Singulare quid Saturnus hic obtinet, qui quarta Chirurgiæ hodiernæ videtur columna, quod vel in se solus, vel aceto subactus, promptè cum acido olei cuiusvis, intercedente præsertim coctione, coeat, ac ita emplastra polychresta constituat, dum ipsum in se arrosus quidem, sed nondum saturatum acido suo compari, acidi præternaturalis, tumorum, vulnerum, & ulcerum patrisoris pessimi, potentioris spicula recipit & secum retinet, dum pingues & oleosæ particulæ, à concentrante in viscidum acido liberatæ nonnihil, magis alcalinæ fiunt, & resolubiles, magisque penetrativæ & temperativæ. Ex quo fundamento tanta Saturninorum emplastrorum & compositio & varietas plus minus concinna enata fuit. Quæ tamen vel obiter saltem, cum præparationem ferè magis officinalem quàm præscriptionem magistralem sapiant, ceu à scopo nostro aliena, insinuasle sufficiat.

Formula curandi quæ sit, Tu differis aptè,

Misceque ægrotis pocula sana Tuis.

Laudo Tuum studium, stadium istud currere perge,

Sic mox rem facies: præmia dein recipe.

Gratulabundus f.

PRÆSES.

DISSERTATIO MEDICA

SINGULARIUS

DISPUTATIONES ACADEMICÆ

A B

Ipsis Dominis Respondentibus quidem
elaboratæ, &

Olim

DISPUTATIONIS LOCO
SUB PRÆSIDIO

Excellentissimi & Experientissimi

MICHAELIS ETTMÜLLERI,

Philosoph. & Med. Doctoris,

Publicæ Philatrorum Censuræ

Submissæ,

Domino. Præside tamen antea revisæ,
& emendatæ.

1. Dissertatio de Singularibus.
2. Dolor Hypochondriacus.
3. Sperma Ceti.
4. Balnea Medica Artificialia.
5. Respirationis humanæ negotium abstrusum.
6. Malum Hypochondriacum.
7. Epilepsia.
8. Morborum Magnorum Initia Parva.
9. Temulentia.
10. Corpulentia Nimia.

DISSERTATIO MEDICA

D E

SINGULARIBUS;

Quam

LOCO DISPUTATIONIS ORDINARIAE

Proposuit

GOTTIFREDUS WELSCH.

Phil. & Med. Doctor & P. P.

R E S P O N D E N T E

M. MICHAELE ETTMÜLLERO,

Lipsienfi.

Die 2. Octobris 1663.

I E S U I U V A!

Singulare hætenus in Praxi Medica fuisse, quod Morborum, nisi omnium, plerorumque tamen Curatio non amplius ex præscripta & recepta Dogmaticorum Methodo, sed vel solo, vel maxima tamen ex parte, Singularium ita dictorum usu, à non paucis passim tractaretur, neminem esse auguror, quem lateat: Quod ipsi tamen cum Bonis, Eruditis ac Rationalibus Medicis omnibus, vel ex eo tantum maxime suspectum videatur, quod Singularium ita dictorum Natura, & agendi ac operandi Vis, ipsos ut plurimum non minus Autores, & Inventores non paucos, quam alios Eruditos quosvis, latere penè, persuasum pariter ac compertum esse; placuit hac vice, dum Ordinariam habere Disputationem Ordinis ratio me juber, de Vera ac Genuina Singularium Natura hoc tantum proferre, quod, nisi essentiam & formalitatem ipsorum planè exhaustiat, Doctioribus tamen aliis, in hanc subjectam materiam penitus inquirendi, & Publica adeò Egrotantium saluti bene ac salutariter prospiciendi, ansam præbeat.

Ut autem in Publici gratiam, & Veritatis studio, id tantum dicatur, quod verum est, faxit Is, qui ipse Solus est Veritas!

Thesis I. Ad rem ergo accedens, circa Etymologiam pluribus non sum sollicitus, quam quod dicam; Singulare vi Nominis id denotare, quod singulariter inhærere, vel ita inesse alicui dicitur, ut nulli alii commune sit; atque adeo in Foro Medico id significare videatur: quod sub specie vel forma latentis alicujus inhærentiæ, hoc est, Singulari ac sibi propria Vi, Virtute, efficacia & proprietate, aliquid agat, faciat, & efficiat.

Thesis II. Ita, ut inter Arcana, Secreta, Specifica, & Singularia dicta (Panaceas enim propriè sic dictas cum Dogmaticis planè rideo) quandam Differentiæ rationem dare; non sit difficile: scilicet Arcanum & Secretum propriè loquendo Autorem præprimis ac Inventorem suum; Specificum verò Partem in morbis Affectam, ipsiusque Robur, præcipuè respicere videtur.

Thesis III. Singulare autem describo, quod sit medicamentum, quod legitime adhibitum, Singulari planè Vi ac proprietate huic vel illi præternaturali Affectui remedium dicitur.

Thesis IV. Et quamvis non ignorem, dari etiam in Parte Diætica plurima, quæ, præter alimentosam qualitatem, Vi propria ac insita quadam proprietate non tantum huic vel illi humani corporis parti præ aliis amica, sed & quibusdam præternaturalibus affectibus inimica sint; Cum tamen Vis hæc alimentis non competat, quatenus simpliciter alimenta sunt, sed quatenus sunt alimentum Medicamentosa, h. e. quæ, præter alendi facultatem, de alterandi etiam Virtute aliquid par-

ticipant; ideo Singularia quævis ad Fontem Pharmacæuticum refero.

Thesis V. Medicamentum ergo dicitur, quia Corpus nostrum alterando, à Statu Præternaturali ad Naturalem reducere aptum est; Et dividitur, ut quævis Medicamenta alia, in Simplex & Compositum: Simplex est, quod vel planè per se, vel leviter tantum præparatum, usurpatur; Compositum verò, quod cum aliis ingredientibus, vel paucioribus, vel pluribus mixtum, & lege Artis in hanc vel illam formam redactum est. Ac quamvis & Autoritate aliorum & rationibus probare satis possem, Simplicia tantum Vera esse & dici Singularia; nihilominus tamen de Compositis impræsentiarum solum sermo est, partim, quia de Simplicibus nullum est dubium s partim verò, quia Moderna Singularia ut plurimum Omnia sunt Composita.

Thesis VI. Nec latere oportet, esse non pauca Externa, (Topica vel Localia dicta) quæ & ipsa in Morborum Curatione sua proprietate ac singulari Virtute non carent, ea propterea planè excipere quidem nolo; hæc tamen, quæ impræsentiarum de Singularibus dicuntur, de Internis præcipuè intelligo.

Thesis VII. Porro autem, cum interna Medicamentorum Singularium forma, à qua Ipsorum promanare debet Operationis Singularitas, non in primarum, nec secundarum qualitatum mixtura, sed in singulari ac peculiari quadam vi ac proprietate, quæ propterea Singularis vocatur, consi-

Hipp.S.2.
Aph. 1. consistere dicatur, nodum in Scirpo quærere non videbor, si in *Singulari* istius *virtutis & Efficacie Ideam*, *Naturam*, ac *Rationem* inquiram accuratius: soli enim & hac in parte *Experientiæ* (quæ *fallax*) fidem habere, periculosum; *Experientiæ* verò *Rationem* conjugem addere, tutius, & quemadmodum illud *Empirici*, ita hoc *Rationalis Medici*, nota est.

Gal.Com.
11. in 1. 1.
Epidem. *Thef. VIII.* Quod ut fiat, genuinam *Singulari* istius *Virtutis*, *Rationem* ex reliquis, in *Descriptione Singularium* allatis *Verbis*, depromere fas est. Dicitur enim, *Singulare esse Medicamentum*, quod *singulari* *Vi* ac *propriate* huic vel illi *remederi* dicitur *præternaturali Affectui*. Jam ergo cum *præternaturalis Affectus* (παθὸν Græcis, vel παθήματα in genere *Res præternaturales Omnes* (καὶ τὰ παθὴματα πάντες οἱ ἐγγυρες, ὅσα παρὰ φύσιν ἐστὶν τοῦ σώματος ἡμῶν γίνονται) denotet, & *Morbum*, ejusque *Causam*, & *Symptomata* respiciat, manifestum esse, existimo, *Singulare* quodlibet, sua *Singulari Vi* & *propriate*, vel *Morbo* solùm, vel ejus *Causæ*, vel *Symptomati*, *distinctim*, vel *omnibus* insimul, & *coniunctim* remediari debere.

Thef. IX. Cum enim *Medendi Methodus*, à qua *Methodici & Rationales* dicuntur, *Medici* ab *Empiricis & Agyrtis* quibusvis *distincti*, in primo statim cuiusvis *Curationis* accessu, communi *Legi*, & *Regula* illud, quod *præternaturaliter* in humano corpore & fieri, & generari, vel colligi, vel retineri, vel ab extrâ ipsi accidere possit; consideret constat sanè, ad hæc ipsa quodlibet *Singulare* restringi debere.

Thef. X. Jam verò, si omnia, & *Morborum* pariter ac eorundem *Causarum & Symptomatum* intuear *Genera*, accuratæque ipsorum *cognitioni*, *Veram* ac *Rationalem* adjungam *Medendi Methodum*, *Remediaque* omnia per *Indicationes*, tanquam certa ac unica *Methodi Instrumenta*, indicata atque inventa *Rationali*, lance expendam, *Autoritate* omnium *Methodicorum* *Practicorum* manifestum esse, experior ex *Classe* *Rerum præternaturalium* nullam plane esse, cui *Ars* nostra ex *Legi Methodi* suum non destinaverit ac *surrogaverit* *competens & indicatum Auxilium*, & *remedium*,

Thef. XI. Sic (sed breviter) *Morbis intemperiei* sua satisfaciunt *Alterantia*; *Morbis totius Substantia* dictis *Bezoardica & Alexypharmaca*; *Morbis Conformationis*, & quidem, qui præsentem præprimis scopum respiciunt, *Obstructionibus* puta, *Digestiva*, *Aperientia*, & *Preparantia*; *Duritie* *Emollientia*; *Mollitie* *Indurantia*; *Tensionis laxantia* &c. *Morbis Solute Unitatis* *Maturantia*, *Sarcotica*, *Glutinantia*, *cicatricem Inducentia* &c.

Thef. XII. *Morborum causas* pro *Indicantium* ratione & diversitate removere satagit *Methodus* per *Vomitiva*, *Purgantia*, *Diaphoretica*, *Diuretica*, *Sternutatoria*, *Expectorantia*, &c. Utpote quibus auxiliis *Causam Morbificam* per *Vias* nostri *Corporis* *publicas & privatas* exturbare & removere *Ars* docuit.

Thef. XIII. *Symptoma* tandem omne, ut notum est, vel curato *Morbo* sponte remittit; vel, si *Morbi* aut *Causæ* *morbificæ naturam* induat, nec ipsum suis *competentibus* destituitur *Remediis*.

Thef. XIV. Quæ ipsa dum perpendo, insimulque considero, quod *Medicorum* nullus, qui *Methodicè* in *Morborum Curatione* procedere nititur, quicquam *Egrotantibus* suis tutò ac *rationaliter* ordinare vel præscribere possit, nisi, quod ab *Indicante* aliquo *Legi Methodi* indicatum, & à *Ratione & Experientia* approbatum sit, dubius hæreo, quodnam *Singularium* dictorum sit *Indicans*? ita ut primò hocce intuitu ipsa *Singularium* existentia valde habeatur dubia.

Thef. XV. Facile equidem recordor, Amplissima ista, *Mineraliū, Vegetabiliū, & Animalium Regna* insignem *materia Medicæ* suppeditare nobis copiam, in eaque plurima suggerere *Medicamenta*, quæ, præterquam quoad vel *alterandi*, vel *ope-*

riendi, vel *purgandi* *Vim*, &c. in *Toto* obtineant, peculiari insuper *Ratione*, ac insita quadam *propriate* huic vel illi corporis humani *Parti* amica magis ac *familiaria* sint, quam aliis, & propterea etiam *Appropriata* vocari assolent: quæ ratione *Cephalica Capiti*, *Thoracica Pulmonibus & Pectori*, *Cordialia Cordi*, *Hepatica Hepati*, *Splenerica Lieni*, *Stomachica Ventriculo*, *Hysterica Utero*, &c. *familiaria*, *amica*, & *Appropriata* dicuntur.

Thef. XVI. Nec latet, dari in specie inter *Corroborantia* *Medicamenta*, quæ & ipsa peculiari *propriate* hanc vel illam *Partem Nobilem* respicere, magis magisque reficere solent, quæ proinde propriè loquendo *Specificæ*, & cum adjectione *Cordialia*, *Cephalica*, *Stomachica*, &c. dicuntur; item inter *Purgantia*, quæ omnes quidem humores movent, alia tamen in specie *Bilem*, alia *Pituitam*, *Melancholiam* alia, alia *Serosos humores*, evacuare dicuntur, & propterea *electivæ Purgantia* vocantur, quæ tamen omnia in *Methodica Morborum Curatione* sua habent *Indicantia*.

Thef. XVII. An verò *Appropriata* hæcce nostra (*Præteritis* etiam non incognita) sive sint *Alterantia*, sive *Specificæ*, sive *Confortantia*, sive *electivæ Purgantia*, & *Modernorum Singularia* dicta, unum idèque sint? non immeritò quæritur utpote in quo ipso totius controversiæ status consistere videtur.

Thef. XVIII. Sunt autem omnino *Unum & Idem*, vel non sunt. Si sunt unum & idem, cur præter necessitatem multiplicantur? cur confunduntur *Artis Termini*? Si non sunt *Unum & Idem*, nec eadem etiam utrorumque erit *Virtus*, *Vis*, & *Operatio*; & consequenter *Singularia* dicta nec *Alterando*, nec *Evacuando*, & *causam Morbi removendo*, nec *confortando*, sed alia quavis ac *Singulari* planè & *occulta* ratione suam operationem exerere, morbosque per quoddam quasi τὸ δυνάμει depellere, dicendum est.

Thef. XIX. Ut res clarior fiat, pono casum: *Petrus & Johannes*, *Adolescentes biliosi*, corripuntur *Febre Tertiana Intermitte*, & restituitur uterque; *Illius Curationem* suscepit quidam *Titius Hippocraticis & Galenicis* *fundamenti* nixus; Hujus verò quidam *Sempronius*, mera *Singularium* fiducia fretus. *Patientes* restituti quærunt singuli à suo *Medico* *rationem curandi* ac *Methodum*. *Titius* respondet: Ego, cum animadverterem, adesse *Febrem*, eamque *Tertianam intermittentem*, *Legi Methodi Medendi* formavi meas *Indicationes*; *Febris* autem, ut intemperies calida cordis & totius corporis, indicavit mihi *Alterantia*, eaque *Refrigerantia*; *Febris* verò *causa*, humor scilicet *Biliosus putrescens*, remotionem sui per *evacuantia*; Utrique ergò *Indicationi* satisfacturus, diætâ præscriptâ, ex fonte *Pharmaceutico & Chirurgico* convenientia desumsi *Remedia*; *Intemperiem* alteravi refrigerantibus, iisque appropriatis, & præsertim *Hepaticis*, &c. *Humorem biliosum* peccantem à vici per vomitum convenientibus *Emeticis*, &c. per alvum, & quidem per ἐνίπραυν, & diebus intermittentibus *Cholagogis* *electivè* purgavi; Secavi venam: reliquias, prout naturæ tulit motus, per urinam diureticis, vel per habitum Corporis benignis discussi diaphoreticis; *Febrilium* non minus, si quæ interea urgere vidi, *Symptomatum* rationem habui sedulo; viresque pro rei necessitate & urgentia corroborare pariter allaboravi; & hac ratione remiserunt *Paroxyfimi*, cessavit *febris ipsa*, & cum ea omnia *symptomata*; atque ita integrè restitutus est meus *Patiens*.

Sempronius contrare spondet: Ego *Hippocraticas & Galenicis* istas ambages non curo, sed longè breviori, ægrotantibusque grata magis ac iucunda via procedere soleo, quapropter febricitanti meo ex *Singularibus* meis *Antifebrile* meum misi, illudquæ paulò ante instantem *Paroxyfimum* in aqua mea febrisfuga exhibere jussi, quo *Singulari* meo ter assumpto perfectè curatus est meus febricitans.

Thef. XX. Jam si utriusque Curationis ratio & relatio à Collegio vel Facultate quadam Medica Collegialiter, & ex Artis fundamentis, & absque omni affectu, examinari deberet, non aliam sanè expectarem sententiam, quàm quod Prioris Curationis fuerit conveniens, vera, & Methodica; Posterioris verò inconveniens, suspecta, & Empirica; Ille enim Curationem suam lege Artis suscipiebat, nihilque, nisi quod per Indicationem pro Febris, ipsiusque Causæ remotione, indicatum erat, eundem ordinabat; Hic verò, missa omni Methodo, missis indicationibus, solo suo Singulari Antifebrili se febrem curasse, jactitat.

Thef. XXI. Si quæret rationem huius Sententiæ à Facultate Medica Sempronius; ita forsitan ipsi respondebitur: Quacunque febris curatio non est conveniens verae medendi Methodo, illa falsa, mala, suspecta, Empirica, & periculosa est; Sed tua Curatio, dum Johanem febre tertiana laborantem solo tuo Singulari Antifebrili curasse jactitas, non est conveniens verae medendi Methodo; Ergo &c.

Thef. XXII. Veritas Majoris non tantum tot Seculorum experientia, sed & Autoritate Principum Medicorum nititur: Oportet enim, inquit HIPPOCRATES se ipsum prestare opportuna facientem (hoc est, Methodicè procedere,) & scire oportet Medicum opponere se contrarium instantibus & Morbis, & Naturis, & Etatibus, & Temporibus, & distenta solvere, & soluta distendere; sic enim vel maxime morbum sedaverit; & mihi sanè (pergit Venerandus Senex) hoc ipsum (scilicet si sit, quod ex Arte & Methodi Lege fieri debet) Sanatio esse videtur; Medendi autem Methodus partium Medicinae omnium, ut ordine postrema, sic certè sine & effectu longè utilissima, ac veluti reliquarum omnium finis est; Methodus autem est via quedam universalis, quæ omnium particularium communis sit; finis vero ipsius est, cujusque morbi invenire Remedia.

Thef. XXIII. Mingrem jam olim GALENUS probasse legitur, dum ait: Methodus quedam privata est sanandi in singulis morbis, commune tamen in omnibus genus unum est: Auspicari namque perpetuo oportet (arripe aures Pamphile! perpetuo oportet, inquit GALENUS) ab Indicatione, quæ ab Affectu, cui mederi paramus, accipitur, estimare verò ac discernere (scilicet perpetuo oportet) an causa, quæ affectum excitavit, jam desierit? an nunc quoque ipsum tum augeat, tum faciat?

Thef. XXIV. Jam demonstrat, quæso, Sempronius suam Methodum, ostendat suam Indicationem ab Indicante desumptam; proferat quoddam Indicans, à quo suum Singulare indicatum fuerit. Si enim Indicationem Ex GALENI præcepto, & ipsius Rationis & experientiæ dictamine, ab Affectu & Morbo, ipsiusque Causa accipere oportet, Singulare hocce aut febrem ipsam, aut ejus causam respexisse, necesse est: Quod autem neque hanc, neque illam respexerit, manifestum est: non Febrim, quia Febris ut Febris, quippe cujus natura & formalis ratio in Caloris Nativi à statu naturali recessu & incendio consistit, Alterantia contraria, hoc est, Refrigerantia, indicat: non Causam febris, humorem scilicet biliosum peccantem, quia hæc ipsa remotionem, sui per manifestas evacuationes indicat: Neuter autem horum effectuum de Singulari isto Antifebrili prædicari potest, nec debet; aliàs enim Singulare non esset; ita ut fateri tandem cogatur Sempronius, aut ipsum Singulare ipsius vel alterando, vel causam removendo, febrem extinxisse; aut alia insuper pro febris curatione fuisse adhibita convenientia Remedia; aut, ut GALENI se submittat sententiæ, opus habet. Si fateretur prius, propriam fateretur turpitudinem, dum, quod Medicis omnibus notum & commune est, ille pro Singulari jactitat; quod cædido Titius in curatione febricitantis Petri Appropriatum fuit Alterans, vel electivè Purgans, Diaphoreticum, Diureticum, Confortans &c. id glorioso militi statim debet esse Singulare, cum tamen Singularis, vel singularitatis vix hi-

lum in se contineat, atque adeò plus sit in titulo & inscriptione, quàm in charta, vel pyxide. Si fateretur posterius, fraudulenter egit, & procul dubio plus sibi, suoque Singulari tribuit, quàm tribuere vel deberet, vel fas esset; Si enim alia, & præsertim, quæ febrem febrisque causam respexerunt, adhibuit Remedia, quo, quæso, rationis oculo videre & cognoscere potuit, an ex Singulari ita dicti, an verò reliquorum potius convenientium usu, Dominus Johannes restitutus fuerit? Si verò neutrum fateatur, ex GALENI sententia Temerarius est, utpote qui nulla utitur Methodo, sed soli vel fortunæ, vel temeritati, sese suosque ægrotantes committit, & qui nec sibi ipsi, nec aliis, rationem Singularitatis sui Singularis Antifebrilis reddere potest; Methodo enim invenire (curationem) inquit GALENUS, opponitur ei, quod est, fortuito, temereque invenire.

Thef. XXV. Sed ad Rhombum redire, ac perpendere tandem oportet, quænam Singularium ita dictorum Vera ac genuina Natura sit questionem autem An sit? ne id, quod hætenus tot Excellentissimorum Virorum fide & experientia comprobatum esse constat, in dubium (quod absit!) vocasse videar, missam planè facio; atque adeò de vera Singularium ita dictorum existentia ipse nec dubito, nec dubitare debeo, multò minùs Verorum Singularium Autoribus & Inventoribus, quicquam sive honoris, sive famæ & laudis, detrachere, sed potius labores & merita ipsorum hac in parte honorificè de prædicare ac recommendare gestio.

Thef. XXVI. Genuinam verò Singularitatis istius naturam ac quidditatem penitus investigans, ea, quæ hac de re suprâ pro fundamento habuit, hic ut repetantur, necesse esse existimo; scilicet quodlibet Singulare vel Morbum, vel Morbi Causam, vel Symptomata, absolute respicere, cum ipsius Rationis consensu, & GALENI Autoritate, præter hæc tria nihil aliud sit (in humano Corpore) quod curetur (vel curari possit ac dicatur) Medicis.

Thef. XXVII. Quo posito, vera Singularium Requisita adinvenire, dextræque explicare, instituti equidem fert ratio; sed hoc opus hic labor est! Ut tamen expediam, quod expediendum est, sic tandem de Veris Singularibus sentiendum esse, existimo: nimirum Veri, sinceri, genuini & insuscepti Singularis qualitates, conditiones, & Requisita hæc sunt. 1. Ut Autor & Inventor Ipsius sit eruditus, & Rationalis Medicus, ac exercitatus Practicus. 2. Ut soli Autoris singulare & notum sit. 3. Ut singularem sibi que propriam, ac nullis aliis Medicamentis communem passim agendi vim ac rationem obtineat. 4. Ut Singulare quodlibet, Lege Methodi, suum agnoscat Indicans. 5. Ut dextrè, legitime, & convenienter adhibeatur; & 6. Ut usum Ipsius singularis non minus ac certus sequatur Effectus & Operatio.

Thef. XXVIII. Omnino autem oportet, ut Autor & Inventor cujuslibet veri Singularis Eruditus & Rationalis Medicus, ac excitatur Practicus sit; Medicamenta enim Medicorum sunt Instrumenta, & legitime non inveniuntur, nisi ab Artifice Medico: Hæc autem Tria Veri ac Boni Medici nota ac Characteres sunt; Eruditio scilicet, quæ Rerum Medicinalium præsupponit notitiam; Ratio quæ legitimam docet Medendi viam ac Methodum; & Praxis, quæ rationi adjungit experientiam.

Thef. XXIX. Sic Singulare soli etiam Autori & Inventori Ipsius singulare, ac notum sit, necesse est, aliàs esset contra naturam Singularis; quod enim pluribus notum, ac commune est, quæ ratione uni soli potest esse vel dici Singulare.

Thef. XXX. Singularem porro sibi que propriam ac nullis aliis Medicamentis communem, passim agendi Vim ac Rationem Singulare oportet ut habeat; Si enim eodem planè modo eademque ratione vel alterat, vel catholicè evacuat, vel electivè purgat, vel vomitum excitat, &c. vel viscera & partes Nobiles specificè confortat, ac vel Appropriatum & specificum est Cordiale, Cephalicum,

Sect. 1.
Aph. 1. lib.
de Natura
humana.

Galen. lib.
Introduct.
lib. Meth.
Med. 1. 2.
Meth.
Med.

Lib. 2.
Meth.
Med.

Lib. Meth.
Med.

Thef. 5.

L. 1. Meth.
Med.



cum, Hepaticum, Spleneticum, Stomachale, quæcentum alia suam operationem in Corpore humano habere, per tot secula à sexcentis Medicorum millibus observata fuerunt & approbata; quæ, quæso, ratione jam dum uni soli *Singulare* esse poterit?

Cal. lib. 2. Meth. Med.
Thef. XXXI. Præterea quoque opus est, ut *Singularium* quodlibet, lege *Methodi*, suum agnoscat *Indicans*; cum enim *omnis Medendi Methodus per Indicationem fieri* dicatur; quælibet autem *Indicatio* à suo *Indicante* proveniat, nullum proinde *Singulare*, Rationaliter equidem medendo, exhiberi poterit, nisi quod à suo *Indicante* indicatum fuerit: si enim nullum adsit *Indicans*, seu *agens aliquod in corpore humano præsens*, quod *Singulare*, ut *Singulare*, *Auxilii loco indicet*, & *Indicatum Singulare ad sese dirigendum esse monstrat*, cui, quæso, fini, rationaliter adhiberentur *Singularia*? Non video.

Thef. XXXII. Quodsi autem à suo *Indicante* indicatum jam sit *Singulare*, oportet ulterius, ut & ipsum dextrè, legitimè, & convenienter usurpetur & exhibeatur; hoc est, si universalis, & quæ lege *Methodi* præmittenda erant, præmissa fuerint, exhibere tandem *Singulare* opportunum est.

Thef. XXXIII. Atque ita ex quadam quasi necessitate requiri tandem videtur, ut cujuslibet *Singularis* usum *singularis* etiam sequatur effectus & operatio. *Singularitas* enim, quæ de *Singularibus* dictis prædicatur, non *Autorem tantum*, cui *singularia* & *familiaria* sunt, sed *effectus & operationis* imprimis *singularitatem* respiciat atque includat, necesse est. Nisi enim ex occulta quadam vi ac *singulari proprietate* singulis *Singularibus* *singularis* inesset agendi potentia, quæ post legitimum & convenientem ipsius usum, *singularem* etiam planè sibi que proprium ac nullis aliis *Medicamentis* familiarem, vel communem *Effectum*, & *operationem* certò, ac manifestè producat, non video sanè, in quo differant vel differre possint *Singularia* ab *Appropriatis* vulgaribus, & *Medicamentis* aliis, utpote quorum usum idem sequitur effectus, eademque operatio.

Thef. XXXIV. Sed dum hæc dixisse satago, pertranseam quasi non paucas video objectiones & instantias, quibus ea, quæ de *Singularium* dictorum *Requisitis* hætenus relata sunt, impugnandi non parum, nisi plane subvertendi, animus est: Sic enim *magnum existimatur postulatam*, nullum esse nec dici debere *Singulare*, nisi cujus *Autor* sit aliquis *Medicus*; quasi verò (ut audio) soli tantum *Medico* *Medicamenta* & *Singularia* invenire competat & concessum sit; Cum tamen *Experientia* & *quotidianus rerum usus* testentur, esse inter *Magnates* pariter, ac cujuslibet conditionis alios, non paucos, qui & ipsi, etiam si *Medici ex professo* non sint, egregia nihilominus *Experimenta* ac *Singularia* & habeant, & præparare ac componere sciant ac soleant: Item præparationes, labores, & processus (in *Chymicis* præsertim) esse diversos; & quamvis hoc vel illud *Medicamentum*, notum aliis, omnibusque cognitum sit, *singulari* tamen artificio, *singularique* processu & labore ab hoc vel illo, sive ratione *Coloris*, *Saporis*, *Odoris*, *lucundius*, sive, *dosis* ratione *Gratius*, sive ratione *Operationis* reddi *Tutius*: Sic haberi, ajunt, *Singularia*, quæ, cum alia adhibita *Medicamenta* quàm plurima nihil planè in hujus vel illius *Morbi* *Curatione* efficere potuerunt, ægrotantes vel sola felicissimè restituisse dicuntur: Sic dicunt, occasione istorum *Singularium* *Chymia* magis magisque excolitur, multisque proinde, *Naturæ Arcana* & *penetralia* intimius scrutandi, antea suppeditatur & occasio: Sic, ferunt, magnam esse simplicitatem, rationem *singularitatis* à *Singularium* *Inventoribus* quærere, quæ hoc vel illud *Singulare* huic vel illi præternaturali affectui remedi dicitur; cum propterea sit & dicatur *Singulare*, quod *Virtus* & *operatio* ipsius nemini, quàm soli *Autori*, nota & *singularis* esse debeat: Sic perhibent, non esse necessarium, ut *Singulare* indice-

Estmuller. Oper. Tom. I.

tur ab *Indicante Generali*: Et tandem somniant, quosdam propterea tantum sinistrè sentire de *Articulis* & *Singularibus*, quod vel *Chymiam* ipsi non exercent, vel eandem planè non intelligant; & quæ sunt alia.

Thef. XXXV. Verum enim verò, etsi toti constet Orbi, esse inter *Magnates* pariter, ac cujuslibet conditionis alios, non paucos, qui & ipsi, etiam si *ex professo Medici* non sint, egregia nihilominus *experimenta*, ac *Singularia* & habeant, & præparare ac componere & sciant & soleant; Certo tamen est certius, illa *Experimenta* & *Singularia* omnia, cujusunque etiam sint formæ, virtutis, & operationis, *Medicos* tanquam *primos Autores* solos ac semper agnoscere, & *originaliter* provenire à *Medicis*, ac per tertium vel quartum vel plures alios esse communicata: Constat enim; & palam est omnibus, ipsis etiam *Magnarum* *Laboratoriis* vel *Medicos* præesse, ut *laborum Directores*; vel ipsis *Laborantes* dictos substitui; *Flos* autem, utpote qui *Medicorum* ministri sunt, quicquid boni, quicquid solidi sciant & sapidi, primariò habere à *Medicis*; Et posito esse quosdam, qui, & si *Medici* non sint, vera tamen & approbata (ab aliis puta communicata) *Singularia* habeant, legitimum tamen eorundem usum ignorant, quia *Artis* ignari sunt, & consequenter eadem facilitate ex ignorantia lædere ac interficere possunt, quæ extemeritate iuvare ac sanare audent. Quod cum sit extra omnem controversiam, firmissimo stare talo existimo: *Autorem cujuslibet veri singularis, Præmarium & Verum, semper esse Medicum*; Hujus enim *Profectio* est scire qualitates & *Virtutes Simplicium*, & idem *Artis Pharmaceuticæ* ope dispensare & ordinare *Composita*, scire *Morbos*, eorumque *Causas*, & *Symptomata*, scire *Medendi Methodum*, & in cujuslibet morbi curatione *indicantia*, *Coindicantia*, *Permittentia*, *Prohibentia*, *Contraindicantia*, & alia quæ ad prudentiam *Boni Medici* spectant, diligenter, prudenter, ac circumspectè attendere. Unde, quæ ratione quisquam alius, qui à pueris & ex professo hæc omnia non didicit, sed nescit planè & ignorat, *Singularia* invenire, eademque ægrotantibus salutariter exhibere valeat, judicet quilibet, qui candidus est. Bonis interea *Medicis* circa hanc objectionem non injusta suboritur indignatio, quod scilicet *Chymicorum* non pauci illiteratos ut plurimum quosvis, *Idiotas*, *rudelque* non raro *Asinos*, in sua passim excipiant *Laboratoria*, ipsisque processus, & labores suos concedant, alios verò, & qui sunt de communi studio, vel raro, vel non, nisi ad vulgarium præparationem admittant; hinc enim pleræque illæ lacrymæ! hinc fit, ut incomtum illud vulgus, utpote penes quod nulla planè est alia rerum *Medicinalium* cognitio, quicquid præparari videat, *Secretum* esse, *Singulare* esse, credat; ipsumque tandem hac, quæ ducitur, phantasia peruersum abeat, *Singularia* jactitet, *Magnates* & *Curiosos* quosvis adeat, miracula prætendat, & nescio quid? Quæris successum rei & eventum? Fallunt, decipiunt, defraudant ut plurimum egregiè, speciosè, & singulariter, hoc tamen, ut verum & approbatum *Singulare*, semper habent & possident, quod qui decepti ab aliis sunt, taceant, nil dicant aliis, sed, quod decepti sint, sibi tantum & pro *Singulari*, ac in secreto habeant; sed abeant!

Thef. XXXVI. *Medicamentorum* porro præparationes, *Labores*, & *processus* esse diversos, non nego: quod autem sola præparationis diversitas & *singularitas* *Singulare* statim dictum, & novum *Medicamentum* efficiat, omnino nego? Cum enim *facilius* sit, *inventæ* corrigere, quàm *novæ* invenire, non video, cur sola præparationis correctio debeat statim esse & dici novi *medicamenti* vel *Singularis* inventio? Præsertim cum tantum absit, ut hæc sola *Singularis* distincturam exhauriat, ut potius omnibus in universum *Medicis* communis esse soleat; quot enim capita, tot sensus; & qui nostris, quæ hæc-

ce Seculi felicitate prostant, Officinalibus vel addere quicquam, vel detrudere, vel quovis modo, si ex arrogantiae stimulo velit, corrigere eadem nesciat, quid tandem ille sciat, quid sapiat? ipse nescio; hoc verò scio & fateor, quod si Eruditus Medicus, & Exercitatus Practicus, ex multo rerum usu quicquam habeat, quod circa hoc vel illud Officinale, ipsiusque vel ingredientia, vel preparandi Rationem, vel commodum utendi modum, in salutem aegrotantis proximi notari possit; dicere illud, notare, & corrigere, conscientiae juxta quam officii ratione, teneatur.

Thes. XXXVII. Hæc autem Remedia, quæ, cum alia legitimè adhibita Medicamenta quàm plurima nihil planè, ut ajunt, in hujus vel illius morbi curatione efficere potuerunt, ægrotantes sola restituisse dicuntur; hæc, inquam, laudarem, hæc magni facerem, hæc pro verè Singularibus omnino habenda esse, censerem; nisi istud me moveret, quod restituisse dicantur, quæ ex præconcepta quadam opinione, affectu & confidentia, ita esse creduntur, vera tamen non sint; difficile proinde hoc ipsum quoque æstimarem Judicium; hoc enim illorum, qui Singularia crepant, ut plurimum est PROPRIUM, ut cum sua ducantur opinione, quemcunque bonum Curationis eventum & effectum solis suis adscribant Singularibus; de quo tamen sub judice lis est.

Thes. XXXVIII. Præterea, quod occasione Singularium dictorum Chymia magis magisque excolatur; multisque proinde Naturæ Arcana & Penetrata intimius scrutandi ansa suppeditetur, id, cæteris quidem paribus, facile largior. Fuerunt enim, & jam dum sunt plurimi, qui, cum persuasum sibi haberent, Hunc vel illum, occasione hujus vel illius Singularis dicti, in summam apud ægrotantes & quovis Alios venisse gratiam & existimationem, & ipsi strenuam Chymiae navare operam, cœperunt, & eo quidem successu, ut non sine insigni Reipublicæ Medicæ incremento juxta quam publica multorum ægrotantium salute tot Medicamenta componendi, composita corrigendi, augendi, meliorandi, & rectificandi vias, totque egregios Processus ingeniosè satis invenirent, studiosamque juventutem in Academicis hac in Artis parte informare, atque adeo Bono Publico optimè consulere allaborarent. At verò, quot pessimos Abusus hujus Artis interea produxerint abortus, experimur quotidie; vix enim vigesimum invenies; qui talentum suum Bono mancipet Publico; Omnes quidem sub specioso Chymiae excolendæ prætextu Publico aureos pollicentur Montes, pauci verò Singularis quicquam præstant, & si quid præstant, sibi servant, adeoque non Publicum, sed Privatum quærant commodum. Omnes Chymiam deprædicant, & Chymicos se esse jactitant, cum tamen Nobilissimam Artem laboribus suis potius prostituunt, ac vix umbram, nec dicam Characterem, (quos Excellentissimus ROLFINKIUS recenset) vel notam Væri Chymici præ se ferre videntur: Et hinc evenit, ut sordidus tandem Agyrta & Circumforaneus quilibet Chymiam eructet & Singularia, exclamitet: omnes! o tempora!

Thes. XXXIX. Magnam autem esse simplicitatem, Rationem singularitatis quætere, qua hoc vel illud Singulare huic vel illi præternaturali affectui remediari dicitur, vix concedet, cui stat Ratio; Rationalis enim Medicus, quicquid agit, ejusdem rationem reddere tenetur, si fundamentalis est; & posito, esse Medicum, qui uno vel altero Singulari hunc vel illum curavit affectum, nihilominus tamen operationis rationem reddere potest absque omni præjudicio, etiam si Singulare ipsum nec dicat, nec revelet; ita ut, quibus rationem Singularitatis quætere sit simplicitas, illorum Singularia videantur esse figmentum & Vanitas.

Thes. XL. Omnino verò necessarium est, ut Singulare quodlibet a suo Indicante speciali indicetur; scilicet, si illud à Rationali & Methodico adhibeatur Medico; Methodicus enim Medicus in

Morborum Curatione non acquiescit in Indicantis generalis apprehensione, sed ex Medendi Methodo specialia insuper quærit Indicantia, utpote quæ Curationem propius respiciunt, & ipsa Auxilia & Curandi Media digito quasi monstrant ac indicant; quorum materiam tandem facile invenire poterit, qui peritus in Arte, & exercitatus est.

Thes. XLI. Et tandem merum esse somnium, fateor, dum dicunt; eostantum sinistrè sentire de Arcanis & Singularibus, qui vel Chymiam ipsi non exercent, vel Eandem planè non intelligent: Sicut enim aliàs ab Esse ad Possè non datur consequentia; sic falsissimum & absurdum planè est, dicere, Hic Chymiam Ipse non exercet, ergo Chymiam non intelligit: Sic quare absurdum esset, si dicerem; Hic Medicus cadavera Ipse non dissecat, ergo Anatomiam ignorat; Hic venam Ipse non secat, luxata Ipse non reponit ossa, vulnera & ulcera Ipse non tractat &c. ergo Chirurgiam non intelligit, & sic deinceps. Cum enim ex tripode dixisse HIPPOCRATEM visum fuerit Veteribus, quod vita brevis, Ars verò longa sit, prudenti juxta cōsilio quam summo Posteritatis commodo Artem Medicam in Partes Princeps & Ministras dictas dividere, decretum & statutum est; cum quidem in finem, ut, cum vitæ nostræ Brevitas, in comparatione & proportionem ad Artis longitudo, & ingentem Rerum discendarum ac tractandarum copiam, vix sufficere valeat, sint: qui ex professo, quod dicitur, Principes Artis Partes tractare suscipiant, & Medici dicantur, & sint, qui Ministras & ipsi ex professo exercent & expédiant, & Pharmacopœi ac Chirurghi vocentur, Ita ut utrique unam quasi constituant Oeconomiam Medicam, illi quidem, qui Directorium habeant in omnibus, hi verò, qui obsequiosum illis præstent Ministerium: quod si jam utrique, & Dominus & Ministri suo fungantur officio, bene agitur, & ægrotantium saluti salutariter prospicitur; sin secus, malè; præsertim, si invertatur ordo, & qui debuisset esse Dominus, incipit esse Minister, & vice versa.

Porro autem absurditas dicta vel ex eo etiam probari videtur, quod propositio hæc; Chymicus Singularia præparat; non sit convertibilis, ita ut dicere possem: Chymicus præparat Singularia; Raym. Ergo qui Singularia præparat; est Chymicus, aliàs Minder. enim Circumforaneus quilibet, Singularia ja- Th. Med. 8. ditans; esset Chymicus; quod tamen de tanta tamque excellenti Arte, utpote quæ cum ad Utilitatem, tum etiam ad Splendorem ac Amplitudinem Reipublicæ Medicæ multum conferre videtur, dicere, Religio sit! Absurdè ergo sentiunt, qui ita statuunt, falsò sibi persuadentes; neminem esse vel posse esse Bonum Medicum, nisi qui Ipse Chymiam ex professo exercent. Cum enim Chymiam, utpote, quæ est Pars Pharmaceuticæ, & à qua in hunc usque diem separari merito nec potest nec debet, exercere, non essentialiter pertineat ad Medicum, ut Medicum; sed penes cujusvis sit arbitrium; sufficit omnino, tantum scire in Chymicis, quantum vel ad modernas Galeno Chymicas dictas Morborum Curationes necessario requiritur, vel ut, ex usu quæ videntur, methodicè adhiberi; quæ minus, cum iudicio omitti, queant; ita ut prædominium semper habeat Legitima Medendi Methodus; præstat enim methodo quidvis, quam sola Experientia, facere: & hic succurrit mihi, quod in Albo Candidati cujusdam Medicinæ legi dictum, scilicet:

Methodus sine Chymia facit Medicum;

Chymia sine Methodo Carnificem.

Thesis XLII. Jam si ad Lydium eorum, quæ dicta sunt, revocari lapidem, exactèque examinari deberent, Modernorum Medicinam passim facientium Singularia non defuisse: hætenus, nec adhuc deesse Viros doctos & Excellentes, qui magno rerum usu & longa experientia docti; certa invenerunt Singularia, certo quidem constabit certius: At eheu! quot è contrà dubia, quot difficultates, absurda, mendacia, fraudes, incon-

Lib. 1.
Chym. in
Art. for-
mam re-
daet. c. 3.
& 4.

Rolfink
l. 1. Chy-
mica in
Artis for-
red. Cap. 1
Gal. 3.
M. M.

inconvenientiæ, Calumniæ, lites, rixæ, & nescio quot malorum myriades, sub specioso *Singularium* dictorum prætextu nostram hinc perniciosè infererint. *Artem* est sanè, quod non sine justo dolore omnes Boni Conscientiosi & Rationales doleant *Medici*: sicut enim legitimus ac conveniens Verorum *Singularium* *Usus* omnem laudis, honoris, & gloriæ meretur titulum; sic eorundem *Abusus* & Iustus tanta hætenus sacram *Artem* nostram affecit injuria, ut, quia ratione in pristinum & integrum restitui *Ars* valeat, summè videatur difficile.

Thes. XLIII. Ne verò, dum scapham scapham dicere fas est, fastuam aliorum vidisse, trabem verò eorum, qui meæ professionis sunt, vix observasse, nedum perpersisse videar, fateri omnino cogor, cæco planè *Singularium* amore captos raptosque esse hætenus non minus etiam *Medicos*, &, quod magis est, *Viros* alios *Excellentes*, eoque devenisse, ut in Morborum curatione *Singularibus* suis ita dictis, nisi omnem, præcipuam tamen, laudem impertirent, & fiduciam: quò verò id factum non rarò fuerit, & jam dum fiat eventus? dies testatur & *Experientia*.

Thesis XLIV. Hac etenim ratione, & dum spes omnis & confidentia solis tribuitur *Singularibus*, *Rationalis* ut plurimum negligitur *Methodus*: quæ neglecta & seposita, non curatur amplius, qualis nam certo, qui curatur, præternaturalis affectus sit? An per essentiam, an per consensum affligat? An unus, vel plures, & complicati sint? An à causa calida, an frigida, proveniat? An marem corripit, vel foeminam? An senem vel puerum? An *Plethoricum*, vel *Cachochymum*? An *Bilio-lum*, vel *Pituitosum*, vel *Melancholicum*? Et sic quæ aliæ notabiles ac necessariae occurrant circumstantiæ; Ut mirum proinde non sit, quod Morbi alias Breves & facile curabiles, nec ipsi tollantur, nec removeantur eorum causæ, sed radices agant, & vel degenerent in alios, priori peiores, vel fiant *Chronici* ac diuturni, ipsique tandem egrotantes contra Canonem & præter necessitatem moriantur ac pereant, nisi vel *Audacem* fortuna juvet, vel post *Deum*, *Natura*, morborum *Medicatrix*, errorem ipsa corrigat. Hinc contingere experimur, quod, si in Morbis gravioribus ac periculosis instantis vitæ periculum, vel mortis tandem causa, à *Cognatis* & *Adstantibus* queratur; Interorum partium, Hepatis imprimis, Mesenterii, &c. Inflammationem, Gangrænam, & nescio quam Viscerum corruptionem, speciosè effingere ac mentiri, & inevitabilem adeò mortis quasi necessitatem; credulis præcipue mulierculis, Patheticè satis persuadere sciant ac satagant. Cum tamen nullius planè, vel inflammationis, vel Gangrænae, vel Corruptionis, per totum morbi decursum, unquam apparuerit vel signum vel vestigium; multò minus ex Receptis in *Pharmacopolia* missis quicquam doceri & remonstrari possit, quod ad profliganda ista mala præscriptum & ordinatum sit. Et hi ipsi sunt, qui Morbos, & pericula fingere, non dubitant? Unde Credulum Vulgus, plerumque autem Divites, inani metu percellere nonnunquam aggressi sunt, Apoplexias, Epilepsias, Hydropes, Gangrænas, Viscerum Corruptions, aliosque Gravissimos Morbos, hominibus imminere, mendaci planè lingua præfagientes, à quibus pro præservationis Consilio, magna præmia expectant. Cum enim ab imminentibus Periculis sibi metuerent ægrotantes, Auxilium ab his petendum, aut magno pretio coemendum, rati sunt, quos pro Prophetis ac futurorum Periculorum nunciis suspexerant: Unde, si quando vel leve sabulum in Urina conspectum fuit, mox lapidem, novaculis excindendum, subesse comminati sunt, &c.

Thesis XLV. Sic Consultationes & Concurrentiæ in Casu difficili & morbis gravioribus, & summè periculosis, cum *Medicis* aliis vel non, vel rarò admodum, & non nisi coactè, habentur & admittuntur; Quia unusquisque sua adhibere

gellit *Singularia*; Jam verò, cum alter alterius *Singularium* Naturam & vires nesciat, (nescit autem omnino, quia *Singularia* sunt) vel alter sua recommendare *Singularia*, alter verò *Medicamenta* convenientia ex *Officinis Pharmaceuticis* ordinare nititur, animorum subinde dissensus prognascitur & æmulatio; Qua verò ratione, quæ conscientia, & quò tandem successu & eventu talis habeatur *Concurrentia*, penes *Rationales* quovis candidum esto *judicium*.

Thes. XLVI. Et sanè, ut fatear, quod verum est, non video, quomodo *Rationalis Medicus*, ad *Concurrentiam* cum alio vocatus, prioris *Singularia* approbare, inque usum eorundem consentire possit, nisi *Empiricum* agere, ac eventum Curationis fortunæ vel temeritati committere velit? Si enim media ad Curationem necessaria ignoret, quomodo de ejusdem successu & eventu certus esse poterit?

Thes. XLVII. Nec levis subinde prognascitur *Arrogantia*; dum enim vident & experiuntur, hoc vel illud *Singulare* bono interdum adhiberi successu, eò tandem deveniunt, ut morbos omnes solis & paucis aliquot *Singularibus* curari posse existiment; adeoque salutem omnem ipsis solis attribuant; cum tamen, si querantur ipsi rationem reddere nesciant, an ex *Artis* præscripto, an verò fortuna, vel casu, vel ex *Accidenti*, processerit *Curatio*?

Thes. XLVIII. *Arrogantia* porro hæcce parit *Contentum*, pessimæ matris filium, qui alios pariter invadit & exercet *Medicos*, ac ipsos *Pharmacopæos* excruciat: Illos, dum misello vulgo ac credulo nimis popello speciosè satis persuadere satagunt, quàm cito, quàmque jucundè suis *Singularibus* remederi morbis possint, quos *Medici* alii, *Singularibus* non instructi, vel vix, vel non, nisi longo tempore, potionibus longis, multoque medicamentorum, ad nauseam usque exhibitum, usu curare valeant; Hæc verò, dum eorundem vel ignorantiam in rebus *Pharmaceuticis*, vel in præparandis *Medicamentis* negligentiam, vel in taxando *avaritiam*, vel in vendendo ac substituendo fraudes & malitiam, & nescio quot defectus allegare & accusare laborant.

Thesis XLIX. Ne verò si plura dicerem, *veritas odium parit*, digito compesco labellum; hoc tantum superaddens, quod & summa *Rei* esse, & impium pariter ac invidum mihi semper visum fuit, scilicet, quod paucissimi hætenus de suis *veris* & *Approbatis Singularibus* dictis posteritati quicquam revelaverint, vel relquerint; cum tamen secum reputasse debuissent, se non sibi sed *Reipublicæ* natos esse; atque adeò, si quid utilis, si quid boni commodique, ad publicam *Proximi salutem* à se proficisci ac redundare possit, id ex quodam quasi *Naturæ debito* exsolvi debuisse: Et quamvis sciam magnum dici postulatam, petere communicationem, descriptionem, Processum &c. hujus vel illius *Singularis* dicti, utpote quæ longo labore, sumptuque interdum non parvo comparata, & propterea non cuilibet statim propalanda, sed in secreto reservanda esse dicuntur, ut & aliis subinde, in *Arcana Naturæ* penetralia scrutandi; surrogetur occasio; Larvam tamen esse hanc excusationem, ac latitare ut plurimum aliud quicquam, extra omnem videtur controversiam: *Christianam* enim *Charitatem*, utpote quæ nos omnes, ut quilibet talento suo salutem proximi promoveat, devincere, invicem satagit, planè taceo; Nec meum prorsus facio, quod RENATUS MOREAU hæc de re scripsisse legitur, cum ait: Rutam contritam naribus, & ori Epilepticorum impositam liberare ægros ac etiam perfectè sanare, observat MICHAEL SAVONAROLA, subditque hoc præsidium pro secreto, & *Singulari* tenendum, quod tamen omnibus propalandum sit ac revelandum; quoniam talia subicere, videtur peccatum in Spiritum Sanctum. Ex quibus verbis (sunt verba MOREAU) discent Chymistæ, Agyriæ, Circula-

Hipp. l.6.
Epidem.

Raym.
Mind.
Th. rem.
Med.

In Anim.
ad C. 37.
Schol. Sa.
lernit. p.
435.

culatores Circumforanei, Arcanorum Transcrip-
tores, & quicunque se Remedia, Arcana, Secre-
ta, & Singularia, habere profitebuntur, pessimè
agere; non solum, quia ut plurimum falsa
pro veris, inepta pro sinceris, vana pro certis præ-
sidiis, venditant; sed etiam, quia quæcunque
tandem illa sint, subticent, & aëris, & Medicis
Dogmaticis, qui pro suspectis semper remedia il-
la ἀλφειά, aut ab ἀλόγως hominibus suppeditata,
habent.

Sed hoc tantum cujuslibet Speculationi, Ra-
tioni, & Candori perpendendum remitto: Nimi-
rum cum constet, Omnes omnino homines, &
præsertim qui literis addicti sunt, quicquid boni
agant, quicquid intendant, & quicquid in-
geniorum acumine inveniant, vel invenire stude-
ant, id omne *Fama*, ac nunquam interitura No-
minis sui gloriæ gratia, vel sacri *Auræ* ac divitiarum
fame, agere; Quæ tandem causa sit, Cur
Tot, etiam Clarissimi Viri, è viventium nume-
ro ad plures abeant, qui tamen de suis *Singulari-
bus* dictis ne tantillum quidem *Posteritati* relin-
quant? Tantum autem abest, ut ex sordida
quadam Avaritia, quæ *Empirica Secta Cognata*
quædam ac *Nutrix* est, à Bonis Medicis id
fieri, concedam, ut potius vitium hoc alienum
planè ab iisdem esse, atque adeò de *Imposteriori-
bus* tantum dici, existimem, quod dicitur: *Reper-
ti sunt Complures, qui Experimentiolas aliquas, nul-
lis fersan Rationibus innixas, nacti, easdem studiosè*
custodire, celare, velare, ac abscondere studuerunt;
non quòd Arti honorem, sed quòd sibi lucellum alii
*quod majus compararent, ut, quod sine speciali eo-
rum consensu, voluntate, ac deceptoris liberalita-
tis munificentia, Remedium obtineri non posse puta-
bant ægri, præmiis ab ipsis Celatoribus, tanquam*
ex Captivitate, redimerent.

Non equidem latet, quod vulgò & verè quidem
dicitur; *Neminem esse obligatum, Arcana & Sin-
gularia in Vulgus propalare;* Item, *Medicamenta Pro-
stitutione vilescere, &c.* Respondetur enim, aliud
esse propalare, *Singularia in Vulgus*, hoc est, illi-
teratis quibulvis, & à Medicina alienis, *Mulier-
culis* puta, *Idiotis*, &c. eadem manifestare,
ac concedere; aliud verò, *Orbi Literato, Medi-
corumque familie*, communicare Eadem; Aliud
item esse, quod de *Jure*, aliud autem quod ex
Christiana Charitatis debito fieri dicitur: Unde
Medicamenta, etiam singularissima, quæ in
Ægrotantium Salutem, & Artis Incrementum,
aliis communicantur *Medicis*, nec prostitui, nec
prostitutione vilescere, dici possunt; nisi quis di-
cat, (quamvis absurde dicat) *Artem nostram &*
olim, & à primis ipsius incunabulis, egregiè
*fuisse prostitutam, & jam dum prostitui enormi-
ter.* Quàm ingenue enim, & quàm candidè *Primi*
Artis Parentes quicquid in imis scientiæ & Ex-
perimentiæ *Medicæ* habuerunt penetralibus, *Pos-
teritati* communicaverint, negare non potest,
nisi qui *Artem* negare ipsam audeat malevolè:
Et quanta quæso ipsorum Laude, (ut quicquam
tantum de nostro hocce dicam *Seculo*) quanto-
que *Posteritatis* Commodo, sua nobis *Inventa*,
verè *Singularia*, communicarunt hætenus *Ana-
tomici, Venas* puta *Lactæas Mesaraicas, Ductum*
*Pancreaticum, Glandulosa Chyli Receptacula, Va-
sa Lactæa Thoracica, Vasa Lymphatica, Ductus*
Salivales, Nobilem item Sanguinis Circulationem,
*& Singulares circa eandem habitas, eidemque ac-
commodatas Observationes, Curiosam de Ossis Cri-
briformis usu speculationem, &c.* Sic à *Patholo-
gicis, & Practicis Celeberrimis*, quibus *Novi*
vel *rari* quicquam observare licuit, integras ha-
bemus *Morborum Historias, Observationes Medi-
cas, Casus raros, Enarrationes, Epistolas Medi-
cinales Consilia, Consultationes, Annotationes,*
Curationes insignes, &c. ita ut *Charta* deficere
videatur, si præclara omnium, qui hac in
parte *Artis* Incremento & Bono publico opti-
mè mereri allaborarunt, exprimere deberem
nomina. Sic *Exoticorum* Periti suam Nobis non
subticuerunt *Herbam Thee, Chinam Chinæ, Ca-*

vea, Crapp, Terram Catechu, &c. Quemad-
modum nec *Curiosi* alii *Inventa* sua, quæ quovis
modo ad *Artis* vel *Incrementum*, vel *Ornamentum*,
facere visa sunt, occultare rati sunt: Quæ inter
insignis *Modernorum Instrumentorum Anatomico-
rum, Chymicorum & Chirurgicorum* apparatus,
de *Inventorum* Candore testatur ingenue; ita ut
tantum absit, ut *Arts* Nostra, sincera Eorum,
quorum jam mentio facta est, communicatione &
propalatione prostituta esse dici queat, ut potius
insigne exinde *Incrementum* summissee videatur.

Soli verò *Singularium Inventores* plerique sua
una secum sepeliri malunt, quàm ut eorum hæ-
res fiat *Posteritas*: Quamvis enim hocce nostro
seculo non defuerint *Viri Excellentissimi*, quorum
ingenuus in bonum Publicum Candor tantus fuit,
ut ea, in quibus vel *novi* vel *Singularis & Arcani*
quicquam longa experientia deprehenderunt,
non sibi servarent, sed in publicam omnium
Ægrotantium salutem, & nunquam intermori-
turam eorum memoriam, *Literis* consignarent,
ac usui fecissent publico; *Plurimi* tamen, & præ-
sertim, quis suis *Singularibus* nimium quantum
fidunt, iisdemque omne *Curationis* punctum præ-
aliis soli absolvere gestiunt, *Experimenta* sua pla-
ne subticent, adeoque nec sibi de honesta *Nominis*
existimatione, nec *Arti* de incremento, nec *Pro-
ximo* de emolumento, prospicere laborant.

Thesis L. Aliud ergò quicquam latet necesse
est, quod ipsum vel *Invidiam* quandam, vel
quædam *pudorem* esse, existimo; si ex *invidia* sub-
ticentur *Singularia*, sit istud vel respectu *Ægrotan-
tis proximi*, vel *Curantis alterius Medici*: Si respec-
tu illius, impium planè, inhumanum, & *Chri-
stiano Medico* indignum est, subticere, ac sibi ser-
vare ea, quæ, si vera sunt, *Sanitati, Viræ, &*
Summo adeò *proximi Bono*, prospicere possunt;
Idem enim si *superiorum Seculorum* fecisset *Me-
dici*, nec aliter *Rei Medicorum* consulissent *Pub-
licæ, per Apollinem Medicum & Esculapium*
jararem, nec eos, qui *Singularis* quicquam subti-
cent, tantum scire & habere, unde & ex quo
sua *Singularia* dicta conficere valerent: Si verò
respectu *hujus* id fiat, ab *Eruditis, Dogmaticis*
& rationalibus Medicis aliis, nihil vel parum cu-
rari, auguror, præsertim cum per *Dei* gratiam, &
Clarissimorum ac de Republica Medica & Proximi
salute optimè meritorum *Virorum* studia, & dili-
gentiam, tanta nobis in *Pharmacopoliis* publicis,
& *Privilegiatis* pariter, quàm apud *Classicos Au-
tores* quosvis, suggeratur *remediorum & Medi-
camentorum* approbatorum copia, ut, quod ex
invidia paucorum Publico denegatur, *Multorum*
Candor utraque manu liberaliter latis nobis porri-
gat & exhibeat. Et si, e. g. idem malum *Hypo-
chondriacum*, convenientibus appropriatis, om-
nibusque *Bonis Medicis* notis *Medicamentis*, cu-
ratur in *Gallia*, quod per ignota *Singularia* dicta
Antihypochondriaca ab uno vel altero dicitur cu-
rari in *Germania* quid tum postea? Ita, ut *Varan-
daus*, *Regius in Academia Monspeliensi Professor*,
scitè satis dixisse, legatur: *Illa Remedia esse optima;*
*quæ, minimè sint secreta & singularia, sed notissi-
ma, utpote certiori experientia confirmata.*

Thesis LI. Cum verò de *Christiano, Bono, ac*
Conscientioso Medico, talem præsumere & præ-
dicare *invidiam*, nefas sit; in alteram potius
abirem sententiam, scilicet ex modesto quodam
pudore plerumque subticeri *Singularia*; ita enim
hujus nostri præprimis seculi genius fert & condi-
tio, ut quemadmodum in aliis plurimis, sic etiam
in *Medicina*, *Novitati* plus, quàm par est, indul-
gere, nil novi sit; unde tantus ingeniorum exci-
tatur pruritus tantaque singularitas, ut quilibet
ferè *Nova* invenire, *Singularia* tractare, *Singularia*
præparare, iisdemq; nisi omnes, pleraque tamen
Morborum *Curationes*, perficere gestiit; ita ut
intantum *Singularia* dicta succrevisse videantur
numerus, ut & *Tituli ac Nomina* tandem defi-
cere, & integra *Pharmacopolia* iisdem, si colli-
gantur, impleri posse, plus quàm manifestum sit.

Thesis LII. Pudet autem omnino plerisque, ut
de suis

Jof.
Querce-
tanus.
Oliv.
Crollius.
Dan.
Sennert.
Hadrianus
a Mynf.
Jo. Hart.
Angelus
Sala
Gv. Rolf.
Jo. Schr.
Franc.
Joel.
Joh.
Zuvel-
ferus.
&c.

Jur. Hip.

Prim. l. 1.
de Vulgi
Erroribus
c. 12.

Raym.
Mind.
Thr.
Med. c. 9.

Caspar.
Aseil.
Joh.
Georg.
Virfingus.
Joh. Pec-
querus.
Th. Bar-
tholinus.
Io. Horne.
Olaus
Rudbec-
Kius.
Harveus.
Guern.
Rolfinck.
Conr.
Vist.
Schneider.

de suis *Singularibus* dictis quicquam certi proferrant, multò minùs Ingredientia ac præparandi rationem, utendique modum, candidè manifestent, Hoc enim factò, emerito ut plurimum suffunduntur pudore, propriaque confessaturpitudine, ipsi tandem fateri coguntur ipsorum *Singularia*, vel planè esse *Vulgaria*, vel *aliorum Inventa*, ab ipsis verò mutata quodammodo, correctà, inde *aliam* vel *consistentiam*, vel *colorem*, vel *formam* quamcunque, esse redactà; sic enim quotidiana experientia testatur, quod pleraque, etiam vulgatissima non rarò *Officinalia*, vel per se & prout in *Dispensatoriis publicis* præscribuntur, ac à *Pharmacopœis nostris*, & ipsorum *ministriis*, quotidie dispensantur, vel leviter tantum mutata & correctà, sub specioso *Singulari* prætextu & titulo, grassatim quasi circumferantur, vendantur, & exhibeantur; quod ipsum *PRIMEROSIUS* innuisse creditur, dum, *Observat*, inquit, multos *astute sua* (hoc est *Singularia* & *Secreta* dicta) occultare, ne si aliis *Medicis* innotescerent, risum moverent; *Vulgaria* enim *Remedia*, & forsàn inepta pro magnis secretis à multis prædicantur, quæ nemini revelare volunt, prudenti sanè consilio, quia nihil habent, quod *Secretum* vel *Singulare* dici debeat.

Thesis LIII. Et, quod maius est, mirari meo quidem loco satis nequeo, quod & *Novelli* quidam *Practici*, qui nudius tertius *Medicinam* facere, atque *Ægrotantes* visitare inceperunt, hodie statim de suis *Experimentis* & *Singularibus* gloriari audeant; quæ tamen res, sicut admiratione, iuxta ac risu eigna est, ita altioris sanè indaginis, quamvis pauci momenti, esse videtur; *Judicii* enim imbecillitatem an dicam? an arrogantiam? vel ex eo tantum apparere constat, quod, dum *Maiorum* ac *Præceptorum* suorum æ muli fictitiis ac opinariis suis *Singularibus* dictis tales sæpe imponant *Titulos* ac *Nomina*, quæ risu & cachinno digna sunt, rem ipsam, virtutem sc. sui *Singularis*, & operandi rationem, vix ipsi intelligere videantur; Sic e.g. inter alia (integros enim possem, nisi partim honoris ergò, partim risus compescendi gratia abstinere, allegare *Catalogos*) dicta *Singularia*, datur *Pulvis in Acutis*, *Pulvis in peracutis*; sed quæ? qualis? quanta? Ergone *Omnes Morbi Acuti*, & *Peracuti*, unius ejusdemque erunt generis? Non est; cum enim dentur, qui sunt à *Causa frigida*, ut *Apoplexia*, *Catarthi* suffocativus, *Lethargus* &c. in senibus; cum dentur qui sunt à *Causa calida*, & totius dicti *Substantia*, ut *Febres ardentes*, malignæ, cum & sine petechiis, &c. cum dentur, quorum natura in inflammatione consistit; ut *Phrenitis*, *Peripneumonia*, *Pleuritis*, &c. qua, quæso, *Methodo* indiscriminatim exhibebitur? qua ratione in morbis, à *Causis* contrariis productis, & quomodo contrariis *Indicationibus* unicus æquè satisfaciet *Pulvis in Acutis*, & *Peracutis*? nò video.

Thesis LIV. Et hac occasione, & ex tanto rerum abusu, evenit tandem, ut, quibus nulla unquam facta nec concessa est *Medicinam* faciendi potestas & licentia, indifferenter, impunè, & non sine summa sacræ *Artis* ignominia, multorumque ægrotantium damno & interitu, *Medicos* agant, *Medicinam*que faciant; Ita enim *Pharmacopœi* plerique, *Barbitonfores*, *Balneatores*, ac *Dentifragibuli* non pauci, *Pastores Pagani*, *Agyrtæ*, *Circumforaneique* quilibet, *Artem* exercent *Medicam*, *Singularia* effingunt & jactitant, insignesque *Artis* nostræ *Doctoribus* excitant molestias. Idem passim facere audent, qui per aliquod tēporis intervallum *Chymicorum* *Laboratorii* inhæserunt: hi enim statim, atque vel ignis tantum gradus moderari, vel unum alterumque processum expedire didicerunt, in mundum universum abeunt, *Chymicos* se profiteri, ac nil nisi *Singularia*, *Secreta*, & *Arcana*, olent, & sapiunt; cum tamen omnis plerumque *literaturæ* planè expertes sint, & curiosum non tantum *Vulgi* ge-

nus, sed *Magnos* interdum etiā *Medicos*, *Magnosque* alios *Singularium* & *Arcanorum* amore raptos, egregie ut plurimum decipere, sumtuososque processus fuga non rarò absolvere soleant; Nihilominus tamen soventur *Hi a Magnatibus Impostores*, ac in *Aulis* in *Hominum* perniciem nutriuntur, cumulantur honoribus, premiis, amplisque afficiuntur *Stipendiis*. Et qua denique *Artis* iniuria quodvis aliud hominum genus, ut sunt *Pastores*, *Laniones*, *quadrati item Rustici*, *Opiliones*, *Carnifices*, *Petula*, *Saga*, *Præcantrices*, *Cingari*, *Harioli*, *CrySTALLANTES*, nescio quæ hominum farrago, falcem non temerè minus, quàm insolenter, in nostram messem immittat, est, quod (vel hic etiam *Loci*) insigniter doleat *Medicorum* familia, atque ita tam scitè pariter quàm verè cum *Medicina* *Lugente* exclamare cogatur; *Domus mea domus Medicationis est*, *Vos autem fecistis cam Speluncam Latronum*: Nam & hæc malè feriatorum hominum turba, illud, ad quod nata & educata est, vitæ genus petulanter deserit ac *Arti Medicæ* illotas & pestíferas manus malitiosè admovet, *Aquas destillat*, *Simplices*, *Compositas*, *Pretiosas*; *Medicamenta varia* præparat; *Singularia*, *Secreta*, *Arcana* jactitat: *ægrotantes* visitat; *Medicamenta* exhibet; curat; necat; enecat; mortificat; Et hæc quidem omnia impunè, & re quasi optimè gesta, & quasi nullus amplius super sit *Magistratus*, qui tantam malitiam, fraudes, & scelera, severe vindicare aut velit aut valeat. *Impudicum enim hoc Hominum Genus Toti Arti multum fastidit, tædii, difficultatis, ærumna, despectus, ac odii peperit, cum de cogenda magis pecunia, quàm de mortalium salute sollicitum, & emungendis solummodo crumenis addictum fuerit, nihil autem re ipsa, vel quod collaudandum foret, parum præstiterit. Ac neque hoc adeo condolendum forsàn existeret, nisi, præter ejusmodi rapinas, tot hominum cades, ac homicidia Respublica clamarent; Proh dolor! quot ab Agyrtis his inrerfecti? quot in extremam pauperiem, simul ac corporis calamitatem, acti? quot in florida juventute præmaturè neci sunt traditi? Medicinam, in manu inscii positam, esse gladium in manu furiosi, quis nescit? At, quid furiosus? mactabit, non defendet; occidet, non proteget; ledet, non sanabit. Ita igitur hi, omni arrogantia ac fastu referti, Præceptiones omnes Medicas illudentes, Indicationes, ad curationis viam instituendam necessarias, negligentes, concurrentium symptomatum observationes despicientes, ætatem, temperaturarum, climatum, anni temporum, ac constitutionam, imò & causarum prægressarum, vix ullam rationem habentes, vespertilionum more in Medicina involant. Et revera plaga est hæc Hominum, justi Dei Judicio iis hominibus irrogata, qui sese à Vera Medicinæ Legibus, Præceptis, Fide ac Experimentis, subtrahentes, hisce Ancyribus Corpora sua credunt.*

Thesis LV. Et sic tandem verum esse experimur, quod dicitur: *Dato uno absurdo, sequuntur Plura*; Et si *Medici* ipsis in tantos raptantur *Abusus*, quid mirum, si, ex malo *Exemplo* idem faciant & alii? sic enim omnes ruunt ac dissolvuntur *Bonæ leges*! sic nullus amplius observatur *Medicinalis ordo*! Ita quidem, ut iis etiam nonnunquam in locis, unde abusus istius emendationes expectandæ erant, extlex quilibet sit, vel esse tamen velit, nec ulla extet *Medicinalium Taxa*, nec tot annorum spatio habeatur *Pharmacopolior. Visitatio*, sed rer. *Medicinalium* omnium extrema suboritur confusio!

Thesis LVI. Quam tamen *Morum* & *Geniorum* *Dyscrasiam*, easque, quæ exinde promanare assolent, inconvenientias & exorbitantias, maxime detestantur & abhorrent, quibus *Proximi Salus*, *Posteritatis amor*, & *Bonum publicum* cordi magis est, quàm ut ipsos purum putum, & sordidum istud *Privatum Commodum* occacare planè valeat, atque aded unanimi voto mecum vovent, ut in pristinum restituatur *Ars*; Tandem *Sic Pudor*, & tandem *Veri Respektus* & *Æqui*!

Ray.
Mind.
Thren.
Med. c. 9.

Mind.
Thr.
Med. c. 8.

Mind.
ibid.

Et hæc sunt, quæ de *Singularibus* dictis dicere constitui. Quæcunque autem de moderno *istorum* pariter, quam *Nobilissima Chymia Abusu* incidenter passim dixi, bono (sanctè testor) dixi animo! Atquæ adeò solenniter protestor, me contra sincerum *Vera Chymia* exercitium nec dixisse quicquam, nec unquam dicendi ha-

buisse animum. Si quis verò est, cujus *Conscia Mens* falsè de se putat omnia dici, Is secum habitet, ac consideret, in quantam pertot tantisque *Abusus Medicina*, & Moderna præprimis *Praxis*, abierit hætenus Barbariem! atque ita nec *Vitio*, nec *Invidiæ* mihi vertat, quod *Verum & palam est Omnibus*.

DISPUTATIO II.
EXERCITIUM MEDICUM
D E
DOLORE HYPOCHONDRIACO,
Vulgò sed falsò
putato
SPLENETICO,

quod
sub Præsidio

Viri Nobilissimi & Experientissimi.

MICHAELIS ETTMULLERI,

Phil. & Medicinæ Doctoris,

Publicæ Philiatricorum Censuræ submisit

AUTOR RESPONDENS

EMANUEL BLUM, HAMBURGENSIS.

die 4. Maii Anno 1671.

Q. D. B. V.

P R O O E M I U M.

E Legans certè est illa comparatio, quam inter hominis annique ætates instituit OVIDIUS lib. *Metamorph.* 15.

*Nam tener, & lactens, puerique simillimus ævo
Vere novæ est, tunc herba recens, & roboris experts.
Turget, & insolita est, & spe delectat agrestes:
Transit in ætatem, post ver, robustior annus:*

*Fitque valens juvenis; neque enim robustior ætas
Excipit Autumnus, postq. fervore juvenia,
Maturus, mitisque inter iuvenemque senemque:
inde senilis hyems*

Hominis & anni ætatibus illæ Scientiarum Artiumque respondent; nam, ut rectè *Sapiens* loquitur Seneca: *Multum egerunt majores nostri, sed non peregerunt, multa agenda restant posteris; nec ulli post centum annos exercendi ingenii deerit occasio.* Ita legimus, *Artis Pictoriæ* adeò tenera principia fuisse, ut rebus pictis nomina addiderint, eadem verò progressu temporis ab APELLE vel optimè excultam, ac Naturæ matris foetum egregiè adumbratum fuisse: Ita medicamentorum luxuriosa jam seges, de eorum singulatim agnita virtute surrexit. Imprimis tamen cum illis comparari potest partium Humani Corporis structuræ & usus cognitio. Hæc olim paulo obscuriori caligine mersa erat, inde verò ab HARUÆO, CONRINGIO, & forsitan prius à PAULO SARPA Veneto motum sanguinis indicantibus, nonnihil firmiori talo inniti cœpit, ac etiamnum novas vires & robur acquirit, majores à seculi hujus felicitate expectans. Maximè verò omnium controversa fuit hætenus sententia de vera structura & usu lienis, veteribus huic multos morbos adscribentibus, recentioribus verò ipsi patrocinantibus. Et horum quidem Clarissimorum Virorum vestigiis insistentes, & nos in præsentiarum lienem à doloribus ipsi vulgò tributis vindicare, eisdemque colo potius adscribendos esse, demonstrare conabimur.

CAPUT I.

Historiam Doloris Hypochondriaci recenset.

§. I.

SI quæ alia totius corporis regio, utique tertius venter, abdomen qui vocatur Anatomicis, variis ac frequentissimis cruciatur doloribus. Inter plurimas autem, quas hic includit partes primario intestina dolorose affliguntur, in morbo scilicet iliaco, dysenteria, tenesmo, dolore lumbari, colica, passionibus Mulierum hystericis, doloribus in & post partum, doloribus scorbuticis, convulsivis, nephriticis, aliisque similibus. Causas frequentiarum horum dolorum inquirentes principem locum tenere videmus confluentiam succi biliosi salino volat. oleosi, & succi pancreatici salino acidi, cum chylo, ejusque relicto intestina incrustante mucos; nam ex horum sub finem duodeni concursu non potest non à particularum imprimis salinarum, hos liquores componentium diversimoda constitutione, insignis oriri agitatio & effervescentia, quæ in sanis quidem blandè ac sine omni molestia peragitur, in statu verò morboso hæc ipsa sæpius augetur, tubinde etiam insigniter depravatur, quando videlicet vel chylus in ventriculo non bene coctus contumaciter spernit Imperium Triumvirale, (ut hoc nomine succum biliosum, pancreaticum, & pituitam intestinalem indigitare cum SYLVIO liceat,) vel etiam, quando horum unus alteri prædominari studet, vel ex læsa constitutione vitiosè cum altero effervescit, hinc enim illæ lacerationes, distensiones, tormina, frigora; ætus, similesque molestiæ, modò vagæ, modò fixæ, in abdomine oriuntur, de quibus ægotantes acerbè ut plurimum conqueri solent. Altera ab hac causa est frequentia flatuum, vitiosæ effervescentiæ perniciofa proles, quibus dum à pituitosa intestinorum diluta crassa, similiter ac à præcipitatis partibus debito terrestrioribus, faculentioribus, viscosioribus, via intercluditur, fit ut intestina distendantur vehementius, & quasi violenter divellantur cum acerbo patientium cruciatu. Accedunt his tercio loco nervei funiculi, intestina frequenter cingentes, ex insignioribus ac mirabilibus eorum in mesenterio plexibus, ut ad alias abdominis partes, ita specialiter ad intestina distributi, à quibus, si per effentiam irritatis, si per consensum cum aliis corporis partibus affectis, varii spasmodici, convulsivi, ac acerbissimi dolores, modò in una abdominis parte separati, modò verò conjuncti in omnibus ferè simul excitantur.

§. 2. Hos inter dolores, si quis alius, acerbus, contumax & sæpe recurrens, est iste dolor abdominis, qui percipitur sub hypochondrio sinistro, & quem ad imitationem Clariss. SYLVII lib. 1. Prax. cap. 14. §. 6. Hypochondriacum vocabimus. Percipitur scilicet dolor gravissimè lancinans & pungens, interdum simul distendens & vehementer vellicans, fixus sub hypochondrio sinistro, & tam cavitatem illam, quam ibidem costæ spurix efformant, occupans quàm se etiam interdum latius extendens, ac partem illam molliorem lumbis conterminam obsidens, intumescens sæpius ibi locorum manifestè apparet, nunc mollis & compressioni cedens, nunc verò tactui pertinacius resistens. Gravius ut plurimum urget dolor, dum ægri supini jacent, uti & dum inspirant; tunc enim punções atrociores percipere se conqueruntur: admo a verò manu regioni dolenti, hacque compressa; remissio doloris & quoddam levamen percipitur: respiratio adest simul difficilis, non tantum ob punções tunc perceptas, sed quod inspirando thoracem sufficienter distendere nequeant, quin impedimentum aliquod in hypochondriis, mediaque regione epigastrica; se opponere videatur. Præterea appetitus ferè semper simul est prostratus, supervenientibus interdum, si atrocior fuerit dolor, vomitibus contumacibus tam ingestorum quàm liquaminum flavescens, viridium, viscidorum, crassorum, tenuium &c., sub quo vomendi conatu ægri miserabiliter de dolorum exacerbatione conqueruntur. Denique alvus ut plurimum est obstructa, rarius naturaliter fluida, rarissime nimis laxa, urgetque simul flatuum copia, quorum excretionem levamen aliquod, sed parvum, nec diu durans, percipiunt ægri. His interdum accedunt, & vel potissimum

in sexu sequiori, dolores totum abdomen occupantes & ad genitalia excurrentes, qui parturientium dolores ferè imitantur; hinc ad lumbos dorsumque reflexi tandem disparent, successive denuò recurrentes. Clysmata injecta, & primario quidem ex emollientibus, & abstergentibus, hinc & Carminantibus, malum levare solent. Similiter quoque remedia externa ex oleis destillatis penetrantibus, aromaticis, regioni abdominis stomachali, siue scrobiculo cordis, ut vocant, item hypochondrio sinistro, & ubi totum abdomen occupatur, umbilici orbitæ successive illita conducunt. Interius verò egregium usum habent blandè laxantia & viscida abstergentia, nec non aromatica, item semina & radices, sapore non nihil acri, ac odore suavi pollentes. In genere verò omnia salia volatilia, partibus oleosis & spirituosius attemperata, item opiata addita, magnarum hic virium esse, experientia docet.

§. 3. Adstantes, ubi audiunt ægrorum querelas, subito Lienis & affectum & culpam inculant: His pleno ore assentiuntur ipsi ægri, lienis pessimum viscus execrantes, quin non raro ipsi Medici aut falsa opinione seducti, aut ut auram plebeculæ caprent, similiter morbum lienis vocant, Germ. die Miltz Beschreibung. Applicantur ob id emplastra splenetica usitata, de ammoniaco, de cicuta, meliloto, mucilagine, semin. psyllii, &c. suntque inunctiones cum oleis capparum, oleo & extracto nicotianæ, oleo amygdalarum, oleo irino, lil. albor., nardino, tamariscino, juniper, laterino, rutac., anethino, quæ diutius continuata, tandem non sine fructu sunt. Assumuntur etiam per os usitate Spiritus cochlear., nasturt., aquæ & essent. spleneticæ, essent. splenis bovis, essent. fumaricæ compos., Tincturæ, essent., flor., croci, & salia Martialis, saccharum Saturni, remedia ex tartaro parata, similiaque, quibus & aperiat obstructus lien, & dissolvatur ejusdem infarctus, ut humoribus liber exitus concedatur, indeque isti dolores sopiantur.

CAPUT II.

Subjectum Doloris Hypochondriaci declarat.

§. I.

Splenis viscus usitate inculari, ex dictis non minus, quàm quotidianis vulgi querelis, patet: Nos tamen adæquatum affectus hujus Subjectum esse dicimus intestina sub hypochondrio sinistro delitescens, tam tenuia, quàm primario crassa, & ex his quidem frequentius intestini colli istam partem, quæ hypochondrium sinistrum occupat, & ubi colon ex ampliori cavitate arctius nonnihil contrahitur, ut optime observavit C. BAUHINUS, simulque angulari figura curvatum ad renem sinistrum descendit: Est enim hic locus aptissimus, in quo aut scybala indurata hære, aut mucilagines acidæ stagnare, aut flatuum impetus cohiberi, retundi, ac retroflecti possit; Ex quibus quid aliud, quàm dolorum varii cruciatus, lancinationes, rosiones punções, distensiones, subnasci possunt? teste HILDANO Cent. 5. Obs. 58. ubi ita habet: Cum excrementa, in superiori & capacissima intestini coli parte, in globos magnos, prout capacitas ferebat, indurata, à flatu versus hanc angustiam magna cum violentia pellantur, accidit, ut non nisi summo cum dolore permeare possint. Ex intestinis verò tenuibus, eam jejuni partem, quæ à lumbis liberius in hypochondrium sinistrum assurgit, ibique incurvatur, simili dolore interdum quoque, sed secundario tantum, affici, omnino cum SYLVIO asserimus: Vid. SYLVIVS in Prax. p. 147. utut rarius hoc ipsum contingere soleat.

§. 2. Quod si exactè consideremus, quæ circa tales ægros eveniunt, vel spontè asserti nostri veritas se manifestat: Situs enim doloris exactè ad colisum & conformationem ibidem locorum se conformat, ascendens subinde deorsum nonnihil ad renem usque sinistram, aut extendens se sub costis nothis, non parum versus hypochondrium dextrum; Imò evenit interdum, ut similis dolor, qui antè erat in hypochondrio dextro, successive transferatur ad sinistram, ibique fixa sede firmata atrocius affligat: Unde etiam est, quod Clysmata tam potenter ferant opem, præsentaneumque interdum sint remedium, quod & contactus & virtus eorum huc imprimis pertingat. Accedit, quod quò contumacior est alvus, eò dolor sit atrocior, & quo illa fluidior, eò hic remissior. Item quod

excretio flatuum malum luet, quos ex liene proficisci quis asserat? quin hi ipsi potius nullibi magis quam in *Intestinis*, specialiter verò in *colo*, stabulantur. E contra *lien* ratione situs, qui est sub costis, ita ut ultimam harum infimo suo extremo vix ac ne vix quidem contingat, tumorem vel visibilem oculis offerre, vel manu palpabilem tactui repræsentare nullo modo potest; id quod tamen veterum volunt asserta: nisi forsitan *lavata* admodum vel *rupta* sint *vineula*, quibus diaphragmati, omento, ventriculo, locisque vicinis annectitur; quale exemplum in *Obs. 3. M. BOGDANI affixis Cultro Anatomico LYSE-RI* prostat; vel ab humore in eo stagnante in immensam molem assurgat, de quo vid. *MALPIGHIIUS de structura & usu viscerum*, ubi de liene; vel etiam ipsum *lienis parenchyma*, modò texturam hanc membranulam ita appellare fas sit, enormiter exerceat, observante *BARTHOLINO C. 1. Ep. 62. p. 254. & C. 4. Ep. 13. & HORSTIO Instit. Med. Disp. 3. Coronid. 1. p. 131.* nec non *VERSALIO l. 5. de Corp. Hum. fabrica c. 9.* Quæ omnia tamen rarissime fiunt, cum dolor *hypochondriacus* sit frequentissimus; & posito illa adesse, talia symptomata, qualia *hypochondrio sinistro* dolentes habent, non inferunt, de quo infra. Præterea ratione *parenchymatis* adeò adeò inflari nequit *lien*, ut in sinistro *hypochondrio* extuberet, & admodum manu tum murmure tumor intus occultetur: id quod soli *colo* ibi locorum proprium: Nam *splenis parenchyma*, adeò ineptum est extensioni à flatibus, ut etiam nisi magna vi in exemplo exsiccatoque fieri possit. Omnes itaque *splenis* dictas inflationes potius flatuum aut in *jeiuno*, aut potissimum in *colo sub hypochondrio sinistro* coacervationes, dixerim. Exemplum sit inflatio ista *splenis*, quæ est apud *FORESTUM l. 20. Obs. 4. p. m. 276.* quam in *colo* fuisse cæcus sit, qui non aperte videat. Propterea namque etiam evenit in tali *hypochondrii dolore*, quod manus loco dolenti cum forti compressione admodum, quatenus flatuum agmina disjiciuntur, dolorificæ distensionis, lancinationisque, levamentum adferat.

§. 3. Sed ne solis speculationibus indulgere videamur, vel observationes Practicæ idem oculariter testantur: vid. *SALMUTH Cent. 1. Obs. 24. Quæ observatio luculentissima est ad confirmandam nostram hypothesein*, scybalis per sesquiannum in *colo* retentis, affectum & dolorem vulgò habitum *splenicum*; exactissime cum omnibus symptomatibus inferentibus. Cui simile, sed magis adhuc stupendum, infarctus talis per sexennium continuari, pro scirrhus contumaci habiti, exemplum recenset *FERNELIUS l. VI. de partib. morb. & symp. c. 9.* Nec minus eleganter nostram opinionem illustrat *Obs. 58. in Cent. I. HILDANI.* Quibus adjungatur observatu dignissimus affectus & cura, relata à *SILV. Prax. c. 14. p. 168.* Pertinet etiam huc *Casus 36. Cent. I. GABELCHOVERI*, quem *splenis dolorem, colicam hypochondriacam* fuisse, curatio ejus testatur. Vix dubito, quin & *Obs. 21. PANAROLLI Cent. 2.* huic albo inscribam, scilicet, quia mucilaginosæ sordes à jussulo cum spir. vitrioli attenuatæ solutæque fuerunt, unde transitu per annum reperto, *splenicus* putatus liberatus fuit. Hinc cautè monent omnes Practici, cavendum, ne dolor *hypochondrii sinistri*, cum dolore *lienis* confundatur. Videtis *HILDANUM cit. loco & FORESTUM l. 20. Obs. 2. Schol. p. 275.* quo loco libenter concedit, dolorem *colicum* distendentem, acutum & interdum mobilem dolorem verò *lienis* gravativum, tantum esse. Reliqui Practici, ubi ad diagnosin doloris ex vitio & affectu *lienis* perveniunt, potius alia signa adducunt, quibus affectus cognosci debeat, quam ut proprium *splenis* dolorem monstrare possint; Et tamen hæc ipsæ notæ, quibus *splenem* laborantem exprimere conantur, de gravitate videlicet in *hypochondrio sinistro*, de dolore à longa ambulatione, equitatione, aliove vehementi exercitio, de appetitu prostrato, fluxu hæmorrhoidum ablato, spiritus difficultate, mæstitia, somniis turbulentis, de utilitate supervenientis diarrhææ, disentericæ, humorumque acidorum vomitu; item quas de colore cutis atro, excretis nigris, rugitu & murmure in sinistro *hypochondrio* referunt, ea omnia partim *Colo* & *intestinis affectis* vel maxime convenire dicimus, partim verò antiquam istam *GALENI & AVICENÆ* Doctrinam sapiunt, & falsæ ac præconceptæ illi opinioni de officio *lienis* circa humorem melancholicum superstructa sunt. Nimirum *Lienem* ex hepate per vas venosum attrahere crassum ac limosum succum, ipsis vocatum *Melancholicum*, illum alterare, ac ex ipso conveniens sibi alimentum elaborare, reliquo inutili ad *Ventriculum* per vas

breve amandato: Quod si jam eveniat, addunt, ut transitus hic denegetur, excrementum hoc, in totum corpus redundans, id ipsum necessarid inquinat, variolque morbos, imprimis verò icterum nigrum, scorbutum, affectionem hypochondriacam inducit, simili modo ac ex obstructione vesiculæ felleæ icterus flavus generetur. Quorum tamen omnium explicatio ex aliis longè fontibus haurienda.

§. 4. Res ut pateat ulterius, consideremus saltem dolorem istum puncturium *hypochondrii sinistri*, qui post vehementiores corporis motus & exercitia accidere solet, & in specie post equitationem torquet, uno ore das *Migra-steen* vocatus; unde etiam natum vulgare illud dogma, eximi posse aut saltem debere cursoribus *Lienem*, ut citra puncturiam has molestias citatiori cursu pergere possint, de quo consulatur *Cl. MOEBIUS in fundament. physiolog.* Verum hunc dolorem non esse *Splenicum*, ipse *SENERTUS*, qui tamen alias ex hypothesei vulgari *lieni* ejusque dolori multum adhuc tribuit *l. 3. prax. p. 498.* libenter fatetur. In eo tamen à nostra opinione declinat, quod *Perritonæo* illum acceptum ferat, cum potiori jure *intestinis ibidem locorum artatis*, & in specie *Colo*, ejusque angustiori peripheriæ in curvatura sit adscribendus. Unde etiam est, quod post pastum crebrius assurgat talis dolor, quando scilicet & copiosiores flatus ex alimentorum recenti assumptione & distributione intestina distendunt, & colon à vicino ventriculi fundo magis comprimitur, & angustatur: ita & impressio digitorum in locum puncturæ, aut fortior manus applicatio dolorem sopit, quatenus flatuum impetum retrudit ac retroflectit, quorum emissionem dolor sensibilibiter levatur; id quod ex liene, quomodo deduci possit, non video. Præterea dolores hujusmodi eis in specie graviores incumbunt, qui affectione hypochondriaca laborant, ac inde, largiori flatuum ditati sunt proventu. Dum ergo per morum & exercitium in concalescentis intestinis flatus impetuosius turgentia vagantur, sub *hypochondrio sinistro*, ex quacunque causa hærent, dolorum istorum puncturiorum causæ existunt.

§. 5. *Intestinarum* si consideramus substantiam, doloribus acutis concipiendis aptissimam; (sicut reverà, quàm acuti sint & torquentes, tantum non quotidie experimur;) è contra verò *lienis parenchyma* quàm his ipsis sit ineptum, magis magisque nostra confirmatur opinio. Est enim totum *lienis* corpus membranarum congeries, in Cellulas & concamerationes efformata seu distincta, quæ apum veluti favos aptè repræsentant. In his cellulis copiosissimæ & ferè innumerae sunt glandulae ovales, coloris albi, racematim, tanquam uvæ botrus, invicem contextæ, cum septem vel octo singulus quique botrus conglobetur: Has inter sparguntur a teriarum & venarum capreoli, quibus intertextuntur fibræ copiosæ, cum numerosa ramulorum seu fibrillarum sobole, prognatæ ab interiori membrana *lienis*, sive à capsula ejusdem ad, robur mollioris substantiæ, sive ut sint tanquam trabes pro firmandis p rietibus vasorum sanguineorum & nervosorum ac cellularum. Hanc *lienis* structuram, hætenus omnium Anatomicorum sedulitate eludentem, (*HOFFMANUS* enim & alii *parenchymatosam* carnem appellant, *HIGHMORUS* verò concretum sanguinem congruatum circa Anatomici uno consensu sanguinem congruatum circa fibras nerveas pronuntiarunt; decepti, quod vel levissima cultelli admotione arteriarum & venarum quasi filamenta sanguinem pro supplemento spatiorum, quæ sunt inter glandulas illas, effundant, ac sic densam caliginem oculis offundant,) uti primus illustravit *MALPIGHIIUS*, ita & idem ad absconditas symptomatum hujus visceris causas facilius penetrare potuit: Nimirum vel à copioso humorum per arterias uervosque affluxu ad glandulas has, vel vitio vasis afferentis, vel appulsæ materiæ energia, *Lienem* interdum laxum, & ut plurimum amplum reddi, continuato nihilominus perpetuo sanguinis affluxu in tumore jam facto. His ita trutinatis dolorem *pulsatorium* ex sanguinis arteriosi motu, aut *gravativum* ex *parenchymate* ejus, variis excrementis infarcto, aut *roste Bartholino cent. 4. Ep. 14.* ultra molem naturalem exescente, ipsis libenter concedimus: imò, ut largiores simus, & *tensivum* quendam, obscurum tamen dolorem, ex distensione ejus membranae, tandem largimur: sed acutum, pungentem. lac rantem, terebrantem, & tam atrociter torquentem dolorem ut inferat *parenchyma* ejus minus sensibile. & cujus structura huic omnino repugnat, nulli admittimus: quin hos soli *Colo*, & aliquando *Intestino tenui* ibidem locorum

rum incluso, constanter adscribamus; Nam & duri tumores & scirrhi *Lienem* infestant, qui tamen, citra ullam insigniorem molestiam, sæpe etiam insensibiliter succrescere solent, pluresque ad annos circumferuntur.

§. 6. Dolenda interea est *Lienis* conditio, cujus structura & usus legitimus, uti hactenus plenè stetit incognitus, ne dicam neglectus; ita nihilominus tot malorum morborumque à vulgo ignaro habetur sentina, ut tantum non relegare istud & exterminare ex Republica microcosmica, volupe ducant. Sed innocentiam ejus egregie defendunt SYLVIVS *Disp. de usu Lienis*, ob id à quibusdam malevolis titulum Patroni *Lienis* adeptus, item CONRINGIUS *bist. de Gener. & usu sangu.* Nam neque scorbuti, neque mali Hypochondriaci, neque jeteri nigri fomes & focus est *Lien* obstructus, vel alio modo vitiatus; nec magis quartanæ cubile est *Splen*, quam Tertianæ Hepar. Et posito, quod *Emplastrum HELMONTII de febr. p. 776.* *splenis* regioni appositum centenas. Quartanas tutò persanarit; nihilominus tamen hoc ipsum non magis sedem esse ejus in *splene* probat, quam quod *Emplastrum febrile B. D. MICHAELIS* ex fuligine, tereb. camph. &c. quo carpis manuum applicato, in se ne decrepito aliquando eandem Quartanam curavit, (non secus ac similia externa sæpius mirabiles edunt effectus) probare deberet, eandem alia vè intermittentes residere in carpis manuum. Plura alia HELMONTII *de Splene lepidè asserta*, tamen quoad jus duumviratus, quam quoad somni vigiliarumque radicem, nec non vim genitalem ex eo derivatam, sufficienter infringit canis sine *splene* optimè se habens, & omnes actiones, qua vitales qua animales & genitales, alacriter abolens. Neque tamen hæc ita accepta volumus, ac si in totum *Lienis* morbos negaremus, ac universaliter omnes ejus obstructions rejiceremus; nam inquisitiva Anatomicorum manus plus satis easdem ad scirrhosam lapideamque duritiem impactas, nobis detexit; sed hoc tantum urgemus: I. Sæpius inculari *Lienem* ejusque parenchyma, tanquam obstructum & infarctum in morbis Chronicis, imprimis verò affectibus appellatis melancholicis, ut ut id sola præconcepta opinione, sine ratione manifesta, sine signo saltem probabili adstruatur, quod confirmat experientia, CL. SYLVI, qui *Disp. de Liene* testatur, se in cadaveribus longè ultra 100. dissectis, & ex his plurimis per omnem vitam Malo Hypochondriaco, melancholia, &c. laborantibus, imò ob illam extinctis, semper satis sanum ac floridum observasse hoc viscus, nunquam verò inflatum, induratum, vel obstructum. 2. Tumores, scirrhos, & infractus hujus visceris, qui non rarò in morbis Chronicis deprehenduntur, & quidem specialiter in Quartana, non tam radices esse horum morborum, aut fomites, quam producta morbosa istis inveteratis supervenientia, ac ex vitio primæ digestionis orta; simili modo ac calculus productum est morbosum, ex certa ista ametria salium, qua eadem se facile coagulant, ipse verò morbus est lithiasis: adeoque hi *Lienis* tumores, obstructionsque, effectus potius morborum erunt quam causæ radicales.

C A P U T III.

Causas doloris Hypochondriaci materiales & formales scrutatur.

Causarum dum studemus evolutioni, has melioris doctrinæ gratia in proximas & remotas, ex rebus non naturalibus desumptas, dividemus. Inter proximas I. se offerunt scybala seu *fæces alvinæ induratae*: Id quod fit 1. dum vel à diuturna retentione *exsiccantur*, quatenus aliæ fluidæ chylolæ partes à venis lacteis absorbentur, & forsitan aliæ tenuiores, agiliores & volatiliores perpetuò per poros cutis transpirant, unde partes crassiores & terrestriores suo vehiculo destitutæ, magis concentrantur & compinguntur, ac ob molem suam neque motu illo peristaltico, neque compressione à partibus vicinis, promoveri queunt: Tale exemplum est in SALMUTH *C. 1. Obs. 24.* quando per sesquiannum scybala fuisse retenta dicit; item in *Cent. 3. Obs. 45.* Id quod etiam accidere potest à sudore copioso vel ab exercitio vehementi, &c. 2. Dum a coagulatione nimia *indurantur*: id quod imprimis accidit aut vitio succorum sub finem duodeni miscendorum, (quod GRAFIUS succi pancreatici vitiosæ aciditati ac austeritati adscribit,) aut assumptorum, quando hæc duriora, viscosiora, ac in ventriculo non bene cocta, neque in intestinis

cum bile & succo pancreatico satis permista fuerint. Ex his enim & similibus causis scybala prædicta facile subsistunt in cellulis *Coli*, in specie tamen ubi *sub hypochondrio sinistro angustatur & incurvatur*, ac adeo dolores, & sæpius duritiem tactui resistentem, inferunt. Teste, præter *Obs. SALMUTH* supra allegatam, SCHENCKIO *in obs. lib. 3.* ubi plura adducit similia exempla: Quo simul facere videntur *Colicæ* aureæ ex nummis aureis deglutitis observatæ à BARTHOLIN *Cent. 3. Ep. 69.* BORELLO *Cent. 2. Obs. 77. pag. 94.* nec non *C. 4. Obs. 25.*

§. 2. Post scybala sese offerunt sordes mucilaginosæ & viscidæ, ex scilicet, quas vulgò *pituitam vitream* nominant: Paracelsus verò in sensu latiori *Tartarum fæcalem* & mucilaginosum, quod succo illi, quin in vino circa doliorum parietes concrevit, quodammodò similis, & acidum subtile, coagulans fæces, ejus sit primordium, appellat. Producentur autem hæc sordes in nimia copia modò *ab alimentis difficulter digestilibus*, viscidis &c. de quibus *inferius dicendi erit occasio*; modò à fermento stomachico deficiente in digestionis negotio, & loco chyli volatilis salis liquamen viscidum tenax mucilaginosum, & ut plurimum vitiosè acidum, producente; interdum etiam ex *inertia seu deficiente acrimonia* succi pancreatici & biliosi, non abstergentium nec resolventium mucum intestinorum superfluum. Ab his & similibus causis pasta crassa, viscida ac tenax, sæpius acidæ & ponticæ, generatur, ventriculi & primariò intestinorum lateribus agglutinanda & infarcienda; teste SALMUTH *Cent. 5. Obs. 5. Obs. 787.* Vidit Dr. Peucerus in *Italo quodam, Colicæ consumptio dissectoque totum Colon pituita obductum*, relicto saltem foramine digiti crassitie. Huic proximè accedit, quod refert SENNER-TUS *lib. 3. Præx. de Cl. LIPSIO*: hunc scilicet aliquando materiam adeo lentam & tenacem, paulatim in tota intestinali fistula à vita sedentaria ac studiis contabescente, coactam, ejusque figuram retinentem, per alvum reiecit, ut se omnia intestina effundisse putavit. Affinis his est locus ille FERNELII supra allegatus, ubi *Coli ex toto à pituita infarcti* legitur exemplum. Hæc pituita, si simul, id quod ut plurimum contingit, vitioso acore, sive ex stomachi errore, sive ex succi pancreatici vitioso acore, omnibus partibus membranosis hostili. inquinata, ac in *Colo sub hypochondrio sinistro* collecta fuerit, fixum continuò lancinantem, & quasi aculeus pars perforaretur, atrociter pungentem, apto vocabulo terebrantem appellatum, dolorem infert.

§. 3. Frequentes denique dolorum vulgò dictorum *splenicorum* causæ flatus, sub hypochondrio sinistro inclusi. Hi ipsi non à calore, neque à frigore, ut Veteres voluerunt, & in quam mentem loquitur FORESTUS *lib. XX. Obs. IV. in schol.* Generatur igitur flatulentia, teste Actio, ex frigidityte membrorum eandem producentium: *Scit. loc. addit: aromatica propinare nolui, ne materia illa frigida in flatu dissolveretur*; Sed per vitiosam generantur fermentationem, probante id KERGERO *Tr. de ferment. 3. cap. 4. p. 223.* prædominante in hac vitioso ac præternaturaliter acido, id quæ sæpius in subjecta materia viscida. Generari dicitur flatus per fermentationis modum, ita ut reverà non inexistant assumptis, sed de novo producantur ex eisdem, sive in stomacho sive in intestinis hoc fiat; Non secus ac ex musto fermentante eructatur Gas copiosum flatulentum, quod antea in eo non erat, sed per fermentationis demum modum excitatur. Hinc est, quod hypochondriaci ex quibuscunque ferè assumptis copiosos generent flatus, cum contra robustus stomachus vulgò flatulenta dicta citra eorum proventum potestate sui fermenti digerat. De quo vid. accuratius HELMONTIUS *Tr. de flatibus*. Sunt nempe flatus novum quoddam ens spirituosum, spiritus scilicet sylvestres incoercibiles & non coagulabiles, quos ex defectu Etymi, nomine Gas appellat HELMONTIUS *in suis scriptis*, & quos neque præcisè salinæ, neque sulphureæ naturæ esse, sed ex utriusque actione aliquod emanans tertium, aptè asserit BECHERUS *Phys. subterr. l. 1. f. 5. cap. 2.* Hi ergo flatus impetuosius per amplitudines *Coli* delati, impingunt in lateris sinistri ea parte, qua id incurvatur ac angustatur, unde in se coacti cum murmure & borborygmis non rarò sensibilibus retro flectuntur, & molestum distensionis lacerationisque sensum inferunt, tunc imprimis, quando respirationis actione diaphragma deorsum pulsus, *Colon* ibidem substratum premit, ac ita flatus in angustum spatium cogit; unde non rarò tumor elevatur, qui affectione hypochondriaca laborantibus

ribus potissimum familiaris est, & malè *inflatio* Lienis dici solet.

§. 4. Fuerunt hæ Causæ proximæ: accedo ad remotas, ex rebus non naturalibus desumendas; has inter 1. est aer frigidus, abdomine vestibus non bene munito susceptus: quod si enim juxta HIPPOCRATEM, densam ac duram cutim habentes faciliè offenduntur, quod excrementis in corpore contentis non pateat liber exitus per cutim, multò magis frigus, non modò poros claudens, sed etiam per eos se forsan in corpus insinuans, subinde intestinorum varios dolores inducere, pituitamque ipsam inspissando malum hoc excitare posse opinamur; Sic FORESTUS dicit, fratrem ipsius statim à refrigeratione pedum *dolorem Colicum* incurrisse, l. XXI. obs. IV. id quod etiam HIPPOCRATES 3. Aph. 5. & 17. item FONTANUS in l. 2. cap. 2. pag. 37. *Methodi Generalis* testatur. 2. *Assumpta* vel *quantitate*, qua fermentum stomachale obruunt, ita ut hoc tantæ activitati insufficiens reddatur; vel *qualitate sua*, scilicet quatenus aut difficulter sunt coquilia, aut viscida, aut mucilaginosæ, aut adstringentia, ad hanc passionem disponunt. In horum classe constituti sunt pisces frequenter comesti, item castaneæ, mespili, & alia vulgaris notitiæ. Ita ex MOEBII *Instit.* p. 453. patet, ex spirarum in nimia copia assumptione dari alvum obstructam. Ita SCHENCKIUS l. 3. obs. ex cerasorum cum nucleis devoratione alvum per tres septimanas clausam fuisse, & eisdem post id tempus per alvum demum exiisse notat. Ita CORNARIUS ova indurata & comesta alvum adstringere observat *Cons.* 4. Ita SENNERTUS ex PLATERO annotat, quendam *Colicis* cruciatibus diu vexatum, post clymatum usum, casei (quem copiosum antea assumpserat) concreti induratiq; magnam copiam per alvum excrevisse. Ita Uvæ cum pelliculis comestæ lethalem alvi contumaciam aliquando induxerunt; pelliculæ enim harum cum facultati digestivæ reluctentur, ac insigniter acidæ è stomacho in intestina elabuntur, fit ut coagulentur excrementa, ac sic pertinacissima obstructio sequatur. Consideranda venit ipsa stomachi cruditas acidæ, ex qua in intestinis postmodum per vitiosam fermentationem producuntur flatūs, infarciēte eadem de causa copioso mucō intestina, & in specie colon ejusque cellulas. Id quod in iis ad oculum patet, qui affectione hypochondriaca laborant; in his enim acidum hoc nimium & vitiosum in stomacho modò dictos effectus, tanquam pedisequas, secum ducit.

§. 5. Præter alia & flatulenta, & in specie fermentativa assumpta, dolorosas has in sinistro latere dant turbas; Est scilicet quorundam assumptorum hæc natura, ut sub digestionē stomachi fermentativa, copiosum Gas eructent, ver. gr. ex uvis comestis, item exceptis, quod partim sub ructuum nomine per os exhalat, partim per pilorum erumpens intestina flatibus replet, unde talia flatulenta dicuntur: sed & imprimis fermentativa assumpta hic consideranda sunt, ut fructus horrei, item musti potus, omniaque mellita ac saccharata, quæque ad horum naturam accedunt; talia enim in passione hypochondriaca virorum & suffocatione hysterica mulierum, quæ fere coincidunt, cum vitioso acido effervescento copiosos flatūs produciunt, & sic *doloris hypochondriaci* fomitem ministrant. Novi mulierem, quæ ex potu vini tenuis cum saccharo probè edulcorati in atroces abdominis, & in specie hypochondrii sinistri, cruciatus incidit: Cumularat autem ea antea ex inepta diætâ copiosam pituitam, unde ex potu fermentativo superingesto flatūs excitati, ac in colo hinc inde coerciti & oberrantes, tam atroces dolores inferebant: Simile exemplum refert FORESTUS de mercatore quodam, cui ex flatulentorum ciborum ingestione, & portione musti, & tumor insignis & ingens dolor in latere sinistro exortus fuit, qui cum copioso flatuum exitu finit.

§. 6. Somnus & ipse nimius ad intestinorum infarctum ac scybalorum aut viscidorum excrementorum in Colo hæsiōnem, plurimum disponit. Id quod etiam de quiete valet. Quemadmodum enim motu ac exercitio corporis, sanguinis circulatio, ejus vitalis fermentatio, ac spirituum volatilium generatio augetur, unde & alimentorum fermentatio, assimilatio, distributio, & heterogeneorum separatio ac præcipitatio promovetur; ita è contrario somnus nimius generandis & coacervandis cru-

dis succis inservit, & omnes excretiones sensibiles consuetas, dum dormiens 7. horarum spatio occulte, salubriter & sine violentia perspirare solet, duplo magis, quàm vigilans, teste Sanctorio in *Med. Static.* f. 4. aphor. 2. tam propter Spirituum animalium tardiores motum, quàm propter partium agiliorum transpirationem insensibilem, transudationemque sensibilem, impedit; unde & ipsa excernenda imminuta, indeque intestinorum retenta plurimum aucta, tandem dolorem nostrum inferunt, ut ex dictis patet. Ut namque aliàs legitimum sanitatis conservativum est motus, vicarius nempe omnis venæ sectionis, purgationis, aut alius cuiuscunque sanguinis correctionis, id quod rusticorum & mechanicorum gens præ aliis sana confirmat; ita somnus immoderatus & nimia quies plurimis, in specie diuturnis, ægritudinibus fenestram aperiunt. Animi affectus ad motiones spirituum & humorum commodè referuntur; unde in quibus minùs hi agitantur & moventur, ut in mœrore, tristitia, metu &c. ad dolorosum hunc affectum disponunt; in quibus verò iidem vehementius moventur, ut in ira, gaudio &c. potius hunc ipsum curant.

§. 7. His ultimo loco ex rerum naturalium genere annectenda venit peculiaris quorundam Idiosyncrasia, quæ miræ stypticitati alvi quidam sunt obnoxii; quod, ut citra insignius incommodum fieri soleat, tamen periculo non vacat, quin diutius retenta scybala in *Coli anfractu sinistro*, dolorem hunc inducant. Cujus Idiosyncrasie exempla videantur in SENNERTO l. 3. *Prax.* P. 2. *Sect.* 2. cap. 4. item BARTHOLINO *Cent.* 4. *Hist.* 40. PANAROLLO *Pent.* 1. obs. 1. & 17. SYLVATICO *Cons.* 46. l. 3. RHODIO *Cent.* 2. obs. 81. SALMUTH *C.* 2. obs. 65. & C. 3. obs. 36. SCHENCKIO l. 3. obs. MELBOMIO de *Usu flagror.* p. 7.

§. 8. Fuerunt hæ causæ materialiter consideratæ: videamus jam earum efficaciam formalem, seu rationem, sub qua talem inferant dolorem, sæpè miseris ejulatus extrudentem; scilicet quicquid obstinatius tanquàm hostile irritat sensum intestini *Coli*, in ea parte ubi angustatum & incurvatum sub hypochondrio sinistro incedit, hoc ista irritatione molesta, sub qua intestinum dolere incipit, istud in contracturas & spasmos convulsivos cogit, à quibus doloris mira exacerbatio & crudelitas, cum intestina velut per crampam contracta corrugataque dolorem manifestent suum. Nam contractura est equidem sensationis irritatæ seu doloris effectus seu consequens; nihilominus tamen hac accedente mirè augeatur dolor, adeò ut qui antea ferè insensibilis esset, nunc crudelibus torminibus partem spasmo convulsam quodammodo dilacerare videatur. Oculari exemplo hoc confirmat HELMONTIUS *Tr. de flatibus* §. 38. & de *Lithiasis* cap. 9. §. 132. Mitiora hæc sunt, ubi scybala indurata solum intestinum obsident: at si mucilagotenax acore peregrino rosivo imbuta pertinaciter ipsi adhæserit, hujus ponticus acor in viscida materia obstinate hærens, & continuo rodens, partem perforare quasi videtur, & ad ejus propulsionem, frustraneam tamen, irritata intestina sese convellunt & corrugant, unde crudeles laniationes & torsiones, subindeque recurrentes pungentes laniationes misero modo ægros torquent; simili ratione atque purgantia medicamenta, quatenus eorum particulæ subtiliores, intestinis inimicæ, his pertinacius affixæ hærent, horum spasmos ac dolorificos cruciatus inducunt: sic antimonium in substantia assumptum membranas intestinorum vellicando, torminosam hypercatharsin infert, uti & resinæ vegetabilium; item arsenicalia incautè usurpata horrendos vomitus ac hypercatharses dolorosissimas inducunt. Periculosior est flatuum procella, qui ex vitiosa, à præternaturali acore, fermentatione excitati, & sub hypochondrio sinistro nonnihil coerciti, sui acrimonia & exotica impressione gravem dolorem inferunt; unde de convulso contractoque intestino & exitu ipsis præcluditur, & simul retropelluntur, unde vagos & oberrantes, imprimis tamen sinistro in latere, frequentius recurrentes, cruciatus excitant: Distendunt namque hi intestinum, & hac violentia sensationem dolorificam inferunt, authorem contracturæ & consequenter torquentis convulsionis: vid. HELMONTIUS loco supra cit. Dictis lucem affundit experientia ocularis Magnif. Dn. D. Welschii, Mæcenatis & Hospitis mei omni observantia colendi, qui dum Anatomicas fœces gereret,

reret, in sectione colicis cruciatibus enecati deprehendit totum Colon à flatibus immensum distensum, sub insertionem verò in intestinum rectum, ubi simili modo ac media sui parte sub hypochondrio sinistro ingyros contorquetur, adeo coarctatum, ut nil magis visum fuerit, quam planè ibi coaluisse; ipsæ verò defunctus per quatuordecim dies sævissimis torminibus cum sonitu ac fragore sæpius horrendo dilaceratus fuerat.

§. 9. Quod si spasmi hi intestinales frequentius incurrentes per nevulos eorum ad plexus communes in mesenterio deriventur, ex his ipsis contracturæ istæ spasmodicæ in alias quoque vicinas partes ex iisdem plexibus nervos accipientes (nam vix in infimo ventre datur pars præter diaphragma, quæ non de iis nervos participet) contorquentur, unde totum abdomen excruciantes dolores ex vago & inordinato hoc spirituum motu occupant; quare & vomitus pertinaciores subinde superveniunt, quin & in mulieribus similes cruciatibus, ac si foetus enitendus foret, inferuntur. Id quod clarius patet, modò consideremus Colicam Nephriticam, seu istos abdominis dolores ac vomitus sæpe crudeles, qui calculo Renum tortori superveniunt; nam & hi ipsi non nisi per tales spasmos, à renum nervulis mesenterii plexibus communicatos, & hinc ad intestina & stomachum vibratos, ibique convulsivos tales dolores inferentes, producantur;

CAPUT IV.

Signa Diagnostica & Prognostica proponit.

§. 1.

Diagnosis Doloris Hypochondriaci ex ejus historia cap. 1. recensita per se patet; saltem distinctiva evolventia sunt signa, quibus & causæ inferentes à se invicem distinguantur, & quomodo à cognatis sibi affectibus discriminetur intelligatur: Ex quibus iudicium formari poterit, an brevi vel diu diuturnum sit malum? & an graviora symptomata malum redditura sint periculosius? an verò minus periculosum ista remissiora?

§. 2. A scybalis malum oriri docet dolor fixus sub costis nothis, cum quodam gravitatis & ponderis sensu; tumor tunc durus, interdum ad coli situm deorsum versus protenditur, ut hoc in exemplo à Sylvio Prax. cap. 9. §. 57 recensito, elucet: Adest contumax alvi obstructio: Præcesserunt causæ externæ ad excrementorum indurationem & retentionem disponentes, quales sunt balneum, sudores, exercitiæ nimia, assumpta duriora & viscidiora, potus parcior haustus; uri & vitam sedentariam dispositivè concurrere, & urinam copiosius redditam illas producere, testatur ipse HIPPOCRATES Aph. ult. Sect. 4. & HOLLERIUS in Comment.

§. 3. Mucilaginem ponticam, acidam; pertinacius coli cellulæ in sinistro hypochondrio adhaerentem, esse causam hujus doloris, ex eo ferè patet, quod dolor sit perterebrans, fixus, & ferè continuus, quod adsit sensus contorsionis in illo loco admodum dolorosus, & punctiones continuatæ: qui dolores si fuerint graviores: subinde & reliquis intestinis & mesenterio per consensum affectis, per totum abdomen successivè, & hinc ad lumbos detorqueantur. Eandem ulterius manifestant ciborum fastidium, singultus, vomituique pituitosi, ætas consistens, crapula frequentior, & alvi referatio, sine doloris remissione.

§. 4. Flatus esse causam horum dolorum, ex hoc elucet, quod vagi sint, & modò cessent, perinde recurrant, adsint simul borborygmi & murmura abdominis, regio hypochondriaca tumeat, & turgeat, non secus ac sæpius totum simul abdomen, manu sinistro lateri admota cesset dolor, flatus per inferiora erumpentes malum levant, subinde etiam ructus per superiora missi dolorem minuant, adsit difficilior ac impedita nonnihil respiratio, ipse æger sit Hypochondriacus, & aliàs flatuum generationi obnoxius, præcesserint assumpta aliàs dicta flatulenta, item effervescentia, de quibus cap. præcedente dictum.

§. 5. A cognatis sibi affectibus discriminatur facilè; & 1. quidem à peritonæi & musculorum doloribus, quia

Est mulieri Oper. Tom. I.

hypochondriacus est profundior, & quod musculorum ille facile tactu deprehendi possit; nam compressi levitet dolorem inferunt, teste SENNERTO Prax. pag. 488. 2. Minus facile à cardialgia, oriunda videlicet ex iisdem ferè causis in stomacho, ex quibus hic noster affectus in intestinis, unde, & inconvenienter licet, colica ventriculi vocatur: Hæc ipsa sæpius per *στυμνιδειαν* dorsum supremamque lumborum regionem affligit, interdum etiam inferiora petit, ac egregiè dolorem Colicum mentitur; unde non raro errores in curatione nascuntur, observante id SCHENCKIO de quibusdam Medicis ægrum de dolore anteriori stomachi conquerentem pro cardialgia laborante habentibus, qui tandem Clystere utiliter applicato, dolores hos à Colo provenisse cognoverant. 3. Ab Iliaco dignoscitur, ratione loci, quod hic circa umbilicum magis torqueat, item quod scybalæ magis quam *κῆρα* rejiciantur, quodque brevioris sit moræ. 4. Inter dolorem *Hypochondriaco colicum* & nephriticum, ob vicinum situm, & per plexus mesenterii nerveos conjunctionem, sibi multum affines, id discriminis observatur, quod hic minus sit tensivus, sed gravans & fixus, deorsum tendat, ac ureteres ledat, & urinas colore lacteo ferè cum copioso sedimento tingat; id quod non fit in illo: Licet etiam 5. Hæc *passio hypochondriaca* sæpe compliceatur cum hysterica passione in mulieribus, dum dolores in hypochondrio sinistro incipientes, in medium abdomen contorquentur & ad spinam dorsii lancinantes, vehementes præcordiorum angustias inferunt; imò interdum in inguina descendunt, quasi foetus enixum repræsentat: qualem dolorem mulieri inde à tempore abortus sæpius recurrentem, & semper ex hypochondrio sinistro incipientem, & abdomini tormina inferendo, ad inguina & lumbos descendentem, carminantium tamen & pituitam acidam evacuantium usu cessantem, observavit DOMINUS PRÆSES. At tamen à se invicem discriminantur, quod rarius in suffocatione hysterica fixi hypochondrio sinistro inhaereant dolores, quod in passione hysterica majores borborygmi ac tumultus oriantur in medio abdominis, quod item majores præcordiorum angustiae ac anxietates, non rare quoque lipotymiae, adsint, id quod in dolore nostro evenire non solet; ut taceam faucium angustias, vertigines, ac horrendos sæpius etiam ridiculos, gestus, qui passionem hysterica comitari solent. Quibus notis ulterius distinguendus sit *hypochondriacus* à reliquis abdominis doloribus affinis? dicere supersedeo, & facile cujus parebit, qui partem affectam situmque ipsum doloris attendet.

§. 6. Prognosis quod attinet: caret malum hoc omni ferè periculo, si pars modò coli, imprimis verò circa finem, laboret, clysteribus eò facile penetrantibus: minus verò facilem medicaminibus se præbet, si totum intestinum fuerit infarctum; tunc enim diuturna mora, sui acerbitate, vigiliis, inquietudine, similibusque, vires, insigniter dejicit: idque eò magis, si malum hæreat in *intestino tenui*, hypochondrio sinistro subtrato. Contumacissimum curatu est, si à mucilaginis pontica & pituita vitrea oriatur; nam supervenire solent convulsiones, abdomen sæpius quasi excavantes, & umbilicum interiora versus trahentes. Nec minus periculosa est hæc passio, si oriatur à scybalis diutius retentis; periculum enim est, quin ad volvulum aut inflammationem partem affectam disponat. Si verò à flatibus originem ducat, in tympanitidem abire potest, aut distendendo nimis abdomen, ad umbilici intumescen-tiam, aut herniam disponere, observante id FORESTO lib. XXI obs. V.

CAPUT V.

Medendi rationem Doloris Hypochondriaci docet.

§. 1.

UT denique compescatur tam atrox furia, salutare opem ferunt Medicorum manus; quæ procelloso morbi turbine sedato, exoptatam corpori serenitatem redunt; remedia scilicet hæc afferunt, quibus malum auferunt, inventa per indicationem mediante ratione confirmata per experientiam, illustrata per analogi-

gil mum. Ut dolore quidem sistatur, anodyna in genere dicta, item in specie narcotica, requiruntur. Ut causas removeantur variae, varia tentanda sunt, scybala dura emollienda & evacuanda, mucilago viscida incidenda, abstergenda & expurgenda, flatuum proventus inhibendus, & eorum ex acido origo destruenda: Quibus coronidis loco, praeservationi ab hoc malo dicata, adjungenda erunt.

§. 2. Fontes, ex quibus hauriuntur remedia salutaria, pro his scopis sunt Chirurgicus, Pharmaceuticus, & Dieteticus. Prior vel pauca vel nulla subministrat auxilia pro nostro equidem affectu, mitioribus ferè succumbente, nec crudelem Chirurghi opem postulante; ob id ea, quæ à Pharmacia ex tribus regnorum divitiis, & ex Dietetica suggeruntur, imprimis producemus, initium faciendo à causarum remotione, ut eò tutius postmodum ipse affectus dolorosus deleri possit.

§. 3. Si induratae feces obseferint coli cellas, & quæ sub hypochondrio sinistro sunt, angustias, optimè erit eas quaque occasione per consuetam portam inferiorem educere: Convenit tamen his præmittere emollientia, quibus humorum crassities attenuetur & diluatur, ac viarum impedimenta amoveantur. Utrique scopo satisfaciunt imprimis clysmata; licet enim Helmont. eorum usum ceu pudibundum, & quod vix citra ruborem à Medico suaderi possit auxilium, rejiciat, tamen argumentis ejus nonnihil satisfacit HOFFMANNUS opere de methodo medendi cap. X. l. 1. & quotidiana experientia ipsi aperte contradicit, quæ saluberrimum clysmatum usum creberrimè ostendit: quem etiam ulterius sufficienter confirmat MOEBIUS in Dissert. Erudita & eleganti de usu clysterum medico, cujus verba sunt: Clysmata cunctis in testinorum ægitudinibus levamento sunt, seu calida seu frigida adfit intemperies, eam corrigere poterunt; paulò inferius addit: Ut autem alvus non à fecibus excis, catis tantum sed etiam flatibus induratur, ita & illis ex terminandis & dispendendis clysteres inserviunt; rursum: In affectu hypochondriaco scorbutico, melancholia, hypochondriaca, febribusq; intermittentibus, ubi alvus ferè semper est adstricta, incredibile ferunt fructum clysmata seu molliendo seu purgando rem tractare velis, &c. Clyisma itaque tale pro usu emolliendi injectis esse erit.

℞. Rad. alb.

Lil. albor. ana ℥ss.

Herb. malvæ

Summit. melil. ana m.ii.

Coqu. in s. q. aquæ hordei:

Colaturæ ℥ix. adde

Eleb. bened. laxat. ℥i.

Ol. lil. albor.

Rapor. ana ℥ss.

Vit. ovi. Noi.

Misc. pro Enemate.

Vel hujus loco lac vaccinum cum melle Mercuriali instar clysmatis injectum, & feces emollit, & lubricando vias educationem faciliat; Clyster etiam ex solo oleo lini & rapor. an. ℥iv. ad ℥v. injectus, & ad tempus retentus, mirus est ad alvum à scybalis impedimentam resolvendam: Clyster hic acui potest cum ℥ss. vel ℥vi. olei diacolocynthid. Quercetani. Hic namque ferè simili ratione alvum per tres hebdomadas pertinaciter à fecibus induratis obstructam, aliis omnibus irritis, referavit RULANDUS injectis singulis horis ℥iv. olei olivar. unde omollitis post tres horas scybalis, hisq; præduris copiose rejectis, æger est restitutus: Vid. Thesaurus RULANDI p. 233. Qualem successum idem author cit. loc. p. 236. per oleum lini ad ℥v. nunc solum, nunc cum ℥ss. trochiscor. alhandal. injectum obtinuit. Quod si tamen contumaciore stercora hæc & similia lenia non promoverint, ad aciora pergendum, & clysmatis lenientibus salis gemmæ ℥i. ad ℥ii. permiscendum; hoc enim ex experientia luculenta FORESTI lib. 21. obs. 5. scybala emollit. ad intestina ad eorum expulsionem irritat; ubi tamen observetur, omittenda tunc esse oleosa & mucilaginosa ingredientia, ne his ipsis obtundantur aculei incidentes, emollientes & stimulant salis gemmæ. Quod si verò neque hæc sufficere videantur, pulpa colocynth. in petia. ligata istis incoquenda est; v. g.

℞. Flor. meliloti,

Verbasci,

Chamom. ana m. i.

Sem. lini ℥vi.

Pulp. colocynth. in pet. lig. ℥ss. ad. ℥i.

Coqu. in s. q. Aquæ simpl.

Colaturæ adde

El. bened. laxat. ℥ss.

Salis gemm. ℥i.

M. F. Enema.

Hiscæ Enematis iniiciendis externa emollientia applicanda loco dolenti, aut fomenta ex sacculis emollientibus vulgò notis, in lacte coctis, item alia decocta emollientia adhibita supererant fuerunt; ut & oleis, linimentis ac unguentis emollientibus, cum felle tauri, aut unguento, ver. gr. de arthanita, dialthææ acuatæ & hujusmodi aliis, opomphalidis dictis, simul stimulantibus illitis, natura adjuvatur.

§. 4. Quin & non incommodum erit, assumptis simul per os emollientibus dura, aut lubricantibus intestina, scybala dolorifica loco suo sub hypochondrio sinistro deturbare. Usitatus hic est usus largior butyri, aut oleum amygdalar. dulc. ab ℥i. ad ℥ii. seu plures, in jusclo calido sumptum; quo potentius adhuc & certioris effectus est oleum lini singularissimum hoc antipleuriticum, de quo vid. GABELCHOVERUS cap. 4. Cur. 68. quo ab ℥i. ad ℥ii. cum syrupo de jujub. vel violar. & aliquot gutt. olei destillati anisi (ut hoc odor fastidiosus, illo verò sapor nauseosus corrigatur) exhibito, mirè solvuntur ac abluuntur scybala dura, torminum Hypochondriacorum authores. Pertinet huc mica panis tosta, & oleo olivar. irrorata, manè deglutita, remedium à BORELLO l. 2. obs. 14. commendatum. Lactis quoque largior haustus, aut, quod melius est, serum, (cujus vis nitrosa intestinorum absteriva mira hic præstat) vel solum, vel cum melle attemperatum, assumptis conducit. Imprimis verò passulæ minores salutarem hic ferunt opem, sive pulpa earundem, sive decoctum cum stimulo tartareo assumatur; hoc namque blandissimè alvum subducendo feces induratas hinc inde herentes abstergit, emollit atque lubricat, unde speratus vix fallit successus; idque eo magis, si uno alterove blando laxativo acuetur eorum virtus. Hypochondriacis sanè, quibus ob induratas alimentorum scorias, sive ob acidam pancreatis austerum, nimis eas coagulans, seu ob pituitam acidam vitio digestionis stomachicæ prognatam, eas glutinosas reddentem, tantum non continuo obstructa est alvus, optimè conducunt passulata, quæ inter sequenti potio palmam obtinet:

℞. Passal. minor. ℥ss.

Contundantur in mortario lapideo, ad consistentiam pultis:

Coque in aquæ simpl. ℥iii.

Colaturæ ferventis ℥iiss. infunde.

Fol. senn. sine stipit. ℥iii.

Flor. violar. p. iii.

Crem. tartari ℥i.

Stent in loco calido per noctem;

Colatura manè filtretur,

D. S.

Potio aperiens.

Cujus haustus mediocris esuriente stomacho assumendus, palato gratus, & blandissimum Hypochondriacis laxativum existit, fecesque induratas aut viscidas suavissimè educit.

Aut usurpetur pulpa passular. cum cremore & sale tartari subacta & aliquot gran. extracti trochisc. alhand. acuatæ, quæ dat Electuar. non inconueniens ad scybala suaviter promovenda, & ibidem natos dolores Hypochondriacos sistendos. De passulis & prunis laxativis communiter notis, nil addere placet.

§. 5. Juscula quoque, & ex blandis emollientibus parata Decocta, quibusdam in usu sunt: quorum formulas præscribit BARBETTE Prax. p. m. 73. 75. item HORSTIUS c. 5. obs. 8. Quibus emolliendo dura ac

senſum lubricando inteſtina ſubducitur alvus. Sed his le-
vioribus miſſis, ſi pertinacior fuerit induratarum ſecum
inſarctus, ad Mercurium vivum ceu ſacram anchoram
conſugiendum erit, & propinari poterit ab ℥j. ad ℥ij. &
plures, pro ratione circumſtantiarum; & ſane hujus
permeans, fluxibilitas, etiam impactiſſima ſtercora
permeabit, & excernibilia reddet, quin & volvuli hinc
oriundi metum omnino eximet; cuius felicem uſum de-
prædicatum vid. apud HENRICUM ab Heer Obſ. 2.
FONTANUM Conf. & Reſponſ. p. 85. MOINICHEN.
Obſ. 6. ad cult. Anatom. LYSERI annexa Præ cæteris effi-
cacia ejus ex ſequenti patebit Epist. ad B. D. MICHAEL-
LEM à Celeberrimo ERBENIO exarata: Ad hunc
voco febricitantem, & pertinaci conſtipatione, vario-
rum catharticoꝝ fortiſſimorum enematum per XI.
dies contemtrice, ad brachia uſque tumefactum: Juſſi al-
vo applicari ex arte ſollem ferrarium, ut beneficio infla-
tionis excrementa illa, indurata & peruſta febrili calore,
ab inteſtinis cohærentibus liberarentur, ſed irritato conatu:
Unde ipſi propinavi ℥ij. Mercurii vivi, qui mole ſua &
mobilitate patientem inter deambulationes primum,
mox ſaltationes, denique veſtitionem curru ſuper ſtrata
agroſque cultos, alvo rebelli & morti imminenti eripe-
ret; Sed omnis conatus fuit vanus. Lento proceſſu ſub
& labore Mercurius excrementa ita liquefecit, ut nocte
ab aſſumpto Mercurio blandè effluerent, dormiente nec
advertente patiente, donec expergefactus ſtratum ac
cubiculum pollutum, atque ex Mercurio à menſtruo
microſcōmico reſoluto, inargentatum videret, ſine ſeqq.
convulſionibus.

§. 6. Quod ſi verò non tam indurata ſeces, quàm quod
frequentiſſimè contingit, mucilago acida & aſtera pa-
tietibus coli inflexi adhærens, cruciatuum hypochon-
driacoꝝ terebrantium & contorquentium extiterit cau-
ſa, (licet cum hac ſtatu ut plurimum concurrant, de
quibus inferius dicetur) hæc incidenda, attenuanda, &
per inferius guttur rejicienda venit. His uſibus nunc in-
jecta clyſmata, nunc applicata fomenta & emplaſtra,
nunc appropriata pharmaca propinata, inſerviunt.
Clyſmata itaque incidentia & reſolventia ſuperius al-
legata, imprimis ex ſale gemmæ & colocynthide, hic
etiam erunt appropriatiſſima: item quæ ſunt ex jure pi-
ſorum cum ſaccharo, melle & ſale gemmæ; nam & hæc ele-
ganter detergunt mucilaginoſas ſordes viſcidas: quibus
ubi fortiùs agendum eſt, addit ſuam aquam benedictam
RULANDUS, (loco cujus inſuſum vel decoctum vul-
garis croci metallorum ſubſtitui poteſt) dum in deſperatis
ferè abdominis doloribus ſeqq. clyſterem ſubindè repen-
dum, felici cum ſucceſſu applicat.

℥j. Jure piſor. ℥viij.

Sacchari ℥ſſ.

Aquæ bened. noſtr. ℥iijſſ.

Olei commun. ℥iv

Miſce ea, & inſpice quavis hora doloris re-
crudelſcentis calidè.

Confer. RIVERIUS Cent. 1. Obſ. 67. & Cent. 2. Obſ. 12.
& Cent. 3. Obſ. 22.

§. 7. Hiſce ſuccurrendum eſt externis emollientibus, &
pituitam viſcidam reſolventibus: quæ inter excellunt gum-
mata, emplaſtri forma loco dolenti, ac à pituita obſeſſo,
applicata. Gummi ammoniacum hic cæteris palmam
præripit, unde & emplaſtrorum ſpleni tributorum, non
minus quàm ad tumores ſcirrhos quoscuque, etiam
ſcrophulas, applicandorum ferè exiſtit baſis: convenienter
itaque uſurpatur emplaſtrum ſpleneticum Aquapendentis, ex
duabus partibus ammon. in aceto ſoluti, una ſucci nico-
tianæ, dimidia reſinæ terebinth. & ſucci ebulli, cum oleo
de capparibus, & q. ſ. ceræ, miſtis paratum; item empla-
ſtrum de cicuta & ammoniaco Heurnii & Sennerti, ad ſplenis
ſcirrhos aliasque obſtructiones uſitata, malaxanda cum
oleo ſuccini vel capparum. Præ cæteris elegans eſt em-
plaſtrum carminativum Sylvii, quod exhibet Praxeos ipſius
p. 169., ad liqueſcendam & emolliendam viſcidam hanc
pituitam optimum. Alii tale emplaſtrum applicandum
ſuadent.

℥j. Gum. ammoniaci in aceto ſol. ℥j.

Tacamabar.

Empl. de mucilag. ana ℥ſſ.

Sal ammoniaci ℥iijſſ.

M. f. Emplaſtrum, in forma debita loco
affecto imponendum.

Ante verò horum applicationem non incommodè fuerit
præmittere inunctionem loci, ab hac pituita obſeſſi, cum
oleo laurino, capparum, lil. albor., nicotianæ, cum
oleo deſtillato laterino, vel ammoniaci; foetido licet,
permiſtis: Item adhiberi comode poterit unguentum mar-
tium purgans, his ipſis oleis dilutum.

§. 8. Sed raro ſufficiunt externa, aut inſuſa clyſ-
mata, ut plurimum internis pituitam acidam ſeu aſte-
ram detergentibus, reſolventibus ac evacuantibus,
ſimul ſuccurrendum. Primatum denuò hic obtinent
gummata vulgò nota, in ſpecie ammoniac., unde etiam
eodem paratæ pilulæ & potiones ad corrigendam &
detergendam hanc pituitam ſunt optimæ; ita præſtant
pilulæ Quercetani ex ammoniaco, item lac ammo-
niac. BARTOLETI Encyclopæd. lib. 5. c. ultimo,
paratum ex ammoniaco, cum aceto ex citri ſucco di-
ſtillato. Facit & huc ſpiritus ex gummi ammoniaco
cum viride ær. & ſulphure deſtillatus, admodum inciſi-
vus, penetrans, & reſolutivus pituitæ viſcidæ vitreæ.
Ad ammoniaci vires proximè accedunt reliqua gumma-
ta vulgò nota, bdellium, tacamah., ſagapen., opopan.,
myrrha & maſtiche, &c. Ad evacuandam verò pituitam
iſtam viſcidam, colocynthide, & ex hæc paratis extract.
trochiſc. alhand. ac aliis nullum præſtantius datur, quem-
admodum & ſeqq. hæc potiuncula, licet ingrata, ex-
pertiffima tamen eſt in ſimili dolore à pituita vitrea & pon-
tica, tam in inteſtinis, quàm in ſpecie ſub hypochondrio ſi-
niſtro ſtabulante.

℥j. Aquæ menthæ. ℥j.

Cinnam. ℥ſſ.

Gum. ammoniaci in aceto ſol. ℥j. ad ℥ſſ.

Tartari vitriolat. ℥ſſ. ad gr. xv.

Scamm. roſat.

Extr. troch. alhand. ana gr. ii.

Syr. de pomis ℥ſſ.

M. F. potio, quæ una vice hauſta 10.
& 12, interdum ultra 15. vices, viſcida & mucilagi-
noſa, cum præſentaneo ægri levamine & doloris ceſſa-
tione eduxit.

Præter hæc eſt Mercurius dulcis, cum laxantibus pro-
pinatus; pituitæ vitreæ præſtantiffimum detergens; unde
hujus optimum eradicatorium non ſine ratione has pilulas
appellat DEODATUS in Valetud. p. 246.

℥j. Maſſ. pilul. Coch. min. ℥j.

Aquil. albæ dulc. gr. xvi. aut ℥j.

Olei Aniſi gutt. ij.

M. f. pilulæ pro una doſi.

D. S. &c.

§. 9. Nec hic prætereunda ſunt Tartarea, quorum
virtus pituitam hanc viſcidam & acidam incidendi &
detergendi manifeſta erit, ſi attendatur, conſtare Tar-
tarum primariò ex copioſo acido ſubtili, quod junctum eſt
ſufficiente ſale volat. de natura alcalium, præter ſæculen-
tias quaſdam terreſtres cum pinguedine quadam ſulphurea
intertextas: ratione quorum ſalium experti uſus eſt cre-
mor tartari, imprimis cum ſale tartari junctim propina-
tus: ſimiliter quoque conducit tartarus vitriolatus, ſed
non communi modo ex ſpiritu vitrioli, ſed ex ipſo vitriolo
ſoluto modo Tacheniano paratus. Vid. huius Clavis ad Hip-
pocratem Chym. Non minus quàm ſpiritus tartari volat.
imprimis verò e x ſecibus vini prolicitus, beneque rectifi-
catus; aut qui ex tartaro cum nitro per Retort. tubula-
tam in Sp. vini propellitur, & poſt rectificatur, ac ſapo-
rem & odorem perfectè urinoſum volatilem acquirit, ſpi-
ritus carminativi nomine alias decantatus: Cui præferen-
dus adhuc eſt ſpiritus volatilis, qui ex tartaro, cum pro-
prio alcali fermentato, inſtar ſpiritus ſal. ammoniaci ſub-
tilis elaboratur: Hi ipſi enim convenientiſſima ſunt au-
xilia ad corrigendum ſaporem acrem, ac conſiſtentiam te-
nacem pituitæ iſtius viſcidæ. Horum tartarorum vires exal-
tari

tari possunt, sic cum oleis aromaticis convenienter fuerint maritata; sic namque potentius hanc ipsam mitigant & corrigunt, cum ipsa aromatica non sint ultima, quæ hanc pituitam alterent, & inde orta mala corrigant: De quibus cum jam occasione flatuum plura dicendi ansa suppeditetur ea, vel innuisse sufficiat.

§. 10. Nam flatu sunt, qui ut plurimum cum pituita viscida & acida juncti, dolores immensum augent, & varia simul abdominis symptomata inducunt: quorum originem jam supra ex vitiosa fermentatione, ab acido peregrino in intestinorum muco viscido deduximus. Compescant ergo optimè eorum vim & impetum aromatica, hisque cognata alia de sale volat. oleoso participantia, mediante quo & acidum fermentativum, tanquam hujus contrarium, alteratur & destruitur, oborta fermentatio tollitur, & mucilago viscida resolvitur. Usurpantur talia, quatenus nunc clysmatum forma infunduntur, nunc unguentorum specie abdomini illinuntur, nunc liquidorum modo propinantur. Simplicia carminantia naturæ aromaticæ, ordinaria clysterum horum ingredientia, in vulgus nota sunt: sufficiat formulam (ut ex ungue Leonem) hic annexisse.

24. Rad. angelic.

Levisst. ana ʒß.

Herb. chamom. Rom.

Menthæ ana m. i.

Bacc. lauri ʒi.

Junip. ʒß.

Sem. anisi,

Carui, ana ʒii.

Coq. in l. q. aquæ simpl.

In Colaturæ ʒiv. dissolve

El. de bacc. lauri ʒi.

Mell. rutac. ʒß. seu ʒvi.

Olei destillat. anisi,

Fœnic. ana ʒß.

Succini gutt. v.

Mt. Ovi No. i.

Misce pro Clysmate.

Huic opem ferat loci dolentis inunctio, parata primariò ex oleis destillatis insigniter penetrantibus (cum nihil aliud sint quam salia volat. ab acido volat. subpingui in corpus oleosum concentrata) quorum virtus exaltabitur, ponendo desuper lapidem probè calefactum. Parantur tales inunctiones ex oleo chamomillæ, anethino, castor. laurino, destillato corticum aurantior. carvi, cumini, fœniculi, anisi, rutæ, Zedoar., angelicæ, macis, & similibus, modò separatim, modò conjunctim inungendis. Stoeckeri experimentum fuit litus ex olei laurini ʒß. cum ʒ. castorei paratus. Parari etiam potest unguentum hoc modo:

24. Olei castor. ʒi.

Destillat. angel.

Cort. aur.

Cumini,

Anisi, ana ʒß.

Chamom. ʒi.

Cum l. q. corp. pro Balsamo misc.

D. S.

Unguentum contra flatus.

Pertinet huc etiam Galbanetum Paracelsi, ut aliàs in colicis & iliatis doloribus conveniens, ita & in nostris non minus egregium.

§. 11. His associanda sunt debita interna & ipsa aromatica; quæ inter agmen ducunt sem. calida, dicta majora, (HELMONTIO minora,) scilicet anisi, cumini, anethi, fœniculi, carvi, dauci, &c. quorum sapor & odor aromaticus in oleo volat. fundatus, miras habet acidum vitiosum Gas, flatuosi generativum, corrigendi & flatu inhibendi dotes; cum præterea singulariter intestinis stomachoque sint amica, & ob id intestinorum solamina rectè ab HELMONTIO vocantur *Tr. de Flatib.* §. 57. Non enim flatu discutiunt, quod inimaginabile, qui aliàs spontè, modò viæ sint apertæ, exitum quærunt; sed materiam, unde flatu exurgunt, alterant, corrigunt, & istam fermentationem vitiosam sistunt, ac ita impediunt, quò minus concretum materiale in fla-

tus, seu in Gas spirituosum vertatur: id quod etiam reliqua vulgò appellata carminantia, & in genere quæcunque aromatica, præstant. Modus utendi est, ut in vino semina hæc propinentur, in quo leniter prius ebullierint, ad imitationem HELMONTII; vel ut frequentibus cohobationibus Spirit. vini benè rectificatus eorum virtute imprægnetur; aut, quod elegantius evadit remedium, spiritus vini cum sale volat. sal. ammoniaci rectè conjunctus, ab iisdem sæpius est abstrahendus, aut cum eorum destillatis oleis conjungendus; sic enim egregium contra flatu habebitur remedium. Sed præter hæc semina & aromatum, in specie verò galanga, zedor. mac., caryoph., cardam., cubeb., virtus in sale volat. acriori, oleoso tamen, fundata, stomacho & intestinis flatibus infestatis potentes fert opes: Quibus ex nostratibus cognata & quasi occidentalia aromata, sunt baccæ juniperi, lauri, cort. pom. aurantior., chamomilla, mentha, angelica, cuminum, salvia, & sim., quorum spiritus & essent. sic dictæ omnibus lucè scienter cognitæ. Singulares inter has obtinet virtutes essent. chamomillæ in specie Romanæ, combinata cum rad. aromatica Zedoar. & cum spiritu proprio parata, usurpanda à gutt. XX. ad XXX. Nec ultimo loco reticenda est virtus amygdalar. amarar., quæ artificiosè præparatæ singularem planè vim carminantem obtinent. Hisce vegetabilibus animalium aromata addenda: e. gr. castoreum, & omnia ex eo parata, it. Zibeth. interno pariter ad externo usu commendatissimum, & à Paracelso in Colico dolore umbilico inunctum: Quibus & sterco- ra animalium; non minus interdum fragrantia, specialiter verò equinum, addo, quod in flatulentis abdominis affectibus præsentissimam affert opem, unde pariter colicæ ac hysteriæ passioni succurrit. Excreta hæc animalium manu nos ducunt ad nitrum, mirabile concretum salinum, ex iis ut plurimum petens natales, & inter carminantia vel maxime enitescens. Imprimis verò spiritus ejus probè cum Spiritu vegetabilium dulcificatus, & ab acore nimio temperatus, hic convenit. Eligendus verò pro hoc scopo erit spiritus vini ab aromaticis carminantibus cohobatus, & horum partibus volatil. probè imprægnatus, cujus descriptionem egregiam suggerit SYLVIUS *Prax. p. 90. hujus duplum cum spiritus nitri par. 1. junctum, & cohobando unitum, egregium subministrat spirit. carminantem.* Non dissimili ab hoc modo Spiritus anticolicus B. Michaelis paratur, quo excellentius pro hoc malo eradicando non datur.

§. 12. Et hac ferè ratione causæ tolluntur: & quibus extirpatis cessare etiam atque evanescere solet ipsa dolorifica passio verum si torminosa hujus subinde recurrant vestigia, aut si mox in principio talis sit vehementiæ, ut aliis prætermisissis huic, ceu primariò urgenti, occurrendum sit, sui remotionem innuit per anodyna & narcotica usurpanda, quæ inter papaverina eminent remedia, horumque princeps opium, in primis si in laudatissimum exaltatum fuerit laudanum, cujus saluberrima usurpatio omnes dolores, ex spasmodicis intestinorum convulsionibus obortos, à quacunque hi excitentur causa occasionali, exoptatò sedabit: imprimis si cum aptis specificis combinetur, in specie quidem cum seminibus istis calidis supra laudatis, aut inde elicitis remediis, aut cum castoreatis medicaminibus, quæ singulari virtute convulsivos intestinorum motus, indeque natos dolores, sedant & quietant. Laudanum commendavi opiatum, sive istud, quod ex correcto hoc paratur: Cujus correctiones omnes superat, quæ fit per fermentationem cum succo cydoniorum, videnda in *Epist. 45. Cent. 3. Bartholini.* Eandem etiam cum succo pomorum Borsdorffianorum instituere *Dn. Præses* in more positum habet. Juxta hanc & optima ea, quæ per alcalia fixa, primariò quidem tartari, hinc nitri, per sulphur vegetabile carbonum præparat, instituitur. Quibus morbis paratum opium tutum, ac omni laude majus evadit remedium; quod ipsum etiam pro circumstantiarum urgentia cum purgantibus propinari potest, præeunte nobis non tantum RUMELIO in compositione pilular. antipodagricarum, quas ob laudanum admistum vocat: *Veni Amice, surge & ambula; latreo Chym. p. 725.* sed etiam StoKerus, qui in *Prax. c. 36. p. 197.* cou expertas insigniter ad colicum dolorem commendat has pilulas.

*℞. Aloes succos. vel
Pil. aloepbang. ℥j. five ℥iv.
Opii.
Croci, ana gr. j. vel ij.
M. f. Pilulæ.*

Jejuno stomacho exhibendæ, quas I. dolorem lenire, hinc etiam blandè evacuari, asserit, cum sperata denudè salute. *Conf. RIVERIUS Cent. 1. Obs. 63. & C. 2. obs. 1. POTERIUS 3. c. 72. & c.* His & similibus internè usurpatis, nullum dubium est, quin cessaturus sit dolor. Nec minus hos sedat opium cum Clysmatis ano injectum à gr. iij. ad x. mistum, sed cautè, & ultra quam dosin vix ascendendum: *Vid. BORELLUS C. 4. Obs. 92.*

§. 13. Hæc sunt remedia ex fonte Pharmaceutico contra *dolorem hypochondriacum* desumpta. Diæticum quod attinet fontem. hic circa 6. res non naturales dictas, medias inter statum sanitatis & ægritudinum, & vel ad hunc vel ad illum pro varietate circumstantiarum disponentes, primariò versatur. Eminent inter has aer, qui vitetur frigidus; moderatè verò calidus eligatur. Ab hoc sunt *assumpta*, ex quibus respuenda sunt crassa, viscida, dura, & cruda, ut carnes fumo induratæ, aut conditæ copioso sale communi, quia scilicet proprio sale volatili sunt exutæ, difficilis coctionis parci nutrimenti, ac copiosi & vitiosi excrementi, hinc pisces, castaneæ, cydon. pyrus, &c. item quæcunque adstringentia, & fructus horæi, quia hi fermentando faciliè acefcunt, & copiosas flatulentias producant. Nocet etiam, si quod aliud, vinum largiùs haustum; nam aciditate sua volatili extra stomachum toti corpori pestifera, intestinis tormina co-

lica, artubus verò pareses, inducit. Lactis usus est suspectus, ex eodem verò separata parte caseosa & butyrosa, emergit serum, medicina *mala hypochondriaco* non inconueniens, videlicet quatenus abundat sale volatili nitroso, de natura armoniacali, & ita sordes primarum viarum abstergit, simulque alvum blandè stimulat. Convenit etiam aromatum usus, omniaque aromatica, item alium & allista, cepacea-que colicæ ex mucilagine acida, & inde productis flatibus, sunt remedia. Capparum esus est optimus, cum detergant & incidant sordes mucilaginosas. Panis seligendus est benè fermentatus, huic enim, & imprimis secalino, inest spir. acidus volat. stomacho amicus, quia quodammodo ejus fermento est homogœneus; qua ratione coctionem reliquorum ciborum multum adjuvat. Condimenta ex sinapi utiliter adhibentur, item pruna, & hinc decocta. Potus sit cerevisia probè fermentata, non triticea, quæ sæpiùs est crassa, hinc fermentativa, & consequenter flatulenta, non recens, non acida. Vinum absinth. & heleniatum conducit, si malum non sit ab induratis facibus. Somnus moderatus ut dolorem lenit, ita quies egregiè ejus exasperationem prohibet. Motus nimius in lecto & jactatio inquieta dolorem exasperat, ac violenta corporis contorsione, abdominisque compressione, mutuum intestinorum in se invicem ingressum, ac tandem ileum, inferre potest, demonstrante *hoc Cl. SYLVIO Prax. C. 15. §. 19. Alvus*, quantum fieri poterit, seruetur aperta; eadem obstructa arte provocetur. Vomitus hic est utilissimus; eumque singulis mensibus semel provocandum esse, vel optime monet LANGIUS *l. 1. Ep. 30.* id quod imprimis vitam sedentariam agentibus dictum esto. Denique ne malum exasperetur, cum vehementiores animi affectus, cum præcipuè ira, viperino sanguine pejus, est vitanda.



DISPUTATIO. III.

A. S. S.

CEREBRVM ORCÆ

Vulgari Supposititia

SPERMATIS CETI

LARVA DEVELATUM,

Indultu Inclytissimi Colleg. Medici,

SUB PRÆSIDIO.

Viri Nobilissimi Excellentissimi & Experientissimi

D. MICHAELIS ETTMÜLLERI,

Philosoph. & Med. Doctoris,

Publicæ velitationi subiecte

AUTOR RESPONDENS

ADAM SIGISMUNDUS SCHOLTZ

Uratisl. Siles.

die 27. Octobr. 1671.

P R O O E M I U M.

Vid. passim
Helm. de
Tart. p.m.
148. S. 23. it.
p. 155. S. 2.
de lithiafi
c. 1. S. 1. p.
8. it. p. 100.
S. 58. Vid.
Mythol.
Nat. Com.
p. 69.

Liu. 1. 1. S.
61. p. 17.

Helm. de
Lithiafi. c.
8. S. 30. p.
21.

VT aurea Hygea Pax Microcosmico in Regno ad Fata usque suprema vel inviolabili renore perpetuaretur, vel seductis inopinanter insultibus labefactata, ad pristina subinde revocari queat Halcyonia: universa Natura omni Argo vigilantior, Excubias agit. Immensa enim DEI Bonitas, quippe que nec Mortem, nec Medicinam, nec Exterminium in perniciem humanam creavit, gaudens mortalium Vita & Salute pro abyssali Benignitatis suæ Faventia, omnia, quibus hoc Universum abundat, in emolumentum illorum desponsavit. Hinc, quoties novercantior Hostis Sanitatis nostræ inaudias transgredere videtur, videas certarum quasi concatenatis viribus Cælum Terram ac Mare Imbecillitati nostræ succurrere, & unanimi juxta nobiscum conatu ad debellandum illum insurgere. Trino hoc Munus ab eorum circumvallati aggere, tanquam ex inviolabili Securitatæ Palladio tuti ridemus. Quæ bona stomachibus frustraneos insulsi. Ex inexhaustis enim hisce Promtuariis interminabilis Terræ Redundantia ad conquassanda hæc multifida Hydra Capita nobis subinde repullulat: cælum nempe arctior fœderis copia nobis opignoratam, quam pugnantem olim Herculi, cui exhausta Telaspisso lapidum Nimbo addebat Hostes re-emegravit, num nos sub gigantea Morborum sævitia succumbere, permittat? Cælum, inquam, quod iam olim propitium in æternam quasi Assistentia Obsidem, divi a de super Arma, Ancilia Romanis demissi, num hodie dilectos suos Quirites a depeculatorum Morborum Tyrannide, nullis protegat Egidibus. Quin & hic repulsi & conjurato quasi Malorum agmine prostrati, simulac Terram Matrem exosculati fuerimus, cœn Anteus, resumtis viribus alacriores resurgere possumus. Hac nempe ut patrocineretur Cladibus nostris, plures quam quondam ex satu Dentium Viperinorum Cadmeo auxiliares in subsidium nostrum fundit cohortes. Quoties morbofis Hirudinibus depasti, ex sanguine labascimus, denudatis mellifluis uberibus vitali Nectare junerata iam pene Corcula revivificat. Taceo inestimabilem divitiarum penum, qua intus & extus abundat, nosque indies ad præpropera sufflaminanda fata sollicitè ex Parcarum manu redemit. Restat tandem ut quoque Terra Ratem solvamus, & audaci Velo sororiantia huic æquora perlustremus, indagantes, quibus & ipsa saluti nostræ ancillantur. Sub ingressum autem statim nostrum quor spumantes exurgunt fluctus, quot crispata æstuant undæ, tot nos circumfluunt commoda. Ipsum Sal marinum, potens Lithiafæos Demolitor, licet copia vilescat, ineffabili tamen Oeconomiam humanam beat Emolumento. Desinet sane quis mirari, cur ingeniosiores olim de Pago Venerem, Matrem huius fecunditatis ex ferventi Maris spuma ortam, & nunc antibus hisce fluctibus cœu Cunis agitatam sinxerint, qui Naturam ejus penitus paulò ruminabit. Non prosequar iam ulterius pretiosas incolas Perlas, nec indigena venabor Corallorum ramenta, aut quascunque alias prædives Oceanus suggerit opes. Iuvat saltem impræsentiarum cum Borealibus captare uti parabiliorē, sic usu medico nulli secundam Materiam illam pinguidiusculam in Mari hinc inde fluctuantem, Ceti sperma vulgo fabuloso cognomine insignitam. Huius enim natura & Essentia cum dubia adhuc inter Scriptores volvatur, exactiori non indigna videtur scrutinio. Sed antequam altum petentes Anchoram suspendamus, ad divinam respicientes Cynosuram, votis submissis supremum nostrum Architalassum, DEVM, sollicitamus, accendat nobis de super lucidam Gratia sua sistentis Pharus, quæ discussis caliginosa Mentis tenebris, Delio Natatore feliciter procellofis his emergi undis, exoptatum salutemus Portum. sacrabimus ipsi devotam Cordium Tabulam, tutelare ejus Numen sine sine depredicantem.

CAPUT I.

Historia Spermatis CETI Physica.

§. 1.

Tria ma-
rina cu-
riosa.

TRiceps Neptuni sceptrum, & divitis Regni ejusdem finibus, tribus quoque potissimum, & præ aliis mirabilioribus subjectis (ejusdem Essentia in radice quibusdam æstimatis) sacram nostram Meditrinam ditavit, quæ quemadmodum insignibus virtutibus Medicis exundant, ita vel maximè genuinus eorum Ortus vel exactissimos Naturæ Mystagogos ancipites huc usque tenuit. *Ambra* puta, excellens illud Refectivum & confortans, circa divitis *Bengala Peguque* famosarum illarum Indiarum Orientalis Provinciarum oras, vel his opposita *Mosambique* & *Capo Verde* Africæ adhærentia Littora à marinis fluctibus eructatum. Succedaneum huic est *Succinum*, polychrestum multis in Affectibus Herculeum, ad Maritima Borussiae freta in copia reperibile. Tertium denique sibi vendicat locum *Ceti*, sic dictum *Sperma*, Congruatorum Resolutivum & acciorum Temperativum decantatissimum, maximè in Oceano Boreali juxta *Norvegiam* & *Croenlandiam* Islandiamque, aut conterminas Balænarum captura celebres Regiones, Mari supernatans. Hujus igitur impræsentiarum Quidditatem, Naturam, Ortum, præparationem & usum studiosius paulo expiscari, & uberiori Velitationi Exercitationis gratia subiicere cum in animum induxerimus, remoto ulteriori ambitu arenam hanc subibimus.

Quid sit?

§. 2. Venit autem Spermatis Ceti nomine substantia quædam pinguis, tenera, mollis, vernali potissimum tempore, horis matutinis, Mari, dum nullis inquietatur fluctibus, innatans, calore, licet remisso, diffuens, unde & solaribus resoluta radiis Olei sub larva amplis Tractibus subinde Æquori vecta, appellitur; frigidiori denique concretescens aura, colore albicanti, livescenti interdum & quasi sufflavo, Squamarum minutarum vel furturis sub specimine ut plurimum se repræsentat. Aquæ societatem per se respuit quidem, interveniente tamen Lixivio Alcalizato amplexus intiment mutuos. Sic & oleo maritata, compectorata hæc invicem materiæ, amore ac si diffuerent, de facili resolvuntur. Gustus tandem *Sperma Ceti* examinatum Trutina, butyri quasi liquamine faucibus primum ablanditur, subsequo demum aculeo Linguam lancinante, & nonnihil rancoris imprimente, plus tamen minus, prout depuratum fuerit diversimodè, aut vetustius recentiusve extiterit. Odor ipsi nullus per se inest, nisi quod sapor analogus levi rancore interdum nares corrugat, recens tamen extractum undis gari Odorem referre perhibent, ob piscositatem, quam obtinere videtur. Quod si verò Prunis torreatur candentibus, sub hac Tortura sebaceo nidore nares perstringit, extincti ellychnii fuliginem referens. Ut ut verò, Calori admota hæc Materies facillimè liquecat, ac purioris ac tenuioris Olei ad instar diffuat, per se tamen flammæ admota non ardet, bene tamen cum ellychnio absque omni strepitu lucidam & tranquillam nutrit flammam. In crassamento ejus progressu temporis surgunt Mituli nigri, instar granorum milii, qui tandem adolcentes debitam Magnitudinem acquirunt. Sulcantur sæpius à frequenti Balænarum concursu loca illa marina, ubi uberius hauritur. Excipitur verò Corbis viminis, vel quibusvis pertusis Vasis, ut liquore secedente tantum sicca remaneat Concretio. Hanc postea penitus exprimendo, student quam candidissima purissimaque induere stola, ut in Officinas lubentius recipi, ibidemque sub *Spermatis Ceti* supposito nomine queat dispensari. Vid. hæc uberiùs declarata in *LIBAV. Singular. p. 3. lib. 3. c. 3. & 4. idem in VVORMII Mus. p. 34.*

An sit semen Balænarum.

§. 3. Innotuit autem primitus Orbi sub *spermatis ceti*, aut, quod idem est, *Balænarum seminis* appellatione mucaginosa hæc substantia, ex eò, quod communis divulgavit rumor, revera eandem esse

Ettmulleri Oper. Tom. I.

Balænarum genituram, fortuito impetuosa harum copula in mare effusam, aut portionem saltem ejus à coitu regurgitando eliminatam, ut quacunque ratione ab utero deviantem Clauseris. Ulteriori elumbe hoc commentum pedamento stabilivisse videtur, quod illis in oris specialiter reperitur ubi Balænarum tumultuatur frequentia, & cum pinguem Spermaticamque adeo ac viscidam simul et substantiam, exinde magis magisque adolevit ruditer concepta primitus Opinio. Sed prout sequior hæc persuasio non sedat avidam curiosæ mentis Orem; ita multò minus rigidum sagacis Naturæ perscrutatoris perfert Examen. Labascenti enim inclinans Hypothesi mutua necessum est sepeliantur ruina. Quis enim quæso *Sperma* unquam Ceti in libidinosas eorundem Conjunctiones, seminisque postea sceminio è Cunno reciprocationem sub undoso vellere oculo tam accilanti sollicitus Indagator rimari potuit? Hinc sane subiit Mentem admiratio, *Cordum* ex professo singulari Tractatu de *Spermate Ceti* agentem, hanc Opinionem ut certam & ipsa Experientia affirmatam asseruisse: Vide sis *LIBAVIUM c. l. c. 8. & 12.* Ac ex trita jam hæc, non multum quoque abludit dubia *GESNERI* Sententia: Hic enim & ipse incertus de *Spermatis Ceti* natura, autumat hoc vel *Lac Balænarum* esse, quod rictus ludificaret Catulorum sugentium, cuius postea pars pinguior ad Maris emerferit peripheriam; vel saltem vult esse adipem Cetaceum, Maris planitiem hinc inde pererrantem, in qua posteriori Conjectura eò propinquius Veritati approximatur, quanto re. oriùs absuit in priori.

§. 4. Evellenda jam ulterius & proleteria eorum est sententia, qui *Sperma Ceti* nomine *Ambra albidæ* vel *Ambra purgatæ* propalant: Nam hi ignotum per æque ignotum extenebrare dum tentant, res duas distinctissimas iupiter à Veritatis Obrussa abnormantes confundunt. Omnibus sane in aprico est, res plane differentes esse, qualitateque & attributa. Essentiarum in rebus indices, obtinuisse diversissima, *Ambra* propriè sic dictam, & *Sperma Ceti* nostrum. Ut taceam è latenti Veritatis puteo nondum penitus erutam esse certam ipsius Odoriferæ *Ambre* Naturam & Originem Non ignoramus equidem & hujus Natales in Balænarum intestina referri, (Vid. *CLUSIUS in Not. ad Lib. 5. c. 1. Hist. Arom. Garciae*), cum non raro *Ambra* hujusmodi in his apertis reperta fuerit, teste *MONARDO Hist. simpl. c. 7. & 9. M. P. Venet. l. 3. c. 39.*, ut alios jam præteream: hoc tamen nondum iussit pro deducenda Origine *Ambre* ex Ceti interioribus; quia potius iis ad stipulamur, qui Balænas tales, in quibus reperta fuerit aliquando *Ambra*, eandem à marino estu antea agitatum forsitan cum alimentis deglutivisse contendunt, ut ita Calu postmodum in iis fuerit reperta. Reliquas quod spectat de *Ambre* Origine & natura Opiniones, eæ omnes sub polymorpho incertitudinis militant Vexillo Bituminis ex fundo maris scaturientis certam quandam esse speciem, non minùs satisfacit, quam simile assertum *Succinum* declarat. Fungorum instar crescere in Maris fundo *Ambra*, probabilitate caret. Eandem Avium esse Excrementum Insularum Maldivenis, figmento similis videtur. Plura quoad Originem *Ambre* aptè disposita & collecta Vid. in *FRANCISE, Hort. Indic. & Sian. p. 11. 79.*

§. 5. Gravior omnino tam conspicua Defensorum Autoritate, quam probabili Argumentorum apparentia, est ista sententia, quæ *Sperma Ceti* nostras cum *Halosantho* Veterum idem esse statuit, vel hæc duo potius confundit. Pro hac sententia præter *FUCHSIUM T. de Med. Comp.* tanquam pro aris & focis dimicat *LIBAVIUS c. l. Singular. p. 3. l. 3.* De *Halosantho*, sive Florem Salis cum Vulgo, sive Florem Maris ipsi innatantem cum *FUCHSIO* interpretari velis, Veterum monumenta nil reterunt, præter pauca, quæ à *DIOSCORIDE l. 5. c. 88.* consignata sunt, & à *Plinio lib. 31. c. 7.* ex eodem mutuata videntur. Juxta horum tamen Descriptionem, eorum *Halosanthos*

An Ambra sit species

An sit Halosanthos Veterum

thos nos latet, quæ revera fuit Substantia Nitrofa seu aliquid salis nitrosi pinguis, quod ex Nili Aquis, nitro feracissimis, eoque omnino prægnantibus (à cujus nitri turgescencia & fermentatione intumescencia Nili, fecundantemque Egypti inundationem, deducere conatur *Mons. de la CHAMBRE T. du debordement du Nil*) in superficie natans colligebatur, aut lacubus stagnisque nitrosis innatare solebat, unde & Nilo flumini, tanquam loco Natali, imprimis adscribitur à **DIOSCORIDE**. Unde sicut verum nitrum nobis est incognitum, cum Autore **BELLONIO** *Obs. lib. 2. cap. 71.* in Europa ne mica quidem Nitri extet, ut in Ægypto res vulgatissima sit, & crebri usus, & vilissima; (*Conf. præterea Lettre del Signor Burattini al Signor de la CHAMBRE cit. Tr.*) ita etiam cognatum ipsi Halosanthos hodiè nascitur. Congruunt cum hac Nitrofa Materia etiam reliqua Halosanthos attributa, tam acrimonia ejus quam ferventia Salina & abstersiva vis, in Ulceribus delendis cacoethis, aliisque cutaneis averruncandis affectibus.

Est Pinguedo animalis,

§. 6. Ut nos ergò Halosanthi veterum perdidimus notitiam, ita nostras Sperma Ceti ipsis etiam nondum innovuisse arbitramur, adeoque minime pro uterinis hæc duo invicem habenda erunt Gemellis. Nam cætera ut taceam, nostrum Sperma Ceti tantum abest, ut Nitrofa aut salina sit indolis, quin potius revera sulphurea naturæ, in tantum etiam, ut ob id à maxima Eruditorum parte ad bituminosa referatur Corpora, quorum Materia aliunde in Mare influens in hac admistione salis ejus & fædine aliquali & piscositate imbuitur. Tamen cum & hoc generale nimis videatur, adiposum quid potius & pingue ex animalium Classe nobis videtur, in specie aquatilium, cum Rancor facilis, piscosus sapor, sequax liquabilitas, & Odor, quem spirat Gari, similiaque attributa manifestè hoc declarent. Id quod ulterius mox patebit, dum jam veram Naturam & Originem non minus, quam infucatam ejusdem præparationem, eruderabimus.

Spermatis ceti Origo vera.

§. 7. Esse enim indubiè ex Cetis hanc Spermatis Ceti dictam Materiam, continuatæ Modernorum Experientiæ & Observationes in Balænarum Captura, extra omnem ponunt Dubitationis aleam. Non quidem quod Genitura earum, aut ex partibus genitalibus ejus sit origo deducenda, sed ex Capite potius eorum provenit, & tam ipsum est pingue Cerebrum, quam oleosus huic Cerebro circumfusus liquor. Scilicet varias inter Cetorum species, Borealem Oceanum juxta *Islandiam Groenlandiamque* Insulas incolentes, una est singularis, 25. ad 27. vel 30. ulnarum longitudinis, 10. ad 15. crassitie, dentibus mediocribus armata, sed capitis prægrandi instructa mole, adeò ut secundum **VVORMIUM** hoc tertiam totius Piscis partem fere adæquet, vel, ut **BARTHO LINUS** loqui amat, Caput gibbere adeò prægrandi extuberat, ut quasi Domuncula ipsi superstructa emineat, à quo gibbere etiam ab *Islandis* *Burbualur* vocari solet, à Latinis aliàs proprio nomine *Orca* appellatur, Belgis *Potvisch* audit. In hujus igitur Cranii Cavo continetur Materia talis pinguis & oleosa, quæ exinde collecta & præparata, vel in Mare effusa, Sperma Ceti postmodum appellari incepit. Ne parva est hujus quantitas; reperitur enim in Craniis his tanta Copia, ut ex uno Balænæ captæ Cranio dissecto plusculæ amphoræ depromptæ fuerint. Materia hæc inde collecta vasculis inclusa minoribus, quaquaversum postmodum transportatur per Europam, ut præparata Officinis sub Spermatis Ceti nomine divendi queat. Talia ex oculatis testibus hausta vid. è **BARTHO LINO** & **VVORMIO** *c. l.* id quod & alii horum consilii interrogati unanimiter nobis affirmarunt. Cum istis conf. **CLUSIUS** *l. VI. Exotic. C. 17.*, ubi figura talis Balænæ ad litus occidentum Hollandiæ tempestatum impetu ejectæ ad archetypum delineata, ex cujus Cranio etiam tale Sperma Ceti collectum fuisse testatur.

Barth. c. 4. Hist. 24.

§. 8. Hæ ipsæ Balænæ, in dicto Boreali captæ mari, etiam à Nautis ad Littora Bayonæ, & S. Joh: de Luca Insulæ advehuntur, ex quorum capite hæc materia eruitur. Sed hoc saltem in masculorum Craniis reperiri asserunt, cum foeminarum Cerebrofa substantia liquidioris instar pinguedinis sit, oleum in usum lucernarum suggerentis; hinc ut compacta magis Marium substantia in dictum sæpius sperma commodè præparari nequit. Videatur peritè hac de re differens **Excellentiss. Naturæ Curiorum Symmista D. D. JOACH. GEORG. ELSNERUS**, quem loco Parentis ejusdem incomparabili Propatris & Evergetæ mei, maturius heu! nuper & publico mihi erepti, lugubris nostra deveneratur Musa, *Misc. Curios. Ann. 1. Obser. 136.* Præter hunc Oceanum septentrionalem etiam in India Occidentali, ad Bermudas & novæ Angliæ Oras ejecti observati fuerunt hujusmodi Ceti, insigniter tamen dentati, quin partim Spermatis talis Materiam suppeditarunt, partim cum spermate hoc toto ipsorum ventre fuerunt respersti, ut videri potest è *Transact. Philosophic. Anglic. Tom. 1. pag. 132. T. 2. pag. 567. & T. 3. pag. 792.*

§. 9. Modernorum ergo Nauticæ Observationes in apricum ponunt ex Capite certæ cujusdam Balænæ, dentatæ, macrocephalæ, esse spermatis sic dicti materiam, adeò ut potius *Cerebrum Ceti* ob id appellandum veniat; ita quidem, ut nunc immediatè ex Cranio talium Cetorum, aut captorum, aut aliàs mortuorum, in littora ejectorum, eruatur; nunc verò amplis tractibus Mari innatans modò supra dicto colligatur. Saltem dubium restitat, qua forma ac modo è Balænæ in Mare effundatur? Sub genituræ ratione hoc fieri, nulla persuadet probabilitas, quin potius in **WORMII** acquiescimus judicio *Mus. c. l.* asserentis: reperiri hanc Materiam in Mari, quando aut Cetus hic pugando cum aliis occubuerit, aut quando hanc Materiam certo tēpore instinctu Naturæ per appropriatos meatus evacuarit. Mari ergò immissa pinguidiuscula hæc materia, seu, ut **BARTHO LINO** *Ep. 1. ad BURRHUM p. 3.* audit, liquidior adeps, attractu marini salis cogitur in se paulisper & spissescit, concurrente simul marino frigore, unde & salis dicti admistione non nihil quasi adulteratur. Non secus ac succinum salis Marini attractu & societate albescit, frustra ob id nobilius æstimatum flavo. Ob id ignobilius fere habetur illud sperma, quod innatat mari, utut Nautis notius; sicut pretiosius est, quia & purius illud, quod ex Cranio hauritur, teste **BARTHO LINO** *C. 3. Ep. 70.*

§. 10. Materiam spermatis Ceti proximam hactenus vidimus: superest ut explicemus, qua ratione præparetur, ut in formam istam candidam, nitidam, squamosamque evehatur, sub qua ordinariè in Officinis dispensari solet. Sed hæc ipsa non ubique est una eademque: Nam integrum Ceti sperma, prout ex Mari hauritur, autore **LIBAVIO** *loc. supr. cit.*, dat oleum, tam pressum, quam transudatione per vasa rara, seu lignea seu fictilia: Reliqua pars aquis puris calidis abluitur, incoquiturque, & facta post refrigerationem Consistentia, aufertur Pinguedo, verum sperma Officinale, aqua ipsa coagulatur in sale, illum scilicet, qui ex aquis Marinis antea permixtus fuerat. Hacque fere ratione ex Mari collectum præparatur sperma Ceti. Istud verò, quod ex Capite Balænarum ad Bayonam & **JOH. DE LUCA** Insulam advectarum conficitur, per simplicem fusionem, & crassioris à tenuiori aliqualem separationem, præparatur. Modum docent **JACOB. & PAUL. CONTANT** *in Comment. Gallic. supra Dioscoridem l. 1. c. 51. p. 63.* Nempe postquam fufum est Cerebrum, infunditur in ollam, in qua aliàs solet purificari saccharum, postea clauso foramine inferiore tamdiu relinquitur, donec congelescat & concrelescat, relinquendum verò est in loco modicè calido, tandem aperienda olla in loco inferiori, sic istud opus purificatur, & spatio aliquot dierum invenietur massa istius Cerebri tota albicans, & squamarum instar: *Vid. Misc. N. C. cit. sup. l. §. 11.*

Preparatio Spermatis Ceti.

§. 11. Concinnior longè Præparatio est, qua utuntur Dani in præparando Ceti Spermate, quam à Pharmacopœo Hafniensi experto, *Clariss. Domino Præsidi, Studiorum meorum Palæmoni colendissimo*, communicatam, ex amica ejusdem participatione huc apponam. Conficitur nempe lixivium acre ex Cineribus & Calce viva, ita tamen, ut hujus minor sit quantitas, quam illarum: Signum sufficienter acuari Lixivii est, si intra digitos ad tactum lubricum & quasi pinguidiusculum percipiatur, hinc filtratur per saccum laneum, ut purum clarumque evadat. Ubi præparatum fuerit lixivium, recipienda est Massa, ex Cranio Balænarum supra dictarum exempta, eaque si pinguis, flava & liquamine oleoso superfluo perfusa fuerit, per saccum ex pilis confectum (nam per pannum lineum transmissio est impossibilis) mediocriter est experimenda, ut omne liquamen pingue superfluum per Saccum transfuset: quo facto restitans in sacco Materia Spermatidis lixivio, supra præparato, immittenda, & manibus in lixivio probè subigenda, & cum eodem permiscenda, perque diem & noctem ita reponenda est. Altero die manè per saccum pilosum Lixivium denuo exprimendum & separandum, & id, quod restiterit, super linteum explicandum, & digitis blandè diducendum, & in aere libero, vel sub tepidiori solis radio (ne scilicet liquecat) exsiccandum, atque ita præparatum erit, quod postmodum Spermatidis Ceti venit cognomine: Magma nempe candidum & squamosum, friabile, promptè liquefcens. Circa hanc verò Præparationem due adhuc observandæ sunt Enchiretes: Scilicet si Materia ex Cranio collecta minus pinguis ac oleosa fuerit, sed candidior, & per se aqualiter friabilis, tunc citra præcedentem expressionem per saccum pilosum, immediatè Lixivio est permiscenda; aliàs paratum exinde Sperma rufescit: Deinde ipsa Lixivii quantitas nec copiosa nimis sit, respectu infundendi Spermatidis, nec etiam acrimonia ejus nimis intensa; aliàs immissa spermatidis Materia coit cum alcalibus lixivii in saponem. Acidum scilicet occultum sub omni tam animali; quam minerali aut vegetabili, Pinguedine reconditum, arripitur ab Alcalibus, iisque se unit, ut inde compositum, saponiforme necessario emergat. Idem præparandi modus etiam obtinet, si rancidum forsan & Vetustate nonnihil fuerit corruptum. Hoc enim simili Lixivio subactum, cum eodem immittitur in Cadum aquæ frigidæ, à qua dilutum lixivium separatur à spermate, tunc supernatante, sordibus ejus rancidis flavescentibus cum lixivii salibus omnino separatis, & in aquam frigidam translatis.

Adulteratio Sperm. ceti.

§. 12. Hoc est propriè sic dictum Officinarum Ceti Sperma, ejusque genuina Præparatio. Non mitiorem interim præ aliis simplicibus Pharmaceuticis experitur sortem, dum variis adulteratur sutelis. Simili enim planè ratione etiam, præter Balænas ex aliis majorum Piscium Cerebris, simillimum Sperma apparari posse imposturarum harum consilii asserunt: sicuti & pinguedo oleosa ex sauciatis mortuisque Balænis emanans, marique innatans, & hujus salsedine pariter ac frigore densata, spermatidis loco à quibusdam divulgatur: Quin & adeps pinguis Ceti, aut Omphacio præparatus, aut in loco frigido reconditus, hinc expressione à tenuiori parte separatus, aut lixivio supra dicto aliove modo subactus, pro Spermate Ceti intemerato venditur, sed ignavior longè in Operatione, prout & ignobilioris exitit Originis.

Generatio Sperm. ceti.

§. 13. Cùm ergò Spermatidis Ceti pinguis & oleosa materia tam copiose, interdum ad aliquot amphoras, à Ceti Capite extrahatur, quin & valla Balænarum Corpora tam densa Pinguedine incrustata & penitus obducta sint (adeo ut Autore CLUSIO. c. ex ista Balæna 40. dolia similia iis, in quibus asservantur Haleces saliti, pinguedine ejus repleverint, præter magnam ejus quantitatem spontè effluentem ab aliis collectam, aut in undas Marinas redeuntem) meritò quidam mi-

rum videri possit, unde tanta pinguedinis ubertas in animali aquas incolente, in iisque omnem quæritante victum, cùm notum sit aliàs, quam distincta attributa pingua & aquosa, adeoque differentes obtinuisse naturas, credantur. Nam utut diversa distinctæ Cetorum species habeant edulia, dùm aliæ piscibus, (in ejus enim, quem GESNERUS describit, Ventriculo, tria dolia crudorum pisciculorum, inter quos Salmo unius ulnæ longitudinis, inventa sunt, (aliæ gramine & musco sub marinis vescantur; (Vid. *Philos. Tr.* T. 1. p. 12. T. 3. p. 292.) nihilominus hæc omnia copiosa aqua diluta huriunt, & continuo Aquæ Maris haustu ebrii quasi maximam sui partem ex Aqua constare videntur, unde & pinguedo eorum liquidior, fluidior, & in liquamen rancidum corruptibilior videtur. Probabilitatem ergò summam habet HELMONTII Opinio *Tr. Complex. atque Mist. Elem. Figm.* §. 2. ut alia concreta naturalia, ita & pisces materialiter nil nisi aquam transmutatam esse, adeoque & eorum pinguedinem hac sola constare, sicut omne Oleum eidem? Auctori aqua simplex est, quam pauculum seminis in Massam conflagrabilem transfert, luditque larvam sulphuris. Unde & Pinguedines per alcalia semine propriè de acidi prosapia spoliata, in aquam maximam partem redeunt; comprobante hoc per Mechanic. in Oleis TACH. *Hipp. Chym.* p. 57. Hinc & humana Pinguedo ex Lacte Chyloso licet proximè condensata, fatiscit tamen interdum denuo, & sub Urinæ aquosæ forma resoluta, & aquæ Elemento approximata excernitur. Unde & BURRH. *Ep. 2. de Cer.* p. 15. refert, quod Vitellini Cerebri pinguis & oleosa Substantia tres partes sui ponderis dederit aquæ insipidæ, quæ tamen antea de Pinguedinis concreto etiam fuerat, dum quædam ejus adhuc retinet vestigia, quia non benè clauso vase asservata, vetustæ mariæ foetorem contrahit. Ex quibus & Sperma Ceti aquosæ Prosapiæ esse concludendum videtur, particulis aquosis juxta Mechanicas leges in situ & textura ita translocatis & transformatis, ut in aliud planè Corpus degenerasse videantur. Ut itaque jure merito concludamus cum Medicorum Corypheo HIPPOCRATE *Lib. 1. de Diet.* exclamantes: *omnia similia sunt dissimilia existentia!*

C A P U T II.

Usus Spermatidis CETI Medicus.

§. 1.

CUM Simplicia palmarium ad subducendam morborum sylvam suppeditent Robur, ob id in decorticandis illorum Essentiis, enucleandisque eorum viribus, omnem Sanitatis humanæ Procuratores moveant Lapidem. Sperma Ceti exinde intactum non erit prætereundum, sed & quid hoc in recessu habeat examinandum, & quousque Experientia Ratione comitata viam paraverit sequendum. Prima equidem Cura esse deberet, quali Temperamento ex Qualitatibus sic dictis primis polleat hoc nostrum Subjectum? i. e. calidum an frigidum, humidum siccumve primariò existat? si vulgo trita relegere vestigia Tempera-
mentum
Sper. ceti:
velimus. Sed cùm ceu *Rerolleas* has Qualitates falsè perstringat post PARACELSUM, Veterum Errorum Vindemiator acutissimus HELMONTIUS, nec procedat ex dotibus rerum seminalibus, sed rebus saltim constitutis ceu modi materiales superveniant, nucleumque Craseos ex salinis Principiis primariò deducendum non attingant, ob id minus scrupulosi erimus; in hoc negotio. Ut tamen Consuetudini receptæ aliquid demus, Sperma Ceti ceu temperatum admodum subiectum cum blando Calore humiditatem prædominantem obtinere asserimus. Potius verò Pinguedinem ejus temperatam oleosam consideremus, quæ, utut in recessu acidum subtile & occultum habeat, vim tamen temperantem quascunque humorum acrimonias insignem obtinet; & cùm

& cum ex miscela cum lixivio acidum ejus oculum non tantum saturatum fuerit, sed præterea ipsorum Alkalium consortio ipsum Sperma leviter tinctum ob id imprimis ad Acida vitiosa similiæque acria mitiganda & corrigenda, indeque oriunda in Corpore mala tollenda, eum fructu usurpatur.

Vis ejus
venerea,

§. 2. Temperata ergo & oleosa cum sit substantia, dulcis ferè nostrum Ceti Sperma, ob id nutritiva, & succi lactescentis in Corpore augmentativa videtur. Unde non mirum, quod ad Venerea exercitia expetatur, quatenus citra vim stimulantem lactispermatis copiam uberiores suggerit. Quibusdam scilicet in usu est positum, in specie *Frankfurti ad Moenum*, ut crudam Spermatissimam Oleo suo adhuc perfusam, antequam supra dicto modo in Sperma depuretur, pani ad instar Botyri illinant, & non absque nausæ horrore, ob ingratum, piscosumque, gari instar, Saporem ita deglutiant, ut strenui magis in Venereis se gerant militia. Duplicis aliàs speciei sunt, quæ ad Veneream alacritatem augendam expetuntur; quædam Seminis locupletant penum, qualia sunt temperata, succo lacteo quasi chyloso turgida, ut amygdalæ, pineæ, pistacæ, lac, Ova sorbilia, & similia; quod etiam ex *Cacao* amygdalinis fructibus composita *Chocolata* pertinet: quædam ex altera parte acriori sale eidem stimulum titillantem ad genitalium pruritus quasi inducendum addunt, qualia imprimis sunt aromata, & his cognata aromatica, Piper, Caryophylli, Zingiber, Cubebæ, Cardamom, sem-erucæ, linguae avis, ambra, Zibethum, spiritus sanguinis galli, formicarum, &c. Tertiam hæc facientia Classem, quæ singulari modo *Ideali* quibusdam operari dicuntur, v. gr. *Rafura Cornu tauri* in coitu abrafa, *Cerebrum passeris* in congressu interfecti, *Sanguinis & testiculi Cervi* in Orgasmo Venereo transfolli, studio, tanquam aliena à præsentis scopo; omittimus. Sperma Ceti crudum ad primam seriem pertinet, dum seminis abundantiam largitur, cui commodè pro stimulo aromata pulverisata, ambra modica permixta, addi possunt. Nam sola Spermatissimæ augmentativa ad Venerea exercitia sunt nimis ignava, sola stimulantia acriora sunt nimis nociva, spirituumque depauperativa, ob id utrorumque amicabili consortio tertium medium, magis jucundum, minus nocivum producitur.

Vis ejus
Anodyna.

§. 3. Pinguis & oleosa Spermatissimæ materia, ut acidorum est temperativa, ita blando suavique poppysmate demulcet partes membranosas & fibrosas sensiles, ut exinde anodyna dolorumque egregie lenitiva concilietur. Sive enim à succis acris *rosio* & *Vellicatio*, sive distensione, contusione, &c. *laceratio* sit, unde tam dolorosæ dictarum fibrarum motiones & repetitæ spasmodicæ crispaturæ inferantur, utroque in Casu Spermatissimæ Ceti egregius erit usus, in specie internè; sicut externè optimum anodynum est oleum illud superfluum, quod in præparatione reprimendo separatur, calidè illitum inunctumve.

Virtus An-
ticolica,

§. 4. Præ cæteris commendatus est ejus usus in Cruciatu Colico si nitive intestinali, & per os exhibitum, & cum Clysmate ano immixtum: Cum enim ab Acido ut plurimum oriatur Colica, sive mucus sit acidus, pertinacius ejus Cellulis implicatus, sive sint indurata inde stercorea, sive vitiosa fermentatione ab acido elevati flatus, eo ipso sanè, quo acidum temperat Sperma Ceti, & vi anodyna dolorem mitigat, & pinguedine sua faccum emolliationi & fluxilitati confert, non potest non Colicis convenire. Usurpatur in dictis Casibus commodè permixtum cum oleo amygd. dulce in jusculis calidis, autore SENNERTO lib. 3. præp. p. 265. sicuti CRATO; *Celebris ille trium Imperatorum Archiater*, inter secreta & efficacia contra Colicam passionem Remedia habet. Potionem compositam ex Vino Malvatico & oleo amygdal. dulce, cui Spermatissimæ Ceti ʒss admiscet, & ita propinat. Vid. SCHOLZ *Consl. collect.* 168. LIBAVIUS sæpè cit. loc. c. 3. Schol. Mannatæ Potioni,

(cujus descript. vid. in SENNERTO c. 1., sicut felicem ejus successum in THONERI *Observat.* p. 158.) Sperma Ceti addit contra colicam, in quo affectu etiam per Clysterem ægris se istud injecisse affirmat. Ergo fieri poterit Clyster Anticolicus ex Urina Pueri calefact. ʒix. quibus addi possunt ad imitationem DEODATI VALETUDIN. p. 197. Syrup. Papav. ʒj. & spermat. Ceti ʒss. plus minus, pro ratione circumstantiarum, Vitell. Ovorum. num. j. M. pro Clysm.

Vis Antihysterica.

§. 5. Colicæ in multis cognata est Hysterica passio, modernis dicta *Suffocatio hypochondriaca*, nisi quod hac spasmodicæ convulsiones ex dolorosè convulsis intestinis & abdomine aliorum in alias partes subinde continentur, cum fortiori spirituum animalium perturbatione. Causa remotior & hic videtur esse acidum vitiosum, austerrum, facile effervescent, & flatuosum Gas hinc excitans. Supervenit in graviore malo tandem sanguinis quodammodo congruati stagnatio in Præcordiis, indeque omnimoda suffocatio, de quibus alii ex professo. Pro compescendo hoc malo, & temperando acido, tollendoque sanguinis coagulo, facilitandaque spiratione difficillima, non inconveniens est spermatissimæ Ceti usus, etiam à LIBAVIO c. 1. propositus, sive solitariè, sive Castoreatis sociatum, aut volatilibus locupletatum simul usurpetur. Quemadmodum Mulieribus Hystericis quibusdam, non sine notabili successu, similiter cum aliis permixtum, aliquoties nostrum DN. PRÆSIDEM propinasse, novimus: Has inter cum esset quædam 34. præter propter Annorum, sterilis adhuc tum temporis, licet maritata, quæ instante aliquando Mensium fluxu ex hujus difficultate hystericos patiebatur insultus non leves, præscripto sequente,

ʒl. Aquæ hirund. cum Castoreo ʒss.

Carminat. ʒj.

Ocul. cancr. præp. ʒj.

Antimonii diaphor. ʒss.

Spermat. Ceti ʒj.

Syrup. Cortic. aurant. ʒss.

M. probè, capiat subindè 2 vel 3 Cochlearia. Et passio levata, & mensium fluxus inde promotus fuit. Similis mixtura foret forsitan non inutilis, ubi à rigore externo & inde nata sanguinis congrumatione, supprimerentur ex improvise Menstrua vel Lochia, magis efficax futura eadem, si Castoreo addito parum adhuc acueretur. Hanc conjecturam per experientiam confirmat TIMÆUS von GuldenKlee l. 2. Cas. 7., dum mulieri ex subitanea refrigeratione Menles fluentes suppressi Pleuritidem gravem intulerunt, quæ tamen, præmittendis præmissis, pulvere Spermatissimæ Ceti ad ʒj. cum tantillo Castorei, & à Mensium Suppressione, & à Pleuritide, admirando successu, fuit curata.

§. 6. Pueris abdomine doleantibus non minus salubre est Sperma Ceti. Sæpius namque evenit, ut ex Lactis coagulo in eorum stomacho, indeque nata Cruditas acida, Lac corrumpatur in Bilem dictam Porraceam, i. e. liquamen viridescens acidum spirans, intestina tenella infantum continuo rodens & vitiosa ibidem cum bile excitata effervescentia flatus abdomen distendentes excitans. His Infantum cruciatibus Sperma Ceti opitulatur, quatenus acidum vitiosum in stomacho & intestinis temperat, coagulatum lac dissolvit, intestina lubricando blandè adherentes Mucos ponticos promovet, & virtute anodyna dolorosas torturas lenit; idque eo potentiùs, magisque præsentijuvamine, si cum pulvere sem. anisi impregnetur: Hinc & acidum præsentius corrigitur, ac flatuum impetus ac generatio cohibetur, quin & stomachus intestinaque exinde egregia percipiunt solamina, unde à dolorosis contorsionibus cessant. Nam etiam quibusdam in usu positum est, ad educendum Tenellorum meconium, sperma Ceti recens natis propinare, non citra felicem successum; Non secus ac ad referendam & lubricandam eorum paulò adultiorum pertinacius clau-

clausam alvum Spermatidis Ceti cultelli cuspis in Cerevisia calida commodè propinantur.

Lac dissol-
vit coagu-
latum.

§. 7. Lac coagulatum dissolvi ab usu Spermatidis Ceti, dictum fuit *præcedente Paragrapho*. Id quod imprimis salubriter experiuntur Mulierculæ quibus quacunque ex causa remota Lac in coagulum in Mammis coit, Mammæve ex Lactis retentione vitiosa & tument & dolent. Acidum hic subest præternaturale, quod lac cogit & in grumos conspissat. Unde & studiosè sibi cavent Mulieres à quocunque Acido assumendo, ne Lac caseosum generent, infantibusque Tormina à vitioso ejus acore inferant. Frequentior causas inter externas est, si mulierculæ Mammæ sudore madentes incautè aeri frigido exponant, exinde enim insensibilis Transpiratio, sensibilisque Transsudatio, subito suppressa aceseit sub mammarum naturalibus integumentis, & lac suo quasi afflatu spissat ac coit: non secus ac sanguis in Præcordiis cogitur in grumos, & dat pleuritidem ab acido in eodem enato, si subito sudore roridum Corpus ex quacunque causa frigori exponantur. Destruendum ergo est hoc acidum lactis coagulative. Remedia inter huc conferentia non ultimum Experientia docuit esse Sperma Ceti, sive intus extusve exhibeatur. Interne quidem, sive solum bis in die propinetur, sive mixtum cum pauca myrrha, aut s. q. Oculorum cancr. præp. usurperur. Externe usu compertissimum hic est Emplastrum de Spermate Ceti MYNSICHTII *Armament. Chymic. p. m. 520.* cujus felicem successum sæpius expertum etiam prædicat TIMÆUS à *Gulden Klee Cas. Medic. lib. 4. Cas. 36. p. 234.* Quin & ipsum Sperma Ceti in Cochleari ad flammam candelæ liquefactum, fomentisque calidis desuper applicatis, interiora versus propulsum in lactis retentione, indeque Mammarum Tumore & Dolore, aut lactis coagulatione, non foret inconvenient.

§. 8. Præter Lac & sanguinis sunt grumi, qui resolvuntur à spermate Ceti, unde in Casu ab alto, indeque orta sanguinis suffusione & Ecchymomate, vulgatissimus sit Spermatidis Ceti usus, ut Sanguis, qui ex propriis concepataculis effusus corrumpitur, & ad putredinem tendit, indeque acorem præternaturalem contrahit, sicque spissescit & coagulatus grumescit, resolvatur, & cohibito à spermate Ceti ac temperato isto vitioso acido attenuetur. FORESTUS sanè per experientiam in *lib. 16. Obs. 15.* & hinc annexo *Scholio* allatam, confirmat, se optimo cum successu ulum fuisse in agnatis libus Mumia & Spermate Ceti ad 3ß in Cerevisia calida butyracea: quibus etiam præceptores sui Itali sint usi. TIMÆUS *Von Gulden Klee* quoque *lib. 4. Cas. 30.* se nihil unquam ad grumos sanguinis dissolvendos potentius deprehendisse affirmat. Unde etiam Sperma tale pulverem ad Causam Angustanorum ingreditur. Miror ob id, quare citra ullam rationem ab hoc usu rejiciatur Sperma Ceti à LANGIO. *Ep. 31. l. 1.*

Catarrho
suffocativo
medetur.

§. 9. Ex eo, quod sanguinem grumosum hincque stagnantem resolvit Sperma Ceti, etiam Catarrho suffocativo sic dicto mederi valet, qui revera nihil aliud est, quàm *Syncope Cardiaca* Veterum, nata ex stagnatione sanguinis circa Cor, quam ubi spuma ex pulmonibus in fauces elata insequitur, fere desperata res esse videtur. Ridiculum enim est istud commentum, Quod Catarrhum suffocativum è Cerebro in fauces subito proruentem fingit, ut hoc & alia de Catarrhalis figmenta sufficienter discussit & HELMONTIUS *Tr. Catarrh. Delirament.* & qui huic succenturiavit Atlanti famigeratissimus SCHENEIDERUS, antehac studiorum nostrorum Fundator in ætatem colendus, de *Catarrh. in specie l. 5. c. 4. p. 197. & seq.* Arbitramur nos potiùs Catarrhum suffocativum esse talem affectum, in quo sanguis ex ramis Cavæ, tam adscendente quàm descendente, in Cor influens, indeque in Pulmones erumpens, in harum partium vasis in motu suo nonnihil remoratur & stagnare incipit, unde suffocationis periculum, & præcordiorum anxietates, quas ex crebriori aeris, frustranea licet, reciprocatione ne-

cessariò spuma consequitur. Id quod ad oculum patet in Cane moribundo, cui moderata quantitas, ʒiij. ad ʒi. præter propter Spir. sulphuris per Camp. aquæ sufficienti quantitate diluta, in Venam cruralem fuit infusa: Hic enim perfectissimo Catarrho suffocativo, cum copiosissima fauces laryngemque & bronchia pulmonum pariter opplente, spuma interiit, ex sanguinis ob aliqualem grumescentiam per vasa præcordiorum impedito motu: Talem Catarrhum suffocativum exactè delineatum vid. à CRATONE in *consil. 9.* à SCHOLZIO collectis. Nempe ut sunt quædam Apoplexiæ species, ex motu sanguinis in Cerebro impedito, ita Catarrhus dictus suffocativus ex motu eodem in pulmonibus & præcordiis nonnihil suffaminato oritur. Unde & tandem tali apoplexia interemtorum idem est interitus, ac eorum, qui Catarrho suffocativo intereunt, cum in iis tandem & sanguis in præcordia stagnet, unde post mortem pulmonum vasa à sanguinis imperu rupta reperiuntur: Vid. CAR. FRACASS *Dissert. Ep. de Cer. p. 414.* Sanguinis ergo ordinatus per Thoracis contenta viscera motus impeditus dat Catarrhum suffocativum, sive ejus copia, sive Crassities & visciditas, sive congruatio incipiens, sive regurgitatio ex suppressione ejus in alio loco erumpentis, sive viarum valorumque impedimenta aut infarctus, verb. gr. in Polypo Cordis, similibusque concrecentiis, (vid. BARTHOLINUS *C. 2. Ep. 86. p. 683.*) in causa fuerit, ut collectus uberius aut detentus diutius in præcordiorum vasis sanguis angustias tales suffocatorias inferat. Ad has anxietates sublevandas, præmissio, si urgentia affectus permiserit. Clystere acriori ex aromaticis vegetabilibus, cum Colocythide in prætia ligata, & sale gemmæ q. s. mox Vena tundenda erit, ut minuto sanguinis quanto impetus ejus in præcordiis ex stagnatione minuat, quo facto vel in momento Respiratio liberior percipitur: Postmodum, ubi vel sanguinis grumescencia, vel inchoata ejus coagulatio, in causa fuerit, ad Sperma Ceti confugiendum erit, propinando sequentem Potionem, à quibusdam in Catarrho suffocativo magnoperè celebratam:

ʒi. Sperm. ceti ʒss. ad ʒi.

Dissolv. in s. q. aquæ hyssop.

Adde parum

de syrupo hyssopi.

Misc. pro dosi.

Specialiter pueris tenellis, Catarrho tali suffocativo derpente correptis, optimo cum successu datur secundum experientiam NÆVII *Conf. 309.* apud SCHOLZ, si dissolutum in Lacte Nutricum calido; pisi unius alteriusve quantitate in os pueri instilletur. Vid. etiam SCHENKIUS *Obs. l. 1. p. 148. 149.*

§. 10. Nec verò in Catarrhis saltem suffocativis proficius est Spermatidis Ceti usus, sed vel maxime etiam in Asthmate, in cujus paroxysmo ad ʒi. in Cerevisia calida exhibitum, secundum Experientiam TIMÆI *l. 2. Epist. XI. & lib. 2. cap. 2.* est instar omnium, quod eum nunquam fefellit, modò non sit rancidum. Jam verò & distinctæ Asthmatis species humanum delassant pectus, & in abdito admodum earundem delitescit natura. Est *Asthma humidum* ex mucilagine viscida, tam Bronchiorum Pulmonum, quàm in specie stomachi enatum, item quod sanguinem stagnantem nonnihil in præcordiis sequitur. Est *Asthma contra siccum* & convulsivum, Nervorum & Spirituum animalium vitio enatum. Ex his Sperma Ceti succurrit imprimis istæ speciei; quæ ex sanguinis vitio in præcordiis generatur, ut ex modò dictis de Catarrho suffocativo clarum est; hinc istæ, quæ ex viscida mucilagine non absque difficultate resolvenda & expectoranda, guttur obli-
mat. Utut enim hoc in casu præter Vomitus, reliquis fere præterendum remediis, commendata & sanè egregii usus experta sit Potiuncula BRUNNERI ex Gummi Ammoniaco cum vi-

Asthmati
succurrit.

no Rhemano : huic tamen , seu feliciori successu expertum, præfertur Sperma Ceti à TIMÆO l.c. Lenit enim acrimoniam Muci expectorandi, resolvit visciditatem ejus, & mobiliorem eundem pertinacius agglutinatum reddit, dum simul asperitatem faucium egregie lubricat; imprimis si in pertinaciori malo bis terve per septimanam ejus usus sub introitum lecti repetatur: Unde & Infantibus commodè propinatur in eorundem difficili Respiratione, ex pituitosis cruditatibus in eorundem stomacho congestis imprimis enata.

§. 11. Prævalens Asthma nos ducit ad Tussim, cum hæc ipsa Asthma humidum, seu Pedissequa, ordinariò comitari soleat. Sed pensiculemus saltem hac vice Tussim nocturnam, quæ interdum fere silet, sed sub Vesperam usque ad mediam noctem marcida Afflictorum pectora imprimis flagellat, cum majori minorivè Materiæ aquosæ nonnihil viscidæ rejectione. A materia tenui ex Capite destillante, adeoque Catarrho, vulgò Originem hujus deducunt, Nos potius hic Lymphæ Vitium consideramus, cum Catarrhales dicti Affectus ex Lymphæ Vitio primariò proveniunt. Peccat nempe & hic Lympha, fauces Asperamque Arteriam continuo obliuens, ex vicinis ibidem copiosis glandulis effusa, nimia aciditate, à qua & irritatio dictarum partium, superficialis Excoriatio, Dolor & levis Inflammatio oriuntur: Quin & depravato exinde dictarum partium nutritivo Officio, mucī, copiosa Lympha diluti, generatio supervenit. Præcessit ut plurimum aeris inspirati Vitium, dicta loca, que transit, lædens, simulque insensilem Transpirationem nonnihil impediens, unde, & acrior acidiorque Lympha redditur, ac præterea in locis dictis læsis uberius scaturiens, tempore Vespertino nocturnoque Tussim talem molestant, ut plurimum Coryza, ex iisdem Causis oriunda, comitatur, inducit. In hoc Affectu, ut temperetur Lympha vitiosa, & tollatur tussis ista periodica, post laudatissima Opiata, Sperma Ceti est egregium, sive cum succinatus, similivè propinatur: v. gr. ad talem Tussim compescendam:

℞. *Sperm. Ceti* ℥ss.

Succin. præp. ℥i.

Laud. opiat. gr. iiii.

M. pro 2. dot. Vespere ante Cœnam, & hinc sub introitum Lecti, capiendis.

Vel

℞. *Spermat. Ceti* ℥ii.

Fl. Benz. ℥i.

Myrrhæ,

Sal volat. succin. an. ℥ss.

Laud. Op. gr. iv.

M.F. pulvis pro tribus vel quatuor Dos. vespertinis.

Ex eodem fonte nata *Raucedo* ex lymphæ copiosiori & acriori, Asperæ Arteriæ Caput inundante, commodè & Spermate Ceti curatur, si manè

vesperique cum vehiculo calido usurpetur. Novum quendam pertinaci raucedine affectum, qui aliis irritis tandem Spermate Ceti ad ℥ii. assumptus fuit restitutus.

§. 12. Hi fere fuerunt usus primarii, quibus inservit nostrum Sperma Ceti: inservit tamen & aliis, quibus subinde adhibetur. LANGIUS namque lib. 3. Ep. 1. p. 866. componit Unguentum Magistrale, cujus etiam ingrediens est Sperma Ceti, quod ad Nervos contractos, spasmus, & eorum dolorem, commendat. *Levino Lemnio* l. 4. c. 9. ad Ossa fracta, fissa & rimosa hiantiaque ferurumanda laudatur. In Peste ejus usum PARACELSUS suadet sudoriferis permixtum. In Epilepsia succino sociatum conferre asserunt. Sc etiam reperiuntur, qui, ablatis Variolarum pustulis maturatis, Cicatriculas Spermate Ceti inungunt, ut hujus beneficio temperetur acor iste in Variolarum pustulis, cutis corpus fibrosum exedens, & in foveas excavans, quò resarciatur debito alimento jaçtura, & restitatur id, quod absumptum fuerit.

§. 13. Consideravimus Usus Spermatidis Ceti: superest adhuc ut usurpandi rationem addamus. Dosis est in adultis à ℥i. ad ℥ii. Infantulis tenellis recens natis pisi majoris quantitas sufficit, quæ in paulò vegetioribus à gr. i. ad iv. vel viii. extendi potest. Propinatur commodissime in substantia, cum, præterquam quod in tam simplici & homogenea substantia, per se innocua, omnis præparatio superflua videatur, etiam præparata quædam artificialia exinde elaboranda nondum innotuerint. Ad essentia enim formam (si corruptionem sic impedire, vel remedium paulisper obnubere quispiam voluerit) induendam pene neptum est, etsi extractio vel dissolutio rectificatissimo Vini Spiritu (cum vel sine addito Alkali) tentetur, juxta LUDOVICI *Pharmac. Diss. 1. de Nervin. Resolventibus* pag. 654 Hauritur idcirco commodè in vehiculo calido, cum in hoc promptè liqueat, & ita saporem suum nonnihil nauseosum optime occultet. In Cerevisia enim Calida butyri instar diffluit, & facile est assumptum. Cum ovi sorbilis vitello promptè similiter subigitur, permiscetur, & ita facili hauritur labore. In frigidis, aquosis contra Vehiculis assumptum est difficilius; licet enim saccharo probe tritum, & per minima fuerit subactum, vix tamen permiscetur frigidis, aut citra Nauseæ cujusdam difficultatem deglutitur.

Et hæc de natura & Usu Spermatidis Ceti dicta sufficiat. Hoc unicum ubi adhuc monuerimus, quod sicut *Usus* legitimus suis extollendus est Encomiis, ita illegitimus seu nimius *Abusus* meritò culpandus: Ex ENCHELIO enim WORMIUS citat. *sup. à loco* refert, periisse honestissimam Matronam ad Ostium Tanager ex nimio hujus Spermatidis abusu. Verum ne & nos Otio nostro abuti videamur, tandem subistentes, facimus finem.

Usus Miscellaneus.

Utendi Modus & dosis.

DISSERTATIO IV.

DE

MEDICIS BALNEIS

ARTIFICIALIBUS,

QUAM SUB PRÆSIDIO

Viri Nobilissimi, Excellentissimi atque Experientissimi

D. MICHAELIS ETTMÜLLERI,

Phil. & Medicinæ Doctoris,

Publicæ Philiatruræ censura, die 6. Septembris 1672.

subjecit AUTOR

THEOPHILUS MÜLLER

Dresdensis,

Philos. & Medicinæ Studiosus, hactenus Med. Doctor,

Physicus Tonningensis.

Νῦν ἐν ἀγίοις.

I. N. 7.

PROOEMIUM.

IN quantum olim Romani Balneis se delectaverint, id si non aliunde, satis ex Plinii Junioris Epistolis constare posset, qui Balnea, gestationes atque secessus inter maxima Romanorum delectamenta refert; Tanti enim tunc temporis lavacra estimabantur, quorum finis prope solum delectatio animique relaxatio erat. Si itaque hac quæ tamen nullum insignem usum, præter voluptatem, habebant, eo tempore tantopere laudibus offerebantur, quidni MEDICINÆ BALNEA ad sanitatem utilissima ad cælum usque feramus? Quoniam igitur intra proximos dies Disputationem nostram Medicam primam conscribere nobiscum constituimus, ex multis materiis denique hanc tractandam consulto elegimus. DEUS, qui opem tuam implorantibus præsto esse soles, & nos Spiritus tui Sancti gratia rege atque gubernas.

CAPUT I.

SECT. I.

DE NOMINE.

§. 1. **N**ominis explanatio est ipsius rei explicatio.

NOT. Nam dilucida vocum interpretatio intelligentiam, ut SCALIGER ait, aperit, adeo ut hinc etiam illa, ARIAN. l. 1. differt. c. 17. ἀρχὴ παιδείας, non inconcinne saluteretur.

§. 2. Nomen absolvunt Etymologia, Synonymia, & Homonymia.

Not. Etymologia nominis seu vocabuli originem exponit. Synonymia ejus equipollentias tractat. Homonymia diversum illius significandi modum tradit.

§. 3. Vocabulum Balneum natales suos Græciæ debet, βαλανεῖον enim Græcis dicitur, quod anxietatem ex animo pellat.

Not. EUSTACHIUS ad Homeri Iliados. K. ita observat, de quo & S. AUGUSTINUS lib. IX. Confessionum cap. XII. legi potest. Alii, inquit BUCHNERUS in Thesouro erudition. Scholiast. Fabri, in vocabulo BALNEUM, παρὰ πότας βαλάνης ἀνὰν ita dictum volunt. Suidas enim glandibus veteres vesci solitos fuisse, earumque putamina

succendisse docet: vid. COELIUS RHODIGINUS lect. antiq. lib. XVII. Cujus quoque MARTINIUS in Lex. Philolog. in eadem voce mentionem facit.

§. 4. (α) Balneum & (β) Balineum dicitur: it. (γ) Balneæ & Balineæ: Stupha, lavacrum, lavatio. Germ. Ein Bad Gall. (δ) un Bain.

NOT. (α) Inter Balneum & Balnea seu Balneas ut plurimum ita distinguunt autores, quod Balneum privatum, Balnea publica sint. VARRO autem lib. VII. de ling. lat. Balnea dici planè negat.

(β) Ita PLAUTUS, CICERO & PLINIUS habent: CICERO Ad Attic. inquit: Balneum caleferi jubebo: Quamquam hæc tanquam antiqua & obsoleta ab elegantioribus hactenus explosa, & non in puram Latinitatis pronuntiationem recepta fuerit.

(γ) Balneæ & Balineæ in multitudinis numero inveniuntur; De quo BUCHNERI Lex in tit. B. iterum evolvi potest.

(δ) Hinc maître des Bains où estuves eadem lingua ein Bader, & baigner baden, it. imbuere ut ha gner en quelque liqueur dicitur: De quo Dictionnaire François-Allemand Latin par JACOB STÖER à Genève impressum, habet ac refert.

§. 5. Balneum Athenis etiam lusus quidam scholasticorum erat. Genus potus quoque, non delicati, audit.

NOT

NOT. Non hic MARTINIUS jam modo citati verba, qui in *Lex. suo Philolog.* totum huius lusus modum & formam delineat, exscribam; Hoc saltem noto non planè dissimilem fuisse, uti idem MARTINIUS loquitur, iis, qui in *Academis hodie de positiones vulgò appellantur*. S. GREGORIUS NAZIANZENSIS in *Epitaphio S. Basilii M.* & PHOTIUS in *excerptis* & OLIMPINDORO quoque huius rei mentionem faciunt.

CAPITULUM I.

SECTIO II.

De re ipsa, Balneorumque Differentiis.

§. I. Nominis explicationem sequitur ipsius rei expositio.

NOT. Cognito consideratoque nomine, ad rem ipsam accedimus; que nullo modo alio melius nobis se sistit, quam in definitione. Definitio enim, Græc. οὐρο, secundum ARISTOTELEM *lib. 1. Top. §. 2.* est λογος; οὐ τοῦ τι ἢ τίνα σημαίων i. e. oratio, quæ, quid res sit, significat, seu, uti *1. de anima 2. 11.* habet: παντος ἀπὸ δέξις ἀρχή, i. e. omnis demonstrationis initium.

§. 2. (α) Definitur autem (β) Balneum, quod sit (γ) corpus subtile & liquidum, nos addimus interdum & siccum, (δ) corpori circumferentialiter occurrens, vel occurrere aptum, utut ipsius secundum qualitates manifestas vel occultas actualiter immutativum.

NOT. (α) Definitionem hanc ex JOH. MICH. SAVONAROLÆ *lib. 1. de Balneis c. 1.* desumimus.

(β) In omni autem Definitione considerandum venit tum Definitum, tum Definitio. Definitum, seu quod definiendum debet, hoc loco est Balneum, quod melioris distinctionis gratia, uti mox sequetur, in hac nostra Disputatione dividimus in siccum, & non siccum.

(γ) Definitio, seu quod definit, constat genere, & differentia specifica. Genus est corpus subtile & liquidum, &c., quod nos adjecimus, interdum siccum. Corpus dicitur, quoniam omnia Balnea materia corporea constant; aut enim ex aere calefacto & incenso, aut ex aqua constant: si ex aere calefacto & incenso, Balnea siccata sunt; si ex aqua, Balnea minus siccata seu Lotiones audiunt. Deinde corpus subtile dicitur ex eo, quoniam Balnea tantam vim penetrandi habent, ut etiam hominis seu ægri constitutionem planè immutent & alterent. Quod autem Balneum corpus vel liquidum vel siccum à nobis pronuncietur, id propter duplicis generis Balnea, nempe cùm siccata, tum minus-siccata, fecimus.

(δ) Differentiam specificam absolvent reliqua Definitionis verba: Corpori circumferentialiter occurrens, &c. Quæ ab objecto modo & sine desumitur. Objectum est corpori occurrens, &c. Modus, quomodo nimirum Balneum corpori occurrat vel occurrere aptum sit, consistit in adverbio circumferentialiter, i. e. ut corpus penitus cingat & circumscribat, vel ad minimum circumscribere possit, sive id aquis in Balneis liquidis fiat, sive aere incenso & calido in Balneis siccis; quanquam, hic definitioni nostræ aliquantulum contradici posse videatur, tanquam hæc circumferentialis circumscriptio non omnibus Balneis nostris siccis competere; quo tamen in discursu, si aliquis Dn. Opponens: fortè hoc dubium moveret, defendemus.

§. 3. Sunt autem Balnea vel siccata, vel minus siccata.

NOT. Quoniam supra §. 2. Sectionis huius, huius divisionis mentionem fecimus, non opus est, ut prolixiores simus in hac distinctione exponenda; Et statim ad Balnea siccata accessum facimus, Lectori benevolo, si non plurimum, multo minus omnia, tamen aliqua horum Balneorum genera referentes,

CAPUTUM II.

SECTIO I.

De Balneis siccis.

§. 1. Balneum siccum est corpus subtile & siccum, corpori circumferentialiter &c.

NOT. Integram hanc Definitionem repete ex *Cap. 1. Sect. 2. §. 2.*

§. 2. Dispersimus autem Balnea siccata in octo classes. 1. in Balneum siccum secundum excellentiam. 2. In Balnea spirituosas, seu cum spiritibus. 3. In Balnea fumida. 4. In Balnea cum lapidibus & ferro ardenti. 5. In Balnea cum candelis & lampadibus. 6. In Balnea cum Oleis spirituosiss. 7. In Balnea cum brodio decoctorum. Et denique 8. In Balnea lecti, ut sic loquar.

NOT. De his Balneis omnibus siccis exactè dicere, eorumque naturam candidè exponere, spatium temporis sat magnum videretur parvum; In tantum illorum explicationis fines sunt extensi, ut etiam in re Medica exercitissimus in horum tractatione tam amplam copiam inveniret, de qua non sine labore dicere posset. Nos pro ingenii modulo de quibuslibet pauca proferentes, eorum descriptiones qualescunque simul addimus.

§. 3. Est autem Balneum siccum (α) secundum excellentiam ita dictum, ejusmodi Balneum, ubi (β) in arcula, ex quatuor asseribus compacta, æger (γ) exerto capite, & (δ) peculiaris fornacis carbonibus incenso aere sudat.

NOT. (α) Nominamus hoc Balnei genus secundum excellentiam siccum, cùm, quoniam omnium siccorum est maxime siccum, tum etiam, quoniam, uti *cap. ultim. sectione ultima*, ubi de Balneorum usu loquemur, dicimus, reliqua nostra omnia virtute anteit.

(β) Arcula hæc ex quatuor asseribus lateralibus constat, ita tamen compactis, ut aer incensus non possit evolare & expirare. In hujus arculæ superiori parte lateralibus asseribus firmiter inferuntur asseres, foramen rotundum per quod æger caput extrudere potest, habentes: In inferiori arculæ parte verò, seu in pavimento, canalus ligneus dedolatur, qui sudorẽ de corpore ægri cadentem, si forte in nimia copia adesset, ut in robustorum corporum sudatione vehementiore interdum fieri solet, excipit, & ad vas extra hoc Balneum in terra positum transmittit. Ubi verò foramen, per quod caput hominis exit, est, nimirum in anteriori parte, & ubi janua hujus Balnei, ibi sella ponitur, super quam æger sedens sudare, Balneoque uti potest. Posteriores autem partem seu locum hujus ciuitatis tenet fornax, de qua mox.

(γ) Porro dicitur exerto capite. Exserere enim caput æger debet, ne à calore affligatur, & hoc modo morbi periculum adeat. Ne verò, si hoc modo caput eminet, calor omnis exhalet, collum ægri circumvolvare & munire possumus linteis, & ita caput à calore, & calorem ab omni exitu prohibere; Et ut etiam cor ægri ab omni nimio calore tutum existat, pectori ejus itidem linteam affigimus, quod calorem cordi inimicum sustineat & repellat.

(δ) Fornacem hujus Balnei melius cera fingere, quam verbis Tibi, LECTOR SINCERE, depingere vellem. Est autem fornax hæc cum tribus pedibus, duo in latere habens ostiola, unum in superiori, alterum in inferiori parte lateris: per superius ostiolum immittimus carbonem ardentes, per inferius ostiolum recipimus cineres, quanquam etiam cineres per tubulum fornacis per hujus Balnei pavementum transeuntem extra hanc arculam in vase terreo colligantur. Medium autem hujus fornacis itidem tubulum habet, extra Balneum in posteriori ejus parte eminentem, & quod admiratione dignum, totum hoc Balneum regentem. Huic tubulo enim operculum ex argilla factum intrudimus, quo operculo Balneum pro lubitu, tanquam equum freno, gubernare possumus: Nam si illud operculum huic tubulo penitus aut ad dimidium inferimus, non admodum Balneatorium erit calidum; si verò plane eximius operculum, tunc statim æger vehementiorem calorem sentiet, & sic porro.

Et hoc modo in ejusmodi Balneo sicco è corpore sudoris 3vj plus minusve provocari posse, certo certius est.

§. 4. Balnea cum spiritibus sunt ejusmodi balnea, ubi in pari (α) arcula, modo aliam formam habente, æger exerto capite, aere (β) à spiritibus oleosis calido & incenso, sudat.

NOT. (α) Diximus notanter, hanc arculam aliam formam habere: nimirum etiam ex asseribus collateralibus constat, in medio autem fracturam admittit, & unam partem hujus Balnei, ubi nimirum æger caput exerit, reddit altam; alteram ubi vasa cum spiritibus per ostiolum in latere existens imponuntur, reddit ad dimidium minorem.

(β) Hi spiritus sunt spiritus vini, spiritus baccar. Juniperi, florum sambuci, &c. Quibus duo vel tria vasa ad tertiam vel dimidiam partem implentur, & ægri capite, pari modo ut supra linteis munito, cum charta inflammantur.

§. 5. Balnea fumida sunt ejusmodi Balnea, ubi morbo Gallico laborans ex arcula, priori arcule simili, sedendo caput exerit, & membrum virile per sellam excavatam demissum, & consequenter totum corpus pulveribus atque trochiscis fumigat.

NOT. I. Fumidum hoc Balneum nominamus ideo, quoniam in hujus Balneatorii pavimento rotunda foramina reperiuntur, sub quibus locus quidam ostiolo clausus, & vasa ignem habentia continens est, super quæ pulveres seu trochisci ex vario gummi, Mercurio, cinnabari, sparguntur, quorum in morbo Gallico utilem fumum foramina rotunda recipiunt, & ad infecti membrum virile transmittunt. A latere autem hujus Balnei foramina duo habere utile est, ut mox per illa videri possit, an fumus sufficiens in Balneatorio sit. Caput autem etiam ideo æger exerere debet, ne noxam capiti fumus creet.

NOT. II. Alias hoc in morbo Galli & Itali Balneatoria quoque parva alia habent, in quibus fornaces minutissimas cum caminis ædificant, & supremam balnei partem multis foraminibus rotundi conspicuam reddunt; Si itaque ægrorum magnus numerus est; sex vel septem simul in ejusmodi Balneum relegantur, & ita illud sæpius calet, ut multi interdum animam præ nimio calore expirare necesse habeant.

§. 6. Balnea cum lapidibus & ferro ardenti ejusmodi Balnea sunt, quando (α) aqua, vel (β) alio liquore utili, in lapides & ferrum excandescens fuso, fumus excitatur, (λ) & æger hoc modo sudat.

NOT. (α) Potest autem ejusmodi fumus duplici modo excitari: aut ut aquam in lapides candentes fundamus, aut ut lapides ignitos in aquam ipsam immittamus.

(β) Diximus autem etiam *vel alio liquore utili*, ut constaret, decocta atque lixivra, præter aquam, alia ad hujus vel illius morbi curationem facientia, parari, similique modo affundi posse. Uti etiam hoc loco non simplicem tantum aquam intelligimus, sed & aquam thermarum atque acidularum &c. Uti & hac in ferrum ignitum fusa largum sudorem elici posse MART. MAYERUS in tractatu suo, quem Kurtze Beschreibung des Egerischen Schleder Sauerbrunnens, i.e. Tractatum de Thermis, inscribit, p.m. 141 ait.

(λ) Et æger hoc modo sudat. Duplici modo fieri potest; ut vel stando seu sedendo fumum è lapidibus, scoriis, &c. calidis excitatum recipiat; ita tamen ut fumus, quod velit, volare possit, & propter liberiores exitum suum hoc modo non omnis ad ægrum perveniat; vel ut, ægro ad vas ex uno latere & superius, ne fumus alibi inutiliter feratur linteis clausum sedente, fumus capiatur, omnisque ad hominem hoc modo feratur.

§. 7. (α) Balnea cum candelis & lampadibus ejusmodi balnea sunt, ubi (β) in vase amplo atque rotundo, fumo atque calore peculiaribus candelis excitato, æger sudat.

NOT. Balnea hæc apud Ægyptios admodum fuere in usu, quos candelas singulari modo præparatas habuisse, illisque vasa ampla atque rotunda, in quibus æger inclusus sedebat, calida fecisse, illumque hoc modo ad sudorem adigisse antiquitas narrat.

(β) Vasorum autem horum structura talis erat: Globo-

rum rotunditatem referebat, sed satis amplam; in hujus Balnei pavimento foramen erat, sub quo candelæ ex variis resinis & gummi factæ stabant, & hoc modo Balneatorium hoc calidum reddebant. In superiori autem ejus parte, uti in cæteris Balneis, foramen magnum atque rotundum cum aliis parvis foraminibus erat, per quod ægri caput eminebat, & per quæ fumus expirabat.

§. 8. Balnea cum oleis spirituosissimis sunt ejusmodi Balnea, ubi in vase, cavæ magnæ simili, linteisque madidis quoad rimas clauso, exerto capite, oleisque spirituosissimis incenso aere, æger sudat.

NOT. Baculi in Balnei hujus basin induntur, ita tamen ut omnes se in perfectam rotunditatem componant, & ita habitaculum quoddam rotundæ cavæ magnæ simile reddant; Baculi itaque cum linteis obducuntur, ne calor per rimas adeo magnas evanescere possit. In basi verò hujus Balnei foramen satis amplum est, per quod Olea spirituosissima, e.g. baccarum Juniperi, pini petrae, &c. in loco concluso sub Balneo hoc incensa; fumum ad ægri, in suprema Balnei regione caput exerentis, corpus mittunt.

§. 9. (α) Balnea cum brodio Decoctorum ejusmodi Balnea sunt, ubi in arcula stannea, seu stanno obducta, Balneo nostro sicco, secundum excellentiam ita dicto, ferme simili aere à (β) folliculorum spirantium, & aquis pretiosis ac odoratis & aliis decoctis impletorum, brodio incenso aliquis sudat.

NOT. (α) Apud Principes atque Magnates ejusmodi balneatoria valde in usu fuisse constat. Erant autem magnitudine non admodum magna, & ut pari modo, uti in aliis, caput existeret, elaborata.

(β) Ejusmodi autem folliculi ex metallo & cupro, quos Germ. *Blasfader Wind Kugeln* appellabimus, vel seorsim existebant, vel in fornacem Balnei erant inserti atque intrusi, ut hoc modo eò citius calefierent, & per tubulum vel collum angustum fumum vel brodium amœnum eò melius spirare possent.

§. 10. Sequuntur Balnea lecti, quæ iterum in duas classes dispescimus; In Balnea lecti suo modo considerata, & Balnea lecti accidentali modo considerata.

§. 11. Balnea prioris generis sunt, quando (α) medicamentis ad sudorem facientibus sumtis æger (β) vulgari modo in lecto sudat.

Nor. (α) De his medicamentis in cap. seq. dicendum venit; quamquam hic obiter noto, quod spiritus cornu cervi cum aqua Sperm. ran. cum & sine aliis medicamentis sudorem facientibus, ut plurimum, antequam sudamus, magna cum utilitate sumi possit.

(β) Dicimus *vulgari modo*; idest, uti promiscue ægri sudare solent lectis undique circumvoluti & clausi, modò ut sequentem in lecto sudandi modum ab hoc distingueremus, qui non vulgari, sed alio & accidentali modo fit.

§. 12. Posterioris generis Balnea sunt, quando æger tam morbosæ constitutionis est, (α) ut neque stare, neque sedere possit, & si in igne incenso balneatorio sudare vult vel debet, (β) peculiare Balneum in lecto sibi ædificari necesse habeat, quo hoc modo supinus sudet.

NOT. (α) *Ut neque stare neque sedere possit* &c. Nimirum quando forte arthritide, podagra, aliaque convulsione corporis laborat.

(β) Appellamus hoc Balneorum genus *peculiare Balneum* ex forma; Nimirum ad utrumque lecti latus tria vel quatuor ferra, foramina oblonga habentia, affinguntur, in horum foramina arcus, ad rotunditatem se componentes, in anteriori parte lecti minores, in posteriori verò majus spatium capeffentes, induntur, qui uti *suprà retulimus*, madidis linteis circumvoluti, ne calor dimanet; in posteriori hujus Balnei parte clausa calefaciendi caula fornacem habent; Uti Mantellum hoc ligneum sudoriferum seu Laconicum ANDR. TENZELIUS in *Exegesi Chimiatica* prolixius describit, quem vide p.m. 762.

§. 13. Præter octo Balneorum siccorum universalium classes, in quibus Balneis ut plurimum totum

totum corpus sudare solet, sicca particularia Balnea etiam addimus, quæ communiter suffitus nominantur.

NOT. Ejusmodi Balneum siccum particulare est, quando e. g. in suffocatione uteri pennarum perdicum suffitus naribus admoveatur: quando in retentione mensium hac vel illa re, in specie scorii reguli antimonii in aqua solutis, uterus fumigatur: in odontalgia buccæ cum thure, ladano, mastiche: &c. Et quæ Balnea particularia alia in Autoribus hinc inde leguntur, & à singulis excogitari possunt.

Et hæc sunt *Balnea secca*, quæ in præsentī non definire, sed saltem leviter describere, animus erat: nunc bono cum DEO ulterius pergentes, ad *Balnea non secca seu lotiones* accessum maturamus.

CAPITIS II.

SECT. II.

De Balneis non siccis seu Lotionibus.

§. 1. **I**nnumera ferè sunt lotiones, nos thermis, aliisque pluribus omissis, nostras lotiones, & quidem omnes ex herbis aliisque medicamentis constantes, in quatuor saltem classes dividemus.

NOT. Thermas consultò mittimus, quoniam enim consumatæ eruditionis Medici non fuerunt, qui non de thermis, acidulis, &c. elegantes ediderunt tractatus? inter quos LANGIUS, *Phil. & Med. D. Professor hujus Academiae olim Celeberrimus*, non ultimum locum tenet; ut ego itaq; e, tenujum profectuum adhuc homo, si plura de his stylo prosequi vellem, in tanta copia aquis aquas viderer addere, & quidem clavis ac pellucidis turbidas, quoniam id, quod illi experti scripserunt, ego inexpertus fortè confunderem.

§. 2. Est autem nostrarum quatuor classium lotio prima, quando in communibus Balneatoriis, in quibus corporis sordes abluimus (α) corroborationis aut odoris gratia (β) herbas benè odoratas in vannum injicimus.

NOT. (α) Dicimus *corroboationis aut odoris gratia*: nam nemini non constat, corpora nostra multum relaxari Balneis imprimis si præter consuetudinem tempus balnei trahitur, hinc utile est, corpora iterum corroborari: quod autem duplici modo fit, vel *tactu* vel *odore*: *Tactu* fit, quando nos in aquas sparsæ herbæ ambiunt, & corpus ita attingunt & roborant; vel quando super sacculos herbis utilibus repletos sedemus, & ita membrorum corroboracionem quaerimus: *Odore* autem fit, si eadem vel aliæ herbæ in Balneis tam suavem Odorem spirant, ut & hoc modo homo vires Balneo amissas recuperare queat.

(β) *Herbas benè odoratas* &c. quando e. g. serpillum, majorana, &c. communiter in vannum mittitur, siue herbæ illæ maneant integræ, siue antequam in aquam injiciuntur, ut majorem odorem spirent, conscindantur.

§. 3. Lotio secunda est, quando in vanno, (α) medicamentosis aquis impleta, & superius clausa, (β) exerto capite aliquis sudat & se lavat.

NOT. E. g. Medicamentosæ ejusmodi aquæ sunt, quando in scabie, aliisque ejusmodi affectibus, sulphur cum calce viva per se seu cum ferro coquitur, & aquæ seu lixivii hujus flavi quantum sufficit, cæteris aquis affunditur; aut si bonam quantitatem baccarum lauri & sulphuris in aqua coquo, & etiam cæteris aquis affundo.

(β) Si vannus amplæ magnitudinis est, etiam duo capitibus exertis sedere, & se lavare possunt.

§. 4. Lotio tertia est, quando (α) Nitrum in vannum immittitur, & æger thermas (β) aliquatenus quasi æmulatur.

NOT. (α) Ad quamnam rem hæc lotio utilis censeatur, in ultimo hujus Disputationis capite exponam.

(β) Dicimus *aliquatenus*: Nam ad quas lotiones etiam sulphur accedit, hæc magis thermas æmulari videntur, quales excogitari posse JOH. RUDOLPH. GLAUBERUS in *Furni sui Philosophici Parte tertia* scribit.

§. 5. Denique lotio quarta particularis est, quando nimirum (α) hanc vel illam corporis partem, mor-

bo obnoxiam, (β) in hac vel illa medicamentosa aqua æger lavat.

NOT. (α) *Hanc vel illam corporis partem morbo obnoxiam* dico; quoniam interdum, ut totus homo sese lavet non requiretur, sed ut offensæ saltem partis rationem æger habeat, necessitas postulat: E. g. Uti fieri solet, si nervi morbo aliquo connexionis, uti ab Institutionistis nominantur, laborant, & ad partem aliquam sunt incisi: Si pectus in hoc vel illo morbo hujus vel illius intincti lintei indigeat: Si mulieres in hoc vel illo morbo pedes medicamentosis, & cum hærbis, floribus & radicibus coctis, aquis immittunt: Si caput hoc vel illo lixivio in tineis, furfuribus, defectu capillorum perfunditur: Si hoc vel illo liquore dentes in odontalgia lavamus: Et quæ hujus generis lavationes plures sunt.

(β) *In hac vel illa medicamentosa aqua*, &c. Multa enim ejusmodi brodia atque Decocta medicamentosa sunt quæ quilibet ex autoribus petere seu ipsemet pro lubitu sibi præscribere & componere potest.

Et sic benevole Lector, *Balnea tum secca, tum lotiones* aut minus *secca* habes. Accingimus nunc nos bono cum DEO ad Disputationis nostræ caput tertium, & quid circa horum Balneorum utendi modum observari debeat, paucis exponimus.

CAPUT III.

SECT. I.

De Utendi Modo.

§. 1. **C**irca utendi modum tria observentur mo-
neo: nimirum quid ante Balneum, quid in Balneo, & denique quid post Balneum agendum sit.

NOT. Si ullæ res sunt, quæ immutabilem aliquam consequentiam requirunt, certè inter has primum nomen suum Medicina proficitur; Quæ tanquam divina & nunquam satis laudanda ars suas periodos & tempora observat, ut ceu annus nullus diem, ita & illa nullam ordinis rationem prætermittat; In tantum enim in unum quasi orbem omnia Medicinæ adminicula redeunt; ut hinc id etiam in balneis nostris observandum venire videatur; Si enim in antecedentibus illorum non rectè procederetur, quomodo illis sequentia ex arte respondere possent? Quapropter sit.

§. 2. Ante Balneum ad res sex non naturales imprimis attendere æger necesse habet, quæ sunt aer, cibus & potus, somnus & vigiliæ, motus & quies excreta & retenta, atque animi pathemata.

NOT. Nimirum *tota nostra Medicina*, inquit JOH. RIOLANUS in *Universæ Medicinæ Compendii parte secunda*, quæ *ὕγιεινὴ* dicta sanorum appellatur c. 1., in tribus capitibus consistit, *REBUS NATURALIBUS, NON-NATURALIBUS, ET CONTRA-NATURALIBUS*. Res non-naturales, paulò post eodem capite pergit, mediæ sunt inter naturales & eas, & quæ sunt contra naturam. Neque enim naturam nostram constituunt, ut res naturales eandem legunt, ut affectus contra naturam edunt promiscuæ & indifferentes. Benè utenti bonæ; malè utenti malæ. Ejusmodi sunt aer, cibus, potus, somnus, &c.

Nè itaque & nobis in Balneis malè utentibus eadem malè sint, sed benè utentibus bonæ, curam geramus, ne bonæ illæ res malè à nobis administrentur.

§. 3. Aer (α) ante Balneum sit (β) maximè purus, ab omni (γ) vitio planè alienus, & (δ) qui ventis salubribus perfletur.

NOT. (α) Dicimus hoc loco *ante Balneum*, cum tanquam in ipso actu Balnei, postque ejus executionem, non par aeris ratio habenda sit, quum tamen purus, ab omni vitio alienus, semper conferat; sed adjicimus hoc loco vocabulum *ante*, ut tempore distinctionem eò melius faciamus.

(β) *Maximè purus*, quò purior enim aer, eò melius hominis natura ad sudorem præparatur, dum hoc modo omnes corporis pori aperiuntur. Si autem aer impurus est, terrestri & impura sua materia poros claudit, quò minus sudor rectè & benè propellatur.

(γ) *Ab omni vitio planè alienus*, i. e. qualitatum & substantiarum.

(δ) *Et qui ventis salubribus perfletur*: Venti enim puri sunt qui

qui aerum maxime purum in cubiculo quodam reddunt; hinc etiam omnibus cum sudantibus tum dormientibus autor sum, ut in cubiculis suis ejusmodi caminos, Germ. *Vindlocher*, mediantibus quibus aer illius loci sese corrigere queat; habeant.

§. 4. Cibus & potus sit (α) *Euchymus*, (β) paucus, (γ) temperatae naturae.

NOT. (α) *Euchymum*, secundum citati RIOLANI c. 12. dicitur, quod bonum sanguinem generat, in quo quatuor humorum quantitas, qualitas, & proportio legibus naturae conveniens servatur.

(β) Paucus autem cibus & potus à nobis statuitur, ne nimia eorum Ingurgitatione pori claudantur. Nullus vero ideo non admittitur, quoniam nimis valde calor nativus sudatione debilis redderetur, nisi prius cibi boni & pauci illi irent auxilium.

(γ) Tandem sit temperata natura. Illum autem cibum ac potum temperatae naturae voco, quorum uterque inter calidum & frigidum medium tenet. Hoc enim modo fit, ne cibus & potus nimis calidus ad sudantis (cujus spiritus alias à sudoriferis, magis quam alio tempore fieri solet, incallescunt) excedentem calorem ansam præbeat, neque nimis frigidus crudam & frigidam materiam in illo præparet, quæ deinceps sudatione, poris omnibus per illam claudis, vix se propellere patitur.

§. 5. Somnus & vigilia etiam intra mediocritatem consistent.

NOT. Somnus longior humectat, refrigerat, cruditates multas sudore deinceps vix dissolubiles generat, quæ vigiliis mediocribus non tanta incrementa sumere queunt. Vigilia vero immodicæ etiam sudantibus non usui esse videntur, quoniam illorum spiritus, qui alias sudatione incendi solent, per illas adhuc magis incenduntur, & ita calidum nativum nimis debilitetur.

§. 6. Motus & quies etiam intra terminos sui se contineant.

NOT. Nimiùs enim motus spiritus nimis incendit; nimia autem quiete totum corpus refrigerat, pituita multa & excrementa congeruntur, quæ omnia mediocris motus dissiparet, seu ut sudorifera melius dissipare possent, ansam præberet. Ubi etiam, si tempus esset, de utilitate frictionis ante Balnei usum multa dicere possemus.

§. 7. (α) Excernantur, quæ excernenda sunt, retineantur, quæ retinenda sunt.

NOT. (α) Quoniam juxta RIOLANUM excrementa quaedam benigna sunt, & sola quantitate sunt excrementa, de quibus mox; alia plane inutilia, quæ non tantum quantitate, sed etiam qualitate sunt excrementa &c.; cum plane inutilia generalia, e.g. alvi proluviem, lotium & sudorem, tum plane inutilia particularia, e.g. mucus cerebri, &c. simpliciter adjicienda & excernenda statuimus, quoniam sudorem magis cohibent quam promovent, & sine periculo etiam excerni possunt.

(β) In excrementorum autem benignorum, e.g. feminis, sanguinis menstrui, &c. excretionem, de quibus supra, ut rationem magis consulamus, suadeo; quoniam illorum retentio, prout conditio fert, interdum magis utilis esse, quam nocere videatur.

§. 8. A radiis vacuus & liber ab omni perturbatione sudans sit.

NOT. Nam quamdiu animus æger est, tamdiu etiam non de salute patientis sperandum, & non credibile, quam cito patiens pristinam possit recuperare sanitatem, si animo tranquillo morbi exitum expectat.

Et hæc sunt, quæ 6. res non-naturales seu dietam concernunt. Antequam autem cum ægris nostris in ipsa Balneatoria nos conferamus, adhuc observandum venit, an materia illa, quæ per sudorem evacuanda est, in ejusmodi statu sit, ut sine præcedente purgatione vinci queat? an vero, si purgatio ejusmodi præcedat, melius se vinci patiatur? Si prius obtinet, purgationem interdum intermittere possumus: si posterius vero, Purgationem pro re admodum necessaria reputamus, quamvis hoc loco cautè agendum, ne in febribus ardentibus, aliisque ejusmodi morbis, qui purgationem recusant, purgemus; hoc enim modo multos citius, quam alias factum fuisset, ad vitæ suæ exitum properasse novi: si autem Purgatio magis prodest, quam obest, tunc illa admittenda.

Qua propter sit

§. 9. (α) Non nullos dies ante balneum, si ægri

Estmulleri Oper. Tom. I.

constitutio & materiae conditio admittit, (β) Purgantibus evacuare, & hoc modo sudorem futurum magis promovere suadeo.

NOT. (α) Nonnullos dies ante Balneum ideo dicimus, quoniam si purgationem statim Balneum sequeretur, nimis valde sudantis vires debilitarentur: Ne itaque illud fiat, ut aliquod temporis spatium interveniat, utile judicamus.

(β) Vel sub specie pulveris, e.g.

℥. Crem. tartari,

Pulv. jalappæ ana gr. xvj.

Scamm. Sulphurati gr. vii.

Nitri depur. gr. iij.

Olei destillat. succinigt. j.

M. D. S.

Vel sub specie Electuarii, e.g.

℥. Conf. Rosar. ℥ss.

Crem. Tartari,

Pulv. jalap. ana ℥i.

Diagryd. gr. vii.

Nitri puri gr. iij.

M. D. S.

Saccharum laxativum pro aliquot vicibus.

Vel sub specie Syrupi, e.g.

℥. Syr. ros. solut. ℥iii.

Aquæ cinam. ℥i.

Pulv. jalapæ ℥i.

Scamm. Sulphurati gr. vii.

M. D. S.

Succus purgativus pro aliquot vicibus.

Vel sub specie Noduli, e.g.

℥. Herb. menthae crispæ rec.

Roris mar. rec. ana M. ℥ss.

Fol. sennæ sine stipit. ℥vi.

Rad. belleb. nigri crudi ℥ss.

Rba Barb. el.

Sem. 4. calm. min. ana ℥iij.

Bacc. junip. ℥vi.

Sal. tartari ℥iii.

Incisa includantur Nodulo;

D. S. Nodulus laxativus in vino.

Quam Formulam ab Excellentissimo Dn. PRÆSIDE præscriptam hic loci in Officina ad Nigrum Æhiopem, uti vocant, vidi atque legi. Et sub qua alia forma purgationem instituere tibi animus est.

Sed tempus nunc instat, ut ægrum discalceemus, eundemque vestibus exuentes, nos cum illo in Balneatoria ipsa recipiamus.

Singula autem Balnea nostra iterum ad manus sumere, quidque in singulo inter balneandum agendum sit, seorsim exponere, quam Disputatio nostra alias præter opinionem excreverit, nimis longum foret; quapropter quid inter balneandum tractandum sit, in tribus §. Paragraphis sequentibus exponentes, id ipsum una facie & vice depingemus.

§. 10. Ut eo melius æger sudet (α) morbo, tempore, personæ, loco, &c. convenientibus; (β) sudoriferis, quum jam sudare incipit, melioris sudationis causa utatur.

NOT. (α) Addimus morbo, tempore, personæ, loco &c. convenientibus. Ex aliis enim medicamentis sudoriferum constat, quo aliquis in morbo Gallico utatur; ex aliis, quod in morbillis usurpetur. Tempus etiam discrimen faciem nam tempore hyemis & autumnus, quo corporis pori magis clausi sunt, & materiae peccantis copia in corporibus humanis major est, Sudorifera sint vehementiora validioraque, quam æstate & vere, quibus temporibus pori magis dilatati conspiciuntur. Porro personæ ratio etiam habenda est, cujus temperamentum atque natura optimus in hac re tibi magister erit. Et denique locus etiam, in quo sudatio instituitur, diversa Sudorifera postulat: ubi enim calor vehemens est, ibi Sudorifera mitiora propinari: ubi autem calor non admodum excedit, ibi Sudorifera fortiora locum habere possunt.

(β) Dies me deficeret, si Sudorifera omnia, quæ tempore Balnei usurpari possent, recensere vellem: potest itaque quilibet ex pulveribus, syrupis, aquis; spiritibus; &c. ad sudorem facientibus, pro morbi conditione, Sudorifera ipsemet componere, Ne tamen hæc plane sicco pede transire videar, paucas illorum Descriptiones saltem hic addam. De spiritu cornu cervi autem, cum aqua sperm. ranarum sumpto, supra diximus, quo, si non multam simplicium Compositorumve adamamus compositionem

Pp

pro-

promiscue in omnibus Balneis secure uti possumus. Sequentes sunt formulæ longiores: e. g.

24. *Aqua card. bened.*

Flor. samb.

Sperm. ranar. ana ʒj.

Spiritus Cornu Cervi ʒss.

Fl. samb.

Tartari redif.

Card. bened. ana ʒij.

Cornu Cervi sine igne ʒss.

Lapill. cancr. præp. ʒj.

Nitri puri gr. v.

M. D. S.

Potio sudorifera pro 2. vicibus.

Quaquam hæc Potiuncula ut plurimum in Balneis lecti ut ita loquar, à nobis usurpetur; & dimidia illius parte vespertino tempore, si cubitum ire volumus, altera dimidia parte mane, antequam à lecto surgimus, magna cum utilitate utamur.

In reliquis Balneis, uti & in hoc, usurpari possunt sequentia: e. g.

24. *Tberiac. Androm. ʒss.*

D. S.

Electuarium sudoriferum pro aliquot vicibus.

Vel

24. *Pulv. Bezoard. Senn. cum lap. Bez. gr. xij.*

Margarit. præp. gr. vij.

Salis card. bened. gr. v.

Olei destillat. cinnam. gutt. j.

M. D. S.

Pulvis confortans sudoriferus.

Morbo Gallico verò laborantes non solum Sudoriferis morbo illorum convenientibus utantur, sed etiam peculiare potiunculas ex ligno Guajaco, sassafras, radice sarsæ parillæ, Chinæ, &c. compositas habeant, de quibus quotidie bibant. Imò sequentem essentiam, illis non inutilem, etiam usurpare possunt, nimirum.

24. *Essent. ligni sancti ʒss.*

Spiritus Cornu Cervi ʒss.

M. D. S.

Essentia singulis diebus bis sum., & 40. guttæ pro una dosi, in potiuncula cerevisiæ.

§. 11. Sudet autem æger corde & capite à calore probe munito.

NOT. De hoc quoniam supra diximus, nunc plura addere non libet.

§. 12. Non ante tempus justum sudatio finiatur.

NOT. Finis enim hoc modo non impetrabitur, e. g. morbilli non satis emergent, nisi sudatio sufficiens præcesserit; item in morbo Gallico non satis sanguis se purificabit, nisi iusto sudore ille corrigatur.

Et hoc modo omnibus, quæ ad sudationem pertinent, probe perpendis, iterum nos cum sudantibus in hypocaustum vel cameram conferimus. Sit itaque

§. 13. Post Balneum (α) sudorem æger abstergat, (β) in lectum vel hypocaustum calefactum se conferat.

NOT. (α) Statim autem id fiat, ne iterum, si forte illi, antequam in hypocaustum aut cameram pervenire potest, loca frigida perambulanda sunt, sudor ille falsus & inutilis se retrahat, sicque novi morbi causa sit.

(β) Id suademus idè, quoniam tum ex nimio calore in frigidum statim se conferre, corpori valde noxium esset; tum etiam, si in Balneis sudatio non iusta fuisset, hoc modo, & in primis in lecto, de novo & ad satietatem quandam absolvi posset.

§. 14. Hoc facto (α) bonam dietam iterum observare, & (β) confortantibus sudore resolutum corpus corroborare suadeo.

NOT. (α) Hujus quoniam supra mentionem fecimus, de eadem iterum de novo dicere supervacaneum esset; quapropter Candidum Lectorem ad §. 2. & seq. hujus capituli amice remittimus.

(β) Eiusmodi confortantia autem consistunt tum in cibis, tum in medicamentis. De cibo, & potu hic non agam, quoniam partim ad hujus §. 1. (α) ubi de diætâ agendum esset, hæc tractatio spectat, partim quoniam alias, quid cibi boni succi sint, & quo modo hi corpora nostra optime

corroborare queant, cuique facile constat. Medicamenta verò confortantia multa sunt: & imprimis hic locum habent illa, quæ Germ. die *Krafft Bruben* nominamus, ex Phasianis, caponibus, &c. per brodium calidæ aquæ in lagenis stanneis expressa, & deinceps cinamomo, saccharo, Caryophyllis aliisque aromatibus & succis condita atque mista. Item huc spectant lulebi, cum syr. e. gr. ceraforum, acetositis citri, papaver. Rhœad. &c. uti & cum aqua cinamomi, item spiritu virtoli seu sulphuris mixti & compositi. Porro varia genera Morsulorum cum carne citri, cydon. &c. Confest. Al. Kerm. saccharo, & aliis pulveribus confortantibus parata: Item Electuaria ex confervis, e. g. rosar. borraginis, &c. cum speciebus variis, e. g. de hyacintho, de gemm. calid. & frigidis, &c. facta; Et denique balsami, omniaque illa, quæ iterum robur & vim corpori, calore enervato, addere possunt.

Et sic, DEO adjuvante, hujus capituli tractationem etiam absolvimus, progedimur itaque Bono cum DEO ad ejusdem capituli sectionem secundam, seu ultimam, quæ horum Balneorum omnium utilitatem & usum monstrat.

CAPITULUM III.

SECT. II.

De Horum Balneorum Utilitate

& Usu.

§. 1. Balneorum siccorum usus, & imprimis illius, quod Balneum secundum excellen-
tiam dicitur multiplex est; A morbo enim quocunque, si homo illum imminere sentit, illud Balneum non solum ut plurimum præcavet, sed etiam amissam sanitatem sapissime agro restituit.

NOT. De hoc, quod universi corporis poros aperire, interius penetrare, coagulata resolvere, & hinc corpus totum præ omnibus aliis Balneis maxime à peccantibus humoribus per sudorem evacuare possit, jam nihil dicam.

§. 2. Balnea cum spiritibus oleosis (α) vi penetrandi imprimis nota sunt, nervis conducunt, & (β) fumigando interdum illud præstant, quod alias spiritus hi illi efficiunt.

NOT. I. Insinuat nimirum ille fumus se imprimis poris corporis propter oleosam substantiam, quæ à membris sudantis calidis facile intus trahitur; ut totum corpus hoc modo pervadat.

(β) E. g. spiritus Juniperi, sambuci, &c. qui uti nervos induratos, aliaque corporis membra callosa, inungendo flexibilia calidæque vi sui sulphuris reddunt; ita etiam fumigando spiritus hos illud efficere posse plane mihi persuasum habeo.

NOT. II. Non autem æquæ ac primum, hoc Balneum mihi arridet: causam in conflictu vel discursu proponam.

§. 3. Balnea fumida morbum Gallicum, aliosque contagiosos morbos, pellere, (α) sanguinemque impurum corrigere, creduntur.

NOT. (α) Hæc sanguinis purificatio autem non una vice fieri solet, sed patiens sæpius ut sudet, variisque sanguinem corrigentibus, uti supra dictum, potiunculis ut utatur, necessum habet.

§. 4. Balnea cum lapidibus & ferro, &c. duplicem usum habent, tum (α) ut ejusmodi lapidibus ignitis in aquam immixtis, & hoc modo brodio aliquo excitatum æger magis sudet, tum (β) ut illa multos morbos curent, eorundemque dolorem tollant.

NOT. (α) Hoc in primis cum silicibus communibus expeditum datur, quaquam etiam alii lapides sint, qui idem efficere possunt.

(β) Uti e. g. calculi ejusque doloris curatio iisdem silicibus a quibusdam adscribitur, quaquam id nonnullis, uti & nobis, impossibile videatur. Interim tamen interdum aliqua mineralia & lapides dari, qui hoc efficiunt, non simpliciter negamus; IOH. RUDOLPHUS GLAUBERUS enim in *Furni sui Philosophici Parte tertia* c. 33 ejusmodi materiam mineralem seu lapides reperiri ait, qui sine igne etiam suis exhalationibus sudorem elicere, morbosque curare possunt; si hoc verum est, quanto magis lapides quidam igniti in aquam immersi fumo vehementiore sudorem promovere, variosque morbos hoc modo curare poterunt.

§. 5. Balneorum cum candelis & lampadibus usus apud Ægyptios vehemens sudoris extractio fuit.

NOT. Legi quidem de hac re nihil, sed ex alicujus relatione aliquando audiui, Ægyptios per ejusmodi candelas tantum interdum ab ægris extraxisse sudorem, ut sæpius statim illi animam efflaverint. Causam verò, ob quam isti id fecerint, nullam aliam puto esse, quàm quod hoc modo omnem materiam peccantem ad unguem se abstrahere, causaque morbi penitus remota eò melius hoc modo egrum se curare posse crediderint.

§. 6. Balnea cum Oleis spirituosiss, Balneorum cum spiritibus oleosis effectum fermè habent.

NOT. De hoc vid. §. 2. hujus sectionis.

§. 7. Balnea cum brodio decoctorum non solum (α) sudans, ut benè oleat, efficiunt sed etiam corpus roborant atque confortant.

NOT. (α) Apud horum Balneorum inventionem non solum utilitatem, sed etiam delectationem multum potuisse existimo. Nam uti jam juvenes alicujus conditionis sequioris sexus gratiam inunctione variarum rerum bonum odorem spirantium impetrare conantur; ita etiam olim per ejusmodi Balnea magnates uxoribus suis sua corpora commendasse credo.

§. 8. Balnea denique lecti ad omnes morbos (α) citò, atque etiam (β) tutò, usurpari possunt.

NOT. (α) Citò usurpari possunt, e.g. in morbillis; convenienti enim sudorifero propinato citò sudare possumus.

(β) Imò etiam tutò: Etenim non faciliore tutioreque methodo morbi alicujus naturam Medicus expiscari potest, quàm si sudoriferum ægro propinans, in lecto illum sudare cogit; Hoc modo enim non solum tutò illius morbum, qui per sudorem sæpius se prodit, addiscit, sed etiam sæpe sæpius auxiliatrices manus illi affert.

Et hic est aliqualis saltem usus Balneorum siccorum; Sequitur breviter etiam usus saltem aliqualis Balneorum non siccorum seu lotionem; Sit itaque.

§. 8. Lotion nostra prima ut plurimum corroborationem atque odorem pro fine habet.

NOT. Quoniam cap. 2. Disputat. nostr. sect. 2. §. 2. usus hujus mentionem feci, non altè illum huc repetam.

§. 10. Lotion nostra secunda ad innumeros morbos utilis est, & pro ingredientium natura ac compositione effectum edit.

NOT. E.g. Uti supra c. 2. Disputat. nostr. sect. 2. §. 3. lotionem ejusmodi ex sulphure cum calce viva in scabie rum posse diximus. In iæxpiæ seu urinæ suppressione etiam ejusmodi lavatio prodest: item in suppressione mensium, modò si etiam ex ejusmodi herbis ac medicamentosis aquis, ad hunc vel illum morbum facientibus constat.

§. 11. Lotion nostra tertia in extrahendo resolvendoque multum posse creditur.

NOT. Robustam autem ut habent naturam, qui illa utitur, necesse est.

§. 12. Lotion nostra quarta denique (α) ad hanc vel illam partem agram, imprimis à Chirurgis, (β)

ad hujus vel illius partis nervorum emollitionem usurpatur.

NOT. (α) Supra etiam de hujus lotionis utilitate verba quædam fecimus; Nolumus itaque iterum ad manus sumere.

(β) Chirurghi hæc Balnea vocant *Germ.* die Behungen. Et hoc modo etiam lotionum nostrarum virtutes delibando saltem consideravimus. Sed mi navis, ingredi nunc iterum portum, sat diu in alto fuisti; Tuo autem Navarcho ac protectori summo, cujus auxilio scopulos præternavigasti, honoris ergò in prora hanc votivam tabellam suspēdo. DEO SIT LAUS & GLORIA IN SECULA.

C O R O L L A R I A.

1. Aqua quæ per plumbeas solennas deducitur, fugienda. 2. Opium naturæ calidæ est. 3. Periapta ratione sympathiæ & antipathiæ per *misquata* sua in Medicina profunt. 4. rosa Hierichuntis (quæ die Natalicio Nostri Salvatoris tantum florere creditur, quod verò non est) partum falsò promovere existimatur. 5. In luxatione, fractura, vulnere &c. alicujus partis, urina non inspicienda est. 6. Chalybis & lactis usum in dysenteria suademus. 7. Lue Venerea correptis convenit sanguinis missio. 8. Non ineptè quidem Chymici Epilepsiam ad morbos mercuriales referunt; ego tamen potius ad salinos referrem.

*Humanissimo Domino Respondenti
gratulatur.*

P R Æ S E S.

CUM tanti momenti sit, MULLERE optime, insensibilis transpiratio, ut vel statera eandem dimetiri aggressus sit SANCTORIUS, Patavinorum olim doctissimus, quanti ponderis non erit sensibilis transudatio, per Balnea imprimis instituta? Tertiam sanè morborum partem sudorum beneficio tutò percurari, expertum est à Practicis, adeò, ut nulla febris, cujuscunque sit moris, citra recidivæ metum absque sudore evanescat. Abstergit scilicet hic taponarius Latex quascunque partium sordes & resolvit promptè sanguineum Nectar, quo ab omni coagulationis exemptum impedimento, liberiori per suo canales feratur circulo, vivificoque rore omnes partes animet. Dignus ergò publica luce hic Tuus Balneis est Conatus, proprio labore institutus, me ne tantillum quidem interpolante, unde & gloria ejus Tibi soli manet reposita. Perge interea, ut auspiciò cœpisti, alacriter decurrere in stadio Medico, nulli licet limitibus hætenus circumscripto; & quò arduus magis hic Tuus est labor, eò majorem meretur applausum, quem ab omnibus Bonis, unà cum Eruditorum favore, certò promitto. Vale.

Dab. Lips. è Museo meo d. 4.

Septembr. An. 1672. Finis.

DISPUTATIO V. ABSTRUSUM RESPIRATIONIS HUMANÆ NEGOTIUM,

Exulante Famosa Vacui Fuga.

Ex genuinis gravissimi hujus Argumenti *παρρησιασθέντων* causis plenius
erutum,

Simul cum ardui istius Harveani, Doctis omnibus, L. de Gen. Animal. Exerc. de Partu proposuiti,
nec non bimembris hujus Problematis solutione; Cur Animalia tam propter Aeris Inspirati
cohibitiue Præsentiam, quam in Machina Boyleana Pneumatica, exhausta, propter ejusdem aeris
absentiam, tam velociter, quasi ex anima succumbant, brevique moriantur?

SUB MODERAMINE

Viri Nobiliss. Excellentissimi & Experientissimi

DN. MICHAELIS ETTMÜLLERI,

Philos. & Medicin. Doctoris Celebratissimi,

Disertationis Philosophico-Medice loco publice proposita

AB AUTORE

ZACHARIA NEUKRANZ,

Hamburgensi,

Hactenus Medicinæ Doctore, Physico Torgaviensi, &
Scholæ ibidem Inspectore,

Νῦν ἐκ αὐτοῦ.

Ab ipso

B. DN. AUTORE revisum, & multis in locis auctum.

P R O O E M I U M.

Christiano Philosopho dignissimum sanè ac pervenuste dictum est illud BASILII MAGNI, Mundum hunc vo-
cantis *πᾶσι συνήτοις* & *δυνάμει* αὐτοῦ *τοῦ κόσμου* διδραχάδιον. Tam admirandus etenim ex vasto creatorum
tam concinne coordinatorum systemate, veluti ex tot speculis reflexus, mentisque pariter ac corporis profundè con-
templantium oculos tantopere percellens sapientiæ splendor non potest non de Summi cujusdam, Omnipotentis,
Æterni, ac Infiniti, omniumque perspicacissimè Numinis ineffabili existentia, plenissimè testari; adeò ut &
ipse Gentium Doctor ad Rom. I. v. 20 luculentissimè stabiliat: Quæ sunt, inquit, Invisibilia illius (scil. DEI) ex crea-
tione mundi dum per opera intelliguntur, pervidentur, ipsaque æterna ejus potentia ac divinitas. Hinc quoque rerum
creatarum accurata Observatio, quamque hæc in hominum animi prolicit, Admiratio, haud incongruè causa *προκαταρτυτικῇ*
Philosophiæ studii nonnullis censetur; imò in nil admirando Philosophiæ finem perfectionisque colophonem suum esse opi-
nati sunt PYTHAGORAS, PLATO, ac Stoicorum ordo. Nec possum, quin insignissima omniumque fere primo
hujus sæculi Realis seu Experimentalis Philosophiæ propugnatori, Doctissimo Galileo, promptè adstipuler: Esse nimirum
grandem illum Naturæ Librum veræ Philosophiæ genuinum ac proprium objectum. Cum autem miranda Di-
vini Creatoris opera non nisi sensuum nostrorum, tanquam totidem excubitorum, interventu Intellectum feriant, à
quibus quippe omnis sapientiæ humana, quantulacunque demum fuerit, prima omnium extremaque pendet origo;
adeoque hominum nulli nisi volenti ad præmemoratam *δυνάμει* animæque, *διδραχάδιον* via sit præclusa; hinc
merito cum BERNARDINO TELESIO, Italo, accerrimi ingenii viro, ac Peripatum vehementer exer-
cente, ægerrimò ferendum dolendumque, naturæ, rationem per tot sæcula non tam ex ipsis creaturarum *φωσφίσεν*,
quàm ex Aristotelicis aliorumque voluminibus accersiri solitam. Nam brutum profecto homineque prorsus indignum est
illud MASI Stagyrice, Interpretum haud postremi, effatum, dum, (de loco verba faciens referente Ballio) Ego, inquit,
nisi me Aristotelis & D. Thomæ compelleret autoritas, manibus pedibusque in sententiam de Intervallo libenter
abirem, quam & intellectu faciliorem, paucioribusque difficultatibus patere, si attente & argute superiora, &
quæ de natura illius diximus, contemplemur, facile deprehendemus. Verùm quia ingenii fasces submittendi sunt
Aristo-

Aristoteli & D. Thomæ, fateamur Locum superficiem esse, & non intervallum, quia higravissimi Philosophi tradiderunt. Sed valeat infelicissimi ingenii, Masius, similiaque mancipia; solius quippe Natura operibus oprimo iure Pythagoricum illud dūm: *ἴσα* competitūpote ab ipso Summi Creatoris ineffabili, quodque facta sequuntur Verbo, FLAT, ortum suum repetentibus. Ex horum itaque numero innumero, quam jam pra manibus habeo, nobilissimam, ac insimul maximè abditam, Materiam selegi, ad eamq; pro tenelli ingenii viribus perquirendam animum induxi. Constitueram equidem primitus perfectam de Aere per universam Medicinam considerato, nec non, ob Materia affinitatem, de Vacuo Spatio, deque Spiritu Mundi Catholico, *ἡμῶν* in Orbi Literato proponere. Verum cum eandem elaborando prolixiorē repererim, quam Academicarum Dissertationum mos ferre solet, nec acuriari commodè ob laxum Argumenti ambuum spinosamque naturam potuerit; idcirco ad plenius otium id differendo, RESPIRATIONIS interim penetralia ingredi placuit. In quo negotio si vides me magnorum Autorum Hypotheses deseruisse, liberèque in rei naturam inquisivisse, ne quaeso sinistrè interpretare. Sapientiam enim, inquit EACTANTIUS Lib. 2. Divin. Institut. sibi adimunt, qui sine ullo iudicio inventa Majorum probant, & ab aliis pecudum more ducuntur. Sed hoc (pergit ulterius) eos fallit, quod Majorum nomine posito non putant fieri posse, ut aut ipsi plus sapiant, quia Minores vocantur; aut illi desipuerint, quia Maiores nominantur. Præterea sola Natura est Arcanorum suorum interpres fidissima; Nam quæ in uno aliquo genere obscurius exhibet, caluculentius in alio explicat. Et quamvis (ut cum celeberrimo Mathematico Casareo, KEPLERO, Introduct. in Mathem. loquar) in Theologia Autoritatum; in Philosophia tamen non nisi Rationum atque Experientia momenta sunt ponderanda: Autoritatum enim vastissimus est numerus: selectus earundem dubius, fundamentum plerumque lubricum. Neque id operam dedisse me scias velim, ut ex aliorum libris Centonem consuerem; sed ut Experimentis, tum propriis tum aliorum huc collatis, ad investigandam mirabilem Respirationis Humanæ naturam intellectum exercerem. Nec omnes Autorum opiniones pugnaciter examinasse juvabit, quod vel ipso ARISTOTELE Indice Eth. 1. c. 2. vanius foret: Satiùs verò maximè insignes, aut quæ videntur niti aliqua ratione excussisse. Tandem etiam pro Tractandi Methodo stylovè venia mihi impetranda erit abs te, qui cum Romanis Musis familiaris forsitan vixisti: Eum siquidem ad scholarum normam non esse compositum optime novi. Sed voto apud aquas rerum arbitros me facile positurum confido si causam ipsis exposuero: Scilicet vix à limine salutarem Literas, cum Anno ætatis XII. nondum elapso mihi rursus easdem eriperet inevitabilis Pharmaceutica Arti me addicendi necessitas. Quo tempore quantus DEMOSTHENES, quantusve Cicero fuerim, tu ipseme iudica. Illa porro per ætennium pro viribus exculta, Pyrophia Chymica jucunditate allectus, in vulcania castra transit. Quorum sanè tum ardore ignivomo, tum quoque carbonum ardore amēiores in idem nitideque per integrum biennium procul fugabamur Musa. Donec tandem Virorum pietate, prudentia ac eruditione præstantium suavis, vix triennio adhuc, in Alma hac Philurea Literarum Albo inscriptus, Medice Arti me totum dederem. Cujus vastissima amplitudo omnem mihi hætenus ad Humaniores Literas tramitem præclusit. Sed solatur me sublimis illa ingenii vir GALILÆUS, in Dialog. de System. Mundip. 66. in aliis quidem artibus, inquit, dicendi promptitudo Scriptorumque varia lectio & Autoritas locum invenire possunt, ut qui rebus præstet, is suam quoque rationem probabiliorē plausibiliorēq; efficeret. At in Scientiis naturalibus, quarum conclusiones sunt veræ & necessariae, ubi nullus arbitrio humano locus est, nil efficiunt. Nam ibi mille Demosthenes & Chrysippi, milleque Aristoteles, vel à mediocri ingenii homine unico, qui meliori fortuna, libertate, ac candore verum amplexus est, prosternuntur. Hæc in dictionis meæ patrocinium sic uberius diducta voluit, quæ ut alienius apud Te momenti esso pararis, Ingenue Lector, est, quod maximè rogo. Rerum verò quod attinet momenta, ea præter ruium in iudicando candorem, propria insuper probabilitati confidam. Nunc ad te, Sanctissime JESU, Verbum Patris, supplex devolvor, ex imo pectore ingeminans, velis mihi æternum, qui Tecum habitat, Sapientia Spiritum largiri, qui hosce meus conatus dirigat in Summi Nominis Tui gloriam, Proximi emolumentum, Operumque tuorum salutarem cognitionem. Amen.

CAPUT PRIMUM.

Respirationis *ὀνομασολογία*, nec non *πραγμασολογία*, succinctè adumbrat.

§. 1. **L**audabilis moderni seculi in steriles Logomachias non adeo proni, sed rerum potius momenta penitantis, mos haud durius feret, quod *ὀνομασολογία* scrutinio non curiosius inhæreamus; ipso quippe SCALIGERO Iudice, cæteroquin sat spinoso, in Carminibus suis: Stultum ac supinum plumbeique deliri est:

Rebus relictis consensescere in verbis.

Horum autem nescio an oblitus, an vero subtilitatum suarum (in quibus minum quantum sapientulè sibi complacere videtur in Exerc. contra Cardanum) dulcedine nimium allectus in Comment. in Aristot. Hist. Animal. lib. 1. c. 2. (quorsum, cui hæc sapient fercula, remitto) multa de Respirationis Etymologia verbosè differit; ne curiosa magis quam fructuosa vereor, cum nihilo felicius in abconditam nobilissimæ huius Functionis naturam, vel ab illo aliisve consimilis farinae Scriptoribus penetratum, penitusve deventum sit hætenus.

§. 2. Verumtamen ut quadantenus mortem geramus GALENO dicenti Lib. 1. M. M. c. 5. *ἐν τῷ πέντῳ τῷ ζῴοντι ὀνομασολογία* *ἢ μετακαμβάειν* *ἢ ἀπὸ ὀνόμα*, in omnibus, de quibus, quaeritur, ad rationem oportet assumi ipsum nomen: paucissimis saltem attingamus, respirationem, Græcis *ἀναπνοή* & *ἐκπνοή* dictam, esse vocabulum generale binos distinxit, Actus denotans; nimirum tum Aeris Admissionem, Inspiratio in Medicorum scholis communiter vocatam, græcè *ἡσπνοή* & *ἐμπνοή* tum ejusdem aeris illapsi Expulsionem, Exspiratio communiter nominatam, græcè *ἐκπνοή* & *ἐκπνί*. Reciprocus enim hic aerem in pulmonum antra admittendi indeque rursus expellendi exprimendive motus, una voce Medicis audit respiratio seu Respiratus.

§. 3. Quibus decenti brevitate prælibatis cæterisque Homonymiæ ac Synonymiæ tricis ad Philelogorum ver-

Erasmulli oper. Tom. I.

bosa volumina ablegatis, recto tramite ipsum Argumenti substrati nucleum degustaturi ad *πραγμασολογία* properamus. Ubi prima fronte illic se offert Definendi necessitas omnium suffragio inevitabilis; Ast sanè, si ve autorum tantis opinionum divortiis fluctuantium farraginem, si ve irretitam ipsius rei naturam spectes, tam operosa, ut nisi forsitan temerè quid dicere velimus, aut præcariam penitus Doctrinam asserre, in hocce diversorum Agentium atque Effectuum simultaneo concursu vix arbitrer me insulse licet paradoxologicè facturum, si cum profundo Philosopho DEMOCRITO, Hominem definiēte id, quod omnes scimus; referente ex empirico GASSENDO Exerc. Paradox. 5. adversus Aristoteles: pariter & ego Respirationem definirem id quod omnes scimus esse Respirationem. Facilius quippe totum fere Respirationis Causarum ac Modi fiendi nexum analyticè exponere, quam hæc omnia conciso verborum syrmate, unica scilicet paucarum linearum Definitione, prout Dialecticæ Leges (quo jure hic non disquiram, cum doctè solideque id fecerit solide doctus GASSENDUS l. c.) exigunt, compingere; ita quidem, ut ne verbum gratis aut improprie dictum, calamo elaboratur.

§. 4. Netamen nostros conatus dissimulemus, spretis aliorum placitis, Respirationem Humanam definire liceat, quod sit Functio hominis nati atque viventis arbitraria, bipartita, ac non nisi sub vitæ periculo ferians, qua indefesso reciprocationis motu, nunc amplior fiens thorax, aeri per os nareve pulmones irruenti, eos expandendi locum cedit; nunc rursus illico sese coarctans eundem, pulmones constringendo, simul cum voridi halitus sarcina maximam partem expellit; nonnulla interim, utut minima, aeris parte in Massam sanguineam, pulmones ex circuli lege, vasorum pulmonalium sanguifluorum beneficio, permeantem, transeunte, ad varios tum vitæ simpliciter, tum ejusdemmet commodius ducentæ Usus infra plenissime disquirendos adornata.

§. 5. Respirationem esse Functionem hominis viventis nati, notanter dixi: in infra sequentibus quippe aliquot argumentis probatum dedi. Foetum in utero ac secundinis sepultum neutiquam respirare posse.

Quod autem Respiratio sit Functio arbitraria, cuiuslibet facile patebit, Instrumenta, ejusdem Causas, Agendique modum, ac Usus in subsequendis attentè perlustranti. Accedunt historiarum illorum, qui Spiritu cohibito se semet ipsos spontè jugularunt; quarum unam refert GALENUS *Lib. 2. de Motu Musc. c. 6.* binasque suggerit VALERIUS MAXIMUS *Histor. L. IX.* Nec sufficit objecisse, Respirationem etiam in somno nobis insciis fieri, hincque evincere velle, esse illam numero Actionum naturalium. Somnambuli enim atque somniloqui erunt ne naturaliter seu involuntariò, an verò pro arbitrio animali agentibus annumerandi? Qua occasione non possum, quin mirabilem ex HELMONTIO *Tr. de Formar. ortus 53.* historiam adnectam. *In classibus literariis, inquit Autor, mihi sodalis erat in cubiculo, honestis civibus ortus. Hic clausis oculis noctu plerumque surgebat, & oberrabat; clavem verò secum deferbat, seramque post se clausam rediens aperiebat. Vespere itaq; surgo, & clavem clanculum subter pulvinari abscondo; ille verò in somno surgens abditam clavem velut sibi visam capit & abit. Sequor illur arrepta tunica. Ille verò scandeat antiquum parietem terminu Collegii musco ac feno obstitit. Arcus enim erat, quos trans flumen sustinebat paries murum horti vicini. Plenilunium erat & nox prui nosa. Ad spectaculum borruì, & præ frigore redi. Sodalis verò mox revertens tam inhesitante clavem in foramen claustris abdidit, quod vix ullus videns, & sub meridiem æquè incunctanter id faceret. At manè omnium immemor erat. Hactenus ille. Alius quidam densa nocte surrexit, ignem ex chalybe suscitando candelam accendit, versus latinos composuit, contubernali monstravit, in illis sibi complacuit, & manè itidem omnium immemor fuit. Hæc qui consideraverit, meritò mecum distinguet inter Actiones nobis insciis quidem, non tamen nolentibus, à nobis editas, & inter illas, quæ nullo modo arbitrio nostro subsunt; in quo tamen respiratio perfectè posita est, ita, ut illam voluntatis allubente Imperio accelerare ac retardare, varièque modificare, imò planè cum morte subsequente suspendere possimus, uti ex memoratis liquet. Præterea aliud forent repetendæ corporis viventis Actiones atque Motus, eorumque causæ, cur nobis aut consciis aut insciis, volentibus aut non volentibus, aut denique penitus nolentibus, eorundem nonnullæ fiant, si huius loci essent, quàm solis distinctiunculis in Naturales & Animales, acquiescere, Causam enim solidam ac perspicaci ingenio satisfaciendam attulisse, cur anima in somno, somniis, somnambulis, Ecstasis, similibusque casibus alio penitus ac anomalo modo (respectu Actionum nobis consciis ac præmeditato quasi consilio contingentium) agat, hoc opus, hic labor.*

S. 6. Porro bipartitam Functionem esse *αναπνοήν*, jamdiu innui, cujus pars prior, dum prima omnium vice respirare incipit natus ac secundinis exutus infantulus, Inspiratio est; qua thoracem dilatat ad cujus dilatationem aer præ trachæa foribus quasi expectans, illico ponderis sui mole in pulmones irrumpit, illosque expandit, atque hac ratione vala pulmonaria ab accumbentibus pulmonum vesiculis, suaque coincidentia illa hæcenus comprimentibus, liberat, sanguineque patentem transitum præbet. Pars Respirationis posterior est Expiratio, qua aere sponte illapsus rursus à thorace coarctato è pulmonibus exprimitur expelliturque: aliquantilla interim, sub utroque Respirationis Actu, aeris parte in sanguinem aliasque consequenter corporis partes transmeante. Sed omnia hæc atque singula rudi saltem penicillo hic adumbrata in subsequentibus uberimè deducenda ac dilucidanda erunt.

C A P U T II.

Peculiarem Sciagraphiam Principiorum omnium Respirationis Actus universe constituentium delineat.

S. 1. Quoniam valdè opere vereor, ut numerosa Authorum, quotquot hæcenus evolvere contigit, de recondito ac intricatissimo hocce Argumento tractantium, cohors accuratis ac circumspèctis ingeniis satisfaciat, quippe aut non omnes Respirationem integrantes partes explicantium, aut diversam Causarum ac Effectuum huc concurrentium indolem haud satis distinguunt; idcirco, ut cuncta *εμπεδόντως* peragamus, rem, quod ajunt, ab ovo exordiundo, methodicam quandam cunctorum universo Respirationis Humanæ negotio, seu active seu passive, interservientium

Principiorum Sciagraphiam præmittere haud inconsultum duximus.

S. 2. Dicta proinde principia bifariam potissimum considerari possunt; vel quatenus ceu homini propria intra ejus penetralia præexistunt; vel quatenus ceu communia illi, æquè ac omnibus animantibus, extrinsecus circumfusa data occasione intro adveniunt. Intrinseca rursus vel immediate sub sensus cadunt, vel non cadunt. Insensibilia sunt: Anima, Causæ primariæ aut principalissimæ (respectu scilicet ad rerum creaturarum cancellos restricto, ineffabilique ac immenso causarum universe omnium Chorago æterno, DEO, ubilibet reverenter præsupposito) Efficientis munus: & spiritus animales, Efficientis secundariæ vices gerentia bina hæc Principia semper subintelligendo cum sensibilibus hic potissimum nobis reserit. Sensibilia itaque principia intrinseca iterum bifecanda erunt in Causantia, si-ve activè, & Instrumentalia, Passivè, respectu priorum, se habentia. Causantia seu Activa Principia sensibilia intrinseca causantur vel efficienter, vel finaliter. Finaliter causantia videbimus infra, ubi de variis Respirationis Humanæ Usibus dispiciendum erit. Efficienter Causantia intrinseca vel Inspirationem vel Expirationem causantur. Inspirationem quæ efficiunt, sunt Musculi omnes (Animæ ac spirituum animalium influxu ubivis præsupposito, constas elevare valentes: idque immediate in naturali ac moderata Inspiratione, quales sunt Serrati postici superiores & inferiores; Levatores costarum *Stenonii*, & Cervicales descendentes à DIEMMERBROCIO descripti. In aucta verò ac intensiori Inspiratione, quin mediantibus Scapulis, per Musculos subscapulares aliosque dorso affixis, Levatores seu Patientiæ & Rhomboidæi mutuam aliquatenus possint conferre operam, non est, quod dubitemus; cum id ipsum sirus ac connexio digito quasi commonstrent. His adde diaphragma, præter diductionem, quam à thorace patitur, propria sed modica saltem contractione sua ad pectoris cavitatem augendam aliquantum contribuens, adeoque eodem Inspirationis momento gemina motus Causa, intrinseca una, altera extrinseca, at tamen ad eundem functionis scopum collimante, gaudens.

S. 3. Hactenus de principijs internis ad Inspirationem efficienter concurrentibus. Expirationem quod concernit, videtur eadem, si ordinaria seu moderata saltem fuerit, à sola costarum, sterni, claviculæ, scapularum cum brachijs integris, omniumque adherentium partium, ut & ipsorum pulmonum mole, consueto gravitatis ritu deorsum (remittentibus causis sustollentibus) tendente, effici posse, si addideris Sacrolumbum utrinque ab osse Sacro & lumborum spinis exortum, costisque inferioribus intrus & extus affixum: nisi quod quadantenus symbolum suum conferant Abdominis contenta, versus Diaphragma tantillum relabentia. Quæ tamen, quod non simpliciter ad Expirationem necessaria sint, suadet Experimentum, quo remotis iisdem in cane, Diaphragma nihilominus expirando rursus ferri demonstratur. Si verò præter solam aeris admissi halituumque expulsionem fortior Expiratio (in quemcumque deniq; finem instituat) fieri debeat, præmemoratis Expirationis causis insuper auxiliatrices jungunt manus musculi Abdominis, Recti præprimis atq; Obliqui.

S. 4. Huc usque fuerunt Respirationis Principia intrinseca sensibilia efficienter aut Inspirationem aut expirationem causantia: nunc locum sibi poscunt Principia interna instrumentaliter seu passive ad hocce Respirationis negotium concurrentia. Ubi præliminariter notandum, quod, nisi *ἐκπορογὰν* committere velimus, solide philosophantibus exotam, nec musculi supra inter activa seu Efficientia Principia numerari; nec Spiritus animales respectu ad Animam; nec ipsa denique Anima, nisi in Æternum Numen (quod Christiani meritò omnium Motorem absolutissimè primum ac prorsus independentem veneramus) injurius sis, Causarum propriè Efficientium nomine ac munere estimari queant, uti supra iam innuimus. Attamen cum respectivè ac indulgenter, in prioribus Musculos ibidem recensitos Principiorum Activorum seu efficienter causantium officio dignati simus, quatenus scilicet Efficientium in Respirationis actu causarum primæ in sensum immediate incurrunt; idcirco Instrumentalia ac passiva Respirationis Principia intrinseca, partim in Inspiratione, partim in Expiratione, partim etiam, (diverso licet respectu,) in utroque conducentia erunt omnes, tum Spiritus animales, tum Atmosphæram aerem, aut transmittentes aut excipientes continentese, nec non thoracis cavitatem circumsepientes corporis humani partes; quarum præci-

præcipue aut peculiarem considerationem promerentes sunt Nervi, (ut ipsius Respirationis ordinem observemus) Cervicis, Dorsi, ac Lumborum, Ossisque Sacri Vertebrae, Costæ omnes tam Legitimæ quàm Northæ, Sternon, Claviculæ, Scapulæ cum Musculis, quibus Dorso nectuntur, Musculi subclavii, Intercostrales externi ac Interni, Triangulares (quos *Marchettus* pro Intercostraliū portionibus agnoscit,) Pleura, superficiem concavam thoracis succingens ac proximè integrans, & Diaphragma quatenus à thorace diducitur: Hinc Nares, Olve patulum, aut horum quadantenus Vicarii Ductus Tulpiani seu verius Fallopiiani, fauces, Larynx nec musculus nec Epiglottide clausa, Trachea, ac vesiculosa pulmonum moles integra; Hinc sanguis, succique reliqui, Vena pulmonali, Corde ac toto consequenter corpore, vasis tamen præcipue arteriosis circumerrantes &c.

§. 5. Hæc de Principiis Humanæ Respirationis homini propriis, inque ejusdem tum Ergastulo corporeo præ-existentibus, tum arbitrio positis, sufficere queunt. Restat ut de altero Respirationis principiorum summo genere mentem aperiāmus, quippe quod non tantum Respirantibus creatis omnibus commune respectuque Respirationis futuræ, (non præteritæ) extraneum penitus, sed nec horum nutu nisi accidentaliter & ex consequenti solummodo ad respirandum concurrit, in quo tamen totius ferè Respirationis Cardo vertitur, unde & concursus ejus, rei quippe omnibus animalibus ad vitam simpliciter tantoperè necessariæ, tam universalem, tam promptum, tamque difficillimè excludendum ordinasse utique videtur Summus rerum omnium ac Sapientissimus Arbiter, ut, etiam si nulli penitus animantium in istud Principium ullatenus nisi ex accidenti duntaxat, jus sit; attamen quam vastus etiam eorundem per totum terrarum orbem sparsus sit numerus, licet omnia ac singula unico eodemque momento pectus Respirandi gratia expanderent, non possit non paratissimo affluxu ad vota eorundem explenda irruere; adeo, ut vel ex hoc solo meritissime ab harum rerum contemplatore sedulo cum *Propheta IS. ALA c. XXVIII. v. ult.* tantis qui insigniatur elogiis dignissimus sit; *Esse scilicet in consilio stupendum, in operatione excellentem.* Hæc proinde principia extranea atque extrinsecus intro, data porta spatiosæ, ruentia sunt Atmosphæra aerea, omniaque inibi diffusa atque natantia effluvia Globi Terraquei agmina. Quæ cuncta tamen in subsequētibz collectivè sub uno eodemque aut Aeris aut Atmosphære nomine salutabimus.

§. 6. Atmosphæra itaque eadem tum activè tum passivè ad Respirationem concurrere reperitur; quod, nisi distinctis fieret temporum momentis, implicare videri posset. In Inspiratione quippe Aer Agentis ac efficienter pulmonum expansionem causantis munus, subsequenti verò Expiratione reverà Passi vicesubit, è pulmonum quippe cavernulis à thorace subsidente expulsus atque expressus. Sed hanc de Aeris Naturæ ac Motu Doctrinam fusiùs explicandi infra commodior dabitur locus, in quantum scilicet ad hanc functionem pertinere videbitur.

CAPUT III.

Thoracis Structuram in Respiratione propriis attendendam, ejusdemque Motum inculcat.

§. 1.

Sic fuit præmemorata Principiorum quatenus Universam Respirationis Humanæ Functionem constituunt, *Sciagraphia* ac series. Porro subnata nobis dilucidius reddendi hoc argumentum spes de quorundam majoris præcæteris in Respirationis negotio momenti, Principiorum structura, indole, situ, motu atque effectibus peculiari (crutiniō mentisque indagine dignis, nec non perplexo eorundem ac intricatissimo agendi aut patiendi Modo exactiùs perquirendo, nos admonet.

§. 2. Sedulo autem corporis totius situs in explicandis Respirationis partibus atque phænomenis observandus ac distinguendus est, ne error nobis in enunciando, Lectori autem benevolo in concipiendo obrepere possit. Notet proinde semel pro semper B. L. nos imposterum ubique de homine loqui, quatenus is, erecto ad sidera vultu ac cor-

pore, pedibus innitens, per pendiculariter ac per angulos rectos, si non mathematico rigore, saltem sensu physico, quem itidem semper in infra sequētibz subintelligimus horizontali globi nostri plano insistit.

§. 3. His nullibi non præsuppositis, in spinosissima ac contentionum feracissima hac Materia, Analytica utar Methodo, phænomena scilicet ipso sensu nota præmittendo; hincque ad ulteriorem causarum investigationem accurato ac circumspēcto-ratiocinandi modo progrediar. Notandum itaque arcuatam costarum structuram cum spina dorsi neutiquam, nec consequenter cum sterno, committi per angulos rectos, ita ut rectangulam cum illa crucem referant; sed declivi admodum situ spinæ vertebz esse affixam præsertim inferiores ac spurias; angulosque à parte inferiori acutiores, à superiori verò obtusiores constituere: hinc & versus curvam sui partem depressiores esse; adeo, ut, si linea secundum costæ alicujus ductum in altero laterum sita duceretur eadem cum globi Terraquei superficie non parallela ac pari semper ab eadem distantia curreret, quod fieri necessum foret, si transversim ac cruciformiter cum spina conjunctæ essent costæ, sed oblique deorsum ad terræ planum properaret, breviter ad id pertingeret. Hinc sequitur infallibiliter, quò magis costæ, dicto modo spinæ inarticulata, erigitur, eò obtusiores fieri angulum ejus inferiorem, qui antea erat acutior, & contra acutiorem fieri superiorem, qui antea fuerat obtusior, sicque utrumque angulum ad rectanguli figuram accedere propiùs, ac consequenter semicirculares costas magis extrorsum, id est, versus omnia semicirculi costarum puncta magis protuberare, quò altius costæ erigitur, id est, quò magis arcuate costæ media pars à spina, per sui elevationem, recedit, magisque ad lineam transversam, respectu spinæ conceptam, costæ appropinquant. Hæc omnia in Inspiratione dicto jam ritu; contrario autem penitus per omnia in Expiratione quod eveniant, mechanica necessitate sensuumque ministerio liquidissimè constat.

§. 4. Notandum ulterius, totam costarum cum claviculis, sterno & scapulis affixis compagem esse mobilem, imò & actu in moderatissima quoque Respiratione sursum ac deorsum moveri, seu, accuratius loquendo, motum in orbem progrediendo, eademque, qua iverant, via regrediendo, incipere sive attentare. Attentare notanter dico: quia neutiquam integrum circulum, imò ne quidem octavam circuli partem describunt, verum describere attentant solummodo: nec tamen recta sursum aut deorsum, sed circulariter moventur, seu potius moveri incipiunt, tum quando à musculis huic officio dicatis attolluntur, tum quando propria totiusque thoracis mole gravitante subsident, perque musculos Sacrolumbos & Abdominis Rectos atque Obliquos deorsum trahuntur, Thoracis hunc motum etiam in liberrima Respiratione observabilem contra industriū BARTHOLINUM nec non plerosque alios noto. Neque *Guleni* lenem, à solo diaphragmate dependentem; ejusdemque nec fortiozem, musculis intercostalibus concurrentibus factam; nec tertiam illius sublimem, diaphragmate, intercostalibus & thoracis musculis simul agentibus, Respirationem admittere sensuum accurate observantium, ad quod appello, tribunal indulget. Neutiquam enim ratione Diaphragmatis aut musculorum intercostalium Respiratio differre potest, cum nec ab his, nec ab illo, nec ab utrisque, juncta licet opera agentibus, Respiratio fieri possit, nisi costarum motus per musculos ad id destinatos celebretur. Sed de his fusiùs infra.

§. 5. Quod autem morus costarum tendat in orbem, optimè intelligere poteris, si, ut rudi utar exemplo, Siphonem recurvum ac bicurvum (non verò rectangulum) binis suis crurum extremitatibus (costæ recurvæ trunco spinæ adhærentis instar) arbori cuidam, quocunque modo transversum affixum concipias, ita quidem, ut in altera extremitate recurva sursum deorsumque, non recedentibus interim ab ardore binis cruribus, moveri queat. Bicurvis hic siphon, si incurvata parte aut eleveatur, aut deprimatur semper circulum describere gestit; imò licet funiculum superne alligatum ac non nisi versùs unicum idemque punctum recta sursum trahentem concipias, nihilominus tamen in substrato hoc simili motus affixi, siphonis specificè simul modificabitur in orbem, propter sui structuram & nexum cum arbore. Pari penitus ratione semicircularem costarum extremitates binæ in utroque latere sterno, & spinæ, veluti siphonis crura arbori, inarticulatae sunt, ut semicircularis earum circumferentia à musculis, in Principiorum Sciagraphia enumeratis, sursum deorsumque; ratione autem nexus

cum sterno & spina, motum in orbem determinantis, circulariter moveri queat. Hinc quia costae non exacte transversum cum spina junguntur, quin potius semicircularis earum circumferentia infra transversam seu horizontalem lineam deorsum mergatur, ac ex consequenti spinæ, perpendiculariter Terræque globi plano innitenti, propinquior sit; idcirco, dum à suprâ descriptis musculis attollitur dicta costarum recurva pars, atque ad transversam rectangulamque, (respectu spinæ animo fingendam) lineam propius accedit, & à spina recedit, inevitabili necessitate extrorsum magis protuberat; idque spatio majori, in medietate semicirculi costarum; paulo minori verò in punctis, costæ extremitatibus, sive sterno & spinæ, propioribus. Adeoque costæ in inspiratione sursum-extorsum moventur, partim, idque primario, musculorum Inspirationi destinatorum motu cogente; partim verò, idque ex accidenti, ipsarum costarum structura, situ, ac nexu cum spina & sterno, necessitante. Si itaque Autores, de musculis costas extorsum trahentibus loquentes, rem ita intelligant, ut ex accidenti extrorsum, propriè autem sursum, (seu, ut sapius antedictum, accuratius loquendo, in orbem) costæ moveantur, tolerari possunt. Sin verò velint, costas per se extrorsum abduci, (quorum in diversis locis inclinare videtur Bartholinus & alii) errant. Costas enim propriè nec abduci, nec adduci posse, cuiuslibet facillimè patebit, firmum earum cum sterno nexum intuenti.

§. 6. Dicta hæc de thoracis Structura ac Motu observandum insinuat suggerunt, præter explicatum in præcedentibus costarum motum sursum-extorsum fientem, necessariò consimili lege eundem moveri partes costis affixas, quarum structura atque connexio cum costis, mixto harum motui, non tantum per se, sed & vicinarum partium respectu, convenientissima, atque ad id sapientissimo naturæ Autoris consilio coaptata. Hæc proinde partes costarum motui, tanquam efficienti causæ, obsequium præstantes ac præstare valentes, sunt duplicis generis. Aliarum enim motus ad Respirationem necessarius est, eandemque juvat; quales sunt Sternum cum claviculis, Musculisque intercostalibus atque subclaviis, & Diaphragma; de quo infra plenius. Aliarum non ita necessariè requiritur; ceterum sunt Scapulæ, quatenus à costis simul attolluntur: & abdominis viscera atque contenta ab iisdem motis, diaphragmatis interventu, propulsa, de quibus supra locum frequenti examine in proprio erectoque corpore, ac pedibus insistentem, factò, firmata dicitur, eadem in Inspiratione naturali ac libera supra umbilicum vix ad digitum auricularis transversæ crassitiem antorsum protuberare, expirandoque rursus subsidere; in extrema autem, quæ fieri potest, digitum auricularem transversum extrumescendo vix transgredi, de quo paulo post, ubi Diaphragmatis structuram & Motum dilucidamus. Sterni itaque ac clavicularum motum, æque ac costarum, sursum-extorsum Inspirando: ac contra deorsum introrsum Expirando fieri, sensuum sedulo observantium testimonio liquet.

C A P U T IV.

Intricatam Musculorum Thoracem in Respiratione moventium Doctrinam sedulo perquirat atque elucidat.

§. I.

H Astenus de Costarum ac Sterni potissimum structura, situ, connexione ac motu; nunc congruum sibi locum in ordine vendicare videbitur Musculorum, præter Diaphragma, ad Respirationem, tum moderatam, tum auctam, facientium, inque Principiorum Sciagraphia nostra nominatenus duntaxat memoratorum, plenior explicatio, munerisque eorum fundata assertio. Ubi tanta sese primo statim intuitu offert Auctorum adversa fronte pugnantium diversitas, ut, cui tutò assentiaris vix reparias. Diligentissimus MAYOWIUS *Tr. suorum Part. L. p. 283.* vult, costarum sublationem fieri à solis musculis intercostalibus utrisque, inque officio conspirantibus. SCHWAMMERDAMMIUS verò *Tr. de Respir. c. 2.* Inspiratione Subclavium, intercostales exteriores, costarum Levatores, & Sacrolumbum; in Expiratione con-

tra intercostales interiores, triangularem, ac itidem Sacrolumbum, ut & Abdominis Musculos, præprimis Obliquum descendentem, agere dicit. Alii alios addunt, ac prædictorum aliquos omittunt. Sed cum non tam probent, quam dicant Autores, nec mihi, nec aliis forsitan, satisfaciunt. Enim verò cessarunt hoc die Oracula, dudumque excusserunt brutum illud simpliciter assentiendi jugum ingentia liberè veritatem perferuntantia: idcirco & nostram de Musculis Respiratoriis sententiam, rationibus inductivis munitam, candidis ingeniis exponere, nulla ad aliorum Autoritates facta reflexione, haud verebimur, de Diaphragmate quidem capite sequenti, de reliquis autem hoc in loco.

§. 2. Sed ne *ἀπεδόδω* procedamus, Axiomata quædam huc spectantia, & per se, attento animo rem perpendentibus, indubitata veritatis futuræ, præmittere, consilium duximus; quorum *primum* erit: omnem muscolum agere sui contractione, ex interno principio orta, hinc & intumescencia duriuscula, eaque, tum actioni tum corpori suo, proportionata. *Secundum* sit: omnem muscolum, partibus tum structura, tum loco, tum mobilitate respectiva differentibus, utrinque affixum, trahere versus partem immobiliorē; sive id fiat immediate, quale quid sit v. g. in Musculis Abdominis Rectis. Imo plerisque totius corporis musculis, recta versus terminum fixiorem moventibus; sive mediante corpore quodam interposito, tractum prius aliorum determinante, licet tandem nihilo minus, si tractio continuaretur, pars mota perveniret ad partem, cui musculus est affixus. Exemplum subministrat Musculus Trochlearis oculi. Is enim licet versus partem trahat, à qua oritur: attamen non trahit immediate versus terminum partis istius; sed potius versus terminum Trochleæ, quam pertransit tendine suo; licetque eventualiter saltem, si tractio continuari posset, oculus pertingeret ad ortum Musculi istius; non verò immediate.

§. 3. Binis hisce Axiomatibus subjungo *Postulata* totidem, tum Rationi, tum principiis Anatomicis optime quadrantia. *Primum* sit: Musculos, licet parti movendæ non immediate insertos, posse eandem nihilo minus movere mediantibus aliis, quibus immediate affixi sunt, partibus, si nulla adfuerint impedimenta. *Secundum* sit: Musculorum Actionem immediate sensus non ferientem, posse tuto investigari atque concludi ex partium, quibus affiguntur, structura, situ, motu, &c.

§. 4. Huncce præmissorum *Quaternarium* ad substratam de Musculis Respirationis primariis methodum sic applico. Primò, cum sensuum evidentia constet, Thoracem Respirando actu, primariòque sursum ac deorsum moveri, ejusque respectu spinam integram cum osse Sacro, Os Illium, Pubisque esse partes fixiores, omnemque denique motum in corpore organicum fieri à musculis; hinc sequitur, vigore posterioris Axiomatis, ac Postulari utriusque, omnes Dorsi & Abdominis Musculos, altera sui extremitate partibus dictis, altera verò Thoraci, aut immediate, aut mediantibus aliis partibus ad id idoneis affixos, eundem versus Partes istas minus mobiles aut movere semper, aut, urgentes necessitate, movere posse. Cum autem porro, tum propria observatione, tum virorum in Anatomica Arte facile principium. IULII CASSERII Placentini puta, VESLINGII BARTHOLINI, DIEMERBROECII, aliorumque consentanea relatione, sensuali experientia innixa, pariter liquidum sit, Musculos, in Principiorum Respirationis Sciagraphia, sub efficienter hanc functionem causantium titulo descriptos, esse (Diaphragmate excepto) altera sui extremitate dictis partibus immobilioribus, altera verò Thoracis compagi, vel immediate, vel mediate affixos: Ergo concludo, eosdem pectus in Respiratione, vel sursum, vel deorsum, partim movere, partim, & quidem aucta Inspirandi Exspirandique necessitate, movere posse. Notet autem B. L. me hic saltem de motu sursum deorsumve fiente loqui; hic enim motus proximè & primariò à solis musculis dependet. Nam quod Thorax in Inspiratione, præter motum sursum: simul etiam extrorsum, in Expiratione verò, præter motum deorsum, simul & introrsum, moveatur; id Musculis per accidens solummodo ac secundariò imputandum, quippe quod propriè ab ipsa costarum structura mechanica, situ, & connexione provenit, uti ex superioribus liquet.

§. 5. Immediate atque Thoracem pro Inspiratione elevant Musculi Serrati Postici superiores & inferiores, Levatores costarum.

costarum STENONIS, & Cervicales descendentes DIEMMERBROCI. Oriuntur enim omnes à vertebriis, respectu costarum sustollendarum superiori loco sitis, & descendunt in costas singulas, hisque tendinibus suis inseruntur, unde non possunt non costas partesque adunitas sursum trahere. Mediantibus autem Scapulis, ad tollendum, pro Inspiratione intensiori, Thoracem, Musculos Levatores seu Patientiæ, & Rhomboidæos operam suam conferre posse, probabile est, quia oriuntur à colli & superioribus dorso vertebriis, ac paulisper descendendo Scapulis, Dorso affixis, inseruntur. Accedit, quod in Asthmaticis & moribundis extremo conatu spiritum haurire adnitentibus Scapulæ quàm maximè eleventur. Quod ipsum etiam in sanis alta suspiria ducentibus, nec non in patibuli candidatis, Aera, jamjam ultimò reddendum, trahentibus, observare licet. In Expiratione autem, eaque naturali ac moderata, unicum saltem Musculorum par, scientissimo Naturæ Autoris consilio, agit: Sacrolumbi videlicet, ab Osse Sacro & lumborum spinis, eodem cum dorso Longissimo musculo Principio exorti, ascendendo autem ab illo deflecentes & singulis costis pinnis suis inferri. Nec enim opuserat ad liberam hanc Expirationem pluribus musculis, cum ex indole rerum naturalium gravia cuncta, qualis etiam est tota Thoracis sublata moles cum omnibus partibus annexis, vel spontè deorsum relabantur. Industrium interim SCHWAMMERDAMIUM miror, quomodo tantoperè labi, ac contra Anatomicorum Principia non tantum, sed & sanam rationem sensuum testimonio fulcitam tam insigniter impingere potuerit; Musculo Sacrolumbo contrarias prorsus actiones assignando: scilicet tam Inspirando thoracem elevare, quàm Exspirando deprimere ac coarctare; cum *αὐτὸν* prorsus sit, quod unus idemque numero musculus immutatis situ, nexu, contractionisque modo, diversas planè ac oppositas actiones celebrare possit, scilicet nunc sursum, nunc deorsum trahendo. In aucta denique quacunque Expiratione Musculi Abdominis recti atque obliqui concurrunt, utpote ab Osse Pubis & illo, vertebriisque lumborum oriundi, ac parti Thoracis inferiori affixi: quorum Actio insuper & ipso sensu accuratè scrutanti nota est.

§. 6. Intercostrales tum internos tum externos quod attinet musculos, novi quidem, illos omnium ferè Autorum, Anatomicorum pariter ac Medicorum, unanimi consensu, costas attollere, inferioresque superioribus adducere debere. Nam (uti quidem vult MAYOWIUS) superiores costæ magis fixæ sunt inferioribus. In diversas quidem hac etiam in parte abeunt opiniones. Alii enim Extraneos ad Inspirationem Internos ad Expirationem: alii contrarium alii utroque ad Inspirationem, nullos verò eorum ad Expirationem facere contendunt; quibus DIEMMERBROCIUS contrarius. Quæ cuncta tamen cum non tantum ab illis non probentur, sed nec ulla probabilitate gaudeant, simpliciter nego: I. Quia respirando nullam in illis contractionem sentio, quod utique vi prioris nostri Axiomatis fieri deberet: II. Quia costæ neque inferiores, neque superiores, sibi invicem, neque his illæ adducuntur, ita, ut spatium inter ipsas imminuatur Inspirando; Exspirando autem rursus ad pristinam distantiam redeant; quod itidem necessariò ad sensum mihi multoties experienti patere debuisset, præsertim in corpore, quale mihi concessit natura, neutiquam obeso: III. Quia costæ omnes ab aliis modo enarratis Musculis moventur, idque simul, eodemque tum temporis puncto, tum mobilitatis gradu. Intercostrales itaque nec non subclavios musculos costis, parietum instar, ad complenda interstitia intercostalia, pectusque integrandum, ac costas connectendas, intertextos esse, probabiliter concludo; quo munere Triangulares etiam, cum pro intercostalium portionibus cum MARCHETTO haberi queant, fungi, rationi consentaneum est.

CAPUT V.

Genuinum Diaphragmatis in Respiratione Motum, huiusque causas penitus discussas exhibet.

§. 1.

Postquam itaque Thoracis structuram atque motum huncque efficientes Musculos respiratorios lustravimus, quidnam Diaphragma in Respiratione conferat, proximè dispiciendum sese offert. De istius proinde structura, situ, ac nexu cum vicinis partibus, hincque emergente motus possibilitate norandum: claudere id ipsum ab infera parte Thoracis cavitatem, cæteroquin apertam, non quidem situ exactè transversò, ita, ut cum spina per angulos rectos committatur, ac cum plano terræ horizontali linea parallela feratur; sed obliquo penitus, anguloque inferiùs multò obtusiori, quàm est superior Thoracem versus spectans. Ab anteriore enim pectoris parte per costarum circumferentiam arctissimè adhærens, declivi ac obliqua palatenus linea descendit ad lumborum vertebrae, (nisi quod in medio gibbosum quodammodò fiat versus pectoris antrum,) quibus, intermediis lumborum musculis, per carnosam suam appendiculam bina affigitur, sicque declivius evadit, quò magis ad posteriora approximaverit. Nec minus tum notatu, tum mentis liberatione dignum est, Diaphragma in tali situ declivi, quem imprimis ratione circumferentiæ observat, insuper versus centram suam medietatem sensim globosum, ut jam innuimus, non nihil, atque convexum esse versus superiora; hincque concavum, facie qua spectat Abdomen; adeoque non planum æqualis superficie, sed in tumorem elatum, parte qua respicit pectus; sinuosum verò, qua Abdominis viscera tangit, referre dissepimentum atque parietem. Ab hac siquidem gibbosa Septi transversæ structura, situque declivi præcipua ejusdem in bipartito Respirationis Actu pendere phænomena, mox innotescet.

§. 2. Hisce de Diaphragmate prælibatis, inoffenso pede ab ipsius, quem in Respiratione edit, præcipue tamen patitur Motum progreditur. Ubi in primo statim limine, quod dicam Diaphragma ad Respirationem, inspirantem præprimis, magis patiendò quàm agendò conferre, innumeros ferè, quos à permultis seculis huc usque tulit ætas, Medicos pariter ac Philosophos offendi prævideo, qui omnes uno ore Septum transversum primariò efficientem, imò secundum plurimos, in naturali ac libera Respiratione per se & solum sufficientem Respirationis Musculum venerantur, unico forsitan JOHANNES BAPTISTA LAMBZWERDIO, in sua *Respirationis Schvammerdamianæ Expiratione*, excepto, per quem & ego, quod hac in parte quodammodo, (nam non penitus in puncto de Diaphragmatis motu cum illo facio,) profecerim, ingenuè fateor, haud immemor *Pliniani effati, benignum scilicet esse, & plenum ingenui pudoris, fateri, per quos profeceris*. Rationes quidem, quas affert LAMBZWERDIUS nullatenus me movent pro exautorando Diaphragmate, Efficientisque principalis in Respirationis negotio monere privando; cum contra eos potissimum directæ videantur, qui Thoracem à Diaphragmate primariò in Respiratione moveri asserunt, cui inconsideratæ opinioni Anatomicorum ac Medicorum paucissimi (quantum quidem hætenus ex eorundem evolutione mihi constat) favere videntur, nisi quod Clariss. BARTHOLINUS de Motu & Substantia Pulm. sect. 4. scribat: *Diaphragma musculum Thoracis primarium esse, eoque vulnerato Thoracem concidere, quo concidente Respirationem cessare*. Hinc denique concludit, in libera Respiratione Thoracem primariò moveri à Diaphragmate, & à Thorace pulmones. Cæterorum enim plerorumque fert opinio Diaphragma eatenus saltem primarium Respirationis musculum esse, quatenus sui, musculorum omnium ritu facta contractione, Inspirationis tempore, Thoracis cavitatem auget; remissione verò rursus imminuit: non verò Thoracem ab illo moveri. Quamquam haud ignorem ingentes adhuc inter ipsos vigere lites, an scilicet Septum in Inspiratione, an verò in Expiratione versus Abdomen descen-

descendat; quas tamen in subsequentibus ex nostra hypothese optime dissolvi confidimus.

§. 3. Enim verò accuratam structuram, situm, ac nexum Diaphragmatis atque Thoracis, à LAMBZWERDIO omnium exactissime, circini evidentia delineata; si cum experimentis quibusdam hanc in rem facientibus liberè, ac sine præconceptæ opinionis labe perpendam, menteque sedulò volvam, non possum non audacter animi sensa ingenuis arbitris exponendo dicere: Diaphragma videri panniculum quendam nervo-musculosum, ventrem inferiorem à medio dissepientem. Respirationis si spectes Actum, præter aliqualem contractionem propriam, præcipue passivum, nec Musculi primariò respirantis (uti hætenus ab omnibus ferè creditum) vices gerere; moveri autem Inspiratione partim carnosarum peripheriæ suæ fibrarum conspicua, & (peculiari encheiresi canem ad duas ferè horas absq; convulsivo aut alio jactationis in corpore motu in vita, respiratione, & pulsu, servando) cuivis à me demonstrabili contractione, abbreviatione, ac duriuscula tensione, globositatem ipsius deorsu-antrorsum protrahendo explanationem reddente; partim verò, & quidem præprimis, eodemque momento à musculis Inspiratoriis supra enumeratis, costarum interventu ac ope, sursum-extrorsum in circumferentia, hinc & consequenter in centrali parte paulisper deorsu-antrorsum, gibbere scilicet plus explanato; unde etiam Mediastinum, cum annexo Pericardio ac Pulmonibus aliquantilla tensione motu vententatur, nec non Abdominis viscera (hepar præprimis, ventriculus, intestinum colon & lien) deorsu-antrorsum, licet vix ultra calami anserini crassitiam, propelluntur. Ex quo immixto Diaphragmatis motu spatii Thoracis concavi capacitas necessariò incrementum, sicque aëri (ubique loca aliis corporibus non obsita occupare nunquam non gestienti) copiam facit, pulmonum diductilia ac sinuosa membranacea antra subeundi eosdem obsequio promptissimos explicandi & expandendi. In Expiratione è converso, costis, ob remittentes musculos, deorsu-antrorsum tendentibus, nec non Diaphragmatis motis à tensione contractioneque cessantibus, illius itidem circumferentia rursus deorsu-antrorsum; centrum verò ejusdem sursum ad pristinam globosamque convexitatem, simulque retrorsum, partim à Mediastino è paucilla tensione sese restituente; partim à visceribus Abdominis relabentibus premotum, tendit; adeoque in totius Respirationis serie, præter modicam contractionem, præcipue, raptum costarum pressuramque Abdominis viscerum patiendò, confert, iisque partibus obsequium præstat; nec ullatenus, ut multi, iique non infimæ notæ Autores volunt, immoto Thorace, solum respirare potest.

§. 4. Nec obstat tantorum virorum aliter sentientium ac Diaphragmati in Respirationis officio primas deferentium tantus numerus, tantaque Autoritas, quippe qui, ut cum SENECA loquar, nulli eorum me mancipavi, nullius nomen fero, multum sanè, (fateor) magnorum virorum iudiciis tribuo, aliquid tamen à meo vendico. Imò ipse GALENUS, scriptor post HIPPOCRATEM in Medicina vetustissimus, maximæque apud Antiquarios autoritatis, Sect. 5. Commentar. 1. in Hippocr. de Humor. haud obscure mihi patrociniatur, in Medicina, inquit, non est par, priscis (addo ego; & Neotericis, nisi Rationum & Experientia illorum pondera id suadeant) fidem simpliciter adhibere, ut si quid illi dixerint, statim credamus, sed potius Experientia & Ratione, verumne illud sit, an falsum, perpendendum est: quod qui non faciunt, nec illi vehementer errant, & in errorem alios inducunt. Rationes autem & argumenta LAMBZWERDII, cum, uti dixi, non tam pro adstruenda hacce doctrina quàm ad diruendam eorum opinionem, qui Thoracem à Diaphragmate moveri sustinent, militare constet; æquum erit, ut præmemoratam, de adimendo Diaphragmati in Respirationis munere primatu, ac passiva potissimum adstruenda ejus sorte, hypothesin, ne precariò hæc attulisse videamur, argumentorum robore muniamus, explicationemque reddamus ipsi.

§. 5. Primò itaque Visu ac Taëtu, tanquam Critereorum in Philosophia hujusque genuina prole Medicina, certissimis, cuilibet accuratè attendenti planum sit, costas sursum-extrorsum Inspirando, & contra deorsu-antrorsum expirando moveri. Præterea motus costarum extrorsum etiam probatur experimento, quo pectus, omni Aere efflato, fascia commensuratum in Inspiratione, intensiori præsertim, manifestè amplius fieri fascia prolongata, rursus mensurando docet; quod & præter auct. præaffirmat BARTHO-LINUS de Mot. & Subst. Pulm. sect. 2. idemque Magni in-

genii vir HELMONTIUS Tr. Catharr. Delir. Hinc sequitur infallibiliter: quicquid costis undique per totam earum concavam circumferentiam est affixum, illud, si structura præsertim ac situs conspirent, eundem cum costis motum subire: Atqui Diaphragma, per totam costarum circumferentiam, Peripheriæ suæ extrema ora, costis est firmiter annexum, & præterea, tum situs, tum structura respectu, ad parem cum costis motum subeundum, aptissimum; Ergo. Major omni exceptione erit major. Minorem probo per partes; prior liquet sensu; posterior minoris pars patet: 1. quia Diaphragma est corpus sequax & diductile: 2. quia non est in planitiem extensum, sed in medio globosum ac fornicatum, unde si peripheriæ puncta extrema, præsertim anteriora & lateralia, costis sursum-extrorsum movendis affixa, per istas dicto modo motas, sursum ac insimul quaquaversum à medio extrorsum abducantur & protendantur, necessario pars media globosa fit plana & aliquatenus descendit. Hinc consequenter contenta Abdominis Diaphragmati contigua non tantum deorsum, sed & simul antrorsum propelluntur, quia scilicet septum cum superficie horizontis nostri non est parallelum, sed situ declivi versus posteriora, lumborum vertebrae putatur, fertur. Unde, si ex gibbositate in planitiem extenditur, necessariò etiam antrorsum protuberat. Confirmatur id ipsum ex spirandi difficultate ob ventriculum plus æquo alimentis aggravatum, aut viscerum Abdominis præternaturales tumores, aliaque Diaphragmatis concavo anata impedimenta exoriente. Tale quid de Steatomate carnosæ Diaphragmatis parti adnato insignemque Dyspneam creante ex VESLINGII Syntagm. Anat. refert CHARLETON Oecon. Animal. p. 159. Insignissimus KERKRINGIUS in egregio suo Spicilegio Anatomico observat. 89. pariter recitat exemplum auctæ paulatim spirandi Difficultatis, ac denique nulla præcedente tussi, aliisve pectoralibus Symptomatis, mortem inferentis, oriundæ ex corpore cavo, trassa tunica donato, Diaphragmatis concavæ faciei accreto, necnon (horrendum dictu!) quadraginta circiter aquæ insipidæ ac fœtidæ uncias asservante. Præmemoratus autem Diaphragmatis inspirando deorsu-antrorsum fiens motus adeò exiguus est, ut Abdomen exinde vix ultra calami anserini crassitiam (ut supra experimento notavimus) sub Thorace protuberare conspiciatur; cujus ratio hæc est, quia Diaphragma non solum versus omnia peripheriæ suæ puncta quaquaversum à costis motis extenditur, sed & simul, in omnibus ejusdem peripheriæ punctis marginalibus sursum ab iisdem costis sublatis, sustollitur, sicque centro ejus propter extensionem à costis motis, & propria quadantenus Contractione, factam, deorsum ad planitiem moto, ora ejusdem Septi marginalis, contrario motu, ab iisdem costis, præter extensionem quaquaversum extrorsum factam, simul sursum fertur, atque hac ratione centri descensum, ac per consequens abdominis protuberantiam, imminuit, exilioremque reddit. In explorando autem Abdominis, ab Inspiratione facto, tumore cautissimè simus oportet; Musculi enim Abdominis ad quemcumque corporis motum promptissime concurrunt, agendo intumescunt, ac protuberantiam ex Inspiratione aliàs oriundam mentiuntur. In Expiratione postea naturali ac moderata viscera abdominis non propelluntur ab hujus musculis, Diaphragma sursum retrudendo; sed propria mole Abdominis contenta septum versus relabuntur, cum non simpliciter deorsum, sed & simul antrorsum submota fuerint, unde si gravium ritu reclinent rursus nil mirum. In aucta verò Expiratione quacunque, etiam insolita loquela, Abdominis musculi utique concurrunt, licet non tam Abdominis contenta versus Diaphragma compellendo, illudque ulterius thoracis cavo intrudendo, quàm costas cum Sterno deorsum trahendo, sicque thoracem ac consequenter pulmones coarctando, utpote quod sensus sedula cura intuentem docet. Hinc sequitur, quo magis costæ ac Sternon per musculos abdominis detrahantur os Pubis versus, eò minus Diaphragma sursum per viscera abdominis compelli posse, cum in tota circumferentia costis sit affixum, ac consequenter Thoracis cavo non ultra quàm costæ id permittunt, impelli poterit.

§. 6. Ulterius, ac quidem secundò, thesin nostram de passivo Diaphragmatis obsequio stabilire pergo, ducto à membranosis quorundam animalium Septis argumento. Aves, inquit THRUSTONIUS Diatrib. de Respirat. pag. 121. respirant ope Diaphragmatis, non quidem carnosæ, sed membranosi. Universus præterea ranarum grex non nisi pellucidam pro Diaphragmate monstrat membranulam albe-

albescens ac tenuissimam, quod vel centies repetita experimenta me docuerunt, ut plura omittam: His sane, nisi præjudiciis captus, muscoli primario Respirationem in hisce animantibus efficientis officium assignare non poteris, quin potius veritati litando mecum concludas, membranosam hæc sepra passiva solummodo moveri, cum tamen aves ranæque multo strepitu, seu Respirationis effectū, coaxantes non minus felicissime respirent. Imo in ipsis canibus Diaphragma non admodum robustum, & crassam ferè membranam carnosam saltem refert. Hæc itaque ut in homine quadatenus valeant, quid vetat.

§. 7. Tertium porrò argumentum ex Diaphragmatis totali in vivo homine absentia depromo. Cum priora duo passivum septi obsequium in functione hac potissimum conferre monstrant, hoc tandem Primatum ipsius impugnabo, ostensurus, quod, licet septum fibrarum suarum contractoria abbreviatione quodammodo in Inspiratione, seu digniori atque secundum excellentiam dicto Respiratu, Cavo thoracis augendo subserviat, neutiquam tamen primarij, minime autem, juxta nonnullos, per se solum sufficientis seu musculi seu organi respiratorii dignitate ac titulo jure affici queat, sed potius thoraci hanc prærogativam concedere cogatur; idque hunc in modum: Si Diaphragma, vita nihilominus per aliquot annos superstit, plane abesse potuit, utique non erit Respirationis, pari quippe cum vita ferè passu ambulantis, primarius Musculus: sed prius est verissimum: ergo & posterius. Refert namque (ut antecedens demonstrum) ex testimonio D. de GOYER, D. & ASSENAER, & dudum triumve Chirurgorum DIEMMERBROGIIUS *Anat. pag. 122.* puellum quendam 7. Annos super vixisse Diaphragmate penitus destitutum. Et quamvis in vita asthmaticus levi de causa frequenter valideque tussiverit, id tamen aliis conformationibus vitii ibidem recensitis merito imputandum, nec argumento meo ullatenus officit, quin potius firmius id ipsum reddat, quia tussis omnis, multo magis valida frequensque, sit aucta plurimum atque intensior Respirationis actio, quam tamen in hoc puello absque ulla septi ope contigisse palam est. Pro Thorace denique contra Diaphragmatis primas, quarto & ultimo ex ipso interno ac proximo Respirationis fine (Pulmonum liberiolem Diastolen innuo) sic argumentor: Quæcumque partes suo, dum sub Respirando moventur ac dilatantur, ambitu majus capacisq; Aeri, pulmones edumidius inflandi, spatium concedunt, illæ certè majorem vehementiusque expetitam, adeoque & potiorē dignioremque pro Respiratione operam opemve conferunt, quàm aliæ minorem capacitatem procurantes. Atqui sublimo de Thorace &c. Proboque primò Majorem Consequentiarum legitimo nexu ex Cap. X. huc mutuando, quem ibidem plenius probatum dedi; nimirum: Principalissimum functionis respirantis Usus esse, ut sanguis Peridromus imperturbato itinere per pulmonum vasa procedat; id autem postulat, ut dicta pneumonica vasa succo pererranti libere pateant; hoc rursus requirit, ut pulmonum vesiculosa moles, illa cæteroquin subsidencia sua comprimens, ab Aeris expansione submoveatur: id autem ex Aeris inferioris explicando asserendoque Motu aut Indole fieri nequit, nisi spatium in pectore debitum pro pulmonum Diastole ab Aere illabente causanda præsto sit: sed hoc ipsum optimè tandem, multoque melius, capacius, laxius sua comparat Diastole Thorax, quàm Diaphragma, quod vel pueri ex ambitu illius multo ampliori ipsos sensus ferient (en habes quoque secundo stabilitum Minoris!) in hæsitante cernere poterunt. Fusiùs itaque hucusque dicta de Diaphragmatis in Inspiratione præprimis motu, in pauca quædam notabilia ita constringo: 1. Motum Diaphragmatis non adeò magnum validumque esse, ut thoracis opera insignius quid in Respiratione naturali ac libera ad spatium pectoris valdoperè augendum conferre queat. 2. Moveri tamen sat manifestè, fierique ex globoso planius, nunquam verò penitus explanari: 3. Motum autem hunc à duabus differentiis causis oriri, ut ut ad eundem scopum colliment & ille, & hæc; quarum altera est propria atque ex intrinseco Agente orta, fibrarum carnosarum à centro ejus membraneo ad musculosam peripheriam tendentium costisque circumcirca adnatarum contractio, ita ut in Sytole ipsius cum thoracis pulmonumque Diastole illochronica fibræ colligantur, indurescant, tumeant, abbrevienturque, (ad auricularis transversæ circiter mensuram in cane) hinc & globositate ipsius centalem nerveam paulisper deorsum trahant, atque hoc pacto cavitati pectoris aliquale incrementum afferant; quod

ad sensum, ut supra innui, peculiari modo canem tractando, demonstrare possum, adeò ut nec querelis, quas de difficultate & obscuritate Septi motum investigandi fundunt LAMBZ & ERDIUS aliq; nec frustraneo, reque indecisa permanente discessu, quem Clariss. PLEMPIO cum sociis suis Diaphragmatis motum perferuturur contigisse constar, ullatenus opus sit: altera verò est Thoracis superius exposito amplificatus, simul Septum propter figuram ejus, situm & nexum, diducens, ac quodammodo explanans: Attamen hinc haudquaquam sequi, esse Diaphragma Primarium, multò minus autem per se tantum sufficientem Respirationis Musculum, utpote quod de Thorace potius optimo jure prædicari potest ob rationes allatas: Tandem 5. sub Expirationis tempore Septum, relatis quippe fibris propriis, nec thorace rursus constricto ad majorem globositatem pristinaque convexitatem precordia versus redire. Notanter autem dico Majorem; nam in Inspirationis actu neutiquam omnem, sed tantum aliqualem globositatem amittit, ac aliquatenus depressus evadit, adque planitiem accedit propius; nunquam verò penitus explanatur, unde & non adeò insignem opem ad spatii pectoris concavi amplitudinem augendam contribuere potest.

§. 8. Jam denique ut insigniora quædam, nobis apparenter adversantia, obstacula summoveamus, necessitas monet. Apparenter dico, cum reverà nos non feriant, sicuti circumspicte pensitanti ex dicendis mox patebit. Primum eorum subministrat experimentum LOWERII in *Act. Philos. Anglic. Edit. Lips. p. 441.* & à THRUSTONIO l.c. itidem propositum. Putat enim *Lovverius*, probari optimè posse Diaphragma esse præcipuum respirationis organum, nervos ejus in utroque latere juxta Pericardium decurrentes disseccando, utpote à quibus motum ejus fieri supponit. Operatio autem ipsius sic se habet: Primò alterum latus aperit vulnere unius digiti longitudinem longo. Deinde immittit digitum, nervumque ad vulneris os promovendo dissecat, atque sic canem dimittit. Eundem progressum etiam in altero latere servat. Hinc duos notabiles effectus sequi scribit: 1. Enim in hoc cane, præsertim si illum post sectionem agitaveris, admodum anheloso, inspirando abdomen contrahitur in tenuem longitudinem; expirando verò tumescit rursus; utrumque hoc sanorum respirationi est contrarium: 2. Costæ in hoc casu solito amplius in extremam ac possibilem distantiam dilatantur. Quod fieri censet Autor ex necessitate naturæ, defectum motus Diaphragmatis, propter nervos dissectos ingruentem, majori costarum dilatatione supplere intendens. Sed cõdonet mihi Vir Doctissimus, in experimèntando fortassis, quàm circumspicte concludendo felicior, si ipsi fallaciam non causæ pro causa in præsentij negotio monstraverim; nimirum commemoratos binos effectus non agnoscere pro causa immediata ac genuina nervorum dissectionem; sed potius aeris per vulnera utriusque lateris irruentis in pectoris concavo præsentiam, pulmonum debitam inspirationis expansionem imminuentem. Sicuti etiam ejusmodi promptam aeris aperto pectore irruptionem notat perspicacissimi ac candidi ingenii Vir Doctissimus GASSENDUS in *Append. de Pulsu & Respir.* commemorans, candelam, à Chirurgo negligentius admotam, in vulnus thoracis ab aere illabi conante fuisse adauctam. Primum enim effectum, quod attinet, videmus in quavis intensissima Inspiratione Abdomen etiam in sanis, post aliquam intumesceniam liberæ Respirationi propriam, attenuari ac in tenuem longitudinem, uti loquitur Autor, contrahi. Quòd autem in hoc cane fiat hujusmodi ad extremum aucta inspiratio, secundus effectus liquidò testatur, per costarum ad possibilem distantiam elevationem. Causa autem intensissimæ hujus Inspirationis non est nervorum dissectio, hincque motus Diaphragmatis privatio: sed pulmonum requisitæ, ab aere, per tracheam illabente, oriundæ, insufflationis denegatio: Denegationis autem hujus causa est spatii; pro pulmonum expansione in pectore requisiti, imminutio: hujus rursus causa est aeris per vulnera, digiti longitudinem æquantia, irruptio in thoracis cavitatem. Hinc etiam in Expiratione canis abdomen tumescit, quatenus, scilicet per thoracis subsidenciam aeri illapsus quaquaversum, hinc & consequenter Diaphragma & Abdomen versus propellitur, atque hac ratione Diaphragmatis interventu abdominis extumesceniam suscitatur. Vulneris liquidem antea per digiti intrusionem paruli libera via, deinceps concidendo aerem, non pari, qua admiserat, promptitudine, exire finit; quod & ex vivisectionum *avro-lia* experimentis certò sibi

tò sibi constare asserit ingeniosus MAYOWIUS *Tr. splanchnicorum* Part. 2. p. 87. Cætera quæ LOWERIUS de eorum anhelosorum cum prædictis canibus similitudine addit, propriè huc non spectant, cum ipse ibidem fateatur, occurrere in ejusmodi equorum asthmaticorum pulmonibus manifesta vitia.

§. 9. Alterum obstaculum suppeditare videtur PECQUETTI experimentum à BARTHOLINO p. 341. in *Anatomia Nova* adductum: Omnibus nimirum thoracis & abdominis musculis penitus abscissis, exceptis intercostalibus Diaphragmate, animal nihilominus respirare. Sed vellem PECQUETTUS specialius commemorasset Thoracis quos absciderit musculos, quippe in quorum numero non omnes conveniunt. Imò non obstante musculorum thoracis dissectione, animal optimè respirare poterit, modò (uti ex supra diductis liquet) terrati Postici superiores & inferiores, Levatores costarum Steronis, & cervicales descendentes Dummerbrocii fuerint salvi; hi enim propriè & efficienter præcipuam respirationis partem, Inspirationem puta, absolunt, costasque sursum extrorsum ducendo thoracem distendunt. Hæc pro enervandis, quas ex LOWERII ac PECQUETTI experimentis necesse quis posset, conclusionibus.

§. 10. Dixi porro superius, ubi quas ex mente nostra in Respiratione Diaphragma habeat partes, explicui, Mediastinum, hinc & partes annexas, inspirando aliquantilla tensione affici atque moveri. Quod pariter, ne gratis dixisse videar, experientia probo: Sublato nimirum Sterno, per cartilagineum dissectionem, videbis, moto Diaphragmate simul tendi atque moveri Mediastinum cum adhærente Pericardio & pulmonibus; qui quidem pulmonum motus multis Viris doctis suppeditavit hætenus argumentum, infirmum equidem, pro demonstranda pulmonum in Respiratione activitate, cum tamen in hoc casu pulmones neutiquam Expansionis & coarctationis Motum Respiratorium subeant; sed solummodò Mediastini adminiculo à Diaphragmate & costis per musculos respiratorios moveantur sursum caput versus ac deorsum, idque motu nullius ferè, respectu alterius illius, momenti; imò planè contrariò alteri. Hinc enim amplificato pectore attentantur pulmones à tensione Mediastino & Diaphragmate mediantibus facta, & vice versa. In altero verò & ordinario Inspirationis motu, amplificato Thorace simul etiam expanduntur pulmones, & contrà; quamvis Thoracis dilatationem nullatenus pro immediata pulmonum expansionis causa agnoscam, veluti infra contra *Clariss. D. BARTHOLINUM* & *SYLVIIUM* firmissimè demonstrabo. Accedunt experimenta hisce parallela ex *BARTHOLINO Anat. Reform. p. 284.* & *CHARLETONO Oecon. Animal. p. 158* Hic enim *pulmones*, inquit, *diu & valide moventur, aperto Thorace, modò (arrige aures) Mediastinum à Diaphragmate non fuerit separatum.*

CAPUT VI.

Pulmonis Structuram atque Motum in Respiratione perscrutatur.

§. 1.

DICTIS proinde nec non probatis de Diaphragmate, cæterisque partibus ab internis principiis respirando motis, quæ dicenda atque probanda nobis incubebant; rectà ad irretitam Pulmonum tam substantiam quam motum progredimur. Et primò quidem substantiam eorum ex accuratiori Neoticorum sensu describemus. Notandum itaque sese offert, Pulmonum texturam, non, uti vulgò hætenus Medicorum atque Anatomicorum trita tulit sententia, carneam, sed præter vasa sanguiflua & asperæ arteriæ tubulos penitus vesiculosam esse. Quod ipsum ex vetustissimi *Coi* monumentis doctè eruere studet *Clariss. BARTHOLINUS Tr. de Pulm. Subst. & motu.* HIPPOCRATES sanè divino ingenio Vir, & adeptorum, judicante magno illo ex Igne Philosopho HELMONTIO, particeps pleraque quasi per nebulam divinando vidisse, ac ruditer adumbrasse videtur, quæ scientiarum ferax hoc seculum ipsis sensibus palpanda sistit, ac in lucem protrahit. Scribit enim *Libr. de Principiis seu Carnibus text. 9. Versio. & Edit. Linden. Cor ex humido, quod glutinosissimum erat cale-*

faciens citò exsicceavit veluti spumam, fecitque anerosum, & venulas multas in ipso. Quibus verbis tria tantum nominantur à venerando Sene Pulmonum Molem constituentia. Spuma scilicet, antra, & venulæ, prætereaque nihil, nec aliud parenchyma proprium carneumve. Pariter & post *Coum* notavit CORNELIUS ab HOGELAND. *Oecon. Animal. p. 66* Pulmonum parenchyma ex tenuissimis pelliculis, parvas cavitates (quas poros nominari posse ceter) efformantibus, constare: Hicce consona ferè sunt *Plinii* verba dicentis *Lib. 2. c. 27. Pulmo spongiosus & fistulis inanibus cavus est.* Sed cuncta multò clariùs ex ipso nature fonte per experimenta sensu visus armato peracta hausit celeberrimus atque oculatissimus MALPIGHIUS. Is enim in binis suis ad JOHANNEM ALPHONSUM BORELLUM datis, ac à BARTHOLINO editis *Epistolis* notat: Universam Pulmonum molem vasis excurrentibus appensam, non carneam, sed aggregatum quid esse, ex levissimis & tenuissimis membranulis, quæ extensæ & flatu sinuatæ infinitas penè vesiculas orbiculares & sinuosas efformant, veluti in apum favis alveolos ab extensa in parietes cera conspiciamus: Hæc talem habent situm & connexionem, ut ex trachea in ipsas, mox ex una in alteram, patens sit aditus, & tandem definant in continentem investientemque membranam: Quæ vesiculæ, sanguine ex vasis per aquam immisam elato, subalbidæ & ferè diaphanæ apparent; adeò, ut trachea, interior præsertim tunica, sensim in orbiculares has vesiculas cellulasque efformari ac terminari videatur: Ex vasis autem utriusque, arteriæ scilicet & venæ pulmonalis, exilissimis propaginibus annulatim & tortuose immixtis ac confuse pertextis efformari quasi Rete quoddam mirabile undiquaque extensum, singulasque extuberantes vesiculas vinciens ac colligans, per quod, tanquam per vasorum Synanastomosis, sanguis tenuissimis rivulis fertur, neutiquam verò extravasatur; adeoque Rete illud non esse nerveum, sed ipsa vasa sanguifera.

§. 2. Hæc ex MALPIGHII utraque Epistola studiosius sic collecta volui, quò exindè notanter constaret: 1. Pulmonum Molem esse substantiam promptissimè diductilem, rursusque plicabilem: 2. Vesiculosas eorum cellulas esse ad recipiendum fluidum aliquod corpus sui extensione, mutuaque communicatione aptissimas; 3. Nullas fibras musculosas, multò minùs rubicundam musculorum compagem (sunt enim vesiculæ albidæ & ferè diaphanæ) in ipsis reperiri: 4. Fluidum illos intrans corpus non aliorum, quàm immediatè ex trachea in pulmonum membranacea antra primariò labi; cum hæc propagata quasi sint tracheæ: 5. Sanguinem, licet non extravasetur, nihilominus per subtilissimum vasorum Rete, ad omnes quippe vesiculas attextum, sua transpirare effluvia aquea cum expirato aere in conspectum venientia: 6. Rete illud non esse nerveum, multò minus fibrosum, sed ipsorum vasorum sanguiflorum mirabilem texturam. Imò licet Rete illud non tam vasorum Synanastomosis, quàm ex filamentis nerveis exilissimis contextum credatur; attamen nec Inspirationi nec Expirationi conferre deprehenditur. Non Inspirationi; Constrictio enim illius pulmonum dilatationi penitus obesset. Non Expirationi; cani quippe si celeri manu sternum auferas, tracheam à Larynge dissecas, à musculis & cute separes, pulmones infles, ac illicò tracheam vinculo arctissimè constringas, ne unicum quidem in pulmonum superficie contractionis constrictioisque conatum, ullumve vestigium, attritis licet oculis, observare poteris, quin potius pulmones æquè ac ipse thorax in continua diastole, donec vinculum laxaveris, persistent, qui tamen levi digito aliquantum facillimè comprimi possunt, quod & à nervei Reticuli, si qua foret, constrictione, saltem inchoativè fieri deberet. Omnibus his probè notatis, cum inspirando sensuum adminiculo doceamur, fluidam illam, quam aera vocamus, nobis circumfusam Atmosphæram manifestè per os naresve (quoniam acta motore post hæc investigabimus) in Pulmonum cavernulas irruere; sequitur, eandem non posse non vesiculosam Pulmonum compagem dilatare ac in omnes cellularum recessus (inter se quippe communicantium) sese insinuare, sicque auctum illud pectoris spatium inspirando procreatum, mediantibus Pulmonibus occupare. Præter os naresque etiam, urgente necessitate per aures, ductus à TULPIO *Observ. 35.* annotatos, atque in os patulos trajiciendo, aer ingredi potest. Foran huc respexit, ALCMÆON CROTONIATES, qui, teste ARISTOTELE, capros auribus spirare docuit. Aerem autem sub inspiratione illabeutem Pulmones ex-

pan-

pandere sic probat 1. quia alius locus non datur, quo se recipiat: 2. corporum autem penetratio ex naturæ legibus est impossibilis 3. quia præterea nulla adest aerem condensandi, ac in se ad minus spatium occupandum, cogendi causa efficiens: 4. quia experimentum, quo pectore sub dilatatione aerisque ingressu pertuso, pulmones etiam per vulneris hiatus erumpere tentant, idem probat. Manet itaque ratum, aerem, cum pectore ad inspirandum dilatato, pulmones ingrediatur, ipsos necessario Thoracis concavitate coextendere. Expirando autem, cum pectoris spatium non nisi ab eodem sese rursus deorsum-introrsum coarctante impinuatur, necessario etiam aer ex pulmonibus complicabilibus ab eodem thorace simul exprimitur.

§. 3. Hæc omnia, cuicumque tum veterum, tum modernorum, tam inutiles de Pulmonum Motu rixas agitantium, facillime constare potuissent; Nec video, quonam argumento negligentiam atque hinc ortam super hac re discordiam verisimiliter tueri valeant. Si quaestio foret; quam ob causam Aer inspirando Pulmones ingrediatur? forsitan patrocinium aliquod, licet infirmum, quaerere possent, dicendo defuisse sibi tam clara de Aeris Natura & Motu experimenta, quibus Nobilissimus ac æterna nominis memoria dignissimus Vir Otto de Gerickken, florentissimæ Magdeburgensis Reipublicæ Amplissimus Consul, huiusque vestigia legens ille naturæ Atlas illustrissimus Boyleus, nec non ingeniosissimus SINCLARIUS, orbem literatum hætenus beatunt. Jam verò, cum sensu vincantur, imò ipsimet fateantur, 1. Thoracem inspirando fieri ampliorrem: 2. aerem (quocunque demum motore, perinde hic est) inspirando, tracheam & pulmones ingredi: 3. Pulmones esse molles flexilesque, musculosis fibris ceu propriæ explanationis organis destitutos, sed potius tum expansioni tum constrictioni patiendæ aptissimos: ac denique 4. expandi sub Inspiratione; idcirco miror sanè tanta ingenia ex his præmissis talem conclusionem non eliciisse: Ergò necessario aer irruens, (à quacunque etiam potentia moveatur,) sequaces pulmones expandit. Hoc enim si fecissent, ulterius negotium hoc rimantia ingenia fortassis ad miram ipsius aeris Naturam Motumque, (de quorum exactiori Cognitione merito ovant, æternasque præmemoratis pereximii Philosophis nectunt laudes cuncti huius seculi veritatis Sectatores) pervenissent. Sed imaginaria, quam potestè perstringemus, famosaque illa Vacui Fuga unice in causa fuit, quò minus Aerem pro efficienter expandente pulmones principio agnoverint. Huius enim Vacui Fugæ ergò Pulmones Thoraci coexpandi maluerunt, quos deinceps tanquam dilatatores præexistentes Aer ingrederetur, quàm hunc pro dilatante ipsorum causa venerari. Naturam enim non tam è Natura, ut cum Doctissimo MORHOFIO Orat. de Studios. Intemperant. loquar, quàm de cerebri sui angustius depromptam fastidiolis Commentariis magis intrinsecant, quàm explicuerunt. Unde & tanta inter ipsos nata sunt dissidia, tantaque opinionum farrago, ut ingenius, & solidam doctrinam, non verò putatitia Autorum fragmenta avidè scientibus, nauseam penitus pariant, cum tamen veritas sit una ac simplicissima.

§. 4. Hinc alii voluerunt, Pulmones ex se, propriæque vi moveri; Inter quos ARISTOTELES, AVERROES, SENNERTUS, HORSTIUS, PLATERUS, BURSERUS, RIOLANUS, &c. WILLISIUS ait, *pulmones primos motuum instinctus accipere per nervos, quibus tum diaphragma & motus thoracis succurrit*. LAMBZWERDIUS tanta inconstantia ac incertitudine, ex matre ignorantia oriundis, circumvagatur, ut recensitu indigna videatur ejus sententia. Sed his omnibus oppono. 1. Pulmones thoracis integritate quocunque loco sublata, statim subsidere, nec amplius expandi aut coarctari, ut in respirationis actibus contingit. Quod præter *Averroësem* experti sunt HIGHMORUS *Disquisit. Anat.* GALENUS *Fragm. de Thorac. Motu*, BARTHOLINUS *Anat. nova*, DEUSINGIUS *de Respir.* SWAMMERDAMMIUS *de Respir.* SYLVIUS *Dispp. Med.* 7. Videantur etiam huc *Theses nostræ de Diaphragmate*. 2. Pulmones fibris & musculis prorsus careere, à quibus tamen omnis in corpore motus organicus dependet. Imò etiam si fibris essent donati, ut pluribus visum est, ab iis tamen tantum abest, ut expandi possent, ut potius contrario motu constringerentur, uti id ipsam Vesicæ, Ventriculo, Intestinis &c. contingere observamus. Nec valet nervos Pulmoni datos objicisse; cum nec Lien in motus gratiam datos esse tam copiosos arbitrandum; nec demonstratum sit hætenus, nervos nulli, nisi aut sentiendi, aut movendi officio, esse destinatos; nec adeo

multi Pulmonibus concessi sunt nervi. 3. Nic. FONTANUM *L. I. Resp. & Curat. Medic. pag. 55.* quem citant BARTHOLINUS *de Pulmon. Motu & Subst. atque Illustrissimus BOYLEUS de Vi Aeris Elasticæ p. m. 423.* testari, puerum quatuor annorum vice pulmonum membranofam quandam vesicam ostendisse, quæ aere repleta, & minoribus vasibus referta, ab ipsa Aspera Arteria originem duxit. Hinc quadrant exempla de visculis pulmonum, aut pure stagnantibus, aut ore rejectis, à ZACUTO, FORESTO, SCHENCKIO, aliisque annotata. 4. Animalia pellucidas vesiculas pro pulmonibus habentia, uti sunt Ranæ & serpentes: De his quippe M. AUR. SEVERINUS *Zootom. Part. 2. capit. 1.* prodidit, quod Pulmonum loco fistulas vesiculosas oblongas, & sacculi ad instar fenestellis & complexibus distinctas gerant, Quæ cuncta pulmones non ex se, propriæque efficientia, sed passivè tantum in Respiratione moveri clare commonstrant. Quid autem Clarissimus WILLISIUS per metaphoricos motuum primos instinctus per nervos allatos sibi velit, me liquidò non capere, ingenue fateor. Si forsitan Spiritus, uti videtur, intelligit, eos pro motu hic non advehi exinde patet, quia nec spiritus vestri, neque vectores eorum, nervi puta, unquam in corpore motum organicum tanquam proxima instrumenta causantur, nisi musculorum aut fibrarum musculosarum interventu: quorum tamen utroque pulmones destitutum oculis inermis, tum armatus oculati MALPIGII visus certò edocent. Vesicæ igitur ex se otiosæ & solo Aeris illapsu explicabili vesiculosæ pulmonum cellulae optimo jure assimilantur.

§. 5. Alii concedunt, Pulmones moveri à corde, inter quos HOFFMANNUS, CÆSALPINUS, MAUROCORDATUS, DUNUS, alique. Quibus oppono 1. Pulmonem & cordis motus non esse isochronicos, imò ne quidem synchronicos. 2. COLUMBI experimentum, quo canem corde exsecto vulnereque obligato currere, latrare, adeoque & respirare monstrat, refert BARTHOLINO *de Pulm. subst. & motu*. Imò & eodem notante *Anat. Reform. p. 232.* GALENUS victimas refer ad aras corde exsecto clamasse; & Magnus BACONUS VERULAMIUS hominem, postquam cor esset avulsum & in carnificis manu, tria aut quatuor precum verba pronunciasse, testatur. 3. Injectum confertissimo impulsu liquorem in Arter. Pulmonalem Pulmones expansione Inspirationi propria neutiquam dilatare, quod ipsemet expertus scribo. 4. Morientes pulsu ferè penitus extincto Respirationem nihilominus celebrantes. Quod notat GASP. de Los REIES *Elys. Camp. Quæst. 32.* Et ipsæ non ita diu in magno quodam attentè observavi Theologo, eo quia per totam officii annosam seriem, ita imprimis hac mortis hora verè Theologo. Tam sonora quippe ac lætabunda voce cantuque per magna, quæ intra Animæ suæ penetralia Divinus peragebat Spiritus opera decantabat, tamque indicibiles cælestis gaudii prægustus ore ac gestu promebat, ut nullus eosdem tanta, qua spectabantur, vivacitate, calamus depingere valeat. Interim tamen forti, quem dixi, cantu ac voce nullatenus obstante, per integrum ferè, mortem proximè antecurrens, semihorium vix pulsus ac ne vix quidem attentissimè mihi sæpius exploranti sese offerebat. 5. Quia cor, quantum sanguine à se impulsio distendit, tantum & repleat, adeoque, si motus pulmonum inde oriretur, nullus aeri ingredienti daretur locus; quem tamen inspirando manifestè irruere notamus. 6. Experientia tum propria tum Clariss. Lugduni Batavor. Professoris SYLVII demonstrari, Thorace aperto, etiam si cordis adhuc aliquamdiu haud interruptus persistat motus, sanguinisque propulsio, pulmones tamen haudquaquam expandi ac dilatari, *Dispp. Med.* 7. Adeoque & dictorum vigore cordi adimitur causæ efficienter pulmones respirando expandentis dignitas.

§. 6. Tandem & alii à motu thoracis, quod pulmonum dependeat explicatio, arbitrantur. Quorum quidam hanc ob causam id fieri asserunt, ne thorace dilatato in ejus cavitate oriatur Vacuum, terribile illud, uti vulgò opinantur, & à quo tantopere Naturam abhorrere sibi firmiter persuaserunt, monstrum. Ex horum censu sunt GALENUS, LAURENTIUS, PLEMPPIUS, MERCATUS, HIGHMORUS, SEBIZIUS, BARTHOLINUS, multique alii, plus affectuum numerosò cœtu, quàm rerum ac rationum pondere stipati; imò tota ferè Circumambulonum caterva. Sed hisce postea simul satisfiet, ubi Vacuum ejusque Fugæ disquirèdi, quantum quidè Theoremata nostrorū exiget necessitas, dabitur locus

§. 7. Alio præterea modo à thoracis motu pulmonum expansionem dependere volunt alii, scilicet à thoracis & Diaphragmatis motorum integritate. Hac opinione omnium primus Respirationis negotium accumulasse videtur prænominatus in Academia Lugduno-Batava Professor Celeberrimus ac meritissimus FR. SYLVIUS. Is enim, postquam *Dispp. Med. 7 Th. 33.* concluderat, pulmones ab aere ipsos subeunte non expandi, rationem hanc afferendo *thes. 32.* quia scilicet læso thorace aut Diaphragmate, licet aeri per nares & fauces in asperam arteriam ingressus pateat, attamen pulmones non observantur expandi explicarique: tandem *thes. 40.* sic argumentatur: Quo posito ponitur, & sublato tollitur, aliquis effectus, id omnino habendum pro efficiente illius effectus causa: Atqui posita motorum thoracis & Diaphragmatis secundum sui continuitatem integritate, ponitur pulmonum expansio; sublata verò eadem illorum motorum per patulum vulnus integritate, tollitur cessatque pulmonum expansio: Ergò thoracis & Diaphragmatis motorum secundum sui continuitatem integritas pro efficiente causa expansionis pulmonum est habenda. Sed mirius ferant. obsecro beatos præclari istius Viri manes, ejusdemque virali adhuc Aura vescentes Cultores, si illum alteram de Aere pulmones non expandente opinionem, non tantum non destruxisse; sed nec suam de thoracis ac Diaphragmatis motorum integritate sat firmiter asseruisse palam fecero. Primam, quam negat, quod attinet, *thes. 32. & 33.* propositam, notandum, plus esse in ejus conclusione, quam erat in præmissis. Sic enim ratiocinatur: Aeri, aperta thoracis cavitate, in asperam arteriam ingressu patente, pulmones non expanduntur: Ergò nec ab eodem, ipsos in Respiratione naturali subeunte, salva thoracis cavitate expanduntur. Sed paucis respondeo, non valere Consequentiam à statu hoc præternaturali, in quo thorax est apertus, ad naturalem, in quo arctè est conclusus. Hic enim aeri solus pulmo duntaxat est attollendus; ibi verò si pulmonem expandere deberet, tota insimul vastissimi ponderis Atmosphæra, pulmones circumstans, ipsi quaquaversum esset loco dimovenda, quod ipsimet per se est impossibile, cum nullum principium qua tale in ipsum agere queat. Sic nec aer, pulmones si subiret, thorace aperto, se ipsum intermediis pulmonibus potest movere. Imò ipse author *thes. 24.* fatetur, Pulmones, simul ac aeri liber in thoracis cavitate datur introitus, confestim subsidere, nec amplius, nisi vulnere obturato, explicari. Unde patet, non sublata pectoris integritatem, sed aerem irrudentem per vulnus esse proximam concidentiam pulmonum causam; Quem proinde si idem aer pulmones subintrans horum interveniunt non dimoveat, hosque expandat, neutiquam concludendum, uti fecit Author, Ergò nec pulmones, quæ tales, aer in naturali Inspiratione subiens expandit. Nam ut aer constitutur efficiens expansionis pulmonum causa, nihil magis requiritur, quam ut illos solos, remotis impedimentis circumstantibus, explicare ac sustollere valeat, utpote quod pro munere ac titulo isto ipsi assignando sufficit: non verò in hoc casu ab ipso exigere potest, ut pulmones expansurus simul vastam eos undique circumstantem atmosphæram molem dimoveat. Satis proinde fuisset, si Clarissimus Autor potius in causam inquisivisset, cur aperto pectore aer non intret pulmones, quam cur pulmones in hoc statu non expandantur; ea enim detecta pulmonum expansio facillimè explicari potest; præsertim cum ipsemet fateatur *Th. 25.* pulmones per tubulum valde inflari posse. Unde concludere potuisset, aerem eorum vesiculas subeuntem esse principium aptissimum, easdem omnes, intimo etiam loco sitas, commodè explicandi; cum contra thoracis & Diaphragmatis motorum integritas, licet tanquam causa expandens supponatur, in externam solummodò pulmonum superficie actionem suam perficere posse videatur.

§. 8. Ad propriam ejus opinionem ut porro me conferam, dicendorum ordo monet. Ubi notandum, (quod & per integram de Motu pulmonum causis doctrinam dictum nullibi non volo,) quæstionem hic non esse de causis secundariis occasionalibus, aut explicationis pulmonum; sed proximis tantum atque immediatè efficientibus. Quibus prælibatis, Argumenti ab Authore propositi Majorem non esse illimitabilem ac prorsus universalem, apprimè advertendum illam proinde sic limito: Quo, tanquam causa immediatè efficiendi, posito ac sublato, ponitur ac tollitur effectus, id omnino pro efficiente illius effectus causa habendum. Hinc cadit Minor Propositio. Nam Autor nusquam probat Diaphragmatis ac thoracis motorum positam aut sublata integritatem esse causam immediatè pulmones

aut expandentem, aut concidentiam eorum causantem; sed saltem hoc experimenta ejus evincunt, ea posita aut sublata poni aut tolli pulmonum expansionem, quod concedo. Sine illa liquidem pulmones explicari nequeunt, cum statim aer per vulnus irruat, eorumque expansionem impediatur; nec tamen proxima est dilatationis pulmonum causa, sed potius sine qua non. Quomodo enim Diaphragma & Thorax pulmones extendere poterunt? cum non sint iidem ullo modo affixa aut agglutinata, sed contigua duntaxat, idque solum ob aerem pulmones subeundo expandentem; aliàs enim ne quidem pulmones thoraci ac diaphragmati contigui forent; quod patet, dum thorax & Diaphragma vulnere patulo pertunduntur, ubi pulmones multum intra thoracis concavam superficiem subsident. Ut taceam Pulmones ab externo principio commodè per totam substantiam cavernulosam expandi non posse, cum tamen in interioribus vesiculis expansio potissimum requiratur hætenus de pulmonum Motu inspirando fieri solito. Expiratio enim nullis difficultatibus est exposita, cum in eadem à thorace rursus se coarctante pulmones comprimantur, atque eatenus Aer antea illapsus ex iis expellatur. Non tamen penitus aere evacuantur pulmones expirando, sed saltem, quousque thorax constringitur, nec ulterius. Aded, ut semper aere scateat pulmo, sive inspires, sive non, sicque thoracis concavæ superficiei contiguus servetur. Unde, si torax hiant perforatur vulnere, prorsus denique subsident pulmones.

C A P U T VII.

Aeris, tanquam Respirationis Materia, Indolem ac Modum ex Neotericorum Experimentalis Doctrina declarat, nec non ficiam Vacui Fugam perstringit.

§. 1.

E Lucidato itaque plurimam partem Pulmonum Motu atque substantia, indicatoque Principio eisdem expandente, aere scilicet, aucto Pectoris spatio, irrudente, eisdemque simul concavæ Thoracis superficiei, coextendente superest ex rerum concatenatarum necessitate, ut in Naturam Aeris Causasque, cur pulmones intret atque diducat, penitus inquiramus. Ubi prius notabimus, aerem solum esse veram & adequatam Respirationis Materiam, idque præprimis saltem in confinis globi Terræ aquei, ob certam aeris requisitam densitatis consistentiam. Nam in altissimis Peruanæ montibus, vulgò Pericacaca vocatis, præ quibus Alpes ipsas tanquam humiliores domus sibi fuisse visas ad altas turres comparatas, ait ACOSTA, se sociosque cum transirent; subitaneo & violento vomitionis impetu (non sine sanguine emisso) fuisse percussos. Aer enim, inquit, ibi aded subtilis atque immixtus est, ut cum respiratione hominis nullam proportionem habeat. Quod ex sequentibus magis elucescet, aerem scilicet, quod aliud pertingas, sese magis magisque Elateris ratione expandere, quia accrescente altitudine copia ejus, ac consequenter ponderis pressura, imminuitur, a eoque liberius sese extendendi spatium datur, donec tandem tum moles ejus, tum Elater eò usque debilitentur, ut pulmonibus expandendi prorsus impar evadat. Pari ratione etiam, si à calore aer rarefit, id est in quantitate, eo in loco, ubi calor existit, diminuitur; Respirationi ineptus evadit, v.g. in balneis, locisque similibus æstuantibus. Sic enim refert SCALIGER *Exerc. 31.* in Lusitanorum navigationibus nautas aliquot sub æquinoctiali penè animam efflasce, quam in medio Oceano, liberrimoque cælo: ipsoque præsentente Itali quidam in Lipsiæ Vaporariis Animæ Deliquium passi sunt. Quod autem quidam ex ARISTOTELE narrent, illos, qui Olympum ascendunt, vix vivere posse, nisi spongas secum portent humidas, quarum ope aerem ibi insugere possint, alias Respirationi præ tenuitate inutilem; id meritò cum Illustriss. BOYLEO in dubium voco, cum nec ipse BOYLEUS Alpes transiens, nec Generosus Anglicus Scriptor in Ascensu suo ad summum montis Tenariff apicem, Olympo longè altiore, cu-

jus meminit Illustriss. BOYLEUS de *Aeris Vi Elasticæ* cap. m. 444.) nec FROELICHIUS in memorabili suo ascensu ad summum Hungariensis montis Carpathi vel ad prodigium elevati, mense Junio 1615. facto (qui Alpibus Italicis, Helveticis, ac Tyrolensibus altitudine longè præcellit) ullam ejusmodi difficultatis in Respiratione mentionem faciunt, qualem in Olympi summitate accideret ex Aristotele isti referunt. Nec ulla probabilitate liquet, quomodo aqua spongiis contenta tam subito in halitum resolvi, sicque aerem densiorem ac pro respiratione aptiorem reddere possit. Quamvis enim aer aquam absorbat, atque secum sub subtilissimarum atomorum forma abripiat; attamen id non illico, uti nunquam ferians respiratio exigit, sed horis atque diebus tandem fit. Præterea aer rarissimus ille adhuc tardius aquam extenuabit, quam prope terram, quia in quantitate paucior. Ingens insuper adhuc Postulatum esset, aquam, etiam si in minimas particulas subtiliaretur, aeris vices in Respiratione gerere & posse & debere. Quemadmodum autem aer nimium rarefactus, sic & ab extraneis globi Terræque fuliginibus atque halitibus nimium onustus; Respirationi prorsus incommodus evadit, quod testantur Plumbi-fodinæ Devonæ, aliæque antra subterranea atque cryptæ, in quibus operatores non semel extincti fuerunt, æquæ ac lampades ipsæ. Nec tamen venenosæ aporrhæarum qualitati cuidam (quamvis sæpè concurrere possit) quàm effluviis crassiorum, aeremque specifica gravitate longissime superantium, hincque in eo subsidentium, illumque sursum exprimendo abigentium (ut ex Staticis liquet) quantitati nimium auctæ hujusmodi effectus annumerandi veniunt. In cellis siquidem turmatim asurgentibus multi fermentantis halitibus infarctis suffocatio præstò est, nisi candentium carbonum ope ori admotorum dissipentur; rariorque aer advocetur.

§. 2. His in antecessum notatis ad ipsam aeris Doctrinam accedimus. Cum autem densissimas, quibus nobilis hecce Physices pars obvoluta torpuit hætenus, ignorantia tenebras fulgidissimo Experimentorum jubare mirum quantum discusserit Nobilissimus Philosophus; ac, solius veritatis ardore calcar subinde, tot labores, totque sumptus expertus Vir Consularis Dominus OTTO DE GUERICKEN in *Experimentis Magdeburgicis de Vacuo*; perque illum allectus, uti ipsemet fatetur, Illustrissimus BOYLEUS, Anglicæ gentis Decus, ac Regiæ Societatis ibidem splendor, in *Experimentis Physico-Mechanicis de Aeris Vi Elasticæ*; quibus etiam qui subjungatur, dignus est doctissimus atque industrius SINCLARIUS in *Arte Nova & Magna Gravitatis & Levitatis*: idcirco, eorundem hypothesin, tam irrefragabilibus experimentorum demonstrationibus firmatam sectando, potiora quædam doctrinæ de aeris Elatere ac Pondere, hincque resultante illius Motu, capita huc pro explicanda Respirationis obscuritate plurimum spectantia, mutuanda veniunt.

§. 3. Tenendum itaque 1. aerem, cum sit materia sensibilis, multisque insuper globi Terræque aporrhæis perfusa, corporum omnium lege, manifesta ac Positiva gravitate, id est, tendentia ad globum Terræque, donari, Quicquid etiam in contrarium Scholæ Peripateticæ, non tam rerum naturalium experimentis, quàm præjudiciis cæcis ut plurimum instructæ, doceant. Constat enim experimentis vitreum ac rotundum vas 32. mensurarum capax, fieri uncia una & tertia prope uncia parte levius, si aer exhaustus sit, quàm antea dum erat aere plenum. Ipsum hoc vas aere evacuatum, si ille rursus immittatur, ad pristinum pondus redit. Præter jam memoratos celeberrimos Autores positivam aeris gravitatem confirmant insuper BARTOLINUS de *pulm. Substant. & Motu*, SANCTORIUS *Comment. in l. Fen. Avicennæ*, CASPENS *Thauma. Mathem.*, RICCIOLUS *Almagest. Nov.* MERSENNIUS in *Phænomen.*, CASP. SCHOTTUS in *Mechan. aliisque*. Imò tanta repetitur aeris globo Terræque perpendiculariter incumbens gravitas, quanta foret aquæ 20 circiter ulnas Magdeburg. altæ, si loco aeris globo nostro circumstaret. Imò ipse Aristoteles aeris gravitatem experimento confirmat, dicens *Lib. 4. de Cælo: Ut inflatus gravior est quàm compressus*. Hinc quomodo hujus Autoris sequaces aeri gravitatem denegare possint, non video. Ex his sequitur primò, aerem omnia corpora suo pondere premere, omniaque loca seipso aut aliis corporibus vacua seu irruendo occupare, seu alia corpora fluida aptaque in illa impellere: Secundò, aerem inferiori loco ac prope terram sitò esse graviorem superiori, sicque successive fieri leviorrem quò altior evaserit; quia scilicet aer inferior plus aeris

sibi rectà incumbens gerit atque sustentat, qui cum altitudine incrementum decrescit. Tenendum 2. aerem esse ejusmodi corpus fluidum ac flexile, quod in angustius spatium cogi potest, atque coarctatum rursus sese extendere nititur, actuque, ut, & eatenus se quaquaversum extendit, si, & quatenus, causa coarctans ac comprimens, tanquam extensionis obstaculum, tollitur. Unde & commode comparari potest spirulis parvis, vel lanæ, aut velleri, vel denique optimè plumis istis mollissimis in Dania usitatis, quas *Eider*-vel *Otterdunen* ab avibus Islandicis *Eider* dictis, vocari scribunt BARTHOLINUS Cent. 11. Epist. Med. 5. & REIHERUS *Dissert. de aere c. 4. tres*, inquit, *libræ talium plumarum in palmarem globum cogi possunt, quæ suæ expansioni relicte culcitram vel stragulam quinque pedes longam & latam explent*. Hic aeris sese expandendi vis dicitur Vis Elastica sive Elater; aut, ut uti REIHERO *Dissert. de aere c. 3.* placet, Vis Elastica, vel Elaterium. Tenendum 3. cum aer sit positive gravis, imò quò inferior eo gravior, aerem nostrum, quo degimus, esse necessario maxime compressum ac coarctatum, ab aere per passus 6867. juxta SINCLARIUM *l. c. p. 138.* in altum exporrecto sibi perpendiculariter incumbente; pressionemque superstantis Atmosphæræ aeræ fieri minorem, quò altius pertingas, hinc & aerem laxius se quaquaversum expandere, ob minus scilicet tum sibi innitens aeris pondus. Hinc in Experimento PASCHALII Harpastum prope terram leviter admodum inflatum magis magisque intumescit, quò altius ad montis verticem portatur, ac in descensu rursus detumescit. *Vid. Illustriss. Boyl. Defens. contra Linum*. Imò vesica paulisper inflata & in vitro rotundo collocata, non tantum ad extremum intumescit, quando aer per Anthiam pneumaticam exhauritur; sed & tandem dirumpitur, quia aer circumstantis aufertur, unde inclusus vesicæ aer spatium sese quaquaversum expandendi libertatemque acquirit. Tenendum 4. aerem non tantum per circumcipientis aeris ablationem, verum etiam à languidissimo tepore, hinc & aucto imprimis calore, minus aut magis expandi posse. Quod ipsemet expertus, vesicam ruditer inflatam ac vinculo constrictam, ad ignem detinendo vidi: Eatenus enim à Calore intumescebat, ut rupturam minaretur; Frigore autem rursus adventante tumor remittebat, ac tandem ad pristinam flacciditatem vesica redibat. Unde & hyemali tempore multo densior est aer compactiorque, quàm sub æstivis caloribus, utpote à quibus insigniter expanditur; hinc & Mercurium in Experimento TORRICELLII altius tunc deprimit, quàm gelidis temporibus.

§. 4. Omnibus hisce de aeris Indole ac Motu attento animo observatis, facillima opera explicari potest causa, cur aer inspirando pulmones subeat, eosdemque expandat. Nimirum dum spatium in pectoris cavitate inspirando augetur, non potest non aeris ingens poderosaq; moles eodè momento per Asperam Arteriam in pulmones confluere, eosque solius gravitatis vigore eò usque illico explicare, quo usque à pectore dilatato spatium illi conceditur alio corpore reniti valente non occupatum. Si enim tantus est aeris, spatia ab aliis corporibus sensibilibus non repleta, irruere conantis impetus ex gravitate sua oriundus, ut etiam vitrum evacuatum, si nimio gurgite in illa admittatur, frangat, ut id experimentis compertum est; quidni levissimas flexilissimasque pulmonum vesiculas, simulac modò datur in pectore spatium, absque ulla interpolata mora ingrediendo pectori amplificatio coextendet? Aliter sanè ex ipsis corporum inviolabilibus legibus, experimentis fere innumeris pervestigatis ac innotescens, fieri nequit. Adeoque (quod Contra Clariss. SYLVII *Disp. Med. 7. thes. 45.* noto) aer non influit pulmones, quia hi præexistunt expansi, utpote quibus spontaneæ expansionis instrumenta deesse supra probatum est; sed inverso ordine pulmones, dilatato pectore, extenduntur atque in singulis sui vesiculis explicantur, quia aer tanquam explicationis causa immediata & sola illos ingreditur: quidinceps à coarctante se, sub expirando, thorace rursus ex pulmonibus compressi cum roridis halitibus exprimitur. Sola itaque aeris fluidi gravitas est causa, quod is, amplificato pectore, in pulmonum vesiculas influat; influens autem ex gravitatis pressura aer est causa, quæ pulmones efficienter expandit. Si verò Inspiratio fiat ex Vitro aut alio vase capacissimo, ac non nisi solo orificio, os inspirantis sebeunte, aperto, notandum, aerem tunc non gravitatis, sed Elateris seu spontanei sese extendendi conatus ratione pulmones subire; quod pater ex Canonum supra præmissorum Secundo & Tertio; ubi, circumstante

stante aere è vitro exhausto, inclusa vitro vesica arcte ligata expanditur, ac tandem, exantlatione durante, rumpitur. Sic & pulmones, pectore circumcirca amplificato, ab aere tum in ipsis existente, tum è vitro capaci, ex quo inspiratio instituitur, ipsos Elateris ratione subintrante, expanduntur explicanturque: Tantus enim est aeris Elater seu extendendi se, remotis corporibus circumstantibus, nisus, ut etiam à terræ superficie è vase evacuando ad recti apicem Anthiam evacuantem sequatur, seseque eatenus extendat absque aeris externi protrudentis ope ac gravitante pressura.

§. 5. Dictis huc usque, perspicuis licet ac probe perpendentibus facillimis, nihilominus contrariantur Autores sequentes. Primò enim BARTHOLINUS de Pulm. Subst. & Motu sect. 5. obicit, concessa licet aeris Spira seu ad dilatationem aptitudine, Attractionem tamen esse necessariam inde liquere, quod, quanquam vel caput emortuum, vel aliud vas nimatum & immobile opponatur, dilatatio illa seu Spira aeris non propagetur ex uno in aliud vas, nec si apertum os opponas hominis vivi, immoto Thorace seu cohibita Respiratione, aer in fauces progreditur. Sed videtur nobilis illa de Aere Doctrina eandem sortem hactenus apud multos experta, quam Samia ista de Terræ Mobilitate & Solis Stabilitate Philosophia, ab ARISTARCHO & PYTHAGORA Samiis, ejusdem Cultoribus, sic dicta, à NIC. CUSANO Cardinali verò & NIC. COPERNICO proximis seculis in lucem rursus vindicata, à Peripateticis ferè omnibus passa est. Nimirum ut prius objectionibus impetatur, quam ab Adversariis probe & perfecte intellecta fuerit; prout id præprimis ex GALILÆI Dialog. de System. Mundi cuicunque patebit. Pariter enim à LINO, DEUSINGIO, HOBBSIO, MORO, aliisque Nova de aere Experimentis fulcita Hypothesis examen subit, qui tamen in ejusdem penetralia nondum penitus penetrasse videntur. Ex horum censu quoque est BARTHOLINUS in præmemoratis verbis. Quamvis enim aeri Spiram seu dilatandi sese conatum concedat, attamen præconcepto Attractionis figmento captus eandem necessariam nihilominus, præter aeris Spiram, esse putat, quia scilicet Thorace immoto aer in fauces non progreditur. Sed advertas, obsecro, Clariss. Vir, ad propria verba. Si enim aer semper se expandere conatur, sanè nihil amplius, ut ingrediatur, requirit, quam spatium sive locum corporibus ipsi obnitentibus vacuum, & illico sese explicabit, nulla Attractione opitulante aut necessaria. Adeo nec mirum est, aerem pulmones in non inspirante non ingredi; nullum enim eidem patet præbeturve spatium seu locus, in quo se expandat. Dato autem, amplificato thorace, spatium seu expansionis loco, utique sese expandit. Sed hæc saltem de Inspiratione ex clauso vase facta. In Inspiratione autem ex libero aere instituta ne quidem Elateris actione opus est, cum sola molis aereæ gravitate ac influxibilitate totum negotium absolvi queat. Præterea omnem in Natura Tractationem negamus, nisi trahendum corpus sit affixum trahenti, idque hamis & uncinis funiculisve tam tenacibus, quales in consimili mole movenda alias requiri observamus. Nec concedimus LAMBZWERDIO, Traktionem & Pulsionem non deferre naturæ, sed saltem determinatione; quia virtus movens semper est motiva: Traktionem autem esse motum localem, quo res distans transferatur versus principium movens virtute motus impressi: sic & Circulationem sanguinis esse Traktionem, quia sanguis movetur versus principium movens. Licet enim res quædam cum alia conveniat in generalibus; attamen specificè differre potest. Pari quoque ratione etiam si Tractio & Pulsio in hoc genericè coincidunt, quod ambo sint motus locales; attamen ipsius virtutis moventis natura differunt ac specificantur. Omne enim trahens Principium potest etiam pellere, non verò è contrario omne pellens potest trahere. Ut taceam, Traktionem ad sola animantia arbitrio agentia propriè restringi videri. Et nemo sanæ mentis circulationem sanguinis ob id dicet Traktionem, quia sanguinis iterum versus cor movetur; hoc enim cordi propellenti est per accidens, quod sanguis à vasis ita reflectatur, ut ad cor redeat. Nec Traktionis à Pulsu differentia specifica in eo consistit, quod Tractum moveatur versus Trahens, hoc enim etiam in Pulsu, aliis corporibus rem pulsam ita determinantibus, accidere potest, uti ex circulatione patet. Sed in hoc Motuum horum differentia specifica sita videtur, quod in Tractione illud quod proximè trahenti affixum hæret, moveatur versus principium trahens, nec eadem, qua attrahitur, linea à tra-

hente simul recedere potest: in Pulsione verò illud, quod proximè antrosum propellitur, recedat antrosum à principio pellente, nec eadem, qua pellitur, linea ad pellens simul eodemque temporis momento accedere, possit. Hinc apparet, quæstionem de Traktionem & Pulsione non esse meram nominis cavillationem; uti LAMBZWERDIUS in Proæmio Expirationis suæ, nimio forsitan erga veteres affectu abreptus, loquitur; sed explicatu dignissimam, cum vocabulo Attractionis tantopere abutantur Scholæ.

§. 6. Proximo loco famosissimi ac speculabundi hujus seculi Philosophi CARTESII ejusque asseclarum REGII, LE GRAND, ROHAULTI, HOGELANDI, PRATÆI, CORNELII CONSENTINI, FALCOBURGII, SCHWAMMERDAMMI, aliorumque hypothesis expendenda venit, quæ vult; aerem solo propulsu à pectore & abdomine motum impelli in pulmones, eosque sic explicare. Hi Viri veterem illam PLATONIS in Timæo propositam Periosin orbi Litterato reddere conantur, licet Platoniam illam Periosin, quam explicant MARSILIUS FIGINUS c. 87. Cartesiana non indequaue consonare annotet BARTHOLINUS de Pulm. Subst. & Motu sect. 5. Cum autem hæc hypothesis fidenter supponat, omnia, etiam minutissima, mundi spatia corporibus esse plenissime infarcta, adeo, ut aer propulsus non nisi in pulmones feri possit, quod tamen nec probant ejusdem Patroni, nec probaturos confido; ideirco eidem assentiri nequeo. Materiam etenim suam ætheream, eam saltem ob causam finxisse præcipue videtur Cartesius, ne scilicet Vacuum ipsi admittendi imponeretur necessitas. Eam autem actu existere, Vacuumque non esse nec esse posse, ne unico quidem naturæ phænomeno infallibili, immediate istius existentiam hujusq; impossibilitatem demonstrante evincere potest cum omnibus sectatoribus. Hæc itaque ejusdem ponderis esse arbitror, cum suo de Mundi Infinitudine, inconsiderato dicam, an verò in Atheismum prono? placito, quod Part. 2. Principior. Philosophiæ No. 21. proponit, cognoscimus, inquit, hunc mundum seu substantiæ corporeæ universitatem nullos extensionis suæ fines habere. Insignis sanè est mentis appropria, ne dicam infania, in homine præsertim Christiano, non posse res naturales, creatasque ab ipsarum infinito Immensoque Conditore, Deo, discernere. Sed ne extra oleas vagari videar, cum Mundum finitum ingeniosis rationibus probet. RHODIGINUS lib. 2. c. 19. nec saniorum Philosophorum finitudinem ejus neget ullus, præmemoratam aeris in pulmones sub Inspiratione à thorace & abdomine factam propulsionem unico, eoque firmissimo, ac omnium maxime cogente Experimento, destruo. Nimirum posse nox ex vase capacissimo, ac non nisi in os inspirantis pervio aerem inspirando haurire. Hic enim aer vase inclusus ab aere externo corporis moti beneficio propelli nequit, cum communicatio inter utrumque per vasis densos parietes penitus sit denegata. Recurrit equidem REGIUS in Responione, BARTHOLINO, idem hoc Experimentum objicienti, data, ad Materiam Subtilem Ætheream, quam à corpore Inspirantis propulsam vas pertransire, ibidemque propulsiones motu aerem expellere, ac in os pulmonisque Inspirantis impellere docet, Medicin. lib. 1. p. 39. Sed ut plura omittam, potissimum regero: 1. Materiam Subtilis existentiam modum esse probatam: Imò ipse LE GRAND, sedulus CARTESI Epitomator, Institut. Philos. p. 136. scribit: Tria illa Elementa (ex quorum numero Materia ista Subtilis primas tenet) tanquam principia Mundi supponi licet eo modo suam originem res naturales non habuerint, neque talia à Deo unquam fuerint creata, saltem ob commodiorem Phænomenon rerum naturalium explicationem. Nostra verò de aeris reali gravitate & Elatere hypothesis naturæ experimentis firmissimis probatur. Ipse etiam CARTESIUS sensibilem aeris gravitatem in Epist. ad Messemum Experimento confirmat: vid. vit. Cartesii à BORELLO edita p. m. 34. Nec tam ea apud veritatis indagatores Philosophos valet hypothesis, per quam rerum naturalium phænomena ac effectus promptè, & expedite solvi queunt. Sic enim Peripatetici omnibus palmam facillè preripient, mirà facilitate, per tot fictitiarum Qualitatum myriades, quot sunt effectus, difficultatem quamcunque eludentes. Sed illa potius exquirenda est hypothesis, per quam experimentis rerum plurimis firmatam appositissime ac solide naturæ opera explicari possunt, ita ut rerum effectus causis suis genuinis immediate respondeant, hæ autem illos pro legitima prole rursus agnoscant. 2. Licet Materia Subtilis existeret, tamen nullo naturæ phænomeno pro-

probari potest, omnia Mundi minutissimaque spatiola ab eadem penitissime expleri, adeo ut nulla corpora, præsertim aër, condensari, seu in minus spatium absque ullâ materialis suæ substantiæ annihilatione cogi queant, nisi Materia subtilis, quam Cartesiani supponunt, ex iis exprimitur. 3. Probare nequeunt Materiam istam, si qua datur, necessariò densum vas vitreum metallicumve transire, ac exinde aërem in os profugare. Promptius enim ipsum Thoracem respectu vitri & metalli multò porosior, ac proximè primarioque in illam propellendam impingentem penetrare, spatiumque illius dilatatione flens immediatè occupare potest, quàm à molliori Thoracis Abdominisq; substantia per durum compactumque, ac multò solidius vas vitreum aut metallinum protrudi. Tandem 4. inane illud ad Materiam subtilem in Respiratione subterfugium penitus diluitur expugnaturq; per irrefragabile *Experimentorum* 38 & 39. à BOYLEO in *Experiment. Physico-Mechan. de Aere* propositum, robur, quibus clarissimè demonstratur, nullam materiam talem sub aëris exantlatione vitrum pertransire, ibique aërem rarefactionis agitatione expellere.

§. 7. Postremò alii per famosissimam illam Vacui Fugam, totius penè Europæ Scholas per strepentem, causam expedire conantur, ob quam aër inspirando pulmonum antra subeat. Ex quorum serie omnes ferè sunt Peripatus Procures, nec non suprâ memorati Medici alique, numerosâ asseclarum cohorte stipati. Enim verò mirum, quantam Naturæ præ Vacuo abhorrescentiam à tenuissimis unguiculis ipsi ingenitam affingant illi omnes, adeo, ut etiam, uti putant, contra proprias propensiones moveatur eadem, ne Vacuum progignatur, monstrum illud formidabile, & Panicus ipsius naturæ terror. De rebus enim naturalibus non aliter loquuntur, quàm si mentis rationisque essent participes, ac puerilem in morem Vacuum, tanquam spectra, lemures, aliaque vetularum terribilia, exhorrescerent, cum tamen nullibi Vacuum illud tantoperè perterrens inveniri velint ipsi, nec ullis Naturæ viribus Vacuum fieri posse accerrimè contendunt. Imò eorundem nonnulli eò audaciæ temeritatique progressi sunt, ut & Summi Numinis vires excedere voluerint Vacui productionem. Unde otiosæ ejusmodi ac Philosopho Christiano prorsus indignæ ortæ sunt quæstiunculæ; *an Deus possit facere Vacuum?* cuius negativam sustinet SCALIGER, subtiliter an temerariè? judicent alii. *Vid. ALSTEDIUS Encyclop. L. 7. c. 666.* Sed ne spinosæ isti controversiæ, detur ne Vacuum necne, impræsentiarum ex instituto me implicem, cum tantum absit, ut demonstrent Peripatetici alique Vacui hostes, omnia Mundi exilissima spatiola corporibus exactissimè esse repleta, nullumque dari Vacuum interspersum corporibus Mundum constituentibus, ut ne contentur quidem argumentis solidis, perspicacisque ingenii & Experimentorum modernorum Philosophorum rigorem ferentibus, id ipsum aggredi, quin potius precariis, ac nondum probatis, nec nullatenus firmiter probandis hypothesibus, vel meris non-causæ pro causa fallaciis nitantur: idcirco imaginariam duntaxat Vacui Fugam, potioribus quibusdam argumentis in contrarium adductis perstringam.

§. 8. Primò itaque, licet cum SCALIGERO *Exerc. 6.*, PLATONE in *Philebo*, Pythagoræisque ap. CORN. AGRIPPAM *occult. Philosophiæ cap. 11. 12. & seqq.* Animam quandam Mundi non denegem, si per cœlestium corporum substantialem influxum, Solis primariò, (quem haud incongruè PLINIUS *Lib. 2. c. 6.* Mundi totius Animum ac Mentem, imò principale Naturæ Regimen ac Numen vocat) explicetur. Etiam si nec decantatum illum Mundi Spiritum, in medicorum præprimis Hermeticorum (uti vocari gestiunt) Libris non multis adeò abhinc annis rursus animatum & resuscitatum (quamvis pessimè ex *Adeptorum* scriptis hûc detortum, cum illi prorsus de alio sibiq; peculiari *Æther*, *Aere*, ac *Mundi Spiritu* loquantur, quod necum norunt atque testabuntur Scientes, imò satis superque elucescit ex *Philalethæ introitu ad Regis Palatium*, præcipuè verò ex p. 8. 9. & 34.) impugnare velim, si modò Quidditas ejus Actionesque ad globi Terræque cum Solaribus (à quibus, opitulanti bus forsitan caloribus subterraneis, potissimum tolluntur in altum Radiis, aerisque corpusculis consociata Effluvia, Effectusque his consonos restringantur: attamen præter individua corpora universalem quandam, perque vastissimum Mundi, ne di-

cam totius Creaturarum Systematis, ambitum, extensam, ac unde quaque diffusam Creaturam, seu Formam Animamve Mundum universalissimè informantem, effectuumque omnium Directricem, Naturæ etymo insigniendam, ac in procurandis rerum naturalium utilitatibus fugandisque earundem hostilitatibus damnisque occupatam, iisque præcipuè, ne Vacuum in exilissimis sui finibus, spatiolisque admittant, sed eadem potius plenissimè & exquisitissimè repleant, adnitendi calcar subdentem, cum nullibi ejusdem existentiam nec adversarii probent, nec rerum necessitas exigat, firmiter nego, confiteorquè Mundum hunc non nisi corporum individuorum & densiorum & subtiliorum, majori minorivè atomorum effluentium spherâ cinctorum, complexum, ac coordinatum systema esse; nec Universalissimum quoddam ratione, judicio ac præmeditatione pollens Numen, præter sumum illud Increatum, Æternum, independens, ac sapientissimè movens omnia, soloque inefabili nutu dirigens, sibi, seu Supremum ac Universalem Rectorem, præfectum agnoscere.

paragr. 9. Secundo, corpora Mundi individua (si Animalia liberè agentia excipias) non habent finium suorum præcognitionem, nec casus sibi imminentes prævidente judicio aut avertere fugereque, si noxii fuerint; aut accelerare accersereque, si conducant, potuerunt: Sed agunt duntaxat, quicquid ex Creatoris sibi aut inditis, aut è Corporibus reliquis, propinquieribus præsertim, advenientibus Legibus agere jussa sunt, jubenturq;. Hinc cum Vacui Metus, si Individua illo agantur, præsupponat in illis facultatem judicandi, imò prævidendi ac certò præsciendi, Vacuum, si illud admitterent, fore sibi exitiosissimum; ipsa autem, uti dictum, hâc facultate gaudere, nec probatum nec probari queat, quin potius (prout scitè HIPPOCRATES ait) nesciant quid agant: Ergo individua corpora nihil ob Vacui Metum agunt, ac talis effectum, Vacui Fugæ illos tanquam Causæ efficienti, adscribens interpres fallaciam admittit non causæ pro causâ. Ipsi quippe prius, ut firmissimè probet sequentia 4. puncta, incumbit: 1. Vacuum inter individua Mundi corpora dispersum (ut de Coacervato taceam) actu non existere; sed omnia exilissima Mundi spatiola exquisitissimè adæquatis corpusculis repleta esse; seu quod æquipollet priori, corpuscula ea tenus ac summè subtilifata actu existere, quæ dicta spatiola omnia ac singula, nullo penitus prætermisso, plenissimè expleant. Hæcque omnia non precariis Suppositionibus & Postulatis, sed ipsis rerum naturalium phænomenis absque paralogismis & fallaciis candidè sunt demonstranda. Nam benè advertit CORNELIUS CONSENTINUS p. 374, argumenta, quibus ARISTOTELES (ad ego Plenistas ferè omnes) utitur ad confutandum Vacuum, partim esse captiosa, partim inniti fundamentis Experientiæ adversantibus, uti videre est apud GALILÆUM, eorundem fallacias præclare detegentem: 2. Probandum ipsi est Vacuum, si admitteretur, rebus naturalibus esse tam nociferum, ut omni conatu meritò ab ipsis fugari mereatur: 3. Res inanimatas judicioque carentes pollere facultate prævidendi, judicandi cognoscendique Vacuum, si illud admitterent, fore sibi tantoperè damnosum: 4. Res inanimatas (supponamus licet illas, quod tamen ridiculum, per ratiocinii discursum, Vacui noxam præcognoscere) habere insuper potestatem sese pro lubitu ipsas movendi, idque motu tam manifesto pertinacique, suæque naturæ prorsus contrario, qualem in effectibus ejusmodi cernimus, quos Vacui Fugæ falsò adscribunt Vacui hostes. Nam non sufficit rem sibi tantopere obfuturam prævidere atque agnoscere, nisi etiam in illarum arbitrio viribusque positum sit, sese intrinseco spontaneoque motu ad eandem avertendam illicò accingere posse, eoque tanto, quantum ad instans damnum penitus & perfectè abolendum requiritur. Hæc autem cum nunquam probata sint, imò ut solidè probentur unquam à Vacui Negatoribus, spes planè irrita sit; idcirco interim ad annihilantem Vacui Fugam ulterius pergo.

paragr. 10. Objicio itaque tertio, Experimentis Nobilissimi de GUERIKEN certò constare, aquæ in Antliis similibusque machinis ascensum (quo tanquam palmario pro vacui Fugâ asserenda utuntur argumento Peripatetici) non ultra 19. vel 20. ulnas Magdeburgenses pertinere. Adeoque si adversarii dicant, aquam ascendere in dictis machinis ad fugandum Vacuum, quod alioquin in fu-

bis quibus vehitur aqua, orietur, si non adscenderet; necesse est alterum dicendorum eligant: scilicet aut esse Vacuum in tubi 20. ulnis Magdeburgenibus altioris, postquam evacuatus est, spatium, quod supra aquam, utpote ultra dictam 19. vel 20. unarum altitudinem non ascendentem, restat: aut aquam in ejusmodi machinis non attollere se ad fugandum in rubo Vacuum; sed etiam causam sui ascensus agnoscere. Denique, quartò ex supra memoratis aeris affectionibus liquidissime constat, aeris sub Inspiratione in pulmones ingressum non fieri ob Vacui Fugam, quam quippe ad Non. Entia relegamus, sed ob propriæ gravitatis molem, cui pulmo, dum ingens tandem thorax amplificatur, ab illiusque convexâ superficie circumcirca dimovetur, sustinendæ impar est, ideoque ab aëre irruente illicò thoraci dilatato coexpanditur, atque hac ratione inspirare dicitur Animal: quod ipsum thoracis, flexiles pulmonum vesiculas rursus constringentis, operâ, aerem, quem modò passive admisserat, jam denuò activè exprimit, è quo pulmonum cavernulosis vesiculis expellit, sicque Exspirandi munere fungitur.

parag. 11. Ex huc usque fusiùs deductis, proinde non tantum eorum evertitur opinio, qui aerem ob fictam Vacui Fugam, dilatato thorace, pulmones ingredi prætendunt; sed & illorum, qui obeandem Vacui Fugam pulmones thoraci expanso coexpandi putant. Imò utrosque optimè insuper redarguit Experimentum SCHWAMMERDAMMI Tr. de Respir. sect. 2. c. 1. propositum, quo monstrat *Fœtus pulmonem, dum thoracem aperiret Autor, planè fuisse contractum, aeremq; externum, levissimo simulac vulnere perforabatur, intercostale spatium, cum magno impetu & vehementiâ in thoracis cavitatem penetrasse.* Quid ad hæc, Viri clarissimi, qui plus quàm Vatiniano odio erga miserum illud Non-Ehs (si rerum creaturarum seriem spectes) Vacuum inquam flagrantis, ac in hoc ipsam procul dubio naturam antecellitis? Cuius nihilominus larvâ vestram Vacui negandi, ejusque; tantum in rebus naturalibus horrore fingendi pertinaciam palliare optimè nostris. Dico enim: aut Vacuum in pectore Fœtus ante aperturam fuit, aut non fuit. Si prius; ruit vestra admittendi Vacui rebus naturalibus affecta Impossibilitas Metusque. Sin posterius; hoc est, si concavitas pectoris corporibus adæquatis exactissime fuit repleta, ita, ut nullum spatium Vacuum fuerit reliquum, exigo à vobis legitimam causam, cur aër tanto impetu per vulnusculum irruat, cum ex vestrà hypothese solam ob vacui fugam id contingere velitis, quippe quæ dicitur, corpora naturâ levia, (qualia esse fingitis aerem & ignem) ac non nisi perpetuò sursum tendentia, ob Fugam Vacui, contra ingenitam sibi, quam putatis, indolem, deorsum ferri, ne detur Vacuum Sane si pectoris cavitas omnino esset expleta, aut penitus aliis corporibus infarcta, ita, ut nulli ulterius locus pateret, impossibilis vel lippis atque tonsoribus arbitris erit aeris tanto impetu ad fugandum Vacuum, utpote quod non dum adest, irruptio prorsusque frustranea; hæc enim necessariò præexistentem Vacuitatem, tanquam capacem illabentis aeris locum non solum prærequirit, sed & indicat. CARTESIUS quidem cum toto sectatorum satellitio, licet Vacui Fugam mecum neget, attamen contra Vacuum obijciat, fuisse cavitatem thoraci Materiâ subtili à se excogitatâ duntaxat, expletam. Quod & ipse Experimenti Autor Schwammerdammius fidenter admodum asserit. Sed præter argumenta, quæ in superioribus contra Materiam istam adduxi, idem contra hos, quod contra Peripateticos modò attuli, urgeo. Nimirum, si pectus infantuli ante pertusionem penitus fuisset repletum, non potuisse aerem tanto impetu irruere. Corpora enim cuncta juxta ipsorum confessionem propriam ex unâ eademque Materiâ Catholicâ constant, adeoque sive hoc, sive alio corpore Vacuitates repleantur, perinde erit; modò exactissime fuerint repletæ. Accedit, quod ex eorum hypothese Materia ista Ætherea omnium aptissima sit ad explenda plenissime cuncta, etiam minutissima, interstitiola Vacua; quâ itaque si pectoris cavitas penitus esset infarcta, eò minus aer tantâ violentiâ irrumperere poterit, cum sit ad hanc spartam obeundam, Vacuum scilicet explendum, Æthere Cartesiano ineptior.

par. 12. Ultimò auctarii loco de Pulmone adhuc unicum duntaxat addidisse liceat, scilicet quod si internis pectoris parietibus, Pleuræ ac fibrarum interventu, adnatus fuerit, tantum abest, ut spirandi difficultatem inferat, ut potius spirandi promptitudinem facilitatemque augere possit. Cum enim in confesso sit, Respirationis vota magis exple-

ri, quò laxiori ambitu pulmones expanduntur, horumque explicationem cum thoracis dilatatione esse penitus Isochronicam, licet in causis proximis differant, id circò, dum thorax, cui per fibras annexus adhæret pulmo, amplificatur, non potest non pulmo simul ad expansionem abripi, sicque aëri, cum alioquin expandenti, in explicandis illius vesiculis auxilium ferri. Hinc malè BARTHOLINUS, RIOLANUS, LIDENIUS, aliique, diuturnam Dyspnœam inde oriri dicunt, cum in tertiâ ferè hominum parte pulmones inveniri annatos DIEMERBROCIUS testetur p. 514. Imò HELMONTIUS, TULPIUS, atque HARVEUS, tam in hominibus quàm avibus, fieri id notant sine Respirationis incommodo: Vid. MOEBIUS Fundam. Phis. p. 293. Celeberrimus insuper KERKRINGIUS Spicileg. Anat. obser. 72. pulmones sterno & costis firmiter ad hærentes reperit sine Dyspnœæ aut Phthiseos Symptomatibus.

CAPUT VIII.

*Loca, ad quæ aer in Respirantibus Homi-
nibus pertingit, diligenter
investigat.*

§. 1.

Explicatis hætenus partium corporis humani de Respirationis munus concurrentium structurâ, situ, nexu, motuque; expeditoque Principii forinsecus sub respirando advenientis, Aeris puta, peculiari Indole ac Motu; tandem ut de Finaliter causantibus, sive Usu multiplici Functionis hujus nobilissimæ, mentem nostram exponamus, tractandi serie teneremur. Hoc autem cum commodè fieri nequeat, nisi in antecessum intricatam hanc Questionem resolvamus, quorsum scilicet Aer inspirando illabens propriè pertingat? Num in pulmonum cavernulis circum scribantur ejus præsentia, iisque solis competat, ut juxta HIPPOCRATEM L. III. de morbis, aeris habitaculum ac sedes salventur? an verò præter illas vasorum corporis succiferorum cavitatibus contentisque sese insinuet immisceatque? aut forsitan membranam pulmones investientem permeando in thoracis cavitatem penetret? aut denique cerebri penetralia ingrediatur? Idcirco in hisce prius nostra occupabitur opera. Aeri proinde ingressum ad sanguinem aliosq; ex consequenti corporis liquores, concedimus, sequentibus commoti Rationibus atque Experimentis inductivis. Primò quia in Experimento SCHWAMMERDAMMI à Clariss. SYLVIO, (quò præsentè factum est) Disp. Med. 7. th. 86. commemorato, ejusque testimonio stabilitò, aer lentè diuq; in pulmones vivi adhuc animalis calentes pressus, ex adaptato asperæ arteriæ ventriculo siccato, adactusque tandem in Arteriam Venamque pulmonales, hinc & utrumque cordis ventriculum transit, quippe quod vasorum pulmonalium cum pulmonum vesiculis communicationem, saltem aeris ac halituum espiratorum respectu, arguit. Idem hoc Experimentum confirmat insignis apud Hafnienses Professor O. L. BORRICHIIUS in Epist. Barthol. 76. Cent. 4. asseritque; aerem in præfato experimento Vivorum animalium pulmones subire, hinc cor ejusq; vasa manifestè distendere. Cui nec obstare videtur Experimentum HIGHMORI, utpote in pulmonibus è corpore exemptis factum, in quibus sanguinis calidioris continuus trajectus, vasa eorundem expandens desideratur; ut alia præteream.

§. 2. Secundò, quia experiente THRUSTOMIO Diacr. De Respir. p. 46., liquor ater per Arteriam pulmonalem immixtus, partim per Venam pulmonalem, partim verò per tracheam quoque cum spuma rediit: Tertio, quia LOWERII Experientia dicitur Tr. de Corde cap. 3., sanguinem pulmones ingredi venosum, ac atrum per Arteriam pulmonariam; exire autem rursus per eorundem Venam, arteriosum atque coccineo lucidèque rubicundo ac florido colore tinctum. Obturatâ quoque trachæâ sanguinem ex arteriâ cervicali incisâ profilientem paulò post obturatione æquè atrum esse ac venosum. Denique, mortuo jam, motuque cordis ac sensu destituto, animali, sanguinem Venæ cavæ adhuc fluidum, si per cor & pulmones folle simul inflandos adigitur, æquè rutilum floridumque è pulmonibus prorumpere ac si vixisset. Hic meritò, cum sanguinis Venâ secta emissi superficiem aeri

aeri obversam pari modo rubescere, ac sanguis animalium ex arteriis fusus, cernamus, ad effectus identitate ad causam eandem formamus consequentiam, præsertim cum, sanguinis prior superficies si detrahatur subsequens itidem coccinea & arterioso similis, evadat. Imò sanguinis in arteriis hospiratus, rarior, multoque ad spumositatem pronior, adeo, ut parum absit quin ipse spumofus dicatur atque existat; Unde etiã ex ejus spumositate aeris ad illum accessum haud incongruè concludit JOH. THEOD. SCHENCKIUS *Epist. Barthol. Cent. 4. Epist. 72. Quartò*, quia monstrante experientiã MAYOWII p. 149. *sanguis aliquandiu extravasatus in Machinâ Pneumaticâ Aere per exaltationem deprivatus leniter saltem in superficie aeris cõtingit rutilaque in bullulas assurgit. Sanguis è contrario arteriosus recenter emissus, per eandem Antliam aërem exhauriendo, mirum in modum expanditur, & in bullulas penè infinitas elevatur. Quæ phænomena minorem majoremve aeris sanguini Respirando admixti quantitatem arguunt.*

§.3. Quintò, quia in quocunque corporis sani calore aucto, præsertim ex validâ motitatione æstivoque fervore exorto, digiti, manus, brachia, omnesque partes carnosæ palpabiliter tumidiores evadunt: cessante autem calore citò rursus subsident. Quod sedulo attendenti palam fiet, aerisque in corporis substantia præsentiam indicabit, utpote quia quocunque tepore, multo magis calore in Elasticâ sua virtute insigniter augetur seseque, ac simul partes quibus continetur, si flexiles fuerint ejusque eruptionem impediunt, valdopere expandit. Sextò, quia, aëre ex cucurbitularum jamjam corpori applicandarum cavo maximam partem aut exsucto, aut per lampadis flammam expulso, carnea moles, cui affiguntur, intra illas protuberando extumescit, propter aërem in minutissimis ac capillaribus corporis vasculis, Elateris ratione ob minorem incucurbitulis resistantiam, se simulque carnem expandentem. Quamvis enim minimè ignorem, ab illustribus Viris de GUERIKEN & BOYLEO, nec non à PECQUETTO *Diff. Anat. p. 122.* hocce phænomenon acceptum referri Atmosphæræ externæ contrusioni, quod & Celebrissimi SINCLARII Experimento confirmatur, ubi caro æquè in maris fundo ab aquarum vastâ ponderosâque mole atque pressurâ intra cucurbitulam adigitur intruditurque, aerem in ejus cavo contentum coarctando ac condensando, quàm supra aquas ab aere externo, postquam internus cucurbitulæ aer aut flammâ imminutus rarefactusque, aut per foramen cucurbitulæ exsuctus est: attamen salvâ hac sententiâ, cui quippe lubens accedo ipsemet, nil impedit, quò minus aer omnibus corporis succis intimè permixtus, renitentiam in cucurbitula applicatâ minorem quàm alibi offendens, ad elevandam, sui expansione Elasticâ, carneam massam, eamque cucurbitulæ infingendam simul æquè ut aër externus conferat. Pari modo in Experimento TORRICELLII pulpæ digiti intra tubi vitrei cavitatem infarctio tenaxque adhæsiò, tum aeri externo grassitare suâ contrudenti, tum interno in digiti pulpæ Elateris ratione se expandenti imputanda venit. Confirmantur hæc de aeris in sanguine existentia egregiè ex Prænobilis Viri de GUERICKEN l. III. c. 16. *ubi per carum oculos, aerem ex Machina detrahendo foraminibus suis extorqueri refert*: Pariter etiam & Illustriss. BOYLEI *Experim. 41. ubi murem in Recipienti, dum aer exhauritur, quasi intumescere notat.* Accedit pro collato aeris in carne præsentis Symbolo Experimentum MAYOWII p. 103. in quo Vesica vasculo cuidam arctissime superextensa ac circumligata, tum eidem cucurbitula cum flamma affigitur, in tumorem versus cucurbitulæ cavitatem elewantur, perinde ac caro. Cum tamen in hoc casu non tam aer externus vesicam, ut pote firmiter testam, contrudere, quàm internus in Vasculo contentus ob minorem in applicatâ cucurbitulâ resistantiam, vi suâ Elasticâ se expandens, illam intra cucurbitulæ cavum attollere atque intrudere potest.

§.4. Septimò, quia largissima respectu assumptorum, quotidiè diffuimus, Diapnoë, aeris ad massam sanguineam accensum firmiter persuadere videntur. Quippe SANCTORIO *Medicin. Static. Aphor. 4. 5. & 6.* observante, Perspirata per corporis poros, nec non espirando egesta effluvia quantitate superant excreta visibilia cætera simul sumpta, adeo, ut ex Lib. 8. assumptorum unius diei Transpirata insensibilia (uti vulgò vocantur) ad lib. 5. ascendere soleant, valiantia tamen pro hominis rerumque non naturalium varietate; imò solus expiratus halitus unicâ die selibram circiter constituat, adeoque necessario poros in Arteria & Ve-

Ettmulleri Oper. Tom. I.

na pulmonalibus arguit, per quo exeat, dum sanguis per dicta vasa propellitur. Quo tamen halitu aeris corpuscula adhuc multò minutiora subtilioraque, esse nemo utrumque considerans negare poterit, præsertim cum halitus tempore brumali exactè conspicuus evadat, insignissimique BORRICHII experientiâ testante salem & sulphur abscondita in se gerat. *vid. BARTHOLINUS Tr. de subst. & motu Pulm. sect. 2.* Sicuti etiam FABR. BARTHOLETTUS *de Diff. Respir. Lib. 5.* prodidit, *halitum humanum coagulari ac in crystallos destillari posse*, referente eodem BARTHOLINO l. c. Copiosæ autem hæ aporrhœæ, (optimè notante Magno HELMONTIO *Tr. Blas Human.* ubi septimam hanc rationem nostram fusè profert probatque) si solo calore auctæ corpore profugarentur, ingens brevi restitaret Capitis mortui (uti loquuntur Chymicæ periti) carbonisve tosti quantitatis. Nam quæcunque ab animalibus desumpta, tepidissimo licet caloris motu agas, insignem adustæ duræque fæcis carbonariæ quantitatem destillando post se relinquunt, partibus volatilibus propulsis vel quintuplo sextupulove præponderantem. Quæ, tantum abest, ut cum sanitate hominis stare possit, ut potius vel minimum non quidem adustæ ejusmodi fæcis, at solùm sanguinis extravasati, ingentes dolores, calores, pulsuumque duritiem moveat, priusquam aut carnem cutemque perforando sub puris formâ egrediatur; aut malacticis emplasticisque ad plenariam transpirationem promoveatur; aut denique scalpello partes illud continentes incidendo (quod etiam, si copiosius fuerit extravasatum, & nullæ ex prudentis Medici judicio id vetent circumstantiæ, citius levamen feret) foras educatur. Et tamen non obstante fæcis posthumæ metu pleniori transpiratione magis avellatur corpus, quàm eadem quodammodo suppressa. Unde non immeritò laudatus HELMONTIUS *peculiari Tractatu, Retenta corporis, tanquam valentiores frequentioresque multorum morborum causas doctè pertractat.* Præterea suggerit tum *autoptica*, tum illustriss. BOYLEI *in Orig. Formar.* proposita experientia, ipsâ etiam aquam pluvialem limpidissimam, vel centies redistillando, singulis per alembiculum transvectionibus, terrestre quid relinquere fixissimum, ac nullâ ignis vehementiâ alterandam ulterius. Quæ cuncta ad proscribendas penitus sine incrasatis tostisque reliquiis è corpore aporrhœas, præter solam caloris actionem utpote univocam, insuper aliud volatilizans Agens evidenter præsupponunt atque requirunt.

§.5. Cum autem Experientiâ HELMONTII, TACHENII, aliorumque constet, ligna libero aëre putrescentia, vel planè nullum, vel verbo vix dignum in igne salem suppeditare. Cum & herbæ siccæ ac per annos asservatæ minorem, quàm recentiores solent, salis quantitatem in cineribus relinquant: Cumque denique sub maximis frigoribus aereque purissimo (uti præter HELMONTIUM, id testantem, in memetipso sedulo annotavi) simus edaciores, cum minori sudandi ac secedendi necessitate; navigantes etiam, nisi ægrotent, duplo vel triplo plus comedant minusque excrementorum deiciant, quàm si in terrâ degerent: hinc meritò concludimus, aerem esse volatilisationis sine capite mortuo restitante in corpore animalium causam, adeoque & necessariò sanguini reliquisque corporis succis Chylosis lymphaticisque ex utraque Cavâ in cor fluentibus, ac per minima pulmonum vascula exactiori miscelâ conquisitis, connecti intimèque permisceri. Ex lignis enim putridis herbisque annosis perpetuo suo allinctu ac recentatione istiusmodi suffurantur corpuscula aër, quæ in proximâ erant potentiâ aptitudineque salem in ignis colliquantis torturâ constituendi. In intensiori autem gelu coelique serenitate, optimè notanda veniunt tum aëris major copia densiorque aggregatio, ob solis recessum diminuntumque radiorum, aërem alioquin agitando expandentium, impetum, compactiorem eidem subsidentiam arctioremque particularum ejus constitutarum inter semet appropinquationem ac coacevationem indulgentem; tum ejusdem exquisitior puritas minorque ab effluviis globi Terraquei aggravatio, ob eandem radiorum solarium, aporrhœas istas cæteroquin suscitantium, actionem tunc imbecilliorum. Hinc, aere & puriori & copiosiori existente, utiq; non potest non fieri plenior ejusd. Inspiratio, largior in sanguinem traductio, promptiorque Transpirandorum exportatio tã per oris halitum, quàm per Diapnoën in corporis periphæriâ potissimum obeundam. In navigantibus denique, sanis expeditior fit Transpiratio, tum ab aere ob frigora marina ventosque gelidiores copiosiore, hinc & majori particularum suarum numero, sanguis era vasa subeunte;

tum subinde recentato agitatoque transpirata effluvia diligentius à corporum superficie detergente. Aerem namque particulae effluviarum minutas atomos promptissime arripiunt, & cum in perpetuo ferè sint agitationis motu, secum abripiunt, succedentibus aliis ejusdem aeris corpusculis; quæ itidem, plaustris (loqui sic liceat) suis effluviarum sarcinâ aggravatis, avolant, successoribus muneris obeundi copiam relinquentes. Quæ cuncta jucundè dilucidantur partim ex Sacris, ubi *Genes. c. 8.* Deus ventum immisit supra terram ad aquarum Diluvii absorptionem perfectamque exsiccationem: partim ex *BOYLEI Experim. 29. Tr. de aeris Elast.* ubi peculiaris quidam in libero aere perpetuam copiosos fumos exhalans liquor in Machina Pneumatica, aere exantlato, fumare desit; odem autem rursus admissio confestim fumi scendere denuò cœperunt, utpote ab aere indefse motitato è Phiala abrepti: partim denique ex domesticis observationibus, ubi lintheamina lota madidaque, à vento perflante omnium optimè exsiccantur. Humida enim ac succulenta quælibet ab aere seu allabente seu pertranseunte liquidis deprivantur particulis. Sic & animalium corpora, continuo quasi gurgite inspiratus, rursusque expiratus, nec non transpiratus, permeat aer, humidaque eorundem corpuscula secum furripit. Appositè enim loquitur Venerandus Senex *HIPPOCRATES; animatum corpus esse ἀσπννν καὶ ἐκπννν, sive inspirabile & expirabile.* Adeò, ut verè vita nostra sit continuus quasi fluxus in mortistandem exitiosam, at piis dulcissimam, quietem terminans.

§. 6. *Ὀκτανὸς*, quia venenosa *μασμητα* in aère natantia cum eoque inspirata tam subito occidunt inficiuntque. Refert enim *KIRCHERUS Scrutinio Pest. sect. 1. c. 3. ex ARISTOTELE & CARDANO Lib. de Venenis*, Dracones illos in quodam Macedoniae antro stabulantes tam pestiferum halitum spirasse, ut vel transeuntes in momento interficerent. Ipse *KIRCHERUS* complura in diversis mundi partibus antra se observasse scribit, adeò virulentum continuo halitum emittentia, ut & homines & bruta, quot inconsultiùs intrarunt, mox extinguat. Narrat porro ex *GEORG. AGRICOLA* dictus *KIRCHERUS*, lintheamina pestifera muro inclusa, ac post multos annos extracta vermibusque referta, cum ingenti Mephyti mox eruentes infecisse, qui deintotam regionem inquinando devastarunt. Hæc sanè si penitùs pensitantur, *μασμητῶν* horum tam subito polluentium simul cum aere tanquam vectore ad Massam sanguineam transitum, exitiosamq; ibidem alterationem causantium, optimè arguunt. Momentaneus enim eorundem effectus in corpore nullà probabilitate circumspèctis ingeniis satisfaciende alioquin explicari poterit.

§. 7. Nam quod Clariss. *DIEMERBROCIUS Anat. p. 323.* dicat: malignum aerem non misceri sanguini, & pulmonibus saltem malignam qualitatem imprimere, quam sanguis transiens indè recipiat & cordi communicet; eodemque modo ex fragrantium usu Liphothymicos refici; petito simili à calore, vitro antimonii vino infuso, &c. existimans hisce casibus non communicari substantiales materialesque dictarum rerum particulas, sed nudas duntaxat qualitates, illud Experimentalis Realique Philosophiæ imbutus, nec tam credere quàm intelligere cupiens animus admittere nequit. De Lipotymicis enim ut taceam, cum eosdem, ut pote Respiratione plerumque ferè destitutos, non tam fragrantium particularum in pulmonse tractu inspiratuque, quàm nervorum olfactoriorum membranaeque narium cavitatem succingentis nervosæ vellicatione, irritationeque refici animamque resumere opiner; considerandum optimè duco, qualitates nullatenus absque subiecto substantiali materialique, vel ipso Peripato iudice, subsistere, adeoque nec communicari posse; si enim sanguis transiens ex pulmonibus quicquam recipere cordique communicare debet, necesse est, ut aliquid sit Materiale (nam de immaterialibus hic nulla ne quidem suspicio) tanquam objectum sanguinis, quod secum ad cor rapiat. Si verò quidditate materiali substantialique fuerit destitutum, quomodo recipi ac cordi communicari possit, fateor me concipere non valere. Si alii forsan tanto concipiendi intelligendique vigore polleant, ut, quomodo ejusmodi qualitates absque subiecto materiali existere sustentarique, nec non recipi & aliò deportari possint, clarè percipiant, intense ab illis flagitabo, velint mihi modum ejusmodi subsistentiæ, recipientiæ, ac transportationis ad vivum depingere, & parallelis naturæ phænomenis collustrare.

Interim ego cum Modernis, quos naturæ sedula observatio ac Experientia creavit, Philosophis dicam: calorem formaliter consistere in velocissimâ corpusculorum minutorum agitatione, idque cum respectu ad sensum tactus; subiectivè verò seu materialiter in particulis ejusmodi subtilibus exilibusque. Adeoque uti calor non potest esse absque velocissimâ minimorum motitatione; ita nec velox hæcce agitatio fieri potest absq; subtilissimis corpusculis, tanquam substantialibus materialibusque motus, hincque calor (soli sensus respectu sic dicti) subiectis. Ex vitro verò antimonii, quod revera corpuscula vino communicentur, non verò imaginaria saltem qualitas in illum transeat, patebit ingenuo Lectori ex *PECHLINI Tract. de Purgantibus p. 78., nec non ex Tractatu permultis Experimentis referto illustris. Philosophi BOYLEI de corporum Atmosphæris*; ubi præterea vel ipsum ignem seu ignificas particulas sensibilliter gravitare, ac lancibus librari posse, reperient Peripatetici, tanquam paradoxorum omnium sibi forsan *παράδοξόν*. His omnibus pro aeris in sanguinem transitu addi possent Viri clarissimi eundem pariter asserentes, nimirum *HELMONTIUS, GASSENDUS, PLATERUS, SYLVIVS, DEUSINGIUS, THURSTONIUS, MAYOWIUS, ENTIUS, BACCIUS, SCHWAMMERDAMMIUS*, aliique complures; nisi in saniori Philosophiâ, quæ ipsam rerum veritatem duntaxat pro principalissimo veneratur scopo, non tam Autoritatum quàm talim, quàm Rationum atque Experimentorum vigere momenta optimè nossem.

§. 8. Cum itaque ex deductis hætenus argumentis sufficienter constare arbitrer, aërem ispirando haustum in massam sanguineam, hinc & reliquos corporis succos partesve transire; paucis modum ingrediendi innuisse congruum erit, utpote qui & ipsi sagacissimo Philosopho *BOYLEO*, nec immeritò, explicatu difficilis censetur, cum tantum absint) uti egregius Vir loquitur) *Systole & Diastole cordis & pulmonum ut sint Synchronicæ*. Sed in opinionis nostræ patrocinium notemus sequentia. De viis quibus ad sanguinem aer feratur non esse ampliùs dubitandum, cum eadem ex modò dictis clarissimè evincantur, licet adeò exiles sint, ut à priori sub sensum non cadant: Quibus enim halitus crassiores exeunt, iisdem ut aer, halitibus multò subtilior, ingredi, possit necessariò, saltem viarum capacitatem quod spectat, sequitur. 2. Non requiri strictè ad huncce aeris in sanguinem transitum, ut cordis & pulmonum Systole Diastoleque sint synchronicæ, multò minus Isochronicæ. In pulmonibus enim semper aer est præsens, sive inspires, sive expires, sive ab utroque munere cesses quippe non omnis, imò vix dimidia pars aeris, quem omnium primà sub partu Inspiratione admisit fœtus, subsequenteribus expirationibus expellitur; sed eatenus saltem nec ulterius, quatenus & quousque à thorace pulmones constringente exprimi potuit, cum imposterum per vitam integram pulmones thoraci servantur ab aere contigui atque expansi. Hinc, cum sub qualibet Inspiratione binæ ad minimum observantur cordis systolæ, adeoque & totidem Diastolæ; quod pari etiam ritu sub Expiratione contingit; cumq; præter vias, quas dari constant, nil ampliùs ad aeris ingressum per vasa pulmonis sanguifera in sanguinem requiratur, quàm ut ab altera parte respectu viarum per quas & Loci ad quem nullum obstat transeundi & ingrediendi impedimentum, ab altera verò parte, respectu termini à quo, adsit Principium promovens illum per dictas vias, vasorum pulmonis sanguiflorum scilicet porulos, quibus oris halitus expirant, ad Locum desideratum, memoratorum scilicet vasorum cavitatem sanguinemque in illà existentem: dispicendum erit quo tempore nulla adsint impedimenta, principii, aërem moventis, actionem sufflaminare valentia; nec non quo tempore principium illud movens præsto sit agatque. Si enim dari potest temporis punctum, quo principii aerem moventis Actio simulque impedimentorum dictorum defectus coincident atque concurrant, nil prohibebit, quin concludamus aerem illo temporis puncto in massam sanguineam transire.

§. 9. Principium itaque aerem ad sanguinem propellere valens, vel erit gravitans ejus moles, idque sub Inspiratione; vel thorax pulmonum interventu eundem comprimens, idque sub Expiratione. Adeoque in utroque respirationis actu principium movens agit, unde & semper aeris aliquam particulam in sanguinem propellere posset, nisi, impedimentis infringeretur ejus actio: quæ proinde aliud nil erant, quàm sanguis à corde

corde in vasa pulmonalia propulsus, atque halitus inde exhalantes. Sanguis impulsus si per intervalla cesset, uti reverà id fit in Diastolis, movens verò aërem principium nihilominus interea actionem suam adhuc continuat; cessante hoc impedimento, id est, in cordis Diastolis aërem in massam sanguineam transire colligimus. Cum itaque sub inspiratione binæ, uti supra dictum, fiant cordis Diastolæ, totidemque sub Expiratione; ergò bis ad sanguinem accedere poterit aër, eique permisceri inspirando, totiusque Expirando. Nec metuendum erit, ne aër inspirando irruens vasa sanguifera pulmonis coarctet, atque sic sibimet ipsi vasorum porulos, quos ingredi deberet, præcludat; quin potius eosdem distendat mediantibus, quas inflat atque expandit, pulmonum vesiculis, quibus quippe vasa arctissime sunt intertexta, adeò, ut iis quaquaversum extensis non possint non simul distendi, hincque porulos aeri præbere patentiores, quos impulsu sanguinis cessante aut sub Inspiratione propriæ gravitatis mole irruendo traiciat, sanguinique sese immisceat: aut sub expiratione à thorace comprimente compulsus ingrediatur, atque hoc demum modo ad sinistrum cordis ventriculum, & consequenter reliquas corporis partes pertingat, in quarum deinde peripheriâ partim ob sanguinis propulsu, partim verò & quidem potissimum ob calorem corporis rarefacientem ejusque vim Elasticam augmentem, simul cum Transpirandis, quibus obvolvitur, foras proscribitur atque exterminatur; unde & sanguis venosus maximam partem aëre depravatus ac nigricans reperitur. Halitus verò quod attinet ex sanguine egredientes, nec illi obstaculo esse poterunt, quò minus aër illum ingredi queat. Nam sive à cordis impulsu, adeoque saltem sub hujus systolen; sive a sanguinis calore, sicque continuo, halitus è sanguine expelli dicantur (ab aëris siquidem vexpanzione Elasticâ, uti in corporis peripheriâ fieri id dici nequit, cum sanguis venosus, qualis pulmones intrat, aëre fere penitus in Diapnoë fuerit orbatus) neutrum tamen officere poterit. Non primum; nam tunc aeris ingressum ad sanguinem fieri, nostra non fert opinio. Nec secundum: quamvis enim halitus continuo caloris fotu exspirarent; attamen cum aeris inspirati temperies sit frigidior, simulque elapsus ejus tam fortis, ut, uti experimentis constat, etiam iesticam, remoto corpore circumstante, disrumpat, idcirco sanguidum hunc halitum facillimè superabit; ac insuper cum tartis hiantibus ac poris præditus sit, ut vel ad sextam septimamve spatii partem comprimi possit, multoque denique subtilior existat, halitus in pulmones admittere, ac nihilominus ob substantiæ suæ subtilitatem vasorum porulis se insinuare sanguinemque subire poterit. Exspirando autem, cum non tam promptè è sinuosis pulmonum vesiculis abigi queat, quin quodammodo contra nitatur; hinc, velintne an nolint halitus, ista thoracis pulmonumque constrictione quoad aliquam sui partem ad sanguinem transmeabit. Quod autem nec adeò leviter quidem contranitur aër sub Expirationis actu, probatur Experimentis tum propriis, tum ingeniosi MAYOWII p. 276., in quibus si thorax exspirando vulnere perforetur patulo, pulmones etiam extra vulnus prorumpere nituntur, ab aere scilicet à thorace exspirante coangustato. Hinc sequitur, aerem in sonoris sui expirationibus cunctis, v. g. in loquela, cantu, clamore, &c. semper magis in pulmonibus coarctari, adeoque & largius, quàm in libera expiratione sanguini intrudi; quia scilicet in omni ejusmodi rimulæ laryngis modificatione aeri exspirando remora iniicitur, unde & impetuosiùs allidens sonum edit. Hæc de aeris in sanguinem Transitu fusè dicta sufficiant.

§. 10. Aliam adhuc inter Autores agitari litem cernimus, an scilicet membrana pulmones investiens aerem in thoracis cavitatem sub respiratione ordinariâ transmittat? Affirmativam tuentur HELMONTIUS, HIGHMORUS, WALÆUS, TULPIUS, HARVEUS, LINDENIUS, SCHENKIUS, pluresque. Imò HELMONTIUS *Junior Alphabeta Naturæ* p. 39. patrem secutus, uti & GUARINUS GUARINI, non tantum in pectoris cavum, sed & abdominis penetrare aerem existimant. Ast pace tatorum virorum, quamvis poros in pulmonis membrana à WALÆO, ALEX BENEDICTO, PLEMPPIO, aliisque observatos negare nolum; quamvis porro purulentam materiam in Pleuriticis pectorisque vulneribus, vel denique liquores in thoracis Empyemate immisos, per pulmones ac os rediisse, uti id experienciâ freti testantur GALENUS, FERNELIUS, PARÆUS, TULPIUS, LOMMIUS, MARCHETTUS, DUMMERBROCIUS, aliique, neutiquam inficias ire animus

Etzmuller. Oper. Tom. I.

fit: attamen in naturali & ordinariâ sanorum hominum respiratione aerem in thoracis cavitatem permeare nunquam credidero. 1. Quia, stante hæc sententiâ, pulmones debite non explicarentur, à solo quippe aere, uti supra probatum, explicandi; hinc ob eorundem collapsum sanguinis circulus impediretur, adeoque brevi, violentis convulsionibus prodromis, animal in præsentissimum vitæ discrimen adduceretur; quod tamen, Deo sint gratiæ, non experimur. 2. Quia non video, cur in thoracis abdominisque cavo tantopere expeteretur aeris præsentia, ut hujus in illis locis defectu intra pauca horæ minuta animal exanime succumbat, uti factum testantur Experimenta in *Illustris. BOYLES* Machinâ peracta. 3. Quia PECQUETTI experimentum contrarium monstrat, citatum à MOEBIO. *Fundam. Physiol.* p. 290. imò ab ipso autore *Diff. Anat.* p. 146. descriptum: Si vivæ, inquit, dum dissecas, animantis insinuata bronchiis inspires avenâ, quicquid nitare, nullus admotæ lucernæ flammam, nisi quâ tunicam liberaveris, agitabit aer. His permotus, aeris imperviam esse in naturali sanorum respiratione pulmonis membranam censeo. Transitum autem præmemoratorum liquorum, aut membranæ istius erosioni, aut peculiari pororum figurationi structuræque, versus bronchia liquores quidem, non verò versus thoracem aera admittendi aptæ, aut denique insolitis naturæ operationibus, ad statum ordinariæ naturalemve nullatenus applicandis aut concludentibus, acceptum refero. Nonnunquam enim, ut cum AVERHOE loquar, in Medicina fiunt miracula; referque insignis. HELMONTIUS *Tr. de Injectis Materialibus*, nec non alii, miranda Excretorum per corporis substantiam absque viis adæquatis exempla, quos vide.

§. 11. Restat tandem, dum aeris vestigia exploramus, paucis disquirendi negotium, an aer inspirando cerebri quoque penetralia pro spirituum animalium materiâ subeat? Cujus quæstionis Affirmativam magni multique sustinuerunt viri docti, GALENUS puta, ERASISTRATUS, VESALIUS, SENNERTUS, LAURENTIUS, COLUMBUS, PLEMPIUS, FRACASSATUS, aliique complures. Sed huic opinioni quò minus accedere queam, argumenta in promptu sunt sequentia. 1. Quia cerebro nullum aeri comparatur inspirando spatium reciproco quodam peculiaris alicujus respirationis motu, aliis corporibus destitutum, ad quod gravitatis suæ illapsu & confluxibilitatis aptitudine aut Elasticâ Expansione ruere atque pertingere adniti posset; quod tamen ubique necessariò requiri nobiliss. Virorum aeris naturam præclare detegentia Experimenta demonstrant, si ad locum aliquem pervenire debeat Atmosphæra aerea. 2. Quia aerem per os cribriforme ab ventriculus cerebri in homine vivente penetrare non posse, tum clariss. SCHNEIDERI *Libris de Osse Cribriformi*, & de Catarrh. declaratur, tum à multis omnibusque circumstantiæ cuilibet præjudiciis non capto monstrantur. 3. Quia in ventriculis cerebri spiritus animales elaborari, ruinosa est sententia, ab Anatomicis Neotericis accuratioribus diù explosa. 4. Quia perpetuus pituitæ viscidæ in naribus mador spongiosumque os dictâ pituitâ infarctum, aeri transitum ad cerebrum denegant, etiamsi os ipsum quodammodo connivere gratis supponeremus. 5. Quia spirituum animalium necessitas est sine interruptione, cum tamen homines sæpè per duas tresve septimanas Gravedine affecti per narium mucos obturatas cavitates aerem admittere nequeant, sed ore patulo spiritum ducere cogantur. Imò novi quendam Hamburgi Fidecinem, cui post narium Ulcus totus earundem meatus penitus erat coalitus atque occlusus, sicque per omnem vitam aeris per nares transitu destituebatur. Quia foetus in utero, præsertim grandior, spiritus animalibus nec caret, nec carere potest, cum tamen nihilominus, veluti paulò post demonstrabitur, in utero nullatenus respiret. Ut taceam, valdoperè adhuc dubitari, an aer tanquam necessaria pro spiritibus animalibus materia in eorum confectioe exigatur, cum ab hujus sententiæ patronis id nullibi probetur.

CAPUT IX.

Problema Harveanum Doctis omnibus pro-
positum enodando, Fœtus in
utero Respirationem discu-
tit diluitque.

§. 1.

Superatis nunc, de aëris in corpore humano respirante Viis Locisque, ad quæ pertingat, oblatis difficultatibus, absque mora ad varios humanæ Respirationis Usus properarem, nisi prius paradoxam istam (uti Illustriss. BOYLEO haud immerito audit) HIPPOCRATIS sententiam, scilicet quod Fœtus in utero respiret, à doctis quibusdam denuò resuscitatam ac propugnatam, penitus perquirendam ducerem, cum hac occasione quædam gravioris momenti in Respirationis Usibus accuratè enucleandis futura, eventilanda sese exhibeant. Neminem itaque opinor, Eruditorum sacris vel tantillum initiatum, latere poterit, Anglicanum illud decus HARVEUM, insignissimi Philosophi DEMOCRITI, animalium intima rimando, vestigia premens, Doctis omnibus hocce Problema, *Lib. de Generat. Animal. Exerc. de Partu, proposuisse*: qui nempe fiat, ut Fœtus in lucem editus, ac membranis integris opertus, & etiamnum in aqua sua manens, per aliquot horas citra suffocationis periculum superstes sit; idem tamen secundinis exutus, si semel aerem intra pulmones attraxerit, postea ne momento quidem temporis absque eo durare possit, sed confestim moriatur. Quantopere Problema hoc Doctorum ingenia exercuerit, quamque feliciter infeliciterve in illo enodando operam navaverint multi, non est, quod disquirendo afferendoque multum sim. Num ingeniosus SCHWAMMERDAMIUS *Tr. de Respir. sect. 2. c. 1.* jure gloriari possit, *negotium hoc planè à se esse confectum*; judicent Viri in resolvendis arduis naturæ phænomenis circumspicientes. Ego, ut libere, quid sentiam, fatear, non satisfactum esse ab illo permultis, si non omnibus, arbitror, cum non tam ex rerum naturalium effectibus, quam ex precariis Clariss. SYLVII & CARTESII hypothesebus, ingenti adhuc difficultate laborantibus, deduxerit rationem, cur Fœtus aëre destitutus confestim moriatur, qui tamen momento vix antea eodem optimè carere poterat: nec tamen eruditorum, quod sciam, ullus difficillimum hoc HARVEI Problema solide enucleavit.

§. 2. Non unas, confiteor ingenuè, horas, imò dies, ne dicam septimanas, anxie me torfit Problema illud, ab ipso etiam HARVEO Anatomico ac Medico Exercitatissimo Doctissimoque absque resolutione dimissum: parumque aberat, quin penitus de ejusdem plenaria, ac cautis ingeniis, Realisque Philosophiæ Cultoribus satisfaciente, elucidatione desperassem. Animum quidem certò ex multorum huc facientium diligenti pensitatione persuaseram, subitanæ ob Respirationis defectum oriundæ mortis, (aut vitæ saltem ad sensum cessationis) causam potissimum & in pulmonibus & in peculiaribus circa & in fœtus corde extructis Vase ac Anastomosi ovali esse quærendam; meritò ratus, Sapientissimum rerum omnium Creatorem in finibus suis errare neutiquam posse, nec frustra mirabilem illam Meatuum in fœtus corde unionem ordinasse. Attamen tam intelligibiliter Autores de modo dictæ Unionis in homine nato Abolitione loquuntur, ut, talis istorum Meatuum Clausura, qualem proponunt, quamvis forsitan, si Diis placuerit, in adultioribus tolerari posset; nihilominus in Fœtu vix nato ac paucis post partum momentis, quando probabiliter saltem, indicato ab ipsis modo, contingat, doceri intensè aveam; idque imprimis de Foramine Ovali, copiosiori quippe sanguini cursuque expeditiori transitum præbente, quam Canaliculus adeoque, ob sui occlusionem majorem etiam, ac denique totalem vitæ noxam inferente, cum & in quadrimulis, quinquennibus, natuque grandioribus pueris meatus in corde adhuc patentes fuerint observati & aperti, referente CORNELIO CONSENTINO, *Progymn. pagina mihi 309.* Illud proinde, sive aliquantulo post partum tempore ita coalescere & exsiccari cum BARTHOLINO *Anat. Reform. p. m. 275.* & CORN. CONSENTINO *Progymnasm. p. 309.* putetur, ut locus hic nunquam pertusus fuisse videatur; si

ve ita, ut solum saltem vestigium in natu grandioribus aliquod relinquatur, quod ARANTIUS *Tr. de Hum. Fœtu. c. 14.* voluit: nullum tamen horum paucis minutis post partum ita contingere potuerit, ut transitu sanguinis per pulmones, ob respirationis defectum, colapsos, præcluso, fœtus confestim moriatur, uti Problema Harvei loquitur.

§. 3. Insignissimus tandem KERKRINGIUS, Anatomie non minus quam Chymie calentissimus Autor, ac de Primis tenellorum fœtuum Exortibus omnium meritissimus, *Spicilegii sui Anat. obs. 94.* fulgidissimam hisce tenebris lucem afferre videtur; Dictas enim Autorum opiniones meritò recusans, frequentem *avto & av* adducendo, asserit, se cuilibet ostendere posse, *Foramen illud Ovale non aliâ materiâ, quam suâ ipsius Valvulâ in Nato & respirante infan- tulo claudi.* Modum autem occlusionis, cum is, quem Clar. Autor indigitavit, mihi non satisfaciatur, sic explico: nimirum fieri Occlusionem, & quidem remotè, quia sanguis viâ magis rectâ ad pulmones fertur, nec obliquè per canaliculum diverti cogatur, hincque minus in dextra auricula remoretur, adeoque & Valvulam minori impetu protrudendo aperiat: immediatè autem à sanguine ad sinistram cordis ventriculum copiosius tunc detruso, valvulamque illam ita in transitu suo per venam pulmonalem (in quam Foramen aliàs patet) ad foraminis marginem comprimente, ut amplius commodè aperiri nequeat. Manere autem, (pergit Autor) Membranulam istam tralucens & tenuem Valvularum omnium more; nec crassescere, nec exarescere, nec solum saltem foraminis vestigium relinquere in natis, sed ita, ut valvula semper permaneat corpore, tenuitate & perspicuitate; imò clarè à reliqua Septi substantia differens cuilibet exhiberi possit, ut nullus dubitandi locus relinquatur. Cuncta hæc qui attento animo libraverit, insimulque perpenderit: 1. Meatus in corde fœtus esse factos pro sanguinis trajectu, ut pote cujus circularis cursus pari cum vitâ passu ambulat, quique per pulmones, dum fœtus membranis & utero sepultus aëreque omnino destitutus jacet, colapsos pro rei exigentia transire nequit: 2. Sanguinem autem pulmones permeare non posse, quia in fœtu nondum nato sunt contracti atque densè coarctati respirantium respectu: 3. Pulmones esse coarctatos in dicto fœtu ob principii eos cæteroquin in nato explicantis atque expandentis, aëreæ puta Atmosphæræ, defectum: 4. Hanc denique deficere ob crassarum dupliciumque, si non triplicium, secundinarum arctissimam, aëremque penitus arcentem texturam, nec non ob oris uteri exactissimam clausuram, quam præter HIPPOCRATEM & GALENUM ceu oculatus & authenticus testatur testis Celeberrimus Anatomicus DIEMERBROCIUS *Anatom. p. 383.*, observationem afferens, *se propriâ experientiâ os uteri in prægnante fœtum longitudinis manum æquantis gerente glutinoso tenacique humore clausum invenisse; idque tam exquisitè, ut nre stylus, nisi vi per gluten adactus, immitti posset.* Hæc, ut plura omittam, qui probe, inquam, attenderit, simulque sedulò consideraverit, quam promptè, laxè, ac fortiter Aër à quocunque tepore, multò magis calore expandatur, sicque majus spatium occupet, (quod ad Pulmones Animalium spiritu cohibito enecatorum fusiùs applicatum vide *cap. 10. §. 8.*) subitanæ non tantum mortis ob Anhelitum nato infanti præclusum, causam; sed & simul, quæ veri similitudine reanimata hæcenus à Doctis quibusdam asserta Fœtus in Utero Respiratio gaudeat, haud difficulter reperiet. Harveanum itaque Problema sic solvo: Fœtus Aquis suis ac Membranis integris circumdatus, Utero licet exclusus vitali persistere potest, quia sanguis illius adhuc, uti & in Utero, per Foramen Ovale & Canaliculum Arteriosum, cursum suum Circularem, pro Vitâ quippe servandâ absolute necessarium, sine remora peragere potest, pulmonibus interim nec Aërem illos aliàs insufflantem, ob secundinarum integritatem, nec consequenter sanguinem ob sui, propter Aëris defectum, subsidentiâ admittentibus, adeoque Valvulam Anostomoseos Ovalis sanguine mediante occludentibus. Contrà verò Fœtus semel respirans, si illi os naresque ac omnis Aëris via præcluditur, illico moribundus evadit, brevique moritur, quoniam Aër, vel vnicâ factâ respiratione, in pulmonibus restitans confestim à calore in pectore maximo latissimè fortiterque expanditur (quod uberius & satis clarè explicatum vid. *c. 10. §. 8. &c.*) qui expansus vesiculas Pulmonum justò amplius distendit; hæc distentæ, cum aliud spatium, in quo aucta earum magnitudo recipiatur, non detur, vasa Pulmonalia comprimunt, hisque mediantibus

bus (cavitate eorum aut penitus, aut maximam partem abolitâ) sanguinis Circulationem aut statim tollunt, aut eatenus remorantur, ut brevi congruescendo stagnare incipiat; quo stagnante, inque cursu suo planè impedito Valvula Foraminis arctè clauditur, sicque sanguini omnis péné via, tum per pulmones, tum per Foramen Ovale obstruitur; quo facto, cum Canaliculus Arteriosus Foramine longè angustior, universo Fetus sanguini transmittendo, incapax prorsus sit, cor perpetuas corporique viventi mortiferas Systolarum suarum cessationes resumit; unde Vitalia indicia intereidunt cuncta, morique dicitur Fetus. Ab hoc etenim Cordis ac consequenter Sanguinis Motu Vitæ Animalium Characteres, veluti à Pondere appenso seu Elatere Chalybeo Horologii Effectus, dependere videntur. Sed hæc omnia plenius deducta & explicata vide §. 7. *hujus Capituli*, nec non §. 8. & 9. *Cap. Decimi*. Sola itaque partium cordis structura atque connexio, monstrans Valvulam Foraminis Ovalis à sanguine in Respirantibus illicò per pulmones propulso, illamque ad foraminis oram arctè premendo affingente, claudi, nec non Aëris à Calore Rarefactio, docens vesiculas pulmonum ab eo in fetu cohibito fortiter expandi vasque sanguifera in pulmonibus comprimere, sicque Circuli sanguinei remoram moxque mortiferam cessationem inferre, Problema Harveanum optimè solvere videtur; adeoque firmiter stabilitur illud Illustrissimi BACONI de VERULAMIO, *solam scilicet Naturam esse arcanorum suorum interpretem fidissimam*. Quod tamen in hoc casu non sine celebratissima KERKRINGII solertia contigit, quâ sine si fuisset, ulterius forsitan adhuc, uti hæctenus factum, fordis narrasset fabulam.

§. 4. Negamus proinde Fetus in Utero existentem ac secundinis integris obvolutum Respirare, hoc est, pulmones ejus ab aëris gravitantis mole explicari, ac thoraci, (licet hic dilatari Respirantium in morem frustra concederetur) coexpandi. Negativam nostram solidis hisce suffulcimus argumentis: 1. Quoniam pulmones in Fetu aëre nondum fruente, consentientibus omnibus qui eos cultello anatomico subjecerunt, sunt contracti atque compacti subsident, nec thoracis internæ superficiei contigui & coexpandi. Addere possem, colorem pulmonis in dicto Fetu rubicundiorum esse, si non ad partum usque, saltem ad paucos ante partum menses. Quod confirmant GALENUS, BAUCHINUS, SPIGELIUS, HOFMANNUS, HARVEUS, HIGHMORUS, THRUSTONIUS, SWAMMERDAMMIUS, DIEMERBROCIUS &c. Postremus quippe hic CHARLETONEM, nullam penitus inter adutorum & Fetus in Utero pulmonum coloris differentiam agnoscentem *Oecon. Animal. pag. 171. multiplici fetus experientia refutat Anat. sua p. 512*. Sed fallere posse hoc indicium opinor. Quidam Autorum etiam pulmonum fetus in aquâ subsidentiam contra respirationem in utero adducunt. Quod itidem experienti non satis tanto imponere posse, existimo. Cum enim ex Hydrostatices legibus constet, corpora omnia, in specie, uti loquuntur, aquâ ipsâ leviora, in eadem supernatare, si sufficienti aquæ quantitati immittantur; pulmones autem, uti membranosa & carnosa omnia, specificâ gravitate aquis cedant; hinc tam fetus nondum respirantis, quàm nati pulmones supernatare possunt, si modò sit magna aquæ quantitas illos circumfluat. Adeoque non sequitur: pulmones quia supernant, Ergò, fetus respiravit; nec vice versâ. Nam quod quorundam experientia velit pulmones fundum petiisse, id ipsi justâ minori aquæ quantitati tribuendum, quàm facile immitti pulmones mola sua dispellere & ad lococedendum adigere, sicque subsidere potuerunt. 2. Quoniam principium expansionis pulmonum fetus in utero deest. Nam uti ex supra dictis liquet, impossibile est aërem uteri viscidâ pituitâ infertumos interius ac densas Fetus secundinas permeare posse. Præsertim cum Illustris. BOYLEI *experimento Quinto Tr. de Vi aeris Elast.* constet, Vesicam agniâ (quâ secundinæ fetus quadruplo faciliè crassiores) dum ex Vitro, cui post modicam inflationem arctè ligata erat, immissa, aër illam ambiens non adeò magnam partem esset exhaustus, cum insigni fragore & scissurâ maximè hiulcâ fuisse diffractam ab aëris inclusâ expansione. Quod si poris fuisset aëri pervia, nullatenus evenisset. Unde multò minus aërem Secundinas pertransire posse concludendum, etiamsi, quod tamen æquè experientia negat, Uteri os subire posset. Accedit, quod aër sponte nulla nisi corporibus aliis destituta spatia irruat, cum tamen Uterus à Secundinis & Fetu satis repleatur.

Etmulleri Oper. Tom. I.

§. 5. 3. Quoniam Fetus pulmones liquore, cui ore hiantie innatat, Nutritio, non sine maximo suffocationis periculo infarcirentur, si intra membranas existeret aër, aut alia quædam tenuis ac halituosa substantia seu pondere seu Elatare pollentanto, ut exinde pulmonum antra (si fortè fortuna thorax amplificaretur) irruere valeret. Cum enim, uti supra demonstratum est, pulmones efficienti aërem alliciendi causâ careant, hic verò non nisi aut gravitatis mole ac pressurâ, ac Virtutis Elasticæ ratione eos illabi possit, necesse foret, ut simul, si in membranis præsto esset, Liqueorem Nutritum in asperam Arteriam impelleret, utpote qui Fetus fauces alluit. Notavit enim CORN. CONSENTINUS *Progymnasm. p. 260. catellos in utero hiantie ore in circumfuso liquore natate: cui consonat BARTHO-LINUS Lib. de Vasc. Thorac., nimirum catellos innatare humore Amnii ore aperto, & exsertâ non nihil linguâ*: Sicuti & in ore, esophago, ventriculo & intestinis humorem illum reperierunt HARVEUS *Exerc. 70.* BARTHO-LINUS, *loc. cit.* CORN. CONSENTINUS *l. c.* & RUDBECKIUS, *obs. 9.* Nec dubitandum est amplius de Fetus in utero Nutritione per os; cum tot tantique viri, HIPOCRATES, DEMOCRITUS, EPICURUS, GALENUS, LICE-TUS, HARVEUS, CHARLETON, COURVEUS, EVERHARDUS, BARBATUS, ALDES, CONSENTINUS, BARTHO-LINUS, NEDHAMIUS, RUDBEKIUS, DIEMERBROCIUS, aliique evidentissimis rationibus atque observantibus Anatomicis eandem extra omnem dubitandi aleam, si cuncta judiciosè conferantur, posuerint. Requirit autem necessitas, ut Liqueor Nutritus semper præfaucium patulis foribus præsto sit, cum cochlearia fetus in utero defint, ac manuum quoque usu in hunc finem ob corporis curvaturam frui nequeat. Nec ullatenus Nutritio fetus per os, simul Respirationem in utero arguit, cum Deglutitio & Respiratio sint munera planè discrepantia, ac tum causis, tum materiebus, tum instrumentis, tum viis, tum agendi modis, tum finibus, penitus diversa. Quorsum affero experimentum ejusmodi: si quis liquorem v. gr. Cerevisiam ore ac buccis detineat, eamque, auribus prius, ob incommoditatem ab introrsum nitente aere oriundam, sedulo obturatis, nec non naribus omnino obstructis, oreque insuper clauso, deglutire conetur, promptissimè id effectum dabit, etiamsi & volens à respiratione absteineat, & aëris per os naresve accessus exactè sit sufflaminatus. Novi quidem NEDHAMIUM & alios forsitan tum ad aërem Liqueori Nutritio interspersum, tum ad halitum sive Gas, uti HELMONTIO vocatur, existius fermentatione asurgentem, confugere. Sed regeo 1. Constare quidem experientiâ Machinæ pneumaticæ adminiculo captâ, aërem liquoribus ferè omnibus esse immixtum; attamen paucissimum ac non nisi cum insigni Liqueoris continentis ebullitione & intumescentiâ ab illo separabilem respirationisque respectu vix consideratione dignum, nec pulmones expandere valentem: 2. Fermentationem tantam nullâ probabilitate in Liqueore Nutritio supponi posse, quæ copiosum Gas extrudendo, expansionis pulmonum efficiens principium suppeditare posset. 3. Quamvis & aër in Liqueore disseminatus & halitus, quem fermentes scendo exsurgere gratis supponit, junctâ operâ aliquot fortassis diebus eò usque tandem copiâ suâ invalescere possent, ut ad unicam pulmonum Expansionem sufficerent; attamen considerent æqui rerum arbitri, quàm ridicula hæc foret respiratio, quæ duobus vel tribus denique ne dicam pluribus diebus, unicâ forsitan vice celebrari posset. Utaceam undè continua aeris recentatio adventare deberet, postquam prior expiraris effluviis esset onustus. Eâ tamen non nisi sub mortis penâ carere posse Respirantes monstrat invicta Illustris. BOYLEI *Experientia p. 441. Tr. de Vi aeris Elast.*, quâ avincula Recipienti exquisitè clauso inclusam, nullâ factâ exantlatione, ob aeris Transpiratis ab illâ Expiratisque Aporrhœis aggravati denegatam recentationem intra tres horæ quartas, præviis permultis violentisq; vomendi conatibus, moribundæ similem collabescere, docemur. Præterea quorsum quæso aër expiratus abiret tandem? nisi fortassis prægnantes cunctas brevi redderet Tympaniticas: Ultimò 4. hæc opinio NEDHAMII iisdem premitur difficultatibus, quas supra jam adduximus, scilicet, quod, si aer aut vicarium quoddam expansionis pulmonum principium intra Fetus membranas stagnaret, Liqueorem Nutritum ejusdem pulmonibus impingeret, adeoque suffocationem minaretur tenello infantulo certissimam.

§. 6. Ulterius in genere fœtus in Utero respiratio destruitur 5. quia fœtus intra Secundinas vivit, iisdem autem exemptus ac respirans, si aere destituatur, moritur, in easdem etiam Secundinas repositus, teste **HARVEO Exerc. de Partu**. Hinc concludo, si antea respirasset in Secundinis vixissetque, cur in easdem repositus respirare & vivere nequiret? 6. Palmarium erit argumentum Meatum in corde fœtus singularissima structura, quos ad tempus saltem peculiari operâ creavit Summus rerum omnium Architectus eum in finem, ut sanguis pulmones ob explanationis defectum permeare nequies illac transeat, sicque ejus circulus cum vitâ fœtus perstet. Horum enim Meatum usus vel unicâ respiratione factâ aboletur, quia promptior sanguinis per hiantes pulmones transitus illorum præcipuè, Foramen puta Ovale, Valvulâ suâ exquisitè claudit, eamque foraminis margini quasi agglutinat, Canaliculo interim arterioso pro totâ sanguinis in corpore mole transmittenda, nullatenus sufficiente. 7. Denique, quoniam nullus respirationis in fœtu ex Uteri latebris nondum eluctato Usus ac Causa Finalis sese offert, quâ tum temporis commodè caruisse non posset; quæ tamen tanquam causarum prima prærequisita fuisset antequam causæ constituentes exigerentur. Principalissimus enim Respirationis in nato Ufus est, sanguinis Circulatio absque interruptione servanda, sine quâ nulla, perfectiora ad minimum uti vulgò (quàm rectè hic non disputo) distinguuntur, animalia, notabili temporis spatio vitam agere posse videntur. Hæc autem Circulatio, cum in fœtu nondum in lucem edito absque respiratione per peculiare ad id efformatas Vias optimè peragi queat, cæteri autem brevi post enumerandi Usus pro fœtus vitâ absolute non sint necessari, inconcussa stabit sententia, illum in Utero non Respirare. Videntur sanè Autores, forsitan ex præjudiciis, operosius allaborasse in respirationis actu ipso, quàm ejusdem necessitate usibusque in fœtu nondum nato adstruendis, cum tamen Sapientissimus naturæ Parens nihil faciat frustra & absque certâ Finali causâ. Maternæ autem Respirationis Usus fœtui non penitus denego, cum ex suprâ probatis constet, aërem ad omnes corporis succos, sanguinem præprimis, transire. Hinc quin cum Liquoribus tenello fœtui à matre communicatis aliquantulum aëris simul in illum transeat, nullatenus dubitandum. Ex paucilli autem hujus aeris defectu fœtus neutiquam paucis minutis mori potest, cum in Sectione Cæsareâ, observante **HARVEO**, post mortuam matrem horis compluribus intra Secundinas aëris nil indigus Vitalis perstet. Nec indiget fœtus largiori aere, cum Transpiratio ejus sit parcissima, partim quia ad solam duntaxat necessitatem alimento utitur, voluptuosis gulæ illecebris minime indulgens; partim quia assumpta fere cuncta ac tota quanta in corporis ipsius substantiam mutata accrescunt, unde & tam prompte corpusculum ejus 9. mensium intervallo tantopere augetur, ut, si largus iste accretionis gradus post partum eodem tenore produceretur, in giganteam tandem molem excresceret homo. Hinc fortassis haud incongruè colligi posset, Transpirationem per os & cutis spiracula, ab aere in respirantibus potissimum causatam atque promotam, esse in causa, cur hominis, nec non brutorum, accretio tam insignem post partum, adultioribus præprimis annis, patiat remoram. Postremò Vagitus uterini invincibile nonnulli existimant argumentum pro Respiratione fœtus in utero demonstranda: Sed cum muliercularum, quæ plerumque in hisce casibus invocantur testes, subiecta admodum fides, nec satis circumspecta sit observatio, ut pro basi Problematis hujus resolvendi intervenire queat, meritò suspicamur cum **Clariss. DIEMMERBROCIO**, vagitum, si quis certò observatus fuerit, & sibilo intestinum flatulentorum à fœtu compressorum ortum duxisse, qui sæpè mirus auditur, suspiria gemitusque in quibusdam mentiens. Similia quoque ad pipientium pulorum, intra ovi testam adhuc existentium, sonum, quem editum ferunt aliquando, reponimus: Præprimis cum externatus aquæ vapor ad corpora tenuiora allitus non minus sibilum excitare observetur: uti id Experimento probat **Ilustris BOYLEUS Tr. de Aere p. m. 466**.

§. 7. Tandem & ipsemet hanc excogitavi objectionem contra meam Problematis **Haryeani** solutionem; quod licet foramen ovale à valvula propria, simul ac inspiraverit fœtus, sanguinemque per pulmones admiserit transitorium, illicò occludatur; attamen id non tam tenaci agglutinatione fieri posse videatur, quin vasis pulmonum, ob vesiculas ab aere per calorem rarefacto distentas, compressis, sanguis à corde propulsus, valvulam rursus à foraminis ostio

dimovere, sicque pristinam, quâ in utero gaudebat, viam resumere; adeoque vita fœtus superstes esse possit. Non levis fateor, hæc difficultas alicui apparere posset, quam tamen mox dilutam atque sublatam dabimus. Considerandum itaque optimè duco, pulmones in Respirationis, ob spiritum præclusam, defectu non esse in eodem statu, quo usi fuerunt in utero ante omnem Inspirationem: simul ac enim vel unicam sui dilatationem passi sunt, confestim sanguinem admittunt, eoque deinceps indefinenter præsentē scatent, à quo & valvula foraminis occluditur. Dum itaque natum, quodque respiratione semel gavissum est, animal suffocatur, hoc est, dum omnis aëri recenti via per nares atque os præcluditur, necessario pulmonum vesiculæ ab aëre, per calorem pectoris rarefacto, fortiter expanduntur, vasaque sanguiflua rursus comprimunt; Hæc dum comprimuntur, sanguinem intra se remorari faciunt. Remorari notanter dico; non enim penitus sanguinem iterum excludunt, exprimuntque è sua cavitate, uti ante omnem inspirationem in fœtu nondum nato fiebat, quod testantur pulmones suffocatorum animalium, sanguine penitus infarcti. Hinc & adempta Nato respiratione, semper adhuc sanguinis aliquid admittunt, quamdiu cor à pulsu nondum omnino cessat, & sanguis adhuc fluidus est, licet cursu valde impedito. Hic autem dum in cursu impeditur, cordis motus, aëris in elasticitate sua, per calorem valde aucta, fortioris facti actionem (qua vesiculæ pulmonum distenduntur, hincque vasa sanguiflua comprimuntur) superare haud valens, fit languidior, ac sensim cessare incipit. Motus enim cordis à variis causis, facillimè modificari potest, leveque, saltè in sanguinis cursu obstaculum sentiens, tum fortitudine, tum frequentia imminuitur, quod crebris phænomenis notum. Cordis itaque motus dum successivè remittit, sanguis in dextro ejus ventriculo & auriculâ, pulmonumque vasis, stagnare, ac brevi concrefcere incipit, idque imprimis in vena pulmonali, utpote à cordis impulsu, qui adhuc languidus superest, remotiori. Sanguis autem, dum in vasis, ac pulmonali præcipue vena, stagnando concrefcit, necessario valvulam, quam antea solo transitu plauserat, arctius jam comprimit, sicque nullam sanguini illac transeundi viam (aëre subinde ulterius, latius, fortiusque à pectoris calore rarefiente, hinc & magis magisque vasa pulmonalia sanguiflua, adeoque & venam pulmonalem, vesicularum pulmonis interventu coarctante ac comprimente) permittit; unde tum circulatio cum vitæ characteribus omnibus cessat. Et hæc erit genuina allatæ Objectionis solutio. Nam, si pulmones, simul ac Respiratio adimitur, ad pristinam, qualem ante partum habebant, coarctationem concidentiamque omnino redirent, sanguinemque omnem admissum, ut & aërem inspirando haustum, illicò ante illius congragationem, hujusque expansionem, exprimere penitus possent, adeo ut nullus de novo intra illorum vasa admitteretur, tunc sine dubio sanguis à corde propulsus valvulam foraminis ovalis rursus aperiret, circumque cum vita continuaret. Jam verò cum 1. pulmones non planè ad priorem, quam in nondum Respirante obtinebant, concidentiam angustiam redeant, ac aër in illis resitans, perque calorem pectoris expansus, neque liberum prorsus sanguini per illos cursum permittat, neque tamen eatenus à pectoris calore rarefendo expandatur, ut vesiculis pulmonum mediantibus sanguinem omnino omnem ex vasis rursus exprimat, arceatque; sed hæc (2.) sanguinem quodammodo intra se retineant, subindeque quamdiu cor pulsat, & sanguis nondum coagulatus est, novi quid admittant, neque tamen ob sui compressionem, hincque ortam cavitatis imminutionem, eidem sanguini ritè transmittendo sufficiant; cum & (3.) sub sanguinis remotis cordis motus pulsificus illicò imminuatur; unde sanguis circulari cursu, tum à posteriori, tum consequenter à priori impedito atque cessante, hic (4.) stagnet, moxque congruemescat; sicque in grumum concrefcens, (5.) vasa pulmonum sanguiflua, expleat, infarctiatque, atque hæc ratione iterandam valvulæ aperturam impediat; quâ impeditâ, cum alia sufficiens via non detur, (6.) circulatio sanguinis sufflaminetur: idcirco animal post partum, respiratione semel factâ destitutum, vitam denique amittit, etiamsi ante partum non respiraverat. Quod autem ab Autoribus nonnunquam in quadrimulis, quinquennibus namque grandioribus pueris meatus in corde fuerint observati patentes atque aperti, uti **CORNELIUS CONSENTINUS Prog. p. 309.** refert parti inde oriri potuit, quod Respirationis defectus, licet aliquoties ortassis ingruerit, illud tamè iterum cessaverit antequam sanguis in grumum abiret; partim, quod sanguis forsâ admodum

dum copiosus in illis fuerit, ac post partum largâ nutritione auctus, ut non tam expedi per solos pulmones, quam insimul per dictos meatus transire potuerit, atque hac ratione illos patulos servaverit. In Lutrâ verò, castoribus, phocis, anatis, aliisque amphibis sub aqua diutulè viventibus commemoratos doctus in corde patentes ob id interdum remanere posse credo; Quia (1) sæpius aquis immerguntur, rursusque emergunt, idque à primis ferè exortibus; sicque spiritum jam cohibent, jam denuò hauriunt, alternis vicibus frequentissimè id ipsum quotidie repetendo: (2) Quia sanguis illorum non tam citò in grumum concrevit, quàm majorum animalium in terra degentium, calidiorumque. Hinc fortassis non adeò probabilis est opinio CORNELII CONSENTINI, infantes nimirum eò perducì posse, si sæpius in die ora naresque illis obturentur, sicque sanguinis portio per memoratos ductus transire cogatur, ut adulti deinceps amphibiorum instar vitam perducant, ductibus iisdem patulis remanentibus; uti & hos patulos esse in urinatoribus, multa sæpè minuta sub aqua durantibus, præsumendum; quorum exempla vid. in Illustri. BOYLEI *Tr. de vi aeris Elasticæ, Digress. &c. Respiratione, & Ad. Philos. Angel. Edit. Lips. pag. 80.* ex KIRCHERI *Mundo subterraneo*; item *l. c. pag. 724.* Optime itaque distinguendum censeo inter Respirationem pauca momenta inhibitam, rursusque liberatam; & illam, quæ eò usque suspenditur, donec vita, aut illius saltem sensibiles characteres aboleantur. Hæc enim quam mox aeris à calore pectoris expansio, hincque vasorum sanguiferorum compressio accoarctatio, ac denique sanguinis congruescentia sequitur, Valvulam denuò à sanguine aperiri non permittit; Illa autem ad hanc iterum aperiendam conducere potest. Confirmatur hæc, quod valvula ob sanguinem in vasis, ac præcipuè vena pulmonali, post respirationem denegatam, concrecentem aperiri ex postliminio nequeat, illa observatione, quâ in suffocatis dexter cordis ventriculus auriculaque ac vasa imprimis pulmonalia, sanguine congruato penitus inferta reperiuntur, testante HARVEO, & *apud*, Neque tamen ob id credum, hominem natum, & qui semel aërem hausit, penitus respiratione rursus carere posse, etiamsi meatus in corde ovalis aut patulus maneat, aut denuò aperiatur, & illico aër omni ex parte è pulmonibus rursus exeat, quod tamen nullâ, ne quidem extremâ, expiratione effici potest. Hinc enim in vesiculis pulmonalibus ordinariò, semperque auctâ quantumvis licet expiratione, resistans, simul ac ora naresque occluduntur, à calore præcordiali fortiter pro indole sua expansus, vasa sanguifera comprimit & coarctat, sicque tum horum cavitatem minuit, tum & sanguine mediante valvulam foraminis ovali apprimat, unde tunc sanguinis peridromo more è vestigio injicitur, totaque animalis œconomia, canaliculo solo, ut patet, pro sanguinis trajectu haud quam sufficiente, fataliter brevi post subruitur, uti id plenissimè deductum videbis *cap. 10. §. 7. 8. 9.*

§. 8. Ultimo putaret fortasse quispiam, foetum secundinis exutum, dum respiratio cœpta ipsi omnis iterum præcluditur, non ob id confestim mori, quod sanguinis circulatio in pulmonibus propter compressionem vasorum pulmonalium sanguiferorum, ab aëre intus cohibito, perque calorem præcordialem fortiter expanso, factam, contentumque sanguinem inde morantem, brevique in grumum coeuntem, retardetur ac sufflaminetur, sed quod foetus corpusculum, dempti secundinis, ab atmosphæra aeris externi undique comprimat, cum nullus tunc aer intro respiratione hauriatur, qui in sanguinem transiens externi aeris in foetum corruentis pressioni & constipationi reniti queat, hincque motus vitalis per corpusculi contrusionem compressionemve mox turbetur, ac moras fatales necet. Ad quæ respondeo argumento haud simplici. *Primo* enim ex præmissis satis constat, foramen ovale in corde foetus, postquam semel ob factam respirationem pulmones ingressus est sanguis, claudit, utpote cujus valvula in venam pulmonalem patens, à sanguine illic transeunte non potest non ostiolo suo apprimi, neutiquam autem rursus aperiri, quamdiu aër in pectore cohibetur, ejusque æstu, pro more & genio suo, expanditur, ac sanguis pulmonalem venam transeundo replet, ibidemve hæret. Canaliculus autem arteriosus cum foramine multò angustior, universo sanguini transfretando prorsus incapax existit, sicque cursus humorum materiæ circularis inevitabiliter turbatur ac sufflaminatur. *Secundo*: Hæc itaque cum acertò se ita habeant, hæcque mora & stagnatio, sanguini injecta, ad delenda vitæ munera ac motus utique sufficiat, nec aliâ causâ

sociali ad inducendam mortem indigeat, supervacaneum omninò est, alias hujus phænomeni causas excogitare aut conquirere velle. *Tertio*: Constipatio talis ac tanta corpusculi foetus ab aëre externo magis speciosa, quàm vera videntur: siquidem foetus humores, cum matris, ex qua utique decidui sunt, humoribus specie iidem existunt, hincque æquè in foetu, ac pridem in matre, compressioni aeris extenrenti, sicque corpusculi ejus constipationem arcere poterunt, cum eodem, quo in matre, acre guadeant. Imò, si in vasis vel habitu foetus spatiola quædam aut aere, aut alio quodam corpore vacua, sicque aeris externi coactioni obnoxia forent, utique aeris hujus gravissima, ac velocissimo fortissimoque impetu irruens moles, quàm crebra experimèta docuerunt, non præstolaretur foetus è secundinis exemptionem, sed illico simulac id modò utero excluderetur, ut membranis adhuc integris circumdatus, illum unâ cum membranis eo, quo pollet, robore contruderet atque comprimeret, cum secundinæ non minus, si non magis, quàm ipse corpusculi habitus, ductiles, plicabiles ac flexiles existant. Ne jam commemorem, in ipsum matris foetu adhuc gravidæ ventrem hanc compressionem ac constipationem aeris agere posse, si ipsius locus ac spatium in foetus corpusculo daretur, nec hujus quoque ac matris humores, aere intus commixto, ac satis, imprimis ob calorem intrinsicum, renitente præditi jam essent, cum etiam metallina vasa exhausta, & corpore resistente vacua, is ipse comprimat atque contrudat, experientiâ teste indubiâ. Ubi simul extanter notandum, altâque mente reponendum est, aeris elaterem à levi, & juxta BOYLEUM, manu insensibili calore adeò augeri, ut nî us ejus expansivus aeris extus incumbens ac gravitans molem è vestigio & manifestè vincat, dispellat, superetque, uti id thermometra, alique experimèta BOYLÆI extra omnem dubitationis aleam dudum posuerunt. Quantò magis igitur calor foetus, non levis & vix tactu sensibilis, sed sat validus, & à matre adhuc quasi æstuans, humoribus intus commixtum tali tantoque instruet renitu, quo aeris externi pondus, hincque ortam pressionem nullo negotio subiugare ac dimovere, adeoque invisam illam corpusculi foetus constipationem arcere valeat. Et quemadmodum homo in maris fundo nullam noxiam, multò minus exitialem ab aquis incumbentibus pressionem sentit, cum tamen aqua ad minimum millies aere gravior sit, ita nec foetus ad aere externo, qui cum interno ejusdem gravitatis specificæ est, comprimi poterit. Et posito, per fictionem rei, respirationem foetui inde tam necessariam esse, ut aer intro haustus, minimaque sui quantitate sanguini in pulmonibus admixtus, externi aeris compressioni resistere queat, attamen totius atmosphærae moles & actio tam valida, tam velox, tamque momentanea est ut multò citius unum versum tenelli corpusculum, nisi aer internus cum humoribus à matre acceptus reniteretur, penitus esset compressum ac quasi contrusum, quàm vel unicâ inspiratione foetus sibi consuleret. Præterea invictum contra hanc compressionem argumentum inde ducitur, quod non tantum foetus mustei partus, quique vix è latebris maternis eluctatus est, sed & qui dies atque hebdomades vitæ jam numerat, adeoque sanguinem innumeris aeris externi haustibus satis superque ditavit atque instruxit, æquè promptè, si omnis respirationi via præstruatur, suffocari queat, acis, qui nunquam aerem delibavit.

In hoc sane grandiore infantulo, si suffocetur, aeris inspirando captandi, ac atmosphærae externæ reniti valentis defectum, externique hinc aeris compressionem ac constipationem, seu causam sufflaminati humorum motus vitalis, nullo jure allegare quis poterit, in quo tamen valvula foraminis ovalis per coalitionem ostiolo suo neutiquam ita jam unita erit & agglutinata, ut, si modò per aerem intus cohibitum, & pectoris calore fortiter expansum, vasaque, hinc & venam pulmonalem, adeoque & sanguine mediante valvulam comprimentem liceret, denuò aperiri nequiret, cum vel in quinquennibus nondum coalita reperiatur, testibus CONSENTINO, aliisque. Ut plura regerenda præteream. Manet proinde adhuc ratum certumque, foetum, dum omnis ipsi respiratio rursus adimitur, idèò mori, quod semel aer haus, & intus cohibitus, aque calore pectoris expansus, vasa sanguifera pulmonum, adeoque & venam pulmonalem comprimat, eorumque cavitatem imminuat, idque propter simul foraminis ovalis, quod sanguinis illuc transiens jam clausit, & ostio suo oppressit, clausam servet, & quò minus post liminò rursus aperiri queat, mediante dicto sanguine ibidem

tum morante, brevique stagnante, impediat, atque hoc pacto circulationi sanguinis, cum canaliculus arteriosus huic muneri solus neutiquam par sit, moram necat, moxque penitus obicem ponat, unde tunc animal vivere definit.

C A P U T X.

Respirationis Humanæ Usus cum minis principales, tum Principalissimum, ad vivere quippe simpliciter necessarium, ac ne aliquot quidem minutis, nisi cum mortis periculo adimendum, plenius prosequitur: simulque concatenato quovis atque Causarum nexu arduum illud atque bimbembre Problema sedulo dilucidat, Cur scilicet Animalia, tam ob Aeris Inspirati cohibitione præsentiam, quam in Machina Boyleana propter ejusdem Aeris Exantilationem, paucis Minutis moribunda evadant.

§. I.

Nunc tandem omnibus semotis, quæ Usibus Respirationis penitus explicandis obstaculo esse poterant, difficultatibus, ut ultimam Thematî nostro hucusque feliciter perducto manum admoveamus, ordo postulat, cunctos variosque operosi & admirandi respirationis humanæ negotii Usus perscrutando. Nemo itaque multiplicia respirationis humanæ commoda attentè perlustrans dubitabit, quin eadem conducat, 1. Ad Olfactum; quatenus particulæ odorabiles cum aere, dilatato pectore, appropinquante abripiuntur, ac nervosis narium tunicis quasi impinguntur. 2. Ad Scream & Sputum; quatenus mucus aut ab aere, amplificato thorace, irruente è narium ductibus in fauces repellitur, moxque à thorace fortiter expirante extruditur; aut cum eodem aere inspirato à thoracis validâ constrictione è Laryngis cavo protruditur expuiturque. Quos proinde, uti & proximè sequentes usus, quomodo LAMBZWERDIUS negare potuerit, haud video. 3. Ad Oscitationem, Tussim, Sternutationem, Emunctionemque; dum nimirum cum aere inspirando admisso, aut halitus aut mucus viscidior tenuiorve, aut aliud quid pulmonibus, laryngi, faucibus naribusque molestum seu irritans, forti Expiratione extruditur. 4. Ad Liquidorum sorbitionem, suctionemve; quatenus aeris Elatere seu spirâ, in faucibus, amplificando thoracem, debilitatâ, aer externus liquidis vel immediatè vel mediantibus mammis aliisve partibus flexibilibus Liquores continentibus in cumbens, minoremque quàm ullibi in faucibus renitentiam reperiens, liquida in os impellit, musculorum deglutitioni dicatorum ministerio ulterius in stomachum promovenda ac depellenda. In suctione autem ex mammis, quin præter externum, Lac è mammarum tubulis in os lactentis infantuli exprimentem, symbulum quoque conferat aer internus omnibus corporis succis, uti supra probatur, penitimmè immixtus intrinsecâ suâ expansione liquorem in tubulis lactiferis promovendo, nullus dubitandi locus est: Et hic sanè Suctionis usus, si pulmones potius quàm tales quàm ipsam Respirationis Functionem spectes, maxime primarius, omnibusque verè respirantibus animalibus ad alimentorum assumptionem hinc ad vitam simpliciter necessarius est, & ob quem præ cæteris pulmones fabricati videntur. 5. Ad loquelam, Cantum, Clamorem, Risum, Fletum, Flatum simileque, quibus aeris inspirati expulsio inservit, Actiones; quatenus aer inspirando haustus variâ varièque modificatâ sui allisione extrusioneque à Larynge, faucibus, linguâ, buccis, dentibus, naribus, labiisque diversificatâ expirando è pulmonibus oreque expellitur. 6. Ad Fœtum alvi, Urinæ, Fœtus, Molæve, nec non Secundinarum expulsionem exclusionemque; quatenus spatium in abdomine, per diaphragma, ab inspirandi tunc spiritumque cohibente thorace propriaque contractione deors antrorsum protensum, angustius factum efficit, ut muscoli abdominis comprimentes accoartantes in dictis casibus intestina, vesicam, uterumque aptius ferire atque contrudere valeant. 7. Ad promovenda Ventriculi, Intestinorum, Lacteorumque vasorum, imò & fortassis, jecoris interventu, Folliculi fellicis contenta, quod nunquam ferians Respiratio, abdomen per diaphragma indefessè coarctando relaxandoque quodammodo conducat, penitus quidem negari non posse videtur; quanquam collatum istud auxilium valde indiscretum ac pro debita commemoratorum Contentorum promotione-

indeterminatum admodum appareat. 8. Ad halitus aqueos Sanguinis è pulmonibus aeris ope exportandos quos, uti supra dictum, quolibet die ad solum circiter ascendere notat SANCTORIUS *Med. Stat. Aph. 5. 9.* Ad Diapnoën; quatenus aerem tanquam primariam, ne adustum relinquant crassamentum Transpirata in corpore, causam suppeditat, uti in superioribus fusè explicatum. 10. Ad Exaltorem Chyli lymphæ quæ descendunt, nec non sanguinis in capillaribus vasorum pulmonalium ramificationibus Miscelam, quæ ruditer saltem in dextro cordis ventriculo erant confusa, quod faciat Respiratio, negari nequit. 11. Ad conciliandam sanguini pulmonalia vascula permeanti coccineam arteriolamque; rubedinem, nec non tenuitatem fluxibilitatemque; uti ex supra deductis satis liquet. Qui sanè usus ad Individui sanitatem quàm maxime conferre videtur. 12. Nec morosè negavimus, aerem, dum ejus temperies seu constitutio est frigidior, quam thoracis partes interiores, pulmones & sanguine illos transcurrentem minus calida aliquatenus reddere, simulque magis calidum fieri; quanquam non concedamus aerem, brumalem licet, partes illas verè refrigerare, ita, ut ad sensum frigidæ ab ejus Inspiratione evadant; naturamque intendere, ut per aerem inspiratum dictæ partes infrigidentur. Ipse enim tam facillè quemcunque calorem recipit, ut verius inspirando à pulmonibus & sanguine caleferi, quàm illa refrigerare dici queat. Quod monstrant Thermoscopia, in quibus aer à cujuscunque, etiam nobis judicantibus frigidæ, manus applicatæ tepore manifestè expanditur, atque sensibilem, liquores, quibus innitas, deprimendo, effectum edit, si eodem ambientis aeris temperamento, quod frigus atque calorem, gaudeant vitrum ac manus. Multò minus nomine vix dignum hoc refrigerium aeris Primarius Respirationis Usus nobis existimatur. Ranæ enim, licet frigidissimæ, Respiratione tamen carere non possunt. Senes itidem naturali calore omnino ferè destituti, respiratione nihilominus, non nisi cum vitæ periculo carere queunt. Nec autemandum, Deum calorem cordis tam immoderatum fecisse, ut perpetuo anhelitus flabello refrigerari exigeret. Præterea fœtus in utero non respirat, cum tamen dublici calore, proprio scilicet, simulque materno, gaudeat. Cur autem aeris frigidioris eo, qui pulmonibus semper resistat, continua recentatio pro sanitis vitæque commodo requiratur, explicabimus infra, Veterum enim, quem in corde finxerunt, Igniculus ac Flammula sanioribus Medicis ac Philosophis dudum exspirasse visa sunt, si modo unquam arserint. Ideoque ut ad illa quid regeramus, operæ pretium non est. Haud equidem ignoro, præclaros quosdam Cartesianos, WILLISIUM, SYLVIIUM, ejusque Cultores, levi admissa mutatione, igniculum huncce è cineribus resuscitasse, docendo illum potissimum in dextro cordis ventriculo vigere, sanguinemque in pulmones transitorium rarefacere, cui proinde rursus condensando aerem frigidiorē inspiratum inservire putant. Plausibilis præ cæteris rem proposuit Clar. SYLVIIUS *Disp. Med. sexta & septima*, ut & *utraq. de Febribus*. In quibus scriptis Incendium illud in Corde vitale, uti vocat, ex bilis lixivie, cum sanguine ascendente cordique adjectæ, nec non lymphæ & chyli subacidorum mutuâ in dextro cordis ventriculo effervescentiâ, ne speciosè magis quàm verè vereor, deducit. Cui effervescentiæ contemperandæ aerem, sale, refrigerare alioquin solito, fœtum, in pulmonibus admiscet, sicque sanguinem rare factum rursus condensat, refrigeratque. Sed paucis respondeo; hypothesein illam, pæsertim de bilis accensu, vigorem Rationum, Observationum, & Experimentorum *Diemnebrocii*, personati illius LEONICENI, atque MALPIGHII haudquaquam ferre, ideoque nec pro adstruendo Igniculo concludere. Præterea alteratio nulla reperitur in sanguine ex cordis dextro ventriculo egrediente, sed ater & venosus pulmones subit, exiisque demum verò per Venam pulmonalem arteriosam, floridus, lucidæque rubedine donatus, atque tenuis redit, quod clarissimis LOWE-RII Experimentis supra adductis liquidissimè constat. 13. Quod denique aer sanguini singulis Respirationibus aliquantilla sui parte, uti supra ostensum, admixtus paucissimas, quasdam in spirituum animalium elaboratione particulas simul contribuat, penitus quidem, accuratè rem perpendenti, non impossibile videbitur; Cum tamen quod Legitima imò primaria, uti SEBIZIUS, LAURENTIUS, TACKIUS alique voluerunt, spirituum sit materia, haud facillè credam.

§. 2. Quamvis itaque hætenus varios multiplicesque respirationis humanæ tum Actus tum Materiæ Usus ne-
tquam spernendos adduxerim, omnes tamen vel ad *το εἶναι*,
Individui duntaxat, vel saltem non adeo atque simpliciter
ad *το εἶναι*, necessarii sunt, ut eorum per aliquot ad minimum
minuta horasque, nedicam septimanas, ingruens defectus
cum vita animalis, etiam si & minus sana stare nequeat,
quin ipsam aut saltem ejus sensibilia indicia prorsus abo-
leat. Nec puto candidum atque rerum naturalium experi-
entia imbutum, dictorum omnium accuratum trutinato-
rem, seipsum aliosque persuadere aut velle aut ingenuè
posse, aliquem commemoratorum Usuum, si cesset, posse
illico etiam vitam aut omnes hujus ad minimum caracte-
res sensu observabiles in totum tollere, idque tam citò uti
Machina Boyliana nos docet. *In qua dum aer exhauribatur,*
intra 1. 3. 4. 5. 6. & 7. ad summum horæ minuta avēs & mures
ultra vitæ à sola aeris readmissione redintegræ de spem omnem
reductæ fuerunt. Ab aeris defectu miranda ejusmodi extinctio-
num velocissimarum phænomena profluxisse unice, nullum
omnino dubium est. Quicquid enim Cartesiani de Materia
sua subtili vitream Machinam promptissimè, dum aer egre-
ditur, permeante, ibidemque irrequietissimam vehemen-
tissimamque in animalis pectore agitationem, nec levam,
ni Dii avertant, incalcescentiam patrans, sicque animalcu-
lum occidente, confidenter nobis narrant, venturum dun-
taxat crambem recoctam ac reformatam sapiunt, nec so-
lùm ab ipsis positivè nondum probata, sed & in superioribus,
ac omnium validissimè per illustriss. BOYLEI *Ex-*
perimentum 38. & 39. *Tr. de aere* expugnata habentur. His
liquidem experimentis evidentissimè demonstratur, nul-
latenus aeri è Vitro Pneumatico exeunti Materiam talem
velocissimè motam, multò minus caloricam, succedere.
Et quid obsecro, candide ac judiciose Lector, qui non tam
grandium famosarumque hypothesium turgidam ostenta-
tionem, quàm ipsam Rerum Naturalium simplicissimam
jucundissimamque veritatem unice in votis habes, quid in-
quam, utilitatis exinde in nos redundat, si precariam so-
lummodò doctrinam calleamus, quæ tamen nec animum
liberè ac penitissimè cuncta perscrutantem explet, nec ex
ipsis rerum naturalium phænomenis liquidò demonstrari
potest? Sic enim titillatibus Opinionibus Prurientes veram
Creaturarum utilitatem, dulcissimamque in illis recondi-
tam Summi Creatoris sapientiam negligendo, ingrati tan-
dem atque inutiles Deo & proximo sepelimus, postquam
nimirum pregrandem subtilissimis hypothesibus inflatam
bullam in hac mundi scenà repræsentavimus. Malo qui-
dem ego ingenuè fateri, me huic vel illi phænomeno ex-
plicando imparem esse, quàm ex meris hypothesibus, re-
rum naturalium experientia circumspèctissimè hausta, &
quàm proximè iis quadrante, nondum firmatis, quidvis
effutire, saltemne quid ignorasse videar. Sed neutiquam
metuendum, Naturam sui ingenuos Cultores scientiæ va-
cuos dimittere, si modò vacui ad illam accedant. Nam si
Ictericis præconceptarum opinionum oculis ejusdem opera
investigare conentur, non mirum, quod pudam non spe-
ctent Dianam, quin potius sæpissime pro Junone nubem
amplectantur. Regeres: ostendere nihilominus acutas
ejusmodi hypothesès speculandum ac subtile ingenium,
posseque ex illis naturæ phænomena promptè ac expedite
solvi. Sed Respondeo: veræ sapientiæ Cultores ac Philo-
sophos non tam ingenii ostentationem; quàm rerum ve-
ritatem quærere debere, naturamque ridere subtilitatum
nostrarum gesticulationes, nisi rerum naturalium pondere
ac robore suffulciantur. Præterea non sufficit facile ac ex-
pedite naturæ phænomena dissolvissè, nisi & solidè, verè
atque appositè id fiat. Promptæ enim ejusmodi difficultatum
enodationes sunt admodum suspectæ, & si in hoc vertere-
tur veræ Philosophiæ cardo, Peripatetici omnium opti-
mè rem expedirent, cuilibet, etiam difficillimo, phæno-
meno peculiarem qualitatem agili ore assignantes. Sed
quid quæso fructuum post se relinquunt hujus farinæ Philo-
sophi? hac enim ratione nunquam pervenimus ad nobili-
ssimam fructuosissimamque meditandi non solum, sed
& operandi Methodum Syntheticam, quæ causis rerum
à priori cognitis mirandos ac instare pro libito valemus.
In hac liquidem ingeniosi Mechanici operationum suarum
causas à priori cognoscendo, earumque judiciofa applica-
tione directioneque stupendos nonnunquam ac utilissimos
nec minus artificiosos effectus atque opera perficiendos, vel
ipsum ARISTOTELEM, SCOTUM, S. THOMAM, aliosque spinosissimos Philosophos toto die su-
perant. Quinimo nunquam credo, Regem illum Japonen-

sium, etiam si subtilissima, acerrimaque cujuscunque in-
geniosissimi Philosophi hypothesis ipsi fuisset enarrata at-
que exposita, tantopere illà commotum atque in tantam
animi admirationem abreptum fuisse, quàm factum con-
stat, cum illi ab Europæis Horologium dono daretur.
Illud siquidem summopere miratus in genua procumben-
do veluti Numen adoravit. MAUROCORDA-
TUS *Tr. de Mot. & Us. Pulm. p. 135.* Et hanc Viventi-
bus cunctis maximè proficuum Syntheticam philosophan-
di ac operandi Methodum unice in votis quoque habet ce-
lebratissima illa Societas Anglorum Regia, ut Analytice
innumerabiles rerum effectus tum sponte tum prudentis-
simo artis adminiculo experimentalis sollicitante productos
exquirendo ac colligendo ex mutuâ eorundem collatio-
ne, sapientique ac circumspèctâ pensitatione, tandem ad
genuinas ipsorum causas penetrare, hasque cognoscere ac
cum ingenti Philosophiæ, totiusque vitæ humanæ com-
modo, pro arbitrio applicare valeat. Undè & tantopere
sibi à præjudiciis ac precariis hypothesibus cavet illustris-
simus ille Laudatæ Societatis splendor ac decus *Boyleus*,
uti accuratissima auroque ac gemmis pretiosiora illius
scripta abundè testantur. Magnus itidem ille FR. BA-
CONUS DE VERULAMIO Regiæ istius So-
cietatis in Anglia Fundator nihil magis in scriptis suis in-
culcat, quam fidelem solummodò Rerum naturalium Ef-
fectuumque illarum Historiam, diligentemque Phæno-
menon naturæ Observationem.

§. 3. Sed è diverticulo, quod æqui consulat cordatus
Lector, ad viam. Firmo stabit talo sententia, ab aëris de-
fectu præproperam animalculi vitalium indiciorum ces-
sationem moxque mortem accidisse. Instabit autem ulter-
ius sciendi cupidum ingenium, gravissimum hocce Pro-
blema proponendo: Quonam modo aëris absentia ho-
sce effectus paucis horæ minutis inferat? Ut hinc tandem
ipsi pateat Principalissimus, ac non nisi sub mortis brevi
ingruentis periculo ferians, Respirationis Usus. An
scilicet aliquæ aëris particulæ positivè vitæ quidditatem
ingrediantur, quibus deficientibus vita necessariò deficiat?
An verò aeris in pulmones illapsus ob id tam avidè pro
vita animantium expetatur, ut ejus mole gravitante pul-
mones diducantur, ne, si coarctati manerent, sanguinis
circularem cursum in vasis suis sanguiferis impediunt, at-
que mox tollant, sicque vitam ac sensum extinguant? Gra-
vissima hæcce maximèque ardua Quæstio, ut in hac huma-
næ mentis imbecillitate plenissimè & quidem pro voto
meo cum omnibus confectariis inde propullulantibus eno-
dari queat, maximopere vereor, nisi forsitan divinus qui-
dam Oedipus tanquam *θεός από μηχανής*, accedat. Plus
enim in recessu gerit, quàm primà fronte præ se ferre vi-
detur: Ad ipsam quippe abstrusissimam Animæ humanæ
atque Brutorum Doctrinam recto tramite perducit, si ple-
niùs exquiri debeat. Quæ tamen, proh dolor! in sensuali
hoc mundo nihil jejuniùs, nihil Scolis obsoletius rarius-
que, nisi, quod Paganismum redolet, excipere velis. Sed
in magnis voluisse sat erit. Id circo candidis ac liberè accu-
ratè rem pensitantibus arbitris cogitationes nostras admo-
dum probabiles, atque ex ipsis naturæ phænomenis de-
promptas ingenuè exponemus. In antecessum itaque meritò
cum sagacissimo nostri Seculi Philosopho BOYLEO in
Orig. Formar. notatibus vocabula Vitæ, Animæ, Formæ,
&c. laxo admodum sensu vulgò gaudere nec hætenus ab
ipsis Philosophis debite limitata esse. Novi quidem vulga-
rem fere sententiam, Vitam consistere in Motu & Sensu,
adeò, ut animal vivere dicatur, quamdiu sentit ac motum
edit. At Motum & sensum esse Vitæ Characteres duntaxat
atque Indicia, non verò quidditative Vitam constituere, nec
animal Motu, tum arbitrario, tum involuntario, nec non
Sensu destitutum Vitæ insimul penitus carere, complures
suadent instantiæ experimentis postea enarrandis suffultæ.
Nec movere nos debet GALENI Autoritas *Lib. 6. de Loc. Affect. c. 5. Respirantem, inquentis, non vivere, & viventem non respirare, impossibile est. Et lib. 5. de Loc. Affect. c. 1. Sub-*
lata respiratione tollitur vita. Neque ob id mète captus vide-
bor ex censura JOH. MATTHÆI *Quest. Med. Enode. 4.*
Licet hanc GALENI sententiā (nisi fortassis ad manifesta
solummodò vitæ indicia sit restringenda) impugnaverim, ac per
Experimenta firmissima demonstraverim, Vitam non penitus
cessare ac confestim extingui, simul ac Respiratio cessat.

§. 4. His præsuppositis (ut ad præmemoratam Quæ-
stionem respondere incipiam) dico, improbable prorsus
esse, in aëris defectu ideo cuncta cessare vitæ munera,
quasi tunc simul cum aëre animalia privarentur portiu-
culis

culis quibusdam proximè vitalibus, ex illo aliàs ad vitam illorum sartam tectam conservandam in Respiratione accedere solitis. Quamvis enim aëris ad sanguinem accessum aliquot argumentis supra probaverim ipsemet; non tamen exinde sequitur: ergo aëris quædam particulæ pro ipsius vitæ, ut sic loquar, nutrimento illam constitutive ingrediuntur; cum in Diapnoës potissimum gratiam sanguini illum permisceri dicta ibidem commonstret. Nec unquam probari potest, existere in aere ejusmodi particulas proximè vitalitatis susceptivas, & ut plura omittam, hoc unicum illis, qui id sentiunt, oppono: nimirum me per experimenta inferius adducenda demonstraturum, vitam in aeris defectu nullatenus abigi, simul ac Motus & Sensus feriantur omnes. Unde sequitur: si vita sine omni aeris haustu perennare potest; Ergo aer non immediate pro vitæ servandæ requiritur, sed saltem pro muneribus vitæ obeundis, & quidem præcipue pro pulmonum expansione ac consequenter sanguinis circulo perpetuando. Quidquid enim tam magnificis verbis diffusimæque synonymiæ de Occulto Vitæ Cibo in Aere, Spiritu Mundi Catholico, Anima Mundi, Mercurio universali, Spiritu æthereo, Spiritu Panurgo, Spiritu aeris Vitali, Forma universali, Quinta vitæ Essentia, Auro Æthereo, Solis Filio, Larice Æthereo, Sale Mundi, Sale Cœlesti, Sale Pontico, Vita Universal, Archeo Universale Vitali, Protheo Versipelli, Mercurio omniiformi, & uniformi, Rore de nocte, Aqua rarefacta de die, Spermate mundi, Entelecchia, Chao naturæ, & sexcentis aliis Epithetis speciosè decantant Autores, omnia tandem in Sulphureo-Salina globi Terræque Effluvia, Radiorum solarium, à quibus in altum vehuntur, atomis subtilissimis immixta, potissimum recidunt. Et quamvis haud mediocrem in altrandis sublunarium subjectis efficaciam illis libenter ac meritò, concedam, præsertim si ex Aere, Rore, fecundisque ac pinguibus Terris in palpabiliorem Salis aut Liqueoris salini substantiam condensata ac concentrata fuerint; attamen quod præclari Spiritus Mundi Patroni de Quidditate, atque Effectibus ejusdem, licentiosè nimis hyperbole, solide philosophantibus meritò suspecta, loquantur, nemo rerum magis quam verborum æstimator inficias ire poterit, si Clarissim. Viro- rum FABRI, NUYSEMENT, de ROCHAS, TACKII, BALDUINI, KIRCHERI, SCHOTTI, BORELLI, RATTEREY, NITTNERI, PENOTI, DORNÆI, CROLLII, PAPINII, TILEMANNI, AUGURELLI, BECHERI, CORN. CONSENTINI, HANEMANNI, MARS. FICINI, HELEMON- TII, FLUDDII, TACHENII, SENDI- VOGII, BORRICHII, ROTHMANNI, BECKII, WIRDIGII, STARICII, GLAU- BERI, aliorumque scripta attentè ac liberè perlustraverit. Consideratiùs quidem de Sale quodam Nitro-aereo, ad vitam sustinendam necessario, mentem suam proponit MAYOWIUS de Respir. Licet non minùs valdopere adhuc fluctuet. Nam p. 301. Usus particularum Nitro-aerearum, quibus ex parte aerem constare supponit, debitam dicit esse fermentationem in vasis pulmonalibus & Arteriis omnibus facere. Quod quidem, si per moderatissimam sanguinis non tam fermentationem quam consistentiæ ejus in colore duntaxat & tenuitate alterationem explicetur, tolerari potest. Fermentatio enim propriè sumpta, tum ob materiæ ad illam requisitæ defectum, tum ob vasorum angustiam celeremque transitum admitti nequit. Paulò post autem p. 303. ipse dubitat, an in Respiratione suppressa salis hujus defectu animalia statim mori possint; mortemque potius inde deducit, quod non tam in sanguine, quam in musculorum, hinc & præcipue cordis, motu sal istud acreum deficiat, utpotè ad quem illud tantopere necessarium existimat, supponendo, Musculorum Contractionem fieri per effervescentiam à sale hoc aeris nitroso & sanguinis particulis salino sulphureis oriundam. Adeoque vult, salem hunc in aere existentem, cum eoque inspiratum in ipsam cordis substantiam musculo- sa penetrare, ibidemque non verò in cordis cavitate, cum particulis sanguinis salino. sulphureis muscularem cordis motum effervescentia producere. Quo cordis motu, ob salis istius, in sufflaminatà respiratione, defectum, cessante, sanguinis quo- que motum ad cerebrum, hincque Spiritum animalium influ- xum deficere, in quorum tamen distributione Vitam animale[m] consistere putat. Ex quibus omnibus constat, Autorem hunc non quidem salem nitro-aerem immediate ad vitam esse necessarium, sed saltem mediante cordis motu sanguisque circulatione judicasse.

§. 5. Cum autem hæc omnia gratis sint allata, nec rationibus firmis munita; idcirco gratis eadem dimittere possemus, cum assensum nostrum in Philosophia naturalium non nisi evidentes rationes ipsius Materiæ, de qua agitur, crebris cautissimèque captis, ac circumspèctissimè applicatis experimentis fulcitæ, nancisci queant. At haud inutile forsitan erit, paulò penitius, quid solidi subsit in opinione Mayovvii, exquirere; rogando Lectorem, velit liberè & accuratè secum perpendere, 1. quàm improbable prorsus sit, contractionem muscularem fieri per effervescentiam ejusmodi ab impetuosius ac diversæ naturæ salibus oriundam, cum tamen quolibet momento musculorum actiones mutare, inhibere, augere, minuereque in nostro sit positum arbitrio; quod quomodo intelligibiliter ac verisimiliter ex salium effervescentiâ explicari possit, hætenus non capio. Dum enim salina discrepantis structuræ corpuscula fluida pro effervescentiæ scopo confundimus, vehemens eorundem agitatio nullo vase clauso, nisi capacissimo, coerceri potest, nec actionem illorum facile prò nutu modificare, postquam semel commissa sunt, vale- mus, nisi mutuo inter se contractis viribus à priori texturâ penitus alteratâ tandem simul in gratiam redeant, ac novum quasi Ens constituent. 2. Perpendat, constare experi- entiâ Illustriss. BOYLEI, aerem (ubi omnia in eo flu- ctuantia, sive salina, sive sulphurea, sive alterius indolis, simul intelliguntur) esse ad minimum millies leviorẽ aquâ, adeoque & millies capacius spatium occupare. Hinc qui liquorem ex aere piscantur sub spiritus aerei nomine, in quo sal istud nitro-aereum latere debet, ex mille partibus aeris unicam liquoris partem vix accipiente. Sed conceda- mus faciliore[m] computi gratiâ, ex 960. partibus aeris posse acquiri partem unam liquoris aerei; largiamur ulterius, quamlibet drachmam istius liquoris post suos concentratio- nem suppeditare Granum unum salis istius nitro-aerei, id est, sexagesimam, respectu liquoris pristini, partem; quam tamen vix dabit, cum salina corpuscula latissimè parcif- simaque manu in illo liquore ex aere capto sint dispersa; quod restari poterunt, qui æquè ac ego salem illum colle- gerunt unquam Supponamus jam, quâlibet moderatâ In- spiratione ab homine planè quieto, v. gr. dormiente, tan- tum aeris admitti, quantum inflandæ vesiculæ, unicus duas aquæ fluviantilis capienti, par esset. Plus enim aeris liberâ nec ullatenus sollicitatâ, Inspiratione non illabi experien- tiâ constabit tentanti. Aerem itaque dicto spatio, quasque unicus capiente, contentum, concedamus esse nongentesi- mâ ac sexagesimâ sui parte liquorem; hoc est, aer, quali- bet inspiratione irruens, continet granum unicum liquoris. Hujus grani sexagesima denique pars erit sal illud nitro-ae- reum. Cum autem sub unaquaque inspiratione exspiratio- neque simul sumtis ad minimum quatuor fiant pulsus seu cordis Systolæ, hinc sexagesima illa grani unius, de sale nitro-aereo, pars, rursus in quatuor partes erit subdividen- da, ut quælibet quatuor systolarum de illa participare queat; adeoque in quamcunque cordis systolen ducentesi- ma & quadragesima grani unius salis nitro-aerei pars cade- re reperientur. Hæc igitur exilissima ac prorsus inconcepti- bilis salis istius portiuncula, cum sufficienti quantitate parti- cularum sanguinis salino sulphurearum in ipsa densa cor- dis substantia effervescentia tumultuans, erit ex hypothesi Mayovviana efficiens unius Systoles seu pulsus Causa. Ducenties itaque & quadragesies cor sese contrahat pulset- ve necesse est, priusquam vel unicum granum salis istius nitrosi ex aere lucrari poterit. Et tamen nihilominus quin- decim ad minimum sanguinis libræ in quolibet pulsu cordis sunt loco-movendæ, ut nihil jam dicam de ipsorum totius corporis vasorum, carneaque ipsi interspersa ac circum- jectâ mole. Hinc cum Carpus meus, 304. pulsationes mi- hi sedulò numeranti horæ spatio exhibuerit, per inte- gram horam cor sese indefessè motitando non ultra 14. grana & 144. ducentesimas quadragesimasque grani unius partes de sale isto nitro-aereo ab invidis pulmonibus emendicare jux- ta Autoris hypothesin poterit. Proh immanem crapulam: credat id Judæus Apellâ, non Ego. Taceo computum meum admodum adhuc connivere; nec rigorosè institutum. atque ad solum cor duntaxat esse directum. Jam verò, quid putas ad Ventriculi ac Intestinatorum Peristalticum Motum, æquè ferè ut cordis continuum, licet mansuetiorem, in tantâ salis nitro-aerei egestate redundare posse? At tandem quid reliquis corporis musculis scribendo, loquendo, simi- lesque leves actiones, quæ crebriorem respirationem non statim exigunt obeundo, cordis magnitudinem multoties mole superantibus reliquum erit. Hæc ita fusiùs deduxi?

ut pateat quàm circumspiciendum sit in excogitandis hypothefibus, quas forſitan nunquam excogitaſſe præſtaret. 3. Secum perpendat æquus Lector, quomodo ſolâ Inſpiratione in ipſam cordis compactam ſubſtantiam ſal iſtud nitro-aereum, uti Autoris hypothefis requirit, penetrare poſſit? Quis illud in fibras cordis admodum ſolidas tam validè impingat? Quamque confuſa ac indiſcreta hæc foret principii cor moventis ſuppeditatio? quàm in tam ſapienti atque concinno rerum naturalium ordine, ſeu potius Supremo ejusdem Opifice, vix ſuſpicari, ne dicam ſtatuerè fas eſt. Quin imò conſideret, quanta ſit fibrarum in corde multitudo? quàm diverſuſſitus? & quomodo his omnibus ducentefima ac quadageſima pars unici grani de ſale iſto aereo in qualibet cujuſlibet fibræ contractione ſufficere queat? 4. Penſitet accuratus arbiter, cum ſub quavis Inſpiratione tantum ad minimum ſalis iſtius ex ære derivandi requiratur, quantum quatuor cordis contractionibus inſervire debet, ſexageſima videlicet grani unius pars; quiſnam ille ſit ſive in pulmonibus, ſive in corde æquus Partitor ac Diſpenſator, qui ſexageſimam illam grani partem in quatuor particulas ruruſ ſubdividat, ac cuilibet Syſtolæ illarum unicam admetiatur? Sed quid dico ſubdiviſione? Probabiliter priuſ demonſtrandum erit, quiſnam in pectoris penetralibus tam ingenioſus artifex aut Chymiſta liquorem illum aereum, hincque ſal iſtud nitroſum, ex ære ſingulis inſpirationibus illabente capiat, concentret ac ſeparet, ut pro efferveſcentiâ cum particulis ſanguinis ſalino-ſulphureis inſtituenda, hincque cordis contractionibus cauſandis, ſat virium unitarum acquirat? Salia enim tam parciffimè vaſtèque diſfuſa, aut vix aut planè non efferveſcere poterunt. Certè tam ridiculis conſectariis tantique difficultatibus angitur hæc hypothefis, ut mirer ingenioſum alioquin MAYOWIUM hæc non prævidiſſe. 5. Obſtant ranæ & hirundine, ut alia omittam. Hæc enim animalcula totâ hyeme ſub glacie ac in terræ cavernulis acervatim condiuntur, ſine anhelitu, attamen non ſine pulſu, quod etiam affirmat HELMONTIUS *Tr. Blas human.* §. 33., & memini, me plures, quàm quas Medimnus caperet, hirundines arctè coacervatas intra piſcinæ cannas ſub glacie proruſ ad ſenſum examines, pulſantes tamen, reperiſſe. Si itaque aeris præſentia ob ſalem creberrimè memoratum motui cordis tam neceſſaria foret, quomodo horum animalium pulſus inceſſanter ſub æeris, hinc & reſpirationis, defectu peragi poſſet? 6. Hypothefi huic refragatur foetus pulſatio in utero per 8. novemve meſes celebrata ſine reſpiratione, quam in ſuperioribus penitus expugnaviſſimus. Pauciſſimum verò illud aeris, quod cum ſuccis maternis illi communicatur, æquè ac ſucci iſtud continent, non magis ad cordis, quàm alterius, tenelli partis ſubſtantiam eſt determinatum.

§. 6. Patet itaque cordis motum pulſificum nullâ probabilitate ab efferveſcentia per ſalis nitro aerei cum ſanguinis particulis ſalino-ſulphureis conſictum in ipſa cordis ſubſtantia ſuſcitata fieri poſſe, ac conſequenter aerem non inſpirari tanquam proximi Syſtoles cordis principii efficientis vehiculum, adeoque nec ſalis iſtius defectum eſſe cauſam immediatam ceſſantis mox, poſt ſuppreſſam reſpirationem, pulſatoriæ cordis contractionis, aliorumque vitæ characterum in animalibus Machinâ Boylianâ evacuatâ incluſis. Refugiet quidem MAYOWIUS, nec non ingenioſiſſimus HOOCKIUS ad Experimenta in cane facta, quæ uterque refert; ille *Tr. de Reſpir.* p. 21. *hic verò in Act. Societ. Reg. Angl.* p. m. 463. Simile experimentum nuperrime inſtitui ipſemet, ubi mirando fanè ſpectaculo, ſublato ſterno, mediante pulmonum inflatione ac ſubſidentiâ cordis pulſum pro lubitu & accelerare & retardare, ſicque Convulſiones totum corpus concutientes & producere, ruruſque tollere poteram. Scopuſ illorum autem primariuſ hic eſt: canis thorace aperto pulmonibuſque collapſis conſeſtim belliferas patitur convulſiones, cordis & ſanguinis motu adhuc ſuperſtite. Inſlatis autem ruruſ pulmonibus ſtatim quies redit, diſparentibus convulſionibus. Imò ſi pulmones, factis priuſ in eorum peripheriâ foraminibus pro aeris ſuperflui exitu, perpetuo follis afflatu expaſi ſervantur, vivit animal; Cum tamen aliâ inſpirato licet ære pulmones expaſos ſuſtinent, ſi alicui os nareſve obturentur, mori neceſſe ſit. Hinc concludunt, aerem non ideo in reſpiratione expeti, ut pulmones expaſos, ac conſequenter ſanguinis circuluſ irremoratuſ ſervet, cum etiam dilatatiſ licet pulmonibus, niſi aer recentetur, moriamur, imò ſanguinis circulariſ curſuſ etiam per collapſos pulmones fieri queat: ſed quia continua illius recenta-

tio ad vitam eſt neceſſaria. Sed Reſpondeo 1. in genere: quamvis Experimenta, ſi accuratè & repetitiſ aliquoties vicibus capiantur, ſint optima atque firmiſſima Philoſophiæ Naturaliſ Fundamenta, quibus tanquam primis ac inſallibilibus Principiis Philoſophando innitamur; attamen ſi non ſatis cautè & circumſpectiſſimo, ac vel centies præmeditato progreſſu, omnibuſ etiam leviſſimiſ obſtaculiſ optimè trutinatiſ, Deductioneſ atque Concluſioneſ ex iſiſ eliciamus, ac imprimiſ frequentiſſimaſ Non-cauſæ pro cauſa vera Fallaciaſ ſummâ vigilantia arceamus, ſed potius, vel ob judiciuſ hebetudinem, vel ob præconceptarum opinionum tantum non inexpugnabilem labem, vel ob aliis contradicendi illiberalem impetuſ, iſiſ improvidè ac minus ingenuè utamur, inſanabile ferè damnuſ ac immedicabilis nonnumquam error inde nobiſ in Philoſophia, huiuſque legitimâ prole Medicinâ exoriri poteſt. Hiſ probè nullibi non obſervatiſ, reſpondeo 2. in ſpecie. 1. Quamvis pulmonibuſ collapſiſ aliquot adhuc pulſuſ edant animalium corda; attamen non ſequitur, ſanguiniſ ideo circuluſ æquè ac antea eſſe liberuſ. Nam conſideret cordatuſ arbiter, impoſſibile eſſe, ſanguinem tam promptè per vaſa à pulmonibuſ ſubſidentibuſ compreſſa, quàm per eadem à pulmonibuſ expaſiſ diſtenta currere poſſe. Nititur quidem miſerum cor ſanguiniſ Circuluſ expedire, unde & tam atroceſ ſæpè convulſioneſ oriuntur; at fruſtrâ. Quod teſtatur Experientia. Si enim thorace aperto pulmonibuſque collaſcentibuſ illico Arteriam magnam à ſiniſtro cordiſ ventriculo abſcideriſ, videbiſ ſanguinem in quantitate conſeſtim imminutuſ provenire, ac tandem penituſ ferè ceſſare, licet nihilominuſ cor adhuc aliquoties pulſet. Prætereâ pulſuſ non adeò ſæpè peragitur collapſiſ pulmonibuſ, quin brevi ceſſet, niſi denuò inſlentur. 2. Perpendat quilibet, quomodo tam momentaneuſ aeris defectuſ tantaſ, citòque ingruenteſ, convulſioneſ cauſari poſſet, niſi ob ſanguiniſ impedituſ circuluſ, (quem verè ac ſtatim collapſiſ pulmonibuſ impediſ adductuſ modò Experimentuſ probat) id fieret? Hoc faciunt omnia ſuperiùſ adducta argumenta contra ſaliſ iſtius nitro aerei in Reſpiratione ſuppoſitoſ effectuſ, nam in illum unicè inclinant hi Autores. 3. Notandum etiam eſt in dicto Experimento eorum, ſanguiniſ curſuſ ideo non penituſ extinctuſ fuiſſe, quia pulmones mox ruruſ inſlarunt, ſicque vaſa diſtenderunt pro libero ſanguiniſ curſu. 4. Si ſanguiniſ Circuluſ æquè per collapſoſ quàm expaſoſ pulmones fieri poſſet, fruſtra eſſent Meatuſ in corde peculiareſ atque patenteſ, dum foetuſ in uteri carceribuſ latet. Horuſ quippe uſuſ ordinariò ceſſat in nato, dum pulmones inſpirando diſtenduntur, ſanguinique ſic tranſituſ per vaſa ſua aperiunt.

§. 7. Interrogabiſ itaque; ſi principaliffimuſ ac non niſi cum mortis ſuccedentiſ periculo feriariſ aeris in Reſpiratione Uſuſ hic eſt, ut pulmones expandat, atque ſic ſanguiniſ eoſ pertranſituſ viam pandat, unde eveniat, quod animalia, pulmonibuſ licet inſpirando diſtentiſ, nihilominuſ brevi moriantur, niſi recentatio aeris continua reciproco inſpirandi & exſpirandi actu accedat? Difficiliſſimuſ hoc Problema ab Autorum omnium, quos haſtenuſ legiſſe contigit, nullo ſolutuſ reperi, ita ut animuſ fatiaverint. Prævideo quidem MAYOWIUM, HOOKIUM, THURSTONIUM, alioſque cauſam mortis in defectu ſaliſ nitro aerei conjecturoſ; ſed fateor, ob ſuprà adducta contra hanc opinionem argumenta, illam omnium videri mihi improbabiſſimam, cui quippe non tam legiſſe, quàm intellexiſſe ac ex conſimilibuſ naturæ phænomeniſ rei alicujuſ poſſibilitatem ac probabilitatem collegiſſe expedit. Paulò probabiliùſ quidem cum aliis reſpondere poſſem, mori in dicto caſu animalia, quia halituſ exſpirationiſ ipſiſ denegatur. Veruntamen cum nec ipſemet mihi hoc reſponſo ſatiſfaciam, aliis ut in illo acquieſcant obtrudere nefas duco. Hi ſi quidem halituſ ſunt proruſ penè aquei & omni noxâ carent. Sunt prætereâ pauciſſimi, adeò, ut ex unicâ exſpiratione vix binuſ colligeretſ madoriſ guttulaſ, ſi condenſentur. Suppoſito itaque, animal, v. g. canem, ore ac naribuſ poſt inſpirationem arctiſſimè obturatiſ, vitâ ad ſenſuſ penituſ deſtitui, tali temporis ſpatio, quo vivuſ ſexagieſ exſpirare potuiſſet, (cum tamen ſi omniſ illi aeris adituſ fuerit ſufflaminatuſ, tamdiu vix vivat, conſequenter erit, illud partim in ſanguine, partim in pulmonibuſ duuſ liquoriſ aqueiſ dirachmaſ retinuiſſe, guttam ſi grano æquiparem. Haſ autem aliquot minutis canuſ tam exitioſaſ imò fataleſ fuiſſe, nemo opinor facile dixerit, conſiderando, quàm glutinoſa aſthmatici ac phthiſici copioſa-

piofaque vel unico horæ quadrante extrudant è pulmonibus phlegmata, quantaque cerevisiæ vinique copia heluones paucis horis sese ingurgitent. Exulet proinde & hoc simul tum sale nitro-aereo responsum.

§. 8. Ut itaque propius ad veram extinctionis istius causam accedamus, optimè perpendendum erit, quidnam aeri cohibito in animalis pulmonibus accidere possit. Nimirum constat innumeris Experimentis, aerem levissimo quocunque tempore sese palpabiliter expandere, adeo ut manus nostræ ad sensum hyemalis tempore admodum frigidæ, si Thermometro, in libero aere collocato applicentur, aerem inclusum eatenus nihilominus expandant, ut aquam, cujus superficiei innititur, ad digiti ferè spatium deprimat. Accedit Illustris. BOYLEI *Experim.* 39., in quo commemorat, postquam peculiare ibi descriptum Thermoscopium ita Machinæ suæ imposuerat, ut collum ejus in liberam Atmospheram pateret, aeremque Thermoscopii circumferentiam convexam ambientem aliquot exantlationibus è Machina subtraxerat, ita ut aer Thermometro inclusus integrum sibi, per collum apertum, incumbentem aeris externi Cylindrum mediante aqua infusa sustineret; admotæ manus teporem per machinam vitream, spatium interpositum, vitrumque Thermometrum penetrando, totum istum aerem Atmosphæræ externæ incumbentem Cylindrum sensibilibiter elevaré, aerem scilicet Thermometro inclusum rarefaciendo. Ex quibus omnibus constat, aerem ab externis etiam ad sensum frigidis corporis animalium partibus confestim expandi, idque magis vel minus, prout tepidior vel frigidior fuerit corporis temperies. Hinc sequitur aerem in pectoris penetralibus tot gradibus magis expandi, quot calor circa cor in pulmonibus, (ubi maximus in toto corpore est sanguinis confluxus hincq; calor) intensior est, quàm in externa corporis circumferentia. Adeoque si manus solitus tepor ad digiti spatium aerem expandendo, aquam in Thermometro deprimat, calor in intimo pectoris scrinio, omnium optimè à frigore munito, manus teporem vel sexies ad minimum superans, ad sex digitorum spatium, si applicaretur, expandere posset. Præterea in pectore aer inspiratus, immediatè calori ibidem vigenti exponitur; in Thermometro verò prius per compactum vitrum manus tepori penetrandum est. Et nihilominus aer citissimè hanc alterationem per vitri quoque substantiam recipit, quam proinde multò adhuc promptius citiusque in pectoris fervidioris sinu admittet; quod optimè notandum. Porro experientiâ fretus assero, pulmones thorace aperto in majorem adhuc molem insufflatu hominis expandi posse, quàm in ordinariâ vivorum Inspiratione thorax undique conclusus permittit. Unde sequitur licet aer inspirando omnes pulmonum vesiculas subintret, attamen illas non in extremam suæ possibilitatis expansionem diducit, sed saltem eatenus, quatenus thoracis inspirando amplificati capacitas dilatationis spatium suppeditat: adeò, ut, si expansionis principium, aer scilicet, in actionis suæ gradu increseat, vesiculæ pulmonum amplius dispanantur. Increcere autem potest aeris explicantis actio duplici modo: vel enim magis ab illo expandentur pulmonum vesiculæ, si majus thorace præbeatur amplificationis spatium, quo dato, plus aeris in quantitate irumpet, ac consequenter laxius vesiculas distendet: vel earundem expansio augebitur non tam ab aere quantitativè quàm qualitativè in actione sua fortificato; nimirum à calore aerem inspiratum illicò expandente, (uti ex *Canone* 4. de aeris Indole ac Motu C. 7. suprâ à nobis proposito liquet,) idque eò magis, quò intensior fuerit calor, & quò diutius in pulmonum æstuantibus antris moram traxerit aer inspirando illapsus. Cum autem thorax ultra certam metam, vel vix vel planè non dilatari queat: Ergò vesicularum pulmonalium expansio potissimum augebitur à calore pectoris centrali, aerem in illas inspirando irrudentem in Elatere suo confestim augente. Dum itaque aeris ab animalibus inspirati atque cohibiti Elastica expansio à calore in pulmonibus augetur, necessariò majus spatium occupant vesiculæ exinde tumidiore factæ: quod spatium cum à thorace, jam quantum valet, amplificato dari nequeat; calor autem interea non cesset; aeris quoque Elater tanta vi polleat, ut vitra & vesicas distingat; corporumque penetratio in natura non detur; nec aliud præterea medium supersit pro augendo in pectore spatio vesiculas magis distentas recipiente, quàm vasorum pulmonis sanguiferorum arcta, hincque sanguinem ex iis arcens, compressio; ergò sequitur ut naribus oreque animalis post Inspirationem exquisitè clausis, dicta vasa pulmonum san-

guiflua à vesiculis eorum quaquaversum, ab aère per calorem intrinsecum magis expanso, ulterius deductis, cum aliud spatium non detur, coarctentur, ac ita sanguinis circularis cursus impediatur, moxque corde, cum aëris à calore in pectore valdopere expansi, vasaque sanguiflua comprimantis ac coarctantis, nifum elasticum superare haud valeat, à motu cessante, sanguineque sensim grumefcente, penitus tollatur; unde tum cuncta vitæ animalium munera, si emoriantur, cessentque quid mirum?

§. 9. Sic habes B. L. genuinam ex MAYOWII & HOOKII Experimentis prognatæ quæstionis Enodationem, ex ipsis rerum naturalium phænomenis huc spectantibus depromptam; nimirum: *Cur animalia, pulmonibus licet inspirato ab aere dispanfis, si os navesque illis obtruentur, omnibus nihilominus vitæ sigillis confestim priventur, ac penitus denique moriantur.* Non enim sufficit, ut pulmones aere sint distenti atque expansi, nisi & vasa sanguifera eorum vesiculis intertexta, sanguini à corde propulso liberè pateant. Cum autem aër pulmones expandens sit ejusmodi naturæ, ut à quocunque calore velociter expandatur, sicq; pulmonales vesiculas ulterius extendat, ac consequenter, nisi exspiratio accedat, vasa sanguifera comprimat, sanguinisq; Circulum ad vitam summè necessarium inhibeat; idcirco Summus ac Sapientissimus rerum Conditor Respirationem ex reciproco Inspirationis & Expirationis Actu constare voluit, ut, præter alios usus minus principales, aer incessanter recentetur, ne in pulmonibus permanens idem semel inspiratus à calore distendatur, ac vesicularum, quibus potissimum continetur, interventu ac intumescencia vasa sanguinea comprimat, Circulationem impediat, ac denique vitam tollat. Atque hinc tandem vera elucescit causa, cur respiratio vitali scopo satisfactura aerem frigidiorē eo, qui semper in pulmonibus reliquus est, pro materia exigat. Non quidem ac si ob illius defectum cordis aut pulmonum sanguinisve adustio metuenda foret; sed quia residuus in pulmonalibus vesiculis aer à calore, circa cordis confinia, aliarum partium respectu, maximo, nimium expansus vesiculis mediantibus vasa sanguifera comprimat, sanguinisque Circulo remoram atque mox omnimodam cessationem afferat. Nam nisi calor in corporis penetralibus esset intensior quàm atmosphæræ ambientis, tunc non indigeremus novâ frigidioris aëris Inspiratione, calefactique Expiratione, sed semel admissus aër, pulmones si expansos sufficienter servaret, nec ulterius sese expandere niteretur, sanguinis cursus esset haud impeditus, & vita, saltem ad notabile tempus, secuta, quamvis consequenter alia ingruerent sanitatis incommoda ex cæterorum respirationis Usuum feriis. Confirmatur nostra sententia, quod scilicet Spiritus cohibitus sanguinis Circulationi remoram iniiciat, per aliquot Experimenta & observationes. Observavit nimirum LOWERUS *Tr. de Corde* c. 2. quod & quilibet in se ipso observare potest: *in risu & aliis Respirationis impedimentis faciem rubescere, venasque colli & frontis intumescere.* Annotavit porro SWAMMERDAMIUS *Tr. de Respir.* p. 9. *in Nosocomio Leidensi aeris retenti ope per vulnus in pede magnam sanguinis copiam pro voluntate à puerulo excretam.* Nonne hæc omnia sanguinis cursum per pulmones impeditum clarissimè monstrant? Sunt enim cuncta in nostro arbitrio posita, ac pro libito produci, rursusque aboleri possunt hæc phænomena. Adeoque licet principium cordis motum efficiens à priori & immediatè intra potestatis nostræ cancellos non coerceatur; attamen à posteriori & mediante sanguine, tanquam cordis objecto, ejusque cursu actionem illius remorari, accelerare, imò planè tollere pro voluntatis nutu nobis concessum est. Ulterius aeris cohibiti fortior expansio probatur Experimento tali: Si quis ad extremum dilatationis terminum thoracem amplificando maximam aëris copiam inspiret, eumque laryngis rimulam illicò occludendo, quamdiu poterit, constanter cohibeat, sentiet manifestè aërem forti expansionis nifu Laryngis ostiolum mox quasi diffringere atque erumpere conari, quod & nonnunquam cum sono contingit. Aliud huc optimè quadrans, dum pulsuum in carpo meo numerum sciscitabar, animadverti phænomenon, ab Autorum omnium, quod scio, hætenus aditorum nemine observatum ac publicatum, quodque non tantum Tactui sed & Visui vel centies explorando diligentissimè annotavi ipsemet, ac cuilibet hacce mea manu monstrare possum, mirorque à sedulis Pulsuum Calculatoribus PRIMEROSIO, RIOLANO, VVALÆO, REGIO, HARVEO

VEO, CARDANO, PLEMPIO, SLEGELIO, BARTHOLINO, LOVERO, aliisque palpabile atque (in mancilentis præsertim) visibile utilissimumque phænomenon illud non fuisse annotatum: nimirum, cordis, adeoque & sanguinis, motum tam strictè pulmonem subesse habentis, ut vel qualibet Inspiratione ac Expiratione palpabiliter crebrior ac rator fiat, sicque singulis ferè minutis aliquoties à pulmonum motu modificatus variet; præsertim si paulò longius Inspirationis Expirationisque filium protrahas. Nam sub quovis Inspirationis actu pulsus in numero fit frequentior; subsequente autem Expiratione confestim rursus numero decrevit, gressuque tardiori incedit. Hoc sanè phænomenon, tam immediatè respirationis bipartitum negotium consequens, haud sanè ratione peculiari vitæ ex aere hausto ferculo, aut ejusdem carentiæ imputari potest. Inspiratio enim & Expiratio fiunt perfectè, imò plenius. Nec serjò dici potest, particulas nitro-aereas (si quæ cum inspirato aere cordi accederent) ab illo tam velociter devorari, ut confestim exinde alacrius fiat, sæpiusque pulset, & tamen nihilominus ne tantum quidem virium cordi relinqui, ut acceleratum modò pulsus, paulò diutius continuat, quàm Inspiratio duraverit; sed potiùs tam sensibili mox rursus affici languore, ut eodem, quo exspiratio incipit, momento statim dimidio pulsuum numero tardius rariùsque Systolem suam peragat. Allatum itaque hoc Phænomenon, (quod & simul per experimentum meum §. 6. adductum optimè confirmatur) sic explico: In Inspiratione pulmones magis ab aere frigidiorè diducuntur, unde vasa sanguifera patentiora, hinc sanguinis cursus, ac consequenter cordis motus, expeditior fit: In Expiratione autem propter pulmonum constrictionem vasa sanguinea magis coarctantur, unde sanguinis Circularis motus, atque hinc cordis pulsus impeditior rariorque.

§. 10. Ultimo pro peculiaribus quibusdam in aere suspicandis particulis, ignotæ quidem, animalium nihilominus vitæ summoperè necessariæ qualitatis inservire, alicui posset miranda CORNELII DREBBELII Navigatio submarina pro doctissimo Anglorum quodam Rege IACOBO adornata, quam ex virorum satis fide dignorum ore narrat illustriss. BOYLEUS Tr. de aeris vi Elast. pag. 451. Notabilia ejusdem hæc sunt: *Navicula peculiari modo excogitata atque extructa sub aquis tulit duodecim remiges, præter transfretandos; homines in illa, perdurarunt illæsi: Drebbelius non totum aerem, sed certam illius solummodò partem spirituosam ceu Quint-Essentiam respirationi utilem ac necessariam putavit, quæ consumptâ reliquum aeris corpus, vitali in corde flammæ fovendæ ineptum esset: In navigio submarino (in quantum illustriss. Boyleus colligere potuit) usus est Liquore Chymico, quo, quotiescunque puriorem aeris partem consumtam, vel navigantium expiratis & transpiratis effluviis saturatam, animadvertit, recluso vase Liquorem continente, turbato aeri talem de repente vitalium partium proportionem restituit, qualis navigantium respirationi aliquandiu subserviret. An dissipando, inquit illustriss. Boyleus, vel præcipitando crassas exhalationes, aliove intelligibili modo, jam non vasat in examen proferre. Liquorem Drebbelius nemini uspiam voluit indicare, nec ex qua constaret materia, nisi unico tantum ostendere, qui illustriss. Boyleus de ipsa rei veritate fecit certiore. Sed ad cuncta hæc respondeo. 1. DREBBELII potatio non concludit pro ipsa talium partium actuali in aere præsentia. 2. Desidero temporis moram navigationis submarinæ. Ea enim si non admodum diu duraverit, impossibile non est, homines aliquot in loco clauso ac satis capaci sine noxâ sensibili absque Liquoris istiusmodi operâ perstare posse. 3. Quamvis etiam navigatio longius protracta fuerit; attamen naviculæ singularis structura, nec non Aquæ marinæ illam undequaque, supra, infra, ante, post, & ab utroque latere ambientis frigus valde huc conducere poterit. Structuram enim quod attinet, dubio procul in parte superâ ac lateralibus ad lucrandam lucem quàm plurimæ insertæ fuerunt fenestræ. Forfan etiam interior naviculæ superficies concava, in parte præprimis inferiori, tenuibus laminis metallinis fuit obducta, aut alio, cui facili adhæreant effluvia, idoneo tegumento instructa. Jam verò ex vulgaribus etiam destillationibus notum est, quàm promptè vapores, non quidem vix tepidi, quales ab hominibus profluunt, sed & calidissimi, cutemque adurentes, sese vitreis metallicisque capitellis affigant, moxque in fluorem resolvantur,*

etiam si nec aquam frigidam trajiciant canales. Multo magis citiusque halitus navigantium à frigore marino facile condensandi, ac in defluentem liquorem resolvendi, respirantibus minus obesse poterunt. 4. Vitalium in aere particularum existentia nunquam directè probata est; quorum videantur, quæ supra §. 5. hujus capituli contra MAJOWIUM adduximus. 5. Multo minùs probabili modo explicari poterit, Liquorem quendam chymicum, sive destillatum sive aliâ quacunque Enchiresi præparatum, potuisse vitalium in aere, si quæ sint, partium vices gessisse; adeoque Liquor Drebbelii pro hac opinione concludere nequit; cum talis conclusio niteretur Postulato nondum probato. Quamvis enim illustriss. BOYLEUS positivè asserere videatur, fuisse turbato aeri talem vitalium partium proportionem, vase Liquoris recluso, restitutam, qualis efficere potuerit, ut respirationi aliquandiu subserviret aer; attamen antea, narrationem de liquore incipiens, præmittit in parenthesis hæc verba: *in quantum colligere potui*. Unde liquet, illum duntaxat ex alterius relatione adducta jam verba recitasse. Quinimò paulò post Epicrisin quasi adjungens dicit: *se non ultra, quam quod prius intimaverit, DREBBELII opinioni assentire*. Nihil autem aliud illum prius intimasse reperio, quàm quod de modo, quo aeris illa (ut sic loquar) rectificatio fieri posset, hæc verba subjunxerit: *an dissipando vel præcipitando crassas exhalationes, aliove intelligibili modo, jam non vacat in examen proferre*. Ex quibus apparet illustriss. Virum ac philosophum circumspectissimum mentem suam de Modo Fiendi penitus aperire noluisse. Probabilius sanè est, si modò verè quid contulerit Liquor ille ad reddendum aerem navigantium respirationi rursus aptum, illud potiùs per modum Privationis effluviis ex aere crassiorum, quàm Positivæ Suppeditationis particularum vitalium, à nemine huc usque solide ac satisfactoriè in aere evictarum, contigisse. Nemini etiam cum chymicis operationibus unice incumberem, me reperisse Liquorem quendam, brevi admodum tempore parem sibi ferè quantitatem halituum aqueorum ex atmosphærà insuper imbibentem. Præterea, quid quæso vitales particulæ refocillamenti allaturæ sunt, nisi à navigantium effluviis aer inclusus liberetur? Cum illustriss. BOYLEI Experimento p. m. 440. loc. cit. enarrato, constet, aviculam exiguo Recipienti sedulò inclusam, intra tres quartas horæ partes, absque aeris exantlatione, à propriis halitibus atque effluviis moribundæ similem redditam fuisse, præviis violentis multisque vomendi conatibus. Plura hujusmodi, si opus foret, observata adduci possent.

§. 11. Cum itaque ex hæcenus fusè deductis liquido constet, aerem ad vitam animalium respirantium non contribuere peculiares quasdam, talisque genii, vitales particulas, quibus deficientibus derepente vita, saltem ad sensum nostrum, deficiat; nec animalia spiritu cohibito pulmonibusque expansis ob id vitalibus sigillis tam subito privari, quasi ob recentati aeris inopiam salis cujusdam nitro-aeri penuriâ perirent, sed potiùs quia inclusus pectore aer à calore ibidem vehementioris expansus Circulantem sanguinem, compressionis vasorum intervenitu, remotetur ac denique sistat; tandem ordo nos vocat de altera superius prolata Problematis parte disquirendi; nimirum: *an animalia in Machina Boyleana post aeris exantlationem idèò paucis horæ minutis ab omni vitali motu penitus cessent, quia aere, tanquam pulmonum Expansionis efficiente causâ, sublato, hi collabescant, vasa sibi intertexta comprimant, sicque sanguinis cursum, ac consequenter cordis motum, impedian, atque mox tollant?* Ita sane cenfeo, cum id omnes circumstantiæ attento animo librata evincere videantur: Adeoque Principalissimus respirationis Usus, sine quo vita animalium durare nequit, quàm paucis minutis cesset, est debita liberatio vasorum pulmonis sanguifluorum, ab aggravantibus accumbentibusque, ac dicta vasa, nisi tollantur, comprimere, si que sanguinem totius corporis, illac in notis transeuntem, impedire, ac consequenter cordis motum sufflaminare valentibus corporibus, quæcunque illa demum fuerint; Seu brevius: *maximè præcipit, quique non nisi cum vitæ cessationis periculo deesse potest respirationis Usus est sanguinis haud interrupta circulatio*. Hanc meam sententiam solidis hisce stabilio argumentis. 1. Quia in fœtu nondum nato idèò sagax natura peculiares in corde meatus extruxit, quoniam san-

guis pulmones tum coarctatos permeare non poterat; hi enim compacti vasa sibi interspersa comprimebant, sanguinisque sic aditum præcludebant, cujus tamen cursus in omni vita est maxime necessarius, ideoque peculiare extra pulmones vias exigens, quæ deinceps, semel respirante pulmone sanguinemque transmittente, illico à valvula Foraminis ovali potissimum intercipiuntur, uti supra explicatum. 2. Quia in nato per respirationem pro lubitu cordis motum accelerare & retardare possumus, mediante scilicet vasorum pulmonalium liberatione & angustatione sub inspirando expirandoque procreata. 3. Quia in suffocatis dextra cordis auricula atque ventriculus, nec non pulmones sanguine reperiuntur inserti, sinister autem ventriculus sanguine vacuus, quoniam scilicet ob pulmonum in suffocatis aut concidentiam, aut nimiam eorum vasaque comprimentem distensionem sanguinis ad sinistram cordis ventriculum perungere non valens stagnando concrevit. 4. Quia aere deficiente pulmones utpote, ab hoc solo proxime expandendi, concidunt, hincque necessario sanguinis cursum remorantur, moxque tollunt, atque simul cordis pulsificum motum, cum eoque vitalia munera cuncta. Adeoque hinc patet genuina causa, *cur in Machinâ Boyleana tam subitaneâ morte animalia corripere videantur*, quia nimirum pulmones efficienter explicans, sanguinique per illos viam patulam reddens, principium deest, hæc autem dum deficiet, concidunt atque collapsi permanent pulmones; hi coarctati, inevitabili necessitate, vasa sanguifera comprimendo, sanguini circularem transitum denegant; quod impedito ille concrevere incipit, ac consequenter brevi à motu cor cessat, præviis quibusdam extremis, Circularem sanguinis cursum expediendi, conatibus; unde & plerumque violentis convulsionibus succumbunt animalia; Saanguinis denique ac cordis motu sublato omnia simul vitalia indicia tolluntur, adeoque nobis judicantibus vivere desinunt animalia.

§. 12. Ultimò cum supicari videam illustriss. BOYLEUM, repentinum animalium interitum per ambientis aeris exsuctionem considerando, aliquem esse præter illos, quos adduxerat, aeris in respiratione usum nondum probè intellectum ac plenè explicatum, qui faciat, ut vitæ animalium sine intermissione adeò sit necessarius: Ignoscat mihi, si ipsi tanquam ingenuo ac perspicacissimo arbitro *binâ Notabilia*, de animalibus tam subitò ob aeris exantlationem mori visis, optimè liberanda venerabundo animo suggeram. Primò experimenta quædam superius promissa & brevi post subiungendam, evincere videri nullatenus animalia sensu ac Motu omni ob respirationis penuriam destituta, imò ne quidem illa, quæ solâ duntaxat aeris in Machinam readmissione ad vitam revocare nequit Illustrissimus Autor, vitâ insimul, aut saltem reviviscendi spe penitus destitui; seu, ut strictius loquar: Corporum animalium, solo forsitan excepto homine, à Summo ac Immutabili rerum Conditor sapientissime creatas Machinas, aere ex Recipienti substracto, nequiquam eatenus tam paucis minutis, imò & longiori forsitan temporis morâ alterari ac destrui, ut diligentiori penitiorque aeris repplicatione, quam solus ejusdem rursus in Machinam intromissi illapsus esse videtur, in pristinos ac vitales nobis dictos motus redigi nequeant, tum in solo potissimum cordis pulsu sanguinisque circumpulsu consistentes, tum ab iisdem proxime dependentes. Hæc autem ideò huc assero, non quod nesciam, illustriss. Autorem animalcula vitalibus indicibus sensibilibus in exhausta Machina destituta, aeris subitaneâ readmissione ad vitam quasi revocasse; sed quod & illa, quæ ultra spem vitæ redacta narrat, reviviscere potuisse credam, si aut fortiori aeris in pulmones afflatu, aut aliâ possibili ingeniosaque ratione sanguis in vasis stagnans moxque concrevens, rursus promotus, sicque cordi pristino, cui vix valedixerat, munere fugendi data fuisset copia, liberumque spatium, in quod sanguinem evibrare ejusque Circularem cursum redintegrare potuisset: Adeoque per mox adducenda Experimenta admirationem quodammodo imminuere studeam, quâ illustr. Autorem aliosque detentos video, ob velocem illam vitæ extinctionem; quæ tamen potius saltem vitalium indiciorum sensibilibus, quod minus nobis appareant, inhibito atque cessatio esse videtur, quamque potissimum ansam ipsi aliisque suppeditasse autumò, inexplicatam quandam, aut nondum in-

tellectam (uti loquitur illustr. Autor) aeris in Respiratione Actionem suspicandi credendique. Quod quidem nunquam miror, illustrissimo Autori tales de subitâ animalium in Machina exhausta expiratione cogitationes subortas fuisse cum ex iis Usibus omnibus, quos hætenus Philosophi pariter ac Medici respirationi assignarunt, nec non ex modo, quo illos fieri debere explicuerunt, impossibile sit probabili, ac circumspectis rerumque experientia imbutis, eamque cum cautissimis exinde factis Philosophicis deductionibus unice æstimantibus ingeniis satisfaciente ratione liquidò demonstrasse, cur ob aeris defectum duobus vel tribus minutis confestim cuncta vitæ animalium sigilla intercendant. Viderunt quidem Autores plerique arctissimum inter sanguinis Circulationem ac respirationis perplexam functionem esse nexum; at sanè quonam pacto, fiendique modo, quæque causalitatis effectuumque inter se cohæreant serie ordineque, hætenus omnium, quos evolvere in hunc usque diem licuit, planè nullus e ipsis huc spectantibus utriusque Negotii phænomenis explicavit ac dilucidavit: Hoc preindè etiam in prolixitatis hujusce Dissertationis meæ patrocinium cordatis omnibus offero. Id enim unice operam dedi, ut Respirationis altè reconditum Machinamentum ex genuinis Causis, Instrumentis, Agendi, Fiendique Modis, ac Usibus palam exponerem, atque præprimis Principalissimum, atque tam strictè cum ipsis vitæ sensibilibus characteribus conjunctum Respirationis Utum, hucusque solidè ac satisfactoriè non explicatum, plenissimè eruerem ac illustrarem, simulque legitimam Causam redderem, *cur animalia tam ob aeris inspirati cohibitione præsentiam, quàm in illustriss. BOYLEI Machinâ paucas post aeris exantlationes, duobus, tribus, quantuorve minutis, omnibus vitæ muneribus illico orbentur*.

§. 13. Experimenta itaque, quorum sæpius in superioribus mentionem inieci, à quibus inductus credo animalia sensibilibus vitæ indicibus penitus privata, quæque ab aeris solâ in Machinam, quodammodo evacuatam, readmissione duntaxat resuscitari non possunt, non esse ultra omnem vitalia ejusmodi sigilla rursus edendi, sicque vitam nobis sic vocantibus, resumendi spem redacta, tandem sic accipe. *Primum* suppeditat M A Y O W I U S *Tr. de Respir. pag. 28.*, in quo motus cordis ob suppressam respirationem cessans ab insufflato in Venam Cavam aere ex postliminiò restituitur. *Secundum* huic ferè simile desumpsi ex M A L P I G H I I *Epist. ad Borell.*, in quo motus cordis penè extinctus ob collapsos propter apertum thoracem pulmones, iterum restituitur, si pulmones insufflentur, irrumpente rursus sanguine in sinistram cordis ventriculum. *Tertium* consimile T H R U S T O N I I *Diatr. de Respir. p. 63* subministrat: in hoc canis laqueo suspensus, donec cor à motu penitus cessaret, mox aperto abdomine, aereque fortiter in Ductum *Pecqueti* inflato, reviviscere coepit. *Quartum* idem T H R U S T O N I I *Tractatus pag. 10.* exhibet; adveniente, inquit, frigore sensim elanguescunt omnia in ovo, velsiculaque rariùs pulsant primo, mox, ubi motus omnis cessaverit ipsa quoque vita extinguitur. Approximante autem leni calore pulsatio priori modo dedit. Huic consonat *Quintum* partim ex domesticâ observatione, partim ex M A L P I G H I O, *de Format. Pulli in Ovo*, depromptum: nimirum ova quamvis ante aliquot dies, imò septimanas parta, nihilominus solo, eoque indifferenti ex causâ oriundo, (uti Ægyptiorum Pullities docet,) modò debito gradu administretur, calore accedente in viventem pullum mutari atque excludi. In quibus tamen tantum abest, ut antè incubationem pulsationis motus, adeoque & vita, humano judicio, adfuerit, ut potius M A L P I G H I U S ingeniosissimus etiam post 38. incubationis horas pullum vix animadvertere potuerit, insigni licet visus adminiculo, Microscopio puta, instructus. Huc non incongruè referi possunt Vegetabilium semina per menses nec non annos asservata, ac omni vitæ vegetabilis, futuræque germinationis spe atque indicio privata, illoque, qui ea terræ fecunde commissa germinare nunquam audivit, neque expertus est ipse, judicante, vitâ vegetabili penitus destituta; quæ tamen nihilominus vel in sola aquâ levissimo accedente tepore promptè excrescunt, ac jucundissimis vitæ sue indicibus, vario colore, figura, atque textura, ornantur exsurguntque. *Sextum* est præmemorati

THRUSTONII l. c. p. 63. : nimirum pullus gallinaceus data opera suffocatus eo usque, ut ne minima vitæ scintilla superesse videretur, insufflato per rimam tracheæ aere ab orco revocatur. *Septimum* locum occupare possunt **Exempla à Magno HELMONTIO Tr. De mens Idea** dicto, allata, quæ monstrant, submersos aliquot, etiam si per horæ quadrantem, nec non per horam dimidiam, imò & ultra, uti ex circumstantiis attentè pensatis constat, aquis ingurgitati ac omni vitâ destituti fuerint, nihilominus deinceps revixisse, conferente ad aquarum rejectionem prono corporis situ. Vid. etiam **SEBAST. ALBINI Kurzer. Handgriff. zu den Ersoffenen**, ubi exempla eorum, qui aliquot horas aquis suffocati fuerunt, adducuntur. Inprimis miraculo proximum quod dictus Autor ex **ALEX. BENEDICTO Lib. 10. c. 9. de Cur. Morb.** refert; nimirum, in undis submersos post 48. horas re-creatos revixisse. Huc quoque facit exemplum **Hortulani**, 16. hor. sub aquis viventis & sentientis, tandemque extracti & refocillati; de quo vid. **PECHLINUS Tr. de Aeris & Aliment. defect. & Vit. sub Aquis C. X. Ofa-vum** erit exemplum commiseratione dignum à **MATTHÆO Quest. Med. Enod. p. 21.** relatum, ubi nobilis matrona, postquam per triduum in agone decubisset, pro mortuæ ad locum subterraneum sepulturæ destinatum elata, post aliquot menses reperta fuit peperisse adhuc infantem, quem in dextro brachio mortuum detinuit. Huic suffragatur **Historia Colonienfis**, quam idem **MATTHÆUS l. c. p. 18. & LAMBZ WERDIUS c. 2. Expirationis suæ** referunt, de fœminâ nobili defunctâ, sepultâ, noctuque à sepulchri violatoribus, annulis ejus atque armillis inhiantibus, illique ob id manus injicientibus, in vitam pristinam non sine magno nefariorum terrore revocata. Ut plura de Ecstacis, Apoplecticis, Syncoticis, Utero suffocatis aliisque his similibus omittam, in quibus diuturna *ἀσπνξία* præ-sens, respiratio verò accalor vitalis omnino cessant, vitâ nihilominus tandem redeunt. Vid. etiam potest **PECHLINUS l. c. cap. 7. Nonum** subministrat ipse illustriss. **BOYLEUS**, recensendo *Digress. de Respir.* insecta in ejus Machinâ, fatigato quantumvis antliæ Agitatore, nullo modo potuisse enecari, quod tamen avibus & muribus paucis minutis acciderat; quin statim cessante Antlia, vitæ functiones, quibus sub exentlando privata quasi inanimata prosternebantur, resumere inciperent. Accedit, quod mulcæ aliq; insecta mortis ipsius imaginem brumali tempore quasi referant, quæ tamen vel pro lubitu temporis ope in verum vivendi actum reducuntur.

§. 14. Hæc omnia admodum probare videntur sententiam meam illustriss. viro supra oblatam, nimirum esse corporum animalium Machinas, cessantibus licet vitæ indicis cunctis, nihil ominis adhuc idoneas, quæ sublatis impedimentis, à Causis istis duabus maximè Universalibus immediate dicam, an verò mediante Principio quodam interno sensus exquisitissimi nos fugiente, ac vitæ Ety-mo dignando, proximaque vitalium characterum causa censendo?) si diligentiori operâ ac judicio penitiùs applicentur, in pristinos vitales motus redigantur, sicque vulgò vivere dicantur, quiete alioquin denique serid lethali fruituræ. Et parum abest, quin credam, animalium corpora (hominem ne excipiam?) eò usque adhuc ad reviviscendum apta esse, quò utique saltem succi in ipsorum vasis putrefacturâ alteratione non cœperunt destrui, imò & hi putrescentes licet, si solerti propulsu è vasis abigi, horumque loco vividiora idoneaque liquamina surrogari tententur, forsitan tum spes reviviscendi, tum *Chirurgiæ Infusoriæ & Transfusoriæ* laus major fieret. Sed hic amplissimus *παιδαγωγικός* campus, quatenus naturæ viribus circumscribitur, panderetur, si hujus loci foret. Secundo itaque, commemoratis omnibus altâ mente repostis in mentibus, illustriss. **BOYLEUM** submisso animi culto rogo, velit eâ, quâ illum pollere pretiosissima ejus scripta testantur, ingenuitate ac attentione considerare, animalium repentinam mortique simillimam in exhausta aliquatenus Machina mutationem, concatenata ratiocinatione mox sequentem in modum, optimè ac appositè solidèque, & procul dubio igenuis omnibus satisfactoriè explicari ac intelligibiliter deduci posse, absque eo, ut aliis, ad occultas, inexplicabiles, ac nefcio quas vitales in aere vitæ integræ causales particulas, Cibus, Pabulum, saltem nitro aereum, Mundi spiritum, similiaque solo verborum splendore cognita, con-

Ettmuleri. Oper. Tom. I.

fugere nimis promptè alioquin solitis, ulteriorem speciosis suis imaginationibus indulgendi ansam subministramus. Nimirum: dum aer, tum ponderis, tum Elateris (quo utroque eum pollere irrefragabilibus crebrisque Experimentis constat) ratione à Machinâ exantlatur, residuus ille, dum animal fatalibus ejusmodi violentisque mutationibus ceu mortis prodromisprehenditur, in pondere ac Elatere eò usque imminuitur, ut celebratâ licet ab animali thoracis dilatatione, (quam & ipse vir illustriss. p. m. 425. l. c. annotat,) nihilominus Pulmones ad debitam ac pro circulari sanguinis cursu irremorato servando requisitam expansionem distendere nequeat, adeoque Principium efficienter pulmonum vesiculas subintrando debite diducens deficiat; quo deficiente pulmones propriæ gravitatis ritu concidere ac magis magisque coarctari incipiunt; quibus concidentibus ab illorum mole necessariò intertexta tenuissima (uti ab oculato Malpighio sensu armato observantur) mollissimæque ac promptissimè cedentia vascula sanguifera aggravantur, hincque comprimuntur; quibus compressis eadem necessitate cavitas eorum sanguinem à corde propulsum transmittendi cæteroquin capax & adæquata, imminuitur, atque ad id munus incapax redditur; quâ cavitate diminuta sanguinis transitus inevitabiliter impeditur; quo impedito, paucior sanguis ex cordis dextro ventriculo ad pulmones pervenit; pauciori autem sanguine à corde ad pulmones perveniente, paucior etiam ad cordis sinistrum ventriculum redit; pauciori autem sanguine ad sinistrum ventriculum pertingente, necessariò etiam pauciori copiâ per aortam ad corporis partes omnes amandatur; Hoc fiens, consequenter quoque paucior ad dextram cordis auriculam ventriculumque redit, dicque circulatio sanguinis interruptitur, quæ dum interrupti cœpit, sanguis in dextra præprimis auricula atque ventriculo, nec non pulmonibus, in grumum concre-scit, hincque extremis totum corpus convellendi, circulumque sanguinis expediendi conatibus animal tentatur; hæc dum fiunt, circularis sanguinis cursus in totum sufflamatur ac tollitur; quò penitus sublato, omnia confestim vitalia sigilla sensibilia (si calorem excipias, utpote, qui paulo diutius durat) intercidunt, sicque mortuum dicitur animalculum. Et hæc erit totius Tragœdiæ genuina connexio. In qua, utut complures causæ successivâ serie enumeratæ sint, quæ in repentino hoc animalium, quæ aeris defectu extinguuntur, Phænomeno, vix simul concurrere alicui forsan videri possent; attamen cogitandum est, animalium corpora horumque actiones optimè comparari posse cum automato ejusque motu. In hoc enim, quamvis rotulæ sint numero plurimæ, cum tamen ita dentibus suis sibi mutuo infixæ hæeant, ut una sine altera moveri vix nequeat, quin omnes simul moveantur, & è converso, una illarum in motu sibi nequeat, quin omnes sistantur; sic & pari ratione in animalium inimitabilibus à Sapiētissimo, maximèque Venerando Naturæ Autore, adornatis corporum machinis causæ ac instrumenta motus ita sibi invicem cohærent, atque à se mutuo dependent, ut unum illorum in motum adigi, sistique nequeat, quin omnia simul aut moveantur aut illico quiescant.

§. 15. Dictis hisce quamvis forsan objici posset, cor propellens esse sat validum mediante sanguine vasa pulmonalia nihilominus eatenus distendendi, & concidentes comprimenterque membranofas pulmonum vesiculas dimovendi, ut sanguis illa permeare, sicque circulus continuari, aut saltem non tam subito cessare queat: Attamen respondeo: Me quidem negare nolle, cor, nisi jam antea sat molis ipsi loco movendum esset, eo robore pollere, cum quindecim, sexdecim, pluresque in nonnullis individuis sanguinis libras, præter vasa totius corporis distendenda, partesque illis interjectas, eaque circumvallantes, qualibet systole loco aliquatenus moveat; negotium tamen illud de facto à corde fieri, cum experientia, ac attenta consideratio contrarium dicat. Adeoque aliud est; cor potest vasa à pulmonibus, ob acris expandentis defectum concidentibus, compressa distendere: aliud autem; cor actu, & rebus sic stantibus, dumque jam tum ipsi satis negotii in sanguine, per patula licet vasa circumpellendo datum est, obiectus ejusmodi impedimentis, vasa nihilominus mediante sanguine distendit. Prius quidem acerbè negare nolo, quamvis fortasse, si penitiùs excuteretur, difficultate non prorsus care-

Rr

ret

ret consequentia illa à statu naturali ad præternaturalem, imprimis, si æquâ mente perpendamus, cordis vim loco motivam esse finitam, & determinatam ad certum obiectum movendum, & præter illud aut parum aut nihil movere posse, quin, si plus molis ipsi obijciatur, eidem prorsus impar evadat; non secus ac elater horologii chalybeus, qui etiam si in se sat validus ad agitandas rotulas existat sibi adæquatas, nihilominus vel à debilissima levissimaque causa, remorante, rotulis applicata superatur, sicque totus horologii cursus ac motus illicò sistatur. Posterius verò consideratè nego: (1) Quia non fuissent peculiare in fœtus corde extructi meatus patuli, si ante partum absque pulmonum ab aëre factâ expansione sanguis à corde per pulmonum vasa propelli ac circulari potuisset æquè bene, ac si pulmones essent expansi. 2. Quia in solâ expiratione paulo intensiori ilico cordis Systolæ fiunt rariores tardioresque, uti id supra jam adduxi. Quid igitur fiet in pulmonibus adhuc multo magis, ob aeris defectum, concidentibus vasisque hinc coarctatis, quàm thorax in expiratione? Cordis enim motus facillimè à pulmonum Expansione vel constrictione majori vel minori augetur vel imminuitur, tum in vigore, tum in numero. 3. Quia sanguis in pulmonibus (cum non penitus excludatur, sed quodammodo adhuc per illos moveatur, licet Systolis & rarioribus & languidioribus) faciliè sub aeris defectu pulmonumq; concidentia, aut nimia vasaque comprimente distensione stagnare, moxque concretionem inire in omnibus suffocatis comperitur. *Vid. supra Cap. 9. th. 7.* Manet proinde rata sententia, animalia in Respirationis defectu moti, seu potius vitalia edendi indicia cessare, Principaliter propter sanguinis Circulationem impeditam, moxque penitus sublatam, sine quâ animal perfectè aut vivere, aut vitam ostendere posse hæcenus compertum non est, præsertim si ex numero sanguineorum, maximeque si calidum fuerit.

§. 16. Tredècim itaque Respirationis humanæ usibus supra *Thes. 1. hujus capituli* assertis ac minus principalibus, tandem *Decimum quartum* tanquam principalissimum utpotè non, nisi cum vitæ cessatione, cessantem addimus, prolixius pleniusque deductum atque dilucidatum, quia nullibi eundem per concatenata naturæ phænomena atque Experimenta satisfactoriè explicatum reperio; Qui hic est: ut vasa pulmonum sanguifera, ac pro toto vehentia, ab accumulentium & alioquin concidentium vesicularum pulmonalium comprimente & coarctante mole inspirando liberentur, sicque promptum sanguini per ea circulariter à corde propulso transitum præbeant, atque hinc sanguinis pro vitâ continuandâ simpliciter necessaria Circulatio, inperturbata procedat perennetque.

EPILOGUS.

*Ardua quædam Problemata innuendo, nec
non ed eorundem Solutionem Notabilia
quæpiam suggerendo finit.*

Hæcenus licet universum Respirationis admirandum negotium plenè per textum arbitrer, incessit tamen jamdiu animum sciendi, ac in ultimam (nostre diquisitionis respectu) Primamve (naturæ in agendo causalitatis ordinem si spectes) Causam demum perveniendi penetrandique ardor, meque adegit, ut inquirerem, cur itaque tantopere pro vitâ animalium necessarius sit Cordis Pulsificus Motus, hincque Sanguinis Circulatio? An scilicet eordis motus per se & quâ talis immediatâ pro vitâ perpetuandâ requiratur? An verò Cordis motus ideò à vitalibus muneribus separari nequeat, quod Sanguinem ad omnes partes moveat; adeoque non tam cordis motus quàm sanguinis quâ talis præsentia continuo transitu suppeditata ac recentata vitæ characteres causetur? An denique non quidem sanguinis quâ talis, sed ejusmodi saltem Liquoris præsentia ad vitæ sigilla edenda expetatur, qui licet formaliter & actu sanguis non sit, atamen pro vitâ, saltem ne aliquot horis, diebus, aut septimanis mensibusve cesset, servanda sufficiat, dummodo partes sibi pertranscundas noxijs quibusdam particulis non tantum non lædat, naturalemque earum structuram immutet destruatque, sed insuper sanguinis vices tum quantitate ac mole, tum & quasdam fortassis particulas è sanguine aliàs promi necessarias suppeditando, gerere possit? Sed de gravissimis hæc Quæstionibus mentem meam exponere, à subfirato Argumento paulò liberius longiusque esset digredi, cuius quibbe terminos jamdudum debito ampliiores fecisse

multis videbor. Fortassis si vitam, tempus ac occasionem Dens Ter Opt. Max. largitus fuerit, plenior aliquando) quantum in his humanæ imbecillitatis tenebris sperandum magis quàm optandum est) de maximè reconditâ Animæ, Vitæ, Vitaliumque Characterum in animalibus Doctrinâ, Scripto, eoque non ex precaria aliorum hypothese, sed ex ipsorum Naturæ, tum spontaneorum tum experimentante solertiâ prolectorum Phænomenon sedulâ seriâque observatione, Collatione ac Pensitatione, prognato, nostra tibi Musa canere poterit. Cuilibet interim, quem in propositis hisce Problematis animum exercere lubido tenuerit, attentè consideranda propono sequentia observata atque Experimenta, partim in superioribus jam adducta. 1. Canem corde exsecto ambulasse & latrasse; nec non Victimam corde ad aras exsecto clamasse. 2. Viperas in Aëre convenienti, per aliquot dierum spatium Caput & Cordium suorum jacturam supervivere, testante Illustr. Boyle *Chym. Scept. p. 111.*; vid. quoque Corn. Gemma *Cosmoprit. L. 1. cap. 6.* de pecudum dissectarum subsultu corde & cerebro destitutarum. 3. Hominem postquam cor ejus esset avulsum & in Carnificis manu, tria aut quatuor precum verba pronunciasse. 4. Multos homines aliquot annos sine cibo & popu vixisse. 5. Transfusionem sanguinis ex uno animali in aliud, diversæ licet speciei, esse innumeris Experimentis jam probatam & extra omne dubium positam, animal, quod sanguinem recipit, non tantum sano permanente sed & nonnunquam, si morbosum fuerit, & sani animalis alterius sanguinem in vasa sua receperit, sano fiente; de quibus potissimum LOWERUS & Acta Philosoph. Anglica consuli possunt. 6. Sanguini Massa per venam jugularem apertâ ad dimidium ferè detractâ, injectâque per vices cerevisia cum paucis vino mixta per venam cruralem, cordis motus in carne, pulsu parum diminuto, sanguinisque hinc Circulatio continuata sunt, redijtque demum cerevisia loco sanguinis immissa per vulnus venæ jugularis: *Vid. LOWERUS cap. 2. & 4.* 7. Juvenem. 16. annorum insignem sanguinis copiam nulla arte inhibendam per biduum ferè effundentem jusculis valvè avidè assumptis recreatum esse ab adstantibus, donec totâ sanguinis ferè Massa effusa, jusculis, simillimus effluxit humor, qui per diem unum aut alterum durans tandem cessavit, sano interim fiente acrobusto juvene, cordisque pulsu vix evidenter immutato: *Vid. LOWERUS l. c. cap. 8.* Cor exemptum omnique sanguine depletum, imò in frustula dissectum, nondum à motu cessare. Juniorum quoque animalium corda longo tempore post excisionem leviter aciculâ irritata statim pulsus suos repetere, eosque diu continuare: imò refert Pecquetus *Exper. Anatom. p. 8.*, avulsum penitus à sede cor molossi, inque mensam projectum. 90. ferè systolas æquabili vehementiâ compressisse, totidemque explicuisse diastolas, & supremos tum demum efflavisse aliquantâ palpitatione spiritus. 9. Cor abscissis nervis octavi paris in Cervice statim palpitare & inæqualem prorsus motum per diem unum aut alterum edere observari: de quo plura vid. in LOWERO l. c. c. 2. Denique 10. ut plura præteream, huc pensitentur observationes & experimenta superius à nobis pro vita in mortuis visis ac suffocatis animalibus superstite evicenda, allata *cap. 10. Th. 13.* aliæque plura ejusmodi, ubicunque occurrant, Phænomena. Nos interim in Jesu nostri, quo copimus, Nomine finimus, Gratias ipsi animitus agentes, pro opitulante ipsius Gratia nobis clementissimè largita, humillimæque flagitantes mente, velit ulterius studia nostra in SS. Nominis sui gloriam, Sapientiæ ejus Veritati-que creaturis collatæ cognitionem laudemque, ac proximi denique salutare Emolumentum felicissimè promovere ac moderari. Cordatum autem Lectorem rogamus impensè, cuncta hisce Thesibus nostris exposita sagaci animo pensitet, ingenuè dijudicet, æqui bonique consulat, nobisque favere pergat. Tantum!

Epimetron Unicum de Chrysopœia & Argyropœia, vulgò

Erudito & Curioso Dn. AUT. ac RESPOND.
applaudit PRÆSES Mich. Ettmüller, D.De transmutatione metallorum in aurum
& argentum.

TRansmutatio omnium metallorum, quæ actu atque formaliter neque Aurum neque Argentum sunt, in verum, naturale, omnia examina S. R. Imperii ferens, & ad summum perfectionis gradum exaltatum, Aurum atque Argentum, qualem veri ADEPTI Philosophi in Scriptis suis per *Lapidem Philosophorum* sic dictum præstandam perhibent, est Ars antiquissima, veracissima, Naturæ legibus penitissime conformis, inestimabili, atque dignissima. Nec vereor ultrò polliceri, me cuilibet prudenti veritatisque unice amanti, sive docto, sive Literarum ignaro, cui Ars illa impossibilis visa fuerit, si ingenio animo ulteriorem harum rerum discursum privatim desideret, solidis è Natura depromtis fundamentis & Rationibus Artis hujus possibilitatem eatenus demonstraturum ac probaturum, ut non solum dictis facile fidem habeat, sed & ipsemet spontè fateatur, se pretiosam hanc Artem credere possibilem, eamque in DEI Ter. Opt. M. ac Sapientissimi Operibus naturalibus firmiter ac clarè fundatam cernere. Sedulâ namque rerum naturalium perscrutatione, indefessoque Studio atque labore, in nobilissima Philosophia Physico-Chymica, *Lapidis Philosophorum* seu *Tincturæ Aurificæ Argentificæque*, nec non stupendorum ejus *Effectuum*, in *Opere Transmutationis metallorum*, possibilitatem ac fundamentum clare perspexi hætenus, idque cuilibet à Partium studio prorsus alieno veritatisque cupido explicare promitto, ne tantum Naturæ & Artis Mysterium, in quo Summi Creatoris Omnipotentia ac Sapientia, nec non totius ferè Naturæ judicandissimus Generationis Cursus, ceu in speculo Compendiove cernitur, in posterum impossibile mendaxque, uti hætenus à multis Osoribus imperitè factum, reputetur. **OMNIA IN GLORIAM DEI.**

Magno molimine, Carissime, Arduum Respirationis Negotium pertractare aggressus es, quod tot jam delassavit acutissima etiam ingenia, & cujus genuinus Usus æquè hætenus in obscuro delituit reconditus, ac manifesta ipsa est Actio. Sed cum benè noverim, indefessa Tua studia, nec unquam interruptos Conatus, quibus Macro pariter ac Microcosmi arcana & stupenda rimari satagis Miracula, Chymicæ Philosophicæ adjutus, quâ in primis polles, potenti auxilio, & huncce conatum facilem Tibi fuisse auguror. Optimo autem Consilio insignem Pharmaceutices Artem, hic & nobilissimam Chymiam, ceu Genuinam Gazophylacii Naturæ Clavem, sedulo adeo exercuisti; nec minori sanè prudentiâ fructuque, imò Fati quasi directione, Utramque hanc ad Medicinam denique nostram transtulisti, cum sine illarum ope ne mediocris quidem Philosophus aut Medicus, MATTHIOLO hoc scienter asseverante, fieri quis possit. Adeoque dum Vitæ Tuæ hætenus actæ genus intueor exactius, ARISTOTELIS imitator quodammodo videri potes, qui & ipse Pharmacopœam Practicam exercuit antea sedulus, quàm sublimis adeo evaserit Philosophus. In eo tamen præ illo felicior Tua conditio, quod per cultam hodiè Pyrosophiam apertâ Experimentor in Luce versat i Tibi concessum sit, cujus defectu spissæ tenebræ vetusta ista secula occupaverant. In tantum scilicet antecellit modernorum Sophorum Labor, ausus Majorum, in quantum per quotidianum Experimentorum sagax scrutinium, Natura tot improbis quasi defatigata laboribus, in dies nova de sinu suo promit miranda phenomena, quorum intuitu, ceu tot fidissimorum Interpretum Vocibus, facilius longè secretorum ejus haberi potest cognitio. Probè hoc intelligis, optimè, adeoque tam perspicaci ingenio ejus perscrutaris mirabilia, ut absque admirationis præfatione facilis eorum Tibi sit Scientia. Perge, ut cœpisti, alacriter, nec Naturæ Autoris benignum deerit auxilium, qui faustis mille ægrorum medelis, ceu optato Laborum fructu, spem Tuam certè beabit. Vale



DISPUTATIO VI. DE MALO HYPOCHONDRIACO, QUAM PRÆSIDE

Viro Excellentissimo atque Experientissimo

DN. MICHAELE ETTMULLERO,
Phil. & Medicinæ Doctore,

Publicæ Eruditorum Ventilationi proposuit

die XVI Junii Anno M. DC. LXXVI.

A U T O R

JOH. CHRISTOPHORUS TROPPANNIGER,

Lefna-Polonus, hoc tempore Philosophiæ & Medicinæ Doctor,

Archiatro Electoralis Saxonicus.

A^upeu mpoquis.

Nominis declaratio, utut parum vel nihil ad clarificationem recte instituendam faciat, cum ægri non speculantem, sed curantem, atque non verbis, sed herbis divitem, exoptent Medicum: attamen, quoniam juxta SCALIGERUM *Exerc. I. Sect. I.* vocis explicatio ad cognitionem rei sit quasi quædam præparatio, & nomina sint rerum symbola; merito & nos mori hætenus consueto obtemperaturi, de nomine Dissertationis nostræ primum filum ducimus.

§. II. NOMEN autem sortitur suum à loco affectum, scilicet iypochondriis à *ὑπόχονδος*, quod præter granum etiam cartilaginem significat, teste SCAPULA *sub voc. & à præpositione ὑπό*, sub, quasi dicas, sub cartilaginibus. Hypochondria verè secundum autorum mentem, præprimis secundum Anatomiam BARTHOLINI *novissime editam p. 13.* sunt regio corporis cartilaginibus inferioribus costarum vicina, extendens se utrinque ad illa cum musculis & internis visceribus simul; Unde & Barbari vocant morbum *mirachialem*, quia in genere Arabibus *Mirach* denotat abdomen: *Vid. SENNERTUS lib. 3. Pr. Med. part. V. Sect. I. Cap. I. p. 505.*

§. III. Acceptio vocabuli est duplex: Generali & Specialis. Illa quæcunque passionem partium sub hypochondriis & infra hæc sitarum denotat; Quæ ratione etiam in sexu sequiore passio hysterica hoc nomine donari poterit, teste BARBETTE *in Praxi p. 139.* Hæc vero, de quâ nobis sermo est, eam dumtaxat affectionem comprehendit, quæ focum suum agnoscit ventriculum, materiâ acidâ viscidâ obfessum, & quæ contradistinguitur passioni hysterice propriissimè sic dictæ, Mulieribus quasi peculiari, & respirationis insigniori difficultate comitatæ, qualis rarior apud Mares observatur, utut in radice & fundamento, duo hæc pathemata Hypochondria cum & Hystericum mutuo conspirare videantur.

§. IV. Variis autem morbus hic insignitur titulis. Dicitur enim *passio hypochondriaca*, *Affectio hypochondriaca*, *Tartarus hypochondriacus* Chymicis, *Affectus flatuosus* DIOCLI & AETIO ob ingentem flatuum copiam, *Mater Scorbuti* BARBETTO salutatur *c. l.*, *Morbus resiccativus seu siccatorius* HIPPOCRATI audit *Lib. 2. de Morb.* Nonnullis *Melancholia Hypochondriaca* dicitur, quam

quàm multis hoc malo laborantibus Melancholia non eveniat; interim tamen plurimi Melancholiâ laborent affectione hypochondricâ correpti. Germanis *vocatur morbus costis nothis subiaccens*, sive *morbus Eruditorum*, non quod literati soli huic morbo sint obnoxii, sed quia plurimi hoc malo vexantur, qui intra chartas continuo abdomen compriunt, ita ut liberiori descensui Diaphragmatis via interceptatur; unde tardior humorum fit circulatio, de qua *plura in progressu.*

§. V. Hisce paucis præmissis, ad realem DEFINITIONEM nos accingentes, dicimus: Affectionem hypochondriacam esse dolorem gravativum & constrictorium primario ventriculi, diaphragmatis & totius mesenterii, dependentem ex convulsione nervorum dictarum partium, suborta ob visciditatem humorum acidam, vellicantem primas vias, in specie vero ventriculi partes nervosas.

§. VI. GENUS est dolor, ægrorum nemini ignotus, qui revera nihil est aliud, juxta BRUNONEM *in Dogmat. Medic. pag. 269.*, nisi symptoma sensus factus nimium aucti. Hunc dolorem *gravativum* esse & *constrictorium*, satis indicant patientium querelæ, molestiam sentientium similem ei, quæ à pondere aliquo premente oriri solet; cum quâ simul partes nervosæ vicinæ, originem nervorum suorum eandem obtinentes cum nervis insertis in sinistram ventriculi orificium, versus hunc sese contrahunt, ipsis ventriculi fibris simili spasmò una affectis.

§. VII. An morbus hic veteribus etiam fuerit cognitus? determinare noto; cum lis sit de lanâ caprinâ, parumque ægro & Medico conducibilis. Arbitror tamen, eundem iis occurrere, licet non sub appellatione hac cognitus, nec adeo atrocibus stipatus symptomatibus. Nam uti crescentibus delictis crescunt pœnæ, sic etiam crescentibus luxuriæ & diætæ erroribus, quid mirum quod atrociori furore nos infestent morbi, qui veteribus tantâ cum severitate grassantes non obtigerunt. Ob quam causam veterum quoque descriptiones non nihil mitiores, cum nostris tamen convenientes, morbos proponunt.

§. VIII. De *Partis affectæ* denominatione tot venduntur litigia, quot fere hodiè extiterunt Practici. Sunt enim, qui nullam determinatam in Malo hypochondriaco affici existimant partem, ideo forsitan, quia observarunt, non

non nunquam in acerbis passionibus, hypochondriacis patientes non habere, de qua abdominis parte specificè conquerantur. Alii, quorum animos lasciva varietatis persequitur aviditas, varias elegerunt partes, ob quas affectionem hanc in varias discerperunt species, prout fecit **M A T T H. M A R T I N I** de *Morb. Mesenter.* p. 152., distinguendo in Mesentericam, Stomachicam, Hepaticam, Splenicam, Cardiacam, Hystericam, Hæmorrhoidalem, Melancholicam seu Phantasticam. Præ cæteris Phantasia mirè indulgent ii, qui spatium istud inter stomachum & diaphragma pro sede ordinariâ, aut saltem pro nido tot flatulentiarum, existimant: Inter quos fuit **L E V I N U S F I S C H E R U S**, qui edit peculiarem Tractatum de loco & foco Mali Hypochondriaci, per motus aphorism. 57. sect. 7. **H I P P O C R A T I S**. Venæ portæ ramos & arteriæ coeliacæ & mesentericæ ut plurimum accusat **S E N N E R T U S** Lib. 3. part. V. section. 1. cap. 2. pag. 506.

§. IX. Missis hisce, & aliorum plurimorum sententiis, unicam cum **H I G H M O R O** p. 37. & **B A R B E T T O** Prax. p. 140 **H O E C H S T E T T E R O** Decad. V. observ. altisque, agnoscimus partem primariò affectam, ventriculum: Siquidem id testatur partim dolor patientum perceptus in scrobiculo cordis, loco naturali orifici ventriculi. Interim planè non negamus, sæpius etiam intra curvaturam intestini coli sigmoideam hæere tam pituitam viscidam, quam scybala nimium indurata, dolorem tunc per consensum causantia; unde tunc querela instituitur de dolore hypochondrii sinistri sub costis inferioribus spuris, sub quo simul ventriculus à subjacente colo, flatibus expanso, atque sic vehementius dilatato, comprimi solet. Partim testimonium perhibet de rectè assignata parte affecta Medici *Curatio*, quippè quâ constat, vix meliori viâ ratione posterioris abigi malum, quam clystere applicato; ratione verò prioris asserti vix citius remittere dolorem, quam, præmissis præmittendis, exhibito Vomitorio. Quapropter recorder sæpius, quorundam Medicorum, de Literatis, pro mali hujus tam præservatione, quam Curatione, largiorem Vini interdum assumptionem vomitu comitatam suadentium, quod materia viscida in primis viis collecta evacuetur, & ansa multorum morborum præripiatur.

§. X. Porro, dum in definitione asserui, simul compati diaphragma & mesenterium, neutiquam de foco morbi debent hæc intelligi, quasi in hisce partibus materia aliqua colligatur, quod jam antea rejectum, & sequentibus rejicietur; sed quatenus in consensum dictæ partes ob fibras ventriculi convulsas rapiuntur. Simulac enim ventriculus in dolore hypochondriaco convellitur, æquè convellitur diaphragma. Structura namque nervorum & membranarum in universo corpore habet se ad instar chordarum tensorum, & inrer se connexarum; unde uno loco unâ fortius pulsâ, per consensum altera quoque moventur, & pars à parte afficitur. Vid. **W I L L I S I U S** in *Anatome & Pathol. Cerebri*; it. **C A R T E S I U S**. Quamobrem, quamcunque ventriculi exorbitantiam expiare tenetur diaphragma, quod quia tendinibus suis costis spuris & processibus suis lumborum vertebri implantatur, sequitur, ut & ingentem percipiamus dolorem in costis spuris, & vertebri abdominis; Quoad anteriora ad instar: circuli constricti; quoad posteriora ad instar calculi nephritidem inferentis. Cæterum, quia nervus intercostalis etiam diaphragmati propagines suas communicat, fit ut convulso diaphragmate in consensum quoque trahantur muscoli respirationi inservientis ceteri, in specie autem quoad partes posticas. Ex quibus nervorum, & hinc musculorum & membranarum spasmodis, multi jugæ patientium detestationes doloris tensivi, dorsalis præsertim, nonnumquam ad vertebri colli usque protensi, quod ipsum præterlapso anno, proprio meo (si Medico imbecillitates referre proprias decus est) testari possum exemplo, suboriuntur. Exinde quoque facile licet colligere, quomodo sæpius in hypochondriacis asthma aliquod sic cum natales suos nanciscatur? imò quomodo in hypochondriacis adeò frequenter symptomatum præfatorum societatem appetat Cordis palpitatio? Hinc æquè non ineptè aliquis vocitaverit Passionem hypochondriacam Epilepsiam ventriculi.

§. XI. Causam efficientem proximam, præcedentibus innixus fundamentis, statuo convulsionem nervorum, à materia viscidâ acidâ excitatam, quam veteres succum atrabiliarium seu melancholicum acidum salutarunt. Vid. **S E N N E R T U S** Lib. 3. Part. 5. sect. 1. cap. 3. Modus verò *Ettmuller. Oper. Tom. I.*

generandi, ac natale solum, ut debite assigneretur huic succo, tot veterum ac recentiorum quorundam sunt ventilatæ sententiæ, quot in pervestigatione partis affectæ colligi potuerunt discrepantiæ. In hoc tamen ferme conveniunt omnes, quod naturam hujus succi acidi obvelare nequeant, ac propterea materiam viscidam acidam aculent, utur in minerâ determinandâ discrepent, ac Lienem hujus infortunii, cujus tamen insonsest, corpori humano ingruentis injuriosè insimulent. Attractricem enim facultatem præ reliquis visceribus an sibi soli vendicet lien? ac totius Massæ sanguineæ quiesquilias seu partem chylî terrestriorem in sinu suo colligat ac foveat? ventriculo pro exigentia communicet? permittant mihi autores, ut dubitem. Omnes enim humores, sicut in reliqua viscera pulsu moventur, & nullus naturalium corporis partium appetitus pro nutritione earum demonstrari potest, quem tamen recentiores nonnulli asserere non erubescunt; Ita nec oscula vasorum, intra ventriculum hiantium, esse providentia lienis chylifuga (ut licentiâ omnium ita loquar) ut vas breve venosum chylus absorptus tradatur; neque peculiare ductus ex liene succum acrem in ventriculum & hepar vehentes concedere possumus: Quod utrumque in **C O R N E L I O C O N S E N T I N O** proponente illam sententiam *Prog. VI. de Nutricat.* p. 248., & hanc *ibid.* p. 244., vehementer miror. Quarum hæc satis refutata est ab **H A R VÆ O**, & aliis, quia venæ non ad partes vehunt, sed ab iis revehant id, quod per arterias cordis impulsu promanavit. Hanc verò prosternere videntur aspleniorum canum testimonia qualia cum **D I E M E R B R O C I O** mihi quoque sunt cognita, qui æquè voraces sunt ac bene dignerunt, quam qui adhuc splenem in corpore suo possident. Deinceps succum hunc acidum fore lienis magis hostilem quam proficuum, satis demonstravit **T A C H E N I U S** in *Hipp. Chymico*, eò quod omne acidum extra ventriculum sit naturæ inimicum, & ansam potius præbeat scirrhi lienis, sæpius in hoc morbo obvenienti, qui quando obtingit, potius est productum morbosum, quam causa morbi. Proinde maxima autorum turba obicem sententiæ meæ non ponent, accusantium lienem primariam sedem Mali huius, cum dolor maximus non circa lienem, sed costas spurias, percipiatur. Quin imò in ejusmodi patientibus lien, referente **S Y L V I O** Lib. 1. Prax. p. 82., optimè constitutus fuit repertus; Hinc etiam neque ex liene, neque hepate, neque diaphragmate, per vomitum, quod evacuetur in nostro affectu, cum tanto levamine proximè prodit, sed saltem ex ventriculo. Multò minus spatium inter diaphragma & ventriculum idoneum hujus materiæ colligendæ est reperiendum, cum lymphæ aut cruor extravasatus statim putredinem concipiat. Uti nec meseraicæ venæ sunt gazophylacea huius inquinamenti, quæ statim in tumorem attolerentur, ac circulationem sanguinis sufflammando, graviorum morborum existerent mineræ, puta inflammationum.

§. XII. Dico ergo: materiæ istius officinam primariam esse Ventriculum; id quod indicant frequentes ructus, vomitusque acidi. Ructus quod attinet: originem ducunt materialiter & proximè ex materia viscida, inter quam effervescentiæ motu successivè generantur, & in qua turgescite, non aliter atque aer intra bullam, includuntur; ita ut quod viscidum in corpore sit copiosius, eò etiam copiosior fiat flatuum proventus. Quod ipsum duorum liquorum Chymica monstrat mistio, quorum si alter substantiâ spissiori abundaverit, largior longè flatuosorum halituum producet copia. Videntur autem ructus tales seu flatus maximâ sui mole nil aliud esse, quam aer, latitans intra materiæ viscidioris ex assumtis alimentis genitæ poris, qui ex iisdem, præsertim alcalicarum particularum spatiolis, periruens acidum, sub mutua horum activitate extrusus, virtute suâ elasticâ se pandit, & subtilioribus materiæ effervescentis halitibus sociatus, erumpens, tandem, eisdem cum alimentis assumtis quoad saporem & odorem ferè prodit qualitates. Hi verò (vomitum nempe) quod citra omne dubium sint acidi, & corrosivi; patet ex dentium, quos allidunt, stupore. Imò ex obs. **H I G H M O R I** constat, vomitum hypochondriacum sæpè labia, linguam, fauces & guttur, exulcerasse: *vid. cit. Aut. p. 105.*

§. XIII. Quando simul intestina tali materiâ flatuosa sunt adimpleta, tunc murmura & crebri adsunt borborygmi: Dum verò visciditate suâ in cellis intestinorum, imprimis coli, hæret, acore suo pertinaces dolores & lancinationes, pituitæ veterum vitreæ adscriptas, inferre assolet.

Hinc sæpe conqueruntur ægri, se percipere infarctus in abdomine, & monstrando locum, situ coli sub stomacho exacte delineant; unde & ut plurimum Malum Hypochondricum comitatur passio colica. Hic chylus vitiosus in massam sanguineam delatus, spissam & fermentationi imparem eandem reddit, ex qua radice multivaria morborum monstra progerminant: Nempe per circulationem sanguinis ad reliqua viscera derivatur, in quibus hærendo ab acido suo vitioso magis magisque coagulatur, tumores & infarctus varios inducit, diversis dolorum speciebus comitatos; quatenus acidum, nervosis inimicum partibus, fibras harum convellit, variosque spasmos & convulsiones, hincque dolorosa pathemata, non raro inducit.

§. XIV. Qui Malum Hypochondricum cum P A R A C E L S O à tartaro quodam acido, veletiam veterum Melancholia acida, ortum suum ducere esseret, à vero multum non aberrabit. Siquidem hæ sententiæ omnes eò collimant, ut statuatur acidum viscidum, quod subinde in nimiam fixam degenerat naturam, unde nunc tartaream quandam acidam, nunc vitriolicam stypticam indolem, æmulatur (qualem observamus in succo inspissato corticum viridium nucis juglandis, quem succum non nemo sub titulo vitrioli vegetabilis miris modis recommendavit) quatenus scilicet partes quædam terrestres excrementiæ, latitantes intra reliquias alimentorum, ab acido nimium exaltato solvuntur, ut sese intimius misceant partibus salinis acidis, ex quarum textura mutua quasi vitriolici aut aluminosi saporis concretum emergit. Siquidem in hypochondriacis reperiri licet partes terrestres, quæ tamen ad istar salium ob nimiam fermenti aciditatem intimè sunt solutæ, ut si, experimentum fiat, subtilissima filtra penetrare queat, quæ tamen ab acidi consortio stypticam vitriolicam vel aluminosam naturam exhibent.

§. XV. Causæ remotæ sunt variæ. Ex naturalibus est Temperamentum ventriculi, veterum dictum frigidum seu melancholicum; Noeticorum Dyscrasia acida, maxime frequens in regionibus nostris borealibus, & convenit utrique sexui, ac omni ætati, tam juvenili, quam senili.

§. XVI. Ex non naturalibus est aer aeris, constans ex salibus acris in ejusporoselevatis, & à copiâ aquosorum effluviis dilutis, observabilis tempore autumnali & Verno, auditque nostris Germanis *Schnuppicht und fufficht Wetter*. Hinc eiusmodi aer inquinando salivam, sese in ventriculum insinuat, ibique reliquias in stomacho hærentes vitioso sapore inquinat. Ex alimentis omnes panes non rite fermentati, pulvis compositæ ex aqua & farina non fermentatæ, pisces & carnes fumo induratæ, & non rite masticatæ; item Cerevisiæ non bene fermentatæ. Porro quies nimia symbolum addit, quia continuè sedentes comprimunt abdomen, & diaphragmatis motus, uti dictum, inhibetur. Jam verò abolito hujus motu, & compressis musculis abdominis, alimenta diutius immorantur ventriculi cavo, exindeque nimium fermentando, partes eorum terrestres dum salinis dissolvuntur. In hoc passu hepar quoque continnò comprimitur, quo ipso & succo bilioso in tantum sufflaminatur exitus, quare degenerat ex succo amaricante in lixiviale alcalicum nimium. Hinc facti nimium fixi succi in intestinis excitant largum flatuum acrium proventus. Quapropter sæpe Malum Hypochondriacum comitatur species quædam Colicæ, & bene Scorbutus inde oriundus sub uno titulo tractatur a BARBETTE.

Porro ex rebus non naturalibus multa conferunt huc excretionem suppressæ. Hinc virginibus & mulieribus gravidis ob suppressionem mensium sæpe accidit; Item viris totaliter Veneris usum intermittentibus. Suppressis enim excretionibus vasa nimium replentur, hinc sequitur tardior humorum circuitus, & consequenter incrassatio eorum. Quæ ratione somnus quoque nimius magis nocet quàm recet, ad tardiores circulationem humorum ansam præbens, imprimis qui statim post cœnam capitur, nisi patientis consuetudo aliud nos doceat, iuxta aph. HIPPOCRATIS 50. Sect. II. Vigilæ è contra nimiam etiam noxam inferunt musculis, diuturnâ agitatione corporis defatigatis, & hæc ratione tardiores motum humorum procreantibus.

Neque à materia solum hætenus depicta viscida acida id dependet mali; sed etiam à principio activo seu Archeo, nervos dirigente, præternaturaliter irritato. Sæpius enim ex sola iracundia malum hoc invasisse quoddam, testatur experientia. Quo in casu æque pati videntur

anima nostra, atque satis eruditè ab Exc. Dn. D. AMMAN-NO, P. P. Lipsiensi, in deliriis ac mania pati judicantur. Animam enim, corpus, sentire certum est, idque fit, quatenus est in cerebro; non quæ membra corporis actuat: vid. CARTESIUS in Dioper. c. IV. p. 67. Hinc quoties vel Ecstasi vel aliâ contemplatione distracta velut extra corpus ponitur, toties sensus externi stupidi quasi & semianimes observantur.

Ex præternaturalibus sunt omnes species suppressæ excretionum jam enumeratæ; It febres malè curatæ, imprimis intermittentes: De quibus vid. PAULUS ZACCHIAS.

§. XVII. Differentia Mali hypochondriaci fit in adscititium & hæreditarium. Illud jam hætenus est inculcatum: Hoc à parentibus propagatum.

§. XVIII. Citra ambages Signa Diagnostica recensemus hæc. Dolores gravativi & tensivi in regione lumbari incipientes, & gravissimo contorsionis sensu hinc inde in abdomine oberrantes, anterioraque versus contorquentes, imò ad vertebrae colli protracti, adesse solent. Ubi malum est confirmatum, exacerbationes suscipit sumtis cibis, ubi solent adesse phlogoses ac respirandi difficultas. Interdum vomendi conatus jejuno præprimis stomacho. Flatus & ructus ferme sunt continui, ut & contumacissima alvi obstructio, Vertigines, Cephalagiæ, anxietates, ad somnum propensio, terrores & tristitiæ, citra manifestas causas mentem perturbantes. Interdum viri iis vexantur, quibus mulieres alias sunt obnoxie hystericae. Pulsus sunt varii, inæquales, & omni ferè momento mutabiles in Paroxysmo. Extrà nunc pulsus adest magnitudine moderatus & tardus. Urina ut plurimum est citrina, recenter micta, & in tantum crassa, utut perlucida; interdum turbida & pallida, cum copia salium; Postquam verò aliquamdiu steterit, præcipitatur in materiam viscidam copiosissimam, & sabulum ruffum gryseum, unde & Medicastrum ut plurimum accusant renum calculum, quia in lumbis percipitur dolor, quod sabulum tamen in urina tale non exitit. Vid. HELMONTII Tartarus insons.

§. XIX. Prognosis quod concernit, ea sequens esse poterit. Quod malum hoc in incunabilis adhuc bene edomabile sit; Quod si verò adoleverit, actuosissimam sæpe Medici illudat industriam. Ubi Cephalalgia non adsunt contumaces, neque appetitus prostratus est, & flatuum ac ructuum continuus non est proventus, spes salutis adhuc superest. Si altas radices egerit, progignit non degenerem sobolem Scorbutum. Vic. Prax. Barbettiana. Scorbutum autem qui dixerit, lernam malorum dicet. Hinc contumaces palpitationes cordis, Melancholia, agrypnia, Ephialtes, nonnunquam etiam Epilepsia, & quidem talis, ut juraveris malum dependere à Dæmone, imprimis in mulieribus, supervenire solent. Quod si hoc malum non curetur, ac vomitus niger super veniat, uti sæpius observavit singulari honore amoreque mactandus Dn. D. P E T E R M A N N U S, funestum est signum, & plerumque presso pede sequitur mors. Si à scybalis diu retentis contumacissima adsit alvi obstructio, periculum est, ne ad volvulum aut inflammationem, tandemque sphacelum securum disponat. Hæreditarium Malum Hypochondriacum nunquam admittit curationem plenariam.

§. XX. Curationem legitimam instituendam secundum certas indicationes subministrat triplex Fons. Ex fonte Chirurgico commendant quidam salvatellæ sectionem, quæ tamen cum præ aliis venis nullam habeat prærogativam, prout ex circulatione sanguinis notum, non aliud à reliquis afferet ægro auxilium. Hæc tamen ratione admitti posset Venæ Sectio, quod citiorem cursum humorum promoveat, & ita convulsione partium nervosarum forsan stagnantem sanguinem in motum rursus suscitet.

Fons Pharmaceuticus dirigitur juxta has Indicationes.

1. Acidum viscidum temperetur.
2. Temperatum evacuetur.
3. Convulsiones per anodyna sedentur.

Hinc ex regno vegetabili offert primò omnia antiscorbutica, quæ quia participant de sale volatili, magnam noxam inferente hypochondriacis, cum aliis sunt miscenda. In genere conveniunt aperientia dicta Hepatica, Splenetica, & omnia stomachica, ut sunt Absinth., Card. Bened., Chamadr., Chamepyt., scolopendr. It rad. gramin., armorac., acori, polypod. filic., helenii, fœniculi; It. salia lixivialia, sal absint. Cichor., sal stomachal. Mynsickti, sal compos. quod ex remanentia spiritus salis

salis Ammoniaci destillati elicitur, egregium diureticum, dictum digestivum hypochondriacum. It. cit. herb. Ess. Decocta, infusa, Succus expressi ammaricantes vegetabiles. Egregia quoque est myrrha, gummi Ammoniacum. Hinc pil. ex gummi Ammoniaco Quercet. satis proficuae sunt:

Ex minerali regno omnibus palmam præripiunt Martialia. Inest namque vis insignis Marti Acida absorbendi teste Chymia. Notetur tamen, ut semper admisceatur alia; Si enim mars concurrat in acido fortiori, degenerat in vitriolum, quibusdam nauseosum, imò Vomitorium, præsertim si mars impurius fuerit, & tantillo licet veneris contagio inquinatus, à quo vitriolo tunc intra corpus emergente pertinaces vomitus superveniunt: aliàs mars cum spiritu volatiliore sulphuris illius, resolvitur in *crocum martis saccharino*. Reliquis omnibus præfero crocum martis cum salib. Deum enim salia lixivialia concurrunt cum limatura martis, aggrediuntur partes acidas martis, quo facto, destruitur structura corporis Martis, crocusque in corpus adsumptus saltem est alcalicus, quia ab acido ventriculi ita coagulari nequit, ut induat perfectam naturam vitrioli, destructo prius acido minerali. Deinde laudo hic pulverem martialem antimoniam compositum ex p. j. mart. & 2. p. antimonii, fixatumque per nitrum, in tripla proportionem additum, ex quibus fit medicamentum blandius ipsa limatura Martis. Dein adhiberi possunt Tinct. Martiales, Tinct. Martis Zuvelff., Essentia mart. dulcis, quam non magni tamen æstimo ob crudum martem, nisi mox adhibeatur cum subsequenter purgantibus: quomodo extr. mart. cum succo pomor. potest assumi inter pil. purgantes.

Porro incidunt & corrigunt suo modo acidum tartarus vitriolat., tartarus chalybeat., Tinct. antimonii tartarifata, terra tartari fol., Spir. tartari volat., Spiritus Carminativus de tribus, Spiritus salis Ammoniaci cum liq. ex terra tartari fol. mistus pro secreto ab aliquibus habetur: nitrum depuratum etiam recommendatur hic, præsertim ubi flatus aut phlogoses magis urgeant, cujus usu desperatos hypochondriacos ad extremam fere maciem deductos aliquando feliciter curavit BARTHOLETUS *ir. d. Dyspnæ lib. V. c. 4.* Elix. Proprietat. Elix. stomach. *Dn. D. Michaelis.*

Ex animalibus profunt omnis generis præparata ex ossibus, & ex Marinis, v. g. Cornu Cervi, Mater perlar., Corall., Oculi Cancor. &c.

§. XXI. Acidum vicidum incisum & correctum sensim atque sensim evacuetur, seu per superiora seu per inferiora; alvus verò, quantum possibile, servetur continuò aperta. Inter evacuantia hic vomitoria palmam præripiunt: Unicuique enim Vomitorium plus præstabit, quam decem purgantia; habitò tamen respectu ætatum sexuumque. Propinantur autem præcipuè in infuso. In omnibus enim vomitionibus ventriculum aliquantisper repleti conducere arbitror, quò viscidè peccantes particulae faciliùs egerantur, cum aliàs saltem inanis sequatur vomendi conatus: *Vid. aph. 13. sect. IV. HIPPOCRATIS.* Parum autem interest, utrum ex antimonio crudo, Mercurio vitæ, succino

antimonii, Croco metall. simpl. vel absinthiac. Myns.; parum quoque interest, utrum ut nuda infusa adhibeantur? an verò inspissentur in tantum cum saccharo in consistentiam Syrupi? vel etiam in formam pulveris mutantur? uti ex Mercurio vitæ & Crystallis tartari per infusionem, filtrationem, & evaporationem fieri potest. Notetur igitur, ut extrahendis addatur Acidum, aliàs nihil extrahitur.

Purgantia verò sunt lenia; fortiora enim pessima inferunt intestinorum symptomata, ægrosque disponunt ad dysenterias, tormina & diarrhoeas. Hinc profunt hic pil. ex Ammoniaco Quercet. *suprà laudatæ*, quæ possunt acuari stimulo de Colocynth. quæ sunt egregiæ: Radix Helleb. nigri quoque prodest satis, si adhibeatur interinfusa, quæ non ultimum in hoc affectu sibi vendicant locum, si inter pilulas.

Rhabarbarum tanquam aptissimum & promptissimum alterans & evacuans laudatur à RODIO *Cent. 2. obs. 2.* tam infusum, quam decoctum. Aloetica multis etiam hic sunt in usu, quò etiam pilulae Francofurtenses pertinent. Verum omnia aloëtica plus nocent, quam profunt, propter virtutem adstrictoriam, quam post se relinquunt ordinariò, hinc corrigatur hæc vis Mercurialibus.

Tertia Indicatio obtinetur per omnis generis sedativa seu confortativa, v. g. Cinnabarim antimonii, Dent. equi Mar. præpar., Epor. sine igne, Unicornu præparat., Ungul. al. præparat. Ex quibus speciebus præstantissima sunt præparata: quibus ad misceri poterunt opiata, v. g. Essentia Op. ad modum Langelotti, Laud. Opiat., Extr. theriacale, et in sexu sequiori Castoreum, & ex inde parata Ess., Extr., aqua hirund. cum Castoreo.

§. XXII. Clysteres hic profunt emollientes & abstergentes, si scybala in intestinis malum hoc inferant: Si causa verò in ventriculo hæreat, dubito de ipsorum usu.

§. XXIII. Formulas hic annectere, est replere paginas variis ambagibus, & conspurcare atramento. Committuntur enim cujuslibet prudentis & exercitati Medici iudicio arbitrio, pro ratione circumstantiarum, ætatis, ac sexus, curam gerentis. Ideòque ultimo saltem loco ad rectè instituendam dietam observetur in omnibus temperantia, & vitentur ea, quæ *suprà expositæ causæ mali hujus* nutrices esse possunt, v. g. Pisces & carnes salitæ, & fumo indurate; it. Acida varia, & omnis generis talia, quæ lympham viscidam, acrem, aut acidam in corpore producere & sustentare valent. Et si qui sunt, qui Medici opem non querunt, sciant, quòd non meliori damno ipsorum consulatur saluti, quam si studio contractis moris convalescendi Mors morbo ipsorum imponat finem.

COROLLARIA.

Omne Symptoma est symptoma actionis læsæ.

Materia purulenta hærens in corpore extra vias urinarias, v. g. in Pthisi & Pleuritide suppurata, nunquam cognoscitur ex urinâ.

Mercurius dulcis sæpiùs sublimatus reverà fit diaphoreticus.

DISPUTATIO VII.

DE

EPILEPSIA.

QUAM PRÆSIDE

Viro Excellentissimo atque Experientissimo

DN. MICHAELE ETTMULLERO,
Phil. & Medicinæ Doctore,

Publicæ Eruditorum Ventilationi submit

A U T O R

GODOFREDUS WEINLIG, Uratislavia-Silesius,
die XVI. Junii Anno M. DC. LXXVI.

PROOEMIUM.

Affectuum humani corporis Machinæ insidiosam properantium ruinam, nullus ferè ferocior ac truculentior animadvertitur Epilepsiâ, etiam in illos iniquâ, quorum oculis saltem subiicitur horrendum ejus spectaculum. Lugeat enim mens, & cor improvise horrore perfunditur, quando fors agros in plateis fulmine quasi quodam tactos, & membris sæpè suis lapidosum arietantes solum, nobis cernendos offert. Et licet aequali ferociâ non omnes cernamus agitato; ferè tamen neminem à malo hoc multiplici specie aut gradu variante insontem excipere poterimus. Album hic donabit mihi calculum, quicumque varias Epilepsiæ discrepantias & causas depicias legerit. Themati quætem hujus electionem suavit commiseratio mea erga viros per vitæ aies agros, quibus nullo temeritatis pruritu adactis, aut insolenti libidine gloriam captandi stimulatus, opem ferre conor hoc onere pressis (ut ut intentioni Medici non semper eventus respondeat, cum non sit medela iis, qui diuturnas Divini Numinis vindictas horrendis suis flagitiis in cervices suas extorquent) sed thesibus præsentibus eruditorum invito imprimis scrutinium explorandi, quantum per artem agris auxiliis, & tales Tragedias spectantibus solatii superfit. Deterreri quidem debuissim hoc nodo Gordio, eruditissimis etiam viris multum negotii facessante: Veruntamen materiam hanc eruditorum ventilationi exponens, forsitan non iniquas judicabor, si cupidus discendi sentem, quid valeant humeri, quid ferre recusent? Cui conamini ut Sanctum Numen benigno nutu ariet, piissimus voveo suspiriis.

Thef. I.

Hinc citra diuturniorem prævelitationem thema hoc aggressurus, more hætenus consueto primum dabo locum Notationi vocis hujus Epilepsiæ, e,volvendo ejusdem Etymologiam, hinc Homonymiam & Synonymiam.

Græca verò agnoscit incunabula, procedens à primitivo composito ἐπιλαμβάνειν, prehendi, corripere; unde derivatum notat deprehensionem seu invasionem, quasi dicas, affectum hunc esse hostis istar, improvise à tergo facinore incessantis, & subitâ prostratione in victos tyrannidem suam exercentis. Consule Lexicographos.

Egò hic breviter studens, paucis Homonymiam annecto, credens duplici ratione accipi posse hoc vocabulum. I. *Laxe ac traslativè* notat quemcunq; motum convulsivum, aut convulsionem cujusvis partis, v. g. Cordis in palpitatione ejus; Ventriculi in Vomitu & singultu; Musculorum thoracis in Incubone, digno Epilepsiæ parvæ nomine; Pulmonum in asthmate sicco, Helmontii Caduco pulmonum; Nervorum phrenicorum, intercostalium, ac ventriculi in Malo Hypochondriaco; intestinatorum in Colicâ, & Alvi fluxibus; Penis in Priapismo ac Satyriasi. Imò illorum, qui coitus dulci labore molestantur, affectus parva Epilepsia nuncupari solet, à qua ad magnam facilis est progressus, quale exemplum non nemo observavit, ac simile videre est in *Obs. oppido Rav.* HENR. ab HEER. *obs.* 18. Refert huc omnis generis dolores, qualis est Ischiadicus, Arthriticus, &c. II. *Strictè* indicat symptoma actionis auctæ principii moventis, & organorum motui corporis animali destinatum, quo

in casu imparia sunt ferendo officio naturali, destinato sensibus ac motibus ordinariis. Et hoc thema nunc intendit.

Synonymias verò, & earum omnium denominationum causas, hic enucleare superfluum duco, verens ne crambem multoties coctam apponere dicar avidis. Quærantur ergò in variis autoribus, v. g. UNZERO *tr. de Epilepsia*, & SENNERTO *lib. 1. Med. Pract. sub tit.* Unum hic considerandum; curà nonnullis divinus sevi sacer dicatur hic affectus? an non divini aliquid in recessu habeat? Negat hoc HIPPOCRATES *libro de Morbo Sacro*; asserit vero MOEBIUS *in Institut. lib. 2. Part. 1. cap. 4.* Sed hæc de re infra. Germanis dicitur: *Die schwebre nobt, das schwebre Gebrechen, die fallende Sucht, die böse Krankheit, S. Valtens Krankheit, das KinderWebe, der Jammer.*

Thef. II.

Misso viliori cortice, nucleum gustandi properans, DEFINITIONEM realem præmitto. EPILEPSIA est Symptoma actionis animalis auctæ, consistentis in totius corporis imperio, eoque involuntario atque in ordinato motu, cum sensuum & actionum naturalium ad tempus cessatione, dependentis primariò ab anima seu principio vitali, ægrè sentiente seu molestato (quod HELMONTIUS per furorem Archei explicat) indeque perversè organa movente; secundariò à nervoso genere primùm præternaturaliter affecto.

Thef. III.

Genus in definitione posui Symptoma actionis auctæ

Principii moventis, quod ex ipsâ *autoψα* patet, & infra probabitur. Quo ipso refertur secundum MOEBIUM *loc. cit.* ad morbos occultarum Qualitatum, & secundum SENNER TUM ad Symptomata facultatis motricis: cum quibus ego certo respectu hac occasione facio. Quoniam autem apud omnes in confesso est, Epilepsiam esse actionem læsam, omnisque actionis in corpore nostro læsio symptoma firmiter creditur; ideo rectè Epilepsiam per symptoma me descripsisse autumo. Quo nomine adhibito, affectum hunc ex morborum archealium, seu principii nostri vitalis moventis, cuius naturales actiones fundantur in legitimâ motione ejus, ac naturali dispositione & constitutione organicarum partium, censu non excludo quidem, sed potius includo. Atque deinde Symptoma Curationis objectum proximum non credo; sed potius morbum, qui materiæ cujusdam in substantiâ peccantis status præternaturalis est, quâ actionem naturalem impediende sublata aut correctâ, restituitur actio, & symptoma cessat. In nuda enim ac simplici actionis læsione consistit, & aliquod substantiale morbosum, organa lædens, matrem agnoscit, quæ à contactu materiali corporali pharmacorum impugnatur, & exturbatione suâ actionem redire facit naturalem.

Thes. IV.

Pergo nunc rectâ semitâ ad ipsum SUBIECTUM, quod Cerebrum totumque genus nervosum cum fibrisque quicumque in toto corpore assero. Dum enim Epilepsiam considero ceu symptoma actionis in motu animali aucto, & plus minus depravato, sequitur nervosarum fibrarum sensui atque motui animali inservientium primum pathema illud ipsum esse. Istud nempe, quod naturalis motus subiectum est, seu naturali motu movetur, illud ipsum etiam præternaturaliter concitari, ac Epileptico in sultu vibrari manifestum est. Cum verò quodlibet symptoma, & speciatim ex actionum læsarum quæ sunt genere, sequatur morbum, ceu umbra Corpus, de parte morbosâ hoc symptoma post se trahente, quæstio præsertim urgetur. Hanc autem ipsum principium activum, & motivum corporis partium, animam scilicet esse assero, quæ causarum antecedentium vi, sive immediate, ut in anima pathematis, sive mediate, occasione materiæ cujusdam peccantis, præsertim acido-acriori, commota, impetum suum motivum & partibus corporis solidis communicat, indequæ Epilepticas turbas concitat. Esse verò subiectum patiens ipsam animam, confirmat hoc, quod ob crebram Epilepsiæ perpeffionem variæ subsequantur ejus imbecillitates, quæ tandem in bliteam rusticitatem aut fatuitatem desinunt. Nempe Universum genus nervosum ex naturâ suâ immobile censeo, nisi internus Rector motum eidem conciliet. Quibus ritè omnibus consideratis, duplex subiectum patiens in Epilepsiâ, nempe tam ratione morbi, quàm ratione symptomatis, proponi potest: Illud scilicet quod ratione morbi affici dicitur, *Archeum* seu principium vitale movens, seu auram vitalem, seu animam rationalem immortalem, voca ut lubet; quod tamen symptomatis insequentis respectu Efficientis rationem subit: Hoc, nempe ratione symptomatis in motu vitiato; genus nervosum, cum fibris quibuscunque in corpore, partem affectam primario arbitror.

Thes. V.

CAUSA EFFICIENS Epilepsiæ ex modò dictis vel spontè patet, eam nempe esse principium vitale movens, seu ipsam animam, in homine nempe rationalem, & ipsam quidem ratione causarum antecedentium malè affectâ, Epilepticorum tamen motuum effectricem. Hinc in foro Medico exercitii (& *hypotesis*) gratiâ Materialem, adeoque corpori junctam, alterabilem statuere nil impedire videtur; siquidem ex lumine Naturæ, quæ ubique in Physiologia Medicâ latè patet, nec de immaterialitate, & consequenter nec de immortalitate ejus, apodicticè quid colligere licet, Sacre Scripturæ auctoritate, quam humillimè veneror, factâ testâque manente. In determinando ergo & describendo hoc ipso morbi nostri Epileptici fundamento, necessitatis esse duxi, ex Physiologicis naturam ejus & modum operandi sciscitari; idque eò magis, quò magis hypotheses ad unam collimare metam videri possent, ut parum referre videatur, utrum ex doctrinâ hodie receptâ de Spiritibus exponere hunc affectum, an etiam ex hy-

pothesi fundamenti nostri loco de animâ ipsâ humanâ, ut sic suppositâ, hoc phænomenon explicare conemur Brevibusegrè enarrare quorundam Autorum de anima & principio corporis vitali hypotheses consultum esse duxi, ut ex variorum intuitu elucescat eò clariùs, quod verisimilius est.

Thes. VI.

GALENUS in determinandâ animæ quidditate suam fatetur ignorantiam *lib. d. Fæt. format. Vol. I. p. m. 1254.* his verbis: „Cum nullam opinionem scientificè demonstratam, repererim, dubitare me de animæ substantia confiteor, quando sanè neque ad credibile aut probabile quicquam pervenire possim. HIPPOCRATES *Lib. de dieta, p. m. 187. n. 8.* dicit, *irrepere in homine animam, ignis & aquæ temperamentum habentem, partem corporis humani.* Ex quo tractatu patet, HIPPOCRATEM credidisse igneum principium nostrum activum, cui hodiernum adstipulantur multi authorum. Confer. BARTHOLINUS *Epist. ad Holst. itam Tract. de Luce hom. & brut., it. HOLSTIUS de Flammul. Cordis.*

CARDESIUS *lib. d. Pass. art. VIII. p. m. 4. & 5.* Calorem statuit continuum, quandiu vivimus, inesse cordibus nostris, qui species sit ignis, quem sanguis venarum nutrit, & hunc ignem esse principium corporale omnium motuum nostrum membrorum. Verum, quid veteret, quò minus his non subscribam? vid. ap. MEEDHAM, *de Bio-lychnio.*

Secundum WILLISIUM & alios, Spiritus animæ sensitivæ hypostasim constituere dicuntur, uti ex *Tract. Anat. Cerebri & Patholog. Cerebri, it. Tr. d. Anima Brutorum*, luculenter patet; ubi in *ultimi tr. Cap. I.* aliorum quoque opiniones collectas legere licet.

HELMONTIUS *Tr. Archeus Faber num. 4. p. m. 33.* statuit principium vitale in animalibus esse Archeum, qui coëst ex connexionem vitalis auræ, veluti materiæ, cum imagine seminali: quæ aura, quia non irrui in oculos nostros, meritò invisibilis & intangibilis dicitur in *Tr. Prog. ad morb. §. 11.*, & licet non in guttas cogatur secundum *Tr. Compl. & Mist. No. 41.*; tamen apta nata est, ut contineatur in liquore, eumque in varios motus cieat; quam ipsam ideo HARVEUS *Exercit. Phys. LXXI.* in sanguine hospitari asserit.

Thes. VII.

Hæc aura, quoniam Universalis est, specificatione opus habet, dependente ab ideis seminalibus, quæ nequæ substantiæ neque accidentia dicuntur modò citato HELMONTIO (jure an injuriâ? non disputo) sed potestates à Creatore Sapientissimo inditæ sunt, ut earum ope aura hæc non solum, tam varia subire munia valeat; vid. HELMONTIUS *de Lithias. cap. I. §. 5.*; verum & sese dividere atque multiplicare, imò sobolis suscitandæ fecunditatem concipere potens evadat. Has ideas vocito impressiones aut dotes vel privilegia divina, quales HELMONTIUS sensitisse videtur: quæ utrum cum Marci Marci Ideis concordent, quilibet ingeniosus lector scrutetur. Unum mihi placuisse de ideis confiteor, HIERONYMUM HIRNHAIM. *Tr. de Typho Generis humani*, qui satis perspicue explicavit Idearum doctrinam; nisi quod fermè nihil aliud sensitisse videatur, quàm qui formas rerum specificas statuerunt: interim tamen sagaciori judicio naturæ phænomenis applicavit & explicavit.

Thes. VIII.

Hactenus de animâ sensitivâ loquentium authorum prolata sunt sententiæ de rationalis assentiâ ac quidditate plane tacentium. Hanc cum HELMONTIO (*hypotesis, ut supra dixi, & facilioris doctrine gratiâ, non quòd ita reverà sit*) eundè statuo Archeum, ut materialem, etiam tamen rationalem & immortalem. Nam inter privilegia auræ nostræ vitali, seu animæ nostræ, ex misericordiâ divinâ concessa, numerandam quoque immortalitatem ejus censeo, ut in morte licet ponatur, ut supra insinuavi, materialis, ac cæteroquin patibilis, ab interitu tamen secus quàm brutorum animæ, à quibus gradu excellentiori discrepat, respectu habito ad rationem & voluntatem nobiliorem vindicari possit. In quo passualiter mihi, quàm HELMONTIUS.

MONTIO, (*hypothesis, ut supra dixi, & faciliori doctrinae gratia, non quod ita revera sit*) eundem statuo Archerum, utut materialem, etiam tamen rationalem & immortalem. Nam inter privilegia auræ nostræ vitali, seu animæ nostræ, ex misericordiâ divinâ concessâ, numerandam quoque immortalitatem ejus censeo, ut in morte licet ponatur, ut supra insinuavi, materialis, ac cæteroquin patibilis, ab interitu tamen, secus quam brutorum anima, à quibus gradu excellentiori discrepat, respectu habito ad rationem & voluntatem nobiliorem, vindicari possit. In quo passu aliter mihi, quam **HELMONTIUS**, animam humanam imaginor. Interim tamen opinionem hanc in foro Medico, seu purè naturali, facile concedendam arbitror.

Thes. IX.

Ansam, præter locum **HIPPOCRATIS**, lib. de Morb. Sacropag. secund. Antonium **Vanderlinden**. 342., ubi ab Aëre sapientiam hominis proficisci asserit (quæ revera tantum animæ rationali humanæ tribui potest, & hinc animam humanam materialem arguit) subministrarunt mihi opinionis hujus illustris Philuræ lumina, Magnus **SCHERZERUS**, & Celebris **THOMASIIUS**: Quorum ille in *Breviar. Eustach. quæst.* 222. 223. immaterialitatem animæ humanæ ex Naturâ apodicticè demonstrabilem haud esse asserit, quod & de immortalitate ejus affirmat, cum illud à priori demonstrari posse neget, quod à mera voluntate ac misericordiâ divinâ dependet, eò, quod nulla creatura ex naturâ suâ indefectibilis sit: Hic verò eruditò de Origine animæ discursu in *Erotem. Phys.* c. 44. ad ulteriorem mihi meditationem calcar addidit, ut credam, propagationem ejus per traducem nequaquam posse evenire, nisi materialitas, eventui huic non contrarius, supponatur. Atque eò confidentiùs hæc de anima asserui humana, cum cit. loc. §. 64. legerim hæc verba scribentis: *Immortalitas rei per traducem propagatæ adeò Divinæ Omnipotentia non repugnat (neque enim ulla est in adiecto contradictio) ut Deus etiam brutis, si vellet, immortalitatem donare possit.*

Imò addo ego, quod ultra fidem & captum nostrum etiam ipsum mundum æternæ durationis ac motionis participem reddere posset, si Sanctæ ejus placeret Voluntati.

Thes. X.

Quà verò confidentiâ hæc themati huic inferuerim, præterquam quòd æquali libertate ac reliqui Philosophi (vid. *Disputat. M. Joh. Schmidii Uratisl. Pro Loco de Animæ Rationali Immortalitate* ex Principiis Philosophicis non demonstrabili) nos quoque hodierni Medici gaudeamus; facile patebit cuilibet paulò devotiori attentione thema hoc illustraturo. Imprimis verò hoc ideò teci, quod credam, omnes operationes animales non nisi ab intellectu seu ratione dependere, idque eò magis, quò magis non est conceptibile, quomodo obiectum sensibile sensationem citra rationis concursum, & hinc voluntatem ad actiones, negatâ animæ materialitate, suscitet, cum, qui ratione destituitur, uti in furiosis atque Ecstatis contingit, simul etiam sensatione & prudenti operatione privetur. Taceo imaginationis vires, præsertim illas non rarò observatas, quando fœtus ex utero capite vel brachio amputato egrediuntur: qui casus non nisi corporalem animæ concursum subinnuentes, animum nostrum in stupendam admirationem rapiunt: de quibus vid. **FIENUS** in tr. de Virib. Imagin.; it. Tr. **AUTOR** de motu musculor. §. 26. m. p. 17. de puero, educatione inter bestias naufragium sanæ rationis humanæ in Lituania passio. Quod ipsum planè non metuendum fuisset, si rationalis animæ immaterialitas & impatibilitas infallibiliter supponi posset. Unde tandem etiam ingenium

sæpè ac mores, sive boni sive mali, patre mortuo, communicati viderentur soboli? nisi id media-tione animæ præstaretur, non nisi per traducem propagabilis.

Thes. XI.

Neque materialitas hæc animæ nostræ ullatenus ejus immortalitati refragatur, modò recordemur eorum, quæ pueri ex Catecheticis rudimentis de corporum/resurgendorum immortalitate hausimus, & planè aliter sentiremus: Ibi nobis subinnuitur, corpus resurrecturum, utut glorificatum, adhuc tamen materiale. Glorificationem enim in eo consistere, ut materialitate à corpore sublata illud reddatur immateriale, non ausim tam crassè statuere. Cur ergò talia demimus animæ, si sit materialis, quæ corporis materialitati non repugnant? (*Supra dicta de materialitate Animæ humanæ, eiusque per traducem propagatione &c., ex mera hypothese dicta esse volo, quatenus posita tali sententiâ expeditius enodari possent videntur plures quæstiones, ac facilius concipi phenomena circa operationes animales &c. contingentia; salva cæteroquin rei veritate, quam Fides Catholica nos edocet, cum qua me in omnibus sentire profiteor.*)

Thes. XII.

Dico igitur breviter: Animam humanam rationalem, primariâ sui parte hospitantem in cerebro & circumambulantem, rationem coextensionis suæ cum corpore, cum sanguinis circulo esse ipsum subjectum & causam efficientem functionum animalium ac voluntariarum in sensatione, intellectu, & motu locali contingentium, communicantem partibus organicis virtutem quandam activam sentiendi & movendi, à Deo ter O. M. ex liberrimâ gratiâ concessam, ita, ut secundum rationem ac voluntatem suam itidem divinitus donatam, tangendo nervorum singula principia, per totum nervum communicet musculo partis ad voluntatis nutum movendæ sensum, ut musculus statim sese contrahendo versus partem immobiliorem, cui tendine est annexus, partem mobilem moveat: & si retrahenda pars, alii musculo, antagonistæ dicto, æquali privilegio gaudenti, reciprocationis jus non violat. Modus tangendi radices seu principia nervorum quomodo contingat, ut cerebro mediante omnes functiones animales ipsa anima pro arbitrio obeat, mihi fermè videtur imperscrutabilis. Cerebrum adesse ideò credo, ut tanquam patiens excipiat obiecta per fibrarum sensorii motum sensationes producentia. Fibræ enim nervosæ & nervi sunt filamenta quasi extensa, quæ quocunque modo tacta principium suum feriunt, prout in chordâ extensa liquet, cujus parte unâ pulsata, altera quoque ad motum irritari solet. Cæterum an partes fibrarum tendinosæ in motu & extra motum prisma, intermedie carnosæ verò parallelepipedî constituent, cum **STENONE** ingenioso indagare supersedeo, eò quod Judice Viro Excellentissimo atque experientissimo **PAULO AMMANO P. P. Lips.** multi laboris res, nullius autem usus in Praxi existat.

Thes. XIII.

Fibræ motrices, quomodo motum producant animale? multas inter autores litigandi dederunt materias. Et licet ad eundem scopum collimare videantur hypothese, dicam tamen, quid dubiam mihi fecerit doctrinam de spiritibus, quòminus animum meum huic applicuerim. Mordicus autem hypothese meam non defendam, aut pro fide Catholica propalabo, cum unam quidem credam sanctæ naturæ veritatem, quæ tamen, sub diversò hypotheseum simulacro colitur adoraturque, quod variarum restan-

testantur sectarum vicissitudines; sed quemlibet suo indulgere sensui permitto, veniā fretus palam proponendi circa spirituum doctrinam meam hæsitantiam. A U T O R *de motu musculorum* de fluido aliquo intra fibras à se invicem quasi separatas & incurvatas, & ideò abbreviatis, se insinuante, mentionem facit; & alii cum ipso arbitrantur, musculis per arterias communicari sanguinem nitro sulphureum, per nervos verò spiritus: qui tum multo intra fibrarum spatia concursu excitato. magno nisu fibras impellunt, non aliter ac pulvis pyrius explodi, & disgregatione particularum minimarum dilatari observantur. Et nescio qualis copula spirituum elastica ipsorum animis arrideat, eodem cum Doctrinā spirituum debili nisa fundamento. Quicquid enim R O L F I N C I O *in Disp. Anatom. lib. 4. c. 22. & seq.* aliique pro confirmandā hac doctrinā Spirituum proferunt, de ipsorum existentia & utilitate, id omne ulteriori adhuc probatione indiget. Taceo modum operandi Spiritibus assignatum, cuius delineationem *in WILLISII sup. cit. tr.* intueri licet, pro existendi eorum necessitate planè non militantem. Imò natura eorum flammea lucida ideò saltim excogitata est, ut explosio ipsorum per copulam elasticam affectibus quibusdam eò plausibilius accommodari valeat. Tantum ergò abest, ut fidem adhibeam flammeam lucidam iis assignantibus naturam, ut potius opiner per contationem sensuum internorum phantasie ac memorie, quas per refractionem & repercussionem analogā quadam cū lucis radiis naturā gaudentem exponunt, ansam dedisse huic figmento. Miror enim non parumper naturam: flammæ huius lucide proprietate suā maximā ex parte ferè spoliatam esse. Quam ipsam etiam Vir profundi Iudicii *Excellentissimus B O H N I U S* *disp. XV. De Spirit. Animal. Elabor. thes. 15. et 16.* in dubium vocare animadvertitur; insuper *thes. 14. vix concipi posse, spiritus ab humorum miscella omnino liberis*, asserit: quo ipso negandam spirituum naturam flammeā lucinam subinnuit: alias nescio, cur non tandem flammæ cum fluctibus maris in gratiam redituræ præaugurari possint, citra omnem igneā ipsarum substantiæ destructionem. Nec minorē dubitandi occasionē subministrat adscriptus spiritibus his luminosis elaborandi modus, ubi volatiliores Massæ Sanguinæ partes per accensionem & secretionem quandā transcolatoriam à reliquarum confortio removeri dicuntur: id quod tamen ipsa cerebri glutinosa vetare videtur substantia, cū, quod quid crassius, eò etiam inhabilius luci producendæ judicandum sit. Minorem hinc fidem meretur assertio, quā sanguinis volatilificatio per fermentationem in sinistro Cordis ventriculo promoveri statuitur: in quo tamen ultra momentū non commoratur, nec ulterioxi volatilificatione, utpote ex salibus merè volatilibus constans. Sanguis indigit: quam nihilominus plumi ex amœniore ejus rubedine hariolari satagunt. Enim vero, quid si alia causa coccinoris coloris subsit, quæ nullam volatilificationem, sed potius coagulationem demonstret? quam assertionem commissio chyli candidioris ostendere, & necessitas ejus per Aeris inspirati Sal acidiusculum (à modò laudato B O H N I O *in Disp. Phys. 8. thes. XI. satis probatum*) in præcordiis coagulandi, ut nutriendo corpori aptior reddatur, suadere cernitur.

Modum influendi ac circulandi non examinabo, quem ipsum despiciunt principia mechanica, utpote cū rudi etiam plebeculæ constet, corpus vel ipsā levitate levius per compacta nervorum corpora, planè nullā cavitate gaudentia, nequaquam deorsum versus penetrare, sed semper molliora & rariora transitum non præcludentia pervadare. Ad modum operandi spirituum repetendum revertor quidem per explosionem eorum inturgescientiamque musculorum adumbratum; eum tamen non determinabo. Nam profectò ideò saltim excogitatus videntur, ut aliquali mechanica hypothesi rem imaginari liceat. Ne tamen ipse solus in spirituum Patronos videar injurius, audiat STENO *in specim. Myolog. p. 83.* ita statuens

Spiritus animales subtiliorem sanguinis partem vaporem ejus & nervorum succum multi nominant: Sed verba hæc sunt nihil exprimentia. *Confer. BACKIUS de Corde, HARVEUS Exerc. Physiol. & NEEDHAM de format. fæt.*

Thes. XIV.

Cum ergò Privilegiis securè Philosophandi æternis fruamur, in id enitendum est, ut breviori nobis viā patulā omnes evitemus ambages, & libertate iudicii gavisi, ab omni cupiditate aliorum preconceptas opiniones aucupandi, & in verba Magistrj jurandi alieni, inquiramus, quo sensu naturæ Phænomena suum fiendi modum sortiantur. Contemplaturis itaque actiones principii nostri animales in ipso limine, si creationis Adami recordati fuerimus, occurrer nobis auræ vitalis inspiratio, quæ, uti in toto corpore cum humoribus, partes organicas irrorantibus, ubiq; præsens est, ita in sentiendo & movendo corpus nostrum vivificare & actuare non remittit. Quali modo id fiat, supra jam, in quantum balbutire licet, innuisse sufficiat.

Thes. XV.

Hactenus *Subiectum* Patiens ratione morbi, itemq; Causam efficientem motuum & sensationum naturaliter constitutam depinximus: nunc antequam ad statum eius præternaturalem à causis morbosus orientem accedamus, affectus nostri contemplatio flagitat, ut alterum *Subiectum* ratione Symptomatis morbi pedissequæ non omitamus. Sunt autem hæc organa sensationum ac motionum suprā resitæ fibræ nervosæ & carnosæ, ratione conformationis mechanicæ ab Anatomicis sciscitandæ, ad principii activi impulsus & voluntatem actionibus animalibus secundum naturam exsequendis aptæ, quæ, quando à causis præternaturaliter eas afficientibus læduntur, principio activo ad præternaturales functiones impedimento suo ansam porrigunt. Ubi observandum, quod quidem fibrosæ ac membranose partes primū afficiantur, ubi causa mali seu ipse focus hæret; primariò tamen & maximam in insultu Epileptico injuriam pati Cerebrum, reliquum totius corporis genus nervosum in compassionem rapiens.

Thes. XVI.

Reiectis autem *suprā citatorum Autorum* de principio activo variis hypothefibus, hic nolo prolixiori narratione discursuum Pathologicorum ac Refutatione ipsorum B. Lectori movere salivam; non enim centonem consuere libuit, sed brevissimo discursu ac stylo simplicissimo, ad doctrinarum explanationem aptissimo, animi mei sensum patefacere decrevi.

Thes. XVII.

Cum duplicis generis insinuaverim *Subjectum* Patiens, causæ quoque præter naturam affligentes erunt statuendæ duplices. Causa igitur proxima affligens Cerebrum cum toto nervoso genere est illud ipsum, quod ratione morbi est *subjectum* patiens, ratione symptomatis verò efficientis rationem subit, anima scilicet seu principium vitale. Symptomatis autem ortum, ex causā efficiente præternaturaliter deformatā dependentem, indagaturis nobis incumbit causas scrutari remotas, quæ invadunt efficiens proximum, ut irritationis ideā affectum, ac consternatum redditum, præternaturalem machinæ nostræ corporeæ motum inducat. Agunt hoc ipsæ vel immediate, vel mediate. Immediate quidē animi pathemata, ut sunt Ira, terror, tristitia, metus, amor, & tedium. Quatuor priora pathemata, precipuè in *subjectis* jam ante Epilepsiam perpeffis, valida occurrunt passim in Practicorum variis observatis, ver. gr. S C H E N C K I I & S E N N E R T I *sub tit. Quorum* operandi modus in anima nostra, quoties ex me queritur, toties ultrò ignorantiam meam fateri planè ignominie mihi non cedere polliceor.

Ete.

Etenim principii istius moventis supra depicti mutationes patibiles indagare, res est sublimiorem humano intellectu postulans prudentiam. Credibile tamen est, ut, licet diversis pathematum speciebus conturbetur, eundem tamen Epilepticum effectum ex incandescente quasi & tumultuante commotione pronasci faciat: Quo ipso potestas illa à Sapiientissimo concessa motui destinata interdum sola, interdum cum hac sororia potestates pati videntur, ita, ut istæ ab ideis peregrinis, ab extra ad venientibus, impeditæ & quasi attonitæ, Archeum ad motuum stimulent exorbitantias.

Ex amore pronatas Epilepsias in HELMONTIO *Tr. de Morb. Archealibus*, HENRICO ab HEER in *Obs. 18. & KOZAKUM Tr. de Hæmorrhagia lib. 2. cap. 10. p. m. 841. & seq.* legere licuit. Quæ in re propriam observationem contestor de puellâ paulo lascivior ardore deperiente juvenem, quæ ad manualet jocos inciderebat in Lipothymiam semi Epilepticam, cum rara adstantium, admiratione. Ex tædio quoque oriri posse eam, testantur alimenta tædiosa subdolè exhibita.

Thes. XVIII.

Mediatè sævitiam suam exerit omne id, quod quacunque ratione ac modò partes nervosas lacerare, iisque dolorem exquisitiorem, imprimis verò in subjectis delicatulis, sensiliore genere nervoso gaudentibus, infligere validum est. Hinc ea, quæ ipsas vehementiùs pungunt aut secant, Epilepsiam suscitant procellam: Sic ego vidi hominem in pollice pedis contrectatum statim huic miseriam obnoxium. Cæterum etiam plerumque minera morbi latet in parte aliqua, materiæ cujusdam acris vellicantis injuriam non sine omnium functionum animalium tempestate tolerante: Tale Epilepsiam observit DE KER S in pollice, & BARTHOLINUS *Cent. VI. hist. 78.* in pede. Causa ergo immediatè tangens fibrarum nervosarum filamenta, est acre quodcunque, speciatim acidum viscidum, in lymphâ oberrans, vellicans partes sensiles, cujus moleste sensationis occasione in unâ parte, non sine reliquarum compactione, ortâ irriatus Archeus in exorbitantem motum erumpit: Sic in infantibus Epilepsia ut plurimum, imò ferme semper, annotante Domino PRÆSIDE in *valetud. Infantili*, ex vetriculo materiâ acidâ viscidâ oblesso oritur, obconsensum nervorum. Et ex hoc consensu seu compassione multos HELMONT affectus sub titulo *Morborum Potestativorum* vel sub *Actione Regiminis* deducit. Simili ratione Colica, Nephritis, Scirrhus mesenterii, Ulcus, & suffocatio uteri, partus dolorosus, &c. per consensum Epilepsiam scaturigines fieri valent, utpote quæ ejusdem matris filia non degeneres censentur cum Epilepsia, cujus interdum thalamus in calvaria cubiculo sustentatur, ubi immediatè principium nervorum laceffens totius generis nervosi concussiones, in vicissitudinariis ejus contractione, & remissione consistentes, exindeque improvisum omnium functionum excitat turbinem.

Thes. XIX.

Nutritur autem hæc, & adolescit ipsa mater iisdem sustentaculis, id est, causis remotis, quæ alia morborum carcinomata suam acquirunt alimoniam. Et quidem ex naturalibus rebus est ætas puerilis; ob teneritudinem nervorum ad hoc malum proclivis. Præterea præstat etiam aliquid senilis, inclinans in humores viscidos acidos, Melancholicos Veteribus dictos. Ex non-naturalibus est Aer squalidus, & frigidior hyemalis & autumnalis, præcipue circa metalli fodinas squalidus, vel atomis etiam malignis & graveolentibus, ex rebus incensis, vel per se fœtidis & malignis in ipsum elevatis, refertus: Unde febres malignæ stipatæ semper sunt cum insulti-

bus epilepticis graviter affligentibus & cruciantibus.

Thes. XX.

Occasione sermonis de Aere quæritur: utrum & astralis influxus Aeris tempestates variis larvis deformare queat, nec ne? Astronomicorum filiis hujus decisionem remittens, profiteor ingenii mei imbecillitatem in hoc eruendo dubio, quod ingeniorum hætenus multorum curiosam delassavit industriam. Dicam tamen (si hariolari liceret) utique probabilem esse, astrorum influxum ad morbi hujus vel productionem vel exacerbationem concurrentem, si fidem non derogamus Astronomis, de variâ siderum constellatione ac motu singulari discurrentibus; ac denique credimus, radios illorum lucentes seu luminosos materiales. Quod ipsum suppositum de Solis radiis plurimi defendunt, nec de Lunæ affectibus anxie dubitant. Hinc ut plurimum paroxysmi accidunt Epileptici tempore plenilunii in plerisque subjectis, uti amicus quidam candidus oretenus mihi retulit, Scientiæ Astronomicæ benè gnarus. Et B. SENNERTVS *lib. 1. P. 2. cap. XXXI. p. 390. Med. Pract. iniquit. plerumque in eclipsi lunari natos malo huic esse obnoxios*. Quod si hæc vera sunt, facile MOEBIUS *supr. cit. loc.* excusatione dignus est, quod symptoma hoc referat inter morbos occultarum qualitatuum, & aliquid divini in recessu interdum condentes, ut pote cum multorum eruditissimorum testimonio modus influendi astrorum planè sit abstrusus, atque divinus, utut ab Astrologorum observatione concursus seu constellatione eorum sit notissima.

Thes. XXI.

Deinde ex non-naturalibus sunt omnis generis alimenta, acidum, viscidum, austerum succum producentia. Imò & ex abstinentiâ eorum longâ, seu inedia violenter perpeffa, non solum in puris, verum etiam profectioris ætatis hominibus, forsan Hypochondriacis, Epilepsiam prognatam esse testantur auctores, optimè per ciborum usurpationem curandam. Porro ad eandem disponunt carnes & Pisces insalutæ, ac fumo induratæ, cum variis cibis, acidis & austeris, singulis mensibus variè assumtis, fructus horæ immaturi, &c. Excretâ & retenta hinc etiam multa possunt, v. gr. suppressio mensium, urinæ, interdum & alvinarum fæcum in puerulis, atque pusionibus: quale exemplum mihi relatum est de mespillorum nucleis, in intestino recto hærentibus, & exhibito clystere extubatis, cum epilepsia totali cessatione. Quod pertinet suppressiones lochiorum atque seminis: vid. KOZAKIUM, alios.

Thes. XXII.

Ex præternaturalibus multum præstare posse Plethoram autumo quatenus non rarò motum cordis impediendo, fibras ejus ad tales vibrationes convulsivas irritat. Similiter lumbrici in intestinorum cavo hospitantes morficationibus suis per consensum Epilepsiam suscitare valent. Quid Malum hypochondriacum & Scorbutus præstent in nervorum pathematibus, totò die liquet. Quorum perinent omnis generis venena, febresque malignæ, contusiones & vulnerationes capitis, vel violenta sicariorum percussione, vel casu ab alto, non absimili modo cerebro insensæ, quantenus extravasatus sanguis sui corruptelâ affligit nervorum principia, cum subsequa omnium membrorum vibratione Epileptica.

Thes. XXIII.

Differentia est varia: Alia Epilepsia est hæreditaria, alia adscititia, eaque vel ab ineunte vel à juvenili ætate; Alia cum febre, alia sine febre; Alia frequentior, alia rarior; Alia Periodica, alia Vaga; Alia Sympathetica seu per consensum v. g. ex Colica convulsivâ, Vomitu, Sternutatione, Passione Hysterica, suffocatione uteri oriuntur.

oriunda: alia Idiopathetica seu per essentiam, immediatè ex cerebro oriunda; Alia mitior, alia gravior, in quâ vel ipsum dæmona subesse putes: quanquam etiam experientia testetur de Epilepsiâ dæmoniâ præsitiis inducta; Alia totalis, alia partialis, partem unam occupans: quorsum etiam pruritus & titillatio spectare videntur. De cæterò tres gradus affectus hujus statuere poterimus. Quorum

Primus gradus est, quando omni sensu ac motu animali ægri privati exanimes quasi, sine externarum partium convulsione, stant, sedent, aut in terram prostrati procumbunt, licet, quoad internas partes, spasmodicis crucientur doloribus. Qui gradus improprie dicitur Epilepsia, ac potius Cataleptosis nomine venit, aut cum Germanis appellandus *eine Obnmacht*.

Secundus gradus est, quando variis motibus agitatoris corpus vexatur citra sensuum ac rationis cessationem, aut cum aliquali eorundem depravatione, aut ridiculâ conturbatione. Quod ipsum sæpe in Melancholiâ hypochondriacâ obvenire solet, uti ipse in hac vicinâ observavi in quodam, qui durante paroxysmo vestes & industria exuta lacerebat. Alia exempla vid. in Patholog. Cerebri WILLISII, RIVERII *Praxi*, TIMÆI *Von GuldeKlee Epist.*, SALMUTH. *Hist. & alibi*. Quorsum pertinet Epilepsia Cursoria BOOTHII *Tr. de Affect. omiff. Cap. 6*. Item Rotatoria in gyrum, quale exemplum etiam in hac vicinâ Lipsiæ contigit.

Tertium gradum, eumque communissimum, & toto die obvenientem, voco eum, quando in terram collapsi ægri miris modis agitantur, & variis contorsionibus & concussionibus membrorum cruciantur, & cum stridore dentium, arctâ claustrâ pollicum, thoracis abdominisq; curvaturâ, spumæ protrusione, linguæ aut labiorum morificatione & cruentatione, sanæque rationis exercitii cessatione, obtingit: quorum omnium ignarum est patiens post paroxysmum ad se rediens.

Thef. XXIV.

SIGNA DIAGNOSTICA patent ex *autopsia*, vid. tamen SYLVIIUM *lib. 2. Prax. cap. 20*. Pulsus est inæqualis. Urina semper est valde spumosa, nisi ex subitaneò ingenti dolore excutitur.

Causarum distinctiva petantur ex relatione adstantium.

PROGNOSTICA sunt: Epilepsia febrim superveniens ut plurimum est lethalis. Febris verò ipsam sequens non rarò est medela ejus: vid. BARTHOLINUS *Cent. 2. Hist. 68*. Adultorum Epilepsia difficilioris quàm tenellorum curationis sunt. In dentitione infantum rarò sunt lethales. Concomitans Epilepsiâ morbillos & variolas tempore eruptionis non multum timenda: ut plurimum autem lethalis est tempore suppurationis. Epilepsia oritur à principio vitali immediatè affecto per animi pathemata, nisi in momento mortem induxerint, remittunt, nec revertuntur, nisi alia causa latuerit, cujus occasione effloruerint & adoleverint.

Thef. XXV.

Quoniam suprà in causarum enucleatione posui Principium nostrum activum impediri in functionibus naturaliter obeundis, & excitari ad varias exorbitantias per iniuriam mediantibus nervosis partibus irregulari quâdam commotione & irritatione illatam, harum injurias abigere per certam indicationibus superfundatam methodum medendi conabimur. Ratio officii mei quidem flagitaret etiam manifestare, quali medio ipsum Principium activum ad sanio rem mentem revocari debeat: Sed cum id partim ratione animi pathematum à Theologis & Ethicis efficiatur, obtemperemus ipsorum consiliis, ne-

mini non innoxiiis: partim verò mihi Univer sale illud celebratissimum Philosophorum nondum innotuerit, cujus operationem in ipsum principium activum firmiter credo; excusabor forsan si in doctrinâ de causis reliquis occasionalibus eliminandis, operam navavero. Intentioni ergò nostræ respondebunt Indicationes.

I. Curatoria, in ipso paroxysmo, in quo FIBRÆ IRRITATÆ SEDENTUR. Cui indicationi satisfaciunt sequentia remedia: Cinnab. Antimon., Cratoni Magnes Epilepsia dicta, it: Sulphur Antimon., quæ mineralia misceantur opiatum cum additione præparatorum, quæ præstantiora sunt Magisteriis, salumque volatiliū. Præparate sunt ex Auro, v. g. Aurum fulmin., Tinctura Auri cum Oleo Cinnamomi, Aurum potabile ritè paratum; Item Cran. hum. præp., Cornu Alcis, Cornu Cervi sine igne, Cornu Cervi solare, Ebur sine igne, Deus Equi Marini, Apri, Castoris, & ipsum Castoreum exindeque alia parata, Aqu. hirund. cum Castor., Eff. Castor. parata cum spiritu volatili Tartari: Spina mustelæ Pisc., Mandib. Luc. Pisc., Lap. Percar., Carpion., Tali lepor., Os de corde cervi: Item Marina præparata, perlæ, Mat. perlar., Corall., Lap. pretiosi, succin. præp., quæ omnia absorbendo acidum, vellicans nervos, in effectu vim habent sedativam nervorum, & consequenter placativam Archæi. Salia volatilia sunt v. g. salia sicca vol., Spir. & Olea, v. g. Sal. vol. & Sp. Cran. humani, Sang. hum., Urinæ humanæ, Viperar., Lumbric., Cornu Cervi, succini (Hinc præsentaneum est remedium Liq. Cornu Cervi succinnatus) Tartari: it. Spir. fuligin., Elix Cephal. D. Mich., Eff. ejusdem Cephal. anodyna. Porro olea profunt destillata, Succini, Rutæ, Melisse, &c.; exindeque parati Balsami Apoplectici. Item Spir. Vitrioli Cephal. D. Mich. HARTMANNUS recommendat miris modis Spiritum Vitrioli & Urinæ mistos. Verum hi revera nihil aliud, quàm Sal Armoniacum constituere videntur, cui in incidendâ visciditate laudem suam non derogo in tenellis subjectis ob meconium retentum vel aliam visciditatem, ex vitiato & caseoso lacte materno prægnatam, hoc morbi genere afflictis. Hinc ridendi sanè sunt incauti isti Practici, qui sine ulla habitâ causarum, symptoma hoc producentium, ratione, omnibus infantulis Epilepticis vulgatum illud, instar Deorum manus adoratum, specificum, Cephalicum D. D. Michaelis propinare non verentur; quippe cum nihil hoc in passu exhibere anodynus sit imprudentius; quoniam aut in visciditate, ventriculū tenellorum occupante, e moritur ejus virtus sepultaque remanet, aut, si inanes vomendi conatus obtigerint, sistendo nervosarum fibrarum motum, æquè horribile suffocationis valent inducere symptoma. Cautus proinde quilibet Practicus juvenis erit, ut infarcientem ventriculi visciditatem vel prius tollat, vel simul cum Specificis Antepilepticis per incidentia educat. Quâ in re placent mihi formulæ ex Salibus Volatilibus, & præparatis absorbentibus cum anodynis præscriptæ, quæ saburræ istius maleficæ gazophylacia evacuant, & insigni in Praxi ægrum Medicumq; juvamine exhilarant. Porro Hepar ranæ manibus laceratæ exsiccatum, pulverisatum, & primo Epilepticorum infantulorum insultu Curæ & Præservationi felicium eventu exhiberi expertus sum. Similiter secundinæ primiparæ magni æstimantur: quâ vero ratione, omnino me nescire fateor. Item sanguis hirci & leporis ideâ timoris sigillatus, tumultuantis ideam Archæi sopiente. Hinc sanguis calidè potatus malefici, ense carnificis trucidati, in ipso Paroxysmo forsan speciatorem nancisceretur eventum, quàm extra Paroxysmum: Cordi hominis ejusdem quo jure HOFFMANNUS in *Methodo Medendi* potiore virtutem tribuat, omnino ambigere me confiteor.

Ex vegetabilibus profunt omnia refragantia, instar vehiculi cum supra laudatis adhibita, v. g. Aqua

Aqua Antepileptica Lang., Apoplectica, Aq. vitæ mulier. alba, Sp. Ceras. nigror. It. Ess. Aquæ & Tinct. ex Floribus Cephal. v. g. Tunicæ. anthos, Lavend., Lil. convall., Primulæ Ver., Tiliæ, Ciri, Aurant., Papaver., Betonic., Pœon. De cujus Radice debito tempore effusa ego ipse in variantis ætatis hominibus mira expertus sum. Et licet à non nemine mirè autores fabulari dicantur, mirabilis tamen ejus effectus est, mihi planè visus imperscrutabilis, nisi astralis influxus (de quo satis eruditè differentem confer supra citatum HIRNHEIM) ad ejus exaltationem virium quid conferre supponatur. De Sambuco ex Salice crescente statâ horâ collecto præter Hartmanni Testimonium alius mihi amicus juratò experientiam plusquam centuplam contestatus retulit. Quali modo operentur hæc annuleta, addiscere valde avedì. Poterunt etiam fieri Cucuphæ.

II. Imminentem paroxysmum interdum præcavere possumus, si ex parte aliquâ originem trahat Epilepsia, ita ut Consensus Nervorum, si possibile, Interceptiatur, quod fit per fractiones in partibus spasmo primò tactis, deinceps adhibeantur ligaturæ firmiores istarum partium, ut ligato nervo dolor reliquis membris communicari non valeat ultra ligaturam existentibus, teste d. Motho in Barthol. Cent. 6. hist. 78.

III. Præservatoriæ Indicationi occurrimus per variarum rerum præternaturalium, utpote causarum, sublationem, quas quilibet eruditus Medicus judicio practico pollens, virtute methodi suæ medendi ipse profligare noverit. Nam si Plethora vel alia causa mali urserit, adhibeatur debita ejus Curatio. Ego hic paucis enucleabo, quid agendum si mater hujus detestandæ sobolis dormiverit in materia viscidâ acidâ, tam in primis viis quàm ipsâ Massa Sanguineâ hospitante, cui extra Paroxysmum edomandæ, ne malum denuò resurgat, alacri pectore occurrendum est. In specie Nervos Irritantia Evacuentur. Quibus Scopis obtinendis I. Ex fonte Chirurgico Venæsectionem, Scarificationem, &c. nihil conducere æstimo, nisi patiens fuerit Plethoricus. Balnea & Inunctiones rectius hic locum invenient, ex refragantibus parata.

II. Ex fonte Pharmaceutico

1. Recominendo Vomitoria, inter quæ optima sunt Antimonialia.

2. Clysteres etiam, qui fiant ex specificis vegetabilibus & exturbantibus saburram acidam viscidam in intestinis hærentem, & acuentur per Salia.

3. Purgationes adhibeantur consuetæ dicatæ lymphæ viscidiori cum appropriatis dictis Cephalicis aromaticis mistæ.

4. Omnia diaphoretica viscidum acidum incidentia & præcipitantia: Qualia sunt omnia Bezoardica vegetabilia amara, v. g. Card. Bened., Fumar., Scord, Scorzon., Absinth., Cent. minus,

Galega, Scabiosa, Ulmar., Melissa. &c. Quorsum pertinet Tinctura Bezoard. cum Ess. Cephal. anodyna D. D. Michal. mista; It. Bezoardica Mineralia, v. g. Bez. solare, lunare, Joviale, Martiale, Minerale, Antihectic. Poter., Mercur. Diaphoreticus, Sal Antimon. & omnia Antimonialia, v. g. Antimon. Diaphoret., Tinct. Antimon. Tartariat. His jungenda sunt supra laudata præparata, & salia volatilia.

5. Diuretica, qualia sunt omnia salia mineralia, volatilia, & salsa composita ex acido & alcali, v. Sp. Tart., Spir. Carminativus, Sp. Cinnamon, Caryoph., & anisi oleosus vol., Tinct. Tartari, Tinct. Vitrioli Mart. Zuvelff., Tinct. nephrit. Solar. Ammelungii, Arcanum Tartari, &c.

Præstant etiam multivaria composita Antepileptica in Zwerffero, & Hoffmani Thes. Pharmac. & aliis reperibilia, inter quæ non rudior mihi compilatio videtur, quàm pulvis Marchionis dictus Antepilepticus. Formulas alias quilibet ingeniosus Artista ac rei Medicæ peritus faciliè pro ratione Indicationum & contra indicationum variare poterit, quâ in re quem libet suo abundare ingenio, Indicationesve mutare pro capitu suo permitto, modò æger à miseria suâ liber atque tutus impofterum degere valeat. Cui intentioni denique satisfaciet bona instituta diæta, à Medico faciliè præscribenda, causarum supra citatarum non igharo, quæ consistit in fugâ nocentium, & moderata usurpatione conducibilium.

III. De Curâ transplantatoriâ mali hujus, vel in animantia bruta per Urinam aut sanguinem ægri, vel in arbores certis quibusdam vanis actionibus, vel aliis præstigtatoriis ferme operibus, deponendo tenellos super limina hypocaustorum, capite extra fores, pedibus verò intra conclave porctis, quicquam referre nolo, cum de illis tacere, quàm lubricas de spiritu mundi, vel Sympathiis, & aliis figmentis hypotheses vendere, sit consultius: hæc verò rudis plebeculæ inanem superstitionem (miro utut interdum successu) sapiant.

IV. Vitali Indicationi respondet cuiuslibet propria observatio, qui à malo hoc immunis esse satagit, ut Medici opem non respuat, si qua mutatio sanitatis integræ ac virium qualicunq; modo ipsi obtigerit, aut negligentia aut avaritia pœnam magno suo malo lnet. Quâ in re Medicus sagax pro re natâ officio suo satisfacere noverit, ut curæ suæ commissus patiens vitam factam rectamque à morbis gravioribus valeat finire.

Hicce calami mei cursum figo cum debitâ Divinæ benignitati gratiarum actione & ulteriori voto adhibito, ut mea impofterum studiorum conamina misericordi nutu secundet, quò non nisi in proximi salutem (cui aliquando cum DEO auctius & limatius hoc thema promitto) & præcipuè in honorem DEI vergant: cui soli sit laus & gloria.

DISPUTATIO VIII. PARVA MAGNORUM MORBO- RUM INITIA:

QUÆ SUB PRÆSIDIO

Viri Nobilissimi, Excellentissimi, Experientissimi,

D.N. MICHAELIS ETTMULLERI,

Phil. & Med. D. longè Famigeratissimi, Practici docta Felicitate Celebratissimi, Occupatissimi, Facultatis Medicæ Adsefforis Gravissimi,

IN MAJORI COLLEGII PRINCIPUM MAJORIS AUDITORIO

Sub Specimine disputatorio publicè ventilanda proposuit

AUTOR RESPONDENS

Maximilianus Preus, Uratislaviensis,

die XIII. Octobris, Anno M. DC. LXXVI.

Ab ipso Domino Autore revisa, & multis in locis aucta.

P R Æ F A T I O.

§. I.

Est Alma Matris Naturæ Consuetudo atq; Lex quasi connata, ut per minima initia gradu successivo magnos moliat atq; producat effectus. Vt enim taceam, cuncta in Mundo corpora tum fieri seu generari, tum nutriri & augmentari, imò & corrumpi pariter, non nisi successivè & insensibiliter, adeoque per minimarum saltem particularum, multifariam procul dubio figuratarum, Combinationem, Separationem, & Transpositionem, uti ingeniosè in Prolegom. Instit. ad calamum nobis didatarum Thes. 20. ratiocinatur Excell. Dn. Præses: Luculenter hoc potissimum patescit in specificè jam mistis, seu concretis seminibus, parvis sanè magnarum generationum fundamentis: Quantilla hæc, queso, corpuscula, sicum mole ex iisdem succrescente conferantur sat magna? Non tangam hoc loco seminalia Minerarum Principia, & ipsa prorsus impalpabilia, Minimaque proinde. Intueve, Lector Benevole, Plantarum semina saltem, hæc ex illis cum accuratioribus sic dicenda, quæ sat profectò sunt exigua, etiam cum externis, quæ communiter his accensentur, considerata involucri; cum tamen seminis, quod propriè meretur nomen, & in gemmula solum continetur, quæ albe instar lenticulæ in summitate ipsorum apparet, longè minimam, & computo plurimum vix 2800. capsulæ illius constituat partem, referente BECKIO in Experimentis circa Naturalia Rerum Principia, pag. 264.

§. 2. Hanc enim solam pro vero semine habendam, varia commonstrant. Primò namque, annotante jam Harveo de *Generat. Animal. Exer.* 51. p. 233. læsà eadem vel deficiente, reliquum quod est corpusculi illicò steri lesceus, quæcunque ratione tractetur, nullo modo ad germinationem deduci potest: quemadmodum hoc in Pisis experimento domestico ipsemet didici, illis, quæ gemmulæ gaudebant integræ, vel ex solâ aquâ, manu dore *Helmontio*, feliciter propullulantibus; fatiscientibus contrà, quibus spem illam sobolis vel inclementiâ Naturæ negaverat, vel manus curiosa violaverat. Accedit hîc alterum, non exigui ponderis! argumentum, quod in Gemmulâ illâ sive Medullâ sub cortice reliquo contentâ, integræ jam Plantæ Conformatio, mirando Naturæ in Minimis artificio, actu delitescat, ostendente hoc JOSEPHO de AROMATARIIS, tum *Epistola de Generat. Plantar.* tum oculato Teste, GUIELMO HARVEO, ceu ipse hîc, in *Exerc.* XI. p. 92. C. L. de seminis Faseoli tali configuratione ab Aromatario Venetijs sibi ostensa, ultrò fatetur.

§. 3. Simile quid à Botanico Amstelodamensi in Tulipæ bulbo sibi ad oculum demonstratum meminit aliquando *Excellentiss. Dn. D. BOHN, Anatom. & Chirur.* in hac Almâ Professor longè Meritiss. judiciosiss., Præceptor atque Patronus devotiori cultu suspiciendus. Ipsum hoc multiplicatâ & universalis magis Experientiâ confirmant, oculo armato potissimum edocti, *Borellus in obs. Microsc. obs.* 17. ubi mmmmm etiam subnectit; Oculatissimus etiam *Malpighius* primùm in *Ep. ac ipso nunc edito Opere de Anatom. Plantar.*, nec subticendus tandem *D. GREW in the. Anat. of Vegetabiles*. Quorum imprimis *Malpighius* stupendâ industriâ ac perspicacitate in omni ferè vegetabilium genere non solum integram Plantæ in semine configurationem sive Ideam, Radicis, Trunci & Foliorum binorum delineatione ut plurimum conspicuam, detegit atque delineat, sed & secundinas atq; colliquamentum, sub cortice eorum contenta, deprehendi, non dispari ratione, ac in Animalium conceptibus videre licet; sicque vetus illud *Empedoclis* & posthâc *Harvei* dogma, Plantarum semina Ova esse ab iisdem decidua, non omni probabilitate analogicâ de-

stitui, luculenter confirmavit.

§. 4. Gemmula hæcce in istis Seminibus, quæ ratione molis sensui nudo adhuc proportionatæ sub conspectum omnium facile cadunt, si minutæ adeo quantitatis est, quantilla erit in minutissimis illarum Plantarum Seminibus, quæ non paucis propter exilitatem sine prorsus semine oriri videntur? Quibus tamen contrarium evidenter ostendit per *av-ro-φiav* in dorso Plantarum Capillarium Borellus *C. L. observ. 8.* & Iungius in *Doxoscop. Phys. P. 2. S. 3. Frag. 4. C. 4.*, qui non solum, nullam Plantam sine semine oriri, sed & semina, quod magis mirandum, quod minora, eò fertiliora esse, egregie docet.

§. 5. Ad Semina Plantarum & exilitate principij fecundi, & huic inexistente jam conformatione analogâ, proximè accedunt Ovula fecundata Animalium, Oviparorum pariter ac Viviparorum conceptus constituentia qui demum rectè ab Aristot. *de Gener. Animal. L. 1. c. 1.* & Harveo *C. L. Exercitat. 63.* Animalium ac futuri foetus Semina dicuntur, ad differentiam Genituræ utriusque, tam Maris, quàm Fœminæ, separatim adhuc existentis.

§. 6. Ab Ovo, quod dicunt, principium Originis elementale, aut partem minimum ratione ortus primariam, in conceptu Animalium perquirentes Curiosi, in ipso Ovo ac parvâ hujus Nubeculâ sive Cicatriculâ, Gemmulæ in Semine Plantarum correspondente, Animal integrè jam conformatum ferè, secundinis atque colliquamento nutritio de reliquo circumdatum cum Malpighio (*in Ep. Form. Pulli in Ovo*) mirari necesse habuerunt; ita ut in Ovo Gallinaceo, nondum etiam incubato, Theodorus Aldes (*in Obs. in Ovis factis*) Cicatriculam Circulos suos jam ostendentem, & Graefius (*in Defens. Part. Genital.*) omnes Pulli partes jam conspexerit; quod idem etiam laudatus de *Aromatarijs L. C.* asserit.

§. 7. Dicta partium verò conformatio successive intuentium oculis, etiam nudis tunc, manifestior evadit in Ovo incubato, (observante hoc jam tum Aristotele, Hieron. Fabricio, Vorcherio Coiter, & omnium diligentissimè accuratissimèque immortalis Harveo *L. C.*) dum scilicet à calore foveante Motor in Ovo Spiritus excitatus, motu suo ac liquoris ulteriori præparatione, ad partes circulatione, appositione, assimilationeque, stamina Corporis minuta magis evolvit, explicat, adauget, perficit, conspicuasque nonnullas citius reddit, prout naturali vel conformatione aut breviori exornatione majores, vel contentis coloratis ac evidentius intra eas commotis pleniores, quemadmodum *Le Grand Instit. Philos. P. 6. A. 2.* & VELTHUSIUS *de Generat. p. 247.* annotat.

§. 8. Nec recensitam delineationem in Ovis Majorum inter Ovipara, ut ita loquar, Gentium reperire saltem licet, quin &, quod magis miraberis, in minutissimis Insectorum, Araneorum puta, Formicarum, &, quæ mutuo ex se in vicem generantur, Papilionum atque Bombycum ovulis eadem observant. BORELLUS *Obs. Microscop. 20.* & 34. nec non MALPIGHIUS *Tr. de Bombyce p. 65.*

§. 9. A Minoribus ad Majora, vulgo Philosophorum perfectiora, progredior Animalia, Vivipara scilicet. In his simili modo, ac in recensitis, rem se habere, ex modernorum, HARVEI, HORNII, GRAEFII, SCHWAMMERDAMMII, RUYSCHII &c. ac quotidianis Anatomicorum observationibus, apparet. Ex Ovulo cuppi, five magis, vesiculâ minutissimâ, liquore feminali plenâ, (quales in Testibus fœmininis præexistere solent, docente hoc Fallopio.) à penetrante eò usque, in coitu fecundo, spiritu Maris genitali fecundatâ, & per Tubas Fallopianas (observatore GRAEFIO in Brutis, & RUYSCHIO in Homine) ad uterum propulsâ, fit conceptus, initio satis minutus & puncto saltem saliente foetum manifestans reliquis hujus partibus, propter fluxilitatem, exilitatem atque quie-

tem, vix omnibus adhuc conspicuis, quæ & ipse tamen brevissimè arctius connexe & in majorè molè adauctæ, totum Embryonis corpusculum egregie exhibent: Confer Harveum *Exercit. 69. p. 444. 445.* & alibi passim, Kerkringium in *Anthropogenia Ichnograph. C. 2.* & seq. nec non Graefium *de Organ. Genital. Mulier. C. 15.*

§. 10. Adducta hætenus exilitatem primordij foetus passivi potissimum spectarunt: activi moventis formantisque subtilitatem si meditatus fueris, divinior admiratio mentam subibit. Necessitatem hujus ac materialitatem inferius paulò probatam videbis, nunc saltem considera, quantillum ejus ad conceptum excitandum concurrat.

§. 11. Requiritur Germen musculinum ad verum conceptum constituendum, omnes ultrò largiuntur, eò quod sine hoc nullus unquam talis contingat, nec prole sexus virilis generari posset, nisi accederet aliquid ideam hujus possidens, quod in Muliere frustra quæsieris: *Vid. h. c. L. p. 191.* Semen autem hoc virile nec membranaceum mulieris ovulum, quod fecundum reddere debet, propter viscosam sui crassitiem penetrare, imò ne quidem ad illud usque sub crassiore istâ consistentiâ unquam, aut semper & in omnibus Animalibus ascendere potest, v. g. in Gallinis propter anfractuosum Oviductum, item in imperforatis; qualem tamen puellam ex solo Hastæ Virilis ignoscas autem quod Naturæ ductu apertius scribam, cum Castis mihi res est) affricu concepisse apud GRAEFIUM *l. c.* legimus, ubi sanè præterquam Spiritus, nihil aliud asurgere potuit.

§. 12. Sequitur ergo ex hisce, quod ratione alius cujusdam principij subtilissimi & exilissimi, spiritus scil. activi, facile penetrantis, *σπέρμα* Viri saltem concurrat: quantillum verò hujus esse poterit in modicâ adeo seminis fecundi quantitate, unico coitu ad plures foetus nonnunquam sufficiente, excrerà? Ut taceam, per experientiam nonnullos, ac doctâ cum alijs conjecturâ *Excellentissimum En. D. BARNERUM Incliti Collegij Medici Augustani Adsessorem, Præceptorem de venerandum, in Collegio Physico*, quod semestri præterito sub eo habuimus, *Seç. 1. §. 18.* docere, prævias saltem seminis masculini guttulas, quas sub primo eruptionis impetus altius ejaculari dicunt, vim hancce plasticam continere, reliquo, quod subsequitur, magma te feminali, extremitatem urethre vix transcendente, ac sine usu iterum diffuente Sic ut non inepte MARCUS MARCI, *in Ph. Vet. restitutâ P. 3. S. 8. sub s. 2. §. 10.* dixerit: Tam fœminæ (utpote cujus Spiritum genitalem suo modo & genere ad foetum formandum quoque concurrere, non negamus) quàm Maris Genituræ portionem minorem, quàm ut sensu percipiatur, ad conceptum sufficere.

§. 13. Ex quibus ipsi, plus nimis longâ forsan serie adductis, abundè patet, quàm exigua sint Magnorum in Naturâ Productorum atque effectuum primordia. Nascitur ex tantillo seminis apice ingens Arbor, annosa quercus, lata expandes brachia, & producta quævis ex triplici Naturæ Regno altitudine facile transcendens. Oritur ex Cicatriculâ, Milii semine minori, Gallus, Animal magnanime ac superbum, & ex tantillo spiritu genitali hujus, unâ vice omnia, vel centena si essent, Gallinæ ovula fecundantur, teste cum Harveo experientiâ. Ex puncto prodit homo, Magni hujus Mundi non minoris momenti Microcosmus. Ita ut exinde Scaligeri illius, dari inter minima maxima, &, quod Harveus habet, Creatorem omnipotentem ex minimis initiis maximum apparere voluisse, oppidò pateat.

§. 14. Tacitus hæcce, ac parvum imprimis mirandæ Hominis Machinæ exortum, mecum agitant ultrò deprehendi, quemadmodum ea à parvis suscitatur primordiis, ita exigua non minus initia destructionem ejus moliri, & vel ex tantillo primum causæ morbificæ errato maximos ei accrescere morbos. In quæ ipsa penitus non nihil inquirere, cū haud parve videatur utilitatis, speciminis qualiscunq; gratiâ, pro Ingenii Modulo de iis agere constitui.

Ita & à parvis Morborum primordijs destructio hujus procedit.

D I S S E R T A T I O
I P S A.

§. 1.

SUB initium verò statim annoto, me per tantillum Magnorum Morborum initium intelligere Causas proximas eorum, tum ratione molis, tum subtilitatis admodum exiles, idque imprimis respectu Producti ac Morbi exinde fucrescentis sat magni; quæ Magna voco intuitu improporionatæ partim coacervationis ac extensionis per plures corporis partes, partim longæ plus justo durationis, ac partim etiam periculositatis majoris, si cum tantilla sui causâ primitivâ conferantur.

§. 2. Rem ipsam si attentius paulò intueor, omnium tantum non Morborum initia hujusmodi parva deprehendo. Proxima quippe formalis cuiuscunq; fere Morbi Causa ac ratio in spirituum vitiatò consistit motu, ita ut horum etiam intuitu sublimiora saltem ac universalia vocata medicamenta plerisque morbos compescere, omnes uno ore consentiant. Cum enim omnes fere Morbi cum molestâ quâdam sensatione videantur esse conjuncti, sensatio autem à spiritibus primariò fiat, manus enim spiritu absente non sentit, spiritus certè Morborum plerorumque, si non omnium, causa immediatè ultima erunt, quæ, ut Morbum percipiamus, efficit.

§. 3. Idem proinde nobis (ut cum CHARLE-TONE in *Oecon. Animal. Exerc. I.* loquar) inest & Vitæ principium & Mortis; nec à causis occasionalibus morbificis solummodò excitati spiritus nostri motores, morbos nobis intentant, quin & naturali suâ inquietudine ac avolandi conatu quasi perenni corpora nostra successivo ætatum decursu ita atterunt atque immutant, donec ruinofam tandem ejus Machinam penitus conficiant atque exaniment.

§. 4. Quàm verò subtilia hæc sunt tantarum in corpore turbarum initia? Adeò ut exinde multi hodieque sint, qui eorum existentiam, eò quòd in oculos non incurrant, penitus in dubium vocare, alii autem ob easdem rationes materialitatem eorum negare non dubitant. Quibus proinde contrarium persuadere, dubiumque hoc pro virili declinare, pro meliori dictorum pariter ac dicendorum robore, omninò convenit.

§. 5. Falsa sanè in Naturalibus est Conclusio, quodcunque non videmus immediatè, illud non existit, nec Corporeum est. Nequidem ab omnium sensum negatâ à priori perceptione ad negationem existentiae alicuius rei naturalis valet Consequentia; quemadmodum laudatus supra *Excell. Dn. BOHN. in Epistol. de insuffic. acid. & alcal. p. 10. & 11.* egregie ostendit, idque exemplo imprimis particularum Mercurii vivi omnes sensus in quodam liquore, cui Mercurius priùs fuerat infusus & iterum ablatus, effugientium, effectu tamen suo, quem à Mercurio liquor ille mutaverat, dum æquè ac hic postmodum Vermes necaret, inexistentiâ suam satis comprobantium. Optima sic & subtilissima quæque, conquerente SCALIGERO de *subtil. Exerc. cit. 23*, eludunt aut fallunt sensum.

§. 6. Rationem hujus rei reddere conatur TATTINGHOF in *Clav. Philos. Nat.* Non mirum esse, innuens, quod Corpora valde minuta sentire nequeamus, cum ipsi corporis nostri nervi, qui tamen ab obiectis pro sensu excitando moveri, debent, à talibus verò, quæ iis ipsis minora sunt, moveri non possunt, non sint minutissimi, sed obiectis ejusmodi subtilibus crassiores; unde & qui subtiliore nervorum, texturâ, vel naturâ, ut Gynæcea, vel ex accidenti, uti atoniâ aliquâ & fibrillarum in minores partes dilaceratione propter prægressam aliquando læsionem affecti, gaudent, levissimum subtilioris obiecti contactum, e.g. aeris exiguam mutationem, longè faciliùs ac

Etemuller. Oper. Tom. I.

citiùs aliis præsentiant; quali exempla lectu non indigna vide apud *Illustrem à BOTLE Tr. de Atmo. sphær. & Effluvi. p. m. 128. & seq.*

parag. 6. Hujus verò quicquid sit, apparet sanè ex adductis, solos sensus externos naturalium perceptioni & judicationi non semper æque sufficere, & vel in ipsis experimentis sensibilibus, dum illud, quod quæritur, non semper in sensum externum incurrit (optimè hoc annotante, quanquam aliam in partem applicante *Exc. LEICHNERO in Exerc. Anti-Harvean. de motu sanguinis*) libero sanoque Rationis judicio, quod cum experimento, cui superstruitur, rectè cohæreat, insuper opus esse, junctâque horum operâ multa deprehendi posse, quæ neutri separatim paterent.

parag. 8. Omnibus proinde sensibus quod denegatum, multò minus soli visui concessum erit, adeoque nec illud statim in dubium vocandum veniet, quod ab hoc non percipitur. Primò namque multa majores nostri non viderunt, quæ per utilissimum hodie inventum Microscopii ac Telescopii detecta sunt, ac proinde revera existisse se, licet ab illis visa non fuerint, testantur; qualia sunt, Nova in cœla sidera, satellites Jovis; in terra corpora, semina plantarum sine semine veteribus oriundarum, conformata jam integra proles in seminibus, plantulæ ex situ & mucidis librorum maculis propullulantes; corporum inflammabilium, filicum, sulphuris, carbonum &c. particulæ minutissimæ inflammabiles sub formâ punctulorum & linearum argentearum egregio spectaculo apparentes, vermiculi in aceto, insectorum minutissimorum partes distinctæ, pili, oculi, squamæ, pedes, teredines; dentes araneorum, musca oculorum pluralitate Argum inter insecta representans, bombycis pulmones, trachæ &c., Ductus adiposi in piscium pelle, viscerum corporis nostri artificiosa & intimior structura antea incognita, unguium venulæ, & quamplurima alia, de quibus videantur passim Authores, CARTESSI *Dioptrica*, BORELLUS in *hist. Conspiciliorum*, & *obs. Microscop.*, HOOKII *Micrographia*, ROHAULTI *Phys. C. de Elem. & alii*.

parag. 9. Deinde, quod alterum est, multa adhuc in rerum natura subtilia existunt, quæ sub nostrum conspectum vel prorsus nunquam, vel saltem sub statu disgregationis non cadunt. Aerem non videmus, exillere tamen eum, inter alia testatur flamma Ellychnii, foribus in conclavi de subito apertis vel clausis, hinc inde commota. Musculos, nervos in teredine, de qua paulo ante memini, etiam per microscopium visu assequi aut distinguere haud possumus, ex motu tamen corporis & pedum ejusdem, supponere hos omninò convenit, siquidem non solum in conspectioribus animalibus, sed & insectis nonnullis Bombyce &c. observante MALPIGHIO in *Tr. de eodem*, illos adesse & motum partium organicum mediantibus his contingere, manifestò apparet; quidni ergo etiam in teredine Natura eadem analogiâ uteretur?

§. 10. Corporum electricorum succini, sulphuris, effluvia oculis non apparent, testari tamen de eorum satis coagmentata eruptione videntur corpora levissima, paleæ, crines, minuta papyri segmina, quæ, si frustum v.g. succini, pro excitando copiosiore & fortiore miasmatum egressu, affriccione priùs nonnihil calefactum, in proportionata distantia sub iis firmâ manu detineatur aliquandiu, ex loco, cui incumbunt, ad succinum usque elevantur & huic adhærent, dum priora succini effluvia propter alia, quæ continuo ac presso tramite insequuntur, & subiectum corpusculum leve arctiùs circumcirca cingunt, repercussa quasi iterum ascendere, & paleam v.g. in medio cingentis reliquæ atmosphæræ simul secum sustollere, coguntur, quæ deinceps tam diu succino adhæret, quàm diu adæquatus effluviis hujus effluxus & refluxus durat. Vi magnetis ferri atra-

Ss

tra-

tractivæ similem ferè subesse causam & effluvia striata, hodie perspicaciores naturæ Consulti, **CARTESIUS**, **BOYLE**, alique non immeritò suspicantur.

§. 11. Porro exhalationes spiritus sal-ammoniæ & aliorum corporum odoratorum sub visum non cadunt, optimè tamen naribus deprehenduntur. Nec est, quod ideo ad qualitates intentionales hic confugiamus, eum hodie constet, nullam etiam ex his contingere absque subjecti (à quo qualitates cunctæ non nisi sola ratione & respective ad quintuplicem sensuum nostrorum differentiam differunt) materialium particularum emanatione; cum vel ipsi Peripatetici concedant necesse est, accidens, adeoque & qualitatem, extra subiectum non posse subsistere. Alia, quæ probant, effluvia hæcce odorata materialia esse, & experimenta statica eorum effluxum propter ponderis, quod inde percipitur, decrementum, confirmantia, vide juxta **BOYLEUM** de *Effluvis*, inter ea, quæ infra de odoribus atque contagii adducta sunt.

parag. 12. Sub disgregationis statu visum, imo & reliquos sensus effugiunt multa, e. g. Vapores & exhalationes ex globo Terraqueo, dum elewantur, quæ tamen, ubi in nubes collecta, oculos nostros omnino feriunt, & revera prius elevata se fuisse ostendunt. Simili modo effluvia vapoiosa, quæ halitu oris emittuntur, dum disgregata v. g. tempore æstivo, non videmus, unita verò postmodum ubi fuerint, vel in speculo, vel extra hoc ab ore saltem dimissa ac frigore hyberno constricta, nobis apparent. Sic vice versà varia corpora, quæ dum unita erant, sub visum cadebant, in invisibilem partium tenuitatem redigi possunt. Sic ignis flamma in minutissimis atomis per aquam & aerem dispergitur, ut conspici amplius non possit, annotante **LEICHNERO** in loc. cit. Ac rectè **SCALIGER**, *Exerc. 9. de Subtilit.* dicit, carnem in vero non astari & tangi ab illo igne, quem videmus, sed ab ejus particulis discontinuatis magis, quæ non videntur. Ex quibus omnibus longâ serie adductis uno intuitu insimul quoque patet, subtilia & sensum nostrum effugientia non statim pro immaterialibus esse habenda.

parag. 13. Dilutis igitur plenius remotivè hisce dubiis, pergo potius ad positivam spirituum demonstrationem. Motus & per motum formari, actuari, vivificari atque produci corpora ac phænomena naturalia, oppido omnibus, vel ex sensu proprio interni in corpore nostro morbris, apparet, rectèque hoc à modernis Philosophis corpuscularibus multis rationibus atque experimentis adstruitur. Movens ergo aliquod, motum hunc producens, necessariò supponendum erit. Primum Movens Deum, Creatorem Omnipotentem, reverenter agnoscamus necesse est: sed & secundum seu naturale ac mediatum, à Deo vita, agilitate, & potentiâ, se ipsum aliaque secum, juxta normam & ideam quasi adiunctam, movendi, vivificandi, & conservandi, instructum, non immeritò cum **HELMONT**. *Tr. Blas. Hum.* parag. 2. aliisque Philosophis ferè omnibus, supponimus; siquidem necessariò in naturalibus tandem ad causam efficientem Physicam aliquam recurrendum est, nisi hodieque omnia, etiam ordinario cursu quæ fiunt, supernaturaliter contingere, & juxta **ROHAULT** in *Phys. P. I. C. 10. f.* singulis momentis miracula à Deo elicere velimus.

parag. 14. Movens hocce naturale respectu tum corporis, quod actuat, tum sensuum nostrorum, crassum quid esse nequit, partim scilicet quia ratione celeritatis summæ in quidam actionibus, e. g. voluntariis, quæ à crassiore fixioreque substantia tam subito fieri non possent, requiritur admodum subtile, mobile, volatile & activum, ut docet *Excellent. Dn. PRÆSES* in

Colleg. Institution.; partim etiam, quia oculis non patet. Nec est, quod sanguinem (cui in vegetabilibus liquor *Leffas*, in mineralibus succus *Burr.* **HELMONTII** *Tr. Elemento. parag. 13.* respondere videtur) pro hoc obtrudat **HARVEUS** *C. L. Exerc. 71. pag. 466.* Non enim hunc, sed subtilius quiddam in eo latens machinam nostram corpoream, ipsumque etiam sanguinem, actuare, vel exinde constat, quod hic in corpore demortuo etiam præsens sit, nihilominus tamen amplius non moveatur; necessario igitur principium motus aliunde habebit, quo absumpto vel deficiente, quiescere emoriturque ipsum cum machina, quam inhabitat, necesse est.

parag. 15. Sed ut in viam redeam, movens hoc sensibus nostris subtilius quid esse cum certum sit, erit id vel immateriale, vel materiale. Immateriale esse nequit variis ex rationibus, ac primò, quia divisibile, uti, benè adducit **WILLIS** de *An. Brut. P. I. C. 2.* Divisibile illud deprehenditur non solum in corpore integro vivente, quia plures ac diversos actus animales simul à diversis corporis membris ac partibus obiri cernimus, e. g. eodem instanti oculus videt, auris audit, nares olfaciunt, lingua gustat, & membra quævis exteriora Tactus sensum & motum exercent, ac interea viscera quæque & præcordia munia sua exequuntur. Necesse igitur, ut aliquæ ejus portiones singulis illis membris ac partibus simul insint. Quin & in dissectis partibus animalium, quorum succi viscosiores ac spiritus minus dissipabiles, lumbricorum scilicet, viperarum, anguillarum &c. Horum enim partes à toto dissectæ ac segregatæ, à se invicem per aliquod tempus adhuc moventur. Ac miranda vidi præteritâ hyeme penes nobile quoddam per amicorum philiatrorum, quorum in Museo, dum cultro anatomico subijceremus canem partui vicinissimam, dissectis, post reliquorum examen, in scæbis quibusdam vasis sanguiferis nervisque majoribus, læsis vei etiam prorsus extractis visceribus plerisque, ac imprimis corde, truncum nihilominus reliquum, ita avisceratum, longè etiam post horæ, ex quo hæc facta, spatium, motu conductorio adhuc convulsam, similiterque cor à corpore sejunctum, motu convulsivo, tum spontaneo, tum irritatione cultelli excitato, pluries tentatum, vidimus. Cui si subjungerem, quod Anno 73. Mense Decembr. in museo proprio, unà cum amicis quibusdam conjunctissimis, in sciuro deprendi, cor scilicet (postquam ultras horas 40. Animal jam esset defunctum) exsectum & intra digitorum puleam à nobis detentum, aliqualem adhuc motum pulsatorium in profundiori centro edere visum fuisse, fidem forsan transcendere viderer.

§. 26. *Alteratio* contra immaterialitatem moventis est, quod alterationibus ac morbis variis hoc sit obnoxium, imò ipsi morti, ut superius probatum, quæ tandem illud planè destruit & auferit. Hæc verò saltem materiæ, omnium consensu, competunt, minimè autem immateriali cuidam substantiæ, cum non legamus ullibi, quæ immaterialia sunt, e. g. Angelos bonos, vel etiam malos post lapsum proprium, destructioni obnoxia esse. Et sanè, quod tertium est, illud immateriale, adeoque, ex decreto Altissimi jam sancito & exemplis modò adductis confirmato, indestructibile supponeretur, ipsæ brutorum animæ, quæ in solo eodem principio movente consistunt, etiam essent indestructibiles, sicque immortales, quod absurdum & sacro Textui contrarium.

§. 17. Firmiter proinde concludere licet, movens illud esse materiale. Quid verò sit, ardua magis est quæstio: quantum tamen à posteriori per certa fundamenta hariolari licet, etiam de eo videbimus. Ex supra adductis constat, esse illud ad modum subtile, motile, volatile & activum. Hinc factum, ut analogicè à Medicis spiritus fuerit dictum, quo nomine & nos illud im-

imposterum appellabimus. Consideremus jam qualia nam inter res naturales corpuscula ad hanc subtilitatem & activitatem proximè accedant, ut per ea ad penitiorem spirituum horum cognitionem ac definitionem pervenire possimus.

parag. 18. Deprehendimus verò particulas volatiliores imprimis, salinas & oleosas, seu sulphureas) non crassas illas, sed in his latentes insipidas Excell. Bohnii & quasi feminales) omnium esse subtilissimas & maximè activas, hinc & ipsæ hæc tum in corporibus, quibus continentur, tum ex iis arte eductæ, & cum aëris vel proprii corporis simul phlegmate unitæ, vocantur spiritus. Activitatem atque subtilitatem suam probant exinde, quod ipsarum particulæ in continuo ferè sint motu, & vase aperto continuò odorem sui, in distans quoque, spargant, citra tamen alius sensus persecutionem, imò brevi maximam partem avolent. Et sanè quicquid in quocunque genere mixtorum reperitur subtile activumque, aut sal, aut sulphur ejusmodi insipidum, aut utrumque ut plurimum combinatum est. Ut taceam spiritus salinos & sulphureos, qui ex subiectis trium Regnorum igne ministro evocantur, subtilitate & activitate maximè esse penetrantes: quæ naturaliter etiam & ultro subiecta illa exhibeant spirituosas, saltem adducam.

parag. 19. Odores, ex plantarum floribus exhalantes, activas esse partes, quis negaverit? cum & extra suum corpus, quod ante inhabitabant, tantam ostendant subtilitatem, activitatemque, quanta major ullius rei vix concipi potest. Sunt verò iidem nihil aliud, quàm particulæ subtilissimæ, salino-volatiles oleosæ, ex oleo plantarum seminali, fermentatione resoluta, ascendentes, & certâ ratione commotæ, nares nostras eo modo afficientes, quem nos odorem vocamus. Oleo namque isto flores si privaveris, nullam amplius spirant fragrantiam. Sunt autem olea nihil aliud, quàm salia volatilia cum pinguedine sulphureâ ac seminali in orbem concentrata, docente hoc, præter experientiam chymicam, eruditè Excell. BARNERO in *Prodromo suo Vindic. contr. BeK. p. 20.*

parag. 20. Fœtores ex animalium excrementis (sit venia verbo & ad obscæna transitui) recentibus imprimis exhalantes ad molestiam usque activi, subtiles, & pariter naturæ salino-sulphureæ sunt, quod innotescere potest, si Alembico suscipiantur, quod experimentum à Laudato Excell. Barner. in Collegio Chymico communicatum memini; & sulphureum principium vel exinde satis elucescit, quod ardeant flammâ admodum.

parag. 21. Mineralia quod exhalant Gas seu Vaporem in Metallifodinis subinde conspicuum, satis activum se esse ostendit, dum adeò facile & momentaneè homines interficit. Sulphureo verò salinum pariter & hoc esse, vix eget probatione. Imò levi affricu ex sulphure nativo prodit ejusmodi spiritus acido-sulphureus, odore nares nostras notabiliter satisfaciens; teste Boyleo de effluv. & propriâ experientia.

parag. 22. Quæ cum ita se habeant, non video, quò minus liceat nobis suspicari probabiliter, spiritus, corporum internos motores, consimilis valde cum dictis esse naturæ, & ferè magis subtiles mobilesque saltem, sicque tandem juxta manuductionem Coll. Phys. Barner., mutatis & additis paucis, definire, quod spiritus hi sint particulæ mixti viventis cujusunque subtilissimæ salino sulphureo-aeræ, sub debita & non interrupta contiguitate ac quantitate, potentia motiva, & operativa secundum corporis, quod incolunt, proprietates & organisationes à Deo instructæ.

parag. 23. Atque ut in specie hoc jam applicem ad animalia, ac hominem præcipuè, utpote in Ettmuller. Oper. Tom. I.

cujus gratiam investigatio hæc spirituum natura potissimum vergere debet, quò morbis eorum, quibus ille affligitur, eò melius succurri queat; Notandum est: In semine primoque animalium conceptu eodem momento cum & in seminali materia, tanquam passiva, ex qua machina fœtus construitur, adesse spiritus, seu materiam activam & formantem. Passivam nihil aliud esse, conjecturare possumus, quàm colliquamentum illud chylosum, omnium partium, quas ante suam in locis genitalibus collectionem, lege circulationis, pertransiit, Ideâ sive signaturâ, juxta BEKIUM C. L. aliosque, notatum; eo quod ex hoc fœtum nutriri videamus, ex quo autem nutrimur immediate, ex eo nos constare & ortos primum fuisse, vi illius Hippocratei, admodum probabile sit.

parag. 24. Spiritus in colliquamento hoc præsens continuò particulas ideâ insignitas motu suo, juxta normam, cui in corpore parentum adfuetus est, ordine determinato connectit, ita ut, quod superius innui, materiam primigeniam fœtus inquirere volentibus, cum hac statim ipse embryo integrè jam delineatus appareat. Dumque spiritus hac ratione materiam seminalem oleosam (pingue enim oleosum semini cuicunque, tanquam partem essentialem, inexistere experimenta varia docent) successivè magis magisque resolvit, ac ex particulis ejus salino sulphureis magis sic volatilifatis sese multiplicat atque adauget, colliquamenti intra vasa sua inclusi, non aliter ac ex resolutis oleis per salia volatilia extra corpus contingere solent, emergit color rubicundus, ob quem adeoque illud posthac sanguis in vasis dictis appellari incipit. Novo adducto alimento particulis salino-oleosis imprægnato, etiam tunc, ubi extra uterum fœtus jam editus, & eò usque tandem adolevit, ut ex cibis more adultorum Chylum conficiat, continuò simili resolutione & volatilifatione ejusdem, quæ ab aëre quoque sub inspiratione non parum tunc adjuvatur, novi producuntur spiritus, & sic usque ad vitæ terminum eorum proventus perpetuatur.

parag. 25. Principium hoc, ex quo spiritus restaurari vel augeri dixi, aliquo modo jam eorum in animalibus naturam salino-volatilem oleosam probare possent; verum alia quoque in promptu sunt argumenta hoc confirmantia. Ac primò ratione principii salini volatilis urinosi, quod notabiliorem eorum partem constituere videtur; præter ea, quæ in genere supra ob eius summam activitatem suspicati sumus, persuadent porro ejus in spiritibus præsentiam fracedo urinosa, spiritui salis ammoniaci similis, cerebro, in quo spiritibus, pro functionibus animalibus potissimum necessariis, separantur, inhærens, quæ satis testatur, annotante Excell. BOHNIŌ in *Disp. physiol. 15.*

§. 18. de Natura eorum salina urinosa volatili, cerebro ab eorum transitu, vel fermento ipsorum naturæ correspondenti juxta WILLISIIUM, affricta. Huic succedit copiosum sal volatile, quod elici potest ex partibus animalium, ac ipso etiam sanguine; quorum hoc procul dubio spiritibus, sub resolutione sanguinis fermentativa intra corpus, materiam restorationis præbet illud verò ex sale volatili spirituum sub nutrimenti in partibus assimilatione magis fixato ortum trahit; quæ vel per blandum digestionis calorem, vel per ignem fortiorum iterum volatilifata prodire videntur.

parag. 26. Nec moramur hic Miso-Chymicos, corpori hæc non inesse, sed ab arte demum produci, somniantes, cum ignis nihil ex corpore aliquo elicere queat, quod huic materialiter non prius inexistit, atque semper

una eademque principiata, debito modo adhibitus, nunquam ab his diversa, educat, imo digestionis & fermentationis qui vocatur ignis, naturali prorsus modo & excitativè saltem in corpora agat, quorum principium internum postmodum ipsam operationem promovet atque perficit. Formaliter tamen nonnihil immuta esse, quæ per eum producuntur, non æquè negaverim. Conf. Will. de Ferm. cap. 2. f. pag. 11.

§. 27. Quod alterum principium, oleosum scilicet seu sulphureum, concernit, de hoc etiam spiritus nostros participare, varia sunt, quæ probant, ac inter ea non ultimum, quod sequitur. In sanguine particulas pingues sulphureas negare non possumus; partim quia calor ex ejus motu proveniens, cum hic sine particulis calorificis, inflammabilibus, quales in sulphure intimius latere solent, fieri non possit, de harum in eo præsentia satis testatur, quod item facit color ejus rubicundus à particularum oleosarum etiam minima resolutione depeudens; partim quia pinguedo, pars sulphurea, ex sanguine ortum habet; partim etiam, quia ejus analysis Chymica tales exhibet, & præterea ex anheliu, qui sanguinis ex parte proles, oleum, seu sulphur flammæ concipiens, non difficulter haberi potest, docente hoc ipsum BORRICHIO de Ort. & Progress. Chym. p. 7.

§. 28. Sulphureas verò particulas ac imprimis intimius eorum principium, quod indigito, inflammabile, insipidum, admodum esse volatiles, subtiles & activas, constat; unde non immeritò inter spirituum nostrorum partes numerandæ venient; quam suspicionem non parum adauget, quod, cum illæ in aliis corporis partibus absumantur in pinguedinem, in iis tamen locis, ubi spiritus separari imprimis solent, ut in Cerebro & testibus, nulla unquam reperiatur pinguedo, in spiritus forsàn ejus principiis ibidem absumptis, & alteram spirituum partem, salinam scilicet, egregiè contemplatibus.

§. 29. Ultimò denique notum est, quod spiritus insigni vi polleant corpora nostra condiendi & à putredine præservandi, adeo ut, quandiu illi in debita quantitate ac vigore corpori ac sanguini præsunt, ab omni putredine hæc immunita sint, recedentibus verò iis statim corrumpantur. Cum verò similem prorsus corpora condiendi virtutem possideant sulphurea & oleosa, dum Gas seu Fumus sulphuris Vina & succos vegetabilium præservat à Corruptione, Terebinthina optimum pro conditura cadaverum existit balsamum, ac præterea Olea destillata aromatica mirandam & momentaneam quasi foveant vim spiritus odore suo restaurandi; licitum erit suspicari, an non eadem ac hæc virtute salino-volatili oleosa hoc illi præstent.

§. 30. Verùm supposita licet hac ratione spirituum Natura salino volatili-sulphurea, non ideo tamen cum WILLISIO statim asserendum, eos nimium commotos ac incalescentes in flammam quandam abripi cum hoc in angusta corporis nostri Machina propter defectum liberioris medii, aeris scilicet, fieri non possit, & cum præsentaneo vitæ interitu conjunctum esset. Quo ipso tamen particulas aereas, seu vehiculum reliquis eorum partibus intertextas, non omnimodè excludimus, utpote quarum cum iis concursus vel ipse reficiens melioris notæ aer, per respirationem sanguini ac spiritibus commistus, satis probabilem reddit, præter illa, quæ de ramio asperæ. Arteriarum ipsis, Medullæ spinali Bombycum &c. insertis, adducit celeberrimus Malpig. de Anat. Bombyc. & ex eo BOHNIUS Excellentissimus Exerc. Physiol. 15. §. 5.6.7.

§. 31. Prolixior fui in spirituum existentia atque essentia probanda, eo quod fundamento

non sufficienter firmato, reliqua minùs tutò superstrui soleant. Spiritus vero fundamentum omnium facile Morborum esse, superius declaratum est. Nunc saltem specialius de iis videbimus.

§. 32. Morbi spirituum propriè sic dicti, dum peccare illi dicuntur in quantitate, qualitate, vel motu, vix aut difficulter admodum distinguuntur ab aliis, quæ corporum contentis essentialiter inhærere scribuntur, quoniam continua quasi pericyclosis & communicatio iter hæc observatur: ita ut v. g. dubitare posses, num in subtilitate spirituum vitia- ta sanguis potius in cacoehymia; & in sanguinis fermentatione febrili, spiritus rectius motu excendente, sanguinemque in impetuosum illum motum abripiente, peccare dicendus sit. Sed mittamus hoc loco vulgatiore illos spirituum morbos, cum ex professo & specialius de talibus agere, nostri non sit instituti, principium eorum, nimirum spiritus ipsos, innuasse sufficiat. Prosequamur illos potius, quantum angusta hæc pagina permittit, qui totius substantiæ vulgò vocati, à causis occultis & *τὸ θεῖον* HIPPOCRATIS foventibus oriri dicuntur. Quos inter primò se offerunt Ideales, secundum HELMONTIUM & M. MARCI, nuncupandi.

§. 33. Cum viderent Naturæ Consulti, ut, quæ ingeniosè habet Excell. Dn. PRÆSES in Dissert. de Morsu Viper. D. 1. Punct. 5. §. 3. ex parte mea faciam, Viventium Ortus, Progressus & Interitus ab interno agente, quod spiritum supra vocavimus, perfici, tam multifarias autem huic incumbere operationes ut, nisi aliquid sit quod tanquam regula ordine certo in agendo ipsum ita dirigat, ut operetur hoc, ut operetur illud, confusionem in operando, à qua tamen Natura abhorret, fieri necesse esset, dirigens ejusmodi supposuerunt. Idque Ideam vocarunt, quam in ipsis spiritibus aliquæfiverunt & scientiam dixerunt hisce connotam: quam tamen, cum supponat in iis præviam quandam de subiecto cognitionem & ratiocinium, omnibus viventibus, Plantis v. g.; adjudicare, duris paulo videretur, quinne quas rectius HIPPOCRATES facere, inquit, quod nesciunt & scire sibi videntur, omnia autem per divinam necessitatem. Quoniam tamen instinctus ejusmodi Idealis spontaneus determinatè sese movendi & agendi spiritibus concedendus, erit certè is à posteriori saltem & ex sola consuetudinis lege, quæ altera Natura est, adeptus, ita ut spiritus hoc vel illo modo juxta ductum organisationis illius corporis, cui primò inditus, moveri aduersus, alii corpori postmodum communicatus eisdem planè in hoc motus repetere tentet. Id quod illustrat partis cujusdam voluntario moti destinatae citra voluntatis imperium, ex sola sæpe consuetudine spiritus, certo tempore musculos illos abbreviantis, contingens motus. Sic ex assuetudine quidam sæpius cantillant citra etiam animadvertentiam propriam. Alii tempore somni manus hac ratione hinc inde jactitant, imo varia nonnunquam loquuntur citra prævium voluntatis imperium aut subsequam quoque facti conscientiam.

§. 35. Præter recensitos alij quidam motus hujusmodi determinatum directorium seu ideam in ipsa partium continentium organisatione quarunt. Quos sanè per Ideam hanc, quæ merito priori jungenda, sic, ut junctim hæc Ideas feminæ constituent, nihil aliud intelligere ex M. MARCI Phil. Vet. restit. Part. 4. §. 2. Subl. 4. p. 426. tandem apparet, quàm Typum, aut Signaturam, vel Conformationem, machinis corporis earumque partibus singulis in prima creatione impressam, juxta cujus limites tramesque spiritus insiti ipsis sese movere & agere tenetur. Hanc ipsam ideam particulis succi nutritii, qui omnes partes permeat, & tandem in semen colli-

colligitur, impressam, cuncta generantia individua, postquam definitam figuræ corporis sui extensionem assecuta, in circulum quasi redeundo, posteris suis sub specie seminis communicant, sicque perpetuè propagant atque conservant, docent **BEKIO** *l. c. pag. 182.*, ita ut etiam parentes, ac imprimis matres, naves, excrescentias, aliosque varios morbos ratione idearum à singulis partibus seminali materia præterfluenti communicatarum, in liberos propagent. Ideas hæc (seminales proin cum **M. MARCIL. C. Par. 2. S. 1. prop. &c.**, item *Part. 4. Subf. 1. 3. pag. 411. 420.* rectè vocandas) in semine jam elucescere, exordio hujus dissertationis ostensum. In sanguine verò, quod id semen latet, ex eoque in testiculos secernitur, easdem vias fuisse refert **BORELLUS C. 4. Obs. 62.**; quæ tamen fides sit penes Authorem.

parag. 35. Naturales hæ, & corpori nostro propriæ Ideæ, quamdiu in statu ipsis à natura assignato imperturbatæ relinquuntur, tamdiu spiritus ordinatè omnia in corpore exequuntur, simul ac verò eadem aliquantulum transformantur, depravatè ac morbosè juxta eas ut agant spiritus, necesse est. Vitiari eadem solent à variis causis, à quibus conformatio partium lædi solet, quas vide in Institutionum Scriptoris, **SENNERTO**, **MOEBIO**, aliis. Nobis sufficiat, hoc loco annotare illas occasiones vitiatarum in corpore nostro Idearum naturalium, quis suppeditant ideæ peregrinæ vel imaginativæ saltem, vel seminales; de quibus vid. **M. MARCI L. C.**

parag. 36. Per imaginativas innuantur istæ, quæ sine ideæ materialis peregrinæ intra corpus nostrum receptione, per solam imaginationem, occasione objecti externi fortius commotæ, & fabricante spiritu nostro formantur. Hacque ratione spiritus unà cum sanguine, per firmiorem & inconsuetam magis imaginationem fortiori & magis peregrino, determinato tamen, motu fœtui molliusculo adhuc appulsi, varias figuras eidem intra uterum hospitanti affricant.

parag. 37. Legimus in **M. MARCI**, Gravidam à pomo, quod deperibat, prohibitam, enixam esse fœtum, è cujus malà pomum, proprio petiolo adhærens, pendebat. Recenset **BEKIUS** exemplum cujusdam uterum gerentis, quæ, cum Æthiopem inopinatè accedentem exhorresceret insigniter, in animi deliquium lapsa: cum ergo metueret fœtus nigredinem, adstantium unus (qui probè cognitum habebat, ideas hujusmodi, de subito & ex terrore conceptas; superveniente aliâ ideâ contrariâ, iterum deleri) suavit, ut statim lavaretur fœmina & secura redderetur, nullum post lotionem nigrorem in fœtu amplius observatum iri. Factum hoc, & ecce! tandem peperit fœtum candidum, nigrorem tamen reverà sibi impressum fuisse ostendentem, dum in locis, ad quæ manus lavantis non pertigerat, scilicet in interstitiis digitorum tam in manibus, quàm pedibus, nec non in inguine ac uno quodam dorso loco, nigredinis vestigia adhuc retinisset. Notum hinc similiter est, mulieres gravidas, de fœtu continuè sollicitas, quando aliquid vident de subito, à quo abhorrent, manibus statim involare faciem, hincque omnium frequentissimè Nævos hujusmodi faciei fœtus imprimere; quod si verò, statim à hoc ipsis contingit, ad se redeunt, antequam idea talis firmiter & perfectè ibi sigilletur, manu faciem iterum abstergant, hancque alii cuidam loco, oculis non adeo exposito, applicent, ex contraria imaginatione nævum illum huc transferri videbis. Porro per experientiam constat, ex frequentiore & firmiore pulchrarum imaginum aut infantum aspectu, firmius in phantasia radicato, conceptam pulchritudinem gravidas in fœtum derivare.

Ettmulleri Oper. Tom. I.

re: quod idem ex adverso ex turpiter conformatis labiis, leporinis &c. subito inspectis & firmius animo retentis, iisdem contingit.

paragr. 38. Nec potis solummodo imaginatio est, spiritu & sanguine mediantibus, partes certas præternaturaliter in fœtu formare, quin & naturales ipsa partes delere iterum valet, eas in liquorem primigenium colliquamenti resolvendo, uti ingeniosè suspicatur **M. MARCI loc. cit. Part. 4. S. 2. subf. 1. pag. 413.**; cuiusmodi possibilitatem experimentum Everardi ulterius confirmat, quo solà aqua calidà embryonem in materiam seminalem iterum diluit. Extra uterum partes ejusmodi amandari, uti **HELMONTIUS** vult, non probabile, & rectè, censet laudatus **M. A. R. C. I.**, eò quod nunquam extra uterum ejectæ conspiciantur, & hac ratione etiam fœtum imaginatione ejici posse sequeretur, ab iis imprimis, verba ejus sunt, in quibus pudor læsus, & infamiæ metus phantasiam in perniciem fœtus firmavit, quod tamen minimè procedit. Ut autem exempla partium ejusmodi intra uterum deletarum afferam, adduco eadem, quæ refert **M. A. R. C. I.**, scilicet mulierum duarum, quarum una manum gladio, altera brachium ictu sclopeti militibus quibusdam auferri videns, hinc horrore percussa, prior manu, posterior brachio destitutum infantem mox peperit. Imo aliam enixam esse Fœtum *ἀνέφαλον*, postquam decollari quendam viderat, mirando magis exemplo recenset.

paragr. 39. Consideratis hætenus imaginativis, ad peregrinas seminales nunc descendendo ideas, quæ materialiter ipsæmet corpus nostrum subingrediuntur, & tum ratione ideæ motus in pristino Corpore consuetæ, qua spiritus pollet, tum ratione particularum seminalium & determinatè figuratarum, juxta quarum ductum spiritus ille operatur, utpote quæ ambo ut plurimum intime conjunguntur, vim suam corpori nostro hostilem exerunt. Exerere autem hanc ipsam videntur, dum confermentatæ cum particulis sanguineis & spirituosius subjecti recipientis, & magis sic evolutæ, extensæ, ac multiplicatæ semper, sanguinem cum spiritibus transfluentem in loco, ubi istæ hærent, ideâ sua, vel etiam juxta **HELMONTI** peregrina vitæ mediæ indole, quæ in sapore aut odore vitioso consistit, sigillant, ac motu suo ipsis proprio spiritus nostros in consortium quasi trahunt: unde tot in corpore turbæ, tot gestuum & actionum transformationes & conformationes pro natura ideæ peregrinæ receptæ.

paragr. 40. Ex eadem causa factum, quod puella Uratislaviensis, de qua **BECHERUS in Microcosmo Medico** refert, ex potu sanguinis felini pro epilepsia tollenda haulto, felinos mores & naturam contraxerit, ita ut sub paroxysmo feles voce, saltu, gestu imitaretur, mures in silentio venaretur, latibulisque horum avida adstaret. Pari ratione ac aliàs notum est, ex eadem causa infantes nutricum mores imitari: quod eò magis confirmantur per exemplum infantis à capra nutriti & exinde caprinos saltus atque mores æmulantis, cujus meminit **Excell. Dn. PRÆSES Dissert. cit. de Morf. Viper.**

paragr. 41. Morbos sic pariter ac mores ab Animalibus rabidis læsi mutuuntur. A cane rabido demorsus homo latrat, ringit, omnia liquida, quod morbo canum rabioso proprium, horret, imo eadem nonnunquam cum canibus sagacitate odoris dotatur, ita ut amicos è longinquo accedentes, licet eos non videret, solo odore effluviarum, quæ continuè corpora emittunt, eum aëre ipsi adductorum, exactè quidam discerneret, & adstantibus hunc vel illum amicum appropinquare prænunciaret, quemadmodum observavit **BORRELLUS Cent. 3. Obs. 68.**

§. 42. Vidisse se quidam testantur in saliva canum rabidorum, & urina ab his demorsorum, semina sive ideas parvos catulos, qui revera se moverent, repræsentantes, quæ sanè admodum confirmarent, per idearum huiusmodi communicationem tales effectus concitari in demorsis: quoniam tamen hæc nonnullis, v. gr. *Aromatario Dissert. de Rab. Contag.*, dubia adhuc & imaginationis saltem illusiones videntur, donec ulteriore experientia hæc innotescant, in medio ea relinquo. Id interim annoto, veritatem huius rei non parum confirmare illam observationem, quam habet *SALMUTH. C. 2. Observ. 84.* de muliere, cuius fimbriam rogæ canis rabidus momorderat, nascentibus deinde in loco ambefionis vermiculis, similitudine capitis ad canes proximè accedentibus. Horum verò quidquid sit, id sanè certum est, effectus ejusmodi, Brutis vi idiosyncrasie feminalis ac specificæ, saltem proprios, in homine, postquam à bruto tali læsus, ordinariò sese exhibentes, non nisi ex simili causa feminali, proprietate specificè juxta naturam bruti illius agendi instructa, & intra corpus humanum recepta, produci posse.

§. 43. Hoc tantum paucis adhuc declarandum, quomodo nonnunquam ideæ huiusmodi peregrinæ ac morbosæ, postquam intra corpus receptæ fuerunt, pariter ac venena atque contagia nonnulla, tam diu in hoc latere queant, antequam vestigia sua ostendant. Fieri hoc videtur partim, quando communicatum *minuta* est minus agile vel viscidiori nimis inclusum tegmini, ut successivè demum hoc penetret & liberum magis evadat; partim quando subjectum recipiens ad suscipiendum illud est minus dispositum, & visciditatibus copiosis lentoque humorum motu præditum, ita ut ineptitudine hac ex parte demum ablata, istud in actum & scenam saltem prodire possit: quod imprimis ineunte de novo vere facile fieri potest, dum aer activis tunc particulis admodum refertus contenta corporis magis actuari & resolvi facit, vel etiam novo quodam miasmate hostili inspirato vetus illud simul excitat, ita ut sæpius anno demum exacto, imprimis post morsum canis rabidi, hoc in actum deducatur.

(a) Venena. §. 44. Pergo nunc ad considerationem venenorum, de quibus notandum, Veneni nomine quæ veniunt, respectivè solum ad corpus, quod in minutissima ut plurimum sui quantitate insigniter lædunt, ita vocari; nullum verò in se & absolutè tale venenum existere. Sic namque homini quæ sunt venena, cicuta v. gr. & Helborus, Brutis, Cornici illa, hic capræ, existunt alimenta. Scorpii ictus, teste *VIDIO in Operib. Medic. de Curat. Morb. Tr. 4. Lib. 2. Cap. 8.* nocent saltem in siccioribus, quos ita vocat, locis, non æquè in humidioribus, utpote quæ venenum valde hebetant, quemadmodum Pisis sæpius se observasse, idem testatur. Opium in nimia dosi sumptum saltem est venenum, non æquè, si circumspicte adhibeatur. Porro qui frequenti usu familiaria sibi reddunt venena quædam, ab iis postmodum non alterantur, ut in circumforaneis & iis videmus, qui generosiori cuidam & de subjectis venenatis petito medicamento frequentius utuntur, qui tamen ab eo prorsus non afficiuntur. Tandem animalia quoque; quæ venenata vocantur, minimè in statu metus, sed non nisi ad iram concitata, sicque affectu inimico adversus objectum, quod mordent, incensa, lethaliter illud afficiunt, observante *SEVERINO de Vipera Pythia*. Hinc est, quod viperæ hominem intrepidè eas persequentem, ex metu fugiant & minimè lædant, uti observat *ZWOELFERVS*. & annotat in *Animadvers. ad Pharm. Aug. Append. de Salib. Theriac. pag. 276. (edit. in quarto.)* Inde

etià Cicadæ à viperis in area, pro confectione Theriacæ, detentis, tanquam alimentum ipsarum consuetum, demorsæ nonnihil, sanguine per artem facile represso, sine noxa lethali morsum nunc pertulerunt, referente hoc *Excellentiss. BARNERO*, qui huic experimento in Italia interfuit ipse. Sic homo denique ipse irâ & furore actus, morsus venenatos & lethales infert, observante *HILDANO C. 1. Observ. 84.* Et quæ aliæ sunt circumstantiæ, absolutam venenorum existentiam infringentes.

§. 45. Proin respectivè solum, & quidem ad corpus humanum in specie, utpote in cuius saltem usum inquisitio nostra tendit, venena consideraturus, definitio illa, quod sint corpuscula subtilissima salina plus minus volatilia, in propria specie incontaminata, corporis tamen humani respectu ut plurimum acerrima, hinc ubi ab hoc suscepta, in minima etiam quantitate tantas alterationes, & turbas in huius succis ac genere nervoso inducentia, ut gravissima hinc symptomata, vel necem ipsam inferant.

§. 46. *Subtilissima ea esse corpuscula*, oppidò patet. Non enim crassum istud, antimonii v. gr. corpus, ut oculis subiicitur, veneni, quod in eo latet, formalitatem constituit, sed longè subtilius quid in eo reconditum. Testantur hoc infusa antimonialia, corpusculis nullo sensu palpabilibus imprægnata, iisque tam paucis ac subtilibus, ut licet centies unum idemque frustum vitri antimonialis novo semper vino infuderis, vix tantillum ponderis, nihilque respectu virium ac molis externæ, ei decessisse animadversurus sis. Particulis tamen quibusdam vinum ab eo fuisse imprægnatum, vomitus à singulis infusionis partibus excitati docent. In tantilla particula resinosa amara consistit vis venenosa purgans Colocynthidis: extracta enim hac per lixivium Salis Tartari, pomum pristini ferè ponderis remanet, sed omni vi spoliatum, quemadmodum experimentum hocce ab *Excellent. Dn. PRÆSIDE* didici. Ex ictu subtilissimi in Scorpione aculei & acutissimi in vipera dentis, vix vestigium læsionis, nedum particulas venenosas mediante ejus liquore aut salivâ communicatas videre potes: subesse tamen tales, & non solâ acuti instrumenti lædentis damna inferri subauguravit jam *GALENUS 3. de Loc. aff. cap. 7.*, ubi Scorpii aculeum non agnoscit sufficientem, sed substantiam insuper quandam vel spirituosam, vel humidam subesse suspicatur, quæ ut mole minima, ita facultate quàm maxima sit. Quin & persuadent hoc ponderosæ rationes, quas *Excellent. Dn. PRÆSES Dissert. cit. de Viper. Cap. 1. §. 1.* habet. Scilicet (1.) quod diversæ maculæ varii coloris mox insequantur, non nisi à principio materiali aliquo communicato ac sanguinem dictis in locis corrumpente, oriundæ: (2.) quod extrahentia, in principio statim adhibita, juvent: (3.) quod partibus carnosiss ex mortu tali læsis similia nihilominus symptomata sequantur; hincque appareat, non ob læsam saltem partem nerveam gravia hæc symptomata h. l. contingere: (4.) quod dentes non æquè acuti animalium quoque aliàs non venenatorum, in statu iracundiæ, lethalem æquè tragediam excitent.

§. 47. *Quoad alterum*: salinæ quod sint particulæ venenosæ, imprimis quæ ex minerali & vegetabili Regno depromptæ, *acrimonia earum* demonstrat, utpote solis salibus propria. De hac autem in ipsis præsentè varia testantur, ac primò ipsæ venenorum species, quæ acredine manifesta in sensum incurrunt; ut Mercurius sublimatus, purgantia fortiora, helleborus, euphorbium &c. quorum venenositatem in sale volat. acris consistere, *PECHLINUS Tr. de Purgantibus* egregiè ostendit, atque insuper ex eorum sapore

sapore caustico patet. Et quamvis arsenicum, aliaque nonnulla, ob intimiorem veneni ejus inclusionem ad gustum videatur dulce, ventriculo tamen immixtum rosione acrimoniam, quæ latebat prius, satis manifestat. *Secundo* quod cuncta vegetabilium & mineralium venena per temperantia corrigantur & mirificentur. Sic Mercurius sublimatur. si, addito novo Mercurio vivo, sublimetur, evadit dulcis & innoxie sub debita dosi & circumspeditione adhibetur. Mercurium vitæ per spiritum vini Sylvium ita mitificasse, ut *scdm* saltem operaretur. *Venerandus Præceptor, Excell. Dn. D. BOHN in Chymico suo Collegio, novissimè habito*, retulit. Et universale quasi venenorum ore haustorum temperativum atque correctivum præstat lac, butyrum, oleum amygdal. dulc. omniaque pingua ac diluentia quoque, ut aqua simplex copiose desuper hausta, dum diluendo hæc acrimoniam simul valde infringunt. Sic exemplum hic loci cognitum habeo cujusdam, qui ex errore aquam fortem bibens, hausta mox desuper copiosâ aquâ, ob omni noxa immunis reddebatur. De muribus res nota est, si arsenicum comederint, modò aquam desuper bibant, eos evadere.

§. 48. Acrimonia autem hæc duplex est, acida, aut alcalina. In vegetabilibus venenosis consistit eadem in sale volatile acri alcalino, quod aliquo modo patet ex eorum per acida castratione aut correctione, quæ tamen per alcalia fixa quoque procedit, quatenus hæc volatilitatem eorum tollunt, non tamen prorsus omni vi, quemadmodum acidaratione essentialis contrarietatis ut plurimum faciunt, ea spoliant. Mineralium venena in acrimonia acido-alcalina ac volatili consistere videntur; quod vel exemplo antimonii patet, cujus neque substantia acida sulphurea solitariè (e. g. Sulphur viridescens ex antimonio per Aquam Regiam soluto separatum; ad 3j. innoxie juxta TACHENIUM *H. C. pag. 245* procinatum) neque ejus pars alcalina mercurialis sola, per acida, v. gr. in bezoardicis fixata, sed ambæ saltem combinatæ, cathartice sunt. Particulam limitativam, ut plurimum acerrima, addidi, eò quod exceptio veniat faciendâ de animalium venenis, utpote quæ non tam in acrimonia, quàm motu spirituum affectu iræ impetuosius intenso, ideisque seminalibus frequenter determinato, uti per exempla superius allata constare poterit, consistere videtur.

§. 49. Volatilitatem particularum venenosarum arguit earum partim effectus ut plurimum maximè subitaneus, partim correctio earum per fixiora subiecta. In propria specie, cum Aromatario de Rab. contagiosa P. 4. particula X. incontaminatas easdem dixi, h. e. respectu corporis, cui propriè insunt, naturaliter sese habentes & minimè corruptas, ad differentiam contagiis, de quo paulò post, quod simili ferè principio quidem gaudet, sed in se præternaturaliter jam constituto & quasi putrido.

§. 50. Cætera, quæ definitionem complent, per se certa & res experientie sunt. Species autem venenorum & varios ea suscipiendi ac nos afficiendi modos hic tractare, non est hujus instituti, sed ex SENNERTI *Institut. Cap. de Morb. totius substant.* & ex CHARLE-TONE, qui imprimis de hac materia solidè agit in *Exerc. Pathol. 5.* nec non ex VIDII *allegato superius loco*; videri & dictis facile applicari possunt.

§. 51. Subnecto hic saltem, multa corpuscula in se innoxia, nec pro venenis ab ullo habita, nihilominus in certis subjectis facile mobilibus, subtilioribus, aut idiosyncrasiâ singulari præditis, æquè cum venenis gravia producere symptomata. Sic notum est de odoribus

nonnullis, e. gr. moschi in chirotheca eo infecta, quod vel tantilla eorum particula suscepta scæminas haud paucas, nec non viros quosdam literatos, in subitaneas conjiciat Lipothymias, suffocationes, & affectus convulsivos, hystericos &c. De qua tamen odorum efficacia infra pluribus.

§. 52. Progredior nunc potius ad principia morborum minuta, venenis valdè similia, *Contagia* scilicet, quæ in hoc potissimum à venenis differre dixi, quod in corporis, quod naturâ inhabitant, specie à statu naturali jam degeneraverint: De cætero in plurimis, etiam quod sub specie fermenti nonnulla venenorum agant, cum his conveniunt. Et cum *Fermenta morbosa* intra corpus nostrum genita cum contagiis valdè concordent, ipsaque hæc nil nisi fermenta morbosa extra corpus, in quo primùm nata, deducta ac in aliud quoddam corpus analogum tacitè derivata, morbum planè consimilem in ipso paulatim & fermentando quasi progignuntia sint; ideo iunctâ ambò operâ optimè considerabimus.

§. 53. Fermentorum nomen & doctrinam ex HELMONTIO potissimum habemus, satis tamen obscurè ab eo relictam, quam illustrarunt deinde nonnihil WILLISIUS & HERGERUSTr. de Fermentatione. Retamen longius penes me revoluta, nihil aliud tandem ea esse deprehendo, quàm particulas aereovolatiles spirituosas, materię cuidam lentæ seminali seu specificæ, salino-oleosæ, tenui tamen, intimius immixtas, quam ipsam dum in minima resolvunt, ac in similem sibi substantiam convertunt, (quod suis finibus clientem qualitatem coaptare vocat HELMONTIUS Tr. sextupl. Digest. &c. §. 14.) in atmosphæram quandam odoratam quasi cum illis diffunduntur, perque hanc in obiecta vicina adæquata agentes, parva sui quantitate magnam horum massam in eandem cum ipsis naturam transmutant, parilemque vim immutandi eidem communicant. Crassa horum exempla habemus in flore cerevisiæ vel panis fermento rebus fermentandis addito, quorum exigua portuncula in massam ingentem vim dictam exercere solet. Nec tamen crassum illud corpus, quod pro panis v. gr. fermento habemus, sed longè quid subtilius in eo latens, fermentum propriè constituit.

§. 54. Corporeitatem, liceat mihi technicè loqui, fermentis plurimi Autorum, ac ipse imprimis HELMONTIUS Tr. Causæ & Initia Naturalium. §. 24. & alibi passim, denegant, ac medium quid inter substantiam (per quam corpus innuere videntur) & accidens ea esse fingunt. Quod tamen quàm difficile & vix possibile conceptu in naturalibus sit, videant ipsi ejus Patroni ac assertores. Rationes negandi eorum prægnantissimæ sequentes sunt. Primò, quod fermenta ejusmodi non possint converti in substantiam palpabilem: sed quoniam cum spiritibus hac in parte coincidunt eadem, facile etiam salva ipsorum corporeitate, pariter ac hi sensuum externorum perceptionem, ex superius probatis, eludere poterunt.

§. 55. Altera, quam obiiciunt, difficultas est, quod extensio actionis eorum in alia corpora penè multa, longè superet tantilli, si fermentum materiale statuendum sit, corpusculi quantitatem & potentiam expansivam. Id quod tamen minimè concedendum iis, propter exempla, quæ miram ejusmodi minuti corporis extensionem, antea vix conceptibilem, sensuum judicio submitunt, qualia benè multa adducit *Illustris. à BOYLE in Tr. de effluviis & Atmosphæris Corporum &c.*, ac quidem, quod primum est, stupendam auri extensionem, utpote cujus unciam unam ad 77.76000. pedes, h. e. ad 155. milliaria & plus quàm dimidium, sub deauratione fili argentei, extendi, idem Author certis experimentis deprehendit.

Et qui fidem his derogat, adeat Braſteatores & ductores auri, ac mira caprumque ſuum ſuperantia videbit percipietque.

§. 56. Altero loco pono ejuſdem *BOYLEI* experimentum, quo accepit granum ſemis pulveris pyrii, hoc imbrici impoſuit, & vaſe vitreo ſatis capaci cooperuit, quod pro tegendo ſuperiore orificio laminā cupreā erat inſtructum. Accenſo intra hoc pulvere illo pyrio, fumus ejus totam vitri cavitatem (quæ ultra 29. ſſ. aquæ aliāſ capiebat) replevit, & operculo ablato poſtmodum per horæ circiter ſemiquadrantem continuò per orificium apertum erupit, ſpatio adeoque ad quod fumus ſe porrigebat, computo exactè inſtituto, quinquagies millies excedente illud, quod granum ſemis pulveris illius nondum accenſi capiebat.

§. 17. Sit tertio nobis loci odorum miranda diſfuſio. Ex unico gummi cujuſdam odoriferi, e.g. *Styracis*, granò prunis injecto totum conclavè fumo & odore adimpletur. Annus & quod excurrit, eſt, ex quo *Excell. BARNERUS in Chymico ſuo Collegio*, præſente inter multos alios & me ipſo, ſequens tentamen inſtituit. Accipiebat circiter duas guttas olei deſtillati anifi ſubactis iſdem in mortario cum pauxillo vitelli ovorum, aquā ſimplici commiſcuit, ſucceſſivè ſemper plus hujus ſuperaffundendo, ſicque, quantum memini, ultra ſex vel ſeptem meſuras, quarum una 3. libras circiter continet, extendit ſic, ut aqua omnis odorem ac ſaporem anifi referret: imò aſſeveravit, ſe hoc modo unicam guttulam olei deſtillati aurantiorum ad 10. Cantharos ejuſdem capacitatis extendiſſe. Biennium fere eſt, ex quo aſſervavi in vitro quodam aquam cinnamomi ſpirituofam, conſumptā hac, elui ſæpius vitrum hocce cum aqua ſimplici, interjecto nonnunquam aliquot ſeptimanarum ſpatio, & aqua omnis ſaporem odoremque cinnamomi aliquantulum adhuc exhibuit, vitro nihilominus adhuc odorem cinnamomi leviter ſpirante; ut adeo verum ſit illud:

Quo ſemel eſt imbuta recens, ſervabit odorem Teſta diu.

In Chirothecis odoratis quantillum, quæſo, eſt, quod unum eorum par poſſidet odoriferi, dum paucis floribus laſmini, ut ex relatione laudati ſæpius *Dn. BARNERI* habeo, ſtratiſſicatis vel centum eorum paria Venetiis inſciunt: obſervavit tamen incomparabilis *BOYLE* cit. *Tr.* in quibusdam Chirothecis ultra 30. annos odorem adhuc perduraſſe & hodieque perdurare, cum tamen impoſſibile ſit, quin ſemper aliquid de iſis exhalet. Imo, quod majori admiratione dignum, quò magis extenduntur & ſubtiliſantur particulæ odoratæ, eò magis energiam ſuam comonſtrant. Sic ambrā non, niſi reſoluta ſaltem, v.g. cum oleo quodam deſtillato, odorem ſpargit, & ejus 3j. fermentata cum Muſto, ultra 30. hujus meſuras odore ſuo imbut: quod experimentum in *Laudatâ Collegio Phyſico* Lipſiæ hic inſtitutum fuiſſe, refert *Excell. BARNERUS*; ſimul exemplum aquæ roſar. deſtillatæ adducens, quam in Italia, vbi copioſè paratur, ſub ipſo deſtillationis, adeoque reſolutionis actu, majorem longè quàm aliāſ, odorem, & talem quidem, qui integras plateas impleat, ſpargere teſtatur.

§. 58. Ecquid verò odores aliud, quàm corporis, ex quo prodeunt, particulæ minutiffimæ, ſalino-ſulphureæ, reſolutæ & ad ſubjectum uſque, quod afficiunt, materialiter diſperſæ propagatæque? Incorporeæ enim ſi eſſent, ſenſu minimè poſſent percipi; ſiquidem proportio inter organum & objectum requiritur, & quæ immaterialia ſunt, ſub ſenſum nunquam cadunt. Ut taceam eorum corporeitatem exinde ſatis conſtare, quod corporibus peregrinis occuſantibus haud paucis adhæreſcant,

diutiùſque in hiſ perſiſtant. Ex quo proinde patet, nec fermentis, utpote quæ cum odoribus hac in parte coincidunt, & ſub odorum ſpecie agunt, ſimilem extensionem ac corporeitatem eſſe denegandam.

§. 59. Dari in corpore noſtro huiſcemodi fermenta, eaque diſtinctæ naturæ, ut plurimum tamen acidæ vel urinoſæ, aut ex utriſque mixtæ, varia ingeſtorum alimentorum pro partium, ad quas deveniunt, diverſitate, reſolutio, immutatio ac aſſimilatio, nec non diſtincta partium nonnullarum, ventriculi, renum &c. fracedo, oſtendit. In ventriculo immutantur alimenta fermentatione in chylum acidum pro odoris, qui in diſto loco deprehenditur, naturā. In inteſtino duodeno ſaluſ idem fit à bilis fermento admixto, & particulas recrementoſas paulatim ex ſe dimittere incipit. Sanguini ubi infunditur idem, ſub ſucceſſiva circulatione ac fermentatione tandem reſolvitur plurimam partem in nectar rubicundum à particulis ſpirituofis fermentativis ſanguini in-exiſtentibus. Partibus deinde ſingulis aſſimilatur & in earum ſubſtantiam convertitur, procul dubio quoque ratione cujuſdam fermenti in iſis localis ac ſeminalis; ſiquidem à ſola appoſitione particularum, quod *CARTESIUS* vult, coagulatione, firmatio & conſolidatio ejus in partis ſpecificam ſubſtantiam, procedere non poteſt. Serum ab eodem ſecernitur, & quidem in renibus, fracedinoſo ac urinoſo odore hiſce connato imprægnatur, ſub eoque foras excernitur; quod idem ſerè fit ſub ejus per cutis glandulas miliares, quæ ut plurimum aliquem odorem, fermenti indicem, ſolent ſpirare tranſcolatione; ut taceam de ſaliva, quam fermentum aliquod in ſe ſovere patet, eò quod rebus facilè fermentabilibus addita fermenteſcere hæc faciat, unde non ſine cauſa mulierculæ, dum ſaccharatas confectiones parant, vel in aliquo loco aſſervant, puſillos ſalivantes ab hiſ arcent.

§. 60. Fermentorum in corpore ſapor aut odor, ſi à quacunque cauſa rerum non naturalium præternaturaliter alteretur, aut manifeſtus nimis fiat, evadunt iſta morborum ſatis ſubinde magnorum parva initia, *HELMONTIO* (*Tr. Magnum Oportet* §. 25.) Vitæ mediæ proprietates peregrinæ appellatæ. Hæquæ ſunt potentie Hippocraticæ ſalinæ, de quibus hicce *Lib. de præſcâ Medecinâ* dicit, quamdiu temperatæ eadem ſint in corpore noſtro, eas hominem non lædere, mox verò ac conſpicuæ ſeu manifeſtiores evadant, ita ut acidum fiat acidiffimum, amarum amariffimum, dulce dulciſſimum, continuò morbos nobis afferre. Ut proinde non immeritò *Celeberr. FRANCISC. de le BOESTLVIUS* Praxin ſuam ſerè ubique fundamentis hiſce morborum ſalinis ſuperſtruat, iſique præternaturaliter vitiatis, contrarii ſaporis ſalini remedia ſummo cum Imitantium ſucceſſu opponat.

§. 61. In ſpecie verò, ſi alcalinum & volatile in exceſſu atque acredine peccet, naſcuntur exinde ut plurimum morbi breves, imprimis acuti, ardentes, maligni; ſi verò acidum & fixum, emergunt morbi magis Chronici. Neque enim exiſtimandum, Chronicorum ſtatim eſſe grande molis initium, quale in progreſſu apparet productum, quod ſanè à cauſa primitivâ probè diſtinguendum. Quinimò primum eorum initium pariter admodum parvum eſt, & in tantilla ſæpius cauſa occasionali, fermentum ventriculi fixius ac acidius nonnihil reddente, conſiſtit, adeò ut inſenſibiliter proinde tales morbi, eorumque quaſi Primates, Malum Hypochondriacum & ſcorbutus, oriantur, nec prius ſerè conſpectui ſe ſiſtant, niſi poſtquam profundius jam radicati, adeoque tam tardè difficileſque tunc exſtirpati ſunt, cum tamen, ſi ſub exordium ſui ſtatim innoteſcerent, tantillo medicami-

camine auferri possent. Rectissime hinc sano sensu dixit *SCHÖENBORNERUS in Manual. Pract. pag. 141.* quemadmodum lapis à gutta pluviae excavatur, (seu primum quasi excavationis initium accipit,) ita à gutta quasi rerum non-naturalium successive fieri impressionem, quæ cum morbus manifestus tandem fit, ultimo delicto præpostere imputatur. Illustrat hoc observatio, quam habet *DIEMERBROECK IUS in sua Anatom. pag. 510.* collecti successive in Lapidæ famulo pulveris subtilissimi lapidum in vesiculis pulmonum, sicque asthma, quo ille tandem obiit, postquam coacervatus admodum esset hicce pulvis, procreantis.

§. 62. Cum Contagiiis eodem modo se res habet; eadem eorum differentia, ut alia sint alcalina, alia acida &c., idem etiam lædendi modus, ita ut producant ista morbos breves, acutos, febres scilicet malignas, pestilenciales &c. hæc verò Chronicos, ut scabiem, luem veneream, aliosque, de quibus videatur *Excell. D. MAUR. HOFMANNUS Tr. de Morbis contag.*

§. 63. Quoad originem verò Contagiorum annotatum *CHARLETONE in Pathol. Exerc. pag. 192.* & *BOYLEO loc. cit.*, ex quibuscumque corporibus ferè effluere indefinenter corpuscula quædam suo vaporum forma, quæ in Aëre circumcirca velut nebulam ad extremum diffusionis suæ terminum constituunt. Atmosphæra nomine venientem. Effluvia hæc naturam corporis, ex quo promanant, exactè referunt, eadem ferè cum iis, quæ in corpore adhuc latent, habent vires, ita ut pro majore earum efficacità & hæc validiorem ostendant potentiam: quæ ratio videtur, cur effluvia, quæ ab electricis corporibus ejaculantur, paleas saltem aliaque levia versus se moveant alliciantque, quæ verò à Magnete, ferrum attrahant; item, quæ à sulphureis aut volatilibus aromaticis oleosis corporibus, Succino, Camphorâ, Moscho &c. diffunduntur, totam viciniam odoribus repleant. quæ ab aliis verò fixioribus & agilibus minus, vel nullum vel non diffusum adeo, aut penetrantem odorem spargant.

§. 64. Continuum hunc particularum ex corpore effluxum *laudatus modò BOYLEUS* variis experimentis confirmavit, dum exactâ balance eadem trutinando continuò tantillum aliquod decrementum fieri observavit. Quod idem in Homine ac seipso tentavit cum eodem successu *SANCTORIUS* pro Transpiratione hominis insensibili investiganda, qui sellæ, quæ stateræ erat appensa, insidens, ex corpore leviori successive reddito deprehendit, unicâ die per insensibilem transpirationem tantum evacuari, quantum per alvum 15. dierum cursu, quemadmodum de hoc videatur *ejus Medicina statica §. 1. aph. 60.* Imò Transpirationem hanc insensibilem ulterius confirmant canes venatici, qui non solum ferarum, sed & Hæri proprii, quamvis longius, & quod *BOYLE loc. cit. pag. 132.* refert, septem milliari jam progressi, vestigia solo odoratu exactè insequuntur.

§. 65. Quod si ergo contingat, ut in certo Aëris Tractu, vel ex Mineralibus, post diuturnam incarcerationem, terræ motum, Solis calorem nimis exaltantem, aut novas quasdam mutationes subterraneas, (à quibus novos epidemicos morbos derivat *BOYLE in Cosmiciis suspitionibus pag. 25.*) effluvia venenata & diversimodè corrupta ac combinata exhalant; vel ex cadaveribus insepultis, locis squalidis, palustribus aut Cœno stagnante foetidoque oblitis, miasmata, putrida quasi, exsurgant, Aëremque hoc modo inquinant, inspirata cum eo simul intra Corpus Animale præternaturaliter hoc, e.g. Peste, afficiunt, ejusque humores corrumpunt. Cumque ab Animalibus, ac ipso homine, sic inquinatis, similia semper effluvia morbosa per os etiam, ex-

halent, facile postmodum ab aliis quoque vicinis simili modo suscipiuntur, aut corpori horum affricantur; quod ipsum si in Crasi seminali cum priori Animali, ex quo contagium hoc morbosum manavit, conspiret, (unde inter consanguineos & certa genera animalium nonnunquam effectum solummodò sortitur) simili inde morbo afficitur, sicque contagia hæc sensim multiplicantur & in plura se diffundunt subjecta.

§. 66. Ac sanè tantillum sæpe est, quod pro hujus propagatione sufficit. Etenim quàm exiguum haud rarò, nares odore peregrino molestant, totum corpus illud inquinat? Quantillum ex manu scabiosa susceptum, similem in universo corpore luem producit? Sic tantillum sæpius est quod corporibus inanimatis, raris imprimis ac porosis, linteis &c. adhærens & per aliquot annos quiete in iis persistens, dum quacumque occasione ea de loco in locum moventur, iterum resuscitatum expirat, & novâ peste, vel morbo contagioso alios homines inficit. Exempla talia per quam multa in Authoribus leguntur, *BOYLEO c. l.*, *CHARLETONE*, *DIEMERBROCK de Peste, L. I. C. 10. pag. 68. f. aliisque.*

§. 67. Quæ hæcenus adductæ morborum causas occasionales proximæ, spiritus ac humores immediatè fere affecerunt. Paucis adhuc partium continentium ac nervarum imprimis, tantillæ læsiones contemplandæ, ex quibus unâ cum partibus contentis totum corporis systema sæpius in consortium trahitur. Summus rerum Conditor sapientissimo consilio corpus nostrum ita construxit, ut se habeat instar Machinæ hydraulico-Pneumaticæ; hujus rotulæ seu fibrillæ cuidam nervæ, ad motum necessariæ, si tantillum impedimentum vel læsio inferatur, plures partes, nisi & tota Machina compatitur. Patet hoc per exempla.

§. 68. Ut à levioris momenti causis incipiam, perpendamus tantillum pulvisculum oculis illapsum, vel Cilii pilum intrò versus oculi bulbum deflexum aut crescentem, quantas mox creet molestias, lymphæ effluxum, sanguinis stagnationem, hinc oculi inflammationem, non omni semper periculo carentem, ni causa comprimens maturè auferatur. Vertebrarum dorsi levis subluxatio aut contorsio, *Germ. das Weibthum* vocata, dum nervi & vasa sanguifera leviter sic saltem comprimuntur, quanta, quæso, interdum excitat symptomata per consensum nervorum & spirituum, lipothymias, sudores syncopticos, difficilem respirationem, nauseam, vomitum, virium prostrationes, ita ut mors interdum instare videatur, meritoque proinde restitutio (*das Girancken*) quantocius instituenda sit?

§. 69. Hæcque saltem ex compressione tantilli nervorum spatii oriuntur: graviora longè symptomata superveniunt, si ipse nervus vel tendo quidam, circa articulum imprimis, aut etiam membrana quædam sensilis pungatur, aut vulneretur, unde universi sæpe corporis oriuntur convulsiones, interdum Gangræna & ipsa nonnunquam mors, quemadmodum *PAULI in Parekhast de Febr. Malign. aliisque observant.* Similiter *BONETUS de abdit. Morb. Caus. ex cadav. dissect. relevat. L. I. P. 1. cap. 13.* exemplum refert pertinacis, & duodeccennalis Cephalalgæ ex parvis diploidis internæ particulis diffractis & Meninges tantillum pungentibus.

§. 70. Nec à fortuitis hujuscemodi saltem causis partes nervosæ tantopere læduntur: idem enim & potentius longè præstant nonnunquam causæ internæ. Sic peregrina quædam aciditas fastidiosa aut plexum mesentericum rodens in colica convulsiva, partes dictas haud rarò mirum quantum contorqueri, & universum corpus ex consensu convelli facit, quod præcipuè in Infantibus tenellis quotidie ad oculum ferè patet, in quibus fons Epilepsiæ ut plurimum circa intestina hæret. Et quæ similes aliæ sunt causæ

(s) Læsiones exiguæ partium continentium, nervosarum imprimis.

causæ tantillum systema nervosum irritantes, gravesque sic morbos producentes, quas singulas ex professo hic adducere, diffusum nimis foret. Videri prolixius tamen de talibus potest **WILLIUS de morbis convulsionis.**

(b) Remedia parva.

§. 71. Morborum magnorum quemadmodum exigua ut plurimum sunt initia, ita & parva sæpius quantitatis, magnæ tamen efficaciar, eorum existunt medicamina. Ac parum abest, quin omnium ferè morborum minima dicam esse remedia, haud dissimili ratione ac primordia in omnibus ferè morbos affectibus parva asserui. Licet enim, antequam corpori ingeratur, medicamentum, non omne sit minutæ adeò doses, ad partem tamen affectam nonnisi sub forma minimi ut plurimum pertingit eique medetur. Ut enim ex corde in universum corpus ejusque partes unà cum sanguine, tanquam vehiculo, distribuatur, in minima sanè distrahi vel discerpi illud necesse est. Propelli verò hoc ad singulas Machinæ nostræ partes, circulatio sanguinis docet, utpote cujus lege huic vel illi saltem parti adduci nequit, siquidem cor pellens ad quasunque partes indeterminatè se habet, & præterea manifestè videmus sanguinem, qui unà pulsatione ex corde effunditur, & medicamentum necessariò intimè confusum sibi continet, tam in ramos Arteriæ magnæ, qui ad superiorem, quam qui ad inferiorem corporis truncum ejusque singulas portiones tendunt, distribui ac urgeri. Cujus proinde intuitu nec adeò scrupulosos semper esse necesse est in Parte affecta latentiores dignoscenda, cum medicamentum, contra proximam Morbi causam probè directum, mediante Circulo sanguinis ad quasunque Corporis Partes deferatur, eamque sic, ubicunque hæserit, corrigere vel educere possit, juxta **CARDILUC. Præf. in Pr. Chym. HARTM. DRAVITZ. de scorb. p. 199. & PARACELSUM T. 5. pag. mibi 81.** Si proinde medicamenta, quorum vis ac dosis non adeò concentrata, non nisi sub forma minuta parti affectæ medentur, quanta erit subtilitas particularum, in quas medicamenta, etiam extra corpus minima, diffundi similiter opus est, quemadmodum revera fieri ipsa experientia demonstrat.

§. 72. Dari verò medicamenta, sub minuta mole insignem efficaciam soventia, ex seqq. patebit. Crasis medicamentosa in exiguo ut plurimum consistit principio, quod, si à quilibet reliquis, quæ illud in operando valde impediunt ac stomachum saltem onerant, separetur, sub dosi granulari tantum, imo plus præstat, quam integra libra totius simplicis, quemadmodum **LE FEBURE Chym. Part. 2. L. 1. Proæm. in fine** docet. Apparet hoc in Resinis purgantium extractis, Scammonii, Jalapæ &c., in quibus omnis vis cathartica concentrata est, ita ut ad grana paucissima propinata sufficientissimè purgent. Spiritus vitæ aureus Rulandi, qui nil aliud, quam Extractum Colocynthis, ad guttas 20. propinatus, dat purgans æquè validum ac potiones vel decocta purgantia ad integras libras propinata; quod remanet ab extractione, omni & amaro & vispo-liatum est, antiqui tamen ponderis ferè. Minimum & insensibile prorsus est, quod ex Antimonio extractum vomitus movet, hoc in sapam vomitoriam, Sylvio adeò commendatam, si redigatur, ad gr. j. iii. assumptum sufficientissimè operatur. Pro scopo diaphoretico oleum destillatum Guajaci guttis 8. 10., integris aliorum haustibus vix cedit efficaciar, nec aliquot grana salis volat. viperarum, cornu cervi, integris pulverum aliorum acervis. Quod idem affirmandum de spiritu salis ammoniaci, qui simul acidum viscidumque egregiè tollit. Contrario saporu alcalino nidoroso vel dulci aliquot guttæ spiritus cujusdam aciduli, e. g. sulphuris per camp., me-

dentur. Porro olea destillata essentialia, absinthij, cochleariæ, sub concentrata unius guttæ dosi essentiar ipsorum integram unciam effectu superant. Ac olei destillati Cinnamomo unica guttula quantum in momento reficiat, narrabunt illi, qui Lipothymia prostrati, tantillâ ejus in apicem linguæ illinitione iterum exsuscitati, & ex orco revocati sunt. Opii granum quantillum est, quod tam divinam sæpè præstat opem, si circumspectè adhibeatur? Et hoc ipsum ut *specialius hæc applicem*, meritò generale quasi morborum remedium esse dixeris, dum spirituum exorbitantias, in omnibus fere morbis accusandas, tam mirè compescendo, naturæ ita succurrit, ut interim causa morbosa occasionalis eò melius exturbari possit: in quo ipso cuncta tantopere expetita, remedia generosiora universalia, sulphura metallica fixa, cum eo fere conspiciant, nisi quod ratione causæ morbi simul vim debeant possidere, quodcunque acre temperandi ac corrigendi.

§. 73. Hoc sanè affirmare omninò licebit, Initia Magnorum Morborum dum adhuc parva, utpote cum quibus saltem negotium hic nobis est, pharmacis etiam exiguæ molis facile extirpari posse. Specialius ac prolixius tamen omnium, de quibus egi, parvorum Morbi initiorum curam ut annectam, vix expectabis, Lector Benevole, cum quasi generaliter de ipsis iisdem Morbis in antecedentibus saltem dixerim, prætereaque limites hujus Exercitii nimis excrescerent. At brevissimis nihilominus annoto sequentia.

§. 74. Ideæ imaginativæ, si curabiles adhuc, vix aliter, quam contrariæ imaginationis firmâ persuasionem mutantur in melius; Seminalium cura vix omnium promittenda est: quæ tamen morsu rabiorum communicatæ, quo & Venena ab Animalibus illata pertinent, primo sui initio tolli iterum possunt, si (1.) illæ ex loco læso mox evocentur, antequam altius in corpus progrediantur, quod fit partim ligaturis, partim scarificatione ejusdem, ac extrahentium applicatione: (2.) Per sudorifera alexipharmaca, sicubi quid massam sanguinis jam subintravit, statim eliminetur. Venena per os hausta omnium optime per vomitorium statim educuntur, ac per alexipharmaca temperantiaque, de quibus supra, corriguntur; acidæ quæ sunt naturæ, iis alcalia, alcalinæ indolis acidæ, & volatilioris consistentiæ figentia opponendo. Contagii idem ferè medendi modus competit; nisi quod in morbis epidemicis, Peste &c., accedere insuper debeat Aëris per particulas odoratas antidotales, at quantæ subtilitatis corpuscula! correctio, quo in puncto fumus sulphuris imprimis excellit. Fermentorum naturam cum contagiis coincidere ferè dixi, proinde nec cura horum adeò discerpabit, imprimis attendendum erit, ut sapor odorque morbosus in his per contrariæ ac specificæ, si fieri potest, naturæ medicamina tollatur. Quoad læsiones externas partium nervosarum, curantur hæ, si spinam, h. e. causam lædentem, genitumque inde acorem hostilem abstuleris, spirituum exorbitantias per opiata & nervina aromatica nonnihil compescueris, & læsionem factam debitè iterum consolidaveris.

§. 75. Minimum proinde cum peccet in recensitis morborum generibus initium, indicatio in tantillâ saltem hujus ablatione consistit: quæ cum per remedia minimæ & minus adversæ molis obtineri possit, quid opus erit, ut tam frequenter & circa necessitatem, ut plurimum, in jucunditatis, quæ in medendo semper spectari debet, legem peccemus, ac bicubitalibus compositionibus, decoctis ac haustibus horrendæ quantitatis, aliisque medicamentis ad nauseam diffusis, ægros oneremus ac moremur? Ægri verò ex hisce discant maturè, quando tantillum erratum

V fus prægreffe Diagnostico-

ratum commiserunt vel perentiscunt, remedia vel Medicum in usum vocare, si sumptuum & curæ longinquitatem evitare volunt. Adeo namque vetus illud verum est:

Principiis obsta, sero medicina paratur.

Cum Mala per longas in valvere moras.

paragr. 76. Minima, fateor, de minimis, quæ proposueram, attuli. Sufficenter siquidem ac specialius de singulis acturo, non aliter ac maximi ex iis effectus, ita & maxima Speciminis hujus,

limites tantilli Exercitii longè excedens, & in integrum Tractatum diffusa, excresceret moles. Condonabis igitur, Lector Benevole, sin minus ab omni parte curiositati Tuæ, vel etiam stylo limatori, satisfeci, & Temporis angustia, quo hæc scribere cogor, ejusque Legi, quæ aliò me vocat, & brevius, quàm proposueram, abrumpere jubet, ex parte hoc adscribes. De cætero admiraberis mecum Divinum Numen in minimis tam Naturæ, quàm Morbi ejusdemque Medelæ, maximum ac admirandum, cui sit soli GLORIA!

DISPUTATIO IX.

INNAUGURALIS

DE

TEMULENTIA

Quam

P R Æ S I D E

MICHAELE ETTMULLERO,

Philosophiæ & Medicinæ Doctore, & Facultatis Assessore,

P R O

L I C E N T I A

Impetrandi Honores in Medicina Doctorales Publico Eruditorum examini subiecit

A U T O R

M. JOH. FRIED. ITTIG, LIPS.

Med. Bacc. & p. t. Illustriss. Com. de Taube
Medicus Ordinarius.

die III. Octobris, Anno M. DC. LXXVIII.

A & Ω

PLATO in Timæo ad decimum octavum vino abstinuisset penitus juvenes, ad quadragesimum dilutum bibisset, ab hoc verò largius & meracius, non tamen ad ebrietatem, hausisset refert. Carthaginensium quoque legibus sancitum erat, ne Princeps eo anno, quo imperaret, vinum biberet. Persæ utebantur tantum vino pro incitabulo ingenii & virtutis, & eo tantum die, quo Soli sacra faciebant, ad ebrietatem bibere Rex concedebat: ATHEN. L. X. Penes Romanos sub mortis pœna interdictam fuisse Temulentiam M. MENACII Uxor proprio corpore experta est, à Viro virgis ad mortem cæsa, quod è dolio vinum bibisset: VALERIUS MAXIMUS. Sed ceciderunt Majorum instituta, quæ sobrietati patrocinabantur, & primum in scelera humanum genus proprio astu non pauca invenit venena, quibus vino minime contentum spontaneam inferre posset insaniam. Verum enim verò, ebrietatem pœna comes premit, & phalanx morborum ipsam insequitur; Caput fœdis exhalationibus dirumpitur, cerebrum vertigine tentatur, oculi torquentur, aures undoso spiritu crepant, lingua vacillat, sermo futilis, oris halitus teter, stomachus subvertitur, cordis palpitatio, manuum inepta & insana gesticulatio, pedum incertus lubricusque gressus, inquietæ nocturna, turpes ronchi, furiales somni, alvi & vesicæ spurcissima solutio, ut in hac eluvie (quemadmodum in ceno lutulentæ fues) per sæpe volutantur. Vid. JASON. PRATENS. Tr. de curandis Cerebri morbis cap. 20. Miror interim paucos inveniri practicos, qui prolixè satis alios morbos enarrantes aliquid de ebrietate immiscuerint, fortè quod Medici rarò ad eandem curandam vocentur, uti putat FORESTUS L. 9. Obs. 28. schol., frequentius verò ad morbos, qui hanc sequuntur. Cum itaque ebrietas in specie ex vino frequens causa morborum existat, ita ut RONDELETIUS M. M. cap. 13. scribat, in Britannia Medicos divitias sibi colligere ex solis affectibus à Temulentia ortis, à paucissimis verò Medicorum attendatur, placuit indulgente Gratiof. Facultate Medica de hac ipsa materia disputando in ejus tam causam, quam medelam inquirere: Annuat Deus!

§. I.

Temulentia, cum à prisca voce *Temetum*, quod vinum est, derivetur, vi nominis eam tantum Ebrietatem designat, quæ à copiosa vini ingestione ortum traxit. Inde à tractatione nostra omnes Ebrietatis species ratione Etymologiæ excluduntur, quæ ex aliis, quam vino, spontaneam hanc infaniam inducendi vi præditis, contrahuntur.

§. 2. Excluditur ita ebrietas (1.) ex aqua, qualem ex potu amnis Lyncestii contrahebant.

Hunc quicumq; parum moderato gutture traxit.

Haud aliter titubat ac si mera vina bibisset.

OUID. l. 15. *Metamorph.* Lyncestii aqua acidula vini modo Temulentos facit; **PLIN.** *hystor. natural. lib. 2. cap. 103.* **SENECA** *quest. natural. 3. cap. 6.* Sic pisces ex Ponto Euxino si in aquam dulcem projiciantur, inebriari tradit **BACON** de **VERULAM.** *Hyst. naturæ & artis.*

§. 3. Excluditur (2.) Ebrietas ex *Cerevisia*, quod *οἶνον ἐκ κριθῶν* vinum ex hordeo vocat **THEOPRAUTS** de *Plantis* l. 6. c. 15. *οἶνος κριθῶν*, vid. **Dioscorid.** Quò refero omnia ferre potuum genera ex fructibus per ferment. parata. **VIRG. Georg.**

Pocula lari

Fermento atque acidis imitantur vitia sorbit.

Hinc **Plin. hyst. natural. l. 14. c. 22.** Est occidentis populis sua Ebrietas fruge madida. Mira vitiorum solertiâ inventum est, quemadmodum aqua inebriaret. Conf. **PLACOT. SCHOOCK, MEIBOMIUM** &c. de *Cerevisia.*

§. 4. Ebrietas (3.) ex *Lacte* Tartaris & Scythis non infrequens. Paratur autem, ut inebriandi vim acquirat, duplici modo: Vel (a) per fermentationem, quod Chymum & Pozam nominant, (Hunc potum **PROSP. ALPINUS** de *Medicin. Egypt.* ex farina loliae, seminibus cannabis & aqua componi asserit;) quem modum ex **IOH. LUCÆ** relatione de *Tartaria* gallicè conscripta citat **Dominus D. ETTMULERUS** *Disp. de Med. Hipp. Chym.* c. 3. §. 7.: Vel (β) per distillationem. Et probabile hoc videtur (inquit **SENNERTUS** *Pr. l. 4. part. 2. de Inf. morb. cap. 7. de Siriasi*) cum lac butyrum multum, quod pingue & oleosum est, in se contineat. Dixi verò alibi (sunt verba Sennerti) pingua & oleosa omnia, spiritus Chymicis dictos, suppeditare, & olea à spiritibus vix aliter, quam substantiæ modo, differre.

parag. 5. Ebrietas 4. ex *Opio* Turcis ita familiaris, ut in proverbio dicant: Opium comedisti **BELLON.** *Obs. l. 3. c. 15.* Quod an idem sit cum Maslach Turcarum, uti **SENNERTUS** *Pr. T. I. Part. 2. cap. 6. contra Turnbeiserum* disputat, an verò compositum sit, uti credit **P. ANDR. MATTHIOLUS** l. 3. *Epist. pag. 180.* in medio relinquo.

parag. 6. 5. Ex rebus narcoticis. Horum enim vis antequam eò progressa est, ut stuporem excitet, prius Temulentiam & delirii quoddam genus producit. V. g. *fol. cannab.* ex quibus bolos parant *Ægyptii*, quibus utuntur sub nomine *Assis*. *Lolii semen*: hujus farinam cum *fol. cannab.* miscent & plus quam assis præstare dicunt; **PROSP. ALP.** de *Med. Egypt.* l. 4. c. 2. Huc pertinent *nucēs insane*, de quibus **CLUSIUS** *Exot. l. 2. c. 26.* *Nux myristica*; vid. **LOBELIUS** *Obs. stirp. Cortices Mandragoræ*; vid. **SCHROED.** *Pharmacop.* Rad. Tuberis **THEOPHRAST.** l. 9. *hyst. Plant.* Nicotianæ fumus &c. & plures aliæ herbæ, semina, radices, quorum catalogum hic scribere esset extra limites vagari.

parag. 7. Intelligimus ergo per Temulentiam Ebrietatem ex solo mero contractam alio nomine *κραυττα* Græcis dictam, Latinis *Crapulam*. Vox hæc licet variè à variis accipiat, uti **FOESIUS** docet *Mor. ad Hipp. l. 2. de morb. vulg.* (a) pro quavis ingurgitatione hesternæ, (β) pro apoplexia ex vino; magis tamen audiendus **GALENUS**, qui ad *4ph. 5. sect. 5.* *Capitis offensionem* ex vinolentia *κραυττα* vocat: Conf. **CONH.** *Def. Med.*

parag. 8. Temulentia itaque hoc sensu erit: Productum morbosum lædens spirituum animalium actiones, à Sulphure vini copiosius hausti ortum trahens.

parag. 9. Tria esse, quæ valetudini nostræ negotium faciunt, morbum scilicet, causam morbi, & symptoma, **GALENUS** putat l. de *Const. Art. c. 15.* quam opinionem per traditionem ad nostra secula propagatam ex plurium libris legimus. Verum, quia ipsimet symptoma cum morbo confuderunt, ternarium hunc rerum præternaturalium numerum ad binarium redegerunt moderni; Causam nimirum *morbificam*, & *Productum* ejus: vid. **Tit. Dn. D. AMMANNI** *Paran. ad Studios.* Sufficit enim Medico

Practico causas, ad quas solas attendere debet, à productis seu effectis distinguere, quorum etiam in præsentiarum respexi, dum Temulentiam rem homini præternaturalem per *Productum morbosum*, loco generis defini.

parag. 10. *Differentia* sumitur 1. à forma, *laxa* scilicet actione, quam communem habet productum hoc cum reliquis: Cum enim vita sana consistat in actione partium corporis secundum leges à natura præscriptas, uti contrariorū *hujus labefactio* Morbus erit seu productum morbosum, ejusdem abolitio *Mors*. parag. 11. Sumitur 2. differentia à parte affecta seu *Spiritu*, ab usu animalis dicto: Spiritus enim nostri corporis, licet diversas actiones edat, diversisque organis gaudeat, non nisi unus est, si substantiam aspicias: **ARISTOTELES** l. de *animal. motu*, **HOFFMAN.** l. 2. *Instit.*, **ARGENTER.** lib. de *somno & Vigil.*, **DEUSING.** lib. de *Spiritibus*, **HELM.** *Tr. Blas human.* §. 58. *Tr. Spir. Vitæ* §. 29; ratione verò usus ab arte dispescitur in vitalem & animaleam, quorum ille actionum vitalium, hic animalium, sensuum scilicet & hos consequentium motuum animalium, autor existit. Itaque Temulentia ratione partis affectæ distinguitur non modò à morbis sanguineis & partium solidarum, verum etiam à morbis spirituum vitalium.

parag. 12. Spiritus quidem hos partem corporis & consequenter morborum subjectum esse negant veteres: Negandi rationes collegerunt **Conimbr. Comment. ad Aristotelem** l. 1. de *gen. & corrupt.* cap. 4. qu. 24. Sed ipsi definitione partium viventium recepta, quam ex **GALENO** petiit **FERNELIUS**, refutari possunt, quæ talis est: Pars est corpus toti cohærens communique vita junctum ad usum comparatum.

parag. 13. Paradoxon videri posset, spiritibus hanc partem applicare definitionem, dum per corpora definiuntur; sed homonymia est in vocabulo *spiritus*, quod hic non propriè sumitur, quatenus substantiæ corporeæ contradistinguitur, sed impropriè & comparatè: Perinde ut Chymici liquores volatiles ob mobilitatem & substantiæ raritatem Spiritus dicunt: ita quoque subtilior hæc corporis nostri pars ob subtilitatem & generationis modum, quem cum spiritibus Chymicorum eundem ferè obtinet, fermentationem scilicet & circulationem, spiritus dicitur, h. e. corpus subtilissimum, quod 1. *topico* habet, cum sit de essentia corporis viventis, & sine interitu ejus seu abolitione actionum, quam mors sequitur, separari non potest: 2. *communis vita* fruatur, quia proximum animæ instrumentum, quod vitam, h. e. vivendi actum largitur; per quod verò unumquodque tale est, illud magis est tale: 3. *ad usum comparatum*, qui est actio partium organicarum, Ipsi enim aut imminutis, aut abolitis, aut depravatis, aboletur, aut imminuitur, aut depravatur motus animalis, salvâ licet organicarum partium structurâ. Inde **HIPPOCRATES** quoque corpus nostrum instar machinæ hydraulico-pneumaticæ divisit in partes continentes, contentas, & impetum facientes seu moventes h. e. spiritus.

parag. 14. His itaque notatis concludimus, spiritibus corporis nostri non modò definitionem partis competere, sed etiam usu quoque, quem præstant, ipsos (non excluso sanguine) esse partem primariam activè moventem, adeoque primarium uti vitæ & sanitatis, sic quoque morborum subjectum. Uti enim vita, & sanitas & actiones exercendi vis effectivè & radicaliter à spiritibus his unice dependet, ita his ipsis læsis spiritus laborare credimus, & quidem in Temulentis (qui nostræ jam sunt considerationis) animales, quia motus spontanei & sensus imminuuntur ac depravantur, uti testantur ebriorum exempla tantum non quotidiana.

parag. 15. Scilicet spiritus hi, qui sub seminis tegmine in utero excernuntur, & postmodum sese ex sanguine in corde multiplicant, in cerebro perficiuntur aut separantur, cum materiales sint, ut supra §. 13. dixi, materiales quoque habent conditiones, ratione quarum in statu naturali appropriati sunt systemati fibrarum organico. Præcipue sunt salsedo & volatilitas.

parag. 16. Salsedo probatur à vi balsamici. Balsamici sunt (inquit **HELM.** *Tr. Sp. Vitæ*) & custodes à corruptione. Unde & his enervatis aciditatum morbosicarum in corpore observatur dominium, quarum acrimoniam illi antea temperabant. **Tit. Dn. D. BONH.** *Disp. Phys.* §. 18. Hanc salsedinem per fermentationem acquirunt, quæ ex duobus salibus sibi invicem contrariantibus in liquido solutis oritur, ex quorum connubio nascitur tertium enixum seu salsum, volatile vel fixum, prout pugnantia salia nunc sunt volatilia vel fixa, utraque autem alterum alteri prædominetur.

parag. 17.

§. 17. Generantur enim spiritus ex sanguine per fermentationem, five ea fiat ad modum Sylvii propter bilem per Hepar (vid. SYLV. *diff. IV. de Febr. disp. 2. §. 21.*) lixiviosam volatilem (TACKIVS *Chrysog. animal. & mineral. pag. 37.*) ascendentem & acidulam lympham per venam axillarem (conf. SCHUYL. *Tr. pro Vet. Med. BARTHOL. in Ep. DIEMMERBROCK anat. l. 1. c. 16.* SWALWE *libr. de Pancreate p. 67.*) itidem volatilem descendentem, five beneficio fermenti proprii eadem accidat, five alio modo fiat.

§. 18. Utraque suas patitur difficultates: Sylviana duplici modo impugnatur. Primò ab illis, qui bilem per porum biliarium versus Hepar scandere; secundò ab iis, qui lympham acidam esse negant. Illis satisfacere videntur Experimenta (violenta tamen) (1.) FRACASSATI, quod atramentum Vesiculæ injectum hepar denigrare demonstrat: (2.) SYLVII *Diff. 6.* qui flatum infellis vesiculam immisum versus hepar transiisse affirmat. Quod verò ligatus hic ductus versus hepar non intumescat, inde est, quod sub ligatione compressa vesicula copiosè non modò versus hepar (unde etiam est, quod post factam ligaturam abscissa vesicula aliquid refluat, quod contra MALPIGIUM noto) sed etiam versus intestina patente ductu communi bilem effundat, unde copiosæ agonizantium dejectiones. His præter autoritates §. 16; allegatas oppono, quod saliva humor lymphaticus, non modò cum saccharatis effervescat, sed etiam lac coagulet, & Martialia præcipitet, inde si vel tantillum salivæ liquori Martis solari admiscetur, statim turbatur. Altera de fermento cordis proprio abiis negatur, qui cor musculus esse, & cavitatem accidentaliter saltem formare credant. Sed rectè Helmont. omnibus partibus & sic musculis quoque, peculiare fermentum assignat; quod tamen de munere digestionis & coctionis privatæ potius quàm publicæ interpretandum venit.

§. 19. Volatilitas inde constat, quod porosam minus cavam nervorum substantiam penetrare & citissimè ad partes flvere ac refluere possunt. Hanc agnoscens WILLISIUS l. 1: *de Anima brutor.* maluit eosdem cum lucis radiisquam subtilissimo liquore chymico comparere, quod hic de vase in vas effundi & destillari queat, spiritus verò animales illico evanescentes nullum sui vestigium relinquunt. Hic GRAFF. l. *de Succo Pancret. cap. 2. e dit. ult.* discisso nervo notabili ad crura tendente, ipsiphialam applicans angustioris colli, nec guttulam decidentem vidit, nec spiritus vitri lateribus per condensationem adhærere notavit.

parag. 20. Obtenent hanc (1.) ab aëre ad generationem ipsorum concurrente, cuius in volati ifando sanguine efficaciam probat HELM. *Tr. blas human. parag. 45.*, confirmant Experimenta LOWERI & HOOKII, quæ refert tit. D. D. BOHN. *disp. Physiol. de Pulmon.* (2.) A generationis modo, qui est per fermentationem & circulationem, quæ res in naturam spirituofam elevat: confertur Ep. BECKII *de volatilif. sal. tartari p. 30.*; quod vel solus odor sub fermentatione & destillatione nares feriens testatur.

§. 21. His spirituum conditionibus rite & naturaliter se se habentibus, vegeta succedit corporis actuatio. Sicut iisdem spiritibus fixioribus ac aquosioribus redditibus, eadem frangitur ac debilitatur. Huic debilitati uti medentur indistinctè fere omnia medicamenta, quæ ratione salis volatilis spiritus volatilifare & in debita faldedine conservare potis sunt, ita eandem ex contrario producant, quæ spiritus figunt, ut pingua, resinosa, sulphurea, particulis ramosis salino-volatiles maximè activas remorantia. Talis vis an vino quoque insit, cum in Temulentis similes videamus effectus, dubitari equidem non potest, quid quid dicat AUGENIUS *Tr. 3. Ep. med. 5. cap. 4.* Quænam verò pars, cum vinum unà pluribus constet, istà vi polleat, sequentibus patebit, ubi de causa proxima. Non enim secundum totam substantiam inebriare probat SCHOOCK *de Cerevis. cap. 17. pag. 142.*

§. 22. Differentia sumitur (3.) à causa efficiente, quam sulphur nominavi. Qua in parte non contradico veteribus, qui passim videri possunt, nec HELMONTIO *Tr. Spir. Vitæ*, qui vinum, cum nihil aliud sit, quàm liquor uvarum expressus, & fermentatus, ratione partis spirituofæ ex fermentatione natæ (experientià edocti paratos per fermentationem spiritus inebriare) Temulentiam causare credunt, modò hanc virtutem non secundum totam sub-

stantiam spiritibus tribuant proximè: Duplici namque particularum genere constant hi spiritus, sulphureis scilicet & salinis: BECHERUS *Phys. subterr. l. 1. sect. V. cap. 2.* HELMON. *Tr. Spir. vitæ*: quæ enim hætenus de Mercurio vini fabulati sunt, ea de partibus salinis intelligenda esse suadet BECHERUS l. c.

§. 23. Partem sulphuream esse in Spiritu Vini, h. e. corpus insipidum seu dulce (Dn. D. BOHN *Ep. de insufficient. princip. acid. & alcal.*) substantiæ ratione resinofum, quod BARNERUS (*Ep. de Sp. Vin. sine acido*) ex Magneno Ceram pinugeniæ nominat, probat (1.) genesis, dum fiunt hi spiritus ex succo uvarum, subjecto scilicet sulphureo mediante fermentatione, quæ causa est, ut unà cum partibus salinis in phlegmate solutum sulphur spiritus ardentis naturam induat, adeò ut spiritus hi nil aliud sint, quàm oleum seu sulphur per fermentationem in suo phlegmate solutum, hinc etiam perinde ut ipsum flammam concipiunt, & ardentium nomen obtinent: (2.) analysis, dum ex iisdem oleum seu sulphur vel nudà aquæ infusione separatur, quod ulterius beneficio liquoris prorsus salini in resinam abire docet BARNERUS l. c. saporis & odoris expertem, ardentem tamen & æquiponderantem fere corpori suo.

parag. 24. Liquor hic oleum vitrioli est, & succedit experimentum in pluribus oleis destillatis, nunc facilius, nunc difficilius, unde cum oleo destillato anisi felicissimè procedit, difficilius cum oleo Terebinth., uti prolixè hæc deducit Dn. DETTMULLERUS in literis nuperrime ad me datis: ad alia verò olea destillata, quæ liquor hic non præcipitat, forsan alius salino-acidus adhiberi potest, unde modò memoratus Dn. D. ETTMULLERUS ex oleo destillato pinguedinis humanæ cum spiritu salis similem resinam paravit, perinde ut idem cum eodem spiritu ex oleo olivarum communi produxit concretum pinguedinem animalium exactà representans, ad imitationem scilicet experimentorum à GREW. *Tr. of. Mixturæ, pag. 28. 110.* & SYMSON *Zymolog. p. 145.* relatorum.

§. 25. Salinam partem quod attinet, probat. (1) genesis, cum (a) ex musso copiosè sale abundante, uti mōstrat Tartarus, (β) per fermentationem resultet, quæ absque salibus arti & naturæ impossibilis, & (γ) substantiam pinguem seu æream intimè admixam habeant (vid. parag. 22. 23.) quæ non miscetur nisi per salia, quæ ob id BARNERUS l. c. ex HELMONTIO pingua vocat (2) analysis, dum (a) humiditate abstracta in Crystallōs abeunt, vid. LIBAV. l. 2. *Chym. Tr. 2. c. 38;* & (β) olea, quæ ex ipsis separantur, nunquam sint absque sale, unde & in salia resolvi possunt. Sic HELMON. oleo cinamomi addito alcali proprio absque omni aqua trium mensium artificiosa occultaque circulatione in salem volatilem commutavit. *Tr. Chym. Princ. parag. 83.* Quin (γ) ipsum phlegma putredinis expers salium innuit præsentiam.

parag. 26. Cum itaque spiritus duabus partibus constent, quænam illarum proximè sensus & morum liget, investigandum est. Atque hic dicimus esse sulphur vini, & quidem cum addito, copiosus, quia semper certa proportio inter agens & patiens requiritur, haustum seu ore assumptum, nam quod ex Clystere injecto Ebrietatem observaverit BORELLUS *Cent. 1. obs. 56.* & RHOD. *obs. c. ii.* FEER-de absinth., id rarissimum est. Nostrium erit itaque hanc opinionem de sulphuris vinosi inebriativa virtute ulterius tum rationibus tum experientiis à juvantibus, & nocentibus desumptis probare.

§. 27. Ratio, qua sulphur vini spiritus ligare, & ita Temulentiam causare posse confirmatur, à substantia ejus desumpta est, quam 21. resinofam, & viscidam appellavimus, adeoque capacem, quæ spiritus salino-volatiles ratione viscositatis in actionibus remove possit. Inde omnia sulphurea narcosin possidente, & omnia narcotica sunt sulphurea, quamvis sulphura mineralia & metallica fixa, quæ etiam figendi spiritus potentià pollent, in quo tertio cum vegetabilium sulphuribus conveniunt (non intelligo autem per sulphurea mineralia calcinata illa metallica corpora) alio paululum modo agere videantur ob exiguum, qua sumuntur, dosin, unde & HELMONTIO, *Tr. in Herb. Verb. & Lag. magn. est virtus*, irradiantia vocantur, sicuti etiam materialiter ultra paucas vias vix pergere videntur.

§. 28. Hanc rationem confirmat experientià à juvantibus & nocentibus, seu Ebrietatem inducentibus & præcaventibus desumpta. l. *Inducunt Ebrietatem citius Vina,* quæ

quæ copioso sulphure gaudent, ut sunt (a) Vina suppressa, *verbaltene Weine*, quia egressus sulphuris crassioris in omni fermentatione aliàs exhalantis (monstrat hoc LANGELOT. *Ep. ad Curios. de fermentat. Opii*, & probat exhalans sub fermentatione Gas adstantes inebrians) impeditur. (b) Vina sulphurata *Spana Weine*, &c. (c) Hispanica, quæ plus spiritus sulphurei quàm acidi continent. Conf. HENRIC. ab HEER *obs. pag. 225. seqq.* Vina ambrata huc numerari possunt citam Ebrietatem accelerantia. MATTHIOLUS *ad Diosc. lib. 1. cap. 20. II. Precavent omnia*, quæ sale volatili acris spiritus acuunt, quò minùs resinosis sulphuris vinculis vinciri aut vinci possint, in specie spiritus sal. armoniaci, quem BECKIUS *den Sauff*, Spiritum nominat. III. *Curant.* (a) acida. Nimirum in omni narcosi æquæ ac Temulentia felici successu adhibentur, quatenus scilicet hæc solum à Ventriculi fermento sulphur ex primis viis præcipitant: (b) aquosa quatenus dilatando poros menstrui solventis sulphur, hoc ipsum separant, perinde ut Spiritus vini lactescere & oleum suum ex poris dimittere animadvertimus affusione aque.

parag. 29. Sed respondendum jam; erit TACHENIO, BECHIO aliisque, tantum non omnes morbos, & sic quoque Temulentiam à sale acido deducuntibus. Hi in eo feliciores sunt cæteris Medicis, quod faciliorem viam consequendi medicamentum quoddam universale invenerint, cujus vicè penes ipsos imprimis sustinet spiritus sal. armoniaci, acidum, universalem serè secundum ipsos morborum causam, potentissime infringens. Negari equidem non potest, acidum corpori extra ventriculum inimicum esse, ut loquitur Helmont, & plurimum ita morborum causam existere. An tamen idem acidum, quod & sulphur à similitudine vocat TACHENIUS *Clau. Hipp. Chym. pag. 8.* Hinc Bernerus sulphur inter salia acida ponit Chym. præcept. à BECKIO editis) in vino verè exuberans, licet à sulphure distinctissimum (confer. MAIOR *Tratato de sal. cap. 4. de liq. acid. ortu*) sensum & motum in ebriis liget, inquirendum est, quod ut commodius fiat, priùs ad singulorum argumenta respondebimus, tum quæ porro ob stare videantur, subiiciemus.

parag. 30. *Tachenium* quod attinet, ipse HIPPOCRATES *Chym. c. 19. p. m. 154.* à iuvantibus seu potius præcauentibus herbis scilicet alcali occulto gaudentibus, ut sunt herbæ vulnerariæ & olera omnia, in specie brassica, concludit, in acido vini inebriativam vim consistere. Aberrare tamen in eo videntur, quod ipsas has dictas herbas non operari credat, nisi temperando & absorbendo acidum spiritus aliàs figens; cum Temulentia medeantur, non tam acidum infringendo, quàm vi nitrosa stimulo Urinam & sic Vinum totum eliminando. Hinc cædem quoque conducunt in Ebrietate, ex Spiritu Vini tartarificato contracta, quem tamen haud acidum esse omnes norunt.

§. 31. Quod TACHENIUS obter unico argumento, id BECKIUS in *exper. circa natural. rer. princ.* prolixè per aliquot paginas variis ratiociniis, tum ab actionibus ebriorum, tum ab experimentis particularibus desumptis, probat. I. Ab Actionibus Ebriorum, hilaritate scilicet & hanc insequente sopore, quas non commodius explicari posse scribit, quàm per effervescentiam acidi ex Ventriculo ad Cerebrum emissam, cum spiritibus animalium alcalicis, quos tandem ex largissimo potu copiosius accedens acidum somnum & torporem causet. Exemplo suo hoc testari non modò Poetas, sed Magnates quoque, quos consiliis dandis aptiores credit, cum plusculum bibissent.

parag. 32. Verum enim verò si experientiam consulimus, (1) non præcisè has actiones effervescentia spirituum alcalicorum cum acido derivandas esse videmus, cum naturà pariter ac arte constet, non modò acida cum alcalibus, sed & alcalia cum alcalibus, sulphurea cum alcalibus &c. effervesce, &c. Clarum hoc est in Spiritu vini cum sale tartari per deliquium soluto, aut bile oleosa cum lacte: Magis clarum hoc est in corpore humano, ubi sulphurea, in specie Opiata, omni acido destituta (quod summus, amaror, juratus acidi hostis, testatus sulphure abundantia (hinc inflammabilia) antequam somnum inducant, mentem hilariorem reddunt. Conf. SENN. *Pr. Tr. I. par. 2. c. 6.*

parag. 33. (2) Licet acida volatilia ut plurimum hanc vim possideant, non tamen vice versà omnia, quæ hunc effectum præstant sunt acida volatilia, adeoque ab alio principio dependere crederem, & quidem sulphureo, cum hoc non modò in Vino copiosius contineatur, sed etiam, quia omnia sulphurea hanc virtutem possident & vice versà omnia,

quæ vi ac potentià hac pollent, sint sulphurea.

parag. 34. Nec obstat hic, quod VIGENARIUS *Tr. de aqu. & sale* (vid. *Theat. Chym. T. 6. c. IX.*) spiritum vini, quem minus acidum esse parag. 29. diximus, minus inebriare scribat quàm vinum ipsum, sale acido adhuc perfusum, tali quantitate assumptum, quantum illud ante Aquæ vitæ extractione constituebat, seu 3j. Sp. vini minùs inebriare, quàm ea vini quantitas, ex qua 3j. est parata. Nam ex ipso Autore respondeo (1) procedere hoc experimentum in illis locis, ubi spiritus vini in usu frequens est, Germaniæ scilicet oppidis & locis frigidioribus, & procul dubio etiam in iis subjectis, qui rarò meracius bibunt; sc. in his valet illud HIPPOCRATES. assueta licet deteriora minus alterare corpus, quàm inassueta meliora. Hinc Turcæ Opiò, quod nos sine vitæ periculo vix ad gr. ij. &c. exhibemus, ad 3ss. uruntur: conf. BELLON. *obs.* (2.) sulphur subtilius & volatilius penetrans sub forma Gas in devillatione exhalare, testante hoc odore, à quo destillatores sæpe magis inebriantur, quàm à spiritu destillato: nec dubitarem, (3.) quin in residuo aliquid sulphuris remaneat.

parag. 35. Alterum argumentum BECKII desumptum est à iuvantibus (1.) alcalicis (a) in genere tam volatilibus quàm fixis, quorum vim in labefactandis spiritibus acidis consistere, quatenus cum his coagulantur, ex Chymicis notum esse dicit: e.g. dum sp. armoniac. cum spir. Vini non modò ratione acidi salis in spiritu Vini latentis coagulatur, sed & sal tartari fixum ex spiritu Vini rectificatissimo acidas partes quod ex auctu sal. tartari pondere concludit) attrahit, (b) in specie brassica, quam specificè in Temulentis exhiberi unanimiter scribunt.

parag. 36. Sed Resp. alcali vim non purè consistere in oppressioni acidi, ut potius præcipuè in corporibus nostris ob coagulationem, quam habent cum spiritibus, in eorundem conformatione, unde labescentes in agonizantibus vires non semel his ipsis restituntur. Coagulationem verò sp. sal. armoniaci cum spiritu vini ab ejusdem acido dependere, aut sal. tartari ejusdem acidum imbibere, atque adeo suo pondere crescere, eademque ratione acidum imbibendo ebrietatem præcavere, dubium videntur: sal. enim tartari à quo Spiritus vini abstrahitur, quantitate non augeri, sed minui, docet Dn. D. BOHN. *Ep. cap. ut & BARNERUS. c. I.* Spiritum vini verò non ratione acidi coagulari, inde constat (a) quia de aciditate adhuc dubitatur; vid. BARNERUS *l. c.* (b) quia non modò alcalia cum acidis, sed & alcalibus coagulantur, unde & spir. vini tartarificatus eodem modo sp. salis armoniaci coagulatur; vid. Dn. D. BOHN *c. I. p. 27.* BARNERUS *p. 16.* Perinde ut hic ipse cum sale tartari per deliquium soluto in offam coit. Nec spiritus vini inebriare ratione acidi, nec alcalia absorbendo acidum ebrietatem præcavere, ex eo constat, quod Spiritus Vini tartarificatus vim inebriativam æquè obtineat, ac si ficto illo acido adhuc gauderet. Tandem brassicam quod attinet, sal. alcali ratione (quod ipsi ex sapore & effectu, quem in vulneribus præstat inesse credo) ebriis conducere negare nolo, an autem absorbendo acidum operetur, inde dubito, quod uti parag. 30. dixi, conferat, etiam in ebrietate à Spir. vini Tartarificato contracta.

parag. 37. II. Iuvantibus oleosis, amygdalis sc. amaris & emulsionibus ex seminibus frigidis, quas operari credit ratione olei, quatenus scilicet pinguedine sua acidum obtundant, atque sic Ebrietatem præcaveant. Oleosa autem acidum obtundere probat per Spir. Vini, qui licet ipse acido volatili gaudeat (ex ejus supposito,) olei tamen ratione Aquæ fortis aciditatem temperet. Miror sanè hic, Spir. Vini oleositate suà externum & peregrinum acidum satifque potens infringere, & proprium (si quod est) minùs potens negligere.

parag. 38. Verum licet adductorum oleosorum effectum non planè nego, an tamen obrundendo acidum ebrietatem tollat inde dubito: quia (1.) solummodo amygdalis amaris hæc vim tribuit, non dulcibus, cum tamen hæc æquè oleosæ sint ac amaræ: (2.) Emulsiones ex seminibus frigidis paucò oleo gaudeant, cum copiosiori substantià aquea constent, & semina quoque aquosiora sint. (3.) Quia non omnia oleosa, quæ acidum obtundunt, etiam ebrietatem præcavent, ut oleum hyoscyami, papaveris, ambra, &c.

parag. 39. Ut itaque TACHENIUS & BECK ex iuvantibus concludunt, Ebrietatem à Vini parte acida oriri, ita refutatis ipso um argumentis ex eodem fundamento contrarium inferri posse sequentia probant. (1.) Quia non omnia, quæ acidum tollunt, Ebrietatem etiam præcavent; hinc amara

amara sal acidum potentissimè infringentia, Lupulus, Crocus &c. minimè Temulentiam curant. De absynthio quidem ex ARGULANO refert SENN. c. 1. Ebrietatem ex Vino curare, sed experientia id refellit, quæ Vinum absynthites maximè ad somnolentiam & Temulentiam disponere quotidie monstrat Sic de Croco scribit DIO SCORID. l. 1. cap. 25. ex passo sumptum crapulam arcere; sed falsum esse experientia eorum monstrat, qui etiam ex croco leviter odorato capitis repletionem & somnolentiam patiuntur; undè rectè NIC. PISOL. l. 1. de cognosc. & cur. morb. in specie crocum ebriis vetat. (2.) Quia etiam ea, quæ acida non sunt, inebriant, v. g. Spir. Vini Tartarificatus, amara plura, in specie amarulentissimum Opium, quod similem effectum producere Turcæ sciunt: vid. §. 5. (3.) Quia vina austera, ut sunt rubella, minus inebriant, cum tamen austeritas ex acido in subjecto Terræ gignatur; unde concretum oleosum maximè austum ex Terra Sigill. cum spir. sulphur artificiliter confici posse tradit Dn. D. ET TMULLERUS Coll. Chym. (4.) Quia acida Ebrietatem tollunt, unde potatoribus SENN. l. 1. Prax. part. 2. cap. 6. commendat acida, acetum simplex vel aqua dilutum (conf. §. penult.) poma acida, pruna, cydonia, Lac acidum, acidulas, &c.

40. Signa diagnostica, per quæ præsentem ebrietatem cognoscere queamus recenset DOMINICUS LEONILUGENSIS M. l. 1. sect. 1. cap. 20. sede ignorata causa occasionali certi aiquid pronuntiare non possumus. Alii enim ut apoplectici cadunt, adeo ut quendam per 14. dies male pro apoplectico curatum HEINR. ab HEER obs. 19. annotaverit. Alii delirantium istar varia sibi imaginantur; sic refert PLATERUS obs. l. 1. pag. 37; quendam in platea lunæ splendorem in Terra intuentem existimasse, se videre fluvium profundum, & quo nare possent, vestimenta deposuisse: sic alii pro phreneticis habiti, unde observavit BORELLUS c. 1. obs. 56. mulierem abstemiam clystere ex vino injecto inebriatam, quod ignoranter proximi ad stantes errorem quendam à Pharmacopola & Medico commissum opinabantur.

§. 41. Qui autem fiat, quod ex Ebrietate nondum consummata alij irascantur, alij tristentur, alij loquaces sint, alij somnolenti? an scilicet quod humores affectibus convenientes in corpore nostro moveantur, ut putat PLATERUS Prax. l. 1. cap. de Temulentia p. 97, an alio modo accidat, nondum liquet. Conijcerem, animum sensus aliàs mediantibus spiritibus dirigentem, ipsis spiritibus per fumosas sulphuris vinosi partes obscuratis, quiescere à muniis propter ineptitudinem instrumentorum; unde hi liberiores (primò antequam planè à sulphure supprimuntur) pro diversitate conceptarum idearum potissimum exequuntur suas actiones. Inde fortè quod SEMGVERDUS de Tarantismo scribit, animalcula hæc easdem imaginativæ impressiones imprimere fortius, quibus intentos quos mordent inveniunt, hic quoque applicari certo modo posset, dicendo: Temulentos secundum ideas argere, quas archeus animæ superioris dominio jamjam liber paulò ante ebrietatem conceperat.

42. Non negandum interim, temperamenta (non primarum qualitarum elementarium) particularum sanguinis aliquid conferre: Inde sanguinei, quorum sanguis ex debita particularum mixture constat, læti sunt, quia in his spiritus celerius & agilius paulo moventur: Cholericus, h. e. in quibus particulæ urinosæ oleosæ prædominantur, mobiles sunt & inconstantes, quia spiritus volatiliores & facile disperguntur, unde superficiatis saltem fit idearum impressio, & propter hanc actionem facilis immutatio: Melancholici, quorum sanguis particulis salino-acidis scatet, propter spiritus ex sanguine hoc generatos paulo fixiores, impressiones tardius quidem, fortius tamen recipiunt, unde constanter vel rident vel tristantur &c: Phlegmatici tandem, & quibus lymphæ obruit sanguinis salia fermentativa, paucos gignunt spiritibus, unde citissimè succumbentes somniantur: conf. D. ET TMUL. Coll. Ind. c. 26. & GORDON. lib. Med. c. 2.

§. 43. Cum itaque non ex sale acido vini, sed sulphure, quod ab effectu narcoticum appellamus, Temulentia oriatur, eadem quoque extimescenda sunt mala quæ narcoticorum virtus insequentur, licet vini sulphur ipsis paulò mitius sit; sensum nimirum stupor, (HEINR. ab HEER obs. 17. hist. l. 1. p. 216. & p. 225.) & motus debilitatio, ut & ex fixatione aut oppressione spirituum, omnium digestionum labefactio (HEINR. ab HEER c. l. p. 222.) si sc. vis frequen-

tior sit. Aliàs citò discutitur per somnum, cum sc. vis illa narcotica à natura jamjam est subacta, spiritusque à vinculis quibus ligabantur sese expedierunt: pro vini tamen conditione, ægri peculiari natura, loco & tempore solvitur Ebrietas quibusdam 2. vel 3. die vel serius, prout orasso vel tenui vino incaluerunt: GAL. in Hipp. l. 2. de Lorb. Conf. obs. 19. HEINR. ab HEER.

§. 44. Optimum igitur & sanitati maximè proficuum est, Ebrietatem, quantum in nobis est, vitare; quod fit vel abstinendo penitus à vini potu (unde Abstemii dicuntur;) suadet hoc prolixè DEODAT. Pantb. hygia. l. 1. cap. de Ebrietate: vel corpus certis remediis disponendo, quo vel per alvum aut urinam evacuetur assumptum vinum, antequam vires suas expandat: vel confortando spiritus, quo se ipsos à vinculis, quibus detinentur, liberent. Distinguantur tamen semper Ebrietas ipsa, h. e. sensuum & motus cessatio à sulphure vini orta, ab aliis morbis Ebrietatem vel concomitantibus, vel consequentibus, cum hi plerumque ab acido vini, hæc ab ejusdem sulphure dependeat.

§. 45. Tutissima præservatio est per abstinentiam, quam certis remediis procuri posse (si aliàs obtinere non possumus) nonnulli Medicorum credunt. Collegit hæc ex aliis SACHSIUS in Ampelograph. Sect. VI. Membr. 2. cap. 2. de Vini abusu p. 214. Sunt Rana viridis, anguilla in vino suffocata, lacryma vitis, eva noctuæ, Aqua fontis Clitorii, uva marina, rad. arb. amavil. &c, quibus ex FRANCISCO SCACCHIO de Sulub. potu cap. 20. p. 215. addo mullum in vino necatum ALBERTUS N. l. 22. de animal. laudat stercus leonis in vino. Confert etiam Lacerta viva vel testudo lacustris, vel semina calium patiente inscio in vinum immissa, si de ipso haurit: CAPIVARC. l. 3. de aff. Ventr. c. 8. de Siti. Omnia frequentioribus experimentis confirmanda.

§. 46. Quod si vero medicamenta dicta horreat æger, vinoque liberalius uti cogatur, de quo aulici ut plurimum conqueruntur, non inutile est corpus ita disponere, ut citissimè per alvum aut urinam reddat, quod per os in voluntariè ingestum est vinum: Per alvum imprimis avacuat oleum olivarum, quatenus lentore suo vias reddit lubricas; non tamen cum NICOL. PISONE lib. I. de cur. morb. c. 6. statuamus, integrum vini dolium hoc præmisso posse sine Ebrietatis periculo hauriri. DOMINICUS LEONILUGENSIS commendat olivas sale conditas Sect. l. 1. cap. 20. Brassica cocta (alii crudam eligunt ad notum Catonis: conf. IASON PRATENS. Med. l. c.) principio mensæ apposita: quam vim etiam Raphano tribunt, qui brassicam Græcè *ραφαν* & raphantum dici, nostram verò radiculam *ραφαν* nominari ignorant: LANG. Ep. 30. Notetur hic interim vitem etiam vivam brassicæ odorem fugere: FORESTUS obs. 28. l. 9. scol. De Meliloto vid. HEURN. l. 1. M. M. de intemp. cerebr. calida Huc pertinet etiam lac, & omnia quæ primas vias lubricantes reddunt: it. Pil. Glassii, quos frequentiter in usu fuisse biboni compertum habeo, unde etiam pilulas ad Ebrietatem ipse nominabat: similem refert RICKE. MAN. disp. de Ebrietate Ien. edita.

§. 47. Per urinam movent vel quæ sale salso stimulant, aut sale vol. amaro abundant, amygd. amaræ, lupulus, ruta, &c. quatenus hæc cum sale vini acido in falsi diureticum abeunt, sulphurque vini narcoticum unà secum educunt. Eadem hæc medicamenta si paulo fortiora sint, quatenus spiritus volatiles falsos in corpore acuunt, quo viscofitati sulphuris vincientis commodius resistere possint confortando eosdem ab Ebrietate præservant. PLADERI Consilium, qui obs. l. 1. pag. 38. se in convivii Ebrietatis præcavendæ causâ per biborium abstinuisset vino prodidit, usque ad satietatem comederit, hisce temporibus vix imitandum, ubi ab ovo pocula hauriuntur.

§. 48. Sin autem Sulphur vini Spiritus jamjam victos in triumpho ducat, necesse est, ut vinum, si adhuc in stomacho hæret, per vomitum rejiciatur, qui, vel irritatione faucium mediante digito vel etiam medicamentis, si opus, excitetur. Acescens enim in Ventrículo vinum ob suppressos aut exhalatos Spiritus Sulphureo per alvum ducere ob metum colicæ passionis, &c. nimis periculosum est. Medicamenta Vomitoria sint, v. g. Merc. vitæ cū melle mistus, faucibus cū penna applicatus, vel Oleum nucum cum penna, (conf. HEINRIC. ab HEER obs. pag. m. 227.) vel sapa vomitoria Syllui, aliaque ex Antimonio parata Vomitoria. Monstrat hanc viam ipsa natura sponte sæpius vomitum excitans; unde LANGIUS Ep. XXX.

XXX. lib. I. suadet, ne dormiat æger, priusquam evomuerit.


parag. 49. Tum adhibeantur, quæ vel sulphur *narcoticum mitigent*, ut sunt acida, quorum vis in infrigenda narcosi, uti ex præparatione Opii nata est, ita vini eam proprietatem, qua inebriat & stupidos attonitosque reddit, recondit. Unde Ebriosos hac arte sibi prospiciendo ad multos annos perservare posse, notavit PLATERUS *obs. I. I. pag. 39. conf. FRAMBES. Conf. Med. 9. GABELCHOV. C. 3. obs. 72.* Vel quæ illud à spiritibus dilatando eorundem poros, separant, ut sunt aquea, vel quod melius acida his iuncta. Non incommode ergo adhibetur aqua fœt. succo citri aut Aceto diluta, quam PLATERUS *Praxi lib. I. pag. 126.* antidorum Ebrietatis vocat, si quantitate majori sumatur, eoque insignem potatorem, jam longo tempore indies ebrium, se ne inde labem contrahat, præmunisse scribit, *l.c.* Vel acetum ipsum abundè potum *ibid.* aut lac acidum ebutyratum; FORETUS *l.c.* Unde decocta alterantia spiritibus mineralium acidulata, & varii generis julapia ex citro, cydon., granat. &c. parata, non sine fructu adhibentur.

parag. 50. Illa verò, quæ confortando Spiritus conducere diximus, cum ex genere volatiliū sint, adeoque cum acido vini simul ingesta nimium effervescendo febres excitare possunt, commodius Temulentis *externe pro discutienda somnolentia* naribus saltem applicantur aut linguæ HIPPOCRATES *lib. 2. de Morbis*, Aquâ copiosâ calidâ spongia imbuta caput lavat, & naribus *cepam* purgatam admoveat. Huc pertinet quoque castoreum & castorina cum Spir. Salis armoniaci iuncta, quod licet pingue & oleosum videatur, quatenus tamen externe saltem applicatur cum Spir. Salis armoniaci, præpollet sal volatile, cum Sale armo-

niaco exhalans spiritusque nostros confortans, interne verò ratione Sulphuris caput replet, unde hysterica sæpius hoc conqueruntur, quod ipse in Persona Illustri non semel observavi: vel etiam excusso sopore morbis Temulentiam concomitantibus interne adhibentur, v.g. Spir. Sal. armoniaci, Spir. Cor. Cer., fulig. Plura remedia, qui desiderat, evolvet SCHACCHIUM *de salubri potu*, SENEBERGUM *de Amethyris*, FORET. *obs. in Ampolograph.*

parag. 51. Ad Spiritus excitandos non parum quoque conferunt frictiones extremorum, & partium maximè sensibilium, quales in viris testes, & mamillæ in foeminis: vid. GORD. *lib. med. pag. 881.* ROSA *Ang. p. 726. p. 1164. c. de Regim. iter per diversas regiones facientium*: Huc quoque pertinet *obs.* HEINR. ab HEER, qui Ebrium per quatuor dies pro apoplectico curatum, & jamjam trepano tractandum vellicando mystacis pilos, *er hat ihm an den Sarte gegriffen* ab ebrietate excitavit: *vid. obs. 19.*

parag. 52. Annectenda jam ultimò venit diæta, ubi conveniunt ex potu & cibo acida, v.g. cydonia, Citrus, ova acida, serum lactis acidul., acidulæ naturales & artificiales, Tinctur. Mart. Sol., ut & aquosas Emulsiones. Somnus convenit, modò ritè ponatur, ne supinus jaceat: *conf. FORESTUS lib. 9. obs. 72. scol.* Si tamen nondum consummata Ebrietas, Spiritus moderato motu excitentur, v.g. per saltationem, pilæ lusum. Inde etiam affectus animi læti, quatenus spir. in motum cient, sensim Temulentiam tollunt. Quoad excreta attendatur, si vomitus imminet, aut Urinæ excretio, ne impediatur, ut enim illud cardialgias exitat, ita & subito putrescens urina renibus ac Vesicæ nocet. S.D.G.



DISPUTATIO X.

MEDICA

DE

CORPULENTIA NIMIA,

Quam

SUB PRÆSIDIO

MICHAELIS ETTMÜLLERI,

Phil. & Medic. Doctoris.

Publicæ placidæque Philiatruræ Disquisitioni
submit

AUTOR & RESPONDENS

GEORGIUS MELCHIOR WIEDEMANN,

die 19. Augusti Anno 1681.

PRÆFATIO.

Dum non vivere, sed valere, vita esse rectè dicitur, quibusvis valetudinis prosperæ cultoribus, illud HIPPOCRATIS 6. Epid. sect. 4. §. 20. Sanitatis studium est, non satiari cibis, & inipigrum esse ad labores, oraculi instar meritò inservire debet. Quantum enim pro conservanda vita, cujus omnis mora in perpetuo fluxu consistit, nutrimenti valet assumptio, tantum ejusdem diuturnitati ac integritati detrahatur nimia illius ingestio. Vigor pariter totius corporis, quem motus benè ordinatus conservat florentem, enervatur insigniter, & languescit sub otii quietisve torpore. Alimento sanè resarciuntur quilibet, naturæ ex lege, quos patitur machina corporea defectus, & attritu quasi mutuo, quicquid deperit ejus partibus, illius ope redintegratur; modò prius, quod minus illis associabile existit, per prævias alterationes digestionum beneficio, quibus utile quod est, ab inutuli secernitur, appropriatum redditum fuerit. Ast ubi infarciuntur nimia satietate digestionum officina, & obruitur vis fermentorum alterativa, haud benè subacta assunta, aliena sub textura hinc inde distributa, vitiant structuram naturalem organorum corporis, & ceu ædificium, ex lignis & lapidibus non benè coherentibus constructum, necessario minatur ruinam. In quem finem finge automaton, cujus rotulam quandam vel paleasculum casu illapsus in motu tantillum remoratur, vel cujus spiram aut alligatum funiculum aqueæ quædam guttula forsan urorando, illam in elatere, hunc intensione alterant, vel cujus remoram altero sui extremo aliquantulum rubiginis sordida infecerit, quicquid horum contigerit, necesse est, deficere artificiosum adeò opus à regulari suo motu, & tandem penitus quasi examinari. Nullum artificiosum fingi potest automaton pro nostro corpore, cujus tot partium sunt particule, omnes ut sapientissimè fabricatæ, ita mille vitiis obnoxie, ut mirum videatur, vel per horæ momentum integram illam ex toto, citra morbosum subsistere posse. Nil tamen æquè lædit easdem, ac quod pro conservatione illarum subministratur nutrimentum, vitiatum si fuerit: cujus primarius error est deficiens sub digestio- nibus coctio, maximam partem ab illius copia natus. Adeò plures necat gula, quam ensis: & cum totius Diætes cardo sit sobrietas, cum non tam qualitas, quam quantitas alimentorum noceat, nihilominus in nullo crebrius peccatur contra illius dictata, quam hoc in puncto. Utut verò nullus hic committatur à sanitatis studioso excessus, quin tri- tum illud Germanorum benè observet: Wen es am besten schmeckt, daff er auff ore: nihilominus tamen quibuslibet in assumptis, ut supra insinuatum, præter homogeneum istud, nostris constitutivis assimilabile, & heterogenei haud parum deprehenditur, cujus sequestrationi maturæ incumbendum, cum non minus noxium retentum, quam inges- tum vitiosum, Oeconomiam nostram turbet. Huic negotio apprime confert motus partium corporis organicus, cujus auxilio, dum agitantur vehementius contenta corporis fluida per universum corpus, eo ipso fortiori impetu & nisu su- beunt, tam intimiores recessus partium nutriendarum, quam etiam cribra percolationi recrementorum heterogeneorum præ- dicata, per quorum poros illò ipso conatu penetrant copiosius secernenda, & ita facilius ac uberius separantur. Præ- fertim cum iste motus contentorum progressivus intendat simul motum intestinum molecularum minimarum, quo ipso ut assimilatio & exactior subactio particularum homogenearum seu miscibilium ac nutritivarum promovetur in iisdem, ita faculentia illæ heterogeneæ, ad instar istarum in musso vel cerevisia fermentantibus, ex aliarum consortio extrudun- tur, ut præcipitata quasi secedant. Paucis me ut expediam, ut alimentum partium fluidarum immediata restaura- tioni obiectivè, ita motus corporis hujus assimilationi & purificationi instrumentaliter, inservit: Adeò ut motus vi- cariarius revera sit cujusvis Venæ Sectionis, purgationis alteriusque sanguinis correctionis, quod rusticorum & mecha- nicorum vegeta & robusta cohors palam testatur. Cum verò rarò soleat observari conveniens diæta, quin sapissime assumptorum excessu, & excernendorum defectu peccetur, ea est Oeconomie nostræ elegans directio, ut quod super- fluum est, modò haud motivum sit, subinde largius solidis adhærescat, & carnis aut pinguedinis forma uberius cor- pus augeat. Cum verò à naturali Norma hoc ipso deflectatur, vix citra periculum id fieri potest, uti in corpulentiori habitu omnibus obvium est. De quo affectu cum quondam pertractare sit animus, vires subministrante imprimis fidei.

DOMINI PRÆSIDIS, qua olim cum aliis usus fui, informatione, cujus pariter consilio & auxilio, sub ipso hoc Iconatu non parum sublevatum me fateor. Faxit DEUS T. O. M. ut cedat feliciter.

CAPUT I.

PATHOLOGICUM.

ARTICULUS I.

Naturam & Subjectum Corpulentiae Nimiae declarat.

§. 1. **C**ORpus humanum ex ovo enatum, ut primitus mole est admodum parvum, ita successivè alimenti beneficio & sustentatur seu nutritur & augmentatur, actione eadem, in nutrimenti saltem quantitate, majore vel minore differente: in solidis sanè ejus partibus, de quibus speciatim nobis agendum erit, manifestum est, quod nutritio & auctio non nisi majoris & minoris ratione discriminentur, nutritio enim est talium inchoata auctio, & auctio perfecta nutritio. Ne autem ambigua nutritionis acceptione decipiamur, in primis monendum videtur, nutritionis rationem nunc à *forma* ejus à quibusdam, nunc ab aliis à *forma*, desumi. Ratione *formis* quidem nutritio erit absumptarum partium redintegratio seu restitutio: Sed angusta nimis hæc ipsa videtur. Solidarum enim partium, quæ talium, cum nulla sit absumptio, utut arescant subinde humoris roridi nutritivi defectu, nulla quoque foret earum nutritio, quod minùs convenienter dici videtur. Ob id concinnius à *forma* ejusdem essentialis ratio desumitur, qua sub acceptione Nutritio erit nutrimenti in substantiam partis nutriendæ conversio. Jam verò corpus nutritur per totam vitam, ut conservetur tale, quale est, augmentatur verò saltem per ætatem accrescentem, ut partes organicæ, machinam ejus componentes, debitam magnitudinem acquirant, qua aptiores sunt ad actiones debitas, quarum sunt instrumenta, perficiendas: *Vid. Charleton. in Oeconom. animal. Exercit. de Nutritione § 3. p. 4.*

§. 2. Magnitudo partium debita, ex tribus dimensionibus quantitativis, longitudine, latitudine & profunditate dimetienda, dependet à fundamentalibus partium staminibus, quæ nil aliud quàm *fibræ* esse videntur. Harum adeoque longitudo, & major minorve extensilitas, quarumvis partium longitudinis normam præscribit. Ipsa ossa, quæ & universi Trunci & hinc artuum conformatione corpus plus minus procerum, artusque longiores aut breviores existant, & ipsa primæ sui compagis rudimenta à fibris habere, probabiliter videntur. Uti itaque textura fibrarum secundum extensilitatem in longum, longitudinis partium basis existit, ita earundem major vel minor numerus ferè latitudinis ac profunditatis fundamentum constituit, quum pro earum copia majori vel minori, simul necessariò vel amplioribus circumscribatur pars terminis, vel angustioribus coarctetur limitibus. Hisce ceu fundamentalibus ac formalibus dimensionibus partium cujusvis causis, secundariò accedit, ceu materiale principium, ipsum partium nutrimentum, sui appositione & assimilatione quantitatem fibrarum, adeoque & magnitudinem partium, in specie ratione latitudinis & profunditatis, (quæ dimensiones diversimodè mutabiles observantur, longitudine parum ac rarò variante) vel augmentans sui copiosiore distributione, & retentione, vel imminuens sui defectu. Cum verò necesse sit, ut hoc ipsum intra poros & interstitiola fibrarum & recipiatur & retineatur debito tempore, pro sui nutritivo complemento, præsupponit hoc ipso talem fibrarum illarum structuram, quæ ratione porulorum & promptè recipere, debiteque retinere queat hoc ipsum, adeoque nec durior sit illa, nec mollior, cum hæc nimis infarctus, illa denegatæ receptionis, occasionem subministrant.

§. 3. Jam verò, sicut in statu naturali magna corporum, tam in longitudine quàm crassitie, est varietas, ex spiritu genitali seu seminali, & inde dependente crassi sanguinis, & partium solidarum radicali, originaliter; ex vario verò rerum nonnaturalium usu consequenter, crunda, ita etiam præter naturam, tam pars una aut altera, & hoc frequentius, quàm totum corpus, utut rarius, in

quanto nunc excedit, nunc deficit: prius docet *lien* raræ magnitudinis, de quo HORSTIUS *Instit. Medic. Disp. 3. Coronid. 1. pag. 131.* VERSALIUS *l. 5. de Corporis Hum. Fabr. c. 9.* BARTHOLINUS *Cent. 1. Epist. 62.* sicut deficientis ejus molis exemplum suppeditat VIDUS VIDIUS *L. 10. de Curationibus mor. c. 10.* in specie SALMUTH *Cent. 1. observ. 21.* qui in scemina *lienem* admodum parvum, ut pollicem majorem vix æquaret, *hepar* verò tam ingens observavit, ut non tantum hypochondrium dextrum occuparet, sed & omnem ventriculi regionem, sicque ipsum ferè totum hypochondrium sinistrum, quæ tamen optima fruebatur sanitate, & in partu extincta fuerat. Conferatur pariter, quoad magnum *Hepar*, HILDANUS *Cent. 2. obs. 45.* Cor magnum observarunt MARCHETTUS *Anat. c. 10.* KERCKING. *Spicileg. Anat. obs. 16.* parvum verò idem *obs. 17.* ut reliqua viscera silentio præteream: posterius in gigantibus, item pumilionibus seu nanis, obivium deprehenditur.

§. 4. Pertinet huc suo modo istud vitium totius in quanto, quod *Corpulentia nimia* seu *Nutritio aucta* vocatur, in quo corpus non quidem in longitudine, sed saltem latitudine & profunditate, seu, uno nomine, crassitie excedit: & tales obesi, it. corpulenti pingues, Germanicè *feiste Wanste*, dicke *feiste Menschen*, Græc. *μεγαλομοιροι* dicuntur. Talium corpulentorum ac obesorum exempla inveniuntur hinc inde in libris Practicis. Speciatim SENNERTUS *Prax. l. 5. P. 1. cap. 4. p. 21.* refert mulierem triginta sex annos natam, libras 480. item virum 600 ff. pendentes; & præterea *p. 23.* nobilem post febrim malignam admodum obesum redditum, ut vix loco se movere potuerit. Videatur præterea PLATERUS *lib. 3. observ. p. 584.* TULIUS *lib. 3. observ. cap. 55.* TIMÆUS *Von GuldenKlee Lib. 6. Cas. 1. 2. 3. pag. 261. seq.* MARCELLUS DONATUS *lib. 5. cap. 2. Histor. Med. SCKENCKIUS lib. 2. observ. pag. 218.* BARTHOLINUS *Cent. 3. Hist. 88. & C. 2. Epist. 81.* PENAROLLUS *Pentec. 4. obs. 31.* ACERRA *Philolog. Cent. 2. Hist. 92.*

§. 5. Ex his exemplis facile patet, aliam esse corpulentiam nimiam à corpore quadrato, aut ab habitu, utaque qui definiente GORRÆO in *Definit. Med. pag. 122.* talis est, quem nec gracilem dicere nec crassum possis. Tale namque corpus optimè dispositum, & cujus massa sanguinea in optima crassi constituta, omnes partes blando succo irrigat, & ita corpus succi plenum ac carnosum constituit, tantum abest, ut crassitie functionibus impedimento sit, ut potius eas optimè singularique cum robore & vigore perficere valeat.

§. 6. Ea ergo corpulentia nimia hinc à nobis consideratur, cum corporis totius, i. e. primariò Trunci, secundariò pariter artuum, peripheria, in tantum à laudabili nutrimento est aucta, ut actiones, imprimis quæ ad motum pertinent, aut impediat, aut tollat, aut vitiet, aliisve nocumentis corpus mulctet. A tali namque suffocatos nonnullos recenset SCKENCKIUS *obs. c. l. it. TIMÆUS non GuldenKlee c. l.* nocumenta nimiae crassitie verò alia MARCELLUS DONATUS *c. l. SENNERTUS de Corpul. nim. pag. 21.* alitque quamplurimi passim. Imprimis obesos nimis & corpulentos difficilius moveri, res notissima est. Cum namque ad motum; fibrarum musculorum systema componentium, requiratur contractio & abbreviatio, ut venter musculorum, ex rhomboidea figura, fiat ferè quadratus, quam insequitur ossis alligati circa articularum motio ad certum angulum, ac quoad situm ejusdem immutatio, non potest sanè talis fieri contractio, si omnia ista spatiofa nutritiva materia sint repleta & infarcta, ossiumque articulationes copiosa pinguedine ita circumscriptæ, ut ejus obstaculo eadem flecti ac torqueri convenienter nequeant: ut ipsum taceam artuum nimia pinguedine obessorum pondus, motui resistens. Non possunt non quoque vasa tam sanguifera, quàm lymphatica, ob arctiorem sui compressionem, per partes extimas undique repleta & infarcta, angustari plus minus, & ita naturalis fluidorum horum circulus plus minus turbari, & periculose nonnunquam sisti, adeoque ægri tales subinde suffocari.

tari. Hinc quò graciliora sunt corpora, eò eadem (cæteris tanten paribus) agiliora; unde funambulo & agyrta, seu præstigiator, raro est corpulentus & obesus: ita ut rarissimum sit convenientis agilitatis in corpore tam insignites obeso exemplum à PLADERO cit. loc. adductum, & à CATTIERO *Observ. 13. ex STRADA* allatum.

§. 7. Augmentum hocce in corpulentia nimia, à legitima nutrimenti convenientis appositione fieri, modò dictum: ut discriminetur ita ab intumescencia corporis cachectica, & huius intensiori gradu, Leucophlegmatia & Anasarca: in qua ex vitiata alimentorum in chylum fermentatione, sanguinis vitiata crasis, (nam cacoehyia est mater cocochymia) loco debiti nutrimenti, liquamen crudum & viscidum partium poris suppeditat, qui eodem infarcti, instar pastæ non ritè fermentatæ, inflatæ & tumefactæ apparent, ita ut impedito sic debito lymphæ motu à circumferentia ad centrum, cachexiam & leucophlegmatiam presso pede Anasarca insequatur.

§. 8. Dum ergo nutrimenti nimis copiosi appositione fieri corpulentiam nimiam diximus, quæ non nisi successivè & pedetentim fieri solet, exclusam volumus subitanæ corporis intumescencia & inflationem, qualem mirandum exemplum recenset BARTHOLINUS lib. 5. *Hist. 12. it. eam quæ vel morsum Venenatorum animalium, v. gr. Aspidum, viperarum, lacertarum, serpentum, RIUER. 4. Obs. 96. vel ictum & puncturam* quorundam, v. gr. scorpionum, apum, vesparum; vel contractum saltem mediante saliva, urina, aut halitu, aut bufonum aliorumque quam plurimum animalium, interdum insequitur. Quorum Venenum fermentativè virtutentia & Massam sanguineam & in specie nutritium succu seu rorem partes solidas humectantem turgescere & quasi spumescere facit. Nec mireris, tam insignitem effectum ex tantillo veneni, nam & modicum fermenti integram massam fermentat; & spumæ ex cerevisia fermentantæ ebullientis modicum, magnam recentis cerevisiæ copiam fermentare facit: sic halitus fermentativos in aere circumvolans vina fermentatio motu in cellis turbat, dum vitis floret: ast potentiora longè sunt animalium fermenta singulariter transmutativa, quorum vim vel fermentum Venereum aut seabiosum in statu præternaturali, aut istud salivæ in statu naturali confirmat, de quo vid. DEUSINGIUS *Exercit. de Nutrim. in Corpor. Elaborat. pag. 8. & append. pag. 303.* Quæ ipsa nobis in mentem revocant litem istam nondum decisam, in quo præcisè venenum animalium consistant. Egregio conatu, & indefesso pariter ac accurato scrutinio, speciatim hic defudarunt FR. REDI *Medicus Florent. Italus, in Observationibus de Viperis*, script. in Lit. ad Dominum MAGALOTTUM, quarum versio latina *Misc. Acad. Natur. Curios. Anno I. annexa est*, & M. CHARAS *Pharmac. Parisiensis, Gallus, tr. Nouvelles Experiences sur la Vipere*; quorum ille materiale hoc ipsum esse, & in liquore flavesciente intragivivarum vesiculas coacervato consistere, hic verò mere ideale illud, & ex iracundia & vindictæ cupiditate in bestia exurgere asserit, pressè terens hoc ipso vestigia HELMONTII, idem ante ipsum jam asserentis, cui & ZWELFERUS in *Animad. vers. ad Pharmac. August. pag. 212.* assentitur. Utrique experimentis & Phænomenis hypothesin suam tueri satagunt, prout ex literis eorum mutuas & oppositiones & responsiones continentibus patet, quarum Epitomen videre licet in *Transactionibus Philosoph. Anglicis numero 66. 83. & 87.* Componere equidem litem hanc annis fuit Famulus BOURDELLOTIUS *Tr. Recherches & observations sur les Viperes* &c. differentias animalium venenosorum & speciatim viperarum, venenique earundem, pro regionum varietate urgendo, & quod liquor iste flavescens in regionibus calidioribus possit esse venenosum, qui in temperatis magis, aut frigidioribus, haud citra biliosos halitus efferatæ per iram Uiperæ nocivus esse soleat: Vid. eius *Epitom. in Transact. Anglic. anno 77.* Neutra tamen dissentientium pars hac ipsa conciliatione contenta esse videtur. Nobis interim priorem istam hypothesin, in materiali scilicet principio fundatum esse venenosorum animalium venenum, ceu probabiliorem complectere hac vice placuit.

§. 9. Hisce, ceu spuris corporis intumescenciis, à corpulentia vera rejectis, legitimæ subjectum, seu id, cuius

partis augmento corpus ita increfcit, considerandum. Determinatum fuit superius, crassos esse eos, qui secundum latitudinem & profunditatem augmentantur; ita ut hic excludantur ossa, quorum extensione & augmento, longitudo tantum corpori accedit, donec sub accretione adolescentiæ, sensim indurata, omne augmentum ulterius excludant, adeo ut & reliquæ his annexæ aut circumscriptæ partes, nec longiores evadere possint, unde tam brevioris, quam procerioris staturæ homines corpulenti sunt. Molles ergo quod attinet, & primo quidem internas, viscerum excrefcencia nimia, in obesis non, nec nisi per accidens observatur, & si unum alterumque viscus nonnunquam auctum fuit enormiter, hoc tamen peculiari tumore se prodens corpulentum neminem reddit: sicuti nec mulieres gravidæ, quarum uterina cucurbita extensa, simul abdomen attollit insigniter, corpulentæ dici nequeunt. Externas ergo quod attinet partes, se offerunt musculorum carnes, cum superstrata pinguedine, & membranosis velamentis. Tegumenta communia, ceu reticulatis texturæ corpora, ad investitarum partium se accomodant structuram, & ita caro musculorum & pinguedo remanent istæ partes, quarum respectu imprimis corpus crassum, macrum itidem, ac macilentum appellatur. Idque fere triplici sub differentia: nunc enim plus adeps, ut in obesis; nunc magis caro, ut in torosis aut lacertosis; nunc utrumque æqualiter, in corpulentis in specie sic dictis, augetur. Alias duplex saltem corporis crassities statuitur: una quidem carnosa, ut in sanguineis; alia jaginosa, ut in Phlegmaticis: vid. FORESTUS lib. 31. *Obs. X. Schol.*

§. 10. Pinguedinem quod attinet, hæc est pars ea, cuius nimium incrementum pingues & obesos reddit, etiam quibusvis partibus cæteris optime & laudabiliter constitutis ac conformatis. Singulare autem quid præ cæteris partibus hæc ipsa obtinet, cum ambigere inter partes solidas ac fluidas seu humidas, & mediæ quasi has inter naturæ esse videatur. Nam eo ipso, quo citra omnem fluiditatem propriis suis terminis subsistit, & invicem solidà forma cohæret, adeo ut cultro quoque scindi queat, vasis quoque sanguiferis suis instructa sit, non potest non solidis partibus meritò annumerari. Dum verò fluidorum instar, pro vario corporis statu, nunc copiosius coacervari, nunc absumi penitus, & liquefieri quasi sub febrium, præsertim acutarum, ardoribus, aut in gelatinam solvi, de quo *Miscell. Nat. Curios. anno 8. Observat. 3. pag. 54.* observatur, adeo ut corpus tunc perquam macilentum reddatur, brevi tamen iterum pinguefaciendum, quin etiam naturaliter quibusdam animalibus loco nutrimenti, defectu ejusdem ordinarii interserviat, ut sunt *ursus, murmentum, glives*, &c. quæ per integram hyemem intra latebras suas, dormientibus plus minus similes delitescunt, quorum copiosior æstivis mensibus coacervata pinguedo sustentat tunc temporis eadem; notabile hoc imprimis est in *Murmento*, quod triplex, item interdum quadruplex, Omentum obtinet, unum instratum alteri, ex quibus quædam venas habent, ordinario tramite ad portam venam recurrentes, quædam verò earundem ad venam cavam abeuntes, quo cordis sub penuria ista in hybernaculis immediatè transmittant materiam nutritivam; quam sacculi adiposi abundantiorē reservant, & quam ab arteriis receperunt, cum corpus totum succi plenius, in æstate vel potius autumno abundaret nutritio tali succo, ut eleganter hoc observavit PERRAULI *Essays Physiq. T. 3. c. 6. p. 293.* Præterea fluidorum instar debitæ suis canalibus & ductibus, ceu vasis coercetur, in specie ductus adiposi dictis, prout constat ex accurata eorum anatomica recensione ANONYMI *Exercit. de Omento, pinguedine & adiposis ductibus, Tetradi Epistolar. Anatomicar.* MALPIGHII & FRACASSATI annexa. Hinc etiam nullæ propriæ dictæ functioni interservit, cum nullam specialem habeat conformationem organicam seu mechanicam, in qua tamen potentia operandi partium solidarum consistit, quin vel ornatui, vel defensionis ac fortui aliarum partium tantum interserviat; minus commodè solidarum partium catalogo inseri posse videtur. Adeo ut dicendum videatur; pinguedinem per accidens ex abundantia succi nutritii & chylosi, sub & post augmentationis annos generari, membranosis locis adhærere, & intra sua membranosa conceptacula pedetentim dilatata inclusam, successivè coagulari. Uno nomine esse quasi oleum uberius, aut potius butyrum densius, firmius paulo inspissatum & coagulatum. Illustrant hæc experimenta oleorum,

ab acidis in adiposum concretum coagulatorum, oleum scilicet olivarum Spirit. nitri affusum, facili digestionem congelatur tandem in albam pinguedinem seu candidum butyrum, saltem ab igne liquabile. In quod pariter cum oleo amygdalarum dulcium & Aq. For. eodem modo succedere solet. Non secus ac serum, quod sanguini Venæ sectione emisso supernatat, à Spir. nitri promptè in crassamentum viscosum, quasi caseosum, coagulabile existit, gelatinâ scilicet chylosa contentâ intra inspissatâ & per texturæ mutationem condensata. Adeoque non adeo ineptè GREW *Discours. of. Mixture* pag. 90. suspicatur, pinguedinem animalium esse saltem coagulum oleosarum sanguinis partium, factum vel à propriis ipsis acidis particulis, vel à nitroso aeris Spir. cum ipso permixto. Hinc probabile esse asserit pag. 91. quod animalia quædam, ut cuniculi, item collusiones pinguescant magis frigido sub tempore: quatenus oleose sanguinis (vel ex nostra mente oleosæ chyli, h. e. butyrosæ) partes tunc extraordinarie coagulentur ob maiorem abundantiam particularum nitrosarum, ab aere intra eorum corpus receptatarum. Ob eandem rationem quoque esse, quod pinguedo animalium terrestrium durior sit, cum illa piscium sit mollior, & magnam partem in oleosam formam diffuset: scilicet quia aqua, quam incolunt, & quæ respirationis usui inseruit, paucas in se habet nitrosas particulas, respectu earum, quas aer obtinet. Hinc etiam FR. BACO *de Verulamio Hist. Vit. & Mort.* §. 49. asserit, animalia quæ potant ex aqua nitrosa, manifestò pinguescunt, quod signum est frigidi in nitro Plura de Pingui. V. SEBIZIUS *lib. de alim. Facult. lib. 5. Quæst. 12. 13. pag. 1217.* & CASP. BARTHOLINUS *Senior Controv. Anatom. de infirm. Ventr. Quæst. 1. 2-3. 4. pag. 269.* Speciatim CECILII FOLII *Itali, Discorso Anatomico circa la generatione & uso della pinguedine &c.*

§. 11. Præter pinguedinem & musculosa caro est; quæ corpulentia nimia subiectum constituit, quando & ipsa turgescit præternaturaliter, & ita insigniter interdum crassescit, ut notabiliter artuum ac corporis molem augeat. Talis olim *Athletica habitudo*, carnosa scilicet plena & robusta dicta fuit, qualis Athletarum erat, quam non Natura sed arte comparabat sibi, ut multâ solidâque carne, & sanguinis tenacis & optimi copia abundarent. Neque enim vires tantum, sed etiam molem pondusque corpori adiacere conabantur, ut hac etiam ratione adversarium prosternerent. Hinc factum est postea, ut eo quoque nomine omnis corpulenta & firma habitudo vocaretur, etiam in iis, qui athleticam non exercerent, & quam HIPPOCRATES censet non esse secundum Naturam, sed neutram potius: *Vid. GORRÆUS Definit. Medic. p. 7.* De Carne verò hac molè, par ferè atque modo de pinguedine ferendum iudicium. Est scilicet nil aliud, quam sanguinis copiosioris firmitus & uberius circa fibras nerveas motrices coagulum, harum robori pariter ac tutelæ alias naturali in statu inserviens. Sunt præterea, qui carneas partes, non nisi quasdam particulas rubicunda sanguinis grumefactas, & inclusas membranæ subtili, tanquam tenui vasculo, unde diuturna etiam coctione elici possunt, adeoque mentiri tantum carnosam substantiam, asserant; quod tamen tanquam adhuc paradoxum, vel obiter saltem attigisse sufficiat. Hæc duo ergo, adeps uberior, & caro copiosior, nunc solitaria, nunc sociata. Corpulentia nimia subiectum proximum statuenda esse, ex dictis concludendum videtur.

ARTIC. II.

Causam Corpulentia nimia proximam scrutatur.

§. 1.

Nutritius succus perenni motu corpus alluens, ut nutrit singulas partes, easque auget, ita abundantior nonnihil, & totum corpus succulentum reddit, & in specie circa membranas nonnullas laxiores coacervatus, sensim in pinguedinem incrassatus, circa fibras vero congestum, in carnem cogitur. Quod si his ipsis sociemus ea, quæ *suprà Artic. 1. §. 2.* præliminariter quasi

monita fuerunt, vel sponte, citra ulterius scrutinium devolvimur ad corpulentia nimia causam. Hanc enim proximam bipartitam facimus, eamque tam *materialem*, succi nutritii insignem abundantiam, quam *occasionalem*, quarundam membranarum in specie, sic dicti panniculi carnosus, & exterioris cutis laxitatem, & quasi nimiam molliem; ut & fibrarum nervearum plurium extensilem tenacitatem, & quasi porosam imbibendi aptitudinem constituimus: his enim præsentibus causis, succus nutritius omnes partes ubertim humectat & irrigat, & præterea circa dictas partes sensim coacervatus & successivè inspissatur, & coagulatus corpulentiam producit nimiam. De *Formali* seu *efficiente* causa, quæ forsan associanda tertio loco fuisset, inferius pauca, quæ monenda occurrent, attingenda erunt.

§. 2. Hæc ut fiant nonnihil clariora, succi nutritii natura primò indaganda venit. Sanguinem nutrimentum esse corporis universale, & ita etiam scaturiginem pinguedinis, & carnositatis nimia, Veterum unanimis, multorumque adhuc recentiorum est sententia. *Vid. SENN. 1. 5. Prax. Part. 1. c. 4. p. 22.* & FERDINANDUS *Consil. 82.* Sed hanc opinionem non leviter concusserunt Angli: *vid. CHARLETON. Oeconom. Animal Exerc. 5. de sangu. Usu, GLYSS. Anat. Hepat. cap. 45. p. 4. 6. ENS Apol. Circulat. Sanguin. Contra Parisian. Digress. 3. p. 69.* ut nihili dicam de WILLISIO, qui passim in suis scriptis, quoad hoc punctum, consulendus venit. Quibus tamen se opposuit DEUSING. *Exerc. de sangu. Usu*, item STENO *in obs. de Gland.* & novissimè PIENS *de Febr. p. 1. p. 153. 163.* ubi GLISSONI & ENTII argumenta in specie ventilat, aliique plures, quibus pertinacius Veterum vestigiis in hoc puncto insistere placuit.

§. 3. Illi ipsi ergo duplex statuunt corporis nutrimentum, sanguinem unum, pro partibus sanguineis, & liquorem roscidum per nervos in partes derivatum, pro partibus spermaticis seu nervosis, & ita etiam pro pinguedine, ita ut causa obesitatis, nimia futura sit abundantia talis succi per nervos influentis: *Vid. CHARLETON &c. suprà cit. it. WILLIS Anat. Cerebri.* Quibus acriter se opponit DEUSING. *Exerc. de Comment. succi nutritii per nervos influentis*, it. BARTHOLINUS *in Spicileg. de vas. Lymph.* Et sanè hæc ipsa opinio adeo paucis arrisit, ut nullos nisi ipsos Anglos & paucos quosdam Italos agnoscant defensores, & vis probabiliter persuaderi poterit cuidam, qui nervorum structuram substantiamque rectius paulò considerat. Quin modò *materiam* nutritionis, ab huius causa *efficientes*, sive *universali*, in quò puncto Spiritus animales influi omnino primariam mereri considerationem videntur, sive *particulari*, ritè discernamus, haud adeo difficilis ad argumenta illorum videtur responsio.

§. 4. Dubius jam erat, quoad nutritionem, sanguinis usus, non minus etiam succus nervorum nutritius, en ergo novum BILSI commentum à ZASSIO explicatum, & hypothesi Helmontianæ, quoad sextuplicem digestionem, & quoad naturam & usum laticis applicatum, & quantum possibile à DEUSINGIO, aurito tantum, minimè verò oculato testè, defensum, *Vid. DEUSING. Append. ad Exerc. de Nutrim. elabor.* BILSIUS ergo ejusque sectatores loco illius nervorum succi nutritii rorem substituit, hunc nempe liquorem, quem omnes reliqui anatomici *Lympham* appellant; hunc rorem ex primis viis, seu centro, per vasa rorifera, (ab aliis lymphatica) in totum corpus seu circumferentiam dispergi asserunt, ut veri partium spermaticarum alimenti vices obtineat, prætereaque partes sanguineas ita præparet, ut sanguinis nutritionem facilius suscipiant. Causa ergo corpulentia nimia, juxta hanc opinionem, erit roris istius nutritii uberius copia, & laudabilior constitutio, quò ut uberius nutrantur partes spermaticæ, & copiosius succrescat pinguedo, ita etiam sanguineæ majus capiant incrementum, ob maiorem aptitudinem, per hunc rorem inductam. Sanè elegans admodum hæc est opinio, & per quam multorum phænomenon difficile, tam in theoria medica, quam eius praxi, facilis & perspicua possit reddi ratio, modò verà esset. Sed ea sufficienter rejecta est ab omnibus ferè Anatomicis, in specie BARTHOLINO, SYLVIO, HORNIO, & imprimis PAULI *in Anat. Bilsianæ*, & quotquot unquam accuratius & curiosius vasa lymphatica, seu BILSI rorifera, lustrati fuerunt, dum clarè demonstrant, motū in his vasis contenti liquoris, contrariū esse BILSIO, & à circumferentia ad centrum, tandemque ad cor procedere, præterea

reâ valvulæ horum vasorum, à RUYSCHIO ipsi BIL-SIO demonstratæ, hunc tantum non obstupescerunt. Mortuo ergo jam BILSIO, & sepultis cum eodem secretis ejus anatomicis, ac enchiridibus, metuendus omnino simul, & horum assertorum interitus.

§. 5. An ergo sanguis solus corpulentos & succulentos nos reddit? Nequaquam: quin potius lac, ut nutrit infantes tenellos, ita etiam cum sanguine sustentat & corpulentos reddit robustos adultos. Chylus scilicet, ut genuina & legitima est lactis materia, ita idem sanguini in auxiliari sinistrâ permixtus & aliquoties circulatus, non statim abit in sanguinem, sed sub lactis suavissimi forma aut sanguini confusus, aut sub gelatinæ albicantis larvâ à sero, ceu nutritum vehiculo, solutus, mediantibus vasis sanguifluis, in totum corpus distribuitur, omnesque eius latebras perreptat, partes nervosas seu spermaticas nutrit, & abundantior paulò à membranis receptus, per eas transudans, & superficie earum inhærens, in pinguedines succrescit; dum interea sanguis reliquus temperatus, sanguinea perenchymata nutrit, & præ cæteris musculorum fibras copiosiori carne incrustat. Cui sententiæ præter alios adstipulantem vid. BARTHOLINUM *Cent. 2. Epist. 65. p. 622. it. Cent. 3. Ep. 38. pag. 141.* SCHNEIDERUM *de Catarrhis l. 2. p. 85. it. lib. 3. pag. 95.* FR. BAYLE *Disser. 3. de usu lactis.* Quod spectat etiam gelatina feri lactea BARBATI, in eleganti tract. *de Sanguine & ejus sero*, quæ nihil aliud est, quam chyli portio, sub feri tegmine occultata, tam pro nutrimento partium nervearum & his cognatarum, quam pro aliis usibus per universum corpus distributa. Imo, quicquid contra sanguinis asperitatem pro succi nervei benignitate in puncto nutritionis Angli tantopere urgent, quamdiu intra *materiæ nutritivæ* limites subsistunt, optimè chylo, sanguini nondum assimilato, diuturno tamen cum eodem circulo, certo modo alterato, applicari potest. Quæ ipsa non parum illustrat experimentum, quo anserum probè saginatorum, mactatorum, sanguinem, ubi refrigit, albißimo lacte supernatante cooperiri constat; secus ac in iisdem non æquè saginatis fieri observatur: vid. BORRICHII *Herm. Egypt. & Sap. p. 262.*

§. 6. Sanè butyrofa lactis seu chyli (levis namque hæc intercedit differentia) substantia, similis quodammodo est (densiori saltem) corporis pinguedini, unde easdem ferè obtinent proprietates. Cum è contra sanguinea massa, asperior paulo ac salino-acrior, minus commoda videtur, ut pinguedo ex ea generetur, & unde proprietates utriusque in specie color (in sanguine adeo pertinax, ut quosvis alios potius, quam candidum ipsi conciliari queas, nisi totalem ejus corruptionem in pure, quod tamen solo ex sanguine constare, minus verisimile videtur, urgere velis, minus tamen huc quadrantem (in multis discrepant; hinc & sanguineis partibus immediate nuspiam adhæret pinguedo, quin membranis tantum nervosis adnascitur. Unde & ea animalia, in quibus acrior sanguis, concitatori motu intestino, citius chylum in sanguinem transmutat, parciorem habent pinguedinem, v. gr. canis, equus, lepus; ast ea, quorum sanguis temperatus blandius & parcius chylum transmutat, copiosa abundant pinguedine, suntque corpulenta, ut porci, ursi: id quod similiter in genere humano obtinet. Hinc & aliquando observatum, quod talibus obes per umbilicum serofus quidam humor, i. e. vehiculum cum contenta gelatina lactea nutritia evacuatus fuerit: vid. SENNERTUS *c. l. p. 8. 22.* Sed hæc ulterius confirmabunt res naturales, & nonnaturales ad corpulentiam nimiam disponentes: de quibus infra.

§. 7. Massa ergo sanguinea copiosior eaque minus salina, acris & aspera, sed suaviter temperata existens, & simul blando & dulci chylo, eoque copioso, turgida, homines reddit corpulentos, ibi quidem carnem musculosam, hic substantiam pinguedinis notabiliter augmentando. Ut verò talis fiat, præter radicalem & feminalem sanguinis crasin, secundum quam & chyli assimilatio, & solidarum nutritio, aliique ejus usus variant, multum momenti situm est in stomachi digestionem, qualem scilicet chylum hic ex alimentis fermentando producat, cum *fontalis stomachi digestio rectè gubernatrix cæterarum, velut sibi subalternatarum, dicatur ab HELMONT. Tr. Ius duumviratus §. 59. Sæpè namque occurrit Capuccinus, longo jejuni gravatus, potuque paucò & parvæ cerevisiæ saturatus, crasso tamen corporis habitu dotatus. Ex adverso cernuntur edaces largoque mangonio educati, insigniter ma-* Ettmuller. *Oper. Tom. I.*

cilenti: ut idem cit. loc. loquitur. Variat enim non tantum in singulis animalium speciebus digestionis ratio, unde panis idem tot varia dat stercorea, quot animalia pane vescuntur, ex diversitate nempe digestionis, sed unumquodque etiam individuum humanum sua hic gaudens specifica differentia, determinate modoque ac ratione ab aliis individuis distincta, eadem licet assumpta digerit, unde & eorundem maior vel minor ad nutriendum aptitudo, Quotidie scilicet id observare licet, eadem alimenta, pro chylicationis naturali modo procedentis, vel præternaturaliter læsæ ratione, illum nutrire & sustentare, hunc vero ledere, secundum HIPPOCRATIS istud verissimum Effatum; corpora impura, quò magis nutriveris, eò magis læseris: uti & iisdem, hunc insigniter augmentari, & illum verò parum vel nihil mole corporis accrescere Ratio proximè in Massa Sanguinea, remotè vero & fundamentaliter in chylo, huiusque præparatione ac constitutione investiganda; qualis enim hic, talis sanguis, tales Spiritus (cætera omnia in œconomia animali si ritè procedant (& tale per consequens nutrimentum corporis).

§. 8. Haud latet nos equidem, multum alias hic tribus Hepati, cuius temperata constitutione, in specie calida & humida, ut sanguini simili, eoque propterea nutritivo insigniter, generando, ita consequenter tam carnis, quam adipis abundantia, primariò inserviat, cum dogma tale præter Veteres scriptores quosvis, in specie ex SENNERTO *cit. sæpius loc. p. 22* hauriri pluribus queat. Sed quò minùs huic assentiamur impedimento, sunt binæ falsæ, quibus sententia hæc innititur, *hypotheses*; primò scilicet illa, de hepatis in sanguificatione principatu, deinde ista, de calido nativo quarumvis actionum similarium primariò autore & artifice. Nam quoad *priorem* illam notum est: jamdudum hepati publicas à TH. BARTHOLINO ductas esse exequias, adeò ut ejusdem defuncti, & exauctorati jam desperata videatur causa (vid. TH. BARTHOL. *sub hoc Tit.*) utut D. SCHWAMMERDAMMIUS, *Anatomicus Excell. Amstelodamensis*, secundum experimenta HORNII, Lugdunensium olim Anatomici dexterrimi, hepatis resuscitationi aliquam opem ferre promiserit, in lib. *de Uteri muliebr. fabric.* quod tamen, morte immaturâ præventus, præstare haud potuit: Contra quem tamen jam C. BARTHOLINUS *Junior* calami aciem in hoc negotio strinxit, de *diaphragm. structur. p. 64.* Posteriores verò quod attinet, temperies illa partium calido nativo adscripta, ut consequens est vitæ, & effectus quidam potestatum vitalium, ita minimè ipsi tanti ponderis functio, non nisi potentioribus a gentibus conveniens, tribuenda venit, cum à sanguinis & spirituum influorum crasi, temperies ista potius dependeat; tantum abest, ut ab hoc sanguis suam crasin & perfectionem recipere debeat. Concedendum est de cætero, prout bilificationi (si loqui ita licet) præest hepar, huius respectu non adeò negligendam esse in nostro negotio ejus considerationem. Multum enim omnino in recessu habet bilis debite constituta, pro chyli debita perfectione, quâ vitiata, & vitiatus distribuitur chylus, & cacochymus generatur necessariò sanguis, ipse jam à debita crasi plus minus deficiens, prout istud hepatis circa bilem ex sanguine eliciendo officium, plus minus læsum fuerit. Uti itaque plurimum viscerum, pro chyli & sanguinis perfectione absolutâ, mutua & concinna est conspiratio, ita hæc inter hepar ferè primatum obtinere videtur; adeò, ut quò magis temperata & oleosa dulcis bilis ab eodem conficiatur, eò magis corpulentia augenda, quò acrior verò & falsior, eò magis eidem imminuenda conferre probabile sit. Quæ tamen latius deducere, præsens nostrum minime fert institutum.

§. 9. Lactea hæc sanguinis massa apta est, ut corpulentos nos reddat, modò aptitudo partium respondeat, quas copioso succo nutritio irrigare, & circa quas in pinguedinem ac carnem concrecere assolet. Hæc ergo est altera causa corpulentia proxima, nempe pororum & spatiorum amplitudo, inter fibras partium molliores paulo, ac speciatim circa membranas, partiumque harum mollieties, & obsequens tenacitas; circa priores enim illas carnem, circa has posteriores verò concrecere pinguedinem, notum est; idque tam quoad fibras & membranas partium internarum, in specie abdominis & thoracis, quam primariò circa membranas externas, intra panniculum carnosum & cutim, fibrasque musculorum trunci & abdominis. Quantum enim receptivitas nu-

trimenti uberius harum partium, in qualitatibus istis fundata momenti ad corpulentiores habitum, seu copiosiores nutritionem conferat, vel ex ossibus addiscere licet, quæ semel duritiem ac robur debitum ubi acquisiverint, ulteriori incremento aut quamvis in dimensionem extensioni inepta evadunt: Fracta verò, ob pororum præternaturaliter ampliorem capacitatem, & interstitia fibras inter induratas, in loco fracturæ spatiosiora, uberius nutrimentum mox recipere & retinere observantur, quod in callum sic dictum, subinde insignis magnitudinis, tandem abit. In Corpulentiori itaque habitu, dum lacteus sanguis ad partes modò dictas alluit, earum porulis sese insinuat, & dum musculorum & panniculi carnosæ fibræ sanguine augescunt, ipsæ membranæ musculorum lacteo nutrimento implentur, cuius abundantia externe cutim versus transudat, quia interne fibræ musculorum sanguine vestitis adeo commode adhærere nequit; ipsa verò cutis ex extremitatibus capillaribus arteriarum, venarum & nervorum reticulatim contexta, dum per glandularum minutarum ipsi intertextarum excretoria vasa, ut &, si qui sint præterea, poros in specie sic dictos, insensibilis transpirationis materiam vaporum formâ transire permittit, crassiusculum lacteum nutrimentum cum sanguine allatum externorum pororum angustia cohibet, quod ita introrsum versus coercitum successive in corporis peristroma adiposum densatur.

§. 10. Passivæ fuerunt, ut sic dicam, causæ corpulentiae nimiae, quas hæcenus pertractavimus, cum obiectum materiale, uberius nempe nutrimentum, & subiectum recipiens, laxior scil. fibrarum & membranarum textura, saltem considerata fuerunt. De formali verò seu efficiente, quod nutrimentum copiosius dictis locis assimilat & agglutinat, altum hucusque silentium. Sed cum efficiens corpulentiae nimiae, seu nutritionis præter naturam auctæ, idem omnino existat cum eo, naturaliter quod nutrimentum assimilat, hoc ipsum simpliciter ex physiologicis præsupponendum fuit, cum nihil peculiare in pathologica consideratione, de eo monendum occurrat, si ve animam, si ve spiritum influum, si ve insitum, si ve fermentum, si ve ideam, si ve acidum, si ve calidum innatum, maiori subinde verborum, quam rerum differentiâ, illud asserere velimus. Hoc saltem vel obiter monuisse sufficiat, 1. *Cerebri & Cerebelli*, horumque, ut sic dicam, influentiae, non parvam in nutritionis & augmentationis negotio efficaciam esse formalem, ut vel distorti, gibbosi, luxati, paralytici, &c. persuadent. 2. Præter tamen efficiens nutritivum totius corporis, & quasi universale, particulare præterea in quavis parte singulari necessario requiri quasi insitum, ratione cuius universale illud principium determinetur ita, ut idem nutrimentum in huius partis substantiam præcisè convertatur, quod in alia in aliam quoque, & quidem specialem illi parti naturam, abeat. 3. Modum illum quo nutrimentum ex fluido in solidum abeat, sub assimilationis actu in nutritione, vix clariùs concipi, & evidentius explicari posse, quam per coagulationis rationem, cuius primaria instrumenta quasi mechanica, ut aliarum plurium in corporibus mistis mutationum, sint due illa acidum & alicali (seu terr. vol.) animalibus tamen specifica.

A R T. III.

Causas remotas indagat.

§. 1.

Fuerunt hæ causæ proximæ: remotas quod attinet ad corpulentiam nimiam disponentes, eæ omnes in hoc conspirant. 1. Quod aut massam sanguineam temperatam, & lactescentem, aut fibras tam carnosas, quam membranaceas nnnnihil molliores, & quasi laxiores reddant, unde pororum facilior dilatatio, adeoque recipiendi ac retinendi copiosum nutrimentum prompta aptitudo. 2. Quod multum nutritivi addant corpori, parum verò eidem detrahant. *Constitutio Spirituum & massæ sanguineæ radicalis seu seminalis*, taliter temperata, quæ blando motu intestino, quasi fermentativo, moderatè corpus incalescere facit, succumque nutritivum minus citò attenuat, aut quasi colliquefacit, sed potiùs chylum tardius sibi assimilat, ad corpulentiam imprimis facit, & hoc est, quod temperamento calido & humido vulgo attribuunt. Naturæ scilicet quidam præ aliis dispositi sunt, ut corpulen-

tiores evadant, adeò ut reperiantur familiæ, quæ plures corpulentos, sicut aliæ quæ proceros, aliæ quæ minores progenerare solent: Scil. sicuti vegetabilia inter, sub eadem specie v.g. arborum quædam lege naturæ proceriores, aliæ humiliores, aut fructuum quidam crassiores & grandiores, alii minores, & depressiores esse solent per traducem feminalem, quæ proprietas ulterius eodem modo multiplicatur, ita vegetatio animalium simili ratione prima fundamenta ex seminalibus primordiis omnino haurit. 2. *Aetas ascendens & consistens*. In talibus enim nutrimentum, quod sub accretionis annis in augmentum corporis, in specie quod longitudinem non omne impenditur, coacervatum successive corpulentos ferè reddit. Non secus ac infantes ut plurimum corpulentiores, ob nutrimenti lactei ubertatem, & ob fibrarum extensilitatem, pororumque amplitudinem observari solent. Ex quibus facile ac sponte ferè patet, quare 3. *femina præ maribus magis* corpulentæ sæpius fieri soleant. Id quod effectivè per temperamentum frigidius vulgo explicare solent. Quo ipso nihil aliud insinuat, quam contentorum corporis crasis magis temperata, ex qua minor caloris effectus procedit, quàm in maribus, in quibus illa volatilia & acriora ferè esse solent.

§. 2. Inter res Nonnaturales, primum occupat, locum *Aer temperatus, aut saltem minus æstuans, hinc tempus hyemale & vernum*; his enim anni tempestatibus succi nutritivi major abundantia: nam sub frigore hyemali sumus ordinariò edaciores, contenta quælibet spissiora & respectivè magis condensata existunt, & tamen ob ambientis conditionem, ex pororum majori conniventia, corpus minus exhalat; vernò vero sub tempore sanguis turgescens, instar vini recentis, copiosum nutrimentum chylosum generat & suppeditat. *Regio temperata*, imprimis nonnihil borealior; qualis enim aer, talis ut plurimum massa sanguinea: hinc Germani corpulentiores Gallis & Italis. Aer frigidus item crassus, magis ad corpulentiam disponit, quàm subtilis, id quod & antiquitus observatum si enim *BEOTII* sunt pingues, id quod innui; *NEPOS* in *Alcib.* & *HORATIUS L. 2. Epist. 1. ait*:

Beotium in crasso iurares aere natum.

Subtilis enim volatilem nimis massam sanguineam & nutrimentum corporis nimis volatile & subtile reddit, unde facilius postmodum ac copiosius insensibiliter dissipatur.

§. 3. Quamvis Lofio, Societatis Jesu theologo in libro suo diætetico, cibi & potus mensuram, quæ unicuique suam portionem singulis diebus admetiri conatur, relinquamus, cum universalis mensura determinari nequeat, partim ob idiosyncrasiam, partim ob vitæ generis varietatem, alias ut taceam circumstantias; nihilominus tamen certum est, quod *Cibus & Potus* copiosior, aut magis temperatus, & ob id uberius nutritivus, multum hic valeat: modò stomachi digestio unà conspiret, ut supra monitum. Hinc enim ex omissis gravioribus exercitiis, sequente otio & lauta victus ratione, molem corporis cuiusdam immodicè auctam, refert *T R I N C A V E L L U S l. 3. consil. 101. Panis* præsertim multum confert, qui non tantum per se admodum nutrit, sed etiam liquefcens in cremorem, propter acidum fermentativum in panificio susceptum, & beneficio salivæ in masticatione resuscitatum, instar appositi fermenti, aliorum alimentorum digestionem, ut magis evadant nutritiva, adjuvat. Hinc etiam panis recte *Iberiaca alimentorum* audit. *Vid. Helmont. tr. Viæ rationis*. Confirmatur exemplis à *Cattier* obs. *xij. & xij. p. 45 & 46. (Borelli observ. annexis)* allatis; ibi quidem quantum panis dosis aucta, ad laudabiliorem corporis habitum, hic vero quantum eadem imminuta, ad gracilitatem disponat. *Pasculæ Corinthiæ* dictæ, pinguefacere dicuntur *Isid. in praxi*, it. *Riverio obs. 34. Cent. 4*; sunt enim revera succi perquam temperati, (cujus respectu vulgo calidæ & humidæ dicuntur, quin & Veteribus hepar corroborare: Hinc quibusdam decoctum passularum cum Rad. Cichorii, in Marasmo seu contabescencia corporis, est perquam conveniens, (qui asperitatem & acrimoniam salinam massæ sanguineæ emendat, indeque ipsi talem crasin largitur, quæ aptior redditur uberiori nutritioni.

Post *Pasculas semina oleosa temperata*, ut amygd. dulc. pineæ, pistaciæ, it. *mucilaginosæ* & reliqua *farinacea*, milium, hordeum, triticum, similiter nutriunt: unde & *Cerevisiæ*, primariò tritici, hinc & hordeaceæ, sunt nutritivæ.

Lactis & butyri uberior usus, ut atrophie scorbuticæ mede-

medetur, acrimoniam sanguinis acidulam vitiosam temperando, & emaciatis quosvis ac tabidos denuo pingues reddit: ita omnibus hominibus sanis, qui reddi corpulentiores amant, insigniter conuenit: en quàm pingues & succulentos facit infantes? imprimis lac muliebre, quod & semens genitale augmentat, & in Venerem armat: *Vid. FORESTUS*. Unde lac equinum, cum paucis saccharo ad atrophiam ex philtro commendatur ab *HARTMANNO*. Accensenda hic sunt oua recentia mollia, carnes pullorum gallinaceorum, aliorumque juniorum animalium partes, earumque gelatinæ, & sexcenta alia, quæ quò temperata magis & mucilaginosa, eò potentiùs nutritiva, & corpulentia augmentativa.

§. 4. Somnus & quies insigniter impinguant; existunt enim tunc fibræ laxæ, ceu in figura media constitutæ, porique ac interstitia sic erunt quoque ampliora: præsertim cum tunc demum assimilationis actus & motus sit in vigore, cum omnis localis motus cessat, qui eum obturbet, ut rectè hoc deducit *FR. BACO de VERULAMIO Hist. Vit. & Mort. §. 4. p. 155*. Nam vigiliis, & in specie crebriori motu, agitata & circulata massa Sanguinea celerius fermentatione eius intensiori redditâ, incalescit insigniter, & ita colliquefacit succum nutritium, eumque ita tam insensibiliter, quàm sudoretenus dispergit. Videmus hoc in ursis, hystricibus, muribus montanis, similibusque animalibus, quantum quies & somnus valeant, qui tempore hyberno in latebris quiescentes somno sepulti, in speciem crassiores & pinguiore evadunt: partim quod intra omentum, aliaque viscera interna, collecta pinguedo, de quo supra, successivè attenuata, sub nutritionis partium nervosarum munere, indeque & alia quoque; in loca distribuatur, & ibidem sub torpore illo agglutinata, aliqualem copiosioris pinguedinis speciem repræsentet: partim quod sanguis eorum, ex voracitate prægressæ æstatis, chylo crudiore abundans, hunc quantum eius possibile sibi assimilatum, in nutrimentum partium sanguinearum impendat, crudiore & quasi pituitosiore eius parte partes solidas obsidentes, & sub habitu plus minus Leucophlegmatico, corporis peripheriam occupante, ac speciem corpulentioris habitus repræsentante. Id quod facile fieri contingit, dum sub ista quiete, & rara conspiratione, tardior est motus sanguinis localis, remissior intestinus, unde terdissima sanguificatio, paucissima transpiratio, parcissima nutritiæ absumptio: Confer. quæ habet *PECHLINUS de Aeris & alim. Defect. p. 67. & 68*.

§. 5. Quoad excreta, si eadem, imprimis per urinam & sudores sint pauciora, corpus pinguius reddunt; cum enim serum vehiculum sit alimenti, eo copiosius excreto, nutritius succus simul uberiùs euacuatur. Præter cætera omnia, excreta Venerea imminuta, corpus crassescere faciunt: animalia hoc testantur, quæ eo tempore, quo cessant à Venere, pingua evadunt: aut urgente seminis orgasmo, statotempore, quando Veneri inhiant, emaciantur: ratio est, partim quia blandior chylosus & nutritivus succus Masse Sanguineæ detrahitur, & in supplimentum seminis impenditur, partim quia à Spiritibus genitalibus, aut singulari testium fermento, sanguini permisto, huius massa insigniter quasi effervesceat, unde acrior, volatilior & calidior ea facta, minus nutrit, dum promptè nimis, quicquid chyli (tunc temporis ob simul alteratum & acrius redditum ventriculi fermentum) minus nutritivi ipsi distribuitur, assimilatur: His scilicet ex causis, noviter maritatis Tabes dorsalis est frequens; & Veterinarii contra, castrando bruta, eadem esui aptiora reddunt, quia pinguiora & succulentiora evadunt. Pertinent huc aliæ consuetæ, præsertim sanguinis, evacuationes suppressæ: Quà ratione mulieres post cessantem menstruam uteri hæmorrhagiam, aut deficiente conceptione, alias solita, habitiores fieri, & notabiliter subinde excrescere solent. Ut taceam Spirituum influorum sub Veneris actionibus dispendia, quorum defectu quælibet actiones torpent, unde & coctio partium privata quoque ab iisdem minus commodè perficitur.

§. 6. His tandem conjungendi sunt Animi affectus, qui moderati, aut nulli, adjuvant corpulentiam, quibus minus agitata Massa Sanguinea blando motu circulatur. Gaudium moderatum conducit. Ira nimia, curæ nimia, non minus quam motus aut vigiliæ, macilentos reddunt. Ratio ex hæcenus dictis, collectu facilis est.

§. 7. Ex Rebus Præternaturalibus, nil est, quod pingues reddere valeat, nisi per accidens nonnunquam febribus corpulentia succedat: quale exemplum habet *SENNERTUS Lib. 5. Prax. pag. 23*: quatenus per febri-

Ettmuller. Oper. Tom. I.

lem effervescentiam, principiis suis activis salinis admodum depauperata Massa Sanguinea, quicquid recipit chyli, sub remissiore, tam progressivo, quam intestino motu, tardius assimilatur, minusque de eodem insensibiliter dimittit; unde temperata eadem facta & quasi semilactea, arefactas fibras & membranas uberius humecta, & rore nutritivo mitiore, & respectivè uberiore perfundit, unde corpulentior habitus extimi facies.

§. 8. Signa hic addenda essent diagnostica, sed ea per se sunt patula, non secus ac distinctiva ista, quibus ab aliis affectibus discernitur, quæ ex Cachexiæ & Anasarcae ac Leucophlegmatiæ historiis innotescunt, adeo ut recensendis iisdem commode supercedere queamus.

C A P U T I I.

T H E R A P E V T I C U M.

A R T. I.

Signa Prognostica exhibet.

§. 1.

Quam periculosissima secum afferat, incommodata à nimia corporis humani corpulentia, verbis *AVICENNÆ septima quartis tractatu 4. cap. 5.* delineare placeat *SENNERTO lib. V. Prax. c. 4. P. 23. in GALENI Lib. 3. de Differ. Morb. cap. 9.* quibus adde quæ habet *MARCELLUS DONATUS Hist. Med. Mirab. l. 5. c. 2. pag. 537. HIPPOCR. aph. 3.* vocat Gymnasticorum evexiam, si ad summum plenitudinis gradum sit perducta, periculosam. Hinc eiusmodi homines, magnus ille Græciæ Dux *PHILOPOEMENES*, teste *PLUTARCHO* in vita eius, derisioni habuit, cum ignominia & probris, quod quanto plus corpori accedat, tanto plus quoque periculi accedat, & securitati decedat, & quod vasa corporis gauderent mole, quæ ad res gerendas & ad sanitatem tuendam est incommoda. Quam non solus motus & operationis impedimentum, sed & respirationis, alias inter causas, vel saltem ob viarum interceptionem, difficultas comitatur. Nec ad longinquos perveniunt annos, aut brevioris ut plurimum sunt vitæ, teste *HIPP. aph. 2. 44.* Qui naturâ valde sunt crassi, celerius moriuntur, quam graciles. Expositi quippe sæpius sunt, alia ut taceam mala plurima, paralyti, aut subito suffocantur, vel apoplexiâ tandem extinguuntur. Id quod vel bina ista à *Timæo von GuldenKlee Lib. VII. cas. 2. p. 262.* observata exempla sufficienter confirmant. Quicquid enim ad summum pervenit, inquit *SENECA (de Republ. l. 2.)* ad exitum properat. Ignis quò clarior fuit, eò citius extinguitur. Hinc dicebat *CORNELIUS CELSUS*, si plenior quis & speciosior, & coloratior se ipso factus videatur, suspecta habere sua bona debet: ita *LIVIVS*; prævalida corpora ab externis causis tuta videntur, attamen suis ipsa viribus onerantur. Quare rectè *QUINTILIANUS*: Præviator omni fame sagina; *In Protreptio λόγ. fol. 2. & præcedentibus cap. 7. C.*

§. 2. Quamvis etiam nonnulla præstent exempla, obesitatem interdum minimè obesse procreationi, uti huc urget *Timæus von GuldenKlee c. l.* nihilominus obesos nimis & admodum pingues, raro & prolificos, ob rationes præced. Art. allegatas, cum *AVICENNA supra citato loco, HOEFERO in Herc. Med. p. 360. ANDR. LAUR. in Anat. f. 218.* aliisque statuendum videtur.

A R T. I C. II.

Methodum Medendi præscribit.

§. 1.

VT removeatur ergo impedimentum functionum partim, partim periculum vitæ ac sanitatis, quod ex corpulentia nimia imminet, hæc sanè ne fiant præcavenda, aut jam præsens maturè curanda. Utrumque obtinemus, si impedimus, ne adeo copiosum generetur nutrimentum, aut si id genitum sit, ut promptè removeatur, antequam partibus nutriendis sui assimilatione sese affigere valeat: aut si iis jam assimilatum, plus minus, fuerit, ut denuo resolutum & colliquatum seroque abluenti inuolutum foras amandetur. Sic enim fiet,

ut ipsæ fibræ, tam carneæ, quam in specie membranas contextentes, defectu succi copiosioris, quo antea deliniebantur, & blandè humectabantur, indeque laxiores & extensibiles fiebant, nonnihil arescant, & quodammodo exsiccantur, ut ita contractiores reddat, ob poros interceptos angustatos, uberius nutrimentum excludat. Præsupponendo ubique efficientes rationes, omnia ista media, quibus spirituum vis utcumque infringi, & a tertiæ digestionis negotio alienari potest.

§. 2. Alimenti copiam impedimus, 1. Minuendo assumendorum quantitatem: 2. Corrigendo eorum qualitatem, ne adeo sint temperata, nec copiosum nutrimentum supeditet: 3. Alterando, stomachi sub digestionem, chylum, ne adeo insigniter nutritivus, sed potius abstergivus aut diureticus generatur: 4. Immutando Masse Sang. crasin, quo ex temperata dulcescente, acris, aspera, salinaque nonnihil evadat, quò chylus partim promptius subigatur, partim ad celeriores sui exclusionem, tam sensilem; quam insensilem, disponatur.

§. 3. Genitus vero jam succus nutritivus, sive assimilatus, sive assimilandus adhuc, euacuandus ex corpore, sive immediate, quò faciunt omnia ea, quæ sanguineam massam exhauriunt, sive mediate, dum prius attenuatus, resolutus & liquefactus, sub specie sive excrementorum alvinorum, sive Urinæ, sive sudoris, sive salivæ, sive insensibilis transpirationis copiosioris, aliisve modis excludatur. Naturaliter equidem tales excretiones excrementis tantum economiæ Microcosmi hostilibus destinatae sunt: sicuti autè præternaturaliter coacta natura, non raro per eas utiles succos, alteratos tamen, nonnihil euacuari permittit in excretionibus Symptomaticis ac colliquativis;

ita & Medicus non raro iisdem simili pro scopo abutitur.

§. 4. Dubitare equidem aliquis possit, an corpulentia jam facta tolli, & id quod de nutritio succo jam in substantiam carnosam & adiposam mutatum est, denuo euacuari possit, nisi crebrior experientia id jam dudum confirmasset. Sub febribus ardentibus, pingues & carnosus, insigniter emaciantur. Scorbutus atrophiam in corpulentis comitem ducit; non minus quam viscerum internorum exulcerationes, tabidos reddunt antea corpulentos. Notum similiter, qui ex vita sedentaria laboriosam subito ineunt, successivè emaciantur. Præ cæteris per Urinas quosdam omnem suam corpulentiam exuisse, crebra experientia confirmat. Vid. HELM. *Ius duum viratus* §. 59. it. *Lactæ* §. 44. SCHENCKIUS l. 3. obs. p. 456. Et confirmant hoc speciatim *Diabete* correpti, qui mirum quantum breviter emaciantur solent. Post diuresin largior imprimis est diaphoresis quæ sudoris sub facie corpulentos emaciat. Quam cito enim febricitantes, crebrius qui sudant, habitum crassiores exuunt? Qui diætâ lignorum sudoriferâ utuntur, notabiliter quoque aqualiculum deponunt. Hinc sub vehementioribus exercitiis corporis, qui copiosius sudant, magis magisque extenuari solent. Salivationem denique quod attinet, nō tantum in cura luis venereæ, per inunctionem Mercurii crebri salivatione corpora insigniter emaciantur; sed in specie pro detrahenda obesitate nimia, per Mercurium dulcem ptyalismus felici euentu institutus, & pro eadem intentione aliquoties eodem semper cum successu reiteratus fuit, teste BORICHIO in A. M. H. vol. 1. obs. 74. Pertinere huc quoque videtur quod refert BORELLUS Cent. 11. obs. 11. nimiam corporis crassitiam & pinguedinem masticatione continuâ foliorum Tabaci curatam. Id quod vix alia ratione, quam per crebriorem ptyalismum contigisse videtur, quo & ipse & BORELLUS inclinatur, e. l. affirmans, *folia lauri lingue imposita multas aquas educere*.

§. 5. Præsupposito itaque corpulentiam jam factam tolli posse, super est modum scrutemur, quò id fiat. In hoc vero negotio duo imprimis sunt consideranda. 1. Quomodo succus nutritivus adeo consistentiam mutet, ut assimilandum spissior euadat tenuior, assimilatus vero ex solido reddatur fluidus. 2. Quo modo alteratus ita, per modo dicta quævis loca, etiam ex remotissimis inde regionibus, euacuari queat. Prius quod attinet, mutatio ista texturæ & consistentiæ, formaliter non nisi per motum intestinum acceleratum fieri potest, quo à se invicem separentur particulæ, arctius nonnihil implicatæ, & in minutias extiles diuidantur, antea firmitus coagulatae, & motu isto continuato fluida inconsistentia persistant, quo undiq; facilius motu progressivo distribui queant. Duobus hoc fieri modis, fere observatur: 1. per simplicem liquationem eo modo, quo pingua, mucilaginosa, gelatinosa, à quovis calore fluidiora fieri observantur: 2. per solutionem eamque dupli-

cem. (α) Eam, quæ fit totius in minimas moleculas homogeneas, adeoque partes totius integrales, eo modo, quo per menstrua quædam, sive respectu organorum nostrorum sensualium sint corrosiva, sive insipida, concreta duriora & solidiora findi quasi observantur, ut aurum per Aq. Reg., Cran. hum. per spiritum salis, Corallia per acrum. (β) Est ista quæ fit in particulas totius minimas, sibi in misto heterogeneas, adeoque, ut vocant, elementares (scil. immediatas) estq; proprie dicta resolutio, opposita formali seu seminali concreti coagulationi, fitque per principii coagulantis enervationem, unde concretum fatiscit denuo, qua ratione per putredinem resolvi vegetabilia, & animalia, & fatiscere in principia sua, vel immediate vel mediate talia, dicuntur: *Reelemētatio* haud inepto vocabulo vocatur à STRAUSSIO in Epist. ad Dygheum de Pulvere Sympathet. in Theatro Sympathet. p. 135. & in Respons. ad exam. pulv. Sympathet. Deusingii ad p. 425. dum colliquationem istam, quæ in diabetiscis fit, considerat. Prior modus simpliciter quieti particularum & aliquali corpusculorum implicationi; secundus, fortiori unioni & arctiori cohæsioni, tertius vero seminali mitioni opponitur: & hic tertius imprimis intelligi videtur per colliquationem humorum, in medico foro adeo usitatam, utut sub latiori sensu, omnes istos modos una comprehendat, utpote qui omnes, nunc seorsim, nunc idque sæpius conjunctim, sub colliquatione & emaciatione corpulentorum locum invenient. Certe, dum frigidioris qui sunt temperamenti, corpulentos magis commoda sub interpretatione (si nempe humiditas accedat) reddi, supra insinuavimus, ita ex opposito à calore excendente, præsertim febrili, liquefcere contenta quælibet, & tenuari magis, oleosæ plus minus cum sint texturæ, non secus ac ipsa pinguedo, nemo facile negabit. Dum porro acriora quælibet assumpta medicamentosa, ut aromatica, diuretica, diaphoretica positiva, purgantia fortiora vegetabilia, attenuantia, incidentia, & omnia, quæ ad acridinè plus minus salsam contenta corporis disponunt, emaciant quoq; corpulentos, suspicari licet, aciores salinas v. gr. diureticorum particulas solvere, menstrui instar, nutritivam gelatinam, & spissioris sanguinis consistentiâ, quin & acrimonia particularum suarum, cuneorum instar, findere, & affricatu suo, atterere pinguedinis, & carnis musculosæ texturam molliorem, nec adeo tenacem, adeoque hoc modo resolvere denuo easdem. Ex hoc enim Urine diabeticorum mira dulcedo detinenda videtur, ex pinguedinis scilicet aut roris chylosi liquefacti, cum salibus Urinariis misti mutua temperatura, & indulcendinem vergente textura: de quo videatur pluribus agens WILLISIUS Pharm. Rat. Vol. 1. p. 164. & 172. Dum deniq; à Mercurii usu colliquescit corpus, videtur probabile, præter summam eius per quosvis poros meatusq; penetrantiam, accerimum eius sulphur externum, destruere penitus & superare sulphur animale coagulativum nutrimenti, seu ab eiusdem acrimonia adeo mutari concretum coagulati alimenti mollioris, pinguedinis & carnis, ut efficiente vitali seu specifico coagulatore destructo, concretum resolvatur in liquaminis aquosi & viscosi consistentiam, hinc per convenientia cribra transcolandum & exercendum. Sicuti alias Merc. præcipitatus, septicus est, & partis solidæ mollioris, in simile liquamen, externo usu, resolutivus. Nam factor cadaverolus, qui in liquamine per salivationem excreto percipitur, putredinis inchoatæ, & corruptionis, vitali & balsamicæ conservationi oppositæ, indicium est.

§. 6. Alterum istud, quod ulterius hic considerandum monuimus, est euacuationis modus materiæ colliquatæ & resolutæ. Fit hæc mediante sero, seu latice, communi isto nutrimenti & excrementi vehiculo. Hoc uti consueta Naturæ lege imprægnatum est salibus Massæ Sanguineæ superfluis & inutilibus, quæ ceu recrementa digestionis secundæ, per Urinam eliminat, & quorum medio, instar liquoris saponarii, abstergit & abluit partes solidas, ne quid sordium à nutritione privata remaneat, quas sub formâ nunc sensilis transudationis, non insensibilis transpirationis foras excludit: Ita parili ratione, eiusdem beneficio, colliquata quævis materia, & ita vitalibus nostris heterogenea, & eatenus recrementitia reddita, & sive ex nutrimento adhuc assimilando, intra vasa, sive ex eodem jam assimilato, extra vasa genita fuerit, ac ubicunq; locorum substituerit, imbibitur, probeq; abstergitur, (idq; eo potentius, quò acrius & salsius, adeoque aculeatis pluribus particulis turgentius fuerit dictum serum) & communi humorum circulo, per universum corpus rapta, per loca convenientia, filtrationis modo, tandem transcolatur, ac serolo isto

istis vehiculo involuta, foras emittitur. In quo negotio duofere concurrere solet: 1. Proportio conformationis mechanicæ, quoad figuram & texturam particularum filtrandarum, cum ista pororum organi filtrationis: 2. Irritatio quædam, plus minus sensibilis, in loco filtrationis, à materia filtranda, cuius occasione stringuntur fibræ non-nihil, & refluxus integræ humorum massæ aliquantisper retardatur, unde lentiori sub motu, transcolandæ partes, fibrarum ista strictura, copiosius trajiciuntur & quasi exprimuntur, donec qua data porta excludantur.

A R T I C. III.

Fontem Diæticum aperit.

§. 1.

UT jam specialius consideremus auxilia, istis scopis plus minus convenientia, eadem ex tribus fontibus Medicis haurienda veniunt. Pro quorum selectu observanda imprimis differentia imminuendæ immediate, vel carnosæ vel adiposæ substantiæ, præsertim adhuc assimilandæ. Nam carnosæ illius partis respectu, ea quæ sanguinem strictè sic dictum magis afficiunt, respectu verò pinguedinis, quæ chylum magis tangunt, adhibenda. Sic enim sanguinis detractio, carnosiori habitui imminuendo, Lactis uberius emissio, pinguedini detrahendæ accomodatum magis auxilium. Auxilia hinc *Pharmaceutica*, magis adiposis, illa verò *Chirurgica* carnosis, *Diætica* pro selectis ratione utriusque æqualiter conveniunt: sic enim carnosus Lacticinia & oleosa, contra obesitas carnosæ potius concedenda: istis cerevisia triticea, his hordeata propinanda. Eodem sub respectu, acriora & effectivè calidiora, sive alterantia, sive evacuantia, obesioribus aptius respondent. Hinc nitrata carnosis; tartarea obesitas potius conducunt; & sic porro in aliis.

§. 2. Primus fons largiter media Diætica subministrat, quorum legitimum regimen, vel ex *supra dictis cap. 1. art. 3.* sponte patet. *Aerem* quod attinet: uti chylum in saliva deglutit & sanguinem per inspirationem admissus, pro constitutione sui notabiliter alterat, ita, ut uterque magis vel minus temperatus, magis vel minus fixus aut volatilis, adeoque facilius aut difficilius dissipabilis evadat; ita pro corpulentæ medela, subtilior, calidior; & sicior, isque crebrius recentatus (si ita loqui liceat) imprimis feligendus. Huius enim medio, ut attenuari in nobis & resolvi, & quasi magis liquari solent contenta nostra quælibet, ita & motus intestinus intenditur notabiliter, unde acriora reddita eadem minus nutriunt, quin attenuata insigniter, promptissimè tam sensibiliter, quam insensibiliter evacuari apta nata existunt. Non minoris efficacitæ, propter easdem rationes, sunt Regionis calidiores, imprimis quæ Tropici propinquiores: necnon solum arenosum, calidius & siccus. Quod etiam referre licebit Aërem arte calefactum, ut balneum siccum, hypocaustum, &c.

§. 3. Quemadmodum autem tam liquidarum & fluidarum, quam (suo modo,) solidiorum quoque partium consumptio perpetuam necessitatem nobis imponit assumendorum in dies alimentorum, quibus deficientibus in fame qualicumque contabescit confestim corpus, ut loquitur *STLVIVS Prax. lib. 4. Tr. 5. §. 405.* ita iterum marescant corpulenti nimis, *Cibus & Potus* quoad quantitatem sit parvus & paucus: de quo conf. *PANAROLLUS Pent. 4. obs. 18. it. 32. qui pinguibus & obesitas remedium optimum & infallibile asserit abstinentiam à superfluo cibo & præsertim potu: Nulla enim res minuit maiori celeritate & securitate pinguedinem, quantum subtractio humidi.* Quoad qualitatem non sit temperatus aut nutritivus, quin potius frequenti condimentorum, in specie salinorum, acriorum, & acidorum additione ita constitutus, & redditus medicamentosus, ut incidentem, attenuantem & solventem, quin & diureticam quodammodo naturam acquirat, adeoque aut citò transeat, aut sanguini infusus, hunc similiter acriorem ac asperiores reddat. Talia sunt, prout recensentur à *STLVIO l. 1. Prax. c. 38. §. 6. acetum, succus citri Spiritus salis, &c. piper, caryophylli, cinamomum, macis, zinniber, nasturtium, eruca, sinapi, raphanus quiuis, & imprimis rusticanus. PLATERUS Tr. 3. Prax. pag. 51. pipertis frequentem usum maciem indicere, docet.*

§. 4. Omnibus autem hoc in casu præpollet vinum de-

gener seu acetum, de quo sanè notabile est, quod ex *STRADA* refert *CATTIERI obs. 13. p. 44.* ejus usu, virum militarem, obefilate prætumidum, aceto continuato, 87. pondo, detumescere abdomine decrevisse. Volatile enim eius acidum, utut stimulum quodammodo addat appetitui, tamen fortius cibos colliquescere cogit, ut in ferrosiorem, & aquosiores, ac asperiores, minusque nutritivum abeant chylum: præteream tam sub digestionem in stomacho, quam extra eum in fine duodeni, attactu fermenti fellei, transmutatur plus minus in falsum volatile acre, ac fit insigne abstertivum, incisivum, tam sordium nocivarum, quam etiam nutrimenti laudabilioris, & diureticum, unde crebriore & diuturniore ejus usu, sanguinea massa in specie latex aquosus, falsus volatilis, acrior, abstertivum & diureticus redditus, externuando & resolvendo nutrimentum, successivè corpulentiores habitum imminuet. Quod si acetum vulgare, volatili scillæ sale imprægnetur, & fiat acetum scilliticum (de quo aceto scillitico *DURASTANTES* integrum conscripsit tractatum, utpote quod in maximo apud Veteres fuit pretio, adeo ut tantum non pro panacea habuerint, cum ex usu ejus primus illius inventor per omne vitæ tempus benè & salubriter vixisse dicatur) quo & diuretica ejus virtus, omnibus capaceis & allatis singulariter propria, intendatur, & acrimonia penetrantior evadat, efficacius futurum est. Hinc *STEPHANUS, Med. Venetus, in Operibus Medic. lib. Cosmet. p. 463.* nil peræquè prodesse dicit ad obesitatem tollendam, atque acetum scilliticum, jejune quotidie assumptum: ex eodem fonte & ab aliis oxymel scilliticum commendatur, sicut aliis acetum scilliticum in quo absinthium maceratum, aliis acetum rutaceum laudasse placuit. Quidam loco ordinarii potus aquam chalybeatam, aceto temperatam, propinant corpulentis. Quod si acetum à nitro cohobetur, & ita fortificetur, eò convenientius huic usui futurum esset, quod ipsum obtineret pariter, si salis ammoniaci modicum in Nitro solvatur.

§. 5. Somnus parvus, labor verò corporis assiduus, cum vigilis insigniter convenit; sic enim alteratur sanguineæ massæ crasis, eaque ex aucta fermentatione, fortiorque hinc calore succenso, temperatis nutritivis partibus sudore diffilis, retorrída eadem & acrior redditur, ut nihil apponat nutrimenti, multum è contra absumat. Quantum enim crebriora pariter, ac vehementiora corporis exercitia, pro corpore attenuando faciant, vel rusticorum ac mechanicorum testatur turba: quos inter raros carnosos, (benè autem ut sic dicam fibrosos ac nervosos,) rarissimos obesos, cernere licet, quamdiu consueta scilicet Vitæ obeunt munia. Adeo sudore tenus diffiluit, quicquid sub parca somni quiete solidis partibus, pro irroratione earum, ad facilitationem motus, aspergitur, ut citra uberiores assimilationem, per habitum porosum corporis denuo excernatur: id quod confirm. *suprà c. 1. art. 3. §. 2.*

§. 6. Propterea quoque sedulo opera danda, ut viæ istæ, per quas quarumvis digestionum excrementa emittuntur, nequaquam sint obstructæ, sed potius quotidie patulæ, imò solito laxiores & apertæ, quo de succo nutritivo, sub excrementi tegmine, portio quædam unà eliminetur. In quem finem transpirationis loco, crebrior sudatio in specie conducit, ut modò insinuat; sic enim immediate magis habitus corporis exhauritur, & quod carni vel pinguedini impendendum foret, ita glutinosioris sub sudoris larva excernitur. Veneris quoque exercitium crebrius repetatur; quod enim major nutritivi roris portio, pro reparando seminis dispendio ad testes abripitur, eò partes alias magis defraudari eodem palam est: quin & Spiritibus animalibus speciatim sic copiosius exhaustis, totius corporis functiones tam motivas, quam in specie nutritivas, vacillare necesse est. Referendæ huc & aliæ excretiones extraordinariæ, mensium, hæmorrhoidum, aliarumque per loca alia hæmorrhagiarum, quæ tantum abest, ut cohibendæ sint, ut potius omni ope promovendæ; in quem finem, interno usu, vix croci ac myrrhæ auxilia quicquam superare arbitramur: adeo hæc quasvis hæmorrhagias provocare apta nata sunt. Sanè mulierem novimus delicatioris texturæ, cui croco, cum molâ parva attereretur, odor diuturnior, ex fonticulo cruris sanguinem copiosum effluere fecit. Pertinet huc & lactis uberius in mulieribus excretio: cum quantum ejus usu pinguescant infantes, tantum ipsis detrahi omnino necessarium est.

§. 7. Tan-

§. 7. Tandem huc pertinent animi affectus, & motus, qui mediantibus Spir. uti insigniter contenta corporis alterant, ita ad corpulentiam imminuendam plus minus conferent. Præ cæteris autem id efficit gaudium magnum, ac effusum: & hinc imprimis incandescencia concitatio: utrumque pathema autem & crebrius & intensius sit, si scopum præfixum attingere debeat. Gaudia magna quidem & effusa Spiritus attenuat & diffundunt, & aciendo per acceleratum intestinum motum, contenta corporis acriora & asperiora, adeoque quasi Salsiora eadem reddit, unde minor nutritio, sed potius nutrimenti colliquatio. Excandescencia verò uti cruditatibus pituitosis corrigendis apprimè confert, in statu præternaturali, quas quasi coquit ac maturat, seu attenuat & resolvit, & partim nutritioni, partim excretioni, aptiora reddit, unde & chronicis in malis subinde remedii loco est, & in specie mensibus vel parcius vel penitus non fluentibus confert; ita in corpulentioribus, liquando contenta nutritiva, & attenuando eadem, ac ad successivam excretionem disponendo, & exasperando seu acriora reddendo cætera fluida, multum ad habitum crassiorum deponendum facere solet.

A R T I C. IV.

Remedia è fonte Pharmaceutico haurit.

§. 1.

Fonte diæterico jam relicto, rectâ tendimus in Pharmaceuticum, qui varia nobis suggerit remedia evacuantia. Ex hisce autem eligenda ea potissimum, quæ simul etiam Massam Sanguineam alterant, eamque attenuant ac resolvunt, & speciatim laticem serosum (ejusque contentam gelatinam chylosam) in eo vel fundunt, vel acriorem efficiunt, indeque abstersivum & glutinosi cujusvis plus minus attenuativum, ac colliquativum & hinc vasorum excretoriorum simul stimulativum reddunt. Hæc inter evacuantia primum locum obtinent *Purgantia*, quorum fortiora, mediante acrimonia maligna, & colliquefactiva, cum promiscuè tam vitiosa excrementa, quam utiles nutritivos succos, sive assimilandos, sive jam assimilatos, adeoque ipsam tandem, certa ratione, solidam substantiam resolvant, & sub putrilaginis foetidæ formâ educant, ut pluribus docuit HELMONT. *in suis scriptis, in specie de Febr. c. 5.* & CNOEFELIUS *Menth. Med. Febr. epidem. exerc. 3.* potentissime corpus emaciabunt. Sed quoniam non omnibus æquè conveniunt, quin interdum quibusdam gravia mala inducant, cum *belleborum* insequi convulsiones jam olim HIPPOCRATES *in Aphor.* notaverit, *scammoneatum* pharmacum vero hypercatharsin periculosam apud HELMONTIUM *cit. l. §. 13.* induxerit, febres periculosas in aliis fortiora purgantia accendant, GABELCHOV. *Cent. 6. Cur. 26. & 27.*, alios ad hydropem & leucophlegmatiam disponant, teste POTERIO *Cent. 2. Cur. 29.*, adeoque non semper sine periculo propinentur, metu gravioris mali, potius ab his abstinendum. Blandiora tamen nonnulla purgantia, in specie aloëtica, non lota, (lotione enim eorum virtus castratur) commendatur, sive sola, sive aliis amaricantibus, in specie myrrhâ, mista: quæ ipsa, uti & alia amara, v. gr. absinthium, gentiana, Centaurium minus, ut balsamicâ quidem virtute corpus Massamque Sanguineam conciant, ita simul potenter exsiccare dicuntur, quatenus deterfivâ amaritie validè succos nutritivos attenuant & dissolvunt, potenterque abstergunt, simulque bilem acuunt, forsan & augent, eamque acriorem & amarioram, adeoque respectu chyli & sanguinis, simili modo alterativam, hoc est attenuativam, reddunt, eo ipso sane corpus ad emaciationem multum disponent. Quò major enim bilis acrimonia, eò magis nutritio impeditur, minor verò eandem promovet. Quam etiam ob causam in foetu dum partes celerius crescunt, bilis sæpius insipida planè observatur. *Vid. Colleg. Therapeut. Excellentiss. Dn. D. BOHNII, Patroni ac Præceptoris mei summè colendi, Part. 3. Art. 2. §. 3.* Ad nostrum hinc scopum pilule quæcunque aloëticæ, in specie de Tribus, item ex hieris confectæ, usurpantur, quarum loco & elixyr proprietatis vulgare, multum differens ab eo, quod PARACELSUS beneficio liquoris alkahest paravit, aut quod HELMONTIUS, tanquam succedaneum hujus, artificiosa digestionem concinnat, substitui potest. Unde etiam FERNELIUS, *Vir experientissimus & magni judicii atque in-*

geni, prout audit CONRINGIO *Introd. in art. Med. pag. 146. Consil. 15.*, ad obesitatem nimiam, pilulas ex Rhabbaro, aloë & agarico confectas, curandam proponit. Pertinent huc quoque *pulv. Hypacici*, ex fenna & aromatis acrioribus compositi, ad obesitatem nimiam non inconcinne descripti à VELSCHIO *in Hecatoest. 2. Obs. 61. p. 34.*, item *pulv. purgans expertus FORESTI l. 31. obs. x. PLATERUS multiscius Prax. Tr. 3. p. 51.* pilulas ex amaris paratas, ʒss. pondere, singulis matutinis sumendas; tales præscribit:

R. Rad. aristol.

Gentian. an. ʒj.

Rubic,

Summit. cent. min. an. ʒss.

Alum. ʒj.

Cum succo polypod. vel caryophyllatæ f. Massa.

Faciunt huc Electuaria ista bina, ex aromaticis acrioribus parata, Corpulentiam nimiam, *Antipioris* ob id dicta, & descripta contra à FERDINANDO, *Hist. Medic. 82. p. 274.*

§. 2. Diuretica porro sunt primariò, quæ obesitas conveniunt, eaque speciatim salina, quæque blandè & leniter eos emaciant, ut superius dictum. Primatum in hoc puncto obtinet acetum siccum, ut vocatur BILLICHIO, seu potius concentratum, nempe tartarus, seu sal istud enixum ex acido vini & facibus ejus alcalinis oleosis solutis enatum, quem imprimis EPIPH. FERDINANDUS *c. l. specificè commendat*, quod potenter absumat pinguedinem, corpus laxet & primariò urinas promoveat. Eadem scilicet de hoc ipso coagulo salino dicenda veniunt, quæ supra de eodem tartaro liquido, hoc est, aceto, asseriebantur, dum pari modo resolutum in stomacho, & successive mutatum in falsum volatile, insigniter abstersivum & deterfivum, urinæque provocativum evadat. Sufficit autem crudus & superficialiter saltem depuratus, crebrâ solutione & crystallisatione clarificato præferendus; his enim præparationibus non parum de volatili sua aciditate amittit. Sunt, qui arcani instar, contra obesitatem nimiam commendant pulverem ex tartari depurati & cymarum aut julorum coryli verno tempore crescentium æqualibus partibus paratum, mane & vespere, sub introitum lecti, quantum cultelli cuspis capit, aceto prius irroratum, assumendum. PLATERO de coctum julorum coryli in vino factum commendatur *Prax. Tr. 3. p. 51.* FORESTUS ALCMARIANUS, *vir multæ lætationis, & Practicus felicissimus*, autore COMRING. *c. l. p. 148. l. 31. obs. x.* de quodam aurifabro narrat, eum tantâ crassitie laborasse, ut ferè expiraret, curatum verò fuisse hoc Pulv.

R. Tartari ʒij.

Cinam. ʒiij.

Zingib. ʒj.

Sacch. ʒjv.

Misc.

§. 3. Post Tartar. est nitrum, non infimi subcelli remedium, & ipsum elegans sanguinis alterativum, & nutrimenti abundantis resolutivum, & per Urinas eductivum. Hinc nitrum optime depuratum, seu flores *Mynsichtip. 27.* in usu commodo erunt. Tartarus item *Nitratus BARTHOLETI Tract. de Respirat. l. 5. c. 1.*, qui ceu singulare febrifugum ab eodem commendatur, & singulare diureticum: revera autem nil aliud est, quàm Mitr. ex proprio Spiritu in alcali tartari regeneratum. Ratione Nitri, & diaspoliticon Galeni, dictus officinalis pulvis, à quibusdam pro arcanissimo habetur contra obesitatem: quo ipso aliàs pulvere, in totâ officinâ pharmaceuticâ, nobilius vix reperiri remedium, contra affectum hypochondriacum, & natam exinde melancholiam hypochondriacam, non tantum à BARTHOLETO *c. l. L. 5. c. 4. p. 431.* sed etiam ab Archiatro quodam, Regio Danico, D. J. ceu frequenti experientiâ confirmato his ipsis in malis, assertum fuit. Nitrum ipsum crudum non reformidandum, modò per Sal ammoniacum depuretur legitime ab excrementitio sulphure ipsi frequenter adhærente. Relationi amici debemus, quod catellis, maturè ab uberibus matris semotis, si Nitrum in lacte vaccino, ceu alimento, dissolutum crebrius propinetur, eorum incrementa corporis multum impediri, eosque ita parvulos, ludis jocisque aptiores, continuò permanere. Pertinet huc Nitrum vitrio-

vitriolatum, h. e. arcanum istud duplicatum Mynsichti, seu, aut alias appellatur, Panacea Holsatica, (vid. SCHROEDERUS *Pharm. Med. chym. l. 3. c. 23. pag. 466. 474.* & MYNSICHT. *Armament. p. 10.*) remedium profecto laudatissimum; præter usum enim ejus contra corpulentiam nimiam, in malo hypochondriaco, febribus intermittentibus, ipsaque etiam scandalosâ quartanâ, & mulierum affectibus, item in scorbuto, calculo &c. remedium revera polychrestum existit. Somnum nonnihil conciliare simul deprehenditur; id quod non immerito aliquali participationi de sulphure vitrioli anodyno adscribendum videtur. Sugillat quidem nobile hoc remedium ZWELFERUS *Mantiss. Spagyr. p. m. 407.*, sed ipse insigniter hallucinatur, ob neglectum legitimæ præparationis, si enim ejus vestigiis insistere velis, non desideratum Sal duplicatum, sed vitriolicum vomitivum accipies. Sal enim istud duplicatum, ex capite mortuo aquæ fortis elixivatum, vitriolici sanè primitus & nauseosi saporis, per repetitas in crucibulo fusiones, solutiones in aqua, filtrationes, & coagulationes, eò usque depurandum, donec Sal candidum, ex insipido amarefcens, acquiras: quarum inadvertentia asperas istas Zuwelfero extorlit censuras.

§. 4. Vitrioli injecta mentio & hujus usum contra nimiam obesitatem in mentem vocat, in specie si ejus Spiritus seu stigma acidum copiosius usurpetur, aut cum eodem paratus Tartar. vitriolatus: Artificiosa tamen ejus in crystallos Salin. coagulatio, reliquis in hoc casu præparationibus præfertur. Singularis experimenti rationem habere dicitur oleum vitrioli super sulphur antimonii affusum, indeque per Retortam destillatum, cujus destillati gutt. 8. vel 9. in aqua rosarum assumptæ & sæpius reiteratæ, cujusdam viri obesitatem, qui 4. ulnarum circumferentiam habuit, in tantum diminuit, ut 5. vlnæ quadrantum macrior redditus fuerit: de quo experientia confirmatio attendenda. De vitriolo verò dum loquimur, acidularum se offert potus, cum vitriolum martis sit, quod animam earum constituit: hæc ipsæ enim crebrius & diutius haustæ, pariter crassiores extenuare solent, id quod alias præter causas, vel copiosior Urinæ fluxus pariter præstat. TIMÆI *Von GuldenKlee* est observatio *Lib VI. Cas. III. p. 263.* aquarum talium alumine, nitro & marte (ut ipse quidem enumerat) turgidarum potu quemdam obesorem, corporis habitum manifestè imminui & decrefcere sensisse: idque toties, quoties, id quod annuatim fiebat, his ipsis uteretur. Egranas verò acidulas, externè adhibitas, corpulentiam nimiam imminuere MACASIUS *c. 9.* autor est. Nec immerito Thermæ exsiccantes, & potæ, & pro balneo adhibita, ceu utiles laudantur à SENNERTO *p. 25.*, modò appetitui, qui potu earum, non secus ac acidularum, mirè intenditur, minus satisfiat, sic enim duplicatâ ope, detrahendo, nec restituendo, talibus succurritur. Ut taceam harum extrinsecus admotarum ope, stringi & corrugari plus solito fibras, arctarique ita & angustari partium poros, quo ipso copiosioris nutrimenti receptio necessario impeditur.

§. 5. Ex ergo vegetabili, præ cæteris simplicibus semen fraxini, seu, ut ratione figuræ aliàs appellari solet, lingua avis, insigniter commendatur: adeò ut FERDINANDUS *c. 1. p. 274.* istud ceu ultimum contra obesitatem nimiam deprædicet remedium, quod etiam hydropem curet, dosi ʒj. propinatum in vino. Nec est, quod mireris talia præconia; magna namque in herbis virtus, potensque in iis energia, imprimis quæ in semine earum concentrata delitescit. Hoc ipsum verò præ cæteris diureticis & lithontripticis caput extollit adeò, ut istud contra calculum sufficienter laudare vix queat GLAUBSIUS *Pharmacop. Spagyr. p. 1. p. 23.* Eodem ex fundamento celebratus adeò ab HELMONT. *betulæ succus diureticus*, obesis futurus esset proficuus, quod aliquando tentandum foret. Italis quibusdam, singularis remedii loco, ad curandos infantes nimis obesos, ita ut vix respirare possint, est hæc mixtura:

℞. *Sem. urticæ ʒj.*

Pulverisato subtiliter misce cum mellis ʒiv.

Hujus mixturæ cochlear 1. vel 2., si paulo sit grandior, propinant infanti, felici cum successu. Ratio eadem hic subest, nam urticæ semen legitimo modo & tempore collectum, mirabile est diureticum, singulareque lithontripticum.

Terebinthina silentio prætereunda non est, cujus tanta cum Urina intercedit familiaritas, ut violacea suavi-

tate Urinam imbuat: de hac refert FORESTUS *libr. 31. Obs. x.*, quendam valde crassum & articulari morbo obnoxium extenuatum & curatum fuisse per pilulas de Terebinthinâ cum saccharo, harum 5. vel 7. duabus horis ante prandium quotidie recipiendo. Agmen tandem vegetabile claudat Sandaracha Arabum, seu gummi juniperinum; nam Sandaracha Græcorum, arsenicali virulentia infestum est, & ob id hic exulet. Gummi hocce, ceu vitale balsamici juniperini fruticis nectar, originem suam olet, & ita non tantum balsamica juniperi virtute corpus tingit, sed in specie laticem laqueosum Massæ Sanguineæ acuendo, quicquid sordium invenit per urinam evacuat & etiam alimenti superfluitates unâ exhaurit. Landem hinc merentur Pilulæ Mynsichti de Sandaracha dictæ, quæ totæ insigniter diureticæ & deterisivæ contra obesitatem singulariter commendantur, & ceu expertæ laudantur: cum oxymelite ʒss. sandarachæ, sæpius danda, à PLATERO proponitur *Prax. Tr. 3. p. 51.* Plura de diureticis his proficuis ex regno animali, in specie de lumbricis, asellis, scarabæis, cantharidibus, &c. dicere possem, nisi talia ceu in Ulgus cognita, præsupponerem.

§. 6. Diuretica excipiunt sudorifera, quæ inter lignorum usitata decocta vulgò referuntur, quæ aromaticâ suâ acrimoniâ, attenuando Massam Sanguineam, ejus circulationem rapidiorem reddunt, unde superfluum alimentum sensim liquefactum, seroque denuo imhibitum, sensim per poros corporis excernitur. Id ab omnibus observatur in Cura Gallicæ Luis per diætam sudoriferam, in qua ægri non parum emaciantur. Rationem Methodicam, qua per lignorum decocta, præmissis sanguinis debitæ detractionibus, curandi sint obesi, delineat *Casus I. Lib. 6. à Timæo uon GuldenKlee* consignatus. Hinc super sarsaparillæ radicem extructus est Pulv. compositus FERDINANDI contra obesitatem, quem aliis præfert, & quo se felicissime usum & Salib. theriacal. æqui pollere asserit:

℞. *Pulv. Sarsapar. ʒj.*

Coriandri,

Anisi,

Cinnam.

Caryophyll. an. ʒij.

Cal. arom. ʒj.

Tartari ʒss.

Sacch. albi q. s.

M. f. Pulvis.

In cujus locum forsan substitui poterit iste à SENNERTO laudatus *c. 1. p. 25.* Decoctis talibus aut Pulv. essentialium lignorum cum Spirit. sambuci paratæ, pariter succenturiantur. Salia theriacalia commendari solent à quibusdam, de quibus videatur judicium ZWELERI, & quæ contra hunc acutè differit TACHENIUS in *Hippoc. Chym.*, quorum tamen loco potius Pulv. viperinos, tam simplices, quam pro scopi varietate diversimode compositos, cum experto Velschio *c. 1. Hecatost. 2. obs. 61. pag. 36.* commendamus. Salia aliàs fixa quæcunque, ut & volatilia, tam quæ cervinæ calvarie fructus, quam quæ viperæ suppeditant, valde hic conveniunt: non minus quam sal vol. succini, elegans sudoriferum, & potens diureticum: qualia Salia acia hoc in casu convenientiora sunt sudoriferis fixis, ex minerali regno in specie antimoniali familia paratis; cum illa positive magis operativa existant.

A R T I C. V.

Fontem Chirurgicum libat.

§. 1.

Instrumentis jam Pharmaceuticis Massa Sanguineam colligere faciendi, chylumque laudabilem, & inde corpulentiam nimiam minuendi non sufficientibus: videndum an Chirurgia quoque aliqua nobis queat suppeditare hunc in finem utilia. Quanquam verò *Venæsectio* nequaquam unicum ferme ac optimum remedium in quibusvis affectibus curandis, juxta Parisienses Medicos plerosque, SYLV. *App. Tr. 9. 242. p. 809.* Nihilominus tamen in nutritione aucta iterum imminuenda, ideque speciatim carnosiori in habitu, eandem multum præstare, quin utramque complere paginam, testatur, confirmatque pariter experientia. Quippe primarium Venæsectionis similiumque sanguinis detractionum indicans est sanguinis laudabilis copia uberior. Et quemadmodum per Venæsectionem, sive simul

mul ac semel fiat, sive, quod melius, pro unius cuiusque constitutione peculiari & viribus, per iteratas vices instituat, sanguinem immediate detrahimus, ita cum eodem emissio nutritum chylosum succum pariter cito tutoque utut secundario imminui atque exhauriri posse, nemo, credo, est, qui neget.

§. 2. Vicarias phlebotomiae vices subeunt *Cucurbitulae scarificatae*, ac *hirudines*, variis in locis applicandae, quae eo crebrius reiterari, & eo plures adhiberi possunt, quod minori, saltem non adeo subitaneo, virium cum dispendio in usum vocari possunt, sive solitariae adhibeantur, sive accedente locorum vulneratorum frictione cum Sal. & Acet. ad imitationem nempe ZACUTI LUSITANI, qui quantum huiusmodi haemagoga auxilia corpulentioribus conducant, pluribus ostendit l. 3. *Prax. Admin. obs.* 112.

§. 3. Suum pariter inveniunt locum & certum usum habent *Cauteria*, tam actualia, quam potentialia, & cum his paratae fontanellae, seu ulcera artificialia, quod ampliora & copiosiora, eo pro praesenti scopo utiliora: haec enim promiscue quicquid inveniunt humoris alluentis, colliquefcere faciunt, & ita etiam successive nutritium succum in forma liquaminis purulenti exhauriunt. Id quod pluribus ostendit HELMONTIUS *Tr. Cauterium*: utut in cacochymicis cum pauco nutritivo plus excrementitii eliminando, a posteriori quasi, alios plures usus obtineant.

§. 4. Ad efficacem hanc Medicinæ partem referenda videtur etiam *adipis detractio*, cuius PLINIUS, & ipse solus, l. 11. c. 37. mentionem facit, dum inquit: *L. Apronii Consularis viri filio, detractos adipos, levatumque corpus immobile onere*. Juxta hunc, quem & alii, qui rei huius mentionem faciunt, unicum allegare solent, videre licet in scripto Germanico *Anonymi, Chur-und Furstl. Helden-Saal. pag. 221.* relatio non abludens a praesenti negotio. Verba sunt haec: *Dedo VII. der Feiste, &c. &c. als er mit Kayser Henrichen VI. nach Italien zu dessen Hochzeit reisete, und ihm unterwegs das Schmeer, so ihn beschweret, schneiden liesse, ist er bald darauff, Anno Christi 1190. gestorben.* Scilicet hoc ipsum est, quod refert ELIAS

REISNERUS *Geneal. Basl. pag. 275.* de DEDOME V. Comite Rochlicio, propter nimiam obesitatem crasso cognominato, quod antequam cum Henrico VI. Imperat. militatum iret in Apuliam, arvinam corporis Medico secundam praecandam praebuerit. Res nempe, nostrum quod attinet negotium, eadem, circumstantiae utut variant. De Sanctio, post Obitum Fratris ORDONII III., in Regem Hisp. electo, cum ob nimiam pinguedinem ad regni officia ineptus esset, excisionem etiam pati decrevisse, sunt qui referunt. De quo posteriori tamen apud Rerum Hispanicarum scriptores altum est silentium; qui potius referunt, nominatim Rodericus Ximenez, *Archiepiscopus Toletanus de Rebus Hispan. l. V. c. x.* Joh. Marianus *de rebus Hispaniae l. 8. c. 7.*, Sanctium ad Abderrhamanum, Maurorum Regem, Cordubam se contulisse, ibique ab illius Medicis cuiusdam herbæ virtute, extenuata arvinâ, corpus ejus ad competentem habitum & agilitatem debitam perductum fuisse: Quod utut per veneni propinati virulentiam factum quidam suspicentur, confundunt tamen medicamentosam hanc Obesi Sanctij extenuationem, cum veneno lethifero, ipsi a Fernando Gundisalvi Castellæ Comite, in pomo medicato exhibito, cujus vi tertiâ die Rex, qui jam ab aliquot annis extenuatus regno praefuisset, extinctus est. Constat itaque per adipis talem detractioem quid Plinius intellexerit. Abdominis videlicet incisionem pro imminuendâ & tollenda pinguedine illum innuere, autor est Epiphan. *Ferdinandus in Histor. Medic. 82. pag. 283.*, quod etiam inclinare videtur SENNERTUS l. 5. *Prax. pag. 24.*, qui remedium hoc saevum, nec quemquam facile admissurum, ille verò curationem periculosissimam & timore maximo plenam asserunt. Certè, cum nullibi apud Medicorum Patriarchas, Hippocrat., Galenum, Celsum, Paulum, Avicennam, ejusdem fiat mentio; nec modernorum Chirurgorum ullus quicquam de eadem consigharit, incertum quoque sit, quomodo, si de manuali operatione interpretanda sit, instituta & cuius partis, an pinguedinis subcutaneæ saltem, an vero omenti nimis adiposi excisione peracta fuerit? propterea nec nos de re vel deperditâ vel vix imitandâ plura verba facturi, hic facimus finem.



MICHAELIS ET TMULLERI,

Philosophiæ & Medicinæ Doctoris,

OBSERVATIONES BINÆ,

CRINONIBUS, & SIRONIBUS,

EX

Actorum Eruditorum Lipsiens.

Mense Septembri, Anni 1682. pag. 316. seq.

OBSERVATIO MEDICA, I.

De Crinonibus seu Comedonibus infantum.

Incognitus & indictus Antiquioribus fuit morbus, cujus passim superiori ac hodierno seculo à Medicis non minus, quam medicastis mulierculis fit mentio, & ab istis quidem Morbus Pilaris Infantum communiter appellatur, speciatim autem *Crinonum*, item *Comedonum* nomine venit, Germanis *Mit. Esser* audit. Contabescunt infantes paulatim, insomnes redduntur, & inquieti, & insignem simul pruritum corporis pati videntur: quod si in balneo rite tractentur, corpuscula pilorum crassiorum instar densa & spissa (unde similitudinis ratione, Crinonum nomen) è poris corporis prominent, quæ pro animalculis intercutanea loca inhabitantibus (unde Comedonum nomen, quasi vermium alimentum infantum depascentium) ab aliis habita fuerunt, quibus unà alteravé vice ablatis, melius habere infantes observantur. Utrum itaque censui excrementorum spissorum tertiæ coctionis, an verò animantium generi adscribendum sit istud extra cutim prominens diut us controversum fuit, prout scilicet fieri in naturalibus amat, ubi solis rationibus, citra experientiae armaturam pugna instituitur. Hæc tandem rerum magistra litem diremit, ostendendo microscopiorum ope manifestè, esse revera animalcula viva, quicquid spissorum istorum capillorum facie subinde compareat. Coloris observantur subcinericei & plus minus nigricantis, cornubus seu potius antennis binis longè prominentibus instructi, oculis rotundis grandiusculis cum cauda oblonga in fine villosa; paucis: aspectu satis horridi, prout ex TAB. pag. 506. posita conspici potest: in qua Fig. A. magnitudinem nativam, prout nudo oculo se exhibet, repræsentat: Fig. B. verò Crinonem integrum, acuratè observatum, resupinato situ collocatum. Fig. CC. eosdem crinones, prono corpore delineatos, sed sub separatione à cute, caudâ truncatos. Nam non tantum propter morositatem puerorum difficulter separari possunt, sed ob exilitatem etiam ac teneritudinem, vix integri obtineri, quin facilissimo attritu vitientur: id quod in Fig. D. contigit. Pueri sunt & infantes, in quibus frequentius nasci solent, quorum crura, brachia, & imprimis dorsum, sive rotum, sive interscapilium tantum, maximè tamen ipsam scapularum regionem solent occupare. Sed quæ huc spectant alia, Curio-

so Lectore digna, prolixius, pro usu imprimis Medico, exposuit Erud. GEORG. HIERON. VELSCHUIS, in *Exercitatione de Vermiculis Capillaribus Infantum*, in qua omne id, quicquid pro usu tam Theoretico quàm Practico desiderari potest, ex quibusvis Scriptoribus in unum fasciculum concinnè collectum exhibetur, adeò ut unus hic Autor quorumvis aliorum Vices commodè supplere queat. Annexæ est dicta Exercitatio isti de Venna Medinensi laboriosè & accuratè, & Ann. 1674. August. Vindel. in quarto primitus, sub auspiciis Claudiæ Felicis Imperatricis, lucis publicæ expositæ.

OBSERVATIO MEDICA II.

DE

SIRONIBUS.

Alii longè à *Crinonibus* sunt *Sirones* seu *Cirones*, vermiculi scilicet minuti, quasi pediculares, in pustulis serosis prurientibus, sub cuticula manuum imprimis & pedum, subsistentes. Germanis *Seuren*, item *Reitliesen* vocari solent. Minus de his disceptatum fuit, animalculorum classi an associandi? siquidem hoc jam olim subtili SCALIGERO *Exerc. 194. de Subtil. Num. 7.* extra dubitationis aleam positum fuit: qui tamen ipsis formam nullam expressam esse asserit, quæ Microscopiorum ope distinctè satis & accuratè conspici potest, secundum eam faciem, quam Tabul. p. 506. posita Fig. EEE. repræsentat. Colore sunt albicante, & pedibus exceptis, qui propius intuenti nigricare videntur: pedibus 6. instructi sunt, binis utrinque mox juxta caput positis, quibus talparum ritu cuniculos sub cuticula agere, & oblongos rarè quasi sulcos trahere, simulque molestissimum pruritum excitare videntur. Num dorsum sit squamosum, seu squamis coopertum, prout quidem affirmat Dn. ROHAULTUS *Tr. Physic. Part. 1. c. 21.*, definire nolumus, illo præstantiore dubio procul microscopio instructo. Mirum de cætero est, quantas molestias tam pusillum animal homini excitare queat, quas stupenda historiâ pluribus explicat Moufetus in *Theor. Insector. lib. 2. c. 24. &c.*

PROGRAMMATA BINA ACADEMICA,

A B

EXCELLENTISSIMO
D. N. O. D. ETTMULLERO

Elaborata.

I.

DECANUS,

Senior, cæterisque Doctores, & Assessores Facultatis Medicæ.

I N

ACADEMIA LIPSIENSI,

Lectoribus Benevolis

S. P. D.



Uod Gloriosissimi & semper Augusti Romanorum Imperatori; CAROLI V. Symbolum, verè Regium, fuisse dicitur, *Plus Ultra*, idem & cuius industriæ, ac rerum suarum satagenti Medico, Tesseræ loco inservire meritò debet. Tantum enim abest, ut omnibus numeris absolutam perfectamque habeamus Medicinam,

ut etiamnum intricatissima dubia, in Theorica evolvenda supersint; ac defectus inopinatim Praxi refarciendi subinde ac emendandi veniant: adeò

Nulla nostri est tam Regula firma Galeni,

Quam non interdum curva refellat anus.

Nimium quantum ergò suæ blandiuntur ignorantia isti, qui ad illum perfectionis apicem ascendisse Medicinam vanè sibi persuadent, cui præterea nihil addendum sit. Prudentius longè SOCRATES, se hoc tantum scire, affirmabat, quod nihil sciret, & nostram quamvis cognitionem, potius vocandam esse doctam ignorantiam, quàm perfectam scientiam. Ex hoc tamen haud statim simplicem meretur assensum asperrimus iste Scholarum Medicarum Censor, J.B. van HELMONT. in opposito nimis exorbitans, audacter asserendo *Præfat. de Febribus inaudit. : quod à diebus Hippocratis Medicina steterit, si non retroiverit; saltem non profecerit, quia per novas indies centurias ivit in circulum.* Equidem ut in detegendis scholarum erroribus tantum non fuit Lynceus, ita in statuminandis firmioribus, aut evidentioribus saltem principiis ac fundamentis, haud rarò cespitasse, imò subinde graviter lapsum fuisse illum ipsum, omnino in propatulo est. Per ignem se vocat Philosophum: ast dum fatetur ipse *Tract. Tria Prima Chymicor. &c. §.46. non genuinum concretorum analysim esse ignem, cum multa per transmutationem ab igne factam generantur in mistis, tanquam nova entia, fiantque, quod non erant antè;* hoc ipso instrumento fallaci in eruendis Naturæ Arcanis, & reformanda Medicina, se usum esse omnino conce-

dat, necesse est. Torporem equidem scholis excutit, & veterum, exprobrando ubivis, indagandi ulterius ignaviam: Ast si PETRO SEVERINO DANO, suam Theoriam vindicemus, in *Idea Medic. Philosophicæ*, superiori seculo explicatam, & THEOPHRASTO PARACELSO auxilia sua Practica inblimiora, quorum respectu Monarcha Arcanorum audire ambitiosius maluit, ceu genuino Possessori restituamus, profectò pubibunda ista nuditas, quam toties scholis ignominiosè objicit, in ipso quoque HELMONTIO passim omnium oculis exposita erit. Superiora interim si retrospectamus in secula, & qualem tunc repræsentavit faciem Medicina, paulò accuratius contemplemur, eamque cum hodierna illa, quæ tot Eruditorum Medicorum fatigat operas, conferamus, omnino (veritati si litare velimus) consistendum videtur, tantum præsentem hoc, quod decurrimus, seculo, splendoris ac nitoris accessisse eidem, quantum pluribus istis antea actis haud æquè præstitum, dum singulari fervore illius Consecranei, *Plus Ultra*, laudabili omnino conatu tendere nituntur. Obnubilabat enim priscis istis temporibus ingenia, nimia ac penitus religiosa Veterum Scriptorum Veneratio, quæ in scientia quidem naturali, (cujus complementum quasi est Medicina) & speciatim dogmata ejus parte, sine ARISTOTELE aliquid asserere, in historica verò ultra PLINIUM sapere velle, piaculum erat: adeò ruinosis ac lubricis STAGIRITÆ fundamentis atque falsis VERONENSIS relationibus universa Physica superstructa erat. Innitebatur pariter his quanta quanta Medicina, per GALENI & AVICENNÆ dictatoriam quasi Majestatem firmata, ita, ut in horum, ceu Oraculorum, effatis, omnis Macrocosmicæ ac Microcosmicæ cognitionis cardo verteretur. Hi Poli erant isti, quos in Vasto Naturalis scientiæ aut Medicinæ Oceano navigantes, unicè respiciebant: hi anchoræ erant, quibus fluctuans Theoria naturalis, & nutans Praxis Medica firmabatur: Unde pariter tunc temporis, præter versiones ac explicationes Græcorum & Arabum, & repetitas in eosdem Commentationes, vix aliud quid actum, de ulteriori progressu

ne per somnium cogitatum fuit. Quicquid Chymico-
rum interdum moliebantur quidam, angustis fornacum
suorum parietibus ferè includebatur, & vel in mysterii
magni. Philosophorum ardua præparatione, vel elab-
oratione remediorum quorundam simplici, terminaba-
tur; *plus ultra* vix ullo eorum meditante. Equidem
P A R A G E L U S Helvetico sarcasmo ignavi-
am istam irridere, & magno conatu scholas Medicas
reformare aggrediebatur, sed negotio tali impar, ceu
in Theoria confusus & dubius, Tartarorum commen-
to minus sufficiente, in Praxi verò, in qua reverà sin-
gulariter excelluit, Empiricus, præmatura quoque
morte extinctus, magnis excidit ausibus. Excitabantur
quidem subinde subjecta, quibus de meliore luto fin-
xerat præcordia Titan, & quæ ad altiora improbo
labore assurgere nitebantur, tot tamen aliorum invi-
diæ calumniæque exposita telis, de facili opprimeban-
tur. Plura scilicet, juxta **M A S S A R I Æ**, *Me-
dici Patavini*, effatum, cum **G A L E N O** errare
quàm cum aliis verum dicere amabant. Illsture hujus
specimen, vel hoc seculo curioso, Academia Parisien-
sis subministravit; vid. **J O H. de L A U N O Y**
*de varia Aristotelis Fortuna in Academic. Paris cap.
XVI. pagina 79.* Evulgatæ fuerunt Anno 1624. Theses
quædam, fundamenta Philosophiæ Naturalis Univer-
sæ complectentes, publicè, tam disputando venti-
landæ, quàm arte Chymica per experimenta com-
probandæ, eæque contra recepta quidem Peripatetico-
rum principia, sed quæ (ut inspicienti patet) ho-
diernis, per experimenta & rationes stabilitis asser-
tis, propiùs omninò accedunt: Harum verò Auto-
ri, Senatus Consultum Parisiense, *infra 24. horas Lu-
tetia exire, nec in ulla ditioni suæ obnoxias urbes se
recipere, aut inibi Philosophiam docere, edictum fuit.*
*Quid? quod idem Senatus decreverit, ne quis contra
Veteres & probatos Autores ulla dogmata teneret, aut
traderet, sub pœna capitis.* Quibus omnibus tamen
non obstantibus, non per Gallias solum, sed univer-
sam ferè Europam, heroico ausu, *Plus Ultra* tende-
re, *experientia* duce, comite *ratione*, præsentis hoc,
quo vivimus, seculo, diviniora instituerunt ingenia,
& quod Naturali adhuc Scientiæ, quod Medicinæ dee-
rat, pro virili supplere. Est quidem, dictitante Hippo-
crate, experientia fallax, non tamen penitus falsa; est
ratio difficilis, haud tamen semper inanis: ibi ergò, ut
ed accuratiori circumspeditione quælibet examinanda, ita
subtiliori acumine hic percrutanda. Surrexerunt sub his
conatibus tot Nobiles Societates, ad promovendas Natu-
ralem scientiam pariter ac Medicinam congregatæ, *Plus
Ultra* ceu ultimum scopum præfixum intuentes. Palmam
meretur *Societas Regia Anglica, Nullius in Verba*, tenore
Symboli, *jurans*, **F. R. B A C O N I S**, *Bar. de V E-
RULAMIO* &c. laudatissimis vestigiis insistens, emi-
nente præ aliis **BOYLEO**, Viro in Experimentalis Phi-
losophia, sine dubio, incomparabili. Floret sub umbra
Maximi Regis *Academia Regia Scientiarum Gallica*, non
secus ac *Academia del Cimento Florentina* sub Protectione
Magni Hetruriæ Principis ac Cardinalis **LEOPOLDI**.
Idem saxum stenuè volvit in Germania *Numquam Otio-
sa Curiosorum Academia*. Danosut taceam ac Suecos, ge-
lido etiam sub Borea, sciendi *Plus Ultra* desiderio calentes.
Quas non machinas invenit curiositas humana, quibus vel
sensuum, per quos, ceu internuncios, confabulatur no-
biscum Natura, acumen augeat, vel invitam etiam & re-
luctantem quasi Naturam in sui obsequium quodammodo
cogat. Quæ oculis vix visibilia erant antiquitus, Micro-
scopiorum beneficio tantum non palpabilia redduntur: lo-
corum intercapedine remotis longiùs, propriùs Teleco-
piorum adjumento appropinquamus, adeò ut post lustratas
terrestri itinere Orientales pariter ac Occidentales Indias,
siderea in regione, ipsos Selenitas, si qui sint, visitaturi si-
mus. Auditum Otica & Acustica acuunt instrumenta, Tu-
bæque stenterophonice. Tactus per Themonetra, baro-
metra, hydrometra, & similia, à facili errore vindicatur.
Marisfundum scrutari licet per campanas Urinatorias. Ae-
rem machinis incarcerationum, eumque pro lubitu nunc com-
plicemus, nunc explicamus. Ignem ponderamus: Fer-
reum magnetem, ad nutum nostrum, hunc vel istum Po-
lum venerari cogimus: metallorum Principem per mo-
lem Philosophicam subjugamus. De Pyrotechnia, negle-
cta olim penitus, tacere præstat, & quantum fideli ejusdem
ministerio perficere liceat. Spatiosum enim hunc nimis

campum ingredi, haud attinet, ad Medicinam potiùs,
ejusque hodierna incrementa, *Plus Ultra* surgentia, cum
respicendum sit. Anatomes ante omnia suspicimus auxi-
liares copias, quibus adjuti stupendæ corporis, machinæ
superbam structuram, & partium ejus particulas quasvis ac-
curatè perlustrare possumus, idque in summum Artis Me-
dicæ incrementum. Galaxia haud amplius incerta est adeò,
quin oculis etiam pateat, sive qua per lacteos tubulos intra
mesenterium movetur chylosum nectar, sive qua per tho-
rasicum adscendit canalem. In Orbem sanguinis elegantis-
simus motus, & artificiosissima organorum ipsi inservien-
tium hydraulicas ad leges mechanica, quantum lucis fœ-
neratus fuerit universæ Medicinæ, in aprico positum, ut
taceam experientia Infusoria. Lymphæ crystallinus la-
tex hodie demum innotuit, & glandulosi ejusdem fontes,
una cum salivæ, lachrymarum; & sudoris scaturiginibus.
Cordi musculos inter principatus assignatus fuit, ex quo
accuratius fabrica ejus innotuit: de quo saltem subolfecit
quædam *Autor Tractat. de Corde*, [quis enim sit? adhuc
dubitatur,] qui inter **HIPPOCRATIS** scripta legitur.
Hinc diaphragmatis adeò controversa olim duplicata stru-
ctura perquam artificiosa, linguæ pariter, cum gustatoriis
suis papillis, textura, per hodierni seculi felicitatem in-
notuit: Patet jam hepatis glandulosa moles, lienis ex cel-
lulis membranaceis cum contentis glandularum acinis com-
plicatio, fibrosa renum compages, vesiculosa pulmonum,
cum elegantissimis asperæ arteriæ annexis lobulis, tex-
tura, glandularum corticem cerebri) jam olim **HIPPO-
CRATI** quidem glandula magna qui auditur] compin-
gentium congeries, cum filamentis ejusdem medullaribus.
Transseat testium in maribus ex minutissimis vasculis con-
glomeratio, ceu nodus quidam Gordius, haud absque acie
cultelli Anatomici enodanda: saltem ut *omnia ex Ovo*, at-
que adeò ipsum macrocosmum, primam sui originem tra-
xisse, antiquitus putatum fuit, ita microcosmum specia-
tim ex ovo, in ovario muliebri contento, ab aura spiri-
tuali maris fœcundato, primitus propullulare, Anato-
mica scola clarè demonstravit. Quæ ipsa, ut formalem
seu mechanicam partium corporis humani fabricam evi-
denter edocet, ita Chymia materialem illarum molem
diffingit minutissime, ejusque subtilissimas moleculas, ceu
elementaria rudimenta, evolvit, sensuumque examini
sistit. Extricantur hujus ope salinæ particulae, acidi & uri-
nosi nomine notæ, quæ uti aliàs Naturæ catholica magis,
quarumvis in concretis alterationum, mechanica sunt: in-
strumenta, sub Rectoris seminalis dominio, ita & par-
tium corporis materialem crasin principaliter determi-
nant, & per motus intestinos multifarios vitæ, tam sanæ
quàm ægræ, opifices haud postremi existunt. Quanta lux
hinc morborum tam faciliore cognitioni, quàm Curationi
feliciore, affulsit! dum per fermentationes, effervescen-
tias, & putrefactiones, indeque natos sapes, odores
& fœtores, occasionum morbosarum activitas, ac no-
cendi artes sensibiliùs innotuerunt, ac *in summa* seu sex-
centa ista, quibus *prisca Medicina* superstructa dicitur,
scripti de eadem Autori [quis enim fuerit, adhuc sub
judice lis est] inter **HIPPOCRATIS** Opera quod
exstat, oblivioni tradita, post excultam Chymiam de-
nuò resuscitata fuerunt. Operosa Pharmacia, per hanc
ipsam reformata penitus, elegantiore longe induit fa-
ciem: Nucleum Medicinalem, ceu Quintam rei Essen-
tiam, sub alienarum fœculentiarum corticibus altè recon-
ditum, elicit, eumque nitidè delibratum exhibet: Vene-
nis exvit virulentiam, quo summarum potestatum fiant
medicamenta, sicque devicto quasi pervigili Dracone, au-
rea Hesperidum poma larga manu distribuit: soporifera pa-
pavera suavissima sensuum sunt delinimenta: Atrox hek-
lebori albi furor mitescit, quo furiosorum impetum refræ-
nare valeat: Lupus sub antimonii tegmine delitescens fero-
ciam quamvis deponere cogitur, & diffractis quasi dentibus
quibus tam miserè interanea arrodere, & tantum non
dilaniare solebat, rabiem suam in venena saltem exere-
re cogitur, & vi alexipharmaca ab illorum insultu Oe-
conomiam animale custodire. Quæ omnia, ac plura alia
primariò laudatissimo *Plus Ultra* studio debemus. Hujus
sanè ope Medentes Quartanæ scandarum vanum sæpiùs
reddiderunt, ex quo Pervani Corticis legitimum usum per-
vestigarunt. Nec metuunt adeò amplius facilem ingenii
virium lapsum, dum Tchia sive Thee, ceu Ingeniorum
laudatam panaceam, ex ultima etiam Sina petunt. Vitrio-
li Venerei sympathetico actinobilissimo tantum non mira-
culosè vulneratis ulceratisque succurre satagunt, ex cu-
jus

ius profapia oriundus liquor stypticus, modernorum inven-
tum, sanguinis undecunque impetuosius exilientis impetum
cohibet. Tam necessarius cuivis Medico, est improbus qui-
dem, est summe proficius *Plus Ultra Labor*, ut quilibet si-
bi dictum putare debeat, illud *SENECÆ Epistol. 64.* „
„ *Veneror inventa sapientia, inventoresque adire tanquam*
„ *multorum hereditatem juro. Mihi ista acquisita, mihi*
„ *laborata sunt. Sed agamus bonum Parrem familias: facta-*
„ *mus ampliora, quæ accepimus, major ista hereditas à*
„ *me in posteros transeat. Multum adhuc restat operis, mul-*
„ *tumque restabit; nec ulli nato post mille secula præclu-*
„ *derit occasio, adhuc aliquid adiciendi.* Atque in his
Plus Ultra conatibus, rationis solidæ & multifariæ ex-
perientiæ super fundamenta, occupatissimos se exhibue-
runt hactenus Viri Medici Clarissimi & Excellentes,

CHRISTIANVS CRUSIUS Zitta Lu-
fatus.

[Cui jam Anno 1670. pregnantibus ob ratio-
nes, & speciatim ex Competitorum defe-
ctu, & Privilegia Doctoralia concessa fue-
runt.]

L. THEODORVS OLITZSCH, Hamgen-
burgi.

L. JACOBUS VOLFF, Numburgensis.


L. CHRISTIANVS-JOHANNES LANGE,
Pegaviensis.

L. JOHANNES DANIEL SCHMOLLER,
Salzunga Thuringus.

L. JOHANNES VILHELMUS PAULI, Li-
psiensis.

L. BENEDICTVS GANTZLAND, Dres-
densis.

Quibus, ut præmia digna anteaactorum Laborum re-
portent, supremos nempe in Arte Medica Honores
ac Privilegia Doctoralia, diem proximum Jovis de-
stinavimus. Quem Promotionis Doctoralis Actum, in
ædibus Paulinis celebrandum, ut splendidiorem pariter
ac solenniorem honorifica sua Præsentia reddant, *Magnifi-*
cum Academicum Rectorem, utriusque Reipublic. Patres
conscriptos, nec non ceteros Doctores, Licentiatos,
Magistros Excellentissimos ac Præclarissimos, & om-
nes bonarum Artium Studiosos, ea qua par est
observantia ac humanitate rogamus ac invitamus; Quam
benevolentiam omni Observantiæ Officiorumque gene-
re demereri prompti paratique studebimus. P. P. Domi-
nica XXV. post Fest. Trinitatis, die 20 Novembris, An-
no 1681.



Lectorem Benevolum

Officiosissime salutatur,

ORATIONEM

Professionis

Botanices Ordinariæ,

Anatomiciæ Extraordinariæ

INAUGURALEM

Humanissime invitat

MICHAEL ETTMULLERUS

Phil. & Medic. Doctor, & Facult. Med. Assessor.

UT gloriosum apprimè est Medico, generosioribus instructum esse remediis, & sublimioribus medendi arcanis, ceu tot fortissimis telis, contra ferociore vi-
tæ humanæ hostes armatum incedere, ita necessarium vel maximè, ut scitè in hos torquere eadem & evibrare seu legitima methodo administrare calleat. De cœtero enim metuendum omnino foret, siquidem GALENO teste, *nil magnificè proficit, quod non multum quoque nocere queat*, ne quæ Deorum auxiliatrices manus salutifera ope, prudenter adhibita, repræsentare dicuntur medicamina, perverso ac temerario abusu sit gladius in manu furentis. Posterius hoc imminet ab Empiricis, qui audaciùs quàm prudentius (utur subinde audaces fortuna adjuvet) eadem remedia hoc saltem ex fundamento, quod aliquoties prosperum eorum experti sint successum, promiscuè haud rarò pluribus propinare satagunt, quid de cætero ab iisdem expectandum veniat ægro, minus solliciti. Felices sanè in eo, quod nesciant, quantum nesciant, & quantum interdum ægro juvaminis sub specie imponant. Prius illud verò ad Dogmaticos attinet, Medicos, qui prudentius quàm audaciùs vix moliuntur quicquam priùs, quàm omnibus exactè trutinatis, tam in ægro quàm remedio, circumstantiis, debitam occasionem, (quæ medicationis cuiusvis anima meritò audit, & subinde cursu perquam præcipiti tantùm non evanescere solet) nacti fuerint, quæ Naturæ, morborum medicatrici, auspiciatò succurrere, ipsique auxiliares suas copias dextrè sociare queant. Ad quod ipsum, potissimùm Artis Medicæ opus, requiritur ante omnia exacta, quàm fieri potest, remediorum, speciatim sic dictorum *Simplicium*, seu, ut vocari aliàs solet, *Materiæ Medicæ* cognitio, sine qua nec præparare dextrè, aut artificiosè aliis jungere, nec nisi tremulâ manu porrigere, eadam possumus. Præparatio enim, & quæ huc pertinet, compositio simplicium, eò Principaliter collimare debet, ut vel nucleus medicamentosus à corticum involucris exactè delibretur, vel si quæ insit noxia aut virulenta vis, maturè corrigatur, deficiens autem proprietas ipsi arte concilietur. Tutius enim ex illo, ex hoc efficacius, obtinebitur medicamen. Sed quo modo impetrare hoc commodè poterunt, nisi constiterit priùs, ubi nucleus iste medicamentosus reconditus fuerit, sub quanti ac qualibus claustris obseratus delitescat, qui solvi debitis mediis repagula, & duriores nodi cuneis æquè duris diffringi queant? Quomodo virulenta vis, cuius larvâ summæ haud rarò potestates obvelantur, enervari debite ac cicurari, alienæ verò proprietates induci, mutari verò artificiosè nativa poterit, nisi in quo deleteria virulentia consistat, aut quousque suffi-

cient deficientque naturales dotes, expiscatum fuerit? Quis proportionem potentiæ medicamentosæ ad debellandum morbo hostis robur, quam dosin communiter vocant, determinabit, nisi ipsas potestates probè trutinatas habeat? Quis ordinare debite copias, & quæ in prima acie stare, quæ post principia debeant, medicamina, exponet, nisi qui eorum vires perspectas, & cum hostium turmis antè quasi collatas habuerit? Alia ut transeant. Luce meridianâ ergo clarius est exactæ Simplicium cognitioni (cui, ceu basi, tam artificiosa eorundem præparatio & compositio, quàm methodica administratio, unice innititur) rationalem morborum curationem, post Theoreticum horum scrutinium, principaliter superstruendam esse. Rectissime MATTHIOLUS *Comment. in lib. 1. Dioscoridis: Non posse quenquam sine certa simplicium medicamentorum cognitione, nec morbis ratione mederi, neque artem rectâ methodo exercere, nec nisi fortunâ quadam, vel Naturæ ipsius robore ægros sanare.* E quidem plura, eaque longo usu experta, hinc inde prostant remedia, ratio quorum haud æquè certa; plurima pariter Idioras inter oberrant experimenta; quorum tamen causas nesciunt. PARRACELSUS quoque, etsi *Duelech sanauerit perfectè*, (ut cavet ejus Epitaphium) non tamen cognitionem Theoreticam æquè, ac arcani præpollentem usum nactus fuit: HELMONTIUS *Lithias. cap. 2. §. 15.* Relicienda verò talia haud statim ex Medicina, cœteroquin metuendum foret, ne post tam insignem simplicium ac compositorum Pharmacorum ubertatem, ne dicam luxuriam, sterilitas ingens ac inopia nobis tandem superesset. Gratâ ergò mente experientiæ audiamus dictamina, sed rationis trutinâ probè probèque examinata, cum faciliè alioquin circumspectiores quoque ab illa falli contingat. Sub his verò Simplicium perscrutandi naturas conatibus haud unam viam ingredi observantur Naturæ Consulti, Medici: Offert enim se primo loco cognitio ista Simplicium superficialis, & quasi *nominalis* saltem, quæ configurationis externæ integumenta tantùm intuetur, & juxta illius speciem in imponendis aptis nominibus, & certas in classes redigendis iisdem, occupatissima est, ut vel solo Vegetabili in regno, reliqua ut sicco præteream pede, laboriosus Botanicorum ausus ostendit. Ast omnis hæc notitia Museis Curiosorum potiùs exornandis, quàm animo sciendi avido exactè saturando inservit. Cornucopia Naturæ omnium oculis sic exponitur, & speciosus Gazophylacii ejusdem apparatus sic lustratur, sed pro ægrorum levamine alia adhuc à Medico requiritur istorum cognitio, *Realis* nempe illa, magisque solida, & quæ ultra externi ha-

bitus limites interiora versus penetrare, ac visitare ipsa illorum viscera satagit, & quæ secreta virtus unumquodque illorum nobilitet, quæ miracula sinu suo claudat, impris quâ ratione humanis miseriis sub Morbonæ insultu succurrere valeat, ulterius pervestigare. Cognitio talis, ad quam ulterius tendit Medicus, vel *Effectiva* est, vel *Formalis*: Illa sensuum quorumvis apparatus ceu tot adhibet machinas, deque admirandis istorum operationibus, quos in corpore humano exerunt, imprimis sollicita, quantum incolumitati ejus pro sint, quantum noceant, exactè exploratur. Hæc curiositati humanæ laxat fræna, & secreta Naturæ consilia rimari conatur, ac quibus modis actiones suas in occulto dirigat, ac moderetur operationes adeo mirabiles, expiscari audet. Blanditur in hunc finem quovis modo clavigeræ ejus, sed custodi secretorum illius hætenus fidelissimæ, *Pyrotechniæ*, sicuti pro priori isto scopo amores ambit pedissequæ illius alacris & formosæ, sed animi subinde levioris, & non raro in horas mutabiles, *Experientiæ*. Quicquid hæc seridè monet, & constanter affirmat, hoc unice quoad priorem istum cognoscendi modum amplectitur; quod verò illa clam interdum quasi in aurem insusurrando, aut certis quibusdam indiciis insinuando, aperit, quoad posteriorem sciendi rationem avidè arripit. Sola enim est *Experientia* Magistra illa, quæ de quarumvis rerum naturalium, & speciatim simplicium in corpus humanum operationibus, & inde dependentibus effectibus nos certiores reddit, sine qua etiam loqui aut asserere aliquid, religio sit Medico. *Signatura*, cujus vestigia quidam sequuntur; mendax est ac fraudulenta, & quasi fucata, adeoque color ejus non nimis fidendum, nisi quem ab *Experientia* sibi appinxerit. Obscura in plerisque illius sunt indicia, & ex quibus vix certi quid colligere liceat; & paucissimarum facultatum notas subinde exhibendo, nobiliores ferè occultat; extendit se secundum imaginantis conceptum ad artis non secus opera, ac ad Naturæ effectus: & si pressius illi inhærere velis, æquè facile venenum sub pharmaci specie propinaces: Ut taceam, ipsam pro Solis ac soli mutatione simplicium vires eodem sub schemate haud leviter mutabiles existere. Nec sufficit, si oculorum arbitrio, linguæ namque testimonia superaddere velis, & ex saporibus ac odoribus efficaciam Simplicium diiudicare. Nam quicquid his mediantibus colligi potest, non nisi experientiâ duce præmonstratum primitus fuit. Præterea est generalis admodum notitia, quæ istis modis obtinetur; speciales enim dotes, sub specificis saporibus & odoribus reconditæ, non nisi *Experientiæ* in schola addiscere licet: sub eodem enim intenso amarore absinthium, & colocynthis, opium pariter ac Lunæ Vitriolum, diversissimas exerunt potentias: non secus ac suaveolens moschus, & cinamomi lignivæ Rhodii oleorum gratia, dispari penitus modo sequiorem sexum afficiunt. Sola itaque *Experientia* primitus Simplicium operationes & facultates edocet, dum inquieta Ratio formalem in operando modum curiosè inquirat, & effectuum istorum causas anxie perquam scrutatur. Vix autem planior easdem investigandi datur via, aut quæ saltem perspicuæ magis explicationi ansam subministrat, adeoque intellectui melius satisfacit, quàm si textura simplicium, prout eadem ex minutis moleculis artificiosissime coaluit, quantum fieri potest, ritè enodetur, & qualem mutationem mechanicis ex legibus in corporis humani partibus variis inducere valeat, probè consideretur. Quo in negotio fidelissimas operas præstat *Pyrotechnia Chymica*, simul inconcilium vocata, sobriè modò circumspèctæque ejusdem interpretari discamus effata. Simili enim ratione atque modò insinuata concretorum textura, fundamentum est quarumvis impressionum in exteriores corporis partes, & natarum inde mutationum, quas sensitivas aliàs appellamus; ita illa ipsa est prima radix, ex qua in interioribus corporis recessibus tot varii effectus (sive per simplicem, modificatum tamen pro texturæ illius varietate, contactum solidæ partes afficiantur, sive per intimiorem penetrantiam atque exactiorem miscelam fluidæ immutentur) successivâ serie propullulant. Naturæ simia Ars quotidie hoc edocet: cujus ope ut mutari *variis sub tentaminibus contingit nativa illorum textura & compositio, ita immutari pariter operandi facultates quotidie experimur*, adeo, ut

vel venena cicurati queant intantum, salubria ut fiant Pharmaca; hoc enim ex principio sal tartari quorumvis venenorum in amplissimo Vegetabili Regno, sive de solutivorum, sine de narcoticorum fuerint classe, universalis audit Corrector; dum in textura resinosa proximè deleteria vis radicitur, cujus firmior compages, ab acido dependens, reluctatur admodum digestionibus nostris, atque difficulter, vel planè non superatur, tardèque extra vitalem agrum semel intro suscepta eliminatur - Salis Tartari ob id imploratur adjumentum, quod enervando nonnihil acidi vim; intantum texturæ compagem & formam quasi invertit, ut alias præter adscititias proprietates saltem resolvable longè fiat concretum, adeo, ut minori pertinaciâ solidarum parientibus se agglutinet, & simul promptiori sui cum fluidis nostris associatione vel superari facilius, adeoque iisdem citra insignem alterationem assimilari, vel exterminari citius queat. Corrosivum sublimati venenum per hydrargyri copulam ex texturæ mutatione, ob separata à se invicem adidi spicula, quæ unita prius sensiliori robore penetrabant nostra interanea, effectum adeo salubri emendatur, ut vel draco mitigatus inde audiat, multi usus in Oeconomia nostra Vitali facta testaque conservanda. Antimonii Vitriolum, quod Mercurii vitæ nomine vulgò venit, utut ferociori ex impetu Mercurius Mortis interdum evaserit, loco aquæ commisi cum oleo Tartari per deliquium præcipitetur, vel pro obtinenda Rosa Minerali, adeo quibusdam decantata, cum Urina humana, ex alcalium horum cum acido, in magisterio præcipitato, arctiori connubio, nullâ ablutione perfectè separabili, mitioris longè ingenii subministrat pulverem, texturâ istâ Vitriolicâ in fassam mutatâ, concreto volatiliiori magis fixato, & ita pluribus modis alterato. Qui ex Reguli Antimonii scoris per acida quavis cadit pulvis sulphuris aurati nomine aliàs notus, potenter ventriculum subvertere solet, non absque maligna violentia: sin verò sub debitum encheiridium observatione; ab acido & urinoso volatilibus, sociata vi præcipitetur, ex texturæ mutatione subministrat subtilius sulphur potens somniferum, antiepilepticum egregium, ac singulare Quartanæ sedativum. Evidentiora talia exempla haud difficulter persuadent, formalem facultatum simplicium & inde oriundarum operationum cognitionem, proximè ex textura illorum, prout sub sui genesi à seminali constructa est principio, hauriendam esse. In qua texturæ evolutione ad duo respiciendum venit principaliter: tam ad ipsam materiæ molem, prout ex minutissimis moleculis seu corpusculis immediatè coaluit, quàm ad corpusculorum istorum determinatam conformationem, quantitativis seu mechanicis ex fundamentis definiendam, cujus ratione speciali modo connectuntur invicem, & in concretum singularis texturæ coeunt mutuo, quorum illud *materiale* scholæ vocare amant, hoc verò *formale*. Hæc inter posterius perpendendum est specialius, sub operandi simplicium scrutinio, cum mechanicæ istæ in concretis proprietates proximæ sint causæ, quas per motum vel quietem tot ac tante mutationes in corporis machina insequuntur. Sed deploranda est ista sensuum nostrorum hebetudo, ac minima talia cognoscendi immediatè ineptitudo, etiam si variis mediis aciem eorundem acuamus, ut in determinanda speciali texturæ corpusculorum modificatione tantum non cæcutire videamur, adeo à priori, ut vocant, penitus imperscrutabilis illa ipsa existit! Nil aliud restat itaque, quam ipsas istas particulas, prout sub vario salis, sulphuris, mercurii, spiritus, terræ, olei, phlegmatis, resinæ, & simili alio schemate sensibus nostris se ingerunt, attentius paulò considerare, & per Anatomiam Chymicam artificiosâ analysi earundem compositionem ac materialem texturam expiscari; hinc quas, tam absolutas quàm respectivas, sive ad partes corporis nostris, sive alia quævis objecta, obtineant proprietates, probè examinare, ut collatis omnibus istis phænomenis, ceu tot præmissis, conclusio tandem, si non semper apodictica, saltem hypothetica, quantum possibile tamen perspicua, & quæ explicandis clarè & distinctè istis operationibus inserviat, eliciatur. Sed quantus labor & hic incumbit industriæ cordatoque Medico? siquidem tria ista vastissima Naturæ Regna peragrandæ ipsi sunt sedulo, attenteque perlustranda; ut nihil dicam de meteoris, rore præsertim, ejus-

ejusque mirabilibus. Quot requiruntur artificia, indefessique labores, ad superanda mineralium claustra? quanta sedulitas ad vegetabilium explicandam crasin? quanta industria ad animalium evolvendam structuram? Taceo, quantum simplicium facultates sub præparatione ac compositione alterentur, sæpissimæque immutentur, prout mediantibus istis plus minus à nativa textura deficiunt, asciscuntve alienam. Quorum omnium notitiæ à Tyrone Medico facilius hauriendæ, *Simplicium seu Materiae Medicæ Professio Publica* inservit, *Botanices Titulo* insignita, idque vel hanc ob rationem, quod ab herbis Medicina Practica primordia sua ceperit, cum SENECA teste, *Medicina quondam paucarum fuit scientia herbarum, quibus sifteretur fluens sanguis, vulnera coirent paulatim: deinde in hanc pervenit tam multitudinum varietatem.* Crescentibus delictis enim creverunt pœnæ, & sub tot enormibus gulæ erratis atrocior morborum in nos surrexit exercitus, pluribus & generosioribus debellandus medicamentis, haud iis solum quæ nostra tellus peperit, se apud Garamantas etiam Indosque natis; quæ tamen sæpissimè haud absque superstitioso, interdum quoque noxio abusu administrari solent: Cum itaque ista Botanices Professio post Gratioussimam Vocationem Serenissimorum Principum ac Dominorum.

DOMINI JOHANNIS ADOLPHI,

Nec non

CHRISTIANI ac MAURITII,

Saxonie, Iulie, Clivie, ac Montium Ducum, per Clementissimam Confirmationem

Celsissimi ac Potentissimi Principis ac Domini,

DOMINI JOHANNIS-GEORGII III.

Saxonie, Iulie, Clivie ac Mont. Ducis, Sacri Romani Imperii Archemarchalli & Electoris, &c. &c. &c. Domini mei Clementissimi, mihi demandata fuerit, animus est, suspectum Exoticorum, respectu ad Indigenas habito, Usum, solenni Oratione inaugurari proximo die Veneris, qui erit 17. hujus Mensis, finitis sacris matutinis, exponere. Quem actum, ut Magnus Academiae Rector, Proceres omnium Ordinum Amplissimi, ut & Phœbi & Æsculapii Alumni solertissimi, Splendidâ suâ præsentia illustriorem reddere velint, obnixè ac peramanter rogito: simulque parilem ad obsequia & officia quælibet sanctè polliceor promptitudinem. P. P. Dominica Septuages. A. O. R. M. DC. LXXXII.



MICHAELIS ETTMULLERI,

Philosophiæ & Medicinæ Doctoris, Professoris Publici
Lipsiensis, ac Facultatis Medicæ
Adfessoris,

COLLEGIUM CONSULTATORIUM

SCILICET

PRACTICO-CASUALE:

Hoc est:

Varii variorum Affectuum Corporis Humani Casus,

Ab Excellentissimo Dn. D. ETTMULLERO Præside, Auditoribus suis diversa quidem Annorum serie propositi, & à Clarissimorum tunc Juvenum Corona resoluti; quæque Casuum Resolutiones partim manu aut ore Domini Præsidis emendatæ, partim verò Discursibus & Annotationibus specialioribus longè doctissimis illustratæ, exhibentur; Nominaque DOMINORUM RESOLVENTIUM Casibus semper præmittuntur.

PROLEGOMENA.

Finis futuri nostri laboris est, ut acquiramus Habitu Practicum, qui ipse consistit in versatilitate ingenii & iudicii, secundum quam ob circumstantias varias, quarum ineffabilis multitudo est, diversa remedia inveniamus & applicemus.

Pro illo autem acquirendo duo potissimum veniunt consideranda, propter quæ *Praxis dubia* sæpe & difficilis est.

I. *Idiosyncrasia* individuorum diversa, quæ est non tantum in crasi succorum contentorum; sed etiam in partium solidarum mechanica conformatione consistit, quæ in singulis individuis, quoad poros, differt.

II. Multiplicatio seu potius *Complicatio* multiplicium affectuum & symptomatum, ut si gravida febricitet, mulier variolis laboret, &c.

Quoad I. notum est, Medicum non curare *Hominem*, Virum, Mulierem, &c. sed hunc virum, istam feminam. Jam verò cuilibet individuo singularis est sua proprietas, ratione cuius unum ab altero differt: sic v. g. mulieres præ viris patiuntur fluxum mensium, sicut puerperæ lochiorum fluxum, & sic porro. Interim hæc idiosyncrasia nimis crassa videtur, unde singularior aliqua proprietas in quolibet ferè sexus individuo consideretur, quæ est vel *connata*, vel *acquisita*.

Connata est ea, quæ vi seminali & ex primordiis seminalibus unicuique homini est peculiaris: *Acquisita* verò pro varietate diætæ & consequenter vitæ generis, similitumque circumstantiarum externarum, subinde inducitur. Sic v. g. connata idiosyncrasia est, quando mater gravida perterrita à fele, parit infantem, qui postmodum per totam vitam fugit felem, & ejus præsentiam abhorret, imò non nisi sub lipothymia metu, perferre potest: *Acquisita* verò est, quando virgo v. g. alias optimè moschum perferens, maritata propter metum passionis hystericae eundem odorari nequit postmodum. Utraque hæc idiosyncrasia melioris intellectus ergò distingui potest, ratione originis, in *idealem* & *materialem*. *Idealis* est, quæ simpliciter ab imagine matris & inde formato conceptu, sine communicatione materiali objecti ad ipsum subjectum, in foetum contra-

hitur: vid. SCHOTTI *Physica Curiosa*, ubi refert exemplum de puero, per totum vitæ cursum panem abhorrente, idè, quod matri ejus gravidæ panis recens ex elibano extractus, cujus aliquando summo desiderio cum flagrasset, esset denegatus. Hæc idiosyncrasia fuit idealis simpliciter. *Materialis* autem fit, quando ipsum obiectum movens attingit subjectum, quod afficitur: e. g. quando post assumpta vomitoria purgantia vehiculum deinceps abhorremus, ut vix odorare possimus: Sic est hinc loci virgo delicata, jam maritata, quæ aliquando à Pharmacopœo polypragmone acceperat pulverem purgantem ex speciebus diatribæ cum Rharbarbaro, oleo cinnamomi infusum seu mixtum, ubi optimè quidem hæc purgata fuit, interim ab illo tempore tantum à cinnamomi odore tædium contraxit, ex malè affecto tunc stomacho, ut jam ne tantillum ejus assumere, & odorari queat.

Hæc ergo idiosyncrasia in duplici respectu consideranda venit:

(1.) In partium corporis vel robustarum vel tenuium constitutione.

(2.) In remediorum applicatione.

Quoad *partium constitutionem*: ea vel naturalem partium corporis crasin, vel præternaturalem earum constitutionem respicit; quod etiam characteres hæreditarii pertinent, quorum ratione hic præcæteris in hunc, alter in alium affectum pronus est.

Quoad verò *remediorum applicationem*: sanè hinc est, quod hoc purgans istud subjectum validè, alterum mediocriter, tertium planè non, moveat; hinc hoc medicamentum huic est sudoriferum, alteri vomitorium; adeoque verum est illud Germanorum: *Es ist nicht eine Natur Vwie die andere* i. e. *Diversæ sunt hominum naturæ*.

Variat itaque idiosyncrasia pro partium constitutione & remediorum applicatione. Verùm in hac idiosyncrasia, respectu partium corporearum constitutionis, à qua remediorum efficacia variat, ad tria respiciendum est:

1. Ad ipsum stomachum, huiusque fermenti digestivi majorem vel minorem activitatem.
2. Ad massæ sanguineæ crasin ac statum.

3. Ad

3. Ad systema nervosum, ejusque majorem vel minorem sensilitatem, quæ maximè omnino fundamentum est idiosyncrasiarum.

Ac quoad stomachum quidem, ejusque fermentum: sanè prout hunc magis vel minus alterant remedia, eatenus hæc majorem vel minorem præstant efficaciam. Similiter prout stomachi fermentum magis vel minus est sospes seu validum, eatenus in meliori adhuc vel pejori statu versantur ægri: adeoque verissima est vulgi sententia, imò ex primariis signis prognosticis in acutis & malignis morbis, quod quamdiu æger adhuc cerevisiam vel jusculum sine nausea possit haurire, tamdiu spes reconvalescentiæ superfit, cum sic vitale fermentum stomachi adhuc præstò sit; contrarium si observetur, mors in olla erit, quando mox scilicet prostratus est appetitus in principio morbi, & æger omnia nauseat. Ulterius prout alterantur remedia in primis vis, eatenus plus vel minus temperantur in eodem subjecto, quatenus acidum fermentale magis vel minus alteratum est. Quoad (2.) statum massæ sanguineæ: ex hoc omne punctum temperamentorum deducendum, tam ratione ætatum varietatis, quàm morborum ætatum; hinc morbi, ad quos inclinant ægri, sive sint à parentibus, sive à diætâ, omnes residunt in sanguine ejusque crasi. Status autem ille massæ sanguineæ consistit partim in sale urinoso, partim in acido, cum partibus oleosis intermixtis, unde & spirituum vigor, & habitus notoriè variant: Hinc cholericis, seu sale volatili oleoso sanguinis abundantes, ad acutos morbos dispositi sunt facilius sunt solutionis alui, incandescunt faciliè, ac calida medicamenta iisdem nocent; non secus ac Melancholici, seu in quibus abundat acidum, primariò in primis viis, secundariò in massa sanguinea, sunt constitutionis robustæ, minus à purgantibus aliisque remediis alterantur, minus proclives sunt ad sudorem, tardi sunt ad iram, &c. sed chronicis morbis obnoxii sunt. Quoad (3.) systema nervosum: hoc est id, quod tanquam automaton machinam corporis nostri movet, quod in cerebro & cerebello, & inde derivatis funiculis, observatur, in quibusdam magis, in aliis minus sensibile est. Certè, prout hoc in aliis magis minusque delicatum est, eatenus facilius tam à diæreticis quàm pharmaceuticis mediis afficitur; unde rustici, firmitus robustiusque systema obtinentes, etiam à gravi alteratione minorem sentiunt alterationem, & à valido remedio minus moveri possunt: contra mulieres ordinariò cautius tractari debent viris, quia earum systema nerveum tenerius est quàm virorum, unde ad malum hypochondriacum seu hysterium procliviores iisdem sunt: pariter hinc est, quod alter altero in toto corpore ab acro volatili, ac opiato medicamento, citius & sensibilius alteretur.

II. Quoad alterum punctum, pro habitu practico acquirendo: illud erat multiplicatio variorum Symptomatum, & imprimis talium, quorum indicationes & remedia sibi invicem adversantur, unde Praxis difficilis redditur. Sic e. g. alius respectus habendus est, si mulier variolis epidemice laborat; alius, quando puerpera in primo puerperio iisdem corripitur, in qua simul lochiorum fluxus attendendus, sui excretionem per inferiora postulans, cum contra aliàs variolæ per sudorifera velint tractari: sicut etiam periculosius est, si mulieres variolis laborant, quàm quando viri, propter mensium fluxum: Sic difficilior curantur gravidæ, quàm non gravidæ.

Unicuique ergò casui occurrendum, ne noceamus ægro, atque præsertim hæc duo & in omni casu observanda sunt, ubi particularibus remediis, minùs verò universalibus insistendum est. Particularia enim dum sint alterantia, cum cautela applicanda sunt; in universalibus autem, immediatè fundamentum vitæ respicientibus, cautelis his non opus habemus. Hæc duo ergò, Idiosyncrasia & Complicatio affectuum, reddunt Paxin difficilem. Nempe hæc duæ circumstantiæ modificant, ut ita dicam, causam morbificam proximam, selectumque remediorum, ut diversimodè operentur; unde horum illud magis huic, aliud magi illi patienti, conducit: Sic e. g. habui aliquando mulierem scorbuticam curandam, cui ordinabam misturam, quam præter alia ingrediebatur spiritus cochleariæ; hunc autem cum ea adversaretur, hinc passiones hystericas incurrebat. Notanda interim sunt: si accadat, ut Medicus pro cura affectus ægro ordinariè velit vomitorium, certà sub intentione, æger tamen referat, se ex casu ab equo in dorsum ante aliquot septimanas sputum cruentum emisisse, unde meritò quæritur: an hoc in casu tutum sit vomitorium? Resp. Si Medicus audit, præcedente titillatio-

Ettmuller. Oper. Tom. I.

ne creando ejectum sanguinem sine rûssi, adeoque faciliè & saltim ex faucibus, eundem prodiisse, ut nulla pulmonum vel ejudem vasorum leforum suspicio ad sit, imò potiùs vascula in faucibus aperta denuò post tantum tempus coaluisse præsumat, tutò vomitorium propinari poterit: quod si verò in pulmonibus læsio colligatur, tunc ex Hippocratis decreto idem minùs tutum erit; nam, ut ille ait: *Hæmoptoi-
cis vomitorium noxium est*.

In omni ergò casu resolvendo, præmissâ denominatione affectus, quinque capita consideranda sunt.

1. Primum est, ut consideret Medicus *Partem affectam* seu *subjectum morbi*, quæ in ægro sedes morbi primaria est: hinc observandum probè, ne confundatur pars per *essentiam* & per *consensum* affecta.
2. Secundum erit *Causa Proxima* affectus, ejusque causandi ratio, id est, quomodo causa proxima in hoc subjecto morbum hunc inducat? cui conjungenda est ceu causa proxima connexio symptomatum variorum se invicem excipientium.
3. Tertium *Causa Remota*, quæ ad proximam causam vel disponit, vel quæ eandem in actum secundum producit.
4. Quartum est *Prognosis*, quæ simul instituenda est cum debita cautela, ut satisfacere queamus ægris interrogantibus, *qualem equitum sit habitura*.
5. Quintum *Cura*, quæ constat methodo medendi, una cum junctis remediis, ex omnibus tribus fontibus desumptis.

Ut ed meliùs in cognitionem morbi seu affectus deveniamus, consultò facimus, si uno symptomata, unum post alterum subjungimus, & ea consideramus; altero loco causas aliasque circumstantias combinemus, & perpendamus, quomodo unum symptoma cum altero coherere possint? ponderemus etiam vitæ genus, diætâ, lapsum, iram &c. E. g. si quis conqueritur de nausea & fastidio ciborum, dolore gravativo circa præcordia sub costis nothis, noctes habet inquietas, &c. hæc primùm sunt consideranda: deinde aliæ circumstantiæ, nempe quod iter fecerit ex Belgio in Westphaliâ tempore hyberno; tunc considerandum etiam, quò victu ibi usus fuerit? &c. Hisce ita consideratis, faciliè affectus innotescet.

Sit ergo exercitii loco

CASUS I.

D E

A P E P S I A.

Mercator Belga, tenuioris fortunæ tempore hyberno pene-
grinans per Westphaliâ, Lipsienses invisurus
nundinas, sed negotiorum causâ per tres septimanas hinc
inde, imprimis in Westphalia, detinetur; post Lipsiam
perveniens, conqueritur de Nausea & Fastidio ciborum,
dolore gravativo circa præcordia (es druckte) sub costis no-
this antèriùs, noctes habet inquietas, mane evigilans eicit
copiosa viscida sputa, percipit sub jejuniò ructus crebros insi-
pidos; à pastu, licet mediocri, rubores, phlogoses & æstua-
tiones faciem occupant per horam & amplius; urinam excer-
nit turbidam, crassam, pallidam, cum copioso sedimento;
virium imbecillitas supervenit. Vocat ergò Medicum pro
Cura.

RESOLUTIO DN. D. PRÆSIDIS.

1675.

DENOMINATIO AFFECTUS.

SI æquâ judicii lance omnium concurrentium symptomatum Syndromen perpendimus, ac antecedentes causas pressius paulò examinamus, facile cuique obviam erit, & manifestum, præsentem ægram *Apepsiâ* seu digestionem & concoctionem stomachi insigniter imminutâ & depravatâ laborare, adeoque id vitii reverâ contraxisse, quod Germanorum idiotismo per vulgatum illud: *Er bat den Magen verderbet* id est, *stomachum corripit*, explicari solet.

Symptomata sunt:

1. Nausea & fastidium alimentorum.
2. Dolo gravativus in præcordiis.
3. Nox inquieta.
4. Sputa viscida manè rejecta.
5. Ructus insipidi.
6. Rubor & ardor faciei à pastu.
7. Urina crassa, turbida.
8. Vires imbecilles.

Quæ omnia monstrant, virum hunc laborare *apepsiâ* seu coctione ventriculi imminuta, & ferè abolitâ: id quod causæ antecedentes, quæ fuerunt iter, Westphalia, Belga tenuis fortunæ, disponentes ad hoc malum, confirmant.

CAUSÆ.

Utut verò quamplurimæ obveniant *causæ*, quæ summè necessarium pro universa animali œconomia negotium digestionis turbare valeant; in præsentem tamen ægro, manifestum videtur, causam mali hæere in ipso stomacho, copiosis cruditatibus recrementosis, viscidis ac pituitosis referto, unde fermentum ejus digestivum præ nimia copia obruitur: (*hec causa proxima*.) partim tenaci visciditate hebetatur, quò minus eas digerere, aut desuper ingesta alimenta ritè fermentando digerere possit: (jam sequitur *modus afficiendi*.) Ab eorum enim infaustra præsentia *dolor gravativus*, non tam in regione stomachi ab ægro perceptibilis, exoritur, sed orificium stomachi, potissimum superius, sub noctis requie infestatur & irritatur, speciatim in corporis supino posito, in quo fluctuant magis ista recrementa, unde somni turbatio, & ex aliquali præcordiorum anxietate, ob orificii sensibilitatem, corporis oritur agitatio, noctesque inquietæ redduntur. Unde quicquid sub nocte dissolutum & attenuatum fuit in stomachi cavo, cum ob pylori clausuram tales cruditates non transmittantur, atque deorsum vergere possint ad intestina, successivè & paulatim per superius orificium in œsophagum & oris cavum regurgitant, manè per *sputa viscida* rejiciendæ. Cumquæ præterea in tali casu nunquam otiosus sit stomachus, sed quantum possibile, fermento suo digestivo cruditates dictas digere nitatur, evenit exinde, ut eadem quidem acorem exinde contrahant, sed ob sui visciditatem, & ad fermentativam volatilisationem ineptitudinem, saltem aliquid flatulenti eructent, indeque insipidi ructus emittantur, adeoque dejecta sic activitate stomachici fermenti omnis pariter appetitus prosteratur, necesse est, & potius alimentorum nausea superveniat. Et utut alimenta assumantur, non ritè tamen ob cruditates istas impediuntur fermentantur & digeruntur, sed acefcunt saltem insigniter, & in pastam itidem tenacem crudamque ita facessunt: cujus acoris occasione, & inde dependentis inæqualis succorum in primis viis fermentationis, non secus ac in malo hypochondriaco fieri solet, *φλογώδεις & aestuaciones, ruboresque faciei*, post pastum superveniunt. Sed cum denique errata digestionis primæ in nulla alia corrigi soleant, ob id alimentis semi-digestis, nec ritè in primis viis per sæcum debitam separationem perfectis, ad sanguinem distributis, nec debite assimilatis, urinæ itidem crudæ, h. e. in hoc quidem casu cruditatibus chylosi permixtis, excretio supervenire solet, dum eadem, potus scilicet uri-

na, ex primis viis ad vesicam delapsa, defectu debite fermentativæ dissolutionis, hinc pallida & turbida, idque ob fermentationis defectum, aliàs in statu naturali intimè salina recrementa cum seroso vehiculo jungens, excernitur. Quia autem sic corpus legitimitis alimentis defraudatur, tandem *virium successivus defectus* & declinationes superveniunt.

CAUSÆ REMOTÆ.

Nec est, quod miretur Patiens, unde id mali contraxit: Variorum alimentorum sub itinere ingestio, imprimis scilicet duriorum, salitorum, malè præparatorum, ac copioso lardo impinguatorum, qualia in Westphalia, regione aliàs aeris densioris, impurioris, & ob paludum frequentiam non leviter inquinati, proprinantur, insigniter negotium digestionis primæ, hebetando fermentum stomachi digestivum, imminuere valent: Ut taceam ipsum virum tenuiori fortunæ, minus ordinatæ diætæ deditum, sed quæcunque aliàs ingerentem, non adeò validâ fermenti digestivi virtute fuisse præditum.

PROGNOSIS.

Rectè autem maturè petit consilium, cum malum ipsum, utut omni graviore careat periculo, neglectum facile in febrem intermittentem chronicam graviorem degenerare possit; aut in homine, præsertim Belga, firmas radices pro futuro malo hypochondriaco agere; vel saltem ad diuturnam cachexiam disponere valeat.

CURA.

Medicinæ ergo saluberrima auxilia in eo erunt occupata, ut ex fonte, præsertim Pharmaceutico, dein Diætetico, cruditates dictæ lege artis resolvantur & attenuentur, hinc evacuentur, & postmodum appropriatis, internis pariter & externis, stomachus roboretur.

Pro *priori* ergò scopo, ut dissolvantur & attenuentur dicta recrementa, sæpius tenaciora, conducit imprimis absinthium, simul stomacho amicum, cujus vel vinum per ejus infusionem cum radice helenii paratum, vel extractum absinthii, ℥j. pondere in vini haustu dissolutum, & omni manè jejuno stomacho assumptum, ac à meridie, bihorio ante cœnam, per aliquod tempus reiteratum, pro incidendis istis recrementis, & præcavendo febris intermittentis periculo, erit egregium. Quod si nauseosus sit ejus amator, de sequenti pulvere in vehiculo omni manè capere potest, & à meridie, dicto modo tempore, in vehiculo frigido:

℞. *Sal. ammoniaci depur.* ℥j.

Spec. diagalang. ℥ss.

M. f. Pulvis,

divid. in 2. part. æqual.

D. S.

Emolliens pulvis stomachalis.

Vel si liquida magis arrideant:

℞. *Tinctura tartari* ℥ij.

Spiritus salis ammoniaci ℥j.

M. S.

Resolvens Tinctura stomachalis.

Dosis 40. guttulæ, bis in die, modo dictâ ratione.

Pro *Tinctura tartari* paranda sumatur nitri & tartari ana, detonentur, & adhuc fervida in spiritum vini infunditur.

Præmissis hisce ad evacuationem porro accedendum est: inter quæ primatum obtinent *Vomitoria*, stomachum optime & immediate evacuantia; v. g.

℞. *Tartari emet.* gr. iij.

Sacch. albiss. gr. v. vel parum,

Ol. destill. Menthae gut. i.

M. f. Pulvis:

D. S.

Pulvis emeticus pro uva vice.

Capitur manè in vehiculo calido, cum regimine debito; seu cerevisiæ tepidæ post vomitum superbibitione.

Loco

Loco hujus etiam

R. *Croci metall.* gr. v. vel viij.

Infund. per noctem in

Vini absinthites q. l.

Stent in loco tepido;

Mane exactè filtretur per chartam, & detur ʒj. S.

Vinum emeticum pro una vice.

Sin horreat pusillanimis æger vomitorium, capiat sequentes per inferioria purgantes pilulas:

R. *Mass. pilul. de ammoniaco Querc.* ʒj.

Extr. absinth. ʒss.

Troch. alband. gr. ij. v. iij.

Cum s. q. *Elix. Proprietat.* f. Pilulæ pro una dosi,
D. S.

Pilulæ purgantes pro una vice.

Evacuato ita stomacho ab istis recrementis, proximum jam est, ut ejus vigor appropriatis denuò restitueretur. Pro Secundo ergo scopo internè usurpetur *Elixir Proprietatis* ad gutt. 40. omni manè, & vesperi sub introitum lecti hauriatur cochl. j. vel ij. de *Spiritu* baccarum *Juniperi* per fermentationem parato; vel capiatur omni manè, & omni vespera, sub lecti introitum, sequentis *Misturæ cochlearia* ij. vel iij.

R. *Aquæ Menthe* ʒiij.

Spiritus bacc. junip. ʒvj.

Salis dulc. ritè par. ʒj.

Elix. vie Matth. ʒiij.

Syr. de Mentha ʒj.

M. D. S.

Pro stomachicis pro una vice.

Externè verò simul omni manè, quoties eger lecto exsurgit, & omni vesperà, dum eum repetit, regio stomachi, speciatim scrobiculus cordis, ut vocant, probè inungatur sequenti *balsamo stomachico*:

R. *Ol. stomach.* Crat. ʒj.

Destillat. Menth. ʒj.

Caryoph. ʒss.

Expr. Muc. mosch. q. l. pro Corpore Balsam.
M. D. S.

Balsamus stomachicus.

Quibus omnibus moderatus alimentorum, sed non supra appetitus dictamen, assumendorum conveniens usus observetur. Deus verò ex alto benedicat!

C A S U S II.

A N O R E X I A & C I B I F A S T I D I U M.

Juvenis vitam agens sedentariam, ex obitu fratris mœrore confectus, queritur de imbecillitate virium sensim subnata, de appetitu prostrato & alimentorum, in specie calidorum & carnosorum, insigni, fastidio; sitis contra molesta est, & bibat licet, statim tamen repetit; superveniunt fluctuationes in regione stomachi, palatum & lingua glutine quasi obducta squalescent, somnus profundus est, urina tenuis, pallida, alius naturalis officio satisfacit. Vocatur Medicus procura.

R E S O L U T I O

Dn. G O D O F R E D I
S C H U L Z I I,

URATISLAVIENSIS,

Hoc tempore

PHIL. & MED. DOCTORIS,
& Practici in Patria:

B. DN. P R Æ S I D I S

Censuræ & Emendationi subiecta & correctæ:
Anno 1676.

Arduum sanè est negotium illi Casus ritè resolvere, qui non multijugis observationibus instructus, variæque morborum solidâ cognitione bene munitus est. Unde & ego vix mihi tantum attribuere possum; infantiam enim meam in Medicina adhuc profiteor; & humi quasi repunt profectus mei. Nam nondum mihi contigit infusa scientia cum Salomone, & exoptatam adhuc non potui adire Corinthum: circa corticem ego versor, & nucleum eruditionis Mediæ minimè inveni. Temerarios ergo meos ausus irritosque conatus nemo ridere poterit; mihi enim tenuitatis meæ conscio volupe admodum est, à Tua Excell. corrigi docerique. Quapropter tritum illud meum feci: Qui nunquam malè, nunquam benè: & ausus sum exercitii tantum gratiâ pro Excell. Tuæ desiderio vires tentare meas, fretus limato Tuo, Vir Excellentissime, judicio, me errantem in viam redukturo lapsumque erecturo.

Suprà itaque propositus casus si penitus considerationi subiicitur, ad affectus ventriculi haud dubiè referendus est. Ut autem in specie huic affectui nomen imponamus, certumque morbum statuamus, ex quo deinceps reliqua symptomata insecuta fuere, juxta definitionem symptomatum, quæ morbum partim sequuntur, partim comitantur, vocamus illum *Fastidium seu Anorexiâ*, quatenus in genere quidem ab omni eduliorum genere videtur abhorre æger, in specie tamen carnis esum aversatur. Non quidem me latet, Fastidium si in genere consideretur, involvere simul inappetentiam cibi & potus: sed quod hic æger siti vexatus fuit, non opinor, eam fuisse excitatam, quatenus appetiverit vehementer, sed quatenus saltem halitus illi ex humorum in ventriculo & intestinis existentium effervescencia vellicaverint faucium supremitates; non enim mirum, linguam squalore viscido faucesque esse oblitæ æstuq; laborare corpus, quem insequatur intensa sitis.

P A R S A F F E C T A.

Partem itaque primariò affectam statuimus suo merito ventriculum, speciatim orificium ejus superius seu stomachum, quin fermentum stomachi malè affectum arbitramur mucosum, & in specie, quatenus suam volatilitatem perdidit, & hebes ac iners redditum fuit: unde omnia ingesta partim in status, partim in viscidos succos fuere mutata: id quod testantur fluctuationes in & circa stomachum subortæ, quæ non solum ingestis, citra digestionem tanquam in bursa vacua contentis, sed etiam excitatis quibusdam flatibus, adscribendæ: Unde ex his, quæ dicta sunt, facile eruitur.

C A U S A P R O X I M A.

Causa hujus fastidii & anorexiæ proxima, nimirum vitium fermenti digestivi iners seu hebes facti, h. e. non sufficienter acido-volatilis, & ita non satisfaciens digestioni. Nempe obrutum est fermentum digestivum mucosum viscido tenaci, ex impedita digestionem enato: nam quemadmodum vis fermentalis in parte spirituosa, sustentaculum tamen habet in humore acido-volatili, latitante in stomachi plicis ejusque porulis, unde malè affectis nostri corporis spiritibus simul in deterius ruit humor ille, in-

vestiens istos spiritus, quos primario pro fermento venditamus. Hoc itaque fermento successi ve corrupto omnia, quæ ingeruntur, corrumpuntur, acorem, nidorem, visciditates & multas alias inducunt qualitates perversas; hinc perit omnis appetitus, & alimentorum defectu homo delassatur magis magisque, simul spiritus animales afficiuntur, unde non raro in talibus lipothymia, alique spirituum animalium excitantur affectus. Ostendit hoc & appetitus prostratus, à fermenti inertia maxime dependens; quin imò fastidium carnosorum pingue viscidum, in stomacho oberans, ordinario ostendit. Unde & digestionem deficientem tenuis ac pallida urina reddi solet. Saliva verò, quæ non ultimum gerit punctum in restituendo fermento, acris & glutinosa ipsa facta, uti fovet malum in stomacho, ita non diluens fauces, sitis causam præbet. Quibus ita positis, & spiritum animalium debitus vigor & volatilitas deficiunt, unde torpidis his ipsis redditus somnolentia quædam ægro molesta est, & virium insolita imbecillitas. Quod verò in hoc patiente urina tenuis & pallida à digestionem vitiata orta fuerit, facile probari potest: nimirum ordinario, ubi digestio vitiata, nullaque, uti communiter dicunt, contingit coctio, ibi crudæ tenuesque excernuntur urinae. In testimonium febres adduco, ubi, quamdiu adhuc urina cruda atque tenuis, tamdiu testatur de digestionem ventriculi nondum restituta. Sed præter hanc causam & possumus dicere, quod potus ille multo copiosior propter sitim assumptus, non potuerit tamdiu morari in ventriculo ad tincturam urinae suscipiendam, uti fit in potatoribus, qui itidem urinam crudam, emittere solent, dum nimium ingurgitant potulenta: & ex hoc principio deduco & alvum in hoc patiente suo officio fungentem; ubi enim multum bibitur, vix alvus obstructa esse solet.

CAUSA REMOTA.

Properandum nunc est ad *Causam occasionalem* seu *remotam*, quæ (nisi aliæ prægressæ fuere mel latentes sufficere potest primò vita sedentaria, hinc maxime moror ex obitu fratris, omnes digestionem impediens, & ita viscidorum collectioni occasionem præbens, prædisponente ipsa vitâ sedentaria ægrum ad hunc ipsum affectum. Mororem quippe potentem satis esse ad prosternendum omnem appetitum, & hinc inducendos varios morbos, quotidiana loquitur experientia: solus hic interdum causa est, & hominibus non solum interdum sanitatem, sed etiam vitam perdit.

PROGNOSIS.

Non omni caret periculo hic affectus: Nam confirmatus ad tabem necessario disponet ægrum: quin imò periculum est, ne hectica adjuncta eò magis malum exacerbet: aut redeunte appetitu, ipsis cruditatibus in ventriculo acrescentibus, periculum subest ne appetantur, quæ non digeruntur, unde cachexia & morborum chronicorum patentes fores.

Interim tamen, ubi prudenti utitur Medico, non desperandum de convalescentia.

METHODUS MEDENDI.

Unicus hic in *Cura* huius affectus respectus ad ventriculum est habendus: nempe viscidus mucus, fermentum stomachi infestans, removendus, hinc acidis volatilibus & aromaticis stomachi digestio restituenda.

Ut verò successus optatus sequatur, ex fonte diætetico & pharmaceutico media haurienda. Et quidem in specie quod attinet diætã: ibi ex causis sex nonnaturalium rerum primario suadenda mororis sepositio, utpote qui tomitem semper suppeditat, & affectum ulterius prorahit; hinc blandus motus instituendus: unde suaderem conversationem cum amicis plus minus lætis.

Quod si verò ob nimiam lassitudinem eger lecto detineretur, à pharmacia curæ principium sumendum, & ex hac quidem, cum Chirurgicus fons nihil auxilii suppeditet, vomitus ante omnia convenit, blandus idem & cautè provocatus: v. g.

℞. Tartari emet. gr. iij.

Sacch. gr. vj.

M. f. Pulvis:

D. S.

Pulvis emeticus pro una vice.

Vel in forma liquida:

℞. Croci mental. absinth. gr. v.

Infund. in f. q. Vini Rhenani:

Stent per noctem in digestionem loco calido:

Manè filtretur per chartam:

Filtraturæ ℥j.

D. S.

Vinum emeticum.

Hinc pro stomachi digestionem & appetitu revocando analeptics, admittis stomachico aromaticis succurrendum erit:

℞. Aquæ Mentb. ℥j.

Cinnam. ℥ss.

Succ. Cydonior. vel Rubi idæi ℥vj.

Spiritus theriacal. ℥ss.

Laud. opiat. ferm. gr. ij.

Syr. de Canell. ℥ss.

M. D. S.

Potio stomachalis confortativa.

Vel sufficit haustus vini generosi, vel panis triticeus vino intinctus, sensim sensimque deglutitus. Hinc usurpentur blande acida volatilia stomacho valde grata, in specie tartarea, specialissime autem cremor tartari, qui sæpius assumatur; est enim acidum resolutivum, non destructivum: item sal ammoniacum, terra foliata tartari: hinc extractum absinthij, calami aromatici, &c. interne assumptum commendarem. Ex quibus & similibus sequentes formulæ præscribendæ:

℞. Elix. vitrioli Myns. ℥ss.

D. S.

Elixir stomachum confortans.

Accipiat 30. gutt. bis in die, manè in vehiculo calido, vespere in frigido, semper bihorio ante pastum.

Vel

℞. Elix. Propriet. vel Elix. stomach. D. Mich. ℥ss.

Detur & signetur simili modo.

Vel

℞. Sal. ammoniaci depur. ℥j.

Spec. diatrios piper. ℥ss.

M. f. Pulvis.

div. in 5. doses æqu.

D. S.

Pulvis stomachalis.

Capiat omni mane unam.

Vel

℞. Ligu. terræ fol. tartari ℥ss.

D. S.

Essentia stomachalis.

Dosis 40. guttæ bis in die.

Vel in malo magis chronico:

℞. Rad. acori veri ℥j.

Herb. absinth.

Mentbæ an. M. j.

Rad. gentianæ ℥ss.

Sem. 4. cal. maj. an. ℥ij.

Incisa & contusa includ. nodulo:

D. S.

Nodulus stomachalis.

Infundatur vino, de quo capiat æger omni die bis haustum: addendo omni haustui guttas sex spiritus salis dulcis.

Externè verò scrobiculum cordis juberem illinire oleo destillato calami aromatici, cum oleo nucis in balsamum redactio. Nec inconsultum foret sacculum applicare herbis, floribus & radicibus aromaticis & carminativis repletum.

Vel

℞. Crustam panis medullosam:

Insperge vino generoso, vel acidulo, vel Malvatico, adspersa pulver. nucis moschatae, macis & caryophyllorum.

Applicetur tepidè.

Item conducere gargaris mata pro astergendo mucos viscido lingue & faucium.

Pro siti verò tollenda ordinarem Julebum cum succo cydoniorum, citri, & spiritu nitri dulci, addito appropriato syrupo ad gratum saporem redactum; e. g.

℞. Decoct. Citri Myns. ℥ij.

Tincture flor. bellid. ℥ss.

Syr. rubi idæi,

Scabios. an. ℥j.

M. D. S.

M. D. S.

Iulapium alterans pro fœi.

℞. Decoct. sol. & rad. acetos. ℥ij.

Succ. ribium,

Bubi idæi ana ℥ss.

Tincturæ fl. violar. ℥ij.

Syrup. cydon. aromat. ℥ij.

M. S. ut antè.

℞. Decoct. fel. & rad. acetos. ℥ij.

Succ. Cydonior. ℥j.

Tincturæ fl. rosar. ℥j.

Syr. acetos. Citri ℥ij.

Spiritus nitri dulc. q. s.

M. S. ut supra.

Reliqua Iudicio præsentis Medici. Tantum!

CASUS III.

PICA ASCABIE RETRO-
PULSA.

Puella procax & vegeta, annorum quindecim vel sedecim, & quæ nondum menses passa est, corripitur ineunte vere sponte suâ scabie, cujus pertæsa molestiæ, ut & ejus pruritus fastidiosus, nescio quibus Linimentis eam curare satagit: corripitur hinc brevi post febre anxiosâ, malignæ similis, quæ tandem, licet difficulter, curata, redeuntibus sensim functionibus naturalibus, reddit postliminiò & appetitus, sed minus consuetus; præ cæteris enim eduliis, speciatim cretâ subtilissimè tritâ delectatur, eiusq. esu mirâ quadam voluptate afficitur, palam pariter ac clam eam suffuratam comedendo. Parentes solliciti de eadem, ultra minas simul Medicum pro consilio advocant.

RESOLUTIO

Dn. E H R E N F R I E D
P F U N D T,

WEISSENFELDENSIS,

hoc tempore

MEDICINÆ DOCTORIS, & PHYSICI
GROS HAYNENSIS.

Cum speciali Discurso & Annotationibus,

B. Dn. P R Æ S I D I S.

Censuræ & Emendationi subjecta, Anno 1675.

Hæc puella videtur laborare picâ, seu certo appetitu ad edulia insueta, v. g. hic cretam.

CAUSA.

Cuius causa semper est in stomacho, quando nimirum fermentum ejus depravatum est, & certam quandam acrimoniam acrem salinam acquisit, ratione cujus in hoc vel illud fertur.

CAUSA REMOTA.

Et hoc etiam optimè potest applicari ad nostram ægram: Illa enim primò scabiem contrahit, forsân ob mensum emanationem, quia sanguis menstruus in corpore stagnans, nec justo tempore excretus, variis recrementis imbutur, vitiosumque acorem contrahit, qui reliquo sanguini communicatus, ratione sanguinis circuli totum sanguinem inficit, hocque sal vitiosum ubique circa partium extremitates deponit, quod tandem in tales pustulas propullulat. Puella autem hujus laboris pertæsa, linimentis utitur: Verùm quia propter horum visciditatem pori corporis obstruuntur, & recremen-

ta ista salina per insensibilem transpirationem non possunt expirare, hæc sub cute latitantia, & à permeante sanguine iterum absorpta, vitiosum fermentum acre salinum sanguini inducunt, cachexiamque & impuritatem sanguinis à mensum emanatione jam contractum magis augment, lymphamque inquinant, unde necessariò febris illa anxiosa deducenda venit, partem propter liberum motum sanguinis à coagulante illo vitioso sale impeditum, partim etiam propter inquinatum ipsum fermentum ventriculi ab hoc ipso sale (ad quod saliva deglutita multum confert, propter lympham inquinatam) quod fermentum inquinatum, vitiosumque acore infectum, opus digestionis suæ ritè peragere non potest, sed alimenta transmutat in pastam viscidam acidam, minus volatilem. Fermentum itaque stomachi (quamvis febris anxiosa curata sit) tantillo fermenti seu remanentiæ febrilis & scabiei retropulsæ inquinatum, & acre salinum redditum, causa existit hujus affectus, quatenus stomachum stimulando, & certo modo ratione nervorum facultatem animalem afficiendo, appetitum certum alicujus obiecti infert.

P R O G N O S I S.

Hoc malum non adeò periculosum est; attamen, quia originem ducit à fermento scabioso salino retropulso remanentisque febrilibus, metus est, ne hi affectus recidivent.

Secundò metus est, ne propter diuturniorem usum obiecti humores vitiosi reddantur, & ægra in cacochymiam incidat.

C U R A.

Quapropter

1. Stomachus evacuetur.
2. Fermentum saturetur; &
3. Ventriculus corroboretur.

Quod 1. samè hic videntur primatum obtinere vomitoria, conveniunt enim in mensum emanatione, anxietate, & etiam in pica non postremum merentur locum. Quia igitur omnibus satisfaciunt:

℞. Vitri antimoni, vel mercurii vitæ, q. v.

Infund in certam quantitatem

Vini Rhenani.

Stent per noctem;

Manæ sumantur ℥vj. ad sumum ℥j.

(est enim subiectum delicatum.)

Vel si vult per alvum purgare:

℞. Pulv. rad. Ialapp.

Tartar vitriolat. ana gr. xv.

Scam. sulphurat. gr. j.

Ol. dest. succin. gutt. ij.

M. f. Pulvis: S.

Pulvis purgans pro una vice.

Vel fiant pilule cum Mercurio dulci, qui optimè hic convenit

℞. Extr. panchym. Croll. ℥j.

Mercurii dulc. gr. iij.

Cum aliquot gutt. ol. destill. Succin. f. Pilule.

M. D. S.

Pilule purgantes pro una vice.

Quoad 2. Indicatum: inde faciunt omnium optimè Martialia,

℞. Tincturæ vitrioli Martis ℥vvel. ℥ij.

Dosis sunt gutt. 24. ad 30.

Conveniunt etiam pulveres acidum absorbentes & precipitantes, ut pulvis cachecticus Quercetani:

Vel

℞. Corall. rub. prep.

Crystal. prep. ana ℥ss.

Ebor. usti ℥j.

Pulv. xedoar. ℥ij.

M. f. Pulvis.

divid. in 3 part. equal.

Maximè etiam laudatur aqua pampinorum vitis: potest itaque fieri talis Mistura:

℞. Aquæ pampin. vitis,

Portulac.

Borrag ana ℥vj.

Succ. Cydonior. ℥j.

Ebor.

Ebor. usti ℥ij.
M. D. S.

Potio pro aliquot vicibus.

III. Tertium optime præstant moderatè acida stomachum corroborantia, ut succus citri cydonio, &c. item aromatica, sal vitiosum mucumque incidencia, ut melissa, mentha, & similia: v. g.

℞. Aquæ Melissæ,
Borrag.
Menthæ ana ℥vj.
Suc. Cydon. ℥j.
Spiritus nitri dulc. ℥j.
M. D. S.

Potio confortativa pro aliquot vicibus.

Externè potest stomacho applicari succus cydoniorum, vel etiam alia stomachica.

Cibi sint fermentum stomachi corroborantes & aromatibus conditi; potus vinum generosum, vel vinum absinthites, &c.

DISCURSUS & ANNOTATA

B. Dn. PRÆSIDIS.

Affectus hic rectè dicitur Pica, ubi Dn. Resoluens notanter addit, eam esse certum appetitum ad edulia insueta; si enim hæc puella ferretur ad edulia adsueta intensius, non esset Pica, sed Malacia, cui viri pariter ac mulieres obnoxii sunt.

Causa proxima est depravatio fermenti stomachi digestivi in acrimoniam salinam. Pars affecta est orificium stomachi sinistrum, seu sedes appetitus. Causa remota hic est scabies, à qua fermentum stomachi digestivum depravatum est. Interim cum puella sit procax & vegeta, non est suspicio, scabiem esse ortam ex suppressione vel emanatione mensium, talesque alias asthmaticæ esse solent. Adhæc, si supponatur, menses in hac ordinariò fluxisse, scabies simul per contactum contracta & retropulsa Picæ potuit ansam dare. Ergo possunt menses deficientes vel emanantes allegari hic, possunt etiam omitti.

Cæterum, ut major lux huic negotio scerneretur, tria circa resolutionem hujus casus consideranda sunt, nempe.

1. Quæ sit causa proxima scabiei?
2. Quomodo scabiem & alias excretiones cutaneas retropelli contingat?
3. Quomodo hæc retropulsa tandem febrim & picam intulerit?

Quoad I. Scabiei Causa proxima est fermentum acido acre, sub cuticula defixum, natum occasionem interclusæ transpirationis. In scabie enim simpliciter afficiuntur partes intercutaneæ, non verò internæ, ut in variolis quandoque fit, sed in specie partes extimæ, manus & pedes, tanquam magis frigori expositæ, rarò internæ, nisi confirmata sit magis scabies, afficiuntur. Adhæc in scabie primariò afficiuntur internodia digitorum, carpus, tali, & genua, locaque articulorum tendinosa. Iam verò occasio scabiei quærenda venit in transpiratione insensibili nonnihil impedita, unde homines quieti aut minus laboriosi ei sunt obnoxii, quatenus ob deficientem lufiorem deficit quoque transpiratio, non secus ac nonnihil sordidi, & münditiei minus dediti, eadem quoque solent corripì, quatenus horum pori ordinariò à sordibus oblinuntur, & sic excernenda retinentur, unde excrementa coacervata acorem contrahunt. Etenim halitus nostri corporis naturaliter per cutem transpirantes sunt ordinariò falsi: qui si morâ suâ cuticula detinentur, in deterius labuntur, corruptionem subeunt, & acorem contrahunt; qui acor vi suâ fermentativâ odoritur nutrimentum corporis roridum dulce alcalinum, quod corruptum partim degenerat in liquamen acre salsum, partim verò hæc falsa excrementitia irretiuntur in nutrimento hoc spermatico, unde viscositatem contrahunt. Causa adeoque scabiei proxima est fermentum acido acre, seu acido-falsum nonnihil viscidum, à quo contagiosa vis scabiei dependet, per contactum se propagantis; quippe hæc visciditate suâ facile adheret vicino corpori, acrimoniâ verò acido-falsâ parte infixâ, corrumpendo nutrimentum partis proximum, se multiplicat, & tandem corpus defœdat.

Patet hoc

1. Ex pruritu: Omne enim acidum acre paulò manifestius, cutem attingens, semper pruritus infert, & si est acrius, rosionem facit.
2. Acidum acre in scabie peccans ostendunt pustularum color ruber: Acida siquidem primò rubedinem, postmodum albedinem inferunt; contra alcalia primò albedinem, & hinc nigredinem inducunt. Videbitis hoc in fonticulis, qui si parantur per spiritum nitri vel butyrum antimonii, rubedinem & hinc albedinem ostendunt; contra verò qui per alcalia excitantur, primò albedinem, tandem nigredinem, partibus incurrunt, quæ signum mortificationis est.
3. Patet hoc acidum scabiei peccans ex squamis successive decidentibus: Acidum scilicet successive erodit cuticulam, quæ erosa abit in squamas.
4. Ex pure: quod emergit ex sanguine fermentando transmutato, dum ab acido fermentando præcipitatur ejus sulphur, quod ex rubedine transmutatur in albedinem, destructa nempe alcalicâ parte, sic sanguis salinus volatilis oleosus ab acido in scabie præcipitatur, ita ut destructo alcali præcipitetur sulphur rubrum in albedinem.

Differentia autem scabiei in humidam & siccam est nulla, & saltem accidentaria: prout enim subjectum patiens plus minus est ferofum, eatenus quoque pustulæ humidiores magis conspiciuntur, & contra.

Curatio autem scabiei primariò peragitur per alcalia, ut Linimenta ex oleo tartari per deliquium, quæ infallibiliter curant Scabiem; sicut confirmata & ferina scabies per Mercurium vivum, Decoctum Mercurii vivi, cingula Mercurialia, &c. Mercurius enim est alcalinum subjectum, & acidum absorbet.

II. Quæritur jam, quomodo repellatur scabies, sive benigna, sive aliæ cutaneæ excretiones malignæ? Resp. Repelluntur hæc, sive benignæ sint, sive malignæ, duplici modo; vel (1.) à pororum cutis occlusionem; vel (2.) à sanguinis motu, & cum hoc feri in alium locum concitatione.

Quoad (1.) occluduntur pori duplici occasione: nempe vel à frigore, vel à viscido externo. A frigore quidem, quatenus hoc vel extrinsecus admittitur, vel intrinsecus immittitur. Illud fit, quando corpus denudatur, illudque post sudorem frigori externo incautè exponitur, & quando post sudores prolectos cutis anserina corpus corrugat: in quo casu pori statim stringuntur, ob fibras cutis nerveas ab aere frigido vellicatas, quæ vellicatæ se contrahunt, & poros claudunt; unde semper variolis, purpurâ & febribus petechialibus, item scabie, decumbentibus autores sumus, ut patientes calidos se teneant. Frigus verò intrinsecus immissum est v. g. haustus frigidus: notum enim est, quod ex ingurgitatione frigida cutis se stringat, quia occasionem præbet, ut per consensum membranarum cum stomacho panniculus carnosus & connexæ fibræ cutaneæ se stringat, & hinc pori se claudant. Unde v. g. si tale subito frigidam ingurgitant, videtur ipsis quasi aqua gelidâ perfunderentur, cum contra calida juscula affumentes dicere audiamus, sibi totum corpus incallescere, & non rarò sudorem supervenire; unde similiter ægrotis in febribus malignis petechialibus, purpuratis, aliisque excretionibus cutaneis, inuadimus, ne frigida hauriant. A viscido verò, quatenus linimenta unctuosâ & oleosa, imprimis ex pinguedinibus, medullis, oleis expressis, emplastris applicati, &c. oblinunt poros, abstineant. Et ex hoc fundamento venit, quod quædam subjecta non possint ferre emplastra, imprimis scorbutici, & qui serum habent acrius, hinc tales à levi emplastrorum admotione pustulas & herpes quasi contrahunt, quia per emplastra talia coercentur insensibiles halitus, qui in scorbuticis per se admodum acres, sub cute coerciti, majorem acrimoniam acquirant. Observetur hoc in praxi, cum non rarò Chirurghi talibus emplasticis admotis ulcera faciant deteriora; quin potius in talibus ulceribus corrosivis meliori successu pulveres conducunt, ex lapide calaminari, creta, cerussa, sacchar saturni, croco Martis præcipitato, & aliis, quæ acidum absorbendo saporem aluminosum acquirunt.

2. Altera causa, ob quam excretiones cutaneæ non rarò repelluntur, est sanguinis motus aliorum concitatus, & ita similiter feri sanguinis ab externis partibus remotio: quò

quò pertinent omnes venæsectiones, purgationes, vomitiones, ac quoque clysmata in cutaneis excretionibus intempestivè applicata, quibus sæpè motus naturæ expulforius ad exteriora pervertitur. Nam ubicunque contingit sanguinis excretio, vel sensibilis sensatio, ed eum locum semper concitatus sanguis moveri solet; non secus ac à spinâ parti infixâ mox hæc tumet, ac festucâ oculo infixâ ille inflammatur & lachrymæ erumpunt; simili ratione, si in talibus morbis clysmata, vomitoria, purgationes & venæsectiones, intempestivè instituuntur, tunc extimè partes non æquali motu sanguinis solent irrorari, unde minus versus exteriora natura vergit ad expellenda recrementa. Ac hinc est, quod in febribus petechialibus, variolis, &c. *Venæsectio* sit adeò periculosa ob impeditam earum eruptionem, nisi in primo morbi insultu ea instituatur, ubi tamen etiam non semper est tuta propter virium prostrationem. Sic novi *clysmata* jam suppurantibus variolis fuisse lethalia, partim ob deflorescentes inde variolas, partim ob succedentem diarrhæam colliquescitivam lethalem: Unde & in *puerperis* purpuratis si sit suspicio febris malignæ, tamen cautè lochia sunt tractanda, & potius nonnihil stringenda, quàm ad effluxum, cum sanguinis ad alium locum concitatione, nimis concitanda, monet WILLIS, ne excretio cutanea impediatur. Nam cum sanguine ita serum etiam simul retrahitur, tanquam commune nutrimenti & excrementorum vehiculum, cumque hoc imbibita excrementa cutanea aliorum deponuntur, & ad uterum simul rapiuntur.

Jam III. quæritur: *quomodo scabies & aliæ excretiones cutaneæ retropulsæ tam periculosa & anxiosa symptomata, ut ut febres, cum anhelitu & asthmate conjunctas, possint inferre?* Dico. Recrementa ista antea sub cute defixa, quacunque occasione vel immediatè cum sanguine mista, vel mediante sero soluta, in cruorem reaffusa, turbant sanguinis texturam seu compositionem materialem, primariò à duobus illis salibus, acido nempe & urinoso, dependentem: qua crasi vitiatâ vitiatâ & illius fermentatio, depravatur illius spiritaliscentia & incalescentia, sicque a tantillo fermento intercutaneo tota massa sanguinea infici potest. Quantum enim valeat tale fermentum, patet ex febribus intermittentibus, subindè post oris pustulas extrusas evanescentibus, ubi expulso tantillo fermenti, febris coërcetur.

His ita præsuppositis revertimur ad Picam nostram, quæ in hoc subjecto dependet à fermento stomachi ob scabiem retropulsam primariò aciditate nimia, sed tamen admodum acri & rosivâ, & nonnihilque falsâ, imbuta; unde in talibus fermentum hoc cupit saturari, ubi tamen non sufficiunt ordinaria alimenta consueta, sed appetuntur ea, quæ acidum hoc concentrant ac imbibunt, qualia sunt creta, calx, argilla, &c. Illustrat hoc negotium HIL-DANUS in *observat. Cent. 1. Obs. 37.* Hic observavit picam, in qua appetivit haleces, pisces, & carnes salitas ac infumatas, quales optimè digessit; sed res ordinarias, ut julsula etiam, qualia horruit, cum summa difficultate deglutivit. Pica autem illa oriebatur ex ulcere faucium, quod trans mittebat suum pus & saniem saliam in stomachum: hæc sanies alteravit fermentum stomachi, ut hoc similia promptè appeteret, v. g. haleces & similia, unde depravatus appetitus. Sic & picam ab acrib & falsis humoribus in ventriculo collectis observavit Horstius T. 1. *Observat. 5. l. 4.* ubi calx viva & terra fornacum comesta: ubi notabile, illam accidisse in puella 10. annorum. Danda proinde, qualia appetunt, modò non in nimia quantitate: vid. F. E. H. R. *Tract. de Absinth.* ex quo casus hic desumptus est, pag. 98., qui etiam suæ ægræ concessit cretam, sed miscuit cum mechoacanna; quæ purgans est insipidum ferè, adeoque illam sub larvæ cretæ tegens; utrique sic scopo, eleganti stratagemate, satisfecit, quatenus nempe per cretam destructum fuit acidum, & simul per mechoacannam evacuatam. Similem casum videbitis in M. A. N. C. Ann. 1. *Observat. 83. pag. 199.*, ubi puella non nisi cretâ saturabilis, admixta mechoacannâ albâ, curata fuit.

Quoad *Prognosin*: metus nullus est, quod scabies recidiver; bonum enim esset, si posset scabies revocari, cum sic ægra curaretur. Alter verò metus majoris ponderis est, nempe si creta in majori quantitate comeditur, nocivum erit, & metus, ne reddatur cachectica, quia vis fermenti primæ digestionis destruitur; contrario modo, si sobriè assumitur, non nocebit. Et uti verum est, quod

omnis repletio etiam optimorum secundum HIPPOCRATEM sit mala, panis verò pessima, utut in se non nocivus; ita creta omninò est insons in parca dosi deglutita. Patet hoc ex eo, quod constat, picâ laborantes varia absurda sine noxa successivè comedissee! nam appetita optimè, non appetita verò minùs digeruntur à fermento, ac verus est HIPPOCRATIS *aphorismus sect. 2. Aph. 50. Adsueta, licet deteriora, insuetis, licet bonis, minus nocere.*

Quoad

CURAM.

Quia fermentum nimis acre est, metuendum, ne varia symptomata incurrat ex vomitu, primò, juxta Dn. Resolventem, instituendo. Itaque tutius erit, ut.

1. Fermentum ventriculi nimis acidum & rodens saturetur! hinc
2. Per vomitum evacuetur; &
3. Tandem ventriculus corroboretur.

Pro primo scopo, ad *saturationem* taciunt *Martialia*, & hinc *alkalia fixa*, quæ destruendo acidum, illud in tertium falsum commutant: Verbi gratiâ:

R. Corall. r. præp.

Cryfall. præp.

Ebor. usi præp.

Salis absinth. ana ʒj.

M. f. Pulvis:

div. in 4. part. æqu.

D. S.

Pulvis acidum destruens.

qui manè & à meridie capiatur.

Subjectis delicatioribus Martialia crudiora, vel in majori dosi exhibita, convenientia non sunt, ob sensibilibus stomachi orificium, hinc iis loco horum conducit tinctura vitrioli Martis Zuvelseri, in morbis chronicis ex acido ortis proficua. Insuper dicta tinctura magis participat de terra foliata tartari: quod ex eo patet, dum enim miscetur terra foliata tartari & vitriolum Martis ritè parata, & in mortario lapideo teruntur, abeunt in deliquium, per spiritum vini extrahendum: quod superest in fundo, maxima pars est Mars. Huic incommodo ut consulamus, hujus loco sit sal Martis compositum ex iisdem constans, ut in sicca forma usurpari possit: nempe recipiantur ana *terre foliata tartari*, & *vitrioli Martis* ritè parati, (non autem venere, quod vomitus creat.) Hæc terantur in mortario lapideo, sub tritura mistio liquefit, & ab it in formam pulvis rubicundæ, quæ blando calore exsiccat, & hinc iterum teratur, sic acquiritur pulvis obscurè rubescens, nec amplius liquefcens, sub nomine salis Martis compositi: cujus dosi à gr. xv. ad ʒj. & ʒss. Felicem hujus usum in affectibus mulierum hystericis, paroxysmum præcavendo, & Melancholicis, vidi sæpius.

Porro terreis illis, tanquam privativè acida absorbentibus, addantur salia alkalia fixa, positivè agentia. Quod si cupiamus temperatum adstringens, conficiatur illud ex succo cydoniorum vel alio acido blandiore cum ebore usto, ita aluminosus sapor emergit: sin verò scopus sit emendare acidum peccans, omittatur acidum, vel ex Dn. Resolventis formula succus cydoniorum; aliàs enim effervescent, unde extra corpus saturata, intra illud saturari nequeunt.

Ad secundum autem scopum faciunt Vomitoria; ubi tamen vitrum antimonii cum Mercurio vitæ non possunt in anatica proportionem præscribi: hujus quidem gr. ij. in substantia præscribi possunt, sed non vitrum antimonii. Faciat audaculus periculum cum vitro antimonii in eodem pondere, sanè experietur ille hoc ob sulphur extraversum longè violentius esse, quàm Mercurium vitæ. Infusio autem ejus probè filtrata ultra ʒvj. non datur. Porro Mercurius dulcis loco purgantis in scabiosis optimum est remedium: scabiei enim fermentum delebit. Interim dosi ad gr. iij. est insufficiens; ritè quippe is paratus non solet insigniter purgare, & quò crebrius sublimatur, eò minus purgabit, hinc potius reliquis adjungi poterit à gran. xv. ad ʒj. sine periculo: v. g. ita præscripsi aliquando scabioso, aliisque ordinare soleo:

R. Extr. panchym. Crolli

Mercurii dulc. ritè par. ana gr. xv.

Scamm. sulphurat. q. s. pro stimulo.

M. f. l. a. Pilulæ: S.

Pilulæ purgantes.

Nec inconcinuus est pulvis purgans ex pulvere jalappæ & tar-

& tartaro vitriolato cum scammonio sulphurato à Dn. Resolvente præscriptus; quæ methodus Febri est optima.

Pro tertio tandem scopo non inconcinne succi aciduli laudantur: licet enim acida aliàs nervis hostilia sint; blanda tamen ea, & in specie vegetabilium, quæ non sunt adeò acria, stomacho arrident; unde succus cydoniorum & citri egregii sunt. Sed *quæritur*; quomodo illi conservari possint, cum facillè fermentent? Ubi vulgaris est modus, ut iisdem superinfundatur oleum, sed malè; ita enim alterantur, & nauseosum rancorem contrahunt; unde potius laudandus est HELMONTII modus per fenum sulphuris, quò succi tales præservantur à fermentatione & corruptione. Nempe lagenæ replentur fumo sulphuris, hinc subito succus infunditur, agitur probe: hoc factò, de novo aliquid sulphuris fumi immittatur. Hoc modo quicunq; succi vegetabilium essentiales, ut betule, &c. conservari possunt. Succus cydoniorum externè ventriculo applicatus nullius usus esse videtur, cum spiritaliscentiâ destituatur; hinc loco cydoniorum succi externè applicandi vina aromatica & olea distillata substituimus.

Quoad diætam; egregium est vinum absinthites.

Occasione autem scabiei supra monitum, quâ ratione affectus cutanei retropulsi turbas excitent in æconomia animali. Iam verò ratione curationis quæritur: quomodo scabies, ut & variolæ, aliæque excretiones cutaneæ retropulsæ revocari & expelli iterum possint? *Resp.* Res facilis est: Nempe fundamentum expulsionis huiusmodi morborum & excretionum cutanearum consistit in eo, ut ista fermenta salina separentur denuò ex concreto sanguinis, & separata eadem imbibantur à sero, quo, ceu vehiculo, iterum sub cure desigi possint. Iam verò *separatio* ex liquido fit duplici modo: (1.) per præcipationem; (2.) per transcolationem. Illa est, quando v. g. ex musto sub fermentationis motu fæces præcipitantur, vel quando ex solutione vitrioli per instillationem olei tartari præcipitatur metallum; ab & ex solutione acida. Hæc, nempe transcolatio, fit per medium aliquod porosum, liquida transmittens, crassioribus in colatorio relictis. Sic quando mustum præcipitatum transcolatur per chartam, fæces in charta remanent: Sic solutio vitrioli præcipitata dum filtratur, particule metallice manent in charta.

Ex quo patet, quod in liquidis ritè in vicem unitis separandi transcolatio præsupponat præcipationem factam: sic enim v. g. mustum ante sui fermentationem & præcipationem pertransit chartam, vel colum, totum turbidum: quod si verò idem deferbueri, & fæces præcipitatae sunt, hæc in collo remanent, & liquor clarus pertransit. Par ratio est in massa sanguinea, ex qua fermenta salina & recrementa, texturam ejus turbata, separari prius debent per præcipationem, antequam in corpore, tanquam per chartam emporeticam, transcolationes contingunt, & sero puro transeunte, recrementa salina circa poros cutis congesta, defixa maneant, unde excretiones cutaneæ efflorescunt. Unde falsum est, quod sudorifera simpliciter curent affectus tales cutaneos, eiiciendo recrementa ad corporis peripheriam: quin potius illa, quæ talia, colligescere faciunt massam sanguineam, & tenuiorem eam reddunt, nil verò hoc ipso præcipitant, adeoque per se hic nullius usus sunt; si verò talia, quæ simul præcipitent, illis addantur, tunc insignis usus erunt. Unde, ut scabies retropulsa, vel aliæ excretiones cutaneæ febrium malignarum retropulsæ, ad peripheriam corporis denuò revertantur, præcedant absorbentia, Præcipitantia dicta: ubi imprimis conveniunt *alkalia fixa*, fermentum acidum peccans corrigentia, & in salum transmutantia, sicque promoventia, ut præcipitata recrementa salina, imbibita à sero, felicius per sudorem ex massa sanguinea eliminantur. Unde eminent salia, tam fixa, ut cardui benedicti, absinthii, fumaris, &c. quàm salia volatilia, viperarum, fuliginis, cornu cervi, sanguinis humani, &c. pro scopo præcipitandi & separandi convenientia; quibus non incommodè, si æstus forte an urgeat, *antimonialia fixa*, imprimis Bezoardica, ut *antimonium diaphoreticum*, cinnabaris antimonii, aliæque sulphura antimonialia fixa, addi possunt. Non minus locum habet *Mixtura* illa *polychresta ex aceto & lapillis cancerorum*, potionibus addita, sumendo lapillorum cancerorum ℥j., aceti verò ℥vj. præterpropter. Ita enim, dum deferbuit mixtura, fit falsa, nonnihilque urinosi saporis, sudorifera pariter ac diaretica, adeoque, quæ vi salia acri præcipitandi pollet. Sit v. g. exemplum talis formulæ:

R. *Aquæ Scabiosæ*.

Fl. Samb.

Card. Bened. ana ℥j.

Acet. vini ℥vj.

Lapil. Cantr. præp. ℥j.

(& si placet)

Antim. diaphor. gr. xv.

Syr. de fumar. ℥iij ad vj.

M. pro 2. vel 3. dosib.

S. *Potio sudorifera.*

Sic quoque convenit *Emulsio* illa Cratoniana decantata ex seminibus expulsiis, napi, aquilegiæ, cardui benedicti, citri, &c. concinnata, elegans ad revocandos hos morbos, quam correxit ZWELFERUS in *Pharmac. Regia* adjectione myrrhæ, sub nomine *Liquoris Alexipharmaci*, in malignis, purpura puerperarum, aliisque febribus cum excretionem cutanea conjunctis, commendanda. Tandem etiam *simus equinus* recens nodulo inclusus, & in potu ordinario infusus, expressusque, ad purificandam massam sanguineam, expellendamque scabiem, variolas & morbillos, vi suâ salino ammoniacali multum confert; sicut idem quoque in æstu urgente, & sudore provocando egregius est. Ultimum adhuc consilium ZACUTI LUSITANI est, quo suadet scabiosis, quibus malum retropulsum est, ut concumbant cum alio scabioso in uno lecto, pro revocanda scabie. Et sanè, si scabiosus potest inficere sanum, multò magis eum, qui jam fermentum scabiosum contraxit.

Quæritur porro etiam hoc in casu; cum picans nostra sit puella, an, si menses forsan aliquid conferant ad scabiem, & horum excretio in hac puella nondum facta fuerit, venæsectio aliquid conducat ad promovendam vel curandam scabiem? Nego. Cum enim procax & vegeta sit, non ex mensium vitio contraxisse scabiem videtur: ac variant omnino naturæ mulierum; nunc enim citius, nunc tardius effluunt, ita ut quædam 10 11. 12. imò 18. annum quoque expectent, quale exemplum jure hæreditario ex matre, circa vigesimum demum ætatis annum primos menses patiæ, in gravida vidi. Unde quando non fuscipio mensium suppressorum adest, venæsectio omittenda. Cui opinioni nostræ non refragatur, quod RHODIUS *Cent. 2. Obs. 57.* adducit, nempe virum malaciâ laborantem, reconvallescentem tamen post supervenientem hæmorrhoidum, fluxum; potnit enim subiectum esse hypochondriacum, cui levamini sunt hæmorrhoides, adeoque malaciâ hinc pati. Si verò mensium suppressio juncta fuisset, tunc ejus simul ratio habenda esset, venæsectione eosdem provocando, & adjuvando.

Sed quid? si post curam picæ superveniet fastidium vel anorexia? *Resp.* Amara conducere, volatilibus sociata, ut elixyr proprietatis line acidò, tinctura tartari composita cum spiritu salis ammoniaci anisato.

An vinum concedendum album, acidum? Nego: bene autem potest adnitri dulce, rubrum, antiquum.

Si febris lenta esui cretæ superveniat, conducit Vomitorium, Mercurius dulcis, item mixtura polychresta ex aceto & lapillis cancerorum, sal ammoniacum cum terra foliata tartari, &c.

Quæritur; an lac ob atrophiam conducat? *Resp.* Si omnia ritè se habeant, & etiam menses fluxerint, comedi potest debito cum regimine.

C A S U S IV.

CHYLOSIS LÆSA EX CRUDITATE NIDOROSA CUM SODA.

Fœmina delicata, lautioribus epulis dedita, bonisque fortune abundans, queritur de subito crebrioribus affligentibus, vagis tamen & subito denuò cessantibus, æstuationibus corporis, aliquot horis à passu, cum faciei vago rubore: accedunt subinde ructus terri, & saporis aut nullius, aut non facillè explicabiles; quibus interdum quinta vel sexta noctis hora superveniunt secessus liquidi, spumosi, varii, quibus interdum de cibis quibusdam assumptis plus minus nonnihil permixti, quin imò conjunguntur his interdum vomitus materiæ similis, quos tamen antecedit gravis anxietas cordis, cum dolore circa spinam dorsi compressivo, ad jugulum usque quasi ascendente, & fauces constringente. Manè exurgens lecto, mediocriter se habet,

bet, sed assumptum ientaculum abhorret istud, & odor jusculi gallinacei pro consuetudine hauriendi percipiens nauseat, unde paucis cochlearibus ejusdem assumptis, id seponit: superveniunt breui post solitæ astuationes, in specie caloris intensioris sensus in regione stomachi, qui gulam flammæ instar amburit; unde gravior sitis supervenit cum appetitu circa prandium prostrato; frigida saltem, præsertim potulenta desiderat, calida respuit. Ipsa ergo tot malis perterrita, conuocat omnem Medicorum turbam pro consilio certo curæ instituendæ.

R E S O L U T I O

D N. CHRISTOPHORI
HOLTZELS,

Haftenus

MEDICINÆ DOCTORIS, PRACTICI
LIPSIENSIS,

Nūc & alyois.

Cum speciali Discursu & Annotationibus

B. DN. PRÆSIDIS

Censuræ & Emendationi subiecta & correctæ:
Anno 1675.

Feminae delicatiori, quæ diætæ, haud ullam habuit rationem, stomachus corruptus est, & cum assumpta probe digesta non sint, sed id nidiorosa liquamina abierint, illa refidua acorem, qui corruptionis individuus comes esse solet, contraxerunt usque adeo, ut affectus hinc præsens ad ventriculi cruditatem cum ardore coniunctam referendus sit, indeque flatulentum liquaminum illorum Gas subinde in ructus abit, qui odorem eorum simul evehunt, ac secundum varietatem corruptionis acidum amarum fetidum spirant, assumpta nonnunquam non subacta probe à fermento redolent. Sapor recte non satis explicabilis dicitur; pro corruptionis enim diversitate multis modis variat: nonnunquam revera vitriolaceus est, faucesque adeo stringit, ut vitriolum solutum in ore se continere credant egri. Atque sic quidem stomachus liquamina illa sibi noxia ferre nequit, nequit non subinde ad vomitum concitetur, illeque quinta vel sexta hora noctis supervenire solet, cum tunc quadantenus cibi digesti sint, & nocturno calore stomachus concitetur, prout & aliàs à crapula hoc fieri solet. Liquaminum odore illo corrumpitur fermentum, quod minus laudabiliter digeratur; si præsertim secundum Moebium ex cibi laudabiliter concocti reliquiis, in fermenti vigorem exaltatis, illud ortum ducit. Impressio itaque semel tetro odore illo, a versatur stomachus cibum omnem: ille quippe, prout etiam jusculum gallinaceum, quod ægra usa subinde est, similem corruptionis labem incurrit, ac impressa semel idea aversationis illa, cibum subinde respuit. Quod adeoque de toto corpore habet Hippocrates, illud non minus de stomacho hic accipi potest: illum, quod magis nutritus, eo magis lædi. Acor itaque ille intensus excitato spiritu insito ac cum eo calore in halitus abit, qui dum massam sanguineam invadunt, phlogosin illam ac febrilem quasi estum suscitant: floridior commotus sanguis faciem, quam naturali purpura suo ductu ornare aliàs solet, invadit, sed in flammam febrilem penitus non erumpit, cum focus, qui sic dici solet, in massa sanguinea haud adsit, ac causa continens, seu acida illa effluvia remittant, assumpto potissimum cibo; tunc enim acidum, utut vitiosum, instinctu naturæ suæ in cibum agere incipit, redditum verò irritum pristino exacerbatur ardore; hinc faucium quoque ardor iste est. Et eleganter huc referri potest experimentum, quod in Progymn. de Nutric. habet Consentinus, animalium stomachos, quorum acidum prævalet, jejunos apertos acidum adeo spirare, ut intensè illud nares feriat. Similia effluvia ex concurrente bile cum succo pancreatico, hoc etiam in affectu oriri arbitratur Sylvius, cujus tamen sententiam meam hic facere haud necesse est. Sitis quod concernit, à faucium ardore illam oriri facile patet: Ille namque extingui optat; & cum faucium tunice undequaque glandulosæ sint, tubulos excretorios lymphæ secundum Stenonem habeant, à calore seu ardore lympham simul exsiccari contingit: hincque recte sitim definit Helmontius, quod à deficiente latice sit. Sic itaque affecto stomacho irrita sæpius redditæ conco-

ctione, ac fermento ejus nidiorosa corruptione infecto, & à mucosa materia oblitterato, prosterni simul appetitum en quid mirum?

D I A G N O S I S.

Dignostica signa ex ipso casu petenda veniunt.

P R O G N O S I S.

Prognosis etiam facilis est, ac spem curationis facit indubitam; quanquam, nisi maturè morbo prospiciamus, metuendum sit, ne recepto magis magisque ad interiora vitioso illo liquamine, in febrim abeat: unde ad curationem accedendum est.

C U R A.

Cum adeoque vitiosa illa materia ac nidiorosa stomachum occupat, primum omnium erit vomitorio leniori aut idoneo purgante illam evacuare. Competit ideoque Infusum vitri antimonij cum vino factum, dosi ʒss. ad ʒj. cum syrupo florū persicorum, vel simili alio; hincque eo magis commendari debet, quod facilius operetur. Aliàs vomitoria in forma pulveris, vitæ Mercurius, &c. ab acido in stomacho abundante quadantenus figi ac impediri solent; unde præcipitantia, quorum paulo post mentionem faciam, ex oculis cancerorum in casu non immerito præmittuntur.

Ex Purgantibus resina jalappæ, scammonii, &c. sunt; quanquam scammonium, præsertim spiritu vini solutum, faucium ardorem singulariter intendere soleat: si tamen alcali. sata resinis addantur, egregie illos solvunt & operationem adjuvant: Dulcia è contra ex manna & similibus, cum corruptionem itidem facile incurrat, non æquè hic conducunt.

Vomitum dicto modo præmitti debet, postulante necessitate; sequentium purgantium usus succedit, ac in forma pulveris, qui imbibit resolvitque magis acidum liquamen, hic esto:

℞. Pulv. Senn. Montagn. ʒj.

Resin. Jalapp. gr. vj.

Scamma. sulphurat. gr. jv.

Mixta adspargantur cum

Arcan. tartari ʒj.

Ol. dest. Mac. gutt. jv.

M. exactè pro Pulvere.

S.

Pulvis pro purgans pro una vice.

Aut in forma Potionis:

℞. Infus. fol. senn. c. aqua font. fact. ʒjv.

Ol. tartari per deliquium sol. ʒjss.

cum eo solvantur

Diagr. præp. tantillo vitell. ovi in mortar.

subact. gr. vj.

edulcora cum

Rob. passul. vel Syr. rosar solut. q. s.

M. D. S.

Potio purgans pro una vice.

Præmissis hisce, tanquam universalibus, ea in usum veniunt quæ vim præcipitandi habent, & reliquum vitiosi liquaminis incidendo abstergunt, sicque ad pristinum tonum recuperandum stomacho succurrunt.

Acidum verò præcipitant.

1. Quæ terrea sunt, & ad naturam alcalisatorum proximè accedunt; nam & illa in meram terram converti possunt; suntque medulla ossis sepiæ, oculi cancerorum, antimonium diaphoreticum, ac similia.

2. Oleosa. nam & illa, id quod ex edulcoratione acidorum cum spiritu vini facta patet, acidum imbibant leniuntque.

Sic itaque recipi potest, e. g.

℞. Ocul. Cancr. præp.

Antimonij diaphor. ʒss.

Pulv. Macis parum tost.

Nuc. mosch. ana ʒj.

M. f. Pulvis: S.

Singularis pulvis stomachalis.

Tenerrima medulla ossis sepiæ est, hincque eo magis acidum imbibit, & alcalisata præcipue illud mortificat: sequens adeoque pulvis, qui à præcipitante Magno D. Langii b. m. non adeo abludit, commendari meretur, est que sequens.

℞. Medull. off. sep.

Lapill. Cancr. præp. an. ʒjss.

Sal-

Sal. tartari crystall. ʒʒ.

M. f. Pulvis:

D. S. ut ante.

Pulverum horum usus potest precipue matutino tempore esse; tunc enim ac jeiuno existente stomacho, eò melius illi in acidum liquamen agunt. Communiter etiam cum saccharo in rotulas redigi solent: sed & saccharo acidæ faculentia sunt. Subinde etiam ac circa vesperam Præcipitantium horum usus repeti debet.

De reliquo & ante prandium dimidiâ circiter horâ Mixturas stomachicas, quæ balsamica simul virtute pollent, adhibere convenit: ita vitiosæ materiæ liquamen inciditur, impediturque, ne cum cibis chyloque ad interiora deveniat. Istiusmodi mixturæ ac stomachalia elixyria varia sunt, ac conducit præ reliquis Elixir proprietatis; vel cum alcalisato, quod eleganter hodie confici solet, nec præcipitare se permittit; vel cum spiritu salis ammoniaci factum; hæc quippe menstrua, acida simul imbibunt. Sequens etiam Mixtura probata est:

℞. Elix. propt. ʒʒ.

Ess. absinth. simpl. ʒj.

Extr. cal. arom. ʒʒ.

M. S.

Elixir stomachale, 40. guttæ.

Hæc, ut dictum, ante prandium in iusculo assumi possunt.

Ita paulatim ad pristinum tonum stomacho redeunte, cure reliquum perficitur iis, quæ appetitum excitant, & stomachi vigorem roborant: in quem finem adhiberi possunt cremor tartari, qui simul incidendi vim habet spiritus sulphuris, sal volatile succini, quod simul stomachum roborat.

℞. Crem. tartari ʒij.

Affunde

Spiritus sulphuris per camp. ʒʒ.

adde

Sal. vol. succin. depur. ʒj.

M. S.

Singulare Sal stomachale.

Dosis est, quantum culiri cuspis capit, in vino Rheno.

Sed & cydoniata egregiè ac ultimò conveniunt, succus nempe, mira aromatica, cum vino Malvatico exhibitæ; stomachum enim roborant, & odore spiritum ejus resciant, sicque vigorem restaurant.

Quoad dietam: durante curatione hæc ægra à ciborum nimio usu abstinere debet, precipue circa vesperam; & licet sitis urgeat, potu frigidiori, potissimum cerevisiæ non aequè defecatq; indulgendum non est; hinc enim magis magisq; nidorosum liquamen augmentum capit: pane vino imbuto vesci conducit, eoque fermentum stomachi quasi invitare. Ita ex errore dietæ subortus morbus, moderamine ejus precipue restitui debet.

DISCURSUS & ANNOTATA

B. Dn. PRÆSIDIS.

Auditoribus Communicata

d. 12. Novemb. 1675.

Digestioni nostræ opponitur cruditas. Digestio verò fit à fermento stomachi digestivo effectivè; dispositivè verò à calore stomachi. Quando ergo deficit, fit; vel quando fermentum est nimis acidum; vel nimis iners aut defectuosum: si illud, est cruditas acidæ: si hoc, nidorosa. In præsentî ægra affectus primarius est Chylis læsa, eaque ex cruditate nidorosa, quam per consequens sequitur ardor stomachi seu soda. Adeoque primariò liquamina nidorosa seu biliosa, secundariò cum his effervescentia acidæ, hic consideranda erunt.

Iam verò pro hisce melius intelligendis, præsuppono:

I. Cruditatem nidorosam fieri imprimis in febribus, præsertim acutis, ubi deficit etiam omnis consuetorum appetitus, quod sanè signum est deficientis plus minus acidæ digestivi in stomacho, adeoque in talibus assumpta mox cruditatem nidorosam contrahunt.

II. Eandem cruditatem oriri præsertim à pinguibus, obtundentibus, & hebetantibus fermentum stomachi digestivum, speciatim ab ovistraxis, ut & castaneis butyro comestis: ita sanè, ut qui nesciunt, quid sit cruditas ni-

dorosa? me suavore comedant ova frixa, ita experientur ructus tetros putridos &c. sic pariter cum lac, ceu pingue corpus, facilis sit corruptionis in tali stomacho, pinguedine suâ abundanti obtundens & hebetans vim fermenti acidæ, proinde etiam hoc ad nidorem disponere valebit.

III. Eam ipsam etiam supervenire, quando alimenta diutius in stomachi cavitate retinentur, ita, ut pylorus irritatus eadem non transmittat, tunc scilicet, licet benè digesta sint, successivè ex mora illa corrumpuntur, & in liquamina nidorosa degenerant.

IV. Tandem notum est, omnium frequentissimè fructus horæos aquosos, facile putrescentes, quales sunt cucurbitæ, cucumeres, melones, alique aquosi, facile non tam fermentando acescentes, quàm putrescentes, cruditatem nidorosam inducere. Hæc qui laborant, semper habent excrementa alvi liquida impensè fœtentia. Hinc à cucurbitis cholera & diarrhœa superveniunt.

Ex his colligere licet, non contingere cruditatem nidorosam, quamdiu fermentum stomachi sufficit vel præpoller, sed quando vel deficit, vel ab assumptis plus minus infringitur fermentum stomachi digestivum, ut vel fermenti defectus vel inertia sit origo cruditatis nidorose. Hinc assumpta ex defectu vel inertia fermenti digestivi non acorem fermentativum contrahunt, sed defectu hujus in loco calido & humido, qualis est ventriculus, retenta successivè ad corruptionem putredinalem tendunt, sub qua putredine alcali eorum proprium emergit, & agit in adjunctum pingue oleosum, atque ita horum amborum concursu fœtor, & sapor teter, amaricans, &c. enascitur.

Scilicet in hoc differt fermentatio à putredine, quod licet in utraque concursus salium videatur, in fermentatione tamen primarium agens sit acidum, in putredine verò alcali. Hæc ergo cruditas nidorosa parit bilem veterum vitellinam, ex nimio calore in stomacho genitam, qui observarunt hunc succum in febribus ardentibus. Bonum est, modò explicetur.

Hoc negotium ita illustrari potest: Vegetabilia quæcunque fermentationi exposita, sub principio fermentationis & progressu ejus, gratum & acidulum odorem & saporem spirant; si verò alteriùs fermententur, tandem rancescendo putrescunt: Similiter quando alimenta ingesta vel non fermentantur, vel sub fermentatione impediuntur in suo motu, in saporem utrum amaricantem, nunc nauseosè dulcem, abeunt, & usque in perfectam putredinem degenerant. Cruditas ergo nidorosa, quæ putredinis inchoatæ species est, à spontanea alimentorum corruptione, à defectu vel inertia fermenti digestivi, oritur. Ac facit huc locus HELMONTII, qui dicit, quod chylus nimia cocturâ corrumpatur. Sic rosæ ad fermentandum depositæ, nisi exactè punctum fermentationis observetur, in putredinem & saporem tetrum abeunt aut degenerant.

Nidorosam ergo hanc in ægro præsentî cruditatem ostendunt ructus tetri, idque fit eò magis, quando pylorus ex infauis his retentis se claudit, & nihil transmittit, unde retenta magis corrumpuntur. Ructus hi sunt comites non rectè digestorum, tetri, non tamen acidæ, nisi quando ex occurso acidæ soda exoritur; sed fœtidi instar pinguium ambustorum, quia retenta successivè suum Gas exhalant. Sapor est inexplicabilis: sanè miri sapores non raro ab ægris in ore percipiuntur: Sic frequens est, ut ab hypochondriacis ructus acidæ & insignes exsurgant: Imò præstant exempla eorum, quibus ex sapore vitriolaceo fauces quasi constrictæ visæ fuerunt, referente SENNERTO l. 3. Praxeos Et sicut in bile primò dulcedo dein amaror se prodit; ita etiam alimenta corrupta tandem saporem amarum nauseosum reddunt; sicut idem fit in glycyrrhizæ ex longiore digestionem tandem amarescente. Nihil autem magis amicum est stomacho, quàm blandum acidum; nihil etiam eundem magis lædit, quàm nauseosus amaror, & qui putredinem spirat. Hinc stomachus alimenta partim putrefacta, partim amara, abhorret, & eadem rejicere tentat, hinc post aliquot horas, cum magis nidorosa facta sunt eadem, propter stimulum per superiora reicit. Idem fit ac in nausea cerevisiæ in febribus ardentibus.

Ex his itaq; patet: quare præmissis vomitoriis acidæ temperantia, v.g. tartarea, ut cremor tartari, tartarus vitriolatus, spiritus nitri dulcis, nitrum vitriolatum, &c. in nidorositate curanda emanant; cum è contrâ nil magis ventri-

triculum lædat, quam amarities colocyndidis, opii, &c.

Causa proxima nidiorosæ cruditatis est partim fermentum stomachi deficiens, partim iners factum, vel alio modo alteratum, idque ob errorem externum, nempe propter alimenta bona multa sine motu. Ubi tamen mihi non videntur, reliquias alimentorum constituet fermentum illud, sed potius modificare ac determinare idem, ita quidem, ut hujus ratione melius digerantur consueta ceu symbolyzantia cum eodem, & adsueta licet deteriora, insuetis, melioribus licet, parcius lædant.

Dixi Lidorosa lædere ventriculum: Jam ergo cum quælibet assumpta, in specie juscula gallinacea, pinguis, facile in nidorem abeant, hinc stomachus ralia, à quibus propter nidorem læsus est, abhorret, & in nauseam, quæ sanè est spasmus orificii ventricoli sinistri, cieitur. *Phlogoses* verò quod attinet: observandum est, quod cruditas nidiorosa, quamdiu talis est, easdem non excitet, simul atque verò liquaminibus nidiorosis occurrit acidum, vel stomachale, vel pancreaticum vitiosum, vel aliud, mutatur, & novas arripit qualitates, speciatim effervescent, quod hic Soda probat. Ex mutua autem & inæquali effervescentia horum cum alcali nascuntur phlogoses, intrante scilicet cacochyliâ hac heterogeneâ massam sanguineam: quod confirmatur ex eo, quod tales ægri æstus & pulsus obtineant celeriores, similem illi, qui Hecticis aliquot horis à pastu supervenire solet; interim phlogoses illæ, super veniente diaphoresi blandâ, mox evanescent.

Ex eodem quoque fonte est Soda, quâ afflictæ rosionis & caloris sensum percipiunt in gula, ab effluvis acerbis ascendentibus; non secus ac spiritus nitri rectificatus, si manui affundatur, rodit, & ardet. Simili rationem cum acidum cum nidioroso in stomacho effervescent, emergit ardor, simulque rosionis sensus, ab effluviis istis acerbis hinc œsophagum ascendentibus. Non autem probabile est, in statu naturali fieri in corpore nostro effervescentiam propriè dictam, quia omnia sunt temperata in statu naturali, cum temperata nos curent, imtemperata verò lædant, sicut imtemperatissima sunt venena; sed saltem blandus fermentationis motus statuendus videtur.

Lympha salis in faucibus deficiens est causa sitis: quò magis deficit lympa salivalis, eò magis intenditur sitis, in tantum, non in totum; sitim enim clamosam non potest inferre: sic enim v. g. noctu dormientes hiant ore, incidunt in sitim, non tamen intensam; verum edat quis piper & sal, sitim maximam & clamosam percipiet, quamvis adsit lympa: ut adeoque, licet sitis causam privativam, lymphæ salivalis puta defectum, agnoscat, præter hanc tamen & positivam habeat. Et talis est sitis febricitantium, ex orificio stomachi sinistro, ab alcali acris plus minus falso affecto dependens. In hoc casu oritur a cruditate nidiorosa amara facta in stomacho, ita tamen, ut, si adiungitur lymphæ salivalis defectus, magis adhuc intendatur.

In omni autem *Prognosi* tria attendenda sunt:

1. Eventus morbi, an nempe hic sit curabilis, vel non? aut salutaris, aut lethalis?
2. Tempus eventus, *quandiu scilicet morbus sit duraturus*, quod sequitur naturæ motum.
3. Modus eventus, præsertim in acutis, an nempe criticè? an verò paulatim cessaturus sit morbus?

Jam ergo e. g. ratione primi, noster affectus non est lethalis; ratione secundi, potest brevi curari; ratione tertij verò rectè præcavetur ejus incrementum, ne affectu neglecto appetitus prostratio, sitis intensa, diarrhœa, vel fomes pro febribus ardentibus, superveniant. Nam cruditate nidiorosa laborantes semper alvi liquidioris sunt, & excrementa subinde insignem foetorem de se spirant, aut tandem fomes febrium acutarum cumulat.

Ratione *Curæ* hæ indicationes observentur.

1. Recrementa in stomacho & primis viis stabulantia sunt evacuanda, & primariò quidem, si fieri potest per os, secundariò per alvum.
2. Si quid eorum superest; corrigatur temperatis, imprimis blandè acido-salis, quæ dulcia amaricantia temperare & corrigere valent: qualia v. g. sunt cremor tartari, arcanum duplicatum Mynsichti, os sepia cum tartaro vitriolato, &c.
3. Appropriatis *acidis blandis* adstringentibus stomachi vigor restituendus.

De cætero observandum, quod ii, qui cruditate nidiorosa laborant, cum fermentum stomachi iis debile sit, facile supra & infra laxentur, quia excrementa semper sunt liquida, nisi obstiterit robur stomachi membranofum, Speciatim nostra ægra, cum sponte suâ vomat, facile ad vomitum potest esse proclivis, nec digestivis opus habet. Quod si verò Soda invalesceret, acidum absorbentia tunc, ut lapilli cancrorum, corallia, os sepia, & c. præmittantur, & tunc vomitoria superaddantur; effervescentia enim prius sopienda.

De resinis purgantium observandum, quod eæ copiosiores & molestiores purgationes faciant, quàm ipsa purgantia in substantia exhibita: Ita enim v. g. resinæ jalappæ & longè molestiores, magis nauseosas, & copiosas excretiones facit, quàm grana xv. vel ℥j. pulveris jalappæ creat: Ratio est, quod resinæ illæ sint olea condesata in forma pulveris sicca: quod probatur: si enim cum spiritu vini extrahitur ex ligno resina, non dabit illud, per distillationem postea factam, oleum. Jam ergo cum resinæ illæ omnes sint viscidæ, glutinosæ, & particulis suis glutinosis & viscosis facile plicis stomachi & intestinorum adhærendo in faucibus sitim & nauseam, sicut in intestinis hypercatharses excitant, unde cautè propinentur. Hinc alii suadent, ut resinis illis semper medicamenta salina abstergentia admisceantur: Vel dissolvantur resinæ cum vitello ovi; sic enim dissolutæ penetrant promptius massam sanguineam, & eandem successivè colliquescendo sub copiosiore evacuatione operantur sine torminibus, vel gravioribus symptomatis, quia sunt temperatiores, nec sunt adeò viscidæ, & infensæ intestinis, minusque adherent. Resinæ itaque purgantium, vel cum stimulo salino, vel vitello ovi, vel semine melonum, præscribi debent, v. g.

R. Tartari vitriolati, vel Arcan. dupl. ℥ss. ad

gr. vx.

Resin Jalapp. gr. iij.

Scammon. gr. i.

M. f. Pulvis. S.

Pulvis laxans.

Vel in forma dissoluta:

R. Resin. Jalapp. vel Scamm. gr. vij. viij. vel ix.

Dissolve in f. q. Vitell. ovi, addendo

Aque Menthae ℥ss. ad ℥j.

Cinnam. ℥j. vel ℥ij.

M. f. Potio: S.

Potio purgans.

Talem formulam nuper dedi robustæ fati mulieri, quæ sanè aliàs moveri non potuit, accipiendo resinæ jalappæ & in vitello ovi dissolutæ, & ecce! decem ex hujus usu sedes habuit.

Cæterum particulæ scammonii faucibus acredine suâ ardorem & sitim, in stomacho nauseam, inurentes occasionem suspicandi fuggerunt, annon venenum in febribus ardentibus malignis similis naturæ sit? Alcalisata autem optimè resinas purgantium corrigunt: ille enim addita resinis, tanquam subiectis sulphureis, dissolvendo, earum viscositatem glutinosam hac ratione tollunt, adeoque resinæ ita correctæ, & in textura sua mutatæ, postmodum jucundius & facilius operantur sine torminibus, & tutius, sine metu hypercatharses. Scilicet mira vis inest alcalibus, tam fixis quàm volatilibus; corrigunt siquidem ea omnia vegetabilium venena, hæcque tam solutiva, quàm narcotica, quatenus scilicet resolvunt texturam misti, pingue nimirum & acidum glutinosum, à quo dependet textura misti, & in quo venenositas consistit, & temperant acrimoniam. Nec enim melius purgantia vegetabilium corriguntur, itemque narcotica, quàm per alcalia, & mitiora redduntur, quatenus scilicet hæc illorum sulphur certo modo immutant: Unde *B O Y L E* in sua *Philosophia Experimentalis* testatur, se etiam napellum beneficio salis tartarij volatilioris correxisse. Ut itaque omnium optimè, vel salia salia, vel alcalisata resinis purgantium addi possint.

Dulcia hic exulent, non quasi ea facile mutantur in bilem, sed quatenus suâ dulcedine in stomacho ferè amarescunt, fermentandoque putrescunt.

Præscribitur hic ab Autore hujus Resolutionis pulvis diasennæ Montagnanæ, unà cum aliis adhuc additis, drachma integra: Verum cum ægrota sit delicata, & præterea nidiorosa cruditate laborantes de facili purgantibus moveantur, ut tacem adjuncti arcani tartari ℥j, proinde dosi

dosis illa excessiva est, & pro duabus sufficere potest. Aliàs fenna & fennata commodius, ob torminosam pariter & tardiorē sui operationem, præscribi poterunt in liquida, quàm solida forma; ubi tamen aqua fontana pro portione parum elicere valet, nisi ea stimulo aliquo tartareo acuata fuerit, cum sic infusa fennata grata conficiantur. Exempli loco sit *infusum laxativum Mannagettæ* apud ZWELFERUM prostant, suaviter & copiose laxans, ad cuius imitationem tale mihi in usu est:

℞. *Fol. fenn. sine stip.* ℥iij.

Sal. tartari ad ℥ss.

Infund. in aquæ fumar. ℥iij.

Stent in loco tepido per noctem.

Sal tartari acuit folia fennæ, & corrigit eorum mucilaginem:)

Manè ℞. *Colarum*, adde

Aquæ Cinamm. ℥iij.

&c., si opus est,

Syr. rosar. solut. ℥ss.

M. D. S.

Potio purgans.

Sic egregium quoque est in hoc passu *Vinum passulatum Timæi*, ex decocto passularum, in quo fenna & cremor tartari ebullierint. Hypochondriacis in specie commendatum: Vid. *Dis. de Dolo. Hypochondriaco capite 5. §. 4.*

Suprà monui: *ratione cruditis nidorosæ salsa abster-siva*; *ratione sodæ verò præcipitantia & acidum absorbentia*, temperantia & corrigentia, conducere. Pro utroque itaque scopo talem formulam præscribere possumus:

℞. *Arcan. duplic.* ℥ij.

Off. sepia præp. (propter Sodam) ℥j.

Pulv. nuc. mosch. gr. vj.

M. f. Pulvis pro duabus dosibus;

M. S.

Pulvis stomachalis alterans.

Quarum prima manè in vehiculo calido, altera circa vesperam iu frigido, capiatur.

(In Cruditate nidorosa, quando nucem moschatam volumus præscribere, sic præscribitur:

℞. *Pulv. nuc. mosch. parum tosta*, &c.).

Vel

℞. *Crem. Tartari* ℥ss. ad ℥ij.

Assumitur in vehiculo, quantum potest, fervidiore, insigniter abstergit. Vel

℞. *Crem. tartari* ℥j.

Corall. rub. præp. ℥j.

M. pro duabus dos.

D. S. ut suprà.

Hæc Mistura præcipitans capiatur pro duabus dosibus, estque hæc specificum Kergeri antifebrile, vid. *Tract. ejus de Ferm.*: unde cremorem tartari ob id magnificimus; quia prostat in M. A. N. C. *Ann. 2. Obs. 210.* exemplum doloris stomachi & sodæ ferè desperatæ, quæ, utut aliàs per usum lapidis prunellæ fuerit sublata, hæc tamen vice nil profuit, sed illa saltem usu cremoris tartari fuit sublata. Unde euporiston hoc est Cnöffelii, cui si jungantur corallia, vel lapilli cancerorum, crystallus montana, lac Lunæ, unicornu fossile, creta, &c. efficacius reddetur.

Salia alcalifata fixa in meram terram, non tamen æquiponderantem sibi, converti possunt, suntque concentratæ quasi calces, natæ ex colliquatione pinguedinis sulphuræ acidæ, & salis volatilis cum particulis terreis concreti. Olea destillata quidem, acidum temperando, in soda profunt, sed hic non conveniunt propter cruditatem nidorosam, uti & præprimis expressa nocent. Interim cum periculum enascatur, ne exinde effervescentiæ & phlogoses intenduntur, ideo nec olea destillata tuta satis sunt, quin potius nux moschata aut macis parum tosta, ut oleum subtilius exhalet, in cruditate nidorosa locum habebunt. Medulla ossis sepia singulari est præcipitans, fuitque hinc pulvis præcipitans magnus Dni D. L. A. N. G. II, qui casu eum invenit, dum nimirum hunc vino injectum, saporem acidulum omnem ei ademisse observavit: loco cuius etiam crustæ internæ ostrearum, vel putamina seu testæ ovorum adhiberi possunt. Nam cum præcipitatio in usu Pharmaceutico nil aliud denoret, quàm quando tale remedium adhibetur, quod effervescentes acres succos corrigit, & particulas

correctas ad fundum secedere faciat, ita siquidem cerevisia acescens vel effervescens per ovum in ejus medio suspensum precipitatur, uti & injectione cretæ, cujus alcalinæ particulæ, absorbendo acidum, fermentationis motum coërcent, particulasque acidas sibi adhærentes simul ad fundum secum rapiunt seu precipitant; proinde præcipitantia remedia erunt ea, quæ succos fermentescentes, & præcipue acidum, corrigunt. Vim habent hanc omnes animalium duræ ossæ partes, terreâ parte & sale volatili abundantes, & subiecta terra: Interim præterrestribus animalibus marina notabiliora & nobiliora exhibente Præcipitantia, quia sal eorum magis est acius & potentius, & eorum corpus magis concentratur; unde acidum magis in ea agit; quod patet: quando enim calcinantur, dant calcem, quam animalium terrestrium partes non præbent: Sic ostrea, lapilli cancerorum: &c. calcinati instar calcis in aqua simplici ebulliunt. Ex animalibus putamina ovorum calcinata effervescunt instar calcis vivæ. Hinc ex his marinis, calcinatis tamen, constar *Specificum antifebrile Strobelbergeri & Crollii*. Insuper os sepia aliàs specificum dat in gonorrhœa benigna, & fluore albo mulierum:

Pulveres non sunt larvandi saccharo: Illud enim fermentando promptè acorem spirat, uti & destillando spiritum acidum præbet, in stomacho verò putrescendo amaritiam contrahit, & multis modis nocere potest: Unde iis saccharata fugienda sunt, quibus stomachus non valet. Sic Hypochondriaci, Scorbutici, &c. illud ferre non possunt.

Elixyr Proprietatis paravit PARACELSUS cum liquore alcahest, loco cuius HELMONTIO in usu est aliud, per digestionem cum aqua cinnamomi paratum, nec id inelegans. Communiter adhibetur cum spiritu sulphuris confectum. Moderni autem illud cum alcalibus, tam volatilibus quàm fixis, parent: Fixis quidem, parando alcali ex nitri & tartari ana detonatione, huiusque solutioni species requisitas infundero, hinc digerendo, potest inspissando, & cum spiritu vini extrahendo: Vel species miscent cum dicto alcalifato, hinc affundunt spiritum vini rectificatum digerunt & filtrant. Vulgò mixtura ex spiritu vini & spiritu salis affunditur speciebus & digeruntur. Quemadmodum aut *Elixyr proprietatis* cum acido paratum in cruditate nidorosa; ita sine acido, cum alcali fixo paratum, ratione sodæ ad guttas xxx. locum habet, quod itidem in affectibus mulierum, à mensium vitiis enatis, itemque in affectibus infantum, ex acido viscido oriundis, dosi gutt. vj. viij. ad x. egregium est.

Cremor tartari cum spiritu sulphuris imprægnatus idem ferè est, ac pulvis hepaticus rubeus; unde potius.

℞. *Pulv. herat. rup.* ℥ij.

Ebor. sine igne ℥j.

M. pro duabus dos.

D. S. ut suprà.

Sal volatile succini depuratum egregium est stomachicum & nervium, saltem modus depurandi non æquè omnibus est notus: Scilicet non sufficit, ut misceatur cum sale tartari aut alio alcali fixo, & destilletur; sic enim sal merè urinosum accipimus, cum tamen acidulum id esse debeat. Unde potius ita procedendum est: Nempe *sal volatile succini* per se destillatum solvatur in *aqua communi*, solutio filtrata blando calore evaporet, sic vitri parietibus & fundo adhæret, vel concrevit in loco frigido in crystallos, oleo in aqua relicto, & ab hac separato; quod denuò cum *spiritu vini rectificato* extrahendum, ut oleum penitus probè separetur: ita acquirimus *sal volatile succini candidum acidulum*, quod ipsum ingreditur liquorem cornu cervi succinatum. Nimirum recipiatur postmodum huius *salis volatilis succini*, & *salis volatilis cornu cervi* ana; affundatur *spiritus cornu cervi rectificatus*, sic effervescunt, digerantur, & invicem destillantur, vel per filtrationem separetur à magmate; sic est *Liquor cornu cervi succinatus* egregius.

Cydoniata in quocunque stomachi affectu sunt optima.

Ponamus autem, hunc casum affligere mulierem gravidam, in qua neque purgatio, neque vomitorium convenient: quid ergo tunc faciendum? Dico: Investigandum esse tempus gestationis, quod ipsum si circumscribatur primis adhuc mensibus, ægraque ad vomitum inclinet,

net, detur ei blandum vomitorium, nisi adsint Contraindicantia; sin verò medios menses attigerit jam, abhorremus ab hujus usu; ob metum abortus facili supervenientis. Quod si autem illo tempore nec vomitorium locum haberet, propinentur blandissima laxantia in parva dosi, utut primatum hic temperantia cum terreis mista obtineant.

Tandem in morbis acutis febribusque, tam benignis quam malignis, quibus ordinariò supervenit cruditates nidorosæ, blandæ acidæ, quæ & stomacho grata sunt, omne ferunt punctum; quippe hæc cruditates nidorosam sistunt, fervorem & impetum sanguinis febrilem reprimunt, & malignitati obices ponunt, sitim compescunt, adeoque Julepi aciduli cum spiritu sulphuris acidæ, spiritu nitri dulci, vel acidæ, etiam erunt optimi.

RESOLUTIO II.

D. N. THEODORI CHRISTOPHORI
K. R. U. G. I. I.,

Hasso-Cassellani,

Hoc tempore

MEDICINÆ DOCTORIS,

Potentissimi Electoris Brandenburgici Consilarii Aulici, & Archiatri, ejusque Sereniss. Electoralis Personæ Medici primarii, nec non & Consilarii & Archiatri Hasso-Cassellani, & Academici Curiosi.

B. Dn. PRÆSIDIS

Censuræ & Emendationi subjecta, & correctæ,

Anno 1676.

SYMPTOMATA.

Æstuationes corporis aliquot horis à pastu vagæ cum faciei rubore.

Ructus tetri & saporis inexplicabilis.

Vomitum variorum liquaminum cibis permistorum cum levamine.

Graves cordis anxietates.

Dolor circa spinam dorsii compressivus ad jugulum ascendens faucesque constringens.

Horror & nausea à cibo consueto.

Æstuationum solitarum recursus.

Sensus caloris gravioris in regione stomachi & gulæ.

Gravior sitis.

Appetitus prostratus.

Causæ Antecedentes.

Lutiores epulæ.

Fœmina delicata, bonis fortunæ circumfluens.

Omnia hæc symptomata monstrant, fœminam hanc laborare Chylificatione læsa seu depravata, in specie cruditate nidorosa: id quod antecedente causæ sat dilucidant.

Ad altiore judicii aleam, dum ægra omnium concurrentium symptomatum concursu experta fuit, affectus nobis nunc examinandus est, Chylosis scilicet, seu rectius Fermentatio alimentorum in ventriculo læsa, speciatimque depravata, ex qua, seu fonte, corruptionis alimentorum, indeque horrendorum supervenientium symptomatum origo deducenda.

Affectus.

Chylosin autem læsam excipiunt cruditates, quarum cum differentias varias, præ cæteris tamen, & quasi xar' & xoz' dictas, cruditates duas maxime famosas Practici nervosæ annotarint, distincteque tractarint, hinc illa, cujus ægra rationem desiderat, est nidorosa sic dicta cruditas, crudita-

Ertmuller Oper. Tom. I.

ti acidæ contradistincta, utpote tetram suam præsentiam non celans, sat manifestis turbis se manifestat, fidemque de ejus præsentia certiore reddentibus: quibus symptomatis variis iste affectus primarius, seu tot satellitibus stipatus, incedere videtur.

Subjectum.

Cum verò hic affectus sit complicatus, & plurimis symptomatis stipatus, eorundem verò origo ex ventriculo, & digestionem in eodem læsa, primariò dependeat, ob id rectè stomachum, seu partem primariò affectam, considerabo: non quod dicere velim, chylosin hanc læsam ex ejus conformatione organica vitiata dependere, sed quod occasione fermenti digestivi, non satisfaciens suo officio, ipse stomachus, seu vas continens, male affectus & irritatus reliquorum, quæ affligunt ægram, symptomatum autor esse videatur: idque tam ratione sinistri orificii, quam speciatim etiam pylori rectoris, qui hic non sabbatizat. Hinc manu ducimur ad evolvendas causas hujus mali.

Causa Proxima cum Invasionis Modo.

Causam proximam ergò quod attinet hujus cruditatis nidorosæ: unicè hæc querenda est in fermenti stomachici digestivi vitio, cujus vis in aciditate, & activitas in volatilitate consistens, læsa, hebetata & depravata, unde proprietates ejus essentielles, quarum ope ad transmutationes potens, alterata sunt; hinc contingit, ut alimenta ingesta talem mutationem experiantur, cujus intuitu ad nutriendum corpus ineptissima, ad infinita ferè mala producenda quam aptissima reddantur, dum nempe abeunt in liquorè putrilaginosum horridi saporis & odoris, sicque cruditatem nidorosam constituent. Si quidem patiens hæc epulis dedita, & ita in quali pariter ac quanto alimentorum peccans, quia etiam lautioribus alimentis nimis indulgens, facile exinde fermentum digestivum hebetando, & pinguibus plus minus obtundendo, digestionem laudabilem impedit, & inertia acidæ fermentationi alimenta ingesta, diutius in loco tepido retenta, proprio motu in putrilaginosum liquorem ruunt, & ita in nidorem terri saporis, & horridi odoris abeunt. Quod si accedat illud probabile, pylorum ex injuria illata irritatum plus justo diutius claudi, proin cum, quod digestum, non queat ulteriorem tolerare digestivi fermenti vim, corrumpitur.

Non enim, ut rectè HELMONTIUS monet, putandum, quod chylus vitri instar in fornace proinde excellentius coquatur, quò diutius; sed mora nimia alienatur & corrumpitur: quod ex Pharmaceuticis, si non aliunde, patet; dum v. gr. rosæ deponuntur ad fermentandum, exactè punctum fermentationis peractæ observare licet; alias enim, si diutius protrahatur fermentatio, saporem, quo antea erant prædite, acidum planè deponunt, & insipidæ seu putridæ fiunt, nullusque hinc bonus projicitur spiritus. Simile quid fieri puto in stomacho à protracta diuturniore mora ciborum, & sic longiore fermentatione.

Connexium Symptomatum cum Causa proxima.

Dilucidior meam allatam sententiam reddent, dum considero malos corvos malum sequi ovum; symptomata puto, certiora reddent dicta mea: unde enim affligentes crebriores vagæ, & subito denuò cessantes æstuationes corporis aliquot horis à pastu cum faciei vago rubore? non sanè aliunde fontem petunt, quam ex stomacho. Phlogoses sequuntur inordinatam effervescentiam assumptorum cum fœcis alterativis primarum viarum, sive immediate ex stomachi digestionem vitiata, sive mediate ex intestino duodeno, & ibidem sub triumviralis humoris concursu, originem ducant.

Cruditatem nidorosam ostendunt ructus tetri, quare? quia indicant inchoatam fermentationem, sed depravatam, & in ipsa actione ex inertia fermenti digestivi deficientem,

tem, unde putrescendo contenta, ructus tetri oriuntur: accedit pylorus in furorem actus, qui portas transitus claudendo, dicta digerenda ulterius retinendo in stomacho, magis magisque ejus corruptioni occasionem præbet: idque potius occasione assumptorum variorum in foemina epulis dedita, quam præcisè ex bile in stomachum regurgitante: Sic particulæ assumptorum sulphureæ seu pingues malè digestæ ob defectum acidi in putredinem abeunt, hinc evenit talium particularum terrestrium putridarum motus, ut cum saliva in ore natent, & linguam pro varia figura variè moveant, unde postmodum tam teter varius & non explicabilis sapor.

Suprà facta est mentio de pyloro affecto: dehinc devolvimur, ut explicemus symptomatis non minus ægræ molesti rationem, scilicet quod quinta vel sexta noctis hora superveniant vomitus variorum liquaminum cibis quibusdam assumptis plus minus permistorum. Alimenta enim talia non digesta afficiendo pylorum, illum irritant, qui quasi convulsus postmodum se stringit, & propter fibras nerveas circulares stomachi mediam tunicam intertextentes, in consensum trahit totum stomachum, sicque cibi propelluntur ad orificium sinistrum, indeque omnium contentorum è stomacho in gulam, & è gula in os protrusio. Præprimis autem hoc evenit noctu, & quidem sexta hora post assumptum cibum, cum digestio in quiete fiat tardior, hinc fermentum quidem laboravit assumptos cibos subigere, incepit coctionem, sed non perfecit, cum non solum à saburra devinctum teneatur, sed & spiritus animales sub nocturna quiete blandius & tardius moveantur, hinc loco chyli liquamen varii coloris ex vitiosa digestionem produxit, quod, quia stomacho jam adeò molestum, hic non amplius perferre potest, sed rejicit. Ex bilis enim vitiosa effervescencia cum aliis humoribus, præprimis acidis, subinde varia liquamina producuntur, Veteribus distincta bilis nomina constituentia, nunc porracea: nunc æruginosa: immutatur quippe textura sub tali vitiosa offervescencia talium particularum, ut nunc putrida fiant, nunc insipida, nunc alium saporem, prout plus vel minus à sale acido immutantur, referentia, stomacho, irritando eum, maxime molesta: quod patet quod non solum vomitu rejecta sint talia vitiosa liquamina, sed & quod tali vomitui præcesserint cardialgiæ graves, ex irritatione nempe orificii sinistri sensibilissimi, quod exinde spasmus quasi patitur, & intensum dolorem efficit circa dorsi regionem, ubi œsophagus est situs, affligentes. Accedunt his & graves anxietates præcordiorum, ex contentis stomacho hostilibus, eumque vellicantibus natæ: quo in puncto consentientes habemus Practicos omnes, qui ex bile æruginosa sic vocata, seu à liquaminibus talibus ex corruptione alimentorum sub digestionem ortis partim, partim ex intestinis, in specie ex duodeno in stomachum delatis, [quando nempe bilis præternaturaliter constituta & motu peccans occurrit acido, oriuntur gravissimæ cardialgiæ, exemplo anxietatum maximarum infantum, in quibus porracea talia, ex corruptione lactis sub digestionem vitiata orta, causæ existunt, cum excretis ejusmodi liquaminibus per secesum rejectis, libereantur: quin imò tam potenter vires suas exerunt dicta liquamina, ut non solum ægram aliàs delicato sensu præditam affligant in parte abdominis epigastrica seu anteriore, quin etiam dorsum affligant, & quidem dolore compressivo sursum adscendentes imò quàm maxime ob consensum membranæ inferioris gulæ cum ventriculo hæc cardialgia sequitur ductum œsophagi, ita ut dolor talis sæpe intra scapulas jugulum versus sursum adscendat, ut merito hinc ægra conqueratur de dolore compressivo intra fauces, illas quasi constringente, nempe ob continuum œsophagi ductum, qui dum convellitur, fibræ quasi abbreviantur, & sic sentit ægra ex abbreviatione illa constrictionem faucium, cum tonum suum legitimum non habeant, quam convulsionem sequitur vomitus, & liquaminum talium excretio: quo rejecto somite evenit, ut matino tempore bene se habeat, cum stomachus aliquomodo liberatus à tali saburra, interim verò assumptura ægra jentaculum, istud abhorret, & odorem jusculi gallinacei pro consuetudine assumendi percipiens, horrorem & nauseam percipit, ut etiam coacta sit paucis assumptis cochlearibus istud seponere. Quæ satis dilucidant malè affectum stomachum, qui dum recordatur noxæ superioris, corripitur, quamprimum odorem; percipit alimenti assumendi antè nocivi, hinc timet heterogenea. Et ut

dictis satidem, convoco febricitantes, qui certè non aliam ob causam cibos, tam solidiores quàm copiosiores, abhorrent, quàm quia fermentum stomachi cum nausea se habet ad ea quæ apponuntur: Ergo recordatur dum fermentum de noxa illata, hinc rem fugiendo se constringit, ut sic ægra necesse habeat jentaculum seponere; simili modo ac potatores, quibus in initio optimè sapit potus, si verò nimium acceperunt, ventriculus irritatur à tanta copia molesta, orificium superius se stringit, & ita nausea supervenit. Dehinc ab assumptione talis jusculi gallinacei, pinguis fortassis, magis partim diluitur, partim obtunditur fermentum esurinum, hinc nova exsurgente effervescencia, etiam solitæ æstuationes cursus suos repetunt, unde & sensus gravioris caloris, Soda, in regione stomachi exoritur, qui est tantus, ut ob contiguitatem tunicæ, quam ventriculus cum gula conjunctam habet, gulam simul afficiat, ut flammæ instar amburat: quem caloris gravioris sensum postea sequitur sitis intensa & molesta; hempe propter exhalationes istas vitiosas saliva inquinatur, ut non satis diluat & absterget fauces, sed malum potius exasperet, sitimque molestiorem reddat, quam hinc, [quod obiter;] non humidum, non refrigerans, sed resolutivum nocivum curat: & sic rebus stantibus, ob hebetatum iterum fermentum à putridorum exoticorum præsentia, & appetitus prostratus est circa prandium, hinc hujus nutu stomachus omnem cibum proscribit, & omne alimentum ad conservandum corpus abhorret.

CAUSÆ REMOTÆ.

Clarior autem dictorum erit notitia, si paulò penitius consideraverimus causas remotiores antecedentes, occasionales dictas, quarum causa ægra ad hunc morbum prædisposita fuit: Non autem de re erit Euxinum ad has cognoscendas petere, cum propatulo sint, & cuivis obviæ, sique non aliæ, sufficit nobis illa, quod laucioribus epulis dedita. Certè enim, quantum tales conferant ad læsionem fermenti stomachalis, non est ut dicam, cum Observationes Practicorum hoc ubique indicent; nimia varietas enim ciborum turbat quàm maxime digestionem. Ut enim magna sit fermenti stomachalis vis, ut semel varios cibos possit dissolvere, nihilominus dum simul maxime contraria ingeruntur, v. g. macria cum pinguibus, acida cum dulcibus, volatilia cum fixis, liquida cum solidis, hinc unum citius quàm alterum fermentatur, exinde digestio vitiatur & impeditur; præsertim autem pingua, quorum procul dubio varia variè, cum bonis abundaret maxime, pro appetitu non stomachi, sed gulæ & gustus gratia, ingessit, stomachi digestionem insigniter turbare queunt, pituitosumque, ut sic dicam, stomachum reddunt, cum acidi nulla felix in pingue sit activitas ob pinguium firmiorem connexionem & intimiorem complicationem, cujus ratione infringunt & quasi retorquent particulas acidas acutas, hinc non digesta in copiosam mucilaginem abeunt; cum & sine dubio una cum delicatiore Cerere & Bacchus lascivior & liberior fuerit, ut modò vina dulcia, modò acidiuscula tartarea, modò cerevisias albas, aliasque diversis generis assumpserit.

Ex pinguibus ergò & variis assumptis, acido fermentativo hebetato, assumptorum spontanea corruptio, & in nidorem degeneratio facta, unde ab his nidorosis commotis systematis nervosi irritatio, præsertim in orificio ventriculi, & ita graviores symptomatum syndrome.

P R O G N O S I S.

Verùm ægra sic in anxio statu vivens, cum ardentè instet de prognostico quodam pro certa cura arripienda, hinc, ut eventum morbi exhibeamus, dico, malum hoc minimè esse contemnendum, quippe in chylicatione consistit non solum vita sana, sed & longa. Hac ergò læsa, quidni mali exinde oriatur? cum vitia primæ coctionis vix corrigantur in secunda, & cacoehylia mater cacoehymia, hæcque fons & origo cachexia; nil enim fermentatione læsa volatilisatur, hinc minimè generatur bonus chylus, quo non præsentè nec bonus sanguis; ubi nec hic, deficit vigor vitæ & bona spiritaliscentia, & per consequens sanitas. Imò metus est, ne stante sic morbo

morbo ægra tandem decidat in febrem intermittentem tertianam, vel etiam continuam. Interim cum morbo jam incipiente auxilium petat, facilius erit Curæ, quam si longiores malum egerit radices. Etsi insuper difficile, nō planē impossibile, promoveres seu instituere chylosin arte, cum planē sit opus naturæ, & dos fermentorum appropriata, nulla arte imitabilis, ut HELMONTIUS loquitur, ob id saltem juvare licet naturam.

CURA & METHODUS MEDENDI.

Hoc ut præstemus, Curam aggrediemur, & quidem eo animo

1. Impedimenta quæcunque seu causas removendo, quod indicatio præservatoria sic dicta jubet; his enim remotis, & Symptomata reliqua cessabunt.
2. Stomacho læso succurrendo, admonente Indicatione curatoria.
3. Stomacho stimulum addendo & appetitum excitando, quo Indicatio vitalis allaborat.

Posterioribus Indicationibus uno modo per acida volatilia, seu aromaticis temperata, succurrere poterimus.

His scopis ut satisfaciamus, ex fonte Pharmaceutico, deinde ex Diætetico, media desumenda, cum à tertio fonte Chirurgico vix remedia generosiora conducibilia hauriantur.

Pharmaciam ergo quod attinet: hæc præbet remedia fortissima, quibus satisfacimus primò impedimenta removendo: inter quæ primum locum obtinent Vomitoria, quæ omnem ferè absolvunt paginam, cum sine vomitu non liceat hoc vitium curare: hinc imitemur naturam, aliquot vicibus saburram peccantem per vomitum rejicientem, eā intentione, ut se liberet: proinde, ut stomachus extergatur, & purus conservetur, sequens vomitorium ei commendamus:

℞. *Sapæ Vomitor.* Sylv. gr. ij.

Sacch. albis. ℞ss. vel q. f.

M. D. S.

Saccharum vomitorium.

℞. *Conf. Mentha* ℞ss.

Sapæ Vomit. gr. ij.

M. pro Bolo:

D. S.

Saccharum Vomitorium.

℞. *Aquæ Mentha* ℞ij.

Sapæ Vomit. gr. ij.

M. probè: S.

Potio Vomitoria.

Assumatur horum unum cum regimine, superbibendo jusculum calidum.

Vel cum sit delicata, & ad vomendum proclivis:

℞. *Aquæ Mentha* ℞ss.

Cinnam.

Syr. rubæ idæi emet. an. ℞j.

M. D. S.

Mixtura vomitoria.

Usurpetur ut *suprà*.

Quodsi minus conveniat vomitus, vel ægra ipsa eum abhorreat, loco hujus fiat Purgatio per secessus. Cum autem materia sit viscida & putrilaginosa, jungantur simul dissolventia. Conveniunt pro hoc scopo aloetica, hinc commendo ei pilulas aloephanginas Zwelfferi, item pilulas mastichinas: e. g.

℞. *Mafs. Pilular. Mastichin.* ℞j.

Extr. absinth. gr. vj.

Scamm. sulphurat. gr. j.

Extr. troch. alband. gr. ℞ss.

Cum *Elixyr. Propriet.* f. Pilulæ:

D. S.

Pilulæ aperitivæ pro una vice.

Vel loco harum:

℞. *Mafs. pilul. de ammoniaco* ℞j.

Tartari vitriolat. gr. vj.

Scamm. sulphurat. gr. ij.

Extr. troch. alband. gr. ℞ss.

Cum *Tinctura tartari* f. Pilulæ.

D. S. ut *antè*.

Pilulæ Usuales dictæ hinc non conveniunt, quoniam non est affectus chronicus.

Evacuatis ita primis viis, & saburrâ peccante ablata, necesse erit, ut stomachi rationem habeamus, fermentum

tum ejus acidis blandis, iisque volatilibus, aromaticis plus minus temperatis, acuendo, & ita quantum possibile, appetitui succurrendo, & cruditati nidiorosæ resistendo. Inter acida conveniunt tartarus, spiritus nitri dulcis, salis dulcis, sal ammoniacum. Aromatica sint galanga, piper, cubebæ, absinthium, nux moschata &c. E. gr.

℞. *Spiritus Salis dulc.* ℞ij.

D. S.

Spiritus stomachalis.

De quo xx. guttas quotidie ægra assumat, manè in vehiculo calido, & si opus fuerit, à meridie in vehiculo frigido.

Vel loco hujus accipiat spiritum nitri dulcem ad xxx. guttas bis quotidie, qui egregie simul phlogoses, & vagas æstuationes temperabit. Omnium optime convenit Elixyr vitrioli Mynsichti, ut & Elixyr proprietatis cum acido, quæ ob blandam & temperatam vim stomacho quam maxime grata sunt.

Ut autem pluribus scopis satisfaciamus:

℞. *Aquæ Mentha* ℞ij.

Cinnam. cum vino unc. ℞ss.

Syr. Cydon.

Portulac. an. ℞ij.

Spiritus nitri dulc. parum,

Misc. S.

Mixtura stomachum refrigerans, cochleatim sumenda.

Item

℞. *Artan. dupl. Myns* ℞ij.

Spec. diatrion piper. ℞j.

M. f. pulvis:

divid. in 2. part. æqual.

D. S.

Pulvis stomachum refrigerans.

Pulvis ex *salis ammoniaci depurati* ℞ss. *masticis* ℞ss. *cinnamomi* ℞j. cum gr. vj. *salis absinthii*, quem Dn. Autor hujus *Resolutionis* præscribit, potius in muco viscido attenuando conducit.

Symptomatum ratio hinc quoque habenda esset, nisi certi essemus, quod sublato fomite morbofo omnia sponte cessarent. Sin tamen ructus & anxietates nimis urgeant:

℞. *Aquæ Chamomill.* ℞ij.

Elix. Mentha ℞ss.

Corall. rub. præp. ℞ss.

Lapide cancr. præp. ℞j.

Ol. destill. Chamom. gutt. iv.

Laud. opiat. gr. iij.

Syr. de Canella ℞j.

M. D. S.

Mixtura singularis pro aliquot vicibus.

Ructus & flatus si non adsint, nec Potio hæc adeo necessaria erit.

Ad sitim verò debellandam, si non sufficiant suprà dicta blanda acida, nec de usu erit multos haurire Julepos, ne fermentum nimis diluatur: hinc suadeo, ut ægra potui ordinario instillet spiritus minerales acidus in sufficiente quantitate.

Gargarismatis, Balsamis & sacculis stomachalibus: à Dn. *Resolvente* præscriptis, non opus est, cum præmissis superioribus, & affectu primario curato, reliqua sympto. mata sponte cessabunt.

Non inconveniens erit Clyisma adhiberi, & quidem lenne emolliens, quod absterget vitiosa. Lene autem, sin suspicio præprimis gravidationis, ne sic ob præsentiam uteri, anus dum stimulatur, & ille simul afficiatur & irritetur, unde postmodum abortus. Unde.

℞. *Herb. albæ.*

Chamomill.

Malvæ,

Parietar. an. M. j.

Flor. Chamom.

Verbasci an. M. ℞ss.

Sem. Carvi,

Fenic. an. ℞ij.

Coqu. in f. q. *lactis bubuli*:

Colat. ℞vj. vel viij. adde

Mell. despum. unc. i℞ss.

D. cum Instrumento. S.

Clyster abstergens.

Vel

X x 2

℞. Ol.

R. Ol. sem. lini,

Rapa. an. ʒiv.

M. pro Clymate:

D. S.

Clyster emolliens.

Restat jam, ut præscribatur Diæta stricte servanda. Præprimis autem attendat ægra, ne propinent stomacho pingua nimis, aut butyro frixa, aut talia, quibus jam antea læsus, ne recidivet malum non sine periculo; aut si pingua assumere animus, illa probe sint condita sale; nam pingua cum salibus saporem præbent gratum. Post hæc non gravet stomachum multis cibis, aut talibus variâ qualitate præditis, sed quantum possibile, assumat facile digestibilia, & ita mista & præparata, ut unum alterum corrigat. Potus sit moderatus, ne diluatur fermentum nimis, & supra dicto modo medicatur. Quietis & somno non adeo sit dedita, potius motione temperata ante & post cibum utatur, ut sic blanda excitetur spiritus ascensio, & distributio promoveatur. Alvus quotidie suo officio satisfaciât, ne particulæ nocivæ regurgitent, & malum exacerbent. Aëre utatur liberiore, nec nimis frigido se exponat. Tandem, ne ob nimiam tristitiam digestionem turbet, sit lætioris mentis, & cum Deo brevi post sibi gratulabitur de feliciore statu. Hucusque Reliqua Censuræ Excellentissimi Dn. Doct. Præsidis subijcio.

RESOLUTIO III.

Dn. JOHANNIS ACOLUTHI

URATISLAVIENSIS,

Hoc tempore

Medicinæ Doctoris & Physici in Patria,

B. Dn. PRÆSIDIS.

Censuræ & Emendationi subjecta, & correctæ,

Anno 1679.

A Ccuratori subjectus examini omnis symptomatum horum concursus, morbum protinus manifestat, quem *βραδυπενίαν* esse, seu *depravatam*, & tantum non *abolitam*, *ventriculi Digestionem*, antecedentes causæ, infra attingendæ, insuper persuadent. Varios enarrare modos, quibus hæc stomachi, pro œconomia animali summe necessaria, functio lædatur, non attinet; eum annotasse sufficiat, qui præsentis ægræ sanitatem turbare videtur.

Affectus primarius est *Cruditās nidorosa*, complicata cum Soda, Vomitu, &c. Causa proxima partim fermentum digestivum, vel deficiens; vel non sufficiens; partim diem fermentum jam alineatum; unde alimenta ingesta, penitus non fermentata, degenerant in liquamina vitiosi amarulenti plus minus saporis, putrilaginosi, infelicem omnium malorum genitricem, quibus ægra nostra ingemiscit; non saltem præternaturaliter contentorum textura, & inde vix explicabilis saporis mutatio, sed ex acidis cum nidorosis pinguibus vitiose effervescentibus & ructuum proventus, & pylori ex irritatione vomitus, & fide pariter ardore inde superveniunt. Cum itaque talibus ingestis eructat, sensibilibus stomachus eadem mox horret, & tanquam hostilia respuit, & superioris orificij contractura, nauseam jentaculi, &c. exhibet. Ventriculus quippe in se nihil aliud est, quam sacculus continendis alimentis necessarius, otiosus & deses, nisi ab acido fermentativo vitali animetur. Hoc nisi superius orificium grate vellicet, instigulet, in stomacho non tantum appetitus ciborum nullus est, sed potius eorum aversatio summa, ventriculo ab omnibus abhorrente, hinc debitâ fermentatione digere nescit. Quod si tamen sine appetitu ingesseris alimenta, fundamenta posueris malorum omnium, quæ ægram nostram excruciant. Tum quippe motu fermentativo deficiente, cibi ingesti in ventriculo quasi alcalisantur, ipsorumque salia putredinali rancori analogæ, & plus minus corrosivæ factæ, molestissimo sensu ventriculum afficiunt. Non enim tantum ex arrosione hac caloris gravioris in stomacho sensus, ob continuitatem

membranarum, gulam quoque amburans, inde sitis & frigidorum potulentorum desiderium animadvertitur; sed & dolor circa spinam dorsii compressivus ad jugulum ascendens, & fauces quasi constringens, qui est simplex œsophagi spasmus, ventriculo consentiens ex continuitate, quem talis compressionis seu constrictionis sensus secundum gulæ ductum insequitur.

In ventriculo itaque otiosè sic delitescencia assumpta, magis magisque corrupta, foetidum ex atmosphæra sua exhalant Gas, quod tandem congestum, impetuosè per superius ventriculi orificium sub tetri inexplicabilisque saporis ructuum formâ erumpit, pyloro ab hostili contento in furorem acto, suâque contracturâ prohibente, ne quicquam flatuum per fores suas egrediatur: Aut, si dicere malis, sub primam alimentorum ingestionem adesse tantillum fermentativi spiritus, debioris tamen quam ut deglutita digerere possit, hinc statim deficientem sine ulteriore perfectione motos tantum cibo in bullas & flatus elevare, actione porro suâ penitus cessante, non refragabor. Ventriculus a contentorum præternaturali sapore, adeoque nidorosis & molestissima impressione, h. e. irritatione, ratione orificii superioris anxietates, ratione inferioris vomitum, infert. Facile enim collectu est, præternaturaliter constitutam in ventriculo ingestorum molem, ipsi, in specie sensili, maxime orificio superiori, molestâ irritatione esse tædiosam, ut convulsus tandem per eam, qua ingressa erant, portam, rancida alimenta rejiciat. Phlogoses ex acido vitiose imprimis viis aut ipso ventriculo effervescente oriuntur: hinc subitanea illa totius æstusatio, etiam ante perceptam sensilem in primis viis impressionem, ex acido assumptorum aculentium cum nidorosis præternaturaliter effervescentibus.

Modus, quo malum contraxerit patiens, diurnâ investigatione non eget, siquidem vitæ ratio eundem facile cognoscendum præbet. Lautioribus quippe adueta epulis, dum varia ingerit, hoc ipso inaequalem, tam naturalem quam præternaturalem, assumptorum patitur motum; unde carnosæ, pinguiæ ac similes promptè in nidorem putrilaginosum, adeoque urinoso oleosum degenerant, cæteris, pane, dulcibus; condimentis plus minus vel manifestò vel occultè acidis, prius aculentibus, antequam absolutum nidorulentum saporem contrahant: Ex qua inæquali subcontrariorum talium in ventriculo contentorum motu hebetatur primò vitale ventriculi fermentum, mox ex continuis epulis nidoroso in stomacho ex surgente, vel retento coacervato genito, tantum non opprimitur, ut hinc muneris ipsius fuerit intercepta functio. Accedit vita motus expers, & ut plurimum quieta, cujus ratione non rite volatilisata sanguinea massa, pauciores eoque inertes genuit spiritus, eodem torpore ad volatile ventriculi acidum redundante, unde facilior ejus inviscatio, & ferè abolitio.

Dum maturè Medicos advocare voluit ægra, evitabit febrium sobolem, quæ exinde procreata fuisset, item diarrhæam, aliosque affectus, qui aliàs duri, tandemque ipsam mortem comitem habentes, ex fonte hoc facile profluxissent. In ventriculo enim ut sanitatis & morbi rectè statuuntur limites, sic vitæ pariter & mortis periculo in presens, licet non omni, careat, non tamen de pondenda salus, dummodò medicamentis labescens stabilizatur valetudo.

Pharmaceutico & diætetico fonte auxilia porrigente, ea Medici sit Cura, ut

1. Liquor nidorulentus corrigatur.
2. Evacuatur.
3. Ulterior proventus præcaveatur.

Corrigunt, quæ temperant acrimoniam ventriculo adeo hostilem; ut talis correctio non æquè necessaria videatur. Seligenda hîc temperata utrumque acre corrigentia.

Evacuant, tam quæ primariò, si fere velit ægra, per vomitum, quam secundariò, si sponte suâ jam vomitu se liberavit stomachus, ut quæ relicta abstergendo per inferiora evacuentur. Huic Indicationi satisfaciunt cremor tartari manè jejuno stomacho, & à meridie, biborio ante cœnam, in vehiculo calido.

Vel

R. Arcan. dupl. ʒss.

Mag. Corall. cum succo Citri ʒi.

M. f. Pulvis:

div. in 2. part. pro Digestivo.

D. S.

pervenians subinde difficilis admodum & anhelosa respiratio. Anxietates autem insignes non quidem continuæ, sed per intervalla repetentes, imò ipsum suffocationis periculum, præsertim in supino decubitu, sensum exquisitissimum orificii sinistri indicant. Hoc ipsum enim à flatibus acrioribus, magno conatu ex massa tenaci ac insigniter viscida subinde prorumpentibus, non parum afficitur, ita, ut sæpius patiens præ doloris truculentia nesciat, quò se vertat. Levamen autem ex ructu emissio opinionem meam jam supra *στομαχισμῶ* suffultam confirmare videtur. Nam dum flatus violenta hac extensione, quam generant, ventriculum plus justo intus gravant, ac inimici sunt, viâ autem inferiora versus occlusa, quâ data portâ ruunt & regurgitant per superiora, ut exinde melius se habere videatur patiens: generari autem rursus malum ingravescere faciunt, idem dolor tensivus ac tymptomata redeunt: nam, ut fieri amat, posita causâ ponitur iterum effectus.

CAUSÆ REMOTÆ.

Unde autem id mali contraxerit æger, ex datis circumstantiis ervere primâ fronte difficile, pariter ac laboriosum, mihi videtur. Puto tamen, hominem laudabilis constitutionis & cætera sanum, prout fieri assolet, à corporis sui habitu succi pleno ac optimè constituto seductum, circa imperium gulæ ac voracitatem ciborum, quæ mater morborum, plus nimio sibi met ipsi indulgisse, & hoc ipso, dum nullis fortasse legibus sanitatis se voluit obstringere, sed sanis potius omnia sana tacite secum cogitans, ventriculi vim fermentativam prostrasse penitus, adeò, ut loco digestionis saluberrimæ, cruditates maxime flatulentæ ex tot tamque variis ingestis, & inordinato hoc vitæ genere propullularint copiosissimæ. Quæ ipsæ creverunt in dies eousque, donec in tumorem tunc factis manifestum prorupit malum, jam pridem intus delitescens.

PROGNOSIS.

Quoniam autem præsens conditio Patientis non est periculi expers, & nisi maturè huic malo occurratur, metus non levis est, ne successu temporis radices altius agendo, affectionem hypochondriacam ex vitiosa digestionem & generatis exinde cruditatibus, tandemque in eam hydropis speciem, quæ Tympanites apud Medicos audit, degeneret, & subsequens exinde vitæ periculum Patiens incurere possit.

CURA CUM INDICATIONIBUS.

Præcipuè autem ex fonte Phramaceutito pro hujus mali mede a meo judicio adhiberi possent primò *Carminativa*, ut molesta præcaveretur imposterum flatuum generatio, & dolores circa præcordia, qui hîc maxime urgent, sedarentur pro nunc, hisce in forma liquida:

R. Aquæ Mentb. Zij.
Chamom. Rom.
Zedoar. cum vino an. 3ss.
Carm. Dorncr. Zij.
Spiritus carm. de trib. 3jss.
Ess. Opii 3j.
Syr. cort. Aurant. 3j.
Potio contraflatus.
M. D. S.

Detur in paroxysmo, ubi nullus ardor aut æstus percipitur.

Ubi verò phlogoses aut æstuationes urgent:

R. Aquæ Chamom. Rom. 3ij.
Fenic. 3j.
Spiritus theriac. camph. 3j.
Nitri dulc. 3ij. ad 3j.
Laud. opiat. gr. ij.
Syr. hyssopi 3ss.
Misc.
D. S. ut supra.

Pro tensione & dolore hypochondriorum leniendis, aliis symptomatibus removendis, optimè etiam in principio clysmata conveniunt: ex. gr.

R. Spec. Carminat. M. j.

Rad. levist. 3vj.

Sen. anis. 3ij.

Coq. in f. q. urinae hum.

Colat. R. unc. vj. ad unc. viij.

adde

Elect. de bacc. lauri 3vj.

Mell. Mercurial. unc. j.

Sal. cin. clavell. vel nitri antimoniæ. 3ss.

M. f. Enema.

Externè etiam Litus & Fotus aromatici applicentur circa serobiculum cordis & regionem epigastricam & hypochondriacam, ut dolor tensivus & membranarum spasmodicus planè remittat; Unde

R. Ol. Chamomill. 3ss.

Dest. Mentbæ,

Zedoar.

Cort. aurant.

Fenicul. an. 3ss. ad 3j.

Exper. nuc. Mosch. 3ij.

M. pro Litu: S.

Balsamus contraflatus.

R. Spiritus Anisi cum spiritu vini par. unc. ij.

Vinicamph. croc. unc. ss.

Theriac. 3jss.

D. S.

Epithema contraflatus.

Applicatur cum panno coccineo, imponendo desuper laterem calefactum.

His ritè peractis Carminantia, eaque Aromatica, vocanda nobis erunt in auxilium, quæ ipsa nunc in hac jam supra posita, nunc in alia forma, pro lubitu & dexteritate Medici præsentis, qui optimè viderit, quid facto opus, possunt propinari: e. gr.

R. Aquæ Chamomill. unc. iij.

Ess. Castor. tartarif. 3jss.

Spiritus sal. ammoniaci anis. 3j.

Syr. cort. aurant. 3ij.

M. S.

Potio contraflatus.

R. Elix. Propriet. sine acid 3ij.

Ess. Castor. 3ij.

Opii 3j.

M. D. S.

Elixyr contraflatus.

Dosis 40. guttæ.

Cura autem fundamentalis consistet in remotione causæ proximæ, i. e. cruditates & materiam viscidam, per evacuantia primas vias, & præcipuè emetica, &c. auferendo: quibustamen præmitterem ego mucum viscidum, incidentia & abstergentia, uti sunt tartarus vitriolatus, sal absinthii, sal tartari essentificatum, pulvis radices ari, tinctura tartari acris, spiritus salis ammoniaci volatilis, &c.

Pro scopo emetico:

Syr. emet. A.S. unc. ss.

Aquæ rosar. 3ij.

Cinnam. 3ss.

M. D. S.

Succus emeticus.

In forma sicca:

R. Tartari emet. Myns. gr. ii. vel iii.

Sal. ammoniaci depur. gr. v.

M. S.

Pulvis emeticus.

Quod si Patiens vomitorium recuset, per inferiora purgandus erit hunc im modum:

R. Masse Pilul. de ammoniaco Querc. 3i.

Extr. panchym. Croll. gr. viij.

Scamm. præp. gr. iii.

Troch. alband. gr. i.

Cum Ess. Zedoar. f. pilulæ.

D. S.

Pilulæ laxative.

Ultimus scopus hic erit, ut tonus ventriculi debitus restitatur per appropriata remedia. Nobis hæc in forma Electuarii sufficerent:

R. Conf. Mentbæ,

Rosar. vitriolat. an. unc. i.

Zingib. in Ind. condit. 3vi. ad 3j.

Cort. Citri condit. minutim. incis. 3ss.

Spec.

Spec. diatrion. piper. ℥ii.

Cinnam. ℥i.

Syr. Cydon. ℥j. q. f. pro consistentia Electuarii.
D. S.

Electuarium confortans.

Patiens quoque pro roborando stomacho utatur Elixire Menthae, praesertim à cœna, & sub introitu lecti.

Recidiva ut præcaveatur, omni manè Cremoris tartari quantum cuspidè cultelli capere potest, assumat in jusclo calido, & propemodum fervente, &c.

CASUS VI CARDIALGIA SEU

Spasmus Orificii Superioris Ventriculi à Fungis.

Aurifaber, ætatis consistentis, cœnâ peractâ, quam & sanus & hilaris assumpserat, lectum petit; sed nocte evigilans, gravissimos dolores & acutissimos in regione dorsi, circa medias præterpropter thoracis vertebrae, precipit, tanquam pugione aliquis perforaret. Dolor à parte posteriori in dorso incipiens ad partem anteriorum sterni transit, ubi etiam intensè, minus tamen acutè, urget, cum insigni difficultate anhelitus, ita ut ex punctione vehementi, cum dolore quodammodo suffocari videretur. Pulsus à Medico vocato deprehenditur magnus, æqualis, paulò celerior, minimè durus: imploratur ab hoc ipso auxilium. Hinc investigans circumstantias antegressas, compèrit, prægressâ illâ die ægrum agentea vasa Mercurio incrustasse, & hinc deaurasse; item in prandio illius diei inter alia edulia fungos cum butyro frixos comedisse, utpote quibus sæpius cum voluptate uti consuevisset, unde & insequens cœna sine alteratione fuisset.

RESOLUTIO

**Dn. GODOFREDI
SCHULZII,**

URATISLAVIENSIS,

Cum speciali Discursu & Annotationibus

B. Dni. PRÆSIDIS,

Censuræ ac Emendationi subjecta Anno 1675.

Dum ad Resolutionem hujus præsentis Casus accessum facio, necessarium videtur prius, observatâ nempe lege Resolutionis Casuum, denominationem affectus præmittere: Alium autem ad affectus ventriculi pertinere, quivis perspicere potest. Est ergo nihil aliud, quàm Cardialgia, b. e. Convulsio orificii ventriculi sinistri, imò totius œsophagi.

PARS AFFECTA.

Subjectum seu Pars affecta in hoc casu flatuo orificium ventriculi superius seu sinistrum, ob plexum nervosum maximè sensile.

CAUSÆ.

Causæ proximæ nomen haud dubiè meretur Irritatio orificii sinistri ventriculi à causa externa, nempe fumo salino Mercuriali excitata; hinc à tali irritatione ventriculus in convulsivum motum rapitur: & quia æger noster gravissimos dolores circa medias thoracis vertebrae percipit, quasi nempe pugione perforaretur, & affecto & irritato inprimis nervo phrenico, qui ex media præterpropter thoracis vertebra ad diaphragma pergit, dolorem illum pungitivum deduco. Et quia ex hoc nervo phrenico irritato diaphragma simul & aliquid

convulsivum patitur, dolores eò majores exacerbantur, etiam difficultas anhelitus & imminens quasi suffocatio superveniat; propter tensionem convulsivam diaphragmatis ejusdem impeditur motus, unde difficultas respirationis necessariè insequitur. Accedit & hoc, quod æger noster eodem die, quo decrustando & inaurando metallica vasa Mercurium inspiraverat, simul & appetitu consueto urgente inter alia edulia fungos butyro frixos assumpserat. Et quia hoc genus edulii difficilioris concoctionis existit; præsertim in hoc nostro ægro, ubi fumus salini Mercuriales activitatem ventriculi jam antea nonnihil destruxerant, eò majore excitare potuit molestias; ventriculus enim ejusmodi alimento difficillimæ concoctionis diu repletus, necessariò dolorem gravativum & tensionem persentit. Fungi enim butyro frixi prandio assumpti, spatio totius ferè diei & noctis moram in ventriculo facientes, tandem circa mediam noctem quodammodo alterati in cruditatem nidorofam seu liquorem acre viscidum abierunt, quod acrimoniâ suâ mediantibus fumis salinis Mercurialibus, in ventriculo occultatis, & magis jamjam in motum excitatis, molestam hanc orificii ventriculi irritationem produxit.

PROGNOSIS.

Periculum est, ne aurifaber noster, nisi maturè irritationi occurratur, incredibilia pathemata, in specie epilepsiam, tandem incurrat, propter nervos affectos; nec non & morbos chronicos, propter imminentem cruditatem nidorofam.

CURA.

Methodum medendi quod concernit, & ut tandem etiam medicamenta huic affectui proficua opponam, dico.

1. Removendam esse ante omnia causam irritantem ex stomacho, quod optimè præstant vel Vomitoria, vel Purgantia per inferiora.
2. Placandum esse stomachi dolorem, tam per generalia opiata, quàm per specialia aromatica.

Priori autem indicationi ex ingenti emeticorum catalogo Vomitoria antimonialia optimè satisfaciunt: v. gr.

℞. Croc. metall. absinth. gr. v.

Infund. per noct. Vino Rhenano.

Mane ℞. Colat. filtratæ ℥j.

D. S.

Vinum emeticum.

Vel si forma pulveris magis placeat:

℞. Tartari emet. gr. iij.

Sacchar. abiss. ℥ss.

M. D. S.

Pulvis emeticus.

Et licet omnia Vomitoria ratione doseos & correctionis & per inferiora simul purgent; quia enim inter purgantia & vomitoria non essentialis & vera, sed saltim modalis & gradualis differentia est; si tamen pro ratione circumstantiarum magis conveniat per inferiora simulans, addatur vomitorio gr. j. vel iij. Scammonii sulphurati, vel iurochiscorum albandal. Et quia ejusmodi purgantia stomacho nonnihil inimica sunt, non inconueniens erit gr. j. vel iij. laudani opiat. audere; hæc tamen observatâ cautelâ, purgantium dosis quodammodo augeatur; eorum enim operatio nonnihil impeditur per opium. Equidem alii opium purgantibus addere prohibent, quia atrocitas nonnunquam excitare solet tormina. Vomitorium autem simul per inferiora purgans sit sequens:

℞. Tartari emet. Myns. gr. iij.

Scamm. sulphurat. gr. ij.

Sacch. albiss. ℥ss.

M. f. Pulvis S.

Pulvis emeticus.

Vel

℞. Massæ pilul. aloëphang. cum diagr. ℥j.

Laud. opiat. gr. ij.

Cum ol. destill. Succin. q. f. f. pilulæ:

D. S.

Pilulæ purgantes pro una vice.

Posteriori scopo satisfaciunt remedia appropriata aromatica dolorem sistentia, & imprimis quoque hæc convenit Chamomilla Romana, in qua additis anodynis singulare quid latet. Haud ergò inconueniens erit ad anxietates ventriculi depellendas sequens Potiuncula:

℞. Aquæ

dum gliscens fermentum adhuc in ipsas agit, flatibus materiam præbent, qui rectè in viscido materialiter, & effectivè ab acido, oriri dicuntur. Hi ipsi ergò tunicas cavitatis ventriculi in omnes dimensiones distendendo, ratione structuræ fibrarum in iisdem orificium superius pariter ac inferius comprimunt, sibi que exitum sic intercludunt; non secus ac idem phænomen in vesica, urinæ copiâ expensa, videmus. Extenso sic ventriculo, non modò difficilis succedit respiratio ob vicinam diaphragmatis, quod stomachus in consensum rapit; sed & insignes cardialgiæ, ob rostram flatuum qualitatem, sensibilissimum ventriculis os sinistrum infestantium; imò ob allegatum cum diaphragmate consensum conspiciuntur ejusdem sub inspiratione motus convulsivi, singultus nomine venientes. Porro hi flatus conclusi in cavo ventriculi, dum conatu non planè irritato, per firmitus compressum stomachum & pylorum transitum non inveniunt, Ructus oritur, ægerque ob imminutum distensionis sensum non nihil levatus; mox verò de novo generati denuò ventriculum cum toto hypochondrio expandunt, unde insignis dolor, in muliere eò major, quò sensibiliore gaudet systemate nervoso. Atque hic quoque tumor est, quod expresso paulisper flatu cedit quidem, statim tamen ad pristinum locum recurrit, adeoque eadem extrinè tumoris facies permanet.

Ægro autem faciliè atrociora hæc symptomata potuerunt obvenire, ex ingestione ciborum, ut fert seculi luxuria, variorum, & ad satietatem usque. Utut enim fermenti stomachalis in quoscunque cibos magna sit efficacia, infringi tamen illa potest vel assumptorum copiâ vel varietate, ac imprimis à cibis flatulentis, à lactis intempestivo usu, quo plerumque mulieres delectantur.

Malum autem non est negligenter tractandum, cum ob hydropis flatulenti (tympanitidis) metum, tum ob convulsiones, quas minatur diaphragma per consensum affectum. Quin potius in

C U R A.

Cum recepto canone: Remota causâ removetur effectus:

1. Materia peccans pituitosa statim eliminetur.
2. Relicti flatus appropriatis carminantibus dissolvantur, &
3. Fermenti robur acido-salinis restituatur.

Quoad 1.: Materiam, cum ea in primis viis hæreat, optime evacuant Emetica, v.g.

℞. Mercurii vitæ gr. ii.

Sacch. albiss. gr. vj. vel parum.

Ol. dest. Caryoph. gutt. j.

M. D. S.

Pulvis vomitorius.

Detur manè cum regime.

Vel si forma liquida placet:

℞. Vini emet. ex infus. Croci metall. ℥vj. ad ℥j.

D. S.

Vinum emeticum.

Si verò circumstantiæ quædam horum usum prohibeant, assumantur Purgantia, eaque vel in forma pilularum, e.g.

℞. Mass. pilular. de ammoniaco Querc. ℥j.

Extr. cathol. purg. ℥ss.

Troch. alhand. gr. ij.

c. f. q. Eff. Menth. f. Pilulæ.

Vel in forma Pulveris:

℞. Tartari vitriolat. Tach. gr. xv.

Scamm. sulphurat. gr. v.

Ol. dest. Anisi gutt. ij.

M. f. Pulvis.

Quoad II. relictis flatibus blandis aromaticis appropriatis, Carminantibus dictis, discutiendi: ubi inter vegetabilia eminent quatuor semina calida majora in vino cocta, vel cum floribus chamomillæ in cerevisia; v.g.

℞. Fl. Chamom. Ro. M. j.

Sem. fœnic.

Anis. an. ℥j.

coqu. in f. q. cerevis.

Colaturæ calide bonus haustus sumatur.

Inter animalia verò eminent Castorem, præsertim in sexu sequiore, vel solum ad aliquot grana in vino sumptum, vel cum albis missum, v.g.

Etmuller. Oper. Tom. I.

℞. Aquæ Menthæ,

Fœnic. ana ℥j.

Spiritus Sal. ammoniaci anisat. ℥j.

Extr. Castor. ℥ss. vel pulveris jussdem ℥j.

Syr. cort. aurant. ℥vj.

M. f. Potio:

D. S.

Potio contra flatus.

Dosis cochl. j. vel. ij. pro lubitu.

Ex mineralibus tandem prostat spiritus nitri cum duplo spiritus vini circulator & dulcificatus, ad gutt. xx. in aqua fœniculi, manè & vespere, biborio antè cœnam assumendus.

Externè verò:

℞. Ol. Chamom. sapphir.

Macer. an. ℥ij.

Cum f. q. Corp. pro bals. f. Balsam.

Inungendus regioni epigastricæ, & in specie scrobiculo cordis.

Quoad III. pro restituendo ventriculi fermento manè capi potest de sequenti Electuario:

℞. Conf. cort. Citri,

Acetosæ an. ℥iss.

Pulp. citri cond. ℥vj.

Conf. anacard.

Diacori an. ℥iss.

Spec. diagalang.

Zedoar. an. ℥ss.

Cum f. q. Syr. de Cydon f. Electuarium.

Vel

℞. Spiritus vitrioli Pilos. ℥j.

D. S.

Spiritus Stomachalis.

De quo in vino vel cervisia capiantur guttæ sex.

De cætero vitet varietatem ciborum, in specie vel fermentescibilium, vel coagulabilium; hinc in esu lactis temperet, & semper aliquid sacchari addat. Potu utatur non nimis frigido: de nocte largiori somno utatur, quo vires resarciantur, de die verò leviter moveatur, & sic, Deo juvante, sanitati pristina restituta quadebit.

DISCURSUS & ANNOTATA

DNI. P R Æ S I D I S.

Ad

Resolutionem antecedentem.

I. **A**ffectus hic, quem præ nobis habemus, primâ fronte complicatus videtur, cujus symptoma primarium est *Stomachi Inflatio*: scilicet nunquam ferè simplicem curandum accipimus morbum, sed semper conjuncta sunt pathemata, inter quæ tamen talis subordinatio datur, ut unum primarii, reliqua secundarii morbi rationem habeant. Et tales affectus dicuntur connexi. Connectuntur autem illi vel per consensum nervorum, vel ob connexum partium situm; quarum ratione, unâ parte affectâ, etiam reliquæ simul afficiuntur. Inflatio ergò stomachi, uti dictum, est in casu nostro affectus primarius, secundarius asthma seu levis Orthopnæia, cum cardialgia & anxietatibus conjuncta, & ex inflato stomacho primariò dependes.

II. *Pars affecta* rectè statuitur Stomachus, & quidem ratione inflationis quoad totam sui substantiam; ratione verò anxietati, cardialgiæ & singultus, laborat, primariò orificium ipsius sinistrum seu superius, quod sensibilissimum.

III. *Causa primaria seu proxima* non inconvenienter adeò dictæ sunt Cruditates viscidæ & pituitosæ, partim copiâ, partim visciditate suâ fermenti ventriculi activitatem remorantes; utut, cum primariò flatu urgeant, hi potius causæ proximæ rationem obtineant, & visciditates remotæ rationem tueantur; interim cum ambo conspirent, simul quoque pro causa proxima accipi poterunt. Nempe materialiter ex viscido, & efficienter ab acido, oriuntur flatu, adeò in nullo concreto actu flatu reperiuntur, sed fiunt saltem per motum, vel fermentationis vel effervescentiæ. Hoc videre licet in musto, itemque aqua forti, argentum in vase clauso solvente, in quorum amborum conubio flatu prodeunt, utut utraq; corpora nil deflatibus participant. Hinc quoq;

omnia illa subiecta humana, in quibus acidum præternaturaliter in primis viis dominatur, qualia sunt sunt hypochondriaca, cachectica, &c. abundant flatibus, ac sic ex acidi & visceri concursu novum & tertium ens enascitur, Gas nomine HELMONTIO veniens: atq; ob hanc causam duo generalia flatuum remedia occurrunt, nempe flatu volatilia, & post hæc nitrum & nitrata, quatenus illa acidum corrigunt, & viscidum incidunt; hæc vero, quatenus figendo fermentationis motum quamcunque sistunt; nihil enim magis sistit in corpore motum fermentativum, quam nitrata.

IV. Hic causa impeditæ flatuum eruptionis adducitur. Cum autem dispar ratio sit cum urinæ retentione, hinc aliud quærendum, quod exitum flatuum sufflaminet. Posito enim, quod distenderent flatu stomachum, non tamen sequitur, quod simul impediatur flatuum eruptio, sed ita magis erumperent. Scilicet cum flatu præternaturale quid sint, infestique stomacho, hinc fibræ irritantur ac vellicantur, unde membranæ huius, post distensionem se contrahentes, orificiis simul stringendis stimulum addunt: Sicuti enim alias vomitoria idem faciunt, ut orificia se claudant, utut tandem pylori nifus prævaleat; ita etiam dum irritantur a flatibus, se contrahunt orificia, unde flatibus exitum intercludunt. Hanc irritationem confirmant ulterius *anxietates* præcordiorum, quæ nil sunt aliud, quam dolor superius ventriculis orificium angens, ab huius constrictione & motu convulsivo proveniens. Symptoma hoc frequens & molestissimum est in Praxi, dicunt enim ægri *Esse ipsis*, ac si paxillus ibi infixus hæreat: cui ordinariò inquietudines superveniunt, unde interrogati, respondent: *Vehementer ipsos angere & torqueri*. In tali casu vulgus putat laborare cor, sed falsò; cor enim non dolet: potius radix harum anxietatum est orificium superius stomachi, quod Græcis *καρδια* vocatur, & rectius focus mali est. Ac in his angustiis si cor laboraret, tunc necessario illud palpitaret; jam vero cum hoc non fiat, ac palpitationes cordis sine talibus angustiis observentur, proin ex stomacho erunt illæ. Hoc confirmant *Ructus cum molestia emissi*, quia maxime fuit irritatum orificium ventriculi superius, hinc etiam magis se strinxit, & sic, præter anxietatem, etiam dolorem positivum sensit; unde hæc ægra propter ructus emissos levamen quoddam percepit. Imò accipias quæso vomitorium, & senties, dum operari illud incipit, similes angustias & anxietates in sinistro orificio ventriculi, ex irritatione se constringentis, cui pariter in acceptis ferendæ. Sensibilissimum enim est hoc orificium, unde tantilla irritatio graves parit molestias, propter copiosos nervos. Tales molestiæ præcordiorum oriuntur quoque ab aliis partibus communicantibus per nervos cum orificio illo: Sic enim contorsio vertebrarum dorsi, nisi per attractum restituatur, pares anxietates & angustias præcordiorum, uti etiam lipothymias imò sudores frigidos inducit, propter spasmos & convulsiones, qui nervi tenduntur in circulum, unde nervis nonnihil translocatis eorum fibræ spasmus edunt, & variis symptomatis dant ansam. Hoc observavi in duobus mechanicis, ex contorsione vertebrarum similia pathemata incurrentibus, ubi tamen restitutâ laxatione, etiam per sudorifera sanguinis coagulo resoluta, sanitati redditi sunt. Similiter habui superiori verno tempore curandam virginem, febre cum intensissima cephalalgia, & intolerabili ferè præcordiorum angustia laborantem, ut etiam convulsiones imminerent, pulsus insuper erat robustus, magnus & validus: Propinavi tandem pulverem antiepilepticum Conerdingii ex antimonio paratum, qui prostat in officina Linchiana, ad gr. iij. pro scopo epilepsiæ metuendæ. Quid factum inde? Virgo cruditates viscidas & multas evomens, statim sensit cephalalgiam cum reliquis symptomatis remittentem, evaditque placida; unde colligebatur eadem pathemata ex affecto stomacho fuisse. Non minus quæcunque anxietates, tam in febribus benignis quam malignis, (in quibus malum signum denotant) cum *Patientis cor anxietate & angustia afficitur*, simpliciter sunt ex stomacho, rariusex corde affecto: ac proinde in febribus malignis quibuscunque, speciatim ex contagio natis, quoties in principio vomitoria ægris exhibui, sive jam ad vitam, sive ad mortem determinatus fuerit morbus, toties semper placatæ sunt anxietates, & ægris quieti fuerunt; e con-

tra quibus vomitoria non dedi, vel talia dare non potui, hi semper summis anxietatibus, inquietudinibus & angustias obnoxii fuerunt. Idem confirmatur ex hoc, quod BARTHOLINUS in febre maligna demortuis reperit stomachum subinde escharâ obductum. Parili sic modo in febribus benignis sub anxietatibus conqueruntur ægri de amore in ore, propter bilem in stomacho, sive naturalis sit sive præternaturalis, acido stomachi hostilem, quæ summam infert molestias; unde etiam bilis æruginosa summam præcordiorum anxietates, imò syncopes inducit. Equidem non negandum, interdum etiam ægris molestas angustias ex affecto corde provenire: interim notandum, tunc semper simul affligere anhelosam respirationem, ægrosque ex impedito sanguinis circulo, quod tamen rarum est, convulsi quid pati, cum contrà si ea sit liberior, aut non impediatur, ex stomacho tunc eæ proveniant. Eadem in puerperis observatur *anxietas*, cum lac ipsis nimis erumpit; In his enim propter rapidum motum sanguinis chyloli circavasa pulmonaria & vicina fit quasi stagnatio, antequam lac in mammas effundatur, unde anxietates concitantur.

V. *Difficilis respiratio* causatur, quia stomachus per inflationem in omnem dimensionem extensus, resistit motui diaphragmatis deorsum, præsertim ægrâ supinâ jacente, ita ut hoc ad figuram planam redire nequeat, ob suppositum sibi ventriculum inflatum.

VI. *Æger dicit etiam*, sub hypochondrio se dolere, omniaque ibidem plena & tensa esse. Sub hypochondriis autem comparentes hi dolores nil sunt aliud, quam spasmi peritonæi & membranarum vicinarum, quæ tensæ liberiores costarum motum impediunt, & sic etiam simul impediunt respirationem. Et hoc pathema HIPPOCRATES & Veteres hypochondria tensa & illa suspensa vocant, estque id non præcisè & semper a flatibus distendentibus, cum & sine his præsentibus observetur; sed redduntur hypochondria tensa à tensione peritonæi & partium musculosarum vicinarum, spasmo affectarum, adeoque se stringentium, unde duræ illæ apparent, & sic minus cedunt digitis. Idem patimur nonnunquam post luxationem vertebrarum dorsi, in qua, dum nervi nonnihil translocantur, fibræ eorum sic stringuntur, adeoque hypochondria tensa evadunt.

VII. *Singulus* fit, quando motu constrictivo conuellitur orificium superius ventriculi, quod in consensum trahit diaphragma, quia firmiter orificio stomachi est connexum.

VIII. P R O G N O S I S.

Inflatio stomachi, quod longior, eò magis imminet Tympanitis. Rectè ergo dicit Dn. Autor hujus Resolutionis, minari tympanitidem. Convulsionis tamen periculum non infert, nisi in febribus malignis, aut in summa anxietate, quale exemplum in AMATOLUSITANO prostat. Singultus verò hic nihil infert, nisi cardialgiæ vel syncopes imminetis metus adfit.

C U R A.

Quoad indicationes, à vomitorio non statim incipiendum, nisi sedatis flatibus & spasmis dolorificis, quia metus est, ne hi aliàs intendatur. Potius ergo.

1. Flatuum imperus & proventus sistendus.
2. Pituita viscida, tanquam causa peccans materialis removenda; &
3. Fermenti digestivi robur restituendum.

Etenim tutius est, ante exhibitum vomitorium mitigare symptomata, ne aliàs intendantur pathemata, sed prius flatu sistendi, & hinc putò vomitorium exhibendum.

Dn. Resolvens præscribit Infusum croci metallorum absinthiaci ad ʒvj. sed exigua valde hæc dosis est, detur ad ʒj. imò cum infusio cruci metallorum absinthiaci, propter sal alcali accedens, mitius operetur, proinde ad ʒiſs. tutò dari potest. Si verò vomitorium legitimò etiam tempore exhibitum nolit operari, quin potius angustia exacerbetur, in tali casu custodia in eo consistit, ut deficiens vomitio promoveatur. Unde tres sunt rationes primariæ, ob quas in quibusdam subiectis vomitus frustraneus est.

1. *Prima* est vis fermenti digestivi stomachici, antimonialia figentis & subjugantis, ut adeo omnem vim exuant, ut in Melancholicis observare licet, qui nonnunquam, nec duplâ nec triplâ dosi consuetâ vomitoriorum moventur. Signum talium est, si ægri sine ullo stimulo medicamenta emetica perfectunt & concoquunt.

2. *Secunda* robur stomachi membranofum & fibrosum robustius, ita ut, licet nausea & conatus vomendi adsit, tamen frustranei illi sunt, dicunt: *quasi paxillum ibi infixum sentire*: quod ipsum ex nimia strictura orificii ventriculi sinistri dependet, unde licet rite operari conetur vomitorium, tamen ejus vim validus stomachus impedit.

3. *Tertia* causa, eaque omnium pessima, est, quando in tantum prostata est vis animalis, in systemate nervoso radicata, ut & sensibilitas & motus ventriculi deficiant. In tali casu pessimus est status ægri, unde tunc ægri nullam in præcordiis sentiunt alterationem, sed saltem superveniunt copiosi feces. Taliter ergo constituti raro evadunt, & ut plurimum pereunt.

Quæritur autem, quid agendum sit, si ex prima causa emaneat vomitus? Resp. cum frustra sit, quicquid agitur, necesse est, ut naturæ opus relinquatur. Quod si verò ex stomacho nimis membranoso, & fibris robustis oribus prædito, deficiat vomitus, tunc maturè eliminandum & abstergendum est vomitorium ex stomacho, ut anxietates saltem remittant; & quidem dandus est haustus cerevisiæ calidæ pinguiculæ, ut vomitus promoveatur, quod famen euphorion si frustra exhibitum fuerit, dentur, uti dixi, remedia abstergentia: v. g.

℞. *Tartari vitriolati*, vel *Arcan. dupl. Myns.*
vel simil. stimuli salini absterg. gr. xv.
ad ℥j.
Scamm. sulphurat. gr. j. vel. ij.
M. D. S.
Pulvis laxativus.

Propinetur hoc in vehiculo calido, ut abstergatnr vomitorium, & per secessus operetur.

Si tandem ex tertia causa vomitus deficiat, nil possumus agere, nisi analeptis & spirituosus robori stomachi prospicere saltem velimus, cui scopo inserviunt aquæ analeptiæ, & asthmaticæ, aqua cinnamomi cydoniata, nec non alia cydoniata, stomacho amicissima.

Contra, si æger, accipiens vomitorium, enormiter nimis moveatur, ita ut lipotymia & sudores frigidi circa frontem immineant, pulsus sit creberrimus, & nonnihil deficiens, hinc pro compescendo vomitu propinatur haustus vini Rhenani generosi, nonnihil tepidi; utut enim primâ vel secundâ vice revomatur, tamen si repetitur, præter hoc, quod cesset vomitus, vires quoque restaurantur: Vel potest etiam succus cydoniorum cum aqua cinnamomi temperatus præberi: Vel sumatur denique buccella panis albo vino intincta, & blandè deglutatur. Externè autem stomacho illinitur Theriaca, quæ etiam in haustu vini Rhenani soluta propinatur.

Quoad pilulas purgantes à Dn. Autore ordinatas, nimis fortes videntur, adeoque vereor, ne nimis purgetur æger, unde potius Extractum catholicum omittatur, nisi suspicio fuerit, patientem ejusmodi fortiora ferre posse; aliàs purgatio nulla fit, quæ non sit simul nociva propter virulentiam & malignitatem, & colliquefactionem succorum nostri corporis; quin potius tantum nocet, quantum prodest; unde quando ægri ultra quinquies vel sexies purgantur, non placet mihi. Possunt autem pilulæ tali modo præscribi:

℞. *Massæ pilul. de ammoniaco Querc.* ℥j.
Tartari vitriolat. (hic enim intendit vim purgantem) ℥ss.
Extr. troch. alband. gr. ij.
Cum f. q. *Ese. Menthe* f. Pilulæ:
D. S.
Pilulæ purgantes.

Ast si nimia fieret purgatio cum virium prostratione, ad 10. 20. 30. &c. vices, nil melius est Theriaca, vel in boli forma ℥ss. ad ℥j. cum cornu cervi sine igne ℥ss. ad ℥j. in vehiculo calido assumptâ, expectatò blando sudore; vel etiam adhibeatur pumex, præsertim in subiectis, quibus succi acres, ad intestina confluentes, hæc corodendo, hypercatharses cruentas inducunt; in quo casu vel in forma pulve-

ris, vel boli cum theriaca deglutatur; vel ordinetur talis mistura:

℞. *Aquæ Menthe.* ℥j.
Cinnam. ℥ss.
Pulvis Pumic. ℥j.
Laud. opiat. gr. ij.
Syrup. Cydon. aromat. ℥ss.
M. pro 2. vel 3. vicibus.
D. S.

Potio adstringens pro aliquot vicibus.

Quodsi verò in nostro ægro purgans nil fecerit, tunc stimulus salinus superaddendus ex tartareis conflatus: nempe quando manè purgans deglutitum, in operatione emanat, in prandio dissolvatur cremoris tartari ℥ss. ad ℥j. in vehiculo calidissimo; sic enim facilius tartarus, aliàs in stomacho non tam citò solubilis, liquatur, & laxatio promovetur; vel loco hujus in usum vocetur tartarus vitriolatus, vel sal digestivum hypochondriacum, vel simile sal falsum absterisivum; non assumatur acida, quia augent tormina: non alcalia, quia infringunt vim purgantem, sed falsa. Pulvis à Dn. Resolvente præscriptus ultra 10. vices purgabit; interim additur oleum destillatum anisi, sed cautè id fiat, ob merum flatuum: ac cum peccare videatur puita glutinosa, consultum est, ut scammonio iungantur trochisci alhandal, ob summam acrimoniam mirè plegmata viscida dissolventes, quod alia purgantia non ita faciunt; Unde Helmontius ex colocynthide morborum chronicorum remedium parari asserit. Potest ergo fieri pulvis ita:

℞. *Tartari vitriolat.* gr. xv.
Scamm. sulphurat. gr. iij.
Trochisc. alband. gr. ii. vel *Extr. trochisc. alb.*
gr. i ss.
Ol. destill. anis. gutt. ii.
M. f. Pulvis: S.
Pulvis purgans.

Pro secundo scopo, qui nobis primus esto, materia Medica selecta est. Etenim Chamomilla Romana, pariter ac Vulgaris, præter vim aromaticam, adeoque carminantem & flatum discussivam, excellit simul vi blandâ anodynâ; Sic FORESTUS lib. 18. obs. 39. refert, Belgam ex seu flatulentorum & potu multi incidisse in intensam inflationem stomachi cum gravi cardialgia coniunctam, quam tamen curavit cum decocto chamomillæ vulgaris & Romanæ in cerevisia tacto, addito seminis feniculi & carvi parum, & proprinavit calidè.

Quod attinet Castoreum: etiam est egregium ad flatum, sed habeatur ratio idiosyncrasia, quia multis infestum est, imprimis mulieribus nonnullis, utut hysterici aliàs conducat: Sic habeo Agnatam, ex olfactu castorei periculum lipothymia incurrentem. Quæ autem id perferunt, optimè in pulveris, extracti vel essentia forma, assumere possunt. Extracti potest dari ℥ss. ad ℥j. quia multæ particulae volatiles exhalarunt; sicut essentia à ℥i. ad ℥ss. vel ℥ii. pro circumstantiarum varietate, quibus etiam optimè addi potest laudani opiat granum, anxietates sistens: Vel e. g.

℞. *Tincturæ tartari comp.* ℥iii.
Ess. Castor. ℥ii.
Spiritus Sal. ammoniaci anis. ℥i.
Misc. S.
Essentia contra flatum.
Dosis guttul. 30. ad 40.

℞. *Aquæ Menthe,*
Fenic. ana ℥l.
Essen. Castor. ℥i.
Spiritus sal. ammoniaci anis. ℥i.
Laud. op. ferm. gr. ii.
Syr. cort. aurant. ℥iii. ad ℥vi.
M. f. Potio: S.
Mixtura contra flatum.

Dosis cochlear. i. vel ii.

Ubi verò in flatulentis affectibus simul æstus & phlogoses vagæ fuerint coniunctæ, spiritus nitri dulcis est egregium carminans, & mirabiliter compescit flatum, sistendo motum effervescentia nimia. In tali ergo casu v. g.

℞. *Aquæ Menthe,*
Fenic. ana ℥j.
Eg. Castorei,

Spiri-

Spiritus nitri dulc. ana ℥ss. ad ℥ij.
(quando scil. cum duplo spiritus vini est
dulcificatus)

Laud. opiat. gr. ij.

Syr. cort. aurant. ℥vj.

M. S. ut antè.

Et utut castoreum ab acido spiritus nitri nonnihil infrin-
gatur, non tamen castratur. Vel

℞. *Aqua Flor. Chamom. ℥ij.*

Carmin. ℥ss.

Spiritus nitri dulc. ℥ss. ad ℥j.

Syr. belen. ℥ij.

M. S. ut supra.

Item

℞. *Aqua Menthe,*

Flor. sambuc. ana ℥j.

Elix. Menthe ℥ss.

Spiritus nitri ℥j. ad ℥ss.

Syr. elen. ℥ij.

M. S. ut supra.

Quoad balsamum Autoris: olea destillata inuncta per se
subjectis delicatis pruritum, & aliqualem excoriationem in-
cute excitant, ob acrimoniam; unde necesse est, ut adda-
tur pro delicatioribus corpus pro Balsamo.

Pro tertio scopo, corroborando nempe stomacho, Ele-
ctuarium saccharatum est præscriptum, de quo timeo,
quia subjecta flatulenta id fere nequeunt, cum sacchara-
ta omnia facile fermente scibilia sint, & ideo noceant Hy-
pochondriacis; unde, ubi suspicio flatuum est, quantum
possibile, fugiantur. Loco autem spiritus vitrioli Philo-
sophici, qui nil est aliud, quam spiritus nitri ac salis re-
ctificatus, melius adhibetur spiritus salis aut nitri dulcifi-
catus, idque propter cautelam SYLVII, quâ in *Praxi sua*
jubeat Temperatis, quantum possibile, ut insistamus, cum
hæc minori alteratione soleant operari. Unde spiritus nitri
ac salis dulcis ritè paratus, unâ vel alterâ horâ ante pastum
in vehiculo calido ad gutt. xx. vel xxv. exhibitus, non erit
inconueniens.

Quæritur autem, cum æger urgeat venæsectionem,
aliàs, dicit, *non posse respirare*, aut hæc sit concedenda?
Barbitonsor paratus vult suo officio fungi, interim tamen
in hoc subjecto frustra fuisset. Equidem, si stasis sanguinis
circa præcordia in causa fuisset illius difficilis respiratio-
nis, vel eadem superveniens metuenda, tunc venæ se-
ctio locum habuisset, ut melior motus promoveretur:
jam verò cum tota symptomatum cohors circa hypo-
chondria urgeat, non opus fuit venæ sectione: Cæte-
rùm, si subjectum ægotans mulier, & gravida fuisset, il-
la ad medium usque tempus, aut si pridie menses actu fluen-
tes ex errato aliquo fuissent suppressi, quid tunc faciendum,
ubi præsertim tali symptomata superveniant? Respondeo:
in primo casu, si adsint plethoræ signa, vel aliàs hæc circa
idem gestionis tempus solita fuerit venæsectionem admini-
strare, pro promovendo sanguinis circulo, suadenda eadem
esset: si verò in posteriori casu menses fluentes subito fuisset
suppressi, unde ordinariò difficilis respiratio superveniat
propter sanguinis circa pulmones stagnationem, tunc opus
fuiſſet pro ventilatorio sanguinis scopo venæ sectione, ut li-
berior sanguinis motus concilietur, eaque vel in pede, vel, si
non potest, in brachio.

Tandem ad symptomatum remotionem in principio opti-
mè etiam conduxiſſet clyſma, quod tensionem, & dolorem
hypochondriorum levasset; v. gr.

℞. *Dec. Chamom. ℥v.*

Urinæ human. ℥ij.

El. de bacc. Lauri,

Hieræ cum agar. ana ℥ss.

Olei destill. tereb. ℥ss.

M. pro Clymate.

Externè autem mox in principio litus & inunctiones aro-
maticæ stomachico-nervinæ institui possunt circa scrobicu-
lum cordis & regionem epigastricam & hypochondriorum,
ut dolor tensivus & spasmodicus membranarum planè remit-
tat: e. g.

℞. *Spiritus Anisi cum spiritu vini par. ℥ij.*

Spiritus vini camphor. croc. ℥ss.

Theriac. ℥ss.

Misceantur.

Applicetur externè cum linteis multiplicibus.

Vel, nbi dolor pertinax persisteret, in tali casu optimè
conveniret Litus cum theriaca cum oleis illis destillatis im-
prægnata: item imponendum emplastrum ex tacamahaca,
malaxata cum theriaca: sicut & internè singulariter prodes-
set spiritus carminativus Doctoris Michaelis, qui est urino-
sus, & præparatur per modum clyſſi ex ana tartari & nitri,
quibus additur parum de alcali fixo: destillantur per retor-
tam in receptaculum quantitate spiritus vi repletum, qui
spiritus prolectus rectificatur. Hic in quàm plurimis morbis
ex vitio stomachi, abdominis & similium ab acido oriundis,
proficius est, vel per se, vel cum opii essentia maritatus; ut-
ut opiata cautè propinanda: e. g.

℞. *Spiritus carm. de trib. ℥ij.*

Ess. Opii ℥ss.

M. S.

Essentia contra flatus.

Dosis 40. ad 50. guttas.

Tales affectus in dispositis facili recidivant; quomodo er-
gò ventriculo succurendum, ne recidivet?

1. Veperi capiatur interdum Elixyr menthæ, vel si-
mile aromaticum: Item
2. Prodest crebrior usus cremoris tartari pro absterſio-
ne ventriculi.

RESOLUTIO II.

Dn. JOH. MATTHÆI

MERCKELS,

ANNÆBERGENSIS,

Hoc tempore

Prætoris Annæbergensis.

B. Dn. PRÆSIDIS.

Censuræ & Emendationi subjecta, & correctæ,
Anno 1682.

AFFECTUS.

Quantum pro modulo ingenii mei ex concursu sym-
ptomatum horum, quæ præsentem affectum comi-
tantur, conjecturis assequi possum, putarem ergo jure
meritoque illum nomine *Inflationis Ventriculi* venire posse.
Si enim tumorem sub hypochondriis utriusque lateris,
qui hîc præcipue dominatur, spectem, hic ipse nobis
satis sufficiens erit pro deducendis exinde symptomati-
bus reliquis. Nam (1.) appetitus prostrationem, & qui-
dem ejus successivam quod attinet, nil mirum est; si
enim pars illa, in qua, tanquam domicilio suo pro-
prio, aliàs ille residet, cruditatibus viscidis, iisque qua-
si remoram activitati fermenti digestivi injicientibus,
fuerit repleta, non potest non à causa læsa effectus etiam
produci mancus, ut ita dicam, & mutilus, hoc est, suc-
cessiva abolitio appetitus subsequi. Fermenti autem
particulæ activæ adhuc rescuæ, dum motum intestino
materiam sibi molestam subvertere nituntur, nil præter
flatus generant: simili ferè ratione ac videmus extra
corpus in massa ferinacea pro panificio subacta, in qua
dum fermentum additum pro viribus suis agit in massam
plus minus viscidam ac tenacem, expandit eam, ac in
tumorem attollit, imò non raro, qua data porta, flatu-
bus prorumpit. Talis autem fermentatio, utut tam crassa
& sensibus adeò perceptibilis concipi nequeat in corpore,
aliqua tamen cum hac datur analogia: Nimirum pari ra-
tione flatus generat, ac substantiam ventriculi fibrosam
præter omnem modum simul expandit distenditque mas-
sa talismodi cruda. Hoc dum ita fit, & tumor seu expan-
sio intra cavum ventriculi concentrata est, simul partes ejus
vicinas & proximè adjacentes in consensum rapiantur ne-
cesse est, præcipue autem diaphragma, cujus motus, (qui
maximè necessarius est ad respirationis negotium) iusto
plus extenso nempe sic ventriculo, remoratur, hinc su-
per-

D. S.

Pulvis digestivus.

His subjungantur evacuantia, & quidem vomitorium, utpote ventriculum immediatè vacuans:

℞. Tartari emet. gr. iij.

Nitri antimoniati. gr. vj.

M. S.

Pulvis vomitorius.

Aut, si delicatiori ægræ Purgantia magis arrideant,

℞. Pulp. tamarind. ℥ij.

Dissolve in f. q. aquæ acetosellæ:
adde

Pulv. Rhabarb. ℥j.

M. f. Potio:

D. S.

Potio evacuens bene circumagitanda.

Præcaveretur alterantibus stomachio gratis, & speciatim ordinatâ diætâ:

℞. Sal. ammoniac. vel rad. Aronis cum paucis Extor. Tormentillæ.

Vel

℞. Salis hypochondr. ℥ss.

Lap. Cancr. præp. ℥j.

M. pro 2. dof. S.

Pulvis Digestivus.

℞. Ligu. terræ fol. tartari ℥ij.

D. S.

Essentia digestiva.

Dof. 40. vel 50. gutt.

Formulæ ex subcontrariis compositæ.

℞. Arcan. dupl. ℥ij.

Oss. sepiæ præp. ℥j.

Pulv. Nuc. Mosch. gr. vj.

M. pro 2. vel 3. dof. S.

Pulvis stomachalis alterans.

℞. Crem. Tartari ℥j.

Corall. rub. præp. ℥ij.

M. pro 4. dosibus:

D. S. ut antè.

℞. Pulv. hepat. rub.

Ebor. igne an. ℥j.

Ol. dest. Macis, vel nunc. Mosch. gutt. ij.

M. pro aliquot dosibus.

℞. Conf. rosar. vitriolat.

Fl. anthos an. ℥ij.

Pulv. sem. sinapi,

Eruce an. ℥ss.

Zingib. in Ind. cond. ℥ij.

Nitri antimoniati. ℥ss.

Cum f. q. Conf. alcherum. & Syr. Berber. ana,
f. Electuarium:

D. S.

Electuarium stomachale.

Quotidiè pro lubitu sumendum: dosis ad instar nucis juglandis.

Tandem ventriculo roborando succurrent medicamentata gratiores sapore stomacho amica: v. gr.

℞. Aquæ f. acac. ℥ss.

Menthæ ℥vj.

Cinnam. ℥ss.

Succ. Cydon. q. f. pro grato sapore.

Ex diætetico fontæ, quæ promanant remedia, sunt cibi parci & eupepti, item generosior vini Rhenani haustulus in pastu.

Quibus ex voto omnibus Divina adsit Benedictio.

RESOLUTIO IV.

Incerti Autoris,

B. DN. PRÆSIDIS.

Censuræ & Emendationi subjecta, & correctæ,
Anno 1682.

Communicata à

B. DN. D. GROELLMANNO,

Physico Torgaviensi.

AFFECTUS.

Æ Gram nostram *Cruditate* laborare *nidorosa*, ex rubus potissimum tetrīs, saporis vel nullius, vel non facile explicabilis, secessibus post pastum liquidis, vagis item & crebris, cum faciei rubore, æstuationibus, colligere licet.

CAUSA REMOTA.

Ansam ei dedisse videntur lautiores epulæ, quibus, dulcibus præsertim atque pinguibus (ceupalato foemellarum istiusmodi delicatarum magis abblandientibus) intemperantiùs fortassis usa, acidi digestivi vim insigniter labefactavit. Hoc enim à pinguibus v. g. & dulcibus copiosius assumptis, bile etiam fortassis in ventriculum regurgitante, dum hebetatur, penetrare alimenta, in minima discernere, atque volatilizando, appropriata nobis reddere, minus rite potest: (unde secessibus liquidis nonnihil de alimentis assumptis admistum conspicitur: sed alimenta ipsa diuturniore sui in ventriculo, ceu loco calido & humido, morâ ad putredinalem tandem corruptionem tendunt, & reliquæ putrilaginosa ita sensim atque sensim ventriculi fermentum inficiunt, ut hoc assumptis dein laudabilibus, facile similem imprimat characterem.

SYMPTOMATUM CUM CAUSIS
CONNEXIO.

Atque ex hac putredinali alimentorum corruptione ructus illi tetri derivandi veniunt, quatenus pro more putredinis alcali in pingue agens, eam particularum efficit texturam, quæ narium membranam molestius afficiendo, fetoris sensum in nobis gignunt. Quin ardor stomachi, ægre nostræ quoque molestus, de alcali oleoso in ventriculo nidulante testatur, quatenus hoc cum acido effervescens, acria istiusmodi emittit effluvia, quæ æstus illius in gula causa sunt, & consequenter sitim quoque graviores inducunt, quatenus acrimoniâ suâ alcalinâ oleosa plus minus fauces vellicando, potulentorum in nobis excitant appetitum. Confirmat hoc jusculi gallinacei ad aliquot cochlearia præcedens cum nausea assumptio, quatenus hoc & pinguius dubio procul, & de alcali, ex carnibus gallinæ per coctionem elicitum, multum participans, augendo sic humoris in ventriculo putredinalis alcalini oleosi proventum, Sodam brevi post comitem habet. Unde quoque non mirum, quod ad assumptionem ejus ægra nauseet, quod ex impressa illius, tanquam rei inimicæ, spiritibus in plexu orificii sinistri nervoso undulantibus idea, hoc sese vel ad odorem jusculi hujus arctius stringat, tanquam hosti introitum prohibitorium. Cum porro cruditates ejusmodi putredinosæ, ventriculum inundantes, non possint non huic esse molestæ, partim dextrum ejus orificium vellicando, multum ad diuturniorem, propter stricturam hujus, assumptorum in ventriculo moram & corruptionem faciunt; partim superius orificium, ceu maxime sensile, irritando, gravioris illius cordis anxietatis causa sunt, cui jungitur dolor circa spinam dorsæ, quod ad vertebra thoracis undecimam orificium hoc situm spinæ vicinior sit, quam cartilagini ensiformi; ad jugulum verò ascendens, etiam fauces constringens, propter sensum continuitatis, quam œsophagus cum ventriculo habet,

quatenus ob irritationem in sensibili huius orificio factam spasmodicas canalis sui musculosi stricturas patitur, atque eundem ferè suffocationis sensum infert, qualis in hysteriis atque hypochondriacis quoque nonnullis observari solet. Irritationis huius in ventriculo factæ index est quoque vomitus, qui nihil aliud, nisi motus ventriculi convulsivus peristalticus inversus, quatenus hic à materia illa liquida spumosa & varia irritatus, prævalente pylori stricturâ, breviori hac viâ & per officium superius excludit. Secessus pariter non aliunde nisi ab hostili materie huius in intestinis præsentia derivandi, dum irritando hæc nonnihil, motum eorum peristalticum accelerat, & sic, qua data porta, evacuatur. In quibus ipsis intestinis, dum vel eadem hæc, vel quæcunque ex cruditate nidorosa progenita materies excrementitia, cum bile aut succo pancreatico vitiosè effervescent, æstuationes vagas corporis, cum vago faciei rubore, à passu inducit: quin etiam intra massam sanguineam recepta, leviter cum hac effervescentia, eorundem phænomenorum autor est; quemadmodum id videre licet in hecticis, quorum calor à passu non obscurè intenditur.

PROGNOSIS.

Cæterum utut leve hoc malum primâ fronte videatur, negligendum tamen penitus non est, quod in febrim, five intermittentem five continuam, precipitare egram nostram possit, propter accumulatas sic copiosius in massa sanguinea particulas excrementitias sulphureas.

CURATIO.

In Cura ergo scopi hi observandi venient:

1. Ventriculus & primæ viæ saburrâ humorum excrementitiorum liberandæ erunt.
2. Fermento naturali digestivo vigor suus restituendus.

Priori scopo inserviunt Evacuantia, tam Vomitoria, quam Purgantia. Vomitorium hic potest esse tale:

℞. *Croc. metall.* gr. jv.

Vini Rhenan. ℥j.

Stent in infus per noct. in loco tepido:

Mane ℞. Colat. optime filtrata:

D. S.

Vinum vomitorium.

Vel

℞. *Aquæ Menth.* ℥ij.

Cinnam. ℥j.

Syr. emet. A. S. ℥j. ad ℥ss.

M. D. S.

Succus vomitorius.

A Vomitoriis si abhorreat, leniter Purgantia è re erunt, v. g. Aloetica.

℞. *Alces lucid.* gr. xv.

Extr. absinth. gr. viij.

Scamm. sulphur.

Troch. alband. an. gr. j.

Cum f. q. *Elix. Propr. f. Pilulæ minores.*

D. S.

Pilulæ laxativæ.

Vel

℞. *Mass. pilular. de ammoniaco Querc.*

Tartarear. an. ℥ss.

Scamm. præp.

Troch. alband. an. gr. j.

Cum f. q. *Elix. Propr. f. Pilulæ.*

D. S.

Ut ante.

Si pilulas recuset:

℞. *Crem. tartari* ℥j.

Pulv. rad. Jalapp. gr. viij. ad ℥ss.

M. f. Pulvis:

D. S.

Pulvis laxativus.

Capiatur in iulculo fervido.

Aut fiat Potio talis:

℞. *Aquæ fl. acac.* ℥ss.

Cinnam. ℥ij.

Pulvis rad. Jalapp. ℥j.

Tartari vitriolat. ℥ss.

Syr. Ros. solut. q. s.

M. f. Potio.

D. S.

Potio laxativa pro una vice.

Posteriori scopo satisfaciunt Præcipitantia & acida blanda, v. g. Spiritus nitri dulcis, de quo gutt. xx. vel xxx. in haustu vini capere potest; cremor tartari, succus cydoniorum corallia, ebur sine igne, hepaticum rubrum, arcanum duplicatum, tartarus vitriolatus &c.: illa indirectè magis, hæc directè. Sic pulveres sequentes præscribi possunt:

℞. *Crem. tartari* ℥ij.

Corall. rub. præp. ℥j.

M. f. Pulvis, pro duabus dosibus.

Vel

℞. *Arcan. dupl. Myns.* gr. xv.

Ebor. sine igne ℥ss.

M. f. Pulvis.

His præsidiiis ita uti poterit, ut vomitorio potissimum vel purgante præmisso, ex præscriptis pulveribus unum in vehiculo quocunque quovis manè assumat, abstinendo post ejus assumptionem, aliquot horas à passu.

Inter alimenta vitanda erunt pingua, dulcia, lac & lacticia, ova frixa, pisces, & quæ facilis sunt corruptionis potiusque, si placuerit, acidulari poterit spiritus nitri dulcis aliquot guttis.

Deus interim clementissimè benedicat!

CASUS V.

INFLATIO STOMACHI

CUM LEVI ORTHOPNOEIA SEU ASTHMA-
TE, ET CARDIALGIA.

Vir laudabilis constitutionis, adeoque cetera sanus, conqueritur de appetitu sensim deficiente, & superveniente difficili admodum & anhelosa respiratione, quæ ipsa in tantum exasperatur, ut decumbere amplius nequeat citra suffocationis periculum, quin semirectus jacere necesse habeat. Adsunt anxietates insignes, haud quidem continuæ, crebrioribus tamen vicibus repetentes, pro quarum levamine venæsectionem urget, alias, dicit, *non posse respirare*. Accedens Medicus præter dicta, & eum singultientem offendit, & interdum, magno licet conatu, ructum emittentem; unde levamen quoddam se percipere asserit: sub hypochondriis se dolere, omniaque ibidem tensa & plena esse, ita, ut ne digitum sub iis recondere queat. Medicus aspicit istum locum, & deprehendit intumescitiam in regione epigastrica, mollem, cedentem tactui, & tamen eodem modo permanentem, dum interea æger Medici attactum fugit, & exinde impensè se dolore conqueritur.

RESOLUTIO

Dn. JOHANNIS FRIDERICI
ITTIGII,

LIPSIIENSIS,

Hactenus
MEDICINÆ LICENTIATI,
Practici & Pestilentiarii in Patria,

Nūc ἐν ἀγίοις.

Cum speciali Discursu & Annotationibus

B. DN. PRÆSIDIS

Censuræ & Emendationi subiecta Anno 1675.

Intimius præsentem decumbentis personæ affectum considerans mihi, suspicio est de inflatione stomachi, qui affectus in ejusdem partis cavo, & tunica inferiori rugosa, cruditatibus pituitosis & viscidis infarctis, radicatur; unde hæc partim sui copiâ, partim visciditate, fermentum ventriculi in sua actione remorantes, successivè primò appetitus defectionem inducunt, postmodum verò eadem audi-

dum

℞. Aquæ Chamomill. ℥iij.

Elix. Menthæ,

Citri,

Aurant. an. ℥ij.

Ol. destill. chamom. gutt. vi.

Laud. opiat. gr. vi.

Syr. de Canella ℥j.

M. f. Potio.

Cochlearium haurienda. Vel.

℞. Aquæ Chamom. Rom.

Menthæ an. ℥iij.

Elix. Citri ℥vi.

Spiritus sal. ammoniaci anis. ℥iij.

Syr. Cinnam. ℥j.

Laud. opiat. gr. vi.

M. f. Potio.

Capiatur dicto modo. Vel.

℞. Aquæ Chamom. Rom. ℥j.

Laud. opiat. gr. iij.

Syr. de Mentha ℥iij. M. S.

Potio confortans contra dolorem stomachi.

Antecedentes autem potiones possunt quotidie mane & vespere usurpari, usque dum successus aliquis speratus superveniat.

Externè simul & applicari possunt Fomenta & Lintamenta; v. g.

℞. Flor. Chamom. M. ij.

Herb. Orig.

Menthæ an. M. j.

For. anethi,

Anthos an. M. ℥.

Sem. cal. maj. an. ℥ij.

Bacc. lauri ℥℥.

Incisa & contusa irrorentur cum oleo destillato Chamomillæ & Carvi, includantur sacculo interpassato, qui vino calido immersus imponatur regioni stomachali.

Tandem fiat emplastrum ex Tacamabaca; egregium enim usum habet in ejusmodi doloribus ventriculi: e.g.

℞. Tacamabac q. f.

Liquefiant in mortario calido:

Malax. cum f. q. Bals. pervu. & ol. stomach. Craton. Inducatur super alutam in forma Scuti stomachalis.

Vel

℞. Gum. Carann. q. f.

Liquefactum malaxetur cum Balsamo Peruviano, oleo destillato succini, carvi, &c. inducatur super alutam, & fiat Emplastrum stomachale.

DISCURSUS & ANNOTATA

Dn. D. E T T M U L L E R I,

Affectus est Cardialgia, cujus formalis ratio consistit in convulsione & firmissima strictura orificii ventriculi sinistri: Germanis vocatur *das Magen. Drueken*.

Pars affecta est orificium stomachi: scilicet, si quæ alia pars in corpore sensu exquisito pollet, est illa orificium hoc sinistrum, Cardia dictum, unde Cardialgia, quod totum, quantum quantæ nerveum, & maxime sensibile est. Ac quidem videtur illud ipsum prima pars sensibilis in homine: siquidem fœtus adhuc in utero latens eâ parte maxime afficitur à nutrimento. Ut adeoque hinc non inconvenienter quidam rationem derivent, cur nempe omnes animi affectus, sive lætetur sive tristetur homo, impetus suos exerant in stomacho; hinc non mirum, totum subinde nervosum systema cum hoc compati: AMATUS LUSITANUS enim dolorem stomachi introducit, cui *epilepsia* supervenerit, evanescens iterum, post exhibitum vomitorium: imò certum est, syncopes illas vagas in sexu præprimis sequiori sæpissime observabiles, ordinariò ex affecto hac ventriculi orificio dependere.

Causa proxima Cardialgiæ est irritatio huius orificii sinistri. Iam verò cum irritare, sit aliquid molestia quadam afficere, hinc irritare crabrones, & molestia illa præsupponat sensum, rationem cuius organum malè affici dicitur ab obiecto aliquo inadæquato, quâ ratione pulvis

nicotianæ inspiratus molestia quadam afficit membranas narium, unde sternutatio sequitur, & ita plus minus lædi Irritati dicitur: quam irritationem immediate sequitur spasmus seu convulsiva strictura, in qua consistit dolor.

Cæterum tria in hoc causa considerationem merentur, quorum.

1. Est dolor circa medias thoracis vertebrae.

2. Difficultas respirationis.

3. Causa irritans.

Jam ergò quoad I. Parrallelum casum FORESTUS lib. 18. *Observ.* 27. habet, de dolore circa vertebrae dorfi affligente, quod rarum est, & inter centum cardialgias vix una occurrit taliter se habens. Ubi tamen notum est, quod orificium stomachi eo in loco, ubi diaphragma perforat, supra vertebrae dorsales adscendat, quamquam ibi raro dolor observetur, sæpius in parte anteriori: unde si magis super ius stomachi orificium sinistrum convellatur, tunc magis à parte posteriori dolor sentitur, & ægri dicunt, sibi constringi collum fistulâ scilicet œsophagi (quæ est continuum membranarum tractus) simul aliquid convulsivi patiente per consensum.

Quoad II. Diaphragma considerandum erit, quod simpliciter à perforante œsophago, non verò ratione nervi phrenici, afficitur; ille enim irritatus ab orificio stomachi singultum in diaphragmate facit; cum hic firmissimè connectatur diaphragmati, uti eodem alio modo convulsio, simul diaphragma aliquid convulsivi patitur; adeoque liber huius motus impeditur, unde respiratio difficilior. Diaphragma siquidem præter motum passivum, qui à costis extrorsum dependet, habet & proprium activum motum ratione fibrarum suarum nervearum, quibus se tendere, & instar musculi contrahere valet. Hinc etiam dolor anteriora versus videtur pergere, quia sternum aligatur diaphragmati.

Quoad III. nempe *causam remotam*: ea hic non sunt fumi salino-Mercuriales, sed esus fungorum & boletorum in butyro frictorum, qui rectè a S E N E C A vocantur venenum voluptuarium. Utut enim Mercuri fumus varia pathemata, v. gr. tremores, paralyses & salivationes, inferre queat; non tamen hic cardialgiam causare potest, præsertim cum aurifaber deaurationi operam navans talia nunquam passus fuerit, unde etiam nec præsumptio esse poterit, à fumo Mercuriali Cardialgiam esse excitatam. Et utut nonnunquam concursus causarum remotarum contingat, una tamen earum magis efficax & verior videtur, adeoque Mercurius hoc in casu innocens est.

Sed porro nunc consideranda est activitas fungorum, de quibus notandum, quod omnibus Practicis audiant, noxii, & edulium pessimum, itemque, uti dictum, S E N E C A acutum venenum voluptuarium, qualescunque illi etiam fuerint, utut alter altero, ratione loci natalis, malignior sit; omnes tamen in genere sunt plus minus virulenti: Quod ipsum patet ex, pathematis, ab eorum usu inductis, ver. gr. sensu strangulationis in faucibus, singultu, dolore stomachi, ingentibus torminibus intestinorum, cholera, sudore circa caput frigido, & similibus.

Quæritur autem, in quamam fungorum parte virulentia allegata consistat? Sanè si examinamus corpus eorum, est illud plus minus viscidum; quoad saporem, sunt ex insipido acris amari, ut plurimum satis penetrantis, & diu in lingua durantis saporis. Virulentia ergo fungorum consistit in acrimonia sensibus ferè occulta, in se ipsa tamen caustica quodammodo & alcalina, hærente in subiecto viscido & glutinoso, adeoque locis, per quæ transit, firmiter unibili. Et acrimonia quidem illa colligitur ex sensu, quam excitat in stomacho, doloroso, itemque torminibus intestinorum ab HILDANO *Cent.* 4. *Observ.* 34. relatis, quò in loco cholera mentionem facit ex esu fungorum concitata, cum sanguinis excretionem, vellicatis scilicet ab eorum acrimonia pyloro & intestinis. Sic quoque illas, ex convulsione diaphragmatis in singultu, non secus ac ex strangulatione quoque, quæ nil est aliud, quam vellicatio œsophagi se stringentis, & convulsivi quid patientis, patet. Quod autem acrimonia illa hospitetur in subiecto eorum viscido glutinoso, liquet tam ex fungis ipsis, viscido ejusmodi succo præditis, quâ quod iidem in tales succos abeant, sicut etiâ, quod symptomata fungorū usum sequentia, non tam facile ob firmam horum compactionem sine corri-

corrigibilia. Imò illustrari illud poterit, per pomum colocynthidos, cuius leve corpus blandissimo liquæ tactu mox intensissimam amaritiei inurit, utut amarum in illo tantillum sit. Nam si eidem affundatur lixivium salis tartari, amarities extrahitur, remanente substantiâ insipidâ, antiquum etiam pondus ferè habent; quod ipsum ostendit, tantillum amaritiei fuisse. Similiter confirmat hæc dicta expertum illud antidotum, quò contra nocumenta fungorum nil præstantius invenitur, quam theriaca cum oxymelle, sive simplici, sive composito scilicet, assumpta, de quo vid. PANAROLLUS *Pent. 3. Obs. 15.* itemque TINÆUS *von GuldenKlee Cas. pag. 315.* Jam ergò in theriaca consideranda est vis narcotica, & dehinc aromatica; ubi ratione illius sistit vellicationis sensum à fungis inductum; ratione verò aromaticæ virtutis inflationem stomachi resolvit. In oxymelle verò vis absteriva ratione aceti & mellis pensanda est, quæ ipsa resolvit id particulas tenaces, corpori adhærentes. Vid. mirabilis historia de fungis in AMATO LUSITANO *Cent. 1. Curat. 30.* Conf. HILDANUS *l. c.* Equidem butyri pinguedo in casu hoc aliquomodo impeditit fungorum virulentiam: interim quatenus ista frictio facit, ut tardius sic digesti in stomacho sint, & pertinacius adhæserint, non in totum ita deleta, sed saltem impedita est fungorum virulentia, adeoque iidem non tam cito virulentiam suam exercere potuerunt; unde demum noctu, non verò mox circa prandium vel cœnam experitur patiens noster gravissima symptomata.

De pulsu notetur, quod recensetur hic magnus, æqualis, paulo celerior, minime durus. *Durus pulsus* ordinario sequitur, quando arteriæ pulsantes simul aliquid convulsi patiuntur, & membranæ earundem tenduntur, ratione cuius tensionis rigidiæ sunt, adeoque difficilius dilatantur, unde digito tactæ non cedunt, sed digito tangenti resistunt, & quasi foveam relinquunt: hinc pulsus durus rectè ab HELMONTIO convulsiva arteriarum passio vocatur. Nam experientiam consulentes inventimus, durum pulsum nunquam ferè apperere, nisi quando membranæ quædam vel inflammatae, vel spasmò insigniter convulsæ sunt: Ita in pleuritide signum inseparabile durus pulsus est: sic quid gravioribus doloribus nephriticis & colicis tentantur, & quibus mesenterium convulsi vi quid patitur, semper durum pulsum monstrant, ut adeo queamus præcognoscere ex duri pulsus præsentia aut absentia, an dolores dicti remiserint, an verò non? Si enim est durior, dolores observantur acerbiores, si mollis, minores; quod monitum in praxi probe observetur. Imò HELMONT. in Apoplexia forti correptis pulsum durissimum observavit; sicut & ego sub apoplexiæ paroxysmo semper durum observavi. In nostro autem casu non est durities pulsus, nulla membrana tensa.

PROGNOSIS.

Quoad *Prognosis*. Cum malum sit acutum, periculum est, si gravius exacerbetur, ne superveniat epilepsia vel syncope, cuius prodromus sudor frigidus circa frontem est.

CURA.

In hac itaque hæ indicationes observandæ:

1. Causa irritans removenda.

2. Irritatio sistenda, fungis simul per specifica obviandum.

Proinde materia peccans per vomitum vel secessum exturbanda; tum dolor opiat & aromatis specificis sistendus; simul tamen specifica contra fungos usurpentur, Unde in præsentī casu ob fungos pro vomitorio.

R. Oxym. simpl. 3j.

Tartari emet. gr. iij.

M. S.

Succus emericus.

Vomitoria autem & purgantia saltem gradualiter differunt; hinc purgantia per inferiora, delicatioribus sunt vomitoria; ac ipse observavi Mercurium dulcem, qui alias purgat per alvum, in quibusdam tamen, imprimis infantibus ablactatis; quod sæpius facere soleo, propinatum, vomitus, & secessus movisse. Ratio omnis degenerationis purgantium in vomitoria, querenda est vel in purgationibus acrioribus, vel in pyloro sensibili, vel in acido ventriculi infirmiori. Interim expertus sum, stomacho robustiori existentes, si vomitorii stimulus

scammonii sulphurati ad gr. ij. fuerit additus, supra & infra fuisse motos.

Porro encheirisis est, ut quando spasmus orificium ventriculi sinistrum patitur, & Vomitorium seu Purgans nihilominus exhibendum sit, jam verò simul metuendum, ne dolor intendatur, exin opiata iisdem addantur, hoc fideliter unà observando, ut Purgantia in dosi intendatur, ne opiatis palma maneat, & vis purgantium plane ab opio impediatur; hac ratione enim & sistitur dolor, & purgatio levior redditur. Hoc inventum quidem paradoxum videtur: at si duobus scopis simul, nempe dolori sistendo & materiæ removendæ, satisfaciendum est, conveniens hoc euporiston est, hoc saltem notando, quod opiata purgantibus melius, quam vomitoriis combinentur: unde v. gr.

R. Extr. panchym. Croll. gr. xv.

Scamm. sulphurat. gr. iij.

Laud. opiat gr. ij.

Ol. destill. succini gut. ij.

Cum ess. Chamom. Rom. f. Pilulæ:

D. S.

Lenientes pilulæ stomachales.

Rectè porro chamomilla allegatur, quippe cuius usum in cardialgia feliciter approbavit FORESTUS. Dum autem in Mistura præscripta laudanum opiatum ad gr. vj. extenditur, dosi excessiva videtur, utut illa cochleatim hauriatur. Et cum ordinariò pro una vice gr. ij. ejusdem ordinentur, hinc in mixtura continuo sed cochleatim haurienda ad gr. iij. extendi poterit. Non negligenda cum his sunt appropriata fungorum, quale dico esse oxymel & theriacam.

Uterius Fetus externè in affectibus stomachi dolorosis locum habent; circa quos tamen observandum est, si iidem fuerint humidi, specie inclusas non esse adspergendas oleis destillatis, eo quod sacculi tales vino calido intincti deponant in hoc olea illa; sed potius, si fetus sicci & fuerint, adspergantur oleis.

Tandem scuti stomachales egregii quoque hic sunt, ex tacamahaca præsertim parati, quæ egregia est in affectibus stomachi dolorosis: conf. POTERIUS in *Cent. 8.* & RIVERIUS: uti iidem cum theriaca & oleo succini malaxati quoque in febribus malignis proficui sunt. Nobilius fere adhuc est in cardialgia gummi Carannæ. Applicentur scilicet sine sindone, ut agglutinentur cuti, & imponatur desuper later vel operculum calefactum: quod etiam locum habebit in linimentis externis: ita enim poris cutis apertis per calorem, vis linimentorum & emplastrorum medicamentosa corpus melius ingredi potest.

CASUS VII.

ALVI OBSTRUCTIO ET IMMINENS ILEOS CUM HÆMORRHOIDIBUS APERTIS.

Literatus Hypochondriacus consistentis ætatis, & cui ordinario nonnihil contumacior est alvus, conqueritur de nimia eiusdem obstructione, & utut subinde aliquid egerere egre nitatur, loco tamen facam alvinarum sanguinis sit excretio, sine dolore tamen aut alio graviore symptomate. Hæc cum aliquot dies continuassent, malum in tantum exasperatur, ut plane nihil recrementorum egerat, graves dolores abdomen torqueant ultra ocliduum, superuenit nausea & vomendi conatus. Vocat Medicum, qui accendens abdomen tangit insigniter durum, audit ægrum subinde singultientem, & simul halitum foetentem, quem æger expirat. Pulsus est parvus & debilis, frequens fluxus sanguinis adhuc durat, ita tamen, ut sub conatu egerendi non sine insigni dolore membranofum quid ex alvo protrudat. Postulatur Cura.

R E S O L U T I O
D N. G O D O F R E D I
S C H U L Z I I

U R A T I S L A V I E N S I S

B. Dn. PRÆSIDIS

Censuræ & Emendationi subjecta,
& correctæ,

Anno 1676.

UT ad litterati nostri hypochondriaci affectus cognitionem ritè perveniamus, non opus erit profunda speculatione longaue cogitatione: Perquam facile enim primo etiam intuitu ex concursu symptomatum affligentium affectus se manifestat. Ubi ergo rerum testimonia adsunt, non necessarium puto ulterius chartam fallere verbis, recta enim patente via ambages prius ire minime convenit. Triti propterea adhuc memor, paucis his præmissis, affectus ipsius explanationem atque resolutionem aggredior, & statim me accingam ad appellationem hujus affectus, qui in hoc nostro literato hypochondriaco est vel primarius, pertinacior *alvi obstructio*, in tantum, ut etiam *Passio Iliaca* immineat; vel *secundarius, hæmorrhoidum fluxus*, quod testatur sanguinis sine dolore excretio sicuti enim præsentia insignis doloris hæmorrhoides cæcas seu furentes ob clausuram osculorum in vasis arguit; ita dolorum absentia cum fluxu sanguinis insensibili hæmorrhoides apertas innuit. Confirmat me etiam in hac opinione illud, quod hæmorrhoides cum affectu hypochondriaco magnam cognationem habeant, & non raro hypochondriacis supervenire soleant. Inchoantem autem morbum Iliacum graves dolores in abdomine vexantes, nausea ac vomendi conatus, abdomen insigniter durum, superveniens singultus, atque halitus foetore imprægnati, manifestè monstrant.

Ut autem ritè legitimeque secundum leges resolutionis casuum procedamus, considerationi subjicimus.

P A R T E M A F F E C T A M.

Quæ in nostro ægro hypochondriaco sunt intestina, tam tenuia quam crassa, in specie tamen in hoc individuo maxime affectum puto inter intestina tenuia Ileum; plerumque enim affectis intestinis tenuibus dolores magis exasperantur, quam affectis crassis. Imo podex etiam nonnihil liber esse solet, quod affectis crassis minime observatur, ut podex interiora versus restrictus apparet, & tanta adest angustia, ut ne specillum intromitti possit, qualem tamen constrictionem atque angustiam in hoc casu minime adesse judico, quia excretionem sanguinis & membranosi muci liberior datur exitus.

Quæritur, an diæresi, an verò anastomosi, contigerit hæmorrhoidum fluxus? arbitror magis ex anastomosi, & vasorum apertura, quam eorum erosione esse hæmorrhoidum fluxum.

Considerata autem cognitaque Parte affecta, ordine aggredior causas, primario tamen *proximam*, quæ in affectu primario est sæcum induratio, earumque ab acido coagulatione, quæ in intestinalis fistulæ membranæ tam arctè adhærent, ut vix sursum vel deorsum moveri queant. Intestina enim ab acido irritata motum peristalticum naturalem inferiora versus cohibent, & dum irritatio illa molesta ulterius perdurat, fibræ contractis necessario motus sursum versus excitatur. Vid. SENNER TUS de Ileis. Unde ob hanc irritationem, & spasmodicam in intestinis contracturam dolores graves in abdomine excitantur, & quidem in specie circa regionem umbilicalem fortasse, quia intestina tenuia imprimis affecta esse auguror, ob rationes supra in parte affecta allatas. Hinc quoniam scybala illa indurata successive regurgitare quasi conantur in ventriculum, à vaporibus illis male olentibus, difficili irritationis ac molestiæ sensu afficitur stomachus, unde ratione sensilissimi orificii superioris nausea, inferioris verò inanis vomendi conatus supervenit: fibræ

enim nonnihil irritatis, copiosius eo derivantur spiritus animales, à quibus impetuosius irruentibus convulsivus excitatur motus. Dum autem orificium ventriculi superius, quod diaphragma perforat, ipsique firmiter connectitur, tali irritatione molesta, per consensum contiguitatis diaphragma etiam violenta convulsione in sui contractionem irritando atque vellicando, stimulat. Unde ob id inspirationem nota nihil violentius factam singultus, prodromus epilepsiæ, excitatur. Regurgitationem etiam excrementorum, vaporumque male olentium in ventriculum incipienter ascensionem ulterius, imò melius confirmat halitus ore maxime færens ab ægro expiratus, qui non leve argumentum jamjam incipientis vomitus stercorei existit.

Hæmorrhoides etiam affligentes apertæ nullam aliam agnoscunt causam, quam anastomosi, ex sanguine consistentiæ spissioris & magis grumosæ, propter acidum in hypochondriacis notoriè peccans factam. Magnam nimirum habent cognationem hæmorrhoides cum affectu hypochondriaco, & hypochondriacorum affectuum quasi confectarii sunt. Accedit, quod sub conatu egerendi tantum sanguis profluat, adeoque compressione quasi sanguinis profluvium ita excitetur.

Causam occasionalem statuo malum hypochondriacum, hujusmodi symptomatis, & obstructioni pertinaci ansam insignem subministrans.

P R O G N O S I S.

Ut autem Domino nostro hypochondriaco, qui ut pristinæ sanitati iterum restituatur, non levem curam gerit, Prognosin aliquam annectamus, ne spe sua convalescentiæ planè frustretur; dico, malum hoc periculo quidem non planè vacare, præsertim cum jam singultus, tanquam prodromus epilepsiæ, adsit. Auxilium tamen adhuc expectandum, si modò statim convenientissima adhibeantur remedia.

C U R A.

In Cura methodica pro affectus complicari urgentibus symptomatibus, distinctæ indicationes etiam formandæ erunt: & quidem ratione induratae alvi, & inde imminentis volvuli, sæcum *emolliendi*, per inferiora *ejectio*, & irritationis sensus *sedationi*, incumbendum; ratione verò fluxus hæmorrhoidalis naturæ motus attendendus, *nihil* quidem sistendo, *deficientem*, si forsitan sit ordinarius, stimulo, *medicamentum* linquendo.

Ratione ergo alvi induratae conveniunt clysmata primo emollientia:

R. Spec. emoll. M. iij.

Fl. Samb. M. j.

Coq. in f. q. lactis bubuli:

Colat. ffj. adde

Mell. Mercurial. ℥. iij.

Vitell. ovor. No. ij.

M. pro Clysmate pro duabus vicibus.

Quæ si non suffecerint, & hæmorrhoidalis fluxus permiserit, speciatim si consuetus, & tamen nonnihil imminutus fuerit, clysmata cum scorii reguli antimonii optimo cum usu applicentur:

R. Spec. emoll. M. iij.

Scor. reg. antimonii ℥vj.

Coqu. in f. q. aquæ comm.

Colat. ℥xvj. adde

Mel. Mercurial. ℥iſs.

Ol. lil. alb. ℥ij.

M. f. Enema pro duabus vicibus.

Si & hæc non sufficiant, fortiora stimulantia possunt dari:

Decoct. emoll. usit. ℥vj.

Croc. metall. ℥ij.

El. benedict. lax. ℥iſs.

M. f. Enema.

Quibus in auxilii societatem veniant vel passulæ laxativæ, vel decoctum passularum hypochondriacum, vel potio Barbette aut Horstii ex decocto althææ, vel serum lactis, vel oleum amygdalarum dulcium: Sub quorum usu fiat infusus seu balneum ex emollientibus confectum. Ex.gr.

R. Rad.

℞. Rad. albæ ʒvj;

Fol. ejusdem,

Malvæ,

Verbasciana M.vij.

Fl. Nymph.

Rosar. alb.

Chamomill. ana M.vj.

Coq. in s. q. aquæ comm. pro Balneo.

Cui insideat æger usque ad umbilicum.

Sub egressu verò è balneo inungatur abdomen cum unguento de arthanita, acutato cum Oleo diacolocynthidos Quercetani; eaque continentur, donec solvatur pertinax alvi obstructio.

Quo scopo feliciter absoluto, sedentur spasmi intestinales, & irritationis sensus sopiatur per opiata.

℞. Aquæ Mentb.

Fenic. ana ʒj.

Spiritus theriac. camph. ʒij.

Laud. opiat. ferm. gr. ij.

Oleosacch. cinnam. gr. xij.

Syr. fenic. ʒss.

M. D. S.

Potio dolores sedans.

Capiatur cochleatim.

Ut verò etiam hæmorrhoidibus prospiciatur, mediocres linquantur, deficientes stimulentur: idque in specie clysmatis, paulo acrioribus; vel frictionibus cum foliis ficus: si verò copiosius fluant, conpescantur, modò prius alvus aperta fuerit, idque speciatim per Martialia; hæc ipsa enim, uti acidum hypochondriacum absorbent, ita hoc ipso in vitrioli quasi naturam degenerant, & alvum suaviter apertam servant, dum simul sanguinem coagulando nimias excretiones ejus quasunque, & speciatim per hæmorrhoidalia vasa sistunt: hinc conducant tinctura vitrioli Martis Zvvelfferi, aut potius tinctura antiphthisica, aut liquor Martis solaris, aut crocus Martis per præcipitationem, &c.

C A S U S VIII.

DIARRHOEA SEROSA AB
ERRORE EXTERNO.

Mulier uterum gerens tertio mense, cum ex febre acuta continua convalesceret, & jam appetitus egregie rediret, ipsaque strenue denuò ederet, & pancreaticè iterum se haberet, cum marito hortum petit, ibique vescitur aliquot uvarum muturarum baccis cum delectatione: sed cum propter rixas inter maritum, & vicinum obortas, perterrefacta nonnihil fuisset, domum rediit. Altero mane conqueritur de insolita quadam molestia circa hypochondria & præcordia, sitit nonnihil, & deficit appetitus, per alvum copiosa liquida rejicit; à pastu meridiano, licet mediocri, quem pro consuetudine magis, quam pro appetitu, assumpserat, sitis intenditur, abdomen murmurat, vesperi egerit sæpius per alvum copiosa liquida, appetitus planè destruitur, sitis intenditur, fauces arescunt, noctu supervenit creberrima alvi dejectio, quæ omni hora sexies, vel septies urget: Rejicit copiosa liquida, serosa & aquosa. Mane capit ob id pomum coto-neum conditum: potuit ordinario verò panem tostum, macere probe perfritum, injicit, melius hinc habet; sed vesperi, paulò ante cœnam, eadem redeunt, noctu copiosissime ejicit, vires prosteruntur, sitit admodum, abdomine dolet; lumbos gravis dolor lacerans vel lancinans (*Reissend im Rücken*) & hinc iliacam regionem occupat. Manè vocat Medicum pro cura.

RESOLUTIO

DN. MAXIMILIANI
PREUSII

URATISLAVIASILESI,

Hoc tempore

MEDICINÆ DOCTORIS,
PESTILENTIARII, ET
NOSOCOMII

Uratislaviensis Inspectoris,

Cum speciali Discursu & Annotationibus

B. DNI PRÆSIDIS,

Censuræ & Emendationi subiecta, Anno 1675.

IN casus præsentis evolutione affectum primarium Diarrhoeam esse deprehendo, sive frequentem admodum variorum liquaminum per alvum affluxum, ita ut mixta eadem sint non solum ex sæculentis intestinorum ordinariis, sed & succis insuper chylosis, biliosis, nec non serosis, aliisque utilibus pariter ac noxiis massæ sanguineæ portionibus.

P A R S A F F E C T A.

Subjectum morbi inhæsionis, quod vocant, sunt intestina; radicationis stomachus & massa sanguinea.

C A U S A E.

Causa proxima est illud Acre, quod stimulat intestina, & ipsam massam sanguineam nonnihil fundit.

Causam remotam subministrasse videntur strenua ciborum ingestio, baccæ uvarum, & his superveniens terror.

Formalem verò harum afficiendi rationem cum symptomatum ortu ac cohæsiōe sequentem in modum contigisse probabile est: Redeunte post febrem curatam egregio appetitu, cum strenue comedisset ægra, factum procul dubio, ut & eo ipso die, quo uvarum baccas avidè superingessit, in quantitatē assumendorum metam, intra cujus limites reviviscens de novo famem difficulter se contineri patitur, excesserit. Protracta hinc nonnihil digestio horum, uvæ insuper deglutitæ, terror presso pede, & inopportuno satis tempore insecutus est. Quemadmodum verò omnes cautum non affectus, dolorosi imprimis, omnium sensibilissime, uno quasi momento mentem ac orificium stomachi superius, propter miram cerebri cum præcordiis ac stomacho communicationem, afficiunt, adeo ut HELMONTIUS inde animæ sedem in illo collocaverit; ita & hoc loco terror infaustum hujusmodi characterem eidem impressisse videtur; scilicet cum ex CHARLETON. Exerc. Patholog. 8. art. 22. constat in terrore, pariter ac aliis affectibus cum molestia conjunctis, spiritum motum à partibus retrahi quasi, hoc est, eosdem vel prorsus non vel haud sufficienter & segnius influere ad partes, ideo hac ratione & in ægra nostra stomachus spirituum ministerio debito orbatus, potissimum ratione fermenti digestivi minus spirituosus exinde facti non sufficit, partim etiam pro eorundem matura ex ventriculo propulsione, propter motum sui & intestinorum peristalticum haud dissimiliter inde debilitatum vel retardatum: quo tamen haud parum forsitan contulerunt quoque folliculi uvarum, utpote qui jam à BALTHASARE PISANELLI, Italo, in Tract. non ineleganti de Esculent ac Potulentor. Facultatibus, versio-nis Latine per Arnoldum Freytagium adornatæ pag. m. r. s. coctionem insigniter impedire, & excrementorum descensum remorari, perhibentur: illud procul dubio, quia ob substantiam tenacissimam haud facile à fermento stomachi in subtilitate sua, uti hic, dissolvendam, difficilioris sunt digestionis; hoc verò, quoniam firmiter sese parietibus ventriculi, & ut augurari licet, imprimis circa pylorum agglutinando, hunc continuò ad sui contractionem stimulant, quorū reliqua ventriculi contenta descensum per eundem moliantur.

Re-

Retenta igitur in stomacho alimenta ultra definitum tempus altero mane molestiam circa præcordia intulerunt, partim pondere ingrato, partim contracta per corruptionem acrimonia alcalina ratione uvarum. Uvæ enim, cum pari cum reliquis fructibus horæis fortè alcali volatili abundant, hinc in stomacho, cujus fermentum acidum ob febrim continuam modò prægressam nondum adeò in valore debito confirmatum, spiritibusque ex affectu præcedenti privatum fuit, facilè alcali suo prævalentes ac fermentando insuper acrimonia auctè reliqua ventriculi contenta inquinamento suo simul in liquamina hujuscemodi acria alcalina converterunt, hæcque ratione fermentum stomachi obtundendo pessumdederunt: hinc appetitus esculentorū prostratus, potulentorum contra excitatus fuit, à causâ fami contraria, dicta scilicet acrimonia alcalina ventriculu in occupante, indeque particulis volatilibus adscendentibus pharyngem pariter ac orificium stomachi superius aliquo modo infestante: quanquam non negem, sitim hanc postmodum ingravescente alvi fluxu seroso, propter materiam salivæ unâ cum reliquis corporis succis, non aliter ac à purgantibus fieri assolet, copiosius ad intestina abductam, & per hæc è corpore eliminatam, magis adhuc auctam, & ad faucium usque ariditatem intensam fuisse.

Ex ventriculo ubi tandem egredi paulatim ceperunt dicta collectanea acria alcalina, ad confluxum succi pancreatici in intestino duodeno in effervescentiam aliqualem cum illo abrepta esse videntur, sicque tum flatus nonnullos, murmurum causas, produxisse, tum molestiam illam circa hypochondria excitasse, quatenus moderato impetu particula acres effervescentes in membranæ interioris nervæ fibrillas, in muliebri sexu inermi facillimè mobiles insultarunt. Et quamvis le VASSEUR Tr. de Sylviano Humore Triumvirali hic obijcere videatur, succum pancreaticum non effluere in intestina, sed paucissimè saltem exstillare, ob idque cum succis, in majori quantitate respectu ipsius profuentibus, effervesce hæc posse; in statu tamen præternaturali, ubi acrimonia quædam orificium ductus pancreatici vellicat, omnino uberiori flumine illum manare, vel sola in artificiali purgatione evacuatio succorum serosorum satis copiosè per illum contingens illustrare ac probare potest. Nec liquamina acria alcalina in nostro casu uno cumulo quasi è ventriculo propelluntur, sed pedetentim & in pauca singulis semper vicibus quantitate, adeò ut effervescentiæ illi hoc loco nihil obstare appareat. Sed hæc præliminaria saltem veræ, quæ cum ægra nostra luditur, tragædiæ fuerunt: sequitur tragædia ipsa.

Postquam nimirum ulterius ex intestino duodeno ad reliquam intestinorum fistulam promota fuerunt liquamina illa, pars eorum per vasa lactea ad massam sanguineam delata, pars altera verò in intestinis remansit, & per eadem postmodum foras excreta fuit. Simile quid tunc evenit ac in Purgantium artificialium usu, quorum particula quædam acres, volatiles, oleosæ seu lixiviosæ sanguini commistæ (quales eas esse eruditissimè ostendit PECHLINUS in Tract. nunquam satis laudando legendoque de purgantibus pag. 140. 100. seqq.) ejusdem texturam fermentationis motu dissolvunt, fundunt, acuminibusque suis bilis acumen longa visciditate suppressum evocant, quod iis junctum postea unâ cum ipsis divellit, quicquid glutinosi, præcipitationi contrarium, in massa sanguinea deprehenditur, tandemque sordes ejusdem secretas per ductum choledochum, pancreaticum, & tubulos glandularum miliarium, in commune alveolarium effundit, ut passim in laudato modò Tract. pluribus videre est. Reliquæ verò purgantium particula, quæ intestinis agglutinatae manserunt, hæc vellicando stimulant ad sordes contentas, mediante motu peristaltico aucto, ex corpore propellendas.

Liquamina ægræ nostræ si perpendimus, parili modo acre alcalinum in iisdem se offert, & reverà purgans quid in iis latet, quoniam uvæ maturæ ratione principii volatilis fermentativi, sub nomine fructuum horæorum tacitè quasi ad purgantia, leniora quamvis, à laudatissimo PECHLINO Cent. I. c. 33. referuntur, quem effectum etiam reipsa in hypochondriacis aliisque difficilioris solutionis abundè comprobant. Hujus igitur mixturæ acris alcalinæ vel miasmata quædam massæ sanguinæ inspirata eandem cum ipsa luctam, si ita vocare fas est, agunt; & quemadmodum p. 435. idem PECHLINUS docet, principium agens purgantium pro bilis ad recipiendum majori opportunitate vehementius fieri; ita & hic ob bilis, ratione febris continuæ noviter præcedant, proclivem adhuc ad turgescendum aptitudinem, eadem effluvia purgantia viribus aucta majorem orgasmum bilis excitarunt, adeoque intensiori molimine ambo sanguinem colliquefaciendo, partium ejus laudabilem pariter ac inutilium majorem in intestina profusionem effecerunt, quas junctas deinceps reliquis, in communi hoc ex-

Ettmüller. Oper. Tom. I.

crementorum receptaculo adhuc stabulantibus, succis congenerebus, nerveam intestinorum tunicam ad sui excretionem continuè stimulantibus, copiosiori profluvio alvum transmeasse, quid mirum est?

His & similibus morbi vestigiis altero mane jam præsentibus, cum nihilominus à meridie pastum, licet citra appetitus desiderium assumpserit Patiens nostra, particula nonnulla à digestionis prægressæ vitio, minutissimæ quamvis, stomacho adhuc infixæ, hujusque fermentum digestivum in similem ipsis naturam determinantes, ingesta tunc similiter charactere illo ingrato signarunt, quæ recensita symptomata cuncta, ferè idem iter ingredientia, magis magisque exacerbarunt. Unde haud malè fecit ægra, quod pomum cotoneum potumque macere imprægnatum assumpsit, quia hæc, quod effectus etiam confirmavit, fluxum alvi nonnihil cohibere solent. Verum quia adhuc anguis sub herba latuit in sanguine, & morbi vis medicamenta hæc non satis pro ipso eradicando valida facile superavit, inde factum, ut brevi post, dicta mala longè atrocius redierint, adeò quidem, ut exin propter continuatam longius spirituum ac nutritivarum particularum cum excrementis abduccionem, vires tandem insigniter prostratæ, dolorque abdominis regioni iliacæ lancinans, inductus fuerit, isque à spasmodicis intestinorum, hincque simul plexu nerveo mesenterico nonnihil proritato ab acrimonia contentorum intestinalium altius penetrante sensibilius sic afficiente tunicam intestinorum, denudatam magis, postquam velamentum bombycinum haud leviter per continuas excretiones fuit absumptum, quemadmodum talia exempla passim in observationibus prostant.

Dolor verò ille intestinorum spasmodicus, continuatus etiam ad illum intestinorum tractum, qui lumbis proximè superjacet, dolorem quoque lumbarem simul produxisse videtur.

PROGNOSIS.

Prognosis quod spectat: notandum, quod morbus hic in nostra ægra satis sit periculosus: idque

1. Respectu fœtus in medio fere gestationis tempore versantis; quia huic, subtrahendo longius nutrimentum, mortem, stimulo alvum, ob vicinitatem uteri abortum minatur. Nam ut ait SCHOLZIO Conf. 340. observatum fuerit, gravidæ quasdam diarrhœam per totum gestationis tempus sine noxa pertulisse, hoc tamen & rarum, & forsan cum manifesta adeò virium matris, pariter ac fœtus prostratione, quemadmodum hoc loco, non fuit conjunctum.

2. Respectu matris quoque periculo idem affectus haud caret; tum quia excedens nimium, nisi tempestivè sistatur, propter virium nimiam effusionem in discrimen vitæ eam ducit; tum etiam, quia nimirum ex longiore continuatione in dysenteriam facile potest abire, uti observationes tales ab HOSTIO lib. 3. observat. 15. FORESTO lib. 22. observ. 29. aliisque adductæ id sufficienter testantur. Quid quod ipse HIPPOCRATES sect. 7. Aphor. 69. hoc prognosticum jam formaverit? Facile enim [ut bene LANGIUS, Professor quondam Medicinæ in hac Academia in Commentar. super hunc aphorismum declarat atque annotat] humores si acriores & contumaces in diarrhœa fluant, intestina abraderè possunt, & ubi profundius penetrarunt, eadem exulcerare.

CURA.

Vrget ergo malum hoc Curam, quæ si tempestivè instituat, facile, & brevi istud tollere potest. Subministrat verò ejus curia sequentes Indicationes:

1. Sensibilitas & dolor intestinorum demulcendus & humorum notus concitator nonnihil sistendus per opiata.
2. Acre alcalinum fermentum stomachi inquinans, intestina irritans, & massam sanguineam fundens, destruentum, diaphoresi blanda eliminandum, ac stomachi functio debita restituenda per blandè acidæ adstringentivæ & stomachicæ.

In genere verò cum his scopis ratio semper simul habenda est virium & sitis, ut illæ restaurentur vel conserventur, hæc verò mitigetur.

Clysmata vix consulta esse videntur, ne crabrones irritent, & quia periculum, ne uterum ad abortum stimulent: siquidem pre dolore leniendo jam suffiunt opiata, si tamen pro extergendis intestinis ea excipiantur, blanda admodum sufficere poterunt simpliciter ex lacte, additis seminibus carminantibus.

Quoad 1. scopum: Opiata non minus summa cum cautela hic adhibenda sunt; quoniam observatum fuit eadem fetum interdum enecasse, quatenus spirituum motum sistunt; & ad abortum disposuisse, quatenus fibras uteri hoc modo relaxant. Proinde circumspicere, appropriatis mista, in parva dosi & probè correctæ, adhibeantur. Etenim quamvis LUDOVICI in Pharm. sua pag. 662. opium etiam crudum sine noxa adhiberi posse dicat, vix tamen illud propter sulphuris narcotici immaturi effectus virulentos, a WILLISIO in Pharmac. Ration. P. 1. sect. 7. c. 2. satis notatos, consultum, quia præter illius castrationem per acida, aliæ satis laudabiles ac magis tutæ correctiones proficiunt, juxta LANCELOTTI manu auctoritatem in Epist. de Omissis in Chym. pag. 14. Certiori igitur via insistendum, & non nisi probè correctum, in usum vocandum puto.

Duplici autem scopo hic satisfacere videntur opiata, partim anodyna, partim sudorifera: siquidem WALÆUS in M. M. pag. 69. theriacam, & mithridatium sine opio præparata sudorem haud movisse observavit, adeoque ejus virtutem sudoriferam exinde concludit. Imo & acida simul tale quid hoc loco promittere videntur, quia massa sanguinea non aliter ac in febribus acutis aut malignis quasi tota hic est colliquescens, & omnium contentorum commixtione ita turbata, ut serum separatim non possit excerni, nisi acida & adstringentia prius debitam ei consistentiam iterum conciliando, sicque sudorem suo modo promovendo, concurrant.

Inter opiata verò excellunt opium, vel laudanum opiatum, per fermentationem aut digestionem cum sale tartari probè correctæ: item theriaca, aut electuarium diascordii Fracasiorii, cum pauxillo acetii temperatum, nec non papaveris erratici vel essentia, vel aqua destillata, vel syrupus.

Pro 2. scopo haud inconvenientia erunt, quæ sequuntur: plantago, portulaca, acetosa, cydoniata, imprimis miva cydoniorum, & eorum conditum; item mespilus, fructus sorbi torminalis, succus berberum, citrata, &c. Pro scopo adstringendi, & sudorifero, terræ metallicæ, ac bolli, corallia, cornu cervi, ac præcipue gelatina ejus in potu dissoluta, bezoardicum minerale, antimonium diaphoreticum, &c.

Inter stomachica referri poterunt Mastiche, macis, caryophylli, cinnamomum, &c.

Pro virium restauratione conducunt spirituosæ aromatica: aqua cinnamomi spirituosæ, oleum destillatum ejusdem, vel oleum destillatum caryophyllorum, aut anisi, essentia citri; & inter hæc non postremum vinum, cujus usus refocillationis gratia optimè ægræ potest concedi.

Ex recensitis hisce aliisve variæ possunt concinnari formulæ, ita ut in una alterave omnes ferè scopi simul possint attendi, sicque una quasi fidelia plures parietes dealbari.

In forma liquida:

R. Aquæ Acetof. ℥ij.

Cinnam. Spirituos.

Succ. Citri rec. ana ℥j.

Cornu Cervi sine igne ℥iſs.

Laud. op. ferment. gr. iij.

D. S.

Potio adstringens pro duabus vel tribus vicibus.

Vel si magis arrideat forma sicca:

R. Magist. Corall. cum succ. Citr. vel terræ sigill. ℥j.

Bezoard. miner. ℥j.

Laud. op. ferm. gr. iij.

Pulv. Nuc. mosch. ℥j.

M. f. Pulvis.

Irroretur gutt. præter propter vj. olei

destill. Cinnam., vel Caryoph.

div. in 3. doses.

Hauriantur in vehiculo vini.

Externè simul theriaca cum aliquot guttis olei destillati caryophyllorum vel macis in formam linimenti redacta, illiniri potest umbilico, nec non stomacho; hoc tamen observando, ut non solum scrobiculo cordis, sed juxta monitum BARTHOLOMÆI in Anatom. noviss. pag. 68. etiam è regione hujus in latere dorsi sinistro juxta spinam dorsi illinatur, quia orificium stomachi superius vicinius est spinæ dorsi, quam cartilagini ensiformi.

Pro appetitus restaurando haud incongruum foret, si spiritus nitri dulcis ad gutt. xx. in vehiculo calido ante pastum semper propinaretur.

Siti sistendæ sufficere poterunt supra recensita acidula: sitamen his non obediat, potest aliqua mucilago, v. g. seminis cydoniorum, vel rob. de ridibus, in ore detinendū, ordinari, aut juxta SYLVII consilium in Pr. libr. 1. pag. 11. aliquid lapidis

Prunellæ, vel nitri purificati, in ore contineri pro siti fallenda; aut globulus saturni juxta alios pro salivæ affluxu sic promovendo in ore agitari.

His & similibus Divina Benedictio si accesserit, de felici Cura non erit dubitandum.

DISCURSUS & ANNOTATA

B. Dn. D. ETTMULLERI.

Afectus hic est Diarrhæa serosa vel cerebialis nocturna, in qua promiscuè varia, utilia & inutilia, per alvum ejiciuntur.

Subiectum morbi in hæsiōis & excretionis ut sic, sunt intestina; radicationis verò seu causæ, aut radix mali, (in quo nempe later fomes morbosus causæ proximæ, & ex quo oritur malum) est primariò stomachus, secundariò verò massa sanguinea, quatenus certum est, omnia illa producta, quæ excernuntur hic, non præexistisse in intestinis, sed ex massa sanguinea quoque magna pars liquaminum excernendorum derivatur ad intestina, & quidem ex massa sanguinea corrupta.

Quoad Causam proximam, uti ea in omni alvi fluxu quærenda est in stomacho, ita quoque in nostro casu erit defectus fermenti digestivi in stomacho, ejusdemque plus minus inertia, & hinc acre nitrosum ac alcalinum: nam ex acidi seu fermenti digestivi defectu, & mala digestio, & assumptorum nidiorosa corruptio, & sanguinis alteratio, derivanda sunt, & varia excreta superveniunt, producta hinc & hac occasione morbosa afficiunt & sanguinem & intestina, illum colliquando, hæc irritando.

Nempe occasione copiosorum ingestorum, [in famelicis post febrim, quibus intensior ordinariò appetitus ob acrius fermentum stimulans, sed minus commoda digestio, saltem deficiens volatilifatio ob spiritus nondum adeò sufficientes,] difficilior sit digestio, ut quæ per terrorem magis turbata, per uvarum baccas depravata fuit; ita ingesta à fermento digestivo minus spirituosæ haud specificè mota seu determinata, proprio impetu & præsertim per uvarum baccas tanquam fermento addito vitiosè fermentata fuerint, & texturam acido-salsam acrem acquisiverunt. Hoc in intestinis cum bile commistum liquamen saporis ferè similis atque purgantia vegetabilia, constituit, acre, salso-amarum, viscidum respectu intestinorum, sed longè & latè diffusibile ratione sanguinis: unde tantillum ejus ad sanguinem delatum, instar paucæ essentiae purgantis hunc adhuc musteum (ob alimenta post febrim copiosius ingesta, & vix omnia sanguificata) facile colliquare, & in serosam consistentiam alterare potuerit, particulis quibusdam ejusdem liquaminis, intestinis adhærendo, irritationem eorum inducentibus.

Ergò causa proxima sunt particulæ fermentativæ ex alimentis corruptis, speciatim acore volatili baccarum, cum bili amara, concretum acre, quasi resinæ purgantium simile efficiens, à quo omnia postmodum symptomata, quæ unà quasi catena coherent, & se mutuo excipiunt.

Omnis enim alvi fluxus fit vitio stomachi, quod declarat à posteriori HIPPOCRATES sect. 6. aphor. 1., nempe quod in diuturna intestinorum lævitate ructus acidi supervenientes bonum signum sint; innunt enim, cessare diarrhæam propter restauratum fermentum digestivum, continerique iterum alimenta in ventriculo, ac debito modo fermentari; sicque non deest spes recuperandi vires sanitatemque pristinam; non secus ac quoque purgationes, quæ artificiales sunt diarrhææ, & purgantia, quæ has excitant, per acida sedantur & infringuntur; Nam acida illa sunt vel naturalia vel artificialia: Sic helleborus albus, rex purgantium vegetabilium aliàs existens, per spiritum vitrioli castrari potest, ut sit insons: & scammoni per acetum & fumum sulphuris &c. Non absimile præstant acida naturalia: hinc siquidem, quorum fermentum stomachi digestivum magis vel minus est graduatum, in iis propinata purgantia magis vel minus operantur, & idem medicamentum hunc nunc validè nunc imbecillius purgat; imò in hypochondriaco melancholicis validissima & antimonialia purgantia parum vel nihil operantur: quod testari potest Hungarus ille studiosus, cui tartari emetici Mynsichti gr. vj. nec alvum nec vomitum moverunt; cum contra quibus deficiat acidum in primis viis, illi fortius & facilius purgentur.

Porrò confirmatur assertum nostrum ex eo, quod diarrhææ naturales & purgantia vegetabilium validiora eadem relinquant symptomata; nempe percipiunt talia passi-

ama-

amarorem oris, sitim majorem ex alcali acri, orificium stomachi vellicante, appetitus ordinario prosternitur, anxietates præcordiorum & nausea asilignant. Porro dum acidum in primis viis plus minus deficit, aut iners est, non refrænatur bilis, adeoque diarrhœa in statu morbofo supervenit: imò dum fructus horæi in nidorem abeunt, ad diarrhœam disponunt; ut ergò impossibile sit dari alvi fluxum, stante vi fermenti digestivi naturalis in stomacho. Unde contra, quamdiu in quocunque alvi fluxu appetitus adhuc viget, tamdiu bonum signum est mali, non curandi, sed relinquatur naturæ suus motus; quando autem appetitus languet, aut celsat, tum tempus est curationis.

Causa remota est digestionis primæ defectus occasione terroris, & uvarum baccarum fructus horæi: unde continuantur dicta pathemata, donec digestio prima restituta fuerit, cujus indicium *Sect. 6. Aphorism. 1.* Aliàs quælibet ingesta liquida, & solida corrupta eodem modo ab omni pastu copiosiores feces movere solent. Inter causas remotas memoranda simul quoque est graviditas tertio mense; nam innotum est, foeminas primo gestationis tempore non esse tam voraces, quam picantes, adeoque varia edulia subinde plus minus noxia ingerere, unde fermentativam actionem hebetari, sicque ad diarrhœam disponi. Cæterum, quamvis pellicularum ex uvis deglutitarum mentio non facta sit, moneto tamen, certum esse, easdem pelliculas difficillimæ vel planè nullius esse digestionis; non secus enim ac pisorum pelliculæ aliorumque fructuum folliculi deglutiti eodem modo per inferius guttur emittuntur & egeruntur, ac per superius ingerebantur: quod testatur puer ille, cujus meminit **HELMONTIUS** *Tract. Sextupl. Digest.* qui pelliculas pisorum per inferiora rejecit, quas affirmat intense fuisse acidas, quamvis stercus fuerit dulce. Scilicet mirabile est, fermentum stomachi corallia & similia posse dissolvere, non item has pelliculas; non secus ac aceto inditum ovum integrum, quod testam ejus integram solvit, tenera verò pellicula intacta. Pelliculæ ergo tales in stomacho non digestæ aciescunt, alvum laxam constipant, & inviscando excrementis se immiscent: sic mulier ex copiosa ingestione uvarum cum pelliculis lethalem alvi constipationem incurrit, quia pertinaciter in cellulis coli sibi invicem miscentur.

Quoad fructus horeos, ad diarrhœam disponentes, notum est, quod hi sua natura sint salia neutra mixta, ac in textura sui utrumque sal agens contineant; ita quidem, ut quædam magis ad acidam cruditatem declinent, ut ribes, pyra, cotonea, mala acida &c. quæ omnia potus vinosos exhibent: quædam verò de natura alcalina participant, adeoque facilius hilescent, & putrescant, qualia sunt insipida; aut dulcia, ut pruna majora Hungarica, cerealia, cucumeres, cucurbitæ, melones, mustum &c., quæ omnia magis nociva sunt quam priora. Interim, modò utraque ritè digerantur, noxam non inferunt; sin verò ventriculi fermenti inertia hæc non subegerit, suapte feruntur motu, adeoque nunc aciescunt, nunc putrescunt, amarescunt aut indurescunt, sui juris facta, turbas excitant in corpore. Nam quicquid non alteratur à fermento, ut corpori nostro fiat assimilabile, hoc, tanquam hostile naturæ, ejicitur. Ergo nocumenta fructuum horæorum diversa sunt; prout enim illi magis sunt acidi, & ad naturam vinosam accedunt, unde incipiunt fermentescere, eatenus saltem tormina, colicam, &c. cum copiosissimorum flatuum proventu, procurant; quatenus verò iidem sunt insipido-dulces, quo etiam mustum dulce pertinet, & non rectè digeruntur, aut transmutantur à fermento stomachi digestivo, nidorem contrahendo alcalinum nauseosum, diarrhœa, cholera, coeliacæ, &c. ansam dant: Quod testantur prima cerea, melones, cucumeres, &c. quæ singula non digesta, quatenus putrescunt, ructus nidorosos excitando quandoque choleræ, aliosque alvi fluxus induxisse, observationes Prædicorum confirmant.

Non ineptè quidem ægra nostra pomum cotoneum, & potum macere imprægnatum pro cohibendo alvi fluxu assumpsit. Cum aurem remedia hæc pro eradicando malo non sufficiant, ægraque nostra à meridie cibos, ut citra appetitum, assumpserit, unde non mirum, quod brevi post assumpta & similiter corrupta alimenta dicta mala longè atrocius redierint, cum virium prostratione & lumborum dolore lancinante & lacerante, ab intestinorum & plexus nervei mesenteriei spasmò ortum ducente.

Quoad dolorem circa lumborum regionem affligentem: notandum, eum non esse intestinale hoc in casu, sed reverà occasione uteri irritari excitatum, & prodromum abortus imminens (quod & in gravidis semper valet;) scilicet, prostratis per diarrhœam viribus, & succis corporis, tam nu-

Ettmuller. Oper. Tom. I.

tritivis quàm excrementitiis, evacuatis, ipsisque spiritibus animalibus dissipatis, non potest non supervenire foetus imbecillitas, indeque instar ponderis incertis in utero jacere necesse habet. Imò ipse uterus ob spirituum animalium vigorem deficientem non sufficiens est ad foetum retinendum, quin partim ob tonum suum naturalem laxatum, & resolutum dimittit foetum, partim irritatus motus convulsivos patitur, & dolorem exhibet, foetumque excludit, unde abortus: vid. **HIPPOCRATES** *Aph. 1. Sect. 4. & Aph. 35. Sect. 5.* non secus imminente partus tempore dolor circa lumborum regionem, ubi mesenterium vertebriis annectitur, sentitur.

Uterius tantillum, quod de cruditate nidorosa ad massam sanguineam fuit distributum, sufficit huic fundendæ, & corrumpendæ, cum aliàs notum sit, omnia subjecta alcalina sive lixivialia, tam fixa quàm volatilia, attenuare sanguinem & liquefacere, quatenus sanguinem fluidum reddunt. Sed quæritur: quomodo hæc in sanguinem colliquescentum agant? Dico: vel ea in sanguinis acidum, consistentiam eidem largiens, vel in pingue illius oleum, agere, vel in utrumque. Et quidem, quod sanguini copiosum oleum insit, probò: quia is exsiccatus igni injectus tam promptè inflammatur, uti oleum aliud, & sub hac inflammabilitate sanguinis facili occulta latet aciditas, cum præsertim sanguis exsiccatus nitro in crucibulo fluenti sive liquefacto injectus, hoc simili ratione ac à sulphure vel carbonibus injectis, figatur in alcali. Unde acidum & oleum sanguinis ab alcali tali alterata non cohærent amplius cum reliqua massa, sed imbibita à sero foras eliminantur: idque in specie per intestina fit, quia inibi irritatio præsto est, in qua unà cum excrementis ibidem stabulantibus simul reliqua ex sanguine per transmutationem genita recrementa deponuntur, simili ratione ac in prægnantibus.

Dicta hæc occasionem inquirendi suggerunt, unde contingant fluxus alvi colliquativi in febribus ardentibus, & malignis, qui pessimi in his semper ominis sunt; non secus ac iidem in phthisicis & hecticis apparentes mortem in olla esse portendunt.

P R O G N O S I S.

Quoad *Prognosin*; In gravidis semper simul, in quocunque symptomate eas affligente, respiciatur tam ad matrem, quàm ad foetum, cum juxta **HIPPOCRATEM** *Sect. 5. Aphor. 34.* diarrhœa gravidis abortum minetur.

Imò in hoc casu, cum gravida demum resurrexerit à febre acuta, propter vires exhaustas periculum vitæ incurrit: suspicio enim est, crasin massæ sanguineæ, & vires ejus non suffecturas novo morbo ferendo, nempe diarrhœæ: de qua per se nullum ferè est periculum.

De dysenteria autem metuenda hic non solliciti sumus, quia diarrhœa affligens est absque ullo stimulo: quod si verò tenesmus aut tormina præstò essent, tunc propter rofionem intestinorum dysenteria metus glisceret.

C U R A.

Quoad *Curam*, hæc indicationes formandæ:

- (1.) Fermentativum liquamen alcalicum corrigendum acidis, & blanda diaphoresi ex massa sanguinea eliminandum.
- (2.) Motus humorum præternaturalis; & vellicatio intestinorum per blanda opiata sistenda.
- (3.) Stomacho blandis acidis succurrendum, & gratis adstringentibus tonus fibrarum restituendus, humoresque moti incrassandi.

Cæterum, antequam tales Indicationes formentur, consideranda probè differentia diarrhœarum: an nempe sit ea spontanea? an verò coacta? si spontanea, an naturalis vel critica? si coacta, an symptomatica, habitualis epidemica, ab errore externo? ut judicari possit, an curanda sit? an verò non? Diarrhœa enim ab errore externo intrepide listi potest; minus, quæ motu naturæ spontaneo accidit. Causæ externæ quoque considerandæ, & conditio subjecti: ibi digestio læsa, & hinc corrupti humores: hic massa sanguinea mustea, & crudis chylosis concretis onusta, & hinc facile alterabilis.

In nostra ægra Diarrhœa est coacta, ab errore scilicet externo, adeoque maxime curanda, & quia est gravida, mature; sed

1. Præmissis debitis blandè laxantibus.
2. Non adstringentibus, sed appropriatis & opiatis.
3. Non

3. Non actu, sed potius successive, quia tutius.

In hoc ergo casu *Clysmata* non conveniunt. In aliis tamen casibus, quando acres succi peccant, non nihil possunt exhiberi cum dictis cautelis, ubi blandè lenientia & ex lacte parata sunt optima; quod confirmat *Obs. in M. A. N. C. Ann. 3. Obs. 303. pag. 528* ubi refertur hypercatharsis ex medicamento purgante excitata, beneficio clysmatis blandè astringentis & abstergentis curata. Curavi aliquando puellam quatuor annorum, ex febre acuta laborantem, cum diarrhoea insigni & flatuum copiosorum proventu correptam, crebroque, sed parum, deficientem (quod non tam quantitatem, quam qualitatem seu stimulum excrementorum subesse indicabat) quæ immisso clysmate ex lacte optimè levabatur. Imò jam nunc sub cura habeo Chirurgum quendam, qui intra 24. horas ultra centum vices a fellare coactus fuit, cum viribus prostratis, appetitu stomachi nullo, pulsu crebriori & celeriori, forti tamen & robusto: Huic, postquam in causas antecedentes inquisivissem, & ægrum, qui est Melancholico-hypochondriacus, ultra septimanam in hypochondrio sinistro dolorem obtusum obscurum (qualis alias spleni attribuitur, quod tamen in medio relinquo) percepisse audiveram, tandem propter frigus externum, præscripsi clysmata ex lacte chalybeato cum terebinthina, eò, quod parum quidem, sed sæpius, dejecerit: Quo præmissis ordinavi ei hunc pulverem:

R. Cornu cervi usti ʒss.

Lap. Hamat. præp. gr. xv.

Terræ sigillat.

Nuc. moschat. ana gr. viij.

Laud. opiat. gr. ij.

M. f. Pulvis.

div. in duabus part. æqual. S.

Pulvis adstringens.

Harum æger cepit dosin unam, hinc diarrhoea cessavit adeo, ut post hanc saltem bis dejecerit.

Ergo si præsumptio fuerit humoris acrimoniæ peccantis, speciatim clysmata blanda temperantia, & demulcentia locum habebunt.

Quoad II. *Vomitoria*; nec hæc in nostra ægra convenissent, licet interdum ea convenient optime in diarrhoea habituali seu diuturna, ubi stomachi vitium magis est confirmatum. Ac præcedit nobis hac in parte *HIPPOCRATES sect. 6. Aphor. 15.* à quo spontaneo motu naturæ, ejusdem minister Medicus indicationem sumat: Sic notandus quoque est *aphorismus 27. & 26. sect. 4.* Qui si ambo observentur, vomitoria in usum trahi poterunt: Videtur etiam *RIVERIUS in Præxi*, ubi in diarrhoea contumaci stomachi vitio vomitoria commendat. Imò confirmare hoc possum propria experientia: Vir consistentis ætatis, cætera sanus, in itinere antea tres vel quatuor menses diarrhoea quadam, adhuc durante, infestabatur, cum appetitu prostrato, siti & imbecillitate virium: Curatus hic quidem quoad diarrhoeam per debita remedia, deficit tamen nihilominus adhuc appetitus, & licet pauca comedat, omni tamen nocte quinquies vel sexies per alvum reddit liquida; quoin casu malum simpliciter est ex cruditate stomachi nidorosa; siquidem omni mane patiens hic jejunos ructus nidorosos, de quibus dicebat: *Es schmeckt so garstig. uno solo lebschick*; persentit, signum fermenti digestivi depravati. De cætero, cum per plures septimanas laborasset, exhibui eidem vomitorium, unde melius ad tempus habebat, sed non diu; post enim recidivabant symptota, non tamen sic atrociter. Ex quibus patet, in talibus habitualibus diarrhoeis, ex læso stomacho natis, & imprimis ubi urgent stomachi symptomata, nausea, vertigo, anxietates præcordiorum, &c. vomitoria blanda instituta esse optima: Vid. *ALEX. DEODATUS Valetud. p. 123. & 124.*

Quoad III. venæ sectionem nempe; nec hæc in ægra nostra locum habet; partim ob vires debilitatas; partim, quod à febre continua acuta modò surrexerit; imò eam nec plethora apparente, nec vera, præditam esse. Interim si nostra ægra aliàs sana fuisset, & fuisset consueta sub primis gestationis mensibus vomitibus matutinis, & propter hæc omissa contraxisset diarrhoeam, venæ sectio potuisset suaderi. Nam & gravidarum vomitus usque ad medium gestationis tempus durans venæ sectione compescitur, præsertim si aliàs fuisset venæ sectioni adsueta.

Quoad IV. Purgatio propriè dicta in ægra nostra non conducit. Equidem multi Practicantium in omni diarrhoea blanda absterfiva commendant; sed malè. Nam sicut infusum est in hypercatharsi laxans propinare pro particularum acrium absterfione; ita etiam in diarrhoea symptomati-

ca inconveniens erit instituire purgationem: cum naturæ malè operanti non sit calcar addendum, sed stimulanda & irritanda hæc ulterius, quod facile fieret. Quin potius in spontanea diarrhoea cum euphoria, sine appetitus prostratione incedente, itemque in critica, eaque non sufficiente, blandè laxantia ex tamarindis vel rhabarbaro propinare decet; sistendo tamen prius humorum impetum. Et licet dicant tales Practici, Rhabarbarum convenire, *juvareque*, non tamen confundendum est cum cæteris purgantibus, & in quæstione adhuc est, an vi alterativa, an verò laxativa, tunc profit? Nam ex omnibus purgantibus rhabarbarum & aloë solum sunt salubria, & juxta vim suam balsamicam blandè abstergendo laxant; unde & rhabarbarum magis alterat quam laxat, & bilem acuendo Anima hepatis dicitur; non secus ac absinthium in hydrope egregium est. Porro rhabarbarum etiam est egregium nephriticum, quod jam *PARACELSUS* observavit, si per sal tartari corrigitur, & vis solutiva ei sumitur, sui quoque vestigia tam odoris quam saporis & coloris ratione in urina relinquens.

in curanda nostra ægra præmittatur primarum viarum absterfio per appropriatum seu simul alterativum laxans, quod est rhabarbarum, cum vel sine opiatis usurpandum:

R. Rhabarb. el. ʒj.

Pulv. nuc. mosch. gr. vj. ad ʒss.

Laud. opiat. gr. j. vel Extr. Theriacal. gr. v.

Misc. pro pulvere: S.

Pulvis abstergens.

Item

R. El. diascor. Frac. ʒj.

Rhabarb. el. ʒj.

Cum s. q. Syr. ros. solut. f. Bolus: D. S.

Electuarium abstergens pro una vice.

Habeatur ratio impetus humorum. Ubi horum urget acrimonia, & hinc fluxus, hic prius opiatis & appropriatis abstergentibus sedetur, hinc laxatio instituitur; sin minus illa urgeat, ab his inchoetur, nunc solis, nunc opiatis sociatis; sin sola usurpentur, opiata subjungantur: Vel

R. Decoct. torment. ʒijss.

Pulv. Rhabarb. ʒss.

Syr. papar. alb. ʒvj.

M. f. Potio S.

Potio abstergens.

R. Conf. Menthe ʒj.

Rhabarb. el. ʒss.

Laud. opiat. gr. j.

M. f. Bolus: S.

Saccharum abstergens.

Quoad V. Opiata scilicet: sanè cautiissimi sumus in gravidis cum opio, & non nisi probe correctæ ea, & in parva dosi, appropriatis semper mista, adhibeantur. Insuper electuarium diascordii, theriaca, & mithridatum, similiaque opiata, in specie hic in diarrhoea, semper cum aceto & acidis propinentur; melius enim tutiusque operabuntur, & potentius sudorem movent, adeo quidem, ut hinc sæpius theriaca sola cum aceto propinata, expectando blandum sudorem, hoc in casu quidem absolveret totum negotium. Gelatina autem cornu cervi in potu dissoluta prodest in specie, quando temperandi sunt succi aciores. Porro vinum in omni alvi fluxu ex stomachi vitio, quatenus summum est stomachicum, imprimis Rhenanum, seu alimentum medicamentosum, egregium & proficuum est.

Cæteroquin una fidelia pluribus Indicationibus simul in cura satisfacere studebimus sedulo, ubi hinc terræ sigillatæ eminent, quæ participant de vi metallica, & non saltem adstringendi, sed & alterandi atque temperandi humores vi pollent; adeoque pro seopo sudorifero in usum revocandæ illæ erunt hoc modo:

R. Aquæ acetos. ʒijj.

Cinnam. Spirituos. seu cum Vino,

Succ. Citri, vel, qui melior hic est, cydonior. rec. ana ʒj.

Cornu cervi sine igne ʒj.

Terræ sigillat. ʒss.

Laud. opiat. ferm. gr. iijss.

M. f. Potio:

D. S. Adstringens mixtura confortativa.

Cochleatim capiatur.

De terræ sigillatæ energia hoc in passu conf. *POTERIUS Cent. 2. cur. 62.* ubi allegat desperatam diarrhoeam, beneficio

Aquæ pimpinell. ʒijj.

Syr.

Syr. Papav. nigri ℥ss.

&

Terra sigill. ℥j.

curatam : in qua mistura Terræ sigillatæ dosis ad ℥j. augenda.

De oleis destillatis, cinnamomi & caryophyllorum notandum, ea nimis esse generosa, sætumque pellentia, & stipulantia, adeoque in gravidis cautè, vel non usurpanda.

Aliàs aliquoties proficuum expertus sum in Diarrhœa à causa externa hanc formulam :

℞. Aquæ Plantag. ℥ij.

Menthæ ℥j.

Cinnam. ℥vj.

Acet. vini, vel succi Citr. ℥ss. vel ℥vj.

El. diaseord. Frac. vel Theriac. ℥j. ad ℥ij.

Antimonii diaphor. ℥j. ad ℥ss.

Syr. cydonior. ℥vj.

M. f. Potio cochleatim sumenda.

D. S. ut supra.

Hæc mistura omnibus Indicationibus satisfacit. Capiatur illa pro duabus vel tribus dosibus, expectando sudorem blandum, benè successit : loco cujus etiam electuarium sequens est :

℞. Conf. Rosar. probè vitriolat. ℥ij.

Theriac. Androm. ℥ij.

Boli Arm. præp. vel terræ sigill. ℥iij. ad ℥j.

Cum f. q. Syr. Cydonior. f. Electuarium :

D. S.

Electuarium adstringens confortativum.

Eleganter additur conserva vitriolata : Nam spiritus vietrioli cum bolo Armeno concurrente abit in aluminosam texturam, unde & liquor ille Prævotii ex terra sigillata & spiritu vietrioli constans, notus est.

Juxta hæc optimum est experimentum HELMONTII, bina vitella ovorum, cum aqua simplici ad duritiem cocturum, eaque cum aceto, vel simplici vel rosaceo, mista & subacta, assumenda jubentis; quibus si addatur aliquid pulveris macis vel nucis moschatæ, certè si non prima, tamen altera vel tertia vice diarrhœa emanabit.

Hujus loco etiam prodest rob vel succus sorbi baccarum inspissatus; & cum genuina sorbus torminalis rara sit apud nos, Aucuparia, Germ. die Volgebeer, substituenda; cujus fructuum non planè maturorum succus exprimitur, & hinc inspissetur in rob, diarrhœæ compescendæ optimum.

Externè autem frustum panis, vino generoso, v. g. Malvatico, intinctum, adperso nucis moschatæ & caryophyllorum pulvere, calidè regioni stomachi imponatur : Vel conficiantur sacculi ex herba absinthii, centaurei minoris, cardui benedicti, menthæ, &c. unà cum caryophyllis & macere, iique in vinum calefactum immissi, fatus humidi formà applicentur stomacho.

In Diarrhœa post usum vini emetici pertinaci, cum successu præscripti :

℞. Ess. theriacal. ℥ij.

Opii ℥j.

M. S.

Essentia adstringens.

Dosis 40. gutt. bis vel ter in die.

Sitis verò fallatur, vel si bibant, bibant non nimis frigide; potui verò infundatur panis torrefactus, nuceque moschata probè perfrictus.

Tandem ægra nostra etiam de dolore in dorso seu lumbis urgente sollicita erat, & metu imminentis abortus externè, tam lumbis & ossi sacro spinæque dorso, quàm abdomini, calidè, admovendum curabat panem mellitum, Germ. einen Pfeffer Kuchen, melle depurato illitum, & pulvere nucis moschatæ, & caryophyllorum probè conspersum, vel etiam tantum in vino Malvatico, aut balsamo embryonum intinctum. Est bonum remedium, si tales dolores afficiant mulieres. Item umbilico calidè potest imponi frustum panis simplicis vino malvatico intinctum & similibus aromatibus adpersum.

Incerti Autoris

B. DNI. PRÆSIDIS

Censuræ & Emendationi submissa, & correctæ, Anno 1682.

Communicata à

B. Dn. GROELLMANNO,
PHYSICO TORGAVIENSI.

AFFECTUS.

Affectum præsentem Diarrhœam esse, eamque serosam excrementa copiosa, liquida, serosa & aquosa, per alvum deposita, testantur.

CAUSÆ.

Causa ejus occasionalis videtur esse esus baccarum uvarum, licet is satis modicus. Fermentum enim ventriculi acidum volatile, ex præcedanea febre acuta continua, nonnihil labefactatum, atque ex copiosioribus dein ingestis magis obrutum, modicæ etiam illi uvarum assumptioni digerendæ minus erat sufficiens; unde hæc etiam in ventriculo indigestæ, & in intestinis minus alteratæ, sed vitiosè pro ea, quam habent, ad fermentescendum facilitate acescentes, partim irritando intestina, (maximè ubi concursus ductus pancreatici est & cholodochi,) partim cum massa sanguinea ob saporem suum peregrinum vitiosè fermentando, diarrhœæ præsentis autores faciliè extiterunt. Accedit, quod ad corruptionem illarum, & acescentiam in primis viis fermentativam, haud parum fortasse contulerit terror superveniens; in quo quemadmodum tota animæ sensitivæ systasis sese quasi contrahit, ita spiritus quoque animales ventriculo, maximèque glandulosæ ejus tunicae, destinati parcius affluentes, turbare non leviter uvarum in ventriculo digestionem potuerunt.

SYMPTOMATUM CUM CAUSIS
CONNEXIO.

Atque ex hoc genito fermento acido, tam irritante primas vias, quàm præternaturaliter cum massa sanguine à fermentantè, contentaque hujus plus minus liquefaciente, malorum eorum omnium; quæ ægram nostram vexant, syndrome describenda est. Certè quæ deicit excreta copiosa, non tam causam morbificam esse, quàm productum, h. e. humores massæ sanguineæ à fermento vitioso acido in liquamen serosum mutatos, inde colligere licet, quod major longè eorum sit copia, quàm quæ ab aliquot baccarum esu suppeditari potuerit, & quod vitium prostrationem comitem habeant, cum juxta Hippocratis tamen effatum Sect. 1. Aph. 25. ægrifaciliè ferant, si purgentur, qualia oportet purgari. Quamvis negandum non sit, vitiosos humores, tam ex febre præcedanea continua acuta resistentes, quàm ex largiore dein alimentorum ingestione genitos, symbolum quoque hic suum conferre. Serosa ea sunt & aquosa, quatenus vel ductum potissimum pancreaticum & glandulas intestinales irritari hic contingit, vel etiam humores, qui evacuantur, à fermento morbifico texturæ suæ immutationem passi sunt, ut per hæc loca, ceu appropriata magis sibi colatoria, eliminentur. Noctu verò quod frequentior eorum fiat, quàm de die, egestio, causa videtur esse imminuta, propter solis recessum, mutatamque hinc aeris temperiem, diaphoresis. Quemadmodum enim, ut WILLISII verbis utar, urinæ cum sudore affinitas quædam intercedit, ut non rarè vices suas commutent, & alterutrius materia per alterius emunctoria foras evehatur; ita similis inter diaphoresin & alvum quoque cognatio annotatur, quatenus hæc, in fluxibus præsertim ejus nimis, sive symptomaticis sive criticis, soluta semper magis est, quoties parciore contingunt emanationes cutaneæ: parciore contra, quoties illæ fortiores sunt & impetuosiores. Dolores in lumbis lacerantes & lancinantes conjunguntur, propter vellicatas ibidem mesenterii per consensum membranas, vel quæ potior videtur causa, propter

copiosiore excretorum illorum liquidorum per pancreas secretionem, quod, cum ad lumbos, sub ventriculi fundo, inter hepatis & lienis regionem situm sit, atque excreta illa aciditate hostili infecta sint, dolor ejusmodi lacerans in regione lumbari non potuit non oriri. *Molestia* circa hypochondria & præcordia, quam altero statim mane sensit ægra, originem suam debet vitiosæ succorum heterogeneorum in primis viis ebullitioni, quatenus hi ex suscepto intra massam sanguineam fermento illo acido, sive geniti sive commoti, atque in intestina effusi, cum bile intra horum canalem effervescento, ventriculum simul ejusque orificium sinistrum maximè sensibile afficiunt, sive jam in cavitatem hujus parte aliquâ sui suffundantur, sive habitibus tantum atque effluviis suis inimicis eum molestant. Compati enim hic quoque ventriculum, ex appetitu prostrato, & siti aucta, porro colligere licet: Ille fermentum digestivum alteratum indicat, non propter solam illam uvarum corruptelam, sed quod debitus ad ejus operationem spirituum influxus hic simul deficiat, quatenus hi desoribus ad intestina irritata manipulis emissis, & parcius ad ventriculum distribuuntur, & distributi, propter obiectum præsens minus sensibile stimulos orificio sinistro illatos ad commune sensorium non devehunt. *Sitis aucta* effluviis salis natales suos debet, tam iis, quæ ex ebullitione humorum intestinali nata, quam quæ ex rapidiore sanguinis per pulmones circulo secedunt, atque illum ariditatis in faucibus sensum inferunt; utut etiam copiosa illa liquidorum per alvum secretio atque excretio suum hic quoque fortassis contribuat, quatenus sic sero sanguinis immixto, parcius salivæ proventus contingit, unde ariditas faucium major.

PROGNOSIS.

Hæc omnia si exactius pensitemus, intra abortus periculum ægram nostram versari, pronunciandum erit; partim quod frequentiori istiusmodi liquaminum, plus minus acrium, depositione uterus facile irritari queat [ut pote qui & connectitur intestino recto, & nervis, ex iisdem plexibus nervi intercostalis, intra pelvim latitantibus, oriundis gaudet] partim quod ex præcedente febre continua virium non mediocrem jacturam passa ægra, accedente nunc copiosiore alvi fluxu, tanto facilius abortire queat.

CURATIO.

In Curatione hi scopi attendendi venient:

1. *Acre peccans temperandum, & diaphoresi blanda evacuandum.*
2. *Irritationis sensus sistendus, & inde concitatus humorum impetus refrænandus.*
3. *Stomachus roborandus erit.*

Formulæ, quæ obtinere hic poterunt, sunt sequentes: v.g.

R. Ebor. sine igne ℥j.
Extr. tormentill. gr. xv.
Theriac. gr. vij.
Ol. dest. Cinnam. gtt. ij.

M. f. Pulvis.

Qui in duplo detur, & in sequenti vehiculo propinari poterit:

D. S. Pulvis adstringens.

R. Aquæ plantag.
Menth. ana ℥ss.
Cinnam. Cydon. ℥vj.
El. Diascord. Frac. ℥ij. vel ℥iij.
Antimonii diaphor. ℥ij.
Syr. cydon. aromat. ℥vj.

M. f. Potio: S.

Potio adstringens circumagitanda.

De qua aliquot cochlearia cum singulis pulveris supra præscripti dosibus, imò etiam per se, assumi poterunt, unam scilicet dosim ante ingressum in lectum, alteram mediâ nocte assumendo, & corpus, quoad fieri potest, ad blandum mōdorem benè tegendo.

Externè fiant sacculi:

R. Com. Absinth.
Herb. Menthæ ana Miß.
Bacc. Junip. ℥vj.
Sem. Anisi.
Fenic. ana ℥ij.
Macis,
Cariophyll.
Cinnam. ac. ana ℥ij.

Incisa & contusa grosso modo, insuantur sacculis duobus interpassatis, qui vino incocti calidè imponi ventriculo pe vices debent.

D. S.

Sacculus stomachum confortans.

Aut balsamus sequens inungi potest:

R. Ol. dest. Menthæ ℥ij.

Macis,

Carvi,

Caryoph. ana gtt. xx.

Corp. pro bals. q. s.

M. D. S.

Balsamum stomachale.

Vel si oleosorum istiusmodi inunctionem minus ferat, fiat Fotus: v.g.

R. Sp. vini camphor. ℥iij.

Theriacal ℥ss.

M. D. S.

Spiritus confortativus externè applicandus.

Cui lintea multiplicata intingi, & quantum fieri potest, calidè ventriculo & regioni umbilicali applicari poterunt, imponendo desuper laterem calefactum.

Clysteres qualescunque locum hic minus habere mihi videntur, non solum, quod ex breviori illorum in intestinis mora (dum accelerato hoc motu peristaltico, tanquam peregrinum quid, qua data porta ejicerentur) utilitas nulla speranda sit; sed quod intestinum rectum quoque stimulent, unde major cresceret abortus metus.

Cæterum in declinatione, pacatis jam omnibus, pro abstersione primarum viarum:

R. Conf. rosar. ℥j.

Rhabarb. el. ℥j.

Ol. destill. Anisi gtt. ij.

Cum f. q. Syr. Rus. solut. f. Bolus:

D. S.

Saccharum abstergens.

Pro stomacho & viribus roborandis;

R. Conf. ros. vitriolat. ℥iij.

Zing. in Ind. cond. ℥ss.

Conf. aleberm. ℥iij.

El. M. nthæ,

Ebor. sine igne ana ℥ss.

Spec. diatrion. piper ℥j.

Ol. dest. Cinam. gtt. viij.

Cum f. q. Syr. Cydon. aromat. f. Electuarium:

D. S.

Electuarium stomachum confortans.

De quo capiat manè, quantum culpe cultri capere potest.

Deus faxit, ut cedant omnia feliciter!

CASUS IX.

DIARRHOEA

BILIOSA & SEROSA.

Senex floridus verno tempore sponte, sine prægressa causa ipsi cognita, nisi quod forsan deambulando extra urbem aeris frigidiusculi insultum passus fuerit, conqueritur de tumultuationibus & agitationibus in abdomine, superveniunt copiosæ defectiones liquaminum variorum, in specie aquosorum & flavescentium, ita ut plus vices assellare cogatur, cum dolore in podice insigni continuo infestante, & etiam post defectionem adhuc urgente: accedit excoriatio admodum dolorosa circa posteriora, & sine dolore nec nates detergere, nec sedere potest; supervenit hinc sitis, & gravis virium prostratio, ita ut Medicum vocare cogatur, qui accedens, pulsusque tangens, hunc præter enarrata celerem & frequentem, in robore verò moderatum, invenit, appellatur procura.

RESOLUTIO

DN. G O D O F R E D I
SCHULZII

URATISLAVIENSIS,

B. DNI. PRÆSIDIS,

Censuræ & Emendationi subjecta, & correctæ,
Anno 1676.

Si supra exercitii gratia præscriptum casum accuratiori mentis trutina perpendimus, cæteraque symptomata iniequentia diligenter consideramus, ad alios affectus illum referre vix possumus, quàm ad alvi fluxus. Nam quoties contentorum per intestinalem fistulam expulsio sæpius ac copiosius, ac debet, contingit, toties etiam alvi fluxu laborare dicitur homo. Distinguntur autem ejusmodi alvi fluxus in species diversas, maximeque variant, præsertim ratione materiæ diversæ excretæ, partisque, & loci, à quo materia in intestina confluit; propterea melioris distinctionis gratia distinctam quoque appellationem huic affectui imponere animus est.

AFFECTUS.

Nuncupamus ergò illum (prout omnes circumstantiæ indicant) *Diarrhœam biliosam* atque *serosam*; nam copiosæ frequentioresque dejectiones liquam inum variorum, in specie aquosorum & flavescentium, certissima infallibilique diarrhœæ talismodi signa sunt.

PARS AFFECTA.

Ut autem omnia ordine ac decenter fiant, convertam me ad Partem hujus affectus affectam. Est autem in hoc casu *Pars affecta* seu *subiectum in hæsiōis* massa sanguinea, quæ sub forma talium sordium depauperatur; *Denominationis vero subiectum* sunt intestina, primariò tamen stomachus, qui intar causæ occasionalis se habet, quatenus ejus fermentum acido-volatile nonnihil destructum, unde subito hujus culpam massa sanguinea & alvus luit, & ejus fluxus excitatur.

CAUSA PROXIMA.

Causa proxima est miasma acre fermentativum inspiratum tempore verno, quod & massam sanguineam infecerit, & stomachi acidum, inspirando nempe attractum, destruxerit, quod massam sanguineam colliquefaciendo, bilem in folliculo felleo acriorem & magis mobilē reddendo, ad talem diarrhœam disposuerit. Cujus colliquamenta ad intestina delata, ibique bili, & succo pancreatico permixta tumultuationes istas excitarunt, & massam sanguineam afficiunt, quæ præternaturali fermentatione colliquefacta sordium seu liquaminum aquosorum forma corrumpitur, & ad intestina, tam per ductum cholodochum & pancreaticum] quibus natura tunc temporis quasi abutitur] quàm per glandulas miliares in intestinis post intimam eorum membranam sitas, derivantur. Quatenus autem dicta excrementa per vasa cholodocha magis transcolantur, eò magis flavescent, ut in hac diarrhœa; sicuti dum simul per pancreatica vasa ac glandulas miliares liquamina serosa ex parte ejiciuntur, etiam serosus simul hic fluxus observatur. Unde consequenter, ob nimiam excretionem ferosi laticis sitis excitatur, dum latex serosus, salivæ ex parte constituens materiam, uberius evacuatus non sufficientem suggerit salivam, pro faucium linimento & absterfione.

Ast non putandum est, quod fermentativa illa colliquatio afficiat succos solum recrementosos, sed etiam laudabiles alimentiosque corporis nostri humores unà resolvit & colliquat; unde necessariò insignis virium supervenire solet prostratio. Sanè non leviter commotam esse universam sanguinis massam, & eam fermentatione hacce præternaturali, utut sub florida ætate & spirituum animalium adhuc vigente impetu, eieri, monstrat pulsus celer, frequens in robore moderatus. Dolor in & post excretionem urgens, ob liquaminum flavescentium acrimoniam salinam, intestini recti extremitatem maximè, nempe sensibilem, excoriantem, oritur; unde nec sine insigni dolore excrementa illa ejicere, neque posteriora & ipsa excoriata detergere,

Ettmuller Oper. Tom. I.

nec iis commodè insedere potuit. Et hæc de Causa proxima.

CAUSA REMOTA.

Quod attinet *Causam remotam*; potest illa esse aeris frigidiusculi insultus, qui non minimam ad ejusmodi fermentationem præternaturalem promovendam ansam suppeditavit, quatenus nempe frigus poros cutis ita obstruxit, ut sensibili transpiratione impedita humoris illius vitiosi, qui aliàs per cutis spiracula transire debebat, nunc impediti ad massam sanguineam retrogredi cogatur, unde massa sanguinea particulis heterogeneis repleta facile ad fermentationem vitiosam disponitur. Accedit & hoc præsentī in subiecto conspirans habitus corporis; nam quatenus densa est textura, cutemque habet non nihil spissiore, ita ut cum quotidie copiosiora per alvum soleant ejici, sic etiam magis dispositus est ad diarrhœas. Accedit etiam tanquam concausa tempus vernale, quod, testantibus observationibus, non levem humorum motum excitare valet: quando enim circa tempus vernale omnia è terræ visceribus progerminare incipiunt, & etiam multiplicia fermentativa miasmata exspirant etiam humores in corpore humano, qui per tempus hyemale quasi quieti fuerunt, nunc fundi inchoant; idque eò magis, si inspiratio talium miasmatum peregrinorum accedat; unde propter aeris frigidiusculi insultum, texturam cutis nimis densam, pori præclusi humores illos vitiosos vel superfluos emittere non potuerunt, unde facile fermentativa illa colliquatio promoveri magis potuit.

PROGNOSIS.

Cum verò Dominus æger non parum videatur sollicitus de morbi adeo insperati eventu, ob id, ne ejus spem frustremur, *Prognosis* in se facilem annectamus. Nam utut biliosus atque serosus talis fluxus, nimis quidem, & vires simul notabiliter prosterbens, minimè negligendus sit, quin imò durante nimia colliquefactione sanguinis, & magis deficiente chylosi, ægri tandem consumantur, tamen in præsentī ægro, morbo nondum adhuc adeò confirmato, & saltem externa occasione enato, in senectute florida lætior omninò factis faciendis eventus sperandus.

CURA.

Quod ergò facienda attinet: pro mali hujus medela attendendum;

1. Ut fermentum præternaturale, massam sanguineam turbans & colliquefaciens, destruat blandè acidis, nonnihil austeris, vel appropriatis.
2. Idem ex massa sanguinea unà cum colliquatis ricremētis ejiciatur: idque per blanda sudorifera, quorum ope simul pori plus minus conniventes aperiantur.
3. Ut felicius talia operari possint, adjunctis moderatè opiatīs & illorum operatio promovenda, & crebrior alvi dejectio sistenda.
4. Semper simul stomachi ratio habenda, & ejus acidum vitale, quantum possibile, restaurandum.

His ut satis fiat scopis, ante omnia sequens mixtura usurpanda venit:

℞. *Aquæ menth.* ℥ij.*Theriac. Aug. vel Cinnam.* ℥ss.*Spiritus theriac. camph.* ℥iij.*El. diascord. Frac.* ℥ss.*Terræ sigill.* ℥ss.*Syr. Cydon.* ℥vj.

M. S.

Mixtura sudorifera adstringens.

Usurpetur pro tribus dosibus expectando sudorem, capiēdo dosim unam manè, alteram à meridie hora quarta vel quinta, tertiam post mediam noctem, vel expectando alterum manè.

Quod si æger natiſcet tales Potiones, accipiat Bolum:

℞. *Cons. rosar.* ℥i.*Bezoard. miner. gr.* xv.*Laud. opiat.* gr. i ss.*Ol. dest. Cinnam. gutt.* ij.Cum s. q. *Syr. Cydonior. f. Bolus.*

D. S.

Bolus adstringens.

Imo hunc ægrum præmissio sudorifero cum opio restituet vitellum ovi ad duritiem coctum, cum aceto rosaceo assumptum.

Quibus internis simul tale linimentum, scrobiculo cordis & regioni umbilicali illinendum, vel admovendum, crebrius subjungendum erit:

R. Theriac. Androm. rec. ℥iij.

Ol. dest. bact. Junip. ℥ss.

Macis.

Caryophyll. ana gutt. v.

M. in forma Linimenti

Externè imponendo latere calefactum.

Ut verò stomacho simul succurramus, optimè ipsi con-
ducent Cydoniata, speciatim vinum Cydoniatum, pro lu-
bitu subinde hauriendum. Vel fiat mistura cydoniata, ur-
gente siti subinde cochleatim loco Julepi haurienda, inter-
medio reliquorum remediorum tempore.

R. Aquæ rubidæ ℥ij.

Cinnam. cydon. ℥j.

Succ. Cydonior. ℥ss.

*Spiritus vitrioli martis gutt. vi. vel Spiritus sa-
lis dulc. gut. xv.*

Syr. Cydonior. aromat. ℥vj.

M. S.

Potio confortativa, sive Mistura stomachalis.

Item pro scopo stomacho succurrendi conducit haustus
vini generosi, item vitellum ovi cum aceto.

Pro dolore in ano, & excretionem intestini recti & podicis,
confert clyisma ex lacte, vel simplici, vel chalybeato; item
fotus ex lacte calido, cum spongia applicato; vel lactis deco-
ctio cum floribus verbasci, chamomillæ, foliis hyoscy-
ami, &c. applicetur.

In Diarrhæa torminosa cum copiosis secessibus nigris, cum
appetitu prostrato, siti intensa, &c. primò ad abstergendas
primas vias, & ad removendas, si quæ adsint, sordes, &
temperandum simul nimium impetum humorum, præ-
scripsi:

R. Conf. Mentib.

El. diascord. Frac. ana ℥ij.

Rhabarb. el. ℥j.

Corall. rub. præp. ℥ij.

Ccm. f. q. syr. Corall. Querc. f. Electuarium

D. S.

Electuarium stomachale abstergens.

De quo æger capiebat sæpius pro lubitu: cujus usu cum
imminueretur quidem nonnihil alvi fluxus, non tamen pe-
nitus sisteretur, ac tormina simul urgerent, præscripsi:

R. Ess. tormentill. ℥ii.

Opii ℥ss. ad ℥j.

M. S.

Essentia adstringens.

Dosi 40. gutt. bis vel ter in die.

Denique ovum ad duritiem coctum cum aceto rosaceo
proluit.

Vir quidam gravi diarrhæa maligna decumbebat, junctis fe-
brilibus symptomatis, unde inter alia optimè profuit:

R. Aquæ Menthe,

Scord. ana ℥ss.

Cinnam. ℥iij.

Acet. vini ℥vj.

Theriac. Andr. ℥ss.

Bezoard. miner. ℥ss.

Syr. Cydonior. ℥iij.

M. D. S.

Mixtura confortativa adstringens.

Capiebat pro lubitu, ad diaphoresin corpus disponendo.

Hinc vitellum ovi durum cum aceto assumpsit.

Externè interpolatis vicibus clyisma ex lacte ordinatum
propter tenesimum simul graviter urgentem.

CASUS X.

CHOLERÆ SPECIES.

Juvenis *εὐαγερός* & probè sanus, exercitiis deditus, cum
gravissima ira incanduisset, citra hoc, quod vindictam
institueret posset, bibit aliquantulum vini cerasi, hinc do-
mum rediens ingruente nocte ex improvise tumultu gravi
terrore percutitur; unde insequente die ex languore univer-
sali & lassitudine artuum in lecto subsistere cogitur. Mater
solicita propinat dolin Tincturæ Bezoardicæ, unde sudor
sufficiens projicitur cum aliqua lægriophoria: sed die se-
cunda atroces anxietates eum corripunt, ut hinc inde in

lecto inquietus se jactitet: sudores copiosi circa caput sal-
tem prorumpunt, flatus abdomen distendunt, sitis urget
intensissima, modò calet corpus intensè, naturaliter tepet.
Ex propinato remedio confortante nauseat stomachus, in
vomitus erumpit copiosæ materiæ viscidæ, flavæ, viridis,
amarissimæ, cui & copulantur aliquot dejectiones per in-
feriora, cum flatuum emissionem; hincque levatur malum,
ægerque commodè satis se habet, non secus ac sequenter
die tertia: sed die quarta eadem recurrunt symptomata,
anxietates longè crudeliùs affligentes, adeò, ut æger mo-
ribundi instar jaceat cum facie pallida, & quasi exsanguis.
Cum ad horam & diutius ira afflictus fuisset, tandem sum-
mo vomendi conatu, antea sæpius irritò, excernit aliquan-
tulum materiæ viridissimæ & amarissimæ. Vocatur Medi-
cus, qui tangit pulsus, huncque validum, magnum, ce-
lerem tamen & frequentem, invenit. Rogatur ab ægro
pro instituenda Cura.

RESOLUTIO

DN. GEORGII HEINTKII
OLSNASILESI,

Hoc tempore

MEDICINÆ DOCTORIS, PHYSICI
WINDSHEIMIENSIS, ACADEMICI
CURIOSI,

Cum speciali discursu & annotationibus

B. DNI. PRÆSIDIS,

Censuræ & Emendationi submissa,
Anno 1675.

IN præsentem dum inquiero casum, & connexionem cau-
sarum cum insequentibus symptomatis perpendo, vide-
tur congruum statuerè affectui huic competere nomen Cho-
leræ, utpote qui affectus non saltem ægros vomitionibus,
verùm & alvi dejectionibus, molestat, utut vomitus sem-
per magis enormes esse soleant, unde & adeò insignis &
citò virium prostratio, ut vix diu subsistere in tali statu li-
ceat.

SUBIECTUM & CAUSA.

Materia, quam excernunt, non saltem ex intestinis,
ibidem stagnans & sola contractione aut motu convulsivo
eorundem rejecta est; verùm & extoto versus intestina
confluxus, vel quatenus natura sui conservationis provida,
id, quod in intestinis sentit, molestè educere conatur, &
unde quaque potest parti læsæ succurrere; vel quatenus
etiam, uti in hoc subiecto factum videtur, ingens turgescen-
tia massæ sanguinæ, omniumque humorum in toto corpo-
re existentium antecessit, hinc & motus bilis & succi pan-
creatici nimius, è quibus humoribus in nimia quantitate ver-
sus intestina & ventriculum confluentibus non levis præter-
naturaliter oritur effervescencia, unde & plus minus assum-
ptorum corruptio accedit, quatenus simul in tale acre, & fla-
vum liquamen degenerant, & sic stimulis intestinis & ven-
triculi corpore, fit eorum contractio, & consequenter talium
liquaminum *διὰ τὴν κατὰ* expulsio.

Exinde forsàn rationi haud inconforme erit asserere, in
cholera vomitum affecto ventriculo per se & fluxum alvi
combinari, quale quid à purgantibus fortioribus & veuenis
assumptis interdum contingere novimus. Ex quibus augu-
ror: intestina mere passivè in hoc affectu se habere, massa
sanguinea primario affecta existente.

Non equidem me latet, posse oriri Choleram & ob erra-
tum externum in diætâ, quando nimirum ingurgitatio nimia,
vel fructuum crudorum vel aliarum rerum facilè fermentes-
cibilium contingit; uti non sine ratione ad concausam in
hoc patiente referri quoq; potest vinum cerasum haustum,
præsertim cum paulo ante præcessit iræ incandescencia: non
enim absurdi videntur ii, qui concipiunt, valde nocivam esse
assumptionem cibi vel potus ad ejusmodi graves animi mo-
tus, quatenus humor fermentalis labefactatur, unde subinde
appetitus prostratio insequitur.

Verùm enim verò principaliores duæ causæ remotæ utiq;
fuere, Ira & terror, utpote qui affectus ad inducendū motū ni-
mium

mium massæ sanguineæ validi satis sunt. Motis itaque versus intestina humoribus, exindeque orta effervescencia, facilis est conjectura, undè insuper etiam præsentia flatuum venerit, nimirum ex dicto motu effervescibili humorum. Caterùm non negandum etiam est, perinde ac intestina inflatum esse ventriculi cavum, quippe ex qua inflatione utique illa atrox anxietas emergit; hinc quoque jectigationes in lecto, & propter illam anxietatem, ad quam præter inflammationem ventriculi etiam confert hypochondriorum tensio intestinorumque motus convulsi vi, utique sudores circa caput. Sed sitis insecta ortum sanè traxit ex halitibus acerbis propter fermentationem humorum ascendentibus, faucesque molestantibus; notum quippe est, sitim non tam ventriculi, quam faucium esse symptomata. At calor corporis, modò intensus, modò tepens, à fermentatione (inæquali) nunc vehementiori nunc remissiori humorum, tum in tota massa sanguinea, tum in intestinis, existentium enatus fuit. Experientia quippe constat, quod augeri possit calor nostri corporis etiam ab assumptione calidioris jusculi, medicamentique acrioris notabiliorisve; unde non absolum est, ab effervescentibus humoribus in intestinorum cavo interdum dependere calorem præternaturalem totius corporis, quanquam non proximè, sed ut à causa movente aliam. Languor verò universalis atque artuum lassitudo à terrore primariò dependet: constat enim terrorem adeò potentem esse in alteranda nostra œconomia, ut exinde epilepsia, apoplexia, alique graves morbi, subitanea virium prostratio, mox insecta fuerint: Unde communiter dicere audent: omnia mea occupavit membra, tremunt manus atque pedes. Et hic ingens naturæ motus utique subsequetur gravioris morbi prodromus fuit. Sed quod per bina intervalla & posteriore quidem atrocioris paroxysmo malum hoc ægrum invaserit, non parum opinor: validam & robustam juvenis constitutionem non statim subigi potuisse, sed potiùs, renitente conatu causæ morbosæ quasi obviâ ivisse tandè verò magis magisque declinante robore stomachi digestivo, id quod ex nausea à propinato confortante hariolari licet, utut rejectis antea præsentibus copiosis humoribus meliùs habuerit, tam insigniter succubuisse, & moribundi instar jacuerit, cum facie pallida & quasi exsanguis ex imminente sanè lipothymia, quam & vix effugere potuisset, nisi per vomitum saburra aliquantulum rejecta, & sic ægre paululum relaxatus fuisset.

PROGNOSIS.

Considerato sic, quatenus in se fuit affectus, ad ejusdem prognosin est accedendum. In ancipiti hic patiens versatur statu; utpote malum cholera est; intra paucos dies ad mortem terminans, nisi prudente Medici consilio & Medicamentis convenientibus ipsi obviam eatur. Præsertim pessimum est, quod æger tam atrocem recidivam fuerit passus: hinc non est, ut diu moretur Medicus, ne occasio eum adjuvandi citò præterlabatur.

CURA.

Cura consistit maximam partem in præcipitantibus, admittis alexipharmacis sudoriferis: evacuantibus quippe, nisi lenientibus clysmatibus, in principio abstinendum hic erit: neque tamen sæpe reiteranda quoque erunt clysmata, ut plurimum quippe causæ hujus mali secum malignitatem vehunt unde magis sudoriferis insistendum. Hinc non adeò erravit mater, quod sudorem prolidere studuit, nisi quod loco tincturæ Bezoardicæ meliùs egisset, si vel theriacam, vel fixum quoddam sudoriferum propinasset. Cum enim hic præsupponitur vehemens sanguinis orgasmus, id quod præter alia etiam pulsus validus atque celer commonstrant, volatilibus non adeò consultum erit uti. Conveniens igitur partim interne, partim externe, theriaca, mentha, mastix, &c. Prosopico ergò interno

℞. Aque torment.

Mentha,

Theriaca. ana ℥j.

Lapill. Cancr. præp.

Boli Arm. præp. ana ℥ss.

El. diascord. Frac. ℥iij.

Syr. Corallior. ℥ss.

M. D. S.

Potio adstringens confortativa pro aliquot vicibus.

Una vice quippe non multum est propinandum, ne ventriculus obruatur, neque mox iterum per vomitum reiiciatur, hinc potiùs parum una vice eoq; frequentius, usurpetur.

Opium ritè correctum in pauca quantitate non inconve-

nienter utiam erit, si addatur; compescit enim simul humorum impetum imprimis vespere dandum: v. g.

℞. Aqua Cinam. cydon

Portul. ana ℥ij.

Spiritus Mastich. ℥j.

Smaragd. præp. ℥ss.

Laud. op. per ferm. par. gr. i℥ss.

Syr. de Mentha. ℥iij.

M. D. S.

Potio vesperina.

Interdium vero:

℞. Aqua senic. ℥j.

Plantag. ℥ss.

Succ. Menthae rec. expr. ℥vj.

Extr. theriac. ℥ss.

Ebor. sine igne.

Mag. Corall. cum succo citri ana ℥ss.

Syr. de Canell.

M. D. S.

Potio cochlearum sæpiusculè sumenda.

℞. Aqua theriacal. simpl.

Mentha ana ℥ss.

Mixt. simpl. ℥ss.

Antimonii diaphor. martial. ℥j.

Bezoard. solar. gr. viij.

Syr. de Portul. ℥iij.

M. D. S.

Potio sudorifera pro duabus vicibus.

Cum enim in hoc Patiente simul status præsentis sint, eorum quoque ratio fuit habenda.

Vel in forma Pulveris:

℞. Ebor. sine igne,

Terræ sigillat. ana ℥j.

Bezoard. miner. ℥ss.

Cinn. antimonii gr. vj.

Laud. op. ferm. gr. j. vel ij.

M. D. S.

Pulvis pro duabus vicibus.

℞. Antimonii diaph. Martial.

Crystall. præp. ana gr. i℥ss.

Bezoard. solar. gr. vj.

Ol. dest. anisi gr. ii.

M. D. S.

Pulvis sudoriferus.

Vel in forma boli aut Electuarii:

℞. Bol. Arm. præp. ℥j.

Ebor. sine igne ℥j.

Antimonii diaphor.

Crystall. præp. ana ℥ss.

El. diascor. Frac. q. j. pro Bolo vel Electuario.

D. S.

Electuarium pro aliquot vicibus.

Possit etiam aliquid addi de theriaca.

Pulveres possunt assumi in vehiculo appropriato vel alio non ingrato.

Externa sint:

℞. Fl. Chamom. Rom.

Ros. rubr.

Herb. Menthae crispæ ana M. j.

Bacc. junip.

Calam. arom. veri ana ℥ss.

Cort. Citri,

Aurant. ana ℥ij.

Incisa & confusa includantur facculo interpassato: Madesat vino Malvatico calido, applicetur calidè regioni stomachi.

Sic simpliciter cum linteis duplicatis vel spongia calida potest applicari vinum Malvaticum, mistum cum spiritu vini camphorato.

In forma Linimenti vel Balsami:

℞. Ol. Mastich. ℥j.

Dest. Menthae,

Calam. arom. ana ℥ss.

Expr. Nucisæ q. s. pro Corpore.

M. D. S.

Balsamum stomachale.

Sic potest essentia balsami Peruviani, vel ipse balsamus Peruvianus super scrobiculū cordis & regioni stomachi illiniri.

Vel possunt ex herbis stomachalibus parari iuvase clauso decocta, & sic herbe calidè in forma foveæ abdomini applicari.

Tandem Clysmata possunt esse vel solum lac cum floribus

bus sambuci & chamomillæ decoctum, cum pauco sale tartari: Vel

℞. *Herb. Malvæ*,
Verbasc. ana. M. j.
Mercurial.
Parletar.

Flor. Chamom. Rom. ana M. ss.

Rad. alb. ʒi ss.

Bacc. Junip. ʒi ss.

Crem. tartari ʒi j.

Incisa & contusa coqu. in f. q. aquæ simpl.

Colat. ʒviii j. adde

Elect. de bacc. Lauri ʒi.

M. pro Enemate: S.

Clyster leniens.

Quod si ferme æger restitutus fuerit, possunt ad abstergenda intestina ordinari lenia Purgantia, quæ, cum vulgaria sint, sicco pede transeo.

Interim sub cura æger ab acidis, qua talibus, abstineat, nisi fortè cydoniata, non tamen in nimia quantitate, usurpare velit.

In declinatione verò morbi adstringentia pro roborando stomacho non erunt inconvenientia, si moderatè assumantur.

Propter intensam sitim possunt etiam ordinari Gargarismata ex herba plantaginis, prunellæ, portulacæ, sempervivi, salviæ, veronicæ, lactucæ, aliisque convenientibus, adjecto lapide prunellæ. Sic ex aqua ex cancris contusis destillata, vel etiam succus eorum expressus ad eundem scopum confert, cum appropriata aqua si permisceatur.

DISCURSUS & ANNOTATA

B. DN. PRÆSIDIS.

Affectus hic est *Chorolæ affinis*, non autem est propriè sic dicta cholera, quia non continus excretionis per superiora & inferiora adest actus: nec est morbus acutus, sed tantùm per intervalia redit.

Subiectum duplex est; nempe

(1.) Consideranda venit massa sanguinea; &

(2.) Intestinum duodenum, cum annexo stomacho, aliisque intestinis.

Massa sanguinea quidem est subiectum transmissionis; intestina verò sunt subiectum receptionis & excretionis, à quibus stimulis, & in motum peristalticum seu convulsivum concitatis, supervenit hic affectus, adeoque stomachus & intestina se habent passivè ratione receptionis succorum ductus cholodochi & pancreatici, & inde ortæ vellicationis, simul tamen & activè se habent ratione excretionis, ab intestini duodeni & pylori convulsione dependentis.

CAUSA PROXIMA.

Causa proxima est humorum acrium salinorum in primis viis perturbatio & effervescencia, unde præsertim pensandæ sunt potestates salinæ, acidum scilicet & urinosum, & hinc exurgens falsum, præsertim tamen utrumque illud, alcali scilicet, & acidum acre efferatum: quorum hoc ex lymphâ pancreatica; illud ex succo felleo corrupto. deducendum; & hæc ambo sui miscela dant tertium humorem præternaturalem, qualem vomitu reiecit æger.

Pro *causa* autem *remota* tria consideranda veniunt: nempe iracundia, terror, & potus vini cerasi. Nam dum causam proximam denominavimus & perturbationem & effervescenciam summam succorum acrium corruptorum, hinc alcalina acredo debet originem iræ, non quasi hæc bilem moveret, sed quod sanguinis dissolutioni & auctæ turgescenciæ ansam præbeat, ratione cujus bilis copiosius secernatur, & turgescat intensius.

Terror verò uti supprimit spirituum & sanguinis motum, ita emergit hinc acidum; quod confirmare videtur lac nutriticis in terrore coagulatum. Adeoque ex his causis remotis in hoc ægro summa corruptio & acrimonia istorum succorum in primis viis & universo corpore derivanda est.

Cæterum *causa movens*, succosque hos acriores in motum concitans, fuit in hoc subiecto vinum cerasum fermentescibile, quod de utroque sale participans, utrumque agens movere & commovere aptum fuit, unde agendo in succos hos, altero die effervescenciam in primis viis, &

symptomata in universo corpore, sicque succorum dictorum scintillas in apertam flammam commutavit. Scilicet est fiendi cholerae modus vel simpliciter ob irritationem molestanti intestini duodeni & pylori, vel ob fermentationem & turgescenciam universæ massæ sanguineæ, & effusionem recrementorum in primas vias. Prioris modi exemplum est, quando cholera ab assumpto medicamento antimoniali fortiori, supra & infra excretionem excitante, contingit, quod ultra primas vias se non extendens, pylorum saltem & intestinum duodenum pungendo & rodendo, horum spasmos & convulsiones inducit: quale phenomenon etiam ex usu Mercurii sublimati & arsenici expectandum est: Posterioris verò cholerae exemplum peti potest est *Chirurgia Infusoria*, ubi remedio violentiori purgante massæ sanguineæ infuso similiter in cholera incurrimus, ex nimis commoto & liquefacto sanguine ab alcali acri remedii purgantis. Unde in hoc nostro casu posterior fiendi modus locum habet, ubi ex commota massa sanguinea bilis acrior facta, & ex eadem in motu naturali suppressa, pancreaticus succus acrior redditus fuit, qui succi dum irritant suas partes sensibiles, cholera exoritur. Non negamus interim, in cruditate nidorosa etiam quandoque varia liquamina hujus mali futuros autores in primis viis generari posse; quod confirmare etiam videtur error externus commissus; ita siquidem melones frequentius comestos AMATVS LUSITANUS, ova verò barbi piscis DIMEUS Von GuldenKlee pro cholera excitata allegant. At in hoc ægro iracundo, postmodum perterrefacto, videtur ex succo pancreatico & felleo esse affectum hunc, quia intermediis temporibus ægrum fuisse sine cibis scimus. Vinum cerasum in se facile fermentescibile varie fementescendo scintillas priores in actum deducere potuit; hinc si quis post iracundiam edit, percipit crudtatem nidorosam: qua occasione memini Medicum quendam, ex vino cerasaceo ebrium pro-cruenta vomituriente agnovisse. Porro ex terrore defectus primæ digestionis promanare potest; ex tristitia enim vel terrore alimenta cruda ob digestionem debilitatam in primis viis postmodum hærent & acorem contrahunt: hinc nonnunquam ex duobus acidis erga se agentibus fermentatio cum copioso Gas erumpente excitatur, quod patet ex spiritus nitri in butyrum antimonii affusione. Interim in hoc nostro subiecto crusta intestinorum, ex acrium succorum concursu, contulit ad flatuum proventum, ac ubi major copia flatuum se offert, imprimis respiciendum est ad effervescenciam. Hinc in nostro corpore crusta viscosa intestinorum dissolvitur à salibus acribus, quæ non parum ad flatum conducit.

De cætero *anxietates* ægri nostri non sunt ex flatibus, cum constet, eum ex rejectione varii generis liquam num istorum se melius habuisse; sed sequitur potiùs hinc, anxietates illas ingentes fuisse ex istis liquaminibus in stomacho coacervatis. Nempe ut nil magis ventriculo amicum est, quam blandum acidum; ita nil etiam eidem inimicus quam amarum acre seu amarum oleosum, Veteribus æruginosum vocatum. Et hæc anxietas illi fuit similis, quam vomituriætes patiuntur post repetitos conatus, quando nempe ultimò materia amara evomitur, quæ maximas facit anxietates. Bilis æruginosa hic peccat ceu causa materialis: hæc (1) est saporis nauseosissimi, (2) acerrimi, & (3) consistentiæ viscidæ. Hujus ratione pertinaciter adhærendo, symptomata malorum ratione producta exacerbant, etiam tantillum fuerit. Sive ergo in ventriculo relicta fuerint talia liquamina, sive eadem regurgitaverint in stomachum, perinde est, utut hic rejecti sint succi regurgitantes ex primis viis in stomachum, qui acrimonia utraque insigniti, vellicando utrumque ventriculi orificium, constrictione horum anxietates pariant, donec tandem vigori pylori prævaleat, & vomitus sequatur.

Sudores autem *frigidi circa caput* apparentes sunt partim prodromi, partim effectus syncopes; sive enim syncope, [in qua primariò spiritus animales, secundariò vitales deficiunt] contingat ratione intercepti motus spirituum; sive ratione lucis interceptæ, (qua in re nihil certi statuimus) sanè semper sudores frigidiusculi, circa frontem & extrema corporis apparentes, defectum spirituum indicant, unde ros nutritivus extimarum partium ex harum poris spontè effluit, & frigus quasi moribundorum instat; est enim hic sudor succi nutritivi spontaneus effluxus, non sudor ordinarius, quidque quem calidum aliàs observamus.

Quoad sitim notandum eam primariò offendere fauces; interim non planè videtur excludendum orificium ventriculi

culi superius, quod uti fermenti ab acido in famem stimulat, ita vellicatur à sale alcalino, præsertim falso, in sitim clamoriam. Unde in febribus ardentibus nil magis sitim sedat stigmatum seu spiritum sulphuris, juxta HELMONTII effatum, quatenus alcali rodens corrigitur; contra omnia amara ex intestinis regurgitantia ad stomachum ordinariò clamoriam sitim inferunt, cum scilicet, ut Germani dicunt, *sel in stomachum intravit*.

Ulterius observandum, quod verissimum esse multoties observavi, *æstus*, vel *rigores* varios alternatim torquentes ægros, dependere semper ex inæquali succorum istorum in primis viis fermentatione. Nam quemadmodum intermittentes febres radicem in stomacho, & primis viis defixam habent, ita quando reciproci motus in quibuscunque morbis, & nunc frigoris, nunc æstus, occurrunt, tunc mali fons semper in ventriculo & duodeno quærendus est, ex inæquali dictorum succorum fermentatione: in quibus ergo, quàm diu prædominatur acidum, & hoc vellicans membranas primarum viarum, tamdiu viget *rigor*; contra quando sub isto inæquali succorum concursu prædominatur pinguedo bilis, tunc urgent phlogoses. Unde in tali casu præcipitantibus dictis, i. e. succos primarum viarum temperantibus, insistendum; ac si magis urget frigus, alcalia, v. g. sal absinthii, corallia, vel os sepia, crystallus &c. sin verò phlogoses se offerunt, acida nitrosa, ut præ ceteris nitrum antimoniatum, hinc arcanum duplicatum Mynsichti, & spiritus nitri dulcis, primatum ducunt. Unde hujusmodi inæquales motus, qui sæpius ægros affligunt, semper sunt in primis viis. Hinc clysmata talibus quoque in casibus suo modo suam laudem merentur, ac vomitoria, si nil obstat.

Porro *languoris universalis* mentio fit, successive ægrum nostrum affligentis, qui sanè aliud quid est ab eo, quod Germanicè exprimimus: *es zittern ihm alle Glieder*, i. e., *omnia ipsi tremunt membra*. Distinguendus est à subitanea virium prostratione. Siquidem universalis ægri languor successive invalescens, dependet ex perturbata massa sanguinea, ejusque inæquali motu per partes musculosas sensiles, diciturque aliàs *Lassitudo ulceroza*; contra subitaneus corporis languor in spirituum animalium inæquali, & interrupto motu quærendus est: Quod autem morbus fuerit interruptus, est in causa robur ægri.

Dum autem sub præcordiorum anxietate imminerent lipothymia, rejectis succis peccantibus evanescentes, hæc phænomena confirmant, lipothymias sæpius esse ex affecto orificio ventriculi sinistro, ex quo fonte & sub hystericis paroxysmis affligentes, derivandæ sunt; & præsertim bilis illa æruginosa summas anxietates & lipothymias inferre solet, quando est in stomacho.

Jam verò quoad rejectionem succorum flavescentium, amarissimorum, acidorum & similium, quæritur, unde horum origo sit? Ubi notum est, quem colorem succi corporis nostri, in statu naturali constituti, habeant, dum nempe sanguis rubet, lac & chylus albicant, bilis ex viridi intense flavet, lymphæ sine colore perlucida apparet, urina citrina conspicitur, & alvi excreta ex obscuro nonnihil flava sunt. Sic similiter sapor sanguinis est dulcis, lac & chylus ex dulcedine ferè insipidi sunt, bilis ex dulci intense amaricat, lymphæ vel insipida subsalsa, vel acidula, excreta verò alvina sunt aquosè dulcia. Ergo succi hi mutant suos colores, & hinc fiunt in colore, odore, & sapore simpliciter tam varia excrementa secundum leges vel solutionis, vel coagulationis, quas præcipitationes insequuntur. Scilicet est unicuique succo corporis nostri textura propria materialis, quæ quatenus variè mutatur, & lucis radius vel transmittitur, hinc ille perspicuus; quatenus verò radius luminosus reflectitur, & sub reflexione movetur, hinc nobis varii colores apparent: Vid. *BOYLE de coloribus*. Hæc enim textura dependet ex concreti solutione & coagulatione. Sic v. g. solutioni vitrioli perspicuæ simul ac affundatur solutio vel decoctum gallarum, seu alcali quoddam, tunc hoc se cum acido vitrioli coagulat, & sic nonnihil particularum metallicarum præcipitatur, ac ob mutatam texturam particularum radii obscurantur, emergitque color niger; contra si aliud acidum spiritus vitrioli, vel novum vitriolum, vel spiritus salis addatur liquori illi nigro, apparebit iterum clarus; sin demum novum quoddam alcali adjiciatur, iterum novus prodibit color. Par ratio obtinet locum in conserva, & syrupo violarum purpurearum, cui si tantillum acidi instilletur, fit intense rubens; contra si alcali quoddam, v. g. calx viva, vel sal tartari, adjiciatur, exin color viridis, plus minus obscurus,

emerget. Non secus flores cyani, omnesque cœrulei, attractu spiritus vitrioli intensam rubedinem acquirunt; ex spiritu verò salis vel nitri obscurum, & ferè lutosum colorem induunt: ac succo ribium rubeo, si instilletur lixivium salis tartari vel cinerum clavellatorum, liquor mox obscure purpureus apparebit. Simili ergo ratione in corpore nostro ex miscela succorum variorum varii quoque colores & sapes secundum leges coagulationis & solutionis, repræsentantur: Conf. BARTHOLINUS in *Epist. Medicinalibus*, ubi varia experimenta habet coloris in sanguine mutati, ex instillatione succorum variorum.

Jam verò excrementa ista, præsertim ex primis viis, varios sapes, odores & colores repræsentantia, ex duplici causa promanant; nempe vel ab assumptis, vel à contentis. Ab assumptis quidem, tam medicamentosis quàm alimentosis, variae proprietates succorum derivantur; Ita enim ex esu croci vel Rhabarbari urinæ flavedine insigniter tinctæ observantur; ex usu Martialium ritè operantium excrementa sunt nigerrima; ex aloes verò usu flava eadem conspiciuntur: quod seduxit veteres, putantes, tales humores in corpore præexistere. Sic quoque usus Jalappæ aut Colocynthidos aquosa, & quasi lactea reddit excrementa alvina, cum pauca vel nulla flavedine; opuntia verò succus urinam intense rubram efficit. A retentis verò ipsis, iisque vel solitariis, vel permixtis aliis, oriuntur varii colores. A solitariis quidem iis, quando ea sunt in statu præternaturali, & bilis, quæ naturaliter flava, quandoque nigra, interdum viridis invenitur: quod spectat in statu præternaturali urina nunc nigra, nunc subpurpurea, nunc viridescens, nunc flammea. Præsertim tamen tingi contenta solent, ob aliorum permiscelam, & hinc vel solvuntur, vel coagulantur & sic in textura mutantur, sive ipsa excreta sint naturaliter constituta, sive præternaturaliter. Sic enim excrementa alvi naturaliter, utut bilis interveniat, non sunt amara, sed aquosè dulcia, demonstrante hoc HELMONTIO; propter per miscelam enim chyli & succi pancreatici mutatur textura. Adeò ergo in quibuscunque excretis præternaturalibus non solum non solus odor, nec color, saporque, sed & omnia reliqua attributa, ut in vino generosos COS, simul probe consideranda sunt, quod tandem hac ratione possimus colligere, unde ea excreta ortum traxerint.

Quod ergo in specie attinet *albedinem excrementorum*: illa sanè in consistentiâ liquidis ut plurimum oritur à commistione non adeò exacta subiecti oleosi cum aqueo, quando nempe oleosum subiectum ex aquoso præcipitari incipit: ex hac siquidem causa spiritus vini summè rectificatus cum aqua permixtus, colorem lacteum repræsentat; quod resina purgantium etiam faciunt. Eadem est ratio puris, & lactis in mammis candidi: pus est album, quatenus sulphur sanguinis ab acido in vulneribus præcipitatur: lac est album, quatenus est chylus depuratus, quia mediante certo acido in mammis ex sero præcipitatur: quod est illustratur porro ex eo, quod si sero venæ sectione emissio Spiritus nitri instilletur, hoc præcipitetur in offam. Simile etiam facit spiritus vitrioli instillatus, nisi quod tunc color obscurus magis emergat, ob particulas metallicas adjunctas. Ipse chylus est candidus, quia oritur ex subiectis oleosis fermentando ab acido exclusis, nec exactè cum aqua mixtis. Pari ratione *semina oleosa* cum aqua trita liquorem lacteum exhibent, oleo scilicet non ritè coeunte cum aqua. Jam ergo ubi alba è corpore nostro prodeunt excreta, semper suspicio sit olei dissoluti, ab acido præcipitati, cum illud beneficio salis volatilis alcalini dissolutum in corpore existat.

Rubedinem excretorum quod attinet, quæ aliàs sanguini & urinæ propria est, dependet illa à sale volatili, dissolvente sulphur seu oleum volatile. Nam si consideramus salia volatilia, & spiritus volatiles animalium, sanè illa instar nivis candida primò apparent, quod si tamen aliquamdiu asserventur, successive flavescent, & tandem intense rubescunt. Ratio est, quia iisdem semper aliquid olei adhæret, unde, dum hoc oleum à salibus volatilibus dissolvitur, color fit ruber: Sic spiritus vini digestus cum alcalibus rubedinem contrahit; si sal ammoniacum, calx viva & sulphur destillantur unà, spiritus prodit rutilans à sulphure ab alcali soluto; huic spiritui aureo si affundatur aqua, totus liquor lactescit, & sulphur ad fundum secedit. Sanguinis ergo rubedo exoritur à sale volatili, dissolvente. Intimè ejus oleum, seu sulphur; non secus urinæ ruber conspiciuntur sine sanguine, quæ quò magis ad flammeum colorem declinant, eò magis turgent alcali volatili intimè cum

copioso oleo conjuncto seu permixto ; unde in febribus ardentibus propter sal volatile oleosum urinæ flammæ conspiciuntur , quasi salia volatilia diutius fuissent cum sulphure vel oleis digesta : hinc dū cū urina aliquid acidī admisceatur , non itē cum reliquis salibus uniti , turbidæ fiunt ; unde recte **HORNIUS** in *Arca Moysi* dicit ; urinam turbidam indicare acidum præcipitans , ac urina clara , si in febribus acutis conturbatur , bonum exhibet signum , restituti scilicet fermenti stomachici .

Quoad *flavedinem* porro *excrementorum* : ea naturaliter est in bile , & dependet ab ejusdem oleo cum alcali moderate digesto , oleum autem prædominatur . Jam ergo bili oleum inesse probatur , si blandè inspissetur ; sic enim instar lardi aut olei concipit ignem : adeoque præternaturales flavedines excrementorum primariò ex liquaminibus in stomacho , ob cruditatem nidorofam enatis ; secundariò verò in intestinis ortis , dependebunt . Scilicet multa apud Veteres leguntur de bile porracea , æruginosa , &c. quarum existentia non est neganda , saltem in modo explicandi feliciores illis sumus . Ac quidem præ omnibus aliis rebus lacticia , dulcia , saccharata , mellita , &c. nisi debita digestionē resolvuntur , ad flavedinem corruptivam ruunt , corrumpuntur & putrescunt , quatenus in iisdem defectu acidī digestivi incipiunt putrescere , sub qua putredine emergit alcali , agens in eorum oleum , unde sapor nidorofus & color flavus oritur . Hinc & lautiores epulas insequuntur altero manè vomitus amarorum liquaminum , flavescunt , & horridè sapidorum , non secus ac quoque ipsi infantes sub corruptela lactis copiosissima liquamina flavescuntia & nidorosa reiiciunt . Quò spectat etiam , quod purgantia nonnulla assumpta sequatur liquaminum flavorum rejectio , non quod à bile eadem tincta sint , sed quod purgantia illa vi sua , ac virulentia colliquefactiva massam sanguineam & succum nutritium ita corrumpant , ut hi in putredinem , & consequenter in flavedinem declinent , alcali illorum acre eosdem dissolvende unde etiam odor foetidus .

Viriditas autem *excretorum* ut plurimum est ab acido , agente in bilem , eamque vel naturalem vel præternaturalem , & sub cruditate nidorosa genitam . Quod probatur : dum enim acidum bili affunditur , viridem colorem hoc contrahit ; itemque quod viridia talia vomitu rejecta , præter saporem amarum , aciditate sua conjuncta , dentibus stuporem inferant . Nec alia ratione crystallus montana bilis æruginosæ proprium est quasi alexipharmacum , nisi quod ea acidum peccans , & bilem in acorem vitians , corrigat . Cæterum , an hoc universale sit ? affirmare nolumus . Equidem , quoties in ægris , speciatim adultis , liquamina ejusmodi observantur , ferè semper ab acido dependere hæc , præsumitur ; attamen cum etiam spiritus salis ammoniaci bili admixtus hanc in virorem aliqualem tingat , ideo hoc paradoxon in medio relinquamus .

Porro *cæruleus excretorum* color rarus est , nisi quod **MEARA** lactis cærulei ex mammis prolekti mentionem faciat , viridisque est cognatus ; nam ex cærulei & flavi miscela viridis color emanat . Adeoque cæruleus color dependet ab acido intensiori , magis condensante liquamina biliosa , sive naturalia ea , sive præter naturalia fuerint . Unde autem lac cæruleum evaserit , *Autor citatus* non determinat ; ex eo tamen hoc elicimus , quod , quò magis coagulantur & condensantur succi corporis nostri , adeoque radii luminosi incidentes in poris magis oblitterantur , & obfuscantur , eò obscuriores colores apparent ; è contra quò magis iidem resolvuntur & attenuantur , eò dilutiorem & minus obscurum acquirunt colorem . Quod confirmat sanguis & ejusdem mutatio : e.g. qui , quatenus ex acidis quibuscunque instillatis in grumum sæculentum coagulatur , eatenus obscurum colorem repræsentat ; contra verò , quatenus alcalia , tam fixa quàm volatilia , eundem diluunt , eatenus clariorem & rubicundum magis colorem præsefert . Ubi curiosum est , quod sanguis à puro spiritu vini exceptus promptè coaguletur : non secus ac sanguinem quoque suillum recens collectum miscui cum spiritu salis ammoniaci , ceu prosapiæ alcalinæ concreto , & conservavi illum fluidum ; mox tamen , cum eidem foetoris gratia spiritum vini affunderem , coagulabatur ; Spiritus vini enim purus promptè coagulat sanguinem in momento . Omnia ergò , quæ possunt condensare succos , ipsis obscurum colorem contrahunt & contra . Cum ergo nostra œconomia turgeat sale volatili , coagulationes humorum ferè semper oriuntur ab acido , resolutiones ab alcali .

Quoad *nigredinem* excretorum , sive per os , sive per al-

vum prodeant , uti semper insaufi omnis habentur ; ita triplex eorum differentia datur ;

Quarum

1. Est sanguis ab acido coagulatus .
2. Succī præternaturales ac sæculentia in primis viis coacervata & inquinata , atque in obscurum colorem præcipitata , succi Melancholici nomine venientes .
3. Omnium pessimum illud excreti genus , quod alias vocant bilem atram , quæ sanè nil aliud , est , quàm summa bilis naturalis corruptela , ab acido summè rodente facta , unde Humor niger summè causticus .

Quoad [1.] sanguinem putā , patet certè ex observatis Practicorum , prodiisse tale quid per os , simulque per alvum instar amurcæ nigræ , sanguini in intestinis corrupto , & ab acido coagulato , in acceptis ferendum .

Quoad [2.] notum est , quod idcirco Hypochondriaci ac Melancolia hypochondriaca laborantes , ut plurimum alvi sint obstinatoris , reddant tales excreta obscura & nigra , ex acido austero coagulata , ac si omnia sint combusta , quod falsò ita vocant .

Quoad [3.] tandem atram bilem , est , quando nempe tenuis humor , ad instar picis splendidus , cum intenso dolore eliminatur , quæ est pessima . Sanè de hac verus est **HIPPOCRATIS aphorismus** : Dysentericos talia reddentes , ad plures abire . Conf. **HENRICUS ab HEER Obs. 27.** item **HOECHSTETTERUS Dec. 2. obs. 4. & 5.** , qui diversos talia vomitantes allegat , fuisse saporis austeri ; sic notandus est illic **HORSTII locus lib. 9. obs. 4.**

Quoad *excretorum foetorem* : Sanè hic semper originem ducit à putredine excretis inducta . Nempe nil foetet in corpore nostro , nisi à putredine inducta ; unde & alvi excrementa eum à corrumpente putredine contrahunt . Foetor autem oritur , quando sub solutione concreti alcali liberatum agit in sulphur , hocque dissolvendo mutat texturam , ut repræsentetur foetor , imprimis quando accedit occultum acidum : Sic enim exempli gr. quando in crucibulo simul funduntur sal tartari & flores sulphuris , mistura immensi foetoris emergit : Par ratio in salibus volatilibus animalium , quorum alcali , quando agit in pingue subjectum , foetor tunc prominet : Non secus palam est , qualem foetorem antimonialia , alcalibus tractata , spirent . Adeò scilicet omnia , quæ putrescunt , foetent , quatenus scilicet sub dissolutione alcali agit in pingue , ita , ut acidum occultum separet sulphur istud . Atque hæc causa est , cur tam solliciti simus medentes , de ægrorum excrementis foetentibus , an scilicet sedes valde & rancidè foeteant . Utut enim ea nullatenus moschum & ambram redoleant , interdum tamen plus , interdum minus foetent ; quemadmodum fluxus alvi morborum & febrium malignarum acutarum cadaverosi & horrendi foetoris observamus , & tunc pessima res est ; non secus ac quoque vegetabilium purgantia fortia excrementa intolerabili foetore inficiunt , propter alcali acre , agens in sulphur scybalorum , & pinguedinem succi excernendi ; quod phænomenon ansam dubitandi præbet , annon in febribus malignis tale alcali acre instar purgantium peccet ?

Quoad *Prognosin* , utut malum non sit cholera vera , tamen symptomata graviora urgent

C U R A M .

In qua hæc Indicationes observentur , ut scilicet

- [1.] Ratione causæ morbificæ acrimonia salina quæcunque succorum in primis viis effervescentium corrigatur & temperetur : quò faciunt præcipitantia .
- [2.] Motus humorum , præsertim localis , sistatur , quod opiata faciunt .
- [3.] Sudoriferis massa sanguinea ventiletur , & purificetur per temperata fixa , quibus pro necessitate alexipharmaca associanda .
- [4.] Stomachus acidis blandè adstringentibus corroboretur .

Cæterum , quod semper observetur , ratio simul habenda est naturæ motus , an nempe sit excretio vomitoria spontanea ? an verò symptomatica ? adeoque si esset ab usu nimio vini cerasi adeoque spontanea , non statim sistenda , ne febris ardens concitetur ; quin potius in tali casu rectè clysmata in usum vocantur , ut nempe per con-

senfum, vellicatis intestinis, regurgitatio succorum vitiosorum effervescentium in stomachum inhibeatur. Quod si vero vomitus fuerit symptomaticus, ut hic est, propter nimium orgasmum succorum, equo, ut ita dicam, non subdenda sunt calcaria, sed ille motus humorum & irritatio systematis nervosi in primis viis est sistenda; ubi etiam clysmata cautius observentur. Alias temperata & similia clysmata conveniunt, ne magis irritentur intestina. Malignitas non adest. Quæritur autem, in quonam consistat morborum malignitas?

R. Malignitas in genere nil aliud est, quam nimia & excessiva acrimonia causæ peccantis, sive ea jam alcalina fuerit, sive acida. Notandum est e.g. quod Mercurius sublimatus sit venenum summum, & tamen Mercurius dulcis, qui ex illo additione Mercurii vivi paratur, sit sine, noxa ut dosi ʒj. pro scopo salivationis adhibeatur. Ratio est nimia in sublimato acrimonia, quæ si temperetur à Mercurio vivo, fit purgans suavissimum. Sic quoque purgantia vegetabilia, ut scammonium, colocynthis, helleborus albus, &c. sunt venena, succos corporis nostri nimia sua acrimonia alcalina colliquefacientia; interim, si hæc corrigantur, vel per acida, vel, quod melius, per salia alcalia fixa, cessat acrimonia, cessat venenum & evadunt saltem alterantia: Sic se habet cum omnibus reliquis venenis, quorum venenositas in excessiva quadam acrimonia, perturbante succos, & irritante nervos, consistit. Atque hæc acrimonia venenorum, mutans texturam concretorum, & irritans systema nervosum, subinde in particulis tam minutissimis sensus omnes effugientibus, nec nisi à stomacho perceptibilibus, latet: ita enim v.g. arsenicum est dulce quoad saporem, adeo, ut etiam à pueris pro saccharo devoretur ex errore; stomacho vero sua acrimonia violenta est inimicissimum: Vitrum antimonii insensibile est, cum etiam pro ophthalmico usurpetur; stomacho vero, etiam in forma infusi, ingestum, maximas turbas efficit. Ac hinc est, quod lac, oleum amygdalarum dulcium, item crystallus, & oleum tartari, simpliciter temperando acrimoniam excessivam venenis resistent. Adeo scilicet, quando morbus malignus est chronicus, peccat acidum nimis excessivum, ut in lue Venerea; quando vero idem est acutus, acre alcalinum peccat, ubi inquietudines, scabrities faucium, fluxus alvi & similia symptomata tunc affligere solent, quæ aliàs à purgantibus acrioribus excessivis inducuntur, unde blandè acida conducunt. Venena ergo omnia operantur vi texturæ materialis, sive ex regno vegetabili sive minerali desumantur, operantur vel vi narcotica, vel excessiva acrimonia: Quoad illam, an non & hanc acrimonia salina intendat? Res probabilis est, quia hac sublata narcosis cessat. De venenis animatorum res intricata est, an in contagio materiali consistat? an in imaginem cuiusdam affectus, v.g. iræ, secundum HELMONTIUM? in dubio est.

Cæterum mater filio ægro Tincturam Bezoardicam propinans, non adeo inepta est; cum enim illa non simpliciter ex volatilibus, sed ex spiritibus vulgaribus etiam constet, adeoque salsa temperata sit mixtura, hinc hac ratione utrumque acre, acidum & alcalinum, temperare poterit, non secus ac spiritus vitrioli aliàs acre alcalinum mitigat; tamen melius fuisset, si laudanum opiatum addidisset. Unde laudandus est LUDOVICI, ubique misturæ suæ simplici vel laudanum opiatum, vel essentiam opii adjungens.

Cautela insuper hæc notetur, quod vomitantes tales una vice non multum, sed cochleatim, medicamenta sumant, ne stomachus obruatur; v.g. ad imitationem Dn. Resolventis patetur Mistura:

R. Aquæ tormentill.

Menthæ,

Theriācal. campb. ana ʒj.

Cinnam. ʒvj.

El. diascord. Frac. ʒiij.

Lapill. cancr. præp.

Boli Armen. præp. vel terræ sigill. præp. an. ʒʒ.

Syr. de canell. ʒiij.

M. f. Potio: S.

Sistens potio confortativa.

Detur cochleatim in paroxysmo, & ante illum.

Vel

R. Aquæ Menthæ ʒij.

Fenic.

Aqu. Portul. ana ʒj.

Cinnam. ʒʒ.

El. diascord. Frac. ʒiv. ad ʒij.

Lapill. cancr. præp.

Ebor. sine igne ana ʒʒ.

Crystall. præp. ʒj.

M. f. Potio:

D. S. ut antè.

Loco electuarii diascordii etiam essentia opii ʒʒ., & hinc syrupi coralliorum vel portulacæ ʒʒ. ad ʒvj. possunt addi.

Opium enim ritè correctum sistit quoscunque vomitus & alias excretiones, quatenus sistit spirituum animalium impetum, adeoque etiam motus partium cessat. Præparata autem opiata in sicca, & humida forma propinquantur. In forma sicca optimum est Extractum opii, quod habet **LANGELOTT** in *Epistola ad curiosos Naturæ*, extrahendo opium cum spiritu vini, & id extractum inspissando, pro dosi gr. ij. vel iij; aut si ulterius adhuc inspissetur, aliis formulis addi, & in forma pulveris usurpari potest. In humida verò forma optima est illa præparatio, quæ fit cum sale tartari fixo, vel alio alcali; ita enim parata essentia cum quocunque alio liquore miscibilis sine præcipitatione existit, nisi quod tantillum turbetur. Præparatio est facilis. Solvitur scilicet opium in lixivio salis tartari, solutio digeritur, ita corrigitur opium, hinc inspissatur in consistentiam ferè siccam, & effuso spiritu vini, qui relinquit sal tartari, emergit essentia opii, quæ aliquali spiritus vini evaporatione ita concentrari potest, ut guttæ 6.8. & 10. pro dosi sufficere possint, pro ratione scilicet consistentiæ, in quocunque liquore propinanda.

Cæterum opiata omnium optimè vespertino tempore dantur, cum, si interdum exhibeantur, & somnus interrumpatur, mirè debilitentur ægri. Et quidem propinentur cum aliis appropriatis, vel morbo aut parti affectæ specificis, mista, nunquam sola.

De Smaragdis præparatis notandum: hos à Practicis communiter ad terrores nocturnos, epilepsiam, dysenteriam, &c. commendari; an verò merito illorum hoc fiat, dubitamus. Quicquid enim præstant, hoc faciunt beneficio tincturæ suæ Martialis, vel etiam Venereæ, à qua virorem suum habent. Jam verò tantillum sulphuris quid, quæso, efficere potest, reliquum cum sit vitrum, quod denuo excernitur? Dicis: At multi Practici iidem felici cum successu usi sunt! Respondeo: Attendendum est, in Praxi omnium frequentissimè committi fallaciam secundum non causam ut causam; unde non dubito, subinde effectum adscribi remediis aliis debere, quam quidem Smaragdis. Vitrum eorum si quidem nil præstare potest, cum hoc calcinatum, nec aqua forti solvi queat; tinctura verò smaragdi vulgaris, cum sit supposititia, proin nec illa tanti æstimanda.

Occasione succi Menthæ, qui recens expressus hic præscribitur, notandum, quod cum non semper, nisi tempore æstivo, sit impetrabilis, nec in usu; sicut nec reliqui succi acres aut amari, sed saltem aciduli, aliàs enim illi potionibus immisti, ob amarorem suum intensum palato ægri ingrati essent, unde potius eorundem essentia vel extractum loco succorum ipsorum adhiberi solent: e.g.

R. Aquæ Fenic. ʒij.

Plantag. ʒj.

Cinnam. ʒiij. vel ʒʒ. ad ʒvj.

Extr. ther. gr. ix.

Ebor. sine igne.

Mag. corall. cum succ. citr. ana ʒʒ.

Syr. de canell. ʒʒ.

M. S. ut supra.

De mistura simplici notetur, quod eadem mista cum antimonio diaphoretico Martiali tantillum effervescat. Etiam tantillum spiritus nitri potionibus admiscendum ordinare soleo, non in certa dosi, sed quantum sufficit pro grato sapore: v.g. si in paroxysmo, evacuatione jam à natura facta, adhuc effervescentia humorum, flatus, ructus, cum æstu corporis, siti, &c. urgeant:

R. Aquæ fenic.

Portulac. ana ʒj.

Cinnam. ʒʒ.

Spiritus theriac. campb. ʒj.

Syr. papav. alb. ʒʒ. ad ʒvj.

Spiritus nitri dulc. q. s. pro grato sapore vel ʒj.

M. D. S.

Potio

Potio pro aliquot vicibus.

Vel

R. Aque portul.

Flor. papav. errat. ana ʒiʒ.

Spiritus theriac. Campb. ʒiij.

Nitri dulc. ʒj.

Syr. papav. alt. vel rhæad. ʒvj. ad ʒj.

M. S. ut antea.

Crystallus præparata recte hic usurpatur; est enim ex gemmis mollissima, imò à LANGIO, & SENNERTO bilis æruginosæ alexipharmacum vocatur, quod confirmat etiam HEINRICUS ab HEER in *Observ.* ubi observavit cholera beneficio crystalli præparatæ curatam.

Nota bene: ad boli consistentiam requiritur conservæ ʒj. & pulveris ʒj.

Laudanum opiatum optimo consilio sudoriferis additur, quia WALÆO quoque illud basis Theriacæ audit, utpote ipsum sudoriferum. Unde remediis, ubi opium additur, danda opera, ut sudor simul promoveatur, adjectis sudoriferis.

Externè additur ab Autore in sacculo calamus aromaticus verus, qui apud nos non datur; Indicum enim aroma ille est, saporis acris, loco cuius in formulis acorus verus præscribatur, abusive calamus aromaticus dictus, potius calamus officinarum dicendus.

Spiritus vini camphoratus solus fons forma calidè applicatus stomacho cum linteis multiplicatis, egregius est in affectibus cholericis, in specie in cholera maligna, cum aliàs camphora in malignis remediis sit apax.

Quando ægri sunt anxii, emplastrum ex tacamahaca est egregium, vel theriaca externè applicata.

Essentia balsami Peruviani paranda cum sale tartari, ita ut magmati affundatur spiritus vini, est admodum nauseosa ob ructus.

Cremor tartari non commodè additur clysmatibus, bene tamen sal tartari; si enim non dissolvitur, manet & hæret in intestinis; si solvitur, nimis stimulat intestina, si debet habere effectum. Acida prohibentur, quatenus cum liquaminibus effervescent; blanda tamen & stomacho amica in parva dosi conveniunt, v.g. cydoniata remedia.

Collutiones sitim fallentes conveniunt, si fauces sunt squallidæ; si verò oriatur sitis illa ex humoribus stomachi acris, ut hic, tunc collutiones dictæ non sufficerent, sed potius aqueis & temperatis acidis locus erit.

De fastidio autem cerevisiæ, quod æger noster patitur, quæritur, quomodo eidem sit succurrendum? Nam ut sitis clamosa in nostro ægro affligeret, propter bilem æruginosam in stomacho, non poterat tamen cerevisiam haurire; unde interrogabat, an sibi liceret aquam vel coventum bibere? Sanè frequens hoc in acutis febribus est, ut ægri mox hortentur cerevisiam, & postulent contrà potum aquosum, dilutum, plus minus acidulum & confortantem, *cordique gratum* vocant.

Jam ergò observandum, quod quamdiu nos esurimus, & acidum dominatur, tamdiu nulla affligat sitis: simul autem ac fauces incipiunt arescere, aut alimenta acrimonia salina plus minus amara prædita vellicant stomachi orificium finistrum, oritur sitis, tuncque sapit cerevisia: interim licet in febribus acutis intensè sitiamus, non tamen cerevisiam desideramus: Ideoque in talibus ægris ordinariè cruditas nidorosa adest, & assumpta abierunt in amara liquamina, quæ sitim quidem inferunt, cum nausea cerevisiæ; nam cum ista amara stomacho tunc hostilia sint, & eidem horrorem amarum incutiant, ac cerevisia lupulata quævis amara sit; hinc stomachus aliis amaris læsus, & hanc horret. Nempè à quo remedio stomachus semel est læsus, ab eo postmodum abhorret. Imò observavi etiam, quod ægri, qui adhuc cerevisiam haurire potuerunt, crebrius opium assumentes propter symptomata urgentia, ex hujus usu in cerevisiæ fastidium inciderint, eò quod nauseosa amarities supra colocynthidem, quæ saltem acris, sit in opio; Opium enim est subiectum resinofum, unde resinositæ sua hinc inde stomacho adhæret, & sic eum offendit, unde ægri amara abhorrent. Non alia ratione in diarrhœis biliosis, aut hypercatharsi à purgante acriori facta & excitata, ut sitiant ægri, fastiditur cerevisia, & vinum vel aqua aliæque amaritiei resistentia, partim corrigendo, partim diluendo, postulantur. Unde quoties ægri cum appetitu adhuc cerevisiam assument, toties bonum signum est, quod adhuc adsit fermentum; sin verò eam unà cum aliis medicamentis horrent, appetitus est dejectus, unde quælibet assumpta abeunt in cruditatem nidorofam, Optimo consilio iis largitur ordinatur cerevisia secun-

daria cum vino mista, aut succo citri acidulata: Vel recipiatur aqua fontanæ cum tertia parte vini temperanda, infundendo simul pomum citrium, in taleolas incisum. Loco quorum etiam Julepi aciduli, ex syrupis blandè acidulis, præsertim in blando madore, præscribi poterunt, cum reliqui saccharati, melliti, &c. in stomacho nidorem contrahant, &c, dum non digeruntur, in amaritiem faceffant. Verbi gratia in præsentī ægro præscripti:

R. Flor. papav. rhæad. M. j.

Infund. in

Aquæ simpl. cum spiritu sulphuris per camp. q. s. acidulatæ ʒiʒ.

Stent in digestionē ad extractionē Tincturæ.

Colaturæ addatur

Syr. de Iuub.

Corall.

Cort. aur. ana ʒiʒ. ad ʒvj.

Spiritus nitri dulc. parum.

M. f. Julepus.

Et sic cruditas nidorosa fuit deleta, illato blando madore:

Porro adstantes postulabant venæ sectionem, recusabam hanc, tanquam nocivam, quia fomes mali hærebat in primis viis, & æger potius in majorem debilitatem fuisset conjectus, si illam suasisset. Verum altero die superveniebat hæmorrhagia narium ingens, qua multum sanguinis effluebat, forsan quintus erat dies ab invasione morbi, hinc omnes instantius urgebant venæ sectionem.

Hic quærebatur, quid agendum? nam ex conturbatione malsæ sanguinæ morbum contraxerat: propterea attendens naturæ motum, cum, symptomatibus maximam partem evanescentibus, spontè supervenisset hæmorrhagia illa, hinc eam aliquamdiu, donec ʒiʒ. fortè sanguinis evacuata esset, durare permittebam, & post spontè cessabat; cum autem à meridie recrudesceret cum maiore impetu, tunc tempus erat sistendi, unde cum hoc Julepo blanda acida opiatas temperata propinavi, & sic convaluit.

CASUS IX.

DYSENTERIA BENIGNA.

Mulier iuvencula, virginea, & succi plena, sed hysteriis affectibus levi ex causa admodum obnoxia, simulque aliquali mensum difficultate non rarò affecta, capit à Medico præscriptas pilulas sequentes:

R. Mass. pilul. de biera cum agar. gr. xv.

Vitrioli Martis rite præp. ʒss.

Scamm. sulphurat. gr. ij.

Extr. troch. alband. gr. j.

Cum f. q. Ol. Terebinth. f. l. a. Pilulæ.

Dabantur pro dosi, & S.

Pilule purgantes.

Capit eas cum regimine debito horis matutinis. À meridie succedit evacuatio sex vel septem vicibus copiosæ materiæ sordidæ, viscidæ & variæ, cum euphoria insigni; sed nocte sequenti è somno evigilans, gravissima & atrocissima per sentit in abdomine tormina; succedunt creberrimæ alvi dejectiones, superveniunt vomitus, &c. Ipsa doloribus vexata, & creberrimis excretionibus debilitata, manè vocat Medicum, qui reperit eam summè debilem, cum pulsu celeri, frequenti. Introspectiens excreta, invenit ea tenuia, rubicunda, instar loturæ carniū, sed intensius tincta: ægra in lecto se circumvoluit, corpus mirè præ dolore incurvat, & miserè ejulatur. Postulat pro juvamine medicamenta.

RESOLVTIO II.

D. N. NICOLAI KASTNERS
ALTENBURGENSIS.

Cum speciali DNI. PRÆSIDIS

Discursu & Annotationibus,

Censuræ & Emendationi subjecta

Anno 1675.

CAsum hunc perpendens, mihi persuadeo, mulierem nostram laborare dysenteria, & quidem rarioris sic dicta, Germ. an der rothr. Rubr. In differentis enim dysenteria, & Veterum opinionibus, ut multum temporis consumamus, non puto esse operæ pretium, cum de his Practicorum libri prostant nec loquamur de maligna, sed benigna, unicum tantum subiectum affligente.

PARS AFFECTA.

Partem affectam seu subiectum Inbæssiones esse primario intestina, secundario massam sanguineam, nemo non videt. Verum cum ex Anatomica doctrina constet, intestina esse duplicia tenuia & crassa; difficilis hic oritur quæstio, quæ nam sint affecta? Autores in varias abeunt sententias. Quidam inter quos est HELMONTIUS, dicunt, tenuia sola esse affecta; quidam negant, & crassa esse affecta, affirmant, quia materia peccans & exulcerationes diutius sic possint stabulari propter concameratas cellulas, quas tenuibus natura denegavit; quidam consulunt experientiam, & applicant clisteres, qui sine levamine dicunt tenuia esse affecta; quidam excreta inspiciunt, & si sanguis eis est permixtus, crassa esse affecta, quia in tenuibus non observatus sit sanguis; quidam ad doloris differentiam confugiunt, quorum opinio optima videtur. Nos media incedamus via, dicentes; intestina nunc conjunctim nunc separatim esse affecta; &

1. Quidem si dolor circa regionem umbilicalem urget, tenuia; si in circumferentia abdominis, crassa esse affecta.
2. Si mox post tormina alvi excretio sequatur, crassa; sin interiecto spatio, tenuia.
3. Si dolor acutus & exquisitus affligit, tenuia; sin minus acutus, crassa.
4. Si sanguinis feculenta mixta, tenuia; sin mucosa seorsim, tunc sanguinolenta, excernantur, crassa.

Jam si quæramus, quænam in nostra ægra sint affecta? sine dubio puto esse tenuia; hoc enim ostendunt gravissima & atrocissima abdominis tormina & dolores circa umbilicum; dejectiones alvi non statim post tormina, excreta tenuia & rubicunda.

CAUSÆ.

Causa proxima est Irritatio seu molestia præternaturalis intestina afficiens. Nam cum intestina sint corpora admodum sensibilia, imprimis tenuia, nil mirum est, si à levissimo acri, nervoso generi inimico, irritentur & vellicentur: id quod imprimis evenit in sexu sequiori, cujus systema nervosum præ ceteris est sensibile. Hinc est, quod nostra ægra ex levissima causa passionibus hysteris sit obnoxia, propter nimiam scilicet sensibilitatem. Si igitur intestina ab acri quodam præternaturali afficiuntur, se convellunt, quod molestum est excutere conantur, unde aliquid convulsivi patiuntur, hinc tormina, dolores acuti, dejectiones alvi, & pyloro per consensum irritato, vomitus superveniunt. Cum autem natura semper sit provida, & parti læsæ succurrat, unde sanguis uberior ad intestina fluit, & vasa eorum sanguiflua admodum tenuia ab acrimonia præternaturali nonnihil corrosa, sua acrimonia, ex fermentatione præternaturali contracta, penitus perforat, & in intestina irrumpit, & cum nutrimento intestinorum proximo, secundum HELMONTIUM l. c. sero, sanguini nondum assimilato, quia nostra ægra est succiplena, permixtus, istam tincturam rubicundam, loturæ carniū similem, efficit. Nam quod non sit mucus intestinorum, patet exinde, quod jam sex vel septem evacuationes materie sordide, viscidæ & squalidæ præcesserint; deinde etiam excreta non sunt crassa, sed tenuia.

Et quanquam plura sint, quæ morbum hunc inducere valeant & in nostra ægra suppressio mensum non sit de nihilo; tamen videtur malū hoc in nostra ægra imprimis dependere ab assumpto purgante, per se quidem non adeo forti, respectu tamen nostræ ægræ propter subtilissimum nervorum systema fuit admodū forte. Hinc ab acrimonia ejus convelluntur intestina, vasa sanguifera corroduntur & excreta cruenta deponuntur; adeo ut non mirum sit, si tam atrocia symptomata, & propter defraudationem nutrimenti proximi partium debilitas, subsequantur.

P R O G N O S I S.

Rectè autem postulat juvamen propter summum periculum: nam

[1.] Licet sit dysenteria benigna, non tamen caret periculo, præprimis cum jam conjunctus sit vomitus, qui per se est malum signum: ut taceam, quod affecto stomacho facile irritari possit diaphragma, ut singulus superveniat; qui ferè semper lethalis est, propter convulsiones subsequentes.

[2.] Metuenda est gangræna ex nimia exulceratione intestinorum, cum plerique dysenterici mortui fuerint ex gangræna.

[3.] Metus est, ne intestina coalescant.

C U R A.

Ut ergo huic malo occurramus:

1. Irritationem sistamus,
2. Noxam intestinīs illatam restituamus.
3. Stomachogratis aromaticis vel haustu vini prospiciamus.

Primo scopo satis faciunt omnia, quæ acre præternaturale absorbent, & irritationem sistunt: inter quæ primatum ducunt Opiata, quæ & acres humores & sensum irritationis sistunt; hinc RIVIERIUS dicit: hoc malum solis opiatīs curari: Sic WILLISIUS suis dysentericis vespertino tempore laudani dosin satis magnam sine noxa exhibuit. Imprimis tamen hic conveniunt specifica dicta, quæ hoc acre dysentericum tollunt, v. g. priapi ceti, hepar viperarum, tragea granorum actes, cranium humanum, sanguis leporis torrefacti, ungula equina, album græcum, &c. Ex quibus mille formulæ parari possunt; v. g. in forma pulveris:

R. Rasp. priapi Ceti ʒij.
Hepat. viper. exlicc. ʒss.
Mag. Corall. cum succ. citr. ʒij.
Laud. opiatī ferm. gr. vj.
M. f. Pulvis pro 6. dos.
D. S.

Pulvis adstringens & dolores sedans.

Huc pertinent omnes pulveres dysenterici, v. g. Crollii, in quo tamen duo primaria ingredientia fuerunt omissa.

In forma liquida:

R. Philon. Rom. ʒij.
Aquæ Rosar. ʒij.
Vini albi ʒj.
F. Potio. S.

Potio adstringens & dolores sedans.

Huc refertur potest polychrestia Mistura ila STRUVII l. c. 9. §. 20. quam in quolibet sanguinis fluxu commendat; tamen hoc noceat, ut loco sanguinis draconis, qui non amplius habetur genuinus, terræ sigillatæ gr. xv. substituuntur.

Secundo scopo satisfaciunt Vulneraria, v. g. decocta herbarum vulnerariarum, item balsama. v. g. sulphuris terebinthinatus, Peruvianus; &c. gr.

R. Balf. Peruv. ʒss.
Dissolv. in
Vitelliovi q. f.
D. S.

Balsamum sanans.

Tertio scopo prospiciunt aquæ stomachicæ, aromata grata, blandè acida, cydonia & cydoniata; v. g.

R. Sal. ammoniaci ʒss.
Spec. diatrion-piper ʒss.
M. f. Pulvis:
Diu. in 3. doses.
D. S.

Trisinth. Stomachale.

Externè convenit excretio fecū super caput mortuum vitrioli, item ungenta & fomenta; sacculi interpassati cum herbis vulnerariis. AMATUS LUSITANUS mirè commendat dysentericis omentum verve cum calidè impositum, ita inquit Plures

Plures vervoces, ardetes aut hircos maculare jubere, & confestim exenterate; est singulare remedium.

His ipsis accedat quies corporis & animi & imprimis calor: quò magis enim calet corpus & ardet, eò mitior est fluxus: item ægra omnia acris & potum nimium & frigidum fugiat.

Deus autem sit optimus medicamentorum director.

DISCURSUS & ANNOTATA

B. DN. D. Ettmulleri.

I 6 7 5.

A *Fæctus est dysenteria benigna, & quidè Germ. die rotbe Rubr.* Rubra est generale vocabulum, distinguiturque in rubram & albam. Rubra est diarrhœa cruenta torminosa: alba verò, quando nempe cum torminibus adjunctis albicantia plus minus viscida dejiuntur. In cruenta sanguis extravasatus rejicitur, in alba verò rejicitur mucus intestinorum cum nutrimento eorum proximo, per poros ex læsione transudante. Etenim in hac alba tam copiosa mucosa non rarò profluunt, ut decies ea mucorem in intestinis aliàs contentum superent. Porro dysenteria est vel *benigna*, vel *maligna*: quarum posterior contagiosa esse solet, ex causa aliqua communi, in specie vitio vel potulentorum vel esculentorum, aere &c. originem ducit.

Pars affecta non sunt crassa intestina, sed tenuia. Cellulas non sola crassa obtinent intestina, sed in jejunò quoque similes detexit KERKRINGIUS in spicilegio, utut non adeò ingentes.

Cæterum tenuia intestina hic affecta esse, probò.

1. Ex modo dejectionum, quæ non statim post tormina fiunt; cum contrà, si crassa laborent, fere cum torminibus fiat ipsa excretio.
2. Ex modo afflictionis, torminibus nempe atrocissimis, tenuia intestina, ceu magis sensilia, vexantibus.
3. Ex vomitu; cum enim ægra nostra vomere dicatur unà cum dejectionibus cruentis, hinc certissimum colligitur signum, superiora intestina; jejunum nempe, forsan & duodenum, esse affecta; cum crassis affectis non observatus sit vomitus conjunctus à Practicis.
4. Ex dejectionibus tenuibus.

*Causa proxima dysenteriae simpliciter est spiritus impetum faciens, ex objecto molesto in parte sensili irritatus, & in motum spasmodicum concitatus. Interim cum hæc causa sit nimis generalis, uti & ipsa irritatio, proinde allego hic pro causa proxima acidum acre rodens, & superficietenus intestina excorians, particulisque suis acutis eadem irritans. Et quidem acidum acre rodens peccare, patet ex eo, quod ægra nostra aliàs levi ex causa sit obnoxia passionibus hystericis, in quibus notoriè acidum plus minus austerum abundat: unde per purgationem hæc Camarina commota intestina rosit & excoiavit. De cætero, percipitur dolor contorquens & lancinans, qui nil est aliud, quàm spasmus & contorsiones intestinorum, quando intestina sic irritata se convellunt; dicunt: *intestina glomerari se in corpore*. Scilicet notus est motus peristalticus intestinorum naturalis, quo instar lumbrici cujusdam de super circulariter constringuntur. Ille ergò motus si intenditur & evadit convulsivus, dolor lancinans & lacerans, vel, pressius adhuc loquendo, vagè contorquens, sentitur: imprimis vagus est dolor, qui est simpliciter à spasmò, quo convelluntur intestina, dum nempe naturalis ille intestinorum motus degenerat in spasmus præternaturalem.*

Duplex autem symptoma aliàs communiter præ aliis dysenteriam periculosam facit: quorum primum est *vomitùs*, secundum est febris conjuncta adeòque maligna. Dysenteria maligna, quæ vomitum seu febrim conjunctam habet, periculum maximum post se trahit: interim amen febrilis melior est: Ratio est, quod sæpius in dysentericis, cum vomitu mortuis, inventum sit vestigium escharæ & gangrænæ in stomacho. Febris in nostra ægra abest, hinc vomitus non est adeò malus, quia manus erant moderate calidæ. Et utut pulsus sit concitator, celerior & naturali frequentior, qui in aliis plerumque febrem præfigit; in præsentitamen ægra non est febrilis, sed non naturalis, quia saltem ex causa manifesta, nempe dolore, erat; nò secus ac ex cursu aut ebrietate pulsus obtinemus naturali majorem & frequentiore, non tamen febrilem dicendum &

præternaturalem, sed non naturalem. Vbi observandum, quod quoties urget dolor, toties intendatur in nostrum corpore calor,] nisi in tantum urgeat dolor, ut lipothymia supervniat, quo in casu frigus potius corpus nostrum occupat; imò ob dolorem magis urgentem contingit interdum, ut pulsus una alterave vice intermittat. Hoc monitum inculcat BARTHOLINUS in *Hist. Anatomicis*, qui dicit: Medicum non terri debere, si interdum ex nimis doloribus pulsus intermittat: Sic enim Pleuriticam se secuisse, in qua quartà vel demum quinta vice pulsus semper intermittebat: qualem etiam WEDELIUS in *M. A. N. C.* introducit, citra periculum tamen.

Sanguis verò qui profluit in hoc casu, est tenuior & serosior, ex diabrosi sive erosione læsis, & ab acido acris arrosus vasculis capillaribus, ad intestina delatis. Est ergò sanguis profluens saltem productum morbosum: adeòque non statim, quando sanguis ex intestinis profluit, argumentandum est ad eorum excoiacionem, cum in dysenteria maligna, v. g. ex contagio, vel per fellam communem, vel per instrumentum clysmaticum infectum, nata, idem phænomenon se offerat; nec tamen colligendum hinc, erosam intestina esse; quin potius eadem tunc à miasmate fermenti acris vellicata & nonnihil arrosa ratione spiritus impetum facientis plus sanguinis recipere, quin tamen ob spasmos continuos & motus convulsivos tandem continuata irritatione sanguinem extra vasa profundi. Scilicet idem hic contingere observamus, quale expulvere acris sternutatorio in naribus; ubi tandem etiam sanguinem profluere cernimus, sine speciali vasorum corrosione: simili ratione intestina à contagio vellicata, tandem sanguinem suum, pro eluendo objecto irritante, sine excoiacione plorant.

Causa remota in hac ægra fuit Purgans, quatenus nemper hoc movit acidum istud in eadem hystericæ obviu, & ita acres acidus succos ex pancreatis & intestinorum miliaribus glandulis profluere fecit. Nempe primò sex vel septem vicibus sine torminibus rectè & cum euphoria Patiens fuit purgata, partim quod succi varii invicem commisti, acrimoniam suam mutuo temperarint, partim quod in pilulis vitriolum Martis fuerit commixtum, absorbens & edulcorans acidus illos succos; unde quamdiu hæc temperatura duravit, feliciter purgata fuit: ubi verò succi temperantes fuerunt expulsi, & vitriolum Martiale saturatum, & foras exclusum nihilominus tamen purgans operaretur, hincque acida sympha pancreatica sola existens, istam excoiacionem & rosionem induxit, idque imprimis in hoc subiecto sensili delicato, spasmis intestinorum alià obnoxio. Adeò scilicet observavi sæpius, mulieres hystericas à levissimis purgantibus maxime lædi, & nisi cautè tractentur, sæpius sub operatione paroxysmum incidere hystericum, propter sensile genus nervosum, & quia spasmis intestinorum consuetè sunt obnoxie. Jam ergo consideranda venit resina illa purgans acris, amara, & viscida præprimis, quæ in extracto colocynthidos ingrediente pilulas deglutitas continetur, itemque quæ in massa pilularum de hiera cum agarico est, utut mitior in agarico. Hæ resinæ viscidæ sunt & acres amaricantes. Jam ergò hæ resinæ firmitus intestinorum parietibus se adhærentes, & acrimonia sua amaricante eadem continuò stimulant, faciunt, ut glandulæ pancreaticæ & miliares stimulatæ tandem lympham suam acrem acidam, mali matrem, profundant, & successive hæc mala inducant.

Ex quibus patet, cur dysenteria, variolis superveniens, funesta adeò sit? Scilicet signum est causam materialem variolarum, vel variolas ipsas, intestina obsidentes, incepisse eadem jam erodere. Jam autem cum in talibus vel blandior alvi fluxus periculosus sit, multò magis alvi fluxus cruentus periculum post se trahet; & excretionem variolarum impedita periculum adhuc subest, ne intestina, gangræna correpta, ad interitum ducant.

Et tantillæ particulæ resinosaæ allegatæ suspicionem suggerunt, qua ratione nempe tantillum in maligna & contagiosa dysenteria tam efficax sit, ut propagetur. Scilicet similes particulæ aciores, subiecto viscido irretitæ, ab alio communicatæ, in altero affectum similem oriri faciunt, utpote quæ speciatim intestinis infestæ, ad eadem delatæ morsicando, rodendo, dysenteriam in alio subiecto sano oriri faciunt; istæ tamen particulæ speciatim infestæ sunt intestinis, nò enim ibidè aliæ partes affliguntur, nisi per metastasi aliò prolabatur, simili fere ratione ac particulæ antimonialis hypercatharsin cruentam excitât. Quæ admodum enim infusum antimoniale, venis infusum, nec dum cessat intestina irritare, aliis partibus autem innoxium est: ita còtagiù dysentericum

tericum malignum specialiter intestinis infestum est ; Si-
cuti etiam tinctura antimonii propter particulas antimo-
niales venis infusa vomitus movet , corpore cæteroquin
intacto relicto . Sed quæritur : in quonam specialis hæc
configuratio particularum consistat ? Resp. Res à priori
est indemonstrabilis , nisi in similitudine cum particu-
lis antimonialibus acquiescere velimus , dicendo , idem
usu venire , ac ex cantharidibus assumptis vesicæ spe-
ciatim infensis , sive assumantur pro usu venereo & sti-
mulante , sive externe pro vesicatorio nuchæ applicen-
tur , quod & dysuriam , ischuriam , miæctum cruentum
& exulcerationem vesicæ introducant . Unde forsan in
dysenteria maligna similes acres particulæ speciatim inte-
stinis sunt infensæ ,

PROGNOSIS.

Dysenteria hæc benigna non adeo est atrox , & pericu-
losa , nisi quatenus vomitus affligunt , impediētes medi-
camentorum operationem , & pylorum affectum esse at-
testantes . Coalescentia autem intestinorum , quæ forte
metui posset , præpeditur medicamentorum liquidorum
crebro usu , utut per se sit rara , & nonnisi in declinatio-
ne contingat .

CURA.

In Cura Indicationes sunt :

1. Acidum acre corrigatur .
2. Dolor sistatur ; eo enim cessante , cessabit
cruoris profusio .
3. Massæ sanguineæ & reliquorum humorum &
succorum motum compescamus , imprimis per
sudorifera .
4. Tandem lēSIONem intestinis inductam debitis
remediis emendemus .

Opiata conveniunt , sed cautè usurpentur . De his au-
tem notandum , ea à THONERO dici necrotica , quia
gangrænā intestinis introducunt , & impediēdo excre-
tiones , materiamque morbificā in alia loca transferen-
do , occasionem dant futuræ anginæ . Unde in legitima
eorum administratione totum negotium situm est : Scilicet
caveamus nobis ab horum usu tam in benignæ quam mali-
gnæ dysenterię progressu vel statu , ob metuendam matē-
riæ morbificæ aliorum metastasin ; aliās cum specificis
temperantibus & sudoriferis mista in principio & incre-
mento morbi locum habebunt . V. g. in dysenteria mali-
gna sequens pulvis conducit optimè :

℞. Terræ sigill. ʒj.

Cornu Cervi usti præp. ʒss.

Antimonii diaphor. ʒj.

Laud. opiat. ferm. gr. iij.

Ol. destill. Cinnam. gut. iij.

M. f. Pulvis.

Div. in 3. partes : D. S.

Pulvis adstringens.

In hoc pulvere terra sigillata , acidum absorbendo , ac-
quirat aluminosam texturam & saporem , & ita simul ad-
stringit ; cornu cervi ustum verò immediatè alcali peccans
imbibit sine ulla ferè effervescētia ; oleum destillatum
Cinnamomi propter stomachum convenit , & quia resistit
vomitibus .

Capiatur autem dosis una in aqua cinamomi cydoniata
aromatica , ut hac ipsa stomachi furor sopiatur . Interim
quieta jaceat ægra , & , si possibile est , post dosin primam
aut alteram expectet blandum sudorem .

Specificæ quæ commendat Dn. Autor hujus Resolutionis ,
magis conveniunt in dysenteria maligna cum sudore , quàm
in benigna , ubi simpliciter absorbentia prosunt .

Hiscæ ulterius succurrāmus operculis calefactis abdomini
infernendis , ut ipsorum calore remittant spasmi loco quo-
rum etiam sacculi tales tepidi applicari & pro usus exigentia
reiterari poterunt :

℞. Herb. Chamom. cum flor. M. iij.

Fol. Quercus M. iij. vel M. ij.

Mentha M. j. ad M. iij.

Fl. Verbascoi ,

Samb. ana. M. j. vel ij.

Incisa duobus sacculis interpassatis rotundis inclu-
dantur , lacti , vel , quod hoc melius , vino incoquendis ,
Ettnuller. Oper. Tom. I.

hinc tepidissime abdomini repetitim infernendis .

Quodsi verò talia hæcenus non suffecerint ad antidysen-
tericā specificā fiat accessus : & quidem rectè sub forma
pulveris præscribuntur , liquida siquidem faciliè vomitu reji-
ciuntur : v. g.

℞. Rasur. priapi cervi vel ceti ʒij.

Hepat. viper. exsic. ʒss.

Mag. Corall. cum suce. citr. ʒij.

Laud. opiat. gr. vj.

M. f. Pulvis pro 6. dosibus :

D. S.

Pulvis adstringens .

In dysenteria autem maligna cum febre conjuncta , Be-
zoardica reliquis antidysentericis mista egregia sunt .

℞. Usu. cran. hum.

Bezoard. solar. ana ʒss.

M. f. Pulvis : S.

Adstringens pulvis ad sudorem .

Philonia antiquorum hoc tempore non usurpantur , sed
eorum loco tutius opiata ritè correctæ substituuntur .

Sanguis draconis est egregium stypticum per se , nisi fan-
guine hircino fuerit adulteratus , cujus fuci signum est ,
quod affuso aceto vini in bullas effervesce incipiat , quæ
nota est subjecti alcalini , nec aliās in sanguine draconis pu-
ro , nec aliis gummatibus reperiendi . Adulterino autem
in omnibus scopis , ubi verus commendatur , substitui po-
test gummi Arabicum & terra sigillata .

Si quid læsionis in intestinis restiterit , balsamicis ea de-
lenda ; adeoque pro hoc scopo ordinatur balsamus Peruvia-
nus in vitello ovi sorbilis solutus , ad gutt. 6, 8, 10, &c. ca-
piendus , ut ita guttæ illæ dispareant ; Vitellum enim ovi
in dissolvendis resinis , in specie purgantium , est præstan-
tissimum . Vel loco hujus capiatur essent sulphuris , cujus
modum parandi tradit WILLISIUS in Pharmac. Ration.
Ac simili modo confici poterit Essentia balsami Peruviani ,
quæ concinnius ita paratur .

℞. Bals. Peruv.

Subigatur terendo cum sal. tartari q. si propa-
sta : cui affundatur Spiritus vini tartarificatus , &
in loco calido digeratur ad extractionem
essentiæ , acrioris saporis ipso balsamo Pe-
ruviano .

Dosis sunt guttæ 12. 15. 20. ad 25. in vehiculo calido ; sed
hoc incommodi habet , quod ructus pariat .

Cæterum notabile est , quod balsamus etiam Peruvianus
cum vitello ovi solutus longè acrior & penetrantior se gustui
sistat , quàm per se existens ; tantum vitellum ovi in dissol-
vendis corporibus resinosis præstat !

Cum his dictis etiam adhiberi poterit balsamus sulphuris ,
ut & tinctura illa antiphthifica dicta D. Michaelis , ex sac-
charo saturni , & vitriolo Martis constans , parum quidem
de Marte participans , propter saccharum saturni tamen
egregiè in dysenteria & quibusvis alvi fluxibus cruentis se
præstans , læsa simul intestina tinctura hæc consolidat , &
egregia est in fluxibus alvi cruentis , cui etiam tinctura sul-
phuris vitrioli , & tinctura vitrioli Martis , non inconve-
nienter substitui potest .

Quibus autem Decocta vulneraria placent , illi sic ordi-
nare poterunt :

℞. Rad. Symph. maj.

Tormentill. ana ʒss. ad ʒj.

Herb. Veron.

Alchim. ana M. j.

Plantag.

Com. hyperic. ana M. ss.

Concisa coqu. in aquæ simpl. q. f.

Colat. ʒj. adde

Syr. de Symph. Fern.

Corallior. ana ʒss.

M. S.

Decoctum vulnerarium .

Capiatur hausticos , addendo singulis haustibus gut-
tulas aliquot balsami sulphuris terebinthinati , vel tinctu-
re antiphthificæ .

Quod intestinum rectum simul fuerit affectum , cum te-
nesmo , ordinentur tunc clysmata temperatissima ex lacte ,
adjecta interdum terebinthina : v. g.

℞. Lact. bubul. rec. ʒss. ad ʒix.

adde

Zz

Te-

Terebinth. in vit. ovi dissol. ℥ij.
& , si opus,
Mell. rutac. ℥vj.
M. pro clysmate

Hic curiosum est, quod observavi in quadam puerpera, cum tale clysmata ordinasset, quod ingrediantur ℥vj. terebinthinæ, & patiens hoc ad horas decem retinisset, & quidem cum euphoria, tandemque altero demum mane reddidisset, ecce! urinam tunc emisit, violaceum odorem valde referentem.

Pro restaurando denique stomacho vinum absinthites, cydoniata, elixyr menthæ, & reliqua aromatica, stomachi & intestinorum tonum fibrosum restituentia, erunt convenientissima.

CNOEFFELIUS iussit excrementa deponere super caput mortuum vitrioli.

Tribus vicibus mihi occurrit hic casus, scilicet proritatio alvi largior ex medicamentis in dosi non excedentibus:

(1.) *In hac ægra.*

(2.) *In Virgine cachectica cum mensum difficultate, & hinc tumore abdominis statulento, nato ex muco acido viscido circa primas vias, cui præmissis Martialibus & digestivis ordinavi Potionem laxativam blandam ex gummi ammoniaco in aceto soluto, cum scammonii sulphurati & extracti trochiscorum alhandal ana gr. j. & tamen hæc mistura ultra 15. imo 18. secessus procuravit, & similem huic casui casum induxit, cum maximis torminibus, superveniente tandem passione hysterica, cum copiosa sanguinis reiectione per inferiora, ultra biduum durante. In quo casu, ubi omnia, etiam optima specifica, aliàs incassum adhibuissim, tandem præscripsi hanc misturam:*

℞. *Aquæ Plantag.* ℥ij.
Cinnam. cydon. ℥vj.
El. diascord. Frac. ℥j.
Troch. de Carabe ℥ss.
Hæmat. pulveris. ℥j.
Antimonii diaphor. gr. xij.
Syr. Plantag. ℥ss.

Hæc cochleatim sumpta, omnia pacata reddidit.

In hac Mistura, præter hæmatiten, qui est terra metallica, trochisci de Carabe sunt notandi, vetus quidem & corrigenda, sed tamen egregia compositio; & ut verum fatear, hæc in fluxibus alvi, ex acrioribus succis enatis: & in maligna dysenteria, laudem meretur. Sic in vomitu cruento felicem ejus usum expertus est FORESTUS sub forma pulveris in haustu vini, vel in misturis, quibus parum aceti additum sit, dosi ℥ss. ad ℥j. exhibenda; non secus ad eadem trochiscorum de carabe compositio nuperime etiam in disperata ferè gonorrhæa, aliquot annos durante, ac miraculum profuit.

Tandem (3) curavi etiam agnatam mulierem, 27. annos natam, texturæ aliàs delicatæ & sensilis, simulque fermenti digestivi stomachici tenerrimi existentem, ita quidem ut blandiora quoque remedia, tam alterantia quam laxantia, eandem graviter afficerent. Præterea hæc scorbutico hæreditario affecta, & hystericis passionibus obnoxia, tussim stomachi chronicam experta est, ex muco acido viscido stomachi obortam. Pro qua curanda præscripsi præmissis præmittendis has pilulas: [vomitorium enim non conveniebat propter passionem hystericam:]

℞. *Gum. ammoniaci in acet. sol.* ℥ss.
Aloes luc. gr. iij.
Extr. troch. alband. gr. ss.
Laud. hyst. gr. v.
Cum eff. *Salviæ f. l. a.* Pilulæ:
D. S.
Laxantes Pilulæ matricales.

Cepit has vesperi ante cœnam, benè dormivit, mane aliquoties cacavit, & vomuit semel, sanæque reddita fuit. Verùm interjectis aliquot mensibus tussis rediit, unde easdem pilulas iterum præscripsi. Quid autem fit? postquam eas cepisset, in copiosissimos vomitus, hypercatharses cruentas torminosas, ex quibus hinc vires prosternebantur, tenesmus, passionemque simul hystericam tandem incidit in gradu excessivo, & certè pessimè se habebat: in quo tamen casu inter alia adhibita remedia hunc pulverem proficuum experta est:

℞. *Corall. rub. præp.*
Cornu Cervi usi præp.
Antimonii diaphor.
Terræ sigillatæ ana gr. vj. vel vij.
Laud. hyst. (cujus ordinaria dosi aliàs sunt gr. vj. in subjecto verò hoc delicato) gr. iv.
M. f. Pulvis: S.
Pulvis adstringens.

Hunc aliquoties deglutivit, non sine successu, Passioni verò hystericæ satis fecit Elixyr uterinum D. MICHAELIS, sicut tenesmo sacculi ex floribus verbasci & chamomillæ in lacte simplici, addito tamen pauculo saccharo; quibus adhibitis restituta est feliciter.

Vir consistentis ætatis dysenteria epidemica ex contagio occasione pavoris affectus, cum per sex vel septem dies saltem diarrhœa simplici jam laborasset, quæ successivè in dysenteriam mutabatur, magis tamen mucosam, minus cruentam, Ger. die Vveisse Rubr communiter dictam, die saturni vesperi vocatus, præscripti:

℞. *Aquæ Menthæ,*
Scord. ana ℥j.
Aceti Vini ℥ss.
El. diascord. Frac. ℥ij.
Terræ sigill. ℥ss.
Misc. pro 2. dosibus:
M. S.

Mixtura adstringens pro 2. dosibus.

Sudavit & melius habuit.

Die solis erat admodum debilis, siticulosus & anxius: quoties cerevisiam biberit, tantillum frigidiusculam, aut potiunculam, totius in continenti urgebant secessus; ad juscula calida vel haustum calidum non item; non secus atque dum probe tectus stragulis & munitus pedibus aut operculis abdomini aut pedi admotis probe caleret, & consequenter non nihil sudaret, toties angustia & anxietates præcordiorum cessabant, & cum sudaret, esse ipsi bene, neque sentire anxietatem; simul verò atque vel lecto surgeret, vel pedes nudaret, subito anxietatibus præcordialibus cum sensu molestiæ torminosæ abdominis, & crebriori dejectione afficiebatur, unde, & calidè servandum & calida potui propinanda quasi per totum morbi cursum. Hinc die solis præscripti:

℞. *Antimonii diaphor. Martial.* ℥ss.
Terræ sigill. gr. xv.
Cornu Cervi usi præp. ℥j.
M. pro 2. dos.

In vehiculo calido jusculi gallinacei vel vini capiendis:

D. S.

Pulvis adstringens.

Fecit, & melius habuit; Unde & pro sequente nocte adhuc unam dosin capiendam monui.

Sed utut opiata tam supra, quam sequentibus diebus, simul propinarem, tamen paucissimus & minimè talibus proportionatus sequebatur somnus; id quod ferè obtinet in dysenteria, ut opiata in crebra & magna dosi ferè queant cum pauculo aut nullo somno, & minori virium prostratione, quam ex torminibus & secessibus patiuntur, aut opiata aliàs in ferè solent: Ergo die Lunæ.

℞. *Ras. priapi cervi* ℥j.
Laud. opiat. gr. iij.
M. pro 2. dos.
D. S. ut supra.

Vesperi præscripta fuit Potio sequens:

℞. *Aquæ Plantag.* ℥ij.
Cinnam.
Spiritus theriacal. camph. ana ℥ij.
Acet. vini ℥ss.
El. diascord. ℥j.
Lapill. Cancr. præp.
Antimonii diaphor. ana gr. xv.
Syr. Plantag. ℥ss.
M. pro Potione: S.
Potio adstringens.

Capiebat pro lubitu.

Die Martis

℞. *Cornu Cervi usi præp.* ℥ss.
Mag. Coral. cum succ. citr. ℥j.
Terræ vitrioli dulc. ℥ss.
M. pro 2. dos. S.
Pulvis adstringens.

Unam

Unam cepit manè, alteram circa mediam noctem in vehiculo cerevisiæ calidæ cumino probe conditæ.

Vesperī Tincturæ Bezoardicæ gutt. 50. cepit quam, postea omni manè repetitam semper cum successu bono propter sudorem assumpsit, sicque evasit: Nam & alii huic malo tunc temporis obnoxii in, principio bis vel ter accepta hac Tinctura mediante sudore facillè evaserunt; sicut aliis Essentia theriacalis anodyna Doctoris Michaelis ad 40. guttulas optimè contulit.

Die ergo Jovis & Veneris eadem tinctura Bezoardica manè capiebatur; à meridie verò mixtura ex electuario diascordii. Sed cum nihilominus quotidie ter vel quater, etiam noctu totidem vicibus, pateretur adhuc secessus mucosos cum paucis somno, sine torminibus tamen, nullo appetitu, siti jam tamen moderata, judicavi hancce morbi protractionem jam saltem ex vitio stomachi non digredientis oriri. Unde

Die Saturni iussi manè capiat ovi vitellum induratum cum aceto rosaceo, cujus usu optimè habuit; propterea vesperi biborio ante cœnam idem repetere iussi.

Sub cursu morbi externè pro coercendo tenesmo graviter urgente iussi capere sterco columbinum, hoc cum aceto calido probe subigere, & tam abdomini insternere, quàm podici applicare, & sæpius calidè renovare, cujus usu commodè habuit.

Alius vir juvenis dysenteria gravi confectus, in principio quidem nonnihil cruenta, sed in progressu tota mucosa, exercebat: aderat simul febris continua; hinc sine evacuantibus rhabarbarinis mox per opiata & specifica aggressus sum curare. Successit quidem cura, sed magno labore & sub continuo calidæ cerevisiæ potu laterumque calefactorum pedibus & abdomini suppositione, subinde sudores spontanei, præsertim vespertini, erumpebant cum euphoria. Cessante dysenteria, durabat adhuc febris continua lenta cum gravamine ventriculi & appetitu penitus dejecto, copioso nempe mucosum ventriculum obsidente; ob id ordinavi sal ammoniacum cum paucis lapillis cancrorum, cujus repetito usu attenuatus quidem nonnihil fuit mucus, sed non rejectus. Coactus ergo propinavi vomitorium ex fyrupi emetici 3ss, idque eò magis, quod vesperi præcedenter æger spontaneo vomitu varia mucilaginosa excrevisset; sed vomitorium nihil effecit, utut anxium reddiderit ægrum, mucosum nempe in ventriculo copioso obtundente remedii vim, tamen copiosa mucosa sreatu & tussi rejecit, febre lenta adhuc perdurante, quibus rejectis, multum levatus fuit. Excrevit autem illa ex ventriculo: Nam & stimulum tussis in regione scrobiculi cordis percipiebat, & quæ excrebat, illinc prodire assererat: ob id misturam ex aqua hyssopi, syrupo nicotianæ & oxymelle squillitico ordinavi, cujus usu rejecit quidem copiosius, sed crebriores etiam denuò secessus passus fuit; propterea intermisi & præscripsi sequentem Pulverem:

R. Rad. Ari. nou. præp. ʒij.

Lapill. Cancr. præp. ʒij.

M. D. S.

Resolvens pulvis stomachalis.

Omni mane largam dosin capere iussi: quo absumpto, ut penitus ex ventriculo eradicentur mucosa, 40. guttas Tincturæ tartari benè acris omni manè capere iussi, sicque convaluit.

Ex hoc casu didici: (1) Necessarium esse in dysentericis præmittere laxantia: si enim hoc fecissem, tantam mucosam saburram in declinatione morbi circa ventriculum & primas vias non habuissem. Nam quoniam dysenteria erat benigna in corpore crudis succis infarcto, hi ipsi metu febrili correcti, & in mucum temperatum conversi, circa primas vias depositi, sed antidysentericis & opiatis remediis detentis, postmodum istas turbas dederunt.

Didici (2.) in dysenteria, si malum vel sit ex ventriculo, vel declinante morbo, nihilominus adhuc foveatur à dyspepsia ventriculi, vomitoria mitiora tutò posse propinari. Vomitoria equidem in dysenteria magis, quàm diarrhœa, sunt periculosa propter metuendam ventriculi læsionem. Sin autem dysenteria sit à pharmaco maligno aut veneno, & materiæ relictæ quædam pars in ventriculo hæreat, conveniunt. Conf. SENNERTUS lib. 3. Prax. pag. 351.

De cætero ubi conveniunt, magis in benigna quàm maligna locum habere videntur (LA MONIERE tamen Tract. de Fluxu dysenterico maligno observavit, subinde in primo principio vomitoria fuisse proficua; & arbitror, hoc ita esse, in casu nempe, quo contagium malignum inspi-

Ettmuller. Oper. Tom. I.

rando haustum ventriculum saltem adhuc obsideat) idque, si superiora intestina laborent, si cacoehyia adsit aut malum foveat, nec non humorum imprimis intestinis & ventriculo molesta saburra; si denique natura eò vergat, ægrique eidem facilius auscultent, viribusque adhuc consent. &c. Vomitu namque diuturnas dysenterias curatas vidit MERCATUS.

C A S U S XII.

DYSENTERIA MALIGNA.

JUVENIS curiositate ductus visitaverat castra Belgarum, sed domum reversus conqueritur de doloribus abdominis contorquentibus & lacerantibus vagis, in specie noctu affligentibus, itaut lacerari quodammodo intestina videantur. Adest simul crebrior alvi dejectio, primitus quidem recrementorum naturaliter constitutorum, sed postmodum saltem pauca, eaque viscida & glutinosa, continuo licet alvus stimuletur plus minus rubicunda, acerbissimo tamen dolore comitata, egeruntur. Appetitus planè est prostratus, adest sitis continua, in specie noctu, caput dolet, nausea supervenit, & interdum vomitus materiæ variæ, sæpius inanis vomendi conatus, accedit. Percipitur simul circa umbilicalem regionem cum suprà dictis acerbissimis cruciatibus pulsationis quidam levior sensus. Pulsus celer, frequens & magnitudine moderatus est. Vocatur noctu Medicus ab ægro, doloribus acerbissimis vexato pro Cura.

R E S O L U T I O

DN. THEODORI CHRISTOPH.

L R U G I,

HASSO-CASELLANI,

B. Dni. PRÆSIDIS

Censuræ ac Emendationi subjecta & correctæ

Anno 1676.

Symptomata sunt

Dolores abdominis contorquentes & lacerantes vagi, noctu in specie affligentes.

Crebrior alvi dejectio tam recrementorum naturaliter constitutorum, quàm viscidorum & glutinosorum, eorumque paucorum plus minus rubicundorum.

Tenesmus & continua alvi stimulatio.

Appetitus planè prostratus.

Sitis continua noctu præprimis.

Dolor capitis.

Nauseas & vomitus materiæ variæ, & interdum inanis vomendi conatus.

Pulsationis sensus circa umbilicum, levior tamen.

Pulsus celer, frequens, & in robore moderatus.

Causa antecedens est

Iter ad castra Belgarum.

Ex quibus ægrum dysenteria, à causa externa oborta laborare manifestum est.

A F F E C T U S.

Plura sunt symptomata, & quidem truculentissimè combinata, ægrum nostrum præsentem vexantia, ex quorum tamen penitiori consideratione dignoscere licet, illa eò collimare, ut nos, eundem morbo, non minus sævo quàm molesto, ad excretionis vitia læsa, & præprimis non tam aucta quàm depravata, potiùs spectante laborare, certiores reddant; quod vitium proprio nomine Dysenteria audit, seu, quo nullus ambiguitatis sit locus, Diarrhœa cruenta torminosa, quam Germanico idiomate explicant: *er bat die Weisse und rothe Rubr*: Hanc enim adesse, dejectione viscidæ plus minus rubicundæ, cum acerbissimis doloribus abdominis, reliquisque truculentis symptomatibus stipatæ, indicant.

S U B J E C T U M.

Quibus omnibus intestina, ceu *subjectum*, cui illa, accidentia cum sint, inhærere necesse habent, characteris esse merito statuimus, quæ undique ex læsis vasis à doloribus, & inde natis spasmodis, affecta & interioribus abrafa, sanguinem unà cum reliquis excretis, tam naturalibus quàm præternaturalibus permixtum, effundunt. Licet autem intestina sit corpora una eademque membrana communi à pyloro ad podicem usque constantia; attamen ob accidentia quædam Anatomici illa distinxerunt in tenuia & crassa. Hoc autem in loco tenuia saltem intestina huius mali *subjectum* determinamus, quod manifestat doloris exacerbationis sensus circa regionem umbilicalem. Dum autem intestina tenuia vocamus *subjectum*, non insonem interim ab hoc malo volumus esse stomachum, cum & intestina rectè ventriculus prolongatus vocentur, sed & characterem huius vitiosum & exoticum non silentem in stomacho, ceu nido materialiter intus depositum, segregatoque pabulo in plicis & rugis stomachi exceptum esse, nausea & appetitus defectus sufficienter convincunt; quod jam HIPPOCRATES acidus ructus protractis alvi solutionis supervenientes faustos deprædicando annuit. Proinde non in cassum fore autumno, distinguere inter *subjectum morbi*, quod intestina tenuia esse diximus; & inter *subjectum causæ*, cuius rationem formalem ventriculus explicat.

C A U S A P R O X I M A.

Quò verò ægro nostro in juvenili ætate persistenti, nec talibus adfucto, clarior evadat natura ejus mali, considerandæ sunt ejus causæ, generationisque modus: *Causam* ergo huius torminosi affectus *proximam* statuimus Fermentum malignum & quasi arsenicale, per contagium haustum, ab excretis, & militibus simili affectu laborantibus, intestinis pertinaciter adhærens, ea rodens & excorians; unde horum archeus ab ejusmodi hostilitate irritatus proprium suum hospitium devastans, continuè ea ad excernendum muci sanguinisque copiam cum insigni cruciatu stimulat.

C A U S A R E M O T A.

Tale autem vitium seu hostile miasma acidum ejusmodi martyria conferens, unde contraxerit, non miretur Patiens, cum causa prægressa occasionalis sit amplas fenestras & fores apertas concesserit; hinc ab externa causa suum ortum, adjuvante simul prædisposita aliquali corporis constitutione, ceu oblietrice, ad ejusmodi producenda apta, duxisse auguramur, & quidem ut à prægresso, ex curioso ad castra Belgarum visitanda animo, suscepto itinere hunc Martialem hostem tyrannide sua illum sat cruciantem, in humeros suos contraxerit; quippe putridus talis aer ad febres malignas in castris disponit, quæ ob vitia diætæ, & inde nata stomachi pathemata, aliàs *morbis Ungaricus* seu *Febris Castrensis* dicuntur. Hinc facile æger postea hoc in Martis museo ab aliis ægris, eodem affectu jam inquinatis, per contagium affectus fuit, quod loco trophæi atrox sanè malum secum domum reportavit. Imò non mirum, si accadat & soli fracescentis vitium: nempe visitavit castra Belgarum, quo in climate ob præsentiam fluminum, paludum, litorumque, ejusmodi exhalationes semisalsæ plus minus acres facile exhalant, quarum atomorum impressione hanc violentam tyrannidem introduxerunt nostro ægro, qui aliàs in juvenili & florida ætate, & ob copiam humorum, fortassis & redundantiam acidi præternaturaliter in corpore existentis, magis magisque dispositus fuit, ut ita facilius morbida & dysenterica hæc progenies introduci potuerit. Imò propius eundo probabile videtur, & stomachum ipsum ansam huic malo dedisse: alimentorum infectorum & variorum eorundem sub itinere ingestorum, præprimis duriorum salitorum maleque præparatorum, qualia in Belgio, regione aliàs impuriore, propinantur, assumptione, insigniter negotium digestionis, hebetando fermentum stomachi digestivum, æger noster imminuit, hinc ob ordinatam minus diætam non obtinuit validam digestivum fermenti vim; ut ita non inconcinne SENNERTUS exinde dysenteriam deducat; quod & in nostro ægro ita esse, appetitus insigniter prostratus sat dilucidè probat. Fermentum proinde stomachi exacerbatum loco chylilaudabilis acidum vitiosum crudele peperit, quod orificium stomachi superius afficiendo nauseam, postea arctius pylorum vellicando & irritan-

do, & vomitum materiæ, pro fermenti digestivi vitiatum corruptione, exindeque obortæ ciborum corruptionis variæ, (dum acor hic præternaturalis, quo fermentum, stomachi vitiosum indigito, non in cibos ingestos agit, sed errabundè in archæum stomachi, illumque inficiat,) excitat; sæpiusque post rejectionem talis, non tamen omnimodè æ, materiæ vitiosæ, idcirco ob viscidiorum quarundam particularum remanentiam stomachum continuè irritantium, conatus vomendi inanis ægrum vexat. Acidum proinde hoc acre malignum quasi antimoniæ aut arsenicale, aut tithymalinum, &c. ad intestina delatum, cum bile & succo pancreatico vitiosè effervescent, fomitem præbuit huius cladis ægro inductæ: imò exinde massa sanguinea turbata fuit, unde postmodum ex vitiosa, ob peregrinarum particularum præsentiam, ejus crasin aliquomodo deturbantium, fermentatione pulsus celer, frequens, & sub vitium adhuc constanti ratione in robore hinc moderatus persistit. Ad huius autem præternaturalis acidi peccantis reatus ulterius examinandos, non incongruum erit consideratu & symptomata ex ejus præsentia proritata libere, quibus præsertim ægro crudele & molestum existit. Acre autem hoc vitiosum præternaturaliter acidum ex dictis causis enatum, tam immediatè ventriculum & intestina afficiens, quàm mediante massa sanguinea ab extra affecta eò delatum, morbifica sua phalange illis pertinaciter pro sua, quam adeptum est, vitiosa natura viscida adhæret: hinc illa irritando ad crebriorem alvi dejectionem, & primitus quidem naturaliter constitutorum recrementorum, postmodum verò paucorum viscidiorum & glutinosorum, excitat; quatenus nempe acre istud excessi vè acidum stimulando intestina fecerit, ut primitus quidem se à feculentis naturalibus liberent, postmodum verò acrius irritata, obque effluentiam succorum per pancreas, vasa cholodocha & glandulas intestinorum miliares ex massa sanguinea vitiatà eò effusorum continuam continuè vellicata, & muco eorum chyloso, ceu optimo parietum eorum tutamine, spoliata sunt, ut ita membranis sensim tali tegmine denudatis, hinc erosio, & vasorum sanguifluorum orificiola capillaria aperta fuerint, exinde postmodum excrementorum talium plus minus rubicundorum ejectio, ad exemplum pulveris sternutatorii fortioris narium membranas continuè vellicantis, & non solum lympham copiosior, sed & sanguinem tandem, prolicientis. Ejectiones autem istas partim præcesserunt, partim comitati sunt, dolores abdominis tam truculentissimi, contorquentes & lacerantes vagi, in specie noctu affligentes, ita ut lacerrari quodammodo intestina videantur; qui sat manifestant acris alicujus præsentiam, quod insigniter rodit intestinorum intimam substantiam, & tunicas fibrosas insigniter sensiles morficat, ut exinde ingentes dolores, & propter hos ipsos, convulsivos earum spasmos & contracturas, adeoque acerbissimum contorsionis & omnimodæ quasi lacerationis sensum conjunctum, cruciatus intolerabiles; præprimis tempore nocturno, inducantur; quales dolorosi spasmi & convulsivi motus præprimis jejunum torquent intestinum reliquaque tenuia, hinc ut præcipue circa umbilici regionem cum dictis cruciatibus & pulsationis quidem, et si levior, sensus observabilis sit, ob sanguinem nimirum in vasis capillaribus stagnantem, & in motu suo, ob nervos vasis sanguifluos subjacentes irritatos, exindeque vasa sanguiflua comprimentes, impeditum; ob quos nervos affectos & simul caput per consensum insigniter dolet. Quatenus autem acre vellicans miasma seu fermentum pungens & vellicans intestina, ex intestinis superioribus, partim motu suo proprio, partim horum convulsorum contorsione spasmodica, ad intestinum rectum propellatur, huicque postmodum pertinaciter adhærando, illudque vellicando, dolores tales acerbissimos non solum infert, sed & alvum continuè stimulat, unde & tenesmus & cupiditas egerendi, & si interdum inanis, ægrum ita cruciat, ut si non alia, hac saltem & solum tyrannidis specie, hoc malum veniat ægro abominandum. Prout etiam acre hoc vitiosum ad fauces usque exhalat, illarum membranam insigniter irritat & vellicat, hinc concurrente simul salivæ, non rite salia ista acria diluentis & abstergentis, ob laticis aquosi uberiores evacuationem evacuatæ, nec à massa sanguinea, quæ & ipsa hoc destituta, copiosius ad fauces delatæ, defectu, sitis oritur intensa, maximèque ægro molesta.

P R O G N O S I S.

Æger itaque sub huius mali tyrannide gemens & anxius, doloribus quippe acerbissimis vexatus, rectè maturè petit consilium, cum malum hoc sit periculosius, eo nomine, quod

quod intestina tenuia imprimis invaserit, unde & symptomata graviora supervenire solent; accedit & contagium malum inferens pessimi ominis, & gravissime lædens. Cum tamen in præsentia casu non adeo confirmata dysenteria, æger ipse in ætate florida, nec virium dejectio adsit, idcirco spes est aliqualis, eum facile in integrum restitutum iri, cum æger magis crudeliùs quàm periculosiùs affectus sit.

C U R A.

Ut igitur ad ejus preces à talibus cruciatibus illum liberemus, Curam aggrediamur, quæ, ut meliùs instituatur, pro ratione morbi introducti, quatuor indicationibus absolvi potest:

1. Causam proximam, acre malignum vellicans, corrigendo, & ex intestinis horum absterfione, ex massa fangulnea hujus per sudorifera purificatione, eliminando.
2. Urgentem dolorem sistendo.
3. Vulnerariis læsionibus intestinum corrigendo.
4. Abstergentibus anodynis tenesmum sistendo. Semper in universo dysentericæ curæ cursu stomachum simul ejusque robur respiciendo.

Pro his itaque scopis obtinendis ad hoc malum abigendum, offerunt sese fontes Medicinæ tres, Chirurgicus, Pharmaceuticus & Diæticus; quorum primus cum vix scopo nostro satisfaciatur, proinde generosioribus ex eo petitis remediis hac vice superfedebimus; & adornabimus nostram curam remediis ex Pharmacia desumptis, quibus pro quadruplici superiori Indicatione cum indicatis sequentibus subsidiis cura expeditur. Hinc commendamus illi in principio statim sequens:

℞. Aquæ card. bened.

Menthæ ana ℥ij.

Cinnam. ℥ss.

Ras. priapi Cervi ℥ij.

Cornu Cervi sine igne,

Antimonii diaphor. ana ℥j.

Laud. opiat. gr. iij.

Syr. card. bened. ℥ss.

M. D. S.

Adstringens potio sudorifera.

De hoc capiat æger duo vel tria cochlearia, & inter cooperturas stragulorum lecti probe fudet, aliquoties reiterando; hoc enim peracto, curatu faciliùs hoc erit malum.

Vel

℞. Pulv. hepat. viper, vel serpent, vel ras. priapi cervi ℥ij.

Cornu Cervi sine igne,

Antimonii diaphor. ana ℥j.

M. f. Pulvis pro tribus dosibus:

D. S.

Adstringens pulvis confortativus.

Pro vehiculo dictorum pulverum præscribatur:

℞. Aquæ Menthæ,

Card. bened. ana ℥ss.

Cinnam. ℥vj.

Ess. Opii ℥ss.

Syr. Card. bened. ℥vj.

M. f. Potio: S.

Potio confortativa ad pulveres.

His simul externa adhibeantur: hinc

℞. Theriac. ℥ss. vel ℥vj.

Ol. dest. Mucis, vel Menthæ ℥j.

M. pro Unguento.

Quo largiter abdomen & scrobiculus cordis, & quidem quàm calidè, inungatur.

Peracto sudore, quoties æger potum, cum sitis urgeat maximè, petat, commendamus, ut in ordinario potu largiter dissolvatur gelatina cornu cervi, vel gelatina priapi cervi, utpote quàm maximè ob id commendata. Vel

℞. Decoct. Citri Myns. ℥ij.

Aquæ cinnam. cydon. ℥ij.

Gelat. Cornu Cervi ℥j.

Syr. Corall. Querc. ℥vj.

M. pro Julepo:

D. S.

Julepus confortans.

De hoc, quoties potum exigit, aliquot cochlearia ægro, in hypocausto moderatè calido degenti, offerantur.

Quodsi verò malum gravius, ita ut ex his non sentiat levamen æger, ad specifica magis accedendum: hinc

Ettmüller: Pper. Tom. I.

℞. Aquæ Plantag. ℥ij.

Cinnam. ℥vj.

Acet. rosac. ℥ss.

Fl. diascord. Frac. ℥j.

Terræ sigillat. ℥ss.

Sacch. Saturni ℥j.

Laud. Opiat. gr. ij.

Syr. myrtin. ℥ss.

M. f. Potio: S.

Adstringens mixtura confortativa.

Vel loco hujus:

℞. Conf. rosar. vetust. ℥ss.

Ras. priapi Cervi ℥ij.

Laud. opiat. gr. iij.

Cum f. q. Syr. Cydon. aromat. f. Electuarium

pro 2. dosibus:

D. S.

Electuarium adstringens pro 2. dosibus.

Convenit etiam pro hoc scopo Tinctura antiphthifica.

Sin autem urgente dolore ani & tenesmo æger adhuc sit anxius, convenit clyster blandè abstergens anodynus, qui simul dolorem lenit, & id, quod in intestinis læsum, consolidat; hinc prodest vel clyisma ex lacte simplici cum sevo hircino, vel

℞. Herb. bursæ pastor.

Plantag.

Flor. Chamom.

Verbasana M. ss.

Rad. symphyt. maj.

Sem. Cicer. rubr. ana ℥j.

Coq. in f. q. lactis caprini:

Colat. unc. ix. adde

Sevi hircin. cum vitelli ovi sol. ℥j.

Bals. Peruv. in vitello ovi sol. ℥j.

M. pro clysmate.

Duabus vicibus tepidè iniiciendo.

Excreto clysmate, fomentis adhuc tenesmo succurratur.

℞. Herb. & Flor. Verbasana M. ij.

Chamomill.

Flor. sambuci ana M. ij.

Incisa includantur

sacculo in lacte coquendo & applicando:

D. S.

Sacculus leniens

Ut autem declinante malo intestinorum læsio maturè corrigatur.

℞. Herb. hederæ,

Plantag. ana M. j.

Summ. hyperic. M. ss.

Ras. priapi cervi ℥vj.

Coq. in f. q. aquæ simpl.

Colat. ℥i. adde

Syr. Corall.

Cydonior. ana ℥ij.

M. D. S.

Potio Vulneraria.

Capiatur subinde cum haustu, addendo sedulo Balsam sulphuris terebinth. gutt. vj. vel viij.

Dehinc tandem, ut ad stomachum respectum habeamus, hinc ei commendamus vel haustum vini generosi, vel micam panis tostam vino generoso ebriam, cui pulvis macis largiter inspersus. Vel

℞. Aquæ fenicul.

Menthæ ana ℥ss.

Cinnam. ℥vi.

Succ. Cydon. rec. ℥ss.

Spiritus sal. dulc. ℥j.

Syr. Menthæ ℥vj.

M. D. S.

Potio stouachum confortans.

De quo æger capiat pro lubitu.

Hisce jam addatur diæta, quæ consistit in hoc, ut in usu sex rerum non naturalium modestè se gerat, præprimis, ne se nimis exponat aeris impurioris insultui. Tantum.

C A S U S XIII.

HÆMORRHOIDES CÆCÆ DOLENTES,
EX MENSIIUM NATURALI
EMANSIONE.

Mulier vegeta & floridæ faciei, corpulenta, cætera sana, indeque luxui dedita, ætatis præter propter 49. annorum, & quod excurrit, conqueritur de dolore lumborum lancinante, & gravativè distendente, successivè crescente, unà cum intenso dolore ardente, rodente, & nonnihil pulsante in interioribus podicis, hinc laboriosam alvi dejectionem patitur, in tantum, ut quoties eam exonerare nititur, hoc cum summis fiat doloribus. Accedit tunc extremorum tremor, phlogosis & æstusatio ex præcordiis caput petens, cum faciei rubore intenso, & largo sudoris per frontem & tempora defluxu. Patitur hæc, quoties alvum liberat, stis prioribus pathematis continuè eam torquentibus. Medicus ordinarius varia ordinat, interna & externa, linimenta & fomenta, clysmata, venam in brachio secatur, &c. Levatur bis malum, sed supervenit difficilis respiratio, ita ut quoties parum ambulet, vel aliquot saltem scalas adscendat, spiritus nonnihil intercipiatur, & libera respiratio impediatur, cum pulsatione sensibili in temporibus & pedibus. Molestissimo hoc malo aliquandiu conflictata, & diversimodè tractata à Medico, illud pedetentim evanescit, sed supervenientibus seu redeuntibus istis prioribus in lumbis, ano & vicinis regionibus, malis. Vocatur alius Medicus pro cura.

R E S O L U T I O

D N. GEORGII ERNESTI
MEUSELII, LUCCALUSATI,

Hoc tempore

M E D I C I N Æ D O C T O R I S,
P H Y S I C I T O R G A V I E N S I S,

Cum speciali Censura & Annotationibus

B. Dni. P R Æ S I D I S

Censuræ ac Emendationi subjecta,

Anno 1675.

P A R S A F F E C T A.

UT paucis dicam, quid mihi de hac ægrota videatur, iudico: affectos esse primariò renes, secundariò partes his vicinas.

Renes affectos esse ex sede doloris, nempe lumbis, suspicor: In hoc enim differt renum dolor à colica, quod illis ægrotantibus dolor in lumbis magis percipiatur; in colica autem totus ventris ambitus, quousque scilicet se colon extendit, malum persentiscantur.

Inflammati verò sunt renes, quod ex doloris generes colligo, qui lancinans est in omni inflammatione; renum autem inflammatio hoc præ aliis peculiare habet, quod dolor simul gravativus percipiatur atque distendens, cujus causa ipsum parenchyma renum magis carnosum, quam membranofum aut nervosum, esse videtur: ad hæc inflammationem cuiusdam visceris adesse satis designat & faciei rubor intensus, & sanguinis æstusatio ac phlogosis. Reliqua symptomata, utpote respirationem difficilem, dolorosam sæcum alvinarum excretionem, &c. non aliunde deducenda puto, quam ex communione nervorum à plexu circa renes nervoso oriendorum, vel saltem membranarum: quapropter nec hæc symptomata singularem exoptabunt Curam, præterquam quæ ordinariò arthritidis est.

C A U S Æ.

Hæc autem methodicè ut instituat, Causa hujus inflammationis investiganda erit. In genere ea est sanguinis per renes circulatio ex parte impedita: hujus specialior causa esse solet aut calculus in rene latitans, aut pituita vasa renalia intericra atque minora obstruens, aut humor quidam au-

sterus, adstringens eadem, ac fortius coarctans. In muliere hæc vix calculus esse in causa potest, quippe cujus signa aliàs in urina satis se manifestarent; aut enim sabulum simul excerneretur, aut saltem cum ardore prodiret. Cum ergo de horum neutro conqueratur æger, suspicio sanè omnis de præsentia renalis calculi cadet. Pituitam quod concernit, eam hic quoque accensare vix audeo, eò quod facies mulieris florida magis sanguineum, quam pituitosum corporis habitum, demòstret.

Quapropter ultimæ supra enarratæ causæ, austeri nempe rationem esse habendam, ampliùs non dubito, cum & hoc ipsum confirmare videatur antea acta vita, luxus ac indulgentia gulæ, quæ hujus mali indubitato causa remota est.

C U R A.

Pro cura ergo hujus ægræ conveniunt omnia ea, quæ austerum tale corrigere valent. Præstant hoc omnia terrea atque fixa, alcalia dicta, in specie lapilli cancerorum, dens apri, præcipue sal illud amarum ex sale ammoniaco & calce viva paratum, quod videri potest in SCHROEDERI *Pharmac. lib. 3. pag. 481*. Præscriberem ergo pulverem sequentem:

℞. *Lapill. Cancror. præp.* ʒj.

Mandib. lucii pisc. ʒss.

Crysth. tartari. ʒj.

M. f. Pulvis.

Divide in 3. partes æquales.

Dulcificant eundem humorem dulcia, in specie radix liquiritiæ, in affectibus urinosis non contemnenda. Idem præstant & oleosa; unde non rejiciendas puto emulsiones seminum, in specie violarum, cardui benedicti & Mariæ. Eorum formula hæc esse potest:

℞. *Sem. violar.* ʒij.

Card. benedict.

Mariæ ana ʒj.

Cum s. q. aquæ saxifrag. f. *Emulsio ad* ʒiv.

adde

Dent. apri,

Antimonii diaphor. ana ʒj.

Educ. cum Rot. manus Christi perlat.

D. pro 2. vel 3. dosibus.

Omnibus tamen palmam præripere videntur spiritus urinosi volatiles, e.g. ex tartaro paratus, salis ammoniaci &c. quippe qui acidum istud vitiosum absorbent, ac secum per urinam transvehunt.

Conveniet etiam ejusmodi formula:

℞. *Aquæ Petrosel.*

Fragar. ana ʒj.

Spiritus sal. ammoniaci ʒss.

Sal. volat. lumbr. terrestr. ʒss.

Syr. de alth Fern. ʒss.

Misceantur,

Detur cochleatim, vel pro duabus vicibus.

Dolor ubi vehementius ægrorum urget, præ cæteris conveniet clysmata ex lacte, in quo chamomilla aut veronica decocta est, paratum, adjectoque saccharo, quod multis modis à SIMONE PAULI in Quadripart. Botan pag. 512. commendatur.

Ubi æstus eam magis vexabit, nitrum antimoniatum non omittendum erit.

P R O G N O S I S.

Prognosin ne prætereamus, hanc ægram, Deo benedicente, bis adhibitis medicamentis sanitate restitui posse, non dubito.

D I S C U R S U S & A N N O T A T A

B. DN. D. E T T M U L L E R I.

In antecessum moneo, frequentissimos mulieribus accidere dolores, tam sub mensium incipiente fluxu, quam instante abortu, etiam sine læsione inflammationis inviscere aliquo, in qua semper affligit dolor pulsatorius & distendens. Cæterum præsentem affectum non esse renes inflammatos, patet ex absentia signorum; quia abest v. gr. febris continua, & qua in nostra plethorica ægra adesset acuta, abestque motus erigendi impotentia, & insignior urinæ mutatio, aut ejusdem suppressio; imò si inflammatio renis subesset, crus etiam illius lateris, cujus renis esset affectus, superet, & necessariò etiam dolor pulsatorius perciperetur, quippe qui in omni inflammatione affligit; utut non à pulsatorio ad inflammationem argumentandum sit: quin imò præsentis renis inflammatione affectus stomachi & vicinarum partium per-

consensum, e. gr. nausea, vel vomitus, vel cardialgia, ad-
esset: si autem fuisset nephritis seu inflammatio renum,
conduxisset tinctura antiphthifica, cujus basis est saccha-
rum saturni, quod ipsum etiam in omnibus viscerum in-
flammationibus egregium est.

Potius ergo affectus ægræ nostræ primarius est *Hæmorrhoi-
dum cæcarum dolor*, sive jam internæ sive externæ affligant
utræque siquidem affectæ videntur, propter atrociam super-
venientia symptomata. Huic autem dolori supervenit dif-
ficilis respiratio per accidens culpa Medici, nata ex sangui-
nis per venæ sectionem coacervatione in pulmonibus, &
ejusdem impedito sanguinis per eisdem circulo.

Pars ergo affecta intestinum rectum est, in specie quoad
orificium sui externum, podicem constituens, ubi vasa
hæmorrhoidalia inserta sunt, tam interna quam externa.

Causa proxima est inchoata inflammatio in intestino re-
cto circa situm vasorum hæmorrhoidalium, quæ simpliciter
fit à sanguinis stagnantis copia in nostra ægra, quæ aliàs in
locis vicinis, nempe circa vaginam uterinam, sub ordi-
nario mensium fluxu consueta erat evacuare, cessante hac
evacuatione.

Distinguit Dn'Autor hujus Resolutionis rennū dolores
à colica, quod illi in lumbismagis, hæc verò in toto ab-
domine, quousque scilicet colon se extendat, percipia-
tur: verum hæc secundum quid, & in malo tantum con-
firmato, vera sunt.

Quod autem à naturaliter cessante ob ætatem (erat enim
49. annorum) mensium fluxu in subjecto hoc sanguineo su-
pervenerit hæmorrhoidum dolor, & omnia in historia ca-
sus recensita pathemata, colligitur [α] quod non rarum
sit, cessantibus naturaliter mensibus in subjectis vegetiori-
bus supervenire hæmorrhoidalem fluxum menstruum: (β)
nec rarum, loco mensium obstructorum, hæmorrhoides,
hæmorrhagiam narium, hæmoptysin, &c. supervenire:
vid. BARTHOLINUS in *Act. Med. Hafn. Vol. I. pag. 165.*
(*) in habitioribus unà cum mensibus fluentibus etiam
quandoque hæmorrhoides fluant, de quibus vid. M. A. N. C.
Ann. 3. Observ. 22. p. 39. & Ann. 4. & 5. p. 299. Tandem (δ)
ordinarium quoque sit, quod in partu difficili, ex conatu
isto nimio, partes genitalibus vicinæ in tantum tumescant,
& ex vasis circa eadem loca distentis sæpe insequantur hæ-
morrhoides cæcæ; sicut etiam ipsæ gravidæ ultimis mensi-
bus gestationis tam varicibus, quam dolore hæmorrhoidum
cæcarum, nonnumquam infestari solent. Porro viri, uti
his naturaliter deficiunt menstruationes, ita è contra hæ-
morrhoidalis fluxus periodicus per penem visus in iisdem
est. Et ratio quidem, quod subinde mensium vel natura-
li emanationi, vel præternaturali suppressioni, superve-
niant hæmorrhoidalia pathemata, est vicinitas vasorum,
ex communi tunica oriundorum. Vasa nempe hæmor-
rhoidalia externa, tam venæ quam arteriæ, oriuntur ex
ramis hypogastricis trunci iliaci interni, ex quibus etiam
propagantur vasa ad vaginam uterinam; unde mensium
fluxu ordinario cessante, per vicina loca & vasa ejusdem
sanguinis fit excretio, aut saltem in iisdem stagnatio ali-
qua. Pari ratione vasorum hæmorrhoidalium internorum
arteria derivatur ex arteria mesenterica inferiore, vena
verò ex ramo venæ portæ splenico.

Jam quoad connexionem & evolutionem symptomatum: con-
queritur ægra de dolore lumborum lancinante, distenden-
te & gravante; dicunt tales: *Jacet mihi in dorso, tendit in-
cruce, & quasi lancinat.* Hæc symptomata dependent sim-
pliciter ex turgescencia sanguinis & repletionem vasorum
circa uterum & loca vicina; ac ordinariò quidem patien-
tur talia pathemata, quando menses emanare volunt:
premit me in dorso versus gremium, dicunt, *vix se movere
possunt*; quod signum instantium mensium est: sicut etiam
dicunt: *grave est in cruribus*; ex impetu sanguinis.

Similiter in præsentī ægra plethorica sanguis superfluis,
per uterum ante hac evacuari solitus, ob locorum vici-
niam in vasis hæmorrhoidalibus restagnans, & aliqualem
inflammationem, quam innuit pulsus, pariens, primùm
tensionem dolorificam lumborum, hinc dolorem ardentem,
rodentem & pulsantem in interioribus podicis, quod est si-
gnum doloris hæmorrhoidalis ex sanguine stagnante, non
potuit non producere; dicunt enim: *esse ipsi, ac si quis
veru candente podicem fodiret*: ubi in specie pulsans dolor, est
vestigium inflammationis in podice. Porro laboriosam
alvi dejectionem patitur ægra nostra, quæ ex duplici
fonte derivanda venit: nempe partim ex intensione partis
affectæ dolorum, cujus ratione dum protruditur podex, à
fæcibus præter labentibus afficitur, unde difficillima deje-

ctio; partim quod sic sanguis stagnans quodammodo, im-
petu per dolorem facto, ad superiora ejaculetur. Ex quæ
causa etiam tremor oritur, cum propter intensum dolorem
hæmorrhoidum in consensu trahatur totum nervosum genus
& spiritibus animalibus inæqualis fluxus concilietur: Sic
propter dolorem totum corpus tremit, si Chirurgus partem
aliquam externam exulceratam tangat. Ulterius solita
æstusio, phlogosis & rubedo faciei, originem ducunt ex subito
sanguinis stagnantis repulso, & superiora versus reiectione,
quo ipso ad caput ita commoto, feri emanatio, & consequen-
ter sudor largus circa frontem & tempora apparet; quod
ipsum illustrat Cartholinus Cent. 4. Hist. 40. ubi similia pa-
themata difficiliorem alvi dejectionem causantia recenset.

Sed quæritur: unde difficilis respiratio, seu secundarium
pathema, in nostra ægra orta sit? Resp. ab inepta venæ se-
ctione in brachio instituta; supervenit enim quando dolo-
res circa podicem desinunt. In nostra ægra hirudines hæmor-
rhoidibus applicari, vel saphæna aperiri debuisset: Un-
de post ineptam venæ sectionem difficilior respiratio origi-
nem duxit ex sanguinis nimia copia, & aliquali circa
præcordia ex pulmonum vasis mora, indeque tradiore
ejus per pulmones circuitu, facta nimirum sanguinis ab
inferioribus partibus versus superiora revulsione, unde ur-
gentior respiratio. Confirmatur hoc ipsum ex eo, quod
semper, quoties per motum se exerceret, aut scalas ad-
scenderet, toties respiratio facta fuerit gravior propter san-
guinis cursum rapidiorem factum, & per pulmonum vasa
retardatum. Atque hinc, quibus deficiunt menses præter-
naturaliter, semper ex ordinariò conqueruntur de diffi-
cili respiratione. Idem accidit nostræ ægræ, quæ sangui-
nis copia ab hæmorrhoidibus sursum revocata, propter im-
peditum ejusdem per pulmones circuitum, effecit diffi-
cilem respirationem. Quare autem sanguis relictis vasis
inferioribus occupet primariò partes superiores? quæritur.
Resp. fieri hoc propter venæ sectionem in brachio institu-
tam, quia sic sanguis fuit revulsus à partibus inferioribus,
& sic circa pulmones stagnavit. Res ut pateat: hæmor-
rhoidum hic affectus similiter ferè se habuit, ac quando
mulieribus mensium fluxus subito supprimitur; vel e-
tiam, quando mulieri instant menses erupturi. Jam in
tali ægræ statu quæritur, in quonam loco secanda sit vena?
an supra, an infra cor? Resp. infra cor, nempe vena
saphæna; quia ad eam regionem, in qua vena aperi-
tur, sanguinis rapidiori motu solet ferri propter vasa
liberiora, majus spatium acquisitum, & propter vasa de-
pleta, hinc ad istum locum promptior impetus. Et hoc
est, quod Veteres vocarunt Revulsionem: quippe re-
vellere nil est aliud, quam sanguinis ad locum aliquem
rapidiorum motum per venæ sectionem conciliare. Di-
ceret quis: At non diu impetus ille sanguinis ad locum il-
lum durat? Regero: Verum quidem illud esse; interim
non planè cessat sanguinis ille ad locum sectum motus, sed
diutius durat, quam quidem alio in loco. Et hanc ob cau-
sam, cum in nostra ægra vena fuit secta in brachio, san-
guis circa inferiora stagnans rapidiori impetu ad regionem
superiorem delatus fuit; hincq; cessarunt quidem pathemata
podicis, circa tamen superiora exacerbata fuerunt, cum
sanguis, circa pulmones & cor fuerit coacervatus. Et ha-
ctenus dicta occasionem dant venæ sectionem legitimè in-
stituendi: Scilicet instantibus mensibus, nondum verò
apparentibus, *sin duobus diebus venire debent*, iterum
suppressis, secanda vena in brachio pro ventilatione san-
guinis, seu liberiori ejus motu conciliando, unde liberior
sanguinis motus circa vasa uterina: E contra mensibus actu
jam fluentibus, sed iisdem vel subito suppressis aliquo er-
rore externo, v. gr. terrore, aut partium refrigeratione,
vel parcius fluentibus [nisi adsit impedimentum in vasis
uterinis] aut denique jamjam fluxuris, sectio saphænæ aut
quæcunque alia apparens in pede, modò sanguis deorsum
motus concilietur, conducit, quatenus sanguinis, spatio infe-
rius facto, rapidiori motu versus inferiora fertur. Et eadem
leges observandæ sunt circa puerperas: interdum enim his
instante labore partus, aut etiam in ipso partu, secanda est
vena in brachio; post partū verò pro lochiorū motu promo-
vendo, & liberiori sanguinis circulo per genitalia concilian-
do, secatur vena in pede. Quare autem instantibus mensi-
bus in brachio secetur? est, ut sanguinis quantitas detraha-
tur: nam aliàs nimia copia circa uterum stagnat, & propter
majorem copiam non potest emergere in pede: si verò actu flu-
unt, pro majori fluxu potest secari in pede. Has cautelas ob-
servandas confirmat Practici unanimiter & inter eos RIVE-
RIUS Cent. 1. Obs. 2. ROEFFERUS in *Herc. Med. p. 304. DEO-*

DATUS in *Valer. pag. 129.* & **AMATUS LUSITANUS** *Cent. 6. Ob. 28.*, ubi refert mulierem, cui menses aliquamdiu suppressi fuerunt, secavit venam in brachio, unde tertio die menses supervenerunt. **BARTHOLINUS** in *Act. Med. Hafn. Vol. 2. Observ. 95. pag. 238.* habet exemplum mulieris, quæ sub mensium fluxu, nimia irâ percita, passa fuit suppressionem. Medicus secavit venam in pede, & curata fuit: Sic **RIVERIUS** *Cent. 1. Obs. 1. & 89. pag. 87.* refert de ischuria, quæ aliis irritis venæ sectione in brachio fuit curata: Sanguis enim impetu suo & copiâ se ipsum impedivit, & circa renes stagnavit, vena secta verò liberius facta fuit urinæ secretio facilis per renes. Quantum verò noceat venæ sectio in brachio, quando menses fluunt? harum lethalia exempla allegantur in **BARTHOLINI** *Act. Med. Hafn. Vol. 2. p. 195.* & **FORESTO** *lib. 28. Obs. 3.* Quod pertinet, quod **GABELCHOVERUS** *Cent. 4. Observ. 17.* habet, nempe sub actuali mensium fluxu cucurbitulis superne applicatis hunc cessasse, & graviora symptomata supervenisse. In nostra ægra, dum sub hæmorrhoidum cæcarum dolore venæ sectio in brachio administrata, facta sic revulsione sanguinis, omnis ejus impetus sursum fertur, unde difficilis respiratio secuta est.

P R O G N O S I S.

Affectus per se non est periculosus, & per se est curabilis; sed metuendum, ne forsan ob negligentiam superveniant vitia, quæ aliàs hæmorrhoidibus cæcis aut inflammatis solent supervenire: quæ sunt [1] fluxus earum nimius, vel abscessus, & consequenter tandem fistula ani; vel [2] ne ex sanguinis motu aliorum concitato, quocunque errore facta, respiratio asthmatica & varia mala inducantur. Hæc ipsa verò cum possint ope Medica præveniri, malum est sine periculo.

C U R A.

taque quoad *Curam*, observentur hæc Indicationes:

1. Ut *dolor Inflammatorius* hæmorrhoidum cæcarum tollatur.
2. Hinc nata symptomata, si quæ supersunt, removeantur.
3. Recidiva in corpore plethorico præcaveatur. In specie hoc præstetur, quia ex conditione subjecti periculum est, ne tandem, licet curetur, tamen post aliquot menses levi ex causa recurat.

Jam quoad *primum scopum*; dolor inflammatorius sistitur

1. *Sanguinem* circa vasa hæmorrhoidalia stagnantem removendo; quod fiet vel sensibiliter, eum evacuando, vel si hoc non suffecerit, insensibiliter discutendo; hinc
2. Sistitur dolor, permissis hisce, *anodynis* internis & externis. Quod etiam pertinent appropriata, & in hæmorrhoidum cæcarum dolore specifica.

His scopis inserviunt remedia ex triplici fonte haurienda. Fons diæteticus quidem in diætâ temperata fundatus clarus est. Quoad Pharmaciâ, consideret Medicus, an remedia pharmaceutica dolori hæmorrhoidum insensibiliter discutendo sufficiant? an verò non? Si sufficit discussio insensibilis, eidem insistat, cum optima sit illa curandi dolorem illum ratio; quod si autem illa non sufficit, sensibilis sanguinis evacuatio in usum vocetur. In nostra ægra necesse est sensibiliter evacuare sanguinem propter vim causæ antecedentis, naturalem nempe mensium emanationem. Jam autem *queritur*; ubi sit evacuandus sanguis? *Resp.* Monstrat hoc subjecti conditio, quantitas & motus sanguinis, quæ etiam innuunt, an sufficiat sola hæmorrhoidum apertio? an verò, si hæc non sufficiens sit, vena secanda in pede? an verò tandem, si utraq; non sufficiat, etiam venæ sectio in brachio præmittenda? Ergo cum ægra nostra in statu hujus morbi sit plethorica, cætera sana, vegeta, succulenta, & patitur hoc malum ex naturali mensium emanatione, malum insuper sit pertinax, quia alterâ vice recurrit: hinc colligitur, non sufficere solam apertionem vasorum hæmorrhoidaliū, ne sanguis nimio impetu eò feratur, vel inflammatio earundem intendatur; adeoque in alio loco præmittenda est venæ sectio: ea tamen non in brachio secetur, quæ difficilem respirationem in nostra ægra induxit; quin potius in pede instituat, & quidem saphæna aperiatur. Interim cum

etiam taliter periculum immineat, ne à nimio sanguinis versus inferiora concitato impetu, in immensum augeatur dolor & inflammatio hæmorrhoidum, *queritur* ergo; per quas vias sanguis evacuandus? *Resp.* in subjecto tali plethorico [ceu vulgò nominant] suaserim præmittendam esse venæ sectionem loco circa cor, adeoque in brachio pro revulsione universali, ut ita sanguinis quanto immutato æquabilis & liberior per corpus motus sanguinis concilietur. Dicet quis: at sic supervenit difficilis respiratio! *Resp.* Verum esse; vesperi tamen, vel altero aut tertio die reiterandam esse venæ sectionem in pede, postmodum evacuationem per hæmorrhoides tentandam; ita namque tuta est evacuatio sanguinis, cum in brachio, ceu in contrario affectu loco, secta vena conducat hac ratione pro revulsione universali, promiscuè licet in quacunque vena brachii instituta. Ubi tamen quæri posset; an venæ salvatellæ in manu sectio in specie aliquid in recessu habeat, quâ **SANCTORIUS SANCTORII** in egregio *Tract. de Meth. Vitand. Error. in Med. pag. 956.* mirè commendat in passionibus hæmorrhoidalibus curandis? Sed perinde est, quocunque vas in brachio aperiatur; nec salvatellæ incisionem præ aliis prærogativæ quid obtinere, videbitis confirmatum à **MARCO AURELIO SEUERINO** in *Castigata nova Phlebot.* In nostra ergo ægra, venæ sectio primitus in brachio pro revulsione universali, deinde ejusdem diei vespera pro revulsione particulari seu aversione in pede, ut ita præcaveatur difficilis respiratio, & tamen sanguis ad loca vicina profluat; sicut tandem ultimo loco hæmorrhoidalium venarum in ano apertio pro derivatione fuisset instituenda, ut hujus medio sanguis stagnans evacuetur per ista vasa, per quæ aliàs deberet naturaliter refluere, vel insensibiliter discutiat.

Hæc occasione autem *queritur*; quomodo hæmorrhoides aperiantur? Dico, id fieri vel medicamentis, vel hirudinibus, quarum hic tutissimus est modus & præsentaneum remedium: Nam sugunt hæc largiter. Post applicari una, duæ, vel tres, pro ratione circumstantiarum. Modus autem applicandi illas est, ut locus, cui apponi debent, illinatur vel lacte tepido, vel sanguine calido animalis cujusdam, v.g. gallinæ, ita enim mox arripiunt hirudines sanguinem, &c. Contrà verò, quæ hæmorrhoidum apertio per medicamenta fit, conjuncta semper est cum doloris & ardoris exacerbatione; Sive enim externæ succus ceparum &c. sive nunc aloetica internæ administrantur, semper tamen acria talia, vellicando intestinum rectum, & ita impetum sanguini imprimendo, aperiunt tandem vasa hæmorrhoidalia.

Medicamenta autem insensibiliter discutientia vel interna vel externa sunt: & quidem interna sunt *Sudorifera* fortiora, speciatim fixa volatilibus nonnihil acuata: Largius autem sudor excitetur, *partim* pro liberrimo sanguinis motu conciliando, *partim* pro excremento sanguinis per peripheriam corporis eliminando. Juxta hæc sudorifero pro scopo discutiendi unâ subjungenda sunt alia, *partim* interna discutientia appropriata, *partim* anodyna externa. Illa sunt pulvis radices scrophularis, bis ad ʒj. usurpatus; itemque infusum hujus cum radice chelidoni majoris internæ pro potu ordinario. Præ cæteris autem conveniunt externa discutientia cum anodynis, præsertim appropriatis juncta; adeoque applicantur fotus, scilicet sacculi parati ex *linaria*, *floribus verbasci* & *floribus sambuci*, in lacte coctis, qui sub forma fotus humidi crebrius applicantur pro scopo discutiendi & dolorem leniendi. Loco cujus etiam *unguentum de linaria* cujus descripto prostat in **HOEFERO**, **HARTMANNO**, & **ZWELFFERI** *Pharmac. Augustana*. Quibus tamen hoc non placet, adhibeant unguentum ex cineribus suberis, præsertim quo aliquamdiu cadi vinarii fuerunt obturati, fiat ex his unguentum cū vitello ovi & oleo rosaceo, à que **FORESTO**, **BORRELO**, [qui etiam rationem suberis assumendi reddit] & **LINDANO** in *Colleg. super Prax. Hartmanni*, commendatum, idque eò magis, si sub mistura sui illud crebrius ducatur in mortario saturnino, cum pistillo itidem saturnino circumagitetur, quo ita recrementa Saturni immisceantur, cum præsertim ipse quoque saturnus sit egregius inflammationibus, acidum absorbendo, & stagnationem sanguinis curando. Cum his *oleum momordicæ* vetus cum oleo nucum expresse paratum, nobis quoque est, sicut expertus id sum in cognata quadam mihi, quæ cum ex mensibus non ritè fluentibus dolorem in ano, hæmorrhoidū dolori affinem, pateretur, suavi eidem oleū hocce tunc temporis ad manus existens, & ecce! hujus litu dolor affligens ha-

hactenus evanescebat. Nec oleis allegatis facile cedent oleum *asellorum* & *scarabæorum*; utut enim asellus insectum sit vilissimum, egregium tamen medicamen exhibet, notante *BOYLE* in *Physica Experimentalis*. Nempe aselli contusi, & oleo nucum expresso infusi ebulliant vel digerantur saltem, postmodum verò leni expressione in oleum eliciatur. Loco quorum etiam scarabæi pilulares contusi, in oleo violarum vel olivarum, infusi & digesti, oleum egregium ad affectus hæmorrhoidum dolorosos dant. Quin imò sola *Theriaca* vi sudorifera sua aromatica, discutiva & anodina, insigne esset euporiston, applicando eam, si externè saltem hæmorrhoidum dolor affligerit, cum linteolis; Sin verò internæ magis molestæ fuerint hæmorrhoides, imbibatur stuppa cannabina aut bombax dictis oleis, & podicis profundè indatur. Tanque quoque *balsamus sulphuric* ad extra cum oleo *papaveris expresso* paratus; de quo vid. *HARTMANNVS*, anodynum est egregium. Ubi autem maximè urget *ardor*, recipiatur *aqua rosar.* largiter impregnatata cum *Camphora*, vel *spiritu vini camphorato*, & cum *linetis duplicatis* vel *triplicibus*, locis affectis applicetur.

His omnibus urgente dolore, addantur, anodyna alia, ut essentia opiata, solanum, folia & semen hyoscyami, oleum seminis papaveris aut hyoscyami expressum, imò ipsum *opium*, sed cautè, & non nimis maturè adhibendum; quia si intempestivè vel crebro applicatur locis inflammatis, ad gangrænam ea disponit.

Secunda Indicatio erat, *Symptomata* ex dolore hæmorrhoidali nata, si quæ supersint, nempe dolorosam alvi dejectionem, & inde dependentes phlogoses in fronte, sistere; quod fiet, alvum servando apertam, sed non stimulantibus, nec resinosis, quæ sua adhæsione malum exasperant; nec purgantibus, quæ itidem acrimonia sua intendunt dolores; sed saltem continuatis *emollientibus*, & blandissimè *lubricantibus* intestina, sæcesque alvi fluidas servantibus: quod faciunt decocta passularum cum malva, ovorum forbilium crebrior usus, fœtus humidi ex lacte, itemque sicci, & clysmata ex lactæ.

Pro *tertia* tandem *Indicatione*, recidiva præcaveretur, quod fit per *cucurbitulas* scarificando omni menstruo spatio, & partim dorso, partim cruribus applicatas. Si verò vel non sufficiant, vel sanguinis dejectio sit suspecta, in auxilium vocentur fonticuli in crure, cum quibus jungatur victus parcior, & uberior corporis motus. Sicut tandem vitentur Purgantia quæcunque proprie sic dicta, aloetica, & alia purgantia resinosa.

Quod attinet fonticulos; eorum usum hoc in casu confirmat Polyhistor ille Medicus *VELSCHIUS Hecatost.* 2. *Obs.* 60. pag. 50., ubi habet casum nostro ferè similem in corpulenta, fonticulorum inustione præservata ab hæmorrhoidum dolore. Sunt tamen saltem palliativum remedium, & radicem non evellunt, & tantum simul nocent sanguinem imminuendo, quantum prosunt. Non igitur suadendi, nisi quando alia remedia frustra tentata sunt, & à priori amplius curare non possumus, idque vel ratione subiecti, vel ratione ætatis, vel ratione alius circumstantiæ. In nostra ægra singularis idiosyncrasiæ sufficiunt fonticuli, quia crebrior sanguinis evacuatio est suspecta. Cæterum si Medicus sub illo statu, ubi post venæ sectionem administratam adsit adhuc difficilis respiratio, advocaretur, in tali casu sanguini motus liberior est conciliandus, & stagnatio removenda, quod fit per venæ sectionem in pede, nempe saphænæ pro scopo revulsorio; postmodum verò sudorifera propinentur, quibus equabilis sanguinis motus conciliatur; si autem recidivare vult difficilis respiratio, tunc in nostro subiecto fonticulus unus inuratur in brachio, vel bini fonticuli in utroque brachio, raro duo in uno brachio, cum ex his pallorem faciei talia subiecta ad mortem usque afflixisse observarint Practici.

RESOLVTIO II.

Dr. JOHANNIS ACOLUTHI,

VRATISLAVIENSIS,

B. DN. PRÆSIDIS

Censuræ ac Emendationi subiecta & correctæ,
Anno 1676.

AFFECTUS.

Æ Græ nostræ conditionem, ipsamque affligentis molestissimi mali symptomata, nuda sese morbi facies nobis ostendit. Communis aliàs *affectus* est, qui Latinis *Hæmorrhoidum*, Germanis *der guldane Ader*, nomine venit. Duplicem earum classem cæcæ seu furentes, & apertæ seu fluentes constituunt: quarum prior, nempe dolor hæmorrhoidum cæcarum nonnihil inflammatarum, in nostra ægra urget.

SEDES seu PARS AFFECTA.

Sedem morbus hic in interioribus podicis seu intestino recto, aut, ut propius accedam, in vasis capillaribus hæmorrhoidalibus per intestinum rectum sparsis, occupat, quæ cum ratione pariter originis atque insertionis sint duplicia, nomine quoque discernuntur, dum inferiora sive externa alia, alia superiora seu interna, dici consueverunt. Utraque sunt, in quibus mali nostri radix, tanquam spina defixa, hæret.

CAUSA PROXIMA.

Suggestit autem spinam illam vitium massæ sanguineæ, sapore falso plus minus acido inquinatæ, quæ ubi particulas sibi commixtas heterogeneas, omnium peregrinorum & hostilium impatiens, eliminare contendit, salia hæc acria ad hæmorrhoidalia vasa deponit, ducente eò natura, ab inutilibus sanguinis recrementis per proximè adjacentia vasa aliàs in menstruatione liberare se solita.

CONNEXIO.

CAUSÆ CUM SYMPTOMATIS.

Fermenta hæc, pro salium more activissima, ubi partium sibi adjacentium, in specie nerveæ intestini recti tunicæ, attigere fibras, dolorosè pungendo & rodendo illas, ad spasmodicas irritant crispationes, unde capillarium sanguiferorum vasorum constrictio, hinc intra partium porulos sanguinis stagnatio & coacervatio, quarum tumor, absque dubio plus minus inflammatorius, subsequitur, magno dolorum gravissimorum incremento. Fibras hac ratione tensas, & quasi sensiliores redditas, dum arteriæ pulsantis allidit motus, sensus ille exquisitissimè percipitur, quem qui odontalgia, cum dolore gingivarum & genæ parili de causa vexantur, per saltum exprimunt, (*saltare ipsis in dentibus*): estque nil aliud, quàm pulsus durus, ex tensione arteriæ sensibilis, adeoque dolor pulsatorius. Quò magis enim fibræ sunt tensæ, eò minùs arteriæ pulsui cedunt, majori hac ratione impetui necessariò obnoxie. Accedit lancinans & gravativè distendens lumborum dolor. Connexio, qua occasione mensium emanentium supervenerit hæmorrhoidum affectus, est, quatenus vasa arteriosa & venosa hæmorrhoidum externa oriuntur ex ramis hypogastricis trunci iliaci interni, ex quibus etiam pudenda, speciatim vagina uterina, sua vasa obtinent, per quæ menstruatim sanguis effunditur. Interna verò vasa arteriosa hæmorrhoidalia ex mesenterica inferiore oriuntur, unde sanguinis impetus per iliacas internas & hypogastricas plus minus impeditus, hic quasi regurgitando per mesentericam inferiorem, quæ est maximè super bifurcationem iliacarum, ingreditur, à qua derivantur arteriæ hæmorrhoidales internæ. Nec dubito, stagnantem suo modo intra vasa sanguinem, adeoque distendentem illa, multum lumbares dolores ire promotum. Quò plures autem malis hisce accedunt stimuli, eò vehementius ingravescit; quod sub alvi liberatione manifestum,

stum, ubi fæces tumentis ac inflammato allisæ loco, tam sensilissimam partem, ob varios nervorum ex intercostali vago ramos, ipsam stipantibus, affligunt insuper molestia, ut cæteris symptomatis extremorum quoque superveniat tremor, ex nervorum, hoc loco in convulsiones actuum, per totum corpus cum cæteris communicatione. Turbata autem immenso dolore hoc omnia corporis contenta, dum inordinato & rapido feruntur motu, non mirum apparere phlogoses & rubores faciei, quin & sudores anxiosos, pathemata omnibus doloribus, quocunque loco natis, communia. Palliative verò, imò noxiè, quod eventus docuit, curavit Medicus, dum revulsoriam instituendo venæsectionem, cadaverisatum jam tum aliquomodo, & sub stagnatione corruptum sanguinem retrogrado motum ad corporis revocavit œconomiam, qui dum viscidus ac lentus debita celeritate moveri non posset, justo diutius in ijs delitescens difficilem necessariò, imprimis sub aliquali corporis motu, copiosius irruens, produxit respirationem: Fortè & illud adjicere licet, acrimonia sua, qua hæmorrhoidalia vasa antea laceraverat, nerveis pulmonum fibris, jam extitisse insensum, quarum tantilla licet crispatio respirationem tantò magis potuit sufflaminare: falsa quippe spicula, cum sanguine venæsectione emisso extra corpus non fuissent eliminata, reditus ipsorum ad hæmorrhoidalia vasa edocuit; interea autem delituisse intra massam sanguineam otiosa, non probabile existit, conjecturandi licentia hac ratione nobis concessa, pulmonum fibras nerveas, nonnihil quoque ab ijs fuisse vellicatas.

CAUSÆ REMOTÆ.

Ansam autem malis his universis præbuit ægræ nostræ ætas, 49. annum transcendens, sanaque totius corporis constitutio; cujus ratione omnis massæ sanguineæ fermentatio integra onus suum præcedenti tempore, menstruo quovis orgasmo deponere solebat, quas exitus vias cum ætas jam interciperet, ad alios hypogastricorum vasorum ramos deferretur, quorum anastomoses, dum itidem oclusas firmiter offendit, symptomata gravissima produxit.

PROGNOSIS.

Quæ universa, etiam si graviore in præsens careant periculo, cautela tamen opus habent, ne aut exulceratio hæmorrhoidum, ipsiusque intestini, tandemque ex illa saniem plorans fistula, originem ducat, aut ex improvise ad gangrænam dispositio superveniat, metuendum.

CURA.

Implorata igitur auxilia in eo consistent, ut,

1. Dolor inflammatorius tollatur.

2. Hinc nata symptomata curentur.

3. Recidiva præcaveatur.

Tumor & dolor inflammatorius sistitur:

1. Sanguinis stagnationem circa loca hæmorrhoidalia vel removendo, vel sensibilibus evacuando, vel insensibilibus discutiendo.

2. Anodynis internis & externis eandem compescendo, quò imprimis faciunt appropriata.

Si insensibilis non suffecerit discussio, aut non suffecturam sit suspicio, sensibilis præmittatur evacuatio, quam potius natura suadere videtur, ob solennem menstrui sanguinis evacuationem suppressam. Loca monstrat subiecti conditio, & in eo sanguinis quantitas & impetus: V. g. in nostro subiecto, quod sanum, vegetum, succulentum, quodque mensium naturali defectu hoc malum contraxerit, quia iterum recidivat, instituamus hirudinum ad loca dolentia applicationem, aut si nimium sanguinis eò metuamus impetum, pro revulsione universali venæsectionem in brachio, postmodum, ne respirationem difficilem incurrat, pro revulsione particulari in pede, quam demum pro derivatione evacuatio in ano per hirudines sequatur; prius tamen per fomenta ex lacte & herbis emollientibus, locis hisce nonnihil emollitis: V. g.

R. Fl. Chamomill.

Verbasci an. Mss.

Rad. Alb.

Lil. alb. an. ʒj.

Sem. lini,

Cydonior. an. ʒss.

Incisa coqu. in lacte chalybeato vel aqua ferrariorum.

Decoctum hoc cum linteis mollibus multiplicatis, vel cum spongia eo ebria, applicetur, vel suffitus humidus eo ipso instituat.

Hisce pro scopo insensibiliter discutiendi, subjungenda sudorifera fortia, tam pro liberrimo sanguinis motu conciliando; quam pro scopo, ut acres salium stimulantium apices infringantur, & cum aliis particulis heterogeneis, aut si aliud quid superflui in sanguine, eliminentur. Hoc præstabunt inter alia, sudorifera fixa absorbentia, volatilibus acuata, & opiatas mista, pro exquisitissimo fibrarum sensu vi anodyna obtupefaciendo: v. g.

R. Antimonii diaph. martial.

Cornu cervi sine igne an. ʒj.

Salis vol. Cornu cervi gr. vj.

Laud. ferm. gr. iij.

M. f. Pulvis sudoriferus pro duab. dosibus.

D. S.

Resolvens pulvis sudoriferus.

Vel

R. Dent. hippopot. præp.

Corall. rub. præp.

Lap. cancr. præp. an. gr. xij.

Salis vol. urinæ ʒss.

Laud. opiat. gr. ij.

M. f. Pulvis sudoriferus pro duab. dosibus:

D. S. antè.

Scrophulariæ radix mirè ab Autoribus tali in casu præ aliis commendatur, cujus usurpatio huc quoque trahenda venit: Infundatur in potu ordinario, aut decoquatur in jussulis ordinariis; Vel decoctum hoc modo paretur.

R. Herb. scrophular.

Plantag.

Chelidon. min. an. M. j.

Fl. Chamom.

Verbasc. an. M. ʒ.

Rad. scrophular ʒss.

Incisa & contusa coqu. in f. q. aquæ ferrar:

Colat. R. ij. adde

Syr. portul. ʒiij.

M. D. S.

Resolvens decoctum pro aliquot vicibus.

Aliquoties de die capiatur.

His subjungantur Externa, tam discutientia, quam appropriata anodyna: Unde pro applicatione externa tale fiat Linimentum:

R. Mucil. sem. Cydon.

Fœnugr. an. ʒss.

Ol. Momord. ʒii.

Sacch. Saturni ʒss.

M. f. Linimentum;

quod illinatur loco affecto,

D. S.

Linimentum resolvens & leniens,

Nam loco pinguium mucilagines magis conducunt.

Vel

R. Bals. sulph. Rul. cum ol. papav. expr. parati ʒj.

Ciner. suber. ʒj.

Sacch. Saturni gr. xv.

Camph. gr. ij.

M. pro Linimento.

D. S. ut antè.

Cum verò ægram nostram non externæ tantum, sed & internæ affligant hæmorrhoides, consultum videtur, Linimenta dicta, gossypio excepta, sub forma turundæ crassioris in intestinum rectum immittere, pro dolore interiorum quoque hæmorrhoidum compescendo. Quasi tamen linimenta hæc nondum suffecerint, sacculi ordinentur imponendi: Vel ille, cujus superius ante hirudinum applicationem adhibendi facta fuit mentio, vel focus hunc in modum, qui minus irritat partes sensiles.

R. Herb. beder. terrestr.

Fol. querc. an. Mss. vel M. j.

Rad. scrophular. ʒi.

Sem. lini ʒss.

Hyoscyami ʒii.

Incisa & contusa coqu. in lacte, & decoctum instar focus cum linteis multiplicatis applicetur tepide.

An non alutariorum Balnea ex corticibus excocta, German. *die Lohbader*, hic quoque locum habere possint, informari expeto.

Quoad *symptomata*; alvus fervetur aperta, non stimulantibus acerbis, non resinosis, non purgantibus, sed emollientibus, lubricantibus, sero lactis, passulis, &c.

Sub difficili respiratione pertinaci, quid agendum?

1. Sanguis in pede mittatur.
2. Sudorifera propinentur.
3. Fonticulus in crure inuratur.

Pro *Indicatione Tertia*, recidiva nempe præcavenda, cucurbitulæ scarificatæ brachiis, & cruribus applicatæ egregiam præstabunt operam, quò scilicet sanguis, novas excitaturus molestias, menstruo quovis tempore evacuetur. Si tamen has morbus eluserit, fonticulus cruri inustus, optimè malo succurret, plus pedetentim sanguinis detracturus, quàm cucurbitulis scarificatis una vice efficere concessum est. *Interne* conducunt Martialia, corallia, scrophularia, & similia.

RESOLUTIO III.

DN. JOH. MATTHÆI
MERCKELS,

ANNÆBERGENSIS,

B. Dn. PRÆSIDIS

Censuræ & Emendationi subjecta, &
correcta, Anno 1682.

ANtequam præsens mihi creditum negotium circa resolutionem hujus casus aggrediar, non incongruum fortasse erit, pauca in antecessum dicere de affectu aliquo, qui hæreditario & proprio quasi quodam jure pertinet ad sexum sequiorem, & cui & nostra ægra, quam præsens respicit casus, lege naturæ annumeranda venit. Nimirum comprobatur satis experientia & in confesso est, genus illud hominum longè pluribus scaturire humoribus excrementitiis præ virili; cujus rei satis evidens testimonium nobis erit menstrua illarum purgatio, HELMONTIO Tributum Lunare dicta, eum in finem procul omni dubio à provida natura sic ordinata, ut per hanc singulis mensibus, & stato suo tempore à vitiosis illis excrementis liberaretur. Quod ipsum etiam, si ritè & juxta ordinarium naturæ cursum se habeant omnia, utique cum summa earundem euphoria contingit; si minus, maximas instar fermenti alicujus heterogenei in massa sanguinea excitat turbas, multorumque malorum fomes & occasio existit: de qua re tamen, cum infinita ferè testimonia prostant, melius est tacere, quàm pauca dicere, nec nostri etiam instituti ratio pro nunc permittit.

Occasione autem hujus subjecti, de cujus corio hic luditur, non potui non aliqualem saltem hujus morbi mentionem facere. Non levis autem mihi statim in frontispicio hujus casus de obstructione mensium in ægra hac nostra incidit suspicio; liquidem eadem ferè symptomata, dum instat hoc tempus, dicta jam sexus sequioris conditio comites habet, nisi locus affectus, qui hic præcipuè attendendus venit, de alio quodam morbo, ut cogitarem, suppeditasset scrupulum. Scilicet ægra nostra annum 49. jamjam attigisse dicitur, circa quod tempus purgatio hæc per menstruum ut plurimum cessare, inque ejus locum à multis jam annis succedere consuevit fluxus hæmorrhoidum, ut per hos æquè commodè ac per menses alias consuetos, materiæ nocivæ cohors eliminetur.

AFFECTUS CUM PARTE AFFECTA.

Hoc ita præsupposito, non est, quod ampliùs sollicitus sim de affectus hujus nomine, qui omni jure dici merebitur *Hæmorrhoidum cæcarum dolor*, præcipuè fistulam ani, ejusque partes interiores, affligens.

CAUSA PROXIMA, ET REMOTÆ.

Causas quod respicit: *proximæ* vicem hic sustinebit stagnatio sanguinis, ejusque turgescencia in vasis; *remotivè* verò extra omnem dubium à defectu mensium, eorumque ferè naturali circa hoc ætatis spatium emanatione, dependens.

Confert huc etiam suo modo remotiùs paulò symbolum suum habitus ægræ nostræ sanus & succi plenus, quo ipso satis simul innuitur, corpus ejusdem copiosa sanguinis mole distensum, plerhoricum Medicis dictum, & exinde etiam connexa hic pathemata deduci merentur.

Operandi Modus, & cohæsis symptomatum cum causa proxima.

Nimirum lumborum dolor lancinans ac gravativè distendens causam aliam non agnoscit, præter sanguinis motum in peripheria hac plus minus impeditum, qui sale fermentativo acri, quod subest, sui extra vasationem urget, & hac ratione pondere suo, dum replet vasa, dolorem aliquem gravativum infert, hæcque stagnatio, dum non habet, quorsum evadat, individuum ferè comitem habet inflammationem, & cum dolore ardente, imò ferè caustico, est conjuncta; hinc etiam rosionis quasi quidam sensus percipitur, & dum exitum quaerit, pulsans exinde resultat dolor in interioribus podicis. Supervenit hos dolores laboriosa alvi dejectio propter sensum exquisitissimum, quem pars affecta, scilicet intestinum rectum; per nervos ex plexu mesenterico & aliunde habet; hinc fit, ut, dum conatur fæces alvi deponere, vasa sanguifera turgida simul comprimantur, in iisque sanguinis copia præsens aliquantum retrocedat, qui retrogressus summis cum doloribus fit, inque consensum, propter tractum continuum, totum nervosum genus, ejusdemque incolæ, spiritus nempe, in motus anomalous & ferè furentes, abripiantur necesse est; hinc extremorum tremor, phlogosis & æstus, &c. cum faciei rubore intenso, ex strictura nervorum, qui circulari subinde amplexu arterias ambiunt, & hoc ipso aliqualis stagnationis causa existunt, cum largo sudotis per frontem, & tempora defluxu, propter caloris simul cum sanguine præsentiam, & glandularum sub cute latentium tunc temporis compressione, quæ liquorem suum lymphaticum largè satis eandem ob causam plorant.

Sed unde angustia præcordiorum, & respiratio difficilis post venæ sectionem? Resp. scilicet debetur omne id venæ sectioni sinistrè satis pro nunc à Medico institutæ. Nam utut hoc optimo consilio & primùm bono etiam cum successu, revulsionis nempe gratia, fecerit; attamen, quia hac ratione sanguis ad replendum vacuum majori in copia, & rapidiori motu superiora versus concitari potuit, factum est, ut ab ejus mole bronchiæ pulmonum in totum fuerint angustatæ, adeo ut propter tardiores sanguinis motum spiritus sibi ac liberam aeris attractionem intercipi persuasum habeat, cum difficili pulsatione in temporibus & pedibus, propter cordis motum celeriores, & ob occursum sanguinis præternaturaliter ferè interceptum.

PROGNOSIS.

Malum autem hoc, quia utique est cum periculo conjunctum, præcipuè propter metum inflammationis, necesse est, ut maturè ei occurramus, ne illud in fieri neglectum, & incautiùs paulò tractatum, in abscessus, ulcera & fistulas ani degeneret.

CURA CUM INDICATIONIBUS.

Hujus autem rei negotium & Cura poterit absolvi sequentibus:

1. Dolor hæmorrhoidum furens, qui maximè sui medelam hic præ cæteris urget, sedetur.
2. Fomes mali, scilicet prædominans sanguinis copia, pro necessitate rei auferatur seu minuatur; &
3. Recidivæ metus, quantum possibile, præcaveatur.

Prima

Prima indicatio poterit obtineri per quævis anodyna, tam externa quam interne applicata. Huc ergo facient Fotus seu Inseffus ex herba linaria, herba Malvæ, mercurialis, floribus sambuci, meliloti, chamomillæ communis & Romanæ, Verbasci, &c. radice scrophulariæ, chelidonii, consolidæ majoris, semine hyoscyami, papaveris albi, &c. Includantur incisa & contusa sacco lineo in lacte coquenda, & calidè applicentur. Aut pro demulcendis doloribus fiat unguentum, affectui huic simul appropriatum.

R. Ungu. alb. campb. seu refrig Gal. ʒi.
Sacch. Saturni ʒi.
Cerussæ lot. ʒij.
Pulvis Millep. ʒ.
M. f. c. Ol. papav. albi, vel Nuc. jugland. vel bals. sulphuris Rulandi, Unguentum: diducatur in mortario plumbio.

D. S.

Unguentum leniens.

Probè subactum hoc unguentum intrudatur podici stappa cannabina seu bombace exceptum.

Theriaca etiam cum saccharo saturni, linteolo molli suscepta, eadem ratione potest applicari: e. g.

R. Theriac ʒʒ.
Sacch. Saturni ʒi.
Misc. cum ol. Momord.

D. S. ut supra.

Sicut clysmata etiam ex lacte tepido cum theriaca mista hic locum habebunt.

Interne pro sedando impetu & furore spirituum non incommode propinari posset meo iudicio sequens Potio:

R. Aquæ Cord. bened. ʒij.
Fumar.
Fl. samb. an ʒj.
El. diascord. Frac. vel Ther. ʒij.
Syr. papav. alb. ʒʒ.
M. D. S.

Potio dolorem sedans pro aliquot vicibus.

Secunda autem Indicatio, nimirum sanguinis copiosi turgescencia seu stagnatio, discutienda aut evacuanda; quò facient omnis generis sudorifera, in quacunque forma exhibita.

Quæritur autem hic: an non ex usu foret venæ sectio, quoniam vasa ira sensibilibus per diaphoresin depleri non poterunt? Resp. Utique, sede nova hic suboritur quæstio; quanam in parte? an supra, an infra cor? quoniam magno impetu ad partes istas depletas sanguis, quod utique periculo non caret, fertur. Resp. Quod commode satis [salvo tamen peritiorum iudicio] hoc fieri posset, instante eorum fluxu, in vena saphæna sub taleolo, uti hæc ipsa cum fructu secatur sub adventu menstrui.

Suaderem tamen ergo, ne confertim nimis ad hanc partem feratur sanguinis copia, & extravasatio hoc modo fiat præternaturaliter, paulò post secandam revulsionis ergò venam brachii cuiuscunque, ut hac ratione remora quasi quædam injiceretur sanguinis motui impetuosi. Accedit, quod hirudinum quidem applicatio commoda satis hic posset existere, nisi malum in interioribus podicis stabularet, ut adeò huius remedii genus propter latens malum locum non habeat.

Posset etiam, nisi metuenda foret inflammatio, per acria plus minus suppositoria, ano intrusa, ex aloe, colocynthide, myrrha, sale gemmæ, &c. cum melle lege artis confecta, harum venarum appertio promoveri, cujus tamen rei ergo nollem esse cuidam Autor propter dictam jam causam.

Tertiò, ut recidivæ, quæ valde est nociva, metus prorsus, quantum possibile, aboleatur, vigili præ cæteris cura opus est, ut alvus ægræ per blanda laxantia & abstergentia probè servetur aperta. Hunc in finem bono cum successu poterit in usum vocari decoctum passulatum ex foliis sennæ & cremore tartari, sæpius haustum, &c. quin & liquor Martis solaris guttatim haustus, aut loco huius solutio Martis cum succo pomorum Borsdorffianorum, nec non pulvis aliquis ex Rhabarbaro electo, corallis rubris, cre more tartari, arcano duplicato ana q. s. mistis, subinde usurpata in vehiculo appropriato.

Deus interim hæc clementer benedicat.

C A S U S XIV.

COLICA HYPOCHONDRIACA HUMOROSA CUM DOLORE ILIACO,

Seu

DOLORE COLICUS FIXUS HYPOCHONDRIACUS PER ACCI- DENS CONVULSIVUS, A PE- DUM REFRIGERATIONE SUSCITATUS.

Iuvenis, natione Westphalus, malo hypochondriaco, ut vocant, aliàs obnoxius, post insignem corporis, in specie pedum, in ludo scenico spectando refrigeratione, altero die incipit dolere sinistro, sub costis. Dolor erat acutus, admodum punctorius, gravissimè affligens ægrum, conjunctus cum frequenti vomitu, admodum molesto, ipsique egro doloroso, ingenti siti & virium prostratione; hinc dolores lancinantes, sed rari interdum ex isto loco in totum abdomen progredi, ad lumbos reflecti, & in sinistro hypochondrio tandem terminari solent, ubi terebrantes punctiones primariò urgent; pulsus est mediocris in omnibus, celerior tamen & debilior, quàm naturaliter esse solet, durus, & interdum post aliquot pulsationes intermittens, urina pallida, cum copioso sed imento lateritio, alvus obstructa, clysmata injecta cum paucò effectu brevi post rejiciuntur; symptomatum atrocitas eadem, respiratio parva & difficilis; contactum in latere dolente, etiam fortius prementem, benè ferre potest: punctiones subinde fursum ad præcordia ascendere videntur. Efflagitat auxilium.

R E S O L U T I O

D. N. N. BASE,

Nũc èv ἀγίοις.

Cum speciali Censura & Annotatis

B. D. N. P R Æ S I D I S.

Censuræ & Emendationi subjecta,

Anno 1675.

Præsens noster casus cum admodum sit intricatus, propter symptomata distinctis morbis ferè ex omnibus communia, etiam difficillimum reddit nostrum iudicium in indaganda debita affectus exinde enucleandi denominatione. Quippe consideraturi tum supervenientes vomitus molestos, tum dolores lancinantes, tum denique alvum obstructam, hæremus, an ad affectum Ileos vocatum, an verò passiones colicas, præsens nostrum malum referamus? quoniam ista concurrentia symptomata ambobus dictis affectibus æquæ sunt propria.

Sed rem omnem si paulò pressius examinaverimus, atque reliquis circumstantiis omnibus, tam antecedentibus quàm consequentibus, simul collatis, symptomata hæc modo secundum quid colicæ cum morbo iliaco communia si deprehenderimus, tandem affectus iste satis molestus, variisque cruciatuum insolentis refertus, Colica nimirum suspecta esse cæpit. Sub quo ipso tamen adhuc difficultatum cognoscendi compedibus retardati, cum vario sub nomine specifico veniat, facile dubium nobis obrepere permittimus, an eadem humorosam? an verò convulsivam, si ve eadem sit habitualis, si ve accidentalis, vocitemus; quippe quodlibet sua difficultate haud destitutum deprehendimus. Verum quò tandem scapham nominare liceat, ut & hic quoque omnium concurrentium symptomatum syndromen, & antecedentes causas, paulò exactius examinare, sat efficit. Quo igitur facto, demum præsentem nostrum ægrum, colica humorosa per essentiam, convulsiva vero per consensum proximè quidem ad ileon accedente, laborasse, pronuntiabimus. Quippe primario effectum esse intestinum colon, (unde affectus iste suam denominationem sortitur) huc obscurè innuitur, quoniam in latere si-

nistro

nistro sub costis dolor acutus, admodum punctorius, gravissime affligens egrum, (uti verba textus nostricae sonant) percipitur, ubi nimirum situs intestini huius habetur; utpote quod circa os ilion dextrum assurgit, hinc facto flexu, circa jecoris cavum transverso itinere sub ventriculi fundo versus sinistrum tendit, denique ejusdem lateris lieni membranarum tenuibus conjungitur, descendens deinde ad os ilion sinistrum mox iterum adscendit versus superiora, & denuo reflexum, recti intestini principium orditur: vid. HORNII Microcosmus. Adeoque partem istam, quæ dolet, quoque affectam esse, facile persuademus; sed sub costis dictus dolor, qui ex hypochondrio sinistro progreditur, ad lumbos reflectitur, & tandem in eundem locum, ex quo nimirum progrediebatur, iterum terminatur; scilicet secundum tractum intestini coli sese extendit, atque convellendo ejusdem parietes, simul verò in consensum rapiendo ipsi per continuitatem adjacentes nervos, præcipue mesentericos, & membranosa loca vicina, dolorem lancinantem vagum per totum abdomen causat verum sedem suam propriam in parte illa coli, quæ hypochondrio sinistro adjacet, agnoscit: id quod continuæ punctiones & terebationes testantur: adeoque firmiter inde concludimus, intestinum colon primario esse affectum, & quidem illa parte, quæ proximè hypochondriis sinistris subjacet. Sed objicis, etiam in affectu, ileon vocato, colon frequentissime afficitur, ita ut HILDANUS dixerit, se observasse principium coli ferè semper affectum esse in hoc malo, dum nimirum circa valvulam coacervanturcrementa & indurantur, ut alias faeces non transmittant, adeoque continua stimulatione perversum motum intestinis concilient. Verum quæ par primario dolet, etiam primario afficitur; hinc si afficeretur dolore iliaco colon, certè primario sensus irritationis perciperetur circa valvulam ejusdem, adeoque sensus doloris non esset in hypochondrio sinistro, sed potius infra umbilicum versus latus dextrum, ubi principium coli intestini, & ejusdem valvula habetur, circa os nimirum dextrum ilium, ubi dolor assurgeret, & iterum ibidem terminaret. Accedit & hoc, quod podex esse restrictus, ita, ut ne fovea appareret, quorum tamen neutrius in casu nostro mentio est facta. Affirmat igitur potius affectum nostrum, Colicam, dolor acutus in hypochondrio sinistro, & lancinans per totum abdomen, item respiratio parva & difficilis, & quæ sunt alia.

In causas autem horum dolorum & cruciatuum si inquisiverimus, easdem optimè cum effectibus hisce concurrere deprehendimus. Causam hinc proximam si annotare volumus, certè nervorum, à visciditate acida acri intestino colo hærente, & continuis rosonibus pungente, irritatorum, impetum convulsivum & spasmodicum accusare integrum erit: quippe acrimonia acidisucci illius, & in cellulis intestini coli infarcti, se in mucum intestinale insinuat, profundiusque penetrando in subjacentes nerveolos, per substantiam intestinorum membranaceam totam dispersos, agit, eosque rodit, unde dolor acutus: pungendo vellicat, unde dolor punctorius. Accedit & hoc, quàmprimùm spina ista dolorosa infligitur, levis inflammatio, ut in omnibus aliis doloribus solet, sequitur, quæ sanguis in vasis capillaribus stagnat, adeoque in arteriis continuo pulsans, impetum spirituum urget, utpote qui præternaturaliter turgescendo nervorum sensum exasperant. Qui nervi autem, qui se invicem aut complectuntur, aut ratione continuitatis sibi connectuntur, atque sic per totum intestini coli tractum se extendunt, prætereaque cum nervis partium circumjacentium communicant, dolorem istum lancinantem vagum in ægro nostro constituunt, utpote qui non solummodo in hoc intestino subsistit, sed ex parte nervos mesaraicos affligit, propter arctam continuitatis connexionem, unde dolor iste lancinans oritur. Quando autem spina ista dolorosa ulterius serpit, & ad flexuram coli, quæ circa lumbos sursum fit, pervenit, ibidem simili vellicatione fibrillas ex nervis circa spinam dorsali sitis profluentes, & cum substantia intestini membranacea communicantes, in motum spasmodicum concitat, unde dolor circa lumbos nascitur, quàmvis rarus sit [quoniam convulsivum quid est, non per essentiam, se per consensum.]

Omium autem maximè observatu dignus est vomitus, & quidem hic dolorosus & molestus. Cum autem alias vomitus sit motus convulsivus stomachi, qui convellitur, convulsus angustatur, angustatus verò retenta rejicit, facile augurari potuimus, vomitum hunc fieri per consensum, quem irritatio acidi acris humoris in coli parte illa, quæ fundum ventriculi præterlabitur, propter communicationem nervorum excitat. Cum verò ventriculus antea cruditatibus copiosis sit obsessus, quoniam æger aliàs hypochondriacus creditur, non mirum est, quin cruditas ista acida vomitu rejecta, dum superius orificium præterfuit, istud valde molester. Quæ autem cruditas

salso-acida si ulterius ad œsophagum propellatur, & ad fauces perveniat, naturali sua acrimonia salsa earundem membranas vellicat, adeoque sitim hanc excitat. His igitur concurrentibus symptomatibus virium prostratio non potest non adesse: quippe digestio impeditur, spiritus impetuosius facti dissipantur atque hinc crasis massæ sanguineæ turbatur, unde pulsus debilis & parvus, item urina pallida à cruditatibus copiosis & salibus non rite combinatis, supervenit; nihilominus tamen sedimentum istud lateritium latens malum hypochondriacum producit.

Hanc autem causam proximam ita disposuit remotior quædam, quæ iterum vel interna vel externa. Illa est acidum stomachi præternaturale, quod fermentum ventriculi vitando, istud reddit nimis iners, quod exinde suo officio satisfungi nequit in puncto fermentationis & digestionis: unde ventriculus alimenta non rite digesta, & adhuc semicruda ad intestina ablegat, unde tandem ad intestinum colon quando perveniunt cellis ejusdem infarctæ acorem ulteriorem contrahunt. Ubi autem levi occasione acidum istud ibidem stagnans irritatur, in motum concitatur, & ad causam proximam disponitur, tunc rodere incipit, pungere, vellicare, & jam satis denominata symptomata invehere.

Accedit igitur hic externum illud adjuvans, Frigus nimirum: id quod quàm inimicum sit nervis, neminem latere potest quippe cuius acidum subtile & admodum agile, penetrando structuram nervorum, mirifice afficit, item acidum quacumque in parte hærens valde exasperat; id quod videre est in scabie, quibusque vulneribus, & aliis vitis cutaneis, utpote quæ si frigori exponantur, semper in deterius labuntur. Frigus igitur in nostro egro tanquam causa adjuvans concurrere videtur hoc modo: scilicet meminit CONSENTINUS Progymn. Phys. 4. pag. 188. quod omnia ea, quæ frigida videntur, sint ejusmodi, quæ spirituum per instrumenta tactus [nervos] discurrentium motum sistere & retardare possint; jam verò, quando frigus afflixit corpus ægri nostri, imprimis pedes sub contactu nervorum (secundum hypothesein CONSENTINI) spiritus animales sistit; unde motu spirituum retardato ingentes corpus suscipit alterationes, uti alias in aliis causis motum spirituum inhibentibus, seu potius retardantibus, ut animi affectibus contingit, atque sic alterato corpore, debitaque incallescencia destitutum, anguis sub herba latens prodiit. Præterea ex eodem principio tonus nervorum laxatus est, tunc vero poruli conniventes insensibilem transpirationem impederunt, quæ impedita salina effluvia, quæ excerni debebant, omnia turbant, atque tandem fermenta heterogenea excitaverunt; unde acidum hoc hypochondriacum exaltatum, affectum nostrum præsentem movere cepit.

De hocce igitur hætenus consideratis quid censendum sit? videbimus: Uti nobis credendum, colicam hanc in nostro egro malum fuisse non contemnendum; Quippe præsupponitur in illo propter malum hypochondriacum, Acidum in primis viis hærens: præterea etiam convulsiones jam per consensum præsto sunt, ut & vomitus satis molestus. Metuendum igitur, ne colica convulsiva habitualis subsequatur, dum acidum iam jam in primis viis hærens facili negotio aptum reddi possit ut sedem suam in plexibus nerveis mesaraicis figat, unde convulsiones & spasmi lethales sequerentur: quippe colicam convulsivam nonnunquam intra duos vel quinque dies ægros jugulasse, compertum est. Præterea imminens passio iliaca semper nobis ob oculos versari debet, quoniam alvus obstructa [quæ per se morbum iliacum inferre potest,] ut & vomitus, in nostro egro valde suspecta sunt symptomata. Curam igitur maturare integrum erit.

Hæc igitur ritè ut instituat, duplex respectus est habendus, tum ad colicam ipsam, tum ad supervenientia symptomata. Imprimis igitur, quia urget dolor, indeque natus motus convulsivus, iste statim sistendus opiat, non solis quidem, sed appropriatis mistis, atque causa irritans intestina & nervos maturè sopienda. Præterea, quoniam primario est colica humorosa, causa materialis peccans per alvum educenda est, atque visciditas in intestinis subsistens incidenda, acrimonia autem acida corrigenda; pro quo scopo conducunt imprimis aromatica, & hinc quoque gummata evacuantia huncce mucum optimè eliminantia. Tandem vomitus, cum sit admodum molestus, maturè sistendus est, atque respectu convulsivi paroxysmi compescendus; quod faciunt salia volatilia & oleosa. Ante omnia vero nobis respiciendum est, ut alvus reseretur; sic enim reliquis symptomatibus facilius succurrere poterimus. Cum autem in nostro egro jam clysmata sint tentata, cum

acrioribus faciendum periculum, quibus carminativa addantur, ut ea, cum sint aromatica, vi sua volatili oleas acrimoniam acidam ed citius temperare possint.

Pro hoc scopo fit igitur sequens clystma:

℞. Rad. lil. alb. ℥j.
Herb. Melilot.
Malvæ an. M. j.
Fl. Chamom. M. i℥.
Fol. Lauri p. iij.

Coqu. in f. q. aque comm. cum sal. tartari & gemmæ an. ℥i.
Colat. ℥vij. adde
Mell. colat.
Syr. Papav. an. ℥℥.

Misc. pro Clysmate,

una vel duabus vicibus injiciendo.

Conducit etiam pro hoc scopo urina humana, quæ satis bona pro abstergendis intestinis; fit igitur hæc formula:

℞. Urinæ hum. ℥ij.
Terebinth. in vitell. ovor. solut. ℥i℥.
M. pro Clysmate.

Laudari merito quoque hic debet fumus Nicotianæ singulare remedium in colica homorasa; quippe ratione salis volatilis laxat; alvum, atque mucum viscidum incidendumque temperat; ratione olei verò narcotici sensum dolorosum intestinorum mitigat. Modus applicandi est per fistulam quandam, peculiari modo exstructam, quæ satis nota est.

Hic si alvus non obtemperet, ad internæ laxantia, & quidem purgantia fortiora, accessus faciendus est. Ubi quidem observandum:

- (1.) Ea non esse adhibenda prius, quàm vomitus sistatur, metuendum enim, ne malum exasperetur, & vires stomachi prosteruantur, quoniam omnia purgantia stomacho sunt hostilia ratione suæ virulentia quam secum vehunt.
- (2.) Semper opiata esse addenda, & nunquam sola applicanda.

Si igitur conveniat Purgatio, sit in forma sicca sequens:

℞. Crem. tartari ℥j.
Resin. scammon.
Jalapp. an. gr. jv.
Laud. opiat. per ferm. par. gr. ij.
M. f. Pulvis pro dolore sistendo & alvo laxanda:
D. S.

Pulvis laxans & dolorem sistens.

Vel in forma Potionis:

℞. Ol. amygd. dul. ℥vj.
Vin. Malvat. ℥i℥.
Syr. papav. ℥℥.
M. f. Potus: S.

Potus laxans & dolorem sistens.

Pro vomitu autem doloroso sistendo fit sequens mixtura:

℞. Aquæ Menthae,
Fœnicul. an. ℥i.
Spiritus theriacal. camph. ℥ij.
Laud. op. ritè par. gr. ij.
Syr. Cydon. ℥℥.
M. f. Potio S.

Potio leniens & adstringens.

Hauriatur cochlearim.

Præmissis autem præmittendis, sequens formula pro scopo alterandi in servare potest.

℞. Aquæ Menth. ℥iij.
Carm. ℥vi.
Elix. Menth. ℥℥.
Ol. destill. cort. Aurant. gutt. vj.
Spiritus nitri dulc. anticor. ℥ij.

M. D. pro 2. dos. expectando blandum sudorem.

Vel in forma pulveris.

℞. Fl. sulphuris ℥ij.
Mandib. luc. pisc. ℥i.
Laud. op. ritè par. gr. iij.
M. f. Pulvis pro duab. dosibus.

Præterea frequenter usurpari possunt absinthium & beleniū quæ optima sunt in cura colicæ. Quibus addendum sordidum illud, sed effectū revera nobile remedium, stercus equinum, quod in potum ordinarium infundatur, exprimatur, & sic ægro

propinquetur, qui postquam sudor frequentior est, mirabilia facit, præprimis ubi convulsiones simul adsunt. Hic quoque laudem meretur castoreum, quod pro hoc scopo nobilissimum.

Externa quoque circa umbilicum oleo carminativo illini possunt, imponendo desuper laterem calefactum: v. gr.

℞. Ol. Chamom.
Aneth. an. ℥i℥.
Dest. Anisi,
Cumini an. gutt. vj.
Chamom. ℥℥.

quibus addi potest Corpus pro Balsamo. D. S.

Balsamum contra colicam externè applicandum.

DISCURSUS & ANNOTATA B. DN. E. T. MULLERI.

Hic morbus à sede est dolor Colicus; à modo verò quo affligit, fixus terebransque; sicut tandem à loco in quo perseverat, à modernis Hypochondriacus vocatur.

Affectus hic complicatus est, & iliatus, & colicus dolor.

Cæterum fluctuat D. Autor hujus Resolutionis ob symptomata aliis morbis communia, an ad ileum? an verò colicam morbum hunc referre debeat? quod nec mirum. Interim quando syndrome ejusmodi symptomatum communium occurrit, probè consideretur, quænam sint symptomata primaria? & quænam secundaria? Nam symptomata primaria sunt, à quibus, tanquam radice; omnia reliqua originem ducunt, eaque facile possunt cognosci modò conferantur causæ antecedentes, proximæ & remotæ, & quamnam partem hæc proximè affligant? In qua parte affecta duo considerata;

1. Dolor progrediens in abdomen; &
2. Ad lumbos reflexus

His facile ad symptomatum primariorum cognitionem pervenire poterimus.

Porro distinguenda est Colica à dolore splenico, Germ dem Miltzstechen, cum uterque affectus à Practicorum vulgo confundatur, scilicet dolor terebrans fixusque in hypochondrio sinistro apparens cum splenico: Non enim hunc splenicum esse, patet ex eo, quod etiam talis dolor sæpius in hypochondrio dextro observetur, & quidem in utroque hominum sexu; unde si mares affligit, hypochondriaco malo laborant; si feminas, ordinario; hæc erunt voraces. Præterea in utroque latere etiam simul affligens ejusmodi percipitur, utrobique revera colicus vocandus; ab angulis coli in utroque hypochondrio apparentibus; unde & tales eodem modo curantur sine reflexione ad splenem vel etiam ad hepar facta, cum dolores isti sint aut in colo, aut in intestinis vicinistenuibus. Contra, quod etiam in hoc casu splen minus sit affectus, probatur, quia nulla ratione & experimento adhuc convictum est, eum dolore punctorio, lancinante & terebrante affici posse, utpote quæ membranæ tensis, & in superficie quali exporrectis, propriè comperit. Jam autem splen est corpus membranofum circum voluntum, intertextis invicem nervorum fibris, adeoque saltem aut distendens, aut pulsans, aut obtusè gravans dolor huic dici poterit; distendens quidem & gravans ex collectis succis vel quibuscunque humoribus inibi, & successivè coacervatis, & cellulas ejusdem membranaceas distendentibus; pulsans verò, quatenus sanguis in fluxu suo retardatur, in splene potest produci; at verò punctorius dolor non invenit in taliter constituto viscere locum. Insuper confirmantur hæc dicta ex eo, quod & illi, qui vulgò pro spleneticis doloribus habentur, quales sunt ab equitatione, aut cursu nimio inducti, reverà sub hypochondrio sinistro in colo latent, à flatibus scilicet dependentes, unde etiam vel exonerata alvo, vel emissio flatu, iidem cessant. Hæc ostendunt, insulsum esse eorum consilium, qui cursoribus lienem eximendum esse jubent, cum, utut centies insons splen excindatur, non tamen cessabunt dolores colon obsidentes. Interim tamen non negamus, splenem subinde posse affici molestia, quia quandoque in splene tales dolores adsunt, eo scilicet in loco, ubi rami splenici, arteriosi & venosi, ex ramis celiacis arteriosis, & ramo venæ portæ derivantur ad splenem. Quod ipsum pathema frequenter observatur in febribus intermittentibus chronicis, melancholicis, hypochondriacis, &c. in quo casu tamen iterum cauti esse debemus, attendendo, an splen sit pars affecta primaria? an verò productum morbosum? [nam in confirmatis demum morbis ægri de lienis

lienens dolore conqueri solent, in principio verò eorum non, adeoque an pathemata pro causa? an verò pro producto morbosa habenda sint? attendendum Confirmatur hoc, quod HORSTIUS & SYLVIUS in scorbutices confirmatis post mortem appetit splenem optimè constitutum reperere.

Palpitationes autem cordis in historia memoratæ non suggerunt suspicionem affecti lienis, nec vapores adscendentes hic accusandi sunt.

Quoad Ileon autem: ille est complicatus morbus, nempe ex obstructione alvi, adeoque motu intestinorum peristaltico inverso; siue jam contenta siue fæces intestina obstruendo, siue etiam ipsa intestina vel convulsa & inflammata, aut gangrænosa, aut invicem ingressa, passionem hanc induxerint. Et notandæ sunt illæ observationes duæ, quas habet HILDANUS *Cent. 1. obs. 6.* ubi introducit ileum, natum ex pertinaci coli in confiniis cæci & ilei circa valvulam suam obstructione; & *obs. 58.* ubi affectum narrat, nostro casui simillimum, & pro splenetico habitum, curatum tamen carminantibus. Alias ileos vitio intestinorum crassorum oriri posse videtur, nisi vel coli vel cæci, velut anguli in hypochondrio sinistro firmissimè obstructi vitio; ordinariò ex affectis tenuibus, in specie ileo, unde etiam *κατὰ τὴν ἰσχυρίαν* Ileos vocatur.

Cum ergo crassa ob sui amplitudinem nequeant commode obstrui, & sic affici ac ileon, nec se invicem subintrent propter firmam connexionem, & rariùs inflammantur, imò eadem nec hernias producant; sed si fortè in culpa fuerint crassa, erit principium coli & valvula, cujus tamen obstructio, ob clysterum illuc tendentium progressum, vix perseverare potest. Insuper in Iliaco affectu subinde observatur podex intro retractus, ut ne specillum quidem clysteris applicari queat; quæ retractio ani est à convulsione intestini recti, & quoque tam sphincteris, quàm musculorum ani levatoriorum; hi enim si convelluntur, ordinariò & retrahitur & constringitur podex. Et quidem tunc hoc phænomenon in colicis convulsivis & volvulo, similibusque intestinorum impedimentis non autem obstructis intestinis, observatur, quando nempe tam tenuia quàm crassa convulsione insigni & motu peristaltico in verso laborant, in quo casu etiam suppositoriorum & clysmatum per superiora rejectio continget: ubi autem ex intestinis inflammatis, ex obstructis, ex hernia translocatis, vel ex aliis intestinorum affectibus, ileos, quantumvis lethalis, fuerit, non tamen apparebit podex retractus: Conf. DRAWITIUS *Tract. de dolore abdominis scorbutico*.

Causa proxima materialis est acidum viscidum, quod in colo regionis hypochondriacæ sinistrae stabulans & firmiter agglutinatum, vellicando & rodendo intestina, hoc est, fibras intestinorum nerveas, sensus organa, spirituum impetum excitat; hincque duæ doloris conditiones præstito sunt; terebrans nempe ille, & fixus: ubi dolor terebrans dependet ab acido continuo rodente, & aculeis suis incidente membranam intestinorum interiorem fibrosam; fixus verò à succo viscido, firmiter parietibus coli agglutinato. Ut adeoque affectus noster præsens sit vocandus *Colica hypochondriaca humorosa, nec nisi per accidens convulsiva*.

Nam quod dolor ille colicus introrsum totum abdomen occupet, fit illud simpliciter per consensum, quatenus nempe nervi in dolore iliaco spasmodice contracti, continuant suum spasmum usque ad plexus mesaraicos, quorum occasionem totum abdomen affligitur: quod autem dorsi & lumborum dolor urget, est essi convulsio mesenterico plexu. Non reticendum siquidem est, quadruplicè circa lumbos observari dolorem: puta vel nephriticum, vel pancreaticum, vel mesentericum, vel intestinale, duodeni scilicet. Hos inter dolor præsentis ægri non est nephriticus, sed hic dolor lemaris est mesentericus, ubi hoc annectitur lumbis, isque lancinans, & obscure gravans.

Porro affligunt præsentem ægrum punctiones sursum adscendentes, cujus phænomeni quæ ratio? scilicet colon in sinistro hypochondrio connexum est locis membranosis vicinis, peritonæo & diaphragmati inferius descendenti. Quando ergo colon fortius à viscido acido irritatur, convulsivi quid patitur; vid. HELMONTIUS §. 18. *Tr. Pleura Furens* pag. 320. & dum convellitur, connexæ partes membranosa simul spasmu afficiuntur, & sub ista contractura punctorius iste dolor sursum ascendere videtur, utut non pectoris loca, sed saltem orificium ventriculi sinistrum petat. Hinc & respiratio molesta est, quia quoties respiramus, toties diaphragma ex convexo commove-

tur in figuram planam unde colon comprimitur, quod antea affectum, irritatum à causa externa mox affligitur, & dolor exasperatur atque intenditur.

Quæritur autem: unde æger ferre possit applicationem manus, fortiter prementis hypochondrium sinistrum? Equidem si adessent flatus, solutio foret facilis, cum flatibus sic progressus creetur. Verum in nostro casu saltem mucus acidus hæret, unde ex ista compressione colon simul fortius premitur, adeoque in sensibilitate sua nonnihil minuitur, quatenus angulus coli fit quodammodo circularis; sicuti alias in parte externa dolente fortius compressa, dolorem quodammodo sisti experimur.

Pulsus existit celerior, sed debilior, forsitan simul durus: Debilior, ob spirituum depauperationem; celerior verò ex eorum impetu & dolore. Unde etiam, si vires magis fuerint prostratæ deficiens nonnihil [quod tamen sine periculo est] observatur; sicut tandem, si membranosa partes doleant, simul durus is est.

Urina pallida à cruditatibus copiosis salibusque non ritè combinatis, ut & sedimentum hujus lateritium à scorbutico latente, rectè derivatur: nempe tria urina prædicat, statum digestionis primæ, secundæ, & partium urinarum.

Et quemadmodum in Hypochondriacis ordinariò peccat acidum in subjecto uscido; quoad causam proximam; ita quoque *Causa Remota* est hic cruditas acida, causa externa verò est frigus, quod semper inspissare solet mucum antea fluidum, & ita partibus magis impactum reddit, in quibus antea solutus fluctuavit. Imò proprium hoc est frigori, ut quæcunque liquida, aquea, & oleosa, adeoque succos in corpore nostro inspisset, condenset, & ad coagulationem disponat, sicque, glutinosi iidem magis fiunt. Speciatim quoque in nostro ægro præcessit refrigeratio pedum, quorum plantis cum abdomine intercedit consensus maximus, & consequenter cum capite; hinc, qui nudis pedibus pavementum perambulant, horum alii in tormina abdominis incidunt, aliis, verò alvus solvi solet: unde etiam, qui diarrhœas aut dysenteria laborant, quò magis extrema, in specie pedes, refrigerantur, eò magis his symptomata excreto; la exacerbantur. Hunc pedum cum abdomine consensum confirmat *observatio H O E F E R I in Hercul Medico*, qui ex pilulis, plantis pedum illitis, pergationem alvi copiosam excitatam vidit: quod omne potest ad nostrum affectum applicari. Quod autem à pedum refrigeratione affligetur abdomen, sit ob insignes nervos per crus descendentes, & in plantis pedum in fibrillas dispersos & desinentes: de quo consensu conf. SIMON PAULI in *Digress. de Feb. Malign.* Aliàs quoad acidum in aere contentum, cum nondum confirmata res sit ubique, an nempe illud nitrosum? an verò ammonia cale sciat? nondum scimus; Ergo taceo hac vice, & de cisionem suspendo.

P R O G N O S I S.

Hoc unicum periculum subest, ne malo diutius progrediente, etiam intestina tenuia affligantur, & ita per accidens superveniat iliaca passio, cum affectus alias per se sit facile curabilis.

Metuit quidem Dn. Resolvens, ex acido jamjam in primis viis hærente, sedem suam in plexibus nerveis mesaraicis figendo, convulsiones & spasmos lethales, uno verbo, Colicam convulsivam. Sed acidum hoc derivandum ex malo hypochondriaco, non verò ex præsentis nostro affectu.

C U R A.

Quoad *Curam*. Sicut nihil magis præter naturam est quàm dolor; sic Medicus dolorum sublacione facile famam sibi parare potest. Hæ ergo Indicationes formandæ:

1. Dolor sistendus.

2. Symptomata reliqua maturè removenda.

Quoad 1. Dolor sistitur, vel causam materiale removendo, vel dolorem sopiendo. Vnde respectu causæ removendæ ad duas proprietates, nempe ad aciditatem rodentem & pungentem, & hinc ad visciditatem pertinaciter adhærentem; respiciendum est. Cæterum dubium in antecessum occurrit: quidnam in hoc & similibus aliis doloribus intestinalibus primitus agendum sit? an nempe dolor prius sistendus opiatis? an verò causa materialis peccans removeatur per evacuantia? Rationes dubitandi sunt:

1. Quia

1. Quia si opiatibus insistimus, saltem palliative tales Dolores curamus, causam materialem impediendo, & morbum quasi concentrando.
2. Si evacuantia primitus in usum vocamus, periculum est, ne iritemus crabrones, & dum intestina vellicantur, major dolor & graviora pathemata superveniant, cum evacuationis scopo planè frustraneo.

Pro decisione ergò respondeo cum distinctione: Scilicet

- (1.) Attendendum est ad id, quod magis urget, & an dolor prævaleat? ita ut exinde vel syncope, vel convulsivi motus vel alia similia pathemata metuenda sint? an verò magis urgeat materialis peccans humorosa causa, eaque sui remotiorem indicet, sive jam copia, sive acrimonia, sive alià qualitate hostili dotata sit? pro diversitate harum circumstantiarum siquidem nunc ab opiatibus, nunc à laxantibus, initium faciendum.
- (2.) Distinguendum est inter colicam convulsivam & humorosam: nam in colica convulsiva opiatibus; in humorosa verò evacuantia magis conveniunt; cum contrà in convulsiva purgantia adhibita propter acrimoniam spasmos intestinorum magis exacerbent, nisi blandè laxantia sint, & abdominis symptomata magis dolorosa reddant, imò evacuationem frustraneam faciant. Unde in convulsiva potius blandis opiatibus sensus dolorosus & spasmus intestinorum tunc temporis præsens, initio demulcendus, postmodum verò blandè emollientia subjungenda. Uumorosam autem colicam, cum opiatibus initio usurpata, motum humoris impediendo; malum concentrent, & pertinacius reddant; hinc in convulsiva blanda lenientia conveniunt; in humorosa verò temperatis purgantibus cura auspicanda est.
- (3.) Distinguendæ ante curam probe sunt partes affectæ seu intestina, quæ dolent: quæ si tenuia affligantur, conveniunt magis blanda laxantia per os assumpta; sine crassa, blanda abstergentia per alvum injecta, seu clysmata eligenda erunt.
- [4] Opiata numquam solitariè in abdominis torminibus præscribenda sunt, sed si ea in colica humorosa locum invenire debent, laxantibus admisceantur; uti contra in colica convulsiva, eadem opiatibus aromaticis, & imprimis castorinis, combinanda.
- [5] Purgantia propriè sic dicta nunquam in abdominis dolorosis pathematibus profunt, sed potius, si scopus evacuandi necessarius videtur, laxantia saltem conveniunt, & perinde est, sive hæc abstergendo, sive emolliendo, sive lubricando, sive leviter fermentando, operentur, modò sine insigni stimulo operentur.
- [6.] Circa legitimum purgantium usum observandum est, quod frequentius in talibus abdominis doloribus contingere solet; ejusmodi ægros sæpius quidem & egregiè purgari, sine levamine tamen, quia non evacuantur, quæ evacuanda erant, relictis scilicet evacuandis, morbum efficientibus. Quod ipsum etiam in hoc nostro ægro obvenit, & alio præterea in casu, quando nempe copiosus mucus viscidus intestinis crassis impactus eadem incrustans irritat; in tali enim purgantia per os adhibita, copiosa ex purgantibus quidem recrementa ex primis viis & intestinis tenuibus, interim crassiora & viscidiora in crassis intestinis intacta relinquunt.

Probo ex *S A L M V T H. Cent. 1. Observat. 78. pag. 49.* introducente quendam ex in torminibus colicis mortuum, in cujus toto intestino colo reperiebatur crassa mucago, id obsidens, hiscente saltem foramine ad digiti crassitiem, per quod tenues mucagines fuerunt transcolatæ. In simili quidem subjecto copiosè quidem operantur purgantia: at quod sine levamine id fiat, non mirum est. Conf. *SENNERTUS l. 3. Prax. p. 201.* quo in loco allegatur *HEURNIUS, LIPSIO*, post reddita recrementa ejusmodi viscida & pituitosa, formam & characterem intestinorum præ se ferentia, tropheum de morbo acclamans

fuit enim pituita vitrea, quæ incrustavit antea intestina: Conf. *FERNELIUS lib. 6. de Part. morb. & symptom. c. 9.*, ubi coli ex toto pituita infarcti legitur exemplum. Igitur selectus inter purgantia habendus, & non tam vis eorum purgans, quam alterativa & acidum correctiva respicienda.

Et quidem in nostro hoc casu magis laxantia, & his præmissis demum opiatibus, si opus videtur, locum habent; & illa quidem vel simpliciter talia, vel materiam viscidam corrigentibus & incidentibus permista. Hæc inter ex regno vegetabili palmam præferre videntur *Colocynthis* & *Gummata*, speciatim gummi ammoniacum internè; sicut externè galbanum, & resina carannæ: ex regno minerali verò aurum fulminans, & Mercurius dulcis, vegetabilibus purgantibus idè præferendus, quod is valde incidat viscida, & sine torminibus ac sine virium prostratione evacuet, adeoque simpliciter resolvendo & abstergendo operetur.

Notandum: Sal tartari speciebus in clysterem decoquendis addendum esse ad ℥j, decocto verò ipsi jam facto gemmæ ad ℥j; quippe hoc, juxta *FORESTUM*, fæces duras emollit, & visciditates incidit. Et quemadmodum clysmata terebinthinata in doloribus abdominis convulsivis, nephriticis & scorbuticis, aliàs egregiè conveniunt, ita eadem nostro in casu locum non habent: unde saltem sola urina humana sufficere potest pro clysmate adhibendo, cui, si libuerit, addendum quid de electuario hieræ picæ cum agarico, vel alio stimulante, & mel despumatum; sicut etiam fumus tabaci ano inflatus etiam bonus est.

Opiata interdum clysteribus adduntur, si nimius sit abdominis dolor, aliàs non.

Dn. Resolvens præscripsit cremorem tartari cum resinis purgantibus: sed cum iisdem non commodè potest misceri: cremor enim tartari in vehiculo calido assumendus est; resina verò in liquore calido mox fundum cochlearis petunt, & ei instar picis adhærent; cremor etiam impedit vim purgantem resinarum. Adhæc quamvis operentur, facile tamen sui adhærentia dolorem intestinorum exacerbare possunt.

Oleum amygdalarum dulcium & vinum Malvaticum, cum syrupo papaveris præscripta in hoc conspirant, quod dolorem sistant, mucos interim peccante pertinaciter adhuc adhærente intacto; unde potius potionem ex gummi ammoniaco proficuum expertus sum.

Cæterum vid. *Colleg. Casual. Dom. Doct. VEDELII, Casu 18.*, cum idem hic casus ibidem extet, præter finem, quem in seqq. videre licet; quod ut propedi in lucem edatur, speramus & optamus.

Externè olea carminativa egregiè se gerunt, imprimis oleum hyoscyami ad ℥ss. cum oleum carminativo *Mynsichtii*, oleum Jovis, spiritus & oleum baccarum junperi. Prodest etiam tegula calida imposita; omnia enim calida nervis amica, frigida verò inimica. Emplastrum de hyoscyamo item decoctum hyoscyami, quo feliciter usus *DRAVUITIUS*, convenit, cui in infantibus aliquid Theriacæ addi potest. Vitandus potus frigidus, panis calidus, blandus calor eligendus.

Si acidum viscidum firmiter colo agglutinatum, fibras nerveas vellicando dolorem colicum producat, ille tamen, clysmatibus benè licet operantibus, persistat, vix aliis evacuari potest medicamentis, quam gummi ammoniaco & Mercurio dulci. Cum ergò hic casus occurreret, clysmata operabantur quidem, sed dolor persistebat. Usurpabam alterantia antiscorbutica, seu antihypochondriaca, sed nil juvabant. Tandem sequentem formulam ex gummi ammoniaco præscribere:

℞. Aquæ Mentb. ℥j.

Gum. amm. in acet. sol. ℥ss. (dosis alias est ℥j.)

Tartari Vitriolat. gr. xv.

Scamm. rosat. gr. iv.

Extr. troch. a. band. gr. j.

Syr. de pom. ℥ss.

M. f. Potio: S.

Potio aperiens.

Et Potio amara, sed scopus erat incidere viscida per gummi ammoniacum & tartarum vitriolatum; stimulans fuit extractum trochiscorum alhandal. Æger exinde quindecim vicibus sine virium prostratione & torminibus cum euphoriæ purgatus fuit, & multa viscida da rejecit, & symptomata dolorosa evanuerunt, aliis purgantibus & clysmatibus causam morbi non attingentibus.

Sequen-

Sequenti tempore Mercator quidam Annæbergensis simili dolore cruciabatur, ante ingressum quidem huc iter erat copiose purgatus, quæ tamen purgatio vix attigit scopum, unde dolor non remisit: Doloribus persistentibus præscripti dictam potionem in minori dosi, unde copiosis evacuatis viscidis, sanus evasit. Semel tamen ex hac portione gummatica virgo cachectica in dysenteriam incidit. Aliàs Hypochondriacos fortiora purgantia aut parum aut sine euphoria movent; quin potius hoc in casu alvus laxanda est solum per blanda emollientia, & imprimis passulata, unde pro hoc scopo in usu habeo Potionem talem passulatam: v.g.

℞. Passul. min. conquass. ℥i.

Ebull. in l. q. aquæ simpl.

Colat. fervente ℥i. infunde

Fol. Senn. sine stip. ℥i.

Crem. tartari ℥i.

Stent in loco tepido per noct.

Manè coletur.

D. S.

Potio laxativa pro aliquot dosibus.

Capiat de hac æger hypochondriacus in alvo clausa pro lubitu haustulum; ita bis vel ter per secessus suaviter operabitur. Et sanè in hoc nostro casu egregia est.

TIMÆUS von GuldenKlee, in usu habet vinum passulatum, quod pro hypochondriacis & scorbuticis egregium est; ad cuius imitationem dictam Potionem excogitavi.

Potio præmissis hisce evacuantibus, ad alia quædam alterantia progrediendum erat: unde remota per evacuantia causa, pro vomitu sistendo misturam sequentem propinavi:

℞. Aqua Metth. ℥ii.

Cinnam. ℥vi.

Succ. cydonior. ℥i.

Spiritus vitrioli gutt. vi.

Ol. dest. Cinnam. gutt. iii.

Syr. Cinnam. ℥vi.

Misc.

Bona est mixtura, quæ mox sistebat vomitus, & nauseantem stomachum egregiè levabat.

Interdum in casu necessitatis potest addi gr. j. laudani opiat,

Potio, quam Dominus Autor Resolutionis pro scopo alterandi ordinavit, egregia est, si flatus & phlogoses adessent: In nostro casu oleum destillatum corticum Aurantiorum omittatur.

Stercus equinum & Castoreum magis in colica convulsiva, quam humorosa, conveniunt.

Tandem usus absinthii, helenii & corticum aurantiorum curam absolvunt.

Veteribus systema nervorum, & eorundem distributio non fuit nota: unde in quacunque colica mox materiam peccantem allegarunt: ubi autem iisdem doloribus pares supervenirent, non poterant se illa extricare.

Si tamen his omnibus adhibitis, dolores & alvus clausa pertinaciter maneat, & ob id metus sit Ilei; tria adhuc supersunt generosa remedia, quæ tentari possunt.

(1) Sunt globuli bombardarum plumbei deglutendi.

(2) Follis ano applicandus.

(3) Mercurius vivus.

Quoad globulos plumbeos, deglutiuntur No. i. ii. vel iii. De his curiosa est observatio VVELSCHII Hecat. 2. p. 19. ubi ileon ex omphalocoele incarcerata imminentem curavit propinatis tribus globulis plumbeis, quorum maximus ponderavit ℥j., reliqui duo fuerunt minores: sic enim hernia sublata & alvus reclusa fuit; imo, quodd mirandum tertius globulus, maximus omnium, & ultimò ingestus qui fuerat, primò fuit excretus, & sic antecessit minores prius assumptos, pondere suo adjutus. Sed suspecti sunt hi globuli ob sui pondus, quo in ventriculi fundo manere possunt, qui metus non est de nihilo. Magis autem placet consilium ejusdem autoris, quo globulos illos ex amalgamate Saturni & Mercurii vivi conficiendos jubet; sic enim in minori quantitate sunt ponderosiores; Vid. præter HILDANUM HEINRICUS ab HEER Observ. 2. & ZACUTUS LUSITANUS Lib. 2. Præx. Admir. Observ. 27. Præmittatur tamen ℥i. vel ℥ij. olei amygdalarum dulcium, ut viæ lubricentur; sic globuli tuto in hoc puncto in usum vocandi. Follis ano applicatus pro intestinis dilatandis, Veteribus usitatus fuit, ut intestina à scybalis in-

Ettemuller. Oper. Tom. I.

duratis, vel mucagine viscida oblinente, secedant, & scybalis dietis pareatur exitus; vid. AMATUS LUSITANUS. Sed modus hic hodiè paulò defuevit. Quoad Mercurium vivum, hic ad ℥iii. vel iv. cum aliis in forma misturæ propinari debet, si successus voto respondere debeat; non minor ejus dosi sit, cum ponderositate sua exiguum molem præ se ferat, & aliàs frustra usurpetur. Pro hujus illustratione exemplum sit hujus loci matrona quædam, duas integras libras Mercurii vivi in metu ilei successivè deglutens cum salute, quæ historia sequenti se habet modo: Mulieri huic verberibus læsa in capite, & pede in hypochondriis contusa, superveniebat febris vulneraria symptomatologica; in fine triæ septimanæ propinabam vomitorium, quo rejecto, alvus incepit pertinaciter claudi, ut non potuerit referari, expectabam eventum: quinto vel sexto abhinc die præscribebam clysmata, sed frustra; tandem decimo quarto die à vomitu, cum alvus nihil evacuaret, abdomen induraretur, & hypochondrium sinistrum gravius doleret, imò tandem quoque singultire inciperet, propinavi Mercurium vivum d. 14. Junii, sequenti modo.

℞. Aqua Menth. ℥i.

Ol. amygd. dulc. ℥vi.

Mercurii vivi depur. ℥iii.

M. f. Haustus.

Haustit sine effectu; unde d. 15. Junii eandem Potionem cum aqua cinnamomi præscripsi, sed iterum sine successu.

Vesperis ordinavi Clysmata, cui addebantur

Aqua benedict. ℥ii.

Salis gemm. ℥i.

Sed frustra.

Altera die 16. Junii eadem potione frustra adhibita, dolor hypochondrii sinistri intendebatur, dolores abdominis cum duritie & singultu erant majores; unde à meridie dedi.

℞. Aqua Menth. ℥i.

Cinnam. ℥ss.

Mercurii vivi ℥v.

Syr. ros. solut. ℥vi.

Misc.

Haustit, sed frustra.

Externè ad emolliendas faeces Linimentum ex axungie anseris ℥iii. ordinavi. Die 17. Junii dedi clysmata ex lactis ℥viii. cum terebinthinæ & salis tartari ana ℥iii. Sed omnia frustra. Propterea eadem potio bis reiterabatur, & sic Mercurii ℥xxiv. in corpore habuit: sed non perforabat intestina, neque alvum solvebat. Ordinavi infusum per semicupium ex herba althææ & floribus chamomillæ, malvæ, baccis lauri, &c. ipsa insedit, post infusum abdomen illinebat pinguedine anserina: sed iterum omnia frustra, ut ad diem 19. & 20. Junii usque sic permaneret. Hinc incipiebant dolere fauces, & gingivæ prurire, vacillabant dentes, ipsa salivabat, lingua exulcerabatur: unde pro collo leniendo ordinabam mellis rosati ℥i, cum ana syrupi violarum.

Tandem abdomen jussi illinire sequenti unguento.

℞. Ungu. de arthan. vel dialth. ℥j.

Ol. Colocynth. ℥ii.

Misc.

Continuò salivatio permanebat, & Mercurius vivus remanebat in corpore: hinc ordinavi emplastrum de cicuta & gummi ammoniaci ana, cum oleo tartari destillato malaxatum, applicandum integro hypochondrio unà cum applicato clysmate emolliente. Tandem 24. die incepit prodire Mercurius paulatim 29. Junii verò post somnum evigilans, postmodum totum lectum Mercurio vivo repletum vidit, & hinc etiam aliquid de scybalis: ultimo tamen superveniebant excretiones, & scybala indurata eliminabantur. Posthæc pro remanentibus & noxiis Mercurii exhaustiendis, ordinavi Bezoardicum solare, item decoctum ex radice helenii & feniculi pro sudore, ex HOECHSTETTERO, sicque curata est.

Vir alius juvenis corripiebatur colica, ad quam aliàs proclivis erat, eaque Tauchæ concitata occasione animi pathematum, perfert eam per duas noctes & unum diem, hinc rheda domum vehabatur sub pessima viæ conditione acerbè dolens.

Die Mercurii vesperi cum rediisset, accedens, offendo de continuis copiosa viscida & biliosa materie vomitibus conquerentè, unà cū exquisitissimis iliicis torminibus, cū totius regionis infra umbilicum duritie, & ad tactu renitentia: contactum autè doloris causa ferre non poterat, alvus utcumq; fluida, pulsus celer, frequens admodum, magnitudine moderatus, durus, sitis intesa, stupor manū reciprocus

Suspiciabam inflammationem intestinorum in quodam ilei loco occasione dolorum & motionis in rheda excitatam; forsitan subintrantia in quodam ilei loco partis superioris inferioris simul aderat. Ordinavi clyisma, cuius applicationi spasmus manuum & pedum supervenit, retentum tamen per dimidiam horam bene evacuavit. Interne Essentiam theriacalem camphoratam cum parte essentiae opii præscripsi bis assumendam.

Die Jovis eadem adhuc omnia, saltem dolor remissior, intendebatur verò ariditas faucium & linguæ, sitis clamorosa, calor mediocris, &c. ex quibus cum superioribus signis collatis confirmabam adesse quandam intestinorum tenuium in quodam loco inflammationem. Potum, nisi probe calidum, revomebat: quoties aliquid biberet, toties dolores recrudescabant. Internè eadem continuanda jussi, unà simul cum portione analeptica cum essentia opii, quam tamen subinde revomit; interdum tamen quies unius alterius vehoræ somnolenta. Externè litum anodyno-carmenativum applicui, sed omnia symptomata manebant eadem. Inter alia ex hoc.

℞. Flor. sulphuris. ʒss.

Maxill. luc. pisc. ʒj.

Laud. opiat. gr. i.

Misc. pro duabus dosibus vespertinis.

Aliquale percepit levamen; flatus & murmura infra umbilicum angebant, clysmatis usu die Veneris vespere, & die Saturni manè alvus laxata fuit; pulveres continuabantur, mador subfrigidus cum pulsu supra descripto affligebat; tandem appetente die Solis aliquoties liquamina stercorea foetidissima evomit cum insigni virium prostratione, ita ut perfectus Ileus adesset.

℞. Aqua Mentha ʒiii.

Spiritus theriac. simpl. ʒiii.

Salis absinth. ʒj. ad ʒss.

Syr. de spin. cerv. ʒi.

Misc.

Cepit hanc misturam, & vomitus cessavit, nec de dolore abdominis unquam amplius conquestus fuit. A meridie portionem repetere jussi (præscripsi eam ad imitationem SYDENHAM Tr. de Febr. ubi de earum symptomatis, & sanè à nullo remedio in toto morbi cursu, quam ab hac formula, melius & sensibilius levamen percipere potui, unde per plures dies continuare jussi; simul ordinando clyisma.

℞. Ol. rapar. ʒiv.

Lim ʒiii.

Dia. Colocynth. Querc. ʒvi.

M. pro Clysmate.

Quod sæpius etiam repetitum non sine fructu fuit, & crebriores secessus (pontanei hoc insecuti fuerunt, præsertim cum die Martis bina poma Borsdorffiana successivè deglutivisset: hinc enim nocte sequenti copiosi secessus foetidi cum flatibus depositi fuerunt.

Interea die Solis, Lunæ & Martis, æger de difficillima respiratione & anxietate summa conquerebatur, vix loquendi habens potentiam, & pulsu pessimo ac madoribus supra allegatis colliquativis subinde frigidis, quin & singultu subinde superveniente, quoties nempe respirationis difficultas & præcordiorum anxietas remitterent.

Externè sedulo usurpavit litum lateri calefacto superimpositum.

℞. Ungu. dialth. ʒvi.

Ol. Chamom. ʒss.

Dest. Junip.

Terebinth. ana ʒi.

Misc.

Quoties later calidus non incumberet abdomini, toties pejus habebat æger. Diebus ultimis de testiculi sinistri superiora versus retractione convulsiva, item de penis intra corpus retrocessione tali, ut parum emineret, conquerebatur; alvus sat commodè fluida erat: unde ex inflammatione intestinorum gangrænata mortem supervenisse arbitror.

RESOLUTIO II.

D. N. JOH. MATTHÆI

MECKKELII,

ANNÆBERGENSIS,

B. DNI. PRÆSIDIS

Censuræ & Emendationi submissa & correctæ

Anno 1682.

AFFECTUS.

Affectus, qui sub manibus hic nobis est, vero nomine dici merebitur *Dolor Colicus*: nam hoc quod ita sit, & revera quoque se habere possit, monstrat non tantum morbi situs seu subiectum, in quo radicatur, sed & comites, quos habet, connexa scilicet symptomata.

PARS AFFECTA.

Nimirum constat, quod spasmus ille convulsivus, doloris Colici nomine, qui apud Medicos venit, intestina crassa, exque his in specie Colon (unde etiam nominis ratio) affligat, & quidem ea in regione, ubi curvaturam quandam figuræ sigmoideæ non dissimilem format in sinistro latere sub costis spuris; in qua parte, tanquam in angusto plus minus spatio, ubi materia in intestinis hærenti, & flatibus ex materia viscida per modum fermentationis generatis denegatur transitus, variis torturis abdomen miserè satis exinde affligitur, imò ferè contorquetur.

Symptomata quod spectat: hæc ipsa de rei veritate certiores nos reddunt; ut plurimum enim firmo quasi quodam nexu cum hujus doloris invasione inter se coherent;

CAUSA PROXIMA MATERIALIS.

Cause verò proxime materialis vices hic non immeritò sustinebit mucus quidam viscidus ex materia glutinosa acris & nonnihil falso-acida ortus, peripheriæ hujus loci firmiter satis ob angustias viarum impactus.

CAUSA REMOTA.

Huic accedit malum hypochondriacum jam præsens, quod revera idem ferè acidum sui causam agnoscit, in quo etiam, tanquam fomite, ad præsens hocce malum, scilicet colicam, firmiter jam pridem radicata est dispositio, adeò, ut levi saltem occasione ex potentia in actum potuerit deduci, quod & hic factum.

OPERANDI MODUS,

seu

COHÆSIO SYMPTOMATUM CUM CAUSA PROXIMA.

Nam superveniente insigni corporis, in specie pedum (quorum plantæ, uti ad oculum patet ex sectionibus Anatomicis, multifario nervorum concursu gaudent) refrigeratione (cum frigida nervosis partibus sint inimicissima) universum abdomen, propter consensum cum partibus nerveis abdominis, & præsertim capite, spasmus affectis convulsivi aliquid simul patitur, necessum fuit. Hinc etiam dolor acutus admodum & punctorius, qui causam aliam non habet, quam acidum acre, membranas intestinorum sensiles atrociter & summo cum doloris sensu vellicans, rodens &c. patientem hunc nostrum divexare dicitur; qui etiam in tantum eò magis propter nervos, seu plexum nervorum mesentericum in consensum raptum, exasperatur, ut ægro dolorosus admodum existat. Conjungitur huic vomitus frequens propter consensum continuitatis tunicarum, ventriculorum & intestinum componentium. Irritatur enim nonnihil ex vellicationis hujus sensu simul pylorus, & in furorem quasi iratus agitur; inde fit, ut motus intestinorum peristalticus inver-

vertatur, & assumpta quævis superiora versus regurgitent rursus, & per os iterum excernantur, aut saltem excernendi eadem continuus ferè ad sit conatus.

Sitis ingens procul dubio (si quis conjecturæ locus) oritur ex concursu acidi intestinalis & alcali bilis, quorum duorum salium connubium absq; insigni calore & effervescencia nunquam succedit. Hoc dum ita fit, sensus quidam vellicationis & rosionis, accedente motu retrogrado intestinorum, qui continuo ferè hos duos succos commistos versus pylorum propellit, percipitur; & appetitur; liquidi exinde resultat.

Virium prostratio provenit aut à planè deficiente copia spirituum, aut vago eorundem & inordinato motu; nam malè affectis nervis, incolæ eorum in angustias quasi redacti, hinc inde motu quodam tremulo ferantur, & simul debilitatem virium introducant necessum est. Dolor autem hic, quia potissimum nervos afficit, qui à spina dorsali oriuntur ex nervis lumbaribus juxta spnam, tanquam versus suum principium iterum reflectitur, & ibidem remotis quasi omnibus spectaculis, qua data porta ruit, & tandem terminatur. Pulsus celerior tamen & debiliior, durus, &c. provenit ex defectu spirituum & inordinato eorundem motu; durus verò propter rensum articularum, convulsivo motu affectarum, & versus suum centrum in tantum retractarum. Pallidus urinæ color cum copioso sedimento latericio affectui hypochondriaco, cui obnoxius est æger, urique debetur. Alvus obstructa fit, propter consensum nervorum, quem habet intestinum rectum præ cæteris singulare cum plexu mesenterico, dolorosè simul jam affectum.

Accedit & huc inversus motus peristalticus, quo sæpius fit, ut anus ferè totus versus interiora retrahi videatur cum exquisitissimo dolore; hinc clyfma quoque injectum cum paucò effectu brevi post, partim propter mucum viscidum, quem non potuit aggredi, partim etiam propter retentionis, aut planè defectum, aut saltem imbecillitatem satis notabilem, fuit rejectum. Subit autem mirari, quomodo Patiens hic contactum in loco dolente, etiam fortiter prementem, bene ferre potuerit; nisi causa hujus exinde possit deduci, quod scilicet nonnunquam per contactum paulo fortiolem alicui parti, atrociter satis aliàs dolenti, stupor & insensatio possit induci; uti fieri videmus in ligata aliqua parte dolente, ubi omnis sensus ac doloris perceptio hoc in ipso pereunt; quod & hic locum suo modo habere poterit. Punctiones subinde sursum adscendere videntur cum difficili & parva respiratione, quod itidem fit propter consensum continguitatis cum vicinis partibus, scilicet diaphragmate & peritonæo, quorum sensus cum etiam est exquisitissimus, non possunt non à causa acida & acri, spiritus & nervosum genus universum malè rodente, vellicante; simul per consensum affici, & sub sensu doloris punctioni interdum torqueri.

PROGNOSIS.

Malum autem hoc, utut prima fronte videatur per se quidem periculi expers, quia tamen non levi cum periculo morbi iliaci & contracturæ est conjunctum, medelam tui utique efflagitat;

CURA.

Cura autem ejus alia erit in paroxysmo, alia extra paroxysmum. Ergò

1. Causa morbi, i. e. acidum illud viscidum & mucosum, per appropriata remedia corrigendum, & extra corpus eliminandum.
2. Sensus doloris & motus convulsivus maturè, quantum fieri potest, sistendus.
3. Recidiva præcavenda.

Prima Indicatio poterit per reiteratam clysmatum applicationem obtineri, quorum usus hic maxime erit proficiuus, quoniam malum est in intestinis crassis; & sequentem in modum præscribo:

℞. Spec. carminat. Mis.

Flor. samb. p.ii.

Rad. levist. ℥vi.

Sem. anisi ℥ii.

Hyoscyam. aut papav. albi, ana ℥ss.

Coqu. in l. q. urinæ humanæ:

Colat ℥vi. ad. ℥viii.

(Vel loco hujus decocti recipi potest decoctum pisorum)

Errmüller. Oper. Tom. I.

adde

Elect. de Bacc. lauri ℥vi.

Theriac. ℥iii.

Mell. Mercurial. ℥i.

Nitri antimoniæ. ℥ss.

M. pro Clysmate:

D. S. Clyster

Vel

℞. Decoct. pisor. ℥vi.

adde

Decoct. scor. reg. antimonii ℥vi. ad ℥i.

Mell. mercurial. ℥vi. ad ℥i.

Misc. pro Enem.

℞. Decoct. Cent. min. ℥ss.

Aquæ bened. Rul. ℥iii.

Mell. Mercurial. ℥vi.

M. f. Enem.

Huc non incommodè etiam posset facere clyfma, ex lacte cum capitibus aut semine papaveris albi & hyoscyami coctum, addita terebinthina vitello ovi soluta, & salis tartari parum, aut aqua benedicta Rulandi, vel syrupo emetico Angeli Salæ, & melle Mercuriali.

Secundam Indicationem quod spectat, proficiuus erit sequentis Potiunculæ usus reiteratus:

℞. Aquæ Mentb. ℥ss. ad ℥ii.

Chamom. Rom.

Zedoar. cum Vin.

Carminat. Dorncr. ana ℥ss.

Spiritus theriacal. camph. ℥i.

Nitri dulc. ℥ii. an ℥i.

Syr. cort. aur. ℥vi. vel papav. alb. ℥i.

M. D. S. Potio dolorem sedans, cochleatim sumenda.

Pulvis etiam hic ratione nervosi generis malè affecti posset præscribi:

℞. Cinn. antimonii gr. xv.

Laud. hyster. gr. v.

M. f. Pulvis pro una dosi, in Potiuncula antegressa capiendus.

Externè umbilicus & partes laterales calidè inungantur sequenti linimento:

℞. Ol. Nucist. expr. vel Ungu. pomat. ℥i.

Destil. cort. aurant.

Zedoar.

Chamom. Rom. ana gutt. viii.

Anis.

Calam. arom. ana gutt. v.

Ziberbi, vel Bals. Peruv. gr. vi.

M. f. Linimentum.

Aut

℞. Cerat. matric. de Galb. ℥iii.

Malax. cum ol. dest. succini, seu Anung. castor.

induc. super alutam,

& Emplastri instar applicetur umbilico &c.

Extra paroxysmum pro cura blandè laxantia, & mucum viscidum abstergentia, in usum poterunt vocari, uti e. g. Potiuncula sequens:

℞. Aquæ Mentb. ℥i.

Cinam. ℥i. ad ℥ii.

Gum. ammoniaci in acet. sol. ℥i. ad ℥ss.

Tartari vitriolat. ℥ss. ad gr. xv.

Scamm. præp.

Troch. alband. ana gr. ii.

Syr. ros. solui. seu de pom. ℥ss.

M. f. Potio.

Sumatur una vice.

In forma pilularum:

℞. Mass. pilul. de amm. Querc. seu de Trib. Ruffi gr. xv.

Mercurii dulc. ℥ss. vel gr. xviii. ad ℥i.

Scamm. præp.

Troch. alband. ana gr. i.

cum Ol. dest. cort. aur. f. Pilulæ pro una dosi.

In forma pulveris:

℞. Arcan. dupl.

Lapill. Cancr. præp. ana ℥ss.

Auri fulmin. gr. iv.

Scamm. præp. gr. i.

M. f. Pulvis. Vel

℞. Tartari vitriolat. gr. xv. ad ℥i.

Scamm. præp. gr. ii.

Troch. alband. gr. ii.

Ol. dest. zedoar. gutt. i.

M. f. Pulvis.

Pro præcavenda recidiva:

24. Essen. gum. ammoniaci ʒiʒ.

Castor. ʒi.

Misc.

Dosis gutt. xx. ad xxx. manè in vehiculo quocunq; hoc cum cautela, ne frigori se exponat æger.

Vel

24. Ess. gum. ammoniaci ʒiii.

Myrrha tartaris seu ʒiʒ.

Tinctura Tartari accerr. ʒʒ.

Misc.

Dosis ʒo. guttulæ.

Locum etiam hic haberet Tinctura tartari composita, sal volatile oleosum aromaticum, spiritus salis ammoniaci ad gutt. 40. in vehiculo appropriato, simul subinde pro absterfione mucii jam incili Infuso sennæ, cum sale tartari & zinzibere parato; aut laxativo jam supra dato, in usum vocato.

Deus interim hisce clementer benedicat!

C A S U S XV.

DOLOR HYPOCHONDRIACUS
CUM HERNIA UMBILICALI

Mulier aliàs obnoxia hysterica, seu, ut rectius vocatur, hypochondriacis passionibus, simulque admodum gulosa, conqueritur tempore hyberno de gravi dolore punctorio in latere sinistro sub & infra costas nothas, admodum acerbo & contumaci, ferè continuo, ita ut pars perterebrari quasi videatur. Superveniunt etiam nonnunquam vomitus; lateri affecto incumbere potest cum aliquali euphoria: quoties manum fortiter applicat regioni dolenti, eamque quasi introrsum premit, levamen percipit, ut ut non diu durans: appetitus prostratus, alvus respondet officio, non tamen copiose, quia parum comedit. Dolor successivè exasperatur, ita ut repetitis ac vagis lancinationibus totum abdomen occupet; maxima tamen tormina sunt in latere sinistro, ita ut & respiratio paulò profundior impediatur, quia ita respirando dolor exacerbat. Cruciatus his per aliquot dies vexata, & hinc indevolvendo & jactitando se variè, quantum permittit doloris ratio, continuè inquieta fuit. Vocatus Medicus appellatur pro cura, qui, ut eò exactius totum negotium intelligat, contrahat hinc inde abdomen, quod ubique molle & tractabile offendit, observat tamen tumorem ovi gallinacei ferè magnitudine à parte dextra, exactè è regione umbilici, trium digitorum latitudine ab hoc distans, medio loco inter costas & ilia. Tumor est tactu mollis, indolens interdum plus, interdum minus prominens, qui & fortiori compressioni cedens & succidens, mox repullulans: urgetur Cura.

R E S O L U T I O.

DN. THEODORI CHRISTOPH.
K R U G I I,

H A S S O C A S S E L L A N I.

à

B. DNO PRÆSIDE

Correcta Anno 1676.

A F F E C T U S.

Affectus, quo ægra nostra cruciatur, est complicatus, ex Dolor hypochondriaco, & Hernia quasi umbilicali. Dolor est vel primarius, Hypochondriacus pungens & terebrans; vel secundarius, per illius quasi consensum, lancinans & lacerans ipsa in medio abdominis intestina. Hæc enim symptomata amico quidem inter se, ægræ autem summè molesto, fœdere illam vexant. Prioris quippe præsentia, præter causas antecedentes, ad sensum patet; ægra enim ipsa patefacit, dum de cruciatibus abdominis maximis conqueritur: Posterius autem nec hoc sensus tactum, præprimis visum aufugit, cum tumor in abdomine præternaturalis sat dilucidè ejus cognitionem declaret; hinc enim tactu mollis, indolens, interdum plus,

interdum minus prominens, imò fortiori compressioni cedens & succidens, moxque repullulans, quid aliud, quam prolapsum intestinorum sufficienter probat? Verum cum Practici non inconsultò distinxerint inter dolores intestinorum & ratione partis affectæ, & ratione causarum efficientium, hinc horum methodum insequemur, melioris cognitionis gratia dicendo; egram nostram *Dolore*, quoad affectam partem, *Colico*, & præprimis, quod ex situ clarum, *Hypochondriaco*, additaque simul speciei urgentis nomenclatura, *Lancinante & perterebrante*; quoad causam verò efficientem, *Humoroso*, laborare.

P A R S A F F E C T A.

Quoad *Partem affectam* enim, quæ quænam sit? meritò disquisitionem meretur: Dicimus esse hujus mali subjectum, ut quod, universum abdomen; hoc enim totum dolore laborare, etsi per consensum, dicitur: ut quo verò, erunt, ut remotum, intestina universa; ut proximum verò, intestina crassa, & præprimis colon, speciatim tamen flexura illa sub hypochondrio sinistro, quam situs doloris manifestat; etsi interim hic minimè nervos, præprimis plexum eorum mesentericum, excludamus. Cum è contrà, si ad posterius malum, Herniam puto, respectus fuerit, huius Pars affecta seu proxima & primaria, est Peritoneum, quatenus hoc ipsum nimis relaxatum vel ruptum: cujus occasione intestina tenuia prolabantur; cum crassa, utpote quæ firmitus lumbis adherent, & cum his nihil hærniæ est negotii;

C A U S A P R O X I M A.

Quoad causam verò, hoc malum, atrocissima nempe tormina, inferentem, concernit, illam proximam statuimus esse irritationem, inductam ab acido acri austero, plus minus viscido, in intestinis hærente, illorumque membranarum tam interiorem velicante; præprimis autem præternaturalem acoris ejusmodi præsentiam sentit intestinum colon, & præsertim in flexura illa sub costis nothis in hypochondrio sinistro à figura sigmoidea dicta; hinc de gravi dolore pulsatorio in latere sinistro sub costis nothis, maximè ægra nostra conqueritur, & quidem ita, ut pars quasi perterebrari videatur. Dum autem acidum accusamus, tam cruditatum acidarum ex stomachi læsa digestionem, & fermenti fellei deficientia oriundarum, quam succi pancreatici præternaturaliter constituti, vitium hic deplorandum acidum enim multum acre austerrum, simulque materiæ viscidæ immistum, vitree pituitæ nomine tunc notum, talium turbulentorum symptomatum causa existit; non inconcinne enim SYLVIVS perterebrationem & sensum punctorium acrimoniæ acidæ, fixitatem verò visciditatis comiti assignat. Siquidem gulæ errata cruditatum acidarum fœcundæ sunt matres, eò periculosiores excludentes fœtus, quò magis acidum vitiosum pancreaticum in muliere hysterica antea excefferit. Bigamiæ ergo huic austeritati acriori & visciditati nuptus succus pancreaticus, intestina continuè & indefinenter vellicat & pungit; & cum ob suam mucilaginem viscidam in determinato quodam loco hæreat, pertinaciterque agglutinator fuerit, hinc in specie in angulis intestinorum sub hypochondrio sinistro molestias illas infert, contumaces admodum & continuos dolores, ita ut & pars quasi perterebrari videatur.

C A U S A E R E M O T I O R E S.

Et hoc esse verum calcar efficiens, demonstrant causæ hujus affectus remotiores, quæ sunt Cruditates acidæ ex stomachi digestionem læsa; hinc enim est, quod hysterica crebro conflictetur paroxysmis, à tali nempe acido plus minus austero ortis, quod eò magis liberiores suas exerit actiones, cum offenderit subjectum subtilius, fœminei puta sexus, quibus semper nervorum systema sensibilius existit, hinc & eo promptius & dolores & alia symptomata ab acido tali hostili exasperari poterunt. Dum verò egrâ nostrâ admodum gulosam fuisse cõstet, eò promptius natales suos accepit acidum hoc, hostilitatis nomine maximè odiosum: ab hac enim nimia alimentorum assumptorum copia fermentum stomachicum obrutum & hebes factum fuit, ut non sufficiat illis ingestis digerendis; hinc assumpta, accedente simul fermento stomachi nimis acido fixo, quod in hypochondriacis fatale est, abest in acore peregrinū, massamque acido viscidā, cum quidem accipiant acorem fermentativum, sed

propter sui copiam non sufficienter fermentari & ritè volatilifari queunt, adeoque in pastam crudam transmutantur, quæ deinde ad intestina delata, ibique hærens, cum succo pancreatico & bile, utroque succo; & illo quidem nimia aciditate, hoc verò nimia inertia peccante, effervescent, talium dolorum atrocissimorum causa existit: ex quo deinde & alvus suo fraudatur officio, etsi pro ratione assumptorum, quæ in pauca quantitate ingerit, minus copiosè iterum egerat: acor quippe hic ex immodica præcedente ingestorum copia natus, cum aliàs ægra nostra ventriculum & intestina debilia habeat, delatus ad intestinum rectum sui excretionem illud irritando promovet: hinc & hoc stante, cum nulla infarctionis illius à fæcibus, aliorumve contentorum sit præsumptio probabilis, ejus abdominalis molle & tractabile offenditur.

CAUSA ADJUVANS.

Nec inconveniens ad hoc malum inducendum est causa adjuvans, quæ est frigus hybernium; hoc enim non tantum ratione sui contentarum particularum acidarum, inspiratione haustarum, materialiter auxit tales accidos succos acres & austeros, sed & constringendo poros corporis occasionem dedit, quatenus nempe aliàs per poros istos parulos mediante insensibili transpiratione eliminandi fuissent tales acres succi, & effluvia lymphæ præternaturaliter acidæ, quibus hoc tempore via interclusa, hinc ratione lymphæ pancreaticæ deferuntur ad primas vias, ibidemque turbas has excitant: quod nervosè, si à naturali ad præternaturalem statum argumentari licet, HIPPOCRATES innuit, dum illos maximè esurire asserit, qui tempore hyberno in nive ambulant.

Hic acor vitiosus etiam excitavit vomitum, vel propter consensum contiguitatis cum colo, vel propter consensum cum funiculis nerveis, pylorum simul investientibus, occasione harum causarum, vel unius vel plurium, affectus pylorus vomitum excitavit. Pungentis insuper illius acoris præsentiam experiuntur intestina crassa, præprimis colon, uti in hoc præcipuum fomitem hæere superius dictum, exindeque etiam doloris in sinistro hypochondrio pungentis natura explicata & adhuc explicanda. Accedit enim dolor iste perterebrans in intestini coli anfractibus & flexura illa, quam descendens in latere sinistro facit, quo loco dum humores tales irritantes ad latus feruntur, illic hærent, & quasi perterebrari videntur: hinc cum ægra illorum exitum promoveat dum lateri huic incumbit; cum ejus euphoria hoc fit. Quod manu hypochondrio sinistro admodum levamen percipiat, fit tam propter flatuum impetum, manum admotione retasum, quam propter spasmus, cujus vis contraria prestura imminuitur. Lancinationes intestinales ex consensu nervorum coli cum plexu mesenterico, & inde nati spasmis, nervorum ex dicto plexu distributorum, originem ducunt. Respiratio difficilis fit propter dolorem, quia diaphragma in profunda respiratione, colon premente, dolorem exasperat.

Alterum affectum quod concernit; dictum fuit esse Herniam, quæ fortassis jectigationibus illis incautè institutis natales suos debet, ut exinde peritoneum laxum præternaturaliter factum sit, quam laxationem postea intestina secuta fuerunt: ad quod etiam multum contulit fortis manuum in sinistro latere ad dolorem aliquo modo leniendum applicatio; sic enim in intestina quasi vi propulsa fuerunt in latus dextrum. Laxum autem peritonæum esse diximus non autem penitus ruptum, cum ex historia constet, quod fortiori compressioni cedat & succidat, moxque repulset, quod minimè nec tam facile fieret, si prorsus peritonæum fuerit laceratum, præprimis etiam tumor sit indolens; si enim peritonæum, membrana quippe, sit ruptum, probabiliter ob unitatem solutam necessariò, præcipue in parte membranosa, & dolor adesset.

P R O G N O S I S.

Devolvimur jam ad Prognosin, in qua, quidnam de eventu sperandum? dicendum est Lethale malum esse per se dolorem colicum, nemo facile dixerit, cum magis truculenter quam periculose sit affecta ægra nostra, etsi, cum nimis contumax, & accedentibus convulsionibus corporis universalibus & epilepticis insultibus, malum possit fieri lethale; vires autem in nostra ægra fortes, morbus non adeò inveteratus, colica quoque quod fuerit humorosa, & crassa intestina præprimis affligens (urpote quæ curatu facilior.)

Ermuller. Oper. Tom. I.

& alia benè ominari jubent, curabile malum præsumimus, modò rectè se gerat.

Hernialem verò tumorem quod attinet: in hoc etsi magis periculose quam truculenter affecta sit, tamen nec hujus intuitu ægra quid habet, quod metuat: etsi enim aliàs hernia non careat periculo, interim tamen cum sit in nostra ægrè minima perfecta, sed adhuc in fieri, & non ex rupto sed laxo peritonæo, hinc bonæ mentis sit ægra, cum eventum promittamus faustum; modò legitima remedia ritè & continuo cursu, cum non unius diei sit labor, adhibeat.

C U R A.

Ad Curam igitur ut aggressum faciamus, cum duplicatus sit affectus, & hæc diversis indicationibus, ad utrumque affectum directis, absolvitur. Et quidem dolorem colicum quod attinet; huic ut medicinam faciamus, erit eò dirigenda, ut

1. Causa peccans & irritans removeatur incidentibus & evacuantibus.
2. Irritatio ipsa dolorosa opiatas & appropriatis sistatur.
3. Tandem salibus volatilibus oleosis aliisque nervinis intestina irritata nimis læsa restaurentur.

Pro his ergo scopis obtinendis se offert fons Medicinæ Pharmaceuticus præprimis, de hinc Diætericus. Ex priori ergo statim remedia salutaria ægræ nostræ propinanda: proinde statim pro priori scopo obtinendo meritò evacuatio materiæ peccantis præmittenda erit: hinc, cum vomitus hoc in loco planè non conveniant, sufficit adhibere evacuantia per alvum; cumque malum præprimis hæreat in intestinis crassis, non inconveniens erit clysmata adhibere, eaque non tam incidentia quam abstergentia, leniterque stimulantia; hinc commendamus illi sequens:

℞. Herb. alb.

Malvæ,

Parietar. ana M. i.

Flor. Chamom.

Melilot.

Samb. ana M. ss.

Bacc. lauri ℞i.

Sem. anisi,

Carvi ana ℞i.

Coq. in l. q. aqu. simpl.

Colat. ℞ix. adde

Ol. amygd. dulc.

Chamomill. ana ℞i.

Dest. Carvi,

Bacc. lauri ana ℞ss.

M. f. Clysma.

Duabus vicibus tepidè injiciendum, quod asperget vitiosos succos intestinorum: cui, si scopus fortius stimulandi, & ℞i. præter propter de sale tartari addi potest; sic enim saponaria quasi virtute melius intestina abstergentur. li

Vel fiat clysmata simpliciter ex lacte; vel simp. ci, ve cui mel additum sit.

Præmissio clysmate, ut materia peccans, in stomacho & intestinis tenuibus herens evacuetur, purgantia per os assumpta non erunt incongrua; à fortioribus tamen immittens hernia nos avocet. Conveniunt ergò blandè evacuantia, & succos acidos destruentia, viscidaque incidentia; præstat sic repetitis vicibus purgantia per epicrasin adhibere. Quò autem melius materia peccans acida viscida evacuetur convenit unum alterumve digestivum præmittere, quod materiam peccantem pro feliciore evacuatione disponit; hinc commendamus sequens:

℞. Tartari vitriolat. ℞ss.

Ol. dest. anis. gutt. ii.

M. S.

Pulvis digestivus.

℞. Sal. ammoniaci depur. ℞i.

Ol. dest. anis. gutt. iv.

div. in duas part. æqu.

D. S.

ut antea.

Quo præmissio, ad blandè alvum laxantia fiat accessus; hinc

℞. Mass. pilul. de ammoniaco Querc. ℞i.

Extr. absinth. gr. vi.

Troch. alband. gr. ii.

cum ol. dest. anis. f. Pilule.

D. S.

Aaa 3

Pila-

Pilule Purgantes pro una vice.

Vel si nauseat pilulas:

℞. *Aqua Mentha* ℥i.*Gum. ammoniaci in acet. sol.* gr. xv. ad ℥i.*Scamm. sulphur.* gr. ii.*Extr. trach. alband.* gr. i.*Syr. ros. solut.* ℥ss.

M. D. S.

Potio purgans pro una vice.

Convenit etiam, nec incongruum erit, aliquot vicibus in septimana assumere pilulas laxativas, pro dosi ℥vi. vel ℥i. singulæ dosi semper tartari vitriolati ℥ss. addendo, ut sic alvus semper aperta, acidum temperetur, illius vis infringatur, & blande evacuetur.

Purgatis itaque primis viis, & evacuata saburra peccante, pro dolore sistendo commendamus.

℞. *Aqua Fœnic.**Mentha ana* ℥ss.*Ess. Castor.* ℥i.*Spiritus salis ammoniaci* ℥ss.*Ol. dest. cort. aur.**Chamom. ana* gutt. ii.*Laud. opiat.* gr. ii.*Syr. Fœnic.* ℥ss.M. f. *Potio*: S.*Potio dolorem sistens pro aliquot vicibus.*

Vel

℞. *Aqua Fœnic.**Mentha ana* ℥ss.*Spiritus salis ammoniaci anis.* ℥ss.*Laud. opiat.* gr. ii.*Syr. fœnic.* ℥ss.

M. S. ut antè.

℞. *Aqua Mentha* ℥ii.*Spiritus salis ammoniaci* ℥i.*Ess. opii* ℥ss.*Syr. Chamom.* ℥ss.

M. S. ut antè.

His ergo dolore mitigato, restat, ut nerveis intestinalibus quoque succurramus, salibus præprimis volatilibus oleosis appropriatis; hæc enim curam absolunt. Hinc præter laudanum hystricum conveniunt hic imprimis salia volatilia aromatica, quæ acidum temperant, nervis amica sunt, eorum spasmos sistunt, & fermentum stomachi fixius volatilizando excitant, hinc

℞. *Aqua Chamomill.* ℥ii.*Elix. Mentha* ℥vi.*Spiritus salis ammoniaci anis.* ℥i.*Syr. cort. aur.* ℥ss.M. f. *Potio*, cochlearium haurienda.

Vel loco huius recipiatur essentia castorei, quæ nupta cum bigamia essentia corticum aurantium & essentia myrrhæ, egregie convenit, idosi singulis vicibus gutt. xxx. in vehiculo calido,

Vel

℞. *Flor. sulphuris* ℥i.*Lapill. Cancr. præp.**Succin. præp. ana* ℥ss.*Ol. dest. cort. aurant.**Chamom. ana* gutt. ii.*Laud. opiat.* gr. ii.M. f. *Pulvis* pro 4. idosis.

Vel

℞. *Sacc. albiss.* ℥ss.*Ol. dest. Caryoph.**Cinnam.**Nuc. mosch. ana* gutt. v.M. in form. *Oleofacchari*.

De quo capiat ægra pro lubitu, quantum cuspide cultelli detinere potest.

His internis simul *Externa* blando & amico fœdere sunt conjungenda: hinc

℞. *Ol. expr. nuc. Mosch.* ℥ss.*Dest. Chamom.* ℥i.*Rutæ* ℥ss.

M. D. S.

Balsamus externus.

Qui largiter abdomini quàm calidè inungatur, postmodum sacculus abdomini imponatur calidè, qui

℞. *Fl. Chamom.**Sambuc. ana* M. iii.*Bacc. Junip.* ℥i.M. f. *Sacculus.*

Qui imponatur calidè.

Restat jam, ut & alterum oculum manumque auxiliaricem adhibeamus alteri affectui, ægram nostram magis periculose quàm atrociter affligenti. Ad hernialem itaque hunc tumorem curandum his Indicationibus insistimus, ut nempe.

1. Intestina prolapsa reponantur.

2. Peritonæum laxius redditum consolidetur, ne denuò excidant.

Quibus scopis satisfaciunt præprimis *externa*, cum interna jam superius in cura doloris colici laudata sat fortia sint ad bajulandam & sistendam irritationem, quàm maxime hic metuendam. Conveniunt ergo externæ, & quidem pro *priori scopo*, anodyna carminantia tepidè applicanda, hinc levi pressione manuum adhibita inungatur locus læsus oleo amygdalarum dulcium cum oleo destillato carvi, fœniculi, &c. acuatum; aut loco horum unguentum Mynsichti ad hernias; vel stercus ovillum in dulci lacte coctum tepidè in forma cataplasmati imponatur, de hinc hoc adhibito, ægra supina in lecto quæta detineatur. Ut verò peritonæum consolidetur & firmetur, ne denuò decidant intestina, hinc internæ conveniunt Consolidantia vulneraria: hinc

℞. *Herb. perfoliat.**Plantag.**Symph. mai. ana* M. j.*Rad. conf. Maj.**Torment. ana* ℥ss.*Sem. Fœnij.**Nasturt.**Perfoliat. ana* ℥ii.*Caryophill.**Galang. min.**Nuc. Mosch. ana* ℥i.*Coqu. in f. q. Vini,**Colat. ℥vi. adde**Syr. de symph. Fern. q. s.*

D. S.

Potio sanans.

De qua subinde ægra haustum pro lubitu capiat, dissolvendo in quolibet haustu calido vel *spermatisceti* ℥i. vel addendo *balsami sulphuris* guttas sex.

Externæ simul applicentur adstringentia vulneraria: hinc commendatur emplastrum de herniaria Mynsichti, aut loco huius inungatur parti affectæ oleum lacertarum cum balsamo sulphuris mistum, & tepidè applicatum, imponendo desuper vel emplastrum de racamahaca vel diat sulphuris Rulandi, quæ per aliquot dies cum debita & concinna ligatura adhibeat.

Interim ægra nostra in lecto quæta cum stricta & tenui diætâ degat, imprimis sibi à frigidis caveat. Tantum!

C A S U S XVI.

COLICA CONVULSIVA HABITUALIS, CUM EPILEPSIA CONIUNCTA.

Juvenis Nobilis in adolescentiæ constitutus annis, jam diu est, quod abdominis patiebatur tormina, quæ vocant colicam, ita quidem, ut quoties vel dulcia vel facili fermentescibilia tantillum licet horum, comederet, mox patitur dolores colicos, dicebat: lancinari se circa umbilicum, & esse ipsi ac si intestina curventur & circumagitantur: unde etiam extratales paroxysmos sæpissimè, circa istam mediam regionem ubilicalem, aliquem dolorem percepit, cætera licet sanus. Cum dicto malo subinde etiam subitaneis corripitur paroxysmis, in quibus sensu & motu omni subito evanescente subito corruit & prosternitur, nescius, quid secum agatur. Astantes tamen tremere eum, & oculos hinc inde contorquere dicunt. Evanescente hinc pedetentim hoc ipso pathemate, sanus ad se redit. Ingruunt hi paroxysmi præsertim, quoties à terrore aut iracundia nimis subito corripitur. Alvi naturaliter paulò siccioris, constitutionis in cæteris est scorbuticæ, circa cubiti articulos pustulas scabiosas & crustosas cum pruritu patitur, manantes subinde sanie. Fit interdum, ut utrumque jungatur malum, ita ut ex dulcium esu patiatur mox tormina abdominis; tunc corruit, & supra dicta symptomata patitur, Hæc ipsa propter mala continuè fascia vel zona co-

riacea firmiter hypochondria cingere solet, ut quantocumque colicam suam, ut vocat, ingruere per sentit, zonam illam firmiter contrahere, & hypochondria arcte stringere queat, eum in finem, ne in tantum exacerbetur totus paroxysmus, sed hac ipsa ligatura medio quasi sui impetu coerceatur.
Vocat Medicum pro Cura.

RESOLUTIO

DN. JOHANNIS CHRISTIANI

TRALLÉS,

URATISLAVIENSIS SILESII,

Hoc tempore

MEDICINÆ DOCTORIS,
PRACTICI URATISLAVIENSIS
MEDICINÆ AREI AULICI.

Cum speciali Discursu & Annotatis

B. DNI. PRÆSIDIS,

Censuræ & emendationi subiecta

Anno 1675.

Nobilis hic ager cum crudeli dolorum tortore conflitans sum carnificem nomine Colica passionis indigitat, seductus communi plebecula sententia, dolorem quemcumque delicatas interiorum abdominis partium fibras afficientem, hoc ipso afflictionis colica charactere insignitum euntis. In hoc ignorantie luto non solum haeret misellum vulgus; sacra Medicina dogmatis haud initiatum; verum etiam purpurati quidam Medici, quorum præconcepta opiniones non ultra humores (quibus rivulis communiter, crassa inscitia cymbula committitur, mox illusionum & falsorum dictionum scopulis allidenda) sapiunt, eadem cum inscia plebe oberrant corda. Colicam & ego quoque affectum hunc vocito; est, quam convulsiones Scorbuticae conjunctae reddunt Colicam convulsivam. Scilicet cum partes internae non minus quam externae musculis suis, membranulis, & nerveis funiculis sint instructae, hinc de facili evenire potest, ut, insubita illis spina, spiritus impetum facientes in motus abripiantur convulsivos, similes planè illis, quos externis in partibus contingentes epilepsiae nomine manifestamus; hinc iidem dolores interni non paucis audiunt, Epilepsiam in corpore, præprimis cum intestinorum circuli nervei præceteris corporis humani partibus continentibus omnibus atrocissimis doloribus affligi soleant, secundum Excellentiss. SYLVIIUM Prax. lib. I. cap. 14. §. I., levius aliud incitamentum dolorosam insingere plagam solet. Accedit, quod dolor unius partis internae per continuum spirituum in turbas adætorum undulantem motum faciliè aliis partibus, ratione sympathiae, communicari potest. Jus enim communis consensus; quem machina nostra corporea organa inter se habent, dum in statu integro ad mutua officiorum genera ea obstringit, quidni quoque in statu labefactato eadem ad eandem perferendam stragem sollicitet? Partes, quibus hac labes affricatur, voco intestina cum annexo mesenterio & plexu mesenterii nerveo. Haec partes, præprimis in subiecto nervosi generis delicatioris, uti videtur noster Patiens, irritatae, dant dolorem contorquentem, lacerantem, & abdomen circa umbilicum quasi contrahentem: scilicet contorti intestinorum tubuli à spasmis more funiculorum in se invicem contrahentium, doloris contorquentis; fibrilla vero nervea reciproca contractione vibrata lacerationis sensum inferunt.

Circa umbilicum haec tragoedia luditur, mesenterii membranis, & plexu nerveo ibidem stabulantibus. Dolores hi in universum non multum absimiles sunt passioni hystericae, morbo mulieribus frequentiori, quod illarum constitutio animalis sit longè debilior, uti huius ipsius phaenomeni rationem accuratè, ut asselet, tradit VVILLISIUS lib. de Morb. convuls. pag. 173. hinc etiam BARTHOLINUS Cent. I. Hist. 45. eadem symptomata in auriga observavit; utut forsitan respirandi major difficultas magis in dicta hysterica passione urgeat, quam quidem in colica convulsiva. Ipsa proin formalitas nostri affectus

Ettmuller. Oper. Tom. I.

consistit in convulsivo spasmopartium abdominis sensibilibus: Efficere has contracturas possunt partim interna, partim externa: Ista magis propinqua; haec verò remota, causa rationem obtinebunt. Nimirum agrotus noster scorbuti inquinamenti acrioribus inquinatus est. Ast quis ignorat, subinde Proteum hunc larvari immanissimis abdominis lacerationibus, De quibus vid. DRAVVIZIUS in Tr. de Scorbutico dolorifico & VVILISIUS de Scorbut. pag. 268. item CHARLETON Tract. de Scorbutico hinc inde.

CAUSAE.

Sal ejus acre vagum delatum ad partes abdominis sensiles sui rosione acidis propria, istarum dolorosam crispaturam inducit; non secus ac acidum podagricum circa partes nerveas occultos spasmos excitat, dolorum & tumorum arthriticorum parentes, referente Clariss. SYLVIO lib. 4. Prax. Med. Tract. de Arthritide. Acidum insectum totius corporis partibus, excepto stomacho, subtili spirituum textura, forsan de natura alcalino-oleosa, quandam intentant luctam, quam dum reciproco insultu amoliri gestiunt sua inordinata expansione, ne dicam aliquali effervescentia aut fermentatione in porulis fibrillarum majus affectat spatium; hinc facta earum abbreviatione violenta non potest non dolorem hac parere. Confirmat hoc assertum, acidum scorbuticum hoc (ratione causae internae) multum conferre ad convulsivam hanc colicam, quod dulcia quævis & facile fermentescibilia latentem fomitem excitent, a core sub fermentationis actu conceptio: Scilicet, quibus indoles est ad fermentandum prona, facile mediante humido, in intestinis nidulante, nec non calore undique ambiente, abeunt in liquamina acida, fermentationi propria, quatenus in huius multo particularum certamine vinculis suis exsolutum non minus alcalibilibis affluentis, quam alcali sodali suo prædominari contendit.

Acidum hoc fermentescibile peregrinum, ad instar fermenti additum Camarina scorbutica, movendo illa, simul subsultare facit miasmata acrida, partibus nerveis inimicissima: quæ forsan antea aliis particulis oleaginis acidum obtundentibus, aut aqueis, aciem particularum acutarum à se invicem discontinuantibus, involuta nunc auxiliariis copiis adiuta in apertum prorumpunt bellum. Ager insuper ad hoc malum disponitur, quoties affectibus, terrori & iracundia indulget. Iste sanè, qui spirituum motum quasi inhibeat, & illos, expansione eorum volatili domita, concentret, id efficit, ut humores dulci hac spiritalium corpuscularum salino-sulphurearum miscela orbatas particulas suas acres acidas exerant, seu deficiente bilis liquore alcalino oleaginoso succi pancreatici effrenis acor puncturas dolorosas excitat. Hic verò affectum præpotens, ira, per indomitum spirituum motum, movendo & agitando succos nostri corporis, autor existet, ut eo citius repetita circulatione & motu concitato intestino humorum particula acres scorbuticae jam in massa sanguinea & inde dependentibus scaturiginibus contenta, ab aliis magis dissociantur, & necessitate confirmationis suae rigide acicalis suis impacta porulis fibrillarum, eas ad instar cuneorum invicem findendo dolorosa conferant stricturam.

Quod autè hæc particula potius in hisce partibus abdominis, quam in aliis sedem suam figunt, exinde forsan provenit, quod vel naturaliter harum partium pori atomis istis dolorificis quandantenus configuratione respondeant, vel quod semel ipsi impressa dispositione apte facta sint, recipiendis istis aculeis: quod ipsum fieri videmus in iis, qui aliquoties vel erysipellate vel odontalgia laborarunt; his ex facili recidiva supervenit propter partium laxatum tonum, humorum acrium impulsui repellendo haud sufficientem. Cum igitur minera salis scorbutici in agro nostro præexistit, non mirum, prærecensua symptomata istum vexare: sed etiam firmiter concludo, alvum adstrictam partim dependere ab hoc acido scorbutico. Prout enim secundum naturam alcalibilis non parum efficit, ut excrementa intestinorum debitam fluxibilitatem obtineant, quatenus hoc in ipsum sulphur agens colliquefaciendo ea dissolvit; ita è contrario acidum abundans, bilis energiae obicem ponens; coagulando stercora, ipsa minus reddit excretioni obedientia: sic propter excessivum acidum communis querela exoritur in arthriticis, melancolicis-hypochondriacis, hysteris &c., alvi scilicet justotenacioris.

Constitutionem autem hanc scorbuticam agri nostri inter alia ex pustulis, manantibus sanie, & circa brachiorum seu cubiti juncturas subinde efflorescentibus, fructibus mehercle istius aquæ fortis scorbuticae, colligere licet: quæ uti ad gingivarum spongiosum concretum delata istas corrodit, ita beneficio lymphæ adducta ad cuticulam agit in huius nutrimentum proximum; sub quo congressu fieri non potest, quin aliquis exoriatur motus fermentativus, utpote blandè dulci

alkalino rore nutritio aliquali renitentia hostili huic acori renitente. In hoc motu fit expansio particularum, uti hoc fieri observatur a SCHUYL Tract. de Vet. Medicina; effluente bile cum lymphâ pancreaticâ, qua facta rarefactione dilatatur epidermidis reticulum simulque sub istâ dilatatione fit tenerius, & patitur se in altum evehi, indepturum inde pustularum faciem. Quandoquidem verò salia agere non desinunt, subinde etiam in vitris, spiritibus acidis repletis, alcali eorum aggredientibus, uti hoc ipsum videre mihi contingit in laboratorio quodam, spiritui vitrioli recipientis sal fixum corroden- te: proinde etiam liquor hic acris sub cuticula defixus, istam magis magisque erodendo efficit, ut in hiatum faceat. Emanat autem sanies, non perfectum pus, quatenus ex cuticula nutrimento chyloso nervo saltem elaboratur sanies quadam seu ichor, partibus nerveis affectis seu exulceratis familiaris. Macule ejusmodi pustuliformes non raro labe scorbutica contaminatos descendere solent, de quibus videri potest MOLLENBROCCIIUS in Tract. de Arthritide vaga scorbutica; Utut autem fermentum hocce acre scorbuticum imprimis in plexu mesenterii nervo & huic confinis suas vires exerat; attamen propter connexionem, quam hi nervi habent inferiores cum nervis superioribus, v. g. ventriculi fieri quoque existimo, ut per continuatum motum anomalum spirituum, nervorum inferiorum incolarum, simul reliqui tandem spiritus in nervis superioribus degentes, in similes abripiantur ataxias; nisi velimus dicere, obstare corpuscula ista seu nodulos, qui subinde in nervis reperiuntur; quia quasi repagula impedirent istum continuum fluxum. Quicquid sit de hoc, dicit ager: ascendit ipsi paulatim ad Cor. Hic adscensus ad cor procul dubio innuit, jam simul in partes trahit corollam nerveam caput stomachi cingentem; hac affecta, quidni tandem propter continuum radiosum spirituum flumen principia nervorum in capite, tam cerebri quam cerebelli, affici possint, ut exinde sequatur levis aliqua epilepsia? Communicant sane affectus stomachi suam illatam injuriam capiti, & hoc vice versa molestatum condolentem experitur pylorum rectorem arctissimo consensus nexu: Sic dolores nephritici sensim mesaraicorum spirituum alcyonia, interrumpendo beneficio horum simul quoque stomachicorum serenum statum, tempestate spasmodica ledunt, ut dolores colici nothi & vomitus hanc procellam excipiant; Qui capite vulnerato laborat, testatur non minus de compassione ventriculi; Scilicet rotula unica mota in automato nostro, reliqua organa quoque suo funguntur officio.

Nolit verò quispiam mirari, terminari tandem colicam hanc in motum epilepticum, cum subinde eadem non minus inferat pareses curatu difficillimas. Quid? acidum rodens infantulorum intestinula tandem ipsos quoque subsequente epilepsia mulcet, uti videre est in Excellent. Dn. PRÆSIDIS eruditissimo Valetud. Infantili. Ascensus hic pedetentim versus cor vergens; non multum abludit a spasmō illo epilepsiam precedente, qui interdum in parte quadam exteriori, brachio nempe aut crure, aut etiam in dorso vel hypochondriis, observatur, exindeque instar aure frigide ascendit, & versus caput perreptans Caducum infert, monente hoc Clariss. VVILLISIO de Morb. Convulsivis pag. 27., & TATAI, Nobili Hungaro, Tr. de Epilepsia. Quinetiam ascensus hic quodammodo & forsân haud incongrue comparari potest cum istâ ascensione globuli veluti alicujus, de qua conqueruntur mulieres hystericae: cujus phenomeni causam suppeditat VVILLIS in eodem Tract. pag. 161. Ast dicat quis: si affectus hic terminetur in epilepsiam, quid sit, quod nulla adsint manifesta ejus signa? saltem tremor ager, & oculos in gyrum agit. Respondeo: esse gradum aliquem levioris epilepsiae, qui tamen, ni malo mature obviatur, graviora symptomata post se trahere possit. Si in mulieribus hystericis simile quid contingit, dicitur esse deliquium animi. Tremor corporis & oculorum circumgyratio nihil boni cerè portendunt, Iste sanè non aliunde provenit, quàm quod partes seu organa motui dicata leviori aliquo spasmō vellicentur; uti v. g. musculus cordis paulò mitius irritatus dat tremorem cordis, irritatione verò aucta in spasmos palpitatorios abit, subinde adeò sonoros, ut etiam à longè distantibus ab agro, referente TULLIO in obs., distinctè percipi valeant. Hec verò oculorum rotatio annon argumento est, spiritus vel in musculis oculorum, vel in specie in nervo pathetico (VVILLISII invento) suas exerere subsultationes.

Tandem, ut possimus firmissimè concludere, agrotum nostrum revera laborare colica convulsiva (quam apud feminam possemus vocare passionem hystericam) fascia illa seu zona quo-

que evincit, cujus interventu ager imminentes dolores, vel abarceat, vel saltem mitigat. Idè solenne est foeminis hystericis, ut se fasciis aut brachiis circa epigastrium complicatis arctè constringant, adeoque symptomatum versus superiora adscensum cohibeant. Cum enim spiritus animales secundum nostrum assertum continuato anomalo motu tandem superiorum nervorum incolas in similem impetum abripiant, non potest fieri; quin intercepto hoc radio per arctam constrictionem superiorum partium symptomata praeaveantur: quo de negotio doctè & affatim agit Doctiss. VVILLISIIUS de Morb. Convuls. pag. 175.

Colica hæc convulsiva non ineptè distinguitur in accidentalem & habitualem. Illa est, quæ à causa evidenti solitaria, nunc externa nunc interna, sine certa in corpore diathesi oritur, & iis, qui genus nervosum sensilius, & consequenter irritabilius, obtinent, molesta est; qualis observatur in nephritide, etiam in partu; nec non in purgantibus. Hæc verò est, quæ certam in corpore radicem, seu causam antecedentem & fomitem, agnoscit, quæ leviter à causa occasionali quacunque irritato, tormina abdomen occupant, quæ nunc successivè remittunt, nunc denuo revertuntur, imò in epilepticos motus interdum transeunt. Hisce bene ponderatis, & quæstione facta, quanam colica convulsiva specie agrotus noster laboret? statuo, habituali eum esse obnoxium.

P R O G N O S I S.

Cum verò omnis convulsio sit præternaturalis; adeoque spirituum maximam edat stragem, quod de hoc morbo sit prædicendum; sua luce radiat. Scilicet morbus hic non omni caret difficultate & periculo, præprimis cum jam epilepsiam, mali moris foetum, pariat: cui tandem monstrum paralyseos sese conjungere posset.

Malum hoc per se non contemnendum, longè difficiliter curatur reddit scorbuticum contagium, nulli malignitate secundum.

Colica in super habitualis convulsiva curatu difficiliter longè est altera accidentali.

Nolo tamen desperare de felici curæ eventu, observatis observandis.

C U R A.

Ager hic curandus in triplici statu videtur versari:

1. Dum jam epileptico motu prostratus est.
2. Dum colica laborat convulsiva, adeoque jam paroxysmo vexatur.
3. Dum post paroxysmum fomitem mali in se alit.

Primum quod attinet: curandus venit iis remediis, quibus excitantur mulieres graviore passione hysterica semianima facta. Comendat hic singulariter Nobilis BOYLE in Tract. de Atmosphaera spirituum salis ammoniaci, vel sal volatile salis ammoniaci, naribus admotum.

Quoad secundum: In paroxysmo colica convulsiva causa irritans & intestinorum sensus dolorosus convulsivus mitigandus per opiata & appropriata anodyna, blanda aromatica nervina, salia volatilia oleosa: quibus forsân scorbutica addita, sal volatile acre scorbuticum enervantia, laudem suam merentur.

Quoad tertium: Cessante paroxysmo, quoniam fomes, ni fallor, inquinamenta scorbutica sunt, huic malo appropriatis remediis est obviandum.

Pro obtinendo secundo scopo igitur adhibeatur vel hoc clyisma emolliens & anodynum, v. g.

2℥. Herb. Malvæ M. ij.

Chamom. M. j.

Flor. sambuc.

Verbasci ana M. ss.

Coqu. in f. q. lactis caprilli,

(à caprâ herbis antiscorbuticis pasta desumpti,)

vel hujus loco vaccini;

Colat. ℥ix. adde

Elect. hier. picr. ℥ss.

M. pro clysmate.

Vel fiat hoc clyisma terebinthinatum:

2℥. Urinæ hum. ℥i.

Terebinth. cum vitello ovi sol. ℥i. ad ℥jss.

M. pro clysmate pro duabus dosibus,

Terebinthina enim medetur strenuè affectibus nervorum eorumque convulsionibus; quinimo in clystere assumpta penetrat totam massam sanguineam, & genus nervosum, ut etiam

etiam exinde sui vestigia postmodum in urina pingat: non secus ac *Upperrimè camphora vel spiritus vini camphoratus* in tumore brae huius propter male administratam venesectionem enato, applicatus sui effluvia sapida in egri ore manifestavit. Urina verò addita alcali enervat acre, rodens, & simul virtute saponaria abstergit intestinorum fistulam. Clysmata hæc anodyna conveniunt, minus fortia; acrida enim ingredientia intestina, jam sub convulsiva tyrannide sudantia, ad maiorem irritant crispaturam. Et sodes, cui bono iniicerentur enemata acriora, cum non opus sit stimulo, deficiente illo, quod eiici debeat? Annon paucillum extracti castorei vel opii hisce clysteribus addi debeat? informari cupio.

Hicce patet, quod etiam Purgantia *ἔξοχῆν* sic dicta minus conducant in colica convulsiva: si vero aliquid tentandum hac via, sint ista saltem lenientia cum opiatis mista, v. g. decoctum passulatum cum syrupo papaveris, & oleo amygdalarum dulcium cum vino Malvatico & syrupo papaveris albi: loco syrui etiam sperma ceti addi potest ad ℥ss.

Dum hæc aguntur, opiata & acre irritans, simulque dolorem sistentia, additis aliis nervinis & antiscorbuticis, propinari possunt. v. g.

℥. Aquæ Chamom. ℥ii.

Spir. Cochlear. ℥ii.

Salis ammoniaci ℥i. vel ℥ss.

Laud. opiat. gr. iii. vel laud. hysser, gr. vi.

Syr. cort. aurant. ℥vi.

M. f. Potio.

Cochlearium usurpanda.

SYLVIVS in ejusmodi doloribus contorquentibus exhibet spiritum salis ammoniaci ad gutt. iii. vel iv. in vino, vel usurpetur hæc SYLVII mistura.

℥. Aquæ Chamom. ℥ii.

Fœnic. ℥i.

Tincturæ Castor. ℥iii.

Laud. opiat. gr. ii.

Syr. Menthæ ℥vi.

M. pro Potione.

Decoctum solareæ valde commendatur, nec non oleum chamomillæ saphirinum, vel in haustu vini, vel sub forma oleo-sacchari assumptum.

Externe quoque regioni umbilicali ad moveri possunt fatus seu sacculi ex herbis cephalicis & nervinis, irrorandi oleo destillato succini.

Quoad tertium scopum: Cura poterit tradi in casu scorbutum proponente.

D. S. G.

DISCURSUS & ANNOTATA B. DN. D. E T T M U L L E R I.

Affectus præsens quoad exactam Theoriam est perplexus quidem, in Praxi tamen sæpius observabilis, & propter casus similes sæpius occurrentes proficiuus, Veteribus ob neglectum nervorum usum sub Colicæ nothæ nomine absconditus vocatur *Colica convulsiva* seu *convulsiones colicæ* propter intestina; quia complicata est cum insultu epileptico paulò leviori, vel si *ἐπιβύαι* Theoreticam adhibere velimus, hic morbus *Ιλακός* potius quam *Colicus dolor* dicendus esset, eò, quod illa præcæteris maxime tententur. Interim, cum hoc negotium non sit magni ponderis, proinde etiã sine noxa ægriorum confundi potest.

Cæterum, dum Colicam convulsivam allego, duo considerata veniunt.

1. Convulsio.

2. Consensus partium, quo mediante colica convulsiva alias partes afficit convellendo.

Scilicet quoad 1. Colicam: distinguimus in *humorosas*, quæ in Praxi raræ sunt; & *convulsivas*, quæ omnium frequentissimæ, oriundæ ex convulsivis motibus intestinorum & viscerum spasmis: imò, si colica humorosa, qualis vulgò describitur, affligit, ea ut plurimum quoque cum spasmis intestinorum complicata esse solet. Atque tali convulsiva colica affecti ut plurimum de doloribus lancinantibus, lacerantibus & contorquentibus conqueruntur, innuentes hoc ipso intestinorum spasmos; quorum ratione & ipsa humorosa colica, primariò ab humoribus, secundariò ab excrementis & flatibus, ordinariò affligentibus, dependens, cum clausa alvo conjuncta est, ut etiam quandoque clysmata officium suum præstare nequeant. Dum enim humores contenti intestina vellicant, hæc convelluntur, stringuntur,

& aliquid convulsivi patiundo angustantur; adeoque consequenter transeuntibus flatibus vel excrementis via intercluditur.

Dolores dicti lacerantes ut plurimum sunt convulsivi & frequentissimi, reliqui vero distendentes, & pulsantes, à contentis oriundi, rariores sunt. Ac ipsa infantum tormina intestinorum ab acido lactis corrupti nervos vellicante derivanda, cum spasmis tamen & tensionibus sunt conjuncta; quod apparet ex abdominis tensione spasmodica, & interdum sunt prodromi epilepsiæ.

In hac colica convulsiva, ut modus fiendi melius intelligatur, considerentur pathemata nephritica: si scilicet calculus per ureteres, pelvim renum intrat, ob laceratos & contractos nervos tormina abdominis, nausea, vomitus continui, tenesmus, &c. affligunt. Imò nunc temporis sub cura habeo nephriticum, dolorem usque ad scapularum regionem extensum sentientem; ac BARTHOLINUS meminit in *Epist.* hemicranii istius præcisè lateris, cujus ren calculo fuerat obsessus; quæ pathemata omnia, per nervos affectos, ex plexibus mesenterii derivatos, qui in renibus dolorum sunt organa, & surculos derivant ad stomachum & intestina, explicanda veniunt: non secus ac puncturam nervi in brachio sequitur convulsio & spasmus totius brachii: pari ratione, si afficiantur nervi intestinorum, eorum spasmus & contractura sequitur. Et tales colicæ convulsivæ sunt, quæ mulieribus hysteris, hypochondriacis, scorbuticis, febribus intermittentibus malè curatis, superveniunt: imò ipsi parturientum dolores nil sunt aliud, quam spasmus uteri, intestinorum, & partium membranosarum connexarum: hinc fit, quod aliquando, notante id HOEFERO, nephritica mulier gravida ex urgentibus doloribus se ad partum procinctam putaverit; uti contrà alia prægnans se nephritide esse affectam, locum tamen calculi, quem accusabat, partum ediderit.

Horum dolorum colicorum convulsivorum hinc inde vestigia leguntur apud Practicos veteres, qui propter neglectum nervorum minus rem capere valentes, subinde dolores colicos nothos allegant: Vid. MATTHÆUS MARTINI de morb. *Mesenterii* pag. 95., cum quo confer. etiam THIERMAYER *Conf. & schol.*, ubi rectius colica ista pathemata à convulsionibus intestinorum deducuntur, secus enim mutationis colicæ in parestin ratio reddi non posset.

II. Quoad consensum partium: sanè hic ab omnibus allegatur quidem, non tamen ab ullo rectè explicatur: vid. SENNERTUS in *Paralip.* & SANCTORIUS SANCTORII præ omnibus aliis Patavinis maxime curiosus in *Commentar. in Art. Parvam Galeni*, partim in *Meth. Vitandi Error. in Medicina*, item BARTHOL Bausnerus de *Consens. part. humani corp.* Anno 1656. *evulgatus*. Summatim: *consensus partium præsupponit sensum*; sensus verò præsupponit *fibras nerveas*, seu organa illius proxima: unde sequitur, consensum propriè sic dictum simpliciter locum habere inter partes nerveas connexas sensu instructas. Dico notantur: Consensus partium propriè sic dictus: nam distinguitur ab hoc consensu impropriè sic dictus, qui ratione metastaseos materiæ contingit mediante sanguinis circulo: ita si quidem mamma cum utero consentiunt, quatenus mensibus suppressis cancer in mamma latens, exulceratus & manifestus redditur; non secus ac testes quoque hac ratione cum capite conspirant, dum illis epithemata refrigerantia applicata ebrietatem arcent, atque hæmorrhagiam & similia tollunt. Aliàs consensus propriè dictus fit tripliciter vel enim inter partes sibi continuas, vel contiguas, vel denique mediantibus funiculis nerveis invicem connexas. Et hic postremus huc spectat, & ubique in corpore observatur ex communi trunco. Hinc tam mirabilis est structura nervorum, præcipuè nervi intercostalis, & paris vagi seu octavi aliàs dicti. Cæteroquin multa ignota Helmontius habet in *Tract. Ignoræ Actionis Regimine*; eaque est nil aliud, quam consensus partium mediantibus nervis: hinc renibus patientibus, universa abdominis viscera consentiunt. Causa verò, quod induxerit Actionem illam Ignoram, fuit, quia Anatomia modernæ ignarus conatus est eandem excogitare; cum tamen universa abdominis viscera, ut dixi, saltem consentiant, quatenus nervi eorum ex plexibus communibus ortum ducunt.

Pars affecta, quæ est mesenterium & intestina, duo considerata sistit.

(1.) Nervosum genus delicatius,

(2.) Quod

(3.) Quod affectus hic simillimus sit passioni hystericae.

Quoad *præius*, nempe generis nervosi delicatorem structuram; concipiendum hic erit discrimen, intercedens filum sericeum subtilius, & lineum crassius, mulierem delicatam & rusticum robustum; quorum illi similis videtur structura generis nervosi in virginibus, huic verò rusticorum comparanda est, ut & reliquorum mechanicorum conformatio nervosa. Unde etiam rusticus non nisi a graduato objecto feriri & affici potest: & quemadmodum in illis fibræ nervæ sunt teneræ, tennes, molliores, & flexibiliores, unde filamenta nervæa delicata à levissimo objecto in varios motus, & vibrationes concitantur, simili ratione, ac subtilis chorda facilius movetur, quàm crassa; ita fibræ rigidae sunt in rusticis; & quemadmodum à levi objecto cæteris paribus iisdem alteratio aut motus humorum aut motus succorum longè sensibilibior & enormior est, & symptomata graviora inducuntur, quàm in corpore robusto; ita medicamenta quædam nos tam fortiter alterant, alios non.

Quoad *alterum* autem: sanè verissimum est, hunc nostrum affectum esse passioni hystericae simillimum. Et ponam, eum afflixisse mulierem quandam, tunc omnes Prædici dixissent, esse passionem hysterica; aded colica virorum convulsiva, & hysterica mulierum passio, sunt unus idemque morbus, in radice absolute coincidentes, ut ut secundum symptomatum varietatem, propter subjectorum diversitatem, soleant esse diversi. Hincque meritis rejiciuntur ista nomina: Hysterica passio, ascensus uteri &c. & substituitur eis Suffocatio Hypochondriaca, quæ nil aliud est, quàm convulsiones colicæ, maribus pariter ac sæminis ex fomite hypochondriaco communes.

Equidem vulgè duabus notis à colica virorum convulsiva distinguitur hysterica passio, scilicet.

1. Ratione *sensus globi*, hinc inde in abdomine commoti.

2. Ratione majoris suffocationis in hac versantis.

Sed quoad *præius* respondetur: rarè mulieres percipere talis globi adscensum, qui nihil aliud est, quàm motus intestinorum contractivus, neque omnes hystericae eum experiuntur; ut taceam contrarium exemplum ejusdem phenomeni, in viro observari, motus scilicet globuli, à VILLISIO allegatum. Suffocationis etià metus nec semper hystericas urget, & viris quoque non raro accidit; sicut dantur hystericae quædam, quæ præter suffocationem simplicem, nulla abdominis symptomata alia sentiunt, aliæ aliæ pathemata sine suffocatione percipiunt: Sic juvenes hypochondriaci quandoque maxima suffocatione laborant: Sic curavi olim Studiosum Francum, nomine *Cray Senecæ* cumque hypochondriacum, qui omni noctis meridie experiebatur sibi esse, ac si prælo quodam comprimeretur. Restituebatur tamen per carminativa volatilia & Martialia. Sanè si affectus hic mulierem tentasset, omnes dixissent, esse suffocationem uterinam. Similiter alium hypochondriacum terrefactum, convulsivam colicam incidentem, curavi spiritu volatili urinoso cum laudano opiato, &c. Conqueriebatur de flatibus, hinc successivè adscendebant, & suffocationem inferebant, post sudor eveniebat.

Quoad *causam proximam* hujus colicæ convulsivæ: præsupponens ubique spiritus imperum facientes, dico, eam esse acre acidum peccans *scorbuticum*; quod confirmabant in casu nostro pustulæ circa cubitum, & ulcera scorbutica sanie manantia, quibus non ritè fluentibus ejusmodi æger pejor se habebat.

Iam quæritur; qualenam acidum acre scorbuticum hoc sit: De hoc variae sunt opiniones: sed an sit acidum acre salum? an austerum? an verò rancidum? hoc determinari nequit. Cæterum, cum generales sapes non sufficiant, sed sicuti sapes sunt milleformes, ita etiam acida in nobis peccantia differunt; uti in specie in medicamentis appropriatis præter generales sapes etiam specificus sapor datur; ita simili ratione speciales humorum præternaturalium sapes sunt investigandi. Interim cum fermentorum internorum & humorum in corpore nostro crasis nobis nondum aded sit perspecta, proinde nec aberrationes eorum ac reliquorum humorum præternaturalium cognitas habere possumus; quia fermentorum & succorum proprietates naturales præcisè aded nondum sunt cognitæ. Ac hinc est, quod remedia, specifica dicta, empiricè magis quàm dogmaticè administremus; ubi quidem scimus, quod ea prosint, sed quomodo? cum omnibus nescio.

Urina non rarè signum Scorbuti præbet, cui si cauda pavonis (seu *pinguedo*) supernatet, & de præsentia scorbuti non est dubitandum.

Quoad spirituum verò motum efferatum: possumus suspicari, concurrere quendam motum explosivum secundum VILLISIO. Nam ipsi Moderni effervescentiam ex vi elastica particularum alcalinarum derivare volunt; quæ tamen vis elastica in statu sano forsan locum non habet, unde illa forte an solum in statu præternaturali concipienda est.

Porro *causarum remotarum* duæ insinuantur, quarum

1. Est *dulcium usus*, contenta corporis nostri fermentationes præter naturales concilians.

2. Pathemata animi, spiritus imperum facientes turbantia.

Jam quoad I. observandum: dulcia quoque esse concreta salsa pingua, constantia ex acido & urinoso, cum oleo unita, neutro modo se habentia, adeoque nocent præcisè, quod ipsa fermentescant, sed quod fermentorum instar se habeant, & camarinam fermentescibilem moveant; unde in minima quantitate interdum valde sunt activa: pro ratione autem succorum, quos fermentando movent, ipsa diversimodè corrumpuntur, itaut nunc acescant, nunc bilecant. *Taliter constituta* subjecta conqueri solent: *Non audent dulce vel acidum comedere*. Dulcia nocent; acida etiam: Quid ergo? Verum datur tertium, nempe amarum: quæ ipsa amara, ut juxta FORESTUM, absinthium, hypochondriacis & mulieribus hystericeis sunt convenientissima, juxta quæ & acria volatilia oleosa & aromatica excellunt, ut castoreum, myrrha, &c.

Quoad *posterius*; ira & terror, ut ut contrarii sint affectus eundem tamen hic præstant effectum in nostro ægro. Scilicet præsupponimus, in ira impetuosè moveri spiritus, à quibus omnes corporis succi, quasi vi, protruduntur; quod & probo ex corde insigniùs moto, unde rapidior sanguinis circulatio, & hinc necessariò & reliquorum liquidorum contentorum vehementior commotio contingit, atq; sic humores acriores faciliè in actum secundum nocendi deduci poterunt. T errore autem spiritus concentrantur & hebetantur, hinc cessante quodammodo spirituum impetu, contenta corporis nostri spontaneo fluxu diffiunt & elabuntur ob organa flaccida & relaxata, unde & motus & facilis eorum corruptela, sicque laxatis & quasi resolutis partibus propter spirituum defectum sudor frigidus apparere solet.

Porro quoad generationem hujus acidi acris scorbutici, tam ad digestionem primam in stomacho celebrandam, quàm ad ejus perfectionem in duodeno à succis bilioso & pancreatico dependentem, & hinc ad excrementa quoque in intestinis stabulantia respiciendum erit; vitia enim digestionis primæ vitiant contenta corporis, quæ vitata iterum digestionem primam vitiant.

Ab acido hoc abundante quoque, stercora coagulante, oritur alvus naturaliter paulò siccior: sicut è contrariò alcali bilis acido contrarium, intestinorum excrementis debitam fluiditatem conciliat, quatenus hoc in ipsum sulphur agens, colliquefaciendo ea dissolvit, hinc putredo facum, eorumque foetor.

De sanie notandum: eam ex ulceribus scorbuticorum emanantem nonnunquam corium sive cutem erossisse propter acrimoniam. Distinguiturque ea à pure, non tam ob materiam, quam efficientis conditionem; etenim idem sanguis & in pus & in saniem fatiscere potest. Interim si peccans fermentum fuerit acidum temperatius, minus agens, dabit pus falsius, spissum & crassius; contra si illud fuerit acido acre, magis colliquat nutrimentum corporis, unde generabitur sanies diluta magis. Hinc dicunt: pus est melius seu minus malum, quàm sanies; innuit enim fermentum mitius.

Quoad istud verò pathema, quod scilicet æger noster conqueratur de adscensu quasi auræ ex abdomine ad cor (*ascensio ad cor*) sanè hic sensus adscensionis per frequens est in ægris, tam viris quàm sæminis, & non imaginarius, sed verus. Percipiunt enim præternaturalem circa præcordia alterationem, dicentes, *sentiunt nauseam*. Ac qui sibi hoc pathema imaginari volunt, considerent pathema illud, quod quidam ex terrore subito contrahunt. Cæterum, dum dicunt: *ascendit iis aliquid ad cor*, non patitur cor, sed est vana illorum persuasio, symptomata orificii ventriculi sinistri cum cordis pathematibus confundentium; & si in talibus anxietatibus afficeretur cor, necessariò illud etiam palpitaret; unde illud est insons, & simpliciter in tali casu orificium stomachi sensibillimum laborat. Iam verò quæritur: quomodo stomachi orificium afficiatur? Duplex sententia hac in parte oberrat; alii quippe

pe per vapores & halitus ad cor adscendentes id explicant; alii per texturam mirabilem nervorum ex plexibus mesenterii oriundorum, & hinc dependentem consensum partium. Equidem quoad halituum & vaporum motum illud, verum illud *HIPPOCRATIS* est: *Totum corpus est transpirabile*: Ita siquidem Mercurius vivus plantis pedum pro Cura luis Venereae applicatus, ad os penetrando, salivationem & pathemata oris causatur; & cantharides nuchae impolitae mictum dolorosum inferunt. Interim perspirabile illud nimis extenditur; unde videmus alios, qui spiritus hic sylvestres accusant, ubi pariter non negamus, saepius ex hypochondriis spiritus flatulentos vagari hinc inde, qui etiam in stomacho graviora inferunt pathemata: id quod patet ex emissionem ructuum, per quam hystericae non raro levantur; nullum tamen in nostro hoc casu ejusmodi halitus locum habent; nam neque borborygmi, neque ructus vestigium hic reperitur; quale quid etiam ex historia morbi non patet. Unde potius concludendum est, rem se hoc loco habere, ac in nephriticis, in quibus calculus tenesmus, vomitum, &c. infert, non per vaporum adscensum, sed simpliciter per continuatum spasmus seu convulsionem partium nervosarum, mesenterii & reliquorum viscerum, ratione nervorum ex plexibus mesenterii prodeuntium: Scilicet mirabilis nervorum in automato corporis nostri structura, rotularum in automato artificiali vices gerit, à quibus omnis motus organicus simpliciter dependet: Quo loco etiam praesupponimus, singularissimam illam & maxime admirandum texturam nervi intercostalis, ex ramificationibus paris quinti & sexti enati, ut & nervi vagi seu octavi: vid. *WILLISIUS*: quorum connexum & distributionem si consideremus, tanquam in speculo cernere possumus, quomodo partes consentiant? Lipothymiae ergo in hoc casu dependent ex interrupto spirituum animalium in cerebro ad stomachum motu, unde luce eorum plus minus eclipsata cessant functiones animales, utut impetu facto denuo proruant in nervos quosdam, sed cum convulsivo impetu. Dantur observationes, in quibus confirmatur, perceptum fuisse in pollicis extremitate sensum vellicationis, ex illoque quasi auram petiisse caput, epilepsia superveniente: Vid. *HILDANUS*. Eadem plane ratio est aurae ex mesenterio adscendentis, quae similiter est spasmus continuatus: nempe fibrae solum motrices spiritibus animalibus irradiantur, reliquae partes ipsdem fere destitutae languent, hinc illorum defectu & calor debitus deficit, & hinc frigoris sensus occupat partes. Scilicet tria symptomata in Praxi frequentius occurrunt, quorum.

(1.) Sunt tormina seu motus convulsivi interni, inter-
na Epilepsia.

(2.) Sensus & motus cessatio subitanea, quam vocant
animi deliquium; &

(3.) His succedentes manifesti motus convulsivi,
quod nominant: Epilepsia erumpit.

Unde non novum est, hystericas, imò nonnunquam parturientes sub ipso partu epilepsiae insultum experiri, cum praesertim noscam mulierem, toties epilepsia corporis torius correptam, quoties partum sustinet, ut hinc quoque semper nescia pariat, nescit quomodo parturit infantem.

Fascia autem & zona confert, quatenus inhibet motus convulsivos, non verò quatenus vapores sursum adscensuros prohibet; omnia enim sunt plena, quod probatur: Si enim aura frigida putaria adscendente mature ligatura fortis membro supernè injicitur, prohibetur motus convulsivi atrocitas. Et sanè halitus in tali casu non subesse, patet ex eo, quod vulnere capitis graviori, ita ut vel tenuis seu pia, vel dura mater fuerit laesa, superveniant per consensum vomitus biliosi; ubi tamen nemo sibi persuadeat, velim, descendisse vapores ex capite ad stomachum & intestina: non sacus ac stomacho vitiosa saburra molesto, sentitur cephalalgia, concitato vomitu evanescens, ubi sanè non halitus ad caput adscendunt, sed fit per continuatos spasmos. Illustrant hoc observationes epilepsiarum, ex particulari membro enatarum, quarum paroxysmi injecta zona vel fascia avertuntur.

De differentia colicae convulsivae in habitualement & accidentalem, vid. *WILLISIUS de Morb. convuls.*

PROGNOSIS.

Quoad Prognosin, & quidem eventum morbi: Vita aut facultas vitalis per se hic nil patitur, sed afficitur facultas

animalis in nervoso genere, & exercitu spirituum animalium radicata: utut etiam per accidens illa compatiatur, cessante nimirum cordis motu, qui tamen vix metuendus, cum malum sit transitorium. Ergo periculo vite caret aeger, quanquam metu pareseos non careat.

Cæteroquin morbus propter scorbutum est quidem chronicus, & propter hunc curatu difficilior, non tamen impossibilis, cum praesertim aeger sit juvenis; interim idem ex sua natura Scorbuticus, requirit curam ut diximus chronicam.

CURA.

Quoad Curam. considerandum est duplex tempus, in paroxysmo scilicet, & extra paroxysmum.

In paroxysmo iterum duo tempora notanda; principium scilicet morbi & incrementum ejus, quamdiu nempe dolores urgent; dein ad statum ejusdem, quando convulsiones epilepticæ & lipothymiae superveniunt.

In principio ergo & incremento
respicendum est

1. Ad acidum acre scorbuticum vellicans.

2. Ad spirituum impetum & inordinatum motum,
hincque natos dolores.

Adeoque ratione illius *salia volatilia oleosa*, ratione posterioris verò opiata & nervina locum habebunt.

Cæterum rectè principium à clysmatibus fit, quæ in specie cum lacte parata, temperata puta, & demulcendo intestina, illorum spasmos & dolorificam convulsionem remittere faciunt, in his calibus sunt optima; cum contra acria spasmos augeant, & magis alvum claudant, quia magis irritando spasmos augent & malum magis exasperant. Hinc *HORSTIUS in Obs. p. 395.* clysmata nocturna ex lacte, h. e. per integram noctem retenta, & in specie in abdominis pathematibus ex scorbuto, proficua expertus est: quale quid etiam observavit *DRAWIZIUS in suo de doloroso scorbuto*. Præter quæ tamen etiam clysmata ex tabaco parata non contemnenda sunt, quorum applicandorum rationem tradit *BARTHOLINUS in Hist. Anatomicis*, ubi notandum, egregia fuisse illa in colica dolorosissima, dolorem sistendo, & stimulando. Insuper clysmata ex terebinthina & *urina humana* in omnibus affectibus torminosi, & flatibus, sunt convenientissima: vid. *ZACUTUS LUSITANUS in Prax. Admir. lib. 2. obs. 25.* ubi clysmata ad 3viii. ex urina pueri cum melle despumato factum, in colica ferè desperata commendat; itemque *SCHOLZIUS in Consiliis*, *GESNERUS in Epist.* & *VALERIOLA*. Adhæc cum terebinthina sit nobile simplex, nervis amicissimum (quando enim nervus in inepta venæ sectione à Chirurgo pungitur, oleum destillatum terebinthinæ cum felici successu instillatur) illa quoque vel in vitello ovi dissoluta, vel ejusdem oleum destillatum clysmatibus addi potest: clysmatibus additur in nephritide & morbis convulsivis, non quidem ob vim diureticam, sed ut remittant spasmi, partim abdominales, partim renales.

Sed quaeritur, an etiam opiata & castoreum clysteribus addi queant? Resp. Omnino; nempe Castoreum vel similibus coquitur, vel colaturæ additur extractum castorei à 3ß. ad 3i. Similiter opiata in affectibus dolorosis abdominis combinari poterunt; vid. *DEODATUS in Valetud. p. 216.* qui syrupum papaveris albi ad 3i., tam in dysenteria quam in colico dolore, clysmatibus immiscuit: idemque fecit *WILLISIUS in Pharm. Rational. p. 129.* Theriacam ad 3ii. addendo; ubi alii *Philoni Romani 3i. ad 3ii. admiscunt*: sicut & locus ille *BORELLI Cent. 4. obs. 92.* notandus venit, ubi in colica dolorosa opii 3ß. addendum monet, cum adjecta cautela, ne excedamus in dosi, ob metum suffocationis insequendæ; quæ confirmatur à *SALMUTH Cent. 2. obs. 97.* ubi mulier quædam ex opii 3i. clysmati addita Coma soporosum incidit, sed curata est per aliud clysmata ex vino Malvatico. Opiata ergo debite cum aliis ingredientibus adstantur.

Purgantia autem in paroxysmo adhibita non conveniunt, sed exacerbant malum, unde potius Lenientia, v. g. passulata, adhibeantur, adeoque præter decoctum passulatum, & passulae laxativæ usuales erunt optima, quarum compositionem egregiam *TIMÆUS & ZWELFERUS in Pharm. Reg. p. 209.* habent. Cæterum passulis laxativis commode adjicitur aurum fulmians: nam cum superiori anno curandum haberem juvenem colicum, præscripti eidem passularum laxativarum 3i. unde ter aut quater purgatus fuit. Alio tempore.

℞. Passul. laxat. ℥ss. adjeci
Auri fulmin. gr. iv. Miscui.

Hinc ultra undecim vices fuit laxatus. Imò observavi idem in infantum torminibus dolorosis, gr. i. vel alterum istius auri, pro stimulo aliis additum, etiam proficuum esse; adeoque non contemnendum esse remedium aurum fulminans.

Convenit etiam Riverii Infusum sennæ alcalinum, quod hinc inde præscribit in observationibus; item serum lactis cum syrupo rosarum solutivo.

His præmissis, *sal acre scarbuticum corrigendum*. Primum hic obtinent chalybeata, castorina, salia volatilia aromatica, & hinc opiata, quæ cum alvi apertione utramque faciunt paginam. Unde est, quod singulare sit fuligo furni, in specie hystericis proficua, assumendo ejus ℥ss. ad ℥i. cum pauco aceto, & expectando sudorem. Alii spiritum fuliginis ad Colicas in usum habent; & sanè par ratio est.

Quodsi autem extemporaneum remedium obtinere gestias, accipe stercus equinum, quo non melius datur in passione hystérica, exprimendo succum cum vino, & hauriendo, hinc sudorem expectando: vid. WELSCHIUS *Hecat.* 2. 32. Et sanè stercora animalium nitrosa planè singularia continent; hinc enim est, quod stercus lupi à PANAROLLO *Pent.* 3. *Obs.* 36. commendetur; sicut etiam alii stercus columbinum ad colicam desperatam, exprimendo succum cum lacte, extollunt. Alias quoque specificum dant testiculi equorum exsiccati & pulverisati ad ℥i. sumpti, qui ipsi etiam ad partum, & dolores quoque post eum itemque ad colicam convulsivam, euporiston sunt. Pariter hic convenit priapus tauri, cervi, ac ceti; non secus decoctum sclareæ, (*Scharlach*) quo aliàs æthopolæ pro faciendo vino utuntur. Olea autem destillata aromatica non semper æquè conveniunt; nam ubi in specie acidum viscidum offendunt ea, pariunt copiosos ructus, qui emissi levamen suggerunt; retenti verò insigniores anxietates creant propter flatulentias. Unde abstineamus ab his; quin potius præscribo in talibus ægris talem formulam:

℞. Aqu. Chamomill. ℥ii.
Spiritus Cochlear. ℥ii.
Sal. ammoniaci ℥i.
Laud. bister. gr. vi.
Syr. cort. aurant. ℥ss.

M. D. S.

Haustulus mitigans.

Hauriantur cochleatim cum blando sudore, qui finem paroxysmi accelerat. Vel

℞. Aquæ Menthe,
Fl. Chamom. an. ℥ss.
Spiritus Sal. ammoniaci, vel fulig., vel Liqueor.
Cornu cervi succinat, vel, qui omnium optimus est, spiritus carmin. de trib. quicunque horum placuerit, ℥ss. ad ℥ii.
Laud. opiat. gr. iii. vel loco hujus laud. hyst. gr. v. vel vi.
Syr. cort. aurant. ℥vi.
M. f. Potio:
D. S. ut supra.

Si visum fuerit, præsertim in mulieribus, addi potest *Essentia castorei*, quæ egregium remedium, vel *Essentia myrrhæ cum spiritu vini tartarizato parata*, ℥i. vel ℥ss.

Quod si verò patiens hæc volatilia ferre nequeat, vel ea nauseat, aut propter nauseam rejiciat, exhibeantur fixiora, & præsertim cinnabaris antimonii, quæ in internis convulsionibus est egregia, & à CRATONE *Magnes epilepsie* dicitur: hinc cephalicum quoque specificum cum laudano opiato egregium erit; verbi gratia.

℞. Aquæ jonic.
Marricar. an. ℥i.
Specif. cephal. vel Cinnab. antimonii ℥ss.
Pulv. testic. equin. ℥i.
Laud. opiat. ferm. gr. iii.
Syr. de alth. Fern. ℥vi.
M. f. Potio:
S. ut supra.

℞. Spiritus carminat. de trib. ℥iii.
Ess. castor. tartarif. ℥ss.
Opii ℥ss. ad ℥i.

M. D. S.

Essentia mittigans: 40. usq; 50 guttæ pro dosi.

Vel prodest Theriaca cum cornu cervi sine igne assumpta, expectando sudorem, ubi alvus prius aperta fuerit.

Porro conveniens est, ut externe oleum destillatum succini & spicæ, vel cum s. q. Corporis pro balsamo, in morbis convulsivis internis, regioni umbilicali aut quoque stomachali illinatur, imponendo desuper laterem calefactum; item confert emplastrum de Galbano, vel simplex vel matricale de galbano usitatum, malaxatum cum oleo destillato succini, & impositum umbilico. Spectat huc & Galbanetum Paracelsi, quod illitum abdomini mirabile est in spasmodis corporis internis; uti spinæ inunctum in paralyysi id proderit: item oleum destillarum saponis, nec non serum hircinum cum unguento potabili rubro, &c. Tandem singulare quoque est pinguendo cati sylvestris in colica convulsiva, & plurimum habet in recessu umbilico illita vid. BRUNNERUS & SCHMUCKIUS. Quidam addunt parum zibethi ad imitationem Paracelsi; quidam scrupulosi sunt, & pinguedinem cati maris pro viris, contra cati sceminæ pro scemellis, adhibent in colica convulsiva curanda; At electio sexus superstitiosa est.

In statu vero paroxysmi, ubi membra jam convulsa sunt plus minus, cum mazilla, ob musculum temporalem ipsismo affectum contracta, non queat deduci, aut licet possit os aperiri, non tamen medicamenta, ob musculos oesophagi & pharyngis convulsos possit æger deglutire, (nam si hoc facere possit, capiat antea dicta,) externa, fortiter sensuum organa ferientia, applicentur, ut excitetur in ipsidem spirituum motus: adeoque in tali casu primarius erit spiritus salis ammoniaci naribus applicatus; vel loco hujus suffitus succini, alias hystericis proficuum in paroxysmo, inspergendo succinum carbonibus vivis & fumigando pro quo etiam balsamus succini linguæ, vertici, temporibus & naribus affricari poterit. His autem non sufficientibus, ad sternutatoria accedendum erit, parata ex helleboro nigro, vel albo, nicotiana floribus liliorum convallium, addito; vel si acius desideratur hocce, euphorbio; vel, quod melius, salibus volatilibus, urinæ v. gr. cornu cervi, & similibus. Talia inspergantur, vel potius insufflentur per canulam naribus, pro excitatione ægrorum.

Quod attinet ægrum extra paroxysmum: cum malum illud habituale sit, curetur illud methodo aliorum morborum chronicorum, cachecticorum, hypochondriacorum, scorbuticorum, &c. Nempe (1.) ante omnia digestiva salina, & blandè alterantia alcalia, & ex his parata falsa, ut sal hypochondriacum, tinctura tartari, arcanum duplicatum Mynsichtii, ceu universale scorbuticorum digestivum, præmittantur (2.) His ad aliquot dies continuatis vomitorium subjungatur; siquidem impossibile est, radices morborum chronicorum absque vomitorio evelle, quod plus præstat decem purgationibus, unde etiam illud repetitum, si opus fuerit, in usum trahi debet. (3.) Postmodum ad Martialia, præmittenda alcalibus volatilibus, fiat accessus; hæc enim vices obeunt acidularum naturalium, adeoque propinetur v. g. vel ipse pulvis cachecticus Hartmanni ex Marte rubro, vel solutio Martis cum succo pomorum Borsdorfianorum, vel tinctura vitrioli Martis Zwelfferi, vel liquor martis solaris. Ex hisce eligatur aliquod pro circumstantiarum varietate. Hinc subjungenda (4.) sunt volatilia aromatica plus minus acria, eaque vel generalia, vel antiscorbutica specialia, ex regno vegetabili nota:

℞. Ess. myrrh. cum alcali par. ℥ss.
Spiritus sal. ammoniaci simpl. ℥iii.
Cochlear. rect. ℥ii.
M. S.

Essentia: 40. vel 50. guttæ pro dosi.

Usurpetur ter de die.

℞. Elix. propr. sine acido cum spiritu cochl. par. ℥ss.
Spiritus carmin. de trib. ℥ii.
M. S. ut antea.

Dosis 4. guttul.

℞. Spiritus sal. ammoniaci simpl. ℥iii.
Cochlear. vel antiscorb. ℥ii.
Carminat. ℥i.
M. S.

Spiritus antiscorbuticus.

Pro sudore convenit vinum guajacum.
Pro urina

℞. Tin.

℞. Tinctura tartari compos.
Spiritus antiscorb. ℥i.
M. S.

Tinctura antiscorbutica.

Dosis 50. gutt.

℞. Ligu. terræ fol. tartari ℥℥.
Spiritus carmin.
Cochlear. an. ℥i.
M. S. ut antè.

Quod sub hac cura æger nihilominus dictis pathematibus corripiatur, aliquando fortior & generosa purgatio institui debet, quæ mirè quidem ægros torquet, & pathemata excitat, nihil tamen periculi subest, sed constantem salutem promittit. Cæteroquin extra paroxysmum jussi nostram ægram aliquandiu gestare emplastrum de galbano, & omni manè haurire liquorem Martis solaris, & omni vespere spiritum salis ammoniaci anisatum, & sic melius habuit per longum tempus.

Allegato casui similes frequentius in Praxi observantur, ac novi Magistrum Philosophiæ, eadem pathemata verno tempore cujusvis anni patientem, quæ typum febris intermittens tertianæ repræsentabant; dicebat enim æger: *linguor animo*; & interrogatus respondebat: *sento anxietatem circa cor*, quasi vellet evomere: cui finis & integram palmam faucibus intrudit, summoque conatu vomitum, utut subinde frustra, provocabat; hinc oculos torquebat, sudorem frigidum syncopiticum, atque tremorem membrorum experiebatur, & quidem semper alternis diebus malum repetebat. Tale pathema, ex qua causa prodierit, initio nesciebam: interim ex inspectione urinae, caudam pavonis repræsentantis, confirmabar de latente scorbuto: nempe caudam pavonis supernatantem observavi; hinc quasi scorbuticum eum curavi, adeoque præscripsi ante & in paroxysmo hunc pulverem, quem observavi ante paroxysmum prodesse:

℞. Cinnab. antimonii gr. xv.

Sal. volat. succini ℥℥.

Laud. opiat. gr. i.

M. f. Pulvis:

D. S.

Pulvis anodynus.

Cujus vehiculum, quod repetitis etiam vicibus in paroxysmo dabam, erat sequens:

℞. Aquæ epil. Lang. ℥i.

Ceras. nigr.

Lil. convall. cum Vin. an. ℥vi.

Spiritus Cochlear. ℥ii.

Cornu cervi essentif. h. e. cum sale volat. acuat. ℥i.

M. D. S.

Mixtura pro pulvere.

Syrupum nullum addebam, quod dulcia ferre non posset, sed capiebat pulverem illum ante paroxysmum, in paroxysmo aliquot cochlearia vehiculi solius ingurgitando.

Postmodum alio tempore præmissa clysmate liquorem cornu cervi succinatam continuavit, & ita sæpius repetito hujus usu malum in prima herba detruncatum; ægerque restitutus fuit. Similiter talem quoque misturam ei præscripsi:

℞. Aquæ antiscorb.

Fl. samb. an. ℥i℥.

Spiritus Cochlear. ℥ii.

Lumbr. terrestr. vol. (propter dolorem lancinantem in membris)

Arcan. dupl. an. ℥i.

Syr. scellorib. For. ℥℥.

M. D. S.

Mixtura antiscorbutica.

Hæc cepit pro lubitu, & integrè convaluit.

Juvenis, cujus supra mentionem feci, 16. vel 17. annorum corripiebatur torminibus abdominis gravissimis circa & infra regionem umbilicalem, simul subinde præcordia occupantem, aliquando perveniebat ad cor, & tentabat cor deprimere; alvus erat pertinaciter clausa, umbilicus in teriora versus retractus, & abdomen contactu durum, abdomen durum erat & tensum, non poterat erectus stare, quia contrahabatur; hinc etiam urinae emissio difficilis, non audebat minimum conare defectionem, quoniam totum abdomen dolebat.

Die Solis pro aperienda alvo, simulque sistendo nonnihil urgente dolore.

℞. Lapill. cancr. præp. ℥℥.

Laud. hyssop. gr. v.

Scamm. sulphurat. gr. iii.

Misc. pro Pulvere.

Propinabatur, sed frustra. Propterea eadem die propinavi passularum minorum laxativarum ℥℥. quæ alias juvant, sed frustra. Unde circa vespere præscripsi sequentem pulverem:

℞. Arcan. dupl. gr. xv.

Scamm. sulphurat.

Troch. alband. an. gr. i.

M. pro Pulvere.

Hinc sub nocte aliquot sedes habuit, sed sine levamine. Die Lunæ injectum clysmæ emolliens & carminans aliquantulum, sed parum profuit; unde pro sistendis torminibus & leniendis spasmodis partium abdominis præscripsi:

℞. Aquæ fœnic.

Menth. an. ℥i℥.

Spiritus sal. ammoniaci ℥i.

Ess. opii. ℥℥.

Syr. cort. aur. ℥vi.

M. f. Potio.

De hac vespere & nocte pro lubitu capiebat, simulque abdomen induratum inungebat sequenti Linimento:

℞. Ol. Chamomill.

Cumin. an. ℥iii.

Destill. anisi ℥i.

M. f. Liniment.

Nox erat paulò quietior, sed manè omnia recrudescebant symptomata die Martis, unde ad compescendos spasmos ordinavi Emplastrum:

℞. Empl. de galb. q. s.

Malax. cum l. q. ol. succini pro Emplastro, insterendo abdomini.

Die Mercurii omnia adhuc erant eadem, & cum æger postularet, ut saltem aperiretur bene alvus, quia conatum gremium versus sentit:

℞. Pass. min. lax. ℥℥.

Auri fulmin. gr. iv.

Misc.

Unde post aliquot horas i. r. fere secessus habuit; hinc vespere præscripsi Linimentum:

℞. Sevi hircin.

Ungu. potab. rub. an. ℥i.

Liquefacta miscebantur.

His inungebat largiter abdomen, quod emollitum nonnihil fuit cum euphoria.

Die ergo Jovis, cum corpus videretur sufficienter evacuatam, ad convulsivum dolorem sistendum:

℞. Cinn. antimonii ℥ii.

Laud. hyssop. gr. vi.

M. pro 2. dosibus.

Usurpabat cum egregio levamine.

Die Veneris pro abstergendis residuis in intestinis, & leniendis iisdem, quò remitteret eorum contractura, applicabatur Enema:

℞. Ol. lini,

Rapar. an. ℥v.

M. pro Clysmate

Quod egregiè contulit, multa viscida evacuavit, cum levamine: unde vespere modo dictus pulvis repetitus noctem quietam reddidit.

Die Saturni tandem cum partim contumacia dolorum, partim clysmate certiore reddiderint, quod mucago acida seu pontica in recessu peccaret, ordinavi sequentem potionem laxativam appropriatam; licet enim bis, ter & sæpius quotidie excerneret liquida sponte sua, tamen sine debita euphoria erat, quia non evacuabatur, quod evacuandum erat, sed hæ excretiones erant saltem effectus præmissorum laxativorum, quorum occasione propter irritationem fluida serosa ejiciebantur, fomite morbofo, muco pontico, pertinaciter hærente: propterea

℞. Aqu. Mentb. ℥i.

Gum. ammoniaci in acet. sol. ℥i.

Tartari vitriol. ℥℥.

Scamm.

quibus sese ita stringentibus, atque intercluso liberiore spiritu ad cor, pulmones, ventriculum, (potissimum orificium ejus sinistrum) commeatu, sensus motusque tandem deficient, atque æger concidit. Hinc depromi quoque causa potest, quomodo arctior hypochondriorum strictura ad paroxysmum avertendum faciat, quatenus, scilicet compressis nonnihil abdominis visceribus plexus simul eorum nervei comprimantur, atque ita, velut vinculo sibi injecto, spasmus in extremitatibus suis inchoatum versus cerebrum continuare prohibeantur.

P R O G N O S I S.

Cæterum maturè ægro nostro succurrendum est, ne vel in paresin colica transeat, vel epilepsia fiat habitualis; licet ætas ejus juvenilis benesperare nos jubeat.

C U R A T I O.

Curatio alia erit in paroxysmo, alia extra hunc suscipienda.

In paroxysmo, ratione colicæ, irritatio intestinorum sistenda erit, partim directè, mediantibus scilicet opiat, partim indirectè, nervinis appropriatis, & salibus volatilibus oleosis, quibus tam acidum acre peccans corrigitur & attemperatur, quàm ipsa intestina dolorosa blandè demulcentur: Ratione epilepsiæ conveniunt ea, quæ sensoria nostra fortius afficiendo, spiritus velut sui oblitos ad pristina munia revocent. Igitur ingruentibus abdominis doloribus clyma sequens anodynum terebinthinatum injiciatur:

℞. Lact. vel simplicis, vel in quo fl. chamomill. ebull. ℥j.
Terebinth. cum vitello ovi sol. ℥i℥.
M. f. Clyma.

Vel

℞. Fl. Chamomill.
Verbasci an. M. j.
Bacc. lauri ℥℥.
Sem. Anisi,
Fœnic. an. ℥ii.
Coqu. in lacte:
Colat. ℥j. adde
Theriac. ℥iij. ad ℥℥.
Ol. dest. Chamom.
Anisi,
Fœnic. an. gutt. xx.
M. f. Clyma.

Umbilico sequens linimentum inungatur:

℞. Theriac. ℥ii.
Ol. dest. Chamom.
Ruta,
Cort. aur. an. gutt. xx.
M. f. Linimentum.

Vel fiat sequens Forus:

℞. Spiritus anisi ℥ij.
Aqu. Aricul. ad extr. ℥i.
Ess. castor. ℥iii.
Misc.

Cui linteatriplicata intincta umbilicali regioni tepidè imponantur:

Misturarum quoque sequentium alterutram cochleatim assumat:

℞. Aqua Veronic.
Chamomill. an. ℥i℥.
Ess. Castor. ℥i℥. ad ℥iij.
Spiritus sal. ammoniaci anis. ℥i℥.
Liqu. cornu cervi succinat. ℥j.
Essent. Opii ℥℥.
Laud. opiat. gr. iij.
Syr. cort. aurant. ℥vj.
M. pro Potione. Vel

℞. Aqua fœnic.
Chamomill.
Carminat. an. ℥i.
Ess. cort. aur. ℥ii.
Theriacal. anod. ℥i.
Extr. calam. arom. ℥ii.
Syr. papav. f. ℥iii.
M. f. Potio.

Capiantur cochleatim expectando, quantum possibile, blandum madorem vel sudorem; sic enim & citius evanescet paroxysmus, & tardius redibit is ipse.

Vel

℞. Spiritus carmin. de trib. ℥iii.
Ess. Castor. tartaris. ℥i℥.
Opii ℥℥. ad ℥i.
Misc.

Irem Theriaca cum cornu cervi sine igne assumpta, expectando sudorem.

His ritè usurpatis, si epilepticus insultus nihilominus superveniat, pro ægro excitando spiritus salis ammoniaci naribus admoveatur, aut eadem oleo destillato succini inungantur, vel sternutatorium sequens iisdem insuffletur:

℞. Pulv. Helleb. nigr. ℥℥.
Salis vol. sal. ammoniaci, vel urina, vel cornu cervi ℥j.
Sacch. albiss. ℥j.
M. f. Pulvis.

Extraparoxysmum, pro fonte morbo so scorbutico removendo:

1. Acidum specificum scorbuticum alterandum.
2. Alteratum & in salum mutatum, per alvum, urinam, sudorem, aut insensilem transpirationem removendum.
3. Stomacho debitus tonus restituendus, & recidiva præcavenda.

Velut in cæteris affectibus, ita & hic, digestiva initio convenient; v. g.

℞. Arcan. dupl. Mynsicht. ℥j.
Corall. rub. præp. gr. xv.
M. f. Pulvis.

Quem ad aliquot dies & noctes manè in vehiculo calido usurpare poterit: aut loco huius, tincturæ tartari acris gutt. 40.

Hinc purgatio ex Mercurio dulci cum extracto hellebori nigri, & trochiscorum alhandal, ex usu erit. Vomitorium est suspectum; periculum enim est, ne paroxysmus provocetur.

Purgationem excipiet Martialis usus, inter quæ excellit liquor Martis solaris ad guttas xx. usurparus, in vehiculo quocunque, vel loco huius solutio martis cum succo pomorum Bærsdørfianorum, aut tinctura vitrioli Martis Zvvelfferi: quibus ad aliquot septimanas interponenda nonnunquam erunt blanda alvum laxantia; v. gr.

℞. Gum. ammoniaci in acet. sol. gr. xv.
Extr. aloes gummos. gr. v.
Castor. gr. iv.

Scamm. præpar. gr. ii.
Troch. alhand. gr. i. vel i℥.
Ol. dest. anisi. gutt. ii.

Cum f. q. Ess. Absinth. f. Pilulæ.

Post Martialia usurpentur noduli laxativo-aromatici infusionis vini, vel Infusum sennatum cum sale tartari in aqua communi, cum vel sine radice esulæ non præparata, &c. Agmen claudant volatilia appropriata, antiscorbutica & anticolica; v. gr.

℞. Spiritus sal. ammoniaci anis. ℥ii.
Cochlear. ℥i.
Misc.

Dosis 40. gutt., quo vis manè in vehiculo calido.

Vel

℞. Elix. propr. simpl., vel cum spiritu. Cochlear. par. ℥℥.
Spiritus carminat. ℥ii.
Misc.

Vel

℞. Ess. Myrrhetartaris. ℥℥.
Spiritus sal. ammoniaci,
Cochlear. ana ℥ii.
Misc.

Dosis 50. guttulæ.

℞. Spiritus vel Ess. antiscorb. ℥ii.
Ess. absinth.
Zedoar. ana. ℥ii.
Misc.

Dosis gutt. 40. vel 50.

Cæterum pro præcavendo paroxysmo colico sequens emplastrum, aliquandiu umbilico impositum, gestare poterit æger:

℞. Ta.

24. Tacamahac.

Galban. an. ʒss.

Liquefacta malaxentur cum oleo destillato succini pro Emplastro;

quod super alutam inductum applicetur.

De pulvere quoque sequenti interdum aliquid assumere, non inutile fuerit:

24. Pulv. cort. aurant.

Testic. equin. an. ʒss.

Fl. sulphuris ʒi.

Extr. calam arom. ʒi.

Oleo sacch. anis.

Zedoar. an. gr. xxv.

M. f. Pulvis pro 4. vel 5. dosibus.

Ad pustulas circa cubitum crustosas, & sanie manantes, quod attinet; linquendæ illæ sunt, quod, ceu fonticuli quidam naturales esse videantur à natura eum in finem instituti, ut interserviant productis morbois, à fermento acri scorbutico intra massam sanguineam genitis, nonnihil eliminandis. Loco harum, fonticulus in alterutro brachio, vel, si foret mulier, potius in alterutro crure inuratur.

C A S U S XVII.

HERNIA INGUINALIS

sive

BUBONOCELE, CUM PASSIONE HYSTERICA.

Mulier 38. præter propter annorum, agilis cætera, & vegeta, conqueritur de duobus tumoribus, magnitudine utrinque ovigallinacei in inguinibus, seu paulo supra os pubis, prominentibus, sine tamen insigni molestia. Dum supina recubat, tumores hi disparent; sed dum tussit; aut erecta incedit, denuo prominent; sine noxa tamen ulla, aut incommodo hoc patitur, etiam gravida facta; tunc enim nullum tumoris vestigium, post partum tamen dictis tumoribus recurrentibus. Interim cum hoc, quod suaviter olentia ferre nequeat, foetida verò ut & castorina eam delectent, frequenter, idque levissima data occasione, singulares patitur paroxysmos, in quibus, prægressa gravitotius corporis refrigeratione, una cum tumultu aliquali in adomine; sensu aliquid sursum pergere, & præcordia occupare: (moveretur versus cor, dicit patiens:) quod, ut impediatur, ligatura forti hypochondria cingit: Hinc vomitus graves subinde eam prehendunt, & ut plurimum repetit dejectiones alvi sub quo statu tumores isti admodum protuberant, indurantur, (duri fiunt instar lapidis,) qui alias sunt molles & indolentes dolent acerbè una cum gravissimis torminibus, & exquisitissimis doloribus lancinantibus, saltem circa loca tumorum affligentibus, supra umbilicum verò non adscendentibus. Sub hoc statu, ceu medicinam domesticam, capit absinthium & matricariam, horumque incisorum cum aqua simplici decoctum paratum bibit calide, & ita sub corporis horripilatione, quocunque modo ad sudorem se disponit, quo erumpente res salva est, symptomata evanescent, ipsa hilaris & vegeta resurgit. Sed cum aliquando mense Februario tota die linum carminando se gravius exercuisset, eadem symptomata præfatiparoxysmi redeunt, sed atrocissima, in specie præter vomitus tumor prope inguen sinistram, cum insigni duritie, intolerabili lancinante cruciatu, & abdominis borborygmis, at voque pertinaciter clausa, eam affligunt: ipsa agra ad quævis assumpta crebrius singultit, & violenter eructare videtur, sine flatu licet. Tertia demum die, cum in hoc statu fuisset constituta, provocat Medicum ad Curam.

R E S O L U T I O

DN. GEORGII HEINTKEN,
OLSNA-SILESII,

Cum speciali Discursu & Annotatis

B. DN. PRÆSIDIS,

Censuræ & emendationi subiecta, & correctæ
Anno 1676.

A F F E C T U S.

Evolventi mihi hunc casum obvium fuit, complicatum esse affectum: primum Herniam, seu, ut speciali complectar eum; Bubonocelen: (assumo hic Bubonocelen latè sic dictam; strictius enim si vocetur, est bubonocèle saltem hernia glandularum inguinalium, vid. BARBETTE in Chirurgia;) secundarium passionem Hystericam, quæ quidem maximam partem à priore suam dependentiam hac in agra habere videtur, ut in se per dispositionem, quandam ad hanc ipsa agra inclinet. Quod autem reverà ad sit Hernia, nec aliud tumorum genus, patet ex tumoris disparitione, dum supina recubat agra, & relapsu intestinorum, dum erecta incedit, aut tussit, item quod tunc nullum tumoris vestigium, quando gravida facta; sit nimirum hoc exinde, quatenus uterus ampliatus locum ruptionis contigit, intestinorum lapsum sufflammat, & plus minus eadem versus superiora retendit.

C A U S A.

Bubonocelen itaque quod spectat seu Herniam Inguinalem: fit illa variis ex causis, perinde, uti reliqua herniarum species, de quibus tamen generatim, ne extra oleas vagari videar, aut justo prolixior fiat tractandi modus, differere nolo, permanens saltem in dilucidatione affectus in nostra agra. Primum itaque juxta methodum nostram videndum, quid hic læsum præsupponatur? Dico, partem illam tenuem & nervosam, peritonæum in statu præternaturali primario se habere, nempe quod vel dilatatum nimis, vel omnino penitus sit ruptum. Dilatatio sola cognoscitur, quando tumores successivè augentur, quatenus nempe peritonæum in suo tono laxatur, ejusque robur infirmius sit, unde descensus cum eo intestinorum in inguina, & tandem in sexu virili, ubi processum peritonæi terminatio, in scrotum; unde Hernia Scrotalis; in sexu sequiore verò cum terminetur idem circa os pubis, Hernia Inguinalis dicta oritur. Quod si verò in instanti fiat tumor isque major, præsupponendum erit, rupturam ejus membrana contigisse. Hinc concludere volunt Autores, idque non incongruè: in viris herniam scrotalem esse ex laxatione, inguinalem verò ex ruptione peritonæi.

Sed perspicendum nunc quanam in nostra agra locum obtineat? non planum quidem est, utrum fuerit ex laxitate, an verò ex ruptione hernia: cum ex casu non liqueat fiendi modus, i. e. an successivè, an subito prodierit tumor? neque pateat, quæ causa eam produxerit? Interim tamen si conjectura locus, assero, ex ruptione eam subnatam esse, idque, ex his rationibus: Si enim ex laxitate descenderint intestina, exigui momenti foret situs illa dislocatio, ex qua tam atrocia symptomata vix supervenire potuissent, nempe tumorum induratio, exquisiti dolores lancinantes circa tumorum loca, & uti in ultimo paroxysmo contigit, inguinis sinistri insignis durities cum intolerabili lancinante cruciatu, item quod intestina prodeant, quando tussit, &c. Accedunt causæ, quas augurari licet, hujus herniæ: ut ut enim plures interne pariter, ut serum in ascite, ac externe recenseantur ab Autoribus, quas videb. apud allegatum Autorem; ex enarratione tamen casus conicere licet, vel ex nimio motu qualicunque, cum dicatur scemina agilis, & suspicemur eam laboriosam, cum totam diem linum carminando se graviter exercuisset; vel ex prægresso nimio nisu partus si forte antea peperit, eam fuisse excusatam. For san & flatus aliquid contribuere, quibus subinde afflicta fuisse præsumitur agra; licet enim non penitus dicamus cum Autoribus, quod hic soli flatus ruperint peritonæum, potuere tamen hoc conferre, dum nimirum distendendo intestina etiam tenderint idem peritonæum, & nonnihil tenue reddiderint, quò facilius postmodum ruptio à dicta causa potuerit inferri.

Sed

Sed querere ex nobis quis posset: quidnam descendisse opinemur? utrum omentum, unde Epiplocele vocanda esset? an sola intestina, unde Enterocoele? num vero utraque? Huic responsum ferimus: non possibile videri omentum, vel solum, vel cum intestinis dilabi potuisse, cum naturaliter & usitata magnitudinis si sit, vix ultra umbilicum promineat (utut VESALIUS in Anat. lib. 5. cap. 4. contrarium observavit,) nisi quis asserere vellet, planè abruptum fuisse, quod tamen minimè admittendum sine insequenti ejusdem putredine & febre gravi. Statuimus proinde solum intestinum descensum, atque saltem tenuium, & in specie ilei: Nam licet dicatur incisa, quod tumores interdum fuerunt duri & alvus clausa; non tamen puto id ex facum induratione, cum etiam indurati antea visi fuerint cum alvi dejectionibus repetitis, sed duritiem illam puto ex tensione vel etiam convulsione intestinorum exortam.

SYMPTOMATUM CUM CAUSA CONNEXIO.

Restat adhuc, ut connexionem hujus symptomatis explicemus, quod nempe dolores lancinantes circa loca tumorum observati fuerint, non adscendentibus iis supra umbilicum: id quod exinde factum arbiroy, dum intestina suum situm naturalem mutarunt, & tenuia versus rupturam ceciderunt, ibique contenta paulo diutius subsistere, vellicando dehinc arctatam intestini partem in crispaturam seu motum convulsivum contraxero, ex quibus spasmis & tensione, uti antè jam dictum, dolor & durities subnata. Hinc bono cum consilio euporiston illud domesticum usurpavit, absinthium scilicet & matricariam, ad corrigendum acidum, discussionem flatuum, & vim aliqualem anodynā sistentem aliquantisper spasmos illos enormes; unde subacta illa materia vitiosa, irritante membranas, harripilatio quoque cessavit, hincque obpororum reclusionem eruptio sudoris, & tandem status placatus.

Et hac quoad Theoriam prioris affectus.

Posteriorem quod spectat: diximus esse passionem hysterica, cujus respectu hernia saltem ut causa remota se habet. Cum vero hujus affectus dilucidatio a quodam Dn. antecessore in affectu colicæ hypochondriacæ speciatim & uberius pertractata sit, breviter saltem delineabo hujus historiam, imprimis cum hic solummodo ceu symptoma seu consequens herniæ consideretur. Et primò quidem juxta præscriptum casuum resolvendorum ductum, affectum dixi Passionem Hystericam; quæ confirmatur, quod suaviter olentia ferre nequeat, foetida vero & castorina eam delectent. Patiuntur autem paroxysmos frequentes, eosque levissima ex occasione, quatenus sensibilissimum habet genus nervosum; unde & habitualement vocare eam licet, quatenus radicalem quasi sedem sibi, ac dispositionem posuit in intestinis, sæpiusque recidivantem.

Pars itaque affectus elucet, quod sint intestina, quæ convulsiones patiuntur ab acido, vellicante membranas intestinorum; unde propter consensum membranarum subortum frigus in toto corpore, item aliqualis tumultus in abdomine, & quod sentiat aliquid sursum pergere versus cor: id quod impeditur & nonnihil refranatur per fortem ligaturam hypochondriorum, in quantum scilicet partes substrata constrictura hac non nihil sensu privantur, aut etiam flexura coli alius, nempe planior, conciliatur situs, quo contenta, siue sint flatulenta siue liquida, tanto commodius progredi queant. Ex eadem convulsione seu motu intestinorum peristaltico nonnihil inverso deducenda etiam veniunt vomitus, alvus pertinaciter clausa, propensio ad eructationem, & singultus, quatenus simul aliquid convulsivum jam paritur diaphragma.

PROGNOSIS.

Hæc de affectu in genere dicta sunt: speciatim juxta paroxysmum posteriorem Prognosis posita, & Cura subnexa sit.

Hæc ægra in periculoso satis versatur statu; metuendum quippe, nisi prudenti Medici consilio mature ipsi subveniatur, ne Passionem Iliacam jamjam imminuentem incurrat, & tandem morti vicina fiat; item formidandum, ne propter vomitum, intolerabilem cruciatum & singultum defatigata tandem deficiat, & in lipothymiam incidat.

Porro licet his malis obviam eatur per convenientia remedia, ita ut paroxysmus cesset, symptomata remittant; periculum tamen est, nisi curata fuerit hernia, ne qua data occasione gravius recrudescat malum, & pristina pericula revertantur.

Ettmüller. Oper. Tom. I.

CURA.

Quapropter acceleranda Cura, quæ duas exhibet Indicationes: nempe in paroxysmo, & extra eundem.

In paroxysmo symptomata demulcenda, partim per externa, partim interna. Cum vero impossibile ferè videatur propter summum dolorem ad repositionem statim accedere, suaderem, ut calidè propinetur vinum cum seminibus quatuor calidis minoribus, ad modum HELMONTII Tract. de Flatibus.

Externè loco hernioso applicetur sacculus calidè, partim ut sensus doloris nonnihil compefscatur, partim ut emollito tumore repositio postmodum commodius perfici possit:

℞. Fl. Chamom.

Samb. ana Mj.

Herb. Malvæ Mj.

Fol. lauri Mss.

Bacc. lauri ℥ij.

Sem. Cumin.

Carvi ana ℥vj.

Papav. albi ℥ss.

Incisa & contusa includantur sacculis duobus, incoquantur lacti, & unum post alterum, fomenti instar applicetur.

Ut ventriculo quoque succurratur, tempore necessitatis, se ad manus esset, vinum generosum calidè cum linteis duplicatis repetitum apponatur, Vel

℞. Empl. de Galb.

Nalaxacum ol. dest. Succin. vel Bals. Peruv.

Inducatur super alutam,

F. Emplastrum in forma scuti stomachalis absque Sindone, & ita tepidè applicetur.

Præstat his incasibus quoque Galbanetum Paracelsi, vel potest etiam fieri sacculus interpassatus, & vino calido immergi ex herba absinthii, menthæ crispæ, abrotani, floribus chamomilla Romana, rosarum rubrarum, baccis juniperi, acoro vero, corticibus citri & aurantium, & ita ventriculo applicari.

Loco sacculorum ad locum herniosum potest etiam fieri tale Cataplasma:

℞. Herb. Malvæ,

Patietar.

Brançæ ursinæ Mj.

Rad. alth. ℥ss.

Sem. alth. ℥i.

Lini,

Fœnugr. ana ℥ss.

Incisa & contusa coquantur in lacte bubulo ad mollitiem talem, ut possit per setaceum trahi, hinc in forma cataplasmatismis tepidè applicetur.

Vel in forma unguenti.

℞. Ol. lil. alb.

Amygd. dulc. ana ℥ij.

Hyperic. ℥ss.

Dest. Cumin. gutt. x.

Illinatur blanda manu tepide.

Aquam plurimis etiam commendatur stercus ovillum cum lacte in forma cataplasmatismis.

Applicari etiam potest ad mentem Dn. Præsidis lumbis sequ.

℞. Pell. canin. duas manus longam & latam.

Inunge probè axung. ursi, vel erinacei, cum oleo terebinthinæ.

Vel fiat tale emplastrum quibusdam secretum:

℞. Gum. ammoniaci,

Galban.

Sagapen. ana ℥iij.

Terebinth.

Ceræ Virgin. ana q. l.

Magn. arsenic. gr. xv. ad ℥j.

Gummata solvantur in aceti destillati q. s. coquantur in formam emplastri: post additis reliquis speciebus super alutam extendatur, & lumbis imponatur.

Hæc dum ita fiunt, ægra podice nonnihil elevato & supina jaceat, quantum scilicet propter conatum vomendi fieri potest.

Si hæc non sufficiunt, internè etiam poterunt propinari:

Bbb

℞. Aquæ

℞. Aquæ Chamom. ℥j.
Cinnam. ℥ss.
Spiritus salis ammoniaci anis. ℥j.
Laud. hyst. gr. ℥vj.
Syr. cort. aurant. ℥ss.
M. D. S.

Potiuncula pro duabus vicibus.

Vel

℞. Aquæ scnicul.
Matricar. ana ℥j.
Cinn. Antimonit ℥ss.
Ess. Castor. ℥j.
Laud. opiat. ferm. gr. ij.
Syr. de alth. Fernel. ℥vj.
M. S.

Potiuncula pro duabus vicibus.

His peractis, nondum tamen satisficientibus, chlysmata in usum vocentur, in parva tamen dosi, ex emollientibus scilicet anodynis & carminantibus in lacte decoctis, quia alvus clausa & flatu adsumt, utque sic motus peristalticus rectus revocetur.

Quod si hoc modo paroxysmus levatus, non tamen ad commodatum agra situm intestina retrocedere velint, repositio manualis auspicanda; circa quam observandum, ut cautissime & tenerissime tractentur intestina, quæ per se dolorosa. Possunt etiam manus illiniri, quibus tumor tractandus, cum oleo liliorum alborum & chamomilla. Quod si ita intrusa fuerint, firmanda erunt debito subligaculo, ne denuo decendant; hinc ruptio, quantum possibile, consolidanda: interim agra quies erit servanda.

Si verò labiis peritonæi callositas jam fuerit inducenda, non expectanda erit consolidatio, interim tamen internis consolidatio tentanda.

Quoad Interna: conveniunt vulneraria quacunque: herniaria, radix sigilli Salomonis, symphyti majoris, auricula muris, alchimilla, momordica, perfoliata, hypericon, &c. item semen nasturtii pulverisatum, ad ℥j. mane & vespere in haustu vini. Ex dictis & aliis vegetabilibus possunt fieri decocta, vel potus medicati ordinarii; v. g. decoctum radices sigilli Salomonis in vino aliquamdiu surpatum multum confert: Sic PARACELSUS in vino decoxit folia betonica & sanicula alba, & sic agrotis ad bibendum porrexit. Audivi aliquando hernias, alias incurabiles, ex solis comestis rapis exsiccatis seu flaccidis Germ. von den VVelcken Ruben) curata: scilicet ager iussus fuit per sex septimanas decumbere in lecto, cui pro cibo præter dictas rapas coctas, nil aliud ad comedendum porrectum fuit: potus etiam fuit decoctum raparum dictarum, & sic felicissime fuerunt curata. Alii etiam milligrammum cum consolida majori in vino infundere, & bibere jubent non sine successu: sic possunt in vino infundi vel decoqui:

℞. Herb. Perfol.
Herniar. ana M. iij.
Fl. hyper. M. j.
Rad. symph. ℥j.
Sem. perfol. ℥ss.

Incisa & confusa coq.

vel pro infuso includantur sacculo: S.

Species.

Dresda quibusdam in usu est, semin. perfoliatæ pulverisati partes duos, radices consolidæ majoris partem unam, massæ farinaceæ permiscere, & ita in clibano in panes coquere: ex quo pane dein offas parare, & agros quotidie comedere jubent, felici cum successu: externè simul adhibito emplastro de pelle arietis aut contra rupturas Notimbergensium,

Vel

℞. Pyrol. M. ij.
Heder. arbor. M. j.
Fung. Jugland.
Rad. aron. ana ℥ss.

Mixta, incisa, & confusa, infund. in Men. ij. aquæ simpl.

Coqu. ad dimid.

Colatura bibatur calidè.

Senecio à nonnullis quoque valde laudatur: sic confert etiam Essentia D. Michaelis contra hernias ad gutt. 60 sæpius usurpata: Vel

℞. Ess. Symph.
Fl. hyper. ana ℥ij.
M. D. S.

Essentia consolidans: 50. usque 60. gutta.

In Chirurgia hanc potionem laudant:

℞. Olund. regal.
Herniar. ana Mj.
Rad. Consol. maj.
Bistort. ana ℥ss.
Fl. hyperic. Mj.
Sem. anisi ℥ij.

Coqu. in vino rubro:

Colat. ℥ss. adde

Syr. de Symp. Fernel. ℥ij.
M. f. Apozema.

Possunt interdum, si alvus non respondeat, propter motus defectum interponi blanda laxantia.

Externè una cum internis possunt adhiberi unguenta, cataplasmata, &c. Conveniet etiam oleum ovorum cum oleo lacertarum mistum: quorum posterius mirabiliter deprædicat ZVVELFFERUS Pharmacop. Reg. pag. 266. qui videatur; simul ac PRÆVOTIUS. De emplastro contra herniam vid. HOFFMANNUS Thesaur. pag. 68. & 69. item BARBETTE in Chirurg. pag. 33. & seqq., in super & PAULUS de SORBAIT in Univers. Medic. pag. 428. aliique. Vel

℞. Empl. de pelle ariet.

Contr. hern. usit. Myns. ana ℥ij.

Croci Martis adstring. ℥ij.

Malaxetur cum oleo ovor. & perfoliatæ:

D. S

Emplastrum contra herniam.

℞. Gum. Carann. p. ij.

Sem. Nasturt. pulveris. p. j.

Subigantur probe cum s. q. Terebinthinæ, induc. super alutam,

imponatur hernia & diutius continetur.

Vel quod Excell. Dn. PRÆSES in Colleg. Practico commendat;

℞. Pic. naval. liquef.

Empl. dia. sulphuris Rul. ana q. s.

Malax. cum ball. sulphuris,

Induc. super alutam, & imponatur.

His deficientibus:

℞. Gum. Ceras. nigr. q. s.

Subige cum ol. hyperic. & pulvere thur. & mastich. q. s.

F. Ceratum,

Quod calidè imponatur.

HARTMANNUS balsamum salis gemmæ in curandis herniis pro secreta habuit. Multum etiam in recessu videtur habere decoctum, quod ZVVELFFERUS in Pharmac. Reg. pag. 312. commendatum summè laudat.

Informa fomenti.

℞. Herb. Perfoliat.

Herniar.

Sanicul.

Pyrol.

Alchimill. ana M. j.

Summ. Rutæ maturesc. Mij.

Rad. Consol. major. ℥ss.

Incisa coqu. in s. q. vini, donec mollescant: hinc sæpius calidè imponatur, & ligamento firmetur.

Internè verò simul quotidie propinetur ℥j. seminis perfoliatæ pulverisatæ in lacte caprino, quod non inconueniens erit.

Alii pinguedine erinacei & ursi jubent inungere os sacrum, quod ad curam magneticam referunt.

Curam Chirurgicam sive sectionem, cum hic locum non habeat, operariis relinquo, & sic hunc casum finio.

DISCURSUS ET ANNOTATIONES

B. DNI. PRÆSIDIS.

HIC affectus complicatus est ex bubonocèle & passione hysterica, ita tamen, ut illa non sit hujus causa, sed potius hæc ab hernia inguinali exasperetur in prædispositis, qualis in se agra quoque nostra est. Quod bubonocèle simul adsit, est per accidens, utut hæc semper sub paroxysmo suo modo exasperetur; non autem ab hac agra ad hystericam passionem disponi potest. Adeoque

Causa proxima bubonocèles est ruptio peritonæi, concitata in hoc subjecto à nimio nisu partus secundi, ceu à cau-

causa remota; ubi tamen etiam, sicut in omnibus *herniosis*, tam palliative quam proprie curandis, simul attendendi sunt status, qui in hernia facta admodum exasperant symptomata.

De cætero ratione herniæ continentis notandum contra vulgarem sententiam: in herniis non solum *intestina*, sed & omentum, naturaliter posse ad inguen, imò in scrotum, descendere; siquidem nuperrime observavi in viro juvene duplicem herniam scrotalem: nempe in scroti sinistra parte erat conspicua hernia varicosa seu *Girsocele*; in dextra verò ejusdem scroti parte conspiciebatur *Epiplotele*, nam *pendebat ibi immixtura instar in scroto*, manifestum omenti indicium. Quod verò in cadaveribus vix ultra umbilicum descendat, est ejus corrugatio, situs ratio, & corporis agitatio; hinc putatur, illud circa inguina non protendi, cum tamen in vivis reverà ultra umbilicum, & ferè ad inguina usque, descendant: ut itaque *epiplotele inguinalis* & *scrotalis* non penitus sint neganda. In nostra ægra *intestina* reverà sunt prolapsa.

Iam verò porro quoad dolorem lancinantem, tumorem & duritiem, in paroxysmo hysterico circa locum herniosum observabilem: sanè illa phænomena non sunt à *scybalis induratis*, uti nec à flatibus, distendentibus *intestina* prolapsa; sed saltem ab horum spasmis & convulsionibus circa ista loca. Quod illustratur ex eo, quia infantibus, quibus imminet epilepsia, pariter abdomen indurescit, & habui hodie infantem, cui ex variolis Adstantibus prædixi sub hoc phænomeno epilepsiam; & factum est prælagium ratum. Videatur insuper duplex locus HELMONTII quorum prior est *Tractatus de Flatibus* § 38 & posterior *de Lithiasi* cap. 9 §. 132. & pag. 243 §. 20. ubi introducit puerum, simile fatum expertum, quale præsentì nostræ ægræ obtrigit.

Euporiston domesticum ex matricaria & absinthio confiatum, quod attinet, usum sanè hoc habet ratione passionis hysterice, quippe superveniente sudore cessabat paroxysmus, & cum hoc etiam symptomata bubonocæles. Et notandum omnino, quoscunque paroxysmos hystericos, qui ex esu dulcium exacerbantur, per amara (qualem saporem quoque dicta simplicia, v.g. absinthium, referunt) optimè curavi, vid. FORESTUS; ubi par ratio est: sic quædam mulieres tanacetum, aliæ gentianam, scilicet aliam nec non castoreum in usum vocant; hæc enim omnia, destruendo acidum peccans, paroxysmum levant. In passione hysterica ergo duo respicienda: nempe pathemata spasmodica, quæ per consensum membranarum rigores inducunt; & hinc acidum vitiosum: utrique scopo conducit oleorum destillatorum umbilico inunctio.

Uterius in affectus historia duo considerata veniunt: quorum primum est Hernia; secundum verò frigus externum, tanquam causa remota. Ratione herniæ notabile est, ægram nostram extra paroxysmum hystericum optimè se habere; in paroxysmo autem dolorem, tumorem duritiem, &c. herniæ affligere.

Ex quo colligo:

1. Symptomata talia hernias concomitantia, nempe tumorem, dolorem lancinantem, duritiem, &c. non oriri semper ex flatibus, nec ex *scybalis durioribus*; *intestina* enim saltem tenuia dant hernias, in quibus fæces adhuc sunt liquidiores, in cæco autem coloque demum solidiores evadunt. Fit quatenus mutatione situs, & occasione prolapsus *intestinarum*, *intestina* spasmo corripiuntur, quorum ratione etiam non raro iliaca passio herniis aliaque dicta symptomata superveniunt. Unde, quando in tali casu *intestina* ob sui renitentiam reponi nequeunt; non usurpemus simpliciter carminantia, sicut nec emollientia, sed talia, quæ *intestina* blandè solari possunt, ut à spasmo remittant, hoc est, nervina remedia: hinc juxta PANAROLLUM tenerri-me sunt tractanda *intestina*, ne irritentur, aliàs eò magis irritata maximos dolores patiuntur, & eò minus reponi possunt; hinc interdum nihil potest loco dolenti imponi. Et in hoc consistit fundamentum curandarum herniarum, quæ quò magis tractantur, eò magis renituntur & turgent.
2. Colligo hinc: in hysterica passione reverà spasmos & motus convulsivos *intestinarum* obvios esse: verb. gratia in nostra ægra non induratur locus, nisi passio hysterica superveniat. Ergò potius hernia exasperatur à passione hysterica, quàm quod

Estmulleri Oper. Tom. I.

passio hysterica debeat excitari propter herniam.

3. Infero inde: tormina *intestinarum* quæcunque formaliter consistere in tali motu eorum convulsivo; non tamen sunt dolorosa, nisi irritentur *intestina*, & hinc spasmus eadem corripit, licet occasionaliter pro varietate causæ peccantis variam originem agnoscat, nunc nempe acidum ponticum, nunc flatuum impetum, nunc *scybala indurata* nunc pituitam vitream.

4. Concludo: pathemata hysterica non posse tutius & melius curari, quàm per sudorem, unde & semper remediis antihysterice combinanda sunt sudorifera, ut post ea superveniat sudor, & quidem in declinatione paroxysmi; sic enim tutius curatur, & recidiva præcavetur: uti in ejus incremento optimum est, ut alvum servemus liberam, quæ si non fuerit talis, nunquam in vigore paroxysmi eandem referare poterimus, propter motum convulsivum *intestinarum*.

Ratione autem frigoris notandum: quòd cum ægra nostra linum carminando se aeri frigido exposuerit, & hujus causæ externæ occasione paroxysmum excitavit, nil æquè magis adversetur *herniosis*, quàm quidem frigus externum. Nam *intestina*, quia sunt nervea, à frigore passio mox convelluntur; aded ut hernia inveterata faciliè ad iliacam passionem disponi possit: Vid. WELSCHIUS *Hæcat.* 3. p. 6. quo loco bina exempla similis tragediæ recenset: Sic quoque anni lex sunt, ex quo veteranus juris consultus, multis annis *herniosus*, mortem incurrit, die Festivitatis Natalitiorum tertia frigoris insolitum perpeffus insultum, sicque exacerbata hernia ileon expertus, secundo die mortem incurrit, quia *intestina* irritata convellebantur, & convulsa indurabantur.

PROGNOSIS.

Quoad Prognosin: singultus, vomitus, alvus pertinaciter clausa; &c. ileum imminere ostendunt, nisi radicitus curetur passio hysterica, ne superveniat mox paroxysmus: imò periculum nascitur, ne sub nimio vomendi conatu insigniori, hernia augeatur, & ulterius peritonæi læsio procedat; hinc non propinanda *herniosis vomitoria*, cum iis sint periculosa.

CURA.

Quoad Curam: In hac non tam Hernia est respicienda, quàm hysterica passio, quia bubonocoele est consequens passionis hysterice; hinc duo tempora considerentur, eaque nunc in paroxysmo, nunc extra eundem.

In paroxysmo

1. Ante omnia curandi & auferendi sunt spasmi *intestinarum*; ita enim hinc orta omnia reliqua symptomata in loco hernioso, circa stomachum spontè cessabunt, nisi enim spasmos remitti facies, frustra laborabis: id quod fit optimè (1) per absinthium & matricariam, & similia antihysterica & aromatica; sicut & posthinc (2) per blanda opiata dolorem sistunt; denique (3) per externa, loca herniosa dolentia blandè foventia.
2. His præmissis, alvus laxetur & blandè evacuetur, vel clymate & leni purgante, & quidem in declinatione, ubi tensio, durities & spasmus *intestinarum* remiserit, aut etiam in principio, minus in incremento. Aliàs omnia evacuantia & clymata, repositio *intestinarum*, &c. erunt frustranea propter spasmum *intestinarum*. Vomitus & singultus propter *intestinarum* convulsionem non possunt sisti.

Primariò ergò spasmus *intestinarum* sistatur, sic omnia symptomata cessabunt, & postmodum possumus evacuare alvum.

Extra paroxysmum verò

1. *Cacochymia hysterica acida appropriatis & diaphoreticis* est corrigenda.
2. Hernia reponenda.
3. Loca herniosa firmanda, & si possibile, consolidanda.
4. Alvus teneatur semper aperta.

Ergò in paroxysmi principio pro fovendis dolorosis locis conveniet Fomentum humidum, Decoctum nempe

Bbb 2 quod-

quoddam paregoricum, aut lac, in quo species aromaticæ, v. g. chamomilla, &c. coctæ sint, cui intincta spongia vel lintamina multiplicata, insternantur; species verò ipsæ faculo inclusæ non æquæ, ob asperitatem sui, convenient, quia dolorem possunt exasperare; uui & ipsa cataplasmata non convenienter apponuntur locis herniosis, & ideo suspecta nobis videntur, quod facile refrigerantur, adeoque cutis attractu frigoris, constringentis ejus poros, anserina evadat, sicque illa malum deteriorando plus noceant, unde cautè usurpentur: de quo cataplasmatum usu & abusu vid.

FELIX WURZIUS in *Chirurg.* Vel pro eodem scopo intingatur bombax oleis aromaticis tepidis, hincque loca dolentia eadem perungantur. Vel denique applicetur umbilici regioni pro sistendis spasmodis hystericiis galbanetum **Paracelli**, aut emplastrum de galbano, quæ proficua satis.

Extra paroxysmum pro repositionis herniæ scopo, convenire videri posset secretum illud emplastrum magneticum **FRID. HOFFMANNI** in *Metb. Med.* qui illud in scrotali hernia proficuum observavit: sed locum habet saltem in nuda intestinorum in scrotum procidentia. Interim tamen hic observandum, quod una hirundo non faciat ver. In nostro autem casu intestina facili negotio, modò foveantur antea, retrahuntur; hinc tantum auxilium minus hic necessarium esse concludo.

Pro consolidatione demum, præter alia à *Dn. Resolvente* commendatur esus raparum flaccidarum ad septimanas sex continuatus: circa quod euporiston duo consideremus, nempe

1. Rapas ipsas, quæ quatenus temperatæ, egregiè herniosis convenire videntur,
2. Quietem, & huic primas deferimus, imò *Panaceam Herniosorum* eandem salutamus: Vid. **HIL. DANUS** *Centur. 5, obs. 54.*

Adeo ergo in vulnerariorum usu continuatio eorumdem injungenda, in quorum numero præ hederæ arborea, locus terrestris quoque concedendus est. Insuper in curatione herniosorum, rectè semper semen anisi, & similia carminantia, status respiciendo, in usum vocantur: sicut & ipsa vulneraria optimo consilio in vino decoquenda jubentur; quippe hac ratione ex alcali eorum occulto, cum hujus acido concurrente, emergit tertium salum, non secus ac ex lapillis cancrorum cum assumptis, quodque magis proficuum esse solet.

De cætero, vulgò emplastris contra herniam usitatis, admiscetur crocus Martis adstringens, ubi tamen, nisi ulcera adfuerint, aut vulnera aperta, frustra in auxilium vocatur; quippe crocus Martis ab humiditatibus saturari capit, quas tamen, cum ex locis clausis petere nequeat, nec vis ejusdem introrsum penetret, quæritur, cui usui addatur? *Pinguetudine ursina*, & *erinacei* regio lumborum, ubi connectitur mesenterium, est injungenda: Curavi quendam herniosum bubonocèle correptum internè emplastro ex gummi caranna cum debito subligaculo.

Tandem respectu potius habito ad Passionem hysterica, quomodo hæc ægra à me curata sit, narrabo: Scilicet ubi tres dies in dicto statu persistisset, & me vocandum curasset, die tertia à meridie externè præscripsi clysmata carminans cum sale tartari & oleo destillato succini, pro scopo emolliendi stimulantique alvum; internè simul ordinando hanc formulam:

℞. Salis Card. bened.

Lapill. Cancr. præp. an ℥j.

Laud. hysser. gr. vi.

M. f. Pulvis:

Divid. in 2. part. æqu.

Cepit unam dosin vesperi, alteram circa mediam noctem; sicque ab usu horum pulverum aliquantisper dolores fuere sedati. Clysmata autem eodem modo, quo injectum erat, post semihorium rejiciebat, & sine efficacia.

Sed quid porro fit? post mediam noctem, cessante laudani hysterici vi, omnia symptomata recrudescerebant: unde ordinavi clysmata domestica ex lacte, cum pauco lixivii communis, itemque simul pariter, externè regioni umbilicali applicandum ægræ jussi emplastrum ex galbano, malaxatum cum s. q. olei destillati succini, & internè præscripsi:

℞. Liq. Cornu Cervi succin.

Essen. Castor. an ℥ij.

Misc.

Dosis 40. gutt. bis vel ter pro lubitu.

Factis hisce, clysmata denuò rejiciebatur, & frustranea erant omnia, ægra erat debilior, & sacerdos vocabatur. In his ergo angustiis die quarto vesperi præscripsi hos pulveres:

℞. Cinn. antimonij ℥ss.

Laud. hysser. ℥ss.

Ol. dest. anis. gutt. iii.

Cum s. q. ess. cort. aur. f. Pilulæ:

pro duabus dosibus in paroxysmo.

Harum unam illa vespera cepit, alteram post mediam noctem.

Mane sequenti benè se habens, de nihilo conquerebatur, nisi quod alvus clausa sit & sitiat, unde, ut cum pauco butyro imprægnatam cerevisiam ægra calidè, (ne dolores exacerbentur) bibat, & emollientia sint in usu, sedulo suasi; frigida enim si bibisset, mox dolores reverissent, stimulantia etiam frustranea fuissent, imò nociva. Sed hora quarta pomeridiana omnia recrudere, ita ut status affligerent loca herniosa, quæ instar lapidum indurescebant, atque dolebant, vomitus ac singultus, & summam illiacam passio, imminere videretur; unde ad leniendum spasmum intestinorum, sudorem provocandum, dolorem sistendum, alvumque referendam præscripsi seqq.

℞. Extr. Castor.

Gent. an. ℥ss.

Laud. hysser. ℥ss.

Aurif. min. (quod in colica convulsiva & alvi clausa, ubi faeces induratae sunt cum torminibus, egregium est) gr. vi.

Cum s. q. ol. dest. anis f. Pilulæ pro duabus dosibus:

Quarum unam vesperi sumpsit, & alteram dosim post mediam noctem, sed frustra.

Unde scrofa, custos ægræ, miserabilem hujus statum aspiciens, post mediam noctem hoc consilium domesticum cepit: scilicet recepit aliquot poma Borsdorffiana putrida; quæ conquassata cum pauxillo croci miscuit in cataplasmatibus formam, hocque calidè regioni umbilicali & loco hernioso applicavit; totum interim abdomen, uti & lumbos, hircina pinguedine largitè inungendo, & suppositorium simplex melle confectum applicando; unde factum, ut referata sic alvo, sana patiens hactenus evaserit. Adeo non rarò gloriosus & strenuus miles ab inermi pumilione ludibrio exponitur, quod dolendum!

Alias poma Borsdorffiana assa, cum pauco croco & pinguedine hircina inuncta in adstricta alvo sunt optima.

Sic superiori anno similis fere casus occurrit.

Offerebatur mihi per 11. vel 12. annos natus, curandus, qui duorum annorum infans, bubonocèle ex clamore nimio causata laboraverat; sed postmodum fuerat perfecte curatus: tunc verò temporis, cum vocarer, de atrocissimis doloribus lancinantibus, in hypogastrica regione obviis, conquerebatur, illque tantis, ut erectus incedere nequireret, affligente simul vomitu, & in principio dolorum bis terque alvo soluta: hinc contrectando patientis abdomen dolens, omnia maxime dura deprehendi, uti supra umbilicum mollia omnia & bona, adeoque indicium spasmodum & contracturarum intestinorum, infra umbilicum affligentium, suboriebatur. Et in hoc quidem suspicio confirmabatur, quia etiam ipse testiculus dexter à spasmu musculi cremasteris intra abdomen fere retractus apparebat; imò in cremastere duritiem pariter observabam, qualia phaenomena etiam in gravioribus nephriticis doloribus non rara sunt: unde propter suspicionem herniæ ordinavi externè clysmata anodyna carminativa leniens dolores, internè autem mixturam consuetam vulnerariam hancce:

℞. Aquæ Cherefol. ℥iii.

Acet. vin. ℥vi.

Lapill. cancr. præp. ℥i.

Laud. opiat. gr. iij.

Syr. card. bened. ℥iii.

Misc. pro Potione.

Capiebat cochleatim pro lubitu.

Imò cum hac simul externè:

℞. Unguent. dialth. ℥iii.

Ol. anethi,

Hyperici an. ℥ss.

Ol. destill.

*Ol. deſtill. anif. ʒi ad ʒʒ.**Cumini ʒi.**M. f. Linimentum.*

Hæc miſta calidè, mediante bombace intinſto, blandè inungebantur loco tumefcenti & dolenti leniſſimè, aliàs dolebat, imponendo deſuper linteum multiplicatum tepidum, (nimius enim calor nocet;) ex hoc optimè habuit, & continuato uſu omnia ſymptomata remiſerunt.

Post hinc juſculo decoctionis prunorum, alvum ſervavi apertam; uti ultimò, pro præſervatione herniæ, ordinavi ſequens emplaſtrum:

*24. Empl. contr. ruptur.**De tacamahac. an. q. ſ.*

Malax. cum ol. deſt. terebint. vel ſuccini & ſorum hyperici, ut fiat emplaſtrum ſuper alutam inducendum, & cum ligatura applicandum.

Et ita felix eventus contigit.

ALIA RESOLUTIO

D. N. JOH. ACOLUTHI,

VRATISLAVIENSIS,

B. Dn. PRESIDE,

Correcta.

Anno 1776.

Dum atrocium ſymptomatum horum varietatem, urgentiſque mali expendo ſævitiam, complicatum illud ex ſe, omnes circumſtantiæ edocent. Monſtrant tumores in inguine Herniam, ſymptomata cætera Colicam convulſivam, in mulieribus paſſionem hyſtericam dictam, oſtendunt. Utrobique inteſtina patiuntur, in hernia in ſpecie tenuia (cùm craſſa firmius lumbis hypochondriſque annexa, nonniſi cum membranarum aſſigentium ruptura loco mobilia ſunt, quod niſi ſumma vi fieri nequit) inſimulque peritonæum, quod quacunq; ex cauſa laxatum inteſtina, quæ tanquam in burſa antea continebat, tranſmittit, illum occupantia locum, quo in viris proceſſus peritonæi deſcendunt, quos cùm natura muliebri ſexui, utpote inutiles, denegaverit, prolapſa inteſtina penes os pubis ſubſiſtunt, dictos tumores conſtituentia. In paſſione hyſterica tam tenuia, quàm craſſa inteſtina, idem manere fatum videtur, dum tunica illorum nervea inſigni moleſtia afficitur. Primariò tamen hic affligi tenuia, inde liquet; tùm, quod dolores, ægram torquentes, in loco tumorum ſint, & ultra umbilicum non aſcendant, quæ hypogaſtrica regio prolapſis tenuibus jam domeſtica eſt; tùm quod paroxyſmi tempore ſæpius repetitæ ſuccedant alvi dejectiones, quas inde provenire arbitror, quod fæces in inteſtinis tenuibus contentæ horum contracturis cedant, liberamque per craſſa inteſtina, non convulſa, viam offendentes, facilè excernantur; quod tamen ultimus denegavit paroxyſmus, dum craſſa quoque vehementius in conſenſum traheret, omnibuſque faciſbus tranſitum interciperet.

Cauſa efficiens formalis eſt Spiritus impetum faciens, occasione acidi auſteri, inteſtina vellicantis, commotus, ſpasmus illos inferens.

Cauſa remotior eſt partim motus corporis, partim tranſpirationis inſenſilis impedita; quibus accedunt frigidi ambientis aeris injuriæ, nihil æque ac frigore & acido nervis inimico exiſtente. Ex utroque fonte miſeram ægræ noſtræ promanare conditionem, multa manifeſtant: nempe, quod ad ſuaviter olentium odorem paroxyſmo corripiatur, ubi neceſſariò fermentum aliquod cujuſcunq; ſaporis, fortè inteſtinorum intra glandulas deliteſcens, præſupponendum, quod ab effluviis odoriferis inſpiratis ſuſcitatum, triſtes exerat operationes. Porro, feliciter adhibitus aliquoties ab ægra matricariæ & abſinthii uſus, illud exhibent, vi aromatica fermentum corrigendo, paroxyſmos tollentium. De frigoris nocendi ſacultate ultimus teſtatur paroxyſmus, ſoli frigoris tanquam Autori adſcribendus. Hyſtericæ igitur

Etmuller, Oper. Tom. I.

tur paſſionis faciliſſimè patet præſentia, ſi immanes, & exquisitiſſimos excutiamus dolores, qui leviffima data ocaſione ægramprehendunt. Hi certè ſpasmis inteſtinorum debentur, quorum fibræ nerveæ, ſive ab interno fermento acido irritatæ, ſive à frigore læſæ, ſeſe criſpant, quæ contractura quantiò fortior, tanto duriores ſæpiùs dicti inguinales redduntur tumores. Sequuntur abdominis borborygmi, à fæcibus in inteſtinis hoſpitantibus, qui, dum ſub convulſione & contractura in anguſtias rediguntur, ſylveſtre eorum gas exitum quærente, neceſſariò in condito ſono domicilia ſua replent. Adeſt & pertinaciſſima alvi obſtruſtio, cùm convulſa inteſtina ante remiſſionem ſpaſini nil quicquam promoveant de contentis. Quæ autem nervorum per univerſum corporis ſyſtema invicem communicantium natura eſt, ut una in parte irritati vehementius, moleſtum ſenſum univerſo corpori admetiantur, ſicubi nerveæ inteſtinorum tunice doloroſi quid accidit, concitatus inde continuatur fibrillarum nervearum ſpasmus, itaut totius corporis ſubſequatur horripilatio; quæ tamen poſitivum frigus non eſt. Frigore enim nos affligi, ubi talia patimur, nobis perſuademus, cùm fibrillæ nerveæ materiæ cutaneæ intertextæ, eodem modo ſe criſpent, quo ſolent, cùm frigidiore aere tanguntur, æquali hiſ & illis ſenſu nobis illudentes. Par ratio atque febrrium eſt, in quibus obvium frigoris ſenſum aliunde petere non licet, quàm ex remiſſis nervorum ſpasmis, qui cùm circa præcordia primitus concitati ſunt, ad exteriora uſque membra protenduntur. Hæc autem dum exterioribus corporis partibus contingunt, intra corpus quoque certorum ſpasmorum percipitur progreſſus, cùm aſcendentis vaporis ſub imagine ſuperiora verſus ad contendunt, perque nervum pariſ vagi ad ventriculum delati graves vomitus & ruſtus, & hujus conſenſu diaphragmate affecto frequenter generant ſingultus; quæ crebriora utraque, ſi quid ventriculo ingeſtum fuerit, irritatione ejus ſic magis aucta. Impeditur hic ad ſuperiora aſcenſus ligatura forti, ab ægra adhiberi ſolita, dum eadem aut comprimuntur nonnihil nervi, ſicque ſpasmoticus illorum aliquantum ſiſtitur motus, aut dum à compreſſione illa fortior ad ipſos redundat ſenſus (qui tamen cùm obtuſus ſit, ſpasmociendo vel augendo ineptus eſt) quàm iſ fuit, quem ab inferioribus partibus accipere tranſmiſſum, cui magis attendentes à convulſione ceſſant.

Quoad *bubonocelen*: certiores de ea eſſe nos jubent univerſalia Herniarum indicia, dum ſcilicet tumores inguinis, ubi ſupinum corpus extenditur, evaneſcunt, eo corporis ſitu retractis ad ſuperiora inteſtinis, tuſſiente ægra magis protuberant, dum diaphragma tuſſi commotum, & ex concavo planius factum, viſcera ſubjacentia omnia cum impetu deprimit, & ad inferiora depellit. Graviditatis item tempus omnem tumorem hunc occultat; utero nempe in dies ampliato, foetuque ſuccreſcente, ſuperimpoſita utero omniò attolluntur abdominis contenta, hacque ratione, peregrinis quoque ſedibus ſuis tranſlocata inteſtina attolluntur, reditura protinus, ubi uterus mole ſua ſe libera-verit.

Unde autem Patiens noſtra mala hæc contraxerit, etiam ſi certò definire non liceat; quoad herniam tamen ſuſpicor, eam illi ex partu remanſiſſe, dum ſub fortiore expreſſionis niſu laxatio & ruptura peritonæi faciliſſimè contingere po-teſt. Ultimum verò paſſionis hyſtericæ, eumque vehementiſſimum paroxyſmum, hyemali ſanè frigori debet, quod prædiſpoſitis ad id mali genus recipiendum, partes affligendo graviſſimos cruciatus induxit, promovente malum bubonocèle; cum hac ratione inteſtina, aeri externo propiora, promptius quoque ejusdem injurias experiantur.

P R O G N O S I S.

Sunt verò hæc pathemata doloroſa æque ac periculofa, cùm ſuccedente malo, & iliaca paſſio & epilepticæ convulſiones, ahaque graviſſima nervorum affectorum Symptomata, immineant, quæ, ut antevertat Patiens noſtra, rectè à Medico conſilium petit.

C U R A.

Conſiſtit hujus opera in Cura, quæ ad utrumque morbum advertere jubet, ad herniam pariter atque paſſionem

Bbb 3 hy-

hystericam. Hujus verò, cum exquisitissime urgeant Symptomata, necessario Cura præmittitur, ubi duplex respiciendum tempus, partim in, partim extra paroxysmum.

In Paroxysmo

1. Causa irritans vel removenda, vel corrigenda; sicque.
 2. Sensus intestinorum dolorosus, & spasmodicæ convulsiones sistendæ.
- Utroque præstant salia volatilia oleosa, opiatæ mixta: v. gr.

24. Spiritus Sal. ammoniaci succin. ʒij.
Eff. opii ʒj.

M. S.

Essentia anodyna 40. guttæ pro dosi.

Vel

24. Ligu. Cornu Cervi succin. ʒij.

Eff. Castor. ʒj.

Opii ʒss.

M. S.

Tinctura anodyna 40. 50. guttæ.

Expectando sudorem. Vel

24. Aquæ flor. Chamom. ʒij.

Menthæ ʒj.

Maxill. luci pisc. ʒj.

Sal. vol. Cornu Cervi gr. xv.

Eff. opii ʒss.

Syr. fœnic. ʒij.

M. D. S.

Potio præcipitans & anodyna.

Capiatur subinde cochleatim, expectando sudorem. Externe. præter Fomenta calida aut lateres calefactos impositos abdomini, optime conducunt olea aromatica abdomini illita; v. gr.

24. Ol. dest. bacc. Junip. ʒij.

Flor. Chamom. ʒss.

Macis,

Caryoph.

Angel. ana ʒss.

M. f. Linimentum.

Illinantur abdomini, latere calefacto superimposito.

Aut talis fiat Balsamus:

24. Bals. Peruv. ʒss.

Ol. dest. Carvi,

Cumini,

Succini an. ʒj.

Expr. Nuciss. q. f.

M. f. Balsamus,

abdominis illinendus.

Remittentibus plus minus urgentibus symptomatis, opus est, ut

1. Alvus obstinata liberetur; atque extra paroxysmum

2. Recidiva præcaveatur:

Pro scopo priori obtinendo Clysmata suam conferent operam, quæ carminantia, lubricantia & abstergentia cum anodynis, constituent; v. gr.

24. Herb. Chamomill.

Menthæ ana M. j.

Rad. angel.

Zedoar. ana ʒss.

Sem. Carvi,

Cumini ana ʒij.

Incisa & contusa coqu. in aquæ & urinæ human. q. f.

Colat. ʒix. adde

Elect. de bacc. lauri ʒj.

Ol. de Castor. ʒss.

M. pro Clysmate.

Suppositoriis hic quoque locus datur.

Potest & abdomini interni cataplasma ex pomis Borsdoffianis putridis, addito pauco croco, paratum, mirabile in pertinacissimis quoque alvi obstructionibus. Interne quoque poma Borsdoffiana rasa assumpta pro solvenda alvo extolluntur.

Recidiva præcavetur.

1. Corrigendo fermentum in morbosum, turbas has excans.

2. Vitando frigus.

3. Quod alter ægræ nostræ primarius morbus est, Herniam curando.

Quoad primum: salia volatilia oleosa supra laudata,

vel etiam macra volatilia, sunt optima, quibus & fixa cum absorbentibus annecti possunt; v. g.

24. Dent. hippopot. præp.

Lapill. Cancr. præp.

Salis absinth. ana ʒj.

M. f. Pulvis pro tribus dosibus.

D. S.

Pulvis alterans.

Vel

24. Tinctura Tartari acerr. ʒij.

Compos. ʒij.

M. pro 6. dosibus.

A frigore partes facile per hypocausta calida, & vestimenta præservantur.

Herniæ cura hoc modo instituenda:

1. Reponenda sunt intestina.

2. Peritonæum conglutinandum.

Prius fit per supinam corporis situationem, natibus & cruribus nonnihil elevatis. Hinc à dorso applicetur Emplastrum magneticum ad hernias Hoffmanni, vi quasi tractoria intestina ad loca sua revocans.

Posterius per medicamenta, tam interne assumpta, quam externe applicata, est obtinendum.

Interne potiones & decocta vulneraria multum valent; v. g.

24. Herb. Herniar.

Mille fol.

Heder. terr. an. M. j.

Rad. symph. mai.

Sigill. Salom.

Bistort. ana ʒj.

Incis. & contus. macerentur per diem in aqua comm., postmodum coquantur:

Colat. ʒijss. adde

Syr. de succ. bed. terr.

Myrtin. an. ʒij.

M. D. S.

Potio consolidans.

Ter de die sumatur, mane calide, à meridie, & sub introitu lecti.

Aut si à potionibus ægra abhorreat, à FORESTO, FONSECA aliisque tantopere commendatum Nasturtii semen ad ʒj. bis quotidie in vino rubro propinetur.

Externe applicetur semen nasturtii sub forma cataplasmatum cum albumine ovi.

Vel

24. Empl. de pelle ariet. ʒij.

Picis naval. ʒx.

Terebint. ʒij.

Mixta malax. cum ol. lacertarum.

Vel

24. Empl. de pelle ariet.

Picis naval.

Empl. dia. sulph. Ryl. ana ʒj.

Malax. cum f. q. ol. ovor. vel bals. sulphuris,

& applicetur calidissime, loco prius largiter cum oleo lacertarum calide illito: Firmetur aliquo subligaculo.

Cunctis his Deus benedicat!

ANNOTATA SPECIALIA

DNI. PRÆSIDIS.

Considerandum:

I. **Æ**gram optime habere extra paroxysmum hystericum, unde sequitur

1. Herniarum tumores, & dolores & durities, & inde reponendi difficultates, rarius à contentis, potius ab ipsis intestinis irritatis seu spasmo correptis, & inde induratis & dolentibus, dependere.
2. Reverà in hystericis spasmos intestinales concurrere, quod clare patet in casu.
3. Quod tormina intestinorum formaliter ab eorum spasmis & convulsivis contracturis dependeant, utut occasionaliter à variis causis materialibus induci possint.
4. Parhemata & Paroxysmos hystericos nec citius dissolvi, quam si post appropriata sequatur sudor, nempe in decinatione; sicut in

in eorum incremento & statu nil melius alvi solutione.

II. Herniosis nil æquè adversari ac frigus, qualiscunque fuerit hernia, quæ exinde facillè lethales reddi possunt, quatenus facillè iliaca passio seu volvulus supervenit.

R E S O L U T I O III.

Incerti Autoris,

à

B. DN. P R Æ S I D E

correcta

Anno 1682.

Ex communicatione

B. DN. D. G R O E L L M A N N I,

Physici Torgaviensis.

A F F E C T U S.

Affectus, quò ægra nostra laborat complicatus est ex Hernia inguinali, & Passione hysterica, ita tamen, ut nulla inter hos sit dependentia, sed illa tantum ab hac exacerbetur.

P A R S A F F E C T A.

Pars affecta ratione hernie est partim peritoneum circa inguina, sive ruptum sive laxatum, & quidem eo circiter fortassis loci, ubi ligamenta uteri teretia extra abdomen progrediuntur; partim intestina tenuia, in specie ileum, (quod umbilicalem potissimum regionem occupat) quatenus hoc præternaturalem occupat locum, & sic morbo in situ laborare dicendum est.

Ratione passionis hystericae Pars affecta determinatu difficilior est; videntur tamen plexus mesenterii nervei hic accusandi, quæmadmodum id etiam tumultus in abdomine præcedens, & sensus adscendentis quasi cujusdam rei persuadent.

C A U S A.

Causa Hernie proxima & continens, est mutatus intestinum situs, seu prolapsus in inguina; *occasionalis* est ruptio seu laxatio peritonæi. *Passionis vero hystericae efficiens proxima* est turbatus Spirituum animalium & impetuosis in plexibus mesenterii nerveis motus; *occasionalis seu materialis*, acidum sui generis, plexus hos mesenterii ejusque membranas vellicans. *Remota* quoque ad herniam, ratione quidem primæ originis, partus fortè fuit difficilior, graviditas non infrequenter ad hernias inguinales disponens, partim propter magnam peritonæi tempore gravidationis factam laxationem, partim laboriosam in ipso partus negotio respirationem: ratione exacerbationis ejusdem, refrigeratio corporis nimia hic accusanda venit, quæ ipsa quoque passio, nis hystericae causa remota & procatartica est, quatenus non inimicissimum solum est frigus externum nervoso generi, sed acidi quoque in nostro corpore auget proventum, atque vehiculum huius plus minus inspissans coagulansque, & colicis & passionibus hystericeis, atque aliis convulsivis abdominis malis, facillè occasionem suppeditat.

SYMPTOMATUM CUM CAUSIS
CONNEXIO.

Ad symptomata quod attinet: refrigeratio totius corporis gravis à spasmò membranarum mesenterii & abdominis deducenda venit, quatenus his ab acido vellicatis, reliquæ corporis membranæ, atque sic quoque panniculus carnosus, in consensum trahuntur, simulque convelluntur. Tumultus in abdomine à flatibus est, sive præexistentibus jam in intestinum cavitatè, atque occasione accele-

Etmuller. Oper. Tom. I.

rati horum motus peristaltici hinc inde commotis, sive sub convulsiva intestinum inflammatione genitis. Ad præcordia sursum quod adscendere videtur, nihil aliud est, quàm spasmodica plexuum mesenterii nervorum versus ventriculi orificium sinistrum crispatura; unde ab injecta hypochondriis ligatura ascensus hic quoque facillè sistitur, quatenus sic, velut vinculo injecto, spasmus funiculorum nervorum retrogradus inhibetur. Vomitus quod simul infestent, in causa est, quòd in graviore malo fasciculus ille nervorum, ex plexu mesenterii lienari ad ventriculum protensorum, in consensum simul trahatur: repetitæ autem alvinæ dejectiones ex copiosiori succorum pancreatici & fellei, plus minus præternaturaliter se habentium, in intestina sub statum horum spasmodico effusione, originem ducunt, quæ mutua sui & cum aliis miscela eam acquirunt texturam, ut liquoris instar cujusdam acrioris intestinis & stimulantis & abstergendis interserviant. Tumorem durities summa, & intolerabilis lancinans cruciatus non aliunde est, nisi à summa intestinum spasmodica inflatione, quatenus fibræ horum irritatæ à copiosiori spirituum influxu ita instantur, ut tensæ fiant, & quàm maxime ab elasticitatis suæ quasi centro abscedant. Jungitur his alvi pertinax clausura, eidem intestinum spasmò originem suam debens, dum & crassa intestina, ob irritationem in tenuibus vehementiorem factam, per consensum continuitatis in mali communionem trahunt, atque sic intestinum rectum in specie strictura sui sphincteris spasmodica, alvum pertinacius claudit. Quin singultus ad quælibet assumpta crebrior, de eadem vehementiore intestinum irritatione testatur, utpote quæ ventriculum, & in specie orificium huius sinistrum, in consensum trahens, connexum huic diaphragma simul afficit.

P R O G N O S I S.

Ex his constare poterit, non carere omnino periculo statum hunc ægræ nostræ, atque ut aliàs non infrequens herniarum comes est Ileus, ita hic eo magis erit metuentus, quòd & singultus ægra, & alvus pertinacius sit clausa.

C U R A T I O.

Curatio ergò in ipso paroxysmo instituenda; eò saltem dirigetur, ut irritatio intestinum atque plexuum mesenterii nervorum tollatur, tam opiatum atque anodynus blandis, externis & internis, quàm appropriatis specificis antihystericeis, acidi specifici peccantis corruptelam, & temperatam imprimis respicientibus. Et quidem cum dolor potissimum tumoris intolerabilis urgeat:

℞. Ol. lil. alb. ℥iij.

Dest. Chamom. Rom.

Anisi,

Carvi ana. ℥i.

M. f. Linimentum.

Quo tumor dolens calidè inungatur: Tunc spongia, sequenti fotu intincta, foveatur;

℞. Fl. Chamom. Rom. M.ij.

Sem. anisi

Fœnic. ana. ℥iij.

Coqu. f. q. Lactis pro Fotu.

Pro alvo referanda clyisma terebinthinatum cum lacte iniici poterit: Vel

℞. Fl. Verbasci,

Chamom. ana. M.ij.

Sem. anisi,

Fœnic. ana. ℥ii.

Cap. Papav. Num. v.

Coq. in f. q. Lactis:

Colat. ℥viij. adde

Terebinth. cum vitell. ovi sol. ℥ii.

Ol. destil. succin.

Cort. aur. ana. ℥i.

M. f. Clyisma.

Interne, præmissa repetita alvi lenitione, per blandum passulatum, vel infusum sennatum de sequenti mistura per intervalla cochlear unum atque alterum sumere poterit, disponendo se ad blandum madorem:

℞. Aquæ Matricar.

Mentha ana. ℥iij.

Bbb 4

Aqua

Aqu. Zedoar. cum Vino 3vj.
 Ess. Castor. 3ii.
 Spiritus salis ammoniaci succin. 3j.
 Bezoard. Fovial. ʒij.
 Antimonii diaphor. ʒj.
 Ess. opii 3ss.
 Syr. corr. aurant. 3vj.
 M. f. Potio.
 D. S.

Potiuscula anodyna & hysterica pro aliquot vicibus.

ʒ. Aqua Matricar. 3ss.
 Mentha 3i.
 Zedoar. cum vino 3ss.

Ess. Castor. 3ss.
 Spiritus salis ammoniaci succin. 3j.
 Ess. opii 3ss.
 Syr. corr. aur. 3vj.
 M. f. Potio.
 D. f. ut ante.

His, ubi sedatus fuerit paroxysmus, extra hunc pro Hysterica curatione interne:

ʒ. Rad. tormentill. 3j.
 Herb. alchimill.
 Herniar. ana. M. j.
 Sem. nasturtii unc. ʒ.

Coqu. in f. q. Vini?
 Colat. ʒ. unc. viij.

D. S.

Potio consolidans pro aliquot vicibus.

De quo manet una cum lapillis cancerorum preparatis per aliquot dies bonum haustum assumere poterit.

Externe locus affectus balsamo sulphuris illinatur, hinc imponatur sequens emplastrum:

ʒ. Empl. dia. sulphuris Rul. 3ii.
 Sem. Nasturt. pulv. 3vi.

Malax. cum f. q. ol. expr. sem. hyperici,
 f. Emplastra duo:

Quæ loco affecto imposita, & subligaculo firmata, aliquandiu gesseruntur.

Quoad passionem hysterica; ad præcavendam hujus recidivam Martialis conducunt; utut simul vesperi spiritus salis ammoniaci succinatus, vel alia volatilia ad guttas 30. continuari possint, in vehiculo aquæ cujuscunque uterique. Dabit interim operam, ut alvus semper sit aperta, fugietque omnia, quæ adstrictionem aliquam post se relinquunt; ab ira & frigoris externi admissione sedulo quoque sibi cavebit.

C A S U S XVIII.

C A T A R R H U S S U F F O - C A T I V U S.

Puer ingenuus novem vel decem annorum, macilentus corpore, facie tamen plena, florida, paulo tamen pallidior, ornatus, solet subinde subito nocturno tempore, alto oppressus somno, in difficillimam respirationem incurrere, ita quidem, ut cum stertore & sonitu (adstantes dicunt, fistulat,) spiritum ducendo: expergescitur omni momento suffocandus videatur, facie sub istis angustiis intumescens, & ex rubro cærulescente (prunæ coloris instar cæralorum) cum extremorum refrigeratione. Accedit tussis crebra, sed difficillima & inanis, cujus impetu nil, præterquam tenuis aqua, eaque non copiosa, excernitur; sic pædetentim remittit paroxysmus, superstitè febre aliquot dierum lenta; ipse vero ager facie subhumida raucus remanet, & continuo tussit. Tandem elapsis duobus vel tribus diebus copiosam materiam viscidam reicit: quo facto totius morbi absolutus est cursus. Rediit idem paroxysmus crebrius, ut plurimum omni menstruo spatio semel, idque autumnali & hyberno præsertim tempore. Interrogatus, quid patiat sub paroxysmo? de respirationis difficultate, & in larynge titillatione conqueritur. Præcedit interdum dolor capitis, colli, aut partium vicinarum, ipse ager etiam subinde dolori & tumori tonsillarum est obnoxius. Occasionem paroxysmo redeuntis suggerit nunc aura frigide susceptio, nunc prægressa corporis motu & exercitio, aliqualis extremorum refrigeratio.

RESOLUTIO

D N I A N D R E

BUCHSBAUMS,

M E R S E B U R G E N S I S,

Hoc tempore

M E D I C I N E D O C T O R I S,

Præctici Merseburgensis,

Cum speciali Discursu & Annotatis,

B. Dni. P R E S I D I S,

Censuræ & Emendationi subjecta

Anno 1675.

P Enstatis probè circumstantiis, in Patiente nostro observabilibus, elucet ipsum laborare Catarrho suffocativo, orto ex vitio lymphæ retrogrado læso, quæ acrimonia sua asperam arteriam, ejus caput seu laryngem, afficiens, præsens hocce malum excludit.

C A U S A.

Notum siquidem est, quod lymphæ naturalem crasim adhuc servans, magnum præstet commodum asperæ arteriæ, dum blande irrigando & oblinendo eam in actionibus quibusdam vitalibus edendis multum adjuvet, imò quasi actuet; in præternaturalem vero transmutata statum omnia in Patiente nostro adjuncta, morbum cum umbra secuta, producat symptomata: ad quorum considerationem dum accedimus, tanquam primum eorum se sistit nobis spirandi difficultas, adeo ut ager ab ea quasi suffocandus videatur, quam alio fieri modo haud putamus, quam quod dicta lymphæ acida acris, irritando & vellicando asperam arteriam ejusque laryngem, ad quandam convulsionem incitet, & ex consensu nervorum unâ phoracem ejusque musculos simili spasmo afficiat, quem ita convulsus non potest non sequi difficilis respiratio, & aliqualis sanguinis stagnatio, quam facies intumescens & ex rubro cærulescens, quia & extremorum refrigeratio, nobis certam reddere potest. Porro eadem lymphæ, dum ita, uti modo dictum; irritat laryngem & asperam arteriam, hocque modo arctando viam, aerem exspirando exitum intercludit, facit, ut aer quasi incarceratus cum impetu foras prorumpat, & illud pathema, tussim nempe, crebram quidem propter materiam acrimoniam, difficillimam vero propter vias valde angustatas, & inanem tandem propter materiam reiciendam ineptitudinem, post nimis tamen laboriosam tussis repetitionem cum sensibili agri levamine sequentis, introducat; superstitè quidem adhuc febre lenta, ex lymphæ in massam sanguineam translata, effervescentiamque ibidem excitante, oriunda. Accedit denique raucedo cum tussi continua, & insequente materie viscidæ rejectione, symptomata eadem lymphæ adscribenda, excoarctant asperam arteriam, continuo plorantem serum laudabile seu proximum nutrimentum, quod, incrustando superficiem ejus internam, talem raucedinem inducit, similem fistulis à saliva vel aliis liquoribus nimis madidis; soreando verò reiectum, se sub forma muci viscidæ sistit. De malo, omni menstruo spatio periodicè recurrente, quid dicam? nescio, cum judicii mei transcendat limites; hac in parte illud suspendo, meque informari cupio, si tamen aliquid statuendum, assererem, lunam, humorum dominam, hac in parte multum habere in recessu, dum sanguinem ad maiorem disponendo effervescentiam, exinde prognatos humores, in specie verò lympham, in majori copia ad glandulas secedere facit; omnia illa insuper symptomata, ex agri relatione morbum antecedentia, tumorem nempe & dolorem tonsillarum seu glandularum (quarum non minima pars caput & collum obsidet) ex lymphæ, partim copia eas distendente, partim acrimonia eas vellicante & rodente, introducit; quas ita tumefactas, & comprimendo vasa, san-

guinis circulum inhibentes, dolor capitis, & colli & partium vicinarum, necessariis insecutus est.

Causam antecedentem externam seu occasionalem, malo huic ansam præbentem, quod attinet: eam percipimus esse aere frigida in capite & aliis partibus susceptionem, quæ stipando & condensando poros corporis, præsertim motu probe calefacti, lymphæ fluiditatem tollit, ejusque refluxioni frænâ quasi iniicit.

Huic forsân annumerari posset diæta inordinata, pueris interdum maximè familiaris; Ast quia in casu eius nulla facta est mentio, prolixè ei non inhaeremus.

PROGNOSIS.

Ad prælagium ergo potius nostram curam impendimus, concludentes, malum esse sat periculosum, ex eo, quod partim totalem ægri suffocationem inferat, partim ad pulmones pertingens, parenchyma illorum, satis aliàs tenerum, exedendo & exulcerando, perfectam phthisin inferat.

Insuper malum satis pertinax est, præprimis inveteratum; cui tamen in principio medicamentis facile succurrere queamus.

CURA.

Hæc ut à nobis fiat, nos esse sollicitos oportet de Cura, qua mediante ægrum in pristinam vindicamus valetudinem, ita instituenda: Nempe

1. Ut lymphæ liberior motus concilietur.
2. Ut ejus acrimonia corrigatur, partim per salia volatilia oleosa, speciatim balsamica; partim sistatur per opium & opiata, prioribus tamen mista.
3. Ut expectorantibus vulgò dictis materiam viscidam, internam asperæ arteriæ superficiem obducenstem, attenuemus, incidamus & evacuemus.

Primo igitur scopo ut satisfiat, adhibenda forent Purgantia, lymphæ abundantiam imminuentia: quoniam verò, uti in nupero quodam casu à Dn. D. PRÆSIDE monitum, eorum usus in hoc casu humorum motum & consequenter malum exasperet, etiam hic exulare posse, autumat, substituentes sudorifera & diuretica, tanquam vera Hydragoga, sine virium detrimento operantia. Diuretica autem sunt petroselinum, fœniculum & ejus radix, bacca juniperi, & ex his paratum oleum; lignum sassafras, lumbrici, aselli, succinum, terebinthina; item, spiritus & salia volatilia ex his parata; item tartarus vitriolatus & arcanum duplicatum Mynsichtii. Inter quæ tamen hic maxime convenire videntur sal volatile succini acidulum, & arcanum duplicatum Mynsichtii, ex quibus formula possunt fieri tales; verbi gratia

℞. Aquæ fœnic.

Petrosel. ana ℥vi.

Spiritus lumbr. terr. per putref. ℥ij.

Sal. vol. succini gr. xv.

Syr. de succo Veron. ℥ss.

M. f. Potio.

Cochleatim hauriatur. Vel

℞. Arcan. dupl. Myns.

Salis genistæ ana gr. xv.

Ocul. Cancr. præp. ℥j.

M. f. Pulvis pro duabus dosibus.

Hinc malo ulterius affligente, ad sudorifera fiat accessus, ita;

℞. Aquæ flor. samb. ℥j.

Spiritus salis ammoniaci ℥ss.

Sal. volat. Cornu Cervi gr. x.

Syr. card. ben. ℥ss.

M. f. Potio, una vice haurienda.

Vel

℞. Antimonii diaphor. Martial.

Cornu Cervi sine igne, ana gr. xij.

Salis card. bened. ℥j.

M. f. Pulvis pro una dosi.

Vel

℞. Theriac. ℥ss.

Succin. præp. ℥ss.

Camph. gr. ii.

M. f. Bolus.

His ita præmissis secundus scopus venit aggrediendus, jubens, ut lymphæ acrimonia temperetur, & exinde prognat

tus difficilior amhelitus & tussis sistatur: quod assequemur uti dictum superius, salibus volatilibus oleosis opiatiss, ut sunt spiritus salis ammoniaci anisatus, liquor cornu cervi succinatus, & omnia succinata, item myrrha, spermaceti, benzoe, flores sulphuris, &c.

℞. Sperm. ceti ℥ss.

Flor. Benz. gr. viii.

Laud. op. ritè ferm. gr. j.

Ol. destill. succin. gutt. j.

M. f. Pulvis.

Assumatur vespere bihorio ante cenam. Vel

℞. Liqu. Cornu Cervi succin. ℥j.

Ess. opii gutt. xv.

Misc.

Dentur quotidie bis de hac mistura gutt. x. ad xv.

Vel

℞. Spiritus Cornu Cervi sale proprio acuat. ℥ss.

Sal. vol. succ. gr. xii.

Misc.

Dosis gutt. ix. ad x.

Vel si tussis magis affligit:

℞. Aquæ scabios. ℥ii.

Astmat. ℥vi.

Spiritus sal. ammoniaci anis. ℥ij.

Syr. violar.

Papav. alb. ana ℥ss.

M. f. Potio.

Capiatur cochleatim.

Accedit essentia myrrhæ, quæ singulare quid in temperando acido obtinuisse videtur, præprimis cum tinctura tartari vel spiritu vini tartarificato extracta. Adnumerari insuper possunt his olea destillata succini, anisi, fœniculi, & ut ex his parata, balsamum nempe sulphuris anisatum, succinatum, & oleosacchara, maxime gulagrata.

Febris quæ simul adest, non videtur singularem mereri curam, quia partim per sudorifera superius dicta aboletur, partim per hæstentis monita penitus evellitur.

Restat adhuc tertius scopus, præcipiens Expectorantia vulgò dicta, quibus materia jam fixata: quasi internam asperæ arteriæ superficiem incrustans, raucedinemque causans, partim attenuatur & inciditur, partim foras eliminatur. Talia autem sunt gummi ammoniacum, oxymel squilliticum remedia ex nicotiana, &c. quibus & accersendus spiritus asthmaticus Dn. D. Michalis, ex æris viridi & gummi ammoniaco, & ex mente Dn. D. PRÆSIDIS additio ne sulphuris paratus, in vehiculo quocunque, maxime vino enulato, assumptus: item spiritus nitri dulcis & spiritus sulphuris, hæc in parte erunt egregii. Ex his tales consoci possunt formulæ:

℞. Aquæ hyssopi ℥ii.

Astmat. Rudolph. ℥vi.

Gum. ammoniaci in acet. dissol. ℥ii.

Syr. nicot. ℥vi.

M. f. Potio. Vel

℞. Aquæ hyssopi

Tussilag. ana ℥ss.

Astmat. Rud. ℥vi.

Syr. de hyssop.

Nicot. ana ℥ss.

Oxym. squillit. ℥iii.

Spiritus nitri dulc. q. s. pro grato sapore.

M. f. Potio Cochleatim sumenda. Vel

℞. Aquæ hyssopi ℥ss.

Astmat. ℥iii.

Spiritus Gum. ammoniaci cum viride æris ℥ss.

Syr. nicot. ℥ss.

M. pro Potione.

His interdum ℥ss. Syrupi emetici Angeli Salæ poterit addi, ut sic præcordia quasi stimulentur, & expectoratio promoveatur.

Insuper inferi hic poterit illud vulgi euphorison, succus nemperaphani rusticani, saccharo candi dulcificatus, mirabiliter mucum resolvens & expectorans.

Quoniam malum sæpius recidivat, consultum forsân erit, ut ad præcavendum illud subinde ante invasionis tempus Sudorifera & Diuretica adhibeantur, quibus optime præveniri posse putamus.

Interim sibi caveat æger à frigore externo, & diæta utatur moderata: quò facto non dubito, quin, Deo ex alto benedicente, in pristinam sanitatem sit restituendus.

DIS.

DISCURSUS & ANNOTATA

B. DN. D. ETT MULLERI.

Afectus hic est *Catarrhus suffocativus*, de quo HOFFMANUS in *Instit.* & LINDANUS *super Prax.* *Chymiatr. Hartmani*, ista statuunt: *Maxima fit de nihilo fabula*; ast malè. Equidem in Praxi Vulgari magna contingit confusio aliorum affectuum sub Catarrhi suffocativi nomine, unde variè accipitur; ita siquidem subitanea ræcedo, asthma convulsivum, suffocatio, ex stasi sanguinis dependens, catarrhus suffocativus vitio membranæ posterioris, tussis sicca nocturna gravior; omnia, inquam, hæc pathemata, si præsertim cum tussi incidunt, pro catarrho suffocativo habentur. Facilis tamen erit extricatio, si dixerim: *Catarrhum suffocativum propriè sic dictum esse hunc affectum, qui oritur vel ex sanguine, vel ex lymphæ*. Ex sanguine quidem, quando hic restagnans in vasis pulmonalibus in suo motu impeditur, indeque subitanea imminet suffocatio. Et hunc solum D. Scheniderus lib. 5. *De Catarrhis* sect. 7. cap. 4. pag. 241. ex VINCENTIO BARONIO, quem etiam allegat, *Medico Italo*, agnoscit & fideliter tractat, qui ipse etiam apud veteres dicitur *Syncope Cardiacæ* aliàs, quo nomine etiam ab HOFFMANNO, & VVEPFERO *Tr. de loc. aff. Apoplexiæ*, designatur. Sed hic casus est rarus. Alter verò propriè magis dictus Catarrhus suffocativus, dependet ex vitio lymphæ; estque iterum duplex.

1. Nempe vitio lymphæ asperæ arteriæ, seu quæ arteriam asperam affligendo suffocationis periculum infert, gignitur.
2. Qui ex vitio lymphæ, ex membrana pituitaria posteriori derivatæ oritur: qui conjunctus est cum continuo sreatu, qui est rejectio istius lymphæ, ex dicta membrana prolectæ; unde in hoc casu conqueruntur ægri, *decidit ipsis de capite catarrhus*.

Noster interim casus est saltem de genere catarrhorum suffocativorum, qui fiunt ex vitio lymphæ, asperam arteriam irritantis, & subito affligentis; & pathemata suffocativa inducentis; de quo vid. *Disp. de Catarrh.* nuperrimè hic *Lipsiæ sub Præsidio* Dn. D. BOHNII habita.

Pars affecta est aspera arteria, ejusque in speciem caput, *larynx*, quæ eadem ratione à præternaturali lymphæ afficitur. Nempe eadem hic est ratio, atque quando nobis sub pastu per errorem aliquid in rimulam asperæ arteriæ illabitur (*quasi aliquid in puncto in arteriam, à vulgo sic dicitur, incideret*) ubi similiter mox tussis, difficilis respiratio & suffocationis metus imminere solet. Ac dicimus notanter per errorem; concludimus hinc, nihil naturaliter asperam arteriam ingredi posse, quippe hæc beneficio epiglottidis exactè clauditur; quod ipsum etiam urget SCHNEIDERUS; & utut CÆSO GRAMMIUS huic se opponat sententiæ, ipse tamen non benè distinguit vim externam, quam animal in mortis articulo constitutum experitur, ab eo, quod nobis naturaliter contingere etiam possit.

Causa proxima est, præsuppositio ubique, tam in quibusvis actionibus naturalibus & hinc circa laryngem, motore spiritu impetum faciente, quam in præternaturalibus eodem in exorbitantem motum concitato, lymphæ partim in motu, partim in substantia, peccans.

Distinguenda tamen inter lympham glandularum conglobatarum & conglomeratarum, nam in nostro ægro revera impeditur lymphæ motus per glandulas conglobatas, unde uberius per vicinas glandulas conglomeratas effunditur: hinc in nostro ægro ob prioris lymphæ denegatum motum tumor faciei œdematosus, colli & vicinorum locorum tumor & dolor, hinc per laryngis glandulas, ex conglomeratarum pariter numero effusio: cum etiam, quod catarrhi circa caput frequentiores sint, hoc ob glandulas præsentès innumeras per accidens eveniat.

Substantia verò lymphæ, partim acrimonia salsa aut acido salsa, partim eadem copiosius effusa, adeoque abundans, peccare videtur. Etenim in principio morbi ejusdem saltem acrimonia, in paroxysmo verò abundantia, affligit; nam dum larynx à lymphæ aciore irritatur dolorosè, copiosam lympham fundit. Sufficit autem simplex laryngis dolorosa irritatio; (thorax est

sine ullo affectu;) sic enim ratione interioris sue membranæ mox convulsio musculorum laryngis sequitur, qui se pertinaciter stringunt, & laryngem claudunt; hinc *difficilis respiratio*, motu pulmonum ob aeris insufficientem inspirationem præpedito; hinc cessat aliquantulum sanguinis motus, & ob aliqualem ejus stagnationem fit *decoloratio faciei*; sicut similiter *tussis* affligens simpliciter est ab irritato larynge, & propter materiæ tenuitatem inanis; *sonitus* autem affligens, *fistulatio*, derivandus venit ex aere in bronchiis incarcerato, & probè hic distinguendus est à *stertore*; etenim sonitus simpliciter sequitur laryngis angustiam; clauso enim & angustato præternaturaliter facit, ut aer per angustum foramen penetret, & magis cogatur & elidatur; speciatim verò percipitur sub inspiratione, quia epiglottidem jam conniventem quodammodo comprimendo sonitum producit, exundo verò sub expiratione eandem aperit; *Sonitus* ergo talis rancus fit ex aspera arteria & ejus capite clausis.

Stertoris verò contraria est ratio; contingit enim hic, quando reciprocans halitus seu spiritus aeris per materiam viscosam sibi viam quærit circa caput laryngis confitam: nempe speciatim locum habet talis stertor, quando membrana pituitaria posterior seu inferior affecta plorat paulò copiosior lympham, quæ aliàs paulò spissior naturaliter esse solet. Lymphæ enim talis, si copiosa & spissa effunditur, in vicinia faucium colligitur unde ibidem collecta propter aeris meatum & remeatum stertorem infert, qualem ore aperto dormientes experiuntur aut patiuntur; hinc infantes, tam sani, quam, imprimis in dentitione tunc temporis salivantes, *quando continuo salivant*, stertunt, eo quod propter dolentes gingivas lymphæ copiosius effundatur. Ille stertor non est in pulmonibus, sed summitate laryngis. Frequens etiam est ægris stertor, qui patiuntur Catarrhum suffocativum alterum, vitio membranæ pituitariæ, quando nempe copiosa lymphæ deorsum prolabitur ex capite secundum nonnullorum hypothesein. Qui patiuntur tussim stomachalem, etiam continuo stertunt ex lymphæ viscidioris; rarus verò est stertor, ex vitio pulmonum; sicut etiam ille, quem habent anginosi, & qui tonsillarum inflammatione laborant, est ex faucibus, *ob lympham* circa laryngem collectam. Rarus ergo est stertor vitio pulmonum, aut bronchiorum asperæ arteriæ enatus, nec nisi in moribundis observabilis, in quibus ex profundo pectoris prodians auditur; non secus ac hic quoque phthisicis vel empyematicis, in quibus pus colligitur in ramis asperæ arteriæ, proprius esse solet; sed in tali casu non adeò fortiter stertunt; sonitus enim magis est profundus, nec adeò superficialis.

Cæterum æger noster, dum tussit, nil ejicit, quam nonnihil tenuius materiæ, sicut altero die rancus fit, & tandem tercio vel quarto, tussiendo copiosa viscida expectorat. Ubi observandum: materiam istam viscidam non esse causam materialem morbosam, suffocationem minantem, sed productum saltem morbosum, superveniens occasione irritatæ laryngis: quod patet ex eo, si in principio morbi ea adfuisset materia, facile fuisset rejecta. Diceret quis: hoc non sequi, quia materia illa erat coquenda & incrassanda. Regero autem: quid quæso est coctio & incrassatio materiæ peccantis, nisi huius beneficio naturalis partium caloris condensatio? unde etiam veterum materia Medica, qua primò exhibuerunt materiam incrassantia, postmodum verò alterantia, in rei veritate sibi constar, utut circa modum ejusdem magna sit differentia. Ergo, ut negotium pateat magis, in principio huius paroxysmi simpliciter peccat lymphæ tenuis acrior, quæ vellicando lædit laryngem, hinc dolor & titillationis sensus, hinc tussis sicca. Procedente autem vellicatione ista, & facta partium excoiatione, plorat proprium nutrimentum, quod quasi tegmen laryngi adhæret, eumque obviscat, ne magis lædatur; curata verò excoiatione, successivè mucus hic ex nutrimento factus, tanquam peregrinum quid, ejicitur; adeoque ridiculum est, in principio morbi incrassantia, quasi catarrhum concoquentia, & postmodum Expectorantia, propinare: nam cum talia sint vel lympham acrem temperantia, vel vellicationis sensum obtundentia, qualia sunt papaverina; ver. gr. syrupus papaveris, opium, pilulæ de cynoglossa, Philonium Romanum & Persicum, pilulæ de styrace &c., quæ operantur simpliciter obtundendo sensibilitatem nimiam

miam laryngis, & tollunt sensum vellicationis, unde etiam lymphæ non amplius effunditur. Temperantia etiam excellunt, v. g. glycyrrhiza; remedia ex violis; iujubis, amygdalis dulcibus; tragacantha, sulphur, item antimonium diaphoreticum, antihecticum Poterii, & similia, subiecta sulphurea; quæ omnia operantur sensum partium hebetando, & lymphæ uberiores effluxum sistendo, ejusdemque acrimoniam salis obtundendo. Hinc in affectibus catarrhalibus, imprimis in faucibus, recte nos usurpamus, præmissis opiat in principio, sensum vellicationis sistens; in fine potius morbi incidentia, dictum mucum per expectorationem facilitantia, *Redit malum singulis mensibus*, ratione cujus periodi duo sunt consideranda: Pars affecta, quare nempe determinata pars affligatur? & Tempus, i. e. quare statotempore in eodem loco recurrat?

Quoad partem affectam, laryngem: hic una alterave vice affectus & debilitatus, propter robur hujus inæquale facilius afficitur & recurrit, quia factum jam catarrhi impetu in isto loco, ille spongiosus & resolutus factus est, unde hic magis catarrhalis lymphæ effusio potest fieri, quam alibi vel in alia parte, cujus fibræ adhuc sunt in debito tono, præsertim cum patiens ipse serosioris constitutionis existens, frigore aeris externi eo facilius dicta mala incidere poterit.

Quoad posterius: certum est, sub incremento lymæ, humorum dominæ, expandi quasi & turgere magis massam sanguineam, indeque reliquos ejus succos; exinde enim est, quod plerisque circa plenilunium cerebrum videatur majus, non quidem quod revera tale illud sit, sed quia propter sanguinem, tunc temporis turgescens, expanditur, & meninges cerebri extendantur, cujus tamen modus specialis non est cognitus.

Causa remota potest esse refrigeratio externa, & aura frigida susceptio; quia erat constitutionis phlegmaticæ, hinc omni nocte sudabat.

PROGNOSIS.

Metus sane adest *phthiseos catarrhalis*, uti vocant, sive defluxionibus natæ, oriundæ ex lymphæ illa acriori, sive per glandulas asperæ arteriæ sive pulmonales effusa, quæ facile substantiam pulmonum excoiare & exulcerare potest. Adhæc sub crebriori illa tussi debilitantur & inflantur pulmones, fiuntque spumosiore amplioresque, unde ex læso vesicularum pulmonalium tono apriores fiunt fovendæ acriori lymphæ, & variis sordibus recipiendis: ut taceam ægrum etiam ex ruptura vasorum a tussi incidere posse in hæmoptysin, instantis phthiseos prodromum.

CURA.

Duo tempora distinguantur: in & extra paroxysmum, illud quidem curationis; hoc præservationis gratia.

Quoad Curam in paroxysmo: adhuc particularia tempora sunt consideranda;

Nempe

1. Principium & Incrementum,
2. Et deinde ejus status.

Principium & incrementum est, quando viget vellicationis sensus, & symptomata maxime urgent; Status vero, quando cessantibus symptomatibus, raucedo & tussis humida adest, cum materiæ viscosæ rejectione. Adeoque in principio & incremento paroxysmi

1. Naturalis lymphæ circa glandulas colli & vicinas partes motus concitetur per *sudoriferablanda*, in specie salina volatilia oleosa.
2. Motus præternaturalis lymphæ seu imperus ad laryngem sistatur per *opiat*.
3. Acrimonia lymphæ vellicans temperetur, partim per vulgò dicta incrassantia, partim per adjuncta opiat, verb. gratia papaverina, amygdalas dulces, tragacantham, glycyrrhizam, syrupum violarum: exem. gr.

℞. Aquæ scabios. ℥iij.

Asthmat. ℥iij.

Syr. Violar. ℥ss.

Papav. simpl. ℥j.

Misc.

Cochleatim usurpetur. Vel

℞. Aquæ scabios. ℥iij.

Asthmat. ℥iij.

Syr. diacod. Mont. ℥iij.

Misc.

℞. Aquæ Papav. rhæad. ℥ij.

Syr. diacod. Mont. ℥iij.

Misc.

Detur in principio mali.

℞. Aquæ scabios. ℥iij.

Asthmat. ℥vi.

Spiritus sal. ammoniaci anis. ℥ss.

Ess. opii ℥ss. vel Syr. papav. ℥i.

Syr. Violar. ℥vi.

Misc.

In affectibus lymphæ catarrhalibus semper salia volatilia præferuntur fixis, ob sui cum materia morbifica facile connubium. Et cum in paroxysmi principio ægri tales sudare non possint, eo, quod ferè ut orthopnoici respirent, & propter metum suffocationis inquieti reddantur, hinc remedia sudorifera maritentur cum laudano opiato, ut hoc tollatur irritatio laryngis, hincq; cessante structura laryngis, & suffocationis metu, ægri placidi decumbant, hincq; quieti sudore blando diffuant: vid. RIVERIUS in Cent. 3. obs. 15. qui habet similem causam singulis noctibus repetentem opium curatum; cum quo, quoad Theopriam, Tr. Custos Errans, sicut quoad Praxin, Tr. Jus duumvir. §. 62. confertur HELMONTIUS.

Pertinent huc Tusses illæ sicca nocturna, quæ sunt omni-nosæ, & frequentius negliguntur, sed tamen ut plurimum prodromi sunt phthiseos. Curantur autem recenteseadem per temperantia, opiat, v. gr. decantatas pilulas destyrace, paratas, vel juxta veterum descriptiones, vel etiam Sylvii correctas: sicut confirmatas tales nocturnas tusses siccas difficillimum est curare sine præmissio vomitu; sedes enim earum est stomachus. Corripit sæpe juvenes parca diætæ.

His præmissis Diuretica ex Dn. Resolventis sententia male adhibentur, quia æger posset suffocari ante eorum operationem; unde hæc diuretica in declinatione paroxysmi conveniunt, ubi nempe adhuc aliquid in lymphæ motu corrigendum, & reliquæ evacuandæ: cum contra in principio paroxysmi videantur sine methodo legitima administrata. Ergo proderit spiritus lumbricorum terrestrium per putrefactionem paratus, quippe qui urinosus, & nicti formam referens, sal volatile fundit.

Mistura Dn. Resolventis prolymphæ acrimonia temperanda, nec non anhelitu difficiliore & tussi sistenda, optima est in tussi sicca præcavenda, item in incremento nostri casus.

In principio paroxysmi etiam spermatis ceti ℥ss. ad ℥j. optimo cum successu propinatur, quod alias in orthopnoea mirè laudatur à TIMÆO von GuldenKlee. Propinatur in cerevisia calida, vel alio vehiculo calido; sic enim liquefit instar butyri. Egregie acorem lymphæ lenit, & stagnantem sanguinem resolvit; sicut etiam post repetitum aliquot dosum ejus usum alvum etiam aliquoties laxat. Essentia etiam mirrhæ cum tinctura tartari, aut spiritus vini tartarifato parata egregie temperat acidum.

Vel

℞. Pulv. pectoral. gr. xv. ad ℥i.

Laud. op. sine acido gr. ii.

M. f. Pulvis.

Exhibeatur vespere. Vel

℞. Extr. sulphuris ℥ss.

Myrrh. el. ℥i.

Croc. ℥i.

M. f. Pulvis.

℞. Extr. sulphuris ℥i.

Antihect. Poter.

Lap. Cancr. præp. an. ℥ss.

Croc. ℥ss.

M. f. Pulvis.

In statu verò, quando raucedo, tussis humida, & materiæ reiectio adest, attenuantia, incidentia & expectorantia conducunt: v. gr.

℞. Aquæ hyssopi ℥iij.

Gum. ammoniaci in acet. sol. ℥ss.

Syrup. nicot. ℥i. ad ℥ss.

Misc.

℞. Aquæ

24. *Aquæ hyssopi*,
Chærefol ana unc. i.
Asthm. ar. unc. ss.
Oxym. squillit. ʒvi.
Syr. emet. ʒii.
Nicot. unc. ss.
 Misc.

24. *Lap. Cancr.* præp. drachm. iß.
Fl. sulphuris drachm. i.
Ol. dest. tereb. gutt. xii.
Anis. gutt. viii.
Sacch. roar. q. s.
 M. f. Electuarium.

Ubi excretio simul promovenda, addatur radix Ireos Florentinæ.

Egregiè quoque confert sequens spiritus asthmaticus D. Adicbaelis ex aris viridi cum gummi ammoniaco:

24. *Viridis aris*, vel *hujus Cryst.* unc. iv.
Gumm. ammoniaci unc. ii.
Sulphuris unc. iß.

Mista hæc destillantur ex retorta ampla in recipiens amplissimum, per arenam, aliud dissilut totum quantum, spiritus prodiens rectificetur.

Prodit cum spiritu simul oleum foetidissimum & penetrantissimum, quod vilius quidem est gummi ammoniaco, singulare tamen pro emolliendis tumoribus duris scirrhis & scrophulis. Rectificetur autem ante usum, quia mirè foetet.

Ex hoc præscribi possunt sequentes misturæ incidentes & expectorantes:

24. *Aquæ hyssopi* unc. iii.
Asthmat. ʒvi.

Spiritus viridis aris cum sulphure ʒiß.
Syr. enul.

Nicot. ana unc. i.

Emet. drachm. iii.

M. f. Potio.

24. *Aquæ hyssopi* unc. iii.

(Vel *hujus* unc. ii. & *Aquæ Menthe* ʒi.)

Asthmat. unc. ss. vel drach. vi.

Spiritus asthmat. drachm. ii. vel iii.

Syr. nicot. ʒß. vel drachm. vi.

M. f. Potio.

Cui cochleatim sumendæ interdum pariter syrupus emeticus Angeli Salæ à ʒß. ʒi. ad ʒii. potest addi pro faucium irritatione & præcordiorum stimulo, ad meliorem expectorationem promovendam.

Ceterum veteres clysmata acriora adhibebant, pro scopo nempe, ne materia peccans ex capite in pulmones, sed in stomachum, labatur, interim hæc omnia frustra nea sunt, nisi fortean in primis viis morbofi quid asferant.

Venæ sectiones autem, quas itidem iidem suadebant, certo modo non rejiciendas puto, in casu nempe, si æger copioso sanguine turgesceret; unde, ne ejusdem copiosi sanguinis stasi sub vellicatione suffocationem incurrat veram, hinc pro liberiori sanguinis motu posset in brachio vena secari: loco cujus tamen in nostro ægro commodè frictions & ligaturæ extremorum dolorificæ instituebantur, ne sanguis nimis versus pulmones recurreret, & suffocationem inferret: quæ tamen non habent locum, præterquam in plethoricis, & ubi sanguinis periculosior circa præcordia urget stagnatio.

Ego puerum præsentem sic curavi: In principio paroxysmi, qui noctu repente affligebat puerum (in quo etiam formalis ratio catarrhi suffocativi consistebat; aliàs enim tussis sicca vocanda fuisset) adeoque in ipsis angustiis constitutum, jubendo inungere mox verticem capitis & cervicem cum oleo destillato succini, brachiis verò jubebam admove frictions & ligaturas strictas, plus minus dolorosas, ne nempe sanguis suffocationem inferat: quibus, si patiens fuisset ætatis provectoris, substituissem venæsectionem pro eodem scopo. Cum his ligaturis ordinavi in principio misturam sequentem cochleatim assumendam, cunctis curationis scopis satisficientem; vomitus enim & clysmata fuissent frustranea:

24. *Aquæ scabios.* ʒii.

Asthmat. Imper. Rud. ʒß.

Syr. diacod. Mont. ʒvi. ad ʒi.

Misc.

Aut, ubi magis urgeret lymphæ vitium, adeoque sudor procurandus esset, præscribatur ita:

24. *Aquæ scabios.* ʒii.

Spiritus sal. ammoniaci anis. ʒiß.

Syr. papav. albi ʒvi.

Misc.

Capiebat cochleatim.

Hæc mox in principio paroxysmi dabantur: coactus eram respirationem promoveri, quod saltem poteram facere sensum vellicationis sistendo, & lymphæ acrimoniam temperando, ejusque circularem motum cum sanguine conciliando.

Postmodum in incremento paroxysmi, pro incrassando (veterum more loquor) catarrho tenui, vel potius lymphæ acrimonia temperanda, ordinavi:

24. *Aquæ scabios.*

Serpill. ana ʒiß.

Asthmat. ʒvi.

Flor. sulphuris ʒß. vel ʒii. ad ʒi.

Syr. scabios. vel *Violar.* vel *Papav.* vel *de Iujub.*

(qui omnes in scopo temperandi lympham conveniunt) ʒvi. ad ʒj.

M. f. Mixtura.

Hæc probè agitata, crebriusque assumpta, & tussim leniebat, & materiæ mucosæ copiosioris proventui præveniebam: Nam & irritantem causam in faucibus demulcebam, & sensum irritationis sistebam, unde lymphæ affluxus copiosior præcavebatur.

Post in statu paroxysmi, nempe cum externeretur mucus sufficiebat euporiston illud, nimirum succus raphani orbicularis expressus, cum paucis saccharo mistus, sicut tandem, si quid restaret febricula lentæ, hoc blando sudore per liquorem cornu cervi succinatum, & spiritum salis ammoniaci oleosum, excitato, vel etiam per blanda diuretica, præsertim ex succino, velex lumbricis, removebam. Diuretica enim in declinatione sunt optima.

Extra paroxysmum, præservationis gratia plura quidem tentabam, semper tamen voracitas pueri, & vita sedentaria, somnolentia, facies subtumida, & habitus corporis serosior, obstabant, quæ ostendebant, a priori malo huic non posse succurri; unde saltem à posteriori curaturus, fonticulum in brachio sinistro inurendum jussi, & sic levabatur, unde ab illo tempore benè valet. Fonticulus autem tam ubertim fluebat, sine tamen periculo, ut manè & vesperi esset mundandus. Sed puer non futuruserit crassus: continuandus itaque tantum erit usque ad annum 14. quo tempore habitus corporis serosus sensibilibiter immutabitur, unde tunc poterit fonticulus absque periculo claudi.

Tandem quoque præcavebunt paroxysmum, cujus prodromus esse potest colli intumescencia, Sudorifera & Diuretica, quæ ante invasionis tempus propinanda Dn. Resolvens ordinat: Verùm in ægroto nostro erat quidem per jodicum, sed incertum, hoc verò vagum.

C A S U S XIX.

A S T H M A H U M I D U M

STOMACHALE, CUM INCUBO.

Mercator quidam mediæ ætatis, constitutionis, ut ajunt, Melancholicæ, curis & negotiis in nundinis hyemalibus districtus, his absolutis percipit impedimentum sub respiratione, ita ut frequentius ac difficilius respirare cogatur. Aggravatur malum, quoties deambulando, vel scalas scandendo sese exercet. Speciatim vespere à passu gravius affligitur. Comedit probè, appetitus optimus, sed borborygmi & flatuum imperus exercent abdomen. Dormit benè, sed non sine insomniorum graviorum molestia, imprimis merces copiosas sibi incumbere, & ita totum corpus comprimi imaginatur, donec impetu facto in somno exiliat, & ita molestias has dispellat. Imprimis hypochondria, dum dorso incumbit, dolere sibi, quærenti Medico respondet, & ibidem etiam interdiu impedimento esse, quò minus respirare queat. Ejicit per os copiosa mucosa, imprimis evigilans. Ante meridiem melius se habet, à meridie pejus, sub noctem mediam

mediam pessimè. Urina est pallida cum sedimento copioso albicante. Flagitat curam.

R E S O L U T I O

D N. G O D O F R E D I

S C H U L T Z I I

V R A T I S L A V I E N S I S.

Dn. P R E S I D E

correcta

Anno 1676.

SI suprà nobis præscriptus atque propositus casus Mercatoris nostri, constitutionis, ut ajunt Melancholicæ, subtiliori atque accuratiori mentis speculationi subjiciantur, statim unusquisque, qui etiam tantum primoribus ut dicunt, labiis medicinæ principia gustavit, & qui solum duobus, non, ut Argus ille fictitius, centum, oculis præditus effectum nostrum cognosceret. Tritum autem illud proverbium; *Omnia nempe Breviter!* meum faciam, & ulterioribus ambagibus missis, denominationem confestim hujus effectus aggrediar, meque statim ad casum hunc accuratiori lima examinandum accingam.

Affectus hic, examinationi jamjam subiectus, est *Asthma humidum stomachale*, complicatum cum *Incubo*, quod plurima testantur symptomata concomitantia.

Quod autem *Partem affectam* concernit, ratione asthmatis & incubi; pars primariò & immediatè affecta est *Diaphragma*; quatenus ob ejus motum impeditum sufflaminatur inspiratio, idque, speciatim sub decubitu, in dorso: ratione causæ adeò pars secundariò & mediatè affecta est *stomachus*, ejusque chylosis læsa, idque in specie ratione fermenti sui præternaturaliter depravati, quatenus nempe nimis acidum, fixum, debitaque volatilitate depauperatum existit. Et tale etiam jamjam denominatum acidum præternaturale viscidum ventriculi suo merito causæ proximæ appellationem hujus chylicationis læsæ, seu mali hypochondriaci, meretur: quatenus nempe fermentum illud in stomachi plicis contentum non satis volatile, unde nec sufficere digerere valet ingesta, sed nimis acidum fixum peregrinoque acore in stomacho corruptum existit, unde quidem alimenta promptè dissolvitur, ut in hypochondriacis fieri solet, eadem tamen non ritè fermentando, debitè volatilisare nequit, potius in massam acidam plus minus viscidam transmutat, quæ fundamentum & origo tantum non omnium morborum chronicorum. Hinc etsi quidem appetitus ordinarius avidè semper, propter fermenti stomachalis acidi nimis fixi copiam, alimenta urgeat, digestio tamen debita maximè respondet assumptis, sed borborygmi & flatuum impetus sub & post digestionem abdomen maximè exercent; quod admirationem tamen nullo modo admittit; quia, sicuti aliàs in hypochondriacis vitio fermenti ventriculi, vel succi pancreatici nimis acidi, ordinariò generantur flatus, ita & in hoc subiecto hypochondriaco eadem flatuum posita causa efficiente, nempe acido, & materia illorum, nempe mucosa viscida, manifestè per ordinariò generationis modum, nempe fermentationem, in promptu est idem effectus. Materiam autem hujus mucosæ atque viscidæ in ventriculo, intestinis & massa sanguinea existentiam non exigui ulterius, imò melius, probare haud laboriosum erit. In medium namque proferam tanquam effectus, testimoniaque minimè fallibilia, respirationem difficilem diurnam pariter atque nocturnam. Quod verò priorem illam diurnam difficilem attinet respirationem: præter ventriculum mucoviscido repletum, flatuumque copia nonnihil ampliatum, & propterea diaphragmatis motum sursum versus impediens, etiam massam sanguineam ipsam ex dicta vitiosa stomachi digestionem crudam, mucosque acido viscido imprægnatam,

tanquam causam agnosco. Chylus enim vitiosè digestus, quia non potest debitè fermentando assimilari, sub forma talis muci vitiosi sanguini confusus permanet. Ob quam causam æger, quando levi motu vel deambulando, vel scalas scandendo, sese exercet, difficillima respiratione vexatur; dum enim per motum istum circulus sanguinis melius promoveretur, à pituita illa viscida in bronchiis pulmonum jam præexistente, & diversam in ipsis angustiam producente, ulterioreque sanguinis mucosi continuo affluxu urgente, malum respirationis eò magis aggravatur. Hinc etiam noster æger vesperi, & speciatim à pastu tantum, gravius affligitur, quoniam tunc non solum ventriculus magis materia viscida regeustus, massæ sanguineæ successivè se associare incipit, & per circulum sanguinis ad bronchias pulmonum iterum delatus, prædictum malum exasperat. In specie tamen etiam hic intestinum colon à flatuum copia expansum difficilis respirationis causam statuo; Colon enim, ventriculi fundo subjacens, distensione sua ventriculum, materia mucosa aliàs plenum, non nihil elevat, & ita diaphragmatis motum quodammodo impedit. Ante meridiem melius se habet: ob longam digestionis moram, hinc minorem materiam viscidam in stomacho & intestinis existentiam; à meridiè verò pejus, quia ventriculo aliàs malè digerenti à meridie usque ad vespertinum tempus non sufficiens spatium digestionis supeditatur. Quod verò sub noctem mediam se pessimè habeat, hæc ratio subesse videtur, quia alimenta nova sub cœna, prioribus in prandio ingestis, ex vitio stomachi nondum ritè digestis & semiflatulentis, superingesta, malè radicem, indeque effectus ejus morbosos, deteriores reddunt, unde & flatus dolorem illum distendentem, dum æger dorso incumbit, inferunt, junctum cum partium circa hypochondria inflatione: dolor verò intensivus, qui probabiliter in hoc ægro erit, oritur à spasmò membrarum, speciatim peritonæi, circa hypochondriorum regionem nimis tensorum, adeoque obscuro quidem, sed molesto dolore affectarum. Deinde paulo clariùs materiam viscidam in ventriculo abundantiam confirmant tam insomniorum graviorum nocturna molestia, quam etiam copiosa mucosa per os rejecta. Prior illa molestia nihil aliud videtur esse, quam *Incubus accidentalis*, quem inter affectus respirationem nonnihil lædentes merito numerandum censeo. *Causa proxima* verò hujus *incubi* est objectum quoddam diaphragmatis motu deorsum versus reluctans, nempe ventriculus, copiosis nimirum alimentis minus digestis infarctus, materia mucilaginosa inquinatus, flatuumque copia distentus, qui dorso incumbens diaphragma sursum repellit, & ejusdem inferiora versus motum impedit. Quod verò anima rationalis, talium rerum quidem nescia, in hoc ægro tale somnium, mercium nempe sibi incumbentium pondus, concipiat, ex eo forsan est, quia tanquam mercator, curis & negotiationibus maximè implicatus, vix alias cognitiones mente circumvolvitur, quàm de mercium suarum commoda comparatione, debitaque conservatione, hinc phantasia cogitationes atque actiones diurnas tempore nocturno confuse repetit, taleque somnium certo cuidam objecto applicatum producit. Posteriora verò mucosa viscida per os rejecta nullum alium fomitem agnoscunt in hoc subiecto patiente, quàm prædictum ventriculum, eadem materia mucosa oneratum; dum nempe æger noster dorso incumbit, per recubationem illam nocturnam pedetentim ex stomacho ad œsophagum materia illa tendit, & matutino tempore, quando evigilat, per os scretu excernitur. Urinam tandem pallidam cum copioso sedimento albicante ex vitiosa digestionem deduco. Est enim sedimentum illud albicans nihil aliud, quam chylus minus rectè digestus, sanguinique, ratione urinæ potus, nondum assimilatus: & sic se causa proxima ejusque connexio cum affectu habet.

Ordine jam devolvimur ad *Causam remotam*, quæ licet quidem varia in hoc subiecto esse possit, tamen maximè hic peregrinationes inordinario atque inconsueto alimentorum usu plenas acculandas esse, probabile videtur: curæ tamen nimis, constitutio melancholica, hic minimè negligenda; punctulum enim suum ad hanc chilosin læsam etiam quodammodo conferunt.

P R O G N O S I S.

Quemadmodum verò afflitis nullo modo addenda afflictio, solamen aliquod ægro nostro futuræ convalescentiæ subnectimus: quatenus non adeo periculosum præcisè hunc affectum, licet diuturnum, pronunciamus, qui tamen pederentim, ventriculo probè curato, sit evaniturus.

C U R A.

In medendi ratione & respiratio difficilis levanda, & incubi insulcus removendus, Vix his scopis satisfacere poterimus, nisi fomitem in primis viis removeamus, adeoque chylosin perditam restituamus. Difficile quidem est arte promoverè chylosin, est enim simpliciter opus naturæ; nihilominus tamen, quantum possibile, auxilium debitum suppeditandum naturæ, quo mediante melius ad pristinam integritatem redire queat. Adeoque

1. Primarum viarum saburra acido-viscida incidenda & removenda, tam per superiores vias, quod convenientius, quam per inferiores, quod difficilius.

2. Stomachica appropriata volatilia aromatica propinanda.

3. Si opus fuerit, Martialibus acidum, in specie in Melancholico, corrigendum.

4. Incubus appropriatis præservandus.

Primo ergò usurpetur sequens vomitorium, præmittendo digestivum, quod corrigat acidum, & incidat viscidum; e.gr.

℥. Sal. ammoniaci ℥j.

Spec. diatr. piper. ℥ss.

M. in 3. part. æqu. S.

Pulvis digestivus.

Vel si digestivum ex gummi ammoniaco in forma liquida postuletur, usurpetur potiuncula Brunneri. Dein

℥. Aqua Mentb. ℥vj.

Cinnam. ℥ij.

Syr. emet. A. S. ℥ss.

M. D. S.

Mixtura Emerica pro 1. vice.

Quo pro circumstantiarum ratione reiteranda vel omitenda.

Dein laxativis passulatis secundum locum attribuo: hinc sequentem præscriberem formulam; v.gr.

℥. Pass. min. purg. usit. ℥j.

Tartari Potulat. ℥j.

M. D. S.

Passula laxativa pro una vice.

Loco hujus in morbo chronico convenit vinum medicatum aromatico-laxativum:

℥. Rad. armor. rec. ℥ij.

Angel.

Acori veriana ℥j.

Ireos nosiv. rec. ℥ss.

Herb. vorismar.

Mentha,

Salvia ana M. j.

Fol. Senn. sine stipit. ℥j.

Galang. ℥ij.

Cinnam. ℥j.

Passul. min. ℥vi.

Misc.

Pro secundo scopo optimè corrigunt volatilia tartarea; ver. gr.

℥. Spiritus carmin. de trib. ℥ij.

D. S.

Spiritus resolvens.

Capiat de hoc æger 30. vel 40. gutt. ter in die: manè in vehiculo calido, à meridie bihorio ante pastum in frigido, vespèri, post moderatam cœnam, sub introitum lecti iterum. Vel

℥. Spiritus salis ammoniaci anisati ℥ss.

D. S.

Spiritus Asthmaticus aperiens.

Eodem modo usurpetur. Vel

℥. Tinctura tartari ℥ss.

Spiritus sal. ammoniaci drachm. ij.

M. D. S.

Tinctura resolvens.

Usurpetur eodem modo.

Quod si Incubus urgeat, iisdem volatilibus, sub introitum lecti assumptis, præcavendus, vel olei destillati anisi, aut balsami sulphuris anisati gutt. vj. vel viij. sub introitum lecti capiantur, & æger jubeatur minus dorso incumbere.

In contumaciori malo ad Martialia accessus faciendus, pro meliori evacuatione atque absorptione humorum acrimum peregrinorum: v.g.

℥. Tinctura vitrioli Martis ℥ss.

D. S.

Tinctura aperitiva. 30. gutt. pro dosi.

Si forsan in paroxy mo vocaretur Medicus, ita ut sub medio noctis quasi orthopnoicus spiraret æger, vomitorium præscribatur; sed si hoc jam aliquot dies ante præscriptum sit, aut suspicio sit, magis flatulenta, quam præcisè humorosa peccare, præscribatur cysima, simulque mistura volatilis aromatica.

Clystma:

℥. Herb. absinth.

Hyssopi ana M. j.

Flor. Chamomill. M. ij.

Bacc. lauri ℥j.

Salis tartari ℥ij.

Coq. in f. q. aqua simpl.

Colat. unc. ix. adde

Elect. de hier. cum agar. ℥j.

Olei destil. terebinth. ℥j.

M. pro Clymate.

Mistura:

℥. Aqua hyssopi ℥ij.

Mentha ℥j.

Cinnam. unc. β.

Spiritus salis ammoniaci ℥ss. ad ℥ij.

Syr. Nicotian. unc. j.

M. f. Potio: S.

Mixtura aperitiva.

Capiat cochleatim.

Vel

℥. Aqua hyssopi unc. ij.

Mentha unc. j.

Cinnam. ℥vj.

Spiritus asthmatic. ℥j.

Oxym. squillit. unc. j.

M. S. ut antè.

C A S U S XX.

A S T H M A C O N V U L -
S I V U M.

STannarius, vir robustus aliàs, & optimè sanus, in consistente ætate constitutus, incidit in tussim, præsertim noctu affligentem, sub qua rejiciebat quædam viscida atque cruenta, sed pauca. Interdum mediocriter se habet, utut difficilior nonnihil esset respiratio: Pederentim verò in tantum accrescit morbus, ut gravissima anxietates suffocatoriæ eum prebendant, & lecto exsilire, fenestram aperire, auramque recentem captare necesse habeat, nisi omni momento suffocari veller; adeo ut subinde noctes integras insomnes, sedendo in sella, & anxie, cum alta, crebra & difficillima inspiratione, respirando peragere cogatur, ita ut nullo modo spiritum profundè adducere posset, quia inspiratio media quasi via impediatur, cum tussi mediocri, & pauca cruenta mucaginis rejectione. Apparente aurora, symptomata pederentim remittunt, unde lectum & somnum repetebat. Quæsitus de loco affecto, superiora & anteriora pectoris, pulmonum cubilia, monstrabat. Interdum mediocriter se habebat, vir aliquot sanissimus, alimenta capit, supinus, & pro lubitu jacere, & quietè in utramque aurem dormire potest; sed nocte ingruente anxiosissimas patiebatur suffocationes; quæcunque exscrebat, sine ullo prodibant levamine. Causam antecedentem sciebat nullam, nisi forsan, quod paulo antè, quàm dicto affectu correptus fuisset, pondus gravius gestasset, à Medico requisito jam purgatus fuerat, pessimè verò exinde se hab-

SYMPTOMATUM CUM CAUSIS
CONNEXIO.

habuit: Pena sectio etiam instituta fuit, sed frustra: pectoralia incidentia, expectorantia, antiasthmatica, &c. propinatur, sed sine successu. Ab aliis ergo Medicis requiritur Consilium.

RESOLUTIO

DNI. CHRISTIANI

HOELZELII,

ANNABERGAE. MISNICI,

Nū ēν αἰσίοις.

Cum speciali Discursu & Annotatis

B. Dni. P R E S I D I S,

Censuræ & Emendationi subiecta

Anno 1675.

AFFECTUS.

Evolventi mihi hunc casum ibidem facile fuit augurium, ad vitia Respirationis eundem referendum: sed, quod cum generale hoc saltem sit effatum, multique dentur respirationis affectus, videndum erit, quale in specie ipsius sit erymon. Propterea cum dico esse affectum asthmaticum & speciatim convulsivum. Ut enim simul cum creatu sese exhibeat mucus quidam, parum tamen refert, quò minus ad Asthma convulsivum pertrahatur. Non puto quippe dari posse asthma convulsivum, quod omni excreatione careat, & mucus ille propter turbatam circulationem coacervatus, tunc potius productum morbi, quam causa ejusdem habendus est: hinc etiam per excretionem non levantur, uti iis accidit, qui asthma humoroso decumbunt, sed malum persistit semper in eodem puncto, donec constrictio convulsiva remittat; qua propter etiam sine sensibili plus minus materia rejectione curantur: insuper non video ullum symptoma, quod locum habere nequeat in asthma convulsivo. Largior equidem, quod in pluribus cum orthopnoea &c. ἐξοχὴν sic dicta, item cum empyemate pulmonum, coincidat: sed dantur & contra quadam symptomata, quæ pugnant cum dictis affectibus.

CAUSA PROXIMA.

Proinde edissero, esse Asthma siccum seu convulsivum, natum à causa proxima, nempe crispatura seu strictura parenchymatis pulmonum; ubi simul Pars affecta aut morbi sedes innuitur, nempe pulmones, qui non per consensum, quatenus secundario saltem affecti essent, laborant, sed per essentiam, quatenus acidum quoddam præternaturale fixam sedem in iis posuit, & vellicando seu rodendo spasmus hunc infert.

Affligunt verò Asthmata convulsiva, nunc periodicè, nunc vagè: hic certam quoque periodum observat, nempe noctem, ut ut etiam interdum non penitus cessavit. Fateor, difficilem horum asthmatum esse Theoriam, unde etiam Veteres innixi suis hypothesebus, ferè non se extricare novērunt in hac doctrina; multum tamen pro dilucidatione horum præstitit HELMONTIUS, qui vid. Tr. de Asthmate & Tussi, item VVILLISIUS de Morb. Convulsivis; quæ talia asthmata optimo jure dixere convulsiva; quemadmodum prior idem dixit Pulmonum Caducum. Possem equidem planius deducere hunc affectum ex dictis binis Autoribus, ut magis perspicua fieret evolutio huius, sed propter penuriam temporis abrumpere cogor. Duum verò dixi esse Asthma convulsivum seu siccum, quatenus fibra pulmonum se stringant, & pertinaciter convellantur, remove volui reliquas species huiusmodi asthmatis: nimirum quod contingere solet vel vitio conformationis partium ad respirationem pertinentium, quo omnes plus minus gibbosi pertinent; item quando calculi vel tubera dura in bronchiis pulmonum, vel tumores scirrholi in pulmonibus, hærent; exesse etiam volo illa, quæ musculis thoracis convulsis originem ducunt, quas species ut plurimum in hypochondriacis reperire est.

Cum verò nobis jam constet de parte affecta & causa proxima, videndum insuper, qua ratione cum eadem connexio symptomatum se habeat? & quomodo eadem hanc causam insequi potuerint? Primo se offert tussis, quæ ex consensu fibrarum ortum traxisse videtur; ex fibris enim pulmonum ut sic convulsis vix tussis oriri potest. Cur autem præcipue noctu ingravescit? ad frigidiusculam plus minus tempestatem referendum esse puto; ut ut alii præcisè ad astra refugium sumant. Visciditas autem orta est ex nutrimento partis proprio coagulato, emanante ex poris sub strictura illa compressis, cui ob eandem rationem cruor admistus, quatenus tenella illa vascula ex orificiis suis misere: nisi forte dicendum esset, quod acidum illud rodens, & convulsionem causans, adeo acre & potens fuerit, quod erodere illa & solutionem continui inducere potuerit; aut etiam, quod nisu illo ex gestatione gravioris ponderis disrumpi valuerint. Non mirum verò est, quod noctu tam gravissima anxietates suffocatorie cum cum alia, crebra & difficillima inspiratione prehenderint, & media quasi via interceptus fuerit aer; via enim ad respirationem necessaria per istam constricturam convulsivam angustantur & quasi occluduntur; unde & dicere Germ. solent Sentiant quasi cuneum tracheæ infixum; ita obruratus sum: uti etiam noster ager superiora pectoris monstravit. Extra paroxysmum verò, quando nempe strictura illa cessavit, sunt sani, alimenta supini capere possunt, & quietem capiunt.

Perspiciendum autem nunc etiam erit de causa movente seu remota, i. e. unde constrictio illa convulsiva provenerit? Nam causa huius mali non potuit esse gestatio ponderis, quam præterendit Patiens, sed, uti dixi, fuit acidum quoddam præternaturale, membranæ pulmonum firmiter adherens: id quod (si conjectura locus) puto ex fumis illis metallicis, aut etiam carbonum, circa quos quotidie stannarii occupati, sunt; quid enim ejusmodi fumi in excitandis etiam catarrhis suffocativis præstare queant? sufficienter notum est. Perpendantur quæso fumi sulphuris incensi, aquæ fortis, & butyri antimonii, & opinor fore, ut mecum consentiant. Cessat siquidem exinde respiratio, non ex vitio laryngis aut thoracis, sed pulmonum; tali enim exotico odore stringuntur & angustantur vesiculæ: hinc etiam de hoc propter brevitatæ studium ulterius differere nolo, sed potius perspecta Theoria ad præsentis mali Prognosin accessum facio.

P R O G N O S I S.

Malum est non parvi faciendum; metuendum enim, si non remittat, ne ulterius repat convulsio. Insuper etiam cura difficilior formidanda, quàm si esset asthma humorosum. Interim tamen cum malum sit solitarium, nec inveteratum, neque in corpore grandevo, per convenientia remedia seci obviameatur, sperandus felicior eventus.

C U R A.

Curam itaque, quod spectat, longè alia hic esse debet, quàm in asthma humoroso. Ergo duplex est considerandi modus; nimirum in & extra paroxysmum.

In paroxysmo scilicet symptomata demulcenda: extra illum eadem præcavenda.

Utramque faciunt paginam salia volatilia & castorina, vel cum vel sine opiatæ mista, imperando sudorem; sic quæcunque antihysterica huc etiam referri possunt; item juxta HELMONTIUM Antiepileptica; etiam in aliorum defectu theriaca non erit postrema nota: BOYLE in Philos. Experim. valde commendat spiritum volatilem sanguinis humani cum laudano opiato. Olea destillata nervina & pectoralia huc maximè pertrahenda; quemadmodum Excellent. Dn. PRÆSES sequentem formulam cum felici successu experitusest:

℞. Ol. destill. succ. Æij. ac ʒj,

Anil.

Tereb. ana ʒss.

Misceantur.

De hoc capiantur quotidie bis gut. x. ad xii. manè in calido, à meridie in frigido convenienti aliquo vehiculo.

Laudantur etiam suo merito lumbrici, idque eorum sal volatile: sic & aselli, tam in substantia exsiccati & pulverisati in forma electuarii, quàm eorum spiritus per fermentationem paratus.

Extra

Extraparoxysmum non inconueniens erit, præmittere vomitum: licet enim malum non hereat in stomacho, forti tamen illo nisu simul expurgantur quadantenus pulmones.

Purgationes nihil præstant, & si fortiores sunt, magis nocent: simulque venesectio, quæ in tali casu etiam nil præstat, ut testatur ager. Sic expectorantia, incidentia, &c., cum malum non dependeat à materia copiosa viscida, sed sola constrictione convulsiva; nihil præstare possunt; unde bene distinguenda asthmata.

Cæteroquin Cura in Extraparoxysmo coincidit; quæ enim paroxysmum subleuant, eundem etiam præcavere possunt; præsertim imminens bene suspenditur per opiata; v.gr. in Extraparoxysmo:

℞. Asellor. q. pl.

Infund. in Vini ℥ viii.

Adde

Syr. de beton.

Pœon. ana ℥ij.

Ess. Castor.

Ess. Croci ana ℥ss.

Laud opiat. gr. ij.

M. f. Potio: S.

Potuncula pro aliquot vicibus. *Vel*

℞. Succin. præp. ℥j.

Bezoard. solaris ℥ss.

Sal. vol. succin.

Sangu. hum. ana gr. viij.

Laud. opiat. gr. ij.

M. f. Pulvis: S.

Pulvis pro duabus vicibus.

Item

℞. Aquæ Pœon. ℥ii. vel iij.

Liqu. Cornu Cervi succin. ℥j.

Cinn. Antimonij. ℥ss.

Sal. vol. lumbr. ℥ss.

Laud. op. gr. iß.

M. D. S.

Potuncula pro duabus vicibus.

Possent ex dictis antihystericis & antiepilepticis plures adhuc concinnari formulae: sed cum facilia sint, & temporis rationem habeam, lubense eas mitto.

Externè etiam adhuc possent addi unguenta quodam cum spiritu salis ammoniaci mista, ad inungendum pedibus: item imponi posset emplastrum de oxycroceo, malaxatum cum oleo destillato succini vel alio.

Hic sisto, reliqua transeant, hæcque sufficiant.

DISCURSUS & ANNOTATA SPECIALIA

B. Dn. PRÆSIDIS.

Morbus est *asthma* quoddam convulsivum, quod frequens est in Praxi. Imprimis arthritici confirmati, itemque scorbutici, asthmate convulsivo crebri videntur: dicunt: *Podagra ad interiora recessit, & facit difficilem respirationem.*

Distinguendum autem hæc sedulo est inter causam morbosam, & productum morbosum. Mucago siquidem illa pauca, cruenta &c., quam ager excreat, sub tantis angustiis per vim naturæ coacervatur in aspera arteria tanquam productum morbosum, & ab evacuatâ lymphâ dependet: Quod confirmatur inde per experimentum in cane vivo institutum mediante spiritu sulphuris, in venam cruralem immisso, unde hic lethale asthma incidit: post in eodem secto tota aspera arteria mucagine viscida spumosa cruenta erat plena, genita ex impedita circulatione sanguinis per præcordia, unde sanguis crebra agitatione instar albuminis ovi per aeris meatum & remearum in spumam erat transmutatus: vid. experimentum ductius enarratum in *Disputatione de Chirurgia Infusoria*. Simili ratione ac in epilepticis talis spuma ante os conspicitur, quæ nil aliud est, quam saliva per impeditum aeris com meatum in spumam redacta. Ad hæc noster ager pondus grave gestavit; hinc suspicio, an non aliquod vasculum in pulmonibus ruptum fuerit, unde spumatio cruenta? Illustrat hunc casum evidenter ista respirationis interceptio, quæ fumo sulphuris incensi inspirato, & odore butyri antimonij, excitari solet; quatenus propter suam acrimoniam acidam pulmones constringunt, simileque asthma

inferunt. Ipse aliquando olfeci butyrum antimonij, unde non potui respirare, nolebat intus cedere, excernebam interim mucum copiosum, ceu productum morbosum, natum ex vellicato larynge.

Est ergo asthma siccum ratione causæ natum à strictura pulmonum, qui simul sunt *Pars affecta*, & quidem per essentiam. In omni autem asthma *Pars affecta* est investiganda vel in thorace: vel viis, quas transit aer, vel pulmonibus, quos intrat aer.

In ægro nostro vitium non est in thorace, nec in viis, per quas aer transit: ergo in pulmonibus. Jam verò triplicia vitia respectu asthmatis in pulmonibus occurrunt; nempe vel vitium conformationis, quando iidem calculis vel vomica sunt obsessi; vel vitium nutritionis, si ex ulcere v. gr. horum nutrimentum pervertitur in pus; vel tandem vitium motionis, quando se iidem debite non possunt ad dilatationem accommodare, adeoque nec dilatari. Ac in nostro ægro non subest vitium conformationis; aliàs enim continuum foret asthma, quale tamen non est: nec vitium nutritionis, ob eandem causam, sicut etiam, quod & necessario materiæ fieret rejectio, & hac excreta levamen: Ergo vitium motionis in pulmonibus latet; ubi tamen, cum expiratio sit libera, vitium non est quærendum in eorum motu contractorio, sed expansorio, hinc thorax non poterat expandi, unde in medio cursus inspiratio impediatur. Vitium ergo est in pulmonibus, dum non rite expanduntur. Scilicet in pulmonibus duplex substantia consideratur: quarum prior est ratione materiæ substantia membranosa; altera ratione conformationis textura vesiculosa, ita ut sit congeries illa vesicularum membranacearum invicem confusarum, quas intercurrent vasa sanguinea im- & emittentia, unâ cum nervis, in filamenta nervea fibrosa se explicantibus, & extra pulmones plexum illum retiformem fibrosam efformantibus, quod vicem musculi gerens, extrinsecus pulmonum vesiculas ambit, adeoque ab hoc fit, ut pulmones se quodammodo active constringere possint; dilatari verò, ubi se habent pure passive. Equidem de hoc reticulari pulmonum plexu nil adhuc refert MALPIGHIIUS in suis scriptis: interim eum postmodum in *Epistola aliqua manuscripta* declaravit; ac conferatur de eodem LAMSVVERDE in *respirationis Suvammerdamianæ Expir.* pag. 35. & 36. Est adeoque pulmonibus duplex motus: expansorius, in quo merè passive se habent, ut dictum; dilatantur nempe; quia replentur ab aere: & constrictorius, qui iidem per maximam partem passivus est, utut in statu naturali tantillum conferant, & aliquatenus active se habeant, quatenus earum fibrarum plexus debito tono & levi strictura in ordinariam & debitam vesicularum membranacearum plicaturam & ordinem conservat & promovet; tamen etiam passive, quatenus à costis thoracis se constringentibus etiam constringuntur.

Causa autem proxima asthmatis convulsivi in casu nostro est strictura plexus nervei fibrosi reticularis, pulmones ambientis, se stringentis, & expansionem pulmonum impediens; unde difficilis respiratio, & sic ægri suffocandi videntur. Cæterum VILLISIUS & HELMONTIUS sibi, in hoc negotio explicando planè sunt contrarii, & toto cælo discrepant: & sicut hic in defectu peccat, dum omnem motum pulmonibus denegat, & eosdem saltem cribrum aeris putat, dum nempe pori stringantur, ut non possit transire aer, unde asthma siccum; ita VILLISIUS videtur peccare in excessu, qui etiam vult, pulmones se in expansione quoque active habere propter nervos, quod tamen impossibile est; quia dicit, pulmones manere in continuo expansionis motu; sed sic tales ægri facile possent inspirare, cum tamen videamus contrarium; hinc nec pulmones se expandere, probabile est; nisi enim constringerent se, & impedirent aerem, quomodo posset fieri asthma siccum? Asthmata autem sicca sunt multiplicia: nostrum est vitio pulmonum; alia sunt vitio musculorum thoracis, &c.

Causa remota in nostro casu non potuit esse gestatio ponderis, quia aliàs continuum fuisset asthma. Interim nec id de nihilo est, præsertim cum ex spiritu tunc temporis retento vas aliquod in pulmonibus rumpi potuerit, non secus ac aliàs tantilla erosio à sulphure acrimetallico facta, lædendo vascula pulmonum, generationem sputi & muci cruenti procurare potest. Sed arbitrator, causam remotam hæc esse Gas metallicum & carbonum,

bonum, uti apud viatores, asthmata talia incidentes, gas fumosum piceum. Nempe stannarii occupati sunt circa stannum & bismuthum, in quibus copiose luxuriat sulphur, metallicæ quidem prolapiæ, sed tamen valde volatile existens; quod patet ex phænomenis ejusdem: Si enim rasura stanni miscetur cum nitro, strepitum quasi pulveris pyrii edit: non secus ac quoque fit, dum aqua fortis rodit Jovem, purum nitrum remanet, alcalisatum nempe à sulphure Jovis: hinc quidam dicunt, Jovem, si roditur à spiritu nitri vel aqua forti, flammam concipere. Imò sulphur Jovis vel Saturni Mercurium facile coagulat, dum illorum unum in crucibulo liquefit, & parum frigesit in medio fovea, Mercurio implenda imprimitur; ita enim sulphur stanni aut plumbi extraversum, Mercurium arripiens, facile coagulat. Stannum idè ob hoc sulphur, omnium metallorum Diabolus dicitur, quia omnia metalla fragilia reddit. itidem metallum, bismuthum vulgò vocant rectum argenti, itemque argentum immaturum, & primum ens argenti; habetur enim pro argento immaturo: hinc facile elevari potest in flores. Sed in metallis, quæ constant sulphure volatili, sulphur istud, quod magis volatile est, èd magis resolvitur ab igne, & prodit acrimoniam antea concentratam. Contrarium est in metallis, quæ sulphur fixius habent. Unde quando stannarii circa Jovem & bismuthum occupantur, idque igne fusionis horum metallorum sulphureos fumos, qui aliàs sub forma florum in vase clauso se conspicuos reddunt, & in aere libero separantur à concreto, acriores factos copiose inspirant. Hoc posito, necessario incurrunt læsionem pulmonum, & quidem talem, quod dictæ particulæ sulphuris acidæ, rodendo fibras nerveas pulmonum, eas facile ad stricturam convulsivam disponant. De cætero & carbonum gas inspiratione attractum præter vim narcoticam, pulmones exsiccare, & admodum rarefacere, & ad ariduram disponere potest. In ægro quoque nostro hæc aridura probabilis est propter gas carbonum, unde interdum non adeò bene respirare potest, utut asthma convulsivum periodicum simul sit, quatenus alia symptomata concurrunt: Conf. M. A. N. C. Ann. 3. obs. 131. pag. 239, ubi talium fumorum metallicorum, stannarios morbosos reddentiam, mentio fit. Imò eodem loco allegatur TIMÆUS de GuldenKlee, de figulorum noxis, ex ollarum vitrificatione has recensens non indigna lectu; & verum est, facile fiunt figuli phthisici & asthmatici propter lithargyrium.

Semel ita læsa pars aliqua postmodum facile à tantillo inadæquato objecto facillimè offendi & irritari potest: ita enim illi, qui respectu texturæ materialis pulmones obtinent delicatos, facilius possunt lædi, & levio rem etiam alterationem aeris magis sentiunt, quam alii; non secus, ac cephalalgia ex debilitate capitis obnoxii idem fatum experiuntur. Ex quo colligendum; in nostro ægro, quoad pulmones ex gas carbonum inspirato, læso antea, vespere exacerbati malum, quatenus ab elevatis interdum miasmatis aura asperior reddita suum symbolum confert, unà cum aliis concausis. Unde hic eger, cum tempore vespertino aer frequentius sit vehementior, facillimè potuit sentire noxam, aliis, qui pulmones robustos habent, insensilem.

Quod autem asthmata talia convulsiva nunc periodicè, nunc vagè moveantur, sit pro tempestatum mutationibus, aut vario corporis motu.

Tussis ex materia ista, non nihil vellicante, producto nempe morbo, originem duxit.

Quoad Prognosin: Difficilia curatu sunt talia sicca asthmata, præsertim inveterata, cum non adeò cognita adhuc sint remedia specifica.

Interim ut plurimum funestum omen est, si pedes intumescant, tunc enim periculum enascitur, ne tandem, ex tali virium deficientium signo, suffocati subitò intereant.

Quoad Curam: Hæc respectu temporis intra & extra paroxysmum instituenda est: ita ut in paroxysmo optimè locum habeant antiepileptica & antihysterica volatilia; quibus associanda sunt cinnabarina, tam antimonialia, quam illa Hungarica cinnabaris nativa, aureæ prolapiæ.

Extra verò paroxysmum præservativè opiatæ, adeoque & theriacalia, suspendentia eundem, conveniunt; respiciendo simul ad causas remotas, in specie ad fumos metallicos: qui cum in nostro casu sint sulphur Jovis & bismuthi,

acre volatile ab una parte per ignem extraversum, adeoque in textura sui mutatum, & consequenter acius factum sicuti ab altera parte Gas carbonum, pulmones ad ariduram disponens; hinc respectu sulphurum istorum metallicorum nil melius, sublimioribus remediis exceptis, in Praxi vulgari expertum, quam demulcentia ac temperantia pingua, nutritiva, & blandè humectantia, adeoque in specie olea destillata, sperma ceti, butyrum, oleum amygdalarum dulcium, & lac cum sapone Veneto; quod ultimum quidem BARBETTE primus ad curam epilepsiæ introduxit, à Practicis tamen aliis quoque hujusmodi in casu proficuum observatum est: Vid. M. A. N. C. loc. cit. Sic etiam qui laborant in antimonio, aliisque laboribus metallicis sulphureis, à tali asthma convulsivo se præservant larga butyri assumptione. Sperma ceti ex modernorum experientia in paroxysmo asthmatico mirabile est, & TIMÆUS de GuldenKlee in Cas. & Epist. ceu præsentaneum in paroxysmis asthmaticis (in asthma autem humoroso non utile, utut aliquoties laxet alvum) convulsivis, & proficuum observavit, temperando acrimoniam causæ vellicantis. Interim hoc in paroxysmo nihil proficiebat, sed in principio exhibitum juvat aliquid; sicut optimè extra eundem. Huic aliàs ægro propinavi primitus Expectorantia acidæ cum spiritu asthmatico, sed frustra; postmodum expectorantia dulcia cum spiritu salis ammoniaci anisato, sed etiam frustra; tandem autem misturam ex oleosis & salibus volatilibus ei præscripsi, & melior sanitas hinc affulsit, reliquis restantibus per liquorem terræ foliatæ tartari, bis quotidie ad gutt. xxx. depulsi. Imò proficua fuisset quoque talis mistura:

℞. Aqua flor. Pæon. ℥ij.

Liq. Cor. Cer. succin. ℥j.

Cinn. antimonii ℥ss.

Salis vol. lumbr. ℥ss.

Laud. opiat. gr. ij.

Misc. pro duabus dosibus.

Tandem externè unguenta cum spiritu salis ammoniaci confecta, sunt optima, si ver. gr. rerebinthina, affuso successivè spiritu salis ammoniaci calido ex parte, terendo redigatur in massam albam: ita hæc iola cum aliis in pleuritide est polychresta, sub forma emplastri pectori applicata.

Asthma autem convulsivum ex hypochondriorum, adeoque diaphragmatis, convulsione, tollitur primariò per vomitum, præmissis blandis digestivis; quod & inculcat VVILLISIUS.

Est hic viator senex podagricus, qui ante biennium, cum aliquando immunis ab arthritide fuisset, incurrit sine causa manifesta in asthma. de die bene adhuc se habet, noctu sub primo somno expergetus, sine periculo suffocationis in lecto perdurare nequit, sed surgit, accumbit mensæ pronus, cum difficillimo anhelitu, durante usque ad mediam noctem, hinc cessat. Dum affectum examinarem, monstrabat hypochondria, ubi diaphragma connectitur costis, dicebat: Ibi omnia tensa & plena sunt circa hypochondria; & quando desinit, sentit strepitum quandam, postea rursus cessat. Diu durabat & varia frustra tentabat. Tandem præservando paroxysmum palliativè jussi, ut mature cerneret, & lectum petiturus largam dosin theriacæ vel mithridatii assumeret: cujus remedii ope optimè habuit; quoties verò intermisit, solita redit anxietas nocturna. Dum examinatur hic paroxysmus, quia quasi cingulum percipiebat in Hypochondriis, & strepitus erat remissio paroxysmi spasmi, suspicabar vitium consistere in diaphragmate convulso. Duravit sic ultra quadrante anni; revertente tandem podagra, asthma penitus cessavit.

Ejus vicinus, etiam viator, incurrit podagram, & simul in nasi sinistro latere arthricos dolores percipiebat. Cessante paroxysmo incurrebat in gravissimum dolorem, inam partem sterni exactè affligentem. Hic erat quotidianus, in specie affligebat noctu ab hora decima ad quartam, cum quo dolore aderat simul angustia præcordiorum cum difficili respiratione, ut etiam lecto exurgeret cogeretur. Omnia erant frustranea, excepta theriac vel mithridatio ante paroxysmum, quæ optimè ei erat supervenienteque podagra remittebat affectus in totum.

Mulier fere 50. annorum, cui tamen adhuc fluebant menses, laborabat tertiana intermittente ordinaria: sed die vacuo semper torquebatur asthma convulsivo gravissime vesperi post septimam ex improvito superveniente, & ad quartam usque matutinam perseverante; dies vero paroxysmi febrilis erat vacuus absque tali asthma, quod saltem die à febre vacuo vesperi affligebat. Et quidem primò nulla tussis aderat, aut saltem levis & inanis præcedebat; secundò scretus seu materiæ excretio nulla, aliquando quidem ante paroxysmum die illo, quo vesperi rediturus erat, viscida quædam mucosa exscrebat, sed proximè nec ante nec post eum; tertio finiebatur paroxysmus successivè sine sensibili materiæ evacuatione, inchoabat subito sine ulla causa antecedente: symptomata erant respiratio difficilis primò ingruens, hinc cordis palpitatio, anxietates præcordiorum gravissimæ, motus convulsivi in brachiis & scapulis, extremorum frigus, sudor varius, præsertim frigidus in paroxysmo affligebat: finito paroxysmo lassitudo omnium membrorum, calor corporis, pulsus celer & frequens aliquandiu supererant. Ex quibus faciliè erat concludere, paroxysmos hos revera esse de asthma sicco seu convulsivo: Finita & curata febre, periodum suam tertianam observabat paroxysmus asthmaticus. Tentata varia imprimis volatilia, liquor cornu cervi succinatus, spiritus carminativus, essentia castorei, spiritus lumbricorum terrestrium, sperma ceti cum croco, emplastrum extacamahaca & galbano pro præcordis, sed incassum omnia. Malum non erat hystericum, aut ex abdomine vel hypochondriis, in his locis quiescentia omnia, caput sine labe, saltem pectus universum constringi, fauces occludi videbantur, ut non nisi cum sonitu spiritum ducere posset. Præcesserat gravis cephalalgia, hanc exceperat febris, quæ cum per octiduum durasset, associavit se hoc asthma. Suspicebam acre miasma, cephalalgiam, quod induxerat, utcumque sub motu febrili resolutum ad nervos intercostales derivatum, unumque vel alterum huius nervulum aut saltem plexum occupasse, unde istæ lacrymæ; urinæ crassæ cum copioso sedimento quasi farinaceo & salibus scorbuticis admodum copiosis, unde & scorbutus delitescbat. Supervenit dolor & tumor hæmorrhoidum fausto omine, propterea applicationem hircudinum urgebam, à quibus certum levamen sperabam, sed obstinatè renuit; unde pro horum levamine:

*℞. Mucil. sem. cydon. cum sperm. ran. extr. ℥i.
Spiritus vini probè camph. ℥ii.
Sacch. Saturni ℥j.
Misc.*

quo linteam benè humectatum applicet crebrius.

Aliis ergo irritis, ordinata sunt duo vesicatoria ampla, utrinque propè carpos applicata die vacuo; die vero paroxysmi bihorio ante hunc,

*℞. Far. lycopod. ℥ss.
pulv. epil. antimonial. gr. iij. ad ii.
M. pro pulvere.*

Quorum usu per triduum omni vesperi continuato evanuit paroxysmus penitus, ita ut exactè convaluerit.

Scopus erat vesicatorii doloris ratione divertere motum spirituum, an forsàn de acri scorbutico simul evacuari quid possit? non adeò attendebatur, dum iste pulvis internè præternaturalem spirituum impetum sopiendo paroxysmos levaret, ipsa natura sub statu ita pacato, quod supererat, corrigente, & ita etiam factum fuit.



RESOLUTIO II.

D. N. JOH. MATTHEI
MERCKELII.

ANNEBERGENSIS.

B. DN. PRÆSIDIS.

Censuræ & Emendationi subjecta, & correctæ
Anno 1682.

AFFECTUS.

Quod si principium invasionis in casu hoc nostro spectes, ultro quasi & primo statim intuitu non levis sese offert suspicio de affectu quodam pectorali, à morbi situ sic dicto, quem & ego ad *asthmata convulsiva* referendum æstimo.

PARS AFFECTA.

De loco affecto non est, quòd diu solliciti simus, nam dolor facit ipse disertum, scilicet patientem, qui etiam optimè novit, ubi calcenseum premar: hinc digitis quasi intentis monstrat superiora & anteriora pectoris, pulmonum cubicula, eaque pro parte affecta satis rectè incusat. Etenim quod vitium motionis expansivæ pulmonum hic utique in causa sit, & loci affecti nomen mereatur, nihil omnino dubito.

CAUSA PROXIMA.

Causa autem proxima formalis erit strictura plus minus violenta fibrarum, pulmones circulariter ambientium. Prout enim fibræ dictæ nervæ irritatæ, à causa aliqua præternaturali stringuntur aut convelluntur, vesiculas pulmonales simul diversimodè stringendo angustiores, & pro aeris ingressu liberiori suscipiendo ineptiores reddunt, adeoque sui strictura varias, imò suffocatorias fere, anxietates præcordiorum inducunt.

Causa materialis erit acidum quoddam vitiosum, fibris hisce nerveis inimicissimum, quod dum (piculis suis acriter vellicat nervos, varios motus & præfata jam mala producit.

Pro causa remota longo ordine deducenda, hominis vitæ genus huc non immeritò revocari posset. Scilicet stannarii ab objecto, circa quod versantur, sic dicti, nil frequentius sub manibus habent, quàm stannum cæteraque metalla, in quibus multum sulphuris continetur. Hæc ipsa enim si ab ignis tortura colliquefiant, multum sulphuris metalli exhalant, & per fumum de se spargunt, qui fumus postmodum per inspirationem cum aere, pro ventilando fervore sanguinis pulmones transeuntis, attractus, impetuosè in bronchia pulmonum irrumpit, hinc in plexus nervorum pulmones ambientium sese insinuat, ubique inimica sua præsentia illos vellicando, angustias præcordiorum fere suffocatorias causatur. Sulphur autem, quod copioso acido constet, ex odore fumi ejus incensi & inspirari satis manifestum evadit; nec dubito etiam quin acidum jam dictum exinde accreverit, imò fundamenti loco hic stare queat. Accedit & hoc, quod utut ex gestatione ponderis gravioris nullum nocumentum senserit æger, tamen venulæ alicujus ruptionem subesse, aut ex pondere graviore, & hinc aere diutius retento, aut ex violenta sputi viscidæ rejectione, cruore permista, probabile videtur.

CONNEXIO SYMPTOMATUM CUM
CAUSA PROXIMA.

Symptomatum verò, exinde quæ resultant, connexio patet, & facili negotio demonstrari potest. Nam tussis, quæ noctu præsertim affligit (fortè ob interceptam transpirationem insensibilem, & denegatum sero transitum) tam locum affectum monstrat, quàm nervosum genus præ cæteris malè se habere innuit. Nec mirum etiam, quod

quod quidem conatus tussendi pro rejectione muci visci-
di, cruenti, sed pauci, præsens sit, sed sine levamine;
Nam non adest, quod rejicere queat, scilicet materia il-
la viscida, per sreatum alias in asthmate humido quæ
copiosè excernitur, hic deficit, & loco potius ejus, sensus
quidam vellicationes, fibras pulmonum circulares mole-
stè afficiens, conatum hunc tussendi inducit.

Mucus autem viscidus & paucus qui reicitur, non ex
profundo pulmonum situ provenit, sed forte circa laryn-
gis caput & pulmonum bronchia obhæsit, ex aere in-
spirato in coagulum plus minus viscidum abiit, hinc
etiam levi conatu excernitur.

Gravissima autem anxietates suffocatoriæ & difficilis
respiratio, conjecturis meis multum adhuc ponderis ad-
dunt: scilicet spasmodica hæc fibrarum corrugatio dum
contingit, intercipitur spiritus, & liber thoracis motus
expansivus plus minus hinc impeditur, adeo ut suffoca-
tionis periculum omni momento videatur præsens.

P R O G N O S I S.

Res autem quia periculi est plena, & ratione partis
affectæ scilicet plexus nervorum, cum insultibus epilep-
ticis multum convenit, non est quod diu moremur ope no-
stra qualiquali Medica, ne fortasse diutius hoc malo con-
flicteretur æger, & ex intercepto aere liberiori de subito mo-
riatur, aut in morbum aliquem chronicum, scilicet asciti-
m, &c. exinde deveniat.

C U R A.

Cura autem alia erit in paroxysmo, alia extra paro-
xysmum.

In paroxysmo, ut morbi atrocitas cesset, & liberior aeri
motus ad intra concilietur, præscribenda sequens Mix-
tura;

℞. Aquæ hyssopi.

Veron. ana ℥ss.

Asthmat. Rud.

Epil. Lang. ana ℥ij.

Spiritus salis ammoniaci anis. ℥j.

Cinnab. antimonij gr. xij.

Sal. vol. succin. gr. vi.

Laud. opiat. gr. iv.

Syr. scabios. vel diacod. Mont. ℥v.

M. S.

Potiusculum pectoralis pro duabus vel tribus vicibus.

Blandus, si possibile, mador sublequatur.

Externè litus aliquis posset fieri hoc modo:

℞. Axung. Castor.

Lucii pisc. ana ℥j.

Ol. destill. succini gutt. xv.

Anisi gutt. x.

Bals. Peruv. cum vitell. ovi sol. ℥ss.

M. D. S.

Unguentum cum quo calide pectus unguendum.

Hoc etiam linimento non incommode inungi possunt
calide plantæ pedum.

Extra paroxysmum.

1. Acidum nervis inimicum corrigendum.

2. Paroxysmus præcavendus; &

3. Metus recidivæ, si possibile, planè auferendus.

Ad primam Indicationem pro temperando acido præmi-
terem ego sequens:

℞. Sperm. ceti ℥ss.

Croci gr. vi.

Ol. amygd. dulc. rec. express. ℥ss. ad ℥vj.

M. D. S.

Mixtura resolvens pro una vice cum Cerevisia ca-
lida vel jusculo gallinæ sumenda.

Aut

℞. Pulver. epil. Marchion. ℥j. vel pulv. epilept.

Antimonial. gr. iij.

Cinnab. antimonij.

Sal. Vol. succin. ana gr. iij.

Laud. opiat. gr. j.

M. D. S.

Pulvisculus despectivus pro una vice.

Aut pro corrigendo acido:

℞. Antimonij diaph. ℥j.

Etmuller. Oper. Tom. I.

Bol. Armen. præp. gr. vj.

Pulver. anod. confort.

Bez. solar. anagr. iij.

M. D. S. ut supra.

Ad secundam Indicationem:

℞. Ligu. Cornu Cervi succin. ℥j.

Ess. Castor. ℥ss.

Opii ℥j.

M. S.

Tinctura, vesperi 30. usque 40. gutta.

℞. Mithridat. Dam. ℥j.

Cornu Cervi sine igne ℥ss.

M. f. Bolus pro una dosi.

Capiatur in aqua quadam sudorifera.

Pro tertia indicatione velicatoria & fonticuli hic in
usum vocanda forent, reiteratis simul jam dictis, paro-
xysmi invasionem præcaventibus, nec non alvus servan-
da aperta Decocto pasulato cum floribus & fructibus
pectoralibus. Quibus & ultimò mistura sequentis usus
adjungi posset:

℞. Spiritus salis ammoniaci anis. ℥j.

Tinctura bals. Peruv. ℥j.

Ess. opiat. xij.

Misc.

Dosis omni manè 20. ad 30. guttulas.

C A S U S XXI.

T U S S I S S T O M A C H A L I S
F E R I A H U M I D A.

V Etula pro ætatis ratione adhuc utrinque robusta, oc-
casionem inclementioris aeris hybernæ, sensim incidit in
tussim ferinam. Primitus sentit vellicationem in faucibus,
cum aliquati dolore, & copioso sputi salis, mediocris con-
sistentiæ, sreatu: hinc pedetentim tussire incipit, præser-
tim cum dorso incumbit, & hinc, dum manè evigilat, cum
muci visci & tenacis moderata reiectione. Intenditur pau-
latim malum, ita, ut interdum pariter & noctu tussiat, sed
cum summo conatu, & sonitu, ex imo & profundo emer-
gente; (Sonat quasi ex olla vacua, dicit.) Copiosa visci-
da, sed cum summo labore, & crebrius repetito conatu, tussi
eiicit, in tantum, ut ex laboriosa tussi, non raro superve-
niat vomitus, muci nunc visci, nunc plus minus copiosi.
Malum pertinaciter durat, appetitus prostermitur, suis in-
tenditur, febricula supervenit lenta, decumbens insigniter
sterit, sic rochelt. Interrogata de loco & sensu materia,
tussim excitantis, ostendit regionem epigastricam, speciatim
locum, quem vulgi crymo, appellant scrobiculum cordis. Fla-
gitat Curam.

R E S O L U T I O II.

D N. EHRENFRIED

P F U N D T.

Cum speciali Discursu & Annotatis

B. DN. PRÆSIDIS.

Censuræ ac Emendationi submissa Anno 1675.

A F F E C T U S.

Q uantum ex hoc casu colligere licet, videtur affluxus
quidem catarrhalis, in specie verò Tussis Humida,
senq. æst cum materia variæ reiectione, & hoc ipso a tussi
sicca seu convulsiva distinguitur.

P A R S A F F E C T A.

Pars affecta sunt fauces & larynx, quatenus irritata ner-
vos, musculos thoracis moventes, afficiunt: progressu verò
temporis etiam ipse stomachus.

CAUSÆ.

Causa proxima est vitium lymphæ in quantitate & qualitate, & quidem quoad posterius & primario acrioris & salisioris redditæ, propter causam remotam, aerem inclementiorem hybernū: qui quā varīe possit afficere partes corporis nostri, in specie eas, per quas pro respiratione transit, unicuique patet. In nostro ergo casu aer inclementior hybernus, variis effluviis scatens, plerumque vero sale acriori & acidiori turgidus (hyeme enim semper est acidior, quā æstate, unde etiam quidam deducunt maiorem appetitum in nobis hyeme quā æstate) inspiratus ledit imprimis membranā faucium & laryngem, quæ irritata non solum propter nervos laryngis, qui oritur a ductu à nervo intercostali, musculos thoracis moventes, irritatos tussim inferunt, verum etiam, quatenus lesa & irritata hæ partes, præter dolorem, copiosam lympham de se fundunt, à qua aspera arteria vellicata & irritata tussim ansum præbet. Hinc enim propter hanc lesionem effunditur (ut in casu est).

1. Copiosa, propter membranā hanc, copiosissimis glandulis repletā.
2. Salsa, tum propter sal aeris ad maiorem acrimoniam evectum, eidem iunctum; tum etiam, quatenus membrana lesa lympham & nutrimentum proximum in talem saporem transmutant.
3. Mediocris consistentiæ: quia adhuc est in principio; in omni autem tussi in principio talis tenuis ichor reijcitur, quem vulgo crudum adhuc appellant.

Fuit autem saltem scretu, quia malum saltem est in faucibus & larynge.

Verum, quemadmodum ad unamquamque partem lesam humores undique conflunt, & propter quandam quasi spinam infixam alimentum proximum partium à naturali statu degenerat, & saporem salsum acquirit; ita etiam propter hanc causam ægra nostra magis tussire incipit, & manē mucum viscidum tenacem eiicit; qui parum est hoc alimentum spermaticum extravasatum & corruptum, quod coctum appellatur: partim etiam portio, ab alimentis incoctis relictis & quasi per transudationem in œsophago congestis. Tussis tandem in dies magis magisque augetur cum summo conatu & sonitu ex imo & profundo, quia dicta lymphæ & nutrimentum spermaticum à naturali statu decedentia, per paulatimam deglutitionem in œsophagum & postmodum stomachum delapse, non solum priorem, nempe œsophagum, maxime irritant & vellicant, sicque tussis materia violentia occasionem suggerunt; (videmus namque quod v.g. aqua cinnamomi, vel alia quædam aqua spirituosæ æris, quamquam non intret arteriam asperam, sed solummodo œsophagum, in non aduētis maximam tussim, primo siccam & inanem, postmodum vero mucum quandam spissiorē ob causam jam dictam inferat;) Verum etiam stomacho illapsa ejusdem succum fermentalem (qui alias in senibus propter spirituum animalium defectum satis debilis est) inficiunt, ut loco succi salini (volatilitas enim maxime requiritur) fiat mucus viscidus salus, qui ex alimentis non potest non loco chyli legitime talem pastam viscidam tenacem producere; hinc propter stomachum & œsophagum, asperamque arteriam per consensum irritata, maxima & violentissima tussis, propter viscida & tenacia non valde mobilia, attamen nondum tanta violentia irritantia, ut talis mucus viscidus per vomitum reijciatur: ad quod tamen etiam succum contribunt fauces & larynx, irritata propter continuitatem membranarum eorum cum œsophago & stomacho. Tussis autem augetur, quando dorso incumbit, sine dubio propter diaphragma, stomachum comprimens, eandemque jam irritatum magis irritans. Appetitus tandem prostermitur, propter pastam acidam viscidam fermentum stomachi obtundentem, tum propter tonum ventriculi depravatū à conatu vomitus. Siis intenditur propter lympham salis, fauces & laryngem oblinentem. Febris tandem supervenit, non tantum ab huius feri cum sanguine mediante ejus circulo mixtionis, verum etiam à chylosi depravata, & ex hinc nato mucosa viscido acido sanguini commisto; unde in sanguine ratione ejus salis volatilis effervescentia febrilis excitatur. Verum quia hæc pathemata in nupero quodam casu sufficienter ab Excellentissimo Dn. Præsidi deducta sunt, his supersedeo, & potius ad magis Practicā pergo.

PROGNOSIS.

Quoad Pognosin: Ex se, quia est à causa externa; & quia mulier (est enim vetula) est extra statum gravidationis, nihil habet in recessu.

Verum est periculosa:

1. Quia hicce mucus stomacho infestus ejusdem fermenti digestivi volatilem activitatem figit & impedit.
2. Quatenus propter fortiolem concussionem & violentam agitationem hæmoptysin potest inferre.
3. Quia propter acrimoniam lymphæ, phthisis vel etiam pleuritidis supervenire potest.
4. Quia in vetula præprimis robur partium ita labefactari potest, ut malum deinde quasi habituale fiat.

CURA.

Desiderat ergo Curam, in qua

1. Causa irritans removeatur; ipsaque
2. Irritatio & vellicatio tollatur; &
3. Si quæ faucium adsit asperitas, seu fauces rauæ, temperantibus leniatur:

Quia his sublatis cetera, tanquam producta; cessabunt, Pro primo ergo scopo conveniunt ante omnia evacuantia, in specie vero Vomitoria; quia in hoc nostro casu eadem nobis quoque digito monstrat natura. Verum quia mucus viscidus adest difficulter mobilis, necessum puto, digestiva, mucum viscidum incidentia & attenuantia, præmittere, v.g.

24. Salis ammoniaci puri ℥i.

Div. in 2. part. æqu.

D. S.

Pulvis digestivus.

Sumatur unus manē, aliter vesperti in lacte, quia alias nauseam creat.

Vel loco hujus:

24. Salis ammoniaci ℥ii.

Arcan. dupl. ℥ss.

Rad. Ati.,

Serpentar. ana. ℥ii.

M. f. Pulvis:

Divid. in 2. part. equal.

D. S. ut supra.

Usurpetur eodem modo, saltem in alio vehiculo.

Convenit etiam oxymel, vel solummodo succus raphani rusticani, optimum incidens; herba hyssopi, marrubii, radix helenii, calami aromatici, essentia ligni sassafras cum spiritu serpilli, Symplicis nicotianæ, spiritus asthmaticus ex gummi ammoniaco cum erugine & pauco aceti. Hisce tamen omnibus palmam præferi gummi ammoniacum, quod in mucis viscidis incidendis fere primatum obtinet. Hinc

24. Aquæ hyssopi,

Veron. ana. ℥ii.

Spiritus asthmaticus ℥ii.

Gum. ammoniaci in aceti sol. ℥i.

Syr. Nicot. ℥j.

M. f. Potio.

Usurpetur coaleatim.

Mucus autem actuatus evacuetur per vomitoria, vel purgantia: Vomitoria autem videntur optima. Post pulverem ex sale ammoniaco,

24. Tartari emet. gr. iii.

Sacch. gr. vi.

M. f. Pulvis.

Vel conveniunt Infusa antimonialia, de quibus alias sufficienter dictum.

Si vero ægra hæce horreat, & desideret Purgantia per alvum, optime eidem potest prospici per Mercurium dulcem vel gummi ammoniacum, quorum formulæ in aliis casibus jam dictæ sunt.

Si adhuc urgeat tussis, potest propinari balsamus sulphuris terebinthinatus, vel potius anisatus.

Si autem cessavit, ad secundam Indicationem progrediendum, nempe ad irritationem tollendam. Antequam autem id fiat, stomachi tonus propter vim vomitorii resolutus, & propter fermentum ejus antea labefactum, restaurandus est: quod optime fit per aromatica, cui propter lymphæ

vitium corrigendum catarrhalia & salia volatilia possunt addi. Talia sunt mentha, absinthium, zedoaria, zingiber, elixyr pectorale, elixyr proprietatis, spiritus salis ammoniaci sal volatile cornu cervi, &c. ex gr.

℞. Aquæ Menth.

Veron. ana ℥ii.
Spiritus salis ammoniaci,
Liqu. Cornu Cervi succin. an. ℥i.
Syr. helen. ℥i.
M. f. Potio.

Usurpetur cochleatim.
Vel

℞. Pulv. Zedoar.

Zingib.
Galang. ana ℥ii.
Sal. vol. succin. ℥i.
M. pro Pulvere.

Dosis est, quantum capit cultelli cuspis in aqua hyssopi.

Iam ad tertium scopum, ubi propter suspicionem exulcerationi asperæ arteriæ conveniunt vulneraria vulgò dicta verbi gratia.

℞. Bals. sulphuris tereb. ℥ii.

Dosis sunt gutt. xii. ad xv.

Reliquo scopo satisfaciunt demulcentia vel lenientia dicta: sit ergò gargarismus:

℞. Aquæ scabiosæ,

Veron. ana ℥iii.
Succ. liquirit. ℥ii.
Syr. violar. ℥ß.

Misc. pro Gargarismate.

Sufficit etiam decoctum raparum. Conveniunt etiam linctus ex syrupo jujubino, violarum & similibus, non sanè quod veniant per arteriam asperam ad pulmones, sed quatenus saliva misti, eandem alterant & demulcent.

Conveniunt etiam Syrupus diacodion Montani cum baculo liquiritiæ, mastiche, pulpa passularum, &c. Remedium domesticum, nempe spiritus vini, in quo succus liquiritiæ est solutus, maximè etiam laudatur.

Possunt autem in hoc casu post stomachum evacuatum, & mucum viscidum rejectum, etiam opiata adhiberi: quæ tamen ante hæc non convenientia fuissent, propter mucum viscidum copiosum, quem magis incrassassent. Quando ergo evacuato stomacho, & irritatione sublata, necdum tussis cessat, ea in auxilium possunt vocari.

DISCURSUS & ANNOTATA

B. DN. D. E T T M U L L E R I.

Affectus est Tussis humida ab effectu, excretionem nempe materiæ mucaginosa dicta; quæ tamen non contradiſtinguenda est convulsivæ. Etenim omnis tussis consistit in convulsiva clausura pectoris, sive jam ea fuerit humida, sive fiat sicca. Et par hæc est ratio atque in vomitu: quemadmodum enim vomitus est motus convulsivus stomachi, sic etiam tussis est cum motu convulsivo pectoris. Et ista tussis sicca, quæ oritur ex titillatione auriscalpii profundius auri intrusi, propter consensum nempe conjugationis nervorum cum ramo intercostali.

Quoad Partem affectam primariò, cum nostra vetula in statu demum morbi curæ se subjiciat, quæri de ea posset: ubi tamen de larynge dubitatur admodum, cum non omnis tussis oriatur ex vellicata larynge, nec ipsa ægra interrogata unquam conquesta fuit de dolore laryngis, sed potiùs de vellicatione in faucibus; unde colligo: pharyngem & membranam pituitariam posteriorem esse in hujus casus principio primariò affectam, eamque laborare phlogosi, & superficiali sui excoaratione. Confirmatur hoc, quia excretio sit cum screatu, non verò cum tussi; signum quod est, materiam ex membrana pituitaria, naturaliter spissiore lympham plorante, provenire.

Pars ergò primariò in principio affecta sunt fauces circa regionem membranæ pituitariæ posterioris; sicut postmodum in progressu & statu morbi simpliciter affectus est stomachus: quippe propter crebriorem descensum & co-

Ettmuller. Oper. Tom. I.

ervationem lymphæ illius spissioris ad stomachum turbatur digestio prima, sicque postmodum visciditate collecta sequitur tussis stomachalis.

Cæterum quod affectus sit stomachus, patet ex quinque circumstantiis:

1. Est situs vellicationis; monstrat enim ægra nostra scrobiculum cordis. Unde ingruente malo ægri dicunt: *Cadit mihi aeris Catarrhus per tracheam in pectus*: monstrantque regionem stomachi.
2. Materiæ avulsio, quæ contingit circa regionem epigastricam; nam & phthistici exactè sciunt locum, in quo spūs avellitur.
3. Est sonitus inter tussendum cum impetu ex profundo (ausin Grunde) quasi ex cava olla: dicit: *Convenit diu tussire antequam excreare potest*.
4. Supervenit subinde vomitus, à quo, rejectis ordinariò viscidis recrementis, ægra nostra melius se habet.
5. Pejus habet, quando dorso incumbit; quia tunc causa peccans magis orificium stomachi superius, & per consensum diaphragma, affligit.

Equidem paradoxon esse videtur, quod tussis ex stomacho oriri possit. Verum tamen id est, & modus, quo fiat, est duplex: Vel enim propter œsophagum asperæ arteriæ connexum; vel propter stomachum diaphragma attingentem, quod ab œsophago perforatur: Quorum primus tamen modus dubius ex eo est, quod materia deorsum per œsophagum vergente enasci tussis queat; interim posterior modus certior est. Ubi obiter quoque observandum, præter tussim humidam stomachalem apud quosdam etiam se offerre nonnunquam tussim siccam stomachalem nocturnam, qui monstrant locum præcordiorum, & omnium est pessima; talisque corripit interdum juvenes, malæ & pravæ diæetæ addictos; quæ sunt prodromi phthiseos, & curantur vix sine vomitu, eoque præmisso, per liquorem terræ foliatæ tartari, utpote abstergentem ventriculi orificium superius.

Quoad causam remotam: hæc est aeris inclementia, quæ membranam faucium, speciatim pituitariam posteriorem, excoar, quæ læsa mox dolet, phlogosi rubet, & copiosam lympham plorat salso-acrem; hinc dolor inter deglutendum à levissimo etiam objecto oritur. Notandum est, oblæſionem istam aeris facilem à natura narium meatus ordinatos esse, quibus quasi temperatur, inspiratus aer, cum majorem longè impressionem per os inspiratus habeat; hinc etiam pessimè sibi consulunt, qui ore aperto dormiunt, quia tales inter alias concausas proniores sunt ad phthisin, quatenus scilicet aer non modificatus pulmones subit. Interim quod aer talis inclementior nunc magis laryngem, nunc pharyngem, nunc tandem nares afficiat, hoc partim ejus dispositioni variæ, partim verò partium harum texturæ variæ adscribendum est.

Porro quicquid mucosi mulier rejicit, illud non est causa morboſa, sed tantum productum morboſum, natum ex digestionelæsa stomachi, quia ex stomacho rejicitur. Etenim duo in hoc casu occurrunt:

1. Lympha non adeò quidem acris, salſa tamen, primum irritans œsophagum, hinc mucii copiosi, sub noctem cumprimis, in stomacho congestio; unde manet tussis molestior, & ejectio copiosior.
2. Ex lymphâ descendente in stomachum digestio hujus læsa, unde screatus in principio est saltem ex faucibus, & tunc minus tussit, imò parum quoque vel nil mucii rejicit, sed in progressu tandem morbi.

Talis tussis interdum est chronica; quæ tamen non ex faucibus est, cum hæc optimè se habeant, & ægri vinum liberè bibere possint, sed ex stomacho. Et licet mitigata videatur, tamen subinde recurrit, & vix, nisi per vomitum, vel sponte vel arte provocatum, eradicari potest. Fovetur malum à salſa lymphâ in plicis stomachi alimentorum digestionem impediende: hinc speciatim manè evigilantes violentius tussunt, & copiosius ejiciunt; quatenus nempe tunc uberius ista recrementa ex digestionem congesta ad majorem quantitatem excreſcunt. Certè tussis infantum frequentissimè est stomachalis, tam ablaetatorum, quam sugentium, quatenus in stomacho alimenta in pastam viscidam tenacem degenerant,

Ccc 3 hinc

hinc stomachum & oesophagum, atque per consensum asperam arteriam irritant.

Stertor non semper est ex pulmonibus, sed quatenus reliquæ quædam muci hinc inde hærent, quas transiens aer stertorem infert; potius est ex stomacho.

Insuper observavi simillimam tussim in matre mea ex inspiratione fumi pinguis nidorosi in culina, Germ. *in der Kuchen*, nundinarum tempore, qui similiter penetrat ad fauces, quas acrimonia falso-acida vellicat: sicut enim nuges pingues, rancidæ & olidæ, faucibus solis talem rucedinem pinguedine falso-acida inferunt; ita quoque fumus acrimonia sua acido-salsa tussi stomachali ansam præbet.

Tussis augetur, quando dorso incumbunt propter stomachum, quasi in glomum mutatum. Notandum; diaphragma semper in eodem situ, sive stemus sive cubemus, manere; de stomacho verò aliud dicendum, quippe quod prostrato corpore diaphragma magis attingit.

Quoad febrem hic concurrentem; monendum, eam in statu lentam, in principio magis acutam esse, adeoque facili nos decipi posse, ut ardentem eam putemus, nisi circumstantiæ docuerint, eam symptomaticam potius fuisse: unde utut continuo pulsu concitatio comitata incedat, à pastu tamen calor magis urget, qui in statu morbi confirmato remittit; & si aliquot dies transierunt, fit lenta, & hectica ferè similis, quæ tamen remoto mucos spontè cessat.

Quoad *Prognosin*: Morbus per se non est periculosus; debilitatur tamen; utut per accidens ex concursu aliorum symptomatum periculosior fieri, aut ipse in habitualement transire queat. Cæteroquin tales sitiunt magis, non autem edunt, & metus est imminentis tandem hæmoptyses, speciatim ubi constitutio ægri conspiraverit, quando *dyspnœici* & *plethorici* sint.

De Pleuritide metus est nullus.

Quoad *Curam*; hæ tres Indicationes potissimum observentur; nempe

1. *Causa vellicans* in stomacho removeatur.
2. *Irritatio* & vellicatio sistatur, si quæ superest.
3. In faucibus asperitas, vel dolor adhuc urgens, Temperantibus & Corrigentibus leniatur; quæ tamen Indicatio ultima magis in principio urget, unde in Praxi ferè primò omnium observetur; secus enim impeditur remediorum usus.

Iam verò, utut certum sit, malum per simplicia incidentia curari non posse, causam tamen vellicantem in stomacho optimè removeant, quæ citi us longè & tutius tussim hanc curant, præmissio, ubi visum fuerit, *digestivo*. In *Resolutione Casus* præscribitur digestivum ex ʒi salis ammoniaci puri pro duabus dosibus in lacte sumendis: Verùm ægri non ferunt sal ammoniacum, & tales pulveres purè falsos, imò nec juscula falsa, ob faucium asperitatem: Et posito, quod fauces sint salvæ, magis tamen adhuc vellicat acrimonia ejusmodi digestivorum falsa in stomacho; metus ergo est, ne magis exasperetur tussis. Si verò faucium asperitas sublata sit, tunc demum conveniunt. Leniuntur fauces per temperata nonnihil *viscosa insipido-dulcia*; unde incidentia cum lenientibus misceantur.

Spiritus asthmaticus in *Casus Resolutione* commendatur & præscribitur: sed est nimis acris; nam & vinum non ferunt hi tussientes.

Infusa emetica à *Dn. Resolvente* commendata non conveniunt, cum vinum, uti jam dixi, insigniter augeat tussim, nisi fauces lubricæ sint & bonæ; hinc in qualibet tussi vinum prohibetur ægris. Stomachus ergo primò leniatur, vel incidentia cum lenientibus misceantur.

Post vomitorium, nisi faucium urgeat asperitas, pro expectoratione promovenda oxymel simplex & squilliticum convenit, quatenus incidit, & propter mel fauces lubricat; sicut & nicotiana est mirabile Simplex, cujus aqua & syrupus ritè paratus mirus est in promovendo pectoris & stomachi mucos. Ad tussim ergo humidam præscribatur mistura sequens, quam sæpius usurpavi:

ʒi. *Aquæ Menthe*,
Scabios. ana ʒii,
Oxym. squillit. ʒi
Syr. de Erys.

Syr. Nicot. ana ʒʒ.

Emet. ʒii.

M. f. Potio.

Quibus, si æger potest ferre, addatur q. s. spiritus natri dulcis, qui egregiè muci expectorationem in tussi stomachali egregiè promovet.

Vel

ʒi. *Aquæ hyssopi*;

Menthe ana ʒʒ.

Astmat. ʒiii. vel ʒvi.

Gum. ammoniacum aceto sol ʒii. ad ʒi.

Syr. scabios. vel Violar. vel de Iujub. vel simil. ʒʒ. vel ʒvii. ad ʒi. pro grato sapore.

M. pro Potione.

Ad incidendum mucum excellit radix ari, quæ in se singulare planè & causticum sal continet, resolvens mucum viscidum primarum viarum, & appetitum provocans. Adhibetur autem tam cruda, scilicet *radulla comminuta* & cum butyro supra panem comesta, quàm præparata, non tamen cum aceto, quæ potius est castratio virtutis incidentis; sed sumatur radix integra purgata, traiectione filo, suspendatur in umbrosus locum; sicut enim, utut phlegmatis evaporatione sal acre jacturam sui aliquomodo patitur, magna tamen ejus pars remanet, ratione cujus etiam egregium antiscorbuticum est: Post si volumus usurpare, corticem prius separemus.

Ne exasperentur fauces, Temperata, & ipsum stomachum quasi nonnihil excoriatum demulcentia, conducunt: qualia sunt nonnihil *viscosa* & *insipido-dulcia*, *glycyrrhiza*, mel, saccharum, passulæ, violæ, *tragacantha* &c. hæc fauces leniunt. Optimum est sperma ceti recens, flores sulphuris, crocus, qui etiam mucum resolvit; exem. gr.

ʒi. *Sperm. ceti* ʒi.

Flor. sulphuris ʒi.

Crocigr. vi. vel ʒʒ.

M. pro duabus vicibus.

Manè & vesperi sub introitum lecti in cerevisia calida assumendis.

Balsamus sulphuris anisatus est etiam egregius in tussi; item opium, pilulæ de cynoglossa, & de styrace.

Vulneraria frustra sunt; nulla enim horum est indicatio.

Gargarismata, dum fauces dolent, sunt suspecta; saltem in ore sunt tenenda absque gargarisatione; quia motu nimio fauces nimis exasperant; unde etiam non semper in angina conveniunt. Præterea *decoctum raparum*, vel recentium vel exsiccatarum, est egregium, etiam post decoctionem primam expressus ex iisdem succus; sicut etiam in affectibus urinariis, dysuria, in urina magis acri ab assumptis cantharidibus oriunda, morbisque etiam à lymphæ falsa enatis, optimè convenit. Pro leniendis etiam faucibus optimi sunt linctus, ex quibus præfertur succus expressus ex passulis, decoctione elicitus, vel loch passularum; item opiata, ut syrupus diacodion Montani, mistus cum *syrupo scabiosæ*, & cum *baculo liquiritiæ* sensim deglutendo.

Hos ægros etiam simul interdum urgent anxietates & *vagæ angustiae præcordiorum*, Germ. die Hertzens Angsten, quæ aliquando apud similes tussi stomachali superveniunt, & misere interdum torquentur, speciatim propter mucum & productum morbosum, in flatu in stomacho resolutum fermentando, qui flatu vagas & magnas angustias inferunt. Ad has tollendas, præter *clysmata carminativa*, nil melius est spiritu carminativo de tribus, qui egregius in hoc casu. Dos à gutt. 30 vel 40. in cerevisia calida assumptus; loco hujus etiam spiritus salis ammoniaci anisatus potest hoc in casu substitui.

Vir juvenis tussi humida pectorali gravissima laborabat, ipso ægro aliàs scorbutico existente, contracta ex inleventia aeris externa. Morbus jam aliquandiu duraverat, cum tussi crebra, & materie viscidæ copiosæ rejectione, ita ut jam in statu esset, eger penitus decumbebat, aderat simul pulsus febrilis: sudor continuus, respiratio nonnihil difficilis, dolores spinæ dorsu ingentes, urina paucissima, recurrentes interdum lipothymie, præsertim si excretio nonnihil cessaret, phlogoses vagæ, & subinde recurrentes anxietates, magna anxietas & *mæstitia cordis*, cum ad cor pervenit, quasi jamjam strangularetur, dolores lancinantes in artubus post tussim, &c. Mala hæc omnia ex lymphæ constitutione præternaturali oriebantur, quæ vitioso sapore

apote scorbutico acido infecta, omnia ista symptomata præsertim irritando asperam arteriam & pulmones, tussim; ex pancreate verò effusa & effervescendo in primis viis cum cæteris contentis, phlogoses, anxietates, &c. inducebat.

Vocatis die solis pro tussi, ceu maximè urgente, præscribo expectorationis gratia;

℞. Aqu. fœnicul.

Hyssopi an. ℥i.

Asthmat.

Syr. Nicot. an. ℥vi.

Oxym. squillit. ℥i.

M. f. Potio.

Capiebat cochlearim.

Pro cæteris symptomatis vagis, ex radice scorbuti natis;

℞. Spiritus carmin. de trib. ℥ss.

Dosis 40. gutt. quotiescunque libuerit, aut symptomata urgeant.

Usus huius spiritus multum laudavit; portione verò ista multa expectoravit.

Die lunæ pro expectoratione continuanda succum raphani recentem expressum cum saccharo temperatum crebrius hauriendum iussi, & spiritum istum continuare.

Die Martis, cum mucus ceu productum morbosum maximam partem esse evacuatus, & non nisi difficillima pauci muci fieret rejectio, tussis verò continuaret, eaque ob inanem conatum dolorosa præcordiis, ad læsionem irritantem tollendam præscripsi:

℞. Aqu. fœnic. ℥iii.

Asthmat. ℥vi.

Syr. diacod. Mont. ℥ss.

Misc.

Crebrius accepit, præsertim quando tussis laboriosior instabat, hinc benè dormivit, multum laudavit remedium.

Die Mercurii interdiu spiritum carminativum; vespere verò & noctu, quantum supererat, de poriuncula capere iussi.

Die Jovis cum multum tussiret, parum reliceret, nox gravis fuisset, pro lymphæ correctela & irritationis partium spiritualium lenitione:

℞. Spiritus sal. ammoniaci anis. ℥iii.

Ess. opii ℥i.

Misc.

Accipiebat ter in die, dosi 40. guttulas, manè, circa vespere, & tempore ingruentis somni; primitus quidem acrior spiritus fauces lādere visus fuit, postmodum verò usu continuato admodum profuit; hos effectus sensibilibiter se ex illius usu observare affirmavit; spiritum hunc tussim instantem inanem mox reprimere; humidam verò in expectorando promovere, & hanc minimè laboriosam reddere; unde aliquamdiu continuato hoc spiritu convaleuit.

Sed cum præmaturè frigori externo denuò se exposuisset, adeoque recidivam periculosam pateretur, optimè contulit:

℞. Aqu. scabios. ℥iii.

Asthmat. ℥vi.

Lap. cancr. præp. ℥ii.

Extr. sulphuris ℥i.

Syr. diacod. Mont. ℥ss.

M. f. Potio.

Quæ portio mutatis mutandis egregiè præsertim vespere & nocte profuit, eumque restituit.

RESOLUTIO ALIA INCERTI AUTORIS,

B. DN. PRÆSIDE

Correcta Anno 1682.

Ex communicatione

B. D. GROELLMANNI,
PHYSICI TORGAVIENSIS,

AFFECTUS

Tussis, quæ agram nostram molestat, est *stomachalis* eaque *humida*, per *diuturnitatem* nata, occasione scilicet lymphæ, ex lassa membrana pituitaria posteriore sensim secundum œsophagi tractum in ventriculum depluentis.

Stomachalem eam esse, colligere haud difficulter licet.

1. Ex loco perceptæ molestiæ, & sensu materiæ, dum scrobiculum cordis hunc appellat, eam videlicet epigastricæ regionis partem, ubi sinistrum ventriculi orificium (profundius licet, & magis ad vertebram dorsi undecimam inclinans) situm est.
2. Ex tussendi modo & sonitu, quorum ille, cum summo labore, & crebrius reperito conatu fit; hic, ex imo & profundo quasi emergens, deprehenditur, cum manifesto utrobique iudicio, situs partis affectæ profundioris, quam ut pulmonibus hæc investigare debeat.

3. Ex adjunctis symptomatibus, vomitu nimirum nonnunquam superveniente, atque appetitu prostrato.

Excitari verò tussim ex affecto stomacho posse, non à posteriori solum concludere fas est, dum à propinato vomitorio, hæc sæpè cessat, aut saltem notabiliter imminuitur; sed à priori quoque, partim ratione consensus continuitatis, quem œsophagus cum ventriculo habet, quatenus orificio huius superiori irritato ille faciliè compatitur, & laryngem quoque, cui connectitur, in mali communionem trahit; partim ratione diaphragmatis, quod arctius cum orificio ventriculi sinistro connexum, ut ex irritatione huius in motum convulsivum inspiratorium, sub singultu verbi gratia, abripitur, ita de facili quoque ad motum expiratorium anomalum, per consensum adigi potest in tussi.

PARS AFFECTA.

Revera ergò stomachus, & in specie orificium huius superius, in tussi præsentè afficitur; non exclusa tamen membrana pituitaria superiore, cujus ab aere hyberno inclementiore læsio hic instar foci sese habet, & primæ serè malorum omnium scaturiginis.

CAUSA.

Etenim *Causa efficiens formalis* vicem hic gerit glandularum ejus partim frequentior strictura, dum ab aere inclementiori irritata sese stringunt, atque ita lympham, intra vascula sua excretoria contentam, copiosius emulgent; partim aliqualis læsio & excoarctatio, unde eadem lympham non potest non uberius transudare. *Causa materialis* atque continentis rationem habet lymphæ, copiosius ita ex membrana pituitaria in fauces, & hinc per œsophagum in ventriculum deposita; magis tamen acrimonia sua salsa quam copia peccans, atque orificium ventriculi superius vellicans.

Remota Causa est aer hybernus inclementior, qui particulis sine dubio salinis atque aculeatis (cujuscunque tandem illæ naturæ sint) turgidus, faciliè membranam pituitariam posteriorem irritare primum, tandem

etiam excoriare potis est, partim immediatè in hanc agendo, partim lympham corporis nostri acriorem reddendo.

SYMPTOMATUM CUM CAUSIS C O N N E X I O.

Patet jam, vellicationem illam, quam primitus in faucibus ægra sensit, non aliunde, nisi a lymphæ in ventriculo depluentis acrimonia; quæ eadem, pharyngem quoque in descensu leviter excoriando, aliqualis illius doloris causa fuit: Dorso incumbens, quod præprimis tussiat, in causa videtur esse faciliior atque uberior lymphæ acrioris, in hoc corporis situ, versus ventriculum defluxio, materiæ quoque forsan, in ventriculo congestæ jam, versus orificium sinistrum quasi devolutio: ut adeo hoc sensibilius ita irritato non possit non tussis subsequi aliqua exacerbatio. Vomitus subinde supervenit, quatenus sub vehementiori tussiendo conatu ventriculus non solum plus minus quasi concutitur, sed potissimum, quatenus ob continuam à mucositate tenaciori plus minus acriori orificii superioris irritationem, inferius quoque in consensum tractum, spasmodicè sese contrahit, atque sic continuato hoc fibrarum versus orificium sinistrum spasmotum ventriculi peristalticum inversum infert. Appetitus prostermitur propter alteratam à lymphæ acriori & viscidiori fermentum; quemadmodum etiam sitis ab hac ipsa oritur, & febricula superveniens lenta. Quæ elicit mucosa, viscida, minimam ferè muci in stomacho contenti, atque ex digestionis huius errore geniti, portionem agnoscunt, sed maximam partem ex lymphæ constat, ex membrana pituitaria per œsophagum defluente; quin etiam ex eiusdem membranae nutrimento proximo, propter excoriationem illius, una cum lymphæ transudante, & in mucum istiusmodi successivè coagulato.

P R O G N O S I S.

Mala, quæ tussim hanc in ægra nostra excipere possunt, sola ferè hæmoptysis absolvit, violentiorem eiusmodi & summum tussiendo conatum non raro insequens; præprimis cum debilius in illa, seu vetula, pulmonum suspicio esse possit, atque iam tussis quoque pectoralis, seu stertor insignis inter dormiendum suadet, metuenda videtur.

C U R A T I O.

Curatio tres scopos istos præfixos sibi habet:

1. Causa materialis irritans tollenda.
2. Irritationis sensus sistendus: &
3. Noxa partibus inducta, emendanda erit.

Primum scopum obtinere licet vomitorio: v. g.

℞. Aqu. Menth. ℥i.

Syr. emet. Ang. Sal. ℥ss.

D. S.

Potiuncula Emericæ.

Vel si ab hoc abhorruerit, exhibeantur pilulæ sequentes:

℞. Gum. ammoniaci in acet. sol. ℥ss. ad gr. xv.

Tartari vitriolat. gr. viii.

Scamm. præp. gr. iv.

Troch. alband. gr. i.

Cum ol. dest. Anisi f. Pilulæ.

D. S.

Pilula purgantes.

Secundum scopum verò hac forma potionis;

℞. Aquæ hyssopi ℥iii.

Asthmat. ℥vi.

Spiritus sal. ammoniaci anis. ℥ss. ad ℥i.

Syr. diacod. Mont. ℥vi.

M. f. Potio.

Pro incidendo mucositate, & sensu irritationis sistendo. De qua cochleatim sumere poterit, disponendo se, imprimis cubitum itura, ad blandum sudorem.

Vel

℞. Tinctura tartari comp. ℥ii.

Salis vol. arom. vel alius vol. oleosi ℥i.

Ess. Opii ℥ss.

Misc.

De qua mistura manè, à meridie & sub introitum lecti, gutt. 40. in quocunque vehiculo assumere poterit, expectando sudorem.

Quoad tertium scopum, pro tono ventriculi restaurando:

℞. Elix. propr. sine acid. ℥iii.

Spiritus sal. ammoniaci anis. ℥ss.

Misc.

De qua mistura, sedata jam tussi, ad gutt. 40. assumat, quolibet manè in iusculo calido.

Pro excoriatione faucium syrupum hederæ terrestris, cum baculo liquiritiæ sæpius lambere conveniet. Loch passularum vel Rob passularum, item Syrupus scabiosæ & diacodion Montani ana, lambendo successivè sumpta cum baculo liquiritiæ: Item pro salso acri sapore in ventriculo rapæ exsiccata decoctæ, item decoctum raparum secundum: item pro orificio ventriculi demulcendo gummi tragacanthi, ejusque mucilago, vel cum saccharo parata rotula, &c. convenient.

C A S U S XXII.

FEBRIS TERTIANA INTERMITTENS SCORBUTICA.

Studiosus juvenis, sedulo studiis incumbens, indeque ad hypochondriacum malum inclinans, corripitur die 5. Aprilis, cum nox prægressa præter morem fuisset inquieta, & non nihil anxiosa, præcedente artuum lassitudine, & cephalalgia; horrore gravi, tum insequente astu & siti, aliquot horas durantibus. Negligit autem talia, præsertim cum post noctis suavem quietem sequenti die melius habuerat; nisi quod appetitus minus urgeat. Excipit verò hunc nox inquieta, somno admodum anxio & interrupto gravis; appetente manè, die 7. Aprilis, aliquoties vomit varia liquamina multi coloris, amaricantia, &c.; hunc vomitum insequitur tussis sicca & inanis, ultra mediam horam graviter affligens (locum irritationis scrobiculum cordis seu cartilaginis ensiformis regionem monstrat) quæ evanescente varia phantasmata & incondita cogitata mentem perturbant, quæ excipit leve corporis frigus, successivè in intensum corporis astum, & ardorem, extrema imprimis lancinantem, transiens, cum efflorescentibus hinc inde maculis rubris & purpureis: comitantur talia insignes anxietates, ut ager hinc inde miserè se jactitet, hypochondria simul quoque tendi videantur. Durationis hac tragædia successivè remittendo, ultra 9. horas, ita ut macula etiam pedetentim iterum evanescant, lassitudine saltem artuum & cephalalgia superstite; nox insequens quieta, & somno placido amica, altero mane benè se habet, horis ante-meridianis supervenit sudor copiosus universalis, cephalalgia reliquias, & si quid aliud superest præternaturale tollens, à meridie quoque optime habet; vespere verò conturbari quid sibi in hypochondriis videtur, artuumque lassitudinem redire, metuens novas turbas, Medicum vocat pro Cura.

R E S O L U T I O

DN. CHRISTIANI
ZINCKENAGELS,

Longo-Salissa-Thuringi,

Cum speciali Discursu & Annotatis

B. DNI. PRÆSIDIS,

Censuræ submissa Anno 1676.

A F F E C T U S.

In presentia casu Febrim habemus tertianam scorbuticam; à particulis salino-sulphureis productam. Hostilibus hisce particulis perterrefactus archei exercitus ad centrum retrocessit; unde reliqua corporis partes militum quasi custodia orba-

orbata, horruerunt, usque dum archeus, consilio habito, eductis iterum e centro copis rediit, fortiusque contra hostes armis caput. Sub quo conflictu salino-sulphurea particula magis magisque exaltata, & in statum volatilitatis deducta, inquietudinem, cephalalgiam, astum, sitim, cutisque efflorescentias purpureas, impresso ibidem sigillo fermentativo: phantasmata ibidem, perturbando spirituum animalium metropolin: hypochondriorum tensiones, sanguinis massam fermentando: vomitiones, fibras nerveas vellicando: sudorem denique copiosum, serosa liquamina extenuando, induxerunt.

Malum autem hoc facile sibi accersere agrotus noster potuit vita sedentaria, nimiaque ad literas discendas ingenii intentione. Hinc enim arcus justo tensor ruptus est, ventriculi tonus subversus, fermentum digestivum obtusum, appetitus dejectus, cruditates coacervatae, & inde malorum ilias; fontem huius mali vel ipse indicavit Patiens, monstrando cordis scrobiculum.

PROGNOSIS.

Et sane agrotus noster non citra periculum constitutus est: siquidem ex tertiana hac in quartanam, & tantum non innumeram metuendus est transitus: scorbutica enim febris types suos mutare solet, docente ipsum Praxi.

CURA.

Sed ut agroti nostri desiderio satisfiat, instituenda Cura est & quidem non adeo curiosè: haud raro enim contingit; ut quo magis solliciti sumus in adornanda methodo, eò magis eludatur opera nostra. Pro huius rei elucidatione proficua aquè ac jucunda admisceri possent, sed huius loci non est. Pergendum ergo potius ad ipsam curationem, ubi primum facit punctum ventriculi tonus: hic enim cum prostratus maxime sit, in pristinum vigorem restitui debet: deinde particula salino-sulphurea corrigenda.

Pro Scopo priori obtinendo ipsam sequemur naturam; quò enim illa vergit, eò ducenda est. In hoc nostro agro natura, materiam peccantem per vomitus eliminare satagit, in quo conatu ipsam maxime providam censemus. Sit igitur pro stomacho absterisum vomitorium sequens:

℞. Croci metall. absinth. ʒss.

Infund. in

Vini Rhenan. ʒij.

Stent in infus. per noctem in loco calido: manè filtrantur per chartam.

D. S.

Vinum emeticum.

Usurpetur cum custodia.

Peracta vomitione imbecillis ventriculus bono vini haustu, nulla caloris habita ratione, recreetur. Postmodum medicina ventriculo appropriata seu febrifuga propinetur.

℞. Corall. rub. præp.

Salis absinth. ana ʒi.

Panac. Holstein. ʒss.

Irroretur cum Ol. destill. caryophyll.

div. in 3. part. aequal.

Dosis propinetur singulis diebus manè.

Pro altero scopo conveniunt acidiuscula, ut phlogoses, sitis, astus, &c. temperentur:

℞. Flor. Rosar. rub. ʒiij.

Infundantur in

Aquæ Cichor. acuatæ cum ʒi. Spiritus Sulph.

q. s. Stent in infus. per noctem:

Manè fortiter expressum filtretur per chartam:

adde

Syr. de mentha ʒi.

Scelotyrb. For. ʒss.

D. M. S.

Haustus refrigerans.

Roborato stomacho in usum vocentur sudorifera;

℞. Ess. absinth. ʒij.

Mixt. sudorif. antiscorb. Mich. ʒi.

Misc. pro duabus vicibus.

Hisce insistendum, dum patiens reconvalescat. Non enim opus est, ut Medicus statim ex una Medicina in alteram cadat; indicium enim hoc est desperati ingenii, quando hoc non prodest, alterum profuturum existimantis. Quin potius subinde imitari mulierculas, quæ sapius gravissimos morbos, aliis Medicis incurabiles, unica saltem potione,

pro necessitate repetita profligarunt, non inconsultum est. Quemadmodum enim natura simplex est, ita eadem amat Medicina simplicitatem, longaque ingredientium sarragine circumscribi nequit.

DISCURSUS & ANNOTATA SPECIALIA

B. DN. PRÆSIDIS.

Affectus est Tertia intermittens simplex: adlunt tamen symptomata longè plura, & atrociora, quàm aliàs adesse solent, quia æger noster est hypochondriaco-scorbuticus, unde dicitur scorbutica; utut hypochondriacæ febres cum scorbuticis ferè coincidunt. Jam verò in nullis subiectis febres intermittentes majoribus symptomatibus comitatae incedunt, quàm in hypochondriacis & scorbuticis mirabiliter affligunt, mille turbas causant, subinde videntur malignæ, cum tamen non sint. Interim febris nostri patientis est periodicà, non erratica, quales plerumque solent esse scorbuticæ, & nunc semel, nunc bis una die paroxysmus recurrit: unde quando talis in febribus intermittentibus occurrit typus, indicium est, subesse crassam massam sanguineam scorbuticam.

Cæterum archei sub febribus dominium post PARRACELSUM allegat HELMONTIUS, ejus vestigio insitit FABER & Clariss. LANGIUS in Commentar. in hunc, Quoad archeum: ejus vox propriè de spiritu insito, non autem de influo, cujus affectiones hic explicantur, intelligitur. Adhæc demus operam, ne, PLATONIS instar, animal peculiare, archeum, in animali statuamus; quod faciunt plures Medici, hunc & scibilem, & irascibilem, & concupiscibilem vulgò fingentes & introducetes: summam; hi Autores parabolis quidem rem illustrent, minus verò scientificè eam explicant. Binas potius substantias in corpore nostro invenimus, animam saltem spiritum immortalem, cum quo Medicis nil est negotii, & hinc machinam corpoream. Huius ergo pathemata, quantum possibile, ex conditionibus materialibus, quas inter eminent mechanicæ, & post has chymicæ, explicemus: siquidem & ipsi spiritus nostri reverà sunt materiales, adeoque si quæ sunt spirituum affectiones & motus, ex iisdem principiis, tanquam universalibus & sensu notioribus, pro distinctione & clariore affectionum notitia explicare enitatur. Ubique nempe in corpore spirituum vim & energiam observamus, animalium pariter ac vitalium: illorum in sensuum affectionibus, & consequenter spirituum illorum organicis motibus: horum in variis succorum alterationibus, mutationibus, & partium solidarum consequenter plus minus vitiis inductis. Sed tamen sobriè & distinctè, non verò quia similitudines aut exempla ab animalibus, & tantum non homine desumpta, rem saltem illustremus.

Uti ergò in omni morbo, ita in specie in febribus, præsupponitur spirituum motus inordinatus & energia, quia corporum viventium affectiones sunt morbi. Hoc ergò ceu catholico vitæ & actionum, tam naturalium quàm præternaturalium, principio præsupposito, speciatim in machina corporea, conficeretur fiendi ratio, Adeoque in omni affectu specialis energia spirituum indaganda: & hinc, dum spirituum impetus per opium sistitur, eo ipso febres suspenduntur: quatenus autem iidem spiritus à causa materiali aliter ac aliter afficiuntur, eatenus diversos morbos producant.

Præsupponitur ergò in omni febre vis spirituum animalium: consideretur solummodò, quomodo afficiantur à causa morbifica?

Videatur jam in nostro agro, quanam Pars sit affecta? Illa autem distinguitur in specie in subiectum inhaesionis, & hinc radicationis. Subiectum inhaesionis est totum corpus; nam totus homo febricitat, in specie tota massa sanguinea, quod testatur astus, calor, &c. Radicationis verò subiectum, seu in quo & circa quod, est circa primas vias, stomachum puta & intestina. Hinc enim in quibusvis febribus intermittentibus ordinariò frequentia symptomata circa primas vias & hypochondria maxime urgent. Res ut pateat, hic & in similibus febricitantibus consideretur horret, qui in nostro agro obviis non est ex fuga spirituum, sed potius ex impetu eorundem: quandoqui-

doquidem horror est saltem spasmorum species & impetus spirituum, quia interdum febricitantes, præsertim quartanarii, sub rigore nonnunquam ita coripiuntur, ut etiam instar epilepticorum contremiscant. Nam similiter rigor & tremor artuum à frigore externo est motus convulsivus in cute & partibus membranosis. Horror verò in febricitantibus non necessario fit à positivo frigore, quia in talibus sub rigore manus & pedes attracti positivè calent; quod innuit inchoantem spasmum, qui exacerbatus horrorem infert circa stomachum & duodenum; quia Patientes incipientes frigere locum vel anteriorem vel posteriorem stomachi monstrant, unde in febricitantibus positivum frigus requiri non necesse est. Imò olea destillata, scrobiculo cordis illita, præsertim caryophyllorum & anisi, præservativè, desuper imponendo laterem calefactum, contra horrorem mirabiliter conveniunt; sicut si internis eundem velimus compescere, præter olea destillata dicta opium primarum ducit, ut ut saltem palliativè curet, & postmodum saltem morbum concentret, nisi illud cum aliis specificis misceatur. Porro spasmoticam fibrarum in primis viis contractionem excipit succorum effusio, unde *anxietas, sitis, vomitus, aliaque symptomata circa præcordia & hypochondria*. Scorbutici & hypochondriaci, quando laborant febribus intermittentibus, in principio paroxysmi frequentissime patiuntur anxietates præcordiorum, potissimum in nostro scorbutico, quæ ordinariò sunt ex stomacho; hinc ut plurimum anxietates tales superveniente vomitu cessant, ut in incremento & statu paroxysmi, si urgent hæ anxietates, easdem clysmata optimè sistunt. *Vomitus* autem variorum liquaminum viridium, in ægro nostro in principio paroxysmi observabiles, non sunt critici vi naturæ, sed saltem symptomatici, dependentes ex spasmis intestinorum & locorum vicinorum, quibus non evacuatur fomes morbi, sed succi aliàs naturaliter constituti à causa morbifica corrumpuntur & lacesuntur, retroeunt ad stomachum. Par ratio est de sudore, qui post paroxysmum non est criticus, sed symptomaticus. Res ut pateat, succi, qui eijciuntur, subinde naturaliter se habent: non secus ac in sanis ex usu antimonii flava rejiciuntur, unde etiam, licet ægrum valde debilitent, non statim sistendi sunt; sunt enim bonum signum malæ causæ; fit enim quandoque, ut aliquid de fomite morbi simul evacuetur, & dum rejiciuntur, per accidens symptomata quædam remittunt. Interim tamen critici non sunt; nisi enim urgeret vis morbi, non sudarent, nec vomerent ægri: non tamen etiam nisi certis in casibus provocandi. Similiter tussis illa sicca nostri ægri reverà erat saltem ex stomacho & primis viis, commoto à febrili fermento, & irritato diaphragmate. Cum enim dedissem eidem laudanum opiatum ante paroxysmum, emanabat tussis; uti omisso illo illa redibat, & paroxysmum per semihorium antecedebar; unde non curandæ sunt tales tusses, nec aliquid inferunt, sed dato valido vomitorio cedunt.

Cephalalgia affligens, quæ est absque pulsatione temporum, uti in nostro ægro, frequenter est per consensum stomachi affecti, hinc imminente vomitu intensius urget, & præmissio vomitu cessat; quæ verò affligit cum pulsatione circa tempora, dependet ex orgasmo sanguinis vehementiori, & solummodo superveniente sudore cessat. Hinc æger post paroxysmum benè se habet, saltem superest cephalalgia, quæ postero die per sudorem cessat. Tandem etiam *Siris clamosa*, ut & hypochondria tensa, de fomite circa stomachum & partes vicinas latente, testantur.

Cæterum considerandum adhuc, mox cum febre cessare appetitum, ægrosque extraordinaria appetere, ova, carnes, julsula, aliaque alimenta nutrientia horrere, si que edunt, saporem nidorolum percipiunt propter fermentum cessans in stomacho, hinc cessat appetitus, digestio, unde alimenta ingesta tunc temporis putrescunt, & nidorem contrahunt. Contrà sitis intenditur, qua tamen affligente, non bibunt cerevisiam, ob similem rationem, sed potius coventum, aut aquam simplicem, idè; quod hæc faciliè intestina transeant; secus ac cerevisia, varia incommoda quæ excitat.

Ex his ceu universalis ferè axiomatis loco sit. Si in quibuscunque febribus, in specie continuis tantillum adhuc appetitus superest, tunc semper bonum signum pronuntiatur; quod idem valet de cerevisiæ appetitu ad-

huc salvo. Imò si in quacunque febre post horrorem redeat denuò sapor vel appetitus cerevisiæ, & gustus ejusdem, optimum indicium renovati fermenti stomachi, digestivi suggerit.

Et hæc inter alia sunt symptomata, quæ fermentum febrile in primis viis, fibras nerveas vellicando, producit: Hæc confirmant, *subiectum radicationis* esse primas vias, ubi symptomata dicta oriuntur, vel per essentiam, vel per consensum.

Subiectum autem Infectionis esse massam sanguineam, testantur æstus, pulsus, sudor, &c. quatenus fermentum febrile sanguini ulterius communicatum, motum ejus naturalem fermentativum pervertit, sulphur infringit, à quo incallescencia aliàs naturalis, tandem spiritus afficit, hinc *frigus magis vel minus positivum*. Æstus dependet non à spiritibus, quia deassantur, sed ex sanguine nimis æstuante & incalescente corpus, simili ac quidam ex pulsu incalescit, cuius rapidiorem circulum & intensiorem orgasmum indicat Pulsus in qualibet febre frequentior, celerior, & ut plurimum major, qui bonus, est quia irritatur propter modificatum suo modo motum fermentativum; dum enim à sale volatili sanguinis sulphur subiungatur, *incalescit corpus, & febriliter æstuat*, donec particula istæ acidæ in falsum mutatae mediante sudore foras excernantur. Sudor hic universalis sanguinem affectum esse ostendit: qui, si mox post paroxysmum apparet, bonum est; quò verò diutius post paroxysmum apparet, eò tardior, & magis chronicam futuram esse intermittentem indicat; uti ante paroxysmum affligens sudor malus est, & talis ferè colliquefactivus in scorbuticis observabilis est, & ægro debilitat. *Ardor artuum lancinans*, ægrum in paroxysmo corripens, frequens esse solet laborantibus febre intermittente scorbutica, speciatim, qui subinde dolores graves lancinantes patiuntur, idque interdum & frequentius sub rigore, interdum & rarius sub æstu, ut extra paroxysmum nullum dolorem percipiant, quale quid in muliere quadam, arthritide vaga sub æstu correpta, observavi. Tales ergo dolores artuum lancinantes sensiles unum sunt ex certissimis & primariis signis latentis scorbuti in febribus intermittentibus; non secus ac *macule purpureæ* efflorescentes in nostro ægro ordinarius comes sunt intermittentiæ scorbuticarum, in statu paroxysmi efflorescentes, dum summè urget æstus; in declinatione verò nunc mediante sudore, nunc sine eo iterum disparentes. Cæterum non sumus hac in parte nimis audaces; observantur enim, teste FEHRIO *Tr. de Scorz. pag. 27.*, quoque intermittentes malignæ cum petechiis.

Causa proxima febris in ægro nostro, materialis nempe seu occasionalis, nihil aliud est, quàm fermentum aliquod præternaturale in stomacho, ex læsa ejus digestionem genitum, & in eo exaltatum, quod massam sanguineam alterando, & primarum viarum nervos vellicando, occasionem suggerit motui spirituum animalium inordinato. Scilicet fermentum illud febrile sunt minima illa miasmata, activa tamen & penetrantia, similiterque alterativa, omnium symptomatum autores, & analogæ ferè (ne dicam similia) contagiis, in aliis morbis & febribus observabilibus, præsertim cum & intermittentes quandoque contagiosæ à LOTICHIO in *Obs.* observatae sint. Ut itaque non præcisè colluvies morbosa materialis quædam præsens & februm causa existat; secus enim per purgationes illa expugnari posset; cum contrà, etsi talis febricitans millies purgetur, febris tamen in eodem tenore, nisi specifica adhibeantur, persistet.

Fermentum autem hoc febrile est salinæ profapiæ, & in specie naturæ acidæ; in hoc siquidem conspirant symptomata & cura. Symptomata, v. g. horror rigor, frigus, lancinationes artuum, vomitus, declarant acidum, cuius occasione, nempe fermentatione in sanguine, mutatio horrores in æstum contingit; & cura demum per salia alcalia; & terrea, maxime acidorum destructiva, instituenda; adeò, ut nullum sit artificium, febrem intermittentem curare, modò maturè Medicus adhibeatur.

Origo autem hujus fermenti febrilis est tam ex imminuta, quàm depravata stomachi digestionem, cuius occasione ex acido fermento naturali facillimè præternaturale emergit, & ventriculi rugis se cum recrementis insinuat, sicque vomitum causat. Hoc confirmant causæ antecedentes, quæ acidum stomachale pervertere possunt,

sunt, nempe perversa ut plurimum diæta, aut nausea super reliqua; intermittentes febres quæ generant; sicut & ex morbis acutis convalescentibus, quos ordinariò famès ingens affligit, dum avidius & nimis copiosè ingurgitant alimenta, febres intermittentes contrahunt; non secus ac fructus horèi, copiosius ingesti, quàm quod stomachi fermentum iis digerendis sufficiat, ad intermittentes disponunt. Unde quemadmodum per inediam non rarò, destructo fermento febrili, febres intermittentes curantur, ita è contrà per largiorem potum, superveniente vomitu, idem interdum expectatur eventus. Hinc intermittentes adeò sunt durantes sine vitæ periculo.

Febres hæc distinguuntur in nothas & legitimas. In his est fermentum febrile magis volatile & activum, ubi paroxysmi vehementiores, sed breviores sunt: in nothis verò est fermentum minus volatile, & subjecto viscido irriteritum, hinc minus activum, unde paroxysmi sunt leniores, sed diuturniores: Et hæc tertianæ sunt febres lentæ.

Fermentum hoc febrile acidum, delitescens in stomacho, dum exerere se incipit, ratione acidi partes nervæ primarum viarum vellicantur, & occasione vellicationis dictarum partium spasmus, ratione spasmorum succorum in dictis locis effusio contingit, & ab his duobus omnia viscerum symptomata derivanda sunt, quæ in principio paroxysmi circa præcordia & hypochondria observabantur, nempe rigor, horror, vomitus, lancinationes, tensiones hypochondriorum &c. Nempe succi isti, pancreaticus puta & biliolus, effusi, prout magis vel minus naturaliter sunt constituti, eatenus varium motum concursu suo excitant, sicque variorum symptomatum autores sunt; uti & in scorbuticis intermittens, ob varium statum succorum illorum, symptomata variant.

Idem fermentum sanguini permistum activitate sua materialem ejus motum fermentativum pervertere, incallescens debitam, impediendo sulphuris motum, sistere; hinc spirituum animalium debitam emersionem impedire potest, hinc frigus magis vel minus positivum infert; dum verò à sale volatili sanguinis subjugatur, supervenit major sanguinis fusio, hinc incallescens & æstus, donec particulæ istæ fermentativæ ab alcali sanguinis in salsum mutatæ, & sero insusæ, mediante sudore excernantur foras.

Ex hoc omnia symptomata possunt deduci. Unus adhuc est scrupulus, nempe certa illa determinatio temporis, quod adhuc nescimus.

Causa antecedens in nostro ægro est nimium studium & ardor in literas. In specie autem meretur considerationem, quod nox paroxysmum præcedens gravior fuerit, anxia nempe & inquieta; quales inquietudines & insomnes noctes, si ægros sine manifesta causa, h. e. citra curas, dolores aut tussis, affligant, fontem ordinariò ex molestia quadam circa præcordia & hypochondria habent, & præsertim ex stomacho oriuntur, vitiata vel hujus digestionem, vel chyli in duodeno à fæcibus separationem. Hoc confirmatur exinde, quod, qui vespere largius & serius cœnant, minus suaviter dormiant, quia stomachus sub laboriosiori digestionem istas anxietates molestia quadam circa hypochondria excitat. Sic quoque hypochondriaci noctes inquietas patiuntur, idque ex inæquali alteratione chyli digesti à bile, vel inæquali alimentorum digestionem, propter acidum præternaturale peccans: unde in talibus hypochondriacis ad conciliandum somnum nil melius est Marrialibus, ante cœnam datis, continuando eadem.

Quoad Prognosin: metus est, ne fiat chronica: quia diversimodè variant hæc intermittentes, nunc in typo, nunc in symptomatibus. Ratio hujus permutationis est ex concurrentibus circumstantiis vel concursis fermenti febrilis, quæ sunt vel externæ vel internæ. Externæ mala & inordinata diæta, si nempe ægri die intermissionis copiosius aut ante absolutum paroxysmum, comedunt; aut quando patientur paroxysmum pleno stomacho. (2) Propter abusum acidorum in æstu seu statu paroxysmi: blanda quidem acida proficua sunt, maximè nitrata; sed nimium acida, aut frigidiora alia omnia, in statu paroxysmi bibita, febres & harum symptomata diversè modificant. Sic faciunt huc (3) medicamenta, præsertim specifica & opiata, quæ malè, sine selectu, & nimis citò applicata, duplicant interdum intermittentes, nisi universalis il-

lorum usui præmissa fuerint; non secus ac quoque, quæ sine selectu iisdem abutuntur, nunc in colicas gravissimas, nunc paralyses, ægros præcipitant. Opiata etiam, nisi aliis appropriatis admista adhibeantur, hoc præstare queunt, aut febres chronicas reddunt.

Causæ autem internæ sunt vel major vel minor fermenti febrilis activitas, hinc febris vel acrior vel minor, &c. itemque prout sanguinis crasis, vel nativa vel adscititia, variat, febres intermittentes possunt fieri continuæ, & vice versa: quod pertinent quoque succorum primarum viarum variæ alterationes, qui uberius effusi variorum symptomatum & mutationum sunt autores.

Pro Cura itaque sequentes Indicationes observandæ:

1. Radix mali ex primis viis evacuanda.
2. Fermentum febrile acidum volatile corrigendum.
3. Massæ sanguineæ & universi corporis habitus sudore depurandus.
4. Stomacho & primis viis appropriatis succurrendum ne recurrat.

Prius optimè expedit vomitorium, quod in febribus quibuscunque intermittens est optimum, quod radix ex primis viis evellatur, aliquot horis ante paroxysmum dandum, sic optimè operari possunt: si æger autem propter pusillanimitatem abhorreat vomitum, detur digestivum salinum ante paroxysmum & vespere, & hinc loco Vomitorii sequenti intermissionis die blandum laxativum per alvum. Nam purgationes fortes in febribus intermittens sunt hostiles. Imò ex observatione GABELCHOVERI constat, febres intermittentes per fortiora purgantia recidivasse. Venæ sectio nihil valet. Quando verò symptomata ex sanguinis turgescencia urgent, ut in statu, estu, doloribus capitis, turgescencia corporis, difficili respiratione, si ante paroxysmum die intermissionis secatur vena, symptomata quidem remittunt, sed ægri diutius morbo laborant; alias symptomata quidem sine venæ sectione sunt vehementiora, citius tamen pertranseunt. Interim tamen in mulieribus, quibus menstrua fluunt, si in febribus intermittens sub rigore supprimatur mensium fluxus, ante paroxysmum venæ sectio in talo instituenda est: ut enim menses sub rigore suppressi sub æstu redeant, parum tamen est, hinc symptomata exasperantur, unde tunc venæ sectio convenit.

Hypochondriacis, quando anxietates ex stomacho patiuntur, etiam in statu paroxysmi utiliter applicantur clysmata pro evacuatione primarum viarum, retinenda tamdiu, ac retineri possunt.

Externè applicetur emplastrum ex tacamahaca.

Vinum in quibuscunque febribus, etiam malignis, non est interdicens; parum vini enim est potus medicamentosus, nisi fortè percipiant ex eo æstum. In intermittens in decremento paroxysmi haustus vini insignis est restaurativum, & sudorem promover.

Alterum scopum obtinemus specificis, quæ vel destruunt acidum fermentum febrile, vel istud abstergunt, & è stomacho educunt. Piora sunt vel terrea, vel salia alcalia. Terrea sunt lapilli cancerorum, cornu cervi ustum, testæ ostrearum, coralia, & similia. Alcalia sunt aut fixa aut volatilia: inter fixa sal absinthii, &c. Volatilia sunt nunc macra, nunc pingua seu aromatica. Quæ abstergunt, sunt nitrosa, nitrum antimoniatum, arcanum duplicatum, sal ammoniacum, sal hypochondriacum, &c.

Salis inter remedia hæc subordinatio est observanda, ut (1) alcalia fixa & terrea sint optima in frigore, horrore, & symptomatibus hypochondriacis, ver. gr. coralliorum salis absinthii à ℥i. ad 3℥. & si opus est, cum gr. i. laudani opiatum, nec non guttula una vel altera olei cuiusdam destillati, maritata.

(2) Quando verò urgent symptomata in massa sanguinea, ut æstus &c. commodius dantur nitrosa, uti & alcalia volatilia, v. g. spiritus salis ammoniaci bihorio ante paroxysmum à 3℥. ad 3i. vel sal volatile cornu cervi pro sudore promovendo ad ℥i in minori non dentur. Sed salia volatilia aromatica pingua frigus quidem compescunt, sed intensiorem æstum concitant; hinc cautè usurpentur: spiritus salis ammoniaci & sal quoddam fixum sufficiunt.

(3) Opium est saltem remedium palliativum.

(4) Ob-

(4) Observetur usus legitimus & abusus horum specificorum. Usus est, ut primò dentur legitima dosi & tempore. Legitimum tempus est vel universale vel particulare: Universale quod attinet, non dentur, nisi præmissis universalibus: quoad particulare, dantur ante paroxysmum horis duabus vel tribus. Medicus autem vocatur ad ægrum cum nox est gravis, quamque debet insequi paroxysmus sequenti die. Ante omnia ergò noctem inquietam, & impetum ad paroxysmum sequentem, supprimat; hinc isto vespere ordinetur pulvis salinus.

(5) Si una vel altera vice non juvet medicamentum, consultum erit variare propter idiosyncrasiam ægrotantium. Simplicia autem sunt optima. Sed posito, quod sal absinthii datum sit ter vel quater, non tamen curet; tunc observanda idiosyncrasia; v. g. noster æger ratione idiosyncrasie abhorret à cochlearia, si hanc præscriberem, vellemque insistere eidem, non fieret sine læsione, hinc probè attendenda semper ratio idiosyncrasie. Simplicia optima sunt, & iisdem insistere possumus, si Medicus certus est de statu & morbo ægri. Nam ubi sunt affectus complicati, & ipse Medicus fluctuat, propter symptomatum syndromen, consultum est variare nonnihil remedia.

(6) Sitis compescitur per aquosa acidula: declinante paroxysmo lulebi aciduli & quilibet potus conveniunt, ad promovendum, si supervenire vult, sudorem; sic enim promptius solet subsequi.

(7) Intermisionis tempore usurpentur remedia alterantia appropriata, ut essentia cardui benedicti, absinthii, centaurii minoris, cum spiritu salis ammoniaci mista, ut promoveatur largius sudor: v. g.

℞. Ess. card. bened. ℥ii.

Spiritus salis ammoniaci ℥j.

M. S.

Essentia febrilis.

In nostro autem ægro altero tandem die superveniebat sudor, quod bonum erat; hinc præmissis vomitorio usurpabat spiritum salis ammoniaci, & promovebatur largius sudor, quem proficuum observavi.

(8) Inguente horrore & anxietate scrobiculus cordis cum oleo macis, anisi, caryophilorum, &c. cum fructu illinitur, imposito desuper latere calefacto, vel emplastro de cacamahaca.

(9) Qui cerevisiam fastidiunt, sumant vinum, cerevisia largius dilutum.

(10) In febribus intermittentibus diuturnis optimè conveniunt Vesicatoria, ex quorum usu speciatim rigor cessare solet: applicantur die intermissionis, ut ita eorum operatio paroxysmum præveniat.

(11) In cephalagia fronti & temporibus applicatur emulsio papaveris cum camphora.

(12) In tussi detur spiritus salis ammoniaci, laudanum opiarum, & opiata.

(13) Delirium sistitur per clysmata, nec non per plantis pedum applicata.

(14) Tandem, evanescente febre, pro primis viis abstergendis & roborando stomacho, propinetur Elixir proprietatis cum vel sine acido; item sal ammoniacum, vel hypochondriacum; uti & in nostro ægro, quia est hypochondriacus proficua fuissent Martialia, v. gr. tinctura vitrioli Martii Zwelferi, vel etiam solutio Martis cum succo pomorum, horumque extractum.

(15) Hæctica tertianis malè tractatis superveniens curatur per spiritum salis ammoniaci, cum antihectico Poterii.

Vir ætatis consistentis laborat intermittente tertiana scorbutica, cujus paroxysmos cum bina vice sustinisset, die intermissionis, scilicet die 2. Junii, ordino pulverem laxativum extartaro vitriolato, qui crebrius quidem, sed sine levamine, purgavit; nam insequente die 3. Junii eadem paroxysmi vehementia, & dum paroxysmus urgeret, gravissimi dolores crurum eum corripiebant, à genu usque ad talum, speciatim in regione tibiæ, ut ex illis miserè lamentaretur. Sed evanescente paroxysmo & dolores hi penitus intermittebant, ita ut intermissionis die nihil de iis perciperet: id quod manifestum est signum delitelcentis acrimonie scorbuticæ, quæ sub paroxysmo commota istas turbas excitat. Post aliquot paroxysmos die 7. Junii ordino spiritum salis ammoniaci, die intermissionis capiendum: cum verò ante paroxysmum per tres vel quatuor horas gravissimas anxietates præcordiorum sentiret, die 8. Junii ante paroxysmum ordino vo-

mitorium blandum; cujus & omnes anxietates remiserunt, & paroxysmus non rediit ista nocte; sed die sequente nono oculus sinister inflammatus cum intenso dolore conspicitur.

Dies 10. Junii nocte hora 2. redit paroxysmus, cum frigore & æstu insigni stipatus, dolor crurum mediocris vel nullus, oculus dexter verò etiam altero manè admodum inflammatus, & acerbè dolens deprehenditur. Vocato ergò Chirurgo vesicas prope nucham utrinque excitandas jubeo, quibus copiosè plorantibus die 12. Junii nocte, cum expectaretur paroxysmus, nullus rediit, saltem appetente manè æstus per aliquot horas mediocris, hinc & sudor, sed nullus rigor vel horror, nullus crurum dolor, mediantibus scilicet vesicantibus his ita evanescentibus. Die 14. à meridie hora quarta gravissimi dolores artuum redeunt, sed post mediam noctem cessant, superveniente appetente manè levi paroxysmo superiori simili. Die 16. hora 5. vespertina denuo oculi acerbè dolent usque post mediam noctem. Sed post hanc appetente manè levis ut supra redit paroxysmus. Die 18. Junii ut præcaverentur dolores oculorum, ante paroxysmum urgentes, iussi acciperent semen sinapi, hocque contunderent, & cum spiritu vini irrorando in forma pultriculæ carpis utrisque pro revulsione applicarent; hujus usu factum, ut nulli dolores percepti fuerint & nocte sequente circa auroram paroxysmus exilis denuò rediret. Sed cum sinapismo isto oculorum affectus ante paroxysmum cessarent; factum fuit, ut hinc post paroxysmum iidem redirent; ob id semper manè & vesperti sinapisimos applicandos iussi, quorum usu non ampliùs redierunt oculorum pathemata, internis verò fixis pedetentim febris evanuit.

In hoc casu notabile est:

1. Doloris tibiæ scorbutici extinctio, superveniente oculorum inflammatione.
2. Huic ipsi præter constitutionem internam scorbuticam spiritus salis ammoniaci occasionem præbuit, oculis debiliorebus noxius: non secus ac volatilia antiscorbutica oculos hebetant.
3. Vesicatoriorum usus reverà efficax pro rigore febrim intermittentium compescendo.
4. Naturæ motus & impetus in oculos ceu partem aliis debiliorem, tam ante quam post paroxysmos, sed per sinapi usum in carpo avertendo delusus.
5. Quàm salubre remedium sit vomitorium, si præcordiorum anxietates pluribus horis ante paroxysmum urgeant, pro his sedandis.

C A S U S XXIII.

T E R T I A N A M A L I G N A.

Juvenis aliàs sanus & robustæ constitutionis, octodecim præter propter annorum, corripitur die Mercurii vespere levi horrore, post quem incalescit mediocriter, nox insequens mediocris, manè caput intense circa frontem dolet, sitis graviter, fauces & lingua sicca, dolor gravativus præcordia occupat, calor adest totius mediocris, lassitudo omnium artuum, &c. capit proprio nutu pilulas cephalicas; sed adit circa meridiem præterea Medicum, qui ordinat pro sequente manè ℥ss Symplici emetici: pilula à meridie semel per superiora, ter per inferiora, operantur. Die Veneris capit vomitorium, unde septies supra copiosa mucosa, oclies infra excernit. Die Saturni vocat Medicum, quia nox prægressa gravis, symptomata eadem, sitis clamorosa, appetitus nullus, cephalalgia intensa, fauces aridæ, lingua aspera, nonnihil nigricans, calor totius æcris seu mordax, non tamen adeo intensus, cutis arida, lassitudo omnium artuum vires prostrata, pulsus celer, frequens, debilis, ferè inæqualis cerevisiam horret; petit auxilium.

R E S O L U T I O

D. JOH. MATTHÆI,

MERCKELII.

ANNÆBERGENSIS,

à

B. Dn. P R Æ S I D E

correcta

Anno 1682.

Affectus præsens, quin in febrium numerum possit referri nil equidem dubito: sed ut ratione periodi typum tertianæ intermittentis præ se ferre videatur: at tamen non simplicem, sed cum malignitate, tertio vel quarto paroxysmo demum se proditura, simul esse conjunctum, ex funestis symptomatibus tuto satis licet colligere, adeò, ut vero nomine *Febris Tertiana intermittens, cum latente adhuc malignitate conjuncta*, dici mereatur.

Partes affectæ quænam sint? non est, quod anxie inquiramus. Siquidem primatiò huc referenda erit massa sanguinea tanquam subjectum in hæsiõis, & præter hanc simul etiam spirituum influorum, in varios & inordinatos motus concitatorum, habenda veniet ratio.

Causa proxima materialis erit lymphæ vitiosè acidofalsa, ad massam sanguineam lege circulationis delata, ibidemque ratione salis volatilis acris hujus febris causa existens.

Causam proximam formalem nihil aliud dixeris, quam spirituum influorum motum vitiosum, & massæ sanguineæ non debitam fermentationem, subeuntis causam quamcunque aliam.

Causæ remotæ vices hic imprimis gerit fermentum vitiosè acidofalsum, ex digestionem ventriculi, vel immutata, vel depravata, præternaturaliter ita alteratum, quod postmodum alimenta vitiosè subigendo, hujus mali fomes, & mater secunda existit. Quin & huc revocari posset suo modo constitutio ægri robusta & ætas juvenilis, quorum fundamentum in sanguine spirituosum, ejusque laudabili copia, (quæ pro ætate hujus termino viger) consistit & exinde oritur. Sed quare hisce non simul aliquid vitii subesse queat? jam dicta non vetant, nec refragantur, imò longè majus periculum ægrotanti nostro exinde imminet, siquidem morbus habet, in quod vires suas malignas possit exerere.

COHÆSIO SYMPTOMATUM CUM CAUSA PROXIMA.

Quantum ad *symptomata*: Primò itaque conqueritur æger noster de dolore capitis intenso, siti clamosa, faucibus aridis, lingua aspera, & non nihil nigricante: quæ pathemata omnia in principio febrium si appareant, pessimi ominis sunt, & latentis malignitatis indicia certò certius præ se ferunt. Hæc autem quod ita sint? colligo inde, quia abest calor præternaturalis febrilis, qui partes has posset exsiccare, ut adeò per consensum contrivitatis membranarum cum ventriculi tunicis oriantur hæc pathemata, & stomachum summè labefactatum esse indicent.

Quibus præterea & hoc accedit; quod de stomachi affectibus propriè sic dicendis conqueratur æger hic noster, nempe de appetitu prostrato, cerevisiæ fastidio, dolore gravativo præcordiorum: quæ omnia satis superque innuunt, fermentum stomachi pessundatum, & acidum loco hujus prædominans.

Lassitudo verò artuum nullam aliam fortè agnoscit causam, quam lymphæ in extremitatibus partium stagnantis vitia, & impeditum motum localem. Prout autem ejusdem crasis præternaturaliter sæpè viciatur, ita & hic sal ali-quod scorbuticum subesse omninò mihi probabile videtur, à quò spasmus membranarum & glandularum subcutanearum dependet, & hinc cutis etiam asperitas, & calor acris seu mordax, irritando scilicet membranas cutis, derivanda veniunt. Pulsus celer; frequens, debilis, ferè inæ-

qualis, multum in recessu habet, præprimis autem vigente adhuc fermentationis febrilis motu, siquidem non tertianæ simplicis cujusdam, sed potiùs malignitatis latentis adhuc periculum subesse, indicat. Quibus præterea & hoc accedit, quod, ut præmissa sint optimo consilio vocati Medici universalia emetica, febribus in his quæ alias utramque faciunt paginam, nulla tamen exinde euphoria & symptomatum levamen subsequuta fuerint: quæ omnia dicta jam mea de malignitate, in fieri quæ adhuc est, eò magis confirmant.

Quænam autem hoc in casu formanda sit prognosis? non satis mihi constat; siquidem meo quali quali judicio tutius foret expectare motum naturæ, ejusque aliquandiu spectatorem agere, quàm varia, eaque non satis appropriata huic morbo, tentare remedia. Prout autem modò dictum, certò latet anguis sub herba: Itaque ne prorsus Prognostico relinquatur Pætiens, *Cura* ejusdem secundum has Indicationes institui posset.

1. Fomes materiæ morbosæ in primis viis & massa sanguinea resolvatur & removeatur.
2. Fermentum febrile & inde nati paroxysmi enerventur & tollantur; ita tamen, ut semper aliquis respectus habeatur ad latentem malignitatem.
3. Dyscrasia sanguinis & lymphæ, & inde quæ dependent symptomata urgentia, corrigantur, removeantur & mitigentur.

Pro prima Indicatione equidem quævis emetica & Purgantia sufficere possent, præmitterem tamen ego prius sequentem pulverem:

℞. Sal. Tartari essentif.

Lepill. cancr. præp. ℥ss.

Camph. gr. vi.

M. div. in 3. part. æqual.

D. S.

Pulveres præcipitantes, vesperi & manè unum sumendum.

Hoc ita die intermissionis præmissa, jus fasque equidem foret, subjungere emetica: sed quia à vocato jam antea Medico, ut in casu dicitur, negotium hoc ex voto fuit peractum, itaque forsitan nihil ulterius erit movendum, nisi pro aliquali adhuc abstersione viscerum & mucii visci-di, nec non lymphæ vitiatæ, ex cruditatibus chylosis genitæ, sequentes pilulæ adhibeantur:

℞. Massæ pilul. de trib. Ruffi gr. xv.

Mercur. dulc. ℥ss.

Scamm. præp. gr. ii.

Extr. troch. alband. gr. i.

Cum s. q. Tincturæ tartari s. Pilulæ:

D. S.

Pilulæ antifebriles purgantes.

Spectaret etiam huc pulvis Cornachini legitimo modo ac dosi adhibitus.

Secunda Intentio obtineri poterit absorbentibus, & specificis sic dictis appropriatis, ex coralliis rubris, sale absinthii, antimonio diaphoretico, febrifugo Strobelbergeri, &c.

Formula tales viderentur mihi proficuae:

℞. Theriac. ℥ij.

Specif. febril. Strobelb. ℥ss.

Ol. dest. Caryophyll. gutt. iii.

M. s. Bolus.

D. S.

Bolus antifebrilis pro una vice.

Capiatur pro una dosi ante paroxysmum, cum sequenti sudore.

Vel

℞. Cornu Cervi line igne gr. xv.

Antimonii diaphor. ℥ss.

Sal. vol. Succini gr. vj.

s. Pulvis:

M. D. S.

Pulvis antifebrilis pro una vice.

Quibus etiam repetitis, & alternatis vicibus, pulveres jam dicti absorbentes jungi poterunt.

Pro tertia indicatione, & temperatura præ cæteris sanguinis:

℞. Sem. Melon. ℥vi.

Citri,

Aquileg. ana ℥i.

Aqua tarax.

Aqua

*Aqua Cent. min.**Fl. Samb. ana. ℥ii.**F. l. a. Emulsio;*

adde

*Antimonii diaphor. ℥i.**Specif. febril. Strobelb. ℥ii.**Salis card. ben. ℥ss.**Edule, cum Julep. rosar. q. s.**M. D. S.**Emulsio refrigerans & confortans cohibeatim
sumenda.*

Vel

*℥. Aqua rubi idai ℥ii.**Succ. rubi idai ℥vj.**Antimonii diaphor. ℥i.**Gel. Cornu Cervi rec.**Syr. rub. idai ana. ℥ss.**Spiritus nitri dulc. q. s. pro grato sapore;**M. D. S.**Julepus refrigerans sepius sumendus.*

In specie autem pro avertenda faucium inflammatione
venælectionem raninarum sub lingua ex usu fore mihi per-
suasum habeo.

Deus interim hisce clementer benedicat!

C A S U S XXIV.

QUARTANA DUPLICATA

SCORBUTICA.

Juvenis noviter creatus Magister, cum antea, ob exa-
minis rigorem: sollicitis studiis & diuturnis lucubrationi-
bus se fatigasset, peracta Promotione, cum in bonis finalibus
largius indulisset genio, brevi post aliquando die Saturni à
meridie ex templo rediens, corripitur horrore & gravi frigo-
re, hinc lectum petit, in cœna nil comedit, dormit, evigi-
lans manè caput sentit perturbatum, abdomen tumet, barbo-
rygmus audit, appetitus prostratus. Die Solis à meridie egre-
ditur domo citra aliam graviolem noxam, ut & die Lune:
die Martis inter prandendum, cum vix mense assedisset,
horror & frigus cum alimentorum nausea quatunt membra,
redit domum, lectum petit, sinit insigniter, bibit cerevisiæ
bonum haustum, quem subito revomit; supervenit tam gra-
vis rigor, ut totus lectus cum eo tremere, qui cum per horam
continuasset, & in specie dorsum mirè lacefferet, supervenit
æstus moderatus, qui cum bihorium continuasset, denuò eger
levem horrorem, dorsum successivè perreptantem, unà cum
frigore, & aliquali, non tamen adeo intenso, rigore, ac an-
tea, per sensit, quem per horam perdurantem excipit gravis
æstus & intensus, cephalalgia, ardor faucium, tandem su-
pervenit sudor, cum qua simul macula hinc inde ex rubro cœ-
rulescentes, instar pulicum morsus erumpunt, quæ tamen su-
dore cessante etiam evanescent; post mediam noctem somnus
turbulentus. Manè eger die Mercurii debilis; die Jovis ro-
bustior, sine noxa: die Veneris manè ex templo rediens hora
nona frigus & horror unà cum rigore novo & insequente gravi
æstu, agrum corripit, simili ratione atque superioribus factum
diebus. Die Saturni dum adhuc est debilis, sperat quietem,
sed à meridie hora prima ex improviso horror & rigor qua-
tunt membra, vomitus, æstus, ac sudor cum maculis superve-
nit: Die Solis, cum omnia essent quietæ, nisi quod capitis adesset
perturbatio ac virium imbecillitas insignis, vocat Medicum.

R E S O L U T I O

DN. THEODORI CHRISTOPHORI

K R U G I I,

Hasso-Cassellani,

B. DNO. PRÆSIDE;

correcta

Anno 1676.

A F F E C T U S.

Propositi hujus casus naturam ut accuratius rimemur
& investigemus, eò, ut de affectu præprimis constet,
allaborandum. Febrem autem intermittentem eonomi-
ne, quod pertinacissimis & atrocioribus symptomatibus
constipata sit, molestam cruciare ægrum nostrum, ex di-
ctis palam liquet; horror enim & insequens æstus febrem,
intervalla autem invasionum & paroxysmorum eam inter-
mittentem indicant; & quo præstius & specialiori nomi-
ne illam indigitemus, dicimus febrem hanc intermitten-
tem esse, à tempore invasionis quartanæ proprio *Quarta-*
nam, à modo invasionis *duplicatam*, ab adjuncto verò
symptomate, dictam febrem exacerbante, *scorbuticam*:
quorum omnium vestigia è casus historia patent.

S U B J E C T U M.

Partem verò affectam seu subjectum quod attinet: malum
hoc cum triplici nomine molestum sit, non iniquum fore
puto, si & triplex hujus statuamus subjectum. Et quidem
habito respectu ad febrem, hujus subjectum pronuncia-
mus massam sanguineam, qua subjectum morbi indigita-
mus; hæc enim præternaturalibus salibus turgida horum
febrilium motuum pabulum existit: Subjectum autem
causæ seu focum determinat ventriculus & primæ viæ, quæ
vitioso acore characterisatæ fomitem quàm amplissimum
præbent: Adjunctorum autem symptomatum, horro-
ris nempe & rigoris, panniculum carnosum; sicuti macula-
rum scorbuticarum, curæ epidermidem vè ceu subjectum
adæquatam esse determinamus.

C A U S A P R O X I M A.

Ad causam autem huius mali jam devolvimur, quæ ceu
proxima & immediata accusanda est dyscrasia massæ sangui-
næ, seu crasis eius à particulis salinis heterogeneis per-
versa, quæ ob heterogeneitatem suam cum sanguine non
miscibiles, hinc ad fermentationem præternaturalem ex-
citandam quàm aptissimæ existunt.

C A U S A M E D I A T A P R O X I M I O R.

Causam verò mediatam, & quidem *proximior*, quod
attinet: quæ particulas has vitiosas & febrilis huius motus
causas suppeditavit, illam latere suspicamur in primis viis,
illis nimirum in visceribus chylicationi, chylique à faci-
bus separationi, dicatis; quatenus nempe chylus vitiosè
in stomacho ob vitiosorum humorum, præprimis de natu-
ra acida participantium, partim vitiosè digestus partim
non ritè separatus à facibus, vitio succi, præprimis pan-
creatici, dehinc & biliosi, hinc postmodum sanguini in-
funditur, adhuc vitiosis particulis characterisatus. Præpri-
mis autem accusandus chylus minùs temperatus, sed à dul-
cedine sua balsamica delciscens, & in aciditatem & auste-
ritatem transiens, in ventriculo productus, quem ulterius
augmentavit succus pancreaticus & bilis, quarens & illi
tàm quantitate quam qualitate peccant, in actionibus suis
impediantur, hincque ad fermentandum aptiores fiunt,
ut ita cum particulis sanguinis oleosis & alcalibus faciliè in
eiusmodi febrilem fermentationem abire potuerint.

CAUSÆ

CAUSÆ REMOTIORES.

Et nos in dictis confirmant causæ remotiores, adjunctæque simul symptomata: & quidem prædisponentes causæ fuerunt salia scorbutica in corpore latitantia; hæc enim ubi præstò erunt, stomachum semper acida cruditate laborare Practici contendunt, & ubi hoc & succus pancreaticus nimis acidus & austerior redditur, & bilis per consequens balsamica sua vi destituitur, & iners redditur. Nec mirum, unde contraxerit vitia hæc, cum solenne sit admodum literatis ob diuturniores lucubrationes & studia immodica, quibus & hic æger noster indulgit, ut illis digestionis primæ actiones insigniter læsæ sint; hinc enim & *κατ' ἄρχην* hypochondriaci existunt. Quibus simul accedit, quod non paucis curis & negotiis laboriosissimis, animoque plurimis angoribus & metu, ob examen instans, infligentibus, confictatus fuerit, sub quorum tormento plus justo fermenti stomachalis activitas hebetata fuerit, ut hinc, cum se insigniter studiis acuratiorebus in seram noctem protraxis defatigasset, ob deficientem simul debitam motionem chylus non ritè fuerit subactus, volatilifatus, sed in liquorem acido viscidum transmutatus; sic excessus circa bona finalia fomitem latentem commovendo hunc morbum excitavit, cum præprimis eò facilius in actum sic potuerit deduci, quoniam fuit juvenis, quibus jam massa sanguinea præexistit facile effervescens, & promptior ad fermentandum, & ob gaudium præsens, novus cum factus Magister, sanguis turgidior magisque ebulliens factus, sicque accedente nimia vini ingestione in bonis finalibus, ob particulas vini spirituosiores, quæ facile cum latentibus succis vitiosis acidis effervesce potuerunt, febrilis hic motus fuit inductus.

SYMPTOMATA.

Et hæc omnia ita esse patet, si adjunctorum *symptomatum* naturam explicaverimus. Et quidem ipsum febrilem paroxysmum quod attinet: hic incipit horrore & gravi frigore, manifestum indicium, acidum in causa esse; à bile, quippe alcalina magis, tale quid non metuendum. Turbata enim ista sanguinis fermentatione naturali salia non ritè invicem agunt, nec partes oleosæ ex motu fermentativo debitum calorem concipiunt, unde calor deficit, & Horror atque frigus succedit, & præprimis rigor, cum ab acido dicto vellicetur panniculus carnosus, & ferè universum membranarum & nervorum corporis, in specie dorso & abdominis, systema; hincque in rigore & horrore tali convulsivi quid patiuntur partes membranosæ, & præprimis abdominis. Tumor abdominis & borborygmi effectus sunt acidi in primis viis peccantis, & effervescendo flatus generantis, à quibus & in talibus crebrò præcordiorum angustia excitari solent. Ob consensum nervorum plexus mesenterii cum nervis intercostalibus frigus & horror in dorso præprimis persentitur, ita ut perreptare videatur; quod manifestum vellicationis indicium. Nec non ob eundem consensum vellicationis nervorum cum capite communium, & spiritus animales turbantur in suis actionibus, ita ut exinde necessariò caput perturbatum sentiat. Supervenit hinc appetitus prostratus, ex quo sat dilucidè patet, fermentum stomachale à materia vitiosa esse obrutum, & nimis fixum atque iners redditum, ita ut & alimenta nauseet, dum vellicatur orificium sinistrum, se arctè constringit, partim etiam quod recorderetur de noxiis à nimis ingestionibus illata, hinc respuit talia illi nociva; & quatenus hæc vellicatio ulteriores radices egerit uteriam totum stomachum & præprimis pylorum vellicet, vomitus insequitur. Dehinc & sitis insigniter cruciat ægrum, ob halitus vitiosos ex ventriculo adscendentes, & fauces irritantes; quam sitim auget saliva salibus scorbuticis imprægnata & viscidior, non diluens fauces, sed malum sic exacerbans: hinc etiam cum cerevisiam appeteret ad sistendam sitim, vomitus supervenit; itidem indicium stomachi malè dispositi, proindeque materiam injectam sibi infestam reicientis, præprimis cum æger iniecerit talem haustum sub ipsa febrili pugna, qua labem stomachus patitur maximam.

Acidum autem vitiosè effervescens, ita tamen, ut prædominium habeat, autor existit ejusmodi symptomatum: quamprimum verò à sale volatili subigitur, ut sal nempe volatile emergat, & sui fiat juris, acidum pedetentim

infractum temperatur, & subito vehemens effervescencia excitatur; sub qua partes oleosæ massæ sanguineæ velocius motæ æstum corporis excitant, calorque supervenit, & primò quidem in paroxysmo nullus, in altero moderatus, in tertio gravis & intensus; sicut & in quarto & quinto, pro ratione nempe salis volatilis oleosi massæ sanguineæ cum acido effervescens, supervenit cephalalgia; ex tali enim vitiosa effervescencia sanguis turgidus partim distendit vasa, partim etiam vellicat partes membranosas; hinc & ardor faucium cruciat ægrum ob sal volatile biliosum fauces rodens. Hæcque tamdiu durant, donec superveniat sudor; indicium, terminum pugna febrilis adesse: præcipitata enim sæces, i. e. acidum vitiosum ab alcali in falsum tertium mutatum, & ita correctum, à sero imbibitur, & per sudorem evacuatur, cum quo simul maculae erumpunt quæ nihil aliud, quam salia scorbutica sub cute latitantia, & per sudorem excernenda; hinc etiam sudore cessante evanescent, & sic paroxysmus remittit, donec à similibus recrementis fermenta in massa sanguinea adhuc relicta iterum in motum excitentur, novumque sic inducant paroxysmum. Post pugnam autem hanc, dum massa sanguinea equaliter quasi denuò fermentet, omnia in corpore quietà, nihil hinc sentit, quàm imbecillitatem, quatenus nempe & systema nervorum sub hac clade non liberum, sed & spiritus animales & vitales confunduntur, hinc debitus vigor corporis perit, & his confusis non potest non sequi somnus turbulentus.

Multiplicationis verò causam puto fabricatam esse itidem in stomacho, & quidem vitio diætæ, quod patet, quippe æger noster in primo paroxysmo fuit vacuo stomacho, hinc & simplex fuit accessus & invasio; alterò verò in paroxysmo inter prandendum fuit correptus, dum ventriculus cibis onustus bibit simul bonum haustum cerevisiæ, hinc & non potest non aliter fieri, quin sub paroxysmo assumpta non ritè digesta ex ventriculo præcipitata, & post aliquot horas massæ sanguineæ infusa, novam suppeditent materiam, ut vix uno paroxysmo remittente alter statim superveniat, sicque febris duplicata evadat.

PROGNOSIS.

Cujus, ut jam *Prognosin* demus, dicimus, securissimum aliàs esse affectum febrem quartanam, & sic etiam non adeò periculosum, nisi ratione adjunctorum, scorbutica quippe est & duplicata, appetitusque est prostratus, mala aliàs quæ signa dant.

Non autem æger sit timidus exinde, cum hoc tantum periculi habeat, ut sit malum contumacius, & nisi citius curetur, viscus aliquod scirrhus afficeretur; ægro interim liberationem successivè factam ab hoc malo promittimus.

CURA.

Quod ut fiat, *Curam* aggredimur, vestitam duabus indicationibus: nempe

1. Ut alterentur & evacuentur succi vitiosi.
2. Ut paroxysmi febriles tollantur, & symptomata urgentia removeantur.

Priori scopo, & quidem humores alterando satisfaciunt salia alcalia, viscidum incidentia, & acidum destruentia; hinc

℞. *Sal. ammoniaci depur.* ℥ii.

Nitri antimoniati. ℥i.

Arcan. dupl. Myns.

Lapill. cancr. præp. ana ℥ss.

M. f. Pulvis.

Div. in 4. part. æqu.

D. S.

Pulvis resolvens.

℞. *Sal. ammoniaci depur.* ℥j.

Nitri antimoniati. ℥j.

Misc.

div. in 2. part. æqu.

D. S. ut ante.

Sumantur mane in vehiculo calide, & vesperti in frigido.

Vel

℞. *Arcan. dupl.* ℥ii.

Lapill. cancr. præp. ℥i.

Misc.

Div. in 2. part. æquales.

D. S.

D. S. ut *supra*.

Capiantur eodem modo.

Ut materia evacuetur, convenit vomitus; hinc die Lunæ, seu paroxysmi, ante paroxysmum præscribatur:

℞. Rad. asaripulu. ℥j.

Arcan. dupl. ℥j.

M. S.

Pulvis Emeticus.

Vel

℞. Tartariemet. gr. iiii.

Sacch. vel Lapill. Cancr. præp. ℥ss.

M. f. Pulvis.

D. S. ut *ante*.

Sic enim eo tempore agitata massa facilius excludetur. Post paroxysmum æger sit quietus, altero die jejuno stomacho expectet novam invasionem, assumendo sequens:

℞. Nitri antimoniati, vel potius Arcan. dupl. ℥j.

Salis Cent. min. ℥ss.

Ol. dest. Caryoph. gutt. ii.

M. D. S.

Pulvis antifebrilis.

Capiat in vehiculo calido, hora una ante paroxysmum.

Paroxysmo finito, si placet, cibum assumat. Die intermissionis propinentur alterantia appropriata: vel Martialia, ubi acidum vitiosum magis peccat, & infringendum est: vel alcalia, ubi magis febrilis paroxysmo occurrendum.

His peractis, ut febriles paroxysmos infringamus, ad appropriata antiscorbuticis mista fiat accessus:

℞. Aquæ Card. bened.

Fumar. ana ℥j.

Spiritus salis ammoniaci ℥j.

Cochlear. ℥ss.

Antimoni diaphor. ℥j.

Ol. dest. caryophyll. gutt. iv.

Syr. card. bened. ℥j.

M. D. S.

Potiuncula antifebrilis pro duabus vicibus.

Mistura hæc imminente, proximo die Jovis, paroxysmo propinetur. Item

℞. Aquæ card. bened.

Mentha ana ℥j.

Spiritus Cochlear. ℥j.

Antimoni diaphor. ℥j.

Lap. Cancr. præp. ℥ss.

Laud. opiat. gr. ii.

Syr. fenic. ℥j.

M. S.

Potiuncula antifebrilis pro duabus vicibus.

Capiat æger hanc potionem pro duabus vicibus: vel melius istam superiorem; & quidem prima dosis hora una ante paroxysmum, altera in principio paroxysmi subintrantis. Vel

Arcan. dupl. Myns.

Mag. Corall. cum succ. citr. ana ℥j.

Antimoni diaphor Martial: gr. xvi.

Sal. volat. viper. ℥ss.

Laud. opiat. gr. iiii.

Ol. dest. Caryoph. gutt. vi.

M. f. Pulvis.

Div. in 2. part. æqual.

D. S.

Pulvis antifebrilis.

Prima dosis hora una ante paroxysmum; secunda verò sub paroxysmo intrante.

Symptomatum cruciatus dicta sat infringere & mitigare queunt: sin tamen frigus nimis urgeat, inungatur scrobiculo cordis oleum destillatum succini, mistum cum oleo destillato macis, & imponatur later calefactus, aut emplastrum ex theriaca factum, quod simul tumores abdominis infringat. Sitis si urgeat, in paroxysmo, quamdiu frigus urget, non bibat: sed æstus dum jam increbuit, potus conveniens non denegandus.

Tandem ne recidivæ sit metus, per aliquot dies continuet rem dia ex absinthio, v.g. vinum absinthii, de quo singulo mane bonum haustum accipiat: in assumendis cibis mediocritatem sedulo observet, blandum motum imprimat. His enim ritè observatis, sperare est, ut mox bono eventui litet.

Totum hunc affectum curant Martialia; postmodum volatilia sudorifera. Venæsectio nullum habet hic locum, nisi sit à nimia oppressione solennis alicujus evacuationis sanguinis; sin autem nimium fluerent hæmorrhoides, optimè convenirent ad hæmorrhoides sistendas, & febrilem æstum sistendum, martialia. Antè paroxysmum regio lumborum, item regio stomachi, & dorsum, inungantur cum petroleo, oleo destillato succini, macis, &c. rigorem & horrorem præcaver. Loco potus Coventum prodest cum dimidia parte vini, injecto pane tosto, nuce moschata imbuto, vel serum lactis cum succo citri parum acidulatum.

RESOLUTIO ALIA

D. JOH. MATTHÆI
MERCKELII.

ANNÆBERGENSIS.

B. Dn. PRÆSIDE

correcta

Anno 1682.

Affectus, qui sub manibus hic nobis est, inter febres intermittentes quin jure possit referri, nihil omnino dubito; & specificè quidem propter periodum, quam statò tempore observare videtur, Febris Quartana, & quidem *Quartana duplicata*, veto nomine dici merebitur, cujus primarius paroxysmus est subintrans.

Pars affecta duplicis erit generis:

1. Enim subiectum, in quo erit tota massa sanguinea, quatenus læditur hujus motus fermentativus, adeò ut hæc sit radix omnium febrium. Hoc ipso autem non sola massa sanguinea inculanda venit, sed dantur.
2. Et alia partes, quæ somnis vices hic gerunt: scilicet stomachus, seu uno nomine primæ viæ sic dictæ, ex & in quibus nunquam ferè non focus & causa mali originaliter proveniunt, ibidemque hærent & radicantur quasi.

Causa proxima materialis erit fermentum aliquod præternaturale in ventriculo genitum & exaltatum, hincque massæ sanguineæ commixtum, alterando eandem, & nervos primarum viarum vellicando, *causa* utique *formalis* existit, scilicet dum spiritus animales in motus inordinatos & vagos hac ratione concitat, & ut hinc inde inæqualiter ferantur efficit: Quo ipso fieri modus febrium aliquo modo insinuat. Nam dum salia hæc duo sibi invicem contraria, scilicet sal acidum & urinosum, commiscuntur, adversa inter se fronte statim concurrunt, (qui conflictus effervescencia hucusque in re Medica dici consuevit,) unde postmodum calor plus minus intensus, prout scilicet massa sanguinea modò magis, modò minus fuerit sulphurea & oleosa. Hinc etiam omne id, quod crasin dictorum jam salium, & harmonicam proportionem potest lædere, *causa occasionalis* febrium existit.

Qui autem fiat, ut bilis semper in febribus inculanda veniat, nil mirum est. Nam bilis & acidum ventriculi digestivum sibi invicem mixta, contrario suo motu fermentativo (prout rectè omnium in ore est) reverà febrium causæ genuinae ut plurimum existunt.

Causæ autem antecedentes in agro hoc nostro videntur omnino suæ etiam symbola, ad extricandum hujus mali fomitem, contulisse. Nempe indubitatum ferè est, per lucubrationes diuturnas, & studia sollicita, non leviter fieri dissipationem spirituum, præsertim verò in illis literatis, qui anxio nimis ardore studiis suis navant operam; unde turbatur plus minus digestio assumptorum, & vitium digestionis primæ propter defectum eorum exinde resultat, hinc cruditates variæ, imò ferè corruptio alimentorum, tanquam connexa, inter se firmo quodam nexu coherens, ex quibus etiam febres intermittentes in universum ferè omnes originem suam ducunt. Acce-

dit &c

originem suam ducunt. Accedit & hoc, quod liberius paulo in bonis finalibus indulserit genio suo, præcipue fortasse circa comesum dulcium & faccharatorum, quæ ingesta nil facilius, præsertim in hypochondriacis, quam motum fermentativum concitare, hacque ratione ansam huic malo suppeditare potuerunt. Huc etiam suo modo referri posset frigus perpeffum in templo circa hoc anni tempus, ibi locorum satis intensum, cujus accessu acidum intus latens per refrigerationem extremorum facillime potuit ex potentia in actum deduci, & mali hujus motum præternaturalem accelerare.

Symptomata quod spectat: Primò Horror & grave frigus originaliter provenire videtur ab acido, quatenus suo coalitu sanguinis motum tardiores efficit; primariò verò, quatenus spasmodica plus minus vellicat membranaceas abdominis partes, hinc irritati spiritus motu quodam impetuoso feruntur ad partem affectam, scilicet ventriculum & intestina tenuia; unde frigus extremorum, horror & rigor, nec non stridor dentium, qui ex vellicatione iam dicta subinde etiam præfens. Capitis autem perturbatio erit ex consensu, quem sovent cerebri membranæ cum cæteris partibus totius corporis. Hæ enim, si quid convulsivi patiuntur, in consensum & illæ trahuntur, nec non totum exinde genus nervosum molestiæ cujusdam sensu afficitur.

Tumor verò abdominis & borborygmi subinde perceptibiles offiuntur ab hepatici & pancreatici laticis in intestinum duodenum effusione, à spasmus jam dictis proveniente. Hoc enim dum ita fit, & ex eorum murua inter se miscela, uti jam dictum, contingit effervescencia: hinc distenduntur præsertim in subiecto pituitoso plus minus hypochondria cum subsequenter borborygmis, & ardore faucium, propter particulas acres, sensile stomachi orificium sinistram rodentes. Appetitus prostratus verò, & vomitus, causam fortasse aliam non agnoscunt, quam corruptum prorsus fermentum in stomacho latitans, nec non copiosa recrementa ex vitiosa ejus digestionem nata, quæ naturæ etiam conatus, præsertim per vomitum, ex spasmus primarum viarum ortum, expellere nititur, & hoc ipso gravativi sui oneris remotionem abundè satis indicat.

Lacerans autem dolor in dorso, & horror cum successivè perreptans, nihil aliud præ se ferre videntur, quam plexum mesentericum ex acidi tossione malè affectum, & hinc propter consensum continuitatis totum ferè genus nervosum. Sudor tandem, & cum hoc erumpentes simul maculae hinc inde ex rubro cærulescentes instar pulicum morsus, scorbuti præsentiam nunciant, & ferè desinentis jam paroxysmi indicia sunt. Hæ autem, quoniam diu non persistunt, & semper cum ægri emolumento per spiracula cutis sub æstu sanguinis ad superficiem ejus feruntur, meo judicio periculi sunt expertes, nec comites habent malignitatis alicujus subsequenter. Prostratio autem virium insignis, & somnus turbulentus, salium horum duorum confictum adversa fronte jam factum, & natam exinde dissipationem spirituum, imò ferè universam corporis æconomiam, hisce turbis intestinis defatigatam satis superque ostendunt.

Morbus autem hic, utut prima fronte videatur omnis periculi expers; attamen nisi maturè succurratur, & principiis obstiterit Medicus vocatus, periculum est, ne reiterato sæpius hujus accessu satis impetuoso defatigetur prorsus patiens, & in morbum aliquem chronicum, cachexiam, hydropem, &c. degeneret.

Ne autem hoc fiat, & Patiens prognostico relinquatur, Curationem pro modulo ingenii mei sic instituerem:

1. Ne paroxysmus cum tanto amplius impetu invadat patientem, ante omnia primæ viæ, ubi somes mali, juxta omnium symptomatum indicia residet, evacuanda.

2. Fermentum stomachicum in crassi sua vitiatum appropriatis emendandum.

3. Massæ sanguineæ habitus vitiosus, & inde nata symptomata urgentia removenda.

4. Recidiva, quantum possibile, præcavenda, & debitus tonus primis viis ut restituatur, videndum.

Antequam autem ad primam Indicationem accedere, non incommode præmittenda forent materia peccantem præparantia, incidendo abstergendo, &c. In hunc finem commodè satis adhiberi posset tartarus vitriolatus, sal. absinthii, sal tartari essentificatum, pulvis radices ari, ar-

Etzmüller. Oper. Tom. I.

canum duplicatum, tinctura tartari acris, spiritus salis ammoniaci volatilis, elixyr proprietatis, &c. Unde die Solis præscribendum:

℞. Crem. Tartari ʒss.

Tartari vitriolat. gr. xv.

Spiritus sulphuris gutt. iij.

M. f. Pulvis:

Detur in duplo: S.

Pulvis digestivus.

Dentur in vehiculo fervido.

Postmodum die Lunæ propinetur Vomitorium ex asaro: Vel

℞. Tartariemet. Myns. gr. iij.

Sal. ammoniaci depur. gr. viij.

M. pro una dosi,

D. S.

Pulvis emeticus.

Vel loco hujus Infusum ex croci metall. gr. iij. cum Vini Rhenani ʒj. ad ʒij.

Inferiora versus Catharticum aliquod die Martis usurpandum; sequentem in modum præscribi posset:

℞. Tartari vitriolat. gr. xv.

Scamm. præp. gr. iij.

Troch. alband. gr. ʒ.

Ol. dest. Caryoph. gutt. j.

M. f. Pulvis:

D. S.

Pulvis antifebrilis luxatiuus.

Ad secundam Indicationem obtinendam:

℞. Ess. absinth. seu Cent. min.

Febrih. D. Mich. vel loco hujus Essent.

China China an. ʒss.

Spiritus Cochlear. ʒj.

M. D. S.

Essentia antifebrilis.

Dosis gutt. 30. ad 40. in vehiculo appropriato, die Mercurii, Jovis, Veneris, & Saturni usurpanda.

Pro tertia Indicatione obtinenda Sudorifera & Absorbentia suppetias nobis ferent:

℞. Corall. rub. præp.

Salis absinth. ana gr. xij.

Specif. febrif. Strobelb. gr. viij.

Ol. dest. Caryoph. gutt. i.

M. f. Pulvis:

D. pro i. dosi.

In vino sumendus, ubi scilicet coctionis plus minus perfectæ signa jam præcesserunt:

D. S.

Pulvis antifebrilis.

Vel

℞. Antimonii diaphor. gr. xv.

Specif. febril. Croll. ʒss.

Salis absinth. gr. viij.

Ol. dest. Caryoph. gutt. j.

M. D. S.

ut ante, vel pro lubitu.

Vel

℞. Pulv. China-China, vel ligni Colub. aut rad.

Gent. rub. ʒj.

Salis absinth.

Ocul. cancr. præp. ana gr. vj.

Ol. dest. Caryophyll. gutt. ii.

M. pro i. dosi:

D. S. ut supra. Vel

℞. Theriac. Androm. ʒij.

Specif. febr. Strobelb. ʒss.

Ol. dest. Caryoph. gutt. iij.

M. f. Bolus

una vice capiendus:

D. S.

Bolus antifebrilis pro una vice.

Sudor verò semper, quantum possibile, subsequatur.

Post exantlatum frigus pro siti spiritus salis ammoniaci, Tinctura florum bellidis cum clyffo antimoniali, aut spiritu nitri aut salis dulcificato, parata.

Clysmata quoque, propter urgentia in abdomine symptomata, huc revocari, & ingruente paroxysmo applicari possunt, in specie verò propter spasmos ex emollientibus & carminativis, quibus & anodyna associantur, præprimis autem propter scorbutum enemata ex

D d d

lacte

lacte cum saccharo & melle, addito vitello ovi, ex usu forent.

Quarta Indicatio obtinebitur optimè per jam data sæpius reiterata præcipitania, quæ pro ratione subjecti possunt variari, imprimis verò ut materia morbosa successivè evacuetur per inferiora, & alvus probè servetur aperta, sæpius usurpanda erit tinctura tartari composita cum Spiritu Salis ammoniaci, nec non Decoctum passulatum cum foliis sennæ seu sale tartari infusum. Martialia figentia etiam huc spectabunt, uti sunt Crocus Martis cum salibus, tartarus vitriolatus, & propriè sic dicta stomachica, scilicet sal volatile oleosum aromaticum, tinctura tartari acris, essentia stomachalis Dn. Michaelis, &c.

Deus interim hisce clementer benedicat!

CASUS XXV.

QUARTANA SPLENETICA

Auditoribus Communicata

B. DOMINO PRÆSIDE

Anno 1681.

Mulier juvenula sterilis, hypochondriaca & splenetica, ratione hereditatis maternæ, quartanaria cum insigni dolore splenis in hypochondrio sinistro, quoties frigus urgeret, post cujus remissionem etiam dolor successivè remittebat; sed quoties urgeret frigus, etiam urgebat dolor, & quò intensius frigus, eò intensior dolor, & contra.

Præmissis vomitu jussi capere die intermissionis tincturam tartari simplicem cum elixyr proprietatis sine acido à gutt. 50. bis in die; nam alia amata febrifuga quælibet fugiebat: interdum etiam die intermissionis, qui diem paroxysmi præcedebat, præscripti.

℞. Sal. ammoniaci gr. xv.

Pulver. Jalapp. ℞.

Misc.

Sed hæcenus omnia sine levamine.

Procedente morbo necesse erat ut toto die paroxysmi, circa quartam saltem pomeridianam repetentis, jejuna maneret, aliàs vomitus, præcordiorum anxietates, graviores rigores & dolores, patiebatur. Hinc ad imitationem *observationum quarundam RIVERII*, ipsa hypochondriaca & durioris alvi existente, præscripti:

℞. Fol. senn. sine stip. ʒvj.

Saltartari ʒij.

Infund. in l. q. aque comm.

Stent in loco tepido per noctem;

manè Colat. ℥. adde

Quintæ essentia Cinnam. ʒj.

M. D. S.

Potio laxativa pro aliquot vicibus.

Capiebat omni manè haustulum, unde aliquoties viscosa evacuabat, idque saltem intermissionis diebus; etenim die paroxysmi propter supra enarrata symptomata nihil tentare poteram.

Sed cum splenis vitia, scirrhum, similiaque mala metuerem, ob id ordinavi:

℞. Solut. Martis cum succo pomor. ʒß.

Capiebat omni manè gutt. 30.; quod cum etiam die paroxysmi faceret, commodè admodum, cum paucis splenis dolore, habuit; sed continuatò licet remedii usu, idem levamen continuare noluit. Propterea ordinavi:

℞. Terra Martis solar. ʒß.

Dosi 20. gutt. omni manè. Benè contulit, alvum apertam servavit, interposito subinde haustu superioris infusi sennati, Sed febris constans permansit, quin imò ex causis aliis supervenientibus simplex quartana facta fuit triplex; unde cum leniter tractanda esset, ipsa à medicamentis ab-

horrente, dedi die, quo primarius urgebat paroxysmus, sequentem pulverem:

℞. Sal. ammoniaci ʒß.

Pulver. epil. antimonial. gr. ij.

M. f. Pulvis.

Cepit manè, vomuit aliquoties, & per alvum egressit.

℞. Corall. rub. præp. ʒj.

Pulver. epil. antimonial. gr. ij.

M. f. Pulvis.

Cepit vesperi bihorio ante paroxysmum, quem vix per-

sen sit. Sequenti die hunc pulverem iterum bis cepit; & nunquam vomitus securus fuit, potius somnolenta admodum evasit. Tertio die pro tertio paroxysmo eosdem pulveres, sed dimidiata tandem dosi accepit, unde paroxysmi omnes tres evanuerunt, qui etiam per sex successivè dies penitus non redierunt, ipsa interim omni nocte profundè dormiente, sed simul lassitudinem insignem membrorum omnium percipiente: propterea res mihi suspecta visa fuit, vi anodyna antimoniali non extirpante, sed palliante febrim, quod etiam eventus docuit. Nam ex improvviso stata die stataque hora primarius paroxysmus cum vomitu, tussi & asthma convulsivo, ac repellentibus subinde epilepticis convulsionibus, rediit, quem etiam ordine ceteri insecuti fuerunt; hinc præscripti:

℞. Ol. Tartari per deliq. ʒj.

Dosi 40. gutt. manè & vesperi trihorio ante paroxysmum.

Item

℞. Fol. Senn. sine stip. ʒß.

Rad. helleb. nigr. non præp. ʒjß.

Esula non præp. ʒß.

Salis Tartari ʒß.

Infund. in aqua comm.

Stent in loco tepido per noctem; manè

℞. Colat. ℥jß.

De qua bibebat mane bonum haustum, vesperi verò oleum tartari, & ita alternis vicibus continuando, paroxysmi brevi post evanuerunt, saltem primario illo adhuc nonnihil affligente; pro quo profligando præscripti pilulas.

℞. Extr. Gent. ʒj.

Corall. rub. præp. ʒß.

Cum l. q. ol. dest. Caryoph. f. Pilulæ.

Quas cepit in vehiculo rob Sambuci tribus horis ante paroxysmum, qui non rediit.

Continuavit sic adhuc duabus vicibus, die intermissionis oleum tartari per deliquium bis aliquamdiu assumendo & ita convaluit.

In hoc casu observandum:

1. Consensus splenis cum febre, dolore isto sub frigore urgente, reverà splenetico existente, simpliciter convulsivo.
2. Martialia non solum splenis vitiis conducere, sed etiam impetum paroxysmorum febrilium notabiliter retundere.
3. Anodyna quælibet pro radicali februm cura nihil conferre, saltem spirituum impetum & motum naturæ cohibendo morbum palliare, qui postmodum eò intensiori impetu resurgunt, unde etiam cum epilepticis convulsionibus redibant paroxysmi; post cessantes.
4. Febres intermittentes lassitudinem membrorum superstitem, vel recidivam, vel cachexiam, interdum etiam anasarcam minari.
5. Chinam non propinavi: in splenetica enim hæc maximoperè nocuisset; figendo enim acidum febrile & concentrando etiam pariter acidum in splene peccans, visceris hujus scirrhum, & hinc continuam ægritudinem induxisset.

C A S U S XXVI.

QUARTANA DUPLICATA
CUM COLICA CONVULSIVA

Auditoribus communicata

Anno 1681.

Nobilis quartana duplicata affectus alio in loco ab alio Medico aliquoties acceperat pulverem Chinæ Chinæ, cujus usu semper quidem evanuit febris, sed etiam rediit, idque aliquoties. In hoc pro cura præmissi.

℞. Mercurii dulc. ℥i.
Scamm. sulphurat. g. iv.
M. pro Pulvere.

Benè profuit.

Hinc pulveris istius Mercurialis (quem describit HOFMANNUS in Cl. Schröder. sub nomine *Antiquari. Riveriani*, utut falsò, pag. 275.) ℥i. ad ℥ss., sed hic parum evacuavit, mitigata tamen fuit febris. At quia pulvis non evacuaverat, post quadriduum salivatio supervenit ferè per octiduum durans, sub qua nihilominus febris contumaciter persistit. Hinc post repetita vomitoria:

℞. Elix. febril. D. Mich.
Ess. absinth.

Opis ana. ℥ss.

M. pro dosi una ante paroxysmum.

Aliquoties hoc accepit, unde remittentes successivè paroxysmi evanuerunt. Sed ipse admodum debilis reddi cepit, & manifestò quasi tabescere, tandem etiam paroxysmis febrilibus redeuntibus. Hinc intermissionis die creberimè & copiosè essentiam absinthii, centaurii minoris, & elixyr febrile mista usurpavit, ut tonum viscerum & eucrasiam bilis conservarem; hypochondrio sinistro applicui emplastrum de nicotiana cum gummi ammoniaco, quia ibidem & prope spinam maximè frigus ceteraque urgebant symptomata. Diebus verò paroxysmorum:

℞. Lap. cancr. præp. ℥i.
Sacch. Saturni gr. xviii.
M. pro 2. dosi.

Accipiendo unam manè, alteram verò à meridie, duabus vel tribus ante paroxysmum horis, cujus usu per aliquot dies continuato febris evanuit.

Sed alvi contumacia & excreta admodum dura supervenerunt, & subinde dolores compressivi sub umbilico afflixere, unde Colica humoroso-convulsiva ex acido viscido, per saccharum saturni ejusque texturam aluminosam fixato & condensato, passulis laxativis ad ℥v. propinatis alvi beneficium conservavi; nihilominus colica cum cardialgia complicata, utraque lancinans, constrictiva & graviter compressiva supervenit; Hinc urgente graviter malo ordinavi:

℞. Ess. Cassiæ. ℥ii.
Capiebatur pro duabus dosibus.

Et
℞. Fl. Chamæ. M. iij.
Sem. anis. ℥vi.
Pulp. Colocynth. ℥i.

Coqu. in l. q. serilactis:

Colat. ℥j. adde

Terebinth. in vitell. avi diss. ℥vj.

Mell. rosar. ℥ss.

M. pro Clysmate,
duabus vicibus applicando.

Sequenti die passulas laxativas assumpsit. Extra,

℞. Empl. matricar. de galb. p. ij.
Tacamahac.

Bals. Peruv. ana. p. j.

M. f. Emplastrum,
abdomini insternendum,

Quibus etiam symptomata levata fuerunt.

Sensu nihilominus adhuc Colicam periodicam per aliquot dies paroxysmi consueto tempore recurrentem, sed levem, dicto emplastro & usu essentiae castorei ac absinthii tandem evanescentem.

Etmuller. Oper. Tom. I.

Ex hoc casu observandum:

- (1) Salivationem Mercurialem, nisi fuerit insignis, & quæ diu ac copiosè evacuando universum corpus evacuet, non curare quartanas: quod tamen observavit PIENS de Febr. lib. 2. pag. 273. item ex BALLONIO Pharus Med. pag. 200. 616. & 153.
- (2) Si immaturè concentratur aut figatur fermentum febrile, præter alia multiplicia symptomata, speciatim Colicas convulsivas graves induci, acido fixato partes sensiles saltem fortiter irritante, dum ex texturæ mutatione fluidas fermentare nequit.
- (3) Idem ferè esse peccans materiale in colicis inde natis, cum fermento febrili, prout ex eo patet, quod periodum febrilem observent colicæ aliquamdiu, utut interdum lethaliter affligentes.

C A S U S XXVII.

FEBRIS CONTINUA
ARDENS BENIGNA, EX
IRACUNDIA.

VIR vegetus & sanus (Barbitonfor) tenerioris licet constitutionis, in convivio vespertino genio plus debita indulget, Baccho in specie litando; unde post noctem inquietam manè copioso vomitu & aliquot secessibus se exonerat. Tertia abhinc die gravissima afficitur iracundia, unde aliquot interjectis diebus languorem & lassitudinem artuum insolitam percipit, cum aliquali siti, donec aliquando sub medio noctis post mediocrem horrorem gravi aestu cum cephalalgia intensa corripitur; junguntur vires prostrata, suis clamorosa, hinc inquietudines cum pulsu frequenti, celeri, molli, magno & vehementi: Urina intense tincta emissa, successivè per totum turbida crassa, & copiosis contentis saturata, ubique conspicitur. Medicus circa meridiem vocatus præscribit:

℞. Aquæ rubidæ,
Acetof. ana. ℥ss.
Antimonii diaphor. ℥i.
Syr. Papav. ℥j.
Spiritus niri dulc. q. s. pro grato sapore,
Misc.

Jubet cochlearim pro lubitu istam misturam capere. Vespere rediens hic ipse, offendit agrum in priori statu, sed magis anxium, cum fluctuationis quasi quodam sensu circa præcordia, conquærentem simul, quoties de præscripta mixtura caperet, sentire se insignem exastuationem totius corporis, præprimis capitis. Hinc querit ex Medico, qualis sit affectus, & quid porro agendum?

R E S O L U T I O

DN. NICOLAI KASTNERI,
ALTENBURGENSIS,

Cum speciali discursu & Annoratis

B. DNI. PRÆSIDIS,

Censura & Emendationi subjecta

Anno 1676.

A F F E C T U S.

Existimo, extra omne dubium esse possum, virum nostrum laborare Febre ardente continua, benigna tamen, (licet nonnulli negent, dari febrem ardentem continuam, qua non sit maligna, male tamen hic statuunt,) nam deprehendere hic licet signum pathognomonicum, febri omni, soli, ac semper conveniens, nempe pulsum præternaturaliter frequentiore, quippe quo presente adesse, quo absente abesse febrem, omnes Medici ex Praxi sua loquentes confirmant.

Ddd 2 Nam

Nam licet in ebriosis post largiorem vini generosi potum etiam observetur pulsus solito frequentior; absque ulla tamen notabili functionis lésione in corpore existit, & est saltem pulsus non naturalis, non autem præternaturalis. Et quanquam nonnulli calorem constituere velint, experientia tamen reclamât, cum observata sint febres planè frigida, nullo interveniente calore, adeo ut calor sit saltem primum febrium symptoma.

PARS AFFECTA.

Subiectum est vel inhesionis, vel radicationis; Illud est universum corpus, in specie autem massa sanguinea, in crassi sua naturali alterata & corrupta: Hoc vero sunt primæ viæ, speciatim stomachus, qui rectè ab HELMONTIO vocatur *Palestra certaminis febrilis*, propter aliquod in rebus non naturalibus patratum erratum, in sua digestionè & fermentatione impeditus & alteratus.

CAUSÆ.

Causa proxima est effervescencia præternaturalis, orta a sale volatili urinoso, plus minus oleoso, prædominante, massam sanguineam ejusque vinculum, ex duobus salibus, acido & urinoso, constans, dissolvens, & cum particulis acidis pugnam instituens, & dyscrasiam inferens. Originem suam duxit ex digestionè primæ alterata, & plus minus corrupta, atque in negotio suo ex nimia ingurgitatione potulentorum, imprimis vini generosi, impedita; unde fermenti digestivi subacidi volatilitas extinguatur, & a nimia oleositate obtunditur & hebetatur; hinc alimenta assumpta non contrahunt debitam digestionem & fermentationem, sed retenta successivè ad putredinalem corruptionem inclinant, sub quâ fit, ut alcali proprium emergat & agat in adjunctum pingue & oleosum, unde ex horum concursu oritur bilis vitellina juxta Veteres, vel juxta recentiores cruditas nidorosa; dum nempe alimenta retenta a nimio calore corrumpuntur, & amaritudinem contrahunt. Jam vero, cum nihil magis inimicum sit stomacho, quam amarum nauseosum, ideoque ab hujus præsentia omnia symptomata, quæ in casu nostro occurrunt, originem sortiuntur. Ab hac enim sub noctis quiete, imprimis dum supinus jaceat ager, & he cruditates magis fluctuant, infestatur orificium superius & irritatur, unde somni perturbatio, & ob aliquam præcordiorum anxietatem, ob orificii sensibilitatem, corporis oritur agitatio, noxque inquieta redditur: Deinde propter nimiam amaritudinem irritatur pylorus, retentorum Retor, unde nititur id, quod vellicat, excutere, hinc convulsivo quasi motu convulsus se constringit; & contenta superiora reicit, hinc oritur vomitus: & quia idem pylorus antea a nimia ingurgitatione non nihil fuit relaxatus, hinc a nimia liquaminum nitrosorum abundantia facili se aperit, & aliquid de his liquaminibus ad intestina demitti, vel propter motum convulsivum pylori simul folliculus fellis per consensum irritatur, ut bilis copiosior ad intestina fluat, unde ab hujus præsentia scybala diluuntur, & intestina ad alvi excretionem stimulantur, unde secessus superveniunt; hinc bilis etiam a VVIL-LISIO pro clystere naturali habetur. Et cum sitis oriatur ab acrimonia alcalina, quid mirum, si ab hac cruditate nidorosa oriatur sitis? & cum universalis sit regula: Cacochymia est mater cachochiliæ, & qualis chylus, talis sanguis; quid mirum, si ex vitioso chylo partes defraudentur suo nutrimento, tandemque superveniat lassitudo & languor artuum.

Quod autem tandiu latuerint scintilla, usque dum in flammam erumperent, in causa fuit robur stomachi, imprimis dum hic nonnihil per vomitum liberatus fuit, liquamina hæc sensim per pylorum transmittendo ad intestina, contra quæ insurgit succus pancreaticus, & effervescenciam instituit; & dum adhuc virium, oritur horror mediocris, dum scilicet ab ejus halitibus subacidis membrana stomachi & intestinorum fibrosa, mesenterium, peritonæum, & reliquæ membrane nonnihil vellicantur, & leviores spasmus patiuntur; dum vero in nimia copia cruditates hæc nidorose effluunt, summam instituunt effervescenciam, hinc horror evanescit, & summus per totum corpus percipitur æstus, mediante sanguine; Unde dum sanguis effervescens per truncum aortæ ascendentem, & quidem per duplex arteriarum cervicalium & vertebraliū par, ad cerebrum ascendit, propter nimium orgasmum & impetum membranas & vasa ejus distendit, spirituum animalium generationem impedit, generatos perturbat, oritur cephalalgia ingens. Dum vero sanguinea crasis resolvitur, & salia imprimis alcalia liberius fluunt, facile a sero imbi-

buntur, & cum sanguine per arterias ad loca glandulosa imprimis circa os & fauces, deferuntur, & a glandulis conglomerationis suscepta, in os & fauces asperamque arteriam effunduntur, quæ effusa istarum partium membranas irritant & vellicant, unde oritur sitis, quæ maxime augetur ab affecto stomacho, cruditatibus biliosis abundante; hinc etiam fit, quod febricitantes non ferantur in potulenta adsueta, propter affectum stomachum, qui facile ab iisdem ulterius ladicatur, hinc simplicem aquam vel coentum petunt, quia facile transeunt, & non diu in stomacho herent: Ab iisdem cruditatibus in stomacho stagnantibus, uti superius dixi, inquietudines oriuntur; Sic ulterius a sanguine præternaturaliter effervescente oriuntur omnes pulsuum differentie, dum nempe cor ab hoc continuo irritatur, continuo se contrahit, unde plures pulsationes se invicem sequuntur, quæ ratione spatii constituunt pulsuum frequentem, & ratione temporis, in unaquaque pulsatione observandi, celerem; ratione virtutis fermentativæ, nimis dilatantis arterias, magnum; ratione arteriarum facile tactu cedentium, mollem; ratione sanguinis impetus, vehementem. Idem sanguis effervescens, & cum eo serum, dum ad renes deferretur, a cribro eorum serum secerantur, quod constituit urinam intensè tinctam, propter nimiam salis volatilis copiam, & intimam eorum cohesionem; successivè vero turbidam, propter nimiam effervescenciam, quæ omnes particule mistum componentes resolvuntur, & libero motu feruntur, dum nondum ex liquore sunt præcipitata, nullum adhuc dant sedimentum.

Nec puto admiratione dignum esse, unde ager noster, aliàs sanus & vegetus, hæc mala contraxerit, si modo consideremus ejus teneriorem constitutionem & circa res non naturales commissum erratum: nam non est firmioris constitutionis, sed cujus massa sanguinea, & hinc derivati succi facili mutationem subeunt, adeo ut necesse habuisset, dietam observare strictiorem & minime limites diætericos transilire, Baccho litando: quantas enim noxas nimia potulentorum ingurgitatio in non adsueta (de heluonibus enim non loquor, licet sero etiam sapiant) inferat, experientia pro nobis loquitur, ut certissimum illud sit: plures necat gula, quam ensis; nam destruit fermentum stomachi, ejusque tonum infringit, quo destructo alimenta assumpta corrumpuntur & putrescunt, ex quibus corruptis, tanquam ex Lerneæ palude copiosissima pravorum humorum, imprimis biliosorum, seges emergit, quæ ad massam sanguineam delata, dicta symptomata inserit. Accedit, quod vir noster gravissima affectus fuit iracundia, quæ uti in vulgus notum, maximas humorum, imprimis bilis, turbas excitat, adeo ut iracundum hominem cholericum seu biliosum vocent; non quidem ac si iracundia bilem generet, sed quod uberiorem bilis motum excitet.

PROGNOSIS.

Optimè ergo fecit, quod Medicum vocari jussit, quia in maximo versabatur periculo, laborans morbo inter paucas septimanas, imo dies, licet acutissima febris hic non sint frequentes, tragediam suam absolvente; nisi in tempore illi occurratur. Nam non puto, si modo rite procedatur, eum esse moriturum; quia

1. Malum contraxerit ab errore externo.
2. Quia symptomata circa stomachum certo respectu sunt mitiora.
3. Quia pulsus est magnus; &
4. Quia urina citius exhibet signum coctionis.

CURA.

In Cura igitur hæc Indicationes esse observandas arbitrari

1. Stomachum a cruditate nidorosa esse liberandum;
2. Dyscrasiam massæ sanguineæ esse corrigendam,
3. Sitim & cephalalgiam, reliquaque symptomata sub morbi cursu esse mitiganda.
4. Stomachum esse roborandum.

Priori scopo satisfaciunt vomitoria; his enim una quasi salce omnia symptomata, præcordia affligentia, removeri possunt; hinc ipsa natura nobis præmonstrat viam, in nostro agro instituentem; hinc puto sine vomitoriis difficilem esse curam, & Medicum in hoc cespisse, quod in principio, cruditatibus hisce nondum remotis, misturam alterativam & diaphoreticam præscripserit; unde etiam sine effectu fuit, & agrum magis anxium reddidit, majorem in primis viis excitando effervescenciam, quo magis irritatum fuit orificium sinistrum. Ergo præscriberem:

24. Aquæ

℞. Aquæ Menthæ ℥vi.
Cinam. spirituos. ℥ij.

Syr.emet. ℥ss.

M. f. Mistura: S.

Mistura Emetica pro una vice.

Purgantia autem propriè sic dicta minus conveniunt: quia autem alvus sit aperta servanda, clysmata adhibeantur.

De venæsectione queritur: an convenient? Notum enim est, quod vulgus tantum non omnium febrium curam in hac operatione unice ponat, aded ut si Medicus eam contra eorum voluntatem negligat, & patiens moriatur, apertè dicant; eum potuisse conservari, si modò instituta fuisset venæsectio. Verùm quantum in hoc puncto peccatur, quotidie experimur. Non enim refrigerat sanguinem, nisi secundum veteres ad lipothymiam usque sanguis emittatur. Ergo in nostro casu non convenit; quia patiens non est plethoricus, & unum vomitorium vel sudoriferum plus efficit, quàm repetitæ venæsectiones: sin autem Medicus eam instituat, non faciat hoc ante vomitorium.

Remotis itaque cruditatibus ad secundum scopum accedamus, & massæ sanguineæ crasin corrigamus: quod præstamus per præcipitantia & sudorifera; quia diaphoretica juxta HELMONTIUM sola sunt appropriata & specificæ remedia febrium. Pro quo scopo optima sunt acida, tam simplicia quàm nitrata, ex regno vegetabili & minerali desumpta: Hinc mistura in casu prostant potest usurpari.

Vel

℞. Aquæ rubi idæi,

Acetof.

Scorzon. ana ℥i.

Succ. Cydon. ℥i.

Antimonii diaphor. ℥i.

Bezoard. solar. ℥ss.

Spiritus nitri dulc. q. s. pro grato sapore.

Syr. rubi idæi ℥i.

M. f. Potio.

Bibat æger pro lubitu.

Vel

℞. Aquæ Plantag.

Cichor. ana ℥ss.

Bezoard. Lunar. ℥i.

Spiritus theriac. camn. ℥iij.

Sulphuris per camp. q. s. pro grato sapore.

Syr. acetof. Citri ℥i.

M. f. Potio.

Informa Pulveris:

℞. Ebor. sine igne,

Antihæst. Poter. ana ℥ss.

Nitri animoniæ. ℥i.

Camph. gr. ii.

M. f. Pulvis pro 1. dosi.

POTERIUS in observationibus suis, & libris de Febribus, mirè laudat funem alexipyreton, tanquam infallibile remedium: hoc an verum sit? penes Autorem esto fides. Tertio scopo ut subveniamus, sitis & cephalalgia mitigentur, imprimis sitis: nam notum est, quod proprium sit omnium febrium, ut sitis intendatur, & Medicos ac ægros mirè vexet: & quidem hos, dum non possunt assumere porum ordinarium, sed aquam simplicem desiderant; quæ tamen in majori dosi assumpta, ventriculum læsum magis lædit. Huic igitur ut succurramus, non immitemur illos, qui nimis sunt rigorosi, & ægros suos, porum prohibendo, miserè torquent, quos non immeritò in loco quodam carpit. PANAROLLUS: sed largiter bibere iis concedamus, hac tamen cum cautela, ne nimis una vice, nec nimis frigide hauriant. Imò ipsum vinum, quod nonnullis paradoxum videbitur, concedamus, sed in parva dosi; quia verè, dicit HELMONTIUS: vinum licet calidum sit, quia tamen palato & stomacho est gratissimum, in calidiori morbis modicè sumptum, spiritibus est gratissimum nucium, & alimentum medicamentosum.

Remedia pro siti tollenda varia hinc inde prostant: v. gr. gargarismata, emulsiones, misturæ, potiones, &c. Sic vulgare est decoctum hordei cum radice chinæ (quanquam Decoctum hordei non aded laudo propter copiosas cruditates, quas secum vehit.) Informa Iulapii.

℞. Decoct. rad. & fol. acetof. ℥iij.

Succi acetof. ℥iij.

Ettmulleri Oper. Tom. I.

Syr.ribium,

Grana. acid. ana q. s. ad gratam aciditatem.

M. f. Iulapium.

Vel

℞. Mensur. i. potus ordinarii:

inque eo dissolve

Gelat. Cornu Cervi ℥ii. vel nitrum depuratum.

Vel pomum citri discinde in taleo as. Vel recipiatur nitrum depuratum, & in ore saltem detineatur, ut fallatur sitis. Hinc etiam sunt emulsiones in ore circumvolvendæ: v. g.

℞. Mucil. sem. Cydonior. cum phlegm. vitrioli

extr. ℥ss

Syr. rubi idæi ℥vi.

Misc.

Retineatur in ore.

Huc pertinent omnia blanda acida, quæ tam huic, quàm quarto scopo satisfaciunt, ut spiritus nitri dulcis, clyssus, item succus rubium & berberum &c. item panis vino intinctus & assumptus.

Denique ut tollatur Cephalalgia, & reliqua symptomata, conveniunt opiata, sudoriferis mista; cephalalgia enim hæcce sine sudore vix potest tolli. Ergo conveniunt tinctura Bezoardica, mistura simplex, spiritus theriacalis camphoratus, &c. Formulas enim propter prolixitatem adducere nolo.

Externæ etiam Epithemata fronti, temporibus, pulsui, volis manuum & plantis pedum applicatur, quæ omnia sunt nota.

Æger his remediis instructus, non cogatur ad cibum assumendum, licet per integram septimanam nil assumat; quia omnia propter stomachum corruptum corrumpuntur, & si quid assumat, sit tenue & facile concoctibile.

Celophonidis loco pauca addam de cura febrium transplantatoria & amuletica, quæ quibusdam est in usu. Sic SEBASTIANUS WÜRDIG in Medic. Spirit. refert, quod curaverit virum febre ardente laborantem: nempe huic panem tritum cum sale plantis pedum applicari iussit, panis iste sudore plantarum madefactus projiciebatur gallo Africano; qui quamprimum massam devoraverat, mox quasi apoplecticus in terram mortuus concidit, æger autem convaleuit. Sic Corallia, quæ amuleti loco appenduntur, tanquam singulare remedium in febribus commendantur. Verùm quid de hac cura sit habendum? quia effectus ejus videmus, in medio relinquam, & præsentem casum concludam.

Συρ τῶ Θεῶ.

DISCURSUS & ANNOTATA SPECIALIA

B. DNI. PRÆSIDIS.

Orbus est febris continua ardens, eaque benigna. Dabitari autem merito potest, an præcisè benigna sit? idque ex eo, quod iracundia, quæ causæ remotæ hinc rationem habet, etiam benignam febrem facile possit reddere malignam. Eandem & hinc inducere non improbabile fit, cum præsertim iratorum hominum morsus fuisse virulentos, ita ut cum viperarum aliorumque venenatorum animalium iratorum moribus non disparem effectum post se relinquat: Conf. HILDANUS Centur. 1. Observ. 84. & 85 & GLANDORPIUS in Specim Chirurg. cap. 48. & 49. Cui accedit, quod febres, occasione iracundiæ natæ, pessima concomitantia habeant symptomata, ita ut observaverim instar malignarum eas seviisse. Ceterum non omittendus hic est spirituum vitalium, pariter ac animalium exercitus, quorum impetus inordinatus ac concitator motus in qualibet febre obvius est, cum turbata massa sanguinea, & primarum viarum digestionis negotio vitato, non possunt non lidem similiter turbari. Et sanè, nisi semper in morbis ad primum illud vivens, indequæ actionum omnium; tam naturalium quàm præternaturalium, primum efficiens, respectus habeatur, in multis errare necessum est.

Interim non confundamus formam febris cum efficiente ejusdem proxima; cum massa sanguinea enim non omittendi sunt spiritus, quorum inordinatus impetus ac

Ddd 3

mo.

motus in qualibet febre obvius est, propter digestionem primam viciatam. Si ergo ex hac hypothese de febrium discurramus natura, ita ut speciatim sanguinem, & hinc spiritus, seu ejus nucleum, ac sanguinis quasi quintam essentiam, consideremus, forma febris potius consistit in præternaturali isto moto fermentativo; cujus causa speciatim erit heterogeneum *salino-oleosum* seu nitrosum, occasione læsa stomachi digestionis genitum, & ex hoc in sanguinis vitalem agrum illatum, unde hujus & spirituum motus necessario turbatur. Adeoque *Causa proxima* erit sanguinis dyscrasia, vitio chyli in primis viis depravati eneta, in talem præternaturalem effervescentiam erumpens: Vel causa proxima materialiserit nidorulentum *fermentum*, vitio errati digestionis primæ, ob inadæquatum objectum genitum, sanguinis secundum minimam crasin, & hinc motum ejus fermentativum; pessundans, unde febrilia symptomata postmodum superveniunt.

Causa ergo remota est digestio viciata ob inordinatam diætam, quæ fomitem suggessit, quam excitavit *iracundia*, in movendis corporis nostri contentis efficacissima.

Observandum tamen:

(1.) In febribus talibus non semper ad materiæ peccantis copiam respiciendum esse, cum admodum febrem malignam uti tantillum contagii, ita tantillum quoque fermenti nidorulenti à vomitu reliquum, ex primis viis massam sanguineam ad febrem ardentem disponere potest.

(2.) Effervescentiæ bilis & succi pancreatici non nimium tribuamus, cum succi pancreatici natura adhuc sit controversa. Ponamus: succum pancreaticum esse naturaliter subacidum; non tamen tanta effervescentia inde expectari poterit; cum præsertim bilis phlegmate detracto, inspissata, lardi instar quidem deflagret, adeoque de oleositate sua testetur; contra tamen salina ejus acrimonia non tanta, nec de natura ejusdem alcalina æquæ constet. Nam licet bilis destillata aliquantulum salis volatilis reddat; tamen nec hoc phenomenon sufficientiam meretur, cum igne non tam rerum formas inhærentes evolvi, quam novas produci, experientia loquitur: unde falsus est WILLISIUS, statuens, bilem pro clymate esse posse; cum, si perficiat in tali causa aliquid, præter illud saltem oleositate sua blanda & vi saponaria, cum ex copioso oleo & occulto acido, debito tamen alcali volatili saturato, constet, adeoque lubricando & abstergendo, non verò stimulando: Ut itaque multum quidem concursui horum succorum in primis viis, non tamen nimium, tribuamus.

Cephalalgia, in nostro ægro obvia, dependet simpliciter ex impetu sanguinis.

Porro quoad urinam: ejus inspectio continua in febribus speciatim acutis admodum est necessaria; testatur enim illa de statu & eventu harum. Quandiu enim in continuis febribus urina est clara & perspicua, tamdiu cruda dicitur; si autem turbida videtur, signum coctionis denotat: sicut si in eadem copiosum sedimentum deprehendatur, perfectè cocta vocatur, uti ejusmodi phenomena per experimenta chymica declarari possunt. Et quidem in hujusmodi casibus expetitur ab ægris urina sanguinis, non potus; hinc manè digestionem absoluta colligatur. Scilicet urina sanguinis (nam hæc manè excepta postuletur) est liquor salino-volatilis oleosus, seu lixivium, constans ex aqua, copioso alcali volatili oleoso rurgida, unde prout plus de hoc sale volatili oleoso imbibitur urina, eò plus tincta est, ita ut simul, quò plus salis continet, eò consistentiam crassiorem obtineat; quò magis est oleosum hoc sal, habet tincturam intensiorem, hinc ab oleo tinctura, à sale consistentia: Sic scorbutici intensissime tinctas urinas emittunt, sed simul crassas, ob copiam salis imbibiti, quò postquam eadem steterunt aliquandiu, sub arenularum forma præcipitatum, & parietibus vitri crystallisatum, urinas minus tinctas relinquit: contra urinae tenues, intensissime tinctæ, observantur in hecticis; nempe quando sal copiosum oleum imbibit. Sic salia volatilia, quando agunt in sulphur seu oleum, emergit color rubicundus plus minus; unde etiam spiritus partium animalium primum aquæ instar clarescunt, postmodum flavescunt aquæ, hinc glutinescunt à sale volatili proprio oleo adhuc juncto; non secus, ac ex destillatione calcis vivæ, salis ammoniaci & sulphuris, prodit spiritus rutilans instar auri; ubi simpliciter alcali salis ammoniaci agendo in sulphur sub tortura ignis, & dissolvendo istud,

hujus coloris causa est: (vid. BOYLE *Philos. Experiment.*) quod probatur; quando enim illi spiritui instillatur aqua, tunc totus liquor, antea rubicundus, lactescit, secedente ad fundum sulphure nativo, ita ut alcali egerit in sulphur, hoc tamen adhuc vivum sit; sicut aliàs notum est, quod ex quibuscunque liquoribus, sale alcali & oleo turgidis, si instilletur illis tantillum acidi turbentur, & prodeat lacteus color. Vide supra causam de cholera. Ex hisce colligimus urinam prius rutilantem, postmodum turbidam reddi, simpliciter ab acido in urina existente, per modum præcipitationis, urinam præfatis modis turbante. Ut adeò verissimum putemus illud HORNII in *Arca Mosis* effatum, dicentis: omnem urinam turbidam, semper occultum acidum fovere. Et quidem turbatur vel extra corpus, vel intra corpus: *Extra corpus* naturaliter, præsertim tempore æstivo, quando urina tunc stans corrumpi, & aliquo modo fermentare incipit, tunc acidum occultum se manifestat, unde turbatur urina: *Intra corpus* & quidem in febribus, quando acidum antea ferè deficiens, sed emergens, præcipitat alcali oleosum, unde urina crassa & turbida provenit, & si majus fuerit, copiosa sedimenta ad fundum secedunt. Unde verum est ejusdem Hornii præsagium, quod nubecula in urina apparens signum sit redeuntis in stomachum acidi. Urina ergo, quæ sit turbida in febribus; hoc habet ab acido, præcipitante oleum ex alcali. Quæritur, quale sit acidum? Hoc est revera in stomacho (THOMSONO protopepticum vocatum) quod uti est primum digestivum in corpore, ita dirigit etiam illud quascunque digestiones: unde hoc plus minus in febribus redeunte, atque reviviscente eodem, urinae antea claræ per præcipitationis modum quoque fiunt turbidæ, & copiosa sedimenta seponunt in fundum. Turbatio ergo urinae est quædam præcipitatio ab acido moderato, agente in alcali, à quo separatur oleum. Jam urina, quando turbida redditur, dicitur esse signum incipientis coctionis, quando nempe incipit fieri præcipitatio ac turbatio. Coctio ergo consistit in separatione quadam, quem sequitur præcipitatio ac turbatio, in separatione nempe quorundam recrementorum ex massa sanguinea, sub cursu morbi à fermento febrili genitorum, quæ dum vi acidi stomachici separantur, denud ex massa sanguinea in urina per inchoatam præcipitationem transeunt, eamque turbidam reddunt; dum verò perfectè separantur & præcipitantur, urina copiosa deponit sedimenta, quæ est coctio & præcipitatio perfecta. Ad acidum ergo ibi respiciendum, & hinc ad transpirationem.

Et hætenus dicta de febribus continuis benignis intelligenda sunt. Urinae enim malignarum, sanorum similinæ sunt, & maxime fallunt; imò in petechialibus ad tres septimanas tenues & claræ sunt, nec, nisi in plenaria earum declinatione, quando nempe meliorescit valetudo, nebulosa apparet, & turbantur, ut ita quoque in illis periculosior sit Prognosis eventus.

Porro in nostro ægro consideranda venit idiosyncrasia seu constitutio tenerior & tenuior, adeoque hæc ob curæ modificationem ponderanda. Scilicet tenerior is dicitur, indeque mutabilior, ratione liquidorum seu contentorum corporis sui partium, quæ tunc dicuntur facere constitutionem teneriorem, quando nempe liquida contenta ejusdem mutabilia & facile alterabilia existunt; etiam ex levi mutatione, id quod vocamus: *Est debilis, & teneræ complexionis*; & opponitur huic robustior constitutio qualem in rusticis observamus. Fundamentum constitutionis firmioris consistit in acido stomachi protopeptico valido, cogente contenta corporis nostri, & quasi concentrante eadem, quò sub firmiori miscela minus mutari queant; sicut contra defectu istius acidi stomachici debiliores & mutabiliores redduntur corporis nostri succi. Unde etiam in tenerioribus istis spirituum textura rara quasi est & tenera, facile mobilis & dissipabilis, atque minus fixa: contra in firmioribus spiritus minus dissipabiles & paulò fixiores existunt. Illustrari negotium hoc potest, conferendo vinum dulce Italicum cum vino Rhenano: Uti enim illud ob acidi defectum ultra unum vel duos annos sine corruptione non persistit; ita Rhenanum ob acidum præponderans per viginti & triginta annos durat: illud uberiori alcali & oleo, spiritibusque magis raris & volatilibus, præditum est; hoc copiosiore acido, spiritibusque magis fixis: Unde etiam odor & Gas sulphuris acidum conservat vina à corruptione.

ptione. Par ratio est cum corpore nostro, cujus firmiore constitutione præditi à fortissimis etiam purgantibus non moventur; lecius ac teneriores à lentissimis etiam Purgante insigniter turbantur. Sed quoad sensiliorem constitutionem, Germ. *eine empfindliche Natur*: fundatur illa in fibrarum nervosarum textura molli & delicata: Delicata structura reddit subjectum sensile; densa verò minus sensile. Iam ergo in Praxi hujusmodi constitutionum habeamus rationem, quandoquidem tenerioribus minus propinanda fortiora, sed moderata & temperata in usum vocanda sunt, & talibus neque opiata adhibenda, quia ab iis fessi sunt; in firmioribus verò magis graduata remedia requiruntur, etiam opiata ferre possunt. In sensilioris constitutionis ægris contrarium est: qui enim habent genus nervosum delicatum, iis quandoque dari possunt imò debent opiata, aliis admista; contra minus sensiliorem texturam habentes, iisdem nullo modo egent. Noster æger est talis, unde non mirum, si à rebus extrinsecis facile alteretur.

Causæ remotæ sunt læsio diætæ, & iracundia. Erratum ab ægro nostro constitutionis tenerioris in diætâ commissum, suggestit fomitem morbosum, morbosum nempe fermentum febrile, in quod iracundia quasi scintillas excussit, unde fomes in ignem febrilem exarsit. Scilicet iracundia movere contenta corporis nostri, notum est: observetur solummodò pulsus ita percitorum, qui est vehemens, & simillimus febricitantium: in iracundia quibusdam alvus, quibusdam urina stimulat, imò nonnullis horum sanguis e naribus effluit; quæ pathemata omnia monstrant, quatenus turbas corpori det iracundia, sub qua, cum insignis motus humorum à spirituum animalium impetu contingat, à quo quælibet contenta corporis nostri moventur, hinc etiam fermentum febrile occultum facile in actum secundum quasi deduci potuit.

Quoad Prognosin: morbus in se est periculosus, qui tamen non necessariò mortem post se trahit; quia

1. Est à causa externa. Symptomata verò, quæ sunt à causa externa, semper longè miora sunt, quam si febris illa fomitem internum agnosceret. Interim pessimum est, quod ira accesserit, quia quandoque convulsiones, deliria, & alia atrocia symptomata inferi; quod in pittore quodam nimia iracundia mortuo observavi.

Cæterùm

2. Magnis febribus laborantes ut plurimum pessimè se habent circa præcordia, hinc anxii, inquieti, clamorè sitiunt, & graviora symptomata circa præcordia patiuntur; quæ in quacunque febre quò miora sunt, eò semper major spes futuræ reconvalescentiæ apparet.

Sic

3. Pulsus magnus, bonum signum suggerit; innuit enim æquabilem sanguinis motum fermentativum.
4. Quia urina coctionis caractere sigillata, quæ simul incrementum morbi monstrat, sicuti sedimentum illius, statum quoque hujus denotat.

C U R A.

Quoad Curam; hæc primò jubet, ut stomachus à cruditate nidorosa liberetur, idque per vomitum. Ubi tamen quaeritur: ante etiam hic in nostro ægro vomitus locum habeat? quod ut plurimum felicissimè contingit. Certum quidem est, eum, qui in chronicis & acutis morbis dextrè vomitoria adhibere novit, citius longè curare; imò & in febrium continuarum principio nil melius vomitu. Interim cum æger noster (1) sex diebus ante invasionem morbi vomitum non naturalem & quasi symptomaticum, natura coacta, propter ebrietatem passus fuerit, adeoque motus naturæ non proprius fuerit, dubitari, de eo administrando potest; imò, si fuisset ille criticus, natura jamdum se exonerasset, adeoque necesse foret, eundem repetere. Verùm ille nil ad curam facit, quia intercessit ab illo tempore iracundia, de novo turbans œconomiam corporis ægri nostri. Ad hæc, cum (2) æger noster sit tenerioris, uti patet ex historia, constitutionis, hinc periculum crescit, ne ex vomitorio propinato, aut hypercatharses sequantur, eò quod vomitoria sine violentia non

Estmuller. Oper. Tom. 1.

opereretur; aut ægrum, si cum vomitorio tentare velimus, viribus jamdum satis attritis lipothymia corripiat. Insuper cum (3) urina jam appareat turbida, morbusque a led principio transcenterit, & in incremento sit, sanè & hæc dissuadent vomitorii usum, præsertim, quia hic in principio continuarum saltem conceditur, non verò in incremento, ubi occasio præterlapsa, & (4) ipsa natura jam se exoneraverit. Contra ab altera parte; pro vomitu instituendo urgent, (α) quod æger anxius sit & inquietus, quæ affecta esse præcordia indicant, adeoque si intermittatur vomitus, metus est, ne dicta symptomata ab affecto stomacho oriunda exasperentur. (β) Quia fluctuationis sensum in præcordiis percipit æger; quod signum est, ut Practici loqui amant, anoripiam humorum instare. (γ) Quia æger dicit, quoties de mixtura præscripta caperet, exaltuationem circa præcordia pati; quod indicium est, spiritum nitri dulcis cum contentis stomachi & vicinarum partium effervescente. Hæc ergo permittentia & dissuadentia vomitum, dum occurrebant, vespertino tempore accedens, quid agerem? in bivio hærebam; neglectis tamen dissuadentibus, rectè dedi vomitorium, quod ipsum in principio primo advocatus sine deliberatione mox dedissem. Equidem benè nosse aliàs convenit Medicos, vomitoria, dum sunt ex illorum manu, non esse amplius in eorum potestate: interim probè quoque distinguere sciebam inter vomitoria ex regno minerali, & inter purgantia vegetabilia: quorum illa in stomacho & duodeno, & ultia primas vias non operantur; hæc verò ulterius pergunt, adeoque nociva sunt, tam in malignis quam benignis continuis, idque, quia massam sanguineam colliquefaciunt causam morbosam exacuant, & symptomata potius augent quam curant.

Secundus scopus est, ut massa sanguinea corrigatur, quod fiebat, & fieri potest misturis alterantibus; una operam dando, ut semper æger, quantum possibile, in blanda diaphoresi conservetur: quippe hac ratione illa melius longè operari solent, & cephalalgia simul discutitur: unde & spiritus nitri dulcis egregius est, ob vim singularem diaphoreticam, quam præ aliis spiritibus acidis habet, & sistentem æstum, ex effervescencia humorum natum.

Opiata in incremento harum febrium, aliorumque morborum acutorum, optimè profunt, ritè administrata: Sed in incremento morbi saltem danda cum Bezoardicis, præmissis universalibus, vel primas vias mundantibus; sic enim maturè in incremento morbi præcaventur deliria & majora symptomata, quæ aliàs in statu essent metuenda; ægrumque quietum reddunt: imprimis tinctura Bezoardica cum opio est proficua, de qua vid. LUDOVICI in Pharmac. In statu autem non propinentur opiata, nec si adsit crisis, quæ per vomitum, vel per secessum, aut similem sit expectanda, ubi adest stimulus in nervis; talem enim opium impedit: in cæteris verò crisis per urinam, sudorem, & similia, quæ fiunt per internos humorum motus, crisis non sistunt.

In usu autem Bezoardici Lunaris, quod Dn. Autor bujus Resolutionis præscripsit, sumus cauti ob adulterium lunæ, quod habet cum Venere: quandoquidem aliquando illud in febre ardente cum delirio conjuncta præscribens, observavi aliquot secessus in ægro hinc excitatos fuisse; unde nisi idem ex defæcatissima luna fuerit confectum; periculum semper imminet, ne de Venere participando, vi cathartica turbas in corpore suscitet, & ad secessus disponat.

Quoad sitim: ægris potus largior concedendus, modò non nimis una vice, nec nimis frigide, hauriant; adeoque rectè PANAROLLUS Pentec. 4. Obs. 8. eos perstringit, qui ægrotis suis omnem potum interdicunt, & siti misere torquent. Julebi sunt optimi, sed quò simpliciores, eò meliores, v. g. ex succo acetosellæ, succo cydoniorum recepti, rubi idæi, &c. uti & reliquis vegetabilium succis acidulis per fumum sulphuris affervatis, condensando quasi massam sanguineam, in continuis cum aqua simplici propinati; addita tinctura quadam vegetabili, & pauco saccharo: succus cydoniorum optimus est, cum cydonia habeant vim quandam nitrosam; vel cerevisia secundaria, aut aqua cum modico vini & pomo citrio in taleolas inciso immisos. Malignæ si sint, & gelatina Cornu Cervi addatur; quia succo nutritio constat, & hinc copioso sale valatili temperato, inde habet vim analepticam, blandè temperat acriores succos, etiam propter sal volatile temperatum

Ddd 4 ratum

ratum diaphoretica est, vel in potu ordinato, vel Iule-
ba: item decoctum citri Mynsichti & Tilemanni.

Vel

℞. *Aqua fontane* (melius est quam aquæ de-
still.) ℥ij.

Syr. rub. idæi ℥ij.

Papav. albi ℥ij.

& si placet, adde

Spiritus nitri q. s.

M. f. Iulebus suavis.

Huic etiam *Gelatine cornu cervi* ℥ij. ad ℥ij. addi pos-
sunt.

Si alvus simul sit obstructa, in his Iulepis decoctum ta-
marindorum, vel solum, vel cum passulis optimè conve-
nit; v. gr.

℞. *Decoct. Tamarind. cum pass.* ℥vi.

Syr. acetos. citr. ℥ij.

Spiritus nitri dulc. q. s.

M. pro Iulepo.

Nitrum depuratum etiam est egregium; lapis prunellæ ve-
rò nil valet. Pro depuratione nitrum ebulliat probe in lixi-
vio forti, & per blandum calorem inspissetur, & aqua elua-
tur; sic nitrum optimè depuratur: vid. TACHENIUS. *Nitrum* antimoniatum etiam melius est propter subtilis-
simas particulas sulphuris antimonii concentratas, sed in
larga dosi propinandum, in mensura nempe una potus ad
℥ij. vel iij. addatur; sic optimum successum habet in ægris,
servat simul alvum apertam, & disponit ad diaphoresin.
Loco hujus sumitur liquor ablutionis antimonii diaphoreti-
ci, instillatur acetum, & pulvis in fundum secedit, qui dicitur
Magisterium antimonii.

Ægrum vocatus sit curavi: scilicet postquam illi die
Solis propinandum jusseram misturam, in casu enarra-
tam, sed postmodum ægrum sic inveni, ut in casu di-
ctum, vesperique ejusdem diei rediens diu deliberravi me-
cum, an vomitorium conveniret? tandem deliberatis
circumstantiis ei lene præscripsi, ex tartari emetici Myn-
sichti gr. ii. unde factum est, ut hora una interjecta, æger,
incideret in vomitiones crebriores, cum copiosissimis al-
vi dejectionibus, reverà cholericiis pathematibus, super-
veniente summa virium prostratione, extremorum re-
frigeratione, & sudore circa frontem syncoptico. His
ita perseverantibus, cum æger non posset surgere præ lan-
guore, revocatus jussi ei exhiberi tantillum vini genero-
si, quietumque simul in lecto manere eundem, ut ex-
trema incalescerent, sed mox rejiciebat, & moribundi
instar jacebat; nihilominus tamen ordinavi, ut in lecto
quietus jaceat, imò etiam naribus crebrò admovi vinum
generosum, ut hujus odore reficeretur. Dehinc internè
præscripsi:

℞. *Aqua Menth.*

Rubi idæi ana ℥ij.

Cinam. ℥vi.

Succ. Cydonior. ℥i.

Spiritus theriac. campb. ℥iij.

Essent. ambræ. ℥ss.

Misc.

Hæc suavis mistura ab ægro successivè assumpta, vom-
itus & secessus sedavit, eumque sequenti nocte quietum
reddidit, unde simul regioni stomachali crebrius inungi
curavi Theriacam, vel solam vel in vino generoso calide
dissolutam, propter vim aromaticam: Cum his autem post
mediam noctem, & post vomitum præscripsi:

℞. *Ebor. sine igne,*

Antimonii diaphor. ana ℥i.

Bezoard. solar. gr. xv.

Laud. opiat. ferm. gr. iij.

M. f. Pulvis pro tribus dosibus.

Quarum unam cepit post mediam noctem, alteram se-
quenti mane, tertiam vesperi. Hoc facto atrocita sym-
ptomata ex voto evanuerunt, & æger maximam par-
tem levatus fuit; de febre ardente moderata aderant
vestigia. Post, alias mixturas præscripsi.

Hinc externè pro cephalalgia arcenda, ordinavi emul-
sionem sequentem:

℞. *Sem. Papav.* ℥iij.

Aqua Flor. sam. ℥iij.

F. l. a. Emulsio: adde

Campb. (si ferre eam potest æger) gr. vi.

Misc. pro Epithemate, fronti applicando: sic æger resti-
tutus.

Sed audite, quid porro factum! Æger biberat cerevi-
siam novellam, hinc ex ejus usu & impetu in stomacho
adhuc debili, & cerevisiam non digerere valente, nova
reviviscebant symptomata febrilia, frigus cum insequen-
te æstu &c. quæ dolores artuum comitarentur, quotidie
à meridie ita redeunt, ut semper alternis diebus per bi-
horium anticiparent, & ita febrem tertianam duplicatam
repræsentarent. Hinc ordinavi Tincturam tartari ad
guttas 30. omni mane in haustu vehiculi calidi assumen-
dam, ut à meridie ante paroxysmum, & sub introitum
lecti, spiritus salis ammoniaci gutt. 50. in vehiculo omni.
Cum æger hoc continuaret, & scrobiculum cordis inun-
geret oleo destillato baccarum juniperi, & ita sensim con-
tinuato usu convalevit æger.

ALIA RESOLUTIO.

INCERTI AUTORIS,

à

B. DN. PRÆSIDE.

correcta

Anno 1682.

Ex communicatione

B. DN. GROELLMANNI,

Physici Torgaviensis.

AFFECTUS.

Affectus præsens, febris est continua, eaque continens,
primaria, acuta, quemadmodum id è continuo æstu,
symptomatibus gravioribus, atque prægresso diætæ errore,
colligere licet.

CAUSA.

Causa proxima materialis est chylus, sapore acido ama-
rulento nidoso inquinatus, & massæ sanguineæ uberius
suffusus, vel ex læsa jam antea, & deficiente ventriculi
digestione genitus, vel sub isto demum diætæ excessu na-
tus, dum æger noster in convivio vespertino Cereri Bac-
coque plus justo litavit.

Causa remota & procacitativa est partim hæc ipsa gulæ
in convivio intemperantia, quatenus sic massa sangui-
nea particulis chyli acido-amaricantibus & nidosis, si-
bique non assimilabilibus, turgens, novo intra sinum
suum similitum heterogeneitatem penu suffuso, non potest
non in fermentationem febrilem præternaturaliter abri-
pi, partim gravissima præcedens excandescencia atque
iracundia, quæ ipsa vel sola in prædisposito subjecto bi-
lioso, h. e. cujus sanguis particulis copiosioribus acriori-
bus, acido-oleosis volatilibus, scatet, febrem continuam
excitare potis est, quatenus spiritus animales influos in
motus concitatiores abripiendo, ope horum sanguinis quo-
que motum tam fermentativum, quam circulatorium,
auctiorem infert.

PARS AFFECTA.

Hinc constat, *Partem affectam* seu *subiectum Inbæssionis*
quidem esse hic & massam sanguineam & ipsos quoque
spiritus influos in motu suo excedentes, quatenus non
solum hi à fermentante acridus massa sanguinea, hinc &
inde irritantur, (in corde verbi grat. ad magis acceleratam
& frequentiore hujus contractionem,) sed etiam ipsi, au-
cti, motus ejus circulatorii auctiores sunt, & ab hoc au-
cto ad motuum exorbitantias rursus adiguntur, propter
copiosiore & vehementiore sanguinis ad cerebrum
affluxum.

Subjectum Radicationis est ventriculus, hujusque di-
ge-

gestio vitiosa, & cruditas in specie nidorosa, quæ ipsa februm potissimum continuarum, sicut cruditas acida, pituitosa, intermittentium fecunda mater est.

SYMPTOMATUM CUM CAUSIS CONNEXIO.

Ad symptomata quod attinet: copiosus ille vomitus cum aliquot secessibus, quos manè, die convivium insequente proxima, expertus fuit æger, turbata jam sanguinis fermentationis indices sunt, (quod & nox inquieta loquitur) unde ob secretos copiosius succos, pancreaticum & biliarium, & saporem ex miscela horum natum plus minus vitiosum, irritata intestina & ventriculus, motus præternaturales has patiuntur anomalias. Languor & lassitudo artuum insolita de irregulari quoque sanguinis crasi & motu testantur, quatenus deficiente ejus spirituscentia debita, spiritus quoque deficientes, fibras minus inflare, & in debito conservare tono possunt, unde his quasi flaccescentibus, sanguinis quoque motu sic non nihil impedito, artuum motus animalis non potest non imminui. Horror aliqualis, æstus præcedens, à vellicatione membranarum est, panniculi v. g. carnosus, imò fortassis etiam ipsius ventriculi tunicæ interioris atque intestinorum, utpote in quibus malum primò se exferere incipit. Cephalalgia intensa a rapidiori sanguinis motu est, quatenus membranæ cerebri à dilatatis plus solito arteriis, aut sanguine quoque intra poros suos non nihil aggesto, quandam quasi continui solutionem patiuntur. Inquietudines de fomite in primis viis morbofo, atque ventriculi potissimum orificium sinistram afficiente, testantur. Sitis quoque clamorosa, idem orificium afficiens comprobatur, & quidem ab humore in specie lixiviali oleoso amarulento, quod in omni istiusmodi siti graviori, non fauces solum, sed reverà orificium quoque ventriculi sinistram præternaturaliter afficiatur, atque stimuletur. Humoris lixivialis plus minus oleosi & nidorulenti præsentiam in ventriculo & primis viis arguit exæstuatio insignis totius corporis, præsertim capitis, singulos præscriptæ mixturæ haustus insequens, quatenus scilicet cum hoc spiritus nitri dulcis concurrens atque effervescens, æstus istius omnis autor existit. Caput verò speciatim quod incalescere tunc præcæteris videatur, in causa est, quod focum suum idem humor vitiosus in ventriculo & primis viis habeat, quod anxietates quoque ægri, & fluctuationis quoque circa præcordia sensus, testantur.

PROGNOSIS.

Quoad Prognosin: benè nos sperare quidem & pulsus & urina ægri jubent: nihilominus cum tenerioris sit constitutionis, facilemque patiat virium jacturam, cura acceleranda est.

CURA.

Hujus autem scopi erunt:

1. Fomitum mali ex primis viis remove.
2. Alterantibus & diaphoreticis, seu plus minus absorbentibus & temperantibus, fermenti febrilis acrimoniam corrigere.
3. Symptomata magis urgentia temperare.

Pro primo scopo, si vires id permiserint, blandum vomitorium propinari poterit: v. gr.

2℥ Croc. metall. gr. iij.

Vini Rhen. ℥vj.

Stent in infusi per noctem.

Colatura optimè filtrata.

D. S.

Vinum Emeticum.

Post hujus usum, ut secundo satisfiat scopo:

2℥ Aquæ rub. idæi ℥iij.

Tarax. ℥i.

Antimonii diaphor.

Antib. Poter. ana ℥ij.

Laud. opiat. gr. iij.

Syr. rub. idæi ℥i.

M. f. Potio.

De qua cochlear j. aut ij. singulis bihoriis assumat corpus benè regendo; & in blanda diaphoresi conservando.

Scopo ultimo, æstus scilicet mitigationi, tanquam symptomati magis urgenti, satisfaciet venæsectio, in brachio dextro instituta, sed parca manu. Hinc de sequente mixtura pro libitu cochlear unum atque alterum assumere poterit:

2℥ Aquæ lactuc.

Acetof. ana ℥iij.

Bezoard. miner. ℥ij.

Crysell. præp. ℥i.

Syr. Papav. alb. ℥vi.

Misc.

Pro siti sedenda, potui ordinario, qui Covent vel Kauterling esse poterit, tantillo vini medicato, vel nitrum antimoniatum injici ad ℥i. vel clyssus antimonii ad gratum saporem instillari poterit: vel

2℥ Aquæ lactuc.

Endiv. ana ℥iv.

Succ. Citri rec. ℥ii.

Syr. Nymph.

Papav. alb. ana ℥i.

M. pro Julepo.

De quo pro libitu haustulum assumere poterit.

Dolor capitis si nimium urgeat:

2℥ sem. Papav. alb. ℥ss.

Cum f. q. Aquæ Verben. f. Emulsio,

Epithematis instar capiti exterius applicanda.

Pro æstu vehementiori compescendo, raphanus unus aut alter concisus, atque cum sale & fermento in cataplasmatibus quasi consistentiam redactus, plantis pedum & carpis manuum applicetur: vel cancri fluviales confusi, atque similiter applicati; conducent.

Faxit Deus, interim, cedant omnia feliciter.

CASUS XXVIII.

FEBRIS CONTINUA

PERIODICA.

Juvenis sponsus laudabilis constitutionis fronte serena & facie rubicunda ornatus, cum sponsa & aliis sodalibus die Solis rus petiit mense Majo, ubi hilares valde convivio excepti choreas ducunt, potant, vesperi domum redeunt. Sponsus in lectum cum sponsa se conferens, noctem patitur nonnihil inquietam, vagis insomniis & vigiliis interruptam. Manè die Lunæ situm intensiorem percipit lingua glutinosa admodum cum aliquali capitis dolore; postquam surrexerit, & vestimenta sibi adaptaverit, frigidum quendam horrorem dorsum vagè perrepantem percipit, hunc excipit successive frigus intensum cum rigore, quatuor membra. Hinc rejectis vestibus, lectum repetit, probèque se contegit, ubi brevi denuò incalescit, sed ita intensus æstus cum gravi cephalalgia & summa bibendi appetentia supervenit, ut ceu ægrotus lectum colere necesse habeat. Bibere avidè cervicissimè, non sapit, sed ob amarorem & glutinositatem eam fastidit, hinc coventum, tandem aquam frigidam, apportari jubet, sed omnia eodem tenore manent. Vesperi cum tota ferè, die nihil comedisset, caput ceu euporiston tincturam am Bezoardicam ad ℥i. in haustula vini, sudat, hinc & cephalalgia nonnihil remittunt: sed nox insequens inquieta, ut antecedens; unde manè die Martis omnia eadem atque præcedente die, sed non adeò gravia nil edit, semper bibit, nox insequens paulò quiescit. Manè die Mercurii denuò caput istam tincturam, curaturus hac ipsa seipsum, sudat, sed eodem modo omnia persistunt. A meridie inclinante vespera gravior cephalalgia eum prehendit, ita ut etiam oculos vix aperire queat: sitis immensa, lingua arida, ut & labia, æstus insigne, conquiritur de doloris & anxietate circa præcordia, sentit anxietatem Cordis: nauseat, & leviter mirurit, sub noctem loquitur vario, interdum ridicula; manè symptomata nonnihil remissiora. Die ergo Jovis Medicus vocatur, qui accedens, præter enarrata, pathemata observat urinam intense tinctam, aliquantulum turbidam cum aliquantulo eneoemate. Pulsus frequens admodum, vehemens, plenus magnitudine, & celeritate moderatus, respiratio crebra, rangens manuum, eam nonnihil madidam, uti & frontem deprehendit: debet curare ægrum.

RESO.

RESOLUTIO

DNI. GODOFREDI

SCHULZII,

VRATISLAVIENSIS,

à

B. Dn. PRÆSIDE

correcta

Anno 1676.

Quod juvenis noster sponfus febre ardente continua periodica laboret, calor intensus atque continuus, sitis insigniter aucta, cephalalgia, & tertia quoque die exacerbatio, reliquaque ex ordine symptomata, signa harum febrium pathognomonica, probabilissimè testantur.

Cognito ergo affectu, absque ulteriori mora ipsius *Paræm* primario affectum ordine aggredimur, vix verò aliam statuere possumus in hac febre, quàm massam sanguineam ad vitiosam fermentationem nonnihil dispositam.

Hujus autem febris continuæ periodicæ formalitas haud dubiè est effervescencia sanguinis præternaturalis.

Causa proxima est dyscrasia sanguinis oleosa volatilis salina seu biliola veterem, ratione cujus æger corripitur febre ardente continua: quatenus verò paroxysmi tertia quoque die exacerbantur, adeoque Tertianæ simul, & quidem intermittens, ex digestionis primæ vitio conjuncta est, ob id hæc febris composita rectè dicitur. Conferatur SYLVIVS. Hinc etiam noster sponfus, tanquàm juvenis laudabilioris constitutionis, & aliàs massam sanguineam non nihil oleosam habens, levi accedente occasione, dum nempe exspatiando in rus convivio exceptus ventriculum cibo, & forsan nimio potu, nonnihil onerat, & ex hilaritate choreas ducit, à re nonnaturali, nempe motione nonnihil fortiori, tanquam causa externa, facillimè vitium primæ digestionis nidorosum contrahere, & ita fomitem pro toto morbo in primis viis constituere potuit; unde massa sanguinea ad vitiosam fermentationem disposita in actum secundum erumpit, & fermentatione præternaturali; præsertim mense Maio, tempore nempe vernali, eo citius affligitur. Si enim ægri ardenti aliave in febre conquerantur de amore oris, certum est, vitium tunc hæere in primis viis, adeoque vel in cruditate nidorosa, vel vitio confluxionis succorum primarum viarum; ita ut tali in casu ad stomachum imprimis respiciendum sit. Minus bene ergo ægro nostro cerevisia sapit, sed ob amarorem & glutinositatem, & quia ob fermenti ventriculi inertiam, digestionem primam turbata, cerevisia ingesta, utpote nonnihil crassa, mox corrumpitur & cadaverisatur, molestia aliqua excitatur, eam insigniter fastidit. A vitiosa vero illa chylicatione, & sanguinis fermentatione vitiosi etiam producuntur spiritus animales; unde sponfus noster cum sponsa in lectum se conferens, noctem patitur nonnihil inquietam, variis vagis insomniis vigiliisque interruptam, quia spiritus animales turbulentis, & à quiete tranquillitateque naturali impediuntur. Dum autem duo illa salia massæ sanguineæ, acidum & urinosum acre oleosum bilis, motu mutuo in se invicem magis magisque fermentando agere incipiunt, successivè effervescendo febrilem inducunt calorem, & quidem tanto majorem, quò magis oleosa, pinguis ac volatilis massa sanguinea existit. In principio autem motus hujus effervescentiæ febrilis, dum acidum fortiter pugnat, & nonnihil præponderat, partes nerveæ membranosa, panniculus nempe carnosus, in specie abdominis systema, vellicantur, unde harum spasmi, & convulsivæ vibrationes excitantur, quæ sub forma horroris & frigoris, in specie in lumbis & abdomine, percipiuntur. Hunc autem frigoris sensum, mox excipit æstus intensus, cum gravi cephalalgia, & summa bibendi appetentia conjunctus. Quando enim particula massæ sanguineæ vo-

latiles oleosæ successivè emergere, acidumque pedetentim infractum temperare incipiunt, vehemens excitatur effervescencia, sub qua partes massæ sanguineæ oleosæ sulphureæ velocius motæ & agitatæ; intimiusque dissolutæ, calorem istum insignem concipiunt. Nihil enim magis effervescendo incalescit, quàm salia volatilia oleosa. Hinc talis turgescencia sanguinis febrilis, vascula meningum copiosissima distendit, in suo motu nonnihil remoratur, & ita cephalalgiam insignem ægro nostro infert. Nec mirum proinde, quod tali ardori febrili summa bibendi copuletur appetentia. Ardor enim talis alterat lympham salivalem, fauces humectantem, ratione cujus sitis adeo intensa oritur.

Æger ergo noster multis symptomatibus afflictus confugium sumit ad euporiston illud domesticum, tincturam nempe bezoardicam, hinc sudore excreto æstus & cephalalgia non nihil remittunt. Diaphoresis enim, etsi quidem in omni febre utilis, maxime tamen etiam in continuis proficua est; materia enim fermentativa vitiosa successivè subacta, & instar sæcum in vino præcipitata, à reliquarum partium consorcio liberata, copioso à ferro, vi medicamenti assumpti per rapidiorem circulum sanguinis attenuata; imbibita, effuso sudore excernitur, & sic massa sanguinea nonnihil æqualiter iterum fermentante, febrilia symptomata nonnihil remittunt. Noctem tamen iterum inquietam, vigiliisque interruptam, à spirituum animalium inordinato motu, patitur. Die Martis omnia symptomata, sed non adeo gravia, iterum ægrum affligunt, nox tamen insequens quodammodo inquietior. Die Mercurii iterum omnia eodem in tenore permanent, à meridie autem inclinante vespera gravior cephalalgia ægrum nostrumprehendit, ita ut etiam oculos vix aperire queat; afficiuntur enim ab hac turgescencia sanguinis febrili membranæ internæ, dum & tenuis meninx, à copia sanguinis vascula meningum distenduntur, & in motu suo remorantur: quia verò membrana illa, dura mater nominata, per consensum etiam pericranium afficit; nervumque opticum usque ad oculum comitatur, ibidemque tunicam scleroticam constituit, ob id ipsi oculi intense simul dolent, & cephalalgia dolores non parum exasperant. Nec mirum quoque, quod tali effervescencia sanguinis febrili æstus insignis, labia & lingua arida, sitisque immensa, tanquam propria ipsi symptomata, adjungantur. Dolorem & angustiam circa præcordia gravissimam, vomendique levent conatum atque nauseam, à cruditate nidorosa, in stomacho & primis viis hærente, talem molestiam excitante, deduco. Delirium illud, dum æger noster juvenis varia & ridicula sub noctem loquitur, exinde originem habet, quod calefacto per sanguinem effervescentem cerebro, spiritus animales in cerebro & cerebello inordinate moveantur atque agitentur, hinc occasione talis inordinati & continuati motus vigiliæ, & deliria proveniunt. Urina intense tincta, maxime oleosum innuit sal peccans. Quia verò febris quodammodo ad statum tendit, urina cruda fit magis cocta, & ex turbulentia ejus & aliquili eneo remate recrementorum præternaturalium præcipitatio & separatio innuitur; ob id jam morbum in incremento constitutum ad statum properare indicatur. Pulsus vehemens à robore cordis motus dependet, calor autem, quò intensior, magnam sequitur sanguinis ebullitionem, eò celerius & frequentius vibratur arteria, unde pulsus frequens provenit. Respirationem verò nimis crebram atque auctam ut tandem etiam attingam, dico illam originem ducere à rarefactione nimia massæ sanguineæ, hinc celeriori sanguinis circulo per pulmones. Manuum autem atque frontis levis mador, calorem intensum, vaporosum dictum, pro causa agnoscit; imò naturam diaphoresin augere, & ægrum ad sudorem inclinare, adeoque eundem secundum naturæ motum, per sudorifera curandum, ostendit. Et sic se meo iudicio causa proxima, cum remota, omniumque symptomatum connexionem, habet.

P R O G N O S I S.

Quod verò *eventum* attinet: paucis dicimus, febrem hanc, utpote benignam, minus periculosa, potius salutarem esse; brevi enim tempore, quia coctionis signa jam die quarto apparuerunt, fortasse die septimo exitum optatum haud dubiè, adjuvante Deo, promittimus: idque præsertim, si critico motu natura se exoneret: sin mi-

fin minus; ad aliquot dies diutius, & ita ad paucas septimanas morbum iri protractum, prædicimus. In quorum enim morbis tempus, natura, habitus, ætasque congruit; levioze periculo versantur, multo, quam si nihil horum congruat: vid. HIPPOCRATES *sect. 2. aph. 34* FONTANUS *Meth. General. Cognosc. Prædicendi & Curandi Morbos eorumque symptomata lib. 2. c. 3. p. 18. & c. 56.* Ratione enim naturæ aut temperamenti, morbi alii dicuntur naturæ familiares & cognati, qui similes sunt; alii minus cognati: Ita juvenibus febres ardentes & acutæ familiares sunt; senibus non: Magnitudo ergo morbi cognoscitur ex indispositione subjecti ad recipiendam causæ efficientis actionem: quod enim subjectum minus est dispositum ad causæ efficientis vim recipiendam, eo, cum receperit, maiorem causam adesse necesse est: contra, quod major est dispositio, eò minorem.

C U R A.

Methodum verò medendi quod concernit; medicamenta eò dirigenda erunt, ut

1. Removeatur fomes ex primis viis, qui consistit in scoriis ex chylo viciato, à bile præternaturaliter corrupto, genitis, i. e. in cruditate nidorosa.
2. Corrigatur dyscrasia massæ sanguineæ, temperando sal volatile urinosum, plus minus oleosum, effervescentiam excitans.
3. Correcta materia peccans per convenientes vias evacuanda, quod optimè fieri potest per sudorem & per urinam.
4. Symptomata in cursu morbi urgentia nonnihil mitiganda.

Primo scorbutica satisfacit Purgatio, vel per superiora, vel per inferiora. Posterior enim evacuatio, quia morbus jam ad statum pergit, minus conveniunt. In principio enim, si quid movendum videtur, move: vid. HIPPOCRATES. Potius emetica conducunt: hinc die Jovis præscripti manè:

℞. Tartari emet. gr. ii.

Scam. sulphurat. gr. i.

Sacch. albiss. gr. vi.

M. f. Pulvis.

D. S.

Pulvis Emeticus pro una vice.

Vel si vomitoria in forma pulveris minus placent:

℞. Conf. Rosar. ℥ss.

Tartari emet. gr. iii.

M. f. Bolus:

D. S.

Bolus Emeticus.

Si febris est benigna, & nondum adeò propinqua statui, consentientibus omnibus circa ægrum circumstantiis non adeò planè inconsultum videtur venam secare.

Secundo, tertio, & quarto scopo satisfacienda, corrigendo nempe sal volatile oleosum, unde plurima symptomata, nempe sitis, &c. proveniunt, sunt omnia acida, sal volatile acre præcipitantia. Imprimis tamen nitrata, & cum eo parata remedia fixa, figunt enim sal volatile acre, oleositatem ejus coercent, simulque per urinam vel sudorem evacuant.

Comodè autem his remediis laudanum opiatum, idque morbo adhuc in incremento existente, adjungitur; in statu enim minus liceret: quælibet enim symptomata reddit mitiora, & præter somnum inducendum, deliria præcavet, turgescencesque humores placat & sopit.

Die ergo Jovis vesperti præscripti:

℞. Antimonii diaph. Martial. ℥ii.

Bezoard. miner. gr. xv.

Laud. op. ferm. gr. ii.

M. f. Pulvis:

Div. in 2. part. æqu.

D. S.

Pulveres sudoriferi.

Capiendo unum tempore vespertino, alterum post mediam noctem.

Vel

℞. Cornu cervi sine igne

Antimonii diaph. ana ℥ss.

Laud. opiat. gr. ii.

M. div. in 2. part. æqu.

D. S.

Pulveres sudoriferi.

Die Veneris ingruente paroxysmo:

℞. Aqua Cent. min.

Flor. samb. ana ℥ii.

Antimonii diaph. ℥ii.

Bozoard. miner. ℥i.

Syr. Papav. albi ℥i.

Spiritus nitri dulc. q. s.

M. S.

Potiuncula sudorifera pro aliquot vicibus.

Capiebat pro tribus dosib., expectando blandum sudorem.

Vel

℞. Tinctura Bezoard. ℥ii.

D. S.

Tinctura Sudorifera pro aliquot vicibus.

Dosis gutt. 50. in aqua florum sambuci.

Posunt etiam Spiritus minerales, & acidi & dulcificati magis, nempe temperati, in potu ordinario & decoctis alterantibus usurpari. Ergo

℞. Spiritus nitri dulc. ℥i.

Instillantur subinde aliquot guttulæ in potum ordinarium.

Vel iniciatur parum de nitro antimoniato.

Die verò Saturni sequentem ordinavi Julebum in & extra paroxysmum:

℞. Decoct. Tamarind. cum pass. ℔i.

Syr. ribium,

Granat. acid. ana ℥ss.

Spiritus nitri dulc. q. s. pro debita aciditate.

M. pro Julebo.

De quo pro lubitu hauriebat bonum haustum.

Quarò symptomata febrilia, in cursu febris adhuc urgentia, nonnihil mitiganda. Si nempe dolor capitis nimis urgeat, pro mitigando dolore applicetur capiti Verbenæ, contusa, vel tali modo etiam applicetur Betonica, vel unguentum Alabastrinum, cum linteis multiplicatis; vel conquassatum cum aceto temporibus imponatur. Sitim verò intensam antecedentia medicamenta optimè mitigant.

C A S U S XXIX.

F E B R I S C A T A R R H A L I S.

Virgo nobilis & delicata, facta tempore hyberno mensum excretionem, conqueri cœpit de lassitudine artuum, ac vagis eorum lancinationibus, alviq; crebriore in liquida forma solutione, ex pancreaticæ lymphæ intestina stimulantem. Supervenit difficultas loquelæ, & vox aspera & rauca, vix perceptibilis, redditur. Comitatur hæc accidentia tussis ferina, sicca, sæpius quatens pectus sine etiam materiæ rejectione per fauces, quæ dolentes & quasi excoriatæ sunt. Tussis hæc subinde eam vexat, magis tamen noctu quam interdiu, ita ut nimio tussiendo conatus vomitus decumbenti in lecto accideret. Adest simul calor præternaturalis, interdum remissus, vesperti gravior, noctu satis intensus. Caput dolet, sitis moderata, urina naturaliter tincta, tenuis, cum aliquali eneoreinate, pulsus frequens, vehementia & magnitudine moderatus, sub calore tamen vespertino satis frequens ac celer. Vocatur Medicus pro Cura.

RESOLUTIO

Dn. THEOD. CHRISTOPH.

K RUGII,

HASSO-CASSELLANI,

B. Dn. P. R. E. S. I. D. E.

correcta

Anno 1676.

A F F E C T U S.

Historia symptomatum occurrentium in hoc nos certos reddit, ut affectum nostrę ægrę complicatum esse, asserere nulli dubitemus. Primarium enim urgens videtur *Febris lymphatica catarrhalis*, & quoad modum invasionis, continua periodica, interdium remittens, non tamen plane intermittens; quæ subinde raucedine, difficultate loquendi, simulque tussi ferina; & excretionis modi ratione habita, sicca, ceu satellitibus, causali consortio conjunctis, stipata est. Et hæc adesse pater; lassitudines enim artuum, eorum lancinationes vagæ, calor præternaturalis, interdium remissior, noctu gravior, pulsus frequentior & celerior febrilem æstum; tussim vero vocemque asperam ægræ nostræ loquela (quantumcunque & ipsa difficilis fieri potest) aliaque similia manifestissime declarant.

S U B J E C T U M.

Detecto ergo horum symptomatum fonte, ex affectu primario locum, in quo hæc accensa, *subjectum* puto, indigemus. In hoc autem determinando minus incongruum subjectum morbi, & inter subjectum morbi, & inter subjectum causæ. Morbi subjectum ratione febris catarrhalis est massa sanguinea vitio lymphæ in motu fermentativo vitiosa, in cuius præternaturali effervescencia febrilis æstus ratio formalis petenda; ratione tussis & raucedinis aspera arteria. Subjectum causæ ceu principale est lymphæ seu latex Helmontii aquosus, ex glandulis, tam conglomeratis quam conglobatis, extillans.

CAUSA PROXIMA.

Hæc ultima ut pressius examinemus, Causam explicare animus est, seu quis ex hoc foco ortorum symptomatum fuerit Vulcanus. Causam autem proximam quod attinet: illa est lymphæ, non tam glandularum conglomeratarum, sed quam maxime conglobatarum, præternaturali acrimonia acido-salsa inquinata; hæc enim dum per partes distribuitur, eas irritat, & ad dolorem lancinantem commovet, sanguineque immista in vena axillari in eo effervescenciam febrilem excitat; sicque talium symptomatum autor existit.

Et se ita dicta habere, lymphamque præternaturaliter constitutam esse ejusmodi malorum causam, explicatio adjunctorum symptomatum dilucidabit. Et quidem, cum duplicem nominaverimus lympham, glandularum nempe conglomeratarum & conglobatarum, utriusque scilicet diversæ, rationem reddere promittimus. Lympham enim glandularum conglobatarum hic peccare, non ullum negare puto: Nam hæc nimis acida, acris & salsa reddita, dum venę axillari sinistra infunditur, uti aliàs naturaliter constituta turgescenciam sanguinis promovet, ita vitiosa reddita, & vitiosam, omninoque præternaturalem effervescenciam excitat; unde postmodum calor ille præternaturalis & febrilis cum pulsu frequente, ac sub calore vespertino satis celeri, ceu febris præsentis signo pathognomonico, exoritur. Dum itaque sanguini permista lymphæ ista potens fuerit calorem febrilem introducere. certum hinc, quod distributa ad partes corporis,

ejusmodi lassitudines artuum, membranasque eorum rodendo lancinationes, easque vagas, induxerit: certo indico, non fermentum partium glandularum proximum hic peccare, sed lympham glandularum conglobatarum, utpote quę vagę ad corporis artus & viscera universa distribuitur, hincque peregrinis salibus imbuta tales lancinationes infert, more salium scorbuticorum, similes ejusmodi dolores inducentium. Eadem itidem lymphæ ad caput delata, ob copiosissimarum glandularum præsentiam, quę ibi copiosissime extant, (cum cortex cerebri ipse totus glandulosus,) & ibi salsedine sua muriatica simulque acida, capitis dolorem exacerbando, molestia existit.

Confirmat nos in dicta sententia; si ulterius uberiores hujus lymphę vitiatę progressum indigemus: hæc enim lymphæ acrior ad fauces, arteriam præprimis asperam, delata, illas partes dictas irritat, hinc ex lymphæ effusione vox aspera & rauca vixque perceptibilis redditur, quæ à lymphæ acriori ulterius irritatæ, uberiores lymphæ profluxum concitant; unde non potest non fieri, quin talis effectus, raucedo nempe, sequatur. Et hoc ita esse demonstrat, quod ejusmodi symptomata comitetur tussis ferina, ortum suum ducens ab ejusmodi lymphæ salsa acri, pertinacius asperam arteriam, tam delicate sensilem, vellicante, istamque rodente; proinde summus tussendi conatus adest, totum pectus quatens, cumque materia subtilis, minus cocta Practicis dicta, hinc sine rejectione aliqua materiæ procedit, & abique omni effectu, nisi quod fortiori hac irritatione, exindeque exorta motione, fauces quasi excoctæ, & ita quasi phlogosæ affectæ, doleant. Tussim autem hanc catarrhalem esse, ortam ex diversa lymphæ vitiosa, confirmat, quod magis circa vesperam & noctem ægram cruciet: solenne quippe est omnibus lymphæ affectibus, ut temper noctu exasperentur, ob rationem, quod porritunc magis oclusi ansum dent ulteriori lymphæ effusioni; cumque talia peregrina per insensibilem transpirationem non tam feliciter exhalent, hinc & tussis ægram nostram magis noctu quam interdium vexat, ut decumbenti in lecto ex nimio tussendi conatu vomitus superveniat, satis indicio, stomachum, & imprimis ejus Rectorem, ob nimiam concussionem pectoris & diaphragmatis in consensum trahere, ut hic ita irritatus convellatur, & vomitus superveniat. Non autem tussis solum exasperationes suas circa hesperi ortum exorditur, sed & reliqua symptomata circa idem tempus suum capiunt incrementum: tunc & calor seu effervescencia illa præternaturalis interdium minus intensa vesperi gravior, noctuque satis intensa est ob eandem, cum tussi nocturno tempore à priore facta, rationem; ita enim lymphæ in majori copia sanguini affusa uti majorem effervescenciam, sic & pulsum magis frequentem & celerem, causatur.

Dictum autem superius, febrilis effervescencie causam non tantum glandularum conglobatarum, quam etiam conglomeratarum lympham esse. De priori certitudo ex dictis pater; de posteriori jam dicendum, & illam suum addere symbolum. Præprimis autem accusandum lymphæ pancreaticę vitium; hæc enim simul acrior facta, & ad intestina delata, non solum præternaturaliter cum bile effervescens molestias ibi infert, sed & postea massę sanguinæ infusa multum ad colorem febrilem inducendum contulit; & hujus, succi pancreatici puto, vitio corpus nostrę eger affligi, calus historia indicat, cum ob eandem rationem crebriores alvi dejectiones passa fuerit, quatenus hic præternaturaliter acrior & viscidior redditus continuo intestina vellicando ea excitat, ut copiosius tributum solvant. Salivam vero, quę & aliàs sub vexillo lymphę glandularum conglomeratarum degit, immunem hoc in loco esse; exinde conicere licebit, quod litis in egra sit moderata; nam hæc statum ejus aliquo modo adhuc faustum, & à salibus acrioribus liberum, indicat, ut ita fauces nonnihil abstergere posset, sicque sitim aliàs molestam in ejusmodi affectibus modificari; cum enim peccet lymphæ acida; hinc sitis minor & moderata, quam si esset salsa nimis.

CAUSÆ REMOTIORES.

Ad dictorum autem certiores dilucidationem multum facit, si & causas prægressas remotiores examinaverimus, satis potentes & aptas ad talem effervescenciam sanguini inducendam. Eminent autem hic tempus brumale; hoc enim

enim tempore aer partim impurus redditus, de hinc talis inspiratus materialiter ad hunc morbum disponere potuit; partim verò, & quidem maximè, quatenus obstruendo poros corporis, frænum iniecit in sensibili transpirationi, hinc recrementa vitiosa salina excerni non potuerunt, sed regurgitando ad massam sanguineam tales efferos motus excitarunt: cui postmodum *ἐπιβαλον μέρους* addidit tributum lunare, quod tunc temporis solvit; hujus enim excretionis tempore, cum iam massa sanguinea turgat, & effera reddita, accedente de hinc lymphæ acriori facile in maiorem effervescentiam abire potuit, idque eò magis, cum offenderit subiectum iuvenile, humoribus rurgens & delicatæ constitutionis, cui facile ejusmodi imprimi possunt.

PROGNOSIS.

Horum ergo cum ægra nostra sit impatiens, hinc eò citius Curam aggredimur, de qua ut certiores simus, *Prognosis* præmittimus.

Quoad eventum itaque: cum febris minùs acuta sit, adeoque minùs periculosa, hinc tantum abest, ut ægræ nostræ malè ominemur, vel sinistram eventum prædicamus, cum speciatim non sit febris maligna; hinc facilius curatur erit, cum iam, ut ex urina patet, signa fausta coctionis ex eneoremate in illa hærente appareant; hinc debellato fermento peregrino, mineraque febrili eradicata h. e. lymphæ vitio & in constitutione seu textura materiali & motu correcto, facilius erit cura.

CURA.

Hanc fundatam *methodo medendi* per indicationes & materias auxiliorum illi respondentes legitima aggredimur, præmissis tribus Indicationibus; & quidem

1. Ut lymphæ acrior & magis acida temperetur, æstusque febrilis inde dependens sic inhibeatur.
2. Temperata lymphæ copiosius adhuc residua per debitas vias, sudoris & urinæ excretioni dicatas, evacuetur, & sic, quod à frigore externo inclusum, reſeratis clauſtris eliminetur.
3. Asperæ arteriæ partibusque aliis, sub his pathematis læsis, appropriatis medicamentis catarrhum incrassantibus, seu potius temperantibus, adeoque ulterioris irritationis sensum inhibentibus, succutramus, ut quævis in sua crassi & debita constitutione & tono seruetur.

Apparatus speciatim; quibus hisce indicationibus satisfiat, depromitur ex tribus consuetis fontibus: & quidem è Chirurgico, etsi venæsectio, cum ægra sit in iuvenili ætate posita, parce adhibita conveniret, quò motus sisteretur præternaturalis; interim tamen, cum jam ejus sufficiens quantitas per menstruum fluxum exhausta, non amplius erit sanguis educendus, sed potius legitimis remediis ejus fervor sistendus: nec piandum hoc malum puto scarificationibus & fonticulis, cum ægra delicata vix admitteret, malum etiam adhuc recens; hinc cum nobis promittamus radicinus, & ut dicunt, à priori, evellere hunc morbum, illa remedia generosiora, & tantum palliative curantia, è Chirurgia non mutuabimur, sed potius Pharmaciam compellamus, quæ ad hunc hostem extrudendum copiosa suggerit remedia.

Vomitibus hic nil prodest:

1. Quia non est tussis stomachalis.
2. Quia vomitus, qui præcessit, spontaneus, reverà est symptomaticus.
3. Quia nulli indicationum satisfacit.

Omisso ergo vomitu, quàm citissimè, ut corrigatur lymphæ acris acida præternaturaliter peccans, conveniunt talia volatilia sudoris feta opiatas mista; Hinc ad *Indicationem primam*, à meridie:

℞. Aquæ fœnic.

Petrosel. ana ℥ss.

Theriak. simpl. ℥iij.

Spiritus salis ammoniaci anis. ℥j.

Spiritus Cornu Cervi succinat. ℥ss.

Laud. opiat. ferm. gr. iij.

Syr. de fœnic. ℥ss.

M. f. Potio.

D. S.

Haustus compescens.

Quæ postmodum cochleatim hauriatur, benè sudorem subinde, in specie sub quiere nocturna, expectando.

Ad *Indicationem secundam*, lymphæ jam temperata ut evacuetur, ulterius conveniunt per sudorem & insensibilem transpirationem expellentia. Si talia non suffecerint, in subiecto alias catarrhali seu phlegmatico, manè insequente præscribantur evacuantia per alvum:

℞. Massa pilul. de succin. Crat. gr. xv.

Extr. absinth.

Card. bened. ana gr. vj.

Scamm. sulphurati gr. ij.

Extr. troch. alhand. gr. j.

Cum s. q. Tinctura tartari f. Pilulæ: S.

Pilulæ catarrhales. Vel

℞. Massa pilul. de succin. Crat. gr. vj.

Sal. vol. succin. gr. vj.

Res. Jalapp. gr. iij.

Extr. troch. alhand. gr. ss.

Ol. destill. succin., vel ligni Sassafr. per vesicam destillati gutt. ij.

Cum Ess. succin., vel ligni Sassafr. f. Pilulæ:

D. S. ut ante.

Ad *Indicationem tertiam*, vesperi præscribatur sequens Potiuncula:

℞. Aquæ card. bened.

Serpill. ana ℥j.

Spiritus theriak. camph.

Ess. Ligni Sassafr. ana ℥ij.

Liqu. Cornu Cervi succ. ℥j.

Syr. Papav. alb. ℥ij.

M. D. S.

Haustus catarrhalis.

De hinc & Catarrhi, reliquorumque symptomatum, nec non pectoris læsi, habeatur ratio. Certum quidem, quod materia peccante ablata, & catarrhales affectus reliquit cessarent; si tamen adhuc ulterius urgent, præter laudatum liquorem cornu cervi, ad ℥j. altero die manè, vesperi, & sub introitum lecti assumptum,

℞. Fl. sulphuris ℥j.

Antisept. Poter. ℥ss.

Sal. vol. succin. ℥j.

Ol. destill. Sassafr. gutt. vj.

Laud. opiat. gr. iij.

M. f. pulvis pro tribus dosibus:

D. S.

Pulvis catarrhalis.

Si loquela difficultas & raucedo urgeat, commendamus Syrupum diacodii Montani, qui cum baculo liquiritiæ assumatur, & lentè subinde deglutiatur,

Vel

℞. Aquæ Meniba ℥ij.

Cinnam. ℥ss.

Spiritus Salis ammoniaci anis. ℥j.

Laud. opiat. gr. iij.

Syr. de passul. vel de liquirit. ℥vj.

M. D. S.

Mixtura Catarrhalis.

Capiatur cochleatim.

Si Tussis nimis urgeat, usurpentur flores sulphuris, misti cum floribus benzoës, & in ovo sorbili assumantur vesperi sub introitum lecti, simulque pro incrassanda materia, & ut fauces exulceratæ curentur, continuetur usus syrupi diacodii Montani cum baculo liquiritiæ. Posthæc, si ulterius petantur medicamenta, posset dari liquor cornu cervi succinatus bis in die, aut aliud quid, vel essentia vel quod placuerit, aut pulvis superior, quando placuerit.

Si petat quid pro stomacho, convenit elixyr proprietatis, per aliquot dies propinatum.

Quoad *Externam*, præprimis ad dolorem capitis mitigandum, convenit sequens:

℞. Ol. express. nucistæ ℥ss.

Ol. destill. Macis,

Major. ana ℥ss.

Succin. ℥j.

M. f. Bals.

Qui calidè vertici inungatur.

Vel instituatur suffus ex succino, mastiche & similibus, qui naribus & ore aperto hauriatur.

Tantum

ANNOTATA SPECIALIA B. DN. PRÆSIDIS.

Quod si febris hæc corripere gravidam, & degat in octavo mense in gravidationis; cautus sit Medicus, ut abstinere ab ejusmodi volatilibus, quæ partum promovere, & sic illum immaturum expellant. Cavendum quoque ab Opio, quia opium nocet foetui maxime; hinc nunquam præscribo opium in gravidis; his autem si præscribere cogor, tremula sit manu, & præscribo essentiam opii ad aliquot, sex scilicet, guttulas. Sin casus, ut in hoc morbo simul menses fluere, & emitteret vel ejiceret sanguinem ex nimio conatu, hic venæsectio conveniret quam maxime: sed, quod notandum bene, non in brachio, sed in pede; si enim in brachio vena secetur, materia, ad superiora copiosius deduceretur, & hominem jugularet, quod notandum. Si etiam; antequam menses fluere, hæmorrhoides prorumperent, hic hæmorrhoides relinquendæ, cum sint salutares, quia quod aliàs per mensum fluxum erat evacuandum, evacuatur per hæmorrhoides.

CASUS XXX.

FEBRES ET MORBI CATARRHALES EPIDEMICI.

Quoad morbum, qui Anno 1675. per totam fere Germaniam epidemice grassatus fuit, observandum; quod universi anni tempestas fuerit, admodum inequalis seu inconstans, imprimis ætas pluviosa, indeque aquarum repetita indicationes ingentes, cum spirantibus crebrioribus zephyris. Hinc principio Septembris circa æquinoctium nebula spissiores auroras obscurabant, circa meridiem claro solis splendore denuo illucescente, ut tandem pluviosum & humidum tempus superveniret; hinc sub finem Septembris & mense Octobri atque Novembri ubique grassari incipiebat coryza gravis & diuturna, cum copiosa muciper nares reiectione, quam cephalalgia, speciatim dolor gravissimus & tensivus capitis, comitabatur; superveniebat hinc in agris post aliquot dies tussis crebra serena (Germ. ein Schaaf, Husten) profunda, frequentissime hinc pectus concutiens, in principio inanis & sicca, aut in quapauca saltem, subinde subruenta, rejiciebantur, noctu præsertim affligens, donec post aliquot dies transactos, & successive humida fieret; unde copiosis reiectis viscidis liquaminibus, pedetentim cessavit. Quidam subita obmutescerebant rancidine, verbum sonorum nullum proferre poterant, cum tanta respirationis difficultate; ut fere suffocari viderentur, ex eo, quod pectus ipsis angustissimum & ubique repletum appareret; unde & tales nec tussire poterant, donec, cessante pectoris angustia, & liberiore facta respiratione: tussis superveniret, ranciditasque paulatim cessaret. Plures cum dictis symptomatibus, præsertim in principio morbi, frigus vagum, spinam dorsipererrans, interdum affligebat, æstu plus minus intensio, vespertina sequente post mediam noctem usque, & sic quotidie repetebat. Quibusdam lancinationes artuum superveniebant; pluvius, & tantum non omnes, gravi dolore punctorio in aliter utro saltem latere, sive dextrum sive sinistrum fuerit, affligebantur, gravissime occupante spatia costarum imparum seu notharum, & a regione spine dorsum lumbare sursum, anteriora versus, ad sternum usque ascendente, respirationem, ob gravissimos dolores, qui per tussim mirè exasperabantur, insigniter impediende. Continuabant hæc aliquandiu, rejiciebantur tandem in taliter constitutis quibusdam cruenta & viscida glutinosa, horrida, non tamen purulenta; aderat tunc simul calor, in principio intensus, cum pulsu crebro, celeri, magnitudine & vehementia moderato, qui ipse tamen, uti & excretiones, doloribus cessantibus & ipse cessabant. Urina manè emissæ intense erant tingitæ, quæ turbabantur postmodum, & copio-

sum sedimentum lateritium & farinaceum seponebant. Vires prosternebantur insigniter, ut lectum colere cogerentur. Queritur: qualis affectus fuerit? unde ortus? & quomodo acquirendus?

RESOLUTIO

DNI. CHRISTIANI ZINCKENAGELII,

Longo-Salissa Thuringi,

Cum speciali Discursu & Annotatis

D. DN. PRÆSIDIS,

Censura & Emendationi subiecta

Anno 1675.

In presenti casu affectus, quos vocare amat vulgus catarrhales, asserunt, cum febriculis conjuncti, partimque a copiosiori, partim acriori lymphæ induciti. Copiosior generatur lymphæ, quando sol microcosmicus, accessu temporis brumalis, in centrum suum se recolligit, adeoque lumen radiosum remotioribus corporis partibus detrahitis; hinc corpus hominis fit densum, effluvis serosis transmutandis ineptum, ut hac ratione necessario lymphæ copia debeat consequi. Eadem fieri & in macrocosmo videmus: Cum enim magnum illud diu luminare faciem suam iterum recondere paulatim incipit, omnia corpora in condensationem abeunt, stirpem progenies languescit & quasi emoritur, vegetabilis sole seu anima cum succo nutritio ad fontes suos, unde verno tempore emanat, recurrente. Sic per hyemem vegetabilis lymphæ sit copiosa, & instagna quasi se effundit; unde postmodum hirundine lætum veris adventum iterum denunciant, berula vel leviter sauciatæ succum stillat copiosissimum, viteque suas plorant has lacrymas, adeo ut tempus illud vegetabilium generis sit quasi catarrholum. Hinc recte dictum existimo: Inferiora cum superioribus necessitate symboli, quod inter se habent, eadem proportionis lege ferri, juxta HERMETIS nostri Tabulam: quod est inferius, inquantum, esse sicut id, quod est superius; & quod superius, sicut id, quod in ferius. Sic sol se habet microcosmici soli macrocosmici comparatus: ubi ad centrum recurrit, corpus, absente causa rarefactionis, luce, aut saltem vehiculi existente, vel ita fracta ab aere externo frigidiore, quo minus expansio fieri queat, condensatur, porosa cutis constringitur & horret, sero per insensibilem transpirationem aliæ effluxuro, transitus denegatur, lymphæque hoc modo regurgitans augetur. Et quæso, ingestorum cum egestis fiat comparatio: Ponam si cibus & potus unius diei sint ponderis octo librarum, facies inde confici duarum librarum, excernique per alvum, ex reliquis sex libris serum fieri tam utile quam inutile: utilis feri libram unam cedere in corporis nutritionem; inutilis verò tres excerni per vesicam, duas per insensibilem transpirationem. Quam enim tantum feri singulis diebus transpiret? Nolo assumere hypothesin SANCTORII in Medic. Stat. Sect. II. aphor. 6. quæ ipse ad octo libras minus diei assumptorum, transpirationem insensilem ascendere sole-re ad quinque libras statuit. Jam, si non denegatam transpirationem singulis diebus remanere debent feri libræ duæ, non dicam, juxta SANCTORII mentem; quinque, quantum quæso lymphæ per unicam septimanam in corpore nostro coacervabitur?

CAUSÆ.

Acrimoniam autem lymphæ contrahit, partim ob eundem transpirationis defectum, dum scilicet flexiles & lubricæ particula sibi invicem fortiter incumbunt, propter nimiam ex propria mole compressionem incalentes; hinc fermentantur, acoremque nanciscuntur: (Videmus enim plantas sibi invicem superimpositas facile incallescere, tandemque acescere, & quo majori quantitate & densitate, eo fortius;) sic partim etiam ob spirituum, sive vitalium sive animalium, voca

vocat ut lubet, insufficientiam. Sicut enim sanguis è quacunque animali recens extractus corruptione integer servari nequit, nisi sufficienter, & proportionaliter mixtus cum illo medicamento, quod pro arcenda putredine infundimus; sed corrumpitur, sensimque fœtere incipit: ita quoque si vitale principium protingenda lymphæ deficiat, eadem variam subit mutationem & alterationem, sub qua emergunt particule rigide acutæ, quæ corpus nostrum variè rodunt, mordicant & urunt, ut sæpe ad nimias harum vellicationes & punctiones partium membranacearum in naribus sequatur inflammatio, itemque extremitatis in dictis naribus intumescencia, ut citra dolorem tangere eam non liceat.

Insufficientem autem esse seminalem tincturam pro tanta lymphæ copia imprægnanda, partim vitalis œconomie in hoc statu perturbatio, unde consequenter radiorum vitalium generatio pro luce nostra conservanda cesset, necesse est, indicat: partim etiam ipsa coarguit lymphæ copia, quæ major est, quàm spiritus pro sui miscela & vehiculo requirant: hinc quod reliquum est lymphæ, vitali tinctura lassæ, insignem patitur alterationem, oportet. Hæc lymphæ jam pro ratione constituti Archei variè movetur, & quò commodum ipsi visum fuerit, protruditur, præcipuè ad cerebri sinus, ubi collecta serosa colluvies, partim sua mole gravativum, partim acrimonia, meninges vellicante, dolorem capitis excitat tensivum. Rigida (i. e. acida) ista ab Archeo ulterius commota, flexiles aqueas sibi implicant & affigunt, & hoc modo lymphæ quasi coagulatur, particulis mutuo sibi coherentibus; hinc mucor, per os cribri forme ad nares defluens, quicquid etiam SCHNEIDERUS de impatulis ejus viis scribat: Contrarium enim aliquoties demonstravit Excellentissimus Dn. D. BOHNIUS, uti ipse habet in Dissert. de Catarrhis. Quamvis haud negem & alias dari vias, per quas ejusmodi mucor queat emanare.

Hunc mucoris per nares defluxum vocamus coryzam; in pulmonibus catarrhum suffocativum, qui periculo non caret, præsertim ubi tenella pulmonum substantia dictarum particularum aculeis prius fuerit dilacerata, quàm catarrhus iste affluerit. Hinc particula ista rigida in pulmones furentis archei subsidio delata, quantam visum excitare in nostris Patientibus non poterant: imprimis autem inferioribus pulmonum partibus infixæ harere videbantur acuta illa corpuscula. Exinde tam profunda & ferina erat tussis, cum tanta pectoris convulsione, ob membranacei nervosque generis consensum; initio quidem inanis & sicca, ob seritunc temporis in pulmonibus paucitatem; sicca enim tussis pulmones præsupponebat siccos, h. e. à catarris nondum inundatos, bene autem acrioribus particulis infestatos. Adeoque tussis illa merè convulsiva erat.

Quod autem noctu præsertim affligeret agrotos, quæ causa? An hoc ex corporis decubitu, dum vicinæ partes graviter sibi invicem incumbunt, & consequenter pulmones constringunt, atque in angustiam redigunt, ut spatium iisdem dilatandis ab inspirato aere non sufficiat? Videmus enim subinde orthopnoia laborantes non nihil melius habere erecto corporis statu, quàm si decubant, ubi omnis respiratio ipsis quasi interceptitur. Quò minus igitur spatii pulmones pro sua expansione & evolutione habent, eo gravius affligit tussis, quod præcipuè noctu solet contingere. Ab hac crebriorum pectoris concussione irritatus iterum archeus partem demum materiae catarrhicae è massa sanguinea protrudit in pulmone, asperæque arteriæ bronchia, ubi coacervata lymphæ rursus spatii angustiam pro explicandis pulmonibus induxit; unde difficilis postmodum coacta respiratio est, & quasi suffocatio, vocisque rancido. Cessabat autem tussis aliquamdiu ex eo, quod affluxu feri in pulmonum cavitatem aculeata particula è membranæ quasi ablueretur, eidemque sero involuta hinc inde fluctuarent, usque dum extricata iterum pulmones vellicarent. Redeunte igitur tussi, cum motu illo convulsivo & humorum saburra excerni successivè, paulatimque raucitas cessare, atque pulmones liberius jam spirare cœperunt.

Quod etiam hi catarrhi conjuncti fuerint cum febriculis, conjecturare licebat ex Gas quodam Mercuriali circa spinam dorsivagante, uti inter tianis quibusdam mitioribus fieri animadvertimus: Deinde expulso crebro celerrime, qui sanè indicabat præsentiam caloris, seu potius ejusmodi corpusculorum, quæ calorem, adeoque ipsam febrem, adstimulante archeo, excitare valebant: Postea exurgente lateris dolore, cujus sensum molestè ferens ar-

cheus, totam succorum rempublicam turbabat, ut facile inde lapsus in febres fieri potuerit. Quis enim ignorat, vel ad spinam saltem manuum pedumve digitis casu aliquo infixam sæpe oriri febres, easque lethales? Hujusmodi spinosa particula infixæ harerant in membranæ circa notharum costarum regionem, in consensum rapientes diaphragmatis musculum; hinc tantus erat dolor ad sternum usque ascendens, utpote cujus officulo dictus musculus annexus est, sensibilissimus propter interjacens centrum nervosum. Adeoque non mirum, quod etiam ex Sympathia ratione difficillima secuta fuerit respiratio. Non parum præterea me movit, ut catarrhos cum febriculis nexos dicerem, illud LOTICII paradoxon, quo vix ullum morbum citra febrem dari asserit, & vix esse sine febre mori. Quod denique attinet excreta cruenta: hæc vel è loco superiori, à capite nimirum, ex vase quodam corroso, adeoque fundente sanguinem, ad os regurgitantem & postea cum excretis illis viscidis, è pulmonibus aut stomacho rejectis commixtum; vel etiam è loco inferiori, ortum trahere potuerunt à rupto aliquo arteriæ pulmonalis ramulo.

Sed hæc de causa catarrhorum proxima cum symptomatum connexionem tantum.

Duplicem scilicet eam posui: Materialem ex qua, & Efficientem à qua; Illam ex lymphæ copiosiori; hæc verò tum à particulis rigidis acutis diversimodè lympham disponentibus, & massam sanguineam corrumpentibus; tum archeo, ab istis particulis tanquam spinis in iram furoremque agitato, adeoque varios in massa sanguinea orgasmos producente.

Nunc ad Causam remotam. De superiorum cum inferioribus consensu supra aliquid dixi. Hanc utriusque mundi sympathiam & HIPPOCRATES passim in scriptis suis observasse reperitur, præcipuè in l. Epidem. l. 2. ubi in autumno, inquit, acutissimi morbi, & maxime lethales. Et omnino similitudinem habent, eò quod vesperi exacerbantur, tanquam annus ipse habeat circuitum morborum: qualis est dies morbi, quale est vespertinum tempus ad exacerbationem, tale est morbi & uniuscujusque constitutionis: Item: In temporibus inconstantibus morbi sunt inconstantes, & qui difficulter judicantur, cum defecerit aliquid, aut abundavit, ut aut venti sint, aut non venti, aut aquæ, aut siccitates, aut ardores, aut frigora. Hæc verba HIPPOCRATIS, si ad nostrum casum annique progressum applicare licitum est, quantopere in altera causa cognoscenda adjuvabimur? Etenim quàm inconstans & inquieta anni tempestas fuerit, complures magno suo damno sunt experti. Verba buimus ex variis aeris effluviis mixtum, æstatem pluviosam, præta gramine fœcunda delectabili, aquis effusis aliquoties suffocata, omnisque generis obruta fœculentis: hinc stagnantes undæ ex motus defectu corruptæ sunt, sub modico solis calore putrescentes, juxta Poetam.

Ut capiunt vitium ni moveantur aquæ?

Aer itaque nostras, vitiosis refertus corruptarum aquarum effluviis, inque pulmones attractus, pedetentim massam sanguineam ad catarrhos disposuit, eandem particulis acrioribus colliquefaciendo. Suam deinde operam contulerunt crebriores zephyrorum flatus, tincturam fermentalem corporibus nostris inspirando, ut Veteribus optimo consilio zephyri dicti videantur, quasi τὴν ζέαν οὐ ποτὶς, frumentum terræ commissum fermentantes. Ex intimis igitur naturæ penetratilibus zephyrorum nomen desumpsit veneranda antiquitas, quod ipsi specifice quodam dotati essent fermento, cujus vitæ in frigidum quasi fluorem colliqueficeret, sicque aditus frumentorum archeus, secundum ideas frumentis inditas, corpora evolveret. Quod ipsum zephyrorum fermentum nec Poetis ignotum fuit, imprimis VIRGILIO, qui lib. I. Georgic, eleganter illud descripsit, ita canens:

Vere novo gelidus canis cum montibus
humor
Liquitur, & zephyro putris se gleba
resolvit.

Cum igitur zephyritantum valeant in terra resolvenda, fermentanda & colliquefacienda; quid in humani sanguinis massa immutanda valuerint? cujusque judicio relinquitur. Accedit insuper, quod nebulosus, humidus, pluviosusque tandem aer fieri cœperit, ut non mirum, si & corpora nostra imbrica, ut ita loquar, reddita fuerint. Nam verè analogas horum productorum aer nobis imprimebat idæas, secun-

Secundum quas postmodum, tanquam exemplaria, similes archæus producebat effectus: nebulam seu gas illud mercuriale, quod patientes nostri circa spinam dorsum vagari sentiebant: zephyros seu fermentales calores, Gas illud insequentes: pluvias seu catarrhos, non quidem à capite tanquam cælo aliquo destillantes, sed e sanguinis massa in varios corporis ventriculos influentes.

Sed hæc de causa catarrhorum remota.

PROGNOSIS.

Quid jam hisce Patientibus futurum censes? Nil equidem teris spondere hic possum, ob catarrhorum, agrotorum, partiumque catarrhis infestari solitarum diversitatem.

Qui nimis erosos haberet pulmones, glutinosoque liquamine infarctos, viresque pro illo rejiciendo insufficientes, hunc phibiscum futurum pronuntiarem; sexagenario rem desperatam; quinquagenario curam difficilem, Sed hæc omnia, quantum fieri posset, cum iudicio.

Distinguerem personas catarrhis laborantes, partes catarrhis correptas, modum catarrhorum, ætates, & si quæ sunt alia; hæc enim omnia variare prognosin solent.

Itaque probe observandum, ne temerè fiat iudicium, cum aliàs illud jam tum difficile iudicari HIPPOCRATES: Verendum enim, ne, omnibus hisce agrotis citra discrimen pristina sanitatis recuperationem promittendo, plebi fiamus ludibrio.

Dico tamen in genere, cum natura in nostris agrotis ab humorum infarctu, dum promptè se liberet, catarrhos illos esse curabiles. Sed cum Medicus in genere Patientem non curret, benè quidem in individuis, prognosin potiùs ad certum aliquod subiectum stringendam puto e casu nostro, non unum, sed plures continente Patientes.

Ponam igitur; Si talis mihi persona, tali catarrho, qualem Dn. Præceptor noster ætatem devenerandus in proposito casu recensuit, laborans tempestivè contingeret, quæ in ætatis vigore adhuc esset constituta, nec aliàs in morborum palestra exercita; tali, inquam, persona, sub conditione tamen obsequii, pristinam sanitatem polliceri audeam.

CURAE.

Initium igitur Curationis facerem secundum causarum cognitionem. Causas autem cognovimus in duplici differentia: aliam materialem, aliam efficientem. Illam quidem ex lymphæ copiosiori; hanc verò partim à corpusculis acrioribus, partim archæo. Secundum hunc ordinem procedendum jam esset in cura, ut primus haberetur respectus ad causam materialem, copiosiorque lymphæ evacuetur. Cum autem sub ista evacuatione aciores particule maximas daturæ essent turbas: ordo hic nonnihil inverti deberet, primoque loco attendi causa efficiens, ut scilicet corpuscula rigida acuta obtunderentur; deinde copiosior lymphæ commodè evacuari posset. De Archæo interim, & febricula catarrhum comitante, non adeò sollicitus essem; demptis enim spinis, & archæum placabilem futurum, febriculamque sua sponte cessaturam non dubitarem.

Ut igitur paucis res expediatur, Banzerianam enim Receptarum fabricam hic construere animo non præsumerem; particulis hisce acutis in lymphæ fluctuantibus, variaque symptomata excitantibus, opponerem particulas alias, easque in duplici differentia; terreas scilicet ruderosas fixiores; & ruderosas volatiliores: ex illis cretam, lapillos cancerorum præparatos, corallia præparata: addito spermate ceti; ex hisce verò solum spiritum salis ammoniaci anisatum. Itaque.

℞. Corall. rub. præp. ℥ii.

Lapill. Cancr. præp.

Sperm. ceti ana ℥i.

Myrrh. el. gr. xx. v.

Misc. in Pulverem:

Div. 4. part. equal.

D. S.

Pulvis alterativus.

De hisce singulis diebus mane & hora quarta pomeridiana dosim in iusculo aut cerevisia calida exhiberem: sub introitum autem lecti de spiritu salis ammoniaci anisato guttas xxx. in haustulo cerevisiæ frigida propinarem.

Premissis hisce, tutius me progressurum sperarem ad

copiosioris lymphæ evacuationem, quæ triplici modo posset adornari: per diuretica, sudorifera, & purgantia. Non quidem ut hæc tria simul coniungerentur; alias enim absurdus foret Medicus in medicamentorum administratione sed videndum, quenam ex his tribus agrotis magis sint potestica? quemadmodum enim Medicus est natura minister, ita ipse imprimis attendere naturam debet, quomodo illa lymphæ copiam velit eliminatam? an per diuretica, an sudorifera vel purgantia? Si per diuretica, sequentem pulverem aliquem profuturum sperarem:

℞. Test. ovar. calcin. ℥j.

Nitri ammoniac. ℥ss.

Salis stip. fabar. gr. v.

M. f. Pulvis,

D. in sextuplo: S.

Pulvis aperiens.

Singulis diebus manè dosim de hisce ut caperet in iusculo aliquo, cum herba cherefolii cocto, Patienti nostro imperarem.

Si pulveres isti palato non arriderent, præscriberem sequenti forma liquida:

℞. Spiritus nitri dulc. ℥ii.

Aperit. Pen. ℥j.

M. D. S.

Spiritus aperitivus: 30. guttae pro una dosi.

Si per sudorifera, afferrem essentiam lignorum cum spiritu lignorum, ad ℥ii. pro duabus vicibus.

Sin verò per purgantia, pulverem concinnarem ex sequentibus:

℞. Pulv. Jalapp. gr. xv.

Tartari vitriolati ℥ss.

Scamm. sulphurat. gr. ij.

M. D. S.

Pulvis purgans.

Hisce pro necessitate repetitis, vel immutatis, promissioni satisfuturum non desperarem. Monendum tamen hic esset, ab usu purgantis stomachi fermentum digestivum nonnihil debilitari, adeoque incommodum fore si pro restituendo ventriculi tono quis adderet spiritum salis dulcem.

De cætero, cum & opiata & venesectiones in catarrhis à plerisque commendari solent, non immerito aliquis quaereret, an agrotus noster illa præsidia tuto usurpare posset? Repeto hic, quæ supra dicta sunt, adesse scilicet in agrotis nostris insignes dolores, adesse etiam sputa viscida & cruenta. In doloribus sedandis opiata ceriè, si quid aliud, suum strenuè facerent officium: cum autem præter hoc & illam viscidorum cruentorumque excretionem, quam necessariam esse ipsa indicat natura, quæ partim per os, partim etiam per nares humorum saburram eliminare satagit, oppido sisterent: emittenda potiùs opiata, quam admittenda hic esse putarem, solo illo pulvere contentus, quem supra præscripseram ex coralliis, lapillis cancerorum, spermate ceti, myrrha; mutata enim ab hisce particularum, unde dolores oriuntur, textura, & ipsi cessarent dolores, ut non adeò opus esset, opiata statim in usum vocare.

Quod attinet venesectiones: & illas insigniter in Praxi Medica conducere, non ignoro; utrum autem in agrotis nostris aliquid prodesset venesectio? dubitarem. Nam quo scopo celebrari hic deberet venesectio? Revellendi ergo? quid est revulsio? est materia peccantis à parte nobiliori ad ignobiliorum retrahitio: quod si ita esset phlebotomia in nostro Patientem tolerarem. At janè sponderem, cum sanguine simul vitam, nec tantillum materia peccantis, è secta vena effluxurum. Considera quæso agrotum nostrum! pectus ipsum humore viscido & glutinoso infarctum habet: jam secetur vena in brachio, quocunque collubium fuerit, dextro, sinistro; hic pectoris mucor ad illud venesectionis punctum, quod in brachio factum erat, esset transferendus. Sed amabo, per quas vias? per sanguinis circulum? Respondeo: quod semel è sanguinis massa tanquam ineptum pro circulatione, qualis est mucor iste, est depositum, id circulo sanguinis non reddi, sed per alias excerni debere vias. Objicis: experientia sæpè approbatam venesectionem in talibus casibus! Respondeo etiam: in experientia sæpè conclusum esse à non causa ne causa. Referebat mihi non ita pridem aliquis, se aliquando non nihil agrotasse, adeoque magni nominis Medicum vocasse, qui clysterem præscripsisset: tale autem medelæ genus abhorruisse, adeoque per fenestram effudisse, illumque effusionis modum mirè sibi placuisse, Al-

Altero post die manè hora octava redenti Medico, & exploranti clysteris effectum, respondisse: optime operatum, commendasse in simul Medici curam suigratia habitam, adeoque gratum re ipsa futurum; Vides inde, quantopere bonus iste Medicus fuerit: deceptus! Idem sibi contingere posse & quilibet alius Practicus existimet. Sape falsa recensuit Patiens, sape mentitus est in gratiam Medici, sape abiecit medicamentum, quæ postmodum Medico persuasit, diligentem Curam usurpatam esse. Adeoque experientia nostra fallax, & nusquam tanta fides. Attentius igitur nos esse decet, nec statim concludere, nisi singulis prius circumstantiis pensatis probe. Quod ipsum & in venesectione observandum, ne statim ipsi tribuamus, quod alteri erat tribuendum. Itaque concludo: Patientem nostrum restitui posse citra opiata, citra venesectionem autem.

DISCURSUS & ANNOTATA

B. DN. D. ETT MULLER.

Presens affectus vocandus est *Catarrhalis affectus*, ex lymphæ præternaturaliter constitutæ effusione, facta ab irritatione externa, ortus.

Pars affecta sunt glandulæ, & loca glandulosa, quæ in genere sunt scaturigines lymphæ & fontes catarrhorum. Specialiter autem catarrhorum pars affecta variat pro symptomatum varietate; eaque nunc sunt membranarum, nunc vasæ glandulosa laryngis, nunc circa corporis peripheriam, &c.

Quoad *causas*: duplex harum genus considerandum est,

nempe

1. Materialis Causa; &
2. Efficiens, quæ illam mover.

Causa materialis est lymphæ vitiosa & acris, acida facta, plus minus abundans; quæ ipsa nimis commota, vel præternaturaliter effusa, est causa huius affectus materialis. Depravata verò illa in hoc casu est imprimis ab inæquali qualitate præcedentis temporis, æstivi pariter ac insecuti autumnalis, asperioris, & matutino tempore nebulosi aere enim hoc pluvioso & nebuloso massa sanguinea nostra, per copiam aquarum & zephyri flatuum; una humidior & magis aquosa facta est, hinc minus spiritiosa eadem reddita, ac spiritus ipsi minus volatiles & mobiles, sed quasi phlegmatici facti; unde tandem etiam lymphæ, tam copiosioris, quam crassioris & acidioris, acriorisque origo. Zephyrus enim est humidus in nostris climatibus, in aliis non; adeoque de blando humido calore ferè interpretandus est. Ut nil dicam jam de aeris illo sale universali, quo plus minus enervato, massæ sanguineæ debitam alterationem imprimere non potuit.

Quoad *efficientem causam*, quæ nempe præternaturaliter commoverit & effuderit lympham ita constitutam extra suos canales, eaque *proxima*, est spiritus vitalis & animalis; sive insitus sive influus allegetur; omnium scilicet moruum localium, mediante tamen partium structura, primarius autor; qui occasione irritationis externæ fibras partium variè mover, quibus commotis etiam partium contenta & glandulosa loca fortius commovit, adeoque lymphæ effusionem procuravit, sive in statu naturali, sive, uti hic, acris vel præternaturaliter constituta sit; quæ aciditas consistit in particularum pungentium, acidarum, &c. structura.

Causa autem efficiens remota, quæ scilicet moveri fecit istam causam efficientem internam, hoc est procatacticam materialem, pro inducenda lymphæ in determinata loca effusione & depravatione, est externa: quia malum epidemicum; nempe inclementia aeris autumnalis, nebulosi præsertim, quæ nebulæ scatentes quoruncunque corporum effluviis, & variis sordibus imprægnatæ, cum aere inspiratæ, ob contenta acris læserunt intensè nares, fauces, asperam arteriam, pulmones, & loca vicina. Unde hæ partes irritatæ, lympham dimiserunt; sicque coryza, tussis, pleuritis notha, &c. prognata est; non secus ac spina infixa dolorem & affluxum facit, qualis spina cum aere attracta fuit.

Posset aliquis dicere, acrimoniam lymphæ præternaturalem huic phænomeno inducendo sufficere potuisse; sed

Ettmuller. Oper. Tom. I.

nego hoc idèd, quia malum fuit universale, promiscuè omnia subiecta affligens; quod fieri non potuisset, si una eademque causa stimulans internalitateret. Unde potius dicendum est, illam irritationem ex causa externa communi, omnes æqualiter afficiente, originem suam derivasse, qualis est aer. Adeo scilicet coryzæ istæ, quæ obveniunt sub mutationibus temporum, a causa externa, irritante nares, semper esse solent. Aer enim asperior, atomis asperioribus irregularibus stimulantibus, & quasi pulvere sternutatorio refertus, vellicavit & læsit membranarum internarum cum membrana pituitaria superiore, unde ex irritatione fibrarum & spirituum animalium affluxu lymphæ fuit effusa; sicut effectum similem videmus à pulvere sternutatorio, solutione vitrioli albi intra nares attracta: Conf. HELMONTIUS *Tract. Asthma & Tussis*.

Sic cum tales coryza affecti postmodum tussirent, hinc idem aer, irritans & lædens membranas faucium & laryngis, effundentes per suas glandulas lympham acriorem ac præternaturalem, accusandus venit. *Tussis* autem fuit vel sicca vel humida: Et quidem tussis initio affligebat sicca à simplici lymphæ effusione, acrimonia sua membranam asperam arteriam stimulantem, quæ tenuis adhuc reitici non poterat ob sui ineptitudinem; postmodum tamen, ubi læsio laryngis procederet, & aspera arteria quoad interiora aliquodammodo excoriaretur, & nonnihil exulceraretur, tunc ex iis succus quidam nutritius, de natura chylosa, emanabat, qui effusus & corruptus in locis istis dat mucum, & tussim humidam: Non secus, ac si ex. gr. quis cæteroquin sanissimus, miculam panis casam in asperam arteriam dimittit, tunc mox tussis oboritur sicca propter irritationem, in humidam tandem, si continuatur, desinens. Unde non mirum, tussis tales phthysicos præmium post se relinquere, excoriat scilicet istis partibus & ulterius excoriationem extendentibus.

Rauco porro ex eadem causa deducenda est, larynge scilicet & aspera arteria subito à lymphæ nimis humectata, imprimis quando quidam humor sanguinolentus conjunctus fuerit, musculos tome faciens, hinc asthma supervenit. Humectationem laryngis probat fistula, quæ imbuta saliva raucedine quasi laborare videtur. Asthma autem, Germ. *der StocK-Fluss*, in quo sub primo insultu omnia plena circa præcordia esse conquerebantur, utitur falso, pendebat à nimia strictura pulmonum, qui non poterant distendi: Nam thorax non poterat ampliari propter motum convulsivum pulmonum, ex irritatione eorum ab aere externo; unde irritati & ratione sui retis fibrosi musculi contracti, angustabantur, & asthma convulsivum & vocis defectum constituebant; unde quia ab irruente aere iidem distendi non poterant, hinc nec thorax distendebatur. Ac quia nonnulli horum ægrorum libere inspirare non poterant, propterea etiam nec violenter expirare, hinc dicebant: *omnia esse plena*; adeoque propter impeditam thoracis ampliationem, nec tussire ipsis licitum erat, quia tussis fit per validam inspirationem & expirationem. Per opiata autem cessabat, sine materiæ rejectione. Ergo causa erat irritatio externa.

Uterius *febris catarrhalis* oriebatur à lymphæ nimis acida, nervis inimicissima, effervescente in sanguine.

Rigor erat ab acore lymphæ, vellicante partes membranas intercutaneas, & circa præcordia. *Æstus* verò insequens, ab aliquali lymphæ ejusdem acidæ cum sale volatili oleoso massæ sanguineæ effervescencia. Sicut tandem *Pleuritis notha* dependet ab effusione lymphæ circa costas nothas & pleuræ locum inferiorem; unde quoties tales patientes inspirabant, dolorem puncturæ patiebantur, ex lymphæ acris rodente membranam. Conferatur de hoc dolore SENNERTUS *lib. 2. Prax. de Pectoris affectibus*, ubi ex male curata scabiæ talis pleuritidis nothæ meminit: quo loco etiam alium casum refert doloris, ex acris sero circa pectus effuso.

De cætero, occasione quæstus illius à Dno. *Resolutionis* Autore moti, an scilicet corporis calor vitalis remissior sit tempore hyberno, quam æstivo? tria pensanda sunt,

1. Analogia macro & microcosmi.
2. An transpiratio simpliciter fiat à calore?
3. An hyeme imminuta transpiratio ansam dare possit catarrhis?

Quoad I. nempe analogiam macro- & micro-cosmicam, eam introduxit primus PARACELSUS, sed est nimis

Ecc

gene.

generalis, & in Medicina, tam Theoretica, quam Practica, inutilis & nulla. Nam

1. Cum homo vel ratione animæ, vel ratione corporis, considerandus sit; Animæ rationalis ratione microcosmus dici non potest, quia ratione hujus ab Altissimo creatus est ad imaginem Dei, non verò mundi: Nec ratione structuræ corporis; nam eadem sic valent de reliquis brutis, quæ de homine, cum in essentialibus corpora brutorum & hominum æquè convenient, & non nisi accidentalibus proprietatibus saltem differant; proin & hæc microcosmi dici poterunt: ut taceam, hominem, quoad interiora viscera, comparari sui, sicut quoad exteriora simiæ; analogia autem non est identitas. Unde cum generalia saltem in analogia ista considerari queant, etiam eadem de bruto, sue, simia, lepore, &c. valent, quæ de homine.

2. Porro analogia hæc non æquè commodè institui potest: nam quando cor dicitur sol microcosmi, non putandum, illud esse fontem vitalem; sed potius, cum cor sit musculus, à spiritibus & à sanguine vigorem suum derivans, proin non cor sed spiritus potius erunt sol microcosmi. Male enim viscera planetis horumque sic putato influui comparantur, quia viscera omnia suum vitale robur non ex se, sed ex sanguine, habent.

Quoad II. An nempe transpiratio simpliciter fiat à calore? hoc est, quod nego cum HELMONTIO, quia, quæ simpliciter calore solvuntur, topium relinquunt; unde si transpiratio à solo calore procederet, necessariò caput mortuum remaneret, abscessuum generandorum sufficiens materia. Ergo potius dicendum, aerem transpirationi fiendæ unà cum calore & partium structura calcar addere, sine ullius capitis mortui remanentia.

Quoad III. Ponamus, hyemali tempore minorem transpirationem contingere, an itaque catarrhis occasio proclivior dabitur? Nego hoc. Quanquam enim minus tunc temporis transpiremus, ob corporis calorem vitalem tempore hyemali remissionem, & aerem inclementiorem, cutis poros claudentem, & lympham hac ratione coacervetur; nonne per alias vias à natura eiicitur? nam ob id eodem tempore magis mingimus, in æstate minus: ac cum sudoris & urinæ eadem sit materia, hinc, modò hyeme urinæ mictus copiosior secundum naturam contingat, non orientur catarrhi. Ut itaque catarrhi hujus epidemici fons non ex collectione uberius lymphæ, sed potius ex aere, derivandus sit. Taceo jam, si thesis illa firma esset sequi hinc, tempore æstivo nos catarrhis non infestari; cujus tamen contrarium annus 1669. probavit, ubi mense Julio epidemicè plures iis corripiebantur, ob aeris externi alterationem: Imò sequeretur, singulis hyemalibus temporibus nos catarrhis esse obnoxios, adeoque necessitate naturæ, & lege à Creatore sic statuta, necessariò ingruente hyeme ægrotaremus: quod pariter contra experientiam est.

Lachrymæ tempore verno ex betula vitibusque sauciatis stillantes cum catarrhis malè comparantur, quia sic naturale & præternaturale confunduntur.

In allata autem causa lymphæ acrioris non acquiescere possumus, dum nempe putat *Dn. Autor Resolutionis*, lympham coacervatam in corpore à tempestate nebulosa, & calore corporis debili, sui stagnatione ac pressione redditam fuisse acidiorē; quandoquidem hoc in vasis lymphaticis non contingere potest. Imò posito, lympham superabundantem intra partes cutaneas fermentare, emergit tantum hinc pruritus, scabies & alii affectus cutanei, non verò lymphæ per universum corpus corruptio. Probatio à plantis sibi invicem incumbentibus desumpta nil valet, cum hæ non fermentent, nec acorem contrahant, sed potius alcaliscentur & putrescant. Quin potius lymphæ acrimonia deducenda est ex aere humido, recrementis variis paludosis inquinato, alcali lymphæ suppressente. Sicut & causa lymphæ acrioris ex insufficientia spirituum tempore hyemali, à *Dn. Autore hujus Resolutionis* supposita, idè claudicat, quod homo hyeme æquè sit vivax & vegetus, ac tempore æstivo, imò interdum magis adhuc vegetus est. Cæterum aphorismum xv. lib. i. HIPPOCRATIS, dicentis, hyeme ventres esse calidiores, quam æstate, in medio

relinquo, cum præsertim PLEMPIUS & HELMONTIUS partim supposititium, partim falsum nō agnoscant. Verum, posita insufficiente autumnali & hyemali tempore in corporibus nostris spirituum seu caloris copia, tamen sequeretur hinc, lympham balsamico hoc tempore destitutam corrumpi & putrescere potius, quam aclescere; & sic probabiliter fierent affectus cutanei: si enim per vasa circulator lymphæ, non procedit applicatio; sicut & aliis vitalis partium vigor ab efficacia spirituum dependet, & nisi vel minima pars corporis balsamica vi spirituum irritetur, putredinem & gangrænam concipit, aut aliam similem corruptionem subit: quæ partes corruptæ non cohererent cum sanis. Hinc in febribus malignis petechiæ apparent, quæ nil sunt aliud, quam particule sanguinæ putredine corruptæ, & à natura eliminatæ ad corporis peripheriam.

Causam proximam supra allegavi, esse nempe spiritum imperum facientem, qui irritatus à quacunque causa moveret contenta quæcunque in locis vicinis, pariter ac continentes partes adeoque & lympham commoveret; quæ tamen, prout variè ad locum quendam moveretur, ita varia exinde pathemata exsurgunt: hinc mota ac cerebrum & meninges cephalalgiam infert, coagulata per os cribiforme ad nares defertur. Coryza rectè derivatur ex lymphæ acri, ad cerebrum, & hinc ad nares commota, in qua, an in statu naturali aliquid ex cerebro vel ejus sinibus defluat? dubito, argumentis magni SCHNEIDERI innixis; ut in statu præternaturali, quando nempe erosa sunt filamenta nervæ, quæ penetrant ad cerebrum, ex locis cerebri foras aliquid amandari posse, non negaverim; in specie, cum sufficiant nobis aliæ viæ, partim à STENONE *Tr. de Mus. & Gland. & de Vasis Oris & Aurium* detectæ, partim à SCHNEIDERO demonstratæ, ad membra nam pituitariam superiorem, quæ continuò stillant lympham paulò spissiore, & blandiorem, à qua humectantur istæ; quæ si præternaturaliter vellicentur, fit lymphæ acrioris excretio, unde Coryza. Præsupponit autè omnis coryza irritationem summitatis narium molestam hinc lymphæ post irritationem mediantibus spiritibus uberius effunditur, ut quandoque continuò stillent nares. Par ratio est, ac quando sternutatorium quoddam intranares trahimus, quo coryza faciliè inducitur: Sic præscripti aliquando solutionem vitrioli albi in aqua majoranæ pro ptarmico. Quid autem fiebat? caput ejusdem ægri æstare incipiebat, tendebatur; gravativo dolore corripiebatur, & primò tenuis lymphæ effluebat, & sic inducebatur perfecta coryza: Hinc denuò eandem solutionem alio in casu similiter periclitabar, & ecce; idem pathema incipiebat, hemicrania scilicet, cum intensa incalescentia, stillante hinc lymphæ. Ex quo discere possumus, coryzas istas, quæ sub temporis mutatione obveniunt, oriri ex irritatione narium, occasione inspirati aeris tunc temporis inclementioris, per consensum membranas capitis afficientis: Unde dolor capitis tensus per consensum membranas narium cum cerebri spasmus affectatur; sicut gravativus à sanguine, in dictis locis stagnante & turgescente, oritur.

An autem meninges cerebri vellicentur? dubito ex eo, quia dolor externus pulsatorius se offert ex convulsis capitis integumentis, & pericranio exterius; non secus ac odontalgia vexatis, per consensum periostrii dentis, & maxillæ cum temporali musculo, spasmus correpto, totum hemicranium & universa mala convellitur, in qua tamen emplastrum ex tacamahaca, cum balsamo Peruviano malaxata, convénit saltem, quod tensio hinc remittat, sique levamen percipiatur.

Dicis: ergo ne omnis coryza est à causa externa? Resp. distinguendo; quia quidam semper habent coryzam. Vidi enim v. g. scorbuticam mulierem quotidiana coryza vexatam, & sic benè habet in capite; ubi verò remittit, de cephalalgia conqueritur, oriunda ex lymphæ acriscula: in talibus coryza loco fonticuli inservit, & salubris est. Quando ergo crebrius coryza occurrit, ita ut membranas relaxentur & flaccidæ evadant, & glandulæ ex uberiori effusione fiant spongiosæ, & quasi patulæ, tunc vel spontè vel propter levem irritationem à causa externa, vel etiam propter lympham acrem, has partes vexantem ob robur inæquale, HELMONTIO ita vocatum, semper coryzam incidimus, in specie, quando partes læsæ excoriatæ sunt, Cæteroquin falsum est illud vulgare, quod coryza sit sana: ratio est, quia materia excreta non præexistit in capite, sed fit demum in naribus ab irritatione.

Pro

Porro Tussis oriebatur à particulis lymphæ rigidis circa partes respirationis effusis; sed quaeritur, an præcisè ex pulmonibus orta fuerit in hoc casu? Dubito ex eo, quia alias non raro salia talia acris in iis hærent, sine superveniente tamen tussi; sic enim vomica pulmonum laborantes nonnunquam non tussunt, pure quantumvis in pulmonibus hærente. Ut taceam pulmones non adeo acutum, sed obtusum sensum habere; unde potius tussis ferina obveniens præsupponit partem aliquam sensilem magis, qualis est tam aspera arteria, quam hujus caput, nec non diaphragma. Cæteroquin initio, dum lymphæ fuit effusa in laryngem, tussis sicca fuit, postmodum humida: Sicca erat, quia nihil elici poterat; lymphæ enim in principio acris tenuisque vellicabat partes illas, sicut alias quoque ex accensi sulphuris particulis acidis tussis sicca excitatur: postmodum verò humida illa, tanquam ex cavo pectoris prodians, audiebatur. Quo loco quaeritur; unde mucus ille processerit? Sanè mucus hic in his ægris non fuit causa tussis illius, quæ remota cessasset hæc; sed potius productum morbosum, seque instar puris habet. Scilicet lymphæ acris vellicando asperam arteriam, hanc superficiem excoriabat, inde in isto loco lymphæ copiosior fuit effusa, & simul copiosum nutrimentum ejusdem partis proximum spermaticum evacuabatur per poros partislæ, quod non assimilatum cum lymphæ copiosè affusa degenerabat in istum mucum, & destillavit in pulmones, qui in bronchiis coacervatus, tandem successivè per tussim eliminatus fuit. Sic spina infixa etiam talem mucum ex tempore producit. Et hic mucus medicamento quoque locum simul habebat, quatenus obliniebat partes erosas; adeoque tertia demum aut quarta die humida accedebat tussis: Nisi præcessisset tussis sicca non supervenisset humida; quando enim mox in principio tussis sicca opiata, exhibebantur, subito cessabat tussis, quatenus irritationem impediunt.

Cur autem noctu magis affligit? Ægri orthopnoea, empyemate, aut ulcere & vomica pulmonum laborantes, ex decubitu corporis magis infestantur, & exacerbationem sentiunt. Verum in his affectibus catarrhalibus notum est, & tussim siccam tempore vespertino magis, sicut humidam continuè, tam interdiu, quam noctu, affligere. Ubi observandum, affectus catarrhales omnes, qui modernis à lymphæ vitiosa, Veteribus à sero dependere, statuuntur, ordinariò vesperti post quintam vel sextam horam exacerbari, ad mediam usque noctem durantes. Ac quidem hoc locum habet in omni febre catarrhali, itemque coryza, ut ex his affectibus laborantes, ordinariò circa vespertinam pejusse habeant. Idem fatum patiuntur & experiuntur lue Venerea infecti, similiter de doloribus, in specie nocturnis, conquerentes, in quarum lymphæ acidum quoque peccat. In hac autem periodicatione intricata, si conjecturæ locus est, arbitramur, eam fieri, quod vesperti nonnihil insensibilis transpiratio, interdiu magis libera existens, impediatur; hinc occasione particularum heterogenearum cum sanguine & lymphæ permixtarum, contingit major & sanguinis & lymphæ ad partes irritatas commotio, sicque magis exacerbantur, & deteriora fiunt hæc pathemata, quæ tamen, si sudores superveniunt, evanescunt nonnihil, aut, si præveniatur sudoriferis, hujusmodi exacerbationes vespertinæ ferè præcaventur.

Tandem febricula rectè ex eodem catarrho derivatur. Nempe febris hæc catarrhalis est ex lymphæ acida commota, & cum sanguine effervescente; unde Rigor, quatenus partes membranosæ intercutaneæ vellicantur.

PROGNOSIS.

In Prognosi Dn. Autor Resolutionis rectè distinguit personas, catarrhis laborantes, partes catarrhis correptas, catarrhorum modum, ætates; pro quorum omnium diversitate aliarumque circumstantiarum ratione Prognosis maximè variat.

CURA.

Dn. Autor Resolutionis in causa materiali evacuanda addit analogiam spinæ digito infixæ, qua dolor, rubor, inflammatio, &c. oriri solet; quæ omnia sunt productum morbosum: sic spinæ talis ex aere inclementiori naribus infixa dat coryzam; faucibus raucedinem, tussim; circa costas nothas dolorem; &c. Ad hæc materia, quæ reicitur,

Etimuller. Oper. Tom. I.

se habet instar puris, occasione spinæ geniti, qui mucus non est causa, sed productum morbosum; si consideretur saltem pulvisculus oculo illapsus, quantum inferat dolorem & tumorem, quantam inflammationem, quantam lachrymarum effusionem &c. pulvisculus ille est causa, reliqua pathemata sunt effectus. Observeretur hoc in Praxi, & spina mox, quantum fieri potest, removeatur; Sic apparebit, falsum illud esse, quod dicitur, *Catarrhum cecidisse super pulmonem*. Aut si removeri spina nequeat, opiata in tempore administrentur in tali affectu catarrhoso, quo sic saltem dolores sistantur, tumor & inflammatio, & reliqua pathemata cessent; hinc tandem spina evellatur.

In Cura ergo hujus affectus hæc Indicationes sunt:

1. Ratione causarum efficientium in principio impetus spirituum, moventium partes contentas & continentes, sistendus, & irritationis sensus nimis tollendus: quod fit per Opiata, vel horum succedaneum, sulphur vitrioli anodynum, &c. quæ in principio tussis siccae præsentaneè juvant, minus verò excoriatione jam facta.
2. Ratione causæ materialis *acrimonia lymphæ* per salia volatilia, speciatim oleosa seu balsamica, est temperanda, & hinc ejusdem, vel naturaliter constitutæ, vel præternaturaliter corruptæ, abundantia removenda, per sudorifera & diuretica.
3. In incremento & progressu morbi, si lordes quædam in privatis partium culinis, i.e. in naribus ex coryza, pulmonibus & tussi, &c. ceu producta morbosæ resistunt, eæ appropriatis incidentibus & resoluventibus removendæ; & si quæ superest partium læsio, per appropriata restituenda.

Præservativè autem cum à coryza affectus noster catarrhalis inciperet, suavi, ut balsamo apoplectico nares, manè in specie ante egressum è domo, & vesperti ante decubitum, illinirent: hujus enim balsamica vis in sale volatili oleoso oleorum consistens, temperat & corrigit aërem, imò si alteratio quædam naribus jam inducta fuerit, balsamus dictus progressum sistit, & læsionem jam inductam curat.

Cum coryza aut post coryzam semper presso pede insequeretur tussis, quam præcavebam per opiata, assumendo circa introitum lecti laudani opiati Langelotti debitam dosin, (cui ipse id usurpavi;) quo facto, non rediit tussis nec aliud amplius afflixit, nisi quod sudor largus insequeretur, qui bonus est, si adiungatur.

Curativè, ubi de coryza & tussi inciperent ægri conqueri, mox tale sudoriferum propinabam:

Aque Serpilli ℥i.

Liqu. Cornu Cervi succin. ℥i.

(vel loco huius Cornu Cervi essent. ℥ss.)

Laud. opiat. ferm. gr. ii.

(vel loco huius Ess. opiat. parat. ℥ss.)

Syr. Papav. errat. ℥ii. vel ℥iii.

M. pro una vice.

Hanc Mixturem capiendam jussi vesperti cœna antegressa vel parvissima, vel nulla, vel etiam ante eandem, & pro necessitate bis; hinc mox tussis evanuit, correctæ sic lymphæ beneficio salium volatiliū, quo largiter sudarunt; & placata irritatione per laudanium opiatum fermentatum ulterior progressus præcavebatur.

Quibus verò hæc mixtura nauseosa fuit, iis loco huius præscripsi:

℥i. Liqu. Cornu Cervi succin. ℥ii.

Ess. opiat. ℥ss.

Misc.

Dabantur quotidie bis de hac mixtura in principio hujus affectus & ingruentis febriculæ catarrhalis gutt. 30. vel 40. sic evanuit febris, superveniente sudore nocturno.

Deficiente verò liquore cornu cervi succinato, exhibui;

℥i. Spiritus Cornu Cervi cum sale volatili

acuat. ℥ss.

Sal vol. succini gr. xii.

Misc.

Dabantur vel in vehiculo, vel miscebantur cum reliquis in forma potus, pro dosi.

Volatilia enim in affectibus lymphaticis optima sunt quia penetrant, & immediate causam peccantem attingunt.

Ubi verò jam fluxerat lymphæ naribus, & morbo jam aucto spissior mucus easdem obsederat, tunc fuit optimum *oleum destillatum anisi* naribus illitum, quod equidem mordicat, egregiè tamen cum euphoria mucum resolvit, nares obsidentem, ut faciliè excerni hinc potuerit, progressumque coryzæ inhibuit. Loco cuius etiam crebrior salium & spirituum volatilium urinosorum odoratus, v.g. spiritus salis ammoniaci simplicis, spiritus salis ammoniaci anisati, salis volatilis urinæ, aut cornu cervi, tempore præprimis vespertino repetitus, mucum resolvendo à coryza liberavit.

Hiscæ non sufficientibus, ultimum præsidium extitit *pulvis sternutatorius Helmontii*, ex ana pulveris radicis hellebori nigri & sacchari, cum aliquot gutt. olei destillati caryophyllorum additis; *vel alius probatior*, naribus iniiciendus.

Si autem sub coryza dolor capitis, præsertim *tensivus*, invalesceret, optimum fuit *olei destillati succini* aliquot guttulæ vertici illitæ; vel, si id nimis acere visum fuerit, ejus loco balsamus Peruvianus illicitus, satis fecit.

Ratione tussis porro duo tempora consideranda erant;

1. Scilicet quando ea adhuc sicca erat.

2. Quando humida evadebat.

Ubi ratione prioris, seu *in principio* & incremento morbi, talia requirebantur, quæ lymphæ acrimoniam temperarent, & ut vocant vulgò, materiam tenuem, incrasarent, fauciumque & asperæ arteriæ irritationem dolorolam sisterent, & materiam incrasare poterant secundum vulgum; In progressu verò & statu, ubi nempe materia expectorari incipiebat, incidentia & viscidum mucum attenuantia, illiusque per pectus expectorationem promoventia, in usum vocabantur. Sic in principio tussis sicca opiata & his affinia erant optima ex.gr.

℞. *Aque scabios.* ℥ii.

Asthmat. ℥vi.

Syr. Papav. albi, vel *diacod. Mont.* ℥i.

Misc.

Capiebatur hæc mixtura cochleatim, imprimis vesperti, cui interdum, si actoris lymphæ ratio id suadebat, simul aliquid de spiritu salis ammoniaci anisato addebatur, v.g.

℞. *Aque scabios.* ℥ii.

Asthmat. ℥vi.

Spiritus salis ammoniaci anis. ℥i.

Syr. violar.

Papav. albi ana ℥ss. ad ℥vi.

Misc.

Capiebatur cochleatim.

Hæc unè cum laudano opiato aut essentia opii in principio tussis mista & adhibita, eandem præcavebant, quò minus tussis humida fieri posset, si præsertim nocturno tempore vel diurno sudor blandus expectabatur desuper.

Quod si verò Medicus demum in incremento morbi accederet, aut hic propter medicamenta irrita ad statum properaret, mucusque jam obsideret loca præcordiorum, tunc incidentia & expectorantia erant proficua: v. gr.

℞. *Aque hyssopi* ℥ii.

Asthmat. ℥ss.

Spiritus viridis æris, vel, qui melior, *spiritus asthmat. D. Mich.* ex gum. ammoniaco & viride æris par, vel gum. ammoniaci depur. ℥ii.

Syr. Nicot. ℥ss. ad ℥vi.

Misc.

His interdum ℥i. vel ℥ii. *syrupi emetici antimonialis Angeli Sala* addebantur, cuius dosis ordinaria aliàs ℥ss. sic hujus medio magis præcordia, fauces, stomachus & loca vicina stimulantur, & expectoratio eò melius succedebat.

Loco hujus etiam misturæ raphani orbicularis minutim triti succus expressus, temperatus cum paucis syrupo violarum, vel saccharo candi, & paulatim deglutitus, mucus, præcordia obsidente, incidendo egregiè proficius erat.

Quod si autem sub tussi sicca vel humida fauces, pharynx & larynx asperiores, & quasi excoriatæ factæ fuerint, blandi Linctus, qui lubricas eas faciant, & tantillum excoriationem temperent, usurpati fuerunt; ver. gr. Looch vel syrupus passularum cum syrupo diacodii Monani, & paucis syrupo vel succo violarum mistus, qui cum baculo liquiritiæ lubricando fauces adhibebatur.

Asthma verò convulsivum observavi eadem ratione, ac ipsam tussim, esse curandum: scilicet, dum ægri in

principio querebantur; sibi præcordia à mucositate obsessa esse, incidentia & expectorantia nil profuere, sed potius blanda opiata, & acrimoniam lymphæ irritantem temperantia; sic enim irritatione sublata asthma evanuit, & expectoratio cum tussi postmodum post asthma supervenit.

Quod si verò suspicio fuerit ex tussi ferina præcordiis materiæ reiectione successivè aliquam læsionem in partibus fuisse inductam, tunc pro auferenda noxa illata *in declinatione morbi* præscripti balsamum sulphuris terebinthinatum, vel anisatum, vel utriusque simul ℥i, & de hoc quotidie manè in vehiculo calido gutt. x. vel xii. in haustu iusculi vel cerevisiæ calidæ recipiendas jussi; sic enim ejusdem balsamica vi læsio partium curata est.

Febrem verò *catarrhalem* sustuli per salia volatilia oleosa ex qualibus constat *mixtura supra in præservatione dicta*, imperando sudorem, & in progressu opium omittendo.

Juvenis quidam nobilis laborabat difficili respirazione cum tussi gravissima & frequentissima, reiciebat copiosissima viscidissima, flavescentia, subinde cruore permista; accedebat febris intensa, cum summo æstu omni vespera circa horam quintam vel sextam recurrens, usque post decimam noctis durans, quo tempore successivè remittebat, inchoabant hæc exacerbationes successivè sine ullo frigoris aut horroris vestigio, & quamdiu affligebant, continuus sudoribus disfluebat. Symptomata hæc omnia intra bidui spatium contraxerat, erat scorbuticus, indeque copiosa salia crystallifata matulæ parietibus adhærebant; tussis erat reverà pectoralis, ex pulmonibus oriunda; quando tantillum non exactè calidum biberet, mox tussiebat, si pectus parum denudaret, tussis itidem urgebat; quò largius sudabat, eò minus sordium expectorabat. Febris erat catarrhalis essentialis, occasione acidi scorbutici nata, cujus beneficio despumata quasi massa sanguinea lordes heterogeneas intra pulmones deponebat. Nempe quadrat huc asserum PLATERI lib. 2. observ. pag. 268. *Catarrhus & Tussis vehementissima in declinatione febrium evenire solet, præsertim versus hyemem in corporibus cacochymicis, in quibus non licuit propter febrem acutam corpus sufficienter purgare.* Ocasis externa erant exercitia corporis quotidie cum summo conatu peracta, sudore, qui tali occasione largissimus stillabat, nunc oppresso, nunc retropulso. &c. Metuebam phthisin pulmonalem in subiecto nonnihil macilentio, aliàs cholericis scorbuticis, propter acidum volatile acerrimum pulmonibus inimicissimum.

Pro Cura.

℞. *Arcan. dupl.* ℥ss.

Maxill. Lucii pisc.

Antimonii diaphor. ana gr. vi.

Misc. f. Pulvis.

Item

℞. *Spiritus salis ammoniaci anis.* ℥ii.

Tinctura Tartari compos. ℥i.

Misc.

Dosis 40. gutt. bis in die.

Item pro æstu vespertino.

℞. *Aque flor. Papav. err.* ℥iii.

Spiritus salis ammoniaci ℥i.

Maxill. Lucii pisc. ℥ss.

Flor. sulphuris gr. xv.

Syr. violar. ℥vi.

Misc.

Capiebat cochleatim, sed paucis cum successu, febre vespertina cum dictis symptomatibus quotidie magis exacerbata: Hinc

℞. *Aque Papav. errat.*

Hyssop. an. ℥ss.

Maxill. Lucii pisc. ℥ii.

Antihæct. Poter. ℥i.

Salis vol. maxill. lucii pisc. gr. ix.

Ess. opii ℥ss.

Syr. violar. ℥ss.

Misc.

Potiones has à meridie appetente vespera, adeoque ante paroxysmum, ut & unà in paroxysmo, successivè capiebat, manè Eltixyr proprietatis sine acido recipiendo.

Assumpsit etiam hanc postteriotem Mixturam, sed nimis confertim; unde cum & debilis esset, & aliquot noctes propter tussis violentiam penitus non dormivisset, in talem somnolentiam dilapsus est, cum tanta virium enervatione, ut vix loqui posset: propterea hujus loco antecedens ista mixtura repetita & usurpata fuit, ut morbo in eadem fere

fere atrociam pergento. Quo ergo febris vespertinum impetum infringere:

℞. *Aqua Papav. errat.* ℥iij.

Flor. acac. ℥i.

Maxill. Lucii pisc.

Cerall. rub. præpar.

Antibet. Poter. ana gr. xv.

Syr. violar. ℥ss.

Misc.

Sed eodem modo nihilominus ferociebat febris, tussis tamen & creatu paulatim remittentibus. Unde

℞. *Amygd. dulc. ambr.* ℥iij.

Sem. Melan. ℥ss.

Cum f. q. *Aqua Flor. Papav. errat.*

F. Emulsio.

adde

Maxill. Lucii pisc. ℥ss.

Antibet. Poter. ℥i.

Edulcor. paucosaccharo.

Egregie profuit, unde & eadem vespere repetita, & sequentibus diebus continuata fuit, vi temperativa & acris acido-salis mitigativa hujus remedii omni æstu febrili penitus evanescente: nempe uti in febribus acutis, ardentibus ac similibus male ejusmodi emulsionem usurpantur, cum vel nihil profint, vel oleositate sua temperante, & particulas volatiles aciores effervescentes quasi inviscante, ex acutis lentas facere queant; ita ubi acrimonia falsa, acido-falsa, muriatica, præsertim lymphatico in subjecto, peccat, & hinc partem solidam rodendo plus minus afficiat, optime profunt tales emulsionem. Subjuncto ergo sic maximam partem morbo, pro purificando sanguine, alteranda lymphæ aciori, & in specie restituendis pulmonibus plus minus lassis, adeoque pro præcavenda phthisi, ad imitationem WILLISII:

℞. *Raf. Sant. rubr.* ℥i.

Ligni Sassafr. ℥ss.

Macerata per 12. horas

in Aqua comm. ℔vii.

Coqu. ad consumm. ℔ss.

adde

Hed. terrestr.

Com. hyper. floresc.

Herb. Veron. ana M. ℔.

Rad. Glycyrrh. ℥ss.

Sem. fenic. ℥vi.

Pass. min. conq. ℥ss. ℥iij. ad iv.

Coqu. ad remanent. ℔iv.

Colatura D. S.

Potio pectoralis sanguine mundificans.

De hoc omni mane ingentem haustum calidè bibit, item sub introitu lecti pariter; dum interea vespere hora quarta vel quinta ob febrilia vestigia caperet de sequenti portione.

℞. *Aqua Papav. errat.* ℥iij.

Asthmat. ℥ss.

Maxill. Lucii pisc. ℥i.

Antibet. Poter. ℥ss.

Syr. Papav. alb. ℥iij.

Misc.

Item

℞. *Maxill. Lucii pisc.* gr. xv.

Antibet. Poter. ℥ss.

M. f. Pulvis.

Quibus & similibus pulveribus, à meridie adhuc per aliquot septimanas continuatis, simul cum isto decocto, eadem ratione crebrius repetito, perfecte denuò convaluit.

Quoad Pleuridem notam, in doloris puncto, propter contentum pulmonum cum pleura, cum vera certante, sicut etiam maximè vexavit ægros, in hac ratione causæ materialis peccantis, salina volatilia, ratione doloris verò opiat, adhibebantur, additis specificis, in pleuritide vera aliàs usitatis. Adeoque profuerunt spiritus salis ammoniaci anisatus, liquor cornu cervi succinatus, tinctura tartari cum spiritu salis ammoniaci, dens apri, maxilla lucii piscis, sal volatile earundem & similia. Unde ordinabatur talis mixtura:

℞. *Aqua Card. bened.*

For. papav. errat. ana ℥ss.

Spiritus salis ammoniaci anis. ℥ss.

Laud. opiat. ritè par. gr. iii.

Syr. Chærefol. ℥iij. ℥ss. ad ℥vi.

Estmulleri Oper. Tom. 1.

Misc.

Capiebatur cochlearim.

Vel in alio ægro, qui vespere habebat magnum frigus, & insolitum æstum, cum magno pulsu, & intensissima respirationis angustia, item pungitivum maximum circa costas notas dolorem, ordinavi sequens cum euphoria:

℞. *Aqua Flor. sambuc.*

Scabiosa ana ℥ss.

Lapill. Cancr. præp.

Dent. apri præp.

Antimonii diaphor. ana ℥i.

Salis volat. Maxill. lucii pisc. (vel loco hujus alius salis volatilis) gr. xii.

Laud. opiat. ferm. gr. iii.

Syr. card. bened. ℥ss.

Misc.

Mixturam hanc probe agitatam aliquoties, bis vel ter, ad duo cochlearia, expectando sudorem, hauriendam præcepi; unde sic altero mane magnam partem levatus est æger, & per expectorantia reliquum facile cessavit.

Cæterum urinæ in hac pleuritide notha erant crassæ, & turbidæ, cum copioso sedimento lateritio, quod separatum & præcipitatum erat sub effervescencia ex sanguine ab acido lymphæ peccantis. Et pro hoc scopo, naturæ scilicet juvamen præstando, in statu & declinatione præmissa, sudorifero, diuretica adhibebantur, & inter ea prævalebat maximè tinctura tartari propter alcali fixum: v. gr.

℞. *Aqua Mentha.*

Serpilli ana ℥ss.

Tinctura tartari ℥i. ad ℥ii.

Spiritus salis ammoniaci ℥ss. ad ℥i.

Syr. hed. terr. ℥vi.

Misc.

Propinabatur successivè.

Aut capiebatur hujus mixturæ loco simpliciter tinctura tartari, cum dimidia vel tertia parte spiritus salis ammoniaci mista, dosi guttat. 40.

Insuper cum his internis simul pro doloribus mitigandis applicabatur Externa. Ubi tamen litus & unguenta oleosa, itemque emplastra mucilaginosa aut unctiosa nocebant, aut saltem nihil juvabant, quia forte pororum obstructionem procurabant; quin potius foris calidi sicci omnem ipsi paginam supplebant, adeoque ægri ad fornacem calidam sedentes, sensile levamen percipiebant, ubi præsertim blanda frictio cum linteis calidis accederet. Quod si verò dolor anteriora magis affligeret, sacculi tunc avena impleti probe calefacti, loco dolenti, permutando subinde eisdem, imponebantur, ubi quidem avena nil salutis promittere potuit, nisi quod calorem diu fovere apta sit. Tandem quoque egregium fuit illud Emplastrum, ex sale volatili urinæ & terebinthina constans. ex. gr.

℞. *Sal. vol. urinæ vel sal. vol. sal. ammoniaci* ℥iij.

Terebinth. ℥ss. vel ℥i.

Hæc mista in mortario marmoreo redigantur in consistentiam spissiore, quibus, ut consistentiam emplastri acquirant, addi potest nonnihil emplastri de meliloto, hincque induci super alutam, & absque sindone applicari.

Est profectò maximè commendabile: de quo sapienter satis, loco tamen salis volatilis urinæ, etiam spiritus salis ammoniaci cum terebinthina subigi poterit.

Restat unus adhuc scrupulus eximendus, circa opii & opiatorum usum, hoc loco sæpius allegatum: scilicet: posset horum usus esse suspectus, quia impediunt naturæ motum, in lymphæ uberis & vitioz excretionem consistentem; Nam uti illa spirituum, sic quoque omnes humorum motus sistunt (2) quia periculum est, ne si ita expectorationem per os, unde observavi in quadam muliere; cui, cum inciperet expectorare, liquorem cornu cervi cum essentia opii præscripseram, illam non expectorasse, sed conquestam fuisse ex hujus usu: esse ipsi adeo vaporosum circa pectus, etiam si expectoratio non esset adeo frequens. Adeo scilicet opium ulli curat, sed saltè symptomata palliat. Interim quatenus atrociora symptomata præcaveret, & talia præsertim, quæ ex doloribus continèdè urgentibus imminenti, & interea, dum ista opprimit, commodiorè agendi occasionem subministrat Medico; unde in his casibus julto tempore usurpari poterit:

Ecc 3

Alias

Alias dixi, mat urè in principio & incremento morbi jus usum locum habere, quando nempe tussis sicca aut febricula vesperi affligit; prevenitur enim sic abundantie nimie excernendorum. His verò in statu presentibus opiata non sunt in usum vocanda, ubi scilicet circa præcordia collecta jam materia est mucosa. Et utut opium omnes excretiones sistat, sudorem tamen opium non impedit, sed magis promoyet, adeoque rectè Theriacæ basis à WALÆO audit, quippe cujus vis sudorifera ab opio derivanda. Nunquam tamen opiata solùm, sed semper cum appropriatis, & imprimis causæ materiali resistentibus commixta adhibeantur, v. gr. salibus volatilibus oleosis maritentur.

In affectibus lymphæ salia volatilia meliora sunt, quàm salia fixa & his cognata terrea; illa enim magis penetrando, & succis corporis nostri se immiscendo, ultra primas vias positivè lympham corrigunt, fixa contrà privativè hoc agunt.

De Myrrha autem observetur, eam in affectibus lymphæ corrigendis egregiam esse; unde etiam in variolis & morbillis, in quibus etiam lymphæ peccat, nec non in febribus purpuratis, est egregia, & nunquam negligenda; vel etiam *essentia myrræ cum tinctura tartari vel spiritu vini tartarificato* parata, est optima in praxi, quæ etiam in scorbutu convenit.

Purgantia nil valent in affectibus lymphæ: utut enim ejus aliquid per pancreas & vicina loca evacuetur, quia tamen movent & turbant universam massam sanguineam, & bilis excretionem stimulant, ideo illa in hoc casu vitentur. Vera autem & optima Hydragoga, seu lympham expurgantia, sunt sudorifera & diuretica, quæ omnem paginam faciunt: quorum hæc omnium optimè conveniunt, quia sine virium destructione operantur; quod in sudoriferis non æquè fit, utpote quæ nonnihil imbecilles ægros reddunt. *Sal volatile succini* acidulum egregium est diureticum & lympham corrigens in declinatione morbi, ubi urinæ lateritiæ apparent; pro quibus corrigendis etiam proficuum esse observavi *arcanum duplicatum Mynsichti*, quotidie bis ad Di. assumptum. Alioquin, ubi lymphæ acida peccat, non propinanda erunt diuretica acida, sed potius alcalina, vel oleosa volatilia, olea destillata diuretica, ut terebinthinæ vel juniperi, quæ tamen sunt acrida.

Porro si affectus ejusmodi catarrhalis *infantes* corripere, isdem *spiritus salis ammoniaci anisatus* solus, repetitis vicibus usurpatus, sufficere potest, addendo vesperi pro tussi sicca nocturna gr. i. vel ii. *Theriaca*, quæ alias nec in ventris torminibus negligenda; uti alias quoque in adultis loco hujus laudani opiatigr. i. vel ii. locum habent, ut *suprà dictum*.

Senibus verò eodem affectu correptis illinatur vertex *oleo destillato succini*, ob genus nervosum debilius, ne atrociora mala superveniant: vel applicetur vertici *emplastrum pro bregmate cum balsamo Peruviano* malaxatum, & irroratum cum paucis olei destillati succini: Opiata enim senibus tutò non conferunt; sed saltem extractum theriacale in parva dosi isdem concedi potest; contrà salia volatilia cum spirituosiss, oleosis, mista, ut spiritus lilliorum c onvallium, optimè conveniunt; hinc sudorifera moderata & diuretica commendata fuerunt.

Gravidis tandem in tussi terina ejusmodi ob metum abortus opiata nocentissima sunt, nisi cautissimè propinentur, & potius repetitis vicibus; hæc enim aut interrimunt foetum, aut disponunt ad abortum; unde loco illorum vel syrupus papaveris, vel diacodion Montani isdem præscribatur; volatilia verò salia mitiora & oleosa seu temperata nec nimis acrida cum blando sudore erunt proficua, hæc enim conferunt & foetui & matri in specie, quatenus hæc acidis delectatæ, foetui nocumentum minantibus, præcavendum hoc usu volatiliū est.

RESOLUTIO ALIA

INCERTI AUCTORIS,

Ex communicatione

B. Dn. G R O E L M A N N I,

Physici Torgaviensis,

à

B. Dn. P R Æ S I D E

correcta

Anno 1682.

A F F E C T U S.

Morbus presens *Catarrhus* est *Epidemicus*, isque *Benignus*, cui Febris Catarrhalis, Pleuritis notha, à flatibus vulgò derivari solita, atque dolores artuum scorbutici, junguntur.

P A R S A F F E C T A.

Pars affecta ratione catarrhi sunt glandulæ circa caput conglomeratæ, glandulæ v. gr. membranarum narium, membranarum pituitariarum Scheneideri, laryngis, atque arteriæ.

C A U S A.

Hæc à lymphæ vitiosa acido-salsa, tanquam causa materiali proxima, irritatæ, dum leviores fibrillarum suarum spasmos & crispaturas convulsivas patiuntur, lympham, per patentia undique vasculorum suorum orificia uberius exprimunt; ad quam irritationem tamen, tanquam causa remota, tempus prægressum autumnale pluviosum atque inclementius simul concurrat: Sic enim ab aere asperiore paulò, inter hujus in inspirando transitum, dum molestius glandulæ supra nominatæ afficiuntur, primos contracturarum suarum spasmodicarum instinctus recipiunt, atque harum potissimum ratione, consequentisque hinc uberioris lymphæ effluxus, catarrhum produunt. Ut adeò minus probabile sit, ab auctiore tunc lymphæ facto proventu, propter pluviosam aeris constitutionem, nasci; quamvis negandum non sit, copiosorem lymphæ, plus minus tamen simul alteratæ, proventum (ob transpirationem scilicet insensilem nonnihil suffaminatam) causam quoque esse, quod frequentiores autumnali, potissimum etiam hyemali, tempore sint catarrhi.

SYMPTOMATUM CUM CAUSIS
CONNEXIO.

Ab aere igitur primùm inclementiore, hinc lymphæ quoque ipsa acido-salsa, dum plus minus irritantur glandulæ, circa caput conglomeratæ, hancque copiosorem plorant, plurima, quæ in historia affectus recensita sunt, necessum est nasci symptomata. Membranam enim narium cum glandulis suis dum irritari crebrius atque vehementius contingit, hæc contractura fibrarum suarum spasmodica membranas cerebri simul in consensum trahit, quas simili modo convulsas dolor ille capitis gravativus & tensivus insignis sequitur. Cujus rei fidem experimentum istud facit, quod ab attracta intra nares aqua, vitriolo albo paulò largius imprægnata, coryza nos quædam quasi artificialis ex tempore molester, simili capitis dolore, atque copiosiori muci effluxu stipata. Eadem lymphæ acido-salsa, dum porro laryngem atque asperam arteriam vellicat, tussis primò sicca, hinc respiratio difficilis, quasi asthmatica, tandem etiam catharrhus nonnumquam suffocativus sequuntur; quatenus vel plus vel minus, nunc laryngem saltem atque asperam arteriam, nunc ipsas membranaceas quoque pulmonum vesiculas, vellicari contingit. Dum verò in ventriculum quoque lymphæ hæc vitiosa cum saliva destillat, fermentum hujus digestivum simili sapore inquinat, atque hinc universa massæ sanguineæ lymphæ, propter similem chyli corruptelam vitia præternaturalis tandem quædam sanguinis ebullitio contingit, febrisque nascitur, vesperi potissimum affligens, propter suffaminatam tunc nonnihil transpirationem insensilem. Hujus lymphæ vitiosæ seu acidæ potio quædam,

et n, quatenus intra pleuram defigitur circa costas nothas, indeque dolor ille alterutrius lateris acerbior oritur, ad spinam dorsi interdum sese extendens, ob continuatum eoque in fortiori irritatione pleuræ spasmus. Quatenus vero ipsa hæc lymphæ sapore scorbutico jam antea tincta, in motum nunc cum massa sanguinea vitiosum & febrilem abripitur, atque sic acrior reddita per partes vitiosè movetur, Lancinationes artuum superveniunt.

P R O G N O S I S.

Ceterum constat jam, cum à causa externa catarrhus hic noster sit, periculum eum nullum involvere, nisi quod Phthiseos metum, in prædispositis imprimis, inferat; unde quoque hujus cura maturanda.

C U R A T I O.

Respicendum autem in hac eritiam ad catarrhum, ipsum, quam junctam huic febri catarrhalem, & Pleuriticam notham, dolore suo imprimis molestanti.

Ratione catarrhi tres nascuntur Indicationes:

1. Scilicet irritatio sistenda est.
2. Lympha acido-salsa temperanda & evacuanda; hinc
3. Læsiō partibus inducta restituenda.

Unde duo potissimum remedium genera hic omnem absolvunt paginam, opiata scilicet & aromatica volatilia, plus minus oleosa: quorum illa quidem spiritus influos nonnihil quasi figendo, motum eorum, natamque hinc fibrarum crebriorem stricturam, & sic lymphæ quoque copiosorem effluxum, sufflaminant; hæc autem particulis salinis volatilibus, plus minus oleosis, & corrigunt lymphæ aciditatem temperantque, & correctam per diaphoresin evacuant. Pro irritatione ergo sistenda, lymphæ quoque attemperanda:

℞. Aqua senniculi,

Flor. papav. err. an. ℥ss.

Liqu. Cornu Cervi succin. ℥ss.

Maxill. lucii pisc.

Ess. opii ana ℥ss.

Syr. flor. papav. err. ℥ss. vel ℥vj.

Misc.

De qua mistura æger capiat singulis horis cochlear unum; expectando blandum madorem, vesperi & noctu imminente, tam ingruente paroxysmo catarrhalis febris, quam eodem durante. Ante introitum lecti de sequenti capiat guttas 40. in vehiculo calido.

℞. Spiritus salis ammoniaci anis. ℥ii.

Ess. opii ℥ss.

Misc.

Quæ ipsa contra febriculam quoque ingravescentem proderunt, modò corpus in continua diaphoresi servetur.

Hæc nonnihil sedata, pro increassanda lymphæ & expectoranda:

℞. Aqua hyssopi

Veronic. ana. ℥ss.

Oxym. squillit. ℥ss.

Syr. diacod. Mont. ℥vj.

Misc.

Capiatur cochleatim pro lubitu.

Pro partibus læsis restituendis:

℞. Syr. de hed. terr.

Diacod. Mont. ana. ℥ss.

Misc.

Detur declinante morbo cum baculo liquiritiæ, pro crebriori linctu: Vel si pulmonum aliqua læsiō facta metuatur:

℞. Bals. sulphuris anis. ℥ii.

De quo gutt. 20. in vehiculo quocunque, manè & vesperi assumi poterunt.

Quoad dolorem pleuriticum nothum: licet hic quidem per sudationem nonnihil quoque imminuatur, tamen cum magis urgeat:

℞. Ungu. dialth. compos.

Ol. amygd. dulc. ℥ii.

Dest. Chamom.

Succini ana. ℥ii.

M. f. Linimentum;

Quo latus dolens crebrius inungatur, linthea multiplicata & laterem probè calefactum desuper imponendo.

Faxit Deus, cedant omnia ex voto!

Etmuller. Oper. Tom I.

C A S U S XXXI.

FEBRIS CONTINUA LENTA.

Virgo annorum octodecim, & cui difficulter fluere solent menses, negotiis domesticis adjecta, nec adeo ordinata utens dieta, conqueritur de lassitudine artuum spontanea, tensiva, quasi contundente, cum cephalalgia intensa, & siti pedetentim aucta. His, aliquot diebus ita persistentibus, corripitur aliquando à meridie horrore mediocri per aliquot horas, quem insequitur nox gravis cum aestu mediocriter intenso, cephalalgia gravissima, angustiis præcordiorum gravativis, sine somno, &c. mane melius se habet, cephalalgia tolerabilior, calor præternaturalis quidem, sed & moderatus, ut & reliqua symptomata: sed circa vesperam, omnia sensim exacerbantur, nox insequens iisdem symptomatis, ac antecedens, gravis contingit, sequenti tamen mane omnia denuò remissiora & mediocria, continuo tamen eadem urgente symptomata, quæ saltem vespertino & nocturno tempore exacerbantur. Medicus à meridie vocatus, præter hæcenus enumerata, agram offendit quidem nonnihil debilem, de cephalalgia & lassitudine artuum præsertim conquerentem, calor ab eo deprehenditur mediocris, naturaliter tamen longè intensior, isque continuus, non adeo acris vel mordax, qui vesperi saltem intenditur, & per noctis medium gravis urit: pulsus celer, frequens, magnitudine & vehementia moderatus; appetitus nullus, sitis intensa, potum consuetum cerevisia horret, aquam appetit: urina turbida, crassa, intensius nonnihil tincta, fauces & lingua saliva viscida infestata. Expectatur Cura.

R E S O L U T I O

DN. JOH. CHRISTIANI

TRALLES,

URATISLAVIENSIS,

Cum speciali discursu & Annotatis

B. DNI. PRÆSIDIS,

Censura & Emendationi submissa

Anno 1676.

A F F E C T U S.

Consideratis considerandis videtur agra nostra laborare Febri ardente maligna. Istius præsentiam innuit generale febrium signum pathognomonicum, pulsus mutatus; malignitatem vero indicat symptomatum plus minus excessiva eruculenta, qualia sunt lassitudo spontanea tensiva contundens, cephalalgia intensa, & sitis aucta, appetitus prostratus, vigiliæ, angustiæ præcordiorum, &c.

P A R S A F F E C T A.

Subiectum hujus febris, prout nunc facta est, sunt particule massæ sanguineæ oleosæ alcalinæ, inæquali motu cum acidis pugnam ineuntes.

C A U S A.

Causæ aliæ sunt proximæ, aliæ remotæ seu occasionales. Inter istas palmam ducit fermentum febrile, tantillum licet, universam massam sanguineam exagrans: cui sese adjungit salium, massæ sanguineæ texturam constituentium, harmonia depravata; quatenus in specie, uti dixi, particule alcalinæ predominantur.

Causas remotas constituunt difficilis mensum fluxus, quatenus forsitan ex stagnante sanguine menstruali circa uterum, fermentatione ad extra seu potius aliquali levi putredine inviscatum alcali in libertatem se vindicavit, & retrogrado sanguinis cursu reliquo vitali liquori reafusum, istum ad febrilem disposuerit discandescentiam. Cui adjungimus dietam male observatam, facile ansam cacochyliæ nidoroſe præbentem: hinc liquamina stercorea flava enata, una cum chylo sanguini infusa, istum perversum motum fermentativum facile excitare potuerunt.

SYMPTOMATUM CUM CAUSIS
CONNEXIO.

Nunc positis his, accedemus ad ea, quae quasi ex his fontibus cen rivuli promanarunt. Conqueritur de lassitudine spontanea; quia scilicet jam incepit massa sanguinea textura & crasis naturalis pervereri, quo facto non potest fieri, quin totius oeconomicae animalis status pacatus naufragium patiatur. Cum enim radicaliter vita, quatenus haec consistit ex spiritibus animalibus & vitalibus conjunctim sumptis, fundata sit in massa sanguinea, quae, quemadmodum haec equali tenore particularum gaudet, blanda fermentatione suscitatur & conservatur; ita si sanguis patitur suos manes, mox spirituum vitalium & animalium generatio quoque imminuitur & depravatur; hinc deficientibus his, machina nostra corporea quasi elatere suo & instrumentis motoriiis privata, sua sponte videtur subinde subsistere, nec non proprio pondere corruiere. Exoritur postmodum querela; jacere instat plumbi. Cephalalgia vero intensa non aliunde originem trahit, quam ex impetu sanguinis, partim interno a motu fermentativo aucto, partim etiam externo, a corde crebrius ad constringendum se fortius vellicato: exin vasa arterialemembranulis sensibilibus admodum cerebri intertexta distenduntur, distentas excipit dolor partibus membranosis familiaris. Sitim quod attinet; ista cum ex defectu salivae, tum etiam & quidem primario, ex praedominante sale lixivioso, interiora faucium irritante, suboritur, quod eo deferitur per ductus salivales & glandulas in cavum oris se exonerantes. Angustiarum praecordiorum frequentis in eiusmodi febribus symptomaticis, matrem agnosco idem sal acre, rodens & molestans sensu ventriculi orificium sinistrum, prout notum hoc suppono; quo praesente & vel per arterias eo delato; vel etiam ex cruditate nidorosa enato, simul destruitur appetitus, quatenus sal hoc contrarium acidum stomachi volatile protopepticum enervat. Urgentibus istis anxietatibus, & sanguinis circulo febrili impetu aucto, somnus quoque deficit, necessum est, quatenus ordinario, ubi dolor adest, uti in hac nostra agra cephalalgia, vigiliae comites existunt, dolore praesupponente spirituum agitationem, cum tamen somnus in eorum spontanea quiete potius consistat. Quoad calorem moderatum: is frequens solet esse febribus malignis, cum, uti dixi, acidi minus, alcali vero plus in illis reperire est; hinc necessario inaequalis eorum concursus minorem infert effervescentiam, particulis acidis paucioribus a majori alcali copia saturatis quodammodo. Exacerbantur haec symptomata circa vespeream, uti ferè ordinario idem fatum omnibus morbis est; causa, qua hoc contingat, fateor nondum mihi manifesta. Horrorem istum deduco ex fermento febrili, circa praecordia & primas vias moto, vellicante membranas, & easdem in spasmos corrugante. Horror hic ut plurimum praecedat febres malignas, subsequente postmodum calore plus minus intensio continuo. Pulsus celerem frequentem, magnitudine & vehementia moderatum oriri existimo ex fermentatione sanguinis aliquatenus deficiente. Fauces & lingua saliva viscida in viscantur, quod membrana pituitaria inferior a sale acri vellicata ploret succum seu lympham suam, naturaliter alias spissiore, in majori copia. Iste potius consuevit horror, frequens & familiaris febribus, in specie malignis, provenit exinde, quod stomachus a cerevisia antea bibita propter deficientem fermentum non nihil corrupta, fuerit latus; hinc quasi memor labis illatae propinatam cerevisiam respuit; non secus ac ventriculus a coagulato lacte semel offensus postmodum per totum vitae cursum non est ferendus caseo. Urina turbida ferè, suspicionem peperisset, agram nostram non eque febrim maligna laborare, cum haec in hoc morbo sanorum similis sit, ast cum recordemur, jam agram aliquot dies conflictatam esse cum hoc malo, statuimus istam urinam turbidam confusionem oriri a recrementis febrilibus, non nihil jam ex massa sanguinea praecipitatis, intimius tamen adhuc permistis, quam ut sedimentum constituere possint. Color rubicundus, quem obtinet, innuit simul, praedominari in massa sanguinea alcali volatile, agens in massa sanguinea vitale sulphur, & se hujus purpura colorans. Tantum quoad Theoriam.

P R O G N O S I S.

Agra se tradit Medico, cum jam vires quadantenus sint exhaustae, & morbus sit in incremento, vel etiam statu, hinc anceps de morbi eventu Prognosis instituenda. Accedit, quod symptomata urgeant, & quod occasio sit praeterlapsa univer-

salibus remediis insistendi, quibus, v.g. vomitorio, in tempore administratis nonnulla symptomata, utpote praecordiorum anxietates, jectigationes, &c., longè sunt tolerabiliora. Ast quia interruptis vicibus eadem nonnihil remittunt, ut hinc quasi spatium agra detur respirandi, in super etiam urinæ coctionis signa exhibeat, ei spem quandam reconvalescentiae facere possumus praesertim si legitimo medicamentorum usu morem gerat.

C U R A.

Pergimus ergo ad ipsam Curam, in qua ad tres Indicationes respiciendum:

1. Ut fermentum febrile malignum & effervescentia febrilis debitis appropriatis, praecipitantibus & alexipharmacis, destruat.
2. Ut recrementa praecipitata per sudorifera eliminantur.
3. Ut symptomata urgentibus convenienti modo quoque occurratur.

Pro primo scopo obtinendo suaderem, ut in primo principio vomitorium propinaretur, quo recrementa in stomacho enata eliminarentur, ne ulterius serpendo fomitem febrilem sustentarent; ast quia occasio praeter lapsa, ab hac abstinendum est. Pari ratione purgantia plus nocebunt, quam proderunt; movebunt, non promovebunt; cum haec, ubi malignitas subest, colliquativo suo alcali acris tam augere videantur.

Utena sectionem quod attinet; forsitan haec sub initium morbi non incongruens fuisset, considerato, quod agra mensum fluxum non passa fuerit; ceterum nunc, ubi vires collapsae, nefas esto ad eam se accingere.

Fermentum igitur febrile, effervescentiam sedabimus blandis acidis, theriacalibus, theriaca Andromachi, electuario diascordii Fracastorii, addito aceto; pulveribus terreis & fixis, antimonio diaphoretico, Bezoardico minerali, tam simplici quam composito, cinnabari antimonii, &c. Quibus subjungimus ea, quae blanda diaphoresi recrementa eliminant, qualia tamen magis fixa velim, quam volatilia: hoc enim maxime suadeo, ut ager semper blando in madore detineatur, qua ratione diaphoresis insensibilis libera servatur; magno agra emolumento.

Quoad opiata: cautè haec propinanda, cum agra jam jam sit debilis; ut tamen praecaveamus vigilias, non incongruum subinde erit aliis gr. j. laudani opii addere.

Siti occurrimus blande acidis julepis. Si agra, uti sit, abhorreat potum ordinarium, cerevisiam quandam tenuem, vel etiam aquam simplicem, cui pars aliqua vini adjuncta sit, bibat; sic una fidelia duos dealbare parietes, sal acre, faucium hostem & sitis patrem, destruendo, & simul acidum volatile stomachi nonnihil resuscitando.

Anxietates praecordiorum leniet spiritus carminativus de tribus: cui associari possunt emplastra stomachalia dicta.

Appetitus prostratus sua sponte redibit, modo causa fuerit sublata, nec male suspicandum, licet ager per aliquot dies nihil comederit. Quod si verò praeter stimulantem appetitum assumpserit nonnihil alimentorum, praesagio, haec a fermento inertius magis corrupta, quam vitali characterem impraegnata, in liquamina cadaverosa abitura.

Deus benedicat!

DISCURSUS & ANNOTATA

SPECIALIA

B. DNI. D. PRÆSIDIS.

Effectus est febris, eaque continua, generaliter & specialiter sic dicta, atdens quidem sed lenta, & non adeo acuta; quod symptomata mediocriter urgentia indicant; item est solitaria, & tandem benigna, quod itidem symptomata mediocritatem servant. Quamvis autem plura adsint illorum, non tamen ea atrociora adeo, sed conditione talia, qualia intermittentibus & continuis febribus aliis familiaria sunt; cum contra pauca etiam interdum symptomata malignissimam febrem indicent: v. g. sufficiunt pro febre maligna si vires mox in principio morbi sine ulla manifesta causa deficient, itemque si mox omnis appetitus prosteratur, & sitis clamorosa cum linguae & faucium squalore urgeat. Haec pauca sufficiunt pro febre maligna, quibus si accedat

cedat pulsus celer, frequens & parvus, cō certiores simus de malignitatis præsentia.

Observentur autem quædam de febribus continuis differentiæ. Nempe febres continuæ sunt vel primariæ vel secundariæ: Primariæ, quæ per se morbum constituunt, & ægrum primario ægroto reddunt; secundariæ, quæ occasione aliorum affectuum tandem superveniunt, quæ propterea dicuntur symptomatice, v. g. quæ superveniunt graviter vulneratis, ut ulceribus partium gravioribus, v. g. phthisi &c. 2. Febres continuæ primariæ sunt vel acutæ vel minus acutæ, adeoque plus minus lentæ: Acutæ, quæ cum gravioribus symptomatibus brevi motum absolvunt, & vel ad vitam vel mortem disponunt; minus acutæ, quæ cum minoribus symptomatibus tardius moventur in typo, & ad finem perveniunt. Utræque hæ sunt vel continentes vel continuæ: Continentes, quæ eodem tenore usque ad finem perdurant, quæ sunt raræ: continuæ autem, quæ subinde exasperantur, adeoque per paroxysmos vagos quandoque affligunt; ad quas pertinent continuæ tertianæ, item hecticæ & lymphaticæ. 3. Febres acutæ sunt vel solitariae vel comitatae: Illæ, quæ solæ ægros affligunt; hæ, quæ secum alium affectum gravem conjunctum habent, ut febres, quæ in pleuritide, angina, erysipelate, &c. affligunt. 4. Utræque hæ acutæ sunt vel benignæ, vel malignæ: sic enim præter febres benignas & malignas variæ notæ, dantur etiam pleuritides, anginae, &c. benignæ & malignæ. T. malignum est nomen insinuans statum morbi, ratione cuius vel vitam vel mortem infert.

Nostra ergo febris est (1) primaria, (2) continua, (3) non adeo acuta, quod symptomata multa quidem, sed impetu mediocria testantur, (4) est solitaria, (5) benigna, quatenus symptomata adhuc mediocritatem servant, (6) lenta. Hinc febris ægræ nostræ ex earum est genere, quæ juxta *SYLVIIUM in Praxi*, dicuntur *lymphaticæ*, ex vitio lymphæ, sanguinis fermentativum motum turbantis, natæ; quales sæpè occurrunt in Praxi; & sanè meretur considerationem ratione Præceos distinctio allegari *Sylvii* in febres biliosas & lymphaticas.

Febres hæ Lymphaticæ triplici potissimum modo affligunt:

1. Aut enim eadem superveniunt subinde curatis febribus intercurrentibus, si nempe convalescentes ægri sunt admodum voraces, adeoque hinc lymphæ glutinosa acida quæ evadit; aut
2. Quoque ejusmodi lymphaticæ per se affligere observantur sine alio morbo præcedente, & primarium morbum constituunt, quæle quid etiam in nostra ægra locum habet; aut tandem
3. In his quoque observantur, quibus Venerea laborant. In his enim vel morbo ingravescente, vel etiam si nimis confertim utantur decoctis lignorum sudoriferis, subinde febres tales lymphaticæ excitantur. Jam verò luis Venereæ causa proxima consistit in acido viscido. Conf. *SYLVIIUS lib. 4. Præceos de Lue Venerea*. Lympham autem in specie in lue Venerea ab isto acido viscido specifice saporis esse inquinatam, monstrat, quod in specie loca glandulosa, speciatim circa axillas, collum & fauces, afficiantur ab aciditate lymphæ viscidæ; unde etiam pathemata hæc postmodum per salivationem; ubi lymphæ vitia sub forma lymphæ viscidæ rejiciuntur, curantur.

Adeoque Causa proxima nostræ febris est lymphæ acida, vitio fermenti stomachici, præsertim ex cruditate acida, enata, cujus corruptelæ occasione massa sanguinea simul afficitur, & huius motus fermentativus turbatur.

Remota verò causa est læsio diætæ.

Et quidem viscidum acidum subesse, patet ex eo, quod ægra patitur simul mensium difficultatem, & horum fluxum imminutum: quod signum est vitium hoc non esse præcisè in viis, per quas iidem evacuantur, sed in ipso sanguine plus minus viscido, & ad istam turgescenciam, mediante qua fit menstruatio, inepto, nempe ob acidum viscidum, eandem impediens.

Circa lassitudinem autem spontaneam, affligentem ægram nostram, duo sunt considerata: nempe quod præter lassitudinem hanc privativam, quæ ex defectu & inordinato spirituum animalium motu dependet, in nostra ægra simul quædam alteratio positiva adsit, & tensiva quædam contundensque quasi lassitudo. Dicunt enim

eiusmodi ægri, esse ipsis, ac si suffigati essent; & contra dicunt: omnia ipsis gravia esse, pigresque ipsos brachia elevari. Ubi sanè causam positivam latere indicatur, adeoque lympham in nostra ægra acore occulto plus minus viscido præditam esse; quæ talem alterationem in artubus infert; qualis lassitudo contundens quoque & lancinans in febribus catarrhalibus obvia est.

Quoad porro cephalalgiam: hæc non per essentiam, sed per consensum primarum viarum affligit; nam dolor ille capitis non erat pulsatorius solum, sed simul admodum gravativus & tensivus, qui non præcisè est ex sanguine derivandus, utpote quæ plurimum pulsatorius est, sed ex stomacho simpliciter per consensum oritur: id quod etiam Praxis ostendebat; propinato enim vomitorio, adeoque remoto sic fomite, penitus cessabat.

Patiens etiam conquerebatur de saliva viscida & glutinosa sitate faucium, plus minus salia, vellicante eas, in quibus ordinariò est situs, & talis saliva ordinariò febribus lymphaticis juncta est; ubi tamen non crusta quadam fauces obducuntur, sed saltem sputatio altera alteram sequitur.

Angustia porro præcordiorum sunt gravativa, (quia ipsis jacet in pectore instar plumbi,) ortæ ex glutinosa pituita, seu mucro plus minus viscido, circa primas vias coacervato, quod faciliè potuit fieri in nostra ægra, partim propter causam antecedentem seu remotam, partim quod fauces viscidæ & glutinosæ lymphæ continuò fuerint obductæ, illaque successivè deglutitæ, quippe cuius descensui tam angustia præcordiorum, quam prostratus appetitus, debent originem; hi ne post vomitum spontè evanescent.

Calor affligens non est adeo mordax & intensissimus, sed quodammodo remissior, & quasi tepidiusculus, & humiditate blanda junctus, Germ. *eine schmauchende Hitze*, qualis proprius est huic febribus, quæ vespere exacerbantur, præsertim lymphaticis, nec tamen in ipso paroxysmo calor adeo est intensior, cessante verò eo calor præternaturalis quidem sed moderatus circa vespem semper auctus; unde cum concurrentibus symptomatibus colligitur, ex vitio lymphæ consistere hanc febrem, quæ calorem minus mordacem & rodentem conjunctum habet, ut etiam hoc signum sit, semper subesse vitium lymphæ, speciatim si vespere exacerbantur, quia febres lymphaticæ ordinariò vespertino tempore exacerbantur. Summatim: quæ de febribus continuis seu quotidianis Veteres habent, eæ à Sylvio Lymphaticarum febrium nomine insigniuntur.

Horrores & rigores in principio graves veniunt in febribus continuis acutis, quos insequitur insignis & continuus æstus; contra in lymphaticis acutis interdum in medio cursu earum, interdum in exacerbatione paroxysmi levis horror apprehenditur; quale quid in febribus ardentibus & morbis acutis non obvium est, nisi forè in statu, ubi signatur quidam motus naturæ excretorius seu criticus versus exteriora, aut & in malignis, Germ. *durch einen Friesel*, vel pustulas miliares; imò & interdum in ipsis variolis, quæ non raro superveniente horrore expelluntur, utut ægri per triduum jam æstu vexati fuerint. Verum in talibus febribus lymphaticis non est signum excretionis, sed lymphæ vitiatæ.

Urinæ autem in his febribus lymphaticis non in principio apparent turbidæ, in statu verò copiosum deponunt sedimentum.

PROGNOSIS.

Quoad Prognosin: Febres hæ in se non lethales, nec admodum periculose sunt, & faciles curatu; nec (2) morbus est adeo acutus, sed minus acutus, unde intra unam vel duas septimanas solutionem præter præter promittere possumus; sicut & (3) eæ non subita, sed successiva solutione curantur. Cæterum in ejusmodi lymphaticis dijudicandis semper cautus potius, quam temerarius sit Medicus, ne sub specie harum febrium lateat malignitas.

CURA.

Cura autem peragitur his Indicationibus:

1. Stomachus & primæ viæ à morbofo fomite per vomitum liberentur; hinc
2. Lymphæ vitium in aciditate præternaturali, in subiecto nonnihil glutinoso, corrigatur, & vel per sudorem vel per urinam blandè evacuetur.

3. Sym-

3. Symptomatis urgentibus specificis occurratur.

Pro primo scopo Vomitorium convenit in principio.

Opiata in febribus lymphaticis, uti & cæteris lentis, magis nocent, quam juvant.

Ægram præsentem sic curavi: Cum febres ardentes malignæ in æstate tunc frequentes essent, volui cautè procedere, & mox à meridie vocatus ad eam, venam aperire jussi, respectu mensium vitiosorum, pro meliore motu sanguinis conciliando: Postea dedi eidem misturas alexipharmacas ex antimonialibus fixis, & spiritu nitri dulci, per biduum, imperando successivè sudorem; sed frustra. Interim cum ita in eodem statu permanerent symptomata, & tutus ipsemet essem de non latente malignitate, dedi vomitorum manè, præsumens esse febrem lymphaticam minus acutam, unde aliquoties supra & infra fuit purgata, & cum vesperi deberet exacerbari paroxysmus, mitior fuit post vomitum, sine ulla cephalalgia, noxque quieta secuta.

Facto hoc, præbui lymphæ glutinositatem solventia, abstergendo primò primas vias, & corrigendo earum cruditates acidas, per salis ammoniaci ℥j, pro 2. dosibus, manè & vesperi assumendis, & recrementa per urinam & sudorem repurgando: vel etiam

℥j. Arcan. dupl.

Salis Ammoniaci ana ℥i. vel ℥ss.

M. pro 2. dosib.

manè & vesperi usurpandis.

Quibus ipsis cum esset motus febrilis sedatus, pro lymphæ adhuc melius corrigenda, & pro respectu ad mensium difficultatem, in fine morbi præscripsi spiritum salis ammoniaci, bis quotidie de eodem ut capiatur jubendo; sicque continuato hujus usu penitus convaleuit. Certè dictum sal ammoniacum egregium est in hoc casu, itemque quando febribus intermittentibus diuturnis curatis tandem vestigia Hæcticæ superveniunt.

Vel etiam ex intermittentibus convalescentes nimis voraces febrem lymphaticam incidunt. Sic enim curavi aliquando juvenem à tertiana convalescentem, sed ex nimia ingluvie continuam febrem incurrentem, quæ omni die exacerbabatur ab hora prima ad horam septimam diei sequentis usque, calor tamen non adeò mordax affligebat, interim erat somnolentus, & reiciebat per os copiosa viscida. Hunc scilicet ægrum, præmisso repetito bis vomitu, tandem usu salis ammoniaci restitui, quod admodum convenit in talibus febribus, subinde admiscui antihecticum Poterii. e.g.

℥j. Salis Ammoniaci ℥j. ad gr. xxvj.

Antihect. Poter. gr. xii. ad xv.

M. pro 2. dosibus.

Opiata in ejusmodi febribus lymphaticis locum non inveniunt, imò magis nocent, quam prosunt, easque magis diuturnas reddunt.

Alius juvenis febre intermittente lenta de typo tertianæ duplicatæ affligebatur, quæ tamen revera hemitritæi quædam videbatur species ex læsa diæta, ipso hypochondriaco existente. Paroxysmi omnes affligebant saltem cum æstu, sine ullo horroris vestigio, lentè & pedetentim incipiebant cum cephalalgia, hypochondriorum tensione, & dolore abdominis gravativo; æstus erat, quoad externum tactum, moderatus, pulsus non adeò insigniter frequens, sed interiora eò magis urebantur, cerevisiam horebat, lingua in paroxysmo erat arida & squalida. Biduo verò jam ægrotaverat. Die ergò Martis

℥j. Corall. rub. præp.

Arcan. dupl. ana ℥j.

Misc. pro duabus dosibus.

Vesperi appetente nocte erat paroxysmus unus. Die Mercurii ordinabatur pulvis blandus laxativus ex tartaro vitriolato & c, vesperi demò unus ex istis pulveribus; hoc die paroxysmi quasi duplices erant, ante & à meridie. Die Jovis præscribebam duos pulveres;

℥j. Arcan. dupl.

Nitri Antimoniati,

Antihect. Poter. ana ℥j.

M. pro 2. dosibus.

Vesperi erat paroxysmus unus. Die Veneris

℥j. Spiritus Nitri dulc. ℥i.

Paroxysmi erant bini, manè unus, alter vesperi, liq; satis intensi, qui omnes terminabantur sine sudore. Die Saturni.

℥j. Lapill. Cancr. præp. ℥ss.

Salis absinth. ℥i.

Antimonii diaphor. ℥ss.

M. pro 2. dosibus.

Paroxysmus erat duplex, ante meridiem, & hinc vesperi. Die Solis vomitorium ordinavi, quod copiosa & mucilaginosæ evacuavit. Hac die nullum paroxysmi vestigium apparebat, noctu levis quidam erat insultus, cum vesperi prius accepisset sequentem pulverem:

℥j. Salis Ammoniaci ℥j.

Antihect. Poter. ℥ss.

Misc.

Die Lunæ cum metuerem hac die, paroxysmos;

℥j. Aquæ Card. bened. ℥i.

Salis Ammoniaci ℥j.

Salis Cent. min. ℥ss.

Antihect. Poter. gr. xv.

Syr. cort. aurant. ℥ss.

Misc.

Capiebat subinde cochleatim, quia & lentus & ferè vagus erat morbi motus, redit paroxysmus circa meridiem ingens, ægro admodum anxioso existente, & de gravissimo æstu conquerente. Post aliquot horas vocatus reperio æstum in partibus externis admodum moderatum, neque etiam pulsum respondentem febrilem adeò anxiosæ, ac de ea conquerebatur æger, ipso nunquam adhuc gravius & cum tanto ardore ac tanta cephalalgia laborasse affirmante. Propterea

℥j. Spiritus Salis Ammoniaci ℥j.

Dosis gutt. 40. mox, & appetente nocte.

Primo hujus usu intra mediam horam internus æstus tepescere, anxietates cessare, quin ad exteriora ipso æstu & sudore facili erumpente, paroxysmi cessatio, nocte insecuta quieta. Continuavit integrà septimana hunc spiritum, & levia saltem vestigia paroxysmorum secundum horam secundam pomeridianam pariebatur, quæ usu spiritus salis ammoniaci insequente sudore intra horam evanescerent. Sed cum hæc quotidie evenirent, urina vero copiosum sedimentum haberet, alvusque clausa, ob id die Solis ordinavi.

℥j. Passul. laxat. ℥ss.

Tartari Vitriolat. ℥ss.

Pulv. cachect. Harim. gr. v.

Misc.

Capiebat, & hoc die nullum paroxysmum sentiebat.

Suprà etiam monui, lymphaticas tales febres etiam in lue Venerea observari, tam in affectu ipso, quam post præposterum & copiosius usum decoctorum sudoriferorum: cujus exemplum observavi in juvene quodam studioso, qui in palæstra Venerea egregiè, si Deus placet, exercitatus, lue tandem Venereâ infestabatur, ita, ut in utroque inguine bubones apparerent, & glans penis parvis exulcerationibus obsideretur. Ut à malo liberetur, cum aliquoties gonorrhœa virulenta laboraverit, curam institui debitam, & post purgationem Mercurialem incepit potare Decocta lignorum sudoriferorum cum Mercurio & antimonio secundum ZVVELFERUM. Quid autem porro fit? Ubi per aliquot dies portiones allegatas strenuè continuasset, incidit in febrem lymphaticam, cum lassitudine totius corporis & æstu insigni, continuo quidem, certis tamen temporibus, præsertim vesperi exacerbato, & post paroxysmum usque durante, redeunte circa decimam antimeridianam horam denuò novo paroxysmo, post horam tertiam pomeridianam terminante, quem iterum paulò post vesperi prior paroxysmus excipiebat, & sic porro, ut adeoque intra 24. horas binos quoque paroxysmos sustineret æger. Pulsus continuo frequens, celer, & ferè parvus erat, os glutinosum, reiciebat copiosa viscida, anxius erat, & calor corporis extrà, paroxysmum moderatus, naturali ferè ùmilis, cum pulsu tamen febrili; in paroxysmo verò admodum intensus. Ex hisce signis conclusi, latere febrem lentam, ex lymphæ, veneno Gallico infecta, originem ducentem, & usu portionum sudoriferarum commota, unde propinavi ægro vomitorium, a cujus usu hic reiciebat copiosa viscida & varia, cum insigni euphoria. Hinc præscripsi;

℥j. Salis Ammoniaci ℥j.

Exhibebam pro duabus dosibus, capiendo dosin ante paroxysmum.

Vel etiam

℥j. Salis Ammoniaci ℥ss.

Arcan. dupl. ℥j.

M. Pro

M. pro 2. dos.

Capiendo ante paroxysmum.
Respectu æstus verò ordinabam:℞. Salis Ammoniaci ℥ss.
Nitri sibiati ℥i.

M. pro 2. dosibus.

Quo pulvere aliquoties repetito cessabat æstus, paucis
restantibus symptomatibus.Postquam verò adhuc de novo conquereretur de ore
glutinoso & anxietatibus præcordiorum, iteravi vomito-
rium, & hinc præscripti:

℞. Spiritus Salis Ammoniaci ℥iii.

De quo bis in die gutt. 40. assumebat, & sanè hic egregiè
per urinam, quæ turbida crassaque apparebat, & cum sin-
gulari euphoria, operatus fuit.Unde omnibus symptomatibus evanescentibus, appeti-
tus adhuc nonnihil prostratus, & noctes inquietæ restita-
bant; unde pro absolvenda cura sequens ordinavi Deco-
ctum in affectibus Venereis optimum:

℞. Rad. Chynæ ℥ss.

Rad. lign. Sassafr. ℥i.

Rad. Liquirit. ℥vi

Santal. rubri ℥iii.

Concisa & infusa

in Aquæ comm. ℥vi.

Stent in Balneo Marie per noctem:

Manè adde

Pass. min. conquass. ℥iii.

Coqu. ad remanet. ℥iv.

De Colatura capiat bis quotidie, manè & à meridie,
addendo omni haustui tincturæ antimonii gutt. 40. Sic appe-
titus egregiè reddit, ita ut postmodum curam sudoriferam,
& ulteriorem luis Venereæ, perferre, & ab hac liberari
potuerit.

RESOLUTIO ALIA

DN. JOHANNIS ACOLUTHI,

VRATISLAVIENSIS,

B. DN. PRÆSIDE.

correcta

Anno 1679.

Exhibiti casus nostri historiam accuratiore indagine
perquirens, indice omnium symptomatum concur-
tu eò feror, ut morbum hunc febrium esse prolem, agno-
scam. Est autem ex *continuarum benignarum* genere, in
specie *Synocha seu continua periodica*, quotidiana mediocriter
auda appellanda, eò quod perpetuus quidem adsit paro-
xysmus, nocte tamen imminente semper exacerbetur,
adeoque certas periodos observet. Si studiosius legere
SYLVII vestigia sit animus; inter *synochas*, ab ipsa *lymphati-
cas* dictas, locum morbo nostro tribuemus; eo ipso pri-
marius simul *inbesionis* subiectum digito monstrantes,
quod lymphæ constituit; secundarium, cui febris hæc in-
hæret, subiectum massa sanguinea est, cruditatibus aci-
dis viscidis ex primis viis, & volatili acore in subiecto non-
nihil viscido inquinata; eandem labem perpetuo circu-
lo suo per universum corpus circumgyrans. Radicationis
autem subiectum ventriculum esse, in quo reverà, juxta
HELMONTII sententiam, sanitatis & morborum po-
siti sunt limites, certum est, à quo & originem, & pro
conservatione sui fomitem, vitium lymphæ, desumit.
Naturalis fermenti hujus digestivi energia præternaturali
sapore acido depravata, dum assumptos cibos debito per-
ficere modo non sustinet, quin in mucum plus minus vi-
scidum resolutos, & caractere acido-volatili morbofo
signatos, ad cæterarum digestionum transmittat officinas,
totius corporis succos, in specie tamen lympham
mendosam, constituit. Manifestum hoc ex eo est, quod
quavis vespere paroxysmus recrudescat, magnum, expe-
rientia teste, morborum ex lymphæ vitio oriundorum indicium,
quævis in hujus rei veræ rationis inquisitione cæcutire
nos hucusque voluerit natura. Fortè sub insensibili tran-
spiratione impedita, & irritatarum fibrarum crispatura,
copiosius expressi, & ipsi vitiose constituti, bilis & pan-

creatis latices (præsertim posterior, non quidem ex ob-
structione lateralium ductuum suorum à pituita, quæ
SYLVII est sententia, sub incertitudine magistra, plu-
rimis difficultatibus implicata, se ob fermentum pan-
creatis proprium, à lymphæ acidioris & ipsum corruptum,
acrior redditus) unà cum cruditatibus acidis viscidis pro-
grediuntur, activitate sua, in specie lympham, hacque
mediante massam sanguineam inficiunt, quæ sub hetero-
genearum particularum acido-volatilium accessum, pere-
grini hospitis impatiens, in imperuolas cietur fermenta-
tiones, intensissimum æstum comitem individuum ha-
bentes fermentum ventriculi, in muco viscido residens,
præternaturaliter acidum volatile, antequam remorio-
ra loca infestet, acrimoniæ statim suæ insensissima spi-
cula natali hospicio infigit, dum sensilissimum orificium
ventriculi sinistram acutis ejusmodi miasmatis pungens,
molestum adeo infert sensum, quem egræ nostra per præ-
cordiorum anxietates exprimit. Ventriculi autem tuni-
cas, dum molesta vellicat irritatio, idem sortis annexo-
rum intestinorum experiuntur parietes, aliis quoque
membranosis partibus in tædioso sensus consortium tra-
ctis, unde leves fibrarum nervearum, sive ventriculum,
sive intestina, sive membranas alias respicias, spasm-
enascens, horroris seu frigoris imaginem, mentiuntur:
qui rigor intenditur, quando sub hoc modo enarrato spal-
mobilis & lymphæ pancreatica uberius effusæ in intesti-
no tenui effervescent, & hoc ipso intestina magis irri-
tant. Æstus, dum igne suo contenta stomachi quæcun-
que quasi alcalifat, appetitus omnis perit, succedente
gravissima siti, ob inimicam ventriculo salium horum
texturam, sensum ejusmodi, ipsi oesophago & lingue
imprimentem, quem sitim vocare consuevimus. Huic
incrementa potius addere, quam suppressere eam lupu-
lata videtur cerevisia, quæ, quia non digeritur, quin
cruditates quasi nidorulentas in ventriculo occasionaliter
cumulat, à quibus ventriculus offenditur, hic illam nau-
seat. Idem æstus, dum universum corpus torret, salivæ
quoque humiditatem absorbet, unde viscidior & glutino-
sior reddita, non leves pro anxia siti stimulos addit. Ce-
phalalgia est per consensum ventriculi, & dubium est,
annon ferè quævis cephalalgia in febribus magis per con-
sensum ventriculi, quam capitis, sint per essentiam? Sub
inordinato autem contentorum corporis omnium mo-
tu spiritus animales nec secerni à sanguine debite, nec
elaborari & perfici in cerebro rite possunt, à quorum de-
fectu & virium inopia & artuum lassitudo dependet.

Signa horum omnium modò adductorum & pulsus &
urina nobis exhibent: hæc intensiore tinctura fermenti
acidi in massa sanguinea peregrini, ille celeritate & fre-
quentia nimia, impetuosi spirituum animalium motus, &
præternaturalis massæ sanguineæ rarefactionis, index.

Morbus hic egrè nostræ sine dubio, ex inordinata suc-
crevit diætæ, quæ cruditates variæ in ventriculo con-
gestæ, infelici tandem specimine emerferunt: non con-
ferente parum ad dispositionem pro facilius suspiciendo,
difficiliusque subjugando fermento peregrino, sanguini &
lymphæ introducendam, segnius fluentium mensium vi-
tio. Per hoc enim menstruo quovis spatio quæ excerni
debeant inutiles massæ sanguineæ particule, internè
eidem commixtæ manent, tanto aptiores ad fermentatio-
nem præternaturalem concitandam, quanto à laudabili
sanguinis crasi magis recedunt.

In ea tamen adhuc constitutione ægra nostra versatur
quæ impræsentiarum nil mali ominari jubet, quin rite
adhibitis remediis, exoptatam ipsi (rebus sic stantibus)
promittere possumus valetudinem, urina jam coctionis in-
choantis suggerente indicia. In eo tamen cautos nos esse
debet, ne benignitatis specie malignitas nobis illudat.

Consistet autem imploratum curæ auxilium in eo, ut

1. Fomes morbi, in primis viis hærens, remo-
veatur.
2. Fermentum febrile corrigatur & eliminetur; in
quo simul lymphæ correctio consistit.
3. Symptomata mitigentur.

Pro his scopis melius obtinendis necessarium omnino
videtur, venæ sectionem in brachio instituere, sanguine
menstruo non sufficienter antea excreto. Hæc, secundum,
SYDENHAM in *Method. curandi febres*, vomitorio præ-
mitti debet, ne venis, sanguine copioso turgidis, ruptura
aliquo in loco, imprimis pulmonibus, sub vomendi co-
natu superveniat. Habeatur tamen circumstantiarum
ratio. Hinc

Pri-

Primum indicationem vomitorio sequemur, idque in forma liquida, pro muco viscido eo melius educendo; cui digestivum tale premittatur:

℞. Arcan. dupl. ℥ss. ad ℥ii.

Antimonii diaphor.

Misc.

div. in 2. part. equ.

Præmissa venæsectione capiat unam manē ante prandium, alteram à meridie hora quarta. Vomitorium tale sit:

℞. Aquæ Menth.

Syr. emet. A.S. ana ℥ss.

Nicot. ℥i.

M. D. S.

Succus emeticus.

Capiatur sequente die manē cum regimine.

Mundificatis hæc ratione primis viis, & fomite morbo-
sissima eas delitescente, remoto:

Tertio scopo obtinendo manus applicanda, dum fermenti, eoque inquinatæ lymphæ in specie correctio aggredienda, idque per talia, quæ acidum absorbent, viscidum incidunt, acrimoniam temperant, & particulas massæ sanguineæ nocivas ac heterogeneas, quas natura duxerit, sive per diuresin sive diaphoresin educant, v.g.

℞. Aquæ Cichor.

Tarax. ana ℥ss.

Cornu Cervi sine igne,

Lapill. Cancr. præp.

Antibet. ana gr. xxv.

Spir. Nitri dulc. ℥ss. ad ℥i.

Syr. f. Papav. errat. ℥ss.

M. f. Potio.

cochlearium subinde haurienda.

Vel

℞. Solis Ammoniaci ℥ss.

Antibet. Poter. ℥i.

M. pro 2. dosib.

℞. Arcan. dupl. ℥ss.

Ebor. sine igne ℥i.

M. f. Pulvis pro 2. dosib.

Usurpentur manē & vespri.

IV. Symptomata, si à venæsectione & vomitu nondum remiserint, aliis remediis ipsam obviam eundum; v.g. pro Cephalalgia intensa:

℞. Succ. Caner. Ruviat.

Semperviv. mai. expr. ana ℥ii.

Nitri Antimon. ℥ii.

M. f. Epithema

fronti tepide applicandum.

Pro siti fallenda:

℞. Aquæ Ceras. nigr.

Rubidact. ana ℥ss.

Succi acetos. expr. ℥i.

Antimonii diaphor. ℥i. ad ℥ss.

Rob. vibium ℥ss.

Spiritus Nitri dulc. q. l. pro grato sapore.

M. S.

Potio pro siti fallenda.

Aut nitrum antimoniatum potui ordinario injicia-
tur.

In convalescentiæ statu pro ventriculi & reliquorum vi-
scerum tono roborando:

℞. Tinctura Tartari ℥iii.

Ess. Myrrh. ℥i.

Misc.

Dosis 40. guttulæ.

Vel

℞. Tinctura Tartari compos. ℥ii.

Spiritus carmin. de trib. ℥i.

Misc.

Dosis 30. gutt. bis de die.

Vel

℞. Elix. Propr. cum Spirit. Sal. Ammon. par. ℥iii.

Dosis 30. gutt. bis in die.

Hæc Deus benedicat!

CASUS XXXII.

FEBRIS CONTINUA LENTA.

Mulier sana, sed cui difficulter fluunt menses, negotiis domesticis occupata, neglectisq; dietam observans, corripitur Tertiana intermittente legitima, qua curata, brevè post antequam mensem exspectaret fluxum, gravida redditur. Graviditatis tempore uterque se habet, crebrius tamen, præsertim sub fine gestationis, percipit lassitudinem artuum insolitam, tendentemq; consumentem, cum cephalalgia intensa, &c. Enixò factu aliquot postea horis corripitur rigore aliquali cum insequente æstu, lochia naturaliter fluunt, cephalalgia intensa, & glutinosum; sitis nonnihil intensior, non post horrorem gravis inquieta, æstus intensus, cum præcordiorum angustis gravatis, sed intensissima cephalalgia, mu-
cus copiosus in ore, quem crebrius etiam rejicit: manē omnia quidem tolerabilia, ut & sequente die, cum æstu & siti moderatis; appetente tamen vespere omnia sensim exacerbantur, adeo ut nox insequens æque gravis ac antecedens contingat: sed appetente manē omnia, ut præcedente die, sensim remittunt. Medicus vocatus ægram nonnihil debilem, calore mediocrinaturali tamen intensiori, conflictatam offendit, continuo, haud tamen adeo acri ac mordaci, vespere quavis intenditur, & per noctis medium ferè intensus urit: pulsus hinc celer, frequens, magnitudine & vehementia moderatus, cerevisiam horret, urina crassa, turbida, fauces & lingua saliva copiosa & glutinosa madent, qualem & crebriore creatu rejicit. Urgetur Cura.

RESOLUTIO

DN. IOH. MATTHÆI MERCKELII,
ANNÆBERGENSIS;

à

B. DN. PRÆSIDE

correcta

Anno 1683.

Præfens, qui sub manibus hic nobis est casus, Febrem quotidianam continuam præ se ferre videtur, eamque, juxta omnium concurrentium symptomatum indicia, ex lymphæ vitio probatam, indeque cum SYLVIO simul Lymphaticam dicendam esse, nihil omnino dubito. Hæc quod ita sint, certum sit ex eo, quod ratione prioris quavis die certam suam servet periodum, & pro more lymphaticarum frequentius circa vespertinam exacerbari soleat.

Pars affecta, cui inhæret fomes mali, tota massa sanguinea erit, nec non cæteri humores corporis omnes, qui si salibus se invicem plus minus diversis turgeant, in concursu suo mutuam inter se, & subinde satis intensam, excitant effervescentiam, quod dum ita sit formaliter sic dictus paroxysmus febrilis inde resultat. Prout autem in subiecto viscidior hæret malum, aut ab acido plus minus acri dependet, nunc lentam, nunc acutam magis, inducit febrem.

His ita præmissis, ad causas nobis transeundum.

Prima igitur causa proxima materialis erit lymphæ acida & plus minus tenax, vitio seu defectu digestionis primæ genita, & ex primis viis, ceu fomite radicationis ferè omnium febrium, per vasa chylifera ad massam sanguineam vitiosè delata, in eoque peregrino suo sapore acido sanguinis motum fermentativum turbans.

Causa autem proxima formalis erit concitator spirituum imperus, quia à vellicatione acidi, in nervis excitata, dependet.

Causæ remotæ vices sustinere poterit partim dicta neglectius observata, partim etiam febris antegressa intermittens tertiana, minus exactè curata; sed fortè præmatu-
rè nimis præcipitantium aut absorbentium abusu impetus naturæ suppressus, indeque particulae quædam heterogeneæ adhuc relictæ motum naturæ fermentativum inhibentes.

Ac.

Accedit & his mensum difficilis subinde excretio, propter acidi præternaturalis visceris impedimentum.

Quantum ad symptomata: primò lassitudo artuum insolita, tendens, & contundens, causam aliam non agnoscit, quàm defectum & inordinatum plus minus spirituum motum, unde languor artuum, imò ferè omnis motus cessat. Tendens verò dolor & contundens adhuc aliud quid videtur tacite innuere, scilicet lympham motu suo tardiore in subiecto hoc nostro phlegmatico, uti videtur, partibus cæteris dolorem aliquem gravativum, & rensum inducere, quin & acore salso acri, quo abundat, partes extremorum nerveo-membranaceas vellicare, & obscure contundere. Cephalalgia verò intensa, febrium comes individua, ferè in hoc morbi genere videtur per consensum stomachi & primarum viarum oriri, uti hoc sæpius evacuato scilicet morbi fomite, experiri, & à posteriori colligere licet. Sitis affligens ordinariò febribus hisce lymphaticis juncta est, & causam aliam nullam præsupponit, quàm lympham falsedine plus minus scorbutica vitiatam: unde etiam glutinositas faucium, & muci copiosi in ore præsentia, crebriorque per sreatum ejusdem rejectio, dependent. Quibus & hoc accedit, quod calor febrilis, sub paroxysmi tempore satis intensus, omnem humiditatem absumat, & lymphæ motum tardiore hac ratione superinducat. Præterea ex eo quoque fonte deducenda nobis veniunt angustia precordiorum gravativæ, de quibus & nostra conqueritur ægra: Scilicet dum lymphæ, quæ juxta naturæ cursum ordinarium nihil omnino viscida nec tenax esse, sed potiùs cæteris humoribus præternaturaliter inviscatis pro vehiculo inservire debet, inverso, ut ita loquar, naturæ ordine, glutinosa ab acido plus minus viscido redditur, & hinc muci visceris instar partes internas obsidet, & vasculorum obstruit oscula, descensu quoque suo & pondere ex faucibus angustias precordiorum gravativas haud raro inducit, quas postmodum, ratione consensus, appetitus prostratio excipit & insequitur.

Cæterum pulsus celer, frequens, magnitudine & vehementia moderatus, nec non urina crassa, turbida, benè nos sperare jubent; quia & robur & luctam naturæ æquabilem adhuc ostendunt, & aliqualis coctionis signa, imò motum naturæ, atrociam morbi superantem, præ se ferre videntur. Morbus autem hic, utut non adeò acutus, propter symptomata prima fronte non ita atrocia, sed mediocriter urgentia, videatur; attamen quia lenta subinde solet esse hæc febris, & nunc magis nunc minus diuturna, adeoque nisi cautè curetur, modò in cachexiam, si nempe acuta magis nonnunquam fuerit, modò in hecticam, si scilicet lenta magis extiterit, terminari possit.

Curatio institui potest hoc modo.

1. Fomes mali, & inde dependens vitium digestionis primæ removeatur & corrigatur.
2. Lymphæ vitiosa constitutio, ex aciditate præternaturali dependens, temperetur.
3. Symptomata urgentia mitigentur.

Prima indicatio, ut opinor, commodè posset obtineri per evacuantia quævis, præcipuè verò per emetica; quia hæc ipsa citius longè ac immediatè magis, quàm reliqua purgantia, ventriculi vitium corrigunt, & recrementorum copiam evacuant.

Huic itaque scopo ut satis fieret, præmissis tamen aliquamdiu incidentibus sic dictis, uti sunt liquor terræ foliatæ tartari, nitrum antimoniatum, tartarus vitriolatus, arcanum duplicatum, sal ammoniacum, &c. nec non suo modo masticatoriis pro incidendo mucus in ore.

℞. Tartariemet. gr.iii.

solve in

Aqua Fumar. ℥ss.

adde

Syr. rubiidei ℥i.

M. D. S.

Succus emeticus.

Pro una dosi primò manè sumatur.

℞. Tartariemet. gr.iii.

Salis Ammoniaci depur. gr. viii.

M. f. Pulvis. S.

Pulvis emeticus.

Per inferiora.

℞. Mass. Pilular. de trib. Ruffi gr. xv.

Aurifulmin. gr. iii.

Scamm. præp.

Troch. alband. ana gr. i.

Cum l. q. Tinctura Tartar. compos. f. Pilul. no. xxx.

D. S.

Pilula purgantes pro una vice.

Pro secunda Indicatione obtinenda eò annitendum, ut vitiosum acidum, lymphæ quod subest, & eandem increasat, saturetur & visciditas ejus dissolvatur. Hoc ut fiat:

℞. Crem. Tartari, aut Tartari Vitriolati. ℥ss.

Corall. rub. præp. gr. xv.

M. div. in 2. part. æqu. S.

Pulvis dissolvens, mane sumendus.

Vesperi ante exacerbationem:

℞. Salis Ammoniaci depur. ℥i.

Antihect. Poter. ℥ss.

M. D. S.

Pulvis ante exacerbationem sumendus.

Huc etiam referri possent diaphoretica, & diuretica, sic dicta remedia ex antimonio diaphoretico, sale volatili succini, cornu cervi, liquore cornu cervi succinato, spiritu theriacali, sale absinthii, elixyr diuretico, tinctura tartari composita, spiritu salis ammoniaci cum calce viva, spiritu baccarum juniperi, syrupo cochleariæ &c. quæ inciendo & evacuando mucum viscidum, hoc in negotio, pro ut mihi persuasum habeo, multum auxilii afferre possunt.

De cætero mucus viscidus, in faucium cavitate hærens, ut eò citius & minori cum molestia promoveatur & excernatur.

℞. Aquæ hyssop.

Scabios. ana ℥ii.

Oxym. squillit. ℥vi.

Syr. de hyss. ℥ii.

Spiritus Sulphuris per camp. ℥ss.

M. D. S.

Potio dissolvens, sæpius cochlearim sumenda.

Pro gargarisatione seu oris collutione prodest cerevisia secundaria cum tantillo mellis rosati, vel aqua, acetum, & lapis prunellæ; vel infusum florum malvæ arboreæ in aqua communi, acidulatum cum paucis spiritu sulphuris vel salis, addito modico syrupi appropriati.

Cætera symptomata, quæ sunt effectus saltem & productum morbosum, sublata causa spontè cessabunt.

DEUS interim hisce clementer benedicat.

C A S U S XXXI.

FEBRIS LENTA SYMPTOMATICA.

Vir consistentis ætatis ex febre acuta & gravi, cum sine notabili materia morbosa evacuatione convalesceret, nullas verò diætæ regulas observaret, aliquot interjectis mensibus conqueri cepit de sensu doloris gravantis, & nonnihil lancinantis, in profundo abdominis circa umbilicalem præterpropter regionem, quem tamen negligit. Supervenit sensim sitis intensior, calor quidam præternaturalis, isque continuus, sed qui incertis vicibus subinde nonnihil exasperatur, appetitus deiecitur, corpus sensim emaciatur, sitis intenditur, abdomen paulatim intumescere videtur, liquida & varia per alvum deijcit. Hæc per aliquot septimanas, consueta munia obiens cum pertulisset, Medicum vocat, qui cum enarratis calorem percipit lentum, cum pulsu celeri, frequenti, parvo, duro, vehementi, tangenti abdomen circa loca dolorosa se offerunt vestigia tumoris mediocris, agrotatum fortiores; ob auctum doloris sensum, fugiente: urina intensius tincta, clara, fulgida. Medicus cum per aliquot dies tractasset ægrum, exasperatur dolor, intenditur æstus, æger inquietus & anxius evadit: supervenit tandem gravis horror totius corporis, qui æstu consueti permittatur, quem post tres horas excipit intensus rigor, totum corpus quatiens, per integram ferè horam, quo evanescente, æstus intensus supervenit, sensim ad solitum calorem lentum rediens. Accedunt his excreta tetra per alvum, fetida, varicolora; & nonnihil cruenta: urina autem emittuntur turbida, crassa, post horulæ quietem clarescentes, & copiosum sedimentum, crassum, album, seponentes, quod ad levem vitri agitationem subito dissilit, & hinc inde vago motu urinam imprægnat, eamque lacteam reddit. Sapor teter percipitur in ore, aliquot horis ab omni pastu intenditur calor, in vola manus præsertim perceptibilis. Urgetur Cura.

RESOLUTIO

CAUSA.

DNI. MAXIMILIANI PREUSSII,
VRATISLAVIENSIS,

Cum speciali discursu & Annotatis

B. D. PRÆSIDIS,

Censura & Emendationi subjecta

Anno 1676.

AFFECTUS.

Post diuturnam animi fluctuationem, ad quodnam morbi genus casus præsens satis implicatus pertineat, deprehendi tandem, commodè illum febribus hæcticis symptomaticis aggereri posse. Cujus rei suspicionem potissimum suggestit primo dolor gravans & nonnihil lancinans in profundo regionis umbilicalis, ubi mesenterium intestinorum involutionibus undique circumseptum, constitum esse autopsia anatomica docet,isque superveniens febris acuta sine notabili materia morbosa excretionis evanescenti, ut adeo non expers suspicionis esset de latente ibidem abscessu per metastasin materia febrilis collecto, ac fomitem febris denuò supervenientis magnam partem constituyente. Quamquam enim in ea non sum opinione, ac si tantillum febris præcedentis initium, quale forsân fuit, pro materia abscessus alicujus, longè copiosiori constituenda, sufficiens sit, quia tamen id ipsum a massa sanguinea imbibitur, non exiguam hujus partem in textura varie mutando in similem ipsi naturam recrementosam convertere, huicque associatum in loco quodam particulari latens ejusmodi ulcus formare potuerit, nullum mihi est dubium, præsertim cum ipsa observationes Practicorum, BARTHOLINICI Cent. 3. Hist. Anat. 48.: aliorumque non adeo rara experientia evincant, sæpius solutionem febrium per talem causam peccantis in quodam loco collectionem & successivam suppurationem contingere: de qua insuper nostro in casu certos nos reddunt, tum excreta per alvum nonnihil sanguinolenta, ac, ut videtur, purulenta quasi, tum emissa tandem in morbi cursu urina crassa, turbida, sedimentum album per exiguam matule quietem præbens, quod levi agitatione lacteo colore per totam urina massam diffunditur, signo sanè nulli, præterquam purulenta ejusmodi subsidencia proprio.

Secundo tandem loco augurium hosce de febris hæctica plenius confirmant signa omni & soli huic morbo solennia, calor scilicet levis, continuus, & periodicè exacerbatus, pulsus frequens, parvus, debilis, ac denique emaciatio corporis, his ipsis juncta; de quorum causis infra, ubi de symptomatum ratione formali ac cohæsiōe,

PARS AFFECTA.

Ex dictis apparet: fomitem affectus nostri potissimum esse mesenterium, hujusque imprimis duplicaturam; id quod persuadet ortus doloris cum hujus situ in medio abdominis profundo exactè coincidens, hinc & doloris conditio, obtuse scilicet afficiens, quali sensu mesenterium præditum esse ob copiosè interspersam pinguedinem oppido liquet, ita ut exinde derivari forsân possit causa, cur tarde adeo, post aliquot dènum mensium decursum à temopre convalescentiæ post febrim prægressam, anguis hicce sub herba latens vestigiis ac morfu suo se prodiderit: quippe tunc demum, ubi maturatio, & hinc distensio cum acrimonia illius majore molesta esse cœpit. Verum nec hicce focus fuit solitarius, quin potius symptomata quædam inferius declaranda una cum diata sobria post febrim neglecta, stomachum quoque in consortium ejus pertrahendum inculcant, quatenus hic etiam ob assumptorum ad fermentationem ejus, ex febre satis adhuc hebes, minus proportionatam conditionem, chylum nonnihil nidorulento viscidum exhibuit, qui massæ sanguineæ, tanquam subjecto inhaesionis, commixtus, ea quod huic ob adversam aptitudinem non facile assimilari potuerit, hujus consistentiam ac fermentationem aquabilem admodum turbavit:

Cui successivè supervenientes tandem, caractere febrili activo magis insignita, particula abscessus latentis, resoluta sensim, & a venis mesenterii capillaribus absorptæ, sociata cum illo opera febrilem effervescentiam, lentam tamen ac lenem, in massa sanguinea excitavit ac sustentaverunt: atque adeo fermenta hac purulenta febris nostra causa occasionalis, & juxta cum chylo vitiatò, efficiens proxima extiterunt.

SYMPTOMATUM CUM CAUSIS
CONNEXIO.

Symptomatum ratio ex præmissis modò facile deduci poterit. Ac quidem dolore profundo circa regionem umbilicalem superius dictum. Tumor tamen huic tandem iunctus ex majore materia contenta, dum suppurationem subiit, dispersione nisi & per consensum doloris introducta intestinis crispatura spasmodica, profectus videtur, tactum fugiens nonnihil ob communem hujus cum omnibus abscessuum generibus sensibilitatem dolorosam. Appetitus dejectus ex cruditatibus stomachi viscidis, ac propter acidum huius, ratione febris præcedentis deficiens, adhuc plus minus nidorulenti, concurrente eò diata inobservantia, commodè derivari poterit. Ex appetitu labefactato, quod ordinariū ferè esse solet, suis intensio secuta est, propter contrarium sal alcali in stomacho sic emergens, contribuentem tamen simul symbolum suum salivæ ex chylo viscido oriunda for sanguinositate. Calor lenis ac continuus originem duxit partim ex fermento febrili purulento, cum sanguine ex abscessu refluò, partim ex chylo cum lymphâ viscidiorè sanguini infuso, quæ ambo heterogeneitatis suæ respectu massæ sanguineæ motum fermentativum præternaturalem induxerunt; qui tamen impeditus nonnihil à lentore chyli commixti, particulas activas plus minus irretiente, & in activitate debita retardante, nonnisi lentus esse potuit, paulum vero post pastum exacerbatus semper, quoties tunc chyli novi accessu novum quasi oleum ipsi affusum turbas repetitas denuò exsuscitavit. In eo saltem informari cuperem, cur in vola manus is potissimum perceptibilis fuerit? Pulsus phenomena ex eodem pariter fonte ac calor deduci possunt; utpote qui frequens apparet ob sanguinis depravatam fermentationem; parvus, oburgescentiæ hujus minorem ratione visciditatis; durus ob tensionem arteriæ maiorem, ratione præsentis in mesenterio doloris; vehementis ob cordis validam adhuc contractionem; celer ob eiusdem crebriorem ad systolen irritationem. Excreta alvi liquida vari colora hoc loco debentur ex una parte chylosi visciditatis non paucis, ob tenacem substantiæ ipsorum glutinositatem cum feculentis ordinariis firmitus, quam ut secerni exactè possint permixtis; ex altera vero bili, succo pancreatico, aliisque depravatis massæ sanguineæ succis, in colore diuersimodè mutatis, ac simul ad intestina confluentibus, quorum excretorum fœtor, tamen & cunctatio ultimis temporibus eueniens, ex abscessu tandem rupto & erosione aliquali subiacentium vasculorum sanguiferorum, hincque puris copiosa & sanguinis modica iis permixtione, derivari non ineptè potest. Rupturam enim abscessus illius tandem contigisse, suspicionem præbet, præter dicta excreta, alvi sanguinolenta, & fœtida præter urina phenomenon superius adductum, præter saporem tetrum in ore perceptum à pure, procul dubio lymphæ, & consequenter sanguinis immixto; superveniens tandem cum his subitanea omnium symptomatum exacerbatio, doloris scilicet & astus intensio, sub extrema distensione abscessus, rupturam tentantis, adeo quidem, ut in consensum cum membranæ & plexu mesenterii pertractis aliis partibus membranaceis, ex horum spasmo inde producto ingens horror totius supervenerit signum rupturæ abscessuum quoruncumque admodum familiare; sub qua tensione spasmodicâ cum ruptum forsân, & in vasa sanguinea maximâ partem tractum fuerit coacervatum pus, hoc in illis novas excitando turbas, insignem sanguinis effervescentiam, ac inde corporis incalcescentiam produxit; cumque simul ob plenitudinem & crassitiem aliquantè palmones non adeo libere permearet, ad inquietudinem & anxietatem præcordiorum, quæ tamen ex viscida infarctione partim quoque profecta, haud parùm contulit, hæcque postmodum repetierunt, quoties nova materia purulenta massam sanguineam subiit. Non enim omnis illa una vice ex matrice sua in massam sanguineam profusa fuit, quia nec omnis una vice maturata; siquidem constat, abscessus quoscunque successivè & quoad superficiem partis accumulata semper prius maturari; sicut exinde le GRAND in Institut. Philosoph. P. 6. Artic. 5. suspicetur, paroxysmos & typum februm

brum recurrere, prout citius vel tardius materia febrilis in parte quadam detenta maturatur. Id quod equidem pro illustratione nostrica sus aliquid facit, utpote in quo materia ad suppurandum apta adest: an tamen talis in aliis quoque febribus, ut ille vult, adsit, ac proinde in iis quoque suspicio hec locum habeat, nolim ego determinare, nisi contingens forte resurrectionem, aut mediante motu intestino diffusionem particularum fermenti febrilis (si tantilli corporis minores adhuc partes concipere licet) pro maturatione ejusmodi successiva habere quis velit. Emaciatio denique corporis non potuit non causas hujus morbi proximas concomitari; siquidem impossibile chylum nidorulento-viscidum, ac a puris fermento febrili & corruptivo præterea inquinatum, massa sanguinea, & per consequens partibus corporis reliquis, assimilari rite ac sufficienter præsertim cum in super haud exigua ejus portio facibus artius adhuc permixta, & ex sanguine ad intestina iterum amandata per alvum excreta fuerit.

PROGNOSIS.

Ut tandem Prognosis hujus affectus formemus, sciendum omnem hæcticam esse morbum satis periculosum, extirpatione difficillimum; quod fatum commune igitur & nostrum quoque ægrum manet; ejusque morbum in specie graviores reddit fomes ejus internus, abscessus scilicet mesenterii, cui febris hæctica symptomaticè supervenit, cum qua ab interna causa originem ducit hæctica, reliquis semper curatu difficilior observata fuerit.

Ex adverso tamen spes cura ideo promittit, quia nondum adeo inveterata est, nec in corpore senili, sed consistentis ac optima ætatis, quodque præterea spontaneo natura motu abscessus ruptura & puris magnam partem per urinam & alvum excretio jam contigerit: quanquam subitanea adeo restitutio cum ex numero morborum chronicorum sit hicce affectus, non sit expectanda, sed lenta saltem ac successiva.

CURA.

Curam quod attinet: Indicationes sequentes in ea locum habent:

1. Abscessus ruptus mundificetur, promovendo ulteriorem ac plenariam puris ex eodem evacuationem.
2. Mundificatus is consolidetur per vulneraria & sudorifera.
3. Stomachus evacuetur a cruditatibus nidorulentis.
4. Eiusdem digestio debita restituatur per incidentia & acidula.
5. Fermentum febrile e corpore eliminetur, ac massa sanguinea textura & fermentatio æquabilis restituatur per diaphoretica & antifebrilia.
6. Corpus impinguetur per dietam probe nutriendam.

Pro obtinendo igitur primo & tertio scopo vomitus conveniet, quin instituat sequenti pulvere.

℞. Tartari emet. gr. iiii.

Misc. cum duplo sacchari,

& sic propinetur.

Quibus pro primo scopo vomitus, quanquam egregie materiam purulentam e sede sua promovens, non sufficit aut arri-det, applicare possunt clysmata v. gr. ex lacte, in quo terebinthina dissoluta; clysmata enim materiam abscessus mesenterii ad intestina egregie allicere, per experientiam Practicorum constat, quamvis per quas vias idem contingat, non æque in propatulo sit.

Præterea si jam natura viam sibi formaverit per urinam, non incongrue dari posset diureticum aliquod, e. g. spiritus sulphuris terebinthinatus ad gutt. xx. qui simul etiam secundo scopo, consolidationis puta, satisfaceret: quam tamen præter hunc egregie promovent Martialia liquida, tinctura Martis ac imprimis tinctura antiphthisica, Quibus tamen continuato nonnihil usu, non cedunt potiones vulneraria ex decocto alchimilla, pyrolæ, sanicula, &c.

Pro quarto scopo vel solus cremor tartari sufficeret; potest tamen in super spiritus aliquis acidus, v. g. spiritus vitrioli ad aliquot guttas, vel spiritus salis dulcis, semper ante pastum assumi. Alias quoque pro scopo hoc non inconcinna essent tartarus vitriolatus, sal ammoniacum, spiritus carminativus de-tribus &c. v. g.

In forma sicca.

℞. Tartari Vitriolat.

Salis Ammoniaci ana ℥j.

M. f. Pulvis pro duabus dosibus.

Informa liquida:

℞. Aquæ fumar. ℥jss.

Spiritus carmin. de trib.

Salis dulc. ana ℥i.

M. D. S.

Potio pro 2. vicibus.

Pro quinto scopo conveniunt Antihæcticum Poterii, cinabaris antimonii, antimonium diaphoreticum, spiritus salis ammoniaci, spiritus tartari, sal volatile viperarum, tinctura bezoardica; v. g. in forma sicca:

℞. Antihect. Poter. ℥ss.

Cin Antimonii ℥j.

M. f. Pulvis: S.

Pulvis sudoriferus.

Informa liquida.

℞. Aquæ Menthae ℥j.

Spirit. Sal. Ammon. vel Tinct. bezoard. ℥i.

Salis vol. viper. gr. xii.

M. f. Potio.

Expectetur sudor.

Pro sexto scopo convenit dieta succulenta, imprimis ex lacte, speciatim asinino, carnibus pullorum & vitulorum, amygdalis, pineis, pistaceis &c. quæ ipsa per aliquod tempus continuentur.

Sic enim his rectè adhibitis, symptomata omnia sponte cessabunt, atque sic, cura concludi poterit.

D. S. S.

DISCURSUS & ANNOTATA

B. DNI. D. PRÆSIDIS.

Morbus est ex genere febrium lentarum, & tandem hæcticarum, earumque symptomaticarum abscessui in viscere quodam interno latenti supervenientium. Nempe in historia morbi duo tempora distincta observantur;

1. Tumoris in abscessum abeuntis, seu dum successivè suppuratur, & conjunctam habet febrem lentam.
2. Abscessus jam facti suppurati, & simul comitem trahit propriè dictam febrem hæcticam.

Oritur ergo hicce morbus ab abscessu in mesenterio collecto, hinc febris lenta, post hæctica. Ubi in antecessum monendum, quò fiat, quod tumor hic, cum ceu suppurandus necessariò inflammationem comitem adsciscat, (nam etiam coagulatum lac non nisi inflammatione superveniente suppuratur,) non acutam accendat febrem? Responsio est facilis; quia nempe tumor ac inflammatio hoc in casu non hæret in parte adeò sensili, nec adeò copiosis vasis sanguiferis minoribus instructa; unde sine adjuncta febre acuta suppuratio absolvitur; qualem tamen pleura inflammata, ad suppurationem abiens, semper conjunctam habet: mesenterium enim minus sensile est propter pinguedinem, & minus instructum est vasis capillaribus; & ut ramos majores vasorum obtineat, illi tamen in intestinis demum in vasa capillaria abeunt. Cæterum materia tumoris non dependet a fermento febrili, sed a succis sub cursu febris acutæ enatis: unde in abscessibus his & supervenientibus febribus semper ad conditionem partis simul respiciendum: nempe sicut intermittentium, ita etiam in omni febre benigna, & hinc in declinatione malignæ, ordinariè materiæ coctio supervenit, quæ separata & præcipitata, quia a fermento febrili prius vitata, excernenda est, per quasunque fieri potest vias; unde & succi hi, sub fermentatione febrili separati & præcipitati, materiam constituunt tumoris, alias ex corpore eliminandam. Materia autem hæc rarò præexistit in ægris ante febres; sed subinde fit sub cursu febrium, quatenus fermenta peregrina massam sanguineam reliquosque succos alterant & corrumpunt, quæ præcipitata, materiam concoctam constituunt. Monstrat hoc natura sub moribus criticis, quæ excernit materiam, sed nonnisi coctam; si tamen secretio & excretio hujus materiæ non fiat, sed intra corpus eadem cum reliquis succis confusa hæreat, tunc aut recidivam parit, vel eadem materia retenta, & tandem in loco quodam corporis interno transcolata affigitur, ubi hostili sua præsentia, ceu spina

spina quædam præfens infixa, doloris, tumoris, inflammationis, & suppurationis causa est; quale quid & nostro egro quor que colligit.

Quæritur autem: qua ratione distinguenda sunt pus, genitura, & succus chylosus crudus, pituitæ nomine aliàs veniens, in urina? Vid. HEINRICUS ab HEER *Obs.* 10, lib. 1. Scilicet in gonorrhœa, tam benignæ quàm virulentæ, principio, genitura urinæ supernatat instar cremoris alijus, nisi magnam virulentiam nacta sit; contra pus & pituita fundum occupant; pus ad levem vitri motum mox dissiluit, & per totam urinam inordinatè vagatur, eandemque imprægnando *lutescentem reddit*, quiescente verò lotio subsidet; sicut tandem pituita motu spirali cum urina *circumgyratur*.

Pars igitur, in qua fomes morbosus latitat, scilicet *Pars affecta* ægri nostri, ratione abscessus & tumoris est mesenterium; ratione verò febris lentæ adjunctæ massa sanguinea & spirituum exercitus primariò consideranda veniunt.

Quoad Causas, tam proximas quàm remotas; præsupponendum, quod in omni morbo spiritus seu partes primò viventes, adeoque etiam primò ægrotantes, considerandi sunt: quia, sicuti spina cadaveri infixa, ob illorum absentiam nec dolorem, nec tumorem, nec inflammationem, nec apostema parit; pari ratione spina mesenterio infixa præsupponit spirituum motum & impetum. Ergo hi erunt causa proxima efficiens; sicut materialis seu occasionalis alia est proxima, alia remota.

Causa proxima materialis, movens spiritus ad hos impetus, sunt fermenta purulenta salinæ naturæ. Salinæ nempe heterogeneæ factæ particulæ (cum omne pus sit salsum,) massæ sanguinæ motum fermentativum æqualem turbando, eamque impuram agitando, febrem talem lentam & postmodum hecticam, induxerunt. Ubi tamen fermenta illa sunt consideranda vel in fieri, vel in facto esse: nam in illo statu, dum abscessus ad suppurationem pergit, prædominatur adhuc acidum, adeoque fermenta sunt naturæ salino-acidæ; ast ubi jam factum est pus ex alcali & acido in subjecto pingui paulò viscido, emergit salsum, unde in facto esse fermenta erunt salia, sed magis viscida: unde febrem non acutam, sed magis lentam, inferunt.

Causa verò remota sunt partim recrementa morbosa (seu producta morbosa, a fermento febrili sub cursu acutæ febris prioris relicta) partim cruditates in primis viis, tam ex fermenti digestivi minori activitate, quàm ex læsa diætâ, in ægro à morbo acuto adhuc debili, genitæ, magis magisque; fovêtes febrem, naturalem motû sanguinis & spirituum sufflammando; unde & cruda & viscida excrementa collecta, & motus naturæ, recrementa febrilia restantia eliminare intendentis, turbatus fuit. Nempe nil magis reconvalescentes post morbos acutos ad chronicos disponit, quàm læsa diætâ, speciatim excessu si peccent.

Hinc enim ratio quoque petenda, qui fiat, quod ab acutis morbis reconvalescentes subinde tam diu debiles sint? imò non rarò chronicos morbos, v.g. cachexiam, hydropem, febres intermittentes, tumores pedum œdematosos, &c. incurrant? *Resp.* Nimirum quadruplex causa subest. Vel enim

(1) *Fæculentiæ morbosæ* non sufficienter motu naturæ spontaneo, vel medicamentorum ope, evacuantur; unde reliquæ quædam successivè sub cursu morbi acuti ex massa sanguinea degeneres factæ, in corpore adhuc resitant, quæ puritatem contentorum postmodum turbant, & interdum debilitatem, interdum morbos chronicos, inducunt.

(2) Observandum, quod alteratio quædam insignior in morbis acutis inducatur, vel succo cuidam corporis nostri primariò imprimatur, vel tandem labe quædam visceri cuidam profundius impressa, eiusdem functionem lædens, affricata est. Quoad alterationem in succis; ingens dyscrasia oritur, unde ægri vel chronicis morbis obnoxii, vel debiles fiunt. Quoad labem; facile fit, ut, si non ulcera, saltem tumores & oppilationes in visceribus fiant, ratione quarum morbis chronicis obnoxii fiunt: Hinc post pleuritidem v.g. aut peripneumoniam sæpe ulcus pulmonum & phthisis sequitur; ex vitio verò felli inducto ad hydropem, icterum, &c. disponit.

(3) Diætâ uberior & voracitas post convalescentiam

nil enim magis nocet, quàm uberior diætâ, quia fermentum enervatum est sub cursu morbi.

Pari ratione

(4) Perversus quorundam medicamentorum in acutis usus disponit reconvalescentes ad chronicos morbos; quorum prima classis est abusus terreorum & fixorum antimonialium, partium animalium durarum calcinarum, coralliorum, &c. quæ copiosius aut crebrius sub cursu morbi ægris propinata tardissimè eos reconvalescere faciunt; magnam enim vim fermento stomachi digestivo inferunt, illud obtundendo.

Hoc imprimis intelligendum est de magisteriis largiter propinatis, quia sunt calces mortuæ & saltem in stomacho hærentes incrustant eum, fermentumque extinguunt. Altera remediorum classis est abusus acidorum, & imprimis vitriolaceorum, quæ ordinariò solent destruere & obtundere sal volatile massæ sanguinæ & bilis, quo facto, massa sanguinea in suo motu fermentativo iners redditur; nec bilis secretioni chyli à fæcibus sufficit, unde ægri difficillimè reconvalescunt. Hæc ergo Medicos commonefaciunt, ne abutantur duplici horum remediorum in acutis genere, præsertim cum & eadem fixa antimonialia in intermittentibus copiosius usurpata convalescentes interdum diu debiles relinquant, imò hi pedes œdematosos incidunt. Medium ergo ex his servandum. Observavi quippe ob abusum salium fixorum, v.g. in intermittentibus, ægri licet convalescant, tamen diu debiles manent, cum appetitu prostrato, & interdum œdemata; pedes accipiant; ut adeoque nec nimis crebrò, nec copiosè, dictis, nisi salibus volatilibus vices eorum suppleamus, aut iis dicta maritemus, uti debeamus.

Dolor apud ægrum erat obscurè lancinans & gravativus propter partem obscurè sentientem.

Ægri in febribus lentis ordinariò conqueruntur de minore humectatione faucium; utut enim lingua sit humida, non tamen est sufficiens, nec saliva glutinosa sufficit diluendis faucibus, hinc tanquam molesta hæret in faucibus, sicque sitim infert.

Appetitus dejectus tam ex cruditatibus ventriculi viscidis, quàm spiritibus animalibus affectis, oritur; hi enim ubi plus minus afficiuntur, plus minus etià appetitus urget.

Porro in his febribus lentis ordinariò est, quod, utut à pastu æqualiter calecant ægri ab aliis contrectati, in volis tamen manuum iidem per se calorem intensiorem percipiant; cuius rei causa probabilis est, si alicui conjecturæ indulgendum, quod in volis manuum organon tactus sensilius & tenerius sit; hujus suspitionem suggerit titillatio, quæ teneritudinem organi tactus, adeoque sensilitatem sequitur. Quippe tria loca in corpore humano præ cæteris titillationem sentiunt, nempe volæ manuum, hypochondria, & plantæ pedum; in plantis pedum tamen interdum minus urget, quia ferè callum obduxerunt; in tenerioribus magis. Iam quæritur: in quonam hic sensilior tactus consistat? *Resp.* Respiciendas esse papillas illarum nerveas in extrema cure tactum constituentes, quæ in volis manuum & plantis pedum, ubi nervorum extremitates sunt, peculiarem structuram & conformationem habent. Interim in quonam præcisè harum papillarum conformatio specialiter consistat? latet adhuc.

Consideremus jam in primo morbi tempore excrementa varia præternaturalia, in secundo færida. Quoad excrementa præternaturalia: in his ad vitiosam chylosin; bilem præcipuè plus minus inerrem, ejusque vim alterantem, præsertim respiciendum: quia bilis est instrumentum, quo secernuntur fæculentiæ à chylo, & chylus perficitur. In nostro ægro ex febre ardente & neglecta diætâ bilis minus oleosa & volatilis, sed iners existit, quæ concurrens cum ipsis recrementis & cruditatibus primarum viarum, varias reiectiones efficit. Quoad excrementa verò færida, sub secundo morbi tempore se manifestantia, & purulenta: sanè fœtor ordinariè in corpore humano comes est putredinis, nunc inchoatæ nunc confirmatæ. Scilicet putredo fit ex motu minimo, quæcunque corpora materialiter constituentium, quando nempe destructo acido actio salis volatilis urinosa agit in pingue; sicut contra fermentatio oritur à prædominante acido in urinosum: unde quando sub actione hac pingue ab alcali urinoso volatili dissolvitur, oritur alteratio illa in odore, quæ vocatur fœtor; qui ed intensior est, quò

quod magis acidum nonnihil occultum accedit. Testantur hoc naturalia: Sic enim semper, quoties alcali in subiectum pingue sulphureum agit, si hoc radicibus dissolvatur, fetor emergit: Sic ex animalium partibus carnis, licet inodori, si tractentur per ignem, aut assentur, ubi urinosum volatile exsuscitatum incipit agere in pingue, resolutum ab igne, provenit fetor, quia vocatur empyreuma: Sicut etiam hinc derivandum, cur vegetabilium purgantia sordes eliminatas adeo maxime foetentes faciant, quale tamen quid nec antimonialia, nec Mercurialia, per inferiora purgantia, procreant; in vegetabilibus enim acre istud volatile urinosum colliquat, & ad putredinem disponit succos excernendos: unde in febribus, præsertim malignis observantur subinde sordes alvi foetentes, quæ habendæ sunt pro pessimo omine, ut & urinæ foetidæ, indices nempe certi inchoatæ putredinis, colliquescit enim & deficit virtus in corpore balsamica à spiritibus derivata: Non secus pus laudabile minus foetet, quia est concretum salum viscidum, concurrentibus alcali & acido cum pingui in æquali dominio: contra pus foetens deterius magis est, alcali enim in pingue actionem, & acidi simul aliquam activitatem, indeque inæqualem horum principiorum motum insinuat, unde de putredinis ob alcali dominium majori progressu metuendum. Hinc abscessus nimis foetentes ad gangrænam vergunt: in omni autem gangræna viget actio urinosi in pingue, destructo acido; unde præcaveretur & curatur gangræna per acida, unguentum Egyptiacum &c., Sicut sphacelus, ne ulterius serpat, præcaveretur per acida, v. g. butyrum antimonii, oleum vitrioli cum amygdalarum dulcium oleo mistum, &c. Fetor ergo in hoc casu est signum abscessus rupti, & puristaliter constituti, ubi urinosum agit magis in pingue, & ubi ulcus sordidum imminet. Quando vero abscessus in corpore sponte sua rumpere vult, infert ægro horrorem; sicut ruptus rigorem in membranaceis partibus conciliat. Hinc secundum HIPPOCRATEM, ubi suppuratio abscessus intenditur, ibi maior dolor & febris, &c. Quo magis ergo cruciat abscessus, eo promptior speranda est suppuratio, & postmodum apertio. Quotiescunque vero abscessus rumpuntur, horror & rigor, & hinc æstus, sed transitorii, solent supervenire. Membranae autem secundum Croon de Motu Muscul. omnes sui habent connexionem tandem cum membranis cerebri, tanquam matre communi omnium membranarum; hinc conspirant per spasmos continuatos, Quodsi autem partium internarum abscessus rupti sanguini permiscetur, anxietates inducit, & nunc per urinam, nunc per alvum, & alia loca, pus evacuatur, uti observavi id in Pleuritica, diarrhœam purulentam passa, contigisse hoc. Sed quando puris major fit cum sanguine commissio, ex puris injuria, speciatim empyici, interdum subito moriuntur, pure scilicet cum sanguine ad thalamos cordis delato, sicque hujus motum fermentativum sufflaminando suffocationem infert.

PROGNOSIS.

Quoad Prognosin; ea est anceps: Ab una enim parte salutem promittunt ætas ægri consistens, morbus recens, & naturæ motus pus evacuantes; ab altera vero metus subest, ne, si abscessus mesenterii non rite mundificetur, ulcus foetidum depascens emineat, phthisin seu tabem lethalem post se, sicuti ulcera partium internarum omnia, trahens; imò ne à pure in mesenterio ramus aliquis insignis erodatur, sicque profusio sanguinis lethalis superveniat: Adhæc ægra modo surrexit à morbo acuto, malum hoc contraxit ex imperfecta excretionem materię peccantis, & inordinata diætâ, hinc massæ sanguineæ insignem alterationem & depravationem, imprimis verò visciditatem, inertiam, & deficientem motum fermentativum contraxit: quæ omnia periculosum reddunt morbum.

CURA.

Quoad Curam verò, cum abscessus hic mesenterii ab acuta febre male soluta, adeoque ex deficiente materię morbozæ excretionem, natus sit, ideò in Cura.

1. Similis abscessus in reconvalescentibus ex morbis acutis, & ne hi in morbos chronicos delabantur, præcavendus.

2. Factus abscessus vel tumor saltem curandus.

Fontes, ex quibus morbi chonici post acutos invadant, am dicti sunt, quando v. g. aliquod eliminandum remanet; hinc ratione præservationis in declinatione

Essmuller. Oper. Tom. I.

morborum acutorum, si quid producti morbozi vel materię coctæ eliminandæ retentum sit, vel per sudorem, vel alvum, vel per urinam, evacundum. Verissimum siquidem est, nullam febrem solutam tutam esse, nisi in fine sudor universalis supervenerit. Si ergo supervenit, bonum est; sin verò non, & tamen in urina sæculentia præcipitata hæreant, ne ab his nova noxa fiat, vel per urinam evacuatione fiat, vel etiam per sudorem, vel per blandum tandem laxans intestina stimulentur, ut sic concitatio reddatur sanguinis motus, & per pancreas vicinaque loca recrementa morbosa restituta removeantur. Quodsi verò alteratio quædam insignior succorum aliquo corporis nostri sub cursu morbi contigerit, vel à causa morbifica, vel etiam ex abusu fixorum terreorum, vel acidorum, bilem figentium, adeoque visciditas bilis & inertia fermenti stomachalis & succorum corporis nostri lateat, tunc pro horum alterationibus corrigendis maturè usurpanda veniunt remedia salina temperata, nonnihil spirituosâ: Observando simul, an magis necesse sit, stomacho succurrere? quo in casu conveniunt acida blanda cum aromaticis remixta, elixyr proprietatis sine acido, & cum eo, itemque album istud Helmontii per circulationem paratum, item tinctura tartari, tinctura antimonii ex scoris, liquor terræ foliatæ tartari, isque vel solitariè, vel cum dimidio spiritus salis ammoniaci mixtus: an verò bili potius calcar addere, cujus ratione amara, & salina volatilia magis locum habebunt; v. g. ex absinthio, centauro minori, junipero, roremarino, mentha, &c. parata; hæc enim omnia in declinatione acutarum & præservatione morborum chronicorum locum inveniunt.

Tandem

3. Sin labe quædam aut noxa visceris cujusdam interni post acutas, ex læso ejus tono remansisse videbitur, tunc remedia Martialia, blandè adstringentia, & in forma tincturarum, aut solutione liquida, ut tinctura vitrioli Martis Zvvelferi, item solutio Martis cum succo pomorum, nec non Vina Martialia, conducent: quippe his ipsis robur visceribus, iterum conciliatur.

Quoad Curationem; duo tempora distinguenda esse, monitum fuit. Hinc in cura subministrantur Indicationes, tam curativæ affectuum, quàm præcavitæ, imò etiam vitales virium, causarum.

Inter Indicationes præservativas respectu causarum:

1. Primæ viæ à cruditatibus obsidentibus vindicentur, vel per vomitoria, vel per blanda purgantia.
2. Digestio prima stomachi integra conservetur, vel per diætâ blandam, vel stomachica remedia.

Inter curationem ratione affectus autem distinguenda erunt ante omnia ista tempora in nostro ægro, quorum primum est, quando tumor in mesenterio hærens, tendit ad suppurationem:

Ubi

(1) Tumor congestus attenuetur.

(2) Materia ejusdem, quorsum vergit naturæ motus, per illas vias eliminetur.

Iam verò tumor in mesenterio resolvitur & attenuatur, tam per interna, quàm per externa. Inter hæc excellunt interna & externa. Externa optima erunt gummata, ut galbanum, ammoniacum, & suo modo mastix: quæ omnia turgent sapore acri amaro, & sub ignis tortura copiosum oleum penetrans amarissimum reddunt: Constant ergo sal volatile oleoso acri, ratione cujus salis penetrantis successive attenuatur & resolvitur materia tumoris congesta. Quibus pro stimulo addenda nicotiana & cicuta, tumores duros emollientia, cum & ipsa nicotiana ob suum sal acerrimum in Decoctis prolit. Imò hisce simul addendus est Mercurius vivus, mirabiliter penetrans & emollientes tumores duros, & ad sui discussionem disponens: Nam & plantis pedum is illitus, etiam caput petit, unde emplastrum de ranis Vigonis cum Mercurio vivo, idque tam ordinaria, quàm duplici portione constans, tam nobile est in resolvendis viscerum tumoribus & scirrhis incipientibus. Equidem Mercurii usum vulgus horret, at sine ratione; novi enim diurnas cephalalgias ex pituita acida hoc emplastro sublevatas: in splenis enim tumore & infarctu ejusmodi emplastrum externe applicatum omnibus aliis emplastris spleneticis palmam præripit; unde ad imitationem Vigonis, si Mercurius vivus, non autem juxta ZWELFFERI curiosi-

Fff

tatem

tatem Mercurius præcipitatus, reliquis discutientibus emplastris addatur, pro tumoribus discutendis, feliciter effectum sperare possumus, præsertim in locis glandulosis, quorum visciditates & heterogeneitates inhærentes mirabiliter dissolvit, & in forma salivæ easdem evacua-biles reddit: id quod in lue Venerea conspiciere licet. Insuper his adnumeranda olea destillata foetida, ut oleum tartari foetidum, gummi ammoniaci, lingni guajaci, & sim., quæ subinde quidem abijciuntur, sed malè. Hæc quidem si sola illinuntur, insigniter foetent; si verò cum ejusmodi emplastris immisceantur hæc, egregii usus sunt, nec adeo horrida minusque foetida sunt, imprimis si super cornu cerviustum tectificentur. Hæc ergo emplastra exinde parata, v. g. emplastrum de ammoniaco Quercetani, emplastrum de ammoniaco cum cicuta Sennerti, emplastrum carminativum Sylvii, &c. malaxata cum oleis destillatis, vel etiam cum oleo Philosophorum, loco affecto pro tumoribus duris resolvendis internantur. Quibus si admiscetur Mercurius vivus, & hinc oleum tale pro malaxatione additur, sperare possumus effectum longè potentiorum.

Inter internæ ressolventia maximè excellunt tartarea alcalina, tinctura tartari, ex detonatione nitri & tartari calidè extracta, liquor terræ foliatæ tartari, spiritus tartari volatilis, & similia salia volatilia, quæ omnia resolvendo, externis remediis adjumentum afferunt. Tandem hisce pro evacuandi & simul emolliendi scopo addatur Mercurius dulcis, qui vel solus, vel cum extracto heilebori nigri ad ℥j. aut cum massa pilularum de ammoniaco Quercetani, ad gr. xv. ℥j. imò ℥ss. mistus, etiam potest adhiberi, ut sic simul emolliatur tumor.

Quodsi autem his ipsis adinistratis non dispereat tumor, & symptomata ingravescant, sed tumor speciatim accrescat, dolor fiat intensior, & pulsationis sensus manifestior, tuncque signum est, tumorem non discussum iri, sed tandem ad suppurationem tendere, adeoque blandis alcalinis & oleosis humectantibus, & emollientibus vulgò dictis, naturæ motus ad suppurationem promoveatur: inter quæ nil melius est terebinthina, cujus vel oleum umbilico illitum, vel ipsa terebinthina emplastri forma imposita, ad faciliorem suppurationem disponit. Interim febris lentæ appropriatis, temperatis præsertim tartareis, simul occurratur, & decocto Chinæ cum radice scorzonæ, & caryophyllatæ, &c.

Posterioris verò morbi tempore, quando nempe abscessus est ruptus:

1. Is apertus est mundificandus, & purulentia ejus facta per vias, quò natura vergit, evacuanda.
2. Abscessus mundificatus sublato pure consolidandus; &
3. Tandem hectica febris per acrimoniam puris temperantia mitiganda.

Ratione primæ Indicationis, nempe mundificationis, conducunt balsamica, vi alcalina oleosa seu sulphurea pollentia, qualia sunt terebinthina, item sulphur, & balsamus sulphuris terebinthinatus & anisatus, item juniperinus, & quæcunque ex sulphure parata, juniperi oleum, & Malvaticum juniperinum, in casu præsertim, ubi natura ad vias urinarias vergit. Similiter pro mundificatione conferunt hic lapilli cancrorum, catholicum illud vulnerarium, cum aceto propinati, ita tamen, ne illi penitus ab aceto, sed saltem quasi inchoativè, dissolvantur: quibus accedunt etiam alia balsamica, v. g. benzoe, aloë myrrha, crocus, & ex his parata elixyria, in specie sine acido.

Alteri Indicationi satisfacit consolidatio mundificati abscessus, puta per vulneraria vegetabilia, Martialia & Saturnina; quorum inter illa nota sunt & excellunt hederæ terrestris, cherefolium, salvia; uti post hæc succedunt Martialia, imprimis in forma liquida propinanda: ad quæ pertinet lapis hæmatites, medium quoddam inter terras metallicas & metalla, tam naturalis, quàm artificialis: qui præparari solet ex extractione li hargyrii cum aceto destillato facta, cumque spiritu salis præcipitata, & solutione Martis cum spiritu salis, ubi caput mortuum remanens est instar genuini lapidis hæmatitis. Descriptio processus vid. in M. A. N. C. Ann. 2. Observat. 143 pag. 227. item in GLAUBERI scriptis, ac ferè idem est, quod tinctura antiphthifica ex vitriolo Martis & saccharo Saturni parata, ex quibus sublimatur hæmatites quasi verus. His tamen, tam mundificantibus, quàm consolidantibus, semper admisceantur, prout naturæ

motus adest, nunc diuretica, nunc per alvum laxantia, inter quæ excellent rhabarbarina & aloetica: sic in usum quoque trahi possunt cyllmata, ex decoctis vulnerariis parata.

Tertiæ Indicationi satisfacimus, & Hecticæ occurrimus, per acrimoniam puris temperantia, quæ sunt sulphurea fixa, ut antimonium diaphoreticum, antihecticum Poterii, saccharum Saturni, &c.

Sed quid agendum foret, si in nostro ægro superveniret fluxus alvi cruentus, ab erosionem vasis cujusdam? Resp. pro restringendo fluxu hoc convenire imprimis Martialia, & genuinum lapidem hæmatitem, qui mollior & rubicundior vulgari (hic enim saltem est minera Martis) deprehenditur, & quæ huic non cedit, rubrica fabrilis. Hæc posterior forsitan non cedit lapidi hæmatiti, & in talibus casibus, fluxu nempe cruento alvino, ex erosionem cujusdam partis, est egregia.

Quid autem tunc faciendum, si æger, rupto abscessu pus per os spuendo rejiceret, uti etiam factum? In hoc puncto grave negotium imminet; metus enim est, ne abscessu soluto pus acrius in vesiculosa teneriori pulmonum substantia ulcus & phthisin inferat. Resp. In tali casu non videri imitandum naturæ motum, quin potius is ad inferiora, per clysmata acriora, & laxantia temperata per os exhibita, promovenda puris excretio, prospiciendo tamen simul pulmonibus per temperantia acrimoniam puris, quæle est sperma ceti, trochisci de carabe, &c.

Cæterum Autor hujus Resolutionis proponit vomitum: sed nostro ægro non conducere videtur, quia motus naturæ aliò vergit; adhæc metus est, ne major abscessus ruptura fiat & contingat, vel vasa lædantur propter concussionem: quin potius per alvum evacuationi operam demus, nisi fortè pro præservatione in primo morbi tempore, ante tumoris suppurationem pro primis viis evacuan-dis, is in usum vocatus fuisset, ubi tumor nondum separatus fuit.

Balsamus Saturni terebinthinatus nobilis etiam est in hoc casu, si Hectica ejusdem usum permittit. Saccharum enim Saturni blanda calcinatione fiat friabile, cui affundatur oleum terebinthinæ, & in blanda digestionem servetur. Et hoc etiam egregium est remedium in gonorrhœa virulenta, ubi exulceratio partium internarum lubest.

Decoctum etiam radices Chinæ cum passulis, quale in antecedentis casus sine præscriptum, in affectibus ex pure patis multum valet, præsertim cum passulæ, ob vim temperandi, Hecticis optimè convenient. Dulcia autem aliàs omnia, quia ulcera ob sui acorem, in viscido residentem, sordida magis reddunt, fugienda sunt. Solæ passulæ tanquam temperatæ excipiuntur. Item acidula in nostro casu cautè adhibeantur; suppurationem quippe eadem impediunt, & abscessus ad ulcera sordida disponunt. Contra tartarus vitriolatus, nitrum antimoniatum, sal ammoniacum, in hujusmodi Hecticis cum temperent pus, & ad vias urinarias deducant, sunt optima, & miscentur cum sulphureis fixis cinnabaris antimonii, vel nativa sublimando depurata, mista commendanda: non secus ac sal ammoniacum cum tertia parte antihectici Poterii continuatum, Hecticis est usitatissimum.

In Hectica quoque & febribus lentis alioquin cauti sumus & parci in sudore ciendo, quia quandoque satis largiter spontè supervenit, ut etiam opiatiss sit sistendus; unde potius blanda diaphoresi sumus contenti: pro quo scopo conducet tinctura bezoardica, cum spiritu tartari & vitrioli volatilibus parata. Tinctura aliàs Bezoardica cum sale volatili viperarum, à Dn. Resolvente præscripta, non convenit. Porro Dn. Resolutionis Autor pro stomachi digestionem restituenda sub potionis forma præscribit spiritum carminativum de tribus, & spiritum salis dulcem; quæ tamen effervescent; & in sal ammoniacum abeunt.

Tandem Lac sedato & mundato abscessu egregium & optimum est temperativum abscessus, & nutritivum corporis. Interim necesse est, ut pro meliori eorum operatione primò mundificetur stomachus, ut hic id rectè digerat; aliàs abeundo in viscidum & glutinosum cremorem, plus nocet. Lac asinum in Italia frequens est propter longævitatem bestię; verum apud nos caprillum & bubulum in usu est, quorum hoc magis est nutritivum, illud verò diureticum,

RESOLUTIO ALIA

J. DN. JOH. MATTHÆI

MERCKELII,

ANNÆBERGENSIS,

à

B. DN. PRÆSIDE

correcta

Anno 1682.

A *Fœtus* præfens *abscessus* est *mesenterii*, inflammatio- nem ejusdem insequens, cui febris comitata acciden- talis lenta, & ad hæcticæ naturam accedens, iungitur.

Causa inflammationis mesenterii, abscessum hunc anteceden- tis, *proxima materialis* sunt recrementa massæ sangui- neæ febrilia, quæ, cum spicula quædam, per metastasin quasi quandam criticam ibi deposita, irritando fibras mesenterii nerveas, strictionem harum, hinc ob angustatos porulos, sanguinis stagnationem, atque sic tandem inflam- mationem, induxerunt.

Causæ remotæ rationem habent partim cruditates, ex neglectis diætæ regulis, tantò faciliùs atque uberius, quò debilitatum magis erat jam ante, à pregressa febre, fer- mentum stomachi; partim hæc ipsa febris acuta, utpote cujus fæculentiæ non satis evacuata, mali præsentis in mesenterio Autores sunt.

Febris verò, huic junctæ, comitatæ *causa proxima materia- lis* est pus fallum, acre, viscidum, quod refluxum veno- sum sanguinem, hinc totam massam sanguineam inqui- nans, atque spiritus in hac vitales, *causæ efficientis forma- lis* rationem hic habentes, irritans, præternaturalis ejus- modi in sanguine & febrilis ebullitionis autor est, crudita- te massæ sanguineæ pituitosa seu chylota symbolum quo- que suum, ceu *causa remota*, conferente.

Dum ergò intra mesenterii membranas defixa recre- menta febrilia has irritant, & totidem velut aculei pun- gunt, dolor gravans, & nonnihil lancinans, in profundo abdominis nascitur. Hinc impedito sic sanguinis refluxu, atque hoc sensum uberius collecto, tumor mediocris se offert; ex acore autem primò ejusdem, hinc degenera- tione sensum in pus, febrilis illa massæ sanguineæ *fermen- tatio* ortum trahit, cum junctæ sit, ob salivæ, quæ ple- rumque jungi solet, visciditatem. Cæterum & *appetitus prostermitur*, ob idem salivæ, atque huic simile fermenti digestivi vitium; & *corpus sensum emaciatur*, ob salivæ successive redditam massam sanguineam totam, ab efflu- viis purulentis acrioribus. Etenim dum stagnat intra mesenterium sanguis, particulis ejus maxime volatilibus atque balsamicis exalantibus, acrior redditur, acidum- que ejus, occultatum antea, nunc verò manifestius fa- ctum, cum particulis terreis tamdiu effervescentia con- currit, usque dum arctius cum his combinatum, particu- lis sulphureis & oleosis plurimis simul in consortium ar- reptis, sub *puris forma* sese manifestet. Sub hac ergò pu- ris generatione, atque acidum alcali lucta, dolor ne- cessariò *exasperatur*; hinc *æstus* quoque *intenditur* ob ma- jorem spirituum impetum, atque æger *anxius* & *inquietus* evadit. Horror verò, & hunc excipiens rigor totius corpo- ris intensus, ab eodem pare est, quatenus hoc, ruptis, quibus continebatur membranulis, dum inter plicaturas mesenterii effunditur, illud, ceu partem membranaceam, acrimonia sua vellicat, & sic reliquas quoque corporis universi membranas in consensum trahens, strictiones ha- rum spasmodicas, atque frigoris sic quasi sensum, inducit. Idem pus, dum à venis resorptum massæ sanguineæ con- funditur, naturæ conatu laudabili partim per alvum egeritur, unde *excreta* hujus *tetra*, fœtida, varicolora, nonnihil cruenta; partim per vias urinarias extra corpus amandatur, unde *urina* commixtum hanc *turbidam* & crassam, mox tamen clarescentem reddit, atque sedi- mentum ejus album, & ad levem vitri agitationem diffi- liens, constituit; cujus resorptionis non leve indicium præbet *sapor teter*, qui in ore percipitur.

Ex his constare potest, non negligenter ægrum nostrum *Ettmulleri Oper. Tom. I.*

tractandum esse; partim propter Hæcticæ non obscura jam indicia; partim ob corruptelæ viscerum abdominis metum, à puris acrimonia facile oriundæ.

Hinc in *Curatione* ad tria nobis respiciendum erit:

1. *Ad puris evacuationem.*
2. *Partis exculceratæ mundificationem & consolidatio- nem; &*
3. *Massæ sanguineæ attemperationem.*

Quoad *primum scopum*: cum materia, Autore HIPPO- CRATE *sect. 1 aphor. 23.* educenda sit, quò natura ver- git, patet, maxime hic proficua esse diuretica, qualia esse possunt:

℞. Aquæ Ononid.

Petroselin. ana. ℥i℥.

Maluat. Juniperin ℥i℥.

Spiritus Salis ammoniaci anis. ℥i.

Syr. hed. terr. ℥i℥.

M. f. Potio.

De qua capiat manè, à meridie, aliquot horis à pastu, & ante introitum lecti. Vel

℞. Rad. aristol. rot. ℥i.

Fol. Cherefol. M. ii.

Sem. dauci,

Fœnic. ana ℥ii.

Bacc. junip. ℥℥.

coqu. in f. q. Aquæ comm.

Colaturæ ℥ix. D. S.

Potio stimulant pro 3. dosibus.

Ubi singulis haustibus de tinctura tartari gutt. 20. vel 30. instillari poterunt.

Quin, si copiosa per alvum quoque deponat recremen- ta fœtida æger noster non inconsultum fortè fuerit, & hic naturam adjuvare, atque clystma, aliquod stimulant, atque simul abstergens, injicere; quale esse posset se- quens:

℞. Urinæ human. ℥ix.

Mell. rosat. ℥ii.

M. f. Clystma pro duabus vicibus.

Vel

℞. Rad. aristol. rotund. ℥ii.

Fol. absinth. M. ii.

Bacc. junip. ℥i.

coqu. in f. q. Aquæ comm.

Colat. ℥viii. adde

Mell. rosat. ℥ii.

Salis comm. ℥℥.

M. f. Clyster pro duabus vicibus.

Quoad *secundum scopum*: pro mundificatione ab- scessus

℞. Aquæ Cherefol. ℥ii.

Fœnicul. ℥i.

Acet. destillati ℥vi. ad ℥i.

Lapill. Cancr. præp. ℥℥.

Corall. rub. præp.

Antimonii diaphor. ana ℥℥.

Syr. de quinque radic. ℥vi.

M. f. Potio.

De qua cochleatim, quodocunque lubet assumat.

De balsamo sulphuris terebinthinato guttas 15. ad 20. bis de die in vehiculo quocunque capiat: itemque extractum sulphuris per aliquot dies continuatum, etiam consolida- tioni abscessus inserviet: Vel

℞. Fol. hed. terr. Mii.

Agrim. M. i.

Bacc. junip. ℥℥.

coqu. in f. q. Aquæ comm.

Colat. ℥vi. ad ℥i. adde

Ess. Cherefol. ℥iii.

Syr. de symph. Fern. ℥vi.

M. D. S.

Potio sanans pro 3. dosibus.

Tandem ubi consolidatione abscessus facta, & sympto- matum abdominis molestorum absentia, urina quoque naturaliter se habente, atque fecibus alvi itidem natura- libus constiterit, pro attemperanda massa sanguinea, at- que Hæcticæ sic genesi præcavenda, pulvis sequens per ali- quot dies, & noctes assumi poterit:

℞. Antihæc. Poter. ℥iii.

Arcan. dupl. ℥℥.

M. f. Pulvis.

divid. in 9. part. æqu.

Deus interim faxit, cedant omnia ex voto!

Fff 2

CASUS

CASUS XXXIV.

FEBRIS MALIGNA.

Virgo sana & optimi habitus conqueritur de aliquali imbecillitate corporis, quam tamen non aestimat, accedit insignis appetitus prostratio, cum siti admodum aucta; dormiens noctu interruptam nonnihil habet quietem, & hinc in lecto se jactitat, nescit ob quam causam? Vocatus Medicus invenit urinam naturaliter constitutam, pulsum parum mutatum, ob id viria hæc prægressæ cuidam diætæ lesioni adscribit, adeoque elixyr proprietatis ordinat, quotidie bis ad 30 gutt. hauriendum: Pater exinde nullum percipit levamen, sed potius aridura faucium cum squalore linguæ insigni exinde supervenit, & virium imbecillitas in tantum accrescit, ut lectum colere necesse habeat. Rediens Medicus post aliquot dies ipsam invenit insigniter imbecilem, de lassitudine artuum conquerentem, ut & intensa siti; & aliquali præcordiorum angustia; menses rectè se habent, qui ante tres septimanas jam ritè fluxerant: Alvus clausa, parum vel nihil ejicit; tangens etiam, calorem persentit mordacem, sine hoc ut de eo conqueratur ægra; utina naturalis nonnihil turbida, pulsus celer admodum & frequens, non adeo validus, magnitudine saltem moderatus, ad parvitatem inclinans. Ipse propinat diaphoreticum præcipitans ex antimonio diaphoretico, sale volatile cornu cervi & viperarum, &c. sed frustra; nullus sudor venit, ardor intenditur, caput insigniter æstuat, sit inquieti, oculi fulgent. Ipse Medicus anxius alium pro medela simul advocari jubet.

RESOLUTIO

DN. GODOFREDI

SCHULZII,

VRATISLAVIENSIS,

à

B. DN. PRÆSIDE

correcta

Anno 1676.

Mhi casum huncce propositum ejusque symptomata accuratè consideranti, primo quali intuitu Malignitatis nota apparebat. Nam licet quidem subinde varia in febribus malignis observentur symptomata affligentia, nunc plura, nunc pauciora, imprimis tamen hæc tria, utpote frequentiora, & in hoc casu concurrentia, nempe subitanea virium prostratio, sitis admodum intensa, appetitus dejectus citra manifestam causam, vigiliæque pertinaces, *Febrim malignam*, & quidem minus acutam, adesse infallibiliter indicant atque ostendunt.

Febris autem nostra maligna agnoscit pro parte affecta tam massam sanguineam, ab acrimonia volatili seu spirituosâ iacuinatam, hincque in motu naturali fermentativo impeditam, quàm etiam ventriculum, in specie orificium ejus sinistrum, quod optimè probant inquietudines, jectigationes, aliæque molestiæ.

Ordine jam ergo attingenda atque examinanda est *Causa proxima*, quæ nihil aliud videtur esse, quàm sal volatile acre, spiritus plus minus destruens, massam sanguineam enervans, & ad aliqualem putredinem disponens; hinc massæ sanguineæ crasi destructa, & spiritibus affectis, sanguinisque consistentia, fermentatione vitali atque spiritusascentia debita deficiente, mox virium prostratio in promptu est. Spiritus enim animales non debite & naturaliter influere possunt in partes pro excitando motu, & licet quidem influant, quia tamen illorum vigor naturalis torpet; partim ob deficientem quantitatem, partim etiam ob deficientem subtilitatem, inepti tamen sunt ad motum naturalem ordinarium excitandum; hinc membra quasi torpent, & virgo nostra ægra insignem lassitudinem artuum percipit, quam molestiam per hæc verba explicare conatur: *jacere ipsi in cunctis artubus*, Appetitum vero prostratum, ut & sitim auctam cum aridura

faucium linguæque squalore, ex acrimonia volatili, fermentum destruyente, & fauces vellicante, originem habere judico: Nox verò inquieta, jectigatio corporis molesta in lecto, ut & præcordiorum aliqualis angustia, ex affecto stomacho, imprimis tamen orificio ejus sinistro, haud dubiè deducenda. Quod verò attinet calorem illum quasi mordacem, internè saltem urgentem: dico, illum provenire ex eadem acrimonia volatili, destruyente texturam massæ sanguineæ, & ita incalescentiam in præcordiis maximè gliscentem, excitante. Quod verò nostra ægra de eo minimè conqueratur, delirium imminere auguror, & quod me in hac opinione magis confirmat, sunt oculi fulgidi & quasi ignei, tanquam certissima deliriorum imminuentium indicia. Accedit & hoc, quod ardor magis magisque intendatur, & caput insigniter æstuarè incipiat ex prædominante acrimonia volatili texturam sanguinis salino-sulphuream plus minus destruyente. Quod autem in hac nostra ægra alvus nonnihil clausa, & illa parum vel nihil ejiciat, ex paucitate forsan excrementorum in cellulis intestinorum; in specie coli, subsistentium, originem habet.

De causa remota parum habeo quod dicam; Nullum enim indicium causarum remotarum in hoc casu inveniriendum.

PROGNOSIS.

Ad eventum ergo hujus febris malignæ accedo. Est autem *Prognosis* febrium malignarum, secundum Præctorum unanimem consensum, admodum incerta: mox enim inopinatè vel ad vitam, vel ad mortem terminantur propterea & ego nihil certi prædicere valeo. Hoc tantum dico: quia febris hæc minus acuta existit, idcirco medicamentis proficuis locum adhuc superesse, nemo negabit.

CURA.

Methodum medendi quod concernit: cum ægram nostram affligat febris maligna, eaque tam in sanguine gliscens, quàm præcordia infestans, indeque varia ac periculosa symptomata inferens, observandum.

1. Malignum virus destruendum, istud figentibus & per sudorem expellentibus.
2. Primæ viæ repurgandæ, & fomes ac ipsum virus ibidem affixum removendum.
3. Symptomatis atrocioribus maturè occurrendum.

Priori scopo, veneno nempe maligno corrigendo, satisfaciunt alexipharmaca dicta & sudorifera, eaque tam fixa antimonialia, quàm in principio & incremento in specie volatilia, simplicia nempe salia & composita theriacalia: v. g.

℞. Aquæ ex succ. ceras. nigr.
Rubi idæi ana ℥iſſ.
Cornu Cervi sine igne ℥i.
Antimonii diaphor. ℥i.
Syr. rubi idæi ℥vi.
Spiritus nitri dulc. q. s.
M. D. S.
Potiuncula.

Usurpatur pro duabus dosibus, expectando sub moderatis tegumentis sudorem blandum. Vel

℞. Aquæ Card. bened.
Scorzonæ ana ℥iſſ.
Succ. Citri rec. ℥vi.
Theriac. Andr. ℥iſſ.
Bezgard. miner. ℥iſſ.
Laud. opiat. gr. iſſ.
Syr. Menthe ℥i.
Spiritus nitri dulc. q. s. si acidior placet
hec Mixtura.

Usurpatur pro tribus dosibus.

Repetenda sunt talia aliquoties. Item

℞. Aquæ Card. bened.
Flor. samb. ana ℥iſſ.
Aceti vini ℥i.
Theriac. Andr. ℥ii.
Antimonii diaphor. ℥ii.
Syr. acetos. Citri ℥vi.
M. f. Potio.

Capiatur pro lubitu.

Secun-

Secundo scopis vomitus, imprimis sub morbi adhuc principio, satisfacit, qui etiam prima vice instituendus videtur, ut remotis ibidem sordibus variis & fomes purgetur, & symptomata ibidem urgentia præcaveantur: quin & reliquis remediis commodior operatio concilietur: Ex. gr.

*℞. Vitri Antimonii hyacinth. gr. vj.
infund. per noctem in loco calido
in Vini Rhenani q. l.
manè filtretur:*

*Filtraturæ ℥ss. adde
Aqua Cinnam. ℥ij.
M. D. S.*

Potio emetica pro 1. vice.

NB. Usurpanda sunt Vomitoria blanda, & cautè.

Tertio symptomatis variis varia appropriata, præsertim opiatas mista, occurrere debent.

In specie pro squalore linguæ:

1. Mundetur lingua bene cum virgula aliqua salicis rubra.

2. Profunt mucilagines ex seminibus;

Verbi gratia:

*℞. Mucil. sem. Cydon.
Pssylli ana. ℥vj.
Nitri purif. ℥j.
Syr. rubi idæi ℥ij. vel ℥ss.
M. D. S.
Mucilago leniens.*

Vel pro siti tollenda usurpetur sequens Decoctum:

*℞. Decoct. Citri Myns. ℥ss.
Succ. Citri,
Rubi idæi ana. ℥ij.
Syr. Ceras. acid. cum flor. Tur.
Rubi idæi ana. ℥ij.
Spiritus nitri dulc. q. l.
Miscantur.*

Hauriatur subinde bonus haustus, vel sub, vel post sudationem; in specie ubi volatilibus sudor fuerit provocatus, vel etiam alio tempore. Item

*℞. Decoct. Citri Myns. ℥ss.
Gel. Cornu Cervi rec. ℥ss.
Syr. Ceras. acid.
Rubi idæi ana. ℥j.
Succ. Citri & rubi idæi q. l. pro
grato sapore.*

Externè Epithemata capiti applicari possunt ad præcavendas cephalalgias, & deliria. Verbi gratia:

*℞. Aqua Verben. ℥ij.
Spir. vini camphor. ℥j.
Opii gr. v.*

M. f. Epithema.

Applicetur cum linteis multiplicatis tepidè.

Chirurgus quidam ex progressu ira & contagio, in nosocomio contracto, febre malignissima afficitur: mox extremi labores, h. e. æstus intensus, cephalalgia gravissima, pulsus inæqualis, vires prostratæ, intra paucas horas ægrumprehendunt. Ipse sponte sua post mediam noctem venam fecat: manè vocatus, propter symptomatum urgentiam in morbo peracuto ordinavi:

*℞. Aqua scord.
Cordial. H. Sax.
Rubi idæi ana. ℥j.
Cornu Cervi sine igne ℥ss.
Cinn. Antimonii ℥j.
Sal. vol. Cornu Cervi gr. xv.
Succin. gr. viij.
Laud. opiat. ferm. gr. ii.
Syr. flor. Tunic. ℥vj.
M. pro 2. dosibus.*

Accepit, benè sudavit, longè melius habuit. Nempe in morbo adeò acuto eum tam subitanea symptomatum invasione blandè anodynus nimius impetus spirituum nonnihil refranandus erat, ne dissipati haud sufficerent pro statu morbi, quin & quietior nonnihil æger redditus facilius sudare queat: in incremento ergo morbi tutò, circumspèctè tamen, usurpari debent. Vespero ordinavi sequentes pulveres:

*℞. Pulver. Bezoard. Senn.
Unic. ver. præp. ana. ℥j.
Bezoard. Solar.
Jovial. ana. gr. vj.*

Entmüller. Oper. Tom I.

M. pro 2. dosibus.

Quarum unam appetente nocte, alteram circa auroram cepit, hauriendo simul pro lubitu de sequenti potione:

*℞. Aqua scordii,
Flor. samb.
Rubi idæi ana. ℥j.
Acer. rubi idæi ℥vj.
El. diascord. Fracast. ℥ij.
Syr. acetos. Citri ℥ss.
Misc.*

Sudavit, dormivit, commodè habuit; & ita brevitalibus continuatis, convaleuit.

C A S U S XXXV.

FEBRIS MALIGNA PETECHIALIS.

Mulier sana, quæ per decem menses lactitaverat puerum. cumque modò ablactasset, corripitur paulò ante solstitium hybernū per aliquot dies insueto virium languore, idque sine manifesta causa, cum insigni extremorum lassitudine; dicit: jacere ipsi in brachiis & pedibus. Appetitus deficit, intenditur sitis, lingua sicca, fauces glutinosæ sunt: cerevisiam horret, ceu nimis amaram, & quæ faucium squalorem intendat; hinc cerevisiam secundariam, aut aquam frigidam desiderat. Calor insuetus, isque continuus, corpus occupat, moderatus tamen, & qui interdum, præsertim noctu, incensis vicibus, ad aliquot horas intenditur; caput intense, præsertim circa frontem, dolet. Ipsa ob id à Pharmacopœo die Luna capitis pilulas purgantes, nescio quas, quæ quinquies aut sexies eam laxant copiose, sed sine euphoria, quolibet potius symptomata, præsertim virium imbecillitas, intenduntur: ob id die Martis vespere, neglecta cœna, capit Theriacæ ℥j. in cochleari aceti vini, cubitum itura, dormit exinde inquietæ, sudat insigniter; manè melius habere videtur, extra lectum tamen durare nequit, Eadem interea subsistunt symptomata, vires infringuntur, nox altera die denuo inquietæ, variis insomniis turbatur. Adstantes eam crebro in lectum jectigantem, & subinde anxie respirantem, observant. Die Jovis vocatur Medicus, qui mulierem in statu hætenus enarrato offendit, calorem per se sentit obscurum, acriorem tamen & præternaturaliter auctum, sed non adeo intensum; Pulsus creber, frequens, in magnitudine & vehementia moderatus, ad parvitatem declinans, mollis, equalis, &c. Urinæ offeruntur clare, intensius tinctæ, sine contentis. Dejectiones progressa nocte habuerat quinque tenues seu fluidas, obscure tinctas, insigniter foetentes, & jam iterum quatuor hoc ipso manè: alias hypochondria subrumida & murmurantia sunt; frons & tempora crebro sudore madent. Interrogata ægra à Medico, de quo præcipue conqueratur? responderet: bene ipsi esse, sed lassitudinem & sitim pati. Interim subinde se jectigat, anhelosa est, torvum videt, &c. Flagitat curam, & urget imprimis venæsectionem.

R E S O L U T I O.

DN. ERHARDI UBELMANNI,

Cum speciali discursu & Annotatis

B. DNI. PRÆSIDIS,

Censuræ & Emendationi subjecta

Anno 1676.

A. F. F. E. C. T. U. S.

Mulier hæc nostra videtur laborare Febre maligna cum superveniente diarrhœa artificiali, ubi vires prostratæ fuerunt, tam vitales, quàm animales, sine patente causa, cum insigni nausea alimentorum.

P A R S A F F E C T A.

Subiectum primum est stomachus, ubi aer inquinatus inspiratus, praesertim ante solstitium hybernium, ubi aer inclementiore vadit, contaminat salivam, quae deglutita afficit stomachum, maxime orificium superius, & contagium ibi deponit; ut recte LINDANUS dicit, quod morbum epidemicum constituat: si agri sine manifesta causa conqueruntur de nausea, viribus prostratis, signum certissimum est contagii; & hinc inde subiectum secundarium, tota massa sanguinea, corrumpitur.

C A U S A E.

Causa proxima est duplex: interna & externa. Externa est aer contagiosus; interna est putredo inchoata sanguinis, indurata à sale volatili acris, destruente sulphur sanguinis vitale, unde sanguinis consistentia & fermentatio & spiritus ascensio debita deficiunt; quia vita nostra radicitus fundata est in sanguine, & radicata vitalitatis in sanguine fundamentum consistit in ejus crasse seminali, ratione cuius vita longa aut brevis; quae crassa consistit in acido pingui seu sulphure, & alcali, certa proportionem in massa sanguinea junctis, a quibus fermentatio & spiritus ascensio dependet.

Causa remota superveniens diarrhoea artificialis, quae per pilulas acquisita fuit, cujus vis consistit in sale volatili acris alcalino oleoso quasi bilioso, quod testatur earum sapor acris amarus, unde omnia Purgantia inimica stomacho & fermento digestivo; hinc sitis. Hinc insuetus virium languor sine manifesta causa, quae consequens debita lese fermentationis, hinc appetitus deficit: nausea adest, ob alcali sub forma contagii ad orificium stomachi latum, quod acidum ejus destruit & pessundat: sitis intenditur, lingua sicca, fauces glutinosae ob alcali insigniter acre destruens acidum stomachi, & affligens intensè fauces. Calor insuetus, isque continuus, moderatus tamen, qui aritur ex sale volatili acris, solvenne sulphur sanguinis. Caput dolet, praesertim circa frontem, quia stomachus affectus à contagio; hinc quoque anxietates praecordiorum & jectigationes.

P R O G N O S I S.

Febris maligna periculosum malum, praesertim in nostra agra, ubi supervenit diarrhoea artificialis, & ut plurimum signum mortis. Excrementa, quo magis foetent, eo periculosius malum.

C U R A.

In Cura observetur, ut febris maligna causa, miasma vel sal vitiosum, quantumcyse expellatur & corrigatur, correctum emittatur, idque per sudorem.

Quoad remedia in genere in febribus malignis danda, conveniunt alexipharmaca, quae duplicia; nunc simplicia alterantia alexipharmaca, qualia acida; nunc in specie simul sudorifera, vel volatilia vel fixa. Volatilia sunt omnia salia volatilia animalium, spiritus salis ammoniaci, camphora, tinctura bezoardica, aromatica, qualia radix zedoaria, zingiberis, gentiana, carduus benedictus, &c. Pertinet etiam huc theriaca, mithridatium, &c. Fixa sunt sulphura metallica cum nitro fixata, antimonium diaphoreticum, cinnabaris antimonii, bezoardica mineralia, tam simplicia, quam composita, maxime Joviale, terra sigillata, unicornu fossile, terra solares, nitrum & nitrata, antimonium nitratum. Media inter haec sunt semina expulsiua, qualia semenci citri, cardui benedicti &c. Volatilia usurpentur in principio, fixa in progressu, ubi malignitas tardius procedit. Inter omnia excellit camphora, mirabilis, quod & alcali & acido se societ, & volatile, & somnum infert, summum sudoriferum in preservatione & curatione febris malignae, & symptomata mitigat. Rob sambuci cum cornu cervi sine igne egregium pro sudore. Ex animalibus totus cervus est alexipharmacus, hinc cornu, & parata gelatina, liquor cornu cervi succinatus. Ex mineralibus eminent sulphura antimonialia, eaque fixiora reddita, unde quaeque ex antimonio cum nitro fixata sunt usitata: adde cinnabarin antimonii, licet non plane fixa, tamen ob sulphur suum laudatur. Sulphur simplex egregium quoque in febribus malignis, vel crudum, vel cum camphora, vel cum sulphure medicatus potus, qui ne-

bilis, spiritus sulphuris acidus, & omnia sulphurata proliciendi sudore:

℞. Salis card. bened. ℥ss.
Bezoard. miner. gr. vi.
Salis vol. Cornu Cervi gr. iv.
M. pro j. dosi.

Vel in statu:

℞. Cornu Cervi sine igne ℥ss.
Antimonii diaphor. ℥j.
Cinn. Antimonii gr. xv.
Bezoar. Solar. ℥ss.
M. pro 2. dosibus.

℞. Aquæ scord.

Rubi idæi, ana ℥ss.
Antimonii diaphor. ℥ss.
Cinn. Antimonii gr. xv.
Sal. vol. Cornu Cervi gr. xj.
Camph. vel Laud. op. gr. ij. vel iij.
Syr. card. bened. ℥j.

M. pro 2. dosibus;

In forma liquida.

℞. Aquæ flor. samb. ℥j.
Aceti flor. samb. ℥ss.
El. diascord. Frac. ℥j.
Camph. gr. ij. vel iij.
Syr. acetos. Citri ℥ss.

Misc.

Cape pro una dosi, expecta sudorem. His sudoriferis interpone acida blanda, vel extra sudorem, vel in sudore. Pro scopo alexipharmacico eminet citrum, & cum citroparata, & spiritus nitri dulcis.

℞. Decoct. Citri Myrs.
pro Julepo.

Vel

℞. Decoct. Citri ℥j.

adde

Succ. ribium. ℥ij.

Granat. acid. ℥j.

Syr. rubi idæi pro grato sapore.

F. Julepus.

℞. Aquæ fontan. ℥j.

Gel. Cornu Cervi rec. ℥ij.

Syr. rubi id.

Papav. alb. ana. ℥j.

Spiritus nitri dulc. q. s.

M. pro Julepo.

Quem cum sudore & post eum hauriat ager.

℞. Aquæ vel Cerevis. secundar. Mens. j.

adde

Vini Mens. j.

Hinc accipe

Pomum Citri in taleolas incisum,

Infunde: cui pro lubitu additur

Gelat. Cornu Cervi ℥j. ad ℥ij.

Misc.

Purgatione incauta nil citius hominem febre maligna correptum necat; ideo caveamus nobis, ne propinemus, nec in principio, nec in fine.

Vomitioria in principio si usurpentur, maxime prosunt, ut sublato contagio stomachus non affligatur.

Venesectio nulla prodest, nisi primo insultu, quia per theriacam naturam se exoneravit, hinc perniciēs agra nostra.

Sudorifera etsi in febre maligna primaria sint: attamen in nostra agra consideranda est imbecillitas virium, ne nimis debilitentur.

Possunt quoque adhiberi vesicatoria externè ex cantharidibus parata, nunc nucha, nunc manibus applicata, ob capitulis dolores & symptomata.

Interim diæta observetur propter appetitum prostratum, ubi concoctio cessat, ideoque omnia assumpta facile corrumpuntur & cadaverisuntur; & hinc agra nostra ad alimenta non cogenda, sed tenuis diæta est optima. In specie vitentur saccharata, dulcia, condita &c., hæc enim sunt facile fermentescibilia. Sufficit frustulum panis vino intinctum, aut ovum forbile propinatum.

DISCURSUS & ANNOTATA
SPECIALIA

B. DNI. PRÆSIDIS.

Morbus primarius est Febris maligna, & quia morbus non est adeo acutus, suspicio est, eam futuram petechialem, quam symptomata innuunt; nam petechiales ita incipere, & promoveri solent.

Primum autem & maximæ considerationis Symptoma est adjuncta diarrhœa, quæ ex ipsius naturæ motu ægræ supervenit, utut occasione pilularum antea assumptarum nonnihil excitatam fuisse post aliquos dies, concludi potest.

Cæterum contagium in hoc casu non subest, neque corporale, cum de conversatione cum ægro nulla fiat mentio, neque spirituale seu epidemicum, cum pariter nec hic ullæ circumstantiæ. De epidemica enim constitutione LIN-DANUS exclamat: *Si quis sine manifesta causa nausea corripitur, signum esse suscepti semini contagiosi*; quod ipsum effatum verissimum est. Sed æger noster de ea non queritur.

Pars primario affecta est massa sanguinea; secundo vero stomachus, quia quædam hujus symptomata in cursu morbi superveniunt, idque ex ordine effectum, in talibus febribus ordinariò supervenientium. Imò præter massam sanguineam in febribus malignis etiam spirituum influentium ratio haberi debet, idque periculosissimo statu; & quidem nunc vitales, nunc animales, pro ratione malignitatis simul affliguntur: si animales, agrypnia, deliria & convulsiones, aliaque symptomata nervosi generis, adfunt; si vero magis vitales, mox summâ virium prostratio, pulsus celer, debilis, & formicans, & sudor circa frontem syncopiticus, apparere solent. Quod si tandem ex contagio suscepto febris maligna nata sit, tunc stomachus, qui in malignis aliis secundo aliàs affligitur, primaria ejusdem sedes est.

Et quidem ægram nostram laborare febre maligna, syndrome symptomatum urgentium confirmat: inter quæ primum est subita virium prostratio, eaque sine manifesta causa; nescit enim nostra ægra, unde hanc sibi contraxisset; sed quia ablactatæ fœtum, adeo chylus in sui ipsius nutrimentum, non verò in fœtus, faceret, hinc incrementum potius virium sperandum fuisset. Aliud ergo quid subest. Jam verò virium fundamentum consistit in sanguine spirituofo; hinc enim vires & spiritus pari ambulant passu; hinc per exercitia, spiritibus exhaustis, reddimur debiles: ac si in quorumcunque morborum principis vires prosternuntur, vel spirituum influentium plus minus extrinsecorum, vel talis sanguinis non debitam fermentationem subeuntis, causa, ut nempe non possit volatilari in spiritus, morbum non vulgarem, sed majoris ponderis & mali moris instare, signum est, (2) Conqueritur ægra nostra de siti intensa, faucibus aridis, & lingua sicca; quæ pathemata omnia in principio febrium si appareant, pessimi ominis sunt, vel febrem malignam, vel morbum Hungarico similem, affligere confirmant, præsertim si æstus non fuerit tantus, qui linguam & fauces exsiccare queat; (nam in febribus ardentibus benignis quidem etiam adest talis siccitas, sed in statu demum;) imò stomachum summè labefactum esse, confirmant. (3) Dum conqueritur ægra nostra de stomachi symptomatibus, appetitu prostrato, cerevisiæ fastidio; quæ pathemata pariter innuunt fermentum stomachi penitus pessundatum, quæ digestionem cessante, in tali subiecto, ubi vires aliàs prostratæ, periculum tanto majus exurgit. (4) Pessimi præsertim ominis est, quod ægra nostra sit anxiosa circa cor, & inquietæ, sine vomituriendi conatu tamen, qualiter affecti ordinariò regionem stomachalem monstrant. Interrogati tales dicunt: *ipsimet nescire, quid mali habeant, præter cordis anxietatem*. Unde tales in principio & incremento morborum anxii & inquieti apparentes, periculosissimum se fovere morbum, indicant. (5) Pulsus à Medico die quinto exploratus, deprehenditur celer, frequens, in magnitudine & vehementia moderatus, ad parvitatem declinans, ex quo certi esse possumus de latente malignitate. Equidem in principio possumus decipi, quia tunc quandoque naturali similis videtur. At in incremento sit debiliior, & tandem tantum non formicans evadit, unde hac in parte cautum decet esse Medicum; nam pessimus pulsus ejusmodi est, si verò mox in principio debilis, celer formicans, parvus, apparet, non est quod dubitemus de malignitate.

Eltmüller, Oper. Tom I.

Hæc quinque ergo si conferantur cum febre, æstu, &c. liquet, ægram nostram febre admodum maligna laborare morbumque ipsum plus habere in recessu, quam primitus innuere videbatur: Et dicuntur tales morbi mali moris seu maligni, quasi dixeris, *hamisch* prima facie benignos & blandos se exhibentes, in recessu verò pessimi sunt. Insuper accedunt his pathematibus duo adhuc alia: nempe ægra nostra est anhelosa, accedentesque quosvis torvè aspicit; quod pessimum signum est, præsertim si libera fuerit respiratio & mediocris æstus; nam juxta HIPPOCRATEM tales mente ægrotare, h. e. spirituum animalium circa præcordia motum perturbatum esse indicatur. Aspectus autem torvus, ferox, & oculis intentis factus, innuunt imminens delirium & convulsiones, idque præsertim in non adjuetis, imò jam convulsivi quid musculorum oculorum pati, indicium est. Sic ægri tales interdum jacent cum fronte caperata circa nasum, & interrogati, *quomodi ipsi sit*, de levioribus conqueruntur; quod tamen pessimum est signum: Indicat enim, tales molestiam quandam intrinsecam non explicabilem, quam in externis sensuum organis non percipiunt, habere, unde taliter constitutos raro evasisse, observavi.

Cæterum Diarrhœa colliquativa hic in casu nostro primum symptomata est, qua apparente in malignis, gaudeant ægri, si evadere possint; & quamvis occasione eidem suggererit pilularum importuna deglutitio, non tamen hinc sequitur, diarrhœam colliquefactivam esse artificialem, præsertim cum hæcce integras tres dies post diarrhœam artificialem demum comparterit.

Dictum: in febribus malignis quibuscunque ad spiritus influos respiciendum esse, utut indicationes curatoriæ ex iis haberi nequeant: optima ergo est pro cura Hypothesis SYLVII.

Quæmadmodum autem vitæ radix consistit in sanguine, & formalitas ejusdem in Spiritibus, ex quibus dependet vita; ita

Causa proxima in nostro Casu est fermentum febrile malignum; vel Malignitas, ut sic, probabiliter juxta SYLVII hypothesin ex sale volatili acerrimo (minus verò ex acido, quippe quod in variolis, morbillis, petechialibus, & purpuratis accusandum est) destruentem texturam massæ sanguineæ, salino-sulphureo-oleosam, derivanda est ex quo præservatio & curatio petitur: Vid. SYLVIVS de Pestib. lib. 4. Confirmant hoc pathemata in nostra ægra circa stomachum & primas vias obvia, v. g. appetitus prostratus, nausea, sitis clamosa, fauces siccae, asperæ, glutinosæ &c., qualia symptomata interdum etiam actia purgantia excitant, & ab acidis curantur. Imò considerentur assumpta caustica, v. g. arsenicum, quod escharam inducit, quia est causticum stomacho cujus assumptionem mox dicta symptomata insequuntur. Adhæc Purgans assumptum quælibet symptomata exasperavit. Consideremus pathemata, quæ in ægro tenerioris constitutionis ab acrioribus purgantibus, (quæ occulta sunt venena,) scammoniatibus, esulinis, euphorbio, &c. assumptis, superveniunt, ubi omnia dicta symptomata, remedio adhuc in stomacho quantum vis saltem existente, præsentia sunt. Manifestatur etiam sufficienter per diarrhœam colliquativam, quæ etiam eidem alcali acri, dissolventi massam sanguineam, ejusdemque texturam, originem debet; quod probo, considerando affectus cholericos, ex bile præternaturaliter in stomachum regurgitante natos: Item saltem ex cruditatibus nidiosis, per læsam digestionem introductis, magnas anxietates, sitim &c. excitantibus. Imò etiam in stomacho febribus malignis demortuorum interdum eschæra nigra fuit reperiata, qualis in fonticulis à salibus causticis acrioribus induci solet. Hinc ergo causticum acre latere, concludo.

Jam queritur, cum nostra diarrhœa sit spontanea, impetu naturæ nata, an critica, an verò symptomatica ea dicenda? Nam in hoc cardo curæ consistit. Et critici quidem motus in morbis acutis, præsertim malignis, bene observandi sunt, nisi remediis generosioribus morbo ante crisin prævenire queamus, ut non opus sit eam expectare: Si talia defunt, necesse est, ut sub ordinaria methodo medendi motus critici ordinariò observentur. Cæterum crisin quod attinet; nil aliud est, quam subitanea morbi & naturæ mutatio, dum nempe sub tegmine materiæ alicujus, sive sanguinis, sive sudoris, sive urinae fermentum malignum, aut sub cursu morbi producta alia, in loco quodam vel seponuntur, vel extra cor-

pus excernitur, ita, ut status hinc pacatus in ægro superveniat: Scilicet tria hæc se invicem in crisi sequuntur.

1. Causæ peccantis correctio.
2. Fermentorum morbosorum & materiæ correctæ separatio (quod per coctionem exprimi solet.)
3. Concoctæ materiæ morbosæ aut metastasis, aut excretio, uno nomine exclusio ex contentis.

Vid. MOEBIUS.

Jam verò fundamentum criseos consistit in motu isto fermentativo sanguinis, quò fermenta maligna & corrupta in corpore contenta, sub cursu morbi corriguntur, quæ correctio fit propter texturæ mutationem talem, ita ut istud; quod fuit acre, fiat temperatum: hinc correctæ ex sanguine separantur, quæ separatio absolvitur motu demum præcipitatorio. Unde & coctio & separatio consistunt in motu sanguinis fermentativo. Adeoque nulla crisis expectanda est, nisi, ubi fermenta febrilia fuerint correctæ, & signa coctionis præcesserint.

Ex dictis his concluditur, qualis nam sit nostra diarrhœa? Criticam eam esse, possent persuadere:

1. Quia sic die quarto; quod ipsum ad minimum criseos, septimo die subsequatur, indicium esse possit.
2. Quia ægra de symptomatibus hypochondriorum, i. e. hypochondriis subrumidis & murmurationibus conqueritur, quæ innuunt orgasmum humorum circa primas vias, & motum naturæ inferiora versus tendere, & crisin per diarrhœam imminere.

Verum dicta argumenta de die quarto non sufficiunt, nisi alia simul respondeant.

Sed queritur: annon fit Diarrhœa symptomatica? Symptomaticam eandem esse, proba:

- (1) Quia contingit sine signis coctionis præcedentis; urina enim clara est, intensius tincta & sine sedimento conspicitur, quod signum summæ cruditatis, nec separatorum fermentorum morbosorum est; secus enim turbida urina fuisset excreta, & adhuc excerneretur; crisin enim semper præcedunt signa coctionis in urina conspicua.
- (2) Quia contingit sine ægræ euphoria, sed cum malo signo. Non enim evadit ægra quieta, nec percipit cum his excretionibus levamen; sed potius sudorem frigidum & crebrum circa frontem & tempora habet: Jam verò sudores particulares circa caput & frontem sunt periculosi, juxta HIPPOCRATEM; præsertim si sint maximè glutinosi vel frigidi, aut subfrigidi; summæ virium prostrationis certissimi indices.

Tandem

- (3) Diarrhœam esse symptomaticam & præternaturalem, patet ex excretorum conditione, quia scetida ea sunt; Fœtor enim in hujusmodi diarrhœis pessimi ominis est. In quibuscunque morbis acutis urina & alvi excrementa, scetorem præ se ferentia, semper indicant colliquationem & inchoatam putredinem succorum corporis nostri, ejusque pessimum statum: nam quemadmodum purgantia vegetabilia acriora similes scetentes ac putridas excludunt scæces, quatenus alcali eorum resinofum massam sanguineam dissolvit & colliquescere cogit, & sic texturam sanguinis dissolvit, ut particulæ colliquatæ per alvum excretæ tali scetore se exhibeant; ita etiam in nostra ægra à fermento febrili acri maligno pingue sulphur massæ sanguineæ dissolvitur, hinc textura colliquescit & particulæ corruptæ putredinem contrahunt, & liquamen scetidum exhibent.

Est ergo diarrhœa spontanea colliquativa à fermento alcalino, dissolvente & ad putrilaginem disponente massam sanguineam. Insuper cum ægra per quatrimum propter nauseam nihil comedisset, & ex quinque vel sex prioribus secessibus primæ viæ redditæ fuissent liberæ, hinc sequitur, subsequentes ex massa sanguinea provenisse.

Quod autem ægra nostra post assumptam theriacam cum aceto sudaverit, hoc bonum est; præsertim cum febre maligna correpti in principio sudant quidem tales ægri at in progressu aut statu morbi non aut raro sudare possunt. Unde quædiu tales ægri post sudorifera propinata in hisce casibus sudant, bonum est; sed hoc fallit quandoque, quia

in principio sudant, in incremento non, pessimo omine. Interim quod ægra nostra non dormiverit post usum theriacæ, sed inquietam manserit, pessimum omen est; sicut si in principio & incremento malignarum febrium morborumque acutorum ægri ab usu theriacæ & opiatorum non fiant quieti, status turbulentissimus æconomix animalis innuitur, quem deliria & convulsiones subsequi ferè solent.

Queritur autem: an assumptio theriacæ ægræ nostræ bona fuerit? Resp. ita; Theriaca enim ratione ingredientis opii; nobilis est, Autore LUDOVICI & HORSTIO in *Judic. Chirurgia Insuloria*. Opiata enim in principio morbi bona sunt. Et rectius adhuc fecit eadem, quod cum aceto theriacam deglutiverit, cum præsertim theriaca, ut & electuarium diascordii, & theriacalia quæcunque, in malignis semper unà cum aceto debent assumi: quippe hac ratione hæc longè melius operantur, quatenus (1) non tantum æstum, quem omissis acidis excitant, compescunt; sed & (2) longè potentius sudorem movent, quàm sine aceto; & (3) ex sudore ægri non tam debilitatur; quàm sine aceto. Unde etiam sequentem misturam ex theriaca in morbis ardentibus acutis malignis mihi familiarem sæpissimè proficuum observavi;

℞. Aquæ flor. samb. ℥iii.

Aceti vini acerr. non destill. (quia hoc fixius) ℥vj. ad ℥j.

Theriace. vel Mitridat. (Theriaca est melior) ℥j. ℥ss. ad ℥ii. imò etiam in robustioribus juxta Horstium & Zuverfserum ℥iii. ad ℥ss.

Antimoni diaphor. ℥ss. ad ℥j.

Syr. acetos. Citri, vel rubi idæi, vel simil. ℥vj. ad ℥j.

Misc.

Capiatur pro duabus, quod ordinariò fit, vel tribus dosibus: ita sudant hinc ægri, nec adeò debilitantur, quiescunt; dormiunt, & ordinariò melius habent. Adeoque tam in incremento, quàm statu malignarum, magni mixtura hæc usurpatur, & propter quietem atque sudorem, qui supervenit, æstimanda est, Loco cujus in dosi minori prostat & tinctura bezoardica, quam tam theriacalia volatilia, quàm acidum vinosum, in spiritu vitrioli obvium, ingrediuntur, quæ etiam est egregia, cum omnia hæc ingredientia in ea reperiantur, saltem deficit opium, quod tamen & faciliè addi potest.

Quoad Prognosin: Affectus hic est admodum periculosus. (1.) Ob morbum admodum malignum, jam jam in incremento constitutum, cum atrocibus aut saltem periculosissimis symptomatibus. (2.) Diarrhœa colliquativa, quæ in his febribus aliàs ut plurimum est lethalis, nisi eidem maturè occurratur, ad mortem deducit. (3.) Quia ægra etiam propter prægressam lactationem viribus maximam partem exhausta fuit, quæ tantum detrahitur matri, quantum scetui in nutrimentum cedit.

Vix autem, si evasura ægra sit, per motum criticum evadet, propter vires per diarrhœam exhaustas; sed morbus potius pederentim & paulatim solvetur.

Quoad Curam: Cum jam non curemus febrem malignam in genere, sed versetur cura circa febrem hujus ægræ malignam in specie, hinc selectiora remedia eligenda, considerando simul, quod illa diarrhœam colliquativam adjunctam habeat. Cæterum occasione alexipharmacorum in ægra nostra usurpandorum, præmoneo.

1. Quod fermentum alcalinum acre malignum, appropriatis sit enervandum & corrigendum.
2. Correctum illud per sudorem à consortio reliquorum succorum vitalium, speciatim sanguinis, per coctionem separandum & excludendum.
3. Symptomatis urgentibus occurrendum.

Priores duæ Indicationes primariæ sunt. Methodum autem hanc in primo & secundo scopo monstrat ipsa natura quotidie, in curationibus nempe spontaneis talium febrium. Jam verò, sive per motum naturæ criticum, sive paulatim, absque medicamentorum usu, solvantur morbi, observamus tamen, naturam non mox in principio moliri excretiones, sed deum in statu morbi, ubi scilicet venenum acre jam correctum est, & à partibus succorum à veneno corruptis separatam: hoc enim sub communi vehiculo nutrimenti & excrementi sero involutum, vel criticè, vel successivè, per sudorem eliminat.

Imitemur ergo naturæ motum, &

1. Fermentum malignum corrigamus; & dein

2. Illud correctum foras eliminemus.

Adeoque *sudorifera sola* adhibita, quæ talia in febribus malignis non sufficiunt; *turbant* enim & perturbant saltem naturam, corpus movent, sed nil promovent, & vites deiciendo, quia non rejiciunt virus malignum acre alcalinum volatile, plus nocent quàm profunt, nisi fuerint simul talia, quæ fermentum malignum cutant, aut illud alexipharmacis prius correctum sit. Ude sudoriferis simpliciter talibus, in febribus malignis, nisi subinde succurrat robur naturæ, nil agimus, nisi alexipharmacis addantur. Contraria quoque ratione nec solis alexipharmacis fidendum quin cum his semper simul respiciatur ad excretionem fermenti correcti per poros cutis fiendam; posito namque, fermentum malignum alexipharmacis illis corrigi, nisi simul correctum illud foras eiiciatur, periculum est, ne illud fermentum recrudescat, & ad morem morborum benignorum quasi novæ turbæ seu recidivæ sequatur. Correctum ergo venenum etiam per sudorifera emittendum est.

Adeo ergo alexipharmaca corrigentia, & sudorifera eliminantia, simul iungenda sunt? V.g. si ponamus, quendam assumpsisse arsenicum: hunc propter symptomata si simpliciter sudoriferis etiam fortioribus, vel purgantibus etiam validissimis, tractare coneris, incassum ages, nisi simul prius venenum correxeris: sin verò eidem saltem lacticia vel pingua propinaveris, quæ obtundunt & corrigunt venenum, optimè succedet cura.

His præmissis liquet, qualia sint corrigentia illa (vulgò alexipharmaca, & bezoardica dicta) fermentum hoc malignum, in sale volatili acri fundatum? Vulgò sunt ista, quæ dicuntur alexipharmaca, aliàs bezoardica. Jam porro quæritur: in quonam consistat hæc veneni per alexipharmaca *Correctio*? Resp. simpliciter in ejusdem noxiarum qualitatum temperatura, ita, ut venenum malignum volatile alcalinum acre temperetur, & mitius atque lenius reddatur: sicut etiam ipsa temperatura in minimorum materialium fermenti virulenti *texture mutatione* fundata est, qua illud, quod fuit acre, blandum; quod volatile, fixius, aut saltem minus mobile; quod spirituosum aut rarum, fiat densius ac spissius, & minus penetrativum; & similium proprietatum, quarum castratione & temperatura exserunt vires suas alexipharmaca. Ac elegans omnino est discursus BECHERI in *Phys. subterranea l. 1. sect. 5. cap. 1. pag. 305.*, quo loco asserit: alexipharmaca venena pollere simpliciter vi temperandi venena. Alexipharmaca ergo venenorum noxias qualitates temperant & mitigant: Scilicet per simplicem degeneraturam & texture mutationem etiam pessima venena facile degenerant in mitissima remedia: v.g. antimonium per nitrum figendo cicuratur in remedium tutissimum; non secus ac Mercurius sublimatus temperatura simplici redditur innocuus, quando post eum assumitur lac, aut quoque temperatur per oleum tartari per deliquiū in vehiculo aqueo; vel quando additur ana Mercurii vivi, fit mite remedium, ita ut cum Mercurius sublimatus antea ad gr. viii. cum vitæ periculo assumeretur, in Mercurio dulci ad gr. xxx. xxx. &c. tuto capi queat. Similiter virulentissima vegetabilium purgantia, & horum rex, helleborus albus, evadit innocuus, correctus tam per acida, quàm per alcalia, invertentia texturem resinolam particularum ejusmodi purgantium: sicut acida hoc faciunt immutando alcali acre: alcalia verò hoc faciunt, resinolam texturem particularum purgantium dissolvendo, & tertium quoddam innocuum producendo. Ex his patet: fermenta febrilia posse pluribus modis corrigi & alterari. Notabile est de arsenico, veneno pessimo, quo assumpto, symptomata convulsiva enascuntur, ad orcum ducentia, quod tamen simplici butyro ita mitescit, ut tuto deglutiri queat: vid. FEHR *Tractat. de Scornozera*, ubi allegat arsenicum cum butyro præparatum fuisse, pro necandis muribus repositum, ex errore verò à quodam deglutitum, innoxium fuisse; quia butyri pingues particule, arsenici particulas acres virulentas inviscabant; inò post bihorium, mediante Mercurio vitæ reiectum: quod etiam facit lac; temperant enim hæc pingua arsenici virus, & temperatura texturem invertunt: Videant. BARTHOLINI *Acta Hassniens. Vol. 2.* Cæterum id fieri in febribus malignis puto, ubi fermentum malignum acre

per corrigentia alexipharmaca in sua textura materiali mutatur, ut fiat temperantia; quod pluribus modis potest fieri, sicut dictum; hinc etiam quandoque experimenta variant in uno eodemque morbo.

In nostro casu ergo alexipharmaca corrigentia probabilissima sunt vel acida, vel fixata per nitro-sulphurea.

Inter acida, excellent acetum, succus citri, spiritus nitri, & sulphuris. Inter fixa, sulphura mineralia fixa, terræ minerales fixæ, & partes animalium sine igne præparata. Acida ista notissima sunt, quantum valeant in hisce febribus. Hinc in constitutione maligna epidemica acetum camphoratum est tutissimum præservativum, temperans volatilissima fermenta maligna; camphora enim probabiliter penetrans pinguedo est, quæ simpliciter temperando suam vim exerit. Hinc ita acetum sub cursu februm malignarum raro ommittendum suadetur: non secus de nitro & spiritu nitri constat, quod acidum ejus, ut in quibuscunque febribus ardentibus, ita & malignis, proficuum sit: Hinc & antimonialia fixata ratione acidi nitri concentrati in ipsis conducunt, sive jam in humida forma, spiritus nitri bezoardicis mineralibus combinetur, sive in via sicca per liquefactionem cum nitro in antimonio diaphoretico; in utroque enim modo substantiæ nitrosæ cum regulo antimonii connexio fit mediante hoc cum sulphure antimonii. Et sanè, nitrum in præparatione antimonii diaphoretici non attingit sulphur antimonii, sed rodit regulum, mediante quo postmodum etiam in sulphur antimonii operari potest. Quoad Sulphur hujus acidum est egregium quoque in febribus malignis & pestilentialibus; hinc post spiritum nitri spiritus sulphuris in tali casu optimo consilio Julepis addendus. Spiritus vitrioli suspectus est. Post spiritum sulphuris laudantur liquores sulphurati juxta HELMONTIUM *Tract. Tumulus Pestis*, & CNOEFFELIUM in *scripto nobilissimo de Febribus Epidemicis*, qui in febribus malignis sunt egregii tam præservativè quàm curativè. Sic quidam Practicus optimum observavit Julepum sequentem;

℞. Ligu. sulphurat. (qui fumo sulphuris imprægnatus) ℥ss.

Aque. lactuc.

Cichor.

Flor. Sambuc. ana ℥vj.

Succ. Citr. ℥ss.

Nitri antimonial. ℥ss.

Syr. acetos. Citr.

Ribium ana ℥ss.

Spiritus nitri gutt. xxx.

Misc. pro Julebo.

quoad fixa autem: res nota est, in specie excellent sulphura mineralium, partim propter acidum nitrosum fixata, partim, propter acre alcalinum agens in particulas sulphureas, & sic semper mitigantur & corriguntur: Item terræ mineralium fixæ, & partes animalium fixiores.

Quoad secundum scopum: inter sudorifera primum obtinent partes animalium, tam earum salia volatilia, quam sine igne calcinata. In horum verò & corrigentium & sudoriferorum selectu semper observandum est, an magis malignitas, an magis symptomata febris ardentis urgeant? Si prius; tutius dictorum animalium salia volatilia eligenda, cum debitis alexipharmacis mixta: si verò posterius, volatilibus cautius utamur, & potius fixiora, & acida nonnihil alexipharmacis mixta, conveniunt. Ex his animalium partibus & gelatina cornu cervi in febribus malignis egregia, quodcumque acre temperando, quæcumque symptomata leniens, quia per liquorem sui nutritivum acrimoniam malignam corrigit, & simul ratione salis volatiliter temperati ad blandam diaphoresin disponit. Camphora etiam ad quæcumque symptomata egregia est; sed non omnes ferunt hanc: quibusdam mulieribus infert passionem hysterica; item qui habent spiritus animales texture rarioris, ut eruditi, his camphora est nimis gravis, perturbat mentem.

Sudoriferis autem subinde interponenda sunt acida, ut sanguini redeat debita consistentia, & vires per sudorem perditæ restaurentur, imprimis, si sudor salibus volatilibus prolicitus fuerit; sola enim sudorifera, præsertim alcalina aut fixa, sine acidis interpositis non sufficiunt, cum ægri nimis debilitentur. Si post sudorem ægri fiant vegetiores, sudoriferis insistamus. Sed in & post sudorem in febribus malignis observandus semper pulsus ad cognoscen-

scendam magnitudinem & vehementiam: nempe si in sudore fiat magnus vel nonnihil major, qui ante eum erat parvus, bonum signum est; vel *si post sudorem*, sedata sanguinis turgescencia, inde paulò *major* deprehendatur, quàm ante sudorem, *bonum* signum erit, speciatim si simul vehementior nonnihil post sudorem evadat: è contrà si in sudore parvus sit & etiam post sudorem eodem in tenore perduret, aut minor evadat, pessimum est.

Cum verò ægri post sudorem in febribus malignis multum debilitentur, convenit hic imprimis *vinum generosum*, propter suum acidum summe analepticum; confortativum enim est optimū *post sudorem*, tam interiùs, quàm exteriùs.

Cæterum in nostra ægra, in qua febris maligna admodum adest, iuncta cum diarrhœa colliquativa, quæ ceu maxime urgēs symptomata sui meretur considerationem, antea dictæ obtinent, Indicationes, nam correcto acri colliquante veneno, ceu fermento maligno, eoque per sudorem evacuato, spontè cessabit diarrhœa. Convenit siquidem mistura alexipharmaca, quam ingreditur electuarium diascordii Fracastorii, cuius loco electuarium diascordii correctum à SYLUIO, vel Theriaca, substitui potest; item Julebi citrati & nitrati, nec non pulveres ex fixioribus parati: Quibus si adiungantur modetata opiata, citior successus sperandus; Unde compositiones theriacales propter opium hic primatum obtinent, in misturis propinatae. Non ergò diarrhœa hæc adstringentibus, quatalibus, est curanda & statim suppressenda; quin secus graves præcordiorum anxietates, singultus, nausea, speciatim inquietudines & cephalalgia intensissimæ inducerentur, si simpliciter adstringentibus insisteremus, quia adhuc adest motus & orgasmus humorum in primis viis: dein nec diarrhœa hæc per se simpliciter curanda aut sistenda venit, sed fomiti virulento potius occurrendum est; sic spontè cessabit, applicando saltem ratione illius externæ Theriacam, cum vino generoso acidulo subactam sub forma epithematis, fervidè stomacho, & hypochondriis, sæpiùs repetendo, sicut internè pro scopo sistendi turgescencia simul, & fermentativum succorum circa hypochondria & coliquefactionum impetum propinari possunt cornu cervi sine igne, terra sigillata, bezoardicum Martiale, antimonium diaphoreticum Martiale; &c. Adeoque in nostra ægra vocatus præmissi misturam theriacalem superiùs allegatam, à cuius usu bis sudavit. Posset etiam præscribi sequens pulvis:

℞. Antimonii diaph. ℥ij.

Terra sigillat. ℥j.

Laud. opiat. gr. ij, vel Extr. theriacal.

(propter opium) gr. vj.

M. f. Pulvis.

div. in 2. part. æqual.

quæ capiantur in vehiculo calido & acidulo. Hinc quiescat ægra, cui si sudor superveniat, eò melius est, aut si blanda diaphoresis subsequatur.

Sed quid agendum, si ægræ nostræ, in tali statu enarrato constitutæ, superveniret menstruatio? Resp. Consideretur

1. Tempus morbi.

2. Tempus menstruationis: an legitimum? an, quod sæpius sit, anticipaverit.

Utrumque motum naturæ excretorium ostendit. Considerandum: an magis criticus? an magis symptomatikus? Si ergò menstruatio debito modo & in legitima quantitate, & sine gravioribus symptomatibus superveniat in incremento morbi, tunc naturæ linquendum directorium est; cessabit enim huius fluxu diarrhœa: de cætero consuetis remediis insistendum, nec nimis acida usurpanda. Sin verò deficiat, & hinc symptomata præcordiorum, atque abdominis tormina, & similia affligant, tunc quidè pariter diarrhœa exin sistitur, at malo omine: interrim supra dictis medicamentis addantur volatilia & myrrhata, moderata tamen in dosi, ut unà superveniente sudore moderato nonnihil stimuletur dicta sanguinis excretio, idque speciatim, si vires ægræ hoc permittere videantur. Sin verò nimis fluat menstruatio, hæc suppressenda nonnihil; periculum enim ingens inquit, præsertim si forsitan excretio cutanea expectetur, ne inverso sic naturæ motu imminentes petechiæ impediuntur, unde in tali casu acidula & remedia terrea, v. g. mineralia blandè adstringentia, in usum vocentur; aut quoque opiata cum alexipharmacis maritentur; sic enim ipsis nimis mensum fluxus sufflaminiabitur. Si verò in statu superve-

niat, in quo jam petechiæ effloruerint, magis suspectus est, ne retrocedant. Consideranda ergò

1. Euphoria ægri.

2. Signa in urina coctionis.

3. Antecedentia, fluxum hunc quasi criticum plus minus indicantia.

4. Quantitas, an debita? an excessiva? an defectuosa.

Si ergò in statu, debito menstruationis tempore, debita quantitate superveniat, linquatur; saltem diaphoreticis excretio cutanea conservetur: si excedat, nonnihil cohibeatur: si deficiat, volatilibus excretionem cutaneam unà promoventibus adiuvetur: Si verò anticipet sine prodromis circa lumbos; instantis talis hæmorrhagiæ signis, citrà coctionem urinæ; adeoque periculum est, ne petechiæ retrocedant, aut saltem debita excretio & discussio impediatur; si excedat, præsertim sistatur moderatè; semper diaphoretica sociando: si verò indicia præfata præcesserunt, & ægræ euphoria adsit; linquatur, nisi summè excedat: si deficiat, promoveatur blandè. In genere minus noxiam in petechiis observavi menstruationem.

Sed quid? si symptomatibus præfatis cessantibus copiosa erumperent petechiæ, & die octavo morbi superveniret copiosa hæmorrhagia narium? Ratio critica est, facta jam petechiarum eruptione: si ergò symptomatologica, coerceatur per bufones.

Sed quid? si ex contagio febris maligna nata: id quod præter ægri relationem anxietas præcordiorum, aliaque symptomata, ventriculi imprimis, edocent, quæ innuunt succos corruptos circa primas vias, aut ipsum stomachum à contagio affectum; in principio vocatus Medicus vomitorio instet; sin in incremento & altero jam morbi die cum diarrhœa colliquativa, propter hanc omittat; aliàs si nulla talis adesset excretio symptomatologica; si vires ægræ ferant, & adhuc fermentum malignum præcordia magis afficere videtur, etiam in incremento provocet vomitum, cum propter minus celerem harum febrium motum tempora sint longiora particularia, nec tantum periculi ac in auctoribus; ex. gr. fratri meo die Martis dedi vomitorium, cum jam die Solis Potionem theriacalem accepisset.

Vene sectio nil præstat.

Juvenis quidam octodecim annorum, aliàs sanus ac robustæ constitutionis, corripiebatur die Mercurii vespere brevi horrore, post quem incalcescebat mediocriter; nox insequens erat mediocris, manè die Iovis caput intensè circa frontem dolebat, sitiebat graviter, fauces & lingua erant siccæ, dolor gravativus præcordia occupabat, calor totius præternaturalis mediocris; lassitudo omnium artuum: caput suo nutu pilulas cephalicas; sed à meridie præterea Medicum adit, qui ordinat pro sequente manè ℥ss. syrupi emetici in vehiculo appropriato; & licet pilulæ à meridie semel vomitu, ter secessu, evacuassent, jubet nihilominus die Veneris capere vomitorium; quod septies supra copiosa mucosa & octies infra evacuavit; unde pro nocte sequente præscripsi:

℞. Aquæ scord. ℥ij.

Acer. Samb. ℥ss.

Theriac. ℥i.

Antimonii diaphor. ℥j.

M. pro 2. dosibus.

Sequitur nox gravis, manè symptomata eadem, appetitus nullus, sitis clamosa, cephalalgia intensa, fauces aridæ, lingua aspera & nonnihil nigricans, calor totius acris seu mordax, non tamen adeò intensus, cutis arida & squalida, lassitudo omnium artuum, vires prostratæ, pulsus, celer, frequens, debilis, ferè inæqualis; horret cerevisiam; hinc

℞. Cornu Cervi sine igne ℥ss.

Bezoard. miner. ℥j.

Ol. Camphor. gutt. v.

destillat. succin.

Ciri ana gutt. j.

M. pro 2. dosibus.

manè & vespere assumendis.

Nox insequens fuit inquieta cum incipiente delirio, Die Solis symptomata eadem, robur faciei insignis, pulsus celer, frequens, parvus, inæqualis.

℞. Liqu. Cornu Cervi succin. ℥ss. vel ℥ij.

pro 2. dosibus.

A primadosis æstus intensior, hæmorrhagia larga, quam rubor faciei præmonstraverat, petechiæ in manibus, symptomata cætera eadem. Potus erat cerevisia secundaria cum vino.

Pro faucibus unâ cum iis, quæ Chirurgus usurpabat, præscripti:

℞. Mucil. sem. Cydon. cum sperm. extr. ℥j.
Nitr. Antimoniat. ℥j.
Rob. dianuc. ℥ss.
Misc.

Subinde fauces hoc ipso illinebat, & blandè gargarisando expuebat.

A meridie alteram spiritus dosin sumpsit, copiosioribus hinc erumpentibus petechiis; symptomata erant eadem. Vesperti præscripti:

℞. Aquæ flor. Papav. errat. ℥ij.
Samb. ℥j.
Ebor. sine igne.
Bez. mineral.
Salis vol. Cornu Cervi ana gr. vj.
Syr. de scord. ℥ij.
Misc.

Assumebat ista nocte successivè.

Die Lunæ ordinavi:

℞. Pulver. Bezoard. D. Mich. gr. xvj.
Salis vol. Cornu Cervi gr. viij.
Ol. pestil. Heinis. gutt. vj.
M. D. in triplo.

Sumebat æger manè, à meridie, & circa mediam noctem. Hac ipsa die iterum erat hæmorrhagia, nox inquieta, deliria, symptomata cætera eadem.

Die Martis ordinavi:

℞. Liq. Cornu Cervi succinat. ℥ss.
pro 2. dosibus.

Vesperti verò ingruente nocte:

℞. Pulv. Bezoard. D. Mich. gr. xv.
Cinnab. antimonii ℥ss.
Salis vol. Cornu Cervi gr. vj.
Misc.

Nox erat pessima, summè delira, inquieta, manè incipientes convulsiones.

Die Mercurii morbi septima.

℞. Cornu Cervi sine igne ℥j.
Bezoardic. miner. ℥ss.
Pulver. epil. Antimonial. gr. j.
Misc.

Capiebat manè: A meridie hora tertia capiebat guttas 50. de liquore cornu cervi succinato. Hac die secessus quatuor copiosi de cætero hætenus. Urina semper cruda erat sanorum simillima. Appetente nocte ordinabatur sequens pulvis:

℞. Pulver. Bezoard. gr. xij.
Cinn. Antimonii ℥ss.
Sal. volat. Cornu Cervi gr. v.
Misc.

Post mediam noctem iterum 50. guttas liquoris cornu cervi succinati capiebat: nox erat tolerabilis ratione delirii, sed convulsiones ingravescerent.

Die Jovis pulveres, liquorem & cornu cervi succinatum continuare, & vesperti ob nimias faciei & manuum convulsiones graves vesicatorium utrinque brachio prope carpum in parte extrema applicate iussi. Internè

℞. Aquæ flor. Pæon. ℥ij.
Spiritus vini camph. ℥j. ad ℥ij.
Matr. perl. præp. ℥ij.
Bezoard. Solar. ℥j.
Syr. flor. tunic. ℥ij.
Misc. pro 2. dosibus.

Unadosis ante, altera post mediam noctem usurpabatur. Nox erat quietior, cum somno, licet interrupto, convulsiones manè longè mitiores, qui effectus vesicatorii debebantur.

Die Veneris propter virium debilitatem præscripti:

℞. Aquæ flor. Pæon. ℥ij.
Spir. vin. camph. ℥ss.
Cornu Cervi sine igne,
Matr. perl. præp.
Antimonii diaphor. ana ℥j.
Conf. al. Kerm. ℥ss.
M. s. Potio.

Reiterabatur etiam vesperti pro nocte, æger melius habebat, convulsiones erant mitiores, vesicatoriis largè fluentibus, nox tamen inquietior.

Die Saturni:

℞. Spiritus Cornu Cervi succin.
Tinctura Corall. cum Spirit. cord. cerviana ℥j.
Misc.

Bis hac die gutt. 50. capiebantur. Vesperti potio antecedens repetebatur; nox erat bona, convulsiones & cætera symptomata cessabant, urina turbida reddebatur, & sedimentum seponebat: hinc Die Solis liquor cornu cervi succinatus à 40. ad 50. guttaster intra 24. horas continuabatur, quo porro itidem continuato sic convaleuit.

CASUS XXXVI.

VARIOLÆ.

G rassantur hoc tempore hic passim variola; hinc puer decem annorum, die Mercurii lecto surgens, post noctem inquietam, conqueritur de intensa cephalalgia, dolore spinæ dorsæ, æstu corporis, siti, præcordiorum anxietate, vesperti graves & continui vomitus, & frequentes inanes vomendi conatus superveniunt, sitis clamosa urget, quicquid tamen propinatur, subito vomitus impetu rejicitur, nox inquieta, uti & insequens dies. Die Veneris manè cessat vomitus, efflorescunt hinc inde macula & pustula parva, rubra, acuminata per corporis peripheriam, sed copiosa narium hæmorrhagia comitata, quæ subinde cessat, subinde repetit. Vesperti atroces insultus epileptici superveniunt, successivis vicibus per noctem repetentes. Die Saturni omnia quiescit, pustula copiosiores intumescunt, ægro interim admodum suiculoso; à meridie diarrhœa spumosa ægrum prehendit, anxium eum reddens, viresque dejiciens. Queritur, quæ ratione hic affectus curandus?

RESOLUTIO.

DN. BOSENI,

Cum speciali Discursu & Annotatione

B. DOMINI PRÆSIDIS,

Censuræ & Emendationi subiecta

Anno 1676.

AFFECTUS.

P rasens noster casus, cum ab ulteriori denominationis affectus inquisitione otiosos nos reddat, ut pote qui digito quasi communem illam delicatioris infantie ærumnam, Variolas nimirum, monstrat, solummodo circa curam jam antea radicati; nunc verò impetuosè efflorescentis, ipsius morbi occupatos esse jubeat. Satis tamen erit (boni ordinis legibus observatis) quò hostem hunc squalidum còtutius, quin & citius profligare possimus, si in ipsius naturam inquisiverimus præmittenda theoretica, manu nos postmodum ad Indicationes necessarias ducentia, præmittere.

PARS AFFECTA.

Jam igitur ante omnia Partem affectam seu subjectum morbi perillustrare integrum erit: id quod cum duplex sit, vel inhaesionis, vel radicationis: Illud tempore ebullitionis (quæ distinctio temporis in variolis probè est notanda) est massa sanguinea in vehementem effervescentie motum rapta; tempore excretionis verò partes subcutaneæ, ut & cuticula ipsa demum erosa: Hoc verò scilicet subjectum radicationis sunt primæ via; præcipuè stomachus, ubi acor quidam vitiosus radices suas fixit, qui postmodum fermentum morbosum extirrit, & tragœdias hæc, quas in agro nostro deprehendimus, lufit.

Causam igitur Proximam huius mali si seruerimus deprehendimus effervescentias febriles, ab acido quodam fermentativo viscido, cum sale volatili massa sanguinea concurrente, excitatas; eandem constituere posse? quippe acidum istud heterogeneum eoque paulo profundius absconditum fuisse, donec a causa quodam externa excitatum sese manifestaverit, haud absolum erit. Id quod satis commode in agro nostro fieri potuit, praecipue eotempore, quo passim variola grassata sunt, ubi ipse facile fermentum simile sine dubio ubivis in aere hospitans mediante respiratione hausisse creditur: id quod massam sanguineam ad motum fermentativum disponendo, acorem istum heterogeneum excitavit, qui suscitatus concurrendo cum sale volatili massa sanguinea oleoso non potuit non & per vias earum effervescentiarum febrilium, & ubi nomine reliquorum symptomatum omnium, Autor existisse.

SYMPTOMATUM CUM CAUSIS CONNEXIO.

Horum autem connexionem antequam enarraverimus, praestabit de origine istius radicati acidi sollicitum esse: id quod ex Modernorum communi sententia a Veterum longe recedente, ut pote qui nunc sanguini menstruo, nunc vero repetita post conceptionem libidini Venerea, culpam attribuendam, existimaverunt radicem suam ex corruptela lactis nutritivi ortam agnoscit. Hanc rem autem nobis magis persuadet, quod videamus, neminem fere esse, tam his etiam nostris, quam aliis exoticis regionibus, qui plagam hanc variolarum molestam non sit expertus; adeoque aliquod implantatum quasi nobis & commune principium, ratione cuius fere nullus variolis se subducere possit, subesse oportere, veritati consentaneum est. Quippe quis lac muliebre omni numero ita absolutum pronuntiabit, quin quotidianis alterationibus obnoxium esse possit? Praesuppositis enim tum nutritis variatis affectibus, tum varia & inordinata alimentorum assumptione, facile credere poterimus, earundem chylum, unde natales suos lac agnoscit, haud raro alterari & corrumpi, indeque dyscrasiam lactis supervenire. Hinc lac istud diversimode alteratum, & in tenelum corpus emulsum, cum non semper ad equatum sit fermento infantili, sine omni dubio non rite in ventriculo tenello coctum, cruditates copiosas colligit, & acorem vitiosum contrahit. Qui acor in nostro aequae ac alia morboosa fermenta, ut salivale illud canis rabidi, item contagiosum luis Venerea, ad tempus delitescere voluit, quod & temporis maturitate urgente, & causa ea jam supra annotata extrinsecus accedente, excitatum se movere cepit, & cum sale volatili massa sanguinea oleoso concurrente, tanquam sibi contrario, effervescentiam febrilem excitare, unde astus agri nostri e lecto surgentis toto corpore perceptibilis: quem cum intensa cephalalgia comitaretur, eam ortum suum partim a turgescencia sanguinis, in vasis cerebri stagnantis, & continua pulsatione dolores excitantis; partim vero ex consensu orificii superioris etiam satis affecti traxisse verisimile est. Nam acidum istud vitiosum in ventriculo hospitans, acrimonia sua orificium superius partem illam sensibilissimam rodendo, anxietates praetoriorum efficit, quae & in consensum caput rapiunt, ut & ex parte propter continuitatem vellicationis ad fauces usque sitis causa existunt: quamvis hoc in passu multum vitiosa lymphae, plus minus scilicet acriori & loco irrigationis fauces vellicant, attribuendum esse arbitramur. Acidum istud acre, dum magis magisque exaltatum adhuc in ventriculo haeret, jam vero ad eruptionem sui inclinatur, fundum ventriculi & pylorum rodendo, illum ad sui contractionem, & contentorum exclusionem cogit, unde vomitus isti frequentes circa vespere. Hi vero quod non fiant per consensum, sed per essentiam, patet; quod licet materia in ventriculo contenta satis sit evacuata, nihilominus tamen vomendi frequentiores conatus, quamvis inanes persistant. Hinc sitis jam antea satis molesta tantum abest ut remittat, ut potius exasperetur a materia acris acidis, vomitu rejecta, & fauces magis transgreditur, suo attactu stimulante. Nec mirum est, quod omne propinatum subito vomitus impetu rejectum fuerit, quoniam continua stimulatione irritatus ventriculus semper convellitur, adeoque omnia injecta reiecit. Quis itaque inquietudinem continuam in dubium vocabit, cum fere omnes partes internas a molesto illo acido affectas videat? Nam supra indigitatis molestissimis symptomatibus accedit dolor spinæ dorsæ haud exiguus, ut pote qui & idem illud acidum partes & membranas nervosæ circa spinam dorsæ sitas vellicans, accusat. Cum itaque

hostis ille jam satis notus partes interiores tenelli corporis probe saugaverit, & in conflictu sal volatile massa sanguinea pro libidine se exercuerit, tertio demum die invasionis morbi adversarium suum herbam porrigere cogit. Jam itaque acidum istud cum dicto sale volatili se combinans illud precipitare incipit, ubi dein, impetuoso ejusdem motu sedato, symptomata jam enarrata mitigantur. Sanguis vero combinatorum istorum, salium heterogeneorum pertusus, evacuatione sua critica mediante latice aquoso ad corporis peripheriam eadem excernere coepit per vasa capillaria & glandulas miliares, ubi tunc macula & pustula parva, rubra, & acuminata, per dictam peripheriam efflorescunt, signum jam coctæ & precipitatae materiae morbose. Verum, dum acidum hoc ita precipitatum sub sui excretionem ad partes cutaneas, membranaceas, musculosas, tendinosas & fibrosas partes praeterlabitur, suo attactu materiali earundem crispatur & efficit, quo ipso demum spiritus impetuosi facti insultus istos epilepticos excitant, quibus ager noster per integram noctem affligebatur. Nec praegressa repetita narium haemorrhagia aliud quid invehit, quam vasorum capillariorum in illa regione per acidi corrosionem aperituram, & sanguinis adhuc ex parte turgescens superveniens stillicidium. Iste vero supra nominata partes nervæ, cum per plenariam spinam istius, continuis punctationibus irritantibus, ad superficiem cutis extimam exclusionem sese exponere viderint, omnia tunc quiescere esse videntur. Interim tamen sal hocce salso-acidum in extremitate cutis sub cuticula proprie sic dicta defixum, sensim in pustulas majores coagulatur, ubi ulterius fermentando succum nutritivum corrumpit, nec prius quiescit, donec in perfectum pus abeat, quod tandem erosa cuticula, & superveniente crusta dura, sponte evanescit. His ita peractis, ager plenus spei bona de proxima convalescentia esse potuisset, nisi summum nocivum illud symptoma, diarrhoea spumosa, supervenerit. Haec igitur, cum varias alias agnoscat causas, quæ tamen omnes in radice conspirant, semper praesupponentes fermentum acre salinum, de natura alcali & quasi biliosum, quod colliquescendo massam sanguineam prostrato simul fermento stomachali, molestum hunc satisque periculosum morbum invehit. Interim tamen probabilissima videtur hac esse, quod bilis, quoniam ex continuo vomendi conatu antea nimis commota fuerit, in ventriculum regurgitaverit, ibique destructo fermento digestivo ad massam sanguineam pergens, eam colliquefaciendo, praesens nostrum malum symptomaticum exhibuerit: unde & virium prostratio ex colliquefacta massa sanguinea, & sitis atque anxietates ex sale acris & bilioso, orificium & fauces rodente.

PROGNOSIS.

Malum autem hoc praesens non esset adeo periculosum, quamvis satis atrocitas hac symptomata supervenerint, epilepsia & haemorrhagia; quæ autem, quoniam variolarum eruptionem comitata, non vero secuta fuerunt, non pro adeo periculosis habentur; modo non funestum hoc symptoma supervenisset: id quod quoque pra aliis curam maturare jubet, quoniam vix boni quicquam hic portendit.

CURA.

Pro ea igitur rite instituenda morbus considerari debet, tum prout in tempore ebullitionis constitutus fuit, tum prout in tempore excretionis nunc se exhibet, tum denique, prout post se symptoma quoddam suspectum relinquit.

In principio ergo morbi, tempore nimirum ebullitionis, pro scopo precipitandi, & orgasmum sanguinis nimium temperandi, satisfacere potuissent remedia fixiora; quibus autem semper specificum illud procurandis variolis remedium, myrrha nimirum, addenda fuisset, nec non granum unum vel alterum de opio (sed non nisi in principio morbi, alias excretio variolarum impedita fuisset) quo symptomatum atrocitati resisti potuisset. Statim igitur primo invasionis die sequens praescribi potuisset formula:

℞. Antimonii diaph.

Cornu Cervi sine igne ℞.

Myrrh. el. gr. jv.

Opii ritè par. gr. j.

M. f. Pulvis pro duabus dosibus;

Horum altera mane, altera vero a meridie circa horam praeterpropter, assumi debuisse.

Quoniam autem statim in principio morbi sitis urgebat, potus ordinario, sive gelatina cornu cervi, sine parum de nitro

nitro antimoniato, lectissima illa remedia pro sistenda siti, infundi debuissent.

Deinde statim ad semina expulsiua dicta accessum faciendum fuisse arbitror, quamvis vomitus & anxietates præcordiorum adhuc curserint: nam puto semina ista iam satis acidum acre, vomitus causa quod existit, ratione oleosæ paulò & lacteæ substantiæ temperare, ut & salis volatilis alcalini vim obtundere potuisse; præprimis si ipsis parum de castoreo & myrrha sit additum. Præterea si modò dicta semina vim maturandi & expellendi obtineant, sufficit nobis; quippe quamprimum modò fermentum morbosum subactum, & ad peripheriam corporis exclusum fuerit, hæcce symptomata sponte cessatura esse, vix dubium est. Pro hoc autem scopo sequens formula congrua videtur:

℞. Sem. card. bened. ℥ii.

Napi,

Aquileg.

Nasturt. ana ℥i.

Papav. alb. ℥ii.

Cum. f. q. Aquæ Card. ben. & Aquæ flor. sambuc.
f. emulsio.

adde

Ess. castor. ℥i.

Myrrhæ ℥ss.

Antimonii diaphor. ℥i.

M. D. S.

Emulsio sudorifera.

Hiscæ pro expulsionem variolarum accensendum venit sudoriferum illud, verum non solummodò in hoc. sed & in aliis morbis, satis decantatum remedium, stercus equinum, ut & orvillum: id quod cum haustu vini subigatur, & postmodum coletur, colatura verò propinetur.

Præterea, cum crudele illud symptoma, epilepsia, ægrum interdum vexet, nil melius haberi potest, quam liquor cornu cervi succinatus, & cinnabaris antimonii.

Præter hæc ante omnia diarrhœæ habenda est Cura, ubi præprimis de restaurando fermento ventriculi solliciti simus, atque fermentum acre salinum alcalinum per blanda acida destruere queramus, præcipuè verò sudoriferis massam sanguineam purgare queramus. Hinc sequens formula congrua existimatur:

℞. Aquæ tormentill. ℥ss.

Aceti rosac. ℥vi.

El. diascord. Frac. ℥i.

Terræ sigil. ℥i.

Antimonii diaphor. ℥ss.

Syr. cydon. ℥ss.

M. f. Potio.

Quæ mixtura capiatur cochleatim, expectando sudorem.

Denique ultimò corpus, si æger iterum convalescit, purgandum est, ne quicquam de fermento isto acri remaneat, quod novis turbis occasionem præbeat: cui scopo inservit præprimis Mercurius dulcis; v. g.

℞. Extr. helleb. nigr.

Mercurii dulc. ana gr. viii.

Scamm. sulphurat. gr. i.

Cum. f. q. Ess. Myrrhæ f. Pilulæ: S.

Pilulæ purgantes sanguinem.

DISCURSUS & ANNOTATA

B. DN. PRÆSIDIS.

Afectus sunt Variolæ jam efflorescere incipientes, & ad statum properantes.

Subjectum in hæcæstionis est nunc massa sanguinea, nunc cutis.

Distinguendum autem tempus ebullitionis & excretionis: Ebullitionis distinguitur in quatuor primos dies: Excretionis usque ad septimum: octavo incipit suppuratio; nono jam suppuratæ sunt: ita ut variolæ sint morbus criticus, ut sanguis quasi depuretur, & heterogeneam spumam in peripheriam corporis quasi deponat. Pro varietate tamen circumstantiarum, vel promoventium vel impediendum naturæ motum, nunc tardior nunc citior solet esse excretio, ut quandoque ad diem vigesimum tempus excretionis fuerit extensum.

Quoad subjectum radicationis, dubitatur, an illud stomachus esse possit? siquidem omne acidum, excepto corrosivo, stomacho est amicum. Posito, fomitem variolarum nobis esse congenitum, hinc porro queritur,

ubi fermentum variolarum radices primas fixerit? an in sanguinea massa? an verò in stomacho? si à lactis nutrimento originem duxerit. Ratione illius nulla ratio persuadere videtur: ergò potius massa sanguinea erit fomes; unde postmodum fermenta variolarum in actum deducuntur.

Fermentum variolarum nobis firmiter esse impressum, illustrat.

1. Observatio DRELINCOURTII, quod mater gravida assidens puero variolis correpto, puero convalescente eadem infantem variolis repletum enixa sit.
2. Quod ferè universalissimus morbus sit, qualis aliàs non datur, adeoque ex causa omnibus communi & inevitabili ortum habet, eaque infantibus speciatim familiari.
3. Sympathetica exempla, radicem in vitalibus ferè principiis ostendentia: vid. BARTHOLINUS in Act. Med. Hassn. ubi habet exempla eodem tempore variolis infectorum, & eodem temporis puncto iisdem intereuntium: Vid. etiam GRUBE de Transplant. Morbor.

Causa proxima est acidum fermentativum, cuius sententiæ primus Autor est SYLVIUS lib. 4. Prax. Tract. 1. c. 9. & confirmatur exinde, quia omnia symptomata sub variolarum cursu observabilia, sunt talia, quæ ab acido derivari, & explicari queant. Etenim acidum hoc in variolis effectivè peccare, persuadet.

(1) Pustularum conditio: quippæ hæc sunt rubræ, prurientes, dolentes, rodentes, ardentes; hinc abeundo in pus crustam faciunt, & tandem foveam relinquunt. Pustulæ autem hæc; quò magis rubent, eò potentiùs acidum reconditum monstrant, & sunt meliores; at verò si ex alcali acri dependeant eodem, pallefcunt, & tandem livescentes nigrescunt, quod signum est mortificationis sanguinis. Adeoque meliores pustulæ sunt rubræ, nigrescentes verò & lividæ pessimæ, & subinde lethales sunt: unde sicut in rubris major est ardor; ita in lividis & nigricantibus nullus pruritus, tandem sensus penitus deficit, & partis mors. Ardor enim, rubor, pruritus, & c. sunt signum acidi. Cæteroquin nascitur pus ex sanguinis sale volatili oleoso, ab acido variolarum per præcipitationem in corpus ejusmodi album salum, pus, mutato; non secus ac crusta sequitur erosionem parris, factam ab acido: quemadmodum enim alcalia acra partes membranaceas dissolvunt in liquamen putrilaginosum: ita acidum rodit easdem in crustas. Tandem fovearum vestigia sunt cicatrices, factæ in cute & cuticula, erosio prius ab acido peccante; quod patet exinde, quia foveæ spiliosiores in substantia sua sunt, quàm vicina cute non erosa: deinde etiam, quia in foveis variolarum non crescunt pili.

(2) Acidum in variolis peccare, probant corrosiones partium etiam duriorum: sic enim observavit PARÆUS, ossa etiam fuisse erosa in variolis: ac nil novi est, fauces palatumque erodi, & ulcera oris gravia variolis supervenire; itemque os nasi atrodi, & ozenas variolas insequi; imò hinc inde ulcera depascentia ex acido concentrato relinqui.

(3) Confirmant acidum peccans ulcera pravi moris partibus subinde supervenientia: Ita curiosum est, quod refert DRELINCOURTIUS in Diss. de Variol. nempe mulieres lactantes pueros variolis oblectos ulcera mammas erodentia periculossima incidisse, contagio variolarum acido ex infante in mammas derivato, ibidemque exulcerationes inferente.

(4) Considerationem meretur, si non identitas, saltem analogia scabiei seu tinearum capitis, & achorum cum variolis: ita enim pluribus pueris tinea caput tempore variolarum non raro incrustatur, & facies achoribus obsidetur. Ex quo pater, utrorumque affectuum eandem esse rationem: jam verò ibi peccare acidum, notum est. Probant etiam.

(5) Acidum peccans juvantia, quæ talia in se sunt, ut positivè acidum corrigan, vel privativè illud absorbent. Inter positivè agentia excellunt alcalia fixa & volatilia, præsertim volatilia, sine quibus graviorum symptomatum, præsertim variolarum cura, contra vulgarem sententiam ferè impossibilis est. Juxta hæc salia fixa alcalisata sunt egregia. Accedit Mercurius dulcis qui præservativè & curativè in variolis egregius est; imò sicuti Mercurialia sunt appropriatum alexipharmacum,

cum veneni acidi in lue Venerea, ita etiam propria panacea acidi virulenti in variolis. Inter privative verò absorbentia fixa sunt terrea, ut cornu cervi, terra sigillata, unicornu fossile, & similia.

Cum autem ægri, sive adulti sive infantes, variolis correpti, subinde per universum corpus communi quasi crusta cingantur, non putandum, omnem istam materiam, quæ in pustulas congeritur & efflorescit, primitus in corpore latuisse cum in tenellis & adultis æqualiter universum corpus affligatur; sed ista materia fit demum sub cursu morbi tempore ebullitionis, per alterationem & corruptionem massæ sanguineæ ac lymphæ à fermento variolarum: Nempe fermentum acidum morbosum est, quod latet absconditum in massa sanguinea, & data occasione exsuscitatum, signum motum fermentativum excitat, sub isto motu sanguinem & lympham alterat, corrumpit, & in sui naturam transmutat, quæ particulæ tandem sub cute & cuticula desiguntur, & pustulas excitant.

Quod lymphæ etiam potissimum sit inquinata & alterata loquitur *Tussis*, in principio variolarum sicca & cruenta, postmodum humida evadens: item oculorum affectus sub cursu affligentes; qui subinde à lymphæ lachrymali acri alterata eroduntur, admodum dolent, & occasione erosionis pannos atque nubeculas contrahunt, sicut etiam faucium & oris vitia; cum enim frequentiores glandulæ collum & fauces obsideant, hinc variolis laborantes, ex lymphæ præternaturali rauci evadunt, etiam si variolæ easdem non obsideant, & excoarationem faucium exulcerationemque patiuntur, (quæ vitia conspirant cum vitis in lue Venerea;) imò non raro post tussim aspera arteria erosa, à destillante lymphæ quoque pulmones nonnunquam eroduntur, sic phthisis supervenit, unde cadit præconcepta opinio, eos, qui vel achoribus vel scabie antea laborarunt, aut adhuc laborant, minus variolis affligi; siquidem in *FEHR de Schorzon* & *HEINRICO ab HEER*, prostant observationes, actu scabiosos etiam variolis fuisse correptos: quin potius, quorum sanguis magis vel minus alterabilis est, aut quorum fermentum morbosum magis vel minus acre activum, plus vel minus variolis inquinari.

Causa remota, quæ exsuscitat fomitem antea absconditum, est aeris vitium epidemicum. Considerandum autem, qua ratione aer concurrat, quod tantoperè grassentur? Contagia ista esse non à solo aere, patet; alias etiam bruta affligerentur. Contagia igitur ex ægris exspirata non excludenda, utur hæc approximantes saltem inquinant. Scilicet præterita æstas (sub cuius canicularium dierum declinatione variolæ incipientes, ad hoc usque tempus adhuc dum grassantur) admodum fuit humida, & crebrioribus imbribus combinata; nec solum aeris, humiditas aderat, sed etiam tres insignes exundationes nostra & vicina climata inebriarunt. Imò cum hac æstate minus fervida, sed moderatè tepescente, autumnus similis tepidiusculus illucebat, insuper hyems, præter octiduum durante illo, nulla, sed semper squalida fuit: Ex hisce ergo tepidis & humidis temporibus, cum inundationibus allegatis, incedentibus etiam odoribus fracidis & putredinosis, non potuit non aer alterari, ita ut hic humidior semper & moderatè calidus frigidusque, passus fuerit hebetationem salis sui universalis nitrosi; quippe quod à dicta humiditate plus minus fracidum & putredinali resolutum, sicque iners factum, non sufficit sanguinis volatilisationi promovendæ, neque ejusdem fermentationi, neque transpirationi: hæc enim tria necessario in omni vivente à sale hocce aeris universali expectanda sunt. Unde dum aere infecto, sal ejusdem universalis nitrosi iners redditum est, hinc ab eodem aere humido temperato, & sic putredinosis effluviis plus minus inquinato, sanguis alteratus fuit; hinc minus spirituosus factus est, sed potius ad similem putredinalem alterationem & resolutionem massa sanguinea nonnihil disposita fuit, sub qua ejusdem constitutionem exaltatum & extraversum quasi fuit alcali volatile sanguinis; contra oleum seu sulphur ejusdem balsamicum quasi dissolutum, oppressum, & quasi introversum: unde sub tali occasione non tantum in adultis febres ardentes malignæ, ex genere petechialium autumnò grassatæ sunt, sed etiam in tenerioribus subjectis, quorum massa sanguinea minus oleosa, sed humidiuscula temperata existit, speciatim fermenta variolarum acida resoluta & excitata fuerunt, quæ se exerendo, cum alcali sanguinis effervescente, & hinc

massæ sanguineæ balsamum, olei tegmine destitutum, alterare, & in sui multiplicatione eandem magis magisque corrumpere potuerunt. Ceterum simile quid commune vitium antecedere in variolis, confirmare videtur commune illud muliercularum euporiston, dum nempe Myrrhæ, quæ ratione virtutis suæ balsamicæ in corporibus mortuis à putredine conservandis insignis est, tam in præservandis quam curandis variolis, primatum tribuunt, propinando eam in substantia, item essentiam myrrhæ cum spiritu vini tartarificato, nec non elixyr proprieratis cum & sine acido; sicut eadem quoque curativè etiam in declinatione, ne partes à variolis boxas contrahant, sunt egregia, prout ergò ab hac aeris constitutione massa sanguinea plus minus alteratur, & ad putredinem disponitur, eatenus variolæ nunc plus nunc minus observantur malignæ & periculosæ; sicut etiam hoc tempore minus malignæ sunt. Conf. observatio *FORESTI lib. 6. observ. 44.* ubi ante centum annos dispositio aeris humida, tepida, &c. similem grassationem variolarum per Belgium universum intulit.

Quoad symptomata febrilia nostri casus: ea simpliciter ex acido variolarum fermentativo, cum alcali sanguinis effervescente, deducenda sunt. Sic enim *Cephalalgia* oritur ex solo impetu sanguinis ebullientis, quod probat pulsus concitatissimus, & in principio admodum magnus. *Dn. Resolvens* præsentis casus putat sitim clamosam; anxietates præcordiorum, vomitus, supervenientem alvi fluxum spumofum, originem ducere ab acido; sed potius à bile dependent, quatenus hæc à fermento variolarum acido bili contrario & hostili, mediante communi sanguinis circulo eidem præmixto, alterata & vitata fuit; unde ipsa in præternaturalem orgasmum seu turgescitiam in intestino duodeno concitata, amaritie suæ, à fermento morbofo magis extraversa, sitim, vomitum, & postmodum diarrhœam spumofam una excitat: ratione cuius diarrhœæ observavi, excreta aliquoties strophilo excepta, instar ovi conquassati apparuisse, nihilque materiæ, præter spumam eidem indurxisse hinc dicunt: *Excrementa instar facis apparere*, propter fermentalem orgasmum bilis & acidi. Sanè spuma, hæc fit ab agitatione pinguidiusculi, eaque vel per vim externam conquassando, v. g. cum baculo inducta, vel per internum effervescentiæ motum facta. Hæc diarrhœa spumosa excitata fuit per vim internam fermentativam, bile in orgasmo constituta, cum acido fermento variolarum concurrente: Sic etiam bilis inquinata ab acido fermentativo variolarum, istas turbas præcordiorum infert: ex quo puncto etiam derivatur diarrhœa spumosa in incremento & statu variolarum, hoc in ægro se conspiciendam præbens, quæ innit humorum peccantium in motu enormem ataxiam, etiam eorum corruptorum & depravorum inordinatam fermentationem: unde & bilis hinc corrupta, & uberius expulsa occurrente in intestino lucco pancreatico itidem acriori, diarrhœam spumofam hanc & plerumque lethalem, post se trahit: ut, taceam, ex acriorum horum succorum concursu mixturam quandam tertiam nasci, analogam cujusdam purgantis acrioris succo, quæ si per errorem in massam sanguineam derivetur, promovet hujus effervescentiam, & colliquationem, specialiter ad locum irritatum, intestina scilicet, tendentem, sicque alvi excretionem causantem. Dejectiones ejusmodi sunt foetidissimæ, dicunt: *foetent, ut ova putrida*, & rectè: quippe in ovis abundat sal volatile cum copioso oleo; hinc sub putrescentia ovorum sal volatile, dissolvendo copiosius oleum, foetorem tam perditum concitat. Simili modo secessus & status variolis affectorum foetidissimi dependent ex miscela succorum primarum viarum corruptorum, destructa præsertim vi bilis balsamica ab acido; unde myrrha tam bilis defectum, quam ejusdem balsami corruptelæ prospicit. Dic quarto, nempe efflorescere incipientibus variolis, narium hæmorrhagia interpolata superveniebat, quam excipiebat epilepsia, hanc verò diarrhœa spumosa.

Epilepsia frequens est symptoma variolarum, oritur à vellicatione nervorum ab acri fermento maligno: Sed in principio aut incremento, ante & etiam in eruptione, neminem terreat; sicut & sub eadem non adeò formidabilis est: si verò post eruptionem superveniat, pessima est, innuit enim non sufficientem exclusionem variolarum, unde periculosa symptomata infert. (2) Fit nunc cum, nunc sine consensu abdominis. In Infantibus frequenter

ex consensu abdominis oritur, unde vel imminente vel presente epilepsia abdomen circa vel infra regionem umbilicalem sæpe tensum est. Item observatur, quod interdum infantes epilepsia corripiens non cesset, nisi vel vomitus, vel copiosi secessus per alvum, superveniant, in quibus casibus signum est, consensum partium abdominis vellicatarum supervenisse.

Quoad Hæmorrhagiam: illa etiam non rara est in variolis, varias partes interdum affligit, præ cæteris tamen observantur narium, alvi, vesicæ, unde fluxus alvi cruentus, & mictus cruentus. Hæmorrhagia narium, præsertimquæ in incremento morbi ante eruptionem venit, est simpliciter per anastomosis seu apertionem vasorum capillarum, propter sanguinis turgescens impetum, non à fermento acri variolarum, quia tunc nulla adhuc materia secretio facta est; quæ fit demum, quando pustulæ efflorescere incipiunt. *Mictus vero sanguinis & dejectiones cruentæ* quandoque in statu separatione jam facta, & quando variolæ etiam partes internas oblidet, superveniunt. Exempla talia partium internarum variolis oblidet non rara sunt: hinc viscera & partes membranosæ faciliè roduntur; erosæ, cum sint partes nervæ, quibus aliàs acidum maximè hostile est, faciliè in gangrænam & corruptionem sui abeunt, unde tandem supervenit mictus cruentus, & alvi fluxus cruentus, ut plurimum indolentes; quæ excretio sanguinis indolens est signum non solum erosionis, sed etiam gangræne; hinc tales excretiones sanguinæ in variolis ut plurimum sunt lethales: Vid. tamen HOECHS-TETTERUS, qui habet exemplum mictus cruenti in variolis non lethalis. In diarrhœa variolarum, præsertim in incremento & statu, insinuat insignis humorum depravatio; unde ex bile corrupta, & in intestinum duodenum expulsa, concurrente succo pancreatico acidiori, adest diarrhœa spumosa. Duorum horum acrium concursu fit mistura quædam tertia, analoga cuidam succo acriori purganti, quæ massæ sanguinæ permixta eandem colliquescit, unde succorum colliquatorum motus ad intestina, & per alvum secretio. Narium autem hæmorrhagia in incremento & principio si moderatè fiat, & continuo sanguis stillet, bonum signum est; hoc modo enim orgasmus sanguis tandem tepescit, & minor fit variolarum copia. Jam verò in nostro ægro subinde cessat hæmorrhagia illa, subinde autem repetit, quam insequitur epilepsia; unde verissimum, juxta HIPPOCRATIS effatum tum: *stiliicidium narium pessimum*: innuit enim deficientem naturæ seu spirituum moventium impetum in suo motu, quo non sufficiente, nihil boni augurari possumus: non secus ac STEPHANUS in *Oper. Medicis* testatur, ægris in febribus ardentibus & malignis crebrius nares fricantibus, malum signum denotari; innuit enim quandam molestiam circa nares, oriundam ex conatu naturæ, sed non sufficientem. In nostro ægro fatiscientem naturæ motivam arguimus. Posito autem, hæmorrhagiam largiorem nec interpolatam esse; tamen superveniens eidem epilepsia, pessimum omen est: contra si epilepsia hæmorrhagia supervenisset, bonum fuisset; cessat enim tunc epilepsia: sed si fit modo inverso, malum est; innuit enim naturam motu critico per hæmorrhagiam non suffecisse materiæ vel etiam producti morbofo eliminando, & quod omne restitans fermenti variolarum delatum fuerit in genus nervolum & epilepsiam intulerit.

Sed quid sibi vult diarrhœa spumosa, epilepsiam cessantem insequens? Posset illa videri critica, quia die quarto supervenit: verum ea, denotans saltim insequentem naturæ & causæ morbosæ luctam, non fuit critica, sed potius symptomatica, naturæ impetu à genere nervoso ad alium locum delata. Probat:ur:

- (1) Quia est foetida & spumosa.
- (2) Quia æger est admodum anxius, & vires ejus dejiuntur, nec percipit levamen; si enim esset motus criticus, levamen perciperetur.
- (3) Quia efflorescentibus jam variolis materia producta ad cutem extrahitur, non verò ad intestina derivari debuisset; adeoque hinc metus est, ne diarrhœa crescente æger variolis disparentibus detrudatur ad orcum.

Ex his ergo patet etiam

PROGNOSIS.

Quoad Prognosin: æger versatur in periculossimo statu, ob ultima symptomata in principin status emergentia: nam variolarum excretio promovenda est. Jam verò si sistitur diarrhœa, periculum imminet, ne recrudescat epilepsia; si verò permittimus hunc fluxum, periculum est, ne variolæ iterum evanescant, aut ne excretio earum impediat, & æger intereat.

CURA.

Quoad Curam: propter orgasmum massæ sanguinæ & lymphæ, qui oritur ab acido insigniter turbante massam sanguineam, hoc corrigatur vel absorbeatur. Quæ absorbent, sunt terra sigillata, cornu cervi, ut dictum: quibus addenda sulphurea antimonialia. Quæ positive agunt, sunt alcalia fixa & volatilia; sine enim volatilibus salibus non possunt curari ægri; & utut instar ignis æstuent, non fugiamus tamen volatilia. Quando ægri maximè fuerunt inquieti, dedi liquorem cornu cervi succinatum, & quàm mirum redditi sunt quieti & placidi. Opiata saltem in principio addantur, ne impediant crisin: Distinctio tamen motuum criticorum observanda est: Non enim opium impedit simpliciter excretionem criticam; sed tunc temporis, quando imminent excretionem criticam mediantibus simul partibus organicis, quarum præsupponitur irritatio quædam à materia morbosa, v.g. in purgatione per alvum &c. quibus vellicatis, adeoque sensu eorum affecto, stimulantur per eas excretionem; & tunc opium sistit excretionem criticam quaslibet: aut fit excretio sine talium partium activo & motivo concursu per simplicem humorum alteratorum motum, speciatim tunc transcolatorum, ut per urinam, aut sudorem &c., & tunc laudanum opiatum non impedit, interdum potius impediencia symptomata sistendo, promovet crisin. (2) Subinde in stante crisi sunt anxii, quæ anxietates impediunt subinde criticum naturæ motum: hoc ne fiat, laudanum opiatum exhibeatur, quod has anxietates impedit, & tales excretionem promovet: hinc etiam in variolis pro scopo expulsionis, in epilepsia, diarrhœa, &c. est optimum: hinc in infantibus, ubi non possumus dare laudanum opiatum, hujus loco tuto sufficit Theriaca, addito gr. j. ij. iij. &c. cæteris remediis. Interdum in infantibus sic præscribo:

℞. Cornu Cervi sine igne (si adest malignitatis suspicio, ad antimonialia fixa accedo) ℥j.
Salis Card. bened. g. iv.
Myrrhæ,
Theriace. ana gr. ii.
M. f. Pulvis pro una vel dabus dosibus, ratione ætatis.

Vel

℞. Cornu Cervi sine igne ℥j.
Myrrh. el. gr. iv.
Sal. vol. Cornu Cervi gr. ii. vel iij.
Theriace. gr. ii.
M. f. Pulvis.

Vel

℞. Cornu Cervi sine igne ℥j.
Sal. vol. Cornu Cervi,
Viperar.
Theriace. ana gr. ii.
M. f. Pulvis.

Div. in 2. part. æquales.

pro infante 3. vel 4. annorum.

Gelatina cornu cervi est optima pro sistendo orgasmo nimio.

Quoad nitrata: usurpentur cautè, (quoad sitim,) quia alvum laxant, cujus fluxum disponere periculosum est; & melius est, habere alvum constipatam nonnihil, quàm humidiorum. Emulsionibus, quibus myrrha additur, præfertur illa ZWELFFERI cum cortice citri, sub nomine liquoris alexipharmaci in *Pharmac. Reg. ZWELFFERI* pag. 209. Stercus equinum præsertim egregium est in præservandis faucibus in variolis; sistit enim æstum febrilem, excretionem per sudorem promovet, & alterando lympham fauces præcavet. Pulvis epilepticus antimonialis (sulphur auratum antimonii ultimæ præcipitationis) & liquor cornu cervi succinatus, suffecere mihi in cura epilepsia variolarum. Pro epilepsia datur infanti-

bus

bus unius anni gr. j., dnorum gr. iij., cum ebore sine igne, vel unicornu. Interdum vomitum movet, interdum copiosos secessus, interdum sudorem & somnum infert, & si non prima vice epilepsiam frangit, tamen secunda vice; si revertitur paroxysmus, liquor cornu cervi succinatus sufficit, qui ad gutt. viii. x. vel xii. epilepsiam infantum, in principio vel incremento variolis supervenientem sistit. Et in specie in principio morbi libenter dedi hunc pulverem, quia copiose subinde vel per vomitum vel per secessum evacuavit primas vias. Et posito, quod infantes non habeant epilepsiam; si tamen habeant anxietates, in talibus casibus liquor cornu cervi succinatus me nunquam deseruit.

Mercurius dulcis est appropriatum in variolis, in principio & in fine curæ propinandus.

Hæc ex mente *Dn. Autoris Resolventis*, & quidem in variolis ut sic.

Verum in nostro ægro, cum quarto demum die, ubi jam efflorescerent variolæ, post hæmorrhagiam epilepsia supervenit, & alvi fluxus adfuit, quid agendum? Observandum: diarrhoeam hanc colligativam, & quæ impediatur pruritionem variolarum, esse sistendam; ne verò vel epileptici insultus, vel hæmorrhagia narium, vel symptomata facultatis animalis recurrant, diaphoresis sensilis promovenda: ob id terra sigillata cum diaphoreticis mista convenit: spumosa adeoque cum sit diarrhoea, effervescentes succos hæc simul compescit; ob id & corallia rubra simul addi possunt, Ergo saltem

1. Acre vellicans in intestinis temperetur.
2. Orgasmus succorum effervescentium, quem innuit spuma, præcipitantibus corrigendus.
3. Cum dictis unà per fixa, sudoriferis volatilibus sociata, motus excretorius criticus ad peripheriam corporis adjuvetur.
4. Si quæ adfuerint anxietates & gravia symptomata, quæ hos scopos impediunt, illa blandis opiativis vel theriacalibus amoveantur: etenim hæc in variolis egregia sunt, præsertim pro scopo diarrhoeæ præservandæ & curandæ; sicut etiam pro expellendis variolis.

Pro primo ergo & secundo scopo conducit terra sigillata, aut cornu cervi ustum, aut etiam creta, corallia, &c. Pro tertio proficua sunt fixiora, maritata volatilibus, sale volatili viperarum, &c. Pro ultimo scopo etiam laudanum opiatum fermentatum, adeoque hujus gr. j., infantibus pro 4. dosibus, vel theriacæ gr. j. vel ij. vel iij., vel extractum theriacale in sufficienti & debita, minima tamen semper dosi, aliis adduntur.

Hæmorrhagia autem, imprimis in adultis, vehementer interdum urget, in specie quibus non recatur vena: ubi observetur, ne præposterè motus sanguinis sistatur, vel stypticis aliorum redigatur. Meretur ergo notationem observatio WILLISII de Febribus, qui beneficio bufonis sub axillis applicati curavit hæmorrhagiam; quod etiam valet in febribus malignis.

Interdum petechiæ junguntur variolis: Sic quidam virgini petechiali laboranti præscripti medicamentum ex antimonio diaphoretico, pulpa citri &c. quo in continuo madore curabatur, & petechiæ copiosæ prorumpébant; postmodum verò insigni hæmorrhagia corripiebatur: hujus verò mater jussu ipsius sumpsit duos bufones, quos vi- vos contusit, & axillæ ægræ alligavit, unde omnis hæmorrhagia cessavit.

Alias Curam Anno 1675. & 1676. sequenti ordine institui: Nempe si mox in principio ubi infantes hoc morbo egrotare inceperunt, vel secundo die, den andern Lag vel quando præcedente die conquesti fuerant, advocatus, ut plurimum principium curæ feci à specifica laxatione per Mercurium dulcem, nisi aliud obstiterit; quippe nil melius, quam Mercurius dulcis, fermentum variolarum corrigit & evacuat, quia appropriatum quasi hoc in passu est remedium: Vid. M. A. N. C. Ann. 3. observ. 9. pag. 13. & observ. 56. pag. 93. Adeoque pro ratione ætatis, infanti v. g. unius anni, dedi gr. j. pro bimulo gr. ij. trimulo gr. iij. & sic consequenter, cum paucula conservæ rosarum quantitate in forma boli, quia sic facilius deglutunt; Si enim Mercurius dulcis in vehiculo calido per se, præsertim in cochleari metallico, exhibeatur, periculum est, ne metallo is adhæreat: Sic quidam hinc plus, quidam minus laxati fuerunt; interdum vomuerunt, quod semper libentius vidi; interdum sine vomitu simpliciter per alvum operabatur; interdum etiam planè nihil operatus fuit, pro conditione scilicet subjectorum: Ut itaque mer- curio

ius dulcis primum sit variolis proficuum purgans: ac in primo variolarum principio exhibitus, vel impedit omnimodam earundem invasionem, vel facit, ut facillimè & citò erumpant. Leviter acuari potest cum pulvere jalappæ vel scammonio sulphurato, quatenus forsitan aliquid saburræ primarum viarum, naturæ postmodum molestum, tollunt. Alia Purgantia vitanda, utpotè facile hypercatharsin moventia, & variolarum eruptionem turbantia, qualia exempla funesta ubivis obvia sunt.

Sin verò morbus statim gravius affligeret, & quidem mox cum virium prostratione, æstu, corporis jectigatione, ac convulsionum metu, tunc mox in primo principio dedi pulverem antiepilepticum antimoniale, qui est subtilissimus pulvis sulphuris aurati antimonii, certo modo præcipitati. Dosis gr. iij., raro ii.; cujus effectus, præter epilepsiæ præcautionem fuit, ut nunc vomitus, nunc secessus, cum euphoria habuerint variolantes.

Ceterum principio quoque morbi præterlapso, nunquam pulvere illo antimoniali vel Mercurio dulci amplius usus sum; quin potius præcepta occasione instituendi laxationem, (à quibus omnibus, imò clysteribus, quoque, sub progressu morbi cavendum, vid. RIVERIUS Pract. l. 17. pag. 187. & SYDENHAM de Morb. acut. pag. 187.) instantibus interim & perseverantibus illis symptomatibus circa primas vias, cum hypochondriorum & abdominis murmurationibus, aut tumore ejus tensivo &c. quæ sunt prodromi epilepsiæ, ibi necessitate coactus jussi blandum clystma ex simplicibus domesticis leniter mollientibus & abstergentibus injicere, v. g. ex lacte, vel jusculo avenaceo, cum melle, &c.

Hinc præterlapso morbi principio, ad attemperantia alexipharmaca, cum additis alcalinis accessi; hinc jussi assumere sequentes aut similes pulveres: e. g.

℞. Cornu Cervi sine igne ℥j.
Myrrhæ gr. vi.
Theriac. gr. ii.
M. pro 2. dosibus.

Vel

℞. Cornu Cervi sine igne ℥j.
Myrrh. gr. iv.
Sal. volat. Cornu Cervi gr. iii. vel iv.
M. pro 2. dosibus.

Vel

℞. Pulv. bezoard. D. Mich. ℥j.
Salis card. bened. gr. iv.
Myrrhæ gr. ii.
M. f. Pulvis.

Et sic porro pro circumstantiarum ratione in incremento morbi, secundo vel tertio die, dum æstus ante eruptionem pustularum & symptomata primarum viarum urgent.

Pustulis verò erumpentibus; vel dictis remediis instituti, vel pro promovenda excretionem per emulsionem ex feminibus expulsiivis unà cum myrrha, cornu cervi, & unicornu fossili, &c. ordinavi; ita enim successive melius eruperunt variolæ. Sed pustulis plenariè protuberantibus, adeoque in statu morbi dum incipiunt extolli in medio, & ad suppurationem tendere, tunc præscripsi:

℞. Tinctura Tartari (propter alcali) ℥ij.
Ess. Myrrh. tartarizat. ℥j.
Mise.

Dosis gutt. 20. vel 30. pro infante 3. 4. & 5. annorum, pro circumstantiarum ratione, bis, ter vel quater intra 24. horas.

Vel

℞. Tinctura Tartari ℥ij.
Ess. Myrrh. cum Spirit. Sal. Ammoniaci vinos. parat. (Spiritus Salis Ammoniaci vinosus affund. myrrhæ) ℥i.
Mise.

Dosis gutt. 15. 20. & 25. bis, ter, quaterve in die & noctis spatio, pro ratione circumstantiarum, infanti trium, quatuor vel quinque annorum.

In declinatione autem morbi, cum plenè essent in suppuratione variolæ, pro hac promovenda, sæpe dedi pulverem lapillorum cancrorum cum pauxillo myrrhæ; ita namque earum suppuratio promovetur, & restantia symptomata eradicantur.

His ita peractis, ubi crustæ iterum deciderunt, post binas vel tres septimanas à primo morbi insultu, pro interna mundificatione iterum purgationem institui ex Mercurio

curio dulci, ne variolarum reliquæ aut febres intemittentes, aut alia mala, post se relinquant. Cum verò post perfectè curatas variolas minùs soleat laxare, pro stimulo eidem gr. ss. i. ss. ii. vel iii. pulveris jalappæ addi possunt in conserva rosarum: Sic verb. gr. pro infante 5. annorum:

℞. Mercurii dulc. gr. v. vel vi.
Pulv. Jalapp. gr. ii. vel iii.
M. f. Pulvis.

Vel addita *conserva rosarum* fiat Bolus, à cuius usu hauriantur aliquot cochlearia vehiculi cuiusdam calidi.

Jam ad sistenda symptomata, in cursu morbi obvenientia quibus sequenti modo obviam itum.

Vomitus in principio urgentes nunquam compescui, cum sic variolæ meliorem cursum acquirant; Si autem sistendi sunt; optima sunt alexipharmaca, quibus extractum theriacale addi potest.

Festigationes autem corporis & *anxietates* in principio urgentes, ratione quarum impeditur excretionis motus, tolluntur optimè per theriacam, vel in robustioribus per gr. ss. vel gr. i. ad gr. i ss. pro aliquot dosibus, *laudani opiatum* ritè parati: quibus tamen non sufficientibus, confugiendum ad liquorem cornu cervi succinatum, qui optimus fuit, dosi gutt. iii. iv. v. vi. &c. pro circumstantiarum varietate, in habitu potus ordinarii; ita quieti redduntur variolantes, & excretio pustularum promovetur.

Quodsi in principio aut incremento morbi *epilepsia* affluerit, tunc internè jam pulvere antimoniali epileptico, jam liquore cornu cervi succinato, jam utroque optato cum successu usus fui. Externè simul pro dolore abdominis *tensivo*, in hujusmodi epilepticis insultibus ordinavi Lini-
mentum ex olei destillati succini & olei destillati spicæ gutt. v. excipiendo cum oleo nucis moschatæ expresso, aut corpore pro balsamo, quod regioni umbilicali & scrobiculo cordis inungendum jussi, idque aliquoties; sic enim epilepsia evanuit.

Si verò in incremento & statu morbi *Diarrhœa* supervenerit, ut plurimum funesta fuit, nisi infantes habitiores & succulentos, & qui sibi eam, præter causas internas occasione vel potus nimii, vel frigidiusculi contraxerunt, corripiat: pro hac compescenda, præsertim si cum murmurationibus abdominis, aut excretionibus alvi spumosis, venerit, quæ insignem motum effervescentiæ insinuant, ordinavi:

℞. Terræ sigillatæ minutim pulveris. ℞i.

Infundatur in quadrantem canthari cerevisiæ potus ordinarii, semper benè agitando quando volumus bibere, quò sic continuo aliquid ejusdem terræ ingurgitetur. Atque sic brevi post diarrhœa feliciter fuit sedata, & nullis aliis symptomatibus supervenientibus, sed potius pustulis egregiè protuberantibus.

Opiata cautè danda, ne exculsionem remorentur.

Quodsi in statu morbi ob symptomatum syndromen vires ægrorum admodum fuerint prostratæ, tunc nil melius esse observavi tinctura Coralliorum cum spiritu cordis cervi, vel aqua typhorum cornu cervi cum vino parata, in cochleari potus ad gutt. vi. viii. x. xii. &c. idque crebrius, propinata, pro infante trium annorum, vires restaurando & variolis succurrendo.

Quin &, si, quod interdum fieret, nimis sudoribus diffluant infantes, & fiant inde imbecilliores, optimum analepticum fuit haustus vini Rhenani, vel panis similagineus mollis vino generoso intinctus, & ita exhibitus, alias non sum hoc in casu adeò liberalis in exhibendo vino nisi ex dicta ratione ægri fuerint debiliores.

Porro quodsi periculum oculorum (circa quod semper sollicitus sit Medicus,) variolantibus imminet, quæ duplicia sunt.

1. Ne variolæ ipsum oculi bulbum occupent.

2. Ne variolæ absideant palpebras, quibus suppurantibus oculus non possit aperiri.

Ex primo periculum est perditionis visus omnimodè, remanent enim cicatrices, quæ si bulbum attigerint, visum hebetant. Pro oculorum ergò præservatione optimum est, ut mater, aut mulier quædam sana, mastice allium manè jejuno stomacho, & halitum oris infantis oculis crebrius inspirat. Hoc crebrius reperito rarò periculum imminuit infantibus. Vel, quod pariter proficuum est, saccipiatur ocus, infundatur aquæ fœniculi, hinc infusum hoc (non tamen sit acre) oculis instilletur. Vel ex ruta recenti contusa vel conquassata exprimatur succus, qui

Ettmuller Oper. Tom. I.

per filtrum transmissus, & cum aqua quadam ophthalmica permixtus, instilletur oculis.

Dein, oculis liberis quoad bulbum existentibus, palpebrarum cilia inuisantur, adeoque oculi aperiri nequeunt. Ne ergo sordes aciores intra oculos colligantur, & oculos erodant sufficit blandum vel florum meliloti, vel herbæ malvæ decoctum, in aqua factum, ac cum lintheo oculis calidè applicatum. Malè autem à quibusdam lac applicatur, quia, cum crassum viscidum sit, & facile acorem contrahat, periculum est, ne oblinantur variolæ, & propter butyrosam substantiam sordidæ fiant Variolæ.

His irritis si oculi inquinantur, & post curatas variolas vel lippitudo, vel ophthalmia, vel hebetudo visus, &c. superfit, appropriatis ophthalmicis succurratur: sed simul nuchæ applicetur vesicatorium, vel, si nec hoc suffecerit, claudatur, & pone aures bina vesicatoria applicentur. Nihil equidem vesicatoria faciunt præcisè ad oculorum curam, sed hujus curæ impedimenta remonent, qualia sunt sanguinis & lymphæ uberius affluxus, ut melius oculi curari possint per reliqua remedia; per accidens ergò curam adjuvant. Parantur autem sequenti modo:

℞. Empl. vesicat. ust. p. i.

Cui admisceatur ana vel dimidia pars emplastrum citrini, hinc lintheo inductum nuchæ vel auribus applicetur; sic brevi post vesica excitatur, quæ aperta, copiosum serum fundunt. Ut diutius aperta servetur, sumatur emplastrum de spermate ranarum quantum placet, cui addatur quinta vel sexta pars dicti emplastrum vesicatorii, ita enim stimulus adest, & foramina nequeunt consolidari, sed aperta manent; ab emplastro vero spermatis ranarum inflammatio impeditur.

Infantibus etiam aut puellis quidam ad præcavendam faciem à variolis, vesicatoria scapulis aut dorso solent applicare; non secus ac si variolæ in pustulas jam congestæ dispareant, aut variolæ promanantes in medio foveas acquirant, quod malum signum est, denotans earundem introrsum versus regressum, tunc vesicatoriis, carpo & genubus applicatis, hoc præcavetur.

Porro Tussis & Pectoris Affectus, quandoq; supervenientes variolis, optimè curat Scabiola, eaq; nunc solitaria, nunc syrupus ejus aut hederæ terrestris, cum spiritu salis ammoniaci anisato mistus. Et cum plerique variolantes, si moriuntur, ut plurimum suffocati intereant, quare timus solliciti, & in cura variolarum faucium ac colli semper habeamus rationem: hinc etiam respirationis modum consideremus, & qualis sonus sub respiratione audjatur, attendamus, si enim respiratio fuerit celerior, anhelosa & minor, malum est; si contra æqualis, rara & magna, bonum; quod si verò respirantes stertendo obscurum sonum edant, periculosum est & metus, ne in statu morbi suffocentur; & tunc volatilibus impetus & motus sanguinis promovendus.

Curavi superiori anno, sub primo insultu febris illius catharrhalis epidemicæ cum pleuritide notha, adolescentem sexdecim vel octodecim annorum per mixturam, ex spiritu salis ammoniaci anisato & laudano opiato constantem; hinc ubi quarto die erumperent variolæ consuevis remediis institi. Spiritus salis ammoniaci anisatus in affectibus pectoris in variolis optimus est.

Uterius grave & miserabile symptoma est Aponia, variolis superveniens, cujusque duplex affligendi modus: Vel enim ægri sonum neque edere vitio laryngis, & nervorum recurrentium, vel formare vocem nequeunt: (2) Licet edant sonum, tamen eundem in loquelam formare nequeunt, quod fit vitio linguæ, quoad sui nervos motores paralyti passus. Prior casus non occurrit in Praxi, utut HILDANUS Cen. 6. obs. 14. cum observavit, apud quem etiam cura habetur: sed casus est rarus. Posteriores verò casus ipse observavi, ubi præter interna volatilia antiparalytica, imprimis conveniebat essentia castorei, linguæ in parte prima circa frænulum crebrò affricta. Vid. etiam HORSTII obs. in l. i. obs. 29.

Tandem frequenter post variolas gravia alia supersunt symptomata, & interdum morbi chronici difficulter curabiles, v.g. ulcera quarundam partium, in specie in locis nervosis, occasione fermenti variolarum infixi enata, tinea capitis virulenta, &c. Pro hisce ergò malis eradicandis, si alio modo curari nequeant, in subjectis paulò robustioribus per salivationem Mercurialem cura erit optima; cum non secus atque in lue Venerea post variolas pathemata

partium nervearum solent esse supersticia, quibus mercurius dulcis egregie prodest; hinc ex collatione variolas insequentium malorum & luis Venereæ, apparet, Mercurialis tam internè, quàm externè usurpata, futura egregia.

Studiosus juvenis robustus, εὐσπαρῶς, sanguineus &c. die Mercurii à meridie insigni horrore corporis corripitur, quem excipit æstus, nox inquieta, manè insignis ardor totius, facies rubet, oculi fulgent, sitis intenditur, est anxius, vomit subinde.

Die Jovis ergò à meridie vocatus mox venæsectionem instituo, hinc pro duabus dosibus potionem theriacalem ex aceto sambucino præscribo; primam vomitu mox rejicit, alteram retinet: sed manè sequente æstus, anxietates, materiæ viscidæ vomitus, sitis clamosa, &c. intenduntur.

Die Veneris:

℥. Nitri antimomial. ℥ii.

Bez. miner. ℥i.

Camph. gr. iv.

M. pro 2. dosibus.

Primam vomitu rejicit comite muco; alteram à meridie retinet: sed symptomata intenduntur, bibit cerevisiam secundariam. Vesperis præscripsi:

℥. Cornu Cervi sine igne ℥i.

Bez. miner. ℥i.

Sal. vol. Cornu Cervi ℥ss.

Laud. op. ferm. gr. iß.

M. pro 2. dosibus.

Ordinatus simul Julepus ex infusione rosarum ad imitationem SYLVII, in Praxi, ubi de siti; largiter sudavit; nox bona, manè melius habuit.

Die Saturni.

℥. Cornu Cervi sine igne ℥ss.

Bez. miner. gr. xv.

Sal. vol. Cornu Cervi ℥ss.

M. pro 2. dosibus.

Mucus copiosus obsidebat, pro quo eluendo & Chirurgus gargarizando, & æger cerevisia secundaria calida fauces eluendo, operam adhibeant. Vesperis:

℥. Cornu Cervi sine igne ℥i.

Bez. miner. ℥ss.

Laud. opiat. gr. i.

Misceatur.

Sudabat largiter, nox erat bona.

Die Solis, adeoque morbi quarta die, apparentibus minutis postulis hinc inde, præscripsi:

℥. Cornu Cervi sine igne ℥ss.

Bez. miner.

Terræ sigill.

Myrrh. elana gr. vi.

Misc.

Vesperis:

℥. Cornu Cervi sine igne gr. xv.

Bez. solar. gr. ix.

Sal. vol. Cornu Cervi gr. v.

Laud. opiat. gr. ss.

Misc.

Ægro continuo sudante, copiosius ubique erumpebant variolæ.

Die Lunæ Essentiæ myrrhæ 40. gutt. his cepit. Sub introitu lecti verò præscripsi:

℥. Cornu Cervi sine igne ℥ss.

Antimonii diaphor.

Myrrh. ana gr. viii.

Sal. vol. Cornu Cervi gr. v.

Laud. ferm. gr. ss. Misc.

Quos pulveres semper ob noctes quietas & copiosas sudationes cum euphoria capiebat.

Die Martis essentiam myrrhæ continuabat: tempore somni capiebat sequentem Mixturam:

℥. Aquæ scabios. ℥i.

Ess. Myrrh. ℥ss.

Cornu Cervi sine igne ℥i.

Bez. miner. ℥ss.

Laud. op. ferm. gr. ss.

Syr. card. bened. ℥ii.

M. pro dosi.

Die Mercurii eadem.

Die Jovis, morbi nempe octavo, pro suppuratione promovenda præscripsi:

℥. Lapill. Cancr. præp. ℥ss.

Cornu Cervi sine igne ℥i.

Myrrh. gr. xv.

Salis Card. bened. gr. ix.

M. pro 3. dosibus.

Vesperis verò:

℥. Aquæ scabios. ℥vi.

Lapill. Cancr. præp. ℥ss.

Myrrh. gr. vi.

Salis card. bened. gr. iii.

Laud. opiat. gr. ss.

Syr. Scabios. ℥iß.

Misc.

Quibus ita continuatis convaluit, in fine pilulis ex Extracto panchimagogo cum Mercurio dulci adhuc propinatis.

C A S U S XXXVII

P H T H I S I S P U L M O N A L I S.

Vir ætatis consistentis Medicum accedit, conqueritur de tussi continua, cum materiæ copiosæ rejectione. Materia, quæ rejicitur per os, est quandoque alba, quandoque livida, quandoque viridiuscula, absque fœtore, & quæ aquæ injecta fundum non petit. Fungitur rauco crebrior, subinde remittens, ferè tamen continua. Ad oblata mediocriter se habet, saporem tamen tetrum, nec faciliè explicabilem, cinereum quasi, aut lignorum putridorum instar, manè evigilans in ore percipit. Urina erat bonæ consistentie, sed intensius tineta: pulsus celeres & frequentes, magnitudine moderati: noctes propter tussim nonnihil inquietæ, & somni admodum interrupti; simul verò ac somno indulgere incipit, copiosis sudoribus diffuit, non leviter eum debilitantibus. Corporis constitutio antea habitior, sit gracilior, partes extremorum carneæ molles & flaccidæ, tempora collapsa, capilli defluunt; alvus quotidie respondet officio, sed liquidiora & fluidiora solent esse excreta. Ex levi mota virium imbecillitas, & respirationis difficultas superveniunt: utriusque lateri quidem incumbere potest; dextro tamen minus commode, cum omnia exasperari tunc sentiat. Diu est, quod successive malum in principio neglectum altius progressum sit, facie jam quodammodo Hippocratica apparente. Originem morbi scit nullam, nisi quod lites continuæ & jurgia domestica uxorem inter & ipsum, intercesserint. Efflagitat curam

R E S O L U T I O

DN. GEORGII HEINTKII,

Olsna-Silesii,

Cum Speciali Discursu & Annotatis.

B. D. P R Æ S I D I S,

Censuræ & Emendationi subjecta

Anno 1676.

A F F E C T U S.

Evolventi mihi hunc casum facile fuit augurium, ægrum laborare in genere quidem Nutritione laesa, eaque plus minus deficiente, quæ alias speciali nomine dicenda venit Atrophia, & præsupponit, si præsertim sit universalis, neque tantum pinguedine, unde Macies audit, absument, verum & carnosam corporis substantiam afficit & resolvit, vel chyli nullam elaborationem in inedia, Phthisi ventriculi &c. vel ejusdem licet geniti, vitiosam distributionem, quæ utut varia esse possit, communiter tamen accidit, vel ab ulcere pulmonum unde κατ' ἐξοχὴν sic dicta Phthisis pulmonalis, vel ex obstructis vasis lacteis aut male affectis mesenterii glandulis. Enim verò ne circumvagemur in generalibus, sed potius ad scopum nostrum propinquius accedamus, prospiciendum: quomodo se habeat Atrophia nostri ægri? quæ præcisè non erit uocanda, si stricte loqui uelimus, Phthisis, quamvis cæteroquin latè Phthisis omnem contabescentiam universalem denotet; seu Dispositio ad phthisin, aut incipiens Phthisis, quatenus nondum perfectam exulcerationem passi fuerint pulmones,

mones, ut jam male habeant. Labet itaque retinere vocabulum ex dictis rationibus Atrophie, quæ quid sit? ex superioribus jam patet. Brevibus: quando corpus cessat nutriri, ex quo varia inferius perpendenda erunt symptomata.

CAUSA PROXIMA.

Causa verò Proxima in nostro agro videtur esse acrimonia salsa lymphæ, plus minus tamen acidæ: quæ elucet

1. Ex continua vellicatione arteriæ asperæ, unde tussis.
2. Ex urina intensius tincta, scorbuticorum quorundam urina haud dissimili; unde & agrum nostrum ad scorbuticorum classem non ineptè referre possumus.
3. Expulsu celeri, frequenti, dum cor ad rapidiorem contractionem cogitur.
4. Etiam indicatur ista acrimonia ex sudoribus nocturnis, quatenus massa sanguinea plus minus resolvitur, attenuatur, & ad turgescentiam irritatur; hinc magis magisque consumptio partium solidarum; gracilior habitus, tempora collapsa, &c. imò deperditio spirituum, unde virium prostratio.

Præter hæc raucedo eandem remotione quoque probat: perspetum quippe est, raucedinem oriri ex nimia humectatione laryngis; hæc verò ut plurimum, quatenus larynx ab acrimonia stimulat, hinc copiosioris lymphæ emanatio, dum natura per illam, quod peregrinum animadvertit, eluere conatur: id quod experimur in inclementiore aere, ab inspiratis fumis in affectibus catarrhalibus, &c.

PARS AFFECTA.

Ex dictis liquet, quid? quomodo propriè aliquid in hoc agro sit affectum? & qua ratione malum radicationis à malo inhesionis distinguendum sit? Nempe malum radicationis utique est massa sanguinea; sed inhesionis partes solide, & deteriori modo pulmones. Id quod exinde emergit:

1. Quod æger saporem tetrum, nec facile explicabilem, cinereum quasi, aut lignorum putridorum instar, mane in ore percipiat; quæ omnia testantur, si non ipsius parenchymatis pulmonum corruptionem, ad minimum tamen humorum circa pulmones herentium & putrescentium: Vid. HIPPOCRATES lib. de Intern. Affect. Text. 4.
2. Ex leni motu difficilis respiratio, quod & innuit laesos aut debilitatos pulmones.
3. Et primario quidem, quod dextro lateri adhuc innoxio incumbens omnia exasperari sentiat; ex quo manifestò patet, lobum lateris sinistri affectum.

Quod autem malè sic affectis pulmonum lobis, supra tamen perfectam phthisin pulmonum statuere renuimus, cum DECKERO, Observat. supra Barbette Praxin, conclusimus; quod nullum ulcus aut pus in pulmonibus se manifestet, neque mentio in casu ullius phlogosis, quæ aliàs in inflammatione partis alicujus aut perfectè phthisicis ordinario adesse solet. Materia quippe copiosa, quæ per os reiicitur, propure haberi nequit, quia aquæ injecta fundum non petit, quod aliàs in pure observamus; & quadantenus ex odore, licet non firmiter, hariolari licet, non esse pus, quia non foetet materia rejecta, quod aliàs eventurum puto, si pus foret. Dum verò dixi: malum inhesionis primario esse pulmones, annòto in super, habere se eosdem simul instar alicujus concause, licet remota, quatenus ab acrimonia lymphæ malè affecti, & in suo officio, quod præbent perfectioni sanguinis turbati, sanguinem subinde deteriore, dimiserunt, infectum undè ab illa corruptione circa eosdem jam tum herente; unde unum hac ratione semper deterioravit alterum: attamen ut duæ causæ ad unum effectum ultimum, nempe atrophiam, conspirarunt, è quibus tamen massa sanguinea malè sic disposita causa proxima fuit, ex qua immediatè dicto superius modo Tabes consecuta fuit.

SYMPTOMATUM CUM CAUSIS CONNEXIO.

Ad concurrentium symptomatum cohesionem nunc digrediendum; & juxta ordinem primò se offert jam illata copiosa materie reiectio, quæ, ut dixi, nil aliud, quam lymphæ, dum ob stimulatam arteriam asperam copiose evacuatur, colligitur, & ab admisto effluente simul nutrimento proximo in viscatur: alba est dum non diu hæret, nec corrupta est, sed citius & ante corruptionem eliminatur: peregrinum autem Eitmuller. Oper. Tom. I.

nanciscitur colorem, quando putredinis labe infecta jam tum est.

De foetore dictum est, uti & de raucedine: quod verò raucedo subinde remittat, fit tum, quando materia rejecta, sic enim à nimia humiditate aliquatenus arteria aspera est liberata; tum quando ad oblata melius habet, ex temperata & procul dubio nonnihil correctæ acrimonia lymphæ; unde non adeò copiosa lymphæ excretio, nec consequens humectatio.

De urina, pulsu, & sudoribus nocturnis, dixi supra in causa proxima.

Quod alvus excernat liquidiora, fit, quatenus glandulæ intestinales etiam stimulatæ copiosiorē mittunt lympham, hinc per se permiscetur stercoribus, quæ sub forma liquida excernuntur, & propter resolutionem corporis humiditas intestinali statu non deficit; quin imò etiam dici potest; fermentum ventriculi jam tum defecisse à suo statu naturali, & acrius factum acriora etiam reddere ventriculi contenta, hinc descendit stimulant intestinalium tunicas ad excretionem, & sic ante secretionem liquidi à crassioribus fieri ejectionem; quantum enim ira in vitanda digestionē prima valeat, præsertim, si post iram vel editur, vel bibitur, satis notum est:

Imbecillitas ex leni motu apud hecticos ordinaria est, quatenus raris & facile dissipabilibus gaudent spiritibus; item ob vasorum, propter humorum orgasmum, qui in talibus leviter excitatur, nimiam turgescentiam: hinc & ex altera causa (de priore jam superius dictum) difficilis respiratio, dum nimio impetu sanguis ad pulmones ruit, eosque nimium replet.

CAUSA REMOTA.

Causa remota seu movens nunc tangenda est, quarum utique quamplurimæ aliàs recenseri soleant, sufficere tamen ea potest, quæ in casu assignata, nempe jurgia continua domestica uxorem inter & ipsum. Quemadmodum enim cura nimia, terror, aliæque animi pathemata, non tantum digestionem primam, sed & crasin massæ sanguineæ, speciatim si diuturniora sint, invertere queant; eadem ratione iracundia sanitatis oppugnatrix fortis esse solet, uti ratione solius atrophie plura exempla, nisi tempori parcendum esset, adduci possunt.

PROGNOSIS.

Signa diagnostica ex ipso casu petantur: ergò ad Prognosin.

Malum est admodum anceps: quippe quod non amplius in principio, sed, uti in casu extat, diu jam duravit, & felix erit censendus, si ad plenariam poterit restitui sanitatem.

Interim tamen spes adhuc affulget quadam, quod non conquærantur de appetitu prostrato, & quod puris pulmonum nondum suspicio manifesta.

At verò non persuadeat sibi, quod morbus citò sit defuturus; malum enim chronicum est, & pedetentim cura erit institutenda, & successiva expectanda melioratio.

Sed probe attendendum ad alvi fluxum & pedes: quod si enim eveniret, ut copiosior fluidiorque fieret sacum excretio, aut pedes oedematosi fierent, malum evaderet plus minus desperatum; item si tussis remitteret, & defluxus capillorum diutius continuaret, testibus, cum HIPPOCRATE Aphor. II. & 12. sect. 5., Scriptoribus Practicis.

CURA.

Devenimus ergò ad Curam, ubi primario ad causam, secundario ad symptomata, respiciendum est. Imprimis ergò

1. Sedulo cavendum est ab iracundia & litibus, aliàs laterem lavabimus.
2. Hinc prospiciendum stomacho, ut digestio restituatur, quæ absque dubio labem passa est.
3. Sanguinis acrimonia & lymphæ corrigenda: optimè enim statuit FREITAGIUS, quod frustra curationem, phthiseos aut læsionis pulmonum aggredieretur quispiam, acrimonia prius non correctæ: vid. & FABRICIUS HILDANUS Cent. 3. Obs. 38.
4. Tandem corruptela pulmonum curanda.

Pro his scopis obtinendis primò despicendum: quid universalis hic conferant? Purgatio etiam lenior ferè nociva est, propter metum diarrhææ subsequetur, præsertim cum hic ejusdem nulla sit indicatio: vid. BORELLUS Observ. Venæ sectio

est supervacanea, quia sanguis magis qualitate, quam copia peccat, & eger viribus non adeo constat. Sudorifera, quia talia; etiam exulenti, quia sudoribus præter hæc ferme diffluit, & metuendum, ne viribus plane exhauriatur, & massa sanguinea prorsus resolvatur. Vomitus vero præprimis moderatum non disuaderem: moderatum dico; alias enim hæmoptysis formidanda, ex læsione à nimio motu vasorum pulmonalium. Duplicem enim præstat usum;

1. Quatenus ventriculum expurgat.
2. Quatenus plus unico vomitu ex pectoris cavo evacuetur; quam tussi diuturna; liberantur enim hac ratione pulmones à saburra in ipsis congesta, fitque liberior respiratio.

Agnosco equidem, quod vomitoria ægrum positivè non curent; interim tamen remotivè ad subsequentiem curam bene disponunt. Exhibeatur ergo

1. Vomitorium blandum juxta LINDANUM, & HARTMANNUM in Praxi Chymiatr.
2. Hinc mutatio aeris multum conferre posset, si possibile foret; quia observatum, multum contulisse eam in ejusmodi ægrorum cura, atque sic etiam ab uxore litigiosa ad tempus semotus, & à jurgis liber degere possit.
3. Succedat usus lactis, & inferantur massæ sanguineæ temperantia, pulmones ventriculumque restituentia.

Quoad usum lactis notandum; quod ter in die assumi possit; correctum tamen, vel incoctis in eodem vulnerariis, aliisque coagulationem in ventriculo inhibentibus; vel addendo aliquid sacchari aut conservæ rosarum, assumaturque lac, vel solum, vel si adjungantur cibi, sint facili digestioni, hinc successivè corpus blando motu exercendum: Quoad lactis qualitatem; eligatur, si possibile, lac muliebre, sicuti & butyrem ex tali lacte admodum commendat BARTHOLINUS. In defectu verò hujus lactis sufficiat, si haberi potest, lac asinum, hinc caprinum, vel bubulum, in specie si nutrita fuerit bestia vulnerariis & antiscorbuticis, v.g. hederæ terrestri, marrubio, tussilagine, &c. Dulcia, nisi sint saccharata aut mellita, etiam conveniunt: vid. HELMONTIUS: ex dieta enim saccharata multi Tabem Anglicam non inconvenienter cæteris paribus derivant;

Quoad remedia observandum: quod propter metum ulceris pulmonum acida suspecta nisi fuerint, admodum blanda propter stomachum, aut cum alcalibus correctæ: v.g. priora possunt esse spiritus nitri dulcis, liquor terræ foliatæ tartari, tinctura vitrioli Martis ZWELFFERI, succus berberum &c. quoad posterius, mixtura ex aceto cum oculis cancerorum præmisso vomitu conducet.

Tussi quoque maturè obviam eundem legitimo opiatorum usu hinc sudores nocturni inhibendi. Evacuato itaque per vomitum stomacho, blandum ex supra dictis acidum ad conciliandum denuò debitum robur stomacho exhibendum, & vespere secundo die trihorio ante cœnam pilulæ de cynoglossa poterunt exhiberi, vel, quod melius, dosis laudani hysterici, vel laudani opiati ritè parati, propter tussim & sudores. His præmissis sequente die ad corrigentia acrimoniam erit accedendum, unâ cum dieta lactea; qualia sunt helenium, passulata, liquiritia, amygdalata, v.g. emulsio cum passulis &c.; vespere verò iterum post parcam cœnam sequentes pilulæ poterunt exhiberi, quas ipse Dn. PRÆSES feliciter in sudoribus colliquatis expertus est.

℞. Antihect. Poter. gr. xv.

Sacch. Saturni gr. v.

Laud. op. gr. ij.

Cum s. q. Balf. Peruviani f. l. a. Pilulæ;

Quæ ipsæ blandam quietem, ut spero, efficient.

In hoc etiam scopo & simul acrimoniam corrigendi convenit;

℞. Massæ pilul. de Cynogl. ℥j.

Laud. op. gr. iij.

Croci opt. ℥ss.

Succi liquirit. in aqua hyssop. solut. & filtr. blandoque igne ad consistent. mellis redacti ℥ij.

M. f. Pilula Num. ix.

Quotidie post cœnam sumantur tres vel quatuor.

Postmodum continuari potest per alterantia, quibus subinde poterunt immisceri vulneraria ad læsionem pulmonibus inductam curandam. Varia possunt præscribi; ver. gr. quæ acrimonia muriatica, quæ scorbuti haud dissimilis, temperetur;

℞. Herb. Chelidon. min.

Abinth. ana M. j.

Rad. serpentar.

Contrayerv.

Polypod. querc.

Helen. ana ℥vj

Cort. aurant. ℥ij.

Incisa & confusa, aliquot sacculis inclusa, coquantur in lacte caprino unum post alterum, & dicto modo lac hauriatur pro lubitu.

Vel si simul per diuresi educere animus sit:

℞. Herb. acetos.

Acetosell.

Eupator.

Flor. galli.

Beccabung.

Genist. ana M. ss.

Herb. Cochlear.

Nasturt. Aquat. ana. M. i.

Rad. armorac.

Tarax.

Acetos. ana ℥vi.

Cort. aurant. ℥ss.

Incisa includantur sacculo, & infundantur sero lactis caprini, & bibantur quotidie bis aliquot uncia.

Vespere verò cubitum ituro potest propinari in modo dicto infuso:

℞. Ebut. sine igne,

Antihect. Poter. ana ℥ss.

Spiritus vitrioli coag. gr. viij.

M. f. Pulvis.

D. in triplo.

Hiscæ vel aliquamdiu potest continuari, vel possunt variari, prout advertimus, quid magis conveniat; unde pro selectu etiam non incongruens foret, si subiungeretur Potio Vulneraria:

℞. Herb. Pulmonar.

Hyssopi,

Veronic.

Herb. tussilag.

Heder. terr.

Cheresol. ana M. j.

Rad. tussilag.

Ireos Flor.

Enul. ana ℥ss.

Fl. scabios.

Farfaræ,

Malvæ,

Salviæ ana p. j.

Sem. Urric.

Anisi,

Fœnic. ana p. ij.

Passul. min. ℥j.

Jujub. ℥ss.

Ficuum ping. Num. vj.

Incisa & confusa includantur sacculo, & coquantur in s. q. aquæ simplicis;

Colatura adde

Syr. heder. terr. q. s. ad gratum saporem, & bibatur manè calidè, vespere frigidè. Ve l

℞. Syr. de tussilag. ℥j.

Rotul. diatr. ℥ij.

Conf. tussilag.

Heder. terr.

Veron. ana ℥ij.

Fl. sulphuris,

Extr. helen. ana ℥j

Sacch. Saturni ℥ss.

F. l. a. Marmelada: S.

Censortamen pectoris,

Capiatur pro lubitu; Vel

℞. Conf. rosar. ℥j.

Antimonii diaphor. ℥ss.

Extr. helen.

Fl. sulphuris ana ℥j.

Mastich. ℥ss.

Croci gr. xij.

Syr. de Veron. q. s.

M. f. Electuarium; S.

Electuarium pro una dosi.

Vel, uti hodiè moris est, cum lignis decocta parata usurpentur. Pro utroque ergo scopo sic poterunt præscribi;

24. Rasur. ligni Sassafr. odor. ʒj.

Rad. Chinæ in taleol. incis ʒʒ.

• *Macera per noctem in Balneo Maria in s. q. aquæ simplicis: manè adde*

Herb. Veron.

Heder. terr. ana M.ʒ.

Scabios.

Cherefol. ana M. j.

Ebulliant ad consumpt. tertie partis:

Colaturæ fervide infunde

Passul min. cont. ʒv.

adde

Syr. flor. papav. errat. q. l. *prograto sapore.*

Misc.

Ter in die de hoc poterit haustus bonus calidè assumi, & continuari aliquandiu, donec exactè correctæ fuerit sanguinis crasis; vel poterit interdū in decocto assumi de sequenti mixtura

24. Ball. sulphuris tereb.

Saturnin. ana ʒii.

Misc.

Capiantur à gutt. xx. ad xxx.

Vel loco horum balsamorum conveniet in hoc decocto accipere tinturā antiphthisicam vel tinturam sulphuris virioli.

*Juxta hac interna conferet Externa simul adhibere ad illi-
nationem lateris affecti in thorace;*

24. Ung. resumptiv.

Comitiss. ana ʒʒ.

Pingu. human. ʒʒ.

M. D. S.

Unguentum pectorale.

Vesperis & manè calidè inungatur: & sic puto, quantum possibile fuerit, imprimis si continentur talia, & agrum Medicus probè attendat in regimine etiam dietetico, Patientem cum benedictione Divina levatum iri.

DISCURSUS & ANNOTATA SPECIALIA

B. DNI PRÆSIDIS.

Affectus est revera Phthisis, & quidem pulmonalis incipiens, sed jam in insigni incremento constituta, ab excoriatione pulmonum facta. Confunditur vulgò phthisis cum Atrophia & Tabè; sed malè. Atrophia enim est, quando corpus non sufficienter nutritur: Tabes, quando corpus etiam nutritione jam facta decrescit & depauperatur; sicque nutrimentum depravatur. Ad hanc pertinet Phthisis, ubi ægri non solum cessant nutrir, sed jam nutriti decrementum patiuntur & emaciantur. Omnis autem tabes oritur vel defectu, vel vitio chyli: defectu in inedia, chyli exhaustionè &c. vitio supervenit variis modis, speciatim, quando vitiosus fit chylus vel errato stomachi, vel sanguinis chylum depravantis, specialissimè per pus ex ulcere cujusdam partis imbibitum, unde sanguis chylum descendat & corrumpit. Unde non præcisè ad pulmones restringenda est phthisis; observata enim etiam fuit ex ulcere jecoris, abscessu mesenterii; frequentius tamen ex pulmonibus corruptis. Hinc Medici frequentius istam phthisin sic vocant, quæ pulmonum vitio supervenit. Sed considerandum; an vera, an notha fuerit: in quo puncto sæpe fallimur. *Phthisis vera* variat, præsertim ex viscerum, speciatim ventriculi ratione: κατ' ἐξ ὀφθαλμοῦ pulmonalis ita vocatur, quæ fit ex erosione & exulceratione pulmonum, quam insequuntur tussis, sputa varia, atrophia, &c. *Notham* eadem consequuntur symptomata sine tali erosione & exulceratione pulmonum. Sic artifex quidam vescitur carne vervecina cum brassica, inde brevi post tussis sicca crebriori, die & nocte pectus quatiente, successivè tandem fit humida, eiiciuntur copiosa viscida, mucosa, color faciei perit, acquirit faciem Hippocraticam, corpus emarcescit, durant hæc omnia ad biennium. Omnibus remediis irritis tandem sub fortiori tussi aliquid duriusculi ex imo pectore sursum movetur & ejecit, quod erat parvum ossiculum acutum cum brassica deglutitum, sed aberraverat à via, & in asperam arteriam inciderat, ex quo omnia hæc symptomata enata. Hoc itaque rejecto intra paucas septimanas spontè iterum sanus, floridus, vegetus, & pinguis factus. Talis est phthisis notha absque erosione pulmonum. Plura exempla Phthiseos nothæ simul hinc inde observantur; Vid. BAR-

Etimuller. Oper. Tom. I.

THOLINUS *Cent. 2. Hist. 27.* qui observavit ex nucleo avellanæ in pulmones illapso tussim continuam cum phthisi, quo remoto fuit curatus æger; item in M. A. N. C. *Ann. 2. Obs. 31. pag. 58. & Ann. 3. Obs. 3.* nec non SYLVIVS *Pr. lib. 1. c. 24.* In nostro casu vera est Phthisis, in qua tamen etiam est differentia. Quidam laborant perfecto ulcere pulmonum sine tussi, sputo, phthisi &c. si nempe abscessus membrana includatur, quem vocant vomicam pulmonum, vid. KERCKRINGIUS *Obs. 72.* Quoad phthisin hanc veram, ubi exulcerati sunt pulmones, sine tamen tabe corporis, observetur; quod interdum sint vegeti corpore, floridi facie, quamvis pulmones sint exulcerati, & putrida foetida reiciantur; in talibus vis stomachi digestiva adhuc viget, & quamdiu hæc adest, à tabe sunt immunes; sicuti enim lac admodum convenit Phthisicis pro temperatura acrioris succi, tam sanguinis, quam puris; ita quamdiu ægris, ulceribus patium laborantibus, adhuc vis stomachi digestiva valet, iisdem suggerit succum chylosum lacteum temperatum, & tamdiu sunt apparenter vegeti.

Causa proxima hujus phthiseos est lymphæ salso-acris, & muriatica facta, uti à SYLVIO & LINDANO dicitur quæ certè in omni phthisi peccat. Semper verò considerandum; an ab interna alteratione, vel per se, vel occasione morbi cujusdam antecedentis, e.g. variolarum, pleuritidis, scorbuti, &c. an ab externa læsione, v. gr. à contagio phthisicorum, spiritus, nitri fumo inspirato, &c. malum inducitur? Si verò per se orta, certè simus, peccare lympham acrem salam, & massam sanguineam similiter asperiores & acriorem factam, occasione stomachi non ritè digerentis, sed alimenta in similem muriaticum succum convertentis, & aliorum viscerum. Quod de Hæctica dicitur, de Phthisi verum est.

Causa remota est digestio stomachi vitiata.

Pars affecta seu subiectum radicationis est massæ sanguineæ crasis salsa muriatica, inquinans lympham, unde hæc causæ proximæ rationem obtinet; *subiectum autem inhaesionis* sunt pulmones jam excoriati quidem & exulcerati, utur exulceratio nondum in ulcus sordidum transierit: colligitur tamen postmodum ex sapore peregrino instar lignorum putridorum, quem æger exprimit *vie faul* Holf, corruptela cujusdam visceris, & in specie in nostro casu pulmonum. Nondum verò est confirmatum ulcus, quia excretio materiæ variæ mucosæ non est pus, quod probatur: quia aquæ injecta non perit fundum, sed sputum tale provenit à lymphæ copiosiore effusa salsa; & viscidum illud est ex nutrimento, pulmonibus non appposito, sed proximè in pulmone eroso corrupto & alterato, unde lymphæ adjunctum ab aere magis spumescit, & sic sputa leviora redduntur, hinc aquæ innatant. Observatum etiam puris sputum menstruum inordinatum sine phthisi: vid. M. A. N. C. *Ann. 1. Obs. 94. p. 223.* KERCKRINGIUS *in Spic. Obs. 72.* & BARTHOLINUS *Cent. 3. Hist. 17.* Simus ergò cauti.

Phthisis pulmonalis in principio saltim tussis sicca affligit; hinc appetitus nonnihil imminuitur, color faciei mutatur, & habitus corporis succi plenus flaccescit, quæ sunt signa phthiseos incipientis. In confirmata manifesta sunt symptomata, admodum tussunt cum copiosæ materiæ plus minus purulentæ rejectione. Urina tincta est ex primariis signis; est enim sine febre, sine sedimento, quod fit ex copia salis ejusque à latice urinæ imbibitione. Pulsus celer, frequens, quoties cum tussi, virium prostratione vel corporis emaciatione sine aliis febrium signis adest; & quò magis talis, eò magis desperatè habent ægri, & ut plurimum intereunt. Sudor nocturnus ferè est unum ex primariis signis phthisicorum: subito enim atque dormiunt, tantum non sudoribus diffuunt; quando evigilant, sudor cessat; si iterum oculos claudunt, sudor redit, præsertim si sit post mediam noctem. Sudores autem hi nocturni in nostro casu obvii sunt emaciantes, non propriè colliquativi, utur tandem tales fiant: nam oriuntur ex nutrimenti chylosi, cum sanguine quidem per corpus distributi, sed apponi inepti vel non appositi, spontanea effluentia, dum per somnū spiritus animales minus tendunt: dimittit inde massa sanguinea sub somno talem liquorem corruptum, qui tunc dormientibus spontè per cutim effluit, nec ita formatus est ut per vias urinarias transeat. Quando igitur incipiunt dormire, cessante imprimis in somno spirituum animalium impetu elastico adeoque fibræ cutaneis, & præsertim tendinosis musculis cutis minus tensis, sed mollioribus, relaxatis & flaccidioribus, sicque poris magis hiscentibus,

Ggg 3 & ma-

& magis apertis, nutrimentum serosius spontè effluit; quando verò evigilant, sudor cessat. Interim etiam hi sudores sunt mali, emaciant corpus, illudque nutrimento frustratur, unde reliqui succi corporis longè aciores sunt; hinc his sudoribus continuantibus, præter maciem corporis, sequitur tandem capillorum defluvium, quod signum est phthiseos, cui si supervenit diarrhœa, moriuntur.

Quoad latus, vid. SALMUTH, qui dicit *silateri sano, incumbant ægri, anxii reduntur; si verò agro, latus sanum adhuc suo officio fungitur*: quod curiosum est.

Quoad phlogosin, ista, quam patiuntur phthisici, empyematici, ita habet, quod ægri percipiant quandoque æstum ex pectore ascendentem. Deinde subinde maxilla illius lateris, cujus pulmo exulceratus, ut plurimum rubet & calet, altera est pallida. Et curavi empyema cum ulcere pulmonum in parte sinistra, hinc etiam pulsus in parte sinistra fuit insigniter mutatus, ab illo in latere dextro.

Lympha est copiosa, glutinosa, viscida, &c. quia in erosio pulmonibus totum nutrimentum non assimilatur, sed foras eliminatur: prout verò plus minus corrumpitur, eò magis vel minus fetet, & à colore albido naturali recedit.

Phthisici ut plurimum sunt fluxioris alvi, ratione cujus, præter causas alias, addenda est bilis corruptela, eaque salsa acris serosa, deficiens in oleositate balsamica & volatili acrimonia, adeoque insufficiens est chyli perfectioni, & facum secretioni, sed partim diluendo, partim stimulando intestina, huiusmodi diarrhœam colliquativam infert. Ac phthisici jam nonnihil confirmati quidem, diarrhœam incidunt, ex constitutione fluxiliori, ipsis propria; unde etiam post clysmainjectum, aut lene purgans assumptum impetuosius ii moventur; quod ipsum cautelam injungit in proritanda phthisicorum confirmatorum alvo, cum etiam juxta HIPPOCRATEM diarrhœa, post capillorum defluvium superveniens, mortem phthisicis sive tabidis juxta HIPPOCRATIS effatum inferat; innuit enim insignem corruptionem omnium contentorum in nostro corpore. Conf. SYLVIVS lib. 4. de Phthisi, ubi accuratè hujus symptomata explicat.

Quoad iram: illa, tanquam concausa, phthisin & febres acutas, infert hoc modo: scilicet sub ira fit insignis quorumvis humorum confusio, quod patet ex mutatione pulsus & alvi fluxu, non rarò eam sequente: hinc dum iidem confunduntur, fit eorum (1) acrior concursus, hinc insignis effervescencia, adeoque quandoque febres: Imò (2) juxta alios ex concursu mutuo succorum, unio eorum in salum, sed acius minus temperatum, ceu phthiseos & quamplurimarum ægrotationum primariam causam & fomitem.

P R O G N O S I S.

Quoad Prognosin: anceps est casus, quia phthisis hæc facile in confirmatam transire potest; interim melior spes affulget, quod in nostro appetitus quodammodo adhuc constet; quo magis enim appetitus & digestio viget in primis viis, eò melius possunt sperare phthisici, & contra. Verùm aut diarrhœa supervenit, unde moriuntur, aut pedes cedunt toti. Tussis remittens innuit vires prostratas non sufficientes movendo thoraci, unde cum screatu suffocatio potest supervenire. Vid. SYLVIVS l.c.

C U R A.

Quoad Curam phthiseos ex stomacho natæ; incipiens facile curatur, si modò maturè propinetur vomitorium, postmodum acida blanda salia, ut liquor terræ soliatæ tartari, spiritus nitri dulcis, mistura lapillorum cancrorum cum aceto, & similia, & vespertino tempore blandum opiatum propinetur.

Universalia hæc sunt frustranea, & minimè talia; & ob id LINDANUS dicit: stultum esse axioma, ab universalibus inchoandas esse curationes; quia plurimi sunt morbi, in quibus magis nocumentum, quam utilitatem asserunt, utut, si primæ viæ in principio morbi mundificentur, utile sit.

Vomitória quod attinet: equidem in phthisi sunt optima, sed cautè administrentur. In principio & progressu sint moderata, partim ob metum hæmoptyses, partim, & in specie hæc, ob diarrhœam haud rura erunt, quia tales

ægri à lenissimo remedio confestim per inferiora purgantur. An ergò hic vomitorium possit præscribi, ventriculi vigor præscribit: quamdiu enim in stomacho ejus fermentum nonnihil viget, & digestio valet, tutò vomitorium moderatum assumi poterit; quando verò digestio est destructa & pessundata, vomitorium ex eo est periculosissimum, quia tunc nihil ordinariò per superiora operatur illud, idque ideò, quòd fermentum ventriculi suo modo vim emeticam in actum non deducat; quin potius crebriores exinde sequuntur alvi defectiones.

Venalectio est particulare remedium.

Purgantia rarò in principio adhibentur, alvus tamen laxa & primæ viæ mundæ optimè servandæ sunt.

Sed quæritur porro: an in nostro agro lactis usus conducatur? Resp. Lac in phthisi datur, non solum pro scopo alimentoso, sed etiam medicamento, ut nempe illud dulcedine sua & butyrosa pinguedine temperet acrimoniam muriaticam lymphæ & sanguinis, & corpus nutrire valeat. Interim quomodo illud ipsum lac pro scopo pulmonum erosorum conferat, non video; quin potius causam proximam, lympham scilicet acrem, respiciendo, conveniet idem lac non prius, nisi dyscrasia massæ sanguineæ & lymphæ alterantibus plus minus fuerit correctæ ex parte, speciatim in hoc casu per remedia ex lignis, quæ in phthisi illa, ac est nostra, quam Veteres ex defluxionibus derivarunt, pro temperando sanguine & lymphâ sunt optima: pro cujus scopi complemento adjungatur lactis usus; alias enim intempestivè adhibitum, plus nocet, quàm prodest; & hoc etiam in nostro agro attendendum erit. Deinde etiam lac non prius convenit, quàm ulcus pectoris prius fuerit, præsertim in agro nostro, purificatum, & à recrementis præternaturalibus evacuatum sit maximam partem; secus enim si nutritivum lac ingeratur, metus est, ne, stante pulmonum erosione, proveniatur puris uberior generetur, præsertim, cum, teste HIPPOCRATE, *impura corpora quò plus nutriveris, eò magis laeseris*: quod etiam locum habet in membris particularibus morbois. Porro in lactis usu ventriculi ratio est habenda; lac enim facilius alteratur & corrumpitur: unde quamdiu ventriculus adhuc digerere nonnihil valet, nec nimis urgeat diarrhœa, lac tutò assumi potest; contra si ipsius digestio læsa fuerit, tunc ne magis lædatur æger, omittendum lac est: quia periculum est, ne lacte magis lædatur æger. Tandem in lactis usu observetur, nè febris adsit plus minus intensa: si enim febris tantillum præsens sit, cavendum nobis à lacte: mox enim in stomacho tali nidorem contrahit, & corrumpitur: si autem febris saltim lenta & hæctica similis affluerit, tunc concedi potest.

In ulceribus pulmonum nocent acida, speciatim vitriolica: sic quidam hypochondriaci debilitate pulmonum præditi, ex usu acidularum vel phthisici facti fuerunt, vel hydropici interierunt; externè verò acida nitrosa nocentissima sunt pulmonibus; temperata verò, ut tinctura vitrioli martis ZVvelferi, spiritus nitri dulcis, &c. possunt concedi.

Quoad opiata: ea in phthisi sunt optima, sed accuratè observetur methodus medendi. Unde quæritur: an ea in nostro agro locum habeant? Dico quod non; quia jam facta est erosio pulmonum, qua stante, adeoque & sordium coacervatione, urgenda expectoratio: hac autem cessante, unà cum tussi, periculum suffocationis agro imminet; unde cum exhibitis opiatis excretio materiæ ex pectore sistatur, sufflaminato hac ratione motu partium organico, ac concurrente ipsorum spirituum animalium defectu, omittenda ea erunt, præsertim cum stante ulcere pulmonum excretio non debeat impediri, sed potius promoveri. Contrarium quidem loquuntur Practici, dicendo, quod tussim sistant; Verùm respondeo, distinguendo tempora: Nempe in principio & incremento phthiseos, quandiu scilicet acrimonia lymphæ & tussis adhuc sicca urget, nondumque facta est erosio pulmonum, sed fieri incipit, opiata sunt optima. Temperant enim acrimoniam lymphæ ad asperam arteriam delatæ, & simul præternaturalem ejus motum ad asperam arteriam & pulmones impediunt, & sic sensum irritationis sistendo tussim sufflaminant. Optimè autem operantur, si misceantur cum lymphæ acrimoniam temperantibus, speciatim sulphureis & vegetabilibus gummosis. In statu minus commodè usurpari possunt, adeo

adeoque considerandum, quid magis urgeat? Prohibent opiata generationem sordium, & simul inhibent excretionem. Vesperti ergo potius quam interdiu conducunt; vesperti enim materia generatur, & interdiu excernitur.

Inter opiata sunt pilulæ de cynoglossa à *Dn. Autore Resolutioni* præscriptæ, sed in defuetudinem abierunt, quia sunt ex crudis narcoticis compositæ; potius pilulæ de *Syrace Sylvii* aut Schrederi cum laudano opiato permisceantur, & vespertino tempore vel ante cenam vel post cenam parcam sub introitu lecti usurpentur. Ulcus autem, antequam consolidetur, mundificetur prius, pro quo scopo optima est nicotiana, hydromel, oxymel, &c.

In Cura ergo nostræ phthiseos, quæ vulgò à deffillatione deducitur, observentur sequentes Indicationes:

1. Sanguinis dyscrasia falsa est lymphæ acrimonia corrigenda & temperanda.
2. Sordes in pulmonibus residentes per expectorationem removendæ.
3. Nocuum pulmonibus inductum restituendum.
4. Simul etiam in omni tempore digestio prima integra servanda; pro quo ultimo scopo, primariò attendendo, vomitorium, & hinc blanda acidula, aromaticis juncta, quale est Elixir proprietatis vulgare, conveniunt.

Pro primo autem scopo conducunt speciatim temperantia sulphurea, vel quæ habent consistentiam pinguidiusculam temperatam: qualia sunt sulphur, flores sulphuris, antimonium diaphoreticum, antihecticum Poterii, succinum, thus, saccharum Saturni, pulvis Haly contra Phthisin, speciei dia-Saturni Mynsichti, speciei dia-Tragacanthæ frigida, semina frigida majora & minora. Quibus tamen palmam in principio morbi præripiunt decocta lignorum, vel solitaria, vel si jam læso pulmonum facta fuerit, adjunctis vulnerariis. Curiosam observationem habet RIVERIUS *Cent. 1. Obs. 35. & 99. Cent. 2. Obs. 61. & 78. & Obs. à FOMIO Commun. 72.* de phthisi incipiente, per decoctum ligni guajaci curata. In tali ergo casu

24. *Raf. ligni juniper. ℥iij.*

(Hoc enim omnibus lignis exocitis præferendum, tanquam nostræ constitutioni magis conveniens) & si placet

Raf. lign. guajaci ℥iij.

Macerentur per 24 horas, affusa ad *Miss.* mensura una aquæ simplicis: manè ebulliant ad consumptionem medietatis, in fine adde

24. *Pass. min. conquass. ℥i. ad ℥iij.*

De colatura, per manicam Hippocraticam aliquoties trajecta, bibat æger manè & à meridie bonum haustum, sed sine sudore expectando. Vel

24. *Rad. Chinæ in taleol. inc. ℥iij.*

Raf. lign. guai. vel Sassafr. ℥iij.

Macerentur per noctem in s. q. aquæ simplicis, v. gr. ℥iij. manè infundantur vulneraria, exemplo à *Dn. Autore Resolutionis* conscripta.

Item conf. POTERIUS *Cent. 3. Cur. 77.*

Cum his decoctis, nunc elixir proprietatis, nunc antimonium diaphoreticum nunc antihecticum Poterii, unde balsamus sulphuris, commodè potest usurpari, & optime conveniet; vel etiam, respectu nostri ægri, nunc expectorantia nunc consolidantia vulneraria, eidem decocto simul incoqui possunt, & tandem his usurpatis, lactis usus super addatur. Si hæc suo functa sunt officio, demum ad lac accedendum.

Quibus etiam per accidens opem ferunt Opiata, nempe vespertino tempore, dum vel tussis nocturna, vel febricula vesperti urget. Conveniunt etiam in incremento phthiseos per accidens fonticuli & setacea ad lymphæ muriaticæ affluxum aliorum derivandum, vel in brachio, vel circa homoplatas, hæc verò in nucha applicentur: non quidem quod positivè aliquid valeant, sed saltem ut indirectè & à posteriori, ulteriorem morbi progressum inhibeant. Quantum enim valeant hoc in casu, videatur in HILDANO *Cent. 3. obs. 38.*

Pro secundo scopo, sordibus nempe expurgandis, optima est Nicotiana, & post hanc hyssopus & Marrubium, in forma decocti vel syrupi, unà cum mellitis blandioribus adhibita, præsertim cum & ipsum mel abstergat & expectoret; unde syrupus nicotianæ ex succo, juxta QUERCETANUM per residentiam paratus, bonus est; item infusum multiplex nicotianæ in aqua simplici per residentiam

Ettmuller. Oper. Tom. 1.

itidem factum expellit: vid. MAGNENUS de Tabaco, ubi multas formulas habet, interne tabacum nunc sub decoctorum, nunc electuorum forma usurpandi.

Vel

24. *Herb. salu.*

Scord. ana M. j.

Hyssop.

Marrub. ana M. ss.

Pulverisatis adde

Myrrh. el. pulveris.

Antimonii diaphor. ana ℥iij.

Cum s. q. Mellis, vel etiam cum Pulpa passul. recent. par. f. Electuarium spiritum.

Electuarium ita confectum aspergatur tandem pro lubitu balsamo sulphuris, vel anisato, vel terebinthinato, vel myrrhisato.

Myrrha addenda est, quia ulceris sordidi progressum efficaciter inhibet; Ubi enim ulcus sordidum, & ubi sputum foetet, mel cum myrrha optimum est.

Pro tertio tandem scopo, nempe pulmonum noxa eluenda, constat omnis cardo curandæ phthiseos. Ita enim ponamus, quendam ex inspiratione halitus aquæ fortis incurrisse phthisin pulmonalem: sanè, quia nobis deficit adæquatum mundificans & consolidans pulmonum, hinc ut plurimum catalogo morborum incurabilium phthisin inferere necesse habemus. Equidem vulnerariorum decoctorum mille formulæ prostant, & quælibet anus singulare sibi aliquod servat: interim quemadmodum illa omnia eo collimant, ut pulmones consolident, ita in principio arrosionis bona quidem sunt, at in progressu eadem sunt imbecillia & frustranea.

RESOLUTIO II.

Dn. JOH. MATTHÆI
MERCKELII,

ANNÆBERGENSIS,

à

B. DN. PRÆSIDE

correcta

Anno 1682.

AFFECTUS & PARS AFFECTA.

Præsens casus Phthisis vero nomine dici merebitur, & quidem incipiens, quia adhuc videtur esse in fieri, ratione partis affectæ Pulmonalis vocanda veniet, siquidem quicquid muci per sreatum rejicitur, illud omne excoctionem pulmonum & corruptelam nutrimenti eorundem proprii aperte satis testatur.

CAUSA PROXIMA.

Causæ proximæ materialis vices sustinent sanguis & lymphæ, acrimonia falsa inquinata: formalis verò erit defectus spiritus influi, & hinc orta corruptela nutrimenti proximi.

CAUSÆ REMOTÆ.

Causas inter remotas primum hinc locum meretur vitiosa ventriculi digestio; hinc chylus vitiosè elaboratus, sapore acido-falso plus minus inquinatus, & ad massam sanguineam ita delatus, ejusdem naturalem crasin atque texturam turbat atque immutat; unde & hoc in casu circa lymphæ vitium ferè totius rei cardo vertitur. Accedunt præterea lites continuæ & jurgia domestica, quæ etiam non leve pondus ad mali hujus productionem conferre potuerunt; nam, uti notum est, de die sæpius experi licet, sub iracundiæ fervore omnium fluidorum nostri corporis ingens contingit alteratio atque confusio, hinc fit, ut insignis agitatio & ex concursu horum plus minus sibi invicem contrario tertium aliquod falsum acre possit emergere, quod & hoc in casu factum esse, vix quisquam negare poterit.

OPERANDI MODUS SEU COHÆSIO SYMPTOMATUM CUM CAUSA PROXIMA.

Symptomata quod attinet, primò *Tussis continua* ad materiæ copiosæ rejectionem causam fortè aliam non agnoscit, quàm lympham vitiosè acido-salsam, & corruptelam nutrimenti proprii pulmonum. Nimirum transudat continuò lymphaticus aliquis humor ex glandulis miliaribus, sub tunica interiori latitantibus in bronchia asperæ arteriæ, qui si naturaliter est constitutus, nil damni nec quicquam molestiæ infert pulmonibus; at si sale plus minus acri scorbutico, uti hic fit, vitatur, nil mirum est, quod fibras pulmonum continuo irritationis sensu & molestia vellicando tussis & rauces inducere queat, quibus subinde materiæ varii coloris propter inspirationis tractum continuum & corruptelam nutrimenti jam dicti rejectio simul jungitur. *Sapor autem tetrus*, nec facile explicabilis, aut quasi lignorum putridorum in ore, quem percipit æger, præsertim manè evigilans, pro fundamento suo vix quicquam aliud habebit, quàm sordes recrementitias, & plus minus putrescentes, ex vitio ventriculi malè digerentis genitas, quarum molestia & abominabilis fœtor, propter consensum continuitatis membranarum superioris orificii ventriculi cum lingua & faucibus, in ore simul percipitur. Urina de cætero intensius tincta & cruda aliàs dicta, acidum satis potens, & contenta corporis concentrans, præsupponit, imò malum adhuc exasperatum iri, prænuñciat.

Pulsus celeres & frequentes sunt a motu intestino fermentativo, à concursu particularum acriorum excitato, & parietes cordis irritante: magnitudo autem dependet à turgescencia sanguinis plus minus fermentativa. Ratione celeritatis & frequentiæ fortasse huc quoque suo modo referri posset inspiratio, propter angustiam præcordiorum & pulmonum habitudinem plus minus læsorum, sæpius reiterata, quorum motus, prout subinde est varius, ita etiam circulatio sanguinis variare potest: *Somni interrupti*, & *sudores copiosi*, quibus levi ex causa æger noster diffuit, causam aliam vix habebunt, quàm spirituum animalium & vitalium defectum; nunc in quanto nunc in quali; nam ut non absint prorsus spiritus, saltem non in tanta copia, prout natura requirit; in quali verò, quatenus spiritus si motu suo vago & inordinato hinc inde ferantur, fluida corporis exagitant, illudque inquietum reddant. Quemadmodum enim hi naturaliter pro firmandis fibris nerveis, modò attractioni, modò relaxationi dicatis, inservire, easque in motu suo tonico fervare debent; ita è contrà turbato seu abolito plus minus horum motu, simul etiam motus fibrarum tonicis non leviter turbatur, adeò, ut humores corporis nutriti spontè huc atque illuc diffluant, unde tandem sudor colliquativus phthiæcos connexus ferè proximum insequitur. Quibus ita se habentibus *Contabescencia* corporis & virium imbecillitas ex defectu humoris nutritii, & absorptione carnis musculosæ à sale phthiæcorum salso-acri, superveniant, necesse est. *Respirationis verò difficultas* unde dependeat, non erit, ut intimius paulò inquiramus; siquidem, uti jam supra dictum, mali præsentis fomes erosio pulmonum est, qui tamen potissimum respirationis organum sunt, & quibus totum hoc negotium absolvitur. Sublata itaque causa hac organica, qua natura utitur hoc in negotio, necesse est, tollatur simul effectus, h. e. respirationem imminui, aboleri, & tandem prorsus cessare. Quare autem æger noster dextro latere si incumbat, dolorem exasperari sentiat, fortè inde deducendum foret, quod pulmones in latere sinistro excoriati sint; si enim in sinistro latere empyema est, tunc decumbentes in eodem bene habent, sin autem decumbent in latere dextro male habent, & contrà. Cum verò æger noster utrique lateri commodè adhuc incumbere possit, signum est, excoriationem hanc pulmonum in ulcus sordidum, & empyema, nondum degenerasse. Quod autem *alvus quotidie respondeat* officio, ejusque fluidiora & liquidiora soleant esse excreta, fortè dyscrasiæ viscerum & in specie bilis inertis imputandum veniet; hæc enim, quia alcali suo volatili, quo aliàs ad chyli depurationem multum confert, videtur depauperata, sit, ut ingesta ferè semicruda & colliquata saltem rursus egrediantur corpus.

PROGNOSIS.

Quoad *Prognosim*, periculum videtur mihi esse in mora; siquidem levi negotio posset transire in confirmatam, eamque incurabilem phthisin, ideoque cura ejus, quò citius, eò melius, maturanda veniet.

CURA.

Cura autem his meo judicio posset absolvi *Indicationibus*.

1. Ventriculi digestio læsa in quantum possibile restituenta.
2. Sordes in pulmonibus & ventriculo removendæ.
3. Sanguinis & lymphæ acrimonia temperanda.
4. Symptomata urgentia sedanda.

Pro prima itaque *Indicatione*, quæ à nobis restitutionem læsæ digestionis ventriculi in integrum requirit, obtinenda, omnium primò sese hic offerunt *Vomitiva*. Hinc

℞. *Massæ pilul. de trib. Ruffi* ℥i.

Antimonii diaphor. ℥i.

Tartari vitriolat. ℥ss.

Cum. f. q. *Bals. Peruv. f. Pilulæ*:

D. S.

Pilulæ singulares; 18. usque ad 20. pro una dosi.

Vel

℞. *Salis Tartari essentif.* ℥i.

Pulv. rad. ari interior. (pars enim exterior planè est insipida, & sæcula, quia omni acrimonia destituitur, nullius usus est)

Antibet. Poter. ana ℥i.

M. D. S.

Pulvis discutiens, mane quantum cultri cuspis capiat sumendus.

Vel

℞. *Spiritus salis ammoniaci anis.* ℥i.

Tincturæ bals. Peruv. ℥i.

M. D. S.

Essentia 18. usque ad 20. guttæ.

Pro secunda *Indicatione* obtinenda, primum hic locum sibi vendicant quævis expectorantia acetosa, v. gr. *Spiritus asthmaticus*, *oxymel squilliticum*, e. gr.

℞. *Aquæ scabios.*

Veron. ana ℥ii.

Spiritus asthmatic. ℥i.

Syr. de Nicot. Querc.

Fumar. ana ℥iij.

(vel horum loco *Oxym. squillit.* ℥vi.

M. S.

Potio resolvens, cochlearim sumenda.

℞. *Tincturæ tartari compos.* ℥iij.

Spiritus Cochlear. ℥ss.

M. D. S.

Guttæ stomachales, mane sumendæ à 20. ad 30.

Nec dubito ego, quin hoc remedio simul virium digestionis primæ in tantum commodè satis emendari queat, pollet enim non tantum vi absterfiva primas vias & correctiva fermentum digestivum, sed & à putredine conservat quosvis corporis nostri humores, &c.

Pro obtinenda *tertia Indicatione* ex fonte pharmaceutico convenient medicamenta quævis ex sulphure, uti sunt sulphuris flores, balsamum sulphuris anisatum, pulvis Haly contra phthisin, species dia-Tragacanthæ, diatreos, *Antihæcticum Poterii*, *spiritus salis ammoniaci anisatus*, &c.

Formula esse potest talis.

℞. *Amygd. dulc. ambr.* ℥ss.

Sem. melon.

Papav. alb. ana ℥ii.

Aquæ flor. Papav. err. ℥iv.

Scabios. ℥ii.

Cinnam. bengloss. ℥i.

F. l. a. *Emulsio*:

adde

Antibet. Poter. ℥i.

Maxill. lucii pisc. ℥ii.

Edulcor. cum parum Sacch.

D. S.

Emulsio Temperans, sæpius 2. cochlearia sum.

Item

℞. *Tin-*

24. Tinctura antiphtis. 3℥.

D. S.

Tinctura Temperans.

Huius ex fonte diætetico addatur Lac, utpote cuius usus, præmissis præmittendis, optimè confert: contra in principio morbi, primis viis non evacuatis, nec digestionem ventriculi restituta, magis nocet quam prodest, quia propter abundans acido-salsum in coagulum abit, & facile corrumpitur.

Pro ultima Indicatione varia opus haberet Medicus, hinc inde quæ applicaret, remedia; sed quia symptomata saltem sunt productum morbum, & effectus causæ morbificæ, ideoque sublata hac, sponte cessabunt & illa.

Ratione autem pulmonis excoriati mundificandi & consolidandi, præter diætam lacteam jam commendatam.

24. Ros. ligni sassaffr. 3℥.

Rad. China,

Sarsaparill. ana 3℥.

Macer. per noctem in

Aqua comm. Mens. ii.

Manè adde

Herb. hed. ternestr.

Chereseol.

Scabios. ana M. i.

Sem. anisi,

Fenic. ana 3℥.

Rad. liquoric. 3℥.

Passul. min. conuass. 3℥.

Coqu. in vitro cum alembico suo munito ad tertias.

Colatura cum destillato D. S.

Potio pectoralis, de qua manè bonus sumatur haustus.

C A S U S XXXVIII.

PHTHISIS CUM FEBRE
HECTICA.

Studiofus Theologus, sanæ aliâs & laudabilis constitutionis, aliquando conqueritur, quod utut aliâs fuerit robustus, levitamen ex motu, & vel solo scalarum adscensu, virium debilitatem & respirationis difficultatem percipiat: accedit etiam calor præternaturalis, quem imprimis aliquot horis ab omni pastu in palma manuum, cum faciei rubore & incalescentia, persensit, qui tamen intensior post cenam esse solet, quam comitatur sudor copiosus matutinus fluens tam largiter, ut nullo modo eam coercere queat. Negligit hæc, fretus robore naturæ, sed interim floridus faciei color perit, artus imbecilliores, molliores & flaccidiores fiunt, appetitus prostermitur, & saporem peregrinum subinde in ore, imprimis manè surgens, percipit: accedit superveniente hyeme tussicula levis & inanis, in qua vellicari fauces & laryngem percipit, ut tussiendo, licet sæpius nihil tamen excoernat, quin potius pectoris compressio & halitus difficultas insigniter intendatur: advenit verum tempus, in quo levamen sperat, sed mirè tussis intenditur, copiosa rejicere incipit sputa, stertor, dum decumbit, sentitur, & capilli desfluere incipiunt. Accedit tum demum Medicum pro Cura.

R E S O L U T I O

Dn. THEOD. CHRISTOPH.

K R U G I I,

HASSO-CASELLANI,

B. DNO. P R Æ S I D E

correcta

Anno 1676.

A F F E C T U S.

Affectus, qui in casu præsentis symptomatibus suis per plurimis, velut in tabello panicillo adumbratus,

curandus proponitur, est incipiens Phthisis ex pulmonum exulceratione, eaque jam satis progressa, cui supervenit ordinarius comes, febris lenta de Hecticarum genere. Affectus enim, etsi in principiis suis cognitu perquam sic difficilis, quum verò se nobis liberiori modo nudaverit, hinc dissimulari amplius non potest, cum de hoc minimè dubitare sinat calor præternaturalis, præprimis à pastu cum rubore & incalescentia faciei, cui si jungam sudores nocturnos copiosos, quid aliud quàm febrim hecticam indicant? quid debilitas virium insolita? quid respiratio difficilis, & gravitas illa thoracis sub scalæ adscensu? quid sapor peregrinus in ore, & appetitus prostratus? quid tussicula primò levis, postmodum crudelior facta? quid expunitio copiosa indicant, nisi quod tabificum anguem in corpore latentem alat? imò si insignem cladem virium, artusque imbecilliores & molliores perpendamus, cum capillorum defluvio, resed. clarius erit, subesse nimirum Phthisin cum febre hectica jam conjunctam.

S U B I E C T U M.

Phthiseos ratione subiectum est hic pulmo, incipiens exulcerari cum aspera arteria à lymphæ acri: Hecticæ ratione est massa sanguinea inquinata vitio lymphæ & purulentia aliquali pulmonis. Focus seu sedes remotæ causæ investigandus est in stomacho.

C A U S A P R O X I M A.

Causa proxima est vitium lymphæ acrioris seu salioris muriaticæ, naturaliter humectantis & irrorantis asperam arteriam & pulmones.

Ab hac acriori (1) irritatur, excoriatur & tantum non nihil exulceratur aspera arteria, hinc tussis, & tandem pulmo, hinc excreta sputa, difficilis respiratio, &c. (2) Ab eadem vitatur sanguinis crasis, & fermentatio vitalis, hinc febris lenta: cui superveniens admista purulentia pulmonum, reverà Hecticam secundariam seu symptomaticam infert.

Pulmones cur primario afficiantur in phthisi, causa est duplex:

1. Quia injuriis externis magis obnoxii sunt, dum inspirando variè læduntur.
2. Quia si vitio stomachi phthisis, chylus & lymphæ acrior, dum venæ axillari infunditur, statim & prima vice cum sanguine per pulmones circulatur, hinc & primario pulmones lædit.

Ex sanguinis crasi & fermentatione vitali læsis & spirituum in corpore defectus, & successive virium debilitas supervenit: & quatenus simul non ritè in præcordiis effervescentia promovetur, necessario de difficili respiratione conqueritur æger, viriumque imbecillitate: male quippe stante sanguinis fermentatione, nec laudabiles generantur spiritus, unde, qui aliâs robustus, necessario languidus fit. Sanguis itaque, dum sic viscidus & salina acrimonia quadam fuit imbutus, nulla laudabilis ejus fermentatio speranda, sed vitiosa sua fermentatione inducit calorem febrilem acutum, non tamen intensum, nisi post pastum, quò semper æger calore & æstu majore affligitur; quem in facie & palma manuum imprimis persentit, quatenus nempe ob assumpta alimenta indeque chylus novus sanguini affundatur, qui exinde redditur fluxilior, & ob novæ materiæ præsentiam exasperatio, & fermentatio vitiosa, hinc post pastum aliquot horis, illo nempe tempore, quò digestionis opus ad finem perductum, imprimis autem post cenam calor auctus percipitur. Hæc ipsa autem fluidior alimentorum pars, serum nutritium aliis dictum, cum ob suam visciditatem & salinam acrimoniam minus commodè assimiletur sanguini & partibus reliquis, hinc tempore nocturno sub specie sudoris copiosi denuò per poros corporis confertim emanat: quibus sic stantibus necessario postmodum floridus faciei color perit, artus etiam imbecilliores, molliores & flaccidiores fiunt, cum & hi tam spiritibus, quàm rore nutritivo defraudantur, totique sic corpori debitus perit vigor.

Sanguis autem unde dyscrasiam suam pactus fuerit? & unde non minùs lymphæ corrupta? meritò hic quæritur. Arbitramur: illud esse ex primis viis, stomacho nempe & intestinis, in illo nimirum fermento stomachali sic dicto, in his autem succis ibidem hærentibus, bile nempe & succo pancreatico vitiosè constitutus; quibus postmodum saliva superveniens glutinosa & nimis salia non parum

nam momenti adfert; hinc non bonus chylus præparatur, nec in intestinis à succis, bile & succo pancreatico; illa quidem nimis inertis & viscida, hoc verò nimis acris salso & glutinoso, perficitur, unde fermentatione læsa, partiumque utilium ab inutilibus secretionibus depravata, læditur sanguificatio, nutritio partium, & spirituum vitalium generatio; unde augetur in dies bilis, salivæ, succi pancreatici & lymphæ glutinositas & inertia, redditurque sic malum successive gravius. Confirmat nos in hoc, ut credamus stomachum præprimis in causa esse, tam vita ante acta, quam symptomata: Prius quod attinet, vita nempe antea acta: hæc sat potens fuit tale quid inducere; Studiosus nempe fuit, studiis & curis nimis, illque intensioribus, deditus, quibus cruditas diæta natales suos debet; à studiis enim nimis spiritus animales exhausti, & alimentorum digestio læsa fuit, fermentum stomachale minus acidum, minus volatile, sed viscidum redditum, succusque pancreaticus nimis salso, muriaticus & viscidus factus, symptomatibus dehinc occasionem dedit; præprimis, quod & probabile, quod fuerit juvenis sanæ constitutionis, fortassis plura & varia ingessit, nimisque fretus naturæ robore vixit: unde insigniter fermentum stomachi vitiatum fuit; & hoc vitiatum esse probabile reddunt symptomata: nam in nostro ægro appetitus insigniter est prostratus, partim ob fermentum stomachi vitiatum, & ob lymphæ salivæ nimis salsedinem; hinc & impeditur debita fermentatio, dum etiam subinde peregrinum imprimis mane surgens persentit saporem, qui non aliunde quam ex stomacho & infallibile cruditatis viciosa putridæ indicium, effluvia cum referant crasin totius concreti, ex quo exhalant.

Possent etiam hic sapor esse ex pulmonibus purulentia ob-
ruris: Sic si Hæctici saporem dulcem in ore habent, dum dicunt: *Omnia mihi sapiunt dulcia*; revera est ex pulmonibus purulentis: pus enim est salsum, quia ab alcali & acido fit: hoc jam si à pinguedine sanguinis obtemperetur, ejusmodi subdulcem acquirit saporem. Sic ego (*verba sunt B. Dn. Præsidis*) aliquando curavi Hæcticam & Phthisicam, quæ de ejusmodi sapore querebatur: præscripsi sal ammoniacum, & flores sulphuris: dicebat ægra, se talem persentisse saporem, ac qui est in pulvere præscripto: ratio enim est eadem: nam sal ammoniacum est salsum, cui si advenit pinguedo sulphuris, talis suboritur sapor subdulcis.

Putrida ergo talia, si in stomacho hæreant & chylo miscantur, deferuntur in sanguinem, hinc in pulmonibus hærent, five in ipsis pulmonibus genita hos acrimonia sua stimulant, & accedente frigore hyemali malum maxime exasperatur: nempe aeris asperioris inclementia irritando fauces & asperam arteriam occasionalem lymphæ peccanti subministravit, ut circa loca dicta effusa uberius acrimonia sua salsa eosdem lædere, excoriare, & successive ad phthisin disponere potuerit; hinc necessario tussis, in principio quidem levis & inanis, materia tunc existente adhuc tenui & subtili, minus cocta, Practicis dicta.

Latere vitium in pulmonibus, ulterius indicat: quod æger sæpius tussiendo nihil excernat; si enim à causa externa solùm illa tussis, tunc nihil commercii & molesti sentirent pulmones: sed quia hi laborant, videtur ac si vitium hic hærens stimulet laryngem ad tussendum.

Dum autem pulmones sæpius reiterato tussiendo conatu irritati phlogosin quandam concipiunt, ac à lymphæ nimis acris & mariatica exulcerantur, & in abscessum abeunt, sic insignis halitus & respirationis gravitas exoritur, tussis exasperatur, & sputi copiosi rejectio supervenit, ad quam promovendam multum contrahit aer vernalis, peregrinis exhautionibus turgidus: accedit dehinc stertor, dum decumbit, ob reiteratam nempe sæpius respirationem, & impeditam à lymphæ nimis glutinosa asperam arteriam obsidente, partim etiam fortassis ob puris in pulmonibus præsentiam. Tandem & supervenit capillorum defluxum, ad quod disponunt sudores nocturni, manifestum indicium phthiseos & atrophie jam perfectæ, massæ sanguineæ dyserasie, torisque nutritivi inertie, quo rore præter partes alias & capilli, qui sunt plantæ, destituuntur, ut sic destituti hoc, necesse habeant defluere. Et sic exinde, quantæ insidie ægro nostro struantur, clarum est, eoque clarius, si & Prognosin annexemus.

P R O G N O S I S.

Eventum autem hujus morbi minimè prosperum omninamur, sed planè dubium, eoque magis, cum jamdum phthisis Hæctica sit juncta: idcirco & difficilioris erit curationis, præprimis si perpendamus sudores minimè coercibiles; tussim jugem pectus quassantem, & tantum non lacerantem, quibus impeditur non solum ulceris coalitio, sed & metus supervenientis sputi cruenti; si insignem virium cladem unà cum capillorum defluxu insigniori; aliaque contra indicantia plura: quæ in curatione vix conciliari possunt; si denique insignem appetitus prostrationem perpendamus, nihil nisi funesta ominari posse video. Interim tamen, ne planè illum relinquamus omni spe reconvalescentiæ destitutum, ejus preces auscultemus, ut, si non in integrum restitui possit, saltem blandis subsidiis, quæ citra virium offensam affectum leniunt, infelix ejus spiritus, quantum arte fieri potest, prorogetur; fortassis enim, cum juvenis laudabilis constitutionis, accedente diæta laudabili, de perfecta ei restitutione gratulemur.

C U R A.

Quo ergo precibus satis demus, Curam aggredimur innixam quatuor his Indicationibus.

1. Ut focus morbosus per legitimas vias evacuetur, ventriculusque à saburra peccante liberetur.
2. Lymphæ acrioris & viscidioris vitia corrigantur.
3. Asperæ arteriæ & pulmonum læsiones consolidentur.
4. Quibus peractis vel hæctica spontè evanescet, vel, si superfit, istud emendandum.
5. Stomachi digestionem, quantum possibile, prospiciendum.

Pro quibus obtinendis legitima remedia ex fontibus Pharmaceuticis, & diæticis haurienda.

Pro priori ergo scopo commendatur vomitus, maxime autem Purgantia, quæ ceu summè nocentia fugiat: tabidi enim, phthisici & hæctici, etiam à lenissimo purgante quam maxime purgantur, ut exinde etiam moriantur. Non inconveniens autem erit, ut Digestivum præmittat; hinc

℞ Salis Ammoniaci ℥j.

Antibect. Poter. ℥ss.

M. f. Pulvis:

div. in 3. part. æqual. S.

Pulvis digestivus.

Præmissio hoc:

℞ Tartari emet. Myns. gr. ij.

Sacch. albiss. ℥ss.

M. f. Pulvis: S.

Pulvis emeticus.

Capiat cum regimine, quod sic materia peccans evacuetur; etiam pro ratione circumstantiarum suo tempore repeti potest, cum hoc commodi simul junctum habeat, ut promoveat expectorationem & excretionem purulentæ, si quæ adest, materiæ in pulmonibus hærentis. Sed cautè danda vomitoria, ne in nimia dosi dum propinantur, per inferiora etiam purgent; si enim post vomitoria propinata non per superiora purgent, etsi vomitorium etiam sit lene, sed per inferiora solum, ut plurimum est funestum signum, & intereunt ægri.

Præmissio vomitu, ut temperetur dyserasia sanguinis conveniunt medicamenta antiphthisica dicta, temperata, plus minus balsamica ceu sulphurea, salium acrimoniam in lymphæ primariò mitigantia: hinc commendatum sibi habeat Pulverem Pectoralem D. D. Michaelis, cujus per aliquot dies continuatus sit usus, manè & vesperi in vehiculo appropriato, quod potest esse ros vitrioli, insigniter commendatus ad Hæcticam, in specie, ubi nimius calor hæcticus urgeat.

Vel

℞ Spec. diatreos simpl.

dia-Tragac. ana ℥ss.

Antimonii diaphor.

Antibect. Poter. ana ℥ij.

Flor. sulphuris Div.

Sacch. Saturni ℥j.

Ol. dest. anisi gutt. xv.

M. f. Pulvis.

De quo æger bis vel ter in die tantum capiat, quantum cuspide cultelli detineri potest, manè in vehiculo calido, & à meridie in frigido; item vesperi sub introitu lecti: quo tempore propter tussim, ut mitigetur, & acrimonia, ut melius temperetur, non inconsultum videtur gr.ß. vel i. laudani opiat. ritè parati addere, nisi excretio impediatur. Nec inconuenienserit, si in usum vocemus passulata & Decocta sudorifera ex lignis, optimè acrimoniam salinam temperantia.

℥. Rad. China,
Liquirit. ana ℥j.

Ligniguajac.

Sant. rubri ana ℥ß.

Cinnam. ℥ij.

Contusa & infusa per noctem in Balneo Mariæ in f. q. *Aque simpl.* manè ebulliant ad tertiam partis consumptionem;

runc adde

Passul. min. conquass. ℥ii.

Leniter adhuc ebulliant & colentur:

D. S.

Potio pulmonem sanans.

In omni haustu detur vel balsamus sulphuris terebinthinatus, vel terebinthinæ cum vitello ovi dissolutæ q.ß. vel, quod optimum, balsamus Saturni terebinthinatus singularis in hoc casu.

Pro tertio scopo

℥. Tinctura antiphthis. ℥ii.

D. S.

Tinctura obstruens.

De qua 30. gutt. bis in die in vehiculo convenienti (quod potest esse præscriptum jam decoctum) æger assumat.

Quo etiam pertinent Portiones Pectorales dictæ, item balsamum saturni terebinthinatum, item tinctura sulphuris vitrioli &c.

Quibus præmissis, si adhuc sudores nocturni urgerent dictis opiatâ miscenda: hinc

℥. Aqua heder. terr.

Veron. ana ℥j.

Antihæct. Poter.

Antimonii diaphor. ana ℥j

Laud. opiat. gr. iv.

Syr. Nicotiana,

Tussilag. ana ℥iij.

M. f. Potio.

Capiatur subinde cochleatim, interdum sub nocte.

Potius præscribenda ejusmodi remedia in forma pilulari, quæ assumenda sub introitu lecti.

℥. Antihæct. Poter. gr. xii.

Antimonii diaphor. gr. viii.

Laud. opiat. gr. j.

Cum f. q. Bals. Peruv. f. Pilulæ.

Pro quarto scopo, nisi Hectica penitus cessaverit, sal ammoniacum cum antihæctico Poterii eandem ulterius debellabit.

Utautem quintò & stomachi rationem habeamus, simulque pulmonum læsionis, hinc cum malum nimis chronicum, non inconueniens erit vinum medicatum, quod recipit

Herb. heder. terr.

Scabios.

Tussilag. ana M. j.

Flor. bellid.

Primul. ver.

Veron. ana p. i.

Rad. liquirit.

Passul. min. ana ℥iß.

Sem. anisi ℥iii.

Cardamom.

Cinnam. ana ℥iß.

Incis. & contus. includ. nodulo.

D. S.

Nodulus in vino.

Qui vel vino vel sero lactis infundatur, & subinde omni die bis haustulum hauriat æger, cui semper gutt. x. de balsamo Peruviano instillentur; sicut etiam pro expectoratione meliori syrupus de hyssopo cum oxymelle squillitico sensim deglutitus non inconueniens erit.

Tandem diætâ probè nutritiva, mediocris tamen, sed stricta, servanda instituat, ubi non inconueniens, si

stomachi tonus iterum sit firmus, lactis curam instituere; sub qua assumat alimenta facili digestionis, ova sorbilia, carnes juniorum animalium: potus sit vel vinum medicatum præscriptum, vel serum lactis, minimè autem vinum. In reliquis rebus non naturalibus se moderatum præbeat. Tantum!

C A S U S XXXIX.

CACHEXIA SCABIOSA

AD HYDROPEM INCLINANS.

Ancilla, alias succi plena & formosa, jam ab aliquot mensibus deformis admodum redditur, dum scabie laborat, ab alia ancilla per contagium contracta: Scabies est humida, pustule late & ingentes, copiosum serum, præsertim in cruribus, hinc & reliquo corpore, fundentes, crura simul insigni tumore œdematoso ad genua usque turgent, manibus etiam tumidiorebus existentibus. Conqueritur simul de sapore dulci & nauseoso, cum insigni siti continua, pro qua levanda cerevisiam secundariam bibit, quia primaria non bene sapiat; bene appetit, probèque comedit: interdum calidus halitus ex abdomine ascendere videtur: In abdomine subinde varias motiones & agitationes percipit, quod exinde nunc insigniter tumet, nunc denudò subsidet; facies est pallida & tumida, urina parior emittitur; quolibet fere manè vomitum jejuno stomacho patitur; menses inordinate fluunt, nunc intra 14. dies redeunt, nunc ultra mensum tempus deficiunt; bene dormit, &c. Petie medelam.

R E S O L U T I O

Dn. EHRENF. PFUNDS,
VVEISSENFELDENSIS,

hoc tempore

MEDICINÆ DOCTORIS
PHYSICI IN GROSSEN HAYN.

Cum speciali discursu & Annotatis

B. DNI. PRÆSIDIS,

Censura & Emendationi subjecta

Anno 1676.

A F F E C T U S.

Presens noster affectus videtur primariò Scabies humida ferina, ex contagio nata, cui tandem supervenit aliqua cachexia: ubi statim considerandum venit istiusmodi contagium, mediante quo nostra ægra sana ab alia scabiosa inquinatur. Illud autem materiale quoddam miasma acre acidum esse, ex scabiosa corpore egrediens, in propatulo est, maxime tamen obscurum, sensibusque nostris celatum; interim sub parva mole ingentis virtutis, paulò tamen fixius, quia fere nunquam sine contactu materiali afficit.

P A R S A F F E C T A.

Pars affecta primariò est cutis: In hocce verò statu, ac se cura offert, massa sanguinea, & lymphæ, postmodum ratione sanguinis circuli etiam aliæ partes, v. g. stomachus.

C A U S A.

Causa Remota est contactus scabiosæ, sicque modo nostris sensibus insensibili contractio fermenti scabiosi virulentissimi.

Causa proxima verò est nutrimentum partium, imprimis exteriorum, ab hocce fermento acri acido corruptum; necesse enim est, ut concipiamus, huncce corruptorem acrem seu fermentum hoc virulentum acidum mediante cōtactu ex scabiosa corpore egressum, sibi sedem fixisse sub cute & cuticula nostra ægra,

agra, ubi haerens omne nutrimentum pro restauratione corporis effluens corrumpit, quod denique corruptum, acrique acido corrosivo sigillo notatum, cutim erodit, talesque pustulas contrahit, novum succum nutritivum affluentem semper in talem materiam transmutando.

SYMPTOMATUM CUM CAUSIS CONNEXIO.

Et ex hocce fermento etiam omnia symptomata, quorum in presenti casu, mentio fit, deduci posse puto. Nempe se offerant Tumores manuum & pedum, symptoma sanè scabiosis ut & cachecticis, in principio admodum familiare, qui pro causa agnoscunt hocce fermentum vel acorem peregrinum, quatenus nimirum hisce in partibus haerens alimentum earum in varios succos, praepressis verò in talem substantiam ichorosam acorem transmutat, quae ibidem successive collecta, ipsamque substantiam musculorum & fibrarum infarciens, istiusmodi tumores infert.

Cur verò spectati hi tumores circa has partes conspiciantur:

1. Hanc causam esse puto; quia haec partes continuo frigori exponuntur, hincque propter frigus poros claudens, sicque insensibilem transpirationem impediens, fibraeque nervaeas contrahens, succi isti magis condensati stagnant, & stagnando tumores inferunt.
2. Forsan motio earundem & propensio aliquid huc faciunt.

Quoad prius: sanè scimus, humores quoscunque semper ad partes motas in maiori copia confluere; & sic in nostro casu humores in maiori copia affluentes, propter acre verò fermentum alterati, corrupti, & forsitan coagulati in hisce locis stagnantes, hosce tumores inferre poterunt.

Quoad posterius: utut circulatio sanguinis reclamet, videmus tamen, quando manus propendent, quod statim tumida reddantur; Ad haec novi quendam alias sanum, qui in comedia quondam sedens absque fulcimento pedum, illa finita insigniter tumidos, multisque pustulis purulentis, maximum dolorem inferentibus, conspicuos pedes observavit.

Postmodum verò hocce fermentum, ut & succi in extima cuticula jam in pus transmutati, per circulationem sanguinis imbibiti, & ad totum corpus propulsi, faucesque alluentes, istiusmodi saporem dulcem nauseosum intulerunt; unicuique enim patet, pus talem saporem salino-dulcem nauseosum representare. Quia igitur omne pus in recessu falsedinem gerit, quamvis eandem non semper primo statim insultu animadvertamus, quid prohibet, quò minus hancce puris falsedinem suis continuè in nostra agra causam constituamus? Ad quam ipsum fermentum acre, massam sanguineam & lympham inquinans, aliquid conferre potuit; cum alias talem situm in scabiosis observemus.

Ex hoc denique pure, fauces & linguam obsidente, & quasi oblinente, etiam potest deduci ratio: cur potius Coventum bibere voluerit? cerevisia enim propter visciditatem, quam habet, linguam etiam viscidam, & à purulenta materia obfessam, affecit, nec in ipsius porulis ullam alterationem induxit; quam tamen Coventum, tanquam magis dilutum, ablucendo linguam potuit prestare. Fermentum denique hoc ipsum stomachum inquinans, & ejusdem fermentum naturale acius reddens, continuè irritando, sine dubio majoris appetitus Autor extitit.

Quod denique pathemata abdominis attinet: puto, horum causam esse huius fermenti acidi, vel potius succorum, in primis viis ab hoc corruptore acido in simile liquamen transmutatorum, concursum hunc cum bile, hincque excitatam effervescentiam, ex qua primò talis halitus fuit elevatus, postmodum etiam agitationes & tumores abdominis, quatenus nempe tum succi imprimis viis effervescentes majus spatium occupant, tum etiam flatus ex effervescentia geniti tales humores mentiantur.

Urina parciore est, quia serum alio loco effunditur, nimirum per pustulas copiosas ingentes, ubi, uti dictum, massa sanguinea & alii succi nutritii corrumpuntur; hinc parciore urina profluit, & etiam color pallidus, quem alias solummodo à sanguinis purpura derivare debemus.

Eandem causam etiam agnoscit mensium fluxus inordinatus, quia quacunque evacuatione in nostro corpore insignem alterationem & mutationem in eorundem fluxu inducere valet.

Vomitum tandem deducuntur à dicto fermento stomachum, inquinante, cruditatibus acidis viscidis occasione praebente,

& corrosiva sua acrimonia eundem rodente, sicque propter irritationem ad motum quasi convulsivum, & consequenter vomitum, disponente. Quod verò saltem jejuno stomacho affluerit, est, quia hocce fermentum alias habuit, in quod egit; quia vero semper cum circulo sanguinis aliquid in stomacho depositum fuit, istud tempore matutino, stomacho vacuo, nihil habens in quod agat, ipsam stomachi membranam aggressum est, eandemque acrimonia sua erodendo, & sic spiritus animales eandem moventes in ataxiam, motumque quasi spasmodicum redigendo, vomitum induxit.

P R O G N O S I S.

Præsens noster affectus nihil videtur habere in recessu, nisi quod metus incutiat plenaria aliquando cachexia.

C U R A.

Quapropter ad ipsam Curam pergendum, in qua sequentes Indicationes se offerunt.

1. Fermentum scabiosum acre acidum ex massa sanguinea separetur, & evacuetur.
2. Contagium pelli inditum, ejusque productum scabies tollatur.
3. Mensibus & Cachexia incipienti prospiciatur: quam tamen posteriorem Indicationem non tam necessariam esse puto, quia scabies primariam personam agit in hocce casu, quæ ergo curata, reliqua sponte cessabunt.

Quoad primum: ordinario debent precedere universalia primas vias evacuantia; inter quæ alias in nostro casu vomitoria essent optima. Verum quia huncce nostrum scopum ipsa natura in nostra agra adhuc vegeta molitur, puto etiam munus à natura jam præstitum sufficiens esse; quamvis enim stomachus præternaturaliter irritetur, nihilominus simul peccantem laburram eiicit. Si tamen cuidam placet per lenem purgationem alvum eluerre, is faciat hoc imprimis per Mercurialia, scabiei appropriata, cum Martialibus juncta, v.g.

24. Extr. Martis cum succ. pom. ʒi.

Mercurii dulc. gr. xv.

Extr. troch. alhand. gr. j.

M. f. Pilule: S.

Pilula purgantes pro una vice.

Postmodum ad magis specifica progrediendum; & quidem pro primo scopo fermentum acidum separant, & ex massa sanguinea quasi præcipitant, reliquisque symptomatis in nostro casu satisfaciunt sudorifera, quæ simul vitiosum acorem ex massa sanguinea præcipitant: sudorifera enim, quæ talia, nihil præstant.

24. Ocul. Cancr. præp. ʒi.

Salis tartari,

Salis absinth. ana ʒi.

M. f. Pulvis pro duabus dosibus.

D. S.

Pulvis sudoriferus.

Usurpetur expectando sudorem. Vel

24. Antimonii diaphor. ʒi.

Salis ammoniaci ʒss.

Salis volat. Cornu. Cervi ʒss.

M. f. Pulvis pro duabus dosibus.

Vel si placet in forma liquida.

24. Tincturæ tartari ʒii.

D. S.

Tinctura sudorifera.

Vel

24. Ess. lignor.

Fumar. ana ʒii.

Spiritus Salis ammoniaci cum Sale tartar par. ʒi.

M. D. S.

Essentia sudorifera.

Dosis gutt. 40. 50. ad 60.

Cum hisce pro secundo scopo externa Topica applicentur, pro contagio scabioso tollendo, ubi præprimis in usu sunt Lini-
menta inungenda v.g.

24. Ol. tartari per deliquium,

Laurin. ana ʒiii.

Pulv. torment. q. s. ad consistentiam

Unguenti.

D. S.

Unguentum externum,

Cum

Cum hoc inungantur pustula calide; vel admisceantur flores sulphuris, bacca lauri, &c.

Pertinet hoc medicamentum Helmontii ex helleboro, sulphure, & bacca lauri. Conveniunt etiam remedia ex sale tartari, saccharo saturni, & similibus. Item, quod per experientiam compertum, & gratum medicamentum est.

℞. Succ. Citri rec. ℥ij.

Ol. rosac. vel ol. lign. Rhod. ℥i.

Misc. invicem mediante albumine ovi.

De cingulo Mercuriales res nota est; non tamen omnibus suadendum.

Quoad tertium scopum: optima hic sunt Martialis & aromatica, omnia etiam fermento scabiei conveniunt; quae propter vel remedia hacce cum illis contra scabiem conjunctim possunt usurpari, vel interpositis vicibus. Sunt autem v. g. limatura Martis cruda, quae optime convenit in stomacho fortiori, tinctura Martis, extractum Martis cum succo pomorum, tinctura vitrioli Martis Zuvelfferi, crocus Martis, myrrha, crocus, spiritus salis ammoniaci cum calce viva, sal volatile succini, liquor cornu cervi succinatus &c. verbi gratia:

℞. Corall. rub. præp. ℥j.

Croci martis (seu adstring. seu aperientis) ℥ss.

Myrrhæ ℥i.

Salis volat. succini ℥ss.

M. f. Pulvis pro 4. dosibus.

D. S.

Pulvis pro 4. dosibus. Vel

℞. Aquæ menth.

Puleg. ana ℥ss.

Ess. myrrh.

Croci ana ℥ij.

Spiritus Salis ammoniaci ℥ij.

Croci martis ℥ij.

Sal. vol. succini ℥j.

M. D. S.

Mistura pro aliquot dosibus.

Melius autem videtur, si utraque medicamenta conjungantur, quò una vice duabus indicationibus satisfiat; verbi gratia

℞. Corall. rubr. præp. ℥ij.

Antimonii diaphor. ℥j.

Croci martis ℥ss.

Salis absinth. ℥j.

M. f. Pulvis: D. S.

Pulvis pro aliquot dosibus. Vel

℞. Aquæ fumar.

Menthæ ana ℥ij.

Tincturæ tartari ℥ss.

Antimonii diaphor.

Antihæct. Poter. ana ℥ij.

Extr. martis cum succ. pom. ℥ss.

Syr. de fumar. ℥vj.

M. D. S.

Mistura alterans.

Usurpetur cochleatim

Vomitibus non curetur; quia non videtur noxius. Tumores crurum & pedum, quia a scabie originem ducunt, optime & communi experimento curantur per urinam propriam calidam, si in eandem immergantur; vel imponantur pedibus folia vitis; mirum enim, quantam fuliginem extrahunt.

DISCURSUS & ANNOTATA SPECIALIA

B. DNI. PRÆSIDIS.

In nostra ægra primarius affectus est Cachexia; etenim omnia symptomata concomitantia ita se habent, ut etiam subinde sine scabie, in mulieribus præsertim, observata sint. Interim cachexiæ illi per accidens ex contagio supervenit Scabies humida, quæ in subiectis prædispositis, & quæ minus sanæ sunt constitutionis, longè gravior affligere solet, contractaque est, per contagium corporale. Etenim contagiorum quædam volatilia quædam fixa sunt: volatilia in febribus malignis obvia, contactu virtuali in distans operantur.

Pars affecta seu subiectum Infectionis reverà est sanguis, hinc & lymphæ; quoad scabiem verò cutis: fomes autem mali seu subiectum radicationis in primis viis, nempe stomacho & bile, latet. Cæterum, quemadmodum fermentum acre scabiei extrinsecus haustum totum corpus inquinare valet, uti in ægra nostra; ita idem etiam fermentum sponte etiam sua in ipso corpore ægri generatur: id quod fit speciatim ex insensili ut plurimum transpiratione impedita, & intra cuticulam coercita, quæ natura sua acris & salsa ibidem de fixa corrumpitur, & nunc inibi resolvitur in motum fermentativum, unde accescit, nunc verò in putredinem, unde alcali; sed in corpore vivente ut plurimum in acidum degenerat, & hinc pustulas ac fermentum scabiei contrahit. Hinc & balnea & sudores in talibus, mundificando partes cutaneas, promovendo transpirationem, & fermentum scabiosum ibi congestum eliminando, optime conveniunt: hinc venæsectio & scarificatio nihil valet. Par ratio est in achoribus infantum, ex acido lactis sub cuticula de fixo ortis, in scabie seu tineæ capitis; hinc talia, præsertim tineæ, tam frequenter varias insequuntur, relicto sub tegmine cutis fermento variarum.

Causa proxima affectus in nostra ægra est acidum viscidum, pingue, ex errore digestionis primæ in stomacho genitum, & hinc in primis viis coacervatum.

Causa verò remota est vitium bilis, ratione oleosæ suæ substantiæ nimis pinguis, & ratione partis salinæ minus acris & volatilis, existentis; unde & hæc functionibus debitis perficiendis non satisfaciendo turbat digestionem primam, ac ratione defectus hæmatoseos, sanguinis cruditates superveniunt. Nam certè multum bilis præstat in chylo, tam perficiendo quàm ad hæmatosin disponendo; unde plura phænomena, aliàs hepatis intemperiei frigida & deficienti sanguificationi adscripta, ordinario fundata sunt in bilis inertia; hinc & isti affectus per amara, imprimis ex absinthio, corrigi solent.

Verum quoad symptomata primaria, in specie in nostra, non secus ac quoque in morbis reliquis chronicis, cum colluvie serosa conjunctis obvia: ea inter se offert sapor dulcis nauseosus in ore. Jam ergò saporum ejusmodi incunabula sedulo in ægris scrutanda sunt, cum deducant illi nos sæpe ad causarum primarum cognitionem. Nempe sunt Dulcia mediæ naturæ inter amara, & acida, & de utroque sale participant; ita tamen ut hæc ipsa, quæ aliàs subiectum falsum suggerunt, eo ipso, quo copiosiori oleo & pingui sulphure oblinuntur & inviscantur, etiam saporem dulcem repræsentent. Sic enim v. g. propriissimè dulcia, ut mel passulæ, saccharum, nativa dulcedine prædita, &c. de utroque sale, acido & urinoso participant, sed simul copioso temperantur oleo & pinguis sunt: hinc enim ex concursu horum salium, concentratione copiosissimi olei temperatorum, dulcia existunt, & tam facile fermentescunt; interim concentratione copiosi olei temperantur, non secus ac succi vegetabilium acidi, pinguioris naturæ existentes, per alcalia præcipitati in saporem tertium insipido-dulcem fatiscunt: nam succus ribium acidarum rubrarum expressus, cum lixivio salis tartari mistus, post effervescentiam, liquorem mihi exhibuit saporis blandè dulcis. Unde in corpore nostro positiva dulcedo nunquam deprehenditur, nisi in bile, quæ primo gustu positivè dulcis est, utut postmodum sub hujus oleositate occultatum antea acidum prodiens, saporem amarum exhibeat: Nam quælibet amara participant de copioso alcali, sed intimè concentrato cum oleo; unde & quælibet resinæ, quæ nil aliud sunt, quàm salia volatilia oleosa, ab acido concentrata, plus minus amarescunt, prout ab oleo adjunctum alcali plus minus fuerit oppressum. Hinc olea destillata empyreumatica intensè amarescunt, propter sal volatile colliquatum cum pinguedine oleosa. Bilis ergò concurrens in corpore cum chylo acido-volatili, dat falsum tertium temperatum, plus minus dulce; si verò acidum ipsum in subiecto viscido & pingui hæreat; concurratque bilis pinguior & iners, ex mutua unione efficit saporem dulcem nauseosum, stomacho inimicissimum, qui frequens occurrit. Hinc etiam ex nullo subiecto plus pituitæ viscidæ generari solet, quàm ex nimis pinguis, in specie unà cum acidis assumptis, & vocatur vulgò pituita vitrea. In nostro ergò casu hic sapor est ex bile oleosa & acido viscido, quæ unita & concentrata dant saporem dulcem nauseosum subpinguem. Concurrente itaque bile cum acido præternaturali, emergit motus fermentativus excessivus, quem sequuntur halitus isti dulces & calidi elevati, de quibus conquiritur etiam ægra nostra. Hinc ex isto concursu elevan-

tur flatus copiosiores, & hinc concitantur in abdomine agitationes, inflationes, & murmura. Imò exinde supervenit quoque horror cerevisiæ amare; nam hujus amarities lupulina agitavit & dissolvit viscidum acidum in stomacho & primis viis, sub qua actione oritur molestia quædam in stomacho ejusque fibris, hinc *aversatio cerevisiæ amara*.

Alterum symptoma nostram ægram affligens, est *Urinæ parciore excretio*, eaque non præcisè fit ob vitium renum, transcolationi feri non sufficientium, sed ob hæmatoseos defectum, eamque propter perfectionem chyli à bile non sufficientem. Inde namque sanguis crudus & ineptus est dimittendi serum: scilicet ad hoc, ut ritè fiat feri secretio in renibus, multum confert affusio bilis & facta digestio pro perfectione chyli in primis viis; nempe sui affluxu cremorem chyli utilem separat ibidem à stercore, & hoc ipso etiam hunc cremorem disponit, ut, dum in sanguinem abit, facilius de se mittat serum superfluum, & in renes seponat. Itaque non mirum, bile inerte utrumque claudicare. Adèd ergò verum est illud HELMONTII *Tr. Sextupl. Digest.* effatum, dicentis: Fermentum fellis esse perfectivum cremoris, præservativum cruoris & corruptivum feri. Atque hinc est; quod in curis hujusmodi morborum chronicorum ab usu remediorum alterantium, amarificantium, vulgò Hepatica aperientia dictorum etiam urinæ copiosius & intensius tinctæ, & copiosioribus sedimentis refertæ, emittantur; imò hac spes reconvalescentiæ efflorescat.

Tertium symptoma hîc obvium est *Tumor pedum oedematofus*, ad genua affurgens, & alii similes sub hujusmodi affectibus cachecticis, qui commodè quidem aliàs à sero seu lymphæ extravasata deducuntur. Interim scrupulus hîc urget, cur non solum pedes, sed etiam brachia talem humorem monstrant, & facies ipsa pallida sit? unde plus sub his tumoribus in affectibus ejusmodi cachecticis latet; nempe sub huiusmodi tumoribus adest fermentativa quædam turgescencia in partibus carnis & musculosis, qua eadem sub nutritione sui depravata ita inflantur & intumescunt: nempe præsupposito hoc, quod in corpore succi nutritii, nunc sanguinei, nunc vero chylosi, requirant assimilationem cum partibus nutriendis, sanè si hæc propter læsam chylosin & hæmatosin cessat, nec debito modo fiat, plures morbi particulares partium carnosarum superveniunt. Nam chylus acido viscidus pinguis, nec à bile in primis viis perfectus; nec sanguini assimilatus, pro nutrimento ad partes distributus, fermentatione sui præternaturali turgescenciam flatulentam concipit, & ita tumorem oedematofum efficit; similiter ac pasta farinacea lentè fermentando ob glutinosam tenacitatem successivè in tumorem attollitur; hinc in talibus tumoribus quælibet evacuantia nil juvant, sed potius simpliciter alterantia amara & acria, alimenti depravationem corrigentia, quibus usurpatis, spontè iidem evanescent.

Tribus autem potissimum modis hi tumores oedematofi in corpore nostro sub cursu morbi generantur. *Primò* nempe simpliciter ex abundantia feri, ita quidem, ut serum cum sanguine per vasa sufficienter nequeat hinc inde moveri, & communi circulo per vasa ferri, sed proprio motu sui deorsum vergit, & tumores excitat: *Secundus* modus est, quando ex irritatione quadam in partibus nervis supervenit fibrarum spasmus & constrictura, adeoque angustatis vasis sanguinis per poros partium transitus impeditur; sic enim tumores, nunc sanguinei, nunc occasione sanguinis constituti serosi, oriuntur; non secus ac in arthritico dolore & podagra supervenit circa articulos tumor, propter spasmum fibrarum nervearum circa articulos; Unde si tumor in podagra est sanguineus, dicitur *Arthritis calida*, si est serus, *Arthritis frigida*: sicut, dum dens dolet, supervenit tumor nunc sanguineus, nunc serosus: Et in talibus casibus, si partes tumentes tractentur per remedia acriora, aliàs fortiter discutientia, ut oleum Philosophorum, & oleum nervina destillata carminativa, eò ipso, dum ab illis vellantur partes nerveæ; tumores hi exasperantur. *Tertius* modus est, quando adest vitiosa assimilatio nutrimenti partium, sive jam ipsa vitietur culpa fermenti localis in parte, sive culpa nutrimenti, ad assimilationem inepti. Prius optimè illustratur per ulcera, in quibus ex destructo fermento particulari nutrimentum proximum in pus, saniem, sordes, &c. mutatur; unde si ulcera maturè claudantur, & tantillum fermenti remaneat, ex hujus fermenti specialis corruptione tumor

occupat partem, successivè succrescens, & in ulcus renovatum terminans. Jam cogitemus, si vel occasione interna vel externa lædatur assimilatio nutrimenti & corrumpatur, quid exinde, nisi tales tumores oedematofi? Quod si verò ipsum nutrimentum ineptum sit, & crudum chylusque in specie viscidus, acidus & glutinosus ex digestionem prima læsa, tunc exinde fermentum partium particulare & nutrimenti assimilatio læditur; hinc tumores superveniunt. Hinc quoque dantur venena; quæ assumpta partes solidas in tumorem elevant: imò in anasarca sub parco portu universum corpus tumorem oedematofum incurrit. In nostra autem ægra tumores oedematofi non sunt ex sero congesto, non ex vitio partis, nec ex vitio fermentorum particularium, sed propter nutrimenti crudi assimilationem vitiatam; non secus ac pasta farinacea successivè in tumorem attollitur: idque in specie in partibus corporis externis, quatenus hæc læsionibus aeris externi expositæ sunt; quoniam in tumentibus seu turgescens cruribus, à frigore est occlusio pororum, unde & tales tumores per interna amaricantia optimè curantur. Pus est quasi lac quoddam sulphuris naturale, hoc est, pinguedo seu oleum sanguinis; quod sub mutatione in pus ab alcali proprio dissolvitur, sed ab acido abscessus præcipitatur; hinc liquor salis subdulcis emergit.

Quartum symptoma affligens est *Scabies humida*: Ubi non differeuria illa in siccam & humidam comperit scabiei, ut tali; sed dicitur ea ita ratione subjectorum affectorum prædispositorum; Nutrimentum nempe partium proximum aquosius aut salso acidius, aut saltem minus temperatum est; quam ob rem istud nutrimentum ipsum promptius & copiosius corrumpitur, unde pustulæ majores saniem plorantes emergunt, & fit scabies humida, qualis ordinariò in subjectis cachectico-scorbuticis esse solet, quibus scabies invadens fit longè sordidior: In quibus autem nutrimentum proximum est minus aqueum sed à tincturabilis magis balsamicum seu salino volatile oleosum, in iis fermentum scabiei se minus exserere potest, sed potius concentratum afficit cuticulam, & scabiem crustosam inferre valet. Scilicet idem est, ac quando in casibus Chirurgicis dicunt; *habet cutem facile sanabilem*, quod verum est: quandoquidem in alio vulnera, etiam graviora, faciliè curantur, contrà in alio vel leviuscula deteriora fiunt. Et differentia hæc consistit in subjectis ipsis & partibus ratione nutrimenti: Habitiores nempe, ubi cutis & partes ejusdem nutrimento plus minus balsamico seu salino volatili oleoso imprægnata, eorum vulnera & ulcera, & nunc magis nunc minus cacoerthea aut corrosiva evadunt pro nutrimenti affluxu; adeoque fundamentum simpliciter consistit in tinctura bilis balsamica: hinc enim est, quod remedia vulneraria & ulceraria interna & externa ordinariò sint de natura alcalina, plus minus oleosa; item quod nonnulla subjecta non possint ferre emplastra; alia contrà non, quia ulcera pejorant. Occurrit mihi similis casus in quodam puero, à cane demorfo, cui ex applicatione solius emplastri spermatis ranarum cutis inflammabatur, cum qua inflammatione copiosas pustulas serum plorantes ad magnitudinem emplastri applicati contraxit. Id quod ordinariò evenit in scorbuticis: Nam ab applicatione emplastri solet cohiberi transpiratio, hinc contenta acescunt, quæ cutem in pustulas elevant, & nutrimentum proximum corrumpunt. Sic novi quoque mulierem ischiadicam, & alioquin scorbuticam, cui idem obtrigit, ac pustulæ ab emplastro exacerbatae sunt. Prout ergò nutrimentum partium plus minus acre existit, & insensilis transpiratio plus minus temperata, eatenus emplastra applicata, nunc profunt, nunc obsunt, præsertim ex pinguioribus parata; unde quorum transpiratio acrior, illis emplastra talia cutim in pustulas elevant: adeoque simpliciter in talibus removeantur emplastra, & saltem pulveres exsiccantes & acidum absorbentes inspergantur; ut crocus Martis ex vitriolo Martis cum sale tartari præcipitatus, qui omnium optimus est; & quatenus hic absorbet acidum, fit adstrictorius aluminosus, firmans partes; vel creta, lapis calaminaris, &c. Sic cum superiori ætate puer quidam scorbuticus erysipelas totius libiæ incideret, ex emplastro imposito totius cuticula detrahebatur, & serum acre exstillabat cum insigni inflammationis gravamine: hinc si emplastra ulterius fuissent applicata, metus fuisset, ne gangræna incidisset, unde eidem suasi pulveres, & præ-

primis simpliciter crocum Martis allegatum adhibere, qui acidum absorbendo, & fibras cutis stringendo, crustam & novam cuticulam induxit.

PROGNOSIS.

Quoad Prognosin: Cachexia jam præsens ut plurimum post se trahit perfectum hydropem, qui in nostra ægra metuendus, nisi maturè & providè malo occurratur.

CURA.

Quoad Curam, ægram hanc ita tractavi: Ea scilicet erat paupercula; propterea cum ante accessum meum jam purgata esset, hinc ex dicta theoria respiciebam potius ad acidum viscidum pingue & bilis inertiam, adeoque ad sequentia operam dedi:

1. Acidum corrigere.
2. Viscidum resolvere; &
3. Bilem ratione sui salis volatilii oleosi acuire.

Hinc amaricantia tribus his scopis sufficientia credidi: Omnia enim amara ratione salis volatilii oleosi putredini resistunt: hinc nostram ægram beneficio absinthii maximam partem restitui; sicut hydrops solo absinthio curari potest, promovendo simul præterea urinæ fluxum. Unde in principio pro correctione acidi peccantis primarum viarum ordinavi ipsi liquorem Martis solaris, (aliàs enim acidum peccans castrasset omnia reliqua medicamenta,) ad gutt. 30. omni manè in vehiculo calido, donec ejus 3i. absumpta fuisset; cujus usu ægra melius habuit, & sapor oris dulcis nauseosus evanuit, & urinæ fluxus copiosior evasit. Externè interim, pro ulcusculis scabiosis crurum manantibus, jussi imponi folia laphati acuti recentia modicè contusa; ita & illa minus plorabant seri, nec tumores crescebant, sed pustulæ ad sanitatem properabant. Dein suavi ægræ decoctum, parandum ex radica laphati acuti (ob scabiem,) fructibus cynosbati, (pro cienda urina,) & herba absinthii ana, quod in aqua simplici factum omni manè calidè assumendum jussi, expectando sudorem, ubi etiam urina fluxit; imò ut hoc penetrantius esset, dedi ipsi spiritum absinthii urinosum per putrefactionem paratum, cujus 30. guttas prædicto decocto quotidie instillandas jussi pro sudore & urina: quibus per aliquot septimanas continuatis melius habuit patiens sed nondum rectè. Post hinc præscripsi eidem vomitorium, ex quo miram saburram cum euphoria rejecit: quo facto repetiit decoctum ex solo absinthio & fructibus cynosbati ad aliquot dies, cum verò postmodum istud nausearet, parandam jussi saltem essentiam absinthii cum spiritu vini infusi, deque hac quotidie, manè & vespèri, cochlear integrum assumpsit, intillatis unicuique dosi spiritus salis ammoniaci gutt. 30. continuando ad aliquot septimanas. Absinthium quoque cum pane butyrato in omni pastu assumpsit, & sic integrè convaleuit.

Externè verò pro tumoribus ordinavi aquam calcis vivæ, qua probè calida pedes scabiosos sæpius abluit, & post calido linteo involvit, ut spontè exsiccantur, ita etiam pustulæ scabiosæ & tumores evanuerunt. Urina præprimis & aqua calcis vivæ optima sunt contra tumores tales, vel herba chelidonii majoris contusa imposita cruribus est egregia, vel folia laphati acuti.

Tandem pro mensium defectibus, eorumque correctione, jussi parare pulverem ex

Bacc. lauri p. iii.

Myrrhæ p. i.

& omni manè cuspidis cultelli duos, in vehiculo calido assumere; sic ordinariò secuti sunt.

Quoad Praxin Dn. Authoris Resolventis, notandum: quod Martialis & Mercurius dulcis non socianda sint, uia se præcipitant; quippe acidum hujus rodit Martem non saturatum, sicque Mars fit inefficax, & Mercurius revivificabitur: quin potius Mercurius dulcis pro purgandi scopo ad 3i. exhiberi potest, aut reliquis purgantibus combinari. Et revivificationem Mercurii quidem ex eo probo: nam quando ex cinnabari, vel nativa vel artificiali, vel capite mortuo butyri antimonii, Mercurium vivum resuscitare volumus, tunc eidem limaturam Martis addimus, eamque nunc solam, nunc mistam cum sale tartari vel calce viva; hac ratione hisce alcalibus; acidum illorum imbibentibus, Mercurius revivificatus prodit. Præscribere aliàs pilulas Mercuriales cum extracto hellebori nigri soleo, pro acido viscido

expurgando, & massa sanguinea purificanda, hoc modo:

2℥. Extr. helleb. nigr.

Mercurii dulc. ana gr. xv.

Troch. alband. gr. ii. vel Extr. eorund. gr. i.

ad ii.

Cum s. q. Ess. fumarie f. Pilulæ pro una dosi.

Vel loco extracti hellebori nigri potest sumi extractum panchymagogum Crollii cum Mercurii dulcis ana gr. xv.

Tales pilulæ egregiæ sunt etiam in hemicrania, scabie, lue Venerea, epilepsia, & similibus affectibus chronicis, speciatim in gonorrhœa virulenta, summatim: ubi acidum viscidum, quodammodo malignum, peccat.

Vel potest præscribi in forma boli ita:

2℥. Conf. fl. versic. 3℥.

Extr. helleb. nigr.

Mercurii dulc. ana gr. xv.

Trochisc. alband. vel eor. Extr. gr. i.

M. f. Bolus.

Pro scopo autem massam sanguineam in scabie per sudorem purificandi, hic magis adhibeantur salia volatilia, ut sale volatile cornu cervi, & sal volatile viperarum, adhuc nonnihil foetidum, quæ ad cutis usque peripheriam penetrant, massam sanguineam pervadunt, & vi alcalina saponaria fermentum scabiei abstergunt: minùs, fixa conveniunt, sive terrea sive alcalia, quæ ultra primas vias non penetrant, quin potius operatione alterativa in primis viis peracta, per urinam potus eliminantur. Sic cum flores salis ammoniaci duplicis sint generis, nempe ipsum sal ammoniacum per se sublimatum, vel sal volatile, addito alcali, in forma liquida prolectum; hinc hoc, non verò illud, quod saltem falsum, adeoque diureticum est, usurpandum venit: Unde

2℥. Cornu Cervi sine igne 3℥.

Sal. vol. Cornu Cervi 3℥.

M. pro una dosi ad sudorem.

Vel in forma liquida:

2℥. Aquæ fl. samb. vel fumar. 3ii. vel ana 3i.

Spirit. Sal. Ammoniaci 3℥. ad 3i.

Syr. Card. bened. 3ii. vel iii.

M. f. Potio pro una dosi, expectando sudorem.

Loco Misturæ hujus recipiatur Essentia myrrhæ,

cum Spiritu vini Tartarizato, vel cum Tinct. Tart.

vel cum Spiritu sal. Ammoniaci vinoso, parata:

Cujus dosis est 3℥. ad 3i. in vehiculo calido, præsertim cum taliter paratæ essentia cum omnibus aqueis sint unibiles.

Notandum: quod essentia lignorum cum spiritu salis ammoniaci cum sale tartari parato, se turbent invicem mista; illa enim cum spiritu vini rectificato paratur, hic autem de phlegmate participat; unde essentia lignorum detur solitariè à 3℥. ad 3i.

Quod si in ditioni persona mihi obvenisset casus hic, & ex officina Pharmaceutica debuisset curari, tunc præmissem (1) Digestiva Martialis, v. gr. extractum seu solutionem Martis, cum succo pomorum factam, phlegmate paululum evaporato; vel tincturam vitrioli Martis Zwelferi, vel pulverem cachecticum Hartmanni, aut horum loco fixa & alcalina. His præmissis (2) vel vomitorium, vel purgationem per alvum dedissem, ex Mercurio dulci, massa pilularum de ammoniaco, vel extracto panchymagogo, cum extracto colocynthidis: & (3) pro massæ sanguineæ dyscrasia corrigenda, volatilia plus minus aromatica amara, propter inertiam bilis, ut essentiam absinthii, vel succum ejus blandè inspissatum, vinum absinthites, vel vinum infusum ex absinthio, aliisque alterantibus herbis amaricantibus aromaticis, (vulgò hepaticis aperientibus,) vel ipsam essentiam myrrhæ, vel essentiam lignorum, vel spiritum carminativum, bis aut ter in die à 3℥. ad 3i. sumendo, & aliquandiu continuando.

Nam posito, scabiem secundum Dn. Resolventis mentem esse affectum primarium, tamen licet curetur hæc, non statim dyscrasia succorum exinde curabitur: Hæc ergo ulterius consideranda venit.

Cum his propter scabiem subinde simul procurassem sudorem.

Quoad Externa præmissis præmittendis proficua: ea inter excellit oleum tartari per deliquium. Interim linimentum illud cum oleo lauri & tormentilla mistum, reddit cutim nimis scabram; sicuti nec oleum rosarum de-

destillatum, (quod rarissimum,) nec rhodii ligni coincidunt; quin potius alcalia combinanda. Et quidem quæ externè scabiem aliosque cutis affectus curant, ordinariò sunt triplicia: nempe

1. De genere *alcalium saponariorum* & abstergentium.
2. *Sulphur eorum*; &
3. *Mercurialium*.

Alcalia positivè agunt, & saponaria sua vi fermentum scabiei destruunt, & abstergunt; sulphurea verò pinguedine sua id fermentum obtundunt & destruunt; sicut Mercurialia omnium potentissimè operantur, & tam fermenta acida quorumcunque ulcerum, quàm scabiei, destruunt. Ex his ergo varia remedia præscribi possunt: Nempe

I. Ex *alcalibus* prodest *calcis vivæ aqua polychresta*, nunc per simplicem, nunc verò per repetitam aquæ infusionem, nunc simplex, nunc cum sulphure parata, pro ablutione manuum & pedum scabiosorum usurpanda; ita purificando cutim potenter scabiem ea curat. Facit huc euporiston illud commune, nempe lixivium coriariorum, quod ex lixivium falso alcalinum admodum acre: diluatur ergò cum aqua communi, & applicatum externè, aut pro lotione adhibitum, ferinam quoque scabiem cicurat. Item spectant huc decocta ftercoris gallinæ, vel fimi ovilli, quæ transcoluntur, & externè cum eo calidè laventur manus. Potest etiam incoqui radix laphati acuti, quæ postmodum præter lotionem etiam sub cataplasmatibus forma potest applicari: Vid. SIMON PAULI in *Quadrip. Botan. ubi de Lapato acuto*. Cæterum hæc alcalia optimè sociantur cum sulphuribus.

II. De genere *sulphureorum* profunt v. g. *flores sulphuris*, *aqua calcis vivæ in qua sulphur tritum* decoctum. Egò sæpius utor unguento albo camphorato, vel diapompholygos cum floribus sulphuris misto: e. g.

Ung. alb. camphor. vel diapomphol. vel enul ℥i.

Fl. Sulphuris ℥ii. ad ℥iii.

Sal. Tartari ℥i. ad ℥i℥.

Cum s. q. *el. Nicot. f. Linimentum*.

Cum hoc patiens calidè omni manè & vesperi inungat articulos, talos, genua, carpos, flexuras, cubita; ita continuato usu evanescet scabies.

Cum Patavii agerem, ipse scabiosus reddebar ex mutatione diætæ, & scabiem per duos menses cum voluptate perferēbam: at cum postmodum ob pruritus somnum interturbaret, hinc post salis viperini usum recepi *Unguentum album camphoratum cum floribus sulphuris & oleo hyperici*, dicto modo: quod linimentum tunc temporis multis quoque suasi cum successu.

Dicis: Linimenta sulphurea sunt suspecta, quia obfervatum ab eorum usu scabiem fuisse retropulsam: Quod verum est; quippe viscosa illa sunt, imprimis si universam corpus perfricetur. Optime ergò hinc additur sal tartari, vel aliud alcali addatur, quod sulphur dissolvendo præcavet, quò minus oblinire cutim hoc queat; positivè enim fermento scabiei occurrit, adeoque periculo omni hac ratione medemur.

Vel si non sufficiat ejusmodi unguentum aut delicatulis inimicum sit, tunc saltem omni vespera illinantur dicta loca cum eodem, & omni mane abluantur eadem loca cum aqua calcis vivæ, in qua sulphur commune decoctum sit, ac spontè siccari permittantur: e. g.

U. Aquæ calcis vivæ ℥i. vel ii.

Sulphuris comm. triti ℥ii.

Mista coquantur probè & colentur, hinc usurpentur ab ægro.

Hoc decoctum quidem foetet delicatulis quibusdam hominibus, sed bonum est; loco cujus etiam sufficit solutio *scoriarum reguli antimonii* in aqua, quæ filtrata procuranda scabie, & abluendis serpiginibus cutis, ulceribus serpentibus, &c. egregia est.

III. Tandem ultimum remedium est *Mercurius vivus*, ex quo cingulum sapientiæ Rulandi paratum tutum est modò debitis cautelis gestetur: de quibus vid. Bartholinus in *Hist. Med.* Scilicet *cingulum Mercuriale* peripheriæ hypochondriorum affigatur, ita tamen, ut patiens hinc probè tectus incedat, & omne externum frigus vitet, quin potius motui studeat; secus enim imminet periculum gravioris morbi, & interdum ipsius salivationis: ac vidi aliquem, qui post hujus præposterum usum febre pete-

chiali longè graviore correptus fuit. Interim tutissimus modus est, ut hinc fiat aqua *Hermetica Augenii*; quæ est, si

U. Mercurii vivi purif. ℥iii.

Aquæ comm. ℥i.

Agitentur probè & ebulliant ad horam, hinc filtretur, & loca scabiosa abluantur

Vel addi etiam potest huic decocto filtrato, dum adhuc calet, *Mercurii dulcis* ℥i. sicque hoc ipso lavari carpus, & talus, ac in majori malo etiam cubitus & genua, ita enim brevi evanescet scabies. Vel jungatur aqua calcis vivæ cum mercurio dulci; e. g.

U. Aquæ Calcis vivæ ℥i.

Mercurii dulc. ℥i. vel ℥ii.

Mista usurpentur.

Ubi quidem mercurius dulcis ab aqua calcis vivæ præcipitabitur in pulverem album; verum nihil refert, sub usu probè agitetur aqua, & sic externo usu facilè curat scabiem.

Similiter potest etiam Mercurius dulcis in forma sicca supra dictis linimentis admisceri, nempe eorundem ℥i. *Mercurii dulcis* ℥ii. ad ℥iii. pro ratione circumstantiarum, & olei nicotianæ s. q. & ita circa articulos affricari, tegendo hinc probè corpus, & calidum conservando.

In *scabie ferina* & ad lepram ferè accedente, quæ nullis cedit remediis, tunc, præmissa sudatione per decoctum lignorum, nil melius est, quam salivatio per Mercurium instituta. Interim præ cæteris tutissima sunt omnia alcalia, sal tartari & aqua calcis vivæ, quæ in *tinea capitis* infantum quoque proficua sunt: nempe oleo tartari per deliquium spongiola intincta hinc inde crustæ applicetur, ita corrigitur ejus acidum & crustæ decidunt,

Vel

U. Ol. amygd. dulc. quæ placet.

Cum s. q. *Sal. tartari* vel *oleo tartari* terendo

f. Linimentum:

Cui, si pediculi simul adfuerint, addatur olei destillati *Spicæ* ℥ss. aut gutt. xii. ad xv.

Hoc linimento loca tinea illinantur, pediculi horrendes oleum spicæ, mirè fugantur, aut si non poterunt fugam capeffere, mori necesse est. Hoc facto lavetur caput cum cerevisia secundaria, in qua decocta sunt pisa, sic etiam tinea capitis ex voto evanescet.

Similiter, si habeant infantes serpiginis, sal tartari soluto vel oleo tartari per deliquium intincta spongia, tangantur loca serpiginosa, ex quo quidem supervenit ardor, pruritus, &c sed tamen etiam squamulæ decidunt, nec amplius redit malum.

In *retropulsa tandem scabie* vel si mox scabiem abegit æger per externa adhibita, neglectis universalibus, nil melius est Viperinis, v. g. carne earundem, pulvere; essentia viperarum, eaque in larga dosi aliquandiu usurpata: non secus ac quoque finus equinus, qui optimum est euporiston in potu ordinario assumptus, revocat eandem. Aliis tamen irritis imitemur ZACUTI LUSITANI consilium, quo cohabitationem in lecto alicujus scabiosi suadet; nam etiam hac ratione scabiem revocatam fuisse observavit.

Notandum etiam contra formulas *Dn. Resolventis* ad tertium scopum directas, non benè sociari Martialia aliis; cum hac ratione fiat mistura nauseosa: aut si volumus miscere Martialia cum aliis, fiat id cum corallis, nec cum aliis. Melius tamen est, si solitarie usurpentur, & aliis potius præmittantur. Insuper differunt pulveres Martiales; quo minùs enim extra corpus sunt saturati, eò magis intra assumpti sunt efficaces; unde crocus Martis *saccharinus*, crocus martis *ZWelfferi* cum nitro, &c. nil valent; quin potius præscribatur ita:

U. Aquæ fumar.

Mentha ana ℥ii.

Extr. Martis cum succo pom. ℥ss.

Croc. Martis ℥iii.

Misc.

Paratur aliàs extractum Martis cum succo pomorum ita:

U. Succum pomorum Borsdorffianorum moderatè adhuc acidum (poma enim non debent esse matura, sed nonnihil adhuc cruda) qui affundatur *limaturæ Martis purissime*: Matura agitetur invicem, & asservetur in loco calido, usquedum saturetur, postmodum filtretur, & phlegma blandissimo calore evaporet ad consistentiam pau-

paulo spissorem (*Wie ein dunner Saft*) sic non corrumpitur, & dari potest à Zi. ad Ziij. imò cochlear integrum.

RESOLUTIO ALIA

Incerti Autoris,

à

B. DNO. P R Æ S I D E

correcta

Anno 1681.

Ex communicatione

B. DN. D. G R O L L M A N N I,

Physici Torgaviensis.

AFFECTUS.

Affectus præsens *Cachexia* titulo insigniendus venit, ad hydropem tamen in specie inclinantis, cui scabies per accidens jungitur.

PARS AFFECTA.

Subiectum inhaesionis sunt partes solidæ, molliores, musculi scilicet in universo corporis habitu, atque integumentum horum reticulare glandulosum, cuti substratum: imprimis faciei musculi, primi sunt mali huius indices, quatenus cute fortassis teneriore præditi, facilius discolorari possunt.

Subiectum radicationis est massa sanguinea, cacochymica facta, seu crudior, viscido, neque ritè volatilifato chylo turgida.

CAUSA.

Quæ ipsa quoque *Causa materialis proxima* dicenda est: nutrimentum scilicet hoc vitiosum, ex cuius appositione partes corporis discoloratæ redduntur, intra sinum suum fovens.

Remotarum causarum titulo veniunt partim læsa ventriculi digestio, seu cruditas eiusdem pituitoso acida; partim bilis inertia, atque deficiens acrimonia: unde ob similem fermenti stomachalis inertiam, dum viscidus ex ventriculo prodiens chylus, in intestinis quoque à bile non alteratur, crudus ita intra massam sanguineam receptus, plurimorum malorum autor est.

SYMPTOMATUM CUM CAUSIS CONNEXIO.

Etenim læsa sic huius fermentatione, motus quoque ejus progressivus seu circulatorius plus minus deficit, lymphæ consequenter tardius movetur, atque hinc facies deformis redditur & tumet; crura imprimis tanto facilius intumescunt, quod & acclivis sit per hæc sanguinis & lymphæ motus, & fibræ cutaneæ tantillum à pustulis scabiosis irritatæ, strictura sua hinc insigniter moventur. Quin ab eadem hac læsa sanguinis fermentatione est, quod menses inordinatè in ægra nostra fluant, nunc intra quatuordecim dies redeunt, nunc ultra menstruum tempus deficientes, quatenus particulæ ejus salinæ & fermentativæ à viscidioribus chylosis non attemperantur solum plus justo, sed arctius quoque invicem, & cum reliquis quasi combinantur, ut adeò minus mobiles, & torpidæ atque inertes factæ; minus quoque in se lagere invicem queant. Ex eadem quoque causa parciore urinæ emissio ducenda videtur, dum non legitime fermentante sanguine, & viscidior atque crudior chylo turgido, & parciore necesse est contingat, & difficilior in glandulis renalibus feri à sanguine secessus, & per tubulos fibrosos excretio. Vomitus quolibet ferè mane jejunum infestans, ventriculi digestionem læsam innuit, quatenus hic non à genitis solum intra se cruditatibus

Ettmuller. Oper. Tom. I.

sed bile quoque vitiosè regurgitante laceffitus, ad motum hunc anomalum cogitur.

Neque enim & sapor ille dulcis nauseosus, & abstinentia à potu cerevisiæ primariæ, & sitis quoque continua, aliunde natales suos habent, quàm à vitiosa bilis in ventriculo præsentia; quemadmodum inertiam ejusdem & deficientem acrimoniam in specie testari videtur dulcis & calidus halitus, ex abdomine interdum adscendens, quem exhalare videtur, vitiosè in intestinis cum alteratis ibidem plus minus liquoribus effervescens. A qua effervescencia, & hinc facta intestinorum irritatione, porro non incommodè derivantur motiones variæ in abdomine & agitationes, nunc cum intumescencia ejus insigni conjuncta, nunc subsidencia, quatenus in spasmos violentiores acta intestina, nunc quasi inflantur, nunc denuò remittentibus his ad tonum suum naturalem, & elasticitatis centrum redeunt.

PROGNOSIS.

Ex dictis constare jam potest, difficilioris & tardæ affectum præsentem esse curationis, propter universalem magis totius massæ sanguineæ labem, causæ quoque ipsius materialis morbificæ lentorem atque visciditatem. Neque Hydropis periculo ægra nostra caret, quod crura eidem gravius jam intumescant, & cachexia terminari tandem in hunc frequentius soleat.

CURA.

In Curatione ad tres istos scopos respiciendum nobis erit:

1. Acidæ viscidæ cruditates primarum viarum expurgandæ.
2. In massa sanguinea absorbendæ & incidendæ.
3. Bilis acuenda, interpositis subinde sudoriferis, atque stomachi simul digestio restituenda.

Intervire materia horum Medica & pro scabiei propulsione poterit, additis saltem nonnullis externis abstergentibus, & fermentum acre acido salsum corrigentibus.

Pro primò ergò scopo:

- ℞. *Salis hypoch. digest.* ℞j.
Corall. rub. præp. gr. xii.
M. f. Pulvis.
D. in duplo: S.
Pulvis Digestivus.

Quos cubitum itura in vehiculo quocunque assumere poterit; sequenti verò manè Vomitorium hoc:

- ℞. *Tartari emet. Myns.* gr. iii.
Sal. Ammoniaci gr. vi.
M. D. S.
Pulvis emeticus.

Vel si ab hoc abhorreat, sequentes pilulas purgantes accipiat:

- ℞. *Gumm. Ammoniaci in aceto sol.* gr. xv.
Aloes cum aqua simpl. extr. gr. viii.
Tartari vitriolat. gr. vi.
Troch. alband. gr. j.
cum s. q. *Ess. Absinth.* f. Pilulæ.

Vespere ejusdem diei, & sequentium aliquot, de sequenti mixtura gutt. 40. in vehiculo quocunque capiat:

- ℞. *Tinctura Tartari acris* Ziij.
Ess. Myrrhæ Ziß.
M. D. S.

Tinctura: 40. guttæ.

Manè verò quolibet in vehiculo calido, cum subsequente aliquali corporis motu, de liquore hoc capiat gutt. 20.

- ℞. *Liqu. Martis solar.* Ziß.
D. S.

Essentia: 15. usque ad 20. guttas.

His per aliquot dies usurpatis pro ulteriori bilis & ventriculi correctione, cruditatum quoque in massa sanguinea incisione, & educatione simul:

- ℞. *Herb. Absinth.* M. ij.
Cent. min. M. j.
Fol. senn. sine stipit. Ziij.
Galang.
Zingib.
Rhabarb. el. ana. Ziijß.
Helleb. nigr. non præp. Ziij.
Rad. esul. non præp. Ziij.
Sal. Tartari Ziß.

M. f. Nodus: D. S.
Nodus in cerevisia vel uino tenendus.

H h h

De

De quo manè saltem haustum calidum sumat, prout plus vel minus laxaverit.

Hæc ipsa etiam pro scabiei curatione interna inservire poterunt; item balsamus sulphuris terebinthinatus.

Vel

℥. Aqu. fl. samb. ℥j.
Cornu Cervi sine igne ℥j.
Sal. uol. Cornu Cervi gr. xv.
Syr. Card. bened. ℥ss.
Misc.

Externè autem

℥. Aqu. simpl. ℥ss.
Mercurii vivi ℥j.
Ebulliant aliquamdiu;
Colatura D. S.

Aqua externa.

Qua flexuræ genuum, & carpi probè abluantur, & linteis eadem humectatis, ubi lectus petendus erit, circumvolvantur.

Vel

℥. Vng. enulat. ℥ss.
Fl. Sulphuris ℥ij.
Sal. Tartari ℥ss.
Mercurii dulc. ℥ij.
Bals. Peruv. ℥ij.

Cum f. q. ol. Nicot. f. Unguentum.

Articulationibus pedum atque manuum, probè priùs fricatis, inungendum.

Vel

℥. Vng. enulat. ℥ss.
Mercurii dulc. ℥ij. ad ℥ij. vel Arcan. corall. ℥ss.

Cum f. q. ol. Nicot. f. Unguentum.

Vel

℥. Vng. alb. camphor. ℥ss.
Fl. Sulphuris ℥ij. ad ℥ss.
Sal. Tartari ℥ss. ad ℥ij.

Cum f. q. ol. hyperici f. Unguentum molle.

Propulsa scabie, pro maculis ab ea relictis extergendis, & nitore cuti conciliando:

℥. Ping. viperin. vel ursæ alb. ℥vi.
Cosmet. Clar. ℥ij.
Pulv. rad. sigill. Salom. ℥ss.
Ol. Tartari per deliq. ℥j.
Destill. ligni Rhod. gutt. vi.
M. f. Linimentum.

Quò partes discoloratæ inungantur.

Faxit Deus cedant omnia feliciter!

C A S U S XL.

CACHEXIA CUM IMMINENTE HYDROPE.

Vir robustus, sanus, & vegetus, vini potator strenuus, optimisque adsuetus edulis, &c. aliàs hæreditario parentum vitio interdum doloribus nephriticis, indeque pariori urinæ profluvio, obnoxius, procedente ætate consistente conqueritur de superveniente subinde difficiliore respiratione, sub incessu paulò concitatiorè, aut scalarum adscensu, juncta simul aliquali cordis palpitatione. Appetitus non amplius, ut aliàs, urget, contra sitis insigniter ingravescit. Comedit, sed dolore stomachi compressivo à pastu afficitur: facies pallet, subtumida redditur, imprimis circa oculos. Urina emittitur pauca, tincta insigniter, nonnihil turbida, lassitudo universi corporis supervenit. Interdum, dum vesperi lectum petit, pedes nonnihil tumidos, ad talos usque conspicit, qui tamen tunc, matutino tempore penitus discussus est, donec vespere denuò augmentetur; sed ita, ut post aliquot septimanas successivè magis magisque ascendat. Tumor est mollis, digiti impressioni cedens, breviter tamen denuò protuberans. Vocat Medicum.

R E S O L U T I O

DN. GODOFREDI SCHVLZI,

Vratislanensis.

à

B. DN. P R Æ S I D E

correcta

Anno 1676.

VTi aliàs vulgari proverbio ex ungue leonem, ita in hoc nostro ægro, ex insigniter mutato corporis colore nativo, nempe pallore aliisque symptomatibus, non incongruè fortè *Cachexiam*, malum illud haud infrequens, cognoscimus. Quæcunque enim corporis & partium subcutanearum mutatio à statu naturali in deteriore *cachexiam* ex vitiata nutritione dependentem innuit. Quia verò pro qualitatibus peccantis varietate, modis etiam variis, harum partium subcutanearum læditur nutritio (unde plures *cachexiarum* observantur species; propterea unam certam ex his colligam, huicque affectui nomen suum propriè competens, imponam. Est ergò affectus noster nihil aliud, quàm *Cachexia confirmata*) cum imminente *Hydrope ascite* universalis conjuncta.

Partem autem hujus affectus primariò affectam statui-mur ratione *cachexiæ* partes solidas molliores carnosas, pariter ac nerveas; ratione verò imminentis *Hydropis ascitis* renes in suo officio nonnihil negligentes, & spiritus animales, corporis machinæ contenta liquida minus debite moventes. Prioris probationem suggerit urinæ pauca & parca excretio; posterioris verò probatio ex partium subcutanearum pallescentia clara atque manifesta est.

Cruditati autem massæ sanguineæ nimis causæ proximæ nomen non immeritò imponitur, eaque dependens ex læso fermento ventriculi.

Causa remota est digestio prima læsa, deficiensque ejus perfectio in duodeno à bile; cujus inertia ordinariò fovet, & quosvis chronicos morbos magis exasperat. Massa autem sanguinea chylo nimis crudo repleta, partes potiùs infarciuntur quam nutriuntur; propterea mox *cachexiarum* signa minus fallibilia, nempe pallor & tumor faciei, imprimis circa oculos, in promptu sunt. Imò plura & majora sub hocce digestionis errato urgent symptomata: Hinc Dominus noster æger *cachecticus* & difficiliore respiratione, cum aliquali cordis palpitatione simul juncta, sub incessu paulò concitatiorè, aut sub scalarum adscensu conqueritur. Sanguis enim crudus, in pulmonum vasis rarefaciendus, prætereaque crudis succis infarctus, difficulter per præcordiorum vasa circulator; hinc quò celerius in reliquo corpore sub partium motu movetur, eoque magis infarcit ac replet pulmones, quorum accidentium in concursu difficilis respiratio, & irritato cordis musculo ejus palpitatio, superveniunt. Quod verò dolorem stomachi compressivum à pastu affligentem attinet; vix aliam agnoscit causam, quàm fermentationem stomacho impeditam, unà cum stomachi flacciditate, in quo jacent potiùs alimenta, quàm ut ab eodem retineantur. Sitis verò insigniter urgens deficiente urinæ secretionem, indeque oriunda salis falsi urinarii retentione, & cum sanguine ac reliquis succis, indeque saliva, permistione. Pauca & parca urinæ excretio quid aliud innuit, quàm imminentem, imò jamjam incipientem, *Hydropem ascitem*? Deficiente enim chylosi naturali, massa sanguinea chylo crudo repleta, à debita atque ordinaria spirituum generatione impeditur, unde successivè vires animales & vitales, corporis machinam hydraulicam ejusque contenta liquida moventes, deficiunt, nec sufficiunt movendis contentis propter horum copiam; ex impedita per renes & insensilem transpirationem excretionem coacervatis, quæ proprio ponderis & gravitatis motu deorsum ruere coguntur, & ita Domino nostro ægro *cachectico* *hydropem* pedetentim, ab inferis nempe pedibus incipientem, adeoque universalem, efficiunt. Hinc

Hinc enim *Dn. æger* primum magis vesperi quam manè pedes nonnihil tumidos ad talos usque conspiciunt, quia vesperi, spirituum impetu magis magisque languescunt, ex virium aliquali defectu, & massæ sanguineæ serosioris & viscidioris laboriosiori & difficiliore circulo, hæc ipsa proprio impetu ac mole magis deorsum fertur, ac hinc difficilius ascendit, indeque impulsus in arterias factus in venis haud leniter imminuitur, ut difficiliore ex illis in has, ob id pleniores, respectivè fiat transitus, sub quo transitu juxta osculorum extremitates sanguis spissior, & qui impetum moventem à corde impressum, & per arterias continuatum, facilius, quam fluidius serum, suscipit ac retinet in venulas, tandem ex arteriis intruditur; ipsum verò fluidus serum, plus minus viscidum, qua data porta suapte impetu fertur, à sanguine secedit, ad inferiora, præsertimque circa talos, ubi notabilius languescit spirituum impetus, congeritur: quò etiam fibrarum, vespertino tempore spasmo quasi affectarum, labes non parum facere potest, dum hac occasione pori simul occluduntur, & quavis cæteri meatus angustantur, adeò ut hoc ipso insensibilis transpiratio & sensibilis transudatio magis impediatur: nocturno autem temporis intervallo, quia tunc, propter calorem lecti, fibrarum tensio remittit, & insensibilis transpiratio, nonnihil aucta existit, sub validiori spirituum, vesperi delassatorum, impulsu rapidior magis sanguinis circulus, quo serositates evacuatæ, in vasa retruduntur, existit; unde pedetentim iterum tumor tempore appropinquante matutino evanescit, post aliquot verò septimanas magis magisque ad abdomen ascendere incipit.

Quòd verò huic cachexiæ confirmatæ Hydrops ascites superveniat, non levem culpam, tanquam causa remotissima, meretur vitium hæreditarium parentum, nempe dolor nephriticus, & aliàs in his affectibus consueta pauca atque parca urinæ excretio, ægrum nostrum eò facilius ad hydropem disponens. Accedit etiam tanquam causa remotissima ægri nostri intemperies, in specie ebriosa; nimia enim potus ingurgitatio partim hebetat chylosin, & consequenter etiam hæmatosin, partim etiam nimio potu & crebriore urinæ excretionem debilitantur renes, quò minus tandem sufficiat eorum fermentum.

Et hæc de causa proxima atque remota.

Ordine jam ergò pergendum ad *Prognosin*, ubi modus & tempus eventus hujus effectus nonnihil considerandum. Est autem nostra cachexia non incipiens, sed jam confirmata, & malum chronicum & difficilis atque tardæ, non tamen propterea nullius, curationis. Cum ergò cachexia sit confirmata, quæ jam ad ascitem declinat, & viscera, stomachus atque renes, etiam suo officio deficient, periculum est, ne hydrops magis confirmatus tandem ægrum jugulet.

Ob id in Methodo medendi atque omnia attendendum:

1. Ut stomachus corrigatur, & ejus vitiosa digestio, ad eòque ejus in duodeno à bile perfectio emendetur, inhibendo ejus cruditatem: quò optimè hic præstant Martialia, post institutum vomitum propinata, ut nempe prius evacuentur succi vitiosi ex primis viis & massa sanguinea, difficilisque nonnihil corrigatur respiratio.
2. Emendetur massæ sanguineæ cruditas, & inde orta ejus dyscrasia, unà cum inertia bilis: id quòd præstant alcalia volatilia, & subjecta aromatica, in specie omnia amara, & acidum corrigentia & bilem acuentia.
3. Habeatur ratio imminentis hydropis ascitis; hinc usurpentur remedia crudos succos & massa sanguinea evacuantia; purgantia nempe & diuretica, de natura alcalina, sive sint salia fixa vegetabilium, sive salia volatilia animalium, imprimis bufonum, lumbricorum, &c. quæ omnia specifica sua alcalina virtute non tantum fermentum renum acunt, sed etiam per urinæ copiosum fluxum sordes recrementosas evacuant.
4. Denique symptoma illud cursu morbi urgens, & Hydropicis frequentissimum, nempe sitis, per convenientia remedia removeatur. Prodest autem hic maximè Maltix in ore masticata & successivè deglutita, uti & nitrum purificatum potui ordinario additum. In omnibus enim remediis simul semper ad renes respiciendum, adeoque talia, quantum possi-

Ettmuller. Oper. Tom. I.

bile; propinanda, quæ & urinæ fluxum promoverent valent.

Pro primo ergò scopo præscribi possunt digestiva salina & tartarea, ad corrigendos succos in primis viis hærentes, & pro meliori evacuatione præparandos: v. g.

℞. *Lapill. Cancr. præp.*
Salis digest. hyp. ana ℥ss.
M. div. in 2. part. æqu. S.
Sal digestivum.
Vel

℞. *Arcan. dupl. Myns. g. xv.*
Salis Absinth. g. vii.
M. S.
Pulvis digestivus pro una vice.
Vel

℞. *Tartari Vitriolati Tach. ℥ii.*
Salis Absinth.
Lapill. Cancr. præp. ana scrup. j.
Ol. dest. Terebinth. gr. vi.
M. f. Pulvis:
Div. in 3. part. æqu.
D. S.

Pulvis digestivus pro 3. dosibus.

Hi & similes pulveres, mucum viscidum incidentes, possunt aliquandiu certis dierum intervallis usurpari. Vel si medicamenta talia digestiva in forma liquida alicui magis placeant;

℞. *Liq. Terræ sol. Tartari ℥ii.*
D. S.

Essentia digestiva. 30. guttæ pro una vice.

℞. *Tincturæ Tartari, vel ex Tartari & nitri ana calcinat. vel ex scor. reguli. Antimonii ℥iii.*
Spiritus sal. Ammoniaci ℥i. ad ℥ss.
M. D. S.

Tinctura aperiens.

Dosis 40. vel 50. gutt. bis vel ter in die, in vehiculo calido.

Quodsi quis ingratum nonnihil saporem minimè abhorreat, mixtura aliqua ex gummi ammoniaco, in mucò incidendo admodum proficuo, præscribi potest, Verbi gratia.

℞. *Aquæ Menth. ℥vi.*
Rosar. ana ℥j.
Cinnam. ℥vi.
Gumm. Ammoniaci in aceto sol. ℥i.
Salis digest. hypoch. ℥i.
Syr. Menthæ ℥i.
M. pro 2. vel 3. dosibus.

Maximè profunt Digestiva Martialia, ut post evacuationes debitas proximè fieri possit accessus ad Diuretica volatilia.

Præmissis ergò hisce Digestivis salinis, non inutile nec inconveniens erit, urgente præsertim respiratione difficili, & imminente tantum Hydrope ascite in hoc subjecto, propinare vomitorium aliquod: v. g.

℞. *Aquæ Menth. ℥vi.*
Cinnam. ℥ii.
Syr. emet. Ang. Salæ ℥ss.
M. S.

Mixtura emetica pro una vice.

Vomitória autem pro circumstantiarum & individui ratione una alteravè vice reiterari, vel etiam omitti possunt.

Non inconvenienter etiam hic Purgantia vel laxantia per inferiora præscribi possunt: Pilulæ nempe ex Extractis, utpotè panchymagogo Crollii cum Mercurio dulci, & ut pilulæ ex massa pilularum de ammoniaco Quercetani, cum extracto Martis aliisque essentiis paratæ: v. g.

℞. *Extr. panchym. Croll. ℥i.*
Mercurii dulc. ritè præp. gr. xv.
Res. Jalap. gr. iii.

Cum Ess. Fumar. compos. f. Pilulæ minores.
Vel

℞. *Mass. Pilular. de Ammoniaco Quercet. ℥i.*
Extr. Maris cum succo pom. ℥ss.
Scamm. sulph. gr. ii.
Extr. troch. alband. gr. j.
H h h 2

Cum

Cum f. q. *Tinctura Vitrioli Martis Zuvelf. f. Pilulæ:*

D. S.

Pilulæ aperitivæ & purgantes.

Tales omni octiduo reiterari, interpositis semper digestivis diureticis, debent.

Vel

℥. *Mass. pilular. hier. cum Agar. vel Tartarear. Quercet. gr. xv.*

Diagryd. gr. iv.

Mag. gum. de Peru gr. ii.

Cum f. q. *Tinct. Tart. f. l. a. Pilulæ minores:*

S. ut supra.

Purificatis ergo primis viis, post medicamentum evacuantium usum, optimè conveniunt Martialia, ceu appropriata chronicorum affectuum remedia: v. g.

℥. *Tinct. vitrioli Martis Zuvelf. ℥i.*

D. S.

Tinctura alterans seu aperiens.

Dof. ℥i.

Vel

℥. *Liq. Martis Solar. ℥i.*

D. S.

Tinctura aperiens: 20. ad 30 guttas.

Capiantur quotidie semel aut bis in die in vehiculo aliquo convenienti, vel cerevisia, & continuetur per aliquot septimanas.

Vel

℥. *Mag. Martis aperis. Mynf. ℥i.*

D. S.

Essentie aperiens: 30. ad 40. guttas per una vice.

Vel

℥. *Tinct. Tartari Martial. ℥i.*

D. S.

Tinctura aperiens.

℥. *Aquæ Fumar.*

Genist. ana ℥i.

Mag. seu Extr. Martis Mynf., vel cum succo pom. ℥i. ad ℥ii.

M. pro Potione.

Capiat quotidie bis cochl. j. vel ii.

Quodsi alicui magis placeant medicamenta forma pulveris, illi præscribatur sequens pulvis:

℥. *Pulv. sacchar. Hartman. ℥ii.*

Corall. rub. præp. ℥ii.

M. f. Pulvis.

Div. in 4. part. æqu. S.

Pulvis aperiens.

Sub horum verò Martialium usu, simul etiam necesse est, interponantur nonnunquam laxantia: v. g.

℥. *Gumm. Ammoniaci cum aceto sol. ℥i.*

Aloes. lucid. seu ros. gr. xv.

Resin. Jalapp. ℥i.

Extr. troch. alhand. gr. ii.

Cum *Tinct. Vitrioli Martis Zuvelf. f. Pilulæ* pro 3. vel 4. dosibus, prout plus vel minus laxandum.

Habeatur nempe ratio individui, & singulis septimanis una capiatur dosi.

Eleganter etiam hic pro scopo laxandi usurpari possunt passulata: v. g.

℥. *Pulp. Passul. per setac. trai. ℥ii.*

Extr. Martis cum succo pomor. ℥i.

Rababarb. el. ℥iii. ad ℥i.

Cum f. q. *Syr. ros. solut. f. Electuarium.*

Capiatur quotidie manè dosi magnitudine castaneæ.

Post usum verò Martialium usurpanda veniunt Diuretica, vel volatilia vel fixa, aliquandiu continuanda: Verbi gratia:

℥. *Spiritus sal. Ammoniaci succin. ℥i.*

D. S.

Spiritus alterans: 20. guttæ pro una dosi.

Bis vel ter in die.

Vel

℥. *Spiritus carmin. de trib. ℥i.*

S. ut antè.

Vel horum loco:

℥. *Tinctur. nephrit. ℥i.*

Liq. Cornu Cervi succin. ℥ii.

Misc.

Dentur pro Dosi 50. gutt.

℥. *Tinct. nephrit. Ammel. ℥i.*

Spiritus Lumbr. per ferment. seu putref. vel

Spiritus urinæ per putref. ℥ii.

M. S.

Tinctura stimulans.

℥. *Tinct. Nephrit. ℥ii.*

Tartari ℥i.

Misc.

Dosis 40. vel 50 gutt. Continuatur aliquamdiu.

Vel

℥. *Aquæ Petrosel.*

AlKeK. ana. ℥i.

Malvat. Juniperin. ℥vi.

Tinctur. nephrit. ℥i.

Spiritus lumbr. terrestr. per putref. ℥i.

Syr. de Canell. ℥vi.

M. f. Potio.

Ex fixis.

℥. *Salis fini columb. ℥i.*

Stip. fabar. ℥i.

Vol. bufon. vel lumbr. ℥i.

M. div. in 6. part. æqu. S.

Sal urinam stimulans.

Manè & vesperi accipiatur dosi in jusculo cerevisiæ calidæ aut carnis bubulæ:

Vel

℥. *Arcan. dupl. Mynf. ℥i.*

Salis genist. ℥i.

M. pro Pulvere:

D. S.

Sal singulare.

Detur pro 2. vel 3. dosibus.

Tandem balsamum sulphuris terebinthinatum, vel juniperinum, commodè aliquandiu continuandum venit.

Ut etiam symptoma illud, Hydropicis frequentissimum, nempe *fistis*, removeatur, prodest Mastix in ore masticata & successivè deglutita; ut & nitrum optimè purificatum potui ordinario additum, &c.

Præter hæc interna, etiam Clysmata multis usibus Hydropicis inserviunt, præsertim quando flatus in intestinis urgent: e. g.

℥. *Decoct. fl. Chamomill. ℥vi.*

Vrinæ hum. ℥iii.

Elect. lenitiv. ℥vi.

Ol. dest. Terebinth. ℥i.

M. pro Clysmate.

CASUS XLI.

PLEURITIS VERA.

Vocatur Medicus ad mulierem plebeiam 42. annorum, adque septimū demum decubitus sui diē accedens, invenit eam summè debilem, tussi gravi affectam, & summo, simulque laborioso, conatu viscida nonnihil cruenta, consistentiæ inæqualis, tussiendo reiicientem, deque lateris dextri in costarum regione interna gravissimis doloribus punctoriis conquerentem. Dolores præfati prius sinistrum latus, & postmodum dextrum occupaverunt, Morbus cum gravi sine horrore, manifesta, quam referre posset, occasione eam prehendit, quem verò inscitus fuerat æstus insignis, continuus, cum siti intensissima, & doloribus lateris exquisitissimis. Contredans eam Medicus frigida sudantem, cum extremis frigidis offendit; pulsus celer, frequens, parvus, debilis, durus, quinta quaque pulsatione intermittens: respiratio difficillima, ita ut omni momento suffocatura videretur, vox simul rauca, cor palpitabat, &c. Ipsa quæcula efflagitabat Curam.

RESOLUTIO DNI. ANDREÆ

B. V. C. H. S. B. A. V. M. I.

Merseburgensis,

Cum

Speciali Discursu & Annotatis

B. DN. PRÆSIDIS,

Censuræ & Emendationi subjectæ

Anno 1676.

AFFECTUS.

Consideranti casum nostrum præsentem, liquido patet, eum esse ex genere inflammationem, in specie verò Pleuritidem, & quidem Veram, ad differentiam No-æ appellandam.

PARS AFFECTA.

Pars affecta est Pleura, membrana illa, costas interius cingens, quæ fomitem hujus affectus primarij fovet, licet & aliæ vicinæ partes in consensum trahi posse negandum baud sit.

CAUSÆ.

Causa hujus proxima est sanguis retrogradus, in motu suo sufflamminatus qui stagnans in parte affecta, ibidemque exhalante spiritu volatili æscens, cum hujus sale volatili oleoso effervescit, hocque, quod inflammationem vocamus, inducit.

Causæ verò huic ad refluxum sanguinis ineptitudini anfam subministrantes, vel internæ erunt vel externæ. Internarum duplex sese offert differentia; quarum una sanguinem ipsum, altera verò partem respicit affectam, non vitæ eum transmittentem. Sanguinem quod spectat: peccat ille, quando vel ob vehiculi, feri nempe, defectum, nimiam consistentiam acquirit; vel quando acido nimis coagulante est refertus, ita ut semigramosus quasi in partibus hæreat, motumque recuset. Pars autem peccat, vel quando ejusdem læditur tonus, & fibræ quasi flaccidæ fiunt, ita ut sanguinem aliquomodo in motum stimulando, planè inepta reddatur; præsuppono enim hic ex Physiologicis, partes etiam in adjuvanda sanguinis circulatione suo modo aliquam operam conferre; vel quando spasmi seu convulsionibus laborat; sic enim pori ejusdem transmissioni aliàs destinati, nimis angustantur & constringuntur, ita uti denegato loco necessario ipse excludatur; & quia circulationis lege retrogredi ipsi non licet, in quadam parte stagnet, necessum habeat.

Externarum numerus non minimus, est inter eos tamen frequentissima, & quasi universalis est aer frigidior, & ille præsertim particulis acidis justo nimis qui conspurcatus est, quæ una cum illo continuo attractæ, sanguini sese immiscendo ipsum in grumos coagulant, & ad motum inertem reddunt. Verum cum ex casu nostro, qualem ex enumeratis vitium peccaret? non constet, idèd illud indeterminatum quoque relinquimus.

SYMPTOMATUM CUM CAUSIS CONNEXIO.

Vitis nunc, causis, harum quoque nobis veniunt considerandi effectus: quorum primus est debilitas summa, quæ quia septimo accidit die, morbum jam esse in statu, adedque symptomata exacerbari indicat; unde spiritus vitales, ex horum organo decrementum passi, languorem corpori universalem induxerunt. Hanc excipit Tussis gravis laboriosa, cum materia viscidæ & cruentæ rejectione, indicans suppurationem incipientem & materiæ in pulmones transpositionem, quæ inibi circa bronchia hærens, vellicando eadem tussim excitat; & quia propter visciditatem iisdem firmiter impacta est,

Oper. Tom. I.

summo cum conata reiicienda venit. Dolorem porro partur ægra nostra exquisitissimum, propter partem affectam valdè sensilem: dum enim duo salia acria in se invicem agentia, abeunt in tertium salum, pus vocatum, simul pungunt pleuram, doloremque pungentem & quasi rodentem inferre valent. Dum autem tota massa sanguinea, a fermento isto intra pleuram stagnante, simul inquinatur & ad effervescentiam incitatur, symptomatum febrilium affligendi ratio baud latere nos potest. Sudor præterea syncopticus, extremorum refrigeratio, & pulsus in casu enarrati, languorem vitalem ex symptomatibus, in statu, uti superius dictum, vehementioribus, obortum nobis commonstrat. Respiratio insuper & vox rauca ex una eademque causa ortum suum trahere videntur, quatenus nempe materia pulmonibus impacta impedit quod minus geri liberior concedatur transitus, unde consequenter ii, non sufficienter dilatati & respirationem & vocem vitiant, utut hac in parte musculi thoracis & intercostales, propter vicinam forsan inflammam, extra culpam baud esse videntur. Tandem perpendenda nobis superest Cordis palpitatio, quàm duæ in casu nostro inferre possunt causæ: vel enim præstabit id communes nervorum propagines invicem communicantes; vel grumi quidam, in promovenda materia purulenta in valvulis cordis relictæ, qui inibi hospitantes cor ac inordinatos motus disponere valent.

PROGNOSIS.

Absolutis hisce, ad Prognosin nos converterimus, putantes, ægram nostram sat periclitari, idque idèd, qui a nimia virium prostratio, pulsus debilis, sudorque syncopticus, nil boni ominentur; partim quia malum ad suppurationem inclinans metum infert, ne materia per pulmones reiicienda illorum viscus tenerrimum corrodatur, sicque tabem inferat, vel si excretio nimis confertim fiat, ægra penitus suffocetur.

CURA.

Curationem ægræ nostræ quod concernit: eam, quia natura ad suppurationem tendere videtur, hacque in parte a discutientibus nil emolumenti nobis sperandum sit, ita administrari posse censemus: Nempe

1. Natura in scopo suo adjuvetur.
2. Abscessus jam factus rumpatur, & materia ad excretionem præparetur,
3. Abscessus mundificandus, & noxa pulmonibus inducta emendanda.
4. Si aliquid fermenti præternaturalis forsan in corpore resitet, ob metum recidivæ ad peripheriam eliminetur.

Primo ergo scopo nostro satisfaciunt suppurantia, & blandè humectantia: v.g.

℞. Herb. heder. terr.

Cherefol.

Scabios. ana M. i.

Rad. Althææ,

Symph. maj. ana unc. i.

Sem. Anisi,

Liquirit. rasæ,

Pastul. ana unc. i.

In f. q. Aquæ f. Decoctio:

℞. Colat. ℥i.

In hac dissolve.

Syr. heder. terrestr.

Symph. maj. ana unc. ii.

Capiatur successivè haustus, in quo & assumi poterit terebinthina in vitello ovi soluta, egregiè maturationem promovens; quæ & sola pro interno usu sufficere potest: vel oleum lini, cujus tamen acidum per spiritum vini vel mediante alcali prius temperatum sit cum BECKIO commendamus.

Externè potest applicari sequens emplastrum:

℞. Empl. de melil. ℥ii.

Diachyl. cum gumm. ℥i.

Malaxentur cum oleo terebinthinæ vel balsamo Peruviano, inducatur super alutam, & calidè, quotidie bis applicetur.

Cui & unguentum antipleuriticum Mynsiebti, quia dolores valdè urgent, substitui potest.

Ratione scopi secundi: materia ita præparata, ad ruptionem & materiæ excretionem abscessus est disponendus. Rumpitur autem vel sua sponte summè maturus vel arte adjutus, quod optimè fieri posse puto per vomitum, si ægræ vires permitterent. In materiæ verò purulenta

Hhh 3

ex-

excretionem probè observet Medicus, quorsum natura tendat, & per quas vias excernere eam cupiat: quod ut videtur, quia fit per pulmones, sequens formula erit proficua: verbis.

℞. Aquæ scabios.

Tussilag. ana ℥ss.

Spiritus sal. Ammoniaci anis. ℥i.

Syr. Violæ.

De Nicot. ana ℥ss.

M. f. Potio, cochlearim sumenda.

Vel commendari hic etiam potest vulgare illud, sed optimi successus, medicamentum, succus raphani recens expressus cum saccharo candisato mistus, vel saccharum candi solum in vino Hispanico dissolutum.

Quod si materia purulenta hisce adhibitis promoveri possit nequitiam, queri hic posset: an paracentesis locum inveniat? quæ tamen, quia Patiens nostra viribus exhausta, vix concedenda meo iudicio erit.

Tertium scopum optimè assequimur per Balsamica, vi alcalina oleosa pollentia, ut sunt terebinthina, juniperus, Sulphur, & ex hoc paratus balsamus tam terebinthinatus, quam anisutus, sperma ceti, &c. item saturnina, aut tinctura antiphihica ex saccharo saturni & vitriolo Martis parata, balsamus saturni terebinthinatus, saccharum saturni, sulphureis fixis, ut antiseptico Poterii, mixtum, &c.

Ne autem aliquid fermenti in parte affecta vel massa sanguinea restiteret, consultè agimus, si illud mediante sudore & corpore eliminamus: v. g.

℞. Aquæ Card. bened.

Fl. samb. ana ℥i.

Spiritus nitri dulcis cum spiritu vini, à Vegetab. antipleur. abstracto, ℥i.

Antisept. Poter. gr. xv.

Syr. Card. bened. ℥i.

M. f. Potio.

Hauriatur pro una dose.

DISCURSUS & ANNOTATA SPECIALIA

B. DN. ETT MULLERI.

Afectus est Pleuritis vera; adsunt enim quinque symptomata, quæ ubi concurrunt, signa pleuritidis pathognomonica constituunt. Morbus autem est in statu.

Signa hæc, quibus Pleuritis vera cognoscitur, sunt (1) dolor, (2) febris, (3) pulsus, (4) respiratio, & (5) tussis. Dolor adest punctorius, circa costas nothas, pleuriticis proprius: febris acuta omni pleuritidi ordinari etiam ante suppurationem: pulsus pleuriticis proprius, celer, frequens durus, vehemens & magnus; celer & frequens ratione febris; non raro intermittens ob sanguinem certis in locis stagnantem, qui non plus debito formidandus; durus ratione inflammationis membranæ. Quæstio est de pulsu serrato, quem quidam pathognomicum signum pleuritidis æstimant, alii verò ceu figmentum rejiciunt. Lis est de lana caprina; serratus enim dicitur à modo afficiendi pulpam digitorum: quando enim pulsus est parvus, durus simul & celer percipitur, adeo ut per minima quasi punctula feriantur apices digitorum, vocatur pulsus serratus, & est complicatio pulsus celeris, frequentis & duri, quod frequentioris, eò magis serrati. Respiratio adest difficilis, quæ observatur in omni pleuritide, & est frequens & parva; quia non possunt sufficienter dilatare thoracem propter dolorem quem tunc exasperant; quia vero est parva, eò est frequentior, ut, quod deficit in magnitudine, frequentia compensetur. Tussis adest humida, quia morbus est jam in statu; in primo principio vero, uti etiam in pleuritide notha, si adest, nonnihil sicca est.

Pars affecta est pleura, quod testatur dolor punctorius circa costas interius perceptibilis. Sed queritur hic: an pleura sola in pleuritide afficiatur? Multi affirmant; pauci contrarium statuunt, dicendo, quod cum pleura observatus fuerit pulmo istius lateris etiam affectus. Conf. PLATERUS in Praxi, & ZECCHIUS in suis Consultationibus; qui nunquam in pleuriticis mortuis pleuram observarunt sine pulmonum vicinæ partis inflammatione simultanea: Vid. & SCHENEIDERUS in peculiari Disput. de hac materia. Confirmant

hoc tussis continua, & rejectanea ista copiosa per tussim, quæ sanè ex pulmonibus sunt; adeoque & pleuripneumoniae ac pleuritidis per metastasin materiæ facilis transmutatio, quæ hos affectus in radice convenire pariter confirmat; sicut in nostra ægra pleuritidis partis sinistræ in dextram metastasis contingit. Metastases autem hujusmodi non sunt raræ, & fiunt vel partium non admittentium culpa, vel humorum non invehentium vitio, i. e. Pleuritis nostra partis sinistræ translata fuit in partem dexteram, vel vitio partis non admittentis, vel vitio succorum non invehentium. Partes ineptæ sunt, dum illarum pori & meatus angustiores succos non admittunt, aut retinent; unde quò solidior est pars, eò minus humorum & recrementorum morbosorum decubitus obnoxia est; hic etiam refrigerantia & adstringentia remedia dicuntur repellere, seu decubitus remove, quatenus adstringendo meatus pertium, & condensando fibras partium, impediunt recrementorum decubitus. Vitio verò humorum contingit metastasis, dum hi nondum satis secreti aut fixati sunt; sic enim secreta pars, partem transeundo, huic adhæret. Quamdiu enim invicem permixti sunt, etiam vias angustiores permeare possunt; quando verò præcipitatio quedam facta est, præcipitatum heret, alterum transgreditur; hinc tales depositiones fiunt saltem post coctiones & præcipitationes. In nostra ægra pleura & simul pulmonum latus dextrum, affecta sunt, quod testatur suffocatio imminens, & materiæ recrementosæ rejectio cum tussi, quæ subinde, simul ac ipsæ inflammationes internæ pariter ac externæ, est productum morbosum potius, seu morbus secundarius, quam primarius, ex acido, ceu spina infixa, inductus.

Scilicet unum saltem circa inflammationum Theoriam probè considerandum venit, nempe spina infixa; quæ inflammationem excitat. Si digito infigitur spina, supervenit dolor, hinc spasmus, hinc inflammatio sequitur. Par ratio est quoad alias inflammationes, in quibus ut plurimum, si non semper, præsupponenda spina talis, inflammationem occasionaliter causans, ut eandem tandem secundariò superveniat. Hinc enim est, quod sæpius in eodem loco inflammationes recurrant, semel non malè curatæ, v. g. pleuritides recidivantes: in quo recidivæ puncto non sufficit simpliciter atonia partium ex inflammatione læsarum, utut & hæc multum tribuat, sed potius talis spinæ antea infixæ firmiores radicatæ inhærent reliquæ, novas pleuritides, subindeque recurrentes, inferunt. Hujusmodi spina in pleuritide, non secus ac in aliarum partium inflammationibus, ut & in ipso erysipellate, ut plurimum est peregrinum acidum, partibus membranosis & nervosis inimicissimum, circa pleuram & pulmones depositum, quod pungendo eam & rodendo, occasionem inflammationi inferre solet. Hinc in inflammationibus à causa interna natis, adeoque spontaneis, itemque externis, ulceribus & vulneribus curatis supervenientibus, ad acidum ut plurimum respectus habendus, quod hujusmodi inflammationes occasionaliter infert, & in quo enervando vertitur cardo modi legitime curandi inflammationes; unde inflammatio imminens maturè sistitur per spiritum salis ammoniaci; quod etiam locum habet in erysipellate, ubi spiritus sambuci & spiritus salis ammoniaci, invicem misti & illiti, evellendo spinam, certè sunt optimi.

Causa ergo proxima est acidum dolorificum pleuræ affixum non secus ac spina infixa inflammationem (ob fibrarum nervearum contractionem, hincque ortam angustationem, & consequenter stagnationem cruoris,) inducens.

Quoad causas remotas: eæ omnes conspirant in eo, ut acido præternaturali ansam suggerant: Partium enim tonus læsus, per se inflammationem non infert; quamvis enim sanguinem non transmittat, saltem tamen varices vel aneurismata infert, non inflammationem, nisi etiam ipse simul sanguis sit vitiat; ita enim is inflammationem subire aptus est: contra, utut ex læso partium tono sanguis etiam stagnat, non tamen is inflammatur. Spasmi fibrarum non oriuntur, nisi à vellicatione fibrarum quæ est ab acido, fibris & membranis inimicissimo. Ceterum nostra ægra Pleuritidem ex inquinato aere epidemice patiebatur, eoque ante breve tempus frigido, sicco, aspero & penetrante, qualis in prædispositis facile malum pleuriticum inducere poterat, sicut

sicut etiam plures tum temporis pleuritide corripiebantur. Unde & dubito, an fieri possit, quod sanguis sero destitutus in motu suo cessans, inflammationem concipere queat? præsertim cum videamus, lue Venerea laborantes post salivationem Mercurialem perpetuam sanguinem venæsectione emissum & in vasculo congruatum, si ne ullius feri vestigiis monstrare; quia omne serum mediante salivatione eductum fuit, nec tamen unquam inflammatorios affectus incidere. Utut ergo serum multum ad fluxilitatem sanguinis conservandum conferat, tamen ipse sanguis, seu liquor oleosus salinus, quamdiu calor in corpore urget, tamdiu in fluore continuo servatur: est enim ipse sanguis liquor salinus oleosus seu pinguis, indeque calido liquabilis & mobilis; unde modo calor in eo debitus excitari, & ita ejus medio hic ipse in fluore debito conservari queat, vix de ejus inflammatoria stagnatione periculum subesse potest; sicuti alias quælibet subjecta pingua, calori admodum, liquescunt, utut in frigore coagulentur.

Casus similis extat in *Disput. WESNERI* sub præsidio D. D. WEDELII de *Pleuritica ægra* habita.

Porro Tussis ægræ nostræ considerationem meretur: Nempe pleuritis quæcunque finitur vel per insensibilem resolutionem & discussionem, quæ methodus omnium est optima, hinc resolventia sudorifera hic sunt primaria; vel per materiæ coctionem, h. e. attemperationem; vel tandem per inflammationis suppurationem. Et coctionis quidem vox omnibus humoribus tribuitur, coctaque materia dicitur, quando temperata facta est, in pleuritide scilicet, quando, quod exulceratur, temperatum est, nempe materia ex tenui moderate crassa, ex acri & aspera, insipida & temperata facta, ita ut nullam corporis partem possit afficere. Unde Pleuritis finitur per coctionem, quando copiosum sputum coctum elicatur; vel intra diem septimum, vel intra decimum quartum, vel intra vigesimum primum, sputum est, quod rejicitur, album; leve & æquale; oriturque rejectio hæc, quando ab irritatione pulmonum facta copiosior lymphæ per asperam arteriam in pulmones derivatur, quæ sanguinem extravasatum plus minus resolutum dissolvit, imbibit, & ita in glutinosum quoddam concretum transmutat, quod tunc elicatur. Hoc si fiat, dicitur materia cocta. Et quidem quando facile materia rejicitur, levis ea est; sicut æqualis; quando materia illa rejecta per totam sui substantiam & consistentiam uniformis existit; inæqualis, quando hinc inde est grumosa, Quod si ergo hæc sputa deficient, sint parca, inæqualia, cruda, ultra dies criticos in pleuritide continuant, signum est superventuræ suppurationis, imprimis si duret febris: sicut & in nostra ægra materia cruda est, quia laboriose excernitur; (2) est sanguinolenta, & sic inquitur, sanguinem non esse alteratum, (3) materia est consistentiæ inæqualis, lubrica, hinc inde grumosa, est ergo sputum crudum; quæ omnia non signant ingruentem suppurationem, sed die septimo se præsentantia, morbum longum futurum innunt; quandiu enim tussis & rejectio cruenta urgent, nullum signum est suppurationis. Unde nec dolor præsens est à mutato sanguine in pus, & à concursu duorum salium; alias nec major dolor sperandus esset tempore suppurationis, quod falsum est; sed potius adest statim dolor in principio pleuritidis, antequam ea ad suppurationem tendit: hinc doloris ratio dependet partim à parte affecta, quæ est membrana pleura, & partim à causa efficiente, acido puta, vellicando & pungendo pleuram, unde spasmo & contractura superveniente dolor punctorius, quæ junctim acerbum talem dolorem inferunt.

Sudor in ægra nostra obvius erat synopticus, ubi ipse ros nutritivus extillabat ex defectu spirituum exhaustorum.

Palpitatio autem cordis forsan hic est à grumis sanguinis in corde hærentibus. Pulsus quoque quinta pulsatione intermittit in ægra, quod phenomenon Pleuriticis frequens est. Et quidem in ermittens pulsus nunc magis nunc minus periculosus est: Frequens observatur in praxi, imprimis (1) in pleuritide, in qua talis intermittens, cæteris paribus, est sine periculo: (2) in magnis doloribus, in quibus nunc ordinatis, nunc inordinatis typis, intermittere notatur pulsus;

Ettmulleri Oper. Tom. I.

in quibus tamen etiam, cæteris paribus, est sine periculo: (3) in hypochondriacis & scorbuticis, præsertim quando hi exacerbationes quasdam per modum paroxysmi patiuntur, tunc nunc per unam, nunc per plures pulsationes pulsus intermittit, etiam sine periculo; dum enim paroxysmus cessat, iterum fit æqualis: (4) in febribus malignis, ubi omnium pessimum est signum. Cæteroquin pulsus intermittens in nostra ægra oritur ex inæquali, & plus minus interrupto sanguinis per cordis ventriculos motu. Et quidem, nisi conformationis vitium quoddam in valis cordis, vel nativum, vel adventitium, subsit, in sanguinis mutata consistentia & plus minus grumositate seipsum in suo motu per eos impediendo, malum herere suspicor. In nostra ægra facilis est in statu, quia sanguis non solum in pleura, sed etiam pulmonibus stagnavit; unde facilius potuit supervenire.

PROGNOSIS.

Quoad *Prognosis*: ægra erat in desperato casu, Pleuritis erat in statu, materia erat cruda, suffocatio præsentanea, sudor frigidus, pulsus intermittens, & similia; unde in hoc casu ancipiti eandem saltem tentandi gratia curandam suscipiebam. Nam discussionis spes per insensibilem transpirationem evanuerat, sicut & suppurationis nulla erat suspicio; quippe natura prostrata jamdum merus erat, ne vel sub insensibili discussione vel suppuratione interiret ægra. Curavi tamen eandem ita: Ad eam vocatus, cum omnia cruda adhuc apparent, (alias ad expectorantia accessissem,) nec vel coctionis vel suppurationis pleuritidis spes superesset, (alias vulneraria in usum vocassem,) periculum feci an mediante sensibili resolutione & sudore discussionem instituere possem. Itaque in principio Curæ resolutionem & discussionem tentavi diaphoreticis appropriatis, præscribendo v. g.

℞. Aqu. fl. Papav. err.

Card. bened. ana ℥ss.

Maxill. luc. pisc. præp. ℥i.

Sal. vol. mandib. earund. gr. xii.

Laud. opiat. ferm. (propter dolorem) gr. ii.

Syr. scabiosæ ℥ss.

M. f. Potio.

Cepit frequenter hanc mixturam cochleatim vesperti, unde manè copiosissimus sudor cum levamine tanto supervenit, ut ægra quasi reviviscere videretur, & implecti miratus fuero, omnia ferè symptomata fuisse levata, præter tussim, & materiæ crudæ rejectionem; pro cuius reliquiis temperandis præscripsi:

℞. Aqu. scabiosæ,

Hyssopi ana ℥ss.

Spiritus sal. Ammoniaci anis. ℥ss.

Syr. scabiosæ,

Nialar. ana ℥ss.

M. f. Potio.

Cepit cochleatim, ex cuius usu copiosius quidem rejecta ægra, at minori cum levamine; quo potius sub rejectione, & sic thoracis agitatione: anxietates reperebant, & dolores intendebantur, una cum renovata difficili respiratione. Missis ergo expectorantibus: ad sudorifera iterum accessum feci; unde præscripsi:

℞. Aqua fl. Papav. errat. ℥iii.

Lapill. Cancr. præp. ℥i.

Salis vol. maxill. lucii pisc. gr. xv.

Laud. opiat. ferm. gr. iß.

Syr. scabiosæ ℥i. vel ℥ss.

M. f. Potio.

Usurpavit hanc repetitis vicibus, & quidem sequenti modo variatam:

℞. Aqu. fl. Papav. errat.

Card. bened. ana ℥ss.

Lapill. Cancr. præp. ℥i.

Salis vol. maxill. lucii pisc. gr. xv.

Laud. opiat. gr. ii.

Syr. Papav. errat.

Scabiosæ ana ℥vi.

M. f. Potio.

Sic copioso sudore superveniente, penitus tandem resoluta fuit Pleuritis.

Convenit etiam dens apri.

Hhh 4

Ex

Exterius unguentum pleuriticum Mynsichti, quod habet ex PARACELSO, oleam amygdalarum dulcium, cumini destillatum, balsami sulphuris, cum unguento dialthææ loco dolenti manè & vesperti illita; item spiritus salis ammoniaci, imposito desuper latere vel linteis calefactis. Aegræ nostræ pro dolore simul ordinabam:

24. Ungu. dialth. ʒi.

Ol. amygd. dulc. ʒss.

Destill. Cumin. ʒi.

Camph. gr. ix.

M. pro Linimento.

Hoc ipsum sub præfato remedium usu sæpius calidè pectori illinendum iussi, imponendo desuper laterem calefactum, vel linteum, & sic Pleuritis penitus cessavit.

Cæterum cum ægia subinde adhuc reiceret sputa viscida glutinosa, hinc suasi, ut per moderatum succi raphani usum reliquias dissolveret & tolleret. Si enim crebrius usurperetur hic succus sub expectorationis negotio, metus est, ne pleuriticæ diarrhæam incidant, quod facillimè fieri potest. Verùm mulier hæc erat paupercula, nec diætæ leges observare poterat, quin successivè hinc nunc tussis humida, nunc sicca, cum invaderet cum virium defectu & macie, unde periculum erat, ne phthisis pulmonalis superveniret. Hinc pro avertenda hac, ordinavi:

24. Herb. Cheresol. rec.

Hed. terrestr. rec. ana pro lubitu.

Hæc (pro scopo vulnerario) simplicia incisa coquantur in cerevisia: hinc ter vel quater quotidie bonum hastum cepit, & ita tussis & omnia symptomata evanuerunt. Egregia sunt hæc duo simplicia in similibus affectibus pectoris, unde, & bene hoc decoctum convenit in empyemate, & aliis affectibus pectoris.

Tandem & his cessantibus, cum adhuc sudores nocturni copiosissimi superessent, ita ut quotiescunque oculos clauderet, toties quasi sudore difflueret, quales sudores sunt colliquativi, & phthisicos ordinariò affligunt, tunc ordinavi.

24. Antibect. Poter. gr. xv.

Laud. op. gr. iß.

M. pro Pulvere.

Capiebat vesperti post moderatissimam cœnam sub introitum lecti, vel etiam bihorio ante moderatissimam cœnam, repetendo pulverem hunc aliquoties; ita & hi sudores colliquativi penitus discussi sunt, & mulier curata est.

Ubi notabile est, quod laudanum opiatum alià sit potens sudoriferum; in huiusmodi autem sudoribus colliquativis & phthisicorum & hecticorum compescendis ferè non est melius, sub somno assumptum.

Pleuritis autem finitur, quando inflammatio denuò discutitur, nunc cricè, nunc sine crisi, vel per coctionem, vel per suppurationem. Hinc ratione prioris principium curæ per diaphoretica & appropriata sudorifera debemus instituere. Erravit ergo *Dn. Author. hujus Resolutionis*: (1) quod resolutionem neglexit, quæ primò tentanda fuisset: (2) quod coctioni materiæ collectæ non dedit operam.

Indicationes sunt:

1. Suppurationem promovere per temperata interna & externa.

2. Abscessu rupto, quò vergit natura, pus evacuare.

3. Pure evacuato ulcus relictum mundificare, & consolidare.

Si ergo per diaphoretica non cedat Pleuritis, materiæ collectæ coctio seu attemperatio mediante lymphâ, in materiam pituitosam transmutata, juvanda per concoquentia, & temperata dulcia, incrassantia, & expectorantia paulò actiora & acidiuscula. Oleum lini est peculiare euporiston in pleuritide, in principio & incremento, pro expectoratione; uti & oleum amygdalarum dulcium. Temperant enim acre acidum, & dissolvunt sanguinem ad congruam tendentem, simulque copiosè laxant alvum. Datur ad ʒiij. Pro suppuratione autem nihil faciat.

Si autem excretio, quæ ad viginti dies se extendit, & tussis non succedat debite, sed inflammatio tandem ad suppurationem tendat pleuritis, tunc.

1. Rupto abscessu, quo natura vergit, pus evacuemus.

2. Quando ad abscessum tendit, quod fit ferè post diem decimum quartum, pro suppuratione promovenda

conferunt Temperantia, vulgò Emollientia & Humectantia dicta.

3. Factus abscessus curetur per consolidantia & purificantia seu vulneraria.

Posterior locum saltem habet in pulmonibus suppurationis. Omnis enim Pleuritis, quæ pleuram saltem afficit, solummodo per resolutionem materiæ curatur. Observavit tamen LINDANUS, quod quandoque pleura fuerit suppurata, & pus quasi parecentesi naturali exterius eduxerit natura; quod tamen rarissimum est.

In Pleuritide, ut tali, venæsectio est inutilis, interdum est nociva, modò Medicus maturè vocatus insistat diaphoreticis specificis: quando verò æger admodum plethoricus est, vel si est mulier, cui menses deficient, vel si febris est nimis impetuosa, concedenda venit. LINDANUS observavit pleuritidem ex venæsectione in parte affecta in gangrænam abiisse; HILDANUS in latere opposito exasperatam. Si revulsione gratia debet institui, habeatur ratio pleuritidis ascendantis & descendantis. In ascendente secetur in pede, in descendente in brachio.

Quamdiu urget tussis & excretio, tamdiu non expectanda suppuratio.

Si ergo ad suppurationem tendere viâ fuisset Pleuritis in nostra ægia, tunc pro ea promovenda contulissent primò Temperantia, interna & externa, vulgò emollientia & humectantia dicta, inter quæ excellent interne scabiosa, althæa, malva, violæ, passulæ, dactyli, ficus, jujubæ &c. quorum omnium usus esse potest sub forma decocti, ut horum medio salia acra in inflammatione, fermentativo motu concurrentia, temperentur ac resolvantur, & ita resoluta promptius uniantur in pus; temperata verò cum minoribus symptomatis cursum morbi peragant.

Pro suppuratione externè optimum est terebinthina cum vitello ovi.

Facta autem suppuratione melius est, ut abscessus sponte sua rumpatur, quàm uti is violenter, vomitu e.g. clamore, sternutatorio, vel motu fortiore aperiatur: cuius ratio est; quod ex signis externis vix possumus esse certi de perfecta suppuratione. Ruptio hæc spontanea fit cum rigore, quam excipit insignis æstus febrilis, dolor, tussis, excretio, &c. Equidem pure facto, febris dolorque remittunt; sed an perfecta suppuratio adsit omni parte? Medicus perfectè cognoscere non potest: unde tutius est, expectare, nisi nimis diutè procrastinetur, spontaneam ruptionem; alias enim abscessum nondum perfectè maturatum sequi solent ulcera longè pejora & magis sordida. Si nimis diu durerit apertio, vel non succedat, nec fiat, symptomatis jam cessantibus, tunc arte aperiatur, ubi quandoque vomitus est bonus, sed lenis, non violentus, ne rumpatur vas. Quin potius pro ruptione sufficit clamor intensior, vomitorium, item sternutatio paulò fortior, nec non stercora animalium; ita enim porus de stercore equino promovet ruptionem, & suppurationem abscessus. Alias sponte abscessum rumpi, cognoscitur, si rigor, posteaque æstus febrilis, ægrum corripit, & tussis excretioque exasperentur. Pus autem Pleuritidis suppuratæ per varia loca, nunc nempe per urinas purulentas, nunc per diarrhœas purulentas, nunc per abscessum alterius membri externi, nunc per expectorationem purulentam, evacuetur, ac fiunt omnes enarratæ evacuationes puris, mediante sanguine, per cor delati, cum etiam PARÆUS ulcera brachiorum, per urinas purulentas evacuat, observaverit ita, ut, quoties æger urinam purulentam redderet, minus puris in ulcere apparuerit: Sic mihi aliquando obvenit mulier pleuritica, ad quam, quarto demum die, in statu morbi constitutam vocatus, cum eandem corruptelam ad sudorem nulla ratione dispendere poteram, hinc pleuritis suppurata sponte per diarrhœam purulentam solvebatur, sicque pure copioso per alvum excreto egra reconvalecebat; me nil interrim urgente, nisi quod clysmatibus subinde paulò acrioribus stimulare alvum, & internè balsamicis ex myrrha, sulphure, benzoe, balsamo sulphuris, antimonalibus & similibus, puris acrimoniam temperarem, & hanc ratione, si quid restaret de ulcere, curarem.

Si ergo suppurata pleuritis, rupto abscessu per sputum purulentum se evacuare vult, conveniunt hyssopus, mar-

marrubium, helenium, crocus, radix ieros, cum blandè dulcibus & abstergentibus. Expectorationem optimè promouent *nicotiana decoctum vel syrupus* ritè paratus per digestiōnem & repetitam infusionem, tam pro evacuando pure, quàm præsertim pro ulcere pulmonum mundificando & expectorando. Vtd. EPIPHANIUS FERDINANDUS in *Hist. Med.* qui Pleuriticos deploratos aliquoties mediante decocto & syrupo nicotianæ ritè paratis, per copiosam rejectionem sputi purulenti per os restituit. Dicitur legitime paratis; est enim nicotiana (in qua universalis pharmacia latet) simul virulenta, & secessus movens. Præparatur ergo ritè, partim mediante digestionem & hinc repetita infusione, quibus corrigitur nicotiana virulentia. Præter syrupum, cum oxymelle aut cum aceto parandum, quo hoc ipso corrigitur virus emeticum latens, ad imitationem Quercetani egregiè convenit syrupus vel remedium ex multiplici infusione paratum, in quo tamen exulet saccharum. Unde recipit folia nicotianæ nostratis non-nihil arefacta, infundit in aqua simplici, digerit in loco calido; infusum leviter expressum novis affunditur foliis, digeritur iterum, ac denuo exprimitur, quod aliquoties repetatur: expressus liquor crebriore infusione paratus postmodum digeritur aliquandiu in Mariæ balneo; à facibus decantato additur oxymel, liquor supernatans decantetur, & vel cum melle vel cum saccharo ad consistentiam debitam redigitur, vel ita seorsim paulo sulphuratus per se asservetur ad usum. Nunquam remedia interna ex nicotiana sine aceto propinanda sunt potest etiam ex tempore nicotiana cum aliis inundi & decoqui pro scopo mundificandi. Præ cæteris u ædam remedia in forma liquoris euporista habet MAGNENUS *Tractatu de Tabaco*. Ex tempore præscribi potest ita:

24. *Herb. hyssopi,*
Scord. nostr.
Nicot. nostr. ana Mi. vel ii.
Rad. Emul. ʒii.
Acori nostr. ʒi.
Coqu. in f. q. *Aque simpl.*
Colatura clarificata edulcoretur
Cum f. q. Syr. Nicot. *Querc.*

Detur pro scopo expectorandi & purulentias resolvendi.

Paracentesis in ægra nostra non videtur locum habere, quia suspicio est, vomica latere in substantia pulmonum, unde frustra ea fuisset, si verò, rupto abscessu fluctuasset in thorace super diaphragmate pus, paracentesis proficua fuisset. Aliud enim est vomica, aliud empyema.

Pro mundificando ulcere & consolidando, ubi semper temperetur acrimonia puris, conveniunt balsamica sulphur, & sulphurea, antimonialia, balsamus sulphuris, &c. quæ pus optimè temperant, & uberiores ejusdem puris proventus præcavent. Terebinthina ulcus consolidat & mundificat. Præ cæteris tamen in vomica pulmonum egregia sunt decocta lignorum, in specie convenit decoctum radices chinæ, item ligni sassafras: quidam addunt santalum &c. cum quibus vulneraria incoqui possunt. Ter in die, manè jejuno stomacho, à meridie post prandium, & tandem sub ingressum in lectum, capiatur bonus haustus, cui addatur subinde dosis vel antihæctici Poterii, vel antimonii diaphoretici, vel balsami sulphuris terebinthinari vel anisati. Lignorum hæc decocta commendantur ab ARCÆO in *Tr. de curandis vulneribus capitis*, item ab HILDANO ad præcavendam phthisin. Interim non opus est, ut æger ab usu lignorum horum sudet. Spiritus nitri dulcis antipleuriticum est optimum, speciatim, ubi simul urget febris; ubi verò mitior febris est salia volatilia usurpentur: in principio tamen pleuritidis ferè melius operantur partes terræ animalium; unde formula *Dn. Autoris in fine Resolutionis* præscripta in principio pleuritidis optimè convenit.

CASUS XXXII.

HEPATITIS SEU INFLAMMATIO
HEPATIS, CUM FEBRE
SYMPTOMATICA.

Mulier deliciis dedita, sed quæ citra notabilem causam mensum imminutum fluxum hætenus passa fuerat deambulans ante portam tempore verno, domum rediens, cænans, sub introitu lecti patitur horrorem, & rigorem satis gravem, quem per horam durantem excipit æstus totius corporis ingens, cum siti, sapore amaricante in ore gravi cephalalgia, &c. simul dolor adest in hypochondrio dextro gravans insigniter, & pondere quasi premens in ejus profundo; respiratio est difficilis, & admodum anhelosa, supina jacet, nulli lateri commodè & citra respiratio-nis impedimentum incumbere potest: tussis subinde repetens, sed planè inanis, aut in qua interdum pauca viscida ultimo conatu rejiciuntur, vexat: pulsus, Medicorū vocato, percipitur magnus, frequens, celer, quasi undosus: urina crassa, turbida, obscura, abdomen murmurat, alvus minus respondet, nares subinde stillant sanguine. Vocatur Medicus tertia die vesperi pro Cura.

RESOLUTIO

DN. THEOD. CHRISTOPH.

KRUGII,

Hasso-Cassellani,

B. DN. PRÆSIDE

correcta

Anno 1676.

AFFECTUS.

Intestina bella quod diutius latent, & sub cineribus gliscunt, eò periculosiore modo erumpunt; pari modo ac in corpore nostræ ægræ ignis, qui diutius sub cineribus gliscens latuit, jam crudeliter in flammam abit, & calore, dolore, similibusque se prodit; & hinc inflammatio, quæ subest, diutius abscondi non potest, quæque se ipsam propriis suis symptomatibus manifestam reddit. Calor enim præternaturalis, pulsus, ut dicitur, undosus, quid aliud, quàm ignem latere, innunt? quid aliud, quàm sanguinis incendium, indicant? quid dolor in hypochondrio dextro insigniter premens, gravans? quid respiratio anhelosa, ita ut nulli lateri incumbere possit, aliter ostendit, quam inflammationem visceris aliqujus interioris latere? præprimis autem, quod ex situ doloris patet, hepatitis.

PARS AFFECTA.

Hoc enim viscus inflammationis præsentis subiectum esse, quin credamus, nil dubii reliquum est, & quidem affectum est seu inflammatum ratione partis gibbosæ, unde symptomata etiam pleuritica aliquo modo simillima urgere solent. Sicuti autem hepar diximus esse partem affectam ratione morbi, ita ratione causæ partem affectam massam sanguineam pronunciamus.

CAUSA PROXIMA.

Revera enim Causa hujus Inflammationis proxima latet in massa sanguinea, dum nempe à naturali motu circulari deficit, & in vasculis minoribus stagnat, ob quam stagnationem ejus accedente simul copia inflammatio supervenit, dum nimirum sat copiose influit, non verò refluit, propterea etiam dolor insigniter gravans, & pondere quasi premens, minus tamen acutus ob hepatitis parenchyma minus sensibile; in hypochondrio dextro perferitur.

CAU-

CAUSA REMOTA.

Deficit autem sanguis à naturali motu circulari, & stagnat, qui à crasi quoque naturali deficit; minus enim dulcis minusque dilutus existit, sed viscidus, crassus, & quasi ab acido præternaturali latente congruatus, hinc necessario & minus aptus ad circulandum stagnat in vasculis lobulorum hepatis, huiusque stagnationis intuitu more aquarum, quæ non moventur, putrescere quasi sanguis incipit, saliaque sic sui juris facta effervescentiam, excitant, inflammationemque causantur.

CASÆ REMOTIORES.

Sanguinem autem hunc congruatum in causa esse, patet ulterius, si indigemus causas præcedentes. Quid enim indicat imminutus mensium fluxus, quàm quod occasionem præbeat cogitandi de tali sanguinis grumescencia? ratione cujus & hinc fluxus impediatur, hinc & sanguis copia auctus regurgitando ad hepar, ibidemque stagnando, eò felicius talem inflammationem inducere potuit. Ad ejusmodi autem sanguinis grumescenciam inducendam non parum contulit tempus vernale justo interdum frigidius, sanguinem idcirco eò felicius condensans, cujus quidem medela fuisset motus, quem deambulando extra portas instituit, sed & hic suum tributum contulit: occasione enim huius motus quidem sanguinis calor fuit excitatus, promptiorque per arterias pulsus redditus; verum cum in venis tale forte pellens non extiterit, hinc ob aciditas sui particulas jam motu excitatas, & sic magis potentes factas, congruatus in venis subriterit, obque nimiam sui copiam inflammationem induxerit.

Acor autem iste vitiosus sanguinis adhuc prædominium possidens, membranacea corpora dum affecerit, ea irritando & convellendo quasi, hæmorrhagiam & regionem totius corporis induxit, dum sub ista inflammatione salia sui juris facta, hinc acidum hoc cum sale volatili oleoso sanguinis effervescentia, æstus totius corporis præternaturalem, & quidem cum siti, saliva fauces humectante, ab æstu præternaturali absumpta, induxit, unà cum gravicephalgia, ab ista sanguinis præternaturali effervescentia, capitis vascula capillaria nimis distendente, orta. Ab hac præterea sanguinis præternaturali effervescentia & pulsus illius undosi ratio explicanda venit. Saporis amaricantis principium est cruditas nidorosa vitio stomachi. Hepar itaque à sanguine vitioso, ibi stagnante, inflammatum, dum simul per ligamentum latum diaphragma afficit, inde & hoc in motu impeditum fuit, & difficultas illa respirationis supervenit; ut lateri nulli commode incumbere potuerit, sed supina ut jaceat, cogitur; dumque diaphragma quasi convulsivi quid patitur, hinc ob sensum continuitatis irritantur partes thoracis relique pulmones puta, & dehinc aspera arteria, unde ex harum partium irritatione tussis illa inanis plane orta: sub quo tamen ultimo tussiendo conatu viscida quedam pauca excernuntur, quæ tamen non ex hepate sed ex faucibus, post crebriorem tussim per accidens rejiciuntur. Tandem quod nates sanguine stillent, fit per accidens, & est hæmorrhagia symptomatice; dum plethorica est mulier propter mensium imminutum fluxum.

P R O G N O S I S.

Malum est periculosum, quin morbus acutus, & qui mensium suppressione, aliquali magis exasperatur; unde nisi mature sudoriferis discuti queat inflammatio, suppurationem hepatis, ejus abscessum, & ita periculum phthiseos cum hæctica, portendit.

C U R A.

Interim sine mora acceleranda Cura, quam, ut eò melius instituat, firmabimus tribus sequentibus Indicationibus. Nempe

1. Ut sanguinis circulus per sudorifera restituatur, quo sic inflammatio discutiatur.
2. Quodsi hoc obtineri non potest, eò allaborandum, ut inflammatio ad suppurationem perducat.
3. Ut facto abscessu materia collecta & suppurata

per debitas vias, præprimis per alvum & cum urina, evacuetur; &

4. Ulcus mundificetur, & quod læsum, consolidetur.

Ut priori scopo satisfaciamus, è fonte Chirurgico petenda est venesectio, in brachio instituenda per revulsionem universalem, cui altero manè surrogetur alia venesectio in pede, indeque eò magis, quod mensium aliquali defectu laboret mulier; hac tamen cautela, ut justa observetur quantitas & proportio, ne egra jam narium hæmorrhagiam passa nimis debilitetur. Præmissa venesectione clystima injiciatur; & hinc conveniunt sanguinis grumos dissolventia, talia nempe, quæ sunt acidum præternaturale absorbentia, & per sudorem peregrina miasmata expellentia, eaque salia alcalia, nunc fixa nunc volatilia; e. g. sequens mixtura præscribenda:

℞. Aquæ Card. bened.

Petrosel. ana. ℥vi.

Antimonii diaphor. ℥i.

Bezoard. Jovial. ℥ss.

Syr. flor. Papav. err. ℥iii.

Spiritus Salis dulc. parum.

M. D. S.

Mixtura sudorifera.

Capiat hanc æger pro una dosi, expectando largum sudorem.

Vel

℞. Mixt. simpl. ℥ii.

D. pro duabus dosibus:

Vel si magis volatilia adhibere animus est, convenit sequens:

℞. Aquæ Card. bened.

Flor. papav. errat. ana ℥ss.

Spiritus sal. ammoniaci ℥ss.

Sal. vol. succini gr. xv.

Syr. flor. papav. err. ℥ss.

M. D. S.

ut supra.

Pro tribus dosibus, vel cochleatim, hauriatur.

Aut in forma pulveris:

℞. Antihæct. Poter.

Antimonii diaphor. ana ℥i.

Nitri Antimoniat. scrup. ss.

Bezoard. Jovial. gr. vi.

Laud. opiat. gr. iii.

M. f. pulvis pro duabus dosibus.

Semper expectando sudorem in lecto.

Vel

℞. Antimonii diaphor. ℥i.

Bezoard. Jovial. gr. vi.

Salis card. bened. gr. v.

Laud. opiat. gr. i.

M. D. in duplo pro duabus dosibus.

Dictis his, si levamen sentiat, aut si indicium sit, inflammationem sine suppuratione fore evanituram, non inconveniens erit, simul quoque externa discutientia & resolventia dicta adhibere: v. gr.

℞. Aquæ Plantag.

Rosar. ana ℥ii.

Spiritus vini camphorat. ℥i.

M. D. S.

Spiritus externus.

Qui linteis multiplicatis crebrius calide applicetur regioni hepatis.

Vel

℞. Aquæ Chamomill.

Flor. samb. ana ℥ii.

Spiritus vini camphorat. ℥i.

M. pro Epithemate.

Sub hujus aut similis usu adhibeatur interne sequens mixtura.

℞. Aquæ card. bened.

Petrosel. ana ℥ss.

Theriac. simpl. ℥ss.

Nitri antimoniat. ℥ii.

Antihæct. Poter. ℥i.

Syr. heder. terrest. ℥ss.

M. f. Potio.

De qua subinde capiat cochleare unum pro lubitu.

Sin verò omnis spes absit discussionis, sed certum est suppurari inflammationem, & in abscessum abire, ejus sup-

suppuratio dehinc & ejus apertio promovenda; hinc pro usu interno commendamus:

℞. Decoct. rad. Chinæ cum rad. liquirit. ℥ss.

adde

Rob. Passular. ℥ii.

Syr. scabios.

Violar. ana ℥i.

Misc.

Capiatur pro lubitu.

Vel

℞. Rad. Chinæ in taleol. incis. ℥ss.

Macerentur per noctem in Balneo Mariæ in

Aquæ simpl. ℥iii.

Mane adde

Rad. Liquirit. ℥i.

Coquatur ad medias:

Hinc infunde

Passul. min. conquss. ℥iii.

Colatur. refrigeratæ ℥ss. add.

Syr. Scabios.

Violar. ana ℥ss. vel q. s.

Misc.

Simul & antimonialia fixa, pus plus minus corrigentia, sunt usurpanda.

Externæ autem conveniunt Maturantia dicta: hinc

℞. Unguent. de Alb. ℥i.

Ol. Amygd. dulc. ℥ss.

M. pro Linimento.

Inungantur calidè, cui postmodum imponatur emplastrum de meliloto cum oleo hyperici malaxatum.

Quodsi jam suspicio suppurati abscessus, ejus maturanda est apertio, hinc externè imponatur Cataplasma ex decoctione foliorum tabaci & malvæ arborentis cum lacte, quod calidè imponatur sæpius, subinde repetendo. Quodsi gravius laboret æger, necessum erit, manu chirurgi per scalpellum, extrinsecus per musculos abdominis adactum, suppuratum aperire abscessum.

Rupto abscessu, ut evacuetur materia per legitimas vias, præprimis per alvum & urinam, est allaborandum, ut dehinc, quod læsum, eò melius mundificetur:

Pro priori ergo scopo conveniunt laxantia blanda & urinam stimulantia, hinc

℞. Decoct. passulat. laxar. ℥ss.

Cui omni hausti, vel olei terebinthinæ guttæ viii. vel balsami sulphuris terebinthinati tantundem, addatur; aut omni mane & vespere de terebinthina in vitello ovi q. s. assumatur, &c.

Hinc etiam decocta vulneraria cum lignis proficua erunt: e. g.

℞. Ras. ligni Juniperin ℥ii.

Sassafr. ℥i.

Infund. per noctem in ℥iv. Aquæ communis:

mane adde

Herb. Alchimill.

Heder. terr.

Veron. ana M. i.

Ras. Cornu Cervi ℥vi.

Coqu. ad terræ vel dimidiæ partis consumpt.

Colaturæ adde

Syr. de byssopo,

Symph. Fernel. ana q. s. pro gratia saporis.

Misceantur.

Sin verò adhuc alvus obstructa maneat, aut murmura abdominis urgeant, non inconveniens erit clyisma applicare; hinc

℞. Herb. Alb.

Malvæ,

Parietar. ana M. i.

Fol. Plantag.

Flor. Chamom.

Samb. ana p. i.

Bacc. Junip.

Lauri ℥i.

Coqu. in f. q. feri lactis.

Colat ℥ix. adde

Terebinth. in vitello ovi dissol. ℥ss.

Ol. Chamomill. ℥i.

M. pro Clysmate, duabus vicibus; applicando.

His tandem conveniens diæta subjungenda.

Tantum!

A N N O T A T I O

B. D. P R Æ S I D I S.

Noctu si Medicus accedat, potest applicari clyisma, secari vena in brachio statim, nullo habito respectu ad tempus vespertinum, nugæ quippe sunt; & postea propinare sudoriferum; altero mane potest reperti venesectio in pede, &c.

R E S O L U T I O A L I A

Dn. JOH. MATTHÆI

MERCKELII,

ANNÆBERGENSIS,

B. DNI P R Æ S I D E

correcta

Anno 1682.

Affectus præsens, quin inter febres continuas comitatus essentielles magis acutas referri queat, nihil omnino dubito. Nimirum videtur mihi omnino probabile, ex primariis hisce febrilibus, & connexis symptomatis, febrem hanc esse cum inflammatione hepatis conjunctam.

Pars itaque affecta erit duplicis generis:

1. Tota massa sanguinea, cui salia illa à se invicem diversa, & acidum præprimis viscidum, febrium causa proxima materialis, & unde fieri earum modus dependet, inherent.

2. Erit hepatis obstructio, & inde dependens dolor, tumor & inflammatio in parte ejusdem, uti opinor, si ma seu concava.

Causas quod respicit: primò proxima materialis nulla & hic alia erit, quam acidum vitiosum plus minus viscidum, turgescientiam massæ sanguineæ, ejusque motum fermentativum, sapore suo austero ac maxime peregrino, turbans. Et quidem vitium hoc esse ab acido, patet ex eo, quod egra nostra subinde mensium difficultatem, & fluxum eorum imminutum, citra aliam notabilem causam, passa fuerit hætenus. Quod utique signum est vitium non hære in viis, per quas iidem evacuantur, sed in ipso sanguine inepto ad turgescientiam sui, propter acidi viscidum impedimentum. Et si rem paulò accuratius perpendo, videtur mihi subjecti hujus præsens morbosa conditio à nulla alia, quam dicta jam subsistente causa, dependere; sed ad reliqua.

Causæ proximæ formales vices hic gerunt spiritus vitales.

Cæterum Causæ etiam remotæ in casu hoc nostro satis videntur expressæ, symbolum suum conferre videntur. Nam primò quod attinet victus rationem, delitiis instructam & negligentius observatam, hæc utique omnium consensu fecunda mater hujus mali existit, & ad producendum hocce morbi genus, & febres quasvis, multum potest; quia fermenti digestivi naturalem crasin turbare, ejusque loco in primis viis, tanquam fomiti radicationis omnium ferè febrium, vitium digestionis primæ producere valet. Huc etiam suo modo spectare posset deambulatio ante portam tempore verno, circa quod exalationes vaporosæ ex terræ gremio copiosius adscendunt, efficiente id potissimum solis calore, compactam hujusque superficiem terræ iterum referante, quo facile, fieri potuit, ut frigus illud hocce tempore adhuc satis grave, subjecto huic foemineo fuerit nocivum.

Quantum ad symptomata: primo sitis & amaricans in ore sapor, aliam fortè causam non agnoscunt, quam acidum viscidum, & humores in primis viis latitantes, qui sibi invicem contrariantur, ita ut concursu suo effervescentiam & calorem formaliter febrilem excitent, hincque sapore suo salso acri rofionem orificio ventriculi sinistro inferant, fugaque spirituum, & consequenter sitis, seu appetitus potus, nec non sapor amaricans in ore

in ore propter alcali bilis ibidem prædominans, ex eodem fonte pervenire mihi videntur. His ita præsuppositis, individuis febrium comes subsequitur, *cephalgia* puta quæ per consensum, vitiato scilicet sic ventriculi tono, ejusque humore fermentativo, exinde resultat. *Dolor* vero in *hypochondrio dextro* gravans, & insigniter pondere quasi premens, in ejus profundo potissimum, innuit hepar male affectum. Solet enim lege quasi naturæ in partibus inflammatis ita contingere, ut data partis cujusdam obstructione, à viscida & plus minus glutinosa materia, aut alia causa inducta, statim etiam detur partis ejusdem tumor, stupefactio, & emortua quasi actio; adeo ut pondere suo quaquaversum hinc & inde ruat, & pressura sua cæteris partibus dolorem aliquem gravativum inferat, laxatis scilicet aut dilatatis saltem ejusdem ligamentis ac subligaculis. Et etiam, ut pars una alteri per connexionem sit unita, hinc simul partes aliæ in consensum sepius trahuntur, uti & hic videre est. Nimirum hepar mediante ligamento lato diaphragmati, tanquam potissimo respirationis organo, connectitur, quorum consensu etiam in statu naturali nil damni infert, nec unum alterius actionem turbat. Ast inflammato hepate, quia pondus necessario gravius propter stagnationem sanguinis contrahit, & majorem molem exinde acquirit, motus diaphragmatis respiratorius simul ab ejus pondere leditur; dum scilicet diaphragma plus justo inferiora versus trahitur, fit ut impediatur thoracis dilatatio, propter nexum firmissimum diaphragmatis cum costis spuris, æque ac veris, & consequenter respirationis negotium haud parum incommodum exinde contrahat & patiatur; de qua difficultate respirandi & tussis crebra, sed inani, propter defectum materiæ excernendæ, & quia hæc est à solis convulsionibus, ægra nostra ex dicta jam causa merito conqueritur.

Spestat etiam huc, & eandem agnoscit causam, quod *Patiens* nostra nullo lateri commodè, & contra respirationis impedimentum, incumbere possit. Nam dextro, si lubet acquiescere lateri, moles hepatis tumentis comprimitur eò magis versus diaphragma, & quia hæc corporis pars per se sensus exquisitissimi est, nil mirum, quod hoc ipso decubitu dolor eò magis augeatur. Lateri vero sinistro quare non possit incumbere, vix nisi per consensum intimiorem lienis cum hepate, nec non à diaphragmatis motu convulsivo, licebit deducere.

De cetero pulsus hoc in casu id videtur habere peculiare, quod irritatis ab acido nervis, nec non membranis arteriarum, motus spirituum undosus deprehendatur, quibus mediantibus sanguis alias turgescens per arterias undarum instar pellitur, quod bonum signum est, quia sudorem jamjam imminere annunciat. *Urina turbida*, crassa & obscura, bono nos jubet esse animo, quia robur naturæ ostendit, & aliqualis coctionis signa præ se ferre videtur. *Abdominis murmura*, & *alvi adstrictio*, nihil præter acidum in arundine intestinorum hærens, uti & bilis inertiam, sui causam habent. Nempe acidum viscidum à bilis inertia enatum, dum latera eorundem in crustat, facibus transitum, glutinis instar, denigrare videtur, easque justo diutius retinere facit, hinc induratio earum, & tandem difficilis admodum depositus. Quod posterius respicit, *hemorrhagiam* scilicet *navium*: sit hæc ut plurimum cum levamine ægri, & videtur mihi hujus symptomatis causa consistere in strictura fibrarum lateris male affecti, unde postmodum dependet sanguinis stagnatio, & tandem stillicidium jam dictum per nares: quod in febribus malignis, si guttatim per nares exeat, pessimum est signum; sin in copia, salva res est.

PROGNOSIS.

Quod reliquum est, videtur mihi morbus hic maxime periculosus, præprimis autem propter inflammationem hepatis conjunctam, quæ ut plurimum solet esse lethalis, quia facili negotio in abscessus degenerat & mortem comitem habet.

CURA.

Curatio pro ingenii mei imbecillitate institui posset hoc modo:

1. Acidum vitiosè viscidum, & quæ hinc proveniunt cætera massæ sanguineæ vitia, corrigantur, & quantum possibile, blandè evacuentur.

Dolor, tumor, & inflammatio hepatis, quæ hic potissimum attendenda veniunt, sedentur & discutiantur.

3. Symptomata urgentia mitigentur.

Pro prima Indicatione equidem diximus nuper; adhibenda esse emetica: sed hoc in casu vix ex usu fore mihi persuasum habeo. Itaque potius sensim atque sensim acidum quæ infringunt, & visciditatem ejus dissolvunt, præmissa venæsectione in brachio, & hinc in pede, in usum vocanda erunt. Hæc inter adhiberem ego nitrum antimoniatum, arcanum duplicatum, sal tartari essentificatum, cremorem tartari, nec non terrea absorbentia, uti sunt dens apri præparatus, antimonium diaphoreticum, lapilli cancerorum præparati, corallia rubra præparata, elixyr proprietatis sine acido, liquor terre foliæ tartari, & omnia antipleuritica, præsertim camphoratis mista. Formulæ possunt esse tales.

℞. Cremor. tartari, seu Pulv. hepat. rub. ℥i.

Corall. rub. præp. ℥i.

M. D. S.

Pulvis discutiens, cuspidè cultelli sumendus.

℞. Elixyr. propr. sine acido ℥ii.

Spiritus coctlear. ℥℞.

M. D. S.

Guttæ mundificantes.

30. pro dosi.

Nec dubito, quin Purgantia lenia per inferiora ex massa pilularum de tribus Rustici, aut ammoniaco Quercetani, hic locum possint habere, ut scilicet acidum istud insensibiliter evacuetur. Quod etiam spectat pulvis Comitidis de Warwick de tribus e.g.

℞. Diagr. sulphuræ. aut res. lal. gr. vii.

Antimonii diaphor. gr. v. ad vi.

Cremor. tartari ℥i.

M. exactè.

Secunda Indicatio plus nobis negotii facesset, si sicut saltem partis affectus spectes; interne itaque & externe res erit gerenda.

Interne liquor cornu cervi succinatus, salia volatilia, & spiritus nitri dulcis, utramque faciunt paginam.

Vel

℞. Mixt. simpl. ℥i.

D. S.

Guttæ sudoriferæ: 60. pro una dosi.

℞. Spiritus nitri dulc. vel Clyff. miner. ℥ii.

Tinctur. flor. bellid. ℥i.

M. D. S.

Tinctura refrigerans ad potum.

Huc etiam spectare possent amara quævis, Hepatis, ut dicunt, anima; hinc semper interne & externe aliis, ceu appropriata socianda:

℞. Ess. Cent. min.

Abfinch. ana ℥ii.

M. D. S.

Guttæ hepaticæ 30. ad 40. pro una dosi.

Externæ Linimenta & Epithemata discutientia, & ardorem compescientia, conveniunt: e.g.

℞. Ungu. di. Alb. ℥℞.

Ol. Abfinch. ℥ii.

Destill. Anethi ℥i.

Camph. gr. ix.

M. pro linimento.

Inter Epithemata eminet Spiritus vini blandè camphoratus.

Vel

℞. Aquæ hyoscyam.

Nymph.

Prunell.

Plantag. ana. ℥i℞.

Camph. cum. spiritu vini sol.

Nitri depur. ana ℥ii.

M. f. Epithema,

applicandum crebrius calidè,

Potest etiam fieri sacculus interpassatus ex sequentibus:

℞. Fl. Chamomill.

Melil.

Sambuc.

Fl. Ver.

Verbasci anna M. l.
Rosar. rub. p. ii.
Herb. Malv.
Atriplic. ana M. β.
Sem. Anisi.
Fœnic.
Lini ana ʒβ.
 Incisa & contusa.
 D. S.

Herbæ ad sacculum externæ calidæ applicandæ.

Vel potest etiam fieri Decoctum cum aqua endiviæ, addito aceti q. s. pro Epithemate, calidè applicando.
 Si in scirrhum degeneraverit inflammatio:

ʒ. *Empl. de Cicut.*

Ran. Vig. cum Mercurio:

Malax. cum ol. Absinth. destillato:
 induc. super alutam.

Si verò in pus abierit:

ʒ. *Aquæ flor. Acac.*

Card. bened.

Fumar. ana ʒj.

Acet. destill. vel rutac. ʒvi. ad ʒj.

Lapill. Cancr. præp. ʒj.

Antimonii diaphor. ʒj.

M. f. Potio.

Pro hepatis suppurati abscessu mundificando:

ʒ. *Herb. scolopendr.*

Fumar. ana M. β.

Rad. Acetos. ʒj.

Cichor. ʒvi.

El. Papav. errat.

Bellid. ana p. ii.

Coq. inf. q. Aquæ fontanæ:

Colat. ʒviii. adde

Syr. rubi idæi ʒit.

Spiritus nitri dulc. q. s. pro suavi acore:

M. D. S.

Potio refrigerans & mundificans, de qua sæpius sumatur.

Cætera symptomata, quia sunt effectus saltem & productum morbosum, sublata causa spontè cessabunt. Deus interim hisce clementer benedicat!

C A S U S XLIII.

H Æ M O P T Y S I S.

Vir ætatis consistentis, & functionis publicæ ratione vitam agens sedentariam, utut sub juvenili ardore inquietus, pariter ac gulæ indulgentissimus fuisset, post leviculam præcedentem tussim, cum difficiliore paulò anhelitu junctam, sputa cruenta emittere, & sanguinem floridum copiosè excernere satagit. Sponte malum remittit, post tertium tamen ferè mensem ex inopinato, prægressa anhelitus aliquali difficultate, levi screatu, copiosum sanguinem floridum & nonnihil spumosum, emit, idque aliquoties, malo denuò cessante. Repetunt hæc sæpius & absque etiam tussis conatu, nunc brevioribus nunc longioribus periodis. Sanus aliàs & incolumis semper fuerat, nisi quod ulcus quoddam, in parte tibie dextræ interna, paulo suprà malleolum, thaleri præter propter magnitudine & figura, superficiale tamen tantum, gestaverat, quod copiosam plorasset saniem, cum locorum vicinorum aliquali pruritu. Consolidari hoc sibi ab empirico, molestiarum diuturnarum pertæsus, curaverat, ex quo antea commodè habuit. Nunc pro sanguinis ista excretionem à Medico consilium & curam petit.

R E S O L U T I O

D. N. CHRISTIANI

H O L Z E L I I,

Annæberga-Misnici,

Cum speciali Discursu & Annotatis.

B. DN. P R Æ S I D I S,

Censuræ & Emendationi subjecta

Anno 1676.

A F F E C T U S.

Casus nostri affectus utique ad vitia pulmonum referendus erit, & quidem propriè vocandus Hæmoptylis, quæ fit in genere quidem, quando sanguis ex respirationis organis, ut thoracis cavo, arteria aspera, larynge &c. ejicitur, in speciei verò & κατ' ἐξοχήν sic dicitur, quando ex pulmonibus regurgitans, nunc cum nunc sine tussi, uti videre est in RHODIO Cent. 2. pag. 83. & 84. & in M. A. N. C. Anno 2. Observat. 45. pag. 83. quanquam ut plurimum cum tussi contingat, utut leviori. Etenim sanguis, qui è ventriculo nonnunquam prodit, ferè sine vomitu non rejicitur, & tunc dicitur Vomitus cruentus. In expuitione ergò sanguinis probè attendendum erit unde proveniat, & quibus ex causis antecedentibus, quæ variæ admodum esse solent.

P A R S A F F E C T A.

Sed sepositis ambagibus, ad nostrum ægrum nos convertimus videndo, unde sputum sanguinis ipsi subnatum sit? ubi animadvertimus, ex ruptura arteriolæ cuiusdam pulmonalis hoc contingere: quod enim ex arteriola, non verò vena prodeat, evincit sanguinis calor qui est floridus: quod verò non saltim sit ex anastomosi, i. e. ex hiatu quodam vasculi capillaris, ut interdum in hæmorrhagiis narium accidere solet; verum omnimodæ ruptio præsupponenda ex erosione materiæ acrioris, probat copia sanguinis non levis. Et quod revera ex pulmonibus derivetur, ostendunt.

1. Præcedens levicula tussis cum difficiliore nonnihil anhelitu.
2. Spumositas sanguinis, teste HIPPOCRATE, qui dicit Aphor. 13. Sect. 5. Quicumque sanguinem spumosum spuunt, his ex pulmonibus educio fit.

Nam licet pulmones tussis subiectum censerì non possint, interim tamen hoc sensu ipsis potest levicula tussis adscribi, quatenus ramuli arteriæ asperæ per eosdem disseminati sunt: qui vellicati eandem producere apti satis sunt.

S Y M P T O M A T U M R A T I O F O R M A L I S.

Difficilioris verò anhelitus ratio hæc est, quod sanguis emanans ex arteriola non mox fuerit egestus, sed collectus in parenchymate pulmonum nonnihil hæsit, & sic infarctos pulmones in liberiori respirationis negotio turbavit. Et hanc sanguinis moram etiam demonstrat spumositas eiusdem, quæ fit, quando sanguis aliquamdiu per aerem inspirando & expirando quasi concutitur & sic spumam excitat. Sanguis quidem, quæ talis, spumescere nequit, neque in spumas attolli, quippe gravior & densior est, quàm ut in spumas abire possit, sed tenuior sanguinis pars (i. e. serum tinctum tamen colore sanguineo propriè in spumas attollitur) quæ se habet instar albuminis ovi, quod concussum ferè totum in spumas redigi potest: imò sanguis orbatus suo sero ferè coagulum est.

Quod autem revera à concussionem aeris spumositas producta fuerit, probatur, quando sanguis ex aliis corporis partibus effluens, licet copiosus, bullas tales seu spumam minimè excitet, nisi fortè sanguis in nimia turgescentia fuerit constitutus; vel quod etiam naturaliter per respirationem sanguis in pulmonibus ad aliqualem discontinuitatem seu turgescentiam disponatur; id quod probat ratione coloris differentia sanguinis ad pulmones & ex iisdem manantis.

Quod

Quod verò sponte malum intermiserit & post tres fere menses ex inopinato recurrerit, & hoc aliquoties repetendo factum fuisse auguror. Quoad intermissionem, quando scilicet sanguis hærens iam extra vasa evacuandus fuit & vulnusculum sponte sua se occlavit vel à grumo sanguinis obturatum fuit, cessasse tunc ad tempus exspuitionem sanguineam, quando verò vel ex nimio motu, vel loquendo, vel plus minus turgescendo massa sanguinea esu rerum acrium, vel aliunde pulmones motu acuto infestati fuere, tunc levis illa vulnusculi occlusio de facili hære iterum potuit, & hinc de novo sanguinem stillare; hinc certas periodos malum non habuit, verum nunc breviores, nunc longiores, prout scilicet æger se gessit, & vel malum ipse promovit dictis causis, vel idem sufflaminavit debito suo regimine. Sine tussi v. gr. quod nonnunquam reiectus fuerit, contigisse autumo, quando nullum acre, vellicans bronchia asperæ arteriæ, adfuit, & sic placide sanguis per arteriam asperam reddi potuit.

C A U S Æ.

Causa remota clarè ex casu patet; nimirum nihil aliud fuit, quam præcox illa ulceris tibiæ sine præmissa debita fermenti ulcerosi extirpatione consolidatio ab empirico facta; hinc fermentum illud restitans adhuc retrogrediendo massam sanguineam inquinavit, & sic circa pulmones depositum, dictum vas erodendo rumpi fecit, perinde enim accidit ac si incautiùs sub laboribus chymicis aquam fortem inspiramus, vel fumos sulphureo acidus, qui infixi rodendo pulmonibus æquè noxam inferre valent. Quod verò hoc fermentum sat validum fuerit ad corro dendum tale vasculum, clarum est, quod valde acre fuit, ut in talibus manantibus tibiæ ulceribus communiter esse solet, & quoniam non sine pruritus sensu vicina loca à sanie effluente ma lestata fuerunt.

P R O G N O S I S.

Reliquæ circumstantiæ parum ad rem conferre potuerunt; quæ propter dilucidationem casus contraho, & ad Prognosin accessum facio.

Malum est periculosum satis, chronicum, minus acutum; periculosum; quia est morbus per se, & quia ex pulmonibus venit: nam faciliè phthisin vel empyema, si sanguinis in pus mutetur, inferre potest.

C U R A.

Ergo ad Curam maturandum, quæ duplicem nobis exhibet indicationem in & extra paroxysmum.

In paroxysmo

1. Non inconueniens videtur venæsectio (vomitum enim excitare, pro scopo quidem materiam evacuare; sed metus esset, ne vehementiori illo conatu ruptio de novo accidat, majorque hæmoptysis evadat) & quidem revulsionis gratia in pede, quo sanguis à pulmonibus retrahatur: nam venæsectionem permittit sana aliàs viri constitutio, ætas & vivendi ratio.

2. Sanguinem sistentibus, præsertim si secta vena cessare nolit, ægro prospiciendum; inter quæ sunt, vel externa, vel interna. Interna sunt v. gr. portulaca, crocus Martis adstringens cum aqua bursæ pastoris & equiseti, tinctura sulphuris vitrioli, muscus cranii humani, vel in huius defectu muscus pruni sylvestris: v. g.

℞. Aquæ bursæ pastor.

Equiseti ana ℥i.

Croc. Martis adstring. ℥i.

Sem. hyoscyami alb. ℥ii.

Syr. de symph. Fernel. ℥i.

M. D. S.

Potio bene circumagitanda pro aliquot dosibus,

Vel ad modum SYLVII:

℞. Aquæ Plantag. ℥ii.

Cinnam. ℥vi.

Aceti vini ℥ss.

Corall. rub. præp. ℥ss.

Sangu. Dracon. ℥ss.

Laud. opiat. gr. ii.

Syr. myrtin. ℥i.

Misc. pro Potione,

Cochlearim sæpiùs usurpetur.

℞. Tincturæ sulphuris vitrioli,

Lap. hæmat. ana ℥i.

M. S.

Tinctura contra sputum sanguinis: 30. vel 40. guttæ in aqua appropriata vel vino acidulo.

In forma pulveris.

℞. Pulv. contra sput. sangu. Heurn. ℥i.

Musci cran. hum. ℥ss.

(vel musci pruni sylvestr. ℥i.)

M. f. Pulvis: S.

Pulvis Sanguinem sistens pro 2. dosibus.

Vel

℞. Sperniol. Croll. ℥i.

Laud. opiat. gr. iß.

M. f. Pulvis.

℞. Ocul. Cancr. præp. ℥i.

Troch. de Carabe ℥ss.

M. f. Pulvis,

Diu. in 3. part.

Usurpentur in aceto.

Externa sint primariò bufo mense Junio transfossus, & in umbra siccatus, manu detentus, vel sub axillis alligatus. Quidam etiam commendant centinodium axillis alligatum.

Denique non erit postremæ notæ pulvis sympatheticus pro cura magnetica, cognito modo usurpatus Digbæi.

Hæc in paroxysmo.

Extra eundem non inconueniens foret fonticulum excitare in pede; quod antea ulcus hæserat, advertendo num fortassis fermentum pulmonibus jam infixum retrocedere, & ad ignobiliorē partem relabi velit. Interim verò res probè agenda; ubi quidem

1. Ad causam excitantem, nempe massam sanguineam, quo corrigatur a fermento peregrino, respiciendum erit.

2. Ut sanguis, si quis fortè hæreat circa pulmones, resolvatur & discutiat.

3. Ut læsio pulmonum vasis inducæ consolidetur.

Pro his convenient alcalia tum absorbentia tum alterantia, essentia traumatica, florum hyperici, oculi cancerorum, antimonium diaphoreticum, tinctura bellidis, & essentia mumie succinata, &c. v. gr. in potum ordinariū poterit instillari tinctura florum bellidis, aliæque. Hinc manè & vespere potest continuato usu usurpari:

℞. Essent. flor. hyperici,

Traumat. ana ℥i.

Mum. ℥i.

Misc.

Usurpetur in aqua plantaginis vel portulacæ.

Vel

℞. Aquæ Plantag. ℥iii.

Bursæ pastor. ℥ii.

Succ. Portul. rec. expr. ℥i.

Ocul. Cancr. præp. ℥i.

Trochisc. de Carabe ℥i.

Syr. de symph. Fernel. ℥i.

M. f. Apozema: S.

Potio alterans pro aliquot dosibus.

℞. Aquæ Cherefol.

Scabios. ana ℥iß.

Aceti vini ℥ss.

Terræ sigill.

Ebor. sine igne ana ℥i.

Diafcond. Frac. ℥ss.

Syr. de Rosis sicc. q. s. pro grato sapore,

M. f. Potio: S.

Potio circumagitanda, pro aliquot dosibus,

Excitetur blandus sudor.

Vel in forma decocti:

℞. Herb. Plantag.

Portul. ana M. iß.

Herb. heder. terr.

Symph. mai. ana M. i.

Rosar. sicc. M. ß.

Coqu. in f. q. Aquæ comm.

Colaturæ ferventi infund.

Passul. min. conquass. ℥iii.

adde

Syr. Portulac. pro grato sapore q. s.

M. f. Haustus.

Hauriatur pro lubitu mane, & à meridie, & vespere, quando lectus petitur.

Vel

Vel

℞. Rasur ligni Sassafr. ℥iii.

Infund. inf. q. aquæ ferrar.

Stent per diem & noctem in Balneo Mariae,

Manè coqu. fortiter in vase clauso:

℞. Colatur. ℥ij.

adde

Fol. Myrti,

Pentaphyll.

Portulac. ana M. ii.

Stent in loco tepido vase clauso, & in fine leniter ebulliant:

Colaturæ adde

Syr. de symph. Fernel.

Heder. terrest. ana ℥ii.

M. S. Potio sanans.

Unicuique dosi potest instillari tinctura antiphthifica ad gutt. x. & sic continuari.

Tandem vitet æger tussim, vociferationem, saltum aliumve corporis vehementiorem motum.

Et sic Medicum meque nostro officio esse satisfacturos puto.

DISCURSUS & ANNOTATA
SPECIALIA

B. DN. P R Æ S I D I S.

Affectus est Hæmoptysis ab ulcere in tibia clauso. Pars affecta est vasculum pulmonum arteriosum.

Causa proxima est diaphoresis, hoc est, erosio vasculi cuiusdam arteriosi in pulmonibus; quicquid in contrarium alii dicant. Nam ex pulmonibus sanguinem excretum esse, demonstrant omnia symptomata, dolor, & præprimis spumæ, in quas non saltem serum, sed & sanguis, ceu liquor aquoso-oleosus, ab aere reciprocante attollitur, præsertim cum adhuc calidus est: siquidem notum est, oleum & omnia subjecta oleosa & pingua calida, agitata impensè spumescere, & quò quid pinguius est, eò magis spumescit: ita cerevisia magis spumescit, quàm conventum; & acetum, quò magis est à generoso vino, eò magis spumescit; sicut & sapo aqua solutus etiam in spumas abit, Unde sicut olea quæcunque in fore coagulata, in calore spumescunt, ita sanguis, ceu liquor saponarius, per motum aeris rarefacientis abit in spumam: sicut & observavi mulierem quandam, quæ copiosum sanguinem una vice spumofum floridissimum ad aliquot uncias expectoravit, qui sepositus, postmodum in sero suo natabat. Ex quo patet, non ratione vehiculi aquei seu feri, sed ratione oleosæ & viscidæ substantiæ fieri spumas: adeoque, quando spumescit serum, debet id chylo pingui, qui agitur in spumam abit.

Cæterum observantur hæmoptyses periodicæ, & non-periodicæ. Hæmoptyses periodicæ ut plurimum sunt salubres, si moderatæ sint, ita namque hæmorrhoides & menses suppressi per spura cruenta fuisse soluta, testatur THIERMAYERUS Conf. lib. 2. pag. 24.

Causa remota in nostro ægro fuit sanguinis serosioris acrioris uberior collectio, occasione vitæ sedentariæ, in qua minor diaphoresis, & obulcus cruris, ceu apertum fonticulum, occlusum: quibus occasionibus sanguis serosior & acrior coacervatus, facile per viam consuetam evacuari potuerit:

In ulceris hac consolidatione duo sunt consideranda.

1. Ipsum fermentum ulceris, sanguinem inquinans; scilicet posito, ulcus non ritè mundificatum fuisse.

2. Serum acre istud, quod sub saniei forma, tanquam ex fonticulo, antea copiosè emanaverat; quod non solum ab ulcere, tanquam productum morbosum, originem habuisse, sed etiam sui ipsius natura acre salsum fuisse, pruritus vicinorum locorum innuit.

Et quidem fermenti parum restitasse, quin potius maximam partem istud deletum fuisse, ex eo suspicio est, quod recidivam ulceris non passum sit; secus enim ulcus non potuisset consolidari, aut etiam odor ejusmodi in ulcere relictus; novum ulcus produxisset, qua ratione ulcera ad ossa usque penetrantia, illaque cariola reddentia,

vel centies curata, centies quoque recidivant, ob tantillum fermenti ossi jam infixi, difficilius extirpabilis, & nutrimentum partis affluens corruptentis: imò cum æger noster post ulceris consolidationem diu benè se habuerit, hinc planè nulla suspicio est de ulcere; sed potius suspicandum est, quod solummodo ab ulcere occluso fuerit oborta Hæmoptysis, quatenus impedita per ulcus occlusum ichoris evacuatione, retentus is & coacervatus regurgitando ad massam sanguineam eandem inquinavit, successivè vasorum pulmonalium aliquod eroderit, & hæmoptysin intulerit.

Sed porro quæritur; unde illud serum falsum fuerit enatum? Resp. Causam remotissimam esse mutatum vitæ genus, quod multum habet in recessu: Æger enim primò in juventute, propter malam diætam & gulositatem nimiam, fermenta viscerum debilitavit & hebetavit, multaque recrementa ex mala diætâ coacervavit: quicquid tamen tunc temporis coacervatum partim ejecit per exercitia, partim retinuit, quæ postmodum, ubi sub consistente ætate vitam sedentariam egit, dicta recrementa coacervata nec per sudorem, nec per urinam amplius exclusit, rodendo in tibia partes, sponte intale ulcusculum proruperunt, & illud intulerunt, per quod, ceu cribrum quoddam, dicta excrementa coacervata fuerunt expurgata; eo autem obturato materia affluens alio in loco sibi viam parare, sicque erodendo vasa pulmonum hæmoptysin inferre potis fuit. Et loca ejusmodi parallela, ubi itidem ex ulceribus ejusmodi spontaneis curatis vel asthma, vel hæmoptysis, vel phthisis supervenerit, vid. in RHODIO Cent. 2. Observ. 65. item THIERMAYERO Conf. lib. 2. pag. 85. & 24. SCULTETO in Observ. chirurg. 57. ubi introducit quendam, qui ex ulcere crurum inveterato occluso in grave asthma cum ulcusculis pectoris incidit, inusto verò fonticulo evasit: Vid. etiam HORSTIUS in Observ. pag. 448.

Hactenus dicta nos ducunt ad ulcera sponte enascentia, & fonticulos artificiales. Nempe non rarum est, spontè ejusmodi ulcera oriri hinc inde, speciatim in cruribus & tibiis, ubi muscoli absunt; & talia post morbos acutos supervenientia in corporibus puris, & ægrorum quorum massa sanguinea temperata est, facile curantur, contra eadem difficillimè curantur: v. g. suppono jam, duos pun gere culicem in tibia tempore æstivo, uterque locum punctum scalpit; tunc sanè alter contrahit ulcusculum, quod secundo die sanatur, alter verò inflammationem illa parte, hinc ulcus, contrahit; Ubi fundamentum hujus diversitatis non hæret in efficiente externo, scilicet culice, nec in parte affecta, sed simpliciter in succi affluentis ad partem punctam & scalptam diversitate, pro cuius conditione etiam variant. Nempe ulcera ejusmodi spontanea, præsertim tibiæ, ordinariò sequuntur corruptelam internam, & dyscrasiam succi chylosi nutritivi, ejusque vehiculi, feri puta, ad partes nerveas delati. & in partibus sanguineis quidem rarò talia ulcuscula spontè efflorescunt: sanguis enim pinguedine sua corrigit acrimonia in illius succi efficientis ulcera; contra, eadem saltem circa articulos, loca tendinosa, &c. ut plurimum efflorescunt.

Jam quæritur: in quonam hæc dyscrasia succi chylosi nutritivi, ad cutem & partes nerveas delati, consistat? Resp. Dyscrasia hæc consistit partim in ejus subtili acrimonia acido-salsa, partim in facili ad corruptelam promptitudine. Acrimonia ejus dependet ex errato digestionis primæ, facilis ad corruptionem promptitudo ab inertia fermenti sellei, non rite perficientis chylum. Nempe ratione digestionis primæ læsæ, chylus ineptus fit ad sui assimilationem, simulque is spiritum partis nutriendæ energando, hanc disponit facile ad gangrænam, quæ semper spiritum partis, sive insitum sive influum, enervatum præsupponit. Ratione verò inertie bilis, chylus acrior & acidior factus in digestionem stomachali, non sufficienter corrigitur, neque ab oleo bilis ritè imprægnatur quia bilis conditura balsamica deficiente chylus ad sui corruptelam promptus est, eamque nunc fermentalem, unde ulcus & pedes œdematosi, (Ger. die dic Ken Schenckel, nunc putredinalem, unde gangræna. Illustrant horum œdematum causam communia effata, quibus eadem à vitio hepatis deducuntur vulgò; quæ si interpretemur de bilis inertia, vero stant illa talo. In hujusmodi ergò locis facillimè degeneratus hic succus rodendo ulcus excitat. Quod verò bilis inertia hic accusanda, patet à posteriori, quia talia œdemata pedum curantur, non secus atque ipsa quoque ulcera spontanea, per

per remedia amaricantia, vulgò hepatica dicta, de quibus in cachexia, quæ præter vim deterisivam primarum viarum, bilem inertiores acuiunt, & corrigunt: Hinc concludendum est, talia exorta esse à bile inerti. In talibus ergò subjectis, ubi spontanea ulcera efflorescunt, in cura respiciendum non tam ad ipsum ulcus, quam ad fomitem potius ipsius morbosum, à quo illud fovetur: sic namque ulcera talia facile consolidantur, utut cum detrimento ægri; quod faciunt metallica absorbentia, Martialia, Saturnina, aut aliis irritis Mercurialia, quorum illa absorbendo acidum ulceris, acquirunt saporem aluminosum, ex quo firmantur pori; ut cesset affluxus uberius saniei; simili ratione, ac ipse saturnus calcinatus attractu aceti fit dulcis adstringens: sed, ut dixi, fit cum detrimento ægri coacervato enim hac ratione sero acri, mille malis ægrum mulctat.

Cæterum signat quæ vitium non esse in ulcere, sed in succo chyloso affluente, qui ulcus foveat, demonstrant, sunt duo:

(1) Si ægri cutis non bene ferre valet emplastra propter exorientes vesiculas & alia incommoda, nisi sint temperatissima ex metallis, & non glutinosa, (ut emplastrum de spermate ranarum;) secus enim in parte pustulæ, saniem plorantes, sequuntur, quod ipsum succum acidiorum in corpore sive corpus impurum & cacochymicum denotat.

(2) Si materia, quam plorant ulcera, copiosior, aquosior & acrior existat; si copiosior est, quam probabiliter pro nutrimento partis affluit; si est acris, aquosa, & consequenter ichor, non verò pus, signum est, ulcus non peccare, sed ipsos succos affluentes degenerare & corpus cacochymicum esse.

Si ergò hæc ulcera spontanea & antiqua tibiæ aut ærurum curanda sunt, ad fomitem prius respiciendum est, adeoque considerandum: *an fomes & origo hujus degenerati nutrimenti corrupti possit removeri, antequam claudantur, an non?* Si enim removeri potest vitium primarum viarum, corrigatur, & consolidetur ulcus; si verò a priori malum corrigi nequeat, periculosum est occludere ulcus tale, quia aliàs varia mala pectoris, & ordinario dyspnoea, aut asthma, hæmoptysis, item capitis nunc paralytica, apoplectica, & carotica mala &c. facile subsequuntur, quæ aperto ulcere sponte denuò cessant. Cum itaque viderent Practici, quod per hujusmodi ulcera spontanea à variis malis præcaveantur ægri, cæperunt cogitare de ulceribus artificialibus seu Fonticulis mediantibus quibus evacuarentur isti succi morbofi in corpore existentes, qui tamen à priori juvare non possunt.

Fonticuli autem, tanquam ulcuscula artificialia, excitandi non sunt, nisi (1) in affectibus illis, quorum causæ materiales à priori removeri nequeunt: ita enim v.g. dyscrasia chylosi succi & massæ sanguineæ, ob hebetatam nimis fermenta, à priori in nostro ægro corrigi & removeri non potest, adeoque fonticulus, sive naturalis sive artificialis, locum habebit. (2) Fonticuli conveniunt in affectibus non acutis; quippe in acutis, ubi fonticuli tarditatem expectare non possumus, vesicatoria sunt meliora; contra chronici sique confirmati, si à priori incurabiles sunt, fonticulos requirunt. (3) Melius conducunt fonticuli iis, qui jam increscentis sunt ætatis, quam senilis; & qui vitam desidiosam aut luxuriosam agunt, sique ob deficientem potestatem vitalem digestio prima non corrigibilis est, cum præsertim quotidie ex desidia & luxuria magis accumulentur excrementa, quam ut ea emendari queant. (4) Conveniunt fonticuli in ulceribus partium chronicis, sive ægri talibus ulceribus obnoxii sint, sive eadem metuuntur: siquidem ita v.g. LINDANUS testatur, quendam ulcere gravissimo in inguine ferè desperato laborante inunctione fonticuli in femore postmodum facile sanatum abisse. (5) Locum habent fonticuli in morbis à serosa colluvie vulgò derivatis, sive jam serum istud aut ejus contenta chylosa peccent, sive particulare partis vitium subsit in nutritione, ubi prioris exemplum habemus in nostro casu; sicut posterioris observavi in viatore, viro aliàs sano, qui tumorem circa cubitum monstrans, nil inde incommodi habebat, nisi quod ipse tumor lunæ motum, nunc increscendo nunc decrecendo, observaret, cum dolore nocturno: quod malum hariolor contraxisse illum ex partis contusione, unde quia difficulter curari potuit à priori, cum supra

cubitum fonticulum excitandum juberem, nullum dictorum malorum afflixit eundem amplius. (6) Melius etiam mulieribus conveniunt, quam maribus, iisque præsertim vel naturalem vel præternaturalem mensium defectum patientibus, quibus altero in femore inuratur fonticulus; mares enim magis sunt laboriosi, unde major per poros corporis transpiratio, quam mulieribus: interim secundario iidem quoque maribus profunt. (7) Rarò infantibus applicantur fonticuli, nisi in gravioribus malis, speciatim ophthalmia; quo tamen in casu saltem usque ad pubertatis annos permittuntur, tunc iterum occludi possunt, quo hac ratione natura adsuescat mensium effluxui; sic semen virile, vel menstruum, sponte ea mala curat. Conf. M. A. N. C. Ann. 3. Obs. 18. & Obs. 156. pag. 273. & Obs. 214. pag. 383. & 396. item Ann. 4. & 5. Obs. 117. pag. 128.

Quoad locum autem fonticulorum: consideretur is vel in genere, vel in specie. Ita in genere in legitima fonticulorum adhibitione non inconsultum est, si observentur regulæ revulsione, aversionis & derivationis, cum etiam per circulum sanguinis eo ferantur succi; interim tamen derivationibus paulatim faciendis magis, quam subitanæ evacuationi revulsoriar, fonticuli conveniunt. Loca autem specialia sunt varia, uti notum, in tibiis, scapulis, & nucha; ubi alii etiam in bregmate administrare fonticulum jubent, hæcque modus in Italia usitatus est: interim is usus mihi semper insulsus fuit; dum enim Itali ad os cranii usque cauterium adigentes, capitis affectibus consulere volunt, facile inflammationem cranii & membranarum cerebri procurare possunt; unde puto dictum locum non habere præferentiam a brachio, vel nucha, nec ibidem administrare fonticulum, ulli autor ero. Interim in cephalalgia scorbuticorum diuturnis in cranio excitati proficui quod fuerint, vid. M. A. N. C. Ann. 3. Obs. 81. pag. 138.

Quoad Prognosin hæc consideratur vel in, vel extra paroxysmum. In paroxysmo quidem periculum est, ne æger vel suffocetur, ob copiam sanguinis extravasati vel grumescens, vel syncopen incidat à nimia sanguinis evacuatione. Extra paroxysmum verò duo mala metuenda sunt: unum ratione affectus partis, quod est phthisis; cum enim id, quod peccat, vasculum quoddam pulmonum, hinc etiam horum substantiam, poterit erodere. Alterum ratione causæ antecedentis metuendum, est hydrops ascites imminens ex succorum nutrientium acrimonia, quæ certior erit, si urina minùs largè reddatur: phthiseos verò prodromus erit, si tussis extra paroxysmum quoque nimis affligerit.

Quoad Curam; hæc est vel in, vel extra paroxysmum. Cura in paroxysmo urgetur ratione affectus; extra paroxysmum ratione causæ antecedentis.

In paroxysmo ergo

1. Sanguinis excretio per os, hujusque ad præcordia impetus sistatur.
2. Si quid ejus grumosi superest circa pulmones, dissolvatur & evacuetur.

Sistunt autem sanguinem

1. Quæ motum ejus aliorum divertunt; adeoque venæsectio ratione affectus immediate urgentis erit optima, quam jubet ægri nostri vita sedentaria, & aliàs luxuriosa, quæ deficientem per poros transpirationem indicat; unde instituat venæsectio in pede seu loco remotissimo, pro revulsione, vel etiam, si volumus in loco superiore evacuare sanguinem, in brachio, præmissis tamen scarificatis cucurbitulis, in eodem loco, pro aversione particulari, seu derivatione.

2. Similiter sistunt sanguinis motum, quæ eum temperant, & moderate incrassant: unde semen hyoscyami præ aliis singulare est specificum ad hæmoptysin: hinc notum est, electuarium Helidæi Paduani, cujus basis est semen hyoscyami: nec non tinctura sulphuris vitrioli, quæ si cum tinctura lapidis hæmatitis miscetur: se præcipitant, adeoque non satis adstringent. Cæterum sperniola Crollii ectæ ad ʒj. non verò ad grana aliquot, præscribitur, cum tunc ea ad drachm. ss. exhiberi queat. Sanguis draconis nil valet, loco autem sanguinis draconis, ut plurimum sporii, & sanguine hircino vel alius domestici animalis adulterati, fumatur terra sigillata, aut rubrica fabrilis. Aliàs ad quaslibet hæmorrhagias sistendas commendatur quidem bufo: interim distinctio hæc ratione causarum facienda, siquidem bufo magis confert.

fert in casibus, quando ex anastomosi, ex solo impetu sanguinis, ejusque turgescencia & ebullitione febrili, ex supposita juxta HELMONTIUM archei incandescencia & furore, sputa hæc oriuntur, præsertim ex causa maligna, adeoque etiam in febrium malignarum hæmorrhagiis: æst in casu, ubi solutio continui, ex erosione vasculorum, qualis in nostro casu præsens quoque est, vel læsionibus ab extrâ, transsoffo thorace, minus valet. Quin potius hic egregium effectum præstabit centinodium seu polygonum simplex, ubique obvium, sed perquam nobile; quippe recens aquæ ferventi infusum & ebullitum, & sub axillis alligatum, mira facit: potioris erit effectus, si recens contundatur, aceto vini adspersatur, axillisque applicetur, nam & hac ratione stringitur effluxus sanguinis: vid. SIMON PAULI in *Quadrip. Botan.*, qui laudat succum centinodii cum vino ad vomitum cruentum, seu euporiston: vid. etiam WEDELIUS de hoc, qui refert, mulierem plebejam hæmorrhoidum fluxu laborantem beneficio centinodii, axillis subligati, se curasse. Egregius quoque est hoc in casu pulvis sympatheticus, quem expertum olim D. MICHAELIS in M. *Schereibero*, *Actuario* hujus loci, testatus est; quippe hunc hæmoptoicum simpliciter beneficio hujus pulveris curavit, jubendo, ut æger sputum cruore tinctum eidem immitteret, utut tandem phthisi superveniente, ex relicto sanguine grumoso, interiret.

Pro *secunda intentione*, nempe ad sanguinis grumos relictos solvendo, sperma ceti, lapilli cancerorum, trochisci de carabe, item de terra sigillata, radix rubiæ tinctorum, & ex ea paratum Crapp. &c. optime conveniunt.

Extra paroxysmum autem causæ antecedentes sunt removendæ, ut harum tollatur impetus & efficacia, ne ex denuo sputum inferre queant. Dictum fuit, mutatum vitæ genus & coacervationem succorum acidofalinorum crudorum intulisse erosionem, & sic hæmoptysin.

1. Ergo vitia succi chylosi & feri acrioris & asperioris fallo-acidi corrigenda, & eorum ulterior collectio præcavenda.
2. Ea collecta maturè evacuanda.
3. Læsiõ hæctenus pulmonibus inducta in tempore consolidanda.

Adeoque ratione *primæ Indicationis* imprimis necesse est, ut præter dietam moderatam, & quantum possibile, corporis exercitium medicamenta amaricantia, digestionem primam promoventia, & bilis balsamum acuentia, hincque lac & lacticia, crebrius usurpetur, quæ optime conveniunt; quæ lacticia eò magis urgenda sunt, quò magis acrimonia succorum urget. Lac autem esto vel caprillum, vel bubulum: quod eò melius erit, si antea simplicia vulneraria huic incoquantur, ut duplici scopo satisfiat. Vitentur acria, falla, vinum, incandescencia.

Secundo scopo nempe collectorum recrementorum maturæ ævacuationi, tam per sudorem, quam per urinam, satisfacit auctus corporis motus, insensibilem transpirationem insigniter promovens; qui tamen, si non respondeat voto, ad fonticulum, seu ulcer artificiale, naturali priori analogum, fiat accessus. Quæritur autem, *ubi fonticulus sit aperiendus? an in pede sanato & affecto? an verò in sano?* Respondeo in pede sanato excitandum esse: persuadet hoc, quod motus naturæ jam eò vergat, aut quoque quod pes sanatus ex ulcerelantea manante non ad affectionem leucophlegmatiam inclinet, sed adhuc plus minus similis sano sit: si verò ex antea manante ulcere ad leucophlegmatiam iste pes inclinet, aut spiritus pedis affecti insitus enervatus sit, adeoque pes mollior, magis albicans, flacidior, &c. inde factus, aut rubeat; hinc, ne inulto fonticulo is ad gangrænam disponatur, vel magis minusque pes affligatur, & ad œdematosam constitutionem perducatur, tali in casu melius est in pede opposito & sano fonticulum excitare.

Tandem tertiò læsioni pulmonum ex erosione consolidandæ profunt vulneraria nota; inter quæ nobilissimum est cherefolium, & hederæ terrestris, in qua habetur, quicquid desideratur ratione pulmonum, in decocto cum cerevisia, vel in conserva, vel in succo propinata, pro scopo expectorandi, nec non erosione & continui solutione consolidanda & curanda.

Occasione porro tincturæ bellidis notetur; bellidem esse

Estmuller. Oper. Tom. I.

se nobile vulnerarium & diureticum, tam in decocto, quam succo expresso, pro scopo dissolvendi grumos sanguinis, & ad vias urinarias eum deducendi; atque hinc etiam ruptis, & ab alto devolutis, item asthmaticis ex subitanea coagulatione sanguinis, laudari. Verum attendatur jam; *quid eius tinctura præstet?* Etenim dum phlegma vitrioli floribus dictis affanditur, quæritur; *cuius vi tinctura illa operatur? an ratione bellidis?* quod vix concedere possum: quid enim tantillus ejus color, beneficio spiritus vitrioli, qui adhuc in phlegmate est, extractus, & ad guttas 40. exhibitus, præstare in hoc casu poterit? quin potius vix tinctura illa hic locum habebit, ex eo, quod vitriolum pulmonibus sit inimicum. Interim tinctura allegata in isto sputo cruento, & hæmorrhagiis aliis, locum habebit, quæ ab orgasmo vel motu nimio massæ sanguineæ dependent; quippe has optime vitriolacea sistunt; unde etiam PETRUS CASTELLUS, oleum vitrioli in aqua urticæ, ad sputum sanguineum aliasque hæmorrhagias ex tali causa enatas, laudat. Ex quibus patet: ejusmodi tincturas vegetabilium, cum phlegmate vel spiritu vitrioli paratas, qualis est etiam florum aquilegiæ, pœoniæ, &c. non operari ratione simplicium, extractorum, sed ratione menstruorum.

Quoad succum portulacæ: observetur, eum recenter expressum esse herbacei & nauseosi saporis; unde hujus loco sumatur acetum cum lapillis cancerorum; hæc enim ambo solvendo se, abeunt in saporem tertium, ferè urinosum, & optime propinantur hoc in casu, tanquam egregium vulnerarium, diureticum; & sanguinis dissolutivum.

Formula Dn. Resolventis pro excitando blando sudore concinnius & elegantiùs sequenti modo præscribitur:

24. Aqua Cherefol.

Scabios. ana ℥iſſ.

El. diascord. Frac. ℥iſſ.

Terræ sigillat.

Ëbor. sine igne ana ℥ſſ.

Syrup. de ros. sic. parum.

M. f. Potio.

Similis huic casus occurrit mihi alius in Praxi: Nempe mulier floridæ ætatis, hilaris, & perquam vegeta, gracilis quidem, sed cujus vasa sanguine turgescabant, ipsaque septima vice gravida, cum ante 4. vel 5. menses æstas squalida, ex cursu & motu in horto, in sputum cruentum incidisset, brevi cessans, in ultimo gestationis mense denuo incidit in sputum cruentum de improvviso; ita ut vesperi, præcedente tussicula sicca, sæpius fauces vellicante, eiceret, cum præcordiorum angustia & respirationis difficultate, sanguinem copiosum, floridum, spumosum, ad dimidiam mensuram una vice: quo copiosius reiecto, cessante tussi, ipsa denuo quieta, sed debili ata, reddebatur, & suaviter dormiebat. Altero mane vocabatur Medicus ordinarius, cui hæc enarravit, simulque quoties fortiori screatu aliquid muci ex faucibus & aspera arteria eliceret, hoc cruore tinctum exhibuit. Consilium & auxilium flagitat. Medicus hic, præter pulveres confortantes ratione fœtus, ordinavit cucurbitulas scarificatas, applicandas scapulis & brachiis pro averfione sanguinis. Sed ego altero mane vocatus, & accedens, consilium non approbavi: Ut enim venæsectionem urgerem, cum juvenis, gulosa, activa, & vasis turgentibus esset prædita, metus tamen incurrebat, an cucurbitulæ illæ aut multum evacuassent aut parum? si hoc, periculum supervenisset, ne conciliato ad pectus sanguinis motu, beneficio scarificationis non satis evacuati, exasperatum fuisset sputum cruentum, si verò multum sanguinis eductum, tunc maiori impetu ad superiora loca concitato metuendum foret, ne circa vesperam major hæmoptysis recurreret, quod etiam factum fuit: unde altero die pro magis præsentaneo remedio averfionis, injunxi venæsectionem in brachio instituentem ad ℥iſſ. vel ℥v. simul ordinando sequentem Mixturam:

24. Aqua Plantag.

Portulac. ana ℥i.

Acet. vini ℥iſſ.

Corall. rub. præp. ℥i.

Terræ sigill. ℥ſſ.

Syr. Papav. err. ℥ſſ.

M. pro 2. dosibus.

℥iſſ.

Dehinc.

Dehinc ægra interdiu nullum sanguinem rejecit, sed subinde screavit saltem, & quoties screabat, toties sputum cruentum rejecit, ex capite asperæ arteriæ saltem derivatum. Ex quo patet, læsionem non fuisse in pulmonibus; nam levi screatu ex pulmonibus non potuisset rejici sanguis, quin potius vasculum arteriosum in capite asperæ arteriæ læsum esse, quod continuo destillando in pulmonibus sanguinem coacervavit, sicque vesperi sanguis copiosius eliminabatur. Sed vesperi eadem redibant symptomata, & recurrebat copiosum simili modo cruoris sputum, quo ægra delassabatur, sætu se fortius movente; hinc adstantes anxii reddebantur. Prohibebam vinum Rhenanum aliaque acidula, sed imperando dulcia, & quietem corporis animique, præscripsi:

℞. Conf. hed. terr.

Ros. rubr.

Herb. costæ ana ℥vi.

Lap. hæmat. præp. ℥ii.

Corall. rubr. præp. ℥i.

Terræ sigillat. ℥ii.

Cum s. q. syr. Papav. alb. f. Electuarium.

Cæterum libenter ordinassem trochiscos de Carabe; sed quoniam hi recipiunt opium crudum, quod periculosum est sætui, hinc omisi illos, substituendo interim syrupum papaveris albi tanquam mitius opiatum. Hoc electuarium quotidie sæpius sumsit, idque cum euphoria. Medicus adjunctus alter successivè deglutiendum jussit, quod consilium mirabar; utut enim paradoxon videatur, aliquid asperam arteriam transire, tamen si transiret, irritando majus periculum faceret, pulveribus asperiusculis hinc inde titillationis sensum excitantibus, & tussim siccam facientibus; unde potius dosin electuarii præscripti una vice deglutiendum, quam lambendum luasi, nec sine effectu.

Ulcera crurum cacoethea & antiqua spontanea, nunc sunt manantia, nunc simul sordida & profundiora: hæc enim præter saniem, quam plorant, simul sordes etiam in ulcere profundius habent reconditas, & idèò curatu sunt satis ardua; illa verò saltem sunt superficialia. In genere hæc ulcera respuunt emplastra, quia exasperantur, sed requirunt saltem metallica absorbentia, sine morfu exsiccantia, quæ absorbent, acidum, hinc eo absorpto texturam adstringentem aluminosam acquirunt, hinc fibræ & nervi stringuntur, & sic ulcera curantur. Talia sunt aristolochia rotunda, minium, &c. Interim hic excellit crocus martis per præcipitationem, scilicet:

℞. Vitriolum Martis;

Solvatur in aqua, præcipitetur

cum alcali, & præcipitatum edulcoretur;

Sic habetur pulvis subflavus.

Hic aspersus his ulceribus manantibus, eadem optimè, citò, ac tutò consolidat, sine emplastro & ulla molestia.

Si verò ulcus est sordidum, huic croco Martis præmittatur unguentum digestivum (Grem. das Eyter-Salben) ex cerebinthina & vitello ovi; cui tamen addatur, & vel simul parum de myrrha, vel extracto aristolochiæ rotundæ; post hic crocus martis inspergatur sine emplastro. Interim tamen per talia crura ulcerata lubinde detrimentum patiuntur spiritus insiti, unde facile ad cedemata vel gangrænam inclinant; Ut ergo his occurratur, externe fiat litus cum spiritu vini camphorato, etiam si interdum inflammatio erysipelacea imminet; nam etiam ipsi erysipelati medetur vel solus hic spiritus vini camphoratus, vel cum essentia croci adhibitus.

Interne verò, cum agnoscat fomitem altius radicatam, simul conveniunt amara balsamica, speciatim mirrhata, aristolochia & similia, crebrius & diutius usurpata. Si hæc non sufficiant, pro fonte ulcerum exsiccando, aliis irritis optima sunt decocta lignorum, per sudorem corpora exsiccantia, cum rasura ligni juniperi & ejus baccis: quod si nec his cedat, optimum est, ut (ad pedes edematofos) modò viscerum tonus constet, in talibus ægris robustioribus instituat salivatio Mercurialis, quæ suum officium optimè præstabit, cujus medio etiam pessima ulcera sponte consolidantur.

ALIA RESOLUTIO INCERTI AUTORIS,

Communicata à

B. DN. D. GROELMANNO

Physico Torgaviensi.

à

B. DN. PRÆSIDE

correcta

Anno 1681.

AFFECTUS.

Affectum præsentem, Hemoptysin esse, satis constat.

PARS AFFECTA.

Et licet hoc ipso Pars quoque affecta innotescat, quod scilicet hemoptysis strictè sic dicta, rejectionem sanguinis ex pulmonibus tantum denotet: ulterius tamen eandem hic manifestant, tum modus sanguinem rejiciendi, qui etiam cum levicula tussi, difficiliore anhelitu, atque per intervalla; tum sanguis ipse rejectus, qui est copiosus, floridus, & nonnihil spumofus: quæ omnia ex pulmonibus eum esse, luculenter docent. Adeoque hi ipsi subjectum in hæsiōis in præsentī affectu dicendi sunt; in specie vascula eorum arteriosa, attestante in primis floridiore sanguinis colore, qui obscurus magis est, ubi ex venis prodiit.

CAUSA.

Non verò anastomosi quadam hæc aperiri, sed erosionem potius quandam pati, ulceris illius, quod eger in tibia habuit, oclusio suadere videtur. Etenim hæc causæ remotæ rationem hic habet, quateus hoc ipso, quæ antea extra corpus eliminabatur lymphæ acrior, post consolidatum ulcus in massam sanguineam regurgitavit, & mediante circulo hujus in pulmones delata, vascula hujus arteriosa plus minus arrosit. Unde simul constat, causam proximam hic aliam subesse nullam, nisi hanc ipsam lymphæ seu feri, per ulcus antea evacuari soliti, acrimoniam acido-salsam; quæ uti in tibia & vellicavit partium molliorum fibrillas nerveas & erodit, (unde etiam ulcus, & vicinorum locorum insignis pruritus); ita ad pulmones deposita, de facili quoque vascula in his quædam sanguinea arrodere potuit. Licet enim partes quoque alias solidas, mediante circulari massæ sanguineæ motu alluerit, in pulmonibus tamen solis spicula sua exseruit, quatenus isti, & ob teneriorem atque molliorem sui texturam, & frequentes, quas ab externo aere patiuntur, injurias, morbosos characteres præ partibus atque visceribus aliis facilius sibi imprimi patiuntur.

SYMPTOMATUM CUM CAUSIS CONNEXIO.

Postquam ergo ex erosione sic pulmonum arteriolis sanguis hinc atque inde copiosius in eorum deponitur substantiam, difficiliorem prius anhelitum eger noster necessario experitur, quod ob repletas hac ratione plures à sanguine cavernulas, pulmones ab aere explicari sufficienter nequeant. Quin tussis quoque levicula saltem præcedat necesse est, ob irritatam asperæ arteriæ, ejusque ramulorum, membranam interiorem, ab eodem sanguine; unde etiam thorax per consensum in motum ejusmodi expiratorum, convulsivum plus minus, assurgit.

PROGNOSIS.

Patet hinc simul, non negligendam hanc esse sanguinis rejectionem in ægro nostro, quod extravasatus sic in pulmonibus sanguis coagulari, atque spiritibus volatilibus balsamicis exhalantibus, corrumpi facile possit. Unde emergente mox corruptionis hujus individuo comite, acore, teneræ pulmonum fibræ eroduntur, atque eodem cum sale sanguinis volatili, in sal salum tertium seu pus coeunte, ulterius corrumpuntur, atque ita perfecta tandem phthisis in ægro nostro metuenda erit.

CURATIO.

In Curatione igitur, & quidem paroxysmi tempore, sanguinis fluxus sistendus erit.

Extra paroxysmum.

1. Si qui relictæ sunt in pulmonibus grumi, hi resolvendi.
2. Pulmonibus vulneratis & balsamicis prospiciendum; &
3. Sanguinis dyscrasia evacuanda.

Pro fluxu sanguinis sistendo, si hic nimis confertim fiat, venæsectio in brachio revulsoria locum habebit. Internè conducunt, ratione sanguinis quidem fluentis, Martialia, & alia vitiosam ejusdem acrimoniam & aciditatem absorbentia; ratione autem ylarum, per quas fluit, blandè adstringentia.

Hinc

℞. *Aque Plantag.*
Fol. *Querc.* ana ℥i℥.
Lap. *hamat. præp.* ℥ss.
Extr. *torment.* gr. xv. ad ℥i.
Laud. *opiat.* gr. iiii.
Syr. *de ros. sic.* ℥vi.
M. f. *Mistura*,
cochlearum sumenda.
Vel

℞. *Aque bursæpast.*
Portulac. ana ℥i℥.
Acet. *vini* ℥vi.
Terra *sigill.* ℥i.
Lap. *Cancr. præp.* ℥ii.
Syr. *de symph. Fern.* ℥ss.
M. f. *Mistura*.

De qua itidem cochleare j. per intervalla assumi poterit
Item

℞. *Aque bursæpast.*
Portulac. ana ℥i℥.
Cinnam. ℥iii.
Acet. *destill.* ℥vi.
Corall. *rubr. præp.*
Terra *sigill.* ana ℥ss.
Lapill. *Cancr. præp.* gr. xv.
Laud. *opiat.* gr. iiii.
Syr. *de symph. Fern.* ℥ss.
M. f. *Potio*.

His si sedetur sanguis rejectio, pro grumis ejusdissolvendis conferet sperma ceti ad ℥ss. in vehiculo calido assumptum, vel lapillorum cancrorum ℥ss. in cochleari aceti destillati.

Pro pulmonum verò noxa restituenda.

℞. *Rad. Tormentill.* ℥i.
Herb. *scabios.*
Hed. *terr.* ana M. i℥.
Sem. *Anisi* ℥ss.

Coqu. in f. q. *Aque comm. & Cerevis.* ana part. æqual.
Colaturæ f. i.

adde
Syr. *de symph. Fern.*
Heder. *terr.* ana ℥ss.
M. D. & pro lubitu sumatur.

Pro præcavenda tandem crebriori mali hujus recidiva, optimum videtur, si fonticulus loco ulceris proximo, ad renovandum naturæ motum, & ita in præsentī casu, in crure antea ulcerato, mox infra genua inuratur, ut quæ antea per ulcus spontaneum, evacuabatur lymphæ acrior, nunc per ulcus simile artificiale eliminetur, pulmonesque ab insultu ejus præserventur.

Deus interim faxit, cedant omnia feliciter.

Estmüller. Oper. Tom. I.

CASUS XLIV.

NEPHRITIS.

Mulier juvenula, vinipotui dedita, post levem horripilationem, corripitur crebris vomitibus materie variæ, quibus superveniunt tormina abdominis vaga, cum alvi occlusionē, incalcescit sub vespere: cœna parca per vomitum rejecta, nox inquieta, cum subreptantibus levibus passionibus hystericis, & præcordiorum vagis anxietatibus, quæ omnia matutino insequente tempore ita exasperantur, ut vix lecto exsurgere audeat. Adsumt dolores lancinantes & stimulantē circa regionem pubis, urinam excernit crebrius, sed parcius, naturaliter quidem constitutam, minus tamen, quam solebat, temperatam; sed à meridie eadem intensè & obscurè tinctæ, sanguine quasi imprægnata, observatur. Crebrior simul urget, frustraneus licet, alvum excernendi conatus. Adsumt dolores dorsi & lumborum, partim acuti terebrantes, partim obtusi gravantes & contundentes, quos sensibiliores percipit sub aliquali corporis agitatione, aut quando se erigere nititur. Intra tres vel quatuor dies, menstruam expectat purgationem. Consilia sunt varia pro cura. Propinant quædam mulierculæ aquam hircinam cum castoreo, quam per vomitum mox reiecit, à meridie pedetentim symptomata remittunt, & mitiora fiunt, nox insequens mediocris, sed circa meridiem omnia exasperari incipiunt, iisdem modis, atque pridie factum fuerat. Consultitur Medicus, qui accedens, pulsum in omnibus moderatum, celerem tamen & durum, observat. Curam instituere debet.

RESOLUTIO

DN. NICOLAI KASTNERII,

ALTENBURGENSIS,

Cum speciali Discursu & Annotatis

B. DN. PRÆSIDIS,

Censuræ & emendationi subiecta

Anno 1676.

AFFECTUS

Quanquam varia maximèque urgentia symptomata in præsentī casu occurrant, existimo tamen, omnia unice pendere à Nephritide calculosa, quæ primarius videtur esse affectus, & à qua, tanquam a sua causa, omnia symptomata seu effectus originem ducunt.

PARS AFFECTA.

Pars affecta sunt Renes. Dico Renes; quia nullum in casu extat signum, ex quo colligere possim, unum saltem esse affectum.

CAUSÆ.

Causa proxima est irritatio & vellicatio membranarum renalium, orta à calculo in pelvi renum herente, à qua irritatione spiritus impetum facientes in motu suo ordinario confunduntur, & ad præternaturalem concitantur, à quorum præternaturali motu omnes postea oriuntur dolores & effectus spasmodici.

De modo autem generandi calculi impresentiarum nil dicam, sed eum ex Physiologia præsuppono, quatenus nempe acidum vinosum & peregrinum in ventriculo & primis viis non correctum, sub urina potus ad renes deferatur, ubi eorum fermentum peculiare corrumpit, & ad corruptionem putredinalem disponit: hoc factò acidum hoc peregrinum occultum urine acidum imbibit, & sale urine volatili in concretum quoddam tertium abit. Tale ergò concretum etiam in nostra ægra adest, cujus tamen magnitudinem & numerum

exacte determinare haud valeo. Si tamen conjecturis insistere licet, non adeo magnum esse exinde concludo, quia dolores adsunt acuti, & à levi corporis agitatione sensibiliores redduntur; nam minutulus aliquis calculus facilius movetur, quam grandior factus. Calculus jam hic dum movetur, (quamdiu enim immobilis & quietus est, nullam infert molestiam, neque ejus praesentiam novimus,) acutis suis angulis in membranam renum impingit, unde spiritus irritantur, qui irritati dolorem obtuse gravantem & obundantem inferunt, quia renes sensu minus acuto sunt praediti, propter nervos exiles, & abstrusum reconditumque situm. Notabile autem est, quod agra nostra symptomata urgentia proferat, antequam percipiat calculi molestiam; quod exinde factum fuisse puto, quatenus agra nostra renes dolores praereliquis maxime urgentibus doloribus non attenderit, vel quatenus acidum vini in stomacho non correctum ejus membranas fibrosas vellicaverit, & imprimis pylorum, & in duodeno bilem subigen s febriculam quasitertianam, & ulterius ad intestina tenuia progrediens, eaque vellicans, dolores torminosos, &c. intulit: cui tandem succurrit vellicatio membranarum renalium. Nam in mentem nobis hic revocandus est modus ille explicandi hos dolores, nempe consensus partium, qui maxime hic urgetur. Nam renes partim nervum quandam à stomachico, qui in propriam membranam distribuitur, partim à plexu mesenterico accipiunt quosdam, qui in totam renum substantiam disperguntur; ab eodem plexu etiam intestina suos accipiunt nervos; ipse autem plexus oritur à sexto nervorum pari, stomachus etiam suos nervos habet, ut & vesica urinaria; de quibus vid. apud BARTHOLINUM.

SYMPTOMATUM EXPLICATIONIO.

His itaque notis, omnium symptomatum explicatio erit facillima: Dum enim calculus, uti dixi in renibus motus, acutis suis angulis membranam renum vellicat, quae convulsa per consensum irritat stomachum, & imprimis ejus pylorum, unde supervenit vomitus, angustiae praecordiorum, nox inquieta, & passiones hystericae; quae omnia plus minus augentur ab affecto mesenterii plexu, unde etiam superveniunt dolores intestinorum, qui nil sunt aliud, quam spasmi intestinorum. Idem spasmi ulterius ad regionem pubis extendentes per connexionem nervorum, irritant vesicæ urinariae membranam fibrosam, & ejus muscolum seu sphincterem, unde oriuntur dolores lacinantes & stimulant; hinc dum fibrae constringuntur, cavitas vesicæ angustatur, & urina excernitur, quam excretionem mox impedit ejus sphincter irritatus & contractus, quod toties fit, quoties hæ partes irritantur; hinc urina crebrius, sed parcius excernitur. Ab harum partium irritatione propter contiguitatem irritatur magis intestinum rectum jam irritatum, & imprimis ejus sphincter, à cujus vellicatione oritur symptoma illud, Tenesmus dictum. Idem calculus in renibus hærens, dum ad ureteres movetur, corpus illud maxime sensibile pungit, tunc acutissimi terebrantes dolores oriuntur in lumbis & dorso, quatenus nervi per consensum irritati se contrahunt, & contracti ita tenentur: unde est, quod agra nostra se erigere nequeat, quia, dum se erigere conatur, nervi contracti distenduntur, hinc dolores augentur. Quod autem symptomata hæc nunc remittant, nunc redeant, id à motu & quiete calculi esse derivandum existimo. Ultimo denique loco quadam de pulsu duro essent dicenda: quia autem sepius hujus in Collegio hocce fuit facta mentio, eo jam supersedebo.

Causa remota est acidum vini crebrius & copiosius assumptum, quod in stomacho & primis viis non fuit correctum, sed sub urina potius ad renes delatum, eorum fermentum destruxit, & materiam calculo generando suppeditavit. Nec sicco pede praterireunda est mensium instantia; quin potius dicendum, eos maxime hos dolores, imprimis circa pubem, adauxisse, cum notum sit, quod difficultas mensium eosdem ferè dolores inferre soleat. Nec improbabile videtur, mulierem nostram fuisse nonnihil scorbuticam, unde de facili hi dolores exasperari potuerunt.

PROGNOSIS.

Licet autem affectus praesens satis sit dolorosus & periculosus, non solum propter gravia symptomata urgentia, sed etiam propter metum epilepsiae lethalis, vel exulcerationis &

inflammationis renum: de eius tamen cura non planè desperarem. quia mulier est juvenula, & adhuc viribus praedita, & symptomata adhuc sunt toleranda circa praecordia: imò, quod potissimum est, non est gravida: ut nihil dicam, quod sit femina, in qua facilius calculus excernitur, quam in viro.

C U R A.

Proinde ad Curam nos accingamus, in qua duplex tempus est observandum: nempe tempus in paroxysmo, & tempus extra paroxysmum.

In illo hæ Indicationes sunt observandae.

1. Spasmi, & hinc orta symptomata, sunt tollenda.
2. His sedatis calculus eiiciendus vel comminuendus.

Extra paroxysmum verò

1. Calculo semel remoto opera detur, ne denuò renascatur.
2. Si calculus removeri nequit, dolores saltem ante paroxysmum praecaveamus.

In paroxysmo jam, ut priori scopo satisfaciamus, prius dicendum: quod vomitoria nullum hic habeant locum, neque Purgantia proprie sic dicta, cum hac magis crabrones irritent.

Quid ergo agendum? alvus enim clausa ante omnia est aperienda, alias dolores sisti nequeunt; si jam purgans per os administro, per vomitum rejicietur. si clyisma adhibere volo, metus est, quod non admittatur, vel si admittatur, ne majores excitet dolores. Profecto in bivio sto, nescius, quid agam? sed si periculum est faciendum, suaderem clysmata, non quidem acris, sed temperata, & ex terebinteina, vel ex lacte, vel sola urina humana: v.g.

℞. Flor. Chamom. Rom. M. iiii.
Coqu. in s. q. urinae humanæ.
Colatura adde
Terebinth. in vitell. ovi dissol. ℥ii.
Syr. Papav. alb. ℥i.
M. f. Clyisma,

Vel recipiatur lac, in quo semen dauci est incoctum, cui mel rosatum addatur, vel sola urina humana iniiciatur.

Sin agra minus clyisma adhibere vellet, sed potius per os assumere cuperet, tunc prius sistendus esset vomitus, quod facit sæpe laudata mistura.

℞. Aquæ Menthae ℥ii.
Succ. Cydonior. ℥i.
Aquæ Cinnam. ℥vi.
Spiritus vitrioli gutt. vi.
Ol. Cinnam. (si ferre potest) gutt. vi.
Laud. opiat. gr. iiii.
M. f. Mistura,

Quam agra capiat.

Studiosè addidi opium; quia in talibus casibus lenit spasmum, & dolorem sistit, & non immerito in tali puncto primum ducit; hinc non sine iudicio dixit SÆLVIVS: se malle carere Praxi, quam opio correcto.

Vomitum jam sedato adhiberem blandum laxans v. gr.

℞. Decoct. passul. ℥ss.
Auri fulmin. gr. ii.
Misc.

Capiat agra. Vel usurpet vinum passulatum Timæi à GuldenKlee.

Aperta jam alvo.

℞. Aquæ fumar.
Matricar. ana ℥i.
Cinnab. antimonii ℥ss.
Laud. hyst. gr. vi.
Syr. corr. aurant. ℥i.
M. f. Potio. S.
Potio dolores sedans.

Vel in forma pulveris.

℞. Cinnabar. antimonii ℥ss. vel Specif. cephal. gr. xv.

Sal. vol. succini ℥ss.
Lad. opiat. gr. iß.
M. f. Pulvis.

Si agra minus per os assumere vellet, tunc balnea vel infusum cum herbis emollientibus & dolorem sistentibus essent institnenda, ut hoc modo alvus aperiiri posset.

De venesectione quaeritur, an hic conveniat? Affirmo, si in brachio instituat propter instantes menses, ne major fluxus fiat ad loca inferiora, & dolores magis augeantur.

Externe illinatur regio lumbaris secundum ductum ureterum oleo destillato succini & spicae, vel solum, vel cum corpore probalissimo; vel galbaneto Paracelsi, desuper imponatur later, vel sacculus calefactus.

Quod attinet secundum scopum: hoc faciunt diuretica ortiora, v. gr. tinctura nephritica Ammelungii, de qua omni mane guttulas 25. vel 30. in vehiculo appropriato assumat; vel liquor nephriticus Michaelis, vel Mynsichti, vel spiritus nitri; vel lumbici, terebinthina, juniperus; vel liquor betulae, succus rapanorum, item electuarium lapathi, &c. quae omnia in vehiculo appropriato & diluta dosi assumi possunt. Sin vero amat pulveres, sumat ℥i. seminis dauci vel hyperici cum rob sambuci vel juniperi, vel ℥ss. testarum ovorum & lapidum percarum, eodem modo usurpatam. Sin expelli nequeat, quod tamen non spero, quia non videtur esse magnus, comminatur, quod imprimis facient in nostro casu remedia tartarea, verbigratia spiritus rectificatus tartari, sal volatile ejus, item sal fimi columbini, &c. Arcana lithontripticorum, de quibus tamen multi dubitant, adducere non possum; quia nullum possideo.

Extra paroxysmum ut primo scopo succurramus, optimum erit, ut agra nostra à potu vini abstineat, quam tamen conditionem difficulter inibit, quin potius dicet: Volo bibere ad libitum, & pati quantum possum. Sin hoc itaque impetrare non possumus, ei commendamus tincturam nephriticam, quam singulis septimanis bis vel ter dicto modo usurpet, quae vel sola huic scopo satisfaciet; vel succum betulae: In forma pulveris assumat borracem, vel pulverem seminum diureticorum, eodem modo, uti supra fuit monitum.

Secundum scopum obtinemus, si alvum servamus aper- tam, & agra nostra vino valedicat, vel bibat vinum dulce, nec nimis semoveat.

Externe pro libitu usurpare potest supra dicta olea; vel arangiam cati sylvestris.

DISCURSUS & ANNOTATA SPECIALIA

B. DN. P R A E S I D I S.

Affectus est nephriticus, ubi voce nephritidis in genere intelligitur affectus renum dolorosus κατ' ἐξ ὅχλῳ, licet de renum inflammatione ea praedicetur, non secus ac pleuritis, itemque hepatitis, accipi pro inflammationibus harum partium solent.

Cæterum datur Nephritis nunc calculosa à calculo, nunc salina, alias notha, ut plurimum scorbutica, in qua salia corrosiva circa renes coacervata, rodendo & lancinando partes ipsorum membranas nerveas, pathemata calculosis familiaria, exactè inferunt, quasi calculus adesset, ita ut etiam quandoque urina supprimatur, absque ulla licet calculi praesentia, saltem propter spasmum dictarum viarum; uti ante annum observavi in viro, simili nephritide correpto, qui dolores gravissimos in lumborum regione cum vomitibus continuis, anxietatibus praecordiorum, colica, urina suppressa, &c. patiebatur, sine ullo tamen calculi vestigio; quam nephritidem ex iracundia, tanquam causa remota, contraxerat; ipse æger alias scorbuticus erat. Similes nephritides non sunt raræ, ac vid. de his DRAWIZIUS *Artic. De Doloribus scorbutico nephriticis*. Porro observantur etiam Nephritides ulcerosæ, ubi nempe dolores continui lumborum saltem ex abscessu renum affligunt, quale exemplum habet BARBETTE in *Praxi*, allegans nephriticum, in quo alter ren consumptus fuit inventus. Sic etiam non raro gonorrhœa virulenta confirmata laborantes tali nephritide notha cum ardore in lumbis laborant, ut nec incumbere dicto loco, nec bene erecti incedere queant, & tales optime curantur per saturnina, ut tincturam antiphthysicam, & saccharum Saturni: quemadmodum etiam sine his causis FORESTUS lib. 24. *Observat.* 1. tantum renum dolorem observavit, ut syncope superveniret, curatum per decoctum chamomillæ vulgaris in cerevisia factum.

Pars affecta sunt renes: indeterminabile tamen, uter ren affligatur? & an alter? an uterque? Nempe primario afficiuntur membrana internæ spissiores, nempe pelvis &

Ettmulleri Oper. Tom. 1.

ejustubulorum; hinc per consensum ureteres: est enim horum continuus tractus, unde communia patiuntur symptomata.

Interim de calculo praesenti in ægra nostra certi planè non sumus, nec adjuncta symptomata certificant, dolorem esse à calculo; sed saltem est probabilis conjectura: quippe potest affligere dolor talis ex abscessu renum, item ex sale scorbutico; non secus ac quoque ex ipso calculo: Unde cum ferè omnes hi dolores quoad curam coincidunt, ponamus, esse à calculo dolorem, cujus ille frequentissima causa esse solet; non tamen videtur magnus, quia dolor est acutus & sæpius recurrens: nam magni calculi continuum obtusumque dolorem durantem inferunt; contra qui parvi, sæpius recurrentem quidem, at atrocior, & maxima symptomata, quia quandoque angulum acutum, & cuspidem gerunt. Sic memini calculos vidisse minutos quidem, graviter tamen affligentes, idque saltem ex eo, quod habuerint ad latera cuspidem, crudelissima illa symptomata causantem. In nostra ægra duplex dolor se offert: calculosus proprius ordinarius obtundens, aut obscure gravans; & extraordinarius, acutè terebrans: quorum ille est a renibus, horum nempe membranarum firmiore & densiore textura, quia minus acuti sensus est. Nervi enim & spiritus animales influi per se indeterminati sunt ad sensum vel acutum vel obtusum praestandum, adeoque saltem instrumenti proximi, membranae, culpa est; tenuis & subtilis enim membrana sensissima est, v. g. in oculis; e contra densa, rigida aut firmior, minus est sensibilis, quia non facile mobilis: unde cum renum membrana minus sensibilis sit, adeoque minus mobilis ab objecto, hinc dolor obtusus ille: acutus aut terebrans si adfuerit, talis suspicionem praebet calculi acuti & angulosi, ratione cujus partim scindit, partim pungit; qui quandoque mistum cruentum inducit, ex vasis nempe capillaribus læsis, scindendo nempe & pun- gendo membranas & vasa capillaria.

Porro nephritici, antequam dolores sensiles in lumbis percipiant, per unum vel duos dies symptomata varia, tormina colica, vomitus, nauseam, &c. ex renibus affectis patiuntur, quod sæpius observavi. Interim tamen etiam omnia hæc symptomata, sensilem in lumbis vellitionem antecedentia, sunt reverà ex calculo; quæ ipsa tamen nunc immediate junguntur cum dolorosis symptomatis in renibus; nunc praecedunt illa, idque tunc imprimis, quando calculus vellicat quidem renes, dolor tamen ex vellicatione natus nobis non est sensibilis: spasmus & vomitus adesse possunt; donec procedat eò usque, ut etiam dolores graviores & molestia superveniant. Unde cauti simus hoc in passu in diagnosi; non enim valet hoc: *Potest se incurvare*; ergo non laborat nephritide. Non negamus tamen, etiam dolores renales alia quæcunque symptomata sæpius praecedere. In affectibus autem nephriticis, etiam ratione symptomatum, non raro typus quasi tertianæ observari solet hic dolor; quod jam annotavit SANCTORIUS in *Metb. Vitandi Errores* & HELIDÆUS PADUANUS; imò ipsemet observavi in calculoso, tertio semper die exasperatos fuisse dolores, denuò remittentes.

Causa ergo proxima totius nostri affectus est contractio spasmodica, ob vellicatas membranas renum. Causa autem vellicans potest esse calculus, quem simul promovet instans menstruatio; quippe sub qua mulieres ad calculum dispositæ, ordinariò ejus circa renes habere solent. Interim quoad nervorum distributionem conf. VILLISIUS Tabul. XI. in Anat. Cerebri.

Omnia autem hæc symptomata à dolore & spasmodica contractione deduci queunt; nam comes omnium dolorum est partium contractura convulsiva. *Modus fiendi est hic: scilicet impressionem istam sensilem, quæ consistit in motu vehementiore, in renibus factam, mox per continuatum nervorum & eorum fibrarum tractum usque in cerebrum, insequitur concitatio spirituum ad ista loca motus, hincque tensio & spasmus partium membrana- cearum ex motis spiritibus ad locum sensationis. Adeo intime spasmus & dolor connectuntur, ut subinde pro iisdem habeantur. Et quidem spiritus moventur non solum ad furculum istum, sed, si continuetur vellicatio, etiam in cæteros ex isto plexu oriundos nervos; unde omnes partes connexæ cum istis nervis spasmò convelluntur, adeoque tam multiplex partium affectio. Hinc per accidens occasione horum spasmorum quandoque supprimitur urina, citra calculi licet praesentiam:*

idque vel simpliciter à fibrarum nervearum renalium stricture & pororum eorum clausura, vel etiam ureterum fortiori contractione, utpote qui crispata urinæ, & aliorum alias facilem transitum impediunt. Eandem societatem nervorum quoque agnoscit *tensismus*. Quod pertinet, quando viri nephritici retractionem istius testiculi subinde patiuntur, qui respondet reni affecto, ita, ut non tantum sursum ad os pubis usque retrahatur testiculus, sed etiam jam intra corpus abscondi observetur, idè quod musculus cremaster convulsivo motu affectus testem sursum & ad abdomen retrahat.

Hæc omnia sufficiunt nobis pro confirmatione affectuum ex spasmis & convulsionibus partium fibrosarum derivandorum: scilicet

1. *Vomitum*, licet interdum urgeat, antequam dolor nephriticus in lumbis percipiatur, tamen oritur à *vellicatione* & spasmu renum, utut respectu nostri non sit sensibilis.
2. *Colicos & illiacos* virorum dolores ut plurimum esse à convulsione intestinorum, cum ordinariò in calculo renum superveniant tormina colica.
3. Non secus ac *hysterica pathemata* esse dolores intestinorum, à spasmis enatos, cum mulieres nephriticæ ordinariò fiant hystericæ, & ad passiones hystericas dispositæ nephritide superveniente gravius affliguntur.
4. *Alvi clausuram* oriri simpliciter ex spasmis intestinorum, & motu eorum naturali peristaltico impedito; qualis alvus clausa ordinariò nephriticis vexat.
5. *Omnes dolores parturientium & menstruantium* à spasmis esse, unde mulieres gravidæ facile patiuntur abortum superveniente nephritide; item tormina nephritica simulare interdum dolores parturientium.

Causa remota est duplex: nempe

1. Acidum in primis viis congestum, idque vel calculum inferens, vel renes alias afficiens.
2. Menstrui sanguinis imperius; nam sub hac instante menstruatione dolores tensivi & obtusè gravantes, circa regionem lumborum ad pubem usque pergentes, affligere solent; unde etiam hæc symptomata affligentia intendere potuit, quia vasa jam circa dicta loca turgescere magis, & hinc istas molestias exasperare valent.

P R O G N O S I S.

Quoad *Prognosin*; uti in chronicis, ita etiam in hoc casu, non dantur determinatæ prædictiones. Si enim calculus sublit magnus, & dolores aliaque symptomata diutius continent, tunc certò supervenit epilepsia, propter continuatos spasmos, in gravidis abortus. Sic curavi feminam ad 17. dies suppressione urinæ laborantem, cui tamen semen violarum propinando, medebar, ita ut cum impetu urina dicto die cum epilepsia proflueret; post secundum autem mensem recidivam patiebatur lethalem. Si ergo calculi sunt majores, inequales, acuti &c. & sequatur simul mictio cruenta, tandem exulceratio renum oriri potest. Minus hic periculosum est, quia femina non est gravida.

C U R A.

Quoad *Curam*: In *paroxysmo*

1. Ante omnia spasmis membranarum & ureterum dolorifici tollendi, qui nisi fuerint sublatis, diuretica, & omnia alia frustra & cum nocumento adhibentur: hinc, quandiu spasmus urgent impossibile erit calculum promovere; unde etiam illo tempore à diureticis abstinendum, ne irriteremus crabrones.

Spasmi autem tollunt anodyna, tam vegetabilia, ut opiata, quam mineralia, ut sulphurea metallica, quæ fixa, cum raræ sint aves; proinde saltem sulphura antimoniaia, sive sit vulgare sulphur *antimonii* citrinum cum aqua forti potabile, sive etiam cinnabaris *antimonii*, adhibeantur; imò loco cujus & cinnabaris *nativa* est egregia contra morbos convulsivos: Vid. in LUDOVICI *Pharmacia*.

2. *Calculi excretio promovenda*, sublati prius spasmis.

Pro hoc scopo conveniunt remedia diuretica salina, nitroplura minus proficiunt, quippe quæ & calculum remonent, & diffingunt. Si quæ alia in diffringendo calculo aliquid valent, certè sunt nitrata, tam fixum, quam volatile hinc spiritus nitri dulcis, qui calculum interdum attrivit, item nitrum volatile artificiale quasi ammoniacale, quod fit ex mistura spiritus nitri, & spiritus salis ammoniaci; instillatur nempe spiritui nitri spiritus salis ammoniaci ad punctum saturationis, coagulatur blanda evaporatione sine crystallisatione, & evadit exinde nitrum ammoniacale, sed revera nitrum inflammabile volatile. Liqueor etiam hic filtratus sine inspissatione exhiberi potest in paroxysmo, ita enim egregia præstabit.

Vomitum autem in paroxysmo sunt nocentissima, extra paroxysmum verò pro præservatione calculi sunt optima, annotante HILDANO *Observat.* 61. *Cent.* 5. Sic etiam *Purgantia* propriè dicta in paroxysmo exulent, & saltem in ejus principio, si opus fuerit, lenientia & blanda laxantia, primas vias abstergentia, usurpanda. Necesse tamen est, ut semper in nephritide alvus sit aperta, non quidem pro scopo nephritidis curandæ, sed ut abdominis symptomata & alia mitiora reddantur, ut & per consersum renes stimulentur pro emittendo calculo; quod obtinebitur.

1. *Per Clysmata* terebinthinata, quæ in paroxysmo optima;

2. *Decoct.* Carmin. vel flor. Chamom. in aqua comm. ℥vi. vel vii.

Urina human. ℥iii. vel iv.
adde

Terebinth. cum vitell. ovi sol. ℥ss.

(vel ol. Terebinth. gutt. aliquot)

Vel fiant etiam clysmata ex urina humana sola cum melle mixta, quibus addatur decoctum quoddam blandè carminans, vel imprægnatum com aliquot guttis olei destillati terebinthinæ additis.

Juxta hæc 2. blanda *Laxativa* sunt adhibenda, v. gr. passulæ minores laxativæ, & passulata, vel emulsiones feminis violarum, quæ nephrocatharticæ sunt, præscribi possunt. v. g.

2. *Sem. Violar. purp.* ℥iii.

Papav. alb. ℥i.

Cum f. q. *Aqua AlkeKengi* f. Emulsio.

adde

Lap. Percar. præp. ℥i. vel eorund. & lapill.

Cancr. præp. ana ℥ss.

Misc.

Vel pro blando absterfivo renum & primarum viarum in principio paroxysmi:

2. *Tartari vitriolati* gr. xv.

Salis genist.

Scamm. sulphurat. ana gr. iii.

Misc. pro Pulvere.

Detur manè in vehiculo calido.

Aurum fulminans per præcipationem cum spiritu salis ammoniaci, & sine edulcoratione ad usum adhibitum, mirabiliter interdum à gr. iii. ad iv. v. vel vi. laxandi vim habet sine molestia, & flatuum impetum sistit fecesque nigerrimo colore tingit. Cum tamen sit aurum corporale, magis mirum est; quod solutio auri cum spiritu salis tam insignes habeat effectus instar acidularum. Nempe

2. *Solutio auri* purgari facta in aqua Regia, & præcipitatur cum Mercurio vivo, præcipitatum edulcoratur, & hinc blando igne ad evaporationem Mercurii ustuletur; tunc calx præfata de novo solvitur à Spiritu salis optimè tamen rectificato, in liquorem aurei coloris.

Solutio hæc ægro propinatur in vehiculo calido primo die ad gutt. v. secundo ad vi. hinc vii. porro quarto die viii. ix. & sic gradatim cum diebus ascendendo.

Vires habet insignes, primùm quidem nauseas excitat, hinc continuata mirabiliter primas vias abstergit, mucum tenacissimum dissolvit & aliquoties instar purgationis alvum laxat fecesque tingit aterrimo colore. In morbis chronicis hæc solutio dicto modo continuata idem præstat, quod magna quantitas acidularum. Sapor est acidus, & nonnihil austerus, à mutatione texturæ spiritus salis cum auro concurrentis, hinc abstergit, sed adstringendo fibrasque firmando tonum partium insigniter restituit, & primas vias mirabiliter evacuat. Primus, qui huius solutionis mentionem facit, est GLAUBER.

BERUS in *solatio Navigantium*, ubi multa garrit de spiritu salis, & hac solutione.

Pro spasmis coercendis Cinnabarina & Opiata in paroxismo etiam sunt optima. Summatim nervum, paroxismo nephritico succurrendi, docet LUDOVICI pag. 449. in *Pharm.* qui moderate præcipitantia, diuretica, cinnabarina & opiatâ miscenda suadet, pro nimia atrocità in paroxismo nephritico: v. g.

℞ *Lapill. Cancr. præp.* ℥i.

Cinnab. nativ. depur. vel Cinnab. antimonii ℥ss.

Laud. op. ferm. gr. ii.

M. f. Pulvis pro dosi:

Sal volatile succini in principio ob nimiam diversin non suadeo.

Cæterum cum his internis externè simul pro eodem scopo blandè sistendi spasmos & tensiones partium nervearum abdominis, partim pro laxandis primis viis, Balnea & Infusus commodè etiam instituantur, ad dicta symptomata optima; blandè enim afficiendo partes nerveas spasmos tollunt, & viis laxioribus redditis calculum promovent, præmissis prius internè vel blandè anodynis, vel antiepilepticis, vel blandis diureticis, v. gr. essentia urinaria anodyna ad gutt. xxx. quibus *balneum* ad hypochondria usque infusum, opem fert; sicut post balnea infusiones etiam lumborum in usum vocari poterunt, quæ in leviori malo, unâ cum internis, sufficere possunt. Interim oleum destillatum succini & spicæ, non sola, quia nimis penetrantia & aciora eadem, genus nervosum sensibilius afficiunt; sed misceantur cum blandis temperantibus & anodynis, v. gr. cum petroleo, quod externè illitum umbilico etiam mirè laudatur in affectibus nephriticis: vid. PANAROLLUS *loc. cit.* & egregium esse, ipsemet observavi. Porro olea dicta destillata misceri poterunt cum unguento anodyno Mynsichti, vel oleo expresso *hyoscyami*, vel unguento *dialtheæ*: v. gr.

℞ *Petrol. alb.* ℥ss.

Ol. Papav. expr. ℥i.

Destill. succ. ℥ss.

M. pro Litu,

Regioni umbilicali & lumbis applicando, subgressu è balneo.

In more positum est quibusdam, quod mulieribus nephriticis sanguinem evacuent, vel etiam cucurbitulas scarificatas applicent, & quidem quandoque cum successu, sic enim sæpè secutus est fluxus mensium, adeoque dolores lumbares remiserunt: hinc ad horum imitationem in habitioribus & plethoricis, vel quibus instant menses, & quælibet symptomata exasperantur, non inconsultum, si, cæteris respondeantibus, blandè mittatur sanguis in brachio; sicut actu fluentibus, sed non sufficienter, in pede. In nostra ægra cucurbitulæ suadendæ, quas aliàs salutarè vidi.

Aliàs pro scopo diuretico in paroxismo nitrosa vel huius prolapia convenient, ut nitrum volatile, spiritus nitri dulcis, sal fimi columbini, spiritus carminativus, tinctura Ammelungii, item remedia lumbricalia: quæ omnia, quod magis sunt nitrosa, eò magis pro scopo diuretico convenient. Similiter etiam spiritus tartari, ceu congener vino, præ reliquis convenit, quia suspicio est, quod ægra calculum contraxerit ab usu vini; tartarea enim acidum vinosum optime absorbent, & promptissime resolvunt, adeoque hinc podagricis alia ex tartaro volatilia commendanda sunt, ceu peccans acidum absorbentia, illudque per vias urinarias eliminantia.

Extra paroxysmum autem à potu vini abstineat, tinctura nephritica usurpetur, & succus betulæ; qui nitrosus est, & fortiori destillatione dat sal volatile nitrosum. Alvus servetur aperta.

Pro præservandi scopo convenient quidem diuretica omnia, sed quia non semper satisfaciunt, potiùs ea eligantur, quæ speciatim renibus appropriata, & vi balsamica fermentum renum in naturali statu conservantia; non enim in assumpris ut sic, non in acido consistit Lithiasis, sed in fermenti renum corruptione, qua occasione acidum calculum coagulat. Talia ergo, quæ dictum fermentum in naturali statu conservant, sunt salia volatilia oleosa, aliæ balsamica dicta ex terebinthina, junipero, succino & similibus, ut *Malvaticum juniperinum*, rob juniperi, balsamus sulphuris terebinthinatus; quæ omnia inter præcipitantia bal-

Estmuller. Oper. Tom. I.

samica sunt optima, renibus singulariter dicata, quæque istam dispositionem calculosam tollunt & emendant. Iuxta hæc convenit succus betulæ singularissimus in hoc puncto, in præservando calculo; est enim liquor hic nitrosus, cum betula etiam nitrosa sit: succum hunc destillatione fortiori sal volatile nitrosum exhibere, relatum est mihi, & in hoc consistere crasin aquæ betulæ Martialis seu Majalis: Sic sal volatile nitrosum, liquor terræ foliatæ tartari cum spiritu salis ammoniaci mistus, tinctura tartari, & nephritica, spiritus carminativus, crebrius usurpari possunt.

Mulier aliàs nephritica conquerebatur aliquamdiu de appetitu prostrato cum carnis nausea & potus consueti fastidio, adeo ut spem conceptionis conceperit; sed post supervenientem mensum fluxum prehendebant eam acerbis dolores in lumbis lancinantes, ad pubem usque excurrentes, cum tali crurum tremore; qualis aliàs puerperis sub partus labore accidere solet, & ita summo quæ parturienti conatu nihil aliud, quam mucosa vilcida summo cum dolore unâ cum urina exercebat, ita ut quoties urinam emitteret, mucosum tale quid unâ eliminaret; stimulus pro urina admodum erat frequens; dum exercebat, dolorem dictum percipiebat, & etiam dum exercebat, subinde excretorios istos quasi puerperiales experiebatur conatus: Urina emissâ erat minus tincta, aliquantisper, turbida, cum sedimento copioso vilcido, albido, non tamen purulento. Iudicabam malum esse nephriticum, natum primitus occasione calculi renalis, & inde productæ erosionis in pelvi membranaceo; unde idem calculus ulterius progrediendo affricu suo læserit plus minus vesicæ collum, quo factum fuit, ut non solum dictarum partium degener nutrimentum chylosum tam copiosi muci speciem suggereret sed etiam imprimis ex irritatione vesicæ dolorosi isti excretorii conatus supervenerint. Ob id pro abstergendis his locis, & mitigandis symptomatis, præmisso clysmate, præscripsi sequentem Mixturam:

℞ *Aquæ Cherefot.*

AlkeKengi ana ℥ss.

Acer. vini ℥iii. ad ℥ss.

Lapill. Cancr. præp. ℥i.

Laud. opiat. gr. iij.

Syr. bed. terr. ℥vi.

M. f. Potio.

Capiebat cochleatim: factum cum euphoria, symptomata lumborum maximam partem levata fuerunt. Hinc pro istis scopis:

℞ *Massæ Pil. de terebinth. simpl.* ℥ij.

Div. in 2. part. æqu.

Cepit; benè habuit, symptomata pleraque evanuerunt; sed nixus vesicæ excretorius subindè rediit, calculo nempe in vesicâ existente, utur mucosa materia multum imminueretur; ne tamen forsan exulceratio colli vesicæ superveniret.

℞ *Ess. flor. hyperic.* ℥ii.

Dabam pro una dosi, à qua tamen nullam utilitatem percepit.

Ob id balsamo sulphuris terebinthinato uti jubeo; sed antequam hunc assumeret, calculus oblongus cum urina unâ emittitur, unde levamen insigne in omnibus. Pariter tribus abhinc diebus cum continuatus fuisset balsami usus, adhuc alius, sed minor, calculus prodiit, post cujus excretionem adhuc muci aliquantulum rejectum fuit, sed quod brevi cessavit. Pro reliquiis ergo nephriticis removendis spiritum salis ammoniaci aliquamdiu continuavit, qui ipsi optime contulit.

RESOLUTIO ALIA.

Dn. JOH. MATTHÆI
MERCKELII,

ANNÆBERGENSIS,

B. DN. PRÆSIDE

correcta

Anno 1682.

AFFECTUS.

Affectus præsens, quia sedem suam, uti videtur, circa regionem dorsi & lumborum potissimum habet, quin inter dolores nephriticos jure conferri queat, nihil omnino dubito. Malum autem hoc simul, si non cum calculo jam præsentem, salubus tamen hypocondriaco-scorbuticis esse conjunctum, exinde fit probabile, quod dolores lancinantes & stimulantem circa regionem pubis, nec non gravantes & contundentes in dorso & lumbis percipiat, eosque sub aliquo corporis motu exasperari sentiat ægra; quibus & urinæ, crebrior quidem, sed parcius emissio accedit.

PARS AFFECTA.

Pars affecta sunt renes, imprimis autem membranæ pelvis constituentes, cum annexis ductibus illis urinariis, Ureteres dictis.

CAUSA PROXIMA.

Causæ proximæ materialis vices hic sustinebunt, si non calculus jam præsens, certò tamen salia hypocondriaco-scorbutica, ex nutrimento salso acriori orta, quæ membranæ renum partes continuè vellicando, dolores jam supra dictos inferunt.

Causa proximæ formalis erit spasmodica convulsio membranarum renum, cum annexis tractibus ureterum, hinc spirituum ad locum affectum concitator motus, & per consequens eò major doloris sensatio.

Causas inter remotas & hic primatum obtinebit fermentum vitiosè acidum, quod dum ex primis viis vitio digestionis primæ enatum & quocunque modo ad renes fuit transmissum, ibi eorundem fermentum insitum variis modis alterando, generationis, vel calculi vel salium scorbuticorum, causa occasionalis exitit. Cui & instans menstrua purgatio tanquam medium aliquod adjuvans, & dolores magis acutos reddens, suo modo annumerari potest. Nam dum turgescit sanguis, majus spatium, quo se possit explicare, querit, expandendo simul membranas inferiorum partium, & quasi abbreviando easdem, tensiones magis dolores infert.

OPERANDI MODUS SEU COHÆSIO, SYMPTOMATUM CUM CAUSA PROXIMA.

Symptomata inter hic eminere videntur *Tormenta abdominis vaga*, cum *alvi occlusionem*, nec non vomitibus crebris *materiæ variæ*, quæ ortum suum aliunde non habent, quàm à spasmodicis convulsionibus nervorum ex plexu mesenterico in renes, intestina, & stomachum distributorum. Nervulis itaque renalibus ex dolore spasmò correptis, continuatur idem spasmus ad plexus mesenterii usque, qui simili spasmò affecti illas turbas dant, quæ in hoc subiecto passionem quandam hystericam mentiri possent. Urinæ verò parcius, sed crebrior emissio, earundem fibrarum præsupponit spasmum, quæ dum sæpius, si non ab arenulis calculi, saltem ab acrimonia salium scorbuticorum, molestè vellicantur, excretionem talem inordinatam causantur.

Color urinæ hoc in casu dependet ab attritu calculi acu-

minati, qui arrodendo vias urinarias hujus doloris seu tincturæ causa existit.

PROGNOSIS.

Quoad *Prognosin*: affectus præsens, quia molestus non tantum propter dolores exquisitissimos, & hinc nata parthemata convulsiva, & propter vitiatam urinæ secretionem; sed in specie periculosus, quoniam inflammationes renum, ischuriæ lethales, nec non gravissimi morbi nervosi generis, supervenire possent.

CURA.

Hinc *Cura* etiam ejus, quò citius, eò melius maturanda veniet. Posset autem illa, meo quidem judicio, hisce absolvi Indicationibus:

1. In Paroxysmo ante omnia dolores & partium indurati spasmus erunt sistendi, deinde quantum possibile calculus præsens, vel salia scorbutica infringenda & promovenda.

2. Extra paroxysmum, vitiosum illud acidum, causa quod existit hujus mali, quaquaversum evacuandum & temperandum.

Primo itaque in paroxysmo pro leniendis doloribus & sedandis spasmodis abdominis clyster sequens erit proficiuus:

℥℥ Fl. Chamom.

Sambuc. ana M. ss.

Herb. Parietar.

Violar.

Malvæ ana M. j.

Rad. Alth. ℥vi.

Incis. coq. in f. q. feri lactis:

Decocti colati ℥℥℥viii.

adde

Terebinth. cum vitell. ovi sol. ℥iii.

Ol. lil. alb. ℥vi.

Scorpion. ℥j.

Nitri antimoniati. ℥ii.

M. f. Clyster.

Vel fiat Fodus ex sequentibus:

℥℥ Herb. Melilot.

Malv. ana M. ij.

Fl. Chamomill.

Sambuc. ana M. j.

Sem. lini,

Fœnugr. ana ℥j.

Incis. & contus. includantur sacculis No. ij, qui calidè, vel sicci, vel in lacte cocti, lumbis applicandi pro doloris sedatione.

Vel fiat etiam Balneum.

Litus quoque huc revocari possent:

℥℥ Ungu. dialth. vel Pingu. canin. ℥j.

Ol. petræ alb. ℥ii.

Destill. bacc. juniperi,

Campb. ana gutt. xx.

Opii ℥j.

M. f. Linimentum:

D. S.

Unguentum externum, calidè applicandum.

Interne posset non incommode adhiberi decoctum ex floribus chamomillæ cum passulis minoribus conquassatis.

Vel

℥℥ Ess. Cheresol. ℥iii.

Laud. Opiat. Langell.

M. D. S.

Dolores sedantes guttæ: 20. ad 30. pro una vice.

Pro secunda indicatione t

℥℥ Nucl. Persic. ℥ss.

Sem. Papav. alb.

Violar. purp. ana ℥j.

Aquæ bacc. AlkeKeng.

Petrosel. ana ℥iii.

F. l. a. Emulsio:

adde

Lapill. Percar. præp. ℥ii.

Syr. de Alth Fern. ℥vi.

M. D. S.

Emulsio Dolores sedans, cochlearum sumenda.

℥℥℥.

℞. Lapill. Caner. præp. ℥i.

Cinnab. Antimonii ℥ss.

Laud. opiat. g. j.

M. D. S.

Pulvis sedans pro una vice.

Vel

℞. Lapill. Perlar. præp. ℥ss.

Cinnab. Antimonii ℥ss.

Salis vol. succini gr. xii.

Laud. opiat. gr. iß.

Misc. pro 3. dosibus.

Extra paroxysmum pro abstersione primarum viarum,
& in iis contenti acidi:

℞. Tartari vitriolat. gr. xii.

Salis Genist. gr. vi.

Scamm. ros. gr. iii.

Ol. destill. succini gutt. j.

M. D. S.

Pulvis purgans, jejunè sumendus, tempore
matutino.

Vel

℞. Terebinth. in aqua ad albed. coct. ℥i.

Scamm. præp. gr. iij.

Tartari vitriolati gr. vi.

M. f. Pilulæ.

Vomitorium aliquod hic etiam non incongruum fore,
mihi omnino persuasum habeo, nisi forte metus sit, ne
mensures nimis copiose moveat.

DEUS iuterim hisce clementer benedicat!

C A S U S XLV.

STRANGURIA CUM
PODAGRA.

Vir ætatis consistentis, nephriticis & podagricis affectibus
crebrius obnoxius, urgente intenso hyemis frigore, contra-
hit tussim ingentem & validam, crebrius pectus concutientem
ejicit pauca saltem & viscida; locum, ubi tussis excitatur,
monstrat antè in collo, in capite asperæ arteriæ: accedit le-
vior in vasso podagrica circa manum dextram, & cubitum sini-
strum, & genu sin. strum. Vocatus Medicus præscribit spiritum
salis ammoniaci cum dimidio spiritus cochleariæ ter, mane, à
meridie, & vesperi sub introitum lecti, ad gutt. 40. sumendum;
exinde podagricus affectus cessat, sine sensibili superveniente
evacuatione: Hinc secunda vel tertia die gravis dolor in lumbis,
cum intensissimo vesicæ dolore, supervenit, ita, ut continuum
mingendi conatum admodum dolorosum percipiat, paucam ta-
men urinam emittat. Vocatur Medicus præsens pro cura.

R E S O L U T I O

DN. GODOFREDI SCHVLZII,

Vratislavia-Silesii,

cum

Speciali Discursu & Annotatis

B. DN. PRÆSIDIS.

Censuræ & Emendationi subjecta

Anno 1676.

Vt ad resolutionem casus nostri præsentis, omissis ambagi-
bus, nos accingamus, dicimus, affectum nostrum perti-
nere ad Catalogum morborum illorum, ex vitioso acido ortum du-
centium: judicium enim ex eo habemus, quod Dn. noster æger
affectibus podagricis crebrius obnoxius sit. Affectus ergo est
Stranguria: probat hoc urinae parca, & cum acerbissimo do-
lore conjuncta excretio.

P A R S A F F E C T A.

Subjectum morbi mediatum est vesica urinaria; immedia-
tum vero est cervix cum musculo sphinctere: uti enim in tenes-
mo podicis sphinctere afficitur ita, & in stranguria; simili-
mus enim est affectus cum tenesmo podicis.

C U R A.

Causa proxima hujus stranguriæ est irritatio à vitioso aci-
do urinae permixto. Dum enim D. noster æger paroxysmo
podagrico afflictus pro curando illo spiritum salis ammoniaci,
cum spiritu cochleariæ permixtum, & à Medico præscriptum,
ter in die assumit, acidum illud vitiosum podagricum per circu-
lationem sanguinis cum ejus sero ad vias urinarias, hincque ad
vesicam propellitur, quod acore suo stimulando vesicam, in
specie circa collum; ubi musculis sphincter admodum sensibilis
existit, ex ejus arcta constrictione difficilem illam atque guttu-
losam urinae excretionem excitat, & rodendo suo transitu
mentum urinarium, continuum fere mingendi conatum, acer-
bissimumque illum dolorem vesicæ, infert. In difficili autem
atque parca hac urinae excretionem musculi abdominis, quidem
alias compressione sua excernenda cuncta inferioris ventris mul-
tum promonent, hic minime meo judicio accusa. tionem meren-
tur, sed nonnunquam tantum concausæ denominationem admit-
tunt; variæ enim interdum hujus stranguriæ causæ existunt, par-
tium nimirum proximè adiacentium vitia, intestini recti aut ute-
ri inflammationes, nec non vasorum spermaticorum in gonorr-
rhœa Gallica inveterata hujus mali auctores sunt.

Cognatum autem Stranguriæ, sed tamen distinctum,
malum est ardor urinae. In hoc autem differt à stranguria,
quod urina cum copia & dolore, in stranguria vero guttatim &
parcè, excernatur.

Causæ remotæ denominationem primariò quidem meretur
digestio prima, minus debite atque legitime peracta, quæ
scaturigo & fons vitiosorum humorum plurimorumque mor-
borum: secundariò tamen huc etiam faciunt ex rebus non-
naturalibus cibi acres, salsi, cerevisia recens, nec defæ-
cata.

P R O G N O S I S.

Ut tandem & Prognosin huius affectus adiungamus, dici-
mus: malum hocce magis esse dolorosum, quam periculosum, &
magis molestum, quam funestum.

Stranguria enim ab urinae vitioso acido, uti nostra est, fa-
ciliùs curatur, quàm quæ est à vesicæ morbo, eius nempe in-
flammatione, &c. Non tamen omni periculo caret, sed gra-
viora etiam interdum resultant mala, si acidum illud strangu-
riam inferens, nimis diu in vesica urinaria retineatur, facile
enim eius exulceratio supervenire potest; imò stranguriam,
interdum ileum excitare, HIPPOCRATIS testatur apho-
rismus, qui videatur.

C U R A.

Quod tandem methodum medendi, huiusque mali Curam
concernit:

1. Ea imprimis consistit in mundificatione primarum via-
rum ab acido vitioso in iis præternaturaliter ge-
nito.
2. In attemperatione & præcipitatione acidi in urina
contenti.
3. Denum medicamenti usu, quantum possibile, præ-
caveantur atque removeantur paroxysmi podagrici.

Pro priori ergò scopo præscriberem vomitorium.

℞ Rob luniperi ℥ss.

Tartari emet. gr. iii.

Scamm. Sulphurat, gr. j.

Cum Syr. cort. Aurant. f. Bolus;

D. S.

Bolus emeticus.

Vel si alicui forma liquoris magis placeat.

℞ Aquæ Menth. ℥j.

Ocul. Caner. præp. ℥ss.

Syr. Philosoph. Schræd. ℥v. vel ℥vi.

M. f. Potio: S.

Potio emetica pro una vice.

Vel si quis per superiora purgare nimis abhorreat, aut alio
foran præsentè obstaculo illud admittere non possit, blandæ
per inferiora purgantia substituantur: e.g.

℞ Extr.

24. Extr. panchym. Croll. ℥i.
Troch. alband. gr. ii.
Scamm. Sulphurat. gr. iß.
Cum Tinctura Tartari f. Pilule: S
Pilule pro una vice.

Non inconueniens etiam hic pro eodem scopo præscribi
posset sequens emulso:

24. Sem. Melon. exc. ℥ß.
Mag. Ialapp. gr. vii.
Scamm. Sulphurat. gr. ii.
Aque Rosar. ℥i.
f. Emulso
adde
Aque Cinnam. ℥ij.
Spiritus Rosar. ℥ß.
Iulep. Rosar. q. l.
M. D. S.
Emulso purgans.

Conueniunt etiam hic pilule de terebintina cum rhubarbaro;
item extracto panchymagogo cum Mercurio dulci.

Pro corrigendo autem acri acida conuenit radix glycyrrhizæ,
portulacæ, glandes pulverisatæ, alKeKengi; essentia alKe-
Kengi, trochisci de alKeKengi, cum sine opio; præ cæteris
tamen cortices aurantium pulverisati, aut essentia corticum
aurantiorum cum essentia tartari parata, aut primario oleum
destillatum corticum aurantium; horum enim sal volatile oleo-
sum acidum potenter præcipitat: e.g.

24. Pulv. cort. aurant. ℥iß.

Rad. liquirit. ℥ii.

M. f. Pulvis:

Dos in 3. part. equal. S.

Pulvis alterativus.

Capiatur mane, à meridie, & vespere sub introitum lecti
in vehiculo vini Hispanici aut Maluatici, vel quod melius in
vino, in quo filices candefacti aliquoties extincti sunt.

24. Essent. cort. aurant. cum spiritu vini Tart. ℥ß.
D. S.

Essentia 50. ad 60. guttas pro una dosi.

Capiantur subinde guttulæ 50. vel 60. bis vel ter in die.

Possunt etiam hic præscribi Decocta, nempe raparum,
item ex radice maluæ, liquiritiæ, papaveris albi, seminibus 4.
frigidis maioribus; item decoctum FORESTI, quo ipse usus
est, dum stranguria tribus integris septimanis laborasset, &
frustra multa usurpasset, ex foliis nempe maluæ, cum sa-
rupp violarum, suam meretur laudem, vid. Obs. l. 25. Obs. 4.

Utiles etiam hic à SENNERTO censentur acidulæ; hu-
mores enim acres per album, urinam & sudores eliciunt.
Balsamum etiam de Capaibe ad aliquot guttulas in decocto pe-
troselini assumptum, ad stranguriam maxime commendant.
Et ubi alia in cassum sunt adhibita, sumatur Di. barbacis; opti-
mum enim est remedium pro hoc affectu.

Externa quod attinet remedia: non inconuenienter hic usur-
pantur pro temperanda humorum acrimonia balnea & infusus
in decocto nymphææ, lactucæ, maluæ, &c. Pertinent hæc
etiam Linimenta & Inunctiones: imprimis serum candelæ
umbilico inunctum egregie conuenit; item axungia hirci cum
aliquot guttulis olei destillati ceræ optimum. Iniectiones per
sphonom in vesicam hic etiam suum usum habent. Et quia in
stranguria mitiganda dieta maxime valet, prohibeantur ali-
menta, quæ ad generationem acrium humorum faciunt: ad-
bibeantur potius ea; quæ eos temperant, nempe lac, in dis-
posito tamen usurpetur corpore, ne in ventriculo corrumpatur;
item cibi ex amygdal. &c.

Tandem pro ultimo scopo ut præcaveantur & removeantur
paroxysmi podagrici, usurpetur diligenter spiritus salis am-
moniæ cum spiritu cochleariæ permixtus, qui optimi acidi
vitiosi in corpore correctores censentur.

DISCURSUS & ANNOTATA

B. DN. D. ETT MULLERI.

Affectus primarius est Stranguria, ad plures dies du-
rans, qualis in senibbs non raro observatur vitio
urinæ, vesica ipsa in fonte.

Pars affecta est vesica urinaria, speciatim sphincter &
urethra: nam uti subinde tota vesica dolet ex retentione
nimia urinæ, distendentis eam; ita in specie urethra &
sphincter ab eodem acido rodi & afficit solet: unde cum
sphincter admodum sensibilis sit, hinc iis subjectum imme-
diatum statuendum erit.

Causa proxima est acidum vitiosum, in specie arthriti-
cum, quod in urina observabile dolorosam stranguriam
in nostro ægro excita. Ubi tamen quaeritur, quomo-
do acidum id ad vias urinarias deriveretur? Scilicet æger
noster est arthriticus, seu in quo acidum specifici saporis
rodit partes nerveas circa articulos, unde usu spiri-
tus salis ammoniaci & cochleariæ cessat quidem podagri-
cus affectus, & supervenit stranguria: sed quaeritur,
quomodo hujus usu excitata fuerit stranguria? Si enim
acidum adhuc præpolluit, quare non arthetica pathe-
mata revixerunt aut continuantur? Resp. Spiritu isto
salino prinoso volatili sal acidum podagricum correctum
fuit in tantum, non in totum; ejus tamen ope resolutum
fuit acidum, partibus nerveis tendinosiis antea infixum,
adeoque in motum concitatum, hinc à sero absorptum,
& quaquaversum per universum corpus distributum fuit.
Cum verò acidi textura non nihil immutata fuit à spiri-
tu isto volatili urinoso, & sapore suo jam acido-salfo
ita conformata, ut sero involutum facile per poros re-
num penetrare valuerit; serum sale isto acido onustum
ibidem percrebratum, & ad vesicam delatum, sphin-
cterem & urethram rodendo, cum euphoria reliquorum
symptomatum stranguriam induxit. Ac hinc quoque do-
lor lumborum hic ungitur, qui reverà nephriticus est,
ex eodem aciori sale membranulas renum rodente &
convellente, ortus. Scilicet conspirant mutuo in cal-
culosa radice efficientis ratione podagra & nephritis,
adeoque & ut plurimum junguntur, hinc & easdem fe-
re remotas insequuntur causas, & sequuntur specialissi-
mè vini acidioris, vulgò dicti tartarei, abusum; hinc
in confirmata podagra ut plurimum etiam adest nephri-
tis calculosa.

Solet equidem interdum insensibiliter causa peccans in
arthriticis discuti, & hinc dolor & tumor disparere; aut
si non insensibiliter, tamen saltem sensibiliter translu-
dari: sed ob causæ procatactice vim, in ægro nostro
densatis à frigore externo ambiente contentis corporis
nostri succis, & firmitus conniventibus poris, per vias u-
rinarias acidi illius salini acris facta fuit excretio, quod
alias vel per insensibilem transpirationem, vel sensibi-
liter fuidet eliminatum; quemadmodum alias diapho-
resin imminutam sequitur excretio diuretica aucta. No-
tum enim est, diaphoresin & diuresin in multis conspira-
re, ut unum alterum subinde sublevet.

Ex his tanquam porisma elicio: sedulo observandum
esse, quàm egregia sint diuretica, tam & quidem pri-
mario pro præservatione, ut salia vitiosa acida sub sa-
pore salfo eliminantur, quàm pro curatione podagræ,
& potissimum arthritidis vagæ, præmissis præmittendis,
tam in incremento & statu, quàm etiam in declinatione
paroxysmi. Nulla nempe evacuatio solet esse melior,
quàm per appropriata diuretica; & quidem hæc spe-
ciatim alcalia volatilia, faciliè acidi attractu in salsa, præ-
sertim nitrosa, abeuntia: qualia sunt spiritus salis am-
moniæ, spiritus carminativus de tribus, qui nitrosæ
nonnihil prosapiæ, adeoque egregie diuretici, tam
præservativè, quàm curativè conducibilis. Præservati-
vè quidem novi aliquot exempla, qui ex uberiori vini
ingurgitatione oriundam ebrietatem & varia mala, hu-
jus spiritus carminativi usu sibi præcaverunt, quatenus
urinam moveret; unde nil novi, acidum podagricum,
ut plurimum vinolum, hujus ope eliminari. Similiter
spiritus lumbricorum terrestrium, uti omnia lumbrica-
lia excellunt, inter diuretica podagræ dicata, qui etiam
non solum in arthritide vagæ, in qua præmissis diureti-
cis fixis, arcano duplicato, &c. est nobilissimus, sed ea-
dem lumbricalia remedia etiam in fixa podagra, tam in
quàm extra paroxysmum, sunt selecta. Imò pari ratio-
ne etiam scarabæi, speciatim unduusi, Germ. die blavem
Mayen-kaffer, in podagra sunt nobiles; per copiosas uri-
nas operantes, utut cum dolorosa stranguria conjuncta
podagram sanent: Vid. BORELLUS Centur. 4. Obs.
73. quo loco habetur secretum aliquod, ex horum
scarabæorum ballamo conficiendum. Ex fixis nobile
est arcanum duplicatum Mynsichtii in & extra paroxys-
mum.

Quoad Causam remotam: ea duplici sensu consideranda,
nempe vel ratione causæ materialis, sed fomitis morbo-
si, vel ratione efficientis, fomitem illum moventis:
scilicet præsupponitur quidem acidum vitiosum errato
primæ digestionis enatum, unde de hac causa materiali
non sumus solici, sed saltem de causa procatactica seu
re.

remota efficiente, movente fomitem morbosum, est imprimis quæstio. Hæc in nostro ægro fuit inclementior aer hybernus, qui primò ratione acrimoniæ, irritantis ac lædentiæ fauces, tussim excitavit, simul tamen quoque poros cutis ad arctiorem stricturam sui (non omnimodam clausuram) disposuit, hinc faucibus vellicatis, & tussi excitata, porisque conniventibus, varias metastases acidi vitiosi, tanquam causæ materialis morbosæ, quæ ubiq. vellicando impetu spirituum moventium, & conformatione organorum mechanica, hinc inde mota & commota fuit, donec ea tandem per vias urinarias fuit excreta. Movebatur ergo prius ad fauces, hinc tussis postmodum articulos affligebat, hinc podagra; postea resoluta, mediante spiritu salis ammoniaci & mediante sanguinis circulo ad vias urinarias delata, & tanquam per cribrum transcolata, in vesica stranguriam excitavit, prægressis interim ex motu lymphæ, occasione pororum strictorum deviante, paroxysmis podagricis. Et hoc evidens est exemplum vagantis fomitis morbosii apud podagricos.

Sic in ægris metastasis hæc maximè familiaris est: nempe observanda venit imprimis *arthritidis* differentia, quæ nunc recens est, nunc inveterata; adeoque illa exinde minus, hæc verò magis fixa seu circa articulos incuneata existit. In recenti ergo, & ad duos annos extenta, acidum præternaturale, specifici tamen saporis, saltem rodittendines, & loca circa articulos nervea, hinc etiam saltem superficiali rosione mobilis adhuc, & subinde hinc inde nonnihil vagans, observatur, non secus ac arthritis vaga scorbutica, quæ cum recenti illa in pluribus convenit. E contra inveterata est, quæ jam synoviam articulorum occupavit, & ipsos adeo articulos saltim atrocius affligit; quin imò ipsis locis nerveis se insinuando, ipsum partium nutrimentum peregrino sapore inficit, & spiritus ita continuò plus minus vellicat aut saltim levi occasione ad novam irritationem excitat; unde tumores tanquam productum morbosum superveniunt. Recens podagra facillè curabilis & præservabilis est eidemque vel saltem læticina mederi possunt; inveterata difficulter: in illa locum habet medicatio, quæ exprimitur per illud vulgare, *Das Podagra gurud treiben*; in inveterata verò hoc falsum est, quippe quæ non potest loco dimoveri, nisi novi fomites superveniant; utut tale quid obtingere ægris videatur. In recenti podagra interdum variæ metastases observantur materiæ morbificæ, potissimum abusu præpostero topicorum, & hinc varia nocumenta eos affligunt; sicut id mercator quidam hic locorum in itinere Hamburgensi expertus est. Is enim podagra recenti affectus, à balneatore quodam sibi emplastrum ex sparmate ranarum, cera & cerussa confectum, imponi passus est, unde brevi post quidem podagra cessavit sed hinc correptus est torminosa diarrhœa insigni, cum appetitu dejecto & virium prostratione. Adhibitis remediis restituitur in tantum, ut appetitus rediret, sed diarrhœa ultra dimidium annum persistebat. Sanè hoc in casu occasione fomitis podagrici, intempestivè regurgitantis, fermentum bilis ita vitiatum fuerat, ut ratione debitæ perfectionis chyli deficientis diarrhœa illa nocturna supervenerit, stomacho antea sano. Non secus viator aliquis, cessante paroxysmo podagrico, asthma vexabatur, quod podagra redeunte cessavit. Imò alius podagra inveterata affligit, instante paroxysmo gravissimos dolores ossis sterni, maximasque angustias præcordiorum, patiebatur, nocturno saltem tempore, & quidem omni nocte, præprimis affligentes, nisi beneficio aut theriacæ, aut laudani opiatum eosdem præcaveret; superveniente verò podagra, dolores sterni atrociores cessabant; paroxysmo verò podagrico curato, dolores sterni majori cum atrocità redibant, & hoc propter metastasin: unde etiam hic mavult podagricum dolorem, quam sterni, pati, si electio daretur. Utut itaque incommoda sit metastasis, commodum tamen est fieri metastasin acidi podagrici, quia fixum in uno loco crasin massæ sanguinæ admodum vitiat; licet non negandum, quod aliquando periculosa sit metastasis podagræ ob dyscrasiam sanguini minitantem; qua nonnulli quoque, palpitatione cordis & dyspnœa superveniente, moriuntur.

Ceterum fomes morbosus in podagra primariò generatur occasione erratorum in digestionem primam; hinc imminente paroxysmo circa stomachum quoque & primas vias tragedia luditur, nempe appetitus dejectus, an-

gustia præcordiorum, donec tandem paroxysmus podagricus superveniat, qui quamdiu durat, tamdiu iterum fames & appetitus constant. Atque hinc est, quod extra paroxysmum exactissime diætæ observanda, alias maximè exasperatur dolor, similiter ferè ac apud vulneratos fieri solet. Quanta enim digestionis primæ, tam in quam extra paroxysmum, sit ratio habenda, ex simili illustrari potest; Nempe ponam ægrum, cætera sanum, in capite vel pede, loco præsertim nerveo, graviter vulneratum; hic certè si sub cura vulneris vinum potet, aut acetum comedat, in toto corpore est sine nocumento, & tamen brevi post in loco vulnerato major dolor & ardor, pulsus auctus cum inflammationis metu & omnium symptomatum exasperatione supervenit. Par ratio est in podagra, speciatim confirmata; quando verò vinum illud lapillis cancrorum temperatum propinabitur, erit remedium propter vim alcalinam talibus ægris maximè proficuum. Par ratio est, si ægri podagra crebrius obnoxii extra paroxysmum vinum largiùs bibant, statim altero die revocant paroxysmum, acido vini non titè digesto vel correcto; sicut vulneratis quælibet acida hostilia sunt.

Quoad *Prognosin* stranguria non diu durans est sine periculo, & licet tolerabilius malum podagra, interim tamen graviolem metum exulcerationis vesicæ suggerit.

Quoad *Curam*: In methodo medendi semper consideretur naturæ motus, adeoque huius insistant vestigiis sedulo Medicus; quamdiu enim illa stat aut sedet, non potest eam Medicus meliorare, idque propter idiosyncrasiam in unoquoque ægro singularem, à priori eidem imperscrutabilem. Sic enim ponamus duos podagricos, alterum sputum cruentum, alterum stranguriam patientem; sanè in utroque variant Indicationes. Ceterum idiosyncrasia hæc tam ad contentos corporis nostri succos, adaque horum crasin, quam etiam continentes partes solidas, & harum conformationem mechanicham, quæ in omnibus subjectis quoad poros & meatus minimos suam differentiam patitur, imò ad mutuam harmoniam & proportionem, extendenda est: Sic in nostro ægro propter acidi specialem configurationem cum porulis renum fit stranguria, in aliis hæmoptysis & sic porro. Quia ergo speciales naturæ motus considerandi, & in nostro ægro peccet acidum podagricum, sed quod laudabili conatu per vias urinarias excernitur, utut ibidem per accidens dolorem inferat, sequentes observandæ Indicationes:

1. Acidum peccans podagricum temperandum.
2. Motus iste materiæ laudabilis per vias urinarias promovendus; sic enim præsens paroxysmus curabitur.
3. Hinc post aut extra paroxysmum fomes materiæ peccantis, acidi vitiosi erratum, si quis superest, removendus, & ejus regeneratio in primis viis præcavenda.

Unde cum ad hunc ægrum ante tres annos, tussi adhuc urgente, vocatus, eaque adhuc sicca, parum verò humida, ab acrimonia lymphæ nata, vestigiisque leviculis podagræ circa articulos affligentibus, præscripsi:

℞. *Aquæ scabios.*

Menthæ ana ℥iſs.

Spiritus sal. Ammoniaci anis. ℥iſs.

Fl. Sulphuris (pro lymphæ acrimonia corrigenda) ℥ss.

Syr. scabios. ℥vi.

M. f. Potio.

His interdum, in specie vespertino tempore, gr. i. ad gr. iſs. *laudani opiatum* addendum jussi. Hac potione repetita tussis evanescebat, sed in vasio podagræ exasperata fuit pro qua lenienda ordinavi:

℞. *Spiritus sal. Amm.* ℥ii.

Cochlear. ℥i.

Misc.

Dedi ad gutt. 30. 40. ter in die, manè, à meridie, & vespere, uti in casu proposito erat, semper, quantum possibile, aliqualem sudorem expectando; verum æger sudare nequibat, ob stricturam pororum cutis à frigore antecedente obductam: hinc &, continuato spiritu, sic cessantem podagram stranguria excepit, repetente insimul insigniter tussi, ex acido resoluta ad asperam arteriam delato orta; unde præscribebam, (quia æger aliàs fa-

facilis solutionis erat) pro lymphæ acida acri temperanda, & urina promovenda:

℞. *Amygd. dulc. ambr.* ℥ss.

Sem. Violar. purp. ℥iii.

Papau, alb. ℥ss.

Cum f. q. *aquæ alkecheng.* f. Emulsio ad ℥vi. vel vii,

adde

Lapil. Cancr. præp. ℥i.

M. edulcoretur parum.

Optimè contulit, & urinæ fluxum promovit; ideo ter vel quater reiterabatur, cum plenaria ferè ægri reconvalescentia.

Insuper pro derivando acriori sero per alvum, si quod superesset, præscripsi hoc blandum laxans, quia æger facilis erat solutionis:

℞. *Conf. Rosar.* ℥ss.

Tartari Vitriolati gr. viii.

Res. Jalapp. gr. v.

M. f. Bolus.

Unde ex usu hujus sexies vel septies excrevit per alvum, & ita penitus convaluit æger.

Cæterum vomitorium fuisset hic pestilentissimum, quia naturæ motum impedivisset in nostro casu; contra si *stranguria* illa nimis contumax sponte vel errato interno vel externo fuisset prognata, concessissem vomitorium. Resinæ purgantes autem, quo magis per pingua solvuntur extra corpus, eò melius intra purgant intra corpus. Hinc simili ratione ex iis possunt parari emulsionēs purgantes suavissimæ pro delicatulis; ex. g.

℞. *Sem. melon. exc.* ℥ss.

Mag. Jalap. gr. vii. ad ℥ss.

Aquæ Rosar. ℥i.

f. l. a. Emulsio:

adde

Scamm. sulphurat. gr. ii.

Aquæ Cinnam. ℥ii.

Spiritus Rosar. ℥ss.

Syr. Rosar. q. s.

M. D. S.

Emulsio purgans.

Stranguria aliisque quamplurimis vitiis, à lymphæ acri ortis, glycyrrhiza egregia est, temperans acrimoniam urinæ; unde ea vel in Decocto, vel in fæcco inspissato, propinari potest. Similiter cortices aurantium nobiles sunt; unde pro *stranguria* ordinavi:

℞. *Pulu. cort. Aurant.* ℥ss.

Lapill. Percar. præp. ℥ss.

(Singulare sunt diureticum: quorum loco etiam lapilli cancrorum præparati, aut testæ ovorum calcinatæ conveniunt.)

Ol. destill. cort. Aurant. gutt. ix.

Cum paucis *Saccharo* f. Pulvis pro tribus dosibus.

Horum vehiculum sit vinum dulce, quia acidula vina non conveniunt, aut vinum, in quo silices candefacti contusi sæpius extincti sunt; sic enim vinum fit obtusè salsum, adeoque diuretica vi insigniter pollet. Dulcia vina alcali & oleo copioso turgent, hinc non diù durant.

Porro rapæ recentes, pariter & exsiccata; tam in lymphæ quàm urinæ affectibus commendandæ, optimæ sunt: de quibus vid. GABELCHOVERUS in *Observat.* qui maximè commendat raparum Decoctum; item conf. CRATO in *Consl.* & SYLVIVS in *Praxi*: sicut eadem quoque in tussi, tam stomachali quàm pectorali, occasione inclementioris aeris enata, omnia ex rapis præparata sunt: egregia. Conf. FORESTUS lib. 5. *Observ.* 4. qui gravissima *stranguria* laborans, usu foliorum malvæ cum *syrupo violarum* convaluit. Sic itidem violæ præ ceteris nobiles & specificæ sunt in affectibus urinariis, quarum vis specifica cum concentrata sit in earum semine, hinc optima est ex hoc parata emulsio seminis violarum; est enim terebinthinate nonnihil nature, hinc acorem temperatum continet. Insuper non cedit violis hypericon, & hujus semen, quippe quod digitis contritum, & odorem & saporem terebinthinæ refert; unde in specie electuarium ex semine hyperici & conserva florum violarum laudatur maximè à ZAPATHA in sua *Clave Medicinæ*, pro præservatione à nephritide. Facit huc etiam *conserva florum Malvæ*, quæ in

dysuria & *stranguria* laudatur ab AMATO LUSITANO & HOECHSTEDTERO Dec. 6. cap. 2. in *schol.*

Quodsi eger in ætate juvenili constitutus, & visceribus & stomacho adhuc salvis gauderet, acidulæ convenirent; si verò æger senex esset, & tono viscerum debiliori, & fibrarum vesicalium læso, laborasset, tunc ordinassem potiùs thermas, quarum infessu vitia urinaria corriguntur. Id quod in Syndico quodam Dresdeni ante aliquot annos expertum audiui, ubi hic quidem jejunos semper optimè se habuit; simul autem ac in prandio vel cœna tantillum biberet, & quidem potum calidum, intensissimum dolorem in vesicæ urinariæ regione, & cervice sensit, cum continua & diu perdurante *stranguria*; matutino tempore optimè habuit. Interim urina ejus non erat purulenta, nec lactea, sed pinguedine tantilla supernatante prædita. Hic ergo aliis omnibus irritis, ad aliquod annos usurpatis, tandem per thermas curatus fuit, & ultra biennium benè exinde habuit. Audiui tamen, superioris ætate malum recrudescere voluisse, quod propter inertiam bilis in senibus facile fit; hinc in iis *stranguria* difficilis est curatu. Adeo ergo senes, *dysuria* difficili laborantes, possunt dimitti ad thermas. Aliàs etiam LINDANI euporiston in *stranguria* est balsamus de Capaibe: vel balsamus Indicus albus, ad guttas aliquot in Decocto petroselinæ, egregium simplex est, & omnes vires balsami Peruviani, in gradu tamen excellentiori, obtinet; unde præter hoc, quod in gonorrhœa virulenta insignis virtutis sit, speciatim etiam, ubi jam vesica ex continuata *stranguria* aliquam exulcerationem jam passa, convenient. *Borax* denique, subjectum quidem alcalinum, temperatum tamen, uti menses pellit, ita quoque urinam, & ejusdem acrimoniam temperat. Tandem optima omnium remedia *cancrina* præ ceteris sunt etiam egregia, ut *succus expressus*, &c. plurimis indicationibus satisfaciencia: speciatim

℞. *Cancros binos*:

Contunde in mortario, & exprime succum; qui misceantur cum aqua, vel *cerevisia*, vel *vino*, & pro duabus dosibus propinetur egro.

Ordinarium etiam euporiston in excoriata vesica solet esse, si recipiatur *Oleum Amygdal. dulc.* cum *Syr. de Althæa Fernelii lapill. Cancr. præparatis*.

In excoriatione autem & exulceratione vesicæ etiam conveniunt *balsamica sulphurea*, *balsamus sulphuris*, *terebinthinatus* & *succinatus*.

Externè excellit *axungia hirci*, cum oleo destillato terebinthinæ mixta, & umbilico regionique pubis illita; nec non lac continuato usu bibitum in magis confirmato malo, quod dicta ordinaria nequit curari, imprimis caprillum, quod melius, sive bubulum, quod deterius, maximè proficuum est.

Præservativè in hujusmodi affectibus nephriticis, aliisque urinariis; & podagra, excellunt *tinctura nephritica*, *spiritus carminativus*, *clyssi compositi urinosi*, & *spiritus salis ammoniaci*.

Cæterum singularem affectum dolorosum inguinalem observa vi in fœmina quadam, ætatis ingruentis, multorum liberorum matre, quæ aliquando subito gravissimum dolorem lancinantem, lacerantem & pungentem, in regione vulvæ idque potissimum in labio ejus dextro dicebat in partu) patiebatur. Vocatus ergo, inveni eam in miserabili statu; etenim dolor erat horrendus, lancinans, subindeque sursum, versus regionem umbilicalem pergens, hinc se retorquendo. Suspicabar initio vel calculum vesicæ vel ejus excoriationem & exulcerationem, vel etiam latentem in pudendis abscessum. Verùm nil horum aderat liberè quippe urinā excernebat, ante, in & post paroxysmum similiter nec unquā fuerat nephritica nec calculosa, nec pus nec sanguis in urina conspicua erant. De abscessu vero vel ulcere vel tumore in pudendis pariter non erat metus, quia sana subito & ex improvviso dolores hos incurrebat, qui desinentes, post dimidium annum recurrebant. Unde dubius eram super novitate casus; tandem conclusionem formavi, audiens ex egra, hanc antè admodum proclivem fuisse ad pathemata hysterica: pro quorum cura, irritis aliis, multoties adhibuerat mentham contulam, quam in forma globuli compactam pudendis intruserat, & ira semper paroxysmus cessaverat. Ex dictis colligebam spasmodum & convulsionum præsentiam, imprimis

mis quia dolor sursum pergebat; sub qua conjectura pro paroxysmo leniendo ordinabam:

℞. Cinnab. Antimonii,

Lap. Perlar. ana ℥i.

Land. opiat. gr. ii. vel iij.

Misc. div. in 2. doses, ex cerevisia calida assumendas.

Unde ex prima dosi deglutita sensile levamen sensit patiens, post alterius usum paroxysmus penitus ferè cessavit, nisi quod leviasaltem vestigia circa pudenda se adhuc offerrent.

Cum verò semper de affectu urinario suspicarer, ordinavi emulsionem violarum, item tincturam nephriticam; sed nihil operabantur præter urinæ effluxum. Sicut externe ordinavi oleum destillatum succini cum petroleo: verum exasperabatur malum, forsan ex acrimonia horum oleorum. Præscribebam tandem spiritum salis ammoniaci mixtum cum essentia myrrhæ, ex cuius usu jam per annum vegeta adhuc vivit, & sana adhuc dum; & quoties sentit, dolorem quendam moveri circa pudenda, statim ad prædictam mixturam confugit. Adeo ergo spasmos esse occasione pathematum hystericorum circa pudenda enatos, patet.

CASUS XLVI.

EPILEPSIA HABITUALIS.

Puella nobilis, 10. vel 11. annorum, alias sana & optimè constituta, jam ab aliquot septimanis, ex hypochondrio sinistro obscure dolente, subinde præcordia anxie admodum affici percipit, ita, ut hinc subito sensus & motus voluntarius cessent, membra è contrà variè expandantur & moveantur digiti ac brachia nunc inflectantur, nunc rigidissime extendantur, subinde jacenti universum corpus arcuatim attollitur. Duram hæc nunc per quadrantem, nunc per dimidium horæ, unde denuo ad se quasi rediens, de nullo, nisi artuum lassitudine, conqueritur: sæpius, etiam citra manifestam causam, tales paroxysmi redeunt, ipsa interea mœsta præter morem, & lachrymabunda existente; dormit bene, large comedit, quin & cessante paroxysmo, subinde potum & alimenta postulat. In paroxysmo, dum odorator balsamus naribus admoveatur, omnium sensuum & internorum & externorum functiones restituntur, partium miro isto motu adhuc affligente; subito ac remouetur balsamus, istæ sensuum functiones iterum cessant. Ingruente paroxysmo semper motum prævium in hypochondrio sinistro percipit, quoad anteriora præcordiorum accedente, præfata subito ingruunt symptomata, ipsa quid secum interea fiat? nescia. Opem ergo Medici & curam adstantes desiderant.

RESOLUTIO

DN. MAXIMILIANI PREUSSI,

Uratislavia-Silesii,

Cum

Speciali Discursu & Annotatis

B. DOMINI PRÆSIDIS,

Censura & Emendationi subjecta

Anno 1676.

AFFECTUS.

Epilepsiam, eamque per consensum, præsentem puellæ nobilis esse affectum, in oculos facile omnium incurrit, quemadmodum de fomite ejus multum dubitare licet. Quippe cum in hypochondrio lateris sinistro, dolore scilicet obscuro sensim ad præcordia usque repente, paroxysmi semper fiat initium, facilis res est judicii, isto in loco mali hujus latere

autorem, quanquam parte specialius ibidemque affecta, non usque adeo omnibus manifesta.

PARS AFFECTA.

Posset enim suspicio suboriri, lienem molesta istius sensationis princeps esse subjectum, atque quem ratione membranarum doloribus ejusmodi obscuris obnoxium non nunquam esse, negari adeo non potest, nisi forsam situm ejus ad dorsum magis inclinantem à culpa cum absolvere hoc loco dicas. Subire quinimo mentem posset, partem jejuni in sinistram hypochondrium assurgentem, sedem huius doloris constituere, nisi forte firmiter ejusmodi materie peccantis inibi fixatio locum habere haud videatur, tum propter continuum succorum abstergentium transfluxum & inconsuetam ibi subsistentiam, tum ob aptam minus, pro retentione eorum longiore loci conformationem. Omnium tamen probabilissimè colli flexura pro parte per essentiam affecta hic habetur, non solum, quod ratione cellularum & plicatura insignioris ibidem formata, ad fovendam firmiter causam morbosam aptissima sit: sed etiam, quia infantibus ex muco acido ibi stabulante, nec non hystericis, hypochondriacis, colicisque (quibus sanè omnium consensu in colo plerumque causa heret) insultus ejusmodi epilepticus facile frequentissimè contingit. Verum licet & hoc supposito, nihilominus tamen, qua ratione partium hypochondrii sinistri modo recensitarum affectio dolorosa exactius sit discernenda, pro meliori confirmatione plenius informari discuperem.

Missio interim hoc, progredior potius ad partem per consensum, sed ratione epilepsie proximè affectam, quæ vix alia esse potest, quam corporis membrana ac muscoli, mediantibus quibus cum motus omnis secundum naturam fiat, eum quoque, qui præternaturalis est, per eos contingere quis dubitet?

CAUSÆ.

De causa remota, eaque externa, suspicionem præbet larga alimentorum ingestio, ætati impuberi, e communi more & nomine addiphagiæ admodum usitata; qua factum, ut cruditates non paucæ in ventriculo relicte fuerint, quæ loci tepore & fermenti stomachalis acore forsan concurrente hostilem ibidem contraxerunt aciditatem, à bile vix totaliter corrigendam, hinc tandem ad intestina & colon imprimis delata, & quoad partem in sinistra hujus flexura tantisper incarcerata ingratam fermento suo acido volatili nonnunquam prodiderunt præsentiam, & sub irritatione illa dolorosa causam remotam internam exhibuerunt, obscurius tamen nonnihil agentem; partim quod subjecto plus minus viscido inhereret, & in se non adeo intensè acris esset, siquidem omnia acida volatilia fixis longè blandiora sunt; partim denique, quod pars affecta paulo profundior à latere externo obtineret situm.

Quoad causam proximam epilepsie: eam constituunt spiritus animales impetuosè, interruptè tamen ac inordinatè, in organa motus irruentes, dum occasione vellicationis illius sensibilioris in flexura coli factæ ad hanc impetuosius confluerunt, eademque motu contrario in vehementiore agitarunt, qui successivè communicatus partibus connexis vicinisque, ac inter has stomachi sensibilioris orificio, anxiam præcordiorum intulit molestiam, & spirituum ad hæc quoque loca concitationem excitavit appulsum. Cumque ex concussionibus viscerum horum aliæ simul partes motui dicata, ac cum his radix tandem nervorum afficeretur, totus spirituum exercitus inde admodum turbatus à motu ordinario & influxu in organa sensus cessavit; hinc functiones sensuum omnium remiserunt, & ex adverso inordinatus ac copiosiorum spirituum in organa motus, h. e. musculos, factus impulsus, quem necessario partium & corporis totius modò contractio, modò relaxatio seu extensio involuntaria est insecuta. Quæ ipsa tamdiu perseverarunt, donec absumpta sic magna spirituum copia non ampliùs sufficerent, reliqui pro impetuoso hujusmodi in tot membra motu continuando: unde & quotidie videmus, concussionem istas in declinatione paroxysmi pauciora successivè, & tandem unum saltem affligere membrum, donec & ab hoc tandem remittant, sicque universæ huic scenæ finem imponunt. Quæ absoluta sitis ordinariè famæque nonnihil urget, ob salivam fortè stomachique fermentum acriora paulisper facta, ratione particularum spirituosarum, quæ ea alias temperare solent, nimis absumptarum. Accedit insuper artuum lass-

lassiade, cum ob fibrillas horum intensiori frequentiorique motu admodum laceratas, tum ob eandem spirituum majorem deperditionem; quæ ipsa & causa ex parte existit. Mæroris tandem subsequens, dum massa sanguinea lentius ob spirituum defectum commota hominem ad melancholiam disponit, quam in actum facile deducit languor animi ingratus, ex pudibunda continuo morbi adeo omnibus invisi consideratione ortus.

Sed ne obliviscamur penitus illius in paroxysmo phænomeni, quo odoratiore balsamo naribus applicato sensus in ordinem redierunt, remoto iterum cessarunt; videtur sanè hoc nan aliunde contingere, quam quod spiritus ad stimulum objecti huius (vel eo nomine gravioris, quod profundius ad cerebrum usque penetrando eorum numerum aliquomodo auget) avertit antisper amotu, quem ad inferiora intendebant, iterum ad nares reliquaque organa sensuum in capite vicina proliciantur, hoc sublato inordinate denuo pristinos sequantur trinites. Hoc tamen obscurum adhuc remanet, quomodo ex irritatione ista narium facta, ad organum tactus membrorum inferiorum spiritu quoque fuerint commoti; scubi tactus per universum corpus rediit;

PROGNOSIS.

Prognosis quod spectat: Epilepsia hæc non est de nihilo, eò quod omnes sensus in paroxysmo desinant; extra paroxysmum vero tristitia, alias agræ insueta: metum inferat, ne hæc tandem in perfectam melancholiam, & ex majori successive sensuum internorum per paroxysmum læsione, in aliqualem mentis hebetudinem ac conturbationem abeat, uti id fieri haud raro obvia, quotidie testantur exempla.

Quæ ipsa tamen optimè adhuc præverti possunt, si cura maturè instituat, cuius felicem successum promittit affectus præsens, quia nondum est inveteratus, & natura in paroxysmo aduc viget: de quo testatur phænomenon superius adductum; quod ad applicationem balsami odoriferi sensus adhuc redeant.

Quo sitamen præter omnem spem affectus continuato aliquamdiu medicamentorum usui nolit cedere, sublationem tamen ejus certam promittere possumus juxta HIPPOCRATEM Aphor. 45. Sect. 2. & Aphor. 7. Sect. 5. quia invasio ejus ante pubertatis annos contigit; quod in talibus subiectis probe observandum. Accidet vero tempus illud liberationis procul dubio circa annum ætatis 14, mox excretorio menstruo tunc vices istas subeunte, causamque morbi eliminante.

CURA.

Accedimus tandem ad Curam, quæ dispescenda venit in paroxysmalem & extra in paroxysmalem.

Extra paroxysmum omne punctum consistit in acidi volatilis præter naturam collecti destructione, quæ obtinetur his scopis, si scilicet

1. Per evacuantia acidum hostile eliminetur ex primis viis.
2. Per alcalia volatilia & fixentia; uno nomine specifica, corrigatur.
3. Per opiata, specificis istis interdum mixta, sensibilitas intestinorum mitigetur, sicque vis acidi in hæcce infrigatur.
4. Per dietam parciolem ulterior acidi proventus præscindatur.

Pro primo igitur scopo satisfaciendæ Purgantia per inferiora, & vomitoria: Illa quidem; quoniam causa irritans potissimum in colo, cuius contenta per inferius guttur saltem educi possunt, latet; Hæc vero, quia ventriculus est fons acidi illius hostilis; Quanquam, num vomitoria in agræ præsentem locum inveniunt, dubitare quis posset, cum puella sit decem demum annorum, eaque nobilis, ac proinde delicatioris texture, utpote huic hominum generi familiarioris; cum tamen in casu mentio fiat optimæ illius alias constitutionis, auguror & pro vomitu ferendo eandem satis fore valentem.

Sed ut ad remedia ipsa accedamus, notandum agram videri exquisitioris esse palati, ac proinde remedia grati saporis, quantum fieri potest, exigere.

Inter purgantes ergo formulas optimè conveniet emulsio vel bolus: v.g.

℞. Amygd. dulc. excorr. No. iij.

℞. Jalapp. vel Extr. helleb. nigri ℥ss.
Redigantur cum f. q. aquæ rosar. in Emulsionem ad ℥j.

adde

Mercurii dulc. gr. xij.

Poterit edulcorari cum pauxillo Sacchari.

D. S.

Emulsio purgans, benè circumagitanda.

Vel

℞. Conf. rosar. vel pulpæ Passul. ℥j.

Extr. helleb. nigri,

Merc. urii dulc. ana gr. xij.

Cum f. q. syr. de fumaria f. Bolus:

D. S.

Electuarium purgans.

Vel loco Purgantium per os assumptorum clysmata abstergentia & purgantia forsitan non essent inconjuncta, quia immediate magis ad fomitem causæ peccantis & stimulantis pertingunt; Quapropter v.g.

℞. Decoct. Pisor. ℥viij.

Dissolve in eo

Sal tartari ℥j.

Scammon.

Extr. colocynth. ana ℥j.

M. f. Clysm.

Quod injectum retineatur; quamdiu potest.

Vel si Purgante per os assumpto placet saltem clysmata abstergens aut temperans adhibere, pro eo sufficere simpliciter urina humana vel lac injectum.

Interjectis aliquot diebus ab horum usu, propinare vomitorium sequens:

℞. Vini Rhen. ℥vj. vel ℥j.

Infundantur.

Vitri Antimonii ℥ij.

Stent in loco tepido per noctem:

mane filtretur & addatur

Aquæ Cinnam. ℥j.

Ess. s. Papav. errat. (pro grato colore) ℥ij.

D. S.

Tinctura Emetica.

Pro scopo secundo, cum quo tertius optimè combinari poterit, varia laudantur, & inter alia a LUDOVICIO in Pharm. ut commendatissimum specificum antepilepticum, (non ut emeticum) refertur antimonium crudum ad gr. ij. vel iij. cum aliis precipitantibus adhibuit: quod tamen antitò imitari liceat, judicio Excellentissimi Dn. Præsidis submitto. Ego verò reciperem:

℞. Raf. cran. hum. violenter interempti, vel dent. hippopot. ℥iv.

Salis vol. Cornu Cervi ℥ij.

Laud. opiat. gr. iij.

M. f. Pulvis

Dipide in 4. partes.

Quarum bihorio antepastum utrumque, dosis una capiatur in jussculo vel vehiculo aquæ cujusdam destillata domestica; huiusque pulveris usus per integram septimanam continuetur.

Vel

℞. Corall. rub. præp. aut Ebor. sine igne ℥j.

Cinnab. Antimonii ℥ij.

Sal. vol. succini ℥ss.

Laud. opiat. gr. iij.

M. f. Pulvis pro 4. dosibus,

simili modo usurpandus.

Si agræ propendeat magis ad formam liquidam:

℞. Aquæ lil. convall. ℥ij.

Spir. sal. Ammoniaci ℥ss.

Ess. Camph. ℥ij.

Cornu Cervi sine igne ℥ij.

Laud. op. gr. ij.

Ol. destill. Caryoph. gtt. vi.

M. f. Potio;

D. S.

Potio pro 2. dosibus, benè circumagitanda.

Capiatur una dosis mane, altera sub introitu lecti, & aliquamdiu sic continuetur.

Vel loco horum solus spiritus salis ammoniaci & essentia cam-

camphoræ, vel castorei, alternis vicibus dosi semper a Zi. dictis modis usurpari possent in vocabulo aquæ cujusdam dictæ, vel cerevisiæ aut jusculi, interposito subinde usu pulveris ex radice pœoniæ Zi. ℥. ocul. cancerorum gr. xv.

Quæ ipsa sanè sufficere poterunt, si autem specifica alia hæc coacturare non necessum videatur.

Externa si in usum vocare placuerit, palmam reliquis præfert oleum destillatum succini, quod illinatur abdomini, ac imprimis hypochondrio sinistro, frictione loci simul adhibita.

De cætero amuleti loco potest ungula alcis esse.

Hæcque extra paroxysmum.

Quodsi signa appareant paroxysmi imminentis, laudata modo pro scopo secundo optimè iterum in usum trahi possunt. Conveniunt etiam Hypnotica imprimis, e.g. oleum destillatum buxi naribus insufflatum, temporibus ac vertici illitum, vel etiam internè insuper propinatum. Quin imò ligatura pro interclusione convulsionis commodè tunc iniici potest hypochondriis & brachiis, vel etiam ex recensitis superius clysmatibus aliquod immittatur.

Quoad Curam verò paroxysmalem, si paroxysmus scilicet jam sit præsens, omnis intentio eò dirigenda erit, ut hic citius solvatur: quod obtinemus vel spirituum motus compe-scendo, & narcoticis sistendo, vel eosdem ad alium quendam locum evocando.

Prius faciunt partim jura recensita opiata & hypnotica, tam internè, si ingeri queant, quàm externè usurpata, partim volatilia penetrantia simili modo adhibita; vel externè, e.g. spiritus salis ammoniaci naribus insufflatus, castoreum his admotum, vel balsamus quidam odorator, e.g. apoplecticus, item fumus ex succino excitatus juxta SYLVIVM in Praxi optimus est, vel internè dicta exhibeantur, aut etiam liquor cornu cervi succinatus, aqua typhorum cervinorum, sal volatile succini, sal commune vel alia ori immittantur.

Posterius verò, scilicet spirituum motus aliò avocandus; præstant vomitus excitati, tanquam extremum hac in parte remedium. Quoniam autem vomitoria tunc propter convulsionem musculorum temporalium non possunt ventriculo immit-ti, præstat ore violenter aperto cum penna aliquot granis tartariemetici conspersa pharyngem ad vomitum provocandum irritare.

Nec forsan pro hoc scopo clysmata acrius adhibitum sine fructu foret.

Si præter expectationem his & similibus affectus prorsus obedire renuat, crederem cum SYLVIO, qui ad experientiam suffragantem hic provocat, non sine emolumento insigni futurum, si pro cura palliativa interim fonticulus in pede lateris affecti excitetur, quo sic causa peccans ad hunc magis proliciatur, perque eum evacuetur, donec succedente postmodum cum annis pubertatis menstruorum fluxu, fonticulus hicce iterum claudi, sicque affectus penitus extirpari possit.

DISCURSUS & ANNOTATA SPECIALIA.

B. DN. ETTMULLERI.

Est Epilepsia, & quidem ad imitationem WILLISII dicenda Habitualis, ad differentiam accidentalis seu symptomaticæ, qualis v.g. in variolis aliisque febribus malignis, nec non in parturientibus, per accidens observatur.

Quoad fomitem morbosum seu subjectum causæ morbificæ; observandum, in morbis internis quamplurimis, quasi spontè natura enatis, duplicem causarum haberi rationem, causæ nempe efficientis, & materialis. Illius efficacia, ubi speciatim & magis particulariter se exerit, motu, & effectu præternaturali, morbi subjectum dicitur: Hujus verò sedes primaria ubi est, aut ratione originis, aut ratione radicationis seu inhæsionis, aut ratione afficiendi modi, est subjectum causæ seu fomes morbosus, seu subjectum morbi radicationis. Hinc in casu præsentis efficiens proxima est spirituum impetus: remota est vellitatio partis nerveæ sensibilis, cujus occasione iste motus excitatur: Unde partes motu isto spirituum præternaturali affectæ subjectum morbi sunt; sed materia ista acida, quæ vellit, est materialis causa, quæ cum hæreat in splene, hic fomes sive subjectum causæ materialis est. Causa remota ad materialem disponens, est error digestionis primæ. Quodsi causa materialis eandem occupet partem, quæ morbo speciatim affligitur, per

essentiam erit; sin in alio loco, morbi per consensum species enascitur.

Subjectum autem radicationis seu fomes morbosus in nostro casu, quærendus est in hypochondrio sinistro; quod indicant adjuncta eidem symptomata. Cæterum quæri posset; an intestina? an verò lien accusandus sit? Ex colo provenire talia symptomata, non probabile est, eò quod in hysteris, colicis & hypochondriacis morbis, imò in infantibus, in quibus tamen omnibus causa proxima in colo residet, talia phænomena non observentur. Unde potius lien hic considerandus est, qui reverà in præsentis casu materialis causæ subjectum & fomitem morbosum in se continet, & quidem ratione suorum nervorum insigniorum, in splene affecto graviter irritatorum, qua ratione in spasmos abripiuntur; unde & reliqui ex plexu istorum nervorum affecti surculi in similes spasmos abeundo graves morbos convulsivos concitant, quorum communicationem videb. in Anat. Nerv. ex WILLISII Tab. 11. ubi considerationem meretur plexus mesentericus lateris sinistri primus, ex quo nervi splenis, & stomachi insignes & copiosi originem ducunt: atque ex hoc plexu deducendus est consensus splenem inter & stomachum observabilis.

Affectus tales splenis aliàs non rari sunt, qui tamen hic non confundendi sunt cum coli pathematibus, adhuc crebrioribus, in colo enim dolores sunt magis dolentes, speciatim punctorii & lancinantes; cum contrà in lienis affectibus talia non, sed dolor gravans, obtusus, & simul nonnihil contundens, rarius etiam pulsatorius, observetur. Utrique affectus, utut non sint tam causa, quàm quandoque effectus seu productum morbosum materiale, nihilominus tamen fomes morbosus subinde inibi se affigere potest; unde ibidem latitans, & altius radicem gerens, istorum affectuum paroxysmos nunc exasperare, nunc variis symptomatibus multipliciter variantes reddere potest, fomite in primis viis, hinc mesenterii glandulis, præsertim hærente.

Porro splenis pathemata multiplicia esse possunt, præter vitia conformationis & tumores, præsertim scirrhus inde natos, imprimis fermenti ejus vitia respectu chronicorum morborum, & ejus peregrini saporis, probabilissimè acido austeri varii, multiplices morbosos affectus inferre valent, prout ab eodem nunc præterflus sanguis, nunc distributi eò surculi nervosi magis vel minus affliguntur. Ad eò ergò in nostro casu splen potissimum affectus videtur, quod & doloris ratio, & situs partis affectæ in paroxysmo, item connexio lienis cum stomacho persuadet.

Interim quæritur: qua ratione affectæ partes in hypochondrio sinistro dolorosæ exactius discernendæ sint? Resp. ex doloris præsertim ratione affectam partem determinandam esse: nempe splene affecto dolor imprimis gravativus, obtusus, & quasi nonnihil contundens, rarissimè pulsatorius, observari solet; colo verò læso obvius est dolor fixus; pungens, interdum quasi terebrans, & validè distendens; sicut tandem intestino tenui laborante interiùs magis dolor lancinans, lacerans, rodens, & plus minus pungens, adest.

Ex his ergò dolorum modis cum cæteris circumstantiis facile de Parte affecta certiores esse possumus. Præ cæteris pro splene affecto militat etiam, quando affectus, qui in hypochondriis fomitem habent, occasione animi pathematum, iræ, terroris, tristitiæ, mœroris, pavoris, &c. ex commotione nervorum lienis & stomachi, exasperantur. Ratio est, quod insigniores nervos splen habeat, quorum occasione splen juxta & cor insignem habent connexionem, hinc etiam ordinariò dictis animi pathematis viscera illa affici solent. In Praxi observavi, quantum animi pathemata valeant, ubi puellam ex casu ab alto, terrore, &c. epilepticam factam vidi. Imò nil novi est, mulieres ex sola tristitia diuturniori, splenis in specie vitia, cum sensibili tumore ejusdem, & sensu doloris istius loci, incurrere, qui affectus difficillimè curantur. Sit ergò fomes morbi in splene.

Subjectum autem primarium morbi sunt fibræ nervorum motrices, ex quibus universum systema nervosum est contextum. Uti enim ex subjectum sunt sensus & motus, ita quidem, ut in externis sensibus passivè magis, contrà in motu magis activè se habeant; ita & eadem fibræ præternaturalis motus convulsivi sunt primum subjectum, & in casu nostro narrata pathemata inferre poterunt; sive istæ nunc in longum & latum extensæ membra-

branzæ speciem & figuram referant; sive eadem mutuo congestæ, & secundum sui longitudinem in rhombum distributæ, & carne pro firmiore robore firmatæ, muscolum exhibeant: Conf. STENO in *Mylog. Subiectum* verò *Causæ* est *lien*.

Materialiter ergò *considerata causa hæc remota* hujus epilepsiæ est *acidum* in primis viis genitum & fermentum lienis inquinans; formaliter verò eadem est, quatenus hostile est nervoso systemati; quod in hypochondriis vellicando ad spasmos concitat occasionaliter. Etenim acidum peccare, ex appetitu constat, quod ægra extra paroxysmum bene comedit; sicut aliàs ægri tales probe appetunt & comedunt, promptèque digerunt; ubi tamen hoc observabile est, quod quamdiu epilepsia habituali affectis appetitus constet, vel intendi videatur, tamdiu in incremento aut statu constitutus sit morbus; & quo magis increseat appetitus, eò magis increseat morbus, & difficulter curetur, quod observavi in ancilla, quæ *Bætylum* etiam devorasset; contra ubi cessaverit appetitus, vel arte vel natura, sine ullis aliis gravioribus symptomatis, signum est, stare morbum, aut etiam declinare.

Formalitas causæ materialis est *sapor peregrinus*, nervoso generi inimicus: præter quem probabile etiam est, non quidem copulam explosivam accedere spiritibus animalibus in partibus externis, sed massam sanguineam ipsos magis, quam par est, efficere elasticos, quæ vis elastica in motibus talibus spontaneis corporis animalis, & corporum non animatorum, in quamplurimis consideratione dignissima est.

Adeoque *causa efficiens proxima* est *impetus spirituum animalium* elasticus auctus; sicuti *remota* vellicatio nervorum in splene.

Jam verò quoad spirituum animalium impetum elasticum in artubus epilepticorum observabilem; *notandum* probabile esse, in epilepsiis confirmatis, præter massæ sanguineæ & splenis vitia, etiam subesse spirituum animalium asperiores crasin, cujus vi tales ægri fiunt insomnes; sine imbecillitate tamen, hinc tam robusti adeo sunt in paroxysmo.

Quoad *tristitiam & mororem* ægræ; hæc acidum peccans originem agnoscunt; hinc enim, uti per se subinde melancholicos reddere solet homines, ita & hic omnia ista symptomata inferre valet. Cæterum, quod balsamo odoratori naribus admoto ægra ad se redeat, convulsivis tamen motibus artuum in eodem tenore manentibus, remoto verò balsamo mox in antiquam syncopen corruerit, hujus rei ratio deducenda est ex majori impressione objecti externi, puta balsami, in partem seu objectum sensorium. Objecta enim externa fortius afficiunt spiritus animales in corporibus cerebri striatis & corpore calloso, hinc sensus externi & interni redeunt, spiritibus reliquis ab inordinato sui impetu mediante externo impulsu fortiori revocatis; iisdem interea, qui ad spinalem medullam recidunt, in inchoato semel impetu persistentibus.

Quoad *Prognosin*: Nostra epilepsia habitualis, per consensum hypochondriorum affligens, ordinariò transit in *melancholiam* hypochondriacam, speciatim si tandem somnus deficere incipiat, quæ tandem abit in *maniam*, quam subinde insequitur *fatuitas*, imò interdum etiam hanc excipit denuò Furor. Sic enim ante triennium sub cura habui puerum novem annorum curandum, qui epilepsia habituali per plures septimanas laboraverat, ita, ut decies, imò duodecies in die, paroxysmum pateretur; noctu suaviter dormiens, contra manè evigilans dolorem in hypochondrio sinistro sentiebat, recurrentibus sæpius denuò paroxysmis, vesperi autem optimè se habebat. Interim curavi hunc pulvere epileptico antimoniali; sed eo ipso temporis puncto, quo non redibat epilepsia, ridiculam patiebatur melancholiam; quando verò post aliquot septimanas epilepsia redibat, mens etiam redibat. Alioquin, quod ægra in paroxysmo ab objecto externo facile moveatur, optimum signum est; innuit enim hoc spirituum animalium motum, facile in ordinem revocandum. Et posito etiam, difficile fore curam artificialem, puto tamen, si supervenerit legitima menstruatio, eam perfectè curatum iri; interim metus est, ut citra remediorum usum non superveniat menstruatio, unde maturè Medicus ad menses provocandos sit intentus.

Quoad *Curam*: ea sequenti ordine suscipienda, ut

1. *Acidum* nervos vellicans in primis viis & locis vicinis prius *corrigatur*, alias autem frustra aut nocivè laboratur; quippe purgantia & vomitoria acidum hocce sincerum vix evacuare solent, sed ab eo potius castrantur & figuntur: imò si acidum hoc non prius correctum, purgationibus vel vomitoriis camarina movetur, & pathemata exasperari solent.

2. Idem acidum *correctum per vomitum & alvum evacuetur*, aliquoties pro re nata repetendo.

3. *Lienis affectio* seu *vitium* internis & externis removeatur.

4. Si quid restat fomitis morbosus aut saporis specifici, appropriatis epilepticis *deleatur*, quibus adjungantur simul volatilia.

5. Anodynis, tam vegetabilibus quam mineralibus, puta cinnabarinis, efferus spirituum motus compescatur.

Pro primo scopo conveniunt *absorbentia fixa* hypochondriaca, terrea, & alcalina, præsertim Martialia: quibus hinc *volatilia* subjungenda; alias enim volatilia prima vice usurpata, occasione motus acrioris cum acido peccante, solent subinde exasperare symptomata.

Quoad secundum scopum: impossibile est sine vomitu, interdum etiam repetito, tales affectus curare, & fomitem radicatus evellere. Nec obstat puellæ nobilis constitutio delicata, cum infantes præ adultis facile vomant; ut taceam, hujusmodi subiecta epileptica; in quibus acidum peccat, optimè ferre vomitoria, quæ inter primatum ducunt antimonialia, & quidem in dosi insigni. Sic habui aliquando sub cura puellam decem annorum, quæ sub somni vigore semper epilepsia corripiebatur: huic ergò dedi vomitorium ordinarium, adulto aliàs sufficiens; Verum hoc parum operabatur; quippe malum erat ex splene, imò mater illius etiam splenetica; unde præscripti eidem dosineandem cum dimidia, atque sic demum effectum speratum obtinuit: Similiter alii adolescenti ordinavi quatuor grana tartari emetici, imò sex, sine effectum; præmissis autem absorbentibus, & sale digestivo hypochondriaco, aliquandiu demum post granorum tartari emetici usum supra, & aliquoties infra, purgatus hoc fuit: Non secus epileptico-melancholico gr. v. tartari emetici, & gr. ii. extracti trochiscorum albandal, exhibere coactus fui; præmisso per octo dies sale digestivo hypochondriaco, & vix vomitum potui excitare.

Pro infuso antimoniali *Dn. Autor Resolutionis* præscripsit *Zii. vitri antimonii*; sit ita, parum refert, vel gr. v. vel \mathfrak{ss} . vel *Zii.* perinde erunt; tantillum enim saltem est, quod recipit vinum, & quod tamen debite purgat.

Inter Purgantia verò rectè helleborus niger, & ex hoc parata remedia, hincque Mercurius dulcis, excellunt. Notetur: Mercurius dulcis non ita facile cum emulsionibus oleosis permisceri poterit, cum sit salinæ prolapiæ, & ad fundum se præcipitet. Alias in junioribus, si primæ viæ libere à viscidis sordibus fuerint, sit etiam cum euphoria blandè vomitorius. Optimè autem cum vitello ovi resolvuntur resinæ purgantium, addendo huic aquam cinamomi; ita enim sufficiens administrari potest purgatio. Et dedi aliquando mulieri, non facile mobili aliàs, \mathfrak{ss} . resinæ jalappæ cum vitello ovi solutæ, unde illa ultra 10. vices vomuit, una cum aliquot secessibus.

Clystma à *Dn. Resolutionis Autore* præscriptum validissimum erit propter purgantia, præsertim propter extractum colocynthidis viscosum.

Indicatio tertia absolvitur interne absorbentibus, potissimum Martialibus, spleni suo modo dicatis. & hinc tartareis volatilibus penetrantibus; & *resolventibus* appropriatis. Præ omnibus in his splenis affectibus commodè *emplastrum de ranis Vigonis cum Mercurio, duplicata dosi Mercurii*, in subiectis robustioribus lieni imponitur, sive tumeat sive non.

Scopus quartus requiritur specifica, quæ inter eminent antimonialia sulphurea fixa & cinnabarina, ceu mediæ consistentiæ, v. g. cinnabaris nativa, à Cratone magnes epilepsiæ vocata; &c. in quorum tamen usu observandum, quod cum salibus volatilibus juncta, sint convenientissima in epilepsia idiopathica magis & accidentali, non æquè in habituali: quibus specificis semper laudatum opiatum aliaque opiata correctæ addantur. Sed fiat cum distinctione: Nempe in epilepsia habituali paroxysmi

mi recurrunt nunc vagè, nunc periodicè : si in habituali periodicè, aut certis temporibus, aut etiam certis imminetibus signis, aut aliis symptomatis notabilibus recurrat paroxysmus, tunc commodè paroxysmo instante, i. e. mox ante ejus insultum, specificis opiata & anodyna maritari possunt, ut ita præcaveri possit; tali enim modo per specifica sistitur paroxysmus, & per opiata impetus spirituum tollitur : si autem epilepsiæ habituali paroxysmus vagè affligerit, & sine speciali symptomatum certorum prænuncio, opiatis non est locus, cum tales ægri ad melancholiam inclinantes eorum usu magis stupidi reddi soleant.

Sed quæritur : An etiam *antimonium crudum* in substantia assumptum in epilepsia conveniat? affirmat LUDOVICI, idque ex relatione alterius, qui ad gr. ii. vel etiam iij. cum aliis præcipitantibus combinando propinavit sine vi emetica. Notum est, antimonium quacunque ratione per ignem tractatum, nunc tam in substantia, quam in infuso, nunc emeticum, nunc catharticum, nunc sudoriferum esse; sicut etiam ipsum antimonii summum esse catharicoemeticum, testantur M. A. N. C. *Annotat. 3. Observat. 270.* : nec mirum est; nam fumus ille nil aliud est, quam flores antimonii. Interim quemadmodum illud in substantia ad gr. ii. vel iij. exhibitum parum & sine sensibili effectu operatur : ita quod in excessiva dosi datum sensibilem effectum habiturum sit, dubium non est. Nam etiam antimonium crudum in aqua decoctum aliqualem vim laxandi exhibet; unde puto, vino Rhenano infusum, illud similiter laxaturum esse, utut hujus rei non fecerim periculum. Aliàs antimonium crudum in substantia exhibere, minùs consultum videtur; utut enim ex minera illud fustum, sulphure suo volatili maximam quoad partem privatum sit, tamen adhuc metus est, ne aliquid veneni arsenicalis connexum sibi habeat. Antimonium crudum equidem in majori dosi brutis exhibitum, diversimodè ea afficit, dum porcos mirè saginat; & lardo pingui circumvestit, imò contra varos vel lepram porcorum, German. *die Finnein im Speck*, porcis pro dosi ad ʒß fursuribus admixtum, laudatur; non secus ac Hippiatri ejusdem ʒii. ad ʒiijß. in haustu vini equis propinant, quos hinc exercendo cursu ad sudorem disponunt, liquidaque per alvum eos eiicere faciunt; item hujus ʒi. avenæ permista equos leviter purgat : Vide *Transaction. Philosoph. Anglic.* Ex quibus colligere licet, quantas turbas antimonium crudum in substantia adhibitum allaturum sit; unde etiam illud non videtur tutum, sed minori fide, quam præparatum, adhibendum.

Præ cæteris tamen in nostro casu, quando per consensum partis alicujus affligit epilepsia, tam adultos quam infantes, omnibus specificè commendo *viscos*, speciatim *corylinum*, post *tiliaceum*, & tandem *quercinum*; quippè quæ in epilepsia ex abdominis consensu sunt egregii. Dantur tamen in magna dosi à ʒß. ad ʒi. in forma pulveris continuato usu. Ita namque ante triennium experimentum feci in rustica, virgine adhuc, quæ ab octo annis quotidie aliquoties paroxysmum epilepticum incurrerat; cui proin, cum ritè fluentibus mensibus, ordinavi vomitorium generosius, quo ipso varia & copiosa excrevit : post experimentandi gratia viscum corylinum ei exhibui, quo ter vel quater repetito ita cessarunt paroxysmi, qui aliàs mediam horam durabant. Hæc virgo, quoties instare paroxysmum concluderet, toties prodromum illius in latere sinistro sentiebat, & quoties percipiebat eundem recurrere, sumebat hunc pulverem, quo sentiebat, ac si morbum suppresserit. Utut autem ab usu hujus pulveris ultra tres menses sanata extitisset, postmodum tamen supervenit morbus malignus contagiosus in pago *Zahmen*, quo interiiit. Similiter biennium est, ex quo offerebatur mihi pauperculæ filia virgo, quam à tenera ætate usque ad 17. annum epilepsia affligerat; hinc itidem dedi, præmisso vomitorio ex tartari emetici gr. vi. pulverem hunc visci corylini : hinc post hunc pulverem, sub introitu lecti assumptum, incepit ab hora 9. vespertina usque ad horam 2. pomeridianam diei sequentis dormire, quod miratus fui. Aliàs dicta ægra erat simul melancholica, & alternis diebus ferox, semper tamen per plures menses sine omni ferè somno erat, unde epilepsia & melancholia augebantur, surgebat tamen ab hoc remedio mitis cum euphoria, Utut autem melancholia

Ettmuller. Oper. Tom. I.

lica adhuc esset, tamen, continuato pulvere, cessabat ita epilepsia, ut saltem omni novilunio rediret; ipsa plus minus melancholica existente. Melancholia autem illa, existente epilepsia miri, incrementum sumpsit, adeo ut subinde maniaca redderetur, ex qua etiam postmodum ex superioribus ædibus defiliendo, fracto cranio interiiit. Sic D. Schleith per literas mecum nuper communicavit, se pulvere visci corylini mulierem epilepticam, ab aliis Medicis relictam, feliciter curasse.

Juxta hunc viscum laudo etiam *stercus pavonis*, quod, uti ad vertiginem, ita etiam ad epilepsiam, singularrimum est remedium : Quoad vertiginem enim, observavi hic in opifice, qui superiori anno, à tempore Paschatos usque ad principium hyemis vertigine contumacissima affluctus, variis etiam generosissimis, remediis incassum tentatis, etiam fonticulo ipso in brachio excitato frustra, mirandum effectum præstitisse. Vertigo erat intensissima, cum cephalalgia admodum intensa in puncto verticis ad magnitudinem palmæ manus, ut quotidie bis, imò ter, lectum petere cogeretur. Huic varia ordinabam, sed frustra, etiam liquorem cornu cervi succinatum, item spiritum vitrioli epilepticum Dn. D. MICHAELIS, vomitoria chatartica, Martialia, &c. sed omnia erant frustra : tandem ex consilio WIL- LISII in *Anima Brutor.* præscripti :

ʒi. *Sterc. pavon.* ʒii. vel iij.

Rad. Pæon. mar. ʒi.

Caryophyll. ʒiij.

M. f. Pulvis:

Cujus largam dosin; duo scil. *cuspides cultelli* manè in vehiculo calico, & à meridie in frigido, cape e jussi.

Continuabat taliter per aliquot septimanas, & ecce vertigo cessavit : jussi ulterius continuare, quia sub tempestatum mutationibus vestigia illius adhuc sensit; sed continuando sanus evasit.

Pro *cephalalgia* autem adjuncta, quæ simul affligebat, Linimentum suavi ex oleo destillato succini, vertici inungendo, applicato desuper *emplastro Vigonis de ranis cum Mercurio*, capillis derasis, malaxato cum oleo tartari destillato foetido, item cum oleo succini. Et hoc emplastrum Vigonis, assumpta pro subjectis densioribus duplicata dosi Mercurii vivi, egregium est in ejusmodi spleneticis affectibus. Sic namque ante sex septimanas in virgine 13. annorum, ex hæreditate materna splenetica, observavi, quod eam aliquando invaserat aliqualis melancholia, cum aliquibus insultibus epilepticis, levioribus quidem, omni nocte tamen recurrentibus, cujusque mater etiam epileptica est. Illa ergo virgo somno sepulta nescit suum fatum, nisi quod de lassitudine artuum, & dolore obscuro in hypochondrio sinistro conqueratur. Huic autem præmissa *unctura vitrioli Martis ZWelfferi*, dosi ʒß. ad ʒi. omni manè capienda, hinc digestivo ex sale hypochondriaco, pro abstergendis primis viis præscripti :

ʒi. *Tartari vitriolati* gr. xv.

Scamm. sulphurat. gr. ii.

Troc. alband. gr. i.

Misc. pro Pulvere.

Hinc vomitorium ex syrupo emetico, quod bis repetit. Sub usu horum sub ingressu lecti jussi capere pulveris epileptici antimonialis gr. iijß. ad iii. idque omni vespere. Quibus ita adhibitis, & sedato paroxysmo, pro radice morbi in splene evellenda ordinavi :

ʒi. *Liqu. terræ Martis solar.* ʒß.

Dosis gutt. xv. omni manè gradatim ascendendo, & ad aliquot septimanas continuando : sicut externè emplastrum de ranis Vigonis cum Mercurio, cum s. q. olei destillati tartari foetidi pro majori penetratione malaxatum, applicabatur regioni splenis : quibus continuatis se bene iterum habet, nec ampliùs rediit malum, idque eò tutius, quod aliquo temporis spatio interjecto menses primi supervenerint.

Ligatura hypochondriorum non semper laudanda; nam qui positivè dolent in hypochondriis, non possunt eas ferre ob dolorem, quo ipsos afficit; si autem epilepsia affligerit per consensum abdominis, & quidem ex

Kkk in-

inferiori mesenterii plexu, ex utero, &c. fomes epilepsiae assurgere videatur, tunc ejusmodi ligaturae hypochondriorum, optimae sunt. Sic clysmata in agra nostra quoque sunt proficua, acriora tamen & acuata cum aqua benedicta, vel syrupo emetico ex antimonio in dupla vel tripla dosi, quam alias, de quibus vid. Practici.

In paroxysmo *salia volatilia* macra, verbi gratia spiritus salis ammoniaci, spiritus cornu cervi purus, &c. naribus applicata, multum habent in recessu: nam volatilia oleosa non semper & viri & mulieres possunt ferre: qui verò ea possunt ferre, potest ipsis addi castoreum. Modus est talis: infunditur scilicet in spiritum salis ammoniaci, aut cornu cervi purum, Castoreum, & indatur vitro longi & angusti colli, quod digito clausum admoveatur candelae, ut probe incalescat spiritus, & vapor penetrantissimus naribus excipitur, singulare etiam est remedium pro excitandis hystericis. Vomitus autem in paroxysmo epileptico est quidem optimus, sed difficillimus: praestat potius omnino desistere, & jam incrementis paroxysmi impetum sustinere, nisi in epilepsia diuturniori, & casu desperato; quin potius frictionibus & litibus excitentur aegri, qui etiam in apoplexiae paroxysmo graviore sunt optimi. Si non cessare velit affectus, potest concedi fonticulus.

RESOLUTIO II.

Dn. JOH. MATTHÆI
MERCKELII,

Annæbergensis.

à

B. DN. PRÆSIDE

correcta

Anno 1682.

Affectus praesens erit *Epilepsia*, & quidem *habitualis*, quia de nullo alio morbo antegresso, cui supervenire hæc potuisset, sibi quicquam est conscia agra nostra.

Quodsi *ratione causae Materialis* de loco præcipue affecto, aut, uti vulgò dicitur, *subiecto inhaesionis* velimus esse solliciti, primò omnium ratione situs, ex quo ortum suum praesentis morbi ferocia tempore invasionis habere ipsa fatetur agra, incusari merebitur *fermentum lienis vitiatum*. Unde autem hoc vitium suum contraxerit, non est, quod diu inquiremus, si quidem ex vitiata ventriculi digestionem, & hinc orta cruditate nimis acida, proximè dependet, juxta tritum Medicorum verivbium: *Vitium digestionis primæ non corrigitur in secunda*. Et hæc de subiectis ratione causae materialis.

Ast *ratione causae formalis*, quæ est convulsio spasmodica nervorum, seu potius fibrarum nervearum, in quibus variè irritando & pungendo easdem, spasmus suum exerit acidum hocce excessivum, subiectum patiens erunt jam dictæ fibræ nervæ, & ex congerie harum contextum universum ferè systema nervosum, quod in spasmos, & convulsivos motus propter consensum continuitatis, sub paroxysmi tempore simul concutitur.

Causæ proximæ materialis vices & hic jure sustinere poterit acidum aliquod vitiosum nervis inimicissimum, quod, uti jam dictum, continuo vellicando eos, hunc mali moris morbum infert.

Causa proximæ formalis efficiens epilepsiae hujus erit sapor aliquis nervoso generi inimicus, unde consequenter spirituum animalium motus impetuosis, rapidus & maxime violentus: qui dum ita fit, & spiritus adeò inordinate ac confusè ad partes per nervos feruntur, convulsiones fibrarum & musculorum istorum, ad quos terminantur nervi, inducunt, & hinc consequenter membrorum dependent varii ejusmodi motus convulsivi.

Causæ cujusdam *remotæ* nomine hic suo modo venire posset mœstitia, quæ, sicuti affectus animi omnes spirituum motum ordinarium alias notabiliter satis turbare solent, & ita & hic in motus perturbatos, vagos, imò ferè convulsivos, spiritus concitare potest. Paroxysmi autem adventum imminere quod dicat ex irritatione & sensu doloris obscuro in hypochondrio sinistro, de existentia excrementitii alicujus acidi, ibidem locorum hærentis, nos certiores facit, quod commotum ab animi jam dictis affectibus paroxysmi tempus in procinctu esse, certo certius indicat.

Symptomata, quæ sub paroxysmi tempore sese horribili adpectu produnt, longo ordine, prout in casu extant, iterum recensere, & eorundem unumquodque in specie fusiùs exponere, & fieri rationem explicare, non opus fore existimo; siquidem de certitudine causarum & operandi modo & ex præmissis jamjam possumus esse certi, adeò ut vix dubii quicquam adhuc restet de illis.

Hoc unicum saltem adhuc monendum censeo, quod præfata symptomata, si uno impetu & concursu ægram nostram invadant, paroxysmum epilepticum formaliter satis constituent, & quidem per consensum nervorum lienis cum diaphragmate, corde & sinistro ventriculi orificio; hinc etiam illæ anxietates præcordiorum, aut, uti ipsa fatetur, *magna cordis anxietas*. Nam sicuti omnes sensus, tam externi, quam interni, beneficio spirituum naturaliter constitutorum fiunt, & ab eorum influxu sufficienti & ordinario principaliter dependent; ita è contrà, si motibus convulsivis nervi afficiantur, spiritus etiam in iis contenti vario motu exagitari, & membra corporis, quibus influunt, variè contrahi, vibrari & agitari, imò ferè omnium sensuum exercitium penitus aboleri, necessum est, hinc etiam motus & sensus privatio in nostra agra.

Qui autem fiat, quod admoto aliquo balsamo odorifero statim ad se iterum redeat agra? non puto esse difficilioris indaginis. Nam sicuti notum est, quod spiritus admotas res naribus malè foetentes fugiant quasi & averfentur; è contrà verò benè odoratis delectentur, & fugati antea iterum alliciantur: ita & hic balsamus quicunque benè odoratus eos in ordinem revocare, & cum his simul omnium sensuum functiones restituere potuit; remoto verò illo, iterum cessare fecit.

PROGNOSIS.

Quid autem mali exinde possit fieri? illud præcipue est, de quo nunc quærendum. Nimirum non levis hic subest metus, paroxysmos tales sæpiùs recurrentes ita firmas posse radices agere, ut morbus aliquis chronicus exinde fiat, imò ferè habitualis: in specie autem, quia affectibus animi impensè nimis videtur indulgere patiens, metuenda foret melancholia hypochondriaca, & tandem delirium aliquod. Ast juxta hoc tamen adhuc quædam speranda salus ex FORESTO lib. 10. Observat. 35. qui in pueris pubertatis mutationem & Venerem, in puellis verò menstruum initium morbum hujusmodi sæpiùs tollere, experientia duce, ibidem asserit, cujus beneficii, ratione ætatis, 10. vel 11. annorum, successu temporis & nostra agra particeps fieri potest.

CURA,

Cura de cætero alia erit in paroxysmo, alia extra eundem,

In paroxysmo sensus & eorum organa ut excitentur, non incommodè, uti opinor, adhiberi posset vomitorium aliquod, aut clyster aliquis fortis: v.g.

℞. Syr. emet. A. S. ʒss.

Aquæ rosar. ʒss.

Cinnam. ʒiii.

M. D. S.

Succus Emeticus pro una vice.

Infundatur hoc ori, quocunque demum illud fieri queat modo, & si possibile, irritentur fauces ad vomitum oleo aliquo acriori, pennæ illito.

℞. Spec. carminat.

Emoll. ana M. i.

Herb.

Herb. salu.

Rutæ ana M. ſ.

Coqu. cum l. q. urinae humanae:

Colaturæ ʒ viii. adde

Aqua benedict. Rul. ʒß.

Ess. Castor. ʒi.

Ol. coct. rutæ,

Salv. ana ʒvi.

M. D. S.

Clyster.

Naribus admoveatur balsamus aliquis odoriferus, aut sequens mixtura in vase angusti orificii:

ʒ. Spirit. sal. Ammoniaci ʒi.

Ess. Castor. ʒß. vel ʒii.

Misc.

Pro sedando paroxysmo:

ʒ. Aqua fl. Pæon.

Rutæ,

Fl. Tiliæ ana ʒi.

Epil. Lang. ʒii.

Ess. Castor. ʒi.

Cran. hum. præp. ʒß.

Cinnab. Antimonii ʒi.

Sal. vol. succini gr. xii.

Laud. opiat. gr. iii.

Syr. fl. Tunicæ ʒvi.

M. D. S.

Potio sedans, de qua sæpius sumatur 1. vel 2. cochlearia.

Vel instilletur linguæ sequens:

ʒ. Ol. destill. succin.

Majoran.

Rutæ ana gtt. vi.

Incorporentur sacch. parum: adde

Aqua fl. Tiliæ ʒj.

Hirund. cum Castor. ʒii.

M. D. S.

Potio cephalica.

Extra paroxysmum cura ejusdem institui posset secundum has Indicationes.

1. Acidum præternaturale lienis alterandum, resolvendum & eliminandum.

2. Spirituum crasis analepticis conservanda, aut alterata pius minus restituenda.

Pro prima itaque Indicatione, præmissis antea incidentibus & attenuantibus vulgò dictis, ex tartaro vitriolato, croco martis cum salibus, radice ari non præparata, &c.

ʒ. Tartariemet. Myns. gr. ii.

Vitriolat. gr. vi.

M. D. S.

Pulvis emeticus.

Per inferiora:

ʒ. Extr. belleb. nigr. gr. viii.

Mercurii dulc. gr. xii.

Extr. trochis. alband. gr. ʒ. ad i.

Cum l. q. Ess. Castor. f. Pilulæ.

D. S.

Pilulæ purgantes pro una vice.

Pro compescendis spirituum motibus inordinatis:

ʒ. Cran. hum. sine igne ʒi.

Cinn. Antimonii ʒß.

Sal. vol. Cornu Cervi vel succini gr. xii.

Camph. gr. iii.

Laud. opiat. gr. iß.

Misc.

Div. in 2. part. æqu.

D. S.

Pulvis in aqua florum tiliæ sumendus.

His præmissis, manè Martialia, vesperi & sub introitu lecti volatilia plus minus aromatica.

Externè pro liene Emplastrum de ranis cum Mercurii duplo, vel solum, vel cum emplastro splenetico usitato, vel cum gummi ammoniaco, malaxatum cum Galbano Paracelsi, vel oleo destillato succini, applicetur. Imò ptyalismus Mercurialis conveniet. Aliis frustraneis, ad aciculas amandetur.

His ita ritè observatis, nihil omninò dubito, paroxysmos epilepticos, si non in totum cessare, attamen notabiliter iatis impetum eorum vehementem imminutum iri, nec non reliqua symptomata, tanquam producta

Ettmuller. Oper. Tom. I.

morbosa, sublata causa, planè aboleri. DEUS interim hisce clementer benedicat!

CASUS XLVII.

EPILEPSIA A CONTUSIONE CAPITIS.

Mulier consistentis ætatis in dividenda hereditate materna cum fratre insignia fovet dissidia, quæ in tantum exacerbantur, ut tandem à fratre ebrio miserè verberibus tractaretur, qui imprimis caput pavimento allidit, & lapidibus istud contundit, pedibus eam conculcat, & imprimis hypochondria ejus calcitrando petit; ipsa exinde insigniter debilitata, domum defertur, tractatur à Chirurgo, per noctem ita iacet semidormiens & vigilans, insigniter loca contusa dolent, ante meridiem supervenit vomitus biliosus & secessus cruentus sanguinis grumosi. A meridie caput tumere, artus, manus pedesque graviter convelli incipiunt, oculi contorquentur, labia hinc inde deducuntur. Unde ab adstantibus perterritis vocatur Medicus pro cura, qui accedens caput egre tumidum deprehendit, eamque cruenta exspuentem observat. Pulsus est celer, frequens, uehementia & magnitudine moderatus. Appellatur pro Cura.

RESOLUTIO

DN. GODOFREDI SCHVLZII,

Vratislaviensis.

à

B. DN. PRÆSIDE

correcta

Anno 1676.

Fratrum gratiam raram esse, præsens hocce triste factis visu & horrendum auditu spectaculum ostendit, propter Meum & Tuum solummodò enatum. Affectus verò ex tali tragœdia enatus uno nomine vocatur Epilepsia nata à sanguine grumoso, intra cranium collecto, effuso, propter contusionem externam.

Pars affecta à causa proxima est principium nervorum, cujus à sanguine grumoso irritationem sequitur epilepsia.

Pars affecta verò à causa remota sunt cranium cum membranis contentis, à contusione læsæ, & sanguinem stillantes, qui grumescit successivè. Vomitus saltem est symptoma secundarium, insequens affectas membranas cerebri, adeoque ipsi accidentario supervenit.

Pars affecta verò ratione epilepsiæ sunt fibræ nervæ, propriè tamen musculi ex his fibris contexti.

Causa proxima hujus epilepsiæ materialis est extravasatus sanguis, in & circa membranas cerebri stagnans, & sui hostili præsentia, quin & acido vellicante, ad epilepticas convulsiones principium nervorum cogens.

Causa proxima verò epilepsiæ formalis est rapidus atque imperuosus spirituum animalium motus: quando enim à causa aliqua externa, ictu nempe fortiori, irritantur partes nervæ, statim in loco nimirum irritationis subtilis & celerrima fibrarum motio & vibratio oritur, quæ etiam usque ad cerebrum continuatur: hinc quia una cum motis fibris etiam nervi simul moventur, & consequenter etiam spiritus impetuosè in musculos partium irruunt, hinc quamprimum ad caput agræ nostræ perveniunt, mox tremere incipit, ad musculos verò oculorum delati spiritus, eos variè torquent; simul ac etiam alia in membra, manus nimirum & pedes, cum impetu fluunt, eadem mox graviter convelli incipiunt. Ex irritatione autem membranarum nervosarum stomachi, quia una eademque membrana & labia & ventriculum investit, multifariam laborum hinc inde deductionem deduco.

Causas remotas quod concernit, partim inflammationis capitis, partim etiam epilepsiæ supervenientis nullæ

Kkk 2 alia

aliæ in hoc casu inveniuntur, quam injuriæ istæ externæ, nempe a lissio capitis in pavementum, ejusque cum lapidibus gravis percussio, ut & horrenda cum pedibus conculcatio, & imprimis hypochondriorum calcitratio.

Ut tandem etiam recto quasi tramite ad Prognosin hujus horrendi casus progrediamur, dicimus malum hoc ce plurimis scaterere periculis; quantitas enim sanguinis & qualitas loci, nempe capitis, in quo effusus sanguis, maximè malum periculosum efficiunt; quando enim maturè sanguinis grumi non statim per convenientem diaphoresin vel alia resolutentia discutiuntur, metus subest, ne in lethale capitis abeat empyema.

Methodum verò medendi quod attinet, & remedia huic affectui utilia; eò respiciendum, ut

1. Grumi sanguinis extravasati per convenientia vulneraria vel alia resolutentia dissolvantur, & per convenientes vias quantocyùs evacuentur.
2. Ut epilepsiæ simul insigniter urgenti appropriatis succurratur.

Pro priori ergò scopo clystma imprimis præscribatur: hinc vena maturè secetur in brachio. Ad sanguinis autem grumosi resolutionem conveniunt imprimis vulneraria quædam, in specie rubia tinctorum, & hinc paratum Crapæ, in aceto ebullitum, convenit, ut & lymphitum majus, scabiosa, hypericon, &c. v. gr.

℞. Rad. rubiæ tinct. præp. ℥ss.

Ebulliant in f. q. Aceti:

Colatura capiatur pro 2. dosibus, & æger in lecto se probè contegat, sudoremque expectet.

Vel si cui sapor iste minus placeat:

℞. Aquæ Cheresfol. ℥ii.

Acet. vini acerr. ℥ss. ad ℥vi.

Lapill. Cancr. pulv. ℥i.

Antimonii diaphor. ℥i.

Syr. card. bened. ℥vi.

Misc. pro 2. dosibus, vel capiatur cochleatim

In specie pro secundo scopo:

℞. Aquæ Ceras. nigr.

Lil. convall.

Meliss. ana ℥i.

Acet. rutac. ℥vi.

Lapill. Cancr. præp. ℥i.

Cinn. Antimonii ℥i.

Sal. vol. succini gr. xii.

Syr. fl. Tunicæ ℥vi.

M. pro aliquot dosibus.

Item juxta clysmata repetita etiam,

℞. Aquæ Cheresfol. ℥j.

Ceras. nigr.

Lil. convall. ana ℥vi.

Ess. fl. hyperic. ℥ss.

Spirit. sal. Ammoniaci ℥i.

Lap. Cancr. præp. ℥ss.

Syr. de beton. ℥j.

M. pro Potione.

Capiatur cochleatim.

℞. Aquæ Mentb.

Cheresfol. ana ℥i ss.

Acet. vini ℥i.

Lapill. Cancr. præp. ℥i.

Corall. rub. præp. ℥i.

Cinn. Antimonii ℥ss.

Laud. opiat. gr. iii.

Syr. Card. bened. ℥vi.

M. pro 3. dosibus.

Item

℞. Lapill. Cancr. præp. ℥i.

Antimonii diaph. ℥i.

Myrr. el. gr. xii.

Laud. opiat. gr. ii.

M. pro 2. dosibus.

In victu utatur crebrius cheresfolio minutim inciso in jusculis, pro multiplici scopo.

C A S U S XLVIII.

A P O P L E X I Æ

G R A D U S L E V I S S I M U S,

seu

I N S U L T U S A P O P L E C T I C U S,

H A B I T U A L I S

T A M E N.

Vir in decrecente ætate, & ultra 70. annos iam constitutus, aliàs sanus, sed inordinate, minusque regularè, utut non lautè, diætæ adæquatus, aliquando cum sociis extra urbis portas ambulans, subito corruit, sine sensu & motu totus pallidus; ab adstantibus denuò excitatus, quid secum actum sit? ferè nescit, debilitatus tamen admodum, & ob anhelitus difficultatem aliquoties desiderere coactus, denuò intra civitatem revertitur. Interiectis aliquot septimanis, cum interea semper commodè se habuisset, templum petens, similiratione ex improvviso corruit denuò, sed balsamis & aquis analeptics refectus, domum lento gradu reperit. Aliquoties hoc accidit denuò, donec usque eò ingravesceret malum, ut extra privatos parietes vix liceat ipsi versari, quin ex levi corporis motu, mox & omnimoda anhelitus interceptione, & simultanea caligine oculorum affectus, forti impetu non tam corruere, quàm prostrerni videatur, sensu & motu carens: hinc & tabernam suam mercatoriam aliquando ingrediens, ex simili corporis prostratione nasum tam fortiter mensæ allidit, ut mediam ejus osseam substantiam sine sui perceptione dolorosa perstringeret. Hinc sollicitus de sua valetudine Medicum, quid agendum? consulit, & curam petit.

R E S O L U T I O

D O M I N I B O S E N,

Cum

Speciali Discursu & Annotatis.

B. DN. P R Æ S I D I S.

Censuræ & Emendationi subjecta

Anno 1676.

In presenti nostro casu, quando nos stupendam istam tragediam, in qua egrum nostrum senem fulmine quasi tactum, atque tota animali functione uel sensibus, tum externis tum internis, motuque ita privatum, exanimemque quasi, subito in terram corruere deprehendimus, oculis mentis nostræ spectamus, facillè in suspicionem de internecione proximo illo symptomate, Apoplexia nimirum, descendimus.

S U B J E C T U M.

Cujus subjectum inphæisionis, si spiritus animales unà cum instrumentis sensui ac motui dicatis statuemus, non injurii in illos erimus: quippè cum aliàs constet, quod ii omnium spontaneorum motum instinctus à se prodire faciunt, prætereaque in illis omnium sensibilibus objecta terminentur, indeque cognoscendi actus fiant. Iam verò hic sub paroxysmo apoplectico, cum egrum nostrum ejusmodi affectibus omnibus, qui suprà spirituum animalium expansionis & in partes inferiores irradiationi adscribebantur, destitutum deprehendamus, quilibet facillè calculum suum sententiæ nostræ addere poterit. Verùm morbum hunc in nostro agro alibi radicatum esse, præcipuè in partibus corporis fluidis, seu humoribus, speciatim in succo lymphatico, ex causis in morbo præsentis adducendis dilucidius patebit.

CAU-

C A U S Æ.

Adedque proximè, quod prostrationem istam ægri subitaneam causatur, videtur esse deficiens spirituum animalium in cerebro & cerebello motus, & hinc cessans eorundem influxus in membra reliqua; hinc fit ut remota causa actionum omnium animalium, non possint non & eadem tanquam effectus cessare.

Motum autem istum spirituum privativè impediri, scilicet à materia quadam tenui, subtili, &c. aut lymphæ successivè circa corticem cerebri glandulosum congesta, ut & successivè ad interiora vergente, & obstruendo cerebri poros, spirituum animalium motum impediendo, confirmant tum consideratio cerebri anatomica, tum verò reliquæ circumstantiæ in nostro ægro observabiles, quæ causas varias nobis suggerunt. Constat enim, quod cortex cerebri totus sit glandulosus, adedque ad recipiendam lympham satis aptus. Præterea substantia cerebri tota quæque est porosa, copiosissimis tamen fibrillis & nervis intertexta: qui igitur, si in poris istis adæquatum suæ expansioni spatium retinent, motum liberum spiritibus concedunt: quasi verò, à quacunque fiat causa contingat, ut dicti pori sive comprimantur sive obstruantur, motum spirituum impediri, nemo inficias ibit. Præprimis observabilis est noster æger, prout in ætate decrecente constitutus est: quàm variis enim morborum periculis aliàs senes sint obnoxii, ut & jure effari liceat: senectus ipsa morbus; quotidiana experientia rerum infallibili magistra docemur. Hinc noster æger, quoniam ipsi ob senectutem spiritus ascensum fermenti stomachalis deficit, ventriculo debiliore præditus est, qui quoniam alimenta inordinatè minusq; regulariter ingesta ritè digerere haut valet, cruditates varias cumulat: quæ cruditates verò sub distributione chyli humoribus reliquis simul communicatæ, sapore peregrino lympham quoque inquinant. Quæ itaque, cum à sanguine ex cerebro refluxu secerni debet, præternaturaliter sic constituta in motu suo retardatur, unde se in glandulas cerebri corticales effundit. Quæ ibidem hospitans à quacunque causa, sive interna sive externa, commota, præcipuè verò à motu corporis in nostro ægro, cerebelli interiora versus ruit, atque sic poros cerebri replendo, motum spirituum impedit: qui spiritus sic impediti subito, actiones quoque omnes à se profluentes subito cessare faciunt, unde & subitaneam corporis in terram prostrationem æger noster patitur. Hinc cum in genere omnes motus spontanei cessent, fit ut etiam motus cordis, & inde oriunda circulatio sanguinis, impediatur; qua verò impedita, respiratio læditur, unde æger noster omnimodam anhelitus interceptionem patitur. Præterea, cum & omnes sensus externi deficient, quis de oculorum caligine admirari poterit? Antequam autem tonus nervorum legitimus totaliter redeat, non aliter potest, quin æger debilis & languidus à paroxysmo per unam alteramve horam maneat.

P R O G N O S I S.

Rectè igitur æger consilium à Medico petit, cum apoplexiæ in genere tantum non omnis sit periculosa, & egrum trucidet. Hic verò ed minorem de se spem pollicetur, quod æger sit se ex, qui jam alterum pedem in cymba Charantis habet: nec bonum signum est, quod paroxysmus omnimodæ anhelitus interceptione ægrum adoriatur. Maturanda igitur est cura, quoniam malum sæpius repetit, & ægrum facile jugulare potest.

C U R A.

Cura igitur ut ritè instituat, duplex habendus est respectus, tam prout æger in paroxysmo constitutus, quàm prout extra eum.

In paroxysmo solummodò ed allaborandum est, ut medicamenta ori immissa propter omnimodè interceptum motum, & hinc deficientem deglutitionem, per œsophagum ad interiora non transeant, sed in gula stagnantia suffocationem in ægro intendant. Præstat externis solis succurrere, ubi excellere videntur sternutatoria; hinc

24. Pulv. flor. lil. convall. ʒi.
Rad. helleb. albi ʒi.
Ol. destill. caryophyll.
Major. ana gtt. iii.
M. f. Pulvis.
Ettmuller. Oper. Tom. I.

Quin in paroxysmo insuffletur naribus. Seu recipiatur spiritus urinæ vel salis ammoniaci, & applicetur naribus.

Præterea olea destillata externe illinantur vertici & scrobiculo cordis: ut

24. Ol. destill. succini ʒi.
Spicæ ʒi.
Menthæ,
Caryophyll. ana gtt. iv.
M. D. S.

Oleum externe applicandum.

Cum quibus frictio linguæ & palati tuto stare potest, quæ fiat ex acrioribus & volatilibus: v.g.

24. Theriac. ʒʒ.
Sal. vol. succin. gr. xv.
Spir. sangu. hum. gtt. vi.
Pulv. Castor. ʒʒ. vel ʒi.
Ol. destill. succini,
Menthæ,
Cinnam. ana gtt. iv.
M. f. Electuarium:

Cum quo fricetur lingua, palatum, & loca vicina, usque dum æger ad se redeat.

Quando autem æger hisce excitatus est, statim propinetur de sequenti Potione pro corroborandis spirituum expansionibus.

24. Aquæ Menthæ,
Lil. convall. ana ʒiʒ.
Spirituol. Cinnam. ʒvi.
Liqu. Cornu Cervi succin. ʒii.
Spir. Ceras. nigr. ʒʒ.
Sal. vol. cran. hum ʒi.
Ol. destill. Cinnam.
Caryophyll. ana gtt. iiii.
Syr. Card. bened. ʒi.
M. f. Potio.

De qua unum vel alterum cochleare post paroxysmum æger hauriat.

Extra paroxysmum Cura instituatur, ut

1. Cruditates in primis viis corrigantur, & evacuentur.
2. Lymphæ vitia corrigantur, & motus liberior ipsi concilietur.
3. Ventriculo & cerebro prospiciatur.

Pro Primo scopo inserviunt vomitoria, quæ premissa digestivo instituantur. Ante omnia igitur præmittatur in nostro ægro sequens formula:

24. Tartari vitriolat.
Arcan. dupl. Myns. ana ʒi.
Ocul. Cancr. præp. ʒiʒ.
M. f. Pulvis.
Div. in 2. part. equal. S.
Pulvis digestivus.

Capiatur una alterave die ante evacuationem.

Deinde

24. Sapæ Vomit. Sylv. quant. pist. majoris:

Diluatur cum haustu vini calidi, & propinetur pro Vomitorio.

Post vomitum hauriat æger crebrius de vino, in quo infusa sunt nonnulla aromatica, scilicet cinnamomum, Zedoaria, caryophylli, & similia.

Pro secundo scopo nil melius erit, quàm liquor cornu cervi succinatus, vel spiritus & sal volatile secundine humane, item spiritus & sal volatile cranii humani. Potest itaque sequens formula prescribi:

24. Liqu. Cornu Cervi succin. ʒii.
Spir. secund. hum. ʒi.
M. D. S.

Spiritus cephalicus,

De hoc omni manè æger guttas 30. capiat. Vespere verò de sequenti pulvere capiat:

24. Sem. sinapi albi ʒiii.
Coriandri præp. ʒiʒ.
Caryophyll. ʒʒ.
M. f. Pulvis.

Dosis ʒʒ.

Deinde propinetur sudoriferum sequens.

24. Aquæ flor. sambuc.
Menthæ ana ʒʒ.
Spir. bacc. samb. ʒi.

Liqu. Cornu Cervi succin. ʒʒ.
 Sal. vol. secund. hum. ʒʒ.
 Syr. fl. Tunic. q. s. pro grato sapore.
 M. f. Potio; S.

Potio sudorifera pro una uice.

Pro tertio scopo suadet crebrior usus *Elisyris proprietatis vulgaris*; *cujus quotidie 30. guttæ ante cibum assumantur*; item frequenter usurpari possunt infusa aromatica, &c.

DISCURSUS & ANNOTATA

B. D N. P R Æ S I D I S.

Affectus est insultus apoplecticus. Verum cum hujus multiplices sint differentie, eque graduales, ratione cujus nunc magis nunc minus fortis est: proin hic affectus saltem est leuissimus gradus apoplexie; & quidem apoplexia non tam accidentalis quam habit ualis, idiopathica & essentialis, quæ sepius recurrit, & fomitem altius radicatum habet in corpore, & quidem ratione subjecti non tam cerebri, quam cerebelli vitio enata.

De cetero premonendum quoque, in presenti casu affectum apoplecticum non videri solitarium esse, sed comitatum forti syncope; quæ ambo symptomata eadem in multis conveniunt, & ferè semper conjuncta observantur: ubi syncope est subitanea virium vitalium obnubilatio & sufflammatio, in qua pulsus & respiratio primario lesa sunt; sicut contra repentina virium & spirituum animalium, item sensus & motus interceptio, apoplexie nomine venit, in qua pulsus plus minus adhuc presens est, respiratioque illæsa. Scilicet eger hoster ingruente malo affligebatur primitus respiratione intercepta, hinc circa cor angustias insignes percipit, hinc scotomia, & tandem corruit: adeoque principium mali sensibilis videtur esse interceptus cordis motus, & cessans sanguinis circulus; hinc spiritus vitales, & consequenter etiam animales, deficiunt influere, & postmodum occasione cerebri & spirituum animalium affectorum primò syncope, post insultus apoplecticus, superveniat. Motus verò cordis, sanguinis per pulmones & spirituum, interceptus denegatis spiritibus cor moventibus.

S U B J E C T U M.

Itaque Subjectum primarium non est tam cerebrum, quam cerebellum, spiritus pro motu cordis non transmittens.

Causa proxima cessantis motus cordis & sanguinis per pulmones hoc loco videtur esse *influxus spirituum animalium denegatus*; ab his enim quilibet motus naturalis primos instinctus accipit, adeoque in illis sensibilibus omnium objecta terminantur, indeque cognoscendi actus fiunt: id quod proprio suæ expansionis motui indefesso & ordinato adscribendum puto. Hinc spiritibus animalibus cor moventibus interceptis, & simul respiratione sublata, syncope, & consequenter tandem insultus apoplecticus perfectus, supervenit. Imò sub primo paroxysmi impetu aliquid convulsivi concurrere videtur, dum æger non tam corruit, quam prosternitur: scilicet cessante cordis motu, & urgente respirationis defectu, in universo corpore molestia insignis, aut saltem præternaturalis irritatio exoritur; unde spiritus in cerebro impetu facto quaquaversum prorunt, & ita corpus convulsivo impetu prosterni faciunt. Principium ergò mali in cerebello hæret, & videtur esse ex apoplexiarum istarum genere, quæ WILLISIO ex cerebello oriri dicuntur. Non novum est; jam olim CAROLUS PISO Tract. de Colluvie serosa mentionem fecit hujusmodi syncopes, ubi narrat, eam esse ex nervo cordis affecto; sicque veterum syncope cardiaca cum apoplexia à quamplurimis confunditur, nata nempe ex subitanea stasi sanguinis in pulmonibus, nunc vitio sanguinis, nunc vitio cordis, sanguinem non moventis, quæ syncope cardiaca in quamplurimis cum apoplexia convenit.

Nostri ergò apoplexia erit vitio cerebelli, quod prævio cordis motu intercepto tandem perfectam apoplexiam infert; erit de genere apoplexiarum privativarum, nempe

ex denegato spirituum ex cerebello vel irradiantium motu, seu ex causa materiali proxima.

Quoad causam materiale remotam, five illam movens spirituum è cerebello irradiationem impediens, hic imperscrutabilis est; potest quippe illa esse vitio conformationis, aut vitio sanguinis serosi, aut lymphæ, aut denique spirituum; sed de nullo horum certa potest haberi cognitio ex casu. Sub motu quidem corporis, sub quo sanguis concitator evadit, & spiritus in impetu feruntur, excitatur paroxysmus; de causa remota tamen nulla est conjectura. Potest quidem esse suspicio de materiali lymphæ vitio, irrorantis cerebri; sed quod lymphæ non possit esse vitiosa, probat subitanea paroxysmi cessatio. Potius aliquid vaporosum, suo afflatu, juxta WILLISIIUM, spiritus animales figens, & cerebellum quasi convellens, adesse videtur; hincque tales ægri non tam corruiere, quam prosterni, & impetu simul quasi convulsivo affligi videntur.

P R O G N O S I S.

Quoad Prognosin; in nostro ægro est status periculosus; ex crebrius enim repetitis insultibus fortior tandem apoplexia metuenda est, quæ vel ex improvviso ægrum jugulat, vel in paralyin, vel paraplegiam alterius lateris, terminat, si mitior fuerit.

C U R A.

Quoad Curam, hanc ita institui: scilicet cum æger tempore hyemali de hoc malo affligente conquereretur, extra paroxysmum, metuens recidivam, de præsertione potissimum vellet esse sollicitus, ipseque de causa remota planè dubiis hærerem, propterea saltem pro præsertione remedium, omnibus causis conveniens, neutri tamen nocens, ordinandum duxi; hinc ad volatilia accessum feci, adeoque prophylaxin attendens, curam ipsam ad vernum tempus differendo, ordinavi:

ʒʒ. Spiritus sal. ammoniaci,
 Cornu Cervi essentif. ana ʒii.
 Misc.

De hoc spiritu capiebat quotidie bis vel ter gutt. 30. ad 40. manè in vehiculo calido, à meridie autem & sub introitum lecti in frigido.

Unà cum hoc ordinavi sequens balsamum nervinum:

ʒʒ. Ol. destill. succin. ʒi.
 Macis,
 Caryophyll. ana ʒi.

Mista subigantur cum Ol. expr. nuc. moschata in consistent. Balsami:

Quo manè & vesperti tempora, vertex & nucha, cum regione stomachi inungebantur.

Sic ab his medicamentis paroxysmus non tam crebro nec atrociter affligebat.

Appetente verò tempore vernali, præmissis digestivo salino ordinavi Purgationem Mercurialem, ex extracto panchymagogo Crollii, Mercurio dulci, & extracto trochiscorum alhandal pro stimulo; & sic ad horum usum pluries excrevit, & cum egregio levamine. Hinc ista purgatione præmissa ordinavi internæ præservativæ electuarium sequens:

ʒʒ. Ficum ping. minutim incis. No. iv.
 quibus adde
 Sem. sinapi contus. ʒi.
 Cardamom. pulveris. ʒii.

Cum s. q. Syr. fl. Tun. & spiritu lil. convall. f. Electuarium:
 De quo omni manè capiat quantitatem castaneæ majoris, five nucis juglandis, jejuno stomacho, desuper sorbendo quantum placet de jusculo calido.

Externæ autem simul sequens emplastrum capiti raso applicandum præscripsi.

ʒʒ. Empl. de ran. Vig. cum Mercurio q. s.
 Malaxa c. f. q. Bals. Peruv. in vitello ovi dissoluti, induc super alutam, fiatque Emplastrum cephalicum absque sindone, continuo sub mitella parva gestandum, cum usu præfati balsami.

Sic hætenus intra menses tres nil sensit, & benè se habuit, ut spes sit, continuato usu horum remediorum apople-

plexiam imminuentem præcaveri posse. Etcum corpus esset exsuccum, macrum, rugosum, hinc inutilem duxi fonticulum, quem si habitior fuisset, aliàs in brachio suavissem, vel vesicatorium nuchæ aut pone aures admovissem. Semen autem sinapi egregium est remedium in affectibus soporosis pro præservatione, quod etiam matutino tempore assumptum in apoplexia & vertigine levamen affert. Imponendum autem emplastrum curavi malaxari cum Balsamo Peruviano, in vitello ovi dissoluto: Etenim balsamns hic per se est admodum viscosus, glutinosus, & pheripheriam corporis in crustat; sed cum vitello ovi dissolutus fit dilutior, imò maxime acris & penetrans, qui aliàs est acriusculus. Insuper imperavi emplastrum hoc de ranis Vigonis cum Mercurio imponi calvitiei capitis, quod neminem terreat: Mercurius enim vivus in cephalalgia, cephalæis & hemicraniis, ubi suspicio est, causam peccantem materialem firmitus esse impactam, miræ est efficacis, dissolvens istas mucilagines, penetrans quæcunque glutinosissima obstacula, mihi que est in frequenti usu in his casibus. Potest nunc malaxari cum oleo destillato succini, nunc cum oleo destillato foetido tartari.

Cæterum in paroxysmo, quoad excitationem, non solis externis volatilibus, scilicet spiritu salis ammoniaci vel urinæ, naribus applicandis, debet insisti, sed tutò etiam liquida blanda & spirituosas volatilia subinde posunt infundi, imò debent, cautè tamen: utut enim ejusmodi ægri positivè deglutire nequeant, tamen spontè talia liquida defluunt, unde etiam metus suffocationis nullus est, modo leniter instillantur, aut cochleari paulò profundius ea infundantur, ut ita asperam arteriam prætervehantur. Quodsi autem excitari nequeat apoplecticus, tunc demum ad sternutatoria fiat accessus: item frictions linguæ & palati instituantur, partim ut amissa vox & deficiens loquela restituatur; sicut in aphonia exterius larynx & aspera arteria tractanda sunt, quò illius paralyxis cesset.

Venæsectio in nostro casu locum non habet, repugnante subjecti conditione; nec vomitoria adeò sunt convenientia.

Potio Dr. Autoris ægro excitato pro corroborandis spirituum expansionibus, infundenda non inelegans est; quæ etiam sequenti modo præscribenda:

℞. Aquæ Menth.

Lil. convall. ana ℥i.

Cinnam. spiritus ℥vi.

Spiritus Ceras. nigr. ℥iii.

Liqu. Cornu Cervi succin. ℥ii.

Sal. vol. cran. hum. ℥i.

Ol. dest. Cinnam.

Caryophyll. ana gtt. iii.

Syr. salvie, vel fl. tunicæ ℥i.

M. f. Potio.

Quæritur: An hic vomitus in paroxysmo institui potuisset? Resp. Vomitus post paroxysmum mox institutus, dum ad se redire videtur æger esset optimus: sed repugnat fiendi modus; quia paroxysmus semper incipit cum sensibili respirationis interceptione, adeoque metus est, ne vel in vel declinante paroxysmo, forti isto vomendi conatu, renovetur, vel interceptio anhelitus intendatur, atque suffocatio imminet: Et nisi hæc obstitissent, vomitorium in declinatione paroxysmi fuisset optimum. Adhæc, quia vomitoria aliàs ordinariò in hujusmodi subjectis in majori dosi præscribenda sunt, & ordinaria eorum dosis nil operatur, propter insensibilitatem partium; hinc cautus esto in nostro casu illorum usus. Aliàs vetulæ, aliquando apoplectico insultu correptæ, præscripsi tartari emetici grana sex cum aqua cerasorum nigrorum infundendi, & felici operatione ipsa facile paroxysmo levabatur. Loco ergò vomitorii, si paululum præsertim protrahatur paroxysmus, potiùs clysmata acra & fortiter stimulans nostro ægro convenit in paroxysmo; partim decocti substantiam infundendo cum l. q. syrupi de succo salviæ; partim magna ex decocto clysmatis residuum, seu species ex decocto clysteris residua cataplasmatibus instar abdomini supersternere jussi. Species ingredientibus sint colocynthis, aut infusum antimoniale, in specie nicotiana.

Post vomitum crebriùs de vino hauriat, in quo vegeta-

Etmuller. Oper. Tom. I.

bilis nonnulla aromatica, aliàs nervina & cephalica dicta, præsertim rosmarinus, infusa sunt.

Paroxysmo infinito, aut jam declinante penitus, ubi reliqua fuerint præstita, nec aliquid obiter, consultum est, sudorem imperare, & expectare, eumque interdum repetitum; ubi præter remedia spirituosas & volatilia, v.g. spiritus volatiles ad 30 guttulas, quædam fixa, speciatim cinnabaris antimonii, item aurum diaphoreticum Poterii, sunt optima, quia uti febris, sic apoplexia, sine sudore non tutò curatur. Capiantur in vino aromatizzato, aut potiùs in sequenti vehiculo:

℞. Aquæ fl. salu. ℥ii. vel iii.

Lil. convall. cum vino ℥i.

Spirit. Ceras. nigr. ℥vi.

Syr. de beton. ℥iii.

M. f. Potio.

Extra paroxysmum potest præscribi talis pulvis digestivus ex specificis:

℞. Tart. vitriolat. ℥i.

Salis vol. Cornu Cervi gr. v.

Succini gr. iii.

M. f. Pulvis:

D. in duplo.

Hinc usurpetur purgatio per inferiora.

Semen sinapi optimè etiam convenit. Hoc semen mixtum cum calce viva, affundendo aquam simplicem, destillatione exhibet spiritum volatilem urinosum singularem, qui totam sinapi crasin obtinet, quique pariter quotidie usurpari potest: nam planè egregius est in soporosis affectibus.

Quodsi æger corpulentior fuisset, tunc fonticulum vel etiam vesicatorium in nucha aut pone aures extra paroxysmum adhibere suavissem, vel præservandi gratia, vel in paroxysmo pro irritatione. Verùm hic non suadentur propter rationem dictam. Mirandum effectum præstitit in opifice, à festo Paschatos ad autumnum vertigini obnoxio, variis tentatis incautum, & fonticulo ipso in brachio frustra adhibito: de qua cura plura dixi in casu antecedenti.

Mulier constitutionis aliàs robustæ, ætatis jam tum consistentis, & cui ordinariò adhuc fluebant menses, ex improviso, prægresso anxioso cordis sensu & scotomia insequente corripitur apoplexia, quæ mox in hemiplegiam lateris sinistri terminabatur; subinde tamen insultu apoplectico recurrente; hinc mox vocatus, idque vespere hora sexta, præscribo potionem ex volatilibus & spirituosis cephalicis, unà cum clysmate acris, & balsamo pro naribus, nucha & præcordiis, ex cephalicis odoriferis, hinc post cœnam, propter recurrentes sepiùs insultus apoplecticos, vomitorium antimoniale ex syrupo emetico ad ℥vi. aliquantulum, sed non adeò copiose, evacuans.

Die sequente solis, cum saltim esset hemiplectica, impetro venæsectionem in latere parti affectæ opposito, potionem ex volatilibus & spirituosis continuando.

Die Lunæ ad imitationem HARTMANNI in Praxi Chymiatrica:

℞. Conseru. fl. Tun. ℥i.

Mercurii vitæ gr. ii.

Ref. Scamm. gr. iv.

M. f. Bolus.

Laxabat parum, ipsa egra interea semper, quoties deterius haberet, primariò de præcordiorum angustia conquerente.

Hinc propter capitis perturbationes adhuc sternutatorium forte præscripsi:

℞. Pulv. lil. convall. ℥i.

Rad. helleb. alb. ℥i.

Ol. destill. Caryoph. gtt. iv.

Misc. pro Pulvere.

Hinc pro usu interno.

℞. Aquæ lil. convall.

Ceras. nigr.

Menth. ana ℥i.

Spirit. Ceras. nigr. ℥vi.

Sal. vol. Cornu Cervi gr. xv.

Cinn. Antimonii ℥i.

Syr. fl. Tun. ℥i.

M. f. Potio.

Externè pro membris hemiplecticis ter quotidie inungendis, post prægressam fortem eorundem frictionem, item pro illinenda spina dorso:

℥. Petrol. alb. ℥ss.
Ol. destill. spicæ,
Lavend.
Major. ana ℥ii.
Succini drachm. i.
Misceantur.

Item pro eodem usu:

℥. Spiritus vini camphor. ℥iii.
Lumbr. terrestr. per putref. ℥ss.
Ess. Castor. drachm. vi.
Misc.

Spiritus hic blandè calidus probè affricetur partibus,
hinc oleum præscriptum illinatur.

Porro istis ita ordinatis, pro usu interno præscripti se-
quentes pilulas:

℥. Extr. belleb. nigr. gr. xvi.
Castor. gr. iv.
Troch. alband. gr. iv.
Ol. destill. succini q.s.
f. Pilulæ.

Hinc pro promovendo nonnihil sudore ad immitatio-
nem ferè Poterii:

℥. Raf. Ligni Sassafr. ℥ii.
Herb. Rorismar. rec. M. ii.
Bacc. Junip. rec. ℥ii.

Coque in aquæ & vini ana ℥ss. in cucurbita cum
alembico:

Colaturam & destillaturam recipe, addendo:

Spiritus bacc. juniperi ℥iv.
Sal Ammoniaci simpl. ℥iii.
Syr. fl. tun. ℥iii.
Misceantur.

Potionem hanc hausit quotidie ter, manè, à meridie,
& ingruente nocte, expectando sudorem; melius exinde
aliquantulum habuit: subinde etiam liquorem cornu cer-
vi succinatum hausit.

Pediluvium ex nervinis aquæ simplici incoctis
quotidie fervide bis usurpavit, idque pedi optime
profuit. Hinc pro continuandis externis in specie in
brachio:

℥. Sem. sinapi p. i.
Bacc. jun. p. rec. p. ii.

Contus. infund. in s. q. spiritus vini, vel spiritus Jun-
peri, hinc tam cum ipso spiritu imprægnata,
quàm magmate residuo fricentur sæpius mem-
bra.

Sed cum malum esset contumax, ita ut licet utcumque
melius haberet, hemiplexia tamen eandem adhuc affli-
geret, ad immitationem Poterii præscripti:

℥. Aqu. Ceras. nigr. ℥vi.
Spiritus teriacal. ℥ss.
Auri diaphor. ℥ss.
Misc.

Capiebat vesperi, idque repetitis vicibus. Primis dua-
bus vicibus anxietatem quandam circa præcordia perce-
pit, hinc calor quidam sensibilis in universo corpore eru-
pit, quem levis sudor secutus fuit.

Tertia vice hora nocturna tertia idem aurum diaphore-
ticum cum aqua vitæ juniperina accepit, unde per qua-
tuor horas optime dormivit, & sudore largo ubique per-
fusa fuit, ac quoad cætera optime se habuit. Sanè ex
omnibus etiam volatilibus assumptis talem sensibi-
lem operationem, ac elegantem adeò sudorem nun-
quam, ac ab hoc pulvere fixo, percepit. Saltem ad-
huc brachium in articulatione humeri graviter dolebat,
pro quo tollendo spiritum vini, & desuper balsamum
Peruvianum; frequenter illinivit, exque hujus usu me-
lius habet.

RESOLUTIO ALIA INCERTI AUTORIS,

Communicata à

B. DN. D. GROELMANNO

Physico Torgaviensi.

à

B. DN. PRÆSIDE

correcta

Anno 1682.

AFFECTUS.

Affectus præsens in senè nostro *Apoplexia* est, ut ex su-
bita corporis prostratione, sensusque & motus abo-
litione, colligere fas est. Et quidem aut habitualis illa
dicenda, aut & habitualement indicare, quòd crebriores ejus-
dem insultus idem experiatur.

PARS AFFECTA.

Subjectum inhaesionis est medullaris cerebri, plus mi-
nus & cerebelli, substantia, quatenus non tam motus
partium naturales, quàm animales & voluntarios,
aboleri videmus.

Subjectum radicationis est partim massa sanguinea, par-
tim ventriculus, cujus errorum poenas illa nunquam non
luit.

CAUSA.

Etenim *causa efficiens proxima formalis*, est hic impe-
ditus spirituum animalium motus; *materialis* verò est
sanguinis in cerebro stagnatio, & impeditus per venas
refluxus; quatenus fibræ cerebri medullares ab hoc
compressæ, spirituum in nervos influxum impediunt.
Stagnat verò sanguis propter viciatam sui à chylo cru-
diore & viscido texturam, dum non hebetantur sic
solum particularum ejus salinarum spicula, sed ea-
dem quoque reliquis arctius combinantur, atque hinc
totius massæ sanguineæ & fermentationum, & circula-
ris motus insigniter turbatur.

Causæ remotæ nomine hic insignienda venit, tam inor-
dinata & minus lauta, cui æger noster assuetus, diætæ,
quàm motus corporis etiam levior: illa quidem, ratione
hujus ipsius, quæ in illo observatur, ad malum præsens
dispositionis: hic verò ratione insultus ejusdem, toties
iam repetiti. Nam cum senex æger noster sit satis gran-
dævus, propter minus vegetum ventriculi fermentum di-
gestivum, si victus accedat inordinatus, & minus lau-
tus, tantò uberius mali in primis viis subnascitur fomes.
Unde turgida succo chyloso viscido massa sanguinea, si
levior quoque accedat corporis motus, atque hoc san-
guinis motus circulatorius nonnihil adjuvetur, veno-
sus refluere non ita promptus, atque arteriosus quidem
affluit, de facile stagnat.

SYMPTOMATUM CUM CAUSIS CONNEXIO.

Ab hoc ipso quoque motu eius impedito, omnimoda il-
la anhelitus interceptio, quam sub primo mali insultu
æger noster patitur, deducenda venit; quatenus longio-
res in vesiculis pulmonalibus neccens moras, dilatatio-
nem harum ab aere subingrediente impedit. Simulta-
nea autem oculorum caligo iungitur, ob impeditum
iam nonnihil spirituum animalium influxum propter in-
choatam eandem in cerebro quoque sanguinis stagnatio-
nem; unde hæc aucta, & reliquis consequenter medulla-
ribus fibris compressis, partibusque sic radioso spirituum
animalium influxu spoliatis, prosterntur tandem senex
noster, sensu & motu omni destitutus.

PRO.

P R O G N O S I S.

Merito verò de valetudine sua sollicitus, auxilium implorat, cum acutum malum sit, & eò maius vite portendat discrimen, quò debiliores in eo & minus vegeti, ceu in sene, sunt spiritus animales pariter & vitales.

C U R A T I O.

Quoad Curam igitur; alia est curatoria, quæ in ipso paroxysmo locum habet; alia præservatoria, quæ ad mali recidivam præcavendam extra paroxysmum instituitur. In priori hoc unicum agendum, ut ad se redeat eger, & spiritus sopiti quasi exsuscitentur, atque priora motus vestigia repetant. Obtineri hoc vulgò solet partim causæ, si quæ adest, remotione, cui venesectio, item vomitoria, conferunt; partim fortiori sensoriorum irritatione, verb. gr. per clysmata acriora, steruutatoria, frictiones plantarum pedum, inunctiones palati cum acrioribus aromaticis, narium, temporum, &c. Vomitoria hic minùs locum habent, quod eger noster jam ferè decrepitis, eas, quas illa requirere videntur, vires non habeat. Neque & venæ sectio convenit, quod sanguis hic non ob sui abundantiam, sed visciditatem potius atque lentorem stagnet; atque hinc alterandus magis quam evacuandus veniat. Ergò pro fortiori saltem irritatione sensoriorum admoventi naribus poterit spiritus salis ammoniaci cum calce viva, spiritus cornu cervi rectificatus, &c. vel sequens pulvis insufflari.

℞. Rad. helleb. nigr. ℥i.

Albi,

Fol. Major.

Fl. lil. convall.

Castor.

Sal. vol. succin. ana ℥ss.

M. f. Pulvis.

De quo aliquid naribus per vices in sufflari poterit. Au inungantur eadem, quod commodius videtur, tempora, item atque pulsus in carpo, sequenti balsamo:

℞. Ol. express. nuc. mosch. ℥ss.

Destill. lavend.

Succini,

Rorismar. ana ℥i.

M. f. Balsamus.

Palato si placeat, sequentis Electuarii aliquid illiniti poterit:

℞. Theriac. Androm. ℥i.

Extr. saliv. ℥ss.

Castor. pulv. ℥i.

Ol. dest. rutæ,

Lavend. ana gtt. xx.

M. f. Electuarium.

Clyisma acius sequens ex usu erit:

℞. Rad. Cyclam.

Pyrethri ana ℥ss.

Fol. alv.

Origan. ana M. i.

Colocynth. in pet. lig. ℥i.

Coq. in f. q. Aquæ simplicis:

Colat. ℥. ℥i.

adde

Syr. emet. A. S. ℥ii.

M. D. S.

Enema pro tribus vicibus.

Juxta hæc externa, internè sequens mistura cochlearum ori instilletur:

℞. Aquæ lil. convall. ℥ii. vel iii.

Cinnam. cum vino ℥ss.

Liqu. Cornu Cervi succin. ℥ss.

Ess. Castor. ℥ii.

Syr. Flor. Tunic. ℥iii.

M. f. Mistura.

Cucurbitulæ scarificatæ in dorso, finito paroxysmo, applicandæ.

Quoad Curam præservatoriam: conveniunt hic talia, quæ partim ventriculi digestionem emendent, partim sanguinis crasin chylosam pituitosam corrigant motumque sic ejus fermentativum restituant: qualia sunt stomachica, & volatilia aromatica omnia, nervina, & cephalica vulgò dicta: quibus subinde blanda laxantia simul interponenda. Ergò ubi ad se redierit æger, de præscripta mistura cochlearum adhuc aliquid assumere poterit; hinc

interposito uno alterove die, pro virium scilicet ratione, sequentes pilulas laxantes capiat manè in vehiculo calido cum regimine:

℞. Mass. pilul. aloephang. gr. xv.

Extr. helleb. nigr. gr. viii.

Scamm. præp. gr. iii.

Troch. alband. gr. i.

Cum Elix. propr. f. Pilulæ.

Vesperis cubitum iturus eodem die & sequentibus deliquore cornu cervi succinati ℥iii. capiat gutt. 30. ad 40. in aliquot cochlearibus aquæ liliorum convallium.

Vel

℞. Aquæ apoplect. opt. ℥ii.

Cinnam. cum vino ℥ss.

Spiritus Ceras. nigr. ℥vi.

Misc.

De qua mistura cochleare unum ante introitum lecti usurpet: singulis autem matutinis horis de sequenti electuario quantitatem nucis castaneæ assumat:

℞. Conf. Menth. ℥ii.

Flor. Anthos. ℥i.

Sem. sinapi pulveris. ℥iii. ad ℥vi.

Cinnam. acut.

Caryophyll. ana ℥ss.

Sal. vol. succin. ℥i.

Cum f. q. Conf. Alchem. vel syr. flor. tunicæ, f. Electuarium.

Pro vino medicato, inter prandendum pro lubitu hauriendo sequens nodulus inserviet:

℞. Rad. helen. ℥ss.

Fol. salv.

Rorismar. ana M. i.

Bacc. Junip. ℥i.

Sem. Anisi,

Fenic. ana ℥ss.

Cinnam. acut.

Cardamom.

Cariophyll. ana ℥ii.

Incisa & contusa includ. Nodulo, qui vino alicui generoso; v. g. Rhenano, tamdiu immitti poterit, quamdiu de virtute ejus sapor testatus fuerit.

DEUS interea bis benedicat, & faxit, cedant omnia feliciter!

C A S U S XLIX.

A R T H R I T I S V A G A.
S C O R B U T I C A.

Mulier floridæ ætatis, corpulenta, succi plena, gulosa temperamenti sanguineo serosi, aliàs sana, conqueritur de lassitudine omnium artuum, nonnihil lancinante, quam aliquot abhinc diebus insequitur tumor cruris dextri circa talum, item circa genu, dolens & lacerans insigniter, concolor tamen partibus vicinis, motum cruris quemvis inhibens, adest simul calor totius præternaturalis, moderatus tamen, & ut vocant, vaporosus, undè cum madore corporis continuo, pulsusque magno, celeri, frequenti, molli, quasi undoso; urina crassæ, turbidæ, cum sedimento lateritio. Sequenti die anxietates præcordiorum superveniunt, tormina & tumultus abdominis, respirationis difficultates, eademque vespera & alterum crus simili modo similibusque in locis cruciari incipit. Tumores circa artus ingentes, admodum dolentes. Nox inquieta, manè pessimè se habet, in brachio sinistro vagè seu variis in locis torqueri incipit, manus tumida admodum, digiti inflati, immobiles, sine alia sensibili alteratione. Agra est anxia, subinde animo deficit, caput admodum dolet, ipsa sudore calido madet, nullo modo se movere valet, quia quolibet, tantillo etiam licet motu, dolores exasperantur. Appetitus nullus, alvus clausa, sitis intensa, &c. Anxia levamen ex Medico querit.

RESOLUTIO

DN. ANDREÆ BUCHSBAUMS,

MERSEBURGENSIS.

Cum

Speciali Discursu & Annotatis.

B. D. PRÆSIDIS,

Censuræ & Emendationi subiecta

Anno 1676.

AFFECTUS.

Agram nostram præsentem laborare scorbuto, affectu isto regionibus nostris satis familiari & quasi endemio, symptomatum inter se conspirantium collatio optimè monstrat; ad quorum explicationem atque me convertam primum de morbi huius sum locuturus subiecto, quod duplex facio radicationis scilicet, & in hæsiōis.

SUBJECTUM.

Subiectum radicationis statuo esse stomachum & primas vias, tanquam morborum chronicorum communes fontes; In hæsiōis verò massam sanguineam & inde derivatos succos, quæ proximè fomitem morbosum continet.

CAUSÆ.

Causa huius proxima est dyscrasia massæ sanguineæ; salibus heterogeneis & sylvestribus conspurcata, quæ tanquam minus temperata ipsi admista, ad varias ataxias seu motus inordinatos eam disponendo, hancce tragediam in scenam produciunt.

Causæ autem, remotæ scilicet horum vitiosorum salium productioni faventes, omnium optimè ex ventriculo & primis derivandæ veniunt viis, & in specie digestionis & perfectione illarum plus minus læsa; quippe quibus salvis & chylum in perfectum succum nutritium, temperatum scilicet seu salsum tertium, mutantibus, non potest non fieri, quin etiam hæmatosis succedat perfecta, qua ita persistente, omnes exin derivati succi, nisi particulare aliquod visceris accedat vitium, & temperati erunt, & per consequens corpus sanum validumque existet. Hisce autem plus minus debilitatis & vitiatas probè quanta toti æconomia animali non procreantur mala? Ut autem propius ad scopum collinem & dicam, quænam præcipuæ causa in ægra nostra occasionem subministravit, ex casu nostro patet, eam fuisse ægræ in statu naturali adhuc existentis, cibi & potus ingluviem nimiam, qui enervando stomachi digestivum fermentum, tonumque huius lædendo, ipsi suggessere occasionem, deglutita minus rectè fermentandi, sed in pastam aliquam acidam, viscidam & tenacem transmutandi unde non mirum, quod statim in primis viis tam atrocia excitata symptomata, ut sunt anxietates præcordiorum, tormina abdominis, appetitus prostratus, alvus clausa, &c. quippe quæ omnia materię huic tenaci, stomacho & intestinis firmiter impactæ, horumque fibras nerveas rodenti, ortum debent, utut & heic secundum WILLISIUM mesenterii nervei plexus affectos multum in recessu habere, non immeritò censeamus. Hac functione læsa, chylosi nempe, non potuit non & altera lædi, hæmatosis nomine veniens: chylus enim dictis in locis non ritè elaboratus, ad massam sanguineam delatus, labem suam & huic affricavit, quippe qui ob sui cruditatem & salia heterogenea sociata, ipsi haud assimilabilis, eam ad effervescentias & motus inordinatos disponit, quos tanquam effectus febres, & pulsus inordinati seu præternaturales secuti sunt donec tandem ita in sanguine oberrantes, à seroso lactice in consortium assumpti, ipso probè saturato sub urina crassæ, turbidæ, & lateritii coloris, forma è corpore emissi sint. Porro communi circulationis lege ad tertiam corporis regionem & ejus peripheriam delatum illud salmuriaticum, quas non ibi excitavit turbas? Capitis enim partes membraceas & nerveas massæ sanguineæ perfusus, alluens, hor-

rendas cephalalgias seu capitis dolores, in partibus extremis seu artubus earum domesticam digestionem, & succi nutritii assimilationem impediens, tumores, inflationes digitorum, &c. partes verò earum fibrosas & nerveas vellicans, & rodens, dolores lancinantes gravissimos, & denique paralyses, & hinc poris partium laxatis sudores copiosiores infert. Denique quia & lymphæ propter sanguinis dyscrasiam necessariò à statu naturali deflectit, nimisque salia evadit, inque fauces, hinc & stomachum eructatur, suis intensa emergit,

PROGNOSIS.

Hisce præmissis, pergo ad Prognosin, putando, ægram sat gravi, ob symptomatum atrociam, sine tamen vitæ periculo, & nisi universalis tabes accedat, laborare morbo, præprimis quia gravissimi capitis dolores, intestinorum spasmi, & artuum vagi dolores, tandem in paralysin perfectam & epilepsiam facile terminari solent.

CURA.

Curam ipsam quod spectat; triplicem in illa attendendum esse scopum puto: nempe

1. Ut radix in primis viis hospitans evellatur & extirpetur,
2. Ut sanguis debitæ suæ crasi restituatur.
3. Ut symptomatibus, miserè torquentibus ægram, occurratur.

Primo autem scopo satisfaciunt Vomitoria, quibus si verum aut nihil proficiemus, necesse tamen erit, ut iis præmittantur quædam digestiva, materiam ad facilius obsequium disponentia. Præscribo igitur sic:

℞. Salis ex capite mortuo spiritus salis ammoniaci elix. ℥ii.

Tartari vitriolati Div.

Salis absinth. ℥i.

M. f. Pulv.

Div. in 5. part. equal. S.

Pulvis digestivus.

Vel in forma liquida tinctura tartari, item liquor terræ foliatæ tartari, cum spiritu salis ammoniaci ad gutt. 40. usurpati, conferunt.

Hisce ita adhibitis, tunc ad vomitoria fieri poterit accessus, quorum formulis, subinde in casibus prægressis annotatis, heic supersedemus.

Vel si purgare liceret, hunc in modum procederem:

℞. Extr. catol. gr. xv.

Gum. ammoniaci acet. sol. ℥ss.

Troch. alband. gr. ii.

Cum ol. destill. succini f. Pilulæ.

Una dosi jejuno assumenda stomacho.

Vel substitui his poterunt Glassianæ, quæ tanquam blandè laxantes, & hisce in morbis maxime profuturæ, ab haurum Autore laudantur. Verum me deterret ferè horum usus, quippe compertum habeo à Pastore quodam pagano, qui hypochondriacus suavis cujusdam iisdem usus tories tormina ventris gravissima, colicam ferè æmulantia, incurrit, quoties easdem assumpserat, ut adeò hoc in casu, præsertim ubi iamdum tormina adsunt, neque his, neque aliis purgantibus, in specie fortioribus, multum tribuam, potiusque commendam blandè abstergentia hac in parte magis proficua, ut sunt pasculata. Ergo præscribo sequens Dn. D. Præsidis nostri Decoctum.

℞. Passul. ℥ii.

Conquassatas coque in

Aquæ simpl. ℥iii.

Colaturæ adhuc ferventi adde

Fol. fenn. sine stipit. ℥ii.

Acidi Tartari ℥i.

Stent ad dissolutionem Tartari aliquamdiu in loco calido, iterum coletur, ægerque hauriat haustulum quoties.

Sic enim blandè absterget mucum, alvumq; optimè, quæ aliàs in ægra nostra clausa est, servabit apertam.

Si autem hisce alius obsequi nolit, necesse erit, ut insuper chysmata ante omnia, præsertim si intestinorum spasmi simul urgeant

urgeant, trahantur in usum, quæ tali in casu omnium optimè ex lacte & aromaticis carminantibus blandis non acerbis conficiuntur: v. g.

℞. Fl. Chamom. M. i.
Fol. lauri p. ii.
Coqu. in f. g. lactis:
Colaturæ ℥v. adde
Mellis desp. ℥i.
M. pro Clysmate.

His succedant Martialia, acidum illud austerum primarum viarum corrigentia, ut sunt Mars crudus (huius crocus, qui iam extra corpus saturatus, nil valet) præprimis tamen commendo tincturam vitrioli Martis Zuvelsevi, utpote sexui sequiori, & genere nervoso aliis delicato prædito, magis convenientem, ad aliquod tempus huius usum continuando.

II. His ita peractis, ad secundum scopum pergo, qui massæ sanguineæ depurationem à salibus illis heterogeneis & in debitam crasin restitutionem postulat. Hoc autem omnium optimè præstabitur volatilibus simul diureticis, specificis antiscorbuticis mixtis: e. g.

℞. Aquæ antiscorb. Dorncr. ℥ii.
Spir. sal. ammoniaci.
Lumbr. terr. ana ℥i.
Syr. scelotirb. ℥vi.
M. D. S.
Mixture antiscorbutica.

Vel
℞. Spir. Cochlear. ℥ii.
Carmin. de trib.
Sal. Ammoniaci ana ℥i.
M. S.

Spiritus antiscorbuticus.

Huic loco vehiculi inservire potest lac, quippe quod egregiè temperans salmuriaticum scorbuti existit; & ut hoc magis fiat appropriatum, ipsi sequentia incoqui poterunt:

℞. Lact. Mens. ℥.
Raf. rad. Chinæ ℥ss.
Herb. Fumar. M. i.

Coqu. vase recto: coletur per linteum, & sic optimum præbebit vehiculum pro dicto spiritu, aut sine illo in usum trahatur.

Insuper & elixyr proprietatis cum spiritu salis ammoniaci vinoso vel spiritu antiscorbutico paratum; item tinctura coralliorum sassafrata, tandem hic merentur.

III. Devenio nunc ad tertium scopum; symptomatum mitigationem implorantem, quorum cum duo præprimis in ægra nostra urgeant, dolores scilicet intestinorum spasmodici, & hinc dolores artuum vagi, iis obviam ire necessitas postulat.

Præter quod attinet: præter clysmat illud, cuius mentio superius jam facta, sequens potio valde erit proficua:

℞. Aquæ Menthæ,
Puleg.
Chamomill. ana ℥i.
Ess. Castor ℥iii.
Liq. Cornu Cervi succin. ℥i.
Spir. sal. ammon. ℥ss.
Laud. opiat. ferm. gr. iii.
Syr. cort. Aurant. ℥i.
M. f. Potio.

Hæriatur cochleatim, expectetur sudor:

Vel si simpliciora magis placeant, sufficit liquor cornu cervi succinatus, vel spiritus carminativus de tribus, item spiritus nitri dulcis.

Dolores autem artuum vagos sistimus partim internis, partim externis medicamentis. Interna sunt medicamenta ex pino & tartaro parata, ut sunt essentia pini, spiritus tartari, &c.

℞. Ess. Pini ℥iii.
Spiritus Tartari ℥ss.
M. D. S.

Essentia contra dolores:

Externa sunt volatilia penetrantia, non verò pingua, malum, poros oblinendo, augentia: talia autem sunt spiritus salis ammoniaci, lumbricorum terrestrium per putrefactionem, formicarum &c. qui solitariè, vel cum spiritu baccarum juniperi mixti, blanda manu applicentur. Formulæ tales habentur apud MOELLENBROCCIVM in Cochlear. Curiosa. Item fodus sicci ex decoctis formicarum & lumbricorum parandi.

DISCURSUS & ANNOTATA

B. DN. PRÆSIDIS.

Affectus est Arthritis vaga scorbutica, apparenter ad arthritidem futuram fixam inclinans, quæ articulos speciatim occupat; cum tamen vaga musculares pariter ac articulares partes affligantur.

SUBJECTUM.

Duplex subiectum in hoc morbo rectè statuit Dn. Autor Resolutionis: nempe Radicationis ratione fomitis seu causæ materialis, & Inhæsionis, ubi fomes materialis efficaciam suam & vim speciatim exerit. Respectu ergo arthritidis vagæ, radicationis subiectum est massa sanguinea, dyscrasia scorbutica affecta; ægrota enim nostra est sanguineo serosa: sicut subiectum denominationis seu inhæsionis sunt loca articulorum, partibus nerveis. Speciatim tendinibus, cincta.

CAUSÆ.

Cæterum Causa huius arthritidis vagæ scorbuticæ proxima materialis est sal acidum vitiosum specifici saporis, qui sapor adhuc admodum intricatus est, quoad specialem sui explicationem: Interim hoc ipsum sal quibusvis reliquis partibus, tam continentibus quàm contentis, sine sensibili illarum læsione non est sociabilis, & speciatim sapore acido generali est partibus nerveis inimicissimum. Hoc ergo mediante lymphæ & sanguine serosiore ad loca nervea circa articulos advectum pungit, vel licet & lancinat, ibidemque rodendo dolorem, cum nutrimento partis proprio effervescendo, vel etiam fibras stringendo, hinc per accidens angustatis vasis & poris stagnationem causando, tumorem & reliqua symptomata producit. Tunc enim in talibus ægris superveniens non est causa affectus articularis, neque præcipue oritur ex affluxu humorum, sed potius est productum morbosum, insequens dolorem; qui si abesset, partes non intumescerent, non secus ac denegata spina denegatur tumor. Porro tumor iste nunc est calidus, nunc frigidus: In ægra nostra est frigidus œdematosus, partibus nempe vicinis concolor, Arthri is frigida: ubi differentia non quaerenda est in humore affluente, sed in acido rodente, quod si fuerit acius & volatilius, tumorem calidum rubicundum, erysipelati similem, infert, Arthritis calida: contra si idem acidum fuerit mitius & temperatius, in specie in subiecto magis succulento, tunc tumor œdematosus, vel si subiectum succulentum non sit, partibus vicinis saltem concolor emergit. Atque hinc ratione istius acidi tumor erysipelaceus longè atrocior dolore solet esse stipatus; sicut è contra frigidus minus dolet, sed diutius perdurat, & tardius curatur. Tumor ergo fit, quatenus occasione doloris vellicantur & corrugantur fibræ, sicque spasmus afficiuntur, in parte affecta; unde humorum transeuntium metus & circulus impeditur, hinc eorum stagnatio & tumor. In his autem tumoribus jam factis non putandum est, eosdem ex humoribus eò confluentibus præcisè oriri, sed non parum forsan intenditur ab ipso humore in parte stagnante per modum turgescentiæ: quippe turgescens ille cum acido peccante tumorem ejusmodi mollem, & quasi flatulentum, solet inferre, quod de pluribus tumoribus potest dici. Acidi huius vehiculum est serum, quod defertur cum lymphæ ad articulos, adeoque arthritici crebriori urina & sudore optimè præservantur pariter & curantur, illa quidem extra, hoc in paroxysmo. Nostra ægra continuo madet, habet pulsum undosum, qualis observatur in iis, qui sudant: quò ergo magis sudant, eò melius habent; sicut è contra, quò minus sudant tales, eò diuturnior erit morbus. Hinc etiam arthritici confirmati commodè per salivationem Mercurialem cæteris paribus tractari posse, annotat KERKRINGIUS in Observat.

Medium secretionis huius salis scorbutici ex massa sanguinea est impetus quidam febrilis: nam ægra, prægressa lassitudine, patitur aliqualem calorem totius, utut moderatum & vaporosum, eum tamen præternaturalem, occasione succorum in primis viis à debita crasi degenerantium, & vitiosè in se agentium, enatum: quem comi-

mitantur præcordiorum pathemata, hinc supervenit pulsus, calor, sudor, & præcipitatio salis acidi, & protrusio ad articulos.

Nempe in omni articulari morbo doloroso, eoque tam fixo quam vago,

1. Semper observatur *febricula*, plus minus intensa, à principio morbi usque ad statum perdurans, sub quo iterum evanescit.

2. Semper & ordinariò tam veram quam vagam arthriticam pathemata quædam circa primas vias solent præcedere, aut comitari, adeò quidem, ut quis, si sine causa manifesta cessat appetitus cum nausea, sudore suppresso, certus sit de paroxysmo instante, utut in statu successivè redeat appetitus, urgentibus interea doloribus.

Febris hæc est varia: est enim nunc continua lenta, febri catarrhali similis, omnique vespera exacerbat; nunc instat febrium intermittentium, quæ nunc cum, nunc sine notabili horrore increfcit.

Insuper observandum, quod arthritidis nunc sit fixa, nunc vaga: *arthritidis vaga* scorbuto est propria; *fixa* tantum est sine scorbuto: omnis tamen fixa in principio ferè plus minus vaga observatur, sicut contrà vaga confirmata tandem fixa evadit. Et quò fixior est arthritidis, eò facilius postmodum irritatur, & difficilius curatur; è contrà quo magis vaga, eò difficilius irritari potest, curatu tamen facilis existit.

Utriusque autem differentie ratio consistit in eo, quod in vaga acidum scorbuticum peregrinum saltem se insinuet superficietenus partibus nerveis, è contrà in fixa penitus istis infixum hæreat, nec post paroxysmum finitum spicula tantia instat spinæ locis sint infixa, hinc quæta illa extra paroxysmum levi occasione, terrore, ita, &c. mota partes in motum ciere, & etiam sine febrili impetu paroxysmum, arthriticum renovare possint. Conf. RHUMELIUS in scriptis, qui distinguit arthritidem in hæreditariam, nodosam, & solutam: ac hæreditariam vocat, cujus character à parentibus implantatur; nodosam autem, ubi sinovia ab acido podagrico primariò in cretam, postmodum in corpus calciforme quasi coagulata conspicitur; sicut tandem solutam in qua acidum adhuc in lymphæ fluctuat, & partibus nondum infixum est. Harum nodosam & hæreditariam simpliciter incurabiles esse dicit; solutam aliquo modo curari posse, putat.

Quoad *Causam occasionalem*: ex casu patet, ægram fuisse gulosam, unde ex chylificatione læsa, & inde orta cruditate acida; ex quibus rectè Dn. Resolutionis Autor præcordiorum abdominis tormina, appetitum prostratum, alvum clausam, &c. deducit, haud tamen exclusa illa causa universalis WILLISII Tr. de scorbuto, aere scilicet.

P R O G N O S I S.

Quoad *Prognosin*: Arthritidis præsens vaga in se, est sine periculo, modò ritè tractetur; alias metus est, ne rigiditatem aut *contracturam* membrorum circa articulos inferat propter acidum corrugans partes nerveas vel coagulans sinoviam, hinc immobilitas membrorum; unde etiam interna, quæ peccans acidum concentrat, figunt, repellunt, &c. vitanda.

C U R A.

Quoad *Curam*: in paroxysmo hæc *Indicationis* locum habent; Nempe

1. Succorum in primis viis effervescencia, adeoque hinc natus impetus febrilis, appropriatis absorbentibus cum diaphoreticis compescatur, præsertim cum madida semper sit ægra; propter diaphoresin enim paroxysmus fit mitior: quò magis sudant, eò citius cessat malum, & minus torquentur.

2. Symptomata circa præcordia & primas vias appropriatis volatilibus tollantur.

3. Dolores leniantur, & tumores artuum resolvantur & discutiantur; acidum rodens, tam internis, quàm externis moderatè anodynis, removeatur.

Hinc præmittatur, si opus fuerit, venæsectio; & clysmata, quæ hoc in casu, ubi murmura abdominis, & præcordiorum symptomata obvia, sunt perquam proficua, applicentur: quibus, si aciora velimus, qualia in nostro casu requiruntur, addatur ℥i. ad ℥ss olei destillati terebinthinæ, Clysmæ, quod Dn. Autor Resolutionis præscripsit, convenit tantum in dolore abdominis scorbutico.

Vel, si adsit Indicatio, etiam pulvis laxativus ex tartaro vitriolato cum aliquot granis scammonii sulphurati vel extracti trochiscorum alhandal propinetur. Potio passulata scorbuticis conveniens est. Antimonium diaphoreticum resinis junctum est egregium; liquor terræ foliatæ tartari, cum dimidia parte spiritus salis ammoniaci mistus, dosi gutt. 30. 40. 50 &c. dat egregium digestivum.

Istis præmissis, pro primo scopo conveniunt pulveres ex arcano duplicato Myrsichii, antimonio diaphoretico, bezoar-dico minerali, cinnabari antimonii aut nativa, auro diaphoretico, &c. semper insistendo madori, & continuando tamdiu, quamdiu nempe durat principium morbi, & symptomata febrilia sunt præsentia.

Pro secundo scopo adhibeantur volatilia; v. gr. spiritus salis ammoniaci, carminativus, lumbricorum terrestrium, item spiritus tartari, cochleariæ, &c. unà cum repetito clysmatum usu usurpandus est. Volatilia autem non usurpentur, nisi præmissa fuerint salia fixa, aut terrea absorbentia, sal acre scorbuticum temperantia: aliàs ex horum concursu cum sale scorbutico phlogolès, effervescencia & similia solent observari. Cicuretur ergò acidum illud per Martialia, figatur per alcalia fixa, per terrea & marina, temperetur per arcanum duplicatum, tunc ad volatilia fiat accessus.

In doloribus spasmodicis scorbuticis & hysteriis præscribatur:

℥ss. Aquæ Memb.

Puleg. ana ℥ss.

Ess. Castor. ℥iii.

Liqu. Cornu Cervi succin.

Spiritus sal. amm. ana ℥i.

Laud. opiat. gr. iii.

Syr. cort. Aurant. ℥ss.

M. f. Potio.

Tandem pro tertio scopo usurpentur varia volatilia interna, & externa discurrentia, & moderatè anodyna. Spirituosa externa aut partibus dolentibus affricata, utut bona sint, omnibus tamen non conducunt, quia non rarè acidum quietum in motum concitando paroxysmum vel revocant, vel dolores exasperant, forsitan propter effervescencia cum causa materiali peccante in parte affecta. Magis conducunt paregorica blanda & lumbricalia. Sic enim hæctenus curavi virum, qui habuit dolores arthriticos in genu, cum aliquo rubore erysipelaceo, cui optimè confert emplastrum de spermate ranarum, cum copioso saccharo Saturni mistum. Præterita septimana cum denuò & optimè ambulare posset, pro spina parti infixa evellenda ordinavi aquam arthriticam ad extrà, cum spiritu salis ammoniaci mistam, ut huius illinitione paroxysmus præcaveretur, optimèque habebat per quinque vel sex dies; sed ecce! abusu huius spiritus recrudescere paroxysmus, & continuato spiritu semper intensior fiebat, unde denuò emplastrum diaphoreticum iussi applicandum. Adeò ergò ubique idiosyncrasia respicienda.

Extra paroxysmum:

Curato verò sic paroxysmo, sub universalis declinatione propinanda remedia ex pinio: vel potius pinastro, quæ species est tedæ, & genuina arbor scorbutica & articularis, Præfertur tamen essentia pini decoctum strobilorum pini cum ana cerevisiæ & aquæ communis simul, v. g. ita: ℥ss. horum strobilorum ℥ss. adi minimum, coqu. in aquæ & cerevisiæ ana Mens. ℥ss. ad medietatem, additis sub finem passulis pro grato sapore, pro dyscrasia sanguinis scorbutica emendanda, & balsamo artuum quasi renovando, & tandem sale scorbutico corrigendo. De colatura bibatur omni manè & vespera bonus haustus calidè, & expectetur semper desuper in lecto blandus sudor. Tinctura vitrioli Mart. s. Zvvelferi est delicata, & imprimis mulieribus præscribenda.

Ad recidivam præcavendam tandem cura lactea ad aliquod tempus continuanda, & strictè observanda. Lac enim est optimum arthriticorum præservativum, & sal arthetico & scorbutico peccanti appropriatum: sed observetur legitimus usus. Usurpandum autem

1. Non nisi specificis & universalibus præmissis, adeoque conveniet id pro colophone curæ, ne recidivet.

2. Extra paroxysmum saltem, quando nempe symptomata remittunt & æger in statu apparenter sano est; quo tempore lacticia diu continentur.

3. Primæ viæ prius sint mundatæ, ut rectè HIPPOCRATES præcipit; aliàs corrumpitur, & caseum hinc inde deponit in primis viis, hincque ex huius viscido symptomata exasperantur.

4. Sto-

4. Stomachus adhuc valeat in digerendo, quo nempe lac in hoc individuo assimilari queat; secus enim in mucum degenerat.

5. In lac, siue usurpetur simplex, siue cum radice chinæ decoctum, instillentur aliquot guttæ *spiritus salis ammoniaci*, cochleariæ, vel alius scorbutici: vel simul usurpentur elixyr proprietatis, cum spiritu salis ammoniaci vel spiritu quodam scorbutico paratum. Quidam tamen hypochondriaco-scorbuticus ex usu lactis, cum radice chinæ decocti, in pertinacem obstructionem alvi incidit: non autem hoc contingit, si lacte solo cum spiritibus cochleariæ & spiritu salis ammoniaci usi fuerint. Adeo ergo probe observanda cujusque idiosyncrasia erit.

Hinc singulis mensibus conveniunt *pilulæ aloeticæ Glasfianæ*, quæ sunt substantia aloes mucilaginosæ, separata à substantia resinosa, quarum hæc iners, imò internè usurpata visciditate sua hæmorrhoides ciet; contra mucilaginosæ substantia in aqua solubilis extrahi eadem potest, præsertim, si menstruo illi addatur parum aceti scyllitici: ita pilulæ ante cœnam No. v. vi. vii. ad viii. assumptæ, altero die manè bis vel ter laxant alvum, & inter usuales in morbis chronicis primatum obtinent. Interim observavi ex harum usu in muliere plethorica, cui naturaliter menses deficiebant, pariter affectus hæmorrhoidales excitatos fuisse; sicut in aliis binis scorbutica & hysterica, quæ exin turbas in primis viis passæ. Melius ergo specificatur mucilago illa, attenuando eandem per sal tartari, ceu universale corrigens purgantium, quod ad aliquot grana menstruo aqueo additum extrahit mucilaginem melius, inspissandam dein, hinc etiam in pilulas redigendam. Vel etiam addatur massæ pilularum earundem parum tartari vitriolati, v. g. illius scrup. i. hujus gr. xii. sic enim sine ullo symptomatum superventu in usum vocari poterunt. Unde qui easdem pilulas, chronicis affectibus laborantes, possunt ferre, usurpent eas omni menstruo spatio semel aut bis, pro scopo mundificandi primas vias, idque imprimis, quando morbus à priori radicitus evelli nequit, sed per epicrasin evacuandus: *Extracto etiam hellebori nigri* specificari possunt, ut fiant pilulæ usuales pro scorbutico-hypochondriacis; sicut pulvis rhabbarbari cachectico-ictericis & qui viscidioribus succis abundant, illis addatur gummi ammoniacum in vino vel aceto solutum & inspissatum: vid. LUDOVICI de sale tartari volatili & in Pharmacia.

Tandem *diuresis* non negligenda. Copiosior urinæ fluxus, ac largior sudor, imprimis manè, præservativa sunt Podagricorum: per urinam curantur extra paroxysmum, per sudorem in paroxysmo.

De salivatione instituenda vid KERKRINGIUS in Spicilegio.

Arthriticam nostram curavi ita: Vocatus ad eam, cum esset *ευσπρνα*, gulosa, &c. hinc pro tumoribus, & febrili impetu mitigando, *venæsectionem* institui in brachio, cui alias erat adueta, idque cum levamine factum. Neque enim hæc omittenda est in hisce casibus, præsertim ubi suspicio adest sanguinis vel suppressi & coacervati; quemadmodum pariter largam venæsectionem in virgine simili modo affecta, & ultra dimidium annum mentes non habente institui.

Hac præmissa, propter symptomata præcordiorum præscripsi *clysmâ emolliens*, cum sale tartari paratum, cum levamine. Insequenti autem die ordinavi sequentes pulveres:

℞. Arcan. dupl.
Antimonii diaphor. ana ℥i.
Laud. op. ferment. gr. ii.
M. f. Pulvis.
div. in 2. part. æquales.

Hinc ex hujus unius usu sudor copiosius erupit; cumque antea saltem crura dolore & tumore affecta fuissent, etiam brachia dolere, & tumere incepere: interim continuavi hunc pulverem die altero in decocto strobilorum pini cum passulis parato: post verò superveniebant insignes *passiones bystericæ*, quo confirmabar, hæcce symptomata supervenire occasione impetus febrilis; hinc omisso decocto ordinavi *clysmâ* sequens:

℞. Spec. decocti carmin. M. iii.
Salis tartari ℥i.
Coq. s. q. Aquæ communis:

Colat. ℥ix. adde
Electi de bacc. lauri ℥i.
Ol. destill. succ. ℥ss ad ℥i.
Vitell. ovi. No. i.

M. f. Enema.

Hoc applicatum fuit cum levamine, præsertim cum simul internè omni bihorio assumerentur gurt. 30. liquoris cornu cervi succinati; quorum usu passio hysterica evanuit. Hinc pulveres modò laudatos iterum usurpare jussi: sed ne nauseam excitarent, decoctum strobilorum pini omisi, & saltem in potu ordinario, cui *spiritus cochleariæ* instillabatur, usurpare jussi. Item loco priorum pulverum sequentem ordinavi:

℞. Antimonii diaph.

Arcan. dupl. ana ℥i.

Cinn. antimonii gr. xv.

M. pro 2. dosibus.

expectando desuper blandum sudorem.

His pulveribus manè & vesperi interponebatur internè pro anxietate præcordiorum, lipothymia, &c.

℞. Spiritus carmin. ad ℥ss.

Cochlear. ℥ss.

Misceantur.

Dosi gutt. 30. bis vel ter in die capiebantur, roties, quoties lipothymia imminerent, & sanè hinc statim levamen circa præcordia percepit.

Externè locis tumentibus imposuit *lumbricos vivos*, donec moriebantur, cum levamine sensili. Imò in fine morbi usurpavit crebrius *spiritum salis ammoniaci* reliquiis massæ sanguineæ corrigendis, & sic convaluit.

Sed superiori anno hoc ipsum malum recurrebat, hinc mox post *venæsectionem*, præmissa blanda laxatione, cum minus urgerent symptomata febrilia, accessum feci ad *spiritum salis ammoniaci*, bis quotidie ad gutt. 30. 40. continuandum, quia aberat febris. Externè, cum deficerent tunc temporis lumbrici, jussi usurpare *spiritum salis ammoniaci cum calce viva paratum*, mistum cum aqua articulari & spiritu tartari. Sed nihil conducebat, potius dolores augebat. Hinc mutando consilium, ordinavi emplastrum diaphoreticum:

℞. Tachamach. ℥ss.

Empl. diaphor. Myns. ℥vi vel ℥i.

Malax. cum s. q. ol. destill. tartari fœtidi:

Inducatur super linteum, applica circa genu, manus, &c.

Quod dolorem levabat, & ita sanam demum dimissi ægram.

Juvenis nobilis malo ischiadico in utraque coxa graviter affectus; ita ut in incremento morbi tantillum corporis motum sustineret, præmissa in subjecto sanguineo venæsectione, præscripsi sequentem pulverem:

℞. Antimonii diaphor.

Bezoard. Martial. ana ℥ss.

Auri diaphor. gr. v.

Misceantur.

subinde repetendo.

Item

℞. Aquæ serpilli,

Menthae,

Flor. sambuc. ana ℥i.

Spiritus sal. ammoniaci ℥ss.

Ess. microcosmi præp. ℥ii.

Antimon. diaphor. ℥i.

Laud. opiat. gr. iii.

Syr. card. bened. ℥vi.

Misceantur.

continuando sudorem.

Denique

℞. Spiritus salis amm.

Liqu. Cornu Cervi succin. ana ℥ss.

Misc.

Dosis 39. vel 40. gutt. ter in die.

Externæ ad imitationem POTERII:

℞. Pic. naval. ℥ii.

Fl. sulphuris,

Terbebinth. ana ℥ii.

Succini,

Mastic. ana ℥i.

M. pro Cerato,

appli-

applicando loco dolenti, quod ita ad aliquot dies admodum mirè contulit.

Tandem hoc ablato pro reliquiis discutiendis:

*℞. Aqua articular. ad extr. ℥i℥.
Spiritus sal. amm. cum calce viva ℥vi.
Misc.*

externè affricando.

Item

*℞. Aqua art. ad extra ℥i℥o
Spiritus bacc. Junip. ℥i.
Bals. Peruv. cum vitell. ovi diss. ℥iii.
Misc. & affricentur.*

RESOLUTIO ALIA

Dn. JOH. MATTHEI

MERCKELII,

ANNÆBERGENSIS,

B. DN. PRÆSIDE

correcta

Anno 1682.

Affectus præsens, quoniam inter dolores articulares referendus veniat, nihil omnino dubito, speciatim verò Arthritidis cujusdam scorbuticæ vagæ, plus minus inveteratæ jamjam, propter tumores, qui hic manifestè satis præstant in articulis, speciatim præ se ferre videntur.

Pars affecta seu subiectum invasionis erit periostrum, quod sensibile admodum, & in articulationibus ab omni carne denudatum, immediate magis à synovia vitata afficitur. *Subiectum verò radicationis* erit tota massa sanguinea, speciatim verò in ea contentus spiritus influus, qui unà cum sanguine pro nutritione partium ad easdem deferretur, acido scorbutico inquinatus. Unde autem originaliter id vitii contraxerit hæc, non est, quod diu quæramus; siquidem vitium digestionis primæ non corrigitur in secunda.

Causa itaque proxima formalis efficiens erit spiritus influus, qui unà cum sanguine ad partes deferretur, & vitiosè constitutus & acore plus minus scorbutico peregrino inquinatus, & per modum febriculæ plus minus lentæ affligens.

Causæ primæ materialis vice hic jure meritoque sustinet acidum volatile spirituosum sui generis & specifici saporis, spiritui influo maritatum, & locis nerveis inimicissimum; hinc etiam, tanquam producta morbofa, dolor, tumor; & subinde, ut non hic, inflammatio seu rubor partis affectæ, reliquaque symptomata omnia, ejusmodi morbi genus immediate ferè concomitantia.

Causas inter remotas hæc unica mihi videtur sufficiens, quod Patiens nostra gulæ imperio plus justo sit obediens. Nimirum, uti jam supra monitum, totius hujus mali fomes & radix vitioso ventriculi acido meretur adscribi: sicuti autem hoc naturaliter constitutum faber est omnis boni succi nutritii; ita è contrà præternaturalis ejus constitutio & vitata crasis nil præter vitiosa, utut ore optima assumantur alimenta, suggerit nutrimenta partibus corporis, juxta tritum illud veriverbium: *impurum corpus quod plus nutritur, eo magis læsetur.*

De cætero symptomatum syndromen quod spectat, quæ inter potissimum invasionis tempore esse videtur *lassitudo illa* omnium artuum nonnihil lancinans, quam sanè invasionis morbofæ & febriculæ alicujus adventum nunciare, subsequens nos sæpius docet eventus. Nimirum lassitudinis hujus causa omnium ferè consensu dependet proximè à male affecto genere nervoso, quod sanè, si naturaliter se habeat, pro sensu, motu & functionibus animalibus corpori nostro inservit. Ast præternaturaliter illo affecto, omnes nostræ actiones ægrè satis, imò ferè omnino non, subinde succedant, adeò, ut non immeri-

tò propter acidum scorbutici rofionem & molestam vellicationem generis nervosi Patiens nostra de lancinante artuum lassitudine conqueratur.

Hoc verò acidum, quod reverà causa unica & solitaria mali præsentis existit, probant & subsequentià proximè symptomata alia; scilicet tumor cruris dextri circa talum, qui paucis abhinc diebus insequitur; item circa genu, dolens ac lancinans insigniter; concolor partibus vicinis, motum tamen corporis quemlibet inhibens: quæ omnia, uti jam enarrata, causam aliam cognoscunt nullam, quam acorem quendam sanguinis, fibrillas partium nerveas, imprimis verò circa articulationes sitas; molestè vellicantem; hinc stupor etiam, & ad motum quemlibet animale inaptitudo partis illius, ad quam motus naturæ excretorius materiæ morbofæ impetum detrufit, uti hic in specie circa talum & genu cruris dextri. Quæ autem fiat, quod in partibus hisce nullus adsit rubor, vel distinctus saltem aliquis color à parte sana, inde esse puto: (1) quod acidum scorbuticum in hoc subiecto nondum adeò sit potens; (2) quod partes primariò dolentes in profundo sub regimine copiosorum musculorum delitescant, unde non ita facile ab extra mutatio aliqua sit conspicua. Accedunt hisce & reliqua pathemata, quæ patitur tempore paroxysmi ægra; scilicet adest simul calor totius præternaturalis, moderatus tamen, &, ut vocant, vaporosus unà cum madore corporis continuo, pulsuque quasi undoso. Hæc si ritè mecum perpendo, nihil aliud præ se ferre mihi videntur, nisi conflictum aliquem (effervescentiam Medicis dictum,) salium diversorum in massa sanguinea existentium, & naturæ motum seu conatum impetuosè suo modo ad ambitum corporis expellendi id, sibi quod est vel maxime contrarium & inconveniens: hinc etiam calor totius, unà cum madore corporis continuo, quàm maxime est proficiuus, & multum materiæ peccantis unà secum abripit, nec non pulsus magnus, in specie undosus, à sanguine scorbutico membranas arteriarum molestè vellicante, uti & turgescencia sua parietes earundem sub sudoris eruptione distendente. Sequenti die anxietates præcordiorum superveniunt; tormina & tumultus abdominis, respirationis difficultas; eademque vespera & alterum crus torqueri incipit: Tumores circa artus ingentes, admodum dolentes &c. Quæ omnia succorum in cavo ventriculi vitiosè agentium, & plus minus effervescentium, sunt indicia: hinc etiam per consensum tandem continuitatis in intestinis tormina & tumultus abdominis, quàm contiguitatis, respirandi difficultas.

Quod autem & alterum crus, nec non brachium sinistrum simili modo, similibusque in locis torqueri incipiant, uti & in omnibus ferè artubus, in specie verò in manu sinistra & digitis œdematosi observentur tumores, & quod ad morum omnis ferè absit promptitudo sine alia sensibili alteratione, hoc eo magis conceptam meam de vago arthritidis adhuc motu opinionem confirmat, quod scilicet è loco in locum transire, & modò huic, modò illi parti, molestiam creare possit: Tumor verò œdematosus originem suam aliunde non habet, nisi lymphæ stagnante, quæ in motu suo refluxu strictura partium fibrosarum inhibetur ac stagnat.

De cætero ægra nostra anxia, subinde animo quod delinquit, caput admodum doleat, ipsa sudore calido diffuset; nullo modo se movere valeat, quia quolibet, tantillo licet; motu dolores exasperantur; appetitus nullus, alvus clausa, sitis intensa, &c. nil omnino mirum est, quod hæc omnia in tali casu quasi jurata inter se fide, & indivisibili quodam nexu cohæreant, & invicem insequantur, siquidem vitata à dicto sæpius acido, hoste intensissimo generis nervosi, tota nostra massa sanguinea, omnesque reliquæ corporis partes in consensum trahantur, & malè afficiantur, necesse est.

Nimirum massa nostra sanguinea motu continuo ad partes deferretur, & refluit ad cor; quod si ergò acrimonia quadam acida plus minus scorbutica crasis ejus sit vitata, sit, ut & quorsum deferretur, ratione peregrini illius acidi saporis, quo inquinata est, spiritum insitum in partibus male, imò pessime subinde inficiat, & inimico suo adventu varias in illis molestias creet; hinc etiam motus cordis plus minus interruptus, & consequenter animi deliquium, nec non sudoris effluxus, à motu naturæ excretorio & præcipitante, ut & ex convulsione ferè omnium partium, minus apta ad motum promptitudinem, & dolor ex motu tantillo saltem. Adstrictio alvi est à defectu lymphæ, aliàs

fæces

feces excernendas irrigantis; ratio, quia motus naturæ hîc est versus peripheriam, uti fit in sudoribus, febribus acutis, quod faustum sanè est indicium: affectus hujus contrarius in morbis hujusmodi dicitur diarrhoea colliquativa: Sicut & sitis, partim à defectu lymphæ, partim ejusdem acrimonia, tunicas superioris ventriculi orificii fâssedine sua rodente, dependet.

Prognosis huic morbo nulla conferenda alia, quàm, quod si crebrius redeant paroxysmi, & pro more vehementius affligant ac debilitent articulos, tandem ad paralyticam constitutionem eosdem possint disponere; imò ex vaga adhuc arthritis fixa & confirmata fieri, & ad motum omnium articulorum ineptitudo ac rigiditas certò certiùs provenire queat.

Cura autem alia erit in paroxysmo, alia extra paroxysmum.

In paroxysmo dubium est, an motus naturæ excretorius sistendus, an promovendus? Quodsi sistatur nimis citò, fit quidem cum ægri aliquali levamine, sed morbus exinde resultat chronicus: Quodsi verò promoveatur, ægræ nostræ dolores & pathemata, aliàs satis anxia, exacerbantur. Dubius itaque inter spem metumque hæreo. Ast quia unum ex his eligendum, nihil dubito, quin cum euphoria, & absque sensibili damno ægrotantis pro sistendo motu naturæ nimis excessivo, & plus minus turbato, cujus indicia febris intensior, pulsus inordinatior, præcordiorum symptomata graviora &c. possit porrigi sequens:

℞. *Antimonii diaphor. Martial.* ℥j. vel *Auri diaphor.*

Pot. gr. vi.

Cinn. Antimonii ℥ss.

Laud. opiat. gr. i.

M. D. S.

Pulvis diaphoreticus anodynus.

℞. *Arcan. dupl.* ℥ss.

Antimonii diaphor. Martial.

Cinn. antimonii ana gr. v.

Laud. hysser. gr. iiii.

M. f. Pulvis:

Vel

℞. *Aquæ flor. sambuc.*

Fumar. ana ℥i.

Spiritus salis ammoniaci ℥i.

Arcan. dupl. ℥ss.

Antimonii diaphor. ℥i.

Cinn. antimonii ℥ss.

Syr. sceleris ℥vi.

M. f. Potio.

Convenit etiam spiritus carminativus de tribus, item aurum fulminans.

In motu verò deficiente, potiùs aromatica diaphoretica, opiatas plus minus sociata, ut essentia lignorum, theriacalis, theriaca cum lapide osteocollæ, &c.

Vomitùs in genere in principio hujus mali optimus est; in specie verò in præsentì ægra ob passionem hystericam suspectus.

Venæsectio in principio & incremento est optima, vel ejus loco cucurbitulæ scarificatæ; hinc diaphoreticum opiatum, qualia jam dicta.

Pro levandis doloribus abdominis, & anxietatibus præcordiorum, prodest sequens clystma:

℞. *Spec. carmin.*

Emoll. ana M. i.

Elar. samb. p. ii.

Rad. levist. ℥vi.

Sem. Anis. ℥ii.

Coq. in f. q. Aquæ fontanæ:

Colat. ℥. ℥viii. adde

Elect. de bacc. lauri,

Mell. Mercurial. ana ℥i.

Ol. Chamomill. ℥ss.

Nitri antimonial. ℥ss.

M. f. Clystma.

Externè declinante paroxysmo applicetur aqua articularis ad extra, cum paucò spiritus salis ammoniaci.

Vel

℞. *Tacamahac.* ℥ss.

Empl. diaphor. Myns. ℥vi.

Malax. cum f. q. ol. tartari destill.

Inducatur super linteam, & applicetur articulis.

Extra paroxysmum hæ observentur Indicationes:

1. Acidum in primis viis hærens evacuetur.

2. Massa sanguinea inquinata corrigatur; &

3. Partes primariò affectæ roborentur.

Pro prima Indicatione ex fonte Pharmaceutico, præmissò priùs aliquandiu lapillorum cancrorum usu, seu liquore terræ foliatæ tartari; vel sale tartari essentificato, quavis vesperaguttatim sumendo, vomitus posset sufficere exem. gr.

℞. *Syr. emer. A. S.* ℥ss. ad ℥vi.

Aquæ Menth. ℥ss.

Cinnam. ℥i.

M. D. S.

Hauftus Emeticus pro 1. vice.

Per inferiora:

℞. *Extr. belleb. nigr.* gr. xv.

Mercur. dulc. ℥i.

Extr. troch. alband. gr. i.

Cum Ess. Fumar. q. f. Pilulæ:

D. S.

Pilulæ pro una vice.

Vel

℞. *Mercur. dulc.* ℥i.

Scamm. præp. gr. iiii.

M. D. S. pro lubitù.

Ad secundam Indicationem. itidem ex fonte Pharmaceutico tam diaphoretica, quàm diuretica, erunt proficua:

℞. *Antimonii diaphor.* ℥i.

Sal. vol. succini ℥ss.

Oleo-sacch. Cochlear. gr. vi.

M. D. S.

Pulvis sudoriferus pro 1. vice.

Vel

℞. *Aquæ fumar.*

Card. bened. ana ℥ss.

Ess. lignor.

Spiritus Cochlear. ana ℥i.

Syr. sceleris ℥vi.

M. D. S.

Potio sudorifera pro duabus vicibus, manè jejune sumenda.

Vel

℞. *Aquæ fumar.* ℥i.

Cinnam.

Acet. sambuc. ana ℥ii.

Theriac. ℥i.

Salis Absinth. ℥i.

Syr. approp. q. f.

M. pro Potione.

℞. *Spiritus salis ammoniaci vol* ℥ss.

Cochlear. ℥ii.

M. D. S.

Spiritus vesperi 30. guttæ pro dosi sumendæ: in decocto lignorum.

Decoctum autem tale fieri potest ex lignis, herbis & radicibus antiscorbuticis variis, in specie ex strobilis pini.

Pro scopo diuretico, præmissum terebinthinatis, nec non crocis Martialibus, sufficere poterunt.

Ex fonte dietetico, vitæ vitandis, pro temperanda sanguinis acrimonia conveniunt Lacticinia cum succis expressis, istis præmissis, omni manè jejuno ventriculo, item vesperi bihorio ante pastum.

Quoad partes primariò affectas: possent hæ externè per litum sequentem refocillari circa inarticulationes pro tumore discutiendo:

℞. *Spiritus vini camphorati* ℥vi.

Ess. Castor.

Lumbr. Terrestr. ana ℥ii.

M. D. S.

Balsamum externum, quo calidè membra inungenda.

CASUS L.

DELIRIUM MELANCHOLICUM
HYPOCHONDRIACUM.

Mulier mediæ ætatis, aliàs sana & fecunda, ordinaria periodo menstrua fundens, ab aliquot mensibus recurrente subinde palpitacione cordis affligi cœpit, enata sine manifesta causa. Tristior quoque præter consuetudinem, anxia subinde & suspiciosa, nescia ob quam rationem, evadit, solitudinem amat, consortia aliarum fugit. Pressius examinata, de capite nonnihil conqueritur, quasi obnubilato, ita, ut sibi quasi semiebria videatur, Caput sentit obtusum & vertiginosum quasi fatuum; Somnus deficit, aut dormire saltem incipiens, ex tetræ insomniis subito cum terrore expergiscitur. Appetitus mediocris, interdum nullus, sitis nulla, alvus clausa, murmura & rugitus pererrant abdomen: pulsus vehementes, tardi, rari, magnitudine moderati, subinde inæquales observantur. Aliquando præter morem bilior evadit ridet, & ancillis suis mira liberalitate pretiosa donat cimelia; oburgata ob id à marito, mirè contristatur, lachrymatur acerbè, ut vix persuasionibus quibusvis luctus sisti queat. Hinc melius quidem habet, sed sub novi, & plenilunii exasperatur nonnihil affectus. Urina est tenuis & pallidior. Consilium præea à Medico peritur.

RESOLUTIO

DN. GEORGII ERNESTI
MEUSELII,

Lucca-Lusati.

Cum speciali Discursu & Annotatis.

B. DN. PRÆSIDIS,

Censuræ & Emendationi subjecta

Anno 1676.

AFFECTUS.

Dum in præsentem inquirō casum perspicio, eundem esse accensendum generatim quidem ad depravatam ratiocinationem ex læsione phantasie, quæ quidem depravata ratio nondum firmiorem egit radicem, dum facile mobilis est, & pro objecti ratione variat, quatenus mox morosa & tristis ægra est, mox in bilari libertate excedit. Ut verò propius accedamus ad casum, in specie dicimus, esse Delirium Melancholicum.

CAUSÆ.

Proximè pendet hoc malum ab animalium spirituum cerebro, partim perverso motu, partim in se spiritibus ipsis vitiosis, nimirum ex inquinata & ista sanguinea in motum genuino turbatis, & simul vitiose genitis; mentis quippe actiones, uti naturales, ita & perversæ ex spiritibus vel secundum vel præter naturam constitutis, utique derivandæ. Veteres quidem, uti nonnulli ex modernis, qualiacunque deliriorum pathemata animæ adscribere tentarunt; sed cum anima astra sit ætædus, missa illorum sententia, spirituum energię eadem accepta ferenda censemus. Non minus quoque errarunt illi, qui affectus huiusmodi solitariè capiti adscribere ausi sunt. Nos in ægra nostra caput affectum minimè negamus, non tamen per se, aut uti communiter distingui solet, per essentiam, sed per consensum: quatenus conspirat cum primis viis.

Triplex itaque affectus huius & concurrentium symptomatum causa consideranda erit.

1. Spiritus malè affecti, ut causa proxima.
2. Massa sanguinea, quæ movit causam proximam; & 3. Hypochondria & primæ viæ, quæ considerandæ ut causa remota.

SYMPTOMATUM CUM CAUSIS
CONNEXIO.

Ortus itaque fuit hic affectus à causa interna, quia spontè enatus. Utrum hereditario modo disposita ad eundem fuerit, determinare non valeo, cum ex casu disquisitio hæc hauriri nequeat: aliàs quidem non infrequens ex hereditate, præsertim in sexu sequiore, est. Spiritus itaque affectos arguit tristitia, amor solitudinis, tetræ insomnia & hilaritas; reliqua ut symptomata secundaria binis reliquis debentur causis. Nam quod palpitacionem cordis præcedentem passa sit, massæ sanguinæ, acidis crudis particulis, in prima digestionem non rite alteratis, onuste adscribendum est; ille quippe aculeis suis cor ad sui omnimodam validamque contractionem stimulant, motumque perversum induxerunt. Pari ratione pulsus exinde minus naturalis se habet. Capitis verò dolor primariè ex primis viis originem ducit, ob vitiatam digestionem ex acido minus volatili; hinc & somni defectus aut terribilis saltem. Appetitus minus constans ex acido viscido, uti & alvus clausa, dum ob inertiam bilis alvus minus stimulat, ut potius ab acido presente contractione obstipetur. De murmure & rugitu in abdomine res nota est, quod suboriatur ex actione bilis in acidum viscidum. Mutationem ex tristitia in hilaritatem insolitam puto subortam fuisse ex objecto quodam ipsi grato, sed quæ de facili in pristinum affectum movere potuit, quia tristitia jam tum fixior & paulisper saltem quasi obnubilata fuit: quod etiam nullis persuasionibus potuerit arceri à tristitia, non mirum fuit, quandoquidem communiter fieri assolet, ut firmiter & attentè admodum illi rei adhereant, ad quam cogitationes direxere semel, nec facillè abripi patiantur. Parili ratione comparatum est cum vicissitudine, quod ad lunę mutationes etiam subinde uariet; multum quippe, uti anni tempestates, ita sidera in nostra corpora regiminis aut directionis obtinuerunt, quod & clarè demonstrat epilepsia adultorum seu chronica.

PROGNOSIS.

Malum equidem caret periculo, quia adhuc dum recens est. Interim tamen non negligendum, ne fortè in maniam degeneret, aliæque racedant symptomata.

CURA.

Cura ergo maturanda. Huius triplex scopus erit observandus, pro ratione trium adductarum causarum, nimirum ad primas vias, ad massam sanguineam, & ad spiritus.

Ratione primi, principium curæ faciendum à vomitorio paulò fortiori, incassum enim laboratur ut plurimum omisso emeticorum usu in tali affectu: hinc probè perspicendum, ut alius quotidie respondeat, vel per blanda purgantia, vel per clysmata. Interim sub cura nunquam desinatur blandiloquiis eam mulcere; quoniam enim jurgia recidivam intulerunt, etiam non incongruè evocari poterit sana mens, cæteris non omissis, per blandiloquia; hinc semper conversationibus hilarioribus tractetur, solitudo verò præcaveatur.

Post vomitum laeta diæta utatur: cibi sint boni succi, facilis digestionis, nec flatulenti; præstant humidiores præ siccis.

Tandem ratione somni immisceri poterunt alterantibus opitata, ne agrypnia abundant. Quapropter tam ratione hilaritatis, quàm somni conciliandi, viduum generosum suadeo: & nisi tempore ordinario menses redeant, venafecetur in pede, aliàs vix opus erit.

Quoad Vomitorium ergo.

℞ Tartari emet. Myns. gr. iv.

Scamm. sulphurat. gr. ii.

Sacch. gr. vi.

M. f. Pulvis.

Assumatur in cochleari uno vel altero iuseculi carnei.

Vel si vomitorium ægra ferre nequeat, præscribatur eiusmodi Purgans:

℞ Extr. helleb. nigri cum aqua appropri. sale tart. imprægn. par. gr. xv.

Mercurii dulc. ℥i.

Extr. troch. alhand. gr. iii.

Cum s. q. Ess. Menthæ f. Pilulæ.

Sin autem alvus nondum respondeat, injiciatur sequens clysmas:

℞ Herb.

24. Herb. Parietar.
Mercurial. ana M. i.
Pulp. Coloc. in per. lig. Zi.
Coqu. mutud in aqua communi:
Collat. Zix. adde
Salis gemmæ Zi.

Initiantur pro Clysmate.

Inter alterantia verè eminet *Essentia Martis cum succo pomorum*, quotidie usurpata, vel *tinctura vitrioli Martis Zuvelf-feri*, item liquor Martis solaris: sic saccharum Saturni non omit-tendum: singulariter etiam ad hunc affectum dicata leguntur coralia rubra, quæcunque ex his parata, præ cæteris tinctura cum spiritu sassafras parata, vel etiam tinctura lunæ. Hæc ad primas vias optime conveniunt. Ad massam sanguineam verò si simul respectum habeamus, tartarea sunt convenientissima; hinc egregius spiritus carminativus de tribus, item clyffus qui-dam urinosus compositus. Sic quidam commendant calculum humanum, pulverem secundine humanæ &c. Ut simul spiri-tuum ratio habeatur, arcano duplicato Mynsiebrii campho-ra potest addi. Postmodum ex fumaria, borragine, buglos-sa, anagallide, flore rubro, &c. possunt fieri decocta, & quotidie bibi. Sic convenienter poterit usurpari egrium in his casibus, essentia scilicet croci.

Ex his recensitis variæ præscribi possunt formulæ: v. gr.

24. Aquæ Fumar.

Borrag. ana Zi.

Arcan: dupl. Zi.

Sacch: Saturni Zi.

Ess. Croci Zi.

Camph. gr. vi.

Laud. opiat. gr. ii.

Syr. de Fumar. Zi.

M. f. Potio.

D. S.

Mixtura vespertina pro 2. vicibus.

Vel

24. Sacch. Saturni gr. vi.

Laud. op. gr. ii.

Camph. q. s.

M. f. Pilule.

Quæ capiantur in specie vespertino tempore sub introitum lecti.

Externè simul applicari potest fronti sequens Epithema:

24. Aquæ flor. samb.

Hyperic. ana Zi.

Camphor. gr. viii.

M. f. Epithema.

Externè etiam non inconveniens erit scrobiculo cordis ap-pendere in nodulo crocum cum pauca camphora.
Et tantum de hoc casu.

DISCURSUS & ANNOTATA

E. DN. D. ETT MULLERI.

Affectus est Delirium Melancholicum, idque speciali no-mine hypochondriacum, idè dicendum, quod murmura abominis, & palpitationes cordis hoc confirmant.

Subiectum malè affectum seu patiens, & simul causa, in hoc affectu coincidunt, suntque spiritus animales, utut diverso respectu: subiectum scilicet patiens sunt hi spiri-tus, quatenus in propria natura considerati, nec rite & in debita crasi generantur, nec debito motu in cerebro agitantur. Causæ autem proximæ rationem quoque iidem habent respectu animæ rationalis, quæ intuitu spirituum viciosorum, horumque motus, formando conceptus & phantasmata, deliro modo aberrat, aliàs cum corporis nostri actionibus nil commercii habet, nisi quod eas mo-derare queat, quod patet ex convulsionibus. Cætero-quin de anima rationali nihil cognovimus præter solum nomen; & Cartesius animam nominans substantiam cogitantem, non exhibet ejusdem definitionem, sed po-tius functionem. Hanc igitur aliis in suo genere relin-quimus.

Causa adeoque proxima respectu delirii sunt spiritus, qui itidem subiectum sunt respectu corporis. Etenim de-liriorum fundamenta saltem in spiritibus quærenda sunt. Alii quidem derivant melancholica deliria ex liene, pro

Ettmuller. Oper. Tom. I.

cujus sententiæ confirmatione adducunt partim istud HI-POCRATIS: *Quibus vena in hypochondrio pulsatur, mente laborant seu ægrotant*; quo loco intelligendæ sunt arteriæ splenicæ circa lumbos obviæ. Deinde adducunt & hoc pro corroboracione, quod ægri melancholico hypochon-driaci sub paroxysmo pathemata splenica observent. Verùm dico contrariam, ejusmodi ægros in principio mali nullum ferè habere vitium splenis; benè autem in malo confirmato, in quo nunc splenis tumidi, nec obscu-rè tumentis, nunc pullantis vitium subest, quod testatur obscurus ejus pulsus, dolor, tumor & durities. Distin-guendum ergò inter ipsum morbum, & productum mor-bosum. Interim dubium adhuc est, an splen affectus tunc temporis causæ & fomitis, an saltem producti morbofi ra-tionem habeat? pari ratione ac in febre quartana, ubi in principio splen non est affectus, successivè licet dein lien & hepar afficiantur.

Quoad Causam remotam; ea investiganda est ex hypo-chondriis, nempe vitiata digestionem. Cum ergò ex hypo-chondriis massa sanguinea infecta sit, & spiritus ex vitio massæ sanguineæ sint geniti causa deliriorum, quæritur (1) quid sit temperamentum corporis? & (2) quomodo mores istud sequantur?

Quoad prius autem, nempe temperamentum: illud in-vestigandum est in constitutione massæ sanguineæ, seque-la verò morum ad corporis temperamentum fundamen-tum habet in constitutione cerebri, & spirituum anima-lium ex sanguine genitorum. Utriusque autem effata in se verissima, quod mores sequantur temperamentum cor-poris, comprobant eunuchi & equi castrati. Interim ea intelligenda non sunt de temperamento corporis elemen-tali, quippe quod & viventibus & mortuis est com-mune; sed vitali, viventibus proprio & formaliter in sanguine & volatilifatis spiritibus influis consistente, un-de varietates corporum in nutritione, generatione & actionibus animalibus, itemque proprietates in actioni-bus dependent, & originaliter ex semine & conditione spirituum utriusque sexus genitalium derivando. Adeoque sanguis hic vivus pro sui minimorum miscela multi-plici, & diversa textura, multiplicitate exinde enascen-tium spirituum habitudine, etiam oritur diversitas tem-peramentorum. Hinc ver. gr. quorum sanguis, & con-sequenter reliqui corporis succi, sale volatili oleoso ube-rius turgent, & hinc in uberius fellis incrementum facti-le conspirant, tales cholericæ seu biliosi, hinc calidi, sicci, macri, &c. esse dicuntur, & ratione spirituum taliter con-stitutorum, & ratione texturæ fibrosæ cerebri in teneritu-dine, mollitie, flexibilitate, &c. consistentium, agiles, activi, inconstantes, vagabundi, &c. esse solent; con-trà, quorum sanguis & reliqui succi minus de sale prædicto participant, sed ubi sanguis densior, spissior, & minus re-solubilis existit, (qui effectus aliàs in sanguine ab acido sunt,) in talibus reliqui succi rigidiores, asperiores & aci-diores deprehenduntur; hinc frigidi, sicci, aridi, duri, &c. sunt, & ratione texturæ spirituum & fibrillarum cere-bri duriorum & rigidarum, sicci, aridi, graves, tardi, meditabundi, & obstinati sunt. Porro quorum sanguis temperatus est, utroque horum extremorum, volatili ac dulci oleo, istis intermisso quasi dulcificatus est, hi san-guinei vocantur, & ratione proprietatum corporis calidi, humidi, carnosi, sani; ratione verò mollitie & blanditie, texturæ blandæ fibrillarum cerebri & spirituum, jucundi, hilares; ingeniosi, comes, & moderatè graves observan-tur. Tandem, quò sanguis magis adhuc temperatus est, id-que ab uberiore chylo dulci & probè digesto, tales phleg-matici dicuntur, suntque ratione proprietatum corporis, humidi, frigidi, obesi, & succulenti & corpulenti; sicut ratione mollioris texturæ fibrillarum cerebri, & ratione spirituum, ingenii obtusioris, tardioris, in actionibus lenti, torpidiores, &c. Quod si autem chylus aquosior ex-titerit, ex conditione digestionis primæ læsæ, & uberioris lymphæ corpus inundantis copia, illi phlegmatico serosi esse solent. Breviter: Tot sunt Temperamentorum varie-tates, quot individua; producta enim spirituum anima-lium anima rationalis conceptus format, hinc etiam, se-xus, ætas, & vitæ genus, temperamenta admodum va-riant. Dum verò à multis quatuor saltem statuuntur, hoc fit ex hypothese quatuor elementorum. Pro usu Practico sufficit Temperamenta ex acido & urinoso deducta, com-modè applicasse.

Dixi supra, consideranda esse in nostro casu: (1) primas vias; (2) massam sanguineam; utut (3) ipsi spiritus ani-

animales sint subjectum & causa proxima . Etenim hi in homine subsunt regimini animæ rationalis, huicque illi varia phantasmata obtrudunt, ratione quorum etiam proxima causa rationem hic habent . Iam verò consideretur (1) palpitatio cordis & pulsuum varietas, (2) capitis perturbatio, (3) obstinatio firma in semel concepto delirio phantasmate . Et quidem *palpitatio cordis* vel immediate ab acido, vordis inimico & vellicante, oritur; vel ipse sanguis ab eodem ad facilem grumositatem disponitur, hinc facile irretitur intra valvulas cordis, unde convulsivè moventur cordis muscoli irritati, i. e. palpitant . Hinc *melancholici* etiam citra palpitationem cordis habent pulsuum admodum inæqualem, speciatim quinta vel sexta qualibet pulsatione intermittentem, sine periculo tamen; quod dici non potest, si contingit in febribus acutis: & speciatim, quando ejusmodi melancholici fixi & attentissimi sunt in semel concepta cogitatione, ordinariò pulsuum intermittentem præ se ferunt, pulsus ipso aliàs raro, tardo, magno, & subinde vehementi existente . Quoad capitis dolorem: sanè hic non est lancinans, aut lacerans, aut pulsans & frontem affligens, sed solummodò perturbatum est caput, quasi ebria sit (*dicunt caput ipsis esse vacuum, non dolere, ipsis quidem valdè, videtur saltem, ac si essent semi-ebrii.*) Et talis capitis perturbatio alvo clausa magis affligit; quando verò solvitur, caput minus perturbatum est, sed magis serenum ipsis videtur, istudque etiam, antequam delirent. In hoc autem phænomeno non concipi debet vaporum adscensus, sed caput simpliciter dolet ex hypochondriis, ob nervosi generis consensum; quod patebit considerantibus resinas acres purgantium, quæ dum adhuc rugis stomachi adhærent, statim conqueruntur de cephalalgia circa frontem, sine ullo humorum adscensu . Unde pari ratione hic à fomite morbofo in hypochondriis caput afficitur .

Quoad pertinaciam hujusmodi egrorum circa unum objectum: hæc commodius poterit explicari ex *temperamentorum diversitate* in melancholicis paulò ante explicata . Nempe in hujusmodi melancholicis, & inde natis deliriis, cerebrum suo modo sub sui nutritione à sanguinis conditione vitiatur ita, ut fibrillæ cerebri rigidiores propter nutrimentum rigidum, duriores, minusque flexiles existant; hinc spiritus in semel concepto tramite obstinatè pergunt, & continuo motu iisdem vestigiis insistant, unde ut plurimum obstinatus est animus, & continuatio circa idem objectum, & tales sunt, qui dicuntur *melancholici* . Contra *sanguinei* sunt vagi & nobiles, ob facilem fibrillarum ex blanda mollitie plicaturam variam, indeque multiplices tramites; quamobrem valent spiritus, idque eò magis, quò magis & ipsi volatiles & in se mobiles fuerunt . Quorsum etiam confert spirituum ipsorum conditio, suo modo nonnihil fixorum .

PROGNOSIS.

Quoad *Prognosin*: deliria melancholica in genere sunt extra periculum vitæ; metus tamen est, ne continuata maniam inferant .

In nostro casu, quia malum est recens, & sine insignioris cujusdam animi pathematis occasione natum, & in muliere, cui menses fluunt, curabile est; & quidem non tam difficulter, ita, ut nec mania supervenientis metus subsit . Verum si deficerent, vel morbus hic contingeret in muliere ætatis decrepæ, vel ex graviore animi affectu, esset malum inveteratum, tunc difficulter curaretur; imò metus mania crederetur .

CURA.

Quoad *Curam*: quia fomes & nidus omnium melancholicarum est in primis viis, hinc

1. Sordes harum acidarum corrigendæ erunt, & fomes sordium acidarum & viscidarum eliminandus: quorum illud præstant Martialia præsertim & Saturnina, itemque salia salia nonnihil nitrofa, ut arcanum duplicatum, & sal hypochondriacum .
2. Massæ sanguineæ dyscrasia acida melancholica corrigenda volatilibus, præsertim alcalinis, & appropriatis temperantibus .
3. Spiritus animales quibuscunque modis vitiati, in debitum motum revocandi, & in sanam rationem mens restituenda, per corallia & camphorata .

Iam inter evacuantia universalia excellunt (1) digestiva, (2) vomitoria majori dosi exhibita, cum ordinaria nihil faciat, sed saltem alvum blandè moveat, adeòque in dupla dosi, vel adhuc semissi, exhibeantur, & repetitis vicibus: si quidem impossibile est, absque vomitorio delirantes melancholicos curare; qui, quò magis delirant, eò magis vomitoriis opus habent, iisque locus esto . Absorbentia & alterantia salina, quæ abstergunt, sunt v. g. sal hypochondriacum, vel arcanum duplicatum (ad somnum omninò necessarium hujusmodi ægros disponens) hinc subjungantur vomitoria . Porro *alvus* respondeat; quò magis enim soluta est, eò minus talibus caput est affectum, adeòque alvus sit aperta, & somnus, quantum possibile, inducatur; sunt enim ordinariò *ἀγρυπνοί*, & sic delirium exasperatur . Interim tamen, quoad opiata, sumus cauti, & non usurpemus, nisi præmissis vomitoriis; aliàs ægri somniis turbulentis vexantur & magis deliri fiunt .

Quemadmodum autem vomitoria majori in dosi aliquid, ordinaria verò nihil, præstant; ita Purgantia per inferiora non operantur in his ægris, vel, si movent, sit cum dolore & sine ulla euphoria; quin potius blandè laxantia & abstergentia sunt optima, ut tartarus vitriolatus cum aliquot granis cujusdam stimulantis . Passulæ & decocta passulata optimè conveniunt, quorum grana aliquot meliora sunt, quàm ordinaria & etiam fortissima Purgantia ad Zi. exhibita . In vomitoriis ex tartaro emetico loco sacchari potest addi *tartarus vitriolatus*, vel arcanum duplicatum, ad gr. vi. viii. vel x. sic enim vomitus & secessus promovetur . Porro helleborus niger optimus est pro scopo specificè alterandi magis, quàm purgandi; præsertim si ipsi virus laxans auferri queat, haberemus remedium alterativum optimum in hisce affectibus, quod fiet optimè per sal tartari, item si fermentari possit cum succo cydoniorum instar opii, ad quam tamen eundem non potui redigere, Vid. interim HOFFMANNUS in *Clave Pharmacop.* DEODATUS in *Panth. Hygiæ*. & THIERMAYER in *Consil. & Resp.* qui Mercurium dulcem in ejusmodi casibus commendant; quod non approbo, sed potius convenit in affectibus, ubi acidum in subjecto viscido hæret; minus in acido acriori . Unde etiam Mercurialia non semper in affectibus scorbuticis conveniunt, quibus ex parte sunt hostilia, quique ut plurimum conjuncti sunt cum melancholia in nostris regionibus: magis ergò Mercurii dulcis loco convenit gummi ammoniacum in aceto solutum, & extractum hellebori nigri .

Præmissis digestivis & vomitoriis ad *Martialia* accedendum, nempe tincturam Martis ex solutione cum succo pomorum, quæ concinnior ita paratur:

Succus pomorum affunditur *limaturæ Martis*, solutio hinc inspissatur ad consistentiam essentia, desumendo scilicet phlegma, ne situm contrahat: quæ aut filtrata, aut per tempus seipsam depurans, asservatur pro usu .

Dosis est cochl. i. & quidem in his egris melior, quàm tinctura vitrioli Martis *ZWelferi*, quæ hic inermis est .

Optimum autem est *sal Martis compositum*: nempe

℞. Crem. Tart.

Vitrioli Martis ana part. æqual.

Mista solvantur in *aqua fervida*, & coqu. ad mellaginem; tandem exsicca in loco convenienti, sic salinum corpus flavescens evadit, cujus dosis est Zi. ad Zi. imò Zi. & optimum est in hujusmodi affectibus .

Corallia hic optimè prosunt, circa quæ consideretur:

1. Concretum eorum terreo alcalinum; &
2. Color eorundem rubeus .

Quoad *præparat.*: conveniens est in destruendo acido: hinc alterativi vicem obtinet, sicuti è contra ratione tincturæ hujus aut sulphuris, *corallia* commendantur à PARACELSO specificè ad deliria, serenando spiritus . Dicitur naturæ esse solaris tinctura ritè parata, & ad corrigenda spirituum vitia, ab eodem laudatur .

Pro massa sanguinea autem corrigenda, præmissis evacuantibus & Martialibus, continuato usu alcalia volatilia sunt optima, imprimis clystus compositus urinosus, & spiritus carminativus, qui egregius est, præsertim quando hi ægri simul palpitatione cordis laborant, & anxietates adsunt; sicuti etiam camphora, præmissis alterantibus primas vias respicientibus, nunquam ommittenda est, quippe quæ specificam vim habet ægros delirantes ad somnum disponendi; imò cum eadem immediate quasi alteret

ret spiritus quoscunque influos, hinc in maniacis & Melancholicis, itemque febribus malignis, etiam commendatur.

Semper tamen in cura ratio habenda modi & occasionis, quibus primitus morbus enatus fuit: si à causa externa, morore, curis, terrore, &c. remedia parum valent, spiritibus ferè solùm, aut saltem primariò alteratis; unde nutrientia, humectantia, analeptica, &c. optima: sin verò à causa interna, contentorum vitio cum splene plus minùs affecto, remediis agendum est.

Cæterùm circa festum Nativitatis Christi (Anno 1676.) accepi curandum Diaconum Bornensem, qui ex obitu uxoris morore affectus in delirium melancholicum incidit, & sibi violentam manum iniecerat, atque post vulnus in gula se præcipitem dedit de superioribus ædibus, sine morte tamen. Ipse tempore juvenili egregius Poeta existens, hanc causam remotam, nunc perfectè melancholico hypochondriacus agnoscebat, sicque causis aliis externis supervenientibus in delirium perfectum incidit. Huic ergo pro cura ante omnia ordinavi tale digestivum:

℞. Arcan. dul. Myns. ℥ii.

Corall. rub. præp. ℥i.

Camp. ℥ss.

M. pro 6. dosibus.

Quarum binæ quotidie, manè & vespere, capiebantur. Post præscripsi:

℞. Syr. emet. ℥vi.

Hinc aliquoties ex huius usu supra & infra cum levamine purgatus est: sed sine constantia, quia erat maxime anxius, & multum bibebat. Hinc præscripsi:

℞. Ligu. Martis solar. ℥i.

D. S.

Essentia acidula.

Capiebat omni manè gutt. 20. ad 30. qui aliàs raro ultra 10. vel 12. & 15. guttas exhibetur.

Sub noctem verò iussi capiendum sequens:

℞. Sacch. Saturni ℥j.

Laud. opiat. gr. ii.

Camp. gr. iii.

M. pro dosi.

sub introitum lecti diu post coenam sumenda.

Post tres dies repetii vomitorium ex tartaro emetico:

℞. Tars. emet. gr. iv.

Vitriol. gr. viii.

M. f. Pulvis.

Ita validè evacuatus est supra & infra, egregio cum levamine. Unde postmodum continuandum iussi liquorem martis solaris omni manè: à meridie verò 2. horis ante coenam sequentes pulveres:

℞. Arcan. dupl. ℥ii.

Sacch. Saturni ℥i.

Camp. gr. xv.

M. f. Pulvis pro 8. dosibus seu vicibus.

Alvus semper servata aperta, & sic continuando perfectè restitutus, officio Diaconatus iterum jam fungitur.

Puerpera, cuius mater in puerperio sæpiùs delirio melancholica fuerat, cum omnia in partu rectè se habuissent, nihilominus decimo quarto die puerperii fiebat melancholica, & hinc tantùm non maniaca, hisce verò curata fuit:

Applicabatur clyster carminans; hinc

℞. Solut. Martis cum succo pomor. ℥iii.

Ess. Croci ℥i.

Misceantur.

Dof. 40. vel 50. guttul.

Continuavit per triduum.

Sed cum die quarto ferè fieret maniaca:

℞. Tars. emet. Myns. gr. vi.

Sumebat manè; quò benè operante placida reddebatur. Hinc

℞. Arcan. dupl. gr. xv.

Sacch. Saturni gr. v.

Camp. gr. iii.

Misc. pro Pulvere.

Capiebat hora quinta vespertina.

Sub introitu verò lecti:

℞. Sacch. Saturni gr. vi.

Laud. opiat. gr. ii.

Ol. destill. Camp. q. f.

f. Pilulæ,

Quarum usu cum multò meliùs habuisset, continuavit adhuc essentiam Martialem superiorem. Sed cum aliquot

Ettmuller. Oper. Tom. I.

abhinc diebus supervenirent pathemata quædam hysterica, injiciebatur idem clyster carminans, & propinabatur sequens Potio cochleatim:

℞. Aquæ Meliss.

Mentha.

Hirund. cum Castor. ana ℥j.

Spiritus salis ammoniaci ℥j.

Cochlear. ℥ss.

Camp. gr. v.

Syr. de cort. Aur. ℥ss.

M. f. Potio.

Cum verò alvus non benè responderet, purgabatur leniter pro decoctum sennæ cum cremore tartari, hinc continuabatur eadem solutio Martis, sed cum spiritu vini camphorato mista. Cum hinc oprime se haberet, & saltem de capitis perturbatione adhuc conquereretur.

℞. Aquæ flor. samb.

Hyperic. ana ℥ss.

Camp. gr. vi.

M. pro Epithemate,

aliquoties tepidè fronti applicando, & ita convaluit.

RESOLUTIO ALIA

DN. JOH. MATTHÆI

MERCKELII,

Annabergensis,

à

B. DN. PRÆSIDE

correcta

Anno 1682.

AFFECTUS.

Affectus præsens est Melancholia, quemadmodum id ex morore ægræ sine causa evidenti enato, insomniis turbulentis, anxietatibus, atque amore solitudinis, colligere licet; cui delirium levius jungitur, quatenus cime lia sua pretiosa intempestiva liberalitate inter ancillas distribuit ægra nostra.

CAUSA.

Non verò vel ex splenis, vel uteri consensu nata videtur, cum nulla adsint symptomata, quæ de constitutione viscerum horum præternaturali testentur. Potius remota causa malum hypochondriacum asserendum est, cui ægram nostram obnoxiam esse, probabile fit, quod non solum causæ evidentes hic nullæ adsint, quæ ansam affectui præsentem dare potuerint; sed aliàs quoque constet, melancholicos omnes esse ferè semper hypochondriacos, & malum hypochondriacum gravius in delirium melancholicum sæpiùs terminari.

Causa ergo proxima formalis hic est vitiatus spirituum motus in cerebro, cum crasi eorundem naturali plus minus simul immutata: materialis est massa sanguinea, ab acido primarum viarum morbofo, in textura sua seminali vitiata. Etenim quatenus ab hoc vitio, digestionis primæ errore enato, atque intra sanguinem cum chylo distributo, spissior nonnihil huius compages evadit, acidum naturale volatile figitur, succique reliqui magis densantur, fermentatio tandem sanguinis sensim atque sensim deficit, hinc spiritus quoque & pauciores, & minus puri atque volatiles generantur. Unde porro fit, ut hi & interruptis quasi radiis, & minus vegetè, tramites suos percurrant, quin levi data occasione ab his de viis, novo si bi in cerebro exsculpant, sicque varia, pro sua quoque & massæ sanguineæ craseos varietate, deliria inferant.

SYMPTOMATUM CUM CAUSIS CONNEXIO.

Certè obnubilatio illa capitis cum quadam quasi remulencia manifestè de eorum motu in cerebro depravato testatur, quemadmodum hoc ex scotomiis atque sensuum

illis obnubilationibus, quæ epilepsiam v. gr. apoplexiam, vertiginem, &c. quandoque præcedunt, concludere fas est. *Somnus deficiens* ex eorundem continuo in sensorio influxu, occasionem huic suppeditante, imprimis fomite circa hypocondria & primas vias acido, fibrillas partium continentium nervæas vellicante. Ab eodemque quoque acido *murmura & rugitus abdominis* oriuntur, quatenus fermentando in mucos viscido, flatuum existit autor. Recrementis autem intestinorum dum admisceatur, atque lympham glandularum inspissat, firmius sic coherere facit alvinas fæces, *tardiusque alvum & rarius deponi*. Quin idem acidum, intra sinum massæ sanguineæ delatum, partim inspissando nonnihil hujus compagem, partim irritando, *recurrentem subinde palpitationem cordis & anxietates illas suspiriosas*, quibus ægra nostra obnoxia est, efficit: *Appetitus mediocris* est, propter mucum, (qui ut plurimum acidi hujus est receptaculum) in ventriculo copiosorem; *interdum nullus*, quatenus spiritus nonnunquam in cerebro perversè moti, factam in plexu orificii sinistri nerveo impressionem non percipiunt. *Luctus nimius cum profusissimis lachrymis*, ob peculiarem massæ sanguineæ & hinc natam spirituum crasin nascitur, cum forte in alia objurgatio similis furori ansam dare potuisset: aut derivari illum fortassis conveniet à nimia spirituum animalium fixitate, qua ad sui expansionem, quemadmodum hæc in gaudio conspicua est, inhabiles sunt. *Mutatio in peius sub Novi-et Pleniluniis*, merito Lunæ humorum velut dominæ adscribitur, quod constat, magnam esse hujus vim corporis nostri contentorum motu, circa hæc ipsa tempora modificando.

PROGNOSIS.

Cæterum maturè merito consilium ægra nostra flagitat, quod procedente ulterius malo, metus sit, ne in *maniam* incidat.

CURATIO.

In Curatione partim ad melancholiam, partim ad junctum illi delirium, respiciendum erit: Ergo

1. *Mali fomes seu acidum primarium viarum alterandum & eliminandum.*
2. *Massæ sanguineæ spiritualescentia & fermentatio appropriatis restituenda.*
3. *Spirituum animalium crasis & motus præternaturalis corrigendus erit.*

Quibus scopis obtinendis, imprimis inservient Martialia, & aromatica amara, hinc anodyna blanda, & papaverina; quæ tamen nonnisi in principio, præmissio forti emetico, aut in declinatione, conveniunt.

Initium fieri potest à vomitu: V. g.

℞. *Croc. metal.* gr. iv.

Vini Rhen. q. s.

Stent per noctem calidè in digestionem:

Colaturæ optime filtratæ D. ℥i. vel ℥ii.

D. S.

Vinum Emeticum.

Quod manè cum regimine hauriri poterit.

Manè singulo capiat liquoris Martis solaris guttas 20. ad 30. in vehiculo calido. A meridie

℞. *Arcan. dupl.* ℥ii.

Sacch. Saturni ℥ii. ad ℥i.

Camph. gr. xv.

M. pro 8. dosibus.

Vel

℞. *Arcan. dupl.* ℥ii.

Corall. rub. præp. ℥i.

Camph. ℥i.

M. pro 6. dosibus.

Pro alvo aperta servanda, quoties opus fuerit, singulis saltem hebdomadis sequentes sumat pilulas, bihorio ante cœnam, in vehiculo quocunque:

℞. *Gum. ammoniaci cum aceto dep.* gr. v.

Extr. aloes gumm. gr. ii.

Tartari vitriolat. gr. iii.

Cum l. q. *ess. gum. ammoniaci* f. Pilulæ.

Vel

℞. *Extr. aloes gum.* gr. xii.

Tartari vitriolat. gr. vii.

Scamm. præp. gr. iii.

Troch. alband. gr. i.

Cum *Elix. propr.* f. Pilulæ.

Præmissis Martialibus, cum interpositis pilulis his xantibus:

℞. *Tincturæ Tartari compos.* ℥iii.

Ess. Fumar. ℥i.

M. D. S.

Essentia composita.

De qua gutt. 30. vel 40. manè in vehiculo calido, à meridie, bihorio ante cœnam, item ante introitum lecti in frigido, singulis diebus hauriat.

Toto interim hoc tempore cibus utatur eupeptis & boni succi, ut lacte, pullis gallinaceis, &c. atque de vino sequenti nodulo medicato, inter prandendum pro libitu hauriat, in singulo haustu camphoram accensam aliquoties extinguendo.

℞. *Herb. scolopendr.* M. ii.

Fumar. Mis.

Fl. borrag.

Bugloss. ana M. i.

Violar.

Tunic. ana M. s.

Rad. Polypod. ℥i.

Coritamarisc.

Fraxin. ana ℥vi.

Cinnam. ℥ii.

Limat. Martis ℥j.

Incis. & contus. includ. nodulo:

D. S.

Nodulus pro vino.

Externè;

℞. *Croc.* ℥ii.

Camph. ℥j.

Atque hæc nodulo inclusa de collo supra scrobiculum cordis suspendantur; vel fiat Epithema, fronti applicandum.

℞. *Aquæ borrag. cum Vino* ℥ii.

Hyperic. ℥j.

Spiritus vini camphor. ℥vi.

Misc.

CASUS LI.

GONORRHOEA VIRULENTA, CUM TUMORE TESTIS OEDEMATOSO.

Studiosus juvenis Veneri subinde indulgens, petit consilium Medicum propter insignem cruciatum, quem patitur sub urinae emissionem in radice penis; asserit simul, continuè, guttatim licet, profluere ex membro præfato materiam tenuem, flavescens; interdum simul nonnihil spissiusculam, dolorem in glande excitantem: quæ glans rubet & tumet insigniter cum paraphimosis, simulque in confiniis ejus & præputii parva hinc inde ulcuscula adsunt, pus acre fundentia, & impetuosè dolentia. Evanuerunt hæc symptomata aliquamdiu, nescio quibus adhibitis: sed ecce recurrunt de novo, & comitem sibi adsciscunt præ cæteris, qui nunc urget, dextri testiculi tumorem, quo ter & amplius testiculum socium superat, acerbissimè dolentem, dolore tamen nec pulsatorio nec pungente, sed miserè contundente & distendente: qui dolor, cum acerbo cruciatu ad lumbos usque protendatur, scrotum in isto latere & ipsum simul tumet, ac rubet, ipsa lumborum regio calere & fervere videtur, Obnixè auxilium efflagitat.

RESOLUTIO

DOMINI ZIEGLERI,

Hactenus

MEDICINÆ DOCTORIS,

Physici ordinarii in Kotbus.

vdu évayriois.

Cum Speciali Discursu & Annotatis

B. DN. PRÆSIDIS,

Censuræ & Emendationi subiecta

Anno 1676.

AFFECTUS.

EXcollatione hystoria casus presentis cum ante acta vite genere cuius ad oculum patet, agrum nostrum correptum esse Gonorrhœa eaque Virulenta seu Maligna, Pudentagæ nomine alias veniente & à benigna distincta in eo quod cum hac ut plurimum causam in corpore radicatum præsupponat, (ut nec omnimodè externa, immisio v. gr. catheteris in urina suppressione incautè & ex Chirurgi applicantis ignorantia facta, valvulas seminales violans, excludatur) illa, nempe maligna, semper principium extrinsecum, puta nefandum cum succuba, ulcera Gallica in uteri vagina fovente, agnoscere congressum.

PARS AFFECTA.

Jam verò quoad subjectum seu Partem primario affectam, eam prostates glandulosas, quarum structuram ante hoc ipsum lustrum, quodque excurrit, orbis erudito revelavit REGNERUS de GRAAF in Tract. de Organis Virorum Generationi dicatis, esse pronunciamus, non excludentes interim vesiculas seminales, sicut nec testiculos ipsos, præsertim cum horum dexter tumorem quoque dolentem repræsentet, uti ex paulo post dicendis elucescet.

CAUSÆ.

Causam proximam statuimus acidum Gallicum contagiosum, ubicunque in lue Venerea se manifestans, & putrefaciendi vim, chylumque corporis nostri universum nutritium in purulentam ac acrem saniem convertendi insignem obtinens.

SYMPTOMATUM FORMALITAS.

Scilicet ager noster Veneris æstu percitus, adeoque amplius illicitis inhians, inter tot, quæ sibi carnaliter adiunxit, scorta triobolaria, non potuit ab ejusmodi morbi insultu tutus esse, sed facile fermentum Gallicum ex infecta succuba haurire: quod ipsum miasma contagiosum sub coitus actu, incalcentibus tunc temporis propter spirituum animalium & sanguinis copiosorem affluxum ex utraque parte genitalibus, se in urethra cavitatem insinuando successivè penetravit usque ad prostates glandulosarum, circa radicem penis consitarum, hiantes meatus, hincque acrimonia sua acida rodendo in causa fuit, cur in principio morbi adeo insignis sub urina emissionem observabilis cruciatus circa dictam penis radicem obvenerit? sicut idem acidum morbosum easdem prostates nervosas adeoque sensibiles vellicando, lymphæ seminalis inibi contentæ, & loco vehiculi seminis secundum naturam inservientis, profluxum causatur. Ac quem admodum hac ipsa lymphæ initio sub naturali forma apparet, ita eadem successivè ab allegato fermento maligna ratione texture sue immutata postmodum colorem flavescen-tem, consistentiamque nonnihil spissam, præsefert. Porro cum liquamen ejusmodi sub sui effluxu reliquias quasdam inter

Ettmuller. Oper. Tom. I.

glandem & præputium deposuerit, hinc illa ex neglecta quantocumque sienda abstersione, acrimonia sua vellicarunt partes sibi vicinas, adeoque utrobique bubonem pariter ac tumorem procrearunt; quinimò cum post hinc præputium plane à glande contexta retrahi nequiverit, hinc durante hac phimosis, prore nata ulcuscula prodire, saniem acrem plorantia, & exquisitum dolorem in sensibilissima hac corporis parte inferentia.

Ceterum utut ager sibi ipsi prospiciens malum hæcenus à nobis expressum aliquamdiu safflaminaverit, usurpando (se suspicioni locus est,) intempestiveque adstringentia urethrae injecta; tamen idem quoque ipse recidivam morbi experiri coactus fuit, eamque atrociorē, (quod fieri ut plurimum hac medendi methodo adhibita solet) nempe testiculi dextri tumore comitatam; cujus phenomeni rationem hanc reddimus: scilicet materia hæcenus excreta pessimo isthoc consilio fuit retenta, adeoque coacervata, & sui mora malignior reddita; hinc porro eadem ad testiculi, speciatim dextri, fistulas prolongatas retrogressa, has distendendo in tumore adegit, insigniter quidem dolentem, doloris tamen pulsationi vel ideo expertem, quod vasa sanguifera adhuc dum suis officiis, advehendi puta & revehendi sanguinem recte fungantur: quibus suppositis dolor saltem contundens & distendens affligere potuit, nullatenus verò pulsatorius sicut nec pungens: Interim quæ sit illius doloris ad lumbos usque protensio? & quomodo hic, salvis vasis spermaticis (ut pote quæ iamdum ab omni suspicionem vindicavimus,) concipi possit? itemque quo pacto, negato dolore pulsatorio, circa testiculum tumidum obvio, lumbaris regio fervere diciqueat? cum hæc sibi respondere non videam, adeoque his ambobus dubiis me extricare nequeam, proin quoad hæc præcaeteris informari gestio. Equidem processum vaginalium extensio ad testiculum affectum possibilitatem aliquam explicandi utrumque phenomenon suggerit; nihilominus de illorum membranis vis prædicari poterit, quod ferventem in regione lumbari dolorem excitare queant.

Tandem quod attinet scroto ipsius tumorem, in affectu dextri testiculi latere conspicuum, sanè hic ex eo quod testiculus tumefactus bursam quoque scroti extendat necesse sit; deducendus venit.

PROGNOSIS.

Quoad Prognosin: non in levi ager noster versatur periculo, quippe ab una parte enascentibus hinc inde carunculis in urethra, aut ejusdem omnimodo coalitu post exulcerationem, suppressio urinae lethalis tantum non imminet; contra respectu glandis ulcusculis obsessæ, metuenda ejus corruptio, hinc abscissio necessario administranda, quam exceperit impotentia virilis: quæ itidem ex testiculi tumore esset speranda, nisi forte an sinister, salvus adhuc existens affectu vices simul suppleverit, præsertim cum & monorchides, sive arte sive natura sua, factos fuisse genitores, Observationes Practicorum loquantur.

CURA.

De cætero ante sperandam hanc Prognosin, cui non relinquendus ager, Curatio maturanda, in eaque hæc sunt observanda indicationes: Nempe

1. Signa inducta (quam probabiliter ominamur) medicaminum intempestivo usu, meatuum seminalium adstrictio, ea ante omnia removenda: secus namque, hæc neglecta, frustranea, imò noxia erit partium læsarum consolidatio.

Hinc

2. Eadem loca excoriata pariter quam exulcerata balsamicis abstergentibus & vulnerariis consolidanda:

Sicut tandem

3. Ulcusculis quoque glandem obsidentibus debite occurrendum.

Pro primo ergo scopo Purgationem Mercurialem, h. e. Mercurio dulci institutam, recommendarem: quippe quæ præter hoc, quod fermentum Gallicum specificè destruat; vasaque seminalia ad excretionem contentorum suorum stimulat, præsertim cum aliàs ex LANGII Miscell. Curios. hedocti simus, purgantia in lotio suppresso mirandæ efficacie esse; unde non dubitamus, quin eundem successum prosperum hac ratione obtineamus. Hac adeoque fiducia innixus præscriberem:

24. Extr. helleb. nigr. gr. xv.
Mercurii dulc. ritè par. ℥i.
Scamm. sulphurat. gr. ii.
Extr. troch. alhand. gr. i.

Cum s. q. ol. destill. Terebinth. f. Pilula, exhibenda pro una dosi in vehiculo calido cum debito regimine.

Sed occurrit hic scrupulus: quid si Mercurius sublimatus ex accursu acidi morbofi, superius pro causa adducti, in vitam revocaretur, cum patientium internecione? Certe anceps hæc alea me terret, unde mutans consilium præscribam potius:

24. Mass. Pilul. de ammoniaco Querc. ℥i.
Gum. ammon. acet. sol. ℥ss.
Tartari Vitriolati gr. viii.
Scammon. sulphurat. gr. ii.
Extr. troc. alhand. gr. i.

Cum s. q. Ess. lignor. f. Pilula pro una dosi:

His ex ammoniacopilulis tutiorem fidem præ illis hoc in casu tribuerem; sicut post has antimonialibus; antimonio nempe per inferiora purganti & hinc pilulis Polemanni.

Secundo scopo satisfiet balsamicis specificis abstergentibus & consolidantibus. Iam verò inter illa excellit, & omnibus palmam ferè præripit, terebinthina, & varia ex ea parata remedia, v. gr. pilula Mysichti de terebinthina, elixyr proprietatis cum spiritu terebinthina paratum, essentia & pulvis ejus, item balsamus sulphuris terebinthinatus & succinatus, propinando de his omni manè guttas 15. ad 20. in vehiculo calido; non secus ac balsamus ille copayva dictus, egregius est, ad guttas duas vel tres dicta ratione assumptus.

Similiter egregia præstant auxilia myrrha & ejus essentia, item oculi cancerorum, tam rufi quam aceto soluti. Nec omitendum est infusum cantharidum in vino Rhenano factum, cujus modum vid. apud BARTHOLINUM in Epist. lib. 4. Interim de hoc judicium expecto: annon illud in spiritu vini tutius, usibusque Medicis aptius æstimandum sit?

Porrò hisce internis juvamen adferunt Injectiones in penem per siphonem minutulum factæ, quarum formula sequens Dn. D. PRÆSIDI in usu esse solet:

24. Aquæ calcis vivæ ℥iii.
Aloes hepat. ℥ss.
Mellis rosac. ℥vi.
Misc.

Hisce aliquandiu continuatis, pro consolidatione meatuum lesorum, ni ea sponte natura supervenerit, procuranda, ordinarem consolidantia, eaque ex regno vegetabili sumpta, mastichem & succinum: ex minerali autem vitriolata; nempe tinctura sulphuris vitrioli, dosi gutt. 20. ad 25. in aqua plantaginis, vel pulvis sympatheticus & crocus Martis adstringens juvabit, & tinctura martis adstringens, & Dn. D. Michaelis antiphthifica ex saccharo saturni & vitriolo Martis oriunda; item omnia ex lapide hematite parata, v. gr. tinctura lapidis preparati, non secus ac ex coralliis rubris venientia, v. gr. syrupus coralliorum Quercetani item tinctura eorundem cum succo ribium parata; sicut denique ex animali regno proderunt pro hoc scopo cornu cerviustum & os sepiæ; quorum hoc specificum audit.

Pro tertio tandem scopo ordinarem folum sequentem;

24. Mucil. sem. Cydon.
Psyllij,
Fœnugr. cum aqua plantag. extract. ana ℥ii.
Vitell. ovi Num. i.
Lact. bubul. ℥iii.

Hoc fomentum tepide & crebrius præputio applicetur.

Item

24. Aquæ decoct. calcis viv. q. s.

Hæc vel sola, vel addito saccharo Saturni, foveatur præputium; sic disparebit tumor, & phimosis curabitur.

Post hinc pro ulceribus glandem obsidentibus:

24. Ungu. diapomphol. ℥iii.
Aloes hepat.
Mercurij dulc. ana gr. xv.
Mell. rosac. q. s.
M. f. Linimentum,
leniter inungendum.

Ceterum superpondii loco pro curationis supplemento sudorifera appropriata adjungenda suaderem, cum præsertim metus sit, ne in malo iam confirmato inquinamentum aliquod malignum massam sanguineam intraverit; adeoque exhiberem pro hoc usu ligna hæc & exoxylita vocata, nempe sanctum, safsasfras; radices jarseparilla, tam in decoctis, quam sub spiritu destillatorum forma; item essentiam lignorum cum spiritu lignorum paratam; sicut & tincturam coralliorum cum eodem spiritu confectam. Non secus specificè hic prædesset sal illud volatile oleosum, a natura ipsa concinnatum, puta camphoram; unde & mixtura ex spiritu terebinthina, saccharo saturni & camphora, miris præconiis extollitur.

Respectu tandem diata Patienti injungerem, ut ipse ceu piscator ictus saperet posthac, nec amplius meretricum illecebris irretiri se sinat.

DISCURSUS & ANNOTATA

B. DN. PRÆSIDIS.

Affectus est Gonorrhœa virulenta, juncta cum tumore testis œdematoso & scirrhoso nonnihil, orta ab impuro coitu. Gonorrhœa enim alia est benigna, quæ, præter alias causas, non raro etiam excitatur a nefanda manu-stupratione, imprimis statim in pubertatis annis, cum & hæc difficillimæ sit curationis; sic vi relaxando orificia vesicularum seminalium & prostaticarum, liquor genituræ spontè effluit; vel etiam cathetere malè immisso. Interim ex observatione habeo, duo remedia in Sveco, plures annos, hoc malum passio, profuisse; nempe tincturam sulphuris vitrioli vel antiphthificam, ad gutt. 40. omni manè in vehiculo calido; & omni meridie circa quintam trochiscos de catabe ad ℥ss, observando strictam dietam: Alia gonorrhœa est maligna, qualis præsens.

Quoad Partem affectam: laborant in genere in nostro calu partes genitales: testis dexter ratione tumoris dolorosi, vesiculæ seminales, & ratione gonorrhœæ primariæ ipsæ tandem prostaticæ glandulosæ, quæ in his subjectis magis vel minus exulceratæ sunt.

Causa proxima est acidum virulentum Venereum, quod peccare docet SYLVIVS sufficienter in Tr. de Lue Venerea: sed acidum hoc est specifici saporis, qui à priori nondum est cognitus, quod ut plurimum per contactum communicatur. Interim tamen hoc acidum massam sanguineam relinquit ferè intactam, hinc plerique lue Venerea affecti sunt admodum vivaces; inquinat tamen hoc speciatim succum chylosum nutritivum, & hinc lympham, adeoque illius ratione partes nerveas potissimum afficit lue Venerea, hinc nocumentum magis in partibus extimis, sicut etiam ossibus, minus in interioribus percipitur; cujus lymphæ ratione speciatim affliguntur partes glandulosæ, hinc frequentiores sunt nasi, oris, faucium &c. exulcerationes, bubones, ulcera in bubonibus, & alia loca glandulosa inquinata. Porro acidum hoc sub forma contagii suscipitur ab extra, nec sponte illud generatur; quin potius lue Venerea triplici modo se propagat: nempe vel congressu, quando genitalia infecta, & ulceribus Venereis oblecta; hinc mulieres admodum Venereæ, si modò genitalia sint sana, non inficiunt; benè tamen, si ulcera sint in vagina uteri: vel saliva per pocula: vel lecto. Et quidem congressus est familiarissimus & facillimus inficiendi modus. Quod verò lectum & poculum attingit: sanè non semper huius propagatio fit; sed differentia observanda: nempe tunc pocula sunt suspecta, quando lue Venerea usque eò jam est progressa, ut ulcera faucium & oris, vel genitalium graviora aut cacoethea intulerit; tunc enim promanans purulentia ex his ulceribus contagiosa evadit, & salivam huius inficit, quæ poculis adhærens ab alio hausta eundem inquinat; non secus ac scabies se per fermentum quasi multiplicat, & contagium propagat. Pari ratione cum lectis procedit: etenim modò infectus ulceribus partium externarum non laboret, ita ut sanies aut purulentia sordidæ veneno Venereo inquinatæ hinc inde stragulis adhæreant, sanè alius ac-cumbens infici non potest; qui verò his inquinatis ejusmodi stragulis utitur, facillimè potest inquinari. Similiter, modò mulier concumbens ulcera gallica in vagina uterina non foveat, mas incubus non inquinabitur. Ad eò ergo mediante vehiculo puris seu saniei ex ulcere vel oris, vel

vel partis cuiusdam extimæ fermentum Venereum se multiplicat: alio modo non tantum est, quod parentes vel nutrices Venereæ lacte inquinant infantes; quia enim habent lac admodum corruptum, etiam infantes simili contagio inquinare valent; non secus, si parentes, aut horum alter, lue Venerea confirmata laborantes, infantem genuerint ab utero matris pariter lue Venerea affectum, quale exemplum observat HILDANUS: & ipsemet in Nosocomio Patavino puellam quadrimulam, hac ex ratione Gallicam vidisse, asserere possum. Ceterum quidam concumbentes cum infecta, ne tam facile inquinentur à contagio scroti Venerei, pro præservatione ante congressum assumunt olei destillati terebinthinæ gutt. v. vel vi. sic vis acidi Venerei impeditur, & per vias urinarias iterum educitur; non secus ac MAGNE- NUS *Tract. de Tabaco* post congressum genitalia, in specie urethram, cum succo vel decocto tabaci mox lavanda jubet.

Uterius acidum hoc virulentum, sub puris viscosi, fixioris, minusque volatilis forma in urethram derivatum, hinc ulterius pergit ad prostates glandulosas, quas rodendo exulceravit, simulque in his exulceratis lympham earum inquinavit, & acriorem & acidiorē effecit; hinc ex prostates ulceratis & lymphæ ista corrosiva symptomata, in emissionē urinæ obvia, oriuntur. Nam si exulceratæ sint prostates, non possunt non ab urina præterfluente acri salsa irritari & dolere, utut hæ partes sanæ hæ læsiones non percipiant: v. gr. in fissura labiorum ex aeris inclementia læsorum urina illita mordet, sana autem labia non mordet; sicut scabies etiam sordida frequenti lotionē cum urina sanatur, sed intensè dolet propter loca exulcerata, ab urina vellicata. Eadem etiam lymphæ acidior facta, sub sui effluxu intra præputium & glandem se insinuando, simpliciter non absterfa ibidem hærens, exulcerare valet sua acrimonia instar fermenti scabiei. Nam visciditas singularis est subjectum acidi illius Gallici: unde etiam dolent præputium & glans, hinc rubent & intumescunt, fit mollis: quæ si in ægro nostro continuassent, inflammationem & gangrænam induxissent. Nempe fundamentalis cura talis gonorrhœæ in ablatione istius fermenti acidi & partium affectarum valida absterfione consistit; hinc balsamica & diuretica erunt optima. Quod si autem intempestivè supprimatur fermentum hoc acidum, tunc illud ulterius in corpus se insinuando, tandem perfectam luem Veneream infert.

Quoad tumorem testiculi: in hoc non tam ad materiam corruptam, quam solum ferè ad fermentum acidum Venereum corruptens, respiciendum est: hoc enim successivè se multiplicans nunc vehiculo lymphæ corruptæ ex prostates excernitur, nunc verò retinetur, retentum necessario per continuatum materiam alterabilis tractum istius medio successivè pergit ad ipsum usque testiculū, & afficit liquorem seminalem in vasis deferentibus; simili ferè ratione atque aquam per lacinias laneas successivè pergere, & se insinuando progredi videmus; vel sicut odor fundi vasis acetosus copiosum lac infusum penetrat pedetentim, totum inquinat, coagulat, & ad sui corruptionem disponit; vel sicut contagium scabiosum extimo digito haustum, totam manum, postmodum totum corpus, successivè inficit. Acidum ergo hoc fermentum malignum, ad testiculorum alterum penetrans, materiam genituræ infecit, & ad visciditatem & consistentiam præternaturalem redegit, hinc ejus deficiens distributio, hinc collectio, hinc tumor testiculi, dolor acerbus, obscurèque pullans, & ad lumbos usque protensus, vergit usque ad dorsum, quorum tamen hunc non percipit æger noster. Interim si pullatorius dolor augeatur, signum est tumorem testiculi ad inflammationem pergere.

Continuatio autem doloris tensivi ad lumbos usque non in vasis spermaticis simpliciter quærenda est, utut hæc, cum iis appendatur testis, suo modo aliquid simul contribuere valeant: hinc enim, dum tales ægri erecti sunt, vel incedere volunt, dolor iste pondere testiculi magis intenditur; contra optimè jacere possunt: ergo suo modo testis tumefactus aliquid quidem hic confert; speciatim tamen partim in nervo, ex intercostali mox infra renes ad testem derivato, de quo vid. WILLISIUS *Tab. II. partim in membranis istis, à peritonæo natis, quæ vasa spermatica ubique includunt; & extra abdomen ad testes usque descendunt cum iis, ut ex Anatome patet, per horum continuitatis consensum & aliqualem spatum, doloris istius tensivi deorsum trahentis, ad*

renes usque continuatio quærenda est.

Quoad fervorem aut ardorem renum: sanè hic ordinario in gonorrhœa virulenta confirmata obvius est, in incipiente non item: ex acido virulento Gallico successivè sursum ad renum regionem, sive cum lymphæ ex testibus, sive cum sanguine delato, ed perveniat, membranosa circa renes loca afficiens, & ita dolorem istum rodentem & ardentem (dicunt *esdel*;) qui ab acido, intensius membranosa loca rodente, oriri solet, originem ducit: qualis ardor aliis in locis observabilis, sine motu febrili incedens, sed, ut dicam, imaginarius; quippe, quando acida fortius rodunt loca membranosa, ardor inducitur: sic v. gr. quando quidam spiritus acidus rectificatus, ut spiritus nitri, incidit in extimam nostram cutim, tunc sensum percipimus quasi scintillæ ardentis, dependens ab acido cutim vellicante: pari ratione in locis intimioribus membranosis acidum quoddam insignius rodens sub sensu ardoris solet percipi. Ac habeo sub cura aliquem, qui circa vespèram patitur insignem ardorem stomachi, superveniente aliquali vomitu acidissimi saporis, quo acido rejecto cessat: hic certè ardor est ab acido, fortius rodente ventriculi membranas; unde talem ardorem extinxi per saturnina, ut saccharum saturni, tincturam antiphthificam, & similia; quæ acidum in corpore obviū imbibunt, & sic, ut dicunt, refrigerant.

Quoad Prognostic: urinæ suppressio ab urethræ coalitu non nisi in malo ulterius progressu metuenda.

In præsentī casu æger extra periculum speciatim vitæ quidem versatur; sed periculum est, ne fermento Gallico ulterius pergente, ipse lue Venerea perfecta corripatur undiquaque, quod non rarum est.

Itaque, ne superveniat lues Venerea, Cura non differenda, quam in præsentī ægro sic institui: Vocatus ad hunc ægrum, cum jam scirem ejusdem genium, ante omnia quia colocynthis post Mercurium est appropriatū corrigens acidi Venerei, interius eidem ordinavi pilulas Mercuriales appropriatas ex extracto panchymagogo Crollii vel bellehori nigri, & Mercurio dulci, qui est alexipharmacum luis Venereæ, cum trochiscis albandal. Semper enim in his remediis ad virus specificum luis Gallicæ respiciendum, adeoque appropriata Mercurialia pro illo coercendo simul adhibenda.

Cum his unè externè ad discutiendum tumorem scroti & testiculi recti, quia erat ruber, unde metuebam inflammationem & gangrænam facilem, ordinavi:

℞. Pul. far. fabar. ℥iii.

Sem. Cum. ℥ss.

Coqu. in f. q. poscæ seu aquæ & aceti, ad consistentiā Cataplasmatidis.

adde

Lithargyr. pulveris. ℥i.

Misc.

Hoc cataplasma calidè irrigatum poscæ, tumori & dolenti scroto applicabatur, cujus usu crebrius per diem & noctem continuato, dolor mitigabatur, & tumor imminebatur.

Postmodum ordinavi:

℞. Bals. sulphuris tereb. ℥iii.

Propinabantur quotidie gutt. xii. bis in die.

Item pro externo lita scroti & testis affecti:

℞. Bals. sulphuris Rub. ad extra cum ol. nuc. par. ℥iii.

Ungu. dialb. ℥ss.

Ol. destill. Cum. ℥i.

M. pro Linimento.

Calidè aliquoties in die illinivit partem affectam, ita maximam partem tumor & reliqua symptomata evanuerunt.

Cum autem post resolutum tumorem testis adhuc durus & magis magnitudine auctus, quam alter sanus superstes, esset, pro hoc tumore, & speciatim pro duritie, sequens ordinavi emplastrum:

℞. Gum. ammoniaci cum aceto sol.

Empl. de Cic. ana q. s.

Malax. cum f. q. ol. dest. tartari, vel loco hujus cum oleo destillato ligni guaiaci fetidi.

Inductum super linteam densum vel alutam applicabatur loco affecto, omni biduo vel triduo id renovando, & sic beneficio hujus mox omnis durities penitus discussa fuit.

Ceterum mox in principio applicassem, sed metu inflammationis ab hoc abstinui. Emplastrum Vigonis de ranis cum mercurio aliàs in tumoribus & bubonibus Venereis incipientibus est præstantissimum, malaxatum cum oleo

destillato succini : sed dubius eram, an possim genitalibus immediate applicare? nam Mercurius absterruit, cum infestus sit virtuti genitali, & impotentes reddat, sicut elucescit ex PANAROLLO in *Observ.* ubi quidam ad extinguendos pediculos pubis litu Mercuriali usus fuit, quo factus penitus fuit impotens. Sed abstinendo à litu hoc, & illinendo genitalia oleo destillato spicæ, pediculi sublatis sunt, & brevi tempore rediit virilitas.

Cæterum extractum hellebori nigri est antesignanum omnium purgantium, evacuans & corrigens causas quorumcunque morborum chronicorum, ipsiusque luis Venereæ: quinimò quemadmodum inter blanda purgantia excellunt aloë & rhabarbarum; ita inter proprie sic dicta helleborus, extractus cum menstruo non oleoso, sed aquoso, quia magis salina est hæc radix: hinc infusum ejus in aqua anisi, acuata cum paucis oleo tartari per deliquium, egregium est; vel etiam infusum cum alia aqua factum, acuatum cum liquore terræ foliatæ tartari. Dicitur helleborus larvatur à PARACELSO sub Dauræ nomine. Similiter Mercurius dulcis nunquam omittendus est in morbis Venereis purgandis; non enim hætenus datum est cognoscere remedium magis appropriatum alexipharmacum istius acidi Venerei, quam Mercurium. Scrupulus autem subest: an Mercurius is vel dulcis sublimatus, vel præcipitatus in usum vocari debeat? & an concursu acidi Venerei reviviscat? Nego: Equidem Mercurius sublimatus hostilis naturæ nostræ est ob spiritum salis concentratum: Interim hunc corrigit additio Mercurii vivi; quippe Mercurius dulcis medietatem sui habet Mercurii sublimati, in quo Mercurius additus tantillum arrosus, minus autem saturatus existit. Metus ergo hic vanus est de Mercurii præcipitati dulcis revivificatione ab acido Venereo, cum, antequam penitus saturari, & à copiosissimo ac acerrimo acido in Mercurii sublimati corrosivitate abire possit, centies jam expurgatus sit. (2) Ad hæc Mercurius sublimatus longè ponderosior est vivo Mercurio, unde hujus multum, illius parum, respectu molis corporeæ, est in Mercurio dulci. (3) In Mercurio dulci Mercurius sublimatus corrosivus dilutus, & temperatione particularum acidarum ante concentratarum admodum enervatus est. Adhæc (4) Mercurius dulcis ad ℥iij. successivè propinatus sine ulla noxa movet salivam, quæ noxa aliàs à paucis granis Mercurii sublimati observatur; item facilius salivationem movet, si cum vitello ovi assumatur.

Pilulæ *Dn. Resolventis* ex pilulis de ammoniaco Quercetani, & gummi ammoniaco, &c. præscriptæ, non sunt adeò appropriatæ.

Bonum etiam est *Antimonium per inferiora* purgans: sed rara avis est, quia semper in hoc subjecto per inferiora, in illo seu alio per superiora operatur. Interim modi præparandi id ad inferiora optime haberi possunt in aceto & sale tartari; quippe utraque figunt & immutant antimonii particulas sulphureas aciores & volatiliores catharticas, quarum præmatura energia in stomacho vomitus excitatur: qua verò fracta æger saltem per alvum purgatur: E. g. fit ex nitri, tartari & antimonii ana: quæ exactè pulverisata & mista detonentur in crucibulo; sic scorix & regulus emergunt; hinc scorix solvantur in aqua simplici, & filtratur, filtratum successivè præcipitatur per acetum vini simplex, stent invicem aliquandiu, antequam filtrentur, postmodum pulvis remanens edulcoratur, & exhibetur ad gr. ii. vel iii. Par ratio est, si pro scopo præcipitandi recipiatur solutio calida tartari crudi albi, & instilletur solutioni scoriarum, sicque pulvis edulcoratus ad gr. iv. vel v. exhiberi potest. Interim tutior modus est ille, qui fit cum sale tartari: Nempe buryro antimonii, ex antimonio selecto parato, & probè aliquoties rectificato, ut fiat instar aquæ limpide (quod impetratur in cella) guttatim instilletur solutio salis tartari probè parati, donec saturetur: Habito lurationis puncto, præcipitatum quod est, mediante filtro separetur; ita emergit antimonium nonnihil flavescens, quod probè cum aqua calida sæpius edulcoretur; sic habetur antimonium per inferiora saltem purgans, & mirè admodum operans.

Infusum cantharidum cum vino etiam bonum remedium est, de quo encheirisis hæc observanda, ut pauca quantitate cantharides in insignem copiam Vini Rhe-nani infundantur, non autem in spiritum vini, & postmodum quædam guttæ hujus alio recente vino iterum pro usu temperentur: & quidem optime; quia in hoc est acidum vinosum tartareum, seu tartarus vini volatilis,

corrigens nonnihil, temperando suo modo & invertendo sal cantharidum volatile acerrimum, quod aliàs urinam ita exacuit, ut etiam exulceret vesicam. Melius ergo est, quam in spiritu vini. Corrigit autem in acido videmus in vesicatoriis, quando ex cantharidibus cum ficibus parantur, quæ solent ordinariò cæteris paribus longè aciora magisque caustica esse, præistis, ex iisdem cum fermento, imprimis cum aceto, mistis parantur.

Si ulcera penis altius progrediuntur, addendum mixturis pro adjectione aliquid Mercurii dulcis, seu correctoris acidi specifici. Ossepizæ in gonorrhœa benigna, quæ non est ex geniture abundantia, specifici metetur nomen. Pulvis sympatheticus interne non convenit propter horrendos vomitus ratione vitrioli Veneris; externe etiam non convenit, nisi sanguis vel solus, vel cum aliis excrementis excernatur, & cum eodem excipiat; contra si ulcera sint sine cruoris vestigio, nihil is proderit; ita namque memini, D. MICHAELIS curasse urinam cruentam ab exulceratione vesicæ ortam, jubendo, ut in illum mingatur.

Quando phimosis etiam adest, aqua calcis vivæ cum saccharo saturni est egregia.

Quod altius progressa sit gonorrhœa virulenta, signum est, quando simul glandulæ inguinales intumescunt. Non sunt quidem perfecti bubones Venerei, sed saltem glandulæ inguinales intumescunt: pro cuiusmodi glandulis intumescuntibus optimum ex emplastrum de ranis Vigonis cum Mercurio paratum (contra ZWELFFERUM, cujus correctio nil valet; mortificat enim prius Mercurium in aqua forti) Mercurium nunc in simplici nunc duplici dosi addendo: vel loco hujus recipiatur emplastrum quoddam usitatum ex gum. Ammoniaco, vel simpl. vel compos. cui addatur Mercurii vivi qu. placet.

Balsamus Saturni terebinthinatus est optimus, sed præparatio difficilis. Saccharum Saturni minutissime teratur, & quidem simul cum oleo terebinthinæ, & hinc in digestionem blandam ponatur; sic oleum rubescit, & saporem dulcem blandè adstrictorium acquirit: Interim non omne saccharum hoc modo solvi potest: Vid. HOFFMANNUS *Tract. lib. 3. cap. 13. pag. 251.*

Si autem quis laboret lue Venereæ perfecta, & quidem inveterata, in qua, præter gonorrhœam virulentam, dolores nocturni ostocopi affligunt, itemque efflorescunt hinc inde gummata, vel etiam pustulæ rubræ in facie &c. ex quibus apparet, malum esse confirmatum: In tali ergo statu pro cura hi observandi sunt scopi:

(1) Ut corrigatur acidum Venereum.

(2) Ut dissolvatur viscidum, seu subjectum istius acidi.

Ad eoque præmissa blanda laxatione Mercuriali per alvum, ad Decocta blandè sudorifera lignorum accedendum, unà cum crebriori infessu in semicupio. Decoctum poterit esse sequens:

℥℥. Ras. ligni sancti ℥iij.

Cort. ejusdem ℥iij.

Ras. Sarsaparill. ℥ii.

Ras. ligni Sassafr. ℥i.

Mercurii vivi in pet. lig.

Antimonii crudi in pet. lig. ana ℥vi.

Infund. in aquæ comm. Mens. vi.

Macera per 24. horas in Balneo Mariæ, hinc coqu.

ad remanent. tertiæ partis:

Colatura Detur.

Post

℥℥. Residuum Decocti prioris:

Infund. in aquæ comm. Mens. x.

Macera per 12 aut 24. horas:

Decoqu ad consumt. tert. partis:

in fine adde

Passul. min. conquass. ℥ii.

Sem. Coriandr. cont. ℥i.

Cinnam. ℥iij.

Coletur, D.S.

Potus ordinarius.

Vel Bochetum loco potus ordinarii capiendum.

De priori decocto sudorifero omni manè calidè ℥iij. vel iv. vel v. vel vi. sumantur, dein expectando in lecto blandum sudorem: quo facto, surgat & postmodum comedat, abstinendo tamen ab acidis: à meridie ingrediatur balneum aquæ dulcis calidæ, insidendo eidem ad collum usque, quandiu lubet, hinc cœnet; sub introitum autem lecti eandem dosin prioris Decocti sudoriferi capiat & dormiat, sine sit.

Sudore. Manè sequenti bibat iterum haustum calidi Decocti, expectando denuò sudorem; à meridie autem ingrediarur balneum, sicut vespere repetat Decoctum sine sudore; hocque per octiduum continet, ut mediante sudore & balneo dissolvantur succi viscidiores & glutinosi, ceu subjectum acidi specifici, sic dispositis hisce succis glutinosis, facilius redditur cura mercurialis salivatoria sequens. Interim tempore intermedio hauriatur potio ordinaria antea dicta, quoties placuerit de die.

His continuatis denuò purgetur corpus pilulis *Mercurialibus* paulò fortioribus, ut magis extinguatur acidum Venereum. Tandem fiat progressus ad *salivationem* Mercurialem. Adhibetur autem vel interne vel externe. Usus ejus est, ut infringatur acidum specificum luis Venereæ, & dissolvatur & attenuetur magis adhuc viscidum illud, tanquam subjectum acidi sive id jam sub forma gummatum appositum fuerit, sive sub forma lymphæ adhuc fluidæ involutum sit. Ceterum, cum Mercurius excitet *salivationem*, per accidens etiam curat luem Veneream, non verò per se, quia Mercurius etiam eandem in sanissimis excitat.

Modus salivationis est triplex;

I. Per interna Mercurialia, sive sint sublimata, sive præcipitata.

Observetur: quò minus ab acidis tractaris fuerit Mercurius, eò meliorem esse ejusdem usum; hinc Mercurius dulcis, arcanum corallinum, &c. sufficiunt.

II. Per externa, nempe per inunctionem, quando nempe ægri illinuntur cum linimento ex terebinthina & oleo laurino: quibus additur pro lubitu Mercurius vivus, in mortario lapideo probè subactus, probè inungendo in loco calido plantas pedum circa talos & genua per biduum, deinde etiam circa carpum & cubitum; imò in pertinaciori malo vel difficiliore salivatione interdum spina dorsi etiam inungatur. Linimentum hoc per 2. vel 3. dies continuetur, pro ratione nempe majoris vel minoris copię Mercurii vivi, vel etiam prout celerior vel tardior sequitur salivatio: teneriores tamen non adeò diù ita cruciari debent; in densioribus autem subjectis diutius hoc necesse.

III. Tandem administrantur quoque suffitus ex trochiscis, qui ex variis, & præ cæteris ex cinnabari constant, iique in conopeo, in cinem Hauszgen, prominente saltem capite. Verùm hic modus est omnium pessimus, nec suadendus.

Ceterum à *salivatione* ægri conqueruntur de dolore circa fauces, parotides & lingua intumescunt, saliva copiose prodit, gingivæ protuberant, dentes vacillant, lingua in laterali loco, ubi ductus salivales sunt, ordinariò exulceratur, fauces rubent dolentque, difficulter deglutiunt, & nisi sedulo Chirurgus fauces inspiciat, & os eluat, ulcera oris depascentia oriuntur. Saliva, quæ initio prodit, est tenuis, cui succedit viscidior, & tandem viscidissima & foetida; & maxime tenax, adeò ut baculo mediante ad ulnas usque protrahi possit; ægri interim fiunt languidi & emaciantur. Alimentum esto jusculum non salitum ex avena, cum vitello ovi; potus autem sit cerevisia calida; quò plus enim comedunt ægri, eò plus salivant, unde parciustales cibandi sunt, quia omne alimentum corrumpitur, & in salivam vergit; unde Mercurius non acidum Venereum, sed alimentum aggreditur. Salivatio hæc per 8. vel 14. dies, imò interdum per 21. dies præterpropter, pro ratione constitutionis ægri, aliarumque circumstantiarum, continuari solet. Si adfuerint ulcerationes illæ à salivatione, spontè consolidantur; sin gummata, evanescent; si adfuerint pustulæ, spontè decidunt, quod signum est sufficientis salivationis; sin verò hæc evanescere nolint, signum est, nondum sufficienter factam fuisse salivationem. Porro cessante salivatione, potissimum si remissior fuerit, denuò corpus pilulis Mercurialibus expurgetur, maxime si sub salivatione alvus clausa fuerit, ut, quicquid vel Mercurii vel sordidum extiterit in corpore, eliminetur. Postmodum denuò ad sudorem progrediendum, hinc decoctum superius sudoriferum omni manè denuò propinandum, expectando desuper sudorem post mediam horam, vel in lecto, vel in conopeo, in quo insit vel ferramentum ingens candefactum, vel aliquot lateres, vel silices majores exactè candefacti, super quos infundatur aqua calida; sic enim vapor exalans, & cor-

pus ægri ambiens, sudorem facit largum. Continuat hoc nunc omni die, nunc alternis diebus, per 8. vel per 12. aut 15. dies, ut omne virus extra corpus penitus eliminetur, & curæ finis imponatur. Interea corpus emaciatum magis magisque nutriri incipiet, & cessante potu lignorum, diætâ ordinaria uti poterit.

RESOLUTIO ALIA

DN. JOH. MATTHÆI

MERCKELII,

ANNÆBERGENSIS,

à

B. D. PRÆSIDENTE,

correcta

Anno 1676.

Affectus præsens, quin *Gonorrhœa virulenta cum tumore testiculi dexteri* conjuncta, vero nomine dici queat, nihil omnino dubito; siquidem materia illa tenuis, flavescens, interdum nonnihil spissiuscula, quæ subinde cum urina excernitur, nihil aliud, quam genituram, fermento aliquo præternaturali maligno vitata ac corruptam, præ se ferre videtur.

Pars affecta ratione tumoris erit testiculus dexter, respectu verò *causæ materialis* erunt partes genitales circa penis radicem sitæ; quibus virulentia dicta Venerea sese insinuavit, ibique, in specie autem in vesiculis seminalibus & prostaticis glandulis sic dictis, fermento suo acri liquorem seminalem in iis contentum inquinando, & specifico sui generis acido vitioso præternaturali alterando, imò ferè corrumendo, excretionem jam dictam materiæ tenuis, flavescens, &c. causatur.

Pars verò affecta respectu causæ formalis, scilicet miasmatis illius maligni, erunt fibræ nervæ, & ex congerie harum contextum totum genus nervosum, hisce in locis satis evidens atque conspicuum, in quibus contagium hoc instar spinæ infixæ continuo easdem vellicando rodendo, & dolores exquisitissimos inducit, atque causatur.

Causa proxima materialis efficiens consistit in acido sui generis peccante, cuius natura specifica à priori nobis nondum est cognita, & ea propter etiam non exactè determinabilis. Quod autem & hæc instar fermenti alicujus sit hic multiplicativa, morbi progressus, & inde nata Lues Gallica sic dicta, ejusque difficilis admodum curatio, nos satis superque docent.

Causa proxima formalis erit continua à dicti fermenti acidi maligni acrimonia, inducitur erosio & molesta vellicatio partium nervosarum, mediante lymphæ & chylo vitiosè acidis ad eas delata, quæ ibi locorum, ut & in viis urinariis acrisalfo suo sapore exquisitissimos dolores & cruciatus excitat.

Causas inter remotas primum & unicum locum merebitur hic rei Venereæ abusus, imò forte, si conicere licet, ex congressu aliquo impuro omne hocce malum contraxit æger noster, & neglecta in principio hujus mali medela, acerbissimos nunc dolores & cruciatus patitur.

Symptomata quod respicit: primò nil mirum est, quod sub urinæ emissionem in radice penis patitur cruciatus insignes. Patiens noster; siquidem, uti jam supra dictum, acidum istud specificum fermento suo salio-acri non saltem interne partes fibrosas genituræ dicatas, sed & vias urinarias continuo & molestè rodendo & vellicando instar salis alicujus lixivialis dolores & cruciatus exquisitissimos excitat. Cui accedit & hoc, quod sanies ista, à fermento maligno corrupta, simul cum urina excernatur, & inter excernendum particulas aliquas fermentativas & rodentes in ductu urinario facili negotio possit relinquere, quæ postmodum continua sua vellicatione ac rosione irritando fibræ, & ex his contextum ductum urinarium, guttatim urina ut crebrius profluat, faciunt. Ex eodem for-

fortasse etiam principio dolor, tumor, ac ferè inflammatio in confiniis præputii & glandis conspicua, nec non parvè hinc inde, quæ se produnt, pustulæ, pus acre fundentes & impensè dolentes, nobis deducenda venient. Nimirum sanies ista quæ profluit, cum sit acris, & in confiniis præputii, ubi glandi hoc connectitur, subinde possit retineri, ibidemque subsistendo acrior fieri, postmodum acrimonia sua irritante tumorem insignem, imò ferè inflammationem præputii excitat, quod dum ita fit, & expanduntur fibræ glandem constituentes, in immensum sæpius attollitur tumor, adeò ut vix præputio obtegi queat, & hinc affectus in casu nostro Paraphimosis dictus.

Quodsi malum hoc neglectum successu temporis longius progrediatur, fit, ut diutius paulò continuata hac fermentatione puris acris, & particulas nutritivas partium corrumpentis, tandemque pustulæ parvæ in pene, & præsertim circa coronam ejus fiant conspicuæ; quæ pus suum acre dum fundunt, & partes vicinas simul acrimonia sua rodunt, ulcera sæpius profunda faciunt, & dolores exquisitissimos excitant: qui dolores per consensum continuitatis nervæ sæpius ad lumbos usque cum acerbò cruciatu protenduntur.

Restant adhuc testiculi dextri tumor, & scroti isto in latere rubedo, nec non totius regionis lumbaris calor ac fervor explicanda. Scilicet acidum dictum cum lymphæ & materia seminali vitiosè inquinatis ad loca nervosa delatum, fortius eadem rodendo, sensum cujusdam ardoris urentis inducit. Et sicuti notum est, quod testiculi in statu naturali ad seminalis materiæ apparatus suum etiam symbolum conferre, necessum habeant; ita in statu præternaturali à materia sibi perficienda, & fermento aliquo peregrino inquinata, vitii aliquid & illis potest communicari, quod & hic dicta ratione per consensum continuitatis factum esse; nemo fortè inficias ibit, Nimirum ros chylosus (ceu materia seminalis) in testiculis perficiendus, ad eosdem vitiosè delatus, dum tubulos eorundem, filis in globum complicatis non absimiles, transit, vitia etiam fermenti sui peregrini in iisdem relinquit, cujus minutissima portio ibidem relicta, fibrosam texturam testiculi, continuè & molestè vellicando, tumorem etiam ejus facili negotio potest causari, uti & per consensum membranarum, vasa huc derivata involvuntur, simul cruciatus in lumbis excitet, necesse est. Hinc etiam ex strictura spasmodica cutis externæ, & calore intus urente, in regione lumbari calor & fervor, nec non scroti isto in latere rubor ac tumor, & propter expansas ab acido illo peregrino fibras nerveas, cutem ejusdem constituentes, dependet.

De cætero Prognosticum huic morbo nullum debetur aliud, quàm quod lues Gallica, nisi cura ejus maturetur, sint in prociectu, & certo certius ex morbo hoc inveterato speranda veniat.

Cura autem secundum has Indicationes poterit institui:

1. Acidum illud virulentum corrigatur & evacuetur.

2. Viscidum ejus subjectum dissolvatur & attenuetur, nec non, quantum fieri potest, simul extra corpus eliminetur.

Antequam verò ad Indicationes curæ universalis fiat accessus, videtur mihi cura particularis testiculi, nequid damni patiatur hic, præ cæteris maturanda. Ad istam itaque pro discutiendo tumore, externè convenit Cicuta, solanum, agrimonia, hyoscyamus, herba Paris, &c. eg.

℞. Herb. absinth.

Cent. min.

Alchimill.

Fl. acac.

Chamomill.

Verbasci,

Fol. hyoscyami ana M. i.

In eisa coqu. in Vino, addi toporum aquæ, vel in posca.

Applicetur decoctum cum linteis calide sæpius reiterando; desuper applicando sequens emplastrum:

℞. Empl. de Cicuta,

Gumm. Ammoniaci in aceto sol. ana ℥vi.

Malax. cum ol. destill. Guajaci, induc. super linteum, applic. loco affecto.

In phimosi & paraphimosi:

℞. Aquæ calcis vivæ rec.

in qua ebul.

Fl. Chamomill.

Sambuc. ana M. i.

Hyoscyam. M. ℥.

Sem. anisi,

Sem. fenic. ana ℥ii.

Bacc. lauri ℥ss.

Coletur,

Interne.

℞. Extr. helleb. nigr. gr. xv.

Mercurii dulc. gr. xviii.

Scamm. præp.

Troch. alband. ana gr. i.

Cum s. q. Ess. lignor. f. Pilulæ.

D. S.

Pilulæ purgantes pro 1. vice.

His ita præmissis, non dubito, quin tumor testiculi discutiatur.

Jam verò ad curæ universalis indicationem primam, quæ, si huic pilulæ jam dictæ fuerint præmissæ, per sequentia meo judicio poterit obtineri:

℞. Balsami sulphuris tereb. ℥i.

D. S.

Balsamus purificans: 24 guttæ.

℞. Ess. lignor.

Myrrhæ tartarif. ana ℥i.

M. D. S.

Essentia purificans: 40. ad. 50. guttas.

℞. Off. sepia præp. ℥i.

Sacch. saturni ℥ss.

Misc.

Divide in 3 partes æquales.

D. S.

Pulvis præcipitans, mane & vespere sumendus.

Vel

℞. Lap. osteocoll.

Mag. Marcas. ana ℥i.

Misc.

Div. in 2 part. æqu.

S. ut suprà.

In forma liquida:

℞. Tincturæ antiphth. seu D. Mich. ℥i.

D. S.

Tinctura: 30. guttæ pro dosi.

Ad secundam Indicationem pertinet emulsio terebinthinata.

Vel

℞. Tereb. cod.

Extr. lign. guai. ana ℥i.

Mercurii. dulc. gr. xviii.

Cum s. q. Ess. Mirrhæ f. Pilulæ No. LX.

D. S.

Pilulæ singulares, de quibus 20. mane sumendæ.

℞. Herb. fumar.

Agrimonia. ana M. i.

Rad. sarsapar.

Ras. ligni sassafr.

Sancti ana ℥vi.

Sem. Coriandr. ℥ss.

neis. & contul. macerentur in aquæ comm.

menf. 6. per. 24. horas:

Coqu. in Balneo Mariæ ad tertias: in fine decoctionis adde

Herb. Cochlear. M. i.

Passul. min. ℥i.

Colaturæ adde

Syr. scolory. ℥ss.

M. D. S.

Potio sudorifera; mane & vespere sumatur bonus baustus

inuncta sudore.

Vel

℞. Aquæ fumar.

Aqu.

Aqu. Card. bened. ana ʒiʒ.

Extr. lign. guai. ʒi.

Theriac. ʒi.

Campb. gr. vi.

Syr. scelotyrb. For. ʒvi.

M. D. S.

Potio sudorifera pro 2. vicibus.

Hæc, si ritè adhibeantur tamen, donec nullum amplius vestigium alicujus virulentiae præstò est, nihil omnino dubito, quin affectus hic notabiliter satis imminueretur.

Deus interim hisce clementer benedicat.

C A S U S LII.

MENSIUM DIFFICULTAS.

Mulier *difficultate mensium* actu fluentium, doloribus vagantibus & lancinantibus in omnibus artubus, iisque scorbuticis, uti & hystericis abdominis pathematis afflictæ, cum scotomiis & Syncope, ita ut ab adstantibus moritura putaretur, ordinavi sequentem Mixturam.

ʒi. Aqu. fl. samb. ʒii.

Ess. Castor. ʒiʒ.

Spirit. Cochlear.

Sal Ammoniaci ana ʒi.

Lapill. Cancr. præp. ʒʒ.

Syr. cor. aurant. ʒii.

M. pro Potione.

Hautiebat cochleatim, unde insecuto sudore longè melius habuit.

Extra.

ʒi. Ol. destill. spica,

Succin. ana ʒi.

Mista illinantur scrobiculo cordis, plantis pedum, & aliquot guttæ vertici.

Ast cum ex mæore & tristitia ob obitum mariti graviter affligeretur, cum summa virium prostratione, & aliquali anæsthesia (dicebat, se nullum morbum sentire, & sit semper frigida) præscribebam.

ʒi. Aqu. Menib.

Fl. samb. ana ʒiʒ.

Ess. ligni sassaf. ʒiii.

Spirit. sal. ammoniaci ʒi.

Cochlear. ʒʒ.

Syr. scelotyrb. ʒʒ.

M. F. Potio.

Profuit equidem: sed propter inquietudines, diurnas pariter & nocturnas, & ut anxietates, præscribebam pulverem.

ʒi. Lapill. Cancr. præp. gr. xv.

Sal. vol. succin. gr. vi.

Myrrh. gr. ii.

M. f. Pulvis.

Hinc melius habuit.

C A S U S LIII.

SUFFOCATIO HYPOCHONDRIACO-SPLENETICA, HYSTERICA ALIAS DICTA.

Mulier *medie ætatis*, subinde etiam citra manifestam causam, interdum ex prægressa iracundia aliquali, interdum ex dulcium esu, interdum ex terrore, &c. incurrit anxietates præcordiorum, ipsi inexplicabiles, sentit anxietatem circa cor: quibus mox copulantur scotomie leves, hinc vomendi conatus graves, sed immanes, ast omnia symptomata mirè exasperantes, superveniunt enim hinc borborygmi & murmura abdominis vaga, interdum cum lancinantibus, levibus licet abdominis doloribus; permutantur hæc invicem, ita his urgentibus, donec præcordiorum anxietates mitescant, his vero recurrentibus, illa abdominis pathemata ferè cessant; complicatur respiratio difficilis cum his turbis, ita circa hypochondriacas regiones se stringi quasi ac inde respirationem sufflamina-

ri sentiat. Dolor obtusus, gravativus, contundens, perquam molestus, sæpius in profundo hypochondrii sinistri percipitur, qui sub istis turbis exasperari unà observatur. Malis his gravius urgentibus, syncope interdum supervenit, cum sensuum & motu corporis abolitionibus, adeò, ut mortue instar non rarò aliquamdiu jaceat. Sinistrum latus totum, cum brachio & pede interdum in paroxysmo quasi stupet, interdum verò tenduntur manus & pedes, & violenter exporriguntur. Ructus subinde edit in paroxysmo. His & similibus, nunc diutius, nunc brevius, durantibus, redit successivè ad naturalem statum, appetitu dejecto, siti aucta, omnium partium lassitudine, aliquamdiu adhuc affligentibus, &c.

R E S O L U T I O II.

DN. JOH. MATTHÆI
MERCKELII,

ANNÆ BERGENSIS,

à

B. DOMINO PRÆSIDE

correcta

Anno 1682.

Ut affectus præsens epileptici cujusdam insultus, ex splenis vitio oriundi, speciem prima fronte præ se ferre videatur; attamen quia notum, idque experientia creberrima observatum est, quod *Passiones hystericæ* tandem, atrocibus stipatæ symptomatis, invadant sexum sequiorem, ideòque & hic affectus atrocissimus qui est, Strangulatus uterinus vulgò dictus, *Suffocationis Hypochondriaco-Spleneticæ* nomine dici omnino merebitur.

Pars affecta primatia, respectu convulsionum, non, prout vulgi quidem fert opinio, erit uterus, qui hac in parte insons, sed potius plexus nerveo lienaris, qui convulsus, ratione consensus tam continuitatis quàm contiguitatis cum aliis partibus vicinis, tantas in corpore nostro excitat turbas: deinde respectu acidi seu effervescentiæ vitiosæ succi pancreatici & biliosi erit cò-inuus intestinorum tractus.

Causa proxima formalis efficientis vices sustinet depravatus & perturbatus spirituum animalium motus, qui hic primariò in plexu nerveo lienari, ab acidi austeri pontici inimica vellicatione irritari, in motus varios anomalos & inordinatos concitantur.

Ratione causæ materialis in passione hystERICA & symptomatis ejusdem peccat primariò acido austerum; quod demonstratur ex causis remotis, uti hic ex dulcium esu, quatenus nempe dulcia faciliè cum acido austero fermentationes præternaturales concipiunt & accescunt; unde flatus & pathemata reliqua abdominis etiam in casu nostro proximè dependent, ac derivanda veniunt.

Causas inter remotas eminent animi pathemata, uti & hic iracundia saltem levis, quatenus nempe per hanc insignis humorum omnium in corpore nostro contingit confusio & orgasmus, quo ipso etiam simul in actum deduci potest dictum modò acidum austerum, & hinc quæ dependent, varii generis symptomata: Deinde inter alia sibi maximè nociva, & affectui huic quæ ansam præbent, refertur etiam terror, quatenus nempe hic vel maximè prosternit spirituum motus naturales & ordinarios nec non sanguinis circulum, humorumque reliquorum corporis nostri, plus minus impedit ac sistit, &c.

Nimirum fomes omnis mali primariò hæret in acido austero, quod acidum, data causa procatartica, vitiosæ effervescentiæ suæ motu innumeras ferè, imò inexplicabiles ipsis ægotis, subinde infert molestias, quod & hic fieri, nemo fortè inficias ibit. Nempè ab acido hoc, in primis vitis dum adhuc est, tempore invasionis proximè deducendæ veniunt anxietates illæ præcordiorum, quatenus scilicet acidum pancreatis austerum cum bile vitiosè effervescit, ex qua effervescentia tertius aliquis sapor insipidus & inexplicabilis resultat; hinc rectè dicit ægra nostra:

tra; se sentire anxietatem circa cor. Cui postmodum anxietates illæ præcordiorum junguntur, propter orificium ventriculi malè exinde affectum, & variis spasmis exagitatam, hinc vomendi conatus graves, sed propter materialis cuiusdam causæ defectum inanes, motibus tamen hisce gravibus reliqua symptomata mirè exasperantes.

Continuato sic convulsivo intestinorum motu, accedunt flatus, ab acido austero effervescente enati, qui conclusi, ac variè agitati, tumultuoseque oberrantes, borborygmos, murmura & sonitus repræsentant, interdum cum lancinantibus ab acidi rosione abdominis doloribus.

Quod verò permulentur inter se invicem, ob nervos plures, ex uno plexu diversimodè distributos, fieri existimo; prout enim hi modò huc, modò illuc pergunt, ita etiam pathemata in partibus diversis variant, adeò ut nunc in præcordiis, nunc verò in abdomine, dolores varii generis percipiantur.

Devehimur itaque nunc continuo hoc tractu spasmodico ad plexus mesentericos, & lienares in specie, propter dolorem obtusum, gravativum, &c. in profundo hypochondrii sinistri perceptibilem: quorum consensus cum aliquis partibus dum est vel maximus, hinc fit, quod convulsis hisce nervis, simul in consensum rapiantur etiam nervi paris vagi & intercostalis, unde ex connexionè nervorum varii convulsivi motus diaphragmatis & thoracis difficillimam reddunt respirationem, adeò ut hypochondria stringi quasi videantur. Hinc etiam propter variè turbatum spirituum animalium motum scotomix, spasmique quoque insignes cordis muscoli, unde ejus systole, & per consequens syncope cardiaca, cum sensuum & motus cuiusvis abolitionibus, adeò ut mortuæ instar jaceat ægra nostra aliquamdiù. Supervenit his sinistri totius ferè cum brachio & pede stupor, interdum quoque tenduntur manus & pedes, & violenter exporriguntur, quod epileptici aliquid esse, & paraplegiæ speciem præferre, omninò videtur. Nimirum motus naturæ dum fit ad extrà, continua scilicet spasmodica contractione nervosi generis, etiam externæ partes in varios gestus & motus convulsivos concitantur, quatenus nempe acidum rodens tendinibus musculorum varias inducit molestias, spiritibusque animalibus motum plus minus liberum intercipit. Malum autem hoc, quia cum syncope, sensuum & motus cuiusvis abolitionibus est conjunctum, mihi non videtur periculi expers, & nisi maturè ei occurratur, facili negotio posset in Epilepsiam habitualement, & consequenter lethalem degenerare.

Unde *Curatio* ejus meo iudicio posset institui hoc modo

1. Acidum vitiosum corrigendo & alterando, nec non flatuum proventus inhibendo.
2. Convulsiones & spirituum motus inordinatos sistendo.

In paroxysmo externè naribus admoveatur sequens mixtura:

*℞. Spirit. sal. Ammoniaci vol. ℥i.
Ess. Castor. vel a se fœt. ℥ss.*

M. D. in vase angustioris orificii.

Vel insuffletur naribus pro excitanda ægra sternutatorium aliquod forte ex pipere longo, helleboro albo, pyrethro, & castoreo, sed cautè; sternutatoria enim subinde malum reddunt gravius, & epilepsiam excitant genuinam, idèdque non, nisi in paroxysmo aut desinente, aut graviore.

Pro doloribus spasmodicis abdominis sedandis & flatibus discutiendis applicetur clystma:

*℞. Spec. carminat. M. ii.
Rad. levist.
Bacc. lauriana ℥vi.
Sem. anisi,*

Fenic. ana ℥ii.

Incis. & contus. coqu. in l. q. aquæ fontanæ,

Colaturæ ℥ss. adde

Elect. de bacc. lauri ℥ss,

Castor. ℥i.

Ol. destill. bacc. Juniper.

Terebinth. ana ℥i.

M. f. Clystma pro duabus dosibus.

Umbilico imponatur sequens.

℞. Empl. matric. de galb. ℥v.

Theriac. Andr. ℥ii. vel saltem ℥i. ut emplastri consistentiam retineat.

*Malaxa cum ol. destill. succin. & spica,
induc. super alutam in forma consueta*

Pudendis etiam posset applicari, vel cum bombace, vel litus forma, suaveolens aliquod:

℞. Bals. apoplect.

Styrac. liquid. ana ℥ss.

Zibethi gr. iiii.

M. D. pro usu.

Balsamus hic, utur non sit remedium curatorium, saltem tamen est derivatorium, pro spirituum motu inordinato refrænando.

Interne.

℞. Aqu. fl. chamomill.

Samb.

Puleg. ana ℥i.

Hirund. cum Castor. ℥iii.

Liqu. Cornu Cervi succin. ℥ss.

Ess. Castor. ℥i.

Laud. hyst. gr. ix.

Syr. cori. aur. ℥ii.

M. D. S.

Potiuncula anodyna contra dolores lancinantes.

Dosis cochli. ii. expectando madorem seu blandum sudorem.

Vel

℞. Matr. perlar. præp.

Cran. hum. sine igne,

Cinn. Antimonii ana gr. xv.

Sal. vol. succin.

Camph. ana ℥ss.

Laud. opiat. gr. ii.

M. pro 2. dosibus,

in aqua hirund. cum Castor. porrigendis.

Extra paroxysmum pro metu recidivæ declinando.

℞. Aqu. hyssopi,

Meliss.

Puleg.

Antiscorb. ana ℥vi.

Sol. Martis cum succ. pom. ℥iii.

Spirit. Cochlear. ℥ss.

Laud. opiat. gr. iiii.

Syr. scelotyrb. For. ℥iii.

M. D. S.

Mixtura præservativa mane & vespere ad Cochleare sumenda.

Imminuentem paroxysmum plus minus averter.

Vel

℞. Liqu. Martis solar. ℥iii.

Terra sol. Tartari ℥ss.

M. filtretur tinctura rubra.

D. S.

Tinctura singularis. 18. ad 20. guttas pro dosi.

Deinde acidum blandè subducentibus & solventibus res erit agenda.

℞. Gumm. Ammoniaci in aceto sol. ℥ss.

Vitrioli Martis gr. v.

Extr. Castor. gr. iiii.

Troch. alband. gr. iiii. vel Extr. gr. iij.

Cum ol. destill. succin. Pilulæ.

D. S.

Pilule pro una vice.

Vel fiat nodulus blandè laxans & alterans.

℞. Com. absinth.

Summ. cent. min.

Herb. Meliss.

Puleg. ana M. ss.

Rad. gent. an. ℥i.

Zedoar. ℥ss.

Helleb. nigr. crud. ℥iii.

Esula non præp. ℥ss.

Fol. senn. sine stip. ℥i.

Costi Arab. veri ℥vi.

Sal. Tartari ℥ss.

Incis. & contus. includ. nodulo.

D. S.

Nodulus pro vino.

℞. Empl. de Nicot.

Ran. cum Mercurii duplo ana q. s.

*Malax. cum l. q. ol. Tartari fetidi, aliquoties
super Cornu Cerviustum rectificati.*

Applicetur sine lindone.

Dens interim hisce clementer benedicat.

CASUS LIH.

PROGNOSIS.

HÆMORRHAGIA UTERI.

Quæ omnia curam quidem reddunt difficilem, ægotam tamen non penitus desperare jubent.

CURA.

Periculum itaque cum Patiente nostra faciemus, Curam instituendo triplici via:

1. *Spiritum inordinatum & concentratum in pristinam redigemus stationem.*
2. *Deinde terroris ideam utero impressam extirpabimus.*
3. *Tandemque laxata uteri vasa consolidabimus.*

Pro triplici hoc scopo triplicem adhibemus medicinam: opiata, coralliata, & succinata, non spreto vetulæ consilio. Et hæc Medici iudicium faciliè disponet.

DISCURSUS & ANNOTATA
B. DN. PRÆSIDIS.

Affectus est Uteri Hæmorrhagia, in qua Dn. Autor huius Resolutionis omnia adscribit spiritui impetum facienti, cuius quidem vis ac vigor ubique, & naturali & præternaturali in statu, probè considerandus venit. Hic enim, uti primus fecundat ova, ut exinde fiant corpora, & in corporis strictura maxime activus est; ita & postmodum in corpore vivente omnium actionum, tam naturalium quam præternaturalium, unicus & primarius autor est. Sed hoc ipsum intelligendum est non exclusivè, quasi contenti succi, & partes corporis continentes organicæ, simpliciter & purè passivè se haberent; ita ut dictus spiritus impetum faciens, ceu elater in automate nostri corporis, unà cum reliquis rotulis, & partibus organicis ceu instrumentis, & partibus liquidis cum succis fundamentalibus, operationes suas exserat. Rectè dicunt: hunc spiritum esse elaterem; sed tamen, uti spira & elater cæteras rotulas requirit & conformationem organicam, ita & hic etiam requirit & partes organicas tanquam instrumenta mechanica, & succos tanquam fundamentales liquores nostræ machinæ. Hinc dictus spiritus sanguinem circulariter moveri cogit, sed mediante organica cordis & vasorum structura: Idem spiritus spasmos varios excitat, sed mediante fibrarum certa mechanica textura, & mediante irritatione partis cuiusdam sensibilis: Idem spiritus hæmorrhagias excitat, sed mediante vel anastomosi, vel diæresi vasorum, ab acrioribus humoribus facta; hinc scorbutici hæmorrhagiis admodum obnoxii non tam præcisè spiritus moventis vitio, quam sanguinis serosi acrioris culpa: Hinc ruptis vasis in abortu, aut incisis iis in vulnere, idem spiritus movet sanguinem, sed vitio organi, non impetu proprio: sicut idem spiritus fœtum pelli non vi propria, sed mediantibus spasmis uteri. Scilicet plausibiliter magis quam scientificè proponuntur talia, & nominalem cognitionem, non verò realem scientiam, faciunt. Unde ex omnibus his Practica Indicatio nulla hauriri potest.

Pars affecta in genere est uterus, subintelligendo simul vaginam eiusque vasa, ita tamen, ut ille non sit constitutus in statu naturali, sed quatenus ex prægresso abortu insignem læsionem præternaturalem passus est. Nam certum est, quod fœminæ longè periculosius laborent sub abortu, quàm sub partu legitimo; hinc frequenter mulieres ab abortu planè steriles factæ sunt, imprimis si primipara abortum patiantur, læso tono uteri, & vitiata conformatione membranarum. Unde prægresso abortu læsus est uterus ob violentam placentæ avulsionem, præsertim, quia factus est abortus sexto gestationis mense, ubi magis adhæret; hinc ordinariò sub abortu, sicut ægra nostra, graviores hæmorrhagias uteri patiuntur, quàm sub vero partu; qualis fluxus nimius non rarò etiam fit in nono gestationis mense abortientibus; & posito, quod post abortum non tanta hæmorrhagia sequatur, prima tamen menstruatione à partu gravius eandem experiuntur, propter violentam placentæ avulsionem. Accedit, quod ægra nostra

Mulier juvenis 23. annorum, succi plena, habitus corporis mollioris & carnosus, sexto gestationis mense gravida, occasione terroris patitur abortum, ipsa exinde in omnibus mediocriter se habente, convalescit. Jam, cum frigori externo incautiùs se exposuisset, quarta ab abortu septimana, post graves dolores abdominis lancinantes, & ad pudenda evagantes, copiosa supervenit uteri hæmorrhagia. Sanguis, qui primò prodit, floridus & eleganter tintus est, post aliquos dies idem fluxus eodem modo continuat, sed sanguis, qui profluit, tenuior & serosior existit diù noctuque profluens: cum quo hoc simul patitur incommodi, ut subinde lancinantes graves abdominis adsint dolores, ad ilia qui protenduntur, quos ordinariò major sanguinis excipit impetus. Ipsa, cum ultra 5. hæc pertulisset septimanas, & imbecillis admodum & pallida sit, suis intenditur, appetitus cessat, & maculæ crebriores purpureæ, quæ crura aliàs & brachia tinxerant, undique evanescent. Variat tentat pro levando malo, sed quælibet frustra. Ipsa ergò anxiosa urget remedium. Vetula consilium suggerit, ut capiat folia quercus, eaquæ aquæ ferrariorum incocta clysteris forma utero iniiciat & ita fluxum sistat: sed ipsa exinde gravioribus doloribus abdominis deorsum tendentibus afficitur. Supervenit cephalalgia insignis, cum scotomia, quoties caput attollere tentat. Mulier ergò consulit Medicum, & quid faciendum sit? inquit, simulque curam perfectam postulat.

RESOLUTIO

DOMINI CHRISTIANI
ZINCKENAGELII,

Longo Salissa-Thuringi,

Cum

Specialis Discursu & Annotatis

B. DN. PRÆSIDIS.

Censuræ & Emendationi subjecta

Anno 1676.

AFFECTUS & CAUSÆ.

ÆGrotæ uteri hæmorrhagia motore spiritu, impetum faciente, laborat; idem enim spiritus, qui pellit, sanguinem quoque pellere satis aptus est ex vi, quam sibi habet propriam; est enim hoc vitale principium, à quo omnis dependet actio. Hinc dictus spiritus elapso spatio septimestri, quod natura tum ad maturitatem, tum exclusionem fœtus destinasse videtur, officii sui memor, impetum fecit dolorificum, similem ei, qui ante & in partu contingere solet, fœtamque, oblitus tamen, quod jam tum ex errore depulsus sit, excludere voluit.

SYMPTOMATUM CUM CAUSIS
CONNEXIO.

Eliminata autem, uti dictum, immatura genitura, non potuit non ad impetum illud sanguis profluere ex utero copiosior. Accedit & hoc illud, quod spiritus in abdomine concentratur quasi fuerit occasione terroris, cuius ideam ipse exosus atque delere satagens, hæc dedit turbas, spasmodicas induxit passiones, vasorum uterinorum ora pandit sanguinem eiusque serum eiicit, propriis viribus insimul fractis, exinde palor, sitis, lassitudo, & appetitus dejectus.

stra susceperit frigus externum, quod utero, ex avulsione placentæ jam dum læso, ceu parti membranae & nervæ admodum hostile extitit, multo magis quia jam læsus est speciatim isto tempore, quo alias reditum menstruum naturalem expectavit: quæ tria non possunt non gravem uteri hæmorrhagiam inferre.

Ex hoc sponte sequitur: *Causa proxima*, quæ, præsupposito spiritu vitali & animali, tanquam elatere nostræ machinæ, copiosior inde sanguinem ad uterum movente, est primario læsio & irritatio ipsius uteri, eaque speciatim tempore ordinariæ menstruationis contingens, unde irritatio vehementior; occasione cuius, cum sanguis circa uterum sponte evacuari debet, ceu spina quadam, inductus est concitatio spirituum impetus, hinc fibrarum & partium vicinarum spasmus & crispatura, adeoque sanguinis violenta retentio, tandemque per vasa antea lacerata uberrima excretio facta fuit. Accedit & hoc, quod ægra principio quidem sanguinem floridum, sed postmodum serosior & aquosior excreverit, quod innuit, ipsam ægram sanguine minus consistente, sed aquosiori & serosiori, forsitan labe scorbutica inquinato, præditam fuisse, adeoque interveniente abortu sub tali spirituum impetu sanguinem & ipsum serosum, cessante etiam stimulo, per aperta vasa sponte effluxisse. Scilicet in diuturniore aut uberiore menstruatione considerata est vel sensibilis circa uterum irritatio, occasione cuius, ceu spinæ circa uterum infixæ; vel habitudo sanguinis serosa acriorque, ratione cuius etiam sponte affluit sanguis, & coalitionem vasorum impedit: inter quæ duo semper unum observavi in hæmorrhagia uteri, tam menstruali, quam lochiali. Ac apud nostram quidem ægram utrumque occurrit; quippe adest stimulus sensibilis ex utero læso à frigore, hinc tales dolores lancinantes, ad inguina usque prodeuntes, persequitur, quos sequitur uberior sanguinis effluxus, in quo casu dicunt: *vergit ad inguina*; quia eundem tales dolores occasionaliter excitant: quod verò magis exasperetur hæmorrhagia, sit propter ipsum sanguinem serosior & aquosior. Hinc frequenter in difficili menstruatione tales dolores lancinantes etiam in lumbis & regione umbilicali oriuntur, qui junctim ad inguina descendunt. Ipsi dolores parturientium sunt spasmus uteri; circa os sacrum firmiter annexi, ratione quorum tales dolores patiuntur mulieres sub partu.

Hujus irritationis alias variæ sunt causæ; nunc enim vellicat uterum frigus externum, ut hic; nunc aliquid retentum, quale in puerperis solet, vel frustulum secundinæ, vel membranæ cujusdam tantillum, ubi secundina adhæsit utero, eidem adhuc annexæ; nunc retenti sanguinis grumi, qui talem hæmorrhagiam inferre possunt; nunc ulcus in vagina uteri, aut orificio ejusdem interno, nunc excoarctatio in loco quodam uteri, à sanguine acriori facta, & similia: quæ omnia ex causis antecedentibus colligantur.

Fætus si debet esse septimestris; semper habeat vestigium imperfectionis, vel circa auriculas, vel circa ungues. Ordinarium partus tempus est, quando nona vice ordinaria menstruat debuisse instare: Nam sub tempore partus est idem motus in massa sanguinea, & spiritibus, qualis est in menstruationis periodo seu accessu. Excitatur hic impetus etiam occasione uteri, à fœtu grandiore irritati.

Quoad *Causas remotas*, à quibus uterus læditur & irritatur: illarum hic duæ se offerunt.

1. Nempe *abortus* vasa dilacerans; hinc
2. *Susceptum* post hunc frigus.

Quoad abortum: ille occasione terroris, qui una est ex frequentissimis causis abortus, fuerat inductus, ubi sub terrore, suppresso quasi spirituum animalium impetu, relaxatus uterus non amplius fœtum retinet; quin & hic syncope quasi correptus, & viribus destitutus, sponte deorsum ad uteri orificium vergit, *descendit ad inguina*; fœtus ergo in minus convenienti situ constitutus, uterum afficit; eumque, licet sedata terroris impressione, vellicando irritat, hincque contractivus ejusdem natus expellendi, adeoque fœtus exclusio, supervenit; imò hanc sequitur violenta placentæ abruptio & læsio vasorum uteri majorum, qui tæsus etiam ed disponitur, ut postmodum levi occasione contrahibilis reddatur, & in novum spas-

mum concitetur, atque his ex causis abortum multo atrociores hæmorrhagiæ comitantur, quàm in ordinario partu.

In nostro casu omnia symptomata fuerunt leviora, exacerbata tamen occasione frigoris, quod ipsum susceptum utero membranoso & nervo admodum hostile, quod in utero antea læso & facile in nixum convulsivum irritabili facile vulnus quoddam antea factum refricavit, hinc symptomata exacerbata, sicque tempore præsertim ordinariæ menstruationis, *dolores lancinantes abdominis*, ab irritatione spasmodica, postmodum hæmorrhagia, accelerati sunt. Nam non saltem parturientibus frigus nocet, ubi post partum sanguine in grumos coagulato, ejusdemque excretionem sufflaminata, abdominis uterique inflationem incidere eadem observantur, ut putent, se adhuc gestare infantem, quod à solo post partum admissio aere fit, unde lochia impediuntur; sed etiam, si abortientes aut menstruant frigus obrepit, mille malis illas mulctat; sicut in his sanguinem coagulando, hujus effluxum sistit. Interim tamen, ut frigus impediatur excretionem sanguinis, in ægra tamen nostra frigus irritando uterum, fluxum ejus promovit, ubi in causa est conditio sanguinis alia: sicut enim eo in statu, ubi sanguis actu fluit & naturaliter est constitutus, facile grumescit à frigore accedente, & sic ejus excretio sistitur; ita si is non actu fluat, interim tamen in via est ad uterum, tunc uterus à frigore irritatus uberius patietur sanguinis affluxum, præsertim si hæc fuerit serosior, eumque largius profundet.

PROGNOSIS.

Quoad *Prognosin*: ea est satis anceps: etenim & curari ægra potest citra imminens vitæ periculum; sed & profusissima facta hæmorrhagia etiam vitam ipsam cum sanguine de facili exhaurire valet. Interim si illa facile poterit sisti, facilius quoque aderit spes reconvalescentiæ, sin verò diutius duraverit, tunc, prægresso cedematoso tumore pedum, de hydropo certi esse possumus. Aliàs nullum periculum imminet.

CURA.

Quoad *Curam*: In ea unicum hoc urget, nempe ut sistatur nimius sanguinis profluvius, quod peragitur per sequentes Indicationes: si

1. *Irritationis sensus* circa uterum, & consequenter vicinas partes membranas, *leniatur*, cessante enim stimulo, velut spina evulsa, cessabit impetus spirituum animalium, & consequenter nimius affluxus sanguinis ad uterum.
2. Si utero inductæ læsiones sensiles corrigantur, quæ molestiæ uterum afficientes sunt partim violentæ læsiones utero inductæ ab abortu, per abruptionem violentam placentæ & membranarum, partim per frigus externum, uterum antea læsum insigni adhuc afficiens, conciliatæ.
3. *Serosior sanguis* blandè inspissetur & *condensetur*, ne ejus fluxibilitas ulteriori hæmorrhagiæ an-sam præbeat.

His observatis, queritur: an consilium vetulæ tutò adhibendum sit? Responsio, consideratis circumstantiis, negativa facilis est. Ut enim Decoctum illud per se bonum sit remedium, quippe quod extrinsecus, sub forma clysteris uterini, injectum, stringendo vasa fibræque uteri, fluxum nimium sistit, præsertim si illud fiat in aqua ferrariorum, quæ ipsa, aliquid de vitriolo Martis imbibendo, adstrictoriam vitriolaceam vim acquirit, unde & in Casu dicta folia quercus eidem incocta simili virtute gaudebunt, & fibrarum contractivam vim acquirunt; ut melius sit adhuc, si eadem incoquantur aquæ simplici, cui aliquid aluminis additum sit: interim tamen hoc remedium vetulæ adstringens saltem convenit in casibus, ubi saltem laxitas vaginæ uterinæ, aut vasorum uterino-

rum, hæmorrhagiæ nimix causa existit; quo in casu hujusmodi externa adstringentia utramque paginam absolvunt. In casu verò, ubi uteri vasa sic non sunt affecta, sed continuus adest stimulus, vellicando hæmorrhagiam excitans, qui cum hac ratione non tollatur, à tali decocto abstinemus. Hinc in nostro casu pro primo scopo talis injectio adstringens summè fuisset nociva, & mille mala alia potuisset excitare, stringendo vasa & sistendo hæmorrhagiam. Nam ex irritato utero, adeoque durante adhuc spirituum & sanguinis impetu, & ex ista excretionē suppressa, vel inflammatio uteri, vel, si sanguis in alium locum, e.g. pulmones, derivatus fuisset, dyspnœja vel respiratio difficilis, cholera, abdominis dolores intensissimi, vomitus varii, &c. supervenissent: conf. M. A. N. C. Ann. 2. Obs. 26. pag. 47. ut adeò in nostro casu vix locum inveniat consilium vetulæ, priusquam causæ stimulantēs fuerint sublatae; quibus sublatis, tunc Decoctum hoc posset concedi.

Jam porro quæritur: an pro scopo curandi ægram nostram conveniat venæsectio in brachio? non enim rarum est, quod uteri hæmorrhagia beneficio venæsectionis pro scopo revulsorio in brachio restringatur. Resp. In nostro casu non conducit, quia hæc venæsectio revulsoria in hæmorrhagia uteri tantum incremente adhuc locum habet; quando verò eadem diutius duraverit, & multum sanguinis evacuatum est, non solum frustranea erit illa, sed etiam magis facta evacuatione ægra nimis debilitata fuisset. Jam verò hæmorrhagia in nostra ægra jam ad aliquot septimanas duraverat; unde occasio illa præterlapsa. Adhæc venæsectio saltem in subjectis iis, quæ plethora, aut vera, ex diætâ laudabili contracta, vel apparente, orgasmo nempe sanguinis febrili, per vasa uteri se profundentis, laborant, & quidem in ejusdem hæmorrhagiæ principio & incremento, in brachio instituta, locum invenit: contra in nostra, in statu confirmato existente, venæsectio minimè conducit, sed potius hac omissa ad alia remedia accedendum erit: nempe

1. Irritationis sensus circa uterum leniendus per blanda opiatâ.
2. Uteri læsio inducta corrigenda; partim per adstringentia consolidantia ratione abortus; partim per aromatica temperata, utero amica, ratione frigoris externi læsio. Unde sicut illa inter excellunt *Martialia* & *cancrina*; ita hic *aqua* & *spiritus cinnamomi*, *essentia* & *spiritus melissæ* conveniunt.
3. Sanguis serosior blandè spissandus per glutinosa, terrea, gummosa, austera, incrassantia, & similia.

Ex his ita consideratis facile est varias concinnare formulas: e. g. pro pluribus scopis satisfaciet nostræ ægræ sequens mistura:

℞. *Aquæ tenell.* Cornu Cervi ℥iii.
Succ. Cydon. vel *granat. acid.* ℥j.
Lap. hæmat. præp. ℥ii.
Corall. rubr. præp.
Terræ sigill. ana ℥i.
Laud. opiat. gr. iss.
Syr. Porru. ℥vi.

M. D. S.

Potiuscula adstringens.

Vel si hujusmodi austera minùs conveniant, tunc temperantia & sanguinem incrassantia eligenda: verb. gratia.

℞. *Aquæ plantag.*
Mentha (propter uterum) ana ℥iss.
Cinnam. spirituos. ℥iii. (pro scopo leniendi uterum à frigore læsum, ut impetus contrahivi cessent)
Troch. de Carabe ℥iss.
Terræ vitrioli Martis dulc. ritè edulc. gr. xv.
Syr. papav. albi ℥vi.

M. f. Potio.

Capiatur cochleatim.

Vel in forma pulveris.

℞. *Lapill. Cancr. præp.* ℥ii.

Terræ sigill. ℥i.

Laud. opiat. gr. ii.

M. f. Pulvis pro duabus dosibus.

Imprimis fumantur in aceto vini temperiori eo in casu, ubi gravius ab abortu læsus fuit uterus; meritò enim matribus à partu læsis lapillos cancrorum mirè commendat HELMONTIUS.

Præ cæteris autem Mars & Trochisci de Carabe conveniunt. Inter *Martialia* eminent etiam *tinctura sulphuris vitrioli*, quæ reverà est tinctura quædam Martis adstringens. Observavi tamen in hæmorrhagia uteri nimia, huic non cedere liquorem Martis solaris, qui sua vitriolica nimium mensium & lochiorum fluxum sistit & adstringit; & deficientem vi Martiali excitat. De prioribus nota est; de posteriori multa curiosa observavi experimenta: & quidem nimix hæmorrhagiæ cura, beneficio liquoris hujus terræ Martis solaris præstata, est sequens. Mulier quædam ingenua patiebatur nimium lochiorum fluxum, etiam ubi jam puerperium ferè esset sublatum, & ipsa tenellum nutrebat, hinc feci experimentum; & hujus liquoris gutt. xii. ad xv. per aliquot dies jussi assumendas; hinc factum, ut strictus fuerit uterus, fluxusque cessaverit. Eadem ratione alia mulier juvenis tertio partu filium enixa, sub hoc parum lochiorum emiserat; post tres verò septimanas patiebatur effluvium ex utero, & varias sordes emittebat, spontè hinc cessante fluxu iterum. Sed cum gravis hypogastrii dolor superveniret, hinc in causa esse putavi lochia retenta, unde ordinabam essentiam myrrhæ cum tinctura tartari, per aliquot dies continuando, sed frustra. Postmodum ordinavi pulverem sequentem consuetum, qui bene operabatur:

℞. *Borrac. Ven.* ℥i.

Myrrhæ gr. xvii.

Croc. gr. viii.

M. f. Pulvis.

Exinde copiosam & variam colluviem cum sanguine ex utero emittebat: sed augebatur sic, ut iterum necesse haberem nimium fluxum sistere, id quod præstiti beneficio liquoris Martialis solaris.

Porro alia plebeja, quæ occasione nimii frigoris hybernici per omnes octo dies, *aller acht Tage fast*, nimio & inordinato mensium fluxu laboraverat, duraveratque hoc malum ultra quadrantem anni, *ein viertel Jahr*; hinc eidem plethoricæ suasi simpliciter eundem liquorem, assumpsit per 15. dies, & ecce! ordinarius mensium fluxus rediit. Tandem alia aurifabri uxor actu fluentium mensium periodum patiebatur, sed cum vesceretur recente vel calente pane in bona quantitate, ex improvise sistebantur menses (*illico sistit menses*) imò nec intra 4. septimanas redirent, sed per dimidium anni defecerunt; abdomen hinc intumescebat, unde putabat, se esse gravidam; tandem effluxis 5. vel 6. mensibus, occasione ponderis in altum elevari, sensit ruptionis sensum in imo ventre, & tunc copiosissimus sanguis profluxit, per plures septimanas continuas, unde tumor ventris, viribus simul deficientibus, disparuit; appetitus deficiebat, ipsa pallida evadebat, unde opus erat remediis adstrictoriis, cui scopo itidem satisfecit liquor dictus, cujus usu ægra etiam convaluit. Adeò ergo egregius est hic liquor, vix fallens. Superiori tamen æstate dedi eundem mulieri cuidam, sed frustra: quia erat bibacula, & ejus massa sanguinea sero crudo referta, unde nil præstitum fuit. Verum corallia cum terra sigillata aliquamdiu propinata, hunc fluxum feliciter curabant.

Cæterum præter hæc interna, simul & Externa in usum vocanda sunt, eaque speciatim, quia dolores abdominis graviter lancinantes adsunt, à quibus intenditur fluxus, per consensum uteri & membranarum cum partibus vicinis simul convulsis. Jam verò sint illa nec adstringentia, nec quoque refrigerantia, prout quidem communiter adhibentur, quæque saltem in uteri hæmorrhagia ex anastomosi vasorum, aut orgasmo sanguinis enata, locum inveniunt; quin potius in nostro casu propter læsum uterum blanda aromatica, utero amica, quæque molestum irritatōis sensum blando sui tactu sopiunt, & hinc spasmodum & excretionis impetum tollunt, adhibenda sunt; simili quoque ratione

ac vomitum nimium externe aromaticis sistimus, stomacho appropriatis & gratis applicatis; adeoque applicanda regioni umbilicali emplastrum matricale de galbano, vel emplastrum ex tacamacha, &c. malaxata cum oleis vulgaribus, chamomillæ & anethi, per infusionem & coctionem paratis, non destillatis, hæc enim nimis acria sunt. Vel etiam convenit emplastrum illud, quod alias ad quosvis uteri dolores expertum est.

℥. Galbani,
Terebinth. ana ℥j.
Sevi Cerv.
Adip. Porc. ana ℥vi.

Liquefacta invicem, illinantur calidè umbilicali regioni, & locis vicinis, imponendo desuper laterem blandè calefactum; sic uteri dolores sisti possunt.

Vel horum loco simpliciter Theriaca emplastri forma umbilicali & hypochondriorum regioni imponatur; nam etiam hac ratione hæmorrhagia ægræ nostræ sistetur.

RESOLUTIO ALIA

DN. JOH. MATTHÆI

MERCKELII,

ANNÆBERGENSIS.

à

B. DN. PRÆSIDE

correcta

Anno 1682.

AFFECTUS.

Affectus præsens, est excedens Uteri Hæmorrhagia seu fluxus mensium nimius, utpote primo post abortum menstruationis tempore, occasione frigoris externi nimij, contingens.

SUBJECTUM.

Subiectum seu pars affecta est uterus, non tam vasorum suorum ratione, per quæ sanguis omnis menstruus deponi solet; sed quod à præcedente abortu læsus, potissima tragediæ hujus sit causa.

CAUSA.

Etenim dum dubio procul, in præcedaneo abortu violenta facta fuit placentæ uterinæ ab utero avulsio, quin hujus aliqua plus minus gravis contigerit læsio, dubium non est; ut adeo hæc ipsa (presupposito spirituum animalium concitatore ceu, formali causa, motu) hæmorrhagiæ istius uterinæ sit Causa occasionalis proxima.

Remota, non abortus solum præcedens est, & frigoris externi inconsiderata susceptio, sed constitutio quoque ægræ nostræ plus minus serosa & scorbutica, quemadmodum id etiam sanguis effluens serosior, & maculæ purpureæ, & dolorum post injectionem uterinam adstringentem exacerbatio, persuadent. Factum enim fuit, ut læsus à violenta placentæ uterinæ avulsione uterus, atque sic irritabilis valde redditus, occasione admissi frigoris externi gravids irritaretur, atque stritura fibrarum suarum spasmodica instantes jam menses uberius per lacerata vasorum suorum orificia ex-

primeret, multum huic ipsa sanguinis serositate & acrimonia scorbutica contribuentem,

SYMPTOMATUM CUM CAUSIS CONNEXIO.

Atque hic est, quod lancinantes abdominis dolores ordinario maior sanguinis exceperint imperus, vehementiore (scilicet fibrarum uterinarum structura copiosius expressus, quod idem, cessante etiam à frigore suscepto semel stimulo, largius per quinque septimanas cum recurrentibus abdominis doloribus, profluxerit; quatenus ratione quidem suæ serositatis ad fluendum aptior, ratione verò saporis acidi scorbutici ad laceratas uteri fibras, intra transeundum continuò stimulandas, potius fuit. Neque aliunde recurrentes illi abdominis & lancinantes dolores toties totiesque repetunt, nisi ob similes nervorum mesenterii, membranarumque vicinarum, ab acido hoc vitioso irritationes: quas etiam meninges cerebri tandem expertæ, insigni illa ægram nostram cephalalgia excruciant. Iungitur autem huic scotomia, quoties caput attollere ægra tentat, propter rariorem spirituum texturam, & dissipationem eorum, atque jacturam insignem; unde hi non ita densis in fibras nerveas manipulis influentes, faciles radiosi sui influxus eclipses patiuntur, à quo ipso eorum defectu & imbecillitas, & sitis, & appetitus prostratus, in juvenula quoque nostra dependet;

PROGNOSIS.

Cæterum non immerito opem illa flagitat, quod periculum sit, ne in hydropem ex profusiori hoc sanguinis profluvio incidat.

CURATIO.

Unde eò in Curatione allaborandum erit, ut

1. Irritatio uteri partiumque vicinarum sistatur.
2. Læsio ejusdem restituatur.
3. Sanguinis fluxilitas & acrimonia corrigatur.

Quibus scopis blanda anodyna, & opiata, vulneraria, aromatica, absorbentia, & temperantia, conducunt.

Omni ergo purgatione omiſſa, quæ hic planè inutilis, de sequenti mistura cochlear unum atque alterum per vires exhibeatur:

℥. Aqu. Plantag. ℥iii.
Cinnam. cydon. ℥ss.
Succ. Cydon. ℥i.
Lapill. Cancr. præp. ℥ss.
Corall. rub. præp.
Terræ sigill.
Troch. de Carabe ana ℥j.
Syr. Papav. alb. ℥vi.
M. f. Potio, cochleatim sumenda.
Vel

℥. Aqu. tenell. Cornu Cervi ℥iii.
Succ. cydon. vel granat. ac. ℥j.
Lap. hæmat præp.
Corall. rubr. præp.
Terr. sigillat. ana ℥j.
Laud. opiat. gr. iß. ad iiii.
Syr. Plantag. ℥vi.
M. f. Potio.

Ad imitationem SYLVI.

℥. Aquæ Plantag.
Melissæ ana ℥ss.
Spir. theriac. simpl. ℥iii.
Acet. vini ℥ss.
Troch. de Carabe ℥j.
Croc. Martis præp. ℥ss.
Syr. de ros. sic. ℥ss. ad ℥vi.
M. f. Potio.

IVel

Vel exhibeatur sequens pulvis.

24. *Lapill. Cancr. præp.* ℥ii.

Pulv. nuc. mosch. ℥i.

Laud. opiat. gr. vi.

M. f. Pulvis pro 6. dosibus in vehiculo sequenti.

24. *Aqua plantag.*

Portulac. ana ℥ss.

Succ. rubi idæi ℥ss.

Syr. papav. albi ℥iii.

Spiritus nitri dulc. q. l.

Misceantur.

Externè abdomini applicari potest emplastrum, ex *tamachaca* p. i. & p. ii. *galbani*, malaxatum cum oleo destillato succini.

Vel inducatur Theriaca, cum balsamo Peruviano mista, super alutam, & imponatur abdomini. Conferet quoque fortassis suffitus ex aromaticis, & genitalibus, sedato jam fluxu exceptus, pro roborando scilicet utero; v. gr. ex Decocto foliorum quercus, plantaginis, veronica, chærefolii, rorismarini, in aqua & aceto, vel ex nuce moschata, carbonibus injecta.

Quoad venæsectionem quaeritur: an conveniat? dubitari posset, quod imbecillis jam ægra nostra sit, & fluxus per quinque septimanas duraverit. Verùm notandum, hanc simpliciter reiiciendam non esse: cum enim in ægra ex metastasi quasi materiæ, propter injectionem uterinam adstringentem, cephalalgia insignis cum scotomia adfit, & graviora symptomata generis nervosi, paralytis v. g. epilepsia, convulsiones, &c. metuenda veniant, præservativè, vel hirudines vulvæ aut hæmorrhoidibus applicatæ, vel cucurbitulæ scarificatæ, vel venæ sectio in brachio, imprimis si præsens periculum adsit convulsionum aut paralyseos, locum habent: curativè, si paralytis jam actu supervenerit, venæ sectio in brachio itidem proderit, vel vesicatoria in carpis manuum, si epilepsia.

Cæterum ne malum recidiver, optima sunt.

1. Absorbentia Martialia præsertim, eaque sociata cum Rhabarbaro, quod ut utero aliàs accommodum, ita hic per diuresin acrius serum evacuat, atque idem simul alterabit.

2. Locum habent tonum uteri conservantia, adstringentia, & læsionem ejus corrigentia: cui scopo imprimis inserviunt vina infusionis radicis tormentillæ, florum rosarum rubrarum, radicis bistortæ, & rorismarini, spicæ, melissæ, &c.

Quod si contingat recidivare malum, attendendum: an cum iis repetat doloribus? an sine his? si prius, Martialia conferunt internè, ut tinctura vitrioli Martis Zuelfferi, vel sola, vel cum opio; externè abdomini Theriaca, lumbis oleum infusum Chamomillæ & Cheiri cum aliquot guttulis olei destillati macis inungantur; Si posterius, fluxus faciliè sisti potest, absorbentibus usitatis cum vel sine opio.

Sed quaeritur: quid agendum veniat, si malum præsens sit à retento secundinæ frustulo, vel à mola? an promovendus naturæ conatus, fluxusque linquendus, sed sic præsens vitæ periculum. An hic adstringentibus sistendus? sed sic cura tantum est palliativè, & alia imminet mala. Respondeo: Habenda ejus ratio est, quod potissimum urget, scilicet virium; ideoque fluxus sedandus, viresque roborandæ. Si contigerit, fluxum denuò redire, usurpanda blanda stimulantia, v. g. Decoctum cinnamomi, &c. cum opiatis & blandis anodynis mista, quò sic partim naturæ conatus adjuvetur, partim nimia irritatio mitigetur. Quin consuetum est, manum admove Chirurgicam, & si, sive molam sive secundinam relicta, manuali opera extrahere.

Deus faxit, cedant omnia feliciter!

C A S U S LV.

CHLOROSIS INCIPIENS CUM VOMITU INVETERATO MATUTINO, ET TETANO CERVICIS.

Mulier 32. præter propter annorum, formæ aliàs integræ, constitutionis sana, vegeta ac succi plena, natione Italæ, postquam per 12. annos marito sano ac robusto nupta feliciter cum eodem vixisset, & aliquot liberorum mater facta fuisset, illo sibi per mortem intempestivè erepto, incidit paulo post in vomitus enormes, periodicè singulis diebus apparente aurora invadentes; perque duas horas durantes, tanto quidem cum impetu, ut hoc cessante cervicis tendines adeò tenderentur, ut quasi tetano correpta per aliquot horas non sine dolore multo illius partis & totius capitis torqueretur. Ipsa antea florida faciei evadit nonnihil pallida, ipsæ etiam labiis nativum colorem perdentibus. Mala hæc jam per integrum annum eam mirum in modum cruciarunt, mensibus semper ordinatim, licet nonnihil parcius, fluentibus. In abdomine ac circa hypochondria rectè se habet. Plures Medicos consuluit, plurimorum consilia collegit; frustra omnia hætenus, quicquid etiam remedium adhibuit fuerat. Ipsa nihilominus restituenda valetudinis cupida, pro suo malo curam & auxilium Medici agitat.

R E S O L U T I O

D N. E R H A R D I U B E L M A N N I.

Cum speciali Discursu & Annotatis

B. D N. P R Æ S I D I S,

Censuræ & emendationi subiecta

Anno 1675.

Hæc mulier nostra, postquam per 12. annos marito sano ac robusto nupta feliciter cum eodem vixit, & aliquot liberorum mater facta fuit, illo sibi per mortem intempestivè erepto, incidit in Chlorosin seu Ictericam albam; Ubi cibi in stomacho non ritè fermentati atque digesti, mediante quo, cum fermento communicato, tota massa sanguinea alterata atque vitiosa, vasa uterina & reliqui succi inquinati fuerunt.

C A U S A P R O X I M A.

Causa proxima est chylus non probè in stomacho fermentatus atque digestus, & hinc in totum corpus distributus; unde fit vitiosa sanguificatio, & cruda particule in toto corpore cumulantur, quæ ad habitum corporis delata cum partibus perfectè uniri non possunt.

Causa remota est vitium liquoris seminalis suppressi & retenti, & per defectum exercitii Venerei coarctati & alterati, qui liquor corruptus, & ad nervos delatus, atque partium superiorum spasmodica pathemata intulit; quod probatur ex eo, quia menses fluxerunt, & tamen in alium planè statum mutata fuit, ita suspicio est, causam remotam latere in deficiente Venerei exercitio. Hinc inde non mirum est, si faciei & labiorum color in subalbidum & viridescens mutatur; Qualis enim humor in corpore, talis color etiam est in cute, præcipue in facie. In hoc affectu humores crudi & serosi abundant, & ad ambitum corporis quoque protenduntur; unde non mirum est, colorem naturalem mutari in pallidum. Incidit in tristitiam, sublividoque colore nonnihil tincta fuit, & in specie sub oculis coronam cærulescentem quasi habuit, anxiosa fuit sine manifesta causa, cruciatibus afflictæ hysterice, facies ac palpebre

M m m

intu-

intumuerunt, præcipue post somnum, cum per noctem calor plus vaporum crudorum eleuaverit, quam discutere potuerit, & hi vapores ad caput allati dolorem gravem capitis sæpe excitant; cibum procul dubio fastidit ob minus felicem distributionem, maximamque particularum pravarum copiam, incidit in vomitus enormes, periodicè singulis diebus appetente aurora invadentes, perque duas horas durantes, tanto quidem impetu, ut hoc cessante, cervicis tendines adeo tenderentur; ut quasi tetano correpta per aliquot horas non sine dolore multo totius capitis torqueretur, atque inde habitum quasi cachecticum sibi contraxerit atque acquisiverit.

PROGNOSIS.

Malum hoc non adeo periculosum est. Interim Medicus eo allaboret, ne suppressio mensium subsequatur. Si vapores caput interdum petant, ad insaniam feminas redigit. Interdum privant sensu tactus, ut BOYLE observ. de Utilit. Philos. Experiment. ubi virgo ita tactus sensu orbata fuit, ut si in articulis pungeretur, sine sensu, vegeto aliàs corpore, manserit. Interdum etiam convulsiones epileptica superveniunt.

CURA.

Nil melius atque facilius, quam congressus curat, qui tamen, si non liceat, ad alia accedas. Et scopus eo dirigatur, ut

1. Chylosis rectificetur, & hoc non melius fieri potest, quam cydoniis & cydoniatis.
2. Ut liquoris seminalis vitium corrigatur, indeque
3. Nata massæ sanguineæ dyscrasia emendetur, hinc itidem convenientibus appropriatis succurratur.

Equidem symptomatum obviatorum truculentiam optimè sistunt opiata, at saltem palliativè malum curant, non verò radicibus evertunt. Ideo ad corrigendum seminale liquorem inter alia eminent camphorata; Camphora enim eum non tantum tollit, sed ejus quoque virulentiam tollit, atque etiam massæ sanguineæ dyscrasiam emendat. His adjungatur succinum & omnia ex eo parata, nempe oleum succini, sal volatile acidum succini, quæ in chlorosi sunt singularia. Quibus etiam accensenda est myrrha, cujus vis balsamica efficacissimè corruptionem seminis tollit, in specie essentia myrrha cum acido, v.g. spiritu nitri dulci, parata. Pertinet & huc castoreum, & omnia ex eo parata, saccharum Saturni, & crystalli mineræ hujus parata cum spiritu nitri acuat, prosunt itidem. Quibus etiam adnumeranda veniunt modernorum acida, nempe citrata, nitrum antimoniatum, itemque crudum nitrum, largiter in potu ordinario haustum; compefcit prociacitatem, & liquorem seminale corrigi; nem acida ex granatis & cydoniis.

DISCURSUS & ANNOTATA

B. DN. PRÆSIDIS.

Affectus noster est saltem Incipiens chlorosis, ex qua tandem posset fieri perfecta, quæ si modo est species cachexiæ; aliud enim est Chlorosis inveterata, aliud incipiens: Primariò autem affligit vomitus cum tetano cervicis. Chlorosis autem est species cachexiæ, à qua illa differt ratione fomitis morborum primarii, qui in chlorosi investigandus est in genitalibus, si non testibus præcisè, saltem utero & prostaticis glandulis: in cachexia autem vel in stomacho, vel in felle, vel aliò loco; ac in nostra ægra origo circa genitalia querenda est, adeoque supervenire aliquando poterit chlorosis.

PARS AFFECTA.

Pars primariò affecta in nostra ægra sunt genitalia, ubi & radix mali, ut tandem supervenire possit chlorosis, quæ tamen nondum adest. Probant hoc anteceden-

tia, nempe ægra vidua est, natione Itala, & habuit antea matrum robustum. Interim ratione symptomatum affligentium sedes est stomachus & primæ viæ, quatenus nempe hæ partes vel mediante sanguine vel lymphâ inquinamento illo corruptivo sunt infectæ, unde vomitus, tetanus cervicis, &c. Et quidem cum vomitus hoc in casu diuturnus affligat, ultra annum jam durans, proinde ejus causæ, quarum duæ dantur, quærendæ sunt vel in vitio aliquo conformationis stomachi, vel partium vicinarum, vel in mensibus non ritè se habentibus; cæteræ enim præter has causæ, v.g. chylosis læsa, possunt dare vomitum diuturnum, sine præsentaneo ægri periculo. Et quidem quoad priorem causam: sæpè vomitum admodum diuturnum observavit BARBETTE ex corruptione & sphacelo pancreatis ob consensum stomachi: sicut ex herpete stomachi idem symptoma notavit PANAROLLUS *Pentec. 1. obser. 43.*: nec non ex genuino steatomate, utrumque orificium ventriculi obsidente, RHODIUS *Cent. 2. obser. 63.* Vomitus ex pyloro scirrhus vidit SALMUTH *Cent. 1. obs. 20.*: ex ulcere HILDANUS *Cent. 5. obs. 36.*: ex fistula SCHNEIDERUS *de Catarrh. special. pag. 439.*: ex gangræna BALLONIUS *lib. 1. Consil. 43.*

In vomitu ergò contumaci, asserente BARTHOLINO in *Exequ. Hepatis*, semper considerandum est, an scirrhus aliquis aut simile quid in stomacho aut circa pylorum hæreat, malum dictum inferens: omnes enim ventriculi morbi organici, v.g. tumores, vulnera, ulcera, &c. ad vomitum stimulant.

Quoad posteriorem causam: ea hic locum invenit; in nostra enim ægra nulla sunt vitia conformationis. Interim tamen mensium vitia suspicionem præbent radicis morbosæ, quæ procedit ex genituræ vitio.

Igitur Causa proxima non est chylus læsus, quin potius hic erit effectus & productum morbosum, qui vi morbi vitium contrahit: v.g. sicuti in gravidis superveniunt crebri vomitus, quorum causa proxima chylus corruptus non est, sed chylus corrumpitur, quatenus stomachus malè afficitur; ita etiam hic, nisi stomachus malè haberet, etiam chylus parvus non reiceretur. Causa ergò proxima nostro in casu est corruptio & vitium genituræ muliebris.

Causæ remotæ sunt:

1. Deficiens Veneris exercitium.
2. Tristitia.
3. Itala, quæ natio præ reliquis est salacior.

Dum verò Veneri adueta subito eandem desuescere cogitur, tristitia supervenit, unde omnes excretiones sistuntur, hinc genituræ antea excretæ corruptio inferitur, & dein per consequens ex genitura illa corrupta, & alterata plus minus corrupta, vitata stomachi digestio, & hinc chylus corrupti rejectio supervenit.

Observeatur autem, quod casus hic desumptus sit ex *Valer. DEODATI pag. 171.* cui similes alii passim prostant, v.g. HILDANO *Cent. 4. obs. 32. pag. 316.* ubi allegat igniales, subinde ejusmodi vomitibus continuis obnoxias; non secus ac quoque viduæ salaciores, viris aliàs adueta, idem fatum experiri solent.

In hoc ergo casu proximè accusanda venit aura aliqua vitiosa seu singulariter corrupta, ex genitalibus expirans. Nam cum notum sit, quod in statu naturali aura quædam genitalis sub pubertatis annis tam masculos quam famellas singulariter immutat, ut in orgasmum Venerium ferantur, qualis aura etiam orgasmum in ipsis brutis, v.g. cervis, certo tempore concitat; quidni ergò similem auram ex genitura corrupta elevatam præternaturaliter corpora quoque nostra alterare & immutare probabile sit? adeoque peccat aura genituræ corruptæ, non autem ipsa genitura; quippe quæ semel circa genitalia elaborata, non amplius potest retrocedere, propter pororum certo modo figuratorum impedimentum, quia per eas vias, per quas liquor secernendus fuit ingressus, non potest retrogredi, cum pori spectent intro foras, & ad instar valvularum se habent; quæ omnium humorum excretioni dicatorem in corpore nostro lex est, quod nempe nunquam ii per ea loca, quibus semel intrarunt, regredi observetur. Jam verò pari ratione genitura ista elaborata in partibus dum hæret, & justo tempore non excernitur, non potest tota regredi propter conformationem pororum dictam: ergò saltem ex eadem corrupta, subtilissima quædam aura seu substantia odoris ad instar retrogreditur, & in corpus

corpus distribuitur, idque sit vel mediante sanguine per venas, vel mediante lympham, quæ ex genitura utriusque sexus retrocedere observatur per venas & vasa lymphatica. Per utrumque horum aura talis ex genitalibus potest resurgere, & in corpus nostrum distribui.

Ac locus quidem, unde elevatur aura illa virosa, potest esse vel ovarium, seu testes muliebres, vel ipse uterus, vel denique prostata glandulosa. In ovario, notante hoc KERCKRINGIO, non est suspicio, quod genitura possit coacervari, quia retrocedit per tubas ad uterum, & menstruo tempore foras excernitur: suspicio potius est, quod sit liquor ille seminalis, qui alias fœmellas ad libidinem stimulat, & tam in prostaticis glandulis, quam in glandulosa (quæ certa est) uteri substantia hæret. Et mulieres, dum maximam percipiunt titillationem, saltem percipiunt voluptatem circa prostaticas glandulas, quæ tunc lympham tenuem plorant, non autem percipiunt voluptatem in interioribus uteri. Liquor hic vocatur genitura, auramque illam in corpus expirat, quæ subtilis & virosa existit, & dat dicta pathemata.

Jam porro queritur: qualis aura illa fuerit? Resp. re-
tentum liquorem illum feminalem, debite functioni genitali aliàs inservientem, ob defectum stimuli Venerei non manere in statu naturali, sed ad modum reliquorum humorum excernendorum retentorum alterari vel in melius vel in pejus. In melius non, quia jam est elaborata; ergo in pejus, & quidem hoc modo: scilicet cum genitura illa mulierum, non secus ac virorum, naturaliter dependeat à chylo, ita tamen, ut sit spirituosior, speciatim spiritibus animalibus perfusa, hinc illa diutius nimis retenta, spiritus disperguntur & pereunt, unde materia relicta spirituum defectu ad corruptelam, putredini proximam, vergit; sub qua putredine inchoata, dum emergens alcali volatile agit in oleum seu pingue, oritur hinc odor graviter foetens seu virosus. Hujus odoris existentiam hirci, à Venere diutius abacti, confirmant, utpote, qui nisi crebrius ad Venerem admittantur, talem odorem virosi spirant, ex inchoata genituræ putredine. Ex tali odore canes se invicem cognoscunt, ap canis alter sibi obveniens mas vel fœmina sit? hinc fœmellæ odore suo Venereo procos alliciunt. Certum ergo est, fœmellas sub libidine insignem odorem spirare ex genitalibus versus interiora corporis, quo insigniter alterantur. Dicta ergo genituræ corruptæ aura, quia instar odoris se habet, hinc etiam subtilissima, penetrantissima & activissima est, adeoque recte fermentativa vocari poterit. Fermentorum enim hæc natura est, ut in minima etiam mole maxime sint activa & alterativa, & in mole, secundum quam instar odoris se habent, summè efficacia, adeo, ut post lumen & lucem nihil magis activum, & penetrantius in natura occurrat, quam odores; unde eosdem per lumen & lucem explicat KERCKRINGIUS. *Spicil. Anat. pag. 39.* Hinc HELMONTIUS fermentorum naturam, activitatem, & volatilitatem, per odores explicat, quatenus scilicet nil magis activum est; quam minima ista, quæ odorifera sunt. Interim fermenta illa sæpè odores cæcos vocat idem, per quos intelligit tam subtilissima effluvia, instar odoris quidem agentia, nulli tamen sensuum organo sint perceptibilia. Sic enim ex. gr. quando quis naturaliter abhorrens feles, intrat in conclave, ubi recondita est felis ipso nescio, mox lipothymiam & sudores frigidos experitur, & mirabiliter alteratur, propter minutissima felis effluvia, quæ sunt ejusmodi odores cæci. Hinc non suspicandum est, in renibus naturaliter esse fermentum adeo visibile, transmutans serum sanguinis in urinam, sed illud saltem se habere instar odoris: sicut etiam fermentum stomachi non est liquor quidam, sed subtilissimus halitus seu spirituosus acidus odor. Quantum ergo odores valeant, testatur tantillum moschi vel ambrae, quo chirothecæ imprægnantur, quo tam mirè alterantur quædam fœminæ hystericae: sic quædam, juxta AMATUM LUSITANUM, non possunt ferre odorem rosarum, &c.

Jam queritur: quomodo hoc faciant odores? Respon-
dat quatenus in iis integra misti crassi sub tam minima mole concentrata later, sub sulphure nempe à sale volatili resoluti & explicati; sunt enim nihil aliud, quam sulphur concreti sale volatili resolutum. Ita siquidem odor castorei, omne, quod in castoreo reperitur, continet; & odor alienus vas imprægnans, omne vinum aut aliud

Estmuller Oper. Tom. I.

contentum inficiendo corrumpit & alterat: non secus ac aceti aut mulctæ cæcus odor lac infusum transmutat: sicut contra vasa urinaria sulphuris fumo imbuta vinum à corruptione præservant: simili ratione minimum contagium illud, quod à Venerea lue ex genitalibus, &c. in corpus sanum derivatur: qualis odor est, qui ex manu aut chirotheca unius scabiosi in non scabiosam transfer-
tur. Quæ omnia illustrent, similem quasi hircosam (licet sic loqui) auram in nostra ægra, ex genitalibus per sanguinem aut lympham refluentes in massam sanguineam distributam, inquinandi corpora nostra, originem posse esse variorum effectuum: adeoque sæpè minimum est, quod in morbis causæ morbificæ rationem habet, cujus texture corruptione & distractione subinde morbi curantur. Unde & ægram nostram, in qua per talem odorem omnes succi alterati, solus odor camphoræ curabit, qui etiam pestem tam præservativè, quam curativè, abigit, cujus vis magna nota satis.

Dixi supra: miasma affluere ex genitura corrupta minima aliquod, & sub minima sui mole integrum corpus inquinare. Jam ergo queritur: in quonam specialis salinæ volatilis oleosæ aures differentia consistat, ob quam in specie in nostra ægra stomachus vellicetur & vomitus excitetur? Respond. Fit hoc, quod ipsum fermentum ventriculi consistat in odore quodam acido; unde, sicut nil magis ventriculo gratum est, quam blandum acidum; ita eidem quæcunque, & per consequens aura & odor putridus genituræ corruptæ infestus est: quod experimur etiam circa loca putrida obambulantes, *ubi statim anxietates circa cor sentimus*. Si ergo tale quid nobis à rebus extra corpus constitutis obvenire potest, quidni & idem à corruptis in nobis contentis sperandum esset?

Sed dubium occurrit: quare speciatim *matutino tempore vomitus* superveniat? Interdum, dum comedit ægra, noctu mediocriter se habet, vesperi pariter, & dormit: at dum vesperi, chylo non ritè digesto, superingeruntur alimenta nova, manè hinc evigilans vomit, quia stomachus cruditatibus nidorosis, ex ingestis non ritè digestis, repletus est, unde irritatur pylorus à cruditatibus, & constringit: postmodum evacuatis excrementis stomachi, interdum se melius habet: Caput igitur alimenta, quæ sub quiete nocturna iterum corrumpuntur, unde vomitus repetit, & sic porro. Hæcque tragedia quotidie peragitur, eamque miserè exercet.

Pallor ex defectu spirituum & alimentorum ob continuum affectum oritur.

Quoad *Tetanus*, ægræ nostræ molestum: ille nil aliud est, quam spasmus musculorum cervicis, caput flectentium, & per quendam consensum, ob generis nervosi nimiam irritationem, hinc circa principium nervorum ex spinali medulla afflictorum: non secus atque ex eodem fonte cephalalgia, affectus convulsivi & paralytici, derivandi non raro sunt. Dolet ex violenta strictione & crispatura tendinum,

PROGNOSIS.

Quoad *Prognosin*: malum anceps & difficile curatum est præsertim cum illud jam per integrum annum duraverit; unde metus est, ne suppressio mensium, hinc melancholia uterina, aut furor uterinus, item chlorosis perfecta, superveniat. Nullum aliàs vitæ periculum metuendum, nisi quod ægra ex tetano in gravem epilepsiam, sub qua interire possit, incidat: Itaque ocyùs curanda.

CURA.

In Cura ergo hæc *Indicationes* locum habent:

1. Ante omnia vitium liquoris seminalis, & aures hinc derivatè corrigatur.
2. Massæ sanguinæ & lymphæ crasis vitiata blandis purgantibus & diaphoreticis emendetur.
3. Si quid noxæ in stomacho & primis viis supersit, iisdem debitis remediis maturè prospiciatur.

Quoad 1. Opiata potius nocebunt, quam proderunt in
M m m 2 nostra

nostra ægra. Quæmadmodum autem hic nocebunt; ita excellat *camphora*, quia in specie egregia est contra odores quoscunque morbosos fermentativos, ex putredine ortos. Cæterum, cum *camphora* sit sal volatile oleosum concentratum, ideò ob homogeneam naturam se facile cum simili aura miscet, & putredinem hujus corrigit: quale ex fuligine oleum, *camphoræ* odorem spirans, parari quoque potest, sic retulit mihi BOYLE, se aliquando casu ex fuligine parasse oleum, *camphoræ* quoad odorem simile; imò acepi ab ipso sal volatile oleosum *matricariæ*, quod *camphoræ* odorem repræsentavit.

Quæritur aliàs inter Autores de vi *camphoræ* antivenæra, eamque negat SCALIGER *Exercit.* 104. *sect.* 14. cui contrariatur TACHENIUS in *Hippocr. Chymico*: LOSSIUS tamen in *Observat.* 16. lib. 3. refert exemplum virilitatis extinctæ solo *camphoræ* odoratu crebro. Ego autem *camphoram* non tam extinguendi, quàm refrænandi impetus Venereos virtute pollere puto, afficiendo scilicet immediatè spiritus animales influos, & vim generativam; ratione cujus potestatis etiam in deliriis prodest, & quandoque somnum, inebriando quasi, concitat. In nostra ergo ægra potuisset exhiberi tam in substantia, quàm in potu ordinario, si crebrius incensa in eo extinguatur, qualiter usurpatam contra furorem uteri proficuum fuisse testatur in *Epistola quadam Cent. 2. ad Bartholinum* HORSTIUS Junior. In substantia verò exhibetur sub pulveris forma, unà cum nitratis & saccharo saturni: ex.gr.

℞. Arcan. dupl. Myns. vel nitri antimonial. ℥iii.

Sacch. Saturni, vel potius Cryst. min. Saturni cum spiritu nitri vel acet. destil. acuat. ℥i.

Camph. ℥i. ad ℥ss.

M. f. Pulvis.

Capiatur pro 6. vel 8. dosibus manè & vesperi sub introitum lecti.

Interea ægra simul potu ordinario dicta ratione *camphorato* utatur.

Pertinet huc etiam succus cydoniorum præsertim in affectibus stomachi à mensium oppressione.

Cum his etiam consultum esset, ut in principio larga venæsectio, eaque repetita, instituatur, quippe quæ sæpè in affectibus Venereis magnum habuit usum, notantibus HILDANO in *observ.* pag. 326. & FORESTO lib. 28. *Obs.* 17. in *Scholio*. Quod confirmant vomitus mulierum gravidarum continui, sæpè ad 2. & 3. mensem usque affligentes, quippe omnium optimè venæ sectione curari solent, omni quarta septimana eam repetendo, & quidem menstrualis tempore, & ad ℥ss. sine noxa.

Cum his non inconsultum est inurere fonticulos coxis, non secus ac heic fonticuli in cruribus supra genua, (parte domestica) excitati prodesse, in specie si ægra ejusmodi nubere nequeat, vel nolit amplius nubere. Loco cujus etiam cucurbitulæ scarificatæ, seu vicariæ venæsectionis, substitui possunt, in pedibus tantum usurpatæ.

Præterea in initio curæ non inutilis foret purgatio, cum selectu instituta; adeoque præ cæteris hic convenirent helleborina & Mercurialia: nempe Mercurius dulcis, seu singulare purgans; egregiè in ejusmodi affectibus confert, quippe qui simul visciditates maximè incidit, & crudos succos facit fluidos; nec vi putrefactiva & colliquativa succos corporis nostri afficit; quod probant recrementa, post hujus usum reddita, nunquam ita, ac quidem post assumpta purgantia ex vegetabilibus, foetentia. Ergò.

℞. Extr. helleb. nigri gr. xv. ad ℥i.

Mercurii dulc. ℥ss. veligr. xv. ad ℥i. imò ℥ss. (pro ratione stimulorum addendorum)

Scamm sulphurat. gr. ii. vel. iii.

Cum s. q. ol. Camphor. f. l. a. Pilulæ pro una dosi.

Quibus propinatis altero vel tertio die venæsectio administrari potest.

Remedia ex *camphora* & nitro mirè conveniunt; quibus porro addendus est liquor salicis, verno tempore ex salicibus junioribus incisis collectus. Hi siquidem liquores essentialès arborum, quales betulæ & vitis, plus habent in recessu. Liquor autem salicis detur omni manè & vesperi pro lubitu, qui hic singulare quid in recessu habet, pro impetu Venereo, in sexu sequiori impri-

mis, refrenando; unde & idem in furore uterino specificum est. Adhæc conveniunt quoque *succinata*, si præsertim affectus convulsiivi urgeant, aut horum progressus impediri debeat, internè & externè adhibita, ut liquor cornu cervi succinatus, item oleum destillatum succini, magisterium, essentia, &c. præmissis universalibus Myrrha etiam & myrrhata ad putredinem propter vim balsamicam non incongrua sunt.

Tandem nec Externa hic committenda sunt, ut illa tam mensium & liquoris seminalis retentionem laxent, quàm hujus corruptionem inhibeant, applicanda vaginæ uterinæ per instrumenta ac remedia commoda. Nempe primus Autor talis instrumenti est RHUMELIUS in scriptis suis Germanicis, & post eum GLAUBERUS, quorum uterque jubet, instrumentum hoc C = = = = lignum, superiori parte, perforatum, loco pessorum veterum adhibere: & quidem ita, ut bombax cum liquore appropriato aliquo penetrante, v. gr. spiritu salis ammoniaci cum calce viva, affusoque modico spiritu vini, parato, imprægnatus includatur, sicque instrumentum illud oleo aliquo, ut Chamomillæ, &c. vaginæ uteri intrusum, quò diutius, eò melius, retineatur, ut per foramina instrumenti se insinuet. Et sanè insignem hujus usum ipsemet vidi in juvenculis, defectu mensium aut fluore albo, aut lochiis suppressis laborantibus, item in pruritu Venereo. Cæterum hic liquor specificari potest per myrrham, vel succinum, vel per *camphoram*. Sic aliud adhuc prostat instrumentum, idque efficacius longè, estque illud phiola oblongi & tenuis colli capitulo cujus drachmæ aliquot liquoris cujusdam volatilis appropriati, v. gr. spiritus salis ammoniaci, infunduntur; hinc collo linteis obvoluto, & vaginæ uteri intruso, capitulum phiolæ lenioris ignis carbonibus vel arenæ calefactæ imponatur, ut incalascet, & spiritus atque sal volatile magis actuetur, exitum quærat, & potentius penetret. Halitus enim adscendentes resolvendo, incidendo corrigendo, ac demum educendo humores noxios, ibidem stabulantes vel contentos, optimè operantur. Et profectò hac ratione respondebit spe evenus felicior.

RESOLUTIO ALIA

D. N. JOH. ACOLUTHI,

VRATISLAVIENSIS,

à

B. D. PRÆSID E

correcta

Anno 1679.

Statum ægræ nostræ accuratius perpendenti, prima fronte statim se objicit morbus iste, qui revera Vomitus seu rejectio contentorum ventriculi per superiora est, ubi fibræ stomachi nervæ irritatæ, molesto sensu contractæ spasmus, per os expellunt omnia. Reverà ergò stomachus patitur, quamvis id mali per deuteropathiam miseram affligere, in utero mali radice herente, omnes circumstantiæ persuadeant. Robusto enim marito gaudebat juvenula fœmina, & ipsa constitutionis vegetæ ac succi plenæ ad illas delicias utramque partem sæpius irritantis, quas prurientis juventutis Venereus stimulus dulcissimus suadebat. Dulcedini huic dicatæ muliebris corporis partes, vagina uterina sive uteri collum, quo crebriori Venereæ titillationis adsuete erant perceptioni, eò copiosorem semper rorem glandulis, quibus confertim stipatæ, adesse jubebant.

Fomes morbi investigandus in genitalibus. Persuadent hoc antecedentia. Pars ipsa verò formaliter affecta est stomachus & primæ viæ.

Causa proxima est aura virulenta seu singulariter correpta

pta, ex genitalibus exspirans: quæ uti naturali in statu, in utroque sexu, tam in hominibus quam bestiis, totum corpus immutat, ita præternaturaliter immutata non minoris efficaciar erit. Non ipsa genitura regurgitat; hoc enim pororum impedimento fieri nequit, sed subtilissima saltem aura, odoris instar, sive in vasa sanguiflua sive lymphatica, penetrat, & his mediantibus universum corpus inficit. Sive autem ex utero, sive, quod probabilius, ex prostaticis glandulis, derivetur, perinde est: Nam genitura retenta alteratur, & ad putredinosam dispositionem declinat. Hinc aura salina volatilis oleosa specialis texturæ, in totum corpus penetrat, & contenta ejusdem variè immutat, dumque auræ instar se habet, penetrantissima, activissima, & consequenter fermentativa existit, cum & fermenta in minima mole saltem odorum, instar maximè activa sint, uti odor contagiosus luis Venereæ seu scabiei confirmat. Ab his effluviis odoriferis lymphæ genitalis speciatim genus nervosum afficitur, stomachus vellicatur, unde vomitus; non secus ac mensium suppressionem luere solet ventriculus. Quocunque autem modo, sive mediante saliva, sive mediantibus glandulis, internam ejus tunicam in crustantibus, eò hæc aura penetret, eumque imprimis matutino tempore, dum vegetiores sunt spiritus, ac sensilior evacuatus existit stomachus, ad vomitum stimulat.

Sub vehementi autem illo vomendi conatu contracturam quoque spasmodicam aliqualem, à nervi intercostalis plexu in cervice formato oriundam, cervicis musculis occupasse, non mirum; quæ tamen, sedato vomitus paroxysmo, tandem, lento quamvis gradu, quoque evanescit.

Mala hæc, quò longiore temporis progressu ægram nostram affligunt, eò majore incremento atrociora evadunt. Imminet & mensium obstructionis, & passionum hysteriarum, aliarumque calamitatum, imprimis epilepsiæ, metus, quas evitatura Patiens nostra optimo consilio ad Medici opem confugit.

Sic autem commodissime morbo pertinaci-obviam ibit Medicus, si

1. Vitium liquoris genitalis, & inde elevatae auræ, correxerit.
2. Correctum evacuaverit, & ita dyscrasiam sanguinis & lymphæ restituerit.
3. Ventriculo alterato & irritato appropriatis succurrerit.

Pro his scopis melius obtinendis sub alvi libertate præmittatur venæsectio.

Pro primo Indicato: hinc corrigendum lymphæ genitalis vitium, & ne redeat, præcavendum. Illud præstant imprimis os sepiæ, nitrata, saturnina, camphorata: exem. gr.

℞. Off. sepiæ præp.
Dent. apri præp. ana. ℥i.
Salis absinth. ℥i.

M. pro 4. dos. S.
Palvis stomachalis confortans.
Vell si camphoram ferre possit ægra.

℞. Maxill. lucii pisc. præp. ℥ss.
Lapill. percar. ℥i.
Camph. gr. ii.

M. pro 2. partibus.

Hæc præstabit fonticulus supra genu inustus; uti & studiosa mensium provocatio, ex. gr.

℞. Tincturæ scor. antimonii,
Ess. Myrrhæ ana ℥ss.
M. D. S.

Essentia stomachica: 50. guttæ pro dosi.

Detur mane jejuniæ stomacho, & à meridiè bihorio ante cœnam, in quocunque vehiculo aqueo.

Pro secundo scopo subjungatur Purgans blandum, primas vias abstergens: ex. gr.

℞. Mercurii dulc. ℥i.
Extr. helleb. nigr gr. xv.
Troch. alband. gr. j.

Cum f. q. ess. menthæ f. Pilulæ pro una dosi:
D. S.

Pilulæ purgantes.

Pro dyscrasia sanguinis & lymphæ restituenda usurpentur proximè Essentiæ & Tincturæ.

Pro tertio scopo:

Errmulley. Oper. Tom. I.

℞. Aquæ Menth. ℥ii.
Spiritus theriac. campb. ℥iii.
Salis ammoniaci ℥ss.
Lapill. cancr. præp.
Matr. perlar. præp. ana ℥i.
Syr. rad. helen. ℥ss.
M. f. Potio pro tribus dosibus,
expectando blandum sudorem:
D. S.

Potio stomachica.

Externè phiola applicetur cum camphora. Inungatur regio stomachalis hoc balsamo:

℞. Ol. destill. Menthæ.
Bacc. Junip. ana ℥i.
Ol. dest. Macis,
Caryophyll. ana ℥ss.

Cum ol. nuc. mosch. expr. q. s. f. Balsamus.

Formetur item pessus acrior pro stimulo fibrarum ad ferum corruptum ex glandulis emulgendum.

℞. Myrrhæ,
Aloes ana ℥i.
Rad. helleb. nigr. ℥ss.

Pulverisata misc. cum melle ad debitam consistentiam cocto:

F. l. a. Pessarium,

linceo sericeo raro obducendum.

Applicetur, sæpius movendo.

Quibus omnibus Deus benedicat!

C A S U S LIV.

RETENTIO LOCHIORUM, CUM URINÆ SUPPRESSIONE, ET DOLORIBUS POST PARTUM.

Mulier partu perquam laborioso, in quo ab obstetrice ruditer tractata, filium enititur, quem difficilis & tarda secundinarum, earumque frustulatim discerptarum, exclusio sequitur, Hinc lecto imposta, altera mane graves abdominis lancinantes, & ad pubem usque protensos dolores patitur, repetitis, iisque crebrioribus vicibus recurrentes, similes partus doloribus. Dolet simul acerbissime circa pubis regionem, ita, ut præ dolore tantum non ejulare cogatur. Lochia parvè fluunt, loturæ carniū similia, eaque pauca: urina difficulter redditur, eaque tandem penitus supprimitur. Ponderis sensum in abdominis regione hypogastrica intrinsecus sentit, versus genitalia prementis. Tertia demum die vocatur Medicus, qui ægram, præter enarrata, frigidiusculè circa extrema & frontem sudantem, cum ructu & singultu offendit, simul pulsū celerem, frequentem, magnitudine & vehementia moderatum, durum nonnihil, deprehendit. Efflagitant adstantes curam.

RESOLUTIO

D. N. JOH. CHRISTIANI
TRALLES,

VRATISLAVIASILESI,

Cum Speciali Discursu & Annotatis

B. DN. PRÆSIDIS

Censuræ & Emendationi subjecta

Anno 1676.

AFFECTUS.

Presentem Affectum voco Retentionem Lochiorum: hinc enim ponderis sensus in abdominis regione hypogastrica intrinsecus sentitur, versus genitalia prementis.

P A R S A F F E C T A.

Subjectum patiens hic & uterus, & loca ei adita, quatenus hic à molesto lochiorum hospite irritatur, eatenus simul reliquis partibus propter communem nervulorum truncum partim, partim etiam propter contiguitatem convulsivi motus inferuntur; hinc ructus & singultus, hoc quidem ex affecto diaphragmate; illo vero ex ventriculo in convulsiones abrepto enascente. Ex communi continguitatis lege vesicæ cervicæ, uteri vaginæ superimposita, & in similem spasmum redacta, ad læsionem, & hinc tumorem vesicæ orificii, ex dolore superveniens spasmus malum suppressionis urinæ admodum intendit, liquorem suum salinum difficulter reddit, procedente tamen & in majus profecta crispatura spasmodica, & sphinctere vesicæ se contrahente, penitus urina suppressitur.

C A U S Æ.

Causa proxima totius hujus tragediæ est irritatio utero forsan à frustulo secundinarum relicto, seu peregrino & utero inimico, illata, quam, utpote in parte nervea & membranacea, insequuntur spasmi convulsivi, hinc dolores abdominis lancinantes; omnis enim dolor præsupponit, seu causam efficientem, fibrarum nervearum inordinato motu agitatarum crispaturam. Quoties igitur spina utero infixæ, quam statuo frustulum secundinæ, movetur, toties recurrunt hi dolores. Similes vero partus doloribus esse possunt, partim quia eos partes illæ, quæ tempore partus affliguntur, perferunt, partim etiam, quia partibus his à partu adhuc debilibus levis aliqua injuria illata, ejusmodi dolorificam impressionem affricare potest. Hinc orificium uteri internum à foetu egrediente antea ampliatur summa cum vi & impetu, nunc vero à convulsiva fibrarum contractione constrictum, istum acerbissimum dolorem ad regionem pubis infert. Et ab hac arctiori clausura orificii interni dependet ratio, quare lochia supprimantur, aut parcius saltem emittuntur. Cum enim via sit intercepta, necessariò stagnare illa coguntur in utero, quem pondere quasi premunt. Color eorum loturæ carniū similis innuere videtur constitutionem mulierculæ, ad ferocem cachexiam nonnihil inclinantem.

Causa remota affectus non obscura colligitur ex dura & inertī manu obstetricis, quæ uti forsan læsionem aliquam utero intulit; ita quoque non minus errorem circa secundinas extrahendas commisit.

P R O G N O S I S.

In Prognosi nihil certi statuimus.

Lochiorum retentio per se malum est non contemnendum, præsertim, quia hæc fit in loco sensibili, & propter prægressum partum debilitato, nec non quia per hanc sanguinis stagnationem mille mala excitari possunt.

Accedit, quod jam symptomata quædam observantur mali moris, adest frigus, signum collabescentis fermentationis in massa sanguinea vitalis, & spirituum, tam animalium quam vitalium, eclipsin funestam patientium.

Pulsus frigidus summam innuit debilitatem.

Malum augetur, quod per prægressum partum spiritus & vires sint exantlatæ.

Pulsus celer, frequens, magnitudine & vehementia moderatus, innuit defectum motus sanguinis, tam externi, scilicet circulatorii, quam interni, nempe fermentativi.

Vocatur Medicus quasi post festum, cum ægræ res in pessimo vertantur cardine.

Spes quædam tamen elucescit sanitatis pristinæ recuperandæ, modò mature eliminantur sordes lochiorum, & ataxia spirituum sistatur.

C U R A.

Hinc developimur inadvertenter ad ipsam Curam, quæ censuatur Mercuriales, quatuor præfixas habet Indicationes: ut nimirum

1. Ægram in paroxysmo syncoptico quasi constituto refocillet.
2. Dolores lancinantes & spasmos leniat.
3. Lochiorum fluxum promoveat.
4. Et si quid læsionis utero illatum fuerit, istud sanet.

Refocillabunt ægram spirituosæ penetrantia, & si ferre potest odorata, & gr. spiritus rosarum ambratus, vinum generosum naribus admotum, misturæ ex aquis destillatis fragrantibus & cordialibus confectæ, tinctura coralliorum cum spiritu cordis cervi confectæ, aqua Reginæ Hungariæ, quam admodum commendant le FEBURE in sua Chymica.

Dolores sistemus per anodyna & opiata, laudanum hyssericum, &c. Camphoræ vim anodynā commendat de MAYERNE in Tr. de Arthrit. pag. 41. per sulphura antimonialia, cinnabarin antimonii, tam nativam, quam crudam; verb. gr.

24. Corall. præp. ʒi.

Cinn. antimonii gr. vi.

Laud. opiat. per ferm. par. gr. ii.

M. f. Pulvis:

Div. in 5. part. æquales.

Pro promotione lochiorum, si vires ferant ægræ, suadeo venæsectionem in pede instituendam: cui subjungantur remedia; lochia & secundinas pellentia, additis blandis diaphoreticis. Et quidem ex regno vegetabili colocynthidis, ex cuius pulpa & succo viridi, seu viridi colocynthide, cum aliis unguentum parat ZACUTUS LUSITANUS lib. 2. Praxis Admir. Observ. 162. & JULIUS CÆSAR CLAUDINUS Consult. 151. & colocynthidis vapor per muliebria exceptus magnarum æstimatur à TIMÆO de GuldenKlee lib. 4. cap. 9. Alii commendant dactylorum ossium rasuram cum vino epotam. Decoctum florum chamomillæ nostratis cum paucis corticum aurantium cum cerevisia paratum, vel solitariè assumptum, vel si propinetur in eodem Elixir proprietatis, est egregium euporiston. Huc refertur essentia sabinae, essentia ad menses, essentia castorei, asæ fœtidæ; &c. Decoctum matricariæ non est inelegans, uti omnia alia, quæ, verbigratia in suppressione mensium commendantur, scilicet abrotani folia & summitates, aloë, & allium; quorum posterius non solum ratione aquæ destillatæ commendat HARTMANNUS Prax. Chymiatr. pag. 282. sed tritum quoque, & cum oleo spicæ loco pessarii applicatum à SENNERTO de mensium suppressione præscribitur. Radix armoraciæ etiam egregiè stimulat. Mulierculis notissimæ sunt vires artemisiæ rubræ potissimum, cujus summitates in omnibus uterum evacuantibus & roborantibus medicamentis observantur. Fæculas bryoniæ video nonnunquam in officinis pro scopo pellendi menses & lochia aliis medicamentis admixtas, de quibus verò quid sit sentiendum, vid. ZWELFERI Animadvers. in Pharmac. August. Croci vires hoc in passu novissimæ sunt; hinc vel in substantia, vel in extracti forma, frequentioris est usus. Singulares, est quod de corticibus granatorum, quorum vis adstrictoria aliàs innotescit, observavit BARTHOLINUS Cent. 4. Hist. 34. LANGELOTT in Epist. ad Bartholinum Cent. 3. epist. 36. & TACHENIUS Hippocr. Chym. cap. 17., ita tamen, ut non in substantia, sed in decocto assumantur, utpote quæ ratione virtus eorum salina seu vitriolata & aperiens extrahitur, relicta altera eorum parte adstrictoria. De cortice juglandum vid. quæ habet LANGELOTT in Bartholini Cent. 1. Epist. 63. Myrrha nobile in hoc casu est remedium, unde trochisci ejus, item tinctura seu essentia myrrhæ cum spiritu vini tartarificato parata, dicta b. m. LANGIO tinctura salutis, non spernenda. Egregium exinde fit remedium sequens:

24. Ess. Myrrh. cum spiritu vini tartaris. par. ʒiij.
Tincturæ antimonii ex scor. ʒi.

Misc.

Dosis 40. vel 50. gutt. bis vel ter in die.

De Per-

De Persicaria maculata notandum, hujus flores collectos luna existente in leone, & in umbra exsiccatos, in pesti formam redactos vel recenter applicatos, menses & lochia strenuè movere: fuit quondam D. Dn. Michaelis b.m. arc. an. Tinctura tartari, & terra foliata tartari, non eximende veniunt. Quibus adungi possunt varia composita, verb. gr. elixyr proprietatis cum alcali paratum, tinctura aloetica Timæi, elixyr uterinum Crollii, decoctum Quercetani de milio solis, &c.

Ex regno animalium plurima laudantur. Quid de oculo lepore ad partum & consequenter etiam ad lochia promovenda, habeat du HAMEL, vid. Tract. de Affect. Corpor. pag. 308. Quid de pulvere HELMONTII ex jecinore anguille sit sentiendum: vid. HAMEL l. a. pag. 310.

His omnibus merito præferenda myrrha, borra: Veneta zedoaria; &c. Hinc fiat talis pulvis:

24. Myrrh. el. gr. xv.
Borrac. ʒj.
M. pro 2. dosibus.
24. Aquæ Matricar.
Card. bened. ana ʒiʒ.
Ess. Myrrhæ ʒiij.
Borrac. Venet. ʒj.
Sal. volat. Cornu Cervi gr. ix.
Syr. flor. Calend. ʒvj.
M. f. Potio.

Capiatur subinde cochlearim.

Sin adhuc urgeant gravia symptomata vel dolores, mixtura huic aliquid de laudano opiato addi potest.

Quibus internis remediis non inconvenienter addi possunt externa, v.g. litus, suffumigia, fomenta, sacculi: v.g. fiat Litus talis:

24. Ol. Cheirin. ʒss.
Heraclin. Rul. ʒj.
Destill. Cumin.
Bacc. Junip.
Succini ana ʒss.
M. pro Linimento.

Quo inungatur abdomen ab umbilico usque ad genitalia, litum superimponatur later calefactus. Vel fiat talis sacculus probe calefactus.

24. Fol. & summ. abrot.
Fl. Chamom. ana M. iij.
Herb. ablinth. M. ij.
Rad. angel. ʒiij.
Sem. 4. cal. maj. ʒvj.
Bacc. Junip. ʒij.

Includantur sacculi duobus, & himutuò, quam calidè fieri potest, imponantur abdomini.

Suffus ex myrrha, benzoe, colocynthide, ex trochiscis de myrrha, styrace calamita, bdellio, scoritis reguli antimo. nii, & similibus, sunt egregii.

Instrumentum Glauberianum hic suo modo etiam in usum vocari potest.

Tandem clysteres ex emollientibus & stimulantibus ano injecti commendantur à BARTHOL. Cent. 3. Hist. 19. TIMÆO in Cal. pag. 277. & THOMA BURNET in Thes. Medic. Pract. pag. 572.

Deus benedicat his ex alto!

DISCURSUS & ANNOTATA

B. DNI. PRÆSIDIS,

Affectus præsentaneus est complicatus, cujus primarius morbus est Retentio lochiorum, secundarius suppressio urinæ, quibus accidentariò Dolores post partum superveniunt: quæ inter tamen lochiorum suppressio omnium periculosissima est.

Ratione retentionis lochiorum Pars affecta est speciatim uterus; ratione urinæ suppressionis vesica? & ratione dolorum partes vicinæ membranosæ cum nervis contiguæ, quæ ex sensu molestiæ irritantur, hinc dolores lancinantes ex earum spasmò oriuntur.

Cæterum, quoad obiectum vellicans occasionale, nempe frustulum secundinæ retentum, uti Dn. Resolvens putrimuller. Oper. Tom. I.

tat, de eo dubitatur merito, an id lochiorum, suppressionem inferre queat? præsertim cum Practicorum observationes testentur, inde potius uteri hæmorrhagiam concitari, tantum abest, ut suppressio lochiorum nasci queat.

Fundamentum totius rei potius consistit in uteri irritatione, quatenus secundina ob sui putredinem irritat. Frustula enim secundinæ relicta potius nimiam hæmorrhagiam uteri, quam suppressionem lochyorum inferunt, quibus nempe ad corruptionem putredinalem labentibus uterus ab obiecto tali molesto irritatur, crebrius convellitur, & sanguinem aliàs fluentem enormiter effundit: quales casus sæpius observavi, & confirmat etiam SYLVIVS in Praxi. Et sanè par ratio hic est cum mola post partum retenta, quæ uterum etiam ad nimium lochiorum fluxum disponit, observante AMATO LUSITANO Cent. 7. Curat. 54. aut quando fœtus mortuus retentus, aut aliud quid præternaturale in utero retentum, infert copiosam uteri hæmorrhagiam ante partum, quale quid observavit RIVIERIUS Cent. 3. Observ. 24.: item quando fœtu, speciatim ex terrore matris, dum adhuc gravida est, debilitato, subinde gravis hæmorrhagia infertur, ut adeoque verissimum sit illud vulgare, impossibile scilicet esse, ut fœtus, apparente ejusmodi hæmorrhagia uteri, bene se habere queat. Potius ergo frustulum secundinæ in utero retentum uberiores lochiorum fluxum, quam eorundem suppressionem, infert. Aliàs mulier nostra difficili partu filium enixa est, & secundinæ difficiliter & tardè separatæ sunt; sub qua frustulatio contingente, & tardiore secundinarum extractione, necessariò diuturniorem moram traxit in sella, unde necessariò aer ambiens inclementior uterum ingressus, occasione frigoris lochiorum sanguinem ad sui grumescentiam disposuit, hinc que suspicio enascitur, ex sanguinis præprimis grumis in utero collectis mulierem omnia mala contraxisse: Ut adeoque Causam proximam irritantem arbitrer esse sanguinis grumos in utero relictos, à quibus irritetur uterus, unde dolores spasmodici, quales sub partu tempore adsunt, quatenus convulsiones oriuntur seu spasmii.

Causa Remota est frigus aeris externum, sub partu laborioso & tardiore secundinarum exclusionem ab utero susceptum. Nempe notum est, nil puerperis hostilius esse, tam in quam post partum, frigore aeris ambientis, aut potu frigidiori assumpto: utraque enim ratione affecto utero puerperis mox grumescencia sanguinis introducit, & consequenter lochiorum fluxus supprimitur: atque ab his grumis ortus est postmodum sensus ponderis, prementis regionem hypogastricam, quod observavi aliquoties. Nuperrimè ex hac causa quædam mulier patiebatur sensum ponderis prementis saltem in regione hypogastrica sinistra, quæ symptomata tamen post resolutionem & evacuationem grumorum sanguinis evanescebant. Porro hi ipsi sanguinis grumi non solum faciunt sensum ponderis in utero, sed huic etiam molestiam, qua ipse irritatus dictos dolores, quos sub ipso partu labore observamus, patitur: revera enim iidem sunt dolores in & post partum, differunt saltem ratione temporis & subiecti inferentis; quippe post partum ab alia occasione oriuntur, in partu autem à fœtu causantur. Interim quoad essentialem fiendi modum, utrique conveniunt, oriundi simpliciter ex uteri impetu convulsivo seu spasmò, quo ex ambitu ad centrum contrahitur, sub qua contractione omne quod retinet, ad exclusionem disponitur.

Confirmat hæc in specie sudor frigidus circa ea loca, ubi sanguinis grumi hærent, observabiles nempe in regione hypogastrica, quale quid etiam fœtum mortuum gerentes patiuntur. Interim ejusmodi frigidus sudor etiam, si malum ulterius progreditur, circa extrema apparet.

Tandem sanguinis lotura carniū similis evacuatus, est saltem serum, à grumis sanguinis secretum, sanguine tamen nonnihil tinctum, hinc loturam carnis refert.

Retentionis autem urinæ in nostro casu causa proxima est læsio genitalium circa extrema loca, ex rudi & imperita manu obstetricis facta; quale quid frequentius accidit, ita, ut nunc dilaceretur collum vesicæ, unde incontinentia urinæ incurabilis; nunc verò pudenda externa, aut vagina uteri læduntur, unde, hæ partes à partu difficili intumescunt.

In nostro casu probabile est, vaginam uteri circa insertionem meatus urinarii fuisse lœsam, adeoque hinc tumefactam, qui tumor occasione aeris frigidi suscepti majus incrementum cepit: cui accedit, quod lochii suppressi ipse tumor acceverit ac ita urina suppressa fuerit, præsertim cum quoque ex nostra observatione interdum ipsa lochia occasione urinæ suppressæ supprimi queant. Ex hoc ergo tumore cervicis vesicæ etiam consequenter urinæ retenta & dolor acerbus oritur circa regionem pubis, si cervix vesicæ lœsa & tumida istum dolorem asperiores reddit. Ex his ergo, quando nempe ex lœsione externa, hinc tumore & frigore, impeditur sphincteris vesicæ apertura, & urinæ emissio, fit, ut spasmus uteri ulterius continuentur, & sphincter vesicæ convulsivi quid patiat, hinc suppressio urinæ intenditur. Dum autem partibus istis totius uteri, dolore lancinante constrictis, conatus & motus ejectorius efficitur, non stringitur, sed ampliatur orificium uteri inferius: similis hic est motus, ac quando alvum exoneramus, stringitur superius intestinum rectum, inferius verò ampliatur podex; vel quando urinam mittimus, tota vesica contrahitur, orificio hujus libero manente; aut quando vomiturimus, totus ventriculus contractus impetu facto superius orificium pandit; sic uterus ubique circa centrum contrahitur, sed ita, ut omnes linæ ad orificium terminari videantur; hinc uteri orificium ante partum clausum, per partus dolores ex utero contractura hîscere & aperiri solet.

Frequens etiam est, quod mulieres à partu tumidum abdomen retineant, quasi adhuc unum foverent fœtum, in acceptis ferendum vel aeris frigori externo, vel potui frigidiori hausto, & vix curabile est, nisi maturè fiat, aut alius demum partus superveniat; & tumorem illum solvat.

PROGNOSIS.

Quoad *Prognosin*: periculosum malum est, ob ructus & singultum: imò ratione suppressionis lochiorum merus est, ne *febris acuta* superveniat; sicut ratione urinæ suppressæ vigilæ & motus convulsivi, aliaque graviora symptomata, metuenda. Interim spem curationis adhuc facit; quod adhuc prodest aliquid lochiorum sub forma lœturæ carnis; innuit enim adhuc orificium apertum: item quod dolores post partum adsint, qui innuunt spirituum motum ad uterum, molientes nîsum excretorium lochiorum.

CURA.

In Cura

1. Lochiorum excretio promoveatur; partim stimulantibus moderatè aromaticis, sale volatili oleoso turgidis, & utero nervoso ex frigore suscepto lœso amicissimis; partim sanguinis grumos resolventibus. Dictum: stimulantibus moderatè aromaticis; nam sola stimulantia non sufficiunt. Quò magis stimulat, eo magis dolores abdominis lancinantes intenduntur sine successu; quia sanguis est ad sui excretionem ineptus. Unde simul propter frigus externum susceptum, uterum nervosum lœdens, moderatè aromatica, sale volatili oleoso turgida, usurpanda: quibus si addantur sanguinis grumos dissolventia, facilis sequitur lochiorum excretio.
2. Urinæ excretio promoveatur blandè stimulantibus, & aromaticis discutientibus, propter tumorem, lœsionem, frigus susceptum, &c.
3. Dolores, si urgeant nimii, blandissimè sistendi, non autem penitus sopiendi sunt; aliàs enim motus constrictorius uteri, & sanguinis grumosi ejectorius cessabit. Interim tamen, ne dolores nimii persistant, mitigandi quodammodò erunt.
4. Urgenti symptomati, nempe *virium prostrationi*, maturè succurrendum.

Pro excretionem lochiorum excellunt ut plurimum amara, de natura salino-urinosæ, eaque tam volatilia quam

fixa, ut myrrha, quæ est unum ex optimis specificis; hinc crocus, cinnamomum, borra, &c. *Dn. Resolventis* formula pro duabus dosibus non sufficit; præscribere debuisse sequenti modo:

℞. Borrac. ʒss. ad ʒij.

Myrrh. el. gr. xvj. ad ʒj.

M. pro 2. dosibus,

in aqua Cinnam. sumendis.

Convenit item colocynthidis correctæ, quod facit sal tartari hoc enim, & similia salia fixa corrigunt vim laxativam colocynthidis, ut remaneat corpus insipidum. HELMONTIUS dicit, colocynthidis vis venenosa si corrigatur, fieri exinde remedium ad morbos chronicos egregium. Partum autem & lochia pellentibus remediis semper spirituosæ, ut aqua cinnamomi &c. addantur, uti rectè LINDANUS monet. Oleum destillatum Heracii *Rulandi*, destillatum ex ligno coryli per descensum, sed legitimo tempore scisso, RULANDO in quibusvis affectibus convulsivis est egregium medicamentum; in specie fœtum mortuum pellit: loco hujus non inconvenienter oleum ligni buxi, ceu mirabile anodynum, propè dixerim narcoticum, vel oleum destillatum succini, potest substitui.

Pro grumis resolvendis conveniunt lapilli cancrorum propter vim traumaticam; item *Decoctum artemisie* in cerevisia, addito ctoco. Mulieres recipiunt cerevisiam calidam, & crocum addunt largiter: quam vocant *jusculum Croci*, & est egregia ad pellenda lochia & menses; nam etiam RIVERIUS lethalem uteri hæmorrhagiam ex abusu croci excitatam, in *Observ. allegat.* habet.

Tinctura antimonii ex scorpiis reguli ejusdem à ʒss. ad ʒj. est egregia: vid. ANGELUSSALA.

Ego puerperam nostram sic curavi: Scilicet primitus ut promoverentur lochia, penitus ferè suppressa, præscripsi:

℞. Borrac. Venet. ʒss.

Mirrha gr. xvi.

Croci ʒss.

Mista div. in 2. part. æquales.

Primam dosin cepit manè; alteram autem, quia erat nauseosa, evomit. Vespero ob id præscripsi:

℞. Salis card. bened.

Artemis. ana ʒss.

Borrac. Ven. ʒss.

Misc.

Div. in 2. part. æqu.

Primam dosin cepit vespere, alteram à media nocte.

Interim cum his internis externè ordinavi lîrum sequentem:

℞. Ol. Cheirin. ʒss.

Destill. Cumin.

Bacc. Junip. ana ʒj.

Misc.

Quo calidè crebrius locum à regione umbilicali ad pubem & regionem hypogastricam illinendum jussi; hinc post primam dosin pulveris assumptæ sub vespere satis commodè profluxere lochia, quæ tamen insequentibus diebus penitus iterum supprimebantur, cum ventris tumore, intensoque dolore, durus erat tactui venter, sudorque frigidus supervenit, hinc collegi, sanguinis adesse grumos in utero, hoc malum deteriorantes, pro quibus solvendis præscripsi:

℞. Aqu. Cheresol.

Matricar. ana ʒss.

Acet. vini acerr. ʒvj.

Lapill. Cancr. præp. ʒj.

Myrrha gr. xv.

Laud. opiat. gr. iʒ.

Syr. artemis. ʒvj.

Misc.

Capiebat hanc potionem sæpius cochleatim, probè agitando.

Cum usu hujus Potionis simul externè sequentes *sacculos*, repetitis vicibus calidè abdomini applicandos præscripsi:

℞. Herb. absinth.

Fl. Chamom. ana M. iij.

Herb.

Herb. matric. M.ii.
Rad. angel. ℥iii.
Sem. 4. cal. maj. ana ℥ii.
Bacc. junip. ℥i℥.

Concisa & contusa includ. *sacculis duobus*, qui, ut dixi, repetitis vicibus abdomini calidè applicabantur, præmisso præfato linimento, una cum ista mistura internè usurpanda. Hinc sanguis benè dissolutus, copiosè evacuatus est, ægraque benè purgata. Habet etiam usum hæc mixtura in vulneratis à casu ab alto aliisque vulneribus, sanguine grumoso: in specie post partum egregiè convenit mulieribus, tam promovendo lochia à partu restituta, & sanguinis grumos dissolvendo, quàm vi vulneraria consolidando læsionem utero inductam, imprimis quando suspicio lacerationis aut gravioris circa extimam regionem læsionis adest, & multiplex experientia confirmatus commendo.

Superiori æstrate mulieri cuidam per tres dies & noctes gravissimo partu laboranti, & tandem fœtum mortuum excludenti, atque post partum, cum graviter partes uteri essent læsæ, & urina non contineretur, lochia simul supprimerentur, & sanguinis grumi nascerentur, dictam Mixturem felici cum successu dedi; sed sexto die superveniebat purpura alba, cui hac mixtura propter additam myrrham egregiè profuit, ut acetum susciperet, nullo tamen, propter lapillos cancerorum, impedimento erat. In hac puerpera, cum adhuc urina supprimeretur, pro hujus promotione ordinavi illud experimentum *Foresti*

℥. Herb. Parietar. M.ii.
Cheresol. M℥.

Incisa coqu. cum s. q. aquæ ad consistent. pultis, adde

Butyri rec. non salis. ℥ii.
Ol. scorpion. ℥i℥.

Dest. terebinth. ℥i℥.

M. f. Cataplasma,

Pectini calidè applicandum, quo copiosè fluxit urina.

Præ cæteris, puerperis conveniunt lapilli cancerorum & reliqua remedia ex cancris, propter vim vulnerariam, juxta *HELMONTIUM Tr. Lithias.*, qui eadem cancrina matribus ex partu læsis commendat. *Tinctura coralliorum* cum spiritu cordis cervi puerperis in virium prostratione & multis casibus conveniens est remedium, imprimis ubi suspicio febris malignæ: ut & vini generosi odor & potus egregius est ad refocillationem, modò non frigidum bibant puerperæ, quin potius illud generosum sub tepidè haustum lochiorum fluxum egregiè promover, & vires partu fractas reddit, simul tamen imminuit lactis abundantiam. Hinc nutricibus non dandum vinum propter lactis defraudationem; læpius enim observavi, nutrices conductitias, si quando occasione data vinum hauserint, etiam parum, lactis defectum ad aliquot dies passas fuisse.

Venæsectionem in pede institutam pro promovendis lochiis, si vires id ferant, commendat *Dominus Resolvens*. Verùm cum vires sint prostratæ, & ægra nostra malum patiatur occasione grumorum sanguinis, venæsectio vix locum habebit; quin potius solvendi erunt grumi. Quod si autem adest suspicio febris ardentis supervenientis, ægraque simul constitutionis habitioris fuisset, tunc illi à posteriori prævenire possumus venæsectione in pede administrata; hæc enim cum myrrhæ crebriore usu interno pro lochiis pellendis est egregia; uti nuper observavi in fœmina, partu octavo fœtum mortuum abortiente, cui supervenerunt angustia præcordiorum, *Dressens*, *Ungst*, æstus, sitis, &c. cum lochiorum suppressione; unde suasi eidem venæsectionem in pede, & statim sub ipso actu venæsectionis denuò lochia redibant, quæ sub fluxu, myrrham interne exhibendo, movebantur. Et hæc quidem venæsectio in lochiorum suppressione cum febre ardente, aut cephalalgia graviore conjuncta, instituenda est longè melius in pede, quàm institui debet & solet.

Pro doloribus post partum urgentibus detur decoctum *chamomille vulgaris cum corticibus aurantium*, quamvis sit nonnihil nauseosum, additis ad stimulandum *myrrha & artemisia*: quæ tam pro purificando utero post par-

tum, quam mensibus pellendis optima est, crebrius usurpata, saltem vulgariter decocta. Cortices granatorum alcali continent instar gallarum; quando ergo operantur in his casibus, sit per accidens. Quò etiam pertinet propter myrrham & aloen elixyr proprietatis; uti & essentia castorei, alæ fœtidæ, myrrhæ, &c. conveniunt, præprimis cum spiritu salis ammoniaci vinoso paratæ, qui optimè subiecta resinosa solvit in essentias. Remedia, quo magis alcalia sunt, eò potentiùs lochia promovebunt.

Externè forus & sacculi calidi ex aromaticis in doloribus, ex spasmiis partium nervearum natis, sunt optimi: imponatur illito prius hypogastrio oleo destillato succini & baccarum juniperi, *ANGELUS SALA in Tern. Bezoard. cap. 22. pag. 224.* commendat nodulum seu pessum ex foliis persicariæ, cum pulvere hellebori nigri paratum, & cum s. q. tragacanthæ exceptum. Sed an persicariæ, speciatim exsiccata, tanta vis sit adscribenda, dubitatur; quin potius effectum tribuo radici hellebori nigri, cuius pulvis ad ℥ss. in forma noduli vaginæ uterinæ inditus mirificè stimulat menses & lochia. Ad huius imitationem vid. *ZVVELFFERUS in Pharm. Reg. pag. 139.* Jubetur aliàs oculos leporis, mense Martio capti, secundum *RIVERIUM in Pr.*, cum pipere asservatos, applicari vertici, cujus medio pellitur fœtus: vid. *HAMÆL*, & *D. MAJOR in Tr. de Inunet. Vertic. §. 6.*, non secus ac quoque his adstipulatur *MACASIUS in Promptuar. Mater. Med. P. 5. cap. 24. §. 15.* Interim operandi modum se nescire fatetur *HAMÆL*, & nos cum eo: Contra de jecore anguillæ partum promovente dictus *HAMÆL* contrarium habet, utut *HELMONTIUS*, *PANAROLLUS*, & *BOYLE in Phil. Experiment.* testentur, hoc jecur ex omnibus speciebus ad partum promovendum optimum esse. Et posito, ejusmodi specifica interdum fallere, ob tot intervenientes circumstantias alias, etiam optima remedia frustrantes; non tamen specificorum existentia inde omnino neganda: Sic enim radix jalappæ est purgans, utur huic vel alteri melancholico frustra propinetur. Insulsa ergo est opinio & objectio, non est remedium specificum cur? quia non semper iuvat: Quemadmodum enim in maioribus negotiis, ita etiam hic minima circumstantia usum medicamenti specificum turbare potest, mille licet alias experimentis probati.

Præ cæteris suffusus ex colocynthide & serotis reguli antimonii, vel suffusus ex urina putrescens, sunt optimi in lochiorum suppressione; leni enim calore mox avolat acerrimum sal volatile, iniciendo urinæ siliem candefactum, vel ferramenta candefacta; aut affundendo eandem lateribus, & hinc per infundibula sal volatile sub forma vaporis in uterum excipitur, & in lochiis & mensibus suppressis erit magnarum virium. In recenti urina elevatur phlegma, & magma salso-urinosum remanet, in quo sal volatile ab oleo concentratum est. Instrumentum *Glauberi*, à *Dn. Autore Resolutionis* commendatū, in casu nostro nobile est.

Tandem clysmata actiora, partim removendo fæces in intestinis, partim per consensum contiguitatis stimulo simul, partim irritando uterum, partim difficilem promovent; quin iam admodum conducunt etiam illa pro lochiis stimulantibus, uti rectè annotat *TIMÆUS de GuldenKlee*.

Puerpera quedam secundo à partu die gravi terrore percussa, subito intensissimum corporis æstum cum gravi cephalalgia, lochiorum maximam partem suppressione, mammarum turgescencia, & post 4. vel 5. horas incipiente delirio, incurrit: hinc ante omnia venam in pede aperiendam jussi, licet esset hora 9. vespertina; simul præscripsi;

℥. Cornu Cervi sine igne ℥ss.

Antimonii diaphor. ℥j.

Myrrh. el.

Sal. vol. Cornu Cervi ana gr. vj.

M. f. Pulvis:

Div. in 2. part. æqual.

Unam cepit vespere alteram appetente diluculo.

Manè sequenti cum melius haberet, propter vaga abdominis symptomata usurpatum clyisma carminativum cum euphoria. Internè ordinavi;

℥. Cornu Cervi sine igne ℥j.

Bezoard. miner. gr. xvj.

Salis absinth. ℥ss.

M. pro 2. dosibus.

Hinc

Hinc altero mane satis commodè habet, pulsu licet admodum febrili adhuc existente: quibus tamen & similibus insistendo, & in declinatione essentiam quoque myrrha cum tinctura tartari frequenter usurpando, tandem convaluit.

C A S U S LVII.

FEBRIS LACTEA.

Mulier juvenula, secunda vice puellam enixa, optimè à partu se habet, & cum primà vice ipsa lactasset fatum, ast, hac secunda vice laboris pertasa, nutrici negotium committit: sed die à partu nona, die Saturni, media nocte intenso corripitur aestu, cum siti & cephalalgia; atque anxietate, mammae, ante à lacte moderatè repletae, immensum tamen & turgent, dolent insigniter, & indurantur. Appetente aurora, praedicta, praeter mammarum, symptomata evanescent per levem sudorem, superstitè saltem insigni virium prostratione, appetituque dejecto. Vocatus Medicus die Solis, praeter externa, mammis imponenda, praescribit tanquam sudoriferum pro febre & pellens pro lochiis.

℞. Cornu Cervi sine igne 3℔.

Myrrha gr. viii.

Salis absinth. 5℔.

M. pro 2. dosibus.

A meridie hora tertia capit unam dosin, unde omnia supra dicta redeunt symptomata, similium ferocia perdurantia ad mediam noctem; quo tempore alteram assumere debet dosin pulveris, dubitat tamen, an hoc facere debeat? Insequente die luna melius habet, mammae minus dolent, lac per papillas effluit, nox insequens quiescit, unde etiam die Martis optimè habet: sed à meridie hora quinta gravi corripitur horrore, per horam durante, insequitur aestus gravis per aliquot horas, mamma sinistra intumescit de novo, induratur, dolet insigniter, post mediam noctem remittunt symptomata febrilia, mammae affectibus eodem tenore durantibus. Die Mercurii bene se habet, ut & die Iovis, sed hoc ipso à meridie eodem tempore rigor & aestus cum reliquis symptomatibus redeunt, dextra simul mamma duratur, tumet, dolet, & speciatim tumor durus, magnitudine fere instar ovi gallinacei, in ima mammae parte paulo profundius tactu percipitur: post mediam noctem symptomata cetera remittunt, mammarum saltem pathemata affligunt: agra ipsa fatetur, appropinquante paroxysmo se prius aliquid in mamma percipere. Efflagitat ergo Curam.

RESOLUTIO

DN. GEORGI ERNESTI

MEUSELII,

LUCCALUSATI,

Cum

Speciali Discursu & Annotatis

B. DN. PRÆSIDIS,

Censuræ & Emandationi subiecta

Anno 1675.

Non sanè abs re foret dubitasse, quo nomine praesens puerpera febris venire debeat? sunt enim non pauca Febris lacteae indicia. Nihilominus & alia dat argumenta idem casus, quæ plustertiana, quam febre lactea agrotam laborere asserunt: modus certè invasionis idem fuit, ac alias esse solet lacteae febris. Solenne hoc est, ut eodem tempore, quo copiosius lac ad mammæ fertur, conquerantur puerperæ

de intemperie febrili, aestu, siti, ac mammarum plenitudine, hinc distensione & dolore; atque hoc ipsum est, quod febris lactea voce significatur, quodque nostra accidisse sibi fatetur. Tempus attamen invasionis dubitandi ansam ministrat primum: vix enim unquam circa nonam diem accidisse lego sed ordinari circa tertium vel quartum diem: deinde nec per vices puerperam aggreditur, nedum tertio quoque die se sistat, prout nostra à die decimo ad duodecimum & decimum quartum contingit. Eodem ergo, quin potiori iure, quo lactis febris audit, tertiana dici meretur; hujus ceterum requisita verè omnia servat; lacteam contra febrim qui didicitabit, saltem maxime irregularem esse, non inficiari poterit.

C A U S A.

Causam hujus anomalie, qui lactis affluxum dicit impeditum, impositaque à Medico externa (Repellentia procul dubio) incusat, intermissumque lactationis negotium (cum VVILISIO de Febr. pag. 275.) intendisse ac continuasse febrim lacteam credit; eidem cum SENNERTO Prax. lib. 4. cap. 1. refero, ex coagulato in mammis lacte (quale quid durus tumor in hac puerpera dextra demonstrat mamma) lacteam non amplius febrim, sed symptomaticam oriri. Neque verò hoc cuiquam mirum videbitur, cum notissimum sit, quæ cunque excernenda diutius retenta, v.g. sudoris materiam ac insensibilis transpirationis, facillimè febrim, inferre, simulque frigori, calori, siti ac cephalalgia, viam sternere. Idem ergo ex lactis suppressione contingere posse, non negandum est, praesertim cum ipsa testetur puerpera, ante paroxysmum quicquam in mammis se presentare. Quicquid tandem hujus sit, ac quocunque nomine affectus hic indigitetur Cura sanè ejusmodi febris lactea non erit distincta à tertiana puerperæ, his symptomatibus stipata.

P R O G N O S I S.

Videtur quoque, quod Prognosin spectat, equalis eventus hujus mali, modo lactis coagulatio citò tollatur, antequam nempe in abscessum degeneret, augeatque periculum.

C U R A.

Tres itaque scopi primario considerandi veniunt.

1. Febris.
2. Mammæ tumor.
3. Lactis proventus uberior.

Priori intentioni accommodantur sudorifera, antimonium diaphoreticum, arcanum duplicatum, item salia volatilia Cornu cervi, urine, &c. item spiritus salis ammoniaci urinosus, omniaque reliqua, quæ alias in febris tertiana Cura praescribuntur.

Satisfaciunt quoque eadem sudorifera alteri scopo, atque prout alcalia sunt, facile istud acidum lactis coagulum absorbeant, dumque lac pristina iterum restituetur fluiditati, tumor spontè disparebit, praesertim si, quod necesse est, extra quoque imponantur res solventia ac discutientia, quemadmodum in usu sunt dulcamara, cicuta, chelidonium majus, petroselinum, anthum, abrotanum, fœniculum, semen nigella, lini ac fanugraci, item flores chamomilla ac meliloti. Posset & emplastrum de galbano crocatum Mysichii, atque gummi ammoniacum mammis superimponi.

Tertium, quod cupit egra, est, lactis copia sibi ut tollatur. Hunc in finem communiter alfinem contusam in folio brassicae capitatae mammis applicant mulieres. Potest & emplastrum de spermate ceti Mysichii hic adhiberi, non secus quam sacculi oryza repleti. Commendant quoque nonnulli vincam pervincam cataplasmatibus forma dorso applicatam, item solum decoctionis radices apii, seminum cumini & coriandri. Maxime huc spectat cataplasma, quod adeo decantat PAULI in Quadrip. Botan. pag. 396. paratum ex mentha sicca & ruta paribus aequalibus, tantillum seminis carvi addendo, atque in aceto cerevisiae decoquendo. Atque hoc unicum externè sufficere posset. Internè verò praescribatur.

℞. Sem.

℥. Sem. card. Mar. ℥iii.

Vitic. ℥i.

Cum s. q. Aquæ Menthæ f. Emulsio:
adde

Antimonii diaphor. ℥i.

Cornu Cervi sine igne ℥ss.

Misc. & edulcoretur aliquantulum

Rotulis manus Christi perlatis.

Dentur pro una vice cochlearia ii. vel iii. repetantur post
biborium.

Vel

℥. Aquæ card. bened. ℥ii.

Fœnic. ℥i

Spiritus salis ammoniaci anis. ℥i.

Sal. vol. Cornu Cervi ℥i.

Syr. card. bened. ℥ss.

M. f. Potio pro duabus vel tribus vi-
cibus.

In forma pulveris.

℥. Cornu Cervi sine igne ℥ss.

Arcan. dupl. ℥i.

Sal. vol. succin. gr. v.

M. f. Pulvis.

Div. in 2. part. equal.

Hic usurpatis mediante auxilio Divino de reconvalescentia
ægræ huius non dubitandum est.

DISCURSUS & ANNOTATA

B. DN. PRÆSIDIS.

Probabilissimum videtur, *Affectum primarium esse Fe-
brim lacteam*, per accidens typum tertianæ observantem.
Scilicet variant subinde hæ ipsæ febres lacteæ, partim ra-
tione idiosyncrasie subjectorum, & partim varietate cau-
sarum externarum, ita ut illæ non semper præcisè ter-
tio vel quarto die à partu inchoent, & septimo median-
te sudore finiantur; sed frequentius evenit, ut etiam
die septimo vel nono demum invadant, præsertim illas
fœminas, quæ non ipsæ lactant; & in quibus non ube-
rior est lactis excretio ex uberibus ut plurimum atrocio-
ra adsunt symptomata, major æstus, minor dolor ten-
sivus circa humeros, & major cephalalgia circa occiput,
& similia accidunt. Evenit, uti dictum, ut tardius su-
perveniant, quando mulieres ipsæ non lactant, & tunc
sine insigni impetu lac ad mammas affluit, donec pau-
latim sic congestum & coacervatum in massa sanguinea,
talem febrem lacteam causetur; superstes tunc lochiorum
fluxus ut plurimum supprimitur, si febris lactea paulò fue-
rit intensior, nec redit, nisi ardore febrili profligato; su-
dore paulò largius fluente, spontè & successive tandem
evanescit. Stante enim lochiorum fluxu semper mitior est
febris lactea.

Quoad *Causam*: hæ febres lacteæ, si ad quoddam genus
februm referri nequeant, referendæ sunt quodammodo
ad classem lymphaticarum febrium, ita quidem, ut in
glandulis mammarum sub chyli lactei separatione vel
lymphæ vel sanguis, dum refluent, à fermento glandu-
larum mammarum in lactis separatione certam altera-
tionem patiantur, adeoque sic alterata, refluentia in re-
liqua massa sanguinea febrem lacteam mediantibus spi-
ritibus animalibus excitent. Quod eò facilius in nostra
ægra evenire potuit, quia ipsa erat juvenula delicata,
& primo puerperio ipsamet lactaverat suum fœtum;
unde tubulis mammarum amplioribus & magis laxa-
tis redditus, hoc secundo puerperio lactationem nutrice
committens, fecit, ut mammarum spongiosiores & la-
xiores uberius lac imbiberint, quod congestum, non
tamen satis evacuatum, occasionem intensiori febre la-
cteæ, & tardius, porrexit. Accusat quidem *Dn. Au-
tor Resolvens* lactis affluxum, per Repellentia externa à
Medico imposita impeditum: sed nihil de his in casu
narratur.

Interim per accidens lactea hæc tertianæ intermitten-
tis typum observat, cum ægra ante febris lacteæ in-
sultum non nihil jam ad intermittentem esset disposi-
ta, quia felici à partu liberata sanissima, & voracior
solito fuit, ut ipsa fatente in uno pastu sextuplo plus ci-

borum quam alias assumeret: quo excessus per septem dies
commisso, facile vestigia aliqua febrilia crudiatum à pri-
ma digestionem imprimis, & fermentum acidum febrile
concupi potuit, quod consequenter per febrem lacteam
excitatum, per accidens typum tertianæ nostræ febre la-
cteæ impressit; utut casum similem observasse me, aut
legisse uspiam, non meminerim. Si verò dicatur, quod
laboret tertiana symptomatice per lactis coagulationem
derivata, potest defendi & illustrari ex *SCHRADERI*
illa observatione in suis *Observat. Anatomico-Præcticis*
pag. 28. ubi introducit puerperam sana occasione paro-
xysmorum febrilium febris tertianæ, grumos lactis &
coagulationem in mammis passam fuisse; levior tamen
febris hæc esse solet.

Interim cum non raro mulieres paulò habitiores me-
dio gestationis tempore sine ullis supervenientibus sym-
ptomatis febrilibus lac in mammis congerant; nihilo-
minus tamen post partum febrem lacteam supervenien-
tem patiantur, dubium enasci hic posset, quænam huius
rei causa sit? quo loco obiter etiam annotandum, curio-
sum esse, ratione temporis partus sanas mulieres; ante
imprægnationem ordinarias menstruationes patientes, sub
decima menstruatione, numerando ab eo, quem ultima
vice ante imprægnationem expertæ sunt, fluxum men-
strualem ordinariò parere: quod prognosticon raro fal-
lit, præsertim in sanis; ac tempus hoc coincidit cum cal-
culo quadraginta septimanarum, itemque mensis noni
fine, & decimi principio. Ex quo concludo: sub partus
tempore, & post idem, similem ferè turgescentiæ mo-
tum in massa sanguinea contingere, qualis est sub men-
struationis muliebris negotio; & ex hoc motu sanguinis
fermentativo etiam lochiorum fluxus, & pathemata quæ-
dam abdominis sub illo, itemque lacteæ febris symptoma-
ta, deducenda esse, imprimis cum febris lactea intensior
lochiorum fluxum supprimat, quæ non fluunt, nisi æstus
febrilis desierit.

Dolores partus sunt à spasmis uteri, firmiter annexi ossi
sacro.

In casu nostro mentio fit, quod mammarum immensum tu-
meant, doleant, turgant, & indurentur. Quoad do-
lorem, tumorem & indurationem porro mammarum, note-
tur: interdum mammarum universam instar lapidis in-
durefcere: interdum verò nodulum durum in una saltem
eiusdem parte observari: ubi universalis duritiei causa
minimè à lacte derivanda; bene tamen particularis tumo-
ris causa ordinariò est lac, alicubi in glandulis coagula-
tum hærens, reliqua mammarum parte existente flaccida &
molli: sic quoque durities & tumor universalis in mam-
ma facile percipiuntur, nisi quando ea dolet ac inflamma-
tur; dolens enim statim indurefcit; & quidem ista duri-
ties non præcisè est à repletionem lactis, sed potius sequi-
tur dolorem à convulsione fibrarum in mammis enatum:
nam quando ob dolorem fibræ mammarum spasmodicè
stringuntur, vasa hinc angustantur, sanguis stagnat, &
succedit inflammatio.

Ulterius fit in relatione casus mentio remedii, à cujus
primæ doseos usu pessimè habuit ægra, utut scopus illius
fuerit, blanda diaphoresi sufflaminare impetum febris la-
cteæ, & beneficio myrrhæ promovere lochiorum fluxum,
ut sic mitior reddita fuisset febris. Hic facile posset aliquis
seduci, ubi audit, ex usu pulveris recruidisse symptoma-
ta: Verum hoc per accidens factum est; institit enim tunc
temporis debitus paroxysmus tertianæ. Adeo ergo non
mox terreatur quispiam, & à scopo desistat, ubi videt, æ-
grum ex remedii præscripti usu pejor se habere: Ergo se-
cundam dosin assumpsit cum euphoria.

Alias lactea symptomatice febris nunquam supervenit
lacti coagulato, nisi post aliquot septimanas hoc in pus de-
generarit, & inflammatio dolens supervenerit. Coagula-
tur autem lac ordinariò ab acido, utut frequenter etiam ab
ira & terrore, hocque non tam à causis externis, verum
etiam in insomnio terribili, excitato. Ac duplex lactis
coagulati status notatur; nunc simplex sine sensibili in-
flammatione adjuncta accidit; nunc verò, præsertim à
terrore aut iracundia, lactis coagulum enatum unà erysi-
pelas, i. e. inflammationem erysipelaceam, adjunctam ha-
bet, visui patentem; ratione cujus posterioris longè cau-
tiùs in cura procedendum est, & ante omnia erysipelas tol-
lendum, hinc emplastris lactis grumus solvendum.

P R O G N O S I S.

Quoad *Prognosis*: febris hæc lactea est sine periculo, si lactea sit, si tertiana; saltem in lactea intensiori, tardiusque superveniente, cautus sit Medicus, ne ob incuriam, lochiis preprimis suppressis ex toto vel ex parte facile ea degeneret in febrem continuam ardentem, nunc benignam, nunc malignam plus minus, adjunctamque habeat pleuritidem aut purpuram; & quoad coagulationem lactis, ne abeat tandem in abscessum mammarum.

C U R A.

Quoad *Curam*:

1. Tertia febris fixis sudoriferis, vulgò Præcipitantibus dictis, additis simul lochia stimulantibus, compescenda.
2. Lac in mammis coagulatum dissolvendum, & effluxus ejus promovendus est.

Quoad *primum*: lochia simul in fluxu debito sedulo conservanda: quò magis enim ea supprimuntur, eò intensior fit febris lactea, & eò magis indurescunt mamme; contra quò largius illa fluunt, eò etiam mitius urget hæc.

Ratione lactis itidem *secundò* annotandum: modò illud ex papillis effluat, si sponte, si jam suetu factus, si alia ratione emulgeatur, bonum est: quamdiu enim hoc fit, tamdiu lactis vitio obex poni, & ita facile majus periculum præcaveri potest, accedente scilicet aciditate destructa, appetitu sic simul cessante, & in specie lochiis rite fluentibus.

Cæterum in cura febris notetur: quod *volatilia*, licet sint maxime proficua puerperis, imprimis in lochiorum affectibus & passionibus hystericis, reliqua tamen symptomata simul sunt consideranda: si enim magis febris lactea, vel in hac æstus, cephalalgia, &c. urgent, tutius fixis insistimus quàm volatilibus; aliàs enim his ipsis massam sanguineam insigniùs agitando, & magis dissolvendo, facimus, ut ea magis adhuc effervescat, & reliqua symptomata exasperentur. Potius ergo in nostra ægra adhibenda sunt fixiora, ex animali & minerali regno, utut volatilibus pro scopo dissolvendi lactis grumos etiam locus erit, tam internè quàm externè.

Quoad *lactis coagulum*: interius *diaphoretica* & *resolventia*, tam fixa quàm volatilia, lactis grumos dissolvunt, semper imperando sudorem. *Spiritus salis ammoniaci* à ℥ss. ad ℥i. in tali casu egregius est. Pro scopo autem impediendi lactis proventum, quoad externa, assine communiter applicatur; sed dubitatur. Laudatur a *Pauli* cataplasma, in aceto decoctum: suspectum autem hic mihi idèd erit, quia metus est; ne acceum lac coagulet: quæ ratione etiam illud emplastrum *Riverii*, ex farina fabarum cum oxycrato, quod adeo in testium & glangulorum partium tumoribus extollit metuens acidum ingrediens, lac coagulans, horreo semper. Potius externa resolutiva ac discutientia, imprimis *emplastrum de galbano crocatum Mynsichtii*, ni obstat febris, sunt optima, cum *sacculo oryzae* calidè applicatum; item etiam *emplastrum spermatis ranarum* maturè applicatum, facit, ut leviter mulieres à lacte affligantur, impedit enim lactis coagulum, & facit, ut lac melius fluat, & mitius decurrant symptomata, sed in progressu morbi dicta non sufficiunt. Præstamus hoc quoque per lochiorum fluxum, item per parcam diætam. Præscribit *Dr. Resolvens* pro emulsione semen cardui Mariæ, quod tamen lac auget: quod etiam faciunt aqua cardui benedicti & sceniculi pro potione præscripta. Quando volumus per Interna lactis grumos dissolvere, semper fiat imperando sudorem.

Interim delicatam hanc ægram curavi hoc modo: Post usum dicti pulveris, cum denuò instaret paroxysmus, siue cum ex improvviso denuò superveniret die Martis, die Mercurii, cum simul doleret mamma sinistra, & dura esset, præscripsi sequentem spiritum, calidè inungendum:

24. *Spiritus Sal. ammoniaci cum calce viva par. ℥ss.*

Ess. Croci ℥iii.
Misc.

Item:

24. *Empl. de galb. croc. Myns. q.s.*

Malax. cum ol. destill. tartari foetido;

Inducatur super lintheum vel alutam,

in medio perforandam, pro papillæ protuberantia.

Spiritus ille tepidè calefactus, spongiola illinebatur mammæ, & post applicabatur desuper emplastrum allegatum calidè. Si oleum tartari destillatum foetidum ferre nequeant, loco ejus substituatur aut oleum Philosophorum, aut oleum destillatum terebinthinæ: hinc desuper imponebantur sacculi, oryza vel avena vel milio ad pollicis crassitiem referti, iique, quantum fieri potest calidissimi. Repetebantur dicta remedia ter quotidie, illinendo primò spiritum, & hinc emplastrum & sacculos probè calidos applicando, intermedio tempore hos probè calefactos sæpiùs renovando. Ita horum usu nodulus ac tumor lactis coagulati in dextra mamma evanuit; pariter ac sinistra quoque mamma immixta est.

Interim cum die Jovis superveniret paroxysmus, ante invasionem præscripsi sequentem pulverem;

24. *Lapill. Cancr. prep. ℥i.*

Salis absinth. gr. xii.

M. pro dosi.

Quam cepit ægra hora una ante paroxysmum, cujus usu non rediit paroxysmus, & sic aliquoties usurpando hunc pulverem, convaleuit.

Quoad hanc methodum curandi mammas: neminem terreat volatilis penetrantia spiritus salis ammoniaci; studio enim applicabatur. Nam si maturè is usurpetur cum dicto emplastro & sacculis, continuato usu, quotidie ter vel quater dicto modo repetendo, certo certius omnes isti nodi & grumi curabuntur brevi tempore. Si verò tardius vocetur Medicus, ubi in duriores grumum jam condensatum fuerit lac, adeoque hoc non possit solvi, tunc si non potest præcaveri suppuratio & abscessus mamme, tamen usus ejusdem spiritus & emplastri hoc habet commodi, ut longè citius, & minori cum dolore suppuretur materia, quàm aliàs emollientibus fieri consuevit.

Quod si verò hæc febris citius vel tardius protracta, ex lactis coagulati regurgitatione, vel lochiis suppressis ex parte, in continuam ardentem benignam vel malignam abje-rit, nunc absque nunc cum pleuritide. nunc una cum purpura rubra, vel etiam alba insequente, aliter procedendum erit. Scilicet rigorem per horam insequens æstus continuus, cum dolore lateris cujusdam in pectore pungitivo, plus minus atroci ac continuo, & adjuncta tussis sicca per diem unum vel alterum, pleuritidem subesse innuit; quæ, si vera est, tandem cum sputi rejectione mucosa per tussim manifestat. Hinc potiones sudoriferæ appropriatæ ex liquore cornu cervi succinato, sale volatili mandibularum lucii piscis, spiritu theriacali, vel cornu cervi camphorato, cum extracto croci, additis fixis absorbentibus, propinentur pro sudore leni excitando, nunc muci resolvendi attenuatione successiva, hincque expectoratione promovenda, additis imprimis aqua & syrupsorum papaveris rhæados. Tempore somni auri diaphoretici Poterii dosis, aut maxilla lucii piscis, aut lapilli cancerorum, vel cinnabaris antimonii, vel specificum cephalicum, exhibeatur. Decocto item cremoris ptisanæ avenæ calidè assumpto, hæc secudentur, vinumque interea interdicatur.

Externè spiritus vini camphoratus calidè loco dolenti applicetur, aliquoties de die & nocte, impositis sacculis calidis ex herba absinthii, chamomillæ Romanæ, floribus Sambuci, &c.

Expectoratione probè facta, finis curæ imponatur per potionem quandam ex vulnerariis herbis, additis lapillis cancerorum, ac spiritu salis ammoniaci anisato vel succinato.

Quod si verò horrorem ac regionem insequens æstus continuus conjunctus sit cum dolore pungitivo dorsi & membrorum vago, *Purpura suberit*: quæ si post potionem sudoriferam ex volatilibus procedat ac sese manifestet, cum emulsione expellente ex semine aquilegiæ, napi, cardui benedicti vel Mariæ, citri, nasturtii, sinapi, additis fixis

fixis absorbentibus, ulterius urgenda; de nocte verò pro somno blando conciliando cinnabarina, additis fixis absorbentibus, exhibenda; ac tandem, si bene succedant omnia, tinctura coralliorum cum spiritu cordis cervi, mista cum ana spiritus antiscorbutici; reliquum successive expellendum, corpusque in continuo madore blando conservandum; vinumque ex parte concedendum pro refocillatione virium. Alvus suppressa in hisce affectibus, suppositoriis ex sapone vel melle cocto cum sale gemmæ aut globulis moschatis in adfuetis, aliàs caute in hy-stericis, stimulanda.

Purpurea quælibet, in specie alba, retrocedens, à causa præsertim externa, in specie frigore vel potu frigido, ferè semper exitium importat, in specie si denud prodians cum maculis purpureis vel lividis comitata sit; hinc enim sudore colligativo ac frigido vires resolvuntur, ægrique tandem suffocati intereunt.

C A S U S LVIII.

SUBLUXATIO VERTEBRARUM DORSI.

Iuvenis robustus & vegetus, tinctior ab officio, con-queritur aliquando manè evigilans de difficili respira-tione, quæ in regione circa costas inferiores impediatur: Adest simul hypochondriorum tensio, & dolor tensivus, quasi cingulo omnia ibidem coercerentur, ita tamen, ut re-pleta & turgida ipsi ibidem omnia videbantur, (dicit: In hypochondriis omnia plena esse, ibiq; ipsum tendere tantopere) Surgens, corpus non æquè commodè inflectere po-test, quin palus quasi dorso infixus videatur. Negligit hæc per aliquot dies, sed contumaciter eadem perdurant. Appetitus prostermitur, nausea supervenit, vires labas-cunt, alvus constipatur, abdomen murmurat, hypo-chondria magis inflari videntur, &c. tandem vagi æstus & phlogoses superveniunt, interdum extremorum refrige-ratio cum sudore frigido circa frontem & tempora, ad-sunt anxietates præcordiorum insignes, & lipothymia quo-que subinde imminet, pulsus celer, frequens, durus, vehementia & magnitudine moderatus. In malo ergo confir-mato vocatur Medicus pro Cura.

R E S O L U T I O

DOMINI ZIEGLERI,

Cum Speciali Discursu & Annotatis

B. DN. P R Æ S I D I S.

Censuræ & Emendationi subjecta

Anno 1676.

A F F E C T U S.

Affectum historię primarium, ex quo, ceu ex radi-ce, reliqua symptomata concomitantia propullulant, non esse vertebrarum dorsi luxationem propriè sic dictam vocandam, vel inde constat, quia primò quidem medium ægri corpus, quod infra costas est, paralyti nequaquam affectum, nec omni motu destitutum comparet, quale tamen fatum, supposita illa, idem hic æquè, ac ille apud HOEFERUM Herc. Med. lib. I. cap. II. juvenis, experiri debuisset: deinde quoniam neque tumor in dorso, neq; prope sternum ob-servatur; quorum tamen ille in luxatione vertebrarum dor-si ad exteriora seu κύβωται; hinc verò in luxatione ejus-dem dorsi vertebrarum ad anteriora seu κάρδωται conspicuus semper est: sic neque σῆσις seu quassationem vertebrarum dorsi, qua earundem junctura & compages dimoveri qui-dem dicitur, ipsi tamen in sede sua manentibus, quæque Germanorum idiomate druch das Wehethun exprimitur, præsentem morbum appellandum esse idèd censemus, quod symptomata inferius enarranda graviora longè sint, quàm quæ à simplicis ejusmodi quassatione expectari queant: Unde manet, eundem subluxationis seu contorsionis vertebrarum dorsi nomine insinandum esse. Et argu-

mento nobis est ipsius Patientis nostri antea vitæ genus, quippe ipse tinctori in servitiis collum jugo huic eripere non potuit, adeoque nec pathematis ejusmodi insultum, quantumvis aliàs fuerit robustus & vegetus juvenis; evitare quin po-tius eundem nimia corporis eaque iterata inflexione, qua insectores abeno deplendo occupatus ipse fuerit, hoc sibi ma-lum contraxisse, verosimile sit.

P A R S A F F E C T A E T C A U - S A P R O X I M A.

Atque ita de morbo ipso certi, de Parte Causaque pro-xima solliciti sumus oportet; quarum utraque, utut jam ex ipsius affectus denominatione sua luce radiet; tamen de priore notandum adhuc venit, inter dorsi vertebrae, quæ, ut ex Anatomicis constat, 12. numerum complent, no-nam decimamque imò fortean quoque undecimam, sublu-xatas esse; idque probabile sit ex adjunctis potissimum symptomatibus: Quorum primum est respiratio circa costarum inferiorum regionem impedita, quæ sanè motui diaphragmatis reciproco, extensione membranarum, tam pleuræ, quàm peritonæi, musculum ejusdem inve-stientium, sufflaminato, in acceptis ferenda.

C O N N E X I O S Y M P T O M A T U M C U M C A U S I S.

Cui phænomeno originem quoque debet hypochondriorum tensio, dolorque tensivus, quo omni cingulo quasi ibidem coerceri, & repleta turgidaque esse videntur. Cum ete-nim dorsi vertebrae (quæ secundum naturam per synar-throsin seu articulationem strictiorem, & specialissimè per gynglymum, sibi connectuntur,) hac sua sede qua-dantenus dimotæ sint, hinc non potest fieri, quin eadem causa aliqua violentiori externa, qualis hic inflexio cor-poris diuturnior, distortæ adnatos sibi appendices, liga-menta muscutorum dorsi puta, & peritonæi partem, secum rapiant. Sicque pathemata enarrata introducant, imò pa-lum quasi dorso infixum mentiantur: Ac quemadmodum hisce morbis sub principio facile parari medela potuisset, ita ne-glecta eadem, quæ non pathemata atrociora post se trahunt? Hinc siquidem supervenit appetitus prostratus; cujus rei ratio est, quod dolore alicubi præsentis sensus maximam partem illorum quoque derivetur, sicque fames aboliatur: quod luculentum sit ex eo, quandoquidem nobis meditabundis impensius, nec potius nec cibi obvenit desiderium.

Quod autem præter appetitus defectum nausea ægrum no-strum affligat, hujus causam unicè quærendam autumo in ori-ficio ventriculi sinistri, spinæ dorsi incumbentis, & ratione nervorum paris vagi (hoc enim ex se spargit ramum sto-machicum superiorem, ventriculi summitatem perreptantem) cum nervis vertebralibus communicatis, strictura & con-vulsione, quæ itidem alvum constipatam procurat: quippe cum hoc modo motus intestinorum naturalis peristalticus non-nihil turbetur, renitente desuper stomachi tensione; hinc non potest non alvi segnities sequi, & affligentibus interim in ab-domine hinc inde borborymis; sicut circa cordis scrobiculum insignibus præcordiorum anxietatibus. Quin imò ex tali mem-branarum tensione & convulsione succorum in primis viis, bi-liosi nempe & pancreatici, uberior sit effusio, quam comi-tantur æstus & phlogoses vagæ; sicut & anomalie spiri-tuum animalium tantæ non potest non extremorum refrigera-tio, adeoque spontaneus nutrimenti spermatici circa frontem & tempora, sub sudoris frigidi larva, dimissio referri. Hunc spirituum defectum partim, partim ataxiam, reliqua quoque symptomata, nempe lipothymia subinde imminet, pulsus celer, frequens, vehementia & magnitudine mode-ratus, autorem agnoscunt; sicut ejusdem durities membra-narum tensioni propria esse solet.

P R O G N O S I S.

Cæterum tantæ symptomatum atrociorum syndrome quan-tocyus succurrendum esse, ne attritis jam tantum non viri-bus vita ægri fatiscat; quod expectari edfacilius poterit; si morbus in alium degeneraverit, v. g. hydropem dorsalem, cachexiam, paralytin, &c. quo de conf. HILDANUS Cent. 5. Obs. 68. aut si quoque particularem dorsalis regionis convulsionem universalis exceperit, quam impossibilem non esse ex RAPHANI literis M. SS. allegat SACHSIUS in Gammarologia.

C U R A.

Quemadmodum autem luxationum Cura in genere duobus scopis absolvitur, scilicet luxatarum partium repositione & repositarum firmatione; ita & iidem ad nostræ subluxationis vertebrarum doli medelam requiri videntur: ubi tamen notandum, cum æger noster in confirmato demum morbi statu se curæ Medicæ subiciat, adeoque metus inflammatoriæ dispositionis non omnino absit, hanc ante omnia abigendam esse.

Id quod specificè fiet, propinando ægro pulverem sanguinis hirci castrati torrefacti ꝑ. in haustu vini; vel & exhibendo eidem (quod ceu singulare remedium SACHSIUS l. c. pag. 884. commendat) oculos cancrorum cum caryophyllis, lumbricis, & carbonibus tiliæ, in aceto coctos; sicut alii laudant cancris vivos cum aceto contusos, hinc expressos colatosque, acetum decoctionis tandem calidè ægro porrigatur.

His ita factis ad Chirurgiam properandum erit, quæ quomodo rite instituenda sit præter HIPPOCRATEM docent PARÆUS lib. 15. Chirurg. cap. 14. & SCULTETUS Armament. Tab. 25. Fig. 2.

Præter hanc tamen operosam satis SENNERTUS commodiorem viam eligit, nostro ægro admodum convenientem: nempe ipse brachia decussatim pectori injiciat, manibus intergum reflexis, quas chirurgus, vel alius quicumque adstans à tergo sedens, genuaque sua dorso patientis applicans, apprehendat, ægrum hoc modo concutiat, donec strepitus audiat: Vel jacet æger pronus exporrecto corpore humi, hinc alius pede dorsum illius calcitrando transfiliat; hac enim ratione repositionem futuram alii sibi promittunt: Interim hic modus procedendi rudis nimis videtur, nec nisi rusticæ plebi applicabilis. Unde alii pedibus ad annum reflexis hos manibus ita continent, atque humi sedentes genui dextro admovent oculum sinistram, & sinistro dexterum; quod ubi facili negatio fiat, repositas vertebrae esse indicium est. Alii manibus se suspendunt, & hinc inde commovent, usque dum strepitus aliquis audiat; cujusmodi meminit TALIACOTIUS Chirurg. Curtorum lib. 2. Rursus alii manus spinæ foriter applicant, & pectus ad anteriora reflectendo, spiritumque paulisper retinendo, pristinae sanitati restituuntur. Quicumque autem modorum horum administratur, perinde erit, ac sufficet, modò desideratus obtineatur scapus, nempe repositio partis luxatæ. Qua facta, pars affecta externè abluatur vino tepido, vel vino decoctionis florum hyperici, chamomillæ, verbasci, herbæ rorismarini, Ruchados Arabicæ, &c. quo decoctæ calido foveatur aliquamdiu eadem, ut fibræ laxatæ in debitum redeant tonum: cui scopo etiam conveniet petroleum, vel balsamus Peruvianus in vitello ovorum dissolutus, & spiritu Juniperi temperatus, hincque sub linimenti forma illitus, imponendo desuper vel splenium siccum cum fascia calida, vel emplastrum aliquod nervinum.

Tandem, si quæ adhuc prædictorum symptomatum obvia fuerint, iis blanda diaphoresi per volatilia excitata, Deo interveniente, mederi nos posse non dubitamus.

DISCURSUS & ANNOTATA
B. DN. P R Æ S I D I S.

Affectus est species luxationis vertebrarum dorsi, quam non esse luxationem propriè talem, patet ex defectu paralyseos, neque osseus (à εἶς; quatio hinc quasi satio contorsio, concussio, &c.) propter rationes in casu nostri Resolutione allegatas. Est ergò in specie subluxatio saltem earum, quæ quandoque, utut in se levis, neglecta, interdum maxima & atrocior infert symptomata, Germanis dicitur das Verbrechen, das Wehethun; quæ inter tamen non, nisi gradualis, differentia intercedit. Ceterum minima peccata subinde sunt maximorum morborum autores: id quod palam fit ex presenti affectu, quo ter ita egros afflictos vidi, ut sacerdotem advocandum jussissent, metuentes vitæ pausam.

Dupliciter autem minimum peccatum potest inferre maximum morbum: vel enim quatenus tantillum corporis nostri contenta afficit; vel quatenus in continentibus partibus texturam, conformationis ledunt: quibus addendum, quod utraque simul à præternaturali objecto alterantur. Prioris modi exemplum exhibet contagium tantillum morborum malignorum, pestis, &c. sicut contra ratione sanitatis id declarari potest ex illitu olei destillati cinnamomi, intimiora corporis penetrando, idem alterantis: imò etiam ex propinatione aquæ ejusdem spiri-

tuosæ, syncopicos quasi in vitam revocantis. Alterius exemplum, supponendo machinam naturalem corpus nostrum esse, adeoque in motu suo defectus pati posse, suggerunt arenulæ in renibus stabulantes, quæ afficiendo nervos, quas turbas in toto corpore non excitant? hinc interdum ex punctura aciculæ, lædenti nervum, mors insecuta; non secus ac quoque ex ictu vespæ aut etiam viperæ, vid. PAULI in Parechasi de Febr. Malignis. Ut itaque ratissimum putemus, in magis morbis magnam quoque causam materialem subesse, quin potius maximos morbos minima habere initia.

Causa ergò Proxima affectus nostri est mutatio situs seu subluxatio thoracis inferiorum vertebrarum; pro cuius meliore intellectu, observandum:

1. Vertebrae jungi immediate per gynglimon ratione processuum; mediatè verò per ligamenta paulò tamen laxiora, easdem colligantia.
2. Musculos dorsi, spinarum nempe & longissimum, suos tendines distinctim semper ad vertebrae dorsi derivare, ipsique annexos & insertos esse.
3. Intra singulas vertebrae paria nervorum prodire ex spinali medulla.
4. Utur per gynglimon vertebrae sibi mutuò uniantur, cartilagine tamen intercedentes illas, in statu naturali molles, flexiles, & facile tractabiles esse.

Causa remota est conatus ponderis elevati.

Symptomata superveniunt sequentia: Spasmi circa hypochondria (dicebat: Sentio tensionem, & totus plenus sum) ab irritatis ob dislocationem nervis intra vertebrae prodeuntibus, & ad dictas partes externas protensis. Nervi imprimis, & intercostales & paris vagis, hinc inde cum aliis nervis per plexus junguntur; unde facile occasione unius vellicat, & hinc ex spirituum impetu in spasmum contracti, alius simili modo affici possit, unde symptomatum propagatio. Difficilis adest respiratio partim quod diaphragma, partim quod musculi peritonæi afficiantur spasmò. Palus infixus videtur, quod vertebrae luxatæ super cartilagine propter luxationem non possint moveri, quia obstant processus; unde noster æger corpus flectere nequit. Appetitus prostratus est ex luxatis vertebrae propter consensum nervorum. Phlogoses vagæ ob succorum diversorum in primis viis effervescentiam, unde curandæ sunt per absorbentia, Refrigeratio extremorum, liphotymia, sudores syncopici frigidi, &c. propter nervos, atque spirituum turbatum influxum, & interdum degenegatam irradiationem insequuntur. Pulsus durus adest, quia spasmò corripuntur membranae.

Observationem meretur:

- (1) Quod in loco subluxato, ex ligamentorum tendinumque, & ceterarum partium mollium, contorsione, & vitio sita, necessarîo pororum situs & figura quoque vitietur; sicque naturalis sanguinis circulus nonnihil turbetur & impediatur, indeque succi nutritii per poros harum partium debita distributio plus minus vitietur, qui exinde colligi, & mora diuturna facile corrumpi potest.
- (2) Circa dorsi vertebrae sinoviae rationem habendam esse, quæ etiam illinit vertebrae earumque interstitia pro motu aliquali promovendo, stagnando aut facile colligitur & successivè corrumpitur in loco luxato, ob id interdum, malo diutius durante, post restitutionem, post tractionem, tumor aliquis observatur in regione spinæ doræ posteriori, subdurus, partibus vicinis concolor, tactu dolens, &c. quapropter post repositionem luxationis sudorifera, & remedia in sanguine grumoso familiaria sunt propinanda, ut aut præcaveatur, aut jam factus discutatur, ne inflammationem causet.

Quoad Prognosin: si malum diutius duret, & accrescat, vel tetanos, vel opisthotonos, aut etiam propter lipothymiam repetentem mors supervenire potest;

In Cura saltem requiritur Repositio & Firmatio, de qua vid. SENNERTUS. Cum verò in omni luxationum specie, imprimis malo graviore, impedimenta, ver. gr. inflammatio, &c. non raro interveniunt, repositionem ejusdem partis luxatæ & repositæ firmationem impediunt; proinde queritur, quodnam illorum prius agendum? Resp. In malo leviori mox repositio.

tionem administranda in, in graviore verò ad meliorem & repositionem & firmationem præmittenda erunt dicta impedimenta remouenda. Adeoque conveniunt discutientia, acidumque corrigentia, ut hirci non castrati, qui melior est præ castrato, torrefactus sanguis, cum teste HELMONTIO omnium animalium castratorum vires longè inferiores sint, quàm non castratorum: item remedia cancrina, sanguinem stagnantem resolventia. Mihi, siue præmissa repositione luxationis, siue post hanc, in usu est hæc formula.

℞. *Lapill. Cancr. præp.* ℥i.
Antimonii diaph. ℥i. ad 3℥.
Misc.

Div. in 2. part. æquales.

Quarum singula dosis in binis cochlearibus aceti propinanda, expectando sudorem.

℞. *Lapill. Cancr. præp.* ℥i.
Salis absinth. gr. xii.
Misc.

Div. in 2. part. æquales.

Pulvis resolvens.

Nec inconcinnum est vulgi experimentum illud, dum recipiunt Crapp, ex radice rubiæ tinctorum, resolvens humores congruatos (vid. SCHROEDERUS in *Append. Pharmac.*) quod ebullitum in aceto pro decocto, propinant ægro ad resolvenda impedimenta, in casu ab alto, & in talibus luxatis est egregium. Imò etiam ipse spiritus salis ammoniaci crebrius assumtus ad 40. gutt. scopo huic satisfacit, atque egregiè est diureticus.

Repositionis cæteroquin ratio in hoc consistit, ut, cum subluxatio vertebrarum dorfi non tam antrosum nec retrorsum, quàm solummodò lateraliter fiat, ubi nempe in junctura modo pergynglimum vitiatur situs, unde vertebræ saltem sunt contortæ, non luxatæ, manuum ægri attractione, pone dorsum diducantur vertebræ hoc modo subluxatæ, diductæ moveantur, ut ita naturaliter denuò se excipere, & mutuò coire possint.

Frequens malum est infantibus Luxatio vertebrarum, qui phlogoses inde patiuntur. Mulierculæ, exploraturæ, an infantes subluxati quoad vertebrae sint, eosdem pedibus ad anum reflexis, manibus continent, & humi sedentes genui dextro oculum sinistram admovent, & sinistro dextrum; vel infantes abdomini reponendo, manum dextram aptant calceario sinistro, & sinistram dextro; quæ ubi respondere sibi exactè viderint, de subluxatione nullum omen concipiunt. Gut legen dieselben auff den Bauch, und legen den linken Suss auff den Gieuss, und die rechte Dand dargegen: gehet der Suss in die Dand, so sind sie nicht erbrochẽ.

Post factam repositionem, in qua partes luxatæ extendendæ, eadem firmandæ sunt. Nempe uti in genere pars semel luxata ob violentiam, ligamentorum & tendinum extensionem, faciliè denuò reposita sede sua excidit; ita parili ratione & hic in contorsione vertebrarum dorfi locum habet; unde quidam vel levissima occasione hoc malum incurrunt; quod ut præcaveatur, optimum erit firmare, & in naturalem tonum restituere partem semel læsam. Pro loco ergò firmando convenit vinum tepidum, vel solum, vel cum floribus hyperici decoctum, vel petroleum album, balsamum Peruvianum, largiter spinæ dorfi, præcordiis & hypochondriis calidè, inungatur: Vel

℞. *Pingu. hircin.* 3℥.
Petrol. alb. ℥i.

M. S.

Unguentum pro dorso.

Item

℞. *Ungu. rubr. potab.* ℥iii.
Ol. destill. Menth. ℥i.

Macis 3℥.

M. S.

Ungu. stomachale.

Quæ tamen si non sufficiant, imponatur spinæ dorfi transversim emplastrum ex *tacamahaca*, malaxatum cum s. q. *Balsami Peruviani*, aut olei cujusdam destillati nervini, permittendo idem ad aliquot dies & noctes.

Tandem etiam ante repositionem proficuum maximè observavi exhibitum sperma ceri, mistum cum croco, in vehiculo cerevisiæ calidæ.

In lipothymiis autem & variis anxietatibus hypochondriorum & præcordiorum, in *anxietate Cordis*, reliquisque symptomatis vagis, nil melius est, quàm spiritus

carminativus de tribus; ex nitro tartaro, & spiritu vini; qui hic est mirabilis, omnia illa, dictum factum, sistit, & reliqua volatilia cuncta post se relinquit.

RESOLUTIO ALIA

D. N. JOH. ACOLUTHI,
VRATISLAVIENSIS,

B. DOMINO PRÆSIDE

correcta

Anno 1676.

Præsens casus longa investigatione morbi ipsius super sedere nos jubet, dum operosum ægri nostri vitæ genus consideranti, suspicio *de Vertebra alicujus subluxatione* faciliè nascitur. Inductum verò hoc, quaecunque etiam sit, contorsionis vitium, in specie vertebræ alicui, ex illarum numero videtur, quæ inferiorem thoracis partem respiciunt; ubi sub *Luxatione* hac nervi quidam ex medulla spinali orti, perque vertebrae egredientes, comprimuntur, ad foramina intra vertebrae pone processus obliquos, unde molestissima ad ægrum symptomata redundant. A compressione enim hac, dum molestus adeò nerveis fibris imprimis sensus, acceleratus per hunc impetuosior spirituum animalium influxus, spasmo easdem corripit facit, ex consensu, quem nervi inter se obtinent, aliis præterea corporis partibus communicato, totiesque variata ferente symptomata, quoties aliam atque aliam partem attingit. Sic respiratio difficilis ex intercostalium inferiorum abdominis obliquorum musculorum spasmo ab istis nerveis ad hos musculos distributis spasmo similiter affectis, nato, unde hypochondriorum tensio, & dolor tensivus, ex membranarum illarum quoque partium convulsis, originem ducit. Contracta autem parili modo plus minus intestina neque fæces neque flatus dimittunt, alvi obstipata, abdominis murmurantis, & hypochondriorum, indies magis inflari apparentium, causas. Quibus malis augendis non parum conferre videtur succorum vitiosè constitutorum, bilis & succi pancreatici, in primis viis inordinata & intempestiva & inæqualis effusio, & hinc præternaturalis effervescencia, non flatus tantum augens, adeoque graviores produciens borborygmus, sed irritando aliquantulum acrimonia sua nerveam intestinorum tunicam, ejus spasmos intendens, tandemque vagas inducens phlogoses, de quibus *Patiens noster* conqueritur. Neque sub tumultuario hoc statu immunis ab onore ventriculi esse potuit, ad cuius, præsertim sinistri orificii, nervos, molesta pariter per consensum cum redundet sensatio: cibos adhorret, appetituque laborat prostrato, anxietates præcordiorum, indeque imminentes lipothymias comites sibi adsciscens, aliunde non oriundas, quàm ex spiritibus, inordinato motu, ventriculi nervos molestè afficientibus. Hac autem ratione intra corpus, tam inordinato & impetuoso motu dum agitantur spiritus, pauci radii exteriorem corporis habitum illuminant; unde fit, ut extrema frigeant, & fibræ cutaneæ defectu spirituum, pro tono sui conservando necessariorum, flaccescant, contentumque intra glandularum subcutaneorum poros nutritivum rorem sua mole ruentem, sub frigidi sudoris forma effluere permittant.

Malum hoc, unde *Patiens noster* acquisiverit, subodorari licet, dum modò quotidianos ejus expandamus labores in tingendis lintheaminibus occupatos, quorum, pondere vel elevando, vel alio modo tractando, vertebrarum aliqua faciliè distorqueri potuit.

Bono tamen esse animo ægrum nostrum jubemus, cum longiore mora malum nondum invaluerit, alias gibbum perpetuam spirandi difficultatem, graviora convulsiva symptomata, quin & mortem ipsam, minitaturum.

Vertetur autem in eo omnis cardo *Curationis*, ut

1. Debito loco subluxata reponatur vertebra.
2. Alimentum nervearum fibrarum sub luxatione

ione compressarum proprium, compressione illa debito in motu interceptum, adeoque ibidem absq; dubio in tuberculum collectum, imò & sanguis ex vasculorum compressione stagnans, discutatur:

3. Pars reposita firmetur.

Priori scopo Chirurgicæ subveniunt operationes, quæ, quoëunque modo perficiantur, in hoc convenient necesse est, ut Patiens extendatur, & luxata reponatur vertebra.

Secundæ Indicationi satisfaciunt Sudorifera; v.g. polychresta SYLVII pro sanguine coagulato dissolvendo mixtura, aut ejus succedanea talis:

℞. *Aqua Cheresol.* ℥iii.

Aceti destillati ℥ss. ad. ℥vi.

Lap. Cancr. præp. ℥i.

Antimonii diaphor.

Sangu. hircin. ritè coll. ana ℥ss.

Syr. Card. bened. ℥vi.

M. f. Potio pro tribus dosibus.

expectando sudorem.

Vel

℞. *Lapill. Cancr. præp.* ℥ss.

Antimonii diaphor. gr. xv. ad ℥i.

Misc. pro Pulvere.

Capiatur cum cochleari aceti.

Vel

℞. *Spiritus sal. ammoniac. simpl.*

Carmin. de trib. ana ℥ii.

M. S.

Spiritus resolvens pro 4. vicibus.

Sumatur manè expectando sudorem, à meridie, & sub introitum lecti.

Pro Indicatione tertia tale fiat emplastrum.

℞. *Colophon.*

Picis naval.

Thuris,

Mastich. ana ℥ss.

Colliqu. malax. cum s. q. ol. hyperici.

f. Cerotum,

inducatur super linteum.

Imponatur loco affecto, quem dolor aut tumor indicabit, ligamenti firmetur debitis, situ patiens in lecto collocetur commodo. *Quibus Deus benedicat.*

Finis Tomi Primi.

